

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>





---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>









C. II. 9.

XXVII

B 7

34



Národní knihovna ČR  
Historické fondy

28 B 7 / T.2

Národní knihovna



1002595802





# SPICILEGIUM

S I V E

## COLLECTIO

VETERUM ALIQUOT

## SCRIPTORUM

QUI IN GALLIÆ BIBLIOTHECIS

DELITUERANT:

Olim editum Operâ ac studio D. LUCÆ D'ACHERY,  
Presbyteri ac Monachi Ordinis Sancti Benedicti,  
Congregationis S. Mauri.

*Nova editio priori accuratior, & infinitis propè mendis ad fidem  
MSS. Codicum, quorum varias lectiones V. C. STEPHANUS  
BALUZE, ac R. P. D. EDMUNDUS MARTENE collegerunt,  
expurgata, per LUDOVICUM-FRANCISCUM-JOSEPH  
DE LA BARRE, Tornacensem.*

TOMUS II.

*Ex Bibliotheca Congregat. Pragensi Ordinis S. Trinitatis Redemptionis Captivorum*



PARISIIS.

Apud MONTALANT, ad Ripam P. P. Augustinianorum, propè  
Pontem S. Michaëlis.

---

M. DCC. XXIII.

CUM PRIVILEGIO REGIS.

1910

1911

1912

1913

1914

1915

1916

1917

1918

1919

1920

1921

1922

1923

1924

1925

# E L E N C H U S

## O P E R U M

### I N I I. V O L U M I N E

### C O N T E N T O R U M.

Tom.	pag.		Ord. v. Edir.	Tom.	pag.
IV.	617	<b>M</b> artyrologium vetustissimum S. HIERONYMI Presbyteri nomine insignitum. pag. 1		XII.	196
X.	126	Martyrologium à Venerabili BEDA Heroicis versibus scriptum. 23		VI.	661
XIII.	388	Martyrologium Gellonense, sive S. Guillelmi de Deserto, pervetustum. 25		XII.	251
V.	305	Martyrologium WANDALBERTI Diaconi, cum variis appendicibus. 39			
		Addidimus ejusdem Poëma de creatione Mundi per ordinem dierum sex. 62			
X.	130	Ordo solaris anni cum litteris à S. HIERONYMO superpositis, ad explorandam septimanæ diem, & Luna ætatem investigandam in uno quoque die per XIX. annos. 64			
XII.	634	Passio S. FELICIS Tubzocensis Episcopi, & Martyris. 68			
VIII.	391	Vita S. MEDARDI Episcopi & Confessoris, auctore FORTUNATO Presbytero. 70			
	397	Actus S. Medardi. 71			
V.	147	Vita S. ELICII Episcopi & Confessoris, scripta à S. AUDENO Archiepiscopo Rotomagensi. 76			
III.	13	Sermo S. THEODORI Studii de S. Bartholomæo Apostolo, interprete ANASTASIO S. R. E. Bibliothecario. 123			
XII.	600	Historia Translationis Corporum SS. RAGNOBERTI & ZENONIS, auctore JOSEPH Sacerdote ex Cancellario Regis Aquitanorum, Præceptore LUDOVICI Regis. 127			
V.	139	Inventio Sanctorum à DEODERICO Episcopo Metensi in Italiâ repertorum. 133			
II.	677	Vita, sive Martyrium Sanctæ ROMANÆ Virginis & Martyris. Et Fundatio, ac dedicatio Ecclesiæ & Cœnobii S. Quintini Martyris ad Belvacenses muros. 135			
IX.	675	Vita LIETBERTI Episcopi Cameracensis, auctore, ut quidem Acherio videtur, RODULFO Monacho Marcianensi, ac deinde Abbate S. Trudonis. 138			
II.	686	Vita HILDEBURGIS Ibriensis Comitissæ. 153			
	691	Vita & Miracula Sancti PETRI de Chavanon, Fundatoris ac primi Præpositi Ecclesiæ S. MARIE de Piperaco in Episcopatu S. Flori in Arvernâ, Ordinis Clericorum Regularium S. Augustini: scripta à STEPHANO ejusdem Ecclesiæ Canonico Reg. 155			
X. & XIII.	247.	Gesta GUILLELMI Majoris, sive le Maire, Episcopi Andegavensis, ab ipsomet relata. 159			
App.	227				
		Historia Episcoporum Trevirensium, auctore, ut Acherius conjicit, GOLSCHERO Monacho. 208			
		Chronicon Episcoporum Metensium, à duobus incertis auctoribus continuatum. 224			
		Historia Episcoporum Virdunensium scripta à BERCARIO Presbytero. LAURENTIUS de Leodio, primum in S. Laurentii Leodiensi Asceterio, deinde in Cœnobio S. Vitoni Virdun. Monachus O. B. continuavit. Item alius cujus nomen ignoramus. 234			
		Chronicon Fontanelense, sive S. Wandregesili, cum duplici Appendice. 263			
		Chronicon Monasterii S. Richarii Centulensis, scriptum ab HARIULFO Monacho. 291			
		Chronicon Monasterii S. Benigni Divionensis, cum Appendice. 357			
		Chronicon Abbatia Besuensis, auctore JOANNE Monacho. 400			
		Chronicon S. Petri Vivi Senonensis, auctore CLAUDIO primum Floriacensis, deinde ejus Cœnobii Monacho. 463			
		Chronicon S. Medardi Snessionensis. 486			
		De temporibus quorundam Ordinum. 492			
		Genealogia Regum Francorum usque ad DAGOBER- TUM jun. filium HILDEBERTI II. ibid.			
		Genealogia CAROLI Magni Regis Francorum & Imperatoris. 493			
		Narratio quomodo Regnum Francorum à CAROLI M. familiâ ad HUGONEM Capetum translatum sit. ibid.			
		De posteris LUDOVICI VI. Regis Francorum. 494			
		De posteris ROLLONIS I. Normannia Ducis. ibid.			
		Chronicon breve Ecclesiæ S. Dionysii, ad Cyclos Paschales. 495			
		Historia Vezeliacensis Monasterii, auctore HUGONE Pieltavino Notario GUILLELMI Abbatis. 498			
		Chronicon Monasterii B. MARIE, Ordinis S. Benedicti apud Mosomum in Diœcesi Remensi, ab ADALBERONE Remensi quondam Archiepiscopo fundati, cum Appendice. 561			
		Historia Prælatorum & possessionum Ecclesiæ B. MARIE de Fontanis, à PEREGRINO ejusdem Ecclesiæ Abbate. 573			
		Historia Abbatia Condomensis, nunc Episcopatus. 580			
		Historia Abbatia Senoniensis in Vosago, Diœcesis Tullensis, auctore RICHERIO ejusdem Asceterii			



Ord. v. L.S.  
Tues. 725.

Digitized by Google



## M O N I T U M.

**V**ETUSTISSIMUM MARTYROLOGIUM, S. Hieronymo attributum reperi qui dem in Codice Monasterii Corborensis scripto abhinc circiter annos 600. (quod Hugo Menardus prælo inferendum paraverat) at næ ego tamquam germanum sævum integrumve eidem Doctori nolim asserere, cum plures ipso recentiores Sanctos constet diversis temporibus tam à Clericis quàm à Monachis pro libitu fuisse adjectos, potissimè Patronos aliosque, qui anni versario cultu cujusque in Ecclesiis celebrantur. Similes passa sunt accessiones Bedæ, Ussardi, Adonis Martyrologia: quapropter cohererentur identidem eruditi viri his ipsis Martyrologiis fidem denegare, ni adjecta secernerent. Eo quoque ductus animo, complures (non tamen omnes) Hieronymo ætate posteriores, prout in mentem venere, mutato charactere notari curavi, quod & ante me præstiterat plerisque in locis Menardus noster. Prætermisi duas Epistolas, quæ, etsi præferunt nomina Heliodori & Hieronymi, falsi arguuntur. Leges caput quintum Præfationis Baronii ad Martyrologium Romanum, ac duo sequentia capita, ubi Epistolæ illæ referuntur, consulantur; deque Martyrologio Hieronymi perperam nomini adscripto prolixius pertractatur. Quamquam non desunt Scriptores, iique viri graves & optimæ notæ, qui Hieronymum conscripsisse Martyrologium, aut interpretem fuisse Eusebii, fidem faciant. Venerabilis Beda in *Retract. in Acta Apost. cap. 1.* hæc ait: Ad stipulatur & liber Martyrologii qui Hieronymi nomine ac præfatione attituitur; quamvis idem Hieronymus illius libri non auctor, sed interpres; Eusebius autem auctor extitisse narretur. Idem Martyrologium laudat in *cap. 6. Evangelii Marci.* Walafridus Strabo in *libri de rebus Eccles. cap. 28.* Hieronymus Martyrologium, sequutus Eusebium Cæsariensem, per anni circulum conscripsit, &c.

Verum enim verò delectat excerptare, & Præfationi meæ inferere, præcipua è Dissertatione P. C. Henrici Valesii De Martyrologio Romano, quod edidit Rosweyds, testimonia, tum propter singularem ejus doctrinam, diligentiamque, tum propter amicitiaæ usum, tum præsertim quòd validis argumentis apertè demonstrat nullum hæctenus Martyrologium nostro antiquius publicam protulisse in lucem. Primum itaque probat Ecclesiam Romanam olim proprium ac peculiare nashabuisse Martyrologium, quo universa uteretur Ecclesia, ante illud quod jussu Xysti V. Pontif. quædam Maximi editum est; sed nobiliores Ecclesias suos semper fastos habuisse, in quibus & Episcoporum nomina & Martyrum, qui apud ipsos passi fuerant, natales dies erant perscripti. Deinde latius probat Martyrologium quod publici juris facimus, auctoritate potissimum Gregorii Magni, omnium censeri debere vetustissimum, ac veluti fontem cæterorum. Locus Gregorii, ait Valesius, ex Epistolâ ad Eulogium Alexand. Episcopum sic habet, Nos pene omnium Martyrum, distinctis per singulos dies passionibus, collecta in uno codice nomina habemus, atque quotidianis diebus in eorum veneratione Missarum sollemnia agimus, non tamen in eodem volumine quis qualiter sit passus indicatur, sed tantummodo locus passionis ponitur: Unde fit, ut multi ex diversis terris atque provinciis per dies (ut prædixi) singulos agnoscantur martyrio coronati. Sed hæc habere vos beatissimos credimus. Nullum hîc verbum de Romano Martyrologio, &c. Quare Martyrologium illud cujus ibi meminit Gregorius, non fuit proprium Ecclesiæ Romanæ, sed commune cum reliquis Occidentalibus. Hoc autem non aliud fuit eo tempore, quàm Martyrologium B. Hieronymi: De hoc igitur intelligendus est Gregorii locus. Certè hoc B. Hieronymi Martyrologium in Italiâ atque in Occidentis partibus vulgo receptum fuisse docet Cassiodorus in libro de Divinis lectionibus cap. 32. Ex quo colligitur Martyrologium illud licet falsò nomen Hieronymi præferat, tamen vetustissimum esse, ac paulo post obitum ipsius Hieronymi à nescio quo divulgatum. Legimus illud nuper, à viro doctissimo religiosissimoque D. L. D. ex Bibliothecâ S. Germani nobis commodatum: simulque perspeximus, verba Gregorii Magni huic Martyrologio egregiè convenire. Quod enim ait Gregorius, locum dumtaxat & diem passionis in eo volumine positum fuisse, id in illo B. Hieronymi Martyrologio perspicuè deprehenditur. Deinde quod Gregorius addit, per dies singulos, notata illic fuisse multorum Martyrum nomina, id etiam cernere licet in illo quod dixi Martyrologio, in quo nullus dies est sine Martyrum turmâ, contrâ quàm in Martyrologio Rosweydi. Quare locus Gregorii Magni nullo modo accipi potest de Martyrologio illo quod pro vetere edidit Rosweyds: cum in illo Rosweydi Martyrologio unius ferè Martyris nomen singulis diebus adscriptum sit. Huc usque Valesius. Cætera quæ ad nostrum propositum

## M O N I T U M.

nequaquam faciunt, ne sim prolixior, atque adeo Lectori tedium generem, prætermitto.

Ex his omnibus liquet evidentissime, ut quidem sentio, illos haud leviter falli, qui autumant eo antiquiora esse Martyrologia, quo breviora; scilicet in quibus unius aut alterius Sancti nomen cuilibet diei assignatur. Id sane indubitatum forsitan esset, si nunc Martyrologia primi vel secundi Christiani sæculi haberemus. At cum in confesso sit apud omnes ante Iusebii tempora ullos Fastos, ulla Calendaria, ulla denique Martyrologia nullibi gentium reperiri, fatendum est, ac certò tenendum, quod affirmat ex Gregorio Valesius, nempe illud vetustius censendum esse Martyrologium, in quo multorum simul Martyrum nomina per singulos anni dies descripta sint, addito passionis eorum loco.

Postremò ut mendis quibusdam expurgarem Martyrologium quod edo, subsidii nonnihil attulere folia in ære incisa, (multo licet pluribus nævis quàm noster codex aspergantur) quæ ad me comitate singulari misit Antuerpiæ vir industrius & clarus Baltazar Moretus, Hieronymiani Martyrologii maximum partem complectentia; videlicet ab initio ad XII. Kal. Julias. Ea Saxonicos characteres, velut exstant in MS. unde desumpta sunt, referunt. Et hanc incidendi curam suscepisse parentem suum, ut bono publico consulere, mihi asseruit Moretus, cum anno proximè elapso nostram Parisiis inviseret San Germanensem Bibliothecam.

Præfationi finem imposueram, manumque è tabulâ sustuleram, cum menses Martyrologii, qui in præfatis foliis desiderantur à XII. Kal. Julias ad finem usque, R. P. Joannes Bollandus S. I. Presbyter, vir antiquæ rei peritissimus, ac diligens indagator, è membranaceo codice exscriptos, uti ipsum litteris interpellaveram, transvehi ad me quantà potuit diligentia curavit. Verùm quia Martyrologium propè totum jam typis erat impressum cum menses illos accepi, nonnisi per paucas potui supplere lacunas.





# MARTYROLOGIUM VETUSTISSIMUM S. HIERONYMI PRESBYTERI NOMINE INSIGNITUM.

## INCIPIUNT FESTA APOSTOLORUM. PRIMA PARS.



ERTIO KAL. JULII. Romæ natalis Apostolorum Petri & Pauli.

II. KAL. DECEMBRIS. Natalis Andree Apostoli in civitate Patras provincie Achaie.

KAL. MAII. In civitate Hierapoli provincie Asie, depositio Philippi Apostoli.<sup>a</sup>

XII. KAL. JANUARI. Natalis Thomæ Apostoli, qui passus est in Indiâ.

VI. KAL. JANUARI. Ordinatio Episcopatus S. Jacobi Apostoli fratris Domini, qui ab Apostolis primus ex Judæis Hierosolymæ est Episcopus ordinatus. Et Assumptio S. Joannis Evangelistæ apud Ephesum civitatem, cujus sepulcro manna scaturit.

VII. KAL. AUGUSTI. Natalis S. Jacobi Apostoli, fratris Joannis Evangelistæ.

IX. KAL. SEPT. Natalis S. Bartholomæi Apostoli, qui decollatus est in Indiâ citeriore pro Christo, jussu Regis Abtiagis.

XI. KAL. OCTOB. Natalis S. Matthæi Apostoli, & Evangelistæ, qui pro Christi nomine passus est in Æthiopiâ, civitate Tharrium.

V. KAL. NOVEMB. Natalis Apostolorum Simonis Cananæ, & Judæ Zelotis, qui à templorum Pontificibus occisi sunt in Susiâ civitate magnâ apud Persidem. EXPLICIT.

## INCIPIT MARTYROLOGIUM.

VIII. KAL. JANUARI. Bethlehem Nativitas Salvatoris Domini nostri JESU CHRISTI secundum carnem. Romæ Juvini, Pastoris, Basilei, Victurianæ, Achillei, Euticeti, Sinfoniani, Saturnini, Timedi, Ignatii, Cyriaci, Gagi, Januaræ, Dativi. Et in cœmeterio Aproniani, viâ Latinâ, Romæ Passio sanctæ Eugenie Virginis, Syrmie, & Anastasie. Mediolani, Felicitatis. Et in Pergamo S. Saturnini. Constantinopoli, S. Anastasii.

VII. KAL. JANUARI. In urbe Hierosolymitana, villâ Kafargamalâ, Passio S. Stephani Diaconi, Martyris & Apostoli, qui lapidatus est à Judæis. Romæ, depositio S. Dionysii, Helie, Dorostoli. In Antiochiâ,

Juliani, Martiani, Neandri, Januaræ.

VI. KAL. JANUARI. Assumptio S. Joannis Evangelistæ apud Ephesum. Et ordinatio Episcopatus S. Jacobi fratris Domini, qui ab Apostolis primus ex Judæis Hierosolymis est Episcopus ordinatus, & tempore paschali martyrio coronatus.

V. KAL. JANUARI. Bethlehem, Natalis sanctorum Infantium & Lactentium, qui sub Herode pro Christo passi sunt. Ancyræ Galatiæ, Eutici Presbyteri, Domitiani Diaconi. Et in Africâ, Castori, Octavi, Victoris, Gatzæ, Rogati, Eusebii, Probatii, Januarii, Saturi, Catonis, Restitutæ, Saturnini. Et in Thraciâ, Gaiiani, Domitiæ. Et in Edessâ, Translatio corporis S. Thomæ Apostoli.

IV. KAL. JANUARI. In Africâ, Domitii, Victorii, Crescentii, Primiani, Libosi Episcopi, Secundi, Saturnini, Honorati, Victorie, Saturi, Felicis. Romæ, Felicis, & Bonifacii Episcopi de ordinatione.

III. KAL. JANUARI. In Alexandriâ, Mansueti, Securi, Donati, Honorati, Policleti, Appiandi. Sereni, Pauli, Stephani, Papiani, Cleti, Clementis. Tyrone civitate, Perpetui Episcopi & Confessoris. Oïa insulâ, S. Florentii.

II. KAL. JAN. Carthagine, Donati, Cœlestini, Saturnini. Bononiæ, Gaii, Sereni. Romæ, Donati, Pauli, Rogatæ, Dominandæ, Hilarinæ. Et depositio S. Silvestri Episcopi & Confessoris. Retiâ, Hermetis Exorcistæ. In provincia Siciliâ, civitate Catanâ, Stephani, Potiani, Attali, Fabiani, Cornelii, Sexti, Floridi, Cottæ, Quintiani, Minervini, Symphoriani, Ammoni, Fortunati, sancti Sequentis, Amonis, Calendionis, Evelpisti, Exuperanti, Saturnini, Agnetis, Paulinæ, Donatæ, Nominandæ, Rogati. Senonas civitate, Passio S. Columbæ Virginis.

## MENSIS JANUARIUS HABET DIES TRIGINTA.

*Litera Indictionis.*

KAL. JAN. Circumcisio Domini nostri JESU CHRISTI secundum carnem. In Oriente, Stephani. Nicomediæ, Euphrosini Episcopi, Primiani,

<sup>a</sup> Philippi Apostoli ] Aliter sanè Eusebius; Philipum enim, non Apostolum, sed unum è septem Diaconis, Hierapoli Tom. II.

decessisse dicit.

& aliorum novem. In Retiâ, Eventii, Hermetis. Bononiæ, Gai, Heraclii. In Africâ, Victoris, Felicis, Narcissi, Argiri, & aliorum quatuor; Papatis, Primiani, Saturnini. Item Saturnini, Victoris, Honorati, Leusi, Hermetis. Romæ viâ Appiâ, Coronæ militum triginta. Ravennæ, depositio sancti Severi Confessoris. *Augustiduno, depositio B. Agripini Episcopi. In civitate Ruspensi, depositio Beati Fulgentii Episcopi & Confessoris.*

IV. NON. JAN. Antiochiæ, Siridoni Episcopiejusdem loci. Stratonici, Macarii Abbatis, Saturi, Possessoris, Firmi, Maximiani, Acutionis, Timothei, Heresi. Arthaxa, Vitalis, Acutæ, Tobix. Et in Æthiopiâ, Rutulæ, Claudæ, Aurigæ, Vitalis. Hierosolymæ, Stephani.

III. NON. JAN. In Helleponto, civitate Parethiâ, b Cyrici, Primi, Theugenis. Et civitate Tomis, Claudionis, Eugenii, Rodi, & trium fratrum Argei, Narcissi, & Marcellini pueri, Christianifili Episcopi, Eugenti, Rodonis. In Africâ, Lucidei, Martialis, Statuliani, Constanti, Possessoris, Hilarini, Pennicæ, Firmi, Candidi, Rogatiani, Eugeniæ, Acutæ. Item Candidi. *Parifus, S. Genovefa Virginis. Vienna, Beati Florentii Episcopi & Confessoris.*

II. NON. JAN. In Africâ, Aquilini, Gemini, Eugenti, Martiani, Quinti, Theodoti, Triphonis, in Oriente. Bononia ivitate, Hermetis, Agei, Gai, Petri, Marci, Sereni, Senni, Anastasiæ.

NON. JAN. In Africâ, Felicis, Secundi, Honori, Luciani, Candidi, Januarii, Cælesfori, Jocundi, Acuti, Petri, Marci, Sereni, Senni, Anastasiæ. Hierosolymæ, Simeonis Prophetæ, cum obtulit ei JESUM Christum MARIA, & Joseph: & depositio ipsius Prophetæ. *Antiochia, depositio S. Simeonis Monachi, & Confessoris, qui in columnâ stetit.*

VIII. IDUS JAN. Epiphania Domini nostri JESU CHRISTI. In Africâ, Fori, Jocundi, Petri, Marci, Acuti, Januariæ, Juli, Honori, Antonini. Item Fori. Apud Sirmium, Anastasiæ. Antiochiæ, passio Sanctorum Juliani & Basilissæ. In Indiâ, Celi pueri, Juliani, Antonini. Et Passio sanctæ Faustæ. *In civitate Redonas, nativitas & ordinatio Episcopatus, & transitus sancti Melani Episcopi & Confessoris, qui ibidem celebratur.*

VII. IDUS JAN. In Nicomediâ, Luciani Presbyteri, qui in quatuor partes divisus est. In Militanâ civitate, Natalis S. Poliocti, Candidæ. In Heracleâ civitate, Felicis & Januariæ. In Graciâ, civitate Policostini, Palladii, Candidæ. Alio loco, Poliarti, Filoronis, Candidiani, Euthici.

VI. IDUS JAN. In Graciâ, Rustici, Phisei, Timothei, Jocundi, Ratitis, Luci, Petri, Flori, Anastasiæ. Et alio loco, Sathei, Marci. In Galliâ, civitate Belloacus, passio Sanctorum Luciani, Mariani, & Juliani Martyrum. *Augustiduno depositio B. Agemonii Episcopi.*

V. IDUS JAN. In Africâ, Epietati, Jocundi, Quinti, Secundi, Saturnini, Vitalis. Item Quinti, Felicis, Artaxis, Fortunati, Rustici, Silli, Quieti, & aliorum septem; Martialis, Saturi. In Smyrnâ, Revocati, Firmi, Silli, Possessoris, Januarii, Saturnini, Saturi.

IV. IDUS JANU. In Africâ, Revocati, Firmi, Nirthi, Possessoris, & aliorum duorum. Romæ in cœmeterio Calisti, Viâ Appiâ, depositio Melciadis Episcopi. In Africâ, Saturi, Vitaliani, Felicitatis, Quinti, quorum gesta habet Artatius.

III. IDUS JANU. In Alexandria, Petri, Severi, sancti Lucii Confessoris, & Allolami, Quinti. In

Africâ, Philoromi, Ingenui, Quinti, Januarii, Saturnini, Vincentii. In Hispaniis, Augenti, Donati, Augustini, Salvii, Felicis. Item Felicis, Donati Presbyteri, Flori, Zemini, Pausalmi, Eugenti, Victoris, Stephani, & aliorum duodecim. Et depositio Hortensis Episcopi.

PRIDIE IDUS JANU. In Achaïâ, Cyriaci, Moescenti, Saturi. In Africâ, Zotici, Castuli, Quinti, Rogati, Modesti, Ebiciani, Carotici, Castolini. In Ægypto, Philoromi, Zotici, Castuli, Petri, Aventini.

IDUS JANU. In Africâ, Ingenui, Vincentii, Saturni, Felicitatis, Modesti. In Campaniâ, Neapoli, Cyriaci, Cimini, Zotici, Erisi, Clereri, Felicis, Januarii. Romæ, Secundæ, Rogati. Viâ Lavicanâ, Coronæ militum quadraginta. Et alibi, Eos, Quomo, Eononis. Pictavis, depositio S. Hilarii Episcopi & Confessoris. *Ambianis, Inventio S. Firmini Episcopi & Confessoris.*

XIX. KAL. FEBR. In Antiochiâ, Cleri Diaconi de antiquis multis tormentis passi, & in mare missi. In Africâ, Pauli, Successi, Victorini, Saturi, Melloris, Gerontii, Lucriti, Januarii, Floridæ, Teocofæ. Nolæ Campaniæ, sancti Felicis. Et alibi, depositio Euphrasii Episcopi.

XVIII. KAL. FEBR. In Ægypto, Chrisconi, Tyrli, Leuci, Gaiani, Genonis, Menelampi. Et in Oriente, Cornelii, Calesti, & cæterorum. Antiochiæ, Lecerii Diaconi. Et alibi, depositio Abacuc Prophetæ. *Remis depositio S. Remigii Episcopi & Confessoris. Pictavis dedicatio Basilica sancti Amantii.*

XVII. KAL. FEBR. Romæ viâ Salaria, in cœmeterio Priscillæ, depositio sancti Marcelli Episcopi & Confessoris. Viâ Appiâ, in cœmeterio Calesti, passio sanctæ Marthæ, Audeinæ Martyrum. Viâ Corneliâ in cœmeterio, Militum novem, & aliorum tredecim, quorum nomina in libro vitæ tenentur scripta. In Africâ, Saturnini, Faustini, Flaviniani, & aliorum sex. *Arelate, depositio sancti Honorati Episcopi & Confessoris.*

XVI. KAL. FEBR. In Africâ, Micæ, Victoris, Mistriani, Salvii, Mililiani, Victorici; Thecofæ, Fortunatæ, Veneriæ, Satæ, Saturnini, Hostensiani, Leuci, Milluriani, Vincentii, Albæ, Mossei, Ingenulæ, Victorix. In Oriente, Natalis, Rubentiæ, & Marteri. In Ægypto, Thebaïde, depositio Antonii Monachi. Limgonis, passio Sanctorum germanorum Martyrum Speusippi, Helasippi, Melasippi, Leonellæ, Meonis, Junellæ. Et depositio sancti Marcelli Episcopi. *In Galliâ, civitate Bituricas, depositio sancti Sulpicii Episcopi & Confessoris.*

XV. KAL. FEBR. Dedicatio cathedræ sancti Petri Apostoli, quâ primò Romæ sedit. In Ponto civitate Asiæ, Moysei, Amonis, Micæ, Asteri, Fortunati, Zenonis, Zosimi, Menelampi, Didali, Valentis. Et passio sancti Tyrli cum locis suis: Leuci, & Gallinici. In Africâ, Seonisi, Successi, Valentis, Feleriani, Pauli, Majuli, Luci, Victorini, Honorati, Saturnini, Floridæ, Lurici, & aliorum quatuordecim. Et passio S. Priscæ.

XIV. KAL. FEBR. In Africâ, Quinti, Pauli, Geronti, Januarii, Saturnini, Successi, Germanæ, Tertuli, & aliorum multorum. Tibiritani, Majuli Victoriani, Honorati, Fortunati, Julii, Lucii, Marcusii, Publii, Felicis, Gai, Vitalis, Cassiani, Victoris, Secundi, Primi, Hispani, Cacinari. Item Lucii, Saturninæ, Floridæ, Cælesticæ, Molendionis. Hierosolymæ, Marthæ, & Mariæ sororum Lazari. Carthagine, Pigariæ, Piæ, & aliorum trigin-

b civitate Parethiâ] Hoc est, in Insulâ Peparetho.

ta octo. Zosimi, Menelampi, Tyberiani, Fortunati. *Lugduni, Ordinatio Episcopatus sancti Nicetii.*

XIII. KAL. FEBR. Romæ in cœmeterio, Fabiani Episcopi, & passio sancti Sebastiani Martyris. In cœmeterio, Marii & Marthæ uxoris ejus, Audifax, & Abacuc. Nicomedie; Leontii, Biti, Cyriaci, Urli, Cendei, Felicis Cælidoniæ, Martiæ, Nicetii. Niveduni, Tyrli, Quiriaci, Gallinici. *Lugduno Gallia civitate, Clementis Presbyteri.*

XII. KAL. FEBR. Romæ, passio sanctæ Agnetis Virginis. Et natalis Felicis, Fructuosi, Celsionis, Felogicæ, Cæcilianæ, Augurii, Martialis. Item Felicis, Viti, Candei, Floræ, Leontii, Cyriaci, Faustaci. Nicomedie, Deustasi Confessoris. In Africâ, Solutoris, & Hermetis. In Hispaniâ civitate Tarracone, passio Sanctorum Fructuosi Episcopi, Auguri, & Eologi Diaconi. Saturnini, Quinti, Marini, Dacii, Satyri, Gaddiani, Cæleniani, Zabulii, Mammæ, Vincentii, Rogati, Victoris, Repositæ, Primi, Lucii, Majulini, Honorati, Marcusii, Secundi, Castini, Gagi, Cælestini, Ermis Episcopi, & Publii. Item Leontii. *Trecas passio S. Patrocli Martyris. Arvernus depositio Beati Aviti Episcopi.*

XI. KAL. FEBR. In Hispaniâ, civitate Valentia, passio sancti Valerii Episcopi, Vincentii Diaconi & Martyris; Martyresque octodecim cum sociis eorum. Quintiliani, Cassiani, Matutini, Publii, Urbani, Martialis, Fausti, Pauli, Successi, Petri, Felicis, Januarii, Primitivi, Ebori, Optati, Cæciliani, Frontonis, Julii, Januarii, Luperi, Apodimi, Orionis, Mennonis, Hermetis, Januariæ. Et in Africâ, Quiri cum sociis suis; Gemelli, Saturi, Januarii, Felicis, Ticii, Flori, Orionis. Ad Gemellas, Clementis, Saturnini, Municipi.

X. KAL. FEBR. In Mauritaniâ, civitate Neocæsariæ, passio sancti Severiani, & Aquilæ uxoris ejus. Belli, Munici, Castuli, Flori, Saturnini, Basilæ, Anastasii Martyris. Et alio loco, Cornelii Exorcistæ. In Ancyra Galatiæ, Donati, Castuli, Popicæ, Demati cum suis omnibus. Et alio loco, passio Sanctorum Eugenii, Emerentianæ, & Macarii, Pulvii Martyrum.

IX. KAL. FEBR. In Antiochiâ, passio S. Babylæ Episcopi cum tribus parvulis. Et in civitate Neocæsariæ, Marduni, Musuni, Eugenii. In Africâ, Epicteti, Ruppæ. Carthagine Gelici. Romæ, Felicissimi cum sociis suis.

VIII. KAL. FEBR. Nicomedie, Biti. Romæ, Translatio sancti Pauli Apostoli. Carthagine, Donati, Secundi, Papæ. In Africâ, Epicteti, Publiani, Saturi. *Et Praeclii Martyris.*

VII. KAL. FEBR. In Nicæâ Smyrnæ, Passio sancti Polycarpi Episcopi. In Campaniâ, Picteolis, Arthematis, & Armata, Donatæ. In Laodiceâ, Arthemii, Fabiani, Sabiani, Sidonis, Macarii. Ravennæ, Anthemasii, Savini, Leodocii, Theogenis, & triginta sex Martyrum. Bethlehem, Dormitio S. Paulæ.

VI. KAL. FEBR. In Africâ, Donativi, Dativi, Missuriani, Publii, Victoris, Quintilli, Publiani, Festi, Felicis, Vofoni, Processi, Veneriæ, Marinæ, Fortunati, Theocostæ, Egoditis, Secundæ, Epictilli, Vincentii, Rogati, Primi, Aurelii, Helarii, Perpetuæ, Julianæ, & aliorum quadraginta quatuor. Nicomedie, Leaci. In Apolloniâ, Gallinici, Lucii, Honorati, Marusi, Secundi, Casti, Gai, Cælestini. *Sulpicii Episcopi & Confessoris. Et Dedicatio Basilicæ sancti Victoris.*

V. KAL. FEBR. Romæ, sanctæ Agnetis, Juliani, Telliani, Reotri, Teliptæ, Vincentiæ, Victorini, Secundi, Papæcanti, Victoris, Emiliani, & aliorum triginta quinque Martyrum.

IV. KAL. FEBR. In Gabala civitate, sancti Pauli. In Africâ Perulæ, Victoris, Honorati. In Turciâ, Constanti, Hippolyti Episcopi de antiquis. Treveris, depositio beati Valerii Episcopi & Confessoris.

III. KAL. FEBR. In Antiochiâ passio sancti Hippolyti Martyris. In Africâ, Pelliani, Cleri, Felipiani, & aliorum centum viginti quatuor. *Calæ Monasterio, Depositio Balthildis Reginae. Corbei Monasterio, Dedicatio Basilicæ sancti Joannis Evangelistæ.*

PRIDIE KAL. FEBR. In Alexandria, Tarfici, Zoticæ, Ammonii, Communi, Cyriaci, Gemini, Gelasi, Hippolyti, Urli, Tyrli. Et passio Sanctorum Martyrum Gallinici, & aliorum quindecim sacerdotum. In Africâ, Victoris, Publii, Saturnini, & Polycarpi, Gai.

## MENSIS FEBRUARIUS

HABET DIES XXVIII.

KAL. FEBR. In Græciâ Sanctorum Polycarpi Episcopi, Pœnis, Dionytii. Item Dionytii: item Pœnis, & aliorum quindecim Martyrum. In Africâ, Publii, Saturnini, Mauriniani, Liboli, Vincentiæ, & aliorum viginti quatuor. In Ravennâ, Severi Episcopi, Victoris, Luciani, Apollinaris, Helarii, Amoni, Zoticæ, Cyriaci. Item Severi Confessoris. Et depositio Pieti Presbyteri: Et passio Sanctorum Vindemialis, & Eugenii. *In Scotiâ S. Brigida Virginis.*

IV. NON. FEBR. *Purificatio Beata Mariæ, quando representatus est Jesus in Templo.* In Africâ, natalis Victoris, Marini, Honorati, Urbani, Hilari, Perpetuæ, Julianæ, Brivatulæ, & aliorum septuaginta quatuor Martyrum. Romæ, foro Simphronii, Viâ Flaminia, milliario ab urbe centum septuaginta quatuor, Laurentii, Hippolyti. Et natalis S. Fortunati, Feliciani, Firmi, Candidi, Catulæ, Secundæ, Cappæ, Rogatianæ, Gai, Gregorii, Felicitatis, Placidi. Item Victoris, Martialis, Cornelian, Salustii, Marici, Urbici, Pubis, Secundiani, Ingenii, Mustulæ, Victuriæ, Honoræ, Forosi, Præni. Item Victoris, Natalis, Primi, Helarii, Rogatæ, Saturnini. *Aureliani depositio sancti Fuscii Episcopi; & depositio Sicharia Deo sacrata, quæ ibidem obiit.*

III. NON. FEBR. In Africâ, Felicis, Celerinæ, Felicitatis. *Vappingo, depositio Eporteredi, Remedii. Lugduni, depositio B. Lupicini Episcopi.*

PRIDIE NON. FEBR. Foro Simphronii, natalis Gemini, Gelari, Magni, Donatæ, Aquilini, Gemini. Item Donatæ, Themophilii Episcopi cum filiâ suâ.

NON. FEBR. In Siciliâ, Catanâ civitate, passio sanctæ Agathæ Virginis, Saturi, Revocati, Gelasii, Felicis, Saturnini. In Oriente Patras civitate, ordinatio Episcopatus S. Andreæ Episcopi & Martyris. *Vienne, depositio Aviti Episcopi & Confessoris.*

VIII. IDUS FEBR. Romæ viâ Appiâ, in ejusdem cœmeterio, passio Soteris Virginis & Martyris. In Achaiâ Saturnini, Revocatæ, Victuriæ. In Casarcâ Cappadociæ, passio Sanctorum Dorotheæ, &

*in Campaniâ, Picteolis*] Hæc Sanctum quemdam, cujus nomen esset Picteoles, memorari arbitratus est Acherius; at

legendum *Puteolis*, quæ urbs est Campaniæ.



Theophili Scholastici. Siracusiæ passio sanctæ Lucie Virginis, Antoliani, Saturnini. *Elnone Monasterio, depositio S. Amandi Episcopi & Confessoris. Attrebatensis depositio S. Vedasti Episcopi & Confessoris.*

VII. IDUS FEBR. In Britanniis, civitate Augustæ, natalis Auguli Episcopi, Anatolii, Andreae, Ammonis, Statiani, Nepotiani, Saturnini, Lucii, Saturnæ.

VI. IDUS FEBR. In Armeniâ minore, Natalis Dionysii, Æmiliani, Sebastiani. Romæ depositio sancti Pauli Episcopi. Et alibi, Lucii.

V. IDUS FEBR. Suevo apud Cyprum; natalis Alexandri, Ammonis Alexandriæ, Pauli, Dionysii. Et ad membras<sup>d</sup>, Ammonis, Æmiliani, Lallæ, Poëmi, Didymi. Item Ammonis, & aliorum triginta quatuor. Et depositio Thomæ. In Ægypto, Juliani, Plesii, Tyrli, Roni, Germani, Orfali, Miliguti, Oridion, Agathon, Recumbi, Bastami, Armatae, Prothiorion, Coloti, Arati, Theoniae, Yppullusi, Saturnillæ, Epitimi, Serapion, Liastimoni, Papiæ, Pampiri, Dioscori, Erudii, Potanion, Petecon, Decomini, Dioscodi, Zotici, Ciriaci, Papiæ. *In Parronâ Natalis Fursei Confessoris.*

IV. IDUS FEBR. In Alexandria, passio Apollonis, Prothei, Orionis, Plavi, & aliorum viginti. Romæ, Sotheris, Zotici, Jacincti, Hirenei, Dionysii. In Campaniâ, natalis Silvani Episcopi & Confessoris. Bethlehem, sub Herode passio Sanctorum Andreae, Apori. *Sanctonas civitate, depositio Urbani Episcopi & Confessoris. Et Baldegunda Abbatissa.*

III. IDUS FEBR. In Apamiâ, Pœnis, Eofraxi, Armatae. In Campaniâ, Basiliani, Amantii, Talici. In Africâ, Victoris, Felicis, Januarii, Vitalis, Zotici, Cyriaci, Ammonis, Pelionici, Basilii, Germani. Romæ, Sorotidis.

FRIDIE IDUS FEBR. In Africâ, passio S. Domiani, Victoris. Cathagine, Posinni, Modesti, Revocati. In Alexandria, Juliani, Victoris, Felicis, Secundi, Severiani, Carpori, Germi, Quiriaci, Ammonis, Pamphili, Dorotheæ, Theophili. Item Juliani. In Italia, Donati, Heraclii, Vincentii, Sufannæ, Orbanæ, Donatæ, Eulaliæ. Et depositio sancti Simplicii Episcopi.

IDUS FEBR. In Nicodemiâ, passio S. Juliani. In Alexandria, Tulliani, Ammonis. Et alibi, natalis Dicenti, Simplicii. *Lugduno, depositio B. Stephani Episcopi.*

XVI. KAL. MARTII. In Tusciâ, Spoletto civitate, natalis Vitalis, Cyron. Et Martiani, Vitalis. Interamne, viâ Flaminîâ ab urbe Roma milliario sexagesimo quarto, natalis S. Vincentii, Talici. In Lyciâ, natalis Sanctorum Martyrum Germani, Juliani. In Alexandria, natalis Sanctorum Bassiani, Tonioni, Moseos, Bassion, Dionysii, & Ermon, Arfasii. Item Dionysii Episcopi, Paulis, Leviorii, Orfasii, Plebii. Item Dionysii Episcopi, Amandei. In Militanâ civitate natalis S. Policti. In Heracleâ, natalis SS. Felicis, Januarii. In Græciâ, Palladii, Candidiani, Poliarcti, Fileronis. Passamonas, Jonas, Ammonius. Toppi, Prodi, Preconi, Moyse, Lectoris, Januarii. In civitate Spolisio, Vitalis, & militum nonaginta novem. In Africâ, natalis Valentini. Interamne, militum quinquaginta quatuor. Viâ Flaminîâ, Atheni, Martiani, Thioni, Celerini, Magni. In Siciliâ, Ægias, Juliani, Passio S. Sereni Martyris. In Alexandria, Saturnini, Præconi, Maximi.

XV. KAL. MART. In Antiochiâ, natalis Josephi Diaconi, Zenonis, Apollonis, Phœbi, Romani, Zofimi, Baradi, Rufini, Zofii Presbyteri. Interamne, natalis sanctæ Agapæ Virginis, Saturnini, Castulæ, Magni, Lucii, Rogati, Joannis, & aliorum duodecim Martyrum Barcinone in Hispaniis, passio sanctæ Loquumfas. In Syriâ Aventi, Sixti, Pompini, Gemelli, Victoris, Generosi. Item Victoris, Gemelliani, Coturni, Castuli, Januarii, & depositio sancti Silvini.

XIV. KAL. MART. In Britanniis, natalis Sanctorum Faustini, Joventis. Et alibi, Blesi, Donati, Dionysii, Hierapi, Martialis, Nundinarii, Profiani, Pauli, Gallonis, Honorii, Jocundi, Memmii, Vincentii, Fructuosi, Primi, Cicilii, Fabiani, Pauli, Maximi, Urbani. In Hispaniâ, Barcinone, passio S. Cucufatis. In Africâ, Maximi. Item Vincentii, Pauli, Honorati, Mari. Item Maximi. Item Pauli, Martialis, Terapi, Marci, Marpi. Nicomediæ, Passio S. Julianæ Virginis, & Martyris. Item Marci, Martialis, Marcelli, Donati, Secundi, Marcopi, Lucellæ. Item Secundi, Maximæ, Sauli, Stupuris, Multaci, Præsentis, Secundæ, Junellæ, & cum eis centum quinquaginta quatuor. Fissinari, Pamphili, Valentis Diaconi, Seleuci, Profidi, Theophili, Juliani, cum Ægyptiis numero quinque millium. Et alibi, depositio Ietradii Episcopi.

XIII. KAL. MART. In Africâ, civitate Concordiæ, passio Sanctorum Donati, Secundiani, Pamphili. In Aquileiâ, Crisantiani, Eutici, Concordiæ, Justæ, Romoli, Saloni, Silvani, & aliorum octoginta quatuor, quorum nomina Deus scit. Et alibi, Januarii, Feliciani. Item Januarii, Donati, Casti. Item Donati, Victoris, Agapæ, Donatianæ, Guddinis, Dativi, Fortunionis, Marcellæ, Quintiani, Julæ. Item Januarii, Crescenti, Cœlestini, Saturni, Gyptonis, Felicitatis, Donatiani, Victoris, Emilæ, Bassulæ, Sauri, Ebasii, Secundi, Felicis, Octaviani, Faustini, Albinæ, Rogatianæ, Victoris, Marci, Cetulæ, Rutulæ, Silvani, Guovili.

XII. KAL. MART. In Africâ, natalis Sanctorum Riculi, Sylvani, Clasci, Secundini, Fructuli, Damasi, Orion. Interrapis, Pauli, Maximi, Marcelli, Marcobi, Martialis, Gemini, Romuli, Silvinae, Cafici, Fructuli, Januarii.

XI. KAL. MART. In Africâ, natalis Sanctorum Publii, Juliani, Marubi. Item Juliani, Barechei, Marcelli, Tullii, Lampasi, Majuli, Julii, Saturnini.

X. KAL. MART. Apud Cyprum, natalis Potaminæ, Misis, Didymi, Jocundi, Flori. Romæ viâ Appiâ, in cœmeterio Calesti, depositio Gaii Episcopi. Et alibi, Victoris, Coronæ, & aliorum decem.

IX. KAL. MART. In Africâ, natalis Sanctorum Viruli, Secundini, Servuli, Scirici, Felicis, Jocundi, Saturnini, Fortunati, & aliorum septemdecim. Et alibi, Victorini, Mappalici, Pusitini, Thedæ, Crispini, Petri, Secundolæ, Diqaris, Rustici, Titi, Tumuli, Malledi, Justi, Securi. Item Malledi, Gloriosi, Alciatoris. Item Julii, Amatoris, Secundæ, Syrici, Jocundi.

VIII. KAL. MART. Natalis Cathedralis S. Petri Apostoli, quæ sedet apud Antiochiam. Nicomediæ, natalis Teclæ Virginis discipulæ S. Pauli Apostoli. In Africâ, natalis Sanctorum Victorini, Nuceri, Palatini, Donati, Fortunæ, & aliorum viginti novem. Romæ viâ Tiburtinâ ad sanctum Laurentium, natalis sanctæ Concordiæ, Felicis. Syrmia, natalis S. Seneri, & aliorum septuaginta duo. Item Nicome-

<sup>d ad membras</sup> Forte *ad mandras*, ait Acherius. Locum ejus nominis agnosco haud longè à Constantinopoli; an ve-

rè illic passii sint qui nunc memorantur Martyres, alii vident.

di e, Euteri, Palatini, Victorinae, Paulae, Emeritae, Antoninae, Dativae, Rogatiani, Antigae, Urbanae, Maximae, Marinae, Matronae, Peregrinae filiae, Secundulae, Iustae, Castulae, Florentiae, Victorinae, Marcellini, Castae, Donatulae, Libolae, Flaviani Mart. Item Donatae, Fortunati, Luciani, Amie, Reginae, Cyriaci, Valerii, Gurgonii, Felicis.

VII. KAL. MART. In Pannoniis, Seneroti, Antigoni, Rutuli, Libii, Rogatiani. In Asia, Polycarpi Episcopi, cum aliis duodecim Martyribus. Smyrnae SS. Erotis, Carpori, Gerontii. In Africa, Grilgoni, Zenonis, Minandri, Cariniani, Arionis, Hippolyti, Diodori, Menelanti, Athrorae, Petri. Lambelis, Lucianae, Felicis, & aliorum triginta sex. In Asia, Cosconi, Synorus, Heruli, Zononis, Menalippi, Sinertis, Syrici cum sociis.

VI. KAL. MART. Natalis Matthiae Apostoli. In Caesarea Cappadociae, natalis Sanctorum Eruli, Lucii, Sergii. Romae Absolonas in porto, Primitivae. Nicomediae, Editii, Palphetri, Luciani, Felicis, Urbani, Marthae, Crescentiae, Florentinae, Rogatulae, Donatulae. Item Donatulae, Marcellinae, Rommodi, Felicianae, Niniae, Casti. Jafferis, Tulliani, Juliani, Juliae, Innulae, Gahis, Exuppi, Daciani, Flaviani, Januarii, Securis, Diddi, Sellaris, Subitanae, Gemellianae, Fortunatae, Peregrinae, Victorici, Maxentii, Gegoli, Juliae. Item Luciani. Honorati, Flaviani, Felicis, Saturi, Felicissimi, Victoris, Mariae, Januarii, Rufiniani, Fortunati, Aurili, Rutili, Faustini. Nicomediae, natalis Sanctorum Martyrum Oceani Presbyteri, Petri \* Palatini, Aevitii. In Aegypto, natalis Sanctorum Victorini, Victoris, Nivittae, Nicophori, Claudiani, Dioscori, Serapionis.

V. KAL. MART. In Africa, natalis Sanctorum Donati, Iusti, Rutili, Herenei, Pisonis, Aurili, Primosi, Ingenuae, & aliorum quadraginta quinque. Et alibi, Ingona, Fortunata, Pustinni, Herenei. Item Iusti, Crescenti, Rogati, Aniani, Januarii, Luciole. Item Fortunati, Victorini. In Pamphiliâ, natalis Sanctorum Nestoris, & Castae, Claudiani.

IV. KAL. MART. Natalis Sanctorum Alexandri, Nestoris, Theonis, Epion, Iusti, Donativi, Ampliati, Ingenui, Epion, Anti, Fortunati, & aliorum viginti septem. In Alexandria, Felicis cum sociis suis.

III. KAL. MART. In Thessalonica, natalis Sanctorum Alexandri, Antigoni, Abundantii, Titiani, Magari, Severiani, Gaiani, Fortunionis, Januarii, Luciole, Rutuli. In Africa, Dionysii & aliorum triginta quatuor. In civitate Smyrnae Asiae, natalis Sanctorum Serviliani, Datiani, Leandri, Menelampi.

PRIDIE KAL. MART. Natalis Sanctorum Celeris, Pupilli, Gaii, Serapionis, Iusti, Opoti, Claudiani, Theophili, Victorini, Saturnini, Euticiae, Astutae, Mustilae, Alexandri, Victorini, Secundillae, Nicofori, Diodori, Papii, Macariae, Felicis, Eunuculi, Januarii, Quintiani, Mansueti, Hermetis, Gitei, Donati, Serviliae, Veneriae, Basilae. Item Serviliae. Item Veneriae, Januarii, Sterculae, Silviani, Manirrae, Rufinae, Leandri.



e item Nicomedi] Duplex hoc loco librarii ὁμογραφία, Acherium in duplicem errorem induxit; nam & Nicomedia agnovit, ubi legendum erat Nicomedia, quâ in urbe passi erant qui nunc recensentur Martyres; & inter eos unum numeravit cui nomen esset Palatinus; cum illâ voce Martyrologii scriptor nos docere voluerit, Euterium unum fuisse. *Ὁ ἅγιος Εὐτέριος οὐκ ἔστιν*, ut cum Eusebio Hist. Ecclesiast. lib. 8. cap. 1. loquar. Idem error variis locis occurrit;

## MENSIS MARTIUS

HABET DIES XXXI.

KAL. MARTII. Natalis Sanctorum Leonis, Donati, Abundantii, Aduusti, Carilii, Nicofori, Donatellae, & aliorum novem Mart. In Africa, Adriani, Victorini, Secundillae, Massiliae, Hermetis, Ghittei, Felicis, Eunuculi, Januarii cum aliis triginta quatuor. *Andegavis civitate, depositio sancti Albini Episcopi & Confessoris.*

VI. NON. MART. Jorgi, Herculi, Absolomi, Erenei, Lucii, Primitivi, Secundulae, Januarii, Luciole.

V. NON. MART. Felicis, Luciole, Iusti, Fortunati, Martiani, Martiae, Hierotis, Antigoni, Januarii, Tutellae, Gabiani, Quiri, Julii, Marini. Item Felicis, Floriani, Donati, Fortunati, Helbiani, Gagi, Paulae, Gajolae, Gallolae, Gallae, Lupicini. In Africa, Gajolae, Felicis, depositio reliquorum. Emeritae, Cellidoni. Item Felicis, Saviniani, Galogori. Item Emeriti. Item Felicis. Item Ecledoni. Item Julii, Felicis, Marini, Donatae, Nicefori, Carissimi, Claudiani, Papii, Luciole. Sabinianae, Junolae, Asterii, Phocii, Georgii, Isici, Sifinnii, Casti, Basilifoli, Artilai, Antonii, Cyrici, Eutici, Gurgonii, Asclepii, Frumini, Zosimi.

IV. NON. MART. Natalis Martyrum nongentorum. Romae depositio Iulii Episcopi, Roti, & aliorum triginta novem; Archelai, Gaii \* Palatini in mare merli, Asterii, Vranii, Sifinnii, Pauli, Philippi, Herifeli, Basilii, Tepiceri, Gregorii, Eutici, Victorini, Victorini, Marii, Honorati, Asclepidiani, Sifinnii, Felicis, Lucii, Gajolae, Fortunati. Item Lucii, Pelviani, Rustici, Floriani, Donati, Helariani. Item Fortunati. Item Gaii, Pylici, Antonii, Fronimi, Asclepiadis, Fortunionis, Casti, Fortii, & aliorum novemdecim. Nicomediae, passio Sanctorum Adriani cum aliis triginta tribus.

III. NON. MART. In Africa, Adriani, Evoli, Eusebii, Juliani, Octavi, Antiochia, passio sanctae Focae, Rustici, Herebi, Maris \* Palatini, & aliorum novem Mart. Antiochi, Victoris, Adriani, Pamphili, Palati, Marti. In Antiochia, Saturnini, Iusti, Luciole, Siriae, Saturnini, Martini, Petri, Cariathonis. Item, Saturnini, Martii, & aliorum duodecim Martyrum, & Barbalabiae.

PRIDIE NON. MART. Nicomediae, Victoris, Victorini, & Neocepoli, Papii, Alexandri, Diodori, Claudiani, Carilii. Item Claudiani, Mercurii, Perpetuae, Felicitatis, Jocundi, Saturi. Nicomediae, Saturni, Cassii, Victoris cum aliis duobus Martyribus, Papii, Nicophori. In Italia, Filagoniae, Victorini, Hianuli, Silvani, Permae. Item Saturi, Saturnini, Revocati, Planfagoni. Italiae, Petronii, Diodori, Nigori, & Caristi, Donati, Vibiani.

NON. MART. Africa, Satiri, Revocati, Jocundi, Victorini, Saturnini, Servani, Rogati, Croci. In Antiochia, Leuci, Satiri, Taxis, Nestoris, Equini, Saturnini, Revocati, Secundili, Italici,

nam & sexto Kal. Mart. Petri Palatini mentio fit, & VI. Idus Gurgonii item Palatini; cum cubicularios Diocleriani numerentur ab Eusebio lib. laudato, cap. 6. conjicere non immerito possumus, ubi cumque Palatini nomen hoc in Martyrologio legitur, indicari unum ex iis qui Imperatoribus ministrabant in Palatio; sive ejus nomen servetur ut Butherii, Gaii, Maris, &c. sive illud interceperit oblivio.



Jocundi. In Mauritaniâ, civitate Turbitanorum, Passio Sanctarum Perpetuæ, & Felicitatis. In Thraciâ, Dandæ, Leununcule, Secundi, Nestoris, Artaxi, Quinti. Item Secundi, Serri, Occatis. Item Dandæ. In Africâ, Sauri, Silvani, Rogati, Manili.

VIII. IDUS MART. In Nicomediâ, Quintili Episcopi, Capitulini. In Africâ, Rogatiani, Felicis. Item Rogati, Berome, Eremæ, Felicitatis, Urbani, Cyrilli Episcopi, Silvani, & Manili, Datiani.

VII. IDUS MART. In Armeniâ, Sebastiani, & quadraginta militum, Juliani, Yfici, Cyrilli. In Africâ, Felicis, Philippi, Cede, Cedis, Cendei, Mariani, Rogati, Concessi, Juvenculæ.

VI. IDUS MART. In Nicæâ, Gurgonii, Palatini, Firmi. In Antiocchiâ, Agapæ Virginis & Martyris, Mariani. Smyrnæ, Phionis. In Persidâ numero martyrum quadraginta septem. In Nicomediâ, Palatini, Rustici, Pionis. In Alexandriâ, Eraclii, Zosimi, Alexandri, & Gaïpe.

V. IDUS MART. In Carthagine, Heraclii, Zosimi, Alexandri, Philomi Episcopi, Candidi, Valerii, Quirilli, Petronii, Gaï, Martiani, Yfici, Piperionis, & aliorum quindecim, Rogati & Cendei. In Nicomediâ, Eunuculi, Euchii, & Gurgoini, Firmi, Pauli, Fortunati.

IV. IDUS MART. In Nicomediâ, Egdoni Presbyteri, & aliorum septem suffocatorum. In Alexandriâ, Zoni Episcopi, Alexandri Diaconi, Duni, & Neonas Diaconi, Juli. In Africâ, Joannis, & aliorum quadraginta quatuor. Et in Albuâ, Salviani, Andi, Minandi. Romæ, depositio sancti Innocentii, Rasi Episcopi, Juliani. In Nicomediâ, Migdoni, Euticii. Item Migdoni, Maximi, Domnæ Virginis, Rugini, Marii, Petri, Smaragdi. Et Vingelofini, Hilarii, Mariæ, Ner. . . Eugeni, Dorothei, Gurgoni, Matuli. In Alexandriâ, Orion Diaconi, Gaï. In Asiâ, Carpi, Petronii Episcopi, Firmi, Pauli, Agatoni, Macedoni, Patriciæ, Modesti Presbyteri, Domiciani Presbyteri, Zosimi Presbyteri, Eustasii Presbyteri, Basilissæ uxoris ejus, Felicionis, Juviniiani, Helarii, Concessi. Smyrnæ, Pionis, Metrodi. Romæ, depositio sancti Gregorii Papæ beatæ memoriæ.

III. IDUS MART. In Nicomediâ, Macedonii Presbyteri, Matriciæ uxoris illius, & Modestæ filię. Cionis Presbyteri, Saturnini, Januarii, Salvii, Petronii, Modestini, Zosimi, Eustasii Presbyteri, & Basilissæ uxoris ejus, Eppepodi Diaconi cum aliis duobus. Geratilacus, Carpiti, Galatæ, Domisiani, Hyromei, Lucetellæ, Zeddonis Presbyteri, & Patriciæ uxoris ejus; Patyfrigiæ. Item Basilissæ, Claonis, Minervini. In Nicæâ civitate, Theufete, & Horis filię ejus, Theodori, Nymphodoræ, Marci, Arabæ: hi omnes igne concremati. Julii Episcopi, Alexandri, Pionis, Mariæ cum aliis duobus, Dionis, Trabiz, Quartæ, Misethei, Nymphadobæ, Ariabæ, Pœnis, Partæ, Victuriæ, Victurini. In Thessalonicâ civitate, Alexandri, Dionysii. In Nicomediâ, Eufrafiæ, Domitiani, Macedoni, Patriciæ, Lucii, Duonii. Item Domitiani, Scallervæ, Pactæ, Pioni, Fronimi, Callidi. Item Dioni, Severini, Petroni pueri, Salviani, Juliani, Felicis, Hilarii, Concessi, Martialis.

PRIDIE IDUS MART. Eufrosii, Frunimi, Fortunianis. In Nicomediâ, Felicissimi, Dativæ, Frontini, Jocundi. In Africâ, Dionæ, Alexandri, Petri, Mammeri, & Naboris Martyrum, Frontonis, Mariæ. In Thessalonicâ, Eufrafi, Alexandri, Frunimi, Basilii. In Antiocchiâ Nicomediæ, Pionis.

IDUS MARTIAS. In Cappadociâ S. Longini Martyri. In Cappadociâ Lucii Episcopi & Martyris, Faustæ, Silvii, Ingenuæ. Januarii. Carthagine, Pauli, Solutoris, & sancti Jacobi Apostoli fratris Domini, Alexandri, Theofili, Theodoli, Petronii, Manili. Hierosolyma, Jacobi Apostoli, Lucæ Evangelistæ. Obiit Ratoldus Abbas bonæ memoriæ.

XVII. KAL. APRILIS. In Aquileiâ, Hylarii, Tassiani, Datiani, Juliani Martyris. In Nicomediâ, Castorii, Dionysii, Nonni, Sereni, Quiriaci, Milisæ, Eugeniz, Juliani, Asclippiodi, Pionis. In Græciâ, Cyriacæ, Pampini, Cassionis. Natale sanctæ Gertrudis.

XVI. KAL. APRIL. In Nicomediâ, Dionysii, Januarii, Nonnæ, Cyriacæ, Victorinæ, Mariæ, Basil. . . In Aquileiâ, Largi, Hilarii, Titiani, Caton, Dativi, Jocundi. Romæ, Alexandri Episcopi, Teodoli Diaconi. Depositio Patricii Episcopi & Confessoris.

XV. KAL. APRIL. In Alexandriâ, Collegii Diaconi, Colloti Diaconi, Pampori, Minepti, Rogatiani, Quarti, Saturi, Quintasi, Marini, Jemoli, Marti, Rogati, Samphoroni, Aurili, Cappelledi, Dionysii, Januarii, Victoris, Vagonupti, Samphori cum aliis novem Martyribus, Mariæ cum sociis suis. In Nicomediâ, Aprilis, Servuli. In Campaniâ, Quinti, Rogati, Ingenuæ, Quartillæ, Rogatæ, Luciani, Aurili, Saturnini, Victoris & Mauri. In Mauritaniâ, Currenti, Timothei, & Salde, Feliciani, Jocundi.

XIV. KAL. APRIL. In Cæsareâ Cappadociæ, Theodoli Presbyteri. In Africâ, Lucelli, Bassi, Fificiani, Pomeni, Joferi, Apolloni, Ammoni, Saturnini, Basilæ, & aliorum novem, Theodori Episcopi, Gagi, Gadulini, & depositio sancti Leonti Episcopi, Sorenti, Quinti, Quintili, Quartillæ, Marci cum aliis novem, Florenti, & Vonocte.

XIII. KAL. APRIL. In Antiocchiâ, sancti Josephi, Lucæ. In Syriâ, Pauli, Cyrilli, Eugenii, Scrapionis, Tigrini, Claudii, Exuperi, Victorini, Victorici, Domni.

XII. KAL. APRIL. In Alexandriâ, Serapionis Monachi, Josephi, Volotiani, Philocali, Cotiani, Honis, Nonni, Lucii, Ammonii, Philocarpi, Amatoris. Et depositio Beati Benedicti Abbatis.

XI. KAL. APRIL. In Narbonâ civitate, natale sancti Pauli Confessoris. In Africâ, Saturnini, & aliorum novem. In Sebastrâ, Deeroni, Orionis, Ammonii.

X. KAL. APRIL. In Africâ, natale S. Fidelis. In Antiochia, Theodori Presbyteri. In Provinciâ, Carmillæ, Pauli, Cæsariæ, Juliani, Juli. In civitate Cæsariâ, Agatii, Alexandri. Item Fidelis, Tyomili, Dionysii. Item Dionysii, Rustici.

IX. KAL. APRIL. In Syriâ, Seleuci. In Africâ, Agapiti, Molai, Romuli, Physon, Alexandri, Diophy. In Africâ, Rogati, Catulæ, Uti, Victurini, Saturnini. Item Saturnini, Salitoris, Aprilis, Joseph.

VIII. KAL. APRIL. Hierosolyma, Dominus noster JESUS-CHRISTUS Crucifixus est. Et Annunciatio sanctæ Mariæ per Angelum. Et passio S. Jacobi Apostoli, qui & frater Domini, sicut in Actibus Apostolorum continetur. In Nicomediâ, natale Dulæ, Victurini, Alexandri, Eufrafi, Castulæ, Nicostrati, Lucellæ, & quadringentorum Martyrum, sanctæ Theodolæ, & depositio Juvini Eurgundionis.

VII. KAL. APRIL. Romæ, in cœmeterio ejusdem viâ Lavicanâ, Natale sanctæ Castulæ, Syr-

mia. In Syrmia, Munati Presbyteri, Maximæ uxoris ejus, Jocundi. In Sabastia civitate, Petri Episcopi, Paulini. In Tracia, Sarmatinæ. In Heraclea, Martiani Episcopi. In Celer. . . Natale sancti Cassiani Episcopi. In Antiochia, Timothei, Diogenis, Madiariæ, Maximæ, Theodori Episcopi, Hirini Diaconi, Syrapionis, Ammoni Lectoris, Juliani. In Africa, Pictoris, Saturnini, Solutoris & aliorum quatuordecim.

VI. KAL. APRIL. Hierosolyma, Resurrectio Domini nostri JESU-CHRISTI. In Africa, Romuli, Acuti, Marobi, Pinnari, Successi, Misæ, Matutinae, Donati, Saturnini.

V. KAL. APRIL. In Cæsaria, Rogati, Alexandri, Dorothei, Audaæ, Modesti. In Tarso Ciliciæ, Castorii, Menelampi. *Cavillonno, depositio Gundthramni Regis.*

IV. KAL. APRIL. In Nicomedia, Pastoris, Victorini, Saturnini, Julianæ, & aliorum quatuor Martyrum. In Antiochia, Theodori Presbyteri, Poentalis, Juliani, Achaci.

III. KAL. APRIL. In Thessalonica civitate, Domini. Philippopoli, Acaci Palatini: & alibi Victoris: Marcellini, Satulli, Crufis, Agathonis, Aquilæ Virginis, Saturnini, Eulaliæ Virginis. Philippopoli, Dativi, Pastoris. In Africa, Anesi, Felicis, Protidæ, Cornelie, Valeriæ. . . .

## M E N S I S A P R I L I S

HABET DIES XXX.

### LITANIA INDICENDA.

KAL. APRIL. In Armeniâ, natale Sanctorum Fortuni, Quintiani, Victoris, Secundi. In Heraclea civitate, item Victoris, Chionæ, Agapæ, Hærenæ, Casti. In Thessalonica, natale Sanctorum Ingenus, Saturnini, Partini, Dionysii, Panteri, Alexandri. In Ægypto, passio Sanctorum Victoris, Stephanii. . . *Iganau Monasterio, depositio Beati Vvalarici Confessoris.*

IV. NON. APR. In Africa Sanctorum Amphiani, Victoris, & aliorum quatuor Martyrum. Et alibi, Marcelli, Satulli, Marcellini, Saturnini, Quiriaci, Reginæ, Proculi, & aliorum quatuordecim. In Thessalonica Macedonia, Theodoli, Agatophi, Martis, Publii, Valeri cum aliis tribus, Urbani, Juliani, Proculi, Gagi, Agapiti, Dionysii, & aliorum, Gordonioni, Magni, Julii, Donati. *Lugduno Gallie, depositio S. Niceti: & Luxovio Monasterio, depositio Eustasii Abbatis.*

III. NON. APR. In Sicilia, Natalis Sanctorum Thomæ, Evagri, Benignæ, Christi, Aristi, Simnidæ, Rufi, Patricii, Zosimi. Apud Taurominium in Sicilia, natalis sancti Prancati. In Moesia, Agathameriti de antiquis. In Cæsaria Palæstina, natalis Theodosiæ Virginis. In Nicomedia, Donati, & passio Amphiani Martyris. In civitate Eumis, Evagri, Benigni.

II. NON. APR. In Thessalonica, natalis Sanctorum Agathonis, Diaconi, Theodoli. Et alibi, Pauli, Matutini, Mediolano, Urbani, Saturnini, Quintiliani, Publii, Ingenui, Victoris, Successi, Juliani, & aliorum duorum, Palatini, Julii. *Mediolano, depositio Beati Ambrosii Episcopi & Confessoris.*

NONIS APR. In Nicomedia, natalis sancti Claudiani. In Ægypto, natalis sanctorum Martianæ, Nicanoris, Apollonii. In Alexandria, natalis sanctorum Didymi Presbyteri. Et alibi, Quinti, Pan-

chrati, Successi. In Sicilia, natalis sancti Honorii magni. In Thessalonica, natalis sanctorum Virginum Chionæ, Herenæ, & Agapæ. In Cæsaria, Liciæ, & natalis sancti Amphiani. In Cilicia, natalis Sanctorum Taraci, Andronici, Probi. Et alibi Arulfi Episcopi & Confessoris.

VIII. IDUS APR. In Nicomedia, Firmi, Henei Episcopi, Himnari, Solutoris, Quiriaci, Moyfii, Romani, Donati, Syxti, Victoris, Gagi, Satiri. Et in Syrmia, Rufinæ, Moderatæ, Romanæ, Secundi cum aliis septem. Florentini, Geminiani, Saturni. In Africa, natalis sanctorum Epiphani Episcopi, Donati, Sixti, Rufini, Modestæ, & aliorum undecim. In Macedonia, Timothei, Diogenis. In Alexandria, natalis sancti Clusi Presbyteri. Pentapoli, Timothei, Macariæ, Martiæ, Maximæ. Libya superioris, natalis Superiæ, Theodori Episcopi, Herenei Diaconi, Serapionis, Ammoni Lectoris, Summistæ, Apricii, Victoris. Et alibi, natalis sanctæ Marinæ, & Teguliani, Urbani.

VII. IDUS APR. In Antiochia Syria, natalis sanctorum Timothei, Diogenis, Machariæ, Maxima. Et alibi, Leusi Presbyteri. Libya superiore, Copricæ, Victoris, Donati. In Alexandria, natalis sancti Pelusii Presbyteri.

VI. IDUS APR. In Africa, natalis sanctorum Timori, Mæchari, Conexi, Maximi. Et alibi, Concessi, Salutoris, Pinnari, Ammoni, Successi, Donatæ.

V. IDUS APR. In Syrmia, natalis quatuor Virginum, quarum nomina Deus scit. Et alibi, Demetri Diaconi, Hilarii, Concessi, Mari. Syrmium, Fortunati, Donati & aliorum sex. *Et natalis septem Virginum canonicarum. In Ravennâ, dedicatio oratorii sancti Policti.*

IV. IDUS APRIL. In Alexandria, Apollonis Presbyteri, Gaiani, Hilarii, Donati, Concessi, Saturnini, Saturi. In Tracia, natalis Gaiani. In Africa Martyrum septemdecim, quorum nomina Deus scit. Et alibi Pinnati, Successi, Marcelli. In Antiochia, natalis sancti Theodori Presbyteri.

III. IDUS APRIL. In Mauritania, natalis Saloni, Maximi, Helarii, Concessi cum cæteris Sanctis, & Domnini Episcopi. In Salonâ Dalmatiæ, Domini Episcopi, & militum novem, & Dalmatæ. In Africa, Fortunati, Donati, & aliorum ducentorum quadraginta. In Nicomedia, natalis Sanctorum Eustoi Presbyteri, Nestoris, Filoni, Cæmonia. Lugduno Gallia, depositio Siagrii, & Patricii.

PRIDIE IDUS APRIL. In Asia, Pergamo, natalis Sanctorum Carpi Episcopi, Pauli, Isaach, Agathonis. Romæ in cœmeterio, Calepodii, Lupicini. Viâ Aureliâ, tertio milliario, depositio Julii Episcopi. Et alibi, Agapiti, Bassi, Juliani, Felicis, Pauli, Mauri, Hercule, Verecundæ, & aliorum numero quadraginta duo; Quarti, Saturnini, Secundi, Decimi, Darii. Item Secundi. Item Saturnini, Quinti, Dextri, Victoris, Donati, Varici, Butti, Venusti, Titiani. Item Victoris, Syrellæ, Luci, Justi, Orbanæ. Item Orbanæ, Marti, Januarii, Cittini, Paterni, Pacini, Putti, Murici, Optati. Item Victori, Migone, Demetri, Marci, Flaviani, Vitalis, Dinaliæ, Clementiæ, Victuriæ, Feliciæ, Maximæ, Mustæ. Item Marci, Honorati, Laurenti, Arburi, Crispini, Tertii, Quintulæ, Restituti, Revocati, Paterni, Buttasi, Varici, Pauli, Optati, Speni, Valenti, Donati, Manili, Petri, Felicis, Proculi. Item Donati, Gemellæ, Evanti, Lazari, Venusti, Fluvini, Rufini, Crispini, Naburi, Victorini, Donatulæ, Victuris, Agutinæ, & Tertie, Mameri. In Capuâ, natalis sanctorum Cypriani, Musculæ, Donatæ, Novelli, Januarii, Silvani,

Plutiani, Saturi, Julii. Et alibi, Primi, Cari, Cyrilli, Machari, Stilari, Venusti. Item Venusti, Juliae, Felicis, Verecundae, cum aliis novem. Eocapi, Tertulae, Antoniae, Mustulae, Migini. Item Donatæ. Et alibi, Euphimiae, Maehari, Primi, & aliorum novem. *In Vapingo civitate depositio B. Constantini Episcopi.*

Idus APRIL. In Calcedonâ, Natalis sanctæ Euphemiae, & Evapiae, Secutoris. Et alibi, Januarii, Pauli, Passæ, Caroli, Caritæ, Arobi, Azatonice, Decimi, Pergamo Asiæ, Polycarpi Episcopi, & Pauli Diaconi.

XVIII. KAL. MAII. Romæ, viâ Appiâ in cœmeterio Prætextati, natalis Sanctorum Tiburtii, Valeriani, Maximi, Quiriaci, Optati, Pati, Saturnini, Martiæ, Frontinæ, Corniliæ, Conditoris, Tituli. Interamne, Proculi, Valentini, Pruusduci, Laurini, Dominae Virginis cum suis Virginibus simul coronatæ, & sancti Valeriani. Et alibi Optati, Saturnini, Archilai, Simphronii, Frontini, Maximi, Decimæ, Martiæ, Corniliæ. In Alexandria, Frontonis Monachi.

XVII. KAL. MAII. Piceno, in aureo monte, Maronis, Melloris, Proclinæ, Mositis, Jocundi. In Mesopotamiâ, Arcelai, Cypriani, Comati, Vironicæ, Acutæ, Diogenis Diaconi cum duobus fratribus. In Antiochiâ Syriæ, Prosduci, Veronicæ, & Dioninæ filiae ejus. Octaviæ, Potamiæ, Prudenti, Foci, Syri. In Taudiâ Gallitiæ, Quoamali, Arcelai, Potami, Donatellæ. In Hispaniis, Cæsariæ, Passio sanctorum Luberci, Apomidi cum duobus fratribus, Martiani. Item Martiani, Felicis, Fausti, Fortunati, Silvani, Luciani, Gomali, Parcilai, Eonedis, Micæ, Gallieni, Faustini, Luciani . . . . Episcopi & Confessoris, ubi sunt conditæ reliquiae sancti Joannis Evangelistæ. *Et dedicatio altaris sancti Juliani Martyris, qui Brivate passus est.*

XVI. KAL. MAII. In Achaiâ, Corintho civitate, natalis Sanctorum Calesti, Carissi, Leonidis, Lotæ, Tertiae, Christianæ, Gallæ, Theodori, Carissi, omnium in mare meris. Caritonis, Cœlestæ cum aliis, Unicæ, Gallinæ, Moniciæ, Nigiæ. Et alibi, Martiani, Eniani, Felicis, Hermogenis, Vincentii, Tertii, Calesti. In Mauritaniâ, natalis Basilæ. In Ponto, Inscelacelli, Martialis, Felicis, Fortunati, Silvani, Luciani, Goamali, Parcilai, Leonedis, Micæ, Gallieni, Martiani, Faustini, & Luciani, Jocundi.

XV. KAL. MAII. In Antiochiâ, natalis sancti Petri Diaconi, & Hermogenis ministri, Petri, Fortunati, Martiani. In Africâ, Buruci, Quinti, Mappalici, Victurici, Donati, Januarii, Macori, Galli, Theodori, Juliani Presbyteri, & Meceoni, Migini, Diomedis, Filippiani.

XIV. KAL. MAII. In Salonâ civitate, natalis Sanctorum Septimi Diaconi, Victurici. Et alibi, Hermogenis, Dionysii. In Africâ, Victoris, Pamphili, Donati, Januarii, Micionis, Domni, Turemini, Syrici, Prisciani, Jocundi. Romæ, Sanctorum Eleutheri, & Anthiæ matris ejus, Parthenii, Coloceri, Febi, Proculi, Apollonis, Fortunati, Crispini, Expediti, Mappalici, Victurini, & Gagi. *Antissiodoro in Galliâ dedicatio altaris senioris Ecclesiæ.*

XIII. KAL. MAII. In Militanâ civitate Armeniæ, Hermogenis, Gaii, Rufi, Expediti, Aristonici, Galatæ unâ die coronatorum. Militinæ Armeniæ, Rufi, Hilari, Aristonici, Fortunati, Donati, Gagi, Majulini. In Africâ Sereciani, Donati, Heladii. Item Sereciani, & Hermogenis cum aliis duobus. Gaucoliberi, natalis S. Vincentii.

XII. KAL. MAII. In Africâ, natalis Sanctorum Serviani, Araiaci, Silvaniani, Fortunati, Joannis, Oratii, Donati, Martiæ, Gemæ, Comeliæ, Geminæ,

Corniliæ, Fortunati, Vincentiæ. Romæ depositio sancti Victoris Episcopi, Felicis, Alexandri, Papiæ. Everduno, depositio sancti Marcellini Episcopi, & Confessoris, Silviani, Tiaraci, Donati, Quinti. Antissiodero civitate, depositio sancti Martini Presbyteri & Confessoris.

XI. KAL. MAII. In Alexandria natalis Sanctorum Fortunati, Aratoris Presbyteri, Felicis filii, Vitalis in carcere quiescentis. Romæ, in cœmeterio Calesti viâ Appiâ natalis Sanctorum Valeriani, Maximi, Tiburtii, Donati. Et in Terracinâ Campaniæ, natalis sancti Amphelici, Jocundi. Et alibi Victoris, Papiæ, Felicis. Et alibi depositio Aprunculi Episcopi.

X. KAL. MAII. In Africâ, Silviani. Civitate Hierapoli, natalis sancti Philippi Apostoli. Romæ in cœmeterio Calesti, viâ Appiâ, depositio Gaii Papæ, Primoli, Tirdiani. Lugduno Galliæ, passio sancti Epipolidi. Et alibi, Leonidis, Aratoris, Quiriaci, Basilæ. *In Senonis civitate, depositio Leonis Episcopi.*

IX. KAL. MAII. In Africâ, natalis Sanctorum Catulini, Saturnini, Ghoris, Felicis Theonæ, Theodori, Victorini, Venusti, Victuri, Nabori, Soluti, Pleni, Silvii, Felicis, Vitalis, Theodori, Faustini, Valerii, Urli. Romæ, Naboris. Item Silvii. Item Vitalis. Item Felicis, Nonnæ. In Alexandria, Coronæ. Valentia civitate in Galliâ, natalis Felicis Presbyteri, Fortunati Diaconi, Achillei Diaconi, & commemoratio Georgii Martyris.

VIII. KAL. MAII. In Alexandria, natalis Sanctorum Coronæ Virginis, Victoris, Zoticiæ, Fortuni, Donati, Felicis, Saturnini, Secundi, Silviani. Item Silviani, Rufinæ, Liberalis, Meturi, Toniti, Firiani, Barachi, Nabori, Fufci, Naventi, Sarani, Fortuni. Item Donati, Floriani, Theoni Presbyteri. In Africâ, natalis Sanctorum Faustini, Victurini, Saluni, Theonæ, Valeriæ, Fortuni, Publi, Foriani, Memmeri, Fausti, Martiæ, Saubaciæ, Theudestæ, Valeriani, Urbani, Herus, Luci, Victuris. Et in hoc die, Sydrach, Misach, Abdenago, iterato nomine, qui & Ananias, Azarias, & Misahel, in Babyloniâ ab igne ardenti liberati sunt; benedictus Deus. In Lugduno Galliæ, Passio sanctorum Alexandri cum aliis numero triginta quatuor: Et dedicatio cryptæ, ubi corpora eorum requiescunt.

VII. KAL. MAII. In Syracusâ civitate Siciliæ, natalis Sanctorum Evodii, Hermogenis: & passio S. Georgii, Calestæ. In Africâ, Nubilis, Marcæ, Hermenphi, Fortunati, Jocundi. *Lugduno, depositio Beati Rustici Episcopi. Letania major.*

VI. KAL. MAII. In Axiopoli, Aurelii. In Antiochiâ, Leonidis, Vendei, Marii. In Africâ, Julii, Victuri, Syrici, Honorati, Felicis, Pauli, Maximi, Victoris, Simplicii, Pollionis, Viti. Calendini, Apolloni, Martianæ, Felicissimæ, & Herniæ, Martiani, Licissimi, Fimæ, Felicis, Germani, Feliciæ, Evassæ, Gemellinæ cum sociis eorum, Silviani. *Centulo Monasterio in Galliâ, depositio sancti Richarii.*

V. KAL. MAII. In civitate Tarso Ciliciæ, natalis sancti Castori, Germani. In Nicomediâ, Anchimi Episcopi, Stephani Episcopi, Antonii Presbyteri. In Lydiâ, Genesi, Sodalis, Zotici, Marini, Zetoni, Helpidii, Euthicii, Lupicini. In Armeniâ, civitate Militanâ, Heremitis, Hilpidii, Eppei Presbyteri, Hermogenis. Et alibi, Mauri, & Capti Diaconi, Hufandi, Priani, Cypri. In Ægypto, Nicomediæ, Victoris, Maximi, Martiani, Pauli, Germani cum aliis sex, Gemellinæ, Lactissimæ, Feliciæ, Germanæ, Felicis, Evantiæ, Victurini, Nicofori, Dioscori, Papiæ, Serapionis, Joannis, Julii. In Antiochiâ, Thimæ, Mauri, Arri Diaconi, Genonfi, Sodalis.

IV. KAL. MAII. In Pannoniâ, Eusebi Episcopi,

&

& Vitalis, Pollionis. In Alexandria, Victorini. In Tarso Ciliciæ, Malinæ cum aliis centum septuaginta, Afrosi, Carilippi Presbyteri, Agapi & Lecturis, Eusebi Eunuchi. In Africâ, Provinciæ Diomedæ\*, natalis Sanctorum Manilii, Donati, Maurili, Luciani, Victorini, Nicie Virginis, & aliorum ducentorum octoginta trium. In Betorive civitate, Deposito S. Euse Presbyteri.

III. KAL. MAII. In Alexandria, natalis S. Germani Presbyteri, Prosdoci Diaconi. In Nicomediâ, Prudentii, Martialis, Sabatii, Eodomonii, Bareli. Item Germani, Filicofi, Budenti, Urbani, & Pigatæ, Silvani, Joci. In Africâ, Gracti, & aliorum sex martyrum. Et Perusio Tusciæ, Valentini, Martiani, Bononi, Vitalis, Augusti, Victorini, Manili, Metronæ Virginis, Maculi, Megini. In Alexandria, Pudenti, Martiani, Filocufæ, Theodosiæ Virginis, Padiis cum aliis duobus.

PRIDIE KAL. MAII. In Alexandria, Dorothei Presbyteri, Rodociani Diaconi, Victoris, Terenti, Martini, Majoricæ. Item Victoris, Claudii, Silviani, Demetrii, Julii, Secundini Episcopi, Meriti, Honori. Item Silviani, Saturnini, Affrodi, Dugdi, Pastoris Episcopi, Secundiani, Concordiæ, Mariani, Jacobi, Floriani, Gabri, Gaiani, Postumi, Mommini, Quintiani, Cassi, Fasili, Florenti, Demetri, Gadudi, Crispini. Item Crispini, Donati, Zenonis, Pomodiani Diaconi cum aliis viginti quatuor, Secundiani Episcopi, Alexandri Diaconi, Bubati, Saturni, Diotri, Ropodiani, Nomenis. Romæ depositio Quirini, Secundini. In Afrodoris, Rodociani Diaconi, Terenti, Marini Presbyteri, Dagari, cum aliis duodecim, Meturi, Clementis, Lucini, Telefori, Primosi, Saturnini, Emiliani, Majoricæ, Saturnini, depositio Polocronii Episcopi.

## M E N S I S M A I U S H A B E T D I E S X X X I.

KAL. MAII, INITIUM PRÆICATIONIS DOMINI NOSTRI JESU CHRISTI. In Asiâ Hierapoli, natalis Sanctorum Philippi Apostoli & Jacobi. Quintiani, Heleotheri, Gaf, Alexandri, Saturnini. Et alibi, Apollonii, Euphemii. Interamna, milliaris sexagesimo quarto, Proculi, Pelesti, Agapiti, & militum triginta trium, & natalis Matthæi, & Jacobi Apostolorum. In Oriente, Quintini. In Hierosolyma, natalis S. Judæ, sive Quiriaci Episcopi. Emeritæ, natalis Sancti Saturnini. In Tolosâ natalis Orientii Episcopi. Autisiodero, depositio S. Amatoris Episcopi. Bigorrâ civitate, depositio S. Justini Episcopi magni, Ilci, Phoci. Ambianis civitate, natalis Sanctorum Agii, & Acioli Martyrum. *Agauo, Passio Sigismundi Regis.*

VI. NON. MAII. Germani, Cœlestini, Felicis, Cetini, Urbani, Privati. In Alexandria, Saturnini cum Eopoli socio suo. In Armeniâ, civitate Militanâ, Helpidii & Hermogenis, Lupi. In Alexandria, Germani, Cœlestini, Sanctini. *Autisiodero, Translatio corporum sanctorum Confessorum Operati Episcopi, Memorii Presbyteri, Sanctini Presbyteri.*

V. NON. MAII. Hierosolymæ, Inventio sanctæ Crucis Domini nostri JESU-CHRISTI ab Helenâ Regina, post Passionem Domini anno ducentesimo

[f Agapi] Et si à nobis nemo expectet, ut menda quibus Martyrologium hoc deformatur, tollamus omnia, vel saltem pleraque, tamen occasionem, ubi se offert, aliquid monendi, quod lectori prodesse queat, nullam præmittere nolumus; quamobrem notamus hoc loco errasse Acherium,

trigesimo tertio, regnante Constantino Imperatore, illuminata civitas. Et natalis sancti Hermogenis. Romæ natalis sancti Eventii, Alexandri, Theodoli, Fortunati, natalis Arboni. In Africâ Mariani, Saturnini, Rufinæ, Fortunionis, Fortunati. *Autisiodero Translatio corporum sanctorum Confessorum Eusebii Presbyteri, Aviti Diaconi.*

IV. NON. MAII. In Nicomediâ, Antonia, Justii. In Africâ, natalis Cœlestini, Felicis, Urbani, Romani, Bellici, Martialis, Mittuni Presbyteri, Floriani, Petri. Et alibi Loguorgue. In Celariâ, natalis sancti Silvini, Vibiani. In Alexandria quadraginta Martyrum, Nestori, Mitton, Antonini. *Autisiodero, depositio & translatio corporis sancti Corcodemi Diaconi, & Confessoris in Basilicâ sancti Amatoris.*

III. NON. MAII. Eutimi Diaconi & Martyris. In Thessalonica, natalis sancti Herenci, Peregrini, & Herenæ. In Africâ, Gregorii, Arcelai, felicissimæ, & passio sancti Trifonis. In Alexandria, Petivi. Viennâ, depositio Nectarii, & Niceti Episcopi. Autisiodero passio sancti Juviani lectoris. *Arelato, depositio sancti Hilarii Episcopi.*

PRIDIE NON. MAII. Natalis sancti Joannis Apostoli & Evangelistæ ante portam Latinam in ferventis olei dolium missi. In Persidâ natalis S. Matthæi Apostoli & Evangelistæ. In Galatiâ civitate, natalis Beatissimi Gerontii Confessoris. In Africâ, natalis Sanctorum Secundiani Episcopi, Jacobi, Mariani, Concordiæ, & Marinæ, Heliodori, Saturnini, Silviani. Mediolano, Victoris, Felicis. Item Victoris, Caricæ, Aufidiæ, Judith, Emericæ. Item Victoris, Acutæ, Faustini, Helarianæ, Victoriani, Saturnini, Gavini, Adenti, Fortunati, Victoriar, Primi, Gaiani, Valentini, Portumi, Justini, Majorici, Venuili, Massi, Processæ, Secundiani, Inportunii, Quintiani, Petri, Tassicastrici, Veneriæ, Bonifaciæ, Quinti, Florini, Victorini, Memoriar, Gaudulæ. Item Victorini, Crispini, Possinnæ, Labori, Massilæ. Item Gaiani, Faleri, Maxenti, Ninæ, Virtuniar, Valeriæ, Tironii, Matronæ, Citini cum sociis eorum, & reliquis sanctis. Florione, Herenci, Fortunati, Faustini, Gavini, Herenti, l'appalici, Primi, Cassi, Secundi, Celerini, Hieremiæ, Flavi, Gaiani cum aliis viginti. Magropi, Marcellini, Maximi, Bafrositi, Augustiani, Niciti, cum aliis septuaginta sex. Item Gaiani cum aliis septuaginta duobus Martyribus. Autisiodero, depositio sancti Valerii Episcopi.

NON. MAII. In Nicomediâ, natalis Sanctorum Flavii Episcopi, Agustini Episcopi. Item Agustini. Trium fratrum, Marcellini, Macrobi, Euthicii. In Africâ, Celerini, Maximi, Victuri Episcopi, Potentellæ, & aliorum multorum. Item Agustini, Gaiani, Victuri, Maximi, Celerini, Frontini, Quinti, Flaviæ, Martialis, Privatiani. Septiminæ, Dextri, Quintæ, Ornesi, Donati, Octaviani. Item Donati, Mariani, Navigi, Pulveri, Rogatæ, Victori, Secundi, Cecili, Donatæ, Saturnini. Item Donati, Juli, Navidæ, Felicis, Fortunati, Crescenti, Sapi, Rogatiani, Donati, Gallici, Justiani, Vitalici, Rogatiani, Donati, Gallici, Lucellæ, Honorati, Felicæ, Savinæ, Salti, Simplicii, Flaviæ, Alexi, Catulæ, Jaiuaræ, Euticiæ, Victoriar, Peculiaris, Germani, Ercolæ, Rogatæ, Marcellæ, Odemari, Aviani, Saturninæ, Felicis, Victuri, Processi, Promoli, Donatæ, Castulæ, Secundiani, Donatæ, Martialis,

dum duos Sanctos effinxit, quorum alter Lectores, alter Eunuchus diceretur; nam ut Martyrologii scriptor Carilippum Presbyterum, ita Agapium Lectorem, & Eusebium Eunuchum fuisse notavit. Statim lege *Provincia Namidia*

## Martyrologium

Rogata, Fortunati, Tunidi, Crescenti, Germani, Victuriæ, Palatini, Epaphrodicti, Marcellini, Floridiani, Faustini piscopi. Item Eutici cum aliis quadraginta quinque. In civitate Diospoli, passio sancti Georgii. *Augustiduno, depositio beati Placidi Presbyteri.*

VIII. IDUS MAII. Mediolano, Victoris, Eutici, . . . atia, Fortunati, Saturnini. Constantinopoli, Agati militis, Maximi Presbyteri, Antis Diaconi, Arestini, Marini, Tampi, Victuriæ, Stertia, Agata, Florida, Luci, Donati, Victoris, Flavie, Joannis, Nina, Casti, Gai, Fori, Maximi, Felicis, Martiani, Famosa, Honesta, Nigri, Baptizii, Rustici, Processi, Secundi, Militi, Felicia, Maxima, Dativæ, Tunianæ, Secundolæ, Dativæ, Gundini, Tertuli, Cælestini, Faustini, Januarii. Item Victoris, Zetula, Scialæ, Fortuni, Rogati, Faustini, Cenerii, Barachi, Siddini. Item Nina, Tidi, Mittuni, Syrici, Rogati, Donata, Bacci. Item Gadderi, Breuri, Donata, Spici, Rogati, Saturnini, Gaudiosa, Vitalis, Cæcilia, Galla, Januariæ, Seneri, Rogati, Matronicæ, Augusticiæ, Saturnini, Rufi, Faustini, Victoris, Cittini, Zaderi, Antiqui. Item Nina, Sauri. In Ægypto, Victoris, Stephani, Januarii. In Sanconico, depositio sancti Martini, Juliani. Autisiodero, depositio Heladii episcopi. *Corbeia Monasterio, Translatio corporis Sancti Gentiani Martyris.*

VII. IDUS MAII. In Axiopoli, Quirilli, Quindei, Zenoni. Tarso Ciliciæ, Afrodii, Jocundi, Firmi. Mediolano, Apostolorum Joannis, Andreæ, & Thomæ in Basilicâ ad portam Romanam. In Persidâ, Martyrum trecentorum decem. Constantinopoli, natalis sancti Timothei. Romæ viâ Latinâ, Gordiani, Primuli, natalis sancti Beati Confessoris.

VI. IDUS MAII. Romæ viâ Latinâ, in cœmeterio ejusdem, Natalis Gordiani, Julii. In cœmeterio Prætextati Romæ, natalis sancti Epimachi, & Majoris Confessoris, Quarti, & Quinti, & Probatæ, Mœcæ, Petri, Januarii, Fortunionis, Teclæ. Axiopoli, Cyrilli, Cendis, Dionii, Acciti, Crispionii, Zenonis, Afroditi, Privati, Giddini, Petri, Saturnini, Dativi, Fortuni, Lucellæ, Maxima, Matronæ, Mutaci, Cicili, Victuri. Januari, Sacuse, Bonosæ, Victorinæ, Majuli, Constantiæ, Maxima, Januarii, Gemini, Samini, Peregrinæ, Eruli, Senteri, Marulli, Felicis, Indici, Restenti, Tinni, Feltoni. Tuinti, Seleuci, Zetula, Januariæ, Fortunati, Tedetiæ, Donati, Rogatæ, Paulinæ, Januari, Nina, Honori, Candediæ, Secundi, Saturnini, Donati, Salutoris, Felicis, Marci, Nappoli, Coddei, Dati, Nafø, Mofi, Satuli, Victoris, Masuti, Malchi, Severi, Martiani, Fortuni, Sauri, Quintali, Fidelis, Severioli, Quinti, Fausti, Donati Excruti, Birici, Septimi, Lucini, Restituti, Dativi, Januariæ, Nina, Felicis, Satia, Marcellæ, Tulæ, Matronæ, Lucusæ, Victorinæ, Felicia, Jocundæ, Gloriosæ, Rogatinæ, Victorinæ, Julia, Primæ, Fortunati, Mariæ, Rogatæ, Monni, Jacobi, Septimæ, Maurelli, Incidi, Tuni, Felicionis, Seleugi, Honorati Saturni, Lucini, Zeberia, Venusti, Saturnini, Quintulæ. Item Cyrilli, Dionisi. Et alibi depositio Juvenalis, & Job Prophetæ.

V. IDUS MAII. In Sirmia, natalis sancti Montani. In Africâ, Majuli, Victorini, Fortunati, Septimi, Julii, Crispi; Januariæ, Primuli, Manili, Nerei. Item Manilis, Victorinæ, Fortunati, Januari, Jocundi, Syppiani, Epimini. Viâ Salaria, miliario vigesimo secundo, natalis sancti Anthimi. In

Asia, natalis sanctorum Demetrii, Taddei, & depositio Nepotiani. *Vienna, depositio Mamerti, & Mamertini Episcoporum.*

IV. IDUS MAII. Romæ, natalis sanctorum Nerei, & Achillei fratrum. Et alibi, natalis sancti Pancratii, Gradi, & Soteris Virginis, Joannis, Achillis, Moisei, Afroditi, cum aliis numero quingentis quatuor, quorum nomina Deus scit, Alexandri, Moisei, Julii. In Africâ, Prancati.

III. IDUS MAII. In Alexandria, natalis sanctorum Afroditi, Agrippæ, Savini, Grifi, Lucii, Cyrillæ, Cridulæ, cum aliis duobus, Juvini. *Trajecto porto in Gallia, depositio sancti Servatii Episcopi & Confessoris.* In Palæstina, Taraci, Probi, & Andronici. In Polentiâ, passio sancti Victoris, & Saturnini. In Alexandria, Agrippe, Veris, Cyrilli, Savini, Maximi, Credili, Gagi; & depositio Sebastiani Episcopi. *In civitate Autisiodero, depositio, & translatio sancti Marcelliani Episcopi.*

PRIDIE IDUS MAII. In Syria, Victoris, & Coronæ, qui simul passi sunt. In Africâ, natalis sancti Secundiani, Quarti, Victoriani, Januarii, Medion, Alexandri, Afraniani, Maximini, Proculi, Audaeti, Adeodati. In Anâ, sancti Maximini. Mediolano, Victoris, Timoris, Felicis, Rustici, & sanctorum trecentorum quatuor Martyrum, qui cum sancto Cyriaco passi sunt. *Arvernus, dedicatio Eccle. a sancti Agricola.*

IDUS MAII. In Sirmia, Timothei; & alibi septem Virginum, Alexandri, Digni, Chr . . . In Sardinia, Simplicii. In portu Romano, Præstabilis, Victoris, Cyrici, Januarii, Heruli, Pauli, Minervi, Aquilini, Eracli. Mediolano, Victoris. Lamsaco, Passio sanctorum Petri & Andreæ, Pauli, & Dionisi, Julii. *Augustiduno, Re-tici Episcopi.*

XVII. KAL. JUNII. In Isauria sanctorum Aquilini, Victoriani, Heracli, Paulini, Minermi. In civitate Piceno, Aufoni, Florentii, Diocletiani, Meminii, Justi. In civitate Eheso, Mengenis, Gajoni, Juvini. In civitate Corthosa, Vincentii, Nideruni, Hereli, Pauli, Mineri, Aquili. Item Pauli, Monorgi, Gai. In Autisiodero, vico Balaco, passio sancti eragrini Episcopi primi civitatis ipsius. *Tricassino, passio Sancti Fidoli Presbyteri, & Confessoris.*

XVI. KAL. JUNII. In Alexandria, Victoris, Basilæ, Silvani. In Româ, Parthunii, Gallicori, Eponi, Liberii Episcopi. Neveduno, Heracli, Pauli, Mimerii, Aguilini, Victoris, Arthemii, Calcori.

XV. KAL. JUN. In Alexandria, Potamonis Presbyteri, Hortalii, Serapionis, Panteri, Dioscori, Palmi, Pentecon Diaconi, Cenron, Dativi, Luci, Maxima, Hermon Lectoris cum aliis quatuor Martyribus. In Ægypto, Dioscori Lectoris, qui multa passus est. Constantinopoli, Eufuci, Serapionis, Bistasi Presbyteri, Patamon, Panteri, Petecloni, Eran Lectoris. Dativi, Martiani, Luciofi, Lucianæ, Eginæ. Et alibi natalis Sanctorum Cassi, Victoris, Juliani.

XIV. KAL. JUN. Romæ, natalis sanctorum Caloceri, Partenii eunuchorum, & uxorum eorum. Hi sub Decio Imperatore occisi, & requiescunt in cœmeterio juxta viam Appiam. In cœmeterio Cælesti, viâ Appiâ, Paterni, Galicori, Indici, Seleuci, Felicis, Elonici, Chriti, Calonicæ, Julæ. Item Urbani, Ingenusæ, Saturni. In Alexandria, natalis sancti Areni Diaconi. In Cæsariâ Cappado-



ciz, natalis sancti Poliochi. In Africa natalis sanctorum Quinti, Primuli, Salusti, Fortunati, duorum Donatorum, Primi, Indicæ, Lugustæ, Rogatæ, Urbanæ, Romanæ. In Getuliâ; natalis Sanctorum Emeli, Baseli, Prætextatæ, Basiliz, Parthimi.

XIII. KAL. JUN. In Africa, natalis Sanctorum Victoriz, Marcellosæ, Salsæ. Romæ, viâ Salarîâ, Basilissæ, Aurei, Nustiz, Nemavi, Baudeli Martyris. Et alibi natalis Sanctorum germanorum, Gervasii, Protasii, & depositio Velleli, & Fausti Episcoporum.

XII. KAL. JUN. In Mauritaniâ, Timothei, Poli, Eutici Diaconi. In Provinciâ Cæsariâ, Epoli, Eutici, Jocundi. In Africa, natalis Sanctorum Maurellæ, Quinti, Primuli, Salusti, Fortunati, Niriellæ, Primi. In Cæsariâ Cappadociæ, Polieucti, Victuri, Donati, Quinti. In Britannia; natalis Timothei Diaconi. Et alibi Matthæi Apostoli. In civitate Antisiodero, depositio Beati Valis Presbyteri, & Confessoris.

XI. KAL. JUN. Romæ; natalis Sanctorum Faustini, Timothei, Venusti, Casti, Emili, Cotti, Rogati, Maxenti, Felicis, Januarii, Concessi, Albini, Rogatiani. Item Casti. Item Plasti. In Corsicâ insula; passio sanctæ Juliz Virginis & Martyris. In Cæsariâ Cappadociæ, natalis sancti Poliocti.

X. KAL. JUN. Spanis natalis Sanctorum Epictiti, Aptonii, Basilii Episcopi. Item Aptonii, Jocundi. In Africa, Quinti, Luci, & passio sancti Desiderii Episcopi, Juliani, Felicis, Montanæ, Januariæ, Emiliz, Nonnæ, Alemeridi, Asti, Basilei Episcopi, Victuri, Firmi, Montani, Juliani, Victorici, Fideli, Donati, Niciz, Faulti, Timothei, Silvani, Foci. In civitate Antisiodero, depositio & Translatio S. Helene Virginis.

IX. KAL. JUN. In Histria, natalis Sanctorum Zebelli, Servuli, Secundini. In Africa, natalis sancti Saturnini, & aliorum vi. Martyrum. In portu Romano, natalis sancti Vincentii. In Syria, Zoeli, Saturi, Timini, Saturnini, Servili, Felicis, Silvani, Fortunati. Item Zoeli, Striz, & Diocli, Maximini. In Galliâ, civitate Namnetis, natalis Sanctorum Rogatiani, Donatiani germanorum.

VIII. KAL. JUN. In solo Tusciæ, civitate Blerâ, natalis Sanctorum Sententiaz, Vicentii & sanctæ Julianæ. Mediolano, depositio Dionysii Episcopi, Polegrati, & aliorum quatuor coronatorum, Vincentii, Joannis, Marii. In Oriente, Eusebii. Viâ Nomentanâ milliario nono, natalis Urbani Episcopi. In cœmeterio Prætextati, Dorostoli. In Africa, Fabiani, Septimii, Julii. In Epheso, Joannis Apostoli, Saturnini, Tomuni, Victuri, Istiali, Victoriz, Flavii, & depositio sancti Marcelli.

VII. KAL. JUN. Natalis sancti Eraclii, Pauli, Mindinæ, Jocundi. In Africa, item Pauli, Anteon, Quadrati, Rufini, Valeriz, Magni. In civitate Tusciâ, natalis Sanctorum Felicissimi, Eracli, Paulini, Menedinæ, Saturi, Victuri, Saturnini, Maurini. Item Saturi, Fortunati, Thomedi. In territorio Antisioderensi, loco Quotiaco, passio S. Prisci Martyris cum innumerâ multitudine.

VI. KAL. JUN. In Alexandria, natalis Sanctorum Aquili Presbyteri, Evangelii, & aliorum quatuordecim. In Tomis, Eliæ, Luciani, Zotici, Martialis, Victuri, & Maurinæ, Servuli. In Africa, natalis Sanctorum Sacci, Julii, Daamæ, Carpiæ. In Sardinia, Salutiani, Eutrici, Crescentini, Titiani, Quinti, Stabuli.

V. KAL. JUN. Pamphiliâ; Zetuli, Primi, Nonni, Eufesi, Julii. In Africa; Portuni, Ariminie, Secundini. In Sardinia, Emili, Felicis, Primiani, Luciani, Jocundiani, Lucii. Romæ, viâ Nomentanâ milliario tertio decimo, natalis Sanctorum Epicati, Eustasi, Victiz, Castulæ. Item Epicati, Octubri, Uroriz, Vippiapili, Homini, Marcili, Ciconiz, Maximi, Filomini, Aviciæ, Commieni, Martiani, Flumini, Mariani, Castulæ cum aliis novem. In civitate Parisius, depositio S. Germani Episcopi & Confessoris.

IV. KAL. JUN. In Ciballis, natalis S. Pollionis Lectoris & Martyris. In Nicomediâ, sancti Cyrilli. In Africa; natalis Sanctorum Primi, Aaccidiz, Passimoni, & aliorum centum quinquaginta trium. Treveris, depositio Maximini Episcopi de antiquis. Romæ viâ Aureliâ, natalis sancti Restituti Martyris. Viâ Tiburtinâ, septem germanorum. In Hispaniis, natalis sancti Gentii. Antiochiæ, Sicimodi, Bassi, Venusti, Victuri, Pullieni. In Cæsariâ Cappadociæ, Carelli, Primuli, Finodi, Venusti, Trendeci, Jocundi. In Anaunia Sanctorum Sisinii, & Alexandri Martyris. Romæ, natalis sanctæ Petronillæ, Alexandri, Martyrii.

III. KAL. JUN. In Antiochiâ, natalis Sanctorum Sici, Palatini. In turribus Sardiniz, natalis sanctorum Gabini, Crispoli. In Nicomediâ, natalis multorum Sanctorum.

PRIDIE KAL. JUN. In Aquileia, natalis Sanctorum Cantii, Cantiani, Proti, Crisogoni, & Cantianillæ. Carthagine, Dacianæ. Turribus Sardiniz, Crescentiani, Memmii. In civitate Syrtâ, Daciani. Romæ viâ Aureliâ, natalis Sanctorum Processi, Martiniani, Firmitti. Natalis Sanctorum Gaulieni, Germani, Victuri, Silvani, Thelesfori, Victorini, Donati, Istiali, Terti, Rogati. Item Germani. Item Silvani, Honori, Ciliciæ, Tertulæ, Lantæ, Victoriz, Fortunati, Maximæ, Rogatæ, Pauliciæ, Agapiæ, Castulæ, Amelli. Item Tertulæ, Lupi, Juiti, Teclæ, Firmi. In Antiochiâ, Paulini & Ilici.

## M E N S I S J U N I U S

DIES HABET XXX.

## LITANIA INDICENDA.

KAL. JUNI. In Thessalonica; Octavi. In Antiochiâ; Zosimi, & Teclæ Virginis. In Africa Crispini. Romæ Juvenci, Cyriaci, Nicomedis Martyris, Exuperanti; Eracliz. In Thessalonica; Luciz Virginis, & Auceiz Regis Barbari; Rogati, Germani, Silvani, Bullodi, Ceciliz, Tertuli, Lantæ, Victoriz, Gai, Fortunati, Maximi, Rogatæ, Paulinæ, Agapiæ, Castulæ, Coteusæ, Novellæ, Agapæ; Carræ, Urariz, Bublasæ, Fortunati, Martini, Saturnini, Baiani, Rogatiani, Honorati. Item Martiani, Saturnini, Pontini, Pauli, Petronii, Rutiliz, Quietiz, Januariæ, Novelli. Item Januariæ Soliz, Fedosæ, Victorinæ, Matronæ, Castulæ, Rogatiani, Quinti, Marci, Geminæ. Item Pauli, Martialis, Mituni, Verici, Cassi. Item Saturnini, Felicis. Item Martiani. Item . . . Rogati, Jannis. Item Fortunati, Martiani, Sanlis; Casti. Item Januarii, Donati, Hortensii. Item Saturnini, Martini, Maichi, Silvani; Quinti, Feliciz, Sillesæ. Item Januariæ, Fortunatæ, Victoriz, Mariæ, Primæ, Gemellinæ, Faustini. Item Novellæ, Donatellæ, Getuli, Barici, Urbani; Romani, Primiz, Tertulæ. Item Ca-

ita, Maximæ. Item Orbani, Optatæ, Matronæ, Melose, Metuni, Melosi, Secundi, Gemellinæ. Item Urbani, Saturnini, Juli, Surdidæ, Silvanæ, Rufinæ, Ninæ, Sepaci, Vincenti, Prisci, Hilari, Felicis Castulæ, Abibi, Publi, cum aliis centum viginti. Lupi cum aliis duodecim, Catulini, . . . blofi, Martiani, Gaiani, Marcelliani, Fledi. Item Marcelliani, Casti, Marci, Majuri, Proculi, Pagati, Tertii, Silisæ, Festulæ, Majosæ, Timothei, Marcellinæ, Rutili, Germani, Joannis cum aliis nonaginta. Viennæ, Claudii Episcopi.

IV. NON. JUNIAS. Romæ Marcellini Presbyteri, & Petri Exorcistæ, & Marcellini Presbyteri, Tomati, Rogati cum aliis quadraginta duobus, Secundi, Maximæ, Martiani, Silvini, Flaviani, Pauli, Petri, Victuriæ, Matronæ, Faustæ, Extricatæ, Antoninæ, Saturninæ, Donatæ, Reductæ, Maximæ. Item Saturnini, Pauli, Juliæ, Florentini, Fortunati, Maximæ, Urbanæ, Felicissimæ, Justæ, Flaviæ, Matronæ, Martiæ, Valentiniæ, Fortunati, Venustæ, Donatæ, Mariæ, Gallicæ, Tertuli, Vatalicæ, Evantii. Item Juliæ, Sammatæ, Possinnæ. Item Saturninæ, Concordiæ. Item Donatæ, Felicis, Valentini, Januariæ, Mastillæ, Luci. Item Martæ, Marcellæ, Proci, Datulæ, Victuriæ, Joviani. Item Maximæ, Felicis, Tertulæ, Castulinæ, Gaudoli, Modiani, Justi, Saturi. Item Saturi, Felicis, Donatæ, Januari, Fortunati, Saturnini. Item Juliæ, Ninæ, Honoræ, Donatæ, Calponiæ, Extricatæ, Felicis, Saturnini, Donatæ, Cenoni, Primosi, Secundi, Januariæ, Rogatæ, Fausti, Fontei, Tertuli, Paulæ, Rogatæ. Item Secundæ, Januariæ, Martialis, Felicis. Item Felicis, Fortunæ, Januariæ, Adjutori, Fortunati, Nomiæ, Paulæ, Rogatæ, Victuriæ, Donati, Mavori, Puffi, Primæ, Urbani, Tuvini, Januarii, Sintionis, Juliæ, Martianæ, Nondinari, Casti, Dati, Florentinæ, Victuriæ, Piscinæ, Castulæ, Saturnini, Victuriani, Fortunati, Ninæ, Nundinæ, Saturninæ, Cæciliæ, Marinæ, Luciofæ, Felicæ, Maximæ, Primæ, Foraminæ, Evafi, Seldini, Tertii, Fusci, Marcellinæ, Justæ, Evafæ, Sarmiciæ, Rudiliæ, Mariæ, Salpurniæ, Castulæ, Castuli. Item Saturnini, cum aliis sexaginta septem, Juviani, Saturnini, Oratii, Latine, Sabinæ, & depositio Macellini, Jocundi, Julii. In civitate Cæsariæ, Thamati, Honorati, Seleuci, Porfiri, Phamfili, Palestini, Rogatæ. In Campaniâ, Herasmi Episcopi, Lugduno Galliæ, quadraginta, & sex Martyrum, hoc est, Rogatiani Episcopi, Zachariæ Presbyteri, Vethi, Macharii, Asclipiadi, Silvii, Primi, Ulpii, Vitalis, Communi, Octobris, Philomini, Gemini, Julii, Albina, Grata, Miliani, Potamiæ, Pompeiæ, Rodiani, Blissi, Quartæ, Maternæ, Hilpi Diaconi, Maturi, Atbi, Alexandri, Potici, Blandini, Justi: Hi sunt, qui in carcere spiritum reddiderunt: Aristei, Cornili, Zofimi, Titi, Julii, Zotici, Apolloni, Geminiani, Juliæ, Ausonæ. Item Emeliæ, Jamnicæ, Pompeiæ, Domnæ, Amiliæ, Justæ, Tiophimæ, Antonæ, Ninæ. Lugduno, Vincentii, Ninæ, Prisci, Sepace, Hilari, Felicis, Castulæ, Epagati, Ameliæ, Donati. Et alibi, depositio Barbaruni Presbyteri, Humati, Evafi, Honoratæ, Vincentiæ, Romæ, Martyrum quadraginta octo.

III. NON. JUN. In Africâ, Quirini, Abidiani, Gai, Donati, Nepori, Papozinci, Januariæ, Demetriæ, & aliorum centum quadraginta septem, sanctæ Julianæ Virginis & Martyris. Apud Arcium civitatem Tusciæ, Laurentii. Natalis sancti Thomæ Apostoli. Romæ, Marcelli, Avidi, Gai, Donati, Mefomi, Passemi, Saturni, Januari, Victuriæ, Viriani, Donati, Urbani, Felicis, Veneriæ, Rogatianæ Fortunati, Extricati, Victorinæ, Gorgoniæ,

Togæ, Felicitatis, Valeriæ, Priscæ, Paulæ, Fortunati, Donati, Victuriæ, Senerei, Cassiani, Quinti, Zetulæ, Victurini, Silvani, Gagæ, Rogatiani, Aurili, Aproni, Nabori, Quinti, Metuanæ, Libosi, Emeriti, Sexuti, Fructi, Severi, Secundi. Item Januarii, Flori, Tyturi, Donatæ, Januariæ, Severæ, Honoratæ, Saturnini, Victuriæ, Fortunatæ, Publi, Romani, Petri, Veriani, Apronii cum aliis octoginta quatuor. Emaritæ, Septimini, Saturnini, Amasii, Orasi, Luciani. *Aurelianis civitate, depositio sancti Leifardi Episcopi.*

PRIDIE NON. JUN. Neveduno civitate, Zotici, Attali, Eutici, Amasi, Quirini, Juliæ, Saturnini, Gadduni, Ninitæ, Fortunionis, & aliorum viginti octo, Cypriani Episcopi, Ebusti, Rustici, Silvii. In Sabariâ civitate, Quirini. Romæ natalis sancti Pieti, Arcii, Daciani. In Siciliâ, natalis Sanctorum Expergenti, Christæ, Italii, Philippi, Eustici, Rustici, Rustuli, Juliæ, Saturninæ, Jejaconi, Mænæ, Fortuni, Crescentiæ, Jocundiani. In Sabariâ civitate, Rustuli cum aliis duobus.

NON. JUN. In Ægypto, Martiani, Nigrandi, & Apollonii, Feliculæ, Joci. In Africâ, Evafi, Privati. Romæ miliario septimo, Filoculæ, Felicitatis, Pappiæ, Gregorii, Gai, Rutiani, Saturnini, Rogatæ, Helari, Victuri, Mustuli, Ingeni, Secundi, Mauri, Urbici, Secundiani, Castulæ, Candidæ, Primæ, Felicianæ, Fortunatæ, Martiali, Juliani, Nicandri, Sacri. In Istriâ, Zoli, Saturi, Timini, Saturi, Servilii, Felicis, Silvani, Fortunati, Mammeri. *Corbeiâ, Translatio corporis sancti Præcordii Confessoris. Et depositio sancti Bonifacii Archiepiscopi.*

VIII. IDUS JUN. Neveduno, Amantii, Lucii, Alexandri, Alexandria, Donatæ, Peregrinæ. Passio Sanctorum Martyrum Vincentii Episcopi, & Benigni Diaconi. In Africâ, Zotici, Camasi, Philippi, Attali. Gratianopoli, depositio Carati Episcopi. *Et alibi depositio beati Claudii Episcopi.*

VII. IDUS JUN. In Byzantio civitate, Pauli, Fortunati, Macri, Primosi, Achaci Monachi. In Africâ, Victuri, Evafi, Privati, Januarii, Donatæ, Spissinæ, Quirilli. In Cæsariâ Cappadociæ, Lucianis Martyris.

VI. IDUS JUN. In Ægypto, natalis Martiani, Jocundi. In Cæsariâ Palæstinæ, natalis Eristi. In civitate Dorostero, natalis sancti Marci, Lucii. In Nicomediâ, natalis Vitici, Nestori, Carolapidis, & Marinæ, Foci. In Sardiniâ, natalis sancti Salustiani, Silvianiani. In Cæsariâ, Dorostoli, Martiæ, Mutianæ, Helianæ, Luciani, Zotici. In Africâ, Januariæ, Donatæ, Spelinæ, Julii. In Nicomediâ, Eustili Episcopi. *In Galliâ, civitate Sueffionis, depositio sancti Medardi Episcopi & Confessoris. Rotomago civitate, depositio sancti Geldardi Episcopi & Confessoris.*

V. IDUS JUN. In Alexandria, Maximè Presbyteri, Diomedis, Amantii, Muciani, Alexandri, Januari. Romæ Militum tredecim, In Galliâ, Pompeiaco, passio S. Vincentii Martyris. Nomentanâ civitate, passio Sanctorum Primi, & Feliciani Martyrum.

IV. IDUS JUN. Romæ, natalis Basilidis, Auris, Rogati, Januarii, Cassiani, Victuri, Martini, & aliorum. In Hispaniis Crispoli. In Nicomediâ, natalis sancti Zachariæ Martyris. *Antissiodoro, depositio Censuri Episcopi.*

III. IDUS JUN. Romæ natalis sanctæ Basilæ, & Sanctorum Crispoli, Restituli. Et alibi, Translatio corporis Fortunati Episcopi. In Aquileiâ Emeritæ, Acreti, Victoriani, Victoris.

PRIDIE IDUS JUN. Romæ, natalis Aurili,

Luci, militum quinque, Cirini, Naboris, & Nazarii, Tripoli, Tripoli, Macidaletis, Zaboni, Aurili, Donatellæ, Secundæ.

Idus JUN. In Africâ, Luciani, Fortunati, Crescentiani, & Teclæ Virginis. In Persidâ, natalis sancti Bartholomæi Apostoli. Romæ miliario septimo, Felici, Januarii, Silvani.

XVIII. KAL. JULIAS. In Papiâ civitate, natalis sancti Antigoni, Afri. In Africâ, Quintiani, Theodoli, Festivæ, Cancianillæ, & Canciani. In Aquileiâ, natalis S. Proti, Jacincti. Sueffionis civitate, passio Sanctorum Rufini & Valeri Martyrum. *In civitate Aurelianis, Translatio corporis sancti Aniani Episcopi.*

XVII. KAL. JUL. In Dorostoro, natalis sancti Yfici, Felicis, Lupi. In Aquileiâ, Cantiani, Proti, Clementis. In Constantinopoli, natalis Sanctorum Nuci, Migetiæ, Mingini. In civitate Barbariâ, Gaiani, Joviani, Philippi. In Lucaniâ, Viti, Candidi, Cantiani, Cantianillæ, Proti, Grisoni, Arteon, Quintiani, Theodoli, Jocundi, Silvii. In Lucaniâ, natalis Sanctorum Viti, Modesti, Crescentiæ.

XVI. KAL. JUL. In Africâ, natalis Sanctorum Diogenis, Micæ, Valeriæ, Martiæ. In Siciliâ civitate, Saturnini, Cendei. In Antiochiâ, Cyrici, Julitæ matris ejus, & cum eis quadringentorum Martyrum. *In civitate Namnetis, natalis S. Similiani.*

XV. KAL. JUL. Romæ, Quiriaci, Blasti, Nicandri, Enedorostoli, Isici, Aquilæ, Canti, Cantiani, Cantianellæ, Proti. Alexandria, Dioscori & Marini Martyrum. Romæ, . . . ogeni, Aquileiâ, Cyriæ, Muscæ, Valeriani, Mariæ. *In Aurelianis civitate, Aviti Presbyteri.*

XIV. KAL. JUL. In Africâ, Martiæ, Emeli, Felicis. Romæ, Marci, Marcelliani, . . . . . Pauli. Cyriaci. Ravennâ, natalis sanctorum Martheri, Felicis, Emeli, Crispini. In Alexandriâ, natalis sanctæ Marinæ, Theoni.

XIII. KAL. JUL. In Mediolano civitate, natalis Sanctorum Nazarii, Gervasii, Protasi, & Celsi pueri, Martyrum. Romæ Hippolyti, Honorii, Evodi, Petri, Valeriæ, Marcelli, Vitalis, Ursicini.

XII. KAL. JUL. In Tomis civitate, Pauli, Cyriaci, Paulæ, Feliciani, Thomæ, Felicis, Emeli, Vitalis, Crispini, Martyriæ.

XI. KAL. JUL. Saturnini, Quiriaci, Apollinaris, Bellici, . . . Crispi, Primi, Januariæ. In Siciliâ, Rufini, & Martiæ. In Cæsariâ Cappadociæ, depositio sancti Eusebii Episcopi, Hipericli, Saturninæ, Stutiæ, Ineræ.

X. KAL. JUL. In Antiochiâ, Sanctorum Gandali, Juliani, Grapi, & Sanctorum Martyrum nongentorum tredecim; quorum nomina habentur in libro vitæ. In Persidâ, natalis sancti Jacobi Alfæi Apostoli. In Alexandriâ, natalis sancti Rufi Martyris. In Britannia, Albani Martyris, cum aliis nongentis septuaginta & octo. *In Nolâ civitate, natalis sancti Paulini Episcopi, & Confessoris. Et alibi, depositio sanctæ memoriæ Niceti Episcopi.*

IX. KAL. JUL. In Nicomediâ, Aviti, Cinzami, Lectoris, Aritionis, Amirati, Alici, Capitonis, & aliorum . . . . . xxviii.

VIII. KAL. JUL. In Provinciâ Palæstinâ, natalis sancti Joannis Baptistæ & Prophetæ. In Epheso, sancti Joannis Apostoli Evangelistæ. Romæ, Festi, Luceiæ cum aliis viginti duobus, *Augustiduno, depositio sancti Simplicii Episcopi.*

VII. KAL. JUL. Theſſalonicâ, Lanitani, Theſſaulonicæ, Bigati, germanorum, Luceiæ Virginis, & Auceiæ Regis. Eodem die, natalis Vigilii Martyris & sociorum ejus.

VI. KAL. JUL. Romæ, Joannis, & Pauli. In

Africâ, Gaudentii, Felicis, Agapiti, Emeritæ. In Alexandriâ, Agathonis, . . . iceiæ Virginis & Diogenis.

V. KAL. JUL. Romæ, miliario nono, Crispi, Crispiniani, Felicis, Spinellæ, & septem germanorum. In Hispaniâ, Crescentis, Juliani, . . . inesi, Primitivi, Justini, Tacethei, Eugenii, Novatiani, Clementis, Marcellini, Zebdini, Felicis, Hinusti, Zoëni, Marcelli, Italicæ, Lelii, Capitonis, . . . ini, Tuechii, Silvani. Eodem die, natalis Sanctorum Martyrum Justi, & Clementis atque Octaviani Pontificis. *Ambianis, Inventio sanctorum corporum Fusciani, Victorici, atque Gentiani Martyrum. Oïâ insulâ, Translatio corporis S. Florentii.*

IV. KAL. JUL. In Africâ, Sabiani, Feliciis, Elaphi, Venusti, Eunuchi, Crescenti, Alexandri, Theoni, Arionis, Ploënis; Astefri, Apolloni, Amphimonii, Philofisi, Melvii, Dionysii, . . . nnus, Pannus, Plebicus, Dioscori, Tribani, Capitulini, Nicæ, Gurdini. In Alexandriâ, Sanctorum Sereni, Theodori, Pastusi, Titiri, Donisiani, Passimi, Plefici, . . . astæ, Ambeniari, Dioscori, Orion, Treban, Capitulini, Orion, Seneri, Plutarci, Herenei Episcopi, Heracli, Heroti, Potamini, Marcelli, Basilidi, Leonidi, Pamboni, Oriofi, Panuberi, Tilinæ, Nonnice, Sinidi, Memmii, Juli. Lugduno Galliæ, Herenei Episcopi, cum aliis sex, Leonidis, Plutarci, Sereni, Potaminæ, Marcelli. *Romæ, Leonis Papæ.*

III. KAL. JUL. Romæ, natalis Sanctorum Petri, & Pauli Apostolorum, & aliorum nongentorum octoginta & septem Martyrum. Et Dedicatio baptismi antequam.

PRIDIE KAL. JUL. Romæ, natalis Sanctorum Timothei, Italiæ, Gelati, Zoili, Italicæ, Curfici Presbyteri, Leonis Subdiaconi. In Agrippinâ, Aclivi, Pamphilii. Lemovicas, depositio sancti Martialis Episcopi.

## M E N S I S J U L I U S

HABET DIES XXXI.

KAL. LITANIA INDICITUR. In Nicomediâ, Zoëli Martyris. Romæ, Gaii Papæ, & natalis Sanctorum Luceiæ Virginis, & Auceiæ Regi. cum aliis octo. In eadem urbe Esici, Processi, Marinæ, Antoni, Sereni, Victoris. In Mesopotamiâ, Zoëli cum aliis sex: Orion cum aliis octo. Et aliorum ducentorum sexaginta octo. In Antiochiâ, Severiani, Zoëli, Epafi. In monte Or, depositio Aaron Pontificis. Et depositio Primi, Idoni cum aliis. Augustiduno, depositio beati Leontii Episcopi. In Persidâ, passio Sanctorum Apostolorum Simonis Cananæ, & Judæ Zelotis. *Egolismâ civitate, depositio beati Eparci Episcopi. Cinomannico Anisulâ in onasterio, depositio S. P. Karilefi Presbyteri, & Confessoris.*

VI. NONAS JULIAS. Romæ, Damali, & militum duorum, Processi, Martiniani, Calisti. Et natale Eutici. Et depositio Meltiadis Papæ, Hiaci, Amidæ, Amigradinæ, Arixi, Jocundianillæ. Turonis civitate, sanctæ Monegundæ.

V. NON. JUL. In Edessâ Mesopotamiæ, natalis & translatio corporis S. Thomæ Apostoli, qui passus est in Indiâ. In Alexandrinâ, Triphonis, Menelai, Cirionis, Cyrilli, . . . forferis, Aprici, Juli. Christi, Juliani, Heracli, Eologi, Emerionis, Cyronis, Horrestis. In Tarso, Severi, Helionis, Stracei, Montani, Adriani, . . . fici, Germani, Partheni, Pauli. Constantinopoli, Eufemiæ, Acaci, Ammonis, Thomæ, Tripon, Menelai, Cerialis, Baraclæ, Eologi, B ii j



Cionæ, Juliani, Demetri, Horestis, Heliodori, Strategi, Aminidi, Jocundi, Martyri, Ammi, Sustrati, Timothei, Chionii, Cyriani.

IV. NON. JUL. In Africâ, Jocundiani in altum missi, & Martyris. In Syrmia, Sabatiæ, Innocentii cum aliis xcx. In Gallia, Turonis, *Ordinatio Episcopatus, & translatio corporis sancti Martini Episcopi, & Confessoris; & dedicatio basilicæ ipsius. Beturino, natalis sancti Lauriani Episcopi, & Confessoris.*

III. NON. JUL. In Sicilia, Agathonii, Triphonis, Justi. Et in Tomis, Stratonis, Theodoti, Meronæ, Rodesiæ, Secundi, Thomi, Magrini. Item Theodoti. In Alexandria, natalis sancti Arpotis Confessoris.

PRIDIE NON. JUL. In Alexandria, Artoti, Zeti, Pallati, Philippi, Severi, Juliani. In Syriâ, Naveduno, Zotici, Amandi, Artetis. Augustiduno, depositio Legontii Episcopi & Confessoris. *Depositio sancti Goaris Presbyteri, & Confessoris.* Et Octavæ Apostolorum Petri & Pauli.

NON. JUL. In Alexandria, Parthenii, Eraclei, Eudomoni, Helei, Apolloniæ, Novi, Publici cum aliis decem & novem. Et alibi Parthemii, Animasi, Pyvidui cum aliis septem. Et Alibi, Alexandri, Parthemii.

VIII. IDUS JUL. In Nicæâ, Sustrati, Speri, Eracli. In Syrmia, Sanctorum Perenti, Cæcyræ. In Cæsariâ Cappadociæ, Procoli, Quarti, Felicis. In Sicilia, Prancati. In Taurominio, Seperi, Corneliani cum aliis sexaginta. In Nicæâ, Pladi, Emmi, Senatoris, Alphi, Severi, Honorati, Eucoli, Elenti, Straton, Arthemii, Eudomoni, Helix, Novasi, Apolivi cum aliis octodecim. In Heracleâ, Joannis, Apri, Anteoloci, Gliteri, Perenti, Stratonis. Et alibi, Agrestii, & rimoli.

VII. IDUS JUL. Mediolano, Mochi. In Tomis, Sanctorum Zenoni, Minæ, Vitalis, Rufinæ, Evangelii, Urifi, Agnetis, Cyrilli Episcopi igni traditi. In Sicilia, Feliciani. Romæ, natalis Virginum Florianæ, Faustinae, Anatholiz, & Fraternalis Episcopi.

VI. IDUS JUL. Romæ, Priscillæ, & natalis Sanctorum septem germanorum, id est, Felicis, Philippi, Vitalis, Martialis, Alexandri, Silani, Januarii; & militum quatuor. Rufinæ, Secundæ, Lucini. In Sabinis, Anatholiz, Victoriz. In civitate Tomis, Martiani, Domni, Tromedi, Joannis, Sefini, Aurilianidis, Emiliani, & aliorum triginta sex. In Alexandria, Leontii, Mauricii, Melliti, Achillei, Daneli, Corioni, Attoni, Zefoni, Eustasi, Octavi, Aniceti, Theodori, Christi, Candidi, Gorgonii, Arcelai, Cyrini, Eofrodifi, Gelani, Autici, Azeli, Attenei, Gagi, Sitionæ, Auxenti, Valentini, Droditi, Faustasi, Aureli, Gorgodiani, Cyron, Coroli, Nostini, Sifinnæ, Castri, Apolloni. In Antiochiâ, Maximi, Rodogi, Vironici, Domninae, Maximæ, Diogenis, Machari, Timothei, Zorchei, Ilci, Moënis. In Africâ, Sanctorum Januarii, Marinæ, Naboris, & Felicis. Et alibi, militum duodecim. In Armeniâ, civitate Nicopoli, Milionis, Diomedis, Antonii, Anitici, Theodoli, Cessi, Gaiani, Clerici, Sifinnæ, Nigdoni, Theodoti, Cyrilli.

V. IDUS JUL. In Africâ, Mariani, & Januarii, Juliani. In Armeniâ, civitate Nicopoli, Januarii, Pelagie. Romæ, Sanctorum Stephani, Leontii, Mauricii, Domni, Miltonis, Achillei, Danilæ, Diomedis, Cyrici, Antoni, Jason, Joannis, Eustasi, Octavi, Emiliani, Sifinni, Anici, Theodoli, Cessi, Candidiani. Item Archelai, Gurgonii, Cyrini, Afrodifi, Gaiani, Clerici, Antoni, Gagi, Au-

xenti, Valentini, Flavii, Nicaoni, Theodoti, Faustasi, Aureli, Gordiani, Cyroni, Cyrilli, Castri, Sancti, Eutichii, Majuli, Silvii. In Syrmia, sancti Martiani. Antiochiâ, Prodixæ, Veronicæ, Speciosæ. In Mauritaniâ, Martiani. In Alexandria, Eutici. *Et beata memoria Benedicti Abbatis.*

IV. IDUS JUL. In Aquileiâ Fortunati, Armageri. In Sicilia, natalis Naboris, Felicis, Eustasi, Antonii. Mediolano, Naboris, Felicis, Primitivi, Julii. In Cæsariâ, sancti Divi, Corninfi. *Lugduno Gallia, depositio Viventioli Episcopi.*

III. IDUS JUL. In Alexandria, Serapionis, Tropimeii, Melei, Evangelii, & Propoli, Attali, Gelonis, Menei Presbyteri, Tropimæ Virginis, Macrobii.

PRIDIE IDUS JUL. In Africâ, Donati. In Alexandria, Anthioti, Marii. Dagionæ, Menesidei, Namoris, Petrigumni. Et alibi sancti Foci Episcopi, & Confessoris. Lugduno Gallia, natalis S. Justi Episcopi & Confessoris. Amici Episcopi & Confessoris.

IDUS JUL. In Alexandria, natalis Sanctorum Philippi, Zenonis, Nasei, & decem infantum. In Syrmia, natalis Sanctorum Agrippini, Secundi, Maximi, Fortunati, Martialis: Jacobi Episcopi Nisibini, qui in corpore multa passus est, & multa signa fecit; & arcam Noe solus vidit in monte; nullus alius vidit, qui cum eo erant, nec permillum est videre. In portu Romano, hoc est, in Hisclâ, natalis Sanctorum Eutropii, Zosimi, & Bonosæ fororis ejus. In Africâ, civitate Carthagine, natalis Sanctorum, Catholini Diaconi, & reliquorum Martyrum, qui requiescunt in Basilicâ sanctæ Faustæ: Januariæ, Florentii, Pullutanæ, Juliz simul & Julitæ. *Corbeiâ Monasterio, exceptio Reliquiarum sancti Dionysii, & sociorum ejus.*

XVII. KAL. AUG. In civitate Ostiâ, natalis S. Hilarini. Mediolano, natalis sancti Macharii. In Antiochiâ, natalis Sanctorum Theodosæ, Eustasi, Dionysii, Theodoti, Maximi. In Cæsariâ, natalis sanctorum Pauli, & S. Mammetis, Floridæ. Et alibi, natalis Sanctorum Valentini, Theoni, Diocletis.

XVI. KAL. AUG. In Africâ, natalis Sanctorum Aquilini, Speratæ, Chindini, Bituri, Azardi, Menelampi, Zosimi. Mediolano, natalis sancti Marcelli, Justinii, Nonni. Carthagine, natalis Sanctorum Generosæ, Januariæ, & Scillitanorum. Et alibi, natalis sanctæ Mammæ. In Asia, Nazarii, Veturii, Januarii, Secundæ, Donatæ, Bessæ, Maximi, Pauli, Aquilini, Felicitatis, Cutatæ, Titianæ, Bessæ, Syrianæ, Entati, Justinii. *Antisiodero, depositio Beati Theodosii Episcopi.*

XV. KAL. AUG. Romæ, viâ Tiburtinâ, milliarium nono, natalis S. Symphorosæ matris septem germanorum, quæ cum ipsis est passa; quorum nomina hæc sunt, Petrus, Marcellianus, Januarius, Dionysius, Simphronius, Clemens, Germanus: Hirenei, Magni. In Dorostoro, natalis Sanctorum Emiliani, Bassi, Maximi, Pauli, Secundæ, Donatæ, Marini, Justi. In Africâ, natalis Sanctorum Aquilini, Sperati, Civini, Felicis, Crescentiani, Lactati, Nazarii, Vetusæ, Generosæ. Item, Januarii, Titiani, Hestæ, & Ealvei Episcopi, Jocundi.

XIV. KAL. AUG. In Alexandria, natalis sanctæ Sifinnæ. In Antiochiâ, Sanctorum Macharii, Lampadii, Luciani, Philippi, Petri, Torquati, Tinnini, Joci. Constantinopoli, natalis sanctæ Dariae. In Hispaniis, natalis sanctæ Justæ. Lugduno Gallia, natalis sancti Rustici Presbyteri & Confessoris.

XIII. KAL. AUG. In Africâ, natalis Sanctorum Sabini, Luciani, Petri, Amabilis, Nonnæ, Savoi, Agrippiani, Medatuli, Respectati cum aliis viginti tribus. In Thebaidâ, natalis Sancti Victoris, Silvani. In Damasco, natalis Sanctorum Sabini, . . . Maximi, Juliani, Magrobii, Cassi, Pauli cum aliis decem. In Corintho, natalis Sanctorum Cyriaci, Donati, tertii, Appiæ, Felicis, Neratæ, Fructi, Celsi, Theodoli, Calori, Parthemii, Spectati, Victoris, Maximi, Pastori, Nestitæ, Pauli, Romani, Valeriani, Emili, Cassi, Magni. Romæ, Passeræ, Macrinæ, Nestitæ, Saturi, Amirini, Emili. Et alibi, Secundi. *Corbeia Monasterio, dedicatio Basilicæ beati Stephani Protomartyris.*

XII. KAL. AUG. In Africâ, Sanctorum Victoris, Stercorii, Emiliani, Hugali, Suphi, Montani. In civitate Cesenâ, natalis Sanctorum Adriani, Heli, Victoris, Patrocli, Cæsarianæ, Adrianitis, Dimeli, Felicis, Auribi, Typogratis, Fausti, Theodoti, Juliani. In Galliâ, Massiliâ civitate, natalis Sanctorum Victoris, Alexandri, Deoteri, Feliciani, & Longini. Et natalis sanctæ Praxedis Virginis.

XI. AUG. Natalis Sanctorum Cyrilli, Andreæ, Tebelli, Auri, . . . Sylvani, Donati. Et in Ancyrâ Galatiæ, natalis sancti Platonis, & Militanorum i Andreæ, Eliani, Aiobosi. *Depositio Vvandre-gisli Albatis & Confessoris.*

X. KAL. AUG. Romæ, viâ Tiburtinâ, milliario nono decimo, Natalis sancti Vincentii Martyris. Ravennâ, natalis Sancti Apollinaris. In Laodiciâ Phrygiæ, natalis Sanctorum Minisei, Tifici. Viâ Acculâ, natalis sanctæ Privatæ, Alexandrini.

IX. KAL. AUG. In Amiterninâ civitate milliario octogesimo tertio ab urbe Roma, viâ Salariâ, natalis sancti Victorini Martyris. In Armenia civitate, natalis Sanctorum Sabbatiæ, Theozoni, Victoris, Militaris, Emeritæ cum fratribus duobus, Statiani, Capitonis, Silvani, Stercati, Athenoginæ, Caritonis. In Tyro civitate, natalis sanctæ Christinæ Virginis.

VIII. KAL. AUG. Natalis S. Jacobi Apostoli. In portu urbis Romæ, natalis S. Aconti, Nonni, Jacobi, Agathonis, Donativi, Suavii. Et alibi, natalis Stercorii, Clementis, Juliani, Cariathonis, Emeriti, Stercei, Suticiani. In Siciliâ, civitate Samon, Christofori, Martyris. In Hispaniâ, Barcellonâ civitate, passio sancti Cucufatis Martyris.

VII. KAL. AUG. In Laodiciâ Frigiæ, natalis Sanctorum Joviani, Juliani, Emili, Felicis, Martiani, Maximæ, Saturninæ, Gloriosæ, Emili. Et natalis Sanctorum Mutianæ, Laudaie.

VI. KAL. AUG. In Nolâ civitate, natalis sancti Felicis de ordinatione Episcopatus. In Nicomedia, natalis Sanctorum Julæ, Jocundæ, Januariæ. In Sicilia, natalis sancti Simonis. *In Antisiodero civitate, depositio sancti Etherii Episcopi & Confessoris.*

V. KAL. AUG. In Laodicia civitate Frigiæ, natalis Sanctorum Theophili, Auxentii, Prudentii, Philippi, Alexandri, Zotici, Bissæ, Secundæ, Machari. Et alibi, natale sanctorum Septimiæ, Augustæ Virginis, Celsæ, Nazarii. In Nicomedia, natalis Sanctorum Julæ, Secundæ, Januariæ. Et natalis Pantaleonis & Sanfonis Episcopi, Silvani. Mediolano, natalis Sanctorum Gervasii, Protalii, Nazarii & Celsi pueri. *Corbeia Monasterio, dedicatio Basilicæ sancti Petri Apostoli.*

IV. KAL. AUG. Romæ, viâ Portuensi, natalis

Sanctorum Abscondi, Rufi, Abdi, Pontiani, Niceti. Viâ Portuensi inibi, ejusdem milliario septimo, natalis Sanctorum Simplicii, Faustini, Beatricis, Magni, Donatæ. In Africâ, natalis Felicis, Niticæ, Postinianæ, Philippi. Et alibi, natalis Sanctorum Anastasiæ, Philippi, Saturnini, Calesti, Patruinæ, Pelagiæ, Jocundini. *Aurelianis civitate, depositio beati Prosperi Episcopi. Trecae civitate, depositio sancti Lupi Episcopi & Confessoris.*

III. KAL. AUG. In cœmeterio Pontiani ad ursum pilatum, natalis Sanctorum Abdon & Sennis. In Africâ, natalis Sanctorum Maximæ, Secundæ, Donatellæ, Rufi, Prisci, Paternicæ, Septimiæ, Optionis, Amoni, Justi, Julæ, Poatamiæ, Abdis, Acenci. Item, Maximæ, Hospis, Donatullæ, Silvani, Magnili. *Antisiodero civitate, depositio beati Ursi Episcopi.*

PRIDIE KAL. AUG. In Africâ, civitate Cinnada, natalis Sanctorum Democriti, Secundi, Dionylii, Tyrli. *Antisiodero, sancti Germani Episcopi & Confessoris; Annachori Episcopi, natalitium, ordinatio senioris: & translatio multorum Sanctorum Martyrum.*

## MENSIS AUGUSTUS

## HABET DIES XXXI.

KAL. AUG. LITANIA INDICENDA. In Antiochiâ, passio Sanctorum Machabæorum septem fratrum cum matre suâ, qui passi sunt sub Antiocho Rege. Romæ dedicatio primæ Ecclesiæ, & à beato Petro Apostolo constructæ, & consecratæ. In Arabiâ, civitate Philadelphiâ, Synodus Martyrum celebratur: & natalis Sanctorum Cyrilli, Aquilæ, Petri, Domitiani, Rufi, Minandri unâ die coronatorum. Romæ, milliario trigesimo ab urbe, natalis Sanctorum Secundinis, Donatullæ, Secundulæ, Maximæ, Justæ, Menandri, . . . funi, Silvani, Donati. In Italiâ, Vercellis civitate, depositio sancti Eusebii Episcopi, & Confessoris. In Hispaniis, Gerundâ civitate, natalis sancti Felicis Martyris. In Galliâ, civitate Bituricas, Beati Arceladi Episcopi. In territorio Parisiensi, in ipso loco qui dicitur Lupera, passio sancti Justinii Martyris.

IV. NON. AUG. Romæ in cœmeterio Calisti, sancti Stephani Martyris. In Antiochiâ, natalis reliquiarum Stephani Protomartyris & Diaconi; qui Hierosolymis est translatus ex revelatione Luciani Presbyteri. In Cæsariâ Mauritanæ, Theodotæ & septem filiorum ejus. Et in Italiâ, civitate Romana, natalis Sanctorum Felicis & sancti Niceti. Nicomediâ, natalis Martyrum numero septem cum sociis eorum.

III. NON. AUG. Sancti Metrophili Episcopi, & Hermeli Martyris. In Constantinopoli, natalis sancti Achillei, Justi. Et natalis sanctæ, . . . ddenis Martyris. Romæ, natalis Sanctorum Drogenis & Stephani. Hierosolymis, inventio corporis beatissimi primi Martyris, & Sanctorum Gamalielis, Nicodemi, & Abibonis. *In Augustiduno, depositio Enfronii Episcopi & Confessoris.*

PRIDIE NON. AUGUSTI. Romæ viâ Tiburtinâ, in cœmeterio, natalis sanctorum Martyrum Crescentianæ, & Justæ. Et natalis sancti Secincti. In Nicomediâ, natalis Sanctorum Segæ, & Bartholomæi Martyris. *Lugduno Galliæ, adventus corporis sancti Justi de cremo.*

NONIS AUG. Natalis Sanctorum Herenti, Heracli, Dassi, sive Bassi. Axiopoli, Hereni, Herocli, Dassi. Romæ, dedicatio Ecclesiæ sanctæ MARIE. In civitate Augustâ, passio sanctæ Afræ. Augustiduno, natalis S. Cassiani Episcopi. Catalaunis civitate, natalis sancti Memmi Episcopi, & Confessoris. Et alibi, natalis Sanctorum Floriani, & Filistinæ Martyrum.

VIII. IDUS AUG. Romæ, in cœmeterio Calesti, viâ Appiâ, natalis Sixti Episcopi, & Felicissimi, Agapiti, Donatiani, Fausti, Prætextati, Laurentii, Hippolyti, & militum centum sexaginta duorum. Et passio sanctæ Afræ.

VII. IDUS AUG. In Antiochiâ, natalis Sanctorum Symphronii, Veneriæ, & aliorum septem germanorum. In Tusciâ, civitate Areciâ, natalis sancti Donati Episcopi & Confessoris. Mediolano, natalis S. Faustini Martyris. Romæ, passio Martyrum numero viginti quinque. In Provinciâ Retiâ, civitate Augustâ natalis Sanctorum Afri, & Veneriæ.

VI. IDUS AUG. Romæ, natalis Sanctorum Secundini, Severiani, Carpori, Victorini, & Albini. Et in viâ Salaria, Ostensi, Crescentiani, Largi, Memmiæ, Julianæ, Cyriacis, & Smaragdi, Secundini, Albini, Victuriani, Faustini, Donatæ, Felicis, Silvani. In Nicomediâ, natalis Sanctorum Nazari, Julianæ, Agapæ Virginum, Euticiani, Corintonis, Diomedis, Metrodoræ Virginis, Justæ. Philadelphiz, natalis S. Leonidis, Agapiti.

V. IDUS AUG. In Oriente, natalis Sanctorum Firmi, Rustici, Primi, Crescentiani, Largi, Tyberiani, Amii, Tiberiani, Theodoti, Nemediani, Laudaci, Juliani, Polycarpi, Primi, Xysti, Agatopi, & aliorum numero undecim, Felicissimi, Carpori, Zemaragdi cum aliis decem & novem. In Alexandriâ, natalis Sanctorum Antonini, & Onion, Tiburtini, Valeriani, Dionysii, Felicis, Euticiani, Gagi, Melciadis, Stephani, Urbani, Luci, Mamon, Sactiri, Nimidi, Ladici, Juliani, Polycarpi, Magni, Silvani. Romæ in cœmeterio, depositio Dionysii Episcopi. Et in Coloniâ, natalis Sanctorum Viriani, Marcellini, Secundini, Xysti. Urbe Lemovicæ, S. Martini Brivatenfis.

IV. IDUS AUG. Romæ, viâ Tiburtinâ, natalis sancti Laurentii Archidiaconi, & Martyris. In viâ Appiâ, Felicissimi. Et alibi Crescentiani, Nerei, Jacenti, Januarii, Exuperati, Cyrilli, Quinti, Germani, Gemini, Quiriaci, Eugenii. Item Eugenii, Pastori, Lucellæ, Pontiani, Crispinæ, Innocentiæ, Terentiæ, Eleucippi, Sideri, Agapæ, Cristi, Euticiæ, Cyriacæ. Item, Eleucippi cum aliis sex Innocentibus, qui unâ die coronati sunt. Sevi, Crescentiæ cum aliis triginta quorum nomina habentur in libro vitæ. In Epheso, natalis septem dormientium.

III. IDUS AUG. Natalis S. Tiburtii, & natalis sanctæ Susannæ. In Nicopoli, passio multorum Martyrum, quorum nomina Deus scit: & passio S. Cassiani. Ebrocas, natalis S. Taurini Episcopi & Confessoris. *Cameraco civitate in Galliâ, natalis S. Gauderici Episcopi & Confessoris.*

II. IDUS AUG. In Sicilia, civitate Cathenas, natalis Sanctorum Eupli, Vereciæ, Veneriæ. Et in Syriâ, vico Gamarato, sanctorum Macharii, Juliani. Romæ, natalis Sanctorum Chrysanthi & Dariae, & qui cum eis passi sunt; Claudii, Elariæ, Iasonis, Mauri, & militum octoginta sex. Et in Istriâ, na-

talit S. Juliani cum sociis suis.

IDUS AUG. Romæ, natalis Sanctorum Hippolyti Martyris, Pontiani Episcopi, Corneli, Cassiani, Calesti cum sociis eorum. Synnada Phrygiæ, natalis S. Antonii Episcopi. Lugduno Galliæ, natalis sancti Anoci Episcopi. *Pictavis, depositio sanctæ Rade-gunda Regina: Ebrocas civitate, natalis sancti Landulphi Episcopi & Confessoris.*

XIX. KAL. SEPT. Gendarâ Syriæ, natalis S. Fortunati Martyris. In Africâ, natalis S. Demetrii. Et alibi Eutici, Pauli, Heracli, Possessori, Parmi, Dissei, Hermæ, Prospolmi, Prosalami, Bermiæ, Heracli cum tribus. In Aquileia, natalis Sanctorum Felicis, Fortunatæ, Vincentiæ, Vindirafiri<sup>1</sup>, natalis Sanctorum Eusebii, Tituli, Conditoris, Prospolami, Casti, Candidi.

XVIII. KAL. SEPT. In Nicomediâ, natalis Sanctorum Stratonis, Philippi, & Euticiani; & *Assumptio sanctæ Mariæ matris Domini nostri.*

XVII. KAL. SEPT. In Alexandriâ, natalis Sanctorum Orionis, Emeli, Anati, Iustini, Luci. In Persidâ, natalis S. Tyrri cum sociis suis.

XVI. KAL. SEPT. In Cæsariâ Cappadociæ, natalis S. Mammetis Monachi. In Nicomediâ Bithyniæ, natalis sanctæ Euphemie Virginis, Macharii. In Alexandriâ, natalis S. Orionis. Item Mammetis, Emeldisci, Mammitæ cum sociis suis, Juliani.

XV. KAL. SEPT. Prænestinâ civitate, milliario ab urbe trigesimo tertio, natalis sancti Agapiti. Et in Ponto Ameciâ<sup>m</sup> civitate, natalis Sanctorum Pontimi, Philantiæ, Helianæ Virginis, Martianæ Virginis, & Lancianæ. In Africâ, natalis Sanctorum Massæ, Candidæ, Dissei, Amaciæ, Potomi, Martyrii, Agapiti, Eziaci cum sociis suis.

XIV. KAL. SEPT. Ponto in Amaciâ civitate, natalis Sanctorum Filionis, Rufini, Leonti, Theodoli, Cyrilli, Zelasi, Timothei, Gaddæ, Romoli, Silvii. In Alexandriâ, natalis S. Orionis cum sociis. Et in Hierosolymâ, apparitio sanctæ Crucis. In Bitorivo, vico Vellauno, depositio sancti Mariani Confessoris. Et natalis sancti Magni Martyris.

XIII. KAL. SEPT. In Lucaniâ, natalis Sanctorum Valentiani, Leontii. In Alexandriâ, natalis sancti Dioscori. In Synnadâ civitate, Sanctorum Pistiarci, Diomadis, Agativi, Zeli, Pamphili, Coloni Confessoris. In Turonico, Cainone castro, depositio sancti Maximi Confessoris. *Et depositio sancti Filiberti.*

XII. KAL. SEPT. In Hispaniis, natalis Sanctorum Julii, & Juliani, Vincentii, Auguri, Eulodi. In portu Romano, natalis sancti Hippolyti Martyris. In Sardinia, natalis sancti Luxurii, Trajani, Quadrati Episcopi, Primi. In Alexandriâ, natalis Sanctorum Pilti, Sevi. Item, Quadrati. Sindofagiæ, natalis Sanctorum Arthosii, Diomedis, Zotici, Azatangeli, Moysei. In Lucanâ Provinciâ, natalis Sanctorum Valentini, Leontii. In Caballitano, vico Mimmati, passio sancti Privati Martyris.

XI. KAL. SEPT. Romæ, viâ Ostense, in cœmeterio ejusdem, natalis sancti Timothei discipuli Pauli Apostoli. Et in portu Romano, Peregrinorum Martyrum, & natalis Sanctorum Martialis, Aureli, Epicteti, Saturnini, Aprilis, & Felicis cum sociis eorum, Iusti & Julii. In Ponto, Neocæsariâ, natalis Sanctorum Nectavi, Sevi. In Antiochiâ, natalis sancti Marini. Augustiduno civitate, natalis Sanctorum Minervi, & Emiliani cum filiis octo, &

<sup>1</sup> *Vindirafiri*] An ullus est sanctus ejus nominis? Ita quidem arbitratus est Acherius, qui Vindirafirum in Hieronymiano Indice memoravit; nos verò longè aliter existimamus; nam cum statim sequatur, *Natalis*, &c. percipimus ab imperito quodam librario Vindirafirum effectum

esse ex urbe quadam Syriæ quæ hîc Vindira, suprà Gendarâ appellatur.

<sup>m</sup> *Ameciâ*] Dicere voluit *Amisînâ*, cum hîc, tùm etiam die sequenti.

sancti Symphoriani Martyris.

X. KAL. SEPT. In Aquileiâ, natalis Sanctorum Fortunati, Hermogenis, Xysti, Martialis, Hermogenerati, Iusti, Gerati. Romæ, natalis Sanctorum Abundantii, Innocentii, Mirerendini, Magnili. In portu Urbis Romæ, natalis sancti Hippolyti, qui dicitur Nunnus, cum sociis suis. In Oltiâ, natalis Sanctorum Quiriaci, Archelai. In Provinciâ Ciliciæ, natalis sanctorum Agiæ, Claudii, Asterii, Neonis, Domnini cum sociis eorum. Lugduno Galliæ, natalis Sanctorum Minervii, Eleazari cum filiis octo Martyribus. Remis civitate, natalis Sanctorum Timothei, & Apollinaris. Augustiduno, depositio Flaviani Episcopi. Arvernus, natalis sancti Sidonii cum sociis suis. *Augustiduno, depositio Flaviani Episcopi.*

IX. KAL. SEPT. In Antiochiâ, natalis Sanctorum Zenobii, Capitolini, Emeriti, Italici, Iuviani, Iulii. In Indiâ, natalis sancti Bartholomæi Apostoli. Romæ, natalis sancti Genesii Martyris. Neverno civitate, depositio Patricii Abbatis. *In Rothomago civitate, depositio sancti Audoeni Episcopi & Confessoris. In territorio ejusdem, vico Luperciaco, depositio sancti Gylardi Presbyteri & Confessoris. Et in territorio ipsius civitatis, depositio sancti Eptati Presbyteri & Confessoris.*

VIII. KAL. SEPT. In Provinciâ Syriæ, natalis sancti Juliani. In Capuâ civitate Campaniæ, natalis Sanctorum Rufini, Euthici cum sociis eorum. Arelato, natalis Sanctorum Genesii Martyris, Iulii, Hermetis, Joviani. In Hispaniâ, natalis Sanctorum Martyrum Iusti, & Pastoris germanorum.

VII. KAL. SEPT. Civitate Salonâ, natalis sancti Anastasii Martyris, . . . . . hâ civitate Sanctorum Theocleti, Mercurii Martyrum. Romæ in cœmeterio, natalis Sanctorum Basilæ, Maximiliani, Quinti Martyrum. Viâ Prænestinâ, militum viginti quinque. Arelato civitate, natalis Sanctorum Sevi, Victoris, Primi. Item Victoris. *Antissiodero civitate, depositio sancti Euthymi & Episcopi cum sociis suis Confessoribus.*

VI. KAL. SEPT. In Antiochiâ, natalis Sanctorum Sabasti, Alexandri Abbatum, Emeriti. In Lucaniâ, Polentia civitate, natalis Sanctorum Felicis, Aronti, Sabiniani, Honorati. Et in Capuâ, natalis Sanctorum Rufi, Magni. Romæ, natalis Sanctorum Hermetis, & Basilæ, Iulii. Constantinopoli, natalis Sanctorum Olli, & Stephani Mart. In Iomis civitate, natalis Sanctorum Marcellini, Tribuni, & Mannis uxoris ejus, cum filiis ejus Joanne, & Serapione: Elerici, & Petri militis. Et alibi quadraginta Martyrum, qui de Græco in Latinum translatisunt. *Arelato civitate, depositio sancti Casarii Episcopi & Confessoris. Augustiduno, natalis sancti Syagrii Episcopi.*

V. KAL. SEPT. Romæ, viâ Salaria vetere, in cœmeterio, natalis Sanctorum Hermetis, Basiliei, Helix, Stephani Diaconi, Pollionis. In Alexandria, natalis Sanctorum Polieni, Serapionis, Justillæ. Constantinopoli, depositio sancti Alexandri Episcopi, & Viviani Episcopi. In territorio Arvernus Urbis, vico Private, natalis sancti Juliani Martyris. Santonas civitate, depositio sancti Viviani Episcopi & Confessoris. *In Africa, civitate Hippone Regio, depositio sancti Augustini & Confessoris.*

IV. KAL. SEPT. Pausatatio sancti Helisei Prophetæ, discipuli sancti Helix Prophetæ. In Syriâ, natalis sanctæ Basilidæ Virginis. In Antiochiâ Syriæ, natalis Sanctorum Niceæ, Pauli. Romæ, viâ Ostense, natalis Sanctorum Felicis, Candidæ Virginis, Foriciæ, Adaulæ, Gemellinæ cum sociis eorum. Passio sanctæ Sabinæ Martyris.

Tom. II.

III. KAL. SEPT. Romæ, natalis sanctæ Gaudentiæ Virginis cum reliquis tribus. In Provinciâ Palæstinæ, civitate Sabastiâ, passio sancti Joannis Baptistæ. Et alibi, natalis Sanctorum nongentorum Martyrum, qui eadem die passi sunt.

PRIDIE KAL. SEPT. Treveris, depositio sancti Pauli Episcopi & Confessoris: hic in exilio requievit. Ancyra Galatiæ, natalis Sanctorum Gaiani, Luciani, Rufini, Vincentii, Silvani Vitalicæ Antiquiræ, Emelini, Florentini, Justæ, Juliæ, Antinei, Maximi. Item, Vitalicæ. Et depositio sancti Elladii Episcopi, Syrgi, Florentini cum sanctis sociis eorum. *Antissiodero, depositio sancti Optati Episcopi & Confessoris.*

## MENSIS SEPTEMBER HABET DIES XXX.

KAL. SEPTEMBRIS. LITANIA INDICENDA. In Capuâ Aquaria, natalis sancti Prisci Martyris, Magnili. In Tudertanâ Tusciæ, natalis Sanctorum Terentiani Episcopi, Felicis, Donati, Silvani. In villâ Her, Donati. In Apuliâ, Syracusâ, natalis Sanctorum Evoti, Hermogenis, Calestæ, Juliani. In Africâ, civitate Tonizâ natalis Sanctorum Tusciæ, Dubitati, Valentii, Donatæ. In Cartagine, natalis Sanctorum Fortunati, Donati, Felicis. Et alibi, natalis Sanctorum Martini Episcopi, Silinini, Amavis. Cinomanis civitate, depositio sancti Victoris Episcopi. Ambianis civitate, depositio sancti Firmini Episcopi, & Confessoris. *Egidii Abbatis.*

IV. NON. SEPT. In Nicomediâ natalis Sanctorum Zenonis, Gorgonii, Monolappi, Theodotæ cum filiis suis: & Cosconi. In partibus Apamiæ, natalis Sanctorum Antonii, & Antonini Mart. In Cartagine, natalis Sanctorum Dubitati, Tusciæ, Valentini. In Siciliâ, natalis Sanctorum Eupli, Josephi, Felicis, Secunduli, Iulii. In Alexandria, natalis sancti Theodori Martyris. In Antiochiâ, natalis sancti Timothei Martyris. Lugduno Galliæ, depositio sancti Iusti, & dedicatio Basilicæ ipsius sancti. *Stabulans, sancti Remacii Episcopi & Confessoris. Corbeiâ Monasterio, dedicatio Basilicæ sancti Martini Pontificis.*

III. NON. SEPT. In Alexandria, natalis sancti Aristonippi Episcopi. Et in regione Apamiæ, Provinciâ Syriæ, natalis sancti Antonii pueri, Arestii Episcopi. In Aquileiâ ingreditur reliquiarum sanctorum Andreæ Apostoli, Lucæ, Joannis Evangelistarum. Et alibi, natalis sanctorum Euphemie, Syrici, Aritoni cum sociis eorum.

PRIDIE NON. SEPT. In Ancyra Galatiæ, natalis Sanctorum Rufini, Silvani, Marcelli Gaiani, Heli, Antonini, Eustici, Maximi, Eusebii. Item, Gaiani, Vitalicæ, Gaisson, Magni, Casti, Saturnini, Donati, Eleusi cum sociis eorum. Romæ, in cœmeterio Maximi, viâ Salaria, depositio Bonifacii Episcopi. Ad sanctam Felicitatem, natalis Sanctorum Magni, Casti, Saturnini, Firmini. In Galliâ, civitate Cabillone, natalis sancti Marcelli Martyris. Treveris, depositio sancti Paulini Episcopi.

NON. SEPT. In portu Romano, natalis Sanctorum Taurini, Heroi, Heraliani, Aristosi. Et passio Sanctorum Thothahelis, & sororis ejus nomine Bebeæ. In Capuâ Campaniæ, natalis Sanctorum Quinti, Arconti, Donati, Magni, Januarii. In Alexandria, natalis Sanctorum Memfidi, Sturninæ. Depositio Beati Ingenui cum sociis suis, quorum nomina Deus scit. In Egypto, natalis Sanctorum Taurini,

C

Nemotati, Saturnini, Arapolloni. In Galliâ, vicinitate Vesontione, natalis Sanctorum Ferreoli, & Ferucionis cum sociis eorum.

VIII. IDUS SEPT. Romæ, viâ Salaria, milliario ab urbe natalis sancti Eleutherii Episcopi. In territorio Cappadociæ, civitate Readden, natalis sancti Cottidi cum sociis suis.

VII. IDUS SEPT. Benevento civitate, natalis Sanctorum Senoti, Januarii, Fisti, Acuti, Desiderii. Et passio sancti Anastasii cum sociis suis. Arelato civitate, depositio sancti Augustalis Episcopi. Aurelianis civitate, depositio sancti Evortii Episcopi & Confessoris Augustiduno civitate, loco qui dicitur Alisia, natalis sanctæ Reginæ Martyris. *In territorio Parisiorum, vico Noviento, depositio Beati Clodoaldi Regis, postea Presbyteri & Confessoris.*

VI. IDUS SEPT. Nativitas sanctæ MARIÆ Matris Domini nostri JESU-CHRISTI secundum carnem. Et passio sancti Adriani Martyris. In Alexandria, natalis Sanctorum Ammoini, Justi, Serapionis, Pii. Item Pii, Theophili, Neoteri, & aliorum viginti duorum, Nemesi, Arioni, Ammon. Passio sancti Petri, Sabini, Demetrici cum aliis quadraginta; Didymi, Mitifori, Paneti, Achilli, Isidori, Serapionis, Migita, Orofei, Silvani, Arepionis, & aliorum septingentorum quatuor. Item Denetri, Severi cum aliis undecim. Item Severi cum aliis quadraginta. In eâ die collectio multorum Martyrum corporum. In Antiochiâ, natalis Sanctorum Timothei, Faustianiani.

V. IDUS SEPT. Romæ, viâ Lavicanâ, inter duas lauros, natalis sancti Gorgonii. Et in Sabinis, milliario ab urbe, natalis Sanctorum Hyacinthi, Alexandri, Tiburtii, Juvini, Silvani. In Cæsariâ Cappadociæ, natalis Sanctorum Donati, Eleassi, Fortunati, Ammonii. In Parthis, natalis Sanctorum Marci, Libratis, Julii.

IV. IDUS SEPT. In Cæsariâ Cappadociæ, natalis Sanctorum Eupliæ, Alexandri, Cirofici, Hiscici, Alapon, Silvani cum aliis quinque. In Alexandria, natalis Sanctorum Nemeli, Ammonis, Orionis, Herosi, & aliorum octingentorum sex; Didymi, Merefori, Panepsi, Achillei, Niceti. Item Ammonis, Orofi, Silvani, Oripion, Nimi, Sini, & aliorum novem, Panemodi, Niceti, Silvini. Romæ, depositio Beati Hilari Papæ. In Africâ, natalis Sanctorum Martyrum Doletatuli, Tuscæ, Magari, Valentini.

III. IDUS SEPT. Romæ, viâ Salaria veteri, in cœmeterio Basilæ, natalis Sanctorum Proti, & Jacincti, Didymi. In portu urbis Romæ, natalis Sanctorum Ingenui, & Hippolyti Martyrum. In Alexandria, natalis Sanctorum Syri, & Serapionis. In Apuliâ, natalis Sanctorum Felicis, & Donati, Julii. *Lugduno Gallia, depositio sancti Patientis Episcopi.*

PRIDIE IDUS SEPT. In Sicilia, civitate Cathenas, natalis Sanctorum Eupli, & Serapionis Episcopi, Magni. Romæ, natalis Sanctorum Proti, Sanctini, Hippolyti. Nicomediæ, natalis Ammonis Lectoris. In Asia, natalis sancti Diofoli, Matronæ, Teclæ Virginis, Heraclæ. Et alibi, depositio Eusebii Episcopi. *Lugduni Gallia, depositio beati Sacerdotis Episcopi & Confessoris.* Augustiduno, depositio beati Evanti Episcopi & Confessoris.

IDUS SEPT. In Apuliâ, natalis Sanctorum Felicissimi, & Secundini, Justini. Constantinopoli, depo-

sitio sancti Joannis Episcopi. In Alexandria, natalis sancti Theodoli Episcopi. In Antiochiâ, natalis Sanctorum Timothei, Theodori. In Turonis civitate, depositio sancti Lidorii Episcopi. Andegavis civitate, depositio Beati Maurilionis Episcopi. *Augustiduno, depositio beati Nectarii Episcopi.*

XVIII. KAL. OCT. Exaltatio sanctæ Crucis. Romæ, viâ Appiâ, in cœmeterio Calesti, natalis Sanctorum Cornelii Episcopi, Saturnini. Et depositio sancti Dionysii Episcopi & Confessoris. In Africâ, civitatē Carthagine, natalis sancti Cypriani Episcopi, & Felicis, Honori, Demetrii, Zeti. Et alibi, depositio Eparci Episcopi.

XVII. KAL. OCT. In Alexandria, natalis Sanctorum trium fratrum, Cyrini, Leontii, Serapionis, Croci. In Ancyra Galatiæ, natalis Sanctorum Seleuci, & Valerii. In Tomis civitate, natalis Sanctorum Stratorii, Valerii, Merobi, & Gordiani, & Nicomedis Martyris. In Nicomediâ, natalis Sanctorum Arcii, Archeon: Et in Nuceriâ Campaniæ, natalis S. Constantii. In Anquirâ, depositio Pauli Episcopi. Et in territorio Cabillonensi, castro Ternocio, natalis sancti Valeriani Martyris. Lugduno Galliæ, depositio Albini Episcopi. *Natalis S. Aicadri Abbatis.*

XVI. KAL. OCT. Calcedone, natalis sanctæ Euphemie Virginis. Romæ, natalis Sanctorum Victoris, Felicis, Alexandri, Papiæ, Magni. In viâ Nomentanâ ad Cap. in cœmeterio Martæ, natalis sancti Emerentiani. Et natalis Sanctorum Pafes, Felicis, Victoris, Sperati, Navini, Chorinti, Secundæ, Donati, Generosæ. Item Secundæ, Lupati. In Nuceriâ, Prisciani, Maximi. Romæ, Passio sanctæ Cæcilie Virginis, Saluti, Tyrri.

XV. KAL. OCT. In Neveduno, natalis Sanctorum Valeriani, Magrini, Gurdiani. In Nuceriâ, natalis Sanctorum Constantii Sanctini. Chalcedone Bithyniæ, natalis Sanctorum Euphemie, Saleosi. Suiportio, depositio sancti Pauli Episcopi, Macrobi, Gaudiani, Isici Mart. *In Galliâ, vico qui dicitur Leodius, passio sancti Landeberti Episcopi & Martyris.*

XIV. KAL. OCT. In Alexandria, natalis sancti Trophimi. Et in Nicomediâ, natalis Sanctorum Oceani, Xysti, Medaci. In Mediolano, depositio sancti Eustorgii Episcopi, Satyri.

XIII. KAL. OCT. In Alexandria, natalis Sanctorum Demetrii, Palei, Nilipaci, Madihelii, Castoris, Saturini, Ceti Episcopi, Casti, Julii. In Neapoli, natalis Sanctorum Januarii & Aniceti. Et in Synnadâ Phrygiæ, natalis sancti Trophi. Viennâ civitate, natalis sancti Ferreoli; & dedicatio Basilicæ ipsius, & translatio multorum corporum cum capite sancti Juliani Martyris de Brivate sub altare posito. In civitate Treviris, depositio Militi Episcopi. Et alibi, natalis Sanctorum Trogi Episcopi, & Pii Diaconi, Capilei, Nili, Paterni, Musci cum aliis centum quinquaginta. In territorio Biturino, vico Vellauno, natalis sancti Mariani. In Nuceriâ, Hermi, Beati Episcopi, Felicis, Constantiæ, Privati, Euphemie, Sygonæ. *In territorio Lingonis civitate, in Monasterio Segestro, S. Sigonis Presbyteri & Confessoris.*

XII. KAL. OCT. Synnada Phrygiæ, natalis Sanctorum Dormidoni, Dorothei, Privati, Felicis, Constantiæ. Item Felicis. In Nuceriâ, natalis Sanctorum Felicis, & Constantiæ, qui passi sunt sub Nerone.

n S. Sigonis] Acherius monet legi oportere S. Sequani; quod mihi quidem non placet, nam cum ex vulgari S. Seine fieri potuerit ut imperiti scriptores, quales media ætas plurimos effudit, opinarentur in illo Monasterio coli sanctum

quemdam qui nomen sequanz flumini dedit, mihi videtur Sigonis nomen omnino esse retinendum. Et quidem eo magis, quod non aliter scribitur in Martyrologiis Gelloni & Sancti Galli.



XI. KAL. OCT. In Persidâ, civitate Tarrium, natalis sancti Matthæi Evangelistæ. Piralice civitate, natalis sancti Evangelistæ Lucæ. Mediolano, natalis sancti Victoris. *Corbeia Monasterio, dedicatio Basilicæ Domni Albini, & Marcellini Episcoporum.*

X. KAL. OCT. Romæ, via Salaria vetere, in cœmeterio ejusdem, natalis sanctæ Basilicæ. Sidunis civitate in loco qui dicitur Agaunus, natalis Sanctorum Mauricii, Exuperii, Candidi, Victoris, Innocentii, Vitalis cum sociis sex millibus quingentis octoginta quinque. .... *Autisiodero, adventus & exceptio corporis sancti Germani Episcopi & Confessoris ab Italia.*

IX. KAL. OCT. In Seleuciâ, natalis sanctæ Teclæ Martyris. Et in Alexandria, natalis sancti Marci Evangelistæ. Romæ, depositio sancti Liberii Episcopi.

VIII. KAL. OCT. Machirontâ castello Conceptio sancti Joannis Baptistæ. Et alibi, natalis Sanctorum Julii, Christophori, Laurentii, Martialis, Victoris, Gargili, Marci, Nobilis, Victoris, Secundolæ, Faustine, Valeris, Celerinæ, Donatulæ. In Augustiduno civitate, vico Sediloco, natalis Sanctorum Andocii, Tyrri, Aprilis, & Felicis Martyrum: Lucrosæ. Lugduno, depositio sancti Lupi Episcopi & Confessoris. Arvernus, depositio sancti Rustici Episcopi.

VII. KAL. OCT. In Asiâ, natalis Sanctorum Eucarpis, & Bardonis cum aliis viginti. In Galliâ, Ambianis civitate, passio S. Firmini Episcopi, & Martyris. Et alibi, depositio sancti Marci.

VI. KAL. OCT. Romæ, viâ Appiâ, in cœmeterio Cælesti, depositio S. Eusebii Episcopi & Confessoris. Et in Albano, natalis S. Senatoris. Et alibi, natalis S. Migigni, Naboris, Faustini. Et in Sardinia, natalis sancti Luxuri Martyris. *Arvernus, depositio Apollinaris Episcopi & Confessoris.*

V. KAL. OCT. In Cæsariâ Cappadociæ, natalis sancti Eleutherii. In Tarso Ciliciæ, natalis Sanctorum Taraci, Probi, & Andronici, Justini. Aduciâ civitate, natalis Sanctorum Cosmi & Damiani Martyrum. In Epheso, natalis sancti Timothei, discipuli Pauli Apostoli. In territorio Augustiduno civitate, sancti Florentini, Silvani, Firmi.

IV. KAL. OCT. In Africâ, natalis Sanctorum Laurentii, Faustini, & Victoris, Candidæ, Valeris, Donatæ, Levæ; Luciosæ, Gargili, Placidi, & aliorum multorum; Longini, Victoris, Prisciniani. Romæ, natalis sancti Staeti. Genuâ civitate, depositio Salonii Episcopi & Confessoris. *Autisiodero, depositio sancti Alodi Episcopi & Confessoris.*

III. KAL. OCT. In Thraciâ, Eutici, Plauti, Planciti, Ambuti, Aracliæ, Traciæ, Donatæ. Romæ, militum sexaginta octo. *Dedicatio Basilicæ Archangelis Michaelis in monte qui dicitur Garganus.* Et alibi, Januarii, Solii, Ampuni, Celedoni, Justini. *Autisiodero, depositio Fraternalis Episcopi & Confessoris.*

PRIDIE KAL. OCT. In Placentiâ civitate, natalis sancti Antonini Martyris. In Mediolano, translatio corporis sancti Victoris Martyris. Bethlehem civitate, depositio S. Hieronymi Presbyteri.

M E N S I S . O C T O B E R  
H A B E T D I E S X X X I .

KAL. OCTOB. LITANIA INDICENDA. Prisci, Faustini Mart. Alexandri, Eopropi, Saturnini,

o in Acerno ] Editum erat in acervo.  
Tom. II. .

Spei, Primi, Donati. Item Dignæ, Passico, Prepi, In Tomis, Julii. *Autisiodero, depositio Germani Episcopi. Remis civitate, sancti Remigii. Treveris, sancti Niceti.*

VI. NON. OCT. In Nicomediâ, Eleutherii. In Antiochiâ, Primi, Quirilli, Pitini. Romæ, natalis sancti Eusebii. Et alibi, Leonis, Gaiani, Secundi. Item Secundi, Platonis, Longi. *In Galliâ, passio sancti Leodegarii Episcopi & Martyris.*

V. NON. OCT. Antiochiâ, Theogeni. Africâ, Victoris, Urbani, Sapargi. Et alibi, relicis, Amponi, Casti.

IV. NON. OCT. In Ægypto, Marci, & Martiani Martyrum. In Africâ, Marcusi, Restituti, Julii. Et alibi, sancti Dasii, alibique Marcelli Episcopi. *Autisiodero, depositio sancti Marci Presbyteri & Confessoris.*

III. NON. OCT. In Sicilia, Placiti, Eutici, & aliorum triginta. Et alibi, Barici, Victorini, Faustini, Pelagii. Valentia civitate, depositio Apollonaris Episcopi & Confessoris. *Autisiodero, depositio Sanctorum germanorum Firmati Diaconi, & Flaviane Deo sacratæ Virginis.*

PRIDIE NON. OCT. Capuâ, natalis Sanctorum Marcelli, Casti, Emeli, Saturnini, Donatelli. Romæ, Balbinæ, & depositio sancti Marci Episcopi, Juliani. In Africâ, Rogati, Saturnini, Januarii, Faustini, Martialis. In Apuliâ, Casti, Emeli, Saturnini, Ammonii Presbyteri. Agenno civitate, natalis sanctæ Fidis Virginis & Martyris. *In civitate Autisiodero, depositio sancti Romani Episcopi.*

IX. IDUS OCT. Romæ, viâ Appiâ, depositio Sanctorum Martyrum Apulei, & Marcelli Episcopi, & Marci Episcopi & Confessoris. In Capuâ Campaniæ, Quarti & Marcellini. Et alibi, sanctæ Julis, Syrgi, Bacci, & natalis sancti Matthæi Evangelistæ. Bituricas civitate, sancti Augusti Presbyteri & Confessoris.

VIII. IDUS OCT. In Antiochiâ, Dionysii Episcopi, Januarii, Faustini Mart. Martialis, Privati, Eraclii, Juliani, Pelagii.

VII. IDUS OCT. In civitate Laodiciâ Phrygiæ, natalis sancti Theodoli. Et alibi, Attici, Ludduli, Septimi, Juli. Colonia Agrippinâ civitate, natalis Sanctorum trecentorum septemdecim Martyrum. In provinciâ Cretâ, civitate Augustâ, natalis sanctæ Afræ Martyris. In civitate Viennâ, multorum Martyrum. Parisius, natalis Sanctorum Dionysii Episcopi, Rustici Presbyteri, Eleutherii Diaconi. *In Centulo Monasterio, translatio corporis beati Richarii Confessoris.* Romæ, Marcelli, Genuini, Novii, Justini. Inter duas lauros, sanctæ Primivæ, Custi, Julii. In Ciliciâ, Taraci, Probi, & Andronici. *In Centulo Monasterio, depositio corporis B. Richarii Confessoris. Corbeia Monasterio, depositio Theofridi Abbatis.*

VI. IDUS OCT. In Africâ, Eraclii, Dionysii, Septimæ, Secundæ, Salsæ. Et alibi, Caiti, Quintali, Septimi, Venusti, Beati, Secundi, Donati, Sereni, Crescenti, Taraci, Probi, Andronici, Niceti. Natalis Firmini, Heracli, Cassi, Eusebi, Florenti, Victoris. Agrippinæ, Mallulii cum aliis trecentis triginta Martyribus. Eodem die, natalis sancti Cerbonii Confessoris in Populonio.

V. IDUS OCT. In Acerno<sup>o</sup> Siciliæ, sancti Athanasii Presbyteri, Ampodi, Placidi, Faustini, Januarii, Martialis, Marcelli, Juviniiani. Antiochiâ, sancti Eraclii. Eodem die, sancti Nicassii, & aliorum Martyrum.

IV. IDUS OCT. In provinciâ Syriæ, Sanctorum

Evagrii, Prosiræ. In Ægypto, Eustasii Presbyteri. In Campaniâ, natalis sanctorum Eucaristi, Fortunati. In Ravennâ, viâ Laurentinâ, natalis sancti Edisti. Romæ, Calesti, Saturi. Bituricas, sancti Oponis.

III. IDUS OCT. In Hispaniis, Cordubâ civitate, Fausti, Martiæ. In Calcedoniâ, natalis sancti Adriani. Item, Fausti, Januarii, Marcelli. In Alexandriâ, Athanasii Episcopi & Confessoris.

II. IDUS OCT. Romæ, viâ Aureliâ, in cœmeterio Calapodii, Calesti Episcopi, Saturi. In Cappadociâ, Lupranpodi, Modesti, Luciani, Saturnini, Simplicii, Saturi, Placidi. Cordobâ civitate, Lupi, Aureliæ, Maximi. *Lugduno Gallia, translatio corporis sancti Iusti Episcopi & Confessoris.*

IDUS OCT. Coloniâ civitate, natalis sanctorum Maurorum de militibus. In Capuâ, Luphili. Viâ Aureliâ, in cœmeterio ejusdem, sanctæ Fortunatæ.

XVII. KAL. NOVEMBRIS. In Baiis, sancti Suffi Martyris. In Africâ, Cecræ, & aliorum pariter passorum ducentorum septuaginta; Merii, Aufidi, Saturnini, Nerei.

XVI. KAL. NOV. Nicomediâ, Alexandri. In Mauritaniâ, Nini, Victuriæ, Nobilitani, Mauritanii, Luci, Citini, Criscentiani, Rufiani, Donati, Defensoris, Rusticiani, Serviliani, Sacrati, Veneriæ, Januarii, Mustulæ, Quintasi, Memmæ, Primæ, Donatæ, Severæ, Victuriæ, Basilæ, Magnili.

XV. KAL. NOV. In Oriente, translatio corporis sancti Lucæ Evangelistæ. In Nicomediâ, Lucæ, Victorinæ, Justini. In Axiopoli, Hermetis, & Taxis, Julii. Et juxta portum Romanum, passio S. Agnetis Virginis. In Campaniâ, civitate Puteolis, Januarii, Felicis. Et depositio Iusti pueri. In Africâ, Lucii, Victoris, Dasi, Leuci, Victorici, Beresi Episcopi, Victorici, Faustini, Martialis. *Ebrocas civitate, natalis S. Aquilini Episcopi & Confessoris.*

XIV. KAL. NOV. In Ostiâ, Austerii Presbyteri. Neapoli, Suffi, Januarii, Festi, Desiderii. In cœmeterio Puteolis, Proculi, Profduci, & Nicæ matris ejus, Domnæ Virginis, Asti, Buici. In Antiochiâ Syriæ, natalis sanctorum Pelagii, Beronici, Pelagiæ, & aliorum quadraginta octo Martyrum.

XIII. KAL. NOV. In Puteolis civitate, Dasi, Anosinimi, Januarii, Dorothei, Sulimii, Januariæ. In Nicomediâ, Eusticis, Promachi, Lucii, Marcellini, Berniaci. Item Sulimi, Januarii, Julii. Aggenno civitate, sancti Caprasii Martyris.

XII. KAL. NOV. In Nicomediâ, Dasi, Zotici, Gai cum duodecim millibus Martyribus. In Africâ, Modesti, Eutici, Materi, Dissei. In Nicæâ Bithyniæ, Afrigis, Macharii, Dicei, Proculi. Neapoli, Modesti, & aliorum octoginta quatuor. Puteolis Campaniæ, Proculi, Euticis, Macharii, Donatellæ. Lugduno Galliæ, Viatoris pueri, discipuli sancti Iusti Episcopi.

XI. KAL. NOV. In Adrianopoli Thraciæ, Philippi Episcopi, Eusebii & Hermetis. Severi. In Portu, sancti Valerii Martyris. In Thraciâ, item Severi. Et alibi, passio sancti Leugati.

X. KAL. NOV. In Adrianopoli, Severi, Dorothei. In Cæsariâ Cappadociæ, Seurefi, Magni, Iusti. In Galliâ, depositio sancti Gratiani Martyris.

IX. KAL. NOV. In Nicomediâ, Severi, Vitalis, Felicis, Rogati, Paperi, Victuriæ, Flaviani, Victoris. Hierapoli Phrygiæ, Claudiani, Eutheri, Flavini, Iusti, & Victoris.

VIII. KAL. NOV. Romæ, Maximi, & aliorum centum viginti militum, quorum nomina Deus scit. In Gavalis, depositio Beati Hilarii Episcopi & Confessoris. In Africâ Saturnini, Claudiani, Primivi,

Flaviani, Zotici. In Sardiniâ, Savini, Saturi, Asteri, Chari. Sueffionis civitate, natalis sanctorum Crispini & Crispiniani Martyrum; Claudiani, Rogati, Papari, Felicis, & Vitalis. *Sanctonas, translatio corporis S. Vibiani Confessoris & Episcopi.*

VII. KAL. NOV. In Nicomediâ, sanctorum Luciani, Mardiani, Florii, Eraclii, Tuti.

VI. KAL. NOV. In Africâ, Sanctorum Saturnini, Flavii. In Phrygiâ, Tarsi, Polycapi, Gai, Eumini, Nocomini, Longi, Diodori, Metrobi, Eumina, Tuti. Romæ, Mariani, Lucii, Viveti. In Sardiniâ, Poti, Januarii, Tarrei, Comuinæ, & sancti Florentii.

V. KAL. NOV. In Antiochiâ Syriæ, Marandi, Marianæ, Arcelludi. In Cartagine, sancti Suffronis. Et alibi, sanctorum Apostolorum Simonis Cananæi, & Judæ Zelotis. Amaranti, Quinti, & Iusti, Lucii.

IV. KAL. NOV. In Lucaniâ, Sacincti. . . . . Quinti, Felicianæ, & Lucaniæ Martyrum.

III. KAL. NOV. In Nicomediâ, Januarii, Calendionis, Martialis, Germani, Marci, Theophili, Eusebii. Et in Africâ, Passio sanctorum numero centum viginti, Martyrum. Item, Felicis, Quinti, Lucæ, Luciani, Victoris, Vitalis, Donati, Petri, Marii, Januarii, Firiz, Hermetis, Urbani, Attiti. Et passio sancti Feliciani cum sociis suis. In Antiochiâ, Januarii, Martiani, Nazarii, Gervasii, Protasii, & Celsi pueri. *Tolosa, translatio corporis sancti Saturnini, Episcopi & Martyris.*

PRIDIE KAL. NOV. In Africâ, Clacovii, Juliani, Fortunati, Silvani, Calendionis, Bonifaciæ, Castæ, . . . . . Gallicæ, Agapi, Victuriæ, Felicis, Simoni, Donati, Rusticiani, Fortunati, Romani, Silvani, Mimmi, Angelasi, Nuncini, Felicissimi, & aliorum viginti novem; Valerii, Vincentii. In Hispaniâ, Januarii. In Macedoniâ Vitalis, Petri, Crescenti, Alterini, Victorini. Item Petri, Mar . . . . , Mammari, Saturnini, Vigilantii, Nuncini, Magnili. In Nicomediâ, Philippi, & Calendionis. Augustâ Viromandorum in Galliâ, sancti Quintini.

## MENSIS NOVEMBER

DIES HABET XXX.

**K**AL. NOVEMB. LITANIA INDICENDA. *Festivitas omnium Sanctorum.* Petri, Mammeri, Saturnini, Magni. Et passio Eustachii Martyris cum uxore & filiis. In Macedoniâ, Basilis, Jacobi, & sancti Joannis Evangelistæ. In Terracinâ, natalis sanctorum Meldegali, Juliani, Victoris, Felicis, Sati, Perseveranti, Octaviæ, Cessæ, Eristei, Saturnini, Simplicii, Primi, Cæsarii, Magni, Iusti. In Cæsariâ, natalis sancti Macedonii. Et alibi, natalis sanctorum Januarii, Petri, Crescentis, Victorini, & aliorum Martyrum. Castro Divione, passio sancti Benigni Presbyteri & Martyris, & sancti Melanti. Augustiduno, depositio sancti Primi Episcopi. *Bajocæ civitate, sancti Vigoris Episcopi & Confessoris. Sizio Monasterio, depositio sancti Audomari Episcopi & Confessoris. Pictavis civitate, Dedicatio Basilica S. Hilarii Episcopi & Confessoris.*

III. NON. NOV. Dedicatio Basilicæ sancti Andree Apostoli. In Cæsariâ Cappadociæ, natalis Sanctorum Germani, Theophili, Cæsarii, Egrili, Vitalis. Et alibi, passio sanctæ Agriculæ Virginis & Martyris. Item, Felicis, Crescenti.

PRIDIE NON. NOVEMB. In Africâ, natalis sanctorum Primi, Cæsarii, Gregorii, Porphyrii, Satu-

ri, Amanti, Publii, Secundæ, Victorinæ, Perpetuæ, Victoris, Quarti. In Nicæa, natalis sancti Domnini. *Augustiduno, depositio Proculi Episcopi. Rotenis civitate, depositio sancti Amantii Episcopi, & Confessoris.* Bituricas, depositio sancti Luforis pueri, & Confessoris.

NON. NOVEMB. In Cæsariâ Cappadociæ, natalis sanctorum Domnini, Cæsarii, Epiphani, Gregorii, Appini, Saturnini, Amantii, Publii, Mart. in Companiâ, natalis sanctorum Marcæ & Secundæ. Capuâ civitate, natalis sanctorum Evrasii, & Quarti, Joci, Ludi.

VIII. IDUS NOV. In Nicomediâ, natalis sanctorum Adriani, Julæ, & Eusebiæ. In Africâ, natalis sanctorum Donati, Pauli, Balsami, Domnini, Primæ, Dulæ, Fortunatæ, Januariæ, Quartæ. Et in Tonizâ Africæ, natalis sancti Felicis. Et in Phrygiâ, natalis sanctorum Januarii, Attici, Barici, Mammari, Venericini, & Veneriæ. *Regidona, natalis sancti Melanii Episcopi & Confessoris.*

VII. IDUS NOV. In Nicomediâ, natalis sancti Eusebii, Pobisi, Eustasii, Marii, Primi, Julæ, Januariæ, Rogatianæ, Optati, Adriani. Et in Africâ, natalis sanctorum Rogati, Donati, Primæ, Julæ.

VI. IDUS NOVEMB. Romæ, natalis sanctorum Simplicii, Symphronii, Claudii, Custori, Nicostrati, & sanctorum quatuor coronatorum, Severi, Severiani, Carpophori, Victorini. In Africâ, natalis sanctorum Primi, Macharii, Iusti, Amaranti, & aliorum nonaginta quatuor. Et in Nicomediâ, natalis sanctorum Damiani, Eusebii, Calesti, Eustasii, & Marii, Magni.

V. IDUS NOV. In Nicomediâ, natalis sanctorum Damiani, Donati, Restituti, Victorini, Salutaris, Crescentis, Demetrii, Nemefii & Exuorgii, Eusebii. Romæ, natalis sanctorum Clementis, Symphronii. In Hispaniis, natalis sanctorum Faulti, Januarii, Martialis Mart.

IV. IDUS NOV. In Antiochiâ, natalis sanctorum Primi, Macharii, Diaconi, Eustasii, & sanctorum ejus, Januarii, Candidiani. In Africâ, natalis sanctorum Saturnini, Donati, Anniboniæ & aliorum septemdecim. Romæ, depositio sancti Leonis Episcopi. *In civitate Aureliani, depositio Beati Monotoris Episcopi & Confessoris.*

III. IDUS NOV. Ravennâ, natalis sanctorum Valentini, Feliciani, Octavi, Felicis, Januarii, Euerundini, Victorini, Felicis, Nisei, Juliani, Vincenti, Januarii, Giddini, Bonifaciæ Martyris, Minaci, Domni, Firmæ, Mariæ, Felicitatis, Feliciæ, Innocentiæ, Fortunati, Principiæ, Domnicellæ, Clementini, Januariæ, Victorinæ, Juliani. Alexandria Metropoli, natalis sancti Menæ Martyris. Turonis civitate, depositio sancti Martini Episcopi & Confessoris. *Lugduno Gallia, depositio Verani Episcopi.*

PRIDIE IDUS NOV. In Africâ, natalis sanctorum Auruli, Publii, Vincentii. In Cæsariâ Cappadociæ, natalis sanctorum Germani, Theophili, Cæsarii & sancti Eusebii.

IDUS NOV. In Thraciâ, natalis sanctorum Eudicti, Eutici, Felicis, Hermogeni, & Agiæ Martyrum. Et in Cæsariâ Cappadociæ, natalis sanctorum Antonii, Gebennæ, Germani, Mannicæ, Adriani cum sociis suis. Ravennâ civitate, natalis sanctorum Valentini, Solutoris, & Victoris. Et alibi, depositio sancti Jacobi Apostoli. *Rotenæ civitate, depositio sancti Amantii Episcopi & Confessoris. Turonis civitate, depositio sancti Bricii Episcopi & Confessoris.*

XVIII. KAL. DECEMBRIS. In Eracleâ civitate

Thraciæ, natalis sanctorum Clementis, Clementini, Theodotæ, Philomini, & aliorum multorum. Et ipsâ die, natalis sancti Eraclii.

XVII. K. L. DEC. In Africâ, sanctorum Secundi, Fidentiani, Varici, Martialis. Africâ civitate, natalis sanctorum Siddini, Saturnini, Servi, Calendionis, Galani, Primi, Genui, Secundæ, Theodoti, Demetrii, Parentis, Saturæ, Firmi. In Antiochiâ, natalis sanctorum Donati, Restituti, Valerianæ, Fructuosi cum aliis duodecim. *Depositio sancti Machuti Episcopi.*

XVI. KAL. DEC. In Africâ, natalis sanctorum Rufiani, Marci, Valerii, Victoris, Pauli, Honorati, Donati, Barici, Vitalis, Januarii, Iusti. Et alibi, natalis sanctorum Fidentiani, Martialis, Donati, Valeriani, Poëtiani. Et natalis sanctorum Nerei, Pauli, Adriani, Secundiani, Martialis, Victoris, Victorini, Anteconi, Auriliani, Marcelli, Marianæ, Secundi, Frontoni, Majulini. In Antiochiâ, Augustini, Iustæ, Auricæ, Ponticæ, Fructuosæ, Matronæ, Fructæ, Vincentiæ, Marci, Aruspici, Mariæ, Fistæ, Fortunatæ, Felicitatis, Silvani. Et in Capuâ, natalis sanctorum Vitalis, Januarii, Iusti, Augustiani, & Iustæ. *Lugduno Gallia, depositio sancti Eucherii Episcopi & Confessoris.*

XV. KAL. DECEMB. In Capuâ civitate, natalis sanctorum Augustini, Eufurii, Felicitatis. In Nicomediâ, natalis sancti Ammonii. In Asiâ, natalis sanctorum Phileæ, Matronæ, Teclæ Virginis. In civitate Hierapoli, natalis sanctorum Victoris & Alpei, Romulæ. Romæ trans Tiberim, natalis sancti Cæciliæ. In Nicomediâ, natalis sancti Ammonii. In Asiâ, sanctorum Diobidis, & Didæ. Et in Heracleâ civitate, natalis sanctorum Gregoriæ, Victoris, Gemini. In Cæsariâ, natalis sanctorum Theodotæ, Alphæi, Zachæi, Romani. Cartagine Africæ, Dubitati, Tusci, Valentii, sancti Calendionis, Montani. *Aureliani civitate, depositio Amiani Episcopi & Confessoris.*

XIV. KAL. DEC. In Antiochiâ civitate, Romani Monachi, Baralæ, & Hesychi Mart. In Hispaniâ, Corduba civitate, Aciscæ Martyris. In Cæsariâ, Bonuli, Victoris, Proximi, Luciani, Cartherii & Martiani. In Heracleâ, item Cartherii & aliorum quadraginta.

XIII. KAL. DEC. In Cæsariâ, Maximi, Mutiani, Neoferi, Tobis, Januarii, Vitalis, Carterii, Martiani, Dicenti, Zephori. In Heracleâ, sanctæ Mulieris cum sex suis quadraginta. Augustiduno, Simplicii Episcopi.

XII. KAL. DEC. In Heracleâ, Bassi, Dionysii, Orionis, & Daffi. In Cæsariâ, Agapiti. In civitate Mitanâ, in Siciliâ, Ampheli, Cai. In Hispaniis, Maximi Presbyteri, Calendionis, Marci, Victoris, Felicis, & Milini, Faustii, Crispini. In Antiochiâ, Basilii & Dionysii, Rutticii. Taurinis civitate Octavi, Solutoris, Adventoris, & Agapæ Virginis; Basilii, Saturnini, Emeriti, Secundi.

XI. KAL. DEC. Antiochiâ, Basilei, & Auxilii, Saturnini, Zepheri, & Matronæ, Basilicæ, Carali, Euthicis, Calendionis, Euelpisti. Romæ, natalis sancti Clementis Confessoris. In civitate Austis, Demetrii, Honorii, Maximi, Quintiani, Sifinnii, Stasi, Tuti, Stephani, Pion, Heraclii, Macedonii, Veri, Theodoli.

X. KAL. DEC. Romæ, Cæcilie Virginis, Valeriani, Tiburtii, Maximi. Alexandria, Felicis, Demetrii, Zeti. Et in Africâ, Chrysogoni, Cleti, Verociani. Item, Demetrii. Item, Zeti. In Cappadociâ, Longini, Euthici, Leonti, & Faustianii. *Augustiduno, Pragmati Episcopi.*

IX. KAL. DEC. Romæ, Maximi, natalis sancti



Clementis Episcopi & Martyris, Chrysogoni, sanctæ Felicitatis, Maximi. Et Cedecæ, sancti Marci Episcopi. In Cæsaria Cappadociæ, Verociani, & Euticis. In Alexandria, natalis sancti Episcopi. In Tuscia, sanctæ Musculæ, Felicis, Vitalis, Martiani, Bonifatiani. Bituricas, sancti Fateri Presbyteri. *In Italiâ, Monasterio Bobio, depositio sancti Columbani Abbatis. In Galliâ, vico Sarcingo, depositio sancti Trudonis Presbyteri & Confessoris.*

VIII. KAL. DEC. In Aquileiâ civitate, sancti Chrysogoni, Eleutheri, & Maximi. Et in oppido ejusdem, Antiroditi Episcopi. In Africâ, Mammeri, Saturi, Rogati, Donati, & aliorum viginti. In Perusia Tusciæ, sancti Felicissimi.

VII. KAL. DEC. Luciani, Martiani, Claudiani, Cypriani, Martialis, Petri, Felicis, Vitalis, Juliani, Victoris, Januarii, Donati, Quiriaci.

VI. KAL. DEC. Romæ, sanctorum Siricii Episcopi, & Saturnini. In Aquileiâ, Valeriani Episcopi & Confessoris, Ammonii, Sereni, Romanæ. In Alexandria, Petri. In Africâ, Monæ, Melisi, Berinæ, Victorinæ, & Marcellini. Augustiniano, depositio sancti Amatoris Episcopi.

V. KAL. DEC. In Nicomediâ, Marcelli, Petri, Numeri, Sereni, Melisi, Victorini. In Galliâ, civitate Bononiâ, Agriculæ, & Vitalis, Magni, Julii. In Mediolano, Lucæ, Andree, Joannis, Severi, Euphemie. In civitate Regienfi, depositio sancti Maximi Episcopi.

IV. KAL. DEC. In Syriâ, Trophimi, Theodoli, Expeccati, Eucherii, Eusebii, Julii.

III. KAL. DEC. Romæ, Arosonis, Saturnini, Chrysanthi, Dariæ, Mauri, & aliorum septuaginta duorum. In Galliâ, civitate Tolosâ, natalis Saturnini Episcopi & Martyris.

PRIDIE KAL. DEC. In Provinciâ Achaia, civitate Patras, natalis sancti Andree Apostoli, & Martyris. In Nicomediâ sanctorum Carionis, Tirionis. Et in Antiochiâ, Domnini, Merolæ. In Mediolano, sancti Ambrosii Episcopi de perceptione baptismi. Romæ, sancti Castuli, & Euprepis, Saturnini, Chrysanthi, & Mauri, Centuli, Theodoli, & Januarii.

## M E N S I S D E C E M B E R

HABET DIES XXXI.

KAL. DECEMBRIS. LITANIA INDICENDA. Romæ, sanctæ candidæ, Amboni, Filati, Lucii, Matronæ, Justinii. In Africâ, Victori, Rogati, Mammarii, Alequatæ, Quintasæ, & natalis sancti Cassiani, Klenpimini, Donati, Saturnini, Fortunati, Luciani, & Optati. *In Galliâ, civitate Noviomus, sancti Eligii Episcopi & Confessoris.*

IV. NON. DEC. Romæ, natalis sancti Primenti, Pontiani, Pimini, Juveniani. In Mauritaniâ, Severi, Securi, Januarii, Victorini, Fortunati, Meggini, Debbuchi, Victorini, Clementi, Pontiani, Candidæ, Mammarie, Agnetis, Donatæ, Primæ, Victorinæ, Secundæ, Septimæ, Maximæ, Donatæ, Saturninæ.

III. NON. DEC. In Oriente, Merobii, Claudici, Felicis. In Nicomediâ, Umbuci. Item, Felicis, Victorici, Julii. In Africâ, Crispini, Magnæ, Joannis, Stephani, Victoris, Martini, Saviniani. In Bononiâ, sanctæ Agriculæ; & Intingi, Cassiani, Crispini.

II. NON. DEC. Heracleâ, Christiani, Pudenti, Migini, Victorini. Et in Laodiciâ Metropoli, Felicis, Merobii, Faladi, Umbuni.

NON. DEC. Natalis sancti Crispini. In Africâ, Humili, Felicis, Julii, Patomix. Item, Crispini, Heracli, Missæ, Victoris, Trophimi, Eucarpion, & aliorum novem; Sanctorum Candori, Nanfamoni, Pauli, Marci, Jussi, Privati, Fulgentii, Matronæ, Feladi, sanctæ Mariæ, sancti Amantii Episcopi.

VIII. IDUS DEC. In Africâ, Zeloti, Fortunati, Gaii, Hermogenis & Rogatiani.

VII. IDUS DEC. Antiochiâ, Polycarpi, Theodori, & Sapici, Severini, Secundini, Victorini, Clementis, & Primæ. Passio sancti Savini Episcopi.

VI. IDUS DEC. Eusebii Episcopi, Usanni Presbyteri, Successi Episcopi.

V. IDUS DEC. In Africâ, Petri, Successi, Basini, Victoris, Tonini, Porphyrii, Urbani, Januariæ, Malani, Pascenti. Item Urbani, Bonifacii, & aliorum viginti trium. In Antiochiâ, Geronti, Polintæ, Silvani, Valentis, Valentis, Mariæ, Donatæ, Victorinæ, Agnillæ, Juventis, Rogatæ, Hermogenis, Felicis, Luticiani, Flaviani.

IV. IDUS DEC. Victori, Consenti, Adriani, Heracli, Erumentii, Pudenti, Migini, Victoriani, Pauli, Urbani, Marci, Cirinici, Cæcilie, Orbanellæ, Crispinæ, Polentis, Privatæ, Vibianellæ, Cyriaci, Julii. Romæ, depositio Damasi Papæ; Germani, Eludi, Evangelii, Thraconis, Mauri. Et in civitate Arvernensis, Agriculæ, & Vitalis Martyrum. In Hispaniâ, civitate Emeritâ, passio sanctæ Eulaliæ Virginis.

III. IDUS DEC. Romæ, sanctæ Eulaliæ, Traconis, Pontiani, Capitulini, & aliorum multorum sine numero. In Alexandria, Sammoni. Et Emeritæ, Urbani. In Hispaniis, Euticiani. In Antiochiâ, Secundiani, Secundi, Zosimi, Pauli, & Kyriaci, Justii. Ambianis civitate, natalis Victorici, Fusciani, & Gentiani Martyrum. Et alibi, natalis sanctæ Mariæ, & aliorum multorum.

PRIDIE IDUS DEC. Hermogenis, Donatæ, & aliorum viginti duo.

IDUS DEC. Ravennâ civitate, Ursionis, & Leocadii Confessoris, & Valentini Martyris. Syracusâ civitate Siciliæ, natalis sanctæ Lucie Virginis; & sancti Sicensi, Saturnini, Casti, Pauli, Felicis, Quintiliani, Modesti, Victorini, Januarii, Getdini, Feliciani, Stercorii, Feliciæ, Donatæ, Valeris, Colonicæ, Saturnini, Urbanæ, Maritimi, Victorinæ, Simplicis, & Securi, Dativi.

XIX. KAL. JANUARI. In Antiochiâ, Drusi & sociorum ejus numero trium; Zosimi, & sanctæ Lucie Virginis. Lugduno Galliæ, sancti Victoris Episcopi & Confessoris. Viennâ, Lupicini Episcopi. Remis, natalis sancti Nicasii Episcopi; & Sacrepi, Aspedis, Theodoli.

XVIII. KAL. JAN. In Africâ, Faustini, Lucii, Candidæ, Materi, Marci, Januarii, Victoris, Cæciliani, Maximi, Marcie, Machaonæ, Victorinæ, Secundæ, Primæ, Saturninæ, Machrosæ Ninæ, Restitutæ, & aliorum undecim. In Ascalone, Helix, Candidi. *Aurelianis civitate, Maximi Presbyteri & Confessoris.*

XVII. KAL. JAN. Ravennâ, Valentini, Navalii, Agriculæ, Concordii, Justinii. *Arelato, dedicatio Basilicæ & altaris sancti Genesii Martyris.*

XVI. KAL. JAN. In Africâ, Victoris, Victoriani, Adjutoris, Quarti, Honorati, Simplicii, Ampamovi, Felicis, Vincenti, & aliorum triginta novem simul. Et Octori, Quinti, Donati, Victorinæ, Dioscori, Justiniani.

XV. KAL. JAN. Laodiciâ civitate, Theotini, Basiliani. In Africâ, Quinti, Simplicii, Pompini, Artifæ, Chrestii, Digni Datuli, Urbani, Martyri, Honorati, Evasti, Victorini, Salvatoris, Terturini,

Victuræ, Cæciliani, Septimi, Rustici, Bessæ, Viciciani, Honorati, Lucianæ, Reductulæ, Victuriæ Privatulæ, Cæcilæ, Saturnini, Phamonis, Felicis, Vincenti, Arestii, Musci, Siddini, Adjutoris. Romæ, Lucie Martyris, & Auceiæ Regis simul, & Antonini, Ereni, Papeusæ, Apolliniæ, Apamiæ, Poënicis, Cuslevarionis, Papissæ, Saturii, Satarii. Passio sanctæ Afræ Virginis, Victuris, Basiliani, Honorati, cum aliis viginti duobus Martyribus.

XIV. KAL. JAN. In Nicæa civitate Bithyniæ, Zosimi, Pauli, Secundi, Cyriaci. Et alibi, sanctorum Anastasii & Siddini Episcoporum, Chrysanthii, & Darie Martyrum. *Antisiodoro, beati Gregorii Papa.*

XIII. KAL. JAN. In Thracia, civitate Gildobæ, Julii, natalis Teclæ, & sancti Libertini, Zosimi.

XII. KAL. JAN. In Mesopotamia, natalis, &

translatio sancti Thomæ Apostoli, qui translatus est ab India, cujus passio ibidem celebratur. In Heraclæa, sancti Passini. Romæ, depositio sancti Innocentii, & passio Sanctorum Focæ, Florii, Honorati Episcopi & Confessoris.

XI. KAL. JAN. In Antiochia, sancti Basilei, Serapionis. Romæ, viâ Lavicanâ, inter duas lauros natalis Sanctorum triginta Martyrum unâ die coronatorum. Et Ostiæ, natalis Sanctorum Demetrii, Honorati. Et alibi, natalis Sanctorum Felicis, Joannis. Romæ, viâ Salense, depositio Sancti Felicis, & passio sanctæ Theodosiæ Virginis, & Didymi Monachi.

X. KAL. JAN. Depositio sanctæ Victorie, Romæ, sub Decio, quæ cum esset desponsata viro pagano, & Rel. ....

*Cætera legi non potuerunt in MS. ne pote à tinea corrota; scilicet ab hac die ad VIII. Kal. Jan. à quo incipit hocce Martyrologium.*

## M O N I T U M.

**M**ARTYROLOGII à se scripti mentionem facit Beda ipse in fine Epitomes his verbis: Martyrologium de nataliciis Sanctorum diebus, in quo omnes quos invenire potui, non solum quâ die, verum etiam quo genere certaminis, vel sub quo iudice mundum vicerint, diligenter adnotare studui. *Prosaicum intelligit, nullibi metrici meminit.*

*Metricum verò hocce Martyrologium exscripsit noster Joannes Mabillon ex Cænobii S. Remigii Remensis apographo exarato manu Bertigarii Monachi, Ebbone Archiepiscopo, præsertimque Bedæ nomen ac titulum, uti nos exhibemus.*

*Istud Martyrologium non ab VIII. Kal. Januariæ incipit, sed ab ipsis Januarii Kalendis. Complures in eo Sancti, qui in Bedæ Martyrologio prosaico apud Bollandum restituto leguntur, omittuntur in metrico: ut in Januario Anterus Papa, Salvius in Africâ, Hilarius Pictavorum Episcopus, Felix Presbyter Nolanus, Marcellus Papa: & Scholastica in Februario, &c. Mellitus in Aprili, &c. Augustinus in Maio, &c.*

*Auctorem porro Anglum extitisse ex variis colligitur sanctis Anglicanis; & quidem Monachum Girvvensis Cænobii conjicimus ex festo Dedicationis, quæ v. Kalend. Maii ponitur, tametsi Girvvensis Ecclesiæ Dedicationem VIII. Kalend. Maii factam docet Monasticon Anglicanum.*

*Nulli illo in Martyrologio Sancti indicantur Beda posteriores; non S. Bonifacius Maguntinus, aut alii quivis illustres Sancti, imò nullus ætate inferior S. Wilfrido juniore, memorato in Aprili, qui Wilfridus anno DCC. XXXII. obiit, uno tantum anno postquam Beda suam absolvit historiam. Unde non mirum si metricum Martyrologium in indice Operum suorum non recensuit cum tribus annis dumtaxat Wilfrido Juniori supervixerit.*

## INCIPIT MARTYROLOGIUM.

### QUOD BEDA HEROICO CARMINE COMPOSUIT.

Hos quicumque versus legerit lector, nec minus & Martyrologium, quod & videtur sequens adesse, præcipuas anni totius festivitates absque ullo titubationis errore scire valebit.

**B**ISSENA mensum vertigine volvitur annus;  
Septimanis decies quinis simul atque duabus,  
Ter centenis bisque trigenis quinque diebus.  
Qui ternis gaudet divisus stare columnis;  
Scilicet Idibus & Nonis simul atque Kalendis.  
Nam quadris constat, Nonis concurrere menses  
Omnes, excepto Marte & Maio, sequitur quos

Julius, Octimber; senis soli hi moderantur.  
Sexdenas patet hos pariter flagitare Kalendas.  
At contra currunt bis Nona ritè quaternis,  
Julius, Aprilis, September & ipse November.  
Sedenis Februas citò solus ab omnibus errat.  
Bissenis sic namque rotatur mensibus annus,  
Per Nonas, Idus decurrens atque Kalendas;

*Festaque qua passim Sanctorum inscripta leguntur,  
Sub certis qua sint anni celebranda diebus.*

## JANUARIUS.

**P**rima dies Jani est quā circumciditur AGNUS.  
Octavas Idus colitur THEOPHANIA Christi.  
Deserti quartas primus capit accola PAULUS.  
Sedecimas ANTONIUS obtinet atque Kalendas.  
Tredecimasque SEBASTIANUS tenuisse refertur.  
Bissenas meritis mundo fulgentibus AGNES.  
Martyrio undecimas & ANASTASIUS memo-  
rantur.

Octavas meritò gaudet CONVERSIO PAULI.

## FEBRUARIUS.

**P**rima dies Februi est jam quā patitur POLYCAR-  
PUS.  
Et quartas Nonas CHRISTUS Templo offerebatur.  
Nonarumque diem festum celebramus AGATHÆ.  
Atque VALENTINI sedenis forte Kalendis.  
Sic JULIANA & bisseptenas ornat honore.  
Et CEPHAS meritò octavis tenuisse Cathedram,  
Ac senas meriti MATTHIAS virtute dicabat.

## MARTIUS.

**H**inc Idus Martis quartas GREGORIUS ornat,  
Doctor Apostolicus, Sanctorum lumen, &  
astrum.  
PATRICIUS Domini servus conscendit ad aulam.  
CUTHBERTUS denas tenuit ternasque Kalendas.  
Bissenas Sanctus post quem . . . BENEDICTUS.  
Octavas meritò gaudet CONCEPTIO Christi.

## APRILIS.

**A**tque GEORGIUS hincevectus ad astra vola-  
vit,  
Carnifices nonis Maiō vincente Kalendis.  
EGBERTUS dignā virtutum laude coruscus,  
Altriferum octavis veneranter scandit Olympum.  
Quoque die Præful penetravit WLFRIÐUS alma,  
Angelico vectus cœtu trans culmina cœli:  
Septenis major mundo LETANIA claret.  
Ecclesiæ quintis DEDICATIO alma colenda,  
Sanctis & Christo ciet æquam in sæcula laudem.  
WLFRIÐUS ternis superam penetravit in aulam,  
Tempore posterior, non morum flore secundus.

## MAIUS.

**J**acobus Frater Domini pius, atque PHILIPPUS  
Mirifico Maias venerantur honore Kalendas.  
Sanctus & Antistes Nonas volat alma JOHANNES.  
Bis binis sequitur PANCRATIS Idibus insons.  
Ter quinis MARCUS meruit pulsare Kalendis.

## JUNIUS.

**J**unius in mundo Nonis miratur adeptum  
Et summi LANTBERTI animā trans sydera verti.  
In quosvis quadris BARNABAM Idibus æquat.  
GERVASIUS denis patitur ternisque Kalendis,  
PROTASIUS simul in Regnum perenne vocati:  
Et JOHANNES bis quadris Baptista Kalendis  
Natalis pulchrè festi plaudente coronā.  
Martyrio & PAULUS lenis ovat atque JOHANNES.

*a Patricius] Hic versum deesse scēdē monet Acherius.*

Doctores PETRUS simul & PAULUS ternis servan-  
tur,  
Maxima quos palmā clārat sibi lumina mundus.

## JULIUS.

**M**ARTINI in quartas Nonas Dedicatio fulget.  
Julius in quadris bis gaudet ferre Kalendis  
JACOBUM fratrem Johannis more colendam.  
SAMSONEM quintas celebramus ab orbe Kalendas.  
Sanctificant ABDO & SENNES ternas venerando.

## AUGUSTUS.

**M**ACHABEI Augusti coronantur mensis in or-  
tu:  
Sanctumque & XYSTUM octavis tenet Idibus al-  
lum.  
Bis binis victor superat LAURENTIUS hostes.  
Sancta Dei GENITRIX senas ter constat adire  
Angelicos vecta inter cœtus virgo Kalendas.  
Inde TIMOTHEUS undecimas tenet ordine digno,  
Atque simul Martyr sortitur SYMPHORIANUS.  
Octonas sanctus sortitur BARTHOLOMÆUS.  
Bis binis passus colitur Baptista JOHANNES.

## SEPTEMBER.

**I**us Septembris senas dedicabat honore,  
Quā meruit nasci felix jam Virgo MARIA.  
Octavas decimas CORNELIUS inde Kalendas  
Consecrat, & CYPRIANUS simul ordine digno.  
EUPHEMIA at senas decimas tenet intemerata.  
Undecimas capit at MATTHÆUS Doctor amœnus.  
MAURITIUS decimas Martyr cum millibus unā.  
Quintas sortitur COSMAS sibi cum DAMIANO.  
MICHAELIS ternas Templi dedicatio sacrat:  
Atque bonus pridie micat interpres HIERONYMUS.

## OCTOBER.

**S**extas Octobris Nonis Bosa optat habere  
Solemnes terris, summo qui gaudet Olympo.  
Et gemini quinis EWALDI sorte coluntur.  
PAULINUS senas tenet Idus jure Magister,  
Doctor ter quinis LUCAS succurre Kalendis.  
SIMONIS quinis & JUDÆ vota feramus.

## NOVEMBER.

**M**ultiplici rutilet gemmā ceu in fronte Novem-  
ber,  
Cunctorum fulget SANCTORUM laude decoris.  
MARTINUS ternis scandit super Idibus astra.  
Quindenis vitā finivit TECLA Kalendis.  
CECILIA meriti decimis cum laude migravit.  
CLEMENTIS læti veneramur festa novenis.  
Octavi CHRYSOGONUS ovat vitalibus arvis.  
ANDREAS pridies iuste veneratur ab orbe.

## DECEMBER.

**T**erdecimas Daciani IGNATIUS æquē Kalendas.  
Bissenis cœlum cœpit conscendere THOMAS.  
Octavis natus DOMINUS de Virgine castā.  
Martyrio STEPHANUS septenis alma petivit.  
Bis ternis Evangelicus Scriptor penetravit  
Angelico vectus tutamine Virgo JOHANNES  
Martyrio tenera prostrantur MILLIA quinis,  
SILVESTRUM pridias celebramus ab orbe Kalendas.



# MONITUM.

**M**ARTYROLOGIUM Gellonense, sive Monasterii S. Guillelmi de Deserto, O. B. Diœcesis Lutevensis, pervetustum, incunte scilicet sæculo nono, anno circiter 804. conscriptum exstat in fine libri Sacramentorum ex Gelasiano ac Gregoriano compositi ab Albino Alcuino, uti refert Hariulfus in Chronici Centulensis seu S. Richarii O. B. libro 3. Catalogum texens librorum qui tum viscebantur eo in Monasterio, hisce verbis: Missalis Gregorianus & Gelasianus, modernis temporibus ab Albino mixtim & ordinatè compositi. Librum istum à nobis ipsi communicatum discutiet atque elucidabit vir clarissimus N. de Voisin, qui multa ex eo excerpfit, atque in Opere suo insigni, quod prope diem editurus est, de Missæ traditione, inseruit; fortean librum aliquando integrum dabimus in lucem, atque idcirco plura de eo præfari superjedemus, ne præfationis limites prætergredi videamur.

Porro Martyrologium Gellonense contulimus cum Martyrologio Hieronymiano, San-Remigiano MS. & aliis, ac variis lectionibus excerptis ex duobus manu exaratis Martyrologiis antiquis, uno Monasterii S. Galli Helveticæ, altero Anonymi, quæ V. Cl. Stephanus Baluzius manu sua descripsit, & nobis perhumaniter suo more concessit.

## MARTYROLOGIUM GELLONENSE,

S I V E

### SANCTI GUILLELMI DE DESERTO,

P E R V E T U S T U M.

*In Christi nomine incipit Breviarium Apostolorum ex nomine vel locis ubi prædicaverunt, & ubi orti vel obiti sunt.*

**S**IMON, qui interpretatur obediens, PETRUS Sagnoscens, filius Johannis, frater Andræ, dicitur ortus vico Bethsaïda provinciæ Gallilææ, qui propter Simonem Magum, licet Dei occulto nutu, Romam pervenit; ibique prædicans Evangelium xx. & v. annorum ejusdem urbis tenuit Pontificatum; sexto autem & tricissimo anno post Passionem Domini sub Nerone Cæsare, ut voluit, cruce suspensus est. Cujus natalitium III. Kal. Jul. celebratur.

**PAULUS**, qui interpretatur Pius, ortus ex Tribu Benjamin, Apostolus Gentium: hic secundo post Ascensionem Domini anno baptizatus, & sub Nerone Romæ eodem die quo & Petrus, capite truncatus, ibique sepultus est.

**ANDRÆAS**, qui interpretatur virilis vel decorus, frater Petri: hic prædicavit Scythiam & Achaiam, ibique in civitate Patras cruce suspensus occubuit. Prædie Kal. Decemb. celebratur.

**JACOBUS**, qui interpretatur supplantator, filius Zebedæi, frater Johannis: hic Spaniæ & Occidentalia loca Prædicator, & sub Herode gladio cæsus occubuit, sepultusque est in Achaiâ Marmaricâ, VIII. Kalendas Augustas.

**JOHANNES**, qui interpretatur gratia Dei, Apostolus & Evangelista, filius Zebedæi, frater Jacobi dilectus Domini, Prædicator Asiæ & in Epheso, VI. Kal. Jan. Natal. ejus, alii dormitionem ejus VIII. Kal. Jul. dicunt, quando Nativitas sancti Johannis Baptistæ celebratur.

**THOMAS**, qui interpretatur abyssus; Didymus,

Tom. II.

hoc est, Christi similis: hic Parthis & Medis Prædicator, & distans Orientalem plagam, ibique Evangelium prædicavit, lanceâ enim ibi transfixus occubuit in Calaminicæ Indiæ civitate, ibi sepultus est XII. Kal. Jan.

**PHILIPPUS**, qui interpretatur os lampadis, à Bethsaïda civitate ortus, unde & Petrus; Gallis prædicavit Christum, deinde in Hierapoli Frigiæ Provinciæ crucifixus & lapidatus obiit, ibique cum filiabus suis quiescit. Cujus natalitium Kal. Maii celebratur.

**JACOBUS** frater Domini, Hierosolymorum primus Episcopus: hic dum Hierusalem Christum Dei Filium prædicaret, de templo à Judæis præcipitatur, lapidibusque opprimitur, ibique juxta templum humatur. Ejus natalitia Kal. Maii, & ordinatio VI. Kal. Jan.

**BARTHOLOMÆUS** Apostolus, nomen ex Syriâ linguâ suscepit, interpretatur filius suspendentis aquas, Lycaoniam prædicavit, ad ultimum in Albano Majoris Armeniæ urbe vivens à barbaris decoriatur, atque per jussu Regis Astyagis decollatur, sicque terræ conditur IX. Kal. Septem.

**MATHÆUS** Apostolus & Evangelista, qui interpretatur donatus: hic etiam ex Tribu suâ Levi sumit cognomen, ex publicano à Christo electus; primò quidem in Judæâ evangelizavit, postmodum in Macedoniâ; & passus in Persidâ: requiescit in montibus Portorum XI. Kal. Octobris.

**SIMON** Zelotes, qui interpretatur zelus: hic primus dictus est Cannanæus zelo Dei fervens, par in cognomento Petri, & similis in honore; hic accipit Ægypti principatum, & post Jacobum justum cathedram dicitur tenuisse Hierosolymorum, & post annos cxx. meruit sub Adriano per crucem susti-

D

tere martyrium passionis, jacet in Porto-Foro: ejus natalitium celebratur v. Kal. Novemb.

**JUDAS**, qui interpretatur confessor, frater Jacobi in Mesopotamia, atque in interioribus Ponti prædicavit, sepultus est in Nerito Armeniæ urbe; ejus festivitas celebratur v. Kal. Novemb.

**MAITHIAS** de septuaginta Discipulis unus, & pro Juda Scarioth duodecimus inter Apostolos subrogatur, electus forte & solus sine cognomento, cui datur Evangelii prædicatio in Judæa. vi. Kalendas Martias.

In nomine <sup>a</sup> sanctæ Trinitatis incipit MARTYROLOGIUM per circulum anni.

**E VIII. K AL. Jan.** Bethlehem, Nativitas Salvatoris Domini nostri **JESU-CHRISTI** secundum carnem. Romæ, Jovini, & Passio Eugenæ virginis. Et alibi, Anastasiæ virginis, Felicitatis & Saturnini.

**F VII. Kal. Jan.** Passio Stephani Martyris. Romæ Dionysii Confessoris, Helix, Dorostoli<sup>b</sup>, Juliani, Neandri, & Passio sancti Marini.

**G VI. Kal. Jan.** Ordinatio Episcopatus Jacobi Apostoli fratris Domini, & Assumptio sancti Johannis Evangelistæ.

**H V. Kal. Jan.** In Bethlehem, Natalis Martyrum Infantium & lactantium. Et alibi, Domitiani<sup>c</sup>, Eutici, Castori, Eusebii, Galani, Domiciæ. Translatio Thomæ Apostoli, & Octabas ipsius.

**I IV. Kal. Jan.** In Africâ Victoris, Libosi, Honorati<sup>d</sup>, Saturi. Romæ Felicis, Domici, Criscenti, Primiani, Bonifacii Episcopi.

**K III. Kal. Jan.** Alexandriæ, Mansueti, Honori, Pauli, Poli, Stephani, Cleti. Romæ, Felicis Episcopi, Perpetuæ<sup>e</sup>, Florenti Confess.

**L Pridie Kal. Jan.** Donati, Gai. Romæ Rogati, Silvestri Episcopi & Confess. Hermetis, Stephani. Sennonis, Passio Columbæ Virginis.

*Mensis JANUARIUS habet dies XXXI.*

**A K AL. Jan.** Circumcisio Domini nostri **JESU-CHRISTI** secundum carnem. Stephani, Eufrosyni, Hermetis, Gagi, Victoris, Severi. Agustiduni, Agrippini Episcopi<sup>f</sup>. Romæ, Martinæ Martyris.

**B IV. Nonas Jan.** Antiochiæ, Isidori<sup>g</sup>, Macharii, Abbat. Tobiz Abb. Arutulæ, Vitalis, Stephani.

<sup>a</sup> In nomine ] Hic est titulus Cod. S. Galli: In nomine sanctæ Trinitatis, incipit Brevarium de Martyrologio per circulum anni, transcriptum de libris civitatum Lugdunensis, Viennensis, Aquisgranensis, & Gratianopolitana Urbis juxta Hieronymum, & additis festis juxta Romanorum traditionem.

<sup>b</sup> Dorostoli ] In cod. S. G. Dorostoli. Antiochia.

<sup>c</sup> Domitiani ] In cod. cod. Dominiani, mox Gaiani, & in fine Matutina & Missa.

<sup>d</sup> Honorati ] Codex S. G. Honori, & statim Dominici. Idem, in Africâ, Bonifacii.

<sup>e</sup> Perpetua ] Laudatus codex Perpetui. Idem die seq. Roma, Rogata.

<sup>f</sup> Agrippini Episcopi. ] Add. in cod. S. G. Et Octava Domini nostri.

<sup>g</sup> Isidori ] Codex S. G. Isidori, & post Abbat. in eodem additur, Et octava Stephani.

<sup>h</sup> Marcellus ] Idem codex, Marcellini, Genovefæ; & octava Johannis Evangelistæ; & Jacobi Apost. Mant. & Martyris.

<sup>i</sup> Aquilini ] Sæpe memoratus codex, Aquilini, Agenti, Trifona. In fine, Et Octava Infantium & lactantium, Mant. & Mart.

<sup>l</sup> Confessoris ] In laudato codice subjungitur, Et vigilia Theophrasti.

**C III. Nonas Jan.** Cirici, Claudionis, Argei, Marcelli<sup>h</sup>. Parisiis, Genuvefæ Virginis. Viennæ, Florenti. Romæ, Anteri<sup>i</sup> Papæ, Theugenis Martyris.

**D Pridie Nonas Jan.** Africæ, Aquilini<sup>i</sup>, Augenti, Quinti, Trifinæ. Bononiæ; Hermites, Aggei, Gagi.

**E Nonis Jan.** In Africâ, Felicis, Luciani, Celestini, Petri, Sereni. Hierosolyma, Simeonis Prophetæ. Item Simeonis Confessoris<sup>l</sup>.

**F VIII. Idus Jan.** Epiphania Domini, Honori, Juli, Anastasiæ, Juliani, Basilissæ, Celsi. Redonis, Natal. & Translatio & Ordinatio Episcopi Melanii Confessoris<sup>m</sup>.

**G VII. Idus Jan.** Nicomediæ Luciani, Liceri<sup>n</sup>, Poliocti, Feliocti, Felicis, Paladi, Elidori Episcopi, Puliarci, Eucti. Eductio Jesu de Aegypto.

**H VI. Idus Jan.** in Graciâ Rustici, Timothei; Luci, Flori, Satei. Agustoduni, Aegemoni Episcopi.

**I V. Idus Jan.** Epictiti<sup>o</sup>, Saturni, Vitalis; Fortunati, Quietii, Revocati.

**K IV. Idus Jan.** Africæ, Revocati, Nirtæ. Alibi<sup>p</sup> Melciadis, Saturi, Felicitatis.

**L III. Idus Jan.** in Alexandriâ Petri, Lucii. Alibi<sup>q</sup> Filoromi, Augenti, Gregorii Episcopi Nazianzeni.

**M Pridie Idus Jan.** in Achaiâ, Cyriaci, Saturi. Alibi, Zotici, Bonitti<sup>r</sup>, Castoli, Rogati, Filoromi, Petri, Aventini.

**N Idibus Jan.** In Achaiâ, Ciriaci, Saturi. Alibi, Zotici, Clicerii, Secundi. Depositio Hilarii Episcopi.

**O XIX. Kal. Februarii.** Antiochiæ, Clicerii Martyris. Alibi, Pauli, Saturi, Geronti, Januarii, Felicis, Eufrafi<sup>t</sup> Confess.

**P XVIII. Kal. Febr.** In Aegypto, Crisconi, Melampii. Alibi, Cornelii, Leuci<sup>u</sup>, Abbauc Prophetæ, Remedii<sup>x</sup>.

**Q XVII. Kal. Febr.** Romæ, Marcelli<sup>y</sup> Papæ & Martyris, Marthæ Mart. Saturnini<sup>z</sup>, Fausti. Arelate, Honorati Episcopi & Confessoris.

**R XVI. Kal. Febr.** Africâ, Mutii, Victorici, Leutii. In Aegypto, Thebaide, Antonii Monachi. Lingonis, Speusipi & Melesippi, Leonellæ<sup>a</sup> Martyris cum sociis eorum. Deas civit. Marcelli Episc. Bituricis, Sulpicii Episc.

**S XV. Kal. Febr.** Cathedra sancti Petri Apostoli quâ primò Romæ sedet. Mosci, Ammoni, Tirsi, Luci, Lurici Mart. Prisci, Leopardi Confess.

**T XIV. Kal. Febr.** Africæ Pnuli<sup>b</sup>, Germani, Julii, Gagi. Hierosolymis Marthæ & Mariæ<sup>c</sup>, Alipia, Zozimi, Fortunati. Lugduni, Nicetii Confessoris.

<sup>m</sup> Melanii Confessoris ] Sequitur in codice S. G. Et est obitus Victorii Episcopi.

<sup>n</sup> Liceri, ] Codex S. G. Liceri. Alibi.

<sup>o</sup> Epictiti ] Idem codex, Africâ, Epictiti.

<sup>p</sup> Nirtæ. Alibi, ] Idem, Nirtæ, Melciadis, &c.

<sup>q</sup> Lucii. Alibi, ] Hic idem accidit, quod superiori die, nam in codice S. Galli scriptum est consequenter Lucii, Filoromi. Porro ne eandem cantilenam sæpius occinamus, lectorem monere juvat, varias lectiones quas deinceps exhibebimus, ex eodem S. G. codice esse desumptas.

<sup>r</sup> Bonitti ] Add. Confessoris. Et in fine, Et Vigilia Elarii.

<sup>s</sup> Idibus Jan. ] Idibus Jan. Africâ, Ingenii, Felicitatis. Alibi, Cyriaci, Zotici, Clicerii, Secundi. Helarii, Pectavis Euthardis obit.

<sup>t</sup> Eufrafi ] Rem. Eufrafi Martyris.

<sup>u</sup> Leuci, ] Livici.

<sup>x</sup> Remedii ] Remis, Remedii Confessoris.

<sup>y</sup> Roma, Marcelli ] Roma, Marcelli Confessoris: quod notandum.

<sup>z</sup> Saturnini ] Alibi, Saturnini.

<sup>a</sup> Leonella ] Leonelli.

<sup>b</sup> Pnuli ] Peculi.

<sup>c</sup> & Maria ] & Maria, Alibi, Alipia.



V xiiii. Kal. Febr. Romæ Fabiani<sup>d</sup>, Sebastiani Mart. Marii, Adafax. Alibi Clementis, Leontii, Tirsii, vel aliorum.

A xii. Kal. Febr. Felicis, Eustasii Confess. Solutoris, Fructuosi<sup>e</sup> Mart. Elogi Mart. Patrueli Mart. Et Passio Agnetis Virginis<sup>f</sup>, Aviti Confess.

B xi. Kal. Febr. In Hispaniâ, Valent. civitate, Passio sancti Valeri Episcopi, Vincentii Diaconi & Mart. Quintiliani, Pauli, Apodimi, Quiri, Clementis, Januarii. Romæ Vincentii & Anastasii Martyris<sup>g</sup>.

C x. Kal. Febr. Severiani Martyris, Flori, Corneli, Donati<sup>h</sup>, Clementi, Eugeni, Macharii Mart. Romæ S. Emerentianæ Mart.

D ix. Kal. Febr. Antiochiæ, Babylæ<sup>i</sup> Martyris. Alibi Mardonii Martyris, Epicteti, Galei, Felicissimi, Vincentiæ, Eustasii Confess.

E viii. Kal. Febr. B. Pauli<sup>l</sup> Apostoli Conversio in Damasco. Donati, Epicteti, Papiæ, Tirsii. Agapæ, Fabiani, Savini. Arvernii, Amarini, Præjecti Mart.

F vii. Kal. Febr. Policapi Episcopi, Armata, Artemii, Fabiani, Sidonis, Leodotii, Theogenis, Sabiani, sanctæ Paulæ.

G vi. Kal. Febr. Africæ, Dativi, Reotri, Emiliani, Publii, Artemii, Amati<sup>m</sup>.

H v. Kal. Febr. Romæ Agnetis Virginis de Nativitate. Donati, Viti. In Africâ, Mesuriani, Juliani, Nicomedis, Leaci, Cælestini.

I iv. Kal. Febr. Pauli, Victoris, Hippolyti, Honorati, Constanti. Treveris, Valerii Episcopi.

K iii. Kal. Febr. Antiochiæ, Hippolyti. Alibi Pelliani, Cleri<sup>n</sup>, Filippiani.

L Pridie Kal. Febr. Alexandriæ, Tarsici, Gelasii, Hippolyti, Thirsi Mart. Galinici, Victoris.

### Menfis FEBRUARIUS habet dies XXVIII.

M KAL. Febr. In Scotiâ, depositio Brigidæ Virginis. Alibi Polycarpi, Pœnis, Publii, Severi Confess. Vindimialis Martyris.

N iv. Nonas Febr. Solemnitas S. Mariæ, quando Dominum in Templo representavit. In Africâ, Victoris, Privatuz. Romæ, Laurentii, Fortunati, Aurelii, Flosculi<sup>o</sup> Confessoris & depositio Sichariæ Virginis.

O iii. Non. Febr. Africâ, Felicis, Laurentii, Celerinæ, Hippolyti, Felicitatis Confess. Vappingo, Territi Confess. Lugdun. Lupicini Confess.

P Pridie Non. Febr. Gemini, Gelasi, Magni, Donati<sup>p</sup>, Aquilini, Timoe.

Q Nonis Febr. Siciliæ, Passio Agathæ Virginis, Revocati, Saturi, Felicis, Saturnini<sup>q</sup>. Viennæ, Aviti Confess. Andreæ Apostoli ordinatio Episcopatus.

<sup>d</sup> Roma, Fabiani ] Roma, Sebastiani unde Martyris, (pro Diaconi & Mart.) Fabiani Martyris.

<sup>e</sup> Fructuosi ] Fructuosa.

<sup>f</sup> Agnetis Virginis ] Agnetis Virginis Mart. & Martyris. Aviti Confessoris, & Vigilia Vincentii Martyris.

<sup>g</sup> Anastasii Mart. ] Add. Et est obitus Nosingi Episcopi.

<sup>h</sup> Donati ] Demati.

<sup>i</sup> Babylæ ] Basilla, Mardonii.

<sup>l</sup> B. Pauli ] In codice S. G. ex quo varias lectiones sumimus, legitur hoc die Bisi. Arvernii, Præjecti Martyris, Donati. Et est Conversio S. Pauli Apostoli, atque Translatio ipsius. Ille porro codex mutilus est deinceps usque ad Idus Februarii.

<sup>m</sup> Amati ] In codice Baluzii additus, Gai, Epicteti.

<sup>n</sup> Cleri ] In eodem codice legitur Clari.

<sup>o</sup> Aurelii, Flosculi ] Acherius emendat, Aurelianus, Fuscus.

<sup>p</sup> Magni, Donati ] In codice Bal. Maximi, Donata.

<sup>q</sup> Saturnini ] In eodem codice, Saturni.

Tom. II.

R viii. Idus Febr. Soteris Virginis. Alibi, Saturnini, Revocati, Dorotheæ, Theofili. Alibi, Passio Lucie Virginis, Amandi Episcopi, Vedasti Episcopi.

S vii. Idus Febr. Aguli<sup>t</sup> Martyris, Anatholii, Ammonis, Statiani, Nepotiani, Lucii, Saturnini, Saturnæ, Andreæ.\*

T vi. Idus Febr. Armeniâ, Dionysii, Emiliani, Thomæ, Juli, Germani, Agathon. Ciriaci.

V v. Idus Febr. Alexandriæ, Ammonis, Emiliani, Sebastiani. Romæ, Pauli Episcopi. Alibi, Luci.

A iv. Idus Febr. Apollonis Martyris, Protei, Grionis, Pauli Mart. Silvani Confess. Andreæ, Trojani Confess. Romæ, Soteris, Zotici, Hirenei, Jacinthi, Amati Mart.

B iii. Idus Febr. Eufrazi, Pasiliani, Amantii, Talici, Felicis, Sorothedis<sup>t</sup>. Lugduni Desiderii Episcopi. Picqvis Baldegundæ. Romæ Coloceri, Partemi Mart.

C Pridie Idus Febr. Damiani Martyris, Luciani<sup>u</sup>, Donati, Eraclii, Susannæ, Eulaliæ, Orbani,\* Simplicii Confess.

D Idibus Febr. Luciani Martyris, Juliani, Ciriaci, Ammonis, Decenti. Lugduni, Depositio Stephanii Episcopi.

E xvi. Kal. Martii. Romæ, Valentini, Zenonis, Vitalis, Filiculæ Mart. Marciani, Vincentii, Germani, Barsiani Mart. Agatonis Mart. Jonas, Aegæas. Et diabolus retrò à Domino recessit.

F xv. Kal. Martii. Ioseppi, Agapæ Virginis, Joannis, Adventi, Xysti, Victoris, Pomponi, Castoli.

G xiv. Kal. Martii. Faustianiani, Plesi, Ququatis, Fabiani, Maximæ<sup>x</sup>, Junellæ cum aliis quinquaginta quatuor, Juliani Mart. cum quinque milia. Depositio Tetradii Episcopi.

H xiii. Kal. Martii. Donati Martyris, Crisfantiani<sup>y</sup>, Romoli Mart. cum octoginta quatuor, Januarii, Octaviani, Govoli, Marci.

I xii. Kal. Martii. Rutuli, Classici, Damasii, Pauli, Marcialis, Maximi, Marcelli, Fructuli.

K xi. Kal. Martii. Publii, Juliani, Barechæi, Tullii, Lampasi, Majuli, Julii, Marcelli.

L x. Kal. Martii. Potanii,\* Nemesei, Didimi, Gagi Conf. Victoris, Coronæ.

M ix. Kal. Martii. In Africâ, Viruli,\* Sirci, Jocundi, Victorini, Petri, Justi, Secundi.\*

N viii. Kal. Martii. Cathedra<sup>b</sup> sancti Petri Apostoli, quâ sedit apud Antiochiam, Teclæ Virginis, Victorini, Concordiæ, Seneri. Et alibi Lxi. Mart. Euteri, Castæ, Flavie, Gurgoni.

O vii. Kal. Martii. Seneroti, Policarpi Episcopi cum aliis duodecim.\* Herotis, Cusconi,

<sup>t</sup> Aguli ] Codex Baluzianus Agabi, Idem infra, Saturnini, Sarnandrea.

<sup>f</sup> Grionis, Pauli ] Laudatus codex, Orientis, Plausi.

<sup>t</sup> Sorothedis ] Hic etiam Baluz. codex adjumento nobis etit; nam in eo legitur Zotici, Zoteris, Lingonis, Desideris, &c.

<sup>u</sup> Luciani ] Idem codex Juliani, & mox Urbani.

<sup>x</sup> Maxima ] In eodem Baluz. codice ita locus hic legitur Maximi, Vincella cum Lxi. Juliana, &c.

<sup>y</sup> Crisfantiani ] Codex S. Galli Criscentiana, Romuli, Baluzianus, Chrysantiana.

<sup>z</sup> Potanii ] Codex S. G. Potami.

<sup>a</sup> Viruli ] Baluzianus codex Virolis. In fine, codex S. G. addit, Et Vigilia Cathedra S. Petri.

<sup>b</sup> Cathedra ] Idem S. Galli codex, Natal. Cathedra.

<sup>c</sup> cum aliis duodecim ] Laudatus codex, cum aliis quindecim Herotis, Grifonii, &c. In fine Vigilia S. Mathie Apostoli. Ex eodem codice additus est dies vi. Kal. Martii, qui deerat in Codice Gellonensi.

D ij

Petri, Felicis cum aliis triginta sex, Sirici.

P vi. Kal. Martii. Herotis, Primitivæ, Rutili, Luciani, Victorini, Serapionis, Mathiæ Apostoli.

P v. Kal. Martii. Donati, Ingenui cum aliis quadraginta quinque, Iusti, Castæ, Crescenti, d Rogatiani, Nestoris.

Q iv. Kal. Martii. Alexandri, Nestoris, Theonis, Donativi, Ingenui, Fortunati, Felicis cum aliis viginti quinque.

R iii. Kal. Martii. Alexandri, Antigoni, Abundantii, Titiani, Dionysii, & aliorum viginti quatuor, Serviliani, Datiani, Leandri.

S Pridie Kal. Martii. Celeris, Pupilli, f Claudi, Machari, Gaie, g Rufinæ, Iusti.

MARTIUS habet dies XXXI.

A KALENDIS Martii. Passio Leonis Mart. Donati, Habundantii, Hermetis, Adriani, Victuri. Andegavis, sancti Albini Confessoris.

B vi. Nonas Martii. Heroli. Romæ, Lucii Episcopi, Pauli, Georgii, Januariæ, Absaloni, Primitivæ.

C v. Non. Martii. Felicis, Luciole, Gagolæ, Emeteri, Iulii, Casti, Iusti, Soli.

D iv. Non. Mart. Romæ, Natalis sanctorum Martyrum octingentorum, Iulii, Roti, Lucii, Gagi, Furtinionis, Gregorii. Adriani Romani Episcopi ordinatio.

E iii. Non. Mart. Africâ, Evoli, Petri, Focæ Mart. Victoris, Eusebii. Alibi, Saturnini, Marcii, Martini.

F Pridie Nonas Martii. Nicomedie, Victoris. Alibi, Alexandri, Diodori, Perpetuæ, Felicitatis, Silvani.

G Nonis Mart. Africâ, Passio Perpetuæ & Felicitatis, Satyri. Alibi, Servani, Leuci, Italici, Dandæ, Rogati, Manili.

H viii. Idus Mart. Nicomedie, Cyrilli. Alibi Rogati, Urbani, y rilli. Heromia, Eremæ, h Felicis.

I vii. Idus Martii. In Armeniâ, Militum sexaginta. In Africâ, Iuliani, Isici, Philippi, Mariani, Concessi. Romæ, Martyrum quadraginta.

K vi. Idus Mart. Nicie, Gorgoni. i Antiochiæ, Agapæ Virginis. Alibi, Palatini, Firmiani, & aliorum plurimorum.

L v. Idus Mart. Alexandria, Gagi, Philomi, Candidi, Valerii, Quirilli, Petronii, Eraclii, Zoimi, Marciani.

M iv. Idus Mart. Nicomedie, l Egdomi Martyris. Et alibi Zoni, Neonis, Pioni. Romæ, Innocentii, Rasi Confessoris, Gregorii Papæ beatæ memoriæ.

N iii. Idus Mart. Nicomedie, Macedonii, Epopodi Abbatis, Theuretæ Martyris, Eufrazie, Victorini, Marcialis, Iulii.

O Pridie Idus Mart. Eufrosii, Alexandri, Petri Mart. Fronimi, Pionis, Innocentii, Felicissimi. Romæ, Leonis Episcopi & Mart.

P Idibus Mart. Longini, Lucii Mart. Faustæ, Pauli. Hierosolymis, Jacobi Apostoli, Lucæ Evangelistæ.

Q xvii. Kalendas Aprilis. Nicomedie, m Castori, Sereni, Eugenie, Iuliani Abbatis, Hilarii, Castoris, Pampini.

R xvi. Kal. April. Theodoli. Hierosolymæ, Quiriaci Episc. Dionysii, Mariæ, Largi, Alexandri, Daciani. In Scotia, Patricii Episcopi.

S xv. Kal. April. Alexandria, n Collegii. Romæ, Pumenii Presbyteri, Quartini, Samfori. Alibi Selvoli \* cum aliis viginti quatuor, Quinti, Saldæ, Rogati.

T xiv. Kal. April. Theodori, Bassi, Basilie, Leonti Conf. Sorenti, Marci, Florenti.

V. xiii. Kal. April. Ioseph, Pauli, Cyrilli, Eugeni, o Serapionis, Claudii, Victorici, Domni, Valentini, Wlframni Confessoris.

A xii. Kal. April. Alexandria, Serapionis, Iosippi, Volusiani, Policarpi, Amatoris, Ammonii, Benedicti Abbatis.

B. Kal. Aprilis. Narbonæ, Pauli Confessoris. In Africâ, Saturnini. In Sabastiâ, Deeroni, Arionis.

C x. Kal. Aprilis. In Africâ, Felicis Abbatis, Theodori, Iuliani, Agatii, Piomoli, p Pauli, Dionysii.

D ix. Kal. April. Africâ, Agapiti, Romoli, Rogati, Saturnini, Abba, q Secunduli, Victorini, Seleuci. Romæ, Cirini Martyris.

E viii. Kal. April. Annuntiatio sanctæ Mariæ Matris Domini. Hierosolymis Dominus noster Iesus Christus crucifixus est. Et Passio sancti Jacobi Apostoli fratris Domini. Nicomedie, Dulæ. Alibi, Lucellæ & nongentorum r Martyrum. Juvini, Teclæ Mart. Isaac, f sanctæ Theodolæ.

F vii. Kal. April. Romæ Castuli Abb. Monati Mart. Petri, Marciani, Cassiani, Timothei, Theodori.

G vi. Kal. April. Resurrectio Domini nostri Iesu-Christi. In Africâ, Romoli, u Missie, Solutoris, Saturnini.

H v. Kal. April. Rogati, Audautæ, x Castorii, Alexandri, Dorothei. Cavalono, Guntramni Regis bene pausati.

I iv. Kal. April. Nicomed. y Pastoris, Victorini. Dolæ, Iulianæ. z Antiochiæ, Theodori, Saturnini, Poentalis. Alibi, Achaicæ.

K iii. Kal. April. Thessalonice, Domnini. Philippopoli, Acaci, Palatini. Alibi, Victoris, Eulalie Virginis, & Deposito Pastoris.

L Pridie Kal. April. Africâ, Anesi, Felicis, Diodoli, Porti, Abdæ, Corneli, a Valeriz.

d Crescenti] Idem codex, quem laudari, quoties codicis mentio non fit, lectorem scire volo, hoc loco habet Criscenta.

e viginti quinque] viginti sex.

f Pupilli] Publii.

g Gaia] Gagi.

h Heromia, Eremia] Codex Baluz. Beronia, Erenia.

i Gorgoni] In eodem codice additur, Firmi.

l Nicomedie] Idem codex habet Nicie. Die verò seq. sic incipit: Nicie, Epodii. Alibi, Tausate Martyris, &c.

m Nicomedie] Hic etiam Baluz. codex habet Nicie.

n Alexandria] Codex S. Galli, Alexandria, Coll. ga, Quar-

iani, Fori &c. Statim ubi legitur Selvoli, codex Baluz. habet Feliole.

o Eugeni] Memoratus S. Galli codex Eugenia, Iosippi,

Volusiani, Policarpi, Amatoris, Ammonii. Deposito S. Be-

nedicti Abbatis plenius commemoratur.

p Piomoli] Alibi, Phiomoli.

q Abba] Alibi.

r & nongentorum] & cccc.

s Isaac] Add. immolatio.

t Abb. Monati] Alibi, Monati.

u Romoli] Codex S. Galli habet deinde Acuti, cujus

loco in codice Baluziano legitur Agate.

x Audautæ] Codex Baluz. Adauti

y Nicomed.] Idem codex, Nicie.

z Iuliana] Codex S. G. Iuliani, Antiochie, & in fine,

Achaici.

a Cornelii] Idem Codex, Cornelia. In illo autem codice

defunt dies à V. Non. ad pridie Idus Martii; & in sequenti

menfe, hoc est Aprili, desiderantur ejus media pars, nimirum

usque ad diem xv. Kal. Maii.

*Menſis APRILIS habet dies XXX.*

**M** **K** ALENDIS Aprilis. In Arminiâ, Par-  
ini, Quintiani. Alibi, Victoris, A-  
gapæ, Herenei, Dionysii, Stephani, Secundi.

**N** iv. Nonas April. In Africâ, Camp. b Victor-  
is. Alibi, Marcellini, Theodoli, Urbani, Niceti  
Confessoris.

**O** iiii. Nonas Aprilis. In Nicomediâ, c Tho-  
mæ. Alibi, Prancati, Agathæ, Theodosiæ Virg.  
Donati \*, Amphiani, Evagri, Xisti Martyris, Beni-  
gni.

**P** Pridie Nonas April. Theodoli, Agathonis,  
Pauli, Saturnini, Publii, Victoris, Successi, Ma-  
tutini, d Urbani, Juliani. Mediolano, Deposito  
Ambrosii Confessoris.

**Q** Nonis Aprilis. Claudianæ, Marcianæ, Didi-  
mi, Quinti, Honorii, Agapæ, Anfiani, Nicano-  
ris, Andronici.

**R** viii. Idus April. In Nicomediâ, Firmi, He-  
renei, Romani, Donati, Epiphani, Timothei,  
Clusi, Quiriaci, Martinæ. d

**S** vii. Idus April. In Antiochia, Timothei,  
Diogenis, Eleusi, Machariæ, Maximæ. Alibi, Co-  
pricæ, f Victoris, Pelusi.

**T** vi. Idus April. Africâ, Timori, g Conexi,  
Concessæ, Solutoris, Successi, Machari, Pinnari,  
Ammoni, Maximi.

**V** v. Idus April. Demetri, Hilari, Concessi,  
Mari, Fortunati, Donati & aliorum \*, septem Vir-  
ginum.

**A** iv. Idus April. In Alexandriâ, Apollonis, h  
Granii, Saturnini. Alexandriæ, Gagini, Hilarii,  
Donati, Pinnadi, Theodori.

**B** iiii. Idus April. Leonis Papæ & Confessoris.  
Salonis, Domnini, Fortunati, Eustorgii, Nestoris,  
Maximi, Donati, Siagrii Confess. & aliorum i du-  
centorum quadraginta.

**C** Pridie Idus Aprilis. In Asiâ, Carpi. Alibi,  
Julii, Agapi, Pauli, Cypriani, Valerii, Constanti-  
ni Confessoris, Isaac, Cari, Eufemiæ.

**D** Idibus April. Eufemiæ m Martyris, Eucapi,  
Secutoris, Catuli, Januarii, Policarpi, Pauli.

**E** xviii. Kal. Maii. Romæ, Tiburtii, Valeriani,  
Maximi. Alibi, Proculi, Optati, Cornelii, Quiri-  
ci n, Frontonis Monachi.

**F** xvii. Kal. Maii. Picino Maronis o, Messoris,  
Mofitis. Alibi, Arcellai, Diogenis, Veronicæ,  
Prosduci, Luperci Martyris, Gorgii, Agatæ.

**G** xvi. Kal. Maii. In Achaiâ, Carissi Mart. Ali-  
bi, Basilix, Marcialis, Calisti Martyris, Felicis, Lu-  
ciani, Faustini.

b Camp. ] Codex Baluz. *Amphiani*.

c In Nicomediâ ] Idem, in Niciâ, *Thoma Apostoli*. & in-  
frâ, *Donate*.

d Matutini ] Laudatus codex, *Matutini*.

e Martina ] Hic etiam variat Baluz. codex, & habet  
*Martina*.

f Coprica ] Idem, *Capua*.

g Timori ] Idem, *Thimai*. Die seq. legitur in fine & alio-  
rum septem. & vox *Virginum* abest.

h Apollonis ] Laudatus codex, *Apolloni, Granii, Satur-  
nini, Alexandri*. . . . . *Fadi*.

i & aliorum ] Idem, & *alibi*.

l In Asiâ ] Idem, in *Africâ*.

m Eufemiæ ] Idem, in *Calcedoniâ, Eufemiæ*.

n Cornelii, Quiriaci ] Idem, *Cornelia, Cypriani*.

o Maronis ] Idem, *Mortonis*.

p Baruci ] Codex S. G. *Bannuci*. Idem die seq. *Crispina*  
habet, & *Victurini*, ubi legis *Crispini*, & *Victurina*.

q Fortunati ] Laudatus codex *Fortunata*.

r Africâ ] Idem S. G. codex, *Natale Senesii Martyris &  
Abbas, Africâ*, &c. Infrâ, *Araci, Salviani*, & in fine, *Au-  
tisdori, Deposito Martini Confessoris*.

H xv. Kal. Maii. Antiochiæ, Petri, Ermogenis,  
Marciani. In Africâ, *Bannuci*, Donati, Macedoni,  
Fortunati.

I xiv. Kal. Maii. Septimi, Victorici, Donati,  
Eleuteri Episcopi, Crispini \*, Mappalici, Anthiæ,  
Victurina. \*

K xiii. Kal. Maii. In Arminiâ, Hermogenis,  
Gagi, Rufi Mart. Fortunati q, Seratiani, Donati.  
Alibi, Vincentii, Vitalis Mart.

L xii. Kal. Maii. Africâ r, Serviani, Arajaci \*,  
Johannis. Romæ, Victoris, Tiaraci, Salviani, Do-  
nati Mart. Autisdori \*, Mariani Confessoris.

M xi. Kal. Maii. Alexandriæ, Fortunati f, Ara-  
toris, Vitalis. Romæ, Valeriani, Aprunculi, Maxi-  
mi Abb. Cesari. \*

N x. Kal. Maii. Philippi. Romæ, Gaii Papæ.  
Lugduni, Epeodi. Alibi, Leonidis, Primoli, Tur-  
diani. Senonis, Leonis Episcopi.

O ix. Kal. Maii. In Africâ, Catolini, Victoris t,  
Ursi. Romæ, Georgii Martyris. Naboris, Vitalis.  
Alibi, Felicis, Fortunati, Achillei, Pantalimoni \*,  
Theodoræ, Faustini.

P viii. Kal. Maii. Victoris, Coronæ u, Dona-  
ti, Theonis, Faustini, Sidrac, Misac & Abdenago  
sic liberati sunt. \* Alexandriâ, Georgii Mart. Lugdu-  
ni, Passio sanctorum Alexandri cum aliis triginta  
tribus.

Q vii. Kal. Maii. Evodii, Fortunati x, Diospo-  
li civitate, sancti Georgii Mart. Lugduno, Rustici  
Confess.

R vi. Kal. Maii. Aurelii, Leonis v. Africâ, Ju-  
li, Sirici, Vindei, Pauli, Cleti Mart. Maximi, Mar-  
ciani, Simplicii, Germani, Gemellini. \*

S v. Kal. Maii. Antimii \* Episcopi, Castori,  
Antimi, Hermetis, Victoris, Germani, Stephani,  
Antonini, Thimæ, Sodalis.

T iv. Kal. Maii. Eusebi a. Romæ, Vitalis, Vi-  
ctori, Malini cum aliis centum septuaginta. Afrosi-  
di, Manilii. Niciæ, Luciani cum aliis quadringentis  
decem. Bituricæ, Eutici Confess. Egressio Noë de  
arcâ.

A iiii. Kal. Maii. Alexandriæ b, Germani. Ali-  
bi, Prosduci, Prudentii, Valentini, Urbani, Gradi,  
Pudentii, Manili, Meteorinæ Virginis, Vitalis.

B Pridie Kal. Maii. Alexandr. Dorothei. Cris-  
pini. Alibi, Pomodiani. Romæ c, Quirini Martyris,  
Rodimini, Polocronii Confess. Pastoris, Mariani \*,  
Jacobi.



f Alexandriæ, Fortunati ] Codex Baluz. habet *Alexan-  
dri*, codex S. Galli, *Fortunata*. In fine, idem S. G. codex  
ubi *Ab. Cesari*, habet *alibi, Cesari*.

t Victoris ] Idem *Victuri*. Infrâ ubi *Pantalimoni*, codex  
Baluz. habet *Panteleemonis*, emendatè.

u Corona ] Baluz. codex *Carina*. Statim codex S. G. *Ab-  
denago in Babiloniâ de camino ignis liberati sunt*, sequitur in  
codice Baluz. *Alexandri, Georgii*, &c.

x Fortunati ] In codice S. G. additur, *Marci Evangelista  
Martyris*.

y Leonis ] Idem codex *Leonidis* habet, & in fine, *Ge-  
mellina*. In codice Bal. post *Leonis* legitur, *Africa, Juri*,  
&c.

z Antimii ] Codex S. G. *Anchimi*; statim codex Baluz.  
*Castori, Anessimi*.

a Eusebi ] Hic dies sic describitur in codice S. G. *Eusebi,  
Vitalis, Victuri, Malina, Afrodisi, Manili, Nicia, cum aliis  
ccc x*.

b Alexandriæ ] Codex Baluz. *Alexandri*.

c Roma, Quirini ] In codice S. G. deest *Roma*: in codice  
Baluz. *Quirici, Rodoni*, &c. In fine codex S. G. *Mariani*.  
*Vigilia Philippi Apostoli. Plures commemorationes*.

D iij

MAIUS habet dies XXXI.

**C** **K** **A**LENDIS<sup>d</sup> Maii. In Asia Natalis Philippi & Jacobi Apostolorum. In Galliis, sancti Amatoris Confess. Sigismundi Regis. Tolosæ, Orientii Episcopi, Quiriaci.

**D** vi. Nonas Maii. Germani, Saturnini, Helpidii, Cælestini, Privatæ<sup>e</sup>, Felicis, Hermogenis, Cetini, Urbani, Becillici.

**E** v. Nonas Maii. Inventio sanctæ Crucis<sup>f</sup>. Romæ, Hermogenis, Alexandri, Eventii, Theodoli, Juvinalis Confessoris, Orbani, Mariani, Fortunati.

**F** iv. Nonas Maii. Antonini & Martyris, Cælestini, Felicis, Floriani Mart. Silvani, Nestoris, Corcodimi Conf. Romani, Fortunati. Ascensio Domini nostri Jesu Christi.

**G** iiii. Nonas Maii. Eufimi, Gregorii<sup>h</sup>, Petivi. Aralato, Hilarii. Viennæ, Felicissimi, Nectarii, Niceti. Autifiodoro, Juviani<sup>i</sup> Martyris.

**H** pridie Nonas Maii. Persidæ<sup>i</sup>, Matthæi Apostoli. Alibi, Hierontii, Secundiani, Mediolano, Victoris, Felicis. Autifiodoro, Valerii.\*

**I** Nonis Maii. Agustini, Marcellini, Cellerini, Eutici, Georgii, Helari Confess. Agustoduno, Placidi, Marobi<sup>l</sup>, Flavii.

**K** viii. Idus Maii. Victoris Martyris, Fortunati, Agati, Maximi, Stephani, Eutici, Saturnini. In Santonico, Martini. Autifiodoro, Pelladii.

**L** vii. Idus Maii. Quirilli, Genoni<sup>m</sup>, Timothei, Gurdianæ,\* Primolæ, Quindei, Afrodisi, Beati Confess.\*

**M** vi. Idus Maii. Romæ, Epimachi, Gordiani. Alibi, Probatæ, Cyrilli, Petri, Felicis, Faustæ<sup>n</sup>, Mariæ, Job Prophetæ.

**N** v. Idus Maii. Montanini<sup>o</sup>, Septimi, Maroli, Epimini, Antimi, Demetrii.\* Viennæ, Mamerti, Martini.

**O** iv. Idus Maii. Romæ, Nerci, Achilei, Pancratii Mart. Sotheris<sup>p</sup> Virginis, Afroditi Martyris cum aliis quingentis quatuor.

**P** iiii. Idus Maii. Agrippæ, Lucæ<sup>q</sup>, Sabini, Gagi, Sebastiani, Taraci, Probi, Andronici, Victoris, Saturnini, Marcelliani\*, Martini.

**Q** pridie Idus Maii. Victoris, Quarti<sup>r</sup>, Secundiani, Proculi, Maximi, & quadringentorum quatuor, qui cum sancto Ciriaco\* passi sunt. Romæ, Ilidori, Bonifacii.

**R** idibus Maii. Timothei, Præstabilis, Digni,

<sup>d</sup> *Kalendis*] In codice S. G. primum scribitur, *Letanias indicendas*: deinde, *Kalendis Maii. In Asia, natalis Philippi Apostoli. In Galilæa initium predicationis Domini nostri Jesu Christi, Amatoris Confessoris, Sigismundi Regis, Jacobi & Matthæi, Juda Apostoli*. In codice Baluz. post *Sigismundi Regis*, additur *Bertha Abbatis*.

<sup>e</sup> *Privatæ*] Codex Baluz. *Privati*.

<sup>f</sup> *sancta Crucis*] In codice S. G. sequitur, *Marris & Martyris. Natale Hermogenis, Eventinæ Martyris*.

<sup>g</sup> *Antonini*] Codex Baluz. *Antonina*.

<sup>h</sup> *Gregorii*] In codice S. G. additur deinde *Heremi*. In fine codex Baluz. habet *Viviani* ubi legitur *Juviani*.

<sup>i</sup> *Persida*] In codice S. G. *In Perside, natale S. Matthæi Apostoli. Alibi, Gerontii Confessoris*. Ibidem codex Bal. habet *Gerontii*, & in fine addidit, *Natale Joannis ante Portam Latinam*.

<sup>l</sup> *Marobi*] Codex S. G. *Magrobi*.

<sup>m</sup> *Genoni*] Idem codex *Zenoni*. Infrâ ubi *Gurdiana*, in codice Bal. legitur *Gordiani*, & in fine additur *Pachomii Abbatis*.

<sup>n</sup> *Fausta*] Codex S. G. *Fausti, Maria, Jacobi Propheta*.

<sup>o</sup> *Montanini*] Idem Codex *Montaniani*, & infrâ *Timetri*, ubi legis *Demetrii*.

<sup>p</sup> *Sotheris*] Idem codex *Rotheris Virginis, Soteris Martyris cum ceteris*. Statim codex Bal. *Effodiri Martyris*, &c.

*Simplicii, Felicis, Cirtici, Victoris, Petri, Andrea, Dionisii, Tretici Episcopi*.

**S** xvii. Kal. Jun. Aquilini, Eraclii, Victoriani, Paulini, Diocletiani<sup>f</sup>, Mengeni, Vincentii, Peregrini Mart. *Idoli Confessoris*.

**T** xvi. Kal. Jun. Victoris, Primi, Liberii, Eraclii, Aquilini, Martini, Galli, Cori<sup>t</sup>, Pauli, Peregrini Mart.

**V** xv. Kal. Jun. Alexandria, Potamonis, Maximæ, Ermoni. Alibi, Dioscori Martyris, Dativi, Hortasii, Victoris, Cassi, Luciosæ, Marci Evangelistæ.

**A** xiv. Kal. Jun. Romæ, Caloceri, Potentianæ<sup>u</sup> Mart. Paterni Martyris, Calisti,\* Poliocci, Quinti, Emeli, Primoli, Partini.

**B** xiii. Kal. Jun. Romæ,\* Basilisæ,\* Victoris, Basilissæ, Baudili Mart. Cellosæ, Salsæ, Gervasii, Protasii, Fausti, Austrighisili.

**C** xii. Kal. Jun. Timothei, Poli, Eviti<sup>y</sup>, Victoris, Donati, Matthæi Apostoli, Valis Confessoris.\*

**D** xi. Kal. Jun. Romæ, Faustini, Venusti. In Corsicâ, Julis, Casti. Autifiodoro, Helenæ Virginis. Alibi, Poliuisti, Felicis<sup>z</sup>.

**E** x. Kal. Jun. Epictiti, Basilisæ. Affricâ, Quinti, Luci. Viennæ, Desiderii Episcopi, Juliani, Firmiti, Aptonii, Fausti.

**F** ix. Kal. Jun. Servuli, Saturnini, Zoeli, Vincentii. Namnetis, Regatiani, Donatiani Martyrum.

**G** viii. Kal. Jun. Sentiatæ<sup>a</sup>, Dionysii, Eusebii, Macenti. Romæ, Urbani Papæ, Desiderii Martyris. Affricâ,\* Johannis Apostoli. Tregas, Leonis Mon.

**H** vii. Kal. Jun. Affricâ, Eraclii, Agustini Episcopi, Felicissimi, Pauli, Victoris, Rufini, Saturni<sup>b</sup>. Autifiodoro, Passio Prisci. Romæ Semetri cum aliis viginti tribus Martyribus.

**I** vi. Kal. Jun. Aquili<sup>c</sup>, Helis, Sacci, Julii, Saluciani, Eutrici, Quinti, Stabuli, Evangelii, Luciani. Romæ, Restitutæ.

**K** v. Kal. Jun. Zetuli, Primoli, Emili. Romæ, Epicati<sup>d</sup>, Marciani, Castuli. Parisius, Germani Confessoris.

**L** iv. Kal. Jun. Pollionis, Crispoli, Cyrilli, Primi, Restituti, Venusti, Carelli, Maximini<sup>e</sup> Confessoris.

**M** iiii. Kal. Jun. Sici Palatini Mart. Gabini, Crispoli.

**N** pridie Kal. Jun. Canti, Ptocati, Datianæ,

*Luca*] Laudatus S. G. codex *Luci*, & in fine *Marcellini, Martini*.

<sup>r</sup> *Quarti*] In eodem codice legitur *Quinti*, & infrâ cum *Sancto Ciriaco*.

<sup>s</sup> *Diocletiani*] Codex S. G. *Diocletiani*, codex Bal. *Diocletiani, Megeti*.

<sup>t</sup> *Galli, Cori*] Codex S. G. *Galligori*.

<sup>u</sup> *Potentiana*] Bal. codex *Pudentiana*. Infrâ codex S. G. *Calisti. Alibi, Poliocci*.

<sup>x</sup> *Roma*] In codice S. Galli hic dies sic describitur: *Victoria. Roma, Basilissa, Bauduli, Marcellus, Gervasi, &c. Austrighisili*.

<sup>y</sup> *Poli, Eviti*] Codex Bal. *Polyeniti*. Statim ubi legitur *Valis Confess.* codex S. G. habet, *Valentis Martyris & Episcopi*.

<sup>z</sup> *Felicis*] Codex Bal. addit, *Casti*.

<sup>a</sup> *Sentiatæ*] Idem codex *Sentiana*, & infrâ *Innocenti*, ubi legitur *Macenti*. Eodem die in codice S. G. legitur *Epheso, Joannis, &c. Leonis Mon.*

<sup>b</sup> *Saturni*] Codex Bal. *Sauri*.

<sup>c</sup> *Aquilis*] Codex S. Galli, *Aquilini*.

<sup>d</sup> *Epicati*] Idem codex *Epegapi*; Baluzianus verò *Apagathi*.

<sup>e</sup> *Maximini*] Codex S. G. *Maximi*.

f Donatiana<sup>f</sup>, Procelli. Romæ, Petronille Virginis filia sancti Petri, Ilici, Germanæ, Paulini.

### JUNIUS habet dies xxx.

o **K** ALENDIS Junii. Thessalonica, Octavi, Luciae, Casti, Publii, Lupi, Crispini, Claudii, Maximæ. Alibi, Eladi, Zosimi, Joventi, Castulæ, Arabi, Romani. Viennæ, Eladi Episcopi.

g **P** iv. Nonas Jun. Romæ, Marcellini, Petri Mart. h Zachariæ, Rogati, Saturnini. Alibi, Tamati. Lugduno, Rogatini, & quadraginta octo Martyrum, Maturi, Rogatiani, Vincentii.

i **Q** iii. Nonas Jun. Africæ, Quirini, Abdiani, Nepori, Demetriæ<sup>i</sup>, Julianæ Virginis Alibi, Thomæ Apostoli, Marcelli, Silvani, Laifardi Presbyteri.

i **R** Pridie Nonas Jun. Zotici, Camasi, Julii, Saturnini, Italii, Datiani, Rustici, Quirini, Pieti, Expergentæ<sup>i</sup>, Rustuli, Crescentiæ.

m **S** Nonis Jun. In Ægypto, Marciani. Alibi, Evasi. Romæ, Felicitatis, Gregorii, Nicandri<sup>m</sup>, Apollonii, Gagi, Helari, Candidi. Alibi, Zoeli, Fortunati.

n **T** viii. Idus Jun. Nicomediæ, Amati<sup>n</sup>, Lucii, Andreæ. Alibi, Italii, Philippi, Claudii. Gratianol. Cerati Episcopi, Alexandri.

**V** vii. Idus Jun. Pauli, Fortunati, Macri, Primosii. Africæ, Victuri, Privatæ, Donatæ. Alibi, Luciani Mart.

**A** vi. Idus Jun. Marciani, Cresti, Marti, Viti, Salustiani. Romæ, Nazarii, Primi, Naboris, Feliciani. Alibi, Marcia<sup>o</sup>. Sueffioni, Medardi.

**B** v. Idus Jun. Maximi, Basilidis, Zachariæ, Censuri, Amantii. Romæ, Primi, Feliciani. In Galliis, Agenno, Vincentii Martyris.

p **C** iv. Idus Jun. Romæ, Basilæ, Cassianæ. p Alibi, Crispoli, Restituti, Rogati, Zachariæ. Autifodero, Censuri Episcopi.

**D** iii. Idus Jun. Romæ, Restituti. Alibi, Fortunati, Emeriti, Ereti, Victoriani, Victoris, Felici<sup>s</sup>.

q **E** Pridie Idus Jun. Romæ, Basilidis<sup>t</sup>. Tripoli, Cirini, Naboris, Nazarii, Felici, Magdaletis, Zabini, Aurelii, Donatellæ, Helidii Episcopi.

f **F** Idibus Junii. Persidæ, Bartholomæi Apostoli, Feliculæ<sup>i</sup>. Africæ, Luciani, Fortunati, Teclæ, Crescentiani.

c **G** xviii. Kal Jul. Antonini<sup>t</sup>. Africæ, Quintiniani, Proti. Aurilian. Translatio Aniani. Sueffio-

ne, Valeri, Rufini Mart. Ignatii Episcopi.

u **H** xvii. Kal. Jul. Ilici, Cantiani, Nuci<sup>a</sup>, Gajani, Candidæ. Roma Viti, Clementis, Joviniani, Philippi, Crisogoni, Quintiani.

x **I** xvi. Kal. Jul. Diogenis, Saturnini. Antiochiæ, Cyrici, Viti Mart. Modesti, Crescentii, Julitæ Mart. & quadringentorum quatuor militum. Nannetis, Similini<sup>a</sup>.

**K** xv. Kal. Jul. Quiriaci, Cantiani, Marini Mart. Romæ, Diogenis, Blasti, & aliorum Martyrum ducentorum sexaginta duorum, Alexandri, Dioscori. Alibi, Mariæ, Ciræ. Aurilianis, Aviti.

y **L** xiv. Kal. Jul. Romæ, Marci, Marcelliani, Emili, Felici, Pauli, Martari<sup>y</sup>. Alibi, Crispinæ, Marinz.

z **M** xiii. Kal. Jul. Medionali<sup>z</sup>, Nazarii, Gervasii, Protasii, Celi Martyrum. Romæ, Hippolyti, Evoti, Honorii, Petri, Vitalis Ursicini.

a **N** xii. Kal. Jul. In Tomis civitate, Pauli, Cyriaci, Feliciani<sup>a</sup>, Thomæ, Felici, Emeli, Vitalis, Crispini.

b **O** xi. Kal. Jul. Bellici, Persei, Primi, Apollinaris, Rufini. In Cæsariæ, Eusebii Episcopi, Saturnini<sup>b</sup>, Quiriaci.

c **P** x. Kal. Jul. Antiochiæ, Gantalici<sup>c</sup>, Juliani, Grapi Mart. Jacobi Alphei Apostoli, Rufi, Albini Mart. cum aliis octingentis octoginta octo, Paulini Conf. Nicæ<sup>c</sup> Episcopi.

d **Q** ix. Kal. Jul. Nicomediæ<sup>d</sup>, Aviti, Cingami, Gapitonis, Aricionis, Emeriti, Alici cum septuaginta octo.

e **R** viii. Kal. Jul. In Palestinâ, Natalis sancti Johannis Baptiste<sup>e</sup>, & Dormitionis sancti Johannis Apostoli. Romæ, Felti, Lucie. Agustoduno, Simplicii.

f **S** vii. Kal. Jul. Bigati, Lamtani<sup>f</sup>, Aceiæ Regis, Lucie Virginis. Barbacis Monasterio, Dedicatio Ecclesiæ sancti Audoeni Episcopi.

g **T** vi. Kal. Jul. Africæ, Gaudenti, Felici. Romæ, Johannis & Pauli Martyrum, Agapiti<sup>g</sup>, Emeriti. Alexandria, Agatonis, Diogenis.

**A** v. Kal. Jul. Romæ, Crispi, Spinellæ. Spaniæ, Crescentis, Crispiniani, Felici, Justinii, Juliani, Primitivi, Clementis. In Oïa, Florentii.

h **B** iv. Kal. Jul. Africæ, Fabiani, Theoni, Gurdini<sup>h</sup>. Alexandria, Sereni, Seniadi, Venusti Eunuchi, Apolloni, Dionysii. Lugduno, Herenci, Marcellæ.

**C** iii. Kal. Jul. Romæ, Natalis Apostolorum Petri & Pauli, Nevatiani cum nongentis septuaginta septem Martyribus. Persidæ, Nativitas Simonis,

f Donatiana] Idem Donatiani: in fine, Ilici, Germani, Pauli. Lesania indic.

g Eladi Episcopi] In codice S. G. additur: Et in isto mense in hebdomada secunda sic est celebratio jejuniorum iv. & vi. feria vel Sabbato in xii. lectionibus.

h Petri Mart.] Memoratus codex, Petri Martyris unde mis. Mox, Rotas, xlviii. Martyrum.

i Demetria] Idem, Demetiva.

l Expergentia] Idem Expergenti.

m Nicandri] Idem, Hygrandri, Apcgagi. Mox ubi Candidi legitur, codex Bal. habet, Candida. In fine codex S. G. addit, Eoniaci Martyris.

n Nicomedia, Amati] Laudatus S. G. codex hic habet, Noveduno, Amanti, & infra ubi Gratianol: in eodem legitur, Gracimoli.

o Marcia] Hic variat codex Bal. in eo enim scriptum est Martha Sanctimonialis. In fine codex S. G. addit, Confessoris.

p Cassiana] Idem S. G. codex, Cassiani.

q Felici] Idem addit, Fortunati, Erenabi Apostoli, unde mis.

r Basilidu] In eodem codice adjectum est, Martyris.

f Felicula] Codex Baluz. Felicula: codex S. G. Alibi, Feliciani. In Africæ, &c.

c Antonii] Laudatus codex S. G. Anteoni, Afra, Quin-

tiani; codex Baluz. nec Africæ, nec Afra, sed Afri exhibet, Statim codex S. G. Saxionis, pro, Sueffione.

u Nuci] Codex S. G. Nuci, & infra Joviniani. In fine codex Baluz. Quintini.

x Similini] In codice S. G. legitur sancti Similini.

y Pauli, Maribari] Codex Bal. Paulini, Authari.

z Mediolani] Aliter codex S. G. nempe. In Majulano.

a Feliciani] Idem codex, Feliciani.

b Saturnini] Idem, Saturnina, Quiriaci. In Magonzia,

beati Alvari Martyris.

c Gantalici] Codex Bal. Cantolia. Infra Pauli Conf. legitur in codice S. G.

d Nicomedia] Loco trium nominum quæ sequuntur unum existat in codice Bal. nempe Argohapitonis. Statim ubi Aici, &c. codex S. G. sic habet. Alibi, Lxxviii. & Vigilia Joannis Baptiste. Plures commemorationes.

e Baptista] Idem S. G. codex hoc loco exhibet, Baptista.

unde Missa In Effeio, receptio Joannis, &c. Codex Bal. cætera

similis Gellonensi, habet tantum Epheso, Dormitionis.

f Lamtani] Codex Bal. Lamentani.

g Agapiti] Codex S. G. Agapiti.

h Gurdini] Idem Gurdani, infra Senidi, & in fine addit, Missa in Vigiliâ S. Petri & Pauli.



judæ Apostolorum.

D Pridie Kal. Jul. Romæ, Timothei, Leonis, Pamphili. Lemoduno, Curfici, Marcialis Confess. Andegayo Albini Confessoris.

**JULIUS habet dies xxxi.**

E **K**ALENDIS Julii. Romæ, Gaii, Lucie, Isidori. Alibi, Orionis, Crispi. Confessoris, Zoeli, Severiani. In monte Or, Deposito Aaron Sacerdotis. In Persidæ, Simonis & Judæ Apostoli. Agustoduno, Leonti. Ingolismæ, \* Eparci Episcopi.\*

F. VI. Nonas Jul. Romæ, Damasi, Cælesti, Eutici, Melciadis, Isidori, Processi, Martiniani. \* Turonis, Munegundæ.

G V. Nonas Julii. In Edissâ, Translatio & Natalis Thomæ Apostoli. Alibi, Trifonis, Chionii, Aprici, Juliani, Severi, Eufemie, Giriani.\*

H IV. Nonas Julii. Jucundiani, Innocentii. Turonis, Ordinatio Episcopatus, & Translatio corporis sancti Martini Episcopi & Confessoris, & Dedicatio Basilicæ ipsius. Bitur. Lauriani Mart.

I III. Nonas Jul. Agathonis, Theodoni, Trifonis, Magrini, Arpotis, Stratonis, Theodoti, Meroni, Merini, Rodefiæ.

K Pridie Nonas Jul. Artoti, Paladi, Philippi, Severi, Zeti, Zotici. Agustoduno, Legontii Episcopi, & Octabas Apostolorum.

L Nonis Jul. Alexandriæ, Partemi, Eraclei, Apolloniæ, Publii. Alibi, Parteni, Pividii, Parmini, Helei, Publii.

M VIII. Idus Jul. Niciæ, Sustrati, Eracli. Alibi, Perenti, Proculi, Seperi, Quarti, Prancati, Corniliani, Claudii\*, Primoli.

N VII. Idus Jul. Mochi, Zenoni, Cyrilli Episcopi, Feliciani. Romæ, Floriani, Procopi Mart. Faustini, Anatholii, Felicitatis. Alexandriæ, Fraternali.

O VI. Idus Jul. Romæ, Natalis septem fratrum filiorum sanctæ Felicitatis, Felicis, Rufinæ, Secundæ, Anatholæ, Marciani, Leontii, Philippi, Silvani, Prætexati, Maximi, Januarii, Cyrilli.

P Idus Jul. Africæ, Mariani, & Deposito Benedicti Abbatis. Alibi, Januarii, Stephani, Leontii, Marciani, Prodicæ, Mauriti, Eutici. Pectavis, Sifini, Pii Mart.

Q IV. Idus Jul. Fortunati. Siciliæ, Agathæ, Virg. Mediolano, Naboris, Felicis. Alibi, Primitivi, Divi, Corninii, \* Viventioli Episcopi.

R III. Idus Jul. Alexandriæ, Serapionis, Melei, Trofimæ, Tropime, Attali, Evangelii, Propili, Me-

nei. \* Mediolano, Naboris, Felicis.

S Pridie Idus Jul. Africæ, Donatæ. Alibi, Petri, Foci. Lugduno, Justo Confessoris, Amici Con. Marri, Anthioti.\*

T Idibus Jul. Alexandriæ, Philippi. Alibi, Agripini, Catulini, Bonosæ, Zofimi, Jacobi, Secundi, Maximi. Romæ, Ciri Martiris.

V XVII. Kal. Agustii, Hclarini, Migecia, Theodosii, Dionysii, \* Mocharii, Mametis, Valenti, Theoni.

A XVI. Kal. Agustii. Africæ, Aquilini. Alibi, Marcelli, Generosi. Bituricum, Nazarii. Autisiodero, Theodosii.\*

B XV. Kal. Agustii. Romæ, Simphorosi, Petri, Pauli, Hirenei. Alibi, Falbei Episcopi, \* Emiliane, Aquillii, Arnulfi Episcopi & Confessoris.

C XIV. Kal. Agustii. Alexandriæ, Sifinni. Alibi, Machadoræ, Dariæ, Justæ, Torquati, Lampadii, Petri. Lugduno, Rustici Confess.

D XIII. Kal. Agustii. Africæ, Sabini. Alibi, Victoris, Paulæ, Lucie, Ciriaci, Maximi, Romani, Valeriani, Macridæ, Secundæ.

E XII. Kal. Agustii. Africæ, Victoris. Alibi, Adriani, Fausti. Masilia, Alexandri, Victoris, Deothe-rii, Feliciani Mart. Romæ, Praxedis, Feliciani, Longini.

F XI. Kal. Agustii. Antiachia, Cyrilli Episcopi, Andreæ, Thebelli, Aurili, Stertei. Alibi, Platonis, Eliani, Aiobosi, Apollonaris Episcopi.

G X. Kal. Agustii. Romæ, Vincentii. Ravenna, Apollinaris. Laodiciæ Frigiæ, Minisei, Tifici, Primitivi.

H IX. Kal. Agustii. Victorini, Statiani, Militaris, Silvani, Christianæ Virginis.

I VIII. Kal. Agustii. Romæ, Aconti, & Passio sancti Jacobi Apostoli fratris Johannis. Alibi, Julianæ, Clementis, Cristofori, Nonni.\*

K VII. Kal. Agustii. Joviniani, Juliani, Emeli, Marciani, Adrianæ, Marcianæ, Mutianæ, Laudaciæ.

L VI. Kal. Agustii. Felicis, Julæ, Symionis, Monachi, Jocundi, Genuari. \* Autisiodero, Etherii Episcopi.

M V. Kal. Agustii. Auxentii, Septimie, Pantaleonis. Mediolano, Gervasii, Protasii, Nazarii, Celsi, Theopholi, Simplicii, Faustini, Victoris, Prudentii, Beatricis. Redonis, Riiodomi Confess. Britan. Samsonis Confessoris.

N IV. Kal. Agustii. Romæ, Felicis, Simplicii, Faustini, Beatricis, Abscedi, Anastasie. Tricas, Lupi Episcopi, Rufi, Pontiani. Aurilianis, Prosperi Episcopi.

O III. Kal. Agustii. Romæ, Abdo & Senes,

i Lemoduno] Totum hoc sic legitur in codice S. G. Lemodunensis, Urlicani, Martialis Confessoris. Andegavi, &c.

l Crispi] Laudatus codex S. G. Arilexeli. Idem infra in Englisma, & in fine addit; & est octaba Joannis Baptiste.

m Melciadis] Idem codex, Meliciade, Hefici. Statim codex Bal. Martiniana. Quod sequitur Turonis, &c. habetur etiam in codice Bal. in quo præterea additur, ancilla Dei: at in codice S. G. legitur Turonis, Monecunde Confessoris.

n & Natalis] Hæc duæ voces desunt in codice S. Galli, qui in fine addit, & Nativitas S. Martini. Plures commemorationes.

o Paladi] Idem codex, Pallati.

p Proculi] Idem Proculi. Statim ubi Prancati, legitur in codice Baluz. Prancori, moxque Claudium non agnoscit codex S. G. & ejus loco reponit Eladii.

q Alexandriæ] Codex S. G. Alexandri.

r Cyrilli] Idem codex addit, & Vigilia S. Benedicti Abbatis.

s Mariani] Idem Marciani.

t Agatha] Codex Bal. Aglia Infrâ codex S. G. Divicorcorinensis, conjunctim.

u Alexandriæ] Codex Bal. Alexandri, idemque infra Propilemnei conjunctim, quo loco in codice S. G. legitur Pro-

pilime.

x Anthioti] Codex Bal. Anthia.

y Catulini] Codex S. G. Catholini.

z Migecia] Codex Bal. Ingenua, ac post Dionysii, addit Pauli. Codex S. G. statim habet Machari.

a Generosi] Hic in codice S. G. legitur Generosa, & in fine Theodoti.

b Simphorosi] Codex Bal. Symphorosa, ac post Falbei Episcopi, addit, Balperii Episcopi. Sequitur Emiliana, cujus loco in codice S. G. legitur Emilianus.

c Lampadii] Codex S. G. Lampati.

d Aiobosi] Codex Bal. Alabosi.

e Primitivi] Codex S. G. Primitiva.

f Virginis] In eodem codice additur, Et Vigilia S. Jacobi Apostoli.

g Joannis] Idem codex addit, Plures commemorationes: mox in eo legitur Juliani, & in fine Nonni Martyris.

h Laudati] Idem, Ludaie.

i Symionis] Idem, Simonis, mox Januarii.

l Romæ] Hic dies sic describitur in laudato codice, Romæ, Abdonis Martyris, Maxima, Felicis, Fausti, Faustini, Viaticis, Justo, Sennis, Autisiodero, &c.

Maximæ,

Maximæ, Faustini, Viatricis, Justi. Autifiodero, Urli Episcopi, Paternicæ, Septimæ.

P Pridie Kal. Agusti. Democriti, Dionysii. Autifiod. Germani Confess. Secundi, Tirsi, Aunomari Episcopi m.

AUGUSTUS habet dies XXXI.

**K**ALENDIS Agusti. Antiochiæ n, Passio sanctorum Machabæorum, Petri, Cyrilli Mart. Rufi. \* Vercellis, Eusebii Confess. Bituricas, Archadi Episcopi, Felicis Martyris. Romæ, ad vincula catenas sancti Petri osculandas. Item Fausti, Bonosi, Mauri, Calumniosi, Johannis, Exuperanti, Casti, Cyrilli, Honorati, Theodosi, Basilii. \*

R iv. Nonas Agusti. Romæ, Stephani Episcopi & Mart. Theodoti o, Felicis Mart. Niceti.

S iii. Non. Agusti. Autifiodero p, Eufronii, Hermoli \* Mart. Diogenis, Stephani. Alibi, Matrosili, Acellæ.

T Pridie Non. Agusti. Romæ, Laurentii, Criscentiani, Jachincti, Justiq, Segæ, \* Bartholomæi.

V Nonis Agusti. Eraclii, Herenei, Dassi, Afri. Agustoduno, Cassiani. Catalaunum, sancti Memmi Episcopi.

A viii. Idus Agusti. Romæ, Xysti Martyris, Felicissimi & Agapiti; Donatiani Confessoris f, Afræ Martyris, Faustini, Hippolyti cum centum sexaginta quinque.

B. vii. Idus Agusti. Faustini, Aurenti t, Quiriaci, Simfroni, Veneriæ, \* Donati Confess. Afræ, Carpori Mart.

C vi. Idus Agusti. Romæ, Secundini, Ciriaci, Nazari, Agapæ Virginis, Severiani, Victorini, Albani, Largi. Alibi, Metrotæ Virginis.

D v. Idus Agusti. Firmi, Rustici, Dionysii, Permoni, Gagi, Sixti, Sancti Martini u de Brivâ, Urbani, Luci.

E iv. Idus Agusti. Romæ, Laurentii Martyris Archidiaconi, Criscentionis, Felicissimi. Alibi, Mariz; Januarii, Cyrillæ.

F iii. Idus Agusti. Romæ, Tiburtii \*, Valeriani, \* Sufannæ, Cecilæ Virg. Alibi, Cassiani Mart. Radegundæ Reginæ, Gaugerici Episcopi & Confess.

G Pridie Idus Agusti. Romæ, Euplii, Leuci, Jafonis, Veneri, \* Macharii, Dariæ, Crissanti, \* Juliani.

H Idus Agusti. Romæ, Ippoliti Mart. Luciani, Pontiani. Alibi, Antiochiæ z, Cælesti, Cornelii,

Anoci, Radegundæ, \* Eupli Levitæ & Martyris.

I xix. Kal. Septembris. Fortunati, Vincentiæ, Tituli, Pauli, Iarmi, Eraclii, Demetrii, Felicis. Romæ; Eusebii a.

L xviii. Kal. Septemb. Assumptio sanctæ Mariæ Matris Domini. Nicomediæ, Stratonis, Philippi, Euticiani.

L xvii. Kal. Sept. Emili t, Orionis, Tirsi, Agniti. \*

M xvi. Kal. Sept. In Cæsariâ, Mammetis Monachi, Origenis c, Eufemiæ, Emilidiffesi, & Octabas sancti Laurentii.

N xv. Kal. Sept. Agapiti, Candidi, Pontimi, Helianæ, Massæ, Marcianæ Virg. Eziaci d.

O xiv. Kal. Sept. Filonis e, Rufini, Leonti, Theodoli, Zelasi, Magni Mart. Orionis. Bituricis, Marini a \* Martyris. Reversio sanctæ Crucis. \*

P xiii. Kal. Sept. Valentiniani, Pisti, Agatini, Coloni, Cainan f, Maximi Conf. Leonti, Dioscori. Pictavis, Ario Insulâ, Depositio Filiberti Abatis & Confess.

Q xii. Kal. Sept. Julii, Juliani, Vincentii, Hippolyti, Quadrati, Privati Martyris g.

R xi. Kal. Sept. Romæ, Timothei, Marcialis. Alibi, Nectavi, Marini h. Agustoduno, Medardi, Emiliani, Simforiani Mart. \*

S x. Kal. Sept. Fortunati, Habundi. Romæ, Ciriæ i, Egias. Lugduno, Minervii, Eleazari, Sixti, Dionysii. Remis, Timothei, Sidonii, \* Apollonaris. Agustiduno, Flaviani. \*

T ix. Kal. Sept. In Indiâ, Bartholomæi Apostoli. Alibi, Zenobii l. Rodomago civitate, Audoini Episcopi & Confessoris, Genari Mart. Niverno, Capitolini, Patrici Confess. Geldasi. \* Eduâ civitate, Eptati. \*

A viii. Kal. Sept. Juliani, Rufini m. Romæ, Genesi \* Martyris, Hermetis, Justi, Pastoris Mart. \*

B vii. Kal. Sept. Hermetis, Anastasii Mart. Heclano n, Mercurii, Basilæ, Maximilianæ; Basilæ, \* Primi, Eleutheri. Romæ, Abundæ \* & Herenei Mart. Rabasc. monasterio sancti Quutualerdi Mart.

C vi. Kal. Sept. Sabasti, Arohti, Rufi Mart. Felicis, Rufini, Olii, Hermetis, Marcellini. Aralato, Cæsarii Episcopi. Agustiduno, Siagri Episc.

D v. Kal. Sept. Romæ, Hermetis o, Stephani, Polieni. \* In Ponte-regio, Depositio sancti Agustini Episcopi. Brivatæ, Juliani Martyris. Santonis, Viviani Episc. \*

m Episcopi] In memorato codice subjunctum est *Agustoduno, Dedicatio Ecclesie Senioris, & Translatio, & Vigilia Sanctorum Machabæorum.*

n Antiochiâ] Ante in laudato codice legitur, *Roma, Sancti Petri ad vincula ejus osculanda.* Infra in eodem non Rufi sed Rufini habetur. In fine additur, *Et Octaba Jacobi Apostoli.*

o Theodori] Idem codex Theodori.

p Autifiodero] Idem, in *Agustiduno*, & mox *Hermeli.*

q Justo] Idem, *Alibi, Justo*, Statim pro *Sega*, codex Bal. habet *Faga.*

r Eraclii] Idem codex Bal. *Eradj.*

f Confessoris] Imò *Martyris*, ut habet codex S. G.

t Aurenti] Idem codex S. G. *Aufenti*, mox codex Bal. *Venerania*, pro *Veneria.*

u Sancti Martini] In codice S. G. haud paulo aliter legitur, nempe *In Brivennense, Martini, & Vigilia sancti Laurentii. Plures commemorationes.*

x Tiburtii] Codex memoratus S. G. *Tiburtii Martyris, Valeriano.*

y Eupli] Idem; *Eupoli.* Mox codex Bal. pro *Veneri*, & *Crissanti* habet *Veneria*, & *Chrysanna.*

z Antiochia] Codex S. G. *Antiochi* & mox *Radecundis Virginis.*

a Eusebii] Codex Bal. addit, *Sacerdotis.*

b Emili] Codex Bal. *Armili*, codex S. G. *Emeli.* Idem Tom. II.

in fine addit, *Et dedicatio Ecclesie S. Petri Apostoli.*

c Origenis] Imò *Orionis*, si sequaris laudatum S. G. codicem.

d Eziaci] Idem codex, *Zoaci*, at codex Bal. *Izasi.*

e Filonis] Codex S. G. *Filionis.* Mox pro *Marina*, codex Bal. habet *Mariani.* In fine codex S. G. addit, *In Bobio, Perrolfi Abbas.*

f Cainan] Codex S. G. *Cainone.*

g Martyris] In eodem codice additur, *Vigilia Sancti Simforiani.*

h Marini] Codex Bal. *Martini.* In fine codex S. G. addit, *Et Octaba Sancta Maria.*

i Cirica] Laudatus codex S. G. *Quiriaci*: in eodem deest *Sidonii*, & in fine additur, *Et Vigilia Sancti Bartholomæi.*

l Zenobii] Idem codex addit, *Genesi*, item *Geldasi Confessoris*, item *Eptati Confessoris.*

m Rufini] Idem, *Rufina*, *Genesi*, &c. & in fine addit, *Aredi Abbas & Confessoris.*

n Heclano] Hic codex Bal. habet, *Heclari*, at codex S. G. *Hedano.* Idem pro alterâ *Basilâ* exhibet *Hafella.* Mox pro *Abundâ* legitur *Abundi* in codice Bal.

o Hermetis] Codex S. G. *Hermis*, ac post *Poliani*, *Hippone Regio, Sancti Augustini Confessoris. Matutina & Missa. Brivata, Juliana Martyris. Santonis, Viviani Martyris. Et Vigilia Sancti Joannis Bapt. Pro Viviani*, codex Bal. habet *Urbiani.*

E

E iv. Kal. Sept. Helisei Prophetæ<sup>p</sup>, Pauli, Nicæ, Felicis, Candidæ. Romæ, Sabiani \* Martyris, & Passio sancti Joannis Baptistæ, Basilæ Virginis, & nongentorum Martyrum.

F iii. Kal. Sept. Romæ, Gaudentiæ Virginis, Felicis, Audacti Mart. Felix, Gemellinus, Candida Virgo. Rabascis Monasterio, Deposito Agili Abbatibus.

G Pridie Kal. Sept. Paulini Episcopi & Confess. Gaiani, Eladii, Vitalis, Optati Confess. Juliani, Vincentii & aliorum<sup>q</sup>.

# SEPTEMBER habet dies xxx.

H **K**ALENDIS Septembris. Prisci Martyris, Terentiani Episcopi, Evoti, Valentii, Donati<sup>r</sup>. Cenomanis, Victoris Confessoris, Felicis Confess. Senonis, Lupi Episcopi Alexandriæ, Passio Petri Episcopi.

I iv. Nonas Sept. Zenonis, Antonii, Dobitanti, Joseph, Theodori, Gorgoni, Thimotei. Lugduno, Justi Episcopi. Agustiduno, Siagrii Episcopi.

K iii. Non. Sept. Aristonippi, Antonini, Eufemiæ, Syrici, Arelti, Joannis, Lucæ<sup>f</sup>.

L Pridie Non. Sept. Rufini, Maximi, Bonifacii. Cavalonno, Marcelli Martyris, Sivani, Gaiani, Magni, Casti, Paulini.

M Nonis Sept. Taurini, Quinti, Ingenui, Herculiani, Arconti. Vesonione, Fereoli, Ferrutionis, & Octab. sancti Joannis Baptistæ.

N viii. Idus Sept. Romæ, Eleutherii, Capadociæ, Curti, Eugenii Episcopi<sup>t</sup>.

O vii. Idus Sept. Senonis, Reginæ Mart. Arelato, Augustalis, Anastasii. Aurilianis, Evortii<sup>u</sup>, Clodoaldi Confess.

P vi. Idus Sept. Timothei, Fausti, Alexandriæ<sup>x</sup>, Ammoni, Pii, Demetri, Severi. Romæ, Adriani Mart. Et Nativitas sanctæ Mariæ Matris Domini.\*

Q v. Idus Sep. Romæ, Gorgonii, Alexandri, Jacynti, Donati, Fortunati, Tiburtii, Proti.

R iv. Idus Sept. Eupliæ, Herosi Papæ<sup>y</sup>. Alexandriæ Tusci, Silvani, nongentorum Martyrum, Valentini, Silvani.

S iii. Idus Sept. Romæ, Proti, Jacincti, Eugenæ, Basilæ, Ingenui. Alibi, Syri. Andegavo, Maurilionis Confess. Lugduno, Patientis, Felicis<sup>z</sup> Mart. Regulæ.

T Pridie Idus Septemb. Lugduno, Sacerdotis.

Agustoduno, Evanti, Siri, Serapionis. Alibi, Ammoni, Theclæ, Proti, Eusebii.

V Idibus Septemb. Agustiduno, Nectarii, Felicitissimi. Turonis, Lidori<sup>a</sup>. Andegavis, Maurilionis Confessoris, Theodoli, Lidorii.

A xviii. Kal. Octobris. Romæ, Cornelii \* & Cypriani Mart. b Dionysii, Saturi, Felicis, Honorii, Eparci Episcopi. Et salutatio sanctæ Crucis.

B xvii. Kal. Octobr. Romæ<sup>c</sup>, Nicomedis Martyris, Cyrini\*, Stratorii, Leontii, Pauli, Constantii, Valeriani Mart. Albani.\* Carnotis, Leobini Confess.\* Tullo, Apri Episcopi & Confessoris.

C xvi. Kal. Octob. Lucæ<sup>d</sup>, Eufemiæ, Geminiani, Victoris, Emerentianidis,\* Cecilæ, Felicis, Tirsi.

D xv. Kal. Octob. Gurdiani, Valeriani, Macrini, Sanctini, Constantii, Pauli, Isici Mart. Macrobi, Landberti Episcopi<sup>e</sup>.

E xiv. Kal. Octob. Trophimi, Ociani, Sixti, Meditei, Eustorgi, Satyri.

F xiii. Kal. Octob. Demetrii, Niceci, Castoris Militis, Trogi, Januarii, Ferioli, Sigonis Confess.

G xii. Kal. Octob. Dormidioni<sup>f</sup>, Dorothei, Privati, Constantiæ, Felicis. Romæ, Januarii.\*

H xi. Kal. Octob. Mediolano, Victoris Martyris. Persidæ, Matthæi Apostoli. Albi, Lucæ Evangelistæ. Romæ, Pampili Martyris.

I x. Kal. Octob. Basilæ. Sidunis, Agauno, Maurici, Exuperi, Candidi, Victoris, Innocentii, Vitalis cum aliis<sup>g</sup> quinque millibus quingentis octoginta quinque Martyribus.

K ix. Kal. Octob. Teclæ Virginis. Alexandriæ, Marci Evangelistæ. Romæ, Liberii Episcopi, Lini Martyris.

L viii. Kal. Octob. Conceptio sancti Joannis Baptistæ<sup>h</sup>, Juliani. Agustiduno, Sedulo, Andoci,\* Tirsi, Felicis Mart. Lugduno, Lupi. Arvernus, Rustici Episcopi.

M vii. Kal. Octob. In Asiâ, Eucarpi, Barduniani. Alibi, Marci.

N vi. Kal. Octob. Romæ, Eusebii Confessoris. Alibi, Senatoris, Luxori, Migni<sup>i</sup>, Naborti, Fastini: Aurilianis, Apollonaris.

O v. Kal. Octob. Eleutherii, Andronici, Thimotei, Taraci, Prolii<sup>l</sup>, Cosmæ, Damiani Mart.\* Eduis, Florentini.

P iv. Kal. Octob. Martialis, Laurentii, Stathei<sup>m</sup>, Emelici, Priani. Romæ, Justinii Presbyteri, Alodi, Sacloni.\*

Q iii. Kal. Octob. Plauti, Placiti<sup>n</sup>, Eraclia,

<sup>p</sup> Propheta ] Codex S. G. addit, receptio : infra pro Sabiani codex Bal. habet Sabina.

<sup>q</sup> & aliorum ] In codice S. G. adjectum est, Et Octaba Bartholomei. Statim initio Septembris in eodem legitur, Letanias indidentas.

<sup>r</sup> Donati ] Laudatus codex, Donata. Infra, Senonis, Deposito Lupi Episcopi & Confessoris.

<sup>f</sup> Lucæ ] In codice Bal. additum est, Tullo, Mansueti Confessoris.

<sup>t</sup> Episcopi ] In codice S. G. hæc sequuntur, Claudi, Abdi Confessoris, Plinius comm. & Vigilia Sancti Chlodaldi.

<sup>u</sup> Evortii ] In eodem codice additur, Confessoris.

<sup>x</sup> Alexandriæ ] Codex Bal. Alexandri, Ammoni, Pudemetis, Severi. In fine codex S. G. addit, secundum Romanos.

<sup>y</sup> Papæ ] Sequentia sic habentur in codice S. G. Helarii.... Alexandri, Siliani & Decccc. Martyrum. In Africâ, Tusci, Valentini.

<sup>z</sup> Felicis, &c. ] Hæc sic descripta sunt in codice toties memorato, Et castro Thurigo, natale sancti Felicis, cum germanâ suâ sanctâ Regulâ.

<sup>a</sup> Lidori ] Idem codex addit Secundini.

<sup>b</sup> & Cypriani Mart. ] Hæc desunt in laudato codice, in quo hæc dumtaxat post Cornelii leguntur : Exaltatio Sancta Crucis. Mis. Alibi, Cibriani Martyris, Cornili, Saturni.

<sup>c</sup> Romæ ] Idem Codex, In Galliâ, Tullo civitate, Natale S. Apri Episcopi & Confessoris. Romæ, &c. idem pro Cyrini habet Cypriani, & ubi Albani editum est, in eo legitur, Nicodemi, Albini, & post Leobini Confess. habet, & Octaba sancta Maria.

<sup>d</sup> Lucæ ] Hic in Laudato codice S. G. legitur, Luca, & infra, Roma, Emerentianis. Codex Bal. ibidem habet, Emerentiani.

<sup>e</sup> Landberti Episcopi ] In codice Bal. additum est, Sidonii, & Dormidioni ] Codex S. G. Dormidoni, & in fine addit, Et Vigilia Matthæi Apostoli.

<sup>g</sup> cum aliis, &c. ] Idem codex, cum VI. millia DCLXV. Mâ. & Mii. Et Vigilia sancti Andocii, Tirsi, Felicis.

<sup>h</sup> Joannis Baptistæ ] Idem addit, Ple. com. idem pro Sedulo, Andoci, habet Sidoloco vico, Andacii.

<sup>i</sup> Migni, &c. ] Idem, Magni, Nabosti, Faustini, Arvernus, Apollonaris.

<sup>l</sup> Prolii ] Hic codex Bal. habet Probi. Post Mart. in codice S. G. legitur Mâ. & Mii. In Eductâ, Florentine.

<sup>m</sup> Stathei ] Idem S. G. codex, Statthæi, Emeli, Cibriani, Justina, & in fine, Sadoni. Et Octava Matthæi Apostoli, & Vigilia Archangeli Michaelis.

<sup>n</sup> Placiti ] Codex Bal. Placidi, & in fine addit, in monte Gargano. Quorum loco hoc tantum legitur in codice S. G. Mis.

Traciæ. Autifiodero, Fraternali, Soffi. Januarii. Et Dedicatio Basilicæ Archangeli Michaelis.

R. Pridie Kal. Octob. Placentiæ, Antonini. Hierosolymis, Hieronymi Presbyteri.

OCTOBER habet dies XXXI.

**S** KALENDIS Octobr. Prisci, Criscentiani, Evagrii, Fausti, Casti, Dignæ. Remis, Remedii Episcopi. Autifiodoro, Germani Episc.

T vi. Non. Oct. Eleutherii P, Quirilli, Secundiani, Primi, Eusebii, Greciani, \* Leonti.

V v. Non. Oct. Theogeni. Africæ, Victoris, Amponi, Sapargi, Urbani, Felicis, Casti. Picetabis, Leodegarii Episcopi Martyris.

A iv. Non. Oct. Marci, Adauca, Dasi, Marciani, Marusi, Restituti, Marcelli. Autifiodero, Marci.

B iii. Non. Oct. Placiti. Valentiæ, Apollonaris, Eutici. Victorini. Autifiodero, Fausti, Pelagii, Firmati, Flavie & Virginis.

C Pridie Non. Oct. Rogati, Emeli, Ammonii, Marcelli, Casti, Albini, Marci. Agenno, Fidis Martyris. Autifiodero, Romani Episc.

D. Nonis Oct. Marcelli, Julii, Apollei, Matthæi Evangelistæ, Marci Episcopi. Bituricis, Augusti Confess. Alibi, Sirgi, Quartii.

E viii. Idus Oct. Antiochiæ, Dionysii, Januarii, Privati, Victoris, Marcialis, Eraclii, Juliani, Pelagie, Faustini Mart. Et Passio sanctæ Reparata.

F vii. Idus Oct. Coloniæ, Gereon Martyris cum aliis trecentis septemdecim, Diodori Martyris, Septimi. Parisii, Dionysii Martyris, Eleutheri, Rustici. Alibi, Afræ, Priminæ. Romæ, Marcellini & Genuini Mart.

G vi. Idus Oct. Africæ, Eusebii, Eraclii, Dionysii, Septimi, Venusti, Propii, Andronici. Alibi, Serenæ, \* Paulini Episcopi, Probi, Malosi \* cum aliis trecentis triginta.

H v. Idus Oct. Placidi, Fausti, Athanasii, Ampodi. Venanti, Januarii, Marcialis, Marcelli. Eraclii.

I iv. Idus Oct. Evagrii, Eustasi. Romæ, Hedisti, Saturi, Eucaristi, Prisciani. Bituricis, \* Opionis.

K iii. Idus Oct. Fausti, Marcelli, Hadriani, Marcie, Januarii, Athanasii Episcopi.

L Pridie Idus Oct. Romæ, Calisti Episcopi, Ampoti, Modesti, Saturi. Alibi, Lupi, Luciani, Iusti.

M Idibus Oct. In Capuæ, Lupilli; Fortunatæ.

N xvii. Kal. Novemb. Suffi. Africæ, Cecræ, Marci, Aufidi, Marianæ, Nerei. Alexandria, Victu-

riæ, Nubilitani.

O xvi. Kal. Novembr. Alexandria, Victuri & Lucæ Evangelistæ. . . qui obiit lxxvii. anno, sepultus in Betaniâ. In Mauritaniâ, Nini, Donati, Serviliani, Basilæ, Januarii.

P xv. Kal. Novem. Lucæ, Victuriæ, Hermetis, Patoli, Iusti Mart. Januarii, Agnetis Virginis, Tripontæ, Berefi, Euticis, Dasi, Leuci.

Q xiv. Kal. Novem. Austerii, Januarii, Proculi, Desiderii, Prosduci, Nicæ, Domnæ Virg. Pelagiæ, Festi.

R xiii. Kal. Novem. Dasi, Zozimi, Promaci, Januarii, Euticis, Lucii, Marcellinæ, Caprasii, Neonis Mart.

S xii. Kal. Novem. Gagi, Eutici, Dissei, Modesti cum aliis ducentis septuaginta duobus, Macharii, Festi. Lugduno, Iusti, Viatoris.

T xi. Kal. Novem. Philippi, Eusebii, Hermetis, Severi, Leucati.

A x. Kal. Novem. Severi, Dorothei, Seuresi, Longini.

B ix. Kal. Novemb. Vitalis, Felicis, Rogati, Claudiani, Victoris, Paperi, Eutheri, Flaviani, Iusti.

C viii. Kal. Novem. Romæ, Natalis Sanctorum quadraginta sex, seu millia centum viginti quatuor, Saturnini, Maximi, Bibiani \* Confess. Alibi, Primi. Sueffionis, Crispini, Crispiniani, Rogati, Felicis, Vitalis.

D vii. Kal. Novem. Nicomediæ, Luciani, Marciani, Florii, Eraclii, Tuti.

E vi. Kal. Novem. Polycarpi, Niconi, Eumini, Mariani, Tarsi, Gagi, Diodori, Metrobi, Poti, Florentii, Longi.

F v. Kal. Novem. Natalis Apostolorum Simonis & Judæ, Arcelladi, Amaranti, Mariani, Quinti, Lucii. Romæ, sanctæ Cyrillæ.

G iv. Kal. Novem. in Lucaniâ, Sachietii, Sacinoti, Quinti, Felicianæ, Lucini.

H iii. Kal. Novem. Nicomediæ, Januarii, Callendionis, Marci, Germani, Marcialis, Petri, Antici, Marciani, Saturnini.

I Pridie Kal. Novem. Africæ, Daconi, Juliani, Bonifacii, Agapi, Donati, Fortunati, Silvani, Vincentii, Vitalis, Vigilantii, Nundini, Philippi, Felicissimæ, Castæ, Perpetuæ. Passio sancti Quintini Romani, Criscentiani.

NOVEMBER habet dies XXX.

**K** KALENDIS Novembris. Mariæ, I Mar. Primi Episcopi, Genesi Episcopi. Alibi,

o Presbyteri] In codice S. G. additum est, *Matutina & Mst.* Idem initio mensis sequentis habet, *Letanias indicendas.*

p Eleutherii] Codex memoratus S. G. Eleutheri, in eodem infra pro Greciani legitur, *Gaiani, Leonti. Et Passio Leodegarii Episcopi Augustinensis.*

q Adauca] Idem codex *Adaugti.*

r Flavia] Codex Bal. *Flavina.*

s Marcelli] Hoc loco sic legitur in codice S. G. *Marcelli Martyris, Julii, Apulla, &c.*

t Reparata] In eodem codice additur, *Et Vigilia sancti Dionisi Martyris cum sociis suis.*

u Martyris] Sequitur in eodem codice, *Plen. Côm. Eleutheri Presbyteri, Rustici Diaconi. Alibi, Afræ, Rustici Confessoris, Primitivæ. Romæ &c.*

x Propii] Idem, Probi, mox *Sereni*, nec longè *Maltusi*; in hoc variat etiam codex Bal. & habet, *Malasi.*

y Evagrii] In eodem codice sic legitur, *Evagrii, Eustasii, Disii, Saturi, &c.* in eodem deest, *Biturici.*

z Episcopi] Deest in laudato codice, qui in fine addit, *Octava sancti Marci.*

a Fortunatæ] In eodem additum est, *Et Vigilia sancti Galli.*

Tom II.

b Alexandria] Idem codex, *Alexandrii, Victuriæ, Nobilitane. Et Deposito beati Galli Confessoris.*

c Alexandria] Idem, *Alexandri, Victuri, &c. Evangelistæ, obiit lxxvii. anno ætatis sue.* In fine, *Et dedicatio Basilicæ sancti Galli.*

d duobus] In laudato codice deest.

e Iusti] Idem codex addit, *& Octava Lucæ, Mst. & Mst.*

f Natalis] Hæc defunt in eodem codice S. G. & consequenter in eo legitur *Romæ, Saturnini, &c.* in codice Bal. pro *Bibiani* habetur *Juliani.*

g Longi] In codice S. G. additur, *Et Vigilia Apostolorum Simonis Zelotæ & Dadei.*

h Mariani] Idem codex, *Marianæ.*

i Sachietii] Codex Bal. *Sacinti*, codex S. G. *Sachietii*; idem in fine pro *Lucini* habet *Luciani.*

k Criscentiani] Idem S. G. codex addit, *Et Vigilia Festivitatibus omnium Sanctorum. Plenat Comme.* Idem initio mensis sequentis habet, *Letanias indicendas.*

l Mariæ] Laudatus codex, *Festivas omnium Sanctorum. Mariæ Martyris.* Codex S. Remigii, *Mariæ, Marthæ.* Infra codex Bal. *Cæsaria, Severini.* Statim codex S. G. *Macedoniæ, Vitalis*, pro illis, *Alibi Macedoni.*

E ij

Meldegasi. Romæ, Cæsarii, Severinæ. Alibi, Mece-  
doni. Bajocas, Vigoris Episcopi & Confessoris Di-  
vione Benigni Martyris. Agustiduno, Primi Episco-  
pi, Vitalis.

L iv. Nonas Novembr. Africâ, Natalis San-  
ctorum Publiani, m Hermetis, Vitalis, Victoris,  
Justi.

M iiii. Nonas Novembr. In Africâ, Capi-  
dociâ, Germani, Theofili, Egrili, Cæsarii, Vi-  
talis, Agricola Mart. Et Deposito Perminii n Epi-  
scopi.

N Pridie Non. Novemb. Primi, o Gregorii. A-  
gustiduno, Proculi Episcopi. Rodenus, Amantii \*  
Episcopi. Bituricas, Lusorii Confessoris, Cæsarii,  
Domnini.\*

O Nonis Novem. In Cæsariâ, Domnini, Pulli-  
li, Marciz, p Gregorii, Quarti, Cæsarii, Eurasi,  
Antonini, Epiphani.\*

P viii. Idus Novemb. Nicomediâ, Adriani. A-  
libi, Donati, Felicis. Redonis, Translatio sancti  
Melanii Confessoris. Alibi, Julii, Eusebii, Januarii,  
Mammeri.

Q vii. Idus Novemb. Nicomediâ, Eusebii. q  
Alibi, Sinfroni, Rogatiani, Donati, Eustasii, Ma-  
rii, Primi, Optati.\*

R vi. Idus Novemb. Romæ, Natalis sancto-  
rum quatuor Coronatorum, Claudii, Nicotratii,  
Syphroniani, Castori, r & Simplicii Mart. Alibi,  
Primi, Macharii, Eusebii, Cælesti.\*

S v. Idus Novemb. Nicomediâ, Amiani, f Do-  
nati, Clementis. Romæ, Theodori, Ippoliti, A-  
driæ, Grifogoni, Sinfronii, Fausti, Marcialis Mar-  
tyris, Januarii Martyris.

T iv. Idus Novemb. Antiochiâ, t Demetrii, \*  
Saturnini, Anienesi, Eustasi. Romæ, Leonis Episco-  
pi. Aurilianis, Amatoris Episcopi.\*

V iiii. Idus Novemb. Ravennâ, Valentini, Fe-  
liciani, Bonifaciz Mart. Lugduno, Verani Episcopi,  
Mariæ, Vincentii, Minatis. Romæ, Menæ Marty-  
ris. Turonis, Deposito sancti Martini Episcopi &  
Confessoris.

A Pridie Idus Novemb. Africâ, Maurili, u Pu-  
blii. In Cæsariâ, Germani, Cæsarii, Eusebii, Theo-  
fili.

B Idibus Novemb. In Traciâ, Edicti. Cæsariâ,  
Antonii, Germani. Rutenis, Amantii Confessoris.  
Turonis, Bricionis Confess. Romæ, Felicis Presby-  
teri. Alibi, Jacobi, Solutoris, Valentini.\*

C xviii. Kalendas Decembris. In Eracliâ,  
Clementini, Theodotæ, Filomini, Eraclii, &  
aliorum multorum, quorum nomina Deus scit. y

D xvi. Kalendas Decembris. Africâ, Se-

cundi, Fidentiani, z Veraci & Marcialis, & fan-  
ctorum Siddini, Saturnini, Servi, Calendionis,  
Valeriani, Fructuosæ, cum aliis duodecim.\*

E xvi. Kalendas Decembris. Africâ, a Rufinia-  
ni, Marci, Valerii, Victoris, Pauli. Capuæ, Na-  
talis Januarii, Justi, Agustiani. Lugduno, Eucherii  
Episcopi.

F xv. Kal. Decemb. Capuâ b Campaniâ, Agu-  
stini. Alibi, Ammonii, Eufarii, Cecili, Teclæ Virg.\*  
Aurilianis, Aniani, Confessoris.

G xiv. Kal. Decemb. Anthiochiæ, Romani,  
Isici Mart. Alibi, Acisceli c Martyris, in ipsius festo  
in Cordubâ rosas collegunt, Victoris, Maximi, Lu-  
ciani, Bonoli, Marciani, Carterii, Octav. sancti  
Martini.

H xiii. Kal. Decemb. In Cæsariâ, Maximi,  
Neoferi, Januarii, Mogioni, d Cartherii, Zefori.  
Agustiduno, Simplicii. Romæ, Maximi.

I xii. Kal. Decemb. In Eracleâ, Bassi, Dionisii.  
Alibi, Gagi, Maximi, Agapæ Virginis, Secundi,  
Octavi, Solutoris.

K xi. Kal. Decemb. Romæ, Gelasii Papæ. An-  
tiochiæ, Basilei, Saturnini, Auxilii, Basiliscæ, Si-  
finnii. Alibi, Clementis, Quintiani, Stephani, De-  
metrii, Celsi. e

L x. Kalendas Decembris. Romæ, Cæciliz Vir-  
ginis, Celsi, Cleti, Zeti, Fausti, Longini, Leonti,  
Valeriani, Tiburtii, Maximi. Agustiduno, Prio-  
maci.

M ix. Kal. Decemb. Romæ, Clementis, Felici-  
tatis Mart. Maximi, Verocianæ, f Euticis, Marci,  
Sateri. Bobio, Columbani Abbatibus.

N viii. Kal. Decemb. Romæ, Crisogoni, Eleu-  
theri, Maximi, g Felicissimæ, s Donati, Antirodi,  
Mammeri, Clementi Mart.

O vii. Kal. Decemb. Luciani, Marciani, Cy-  
priani, Claudiani, Quiriaci, Marcialis, Petri, Do-  
nati.

P vi. Kal. Decemb. Cirici, h Saturnini. Alibi,  
Petri, Marcellini, Monnæ, Valeriani Confessoris.  
Agustiduno, Amatoris Episcopi.

Q v. Kal. Decemb. Nicomediâ, Marcelli, Pe-  
tri, Seneri, i Memori, Joannis. Romæ, Optati Epi-  
scopi, Agriculæ, Severi, Eufemiæ, Lucæ.

R iv. Kal. Decemb. In Siriâ, Throsimi, Theo-  
doli, Expicasi, Eucherii, Eusebii, Exilii.

S iiii. Kal. Decemb. Romæ, Natalis sanctorum  
Saturnini, Crisanti, Mauri, l Dariæ, Marci. Nan-  
netis, Saturnini, Eulaliæ.

T Pridie Kalendas Decembris. In Achaiâ, ci-  
vitate Patras, Natalis Andreæ Apostoli. Mediola-  
no, Ambrosii Episcopi & Confessoris. Romæ, Ca-

m Publiani ] Codex saepe laudatus S. Galli, Popliani.  
n Perminii ] Idem, Pirminii, Amandi, Episcoporum &  
Confessorum.

o Primi ] Codex Bal. Africâ, Primi. Infrâ codex S. G.  
Remis, Amanti Episcopi. Biturco, Lusoris, &c. & in fine  
addit, Et Octava Apostolorum Simonis Zelotis, & Juda  
Jacobi Fratris Domini. Matutina & Mis.

p Marcia ] Idem S. G. codex, Et alibi, Marcia; & in  
fine addit, Et Vigilia sancti Melani. Plén.

q Eusebii ] Idem Natalis sancti Eusebii, & in fine pro Op-  
tati, habet Optati.

r Castori ] In eodem additur, Davidi; & in fine Octava  
sancti Benigni.

f Amiani ] Idem, Damiani. Et alibi, Donati.

t Antiochiâ ] Codex Bal. Antiodori. Mox codex S.  
G. Et alibi, Saturnini. Idem in fine, Aurilianis civitate,  
Monitoris Episcopi.

u Maurili ] Idem, Maurili.

x Valentini ] In eodem codice additum est, Et Octava  
Melani Confessoris.

y Deus scit ] Postea in laudato codice legitur, Comm.  
Fratr.

z Fidentiani ] Idem, Et alibi, Fidentiani, Varici, Mar-  
cialis, Donati, & quæ leguntur in fine, cum aliis duodecim,  
in eo defunt. Horum vero loco habetur, Et Vigilia sancti  
Otmari Confessoris.

a Africâ ] Hic dies in laudato codice sic legitur, In Afri-  
câ, Natale Rufiani. Et alibi, Felicis Martyris, Vincentia,  
Vitalis, Eusebii, Justo, Marci, Valeri, Fidentiani, Neri,  
Pauli, Agustini, Victoris. Et est Deposito beati Otmari  
Abbatis.

b Capuâ ] Idem codex, In Cappadociâ, natale Agustini.  
Idem post Tecla Virg. sic habet, Gregorio, Zachæi, Aurelia-  
nis, Aniani. Plé. Comm.

c Acisceli ] Idem, Aciscile.

d Mogioni ] Idem, Duciani.

e Celsi ] In codice Bal. additum est, Vigilia sancta Cecilia.

f Verociana ] Idem codex, Verociani.

g Felicissima ] Idem, Felicissimi.

h Cirici ] Idem, Roma, Cirici.

i Seneri ] Idem, Sereni.

l Mauri ] Idem, Maturi; & in fine addit, Vigilia sancti  
Andrea.



ſtoli, Saturnini, Euprepitiſ, Centuli, Januarii, Criſtanti, Mauri.

DECEMBER habet dies XXXI.

**V** KALENDIS Decembris. Romæ, Candi-  
dæ, <sup>m</sup> Lucii. Et alibi, Victuri Am-  
boni, Filadi, Rogati, Caſſiani, Matronæ, Pri-  
mini.

**A** IV. Nonas Decemb. Romæ, Vivianæ, Prin-  
tæ, <sup>n</sup> Pontiani, Pimini, Daſroſæ, Demetriæ, Veri,  
Agnetiſ, Securi.

**B** III. Nonas Decemb. In Oriente, Merobii,  
Clandici, Feliciſ, Victuri, Job. Alibi, Joannis,  
Stephani, Criſpini, Agriculæ, Martini.

**C** Pridie Nonas Decemb. Eracli, Victuri, Mig-  
gini, Filiciſ, Merobi, Chriſtiani. Romæ, Barbaræ  
Virginis, Filadi Martyriſ, Umbini. P Monasterio Flo-  
riaceniſ, à partibus Romæ Adventus corporiſ ſancti  
Benedicti Abbatiſ.

**D** Nonis Decemb. Criſpini, Humili, Troſimi,  
Feliciſ, Victoris, Pauli, Marci, Amantii.

**E** VIII. Idus Decem. Zeloti, Fortunati, Gati,  
Hermogeniſ, Rogati, Agathæ.

**F** VII. Idus Decemb. Antiochiæ, Policarpi,  
Theodori, Sapidici. Romæ, Eutaciani Episcopoi, &  
Octab. ſancti Andrea.

**G** VI. Idus Decemb. Nataliſ ſanctorum Euſebii,  
Urfani, Succeſſi.

**H** V. Idus Decemb. In Africâ, Petri, Victoris,  
Urbani, Bonefacii, Succeſſi, Baſini, Toniti, An-  
ciori, Geronti, Silvani, Mariæ, Victoriz, Rogatæ.

**I** IV. Idus Decemb. Romæ, Victori, Adriani,  
Pauli, Ceciliz, Martanz, Privatæ. Romæ, ſancti  
Melchadz Papæ, Damianæ, Valeriz, Germani.  
Arvernſ, Agriculæ, Vitaliſ Mart. In Spaniâ, \*  
Eulaliæ Virg. & Mart.

**K** III. Idus Decemb. Romæ, Damasi Papæ,  
Eulaliæ, Prætextati. Alibi, Traſoniſ, Pontiani, \* Sa-  
moni, Eutici, Secundi. Ambianiſ, Victarici, \* Fau-  
ſciani, Mariæ, Zoſimi & aliorum.

**L** Pridie Idus Decemb. In Spaniâ, Eulaliæ Vir-  
ginis, Hermogeniſ, Donati, & aliorum viginti-duo-  
rum.

**M** Idibus Decemb. Ravennæ, Urfioniſ & Leo-  
cadi Confelloriſ, Valentini. In Sicilia, Luciz Vir-  
ginis, Caſti, Feliciſ, Modeſti, Securi, Urbanæ &  
aliorum.

**N** XIX. Kal. Januarii. Dedicatio Baſilicæ ſancti  
Salvatoriſ in Gellone. Anthiochiæ, Drufi & ſocio-  
rum ejus trium, Zoſimi & Theodori, ſanctæ Lu-

ciæ Virginis. Lugduno, ſancti Victoris \* Episcopoi.  
Viennâ, Lupicini Episcopoi. Remiſ, Nicaſii Episcopoi,  
& Sacrepi, Alpediæ & Theodoli, \* vel aliorum.

**O** XVIII. Kal. Jan. In Africâ, Fauſti, Lucii,  
Candidi, Materi, Marci, Januarii, Victori, Re-  
ſtitutæ & aliorum duodecim. Aurilianis, Maximini \*  
Preſbyteri & Confell. In Salonâ, Heliz, I romodi,  
Candidi.

**P** XVII. Kal. Jan. Ravennâ, Valentini, Navaliſ,  
Agrigolæ, Concordi. Arelato, Dedicatio Baſilicæ  
& altariſ ſancti Genneliſ Martyriſ.

**Q** XVI. Kal. Jan. Africâ, Victoriani, Adjuto-  
riſ, Quartii, Honorati, Simplicii, Ampiamovi Fe-  
liciſ, Vincenti, & aliorum viginti quatuor, & O-  
ſtori, Quinti, Donati, Victoriz, Dioſcori.

**R** XV. Kal. Jan. In Africâ, Quinti, Pauli, Di-  
gni, Ceciliani, Evaſi, Baſiliani, Simplicii, Pompini,  
Vincenti. Romæ, Luciz Virginis, Feliciani, Au-  
ceiz, Antonini, Herenei. Alibi, Honorati, Afræ &  
aliorum plurimorum.

**S** XIV. Kal. Jan. In Bitiniâ, Zoſimi, Ciriati,  
Anaſtaſii, Sidoni. \* Autiſſodero, Pauli, Gregorii, Da-  
ri, Criſtanti.

**T** XIII. Kal. Jan. In Thraciâ, civitate Gildobâ,  
Julii. Romæ, Zeferini Episcopoi. In Oriente, Nata-  
liſ Teclæ & ſancti Liberati.

**A** XII. Kal. Jan. In Meſſopotamiâ, civitate E-  
diſſa, Natale & Tranſlatio corporiſ ſancti Thomæ  
Apoſtoli, qui tranſlatus eſt ab Indiâ, cujuſ paſſio  
ibidem celebratur. Romæ, Depoſitio ſancti Inno-  
centii Episcopoi, & Paſſio ſanctorum Victoriz, Bi-  
thaniæ, Secundi, Zoſimi, Aurili & Seriaci & ſan-  
ctorum Foci, Florii & Honorati Episcopoi & Con-  
ſelloriſ.

**B** XI. Kal. Jan. Baſilei. Romæ, Natale trigin-  
ta Martyrum qui omnes uno die coronati ſunt; &  
in opido civitatiſ, Depoſitio Feliciſ Episcopoi, & Paſ-  
ſio Theodoſiæ Virginis, & Didimi Monachi.

**C** X. Kal. Jan. In Nicomediâ, Natale ſancto-  
rum Martyrum Simuliftiſ, Apolloni. Romæ, ſan-  
ctorum Eugeni, Saturnini, Eufroſini, Caſtuli & alio-  
rum octingentorum. . . ſimul Caſteſti, Eutichia-  
ni & ſociorum ejus, ſimul Petri, Apolloni, Telii,  
Xilti. Item Sixti, Salani, Evarilti, Libali, Limi,  
Zephirini, Galiti, Cornili, Johannæ & Feliciſ.

**D** IX. Kal. Jan. Tripoli civitate, Natale ſancti  
Luciani. Romæ, Metrobii & Pauli, Zenoti, Heu-  
tini, Timiſti. Anthiochiæ Siriz Natale ſanctorum  
Virginum quadraginta & uniuſ Canonicarum, ſi-  
mul & alii duo Drufi & Donati.

Explicit Martyrologium de Gellone.

**m** Candida ] Idem, Candidi, & in fine addidit, Dedicatio Baſilicæ ſancti Stephani Protomartyriſ in Hieroſolyma.

**n** Printa ] Idem, Primenſi.

**o** Martini ] Hic in codice S. Galli additum eſt, Et Retiâ, Coriâ civitate, Depoſitio ſancti Lucii Confelloriſ. Ma-  
ſutina & Miſ. Et Vigilia ſancti Benedicti Abbatiſ.

**p** Umbini ] Idem codex S. G. Umboſe.

**q** Zelot ] Idem, In Africâ, Zeloti.

**r** Andrea ] Idem codex addit, Miſ.

**f** Urfani ] Idem, Urbani.

**t** Baſini ] Idem, Baſinini; mox ante Geronti, codex  
Bal. habet, Autiſſod. cujuſ loco legitur Antociæ, in quo  
non Silvani, ſed Silvane habetur.

**u** Germani ] Codex S. G. Germane, & In Spaniſ.

**x** Roma ] Idem codex, Româ, Elaliæ, Prætextati, &  
aliorum ſine numero. Idem non Pontiani, habet, ſed Pon-  
tiane, & poſt Victarici, in eo legitur, Et alibi Fuſciani  
Martyriſ.

**y** Hermogeniſ ] Idem, Alibi, Hermogeniſ, Donata.

**z** Anthiochia ] Codex Bal. Autiſſod. Infrâ, codex  
S. G. Lugduno, ſancti Viſtoris, & ſub finem Deudoli, pro

Theodoli.

**a** Candidi ] Sequitur in laudato S. G. codice, Cecilii,  
Primi, Materi, &c. Infrâ in eodem Maximi, legitur pro  
Maximini.

**b** Agrigola ] Idem, Argigula.

**c** Victoriani ] In eodem legitur, Victoris, Adjutoris,  
&c.

**d** Antonini ] Idem, Antoni.

**e** In Bitiniâ ] Codex Bal. Bitur. Infrâ ubi Sidoni legitur,  
codex S. G. habet, Alibi, Sidini.

**f** Liberati ] Hic codex S. G. addit, Et Vigilia Thomæ  
Apoſtoli.

**g** Roma ] Codex Bal. Autiſſod. In codice S. G. hic  
dies ſic legitur, In Anthiochiâ, Baſilei. Alibi, XXX Mar-  
tyr. & Demetri, Flori, Aſiloni, Honorati, Feliciſ, Di-  
dimi.

**h** In Nicomediâ ] Hic etiam variat codex S. G. Nicome-  
diâ XXXV. Mart. Siſtiſ, Apolloni. Roma, Eugeni, Urbani,  
Cornili, Trajani, Cliti, Ananeliti (an pro Ancientiſ?)  
Caſtula. Et alibi, DCCC. tringenta, Petri, Sixti, Joannis.

**i** Heutini ] Idem codex, Theutini.

# MONITUM.

**E**XSCRIPSERAT sua manu WANDALBERTI Martyrologium doctissimus Bigotius, cum Bataviam inviseret, è codice scripto Isaaci Vossii, viri comitate singulari, ac politiori literaturâ, multarumque rerum scientiâ clarissimi. Adscripserant falsò Wandalberti Martyrologium Venerabili Bedæ Basileenses, illud ejus ephemeridibus accensentes ann. 1563. deinde Molanus in dies distributum Usuardi Martyrologio, cuso Colonia ann. 1568. (subductis versibus nonnullis) interferuit: nunc integram suo Auctori ac nitori restitutum, una cum Præfationibus solutâ & strictâ oratione concinnatis, atque iis quæ Martyrologium subsequuntur (illa ipsemet Vossius descripsit misitque ad præfatam Bigotium cum Spicilegii Tomo V. finem imponerem) prodit in lucem. De Wandalberto pauca hæc habet Sigibertus cap. 128. de Scriptoribus Eccles. Wandalbertus scripsit Martyrologium metrico stilo. Trithemius verò plura de viris illustr. Ordinis S. Benedicti cap. 36. Wandalbertus Diaconus & Monachus Prumiensis Monasterii in Diocesi Trevirensi, natione Teutonicus, vir in divinis Script. doctus, & in secularibus literis valde peritus, Rhetor & Poëta insignis, sermone clarus & nitidus, &c. Scripsit etiam metricè Martyrologion totius an. l. i. & alia plura quæ ad meam notitiam non venerunt. Claruit sub Lothario Imperatore ann. Dom. 854. Miræus verba repetit Trithemii de script. Eccles. cap. 316. ad ann. DCCCXL.

Wandalbertus autem Commendatione ad Cæsarem, ubi Lotharium dilaudat, non obscure annum quo texuit Martyrologium exprimit, præcipue versibus istis:

Lustra per orbem  
Quinque recurrunt,  
Nomine postquam  
Clarus & armis,  
Cæsariana  
Jura retentas.

Ubi aut ab imperio Lotharii ducit initium Wandalbertus cum Ludovicus Pius an. DCCCXVII. coronatum voluit filium Imperatorem; aut ab eo tempore quo Romæ an. DCCCXXIII. à Paschali Papa Lotharius fuit inauguratus. Si prius, addas quinque lustra, sive viginti quinque annos, tum DCCCXLII. salutis annum numerabis; si posterius, DCCCXLVIII. Suum verò Martyrologium ætatis annum agens trigesimum quintum se confecisse testatur in Conclusionem pag. 343.

Trinis ecce decenniis

Vitam dego miser; quintus & insuper  
Ævi curriculis orbis adest atque meatibus.

Molanus in Præfatione ad Usuardi Martyrologium c. 5. de Wandalberto, ingenuè fatetur ipsius Martyrologium è Bedæ ephemeridibus mutuatum esse; deinde subinfert: In indice quodam variarum Bibliothecarum, qui ante an. 80. aut circiter conscriptus est, & Lovanii asservatur, quævis MS. Wandalberti exemplaria, sed unicum tantum indicabatur in Bibliotheca Regularium Lovanii in valle S. Martini, ubi tamen nunc non est, quomodocumque id acciderit: & proinde æqui bonique consulas, candide Lector, quòd Wandalbertus non satis castigatus prodeat.

Denique Florus, quem mirè laudat Wandalbertus in Præfatione, non Martyrologus notatur, cujus meminere Usuardus, Ado, & alii, sed junior ipso, nimirum acerrimus ille, Carolo Calvo imperante, Ecclesiæ Lugdunensis pro gratiâ Christi & libero arbitrio propugnator. Legebis Miræum ubi supra ad Sigiberti cap. 92.

Hactenus Acherium exscripsimus doctè, ut solet, de Wandalberti Martyrologio differentem: nunc ea monebimus de quibus lectorem certiore fieri necesse est. Ac primum quidem, à nobis adscriptum est Poëmatum in Hexaëmeron, quod Wandalbertus ipse asserit se Martyrologio suo subjunxisse. Nam cum deesset in eo codice Bigotii quo Acherius usus erat, alterum codicem vir ille studiosus deinde comparavit, ex quo id descripsit R. P. D. Edmundus Martene, nobisque humanissimè communicavit.

Non hæc sola fuit Bigotiani codicis utilitas; imò fuit vel minima; ejus enim ope loca propè infinita, emendavimus, ac versus qui desiderabantur restituimus haud paucos, perinde atque è vetustissimo codice Regio, quicum priorem editionem contulerat Stephanus Baluzius anno, ut ipse monet, MDCLXXVI.

In hoc inter versus idem Baluzius reperit descripta nescio cujus operâ haud pauca sanctorum nomina, quæ edi oportere judicavimus, quòd cum ad alia utilis esse posset hæc diligentia nostra,

tum ad intelligendum sæpe, nonnunquam ad emendandum Wandalbertum. Porro inter illi sanctorum nomina, librarius notari maxime voluit S. Martialem, ac S. Leonardum; nam hujus nomen majusculis literis exaravit, illi etiam beatissimi titulum addidit, unde conjicio codicem è Lemovicensi Provinciâ in Urbem esse advectum.

# WANDALBERTI DIACONI MARTYROLOGIUM.

## P R Æ F A T I O.

**D**OMINO OTRICO WANDALBERTUS SALUTEM DICIT.

Veteri & perantiquo præcepto monemur, ut parere majoribus, morem gerere æqualibus, consulere minoribus studeamus. Ego quia tibi <sup>a</sup>, Carissime, ut minori, quod cogitatu ipso nefas judico, consulere nequeo; in te enim ipso tibi, ut reverâ sapientem decet, omnis opis consilium, totiusque prudentiæ copiam esse perpendo; morigerari verò sicut æquali, sensus & ingenii tarditate non valeo\*; quod primum constat; ut majori parere & obsecundare viribus cunctis & omni facultate desidero: maxime quodd incessanti & infatigabili studio ac benevolentia me, postquam longè à patriâ, rebusque domesticis, non tam exulare, quàm degere cœpi, tuâ ope. consilio, providentiâ & liberalitate fultum intelligo: nec leviter pecco, si cum morem gerere nequeo, parere pro ingenii paupertate refugio. Itaque quod inopinato studio ex me, & inevitabili, constantique auctoritate petiisti, ut per anni totius spatium occurrentes quot diebus Sanctorum festivitates, & solemnes undecumque Christianorum votorum celebritates, metro digerere; feci ut potui, non tam artis usu atque solertiâ, quàm tuâ devotione, & immerito ergà me Sanctorum ad id peragendum adjutus, ut confido, favore.

In quo Opere quia solemnium dierum certissima comprehensio non leviter nec facile pro librorum varietate constabat, ope & subsidio præcipuè usus sum sancti & nominatissimi viri FLORI Lugdunensis Ecclesiæ Subdiaconi, qui ut nostro tempore reverâ singulari studio & assiduitate in divinæ Scripturæ scientiâ pollere, ita librorum authenticorum non mediocri copiâ & varietate <sup>b</sup> cognoscitur abundare. Ab hoc ego sumptis veteribus emendatisque Codicibus, Martyrologicum librum à Kalendis Januariis ad finem anni, per dierum singulorum occurrentes festivitates metro edidi, præmissâ, ut congruè existimavi, Invocatione ad Deum, Alloquutione ad omnes qui fortè erunt lectores, Commendatione ad te Operis hortatorem, & ad Cæsarem benignissimum LOTHARIUM, argumentique sive propositionis diverso metro descriptione: & additâ post editum Martyrologium, conclusionis hymnique in omnes Sanctos editione; cui etiam Operi distinctionem\* mensium singulorum, adjeci apertam brevemque secundum usum Gallici\* dispositionem, & horarum diurnarum vulgarem in nostris regionibus dimensionem: quod utrumque à superiori Opere nequaquam discrepare putavi. In fine præterea totius Operis, de creatione mundi <sup>c</sup> per ordinem dierum sex, breve carmen addidi, & explanationem mystici sensus in homine accipiendi subjunxi, ut ea quæ de totius anni cursu describerem, repetita ab initio mundanæ creationis explanatio commendaret.

Hoc Opus quia diverso editum metro constat, necessarium existimavi genera ipsorum metrorum breviter explanare, ut non modo ipsum Opus, sed ea quibus digestum est metra, omnibus, qui id legendum dignabuntur sumere, manifestem. Itaque Invocatio, quam in principio totius Opusculi propterea posui, quod omnis scientia ex Deo manans, ab ipso sit meritò poscenda, (quamquam alii in Opere Poëtico, propositionem primam esse velint) metro Choriambico, Tetrametro, Acatalectico, Asclepiadeo decurrit. Asclepiadeum autem ab Æsculapio, qui græcè vocatur, Asclepios, medicinæ repertore, cujus laudes hoc metri genere frequentatæ sunt; vel ab aliquo ejusdem nominis Poëta est appellatum. Metrum enim frequenter ab inventoribus, nonnunquam à frequentatoribus, interdum & ab eis quorum memorias celebrant, appellantur. Acatalecticus verò versus est, cui nulla ad plenitudinem sui syllaba deest, sed legitimo numeri fine concluditur. Tetrametrum porro carmen est, quod quatuor pedibus currit, quod in Choriambicis, Dactylicis, & Anapæsticis metris accipitur, in quibus Dimetrum, Trimetrum, Tetrametrum, Pentametrum, & Hexametrum per simplices pedes computamus: nam in Iambicis Throchæisq; metris, quia breviora sunt, supradictos numeros per duplices pedes accipimus. Choriambicum autem à Choriambo pede, quo propriè currit, vocatur. Constat enim primo pede Spondæo, secundo & tertio Choriambo, quarto Pyrrichio; & cum choriambus primam & ultimam longas, duas medias syllabas breves habeat, quæ simul sena tempora complent: si spondæum pyrrichio copulemus, totidem syllabas, totidemque tempora facimus; ac per hoc non tam pyrrichio & spondæo metrum hoc, quam propriè choriambo decurrit. Invocatio ergo, hoc metro composita, XLIV. versibus constat; qui quaterni coëuntes undenos majori complexione versus efficiunt.

Alloquutio autem, quæ lecturos commonens invitat, metro Dactylico, Tetrametro, Catalecticoque, à pede scilicet frequentiori, & numero pedum quaternio, atque unâ, quæ ad plenitudinem metrici numeri,

<sup>a</sup> ego quia tibi] Ultima vocula addita est è codice Bigot. Ex eodem editum non valeo, ubi olim legebatur, non video.

<sup>b</sup> copiâ & varietate] Sic malimus, quàm in priori editione copiâ & veritate. Haud longè & additâ post, sic codex Big. in editis malè & editâ post. Statim nonnihil ex ingenio

mutavimus in illis verbis distinctionem... usus Gallici: antea enim legebatur distinctione... usus Gallicos.

<sup>c</sup> de creatione mundi] Hoc carmen quod in priori editione deerat, à R. P. D. Edm. Martene communicatum suo loco edemus.

ANNO 842.  
a

Auctor Floro  
Lugdunensi  
æqualis.

b

Opus de distinctione  
Mensium, &  
horarum edidit  
Auctor.

c

Item de creatione mundi,  
& ordine dierum.

i. Invocatio  
Martyrologio præfigitur.

Explicat diversâ carminum genera.

2. Deinde Alloquutio.

deest syllabâ appellato decurrit: constat enim spondæo, dactylo, catalecto, itemque dactylo, & spondæo. Cumque hoc metrum dactylo propriè constet, si catalectum spondæo addas, erunt ratione syllabarum tres Dactyli & unus spondæus, atque à plenitudine dactylicarum syllabarum, una tantum syllaba deesse videbitur; quamquam ratione temporum dactylus, qui unâ longâ, & duabus brevibus constat, spondæo, qui duas syllabas longas habet, par & æqualis existat. Itaque Alloquutio prædictis pedibus currens **LXVIII.** vericulus continet, qui similiter, ut priores, quaternio numero conjuncti **LXII.** majores versus efficiunt.

3. Commendatio.

Porro Commendatio metro Phaleucio, Pentametro, Hendecasyllabo constat, quod à numero **XI.** syllabarum, græcè Hendecasyllabum, à numero pedum **V.** Pentametro, ab inventore sive frequentatore Phaleucio appellatur: decurrit autem primo pede spondæo, secundo dactylo, tertio, quarto, quintoque trochæo; quamvis ultima syllaba indifferenter in omnibus metris accipiat, & frequenter trochæus in spondæum, spondæus in trochæum, in pyrrichium iambus, iambusque in pyrrichium, per ultimas syllabas transcat. Igitur Commendatio priore sui parte, hoc metris composita, **VI.** & **XXX.** versibus impletur; qui item per quaternam complexionem **IX.** majores versus explere noscuntur. Posterior pars Commendationis ad Cæsarem edita, metro constat Dactylico, Dimetro, Acatalecto, quod dactylo tantum currit atque spondæo, neque aliquâ syllabâ ad plenitudinem indiget. Hæc pars **XI.** duosque vericulus continet, qui seni simul coeuntes **VII.** majori conjunctione faciunt versus.

4. Martyrologium hoc quibus consistet versibus.

Reliquum deinde Opus usque ad completum Martyrologium, Heroico carmine, quod à gestis virorum fortium frequentatis appellatur, & Hexametro numero pedum constat, excurrit: in quo metro præter ultimum, qui spondæum tantummodò sive trochæum recipit, & penultimum locum, qui dactylo solummodò impletur, reliqua loca licenter dactylum spondæumve recipiunt. Quod Opus ab initio propositiois usque ad completum Martyrologium, heroicos versus **DCCCC.** & **XI.** continet.

Sequitur deinceps Conclusio ad complendum Martyrologium pertinens, quæ mixto choriambico, hoc est glyconio, asclepiadeo, alcaicoque contextitur: quæ metra ab auctoribus sive frequentatoribus nominata Glycone, Asclepio & Alcaeo: Glyconium quidem spondæo, choriambò, pyrrichio: Asclepiadeum spondæo, duobus choriambis, pyrrichio: Alcaicum verò spondæo, tribus choriambis, pyrrichioque decurrunt. Eadem Conclusio **XXIV.** versiculos prædictâ conjunctione metrorum complexa **VIII.** majores versus ternis simul coeuntibus reddit. Huic hymnus in omnes Sanctos succedit, qui metro constat Dactylico, Pentametro Saphico, quod à muliere, quæ Sappho dicta, hoc genus metri reperit, appellatum; quinque pedibus, hoc est trochæo, spondæo, dactylo, duobus trochæis decurrit; eique post tres versus semper comma heroicum additur, quod dactylo constat atque spondæo; ita efficiuntur in diversa tres versus parles, & membrum heroicum, quæ complexio in supra dicto hymno **VIII.** majores, minores versus reddit **XXIV.** commata nihilominus addens **VIII.** hæc, ut supra memoravi, ad finem complexionemque præcedentis Martyrologii pertinent.

5. Descriptio Mensium Martyrologio subjicitur.

Deinde sequitur Descriptio duodecim mensium, quæ nominum in singulis etymologias, signorum nomina & stellarum: in signis numeros ususque temporum ostendit. Huic descriptioni cohæret horarum per menses omnes dimensio. Quod Opus versibus heroicis **CCCCVI.** & **I.** completur.

6. In fine libelli de creatione mundi.

In fine totius Libelli superest de creatione mundi brevis & aperta descriptio, cum additione mystici sensus in homine super creatione rerum accipiendi: quæ Descriptio metro Pherecratio constat, quod à Pherecrate inventore sive frequentatore nuncupatum spondæo, dactylo, spondæoque contextitur, quamvis pro ratione novissimæ syllabæ, ultimus spondæus frequenter in trochæum mutetur. In hac Descriptione ternis versibus in unum coeuntibus, minores **CLXXXV.** majores **XCVIII.** efficiuntur. Ita in omni hoc Opere diversorum metrorum variarumque mensurarum versus sunt, ab Invocatione ad Deum usque ad mundanæ creationis Comprehensionem, mille **DCCCXIX.** Hæc ita complexus sum, ut tibi, Carissime, cui totius Opusculi sicutumque constiterit munus assignabitur, nihil hic incognitum dubiumve remaneat. **BENE VALE.**

## SEQUENTIS METRICI OPERIS TEXTUS. INVOCATIO.

d Metrum Choriambicum, Tetrametrum, Asclepiadeum.

**C**ELSI cuncta parans<sup>d</sup>, Conditor ætheris,  
Orbis principium, luminis editor  
Inventorque, boni fons sine termino,  
Audi quod precor & supplico servulus,  
Plebis tu caput & gloria candida;  
Albis fulgida prætextaque vestibus  
Agnum quæ sequitur; lotaque \* sanguine  
De cunctis placet empta & data Gentibus.  
Hanc terris colit, & prædicat omnibus  
Votis accumulans optima gaudia  
Concors Ecclesia, & mox modulantium  
Festivo sociat carmina cœtui.  
Hæc nunc curriculum vota sub annuis,

Per quos emineant & redeant dies,  
Exponam breviter credita carmine,  
Comprendens acies bellaque fortium,  
Quorum, Christe Deus, pro meritis mihi  
Cunctorum veniam hîc annue criminum.  
Servo confer opem\*, missaque desuper  
Cæcum de tenebris jam revocet manus,  
Rector; nempe tuo nulla renititur,  
Nulla est imperio dura potentia:  
Armis tu poteris vincere fortibus,  
Fallens ne zabuli vincat iniquitas.  
Tandem sit satis ad tartara per scelus  
Cunctum perque nefas, perque probra omnia,  
Casu flebiliter tendere pessimo;  
Obleteturque tuis vivere legibus.  
Felix cœlicolis permanet in quibus  
Regem \* præsidis vita perennibus,  
Summum quando piis tu resides bonum,  
Explet quos jugiter te sitiens amor.  
Spei nil superest<sup>e</sup> ad veniam mihi,

<sup>d</sup> celsi cuncta parans ] Codex Big. celsi cuncto parens: quin legendum sit celsi sancte parens, non valde dubito. v. 7. itaque sanguine optima codicis Big. lectio; pessima contra prioris editionis totaque sanguine.

<sup>e</sup> Spei nil superest ] Sic codex Big. emendatè: prior editio spei vis sup. corruptè. Suprà Regem præsidis, fortè legendum regens, ac ne sic quidem sententia satis constât.

Vite nec potior suppetiis, nisi  
 Pressum tu relevas, æger & anxius  
 Succumbensque ruam mortis ad infima.  
 Munus nunc Operis permodici tamen  
 Sanctorum in numero de populo tibi,  
 Rector, quodque tuo profero nomini,  
 Gratum de sterili sit rogo carmine.  
 Hymnum personet hinc mens humilis tibi,  
 Devotusque canat te modulans homo,  
 Unum cui jugiter cum Patre gloriam  
 Agmen prædicat in sæcula lucidum.

## A L L O Q U U T I O.

Metrum Da-  
 ctylicum, Te-  
 trametrum:  
 Catalecticū.

**C**HRISTUM quisque cupis cernere, & alto  
 Decernis animum figere cælo,  
 Spei certa videns signa beatæ,  
 Magnorum sequere hinc gesta parentum.  
 Illi sæpè Deum cernere sueti,  
 Præstantes opibus, corpore fortes,  
 Condignæ ac sobolis germine fulti,  
 Illustrant meritis sæcula sanctis:  
 Illi divitiis sponte relictis,  
 Cunctis & viridi tempore rebus  
 Contemptis, Superùm regna videntes,  
 Monstravere suis abdita signis.  
 Illi & vivifico fame pleni,  
 Vilis ac monitis cœlitus acti,  
 Venturum Dominum, vocibus atque  
 Portentis variis edocuerunt.  
 Illos, factus homo est, perditoque & orbi  
 Salvando adveniens, ore manuque  
 Instructos, populum misit in omnem,  
 Mundi ut perficeret ritè salutem.  
 Illos verus amor Regis ad astra  
 Vexit martyrii stemate claros,  
 Insignesque pii flore cruoris,  
 Quorum nunc radiat terra triumphis.  
 Illos quin etiam celsa venustat  
 Doctrinæ & meriti gloria magni,  
 Qui verbo Ecclesiam, qui prece, quique  
 Signis, quique libris instituere.  
 Illis est proprius splendor honorque,  
 Qui Christi niveo tegmine fulti  
 Vicerunt stabili mente minantem,  
 Mulcentemque simul carnis amorem.  
 Illis est etiam fama perennis,  
 Quæ expertum viridis corporis ignem  
 Calcarunt penitus cœlibe vita,  
 Præcinctæque Dei tegmine lumbos.  
 Illis nec modicum est culmen honoris,  
 Servatis thalamis, quæ pietate  
 Compserunt socium ritè cubile;  
 Natos quæque Deo sponte dicarunt.  
 Illorum superat fama per ævum  
 Conspectus hominum, cunctaque mundi  
 Temnentes, eremum qui coluere,  
 Cœlestem meriti sumere panem.  
 Illorumque nitet nomen, in unam  
 Quos egit f pariter lex sacra mentem,  
 Patrum qui monitis colla manusque  
 Summisere, Dei lege jugati.  
 Illorum pietas nec minus alto  
 Præfulget merito, qui sua Christo  
 Largiti, egregiâ sorte perennes  
 Nunc gazas retinent, regnaque cœli.

f in unam quos egit] In editis in unum, malè: in codice  
 Big. in unam, bene.

g quæve recursus] Sic profectò legendum; nam quod erat  
 in priori editione quæve recursus, intelligi non potest.

h verâ sume.] Ita malimus, quam quod legebatur ve-

Tom. 11.

Sic nos multiplici præduce normâ  
 Christus sancta vocat; sicque minorum  
 Prælucent oculis, lumina Patrum,  
 Sic multa est meriti causa beati:  
 Nec nos velle sequi prava pudebit?  
 Quæ vult, quæque vetat, quæ jubet almi  
 Lex verbumque Patris nosse valebit;  
 Doctrinæ quemque fides veraque purgat,  
 Finis qui fuerit; quæque beati hinc  
 Excessus requies; quæve recursus &  
 Nunc anni memorent bella piorum,  
 Monstrabit modico hic corpore codex:  
 Hunc si velle potes, Lector opime,  
 Fac velis animo nosse benigno:  
 Nulli hinc namque subest mens pia culpæ,  
 Christo quod poterit sponte dicavit.

## C O M M E N D A T I O.

**V**Era sume librum fide sacratum;  
 Sincerâ hunc referans \* legensque mente,  
 Scribendum tibi, quem pio rogatu  
 Hortatuque jubes, Amice dulcis.  
 Hoc nam gratificum libro videbis  
 Digestum breviter tibi sciendi  
 Questum cum replicans volensque munus,  
 De jussu \* inspicies labore tandem.  
 Quondam HIERONYMUS sacer quietum  
 Vitæ deseruit statum modumque,  
 Aggressus veteris novæque legis  
 Romano eloquio probare libros.  
 AUGUSTINE tuum perennis ævi  
 Nomen, fama gerit, Pater, per orbem,  
 Qui Christi Ecclesiam doces, & omne  
 Errorum perimis, fugasque vulgus.  
 Sic Martyr quoque CYPRIANE Christum  
 Doctrinâ, atque pio cruore clamas.  
 Ore & HILARIUS micat beato:  
 Scriptis AMBROSIIUS manet, atque magnis  
 Pollet GREGORIUS, nitetque laude  
 Dictorum. Volitat JUVENCUS, illi  
 Conjunctis spatiis ARATOR hæret,  
 PRUDENTIQUE Deum canendo vivis.  
 Multos sic memorans honor revolvit  
 Scriptis qui propriis manent librisque,  
 Gaudens quos legit & frequentat Orbis,  
 Quamvis morte obitâ hinc abisse cernat.  
 Nobis exiguum subest loquendi, &  
 Scribendi ingenium; negat priorum  
 Nos æquare locum, vicemque Vatum  
 Exilis copiarum loquacis usus.  
 Aggressi tamen hinc novum piumque  
 Carmen proferimus Deo, tibi que  
 Hoc qui mente piâ rogas, Amice,  
 Tu nostro petimus fave labori.

## A D C Æ S A R E M.

**T**Uque favendo  
 CÆSAR adesto,  
 Sceptra parentum  
 Qui pietate,  
 Quique benignâ  
 Lege gubernas.  
 Te moderator  
 Nam Deus orbis

h  
 Metrum Pha-  
 leucium, Pen-  
 tametrum,  
 Hendecasyll-  
 labum.

et summe. Statim hunc referans è codice Bigot, scripsimus  
 ubi erat hunc resonans. Haud longè ejusdem codicis lectio  
 de jussu inspicies, magis idonea visa est, quam illa prioris edi-  
 tionis de jussu insp.

F



Jussit habenas  
Flectere avitas  
Imperiique  
Sceptra paterni.  
Teque periclis  
Ipse paratis  
Exiit olim ,  
Deque cruentâ  
Cæde furentum  
Sæpe reduxit.  
Aurea celso  
Vertice Roma  
Te decorando  
Nomine sanxit  
CÆSARIS , Orbi  
Mox Æbre Regem :  
Italia primum  
Te duce tellus  
Eminuit ; post  
Francia , temet  
Sceptra regentem  
Mundus adorat.  
Lustra per orbem  
Quinque recurrunt ,  
Nomine postquam  
Clarus & armis  
Cæsariana  
Jura retentas.  
Tempora Christus  
Longa videntem  
Te regat , omnis  
Te veneretur  
Teque tremescat  
Purpura Regem.

*PROPOSITION.*

**C**Armine qui vacuas captavi sæpius auras,  
Rumores vulgi quærendo stultus inanes;  
Aggrediar tandem veram de carmine laudem  
Quærere, & æternum mihi conciliare favorem,  
Spectandos breviter signans actusque virosque,  
Atque dies fixo reditu<sup>i</sup> volentem per orbem,  
Ordine quæ lustrant scribens solemnia quemque?  
Hic mihi nonnunquam Sanctorum nomina, leges  
Carminis excedens, sed non mutilanda vocandi  
Est censura; bonos veniam pietate merebor.

COMPRENSIO TEMPORUM,  
Mensium, Dierum, atque Horarum.

**P**Er varios orbem rerum natura meatus  
 Distinxit, moderante Deo, mortalibus ægris;  
 Alternis jugiter vicibus noctemque diemque;  
 Æstatem atque hyemem, autumnî, verisque tepo-  
 re;  
 Bissenisque simul discretum mensibus annuum.  
 Primùm quæque suis horarum tempora punctis  
 Excrescunt, tum bis duodenæ temporis horæ  
 Luce diem & tenebris complent ab origine furvis\*,  
 Nuncque dies parili spatio, noctesque feruntur:  
 Nunc celerante die<sup>1</sup> fuscis nox tenditur alis:  
 Nocte brevi rursus curru lux incita fulvo,  
 Ad summos axes solarem provehit orbem.  
 Hebdomas hinc septem complectitur integra soles;  
 Quatuor hebdomades vulgarem volvere mensē  
 Dicuntur; sed quos soles itatuere priores,

i fixo redim] Codex Big. anni redim. Sequentem versum  
ita lego, ordine quo lust. sc. sol. quaque.

1 *nunc celebrante die.*] Hunc verum qui antea sic legebatur:  
*nunc celebrante die f. vox tend. al.* emendavimus ope codicis  
 Big. in quo etiam reperimus vocem *furvus*, ubi editum erat

Ordine diverso menses numeroque feruntur:  
Junius, Aprilis, September, & inde November,  
Bis binâ hebdomadâ constant, geminisque diebus.  
Mensis tum Jani, Augustus simul atque Decem-  
ber,

Martius, Octimber, Maiusque & Julius aucti  
Quatuor hebdomadis fulgent, ternisque diebus.  
Solus quem Februo mensem Numa addidit auctor,  
Bis denis tantum patet octonisque diebus.  
Tempora solarem variantia quatuor annum,  
Ver, æstas, autumnus, hyems : flos, fructus, ho-  
norque

Mensibus alludent spatiosa ex ordine ternis.  
Has leges natura dedit, quo tempore primum  
Conditor omnipotens mundum formavit, & orbis  
Terrarumque modis concrevit semina miris.  
Has etiam docti prius advertere parentes,  
Et liquere suis, anni crescente rotatu,  
Hebdomadis pariter quinquagenis geminisque  
Ter centum sexagenis quinisque diebus.  
Hinc Nonas, Idus, statuerunt atque Kalendas:  
Scilicet ut vario distinctus ordine mensis,  
Humanos relevans mulceret ritè labores,  
Festiva exciperent cum fessas otia plebes,  
Donaque solemnes populus proferret ad aras.  
Hæc docuit populum Ægypti de morte redemptum,  
Edita per Moylen veteris conscriptio legis,  
Sabbata quæ sanxit, Novilunia, Paschaque san-  
ctum,

Jejunique dies statuit temporibus anni  
Certis inflexâ servari lege per ævum ,  
Agni quæ typico signatam sanguine plebem  
Agno , azymo pane , & lactucâ pavit agresti.  
Omnia quæ nostram signarunt festa salutem ,  
Nos docuere Deum , Christi qui morte redempti ,  
Religione dies sacramus præduce cunctos.  
Ergo age quas teneant solemnia festa Kalendas ,  
Martyria illustrentque dies quos clara per orbem ,  
Quos Confessorum laus sancta & vita coronet ,  
Virgineis thalamis quæ sint sua vota diesque ,  
Carmine promamus : mentem pie suffice Christe.

INCIPIT  
MARTYROLOGIUM  
WANDALBERTI.

7 A N U A R I U S.

Dies PRIMUM nunc Jani vocitatum nomine  
mensē ,  
Unde sacrat⁹ eat , recolat quæ festa cane-  
mus.

1 Quod veteres coluere Patres , umbramque fu-  
turi  
Lex posuit , sanctâ CHRISTI de Virgine nati  
Circumcisa caro , Jani sacrat ecce Kalendas.  
BASILIUSQUE sacer meritorum splendet  
honore.

EUFROSINA simul nitet , ALMACHIUSQUE  
beatus.

2 MACHARIUS quartum Nonarum dedicat  
astrum ,<sup>m</sup>

*furris.*

in *dedicat astrum*] Sic in uno codice quem Acherius viderat, & in Big. in editis *dedicat artem*. In seq. versu ubi *Augenti*, Acherius conjecit legendum *Eugendi*.

- Dies Qui tenuit docuitque eremi pius accola mo-  
rem.
- 3 Tertia Nonarumque dies celebrat GENOVE-  
FAM.
- 4 Tum pridie Nonis AUGENII \* festa recur-  
runt.
- 5 Hinc Nonas SIMEON Confessor possidet al-  
mus :  
Papa TELESFORUS is ipsis pariterque co-  
ruscet.
- 6 Octavo ante Idus agitur THEOPHANIA sancta.
- 7 Septima ab Ægypto Christum celebratque re-  
latum :  
Antiochena suum recolit quoque plebs LU-  
CIANUM.
- 8 Iduum post sexto, EUGENIANO vota fe-  
runtur :
- 9 Quinto, VITALI, FORTUNATO, & REVO-  
CAIO.
- 10 Quarto MELCIADES, PAULVSQUE cremita,  
beato  
Sublati sine, æthera lætantur in arce.
- 11 SALVIUS hinc ternas Carthagine consecrat  
Idus.
- 12 Plebs Itachia suum pridie recolit CIRIACUM.
- 13 Idibus HILARIO Pictavæ militat urbis  
Plebs devota, suo Pastor quam fulsit honore.
- 14 Quam nonam & decimam constat Februi ante  
Kalendas  
Effe diem, FELIX sacer & Confessor adornat.
- 15 Bisque novenam ABACUC simul & MICHAES  
honorant.
- 16 Septima post decimam MARCELLI Martyris,  
atque  
Pontificis summi meritis & nomine fulget.
- 17 Sextaque cum decimâ ANTONI virtute di-  
catur :  
Hæc etiam socio Geminorum pollet honore,  
Lingona quos uno celebrat plebs marmore  
tectos.  
[ Tum quoque nubiferi penetrat sol fidus  
aquari ]
- 18 Quinta & dena simul PRISCA pro Martyre  
gaudet  
*Et sancti VOLUSIANI Confessoris.*
- 19 Bis septena NICETO HAUTMAROQUE  
coruscet.  
MARIE & MARTHE.
- 20 Tertia post decimam FABIANO præfule n  
flore :  
Cui parili SEBASTIANUS virtute cohæret,  
Româ quem vectum SUESSIO lata frequen-  
tat.
- 21 Bissenâ est AGNE\* quam Virgo & Martyr ho-  
norat.  
*Et sancti FRUCTUOSI Episcopi.*
- 22 Undecimam Levita potens VINCENTIUS  
ornat  
Huic & ANASTASIUM virtus conjungit  
opimum.
- 23 Post EMENTIANÆ decimo laus emicat  
mpla.
- 24 Nono martyrium BABILÆ virtusque co-  
ruscet.  
*Et TIMOTHEI Discipuli Pauli Apostoli.*
- 25 Octavo ex Saulo o conversum gloria PAULUM :

n Fabiano Præfule ] Ita edere cum codd. Regio & Bigot.  
maluimus, quam quod antea legebatur *præfide*. Infra ex  
iisdem codd. scriptum *Bissenâ est Agne*, ubi prius erat *Bis-*  
*senâ est Agnes*.

o octavo ex Saulo ] Optima utriusque codicis lectio; fal-  
lebat quod antea legebatur *ex facto*. Statim iidem codd. *Pro-*  
*Tom. II.*

- PROJECTUM que \* suum celebrans Arvernus \*  
Dies adornat.
- 26 Septima moxque dies POLYCARPI sanguine  
fulget,  
Smyrnæ quem vero celebrant pro rege cre-  
matum.
- 27 Punica terra suum sexto veneratur AVITUM : P  
SULFICIUS, BATILDIS & ALDEGUNDIS quo-  
que vernant  
CELESTINI & VICTURIE.
- 28 Quintum progenies Romana AGNES dicat  
almæ  
[ Lux, decus orbis, amor patriæ, luctusque,  
dolorque,  
Excelso Imperii caput exaltatus honore,  
Tum KAROLUS migrans LHUVODICO sceptrâ  
reliquit. ]
- 29 Quarto martyrium PAPIÆ, MAURIQUE re-  
fulget :  
Tum quoque VALERIO Treviri pro præfule  
gaudent.
- 30 Tertiaque HIPPOLYTUM Antiochenæ personat  
urbi.
- 31 SATURNINE tuum egregium, TIRCIQUE  
tropæum,  
VICTORIS que simul Jani determinat orbem.  
*Gelasii & URSINI. In Alexandria, ZO-*  
*TICI, AMMONI, CIRIACI, GEMINI, &*  
*passio sanctorum GALLICINI & aliorum*  
*xv. sacerdotum. In Africa, VICTORIS &*  
*POLICARPI.*

## FEBRUARIUS.

- Dies N Unc etiam Februi texemus carmine eur-  
sum,  
Quæque ferat pariter festorum signa dierum.
- 1 BRIGIDA Virgo potens, Februas tibi prima Ka-  
lendas  
Scotorum sancit miro celebrata favore.  
*In Gracia, sanctorum POLICARPI, DIO-*  
*NI-II. In Scotia BRIGIDÆ Virginis, &*  
*sancti SUR. ....*
- 2 Quartum Nonarum templo illatus dicat AGNUS,  
Quo lustrante Deo vivum plebs credula tem-  
plum  
Mente piâ locat, acceptum sternitque tribu-  
nal.
- 3 Ternis & Nonis LUPICINO festa sacrantur:  
Hisque cruore pio CELERINUS cum CELE-  
KINA  
Enitet, INNATIUS, LAURENTINUSQUE beati.
- 4 Tum pridie Nonas AQUILINUS vindicat al-  
mus;  
Antistesque nitet PHILEAS cum PHILO-  
ROMO.  
*Et natale sanctorum FOROSENPRONI,*  
*GEMINI, GELASI, MAGNI, DONATI,*  
*AQUILINI, item DONATI, TIMOTHEI.*
- 5 Siccaniæ populos Nonis sibi subdit AGATHES  
Virginis eximio virtus celebrata decore.  
*In Oriente, Patras civitate, ordinatio*  
*Episcopatus sancti ANDRÆ Apostoli.*
- 6 Idibus octonis Martyr DOROTHEA coruscet.  
*Siracusâ civitate, passio sancta LUCIÆ*  
*Virginis. Roma, via Appia, sancta So-*

jectum, habent, ubi prior editio *Præjectum*: in Regio etiam  
est *Arvernus*.

p veneratur Avitum ] Non contemnendum quod in Regio  
cod. scriptum est *veneratur Adjutum*; cum auctor ipse mo-  
nuerit se metrarum legum rationem ubique non habuisse.  
Cætera quæ leviora sunt, cur hic exscribi debeant non video.

- Dies **HERIS Virginis. Et depositio sancti AMANDI.**
- 7 **ANGULE** septenis <sup>q</sup> mundum vincendo triumphas.  
[ Tum quoque ver clarum primos erumpit in ortus ] \*  
*Et sanctorum AMNIONIS, STACIONI, SATURNINI.*
- 8 Senas **DIONYSIUS** ornat, & **ÆMILIANUS.**  
*Et sanctorum PAULI Episcopi & TIRSI.*
- 9 Quinis **AMONEM** <sup>r</sup> recolunt pia vota beatum.  
*Alexandria PAULI, DIONYSII & AMONIS.*
- 10 **SOTHER, IRENÆUS, & SCOLASTICA** Virgo quaternis,  
Egregiā pariter meritorum laude nitescent.  
*In Nivialā monasterio, sancta GERETRUDIS Virginis. Et sancti SILVANI Episcopi.*
- 11 Ternis hinc **DESIDERIUS** Lugduna coronat  
Mœnia, **PARTEMIO & CALOCERO** Roma refulget.  
*In Affricā, VICTORIS, JANUARI, VITALIS, ZOTICI, CYRIACI.*
- 12 **EULALIÆ** festum pridie, sanguisque coruscat.  
Urbs **Barcion** \* eximiā quæ Martyre gaudet.  
*In Affricā, DAMIANI, JULIANI, VICTORIS, FELICIS, SECUNDI. Et SIMPLICII Episcopi.*
- 13 Idibus æthereum **JULIANUS** scandit honorem,  
Sponsa beata \* animum cœlo cui jungit ovan-tem.  
*In Alexandriā, TULLIANI, AMMONI. Lugduni, depositio sancti STEPHANI.*
- 14 Tum decimo sextoque die præeunte Kalendas  
Martyr **VITALIS** <sup>r</sup> nitet, & **FELICULA** Virgo,  
Atque **VALENTINUM** memorant sua gesta beatum.  
*FELICIS & ZENONIS, & sanctorum GERMANI & JULIANI.*
- 15 Hinc decimo & quinto meritum clarescit **AGAPES.**  
Hocque die casus pœnis veneratur acerbis \*  
**Brixia FAUSTINUM** celebrem, sanctumque **JOVIAM** \*  
*In Antiochiā, natale JOSEPI, APOLLONII, ROMANI, ZOSIMI, & AGAPE Virginis.*
- [ Hoc etiam geminos scandit sol fidere pisces. ]
- 16 Quartus cum decimo **JULIANA** Martyre lucet  
**ONESIMUM**que colit Paulo Doctore beatum.  
*In Affricā, MAXIMI, VINCENTII, PAULI. Et depositio TETRADI Episcopi.*
- 17 Tertius ac decimus **POLICRONI** festa revolvit,  
**DONATIQUE, fides, sanguis** quos junxit & ara.  
*Et passio sanctorum SECUNDIANI, JUSTÆ, ROMULÆ, SILVANI.*
- 18 Bissexnumquedem **MARTIALIS** sanctus honorat.
- Dies *In Affricā, natale sanctorum RUTULI, SILVANI, SECUNDI, DAMASI, PAULI, MARCELLI, GEMINI.*
- 19 **PUBLIUS** undecimum simul & **JULIANUS** adornant.  
*Et natale sanctorum MARCELLI, TULLII, item JULIANI, LAMPASI, MAJULI, & JULII.*
- 20 Mox decimus laudem recolit famamque **CORONÆ.** <sup>r</sup>  
*Apud Cyprum natale POTAMIÆ. Romæ, viā Appiā, depositio GAGI Episcopi. Et alibi, VICTORIS, CORONÆ, & aliorum decem.*
- 21 **VICTORINE** tuo nonus de nomine fulget.  
*In Affricā, natale sanctorum SECUNDINI, SERVULI, SIRICI, SATURNINI. Et alibi, CRISPINI, RUSTICI, JUSTICI, AMATORIS.*
- 22 Octavoque **PETRI** cathedra & doctrina coruscat,  
Urbs læta **Antiochi** quo primum præfule vernat.  
*Nicomediā, natale sanctæ TECLÆ Virginis, & sanctæ CONCORDIÆ.*
- 23 Septimus eximio **POLYCARPI** splendet honore,  
Presbyter ore fidem Christi qui iussu sequutus  
Martyrio turbam potuit servare fidelem.  
*In Affricā, ZENONIS, ARIONI, YPOLITI, ZENONIS, ELIRULI.*
- 24 Sextus Apostolicā radiat virtute **MATHIÆ,**  
Bissexusque loco hoc quartoque intexitur anno.  
Occultumque diū caput hoc **BAPTISTA** re-  
texit.  
*Et passio sanctorum NICOTORI, CLAUDIANI, DIOSCORI, & SARAPIONIS.*
- 25 Quinta dies **CRESCENTI** augetur laude beati.  
*In Affricā, natale sanctorum DONATI, JUSTI, HERENI, AURELI, INGENUÆ. In Pamphylia, natale sanctorum NESTORIS & CASTÆ.*
- 26 **NESTORE** quartus <sup>u</sup> ovat, socio pariterque **THEONE.**  
*Et natale sanctorum ALEXANDRI, ABUNDANTII...*
- 27 Tertius Hesperie **LEANDRO** antistite floret.
- 28 **MACHARIO** pridie **RUFINUS** jungitur almus.  
*In Thessalonica, natale sanctorum ALEXANDRI, ABUNDANTI, SILVERIANI, JANUARI. In civitate Smyrna Asia, sanctorum SERVILIANI...*
- Hic finis Februi concludit lumina mensis.  
*Natale CELERIS pupilli, CLAUDIANI, QUINTI & MANSUETI.*

## MARTIUS

Dies **M**artius insigni feriatu tempore, de-  
mum  
Quorum præmineat \* breviter dicemus ho-

<sup>q</sup> *Angule septenis* ] In codice Regio *Angule*: ejusdem codicis auctoritatem sequuti, versum hunc edidimus ante illum *Tum quoque*, qui in priori editione priorem locum obtinebat: ac ne id sine ratione factum existimes, scire te volumus in eodem codice post notam prosaicam diei VII. scriptum esse: SOL IN PISCIBUS.

<sup>r</sup> *quinis Amonem* ] Sic cod. Reg. Prior edit. *Ammonem*. Ex eodem cod. infra *Barcion* scripsimus ubi legebatur *Barcion*; nam ut hæc lectio melior est, sic illa auctoris ætate usitator.

[ *Martyr Vitalis* ] In codice Reg. *partis Vit.* in Bigot. *Parbis*, quam lectionem vulgatæ præfero. In utroque codice defuit versus *hocque die & Brixia Faust.*

<sup>r</sup> *famamque Corona* ] Sic emendavimus ex utroque codice, Reg. & Bigot. nam in priori editione corrupte *famamque coronat.*

<sup>u</sup> *Nestore quartus* ] In codice Bigot. *Mestore.*

<sup>x</sup> *quorum præmineat* ] Sic in codd. Reg. & Big. in editis *quorum præminet.*

Dies nox.

- 1 Martis DONATUS tenet, ALBINUSQUE Kalendas.  
*Kal. Martias, sancti DONATI, ABUNDANTI. Et depositio ALBINI Episcopi.*
- 2 Senis mox Nonis HERACLUS PAULUSQUE coluntur.  
*In Casariâ Cappadocia, LUCE Episcopi, & JANUARI.*
- 3 Quinas MAGRA pio Nonas defendit amore:  
His & EMTHERIUS, CHELIDONIUS, y atque MARINUS,  
ASTERIUSQUE \* micant effuso sanguine clari  
*Et sanctorum FELICIS, JUSTI. FORTUNATI. In Africa, FELICIS, EMETRI.*
- 4 LUCIUS hinc Papa pretiosâ morte quaternis,  
Martyrum & octingentorum turba optima fulget.  
*Nicomediâ, passio sanctorum ADRIANI cum aliis numerum xxxiii.*
- 5 Ternas Martyr habet meritorum nomine FOCAS,  
Sanguine qui mortem vicit, virtute draconem.  
*Antiochiâ, passio sancta SOCE. In Affricâ, PETRI, EUSEBII, JUSTI, SIRIÆ, SATURNINI, & MARCI.*
- 6 VICTORINUS ovat pridie, VICTORQUE retrusi.  
Carcere, qui celso penetrarunt astra volatu.  
*In Nicomediâ, VICTORIS, CLAUDIANI, PERPETUÆ, FELICITATIS, JOEUNDI, & REVOCATI.*
- 7 Nonis FELICITAS micat & PERPETUA, castam  
Quæ Christo vitam felici morte dicarunt.  
*In Mauritaniâ civitate, passio sanctorum PERPETUÆ & FELICITATIS.*
- 8 Idus octavas Martyrque CYRILLUS, & unâ  
Consimili retinet venerandus honore ROGATUS.  
*In Nicomediâ, QUINTILI Episcopi.*
- 9 Septenis Quadragesimo sub Milite festum  
Armenia recolunt unum sacra festa Minoris.  
*In Armenia minori SEBASTIANI, & millia XL. quorum gesta habentur. In Affricâ, PHILIPPI, ROGATI.*
- 10 Senis, GAIUS, ALEXANDERQUE coluntur;  
eisdem  
Quadragesima & bina cohæret turba cruore,  
Quos pariter sævo celebramus Præsidente \* caesos.  
*In Alexandria, ERACLI, ZOSIMI, ALEXANDRI, & AGAPÆ Virginis.*
- 11 CANDIDUS hinc quinas sibi VALERIUSQUE re-  
tentant.  
*In Carthagine, CANDI, VALERI, QUIRILLI, MARCIANI. In Nicomediâ, EUNUCHI, & GURGONI.*
- 12 Quartam mox Iduum finis tuus, alme GREGORI  
Consecrat, æternâ cælum quo laude petisti.  
*Roma, depositio sancti INNOCENTI Episcopi. Et natale sancti FELICIS.*
- 13 Presbyter & ternas MACEDONIUS implet, honestâ  
Conjuge PATRICIA, & natâ comitante MODESTA.  
*In Thessalonicâ DOMICIANI, LUCE, SEVERINI, SILVANI, CONCESSI, & MARCIALIS.*
- 14 EUFROSIVUS pridie, PETRO cum Martyre

Dies fulget.

- In Affricâ, ALEXANDRI, MAMMER FRONTONIS, & NABORIS Martyrum.*
- 15 Thessala plebs Idus MATRONA Martyre servat.  
*In Cappadocia, sancti LONGINI. In Hierosolymis natale sancti JACOBI Apostoli, fratris Domini. Et LUCE Evangelistæ.*
- 16 Septima post decimam Aprilis de more Kalendas  
Præcedens, CYRIACI & LARGI splendet honore,  
SMARAGDIQUE simul pretioso sanguine vernat.  
*In Nicomediâ CASTORI, DIONYSI, SERENI, QUIRIACÆ, EUGENIÆ, & JULIANI.*
- 17 Bisque octona tuo, PATRICI, nomine pollet,  
Scottica gentilem miserate per oppida cultum.  
Hac quoque GERTRUDÆ redduntur vota beatæ.  
*ALEXANDRI Episcopi, & sancti PATRICII.*
- 18 Præful ALEXANDER ter quinam possidet: altam  
Presbyter & Romam PIGMENUS \* sanguine lustrat.  
[Hæc aries soli vernantia lumina pandit.  
Conditor hac rerum lucem Deus condidit altus  
Hancque diem primam formando protulit \* orbi.]  
*In Campaniâ, QUINTI, ROGATI, LUCIANI, SATURNINI, VICTORIS, & MAURI.*
- 19 Bis septena JOHANNES eremi cultore coruscat.  
*In Casarea, THEODORI Presbyteri. In Affricâ, AMMONI, & depositio sancti LEONTI Episcopi & Confessoris.*
- 20 Tertia cum decimâ CUTBERTI laude nitentes  
Anglorum ducit per mystica gaudia plebes.  
*In Antiochiâ, sancti JOSEPH. In Syriâ, PAULI, CLAUDI, EXSUPERI, VICTORICI, VALENTINI.*
- 21 Tum duodena fide BENEDICTI & nomine fulget,  
Cœnobiale decus duce quo lætatur in orbe.  
[Hæc spatiis æquat paribus noctemque diemque:  
Hæc quoque sole novo lunam stellasque micare  
Vidit in exortu sub luce quarta dierum]  
*In Alexandria, SERAPIONIS monachi, LUCE, AMATORIS.*
- 22 Undecimæ antistes tribuit pia lumina PAULUS  
Quo jure exultat proprio Narbona magistro.  
[Hæc primum b celebrat perfecto lumine Pascha.]  
*In Affricâ, SATURNINI, & aliorum novem.*
- 23 FELIX hinc decimam, & THEODORUS cum JULIANO  
Ornant, eximiâ virtutum laude ferendi.  
*In Provinciâ, PAULI, JULIANI. In Antiochiâ, THEODORI Presbyteri.*
- 24 ROMULUS & nonam, pariterque SECUNDULUS implet.  
*Hic concurrentes inveniuntur. In Affricâ, AGAPITI, ROGATI. In Mauritaniâ, FELICIS & SATURNINI.*

y Chelidonius] In codice Reg. Chelidonius, ac v. seq. Asteriusque.

z Sævo celebramus Præsidente] Ita legitur in codd. Reg. & Big. in priori editione sæva celebramus Præsidente, malè, & contra historiam fidem.

a Romam Pigenus] In codice Reg. Pigenus. Hanc longè ubi protulit, in eodem codice legitur praulit.

b Hæc primum] Versum hunc, qui in vulgatis deest, subministraverunt codices Reg. & Big. in illo additur SEDES EPACTARUM.

- Dies Angelus octavâ venturum nuntiat AGNUM.  
 25 AGNUS & ipse cruci mundi pro morte levatur.  
*Hierosolymis, Dominus noster JESUS-CHRISTUS crucifixus est. Et passio sancti JACOBI Apostoli. Et Annuntiatio sancte MARIE.*  
 [ Hic Deus omnipotens c. Adam de pulvere plasmat, Nomina & apta ponit cunctis animantibus Adam. ]  
 Et immolatus est Isaac.  
 26 Septima MONTANUM memorat cum conjuge sanctâ.  
 Atque simul quadrageno cum Martyre passum.  
*In Antiochiâ, TIMOTHEI, DIOGENIS, & MAXIMI. THEODORI Episcopi. In Affricâ, VICIORIS, SATURNINI. In Sebaste civitate, natale sancti PETRI Episc. & Confessoris.*  
 27 AGNI surgentis resplendet sexta triumpho.  
*Resurrectio Domini nostri JESU-CHRISTI. Et in Affricâ, MAURILI, SUCCESSÆ, MATUTINÆ, DONATI. Et in Casareâ, natale MARIE.*  
 28 Quintâ PRISCUS, ALEXANDER, MALCUSque coluntur:<sup>d</sup>  
 Hanc quoque GUNTRAMNUS migrans Rex optimus ornat.  
*In Casareâ, ROGATI, DOROTHEI; AUDACTÆ, ALEXANDRI. In Tarso Cilicia, CASTORIS. Et depositio beati IDILONI Monachi.*  
 29 EUSTATHIUS\* quartâ virtutis laude coruscat,  
 Abba COLUMBANO nituit qui ritè magistro.  
*In Nicomediâ, PASTORALIS, VICTURINI, SATURNINI, JULIANÆ, & aliorum III. In Antiochiâ, THEODORI Presbyteri.*  
 30 Tertia DOMNINO<sup>c</sup> comite & VICTORE refulget.  
*In Thessalonicâ civitate, DOMNI, PALATINI, & alibi, VICTORIS, MARCELLINI, EULALIÆ Virginis. Aurelianus depositio PASTORIS.*  
 31 DIODOLUS pridie emicat ANESUSque beati.  
 Sic Martis volvens determinat orbita mensem.  
*In Affricâ, natale sanctorum CORNELI & VALERIANI.*

APRILIS.

- Dies P Urpureo quem flore sibi ver sancit Aprilem  
 Dicemus quibus attollat sua gaudia festis.  
 1 Virgineo insignes AGAPE & CHIONIA<sup>f</sup> sermo  
 Aprilis socio sacrant sibi jure Kalendas.  
*In Armeniâ Minori, natale SS. QUINTIANI VICTORIS, & SECUNDI.*  
 2 Lugduni quartis Nonis sacer urbe NICETUS.  
*In Affricâ, natale sanctorum QUIRIANI & REGINÆ. Lugduni Gall. NICETI Episcopi.*  
 3 EVAGRIUS ternis splendet, Martyrque BENIGNUS,  
 Atque pariter fulget THEODOSIA Virgo nitore.  
*In Sicilia, natale sancti PANCRATI. In Casareâ Palestina, natale sancte THEODOSIÆ Virginis, & passio sancti EVAGRI & BENIGNÆ.*

<sup>c</sup> Hic Deus omnip. ] Duos hosce versus, qui deerant in priori editione, in codice Reg. reperit Baluzius: alter sic legebatur. Nomina ponit pater cunctis amantibus Adam: nos ita emendavimus, ut vides.

<sup>d</sup> Malcusque coluntur ] In editis locantur; in utroque codice, Reg. & Big. sic, ut edidimus: in iisdem Eustathius scriptum est, ubi legitur Eustathius

<sup>e</sup> Tertia Domnino ] In codice Reg. Dominico.

<sup>f</sup> & Chionia ] Sic in codice Regio: in editis Schionia.

Dies AMBROSIIUS pridie æthereum penetravit honorem.

- 4 Extrema incensio luna Paschalis. In Mediolano, depositio sancti AMBROSII Episcopi.  
 In Affricâ, natale sanctorum URBANI, SATURNINI, & SUCCESSI.  
 5 Nonis Virgo pia de morte refulget HERENE  
 In Nicomediâ, natale sancti CLAUDIANI. In Ægypto, natale sanctorum MARIE, NICANORIS.  
 6 Idibus octavis SIXTUS Martyrque Sacerque  
 Præminet, Adriano mortem sub Casare passus.  
 In Macedoniâ, TIMOTHEI, DIOGENIS. In Affricâ, DONATI & EPIPHANI.  
 7 DIOGENES septenis ELEUSUSque feruntur:  
 In Antiochiâ Syria, natale sanctorum MACHARIÆ, MAXIMÆ. In Alexandria, natale sancti PELUSI Presbyteri.  
 8 MAXIMUS & senas Idus tenet atque SOLUTOR.  
 In Affricâ, natale sanctorum TIMORI, CONEXI. Et alibi, CONCRESSI, AMMONI, & SUCCESSI.  
 9 Lampade septenâ quinis micat Idibus alto  
 Virgineus radians simul æthere flosque decorque.  
 In Sirmiâ, quinque Virginum quarum nomina Deus novit. Et alibi, DEMETRI.  
 10 EZECHIEL vates sancto dicat ore quaternas.  
 In Alexandria, DONATI, CONCRESSI, SATURNINI.  
 11 Pontifice & summo ternæ irradiante LEONE  
 Splendent, ore, manu, Christi qui pavit ovile.  
 Natale sancti LEONIS Papæ. In Mauritaniâ, natale MAXIMI, HILARI. In Nicomediâ, natale EUSTORGI Presbyteri.  
 12 JULIUS antistes pridie Romana revivit  
 Mœnia, Catholico clarus pro dogmate Pastor.  
 In Affricâ, natale sanctorum CYPRIANI, DONATI. In Pavingo civitate, CONSTANTINI Episcopi.  
 13 Idibus ERMINGILDE patrem, rex alme, furentem  
 Perferentis, verum referens de morte triumphum.  
 In Calcedoniâ, sancta EUFEMIÆ Virginis. Pergamo Asia, POLYCARPI Episcopi.  
 14 Octavâ & decimâ Maias superante Kalendas  
 VALERIANUS ovat, fraterque TIBURCIUS:<sup>h</sup>  
 ipsos  
 MAXIMUS effuso comitatur sanguine miles.  
 15 Septima OLYMPIADAM decimæ conjuncta  
 beatam  
 Monstrat, eamque simul defendit MAXIMUS alter.  
 In Mesopotamiâ ARCHELAI, CYPRIANI, DIOGENIS Diaconi, cum duobus fratribus.  
 16 Sextâ & denâ CHARISO<sup>i</sup>, CALISTOque refulget.  
 Quos mare septenâ mersos cum plebe beavit.  
 In Achaia CORINTHI, CRYTIANI. In Mauritaniâ BASILIÆ, FAUSTINI & LUCIANI.  
 17 MAPPALICUS\* quintâ decimâ HERMOGENESque PETRUSque

<sup>g</sup> Atque pari fulget ] Hunc versum, qui deest in codice Big. in Regio Baluzius reperit descriptum die 2. Aprilis, post illum Lugduni, &c.

<sup>h</sup> fraterque Tiburcius ] Sic codd. Reg. & Big. prior editio Tiburrius.

<sup>i</sup> denâ Chariso ] In codice Reg. Carisi: & infra Mappilicus, item ubi legitur Martyr quoque sancta, monet Acherius se in uno codice reperisse mater.



- Dies Collucet, merito, virtute, & sanguine clari.  
*In Antiochiâ natale sanctorum PETRI Diaconi, & HERMOGENI.*
- 18 Bis septenâ ELEUTHERIUS, Martyr quodque sancta  
ANTHIA præcellunt, vitam moriendo sequuti.
- 19 GAIO, ARISTONICO, RUFO, HERMOGENE, atque GALATA  
Tertia cum decima EXPEDITO & Martyre fulget.  
*In Laubace monasterio depositio sancti URS-MARI Episcopi & Confessoris.*
- 20 MARCELLINUS, DOMINUS, VINCENTIUS, æque  
Nomine bisse nam radiant, festoque, fideque, Festaque SYNESI<sup>1</sup> celebrantur Martyris almi Pontificis tumulo, doctrinâ, & morte beati.  
*Roma, VICTORIS Episcopi. In Antisiodoro civitate, depositio sancti MARTINI Episcopi & Confessoris.*
- 21 Undecimâ GAIUS pariter SIMEONQUE coluntur.  
*In Terracinâ Campania, passio sancti CÆSARII Diaconi. Et alibi, depositio APRUNCULI Episcopi.*
- 22 Terni Presbyteri decimam, ternâque coronant Palmâ, PARMENIUSQUE<sup>m</sup>, ELIMENES, CRYSTOTELUSQUE.  
Hac quoque divino patuerunt prodita nutu Corpora, Martyrio Ecclesiam lustrantia trino, DIONYSII, RUSTICI, ELEUTHERIIQUE beati.  
*In Affricâ, civitate Gerapoli, natale sancti PHILIPPI Apostoli. In Senonas civitate, depositio beati LEONI Episcopi & Confessoris; & ANANIA, AZARIA, & MISAHIEL.*
- 23 FELICEMQUE sacrum gemino dignumque ministro  
Nona docet, FORTUNATUMQUE, & ACHILLEA junctos.  
Hac etiam invicto mundum qui sanguine temnis,  
Infinita refert GEORGI sancte trophæa  
*In Valentia civitate, natale sancti FELICIS Presbyteri, & ACHILLEI Diaconi.*
- 24 Martyr ALEXANDER triceno Martyre lætus  
Ac terno, octavâ Lugduni mœnia sancit.  
*In Alexandria, natale sanctorum CORONÆ Virginis, VICTORIS, ZOTICÆ, & FAUSTINI.*
- 25 Mox Evangelico MARCUS tonat ore beatus,  
Septima quo capit eximium redimita morte nitorem.  
[Extremâ hac Paschæ celebrant sua gaudia festum.]  
*In Letaniâ majore. Et in Laubace monasterio, sancti ERMINONI Episcopi.*
- 26 Sextaque Pontificis recolit certamina CLETI,  
RICARIOQUE nitet victæ cultore beatæ.  
*In Affricâ, HONORATI, PAULI, FELICIS.*
- 27 Quintâ ANASTASIUM Papam celebramus;  
eidem  
ANTIMUS Antistes dignâ virtute cohæret.  
*In civitate Tarso Cilicia, natale sancti CASTORI. In Nicomediâ, STEPHANI Episcopi, & ANTONI Presbyteri.*
- 28 Quartaque VITALEM Christi pro nomine cæsum  
Commemorat, vitam meruit qui morte perennem.

<sup>1</sup> *festaque Synesi*] Hic versus abest à codd. Reg. & Big. sequens verò in iisdem ita incipit Pontifices titulo.  
<sup>m</sup> *Palmâ, Parmeniusque*] Hunc versum & sequentem etiam desunt in codd. Reg. & Big. servari tamen oportere visum est.

<sup>n</sup> *Androcusque die*] Hunc versum & sequentem, qui in

- Dies *In Pannoniâ, EUSEBI Episcopi. In Bituricâ, sancti EUTICI, & sancti VITALIS.*
- 29 Tertia Pontifices arâ, meritisque dicatos  
AGAPIUM, pariterque SECUNDINUM veneratur.  
*Et sancti GERMANI Episcopi. In Nicomediâ, PRUDENTII, MARTIALIS, THEODORÆ Virginis.*
- 30 Martyri JACOBUS similem & MARIANUS honorem  
Sortiti pridie, finem metantur Aprili.  
*Roma, depositio QUIRINI Episcopi, CLEMENTIS, LUCIANI, & SATURNINI.*

## M A I U S.

- Dies **H**inc Maium æstivo primum, sub sole calentem,  
Quæ longisque ferat promemus vota diebus.
- 1 Maias prima sacrat CHRISTI Doctrina Kalendas,  
Fratres & his Domini JACOBUS micat, atque PHILIPPUS:  
HIEREMIASQUE simul vatam celebratur opimus:  
Rexque SIGISMUNDUS fuso pro sanguine regnat.
- 2 ANDROCUSQUE die<sup>n</sup> Martyr veneratur eodem,  
Alpia quem magnum Gallorum gentibus effert.
- 3 Sextis hunc Nonis ATHANASI magne refulges,  
Atria quo primum periit victore colubra  
*In Arminiâ civitate natale ERMOGENIS & GERMANI. Dedicatio sancti Petri.*
- 4 Præful ALEXANDER quinas & EVENTIUS ornant,  
THEODOLUSQUE Dei pariter pro nomine cæsi:  
His quoque celsa crucis radiant vexilla reperi-  
ta<sup>o</sup>.  
*Et sancti JUVENALIS, ALEXANDRI, EVENTI, & THEODOLI.*
- 5 SYLVANUS quartas, ANTONIA cum FLORIANO  
Perpetuâ cingunt meritis virtute decori.  
*In Affricâ natale FELICIS, URBANI. Et in Casareâ, natale sancti SILVANI.*
- 6 Stelliferum ternis CHRISTUS transcendit Olympum:  
HILARIOQUE Arelas pollet; Vienna NICETO.
- 7 Præcellum pridie celebrant Romana JOHANNEM  
Templa Dei, qui pleno hausit de pectore verbum.
- 8 Morte piâ Nonas JUVENALIS sanctus honorat.  
*Augustiduno, depositio beati PLACIDI presbyteri.*
- 9 Idibus octonis Mediolani urbe coruscat  
Martyr præcipuo venerandus VICTOR amore.  
*et natale STEPHANI & EUTICI.*
- 10 Ter centum radiant septenis Idibus unâ  
Martyrio denique simul decorante beato.  
[Torrida tumque novis confurgit frugibus æstas.]  
*Roma, viâ Latinâ, natale sancti BEATI confessoris.*
- 10 Senis GORDIANUS & EPIMACHUS ob unam  
Cæduntur Christi pariter laudemque fidemque:

vulgatis deerant, & in codice Regio desunt, adscripsimus è codice Bigot.

<sup>o</sup> *vexilla reperi*] Ita in codd. Reg. & Big. & quidem haud paulo melius quàm ut in priori editione receperat.

<sup>p</sup> *Martyrio denique*] Hic versus è codice Reg. abest, nec sanè est necessarius admodum.

Dies Has quoque Job patiendi exemplo sanctus honorat.

11 Quinās eximio antistes splendore MAMERTUS  
Insignit, solemne Deo qui ferre litamen  
Jejunii instituit ternis sub luce diei.

*Et MARTINI episcopi.*

12 Virgo tuos colimus comites DOMITILLA quaternis,

NEREA, PANCRA TIUM, cum quis & ACHILLEA sanctum,

Primus Apostolico docuit tinxitque lavacro  
Quos Petrus, egregia Romæ cum Virgine junctos.

13 SERVATIUM ternis veneramus in Idibus alnum.  
*Et dedicatio ecclesie beata MARIE. Et in Traiecto, depositio sancti SERVATII episcopi.*

14 PACHOMIUS pridie, VICTORQUE, simulque CORONA

Splendent, hic eremita potens, illicque cruoris  
Martyriique Deum sociâ virtute sequuti.

*In Asia, sancti MAXIMI. In Mediolano, VICTORIS, FELICIS & RUSTICI.*

15 Pontifices septem Hesperiam simul Idibus ornant.

*In Sirmia, natale TIMOTHEI. Agustiduno, natale sancti PROJECTI episcopi.*

16 Septima TIMOTHEI cum denâ nomine fulget,  
Veridicâ Paulus docuit quem voce beatus.

*In Ercia, natale sanctorum AQUILINI, HERACLI & PAULINI.*

17 Sextaque cum denâ PEREGRINO Martyre vernat.

*In Roma, PARTIMI, LIBERI episcopi. In Alexandria, SERAPIONIS.*

18 Quintam cum decimâ Martyr DIOSCORUS implet.

[ Hic Gemini æstivo jungunt sua sidera soli. ]

19 Bis septena PUDENTIANA Virgine claret.

*In Alexandria, natale sancti ARENI Diaconi. In Casarea Cappadocia, natale sancti PAULI.*

20 Cum denâ ternam retinet fulcitque BASILLA,  
BAUDELIUSQUE simul trabeatus sanguine vernat.

*Et depositio FAUSTI episcopi.*

21 Bis senâ POLIUS, EUTYCHIUS 9, atque TIMOTHEUS:

Præful & hac Martyrque Deo VALENS venerandus,

Augia te lætis ducit per gaudia votis.

22 Undecimam CASTUS sacer, ÆMILIUSQUE dicunt.

*Et translatio corporis sanctæ HELENÆ virginis.*

23 Lingonicam decimâ DESIDERIUS sacrat urbem,  
Antistes, Martyrque Dei galeatus amore.

24 DONATIANUS Namnetes cum ROGATIANO  
Fratre, pio exornat fidei certamine, nonâ.

*In Porto Romano, natale sancti VINCEN I. In Galliis civitate Namnetis, natale sanctorum DONACIANI & ROGACIANI.*

25 Octava URBANUS meritorum stemmate fulget,  
Insula quem, doctrina simul, sanguisque beavit.

*Mediolano, depositio DIONISII episcopi.*

26 AUGUSTINE, tuum commendat septima nomen,

Dies lactea quo retinent Anglorum millia verbi  
Principe, quo Christum domiti sensere Britanni.

27 JULIUS hinc sextum miles martyrque venustat.  
*In Alexandria, natale sanctorum AQUILINI presbyteri, EVANGELII.*

28 Quinto Parisii GERMANUM turba frequentat:  
Tum quoque Pontificem celebrat sua Roma  
JOHANNEM.

29 MAXIMINE tibi quarto Trevir alta coruscat.  
*Et depositio sancti MAXIMI episcopi.*

30 Tertius HUCBERTO, Papa & FELICE dicatur.  
*In Antiochia, natale sanctorum SICI, PALATINI, qui multa tormenta passi sunt.*

31 Tum pridie PETRONILLA Petri de germine sancto  
Fulgida Virgo micat, CHRISTI trabeaque decora:

CANTIUS, & CANTIANUS cum CANTIANELLA  
Collucet. Maium hæc claudunt solemnia mens.

*Roma, viâ Aureliâ, natale sanctorum PROCESSI & MARTINIANI.*

## J U N I U S.

Dies Junius imbrifugo æstatis sub caumate fervens,

Templa quibus festâ velet de fronde canemus.

1 Junia origo tuum sustollit in astra nitorem  
PAMPHILE, martyrio doctor venerande beato.  
Martyris huncque diem festum NICOMEDIS adornat.\*

*Kal. Junii dedicatio sancti NICOMEDIS, & sancti CLAUDII.*

Hac quoque sanctus conscendit ad astra JUVENUS.

2 MARCELLINE sacer, PETRE & Exorcista quaternis

Nonis communem dignamque litatis ad aram:  
Lugdunique pio BLANDINA vocatur honore,  
Quadrigenaque simul clara octonaeque coruscum

Cum plebe devexit u flammisque undisque monile.

3 PERGANTIUS item LAURENTIUSQUE cruoris,  
Et generis ternas gemino fulgore venustant.

Aureliana suum plebes recolitque LIFARDUM.  
*In Africa QUIRINI, GAGI, DONATI. Roma, MARCE & SATURNINI.*

4 Martyr & Antistes pridie sacra vota QUIRINUS  
Accumulans, proprio Christum de sanguine placat.

*Roma, natale sanctorum EXPERGENTI, PALLIPPI.*

5 Nonis antistes fulget BONIFACIUS, Anglis  
Editus, ad Christum Oceani qui traxit alumnos,  
Frisonum puro submitte colla lavaro.

*In Aegypto MARCIAMI.*

6 Octonas Idus CERATUS episcopus ornat,  
Urbem qui fulcit Gratiano Principe dictam.  
*Nividuno civitate AMANTI, LUCI. Et depositio beati CLAUDI episcopi.*

7 PAULUS Septenas præful tus, alta Byzanti.

8 Progenies meritumque pium quos junxit & ara,

q Eutychius ] In codice Regio Eutychius. In eodem, & in Bigot. desunt versus duo qui proximè sequuntur.  
r Christi trabeaque ] Sic codd. Reg. & Bigot. prior editio Christi trabeata decore, nimirum Petronilla.  
s Junius imbrifugo ] In codice Regio umbrifugo, non ineptè.

In eodem & in Bigot. deest versus Martyris huncque, &c.  
t hic quoque ] Hunc versum qui à priori editione abest, adscriptimus è codice Bigot.  
u cum plebe devexit ] In Regio codice & in Bigot. cum plebe nexit.

Dies GILDARDUS senas pariterque MEDARDUS honorant.

*In Casarea Cappadocia, LUCIANI Martyris.*

9 Quinas PRIMUS habet, juncto sibi FELICIANO. *Passio sancti VINCENTI Martyris.*

10 Quartæ BASILIDE, & bis deno Martyre verant.

*In Nicomedia, natale sancti ZACHARIE. In Antisiodoro depositio sancti CENSURI episcopi.*

11 BARNABAS ternas exornat Apostolus Idus. *Roma, natale sanctorum RESTITUTI. . . . Et alibi NABORIS & FELICIS.*

12 CYRINUS pridie effulget, NAZARQUE, NABORQUE :

His & BASILIDEM \* festo sociamus eodem.

13 Idus illustrat FELICULA Virgo cruore, Lac PETRONILLA tibi, verbum quam junxit \* ; & atas.

*In Africa, LUCIANI, FORTUNATI, CRESCENTIANI.*

14 Octavo Julii & deno ante exordia mensis Vates ELISEUS simul ABDIASQUE refulgent : Hic quoque VALERIO & RUFINO Martyre gaudet.

*Aurelianis civitate, depositio sancti ANIANI episcopi. Et ELISEI Propheta, & FELICULÆ.*

15 Septeno deno VITUS cum Virgine clarâ MARGARITA, martyrii splendore nitescit. Hocque MODESTUS y, & alma nitet CRESCENTIA Virgo.

*In Sicilia natale, sanctorum MODESTI & CRESCENTI.*

16 Sedecimo CYRICUS, JULITA cum genetrice Clarefcit verâ Christi pietate fideque.

*Et aliorum sanctorum CCCC. Martyrum.*

17 Quindecimus septem quinquagenisque ducentis Martyribus jocundam mittit ad astra coronam. [ Ardentis penetrat quoque Phœbus sidera cancri. ]

*AVITI presbyteri.*

18 Quartum cum deno pretioso sanguine fratres MARCELLIANUS pariter MARCUSQUE sacrarunt : Hunc quoque BALBINA lustrat meritumque decusque.

GERVASIUS ter denum PROTASIVSQUE coronant.

20 VITALISQUE pater natos sequitur duodeno. [ Centro hic solstitium medio summoque coruscant.

Tum Cæsar HLUDOVICE cruento tempore functe ,

In plures partes celsura sceptrâ relinquit. ]

21 Martyr RUFINUSQUE undeno & MARCIA polent.

22 ALBANUS decimo defendit laude Britannos : PAULINUSQUE Nolam meritis & nomine lustrat.

*Et octingenti septuaginta novem Martyres.*

23 Anglorum nono EDILTRUD de germine fulget.

24 Octavo natus colitur Baptista JOHANNES.

25 Septeno Romam LUCEIA z exornat amore Sancta pio, \* bis deno & bino Martyre lata : Rex quibus Accias \* socio collucet honore.

*Et natale sancti AMANDI confessoris.*

x *his & Basilidem* ] In codice Reg. *His & Basiliden*, ac si feminæ hic mentio fiat, cui nomen fuerit Basilde. Infra *quam junxit*, scripsimus ex eodem codice & è Bigot. ubi *legebatur conjunxit*.

y *hocque Modestus* ] Hic versus nec in codice Regio extat, nec in Bigot.

z *Romam Luceia* ] Hunc versum ac sequentes duos ita Tom. I.

Dies Sextum Martyr habet PAULUS simul atque 26 JOHANNES.

Germine, amore, fide, virtute, & sanguine fratres :

Cum quibus augusto radiat CONSTANTIA sermo. *Thessalonica civitate, LUCIÆ Virginis, & AVIETÆ Regis. Et sancti SALVII Martyris.*

27 Hesperiam quinto antistes Martyrque ZOELUS Martyribus cumulat junctus denisque novemque.

*In Spanis, CRISCENTIS, JULIANI, CLEMENTIS, & MARCELLINI.*

28 Præsule quartus ovat, Verbi & doctore LEONE. *Et vigilia Apostolorum PETRI & PAULI.*

29 Tertius auratam fustollit ad æthera Romam Martyrio pariter PETRI PAULIQUE beato.

30 Lemovicum pridie a colitur MARTIALIS honore Junius his celsum festis determinat orbem.

*In Africa, natale sanctorum TIMOTHEI, ZOTICI.*

## JULIUS.

Dies Julius hinc flavis humeros redimitus aristis Quos supplex, aris veneransque colat memoremus.

1 Primus qui veteris populi legisque sacerdos Exstitit, incensi primusque litavit ad aram, AARON orditur Julii sacratque Kalendas. Has quoque contemptor mundi CARILEFUS honorat :

SALVIUS & sanctus Scalditum littora visit.

*Egolismâ civitate, depositio beati EPARCHII confessoris. & sancti GALLI.*

2 PROCESSUS sextas retinet cum MARTINIANO Nonas, Martyrii læto irradiante decore.

*Et sancti AMATI confessoris. Et sancta MONEGUNDIS.*

3 Pontifices quinas ANATOLIUS, EULOGIUSQUE. *In Edeffa civitate, translatio corporis sancti THOMÆ Apostoli, qui passus est in India.*

4 LAURIANE, tenes meritorum nomine quartas : Ossaque MARTINI tumulo mutata venustant.

5 DOMITIUS ternas dicat, & clarissima ZOE, Auxit martyrio cœtum quæ jure beatum.

*In Sicilia, AGATHONIS. Et in Tonis civitate, natale SECUNDINI. Et ISAIAE Propheta, & TRIPHONIS.*

6 Eximius vatum pridie defectus in orbe Martyrio ISAIAS, virtute, atque ore coruscant. TRANQUILLINE simul duplici splendore refulges,

Sanctorum genitor, sanctos comitate b peremptos :

Tumque GOAR Christi colitur famulusque sacerque.

*Et octava Apostolorum PETRI & PAULI.*

7 PANTANI Nonis splendet meritumque fidesque. *In Alexandria, APOLLONIS. Et octava S. MARCIALIS Apostoli.*

8 Octono ante Idus CILIANUS, PROCOPIUSQUE Excellent, Christum virtute & morte sequuti. *In Sicilia PANCRATI. In Eraclea Jo-*

edidimus ut descripti sunt in codd. Regio & Bigot. In priori editione *Lucena . . . Scampio bis deno . . . de quibus Accias.*

a *Lemovicum pridie* ] In codice Reg. sic legitur hic versus, MARCIALIS pridie Lemovicam Apostolus ornat.

b *sanctos comitate* ] Sic legendum esse arbitrati sumus, cum illud quod in priori editione legebatur, *comitante*, nullum idoneum sensum admitteret.

Dies HANNIS &amp; PRIMOLI.

9 AUDAX septeno pariterque ANATOLIA claret:  
Nec minus & contemptor opum sacer eminet  
EFFREM.*In Tonis civitate, natale sanctorum VITALIS & FRATERNI episcopi. THEODOSII episcopi & GENEROSI.*10 Sexto germanâ Christo pro sorte coronam  
Progenies septena dicat, FELICITAS alma  
Quam genuit, gratamque Deo pramissit ad  
aram.*Roma, PRISCILLÆ & natale septem fratrum. Et sanctæ PETROSÆ.*11 Martyrio quintum sancit JANUARIUS, atque  
Contimili decorat PELAGIA sancta nitore.  
Tum Beneventanis translata [è] montibus al-  
mi*Justa Patris c BENEDICTI, nunc Liger altus  
honorat.**Et sancti ARNULFI confessoris, & RU-  
STICI presbyteri, & sancti SAVINI.*12 HERMAGORAM quarto supplex Aquileia fre-  
quentat,*Antistes precibus populum qui fulcit & urbem.  
Et natale sanctorum FORTUNATI, & AR-  
MIGERI, & sancti patris ARSENI.*13 Tertius Agyptum præsensat SERAPIONI:  
ATIALUS & Martyr cœlesti flore virefcit d.*In Alexandria SERAPIONI, EVANGE-  
LII, ZENONIS. TROPHINÆ Virginis. Et  
sanctæ PRAXEDIS Virginis.*14 Antistes pridie & Martyr petit æthera FOCAS.  
*Lugduno Gall. natale JUSTI episcopi.  
Sanctæ Mariæ MAGDALENÆ. Et sanctæ  
SYMPHOROSÆ cum VII. filiis.*15 Idibus effulgent CASIANUS, CYRICIUSque:  
Et JACOBUS meritis celebratur episcopus am-  
plis.*In Sirmia natale sanctorum AGRIPPINI,  
& SECUNDI.*14 Cum decimâ Augustum præsignans c septima  
menssem*HILARINE tuo Martyr nitet optime festo.**In Casarea, sancti PAULI. Et sancti MAM-  
METIS. Et translatio sancti JUSTINIANI.*17 Sedecimam votis Carthago spectat opimis;  
Martyrii plebem duodenam læta frequentans,  
Scillitana simul f capiti quos patria misit.*Mediolano, natale sancti MARCELLI. Au-  
tisdodoro, depositio beati THEODOSII epi-  
scopi.*18 Quindecimam genetrix septenâ prole dicavit,  
SYMPHOROSA pio pariter cum germine caesa.  
[Fervidus ardentis petit hac sol signa leonis.]19 ARSENIUS quartam denamque eremita venustat.  
*In Spanis natale sancti JUSTI. Lugduni  
Gall. natale sancti RUSTICI presbyteri.*20 Et ternam denam & PHILIBERTUS factus adornat.  
*Et natale PETRI, AMABILIS.*21 PRAXEDIS duodena effulget Virginis, atque  
Prophetæ DANIELIS nomine, fine, fideque.22 Undecimam Christo felix miserante MARIA  
Ornat, septeno caruit quæ dæmone, quamque  
Magdala progenitam signat cognomine origo.  
VANDREGISLE tibi hac Monachorum vota re-  
currunt.*c justa Patris] In codice Reg. busta Patris, meo quidem  
judicio, minus rectè.**d flore virefcit] Sic Reg. codex, & Bigot. prior editio flore  
necesse.**c Augustum præsignans] Hic codd. Reg. & Bigot. sequuti  
sumus: nam in editis legebatur Augustum præsignat.*

Dies Et natale sanctæ Mariæ MAGDALENÆ.

23 Hinc decimam præclarus APOLLINARIS hono-  
rat.*Roma, viâ Tiburtinâ, natale sancti VIN-  
CENTII. Viâ Aculâ, natale sancti PRIMI-  
TIVI.*24 Mox nonam CHRISTINA, AQUILA, & NICETA  
sacrarunt.*In Armeniâ civitate, natale sancti VICTO-  
RIS.*25 Octavam JACOBUS Zebedæi filius ornat,  
Primus Apostolicum vero pro Rege cruorem  
Qui dedit: hunc CUCUFAS, CHRISTOFORUSQUE  
sequuntur.26 Septimam ADRIANUS tenet, ÆMILIUSQUE beati;  
MARCIANUS cum quibus simili virtute triumphat.  
*In Landacie frige, natale sanctorum JULIA-  
NI, FELICIS, MAXIMI, & SATURNINI.*27 Presbyter HERMOLAUS h sextâ Martyrque coruf-  
cat.*In Syria, assumptio sancti SIMEONIS mo-  
nachi. Et depositio sancti ÆTERI episcopi.*28 Quintam NAZARIUS cum CELSO possidet:  
hancque*PANTALEON Martyr proprio sibi sancit honore:  
Insignem meritis Petri, Paulique beatis  
Præsul Romanus Stephanus tum consecrat aram,  
Templo quæ Dionysii gemmata refulget,  
Signis martyrii monitus, visisque fideque.*29 FELIX, SIMPLICIUS, FAUSTINUS & alma  
BEATRIX,*Tricassique LUPUS quartam communiter  
aurant.**Roma viâ Puerinse natale sanctorum SIM-  
PLICII, FAUSTINI, & BEATRICIS. Et na-  
tale sancti FELICIS.*30 ABDON, & SINNEM designat tertia sanctos,  
Regni quos Romæ tribuit de germine Persis.31 Martyrii pridie FABIVM pia gloria texit.  
Julius hæc orbi excedens solemnia linquit.*In Affricâ civitate, natalem sanctorum SE-  
CUNDI, DIONYSII. Autisdodoro, depositio  
GERMANI Episcopi.*

## AUGUSTUS.

Dies AUGUSTUS demum pleno jam farre re-  
fertus,*Quis nova sacra ferat, monstremus carmine  
sanctos.*1 Quos ferus in mortem Antiochus cum matre  
subegit,*Venturo sanguen qui Christo sponte dicarunt,  
Augustas retinent MACHABÆI jure Kalendas.**Carcere Roma PETRUM celebrat vinclisque  
reductum:**EUSEBIUMQUE suum Vercelli rite frequentant.**In Bituricis civitate, beati ARCHADI  
Episcopi.*2 Nonarum STEPHANUS Martyrque & Papa  
beatus*Quarto festiva tribuit pia gaudia Romæ.*3 Terno mox colitur STEPHANI solemne reperti,  
Primus qui mortem Christi est moriendo se-  
quutus:*f Scillitana simul] Sic codex Reg. emendatè: prior editio  
Sullitana, corruptè.**g & ternam denam] In ejus versùs locum hic descriptus  
est in codice Reg. SABINUS ternum denumque petit LUCIANUS:  
quem quidem supposititium esse opinor.**h presbyter Hermolaus] In utroque codice Hermolaus.*

- Dies GAMALIEL, NICODEMUS, ABIBON pariterque Inventi, voto fulgent & laude perenni.
- 4 JUSTINUS pridie proprio celebratur honore Presbyter, innumeros sanctorum cæde perceptos  
Crudeli exquirens tumulis qui condecoravit.  
*Dedicatio sancti JOHANNIS Evangelistæ.*
- 5 NONAS CASSIANUS, MEMMIUS, atque OSUALDUS  
Rex pius Angelorum, merito & virtute retentant.  
*In civitate Augustiduno, passio sanctæ AFFRÆ. Et sancti CASSIANI Episcopi. Et dedicatio sanctæ Mariæ.*
- 6 Idibus octonis mortem passura crucemque CHRISTI sancta caro ætheream dedit ante figuram:  
Præsul & his SIXTUS Romæ Martyrque colendus;  
Juxta & FELICISSIMUS, AGAPITUSque triumphant.  
[His quoque confurgunt autumni tempora læta]  
*Et natale sancti ANDROSII Martyris.*
- 7 Septenas pariter DONATUS & AFRA bearunt.  
*In Tusciâ, civitate Areciâ, natale sancti DONATI Episcopi. Et natale sancti FAUSTINI.*
- 8 Æthereum senis penetrat CYRIACUS honorem.  
*Et in Nicomediâ natale sanctorum JULIANI, NAZARI.*
- 9 ROMANUS quinis Martyr milesque refulget.  
*In jejunia sancti LAURENTII. Roma in cimiterio, depositio sancti DIONISI Episcopi. Et sancti MARTINI Brivensis.*
- 10 Quartis LAURENTII merito splendescis opimo,  
Ignem qui passus tortorem vincis iniquum.  
*Et in viâ Appiâ FELICISSIMI & JANUARI.*
- 11 Ternis flosque decusque pium petis astra TYBURII;  
Has & GAURICUS Confessor possidet almus.  
RUSTICUS ac FIRMUS Veronam sanguine lustrant.
- 12 Martyrii palmam pridie capis EUPLE perennem:  
ANDRELOQUE sius<sup>1</sup> gaudet tunc Martyre Gallus;  
Edidit hunc Smyrna, Rhodani sed littora servant.  
*Roma natale sanctorum GRISANTI & DARIÆ.*
- 13 Idibus HIPPOLYTUM comitem Laurentius astris  
Pro Christo parili recipit certamine passum.  
Reginam meritis, virtute fideque colendam  
Tellus tum venerans RADEGUNDAM Aquitana frequentat.
- 14 Quæ decima & nona est Septēbres ante Kalendas  
EUSEBIUM Romæ sancit celebratque beatam.  
*In Affricâ, natale sancti DEMEIRI.*
- 15 Octavâ & decimâ mundi lux flosque MARIA,  
Angelico comitata choro petit æthera Virgo.
- 16 Septenam denamque tenes ARNULFE sacerdos.  
*In Alexandria, natale sanctorum ORIONIS & AGNATII.*
- 17 Martyre sedecima effulget MAMMETE beato.  
*Et octava S. LAURENTII Martyris.*
- 18 AGAPITUS quintam decimam certamine sancit.

i Rusticus ac ] Hunc versum addidimus è codice Bigot.  
1 Andreloque sius ] Hunc etiam versum ac sequentem R. P. Martene extirpsit è codice Bigot. uterque cum in editis non exstat, tum etiam abest à codice Regio, & quin recentiores sint, haud multum dubito: sanè Wandalbertum non sapiunt.

m & ternam denam ] Hic versus, qui in editis non exstat, Tom. II.

- Dies [Erigone hinc Phœbo sociat sua sidera Virgo]
- 19 MAGNUS & ANDREAS quartâ denâque coruscant,  
Septem nonaginta & quingenti comitantur  
Quos pariter sancti: simul hos bis mille sequuntur.  
*Et sancti MAGNI Martyris. Apparitio sanctæ Crucis. Et natale ALPINIANI Confessoris.*
- 20 Et ternam denâ<sup>m</sup> FILIBERTUS sanctus adornat.  
Tertia post denam SAMUEL<sup>l</sup> excelsit, ab ipsis  
Quem Domino cunisgenetrix devota sacravit.  
*In Alexandria, natale sancti DIOSCORI. Et in Toronico castro, sancti MAXIMI Confessoris.*
- 21 Martyris hinc duodena PRIVATI sanguine vernat.  
*In Lucaniâ Provinciâ, natale sanctorum VALENTINI, LEONTI.*
- 22 Undecimam Romæ TIMOTHEUS passus honorat:  
Eduatumque suum celebrat plebs SYMPHORI-  
ANUM,  
Mater quem Christo pariter moritura dicavit.
- 23 LUCIUS & PTOLOMÆUS denam virtute cor-  
corant:  
Ornantur Remis TIMOTHEUS, APOLLINARIS-  
que.
- 24 BARTHOLOMÆUS nonam exornat retinetque  
beatus,  
India quo doctore Dei cognovit honorem,  
Herculis & Bacchi infans vix eruta sacris;  
Nunc illum fama est variâ pro sorte sepulcri,  
Æoliam Liparen, Beneventi & templa tenere.  
Tum quoque GENESIO resplendet Martyre  
Roma:  
AUDOËNUM tumque pium Rodomagus ho-  
norat.  
*Et sancti GENESII. Et sancti APPATII Presbyteri.*
- 25 Octavâ hinc Arelas celebrat te, sancte GENESI.  
*In Spaniâ, natale sanctorum JUSTI & PASTORIS.*
- 26 Martyrio septenam IRENÆUS & ABUNDIUS  
ornant.  
*Roma, in cæmeterio, natale sanctorum BASILLÆ & MAXIMI. QUINTINI Martyris.*
- 27 RUFE tuos recolens ostendit sexta triumphos.  
*In Campaniâ, Capuâ, natale sancti RUFI. In Galliis, civitate Arelate, depositio sancti CÆCILLII Episcopi.*
- 28 HERMEN quinta probat felici morte beatum.  
Ecclesiæ lumen, populis sacra norma fidelis,  
Africa quo pastore, orbis doctore coruscet,  
AUGUSTINE Pater, festo celebraris eodem;  
Aurea quem servant Italiam nunc templa se-  
pultum.  
Sanctonis alta sui VIBIANI hac fulget honoré.  
Urbs Alemannorum<sup>n</sup> recolit Constantia san-  
ctum  
Hac quoque PELAGIUM fuso pro sanguine  
clarum.  
*Et natale sancti AUGUSTINI Episcopi. In Affricâ, FAUSTINI. Roma, natale sancti ERMIS Martyris. Averni, JULIANI Martyris.*

exscriptus est è codice Regio; eum verò in contextu non idcirco edidimus, quod Wandalberti esse videretur, sed quia nihil quod ejus esse cuiquam videri posset, in inum marginem ablegare voluimus.

n urbs Alemannorum ] Hic versus & sequens, nec in codice Regio nec in Bigot. exstant.



Dies Præco Dei, Verbi vox & baptista JOHANNES,  
 29 Quem effera saltanti tribuerunt iussu puellæ,  
 Insignit quartam meritorum laude perenni.  
 Virgo SABINA simul Romæ sua templa revisit.  
 30 Tertia FELICIS nitet ADAUCTIQUE<sup>o</sup> cruore.  
 31 PAULINUS pridie Treverorum mœnia lustrat,  
 Exilio antistes vero pro dogmate clarus.  
*Et depositio sancti ELADI Episcopi.*  
 Augulti his demum clauduntur limina festis.

## S E P T E M B E R.

Dies **M**Iti Septembris prægustans pocula Bac-  
 cho,  
 Quos aris venerando colat memoretque ca-  
 nemus.

1 Pontifices Remis insigni nomine fulgent  
 SIXTUS, SINICIUS, meritis, vitæque NIVAR-  
 DUS.

Legifer heredem proprii quem liquit honoris:  
 Promissam populo terram qui forte per astra,  
 Per loca, per celos montes distinxit & urbes,  
 Septembres JOSUE tenet orditurque Kalendas.  
 PRISCUS & has Martyr trabeatus sanguine  
 lustrat.

Præful & his Senonum LUPUS æde coruscat  
 ab altâ.

Has & VERENÆ<sup>p</sup> rutilant solemnia sanctæ.  
*In Campaniâ, natale sancti PRISCII Marty-  
 ris. Et alibi, natale sanctorum SISINNI, &  
 VICTORIS Episcopi.*

2 Quartas hinc Nonas Lugdunum JUSTUS ho-  
 norat.

*In Nicomediâ natale sanctorum ZENONIS,  
 GURGONI, THEODORÆ.*

3 Ternis ANTONINE puer Martyrque trium-  
 phas:

Tunc & ARISTEUS antistes de morte beatur.  
 Legis divinæ lator, susceptor, & auctor,  
 Colloquio, visuque Dei dignate frequenti,  
 Præcelso pridie tumularis monte MOYSES,  
 Nulli post licuit cujus cognoscere bustum.  
 Tunc etiam Cabilon<sup>q</sup> MARCELLI sanguine  
 vernat.

*Et natale ARESTI Episcopi.*

5 Nonis FERREOLUS cum FERRUCIONE reful-  
 get;

DONATUS Capuam, pariterque ARCONTIUS  
 ornant.

*In Porto Romano natale sanctorum TAU-  
 RINI, ARISTOSI.*

6 Vates ZACHARIAS octonas obtinet Idus.  
*Roma viâ Salutariâ natale sancti ELEU-  
 THERII Episcopi.*

7 Antistes septenas servat EVORTIUS, atque  
 Regali insignis CLODOALDUS stirpe sacerdos.  
*Et natale sanctæ REGINÆ Martyris, cujus  
 gesta habentur.*

8 Quæ Deus humanam suscepit Virgine for-  
 mam

Illustrat senas ortus de luce MARIA.

Martyr & ADRIANUS Romam tum sanguine  
 comit.

9 GORGONIUS quinas famâ meritisque retentat,  
 Romæ quem passum<sup>r</sup> venerans nunc Gallia  
 poscit.

<sup>o</sup> *Adauktique* ] In utroque codice *Andauktique*.

<sup>p</sup> *hns & Verens* ] Hic versus abest à codice Bigot.

<sup>q</sup> *tunc etiam Cabilon* ] In codice Regio *Cabalon*, scil. urbs  
 quam gallicè vocamus *Cavaillon*.

<sup>r</sup> *Roma quem passum* ] Acherius monet hunc versum ita

10 SOSTHINES & VICTOR quartis memorantur,  
 eandem

Christi pro regno sortiti & laude coronati.

*Roma, depositio beati HILARII Papæ, per  
 quem Victorius ordinem paschalem compo-  
 suit.*

11 PROTUS & hinc ternas fraterque HYACINTUS  
 honorant,

Qui EUGENIAM pariter legem docuere sacra-  
 tam.

Has simul & FELIX cum felici morte di-  
 cavit,

Martyrio REGULÆ sancto pariterque beatæ.\*

12 Martyr mox pridie cellsum petit æthera SY-  
 RUS.<sup>t</sup>

*Lugduno civitate, depositio beati SACERDO-  
 TIS Episcopi.*

13 Idibus abba nitet merito & cognomine AMA-  
 TUS.

*Andegavis civitate, depositio sancti MAU-  
 RILIONIS Episcopi. In Alexandria, Na-  
 tale sancti THEODORI, Episcopi.*

14 Octono & decimo Octimbrem vocitante fu-  
 turum,

Exaltata Crucis fulgent vexilla relatæ,

Perfide ab indigna victor quam vexit Hera-  
 cleus:

CORNELIUSque suam virtute & sanguine Ro-  
 mam

Antistes fulcit; CYPRIANO læta coruscat

Carthago insigni Doctore & Martyre, totum  
 Ecclesiæ scribunt cujus sacra dicta per or-  
 bem:

Præfulis hinc etiam meritum celebratur E-  
 PARCI.

15 Septenum denum NICOMEDES presbyter  
 ornat,

Virgo, tuus, Petronilla, comes, Martyrque  
 beatus.

Pontifices arâ, meritis, vitæque colendi

Carnutes LEOBINUS, APER Leucosque tuen-  
 tur.

*Et depositio ALBINI Episcopi & sancti  
 NICOMEDIS.*

16 Hinc sexto deno MARTINUS Papa beatur.  
 EUFEMIAMque pio sanctam veneramur amore.

LUCIUS hoc simul excelsit cum GEMINIANO;  
 Condecorat pariter passos quos laurea Christi.

*Et natale sanctorum LUCIÆ & GEMI-  
 NIANI.*

17 LAMBERTUS quintum denum virtute co-  
 ronatus;

Factio quem cæsum semper tremebunda pa-  
 vescit.

*Et sancti PAULINI Episcopi.*

18 Ore, fide antistes, signisque & sanguine  
 Martyr

METHODIUS quartum denum celebrandus ho-  
 norat.

[Æquatura diem solitum mox libra cohæ-  
 ret.]

*In Alexandria, natale sancti TROPHIMI.*

19 Virtutis specimen patiendi, & forma decus-  
 que

Martyrii EUSTACHIUS terno denoque trium-  
 phat.

*In Galliis, civitate Viennâ, natale sancti*

etiam esse descriptum: *Roma quem passum nunc Gallia poscit  
 adorans.*

[*has simul &*] Hic versus deest in codice Bigot. sequens in  
 eodem, & in codice Regio.

<sup>t</sup> *æthera Syrus* ] In codice Regio *Sinus*.

Dies **FERIOLI MARTYRIS**

- 20 Virgoque bissemm **FAUSTA**, atque **EYILAS** ornant.  
[ *Libra pares* <sup>u</sup> lucis somnique hîc efficit horas ]  
*Et vigilia MATHÆI Apostoli.*
- 21 Deferuit Christo mundi qui lucra vocante,  
Undecimum **MATHÆUS** Evangelico ore sacravit.  
*Passio sancti MATHÆI Apostoli.*
- 22 **MAURICIUS** denu sociâ legione coronat,  
Effuso mortem pariter quæ sanguine vicit.  
*Et sanctorum Tebeorum MAURICII & sociorum ejus VI. Mil. DCLXVI.*
- EMMERAMUS \* eum socio comitatur honore,  
Quem gens insignis Britannia voce reposcit.
- 23 Norum **TECLA** tenet roseo perfusa cruore;  
**LIBERIUS**que \* dicat Romanam Papa per urbem  
*Levita & Sosius merito splendet honore.*  
*TECLA Virginis, & JANUARIi Episcopi, & SOSII Diaconi.*
- 24 Octavum sterili conceptus ventre **JOHANNES**,  
**ANDOCHYS**que sacrat Martyrque & Presbyter almus;  
Quem **TYRSUS** . **FELIX**que pari comitantur amore.
- 25 Septeno **LUPUS** antistes Lugduna revisit  
Mœnia, devotæ pastor memorabilis urbi.  
Ambiana micat **FIRMINO** Martyre plebes.  
*In Asia, sancti EUCARPI. Et alibi, depositio sancti MARCI.*
- 26 Sexto Martyr ovat **CYPRIANUS**, Virgo beata  
Quem **JUSTINA** Dei fecit cognoscere regnum,  
Artibus insanis tandem furiisque relictis.  
*Et depositio sancti EUSEBII Episcopi.*
- 27 Quinto cum fratre excelsit **COSMAS DAMIANO**;  
**ANTIMUS** hos sequitur, **LEONTIUS**, **EUPREPIUS**que  
Quinun, Christe, y tibi sertum qui morte dicarunt.  
*Et sancti ELEUTHERI.*
- 28 **FAUSTUS**, & **MARTIALIS** quartum & **JANUARIUS** ornant  
Martyrii trabecâ simul & certamine clari.
- 29 Æthereâ virtute potens, princepsque supernæ  
Militiæ **MICHAEL** terno sibi templa sacravit.  
*Depositio sancti SALONI Episcopi.*
- 30 Interpres legis veterisque novæque probatus,  
Instructor doctrinæ, hæresis damnator iniquæ,  
**HIERONYMUS** pridie Septembrem claudit ovan-tem.



<sup>u</sup> *Libra pares* ] Hunc versum addidimus è codd. Regio & Bigot.

<sup>x</sup> *Emmeramus* ] Hic versus & sequens absunt à codd. Regio & Bigot. Infra ubi *Liberiusque*, in codice Reg. legitur *Viberiusque*.

<sup>y</sup> *quinun, Christe* ] Sic in codice Reg. & in Bigot. rectè: in priori editione *unum*, malè.

<sup>z</sup> *Faustus* ] In codice Regio *faustum*, sic ut vox illa referatur ad vocem *quartum*, scil. diem, quæ sequitur, atque unius sancti nomen obliteretur.

<sup>a</sup> *Autisiodorum* ] Hic monere juvat in codice Regio nusquam non scribi *Autisiodorum*.

<sup>b</sup> *Paulo instituyente* ] Hic vulgarem opinionem sequitur Wandalbertus, scil. primum Parisiorum Apostolum haud

## OCTOBER.

- Dies **S**pumanti musto, pomisque Octimber onustus,  
Quis pateras calathosque ferat Sanctos memoremus.
- 1 Francos qui primus docuit, domuitque feroces  
**REMIGIUS**, proprio Octimbrem præsignat honore:  
**GERMANUS**que simul doctrinâ insignis & actu,  
Tum propriam munit meritis Autisiodorum;  
Qui Oceano fidei refugas, & dogma nefandum  
Reppulit, & signis te picta Britannia textit.  
Hos virtute **BAVO** & sancto comitatur honore.  
*& sancti VEDASII.*
- 2 Mox sextum Nonarum **LEODEGARIUS** ornat,  
Seditione potens quem Dux populisque premit.  
*In Gallis, civitate Atraventinse, passio sancti LEODEGARII Martyris.*
- 3 **EUVALDI** meritis, gente, & cognomine, & arâ,  
Doctrinâque pares, quintum sibi morte dicarunt.  
*& natale sanctorum EUSEBII, PONTI, & LEONIS.*
- 4 **MARCUS**, **MARCIANUS**que suo implent munere quartum,  
Germine, martyrio, naturâ, & funere fratres.
- 5 Ternas tum Nonas **APOLLINARIS** honorat  
Præful, templa frequens cujus Ravenna coronat.  
*In Ægypto natale sanctorum FORTI Diaconi, & FLAVIANÆ Virginis.*
- 6 Virgo **FIDIS** pridie hinc felici morte triumphat.  
*In Africa ROGATÆ, SATURNINÆ, FAUSTINI, & sancti PARDULFI Confessoris.*
- 7 Pontifices Nonas **LINUS**que, **MARCUS**que tentant  
*Natale sanctorum MARCELLI & APULII, & natale sancti MARCI Episcopi.*
- 8 Octono ante Idus **DEMETRI** sancte bearis,  
Nomine pro Christi tortores passus iniquos.
- 9 Exemplum fidei, parendi & norma salubris,  
Exceli Patris primum cognomine dictus,  
Gentibus inde Pater cœlesti sorte vocatus,  
Septenas **ABRAHAM** sancit retinetque beatus.  
His quoque martyrio insigni trinoque coruscant  
Orbem templa suo lustrantia lumine cunctum  
**DIONYSIUS**, æthereo qui splendet honore:  
Gallia doctorem, Paulo instituyente<sup>b</sup>, beatum  
Quem meruit, gemino comptum junctumque ministro.  
**DOMINIQUE**que Italiclaro cum Martyre fulgent.
- 10 Senas justitiæ titulis **LOTH** sanctus adornat.  
**CASSIUS** & **GEREON**, **VICTOR**, **FLORENTIUS** atque,

diversum fuisse ab illo Dionysio, cujus mentio fit in Actis Apostolorum. Quam opinionem cum ex animis hominum evellere conarentur viri nostrâ ætate doctissimi, Dionysium nostrum statuerunt Decio Imperatori coætaneum fuisse. Atqui Dionysium Arcopagitam in Gallias nunquam venisse facile credo; cum S. Dionysius Corinthi Episcopus, Arcopagitæ penè suppar, testetur eum fuisse primum Athenarum Episcopum, apud Euseb. Hist. Eccl. lib. 3. cap. 4. Sed quod Fortunatus Pictavenfis, quod deinde anno DCCCXII. Galliarum Episcopi scripserunt, Dionysium in Gallias à Clemente urbis Romæ Episcopo missum esse, solâ Gregorii Turonensis auctoritate convelli non posse, mihi quidem videtur.

Dies Martirii comites plebs tum conjuncta triumphat.

*In Affricâ, EUSEBII, HERACLI, & alibi, SERENI, & RESCENTI, & translatio corporis beatissimi MARTIALIS*

11 Quinas mox TARACUS, PROBUS, ANDRONICUSque coronant,

Virtutis, mortisque pares quos gloria reddit.  
*In Acerno Sicilia, natale sanctorum FAUSTI, JANUARI.*

12 Idus tum quartas meritis EDISTIUS auget,  
Urbs Ravenna suo celebri quo Martyre pollet.  
*In Campaniâ civitate, natale sanctorum FORTUNATI & PRISCIANI.*

13 Ternas MARCELLUS, FAUSTUS, JANUARIUS implent.  
Tum quoque Petre tibi, DIONYSIQUE sacrum  
Templum; & CHRYSANTHO, DARIÆque coruleat & ara,  
Tulpia cum plano quo præminet æquore castrum.

*In Spaniis, Cordubâ civitate, sanctorum FAUSTI & MARCIÆ. Lemovicis dedicatio sancti SALVATORIS, & sancti GERALDI Confessoris.*

14 CALLISTUS pridie antistes Martyrque tropæo  
Præcellens, multo & comitatus Martyre fulget.  
*Romæ, viâ Aureliâ, in civitate, natale sancti CALIXTI Episcopi.*

15 Idibus inde tibi Maurorum turba vocatur,  
Agrippinâ animis pariter quæ læta beatis  
Militiam Christo virtute & morte dicavit.  
*In Capuâ, viâ Aureliâ, natale sancti FORTUNATI.*

16 Septeno denoque Novembrem qui venientem  
Præsignat, GALLUS colitur Confessor; & unâ  
Bis centum & decies septem memorantur, iniquus  
Quos furor ob Christum simili mactavit honore.  
*In Affricâ, natale sanctorum NEREI & SATURNINI.*

17 Sedecimum sacer antistes FLORENTIUS ornat.  
*In Mauritaniâ, natale sanctorum DONATI & DES...*

18 LUCAS ter quinum festo officioque dicatum,  
Monstrat, Paule, tuo Christum sermone loquutus.  
Regni calcatrix juxta & TRIPHONIA claret.  
[Scorpius autumnus hinc moderatur tempora læta.]  
*In Oriente, translatio corporis sancti LUCÆ Evangelistæ.*

19 BERONICUS bis septeno atque PELAGIA fulget;  
Quos pariter quadraginta atque novem comitantur.  
*In Antiochiâ Syria, natale sanctorum PELAGIÆ, & aliorum XLVIII.*

20 Ternum cum deno CAPRASI Martyr honoras.  
21 Presbyter ASTERIUS duodeno luce coruscat  
Egregiâ, multos docuit qui vincere Sanctos,  
Undique bella piis duram minitantiâ mortem:  
Hunc & HILARION eremi bonus accola comit.  
Tunc numerosa simul Rheni per littora fulgent  
Christo virgineis erecta tropæa manipulis  
Agrippinæ urbi, quarum furor impius olim  
Millia mactavit ductricibus inclita sanctis.

22 Undecimum festo PHILIPPUS Episcopus auget:  
HERMES hoc ipso nitet, EUSEBIUSQUE beatus

Dies *In Traciâ civitate, passio sancti LEODEGALII, & sancti PHILIPPI Episcopi.*

23 SEVERINE tuos decimo sacer inde colonos  
Inspectas, primi radians de culmine templi.

*In Trajanopoli SEVERI & DONATI.*  
24 Nono quadragenis effulgent sexque triumpho  
Romæ, militiâ & sancto certamine clari.  
MARTINUMQUE suum celebrans Vertanus adornat.

*In Nicomediâ sancti VITALIS, FELICIS, & VICTORIS.*

25 OCTAVUM CRISPINUS habet cum CRISPINIANO,  
Flammæ qui passi seivum vicere tyrannum.  
Gemma martyrii geminas veneramur eodem,  
CHRYSANTUM, DARIÆQUE, novo quos munere Christi

Româ nunc vectos, tumulis Nova Cella venustat,

Quâ Rheni cellis succedunt æquora silvis.

HILARUS hic etiam nitet amplo præful honore.

*Eodem die natale sancti FRONTONI Episcopi & Confessoris.*

26 Pontifices famâ, ignis, tumulisque coruscant  
Septimus ostendit, vero de nomine AMANDUM,  
VEDASTUMQUE, simul meritis & tempore junctos.

*In Nicomediâ natale sanctorum LUCIANI, MARCIANI. Translatio corporis sancti AMANDI.*

27 Hinc sextum Martyr pugnans VINCENTIUS ornat:  
CHRISTE hoc pariter, SABINÆQUE Virgo triumphat.

*Et vigilia Apostolorum SIMONIS & JUDÆ.*

28 SIMONIS & JUDÆ præcellet quintus honore,  
Quos opulenta Deo Perlis mittente receptos,  
Fidos Martyrio & signis tumulare patronos  
Promeruit, fidei cultrix si deinde fuisset.  
Cæsare nata micat Decio hic CYRILLA, beatis  
Virgo animis, & cui Decius haud editor efficit.  
Hic etiam Matronæ colitur per littora FARO.

29 Presbyter hinc retinens quantum ZENOBIUS ornat.

*In Lucianâ, natale sancti QUINTINI & FELICIANI.*

30 TERNO MARCELLUS Christi galeatus amore,  
Centuriam cælo dignam geminæque sacravit,  
Martyribus bis centum & bis denis comitatus.  
*Et translatio corporis sancti SATURNINI Episcopi.*

31 QUINTINUM pridie celebrant sua gesta beatum,  
Qui insigni & vario ob Christum certamine victor,  
Octimbrem clauso componit in orbe ruentem.  
*& sancti FOILNANI Martyris.*

## NOVEMBER.

Dies **N**unc quoque quis longâ vigilet sub nocte  
Novembris,  
Quos vigilando canat promemus carmine sanctos.

1 CÆSARIUS primâ designat fronte Novembrem,  
Eximio cujus lætatur Roma triumpho.  
Mentis & hic reliquos stellato vertice vincens,  
Uno OMNES SANCTOS celebrans conjungit honore,  
Regia quos cæli pariter retinetque fovetque.

c *Hermes hoc ipso* In codice Reg. & in Bigot *Firmas.*

d *Martinumque* Hunc versum adscripsimus e codice

Regio.

- Dies Quartis VICTORINE** sacer Martyrque bearis <sup>c</sup>  
**2** Nonis: his etiam fulgent JULIANUS, hisque BENIGNUS  
 Presbyteri fulgent virtute & sanguine clari.  
**3** TERNIS GERMANUS, VITALIS, CÆSARIUSQUE, THEOPHILUSQUE pari collucet lumine festi.  
*In Trajecto, depositio sancti HUCUBERTI Episcopi.*  
**4** Præsul hinc pridie Rutenos AMANTIUS ornat.  
*In Affricâ, natale sanctorum PRIMI, PERPETUÆ, & VICTORIS.*  
**5** Nonis ZACHARIAS vates, Templique Sacerdos Eminent, ablatam <sup>f</sup> nati qui munere vocem, Vatis & officium prisco de more recepit.  
 Hasque sacer FELIX, Monachusque EUSEBIUS augent.  
*& sancta Mariæ & SECUNDÆ.*  
**6** Idibus octonis Martyr FELIX celebratur.  
*In civitate Redonis Gallia, depositio sancti MELANI Episcopi, & sancti LEONARDI Confessoris.*  
**7** Septenas AMARANTE piâ de morte sacraſti: Has quoque WILLEBRORDUS habet, quo principe plebis  
 Fresonum multi Christum sensere vocantem.  
*In Nicomediâ, ROGATI, DONATI, PRIMI & JULIÆ..*  
**8** Senas ornantes Idus merito atque cœuore, CLAUDI, CASTORI, SIMPLICI, SYMPHORIANES, Et NICOSTE <sup>g</sup> TE, pari fulgetis luce coronæ.  
*In Nicomediâ, natale sanctorum EUSEBI & EUSTASII.*  
**9** Quinæ mox Idus THEODORO Martyre vernant.  
**10** Quartis MODESTUS, FLORENTIA, TIBERIUSQUE Trino martyrio trino pro nomine fulgent.  
*In Antiochiâ, natale sanctorum DEMETRI Episcopi. Roma, depositio sancti LEONIS Episcopi.*  
**11** MENAS sanctus ovat ternis virtute fideque. Confessor merito, officio, & sermone Sacerdos, Atque fide Martyr, lato famosus in orbe MARTINUS, votis, festoque vocatur eodem. Exilium, flagella, minas, tormenta necemque Pro Christo perpessa simul DOMITILLA triumphat.  
*In Galliis civitate, dormitio sancti MARTINI Episcopi. Et sancti MENÆ.*  
**12** Agrippina tuus pridie excellit CUNIBERTUS: LEONIUM Sequanæ recolunt quoque littora sanctum.  
*In Casareâ Cappadocia, natale sanctorum GERMANI & EUSEBII.*  
**13** Idus tunc hæres tuus, ô Martine retentat BRICIUS exilio, lacrymis, signisque probatus.  
*& in Malbocl, translatio corporis sancta ALDEGUNDIS.*  
**14** Octavamdecimamque Decembres anteKalendas

<sup>c</sup> Martyrque bearis ] In codice Regio meritisque beatus.  
<sup>f</sup> omine: ablatam ] Sic emendavimus è codice Bigot. cum antea corruptè legeretur, oblitam.

<sup>g</sup> Symphorane ] In codice Regio & in Bigot. legitur Symproniane.

<sup>h</sup> festivos populos ] Quin ignoratio vocabuli haud ita vulgaris locum hunc deformaverit, vix dubitare possum; nam cum voces illæ festivos populos hic non satis convenient, probabile est populi cuiusdam nomen sub voce festivo latere. Id verò fuerit Belsiorum, aut certe Belsinorum, hoc est eorum qui Belsiam, vulgo Beauce incolunt; hujus enim Provinciae nomen ante Wandalberti ætatem in scriptis Fortunati reperitur; quamobrem hic libenter legero Belsios populos.

<sup>i</sup> Augustoduno Hic nonnulla monebimus, quæ lectori nec ingrata fortasse, nec inutilia videbuntur. Primum in codice Regio nusquam non scribi Augustoduno, eamque scribendi rationem, ut pravam esse, ita diu fuisse usurpata: quod cum

**Dies CLEMENTINUS** habet, THEODOTIUS, PHILOMINUSQUE,

Hac pariter passî tortoris iussu cruenti.

*In Heracleâ civitate, natale sanctorum CLEMENTINI, HERACLI. Ipso die passio sancti JUSTI.*

**15** Septenâ EUGENIUS Martyr denâque nigescit.

*In Affricâ civitate, natale sanctorum SATURNINI & DEMETRI, & sancti CÆSARII.*

**16** EUCHERIUS sextam cum denâ, GREGORIUSQUE Implent, Lugduni hic, Neocæsaræ ille Sacerdos.

*In Capuâ, natale sanctorum VITALIS & JANUARI.*

**17** Quindecimâ antistes Ligeris per littora, perque Festivos populos <sup>h</sup>, ANIANUS laude coruscat Eternâ, merito, signis, prece, consilioque Urbem qui propriam hostili de clade redemit. [ Arcitenens gelido hinc contristat fidere cœlum. ]

*In civitate Hierapoli, natale sanctorum VICTORIS, ALPHEI, & ROMOLÆ.*

**18** HESYCHIUS Martyr quartam denamque coronat,

ROMANUSQUE, urbs Antiochi quâ lata recurrit.

*In Casareâ, VICTORIS, MAXIMI, & MARCIANI.*

**19** Tredecimam FELICIANUS cum SEVERINO Cumque EXUPERIO, fidei certamine sancit.

*In Casareâ, JANUARI, VITALIS, MARCIANI. AUGUSTODUNO <sup>i</sup> SIMPLICI Episcopi.*

**20** PONTIANE tibi duodenam Roma dicato Obsequio sacrat, antistes Martyrque beate.

*In Spanis, natale sancti MAXIMI Presbyteri.*

**21** Abba COLUMBANUS undenam sibi servat, ab ipso

Oceano multis vitæ qui dogmata sanctæ Religione piâ sparsit, sermone, manuque

*& vigilia sancta CECILIÆ.*

**22** CÆCILIA illustrat denam mox sancta nitore Perpetuo, claris semper vulganda tropæis, Virgo hinc cognato, sanctoque hinc fulta marito.

*Roma, passio sancta CECILIÆ Virginis.*

**23** Nonam Papa tenet CLIMENS certamine, & altis Virtutum titulis, mortem qui passus in undis, Repperit exstructum divino munere <sup>l</sup> templum. Tum quoque septena genetrix cum prole, beato

Præcellens radiat FELICITAS alma triumpho.

Hicque suos <sup>m</sup> TRUDON mundi contemptor adornat.

**24** CHRYSOGONUS meritis octavam & funere sancit.

aliunde, tum etiam è nummis constat, in quibus Justinianus, Justinus, Tiberius plerumque quidem Augusti, non raro tamen Agusti dicuntur. Alterum in eodem codice ubi Autisiodori mentio fit, eam urbem Autisiodorum semper vocari: quod eo minus contemnendum est, quo magis constat, inde hodiernum nomen Auxerre, non ex Autisiodoro, esse desumptum. Postremum, ubi occurrunt Eufemia & Foca nomina, hæc in eodem codice ita esse descripta ut vides, non, ut mos est, Euphemia & Phoca; atque eam scribendi rationem à nobis quoque esse servatam, quod vulgarem nummi ipsi, optimi antiquitatis testes, aspernantur; ut videre est in opere cui titulus Numismata Imp. Rom. à Trajano Decio, &c.

<sup>l</sup> divino munere ] Sequuti sumus lectionem codicis Regii: in priori editione divino numine.

<sup>m</sup> hicque suos ] Hic versus abest cum à codice Regio, tum etiam à Bigot.

- Dies *In Elaviâ, sancti ROMANI.*  
 25 Septenam PETRUS antistes Martyrque venustat,  
 Urbis Alexandri populus quo praece fultus  
 Errorum curvos spernit caecosque meatus.  
 26 Sextam LINE sacras roseo de sanguine Papa  
 & SIRICII & CASSIANI.  
 27 Martyrio quintam AGRICOLA & VITALIS ho-  
 norant.  
*SEVERI & BEATI Episcopi.*  
 28 SILAS, Paule, tuus quartam comes auget &  
 ornat.  
*THEOPHINI, & JULII.*  
 29 Ternam SATURNINE tibi, MAUROQUE dicamus.  
*Item SATURNINI, & SISINNII, & CHRY-  
 SANTI, & DARIÆ.*  
 30 ANDREAS pridie præcellet Apostolus, amplis  
 Virtutum fulgens radiis, titulisque per orbem,  
 Qui indomitos verbo signisque subegit Achæos.  
 Brumalem hæc claudunt populorum vota No-  
 vembrem.

## D E C E M B E R.

- Dies **A** Nni supremum dicemus tempore men-  
 sem,  
 Quorum festa colat brevibus referatque diebus.  
 1 ELIGIUS Novio tibi sub luce Decembrem  
 Primâ designat condigno præful honore.  
 2 VERI, SECURIQUE micat Nonarum sanguine  
 quartus.  
*In Mauritaniâ, sancti SATURNINI, &  
 FORTUNATI, & MAXIMI.*  
 3 Affrica CASSIANO libat sub Martyre ternis.  
*In Affricâ, natale sancti JOHANNIS, STE-  
 PHANI, & VICTORIS.*  
 4 Tum pridie cum VICTORIO præcellet HERA-  
 CLEUS.  
*In Laodiceâ Metropoli, FELICIS & ME-  
 TROBI, & Translatio sancti BENEDICTI  
 Abbatis.*  
 5 DALMATIUS Martyr Nonas, CRISPINAQUE ser-  
 vant.  
*In Affricâ, natale sanctorum CANDORIS,  
 PRIVATI, FULGENTI, & sancti AMANTI.*  
 6 OCTONAS Idus NICOLUS Episcopus ornat.  
*In Affricâ, natale sanctorum FORTUNATI,  
 HERMOGENIS, & ROGATI.*  
 7 Septenas retinet POLYCARPUS cum THEODORO.  
*Roma, natale sancti EUTYCIANI Episcopi.  
 & octava sancti ANDRÆ Apostoli.*  
 8 EUTYCIANE nites senis felici Papa cruore:  
 Has quoque ZENON habet conjuncto Martyr  
 honore.  
*EUSEBII Episcopi, URANI Episcopi, &  
 SUCCESSI Episcopi.*  
 9 SEBASTIANUM quinis celebramus ab Urbe  
 Translatum, proprio quo Gallica rura patrono  
 Exultant, ingens templum cui surgit & ara:  
 Antiquosque nitent æquantia culmina fastus.  
 Has quoque Virgo sibi meritis LUCADIA sancit.  
*In Alexandriâ, natale sancti DONATI,  
 VALENTINÆ.*  
 10 EULALIAM sancto quartis veneramur amore,  
 Hispaniam Emeritam cujus cruor ossaque ser-  
 vant.

- Dies *Et natale sancti DAMASI Papa.*  
 11 Romulidæ DAMASI<sup>n</sup> ternis solemnia Papæ  
 Occurrunt, parilemque simul VICTORICUS, at-  
 que  
 FUSCIANUS<sup>o</sup> habent festi votique nitorem,  
 Ambiana virent quorum nunc rura cruore.  
*Roma, natale sancti CAPITULINI, & PRÆ-  
 TEXTATI. In Spaniis, sancti EULICI.*  
 12 HERMOGENES, DONATUS, bis denique coruf-  
 cant  
 Tum pridie & bini, conjuncto sanguine, sancti.  
*In Spaniis civitate Almerita, natale san-  
 cti HERMOGENIS.*  
 13 Idus Syracusa tibi LUCIA dicavit,  
 Paschasium Christi pro nomine passa tyrannum,  
 Spiritus immobilem quam sanctus fecit iniquis  
 Esse viris: JUDUCH pariter colerisque sacerdos  
 Egregie, oceani cedunt cui sæpe procellæ.  
 14 Nonum cum decimo Jani de more Kalendas  
 Qui vocat, antistes NICASIVS auget honore:  
 SPIRIDIONQUE die præful celebratur eodem.  
*Lugduni Galliarum, sancti VIATORIS epi-  
 scopi.*  
 15 OCTAVUM cum deno MAXIMINE retentas,  
 Aureliana ferax præbent cui rura lyæum.  
 16 Terni septeno & decimo pueri memorantur,  
 Impia qui Assyrii temserunt iussa tyranni,  
 Quorum nec crepitans valuit terrere fidelem  
 Constantemque animum fornacis flamma furen-  
 tis.  
*Aurelianis civitate, sancti MAXIMI Epi-  
 scopi.*  
 17 IGNATIUS sanctus deno sextoque triumphat,  
 Antiochenæ urbis pastor. Martyrque, ferarum  
 Quem dentes panem vivum fecere: sequuntur  
 Quem fuso ob Christum RUFUS, ZOSIMUSQUE  
 cruore.  
*Et sancti VALENTINI.*  
 18 Quindecimus demum P MOYSETIS sanguine  
 vernat.  
 [ Hinc Phœbum duplici Capricornus fidere ge-  
 stat ]  
*In Affricâ, natale sanctorum VICTORIS,  
 HONORATI, & VINCENTI.*  
 19 Quartum cum deno ZOSIMUS, DARIUSQUE<sup>q</sup>  
 coronant.  
*In Niceâ civitate Bithynia, ZOSIMI, &  
 PAULI.*  
 20 Terno cum deno antistes ZEGERINE coruscas.  
*Natale sanctæ T. CLÆ.*  
 21 Translati THOMÆ celebrat duodenus honorem,  
 Aurea quo structore Dei cognoscere honorem  
 India promeruit; signis commota<sup>r</sup> tremendis.  
 [ Solstitio hinc Phœbus celos remeare per axes  
 Incipit, hinc gelidam primùm conversus ad  
 arcton. ]  
 22 Undecimum celebrat triceno Martyre Roma.  
*In Antiochiâ, natale sancti BASILEI.*  
 23 VICTORIA Christi decimus de Virgine fulget.  
*Roma, natale sanctorum URBANI, COR-  
 NELII, & VICTORIS.*  
 24 Nono venturæ cumulantes munera luci,  
 Lumina, pervigilescque aras, & templa para-  
 mus:  
 Virginibus quadraginta hic splendet quoque,  
 cœlo

n. Romulidæ Damasi] Sic codices duo Reg. & Big. prior  
 editio Roma litat Damasi.

o Fuscianus] In codice Regio Fauslianus.

p quindecimus demum] Cum in codice Regio in locum vo-  
 cis demum, quæ hic omnino est supervacua legatur decimo,  
 verum sic emendari posse arbitror. Quinus cum decimo, vel

cum deno. Sequentem verbum adscripsimus è codd. Regio &  
 Bigor.

q Dariusque] In codice Regio Clariusque.

r signis commota] Sic codd. Regius & Bigor. bene: prior  
 editio comitata, male.



Dies Quæ dignam vitam voto & virtute dicarunt.

- 25 OCTAVO servi dignatus sumere formam,  
Errantemque hominem veniens revocare Crea-  
tor,  
Partu Virgineo mortales induit artus.  
EUGENIAM quoque tum memoramus, ANA-  
STASIAMQUE.

*In Bethleem, Nativitas Domini nostri  
JESU-CHRISTI.*

- Continuili Christum comitatus mente, fideque,  
26 Septimus hinc STEPHANO levita, & Martyre  
Primo

Excellet, natum Regem passumque, beatâ  
Qui vitâ Dominum, pugnâ est & morte se-  
quutus.

- 27 Dilectus Domini, Verbi inspectorque divinis,  
Pectore de Christi fontem qui haurire peren-  
nem  
Promeruit, sextum sancit lustratque JOHAN-  
NES.

*In Epheso, assumptio sancti JOHANNIS  
Evangeliste.*

- 28 Uberibus matrum rapuit quos dira cupido,  
Regnandique sitis, Christum dum perdere na-  
tum

Herodes cupit, Infantes quinto veneramur.

- 29 Vates, Rexque pius, divinæ & stirpis origo,  
Insignit quartum DAVID sermone fideque:  
Urbique Arelas TROPHIMO gaudens pastore  
coruscat.

*In Affricâ, natale sanctorum SATURNINI,  
HONORATI, & FELICIS.*

- 30 MANUETUS ternum simul & FLORENTIUS or-  
nant

*Et natale SERENI.*

- 31 SYLVESTER pridie Romanam Papa per urbem  
Latantes populos votis sibi subdit amicis,  
Pontificum primus tranquillam cernere pa-  
cem  
Qui meruit, dominosque orbis purgare lava-  
cro.

Virgo COLUMBA simul palmam virtute peren-  
nem

Percipis, effuso Christum comitata cruore:  
Cumque POTENTIANO, SABINIANUS eodem  
Occurrit festo, æquales arâ atque triumpho;  
Urbem qui Senonum primi docuere patroni.

Hæc tandem claudunt extremum festa Decem-  
brem.

### CONCLUSIO.

HÆC nunc, Christe, tuo, Deus,  
Conscripti breviter munere carmina,  
Constans expetiit quæ studio pervigili fides.

His digesta micant simul  
Cœlestis patriæ & militiæ agmina,  
Summo perpetui quæ radiant æthere luminis.

Quorum te veniam prece  
Indignus rogitans obsecro criminum:  
Multo supplicii namque premor perpetui metu.

Trinis ecce decenniis  
Vitam dego miser; quintus & insuper  
Ævi curriculis orbis adest atque meatibus.

Me nunc nil recolens boni  
Egisse atque pii, concutior nimis;  
Curæ nam stimulant horribiles mentis ad intima.

Lapsus jam releva, Pater,  
Tandem & præteritis exue sordibus,  
Squalet conscia quis mens, nimisque angoribus

[ *divini* ] In utroque codice *superni*.  
Tom. II.

tremis.

Sanctorum retuli canens

Hic certamina, præclaraque Martyrum  
Vexilla ante oculos constitui, signaque ovan-  
tium.

Horum glorificat, Pater,

Sanguis te, jugiter mors loquitur pia.

Vivunt namque tuo præsidio & luce perenniter.

### HYMNUS

#### IN OMNES SANCTOS.

CHRISTE, cœlorum modulans catervâ  
Quem canit, laudat sitiens, cupitque,  
Consonas laudes, petimus clientum  
Cerne favendo.

Te chori Regem celebrant superni,  
Civium turmæ & recinunt piorum;  
Celsa quos cœli retinens coruscat  
Aula, fovetque.

Patriarcharum veneranda Teque  
Turba collaudans jugiter beata,  
Percipit vitæ sitiens perennis  
Munera semper.

Te Prophetarum resonant loquentum  
Spiritus; missi quoque te per orbem  
Iradicant verbi pariter ministri  
Voce manaque.

Martyrum sanguis simul & triumphans  
Cum Sacerdotum tonat ore; casta  
Virgines jungunt Viduæ & canoris  
Tympana fistris.

Omnis ostendit Dominum docetque  
Te poli summo radians in axe  
Ordo, Te servi canimus fideli  
Cordis honore.

Tu libens nostrum petimus reatum  
Solve, tu castam famulis piâque  
Mentis aspirans cumula benigno  
Munere laudem.

Gloriam cœli tibi vox perennem  
Reddat exultans, Pater, atque Nate,  
Spiritus, regno quibus alme compar  
Vivis eodem.

### INCIPIT

#### DE MENSIVUM DUODECIM

*Nominibus, signis, culturis, ærisque qua-  
litatibus.*

NOMINIBUS Mensum quæ sit rationis origo,  
Annum bis seno volvunt qui fidere magnum,  
Quæ illustrent pariter duodenas signa Kalendas,  
Quid connexa ferat mensum discretio terris,  
Quos usus generet cultus, quos formet habendi,  
Servato breviter referemus in ordine, Lector.

#### DE JANUARIO.

QUEM primum mensem servari Julius anni  
Decrevit, Jani effertur cognomine Regis,  
Saturni gentem Latio qui rexit, & urbem  
Laurentum sceptris, populoque, & legibus au-  
xit.

Huic gemino præsumt Capricorni sidera monstro,  
Bis duodena uno pariter splendentia signo.

[ *ornant* ] Uterque codex *aurant*.

H

Metrum Cho-  
riambicum,  
Gliconium,  
Aesclepiadeū,  
Alcaicum.

Metrum Da-  
ctylicum,  
Sapphicum,  
Pentameterū.

Tum tempus campis lepores lustrare nivosis;  
Artibus & variis pictas captare volucres,  
Per campos volitant colles quæ & flumina cir-  
cum.

Ium capus, accipiterque placet, curisque solu-  
tis

Per brumam genio vacat indulgere, domique  
Diversos usus veri proferre futuro.

Nam neque tum cervos cervasve agitare fugaces,  
Nec spumantis apri lato configere ferro  
Armos, ex usu est: borea cohibentur, & artus  
Exeslo macies stringit tenuatque ferarum.  
Semina nec cultis facile est committere terris;  
Urit cuncta gelu, & glacies riget horrida campis.  
Robora tum sylvis prodest & fissile lignum  
Cedere; tum domibus, classique aptare secures.

### DE FEBRUARIO.

**A**nni quo numerum regnans Pompilius auxit,  
Quo sacra dira urbem solitum lustrare toga-  
tam,

Inferni febru retinendus nomine dictum.

Bis sex hunc stellis astrum præsignat Aquari:

Cum tamen australi cælo demittere nimbis  
Cernitur, hæc fulget triceps ignibus unda.

Hunc hyemis, verisque tenent confinia mensem;  
Frigore nuncque riget, nunc vere mulcet amico.

Tum tempus tractis terram proscindere aratris,  
Semina & hinc sulcis prodest mandare secundis;

Hordea tum campis serimus peregrina per agros;  
Postquam candet avis pietatis nomine præstans:

Vitibus hinc cultum mos est adhibere putandis,  
Sarmentisque novas gemmas proferre recilis.

Incipiunt talices nodis canescere glaucis;  
Tum primum & coryli nucibus frondere futuris.

Tunc canibus cervas spiculisque agitare repertas,  
Ac valido aprorum præfigere corpora ferro,

Informesque canis urlos lustrare sub antris  
Venantum de more<sup>u</sup> placet: tunc piscibus altas

Præstruere aggeribus piscoso in flumine sepes.

### DE MARTIO.

**M**artius exortum statuit cui Romulus anni,  
Marte tenet ductum bellorum Principe no-  
men:

Quem auctorem generis Remo cum fratre Quiri-  
nus

Credidit esse sui; duplicis cui sidera Piscis  
Præfunt, tricenis senisque<sup>x</sup> micantia flammis.

Hunc mensem jucunda fovant exordia veris;  
Qui mare, qui terras specie tranquillat amœnâ:

Æstus Oceani hoc primum consurgere magnos,  
Navibus & pelagi diffundier<sup>\*</sup> æquora pictis

Cernimus, atque novos conscendere flumina pi-  
sceas:

Garrula per sudum volitans tum stridet hirundo,  
Aëreasque grues campis residere, satisque

Anseris invilum decedere cernimus agmen.  
Sepibus hinc hortos primum munire novandos.

Immundoque fimo & rastris<sup>y</sup> componere tempus,  
Diversa & propriis committere semina sulcis.

Tum cervas, capreas, lepores lustrare voluptas  
Imperat: hinc apibus sedes statione parandæ

Vere suo, cum jam stabulis exire reclusis

<sup>u</sup> venantum de more ] Sic edidimus ut sensus postulabat:  
in priori editione venantum.

<sup>x</sup> senisque ] Antea legebatur semisque. Infrà ex codice  
Bigot. edidimus diffundier, ubi erat diffundis, corruptè.

<sup>y</sup> fimo & rastris ] Sic codex Bigot. in editis rastris: ex eo-  
dem codice scripsimus plantas quin etiam, ubi editum erat

Invitat stimulans proles mellisque cupido.  
Deque locis steriles primis tum ferre radices  
Arborum, & ignotis scrobibus deponere suetum.  
Plantas<sup>\*</sup> quin etiam fecundâ ex arbore lectas  
Arboris alterius natus de germine cortex  
Accipit, inque sinu ferro patefactus ad unguem  
Continet; hoc lati surgunt de semine fructus.

### DE APRILI.

**Q**uem Veneri sacrum & proprium dixere prio-  
res

Mensem, hoc quodd vigeat demulcens cuncta volu-  
ptas,

Nomine de Graïo ductum vocitamus Aprilem:

Vel mage quodd terras brumali frigore clausas  
In varios aperit fœtus, cogitque fovendo,

Romano tantum excelsit sermone vocatus.  
Stellis huic Arics ternis denisque coruscat,

Signorum obliquo qui fulget in ordine primus.  
Huic lætos crines jucundaque tempora Phœbus

Floribus ac viridi primum de fronde venustat.  
Hoc nam cuncta suos erumpunt germina partus;

Hoc campi silvæque & prata recentia mense,  
Gramine, fronde, satis, variis veriantque fructis,

Ad pastumque greges mittunt præsepia cunctos.  
Tum philomela suos exercitat impigra cantus,

Arguta & testis nidum suspendit hirundo:  
Tum sturni, merula, turdi, silvisque volucres

Suetæ, multisono permulcent aëra cantu.  
Turtur tum gemitu pariter, raucæque columbes.

Rurali oblectant fessos studio atque labore;  
Venandi hoc eadem est Martis quæ mense volu-  
ptas.

Interea agricolæ insistunt, frugesque futuras  
Sepibus aut fossis properant munire caratis,<sup>z</sup>

Prata<sup>\*</sup> vel emissis celerant potare fluentis;  
Vitibus aut vallos addunt furcasque bicornes,

Corticibusque ligant, ventos ut temnere flantes  
Pendentes facile, & possint portare racemos,

Gratam neu speciem vineta<sup>\*</sup> jacentia turpent,  
Aut validum indigno mutent perdantque sapo-  
rem.

### DE MAIO.

**M**ercurii mater, falso delusa priorum  
Ætas quam coluit, Maium, cognomine  
Maia

Insignit; vel majorum de nomine patrum  
Dictus, pars populi quæ dignior urbe togatâ

Exstitit: huic Taurus ter quino sidere fulgens  
Auricomum præfert æstivâ lampade Phœbum,

Inflexoque genu scandentis in æthera Tauri  
Frontem Maïades septenis ignibus aurant.

Hic veris claudens, æstivos incipit orbes,  
Tellurisque novas fruges mortalibus agris

Ostendens, calathis primus sua pocula miscet,  
Fragaque de modicis prædulcia colligit herbis.

In spicas tum jam viridantia semina surgunt,  
Auritosque tegunt lepores lactentia farræ.

Hoc herbis durum prodest mollire lyæum,  
Præsumptisque novercarum vitare venena

Potibus, in variam quos gignunt arva medelam.  
Quin & mutato serpentes aëre morbos,

Tum medicâ ex usu facile est depellere curâ.

plantis, &c.

<sup>z</sup> munire caratis ] In codice Bigot. calatis, malè. Cara-  
tum in mediâ latinitate pro vallo, seu fossâ usurpatum esse  
pauci ignorant. Statim prata edidimus, ubi legebatur gra-  
ta, nullo sensu; mox vineta jacentia, ubi erat vineta ja-  
centia; & favet codex Bigot.

Hoc etiam mense Autumno quæ ritè feruntur,  
Agricolæ ductis invertunt terga juvencis.  
Hoc, quibus armentis amor est & cultus habendi,  
Fecundo pecori lectum de more maritum  
Emittunt, gentem dominis qui servet equinam.  
Hoc quoque delectum castris acieque probare  
Tyronem vetus instituit doctrina, simulque  
Turmis & legione hostis premere arma superbi:  
Seu classem instructam ventis aptare secundis.  
Tumque favis æstu croceis emissa juvenus  
Aëre sub nudo ludit, stabulisque relictis  
Ignotas quærunt vagabunda examina sedes:  
Alis sæpe etiam bellum stimulisque lacessunt,  
In pulchramque ruunt animoso pectore mortem.

## DE JUNIO.

**A** Jano sextum statuit quem Julius anni  
Mensem, Junonis retinemus nomine dictum;  
Aut populus junior patribus de more secundus,  
Hoc mense imposuit servato ex ordine nomen.  
Huic Gemini æquatâ præsignant lampade Phœbum,  
Sydere ter quino celsus quos signifer aurat.  
Solstitio hic reliquos superat longisque diebus  
Menses, ad summos cœli qui pervenit orbes.  
Torrida & hoc æstas segetes fovet, arvaque pri-  
mum  
Fluminis in speciem culmis undare refertis  
Efficit: hoc hortos etiam sua cura revivit,  
Atque olerum jam tunc prodest transponere plan-  
tas,  
Dum teneræ in fructum possunt adolescere pin-  
guem;  
Mox violas, atque inde rosas, & lilia tempus  
Carpere, & in calathis hyacinthi jungere florem.  
Hinc mos lactucæ cœnas componere dulces,  
Suavis atque herbis validos relevare saporis.  
Allia, cepe, suis tunc sunt gratissima succis,  
Tum quoque menta placet, tumque est satueria sa-  
lubris,  
Cum necdum validas concrevit succus in herbas.  
Tunc & dulcis aquæ salientem quærere venam  
Jejunis placet, atque haustu vitare calores.  
Hinc etiam cerasa arboribus decerpere tempus.  
Puniceis cerasis succedunt cerea pruna.  
Moxque pyris primis adduntur mitia mala,  
Postquam defecto viduantur prata virore,  
Agricolæ & clauso contemnunt frigora sæno.  
Glandifera hinc florem per silvas induit arbor.  
Ipsæ & vicino vites cum flore tumescunt.

## DE JULIO.

**M** Artis origo sibi quintum quem signat in  
anno,  
Quintilemque suos jussit vocitare Quirinus,  
Septimus à Jano medium nunc obtinet annum  
Julius, à magnoque excelsit Cæsare dictus.  
Solstitio ardentis Cancræ, cui sidera fulgent  
Quatuor & denis pariter radiantia flammis,  
Hunc paribus spatiis centri demissa per axem  
Consociat sexto solis lux aurea mense.  
Fecundæ hoc segetes culmis flavescere summis  
Incipiunt, & spem messis matura referre  
Hordea sub primis Autumni jacta pruinis.  
Hoc quoque quandoquidem justis fovet ignibus  
arva  
Phœbus, triticeam præbent bona flamina messem.

a per mensem] Sic codex Bigot. antea legebatur per  
mensis: in eodem versu voculam quæ addidimus.  
b pyrisque volumus] Legebatur volumus, mallet volumus.  
Tom. II.

Hinc etiam lini segetem manus apta requirit;  
Nam sata quæ fuerit Martis sub mense, refertis  
Folliculis reddit maturum Julius; atque  
Per mensem a Veneris sulcis quæ credita raris,  
Augusto messem campo dabit ipsa perusto.  
Hoc quoque mense piris menses ornare secudans,  
Prædulcique licet decerpere persica gustu  
Parva, per æstivos primùm matura calores  
Quæ existunt, reliqua Autumno nam cedere cer-  
tum est.

Farre etiam primo imbutas libare per aras  
Tum vacat, ac lætos anni deposcere fructus,  
Cum necdum plenam fundunt sua tempora messem  
Frugibus, & cœli facies oranda sereni est.  
Venantum hinc studio pingues agitare repertum  
Cervos, hinc canibus silvis lustrare sub altis,  
Corpora tunc maciem primùm vitantia longam,  
Quam Venus & sterili pepererunt frigora partu,  
Flore novo certos postquam vineta racemos  
Gignunt, hæc mensem hunc potior nam gratia co-  
mit.

## DE AUGUSTO.

**S**extum quem numero & sextilem Romulus au-  
ctor  
Nomine decrevit, Cæsar post Julius anni  
Censuit octavum, Augusti cognomine Roma  
Mutans, Octaviano insignem principe dixit.  
Æquali hic spatio Maio cùm mense rotatur,  
Devexumque tibi moderans auctumque remittit  
Antehac flammigeram volventem lampada solem;  
Denis, octonisque micant cui signa Leonis  
Ignibus, æstivos fundunt quæ extrema tepores,  
Ac Cererem flavam maturas stringere aristas  
Cogunt, agricola ad messem cum cingitur omnis,  
Cunctaque ludantes producunt arva colonos.  
Hoc tamen immensos æther licet aureus ignes  
Interdum generet, valido cœlumque tremescat  
Murmure, & effusi convellant aëra nimbis,  
Æstatem autumnæ componunt tempora læti;  
Unde viris summo & celeri curanda labore est  
Messis, & in segetem cuncta exercenda juvenus.  
Maturas imber subitus ne prehendere fruges  
Possit, & incautum deludat terra laborem.  
Nec farris solùm stimulat tunc cura metendi  
Agricolæ studium, parilem sed cuncta reposcunt  
Arva simul, vario dudum quæ semine culta,  
Post variam tribuunt diverso tempore messem.  
Hic linum campus, lætum gerit ille legumen,  
Huc invitat avena, vocant huc hordea falcem.  
Nec tenuis viciæ fortis lentisve minutæ  
Temnunt, inque suos rediguntur singula acervos.  
Hunc quoque per mensem maturos carpere ramis  
Fructus, atque epulis fas est superaddere sumptis.  
Ac dulci ficu, prunisque, pyrisque volumus,  
Pluribus & nucleis gratos miscere saporis,  
Sacrandosque aris modicos de vite racemos  
Sumere, & Autumni fecundum poscere Bacchum;  
Mellita & atque epulis gustare absynthia sumptis,  
Dulcibus atque favis latices juvat addere puros.

## DE SEPTEMBRI.

**N**onum nunc anni censemus in ordine men-  
sem:  
Septimus à Marte, primo, statuente Quirino,  
Qui fuit, antiquo numerum de nomine priscum

pias. Infrà ex codice Bigot. scripsimus sumere, ubi editum  
erat sumere, & ex ingenio mellita ubi repereramus melita.

Nunc quoque, & Autumni pluvias cum tempore  
signans,

Virgo, cui denis simul octonisque coruscans  
Stellis, si ceterum præfert jam lumina phœbum.  
Hoc mense Augusto superat qui forte laborem  
Agricolæ messis, clausis quoque frugibus implent.  
Hoc quoque vinetis cultodes ponere tempus,  
Qui accessu fures valeant prohibere vagantes,  
Ac laqueo & nodis vulpes prensare dolosas.  
Tum fundâ, horridono & crepitu terrete volu-  
cres

Sollicita uvarum <sup>c</sup> variam vindemia pestem,  
Prædulces celso redolent dum colle racemi,  
Dumque legens carpit maturas vinitor uvas,  
Donec spumanti sudet vindemia musto,  
Ac plenum fundat prælo torquente lyæum,  
Quamvis sæpe per imbriferos tepesacta calores  
Luce sub æquandâ melluram vinea falcem  
Quærat, & abjecto nudet sua crura cothurno  
Vinitor, aggestas pedibus qui conterat uvas.  
Servanda hinc etiam brumæ sub frigore poma  
Carpere, & apricis mos est componere tectis.  
Hinc quoque farra suis prodest committere sul-  
cis,

Pinguibus atque arvis <sup>d</sup> fruges mandare futuras.  
Hinc cervos Venerem pingui fervore petentes  
Per nemora & densas spiculis configere sylvas,  
Cum canibus noto delapsa est aura favore,  
Venandi Francos docuit studiosa voluptas.  
Hunc mensem jam tunc Librâ moderante ruen-  
tem,  
Æquato spatio junguntur noxque diesque,  
Cursibus hincque diem superat nox horrida lon-  
gis  
Vernali sub sole pari conjuncta recurso,  
Lux iterum donec tenebris potiora tenere  
Incipiat spatia, & fugientem deprimat umbram.

#### DE OCTOBR I.

**A** NNI nunc decimum Octimbrem rotat orbita  
mensem,  
Octavum vetus instituit quem sphaera vocari.  
Is quoque de numero priscum retinere vocamen  
Nosceat, atque imbres pariter signare frequentes,  
Libra cui pares cœlo cum fecerit horas,  
Humentem volvit breviori tramite Phœbum,  
Quatuor extendit retrahens quam brachia flammis  
Scorpius ardentem, juxtâ Erigonenque relinquit.  
Hunc mensem plenis supplex vindemia labris,  
Omnibus atque arvis mitis quæ pampinus ornat,  
Undique conductis fervent vineta colonis:  
Hi ferro mites cædunt de palmitibus fructus,  
Congestos humeris hi gaudent ferre racemos,  
Longius hi ductis exportant vitea plaustris  
Munera, at hi validis prælum torquere lacertis  
Instant, ac dulci distendunt robora musto.  
Hi quoque vel veteres instaurant undique cupas,  
Sufficiuntve novas solido de robore, cunctum  
Provida quâs anni claudant cellaria vinum.  
Idem amor accendit cunctos, eademque per omnes  
It cura, & requiem fessis vix ipsa referre  
Nox valet, exercetque omnes labor unus habendi.  
Tunc etiam lento mustum congesta vapore  
Lamma coquit, spumasque undanti effundit ahenis,  
Claraque prædulcem servant sic vina saporem,  
Jejunis demum faciem præbentque medelam.  
Tunc quoque contritum molâ vertente sinapi

<sup>c</sup> *sollicita uvarum*] Sic malimus, quàm ut antea *solli-*  
*cet, quarum*: nec tamen affirmamus ita scripsisse Wan-  
dalbertum, ut coniecimus.

Prodest uvarum primo miscere liquori,  
Hinc epulas grati relevent ut deinde saporos.  
Hoc & mense sues lucis inducere tempus,  
Maturo hibernam frangant ut tempore glandem.

#### DE NOVEMBRI.

**U** NDECIMUS magno nunc volvitur orbe No-  
vember,  
Anno quem nonum antiquo dixere parentes,  
Ex numero atque imbri primum nomenque reten-  
tans.  
Scorpius huic denis pariter micat atque novenis  
Stellis, sed flammæ nunc Libram quatuor implent,  
Astrorum cultrix Chelas quas repperit ætas,  
Ter quinoque ardet nunc tantum Scorpius igne.  
Hoc mense Autumnus hyemi decedere duræ  
Incipit, & gelidis constantur frigora ventis,  
Aëre sed dubio diversam terra figuram  
Concipit, in pluvias zephyro nunc flante soluta,  
Nunc borea in rigidam speciem concreta furente.  
Hinc cum fortè datis licet exercere sub auris  
Terram, proscissis committere semina campis  
Prodest, Autumno superant quæ fortè peracto,  
Porcorumque greges sylvis consuescere fœtis,  
Dum pinguem vento tribuit quasiante ruinam  
Quercus, & effusa sternuntur nemora glande.  
Tunc & apro sylvis cura est quam maxima duos  
Querere, & ex luco canibus producere nigro,  
Dum validos crebris prædurant ictibus annos,  
Antiquaque fricant solidandas arbore costas,  
Ceti nec lato metuunt venabula ferro.  
Quod superest, curas genialis cura resolvens  
Dulcibus ad requiem illecebris vocat, horrida post-  
quam  
Ruralem cohibent ventorum flabra laborem.  
Tum dulces ludi, tumque est gratissimus ignis,  
Atque novo oblectat somnum invitare lyæo.

#### DE DECEMBRI.

**E** XTRIMUM bisseña regit nunc linea mensem,  
Quem decimum auctore scripsit nova Roma  
Quirino,  
Nominis qui numerum & nimbos designat eodem,  
Nunc etiam Martis dictus de mense December;  
Arcitenens Phœbum angustis cui cursibus effert,  
Ternis ac denis præfulgens ignibus unâ.  
Hoc mense australem cœli demittit in axem,  
Exiguoque orbem perlustrans tramite nostrum  
Sol, iterum ad boream convertit lumina celsum.  
Hoc etiam hiberno terras urente rigore,  
Maxima nox modicæ causantes munera lucis  
Agricolæ fovet, oblitos tandemque laboris,  
Ingratosque sibi blandus sopor irrigat artus.  
Nec tamen imbrifero desunt sua munera mense,  
Nec gelidis cogit penitus cessare sub auris  
Tempus, & in faciem tellus contacta nivofam.  
Tum quoque cum pluviis campus ventoque ma-  
descit,  
Vomere gleba jacens sulcanda est, hordea demum  
Quâ ferere, aut lætum cupit exercere legumen  
Agricola, immundumque fimum jactare per agros  
Tum licet: at cum terra hebeti torpore rigescit,  
Multa domi tamen & tectis properare sub ipsis,  
Mox vacat, argentis relevent quæ frigora brumæ.  
Retibus hinc varias pelagi prensare volucres,  
Aut igni & sonitu per campos fallere, sive

<sup>d</sup> *atque arvis*] Posteriores vocem addidimus, nec ul-  
lum fore opinamur qui eam mirus necessariam esse ju-  
dicet.

Lentandis usu pedicas aptare repertum.  
 Annibus hinc etiam pilcolis ponere crates  
 Vimineas, densosque ad littora figere fasces,  
 Qua vado rapidum tranquillat flumina cursum  
 In ventum, facilem capiant ut retia prædam.  
 Hoc sub mense sues pasta jam glande madentes,  
 Distento & plenam monstrantes ventre saginam,  
 Cædere, & ad tepidum mos est suspendere fumum.  
 Terga prius salis fuerint cum sparsa madore.  
 Bissenâ hos cultus renovant vertigine menses.  
 Huncque modum & morem sibi Gallica rura re-  
 tentant,  
 Quem breviter signans digessi carmine, Lector,  
 WANDALBERTUS ego, hortatu compulsus amici,  
 Dulcia me Rheni quo tempore littora alebant,  
 Maxima Agrippinæ veteris quæ mœnia præsent.

### INCIPIT HOROLOGIIUM

*Per duodecim Mensum punctos.*

**Q**UOS cursu solis jungunt sua tempora Menses,  
 Carmine nunc Lector paucis, adverte, docebo.  
 Janua nunc anni est Janus, finisque December.  
 Hos menses pariter solis rotat orbita punctis:  
 Quæ volvit Februarium, undecimum regit ipsa No-  
 vembrem:

Martius Octimbrem spatio sibi nectit eodem:  
 Tum Septimbre tibi in Sphæram concurrat Aprilis:  
 Augustum Maius centro prospectat ab ipso:  
 Junia Quintilem scandens trahit orbita mensem.  
 Quas horas sibi quæ jungunt in fronte videto  
 Lector, & in cunctis æquè observare memento.  
 Mense omni prima undecimæ conjungitur horæ:  
 Hinc umbris decimam nectit cursuque secunda;  
 Tertia mox nonam punctis complectitur hildem;  
 Octavæ pariter præcedens quarta cohæret;  
 Quintam subsequitur numero post septima iusto.  
 Sola suas tantum mensuras sexta retentat.  
 Omnibus has, Lector, conjungens mensibus horas,  
 Quo superent spatio umbrarum, cedantve videto:  
 Hoc tamen in primis noscens retineto, quoddam orbis  
 Diversæ partes varias forment quoque metas:  
 Nam quæ vicino torrentur sole sub Austrum,  
 Ut mage luce nitent, minimas sic gignere possunt  
 Umbras: quæ boreæ frigentque jacentque sub axe,  
 Noctem magis longâ, tenebrisque premuntur opacis.  
 Quæ mediis ab utroque absistunt partibus axe,  
 Inter utrumque etiam lucem moderantur & um-  
 bras.

Ergo age, si subjecta legentem pagina, Lector,  
 Te movet, hac illam regione probabis, ab ipso  
 Danubio Hesperia primos quæ vergit ad ortus,  
 Lugdunumque urbe, & Rhodani distincta fluentis,  
 Respicit Oceani interclusos orbe Britannos,  
 Hoc quoque te justè horarum mensura monebit,  
 Umbrarum motus primis ne fortè Kalendis  
 Ponere & ad finem velis perducere mensis:  
 Nam pridie umbrarum fuerit quæ meta priorum  
 Sub noctem nequit in varios transire recursus:  
 A medio in medium sentim sed crescere mensem  
 Diminuive umbras verâ ratione docemur,  
 A medio in medium signorum ut vivitur ortus.

**H**ORARUM jam nunc texemus in ordine  
 metas,  
 Humani ignaris monstrat quas corporis  
 umbra.

### DE JANUARIO ET DECEMBRI.

**L**INEA quæ Jani prima est pariterque Decembris,  
 Tricenis pedibus binisque exporrigit umbram,  
 Undenisque sequens pedibus mox umbra recisilis  
 Tantum bis dehis unoque extensa patescit.  
 Linea tumque pedes concidens tertia binos,  
 Umbris ipsa decem figit simul atque novenos.  
 Rursus & hinc Geminis sole excrecente fugatis,  
 Septem quarta pedes retinet mensura decemque.  
 Hac etiam binis umbrâ fugiente recisilis,  
 Ter quinis quintam pedibus sua linea tendit.  
 Centrum tumque brevem jam sole regente duobus  
 Abscisilis, ternos denos sibi sexta retentat.  
 Cædendi hunc morem numeri servabis ubique.

### DE FEBRUARIO ET NOVEMBRI.

**Q**UÆ Februarium natura tenet sociatque Novem-  
 brem,  
 Ter denis pedibus supremas colligit umbras,  
 Moxque novem constant pedibus denisque sequen-  
 tes;  
 Linea tum septem atque decem sibi tertia tendit.  
 Quarta pedes pariter ter quinos colligit umbra,  
 Hinc pedibus ternis ac denis quinta patescit,  
 Scandentemque rotam undenis mox sexta coercet.

### DE MARTIO ET OCTOBRI.

**C**URSIBUS Octobrem sibimet quæ Martius  
 æquat,  
 Octo pedes prima & bis denos linea figit,  
 Denos & septem complet statuitque secunda;  
 Tertia quindenis Phœbo ascendente tenetur,  
 Quarta decem excedens pedibus fugit agnita ternis,  
 Mox etiam quinta undenis spatiata recedit:  
 Sexta novem pedibus pandit sua lumina deinde.

### DE APRILI ET SEPTEMBRI.

**Q**UÆ tibi September florentem nectit Aprilem,  
 Bis denis umbram & senis docet orbita pri-  
 mam,  
 In pedibus sub quindenis figitque secundam,  
 Ternis ac denis cursum quoque tertia frænât,  
 Undenis crescens pedibus tum quarta recedit,  
 Quinta novem pedibus cursum clauditque paten-  
 tem,  
 Septenisque suos componit sexta meatus.

### DE MAIO ET AUGUSTO.

**A**UGUSTUM & Maium jungit quæ linea pri-  
 mum,  
 Bis denis umbræ pedibus meat atque quaternis,  
 Cum denis ternos excrecit moxque secunda;  
 Undenis clarum concludit tertia cursum:  
 Quarta patet pedibus cælo tepefacta novenis:  
 Septem quinta tenet propriis finita sub umbris:  
 Sextaque tum quinis ferventi cessat in orbe.

### DE JUNIO ET JULIO.

**H**ORARUM sibi Quintilem quæ Junius æquat,  
 Bis denis prima in pedibus patet atque duobus,  
 Undenisque means ostenditur inde secunda,  
 Tertia moxque pedes explet comprehensa novenos,  
 Æstivo septem mox tendit quarta calore,  
 Quinta tum pedibus conscendit linea quinis,  
 Hinc centro torrens ternos sibi sexta retentat.

H iij



INCIPIT  
DE CREATIONE MUNDI  
per ordinem dierum sex.  
DE UNO ET TRINO DEO.

Metrum Fe-  
retraticum  
trimetrum.

**S**implex, purus & unus,  
Æterni Pater atque  
Summæ fons bonitatis,  
Existens sine fine  
Ævi principioque,  
Concrevit Deus orbem:  
Verbo cuncta creante,  
Rerum machina constat,  
Volvens quam rotat axis:  
Par Patri Genitoque,  
Lustrans lumine cuncta,  
Mundum Spiritus implet:  
Una & trina potestas  
Distincto moderatur,  
Complexa omnia, nutu.

*De die primo.*

**P**rima hinc exstat origo,  
Carnis libera nexu,  
Cœli quæ tenet aulam,  
Regem quæque videndo,  
Legem verè beatam  
Servat, militiamque.  
Vero hæc lumine nobis  
Lux è fonte perenni  
Illustrata patefcit:  
Hanc quæ sponte reliquit  
Pars, dum cæca superbit,  
Nocte hæc horret & umbris:  
Discernit sed utramque  
Regnator Deus, inque  
Dignos disparat ortus.  
Hæc spernenda furoris  
Virus nequitiaque  
Cæcis mortalibus addit:  
Vitæ ast illa beatæ,  
Virtutisque benignæ  
Sensim spargit amorem.  
Mox cœlum Deus altum,  
Informique creavit  
Merfam pondere terram,  
Quæ magnum per inane  
Lucis munere primùm,  
Undis tecta, careret.  
His concreta fuerunt  
Ignis semina puri,  
Siccusque aëris humor.  
Nempe his cuncta coactis  
Sensu corpora nullo  
Afflatore moventur.

*De die secundo.*

**C**œli hinc proxima terris  
Pars est condita, tetrīs  
Sæpe obnoxia furnis.  
Undæ namque supernæ  
Telluremque tegentes,  
Junctâ mole ruebant.  
Has inter Deus auctor  
Firmavit nebulosam

Sphæram, nubiferamque.  
Hæc vis nempe liquentis  
Undantisque elementi,  
Cœli temperat ignes.

*De die tertio.*

**H**oc ex ordine demum  
Formosi sator orbis  
Undis arva retexit;  
Magnos inque meatus  
Moles sparsa fluentis.  
Fontes, flumina, rivi,  
Stagna & maxima ripis  
Mox distincta mearunt.  
Tellus nuda repente  
Formam læta virentem  
Frondis comsit honore:  
Arbor semina quæque,  
Fœtus herba sativos,  
Verbo urgente crearunt.

*De die quarto.*

**N**eve hæc cuncta carerent  
Caro lucis honore,  
Spirantique calore,  
Solis conditor ignem,  
Lunæ & lampada finxit,  
Stellarumque nitores.  
Sphæris altra sub amplis,  
Hæc infixæ manere,  
Hæc sunt jussa moveri,  
Quæ annis atque diebus,  
Signis, prodigiisque  
Præssent, temporibusque.  
Phæbo sidera ab uno  
Lumen cuncta capeffunt,  
Nox quæ horrida cedit.  
Quin & luna meatu  
Diverfo, variante  
Orbe incerta vagansque,  
Solis lumine plena  
Nunc crescit, radiatque,  
Nunc obducta recedit.

*De die quinto.*

**P**ostquam fidere pleno  
Concors est radiata  
Lex & fabrica rerum,  
Viventis jubet ortum  
Naturæ inde Creator  
Spirantisque moveri:  
Undis mira repente  
Emersit specierum  
Moles innumerarum:  
Mox quæcumque natatu  
Complent æquora, quæque  
Scandunt aëra pennis,  
Diversum genus, atque  
Formæ corpora magnæ, &  
Cete ingentia surgunt,  
Mox grandes, modicique  
Pisces, saltibus undas  
Squamisque exuperantes;  
Testis mox quoque clausa  
Surgit turba, marisque  
Vis immensa feracis.  
Pictæ moxque volucres,  
Silvis, rure, vel undis,  
Sucto ex æquore manant.

*De die sexto.*

**J**Amque hinc inde sonoro  
 Mulcens æthera plausu,  
 Alis turba coibat,  
 Amnes pisce fluebant,  
 Naturisque elementa  
 Juncta ornaverāt auctor:  
 Telluris superabat  
 Pars, quæ jussa animatas  
 Posset gignere formas:  
 Jussit hanc quoque munus  
 Auctor sumere vivæ &  
 Spirantis speciei.  
 Tum diversa per omnem  
 Surgunt corpora terram,  
 Limo educta repente.  
 Tum quæcumque jumentis  
 Forma est, quæ pecus agri  
 Distinguit variatque.  
 Quæ silvestria, motu  
 Quassat membra ferino,  
 Jussu concita currit:  
 Necnon bellua quæque  
 Immitisque, voraci  
 Fluxit turba fremore.  
 Cunctis quæ grege, quæque  
 Sola incedere gaudent  
 Tum venere figuræ.

*De creatione hominis.*

**J**Amque impleta placebat  
 Mundi machina primi;  
 Dixit cum sator Orbis,  
 Facto nunc opus hic est,  
 Nunc demum faciamus,  
 Cunctis qui super esse  
 Possit quæque creata  
 Constant, quemque superna  
 Jam commendet imago.  
 Mox limum sator ille  
 Compegit, stabilemque  
 Formavit Deus arcem,  
 Perfectumque opus ipse  
 Inspirans animavit,  
 Mens quæ æterna manebit.  
 Nempe hæc portio cæli est,  
 Divinæque figuræ  
 Hinc vertex micat altus.  
 Hanc vim nulla locali  
 Motu membra coercet,  
 Quamvis sæpe retardent.  
 Distinguens moderator  
 Post formam facit, ut vir  
 Sit, nec fœmina desit.  
 Immissus sopor artus  
 Confestim irrigat: hinc fit  
 Sumpto ex olle virago.  
 Cunctis imperitare  
 Quos summus jubet auctor,  
 Naturâ variante,  
 Quæ undis, aëre, humique  
 Inceduntve, volantve,  
 Nunc repuntve creata.  
 Simplex inde jubetur  
 Etica insonsq̃ue parari,  
 Ramis quam daret arbor.  
 Latum nam paradisum,  
 Frondentemque creator  
 Multo providus ante

Fructu impleverat, atque  
 Amnis fonte perennis,  
 Hac ut sede beatum  
 Jam tunc sede futurum,  
 Cultorem indigenamquæ  
 Lex æterna teneret.  
 Senis deinde diebus  
 Completo orbe peractis,  
 Naturæ optimus auctor  
 Postquam cuncta placere  
 Recto vidit in ortu,  
 Septeno requievit.

*Mysticus de creatione mundi sensus in homine accipiendus.*

**C**ernens nunc homo quàm te  
 Tantus diligit auctor,  
 Temet nosce videndo.  
 Nempe hæc omnia jussu  
 Sunt exorta volentis,  
 Rerum quib̃ meat ordo.  
 Te summus sapiensque  
 Aterusque repertor  
 Limo finxit, & artus  
 Formatos animando  
 Erexit, superantem  
 Cuncta ut mente videret  
 Omnis machina cæli.  
 Te propterque creatus  
 Mundus te docet omnis,  
 Alter tuque vocaris  
 Prisco nomine mundus,  
 Hæc cui fabrica cedit.  
 Te lux illa perennis  
 Primævo edita jussu  
 Lucis monstrat alumnum.  
 Lumen nam tibi mentis  
 Formans indidit auctor,  
 Quæ pars te alma bearet.  
 Hinc quæcumque per imos  
 Errat portio sensus,  
 Cæcis hæret in umbris:  
 Debet portio præstans  
 Partem efferre sed imam,  
 Torpentemque levare.  
 Hoc firmata per undas  
 Cæli sphaera docere,  
 Unda, & sparsa videtur.  
 Hoc torpentibus arvis  
 Tellus visa repente  
 Fœta & germine promptit.  
 Namque hæc optima vita est,  
 Virtus, formaque nostra est,  
 Pigros quæ erigit artus,  
 Quæ torpentia novit  
 Corda accendere, cuique  
 Pars cedit vitiosa.  
 Tu magnas modicasve  
 Cum proferre patrandò  
 Virtutes meditaris,  
 Fructus herba vel arbos  
 Mixto semine gignens,  
 Cultu frondet amœno.  
 Solis mox tibi lumen  
 Cœlestis radiare,  
 Splendorque incipit almus;  
 Tum proferre gerendo  
 Mens lustrata videbit  
 Cæli digna favore,  
 Tum discernere facta  
 Luci aptanda vel umbris,

\* Hic nonni-  
hil deest.

Tum frænare pudenda  
Mox accensa, latentes  
Cordis tegmine sensus \*  
Passim \* mittit in auras.  
Hi vel celsa capessunt  
Mentis culmine recti,  
Arcanoque volatu;  
Curis hi revoluti,  
Instantique labore  
Mundi commoda quærunt.  
Quin & corporis ipsa  
Terreni gravis atque  
Vergens pondere moles,  
Aut mundos parit actus

Cum mente innocuosque,  
Vitæ & munere dignos;  
Impurosve creando,  
Fædos atque cruentos,  
Celsum fœdat honorem.  
Vero lumine mentis  
Tunc demum ille vigeat,  
Cœlestique homo sensu,  
Motus qui reget omnes,  
Obscænosque premendo,  
Castos exeret actus.  
Æterni hunc paradisi  
Flos fructusque perennis,  
Vitæ fonsque fovebit.

## MONITUM.

**C**ODEX Corbeiensis, in quo antiqua Canonum collectio continebatur, vetus Kalendarium nobis suppeditavit; quod scriptum sive concinnatum fuisse anno DCCC. XXVI. plusquam verisimile est. Etenim solent qui ejuscemodi tabulas Ecclesiasticas ordinant, illisque adfigunt annos, ad ipso initium ducere quo scribunt: mense autem Decembri, ubi annos indicat Auctor, octingentesimus vicesimus sextus priorem obtinet ordinem, ultimum verò annus DCCCLIV. Deinde à Sanctis in eo commemoratis nullus recensetur, qui post annum DCCCXXXI. migravit à vita.

## INCIPIT ORDO SOLARIS ANNI CUM LITTERIS,

A Sancto Hieronymo superpositis, ad explorandam septimanæ diem,  
& Lunæ ætatem investigandam in uno quoque die per XIX. annos.

### JANUARIUS.

A. A.	K	Al. Jan. Octabas Domini.
B. B. iv.	Non.	Dedicatio Ecclesiæ beatæ MARIE in Atrabatis.
C. C. iij.	Non.	Parisiis, Natalis sanctæ Ge- novæ.
D. D. ij.	Non.	
E. E.	Non.	Jejunium & Missas horâ no- nâ, & Natalis sancti Simeonis qui in columnâ stetit.
F. F. viij.	Id.	Colitur Theophania Christi.
G. G. vij.	Id.	In Nicomediâ, S. Luciani Pre- sbyteri.
A. H. vj.	Id.	Belvagus civitate, natalis sancti Luciani Episc. & Martyris.
B. I. v.	Id.	
C. K. iv.	Id.	Natalis Pauli primi Heremitæ.
D. L. iij.	Id.	Passio sancti Juliani Martyris.
E. M. ij.	Id.	
F. N.	Idus,	Octabas Epiphaniæ, & de- positio sancti Clarii Episcopi. Re- mis, depositio S. Remigii Episc.
G. O. xix.	Kal.	Feb. Natalis S. Felicis Martyris.
A. P. xvij.	K.	
B. Q. xvi.	K.	Natalis sancti Marcelli Papæ, & S. Furcæ Episcopi.
C. R. xvj.	K.	Depositio Antonii Monachi.
D. S. xv.	K.	Natalis sanctæ Priscæ.
E. T. xiv.	K.	Natal. Mariæ & Marthæ.

F. V. xij.	K.	Natal. Sanctorum Martyrum Fa- biani & Sebastiani.
G. A. xij.	K.	Natal. sanctæ Agnetis Virginis.
A. B. xj.	K.	Natal. S. Vincentii Martyris.
B. C. x.	K.	
C. D. ix.	K.	Conversio sancti Pauli.
D. E. viij.	K.	Natal. sancti Præjæcti Martyris.
E. F. vij.	K.	Natal. sancti Marcelli Confess.
F. G. vj.	K.	
G. H. v.	K.	Octabas sanctæ Agnetis.
A. I. iv.	K.	Natal. sanctæ Sabinæ Virginis.
B. K. iij.	Kal.	Depositio sanctæ Aldegundis Virginis.
C. L. ij.	K.	Nox horas xvj. dies horas viij.

### FEBRUARIUS.

D. M.	K	Al. Feb. Depositio sanctæ Bri- gidæ Virginis, & sancti Ursi Episcopi & Confess.
E. N. iv.	Non.	Purificatio Sanctæ MARIE Virg. Christi.
F. O. iij.	Non.	
G. P. ij.	Non.	
A. Q.	Non.	Natal. sanctæ Agathæ Virg.
B. R. viij.	Id.	Depositio S. Vedasti Episc. & Confess. & Depositio S. Amandi Episcopi.
C. S. vij.	Id.	
D. T. vj.	Id.	

E

E. V. v. Id.  
 F. A. iv. Id. Natalis sanctorum Zotici, Eren-  
 ci, & Jacinthe.  
 G. B. iij. Id.  
 A. C. ij. Id. Natal. Sancti Basilii Monachi.  
 B. D. Id.  
 C. E. xvj. K. Martii. Natalis sancti Valentini  
 Martyris, Vitalis & Feliculae.  
 D. F. xv. K.  
 E. G. xiv. K. Natal. sanctae Julianae Martyris.  
 F. H. xiiij. K.  
 G. I. xij. K.  
 A. K. xj. K.  
 B. L. x. K.  
 C. M. ix. K.  
 D. N. viij. K. Cathedrae sancti Petri.  
 E. O. vij. K.  
 F. P. vj. K. Natalis sancti Matthiae Apostoli:  
 & locus bissextilis.  
 G. Q. v. K.  
 A. R. iv. K.  
 B. S. iij. K.  
 C. T. ij. K. Nox horas xiv. dies x.

MARTIUS.

D. A. K. Al. Martii. Denunciatio jeju-  
 nii, & depositio sancti Al-  
 bini Episcopi.  
 E. B. vj. Nonas.  
 F. C. v. Non.  
 G. D. iv. Non.  
 A. E. iij. Non.  
 B. F. ij. Non.  
 C. G. Non. Natalis sanctae Perpetuae &  
 Felicitatis Martyrum.  
 D. H. viij. Id. Prima Incensio lunae Paschalis.  
 E. I. vij. Id.  
 F. K. vj. Id.  
 G. L. v. Id.  
 A. M. iv. Id.  
 B. N. iij. Id.  
 C. O. ij. Id.  
 D. P. Id. Natalis sancti Jacobi Apostoli,  
 & Lucae Evangelistae.  
 E. Q. xvij. K. Aprilis.  
 F. R. xvj. K. Depositio S. Patricii Episcopi.  
 G. S. xv. K. Dies primus saeculi.  
 A. T. xiv. K.  
 B. V. xiiij. K.  
 C. A. xij. K. Natalis S. Benedicti. Aequino-  
 ctium.  
 D. B. xj. K. Locus Epactarum.  
 E. C. x. K.  
 F. D. ix. K. Concurrentium locus.  
 G. E. viij. K. Conceptio Christi, & Passio Do-  
 mini.  
 A. F. vij. K.  
 B. G. vj. K. Resurrectio Domini.  
 C. H. v. K.  
 D. I. iv. K.  
 E. K. iij. K.  
 F. L. ij. K. Nox horas xij. dies xij.

APRILIS.

G. M. K. Al. April. Natalis S. Walarici  
 Conf.  
 A. N. iv. Nonas.  
 B. O. iij. Non.  
 C. P. ij. Non. Depositio S. Ambrosii Epi-  
 scopi.

D. Q. Non.  
 E. R. viij. Id.  
 F. S. vij. Id.  
 G. T. vj. Id.  
 A. V. v. Id.  
 B. A. iv. Id.  
 G. B. iij. Id. Natalis sancti Leonis Papae.  
 D. C. ij. Id.  
 E. D. Id. Natalis sanctae Euphemiae Vir-  
 ginis.  
 F. E. xvij. K. Mañ. Natalis sanctorum Tibur-  
 tii & Valeriani & Maximae.  
 G. F. xvij. K.  
 A. G. xvj. K.  
 B. H. xv. K.  
 C. I. xiv. K.  
 D. K. xiiij. K.  
 E. L. xij. K.  
 F. M. xj. K. Passio sancti Caesaris Diaconi.  
 G. N. x. K.  
 A. O. ix. K. Nat. Sancti Georgii Martyris.  
 B. P. viij. K.  
 C. Q. vij. K. Natalis sancti Marci Evange-  
 listae.  
 D. R. vj. K. Natalis sancti Gregorii Papae, &  
 depositio sancti Richarii.  
 E. S. v. K. Advent. Callisti Papae, & S. Va-  
 leriani.  
 F. T. iv. K. Natalis sancti Vitalis.  
 G. A. iij. K.  
 A. B. ij. K. Nox horas x. dies xiv.

MAIUS.

B. C. K. Al. Maii. Nat. S. Philippi &  
 Jacobi.  
 C. D. vj. Non.  
 D. E. v. Non. Nat. Sanctorum Juvenalii;  
 Alexandri, Eventi, & Theodoli,  
 & Inventio S. Crucis.  
 E. F. iv. Non.  
 F. G. iij. Non.  
 G. H. ij. Non.  
 A. I. Non.  
 B. K. viij. Idus. Inventio sancti Michaelis Ar-  
 changeli in Monte Gargano.  
 C. L. vij. Id.  
 D. M. vj. Id. Natalis S. Gurdiani, Cyrilli &  
 Petri.  
 E. N. v. Id.  
 F. O. iv. Id. Natalis Sanctorum Nerei & A-  
 chilei, & S. Pancrati Martyrum.  
 G. P. iij. Id. Dedicatio Basilicae sanctae MA-  
 RIAE, & Natalis sancti Martini  
 Presbyteri.  
 A. Q. ij. Id.  
 B. R. Id.  
 C. S. xvij. Kal. Julii.  
 D. T. xvj. K.  
 E. V. xv. K.  
 F. A. xiv. K. Natalis sanctae Potentianae Mar-  
 tyris.  
 G. B. xiiij. K.  
 A. C. xij. K.  
 B. D. xj. K.  
 C. F. x. K.  
 D. F. ix. K.  
 E. G. viij. K. Natalis sancti Urbani Episcopi.  
 F. H. vij. K.  
 G. I. vj. K.  
 A. K. v. K. Parasceve, Depositio S. Germani  
 Episcopi & Confessoris.

B. L. iv. K.  
 C. M. iij. K. Cœnobio Centulæ, SS. Confess.  
 Cardoci, Adriani, Madelgisti.  
 D. N. ij. K. Natalis sanctæ Petronillæ Virg.  
 Nox horas viij. dies xvj.

## J U N I U S.

E. O. **K** Al. Jun. Denunciatio Jejuniij  
 & Dedicatio S. Nicomedis  
 Martyris.  
 F. P. iv. Non. Nat. sanctorum Marcellini &  
 Petri.  
 G. Q. iij. Non.  
 A. R. ij. Non.  
 B. S. Non. Nat. sanctæ Feliculæ Virginis.  
 C. T. viij. Id.  
 D. V. vij. Id.  
 E. A. vj. Id. Natal. sancti Medardi Episcopi.  
 F. B. v. Id. Nat. sanctorum Primi & Fel-  
 ciani.  
 G. C. iv. Id.  
 A. D. iij. Id. Depositio Barnabæ Apostoli.  
 B. E. ij. Id. Nat. Sanctorum Basilidis, Cy-  
 rini, Naboris & Nazarii.  
 C. F. Id.  
 D. G. xvij. Kal. Jul. Translatio sancti Aniani  
 Episcopi, Rufini & Valerii.  
 E. H. xvij. K.  
 F. I. xvj. K.  
 G. K. xv. K. Nat. SS. Aviti & Marcelliani  
 Mart.  
 A. L. xiv. K. Nat. SS. Marci & Marcelliani.  
 B. M. xij. K. Nat. SS. Gervasi & Protasii.  
 C. N. xij. K.  
 D. O. xj. K. Natalis sancti Eusebii Episcopi.  
 E. P. x. K.  
 F. Q. ix. K. Vigilia sancti Johannis Baptistæ.  
 G. R. viij. K. Natalis sancti Johannis.  
 A. S. vij. K.  
 B. T. vj. K. Nat. SS. Johannis & Pauli.  
 C. A. v. K.  
 D. B. iv. K. Vigilia SS. Petri & Pauli.  
 E. C. iij. K. Natalis sancti Petri.  
 F. D. ij. K. Natalis sancti Pauli.  
 Nox horas vj. dies xvij.

## J U L I U S.

G. E. **K** Al. Julii. Natalis SS. Processi  
 & Martiniani.  
 A. F. vj. Non.  
 B. G. v. Non. Apud Edeßam, sancti Tho-  
 mæ Apostoli.  
 C. H. iv. Non. Translatio sancti Martini.  
 D. I. iij. Non.  
 E. K. ij. Non. Octabas Petri & Pauli.  
 F. L. Non.  
 G. M. viij. Id.  
 A. N. vij. Id.  
 B. O. vj. Id. Natalis SS. vij. Fratrum.  
 C. P. v. Id. Natalis sancti Benedicti Abbatis.  
 D. Q. iv. Id.  
 E. R. iij. Id.  
 F. S. ij. Id.  
 G. T. Id. Exceptio reliquiarum sancti Dio-  
 nysii cum focis suis.  
 A. V. xvij. Kal. Augusti, Adventus Beati Cal-  
 siani Episcopi.  
 B. A. xvj. K.  
 C. B. xv. K.  
 D. C. xiv. K.

E. D. xij. K. Nat. sancti Wulmari Confessoris.  
 F. E. xij. K. Natalis sanctæ Praxedis.  
 G. F. xj. K.  
 A. G. x. K. Natalis sancti Apollonaris.  
 B. H. ix. K.  
 C. I. viij. K. Jacobi Zebedei Apostoli fratris  
 Johannis, & sancti Christophori,  
 & sancti Firmini Episcopi.

D. K. vij. K.  
 E. L. vj. K.  
 F. M. v. K.  
 G. N. iv. K. Natalis SS. Simplicii, Faustini,  
 & Viatricis.  
 A. O. iij. K. Nat. SS. Abdonis & Senes.  
 B. P. ij. K. Nat. S. Germani Episc. & Conf.  
 Nox horas viij. dies xvj.

## A U G U S T U S.

C. Q. **K** Al. Augusti, Passio SS. Ma-  
 chabæorum vij. fratrum cum  
 matre suâ.  
 D. R. iv. Nonas, Natalis sancti Stephani.  
 E. S. iij. Non. Hierosolymis Inventio beati  
 Protomartyris Stephani, Gama-  
 lielis, Nicodemi atque Abidæ.  
 F. T. ij. Non.  
 G. V. Non. Depositio S. Cassiani Episco-  
 pi & Confessoris.  
 A. A. viij. Id. Natalis sancti Xisti & sancti Fe-  
 licissimi & Agapiti.  
 B. B. vij. Id. Natalis sancti Donati.  
 C. C. vj. Id. Natalis sancti Cyriaci.  
 D. D. v. Id. Vigilia sancti Laurentii.  
 E. E. iv. Id. Natalis sancti Laurentii.  
 F. F. iij. Id. Natalis sancti Tyburtii, & sancti  
 Gaugerici.  
 G. G. ij. Id.  
 A. H. Idus. Natalis sancti Hippolyti.  
 B. I. xix. Kal. Nat. sancti Eusebii Episcopi.  
 C. K. xvij. K. Assumptio sanctæ Mariæ Ma-  
 tris Domini.  
 D. L. xvij. K.  
 E. M. xvj. K. Octabas sancti Laurentii.  
 F. N. xv. K. Natalis sancti Agapiti, & sancti  
 Martini Papæ.  
 G. O. xiv. K.  
 A. P. xij. K. Natalis sancti Fileberti.  
 B. Q. xij. K.  
 C. R. xj. K. Natalis sancti Timothei, & sanc-  
 ti Symphoriani.  
 D. S. x. K.  
 E. T. ix. K. Nat. sancti Bartholomæi Apo-  
 stoli, & depositio Audoeni Episc.  
 F. A. viij. K. Natalis sanctæ Hunegundis.  
 G. B. vij. K.  
 A. C. vj. K. Natalis sancti Rufi.  
 B. D. v. K. Natalis sancti Hermetis.  
 C. E. iv. K. Natalis sanctæ Sabinæ, & sancti  
 Johannis Baptistæ.  
 D. F. iij. K. Nat. SS. Felicissimi & Audacti.  
 E. G. ij. K. Nat. sancti Paulini Episcopi.  
 Nox horas x. & dies xiv.

## S E P T E M B E R.

F. H. **K** Al. Sept. Nat. sancti Prisci, &  
 Translatio sancti Nazari.  
 G. I. iv. Non.  
 A. K. iij. Non.  
 B. L. ij. Non.  
 C. M. Non.



D. N. viij. Idus.  
 E. O. vij. Id.  
 F. P. vj. Id. Natalis sancti Adriani, & Nativitas sanctæ MARIÆ.  
 G. Q. v. Id. Nat. S. Gorgoni, & depositio S. Audomari Episcopi.  
 A. R. iv. Id.  
 B. S. iij. Id. Natalis SS. Proti & Hyacinti.  
 C. T. ij. Id.  
 D. V. Id.  
 E. A. xvij. Kal. Octob. Exaltatio S. Crucis, & Nat. SS. Cornelii & Cypriani.  
 F. B. xvij. K. Nat. sancti Nicomedis.  
 G. C. xvj. K. Natal. sanctæ Euphemie, & S. Lucii & Germiniani.  
 A. D. xv. K. Nat. sancti Lantberti Episcopi.  
 B. E. xiv. K.  
 C. F. xij. K.  
 D. G. xij. K. Vigilia S. Matthei. Equinoctium.  
 E. H. xj. K. Natalis sancti Matthei.  
 F. I. x. K. Nat. S. Mauricii cum sociis suis.  
 G. K. ix. K. Nat. sancti Lini Papæ, & Nat. sancti Marci Evangelistæ.  
 A. L. viij. K.  
 B. M. vij. K. Natalis S. Firmini Episcopi.  
 C. N. vj. K. Depositio S. Eusebii Episcopi.  
 D. O. v. K. Depositio SS. Cosmæ & Damiani.  
 E. P. iv. K.  
 F. Q. iij. K. Dedicatio Basilicæ S. Michaëlis Archangeli.  
 G. R. ij. Nox horas xij. dies xij.

## OCTOBER.

A. S. **K** Al. Octobris, Natalis sancti Remigii Episcopi, & Translatio S. Vedasti Episcopi, & Natalis S. Piatoris, & S. Germani Episcopi.  
 B. T. vj. Non.  
 C. V. v. Non. Passio S. Leodegarii Martyris.  
 D. A. iv. Non.  
 E. B. iij. Non. Natalis sanctæ Christæ.  
 F. C. ij. Non.  
 G. D. Non. Nat. S. Marci, & Marcelli.  
 A. E. viij. Idus.  
 B. F. vij. Id. Passio sancti Dionysii Episc. Rustici Presbyteri, & Eleutherii Diaconi; & Translatio sancti Richarii.  
 C. G. vj. Id.  
 D. H. v. Id.  
 E. I. iv. Id.  
 F. K. iij. Id.  
 G. L. ij. Id. Natal. sancti Calesti Episcopi.  
 A. M. Id.  
 B. N. xvij. K. Novemb. Nat. sancti Lucii.  
 C. O. xvj. K.  
 D. P. xv. K. Nat. sancti Lucæ Evangelistæ.  
 E. Q. xiv. K.  
 F. R. xij. K.  
 G. S. xij. K.  
 A. T. xj. K.  
 B. A. x. K.  
 C. B. ix. K.  
 D. C. viij. K. Natalis sancti Crispini & Crispiniani.  
 E. D. vij. K. Translatio sancti Amandi.  
 F. E. vj. K. Natalis sanctorum Apostolorum Simonis & Judæ.  
 G. F. v. K. Natalis Apostolorum Simonis & Judæ.

Tom. II.

A. G. iv. K.  
 B. H. iij. K. Depositio sancti Leonis Papæ.  
 C. I. ij. K. Natalis sancti Quintini Martyris.  
 Nox horas xiv. dies x.

## NOVEMBER.


D. K. **K** Al. Novemb. Nat. sancti Cæsar, & sancti Audomari Episcopi, five Omnium Sanctorum.  
 E. L. iv. Non.  
 F. M. iij. Non. Translatio S. Hucberti Episcopi.  
 G. N. ij. Non.  
 A. O. Non.  
 B. P. viij. Idus.  
 C. Q. vij. Id.  
 D. R. vj. Id. Nat. SS. Quatuor Coronatorum.  
 E. S. v. Id. Natalis sancti Theodori.  
 F. T. iv. Id.  
 G. V. iij. Id. Natalis sancti Menæ, & depositio sancti Martini Episcopi.  
 A. A. ij. Id.  
 B. B. Id. Depositio sancti Bricii Episcopi.  
 C. C. xvij. Kal. Decembris.  
 D. D. xvij. K.  
 E. E. xvj. K.  
 F. F. xv. K. Depositio sancti Aniani Episcopi.  
 G. G. xiv. K. Natalis sanctæ Eusebiæ Virginis.  
 A. H. xij. K.  
 B. I. xij. K.  
 C. K. xj. K.  
 D. L. x. K. Natalis Sanctæ Cecilie Virginis.  
 E. M. ix. K. Natalis sancti Clementis, & Felicitatis, & sancti Columbani.  
 F. N. viij. K. Natalis sancti Chryfogoni Martyris.  
 G. O. vij. K.  
 A. P. vj. K.  
 B. Q. v. K.  
 C. R. iv. K.  
 D. S. iij. K. Vigilia S. Andreæ, Natalis sancti Saturnini, & S. Chrysanti.  
 E. T. ij. K. Natalis sancti Andreæ.  
 Nox horas xvi. dies viii.

## DECEMBER.

F. V. **K** Al. Decemb. Denunciatio Junii, & Natalis sancti Elii Episcopi.  
 G. A. iv. Nonas. DCCCXXVI.  
 A. B. iij. Non. DCCCXXVII.  
 B. C. ij. Non. DCCCXXVIII.  
 C. D. Non. Natalis sanctæ Crispinæ Martyris. DCCCXXIX.  
 D. E. viij. Idus. DCCCXXX.  
 E. F. xij. Id. Octab. S. Andreæ. DCCCXXXI.  
 F. G. vj. Id. Nat. S. Sabini. DCCCXXXII.  
 G. H. v. Id. DCCCXXXIII.  
 A. I. iv. Id. N. S. Eulalie Virg. DCCCXXXIV.  
 B. K. iij. Id. Nat. S. Damasi. DCCCXXXV.  
 C. L. ij. Id. Nat. S. Walarici. DCCCXXXVI.  
 D. M. Id. Nat. S. Lucie Virg. DCCCXXXVII.  
 E. N. xix. Kal. Nat. S. Viatoris. DCCCXXXVIII.  
 F. O. xvij. K. Nat. S. Maximi Ep. DCCCXXXIX.  
 G. P. xvij. K. Nat. S. Valentini. DCCCXL.  
 A. Q. xvj. K. DCCCXLI.  
 B. R. xv. K. DCCCXLII.  
 I ij

C. S. xiv.	K. Natalis sancti Gregorii Martyris.	DCCCXLIII.
D. T. xij.	K. Natalis sancti Anastasii Martyris.	DCCCXLIV.
E. A. xij.	K. In Indiâ, Translatio sancti Thomæ Apostoli.	DCCCXLV.
F. B. xj.	K.	DCCCXLVI.
G. C. x.	K. Natalis sanctæ Eugeniæ Virginis.	DCCCXLVII.
A. D. ix.	K. Nat. S. Luciani.	DCCCXLVIII.
B. E. viij.	K. Nativitas Domini nostri JESU CHRISTI.	DCCCXLIX.
C. F. vij.	K. Natalis sancti Stephani Diaconi.	DCCCL.
D. G. vj.	K. Natalis sancti Johannis Evangelistæ.	DCCCLI.
E. H. v.	K. Innocentium.	DCCCLII.
F. I. iv.	K.	DCCCLIII.
G. K. iij.	K.	DCCCLIV.
A. L. ij.	K. Natalis sancti Silvestri.	

Nox horas xvij. dies vj.



## P A S S I O <sup>a</sup>

### Sancti FELICIS Tubzocensis Episcopi, & Martyris.

**I**N diebus illis DIOCLETIANO octies, & MAXIMIANO septies Consulibus Augustis, exivit edictum eorumdem Cæsarum vel Imperatorum super omnem faciem terræ: & propositum est per colonias & civitates Principibus & magistratibus, suo cuique loco, ut libros deificos extorquerent de manibus Episcoporum & Presbyterorum.

Tunc programma positum est in civitate Tubzocense die Nonarum Januariarum. Tunc MAGNELLIANUS Curator ipsius civitatis iussit ad se perducere Presbyteros, (quia FELIX Episcopus Carthaginem erat profectus) JANUARIUM Presbyterum, FORTUNATIUM & SEPTIMINUM Lectores: quibus Magnellianus Curator dixit; Episcopum habetis? Januarius Presbyter respondit, Habemus. Magnellianus Curator dixit; Ubi est? Januarius Presbyter respondit; Nescio. Magnellianus dixit; Libros deificos habetis? Januarius Presbyter respondit; Habemus. Magnellianus Curator dixit: [Date illos <sup>b</sup> igni aduri. Januarius Presbyter, Fortunatus & Septiminus lectores dixerunt: Episcopus noster apud se illos habet. Magnellianus Curator dixit: ] Eritis ergo sub officio, donec ANOLINO Proconsuli rationem reddatis.

Postera autem die FELIX Episcopus à Carthagine venit Tubzuzam: cumque ejus adventum Magnellianus comperisset, statim eum sibi per officium præsentari constituit. Qui cum dicto citius advenisset, Magnellianus Curator dixit ad eum; Tu es Felix Episcopus hujus civitatis? Felix Episcopus dixit; Ego. Magnellianus Curator dixit; Da libros, vel membranas qualescumque penes te habes. Felix Episcopus dixit, Habeo: sed non trado legem Dei

mei quem ego colo. Magnellianus dixit; Ergo major est Deus tuus diis nostris? Felix Episcopus dixit; Grandis & metuendus est Deus noster, qui fecit cælum & terram, mare & omnia quæ in eis sunt, nam dii vestri lapides sunt manu hominum facti, de quibus scriptum est; *Oculos habent & non videbunt; aures habent & non audient; os habent & non loquentur. Similes illis fiant qui faciunt ea, & omnes qui confidunt in eis.* Magnellianus Curator dixit; Primum est quod Imperatores iusserunt, quia nihil est quod loqueris. Quapropter trade libros omnes quos habes, ut possint (sicut constitutum est) igni aduri. Felix Episcopus dixit; Melius est ut meum corpus tradam igni, quàm Scripturæ dominicæ per me videantur aduri: quia bonum est Deo obedire, perpetuo Regi & immortalis, quàm Imperatoribus hujus sæculi iniqua jubentibus. Magnellianus dixit; Jam tibi dixi quia primum est quod Imperatores iusserunt, quàm ea quæ loqueris. Felix Episcopus dixit; Primum est, præceptum Dei custodire, quàm hominibus obedire. Magnellianus dixit; Interim inter hoc triduum recogita tecum: quia si in hac propriâ civitate, ea quæ præcepta sunt implere neglexeris, ad Proconsulem ibis, & ea quæ nunc loqueris apud ejus acta prosequeris.

Post diem autem tertium, Magnellianus Curator iussit sibi Sanctum Felicem Episcopum præsentari. Ad quem cum Felix Episcopus fuisset adductus, idem Magnellianus dixit; Deliberasti tecum quidnam melioris consilii videaris assequi? Felix Episcopus dixit; Sermo meus unus est: in quo cæpit, in hoc etiam Deo præfule finiet: quæ enim primò loquutus sum, hæc & nunc eadem loquor, & ante Proconsulem aliud penitus non lum dicturus. Magnellianus Curator dixit; Ibis ergo jam nunc ad Proconsulem, & ibi redditurus es in examinatione rationem. Tunc viros suos his alloquutus est verbis; Quoniam Felix Episcopus juxta Imperatorum decreta, ea quæ nobis mandare dignati sunt, facere nullo modo maturavit, vobis comitantibus Carthaginem perducatur. Felix Episcopus dixit; Deo gratias.

Tunc designatus est illi ductor VINCENTIUS nomine, Decurio civitatis Tubzocensis.

Profectus est autem FELIX Episcopus Carthaginem: ubi cum pervenisset, oblatus est Legato Proconsulis: cui idem Legatus dixit; Quare scripturas non tradis supervacuas? Felix Episcopus dixit; Habeo quidem, sed non do. Scripturæ quæ à nobis habentur, supervacua non sunt, nec ullo modo à nobis tradi possunt. Tunc iussit eum Legatus in ima carceris mitti. Ubi cum Felix Episcopus fuisset ingressus, Dominum Deum suum deprecatus est, dicens; Domine Deus omnium conditor & creator, Domine JESU CHRISTE ne me derelinquas, quia propter te & testamentum tuum hæc patior. Miserere mei, & recipe spiritum meum, & derelinque in hoc sæculo corpus mortale; ut à te <sup>c</sup> Domine, sicut nobis promittere dignatus es, tecum merear suscipere immortale. In te enim, Domine, semper vivens, nunquam adversus me habebit mors potestatem.

<sup>a</sup> Passio ] Hæc Acta Baluzius cum in veteri codice Bibliothecæ Colbertinæ reperisset, cum priori editione contulit, ac monuit titulum in illo codice iis ita esse præfixum: *Incipit Passio S. Felicis Episcopi Tubzocensis, qui propter legem Domini decollatus est XVI. Kal. Februarii* Quia in titulo notes velim nomen urbis cui Felix præfuit: nam & hic & in Actis Episcopus Tubizacensis nusquam non dicitur; & urbs ipsa Tubiza vocatur. Non contemnendum etiam quod notatur de die quo caput illi minutum est; nam in fine quidem Actarum habetur dies XIX.

Kal. Februarii, sed Codex Colbertinus habet *die octavo-decimo*, &c. Curatoris etiam nomen in eodem codice divertum est, quia Magnellianus semper dicatur.

<sup>b</sup> dare illos ] Quod intra uncas inclusum est, addidimus ex codice Colbertino.

<sup>c</sup> ut à te ] Laudatum codicem sequimur, nam prior editio vitiosa erat hoc loco; ita enim in illa legebatur. *Attende, Domine, . . . ut tecum merear suscipere immortalitatem . . . nunquam inimicus adversus.*

Post dies autem sedecim, horâ noctis quartâ de carcere productus Felix Episcopus, ANOLINI Proconsulis illicd est præsensus aspectibus. Cui Anolinus Proconsul dixit; Quod tibi nomen est? Felix Episcopus dixit; Christianus sum. Anolinus Proconsul dixit, Non te de vocabulo quæsiui professionis, sed percunctatus sum quo nomine nuncuperis. Felix Episcopus dixit; Sicut tibi jam dixi, hoc nunc & iterum dico, quia Christianus sum & Episcopus. Tunc iratus Anolinus Proconsul quodd ei suum nomen dicere nolisset, ait illi; Habes scripturas supervacuas. Felix Episcopus dixit; Habeo scripturas, sed non sunt, ut asseris, supervacuas: quas cognosce à me nequaquam esse tradendas.

Tunc Anolinus Proconsul transmisit eum Romæ ad Præfectum Prætorii. Cumque Felix Episcopus ibidem advenisset, & eidem Præfecto oblatus fuisset, jussit eum in carcere recipi, & majoribus vinculis alligari. Post dies autem quatuordecim, <sup>d</sup> jussit eum Præfectus prætorii post Imperatores navigare. Tunc Felix Episcopus navem conscendit, catenarum duris nexibus colligatus: & fuit in *Subsanno* <sup>e</sup> navis quatuor diebus & quatuor noctibus jacens sub pedibus equorum, panem non comedens, nec aquæ quidpiam bibens. Jejunus autem venit Nolam. Tunc Cognitor ejusdem civitatis venientem Felicem Episcopum sibi præsentari constituit, vinculis gravioribus innodatum. Cuiusdem Cognitor sic ait; Felix, quomodo huc venisti? Felix Episcopus dixit; Quomodo Deus voluit. Cognitor dixit; Si in tuâ civitate propriâ, vel apud Carthaginem Scripturas deificas tradidisses, ad me huc ulque minimè advenisses. Felix Episcopus dixit, Habeo quidem Scripturas di-

vinas, sed sicut diversis inquirentibus me respondi non nescis, hoc etiam tibi præsens modo certissimè manifesto, quia eas nullo modo trado. Cognitor dixit; Si scripturas deificas tradere nolueris, capite plecteris. Felix Episcopus dixit; Plus paratus sum plecti capite, quàm libros dominicos sacrilegio tradere.

Tunc memoratus Cognitor, ut sacra Imperatorum recitarentur jussit: cumque à Vincentio scriba quæ constituta fuerant legerentur, Cognitor dixit; Quoniam iste homo tantum in eadem confessione duravit, idedque secundum præceptum Principum hunc eundem Felicem Episcopum gladio animadverti constituo. Felix Episcopus elevans oculos ad cælum, dixit; Deus, gratias tibi ago, qui per quinquaginta & sex annos in isto sæculo virginitatem meam in me custodire dignatus es. Domine Deus cæli & terræ, JESU CHRISTI Domini nostri Pater, propter te & propter tuam legem, & pro timore tuo hæc patior, & cervicem meam flecto ad victimam. Accipe spiritum meum de hoc mortali sæculo: solus enim es Deus vivens atque vivificans, & permanens gloriosus in sempiterna sæcula sæculorum, Amen. Completâ hac oratione ductus à militibus, ibidem decollatus est die xix. Kalendas Februarii: ibique corpus ejus positum est. Et reliquæ ejus ad almam Carthaginem per religiosos Dei servos & Matris Ecclesiæ filios perlatæ sunt, & positæ in viâ quæ dicitur Scillitanorum.

In eodem autem venerabili loco multa mirabilia fiunt, & languores universi curantur in nomine Domini nostri JESU CHRISTI, cui est cum Deo Patre honor, laus, & gloria in Spiritu sancto per omnia sæcula sæculorum, Amen.

## MONITUM.

**VITAM** Sancti MEDARDI Noviomensis Episcopi damus, omnium verusissimam & optimam damus, Auctore Fortunato Presbytero, cum pura puta huc usque minimè prodierit, sed à sciolis quibusdam misere interpolata & consarcinata, quod tum ex Actibus sanctissimi illius Pontificis ab anonymo compositis, tum ex vitâ quam edidit Radbonus Noviomensis itidem Episcopus <sup>\*</sup> legenti & conferenti planum fiet. Unde ut id clarius innotescat, profuturum duximus Actus Medardi ab Anonymo Monacho conscriptos in medium producere: eâ enim viâ, Lector, quid minus aliena Fortunatiane vitæ adjecerit, facilius agnosces, dubitque nihil in posterum remanebit de vero Fortunati Opere: ac proinde viris doctis, qui eandem vitam diutissimè desiderarunt & inquisierunt, fiet satis; & ob ipsam suscitata inter nonnullos contentio, tandem ut spero dissolvetur sopieturque.

Animadvertes præterea Joannem à Bosco præfata quam conscripsit Fortunatus vitæ fragmentum in Bibliotheca Floriac. retulisse p. 150. Et MS. cod. Bibl. Thuaneæ vitæ S. Med. à Radbodo compositæ, quam in lucem Surius protulit, ac perperam Fortunato adscripsit, hanc epigraphen præferre: Incipit vita Beatissimi Confessoris Christiani <sup>\*</sup>, Episcopi Noviomensis, quam Domnus Radbodus Noviomensis & Tornacensis Episcopus sic dictavit. Compendiæns autem codex tantum hanc inscriptionem habet: Vita S. Medardi, quam Domnus Radbodus Noviomensis sic dictavit.

Sancti porrò MEDARDI vitam quam damus, Fortunati germanum esse factum suadent stili ipsius ubique æqualis, periodi intercise, sententiarumque gravitas & momenta. Deinde Reges, quorum floruit temporibus Fortunatus, designantur. Denique in Actibus vitæ subiectis in MS. cod. Resbacensi verba inserit Anonymus, quæ ab ipsomet Fortunato mutuatus est. At enim Radbodi non Fortunati esse Surianam B. MEDARDI Vitam convincunt inter alia Drausio & Warimbertus Episcopi ibidem nominati, utpote qui centum & amplius annis post Fortunatum vixere. Bosciana quoque adulterata fuit. Nam ut omittam stili esse à Fortunati stilo longè diversi, relata ab Auctore cap. 3. & 5. bina miracula à Sancto Medardo adhuc puero patrata, Fortunatum prætermisisse docet vetus ille Scriptor Monachus Sancti Medardensis.

<sup>d</sup> quatuordecim ] Codex Colbert. duodecim.

<sup>e</sup> Subsanno ] Idem Subsano.

<sup>\*</sup> Exstat apud Surius.

<sup>\*</sup> Christi,

Ex MSS. S.  
Germani à  
Paris & V.  
C. D. Claudii  
Joly Canon.  
Paris. & D.  
d'Herouval.

# VITA SANCTI MEDARDI

## EPISCOPI ET CONFESSORIS.

Auctore FORTUNATO Presbytero.

**I. BEATISSIMI MEDARDI** Antistitis vitam, quæ per universum orbem virtutum propalatur insignibus, nequivimus silentio præterire; quamvis non valeamus gestorum cuncta perstringere. Et quia solemnitatis ejus diem veneratione perspicuum omnium populorum catervas quotannis expetere depositionis suæ commemoratio principalis invitat; crescat universorum pectoribus pro fidei ardore devotio, dum Sanctorum suorum panditur magnitudo, ut si in hac rarus sit qui existat imitator operis, cunctos tamen faciat ejus intercessio potiores. Hujus ergo originem propterea primum suggestio nostri sermonis insinuat, ut nullus forsitan desperationis obstaculo magis culpandus ostendat: quoniam Deum integro amore diligere non facit gentium divisa discretio, sed unita fidei plenitudo: ne divina gratia quæ volentibus cunctis generalis ostenditur, specialis esse judicio fallente credatur.

**II. Pater** igitur hujus nomine **NECTARDUS** de forti Francorum genere non fuit infimus libertate; mater verò Romana nomine **PROT. GIA** absolutis claruit servitute natalibus: quæ in Christi tabernaculis ut censemus pretioso fecunda partu plus placuit, quàm si integritate servatâ, nequaquam se vinculis virilibus tradidisset. Quorum in Viromandensi territorio & habitatio fuisse dignoscitur & origo. In quâ urbe cum adolescens ad scholam recurreret, casulam quam ei sua genitrix fecerat, per ipsum ad artificem componendam direxit, quam in itinere cæco à se invento mox præbuit. Similiter quidquid ad escam accipere deberet dum suorum parentum gregem pasceret, si pauperem vidisset, cibos egeno porrigebat, ipse ferebat inopiam diei ducens jejunia. Nec illud est reticendum rei gestæ mysterium. Dum adhuc esset in scholis vir sanctus parvus & innocens, dicit ad Eleutherium quemdam parvulum comparem, quoddam publicâ in actione Comitivam assumeret, & cum xxx. annorum vitæ spatium caperet, ipsum dixit futurum summi Dei Pontificem: qui in Tornaco civitate Pastor est datus Ecclesiæ. Ita Sanctus quod prædixit quasi Propheta divino spiritu, jam probavit.

**III. Deinde** cum crebrius ad templorum Oracula fidei monitu promulgante discurreret, & teneros ætatis annos libratæ patientiæ moribus temperaret, propriæ voluntatis arbitrio, dum mundi illecebras vitando despiceret, officium Sacerdotis excepit. Pariter & animo conversus & habitu, morum caritate præcellens confestim claruit apud urbis Pontificem conversatione præcipuus, apud cunctos mentis puritate sincerus. Nunquam se lætitiæ ubertate plus extulit; nunquam mœroris acerbitate turbavit. Fuit semper tolerans in adversis, mitis in prosperis. Cunctos sibi obedientiæ sedulitate præferens, egentibus largâ miseratione succurrens, & ex omnibus calcato vitiorum fomite angusti callis tramitem sanctæ conversationis gressu surgente conscendens, quidquid adversum est horruit. quidquid pretiosum elegit. Quid plura? ut hospes cerneretur in sæculo, etiam possessor esset in cælo. Tunc crescen-

tibus singulis a Sacerdotii honoribus interjecta discretionem temporum Ecclesiastici moris tenorem percurrere, Presbyterii officium electus excepit, probatus obtinuit, & ita se deinceps sanctis cœpit publicare virtutibus, ut Christi meritò putaretur alumnus.

**IV. Contigit** ergo ut autumnus temporis fructus mitescente botri succo vindemiæ ubertas ostenderet, per quam latronis temeritas ejus gratiam publicaret. Intempestâ igitur nocte, cum potius in humanis corporibus cœnarum diversitate seclusâ, dominante silentio, blandi soporis onus incumbit, vineam suam cupidine fraudis impulsus latro capiendus expetiit, tenendus irrupit. Tunc prædam gladio secante corripit, ipse magis prædatus, intra patientia septa constringitur, & quod effringere violentus valuit, nequaquam evalit in posterum suo crimine captivatus: gustum habere furto non meruit, & redeundi aditum ebrius non invenit: nec amittere poterat quod præsumserat; nec auferre fas habuit quod ambiebat. Sed cum inibi primo diluculo rei præscius vineæ dominator occurreret, furem reperit, quem sua jam præda prævinxerat, & uterque alium mutato jure servabat. Tunc usque adeo Sancti ultio rei sævit in crimine, ut uvæ propriâ manu discerpens, augmentum majus illi profusâ oblatione tribueret, & delictum objurgatione castigans, remeandi aditum indulgeret. Pari igitur meruit pœnâ percelli, vel perdurante insidiâ coerceri, qui vasa, ejus domum nocturnâ obreptione præveniens, distenta melle furatus fuerat. Custodes deceptione callidâ fallere potuit, pecus quod raperat temerarius non evalit. Castrorum habitacula sublata apes cum indignatione linquebant, ubique furem non casto ditantes opere, sed aculeorum lævitâ persequentes, quousque latronis detecta confusio sancto quod fraudaverat reddidit, & veniam prostratus invenit. Sed nec immeritò pia Sacerdotis indulgentia reum non damnabat ex crimine, quem ipsa ultrix præda torquebat.

**V. Accidit** etiam simile sub hac prodizione mysterium. Dum viator quidam juxta domum ejus agendi itineris copiâ præteriret, capiens illius callidâ fraude juvenum furti scelere, tintinnabulum collo præripuit, atque hiatum ipsius impressi graminis fraude condemnans, nullius contemplatione deprehensus abscessit. Et cum jam se censuit vel criminis evasisse periculum, vel sortitum compendia fuisse per furtum, obstaculo nullo serata ipsa dedit præda tinnitum, cupiens domini redire præsidio. Quæ quamlibet abditis penetralibus studio diligenti locata claustrorum obseratione retrusa maneret, tinniente ambitu scelus nullo modulante vulgabat, hiatu ingenti monens, auctorem criminis querela geminante confudit. Tunc latro præteriti memorans confusa mente periculi revexit domino territus quod abstulerat, quod etiam pietatis studio non servabat. Ita demum reddito jure naturæ cœpit species inanimata celare, nec sonitu sensibili pulsa detegere. Sanctus igitur athleta Christi absque reatu

S. Medardi  
patria, pa-  
rentes.

Pia in juven-  
tute exercitia.

Eleutherium  
prædicat futu-  
rum Episco-  
pum.

Fir Sacerdos

Ejus virtutes  
& miracula  
describuntur.

a crescentibus singulis] Alius codex crescentius muniis | singulos sacrificii honores interjectâ.

proprio pro delicto confunditur alieno; atque ideo mercedem reo pro culpa tribuit, ne inani abitione tristior remearet.

VI. Quâdam vice præcellus CHLOTARIUS Rex in procinctu Francorum movens exercitum, cum transisset fluvium cujus vocabulum est Sumina, omnia quæ inveniebant loca prædantes & pecora, pervenientes inter Castellum quod fertur Noviomagum, & Ilaram fluvium, quidquid fuit vehiculorum carra vel signata trahentium, pedes affligentes de loco nullatenus moverunt per triduum. Ad villam S. Medardi, Sellentiacum quæ dicitur, occurrerunt viro Sanctissimo, & datâ oratione discarricantes quæ tulerant, laxati pergunt itinera. Nec illud omittendum est quod per miraculum factum est. Cum porcarii sui in glandem porcos deducerent, & ab iniquis hominibus furto subducti fuissent, divinâ mox virtute soli de longâ regione, nullo homine sequente, ad Sanctum virum reducti sunt. Nec hoc inter reliqua miranda signa prætereo. Quidam Tosio nomine dæmonii graviter oppressus infestatione, curari meruit expulso viri Dei signaculo.

VII. Sed cum jam multimodis virtutum fulgeret studiis, fama que ejus per diversa orbis spatia gratiâ crescente præcelleret, defuncto Viromandensium urbis Pontifice, in ejus loco consecratur Episcopus. Ubi conversatione cœlesti ter quinis annorum curriculum sanctimoniâ ipsius officii Sacerdos exstitit pretiosus; & nisi quod percussor corporis defuit, martyrium Confessor implevit. Sustinuit jugiter diabolo præliante calumniam, sed prævenit victor meritis ad coronam. Tunc Pontifex Baetissimus membrorum compage protentâ longævitate defessus, spiritum requiem deprecatus emisit, & convexa cœli Athleta triumphalis ascendit. Inter reliquos etiam allèverante ut vidit WILLACHARIO Presbytero, quando Sanctus Medardus accepit corporis transitum, ipsius horæ momento cœli protinus aperti sunt, & ante Sancti corpusculum ferè per tres horas divina luminaria cunctis videntibus adstiterunt. Mox in terrâ grande defluxit diluvium, ita ut plueret multum calida aqua de nubibus. Cujus corporis solemne pignus præcellentissimi Chlotarii Principis Francorum vel devotione, vel tempore Sueffionensium urbs tanti muneris præmio ditari promeruit. Sed cum omnium populorum fides solemni ambitione sacratissima feretro tradenda sepulturæ membra conveherent, & unanimitate vel amore gestandi onus leve sentirent, tunc obviam abiit Sancto damnatis aurium dudum aditibus surdus quidam occurrens, pretiosi velaminis peplum osculans, psallentiumque illico stupens melos audit, & fraudati sensus usum recipere mundatus fide promeruit.

VIII. Postquàm igitur devotione fidelium maximo decore præfulta ejus tumuli urna exornata surrexit, prolixum est narrare quantis se virtutibus quantisque pro debiliùm clamor attollat emundatione trophæis, à quo quidquid fulis precibus expetitur, incunctanter effectibus obtinetur. Hujus igitur templi præforibus paralyticus quidam depositus & ejectus, quem omnium membrorum debilitas diverso jure discretè damnaverat, pristina incolumitatis meruit augmenta suscipere, & salutis gloriam obtinere, ut singulis vigor artubus redditus, confestim suffragante remedio adstaret illæsus: & cujus prius communis usum sermonis adnexa palato lingua confuderat, virtutem sancti Antistitis resolutâ oris compage laudabat. Protinus scilicet sæpe palam trium-

phante mysterio, quos iniqua ferrei ponderis retentacula gressibus negatis adstrinxerant, ad templi oraculum summus Antistes veniendi præstitit facultatem, & robustam metalli naturam exsuperans, vasta compedum vincula confregit<sup>b</sup>. Multos igitur promiscui sexûs, quos membrorum debilitas miseranda contraxerat, usibus restitutis virtus medica indiscretè solvebat. Crebrius etiam oculorum captis lumine, purgatis tenebris præsidium contemplationis indulgit, & redivivæ lucis compendia desertis habitaculis restauravit. Multa quoque & innumera virtutum suarum insignia quæ diebus singulis ex more concreverunt, relatio nostra præterit, ut nec lateret silentio magnitudo operis, nec diei consumeret spatium tanta prolixitas dictionis. Hujus ergo piam majestatem fulis indefinenter precibus exoremus, ut clementissimi THEODBERTI Regis nostri felicitatem crebris successibus dilatatam, vel in externis gentibus iusto dominandi jure procul extensam pro luâ pietate longævet, & clementissimo SIGIBERTO quondam Regi sempiternam requiem præstare dignetur. Quatinus qui templi ejus spatia devotus extendens ad excelsa fastigii tegmina sumptuoso decore perduxit, eodem intercedente, servato culmine Regii diadematis protendantur sceptræ Regiæ potestatis, ac perinde medelam populis pacemque tribuat universis. Conferat etiam pro delictorum indulgentiâ cunctis generale præsidium, qui speciale solemnitate suæ hodie mundo præstitit ornamentum. Cui est honor & gloria, laus & imperium per omnia sæcula sæculorum. Amen.

*Mss. Codex V. C. D. d' Herouval sic desinit:*  
Explicit Vita S. MEDARDI Episcopi à FORTUNATO Presbytero composita.

*Finis hujus vite ita habetur in Mss. Codicibus Corbeiensis & Rebaensis Monasteriorum.*

Hujus ergo piam Majestatem fulis indefinenter precibus exoremus, ut conferat pro delictorum indulgentiâ cunctis generale præsidium, qui speciale solemnitate suæ hodie mundo præstitit ornamentum. Quæ cuncta præconia sunt non modò ejus qui accepit ut dignus pro nobis suffragator adstaret; sed potiùs Sanctæ & inseparabilis Trinitatis, cui honor & potestas, virtus & imperium, laus & jubilatio in omni gente, loco & tempore, & per infinita sæculorum sæcula.

\*\*\*\*\*

## INCIPIUNT ACTVS

# M E D A R D I,

## P R Æ S U L I S A L M I.

I. FORTUNATUS natione Italus Presbyter Ravennensis, suo tempore eruditissimus, ex Ravennâ progrediens Galliarum fines peregrè adiens, Pictaveni rure commodam sibi delegit habere stationem. Eâ tempestate CHLOTHARIUS<sup>a</sup> CHLODOVEI magni quondam Francorum Principis filius, paternam monarchiam post mortem fratrum suæ ditioni subactam potenti moderamine regalique sceptro regibat. Per idem quoque tempus inter Gallicos Præsules GREGORIUS Historicus sermone & actu Tu-

*Ex Cod. MS. Rebaensis Monast.*

*Præfatio Auctoris.*

<sup>b</sup> confregit ] Confirmat Gregorius cap. 19. l. 4. Hist. Ad cujus (Medardi) sepulcrum usimus vincitorum compedes ac catenas disruptas confractasque jacere, quæ usque hodie in

testimoniū virtutis ejus ad ipsum B. sepulcrum reservantur. <sup>a</sup> Chlotarius ] Alii Fortunatum Sigeberto Rege in Galliam venisse volunt.

Consecratur  
Episcopus.

Obit S. Medardus.

Miracula post  
ejus obitum.



Fortunatus  
Gregorio Tu-  
ronensi Epi-  
scopo fami-  
liaris.

Scriptit Vi-  
tam S. Mc-  
dardi.

ronis habebatur insignis. Hic compertâ jam dicti famâ viri, affectuosè eum diligebat, germanæ caritatis obtentu. Erat enim summo ingenii acumine præditus. Conferebant denique frequentius seria quæque de scripturis, modò verbis, nunc scriptis, alternâ vicissitudine differentes. Denique rogatus ab eodem venerabili Pontifice, edidit perplura Opuscula, maximè metro ludens de vitâ & virtutibus Sanctorum. Inter quæ & vitam gloriosi, & cum omni reverentiâ nominandi domini nostri MEDARDI, succinctè quidem tam prosâ quàm versibus, sed tamen luculento stylo perstrinxit.

II. Hæc quorsum tali petita principio? Ut novit quis non eum visâ, sed tantum audita, & hæc procul & in extera regione positum narrasse. Possent equidem de iis quæ à puero ipse gloriosus gessit, plura confici volumina, si quis curiosus ac solers hæc perscrutari & indagare hæc, & paginis mandare decrevisset. Omnium perspectâ serie temporum perspicuum est per idem tempus studia liberalia tenuisse, quia & rudis Christianæ legis cultus in his Galliarum partibus adhuc pubescebat, & idololatriæ vana superstitio necdum ex toto obsoleverat. Liquet itaque eatenus collapsa fuisse litterarum studia, ut pretiosi admodum haberentur earum sectatores; quandoquidem exteræ nationis vir, tantæque regionum intercapedine semotus, ad ejus acta scribenda tam succinctus brevior se se admoverit. Tuere namque ea quæ per eum vis divina operata est, magna valde & admiranda, quæ relatio prædicti Auctoris, ut ipse fatetur, præterit. Feruntur hodieque multa de eò, quibus nec omnimodis derogandum est, nec sanæ fidei ejus repugnandum. Quibus omiſſis, ne fabulosa magis quàm vera scripsisse criminaret, duo tantum quæ ab honestioribus viris fideliter narrata comperi, licet iners vili schedulâ vulgarique sermone mandare ausum duxi. Ea quoque quæ jam dictus historicus elegiaco intexit metro, ut manifestoria legentibus, prosâ expressi.

III. Igitur Beatus MEDARDUS in lege Domini ab ipso tenero ungue meditabatur die ac nocte, hanc meditatione concipiens, linguâ revolvens, opere complens, juxta illud Psalmistæ: *In labiis meis promuntiavi omnia judicia oris tui*. Et quia nihil imbecillius eo quâ carne superatur, contendebat, ut bonus athleta, certare ut vinceret, ne vinceretur, carnis illecebras refecans, perfectum vitæ gradum subire certabat. Consentiebat in eo incessus, sermo, & habitus, humilem se in prosperis, mitem exhibens in adversis: obedientiæ bono cunctis imitabilis, frugalitate laudabilis, & universa morum probitate habebatur insignis. Erat ei studium tectare pauperes, alere egentes, & quidquid ex paternâ substantiâ percipere poterat, eorum usibus sedulè impendebat. Operæ pretium duxi unum è pluribus pietatis ac misericordiæ opus quod puerulus gessit, narrare; ut qualis quantusve à puero in juventute adoleverit, dehinc ab adolescentiâ in senectutem quàm maturus excreverit, cognoscat qui imitari desiderat.

IV. Unâ dierum Nectardus vir gloriosissimus, genitor ejus ab itinere remeans, domum cum suis revertitur. Aberant tunc fortuito famuli domus, nec fuit in præptu qui equos defatigatos pastum minaret custodiendos. Injungit pater dilecto sibi filio eos ad pastum ducere, & ad horam custodire: quos ille suscipiens minavit quòd jussus fuerat, omnem solerter adhibens diligentiam. Interea dum his intentus habebatur, contemplatur eminens viatorem equestrem sellam, loraque in ea dependentia à tergo gestantem. Quem advocans sciscitatur quisnam eilet, quòd per-

geret, cur taliter onustus abiret: at ille rei ordinem pandit. Profitetur se ignotum hominem; equum quo vehabatur leto periisse, quo sternebatur secum vehere, & longius iter habere. Tunc sanctissimus puer necessitudini ejus compassus, unum è pluribus equum capiens: Sume, inquit, & sterne tibi, quòd libuerit pergens. Et ille: Non est, inquit, tui juris, nec datu tuo ejus liberè possum potiri servitio. Cui puer: Accipe securus, iter carpens tutum; & si quis te impetierit, me auctorem dati incunctanter habebis. Hæc viator audiens, jubenti libenter obtemperat, cornipedem sternit, & qui eatenus pedester tristis advenerat, equester hinc & alacer cupito pergit itinere. Inter hæc convivium itinere fessis instruitur; jamque prandio imminente, ad accersendum venerabilem puerum it unus ex numero: ipse autem secesserat sub quâdam arbore, quia dies pluvius erat. Is itaque qui ad exhibendum eum fuerat directus, dum cum eo colloquitur, sursum intentus conspiciat aquilam expansis alarum remigiis omnique distento corpore tam congruenti latebra puerum confovere, ut in nullo penitus contingeretur ab imbre. Hoc diu miratus, commonet eum domum regredi, paternoque convivio interesse. Id ille reculans: Rogo, inquit, rediens domum habeto me excusatum. Reor, ob hoc remorari cupiens, quòd jam dictus eques in hac morositate longius protraheretur, quatinus si à quoquam insequutus fuisset, minimè reperiretur.

Perlata sunt patri ab inquilino quæ viderat atque audierat à filio. Super quæ plurimum miratus, dilato prandio sumptis sociis ipse pergit ad locum horamatis<sup>b</sup> hujus ipse gestiens contemplari auspiciu. At ubi illud ventum est, intuetur diligentius, & quod relatu didicerat, visu probat, prudenterque perlegit interiùs quod gerebatur exteriùs. Inter hæc collegæ recensent sonipedes, damnum reperiunt, unum deesse cognoscunt: denique blanditiis parvulum mulcent, quatenus si facti esset conscius, fateretur: erat siquidem aliquantula de hac re in eo suspicio, quia jam latè patebat, pietatis eum affectu erga indigentes festinè largitione munificum fore. Itaque prodit patri piè admissum facinus: & licet dispendium passus congratulatur tamen de felici propectu gratissimæ prolis.

Interea famuli curiosius iterum iterumque recensitis equis, eorum summam subito redintegratam reperiunt, & damnum quod charitate cogente piè admissum fuerat fraude, nihilominus charitate largiente mirabiliter restauratum inveniunt. Magno itaque pater, cum omnibus attonitus gaudio, non tam de recuperatione damni, quàm de incremento beatarum virtutum in filio; & dans ei manum ducit ad domum. Amplexatur mater filium, convivantesque pariter jocundantur, admirantes gratiam Dei tam evidenti obumbrationis indicio in eo esse diffusam. Dehinc genitor postquam affatim exhilaratus est; Care, inquit, nate, utere ut libet rebus à Deo nobis concessis: refove ex his indigentes, eâ æqualitate duntaxat, ne cum alii refrigerantur, nobis sit tribulatio; sed ut nostra abundantia, aliorum sit supplementum. Devotum, ut cœpisti, Christo famulatum impendens, erige nobis in statione paradisiacæ amœnitatis tabernaculum, ubi tecum quiescamus sine fine mansuri.

V. Dum adhuc puerulus sub tutelâ parentum domi moraretur, contingit inter propinquos ejus de terminis cujusdam disceptatio. Cumque ex communi consensu statutâ die ad videnda agrorum essent confinia, contigit affuisse cum eis & hunc de

Equum donat  
pauperi.

b

Numerus  
equorum in  
pascuis repe-  
ritur, licet  
unum dederit.

Limitem ter-  
re designat  
Medardus;  
unde lis mora  
sopitur.

<sup>b</sup> horamatis ] Acherius ediderat oromatis: *horamatis*, visio.

quo

quo fabula est venerabilem puerum. Ubi verò ventum est ad locum de quo sermo habebatur, videt cominus lapidem terræ fixum, uti fieri assolet in terminis agrorum, super quem pedem injiciens: Hic est, inquit, limes & confinium horum jugerum. Ad cuius levissimum tactum lapis ille ita subsedit, veluti cera à facie candentis ferri liquefcit. Apparet equidem stigma plantæ pedis ejus in eadem caute adeo subtiliter expressum, ut à nullo artificum expressius exculpi aut signari possit. Ita contentione sedatâ, rerum omnium arbitrum Dominum, qui magna operatur in minimis, glorificantes redierunt in sua. Exstat usque in hodiernum diem lapis in Monasterio sancti Medardi, magnique penditur, ac venerationi habetur à multis. Hæc duo tantum de ejus pueritiâ dixisse sufficiat: nunc ad ejus transitum itilum vertamus.

**VI.** Tempore quo præcellentissimus **CHLOTHARIUS** Rex Francorum reversus est à Britannia, exusto filio suo **CHRANNO** cum uxore ac filiabus, gloriosus Confessor Domini **MEDARDUS**, evocante se Domini gratiâ, apud Noviomagum Castellum, caput jam lætulo deposuerat. Ad quem visendum cum introisset Rex, Optimatum sibi obsequentium fulcitus catervâ ultimum ei vale faciens, benedictionem devotissimè poscit & accipit. Cum itaque in hac Regiâ visitatione de loco sepulturæ ejus sermo haberetur, Sacerdos beatissimus suâ se Sede censuit cespiti commendandum. Econtrâ Rex Sueffionis eum deferendum, ibique tumulandum disposuit, asserens se super eum basilicam constructurum, Cœnobiumque ædificaturum. Cessit igitur dilectus Dei Regiæ voluntati, sicque plenus virtutibus, plenus & gratiâ migravit ad Dominum. » Ad cuius transitum, » sicut in libro de vitâ ejus à **FORUNATO** inscribitur, divina luminaria, cunctis præsentibus micuerunt. » Fama volans tanti lætus prænuntia, totius orbis populos ad ejus exequias advocat. Conditur aromatibus corpus sanctissimum, insignitur pretiosis vestibus, auro textis involvitur linteis, componitur feretro: cumulantur desuper margaritis crispantibus aurea peplo: fit lætus ingens populorum, gaudium evidens Angelorum: concurrunt hinc inde chori psallentium, augetur numerositas Clericorum: hi psalmodiam perfonant, illi lætiones congeminant. Vigiliis sacræ devotionis nox omnis expeditur, & inter lætus & gaudia venit ad diei exordia. Episcopi & Primates qui tum fortuito defuere palatio, certatim conveniunt, concurrunt catervatim numerositas populorum. Plangendi docta prouunt ex villis & viculis promiscua egenorum examina.

**VII.** Instructo itaque itinere procedit Rex ad Ecclesiam, in quâ cœlestis servabatur thesaurus, stipatus hinc inde stolatis Christicolis ac primoribus chlamydati. Venitur ad Sancti corpus: aguntur quæ Dei sunt. Post hæc mitis Sicamber ulnas primus supponit, dehinc Episcopi, exin primi nobilium, quibuslibet fuit accessus. Sustollitur sursum per oscula cœlestibus gazis dignissimum nomisma. Sentiant onus leve, inoffenso gradientes itinere. Fit clamor confusus, istis psallentibus, illis flentibus, & inter choros psallentium & agmina lugentium, voces tonant per nubila. Quid memorem? Diem hanc gaudii dixerim, an mœroris simul & gaudii? Unum sine altero fateri minùs oportet ad tanti diei qualitatem exaggerandam. Restat ergo ut dies ipsa, & gaudii dicatur & mœroris. Cui enim non erat mœrendum de ejus absentiâ corporali, præsertim destitutis pastore ovibus, quibus post transitum nec gleba corporis celabatur? Quibusque non erat gau-

dendum de ejus tam evidenti gloriâ, cui cœli patebant luminaria obsequebantur divina, & Regalis famulabatur potentia? Insistunt igitur cœpto operi regio gradientes itinere. Confluit undique palatina cohors, gestientes ferre pignus nobile. Interea cæcus quidam inter turmas properantium veniens, substratus loculo, fugatis mox tenebris, videndi recipit usum virtute sancti Antistitis. Hinc cumulantur gaudia, laudantur Sancti præconia.

**VIII.** Properant aggressum iter conficere, confluentibus passim populorum catervis, perveniuntque ad Tipiacum villam. Ibi Axona amne transmissa flectunt gressum ad urbem Sueffonicam. Ruit obviam civitas omnis Sueffio, duce prævio venerabili magnarumque virtutum viro **BANDARDO** ejusdem tunc urbis Pontifice, cum crucibus, ceroferalibus, ac thymiamateriis. Stipat undique illud cœleste margaritarum numerositas Sacerdotum, turba canora totius ordinis Clericorum, immensitas populorum, omnigenis vocibus unâ Deo canentium. Mutuatis vicibus unus post alterum certatim se ingerentes, colla supponunt. Propulsatur alter ab altero, his recedentibus, illis succedere cupientibus. Magno se censu remuneratum credidit, cui etsi non gestandi, saltem vel tangendi loculum copia fuit. Excipit tandem solemniter tanti muneris nobilitata præmio urbs Sueffonica sacratissimum pignus corporis beatissimi **MEDARDI**, amplectitur festivè patronum, extunc proprium habitura tutorem patriæ, universalis Ecclesiæ lumen inextinguibile. Inter hæc obviam fit Sancto quidam multatis aurium aditibus, diutinâ surditate attonitus: qui ut peplum quo sacrum tegebatur corpus fide ignitus manu attigit osculatusest; fraudati sensus usum ilico recipere à sancti virtute promeruit. Gratulatur admodum Rex, congaudent Sacerdotes cum Primatibus, exsultant populi, fit gaudium in cœlis ob magni meritum Confessoris.

Retransmeant fluvium, properantque in prædium secus litus jamdicti amnis, prope quod tumulandus erat, ubi hodieque est stips lapidea, habens desuper vexillum sanctæ Crucis sculptum, cum nomine Sacerdotis. Ibidem læticam sacri funeris deponentes, moras paulisper nectunt fortuitu, vel quia Rex necdum venerat, vel quia in his quæ ad jus sepulcri congruebant, aliquid imperfectionis inerat, quod in hac morositate perficiendum foret. Erat autem illud rus quo hæc agebantur ex ditione regalis fisci, cui **Croviacus** vocabulum est, ex antiquo profano idolorum cultui mancipatum. Nam & usque hæc Danorum tempora bifrons lapideus magnæ latitudinis ante fores sacræ ædis in eodem loco perstitit. Eruderato itaque agro, & in planum redacto, construitur nobile mausoleum receptui tanti hospitis dignissimum. Encœniatur locus, in quo sacrum Christi ovium famosissimum toto orbe erat alveare futurum.

**IX.** Igitur adveniente Rege coadunantur cohortes nobilium; plebeia multitudo populorum apponunt manus ad feretrum, laturo sanctum corpus ad tumulum, nituntur certatim attollere. Sed quod est dictu mirabile, adeo manet immobile, ut penitus moveri posset à nemine. Succedunt alii post alios, frustra robur impendentes. Hæret Basileus eventu tantæ rei attonitus; stupor in commune possidet omnes. Tandem sagaci animo conjiciens quid res prætenderet, facta ex medietate jamdicti fisci traditione, accito Commentariense, jubet conscribi tomum annulo proprio roborandum. Exin spe meliori fidentiores, applicant iteratò ulnas ad loculum. Geminatur

S. Medardi  
obitus.

S. Medardi  
corpus trans-  
fertur ad  
Sueffionum  
civitatem.

c celabatur] Acherius vidit legendum esse, cedeba:ur.  
Tom. II.

K

virtus miraculi, panditur devotio Sancti. Attollitur sursum parte quidem ex unâ absque ullius gravidine ponderis; manet parte alterâ tantâ fixum immobilitate, ut putaretur plumbea immensæ molis species, non humani corporis esse materies. Tunc Rex liberalissimâ erga Sanctum affluens benignitate, reaccessit Commentariense, factaque more solemni donatione, fiscum cum omni integritate conscriptum, ac impressione proprii annuli signatum, delegavit Sancto perennibus unquam sæculis possidendum. Dehinc spe certissimâ subnixi, extollunt super ulnas beatissimi funeris sarcinam adeo levigatam, ut putares pro æris gravidine stipulæ accessisse levitatem. Fiunt populatim lacrymosa gaudia, psalmodiæque personante pergunt ad tumulum ditissime refertum.

X. Dum hoc iter agitur, adest inter permiscuos properantium cuneos homo quidam vallis catenarum compedibus ferreis brachia surasque pervinctus, adeo ut ei in gradiendo difficilis esset libertas. Hic dum solatio sustentatus alieno ante Sanctum fuisset expositus, ilicò ut manu peplum tetegit, contrito chalybe, disruptisque catenarum repagulis ac solo tenus delapsis, redditur virtute sancti Antistitis absolutus & liber, pergens cum reliquis fide subnixus ad munerarii sui tumulum lætus & alacer.

Itaque ubi ventum est ad locum, commendatur tumulo beatissimi Sacerdotis pretiosissima corporis gleba plena virtutis ac gloriæ, præclaris mox indicis evidentissimè propalata. Nam cum ejus sacratissima membra tumulo clauderentur, cælum apertum est, & duæ columbæ visæ sunt descendisse quasi nubes, & de ore ejus egressa est columba candida sicut nix. Post tanti officii inferias pronâ Regis munificentia festivè celebratas, erigitur super Sancti tumbam pro temporis oportunitate parvum tugurium exili vimine constructum, quousque, ut Regia decreverat dignitas, coacervatis in opus expensis aula famosissima perito fabricaretur studio. Hanc quidem ejus ardentissimam devotionem pedissequa protinus est efficacia comitata.

Moritur Rex  
Chlorarius.

In Monasterio  
nuper condito  
sepelitur ante  
tumulum S.  
Medardi.

XI. Deinde cumulatibundè in opus sumptibus, qui non Regio solum, sed & fidelium sunt quorūcumque munere promptâ devotione exhibiti, orditur venerabile Dei templum mira latomorum peritia, essetque in brevi manu celeri consummandum, si ejus conatui mors ex improvviso non obstitisset. Nam Turonis pergens ad beatissimi Martini tumulum, diutissimè oravit, plurimæque ibi munera contulit. Per plurimas quoque Sanctorum basilicas multa dona largitus est. Inde regressus dum in Cotiæ saltu venatum exercet, validâ febre corripitur, & Compendio palatio rediens, ingravescente incommodo, lecto sternitur; sicque commune mortalibus debitum solvens, finem regno & vitæ dedit. Hinc moror Gallias occupat, Francigena gens induitur luctu, lacrymis opprimitur, singultibus præpeditur. Inde Sueffionis evectus, in ipsâ quam cæperat necdumque finierat, basilicâ, quamque & villarum redditibus plurimis ditavit, & muneribus maximis cumulavit, ante gloriosi Pontificis tumulum honestam meritò obtinuit sepulturam.

XII. Postquam filius ejus SIGEBERTUS non minori quàm pater erga Sanctum fervens devotione, opus quod morte patris interdiu dilatum fuerat, sine tenus consummavit, intrinsecus varietate diversarum specierum adornavit, extrinsecus agrorum redditibus ampliavit. Nec multo post & ipse cum fratrem suum CHILPERICUM apud Tornacum civitatem oblidere disponderet, versutiis FREDEGUNDÆ

uxoris suæ Victoriaco villâ à duobus Tarvennensibus latera gladiis transverberatus, mortem quam fratri suo paraverat, sibi ipse conscivit; luctum ingentem suis contulit. Hinc à fratre Lambris perlatus & sepultus, exinde postea Sueffionis relatus, in ipsam quam operosè construxit basilicam lateri patris sui junctus, honorificè depositus ac sepultus est. Nemo sanè autemet hanc esse basilicam quæ olim à CHLUDOVICO Cæsare cæpta, nuper est à Marcomannis exusta. Verum illa prior à SIGEBERTO Rege patrata, ob frequentiam populorum propter omnigenitum virtutum insignia ad memoriam egregii Martyris Sebastiani confluentium, à RODUINO tunc Præposito ejusdem Cænobii Augustâ præceptione, cooperante semper bonæ memoriæ HILDUINO Archicapellano Abbateque jamdicti Monasterii funditus destructa, & in maximo ambitu augustius est restaurata. Hic nostra intermittentes, quid GREGORIUS historicus de hujus sanctissimi Pontificis virtutibus referat, huic Opusculo innectendum ratum duximus.

XIII. MEDARDUS, inquit, gloriosus Confessor juxta urbem Sueffionis quiescit, ad cujus sepulcrum sæpe compedes miserorum contractas alpeimus. Post scriptum de miraculis ejus librum, mulier manu debilis devotè expetit beati præsidia Sacerdotis. Denique cum reliquis vigilas fide integra celebrat, confisa ab ejus virtute manus humore ligatas posse dissolvi, qui infeliciū catenas potentiâ virtutis eximeret. Factum est autem, dum Missæ celebrarentur, resolutis nervorum arentibus ligaturis, gratias Confessori referens, ad sanctum accedens altare, gratiam benedictionis accepit incolumis. Et quia priusquam templum ædificaretur, erat super sepulcrum Sancti cellula minutis contexta virgultis, & dedicato templo fuit amota, dignum est ut de ipsius ligni tenuitate magnum aliquid proferamus. Nam sæpe de eo hastulæ factæ parumper auctæ, dolori dentium remedia contulerunt. Hæc audiens CHARIMERUS qui tunc Referendarius CHILDEBERTI Regis habebatur, dum de hoc dolore laboraret, basilicam Sancti expetit, ut sumpturus ex ligno, à virtute Sancti medicinam mereretur accipere. Sed veniens ostium reperit obseratum. Confusus ergo quia virtus beati ubique sit præsens, extracto cultro assulam extulit ab ostio; statimque ut dentes attigit, noxius dolor abscessit. Habetur apud nos & baculus ejus, de quo plerumque infirmi medicamina sunt experti.

XIV. Hactenus extrâ propositum aliorum digressi, nostra quodam postliminio reposcentes, & quæ cepimus exequamur. Homo quidam ligneis catenarum loris insolubiliter artatus, famola toto orbe gloriosi Confessoris Christi expetit suffragia, securæ libertati se reddi supplex expostulans. Ut ergo sacra ædis limina fide afflatus attigit, repentino fragore uno eodemque momento & cælum intonuit, & homo peroptatæ redditus libertati, stupore attonitus, solo prosternitur. De hinc timore posthabito, pergit levigatis jam artibus ante sacro-sanctum tumulum, laudes Domino, & gratias Confessori referens pro libertate receptâ. Fit cunctis admirationi tam cita & efficax divinæ virtutis operatio, quam Dominus in Sancto suo gloriosè triumphans, ob ejus meritum suis fidelibus dilucidandum, mirabili omnipotentia suæ instinctu mirabiliter patrare dignatus est.

XV. Muliercula quædam annosa supervivens d cadaverisve, cui nomen salutis spem ipse genuinæ

Interficitur  
Sigibertus  
Rex, & in  
eodem Mona-  
sterio tumu-  
latur.

Greg. Turon.  
de glor. Conf.  
c. 91. & hystor.  
Franc. lib. 4.  
cap. 19.

Mulier manu  
debilis cura-  
tur meritis S.  
Medardi.

Dolores den-  
tium mitigan-  
tur.

Dissolvuntur  
catenæ.

d  
Mulieris ma-  
nus arida sa-  
natur.

d *supervivens*] Acherius ita emendat, *supervivens cada-* | *veri*; rectè meâ quidem sententiâ.

nativitatis exortus ademerat, inter præpeditos diversarum calamitatum incommodis promiscui sexus cuneos, ad experta toto orbe beatissimi Sacerdotis præsidia se se raptim conferentes, magnæ fidei devotione subnixi se contulit. Erat enim ei à primis vagitibus manus arida, omni humoris valitudine exhausta, perplexis volæ digitis summo tenus brachio res quasi aliena dependens. Hæc ut se ante memoriam beati Confessoris summis exposuit, astitit protinus per Sancti meritum divinitatis suffragium. Restauratur in eâ, quod vitio naturæ defraudatum fuerat ob peccatum, reparatur membrorum naturalis integritas, & quod minus habuit ex utero, Sancti remittit è tumulo. Revirescit juvenilis manus in senili brachio; & quæ prius stipem ostiatim quæritabat, quia impos laboris extiterat, post docilis nendi facta, cœpit commodius suis jam stipendiis vivere. Itaque sospes effecta gaudet, lætatur, gloriatur, exultat, sanctum magnificat sacerdotem, glorificat, veneratur, adorat, laudes debitas Domino, gratias votivas suo rependens munerario.

XVI. Processu temporum, cum jam locus ipse haberetur insignis, existit quidam WARINBERTUS nomine, aulâ Regiâ frequens, & inter Regis domesticos plurimum valens. Hic post excessum AUBERTI venerabilis viri, qui idem Cœnobium strenuè rexerat, Regiâ præceptione successit; dignitate quidem, ut post patuit, non merito, quâ per aliquot potitur annos: decedente vitâ DAUSIONE Sueffionicæ urbis Episcopo, loco ejus substituitur. Denique nactus Cathedralam Pontificalem, sategit maximâ summâ ne prioris dignitatis priaretur honore; quod licet difficulter, obtinuit tamen. Itaque voti sui compos effectus, cœpit commendatum sibi locum neglectui habere, quia erat plus justo tenax; cœcâque cupidine illectus, redditus atque fiscalia quæ quæ ibidem Domino militabant, accipere soliti erant, suis suorumque usibus malè sibi providus delegabat; immemorque pastoralis officii, suimet curam gerens, creditum sibi gregem negligens, pascua dominicarum ovium lupino dente carpebat. Erat denique in pago Cenomannico rus nobile, tam magnitudine præstans quàm censu, quod SIGBERTUS quondam Rex, cujus supra meminimus, ob amorem beatissimi Medardi quem impensè dilexerat, Monasterio ipsius contulerat, cui ex duabus linguis, latinâ videlicet atque Britannicâ, quoniam eidem genti finitimum erat, nomen ex antiquo Mat-vallis inditum fuit.

Matvallis ergo, id est bona vallis fundus ipse vocatus est: quia, sicut fati sumus, & confinio laticepsitis erat præstans, & censu plurimo ampla marsupia complens. Sed quoniam difficile erat ipsius fundi annuales & uberes fructus devehî posse ad idem Cœnobium, distrahebantur annuatim, & in aliis speciebus quibus vehendi & deferendi facilior cōpia videbatur, eorum pretia expendebantur in melle ac sale, aliisque speciebus; & sic annis singulis plurima claustra onusta ad jamdictum deducebantur Monasterium. Sed ea jamdictus Episcopus ad suum diverti faciebat Episcopium suis usibus expendenda. Hoc compendio mercabatur præsentis vitæ letale mox futurum exitum, & æternæ gehennæ inevitabile detrimentum. Talibus eo instante fraudibus, Dei famuli tristabantur, insistendo precibus continuabant jejunia, illacrymantes ante sepulcrum Sancti profunda trahebant suspiria.

XVII. Igitur quâdam vice dum advenirent solito onerata carpenta, penum Episcopii repletura, contigit Episcopum casu fortuito defuisse. Itaque servi Dei noctâ occasione de ejus absentia, pergunt obviam. plaustra perducunt ad Sancti Basilicam, reponunt in suis promptuariis quæ fuerant allata in plaustris. Veniunt ad notitiam Episcopi quæ fuerant patrata à Clericis. Illico furore accenditur, ignescit irâ, perturbatur mania, minatur se adventurum, & de ipsis se vindicaturum. Interea milites Domini formidantes promissum sibi exitium, concurrunt ad aulam, per triduum Domini implorant clementiam, altaria discooperiunt, pharos extinguunt, universa ostia obstruunt, & per illud triduum nec campanæ in eâ quatiuntur, nec divinæ in publico horæ canuntur. Regreditur ad urbem furibundus Episcopus, compertoque quæ agebantur, effervescebat iteratâ insaniâ, reaccenditur irâ repetitâ, consurgensque maturè transit flumen, accelerat iter ad Monasterium quasi vindictam acturus ex Clero, ignarus properans ad sibi imminentem perniciem. Itaque cum pervenisset invecus furiâ ante Sancti Basilicam, & non solum neminem se præstolantem inveniret, sed & omnia ostia munita cerneret, cœpere sui irreverenter valvas sancti templi concutere, & conclamare ut aperirent. At hi qui intrò habebantur, attentius Sancti flagitabant auxilium. Iterum iterumque qui extrâ erant, pullant januas. Interius remorantes moras nectunt. Quid pluris inmoror? Ipse non jam sacerdos sed hostis sævus, quo plus fervebat insaniâ, eo amplius concutit ostia. Tandem aperiuntur ab uno Aedituo Regiæ: qui mox eadem sacram ingressus, ut vidit Clericum qui ei ingredienti aditum præbuerat, stantem, baculo quem tunc manu gestabat, caput ejus allisit tam validè, ut totus cruentaretur sanguine. At ille ut erat moriens, imprecatus est ex animo, quod mox patuit in facto. Pergit, heu miser! non jam Episcopus, sed vir sanguinarius cothurnoso gressu ante Sancti tumultum cruentis manibus oraturus, sed mox horribiliter moriturus. Nam ut genua ante Sancti tumultum flexit, extemplo per alvi secreta ejus proruperunt vitalia, cujus corpus in cœmeterio ejusdem Cœnobii honore sibi congruo depositum ac sepultum est.

XVIII. Vos, vos, inquam, qui dicimini Pastores, Abbates, Rectoresque Ecclesiarum, vos hæc fabula, non fabula, sed res veraciter gesta respicit, vos instruit, vos admonet. Videte ne abusivè, aut nomine tenus tantum horum nominum dignitatem sortiti sitis. Pascite fideliter commissum vobis gregem. Quid est fideliter? id est, sine fraude. Fraus namque dicitur fracta fides. Nam Anania ac Saphira quia fidem fregerunt, Deoque mentiti sunt, temporali morte plexi sunt. Cavete ne fraudem faciatis sponsæ Christi, id est Ecclesiæ ejus, ne mercenarii ejus, vel quod deformius est, lupi veracius vocemini, & mortem quam Pastores illi, & iste de quo sermo textitur, in corpore pertulerunt; vos in animâ patiamini. Expendite & considerate, si is de quo loquimur aliquos habuerit ante se simili mortis exitu confimiles. Intuemini Judam traditorem, & Arium hæresiarcham considerate, quorum unus humanitatem Christi, alter Divinitatem extinguere nisi, ambo sicut sensu inanes vixerunt, ita quoque ventre vacui perierunt.

Miserè interit Episcopus qui bona Monasterii diripiebat.

c à Clericis] In eum locum sic Acherius scripsit: Sic tum Monachos vocabant, ita passim Greg. Turon. Ut

doctè observavit Hadrianus Valesius in lib. 17. Rerum Franc. pag. 556. Fuit verò in cap. 6 Discept. de Basilic.

# MONITUM.

**S**ANCTI ELIGII Noviomensis Episcopi vitam, nullis immutatis sed primigeniâ phrasi servatâ, prout nimirum eam conscripsit S. Audoënus, si nonnulla, quæ ipsum Audoënum spectant, ab amanuensi addita exceperis, exoptarunt, meque ut eam emitterem frequenter & anxie interpellarunt viri docti, iique amici benè multi. Tandem abhinc XII. annis descriptam è vetusto codice Corbeiensis Bibliothecæ, & ad Conchenfis Monasterii MS. collatam edidi. Eam duos in libros dispartitam voluit Auctor, alter quadraginta capita, octoginta alter complectitur.

Hæc quidem Acherius, quem miramur ita indiligenter in lectione ejus Vitæ versatum esse, ut in eâ interpolatorum audaciam ac temeritatem non deprehenderet. Hæc enim eos tantum latere potest, qui aut nihil ad examen reducant, aut nihil vident. Nos ejus exempla indicavimus aliquot, cum in cap. 32. lib. 1. tum etiam in postremâ notâ; quæ tamen sunt ejusmodi, ut cæteris fidem non derogent, quæ S. Audoëno scriptore videri nobis dignissima ultrò fatemur. In novâ hac editione usi sumus variis lectionibus quas subministravit R. P. D. Edm. Martene, ex codice MS. Monasterii S. Audoëni, annorum fermè quingentorum.

## VITA SANCTI ELIGII EPISCOPI.

INCIPIT PROLOGUS BEATI AUDOËNI

EPISCOPI ROTHOMAGENSIS.

IN VITA S. CONFESSORIS CHRISTI ELIGII NOVIOMENSIS EPISCOPI.

**C**UM Gentiles Poëtæ studeant sua figmenta prolixis pompare stylis, & sæva nefandarum renovent contagia rerum, ac plurima Niliacis tradant mendacia biblis, eorumque vana tantum discurrat gloria, quâ veterum nectunt mendacia; cur nos Christiani salutiferi taceamus miracula Christi, cum possimus sermone vel tenui ædificationis historiam pandere plebi? Præsertim cum Ecclesiasticâ traditione & Apostolicâ admoneamur auctoritate, de Sanctorum gestis seu virtutibus nonnulla commemorare, ut scriptum est: *Memoria Sanctorum cum laudibus.* Et illud: *Laudemus viros gloriosos qui vicerunt regna mundi; ut sit memoria eorum in benedictione, & nomen illorum permaneat in æternum.* Quotiescumque ergo Sanctorum solemnibus anniversario circulo celebramus, aliqua ex eorum gestis ad ædificationem Christianæ plebis convenientia in Christi laudibus recitare debemus: quoniam reverâ Christi muneris est, quidquid in Sanctis ejus laudabile est.

Quia igitur omnium penè miracula Confessorum, & multiplices victoriæ Martyrum, litterarum jam monumentis habentur indita, multique nobilium ex gestis eorum reliquere molem voluminum, nos modo vel exiguum juxta qualitatem ingenii aptare tentavimus librum, in quo de ortu, vitæque cursu, & glorioso obitu sancti & beatissimi Confessoris & Episcopi ELIGII, quem ad plenum experti sumus, adjuvante supernâ gratiâ, explicandum suscepimus. Id etiam ante nos jam factitatum ab aliquibus eruditissimis comperimus, sed quia illi curis obligati sæcularibus, ut & ipsi profitentur, cum festinatione finire sermonem, indignum duximus, ut tam larga bonitas, tamque eximia sanctitas arcto parcoque attenuaretur affatu. Quamvis ergo & nos tantæ reinarrationi minus simus idonei, indignumque videatur tam laudatæ historiæ exiguum pusillumque fieri auctorem; tamen quoniam mihi olim voti est, & fratrum charitas eadem frequenter exposcit, si Dei juverit favor, quæ mihi comperta sunt, quæque ad memoriam Dominus reduxerit, quamquam imperito digeram stylo, non leporem sermonis inquirens, sed Sancti simplicem vitam simplici sermone, ipsius animatus precibus, enarrare tentabo, ejusque vitæ cursum, licet sermone inculto, ingenti tamen amoris obtentu, ferre conabor in publicum; ut cujus est vitæ cum Christo memoria, gloria relatu celebretur in mundo, breveque vitæ spatium æterna memoria compenset in sæculum, atque in hominum ore, dulci commemoratione vivat in terris, qui cum supremis beatè vivit in cælis.

Et si quidem velit quis omnem ejus ordinem vitæ litterarum tradere monumentis, certum est quia tanta sunt quæ & volumen magnum requirant & otium. At ego cum sim, sicut sum professus, imperitus sermone, & cum excellentius sit virum sanctissimum mirari quàm loqui; cum etiam doctissimi quidquid de eo dicere potuissent, minus procul dubio sit quàm meretur; tamen ardore dilectionis plûs in illo quid velim, quam in me quid possim consideravi: nam cum sim debitor decem millium talentorum, vel exiguum meæ rusticitatis reddere debitum conatus sum; culpam scilicet metuens silentii incurrere, si agnita miracula ut piger servus silendo occulerem; ne vel unius talenti creditam quantitatem dum niterer cautiùs custodire, culpâ defossæ pecuniæ non carerem; idcirco optimum fore arbitratus sum, ut pecuniæ commercium quod ab Omnipotente accepi, in laudibus Omnipotentis expenderem, atque id quod ab eodem adeptus sum, indignus eidem conferrem subiectus: unde Lectorem obsecro, ut vilitatem nostri sermonis non usquequa-

Prov. 10. 7.  
Eccli. 44. 1.  
Heb. 11. 33.  
Eccli. 46. 15.



que despiciat, quia et si utcumque eloquenter possit oratio promi, ita stylum placet corrigere, ut nec simplicibus quibusque Grammaticorum sectando fumos displiceat, nec scholasticos etiam nimiam contentos<sup>a</sup> rusticitate offendant, sed perpaucis operata, cunctis prorsus retexat aperta. Nam & Ecclesiasticum dogma, etiam si habeat eloquii venustatem, ita eam dissimulare debet ac fugere, ut non otiosis Philosophorum sectatoribus, sed universo loquatur hominum generi; nec enim opus est divinæ doctrinæ sophisticè aut eloquenter signare sermones, cum scriptum sit: *Qui sophisticè loquitur odibilis est: non enim est data illi à Domino gratia.* Quid enim legentibus nobis diversa Grammaticorum argumenta proficiunt, cum videantur potius subvertere, quam ædificare? Quid, inquam, Pythagoras, Socrates, Plato, & Aristoteles nobis philosophando consulunt? Quid sceleratorum naniæ Poëtarum, Homeri videlicet, Virgilii & Menandri, legentibus conferunt? Quid, inquam, Salustius, Herodotus, & Livius, Gentilium texendo historias, Christianæ profunt familiæ? Quid Lysias, Gracchus, Demosthenes, & Tullius arti oratoriæ insistendo, Christi puris atque præclaris possunt comparari doctrinis? Quid Flacci, Solini, Varronis, Democriti, Plauti, & Ciceronis, aliorumque solertia, quos enumerare supervacaneum puto, nostras juvat utilitates?

His itaque omnibus cum suis vanis studiis omissis, ad simplicem propositæ properemus historiæ seriem. Adest ille Plasmator qui linguas infantium fecit disertas, cujus gratiam nobis adesse supplices optamus, ut ipso annuente Confessoris sui palmam gradatim narrare possimus. Quapropter lectores obsecramus, & per gloriosum Christi adventum obtestamur; ut si quis hæc legens amore captus exemplare voluerit, syllabarum detrimenta summo opere observet, & dudum conscripta exemplaribus rursus conferat corrigenda, ut quæque cum studio & sollicitudine scripta sunt, cum curâ & diligentia transcribantur. Hæc idcirco, quia plerumque videmus nonnulla volumina, & præcipue Sanctorum gesta, ita scriptorum vitio depravata, ut studiosis quibusque non solum lectitare, verum etiam manibus sit contingere fastidium: at nostra hæc si placet oratio, per incolumem statum Catholicæ servetur Ecclesiæ; nam præmium laboris nostri ultima, confido, pensabit dies. Sed ne prolixa præfatio prius fastidium generet, quam lector supercilium historiæ inclinet, licet cum verecundiâ fratribus quidem obedientiam & illi impendo, de quo non dignè loquor, injuriam, sed tribuat veniam: confido enim quod devotione non offendo. Nunc verò hæc primâ in fronte ex ejus vitâ propono.

Ecclesi. 37. 23.

## CAPITULA LIBRI PRIMI.

- I. **D**E præfatiâ S. Eligii & loco nativitatis ejus.
- II. De præfatio quod sensit mater de puero.
- III. De moribus quibus optimis accrescebat.
- IV. Relictâ patriâ Franciam petiit.
- V. Quo ordine ad notitiam Regis pervenit.
- VI. Eidem Rex juramentum extorquere nixus est.
- VII. Quo ordine pœnitentiam gesserit.
- VIII. Divinitus remissionis indicium accepit.
- X. De morte Clotharii; & quantâ familiaritate vir sanctus habitus sit apud Principes.
- X. Quanto studio in Dei timore, & misericordia operibus profecerit.
- XI. Quantum pauperibus & peregrinis præbuerit obsequium.
- XII. Descriptio habitus & forma ejus: & jugitas orationis.
- XIII. Britanniam adiens, pacem cum Principe fecit.
- XIV. Quantâ facilitate apud Regem Dagobertum quidquid poposcisset obtinuerit.
- XV. Quo ordine Monasterium Solemniacense edificavit.
- XVI. Quâ instantiâ regularem disciplinam in eodem Monasterio custodivit.
- XVII. Quo ordine Parisius Ancillarum Dei construxit Monasterium.
- XVIII. Beatorum Pauli & Martialis fundavit Ecclesiam: & de carcere aperto.
- XIX. De incendio Urbis Parisiacæ.
- XX. Quanto studio quotidie in melius vir sanctus profecerit.
- XXI. Quo ardore devotionis Cœnobium peragraverit.
- XXII. Quod pedestri labore ad loca sancta properaverit: & de curâ egenorum.
- XXIII. In natali S. Dionysii claudum sanavit.
- XXIV. Manum aridam jocabiliter sanavit.
- XXV. Ex modico vini plures pauperes potavit.

- XXVI. Contractum in Basilicâ S. Germani sanavit.
- XXVII. Gamappio vico claudum erexit.
- XXVIII. De metallo auri in sinu reperto.
- XXIX. De ceco Parisius illuminato.
- XXX. De Basilicâ vastatâ, & spoliis restitutis.
- XXXI. De homine seminece vita restituto.
- XXXII. Quod multas Sanctorum fabricavit tumbas.
- XXXIII. De morte Dagoberti Regis, & Concilio apud Urbem Romam sub S. Papa Martino.
- XXXIV. De multimodis Martini Papa tormentis, ejusque vitâ per martyrium finitâ.
- XXXV. De Concilio apud Aurelianis Gallia urbem; & heretico à finibus Gallia expulso.
- XXXVI. Quod plures Apostatas vir sanctus astutia suâ deprehendit atque notavit.
- XXXVII. Quantam semper dilectionem erga pauperes habuerit.
- XXXVIII. Quantâ bonitate peregrinos fovit; quantumque in se invicem profecerit.
- XXXIX. Laus ejus prolixius habita.
- XL. Præfatiuncula in calce Libri, sive Epilogus.

Expliciunt Tituli Libri primi.

## INCIPIUNT TITULI LIBRI II.

- I. **D**E heresi simoniacâ Gallias pervagante.
- II. De ordinatione Episcopatus ejus.
- III. Quantâ instantiâ plebem sibi commissam traxit ad viam salutis.
- IV. De laude ejus prolixè descriptâ.
- V. De Cœnobio Noviomo constructo.
- VI. De multis ab eo Sanctorum prolati corporibus: & de inventione mirabili S. Quintini.

a nimiam contentos] Forte contentus, ait Acherius; sed mi-

hi magis placet contextus.

- VII. De inventione S. Piatonis, aliorumque Sanctorum.
- VIII. Quanto labore apud Barbaros desulavit.
- IX. Quā doctrinā in populo polleret; quibus præcipue fiores virtutibus.
- X. In Provincia partes demoniacum liberavit.
- XI. Quomodo in villa Ampuno demoniosam liberavit.
- XII. Cognitam in spiritu causam furti indicavit.
- XIII. Quā demum in institutione semetipsum excoluit.
- XIV. Pœnam revisens Biturigas reos carcere liberavit.
- XV. Quibus monitis exhortans evangelizabat populo.
- XVI. Quā pulchrè exhortationem terminans populo contestabatur.
- XVII. De miraculo vini, ubi vas vacuum, post repletum, invenitur.
- XVIII. Quanta severitas eius verbum comitaretur: & de interitu infasti viri.
- XIX. De potentatu verbi: & de demoniacis liberatis.
- XX. Quod in Basilicā quādam Cursum vel Oblationem interdicti celebrari.
- XXI. Arbuscula nucarii arefacta.
- XXII. Demoniaci ad eius imperium siluerunt.
- XXIII. Famulum à fictā sanavit.
- XXIV. Levitam à lateris dolore absolvit.
- XXV. De Presbytero ab eo excommunicato, & mortuo.
- XXVI. De gratiā prophetia eidem collatā: & de morte Ercenoaldi.
- XXVII. De morte Flavadi ab eo antè prædictā.
- XXVIII. De visione Episcopatus Simplicii.
- XXIX. De visione dispersionis Cœnobii.
- XXX. Cuidam Dei famulo futura prædixit.
- XXXI. Ortum Lotharii Regis olim prædixit; & alia complura.
- XXXII. Quanta moderatione sese vir sanctus dispensabat: & quod populis exemplum daret.
- XXXIII. Obitum suum dudum prædixit.
- XXXIV. Quo ordine de saculo migravit.
- XXXV. Valedictio & oratio ultima, & de miraculo egredientis anime viso.
- XXXVI. Sanguis ex naribus eius fluxit: & corpus eius magno pondere aggravatur.
- XXXVII. Pompa funeris eius, & laus beatitudinis.
- XXXVIII. De virtutibus quibus post obitum claruit.
- XXXIX. Cuidam Cellano apparens miraculum declaravit.
- XL. Cuidam in palatio visus Reginam commovere præcepit.
- XLI. De sepulcro eius sudante.
- XLII. De medicinā ex eodem liquore provisā.
- XLIII. Quidam vinitor super eius morte exultans percussus est.
- XLIV. Quod vineti rei contrā eius Basilicam solvantur.
- XLV. De catenā ante eius sepulcrum ruptā.
- XLVI. De equo viri sancti.
- XLVII. De miraculis in transmigratione corporis eius ostensis.
- XLVIII. De cecis & puellā sanatā.
- XLIX. De miraculo in cecendillo ostenso.
- L. De puero contracto sanato.
- LI. De feminā mutā, & cecā sanatā.
- LII. De aliā puellā similiter mutā ab eo sanatā.
- LIII. De clade Parisius, & vocatione Aurea Albatissa.
- LIV. De portento Garifredo præostenso.
- LV. De puero Ebroini filio sanato.
- LVI. De viro perjurio cuius viscera diffusa sunt.
- LVII. De interitu viri qui agrum Basilica invasit.
- LVIII. Item de alio pejerante mortuo.
- LIX. De homine rabioso sanato.
- LX. De muliere à pustulā sanatā.
- LXI. De interitu filii qui patrem criminabatur.
- LXII. De leproso mundato.
- LXIII. De claudo sanato.
- LXIV. De fure in Basilicā comprehenso.
- LXV. Ubi vir beatus cuidam nimis anxio & auxilium à se poscenti apparuit.
- LXVI. De Monacho à pustulā sanato.
- LXVII. De miraculo Reliquiarum Turonis ostenso.
- LXVIII. Item simillimum Noviomio signum præmonstratum.
- LXIX. De Monacho per amphitalum à mortuo sanato.
- LXX. Item de alio à tertiano typo sanato.
- LXXI. Ubi Clericus quidam Sancti pignora venditans incendio circum allatur.
- LXXII. De ceco & claudo sanatis.
- LXXIII. De Levita sanato.
- LXXIV. De Monacho à dolore pedis sanato.
- LXXV. De miraculis ad lectum eius ostensis.
- LXXVI. De correctione Regis Lotharii; & dolore ab eo sublato.
- LXXVII. Ubi puella perjurans defungitur.
- LXXVIII. De miraculo similiter ad alium eius lectum ostensu.
- LXXIX. De multimodis miraculorum signis quæ quotidie ad eius ostenduntur memoriam.
- LXXX. Alogeticum in calce libri.

## INCIPIT VITA S. ELIGII

### EPISCOPI NOVIOMENSIS.

#### LIBER PRIMUS.

**I**gitur Eligius Lemovicas Galliarum urbe, quæ ab Oceano Britannico ferè ducentorum millium spatio sejungitur, in villā Catalanensē quæ à prædicta urbe sex circiter millibus ad Septentrionalem plagam vergit, oriundus fuit. Est itaque præfata civitas partibus sita Armoricanis in ulteriore Galliā, primæque Aquitaniā, quæ ad plagam respicit Occidentalem, cui contigua est ab Oriente provincia Lugdunensis, Galliaque Belgica: habet etiam ab Eurobæ & Aemidiæ provinciam Narbonensem: à Circio autem ambitur Oceano: porro ab occasu habet Hispanias. In hac ergo regione parentibus ingenuis, atque ex longā prosapiā Christianis, Eligius natus atque altus est: cujus pater Eucherius, mater verò TERRICIA vocitata est. Ipse autem divinā gratiā præsciente congruum sibi ac veluti speculum mentis suæ Eligius nomen accepit. Ergo cum propositum sit de his quæ gessit, imò ea quæ Dominus per eum operari dignatus est, sicut gesta constant, narrare: tamen id quod priusquam nasceretur ad indicium sanctitatis eius ostensum est, quodque magnorum virorum testimonio didici, omittere non debeo.

Cum adhuc vir beatus matris esset alvo inditus,

CAPUT I.  
De prosapiā  
S. Eligii, &  
loco nati-  
vitatē ejus.

b

CAP. II.

b ab Euro ] Sic codex S. Audoeni: prior editio in Euro.

De præfatio  
quod scribit  
mater de pue-  
ro.

CAP. III.  
De moribus  
quibus opti-  
mis accresce-  
bat.

vidit genitrix ejus visionem, quæ hujusmodi habet ordinem. Videbat quasi aquilam valde pulcrum su- præ suum volitantem stratum, ac se tertio inclaman- tem, sibi quid nescio pollicentem: cumque ex reciproca voce evigilasset, perterrita nimis cœpit mi- rari quænam esset hæc visio. Interea venit tempus pa- riendi, & præ magnitudine doloris cœpit mater pe- riclitari: vocaverunt autem quemdam religiosum Presbyterum boni testimonii virum, ut pro eadem orare deberet; qui cum venisset ad eam, quasi pro- phetica mox usurpans verba, ait ad illam: Noli inquit, mater timere, quoniam benedictum par- tum tibi Dominus dignabitur largiri; erit enim vir sanctus ac de gente sua electus, vocabiturque ma- gnus in Ecclesia Christi Sacerdos.

Igitur ELIGIUS nutritus est in fide recta, atque imbutus à parentibus Christianis religione Catho- licâ: exinde igitur pueritiæ annos excedens, ævum adolescentiæ cum industriâ gerebat, & quidquid operis suæ ætati congruum arripuisset, mirâ agilitate perficiebat. Cum ergo videret pater ejus tantum filii ingenium, tradidit eum ad imbuendum honorabili viro, ABBONI vocabulo, fabro aurifici probatissimo, qui eo tempore in urbe Lemovicinâ publicam fisco- lis monetæ officinam gerebat: à quo in brevi hujus officii usu plenissimè doctus, cœpit inter vicinos & propinquos in Domino laudabiliter honorari: gere- bat enim simplicitatem columbæ, ne cuiquam ma- chinaretur dolos; habebat & serpentis astutiam, ne aliorum supplantaretur insidiis; dignum quoque in cunctis habens ingenium, & facile loquebatur & purè. Ecclesiarum etiam conventiculis frequenter in- tererat, quæcumque ibi ex divinis Scripturis recita- bantur, aurem libenter accommodans, avidissimè hauriebat, atque ita in cordis sui memoriam re- condebat, ut etiam cum absens esset, ea quæ didi- cerat meditatione intentissimâ ruminaret.

CAP. IV.  
Relictâ patriâ  
Franciam pe-  
tiit.

Interea post aliquot annos existit quædam causa, divinâ, credo, gubernante providentiâ, ut relictâ patriâ & parentibus Francorum adiret solum, ubi paucis degens diebus factus est notus cuidam Regis Thesaurario, BOBBONI vocabulo, viro honesto & mansueto, cujus se patrocinio committens, sub ejus ditione degebat: strenuè enim ad omne opus se ap- tabat, & omnes cum quibus colloqui potuisset, in suo amore annectebat.

CAP. V.  
Quo ordine  
ad notitiam  
Regis perve-  
nit.

Post aliquod autem temporis intervallum perve- nit ad notitiam CLOTARII Francorum Regis hujus- modi ex causâ. Volebat enim idem Rex sellam ur- banè auro gemmisque fabricare, sed non invenie- batur in ejus Palatio qui hujusmodi opus, sicut mente conceperat, posset opere perficere. Cum sci- ret ergo præfatus Regis Thesaurarius Eligii indu- striam, cœpit eum explorare si quominus opus op- tatum posset perficere, & cum facile id apud eum fieri intellexisset, ingressus ad Principem indicavit ei invenisse se artificem industrium, qui dispositum sine cunctamine aggredieretur ejus operis artificium.\* Tunc Rex mente gratissimâ tradidit ei copiosam auri impensam, sed & ipse nihilominus tradidit Eligio: at ille acceptum opus cum celeritate inchoavit, at- que cum diligentia celeriter consummavit. Denique quod ad unius officii acceperat usum, ita ex eo duo composuit, ut incredibile foret omnia ex eodem pon- dere fieri potuisse: nam absque ullâ fraude, vel unius etiam siliquæ imminutione commissum sibi patravit opus, non cæterorum fraudulentiam sectans, non mordacis limæ fragmina\* culpans, non foci eda-

\* si quominus ] Malo, si quomodo. Infrâ edidimus ex co- dice S. Aud. operis artificium, ubi, opus tantum legebatur, & fragmina, quo loco editum erat fragmen.

cem flammam incusans, sed omnia fideliter com- plens, geminam feliciter meruit felix remuneratio- nem. Opus ergo perfectum desert protinus ad pala- tium, traditque Regi quam donaverat sellam, al- terâ penes se quam gratuito fecerat, reservatâ. Cœ- pit tunc Princeps mirari simul & efferre tantam ope- ris elegantiam, jussitque illic fabro tribuere merce- dem laboris dignam. Tunc Eligius alterâ ex occulto in medio prolata; quod superfluit, inquit, ex auro ne negligens perderem, huic operi aptavi. Confe- stim stupefactus Clotarius, & majori admiratione detentus, sciscitabatur opificem si cuncta ex eodem penso facere potuisset, & cum consequenter juxta id quod fuerat sciscitatus responsum accepisset, in- genium ejus sublimi favore attollens; ex hoc jam, inquit, etiam in maximis credi poteris. Porro hoc fuit initium, necnon & testimonium in palatio Re- gis, honorandi credendique Eligium: ex hoc nempe ad altius confurgens factus est aurifex peritissimus, atque in omni fabricandi arte doctissimus, invenit- que gratiam in oculis Regis, & coram cunctis Op- timatibus ejus, Dominoque juvante roborabatur in fide, & à Rege provocatus crescebat quotidie in melius.

Me igitur præfente nescio quam ob causam, nisi quod facile datur intelligi fidelitatis obtentu, dum apud regem puerulus habitarem, quâdam die Ro- toilo in agro accito Rex Eligio coram Reliquiis San- ctorum præcipiebat ei ut impositione manuum sa- cris pignoriis donaret sacramentum; sed ille divi- num intuitum verens, recusare humiliter omni nitu- tentabat: cumque instantius id facere compelleretur, anxius valde cœpit mox ubertim lacrymas pro- fundere, metuens scilicet Regem offendere, septu- plumque pavens sanctis pignoriis manus imponere. Intuens itaque Rex ejus timorem, simulque mi- rans tantam viri devotionem, desistit eum ultra co- gere, sed magis blandè leniterque demulcens lætissi- mo eum vultu dimisit, pollicens se plus eum ex hoc jam crediturum, quàm si multimoda tunc de- disset juramenta.

Non post longum spatium cum jam Eligius vi- rilem ageret ætatem, cupiens se vas Deo exhibere sanctificatum, ac metuens ne aliqua suum delicta peccata frustrarent<sup>d</sup>, omnia adolescentiæ suæ coram Sacerdote confessus est acta; sicque sibi austeram im- ponens pœnitentiam, cœpit fortiter colluctationi carnis, spiritus fervore resistere, in laboribus scilicet secundum Apostolum, in vigiliis, in jejuniis, in castitate, in patientiâ multâ, atque in charitate non fictâ: proponebat namque sibi adversus præfentes carnis ardores futuri supplicii ignes, ac memoria ardoris gehennæ ardorem excludere luxuriæ. Ora- bat jugiter pro donis cœlestibus, precabatur Deum diebus ac noctibus, illud ex libro Job crebrius re- volvens: Ego, inquit, deprecabor Dominum, & ad Deum ponam eloquium meum: Qui facit magna & inscrutabilia & mirabilia absque numero. Qui ponit humiles in sublime, & mœrentes erigit sospitavit. Ad- niebat sibi saturitatem panis, ut cœlestem posset promereri panem. Ora quidem ejus jejuniis palle- bant, corpus aridum marcescebat, sed mens acrius semper æternæ patriæ amore æstuabat; & unde graviora recordabatur, inde patientius leviora porta- bat: semper enim præfentis vitæ terminum intuens, futuram Dei sententiam ac metuenda judicia for- midabat; sciens scriptum: Beatus homo qui semper est pavidus. Et illud Apostoli: Cum timore & tre-

CAP. VI.  
Eidem Rex  
juramentum  
extorquere  
nitus est.

CAP. VII.  
Quo ordine  
pœnitentiam  
suscipit.

Job 5. 8. & seq.

Prov. 28. 14.  
1. Cor. 7. 15.

<sup>d</sup> peccata frustrarent ] Hic S. And. codex habet, peccata frustra- rent, ex eodem statim edidimus adolescentiæ suæ, ubi legeba- tur ab adolescentiâ suâ.

Job 31. 23.

Psal. 50. 5.

Job 7. 7.

Ibid. 16.

1. Cor. 2. 9.

Malac. 2. 5.

Eccli. 1. 27.

CAP. VIII.  
Divinitus re-  
missionis in-  
diciu acci-  
pit.

more vestram salutem operemini. Necnon & illud Job dictum : *Semper enim quasi tumentes super me fluctus, timui Deum.* Ad Domini sui pedes noctibus jacebat, manibus pectus tundens, genas lacrymis irrigans, moderatoque suspirio oculis ad cœlum levatis, illum semper respiciebat, quem fortasse delinquendo offendisse timebat; ac lacrymabili voce hæc crebrius verba geminabat : *Tibi soli peccavi : miserere mei secundum magnam misericordiam tuam.* Et illud beati Job : *Memento*, inquit, *quia ventus est vita mea.* Et, *Parce mihi, nihil enim sunt dies mei.* Et ex se quodammodo egrediens, illud ante suam pingebat mentem, *Quod nec oculus vidit, nec auris audivit, nec in cor hominis ascendit, quæ præparavit Deus diligentibus se.* Idcirco ista jugiter meditando quanto plus proficiebat, tanto plus humiliabatur; ut quanto plus humiliatus fuisset, tanto amplius proficeret. Cujus quanta fuit mœstitia, tanta fuit & venia; & quantum se humiliter afflixerat, tantum clementer sublimari à Domino meruit. O profunda benignitas Dei! fit velocior venia, quàm offensa! O felix pœnitentia, quæ tam velociter ad se Christi traxit misericordiam! quæque non prius assiduo fletu delictorum flammæ exstinguendo, frequentique jejunio peccatorum virus excludendo destitit, quàm misericordiam quam poscebat à Domino impetraret. De talibus quippe per Malachiam Prophetam Dominus dicit : *Dedi ei timorem, & timuit me; & à facie nominis mei pavebat.* Hinc item scriptum est : *Timor Domini expellit peccatum.* Et rursus : *Qui timet Dominum nihil trepidabit, & non pavebit, quoniam ipse est spes ejus.*

Denique quodam tempore interpellans pleno pectore, fide exigebat, ut si esset accepta Deo ejus pœnitentia, quoquo ei modo dignaretur dare notitiam. Habebat itaque in cubiculo, ubi assidue cubitare solitus erat, multorum pignora Sanctorum in supremis dependentia, sub quorum sacro velamine reclinato in cilicio capite orare consueverat nocte; quo nimirum in loco, cum ex more quâdam nocte in oratione prostratus super cilicium incumberet, somno ingruente oppressus veluti transeundo in momento obdormivit, visumque est ei adstitisse repente quemdam, atque dixisse; Ecce, Eligi, exaudita sunt preces tuæ; indiciaque olim quaesita nunc tibi concessa. Mox ille excitatus odorem hausit gratissimum, sensit etiam ex gerulo Reliquiarum guttas suavissimas super suum lenissimè defluere caput; ex quo nimis attonitus surrexit velociter, & sollicitè conspiciens vidit quasi balsamum distillare de chrisuario & pallio quo erat opertus: tanta quippe fragrantia odoris suavissimi totum illud repleverat cubiculum, ut ipse vix ibi subsistere quivisset. Tunc memor suæ petitionis, nimiumque largitatem bonitatis Dei miratus, altius ingemiscens fidelem retributorem ex imo corde benedicebat Christum, qui nunquam dereliquit sperantes in se. Hoc ergo fuit initium virtutum ejus, imò omnipotentis Dei, per quem omnes omnia possunt. Quod cum vir sanctus sodali suo AUDOENO nomine, cognomento DADONI, quem sicut animam suam diligebat, secretius enarrasset, vicissim ab eo exegit ne usquequo ipse in corpore maneret, eadem cuiquam indicaret. At ille hæc audiens cœpit continuo animo compungi, cœpitque secreta arcanorum ejus vis quædam interni amoris accendere: jamque ex hoc spretis sæculi blandimentis cupiebat ex studio Eligium æmulari ad bonum; accito etiam germano

suo ADONE in consilio communi: erant enim viri inclyti Optimates aulæ, filii scilicet AUTHARI. Hi ergo habito communi consilio cœperunt imitari quæ ab Eligio gerebantur; eratque eis familiare consortium, & cor unum in Domino atque anima una.

Invenit ergo Eligius gratiam coram Deo, & coram Regibus Francorum, & ferebatur ei<sup>e</sup> ab omnibus testimonium in tantum, ut copiosam molem argenti & auri vel gemmarum absque ullâ pensâ à Rege acciperet: crescebatque ei honor cum magno favore de die in diem, & omni ex parte probatus vernabat, in aulâ devotus. Mortuo interea CLOTARIO Rege Francorum, DAGOBERTUS filius ejus Monarchiam Regni solus obtinuit, à quo Eligius tantâ familiaritate habitus est, ut plurimorum ejus felicitas ingens gigneret odium. Siquidem oderant eum pravi quique, quoniam magnopere oderat ipse superbiam, diligebat veritatem, & cum esset strenuus jugis ei erat contrâ eorum vesaniam pugna, perpetuumque certamen: sed planè illum boni omnes admirabantur & diligebant, quia noverant Catholicam hominis scientiam, ac patriæ cœlesti mentem jugiter intentam, semperque actibus bonis præparatam<sup>f</sup>. Sectabatur itaque jugiter charitatem, mansuetudinem, & longanimitatem, diligebat Deum ex toto corde, & ex totâ animâ, atque ex totâ virtute: erat quoque tranquillus moribus, & serenus aspectu, gerebat vultum planum, moderatam speciem, ornatum aspectum, quietum sensum, animum lætum, humilem sapientiam, semper opera bona factis amplius quàm verbis ostendebat. Corpus fame castigans, jejunium potius quàm epulas amans; dolentem consolans, spem suam Deo committens, orationi frequenter incumbens, nihilque amoris Christi præponens, quod credebatur docens, quod docebat imitans: semper enim ante oculos ejus dies ultimus versabatur, semperque mens ejus præcepta cœlestia meditabatur: orabat autem frequenter, quia didicerat quoddam oportet sine cessatione Dominum rogare: satagebat magnopere ne secundus cuiquam in operibus bonis inveniretur. Erat etiam erga famulos Dei valde humanus atque benignus: charitatem verò super omnia & ipse diligebat, & omnibus servare mandabat; existerat utique in cunctis calibus firmus, omniaque adversa patienter ferebat; pericula aliena in se pertimescebat, aliorumque casus suos esse laqueos judicabat. Finem quoque vitæ sollicitè semper considerabat, metuens ne se tamquam fur hora illa inermem comprehenderet. Cum opere etiam lectioni vacabat, sciens quoddam lectione sensus augetur & intellectus tribuitur; & quoddam lectio docet quid caveatur. Erat verò erga omnes humilis nimiumque in humilitate fundatus; nulli se præponens, nulli superiorem se deputans: sciens & illud: Quia si quis perfectâ contentus fuerit humilitate, habebit ex illâ gloriam, & quanto quis humilior fuerit, tanto eum altitudo gloriæ sequetur.

Habebat enim temperamentum in prosperis, patientiam in adversis, mentemque nec gaudio nec mœrore à Christi unquam amore revocabat. Irascentem quoque patientiâ deliniebat, & blandimento iracundiam furentis temperabat, ac sic alienam miseriam tamquam suam lugebat; eratque ei in ingressu simplicitas, in motu puritas, in gestu gravitas, in incessu honestas, in jejunio hilaritas; animus enim ejus in modestissimo corporis habitu apparebat: erat etiam parcus in sermone, blandusque in

CAP. IX.

c

De morte Clotharii; &amp; quantâ familiaritate habitus sit apud Principes.

f

e ferebatur ei] Sic laudatus S. Aud. codex. Editi ferebatur ejus.  
f præparatam] Quæ sequuntur cum in hoc capite, tum

etiam in proximo usque ad illa verba, *Id etiam & in peregrinos*, &c. non leguntur in codice S. Audoeni.

1. Cor. 9. 27.

eloquio, tristem imoque dolentem dulci consolabatur affatu. Hoc proferebat ex labiis quod mentem edificaret audientis; fiebatque ejus sermo expectationi Ecclesiæ utilis; nihil enim ex omnibus quæ egisset bonis, meritis suis tribuebat, nihilque in viribus suis unquam præsumebat, sed omne opus suum ad Deum semper conferens, in cunctis actibus ejus auxilium implorabat. Bonum quod didicerat docebat, verba tamen operibus præcedebat; sciens quoniam non est laude dignum quod docet quis, nisi dictis facta conjunxerit; sed potius si quod docet & facit, tunc gloriosus habebitur: unde & Apostolus: *Ne cum aliis prædicaverim, ipse reprobus efficiar.* Hostem præterea invisibilem orationibus & precibus repellere jugiter contendebat, pugnans ore non gladio, orationibus non telo, precibus non ferro. Cunctis autem diebus, cunctis horis Dei flagitabat præsidium, ut dignus post mundi luem posset pervenire ad bravium. Res temporales tribuebat egenis, ut pro eisdem mercaretur Paradisi delicias. Devitabat quidem superbiam, amplectebatur humilitatem: Dei semper auxilium rogans, finem jugiter felicem postulans. Quis enim illo tempore humilitatem ejus cernens, non protinus compungeretur? Aut quis amator pecuniæ, ejus humanitatem & parcimoniam, devotionem quoque & studium aspiciens, non confestim admirando obtupesceret? Nam quidquid bonorum in principio arripuit, usque ad finem vitæ nullis negotiis passus est implicari, sed integrum & sanctum propositum servans, in nullo cæptam regulam commutavit: sub habitu enim alterius semper alteri militavit, & quidquid habere potuit in mundo, Christo tradidit ex toto.

CAP. X.  
Quanto studio in Dei timore, & misericordiæ operibus profecerit.

Pollebat itaque magis ac magis in vigiliis, in jejuniis, atque in charitate: fabricabat in usum Regis utensilia quamplurima ex auro & gemmis: sedebat fabricans indefesso, & contra eum THILLE vernaculus ejus, ex genere Saxonico, qui Magistri sequens vestigia, & ipse postmodum venerabilem vitam duxit. Sedens ergo ELIGIUS ad opus prædictum, codicem sibi met præ oculis præparabat apertum, ut quoquo genere laborans divinum perciperet mandatum: sic igitur duplum gerens officium, manus usibus hominum, mentem usui mancipabat divino. Fragrabat ejus ubique fama, in tantum, ut si qui ex Romanâ, vel Italicâ, aut Gothicâ, vel qualicumque provinciâ legationis fœdere, aut aliâ quâcumque ex causâ Palatium Regis Francorum adire pararent, non prius Regi occurrerent, quam Eligium aggredierentur, vel juvamen alimoniam ab eo poscentes, vel certè consilium salubre quærentes; confluebantque ad eum undique viri religiosi, advenæ quoque & Monachi, & quidquid militare poterat aut eis in eleemosynam dabat, aut certè captivorum in pretia distrahebat; habebat enim maximum in hujusmodi opere studium. Sanè ubicumque venundandum intellexisset mancipium, magnâ cum misericordiâ & festinatione occurrens, mox dato pretio liberabat captivum; interdum etiam usque ad viginti & triginta, seu & quinquaginta numero simul à captivitate redimebat; nonnunquam verò agmen integrum, & usque ad centum animas, cum navi egrederentur, utriusque sexûs, ex diversis gentibus venientes pariter liberabat, Romanorum scilicet, Gallorum, atque Britannorum, necnon & Maurorum, sed præcipuè ex genere Saxonorum, qui abundè eo tempore veluti greges à sedibus propriis evulsi in diversa distrahebantur: quod si contigisset ut copiosus venditorum numerus mensuram pretii excederet, cunctis præter corpus proprium

quæ habere poterat, usque ad cingulum & amphibolum, necnon & victum necessarium, sed & usque ad calceamenta se expoliabat, tantummodo ut captivis subveniret.

Id etiam & in peregrinos Christi sæpissimè faciebat. O quoties debitor esse voluit, ut debitoribus subveniret? Quoties brachile aureum, pugnâ quoque auro gemmisque comptam sibi surripuit, tantum ut miseris succurreret? Ut autem breviter comprehendam, tantam captivorum multitudinem per succedentia temporum spatia à duro dominorum absolvit jugo, tantasque eleemosynas diverso hominum generi utriusque sexûs, diversis Ecclesiis ac Monasteriis distribuit, ut nullus ea orator quamvis eloquens ad plenum narrare sufficiat: redemptos enim captivos protinus coram Rege statuens, jactatis ante eum denariis chartas eis libertatis tribuebat; deinde trinam ipsis optionis proponebat electionem, id est, ut si qui velint jam liberi ad propriam remeare patriam, ipse eis in quantum suppetebat, præberet subsidium; si qui autem cum ipso velint permanere, libens valde accommodabat assensum, ita dumtaxat non jam ut servi, sed potius ut fratres cum eodem degerent; porro si quibus suadere poterat ut venerabilem Monachorum vitam arripientes claustra Cœnobii expeterent, hos tamquam dominos insigniter honorans, vestimenta etiam & quæque erant necessaria tribuens, illi cœd Archisteriis cum exultatione destinans, cum grandidmum sollicitudine eorum gerebat curam. Habebat præterea secum plures vernaculos in suo contubernio degentes, sibi que necessariò jugiter obtemperantes, de quibus erat BAUDERICUS ejusdem liber comprovincialis, qui in omnibus honestè valde ejus curam gerebat. Erat etiam TITVENUS genere Suevus, fidelis cubicularius laicus, qui postea ad mercedis cumulum pervenit interemptus; necnon & BUCHINUS ex gentili conversus, qui & ipse postea venerabilis exstitit, ac Ferrariensii Cœnobio præfuit. ANDREAS quoque & MARTINUS atque JOANNIS, qui eo etiam procurante ad Clericatum pervenire meruerunt: sed & alii quamplures quos enumerare perlongum est, qui die noctuque in ejus camerâ cum omni studio solemniter canonicum adimplere studebant cursum.

Multitudo præterea pauperum, sicut apes ad alvearium, undique quotidie ad eum confluebant, in tantum ut si quis ignotus aut peregrinus ELIGI inquirens domicilium, cum ex eo interrogaret quempiam, id ab eo reciperet responsum: Vade, inquiring, illam in plagam, & ubi pauperum cætus conspexeris, illic utique & Eligium reperies: sicut enim, ut dictum est, apes circumdant favum, ita assidue turbis pauperum constipatus incedebat ELIGIUS, quibus aut per se, aut per famulum alimoniam pariter & eleemosynam tribuens, benignissimè quotidie refovebat: habebat enim & loculos ubi aurum distribuendum secum jugiter portare consueverat, ne sicubi pauperem fortuito obviasset, dilatio vel parva porrigendi intercederet: cui quot pauperes obviant, tot sportella vicibus pervulsa (ut simpliciter dixerim) trita, imòque polita de beato digito videbatur. Quid plura? Quidquid habuit, excepto tegumento & victu, totum egenis & Monasteriis disperit; sciens Apostoli esse præceptum: *Habentes victum & vestimentum, his contenti simus;* Et, *Qui volunt divites fieri in hoc mundo incidunt in tentationem, & laqueum diaboli, & desideria multa & inutilia, & nociva, quæ mergunt hominem in interitum & perditionem.* Nam cum vespertinis

CAP. XI.  
Quantum pauperibus & peregrinis præbuerit obsequium.

1. Tim. 6. 8.  
Ibid. 9.

g si quibus] Codex S. Aud. si quos.  
Tom. II.

L 2



horis sæpe post biduum, nonnunquam verò post triduum, paratum accederet sumere cibum, destinatis in diversa famulis, omnes quos invenire potuissent egenos, & peregrinos, seu mendicos, ac languidos, sibi met adduci præcipiebat: hoc etiam cunctis diebus (exceptis his quibus & ipse reficiebatur) faciebat; raro enim aut certè nunquam contingebat, ut cum eo pauperes minimè convivarentur, quibus adductis ipse propriè famulorum interceptans officium, eorum necessitatibus alacriter valde inferviebat, avellens ab humeris sarcinas, deterfa<sup>h</sup> mantilibus levigans, aquam manibus fundens, merumque scypho refundens, ipse bibere porrigens, buccellam ipse præbens, omnes postremò in ordine faciens mensæ discumbere, ipse panem frangens, cibum iisdemque inferens; postremò his peractis omnium fame relecta, sic ipse aut ante eos itans, aus certè ad cornu cartibulæ vili sellulâ utens, valde exiguum, atque ex comedentium sumebat fragmine cibum; plerumque enim egenis ad mensam juxta morem vocatis, cum & ipsi esset congrua hora cibum sumere, mensâ allatâ necnon compositâ, manibus etiam lotis, ne unus quidem supererat qui illic invitatis apponi debuisset panis, omnibus ut sæpe contingebat, eadem die usque ad victum, aut in eleemolynis reductis, aut in pretia captivorum absumptis: sed cum quidam ex famulis circumstantibus hæc sæpius videntes irriderent, nonnulli etiam humiliter inopiam compaterentur, universos simul vir beatus coercens, atque refovens, aiebat; Quid molesti estis modicæ fidei? numquid qui Heliam & Joannem in deserto pavit, nobis modo in medio cœtu suum fraudabit beneficium? Credo, inquit, in Creatorem meum, quoniam etsi nos non mereamur, hi tamen pauperes Christi refocillati hodie ipsius dono ab hoc recedent tabernaculo. Nec mora, aliquando priusquam verba compleret, pulsabant viri vestibulū domus, panes, cæteraque necessaria affluenter deferentes, quos aut Rex, ut sæpe consueverat, aut dives quidam, aut devota mittebat persona: omnes enim jam compertum habebant & quibus Eligius indigeret, & quibus sui juris substantiam dispergeret: undecumque ergo veniret, Eligii tamen fides eum nunquam fessit, quoniam veraciter dicit Scriptura: *Quia hilarem datorem diligit Deus*. Et hoc sanè non transitorie, aut ad momentum fecit, sed omni penè vitæ suæ tempore id agens, tale Galliæ exemplum reliquit. Sed dum vidi hominem, cur etiam non & formulam ejus depingam?

1. Cor. 9. 7.

CAP. XII.  
Descriptio  
habitus &  
formæ ejus:  
& jugitas  
orationis.

Erat enim staturâ prolixus, & facie rubicundus; gerebat caesariem formosam, & crinem quoque circillatum, manus habebat honestas & digitos longos, Angelicum vultum, simplicem & prudentem visum: utebatur quidem in primordio auro & gemmis in habitu, habebat quoque zonas ex auro & gemmis comptas, necnon & bursas eleganter gemmatas; lineas verò metallo rutilas, oraque sarcarum auro opertas, cuncta quidem vestimenta pretiosissima, nonnulla etiam holoserica; sed his omnibus ad ostentationem fugiendam primo tempore utebatur in palam, intrinsecus verò ad carnem cilicium gestabat ex consuetudine; postea verò, cum ad altius profecit, cuncta ornamenta in egentium necessitatibus consumpsit. Videres plerumque ire funiculo cinctum; vilibus vestibus tectum, quem videbas dudum radiantis auri & gemmarum mole opertum; nonnunquam verò cum videret eum Rex ob devotionem amoremque Christi exspoliatum, surripiebat

sibi ipsi dabat ei proprium & indumentum & cingulum; dicebat enim non esse dignum hos qui sæculo militarent incedere inauratos<sup>1</sup>, & hos qui ob Christum cuncta sibi auferrent esse inglorios.

Idemque apud regem habitans habebat mansionem assidue subjunctam cum DADONE; sicut enim animam suam, ita diligebat illum, de cujus quidem exemplis multa sumimus, quæ nec à longè utique narrare sufficimus. Habebat itaque in cubiculo suo multa Sanctorum dependentia pignora, necnon & sacros libros in gyro per axem plurimos, quos post psalmodiam & orationem revolvens, & quasi apud prudentissima diversos ex diversis flores legens, in alvearium sui pectoris optima quæque recondebant. Erat ei consuetudo in noctibus cilicium ante lectulum sternere, seque aut à primo crepusculo, aut post paululum quietis citissime lectulo excutens, super illud submisso capite prostratum orare, sicque plerumque noctem totam excubiis insistendo cum lacrymis ducere: grandis enim ei attributa erat gratia lacrymarum; nam diversis modis, in quantum humana permittere poterat natura, jugiter insistebat, ut omne noctis spatium in Dei consumeret servitium; cum enim prolixè oraret, pro quodam levamine intermittens orationem, psalmos concinebat ex ordine, quibus longè cantatis ad lectionem illicè accedebat; dumque sacra verba percurreret, videres repente suppliciter oculos ad cælum levare, suspiria suspiriis jungere, fletum lectioni miscere, singultibus pectus quatere, atque ora lacrymis uberrimè perfundere, & cum plerumque inter ipsa divina verba somno vehementer ingruente gravaretur, ex ipsis quodammodo lectionis verbis etiam per somnum meditabatur: cumque subito excitus lectionem expleret, rursus se secundum morem conferebat ad orationem, in quo opere tantum silentio studebat, nusquam caput reflectens, nihilque aliud intendens, ut vix halitum spiraminis ejus quisquam audire posset. Sanè frequenter diversis ex causis & noctu & maturius in Regis cameram vocatus nullatenus pergebat, etiam si missi assequerentur missos, priusquam suum propositum in Christi compleret obsequium: egrediens enim domo, orationis & crucis muniebatur signo, regrediens verò domum, oratio occurrebat ei priusquam sessio. Taliter nempe agebat cunctis diebus vitæ suæ, & his exercitiis ad æternam patriam jugiter anhelabat. Erat itaque omnino affabilis atque subtilis, corde pius, & animo etiam ad belligerandum fortis.

Denique aliquando rogatus à Rege legatione fungi partibus Britanniae, nihil ille cunctatus perrexit tam ocius, quam Christi charitate securus. Quo cum pervenisset Britannorum Principem adiit, causas pacti indicavit, pacis obsidem recepit; & cum nonnulli jurgia eos vel bella mutuo sibi indicere æstimarent, tantâ præfatum Principem benignitate & mansuetudine ac lenitate attraxit, ut etiam secum eum adducere facillè suaderet. Commoratus ergo ibidem aliquamdiu, rediens demùm perduxit secum Regem cum multo exercitu generis sui, eumque Criolo in villâ Regi Francorum præsentans, pacificè confederavit; qui copiosa munera intulit, sed uberius muneratus ad propria rediit. Sed quis plenè sufficiat enarrare quantas in eodem itinere eleemosynas Eligius fecerit? nam præter aurum catearumque opes quas distribuit, etiam suum cingulum aureum elegantissimè aptatum, pauperibus ac necessitatibus patientibus dispersit; ut aptè ei Psalmistæ

CAP. XIII.  
Britanniam  
adiit, pacem  
cum Principe  
fecit.

<sup>h</sup> deterfa ] Acherius conjicit *dorsa mantilibus levians*, quod non displicet.

<sup>i</sup> inauratos ] Sic emendavi ex conjecturâ, nam editum

erat *inornatos*; & Acherius, cui hæc lectio displicebat non immerito, addiderat in orâ libri, fortè *ornatos*.

Psal. III. 8.

1. Tim. 6. 3.

CAP. XIV.  
Apud Regem  
Dagobertum  
quidquid po-  
poscisset, ob-  
tinebat.

CAP. XV.  
Quo ordine  
Monasterium  
Solemniacen-  
se edificavit.

vox posset congruere: *Dispersit, dedit pauperibus; iustitia ejus manet in seculum seculi.* Semper enim ubicumque pergeret, sententiam Apostoli meditabatur, dicentis: *Habentes victum & vestitum, his contenti sumus: Nam qui volunt divites fieri, incidunt in tentationem & laqueum diaboli.* Et hæc jugiter considerans faciebat sibi amicos de mammona iniquitatis, qui se reciperent in æterna tabernacula: atque ita satagebat, ut cum hæc omnia faceret, ostentationem penitus fugeret, ne in hoc sæculo laudes humanas suo pro opere reciperet: nam nunquam pro excellentiâ suâ est elatus<sup>1</sup> in superbiam, nunquam servos suos obductâ fronte contempsit; sed cunctis ipse amabilis, Principes diligebat ut fratres, venerabatur ut dominos, eorum etiam ministros, ac universum Palatii ordinem, quo regalis frequentatur ambitio, concordissimo sibi charitatis conglutinaverat vinculo.

Porro Rex DAGOBERTUS torrens, pulcher, & inclytus, ita ut nullus ei similis fuerit in cunctis retrò Francorum Regibus, in tantum diligebat eum, ut frequenter catervis Principum, Optimatum quoque, & Ducum atque Episcoporum se subtrahens, Eligii secreta peteret conciliabula: nam quidquid eidem Eligius postulasset, absque ullâ dilatione impetrabat, quidquid verò adipisci potuisset, in elemosynas egentium, in pretia captivorum, in remedia debiliū expendebat, unde & ipse Princeps libentissimè præstabat quod sciebat non uni sed pluribus prodelle.

Denique inter cætera expetivit ab eo villam quamdam in rure Lemovicino cognominante Solemniaco, dicens: Hanc mihi, Domine mi Rex, Serenitas tua concedat, quo possim ibi & mihi & tibi scalam construere, per quam mereamur ad cœlestia regna uterque conscendere. Quam ejus petitionem libenter Rex sicut solebat annuit, & quod poposcerat sine morâ dato præcepto concessit. Erat enim tempus quo census publicus ex eodem pago Regis thesauro exigebatur inferendus, sed cum omnis census in unum collectus Regi pararetur ferendus, ac vellet Domesticus<sup>m</sup> simul & monetarius adhuc aurum ipsum fornacis coctione purgare, ut juxta ritum, purissimum ac rutilum aulae Regis præsentaretur metallum: (nesciebant enim prædium esse ELIGIO concessum) toto nisu atque conatu per triduum vel quatrimum labori insistentes, nullâ poterant, Deo id præpediente, arte proficere, usquequo ab ELIGIO præveniens nuncius, opus cœptum interciperet, idque ejus dominio revocaret. Mox ergo ut hoc nunciatum est, cunctis loci illius accolis exultantibus, & opus perfectum est, ejusque ditioni commissum. Quo in loco primum ac potissimum virorum Dei construxit Monasterium: ubi etiam Abbate constituto multos ex suis vernaculis mancipavit, plures quoque ex diversis provinciis, usque ad centenarium, quem quinquagenarius supergreditur nu-

merus, Monachos congregavit, redditus etiam terræ qui affluenter sufficere possent, delegavit. Ipse verò tantâ se devotione, tantoque amore eodem loco diffudit, ut quidquid habere potuisset, ut quidquid Regi auferre, quidquid digne comparare, quidquid etiam gratuito ei à potentibus largitum esset, cuncta prædicto loco destinaret. Videres plaustra vehere onera copiosa, vascula utique usibus necessaria, ærea simul & lignea: vestimenta etiam lectuaria ac linteamina mensalia, necnon & volumina sacrarum Scripturarum quamplurima, sed & omnia quæ erant Monasterii usibus necessaria, in tantum ut pravi quique ingenti ex hoc succenderentur invidiâ: cogitabat enim & ipse demum eodem se mancipare Monasterio, nisi eum alio in loco Dei obligasset dispensatio.

Quo in loco ipse quoque accessi, & tantam sacræ regulæ observantiam vidi, ut penè singularis sit vita eisdem Monachis præ cæteris Galliæ Monasteriis. Est autem Congregatio nunc magna diversis gratiarum floribus ornata: habentur ibi & artifices plurimi diversarum artium periti, qui Christi timore perfecti semper ad obedientiam sunt parati. Nullus ibi quidquam proprium vendicat, sed, ut in Actibus legitur Apostolorum, sunt omnino omnia omnibus communia. Qui locus tam fertilis, tamque jucundus existit, ut cum quis ibidem diverterit, inter pomorum nemora & hortorum amœnitate virentia in hæc ei libeat protinus prorumpere verba: *Quam bona domus tua Jacob, & quam pulcra tabernacula tua Israël!* tamquam nemora obumbrantia, & tamquam cedri juxta aquas, & quasi paradisus super flumen: de talibus nempe per Salomonem dicitur: *Habitacula justorum benedicuntur.* Est autem idem Cœnobium haud procul à Lemovicâ urbe situm, sex circiter millibus ad plagam distans meridianam: ambitur verò sphærico muro, non quidem lapideo; sed fossatum sepe<sup>n</sup> munitum, decem ferè stadiorum habens spatium in circuitu, ex uno quidem latere munitur optimo flumine, super quem mons excelsus sylvâ opertus, ac prærupta valde eminet rupes: omne autem spatium Monasterii arbuta diversi generis pomifera occupant: sicque illic segnis animus recreatur, ac si partem amœnitatis paradisi se occupasse gratuletur.

Isto igitur Cœnobio in omni opere perfecto, omni-que ex parte cum solertiâ stabilito, cogitabat Parisius in urbe fabricare xenodochium; sed excellētiore consilio, Deo inspirante, concepto, cœpit intrâ domum suam, quam in eadem urbe ex munere Regis perceperat, Virginum Christi ædificare domicilium: in quo opere diu multumque instantissimè desudans, dignum tandem sanctarum Virginum construxit Archisterium, ubi districtam Regulæ disciplinam constituens, usque ad trecentarum numerum puellarum ex diversis gentibus, tam ex ancillis suis, quam ex nobilibus Franciæ matronis congregavit;

<sup>1</sup> elatus ] Ita legitur in codice S. Aud. prior editio, *inflatus*.

<sup>m</sup> Domesticus ] Qui regias pecunias in urâquâque hujus regni provinciâ colligebat, & in regium thesaurum deferri curabat, Dagoberti ætate Domesticum esse dictum ex hoc loco apparet. Quod nomen Franci à Constantinopolitanis mutuati erant, ut ex Leonis Tacticiis conjicere licet. Nam cum Imperator ille cæterorum officiorum publicorum in singulis Thematibus nomina & munia descripsisset: & à Protonotario res politicas administrari, Chartularium militibus describendis & inquirendis esse intentum; Prætores litibus judicandis operam dare monuisset, quod fuerit Domesticus munus sicut, ex quo mihi non improbabilius concludi posse videtur, Domesticum fuisse eum qui publicum ærarium administrabat. Locum ipsum exhibere juvat, quod nec à Meursio sit intellectus, & eorum qui

Tom. II.

de Thematibus scripserunt, diligentiam fugerit. Ita igitur se habet §. 30. & 31. Εἰς τὴν τῶν Στρατηγῶν ἀποστολὴν εἰς τοὺς ἀρχοντας διαγινώσκων, οὗτοι τῶν Κομιστῶν τῶν Κορπῶν αὐτοῦ, καὶ τῶν τῶν θεματικῶν δομῆστικων, καὶ εἰς τοὺς λοιπὸν... Οὗτος ὁ ἀρχηγὸς τοῦ θεματικῶν, καὶ ὁ χαρτυλάριος, ποσὶν δὲ καὶ ὁ στρατηγὸς, ὡς καὶ ὁ τῶν θεματικῶν διχάζων· ὁ μὲν δὲ πολιτικὸς τῶν διοικητικῶν ἀρχῶν· ὁ δὲ ποσὶν τῶν τῶν στρατῶν χαρτυλάριος, καὶ ἀναγνώστης· ὁ δὲ τῶν δικῶν τῶν δικαστικῶν ἀρχῶν. &c. Porro in Præfati Officio alii sunt Præfati, velut Comes Cohortis ejus, & Domesticus Thematibus, & cæteri... Nam quod ad Protonotarium Thematibus, & Chartularium, & Prætores, siue Thematibus Judicem pertinet, primus res politicas administrat: alter exercitus describendo & legendo militi operam navat, tertius lites privatorum audit. Quos, &c.

<sup>n</sup> fossatum sepe ] Ita codex S. Aud. Prior editio *fossato sepi*.

CAP. XVI.  
Quâ instantiâ  
regularem disci-  
plinam in  
codem Mona-  
sterio custo-  
divit.

Num. 24. 5.

Prov. 3. 33.

CAP. XVII.  
Quo ordine  
Parisius An-  
cillarum Dei  
construxit  
Monasterium.

quibus & Abbatissam Deo dignam puellam, nomine AUREAM, filiam scilicet Maurini & Quiriaci, constituit: terræ etiam redditus copiosos delegavit, atque ex integro omne suum illuc studium convertit. Videres & illuc trahere undique veluti utilissimam apem cuncta Monasterio necessaria, vasa simul & vestimenta, necnon & sacra volumina, aliaque quamplurima ornamenta: nam quidquid huic sexui congruè necessarium foret, ut piissimus pater satis solerti in omnibus diligentia ac sollicita curâ providit. Cumque omnis opera, cunctaque domus necessaria in præfato loco expletæ essent atque perfectæ, unum adhuc restabat, vile quidem sed necessarium ædificandum domicilium; & cum non haberet terræ copiam, omnia etiam essent domibus occupata; adjacebat ei ad opus necessarium area quædam fiscalis exigua: præcepit ergo metiri terram, ut sciret quantum esset, & confestim ad Principem perrexit, suggessit aream, & sine morâ obtinuit quod petierat. Cumque reversus locum adiisset, ac lineâ jactatâ amplitudinem habitaculi consideraret, invenit ampliùs quasi pedem in terræ amplitudinem quàm ipse nuntiaverat Regi: ex quo tritis effectus, quippe qui nulli volens mentiri, Regi esset mentitus, relicto protinus opere ad aulam repedit mæstus, & mox ut Principem adiit, solo illicò corruit, mendacium indicavit, aut veniam aut mortem poposcit: sed cum Rex tam parvissimæ rei causam agnovisset, magis in stuporem versus, ejus injuriæ condoluit, moxque ad circumstantium conversus multitudinem, inquit: Ecce quàm præclara & venerabilis Christi fides! Duces mei & domestici spatiosas surripiunt villas, & Christi famulus propter fidem quam habet in Domino, non palmum quidem pallus est celare de humo. Sic ergo clementer Eligio consolato duplicavit donum quod dudum tribuerat pusillum. Ex quo factò liquidò patet quantum vir sanctus mendaciæ culpam pertimuit, qui tam vilissimæ rei conscium sibi piaculum minime reservavit. Talis eum fides ad cælum evehit, hæc illum fidelitas & Deo carum, & hominibus fecit præclarum.

CAP. XVIII.  
BB. Pauli & Martialis fundavit Ecclesias: Et de carcere aperto.

Igitur cuncto opere Monasterii peracto, atque omnibus ædificiis Ancillarum Dei expletis, pro quibus mercedem laboris adeptus est, ædificavit postremò Basilicam in honore S. Pauli Apostoli ad Ancillarum Dei corpora sepelienda, cujus tecta sublimia operuit plumbo cum elegantia; quâ in Basilicâ beatus quoque Quintilianus jacet Abbas humatus. Ædificavit etiam, imoque renovavit Basilicam in honore S. Martialis Lemovicensium Pontificis & Confessoris, quâ utique urbanè stabilitâ, plumbo ejus cooperuit tecta, ubi cum ejusdem Reliquias satis devotus cum magno triumpho magnoque utriusque sexûs comitatu, cum melodiâ Psalmorum ac dulci modulamine antiphonarum, chorus deferret psallentium, miraculum Dominus declaravit memoriâ dignum: ob hoc enim & Eligius eandem viam arripere fecerat cum pignoribus cum potuisset prorsus aliunde pergere rectius. Erat igitur haud procul à tramite claustrum carceris tetri, ubi tenebantur septem viri sive innocui sive noxii, sub tertiâ custodiâ abditi; cum ergo Eligius veluti quondam David ante Arcam exultans atque tripudians, cum Reliquiis & præfato agmine in voce exultationis præteriret, mox ut contrâ ergastulum esse cœperunt, repente gestator pignorum gravi pondere depressus solo restitit fixus; quem cum singuli compellerent gressum quantocius movere, id se posse

nullatenus voce publicâ est confessus: dumque ita stantes singuli obtupescerent eventum rei, cœpit cunctis ° in carcere quasi leve tonitru \* audiri, & statim vis quædam cum magno impetu adveniens totum validè nimis concussit carcerem ab imis. Confestim seris omnibus effractis, nexibusque dissipatis, ostia oblerata patuerunt inclusis; illicò ergo vestigia depressa ferentes pignora levigarunt, & rei carcerem egressi Ecclesiam petierunt. Omnes igitur qui aderant in stuporem versi cœperunt attollere novitatem miraculi, ac merita duorum conjuncta simul Sanctorum, Martialis laudem, Eligii prædicare favorem; cuncti etiam hæc videntes Christo Domino uberes laudes, qui suis operatur in servis, vocibus efferebant continuus.

Post aliqua temporis curricula cœperat urbs Parisiaca sævissimo cremari incendio; nam cum tota penè arderet civitas, usquequaque vis flammæ edacis ferebat glomerantes quâquâ in parte favillas; tunc Eligius mæstus cum videret jam supra suum Monasterium prædictamque Ecclesiam flante vento globos flammarum cum axibus & carbonibus ferri, graviter ingemuit; jam enim invalescente igne in promptu erat ut etiam tegumentum Basilicæ funderetur vi vallantis incendii. Attollens ergo Eligius vocem cum gemitu dixit: O sancte Martialis, cur domui tuæ modo non succurris; certè enim novaris quod si te hodie non curante crematur, nunquam jam ab Eligio in ævum restaurabitur. Confestim igitur affuit Domini gratia, & aliam in partem vento flammam impellente, & Ecclesia, & totum ejus Monasterium remansit incolume.

His itaque transactis jugiter vir sanctus intentus manebat divinis officiis: erat enim in elemosynis largus, in vigiliis sedulus, in oratione devotus, in charitate perfectus, in humilitate profusus, in doctrinâ præcipuus, in sermone paratus, in loquutione cautus, in conversatione sanctissimus, in nullo mundi compede catenatus, in obsequiis servorum Dei succinctus, in redemptione captivorum sollicitus, in egenorum largitione diffusus, in duris passionibus fortis, in bonis operibus hilaris, in tentatione tutissimus, in hospitalitate latissimus; inter opprobria securus, inter odia beneficus, in prosperis etiam & in adversis cælo semper intentus; non enim poterat in eo invenire humani generis inimicus nec quod fraus deciperet, nec quod simulatio fuscaret. Sinceritatem quidem mentis vultus serenitate monstrabat, & pietatem clementissimi cordis ostendebat in lenitate sermonis; nihil quippe ejus animo clementius, nihil illius severitate jocundius, jocunditate nihil severius, nihil risu gravius, nihil prorsus tristitiâ suavius: si pauperem vidisset, sustentabat, si divitem, ad benefaciendum cohortabatur, Deum testem invocans pro ejus se nomine cuncta hæc facere; nemo enim ab eo pauperum vacuus reversus est aliquando, istud jugiter mente replicans quod Dominus in Evangelio dicit: *Beati misericordes: quoniam ipsi misericordiam consequentur.* Necnon & illud: *Sicut aqua exstinguit ignem, ita elemosyna exstinguit peccatum.* Et illud: *Verumtamen date elemosynam, & ecce omnia munda sunt vobis.* Nam sicut de beato Job dicitur, janux ejus omni advenienti patebant, ut & ipse cum Job posset voce liberâ proclamare: *Ostium meum viatori patuit.* Eratque pes claudorum, & oculus cœcorum, orphanorum pater, ac viduarum consolator; quique non carcere clausis, non ægritudine fatigatis, unquam suum, in quantum facultas sup-

CAP. XIX.  
De incendio urbis Parisiacæ.

CAP. XX  
Quanto studio quotidie in melius vir sanctus profecerit.

Mat. 5. 7.

Ecclesi. 3. 33  
Sed aliis verbis: iisdem tamen citatur à plerisque Patribus.  
Luc. 11. 41.  
Job 31. 32.

° cœpit cunctis ] Hic etiam codicem S. Aud. sequimur; tonitruo.  
nam Achierius ediderat *similis*: in eodem codice legitur *levu* ]

peditavit, negavit auxilium, sed omnibus misericorditer consulens, miseris semper praebebat administriculum. Quem enim caecum non suum vocavit heredem, aut quem debilem non ejus sustentavit manus? fores quippe ejus jugiter à miseris obfusa, expeditum ei ad bellum praeparabant solatium: hoc jugiter comitatus incedebat exercitu, in his Christum conspiciens se amplecti gestiebat, atque his indumenta tribuens, Christi sub inopis veste se tegere membra credebatur: hoc certe se reputabat perdere quidquid in eleemosynâ non absumeret, id se tutissimè congaudebat recondere, quod egentium sibi dura necessitas auferret: valde quippe devotus in eorum usibus substantiâ exaggerabat pondus, ut quo pauperior saeculo esset, locupletior Deo fieret; considerabat quidem quia quotidie deesse non potest quod peccetur, ideo nec quotidianâ eleemosynâ non deessent, quibus piâmina tergerentur; & ob hoc cum Domino suo pecuniam dividens, substantiam suam gaudebat sociare cum Christo, faciens eum sibi possessionum terrestrium participem ut & Christus faceret illum sibi regnorum caelestium coheredem. Illi scilicet assignabat facultates, ut ipsi esset custos perpetuus, sciens quod patrimonium Deo creditum nec Respublica eripit, nec fiscus invadit, nec calumnia aliqua forensis evertit; sciens etiam scriptum esse, quod ea benè hereditas reconditur, quae Deo custode servatur. Hujus namque apud suos monita nihil fuerunt aliud, quam magisteria divina, fundamenta scilicet corroboranda fidei, nutrimenta fovenda animae, gubernacula dirigendi itineris, praesidia obtinenda salutis: dignum ergo est, ut eum boni imitentur & diligant, plebs colat, noxii timeant, quem ita divina virtus illustravit, ut sub laicali etiam habitu habuerit à Deo collata dona doctrinamque mellissimam, & Spiritu sancto conditam, de desiderio Christi salutam, de aeternâ semper beatitudine sollicitam, quique sic religiosus exstitit ac timens Deum, ut saeculi oblitus dignitates, omne consortium cum egenis haberet & Monachis.

C A P. XXI.  
Quo ordine  
Cœnobita per-  
graverit.

P

Denique cum & frequenter ad eum Monachi religiosi quique confluerent, nec sic nimirum eorum satiabatur alloquio, sed aliquando etiam nimis sanctae conversationis aestuans desiderio, ipse quoque properabat ad Cœnobita, maximeque Luxovium. P quod erat eo tempore cunctis eminentius atque districtius; neque enim tam crebra erant adhuc in Galliis Monasteria, & sicubi essent, non sub regulari quidem disciplinâ, sed erant prorsus in malitia fermenti veteris saecularia. Praeter Luxovium ergo, quod solum, ut dictum est, districtiorem regulâ solerter tenebat, Solemniacense Monasterium in partibus occiduis hujus religionis exstitit caput, ex quo demum multi sumserunt & initium & exemplum, adeo ut nunc quoque propitiâ divinitate innumera per omnem Franciam & Galliam habeantur sub regulari disciplinâ, alma utriusque sexus Cœnobita. Itaque ut dicere cœperam, quis valeat enarrare cum quantâ Eligius devotione, quantâque humilitate praedictum Monasterium adiens, inter Fratres incederet? Videres eum cum januam ingrederetur Monasterii, dejecto in terram vultu, depressis luminibus, solo capite humi inclinato, toto etiam subtili corpore cum magnâ gravitate inter Fratres incedere, singulisque Monachis se penè terrâ prosternere, atque ab omnibus devotissimè benedictiones haurire, quibus ipse copiosam tribuens eleemosynam, vilissimam pa-

P Luxovium] Sic perspicuè legitur in codice S. Aud. Ache-rius ipse sic legi oportere viderat, sed ediderat ex suo codice Luxovium.

nis tortam ab eis egrediens pro benedictione sibi et vendicabat, quam utique pro magno munere amplectens, diebus singulis quousque durare incorrupta potuisset, eulogias ex eâ veluti sacram communionem jejunos sumebat.

Nam & hanc habebat consuetudinem, ut ubicumque iter ageret, si sciret eadem se nocte vel ad monasterium, vel ad qualemcumque Ecclesiam, sive etiam ad religiosum quempiam virum posse attingere, nullatenus cibum sumeret, etiam si biduanum vel triduanum jejunium expleret, priusquam ad locum destinatum quamvis defessus pertingeret; sed & si nosset venerabilem ad quem pergebat locum esse, ejecto se concitè de equo per tria vel quatuor millia pedestri labore conficiebat iter usquequo ad sancta illa posset attingere limina; cumque ad mansionem ventum esset, priusquam tabernaculum introiret, mittebat pueros fideles qui omnia latè vagantes scrutarentur loca mansionis, & sicubi posset mendicos, aegrotos, vel peregrinos invenire, omnes quos reperissent ad se aut adduci, aut certè deportari jubebat, quibus ipse occurrens, si morbidum videret, medebatur; si putridas habentem carnes, ipse saniem radebat, ut cum Job dicere posset: *Flebam quondam super eum qui afflictus erat; & compatiebatur anima mea pauperi.* Porro si horrentia conspiceret ora, proprio palatum perficans digito, dolorem leniter mulcebat morbidum; sic nimirum omnia cum curâ & diligentia perficiens, componebat cunctos suos sedere per ordines, & priusquam ipse quidquam sumeret ex cibo, omnibus manu propria & escam praebebat & merum, postremò ipse gratias Deo actitans, unâ cum eis sumebat cibum, sed plusquam illi exiguum: denique cum ipsi carnibus uterentur ac vino, is panem pro cibo, & pauxillum aceti cum aquâ mixtum utebatur pro potu: siquidem octo aut decem fluxere anni quibus nusquam vinum hausit in poculo: de carnibus verò melius tacere puto quam aliquid dicere, quandoquidem eas post propositum nec edere passus sit, nec attingere; & cum in praedicto annorum spatio unâ tantum die eum meminerim propter hospitum charitate exigente de volatilibus modicum quid gustasse. Cæterum peractâ refectioe, singulis quorum antea capita laverat & manus, demum ablucens pedes deosculabatur extergens, ac postremò stratis impositis & thoris ipse diligenter ad capita componebat pulvillos q; deinde seipsum spolians indumentis, collocare discubitu simulabat, sed cum cunctos cerneret alto sopore quiescere, adhibitis secum paucis fidissimis famulis, si esset civitas, castrum, vel vicus, omnia orationum loca profundâ jam nocte circuebat penè invisus; & si omnimodis occurrere potuisset ante lucem, ad proprium convertebatur defessus stratum: quod si Ecclesia in loco hospitii non haberetur, completo, ut dictum est, vespere omni officio simulabat se quiescere strato, sed mox ut ejus cubicularii obdormissent, ejectum se à lectulo totum prosternebat in pavimentum, ibique omni noctis spatio transacto cum aurora diei daret initium, iterum se indebat thoro. f Hæc autem agebat ob ostentationem declinandam, illi soli cupiens palam fieri, qui dixit: *Ora Patrem tuum in absconso; & pater tuus qui videt in absconso, reddet tibi.* Sic quippe faciebat Eligius & in itinere & in propria domo; & hic ei perpetuus mos fuit cunctis diebus vitæ suæ. His igitur eum beatis actibus intentum, in tantum divina provexit cle-

C A P. XXII.  
Quod pedestri  
labore ad lo-  
ca sancta pro-  
peravit: Et de  
curâ egeno-  
rum.

Job 30. 32.

q

f

q pulvillos] In codice S. Aud. legitur pulvinaria.  
f se indebat thoro] Idem codex, insidens in thoro.



f  
CAP. XXIII.  
In natali S.  
Dionysii  
claudum sa-  
navit.

mentia, ut adhuc in laico habitu Domino largiente declararet miracula. <sup>f</sup>

Denique quodam tempore cum anniversaria Parisii sancti Dionysii Martyris celebraretur passio, dum vigilia à Clero caneretur in choro, egressus Eligius templo deambulabat in atrio, viditque eminens virum cunctis membris contractum contra Sancti sepulcrum jacere in pavimento. A Deo forte inspiratus, ægri mox adstitit lateri <sup>t</sup>, blandeque eum compellans cœpit ab eo inquirere & tempora claudicationis, & causam suæ ægrotudinis; sciscitans an haberet spem in Christo, si se crederet quandoque sanandum, an etiam crederet se post mortem resurrecturum, & præmia vel pœnas ob meritorum qualitatem recepturum: cumque ille ejus sequutus verba cuncta hæc se credere fateretur, rursus Eligius inquit: Si ergo hæc, ut adstruis, credis, cur hic inaniter jaces? roga magis hunc Sanctum, ut intercedens apud Dominum reddat te protinus sanum. Et cum ille ob id se illic excubare diceret, intuens eum Eligius ait: Et credis quoddam possit hæc Sanctus iste apud Dominum obtinere? At ille cum eadem prosequeretur, dixit iterum Eligius: Si ergo hæc sicut polliceris, credis, promitte modò Deo te deinceps servitutum, & vide ne trepidet fides tua, & absque morâ sanabit te Dominus iste. Illo autem in omnibus fidem dante, fixit genua Eligius super terram, & prolixè oravit, deinde oculos pariter & palmas ad cœlum tendens, Dominum JESUM fide plenus promissionis suæ fideliter admonuit, quâ dicit: *Quidquid credentes petieritis, fiet vobis. Et, Si habueritis fidem, majora horum facietis.* Cumque hæc pleno pectore, fide, ac devotione deposceret, conversus ad ægrum, apprehensâque dexterâ ejus, ait: Si indubitanter credis sicut promittis, in nomine JESU-CHRISTI surge, & sta super pedes tuos. Hæc dicens attraxit eum ad se fortiter, & illic nexibus artuum resolutis elevatus æger stetit, & mox consolidati sunt pedes ejus & membra, & sanatus est ex ipsâ horâ; cui comminans & contestans præcepit Eligius, ut si nollet rursus talia pati, nullum aliud sanitatis verbum cuiquam ediceret, nisi quod Dominus JESUS per sanctum Dionysium eum sanasset.

Marc. 11. 24.  
Matt. 21. 21.

CAP. XXIV.  
Manum aridam  
jocabiliter sanavit.

Quodam iterum tempore cum prætereunte Eligio copiosa pauperum turba eminens consideret, accedens ille ad eos, singulisque propinquans ut solebat, sanctis digitis elemosynam singulis includebat in pugnâ; cumque ad unum ventum esset qui contractam aridamque habebat manum, ipsam non valens extendere, alteram tendebat ad munera: Non hanc, inquit Eligius, sed alteram præbe quantocius: quam cum arefactam ostensurus expelleret; apprehensam ille cœpit Christum corde rogare, dumque ulnam palparet à cubito, protinus ut manum extraxit, illic nervis remissis digitos curvos direxit; sicque oleo allato peruncta, confestim solida sanaque est facta sicut erat & altera; sed cum hæc videntes Eligii adscriberent favori, ille gratiâ humilitatis contentus, cautè satis tentat eadem oculare dicens: Ego putavi ideo illum fingere, ut à me facilius elemosynam posset percipere.

CAP. XXV.  
Ex modico  
vini plures  
pauperes potavit.

Alio præterea tempore cum iter quoddam in proximo carperet, habuit obviam pauperum turbam suâ jam opinione collectam, quibus elemosynâ sicut solebat datâ, voluit insuper siti fatigatis laborem temperare itineris. Cœpit ergo quærere in mi-

nistris quis haberet potum sub sellis, cumque singuli, sicut erat, maxime se habere dicerent, unus tandem reperitur qui parvum cum vino vasculum se habere profiteretur; quod protinus allatum vir sanctus benedixit, & ut pauperibus misceret illic imperavit: sed quid erat tam exigua mensura, id est, quasi tria cotyla, inter tantam pauperum turbam? Cum ergo pincerna paucillum mitteret in scyphum, ut pote cum nec mediis posset sufficere merum, mox increpatus ab Eligio vasculum miscere jussus est plenum, cui cum puer exiguitatem fiasconis obtenderet, statim ille signum Crucis opponens: Eia, inquit, eia, misce crateram plenam: quoniam larga & magna Domini est clementia. Sic ergo factum est, ut ex eadem quantitate & universi largissimum <sup>u</sup> hauserint merum, & exiguitas non defecerit potus, ita ut in illo vase quod vir sanctus signaverat, liquor vini non quidem augetur, sed potius nasci crederetur.

Alio rursus in tempore cum Parisius loca orationum circuiret, veniens ante Basilicam sancti GERMANI Confessoris vidit quemdam claudum carrucâ vectum <sup>x</sup>, querulis se vocibus inclamare: ad quem accedens cum valde misertus ei vellet manus imponere, humilitatis pristinæ recordatus, protinus se ab eo subtraxit, alteri potius quàm sibi favoris gloriam volens tribuere: præcepit tamen ministris ut auferentes ægrum à carrucâ in Ecclesiam deportarent, ac juxta cancellos præfati sancti Germani projicerent: quod cum factum fuisset, ingressus ELIGIUS Basilicam prolixè oravit, monuitque claudum irrevocabiler in fide persistere usquequo eum Dominus sanari juberet: nec mora, post hæc cœpit claudus vociferari, totoque corpore contremiscere; cumque omnes procul adstantes ad spectaculum concurrerent, confestim claudus resolutis nervorum vinculis liber à pavimento surrexit, & ita incolumis ab Ecclesiâ processit: fuerat enim annis novem claudicationis impedimento adstrictus. Tunc Eligius ex intimo corde Christo gratias referens, iter cœptum lætus jam peregit.

CAP. XXVI.  
Contractum  
in Basilicâ S.  
Germani sa-  
navit.

Alio quoque tempore sub laicali adhuc habitu carpebat iter cum pueris suis de villâ regali, quæ vocatur Sterpiniacus: cumque pervenisset Gamapio vico, ingrediens illic Basilicam invenit quemdam pauperem claudum pro foribus jacentem, qui viso Eligio cœpit clamare, alimoniam ab eo, vel aliquam postulans consolationem. Tunc Eligius sciens forte donum sancti Spiritus, accessit ad eum dicens: Rogemus Deum pariter si forte te incolumem reddat: & mox introducens eum in Ecclesiam, præcepit enixè orationi insistere; ipse verò prosternens se in terram diutissimè oravit: deinde paululum se erigens, cum adhuc videret claudum jacere, rursus orationi incubuit, & lacrymabiliter precem fundens tam prolixè oravit, tantasque lacrymas effudit, ut partem pavimenti ubertas lacrymarum humectaret, ac veluti rivulum de torrente in terram efficeret. Tandem roboratus fide crexit se, & cum magnâ fiduciâ ad ægrum accessit, ac manu ejus apprehensâ dixit: In nomine Domini nostri JESU CHRISTI filii Dei excelsi, surge & ambula: & confestim prosequuta est salus verbum hominis Dei, & convaluit æger & surrexit: nam omnes qui aderant, audiebant cum magno stupore juncturas & nervos atque omnia ossa claudi illius cruscire ac solidari. Sanus ergo factus est ex illâ hora, & ambulabat exiliens & bene-

CAP. XXVII.  
Gamapio vi-  
co claudum  
crexit.

[ declararet miracula ] Forte, *inclararet miraculis*, ait Acherius, non malè quidem; sed propius, *declararent miracula*.

[ adstitit lateri ] Codex S. Aud. *astigit latus*.

[ largissimum ] Sic sæpe laudatus S. Aud. codex. Editi,

*largissimos . . . meros.*

[ vectum ] Idem codex S. Aud. sic habet: in priori editione legitur *vehementem*.

[ convaluit ] Hæc lectio codicis S. Aud. magis placuit, quàm illa prioris editionis, *invaluit*.



licens Deum cum omni alacritate; fuerat enim ex multis jam annorum spatiis vinculis artuum adstrictus, atque ex hoc magis occupabat admiratio cunctos, quoddam tam celeris fieri ejus potuisset curatio. Dedit ergo ei eleemosynam vir beatus, & dimisit eum in pace; & ille adorans & glorificans Deum, reversus est in locum suum. Tunc Eligius cepit terribiliter conjurare pueros & cunctos comites suos, ne quousque ipse in corpore maneret rem gestam cuilibet homini indicarent, magnopere metuens ne in virtute facti mens ejus humanis laudibus gravaretur.

Quâdam verò die cum copiosa pauperum multitudo ad eum confluxisset, totum penè quicquid in auro habere poterat eisdem erogavit. Cumque his discedentibus alii adventassent, loculo auri sollicitè per scrutato atque excusso, nihil penitus reperit quod eisdem tribuere deberet; deinde ab uno ex suis familiaribus auri quantitatem susceptam pauperibus dedit; quibus discedentibus, post aliquot horarum spatia ecce superveniunt & alii. Tunc Eligius anterioris horæ minimè recordans, aliàs forte mente intentus, protulit quam priùs scrutatus erat sportellam, & ubi ante nihil repererat, mox ut etiam aperuit, metallum auri inditum reperit, atque pauperibus illicò tribuit: sicque demùm prioris facti admirando recordans, nomen largitoris Christi cum ingenti exultatione glorificavit.

Quâdam iterum die cum Parisius commoraretur, ac necessarîo quemdam locum adire pararet, explorantes egeni per quod iter transiret, paraverunt se cuncti juxta morem in ponte: quo cum Eligius adventasset, singulisque ut solebat sigillatim manibus eleemosynam includeret, devenit inter cæteros ad quemdam cæcum querulis valde vocibus clamitantem; cui cum eleemosynam manu imponere vellet, subtrahens ille manum clamabat virtute quâ poterat: Domine, inquit, Eligi, habe in me pietatem, oculis crucem imprime, quod magis desidero præbe. Tunc ille valde compolite dissimulans ac subridens: Tu, inquit, amice non te nosti signare? Noverat enim vir sanctus jactantiam virtute fugere, in quo non poterat gratia concessa latere: sed cum is eadem ingeminans importunè clamitaret: Tu, inquit, Domine, tu signa. Ille fidem hominis cernens, signum crucis impressit, & o mira Christi potentia! statim signum sanguinis unda sequuta, diu clausas illicò referavit sub fronte fenestras, atque ingrediente die fecit discedere noctem: sicque homo duplo munere recepto, adorans Christum discessit, laudans Eligium.

Alio rursus tempore dum apud Parisius commoraretur, quâdam die mane confugit ad eum tremebundus custos Basilicæ S. Columbæ Virginis, provolutusque pedibus ejus nuntiavit eandem se quiescente nocte vastatam omni ornatu fuisse Basilicam: quod Eligius audiens tristis admodum effectus, citò tamen ad solita spei præsidia recurrens, clementer refovit custodem, deinde ad sanctæ Columbæ oratorium pergens, oratione præmissa, hæc loquebatur verba Audi, inquit, sancta Columba quæ dico: Novit meus Redemptor, nisi citò ornamenta tabernaculi hujus furata reduceris, equidem spinis allatis faciam hanc januam ita obstruere, ut nunquam tibi in hoc loco veneratio præbeatur ab hominibus. Dixit hæc & discessit, & ecce sequenti die custos maturius surgens invenit omnia vela usque ad minimam pallam, sicut priùs fuerant, restituta. Tunc concito cursu quanto pridie truculentior, tanto

nunc lætior nuntiavit Eligio; atque ille accedens, omniaque sicut dudum fuerant, suis in locis composita cernens, Martyrem quidem laudavit, sed Christi Domini nomen sicut & semper uberius cum hilaritate magnificavit.

Inter cætera autem infinita bonorum suorum opera, etiam hoc apud Regem obtinuerat, ut omnia humana corpora quæ vel Regis severitate, vel Judicium censurâ divertis ex causis per multimoda argumenta perimebantur, ubicumque invenire potuisset sive per civitates sive per villas licentiam haberet & de bargis, & ex rotis, & de laqueis sepelire deposita. Delegavit ergo ex comitibus suis vespelliones, Gallebodem scilicet atque Vincentium cum suis collegis, qui hujusmodi curæ initterent: & ubicumque pergerent sive in proximas urbes, sive in longinquas, jugiter secum sarculos portarent, ut sicubi cadaver invenissent, continuò ipsum humo tegerent. Igitur cum quodam tempore in comitatu Regis Austriæ partes peragrarent, devenerunt ad urbem quamdam, quæ Stratoburgo vocatur; cumque haud procul ab urbe essent, conspicientes eminus vident hominem ipsâ die vitâ laqueo extortâ dependere; ad quem protinus accedentes laqueo deponunt, ut scilicet juxta ritum sepulturæ traderent: sed vir venerabilis sensit forte operandum; & dum sepultura paratur, festinè approprians ipse corpori, cepit eum à summis usque ad ima mulcendo palpare: nec mora, cum jam sentiret adesse animam, compolite valde à se virtutem facti retellens, dixit: O quàm grande scelus! nisi Dominus juvisset, nunc perpetrare poteramus ut corpus hoc humo tegeremus, cum anima ejus in ipso sit: hæc dicens, cunctis mirantibus jussit eum vestimentis operiri & paululum repaulari<sup>2</sup>: deinde recreato spiritu vir ille surrexit à terrâ, ut pote nullam passus injuriam. Quod factum cum in urbem percrebuisset, mox currentes ejusdem insectatores importunè eum iterum rapere, ac morti tradere conabantur; quem Eligius vix eorum manibus ereptum Regi pro eo suggessit, chartamque ei securitariam apud Regem impetravit, atque ita eum defendit. Qui non post longum spatium ita se subtraxit ab ejus contubernio, Eligio fortassis conscio, ne res gesta amplius crebresceret in populo, & ut nusquam ministrorum ejus amplius appareret conspectui. Sed de his ista sufficiant, Deo soli sufficit de his quæ in absconso, vel sub sæculari habitu, vel sub venerabili & Apostolicâ tonsione gesserit, non latere: nunc interim ad ea quæ opere manuum egerit accedam, eaque quanta valeo brevitate percurram.

Hic idem Vir beatus inter cætera bonorum operum insignia, multa Sanctorum auro argentoque & gemmis fabricavit sepulcra, id est, Germani, Severini, Piatonis, Quintini, Lucii<sup>2</sup>, Genovefæ, Columbæ, Maximiani, & Loliani, ac Juliani, adhuc autem & aliorum multorum; sed præcipuè Beati Martini Turonis civitate, DAGOBERTO Rege impensas præbente, miro opificio ex auro & gemmis contextit sepulcrum, necnon & tumulam sancti Brictionis, & aliam ubi corpus B. Mariani dudum jacuerat, urbanè composuit; magnum insuper beneficium eidem Ecclesiæ apud Regem obtinuit: namque pro reverentiâ sancti Confessoris Martini, Eligio rogante, omnem censum, qui de publicæ solvebatur, ad integrum DAGOBERTUS Rex eadem Ecclesiæ indulxit, atque per chartam confirmavit. Adeo autem omne tibi jus fiscalis census Ecclesiæ vindicat, ut usque hodie<sup>3</sup> in eadem urbe per Pontifi-

CAP. XXXI.  
De homine  
seu in ece vitæ  
restituto.

CAPUT  
XXVIII.  
De metallo  
auri in sinu  
repperito.

CAP. XXIX.  
De cæco Pa-  
risius illumi-  
nato.

CAP. XXX.  
De Basilica  
vastata, &  
spoliis resti-  
tutis.

CAP. XXXII.  
Quod sanctas  
fabricavit  
cumbas.

<sup>2</sup> repaulari] Codex S. Aud. repauxare.  
<sup>3</sup> Lucii] Acherius conjicit legi oportere, Luciani.

<sup>b</sup> usque hodie] Sic codex S. Aud. Editi, & usque hodie. Mirum profectò, si hæc & quæ sunt in fine, usque in

cis literas Comes constituatur. Præterea Eligius fabricavit & mausoleum sancti Martyris Dionysii Parisius civitate, & tugurium super ipsum marmoreum miro opere de auro & geminis: cristam quoque & species de fronte magnificè composuit, necnon & axes in circuitu throni altaris \* auro operuit, & posuit in eis poma aurea rotundilia atque gemmata: operuit quoque & lectorium & ostia diligenter de metallo argenti; sed & rectum throni altaris axibus operuit argenteis; fecit quoque & repam in loco anterioris tumuli, & altare extrinsecus ad pedes sancti Martyris fabricavit; tantumque illic, supeditante Rege, suâ exercuit industriâ, atque ita suura diffudit specimen, ut penè singulare sit in Galliis ornamentum, & in magnâ omnium admiratione usque in hodiernum diem.

CAPUT  
XXXIII.  
De morte  
Dagoberti  
Regis: & Con-  
cilio apud ur-  
bem Roman.  
sub Papa  
Martino.

His operibus mirificè perfectis, atque omnibus circumquaque gentibus sedatis, ferocissimis etiam Vaceis ditioni propriæ hostili gladio subactis, mortuus est Rex magnus & inclytus DAGOBERTUS, & sepultus est in eadem sancti Dionysii Basilicâ sub arcu in latere dextro: cui successit in regno filius ejus ætate juvenculus, vocabulo CLODOVEUS. Sub hujus regni principio nefanda hærelis partibus Orientis cœperat pullulare, CONSTANTINO tunc Romani Imperii apicem gubernante; cœperunt ergo præfati<sup>d</sup> hæresiarches nequiter Ecclesiasticam regulam violare, & peregrina quædam à veritate aliena \* docere & prædicare, allèrentes Dominum & Salvatorem nostrum JESUM CHRISTUM minimè habere secundum formam servi, & neque eum ex MARIA veram assumpsisse carnem, prophanis vocibus garriebant; quæ res plurimos in Ecclesiâ conturbabat, & plerosque jam contagium hujus pestiferæ assertionis infecerat, non solum in urbibus quibus morabantur, sed & urbem quæ est caput omnium Romanam paulatim jam eorum pravitas penetrabat. Erat autem eo tempore Romæ Præsul Batissimus Papa MARTINUS, qui sollicitè ac viriliter pro hac causâ invigilans, imoque pugnans, multa probra & adversa ab hæreticis sustinebat; unde tandem permotus, cum & Imperatorem & plures cerneret eorum assertionibus obsecundare, intento satis animo congregavit Concilium Sacerdotum compescendi causâ, imò delendi hujus pravitatem dogmatis: in quo Concilio omnibus Orthodoxis consentientibus edidit contrâ hæreticos fidem magnificè valde atque accuratè, quam etiam cum subjunctâ epistolâ Galliarum partibus destinavit, mandans & obtestans Regi Francorum, ut si essent ejus viri Catholicè eruditi, hos sibi adminiculum ob hæresim comprimendam faceret destinari: ubi tunc Eligius cum sodali libentissimè perrexisset, nisi ei quædam causa impedimenti fuisset.

CAPUT  
XXXIV.  
De multimo-  
dis Martini  
Papæ tormen-  
tis, ejusque  
vitâ per mar-  
tyrium finita.

Sed interim dilatione intercedente inimicus humani generis acrius incitatus, pulsabat fortiter contrâ murum Ecclesiæ per homines perditos, ac turrim validissimam omni oppugnationis genere fatigabat, Martinum sibi, jugiter affligendo, inclinare cupiens Episcopum: sed quamquam impurus spiritus omni nisu pugnaret armatus, tamen resistebat Martinus Christi gratiâ & virtute repletus, ac veluti

li saxum immobile \* unda allideret, ita virili animo dicta respuebat garrientium. Jubebatur ei Imperiali decreto \* fidem Patribus edere contrariam, sed ille cui sacra fides venerabilis erat, abnegabat se posse impia contrâ Deum proferre verba, consultius fore judicans temporalem ponere vitam, tantum ut ei conscientia fidei duraret illæsa. Novimus quemdam Fratrem à partibus Orientis venientem, qui ea quæ narro se coram posito gesta esse testabatur. Igitur cum nullo suasionis genere Martinus à Catholicâ reflecteretur fide, multiplicibus injuriis affectus, diuque coram populo flagellatus, demum revinctis post tergum manibus velut electus aries, cunctâ urbe lamentante exilio truditur; sicque Constantinopolim perductus, ibique exilio relegatus, solâ illic oratione meruit cæco lumina reddere; ubi exulans ac delitescens, post multa tormenta clarum valde & nobilem vitam optimo & venerabili fine conclusit. Simulent nunc hæretici quantum volunt, confundantur & erubescant à se Martyrem factum, quamvis eum pacificè animam exhalasse clamitent, quamvis non à se interemptum, sed propriâ fingant morte defectum<sup>f</sup>, quasi non eum pœna consumserit, in quo pœna consumpta est. Qui si in præfenti nunc adessent, hæc à me pro Martyre verba audirent: Etsi, inquam, imminente carnifice \* gladio mortuus non fuerit, in confessione tamen Catholicæ fidei exilio relegatus, post continuam & indefessam professionem gloriosum mortis exitum meruit, sicque ad Deum suum redeuntem cœlestis aula Martyrem suscepit: neque enim virtus ejus, aut honor minor est, quominus beatis Martyribus aggregetur, quia quantum in ipso fuit, æquanimiter toleravit quicquid ei adversitatis oblatum est: nam sicut Scriptura testatur, Non est inferior gloria, sed potius excellentior sustinere martyrium pro eo, ne scindatur Ecclesia fallaciis hæreticorum, quàm est illa ne imoletur idolis impulsu Paganorum. In Paganorum namque persecutione unusquisque tantum pro suâ animâ, in hæreticorum verò pro universali patitur Ecclesiâ: & ideo eum potior dixerim, quia proculdubio excellentior atque eximior comprobatur. Hæc pauca de tanti viri memoriâ, Eligii vita sibi contineat subnexa, loquatur & ubicumque pergit per sæcula, quanto Martinus claruerit fidei dogmate: quæ nos dilectionis gratiâ huc usque narrasse sufficiat, ut tam eximii viri memoria, qui utique collegis meis in urbe Romanâ multa impendit bona, quamvis \* in Oriente frequentetur, non usquequaque in Occidente oblivioni tradatur.

Per idem ferè tempus quo apud urbem Romanam talia gesta sunt, unus hæreticorum pulsus à partibus transmarinis, Galliarum provinciam petiit; qui aggressus illic civitatem quæ olim Edua, nunc autem Augustidunus vocatur, adiit; ibi quoque degens cœpit tam cautè quàm fraudulentè sua nefanda dogmata prodere: quod cum in palatio ad aures Eligii pervenisset, cœpit vigilanter, sicut semper pro hujusmodi causâ sollicitus erat, cum AUDO: NO ac cæteris Catholicis viris tractare, quemadmodum hanc pestem palam omnibus manifestatam detege-

CAPUT  
XXXV.  
De Concilio  
apud Autelia-  
nis Galliæ ur-  
bem; & hæ-  
retico à fini-  
bus Galliæ  
expulso.

*holierum diem*, scripsit Audoenus, h. e. auctor Eligio ipsi coætanus. Et alia sunt quæ scrupulum movent; nam quod capite 21. dicitur de Monasteriis in Galliis, quæ nulla propè erant ante Eligii ætatem, scriptoris verò sæculo plurima erant, & in quibus *nunc quoque* regularem disciplinam vigere testatur, ne ipsum quidem S. Audoëno tribui potest. Quod si in his locis interpolatoris cujusdam audaciam ac temeritatem agnoscimus, eandem alii in locis grassatam esse non immeritò suspicabimur, velut in capp. 19. & 29. in quibus ea tribuantur Eligio, quæ nec Eligium, nec Audoënum

decebant.

*c throni altaris*] Prior vox addita est è codice S. Audoëni.

*d præfati*] Sic laudatus S. Aud. codex, ex quo etiam addidimus vocem *alienæ*. Prius editum erat *præfati*.

*e saxum immobile*] Codex S. Aud. *saxo immobili*. & infra, *Jubeant ei Imperialia decreta*.

*f defectum*] Forte, *defunctum*, ait Acherius; mihi, nihimutandum videtur. Haud ita multo post in codice S. Aud. legitur *carnificis gladio*. & infra, *quantus in Oriente*.

rcnt.

rent. Itaque non destitit Episcopos & commonendo & Optimates, quousque ex iussu Principis sacerdotale Concilium apud urbem Aurelianensem congregaretur; ubi præfatus hæretico in medio deducto, conabantur eum docti quique diversis ex causis interpellare, sed nullo poterant genere concludere; tantâ quippe dicendi arte objectis quæstionibus occurrebat, ut ubi maximè putaretur adstrictus, ibi quasi anguis lubricus quibusdam foraminibus lapsus eorum se fronti opponeret. Cumque nullo genere à quoquam posset concludi aut superari, existit è nostris quidam per Dei providentiam doctissimus Episcopus, nomine SALVIUS, qui ita ei in omnibus obviavit, ut ingens pro hoc fieret nostris & gaudium & spectaculum: nam omnes versutias, cunctasque ejus artes, quas ille nunc occultare, nunc etiam dissimulare conabatur, frequenti disputatione palam funditus detexit. Sic quoque adversus eum omnium Episcoporum sententiâ prolata, ac per singulas civitates super ejus nomine decreto constituto, cum sibi merito dedecore eliminaverunt à finibus Galliarum.

Sed & alium nihilominus Apostatam cum comperisset Eligius evertere plebem Parisius, grandiafficiens dehonestate, exterminavit ab urbe: similiter & alium, qui Episcopum se simulans circuibat villas & plateas decipiendo populum, diu carcere maceratum ejecit à finibus regni Francorum: necnon alios atque alios diversis artibus populum subvertentes grandi semper auctoritate est persequutus; valde enim oderat omnia hæreticorum, vel schismaticorum, cunctorumque præter Catholicam doctrinam figmenta, & jugi instantiâ eorum insectabatur vesaniam; erat enim ipse affluentiissimus quidem in eloquentiâ, in studio autem Scripturarum subtilissimus, & cum ipse sufficienter esset instructus, populum ubicumque pergeret Evangelicis cohortationibus edocebat in Christi fide irrevocabiler persistere, atque ab hæreticorum contagiis sese solerti curâ observare.

Sed inter cætera, senibus ac h viduis atque pupillis consolator existeret; viduæ nimirum Sareptensis imitator, ipse plerumque esuriens, sui juris substantiam Christi visceribus erogabat. Si infirmum vidisset, clementer consolabatur; si in Dei quæpiam amore ferventem, ad studium cohortabatur; si quispiam ad eum æger devenisset, ita ejus fovebatur ministerio, ut nec delicias urbium, nec matris desideraret affectum. Tantum itaque ad obsequia debiliū se ex devotione diffuderat, ut multi pauperum sani languentibus inviderent: atque ita ob Christi amorem eorum assidue curam gerbat, ut omnes pauperes eum quasi patrem se habere proprium lætarentur: sciebat enim quid in Lazaro aliquando dives purpuratus non fecerit, qualique superba mens retributione damnata sit; idcirco magis ac magis erga omnes se misericordem ostendens, clementer miseris jugiter succurrebat; quo enim dolente non doluit? vel quo pereunte non gemuit? quem nudum vel Clericum non ejus vestimenta taserunt? aut quod Cœnobium non ejus largitate sustentatum est? vel quas pro spe æternitatis non pertulit angustias? famem scilicet, sitim, vigilias, cunctasque carnis illecebras. In tali itaque proposito perseverans, præbuit se in futurum vas electionis & utile Deo ad omne opus bonum paratum.

g episcopos] Codex S. Aud. episcopus commonendo optimates, lectio non inepta.

h senibus ac] Codex S. Aud. semper senes pauper sine fine viduis ex quo conjicere licet ita scriptum esse ab auctore semper senibus, pauperibus, infirmis, viduis.

Tom. II.

Nam cum se totum Dei servitio mancipasset, optima Principum iussu magnifice adimplebat, contraria verò magnificentius contemnebat, eratque liber ad eos arguendum, humilis ad obediendum, Regi pariter subjectus, & Christo devotus; rutilabat quidem specie, robustus erat in virtute, mentis utique argutæ, puræ, & probabilis vitæ; sic enim se exercebat quasi semper inciperet, sic se præparabat quasi quotidie moriturum; idcirco repugnantem carnem inedia subjugabat, & ultricis gehennæ sæva tormenta præveniens, ipse sibi & persequutor existeret & tortor. Nam si contulisset fors temporis, cupiebat Martyr fieri pro nomine Conditoris; sed quamquam eum pugio non transfixit, quotidianum sibi libens ipse martyrium indixit, fuitque ei fames pro ungulâ, sitis pro flammâ, mundi calamitas pro bestiis, abstinencia pro craticulâ. Qui sub imagine martyrii veluti catenâ i regentis ferri; sic dura lege constrictus, semetipsum sibi abnegavit, ut Christum sequi posset, illum semper diligens, illum desiderans, illum ingenti aviditate sitiens, qui pro amore hominis homo factus est, ut nos ad cælum traheret, de sinu Patris in terram descendit; eique omnem suum laborem, omnemque dilectionem infundens, bonam terram sui cordis jugi cultu & indefinentibus exercitiis excolebat, & velutiquis esuriens ac sitiens, sic ille aviditatem quamdam sustinens, illud crebrius Psalmistæ dictum voce flebili conquerebatur: *Quis dabit mihi pennas sicut columba, & volabo & requiescam?* Et illud: *Quando veniam & apparebo ante faciem Dei?* Et illud Salomonis: *Post te in odorem unguentorum tuorum curremus.* Porro sectabatur in omnibus mansuetudinem & fidem, necnon & charitatem perfectam, quæ spiritualis ædificationis est vinculum; studebat se vas sanctificatum exhibere, ut habitatorem Deum in mentis suæ hospitio posset recipere: salutaribus quoque actibus jugiter erat occupatus, ut quotiescumque tentator accederet, quoties hostis callidus aditum quæreret, clausum semper adversum se pectoris ostium inveniret. Orabat frequenter secundum Apostolum pro hominibus omnibus, pro Regibus, & his qui in sublimitate sunt, ut quietam & tranquillam vitam agant, in omni pietate & charitate; sciens secundum eundem Apostolum hoc bonum esse & acceptum coram Salvatore nostro Deo, qui omnes homines vult salvos fieri, & ad imaginem i veritatis venire.

Quid plura loquendo immorer? In omni conversatione suâ quasi Lucifer inter astra refulgens, instar magnæ lampadis micabat; semper enim perfectos æmulabatur ad bonum, semperque aliorum virtutes sibi proponebat ad exemplum. Tardus erat ad loquendum, secundum Apostolum, & velox ad audiendum: eratque sermone subtilis, humilitate sublimis, eleemosynis dives, charitate longanimis, vigil ingenio, promptus eloquio, flagrans studio; utile nempe vas in Christi domo, ad miserorum obsequium non piger, ad orationem paratus, ad eleemosynam profusus, adtribuendum largissimus, mansuetudinem colens, paupertate valde gaudens, bonitatem tenens, puritatem cordis semper amplectens, quique ita assidue venerabiles animos m Ecclesiasticæ regulæ tradidit informandos, ut sub laicali proposito constitutus, divino nutu Pontificis gratiam possideret uberius; sicque seipsum propriâ disciplinâ coercerebat intonsus, quasi futuram spe-

i veluti catenâ] Prior vox addita est ex codice sæpius laudato S. Audoëni.

l ad imaginem] Imò ad agnitionem, quod Acherius legi oportere vidit.

m animos] Codex S. Aud. annos.

M

CAPUT XXXVIII. Quia bonitate peregrinos fovit: quantumque profecerit.

psal. 54. 7.

Ibid. 41. 3.

Cant. 1. 3.

1. Tim. 2. 1. 2.

Ibid.

CAPUT XXXIX. Laus ejus prolixius habita.

Jacob. 1. 19.

ciem indicans, ut irreprehensibilis in templo Christi præpararetur Sacerdos. O quam perfectissimum laicum, cujus imitatores ipsi esse desiderabant Sacerdotes! O mens omnibus prædicanda, cui non fuit aliud vivere, nisi Christum cum dilectione timere, & cum timore diligere! O verè felicem sæculi inimicum, cui mundus tantopere fuit crucifixus, & ipse mundo! qui ita sapientiâ exstitit pervigil, lenitate placabilis, ut & serpentis astutiam cum discretionem gereret, & columbæ simplicis animum non amitteret: cujus quidem in mente, virtutum omnium decore, collocavit valde sobrium sapientia domicilium. Verè dignissimum in quo Dominus habitaret templum, j. juniis mundum, orationibus ornatum, puritate refectum, vigiliis exercitatum, nomine etiam meritoque electum; quique dum nominis sui dignitate pascitur, sic se quotidie exerit, ut nequeat amittere quod vocatur in CHRISTO JESU Domino nostro.

CAP. XL.  
Epilogus.

Sed longum nunc est per singula virtutum ejus vel gestorum insignia verbis exire, præsertim cum & Liber jam supra modum refectus, finem postulans, sermonem rejiciat, & ariditas nostri sermonis attenuata, veluti longo tramite penè defessa succumbat, non quòd omnia quæ de Eligio narranda erant expleverit; quippe qui nec ad centesimum

ejus, ut ita dixerim, attingere potuit quanta in eo bonorum omnium ornamenta, quæ sunt vel pretiosa vel maxima supernæ remunerationis, contulerit prærogativa, sed quo velut quidam eminens in sublimi scopulus magnâ jam ex parte adustus, ipsâ sui prolixitate fronti se narrantis opponat. Nunc ergo interim illa solummodò quæ sub laico habitu gessit, præfenti Libello transcurrere fecimus, cui etiam terminum jam libenter imponimus, ne sui prolixitate audientibus fastidium irrogemus: cæterum ea quæ adhuc restant, quæque in Episcopatu gesserit, quo ordine de hoc sæculo migraverit, quæque etiam post obitum virtutes operatus sit, si vita comes fuerit, & si facultatem Dominus tribuerit, intercessionibus sanctitatis ejus adjuti, alio Libello explere desideramus. Confidimus enim non nostris, sed ipsius meritis, opus cœptum feliciter atque fideliter ad finem usque perducere; si ipse dignetur pro nobis Christum Dominum interpellare in cœlis, qui ejus munere meruit tanta mirabilia operari in terris, per eundem Dominum nostrum JESUM CHRISTUM, qui cum Deo Patre & Spiritu sancto vivit & regnat Deus in sæcula sæculorum, Amen.

Explicit Liber primus.



## INCIPIT PRÆFATIO LIBRI SECUNDI.

**D**OMINO propitiante vitam beati Confessoris ELIGII, quam pridem aliquâ ex parte ordiri cœperam, & penè defessus ac lassabundus medio in tramite stylum subtrahens, opus imperfectum reliqueram, nunc paululum viribus recreatis, cupiente voto, corde jocundo, calamoque venulto opus inchoatum adire tentabo, arduum sit licet iter ac profundum, sed liberè fateor, quo non possum pedibus viare, ardentissimo ducor amore; ibo ergo votis, quo accedere non possum verbis. Indignum profectò reor, tanti ac talis viri vitam ad posteritatis memoriam juxtâ qualitatem ingenii non ad plenum monumentis tradere litterarum, cum nimirum opiner ex narratione rerum gestarum ædificationem plurimam legentibus fore: sed quoniam tanta ac talia ejus sunt opera, ut magnitudo quidem bonorum nihil me præterire patiatur, multitudo verò gestorum quamplurima cogat omittere, in incerto æstuat animus, dum deliberare non valet quid teneat, quid omittat. Profecto namque si cuncta voluero annectere, & dies deficiet me narrante, & modum excedam voluminis: rursus si pauca comprehendam, & irrisiones metuo hypocritarum dicentium, quoniam *Hic homo cœpit ædificare, & non potuit consummare*: & offensam potius pertimesco Antistitis, ne dum seriem exponere nitor, arctatus eloquii siccitate, magis ei injuriam videar irrogasse, quàm vitam exposuisse. His igitur ex utrâque parte discretis, articulum jam infigam membranis, & quæ primus hujus operis Liber veluti exundans rejicit, hic modò sequens velut nimium sitiens prosequatur; latisque sufficiat priori Libro ea tantum exposuisse, quæ sub habitu sæculari gesserit, nunc verò de his quæ in Episcopatu egerit, hæc prima conveniant.

Luc. 14. 30.

## INCIPIT LIBER SECUNDUS.

CAPUT I.  
De hæresi simoniaca Gal-  
lias pervagan-  
te.

**E**LIGIUS itaque olim jam in Palatio militaverat sub sæculari habitu Regi æterno omniumque Principi Christo; fuerat quoque de temporibus LOTHARII mediâni, mansueti Regis Francorum, & toto tempore DAGOBERTI inclyti Principis, necnon & CLODOVEI filii ejus, & usque ad initium regni junioris LOTHARII mansit in corpore; sed crudeliter in diebus illis simoniaca hæresis pullulabat in urbibus, & in cunctis finibus regni Francorum; maximeque de temporibus Brunichildæ infelicissimæ Reginae, usque ad tempora Dagoberti Regis violabat hoc contagium Catholicam fidem. Sollicitè tamen pro hoc invigilabant sancti viri ELIGIUS & AUDOENUS, & communi cum cæteris viris catholicis habito Concilio, suggererunt Principi, & Optimatibus ejus, ut hoc mortiferum virus citò deleteretur de corpore Christi, quod est universalis Eccle-

sia; habuit itaque effectum eorum pia petitio, & libenter obtinuerunt quod devotè rogaverunt. Tunc ergo placuit omnibus uno in Spiritu sancto accepto consilio simul cum Regis imperio, ut nullus pretio dato ad sacerdotale officium admitteretur, neque eos qui ut lupi rapaces munera dando, mercanda centebant dona Spiritus sancti, sed hos potius qui essent boni testimonii viri & irreprehensibilis vitæ, ad officium Pontificatus eligerent.

Exinde igitur elegerunt ex merito sanctitatis cunctis bonis operibus præditum ad sacerdotale officium sanctum Eligium jam lumine radiatum, ut præfesset Ecclesiæ Noviomagensi: decesserat enim in ipso anni circulo ACHARIUS præfatae urbis Antistes. Elegerunt autem cum eo & AUDOENUM sodalem ejus qui vocabatur DADO, ut præfesset Ecclesiæ Rotomagensi. Hoc ergo modo aurificem invitum detonium constituerunt custodem urbium, seu municipiorum, his vocabulis, Vermandensi scilicet, quæ est Metropolis urbs, Tornacensi verò quæ quon-

CAP. II.  
De ordinatio-  
ne Episcopa-  
tus ejus.

dam regalis exstitit civitas. Noviomagensi quoque, & Flandrensi, Gandensi etiam, & Corturiacensi. Ob hoc itaque cum vel maximè in his locis dederunt Pastorem, quodd incolæ ejusdem regionis magnâ adhuc ex parte gentilitatis errore detinebantur, & vanis superstitionibus satis dediti erant, quique velut agrestes feræ, nulliuspiam salutare verbum recipere poterant; sed vir beatus cum se nullo modo ab officio disposito discutere posset, ne tamen in ullo Catholicæ regulæ deviare videretur, non se permisit prius Sacerdotem consecrari, nisi sub normulâ Clericatus aliqua temporis curricula exigeret. Tempore ergo dilationis transacto, atque Audoëno de partibus Transligeritanis<sup>a</sup> reducto, jamque eo Presbytero à domno DEODATO Matafensis urbis Episcopo ordinato, inito concilio pariter sub unius diei articulo apostolicam benedictionem meruerunt gratuitu: erat enim tempus quo apud Gallias Rogationes à cuncto populo celebrabantur. Convenientes igitur simul in civitatem Rotomagensem quartodecimo die mensis tertii, tertio anno Clodovei, juvenculi adhuc Regis, die Dominico ante Litanias inter catervas populi, inter agmina Clericorum, inter choros psallentium consecrati sumus gratis ab Episcopis pariter Episcopi, ego Rodomo, ille Noviomio. Sic ergo Episcopatu suscepto ad Sedem remeans, qualem se demum quantumque præstiterit quis dignè valeat explicare; aut quis tanta verborum copia instructus exultat; vel quæ oratio tantæ affluentiae ubertate exundans, quæ cuncta ejus bona, ut decet, queat prosecui? Idem semper robustus ad virtutis instantiam se exerens, constantissimè in cæpto proposito perseverabat; eadem in corde humilitas, eadem in vultu gravitas erat, eandem pauperibus curam, eandem ut prius sollicitudinem gerebat, eadem dilectio fraterna, eadem mentis constantia eidem permanebat, nisi quodd Episcopalis ambitio, quæ cæteris pompæ fomentum subministrare solet, ei plus studium abjectionis exhibuit, & unde alii ad tempus videntur extolli, inde his amplius studuit humiliari. Erat itaque Christo semper subiectus, & devotione armatus, doctrinâ præcipuus, pontificio dignus, humilis in honore recusando, subditus in suscipiendo, exul spontaneus, fide plenissimus, obediens in Dei præceptis, credulus in promissis, peregrè locuples, in industriâ solers, in opere docilis, in spe longanimis, in colloquio sapiens, in consilio prudens, in corrigendo vehemens, in diligendo ardens, in adversis patiens, in periculis fortis, in disciplinis mansuetus, in eleemosynis largus, in studiis assiduus, metu mortis sollicitus, in timore Dei eximius, in religione magnificus, in exequiis devotus, in misericordiâ gloriosus, in disciplinâ strenuus, excellenti ingenio præditus, justitiâ insignis, severitate terribilis, ad gratiam promptus, ad ignoscendum paratus, humilitate summus, hospitalitate præcipuus, nutritor gregis piissimus, Pastor Ecclesiæ providus, dispensator fidelis, moderator insignis, delictum proprium cavens, alienum ut suum lugens, plebi monita præbens, Christi que præcepta docens, protervos non armis sed patientiâ vincens, superbos Christi jugo suavissimo subdens: semper enim in obsequiis pauperum, in diligentia peregrinorum infatigabiliter perdurabat, atque ita eis suum impendebat obsequium, ut nisi quis fundatam in Christo haberet mentem, proculdubio despectui duceret talia vel coæqualibus præbere, qualia is jugiter luridis ac feniis & despicabilibus exhibebat. Denique omni Episcopali pompâ postpositâ, populorum agmine contempto, Clericorum frequentia spretâ, famu-

lantium obsequiis relictis, pauperum semper captivorumque delectabatur consortiis; habebat enim sequestratum statutum locum, in quo certis quibusque diebus egenos ac debiles intromittens, ipse ut dudum consueverat famulorum more satagens satis eis devotè serviebat, ipse squalentia capita lavans, incomptam ac deformem casariam manu propriâ radens, potumque singulis ac cibum post diligentiam præbens, omnes clementer refocillabat; deinde singulos muneratos, nudos etiam vestitos gratificè dimittebat, illisque ex unâ parte exeuntibus, alios si adessent, ex alterâ parte intromitti jubebat; quibus similiter cuncta explens benignissimè refovebat. Nonnunquam verò etiam si plurima turba conflueret, similiter omnibus faciebat: singulis tamen diebus constitutum duodenarium numerum reficiebat, ipse plerumque cum eis horâ congruâ ad unam mensam pariter convivans, ita dumtaxat, ut prius singulis aquam manibus funderet, merumque ac panem manu propriâ præberet. Sed quid hæc diutius narrando immoror? Ita fateor nunquam vidi studium fervere, nusquam in Galliis hujusmodi opera taliter à quoquam audiri expleri: posset enim quis vel rard arripere, sed vix aut difficilè perpetuò tenere; hic verò quodd semel proposuit, perpetuò retinuit; quod primum Deo vovit, nullis mundi negotiis obligavit; quod in principio arripuit, ad finem usque perduxit.

Præterea Pastoris curâ sollicitus, lustrabat urbes vel municipia circumquaque sibi commissa; sed Flandrenses atque Andoverpensēs, Frisiones, & Suevi, & Barbari quique circâ maris littora degentes, quos velut in extremis remotos nullus adhuc prædicationis vomer impresserat, primò eum hostili animo & aversâ mente susceperunt, postmodum verò cum paulatim per gratiam Christi his verbum Dei insinuare cœpisset, pars maxima trucis & barbari populi relictis idolis, conversa est ad verum Deum, Christoque subiecta; sicque demum factum est, ut quasi cœlitus lumen ostensum, aut radius quidam solis erumpens, totam partis illius barbariem illustraret. Nam & ipsi qui eum primò velut ferocissimæ bestiæ discerpere cupierant, postmodum attendentes ejus bonitatem ac mansuetudinem; imitatores ejus fieri cupiebant. Quis enim esset ita obstinatus, qui ejus modestiam intuens non confestim admirando obstupesceret? aut quis arrogans, sobriam ejus vitam considerans, non illicò ad æquitatem semetipsum converteret? Crescebat nimirum in eo quotidie opinio famulatrix virtutum; seminabat in plebem verba veritatis fructu fidei redundantia, sufficienti sale condita, & velut aromaticis unguentis infusa: nec erat ejus fama contenta circumjectas tantum Gallias illustrare, sed exteras utique provincias implebat, meritorum gratiâ præcurrente. Inter Barbarorum siquidem fremitus quasi signifer belligerator, corporeo timore nudus, sed fidei fervore vestitus se ingerebat, Christi charitate securus, adversantesque sibi fortiter superabat, non corporeâ loricâ amictus, sed fidei virtute indutus. O quoties ob veritatis assertionem paratam habuit mortem, fecissetque satis votis, si contulisset fors temporis! Sed licet ei ratio temporis non potuerit præstare martyrium, gloriam tamen Martyris non amisit, quia pro spe æternitatis jugiter laboravit; verum tunc ei Neronianis Decianisque temporibus, in illâ quæ tunc exstitit dimicare congressione licuisset, securus dixerim, sponte equuleum ascendisset, & ultrò se pro Christo ignibus intulisset, libensque palmam sanguinis occupasset. Sed quamquam ista non tulerit, implevit tamen etiam sine cruore martyrium; dum

CAP. III.  
Quantâ instantiâ plebem commissam traxit ad viam salutis.

<sup>a</sup> Transligeritanis ] Sic codex S. Aud. Editi Ligeritanis.  
Tom. II.



fortitudine roboratus, in vigiliis sedulus, in jejuniis assiduus, fidem servando, cursum consummando, repositam sibi à Christo justitiæ coronam quotidie expectabat restitui. Tamquam speculator etenim à Domino constitutus, prædicabat verbum cum omni autoritate; instabat secundum Apostolum opportunè, importunè, arguens, obsecrans, increpans in omni patientiâ & doctrinâ, suavem semper habens de his quæ Dei sunt vel alloquutionem plebis, vel collationes fraternæ familiaritatis, tenens semper in doctrinâ humanâ auctoritatem Apostolicam, per quam aggressus gentilium prælia, & gentis ferocissimæ pacem tenuit, & copiosum exercitum ad fidem Christi convertit, ac fidei Catholicæ intemperate consortia jugiter custodivit.

CAP. IV.  
De laude ejus  
prolixè de-  
scripta.

Sanè si quem vidisset peccatis noxiis vulneratum, & sagittis diaboli confixum, mox adhibebat dignas curationes sermonum, & verbi Dei salubre medicamentum, ostendens contrà vulnera incantatoris salutare malagma cōfessionis, indisciplinationes quoque & transgressionem suorum à regulâ honestâ vel rectâ, & arguebat clementer, & tolerabat patienter; eratque in eo mira in cunctis operibus discretio, & imitabilis erga omnes dilectio. Erat ergo Eligius opere castus, fide Catholicus, charitate diffusus, in tentationibus cautus, in fide firmissimus, in operibus bonis promptus, in sermone verissimus, in judicio justus, in consilio providus, in bonitate conspicuus, in charitate præclarus, Deo sedulè serviens, errantes corrigens, correctos fovens, obstinatos spernens, humiles semper diligens: exuberabat quoque in eo constantia fidei, puritas dilectionis, sinceritas pacis, amor charitatis, atque ad æternam vitam doct inæ suæ filios jugi studio incitans, quos erudiebat hortatu, præveniebat exemplo, quæ docebat agens, & quæ agebat docens, nec aliud ore promens, aliud corde volvens, sed quod ore docebat, opere corroborabat; & quale habebat verbum, talem & vitam, qualem etiam vitam, tale quoque & verbum. Summâ quippe bonitate subditos regebat; summâ severitate semetipsum damnabat, non satis erat terribilis in subjectis; nimium valde austerus in piaculis, in se servabat censuram, in alios præferabat justitiam, rigore utebatur in discussione justitiæ, misericordiâ in definitione sententiæ, distractiones verò censuræ semper temperabat misericordiâ, sciens scriptum: quia in eo quod judicat quis, judicandus est: Et quoddam *Potentes potenter tormenta patientur*: Et quoddam *Judicium erit durissimum his qui præsumunt*. Hæc ergo sedulâ mente pertractans, in omni actione discretionem tenuit, nec in ullo penitus intemperatè se gessit, sed omnia diligenter distinguens, & in disciplinâ, & in modestiâ modum semper ac temperamentum servavit.

CAP. V.  
De Cœnobio  
Noviomo  
constructo.

Præterea edificavit in oppido Noviomageni Ancillarum Christi Monasterium, ubi & congregationem magnam, & vitæ institutionem districtam indidit; terræ quoque redditus sufficienter delegavit, & omnia quæ essent Monasterio necessaria solerti satis curâ providit. Sed & alia multa Monasteria quæque ejus opere, quæque verò institutione à discipulis ejus constructa hodie intrâ Gallias noscuntur: nam multi ex discipulis ejus Ecclesias condiderunt, multi Monasteria salubriter rexerunt, multi etiam in regimen Episcopale sublimati Ecclesiis præfuerunt.

CAP. VI.  
De multis ab  
eo Sanctorum  
prolaris cor-  
poribus; & de  
inventione S.  
Quintini.

Huic itaque viro sanctissimo inter cætera virtutum suarum miracula, id etiam à Domino concessum erat, ut sanctorum Martyrum corpora, quæ per tot sæcula abdita populis hactenus habebantur, eo investigante ac nimio ardore fidei indagante patefacta proderentur: siquidem nonnulla venerabantur

prius à populo in locis quibus non erant, & tamen quo in loco certius humata tegerentur, prorsus ignorabatur. Ex eo ergo tempore quo Eligius Pontifex consecratus, & Ecclesiæ Pastor est datus, ab eo nonnulla inventa populis sunt declarata; ex quibus primum ac summum sanctum Martyrem **QUINTINUM** in principio Episcopatus sui grandi instantiâ quæsitum, olim quoque celatum, promovit palam in publicum. Denique priusquam Eligius ejusdem loci datus esset Episcopus, existit quidam vir improbus, vocabulo Maurinus, ut videbatur populis habitu Religiosus, Cantor in Regis palatio laudatus, atque ex hoc, ut rei docuit exitus, mente tumidus, corde protervus, atque actione dissipatus, qui audaciâ præsumptionis suæ deceptus, cœpit verbis extollere à se corpus Martyris Quintini & inquiri posse & inveniri; sed ut & ejus proterviam illic & Eligii merita demum Dominus declararet, mox ut terram sarculo scabare cœpit, manubrium fossorii manibus ejus inhæsit, sicque miser opus præsumptum relinquens, sequenti quoque die in manibus suis vermibus ebullientibus miserabiliter expiravit: ex quo facto tantus timor adolevit in populo, ut nullus deinceps quamvis probabilis vitæ præter Eligium hujusmodi negotium auderet appetere. Eligius ergo curâ Pastoralis susceptâ, statim in exordio suæ ordinationis cœpit assiduare erga locum illum: est enim haud procul ab urbe Vermandensi, in eo scilicet loco ubi quondam Martyr ex fluvio elevatus ab Eusebiâ in monte fuerat tumulatus. Eligius itaque divino nutu instigatusolvebat in animo, sed & liberè proclamabat populo, non illic haberi corpus quo eum loco venerabatur populus, sed esse potiùs in parte ulteriùs. Cumque diu hujusmodi conditio mentem ejus stimularet, cœpit tandem sagaci inquisitione per Basilicæ pavementum huc illucque tentare sicubi sacratum tumulum posset deprehendere: sed cum nullatenus indicium tumuli reperiret, cœpit à Fratribus destitui prosequentibus cum tremore interitum illius, qui dudum investigationem superbâ mente concipiens, lugubri morte vitam finisset; necnon & antiquitatem corporis longinquitate jam temporis consumpti, atque ad nihilum in pulverem redacti objicientes, conabantur eum à cœpto mentis proposito revocare.

Cumque ei istiusmodi impedimenta à Fratribus objicerentur, altius ille ingemiscens aiebat: Nolite, Fratres, quæso, nolite impedire devotionem meam; nam ego credo in Creatorem meum, quoddam me non dignabitur tanto thesauro, tantumque mihi desiderato fraudare. Tunc ergo attentius persistens levavit triduanum jejunium, atque enixius Christi Domini divinitatem cum lacrymis exorans, vovit non se prius quidquam alimonie accepturum, quam mereretur desideratum percipere votum: tanta namque erat ei fides, tantaque constantia, ut plerumque sic facienda præveniret, tamquam jam facta crederet, atque nonnunquam ita cum Deo, quemadmodum cum terreno suo loqueretur domino, ac propositum quod ipse statueret, id Deum complere indubitanter crederet: unde etiam cum à multis delhortaretur, dicebat: Tu, inquit, Domine **JESU**, qui omnia nosti priusquam fiant, tu scis quoddam nisi manifestatum ostenderis mihi corpus hujus Sancti tui testis, qui propter nomen sanctum tuum passus est, quamquam sim indignus, nunquam tamen plebis hujus Episcopatum geram, sed exul potiùs ab hac Provinciâ procul secedam, ubi ut dignum est inter bestias moriar. Quid multa? cœpto operi persistens, cum adjutores ejus per diversa Ecclesiæ loca tentando discurrent, nullamque inveniendi spem caperent, leniter ille omnes compescens, u-

num eis locum, quo nulla esse suspicio poterat, in posteriore Ecclesiæ parte effodiendum designat. Tunc omnium labore ibi converso libenter jussis obtemperant, defossæque jam in altum ultra pedes decem seu amplius terrâ, ab spe iterum inveniendi corporis destituuntur, & cum tertia jam nox media fluxisset, arrepto Eligius sarculo, rejectoque amphibalo, cœpit totis viribus cum cereis & cum lampadibus terram sanctis effodere manibus: cumque paululum ima fossæ declinans, in latus cavernæ scabare humum cœpisset, mox reperit cumbum sanè veterimum, tegentem corpus sacratum. Tunc gaudio magno repletus, cum sarculo quem manu geitabat, avidissimè latus ferisset sepulcri, confestim torato tumulto, tanta odoris flagrantia cum immenso lumine ex eo manavit, ut etiam ipse sanctus Eligius fulgore luminis odoreque inenarrabili perculsus vix subistere potuisset. Nam & globus splendoris, qui ex tumulto ad ictum ferientis processit, tantam vim suæ claritatis sparsit, ut cunctorum adstantium obtutibus oculorum retusis, partem maximam regionis illius in diei claritatem mutaret; unde omnes quos eadem horâ vigilare contigerat, quique rei causam ignorabant, magnum quoddam datum cœlitus signum æstimabant. Erat enim transacta media nox, & nox quidem obscura valde & caliginosa, sed procedente fulgore quasi lux diei ad tempus resplenduit, & in tempore claritas recessit. Tunc ergo sacrum inventum corpus Eligius cum gaudio lacrymabili exosculatur, ac de profundâ tellure elevato, Reliquias sibi undecumque concupivit, segregavit, dentes etiam pro languentium medellâ à maxillâ sanctâ abstulit, atque in radice dentis gutta sanguinis exivit. Clavos quoque miræ magnitudinis, quos tempore passionis ejus persequutores corpori infixerant, ex cerebro cæterisque artubus abstractos, sibi pro Reliquiis sequestravit. Capillos etiam pulcherrimos Reliquiis separatos delegavit. Deinde holoferico pretiosissimo obvolutum compositumque honestissimè corpus summâ cum diligentia citrà altare transposuit: tumbam denique ex auro argentoque & gemmis miro opere desuper fabricavit. Ecclesiam quoque, quæ exigua conventibus populi videbatur, eximio opificio ampliata decoravit. Ipse demum ex Reliquiis, quas à sancto corpore sequestraverat, multa loca condidit, multimodamque medellam diversis ægritudinum incommodis easdem impartiendo præbuit.

Post hæc simili modo grandi labore atque instantiâ invenit in territorio Medenantense, vico Sacilinio, sanctum Martyrem PIATONEM, cui similiter clavos prolixos ex corpore ablatis populis in argumentum monstravit. Corpus denique, sicut Martyrem decuit, eleganter composuit; atque mausoleum urbanè desuper fabricavit. Sueffionis quoque civitate, sanctos Martyres & germanos CRISPINUM & CRISPINIANUM ex quâdam cryptâ prolatis mirificè composuit, eorumque memoriam insigni ornameto decoravit. Necnon & Belvacus municipio, beatum Martyrem LUCIANUM<sup>b</sup>, collegam quondam sancti Quintini inventum similiter fabricavit atque composuit: sed & alias quam multas memoriis Sanctorum impendit diligentius, quæ nunc non sufficit narrantis evolvere lingua.

Multum præterea in Flandris laboravit, jugi instantiâ Andoverpis pugnavit, multosque erroneos Suevos convertit; fana nonnulla Christi clypeo protectus cum Apostolicâ auctoritate destruxit; idololatriam quoque diversi generis ubicumque invenit, funditus subruit. Inter hæc autem cum semper so-

briam religiosis virtutibus teneret disciplinam, frequenter ab ingrato & perfido populo lacessitus, & penè utque ad contumeliam provocatus, nullatenus à cœptâ doctrinâ arcebat, sed magis ipse lenis, patiens, humilis, & mitis, pro eis Dominum deprecabatur: nam cum circumquaerura lustraret, inenarrabili subtilitate blandè atque compositè desides Barbarorum animos, & minus de spe futurâ sollicitos, solerti satis studio verbis blandis nitebatur stimulare, atque ad amorem supernæ patriæ accendere; prædicans infestis pacem, violentis quietem, ferocibus lenitatem; docens omnes in unum ad Ecclesiam coire, Monasteria construere, atque in bonis actibus Deo sedulè servire. Ad cujus videlicet hortatum ita nonnulla permutata est barbaries, ut subito in arido & squalenti campo videretur secunda seges & uberrima messis surrexisse: videres complures ad pœnitentiam currere, opes pauperibus erogare, libertates familiæ dare, aliaque quamplurima bonorum operum præcepta sectari. O quanti Eligii industriâ ab errore gentilium retracti, venerabili Christi juncti sunt gregi! Quanti exemplum ejus sequuti, omnes sæculi illecebras respuentes, beatam Monachorum vitam sunt adepti! Quantæ puellæ eo suadente carnales nuptias spreverunt, ut in Matris Ecclesiæ receptæ gremio Christi sponsæ dignæ haberentur! Quàm copiosum etiam agmen utriusque sexus annis singulis in Paschali solemnitate, quod per totum annum acquirere poterat, manibus propriis baptizans sacro fonte abluebat! Extrahebat enim tam dulciter quàm viriliter à faucibus inimici viros cum mulieribus, senes cum juvenibus, salubriaque monita assiduè tradens, innumeros convertebat ad viam salutis. Videres plerumque inter multas infantium turbas anus decrepitâ valde ætate, cuncta tremulas membra, canescente capite, rugatâ fronte, necnon viros ejusdem senectutis sub manibus ejus in fonte sacro renasci quodammodo, ac subito albis indutos renovari. Videres & nonnullos ad confessionem piæ animæ concurrentes, & sagittis inimici faucios, ita ab Eligio veluti à peritissimo medico redire sanos, ut nulla jam in eis cicatricum vulnera remanerent, nullaque prioris culpæ eos delectatio comitaretur. Sed quid diutius immoror? manifestè enim & evidenter aderat ei divina gratia, quâ innumeros ad imitationem sui provocabat. Porro resplendebant in eo virtutes eximie, modestia cum verecundiâ, sapientia cum simplicitate, severitas cum mansuetudine doctrina cum humilitate, humilitas cum rigore; & cum esset aliis misericors, sibi ipsi erat durissimus; cæteris quoque pius, sibi abstinendo severus; omnibus largus, sibi soli restrictus: inter cujus colloquia sacra semper resonabant verba; qui de pace sollicitus, de salute patriæ curiosus, die noctuque pro quiete Ecclesiarum quæ ubique sunt, ac pro pace Principum supplicabat; cuique ut vocabulum nominis, ita & virtus animi & cœlestium gratiarum magnificentia concordabat.

Nam quis ejus abundantiam rigantis ingenii contendat evolvere; aut quis ejus bona verbis valeat explicare? Quàm fuit in timore Dei fundatus, in disputatione providus, in consilio profundus, in causâ sæculi eloquens, in virtute humilitatis mirabilis, astutus juxta Prophetam, & prudens, columbæ simplicitatem non amittens? O venerabilem Christi Sacerdotem! ô imitabilem virum pietate, misericordiâ, & charitate, quæ quotidie etiam in perfectis frigescit, in eo tamen usque ad finem aucta in dies perseveraverit! Quis namque ejus mansuetudinem,

CAP. IX.  
Quæ doctrinâ in populo poleret; quibus præcipuè floretet virtutibus.

CAP. VII.  
De inventione S. Piatonis, aliorumque Sanctorum.

b

CAP. VIII.  
Quanto labore apud barbaros desudavit.

b Lucianum] Lucium legitur in codice S. Audoëni.

quis puritatem, quis spiritus fervorem, quis discretionem; quis benignitatem, quis postremo jugem meditationem die noctuque in praeceptis divinis, verbis poterit explicare? Quis, inquam, eo in opere Dei promptior, in oratione ferventior, in lectione sollicitior, in sobrietate parcior, in lacrymarum largitate profusior, in corpore honestior, in corde sincerior, in mansuetudine moderatior, in compunctione ferventior, in charitate jocundior potuit unquam inveniri?

Præcipuas denique virtutes quæ possent hominem ad culminis celsitudinem libenter sublevare, prudentiam scilicet, justitiam, fortitudinem, & temperantiam, ita in se connexas, sibi que mutuo coherentes excoluit, ut penè in singulis emeretur: habuit nempe prudentiam in discernendo, justitiam in judicando, in arrepto proposito fortitudinem, in qualitate discretionis temperantiam. Quid enim eo prudentius, qui contempta mundi stulticiâ Christum sequutus est, Dei virtutem & Dei sapientiam? Quid justius, qui omni substantiâ pauperibus distributâ, docuit divitias ob Christi dilectionem penitus esse contemnendas? Quid fortius, qui inter Francorum protervam gentem, barbarasque nationes, & arrogantium probrofas contumelias spiritum semper servavit invictum? Quid temperantius, qui nobilium felicitate spreto, maluit in humilioribus tuto gressu pergere, quàm pendulo gradu in sublimibus fluctuare? Magnopere etenim concupivit inter homines esse inglorius, ut coram Deo appareret gloriosus; menteque in Christo fundatâ, cœlestia potius quàm terrena desiderans, humanam studiosè sprexit oblectationem, ut posset habere divinam in cœlestibus consolationem: inter hujusmodi itaque institutionis exercitia vir beatus ex dono sancti Spiritus virtutum operabatur insignia.

CAP. X.  
In Provinciæ partes demoniacum liberavit.

Igitur quodam tempore causa existit ut regionem quæ propriè Provincia nuncupatur, adire debuisset. Cumque die quâdam cum nobili suo comitatu iter agens partes ejusdem Provinciæ peragraret, occurrit ei vir quidam immundo & nimis sævo repletus spiritu. Is cum vidisset sanctum virum, timore percussus, & spumans ac pallens dixit ad eum: Quid hîc tu, Eligi? Ad quem conversus sanctus Eligius dixit: Et quid ad te, immundissime diabole? In nomine JESU CHRISTI obmutescere, & exi ab illo: & continuo vehementer discerpens hominem, exiit ab eo: (Quindecim verò annis obsederat & cruciaverat virum pessimus ille spiritus) statim ergo pristinae sanitati restitutus homo surrexit incolumis, & sanus factus est ex illâ horâ.

CAP. XI.  
Quomodo in villa Ampucio demoniosam liberavit.

Profectus igitur Eligius devenit in villam quamdam, quæ vocatur Ampucius, quæ sita est super ripam fluminis Rodani, & pertinet ad prædium Erchenberti illustrissimi viri. Erat autem ibi scœmina quâdam infestum diu dæmonem patiens, quo in loco Eligius orationis gratiâ Basilicam ingressus, cum oratione expletâ regrederetur, occurrens ei mulier cœpit nomen ejus crebrius atque insolentius inclamare. Tunc Eligius respiciens eam, misertus ejus, fixis in terram genibus oravit, deinde conversus ad eam dixit: Adjuro te maligne spiritus per Deum Patrem Omnipotentem, & per JESUM CHRISTUM Filium ejus, & per Spiritum sanctum paraclitum, ut ipsius virtute fugatus discedas ab hoc vasculo quod obsides captivum: & confestim ad ejus verbum collisit spiritus mulierem in terram, & facta est velut mortua; sicque vim maximam patiens dæmon, & sanguinem per os mulieris ex internis visceribus egerens, confusus exivit ab eâ, & aufu-

git à facie hominis Dei. Tunc Sanctus Eligius jussit allevari mulierem, & benedicens aquam cum oleo dedit ei in potu, & cum gustasset, refocillata est anima ejus, & sana facta est ex eâ horâ.

Neque illud prætereundum puto quamvis sit ignobile, quod eodem itinere vir beatus experimento cognoverat. Itaque cum sufficienter cuncta pro quibus advenerat expleisset, omnibusque sibi amicis & Episcopis in Provinciæ partibus visitatis, necnon & domo Aspasi sobolis Juvini Christianissimi viri lustratâ, parat jam Eligius cum suis omnibus remeare ad propria. Postremo igitur omnium cum apud Aurelianum Uzensem Episcopum convivio peracto, eidem vale dicere pararet, contigit ut inter satagentium utrorumque frequentiam ministrorum, unus ex famulis ejus canuam, cum quâ camelum onerarium secum semper ducere consueverat, subito perderet, ob quod in diversa discurrens, prolixius arcebat iter. Tunc Eligius accito ad se secretius famulo, indicat ei hominem sui conscium furti; jubet insuper dicens: Vade, inquit, in illam quæ juxta cetimum sita est rupem, illic inter vepres reperies ligatum fundâ, & absconditum quod quæris; solutoque eo, accipe quod tuum est, & absque ullâ injuriâ, absque verbo etiam gravi redde homini tibi designato, ex quo ligatus tenetur fundibalum: quod cum ille fecisset, nimio fur pudore atque stupore percussus, veniam facti sui precabatur, offerens insuper homini redemptionem piaculi.

Post hæc igitur Eligius ad urbem propriam regressus, institutionis suæ normam quotidie augmentabat in melius, diligens in primis Deum ex toto corde, ex totâ animâ, atque ex totâ virtute suâ; deinde proximum sicut semetipsum; in lege Domini sine lassitudine persistens, mores bonos nullâ noxiâ conversatione inquinabat; vitam temporalem pro exilio ducens, vitam æternam omni concupiscentiâ spiritali desiderabat; [actus vitæ suæ omni horâ custodiens, oculum mentis suæ ad Deum semper defixum habebat;] ab omnibus quæ lex vetat solerti curâ abstinens, à cogitatione quoque noxiâ animam revocabat, sciens hominem & de cogitationibus judicandum: nihil præterea de se præsumens, nihilque boni sibi tribuens, bona à se facta, divino muneri adscribebat. Odientes etiam ad pacem invitans, discordes ad concordiam revocabat; consilium & opus suum semper ad Deum convertens, in omni conatu suo Christi auxilium flagitabat: pedes ejus semper directi ad evangelizandum pacem, ad evangelizandum bona, sub specie honestâ, animo benigno incedebat; ac sicut fidelis servus & prudens quem constituit Dominus super familiam suam, ut det illis cibum in tempore necessario, sic populum sibi commissum omnimodis festinabat spiritali reficere cibo; clementer docens, optimè instruens, à consuetudine peccandi totâ omnes virtute retrahere nitens. Erat præterea spiritu fervens, sollicitudine impiger, moribus clarus, operibus ornatus, omni-que suavitate conspicuus: in oratione assiduus, in jejuniis strenuus, in eleemosynis largus, atque ita inter divites & pauperes medius, ut pauperes eum quasi patrem, divites quasi superiorem sibi aspicerent; ipse enim non ad personæ potentiam, sed potius ad morum elegantiam attendebat, & tanto unumquemque eminentius honorabat, quanto vivere sanctius didicerat. Erga egenos quoque & advenas ita se sollicitum exhibebat, ut verè Christum esse in ipsis fide integrâ crederet, & non tam illis quod conferebat, quàm ipsi Christo se eadem conferre gauderet. Ipsis quidem scœnerabat cibum, &

CAP. XII.  
Ut cognitam in spiritu causam furti indicavit.

CAP. XIII.  
Quâ demum institutione semetipsum excoluit.

c arcebat iter] Sic codex S. Aud. Editi arcebat. Ex eodem capite addidi quæ uncis inclusa vides capite sequenti.

oculis suspiciebat cœlum; ipsis alimenta præbebat, & Christum cum fiducia invocabat; ulnas tendebat in dando, mercedem procul dubio exspectans ex alto: nam quantam molem substantiæ Eligius disperferit amore Dei succensus, meum tantum non est referre, norunt hæc atque senserunt omnes penè quatuor cœli plagæ. Quod enim Monasterium non ejus penetravit elemosyna? aut quis Clericorum non ejus substantiâ refocillatus est? quis peregrinus non ejus est receptus hospitio? aut quibus advenis non suum impendit obsequium? Quos curiosissimè omnibus locis perquirens, damnum suum putabat, si quisquam debilis aut esuriens beneficio sustentaretur alterius: ardentissimâ quippe fide toto Salvatori animo conjunctus, reddebat ei quod ab ipso acceperat, ac per singulos ejus famulos Christum se videre credens, quidquid in illos conferret, contulisse se in Deum lætabatur, illud semper revolvens quod Dominus in Evangelio dicit: *Beati misericordes, quoniam ipsi misericordiam consequentur.* Et illud: *Sicut aqua exstinguit ignem, ita elemosyna exstinguit peccatum.* Et illud: *Facite vobis amicos de iniquo mammona, qui vos recipiant in æterna tabernacula.* Et, *Date elemosynam, & ecce omnia munda sunt vobis.* Hujusmodi Eligius studiis exercitatus, divina cum gratia comitabatur uberius.

Denique quodam tempore, affectu pietatis & pastoralis curâ sollicitus, venerat ei in animum solum proprium paternæ possessionis, civitatem Lemovicinam visitare. Audiens enim sanctam famam Monasteriorum suo jam exemplo in eadem urbe constitutorum, desiderabat magnopere proprio eadem cernere intuitu, & præcipuè ob Monasterii sui venerabilem atque omnibus imitabilem institutionem, quam nimio desiderio æstuabat: comitatu cum Bituricas civitate appropinquaret, directis in viam cunctis comitibus suis, ipse cum paucis destinatus erat ad Memoriam Sulpicii Confessoris orare. Quo cum pervenisset, oratione factâ, audit complures nuper mortis sententiâ damnatos teneri in carcere fiscali vinctos; interfecerant enim quemdam fiscalem judicem, & idcirco habebantur in vinculis. Eligius ergo memor verbi Domini dicentis: *In carcere eram & venistis ad me.* Et, *Quamdiu fecistis uni ex minimis meis, mihi fecistis,* rogat se deduci ad eos; sed cum appropinquasset custodiæ carceris, mox milites confluentes obstiterunt ei vehementer, nec permiserunt cum propius accedere: tunc ille mœstus admodum, indignatusque animo discessit, & cœptum iter peregit. Factum est autem cum pervenisset ad locum destinatum, commoratus est aliquamdiu apud urbem Lemovicas, & circuiens omnia Monasteria tam infra urbem quàm in suburbanis sita, devotissimè omnium benedictiones hauriebat, visitatis etiam in suo Monasterio Fratribus, necnon & secundo eisdem Abbate constituto (prior enim ad Episcopatum captus habebatur) paternâ singulos sollicitudine commonebat, hortans omnes servire Deo in veritate, & simplicitate cordis, quotidieque in melius coalescere & acceptum propositum omni instantiâ ad finem usque perducere. Venit autem & ad prædium parentum suorum; nam & ibi jam habebatur Monasterium à germano ejus Alicio in ipso patris sui tabernaculo constructum; ibique similiter Fratribus conventis, atque clementer consolatis, parat postremum reverti ad civitatem suam; & cum procul à Bituricis iter carperet, voluit iterum divertere ad civitatem; stimulabat enim animum ejus, quoniam reos, qui tenebantur in carce-

re, nihil prius juvatus fuisset, nec quivisset liberare eos.

Ob hoc ergo iter agens, precabatur Dominum ut convento carcere non pateretur laborem suum frustra consumere. Die igitur quâ ingressurus erat civitatem, cum valde diluculo elevallet oculos suos ad cœlum, facta est caligo & nebula tenebrosa nimis, ita ut habitatores civitatis nec ad spatium jacti lapidis procul contueri possent. Sic ergo Eligius urbem ingressus, cum appropinquasset januas carceris, confestim velut magno ferientis impetu, divino nutu, contractæ sunt seræ, dissipati cardines; ostia carceris patefacta, omniaque vincula compeditorum soluta. Tunc Eligius concessam sibi virtutem quasi nihil ad se simulans pertinere, citò carcere discedit, dat tamen reis consilium ut mox egredientes ergastulum, Ecclesiæ peterent confugium; at illi egressi sine morâ, celeri cursu ad Basilicam beati Sulpicii properant; cumque essent omnia Ecclesiæ ostia obserata, & rei huc illucque circumspicientes nusquam invenirent introitum, fracta est subito una ex vitreis maximis quæ erant in fronte Basilicæ, simulque ostium patefactum est unum ex latere Ecclesiæ, atque ita carcerati Basilicam ingressi, thronum altaris sunt expetiti. Deinde cum sanctus Eligius omnia orationum loca circumiens illuc quoque devenisset, invenit eos omnes circa altare, seu ante sepulcrum præfati Antistitis consistentes; & milites quidem cum invenissent carcerem dissipatum, statim persequuti sunt eos usque ad prædictum locum, & ingressi Basilicam, injecerunt eis manus, ac ferro vinctos foris trahere conabantur; quibus beatus Eligius blando alloquio dixit: Nolite quæso homines Dei, nolite hæc in loco sacro agere; cur perdere nitimini quos jam pius Dominus liberavit? Quare facitis tam impiè in domo Dei? Cur non pertimescitis tanti sceleris culpam? domus enim hæc, domus vitæ est non mortis; refugium est delinquentium, non damnatio confugientium; orationis est locus, non latronum specus. Sed cum nihil apud eos sermo ejus proficeret, iterum ait: Dominus Deus videat quod operamini. vos si quidem me audire renuistis, audiet credo ille qui nunquam derelinquit sperantes in se. Mox ergo ad solita præsidia convertens se, prostravit se in terram inter altare & Confessoris Memoriam, atque enixius Dominum supplicavit; & cum ab oratione caput elevallet, statim contractæ catenæ in terram ceciderunt, cunctaque quæ imposuerant ligamina omnibus adstantibus sunt magno impetu disrupta atque dissoluta: quod milites videntes, ingenti metu perculsi, confestimque ad pedes sancti Eligii pervoluti, veniam facti sui precabantur, dicentes: Peccavimus, Domine Pater, iniquè egimus, stultè gessimus in eo quod contrà te contendere præsumimus: agnoscimus modò quod malè egimus, impietati nostræ ignoscere te rogamus. Tunc ille dixit ad eos: Et ego novi quod ignoranter fecistis; Dominus enim operatus est sicut voluit; ipse qui hos eripuit, ipse vobis, oro, indulgentiam tribuat, & à cunctis peccatis propitiatus absolvat: nam non ego ut vos putatis, sed sanctus Sulpicius ad se fugientes defendit reos. Hoc ergo modo Eligius, imò Dominus per Eligium, absolvit eos bis numero à diræ mortis periculo. Ille pius, ille misericors, qui sæviante Herode eripuit Petrum de obseratis militum custodiis, nunc operatus est cum Eligio famulo suo Bituricis: qui vinctum in carcere absolvit vas electionis Paulum, ipse nunc dissipato carcere humiliavit arrogantiam superbiorum: illi ergo laus, illi gloria, per quem servi ejus in mundo tanta possunt

d orare] Ita malui cum codice S. Aud. quàm ut in prio-

ri editione, adorare.

Mat. 5. 7.

Ecl. 3. 33.

Luc 16. 9.

Ibid. 11. 42.

CAP. XIV.  
Ut patriam  
revilens Bi-  
turicas, reos  
carcere libe-  
ravit.

d

Mat. 25. 36.

Ibid. v. 40.



facere mirabilia. Sic ergo reis absolutis, qui penè nudì videbantur, Eligius elargitis indumentis & elemosynis, mandat de cetero corrigere vitam; multamque & aliam, exceptis his eodem die diversis pauperibus, necnon & Monasteriis, distribuit pecuniam. Inde igitur digressus, cæpto tramite pergens pervenit tandem ad luos.

Diebus namque singulis plebem sibi commissam commonens, infatigabiliter salutaribus monitis exhortabatur, zelo nimirum veritatis accensus, volebat populis pandere quod ipse intemeratâ fide teneret, mandans omnibus servire Deo in veritate, & facere justitiam in omni tempore, & ut essent memores beneficiorum Christi, & benedicerent nomen ejus cunctis diebus vitæ suæ. Nam collectis undique ad Ecclesiam turbis multa quidem & magna breviter in sermone complexa, sed in ædificatione spiritaliter copiosa, cum prophetica fiducia exaltans vocem, hujuscemodi ad eos proferebat monita:

**CAPUT XV.**  
Quibus monitis exhortans evangelizabat populo.

Rogo vos, Fratres carissimi, & cum grandi humilitate admoneo, ut intentis animis auscultare jubetis quæ vobis pro salute vestrâ suggerere volo: Omnipotens enim scit Dominus quoddam promptâ erga vos caritate ista vobis profero; quæ si non fecero; proculdubio reus debiti tenebor: vos ergo non pro meâ parvitate, sed pro vestrâ quæ dico salute libenter suscipite, ita dumtaxat ut quæ aure percipitis, opere compleatis, ut & ego de meo obsequio, & de vestro profectu merear vobiscum gaudere in cœlesti regno. Si cui fortè displiceo quod tam frequenter vobis prædicare contendo, rogo non mihi molestus existat, sed magis periculum meum consideret, & audiat Dominum per Prophetam terribiliter Sacerdoti comminantem: *Si non annuntiaveris, inquit, iniquo iniquitatem suam, ipse in iniquitate sua morietur: sanguinem autem ejus de manu tuâ requiram. Quod si annuntiaveris impio, & ille non fuerit conversus à pravitate suâ, ipse quidem in iniquitate sua morietur, tu autem animam tuam liberaisti.* Et illud: *Clama, ne cesses, & annuntia populo meo peccata eorum.* Considerate ergo, Fratres, quia oportet me sine cessatione vestros animos ad tremendum Dei judicium, & ad desiderandum cœlestis præmium excitare, ut vobiscum pariter merear in Angelorum consortio perpetuâ pace gaudere; ideoque rogo ut diem judicii semper pertimescatis, diem mortis suspectum quotidie ante oculos habeatis. Considerate quales eritis præsentandi conspectibus Angelorum, vel qualem pro meritis vicissitudinem recepturi, & si poteritis in illo die illibatum referre quod in baptismo promissistis. Mementote quia tunc pactum cum Deo fecistis, atque abrenuntiare vos diabolo, & omnibus operibus ejus, in ipso baptismi sacramento promissistis. Qui potuit, tunc ipse per se & pro se hæc respondit; qui verò non potuit, fidejussor pro eo ad ejus vicem ista Deo promisit, ille scilicet qui eum de sacro fonte suscepit. Considerate ergo quale pactum cum Deo fecistis, & requirite apud vos ipsos, si post ipsam promissionem opera maligni diaboli, cui renuntiavistis, sequuti estis; abrenuntiastis enim diabolo, & omnibus pompis & operibus ejus, id est, idolis, sortibus, auguriis, furtis, fraudibus, fornicationibus, ebrietatibus, & mendaciis; hæc sunt verò opera & pompæ ejus: promissistis è contrâ credere vos in Deum Patrem omnipotentem, & in JESUM CHRITUM filium ejus unicum Dominum nostrum, conceptum de Spiritu sancto, natum ex MARIA Virgine; passum sub Pontio Pilato; tertiâ die resurrexisse à mortuis; ascendisse in cœlos: promissistis deinde credere vos

& in Spiritum sanctum, sanctam Ecclesiam Catholicam, remissionem peccatorum; carnis resurrectionem; & vitam æternam. Hæc proculdubio cautio & confessio vestra, quam tunc promissistis, semper apud Deum tenetur, quapropter vos, Carissimi, moneo ut ista confessio, vel promissio vestra semper in vestrâ teneatur memoriâ, & hoc quod Christiani vocamini, non ad judicium vobis sit, sed potius ad remedium. Nam ideo Christiani facti estis, ut semper opera Christi faciatis, id est, ut castitatem amatis, luxuriam & ebrietatem fugiatis; humilitatem teneatis, superbiam detestemini, quia Dominus Christus humilitatem & ostendit exemplis, & docuit verbis, dicens: *Discite à me quia mitis sum, & humilis corde; & invenietis requiem animabus vestris.* Invidiam etiam respuatis, charitatem invicem habeatis, & semper de futuro sæculo & de æternâ beatitudine cogitatis, ac plus pro animâ quàm pro corpore laboretis, quia caro paucò tempore erit in hoc mundo, anima verò si benè agit sine fine regnabit in cœlo; at si malè egerit, sine misericordiâ ardebit in inferno: qui verò non cogitat nisi de istâ tantummodo vitâ, animalibus & bestiis similis factus est.

Matt. 11. 29.

Non ergo vobis sufficit, Carissimi, quoddam Christianum nomen accepistis, si opera Christiana non facitis: illi enim prodest quoddam Christianus vocatur, qui semper Christi præcepta & mente retinet, & opere perficit, qui furtum scilicet non facit, qui falsum testimonium non dicit, qui nec mentitur, nec perjurat; qui adulterium non committit, qui nullum hominem odit, sed omnes sicut semetipsum diligit; qui inimicis suis malum non reddit, sed magis pro ipsis orat, qui lites non concitat, sed discordes ad concordiam revocat. Hæc enim præcepta ipse Dominus Christus per semetipsum dignatus est in Evangelii tradere, dicens: *Non homicidium facies, non adulterabis, non facies furtum, non falsum testimonium dices, non perjurabis, & fraudem non feceris. Honora patrem & matrem: & diliges proximum tuum sicut teipsum.* Et, *Quodcumque vultis ut faciant vobis homines, & vos facite eis.* Hæc est enim Lex & Prophetæ, & adhuc his majora, sed valde fortia atque fructifera his dedit mandata, dicens: *Diligite inimicos vestros, benefacite his qui oderunt vos.* Et, *Orate pro persequentibus, & calumniantibus vos.* Ecce forte mandatum, & videtur hominibus durum, sed magnum quidem habet præmium: audite quale: *Ut sitis, inquit, filii patris vestri qui in cœlis est.* O quanta gratia! per nos servi digni non sumus, & per inimicorum dilectionem filii Dei efficiamur. Ideo ergo, Fratres, & amicos diligite in Deum, & inimicos diligite propter Deum; *Qui enim diligit proximum, sicut dicit Apostolus, legem implevit.* Nam qui verus Christianus vult esse, hæc ei necesse est præcepta custodire; si enim non custodit, ipse se circumvenit. Ille itaque bonus Christianus est, qui nulla phylacteria, vel adinventiones diaboli credit, sed omnem spem suam in solo Christo ponit; qui peregrinos tamquam ipsum Christum cum gaudio suscipit; quia ipse dicit: *Hospes fui, & suscepistis me.* Et, *Quamdiu fecistis uni ex minimis meis, mihi fecistis.* Ille, inquam, bonus Christianus est, qui hospitibus pedes lavat, & tamquam parentes carissimos diligit; qui juxta quod habet, pauperibus elemosynam tribuit; qui ad Ecclesiam frequentius venit, & oblationem quæ in altari Deo offeratur, exhibet; qui de fructibus suis non gustat, nisi prius Deo aliquid offerat; qui stateras dolosas, & mensuras duplices non habet; qui pecuniam suam non dedit ad usuram; qui & ipse castè vivit, &

f

Ibid. 19. 12.  
& seqq.

Ibid. 7. 12.

Ibid. 5. 44.

Ibid. v. 45.

Rom. 13. 8.

Qui verè Christiani.

Matt. 25. 35.

Ibid. v. 40.

Quæ Christianorum in baptismo promissa.

e ipse... teneret] Codex S. Aud. ipse... tenerent.

f factus est] In codice S. Aud. non legitur factus.

filios



filios vel vicinos docet, ut castè & cum timore Dei vivant; & quoties sanctæ solemnitates adveniunt, ante dies plures castitatem etiam cum propriâ uxore custodit, ut securâ conscientia ad Domini altare accedere possit: qui postremò symbolum vel orationem Dominicam memoriter tenet, & filios ac familiam eandem docet. Quitalis est, sine dubio verus Christianus est, sed & Christus in ipso habitat, qui dixit: *Ego & Pater veniemus, & mansionem apud eum faciemus*. Similiter & per Prophetam dicit: *Ego inhabitabo in eis, & inter illos ambulabo: & ero illorum Deus*.

Ecce audistis, Fratres, quales sint Christiani boni, ideo quantum potestis cum Dei adjutorio laborate, ut nomen Christianum non sit falsum in vobis, sed ut veri Christiani esse possitis, semper præcepta Christi & cogitate in mente, & implete in operatione; redimite animas vestras de pœnâ, dum habetis in potestate remedia: eleemosynam juxta vires facite, pacem & charitatem habete, discordes ad concordiam revocate, mendacium fugite, perjurium expavescite, falsum testimonium non dicite, furtum non facite, oblationes & decimas Ecclesiis offerite, luminaria sanctis locis juxta quod habetis exhibete, symbolum & orationem Dominicam memoriâ retinete, & filii vestris insinuate; filios etiam quos ex baptismo suscepistis docete & castigatè, ut semper cum timore Dei vivant, scitote vos fidei iustos pro ipsis apud Deum esse. Ad Ecclesiam quoque frequentius convenite, Sanctorum patrocinia humiliter expetite, diem Dominicum pro reverentiâ Resurrectionis Christi absque ullo servili opere colite, Sanctorum solemnitates pio affectu celebrate: proximos vestros sicut vos ipsos diligite: quod vobis vultis ab aliis fieri, hoc & vos aliis facite: quod vobis non vultis fieri, nulli facite: charitatem ante omnia habete, quia charitas operit multitudinem peccatorum: estote hospitales, humiles, omnem sollicitudinem vestram ponentes in Deum, quoniam ipsi cura est de vobis. Infirmos visitate, carceratos requirite, peregrinos suscipite, esurientes pascite, nudos vestite. Ariolos & magos spernite: sit vobis æqualitas in pondere & in mensurâ, sit statera justa, justus modius, æquusque sextarius, nec plusquam dedistis repetatis, neque usuras pro fœneratâ pecuniâ à quoquam exigatis. Quod si observaveritis, securi in die judicii ante tribunal æterni Judicis venientes dicetis: Da, Domine, quia dedimus; miserere quia misericordiam fecimus; nos implevimus quod jussisti, tu redde quod promissisti.

Ante omnia autem illud denuntio atque contestor, ut nullas <sup>h</sup> Paganorum sacrilegas consuetudines observetis, non caraios, non divinos, non sortilegos, non præcantatores; nec pro ullâ causâ aut infirmitate eos consulere, vel interrogare præsumatis; quia qui facit hoc malum, statim perdit baptismi sacramentum. Similiter & auguria, vel sternutationes nolite observare, nec in itinere positi aliquas aviculas cantantes attendatis, sed sive iter, seu quodcumque operis arripitis, signate vos in nomine Christi, & symbolum, & orationem Dominicam cum fide & devotione dicite, & nihil vobis nocere poterit inimicus. Nullus Christianus observet quâ die domum exeat, vel quâ die revertatur, quia omnes dies Deus fecit: nullus ad inchoandum opus diem vel lunam attendat: nullus in Kalendis Januarii nefanda & ridiculosa, vetulas, aut cervu-

los, aut jotticos <sup>i</sup> faciat, neque mensas super noctem componat, neque strenas, aut bibitiones superfluas exerceat. Nullus Christianus in puras credat, neque in cantu sedeat, quia opera diabolica sunt: nullus in festivitate sancti Joannis, vel quibuscumque Sanctorum solemnitatibus, solstitia, aut vallationes, vel saltationes, aut caraulas <sup>l</sup>, aut cantica diabolica exerceat: nullus nomina dæmonum, aut Neptunum, aut Orcum, aut Dianam, aut Minervam, aut Geniscum <sup>\*</sup>, aut cæteras hujusmodi ineptias credere, aut invocare præsumat. Nullus diem Jovis absque festivitibus sanctis, nec in Maio, nec ullo tempore in otio observet, neque dies tiniarum, vel murorum, aut vel unum omnino diem, nisi tantum Dominicum. Nullus Christianus ad fana, vel ad petras, vel ad fontes, vel ad arbores, aut ad cellos, vel per trivia luminaria faciat, aut vota reddere præsumat: nullus ad colla vel hominis, vel cujuslibet animalis ligamina dependere præsumat, etiam si à Clericis fiant, & si dicatur quod res sancta sit, & lectiones divinas contineat, quia non est in eis remedium Christi, sed venenum diaboli. Nullus præsumat lustrationes facere, nec herbas incantare, neque pecora per cavam arborem, vel per terram foratam transire, quia per hæc videtur diabolo ea consecrare. Nulla mulier præsumat succinos ad colum dependere, nec in telâ vel in tincturâ, sive quolibet opere Minervam, vel infaustas cæteras personas nominare, sed in omni opere Christi gratiam adesse optare, & in virtute nominis ejus toto corde confidere. Nullus, si quando luna obscuratur, vociferare præsumat, quia Deo jubente certis temporibus obscuratur; nec lunâ novâ quisquam timeat aliquid operis arripere, quia Deus ad hoc lunam fecit, ut tempora designet, & noctium tenebras temperet, non ut alicujus opus impediât, aut dementem faciat hominem, sicut stulti putant, qui à dæmonibus invasos à lunâ pati arbitrantur. Nullus dominos solem aut lunam vocet, neque per eos juret; quia creatura Dei sunt, & necessitatibus hominum jussu Dei inserviunt: nullus sibi proponat fatum vel fortunam, aut genesim, quod vulgò nascentia dicitur, ut dicat, qualem nascentia attulit, taliter erit; quia Deus omnes homines vult salvos fieri, & ad agnitionem veritatis venire, atque omnia in sapientia dispensat, sicut disposuit ante constitutionem mundi. Præterea quoties aliqua infirmitas supervenerit, non quarantur præcantatores, non divini, non sortilegi, non caragi, nec per fontes aut arbores, vel bivios diabolica phylacteria exerceantur; sed qui ægrotat, in solâ Dei misericordiâ confidat, & Eucharistiam Corporis & Sanguinis Christi cum fide ac devotione accipiat, oleumque benedictum fideliter ab Ecclesiâ petat, unde corpus suum in nomine Christi ungit, & secundum Apostolum oratio fidei salvabit infirmum, & allevabit eum Dominus; & non solum corporis, sed etiam animæ sanitatem recipiet, complebiturque in illo quod Dominus in Evangelio promissit, dicens: *Omnia enim quacumque petieritis in oratione credentes, accipietis*.

Ante omnia ubicumque estis, sive in domo, live in itinere, sive in convivio, verba turpia & luxuriosa nolite ex ore vestro proferre, quia sicut Dominus in Evangelio prænuntiat: *De omni verbo otioso quod loquuti fuerint homines super terram, reddent rationem in die judicii*. Ludos etiam diabolicos, & vallationes <sup>m</sup>, vel cantica gentilium fieri vetate; nul-

<sup>g</sup> familiam eandem ] Codex S. Aud. filius eandem.

<sup>h</sup> ut nullas ] Idem S. Aud. codex, ne ullas.

<sup>i</sup> jotticos ] Codex S. Aud. uleriosicos.

<sup>l</sup> aut coraulas ] Deest in codice S. Aud. legendum aut Tom. II.

<sup>\*</sup> choraulas. Infra ubi editum est *aut Geniscum*, haud satis scio an reponendum sit, aut Genium.

<sup>m</sup> vallationes ] Acherius rectè monet legi oportere ballationes, h. e. saltationes.

1. Tim. 2. 4.

Jacob. 5. 15.

Mat. 22. 22.

Ibid. 12. 36.

lus hæc Christianus exerceat, quia per hæc paganus efficitur; nec enim iustum est ut ex ore Christiano, ubi sacramenta Christi mittuntur, & quod decet Deum semper laudare, cantica diabolica procedant: ideoque, Fratres, omnes adinventiones inimici toto corde respuite, & supradicta sacrilegia cum omni horrore fugite. Nulli creaturæ præter Deo & Sanctis ejus venerationem exhibeatis: fontes vel arbores, quos sacros vocant, succidite; pedum similitudines, quos per bivia ponunt, fieri vetate, & ubi inveneritis, igni cremate: per nullam aliam artem salvari vos credatis, nisi per invocationem & crucem Christi. Nam illud quale est, quod si arbores illæ, ubi miseri homines vota reddunt, ceciderint, nec ex eis ligna ad focum sibi deferunt? Et videre quanta stultitia est hominum, si arbori insensibili & mortuæ honorem impendunt, & Dei omnipotentis præcepta contemnunt. Non ergo cælum, non sydera, non terram, nec ullam omnino creaturam præter Deum ullus adorandam credat; quia omnia ipse solus condidit atque disposuit. Altum quidem est cælum, ingens terra, immensum mare, pulchra sydera, sed immensior & pulchrior sit necesse est, qui hæc creavit: si enim hæc quæ videntur tam incomprehensibilia sunt, id est, varii terræ fructus, pulchritudo florum, diversitas pomorum, genera animalium, alia super terram, alia in aquis, alia in aëre, apum quoque prudentia, ventorum flatus, nubium rores, tonitruorum fragores, temporum vices, dierum noxiumque vicarius recursus, quæ omnia nullatenus mens humana potest æstimatione comprehendere: si ergo hæc talia sunt, quæ videmus, & nullatenus comprehendimus, qualia æstimanda sunt illa cælestia, quæ nondum videmus? Vel qualis horum omnium opifex, cujus nutu cuncta creata sunt, cujus & arbitrio omnia gubernantur? Illum ergo, Fratres, super omnia timeate, illum inter omnia adorete, illum ultra omnia amate, ad illius vos misericordiam tenete, de ejus clementiâ nunquam desperate.

Quos bonos videtis, illos imitamini; quos malos conspiciatis, castigate & corripite, ut duplicem mercedem habere possitis. Et qui hæc idoneus à supradictis malis vixisse cognoscitur, gaudeat quidem, & Deo gratias agat, ac de cætero observet, & perseverare in bonis operibus festinet: qui verò usque nunc mala opera exercuit, citò se corrigat, & ex toto corde penitentiam agat antequam de hac luce discedat; quia si sine penitentiâ mortuus fuerit, non ibit in redemptionem<sup>n</sup>, sed præcipitabitur in gehennam ignis, unde nunquam exiet in sæcula sæculorum. Quapropter omnes alloquor, viris pariter & fœminis dico, corrigat se unusquisque, & vitia sua dum potest emendet, mala opera quæ gessit penitendo expiet. Nullus se inebriet, nullus in convivio suo cogat alium plus bibere quàm oportet, quia vino multo deditos vehementer Apostolus redarguit dicens: *Neque ebriosi regnum Dei possidebunt.* Nullus vel in quâlibet minimâ causâ diaboli sequatur adinventiones: nullus, sicut dictum est, observet egrediens aut ingrediens domum quid sibi occurrat, vel si aliqua vox reclamantis fiat, aut qualis avis cantus garriat, vel quid etiam portantem videat; quia qui hæc observat, ex parte paganus dignoscitur; qui verò hæc contemnit, sibi Prophetam gratuletur clamare: *Beatus vir cuius est nomen Domini spes ejus; qui non respexit in vanitates & infanias falsas.* Hinc & Apostolus monet: *Omnes,*

inquit, *quodcumque facitis, in nomine Domini nostri JESU-CHRISTI facite.* Prorsus ergo recedendum est à cunctis hujuscemodi observationibus, Mathematici spernendi, auguria horrescenda, somnia contemnenda, quoniam, sicut Scriptura testatur, vana sunt. Unde & per Moysen præcipitur: *Non augurabimini, inquit, nec observabitis somnia, neque ad magos declinabitis.* Oportet igitur ut & vos hæc totâ mente observetis, & si quos cognoscitis vel occultè aliqua phylacteria exercere, expedit ut nec cibum cum eis sumatis, neque ullum consortium apud eos habeatis. Ista ergo omnia spernentes ad Dei vos auxilium conferte, de ejus misericordiâ nunquam desperate.

Omni die Dominico ad Ecclesiam convenite, & ibi non causas, non rixas, vel otiosas fabulas agatis, sed lectiones divinas cum silentio auscultate; & pro pace Ecclesiæ, vel pro peccatis vestris orate: qui enim in Ecclesiis fabulari non timet, & pro se, & pro aliis redditurus est rationem; dum nec ipse verbum Dei audit, nec alios audire permittit: de talibus quippe Dominus in Evangelio dicit: *Va vobis hypocrite, qui clauditis regnum cælorum ante homines: vos non introitis, nec introeuntes finitis intrare.* Judices etiam qui præestis, justissimè judicate, nihil in judicio injustè agatis, nec munera super innocentes accipiat; non ad personam attendatis, nec res alienas rapaciter<sup>p</sup> tollatis, quia de vestris quid vel supra noctem agatur, nescitis. Pauperem etiam & advenam nullatenus in judicio opprimatis, timentes illud quod Veritas in Evangelio dicit: *Quia in quo judicio judicaveritis, judicabimini. Et in quâ mensurâ mensi fueritis, remetietur vobis.* Cavete semper ne de vobis Propheta dicat: *Va vobis qui potentes estis in mundo: qui justificatis impium pro muneribus, & justitiam justi auferitis ab eo. Va qui dicitis malum bonum, & bonum malum. Labia vestra loquuntur mendacium, & manus vestra plena sunt iniquitate. Facta est vobis veritas in oblivionem, & justitia fugit à vobis.* Hæc, Fratres, considerantes pariter & qui præestis, & quibus præestis, in Dei vos timore solidate; retinete quæ dicta sunt, facite quæ præcepta sunt, habete semper Christum in mente, signum ejus in fronte. Scitote quia multos habetis adversarios qui cursum vestrum impedire festinant; idcirco in omni loco, omni horâ, crucis signaculo vos armate, crucis vexillo vos munite: hoc enim solum timent, illud solum expavescunt; hoc & vobis datum est scutum in quo possitis omnes sagittas maligni ardentes extinguere. Porro magna res est signum Christi, & crux Christi, sed illis solis prodest qui faciunt mandata Christi; ut ergo vobis profit, præcepta ejus totis viribus adimplere contendite, & si se sedetis, si ambulatis, si manducatis, si lectum ascenditis, si ab strato surgitis, jugiter signum Christi vestram muniat frontem, ut vos semper memoria Dei & vigilantes protegat, & in sopore custodiat; & quoties in nocte excitati fueritis, & somnus ex oculis evolaverit, mox labiis signum Crucis occurrat, mensque orationibus occupetur, ac Dei præcepta in corde volvantur, ne stupido pectori repente subrepat inimicus, vel per fatuam incuriam serpat in animam avidus adversarius: & cum in sensu vobis turpem suggererit cogitationem, proponite futurum Dei judicium, inferni supplicium, gehennæ pœnas, tartari tenebras, quæ impij patiuntur. Si hæc feceritis, statim turpis cogitatio evanescit, nec vos deserit virtus Christi; quia verum est quod

Levit. 19. 26.

Mat. 23. 13.

P

Ibid. 7.

Isai. 5. 22.

Ibid. 20.

Ibid. 19. 3.

Ibid. 19.

1. Cor. 6. 10.

Psalm. 39. 5.

Coloss. 3. 17.

<sup>n</sup> in redemptionem] Codex S. Aud. in requiem, quæ lectio nescio an non aprior sit.

<sup>o</sup> & pro se & pro] Sic codex S. Aud. Editi & ipse pro

aliis.

<sup>p</sup> rapaciter] In codice S. Aud. legitur rapaci fortia.

Gal. 3. 10.

Propheta canit : *Sperantes in Domino misericordia circumdabit.*

Jacob. 1. 12.

1. Cor. 11. 32.

Hib. 12. 6.  
Ibidem.

Deut. 13. 3.

Job 1. 21.

Matt. 19. 29.

Sed cum hæc omnia, auxiliante Domino, impleveritis, scitote quia hoc molestè accepturus est diabolus, dum viderit vos à societate suâ discedere, & ob hoc fortasse aliquas nequicias aut infirmitates vobis immittet, nolite pro hoc desperare, quia ad vos probandos permittet hoc Deus fieri, ut cognoscat si ex toto corde vos ad ejus misericordiam tenetis, vel si veraciter in eum creditis; sed vos patienter cuncta sufferte, & Deum in omnibus benedicite, ut in vobis impleri possit quod scriptum est : *Beatus vir qui suffert tentationem; quoniam cum probatus fuerit, accipiet coronam vite.* Consolatur vos & hoc quod Apostolus dicit : *Quia cum tribulamur, à Domino corripimur, ut non cum hoc mundo damnemur* : necnon & illud : *Flagellat Deus omnem filium quem recipit.* Et illud : *Quos amat Dominus arguit & castigat.* Quodd si semel vel bis nequicias quas immittit, viriliter atque fideliter pro Dei timore sustuleritis, ita ipsum postea à vestrà infestatione Deus dignabitur repellere, ut ulterius vos nunquam possit nocere. Ita ergo vos, si veri non falsi Christiani estis, omnes diabolicas circumventiones fugite ac despiciate, & totâ mente vos ad Deum tenete, ut quæcumque vobis adversa inimicus immiserit, patienter & fortiter toleretis; nam & si per sortilegos aut divinos aliqua prædixerit, & ita evenerit, nolite mirari, quia spiritus per aëra volantes facillè possunt prævidere aliqua futura. De hac re etiam Scriptura divina contestatur, dicens : *Etiam si vera dixerint vobis; nolite credere eis.* Tentat enim vos Dominus Deus vester utrum timeatis eum, an non. Illud etiam scitote, quia nec vos nec aliquid quod ad vos pertinet lædere poterit inimicus, nisi quantum permiserit Deus; permittit autem hoc Deus, quia peccata hominum hæc exigunt; permittit, inquam, duabus ex causis; ut aut probet, si boni estis, aut castiget, si peccatores. Sed qui patienter dispensationem Domini sustinuerit, ita ut cum perdiderit aliquid, dicat : *Dominus dedit, Dominus abstulit; sicut Domino placuit, ita factum est, sit nomen Domini benedictum.* Pro istâ patientiâ aut coronam accipiet, si justus est, vel indulgentiam, si peccator: quodd si murmuraverit, vel desperaverit, rerum pariter atque animæ damnum incurret. Sed mihi credite, Fratres, quia si ex toto corde semper in Dei timore permanseritis, & præcepta ejus custodieritis, ita ut nulla ex gentili consuetudine observetis, nihil vobis jam inimicus nocere poterit, sed omnia vestra prosperabuntur: recto enim Christiano nec auguria, nec alia quælibet figmenta nocere possunt, quia ubi signum Crucis cum fide & timore Dei præcesserit, nihil ibi inimicus nocere poterit: tepidis verò & negligentibus ideo nocere possunt, quia relinquentes Dei præcepta per vitæ suæ negligentiam prava exercendo opera, ipsi se dæmonum potestati spontaneâ tradunt voluntate; qui si in Christi servitio perseverarent, & per ejus solum confiderent auxilium, nihil prorsus mali paterentur.

Hoc ergo scientes, totis viribus vos ad Dei misericordiam tenete, opera bona semper agite, & de substantiâ vestrà pauperibus erogate; qui plus habet, plus tribuat, qui verò minus, ex ipso largiatur beatus & hilaris; unusquisque quod prævalet tribuat: quia nimirum est unde gaudeat. Scilicet, qui dat parum, accipiet multum, sicut & Dominus promittit dicens : *Centuplum accipiet, & vitam æternam possidebit.* Dat, inquam, nummum, & comparat cœleste regnum; dat parvam pecuniam,

& emit vitam æternam. Tenete ergo vos ad eleemosynam, quia sicut scriptum est : *Eleemosyna de morte liberat.* Et qui eam fecerit, non ibit in tenebras. Unusquisque quantum prævalet, tantum porrigat; qui habet aurum, det aurum; qui habet argentum, det argentum; qui verò non habet pecuniam, cum bono animo det buccellam pauperibus; & si non habet integram, ex eo quod habet frangat, & partem egeno tribuat; sciat quia quamvis parum cum bono animo obtulerit, acceptabile Deo erit; Dominus enim non copiâ largitatis, sed benevolentia & devotione delectatur & pascitur largientis. Ut autem nullus pauper se ab eleemosynâ excusare possit, ipse Dominus pro calice aquæ frigida mercedem redditurum se esse promissit. Qui enim plures à Deo facultates accepit, majus judicii periculum sustinebit: potuit nempe Deus omnes homines divites facere, sed pauperes ideo in hoc mundo esse voluit, ut divites haberent quomodo peccata sua redimerent. Redimite ergo vos, Carissimi, dum habetis in potestate pretium; date eleemosynam de bono & de justo labore, & non de alterius rapinâ; audite modo ante fores vestras pauperes rogantes, ut ipsi pro vobis in die judicii rogent: Prophetam attendite clamantem : *Qui averterit, inquit, aurem suam à clamore pauperis, & ipse invocabit Dominum, & non exaudiet eum.* Date ergo de eo quod vobis dedit Deus, quia ipse accipit quod pauperibus datis; ipsi quidem datis, sed vobis in futurum transmittitis, non unde ventrem impleatis, sed unde flammam exstinguatis; quia *Sicut aqua exstinguit ignem, sic eleemosyna exstinguit peccata.* Hinc & Dominus per Prophetam dicit : *Dabunt singuli redemptionem animarum suarum, & non erit in eis morbus, neque casus.* Date ergo dum licet, redemptionem animarum vestrarum; redimite vos ipsi dum vivitis; quia post mortem nemo vos redimere potest. Unusquisque de quali ingenio vel artificio vivit, de ipso decimam Deo in pauperibus vel Ecclesiis donet: consideret, quia omnia Dei sunt per quæ vivit, sive terra, sive semina, sive flumina, vel omnia quæ sub cœlo vel suprâ cœlos sunt; & si ipse non dedisset, nihil utique haberet; nam Deus noster, qui dignatur totum dare, decimam de suo dignatur à nobis repetere, non sibi penitus, sed nobis profuturam: sic enim per Prophetam ipse promissit, dicens : *Inferte, inquit, omnem decimam in horreis meis; & probate me in his, dicit Dominus. Si non aperuero vobis cataractas cœli, & effudero vobis fructus terræ usque ad abundantiam.* Reddite ergo libenter ex omnibus quæ possidetis super terram; quod cognoscitis Deo placere; nolite de cunctâ substantiâ vestrà fraudare decimam, ne vobis novem partes auferantur, & sola decima remaneat. Convertimini ad hoc, dicit Dominus, ut aperiam vobis cataractas cœli, & effundam vobis benedictionem meam. Si igitur dederitis voluntariè, plus semper vobis Dominus dabit; si non dederitis, quantumque pauperes in locis quibus habitatis fame mortui fuerint, tantorum homicidiorum rei eritis. Insuper immittet vobis Dominus pestilentiam, & famem, & perdetis totum quod habetis; necnon adhuc & animas vestras. Ut autem hæc vobis non veniant, festinate cum bono animo dare, unde animas vestras possitis redimere, nec eligatis cui misericordiam faciatis, ne forte prætereatis eum qui meretur accipere, quia nescitis in quem Christus dignetur venire. Scitote, quia quod pauperi vel peregrino in terrâ largimini, sedenti in cœlo datis, qui dixit : *Qui vos recipit, me recipit: & quamdiu uni ex*

Job. 12. 9.

Matt. 10. 42.

Prov. 21. 13.

Eccli. 3. 33.

Malach. 3.

q

Matt. 10. 40.

q fructus terræ] Al. benedictionem.  
Tom. 11.

N ij

*minimis meis fecistis, mihi fecistis.*

Levit. 26. 3.

Inter hæc autem omnia quæ Dominus exerceri præcepit bonitatis opera, nihil aliud à vobis querit nisi salutem animarum vestrarum, & ut timeatis eum semper, & custodiatis mandata ejus: Quod si feceritis, dabit vobis, sicut per sanctum Moysen pollicitus est, pluvias congruenti tempore, & terra vestra gignet germen suum, erit abundantia fructuum, pomorum, vinearumque & segetum, & abundabitis omnibus bonis: & dabit vobis pacem per circuitum, & absque terrore eritis: ipseque habitabit inter vos. E contra si non custodieritis præcepta ejus, venient in vobis plagæ ab eodem Moysè prædictæ: pestilentia scilicet, fames & gladius; eritque cælum sicut ferrum, & terra quasi æramentum, nec proferet terra germen, & legetes omnes delebuntur; omnisque labor vester in calum consumetur. Insuper confluent in vos hostes vestri, & devorabit vos gladius, & erit terra vestra deserta & desolata: & tunc clamabitis præ angustia, & non exaudiet Dominus: sicut per Prophetam minatur dicens: *Loquutus sum, & non audierunt, & clamabunt, & non exaudiam dicit Dominus.* Et iterum Propheta clamat: *Non est abbreviata manus Domini, ut non possit salvare, aut exaudire, sed iniquitates vestrae dividerunt inter vos & Deum vestrum, & peccata vestra absconderunt faciem ejus à vobis ne exaudiat.* Ut ista verò vobis non contingant, custodite quæ præcepta sunt, implete Dei mandata, ut vivatis & benè sit vobis, nihilque calamitatis vobis eveniat: ipse enim per Prophetam consolatur, dicens: *Si egerint, inquit, pœnitentiam pro iniquitatibus suis; & ego pœnitentiam agam super malum quod loquutus sum ut facerem eis, & non faciam, dicit Dominus.* Hæc ergo, Fratres, semper in mente tenete, hæc verba filiis & vicinis vestris narrate, hæc rememoramini dum sedetis in domos vestras, & dum ambulatis, nec obliviscamini ea cum bene fuerit vobis, sed Deum semper timete, & ipsi soli servite, ne irascatur contra vos furor ejus. Scitote, quia ipse custodit pactum & misericordiam diligentibus se, & custodientibus præcepta sua, omneque ab eis tollet languores. Considerate quia, sicut beatus Joannes Apostolus prænuntiat, *Novissima hora est*: ideoque nolite jam mundum diligere, quia citò transit, & omnis concupiscentia ejus cum eo: vos autem facite voluntatem Dei, ut maneatis in æternum, & habeatis fiduciam cum apparuerit, nec confundamini in adventu ejus. Nemo vos seducat; qui facit justitiam justus est, & qui facit peccatum ex diabolo est. Et utique omne peccatum sive furtum, sive adulterium, sive mendacium, sine dæmonis operatione non fit. Considerate, quæso, quam perniciosum est opera diaboli exercere, ejusque participem fieri, non in requie, sed in pœnâ gehennæ. Idcirco quotiescunque peccatis, nolite expectare mortiferam securitatem, ut vulnera ipsa putrescant, nec alia insuper augeatis, sed continuo per pœnitentiæ confessionem remedium vobis adhibere festinate. In magnis etiam operibus vos jugiter dilatare contendite, ita ut qui fuit hactenus imperbus, jam sit humilis; qui erat adulter, sit castus; qui solebat furari, aut res alienas tollere, incipiat jam res proprias Ecclesiis & pauperibus erogare; qui fuit invidus, sit benignus; qui erat ebriolus, sit sobrius; qui fuit iracundus, sit patiens; qui fecit alteri injuriam, citò veniam petat; cui injuria facta est, sine morâ dimittat, ut & illi dimittatur; aut quare non dimittat fratri parum, ut illi Deus dignetur dimittere totum? Nam & hoc eleemosynæ genus est, ut dimittat aliquis ex toto corde ei à quo læsus extiterit. Quod si aliquis ita sit pauper, ut nul-

Zach. 7. 13.

Isai. 59. 1.

Jerem. 18. 8.

1. Joann. 2. 18.

lam rem habeat unde eleemosynam corporalem faciat, quia non potest fieri ut ab aliquibus non patiat injuriam, si ex toto corde omnibus in se peccantibus indulgeat, & contra nullum hominem odium in corde teneat, atque omnes sicut semetipsum diligat, hoc ei proculdubio pro maximâ eleemosynâ reputabitur. Ut autem peccantibus in nos liberius dimittamus, hortatur Dominus in Evangelio, dicens: *Si dimiseritis hominibus peccata eorum, dimittet & vobis Pater vester cœlestis peccata vestra: si non dimiseritis hominibus peccata eorum, nec Pater vester dimittet vobis peccata vestra.*

Nemo ergo se circumveniat, nemo se seducat, quia qui unum hominem in hoc mundo in odium tenet, quidquid Deo in operibus bonis obtulerit totum perdet, quia non mentitur Apostolus terribiliter clamans: *Qui fratrem suum odit homicida est, & mendax est, & in tenebris ambulat.* Hoc loco fratrem omnem, hominem oportet intelligi, quia omnes in Christo fratres sumus. Ergo, Fratres, idcirco vos ad inimicorum dilectionem commoneo, quia ad sananda peccatorum vulnera nullum fortius medicamentum esse cognosco. Licet grandis sit labor inimicos diligere in hoc sæculo, sed magnum erit præmium in futuro. Qui hîc dilexerit inimicos, erit Dei amicus; nec solum amicus, sed etiam filius, sicut ipse hoc quod suprà jam præmisimus pollicetur, dicens: *Diligite inimicos vestros: benefacite his qui oderunt vos. Et orate pro calumniatoribus vos, ut sitis filii Patris vestri, qui in cœlis est.* Qui ergo diligit possidebit requiem; *Qui non diligit, sicut Apostolus dicit, manebit in morte.* Cum hæc ita sint, Carissimi, dilectionem veram, non falsam invicem habetote, actus vestros ad Deum semper dirigite, & quidquid potestis, pro amore vitæ æternæ laborate: currite dum lucem habetis, priusquam tenebræ vos comprehendant. Cum laboratis pro carne, laborate & pro animâ: si curritis pro carne quam post modicum tempus vermes devoraturi sunt in sepulcro, plus currite pro animâ, ut ornata bonis operibus sine fine lætetur in cœlo. Ante omnia, quando jejunatis, quod prandere debetis pauperibus erogate; & sicut Dominus in Evangelio docet, *Cum jejunatis, nolite fieri sicut hypocritæ, tristes, ut videamini ab hominibus, sed illi soli qui videt in absconso.* Et iterum monet: *Attendite ne justitiam vestram faciatis coram hominibus, ut videamini ab eis.* Plus ergo semper de cibo cordis, quam de cibo corporis cogitate, & dum in mundo versamini, æternam vitam benè vivendo vobis emite. Lectiones divinas & in Ecclesiâ libenter audite, & quæ auditis jugiter in domibus vestris recolite, ut quomodo corpus pascitur cibo, sic reficiatur anima Dei verbo: certum est enim quia qualis est caro quæ post multos dies perceperit cibum, talis est & anima quæ rarè pascitur Dei verbo. Ergo, Carissimi, sive ambulatis, sive sedetis, sive operamini, vel omnia quaecunque agitis, semper quod ex divinâ lectione auditis ad mentem reducite, semperque Evangelica præcepta in corde ruminare.

Ante omnia luxuriam fugite, concupiscentiam malam vitæ, timentes illud quod Dominus in Evangelio dicit: *Omnis qui viderit mulierem ad concupiscentiam eam, jam mœchatus est eam in corde suo.* Uxores legitimas absque uliâ simulatione diligite, sicut Apostolus præcepit, dicens: *Viri diligite uxores vestras, sicut & Christus dilexit Ecclesiam.* Et secundum eundem Apostolum: *Mulieribus viris suis subjectæ sint, & timeant sicut Deum.* Nec quicumque vir legitimam uxorem ex quacunque occasione dimittere præsumat, quia secundum senten-

Matt. 6. 14.

1. Joann. 3. 12.

Ibid. 4. 17.

Matt. 5. 44.

Luc. 6. 27.

1. Joann. 3. 14.

Matt. 6. 16

Ibid. 1.

Ibid. 5. 28.

Ephes. 5. 25.

Ibid. 21.



Matt. 9. 32.

Heb. 13. 4.

Ibidem.

I

Prov. 28. 14.

Gal. 3. 28.

A. 7. 10. 34.  
I. p. 6. 8.

Levit. 25. 39.

tiam Domini: *Quicumque dimiserit uxorem suam exceptâ fornicationis causâ, facit eam mœcham.* Concubinas etiam sive ante nuptias, sive post nuptias habere prohibemus; quia omnino illicitum est: nam qui uxorem legitimam ducere cogitat, dignum est ut virginitatem usque ad nuptias custodiat, & post nuptias, nullam alteram præter unam legitimam conjugem cognoscat, sicut & Apostolus Paulus præcepit, ut ipse fidem servet, sicut & illam sibi servare vult; nec peccet cum aliâ, sicut nec suam vult cum alieno viro peccare, timens illud quod idem Apostolus terribiliter proclamat, dicens: *Fornicatores & adulteros judicabit Deus.* Quidquid enim de jure connubii mulieribus non licet, nec viris omnino licet: nam qui ante legitimas nuptias habere concubinam præsumit, pejus peccat, quam qui adulterium committit; & ob hoc dignus est à Christianorum consortio separari: qui si non pœnituerit; æterna illum flamma sine remedio cruciabit. Quapropter, Christiane, fuge fornicationem, erubescere jam sub oculis Dei & Angelorum peccare. Capitalia crimina omni nisu detestare, quæ sunt sacrilegium, homicidium, adulterium, falsum testimonium, furtum, rapina, superbia, invidia, avaritia, iracundia, & ebrietas; hæc sunt enim crimina quæ mergunt homines in supplicium æternum: ex quibus quicumque in se vel unum habere cognoscit, si pœnitentiam non egerit, sine ullo remedio in gehennâ ignis ardebit. Et ideo, anima Christiana, vigila, ora, cave semper prædicta crimina, & quidquid boniprævalet, age pro vitâ æternâ. Aperipau-peribus manum tuam, ut Christus tibi aperiat januam suam, & intres in gaudia paradisi: noli ipse te tradere in perditionem, quia Christus pro te effudit sanguinem, satis te carum habuit quem tam caro pretio comparavit. Terreat te gehennæ metus, quo vel sic possis abstinere à pravis operibus. Omni horâ mortem lædellè spera, & futura Dei judicia super te jugiter formida, ut tibi quod scriptum est possit aptari: *Beatus homo qui semper est pavidus.* Quod malè fecisti, dum potes emenda, dum est licentia pœnitentiæ; veniam non desperes si ad meliora converteris, quia desperatio pejor est omni peccato; nullatenus ergo de Dei misericordiâ desperes, nec post centum peccata, nec post mille crimina, quia nulla est tam gravis culpa, quæ pœnitendo non habeat veniam. Quamvis ergo quisque te irriter, quamvis convitiet, quamvis injuriam tibi faciat, tu tace, patiens esto, nec rependas contumeliam, & melius tacendo vinces injuriam: cum maledicunt tibi, benedic tu, & magnam habebis gratiam, si non lædas à quo læsus es. Nullum despicias, non egenum, non servum, quia forsitan melior est apud Deum quam tu; & quia *Omnes, secundum Apostolum, unum sumus in Christo Jesu.* Et, *Quia non est personarum acceptor Deus:* sed sicut scriptum est: *Unusquisque quodcumque fecerit bonum, hoc accipiet à Domino, sive servus, sive liber.* Non detrahas fratri tuo, nec facias calumniam proximo tuo, neque per violentiam opprimas eum, sed sicut per Moysen dicitur: *Si paupertate*

*pejus peccat*] Hunc in locum sic scripsit Acherius: His consona docet S. Augustinus term. 2. 43. de temp. sub medium, acerrimè eos confutans qui perperam sibi persuaserant, concubinis frui licere: *Pro quâ re*, inquit, *iterum atque iterum clamo, quia qui ante legitimas nuptias concubinam sibi assumere præsumit, pejus peccatum facit, quam qui adulterium committit: quia qui adulterat, adhuc tam grande malum secretè vult agere, in publico autem aut metuit, aut erubescit committere: ille verò qui publicè concubinam habere voluerit, fronte impudentissimâ rem execrabilem toto populo vidente licenter se putat admittere.* Audi'n causam cur pejus peccatum committat qui concubinæ adhæret palam, quam qui adulterium secretò ac

*compulsus vendiderit se tibi frater tuus, non affligas eum per potentiam more servorum, sed cum timore Dei age circa illum. Memento quoniam & tu servus es. Non oderis fratrem tuum in corde tuo, sed publicè argue eum, ut non habeas super illo peccatum.* Hinc & Dominus in Evangelio dicit: *Si peccaverit in te frater tuus, corripe eum inter te & ipsum solum.* Et rursus: *Si septies, inquit, in die peccaverit, & septies pœnituerit, dimitte illi.* Et iterum: *Si offers, inquit, munus tuum ad altare, & ibi recordatus fueris quia frater tuus habet aliquid adversum te, relinque ibi munus tuum ante altare; & vade prius reconciliari fratri tuo; & tunc veniens offers munus tuum.*

Hæc te, Christiane, præcepta revocent ad concordiam, hæc dulcia Christi medicamenta curent odii vulnera, quæ si contemseris, terribilem in te sententiam retorques, quæ dicitur: *Omnis qui irascitur fratri suo, reus erit iudicio. Vel qui dixerit fratri suo racha aut fatue, reus erit gehenna ignis.* Ecce audisti, Christiane, quid timeas, quid observes: habeto igitur charitatem, tene patientiam, fuge discordiam, impone frænos linguæ tuæ, ne trahat ad gehennam animam tuam; quia secundum Scripturam; *Mors & vita in manibus linguæ consistit.* Et, *Vir linguosus non dirigitur super terram.* Hæc sollicità consideratione penitantes, Carissimi, verba simul moresque componite; sectamini semper justitiam, amate Christi præcepta. Derelinquat impius viam suam, & revertatur ad Dominum (sicut Propheta clamat) & miserebitur ejus; quia pius est ad ignoscendum. Ipse enim admonet dicens: *Convertimini ad me, & sanabo adversiones vestras.* Et rursus: *Querite bonum & non malum, ut vivatis; & erit Dominus exercituum vobiscum.* Et iterum: *Odite malum, & diligite bonum, ut misereatur Dominus vestri.* Ecce hoc ipse Dominus per Prophetam clamat, & si me audire contemnit, saltem vel ipsum audite. Ipse etiam in Evangelio peccatores consolatur, dicens: *Non veni vocare justos sed peccatores in pœnitentiâ.* Ipse iterum monet dicens: *Querite primum regnum Dei & justitiæ ejus, & hæc omnia adjicientur vobis.* Et iterum: *Petite, & dabitur vobis; querite & invenietis; pulsate, & aperietur vobis.* Modo enim pro ineffabili pietate suâ Dominus non solum admonet, sed & rogat ut convertamur ad eum: audiamus ergo eum dum rogat, ne si non facimus, non audiat nos cum judicabit; audiamus & Scripturam clamantem: *Fili, miserebere animæ tuæ placens Deo.* Quid ad hæc respondes humana fragilitas? Deus rogat ut tui miserearis, & non vis; quomodo te audiet in die necessitatis supplicentem, cum tu eum pro teipso non audis rogantem? Si modo hæc neglexeritis, Fratres, quid facietis in die iudicii, vel ad cujus confugietis auxilium? Si, inquam, neglexeritis modo talia Dei exhortamenta, non effugietis tunc inferni tormenta, nec poterit vos aurum & argentum liberare, neque divitiæ, quæ nunc in angulis absconditis, & ex quibus arrogantes effecti salutem vestram obligati estis: hinc namque Dominus dicit per Pro-

Ibid. 19. 17.

Matt. 18. 15.

Ibid. 5. 23.

Ibid. v. 22.

Prov. 18.

Psalm. 139.

Iai. 55.

Jerem. 3.

Amos 5.

Ibidem.

Luc. 5.

Matt. 6.

Luc. 11.

Eccli. 30.

f

trepidè patrat, nempe erroneâ opinione, ac pravo alios exemplo in fornicationem inducens. Unde egregius doctor ibidem paulo ante dixerat: *Ideo à multis viris sine ullo timore Domini committuntur (fornicationes) quia ita à pluribus in consuetudinem missa sunt, & ita vilia vel levia, ut nec jam inter gravia crimina putentur.* Et post multa: *sed quod pejus est, faciunt hoc multi viri jure fori, non jure cœli, non justitia jubente, sed libidine dominante.* Ac proinde Eligius vel Augustinus haud quaquam adulterium simplici fornicatione levius censuere crimen, sicut Augustinus ipse toties alibi docuit; quod quidem in confesso est apud omnes.

[obligati] Profectò legendum *obliti*, ut conjecit Acherius.

N ii



Isai. 13.

Ibid. 46. &amp; 1.

phetam : *Visitabo super vos mala , & quiescere faciam superbiam impiorum , & arrogantiam fortium humiliabo.* Et rursus admonet , dicens : *Redite pravaricatores ad cor ; quiescite agere perverse , cito benefacere ; succurrite oppresso , defendite pauperem , & viduam , & pupillum , & advenam nolite calumniari.* Hæc ergo , Fratres in mente retinete , hæc magnopere custodire festinate , pugnate ut separati à diabolo , conjungamini Deo qui vos redemit : stupeant gentes de vestrà conversatione , & si detrahant vobis , etiam & irrideant Christianitatis vos opera sectari , ne conturbemini ex hoc , reddent enim rationem Deo. Totam ergo spem vestram in Christi misericordiâ ponite , & non solum ab actu impudico , sed etiam cogitationibus sordidis vestras animas custodite , quia Dominus Deus justus iudex , & de cogitationibus malis iudicat.

1. Pet. 5.

Luc. 14.

Matt. 18.

Ibid. 5.

Ibidem.

Luc. 6.

Matt. 18.

Ibidem.

Luc. 3. 11.

Ibid. 6. 38.

Joan. 13.

1. Cor. 7.

Luc. 9.

1. Joan. 4.

1. Cor. 13.

Et hoc moneo , Fratres , ut superbiam penitus deponatis , per quam diabolus de cælo corruit ; quia , sicut Apostolus testatur : *Deus superbis resistit , & humilibus dat gratiam.* Unde & Dominus in Evangelio dicit : *Omnis enim qui se exultat humiliabitur ; & qui se humiliat exaltabitur.* Et iterum : *Nisi conversi fueritis , atque efficiamini sicut parvuli , non intrabitis in regnum cælorum.* Jurandi etiam consuetudinem funditus omittite , quia in hac parte Dei præceptis contraitis , Domino in Evangelio prohibente : *Dico , inquit , vobis non jurare omnino , neque per cælum , neque per terram , neque per caput , neque per aliud quodcumque : sit autem sermo vester est est , non non.* Injuriantibus quoque vos Domini præcepta præferre , quibus dicitur : *Dico vobis non resistere malo ; sed si quis te percusserit in dexterâ maxillâ tuâ , prabe illi & alteram.* Et *qui vult tunicam tuam tollere , remittas ei & pallium.* Et iterum : *Qui petit à te , da ei ; & qui tollit quæ tua sunt , ne repetas.* Orandi utique rationem illam necesse est teneatis , quam Dominus præcepit , dicens : *Cum oratis non multiloquio , sed in secreto cordis orate ; & Pater vester qui videt in abscondito , reddet vobis.* Scit , inquit , Pater vester quid opus sit vobis , antequam petatis eum. Hæc ergo , Carissimi , verba recolite , hæc jugiter præcepta reminiscamini ; ubicumque estis , memoriam Christi in colloquio miscete , quia ipse dicit : *Ubi sunt duo vel tres congregati in nomine meo , ibi sum in medio eorum.* Scandala etiam fugite , quia Dominus graviter notat eum qui lites concitat , dicendo : *Va homini illi per quem scandalum venit.* In compassionem verò proximi illam sententiam tenete , quâ in Evangelio dicitur : *Qui habet duas tunicas , det non habenti : & qui habet escas , similiter faciat.* Et illud : *Date & dabitur vobis.* Dominicis semper mementote verbis quibus dicitur : *Si manseritis in me , & verba mea in vobis manserint , quodcumque petieritis fiet vobis.* Apostolum quoque clamantem audite : *Tempus breve est , reliquum est ut qui habent uxores tamquam non habentes sint : & qui flent , tamquam non flentes , & qui gaudent , tamquam non gaudentes ; & qui utuntur hoc mundo , tamquam non utantur ; præterit enim figura huius mundi.* Ut autem plus concupiscamus cœlestia quam terrena , Deum audiamus dicentem : *Nihil enim prodest homini si mundum universum lucretur , anima verò sua detrimentum patiatur.* Ut verò charitatem diligamus Evangelista Joannes hortatur , dicens : *Si diligamus invicem , Deus in nobis manet , & charitas ejus in nobis est.* Et iterum : *Deus charitas est , & qui manet in charitate , in Deo manet , & Deus in eo.* Necnon & Paulus excellentiam charitatis simili modo præfert , dicens : *Si di tribuero in cibos pauperum omnes facultates meas ; & si tra-*

*didero corpus meum ita ut ardeam ; charitatem autem non habeam , nihil mihi prodest.* Hinc iterum monet , dicens : *Omnia vestra in charitate fiant.* Et iterum : *Alter alterius onera portate , & sic adimplebitis legem Christi.* Ipse etiam pravos quosque ad tramitem perfectionis blandè coercens dicit : *Qui furabatur , jam non furetur.* Et illud : *Fugite fornicationem , quia omne peccatum quodcumque fecerit homo extra corpus est ; qui autem fornicatur , in corpus suum peccat.* Et iterum : *Neque avari , neque fornicarii , neque adulteri , neque fures , neque ebriosi , neque maledici , neque rapaces , regnum Dei possidebunt.* Item Apostolus cupiditatem coercens , dixit : *Radix omnium malorum est cupiditas.* Ergo , Fratres , abjicite cupiditatem , sectamini charitatem , deponite impietatem , supportate invicem cum humilitate , illud omnimodis præcaventes , quod Apostolus ad Romanos scribens infert , *Revelabitur , inquit , ira Dei de cælo super omnem impietatem & injustitiam hominum.* Necnon & illud quod voce Veritatis in Evangelio comminatur ; *Qui faciunt , inquit , iniquitatem , mittentur in caminum ignis , ubi erit fletus & stridor dentium.* Considerate igitur quàm sævus , quamque timendus sit ignis ille , & qui modò nec unum quidem digitum suum suffert in ignem mittere , timeat ibi cum toto corpore in sæcula cruciari. Rogo ergo , ut si vultis ab illo igne , vel ab illa pœna liberari , desistatis jam amplius peccare. Dominum per Prophetam attendite clamantem : *Revertimini recedentes ab iniquitatibus vestris , & sanabo vos.* Et iterum : *Nolo , inquit , mortem impij , sed ut revertatur & vivat.* Et per Isaiam clamat , dicens : *Quando conversus ingemueris , tunc salvus eris.* Et iterum : *Revertimini ad me dicit Dominus , & salvus eritis ;* Per Joël quoque similiter commonet , dicens : *Convertimini ad me in toto corde vestro , in jejunio , & lacrymis & planctu.*

Ecce quot testimonia ad conversionem vestram ex divinis oraculis prolata sunt. Vigilate ergo sollicitè , quia quanto proximum finem mundi diabolus conspiciat , tanto crudeliùs contrà Christianos sævit , ut quia se citò damnandum cognoscit , plus sibi socios in pœnam multiplicet , cum quibus utique sine fine crucietur. Cavete ergo attentius , & jugiter cum Dei timore conversamini , scientes quia unusquisque vestrum Angelum Dei habet qui observet jugiter quæ egerit , & si quidem benè agit , gaudium sancto Angelo sibi adhærenti gignit ; si verò mala opera exercet , Angelum sanctum à se repellit , & malignum dæmonem sibi conjungit. Quapropter , Carissimi , hæc me loquente , introrsus ad vos redite , conscientias vestras discutite , si dignas mentes Angelici consortii geritis prævidete , & si vos bonos ac dignos Deo conspiciatis , de meritis vestris nunquam superbâ mente præsumatis , sed magis de cætero cum humilitate cavete. Si verò peccatis vos obnoxios cernitis , nullatenus desperare , tantum facite in corde pactum cum Deo , ut jam amplius non peccetis ; sed fiducialiter veniam sperate , quia Dominus sinum pietatis suæ assidue patefacit , & omnes ad se recipere per pœnitentiam quærit : nam & si adulter quis , aut meretrix , aut fur , aut ebriosus , aut mendax , vel etiam filiorum necator fuerit , tantum de cætero pœnitens caveat , & indulgebit illi Altissimus. Publicanum de Evangelio , & latronem , necnon & meretricem , sed & Paulum sumite ad exemplum , qui de semetipso dicit : *Præfui blasphemus , & persequutor , & contumeliosus ; sed misericordiam Dei consequutus sum , quia ignorans feci in incredulitate.* Et vos ergo si quid forte ignoranter admisistis , reparate vos , quæso , dum licet per pœ-

Ibid. 16.  
Galat. 6.Ephes. 4.  
1. Cor. 6.

Ibidem.

1. Tim. 6.

Rom. 1.

Ezech. 18.

Ibid. 33.

Isai. 45.

Joel. 2.

Ab. 9.

1. Tim. 1.

nitentiam; confitemini Domino in totis præcordiis vestris, quoniam bonus est; doleat vos non egisse quod bonum est; & qui pœnitet, ita pœniteat, ut ulterius jam lugenda non committat: & qui pauper ores estis in sæculo, nolite ob hoc contristari, quia si benè agitis, ditiores eritis in cœlo.

Denique cavete ne quis turpem sermonem ex ore proferat, & secundum Apostolum, *Fabulis variis, & doctrinis nolite seduci: sed corripite inquietos, consolamini pusillanimes, patientes estote ad omnes: & omnis sermo malus ex ore vestro non procedat; timentes illud quod scriptum est: Perverunt mores bonos; colloquia mala.* Crapulam etiam & ebrietatem perhorrescite, quia Dominus hæc per semetipsum redarguit dicens: *Cavete ne graventur corda vestra in crapula & ebrietate; & Apostolus prohibet dicens: Nolite inebriari vino, in quo est luxuria.* Proculdubio enim qui plus manducat aut bibit quàm expedit, & peccatum incurrit, & servare laetritiam non valet; quia cum venter aut venæ nimia fuerint satietate repletæ, illicd necesse est ut libido in membris ejus generetur. Unde & aliàs scriptum est: *Vinum potatum multum, amaritudo est anima & ruina, multiplicans imprudenti offensionem, minuens virtutem, & faciens vulnera.* Et hoc quidem dico non ut creaturam Dei malam asseram, aut judicem esse damnandam, sed ut vos sobriores cautioreque reddam; imò & admo-  
 neo, ut nullam Dei creaturam dicatis malam, quia Deus cuncta valde bona creavit. Nam quæcumque nobis mala esse videntur, aut nocent, nostro vitio, non suâ naturâ nobis mala existunt: ideoque, Fratres, solum diabolus, qui superbiendo factus est malus, detestantes, tantorum bonorum Creatorem Dominum glorificate.

Cavete semper viam latam, quæ ducit ad interitum; apprehendite angustam, per quam reperietur æterna beatitudo. Pauperes & peregrinos ad convivium vocate, Dominumque de hac re præcipientem attendite: *Cum facis, inquit, prandium, noli vocare divites qui conviventur tecum, sed voca pauperes; debiles, claudos, cæcos; & beatus eris, quia non habent retribuere tibi; retribuetur enim tibi in resurrectione justorum.* Nec enim justum est ut in populo Christiano, qui uno pretio redempti sunt, & uni Domino serviunt, alii distentis epulis ventribus & ebrii incedant, alii famis periculo deficiant; prorsus peccatum est, ut vestra superflua à tineis devorentur, & pauperes nec vetustissima quæque accipere mereantur: quare non consideratis quia pari conditione in hoc mundo venistis, unique Domino servi estis; simili etiam exitu de mundo migrabitis; & si benè agitis, ad unam beatitudinem venietis? Aut quare pauper vobiscum non accipiat cibum, qui vobiscum accepturus est consortium Angelorum? Quare non accipiat vel veterem tunicam, qui pariter accepturus est immortalitatis stolam? Hæc, Fratres, considerantes ita pauperum curam gerite, ut uberrimam pro his retributionem in cœlis capiat. Mendacium semper fugite, quia non minimum crimen est, Scripturâ dicente: *Os quod mentitur, occidit animam: & testis falsus non erit impunitus.* Et David ad Dominum: *Perdes, inquit, omnes qui loquuntur mendacium.* Unde & Apolt. *Deponentes, ait, mendacium, loquimini veritatem unusquisque cum fratre suo.* In hac ergo vitâ politi ita agite, ut cum hinc migraveritis, & caro vestra à vermibus cœperit devorari in sepulcro anima ornata bonis operibus cum Ss. omnibus lætetur in cœlo. Retrahat vos à malis operibus vel peccatorum interitus; eorum quos jam præmisistis attendite calamitates; considerate divitum sepulcra, vel eorum qui ante

parvo tempore vobiscum erant, quid fuerunt, & quid sunt, vel quid eis divitiæ & cupiditas sæculi profuit: ecce nihil ex eis nisi soli cineres remanserunt, quia si loqui possent, hæc vobis proculdubio dicerent: Ut quid infelices tantum pro sæculi cupiditate discurretis? ut quid vos vitiis & criminibus repletis? considerate ossa nostra, & vel sic vobis horreat cupiditas vel miseria vestra; quod vos ellis, nos fuimus; quod nos sumus, vos eritis. Ista omnia, Fratres, sollicitâ consideratione pensate, & hæc considerantes expavescite; diem mortis ante oculos semper ponite; ad emendationem quantum potestis festinate; nolite negligere quodd pius vos Dominus peccantes sustinet, quia quanto diutius exspectat ut emendetis, tanto gravius vindicabit si neglexeritis. Si forte putatis quodd finis mundi tardiùs veniat, vel suum unusquisque consideret finem; ecce dum libenter ac jucundissimè moratur homo in mundo, multaue in longo tempore disponit agenda, repente rapitur in mortem, & ex improvviso auferitur à corpore; sed ille beatus est qui antea semper horam illam habuerit ante oculos, & festinaverit in illâ horâ mortis paratus inveniri, ut possit tanti metùs terrorem evadere.

Quodd si vultis scire cum magno metu, Carissimi, magnisque doloribus separatur anima à corpore; veniunt enim Angeli eam assumere, ut perducant illam ante tribunal metuendi Judicis, & tunc illa memorans opera sua mala quæ die noctuque gessit, contremiscit, & quærit ea fugere, induciasque petere, dicens: Date mihi vel unius horæ spatium. Tunc quasi simul loquentia, omnia ejus opera dicunt: Tu nos egisti, tua opera sumus, nec te deseremus, sed tecum semper erimus, tecumque pergemus ad judicium. Hæc quidem peccatoris anima agit, quæ cum horrendo timore separatur à corpore, & pergit plena peccatis, & ingenti confusione depressa. Justi verò anima cum separatur à corpore, non timet, nec expavescit; sed magis cum gaudio egreditur, & cum exultatione pergit ad Deum, deducuntibus se Angelis sanctis. Illam ergo horam modò, Fratres, timete, ne tunc timeatis illam; nunc præcavete, ut securi tunc esse possitis. Mementote jugiter quia in medio laqueorum diaboli ambulatis, & ideo semper parati estote, ut quando Domini præceptum missum fuerit, liberi ab omni labe peccati ad requiem transire possitis. Nec arbitramini vos diù in hoc mundo mansuros; quia nimirum proveniet, ut non concedatur post Dominicum præceptum missum, nec unius horæ momento in hac vitâ consistere. Cavete igitur ne de exitu vestro tristitiam faciatis Angelis, & gaudium inimicis: scitote verò quia anima cum corpore evellitur, statim aut in paradiso pro bonis meritis collocatur, aut certè pro peccatis in interno continuo præcipitatur. Quapropter eligite modò quodd vultis, & hoc jam in vitâ vestrâ hic disponite, aut perpetualiter gaudere cum Sanctis, aut sine fine cruciari cum impiis. Itaque vel pœnæ vos terreat, si præmia non invitant, & præsentem mundum si despiciere non valetis, vel cum justitiâ possidete. Qui in juventute erravit, saltem jam vel in senectute respiscat, & mala quæ peccando commisit, pœnitendo jam expurget. Ecce paulatim deficit mundus cuncta quæque videntur, velociter tamquam nebula, aut tamquam vespertina umbra transeunt. Ecce quodd olim pronuntiabatur, præsentem tempore perspicuè cernitur: subtrahuntur omnia bona, & crescunt quotidie mala: nolite ergo, Fratres, mundum jam diligere, quem sic ad finem conspiciatis declinare; præsertim cum Apostolus clamet, quodd amicitia hujus mundi inimica sit Dei. Vitam igitur æternam

Jacob. 4.

Heb. 13.  
1. Thess. 5.  
1. Cor. 15.

Luc. 21.  
Ephes. 5.

Eccli. 31.

Gen. 1.

Luci. 14.

Sap.  
Prov. 19.  
Psalm. 5.

ex omnibus præcordiis vestris amate, quam nunquam in sæcula finiat; illic festinate, ubi semper vivatis, & ubi jam mori nunquam timeatis. Si enim sic amatis istam miseram fluidamque vitam, ubi cum tanto labore vivitis, & ubi vix currendo, satagendo, sudando, suspirando, necessariis corporis satisfacitis; quanto magis amare debetis æternam vitam, ubi nullum unquam laborem sustinebitis, ubi summa semper est securitas, secunda felicitas, felix libertas, libera beatitas; ubi implebitur illud quod Dominus in Evangelio dicit: *Erunt homines similes Angelis*. Similes utique non substantiâ, sed beatitudine. Et illud: *Tunc iusti fulgebunt sicut sol in regno Patris eorum*. Qualis putas erit tunc splendor animarum, quando solis claritatem habebit lux corporum? Ibi jam non erit ulla tristitia, nullus labor, nullus dolor, nullus timor, nulla mors, sed perpetua semper sanitas perseverabit; nulla ibi confurget malitia, nulla carnis miseria, nulla ægritudo, nulla omnino necessitas, non erit ibi fames, non sitis, non frigus, non æstus, non lassitudo jejunii, nec ulla tentatio inimici; nec jam peccandi voluntas, nec ulla delinquendi possibilitas; sed totum lætitia, totum exultatio possidebit, hominesque Angelis sociati sine ullâ carnis infirmitate vernabunt. Ibi ergo erit lætitia certa, ibi requies securâ, ibi pax vera, ibi jocunditas infinita; ubi si locus obtinendi ullus fuerit, amittendi in sæcula nullus erit: in quâ beatitudine quod semel adipiscitur, semper tenetur. Nihil loco illo magnificentius, nihil gloriosius, nihil clarius, nihil pulchrius, nihil verius, nihil munificentius, nihil in bonitate sincerius, nihil illâ abundantia copiosius. Ibi semper pax & summa solemnitas; ibi vera & certa felicitas est; ibi jam non formidabitur ferocissimus hostis qui cupit jugiter animas jugulare, nec timebuntur ultrâ ignita diaboli jacula, neque ulla inimici tentamenta. Non incutiet terrorem Barbarorum immanitas, nec ulla ulterius timebitur adversitas; non ibi formidabitur ferrum, non ignis, nec facies omnino truculenta tortoris: nemo in loco illo glorioso indiget vestimento; quia non est illic frigus, nec æstus, nec ulla aëris inæqualitas, nullus ibi esurit, nullus tristatur, nullus est peregrinus, sed omnes qui ibidem attingere meruerint, securi ut in propriâ patriâ vivant. Non ultrâ jam adversabitur caro spiritui, nec ullum timebitur periculum, sed inenarrabilia cum Angelis ac sempiterna à Christo præmia tribuentur, & *Quod oculus non vidit*, sicut dicit Apostolus, *nec auris audivit, nec in cor hominis ascendit, quæ præparavit Deus diligentibus se*. Ecce qualem beatitudinem perditurus erit qui modò se, dum licet, emendare noluerit: idcirco nos, Fratres, Domino auxiliante, dedignemur ultrâ servire peccato, quibus tanta beatitudo præparatur in cælo. Dum ergo tempus est, festinemus propitium nobis Deum facere; despiciamus quæ terrena sunt, ut adipiscamur cælestia, cogitemus nos peregrinos esse in hoc sæculo, ut liberi festinemus ad cælum: velociter enim transeunt, & citò tamquam umbra prætereunt cuncta quæ hîc videntur.

Perpendamus quales erimus in die judicii Dei conspectibus & Angelorum præsentandi, quando opera nostra erunt nobis ante oculos ponenda, qualis illa erit consilio; cui contigerit pro peccatis suis in conspectu Dei omniumque hominum & Angelorum erubescere, qui hîc nec unum quidem hominem in se peccantem vult inspicere; vel quis pavor erit Deum tunc iratum videre, quem placatum non valet universitas comprehendere. Illum ergo diem semper timeamus, quem modò prævidere nullatenus possumus; illum diem jugiter paveamus, & vel sic

actus nostros à malo revocemus. Consideremus quis terror in die illo erit, cum de cælis Dominus ad judicandum sæculum venerit: quis metus erit Deum videre, ad cujus adventum universa elementa quatiantur, ac cælum cum terrâ contremiscet virtutesque cælorum commovebuntur. Tunc nimirum præcinentibus Angelorum tubis, omnes gentes quæcumque sub cælo fuerunt, & omnis homo tam viri quàm feminae, in eo sexu unusquisque quo natus fuit in mundo, boni simul & mali, sancti & peccatores, vel quicumque ab initio mundi nati & mortui fuerunt, sive à bestiis devorati, sive ab igne consumpti, sive etiam ab aquis absorpti, omnes simul in momento temporis, atque in ictu oculi resurgent, in ipsis sine dubio corporibus, atque in ipsâ carne quam hîc habuerunt, scilicet in virum perfectum, & in mensuram ætatis plenitudinis Christi in quâ & ipse Dominus resurrexit à mortuis; & omnes ante judicium Christi venient, pariterque eum & electi & reprobi suis oculis videbunt, sicut & ipse Dominus in Evangelio dicit: *Tunc videbunt filium hominis venientem in nubibus cæli cum virtute multâ & majestate, constipatum agminibus Angelorum; & congregabuntur ante eum omnes gentes, & plangent se omnes tribus terræ, & separabit eos ab invicem sicut pastor segregat oves ab hædis: & statuet iustos quidem à dextris suis, impios autem à sinistris. Tunc dicet ad eos qui à dextris erunt: Venite benedicti, possidete paratum vobis regnum a constitutione mundi; esurivi enim & dedistis mihi manducare; sitivi, & dedistis mihi bibere; hospes eram, & collegistis me; nudus, & operuistis me; infirmus, & in carcere, & visitastis me. Hæc quædum fecistis uni ex minimis meis, mihi fecistis. Tunc omnibus aspicientibus ostendet livores fixurasque clavorum, in ipso sine dubio corpore quod pro nostris peccatis vulneratum est; & ita peccatores compellens dicet: Ego te, homo, de limo terræ manibus meis formavi, & intrâ paradisi delicias, quod non merebaris, collocavi; sed tu me meaque iustâ contemnens, deceptorem sequi maluisti, unde & iustâ pœnâ damnatus, inferni supplicii es deputatus; postea misertus tui carnem assumpsisti, in terris inter peccatores habitavi, contumelias & verbera pro te sustinui; ut te eriperem, colaphos & sputa suscepi; ut tibi dulcedinem paradisi redderem, acetum cum felle bibi; propter te vepribus coronatus, cruci affixus, lanceâ vulneratus sum; propter te mortuus, & in sepulcro positus, ad inferna descendi; ut te ad paradisum reducerem, tartari claustra adii; ut tu in cælo regnares, inferni profunda penetravi. Agnosce ergo quæ pro te, ô impietas humana! pertuli; ecce livores quos pro te excepi, ecce clavorum foramina quibus affixus in cruce pependi; suscepi dolores tuos, ut te possem sanare; suscepi pœnam, ut darem tibi gloriam; suscepi mortem, ut tu viveres sine fine; conditus jacui in sepulcro, ut tu regnares in cælo: hæc omnia pro vobis sustinui, ampliora horum quid vobis debui facere, & non feci? Dicite nunc vel ostendite mihi quid passi estis propter me, aut quid boni egistis pro vobis: ego cum essem invisibilis, sponte propter vos incarnatus sum; cum essem impassibilis, propter vos pati dignatus sum; cum essem dives, propter vos quidem egenus factus sum; sed vos & humilitatem meam, & præcepta mea semper renuentes, seductorem magis quàm me sequuti estis: ecce modò non potest aliud iustitia mea judicare, nisi quod merentur opera vestra recipere: ergo quod ipsi elegistis, tenete; contempnistis lucem, possidete tenebras; amastis mortem, ite in perditionem; sequuti estis diabolus, ite cum ipso in æternum ignem. Quis putas erit tunc mœror, quis luctus, quæ tristitia, quæ angustia, cum*

Matt. 25.

1. Cor. 2.

hæc

hæc fuerit prolata adversum impios sententia. Tunc enim erit malis dura separatio à dulci Sanctorum confortio, & traditi in potestate dæmonum ibunt in ipsis corporibus suis cum diabolo in supplicium æternum, & permanebunt semper in luctu & gemitu: procul quippe exiliati à beatâ paradisi patriâ, cruciabuntur in gehennâ, numquam lucem visuri, nunquam refrigerium adepturi, nunquam pœnas finituri, nunquam requiem accepturi; sed per millia millium annorum in inferno cruciandi, nec unquam in sæcula liberandi: ubinec qui torquet aliquando fatigatur, nec qui torquetur unquam moritur: sic enim ibi ignis consumit, ut semper reservet, sic tormenta aguntur, ut semper renoventur. Juxta qualitatem verò culpæ, pœnam ibi unusquisque sustinet gehennæ, & similis culpæ rei suis similibus junguntur cruciandi: non ibi auditur aliud nisi fletus & planctus, & stridor dentium; non erit aliud consolamentum, quàm flammæ & terrores pœnarum, ardebuntque miseri sine fine in ignem æternum semper in sæcula sæculorum. Iusti autem ibunt in vitam æternam, in ipsâ sine dubio carne quam hîc habuerunt, & sociabuntur Angelis sanctis in regno Dei, gaudiis deputati perpetuis: nunquam jam morituri, nunquam ultra corruptionem visuri; sed semper lætitiâ ac dulcedine Christi satiati, fulgebunt sicut sol in claritate & gloriâ, quam præparavit Deus diligentibus se; & quanto ampliùs aliquis obediens Deo in hac vitâ fuit, tanto ampliorem illic mercedem accipiet: quantumque ampliùs hîc Deum amavit, tanto tunc propriùs eum videbit.

Ecce, Carissimi, prædixi vobis simpliciter, ut intelligere possitis quæ sunt unicuique ventura; nemo jam se de ignorantia excusare poterit, quoniam vita & mors vobis prænuntiata sunt; supplicia impiorum & gloria justorum vobis denuntiata sunt; jam verò in arbitrio vestro consistit eligere quod teneatis: unusquisque enim quod hîc concupiverit, & assequutus fuerit, hoc utique illic possidebit. Vitam ergo æternam toto nisu concupiscite, nec emendationem vestram diutius differatis, sed ad lucranda cœlestia regna ultrò ipsi relinquite, quod lucis istius sine perendum est; surgat jam, quæso, quicumque peccati catenâ adstrictus tenetur, & expergefactus à somno suæ mortis evigilet: recurat ad confessionem, & agat pœnitentiam; nec erubescat publicè pœnitere super immunditiis quas gessit; quia revera multo melius est hîc paucò tempore pœnitere, quàm per tot millia annorum inferni supplicia sustinere. Si ex corde ergo pœnituerit, citò succurret illi Redemptor, qui quadriduanum suscitavit jam fœtidum Lazarum; paratus est semper ille misericordiæ sinus, & clementer exspectat ut suscipiat pœnitentes, non est enim, sicut scriptum tenemus, de quamvis magnis criminibus remittendis Dei unquam misericordia desperanda, quia ipse quotidie clamat per Prophetam, dicens: *Quicumque die conversus fuerit homo peccator ab immunditiâ suâ, omnes iniquitates ejus in oblivione erunt coram me.* Et rursus per alium Prophetam dicit: *Ego sum Dominus Deus vester, qui deleo iniquitates vestras.* Et illud de Evangelio: *Gaudium erit in cœlo super uno peccatore pœnitentiam agente, quàm supra nonaginta novem justos qui non indigent pœnitentiâ.* Et illud: *Nolo mortem peccatoris, sed ut convertatur ad me & vivat, dicit Dominus.* Considerate, Fratres, quàm larga est bonitas Dei nostri, quàm ineffabilis misericordia ejus: quotidie contemnitur, & quotidie nos ad pœnitentiam benignissimâ pietate invitat; fiduciam ejus pia largitio nobis præstat, ut nec desperemus de Christi misericordiâ, nec tamen nobis absque fructu pœnitentiæ veniam concessam præsumamus; Dominus

Tom. 11.

enim quantum patris pietate indulgens semper & misericors est, tanto judicis majestate severus & metuendus; potest quidem reis indulgentiam dare, potest ipse sententiam suam reflectere potest pœnitendi tempus gratis indulgere, non potest tamen nisi justissimè judicare, quoniam non est apud eum commutatio, nec vicissitudinis obumbratio; æquissimè enim judicat, atque æqualiter secundum uniuscujusque facta repensat, bona scilicet bonis, & mala malis: & ideo, Carissimi, reminiscimini quæ egistis, & si vos deliquisse cognoscitis, sine aliquâ dilatione ad pœnitentiæ medicamenta confugite. Audite Prophetam admonentem: *Nolite, inquit, tardare ad Dominum converti, nec differatis de die in diem, quia nescitis quid crastinâ futurum sit.* Mementote semper quoddam ante conspectum omnipotentis Dei conversamini, qui prospicit omnium hominum; non solum facta, sed etiam cogitationes, sicut Apostolus Paulus dicit: *Non est ulla creatura invisibilis in conspectu ejus, sed omnia nuda & aperta sunt oculis ejus.*

Hæc jugiter cogitantes, intentissimâ sollicitudine vos custodite, ultimique diei vos adventui cum bonis operibus semper præparate. Ecce jam ut certissimè tenemus finis mundi in promptu est, jam finis sæculi instat, & quod lugendum est, tanta mala quotidie fiunt, tantæque tribulationes crebrescunt, ut per hæc etiam mundus finem suum quodammodo proclamare videatur. Ecce omnia quæ Prophetæ vaticinaverunt, quæque Apostoli prædixerunt, penè jam completa sunt, solusque dies sui judicii & horribilis antichristi adventus adhuc restat. Ecce bellum super bellum, tribulatio super tribulationem, fames super famem, pestilentia super pestilentiam, & gens super gentem confurgit: omnia quæque dudum sunt prædicta, nos jam videmus impleta, quare ergo sumus lapidei & ferreum possidemus pectus, ut pro remedio animæ nostræ inter tot mala minimè cogitemus? Diu enim est quod vox divina minatur, sed nullatenus hominum pertinacia mutatur: cœlestis enim intentatur olim ultio, & nulla hominum adhibetur satisfactio; Dei proximat ira, & tepidè agitur pœnitentia; venturum Prophetæ testantur supplicium, & rarè ab hominibus Dei implorantur auxilium. Quapropter, Dilectissimi, moneo ut vel mundo jam finiente, humana finiatur malitia, soliusque Dei toto nisu quærat misericordia; non nos jam divitiarum onera ad terram premant, quia citò omnia hîc relinquemus, nec pariter & Christum habere velimus & sæculum, sed sæculo spreto liberi festinemus ad cælum.

Reminiscamur quàm gravia sunt scelera quæ commisimus, quamque dira inferni supplicia quæ timeamus, & juxta qualitatem culpæ medicamentum adhibeamus pœnitentiæ: cogitemus quia, secundum Apostolum, *Nihil in hunc mundum intulimus, nihilque ex eo morientes auferre poterimus.* Nudi nati sumus, nudi utique morituri: quidquid autem hîc inventum est, hîc proculdubio relinquetur, opera tantummodo bona si hîc egerimus, ipsa nobiscum ad cælum portabimus, imoque nos ipsa ad cælum portabunt. Tamquam peregrini ergo solâ sufficientiâ contenti, illas nobis divitias hîc acquiramus, quas nobiscum ad patriam paradisi feramus. Deum supra omnia diligamus, quia reverà impium est hunc non diligere, cui vicem repensare non possumus etiam & cum diligimus: quid enim nos impii pio Domino retribuere poterimus pro omnibus quæ retribuit nobis? Qui nullis nostris præcedentibus meritis tanta nobis præstitit indignis; ut nos à jugo diræ damnationis redimeret, de sede paternæ majestatis ad nos descendit, injurias in terris pertulit,

O

Ecdi. 5.

Heb. 5.

Joan. 11.

Ezech. 33.

Isai. 43.

Luc. 15.

Ezech. 33.

1. Tim. 6.  
Job 1.



Mat. 23.

Mat. 9.

Joan. 16.

Coloss. 3. 14.

Ephes. 4.

Ibidem.

Psalm. 129.

Ibid. 50.

probra sustinuit, mortem indebitè subiit; & hæc quidem omnia patienter tulit, ut nobis humilitatis & patientiæ exempla monstraret; unde & sequentibus se Discipulis dicit: *Discite à me quia mitis sum & humilis corde, & invenietis requiem animabus vestris.* Oportet igitur ut quemadmodum ille pro nobis, ita & nos cuncta adversa quæ nobis propter peccata nostra adveniunt, æquanimiter toleremus, ut patientiæ fructum in vitâ æternâ capere possimus. Urgeamus ergo, Fratres, cursum nostrum dum tempus habemus; odiamus hunc mundum quem diù possidere non possumus, nulla nos jam malorum operum contagia polluant, sed divinus nos respectus semper à peccatis arceat: si enim homines nostri similes peccatores, & ex eodem luto formatos, ne nos peccantes inspiciant erubescimus, quanto magis æternum, & solum sine peccato omnipotentem Dominum revereri ac timere debemus, qui non solum facta, sed etiam secreta cordis considerat & videt? Hunc ergo quotidie timeamus, hujus reverentiam nobiscum semper feramus: sicque spes indulgentiæ erigat, ut metus gehennæ semper affligat. Ante omnia & super omnia charitatem habeamus, reminiscens Dominicum præceptum, quod dicitur: *Habete in vobis sal. Et, Pacem habete inter vos.* Et illud, inquit, *Mandatum novum do vobis, ut vos invicem diligatis.* Nam & alibi dicitur: *Habete charitatem, quod est vinculum unitatis.* Et iterum: *Estote imitatores Dei tamquam filii carissimi; & ambulate in dilectione.* Et iterum: *Omnis amaritudo, & ira, & indignatio tollatur à vobis cum omni malitiâ.* Et, *Sol non occidat super iracundiam vestram.* Nempe sicut nullum proficit in vulnere medicamentum, si sit interius ferrum; ita nihil proficit oratio illius, in cujus pectore mortiferum versatur odium. Habeamus ergo, Fratres, charitatem, quia si illam habuerimus, omnibus virtutibus replebimur; si verò charitatem non habuerimus, quidquid boni habere videmur, totum perdemus. Nec in arrepto benè agendi proposito penitus lassescamus, præcipue cum Dominus dicat nullum ponentem manum in aratro, & respicientem retrorsum dignum esse regno cælorum. Respicere autem retrorsum nihil aliud est, quàm in eo quemquam poenitere quo cœperit bono, & rursum mundanis desideriis obligari. Denique ab spe veniæ nulla nos malorum quantitas revocet, quia quamvis sit gravis humana culpa, largior nihilominus est misericordia divina: unde per Psalmistam dicitur: *Multa est apud Dominum misericordia, & copiosa apud eum redemptio.* Et iterum: *Cor contritum & humiliatum Deus non despicit.* Hæc nos, Fratres, diebus ac noctibus memoria refoveat, hæc nos præcepta frequenter sollicitent: debitum vitæ finem jamjamque affuturum putemus, vicinumque speremus mortis diem, quem longinquum esse nescimus: modò emendemus quod delinquimus, ne tunc poenitere incipiamus quando jam non valebimus: erit quidem & in inferno poenitentia, sed omnino infructuosa; erit ibi poenitentia dolorem habens, sed jam medicinam non habens; ibique nullatenus poterit à Deo promereri quod petit, qui hîc noluerit audire quod Deus iussit. Ideoque, Carissimi, quantum possumus præceptis Dei in omnibus obtemperemus, ut ibi præmium muneris capiamus: ipsi dum licet hîc nos castigemus, ipsi nobiscum de actibus nostris rationem faciamus, ipsi nos Judici nostro accusemus, atque emendationem nostram non ad extremum vitæ differamus, sed quoties in peccatis labimur, per poenitentiam refurgamus, ac totis viribus volunta-

t voluntates] An potius voluptates?

tes pessimas carnisque illecebras vincentes, illud omnimodis præcaveamus, quoniam quotidie ad mortem properamus, & dum nescimus securique consistimus repente mors veniet. Ibi ergo festinemus, ubi mors jam non timebitur, & ubi nos sancti omnes suscipere vel videre desiderant; ubi nos Rex cælestis Christus, & superni cives Angeli expansis charitatis brachiis expectant: ibi, inquam, festinemus, ubi sine fine vivamus, & ubi Angelicis agminibus consortes esse possimus. Ita postremo in exilio mundi istius agamus, ut ad futurum iudicium cum securâ conscientia bonis operibus ornativeniamus, ibique gratissimum Deo munus nostras animas offeramus, ut pro hoc ab eo commercio æternitatis beatitudinem accipere, & in sæculum sæculi gloriari possimus. Hæc nos, Carissimi, mandata hætenus quasi lac vobis gustanda porreximus, & ecce modò sub testimonio Dei & sanctorum Angelorum, qui nos loquentes audiunt, absolvimus debitum nostrum, cælestia vobis præcepta tradentes; amodo jam vestrum est cogitare, quatenus & admonitio nostra effectum habeat salutis, & vos semper voluntatem Dei facientes, ab omni vos malo custodiatis, atque demùm liberi ab omni contagione peccati, ad regna cælestia tripudiantes pervenire possitis, præstante Domino nostro JESU-CHRISTO, qui cum Deo Patre, & Spiritu sancto vivit & regnat per cuncta sæcula sæculorum. Amen.

Hæc summatim de tanti viri familiaribus monitis huc usque narrasse sufficiat: quæ ille etsi non sub unius diei articulo ex ordine ut digesta sunt, percurrerat, diversis tamen temporibus hujusmodi semper præcepta populis intimabat. Ad ultimum verò inferebat dicens: Hæc, Fratres, si custoditis, habebitis præmium, & si negligitis incurretis supplicium: nam ego quantum ad me attinet absolvo coram Deo conscientiam meam, testesque super hoc invoco cælum & terram, quòd præbuerim vobis opportunum ministerium, atque annuntiaverim vitam & mortem. Cæterum in præsentī vobis innotesco, quòd si spreveritis verba mea, meque contemnentes audire nolueritis, equidem veniens coram Redemptore meo accusabo pertinaciam vestram, & palam faciam, vos præceptis semper maligni obediisse potius, quàm Christi; & tunc verè indignante Iudice exactori traditi, supplicioque mancipati, persolvete sine fine quadrante. Hæc igitur sunt verba B. Eligii quæ cum summo studio plebi proferebat ex locupletissimo cordis sui thesauro; sed & alia nihilominus multa his similia quotidie exhortans, evangelizabat populo. O pingue vas quod ita affluenter ministrabat plebi adipem frumenti Christi, & lætitiæ olei, ac sobriam ebrietatem vini! O verè gloriosum virum, ineffabilem Dei amatorem, qui velut bonus pastor satagebat strenuè vagantes revocare, attritos alligare, errantesque ad paradisi caulas convertere! Cujus bona ac simplex doctrina olet proculdubio Prophetis, sapit Apostolis, comitatur Evangelistis; cujus denique sermo non aliud apud suos fuit, quàm de regno Dei, de paradisi deliciis, & de gehennæ suppliciis, de justitiâ quoque, & fide & charitate, ac mundi illecebras, cunctaque sæculi oblectamenta omnimodis relinquenda, & soli Domino totis viribus serviendum. Proferebat verò illud, quòd beatus Apostolus ad Corinthios scribens, intulit: *Non quero, inquit, quæ vestra sunt, sed vos.* Et quòd rursus scriptum est: *Omnia vestra sunt, vos autem Christi, Christus verò Dei.* Meminerat quoque eundem Apostolum commonentem, & quòdam quidem de igne rapite, du-

CAP. XVI.  
Quà pulchrè  
exhortationem  
terminans, populo  
contestabatur.

2. Cor. 12.  
1. Cor. 3.



Jacob. 5.

CAP. XVII.  
De miraculo  
vini, ubi vas  
vacuum post  
repletum in-  
venitur.

bios verò consolamini. Et Jacobum similiter dicen-  
tem: *Qui converti fecerit peccatorem ab errore via  
sua, salvabit animam ejus à morte, & cooperiet  
multitudinem peccatorum.*

Erat autem vir quidam habitans in suburbio Pa-  
risiaco, haud procul à Basilicà Beati Petri Aposto-  
lorum Principis commanens, quem Eligius pro fide  
& devotione suà familiariter diligebat, ipseque ab  
eo pro reverentià sanctitatis unice diligebatur. Ac-  
cidit ergo quādam die ut prædia Monasterii sui Eli-  
gius lustrata, & à Gentiliaco jam digressus, Parisius  
remearet; cumque non longè à domo ejus cum suo  
nobili, ut solebat, comitatu tramitem præteriret,  
fortuitu ille eminens conspicuens cognovit illicò adesse  
Eligium. Tunc obviam accurrens, cœpit genua ejus  
lambere, dicens: Est mihi pauxillum salerni in cado,  
divertat quæso Dominus meus paulisper in domum  
servi sui, ut hi qui tecum sunt percipiant merum,  
& benedicat mihi Dominus ad introitum tuum:  
cumque ille recusare vellet, vix comitantium victus  
precibus tandem ad domum divertit. Erat autem  
præfato viro positum vias in cellario (quod vulgò  
tunna vocatur) duas ferè aut tres tantummodò in  
se metretas vini habens. Cum ergo illic ingressus  
obnixè rogaretur, ut vel parum quid pro benedi-  
ctione perciperet, allatum sibi poculum benedicens,  
modicum ex eo pro satisfactione hausit; cuncti ta-  
men comites ejus gratissimè ubertimque potati sunt.  
Deinde benedictà domo, valedicens viro discessit,  
atque ad Monasterium suum, quod in eadem urbe  
situm est ad manendum divertit. Post cujus videli-  
cet abscessum repente cadum, quod ad usus famulo-  
rum ejus penè fuerat exhaustum, divinitatis gratià  
exuberante, vino usque ad summum est repletum.  
Facto autem die altero, fortuitu ingressus homo in  
penum invenit tunnam, quæ pridie vacua prope  
remanserat, usque ad os vini repletam: ex quo  
vehementer mox attonius cœpit nimium eventum  
rei mirari, confestimque hospitis sui merita redu-  
cens ad memoriam properè ad eum perrexit, nar-  
rans quanta sibi Dominus ad adventum ejus præ-  
stiterit. Quod cum Eligius audisset, agens Domino  
gratias dixit ad eum: Pax tibi, Frater, tecum sit  
hic sermo, nec patiaris unquam divulgari eum, sed  
vade, & cum gratiarum actione quod tibi pius Do-  
minus largitus est, in usus necessarios expende.  
Tunc ille cœpit rogare eum ut dignaretur ipse ite-  
rum ad domum ejus usque fatigari, ac per semet-  
ipsum temetum illud benedicere, & utendum ex  
vase proferre, quod nisi faceret, testabatur se nul-  
latenus exinde unquam vel guttam foris præripere.  
At ille cernens devotionem hominis pariter ad do-  
mum perrexit, & ingressus domum posttravit se in  
pavimento, ac diutissimè precem fudit; post ora-  
tionem verò considerans apothecam plenam, jussit  
eam referari, vinumque in vase proferre; & cum  
factum fuisset, & ipse quidem exinde modicum gu-  
stavit, & omnes qui simul aderant largissimos ex eo  
meros hauserunt. Sic demum oculis manibusque  
ad cælum porrectis, gratias agens & glorificans  
nomen Domini, vià quā venerat rediit.

CAP. XVIII.  
Quanta seve-  
ritas ejus ver-  
bum comita-  
retur; & de  
interitu in-  
fausti viri.

Sed neque illud silendum puto, ex quo lectores  
auditoresque ad studium humilitatis causà hujus  
exempli incitare confido, ut ne aliquando improbi  
quique præsumant contrà sanctos viros verba pro-  
cacia incautè proferre, dum simili metuunt exitio  
succumbere. Quidam itaque vir infaultus, nimium-  
que protervæ mentis ac segnis (ut pote ex Hebroini  
familiaribus) conquerebatur multis diebus contrà  
Eligium, volens Ecclesiæ ejus sylvam quamdam  
valde optimam pertinaciter præripere, suæque di-  
tioni mancipare: pro quâ causâ frequenter ad illum

conveniens, penè cum ad injuriam verbis proca-  
cibus provocabat; unde etiam unâ dierum præfa-  
tus vir adiens Eligium, coram copiosâ multitudine  
cœpit vehementer eandem ab eo repetere. Cui cum  
Eligius modestè leniterque responderet, ille, ut sese  
habet humana jactantia, ampliùs se extollens, au-  
dacter obtendebat, multis eum verbis lacessens: et  
Eligius patienter adhuc ferens, blandis eum verbis  
coërcere studebat, dicens: Amice, refræna cupidi-  
tatem tuam, cur non erubescis tam cæca mente res  
alienas appetere; si mea à me postulares, darent  
forsitan quod peteres; nunc verò quia non meum  
sed Ecclesiæ prædium à me repetis, non tibi do om-  
nino quod pauperum est necessitatibus delegatum.  
Tunc ille acrius incitatus vehementer eum verbis  
injurabat, dicens: Si mihi id voluntariè non red-  
dis, ego vi subripiam, velis nolis. Tandem ergo Eli-  
gius permotus, minaci vultu dixit ad eum: Novit  
meus Creator nisi citò desieris ad hac intentione,  
dignam meritis tuis recipies excommunicationem.  
Quod verbum ille audiens in tantâ cachinnatione  
prorupit, ut multa ei probra & convitia, irrisione-  
que procaciter jacularetur. Tunc Eligius videns eum  
nullo genere posse sedari, protenti ad eum manu  
dextrâ jaculum excommunicationis in eum terribi-  
liter congeffit. Et, ô mira virtutis potentiâ! ita per-  
culit virum, ut omni funditus robore destitutus, &  
vigorem amitteret, & speciem vivi hominis perde-  
ret. Denique cum pariter Eligii verbo corruens in  
pavimentum sic divinitus est percussus, ut palam  
omnibus astantibus videretur velut mortuus: nam  
cuncti hæc videntes stupore nimio percussi in Eligii  
injuriâ Dei ultricem mirabantur affuisse iram. Sic  
ergo miser ille in manibus inde sublatus, triste valde  
suum præstolabatur funus. Omnes præterea qui ade-  
rant communi prece Dei hominem deprecabantur,  
ut non considerans illius infaulti vecordiam, pro  
eodem preces funderet, quo restitutus sanitati sponte  
super his quæ contrà eum gesserat pœniteret: quod  
utrum fecerit, hætenus incertum habemus: hoc  
nimirum solum admirationi adscribimus, quantam  
vim sermo ejus ex divinâ largitione obtineret, qui  
absque ullo verbere solo potenti verbo superbum in  
terram dejecit, arrogantemque humiliavit; quam-  
que carum hunc Deus haberet, cujus utique ver-  
bum tam celer in hominem ultio comitata est. Sed  
ne solam hanc verbis ejus putetis comitasse virtu-  
tem, audite quid & alibi gellerit.

Igitur quodam tempore cum dies natalitius beati  
Petri Apostoli in diœcesi quādam haud procul à No-  
viomense oppido celebraretur, adiens Eligius vicum  
cum ingenti constantiâ, prædicabat, sicut semper  
confueverat, Dei verbum, abjiciendos dumtaxat  
abominandos esse cunctos dæmonum ludos, & ne-  
fandas saltationes, vel caranisas, omnesque inanes  
prorsus relinquendas superstitiones. Quam ejus  
prædicationem præstantiores quique loci illius valde  
agrè ferebant, scilicet quod ferias eorum everteret,  
ac legitimas, ut putabant, consuetudines exinaniret.  
Tunc pravi quique inientes consilium (& præcipuè  
ex familiâ Herchenoaldi, qui erat eo tempore Præ-  
positus Palatii æmulabatur Eligium, sed non ad  
bonum) decreverunt simul, ut si ulterius hujusmo-  
di nugis eorum contraireret Eligius, illicò irruentes in-  
terficerent eum. Quod cum Eligius cognovisset,  
ingenti martyrii desiderio stimulatus surrexit conci-  
tè, & præcepit suis omnibus, ut nullus eum, præ-  
ter duos Clericos, atque unum Diaconum, seque-  
retur. Venit ergo per medias populorum turbas,  
& stans in quodam eminenti loco ante Basilicam,  
cœpit instantius prædicare, vehementer objurgans  
populum eo quod monitis salutaribus terga paran-

CAP. XIX.  
De potentatu  
verbi: & de  
dæmoniis  
liberatis.

tes, diabolicis phylacteriis tantopere essent intenti. Ad cujus exhortationem vehementer turbâ commotâ, probrola ei verba cum ingenti protervia respondabant, interitum ei minitantes, atque dicentes: nunquam tu, Romane, quamvis hæc frequenter taxes, consuetudines nostras evellere poteris, sed solemnia nostra sicut hætenus fecimus, perpetuò semperque frequentabimus, nec ullus hominum erit, qui priscos atque gratissimos possit nobis unquam prohibere ludos. Tunc ille cum nihil se proficere cerneret, magisque ludos coalescere videret, indignatione commotus, Dominum Jesum ex imo pectore interpellavit, dicens: Quæso, Domine, divinam clementiam tuam, ut hi qui cum tantâ audaciâ atque superbiâ tuis sanctis monitis contradicere audent, & magis dæmonum seductionibus, quàm tuis præceptis obtemperant, tuo permisso, ipsorum nunc ferocitate ad exemplum terroremque multorum impleantur, quo cognoscere possint quorum opera exercent, ut ab hominibus in te credentibus enixius glorificetur nomen sanctum tuum. Post cujus verba subito plurimi, hi præcipue qui erant ex parte Herchenoaldi, quique divina mandata despicientes manus in eum parabant injicere, immundo afflati spiritu cœperunt continuò modis diversis debacchari. Omnis autem multitudo, exceptis his qui aderant, ingenti pavore perterriti, vestigia hominis Dei lambebant, verentes ne similia paterentur, pollicentes singuli cuncta quæ mandaret sine aliquâ jam simulatione sese assequuturos. Ad quos vir beatus dixit: Nolite timere vos, sed magis justum Dei iudicium glorificate, quoniam reverâ dignum est, ut hi qui ejus voluntati contraire videntur, traditi eis ad tempus quos diligunt, sentiant præceptores suos quorum cultui intersunt: vos autem si præceptis Christi libenter obtemperare velitis, nihil paveatis, quia innoxii ab his latrunculis semper eritis. Multis præterea rogantibus pro vexatis, noluit statim orationem pro eis assumere, sed ait: Sinite huc usque, finite, sentiant, sentiant, debent scire demum quos perhorrescant, & quibus hætenus obtemperantes obedierunt. Sic itaque anno transacto cum anniversaria rursus præfata festivitas advenisset, iussit omnes vexatos illos palam adesse: cumque omnes adessent, oratione præmissâ, exorcizavit aquam, & dedit eis pro medelâ, confestimque liberavit eos ab obsidione diabolicâ. Erat autem numerus eorum amplius quàm quinquaginta. Sic ergo eis viâ salutis annuntiata, plurimumque correctos eos & castigatos dimisit abire sanos.

CAP. XX.  
Quod in Basilicâ quâdam Cursum vel Oblationem interdicit celebrari.

Alio verò tempore cum diœceses suas, ut Episcopis mos est, visitaret, extitit quædam certa causa ut in unâ Basilicâ interdiceret Cursum vel Oblationem, quousque ipse juberet celebrari. Erat autem illic Presbyter quidam malæ conscientie faucius cuius videlicet ob culpam excommunicatio processerat, qui Episcopi iussis minus obtemperandum credens, verbaque ejus leviter valde ferens, cum longius eum à loco illo abiisse æstimaret, mox signum Ecclesiæ statutâ horâ sicut mos erat pulsare cœpit. Tunc ad confutandam humanam præsumptionem magis insensibilis quàm rationalis creatura verbis Episcopi parens, veluti sibi interdicto silentio, nullum ad pulsantis nifum signum reddidit sonum; deinde Presbyter diutius funem terebrans, cum cerneret tinnulum omnino permanere mutum, egressus protinus Basilicam, causam cunctis manifestat. Tunc autem Eligii reminiscens excommunicationem, post cum nonnulli quantocius properant, ac reconciliari ab eo Basilicam exorant: sed ille quamvis esset benignus, noluit tamen tam calidè, priusquam satisfactio præcederet, sententiam suam re-

flectere. Sic ergo transactâ die unâ ac nocte cum sæpissime Presbyter quater signum tentaret, nullum pulsanti præbuit sonitum. Transiit quoque & sequens nox cum die, & nec sic quidem sonum produxit; fluxit nihilominus & tertia dies cum nocte, sed nec tandem sonum aliquem reddidit: postea verò crebris discurrentibus nuntiis cum Optimatum & Seniorum epistolis, tandem eorum precibus victus, necnon & pœnitentiæ satisfactione prælatâ, solo verbo Eligius reconciliavit locum, & mox signo tacto sonus pristinus rediit in tintinnabulum.

Unâ autem dierum iter necessarium carpens, devenit ad quemdam locum haud longè à Compendio Regali, optimum prædium, & fatigatus ex itinere divertit in agrum cujusdam coloni: erat autem illi arbor magna nucarii onusta fructu vescibili. Cumque Eligius in diversorio quiesceret, egressi quidam ex ministris ejus cœperunt ex præfata arbusculâ avellere nuces; erat enim tempus quo congruè vesci poterant: accurrens autem concitè dominus arbustæ causabatur procaciter nuces sibi subripere: quo Eligius comperto vocat ad se virum, & blandè ac leniter eum demulcens, ait: Noli amice ob huiusmodi causam molestus nobis existere, & si pauca pueri præsumserunt, plurima tibi adhuc supersunt; nam & hoc quod attigerunt ego datâ pecuniâ tibi gratificè satisfaciam. At ille tumidâ mente lenitatem ejus spernens, duris eum amaricabat verbis, eadem crebrius taxans. Tunc Eligius animo immutatus, famulos quidem pro rei factò durius objurgavit, homini verò pro substantiæ damno tres aureos dari iussit; ad arbustam tamen conversus, nimirum Salvatoris ficulneæ imperantis exemplo usus, ait: Quoniam tantopere pro te laceessimur, nunquam ex te ex hoc jam fructus nascatur in æternum. Et, ô mira Domini potentia! cujus exemplum sequutus fuerat in verbo, ejusdem & virtus subsequitur in effectu: nam post non longum spatium arefacta arbusta, sicca demum permanet in ævum. Merito igitur in hoc opere Dominicum sequutus exemplum, arbustæ cum fiduciâ imperavit, qui fide plenissimâ Dominicam tenebat sententiam, quâ dicitur: *Quia qui credit in me, non solum faciet ea quæ ego facio, sed & majora, inquit, faciet.*

CAP. XXI.  
Arbuscula nucarii arefacta.

Aliquo rursus in tempore agebatur natalis Beati Martini Pontificis: cumque inter Missarum solemniam, evangelicâ juxta morem lectione expletâ, divina Eligius populo prædicaret mandata, vehementer intercipientibus verba ejus plurimi debacchantes in Ecclesiâ. Tunc Eligius potrectâ contrâ impatientes manu, præcepit in nomine Jesu Christi, ut quousque ipse prædicationem compleret, nullus eorum mutire præsumeret; quod & mox factum est: & non solum ad jubentis verbum omnis illa turba conticuit (amplius enim erant quàm duodecim) verumetiam & dæmones non ferentes tantam verborum ejus virtutem, confestim ut ille manum contrâ eos protendit, nonnullos ex eis relinquentes confusi fugerunt, ac vasa dudum obfessa sana illicò dimiserunt.

Jan. 14.

CAP. XXII.  
Dæmoniâci ad ejus imperium siluerunt.

Alio quoque tempore quidam ex familiaribus ejus Ermelindus nomine, pessimâ laborabat agitudine: denique dirâ atque intolerabili percussus ficta, & morte jamjamque imminente, & jam à flatu spiraminis arcebatur. Erat autem tunc Eligius iter quoddam carpere dispositus; tum subito postulat æger, motu potius quàm verbo, ut sese herus priusquam spiritum exhalaret, dignaretur visitare: ad quem cum Eligius intrasset, cœpit eum duris verbis increpare, quod scilicet corde cœcato pœnitentiam minimè pro negligentis suis gesserit. Et cum ille nimis anxius penè jam ex hac vitâ pen-

CAP. XXIII.  
Ut famulum à fictâ sanavit.

deret, ac pro verbis lacrymis solummodo cum diro gemitu satisfaceret, misericordiâ motus est; pius enim erat Eligius circa subiectos suos, posuitque super eum quem manu gestabat baculum, & præcepit ei, ut sine mora in nomine **JESU CHRISTI** sanus exurgeret, secumque illic in itinere disposito pergeret. Confestim ergo ad ejus verbum omni à se dolore celeri velocitate fugiente, surrexit qui erat ægrotus, cunctis mirantibus, sanus atque ita exiliens præcessit eum quo pergebat itinere lætus.

CAP. XXIV.  
Levitam à  
lateris dolore  
sanavit.

Quidam autem Diaconus lateris dolore pessimè obseptus, graviter laborabat per dies plurimos, diu quoque morbo succrescente, toto penè corpore decumbebat tabidus: cui cum Eligius manu sanctâ latus & membra contrectasset, statim abscedente tabo, omnique mox malo depulso, sanavit corpus à lurido illo morbo.

CAP. XXV.  
De Presbytero  
ab eo sa-  
nato.

Fuit quidam Presbyter in quâdam diœcesi ejus, cui plurimi vicinorum inhonestum valde ferebant testimonium, quem Eligius frequenter verbis corripiens, nequibat eum à pristino revocare contagio: cumque latius infaustum ejus crebresceret vitium, non patiens ultra Eligius tanta nefanda audire de illo, die quâdam accersitum ad se causam vulgati criminis percunctatur, hortans eum modestè ad emendationem, invitans leniter ad confessionem: at ille longè à se tale quid factum abnegans, audaciter culpam defendere nitebatur, plus videlicet pertimescens hominem, quàm divinam metuens ultionem. Tunc Eligius cum nullâ eum ratione flectere posset ad confessionem, excommunicavit eum, ut interim qui pro admissio scelere publicè pœniteret, nullo modo altare adiens sacra mysteria celebrare præsumeret, comminans multum atque pollicens, quod si id ultra usurparet, sese nullatenus posset latere, sed illic se palam adesse, & severius in eo culpam vindicare. At ille à facie ejus egressus, pro nihilo ducens minas ipsius, dies suos in negligentia consummabat: transactis autem paucis diebus, excommunicationem hominis Dei veluti jam inveteratam negligenter oblitterans, quâdam die altare, sacrificium oblaturus, aggreditur: cumque primam altaris partem intrepidus adiret, statim divinitus percussus, ac vehementer in terram prostratus, expiravit. Ex quo facto cœpit indignatio Eligii cunctis terribilis videri, sermoque ejus jam apud omnes oraculum cœlestis computari. Ipse verò cum comperisset internecionem tam execrabilem illius miserandi, vehementer eum luxit, & multis demum malè viventibus ad exemplum corrigendæ vitæ eundem in argumentis proposuit. Præterea Eligius in tantum mentis sinceritate profecerat, sedulè Deo in hymnis & orationibus serviens, atque ita cunctis animi virtutibus sublimatus florebat, ut nonnunquam ea quæ futura erant præscius longè ante prænuntiaret: ad quod declarandum necessarium reor vel pauca de plurimis enarrare.

CAP. XXVI.  
De gratiâ  
prophetiæ ei-  
dem collatâ:  
& de morte  
Erchenoaldi.

Quodam itaque tempore obnixè ab **HERCHENOALDO** Palatii Præposito, quamdam ob causam procul ab oppido secum pergere in comitatu rogabatur; at ille secum multa reputans renuebat prædictum iter eo tempore cum ipso arripere; cogeatur verò à Senioribus & Abbatibus civitatis suæ, ut quoquo modo satisfaceret voluntati ejus, ne pro exultatione itineris offendiculum vel inimicitiam tam præstantissimi incurreret viri. Tandem autem ab eis in propatulo respondere compulsus, ait: Quid necesse est, Fratres, quod nobis tantam vexationem conamini ingerere; ego proculdubio novi quod vos omninò nescitis, quoniam si illuc properaverimus, magnam ibidem injuriam passiuri sumus: hinc enim homo pergens vadit illuc, sed vivus exinde non re-

vertetur, illic etenim morietur. Porro post paucos dies completur sermo ejus, & cum vix acturi simul ad destinatum prædium pervenissent, ibique aliquot dies commorarentur, ita ut dudum prædixerat contigit. Denique quâdam nocte cum alto sopore omnes quiescerent, fortuito Eligius egressus tabernaculum, dum foris ante vestibulum deambulare, ac de Psalmis nescio quid secum volveret, vidit subito columnam ignis è cœlo descendere, cubiculumque Herchenoaldi vehementer penetrare, & tacitè secum eventum rei considerans, interitum bestię illius Diacono suo, qui forte solus cum eo inventus erat, indicat. Confestim verò Herchenoaldus ultione divinâ percussus, cum subito in internis visceribus vasto cremaretur incendio, jussit protinus ad se vocari Eligium; qui cum vocatus adfuisset, & videret eum vehementer angi, cœpit ei suadere, ut quia jam ei vivendi non aderat fiducia, vel hoc faceret moriturus quod non fecerat sponte vivus, scilicet ut sacculos copiosos metallo auri repletos, quos secum equi vehabant incomptos, pauperibus jam sine dilatione pro refrigerio suæ animæ tribueret; hoc ei solum adstruens prodesse: illa verò quæ in thesauris relinquebat, proculdubio animæ suæ obesse. Sed ille sicut semper rapidus, ita tenax & avarus, dum moras dilationis longius innectit, repente miser spiritum exhalavit: cujus corpus Eligius secum pro misericordiâ referens, sepulturæ tradidit; ac sic verba sua cunctis manifestè completa ostendit.

Similiter dudum de morte quoque **FLAVADI** crudelissimi viri Fratribus prænuntiaverat: nam cum præfatus tyrannus **WILLIBADUM** christianissimum virum, Burgundiæ Patricium innoxie interfecisset, atque ejus mors Eligio nuntiata fuisset, ille ad hæc è contrario ista narrantibus respondit, dicens: Vos quidem asseveratis Willibadum mortuum, Flavadium verò vivum; ego autem illum quem dicitis interfectum novi pro eximiis meritis melius nunc vivere in cœlo; illum verò quem vos applauditis vivum, scitote celeri internecione malè fore moriturum. Cui cum causam hujus immutationis percunctarentur, apertius illic prænuntians, ait: Hæc ideo dixi, quia vir ille verus Dei cultor mortuus ad tempus videtur, sed jam sine fine feliciter vivit; Flavadius verò, qui per prolixa tempora vivere putatur, infra hos decem dies malè, ut dignus est morietur. Ita ergo factum est sicut ipse prædixit: nam septem diebus transactis fortuito Flavadius percussus, juxta sententiam viri Dei miserabiliter est defunctus.

Alia etiam complura Episcopus factus mira prædixit: sed dum adhuc sub laicali habitu esset, præfatus futura prænuntiavit; ex quibus nocte quâdam dum consuetas orationes expleisset, paululum in cubitu requiescens, cœpit subito in somniis vehementer satagere; quem mox Clericus excitum cum causam visionis illius interrogaret, hujusmodi ab eo responsum audivit. Nuper, inquit, **SIMPLICIUS** Lemovicinæ urbis Episcopus migravit de mundo, & ecce modò jam **FELIX** qui Sacerdotio fortitur, Millos ad nos destinavit, ut ejus parti solatium præbeamus; cum ipsis quidem nunc loquebar; solliciti ergo nunc estote, haud procul enim sunt. Dixit & conquevit, & ecce post ejus verba cum lux diei daret initium, cœperunt repente prædicti nuntii vestibulum domus pulsare, qui illic ingressi nuntiant Episcopi mortem, cunctaque ita esse gesta, sicut jam Eligius prædixerat. Tunc verò offerentes copiosam pecuniam à **FELICE** pro adminiculo Episcopatus missam, nullatenus suadere potuerunt ut quidpiam ex eadem acciperet, sed protinus ingressus ad Principem gratificè cuncta quæ petierat obtinuit,

CAPUT  
XXVII.  
De morte Fla-  
vadi ab eo an-  
te prædictâ.

CAPUT  
XXVIII.  
De Visione  
Episcopatus  
Simplicii.

CAP. XXIX.  
De visione  
dispersionis  
Cœnobii.

& sic demum eosdem ad propria remeare fecit.

Accidit etiam ut quidam Abbas, vocabulo DOMNOLUS, visitationis gratiâ ad eum quondam profectus, diutius apud eum commoraretur: cui Eligius nocte quâdam post quietem secretius evocato, dixit: Tu hîc securus consistis, sed Monasterium tibi commillum vehementer inimici impulsu quatitur, ac dæmonum procellis fortiter conquassatur; vidi enim in visione noctis flumen ingens multâ vi super eum irruere, & nonnulla ædificia funditus ad solum usque diruere; quamobrem perge, quæso, nisi onerosum est, & vide utrum erga Fratres cuncta prosperè agantur. Tunc Abbas sollicitudine cumulatus, protinus itinere arrepto regressus est ad Cœnobium, & priusquam ingrederetur Monasterium, ei nuntiatum est duodecim ferè Fratres dæmonum instinctu proposito Monachi relicto clanculè de Monasterio fuisse egressos, & huc illucque vagari incertos, sæculique actibus esse jam deditos. Sic ergo præfatus Abbas Eligii verba non sine admiratione reminiscens, Domini in eo gratiam mirabatur diffusam. Interim verò de salute Fratrum sollicitus, ad eos investigandos properat quantocius, & nonnullos ex eis repertos ad Cœnobium reduxit; aliquantos tamen longius profugatos nusquam comprehendere potuit.

CAP. XXX.  
Cuidam Dei  
famulo futu-  
ra prædixit.

Alio verò tempore cum Eligius Monasterium suum in territorio Lemovicino visitasset, atque inde rediens Bituricas devenisset, voluit videre quemdam qui illic morabatur inclusum, nomine EBRIGISILUM; cujus bona fama ab omnibus tunc Bituricæ urbis hominibus celebrabatur: qui videlicet inclusus indistinctè suæ institutionis rigorem servans, nec faciem quidem suam Eligio tunc præbuit videndam, sed solummodo per fenestram, & ipsam infecto vitro clausam, sicut cæteris consueverat, elogium reddidit: cui Eligius post aliquantulam colloquutionem, cum videre eum non quivisset, ultimo valefaciens ait: Hic te, Frater, videre non potui modò, videbo proculdubio citò in aulâ Regis, Clipiaci: at ille cum id nunquam fore protestaretur: Eia, inquit, Eligius, eia, probabis hoc in die illâ, cum te illuc coram populis & Principibus visurus sum in palam. Verum post breve tempus sequitur effectus ejus sermonem: nam talis quædam existit causa, ut eundem inclusum cellulæ suæ claustris patefactis palatium Regis adire necessitas certa compelleret, ubi ab Eligio honorificè susceptus est. Contigerat enim ut ibi tunc adesset, & inter dulcia colloquia honestè valde & jocabiliter increpatus, demum post transactam petitionem ad propria est regressus.

CAP. XXXI.  
Ortum Lo-  
tharii Regis  
olim prædi-  
xit; & alia  
plura.

Sunt & alia multa quæ familiariter loquens sæpe prophetando prædixit, sicut & de morte quondam HARIBERTI Regis, quam sicut prænuntiavit, ita post paululum evenit. Et de morte DAGOBERTI inclyti Principis: necnon & de nativitate Lotharii junioris; nam cum adhuc esset in utero inditus, & Regina magnopere ob id pavitaret, verens ne filiam ederet, & ob hoc regnum succumberet; veniens ad eam Eligius alacriter eam recreavit, atque coram omnibus puerperam vocitans, partum ejus masculinum prænuntiavit, suumque filium ex mysterio regenerationis fore prædixit; nomen etiam puero adhuc in alvo imposuit: & ad hæc omnia certius tenenda, quoddam opificium, quod parvulo posset aptari, fieri rogavit, atque ad usus ejus, usque dum nasceretur, custodiri iussit. Hæc autem omnia sicut prædixit, ita demum rei eventus probavit: nam & Regina filium protulit, & Eligius eum filiolum habuit, ac nomen LOTHARIUS, quod dudum indiderat vocitavit. Post hunc quoque Deus sobolem ejus multiplicavit, & genuit adhuc filios duos; sed cum tres jam procreati essent parvuli, & Rex ac Regina

pacificè grateque consisterent, talem relationem de eis in diebus illis Eligius prædixit.

Aspiciebam, inquit, in visione nocturnâ ceu solem circâ tertiam diei horam properantem, clareque prælucentem, subito nusquam comparuisse, cumque adhuc informe prodigium solerter intenderem, conspexi illic, & ecce quasi media abortiva luna tres circumquaque vallata stellas eo teneri tramite visebatur, quo sol recurrens quotidie vertitur: itaque cum & hoc portentum attonitus expectarem, mox intrâ mirantis obtutum stellis permanentibus, luna fortuito exempta est; post hæc verò cum enixius tres illas considerarem stellas, ad horam penè meridianam accedere, ac vicissim suis radiis sese repercutere, ea quæ eximior ex tribus videbatur ex improvviso sublata, duas tantum reliquit in propatulo: deinde cum simul duæ illæ comitari viderentur, dicto citius unâ earum obscuratâ atque subtrahâ, una tantummodo remansit in palam, quæ sola recto tramite solis cursum imitans, magno demum fulgore rutilabat, quantoque ampliùs ad Occidentem declinabat, tanto uberius claritas ejus latè propagabatur: at ubi ad ultimum occidui locum pervenit, tantam claritatem suarum lampadarum profudit, ut potissimam solis claritatem superare videretur. Hic est itaque ordo visionis. Post mortem CLODOVEI Regis (nam absque dubio citò defungetur) aliquanto tempore obtinebit hoc Francorum Regnum relicta ejus Regina cum tribus parvulis: postquàm verò & ipsa regno fuerit exempta, tribus filiis in regno relictis, unus demum ex ipsis cadet; & post hoc haud longo spatio ex duobus quoque regno unus privabitur, tertius verò solus Monarchiam adeptus, dilatabitur super omnes affines suos, atque magnificabitur, & obtinebit sub ditione suâ tria hæc regna; & sic visio hæc consummabitur. Huc usque Eligius, sed nos minimè diffidere convenit, cum verba ejus consequantur effectum, præsertim cum hæc jam aliquâ ex parte completa cernamus, cætera verò quæ nondum impleta sunt, ex consideratione præcedentium impleri è proximo non dubitamus: nam secundum ejus sententiam & Rex CLODOVEUS infra paucum tempus, hoc est anticipans triginta dies in pace obiit, ejusque demum relicta Regina cum parvulis, paucis annis regnum obtinens, postmodum jure Regio exempta, filios in principatum reliquit, ac non post multos annos major natu ex ipsis, qui potissimum jus tenere videbatur, dum quietè tranquilleque regnaret, diem obiens, duos superstites fratres reliquit. De visis jam quid agatur, solius Dei judicio definiri convenit. Hæc igitur, sed & alia plura his similia, quæ prosequi longum est, plerumque Eligius prophetiæ gratiâ afflatus prænuntiavit.

Et inter cætera bona sermo quoque ei sapientiæ, atque scientiæ, & consolationis affluenter collatus erat: humilitatem autem suprâ modum & charitatem æqualiter possidebat. Non proponebat in honore locupletem pauperi, nec Principem vel nobilem subiecto & vili præferbat; sed his se austeriorem exhibens, illis modestiorem præstabat. Famulos quoque non ut servos dominorum more affligebat, sed benignè & modestè fraternâ caritate diligebat. Jam verò in barbaris tolerandis æquanimitas quanta, & quanta patientia erat! Instabat nimirum incredulos ad fidem suadendo flectere, obsequio ingratos lenire, contradicentibus leniter respondere, superbos humiliter supportare, existeretque ad omnem tolerantiam fortis, ad sustinendam injuriam mitis, ad faciendam misericordiam facilis; tribuebat egenis substantiam, committens Christo

CAPUT  
XXXII.  
Quantâ mo-  
deratione se  
se vir sanctus  
dispensabat:  
& quod popu-  
lis exemplum  
dabat.



pecuniam, ut ab ipso æterna perciperet præmia; dicebatque res suas non esse suas, sed pauperum, quorum procuracionem quodammodo agere videbatur: denique omnes opes in thesauris cœlestibus largiendo egenis condens, cunctam suppellectilem iustâ operatione ad paradysum removebat; illic videlicet transferens, ubi fructus caperet possessionis æternæ; illic thesauros abscondens, ubi semper feliciter gloriosèque viveret sine fine. Erat præterea hic idem vir beatus in fide Christi firmus, in opere iustus, in iudicio providus, in humilitate perfectus, in devotione præcinctus, moribus suavissimus, sensu doctissimus, animo pacificus, corde piissimus. Tenebat jugiter in actibus sinceritatem, in corde puritatem, in opere virtutem, in moribus disciplinam: gerebat in simplicitate innocentiam, in charitate concordiam, in humilitate modestiam; in administratione diligentiam, in adjuvandis laborantibus vigilantiam, in fovendis pauperibus misericordiam, in defendendis dogmatibus constantiam: eratque sermo ejus semper cum charitate & lenitate conditus, quo mentes audientium tamquam luminare lucidissimum irradiabat. O verè imitabilem virum! o semen Abraham benedictum! o præferendum omnibus Eligii exemplum! Jure itaque Abraham filius nuncupatur, dum ordinem gloriæ paternæ dignitatis exequitur; merito, inquam, Abraham soboles adscribitur, fide scilicet non genere, imitatione non progenie, devotione non stirpe: nempe Abraham benedictio meruit filium, Eligius verò benedictus transfertur in numero filiorum: ille Domino obtulit filium; iste potiora donis omnibus obtulit semetipsum: & Abraham quidem tradidit hæredem, hic nihilominus hæreditatem: ille sobolis innocentiam, hic omnem substantiam. Necesse ergo est ut similitudo officiorum similitudinem conferat meritorum. Postremò Abraham quod habuit pignus exhibuit; Eligius verò totum quod habere in mundo potuit, Domini juri arbitrioque commisit. Sed quia per alternas temporum vices discurrens oratio penè jam ad finem & felicem ejus transitum perduxit stylum, sufficiat interim huc usque seriem vitæ ejus descripsisse: jam enim, ut spero, etsi sensu rustico prolixum produximus sermonem, quamquam meritis ejus digna præconia nullatenus narrare suffecerimus: nunc ergo dignum puto ob audientium ædificationem quo ordine ex hac migraverit vitâ paucis explicare.

Factum est autem in diebus illis, postquam Eligius cuncta mundi hujus adversa, cunctosque labores æquanimiter toleravit; post vitæ temporariæ administrationem benè transactam, post multiplicia misericordiæ opera, post dulcia vitæ exempla, post innumera captivorum agmina liberata, post Monachorum Virginumque multitudinem copiosam Deo traditam, Cœnobiisque mancipatam, post immensam molem substantiæ elemosynis distributam, post fidelissimæ dispensationis creditæ sibi pecuniæ undique merita cumulata, vergente jam in senio ætate, cum esset annorum amplius septuaginta, cunctis bonis operibus refectus, sentiens jam dissolutionē sui corporis imminere, cœpit quādam die cum discipulis Novio in oppido deambulare, & fortuito conspiciens eminus vidit ex fronte Basilicæ S. Medardi parietem ex parte dissipatum, cripturamque imminentem ac ruinam minitantem intare: jussit ergo continuò artificem vocari, & parietis infirmitatem illic cum liniamentis \* solidare. Cui cum discipuli dicerent: opportunum, Domine, tempus

expectetur, ut facilius ac solidius emendetur. Ille respondit: Sinite huc usque, filioli, quoniam si modò non emendatur, nec jam superstiti in corpore non emendabitur. Ex quo verbo cuncti penè tabefacti, atque in angorem versi, cœperunt multitudo suspirantes dicere: Non contingat, Domine, famulis tuis hæc videre quæ loqueris, sed magis annis multis ad ornatum Ecclesiæ suæ Dominus, pauperumque præsidium, beatitudinem tuam hîc vernare permittat. Ad hæc ille, supplices cœlo aspectus dirigens, atque ex imo pectore longa suspiria trahens, ait: Non vestra ex hoc, sed potius Domini in me fiat voluntas; exigit enim naturæ conditio, ut post multiplicia vitæ hujus oblectamenta, tandem jam pergamus ad veniam; sed & vobis expedit, ut cum effectu nequeatis, vel solâ tamen voluntate Dei in hoc voluntati non discrepetis; quia proculdubio tempus jam præfinitum est. Porro ad hæc verba cunctis in mœrorem conversis, ait: Nolite ob id, filioli, contristari, sed potius gaudete & congratulamini, quia olim hoc tempus desiderabam, olim hanc messionem post longam vitæ ærumnam percipere cupiebam. Illis itaque suspirantibus, atque in angorem conversis, nihilominus & rei ambiguitate detentis, ab hujusmodi colloquio cessatum est.

Nec mora, post hæc & levissimâ febre corpori insula cœpit tadiari; tunc certius quid divina providentia de suâ morte decrevisset condiscens, jussit convocari omnes famulos & ministros suos, quos ipse longo jam tempore alens instituerat; & cœpit eis finem dierum suorum palam facere, ac sicut semper consueverat, inter cætera prædicare pacem semper habendam, pacem Fratribus custodiendam, & charitatem præcipuè tenendam, in quâ est unitatis & concordie vinculum. Deinde evocato BALDEREDO Ecclesiæ Tornacensis Abbate, dixit: Rem tibi, Frater, non celabo quam certissimè fore didici: ego quidem secundum tenorem Patrum gradior viam meam; te verò moneo ne ulterius Tornacum redire appetas, sed esto hîc contentus cum Fratribus tuis, cum eisdem degens: nam si oblitus verba mea illuc deinceps accelleris, novi pro certo quòd vivus inde non redies. Itaque ut tunc prædixit, ita post ejus obitum contigit: nam præfatus Balderedus negligerter excedens verbum istud post mortem beati viri, ad prædictam urbem sine cunctamine properavit, & non post multos dies irruente super se turbâ vehementer casus, ad ultimum interemptus est. Igitur ut dicere cœperam, cum vir beatus ultimâ decumberet ægritudine, ejusque infirmitas per quinque vel sex dies protelaretur, ita duntaxat ut semper eadem deambulando, baculoque regente infirmos artus sustentando, dissimularet, nec sic quidem à Dei opere cessabat, bonam hanc virtutum suarum consummationem existimans, si ad finem usque perduceret, id quod per longa vitæ spatia jugi instantiâ tenuisset; pernox enim in orationibus & vigiliis membra fatiscientia spiritui servire cogebat, & mente quodammodo ad memoriam futuræ beatitudinis transiens, nimium lætus cupitum iter expectabat. Interea cum jam propinquare profectionis salutarem diem sentiret, congregatis pridie Kalendarum Decembrium cunctis undique famulis & suis discipulis, quos jam etsi non spiritu, corpore tamen incipiebat relinquere orphans, ita exorsus est ad eos: Ultimam, Dilectissimi, parvitatæ meæ audientes sententiam, ultima amatoris vestri gratificè percipite verba, si me vicariâ dilectione amatis; divina jussa

CAPUT  
XXXIII.  
Obitum suum  
dudum præ-  
dixit.

u

u cripturamque] Acherio videtur legendum rupturamque, sed vox criptura legitur etiam cap. 47. Gal. crevasse à verbo

crepo. Idem haud ita multo post emendat lignamentis, ubi habetur liniamentis.



adimplere contendite, **JESUM** semper suspirate, præcepta ejus vestris mentibus figite: si verè mei amatores estis, Christi nomen sicut & ego amate; incertæ conditionis vitam quotidie ancipitem retractate, Dei tremenda judicia jugiter formidate, quales eritis in die judicii præsentandi sollicità consideratione pensate: ego enim secundum eloquia Scripturarum gradior jam viam universæ terræ; jam itaque amodo absque me in hoc mundo degetis, quia me Dominus jam evocare dignatur; sed & ego cupio dissolvi jam, & si domino placuerit, esse in requie. His dictis cum omnes flerent & ejularent, evocatis ille singulatim propriis vernaculis, constituit eis Monasteria inter cætera excellentissima, ad quæ post suum discessum singuli quique properare deberent; & dixit ad eos: Ecce hodie in manus vestras commendo salutem animarum vestrarum; mementote ergo admonitionum mearum, & cogitate jam singuli de vobismetipsis, hæc inter omnia quæ moneo assidue agite, hæc sapite, hæc retextite, & memoriam meam vobiscum semper ubique portate: Eligius enim migrat, & jam non erit in hoc sæculo vobiscum. Cum hæc igitur dixisset, omnes qui aderant cum ingenti rugitu vocem levantes, vixque inter crebros singultus verba formantes, consonâ omnes voce descebant, dicentes: Cûr nos, Pater, deseris, vel cur tam citò à nobis recedere cupis? Cui alumnos tuos orbatos relinquis, aut cui, Pastor optime, gregem, quem ex gentibus congregasti, fovendum committis? Scimus quidem olim desiderare te Christum, sed salva tibi manent tua præmia, nec si diutius in mundo commoratus fueris, minuentur, sed aucta potius in dies incrementantur; ideo quæsumus, si fieri potest, differ exitum, ne abscessu tuo omnes patiamur exitium; senium te non compellit ut migres, quos deseris, potius nostri miserere; aut si mavis abire, vel socios nos tuæ mortis assume; melius profectò mori tecum ducimus, quàm te absente in mundo vivere; absentiam tuam ferre non possumus, quia tui similem nunquam habebimus. Doleat ergo tibi, Pastor bone, ne tam citò orbatam relinquo plebem, moveat pietatem tuam luctus iste, quo impetres apud Dominum superstes adhuc in corpore esse. Talia eos descentes piissimus ille Pastor audiens, ubertim faciem lacrymis rigabat, quas magnitudo pietatis indices clementissimi cordis effuderat: gaudebat quippe de suâ vocatione, mœrebatque ad tempus mirè illis compatiens de eorum destitutione, & cum esset pius, essetque nimium requiem desiderabundus, nec hos ad momentum deferere, nec à Christo volebat diutius separari, illum scilicet insatiabiliter sitiens, illum inhiante desiderans, illumque oculis ac mente totâ semper complectens.

CAPUT  
XXXIV.  
Quo ordine à  
sæculo mi-  
gravit.

Rom. 2. 16.  
6.

Tandem ergo inter amaras lacrymas, dictaque mœrentia resumens verbum, ait: Nolite ex hoc usquequaque contristari, & me, quæso, amplius nolite fletu vexare de abscessu meo, & si verè sapitis, gaudere vos potius convenit, quàm lugere; quia equidem etsi præsentia corporis absens fuero, spiritu melius præsensero; & quamquam ego nusquam sim, Deus semper est, illi vos commendo, ipsique vestri curam committo: ego verò si quid boni agere potui, vestris profectibus militavi, & cognoscetis hoc in illâ die, cum judicabit Dominus occulta hominum, & cum reddet unicuique secundum opera sua. Scio quidem quia inutilis servus non feci ut debui, Dominus tamen novit quemadmodum huc usque volui. Vos ergo moneo, & per gloriosum Christi adventum obtestor, ut si qua vobis ergà me caritas est, si mihi vicarium rependitis dilectionis affectum, mandata & instituta mea servare curate; & in quo unusquisque vestrum prævalet, de Mona-

steriolis meis, quæ Christo auspice ædificavi, mercedem & sollicitudinem habetote; & valete viscera mea. Post hæc verba, vergente jam die ad vespæram, procidit subito in pavimento, & fixis genibus ante Dei vultum provolutus, orat suppliciter gemens, atque suspirans, ut suâ benignissimâ pietate provideat Pastorem, qui regat modicæ suam plebem: Ne fiat, inquit, æterne Pastor, hæc plebs sicut oves quibus non est Pastor: commendo tibi oves, quas mihi credidisti, & familiam omnem, quam per ministerium officii mei tuo sancto servitio mancipasti; Tuo, quæso, Christe, semper protegantur auxilio, tuo gubernentur nutu, & tuo dirigantur imperio. O mira Eligii charitas & magnifica bonitas! recessurus jam de mundo, sui quodammodo curâ neglectâ, aliorum sicut semper consueverat, gerebat adminicula; sic enim eximi hac luce cupiebat, ut Domino jubente ad illa clara æternitatis habitacula transiret, ubi ei parabatur gaudium sempiternum nullâ unquam vetustate periturum; & nihilominus illuc tendens, gregis sibi commissi familieque adeptæ magnam ut consueverat, sollicitudinem gerebat, commendans utique Domino cum fœnore quod ab ipso acceperat talenti munus.

Jam verò in extremis positus, cum modicus calor teperet in pectore, nec præter sensum quidquam vivi hominis superesset, vocatis ad se discipulis & sodalibus, dum se in mutuos miscuit amplexus, per singulos plorans, omnibus vale dicebat, dicens: Jam non ultrâ loquar vobiscum, & faciem meam amplius jam non videbitis, ideoque valete in pace, & me jam de cætero finite quiescere, parentemque materiam permittite tandem redire ad terram. Hæc autem audientes qui circumstabant, nullo genere quiverunt temperari à fletu, complebantur enim cunctorum lacrymis ora, singultus etiam omnium occupabat vocem, hærentemque linguam viscera commota quatiebant, atque in medios conatus firmo gemitu interrompebatur; vix tamen inter dira suspiria, & amaras lacrymas, hæc solummodo verba resonabant. Dolemus quidem impatientius nostri causâ, quodd nos solatio abscessus tui destituis, sed tui causâ, Pater optime, consolamur, qui post mundi laborem ad perennem requiem vadis. Tunc ille supplices oculos ad cælum elevans, diù tacitam precem fudit, deinde in vocem prorumpens, ait: Nunc dimittis servum tuum, Domine, secundum verbum tuum in pace: Recordare quæso, quodd sicut lutum feceris me; & non intres in iudicium cum servo tuo, quia non justificabitur in conspectu tuo omnis vivens. Et quibusdam interpositis adjecit, dicens: Memento mei qui solus sine peccato es, Christe Redemptor mundi, & educens me de corpore mortis hujus, salvum fac in regnum tuum cœleste, quia utrumque tuum est, & quando voluisti me in hunc mundum intrare, & quando jubes ex eo exire. Tu semper fuisti protector meus: in manus tuas commendo spiritum meum: scio me non mereri conspectum tuum, tamen tu scis quia semper spes mea in misericordiâ tuâ fuit, & fides mea in tuâ credulitate permansit; & nunc quoque sub confessione nominis tui ruens, extremum, Christe, halitum fundam: suscipe ergo me secundum magnam misericordiam tuam, & non confundas me ab expectatione meâ: aperi mihi properanti januam vitæ, & principes tenebrarum non occurrant mihi, non conturbent me potestates aeris hujus, sed clemens dextera tua protegat, & potentia tua defendat, ac manus tua deducat me in locum refrigerii, & vel in ultimum tabernaculum quod præparasti servis tuis & timentibus te. Et his dictis,

CAP. XXXV.  
Maledictio &  
oratio ultima:  
& de miraculo egredientis animæ  
vifo.

Luc. 2. 28.  
Job 10.  
Psalm. 142.

etis, inter verba orationis flagitatum à Superis emisit spiritum. statim verò cum esset hora prima noctis, visus est subito velut pharus magnus ingenti claritate resplendens ex eadem domo coruscando conscendere, atque inter mirantium obtutus sphaera ignea crucis in se similitudinem præferens, velocique cursu densitatem nubium præteriens, cæli altitudinem penetrare. Hoc ergo ordine sancta ejus anima sarcinâ carnis abjectâ, atque terrenis pressio- nibus liberata, ad suum læta revolavit auctorem, & in antiquam possessionem, diu hinc peregrinata, cælo gaudente, terrâ plorante, Angelis etiam plaudentibus, tandem ovans conscendit. Itaque quan- tum haberet vir beatus in plebe amorem, confestim in ejus declaratum est morte: vix quidem spiritum exhalaverat, vix debitam Christo reddiderat ani- mam, & jam luctus totius urbis in cælo resonabat, omnesque plateas currente nuntio varius subito ru- mor impleverat, & unius obitu quasi communi or- bitatis vulnere tota simul civitas lamentabatur. Quid multa? compositum continuò ex more corpus, feretroque inditum, ad Ecclesiam deferunt, ibi- que excubias vicissim agentes, Clerus in hym- nis, populus in lamentis noctem pervigilem du- cunt.

CAPUT  
XXXVI.  
Sanguis ex  
naribus ejus  
fluxit: & cor-  
pus ejus ma-  
gno pondere  
aggravatur.

Facto autem mane convenit ingens in oppidum utriusque sexûs multitudo; affuit etiam & Regina BATHILOIS cum filiis, & Optimatibus, exer- cituque copioso; quæ velociter oppidum ingressa, celerique cursu funeri accurrens, ingenti voce in fletum prorupit, plorans atque ejulans quoddam vivum minimè reperisset: cumque diutissimè feretro incumbens lamenta geminaret, rogat interim præparari quemadmodum corpus beati viri ad Cala Monasterium suum transferret; sed cum voluisset eum levare, & non prævaluisse ex loco movere, tristis admodum affecta, indixit Ecclesiæ triduanum jeju- nium celebrare cum silentio. Quod cum fieret, ipsa quoque cum Optimatibus suis pariterque cum Clero inhianter persistens, indefinenter per illud triduum excubie celebratæ sunt. Dum hæc igitur agerentur, ipsa venerabilis Regina nimis intolerabiliter lugens, nullo genere à fletu cohibere se poterat; denique cum ex summo dolore absentiam sancti viri ferre non posset, tandem ut desiderio suo satisfaceret, reve- latâ ejus facie in lugubre osculum ruens, cœpit ma- nus pectusque lambere, ac genas copioso lacryma- rum imbre perfundere: & ecce repente dum san- ctum corpus exosculans palparet, miraculum non silendum illicò contigit. Nam cum esset hyemis tempus, & corpus jam dudum mortuum decumbe- ret gelidum, fortuitu unda sanguinis ex naribus ja- centis profluens, cœpit ubertim genas Sancti rigare, quod videlicet conspicientes Episcopi & Regina Christianissima, confestim suppositis hinc inde bil- leis linteis x summâ cum diligentia quousque sponte decurrit, sanguinem collegerunt, ac pro magno munere servandum deinceps in pignoribus segrega- runt.

Interea, ut prædictum est, jejunio expleto, sata- gebat omnimodis Regina ut quoquo modo corpus sancti viri in Cala Monasterium suum transferret; econtra alia pars conabatur eum Parisius civitatem deferre; utrisque tamen obsistebant cives Novio- menses justissimam sibi hæreditatem membra sui Antistitis vendicantes. Hoc igitur modo erat inter eos altercatio, piâ vicissim devotione pro sanctâ ra- pinâ decertantes, quinam justius ejus mereretur re- liquias ac sepulturam possidere: sed cum Episcopi & præstantiores quippe qui aderant, partibus Reginæ

x billes linteis ] Billeis, ait Acherius, id est, sigillo ali-  
Tom. II.

faverent, atque ad ejus cum Monasterium ferendum decernerent, orta est ingens vociferatio & tumultus magnus ab universâ plebe Noviomagen- se. Tunc Regina prudentiori consilio utens, & judicio De- Omnipotentis causam committens, ait: Sepon n u- jam ambages verborum, & si est Domini voluntas aut Sancti hujus, ut illuc eat quo ego cupio sine ullâ jam dilatione levetur, sin verò aliâs, modò pro- babimus. Post hæc verba cum accessissent ad fere- trum; & tentarent eum levare, tanto pondere de- pressum senserunt, ut nec movere quidem à loco il- lum possent; deinde alii atque alii vicissim sibi suc- cedentes nihil uspiam prævalere potuerunt; postre- mō omnium Regina accedens, ipsaque per se pro- bare volens, ulnis exertis ac rebrachiatis cœpit pul- sare vel unum feretri cornu valeret movere, cumque totis viribus nitens inhianter pugnaret, & quasi montem inanem pulsaret; nihil prorsus proficere po- tuit: tunc ergo conversa ad Optimates, ait: Ecce jam liquidè cognoscimus non esse voluntatis ejus, ut eum alibi feramus, concedamus igitur huic plebi vel inviti, quod hactenùs nolimus voluntarii. Pla- cuit autem hoc consilium cunctis, & decreverunt eum omnes uno ore in eodem oppido sepeliri. Ita- que post hanc definitionem cum rursus feretrum sub- levare tentarent, tantâ mox celeritate levigatum sub- levatumque est, ut facilè jam à duobus portaretur, qui ante horam nec à pluribus movebatur: quod miraculum cives cum Reginâ cernentes, gloriam Domini magnificabant, dicentes: Magna & mira- bilia opera tua Domine virtutum. Et, Mirabilis es Deus in Sanctis tuis.

Deinde jam cum deferretur corpus ad sepulcrum, tota penè civitas ruit in obsequio funeris cum luctu; nam & Regina devota, cum esset hyemis tempore palus immensa, nullatenus suaderi potuit, ut vehi- culo uteretur equi, sed pedettri & gravi labore se- quens feretrum per paludem lamenta continua cum omni sociabat familiâ. O quantus luctus omnium, quantus præcipuè Monachorum fletus & pauperum, qui eo die ibi confluxerant, per plateas omnes per- strebebant! Chori liquidem psallentium lacrymosas reddebant voces, cantus & agmina flentium lugu- bres reboabant in aëre fletus; omnem populus ur- bem quatiebat gemitibus, celsumque culmen olym- pi implebatur plangoribus, accentus antiphonarum concrepabat in Choro, & luctus Noviomagenium resonabat in cælo, funereos cantus omnes redde- bant tramites, ululatus dirus cunctas compleverat ædes, ejulans populositas omnis se fuderat per orbis- tas, flebilibusque vagas implebant vocibus auras. Tali pompâ vallatus eminebat Pastor extinctus; tali constipatum catervâ corpus ferebatur ad tumbam. Hinc præterea Chori præcedebant canentium, illinc agmina plebium continuabant ejulatum: patrem se & nutricium, perdere omnes clamabant, & inter quatientes singultus vix hæc verba promebant: Cui, Pastor bone, servandam committis plebem, vel cui pro caulis gregis tradis curam Pastoris? O Eligi, dul- cedo tu pauperum, fortitudo debilium, tu prote- ctor & impar egentium consolator. Quis jam post te elemosynam sicut tu dabit largam; vel quis no- stri erit protector sicut tu, bone pastor? Quis te- cum pariter interire nobis tribuat hodie essetque mors dulcior quàm tuâ præsentia carere? Hujusce- modi ergo, cum properant ad sepulcrum, omnes simul confusas voces dabant ad cælos, nec erat fa- cile inter geminos tantarum vocum accentus can- tum an fletum, Clerum psallentem, an plebem di- scernere ululantem. Quis enim in illo die quamvis

quo impressis, aut damasceno opere signatis.

CAPUT  
XXXVII.  
Pompa fune-  
ris ejus, &  
laus beatitu-  
dinis.

sine visceribus esset, cum pauperum lamenta audiret, non statim in fletus prorumperet? Aut quis ita immisericos plebem omnem vociferantem cerne-  
ret, & non illico in rugitus se converteret? Quis autem ita ferreum possideret pectus vel stolidum, ut cum Reginam cum Principibus desilentem intueretur, non protinus in lamenta se funderet? Quis vero etiam nunc siccis oculis recordari poterit, cum perventum est corpus ad locum sepulcri, quo ardoris desiderio, quo amoris affectu, quo doloris impulsu tenebatur? Arcebatur, retrahebatur feretrum à populo retrorsum, ut vel uno momento adhuc superesset corpus in propatulo, quo vel sic utcumque suo satisfacerent desiderio: siquidem studiosè tardabant omnes, moras innectentes ne clauderetur sepultura, quia nimirum non poterant ejus ferre absentiam.

Post tandem ergo vix populis præreptus, atque, ut ita dixerim, fortiter à fortioribus raptus, ab Episcopis qui aderant sepulcro est mancipatus, ubi satis festinè saxo opertus sub magnis jam servatur honoribus, ibique vallatus tumbâ surrecturus jacet in gloriâ. Sic demùm venerabilis Regina cum plebe valde defessa humatis Præsulis membris adorans, revertitur ad propria jejuna, & prohibente luctu eam sumere cibum, sic triduanum in fletu explevit mœrens jejunium.

Comparetur itaque si placet hujus beati viri, non dicam funeri, sed potius triumpho, inanis gloria sæculi; conferatur si potest vivorum divitum pompa huic peregrino defuncto æquanda: illos enim viventes in miseriâ consulis plautibus populorum honorat infamia: Eligium exutum mundi ærumnâ cum summis cœlicolæ laudibus ad desiderata perferunt regna; & illi post sæculi pompam in tartara dira traduntur: Eligius post mundi adversa sinu lætus Patriarcharum excipitur; illi divitiarum mole oppressi functi præcipitantur in gehennam: Eligius elemosynis sublimatus cum Beatis resurget in gloriâ; illi poenam mortis funestis pro meritis solvunt in inferis: Eligius pro beatis vernat meritis in sinu Abrahæ sine metu jam felix; illi postremò in profundum barathri lugent miseri cum damnatis: Eligius meus perpetim laureatus sermo perenni exultat Elysiis in campis cum cunctis à sæculo Sanctis. Gratias tibi inter hæc & propter hæc, Deus noster fidelissime retributor, quoniam reddidisti ei magna pro parvis, & requiescere eum fecisti inter amœnitatem sempiternam, & virentis paradisi tui delicias, qui ad hoc forsitan raptus à nobis est; *Ne masitia mutaret intellectum ejus* & sicut de perfecto quodam scriptum est; *Vivens inter peccatores translatus est; quia placita erat Deo anima illius.* De talibus quippe per Salomonem dicitur: *Justus de angustia liberatus est.* Hinc & Hieremias ait: *Benedictus vir qui confidit in Domino, & erit Dominus fiducia ejus: & erit quasi lignum quod transplantatur super aquas.* Hinc Psalmista dicit: *In lege Domini fuit voluntas ejus: & erit quasi lignum quod plantatum est secus decursus aquarum.* De hujusmodi viris per Malachiam Prophetam Dominus dicit: *In pace & in aequitate ambulavit mecum; & multos avertit ab iniquitate.* Hinc per Isaiam loquitur dicens: *Ego vocavi eum, & benedixi ei, & directâ est via ejus.* Hinc eundem Prophetam pollicetur dicens: *Ecce servi mei comedent; vos autem, id est reprobi, esurietis. Ecce servi mei bibent; vos autem sitietis: ecce servi mei letabuntur; vos confundemini: ecce servi mei exultabunt in gaudio; vos autem clamabitis ob dolorem cordis, & propter contritionem spiritus ululabitis.* Hinc quoque in libro Ecclesiastico dicitur: *Timentis Deum bene erit in extremis, & in die dysfunctionis*

*sua benedicetur.* Hinc & aliàs scriptum est: *Bonorum laborum ejus gloriosus erit fructus, & in perpetuum coronatus triumphat.* Hæc nos de obitu vel super obitum sancti viri narrasse sufficiat. Cæterum ne legentibus ingererem fastidium, eo quod prolixè jam extenditur oratio, dignum fore judicaveram, ut ejus terminante vitâ, noster quoque terminaretur sermo, nisi multimoda miracula, quæ ad sacratissimum corpus ejus assidue Dominus operatur, me denuò ad loquendum impellerent: plurima ergo pro legentium opportunitate præteriens, pauca in calce suâ præfens Liber ostendat.

Postquàm vir beatus de sæculo migravit, cum corpus ejus delatum esset ad sepulturam, remansit fortuito in loco quo jacuerat rachina caprina ex episcopio valde optima, quæ nimirum in besilio fuerat pridie supposita feretro, quam illico cunctis discedentibus Diaconus quidam Uffo nomine, Suevus quoque natione, cupiditatis stimulis exagitatus clandestè rapuit, atque in lectum sibi sub stramine abscondit. Igitur corpore ex more tradito sepultura, cum ministri exequiarum rediissent, atque ablata recognovissent, vehementer mox contriti cœperunt eandem in diversa perquirere; cumque diu discurrentes, & huc illucque investigantes, nullum rei perditæ caperent indicium, orta est inter ministros non modica ob hoc turbatio; sed cum nox jam instaret, somnique tempus advenisset, cunctis alto sopore quiescentibus ex more, apparet vir sanctus in visione Abbati cuidam, Sparvo nomine, eumque ut solebat blando compellans alloquio, indicat quo in loco furtum celaretur absconditum. Cum ergo lux die crastinâ terris esset jam reddita, adhibitis secum prædictus Sparvus duobus creditis Fratribus, ordinem visionis exponit eis, deinde ad locum designatum pariter eos pergere hortans, ipse pro proditore prior cunctis accedit: cumque diligenter scrutati essent locum, statim ut vir beatus indicaverat reppererunt & furtum: mox autem accersito Diacono durissimis eum verbis increpaverunt, non tamen acerbiter verberibus vindicarunt, quia & hoc idem à sancto Eligio in mandatis acceperunt. Ex quo factò cœperunt omnes sanctum Antistitem ex ipso die obitus ejus magnopere pertimescere, ac venerationem ei debitam de die in diem jugiter exhibere.

Post hæc autem erat quidam cellanus, homo Dei, simplex & rectus, nomine DULCIOLENS, in loco quodam non longè ab urbe Parisiaca commanens, quem Beatus Eligius dum superstes in corpore esset, cum se opportunitas præbisset, frequenter visitare consueverat, eique magnam consolationem in quibuscumque indiguisset, parare solitus erat. Postquàm ergo vir beatus de mundo migravit, triginta ferè aut nec amplius fluxerant dies, cum subito eadem in visione nocturnâ apparens, cœpit ab eo inquirere quemadmodum isdem degeret, quoque præsidio eo aleretur in tempore; at ille supplices manus indaganti prætendens; benè, inquit, hætenus orationibus tuis consisto. Et putans eum visibiliter secum loqui, atque ex hoc amplius aliquid præsumens, ait: Est mihi modicum salerni in vase ex eâ quam per te Dominus dedit vineâ, si jubes, Domine mi, probemus ex hoc: cumque ei calicem visus esset offerre, porrectâ mox vir sanctus manu benedixit illicò poculum, jussitque statim eundem refundere in eo quo exemptum fuerat, vasculo; quod cum factum fuisset, confestim & visio dicto citius ablata est. Expergefactus autem Presbyter, consternatusque demum surrexit diluculo, & ex visione sollicitus introivit mox cubiculum ubi parum pridie reliquerat bacchi: cumque vascula sua sigillatim sollicitè consideraret, reperit fortuito tunnam ubi pauxillum

Sap. 3.

CAPUT  
XXXVIII  
De virtutibus  
quibus post  
obitum cla-  
ruit.

CAPUT  
XXXIX.  
Ut cuidam  
cellano appa-  
rens miracu-  
lum decla-  
ruit.

Sap. 4.

Prov. 11.  
Jerem. 17.

Psal. 1.

Malac. 2.

Isai. 48.

Ibid. 65. 13.

Eccli. 1. 13.

CAP. XL.  
Ut cuidam in  
Palatio visus  
Reginam  
commonere  
præcepit.

habuerat antea, usque ad os tunc vino exundante repletam: ex quo facto in admiratione conversus, facile potuit advertere quantum benedictio valeret, quam Eligius sanctus per ænigmata etiam promeret.

Illud etiam annectendum credidi, quod nuperri-  
mè post obitum suum apparuit vir beatus in visione  
noctis cuidam personæ in Aulâ Regis habitanti, cui  
in habitu præfulgido assistens præcepit, ut sine ali-  
quo cunctamine adiens Reginam BATHILDEM, com-  
monere eam deberet, quò insignia auri gemmarumq;  
ornamenta, quibus adhuc in cultu utebatur, ob  
Christi jam reverentiam deponere non gravaretur.  
Quod cum is cui iustum erat negligenter tilendo præ-  
terisset, apparuit nihilominus & nocte secundâ,  
atque eadem quæ pridie eadem serie commonuit:  
sed cum nec tunc quidem præsumisset ex visione,  
Reginæ quidquam indicare, tertiâ nihilominus vice  
cum magnâ apparens comminatione, eadem quæ  
prius mandaverat ingeminando, subjunxit; cumque  
nec sic quidquam Reginæ auderet indicare, emissâ  
subitò corpori febre cæpit vehementer angere; quem  
cum Regina ægotantem visitaret, causas ægritudi-  
nis sciscitari studuit. Tunc æger opportunitate in-  
ventâ, secreta cordis detexit, mandata Reginæ in-  
dicavit, atque omnem ei tenorem visionis exposuit.  
Nec mora, & post rerum narrationem discedente  
extemplo febre, sanitatem pristinam recepit. Regi-  
na verò non ambigua de Confessoris admonitione,  
omnia à se confestim ornamenta rejecit, nec præter  
brachiales aureos super se quidquam ornamentorum  
reservavit. Omnia itaque in elemosynis dispertiens,  
potiora quæque in crucis opere aptavit; quam ni-  
mirum eleganter perficiens ad caput sancti Eligii sta-  
biliri præcepit. Jussit præterea & crepam ex auro  
atque argento mirificè fabricare, quam supra Con-  
fessoris membra deponere deberet: in quo opere co-  
piosam molem argenti & auri ipsa præbuit, dicens:  
Hic Beatissimus multorum Sanctorum fabricavit se-  
pulcra, & ego, ut dignum est, si quivero, fabrica-  
bo ejus memoriam. Factumque est ita, & cum sta-  
bilita in locum tumuli fuisset, tanta deinceps copia  
auri vel gemmarum in fibulis ac diversis speciebus à  
Potentibus eodem loco collata est, ut eam sermo  
narrantis vix sufficiat exponere.

CAP. XLI.  
De sepulcro  
ejus sudante.

His ita gestis, mos erat ut diebus Quadragesimæ  
propter fulgorem auri vel nitorem gemmarum ope-  
raretur tumba velamine linteo urbanè ornato holo-  
serico. Igitur ingrediente Quadragesimâ præcixe-  
runt crepam hujusmodi sindone, ut moles radiantis  
metalli velata tegeretur diebus pœnitentiæ. Et post  
aliquot dies fortuito dum multi adstarent sepulcro,  
miraculum apparuit inauditum: cæpit namque su-  
bitò, linteum quo tumba cingebatur sudare, ac  
deinde paulatimque fumigans uberius rore infuso hu-  
mectari; quod cum circumstantes conspicerent, in  
magno protinus stupore conversi, magnalia Christi  
ibi fatebantur tunc fieri. Deinde cum distillare cer-  
nerent linteum, visum est senioribus consilium op-  
timum, ut auferentes eum è tumulo, atque extor-  
quentes in vasculo, aliqua ex eodem liquore pro-  
curaretur medicina fore; quod & factum est, &  
mox tollentes præcinctorium elicuerunt in vase æreo,  
atque ex hoc demum multis præbuerunt sanitatis an-  
tidotum: tanta quippe fuit sudoris, illius ubertas,  
ut etiam holosericum urbanè tunc tinctum ex ni-  
miâ roris infusione proprium amitteret colorem, lin-  
teumque sibi connexum colore inficeret suo. Itaque  
simile huic operi Gedeonis factum intueor; ibi ete-  
nim ros in vellere ex divinâ præstantiâ ad indicium  
rogantis infusus est; hîc nihilominus infusio divinæ  
virtutis ad sanitatis remedium collata est; illic con-  
cha vellere expressio rore completur; hîc nimirum

Tom. II

lintheum in conchâ expressum, ad duorum ferè sex-  
tiorum mensuram liquor sanctus elicitur.

Denique eo tempore vastabat morbus acerrime  
nonnullas civitates Franciæ, unde divinitus præ-  
dicti liquoris fomitem præstitum credimus esse, adeo  
ut si quis tunc ingruente morbo mortis pateretur  
periculum, si prædictam attingere potuisset medi-  
cinam, mox omni malo depulso, sanus redderetur  
à morbo. Erat autem eâ tempestate Comes quidam  
urbis Tiroandensis nomine INGOMARUS, prædive  
valde & potens homo, qui nimium metuens va-  
stantem circumquaque pestem, necnon & audient  
miraculum rei gestæ, totum se ex corde intimo ac  
sancti Eligii contulit præsidium; denique multâ ex  
fide postulat sibi ex præfato dari liquore, spondens  
atque devovens ut si isdem Antistes apud Dominum  
obteneret quoddam ejus prædia discurrens morbus non  
penetraret, decimam rerum suarum ex die præsentis  
villamque quam habebat majorem ejus Ecclesiæ de-  
legaret. Adiens igitur prædia sua, omnes eorum ha-  
bitatores cum voto & devotione fecit ex illo salu-  
tari liquore contingere; ac sic factum est, ut cum  
undique provinciam morbus vallaret, nullus eo-  
rum qui ad eum pertinebant pestis tunc incommo-  
dum lenferit. Posthæc autem prædictus vir exultans  
valde de suorum sospitate subjeutorum, decimam  
ex omnibus partem segregavit, atque Ecclesiæ sancti  
Eligii cum voto ut sponderat gratulationis contu-  
lit: porro tanta fuit copia decimæ, ut decima ac-  
colarum pars centum animæ ad partem beati Eligii  
sorte devenirent; insuper adhuc & pecora multa  
nimis.

Dum adhuc beatus Eligius superstes in corpore  
esset, quidam Ecclesiæ ejus cultor negligens vineæ,  
frequenter à sancto viro pro ignaviâ, vel segnitia  
suâ verbis corripiebatur; nam & multimodis emen-  
dare eum cupiens, minas ei verborum nonnun-  
quam intentabat; sed cum vir beatus migrasset ad  
Dominum, ille ut pote insolens & stultus veniens  
die quâdam ad ejus tumbam, cum cachinno ex-  
probrationis elato dixisse illicò fertur: Ecce qui mi-  
nas mihi verborum pollicebaris, tu jam mortuus  
jaces; sed ego quidem adhuc consisto vivens. Post  
quæ verba visum ei fuit addituisse repente sanctum  
Eligium manu virgam gestantem, & percussisse ca-  
put ejus, atque dixisse: Agnosce serve nequam,  
quoniam non sum mortuus ut tu gloriaris, sed ve-  
raciter nunc vivo ereptus è terris. His dictis conti-  
nued ex percutientis verbere cæpit caput hominis in-  
tumescere, cunctique artus ipsius vehementer ag-  
gravari; exinde jam dolore magis ingravescente cæ-  
pit utraque manu caput tenens turgens magnis per  
urbem vocibus inclamare, ac per omnes plateas  
civitatis ea quæ sibi contigerant lacrymabili voce  
proferre. Concurrerant autem plurimi cives ad hoc  
spectaculum stupentes, & nonnulli eidem mederi  
cupientes nihil penitus præstare poterant juvaminis,  
sed è contrario quanto plus conabantur aliquid ei  
juvaminis præbere, tantò amplius dolor multipli-  
cabatur in vulnere. Tandem ergo post immensos  
cruciatu ad memoriam Confessoris reductus, ibi-  
que à multis edoctus, culpæ suæ satisfaciens vix  
post longum spacium recuperare potuit salutem.

Sed quis sigillatim omnia mirabilia, quæ illic  
Dominus Christus operatur assidue, verbis valeat  
explicare: si quis enim exigente causâ quancumque  
fuerit ob culpam vincus, vel catenatus, si conti-  
gerit ut per aggerem publicum, qui Basilicæ ejus  
proximus est, ducatur adstrictus, mox ut contra  
eamdem Ecclesiam ventum fuerit, confestim dis-  
ruptis omnibus vinculis solvitur reus, nec patitur  
ulterius teneri adstrictus. Ad quod declarandum

P ij

CAP. XLII.  
De medicinâ  
x liquore  
provisâ.

CAP. XLIII.  
Quidam vini-  
tor super ejus  
morte exul-  
tans percussus  
est.

CAP. XLIV.  
Quod vincti  
rei contra e-  
jus Basilicam  
solvantur.



CAP. XLV.  
De catena ante  
ejus sepul-  
crum rupta.

num tantum ex multis conimemorabo.

Itaque vir quidam sive ex causa, sive absque culpa, ferreis quondam nexibus constrictus, cum ad supplicium duceretur, clanculè de manibus persequentium elapsus, cursu concito ad Ecclesiam sancti Eligii confugit, quam ingressus cum ad tumbam ejus pervenisset, ibique trepidus adstaret, repente disrupta catena quā premebatur, in partes utrimque cecidit: subsequuti autem illum mox proditores cum illic liberum adstare conspicerent, nimio furore succensi rursus acceptam catenam in collo ac manibus ejus injiciunt, conantes eum sumopere foras Ecclesiam trahere. Tunc verò reus tremens ac pallens, atque ad sepulcrum supplices oculos prætendens, ait: O sancte Eligi, placet tibi quoddam ad te confugientes non defendis? Ad hanc protinus vocem cum magno impulsu effracta catena longius ab eo proiluit, eumque rursus liberum coram omnibus adstare fecit. Ex quo facto perterriti omnes qui virum impetierant, proruentes in terram, veniam audaciæ suæ cum ingenti metu precabantur. Deinde jam omnibus inde recedentibus, solâque catenâ dissipatâ in testimonium remanente, cum aliquod horarum fluxisset spatium, supervenit Episcopus ejusdem loci, & audiens de miraculo quod ibi tunc acciderat, visus est ad horam dubitasse, qui statim inde progrediens, cum ascendisset equum quo illic advectus fuerat mansuetissimum, mox ab eo in terram projectus, gravissimis livoribus est confectus. Et confestim culpam dubietatis Episcopus reminiscens, palam coram omnibus confiteri est compulsus: sicque inde sublevatus, & salutem post dies plurimos adeptus, cautus deinceps in talibus est redditus. Et quia se occasio præbuit, quoddam de hujusmodi conditione loqui deberem, dicam & aliud huic rei simillimum.

CAP. XLVI.  
De equo  
Sancti.

Dum igitur adviveret vir beatus, habuerat equum unum inter ceteros mansuetissimum, cui cum necessitas poposcisset plerumque sedere consueverat; post cujus videlicet discessum ad ditionem Abbatis, qui eidem Basilicæ præerat, idem equus pervenerat; super quem vir Apostolus MUMMOLENUS ejusdem loci Episcopus inhiante sitiens, violenter eum prædicto Abbati subripuit, sui que juris vindicavit. Abbas verò nihil ei obtendere audens, ad sanctum illic perrexit Eligium, eique multa deplorans, causam hanc commendavit. Cum ergo prædictus equus ad ditionem Episcopi fuisset perductus, cepit statim pedibus condolare, ac toto corpore marcescente tabescens decidere: tunc Episcopus adhibito mulomedico, jussit ei studium impendere, quo scilicet sanari potuisset: sed quamvis ei cura sedulè impenderetur, nihil prorsus proficere poterat: insuper etiam cum ad eum aliquis accessisset, veluti fera agrestis in fremitus & calces proiliens, laniare curatorem suum nitebatur. Cumque hæc per dies plurimos faceret; nullatenusque melioraretur, tandem verens Episcopus ne eum, si hoc in periculo permaneret, totum perderet, cuidam illum matronæ sibi dilectæ doni gratiâ obtulit, quem illa acceptum diligenti curâ studiare fecit. Cujus cum dorsum die quâdam iter arripieñs insedisset, statim calcibus & stridoribus immensis actus graviter eam in terram collisit, in tantum graviter, ut per totum ferè annum eadem conqulatione laborans ægra decumberet: quæ nimirum fœmina cum se sentiret vehementer aggravari, remisit Episcopo quem dederat equum, & cum eo pariter pro munere exacerbationem, ac pro gratiarum actione probra mandavit: quem Episcopus receptum rursus diligere jussit, sed cuncta ejus diligentia in callum consumebatur, & quantum plus cura adhibebatur, tan-

tum semper idem in pejus delabebatur. Post hæc autem exstitit quidam Presbyter religiosus, qui daret Episcopo consilium, quatenus videret, cum nihil apud se posset equus proficere, redderet illum eidem Abbati, cui dudum injustè ablatum fuisset; & cum secundum ejus consilium factum esset, post paucos dies sanus factus equus, ac mansuetissimus redditus, sub jure ejusdem Abbatis permansit omni formâ decorus.

His ita gestis, cum corpus beati Eligii in latere altaris esset sepultum, visum est Episcopo & Reginæ consilium optimum, ut ædificatâ ultrâ altare volutione, illic ei demum condignam facerent translationem. Cumque hujusmodi consilium mente conceptum illic accersissent, & qualiter id fieri deberet disponerent, apparuit subitò in pariete circâ vitream maximam veluti arcus in rotundo prærupta imminens criptura, ut liquidè cunctis patefceret Dei id nutu fieri quod disponerent, ac per eum locum maceriam debere evertere, quo nimirum viderent hoc opus cripturam præire. Hæc ergo cum magnâ admiratione universi cernentes, meritis Antistitis voluntatem ex hoc fatebantur Salvatoris: deinde jam hac confidentiâ acti, cum conarentur parietem eo in loco forare ut prædictum opus possent perficere, ita sese sponte absque eorum labore in directum maceria fudit, ut nec hominem ullum nec ipsam denique tumbam, quæ ei erat contigua, ullatenus læderet corruentis ruina. Sic igitur cum Antistitis præsidio opus aggredientes optatum, dignum beato Confessori atque honorabile construxerunt mausoleum.

Interea appropinquante die depositionis ejus annuali, parabant equidem cives quemadmodum ei honorificam facerent Translationem. Præparabat etiam Regina vestimenta omnia holoserica nimium pretiosa, ut eum in die transmigrationis exueret illa quæ dudum cum eo miserat indumenta, & indueret ea quæ tunc præparabat nova. Igitur cum anno jam vertente, dies depositionis ejus advenisset, convenit in oppidum copiosa populi multitudo, tunc cuncto Clero canore vocis celebrante melodiam, omnibusque Christianis insistentibus excubiis, ablata est cum diligentia tumba desuper Confessoris membra: deinde cum esset levatum tumuli opertorium, magnum circumstantibus visum est miraculum; nam ubi revelatum fuerat corpus sanctum, odor continuè fragravat gratissimus; quodque ita erat solidum & illibatum, absque ullius membrorum diminutione incorruptum, ut vivere adhuc putaretur in tumulo; & quod his adhuc est venerabilius, ita barba & capilli ejus, qui tempore obitus sui juxta morem fuerant abradi, mirum in modum creverant in tumulo, ut cuncti hæc videntes novum inauditumque obstupescerent rei gestæ miraculum. Tunc Episcopi cum tremore magno levantes eum de tumulo, vestimenta ei pretiosissima quæ Regina paraverat, mutaverunt omnia, ea quoque quibus dudum obtectus fuerat eundem exuentes, cum magnâ diligentia deposuerunt sub sigillis: ac sic demum concrepante hinc inde choro psallentium, cymbalisque spiritualibus perstreptentibus, canorâ organis suavi-que modulatione concinentibus, à loco quo jacuerat vir sanctus tunc coram cunctis submotus, cum summo & honorifico studio deponitur, atque in preparato sibi sepulcro urbanè ut decebat, componitur æternæ memoriæ servandus, ampliusque quotidie honorificandus. Sed quibus post hæc miraculorū effulserit signis, nunc si aurem sollicitè accommodatis, opportuniùs audire potestis.

Duo namque cæci, unus juvenili ævo, alter jam provectæ ætatis, aliquot illic diebus excubantes, intercedente Confessore Christi illuminati, sanique ad

CAP. XLVII.  
De miraculis  
in transmi-  
gratione cor-  
poris ejus  
ostensis.

CAPUT  
XLVIII.  
De cæcis, &  
puellâ tarata



CAP. XLIX.  
De miraculo  
in cecindillo  
ostenso.

propria sunt reversi. Puella quædam in annis adhuc tenera, & contracta diu, ibi oleo quod superfunditur peruncta, orante Confessore Domini sana est facta. Alius itidem vir bino capitis luminari privatus, cum illic diu excubaret devotus, lumine tandem recepto, sanus demum ad locum suum discessit. Sed ne dum aliis tantopere sermone succincto festinamus placere, alios pro ipsâ perplexitate rerum videamur offendere, aliquid interim satius propagandum est, ne videamus quidquam veritati subtrahere.

Inter cætera quoque quæ illic ex divinâ gratiâ inoperabantur miracula, cecindillus qui ad caput beati viri dependebat cum die quâdam penè constaret semivacuus, repente subitâ inundatione repletus, atque ex semetipso divinitus lumine gignente accensus, plerumque deinceps & ardet & superfunditur. Denique audite quale Dominus per eundem cecindillum pro meritis tanti viri ostenderit miraculum. Dum adhuc vir beatus in corpore degeret, quidam Comes Vermandensis, GARIFREDUS nomine, habuit adversus eum scrupulum quoddam, quod nimirum piaculum cum beatus Eligius migrasset de corpore, inultum adhuc remansit apud hominem: post longum verò intervallum negligenter oblitus piaculum, venit tandem adorare ad sancti sepulcrum: cumque tunc ex more ad Confessoris caput cecindillus arderet, illo ingrediente Ecclesiæ limen confestim extinctum est candelabri lumen: quod cum ille illic animadvertisset, tremens pallensque oravit, post orationem verò cum egressus fuisset Ecclesiam, statim reddito divinitus lumine cecindillus solitum profudit fulgorem. Itaque cum prædictus vir paratus esset jam equum ascendere, quidam ex famulis ejus, qui posterior Basilicam fuerat egressus, rem ex ordine narravit sicut gestam constabat: quod cum ille audisset, tristis admodum effectus arcana suæ conscientiæ cœpit discutere, quod esset facinus pro quo istud portentum esset ostensum: & cum culpam suam deprehendisset, reminiscens quæ aliquando in sanctum virum admiserat, confestim revertens retrorsum fores Basilicæ adiit, sed ubi primum gradum in pavimento impressit, mox lumine subtracto iterum cecindillus visus est dependere extinctus. Tunc ille palam id cernens, jam nimio timore perterritus, prosternit se cum lamento & ingenti rugitu coram Sancti sepulcro; ac sic diutissimæ culpæ suæ satisfaciens, cœpit apertis fletibus se reum, se indignum, seque infelicem acculare, ob cuius videlicet noxam in loco sancto candelabrum extinctum dependeret. Cumque diu flens atque ejulans eo in loco peristeret, seque illic mori, nisi lux missa rediret, voce publicâ proclamaret, tandem satisfactione ejus susceptâ lux candelabri ablata denuò rediit divinitus amissa. Tunc ille quantulumcumque recreatus, jussit continuò famulum vas sibi pretiosum citò deferre argenteum, quod acceptum veluti pacis oblidem Christi Confessori obtulit, ac juxta ejus tumbam deposuit, promittens insuper nonnulla ex suis facultatibus eidem Basilicæ consolaturum, tantum ut culpa in sancto viro admittâ haberet jamjamque terminum: sic demum adorans & glorificans potentiam Salvatoris, lumine cecindilli micante, ex eodem lætus loco discessit.

Illud omnino prætereundum non est, quoddam juvenis quidam ex transmarinis partibus adductus, genere Saxonico ortus, ita diabolicâ tyrannide fuerat cunctis membris adstrictus, ut ejus calcanea in partes natium tenerentur hæsit; qui cum Noviomo ad opinionem Sancti Eligii esset deportatus, atque ante ejus tumbam fuisset projectus, post breve intervallum Confessore Domini orante, & æternâ pietate largiente, reddidit soliditatem in universis mem-

bris Christus, quæ occasione inventâ damnaverat invidus inimicus: quique mox sanus effectus est, atque ita bases ejus & plantæ consolidatæ sunt, ut nullum deinceps vestigium claudicationis in cunctis ejus remaneret membris.

Mirandis rebus plus adhuc mirandæ succedunt. Quædam namque femina muta, & cæca ad sepulcrum Sancti Eligii fuit quondam oblata; quæ cum diu ibidem orbatâ & sine loquelâ de cælo expectaret medelam, sopore tandem depressa, somno sua concessit membra; & ecce repente dum quiesceret visum est adstitisse sanctum Eligium, atque oculos ejusdem mulcendo tetigisse, cultellum etiam vel forcipem in specie medici manu gestans compedes linguæ ejus leniter abscidisse; & ex hoc continuò expers facta, oculis jam apertis, cœpit novam contueri lucem, ac per os excreare cruorem, quo affluenter egesto, protinus elimatum formavit ejus lingua verbum: & post hoc jam sana facta, exurgens & adorans regressa est ad propriam villam.

Item alia puella ætate tenera & muta, delata est illic à matre propriâ; quam Ecclesiæ custodes ante sepulcrum Sancti statuantes, corde tantummodo postulare docuerunt prælidium Confessoris. Cumque diu ibidem excubaret muta, mater nimium anxia ita alloquitur in aurem filiæ: Observa, inquit, istic, filia, quousque à Sancto misratio adveniat; ego interim sollicita ad domum nostram regrediar. His dictis cum cœpisset mulier ostio proximare, videt subitò puella portentum quoddam per cecindillum ad se defluere, & nimium ex hoc consternata, confestim disruptis linguæ vinculis emisit vocem, & ait: Ecce tu mater vadis, & me hîc solam relinquis. Quo verbo mater ejus audito, velociter ad eam rediens cœpit flere præ gaudio; deinde avidius adhuc compellans filiam, ut pote quæ nimium desideraret sermonem ab eâ percipere, in omnibus quæ sciscitata est planum atque absolutissimum ab eâ responsum accepit. Super quo omnes qui aderant mirati sunt, ob tantam videlicet velocitatem sanitatis illius, & videntes puellam loqui, magnificabant potentiam Christi, & merita Confessoris Eligii. Inter cætera verò neque illud puto silendum quod tempore mortalitatis Parisius didici gestum.

Factum est igitur cum nefanda clades depopularetur urbem Parisiacam, & nonnullæ jam Virgines ex Monasterio sancti viri, ubi AUREA nomine præerat Abbatisa, ad Dominum præcessissent, apparuit quâdam die Beatus Eligius cuidam adolescenti in Basilicâ puellarum veste candidâ amictus, togarum velamine comptus: cumque is qui aderat nimio pavore perterritus latibulum quæreretur, blandè eum leniterque compellans vir beatus, præcepit ut iens citò diceret Matri Virginum quod ad se quantocius cum deputatis properaret Virginibus. Currens autem is qui audierat, & citius Auream præveniens: Surge, inquit, velociter, quia Dominus Eligius in Ecclesiam te vocat. Quod cum illa audisset, gaudio magno repleta sine morâ properavit; sed tamen cum venisset, visio beati viri jam abolita erat; Ecclesia verò ad firmitatis indicium quod illic esset visus nebulâ quâdam repleta monstrabatur, in tantum ut candelabra quoque & vela subitâ roris inundantiâ distillare viderentur. Tunc ergo prædicta Aurea in sese reversa, intellexit se ex hoc mundo vocari; & protinus convocans omnes Sorores, cœpit valedicere singulis, sequestrans ex eis nonnullas quæ eam comitarentur inter cæteras: deinde jam ipsâ migrante ad Dominum, & reliquæ nihilominus subsequutæ sunt demum, adeo ut eâ tempestate ex eodem Monasterio usque ad numerum centum sexaginta Monachæ morerentur.

CAP. LI.  
De feminâ  
mutâ & cæcâ  
sanatâ.

CAP. LII.  
De aliâ puellâ  
similiter mu-  
tâ ab eo sa-  
natâ.

CAP. LIII.  
De clade Pa-  
risius; & vo-  
catione Aureæ  
Abbatissæ.

CAP. L.  
De puero  
contracto  
sanato.

CAP. LIV  
De portento  
Garifredo  
præstentis.

Audite jam & aliud quod ad sacratissimum Eligii corpus gestum est miraculum: quidam etenim vir Illustris GARIFREDUS Graffio, veniens ad Basilicam sancti Antistitis cum oratione facta pro foribus adstaret, pauperum illic turbam clamantem audivit; cumque minime ad præfens haberet unde eis elemosynam tribuere posset, misericordia erga eos motus cœpit volvere mœstus: Numquid, ait, ô miseri, talem habetis consolatorem qualem hunc beatum habuistis Antistitem? ô qualis ei poterat causa obfistere; quæ eum à vestra miseratione unquam præpediret, quo vos obturatâ transiret aure, sicuti nunc multi faciunt, & ego miser: & cum huiusmodi adversum se uteretur increpationibus, visum ei fuit veluti in ecstasi adstitisse sibi in momento sanctum virum; ex quâ visione consternatus, cum amens penè adstaret, subito reperit in manu vel veste suâ aurum quod pauperibus erogari deberet, quod & protinus factum est; & ille multa secum ex eo quod acciderat cogitans, exiit ab Ecclesia: & discessit.

CAP. LV.  
De puero  
Ebroini filio  
sanato.

Illud quoque non nos effugiat, quod vir Illustris EBRONUS, Palatii Præpositus (quod vulgo dicitur Major-domus) habebat filium adolescentem; vocabulo BOBONEM, quem ipse ac conjux ejus unice ac singulariter, ut pote cari parentes, diligebant. Quodam itaque tempore morbo medullitibus ingruente, cœpit isdem puer vesano ægrotare languore, pro quo parentes nimis solliciti, erant potius in angustia gravi; dehinc invalescente paulatim ægritudine, cœpit jam puer vehementer angere, & morte jamjamque imminente cum vivendi spes penitus auferretur, nimis anxii parentes pro filio ad sanctum confugiunt Eligium, confidentesque de miraculis tanti Antistitis, puerum illic devotent ei supplices, atque pro muneris gratia pueri nonnulla offerunt ornamenta balteumque ejus speciosissimum protinus cum devotione sepulcro infigunt: quo facto confestim sine morâ intercedente Confessore ægritudo abcessit, & ad præfens convalescens puer sanitatem illic receptit, ac deinceps incolumis mansit.

CAP. LVI  
De viro per-  
juro cujus vi-  
scera diffusa  
sunt.

Solet etenim pertinax cervicositas populorum, ut aliqua sibi objecta crimina sacramentis expiari contendat: unde factum est, ut vir quidam facinore quodam admissio, cum arctius ob id perurgeretur, fallaci audaciâ præventus ad sepulcrum beati Eligii id se jurando spondet idoneum reddere. Cumque illuc adductus malè sibi conscius juramentum expleisset, confestim justissime divinâ ultione percussus, crepuit illic venter ejus, & diffusa mox in terram viscera ejus; sic miserabilis ille ad terrorem multorum indignam vitam dignâ morte finivit.

CAP. LVII  
De interitu  
viri qui agrum  
Basilicæ in-  
vasit.

Quis verò possit & illud silentio præterire, quod vir quidam agrum in loco nuncupato Calvomonte, ad Basilicam sancti Eligii pertinentem, rapaci invadens cupiditate, divinâ sit interemptus ultione. Hic namque cum malo ordine prædictum prædium suæ niteretur ditioni vindicare, ei obfistebat vehementer SPARVUS Abbas ejusdem Ecclesiæ; qui cum diu ab eo incurfaretur, tandem causâ in Palatio Regis perlatâ, accepit à Principe judicium, ut si posset in sancto loco terram conjurare, ad partem utique Ecclesiæ vindicaret; sed ille maluit ut idem pertinax vir, qui eam invadere quærebat, jurejurando asseveraret suam. Et cum judicatum esset ut præfatus vir cum plurimis secundum Francorum legem sacramentum persolveret & hoc ipsum indulgens Abbas: Novi, inquit, quod malè eam invaserit, idcirco rogo ut cunctis juratoribus indultis ipse singularis, à Deo placet, jurando eam vendicat. Cumque hæc dixisset, placuit verbum istud cunctis Optimatibus Regis, & decreverunt omnes ita fieri. Post hæc ergo

pergentes ad Ecclesiam beati Eligii, & ingressi ad locum sepulcri, præstolabantur omnes eventum rei. Tunc memoratus vir leve reputans negotium, cum importunâ audaciâ posuisset juraturus manum super sanctum locum, in medio ferè sacramenti verbo contremiscens, vehementer toto corpore declinavit retrorsum super cervicem caput, & mox divaricatis dentibus, reverberatisque oculis, cadente; ut dictum est, deorsum capite, magnoque ex ore fumo procedente, hunc solum proferre potuit sermonem: Abba, inquit, Sparve, recipe terram tuam. Hoc ergo modo divinitus percussus, atque illic in terram prostratus, mortem quam non timuit fortuito præventus miser incurrit. Ex quo facto omnes ingenti metu percussi, potentiam illic, sicut & ubique præsentem fatebantur adesse Christi.

Sed & de alio nihilominus auditu solo comperimus, quod cum ibidem perjurasset, atque demum ad domum suam veluti victor rediret, priusquam domus suæ vestibulum introiret, in viâ mortuum fuisse: ex quo nimirum postmodum tantus pavor crevit in populo, ut nullus jam hodie etiam pro justissimâ causâ introrsus ad sepulcrum persolvere audeat juramentum; sed quicumque habet sacramentum donare, foris ad circulum januæ idipsum cum magno tremore persolvit.

Sed neque illud silentum est, quod inter plurimos languidos, qui illic undique confluunt, quidam vir afflatus pessimo dæmone adductus Noviomus ab urbe Ambianens. Hic nempe maligno sæviente spiritu infestissimam rabiem patiens, non catenam, non compedes, non claustra ostiorum integra patiebatur; cujus videlicet ferocitatem nullus sustinere poterat; nam & aliorum nasos, aliorum aures si contingere quivisset, mordicis amputabat; egestiones etiam rudum, necnon & canum si comprehendisset avidissime edebat: unde & jugiter nexibus miser ponderosis adstrictus sub custodia habebatur. Hunc ergo cum diu parentes ad memoriam sancti Eligii deliderarent perducere, non eis occurrebat ingenium, qualiter id facere possent, quoniam si eum catenâ permitterent, in ipsos utique quiescendem ducerent irruens, malè eisdem laniaret. Tandem igitur ingenio reperto, aptaverunt ex fustibus quoddam tolocium, eâ scilicet ratione ut si ad præcedentem se mittere tentaret, posterior eum retrorsum attraheret; è contra si posteriorem appeteret, prior nihilominus retrahens teneret. Cumque huiusmodi argumento catenis & tolociis oneratus, à viris septem in diversis nitentibus quasi ferocissimus taurus ad Ecclesiam esset perductus, protinus ad sepulcrum sancti Eligii est delatus; ubi vix itabilis, demum non post longum spatium Confessore orante, & Christi gratiâ largiente, meruit recipere sanitatem; quo etiam in loco valde jam devotus, Clericus postmodum factus, multo tempore defervivit.

MODOLENUS quidam Centenarius, oppidi Noviomagensis colonus, habebat uxorem bonam, honestam valde atque devotam, quæ quodam tempore dum quietam ageret vitam, nefandâ pustulâ nequiter est percussa, quo tabo crescente jacebat tumida toto corpore, & paulatim plagâ adolescente, sola jam sepultura maritum reddebat sollicitum. Uno itaque mane cum Abbas Basilicæ beati Eligii tenderet ad orationem, obvius ei factus flens & ejulans mulieris maritus, mortem conjugis suæ indicat, sepulturamque ei in Basilicam suppliciter postulat. Cumque ab eo utrum veraciter esset mortua interrogaretur: Unum, inquit, constat utrum sit factum an mox futurum, cum jam muta & toto

CAP. LVIII.  
Item de alio  
perjurante  
mortuo.

CAP. LIX.  
De homine  
rabiolo sa-  
nato.

CAP. LX.  
De muliere à  
pustulâ sana-  
tâ.

corpore decumbat pramortua. Tunc ille festinè valde ad Confessoris sepulcrum contendit, & sumens ex eo qui ibi funditur olei liquore, ad domum funeris citò accedit; dicebat enim hoc sibi in nocturnâ visione à sancto Eligio præceptum fuisse, ut alato olei liquore sanaret ab incommodo mulierem. Ingressus ergo domum, vidit corpus inter lamenta affinium jacere tumidum & gelidum, & ociùs accedens confidenter ex visione Sancti, perunxit oleo quod detulerat corpus, & ait: Hæc mandat sanctus Eligius, ut in virtute nominis Christi exurgas modò sana ab hac peste. Et confestim oleo sancto viscera ejus penetrante, cœpit palpebras oculorum commovere, ac veluti ex gratissimo somno evigilans suspirare: deinde mirâ celeritate detumescente torpore, nec ullo tumore remanente in cute, facie etiam decoratâ rubore, surrexit de lectulo, benedicens & glorificans Creatorem, qui se revocasset à morte. Sana ergo ex hoc effecta, cœpit eos compellere illic eo die cibum sumere, nec aliter destitit, neque permisit eos domum suam exire, nisi prandio apposito ipsa eis circâ frequens & misceret & ministraret.

CAP. LXI.  
De interitu filii qui patrem criminabatur.

Post hos autem dies fuerat quoddam furtum in rure Noviomagense admissum: cumque persona admissi facinoris quæreretur, juvenis quidam per indicium eidem culpæ conscius compellabatur. Habebat autem idem juvenis eo tempore cum genitore suo quamdam contentionem, ob quam videlicet & insidias ei moliebatur intentare: tum ergo occasione repertâ, & satis accusare & repellens à se hujuscemodi opinionem, cœpit eadem super patrem velle desistere. Ducuntur igitur in hujusmodi jurgium uterque in publicum, & conglobatis undique multis sistuntur in examine Episcopi & Comitis, ubi multa vicissim altercantes, satagebat filius magnopere in patre calumniam reflectere, è contra pater, ut res erat, innoxium se hujus facinoris esse defendebat; atque in hunc modum contendebant coram Duce atque Episcopo. Tunc itaque vidimus impleri quod Dominus in Evangelio olim prædixit: *Exurgent, inquit, filii in parentes, & odio eos afficient.* Quidam ergo circumstantium partibus filii favabant, alii verò rectius quid promulgantes, non esse rectum credi filium super patrem judicabant. Cumque diù hujuscemodi altercatio inter eos verteretur, nec facile aut temerè à quoquam finiretur, tandem Episcopus cum Duce accepto consilio, cum nullatenus possent rei veritatem cognoscere, judicio eos committunt beatissimo Confessori: Quia, inquiunt, nescimus cui ex his potius credi decernamus, tibi, sancte Eligi, cum Dei sententiâ hoc supplices judicium committimus. Tunc statuentes utrumque coram Sancti sepulcro, expectabant per sacramentum Dei fore judicium: & ecce repente dum juramentum cœpisset promere, arreptus juvenis à dæmone collisus in terram est graviter, sicque se vehementer decerpens volutabatur miser, tremens, & spumans atque pallefcens. Ex quo facto cuncti adstantes attoniti, nimioque timore perterriti, Dei omnipotentis magnificabant judicium fieri. Sic ergo in publicum facinus manifestè prolutum ab Ecclesiâ est discessum. Post hæc autem acerrimè diuque juvene castigato, condolentes multi pro eodem misero conveniunt patrem, ut pro eo simul facerent orationem, & ita prostrati omnes Ecclesiæ Ministri beatum Confessorem rogabant innixè, ut quemadmodum eos audierat ad judicandum, sic iterum

exaudiret ad miserandum. Cumque diutissimè in prece persisterent tandem miserante gratiâ Christi effugatâ maligni infestatione, juvenis restitutus est sanitati.

Erat præterea quidam leprosus ex longo jam tempore toto corpore tabidus, qui addiscens de multis beati Eligii miraculis, petiit se ex fide deduci ad ejus Basilicam; ubi cum delatus fuisset, expectabat fore in se ex alto misericordiam. Cumque die unâ decumberet in terram omnibus penè dissolutis membris, vidit subitò à parte sepulcri quemdam splendoris radium micare, atque in sua tabida & gelida membra mirum in modum resplendere, & protinus pavore magno perculsus cœpit repente calefieri, atque ubertim sudare; deinde cum totum corpus infunderetur ex humore manante, confestim cum ipso sudorè veluti quis ovum & depellit, exiens cuncta putredo lepræ nitidam ac mundissimam reliquit corporis cutem: & continuò exurgens qui fuerat æger, ita sanus atque illæsus ab Ecclesiâ processit, ut nec vestigium quidem cicatricum in eo remaneret.

Alius nihilominus vir claudus effectus per plurimum tempus arcebat omnimodis gressu, repens bacterio corpore curvo; quique & ipse audiens eximia quæ gererentur à sancto viro miracula, adhibito itineris adminiculo delatus est ad ejus Basilicam. Cumque tunc temporis instaret dies beati Eligii Natalis, deportatus ille ad sepulcrum cœpit flagitare remedium: & ecce superveniente nocte cum decumberet in pavimento æger, adveniens illic Sanctus atque ad claudum inclinatus, cœpit ejus extendere artus, quo nimirum fortius poplitem extrahente, nervosque complicatos propagante, prorumpens in voce claudus omnibus qui aderant incussit terrorem; quo diutius vociferante, cucurrerunt Custodes ad eundem, multum ab eo sciscitantes quid sibi velint hujusmodi voces. Tunc ille interrumpens verba, manuque porrectâ surgens citò à pavimento cœpit ambulare libero gressu, collaudans & benedicens sanitatis suæ auctorem Dominum Christum.

Quâdam itaque die, vergente jam ad vesperam sole, cum Clerici consuetas expleissent preces vespertinas, contigit ingruente negligentia ut omnes egrederentur Basilicâ, cunctisque in diversa occupatis, nullus ad horam ex Custodibus superesset introrsum; cum subitò vir quidam conscientia saucius, cupiditate accensus, captato ut fur amico vesaniæ suæ secreto, velociter accurrit ad sepulcrum, & impellente nefandâ cupiditate sollicitè huc illucque circumspiciens, cum nullum adesse cerneret, non timuit miser ex pendentis auræ, quæ illic pro ornatu sepulcri innumera dependebant, quâdam clanculè præsumere: sed cum unam ex cætenis aureis, in qua dependere videbatur id quod rapere volebat, violenter ad se tractam rupisset, tantus mox ad trahentis impulsus sonitus prolivuit, ut Custodes longè foris positi, sonitu ad se perlato magnum quemdam frigorem in Ecclesia crederent exortum, unde & confestim veloci cursu ad Ecclesiam properantes, inveniunt furem in ipso Basilicæ limine cum direptis divinitus detineri, nec usquam prorsus gradum posse movere. Quem protinus circumvallantes, ipsum sonitum ad se delatum, vel quid illic ageret percunctantur; tunc verò miser furata in medium proferens, confiteri compulsus est se eisdem ablatis silenter voluisse aufugere, sed nullatenus potuisse extrâ limitem Basilicæ pedem proferre. Sic ergo furtum cum pudore restituens, ve-

CAP. LXII.  
De leproso mundato.

CAP. LXIII.  
De claudo sanato.

CAP. LXIV.  
De fure in Basilicâ comprehenso.

y satis accusare] Legendum, satis accusatè.  
z quis ovum] Acherius hoc loco monet forte legendum esse qui ovum; sed id cujusmodi sit, non intelligo, nec du-

bium mihi est quin optima sit codicum lectio; sic enim ait scriptor lepram abicessit: ab agri corpore, ut ovi album ab eo separari solet quod flavum est.

CAP. LXV.  
Vir beatus  
cuidam nimis  
anxio, & au-  
xilium à se  
poscenti ap-  
paruit.

niamque facinoris sui toto corde deposcens, & ex loco moveri potuit; & ab eisdem misericorditer dimissus, liber discessit.

Quodam verò tempore vir quidam sæcularis ex nobili genere, culpâ vel parvâ interveniente infensum omnimodo habebat Principem, pro quo nimirum ulciscendo offendiculo ducitur Principis iussu exequutus in Palatium; ubi dum sententia mortis ejus definiretur, traditur interim servandus AMALBERTO viro Illustri, Comiti scilicet Noviomagensi: cumque aliquot dies sub ejus custodiâ degeret, cœpit unâ die inter frequentiam famulorum vulgato sermone percipere, quoddie crastinâ prolatam adversum se sententiam capitalem exciperet. At ille hæc audiens cum nimium formidaret mori, nec ullum jam perfugium speraret evadendi, unum solummodo sibi credidit suffragari, si permetteretur noctem eandem apud sanctum Eligium pervigil ducere. Cumque rogasset & impetrasset, ardentem nimis accurrens ad mausoleum Confessoris, totam penè noctem in lacrymis & gemitibus duxit, sibi ut eum oportebat patrocinari in crastinum sanctum Antistitem innixè supplicans; & factum est postquam matutinos hymnos ex more persolvit Clerus, nimium vir præfatus ex mœrore defessus subito obdormivit innixus, & ecce repente sanctus ei adstitit Eligius, modestissimoque aspectu blandè eum recreans consolari cœpit, pollicens quoddie crastinâ die ipse esset cum Principe, & isdem pro eadem culpâ nullatenus poneret vitam, sed magis indulgentiâ à Principe acceptâ, illic absque pœnâ esset regressurus ad propria. Factumque ita, & postera die accitus prædictus vir in aulam à Principe, sicut prædixerat vir Sanctus, liber ab eo dimissus, ovans ad propria est reversus.

CAP. LXVI.  
De Monacho  
à pustulâ  
sanato.

Operæ-premium est, ut non solum eas quæ ad sacratissimum corpus ejus efficiuntur virtutes, sed & eas quoque quæ per Reliquias ejus procul aut propè ubicumque delatæ fuerint, declarantur, huic Operi vel pauca pro multis intexere. Itaque quæ narro in meo nuper gesta sunt Monasterio. Frater quidam ex Monachis nostris ulcere pessimo, quod vulgo pustula dicitur, percussus in faciem pessimè laborabat. Erat autem in eodem Monasterio Otorium quoddam in quo Reliquiæ beati Eligii depositæ erant. Cum ergo prædictus Frater in lecto æger decumberet, & medicus coquendi ulceris congruum ferri opificium præpararet, formidolosè valde id Frater ferens, rogat mox relinquere igniti illius ferri operationem, & confidens de meritis Confessoris, rogat sibi deferri ex eo oleo quod medendi gratiâ ante pignora præfati Antistitis dependebat: quo mox allato faciem sibi & pustulam turgentemque perunxit cervicem; & ô mira virtus! post illius liquoris infusionem ita cancer ille absque ullâ foci appositione radicitus exsiccatus, atque extemplo deletus est, ut nec vestigium quidem cicatricum illius in faciem Monachi relinqueret. Adjiciam & illud quod solummodo auditu cognovi.

CAP. LXVII.  
De miraculo  
Reliquiarum  
Turonis  
ostenso.

Cum adhuc beatus Eligius sub sæculari habitu Turonis in urbe sancti Martini tumbam fabricaret, habebat hospitium in cujusdam matronæ domo foris muros in vico; quæ nimirum fœmina inspiciens sanctum virum jugiter eximii operibus intentum, eo quod promptus esset in omni opere bono, frequens in oratione, necnon & largissimus in pauperum consolatione, verè ut erat, Dei famulum credidit: & die quâdam cum unus ex ministris ejus eum juxta morem tonderet, illa linteum quod capillos decedentes exceperat rapiens, quæque ex capillis & barbâ colligere potuit linteo obvoluta in arcam sibi reposuit. Transierunt demùm plurimi

anni, ita ut penitus jam in oblivionem hæc eadem fœmina duceret. Post obitum verò sancti Eligii cum prædicta fœmina noctibus intrâ secreta silentia quietè se ageret, audiebat plerumque in suo cubiculo dulci modulamine celebrari psallentium; & cum curiosè ad hoc intenderet, portentum conspiciebat per quædam foramina radiantia nimis micare luminaria: cumque crebrò eadem cerneret heri nimio pavore perterrita, non audiebat jam nocte in diversorio suo manere; nullatenus tamen recordari poterat de hoc quod aliquando ex fide condiderat. Evocato interea AGERICO Bannicæ sancti Martini Abbate, causam ei per ordinem exponit, deflens se non posse securam noctibus quiescere in domo suâ. Accedens autem prædictus Abbas ad domum in quâ fiebat portentum, cœpit inquirere à fœminâ, utrum ne aliquando ibidem fervorum Dei manserit quispiam; anne etiam ei oblatum esset aliquid à viris sanctis pro munere vel eulogiis: utrum vel ipsa non rapuerit aliquando aliquid minus ex Sanctorum pignoribus. Tunc verò illa veluti per somnum, ut pote ex longinquitate temporum, sancti Eligii capillorum reminiscens, pectusque illic pugnâ sepius cædens, rei ordinem exponit, qualiter videlicet aliquando ibidem capillorum beati viri decisiones ex fide condiderat. Statim ergo perscrutantes loculum, repperunt easdem Reliquias veluti aromaticis unguentis odoriferas, ut ipsas quoque collegerat illibatas. Tunc nempe liquidò claruit, & meritum Antistitis quantum esset, & sæpe dictæ matronæ fides quantum Deo placuerit, ut post tot annorum curricula in eodem loco ex jussione divinâ ostenderentur miranda prodigia. Audi enim quoddie postmodum in eodem domicilio elegans oraculum fuerit à Fidelibus constructum: simillimum quoque & Noviomio gestum est nuper miraculum.

Anus itaque quædam in Monasterio, quod sanctus vir construxit Noviomio, quodam tempore decisiones similiter ex capillis ejus collegerat, atque panno obvolvens supra suum discubium in machinile collocaverat: sed postquam vir beatus migravit de mundo, crebrò cum cœcæ noctis tenebræ cuncta operirent caligine, micabat ex eodem loco radius quidam splendoris, qui nonnunquam in domo illustrabat tenebras noctis; quod cum Sanctimoniales illic fœminæ plerumque heri cernerent, convocantes prædictam sororem, studuerunt ab eâ percunctari quæ esset causa quod isdem splendor ab ejus lecto nocte micaret. Tunc illa pignorum sancti viri recordans, rem sicut gesta contabat, omnibus mirantibus exposuit: at illæ hæc audientes protinus ad locum accedunt, easdemque Reliquias auferentes digno in loco mox condunt, glorificantes & laudantes Deum, qui est fidelis in verbis suis, & tantam gloriam præstat Sanctis suis.

Sed neque illud blendum puto quod in Monasterio quodam Turonici ruris Fratri cuidam contigit remedium. Itaque quidam illic Monachus honorabilis inter suos, mihi que familiariter notus, ingruente morbo sua in viscera gravissimè per dies plurimos laborabat, cumque nullatenus invalescere recuperareque posset salutem, inspiratus tandem Dei miseratione, amphibalum sancti Eligii, quod illic cum magnâ reverentiâ servabatur, super se imposuit; quo nimirum ex fide amictus, & aniles artus cunctaque membra sævo languore defessa baculo regente sustentans, communionem Christi recepit; & postquam hæc egit, ita sanus atque incolumis est redditus, ut plus demùm convalesceret quam fuerat ante vegetatus.

Alius etiam Frater in Monasterio meo infuso corpori tabo à tertio notypo gravissimè vexabatur: qui

CAPUT  
LXVIII.  
Simillimum  
Noviomio si-  
gnum præ-  
monstratum.

CAP. LXIX.  
De Monacho  
per amphiba-  
lum sanato.

CAP. LXX.  
Item de alio  
à tertio ty-  
po sanato.



cum per dies multos morbo invalescente nimium attereretur, cunctaque ejus membra validudo tremula quatiendo penè dissolveret, unus ex Diaconibus Monasterii habens apud se reconditum quoddam linteum, quod beatus Eligius aliquando habuerat in corporis usum, exploratâ tremoris illius horâ detulit, eumque super pectus ægri imposuit; quod postquam tertio fecit, satagens nimium æger cepit sudare atque rubere, vehementi etiam singultu pectus quatiente omnem continuo abundantiam fellis evomit, sicque demum Christi gratiâ miserante convalescens, pristinam sanitatem recepit.

CAP. LXXI.  
Clericus quidam Sancti pignora venditans incendio circumvallatur.

Illud etiam magnopere adjiciendum putavi quod vir quidam, haud procul à confinio Remensis urbis habitans, desiderio religiosæ mentis concepit, ut Basilicam in honore sancti Eligii in prædio suo ædificaret: quam cum consummasset, pignoribus sacris ejusdem Confessoris decorari cupiens, ad municipium Noviomagense perrexit; quo cum pervenisset, Reliquias poposcit, expostulasque impetravit: sed cum ab oppido properare vellet, conveniens quidam Clericus stimulis cupiditatis agitatus; cepit eum violenter detinere, dicens non se permittere eum gratis cum Reliquiis exire, nisi sibi aliquod pro eisdem munus præberet. Tunc præfatus vir ut ex manibus ejus citius evaderet, munusculum quoddam quod ad præfens apud se habere potuit, non sine mœrore ei tribuit. At ille avidissimè oblata præripiens, sine aliquâ tarditate intrâ gremium sibi abscondit. Nec mora, & immisso divinitus igne cepit subito pectus cum vestimentis ejus vasto incendio conflagrare, ita ut protinus compelleretur immensis vocibus clamare, dicens: Parce sancte Eligi, quia ego miser nunquam jam deinceps tale quid agere præsumam. Mox autem circumstantes properè ejus vestimenta fumigantia auferunt, munusque acceptum viatori restituunt; ipsum etiam pœnitentem multaque desilentem ad Confessoris tumbam reducunt; ubi oleo delibutus, vix tandem sedato incendio à tormento est liberatus. Hoc autem idcirco evenisse non ambigo, ut per hæc facilius obtundatur, imòque confundatur rapacitas, cupiditasque similitum, eorum dumtaxat qui non verentur importunè pecuniâ acceptâ Sanctorum pignora venumdare. Cesset ergo, quæso, jam hoc in omni loco contagium, ne contingat ea facientibus simile incurere incendium.

CAP. LXXII.  
De cæco & claudus sanatis.

Adjiciam quoque & illud quod viro devoto FRÉDEGISILO Presbytero narrante cognovi. Quidam enim, ut aiebat, Monachus Noviomio veniens Reliquias beati Eligii secum detulit, quas nimirum ut decebat cum magnâ reverentiâ Basilicæ indidit, atque post aliquot dies duo viri, unus cæcus, alter verò claudus, fideliter illic excubantes, solo Sancti interventu sanati sunt: nimirum cæcus lumen, claudus gressum recipiens: post adeptam medelam regressus est uterque ad loca propria. In aliâ nihilominus Basilicâ quæ ad ejus honorificentiam in regione Aquitanicâ miro elegantique opere fuerat ædificata, similiter vir quidam pede claudicans mendendi gratiâ advenerat: qui cum ex oleo quod ante venerandum altare consuevit ardere fuisset perunctus, nervorum vinculis resolutis & ipse sanatus est.

CAPUT  
LXXIII.  
De Levita sanato.

Inter hæc autem nec illud prætercundum est, quod quidam Diaconus propter vulnus pessimum in ore, in extremitate scilicet dentium, susceptum; graviter per dies plurimos laborabat; in tantum denique ulcus illud invaluerat, atque ita fauces ejus

vehementia tumoris obstruxerat, ut per septimanam continuam neque panem edere, neque ullum cibum sumere prævaleret. Hic namque cum nullum prorsus remedii genus adipisci posset, ad Sancti se patrocini Eligii convertit, & adiens Basilicam, quam eo in loco veneranda ejus illustrabant pignora, præmissâ oratione cepit ex fimbriis chrisimalis quo tegebantur Reliquiæ fauces suas & guttur turgidum perfricare: post quam nimirum palpationem erumpens vulnus ex ore, omnem putrem saniem illius funditis rejecit, atque ita digesto extemplo vulnere, sanus demum Diaconus omni permansit in corpore.

Itemque Frater quidam ex Monachis beati Eligii, quodam tempore podagrico in pede humore percussus decumbebat in lecto, tumidus in tantum, ut nullatenus sufferret pedem suum in terram ponere. Is namque post tandem confidens de meritis Confessoris, melotem beati Eligii, quam pro magno munere apud se servabat, devotissimè sibi imposuit, atque ex ejus orâ pedem tumidum & immobilem mulcendo utique contigit; post cujus videlicet attactum detumescente pede gressum pristinum recepit, & ita demum à prædicto podagrico humore illæsus permansit, ac si nunquam antea expertus fuisset. Jam verò in calce Libri dignum putavi adjiciendum illud, quod ad ejus lectum declaratum fuit miraculum.

Cum vir beatus in Compendio villâ regali frequentius esset solitus adventare, providerat sibi hospitium ultra fluvium Hifare in cujusdam viri domicilio vocabulo Waldoleni; quo videlicet in loco eundo plerumque vel redeundo, consueverat divertere ad manendum. Postquam ergo migravit de mundo, prædictus hospes ejus minimè reverescens Pontificis stratum, destruxit per incuriam lectulum, parvipendens tanti viri discubitus, spondam etiam lectuli, quam sæpius triverant manus Sancti, suppedaneum limites<sup>a</sup> fecit, seque cum conjuge in eodem loco quo vir beatus pausaverat, sine ullo cunctamine collocavit: & ecce ipsâ nocte vehementi febre correptus, cepit protinus tædiare, tremere, sudare, ac pallefcere; pedes quoque qui lectuli calcaverant spondam, ceperunt fortuito condolare, nimioque fervoris ardore aggravari, ita ut à gressu penitus compelleretur arceri. Cumque hujusmodi artuum torqueretur cruciatibus, visum est conjugi ejus in visu, ut amoveret se uterque quantocius ab illo discubitu, spondam etiam, quam negligenter projece- rant, in loco pristino restaurarent, atque omne stratum sicut fuerat, diligenti curâ componerent: sed illâ negligenter visionem obliviscente, vir ejus atrocius cruciatur dolore, & sequenti nocte etiam ipse admonetur, quod nisi se citò à lecto submoveret, severius jam ex hoc corripere. Tunc ille post transactam visionem moderatâ in se quantulumcumque febre, surrexit ut valuit festinus, & spondam lectuli illicò recolegit, quam diligenter lotam in eo loco unde exierat, restauravit, lectumque ut prius fuerat, circumquaque composuit; sicque se deinceps à discubitu illo removens, prioris facti cum multâ satisfactione pœnitentiam gessit, atque ita demum sanitatem recipere meruit. Deinde jam hoc miraculo latius crebrescente, undique ceperunt adventantes eo in loco munuscula inferre: ceperunt etiam illic virtutes crebrius declarari, populique conventus frequens ibidem fieri: quod factum magnâ cum admiratione cernens homo, relictâ protinus domo, in alio se juxta contulit tabernaculo, suumque diversorium hospitium perpetuum in ævo

CAPUT  
LXXIV.  
De Monacho a dolore pedis sanato.

CAP. LXXV.  
De miraculis ad lectum ejus ostensis.

<sup>a</sup> limites] Forte *liminis*, ait Acherius; mihi & locus mentis, II.

dofus videtur, & emendatio satis placet.



concessit Eligio. Et ecce jam domo viriditâ, basilicâ ibi constructâ, lecto mirificè exornato, condignum in æternum possidet Eligius hospitium: quem videlicet locum CLEMENS Pontifex Belvacensis sub suo habet regimine, & multa ibidem jugiter exercentur miracula, ex quibus nunc duo tantummodo brevitatis studio perpropere commemorabo.

CAPUT  
LXXVI.  
De corruptione  
Regis Lotharii, & do-  
lore ab eo  
sublato.

Die igitur quâdam duo Reges germani, LOTHARIUS scilicet & THEODORICUS, egressi penes Palatium gratiâ illic orationis divertunt; ubi oratione factâ, cum redirent ad Regiam, prævenientes eos quidam Optimatum, dabant salubre consilium ut aliquid eleemosynæ ob Sancti venerationem eidem loco tribuerent; sed Rex senior in promptu contemnens neglexit hoc verbum, junior verò majore foris prægresso, solidos illic posuit cum voto ex radianti metallo: deinde ab eo loco uterque properans cum ingressus fuisset Palatium, cæpit subito idem Rex Lotharius infusâ corpori febre vehementer angi, & conglobato undique omni corporis ardore ac simul repente in capite defluente, cæpit ardentissimo dolore dentium illic cruciari. Cumque noctem illam in maximis transgisset angustiis, facto mane negligentiam recedens hesternæ diei, ad præsidium sancti confugit Eligii, & ubi pridie fratre largiente sua, nihil obtulerat sponte, ibi jam coactus tamen ut mereretur medelam multos ex publicâ moneta misit solidos per creditam personam; & protinus cum donum illic eleemosynæ illatum esset, confestim ab eo discedens dolor, sine ullâ morâ sanitatem recepit.

CAPUT  
LXXVII.  
Puella perjuran-  
s defungitur.

Sub eisdem ferme diebus puella quædam desponsata, instigante per carnis fragilitatem diabolo, à quodam mœcho fuerat forde corrupta, quam ejusdem sponsus causatus utcumque suspectamve addicens, cæpit ab eâ extorquere, ut se per juramentum ab hac suspitione idoneam redderet; at illa ut pote adultera nihil trepidans, securam se istud sacramentum posse transire gestiebat. Constituit ergo eidem ejus sponsus, ut ad lectum beati Eligii hanc fidem sola persolveret; quod illa audiens facile id sibi fieri præsumit. Cumque illic uterque adventasset, illa proterva & insolens sine ullo metu ad Sancti lectum accurrens, cæpit absque terrore id quod exigebatur jurare; sed mox ut manum lecto imposuit, illic tabescente corpore deorsum ruens, quasi defectis pedibus in terram corruit: quam cum vellent circumstantes erigere, tremens illa & spumans inter manuum eorum decidit, atque ita demum lugubriter exspiravit: quod ejus pavidus cernens sponsus, consternatus, & ipse potentiam Christi & judicium Sancti magnificavit: & sic deinde ad domum propriam non sine metu discessit.

CAPUT  
LXXVIII.  
De miraculo  
similiter ad  
alium ejus lec-  
tum ostenso.

Multæ & aliæ ibidem, jubente Domino, ejus meritis operantur virtutes, inter quas etiam & cecidillus exundante ubertim oleo superfunditur, ex quo sancto liquore multi illic peruncti à diversis sanantur incommodis, & benedicuntur ibi nomen Domini Salvatoris. Hæc omnia quidem in Compendio geruntur; sed & aliud nihilominus ejus lectum, quod situm est in Monasterii sui prædio, loco nuncupante Victuriaco, virtutes similiter declarantur, & diversæ sanitates efficiuntur: quæ omnia ex ordine onerosum ducimus verbis prosequi, & idcirco ea his paucissimis syllabis complexi sumus, quia magnopere jam à loquutione cessare festinamus.

CAPUT  
LXXIX.  
De multo-  
dâ n. racule-  
rum signis,  
quæ quotidie

Succurrunt hoc loco adhuc beati viri nonnulla miracula, & diversis quidem in locis, sed præcipue ad ejus sacratissimum corpus declarata, quæ si sigillatim ut gesta constant, nunc enodare conati fuimus, & modum voluminis excedimus, & pro

ipsâ forsitan prolixitate fastidium legentibus irrogamus. Id circò ergo ea quæ hæcenus prosequuti sumus, ut pote sufficienter, contenti simus, pro illis verò quæ nos minùs enarravimus, palam omnibus fidem præstant cernentibus illa multimoda compeditorum vincula, quæ hodie ad ejus tumbam in argumento rerum monstrantur appensa; ex quibus nos nimirum in hoc opere aut penè pauca, aut certè nulla commemoravimus, pro eo dumtaxat quoddam in præsentia omnium exposita, sicut nos totum, ita & omnes nosse non ambigimus. Plurimæ namque catenæ, ut cunctis liquet disruptæ, ac compedes illic monstrantur dissipati, cippi etiam fracti, & claudorum bacilli in argumento ostenduntur, Dæmonum verò expulsio, & cæcorum illuminatio, solo sanguinis indicio declarantur in pavimento: & hæc quidem tam multa infra paucum tempus constant gesta; illa verò quæ deinceps per prolixa temporum spatia sunt gerenda, quanta fiant & qualia quis modo estimatione comprehendat, cum nusquam à Præsulis tumbâ hodieque cessent fieri gesta? Nam ut in multis assolet, declarata jam miracula nunquam operari desistit, sed quotidie undique ægri veniunt, & ibi excubantes sanantur, ferro vincti confugiunt & solvuntur, claudi carrucis advecti consolidatis ibi gressibus ad propria revertuntur; perjuri veniunt, & aut moriuntur, aut dæmonio vexantur; dæmoniaci veniunt & liberantur, cæci veniunt & illuminantur; multæ etiam sanitates ex eo qui illic crescit, olei liquore perficiuntur, ita ut quacumque quis teneatur infirmitate, & cum ex eo perunctus fuerit, statim fugiente tæbo incolumitatem pristinam, præstante Domino, recipere possit.

Sed quia largiente Domino digessimus utcumque opus optatum, nunc lectorem quæsumus, ut vilitatem nostri sermonis non usquequaque despiciat, quia & fortassis potuit eloquentius oratio promi, sed studiosè valde ita stylum correximus, ut rem potius quam verba legentibus commendaremus; & maxime hoc opus cothurno tumentis eloquii nullatenus inflari debuit, quod de tanti Antistitis humilitate manavit; meque devotum potius quam audacem fuisse præsens pagina ostendat, quia non præsumptione virium sarcinam tantæ molis arripui, cum scirem indignum esse tam luculentæ rei exiguum pusillumque fieri auctorem. Sed cum sim debitor decem millium talentorum, vel exiguum donum à quo accepi reddere festinavi, culpam scilicet silentii metuens incurrere, si agnita miracula ut piger servus tacendo occulerem, atque idipsum parvi fomitis nutrimentum quod in me potuit doni cælestis olei reperiri nefas esse putavi, muti tenacitate silentii præterire; ne unius talenti traditam quantitatem dum studerem cautius custodire, culpâ defossæ pecuniæ non carerem. Idcirco ergo optimum fore putavi, ut ipsam talenti exiguitatem, quam ab Omnipotente accepi, in laudē Sancti, ad gloriam Omnipotentis expenderem; utque id quod ab eodem indignus accepi, eidem subjectus impenderem. Quamvis etenim hunc beatum virum consultius mihi fuerit mirari, quam loqui, tamen ardore dilectionis actus, plus in illo quid velim, quam in me quid possim consideravi: unde nunc, quæso, nemo de vobis deroget quod laudem nominis ejus crebrius ingeminaverim, cum scriptum sit: *Laudemus viros gloriosos*: & cum has easdem laudes flagrans amoris magnitudo exigeret, quia reverà nec est jactantiæ deputandum, sed gratiæ quidquid non virtuti hominis adscribitur, sed de Dei munere prædicatur: Dei est, inquam, Dei omne quod per ejus famulos geritur, quoniam ex illo vitæ fonte trahitur quidquid impræsentiarum hauritur.

ad ejus ostenduntur memoriam.

CAPUT  
LXXX.  
Apologeticum.

Porro ne Lectorem styli latioris copiâ fatigarem, compendium facere volui, ut subnexus<sup>b</sup> capitulis quod nosse quis velit, mox sine tarditate inveniret: necnon & illud utile ac salubre prospexi consilium, ut quæque testimonia vir sanctus divinæ lectionis prædicans memorabat, quæque etiam equidem meminisse potui, velut pretiolas adjiciens gemmas, opus patratum solidarem atque exornarem. His itaque singulis ita dispositis hunc Librum contrâ omnes æmulos tuæ, Christe, defensionis commendo, tibi bique devotionis meæ supplex dicta committo: tibi etiam inter hæc & per hæc omnia mea lingua pio ut valet affectu reddit præconium, qui contulisti præsidium, quo posset patrare opus optatum. Tibi ergo laus, tibi gloria, tibi honor, Creatori, & Recreatori hominum JESU CHRISTO Domino nostro, qui cum Patre & Spiritu sancto vivis & regnas Deus per infinita sæcula sæculorum, Amen.

EPISTOLA AUDOENI  
AD ROBERTUM.


**D**OMINO sancto, & à nobis in charitatis vinculo jugiter amplectendo, ROBERTO Papæ, DADO salutem. Vitam beati Eligii, quam nuper, Frater Carissime, descripsimus, per præsentem latorem strenuitati, argutiæque vestræ concertandam direximus. Quæsumus ergo ut sepositis paululum curis exterioribus, studium illic adhibeas quantocius, & si quid forte aut meâ, aut Notariorum incuriâ in verbis, vel syllabis incompositum, aut minùs aptum deprehenderit, juxta prudentiam tibi collatam studiosè emendes; nobisque demùm emendata restitueres. Vale in Domino, & noli, Frater, differre quod quæso.

EPISTOLA RODOBERTI  
AD EUMDEM AUDOENUM.

**D**OMINO verè sancto, culmine Apostolico sublimato, mihi que modis omnibus venerabiliter præferendo, Domino & Patri DADONI Papæ, RODOBERTUS peccator. Deceveram quidem gratificæ jussioni vestræ, Venerabilis Pater, obtemperare, nisi imperitiæ meæ prudentia vestra in dictandi studio tantopere obviasset. Totum itaque volumen, quo vita sancti continetur Eligii, à summis ad ima usque solerti, ut jusseras, curâ quidem percurrrens, nihil omnino quod adjicere, emendareque deberem usquam potui reperire, sed magis potius quod admirarer, venerarer, præferrem & prædicarem. Et, ut verè fatear, pinxille mihi illic videris sanctitatis tuæ, imòque beatissimi Antistitis ELIGII, integerrimam formam, ita ut nihil prorsus defuerit ex cunctis Sancti virtutibus, quod non potentatu verborum per singula investigaveris, ventilaveris, celsòque in sublime faro sustuleris. Unde equidem animo jam meo ex ejus ubertate refoto, exemplari etiam integerrimi voluminis Fratribus mihi que confecto, totumque demùm volumen illibatum Sanctitati vestræ remissum. Orationum vestrarum supplex quæso suffragium Domne semper DADO.



<sup>b</sup> ut subnexus ] Igitur quæ post præfationem leguntur capitula, S. Audoenus in calce ediderat: sed in te levissimi momenti prioris editionis ordinem mutare nolimus; hoc gravius est, quod scriptor subdit collecta à se in fine fuisse  
Tom. II.



S E R M O

S. THEODORI STUDITÆ  
DE S. BARTHOLOMÆO APOSTOLO.

Interprete Anastasio Bibliothecario.

Epistola ejusdem.

**S**ANCTO ac venerabili Aioni Antistiti Beneventino ANASTASIUS sanctæ Sedis Apostolica Bibliothecarius, in Domino salutem. Fervens sanctimonia tua circâ Bartholomæum Apostolum multi amoris affectu me nuper hortata est, ut quia jam ejus penes se celebris habebatur memoria, si quid in laude ipsius saltem Græcè inveniretur, quod vel Latinè, vel Græcè sit interpretatum, sibi misissem. Verùm quamvis in laude ipsius multa inveniantur, quæ vel Latinè, vel Græcè descripta sunt, unus tamen sermo nuper editus est, qui utrum Latinè reperiatur nullo hætenus declaratur indicio. Hunc ergo interpretari, & Paternitati tuæ destinare decrevi. Si autem quæris quis tanti Sermonis habeatur Expositor; libenter aperiā. Theodorus videlicet quidam Sacerdos apud Constantinopolitanam urbem temporibus fuit Adriani, & Leonis Romanorum Pontificum, vir valde mirabilis, qui non solum fidei constantiâ, verùm etiam scientiæ gratiâ, & signorum polleret virtutibus; duorum Imperialium, insigniumque Cænobiorum, Studii scilicet & Saccudiorum, constitutus est Abbas. Qui semper in Apostolicæ sedis communione persistens, hæreticorum nœnias, & Imperatorum vesaniam fidei constantiâ, etiam tormentis affectus, mentis virtute repressit; necnon & sancti Spiritus gratiâ plenus Opuscula nonnulla composuit, inter quæ & sermonem hunc de B. Bartholomæo satis utilem, obscuris dictionibus (quem interpretari tibi voluisti) Græco edidit famine, qui Græco vocabulo Ἐγκύριος dicitur, quod Latinè præconium, sive laus exprimitur. Qui ad Latinitatis notitiam fideliter translatus, ut scrupulum omnem de nutantium pectoribus auferat, & improbas invidorum ac detrahentium linguas comprimat, atque ignorantiam instruat inferiorum, consequenter legendus est. Et reverâ, quia Salomon ait: *Memoria iustorum cum laudibus*: scio quosdam non scientes utriusque idiomata linguæ interpretationi meæ derogaturos, & me ea pallurum quæ quondam ille celestis Bibliothecæ cultor à suis æmulis pertulit. Verùm quisquis ille fuit, ejus salubribus monitis eruditus non se ad detrahendum velut improbus ingerat, sed ad corrigendum quasi probus accedat; nec post dorsum fratris carnes invidentiæ dente decerpant, sed palam, si potest, quod à vero discrepat, affectu charitatis emendet. Non enim majorem gratiam consequutum invideo; sed grates auctori rependo, qui etsi non per me, per quoscunque tamen Latinos de die in diem donis replet, quibus se Græci ditatos esse magnopere gloriarentur. Tu tamen, obsecro, si hæc translatio parva placet, eam legendam Ecclesiæ trade, & pro me Deo hanc legenti saltem semel Kyrie eleison dicere jube. Salve Præsul ama-

testimonia sacrarum scripturarum quæ Eligius inter docendum adhiberet; hæc enim satis constat eadem esse quæ nunc exstant cap. 15. libri 2. adeo ut nemini dubium esse queat, quin hæc Vita multis in locis interpolata sit.

te Deo, sine margine, salve & memor esto fratris tui Anastasii.

## P R Æ F A T I U N C U L A.

**B**EATI BARTHOLOMÆI Apostoli venerabile omniumque laudum solemniter attollendum corpus præconio; qualiter de Armeniâ Indorum provinciâ post decessum Polimii Regis, atque Pontificis, aliquantis elabentibus annis per iniquorum atque infidelium perfidiam, imò divina dispensationis nutum, Lippareos mirabiliter sit evectum in Insulam, unde hodierna solemnitas celebratur, cuiusdam Theodori Reverendissimi Sacerdotis veridica est relatione refferatum: habet enim sic huiusmodi narratio illius.

## S E R M O S. T H E O D O R I.

**M**AXIMUS quidem labor, & ut addam, gloria est sanctorum laudes contexere, virtutes prædicare; sed majori devotione Martyr quisque debet attolli, in cuius beatificatione omnis sermo non sufficit. At verò & Apostolum irreprehensibiliter collaudare, quantæ, putas, esse poterit etiam insignium magistrorum industriæ, scilicet quem spiritus ad contemplationem laudibus & modulatis vocibus extulit? Cujus enim sonus in omnem terram exivit, ut verborum virtute fines ordinaret orbis, oportet utique ut & laus ejus ex æquo intelligatur, & fideliter proferatur: & ad hæc quis tam idoneus, quis sufficiens, quis robustus? Numquidnam quia nec Petrus, nec Joannes est divinus Bartholomæus, idcirco paucioribus est sermonibus prædicandus, & quasi non sit multi præconii, minùs aliquid efferendus? Apostolum Christi audis ex toto, & non pertimescis eum qui misit illum? Testem veritatis sensu capis, & non miraris eum qui est dignè canendus? Quin & si multorum unus erat, nulli tamen famulorum Dei minori laude comparandus: an quia est divini duodenarii numeri medius? Est enim & hic duodenarii in senario medietas, sicut in citharæ harmoniâ similis, æquum & ab utrâque parte sonum divinæ fermocinationis similem dans. At verò si volueris ut in Apostolico ordine, sicut in annuali circulo uniuscujusque mensis, ex æquo utilis omnimodis conferatur numerus, & propriâ alter alterius quantitate & qualitate suam habeat differentiam, non planè nobis is qui laudatur exiguus, sed & nimis sublimis virtute spiritus apparebit, habens quid in ipsâ supputatione mysticum Dei verborum typum secundum arithmeticam artem. Solus enim senarius numerus à primâ monade perfectus partibus suis complens ex his ipsis medietatem quidem suam quæ est tria, tertiam verò partem suam perficiens ex duobus, sextam autem ex monade consummans. In quò verò numero hic Apostolus si secundum Evangelicum dinumeraverimus catalogum sextus reperitur. Porro & si secundum Actuum Apostolorum catalogum numeravimus, septimum ponemus Bartholomæum, eritque ipse iterum principium & vertex secundæ hexados? Ita ut hinc possumus argumentari eum ad id etrum habere comparisonem, dum ex primâ quidem hexade principium reputatur in Petro, ex secundâ verò, quia summitas est eorum qui post ipsum sunt, dinumeratur, principium taxatur in Bartholomæo. Nota, dilectissime, Petrus docet nationes; sed & Bartholomæus consequenter paria investigat. Petri speciosi pedes bona Evangelizantis, sed & Bartholomæi æquè jocundi sublimia de Deo loquentis. Petrus operatur prodigia magna, sed & Bartholomæus facit miracula valida. Petrus deorsum capite crucifigi-

tur, sed è diverso Bartholomæus pœnas pro Christo sustinens, postquam vivens excoriatus est, capite plectitur. Quotquot igitur Petrus agit, totidem operatur & Bartholomæus. Ad quot valet Petrus mysteria capessenda, ad tot Bartholomæus sufficit penetranda, æqualiter exsequitur divini verbi rationem, æqualiter fundat Ecclesiam, æquâ lance habuit & cætera divina charismata.

Veni ergo placatus, esto ferax verbi, ô Beate, repera linguam meam mutam, da mihi materiam præconia tuæ magnitudinis enarrandi, non ut ipse proficias aliquid, habens intrinsecus beatitudinum plenitudinem, sed ut quoquomodo declaretur amor circâ te divinitus prædestinatus, ut & ego pauperimus puer tuus paternis orationibus fruatur in laude celebritatis tuæ. Non enim poterit sine participatione illuminationis permanere, qui ad splendorem radii solis accesserit, vel pupillas erexerit.

Alius igitur Apostolorum hîc, alius verò alibi percepit partem orbis in prædicatione cognitionis Dei, & omnes universitatem sibi dispertientes, prædicatores Regis Regum Christi constituti sunt: *Constituit enim eos principes super omnem terram*, scriptura pronuntiavit. Ei autem qui nunc celebri famâ laudatur fors & portio Armeniæ locus, qui est ab Evilath usque Gabaoth, & in multis gentibus & civitatibus est distributus. Iste ergo cum mitteretur mysticè verbum Dei annuntiare, hæc divinitus audivit à Domino: Vade Discipule ad prædicandum, exi ad pugnam, capax esto periculorum: consule figmento meo, cujus misertus homo factus sum, & pro quo mortis dedecus elegi. Ego paternum opus consummavi; primus veritatis testis factus sum; vos quod necessarium est implete, & quæ post verba prædicationis meæ mundo defunt, ad similitudinem meam supplete. Imitare Magistrum tuum, æmulare Dominum tuum, æquâ passione sanguinem pro me pone, & carnem cruciatibus trade, patere quæque sustinui pro te passus. Ostende in teipso manifestas actiones characteris mei. Arma tibi sint benignitas in sudoribus, mansuetudo inter maledicos, patientia in his qui te peremerint. Ut ovis in medio luporum efficere, virtutibus armatus ad bella acueres. Non resultavit Apostolus; non dixit, quomodo lupos nancisci poterit agnus, unus decem millia? quomodo præcipiet peregrinus primis civium, exul ducibus, Regibus is qui unam possidet tunicam: sed ut famulus fidelis Dominico acquiescens præcepto, pergit gaudens, nihil deferens secum, nisi tantum Christi pretiosum nomē pro omni armaturâ.

Itaque aggrediens verbo prædicationis provinciam forte perceptam, quanta illic gesserit, quanta subiens pertulerit, sequens sermo depinget; quorum quidem sunt quædam secundum traditionem antiquæ relationis acta, quædam verò secundum rationem Evangelicarum doctrinarum gesta consistunt. Si enim lux mundi est juxta quod veritas Discipulis, ait: *Vos estis lux mundi*; profectò ea quæ lucis sunt operatus est in his qui in tenebris & umbrâ mortis sedebant. Et si sal terræ est, manifestum est quia gentes irrationabiles veritatis ratione saliens emundavit. Et si operarius evangelicè nominatus est, consequenter & agriculturam spirituales perfecit; quod enim à magistrâ veritate cōmuniter omnibus dicitur, & per singulas personas rationabiliter accipiendum est. Itaque vide eum secundum allegoriam aliquando quidem non terram arare bobus trahentibus ferum, sed linguæ aratro rationalia rura sulcantem, iugo videlicet contemplationis & actionis, nec seminantem aliquid defluentium & corruptibilium, sed fidei verbum in profundum cordis recondentem: aliquando verò plantantem paradisos & vineas Do-

*Psal. 44. 17.*  
In Armeniâ  
prædicat E-  
vangelium.

Bartholo-  
mæum allo-  
quitur Chri-  
stus.

S. Bartholo-  
mæus com-  
paratur B.  
Petro.

mini, illos scilicet qui jam receptione verbi ad meliora incrementum fecerunt, & ab ineunte ætate per singula tempora fructus multiplices ediderunt: aliquando autem medicinaliter exhibita singulis passionum remedia conferentem.

Verum eundem nosse velis cæcos oculos illuminantem, leprosos mundantem, febres expellentem, claudis vadere, surdis audire præbentem, atque reliquorum languorum multimodas expellendo species, duplici sanitate naturæ propriæ languidos restituentem, & certè pastorem morem suscipientem, & semitas, Deo perficiente, deducentem, revocantem, pugnantem, propellentem bestias hæreseos, dæmonumque phalanges: imperfecta rigare manu, educare crescentes in ætate Christi, spinas intelligibiles evellere, vel sylvas impactas secare, sepes dogmaticas circumponere, & quidquid eorum deesse constiterit quæ opportunè sunt sequenda, facillè prævidere. Ipse autem ædificator & Architectus ædificiū ac fabricationis non manufactæ, Templorum videlicet Domini, quæ per spiritum & veritatem construuntur, ac perficiuntur in populum acceptabilem, sectatorem bonorum operum. Intuere mecum, o homo, civitates & habitacula, quæ olim populus seductus infidelitate possedit, nequiter turrim ponens, in Dei cognitione, & adversariorum insidias facillè dimissas, campos florentes, vineas condensitate pullulantes, hortos odorem dantes, ægrotantes omni langore, & omni infirmitate sanitati pristinæ reformatos; quæ talia sunt, ut ita quis dicat, prima spolia & exuvie. Tanti agonis labores & in fame, & in siti, in frigore & nuditate, in contumeliis & opprobriis, in carceribus & vinculis, in persecutionibus & adductionibus de loco in locum, de civitate in civitatem, de theatro in theatrum; in tormentis & verberibus; & ad extremum in occisione & gladio. Propter quæ namque oportuerat eos remunerare bonis Magistrum, Salvatorem & Medicum: pro his operantur atrociter, convitiuntur, detrahunt, pereclunt, torquent, rodunt. Quid non discites? quid non agentes? quid non excoGITantes? quid non adinvenientes eorum quæ ad acriorem afflictionem, & tribulationis augmentum proficere crediderunt? Papæ, crudelitatem! O feralem insaniam! quales mercedes Creatori obtulerunt, qui visum, qui auditum receperant, pro honore inhonorantiam, pro benedictione maledictionem, pro requiescibili vita amarissimam mortem.

Legitur etiam in gestis ejus antiquioribus & emendationibus, quoddam Lycaoniæ verbum vitæ prædicavit. Dehinc Indiæ evangelizans, ad ultimum in Armenia majori, quæ ejusdem est provinciæ, in Albano ipsius Armeniæ urbe postquam multa & intolerabilia tormenta subiit, decoratus ab impiis in modum foliis, capite plexus est; sicque demum à fidelibus ibidem sepultus. Qui videlicet gloriosus fidelium patronus etiam post obitum apparuit magnus Dei prædicator. Non enim vel postquam migravit ex hoc mundo neglexit occisores; sed ut pastor bonus quantum temporis erat, invitabat miraculis perditos, & prodigiis admittebat aversos. Sed bestialem mentem, & inhumanum cor nil erat quod compesceret, nil quod retraheret usquequo in profunda malorum deciderent. Quid ergo de cætero faciunt? Insaniunt contra sacrum illud corpus; furunt contra diversas jugiter præstantem sanitates sacri corporis arcam. Respuunt remedium ægroti; orbi manum ducentem, cæci lucis datorem, naufragi gubernatorem, morte affecti vivificatorem. Et hoc quomodo? projiciunt in pelagus ipsam, quæ sacrum tegebatur corpus, lapideam arcam, ut in profundum penitus demersa ulterius non compareret tanquam

eis tantus Apostolus nulla præstiterit beneficia. Invidorum etenim vitium hujusmodi est, ut voluntaria perditione sua nec aliarum fieri salutem patantur. Sed is qui per David longè ante clamavit: *In mari via tua, & semita tua in aquis multis; & vestigia tua non cognoscuntur*: Et hic tumidum mare meabile & pervium lapideæ arcæ præbuit. Et Petrus magnus clamante ad eum Christo in mari ambulasse dignoscitur. Quod & divinus Bartholomæus similiter arcæ corpus suum gestanti gradiens contra fluctus exhibuit. O miraculum divinum! o opus magnificum! Mota est enim impetu ipsa arca de regione Armeniæ, cum quatuor aliorum Martyrum arcis, quæ similiter dum signa operarentur cum ea in mare fuerant projectæ & per tantum spatium maris quatuor his ambulantes & præcedentes, & obsequium Apostolo quadammodo facientibus, venerunt in ultiores partes Siciliæ in Insulam, quæ vocatur Lypparis, facta revelatione ad sanctissimum AGATHONEM qui illic erat Episcopus Hostensis. Quis audivit tantum prodigium? quis didicit tam magnificum opus? O miraculum in miraculo! Lypparis autem, id est, pinguis, quodammodo Insula Lypparis ferens ipsa sibi pinguedinis futuræ nomen. Ipsa forsitan hæc ineffabilibus vocibus clamabat: Veni ad me pauperulam thesauri ditissime sancti Spiritus. Veni ad me, quæ sum inhonorabilis, pretiosissima margarita. Veni ad me supplicem, qui à perfidis abjectus es iniquissimè; inhabita me, & multipliciter inhabitabor. Salva me, & populosa ero: nomine fungar & ubique personabo. Si alii te magnum cæli luminare contemserunt, & repulerunt, sed ego splendorem tuum desidero hætenus tristis & mœsta. Si alii mensa vivorum eloquiorum tuorum potiti sunt, sed ego reliquiarum tuarum ut catellus micas colligere gestio.

Post hæc quasi quosdam ministros suos, alium Martyrum hic, alium verò illic relinquens Apostolus retrorsum, PAPINUM quidem dimisit in Civitate Siciliæ quæ dicitur Mylas; LUCIANUM verò destinavit Melinam; reliquos autem duos in Calabritidem terram direxit: GREGORIUM quidem in civitatem quæ dicitur Columna; ACATIUM autem in civitatem quæ vocatur Cale, quatinus unusquisque eorum in unaquaque civitate protector esset habitatorum, qui etiam usque hodie splendent suffragiis suis. Ipse præterea velut quis Rex domus propriæ requie potitus, profectus est ad civitatem ad quam cœlitus vocabatur, susceptus præclare cum multis luminaribus, odoribus, atque hymnis; cunctis etiam, qui illic aderant, ei obviam in exultatione procedentibus.

De cætero dum perventum esset ad urbem, non progrediebatur arca; quidam enim summo opere trahebant; illa autem erat immobilis. Et cum esset populus in multa dementatione, resumpsit tandem gaudium tristitia, quia obtinuit quod petierat à Domino: *prope est enim Dominus invocantibus eum*. Super duas itaque vitulas castas assumpta, reposita ubi sacrum ejus Templum protinus est locatum, & facto etiam cum consummatione miraculo præcipuo. Denique cum mons, qui Vulcanus vocatur, penè contiguus esset Insulæ, nocivus erat his qui circumquaque morabantur. Tunc recessu invisibili motus est quasi stadiis septem circa mare suspensus, ita ut usque hodie appareat videntibus quasi figuratio tractus fugientis ignis. Porro quot & quanta deinceps mirabiliter operatus sit, aut mira faciens operetur hætenus circa eos qui à diversis langoribus & infirmitatibus obstricti ad ipsum fide confugiunt, nec necessarium est dicere ob prolixitatem tractatus, nec incredibile audienti, cum pignus ex uno habeat ali-

*Psalm. 76. 20.*

Projectum in mare corpus ad Lipparam Insulam appulit.

Quatuor Martyribus una cum S. Bartholomæo Sicilia fuit ditata.

*Psalm. 144. 18.*

Albanie eute extracta crudele supplicium, passus est.

Q.ij

orum exhibitiones mirè gestorum. Sed ave, ó Beate Beatorum, terque quaterque Beate Bartholomæ. Ave qui es Dei amator & imitator, boni scilicet Magistri. Ave qui es divinæ lucis, splendor sanctæ Ecclesiæ: Ave qui es bene sonans organum spirituales melodiar: Ave artificiose rhetor veræ sapientiæ. Ave qui es peritæ capturæ piscator rationabilium piscium: Ave qui es multi chori, & dulcis fructus palmes, Christi vividæ & paternæ culturæ vitis: Ave digne meritis famule Domini universorum: Ave merito desiderabilis amice cœlestis sponsi: Ave qui es sapientiæ fluentis & multiplicis potationis ac lumen spiritualis paradisi: Ave qui es divina virtute vulnerator Diaboli, mundum suo latrocinio vulnerantis: Ave qui multipliciter appares mundo Lucifer Dei cognitionis. Gaudeas divinitus illustrata & ignea columna Orthodoxiæ: Gaudeas sol orbis terræ, qui cuncta illuminas: Gaudeas os Dei sapientiæ linguam habens ignitam: Gaudeas jugiter emanans fons sanitatum: Gaudeas Dæmonum terribilis insequutor: Gaudeas qui es multipliciter optabilis formositas Armeniæ. Gaudeas qui ab oriente ad occidentem per mare ambulasti gloriosè: Gaudeas qui es Lyppareos salubilis, & multimodis adorabilis gloriatio: Gaudeas qui mare sanctificasti meabilibus gressibus: Gaudeas qui terram purpuream fecisti rubore sanctissimi sanguinis tui: Gaudeas qui aërem suavitatis odoribus replesti sacris spiraminibus divinorum eloquiorum tuorum: Gaudeas qui ad cœlos commeasti, & medius in choro divinæ aciei tuæ refulges in gloriæ inaccessibilis splendore, in exultationis insatiabili jocunditate. Illinc nos, benignissime, intuearis; Illinc benedicas te beatificantes; Illinc glorifices te glorificantes; Illinc concordas orbem terræ pacatum. Sacerdotes iustitiâ in sanctitate induantur; Reges bonis operibus in Orthodoxia contra Barbaros armentur; Monasticam vitam tenentes conversationem æqualem Angelorum ac sine dolo custodiant; Viri mulieribus, & rursus mulieres viris competentem legem conservent; patres cum filiis, prælatos cum subditis, dominos cum servis, mutuum dantes cum debitoribus, venundantes cum emptoribus; cæteraque omnia benevolentia tuæ effectu ad utilitatem Reipublicæ protege, & cuncta quæ secundum beneplacitum Dei dirigi debent, patrocinio tuo defende; & præcipuè alumnos decoratæ Lyppareos, Pastorem quoque ac gregem qui construxit sacrum Templum tuum, & cum qui te, licet breviter, ex se laudare præsumit in Christo JESU Domino nostro, quem decet omnis gloria, honor & adoratio, cum omnipotente Patre, ac sanctissimo & vivifico Spiritu, nunc & semper & in sæcula sæculorum, Amen.


Hæc de Bartholomæi laudibus, ejusque mirabiliter advecto in Lypparim corpore Theodorus fama sanctitatis ac sacerdotii dignitate conspicuus, fido relatu explicuit. Quâ verò deinceps occasione, quo-

ve sit ordine de eadem Insula Lypparitana tranivectum, cum ibidem usque ad annum octingentesimum octavum ab Incarnatione Domini nostri Jesu Christi requiesceret corpus ejusdem Beati Apostoli de reliquo dicendum est.

Supervenientes itaque Sarraceni depradati sunt & depopulaverunt prædictam Insulam, & rumpentes sepulcrum Apostoli disperferunt ossa ejus per diversa. Mox illis discedentibus per visionem apparens isdem Apostolus Dei cuidam Græco Monacho qui fuerat Ecclesiæ ipsius custos, ait illi: Surge, collige ossa mea quæ dispersa sunt. Cui ille respondit: Quare ossa tua colligere, aut aliquem tibi honorem impendere debeamus, cum tu permiseris nos & populum istum à Paganis deleri, & nobis nequaquam auxiliatus es? At ille dixit: Per longa annorum curricula pro hoc populo Dominum deprecatus sum, ac meis cum precibus unde nunc usque securi constiterunt, concessit omnipotens Deus; sed quia multiplicata sunt mala illius, crevitque iniquitas nimis, non jam obtinere pro eo valui, ut amplius salvus persisteret, idcirco periit. Tu surge tantum & collige, ut dixi, ossa mea, eaque ut tibi præcepero diligenter reconde. Cui ille Monachus ait: Et quomodo ea invenire potero, qui nescio ubi dispersa sunt? Dicit ei Apostolus. Nocte vade ad colligendum ea, & quæ videris resplendere ut ignem, hæc leva, quia verè ipsa sunt ossa mea. Qui statim surgens perrexit ad locum, & invenit sicut Apostolus dixerat, & collegit ea indubitanter, & recondita in loculo diligenter abscondit, & abiit relicto ibi socio suo. Cumque pro exquirendis Sarracenis illuc Longobardorum irent navigia, nutu Dei inventum ibi Monachum & sancti Apostoli corpus tulerunt, & abierunt. Supervenientes autem Sarraceni circumdederunt navim illam in qua sanctum Apostoli corpus ducebatur, ita ut spes evadendi nequaquam esset. Tunc subito factæ sunt densissimæ tenebræ ante Sarracenorum naves, ita ut nescirent quid pergerent. Sicque liberata est navis illa. Quibus adhuc in mare comitantibus, unum ex nautis ejusdem navis à gravi valetudine obtentu ipsius Apostoli divina salvavit clementia. Exeuntes autem ad terram ingenti cum honore Beneventum duxerunt sanctum corpus Apostoli, atque in altario recondiderunt, Anno ab Incarnatione Domini octingentesimo nono, vigesimo quinto videlicet die mensis Octobris. Cujus prior quidem ex Indorum parte transvectio in Lypparitanam Insulam celebratur dicimatertia die mensis Junii: dormitionis verò ejus festiva celebras collitur, ut præmissum est, Nono Kalendas Septembris; sicque ter in anno sacratissima dignè celebratur solemnitas ad laudem & gloriam Domini nostri JESU Christi, qui cum Patre & Spiritu sancto vivit & regnat Deus per omnia sæcula sæculorum, Amen.

Quomodo è  
Lyppara insu-  
la translatum  
sit corpus B.  
Bartholomæi  
Beneventum.  
An. 809.

809.





# HISTORIA TRANSLATIONIS

Corporum SS. RAGNOBERTI & ZENONIS Auctore JOSEPH  
Sacerdore, ex Cancellario Regis Aquitanorum, Præceptore  
Regis LUDOVICI.

*Incipit de Translatione corporum Beatorum RAGNOBERTI & ZENONIS, & de virtutibus quas Dominus per illos ostendere dignatus est.*

## CAPUT PRIMUM.

*De ammonitione sive Translatione corporis.*

ANNO 846.

Ex MS. codice S. Benigni Divionensis.

ANNO Incarnationis Domini nostri JESU-CHRISTI DCCCXLVI. Indictione verò x. anno VII. regnante KAROLO Rege, scilicet filio HLUDVIGI Imperatoris, SERGIO Romanam Ecclesiam gubernante (Apostolatûs honorem sortitus est anno primo, quo sub tempore capta est Ecclesia beati Petri Principis Apostolorum) BALFRIDO Venerabili Episcopo Baiocensium Ecclesiam regente, apparuit beatissimus Baiocensium Ecclesiæ RAGNOBERTUS Pontifex in visu cuidam venerabili viro HERVEO nomine, blandisque eum alloquitur sermonibus: Surge vir Dei, vade ad Baiocas civitatem, & ascende locum qui vocatur Montem Ecclesiæ, ubi quondam Episcoporum ipsius civitatis corpora sepeliebantur: invenies ibi basilicam in honore beati EXSOPERII primi ejusdem sedis Episcopi fuisse constructam; sed jam à suis penè ornatibus avulsam, ut nil decoris habeat, nec etiam ullum ibidem divinum persolvatur officium; sed quassa atque derelicta solitaria, vel ruinam sui casûs præhendens; in quâ beatorum Confessorum RAGNOBERTI Pontificis, atque ministri sui ZENONIS corpora inculte requiescunt sine ullius dignitatis aut honoris reverentiâ: ideoque præcipio in nomine Domini nostri JESU-CHRISTI, ut inde eis cum summæ religionis reverentiâ effosis, perducere eos asportando facias ad propria tui honoris loca, custosque eorum omni tempore fias, atque prævideas ad eorum humanda corpora loca suis nitoribus apta; ubi honorificè permanere valeant. Quo dicto mox evanuerunt. Qui consurgens, reductâ quam viderat visione ad memoriam, consternatus animo incredibilem exhorruit visum. Nam credidit phantasmaticâ illusionem se delusum, & ob id nulli indicavit, sed per omnia oblivioni tradidit. Consideravit autem ponderibus multorum criminum se illatum<sup>a</sup>, ac sæculi scilicet laicalibus negotiis implicatum, visionibus nullo modo se credens cœlestibus perfrui, nec Sanctorum corpora de eorum sepulcris sublevare, neque audere ad propria loca asportare.

Peracto itaque quodam spatio temporis, secundâ vice adfuit isdem venerabilis vir jacenti Herveo super latus sinistrum; visum est ei soporem noctis, ut dextro in latere pugno idem Sanctus percuteret eum, increpans durè, quare prætermitteret prioris visionis jussionem, quam Dominus per servos suos ei digna-

tus fuerat ostendere: qui ob hoc febre correptus, trium mensium cruciamento vexatus est; quæ secundi ordinis visio VIII. Kal. Julii illi ostensa est, quam velut priorem penitus ob suæ fragilitatis considerationem incredibiliter siluit.

## CAPUT II.

*De aspectu terribilium, & de vestimentis beati Ragnoberti, quæ in Translatione ejus illasa apparuerunt.*

APpropinquante autem Nativitatis Domini nostri JESU-CHRISTI celebritate, eadem solemnissimâ nocte post pullorum cantum venerunt ad præfatum HERVEUM duo viri visibiliter, quorum unus vestibus videbatur indutus esse Episcopalibus: planta<sup>b</sup> autem desuper quâ utebatur croceo rutilabat aspectu, quâ etiam eum in sui Translatione corporis vidimus obvolutum, hodieque in sepulcro cum ipso corpore permanere firmamus. Erat enim isdem venerabilis aspectu terribilis, staturâ sublimis, compta capitis cæsarie canities resplendebat, rubicundâ quidem facie ac nimio candore suffusâ: qui ante eum adstans ipsum terribilibus verbis alloquitur dicens: Ego sum RAGNOBERTUS pariter cum ZENONE meo socio, & sumus jussu omnipotentis Dei missi, quos misit JESUS-CHRISTUS ad te tertio, & ostendit per nos secretum misericordiæ suæ tibi: sed tu inobediens, suis jussionibus parere nullo modo voluisti, contumax etiam præceptorum suorum jussâ implere renuisti: & quia hæc quæ tertio tibi nuntiavimus parvi pendens, non oblivioni tantum tradidisti, non attendens cœlitus tibi secretorum arcana revelari; sed quia hæc intrâ te penetrare noluisti, spernens legationis nostræ imperium, ecce complebitur super te quod Prophetæ Dominus voce loquitur, dicens: Qui noluit benedictionem, elongabitur ab eo, & induit maledictionem sicut vestimentum, &c. Scias autem te, quoniam ab isto die præceptorum jussâ perficere conatus non fueris, propter quod inobediens tanti temporis spatio exististi, languore plurimo tempore consumi, ac tale tui corporis luere detrimentum, ut præter servum Dei Job nullus hominum ad vitalia rediens dona fuisset, quantas sui corporis persolvisset pœnas. Ac per hoc castigatus, ne amplius, tanti divini muneris persuasionibus perfunctus, sic incredibilia arbitreris donorum secreta. Id est, si etiam adhuc contumacissimo elationis animo differre tentaveris, ac Dei omnipotentis jussâ implere recusaveris, sit tibi morbo mori elephantino, atque toto leprâ interibis corpore percusso: sanies autem ulcerum scaturiet per munitissimas usque ad exterminationem tui corporis metas, ut vix quilibet carorum sufferre pessimè putentis corporis valeat cicatrices, ac tali perfunctus funere, damnabili in inferno eris sopitus. Ut enim hæc mente pertractans utrum agendi concedatur tibi potestas à Do-

psal. 108. 16.  
& 17.

<sup>a</sup> illatum ] Lege, illigatum.

<sup>b</sup> planta ] Acherius emendat, planeta.

mino, aut ut accepisti perficaciter perficere possis, quindecim dierum spatium tibi attribuitur.

Sanctus autem ZENON, qui cum beato aderat RAGNOBERTO Confessore, (obtectus veltibus præalbis Diaconi videbatur, quæ in Translatione sui corporis nusquam, sicut beati Ragnoberti vestes, comparuerunt<sup>c</sup>) his dictis ab aspectu viri discesserunt. Age nunc vir Dei, recordare, & illatam cœlitus tibi visionem mente pertracta: & quia duo tibi oblata videntur, quæ potius sunt sanitatis tuæ remedia, exsequenda ne negligas statuere, quoniam iudicio divino aut pœnas præsentis vitæ persolves, aut futuras æternaliter.

At subito perterritus evigilans de stratu quo jacebat surrexit, & quæ viderat ratione mentis cum terrore penetravit, & ad Ecclesiam ad quam vespere venit ob Nativitatem Domini nostri JESU-CHRISTI celebrandam, convolvit: ac peracto in Dei laudibus festivæ noctis officio, etiam diurno, sacratissimi diei ministerium audiendo persolvit.

Itaque eodem Nativitatis Domini nostri JESU-CHRISTI, quâ die eandem civitatem territus perrexit, cupiens præfato BALTRIDO proprio urbis Episcopo patefacere nominata. Sed cum nullo modo eum ibidem reperisset, Lindis<sup>d</sup> quam celerim civitate rediit; ibique FRECVLFO ipsius civitatis venerabili Episcopo invento per omnia quæ viderat indicavit. Præsul autem hæc audiens, ad hæc eum perficiendum corroborari studuit, dicens: Si enim quæ asseris vera tibi nuntiata videntur, age vir Dei quantocius, ut perficias quod tibi annuente Domino injunctum est. Dominus enim qui tibi hæc jussit nuntiare, erit in comitatu tuo, ipsumque habebis fortissimum tui operis adiutorem, & diriget pacis suæ Angelum tecum, qui te custodiat, & per viam salutis gressus incedere faciat tuos, ut juxta imperium Domini omnia satagere queas. Sin autem illusionedeceptus quâdam, more somniantis, phantasiarum caperis, hoc nifus & hoc conatus fueris temerarius agere, procul dubio præsentis vitæ periculum animæ, rerumque tuarum incurres, atque pœnâ plecteris æternâ.

Præterea instructus religiosissimi Præsulis FRECVLFI consilio Herveus, assumptis duobus secum venerabilibus Presbyteris, GUINEMARUM necnon HARDUINUM, festinè Baiocas civitatem, ubi Sanctorum requiescebant corpora, perrexit: tamen clam eandem civitatem propter Brittonum devastationem, qui eodem tempore eandem terram occupaverant, & multâ clade regionem deprimebant, aggressus est.

### CAPUT III.

*De introitu Ecclesia quando monumenta eorum translata sunt, & de nebula quæ in crastino per universam illam regionem fuit.*

Introivit autem ejusdem civitatis Ecclesiam, & accensis luminaribus Domini auxilium ibidem deprecabatur. Advesperascente siquidem die ut signum ad completorii sonuit officium, intravit cum Dei Sacerdotibus Ecclesiam, in quâ erant Sanctorum corpora Confessorum. Cœperunt fodere sepulcrum beati Confessoris RAGNOBERTI, & inde devotè cum divini muneris protectione, gaudio magno repleti collegerunt præfati venerabiles Sacerdo-

<sup>c</sup> comparuerunt] Vel legendum *computuerunt*, vel addenda vox, *putrefacta*.

<sup>d</sup> Lindis] Id est, *Lexovium*, ait Acherius.

<sup>e</sup> & obiit] Forè quidem corrupta est pluribus in locis hæc narratio, sed ut non omnes, ita quotquot poteri-

tes ossa beati Ragnoberti Pontificis, elevantesque de sepulcro cum totâ devotionis reverentiâ, adstrinxerunt eum pallio, & novo in vase posuerunt. Post hæc ad ZENONIS ejus quondam discipuli divertunt sepulcrum; quo manus injicientes, tulerunt eum de tumulo quo jacebat, & in alio vase concluderunt. Illucescente denique die Sanctorum corpora cum hymnis & laudibus divinis deportantes, civitatem exierunt. Fuit autem eo die circâ omnem regionem tam densa aëris nebula, ut vix alterutrum conspiciere possent; quod ad viæ subsidium Domino annuente plurimum profuit.

Eodem tempore BALTRIDUS ipsius civitatis præerat Episcopus, qui crimine fuerat nefando apud gloriosum Regem KAROLUM accusatus, & obiit, <sup>e</sup> quia ad sanctam synodum ab eo congregatam convolverat, defuit civitati, in Synodo ad officium quo corruerat, quia ab eo suspensus fuerat, recepit, etiam & donis adornatus plurimis. Interea pergentes præfati viri cum Sanctorum corporibus, vespertinâ factâ divertunt ad quietem in Villam quæ vocatur Nogerolas; ibidem nocte illâ quiescentes in divinis officiis noctem pervigilem duxerunt.

### CAPUT IV.

*De cœcâ à nativitate quæ lumen recepit; & de lumine quod ante illos ferebatur inextinguibili.*

MAne autem facto levantes humeris suis Sanctorum corpora, iter quod Domino favente inchoaverant, carpere cœperunt. Venit in occursum eorum plurima jam turba populi, ac circumquaque religiosi Sacerdotes Dei: & dum secundo die pergerent jam cum multâ populi turbâ, accidit ut pervenirent in locum ubi quidam sceleratorum hominem eadem nocte interemerant. Ac dum sepulturæ corpus ejus darent, ob elemosynam suam cœpit Herveus denuntiare populo, ut ejus pro animâ Domini misericordiam implorarent.

Factum est ut veniret ibidem cœca quædam à nativitate suâ, nomine Bedenigga, & lumen quo semper caruerat accepit, ubi Domino miserante ante Sanctorum exequias sanitatem promeruit. Quod v. Idus Jan. actum est. Eorum enim lumina (etiâ so- leant illo tempore dies nimis imbris ac pluviis abundare) nunquam defuerunt, sed continuè inextinguibilia permanserunt. Levantes autem Sanctorum corpora de loco quo subliterant paululum, ubi & cœca à nativitate lumen receperat, pervenerunt ad basilicam in honore beati VICTORII consecratam, quæ in proprio genitricis videlicet ipsius Hervei est constructa: ibidem deposuerunt Sanctorum corpora super aram in eadem basilicâ fabricatam. Aurorâ siquidem diei surgente, dum Confessorum fama in regione percrebuit, venit quidam homo manum habens aridam, quæ nullo usui erat apta, quam etiam ad os suum nullo modo ducere poterat, & sanitati restituta est.

### CAPUT V.

*De fœminâ quæ quatrduanis febribus vexabatur, liberatâ, & de aliorum multis, & de doloris dentium sanitate multorum.*

O Ctavo denique die quædam fœmina, Savenildis nomine, ad sepulcra Sanctorum Confesso-

mus maculas eluere animus est, ut hoc loco quod ita, ut exstat intelligi non potest, at certissimâ quadam ratione restitui potest, nempe si legatur, & ob id, quia... in Synodo autem officium, &c.

rum quadriduanis febribus vexata convolavit, & mox sanitatis gratiam promeruit, & à suo quo tenebatur languore liberata est. Multi verò his correpti febribus ex vicinis circumquaque regionibus ad præfatorum corpora beatorum cum devotionis suæ votis convenere, & effectum petitionis suæ meruerunt. Diversis necnon infirmitatibus variisque corporum languoribus excruciat, vota sua deferentes advenere, qui Domino propitiante ab omnibus in eodem loco curati redierunt.

Neque enim silendum puto quæ Dominus miracula per servos suos operare dignatus est. Nam hæc audientes & infirmi reformantur ad fidem, atque sani corroborantur ad potiora: dum enim acta studiosi viri Sanctorum litteris alligantur, ut in memoriâ per tempora habeantur, ad magnum suæ devotionis certamen provocant audientes: quorum dum Sanctorum conspiciunt bona actionis studia; ubi se in meliora extendere debeant agnoscunt. Considerant autem se quasi in quodam visionis suæ speculo, & quid deforme visum fuerit, cum Dei nutu expurgare contendunt. Videt enim inibi quisque qualiter debeat Christum imitari in variis sui corporis afflictionibus, & præsentia mundi despiciere, atque ad æternam felicitatem quantocius festinare. Cum enim tormenta persecutionis, verbera & nimia jejunia Sanctorum recitantur, bonæ voluntatis viri compunguntur, divino munere illustrati ad pugnae agonem, ut eandem quam consequuti sunt gratiam sancti Spiritus per certamen laboris, consequantur & ipsi per devotionis obsequium: eoque fit ut imitando per diversa passionum tormenta eos, palmam quam victores adepti sunt, & ipsi qui eos devotè imitantur in æternâ felicitate regnaturi percipiant. Præmium enim supernæ remunerationis in perseverantibus fit: atque ideo perseverantes mercedem laboris prosequuntur. Benè enim expectat promissionem Dei, qui mandatum ejus exequitur, cujus judicium de nostro examine pendet. Quod ferimus, metimus; quod damus, accipimus: dum enim videmus mala mundi diù tolerasse Sanctos, eorumque exempla ad memoriam reducimus, fortiores ad toleranda passionum genera reddimur, quoniam eos præcessisse vidimus jam cum Domino triumphantes. Et si in hisdem infatigabiles angustis pro nomine Domini nostri JESU CHRISTI steterimus, & ipsi gloriam perpetuitatis vitæ consequi merebimur. Multum enim Sanctorum exempla profunt, maxime imitantibus ea. Plurima Sanctorum bona sunt communia multis, atque ideo ea delectantes liberius animum in laboribus, in vigiliis & orationibus & jejniis sublevant, & ad melioris vitæ certamina totâ intentione perficienda coguntur. Si cui autem aliquod hujusmodi virus in penetralia irreperit, mentis inescatis medullis, habet medicamenta castissima quo currendum festinè est, ut antequam ad cicatricis putredinem perducatur, vulnus curetur sanctorum precibus & exemplis.

Nolentes siquidem attingere Sanctorum vestigia, per abrupta viarum gradientes duplici teruntur damnatione: quia bona quæ agere poterant non egerunt, & mala quæ agere non debuerant fecerunt: quapropter acta Sanctorum & etiam miracula eorum quæ Dominus noster JESUS CHRISTUS per eos operari dignatur, ad profectus nostri usum sunt trahenda, & memoriæ commendanda, & semper meditanda; quoniam qualiter Deo placuerunt & servierunt ibi pleniter invenitur. Sed quoniam paululum digressi sumus, ad superiora revertamur exequenda: stilum enim quasi ad alia movimus scribenda: tamen inibi permansimus, quia de eis alferimus.

Tom. II.

Præterea sub eodem tempore cæcus quidam Cinnomanicæ regionis erat nomine Hildegarius, qui per soporem noctis admonitus est ut pergeret ad Sanctorum corpora ob luminis sui receptionem. Qui mox manibus cujusdam famuli sustentatus, perductus ab eo venit ad eorum monumenta, ubi gratia Domini luminis officium quod diù perdiderat recepit, & pristinam sanitatem promeruit.

#### CAPUT VI.

*De paralyticâ curatâ, & de Ecclesiâ constructione admonitio.*

**N**Ec illud prætereundum est, quod paralytica quædam nomine Gissildis, per annos quinque corporis dissolutione jacebat, nec ullum membrum ad sui vigoris officium vel obsequium habere poterat: quæ dum manibus famulatricis suæ allata deportaretur, ante Sanctorum corpora prostrata requievit, cui beatissimus RAGNOBERTUS Pontifex & ZENON ejus socius apparuerunt in excessu mentis, & dixerunt ei: Surgens vade ad Herveum, & dic ei ut construat Ecclesiâ in honore sancti Salvatoris in loco mundo & incontaminato; quoniam nullo modo vult Deus ut in hoc loco quiescamus, & ibi sepeliatur.

Sic est semper consuetudo Sanctorum ut munditiam mentis & corporis quærentes, mundum Deum videre merentur. Proculdubio quisquis Deum videre contendit, munditiam mentis ac corporis nitorem quærere studeat, quia nullis ab aliis cernitur Deus, nisi mundis corde, sicut ipse dicit: *Beati mundo corde, quoniam ipsi Deum videbunt*, & alibi quidam:

*Qui cupis esse bonus & vitam quæris honestam,  
Dilige munditiam corporis atque animæ,  
Munda domus mundum Dominum retinere valebit.  
Nam talis semper hospitis hospes eris.*

Si enim locus corpori mundus ad sepeliendum quæritur, quanto magis puritas cum munditiæ nitore tenenda est? Nihil enim proficit mundum luto corpus tenere vestibus præclaris, animam inferius suis sordibus delictorum sædatam habere, sed nihil officit corpus exterius quibusdam cicatricum vulneribus obvolvi, interius mentem sanitatis in vigore tenere.

Præfata fœmina dum monita audivit, ad hæc verba respondit: Quæ sum ego, ut hæc dum nuntiavero credi valeamus? Nam nullo modo creditura sum. Cui beatus Confessor RAGNOBERTUS respondit: Fac sicut tibi impero, & faciam in te credulitatis signum, per quod omnino dictis credent tuis. Surge, ait, in nomine Domini nostri JESU CHRISTI, & sis ab hac quâ teneris soluta infirmitate; accipiat caro sanitatem suam, ut per hoc quæcumque dixeris fide adstruas. Verum est adhuc aliud indicium rei veritatis ordinem pandens: nam ab hac præsentis die usque translationem corporis nostri, nullum Dominus JESUS-CHRISTUS per nos servos ostendere dignabitur miraculi signum, quamdiù in hac Ecclesiâ erimus ubi corpora defunctorum tumultata jacent, quorum spiritus in inferno cruciatur; nullo modo enim huc accedere possumus. Quid nobis in cœlesti Hierusalem, in patriâ vitæ cum Domino, cum his qui claustris infernalibus obserati torquentur? Fuimus autem in hac peregrinatione quâ currit justus pariter & injustus: licet enim conversatio Sanctorum in hac vitâ semper sit in cœlis ob exhibitionem operum bonorum, tamen corporum conditione æquali sociantur viâ; post quam recedentes de hac flebili captivitate, dividuntur altrinsecus, quoniam justi pergunt ad fe-

R

Matth. 5. 8.

licitatis patriam, ubi solius Dei visione fruuntur cum Angelicis choris, impii & peccatores ducuntur ad fœva tartarorum tormenta, ubi cum diabolo & angelis ejus cruciantur. Et hæc est summæ infelicitatis miseria, in hoc mundo pariter conversari, & vitâ hac pariter frui, sed non æqualiter vivere: pro quo nos huc advenire jam non possumus, cum nostra revivimus corpora; ideo eligatur nobis novus ad humanum locus, quo corpora nostra quiescant, ubi etiam Angelorum gloriosus fiat concursus, & vota placabilia ibidem offerantur, cotidianæ laudes Domino cum divinis die noctuque officiis, quo etiam concurrentes veniam peccaminum impetrare valeant, & variis sanari languoribus, ad quam supernâ illustratione clementi vultu & sereno respiciat sempiternè Dominus. His dictis nusquam comparuerunt. Illa autem statim de stratu quo jacebat sanâ consurgens, nuntiavit Herveo quæ viderat & audierat, & quæ imperata fuerant.

### CAPUT VII.

*De dedicatione Ecclesiæ, & de virtutibus quas Dominus ipso die per suos servos ostendit.*

**H**Æc religiosus vir Herveus audiens, cœpit mente tractare, quo loco, & unde, quibusque ex sumptibus Ecclesiam in honore sancti Salvatoris fundaret. Reperit siquidem Domino annuente locum Deo dignissimum ob præclara Sanctorum merita: & proprius de sumptibus, non ut voluerat atque optaverat, tamen ut potuit Ecclesiam in honore Domini nostri JESU-CHRISTI fundavit, & exiguæ paupertatis inopiâ culminibus erexit, atque variis adornavit speciebus, ut potuit: sicque totum ad perfectum, Domino gubernante, perduxit opus. Jamque advenerat ejusdem Ecclesiæ dedicationis tempus, & beatorum corporum translationis festiva dies, in quâ aderant venerabiles præclari meritum Præsules, id est ejusdem regionis FRECUFUS Lixogenis<sup>f</sup> Episcopus, necnon BALTFRIDUS Baiocensis civitatis Præsul, atque Abrincatenis Ecclesiæ ANSEGAUDUS Pontifex: qui vocati ab Herveo x. Kalend. Aprilis Suiacum villam advenere, pariterque convenientes ad divini muneris laudes celebrandas populorum turbas monuerunt, ac totius noctis vigilias congruis officiis solemniter consummarunt. Et aurorâ die surgentes induunt se vestes sanctas cum multitudine ipsius ordinis Sacerdotum, ad Sanctorum transferenda corpora, & locum mundissimum in quo eos ponerent præparaverunt, in quo totius ferè provinciæ aderat ferè frequentia populi, laudes debitas Deo persolventes, & omnis venerabilium Sacerdotum ordo ad eum festivissimum diem confluerat. Cum quo etiam innumerabilem populum vulgus unius Dei laudes ac vota exultabili lætitiâ referentes, exultabant omni gaudio repleti, expectantes diei festivam solemnitatem.

Jamque ipsius diei quasi hora tertia compleverat, præfati Præsules Ecclesiam beati Victoris<sup>g</sup>, ubi corpora beatorum Confessorum erant, intraverunt. Levantes autem beatorum Confessorum corpora cum hymnis & divinis laudibus ad novè ædificatam domum deportaverunt, in quas tres Dei omnipotentis arcæ<sup>\*</sup> erant constructæ, quarum in medio præparatus ad Sanctorum corpora sepelienda cernebatur locus; quorum unus ad dexterum parietem sepelitur, id est sanctus Ragnobertus Pontifex, alius ad sinistrum humo conditur, ubi usque hodie vene-

rantur sanctam inhabitantes domum. Antequàm à præfatis Præsulibus deportarentur, per sanctificationis gratiam consecratur domus Dei interior & exterior. Etenim tria ibidem altaria trium Præsulum consecrationibus sanctificantur; quorum primum in honore Domini nostri JESU-CHRISTI venerabilis FRECUFUS Lixogenis Episcopus consecravit, medium BALTFRIDUS Antistes Baiocensis Ecclesiæ in honore sancti Ragnoberti & omnium Sanctorum cum Zenonis sanctificavit, quod ad capita Confessorum videbatur esse fundatum: tertium enim Pontifex Abrincatenis urbis ANSEGAUDUS in veneratione sanctæ Dei Genitricis MARIE & sancti Joannis Baptistæ benedixit.

His ita ritè ex more compositis, tumultantur beatorum corpora Confessorum; unumquemque in suis locis cum laudibus & divinis honoribus, Domino gubernante, condiderunt. Fit gaudium totius urbis, ac exultationis intonant voce laudes, & usque hodie perpes inenarrabilis ibidem permanet lætitia. Quantus Monachorum aderat ordo, Canonicorum quàm plurima turba! Videlicet ex vicinis regionibus ferè ibidem confluerat omnis populi multitudo: & quousque sepulturæ traditi sunt, prosequuntur cum hymnis & laudibus, sive quantilibet spiritalibus exultationibus. Quid autem eodem die gaudii actum est, silendum nullomodo videtur. Pluvia enim omnem illius regionis terram occupaverat, ad instar fluviorum cuncta irrigaverat; sed in eodem loco quo populus ad celebrandam festivitatis diem convenerat, nihil omnino pluit, miro modo aliunde venientibus eis aquosus humor defecerat, ibidem verò diem festum agentes eos nihil roris attigerat. Sicque Dei Sacerdotes qui vestes sacerdotales induti convenerant ad corporum exequias beatorum cum omni populo, absque pluviarum imbribus, quousque sepulturæ commendati sunt, etiam gaudentes ad propria pergere cœperunt.

Præterea quæ omnipotens Deus eodem translationis Ecclesiæque dedicationis die per servorum suorum merita agere dignatus est, futuris temporibus ad multorum profectum memoriæ commendandum est. Muta quælibet, Hildeburgis nomine, à nativitate, loquuta est. Quia enim novæ translationis novæque consecrationis Ecclesiæ dies illuxerat, novo miraculorum signo diem illustrare voluit Dominus suo, ostendens plurima illis temporibus fieri signa. Aliud verò vidimus eodem die miraculum quod nec reticendum est. Quædam fœmina Bertinda nomine, dæmonio vexata ibi eadem die liberata est. Præterea cæca quædam ad Sanctorum corpora loco ubi prius ante translationem requieverant residens, misericordiæ Domini postulans dona, ipso festivitatis die illuminata est. His enim tribus Domini signis dies ista cernitur illustrata. Et quoniam tria intus ædificata sunt altaria, trium miraculorum ibidem effecta sunt signa. Siquidem celebratur hæc festivitas solemnissima die VIII. Kalendas Aprilis.

### CAPUT VIII.

*De cæco à nativitate illuminato.*

**Q**uidam etiam cæcus, Hermenricus nomine, ab ipso matris utero, adveniens visum quo semper caruit recepit, & in pristinam meruit reformari sanitatem: sicque luminis sui receptâ claritate ad propria gaudenter remeavit.

<sup>f</sup> Lixogenis ] Acherius emendat, Lenovienis.

<sup>g</sup> Victoris ] Suprà cap. 4. legitur Victorii. Haud ita

multo post pro arca, restituendum ara.

## CAPUT IX.

*De elatione Sacerdotis & crure fracto.*

**D**Um autem repletus gaudio viam quâ venerat ad suam reverteretur Deo gratias referens, obviavit cuidam Sacerdoti equo sedenti nomine Gulfuido, isque dixit ei: Unde venis & quo vadis: Nonne tu ille es qui dudum amisso lumine cum ductore per plana viarum incedebas? Cui cæcus respondit: Ego sum qui nunquam aspectum cæli videre præter hodie merui, sed semper aliorum manibus ductus, vias per quas ire cum ductore habui, perrexi. At, inquit Sacerdos, cujus tibi videtur meriti hoc factum esse, ut amissum acciperes lumen? Qui respondit, Sanctorum Confessorum virtutibus liberatus sum, & admodum sanus effectus. Tunc præfatus irridens sacerdos virgâ quam manu gestabat cras percuciens suum, inquit: Ita enim verò egit ut jactaris Dominus per hos servos hoc miraculum, veluti ego modo frangam hæc mea propria crura. Et dum percussit virgâ crura, talibus dictis continuò crure dolor prosequitur, & terram equo decidens, crus fractum apparuit. Quo indicio manifestatur, & cæcus liberatus est per Sanctorum merita, & Sacerdotis crus ob incredibilem Dei omnipotentis circa servos suos pietatem suam propriâ culpâ fractum. Pervenit autem sermo in omnem illam regionem, & nusquam erat locus quo nomen Domini non invocaretur, & Sanctorum Ragnoberti Confessoris necnon Zenonis ejus socii præclara merita non venerando memorarentur.

## CAPUT X.

*De muliere à fluxu sanguinis liberatâ favente Domino.*

**F**uit autem ex Baliolâ villâ fœmina quædam orta, quæ fluxum sanguinis patiebatur multo tempore: quæ etiam ad Sanctorum corpora, sua vota detulit veniens, ab hac quidem liberatâ est ibi infirmitate, & sanitate perceptâ ad propria reversa est. Sed quia præcedunt plurima signorum miracula quæ Dominus per servorum suorum merita operare dignatus est, quique etiam ad hunc deferri locum eos præcepit, & multa subsequuntur in eodem loco facta; dignum judicamus ex plurimis pauca inferere. Quis enim enumerare valeat, quanti infirmi cotidie ibidem Domino annuente à variis languoribus curantur? Nullus æger causâ suâ ægritudinis devotè ad curandum veniens, ut ibi non mereatur exaudiri atque curari. Quo circa hinc inde diversis vexati veniunt infirmitatibus, semper Domino nostro JESU CHRISTO propitio sanari merentur. Unde manifestè colligitur dum exterius visibilibus sanantur, interiùs per omnipotentis Domini occultissimam pietatem à multis peccatorum nexibus solvuntur, sublevantur delicta, crimina abluuntur, & diversa peccaminum genera Spiritûs sancti gratiâ illustrati medentur. Quapropter cum diversis languentibus ad eundem sanctum locum ob sanitatis remedia festinantibus,

## CAPUT XI.

*De lumine cæco restituto.*

**V**enit etiam cæcus quidam ex villâ præfatâ Baliolas, de quâ fœmina venerat quæ fluxum sanguinis patiebatur, nomine Odricus; & dum ad beatorum Confessorum corpora pervenit, factâ oratione luminis sui claritatem recipere meruit, & qui

Tom. II.

cæcus fuerat veniens, videns gaudio repletus reversus est.

## CAPUT XII.

*Item de filiâ cæcâ à nativitate qua non habuit lumen, & lumen accepit.*

**C**ujus etiam filia cæcitate sui carens quondam, quam habere non potuit, in die festivitatis ipsorum Domino miserante habere meruit, & velut pater receptosux claritatis visu, inde exultanter ad propria remeavit.

## CAPUT XIII.

*De claudâ sanatâ.*

**V**enit præterea quælibet clauda, Regnoara nomine, aliorum manibus deportata ad curationis locum; ubi membrorum suorum debiliūm recepit sanitatem, & propriis gressibus absque cujuslibet suffragio, Domino gubernante, revertitur.

## CAPUT XIV.

*De obedientiâ Hervei, & de infirmitate illius.*

**I**llud inferere placuit, quodd beatus Confessor HERVEO inobedienti suis monitis ventura prædixit. Tertio namque visionis suæ ordine objurgando prædixit, multa eum adversa passurum, eo quod suis monitis non crediderit, & jussâ Domini incredulus non expleverit, sed oblivioni cuncta tradens, & Sanctorum præcepta non attendens: ideoque impletur Sanctorum sermo: licet sero venit super Herveum plaga dicta, intolerabilis tribulatio cordis, membrorum omnium dissolutio, in tantum ut per decem & octo menses continuos cordis & corporis sequeretur dolor. Jamque penè carne defectus, ut vix nisi Domino sustentante vivere in tantâ corporis debilitate quis valeat, admodum cruciamenta tolerare, & quæ dici nec possunt, nec etiam credi: denique refrigerium neque die, sed neque nocte corporis sensit. Cibus & potus tantummodo aqua fuit. Qui nec in partem alteram declinare poterat, nec manum ad os ducere: sicque talibus consumptus cruciamentis, per præfatum diutissimè tempus vexatus est. Sed cum jam tempus misericordiæ Domini immineret, ut ex tanto dolore quolibet modo reciperet suffragium, recordatus præconcessam sibi licentiam à Domino nostro JESU CHRISTO Sanctorum meritis; ad Sanctorum igitur sepulcra delatus est, ibidem Domino favente sanitatis auxilium meruit, & incolumitatis suæ recepit salutem. O ineffabilis divina pietas, & misericordia clemens, quæ ideo in præsentî vitâ puniri facis peccatores, ut in futurâ vitâ puriores habeas; & negligentes tuâ miseratione castigas, ac quælibet diversæque irrogas flagella, ne teneantur vinculis peccatorum adstricti; resipiscentes pravorum actuum mala, operare studeant suæ conversationis bona, per quæ ad patriam vitæ valeant largiente Christo pervenire.

## CAPUT XV.

*De uxore illius à febris liberatâ.*

**D**enique uxor illius MILESENDIS nomine, bonæ religionis fœmina, à febris vexata triduanis, locum sanctum adiens curatur, atque à suâ vexatione medetur. Dæmoniâci quamplurimi ibidem adducti, per eorum merita cotidie curantur. Dentium autem à doloribus ad sancti Zenonis sepulcrum plurimi venientes, & vota persolventes

R 17



liberantur. Quibuscumque enim variis excruciat tormentorum doloribus, ante beatorum Confessorum tumulos veniam postulantes, merentur accipere corporum sanitates atque animarum.

## CAPUT XVI.

*De incantâ rapinarum præsumptione.*

**E**Nimverò scribere non pudet, quid de incautâ rapinarum præsumptione acciderit cuilibet infelicissimo; quantæque miseriarum clades eum subsequutæ fuerint, & cum quo mortis suæ tormento vitam miserabiliter amiserit, dignam ultionis suæ pœnam incurrens. Erat quidam miserorum, crudelitatem rapinarum more bestiarum exercens, unus tyrannorum ex sociis cujuslibet infelicissimi MARTINI, qui secundum suæ voluntatis consuetudinem sanctum locum impudenter aggrediens, manipulos segetum quoscumque ligamine adstringens cœpit rapere, ac de eodem sancto loco deferre. Quæ cum quidam servorum Dei GOTHARDUS nomine, Cellam egrediens ita agentem cerneret, blandis eum verbis alloquitur, dicens: Cur frater locum sanctum tam irreverenter intrasti? & quare spicarum congeriem, de quibus hujus loci Fratres vivere debent, tecum niteris asportare? Isdem ad cumulandum malitiæ suæ votum plenus spiritu immundo inquit: Et si Ragnobertus spicarum foret manipulus, utique equo meo ad comedendum dedissem. Hæc audiens frater Gothardus Cellulam festinus rediit, & clauso ostio Domini misericordiam implorare cœpit, atque Sanctorum merita invocare. Tunc præfatus vir cum segetum garbis ad villam Promerendum nomine perrexit, ubi dum quamdam domum intraret, equo manipulos ad comedendum dedit, & homini cujus erat domus indicavit quo loco garbas invenerat, & qualiter vi acceperat, quodque cum famulo Dei fuerat loquutus indicavit. Cui homo inquit: Contrâ animam tuam, miser, fecisse te pœniteat: vade revertens ad sanctum locum, & reporta quæ præsumtivè hinc detulisti, ac pœnitentiâ ductus humilia te in conspectu Dei ac sanctorum suorum, ne veniat super te furor Domini & indignatio, & consumptus à dæmonio intereas. At ille respondens aiebat: Nequaquam ita per salutem meam faciam, & si idem sanctus garba esset, utique meo caballo ad comedendum tribuerem. Concidens autem cecidit equus, & mortuus est. Tunc arreptus à dæmonio miser, misit digitos in oculum suum, & evulso priore ait; Accipe sancte Ragnoberte oculum mihi sublatum pro garbis tuis. Similiter ut evulset alterum, isque intulit: Accipe etiam istum in meæ crudelitatis miseriam pro manipulis tuis. Rediit etiam ad linguam, & dentibus propriis incisam manu ab ore suo partem linguæ quam inciderat cum sanguine traxit; sicque trium gaudiorum proprii corporis leges datas<sup>h</sup>, etiam trium garbarum persolvit vindictam: postremò miserabiliter capillos capitis rumpendo; mox vitam finivit.

Quin nulli dubium est rodere eum infernalibus tormenta, qui nec expavit dicere sanctum velle dare ad comedendum equo. Sancti etenim cum reverentiâ sunt tractandi, honorandi, & cunctis venerandi. Nam quantis tormentorum terrentur afflictionibus hi qui rapinarum inhiant prædis, cum etiam perplexis quatientur doloribus, & ad infernorum claustra torquendi perpetuò descendant, ubi sine ullo respectu & termino pœnaliter cruciantur, ubi vermis eorum non morietur, & ignis non exstinguetur, sed sempiternâ corrolione quisquis crematus luet pœ-

nas æternas. Tu autem quicumque hæc legeris, legentem audieris, recole ista, & ad memoriam sedulâ meditatione reduce, ut in talibus cavenda attendas, ac si venenum fugias, ne talium imitator actuum ad easdem pervenias pœnas. Sufficiat tibi de propriis tuis vivere, aut ingenio bono aut arte victum quærere, ut ab his vitam perficias istam.

## CAPUT XVII.

*Item adhuc simile miraculum.*

**A**ddendum præterea videtur adhuc simile miraculorum signum, videlicet cujusdam sceleratorum, qui ob suæ præsumptionis execrabilia acta dignum ultionis suæ adeptus meritum, & improbitatis probatur audacia, etiam eum damnationis subsequitur vindicta. Etenim quidam servorum nomine Modingus, servus tamen fratris Hervei, cui nomen Crelion: hic stimulatus à diabolo, accessit audacter ad quamdam domum segetibus plenam latrocinii causâ: & quia ostii clavim non invenit, pede ter aut quater percussit, atque in tres partes ostium domûs fregit. Exin trium modiorum marsupio pleno latenter fraude sustulit, cui ipsi tertio die pœnæ vindicta mors subsequuta est. Nam corpus ejus in tribus partibus est divisum; & quia ostium domûs per tres partes divisit, tres etiam annonæ modios furto asportavit, trium partium sectione corpus illius truncatum est: & sic tali morte dignus vitam finivit. Pro quo quisque auditor paveat, & terreat locum hunc ubi sanctorum corpora Confessorum venerantur, accedere, nisi humiliter, conversari nisi reverenter, aut agere nisi quæ honesta & pudica sunt, & ad loci utilitatem proficit, aut loco sanctæ religionis decenter congruit; quoniam si aliter fecerit, aut ibi circumquaque operatus fuerit quæ non expediunt, nullo modo permanebit: quia vindicta mox suæ damnationis eum sequetur. Tu autem, homo, attende hujus sanctissimæ religionis conversationem, & quæ sequuntur pietatis bona amplectere.

## CAPUT XVIII.

*De dolore dentium Karoli Regis, & de dono quod Sanctis largitus fuit.*

**K**AROLUS denique Rex Franciæ, Aquitaniæ, Nivstriæ gloriosissimus, dolore dentium tactus, vota ad beatorum corpora Confessorum misit, statim remedium adeptus est: Cui nobilissima conjux HERMENTRUDIS venerabilis Regina ob munificentia suæ pietatis meritum petiit præfati magnificentissimi Karoli Regis magnificentiam, ut aliquid proprii largiri dignaretur sanctis Confessoribus. Cujus petitioni favente Deo annuit, ac suæ pietatis donum ob suæ venerabilissimæ conjugis meritum eidem beatis Confessoribus largitus est, atque per auctoritatis suæ præceptum ibidem res cum omni integritate quas in juris beneficio habere visus fuit, perpetuè habendum tenendumque confirmavit. Fuit autem isdem magnificus Rex KAROLUS circa loca Divino cultui mancipata devotissimus, ut nullus prædecessorum suorum Imperatorum videlicet & parentum aut Regum fuerit, qui tantis munificiarum suarum rebus exornando Ecclesiis Dei contulerit veluti ipse. Quapropter villam quæ vocatur Veteradomus veniens, venit ad eum ibi Brittonum HILISPOGIUS Princeps, cum filio præfati sublimissimi Karoli Regis HLUDOVIC, nomine, ibidemque Hilispogius consilio cum Proceribus Francorum no-

<sup>h</sup> *leges datas*] Forte, *pœnis datas*, ait Acherius; mihi nihil hîc emendandum videtur.

bilibus, Hludovico filio suo Regnum Niustria dedit, & in hac Regni parte eum regnandum constituit, & in eodem placito ob maximæ suæ conjugis nobilissimæ HERMENTRUDIS devotionisque petitionem beatis Confessoribus, veluti aliis plurimis Sanctorum locis, largitus est ad servorum Dei ibidem Deofamulantium stipendia. Unde largiente Deo cum aliis quibuscumque rebus, quas ibidem Deo timentes contulerunt, ejusdem Ecclesiæ Fratres vivere queant. Maxima autem Reginarum HERMENTRUDIS non solum Regem ad hoc agendum provocavit, sed etiam pallium ad beatorum corpora Confessorum misit, dicens: Ex rebus impetratis meorum peccaminum veniam ad vitam æternam adipisci merear, & pallio misso pectoris mei infatigabilem dolorem sentire præsentialiter quæro. Quod ita fidei ipsius comperimus fuisse, qui nec jam in primo gloriosi Regis Hludovici anno, scilicet filii magni Regis Karoli & Hermentrudis nobilissimæ conjugis ejus gloriosæque Reginae, pro amore Dei omnipotentis & beatorum Ragnoberti Confessoris atque Pontificis, sociique sui sancti Zenonis Confessoris veneratione contulerunt.

Ego JOSEPH peccator, Sacerdos omniumque servorum Christi ultimus, quondam autem Aquitanorum Regis Cancellarius, nunc inclyti Regis Hludovici liberalium litterarum etsi immeritus præceptor, atque ejusdem sacri palatii cancellariorum ministerio functus, olim studiis litterarum Turonis sub eruditione AMALRICI Turonensis Archiepiscopi cum PAULO Rotomagensi Archiepiscopo, cujus ego JOSEPH peccator Sacerdos indignus, quando ad hoc scribendum provocatus stilum admovi, utique hi prælibati Pontifices unoquoque quasi mente præsentem corpore vita, non ut debui hæc scribere curavi, cum nec idoneus vetustatis eloquentiæ fuërim, sed rusticitatis insipientiæ errore perfusus. Unde provolutus ad cunctorum fidelium pedes jacens humiliter postulo ne meis sermonibus indignemini.

## INVENTIO SANCTORUM

A

## DOMNO DEODERICO

### PONTIFICE REPERTORUM.

ANNO 970.

Inventa corpora Sanctorum

**A**NNO INCARNATIONIS DOMINICÆ DCCCC. LXX. magno & gloriosissimo Cæsare Augusto OTTONE, cum æquivoco suo admirabilis indolis adolescente filio æquæ Augusto, simulque magnarum virtutum conjugē ADELHEIDE, quæ nihil unquam justius, mansuetius, prudentius, nec magis pium quidquam potuit esse, Italiæ sceptris pio iustoque moderamine pacificè ac solidè usque in fines Calabriæ gubernantibus, Dominus & venerabilis sanctæ Mettis Episcopus DEODERICUS, ipsi magnifico Imperatori sanguine ac miræ dilectione atque familiaritate conjunctus, cujusque consultu promiræ sapientiæ prærogativâ, cuncta Palatina agebantur negotia: in eadem Italicâ expeditione constitutus, in quâ triennium ferè militavit; dum di-

vino præcipuè cultu deditus, quæque ad honorem, decoremque seu munimentum suæ sanctæ sedis, certatim exquireret, & efficaciter votis ejus cuncta suppeterent, corporum Sanctorum maximam copiam ex diversis Italiæ locis, divinâ se gratiâ adjuvante, collectam, digno se cultu atque honore alibi præstantius veneranda, eidem suæ sanctæ sedi Mettensi invehere studuit. Horum primum sanctum & venerabilem Christi Confessorem ELPIDIUM ex Marforum provinciâ sumit, concedente ALBRICO, ipsius Marliæ Episcopo, ex quâdam Ecclesiâ sedi Episcopali proximâ: quæ sedes super lacum Fucinum sita, quid olim fuerit, ruinæ urbis, & plurimarum circa Ecclesiarum ac Monasteriorum frequentia attestatur. Hunc nobis ipse Episcopus, cæterique incolæ retulerunt, fuisse ex Collegio quorundam Servorum Dei, qui tempore antiquiore ex partibus Græciæ, numero LXX. in eandem Marforum provinciam adventantes, ac diversis circumquaque locis vel civitatibus universis mirabilium signorum lumine fulgentes, ubicumque in sanctâ conversatione finis vitæ advenerat, venerabili sepulturâ reconditi, multâ vicinorum longe lateque reverentiâ, pro assiduâ miraculorum jucunditate coluntur. Horum tres, quorum hic tertius fuit, in eodem Cœmeterio quiescebant, CALISTRATUS, EUTICUS, & hic ELPIDIUS.

Porro EUTICIUM Imperator sustulerat, & ne qua in accipiendo posset adhiberi fallacia, sepulcro intacto, satisque munito, nec à die repositionis ulla violationis signa monstrante, priusquam ab aliquo incolentium præsciretur, Episcopo tantum ALBRICO, & paucis ejus Clericis assistentibus, Presbyter noster TEUDO, cum Presbytero Imperatoris HERWARDO, arcam sancti, quod nisi altari desuper effracto nequiverant, aperiunt; ipsique per sacra ossa miri candoris, nec minùs fragrantis odoris, omnia numero ac quantitate integra, excipiunt, scrinioque recondunt. (Hujus diem XVI. Kalendarum Octobrium celebrem habemus.) Veniens proximè abhinc in territorium Amiterninæ urbis, quæ & ipsa ruinas tantum ostendit, ab eodem Albrico Episcopo de Monasterio suæ ditionis Reate subjecto, pretiosissimum Martyrem EUTICEM accepit, cujus beati socii VICTORINI jam anno superiore Reliquias emeruerat, simulque & partem sancti MARONIS pariter passi, quorum & loca passionis aspeximus, & ipsas aquas Cotilas, sædo odore spirantes, in quibus verso capite suspensus fuerat Martyr. Passionem denique eorum scripta retinent sanctorum Nerei & Achillei: hunc ipse venerabilis Dominus Deodericus ibidem assistens, ex ipsâ arcâ marmore fortiter munitâ, mirâ cum exultatione ac veneratione excepit VIII. Kal. Octobris. Hos duos Adhelardus filius Gerardi in patriam asportavit.

Fulinas, castrum non procul à Spoleto, FELICIANUS magno undecumque concursu hominum affluente corpore sacro tuebatur. Eum BENEDICTUS ejusdem Fuliniensis castri Episcopus multo cum fletu largitus, per BERTRAUM Diaconum, & HERWARDUM Presbyterum IV. Nonas Octobris, ex intimo ipso antro sustollitur, Passio ejus descripta est. In saltu qui Collis dicitur, qui Perulæ adjacet civitati, ubi tunc Imperator autumnali exercebatur venatu, Monasterium erat antiquissimum super fluvium Tiberim, qui ibi mediocri vado præterfluens,

a Inventio] Hanc historiam ex MS. codice S. Symphoriani Metensis descriptam esse à V. C. Hadriano Valesio monet Acherius; sed cum ille codex in Bibliothecam Colbertinam translatus deinde esset, Baluzio libuit eum cum editis conferre; nec sanè inutilem operam in eâ re collocavit; nam primum quidemprehendit, continuam esse

in eo codice narrationem, & à Valesio excogitaram esse divisionem in quatuor capita, quam, quod nullius usus videretur, sustulimus: deinde maculas aliquot, quæ ejusmodi erant ut sententiam omninò turbarent, absterxit. Quæ leguntur in margine, idcirco adjeci, ut facilius reperirentur nomina Sanctorum de quibus hic agitur.

R. iij

ELPIDI.

EUTYCHIL.

EUTYCHIS.

MARONIS.

FELICIANI.

ASCLEPIO-  
DOTI.

b

fui exinde usque ad urbem Romam pelagi profunditate augetur. Hoc pulchro quondam opere marmoreoque ornato, ut videri dabatur, exstructum, sed tunc vetustate collapsum, Martyris egregii ASCLEPIODOTI membra venerabiliter humata tenebat; cujus tumbam, forti nimis saxorum ac terræ congerie obclusam, dum cum magnâ tandem difficultate Theudo, Bertraus, Rothardus penetratam, marmore sancto corpori proximior nudassent, inveniunt monumentum imo usque <sup>b</sup> profundo dimissum, & per medium à capite usque ad pedes, quodam limite, ex ipso naturaliter saxo quasi divisum, quod tamen diligentius inspectum, unum continuumque constabat; Beati verò corporis medium hinc, medium illinc, membris alterutroque unum contrâ alterum oppositis\*, excepto capite solo, quod in unam integram partem jacebat diligentissime collatum. Hoc Aedituus & reliqui dixerunt, indicio voluisse antiquitatem signare, quod & ipsi verè asseverabant, eundem Martyrem crudeli genere passionis, medio corpore vivum exsectum, eique attestandæ ita in monumento dividuo positum. Hunc pariter digno, ut par fuerat, honore sublatum VII. Kal. Octobris venerabilis Pontifex suscepit. Diem Natalis ejus ab incolis IX. Kal. Novem. didicimus. Nam gesta ejus minimè ab Episcopo de Sisa\*, ad quem locus pertinebat, quivimus extorquere.

SERENÆ.

GREGORII.

Sanctissima Virgo SERENÆ apud Spoletum in Monasterio sancti Martyris Savini, foris muros urbis, ubi & pluribus miraculis coruscabat, quieverat. Ad quam penè quotidie magnus populorum veniebat concursus, ita ut noctes quoque pervigiles turbæ cum lucernis cæterisque donariis ibi peragerent. Hanc quoque cum integris toto corpore ossibus, missio illuc Rothardo Diacono cum aliis sibi fidelibus viris, venerabilis Pontifex est adeptus. Reliquias quoque Beati Martyris GREGORII Spoletini ibidem obtinuit, cujus passio scripta est. Beatæ Serenæ præter quod in passione sancti Savini reperimus, eam ipsum beatum Martyrem tumulasse, nihil plus gestorum perquirere potuimus; quæ tamen tam assiduis se virtutum commendat insignibus, ut vivâ harum lectione oculis objectâ, gestorum attestatione quid fuerit in vitâ non egeat. Dies ejus X. Kalendarum Decembrium, eodem quo & sancti Savini Martyris, celebratur.

VINCENTII.

Inter hæc Romam missio prædicto Diacono Rothardo, dono Domini Papæ JOHANNIS, qui tertius decimus in eo nomine erat, partem non modicam Catenæ beati Petri in Basilicâ, quæ dicitur ad Vincula, eandem portionem exsecante, promeruit: cum eâ quoque privilegium Monasterii sancti Vincentii, cum dalmaticâ & sandaliis Abbati ejusdem loci Apostolicâ prærogativâ concessis, idem Dominus Papa direxit. Hæc omnia Adelbertus Clericus cum CONONE Comite transulit. Beatum Martyrem magnum & Levitam VINCENTIUM in civitate quâdam antiquissimâ, quæ ad solum usque jam longo tempore diruta fuerat, nomine Corduno, quæ ab Arretio XII. millibus distat, ex Monasterio proximo satis pulchro ornato, quod multâ itidem frequen-

tiâ venerabatur, Bertraus Diaconus, comitante secum quodam Clerico Episcopi Arretini, (ei nomen Crisulfus) indice loci, cum magnâ licet difficultate, viæ quoque non minimo periculo sustulit. Hunc ex Hispaniâ in Italiam deportatum, firmiter allèuerunt. Cujus modum Translationis postea Domino Præsule Beneventum veniente, dum Nurui Imperatoriæ à Graciâ venienti obviam missus esset, plenius cognovimus: juxta Capuam siquidem Monasterium jam penè dirutum, nomine Sancti Vincentii reperimus, quod grandi & miro opere quondam à tribus fratribus nobilibus constructum, Veteratini qui ibi tunc pauci Monachi viscebantur, dixerunt. Et corpus sancti Vincentii postea à duobus Monachis ex Hispaniâ ibi clam deportatum, atque multis deinceps temporibus maximâ veneratione habitum, donec à paganis eodem Monasterio vastato, corpus sanctum inde sublatum, & ad prædictam Cordunensem civitatem esset translatum.

Tunc etiam Episcopus Arretinus non modicam portionem sanguinis beatissimi Protomartyris Stephani in vase crystallino, optimè auro gemmisque composito, & de sanguine Innocentium in aliâ pyxide, capillis sancti Petri, breviculis per singula apposis, quamvis invitus, & summo in discrimine apud Imperatorem sui rerumque suarum positus dedit. Et quia redemptionis suæ facultas eum angustabat, precatorem sui nostrum venerabilem Præsulem per hoc, & per corpus S. Vincentii, paravit; atque sic in gratiam Imperatoris, eo interveniente, vix rediit. De hoc ipso beato Martyre plures Italorum Episcopi jam ante sæpe tentaverant, ut id acquirere possent; in quibus AMBAOSIUS Bergamensis, pro eo quod sedes Episcopatus sui in honore Sancti Vincentii esset, & ante breve tempus cum quibus potuerat, diem quo eum excepturus\* esset statuerat: sed Domino ordinante, ut in crastinum ille condixerat, nocte præcedenti à nostris præoccupatum est. Hoc Clerici de Monte Romarici tulerunt. In Sabinis regione, non procul ab urbe Româ, milliario fere XL. sancti Martyres PROTUS & JACINTUS erant reconditi, aliquanto negligentiore custodiâ. Hos Abbas quidam de Monasterio Sanctæ MARIÆ, quod dicitur Farfara, venerabili Pontifici nostro, dum de causâ suâ eum apud Imperatorem sibi fieri intercessorem rogaret, quia nullo tantum munere eum cognoverat delectari, partem primò obtulit, sed postea mirâ instantiâ\* Domini Præsulis, quidquid inde reperire potuit, adjecit. Ipse cum suis Monachis dans super sancta Evangelia sacramentum, verè ea ossa sanctorum PROTI & JACINTI existere. Hoc post natale Domini, dum Româ reverteremur, in vicinio Hortæ civitatis est actum.

PROTI.  
HYACINTHI.

Sed Romæ tunc nobis constitutis, munere Domini Papæ JOHANNIS, pignora sanctarum DIGNÆ & EMERITÆ, quarum corpora in porticu Ecclesiæ Beati Marcelli Martyris sunt recondita, quæ est ante Sanctos Apostolos; simul & alias singillatim repositas, cum propriis annotationibus, diversorum Sanctorum reliquias accepit, in quibus & scandalium Sancti Stephani: hæc omnia per Willardum Mona-

DIGNÆ.  
EMERITÆ.

b imo usque] Non ignoramus quidem, ubi nihil aliud nisi codicem ipsum quo Acherius usus est sequimur, inutilem à nobis infumi operam in iis representandis quæ in melius immutata sunt; sed quod ita fermè homines comparati sunt, ut dum æqui erga eos qui ex hac luce jam sublati sunt videri volunt, iis quos vident sint reverà paulo iniquiores, nemo mihi visio vertet, si ut aliàs, sic hoc loco demonstrum non id frustra esse quod superius dixi, maculas aliquot absterfas esse ope Baluzii. Quamobrem lectorem scire volo, ita olim editum fuisse ab Acherio, imò usque profundum dimissum.

Et per medium & infra beati verè corporis . . . . . alterum appositis, & infra etiam Episcopo decisa, ubi ita quidem edidimus, ut in codice, reperit Baluzius, sed post eum monemus legendum de Esiis, cum urbs illa non sub Affisi solùm, sed etiam sub Esiis, & Esiis nominibus agnoscat à veteribus.

c excepturus esset] Posterior vox de erat in priori editione, in quâ haud ita multo post legebatur mirâ instantiâ, ubi Baluzio, imò codice ipso monente restitimus mirâ instantiâ.

VINCENTII.

chum Mauri Monasterii missa sunt. Alterum sanctum VINCENTIUM Episcopum ex Monasterio quodam in Comitatu Urbini, à Ravennâ milliario fere L. juxta Petram-pertusam, ab Abbate rebus necessariis nimis attrito, quia aliud quod daret pro relevatione loci non habuerat, partem primo offerente; sed Bertrao illuc misso, multâque arte strenuè agente, percepit. Hujus passionem descriptissimus, hic per IMMONEM Comitum missus est.

LEONTII.

Civitas Vincentiâ est non longè à Venetiâ, ad quam olim Langobardi, dum Italiam invaderent, primam urbium venisse dicuntur. In eâ Martyr LEONTIUS Monasterio celebri venerabatur. Hujus Episcopus loci Reliquias nostro Reverentissimo Præsuli, si pro causâ suâ Imperatoriam interpellasset Majestatem, repromisit. Mox misso illuc Rothardo Diacono, cum Episcopus nimium se fecisset difficilem in dando, præter quod dumtaxat promiserat, tandem continuâ exigentis victus instantiâ, præter pauca sibi pignora retenta, reliquum corporis totum largitus est. Hunc & Beatum CARPOFORUM Romæ passos, ab eadem civitate non longa ante tempora translatos, incolæ asseverabant: ubi & nobile quondam Monasterium sancti Felicis visebatur, ubi & primò reconditi ferebantur, sed eo ab Ungris, qui penè locorum ipsorum vicini sunt, exulto, atque assiduâ incurfione eorum reparationem prohibente, ad sedem Episcopalem infra urbem sub altare depositi, unde & præfatus Rothardus Diaconus, sanctum quidem Leontium totum, sancti verò CARPOFORI reliquias non modicas ab ipso quo clauderantur summis altari, effracto sepulcro. Passionem eorum incendio deperisse dixerunt. Natalis eorum XIII. Kalendas Augusti celebratur. Teudo eos detulit magnâ & universali Ecclesiæ celebritate.

CARPOFORI.

LUCIA.

Memorabilis Virgo & Martyr LUCIA Syracusana, quo ordine ad Religiosissimi Præsulis nostri avidissimam devotionem pervenerit, WIGERICUS Presbyter noster tunc Cantoris, nunc Custodis beati Stephani officium gerens, qui ea sacra ossa manibus, ab ipsâ quâ non levi munimine artabatur extulit urnâ, quem satis tutæ fidei constat, quibit exponere. Ea in Corfinio, quæ vetus olim civitas fuerat, nunc totâ dirutâ, quiescebat: ad quem locum de Sicilia eam fuisse translatam à FAROALDO quodam Duce Spoletino, verè nobis assertum est. Hanc ipsam Syracusanam esse, de quâ responsoria & antiphonæ generaliter cum Missâ ubique canuntur, ipseque Episcopus loci, manu sua sancto Evangelio appositâ, confirmavit. Cum jam Româ, regiis nuptiis ibi ingenti gloriâ peractis, reditum in patriam disponeremus, ultimo beneficio, eoque pluribus copiosiore, venerabilem Præsulem Dominus Papa de quatuor portionibus craticulæ sancti LAURENTII locupletissimè cumulavit. Eas Wigericus cum Joanne Monacho, ab ipsâ sacrâ crate extuderunt: hæc verò fuerunt capita virgarum quæ per transversum jacuerant costis exterioribus infixæ; nam virgæ omnes, quæ sex in eâ fuerant, jam inde à diversis Apostolicis, à vetusto tempore quibusque Regibus erant dono collatæ; è quibus una, quæ adhuc ante paucos annos supererat, magno Imperatori Ottoni ab OCTAVIANO concessa est: hæc dum extunderentur costas propius intrinsecus, capita quæ infra fortiter tenebantur, remanserant: quæ tamen ferro appposito manu percusso, licet laborioso conamine, sunt discussa.

22



## VITA SIVE MARTYRIUM

ANNO 1069.

## SANCTÆ ROMANÆ

Virginis &amp; Martyris.

*Item Fundatio, & Dedicatio Ecclesiæ & Canonii sanctissimi QUINTINI Martyris ad Bellovaci muros.*

## CAPUT PRIMUM.

DEUS Bonus, Justus, Omnipotens, qui misericordiam suam humano generi nunquam negavit, omnesque in commune mortales ad cognitionem sui abundantissimis semper beneficiis erudit, voluntariam errantium cæcitatem, & proclivem in deteriora nequitiam secretiore consilio, & altiori pietate misertus est, mittendo Verbum suum, coæquale sibi atque coeternum: quod caro factum, divinam naturam naturæ contemperavit humanæ; ut illius ad infima inclinatio, nostra fieret ad summa provectio. Ut autem hujus inenarrabilis gratiæ per totum mundum diffunderetur effectus, cum duodecim Apostoli per Spiritum sanctum omnium edocti fermocinatione linguarum imbuendum Evangelio mundum, distributis sibi terrarum partibus suscepissent, Beatissimus Petrus Apostolici ordinis Princeps, & Coapostolus ejus Paulus, Vas electionis, ad arcem Romani destinantur imperii, ut lux veritatis, quæ in omnium Gentium revelabatur salutem, efficacius se ab ipso capite per totum mundi corpus diffunderet. Hæc autem duo præclara divini seminis germina in quantas segetes populorum pullulaverint, attestatur ad passionis tolerantiam eorum exemplo roborata ibidem occisorum innumerabilium copia Martyrum.

Romana igitur ab eis plantata Ecclesia, & à successoribus eorum irrigata, Domino præstante incrementa, ad extirpandas antiqui hostis versutias, per diversas mundi partes direxit de fidei suæ fonte potatos divini prælii bellatores. Hujus intentionis devotione egressi sunt ex eadem urbe duodecim Christi milites nobilissimi, & egregii prædicatores, qui Galliarum se ingerere non dubitarent atrocitati, idololatriæ eradicaturi falsitatem, & fidei seminaturi veritatem. Inter quos velut lucernæ super candelabra positæ, effulserunt Christi Martyres QUINTINUS, atque LUCIANUS: quorum alter Ambianensem, alter verò Belvacensem, quoadusque insigni martyrio coronarentur, adorati sunt expugnare incredulitatem.

SS. Quintinus &amp; Lucianus.

## CAPUT II.

ERANT eodem tempore Romæ in sanctæ conversationis habitu duodecim virgines generosæ, invicem sibi unâ religiosæ fidei familiaritate conjunctæ: in quarum mentibus virtus sacre opinionis procreaverat honorabile-culmen gratissimæ honestatis. Eruditæ enim erant multimodis virtutum generibus, & sanctarum documentis Scripturarum formabantur omni opere pietatis, proficientes sanctæ devotionis gratiâ, divinâ eis propitiante clementiâ. Audientes itaque quorundam relatione multimoda supradictorum Martyrum certamina, simili desiderio accensæ, concordante voto, neglectâque patriæ & parentum dulcedine, fines Gallorum, Domino ducente, feruntur advenisse. Præcordialiter enim scientes, quoniam quicumque plus laborat in Dei servi-

tio, majoris præmii remuneratione condignus habetur in futuro, elegerunt temporales sustinere angustias, quibus retributiones nanciscerentur æternas. Nulla dolositas, nullus rancor invidiosæ fraudis obviaverat in itinere Sanctis, quoniam unitæ erant auxilio dexteræ cœlestis. Gratia autem divini Spiritus admonente, ab invicem separari iussæ sunt; quod unaquæque earum suo ingenio fructum multipliciter acquireret Deo.

SS. Benedicta,  
L. oberia, &  
Romana.

Beata igitur nomine & merito **BENEDICTA** cum quâdam collectaneâ suâ **LEOBERIA** Laudunum venit. Et **ROMANA** Belvacum adiens, cœpit toto cordis affectu Domino famulari. Sociatâ enim quibusdam Christianis, quos Dominico ovili adjecterat prædicatio sancti Luciani, instabat jejuniis, & orationibus crebris, & despiciebat omnia pro amore patriæ cœlestis. Erat enim miræ patientiæ, sanctæ humilitatis, & cœlestium gratiarum exornata donis; mente tranquillâ, sermone nitida, & opere sancta. Sic antecedeat nobilitatem corporis nobilitas mentis.

### CAPUT III.

**C**um autem Princeps terreni Imperii à principe suo diabolo instigatus ad delendam Christianæ fidei religionem, & exaltandam idolatriæ superstitionem, perlata terrarum spatia iniquitatis decreta divulgasset, servos Dei & ancillas, ubicumque inventi fuissent, aut idolis immolare, aut per diversa tormentorum genera mortis periculo subjacere adigebat. Urbs in monte constituta, Beata videlicet Romana, suprâ fundamentum, quod est Christus, posita, occultari non potuit. Accepto enim in vase oleo, accensam vigilans lampadem, quæ minimè exstingui posset, habuit, quæ ab amoris Christi flagrantia neque minis suppliciorum, neque deceptionibus blandimentorum aliquatenus tepefieri potuit. Resistens igitur fortiter persequutoribus, acceptâ capitali sententiâ, maluit pro Christo mori, quàm diabolicæ servitutis spurciâ inquinari. Transverberata est itaque gladio piissima virgo. Cujus anima stollâ innocentie & virginitatis ornata, summi Regis conspectibus est præsentata, Agnum quocumque ierit cum his qui sine maculâ sunt, ante thronum Dei sequutura.

Romana gladio transverberata, martyrio coronatur.

Corpus autem ejus à viris Christianis interim sepelitur: quod tamen exarscente idolatriæ infamia, & florescente Christianæ Religionis doctrinâ, translatus est in sancti Petri sacrario, & honorificè vallatus sepulturâ. Sed quoniam priscis qui fuerant temporibus artati persecutionis instantiâ, ordinem passionis ejus non scripserunt; & posteri de eâ, quæ non perspexerunt, ne adinventores innotarum rerum æstimarentur, asserere dubitaverunt; decreverunt majores nostri diem martyrii ejus se non solemniter celebrare, nec tamen memoriam ejus passi sunt omnino inolescere, scientes quod martyrio coronata, Christi coheres regnat in gloriâ.

### CAPUT IV.

**N**ostis verò temporibus cum Comes Flandriensis **BALDUINUS** puerum Philippum **HENRICI** Regis filium, ad regni proveheret solum, ipsumque pro eo disponderet regnum, civitas Belvacensis suo destituta est Antistite. Annuente igitur supernæ pietatis æquitate, **GUIDO** decanus, Custosque Ecclesiæ sancti Quintini Vermandensis, & Archidiaconus Laudunensis, constitutus est à præfato Principe Belvacensium Episcopus; ordinante

Guido Belvacens. Episcopus, succedit Guilberto an. 1063.

cum cum cæteris ejusdem provinciæ Episcopis viro illustri **GERVASIO** Remensi Metropolitano. Vir quippe nobilis prudenter ascendens altiores gradus Ecclesiæ, adeptus est culmen Episcopale. Qui facile non carere se ferens præsentia Martyris, de cuius uberibus Ecclesiæ suxerat lac doctrinæ spiritualis, in honore & memoriâ ejus ædificavit Ecclesiam haud longè à mœnibus Belvacæ civitatis in amœnissimis locis. Circumdatus enim pratorum, fluminisque jucunditate, & vinearum ubertate, alacriores efficit ibi conversantes, vernæ viriditatis continuâ recreatione, & purissimi aëris saluberrimâ delectatione. Quæ cum sit admirabilis specie suæ compositionis, admirabilior haberi potest ipsâ facilitate celerissimæ constructionis. Nulla enim tam brevi spatio tantum opus efficeret vis humana, nisi intercedente Martyre virtus auxiliaretur divina. Duobus quippe annis incepit, & perfecit eam in decore suo. Idem reverendus Guido Episcopus dealbatam undique & depictis insignitam laquearibus, honoratam pretiosis ad cooperienda altaria, sive parietes in gyrum ornamentis, cum sacerdotalibus reliquorumve ministrorum indumentis; ornatam auri & argenti copiâ, unde honorabiliter deforis decorata sunt multa sancti Evangelii volumina, perfecta sunt vasa ad conficienda Dominici corporis & sanguinis Sacramenta, & ad reliqua Ecclesiasticis utilitatibus congrua mysteria, additis redditibus quæ sufficere possint quàm plurimum Canonicorum necessitatibus, paratis circum multis ædificiis vitæ eorum maxime opportunis.

### CAPUT V.

**Q**ui inspiratione divinâ, sapienti usus consilio, cum grandi honore, comitantibus turbis psallentium Clericorum atque laicorum, transtulit corpus præfatæ Virginis & Martyris **ROMANÆ** de Sacrario sancti Petri, ad eam quam construxerat Ecclesiam, uno antequàm dedicaretur die, eo videlicet quo ipsius recolbatur memoria, nullâ hominum providentia observante, sed solius Dei gratiâ, ad exaltandam suæ Martyris gloriam disponente. Constitutum est namque ut ab eodem tempore annis omnibus ejus festivitas honore illic congruo celebraretur. Aggregavit idem Episcopus undique collectas multorum Sanctorum Reliquias; quarum partem in altaribus, & in Sanctis Sanctorum collocaret, partem auro & lapidibus includens, sancto Altari ad ornandum templum anteponeret.

Sed quoniam de ejus Dedicatione Ecclesiæ fecimus mentionem, non inconvenienter videtur aliqua de ipsâ differere: quoniam nec multo ante tempore, nec post dedicatam sancti Remigii Ecclesiam à Domino Leone Papa viro sanctissimo, audita est in aliquâ mundi parte tam gloriosa dedicatio. Ad hanc enim advenientes Ecclesiæ Sancti Quintini venerabiles personæ, triumphali honore advexerunt secum ipsum corpus egregii Martyris. Convenerunt etiam cum copioso Cleri militiæque comitatu multi Episcopi, **GUIDO** Ambianensis, **RATHOLDUS** Noviomensis, **GUALTERUS** Meldensis, **HUGO** Trecaassinus, **ODO** Silvanctensis, **MANASSES** tunc nobilis Clericus, mox futurus Remensis Archiepiscopus. Convenit utriusque sexûs, diversarumque ætatum innumerabilis populus. Quâ alacritate, quo triumpho occurrit Episcopus Belvacensis advocato suo Martyri Quintino, & Coëpiscopis suis? quoties, & quanta obedientiâ obtemperantes ei in ipsâ die solemniter secum processerunt Belvacenses Canonici? Quæ lætitia, quod gaudium per vicos & plateas

Idem Fundator Ecclesiæ S. Quint.

Incepit est Ecclesiæ S. Quintini. Belvacens. ædificium an. 1067. & an. 1069. consummatum

Dedicatio Basilicæ Quintinianæ; & Translatio corp. S. Romanæ.

Quam celeberrima fuit dedicatio.

a qui fuerit. Ita lego: prior editio affuere.

agitabatur?



agitabatur ? Non enim indigena erat , qui non amicum , propinquum , socium , hospitem advenisse cognosceret , letusque amplexaretur , cum in eorum susceptione nemo gravaretur . Curia enim Episcopalis sufficienter omnibus omnia distribuebat necessaria .

Plura Sanctorum corpora ex diversis locis ad dedicationem allata.

Orta est interim Dominica dies : & ex præcepto Antistitis processit ad dedicandam Ecclesiam congregatio omnis Clericorum , atque Monachorum , cum Sanctorum corporum pignoribus , & reliquiis sacræ militiæ insignibus . Hic ergo Sanctorum sociorum Quintini , & Luciani corpora sibi obviam facta sunt . Hic sancti pueri & Martyris Justi , Sanctorumque Geremari , & Ebrulsi , atque Constantiani Confessorum , hic Sanctorum Romanæ , atque Angadrisinæ virginum corpora collecta sunt . Congregatâ multitudine infinitâ , Pater GUIDO cæterique Pontifices sacris accinguntur indumentis : qui antecedentibus se sanctis corporibus , circuitione debitâ exteriora Ecclesiæ purificant ; ut quod illi agebant visibili mysterio , invisibili sanctificaret effectû . Quam deinde ingressi in dedicatione ejus , & in divinæ laudis sacrificio diem perduxerunt in vespem . Quibus peractis omnes qui advenerant , sine alicujus exceptione personæ , non solum illo , sed & subsequenti die superscripti Patris solemne recepit convivium . Completâ itaque tantæ Dedicationis exultatione , idem Coëpiscopos suos recedentes amplissimis lætificavit muneribus . Competenti autem Virgini & Martyri veneratione , sanctam Romanam in præfatâ Ecclesiâ quiescentem annis pluribus honoravit . Illa verò quæ dubitantibus , & se non dignè venerantibus noluit aperire , credentibus , & honorantibus eam , quoddam ab omnipotenti pietate quæ vellet obtineret , evidentibus documentis asseruit .

Guido in exilium pulsus à Rege.

Nam cum Rex PHILIPPUS adolescens , de procuratoris potestate egressus , regni sui gubernacula suscepisset , & juveniliter iracundia ejus exardescens in sæpe dictum Venerabilem virum Belvacensem Episcopum non rectè , non jure expulsum ab Episcopatu suo , ablatis omnibus anno integro exilii pœnâ fatigasset , tandem recuperatâ Regis benevolentia , desolatâ , & penè ad nihilum redactâ sedi suæ restituitur Episcopus .

## CAPUT VI.

Reliquiæ S. Romanæ per diversas Galliarum provincias circumferuntur.

CUM verò major vastitas , vehementiorque desolatio , & ornamentorum alienatio Ecclesiæ quam construxerat incubisset , Clerici condolentes eam , cui serviebant , diutius esse inornatam , simulque auctorem ipsius à redemptione eorum quæ ablata fuerant , allevare cupientes , circumtulerunt egregiam virginem Romanam per vicinas regiones , in redimendis Ecclesiæ ornamentis expensuri quidquid eis à fidelibus offerretur . Qui cum pago Vilcalino gradientes , apud Medantum pervenissent , extrâ oppidum in quadam Parochiâ hospitium habere decreverunt . Erat in eodem oppido quidam languens Berengarius , qui per triennium infirmitate detentus à lecto non surrexit . Hic audiens Clericos cum sancto corpore advenisse , mandat eis suppliciter per affines suos , ut sibi unâ nocte ante sanctam Virginem permittant excubare . At sacri thesauri custodes primò cautæ observationis gratiâ omnem à se segregandum extraneum , nec hunc accipiendum dictitantes , mox Presbyterorum , & reliquorum non spernendi testimonii virorum , bonum esse illum hominem , sed languere referentium , precibus inflexi , petitioni ipsius acquiescunt . Allatus est itaque in lecto qui se movere non poterat . Qui quantam fidem habuerit ,

Tam. 11.

quantâque devotione supplices Deo preces sanctæque virgini obtulerit , sanitas reddita declaravit . Colloquutus namque post noctem mediam cum sacri corporis ministris , testatus est se sanctam Virginem Romanam visitasse , & omnem infirmitatem ab eo abstulisse . Quo audito læti , usque dum lucefceret in divinis laudibus permanere . Venientibus autem mane ad Ecclesiam Presbyteris cum populo , gaudens referebat in publicum sanus factus , quantâ liberationis gratiâ , interveniente sancta Virgine , resperferit eum Dominus . Divulgata illicò res per oppidum ad venerationem virginis incitat universos . Quam cum hymnis & canticis suo oppido inferentes , in Ecclesiâ sanctæ MARIÆ semper Virginis hospitalitate honorificâ receperunt . Cumque die altero ministri sancti corporis cum eodem recederent , sanitati redditus pariter profectus est . Cumque admoneretur ut rediret , respondit se nullatenus domum suam ingressurum , neque à sanctâ Virgine recessurum , donec unde egressa fuerat , ad sancti Martyris Quintini reportaretur Ecclesiam . Quod & fecit , & se sancto Quintino , & sanctæ Romanæ liberatrici suæ in servum perpetuum dedit .

Itinere verò quod cœperant pergentes , cum longitudine viæ fatigati Argentolio requiescerent , quantâ benedictionis suæ largitate famulos suos Beatissima Virgo paverit , referamus . Erat enim tempus Quadragesimale , in quo inundatio pluviarum exuberantiam fluviorum auxerat : ipsaque exuberantia capiendorum facultatem piscium excluderat . Cum autem alumnos sanctæ Virginis & extensum iter , & prolixius jejunium indulgere sibi largiore refectione admonerent , egressi ad vicini fluminis ripam pisces , quos de naviculâ egredientes conspiciunt , ut sibi pisces pro amore sancti corporis , quod secum deferebant , tribuerent , aut venderent postulabant . Qui prius sciscitantes unde , & cujus meriti esset sanctum illud corpus , & quo nomine diceretur , tandem responderunt se neque pisces habere , neque aliquos in transactis quindecim diebus proximis accipere potuisse , totumque diem illum in opere tali frustra consumpsisse , & tamen in nomine Domini , & honore sanctæ Virginis iterum in aquam ingressuros , & si quid acciperent , ei alacriter oblaturos . Res mira credibilis eorum qui videre , & affuere , assertionibus comprobatur . Mox enim ut ingressi flumen dimiserunt in eo rete , conclusa est piscium copiosa multitudo : de quibus , plurimis sibi retentis , obtulerunt sancto corpori nonaginta quinque .

His atque aliis virtutibus insignis , gloriosa Virgo cum apud Belvacum referretur , communi exultatione ab omni populo recipitur , & ad Ecclesiam sancti Quintini , unde asportata fuerat , lætis psallentium , veniamque postulantium vocibus deducitur , & inter Sanctorum Sancta reponitur . Ubi si quis fide certâ Dominum deprecaturus advenerit , sine dubio postulata amborum intercessionibus obtinebit : quod multarum infirmitatum curationes , & crebræ laborantium nobis insinuant consolationes .

Nos ergo festivitatem sanctæ Romanæ unanimiter , & cum gaudio celebremus , pretiosumque supradictum martyrem cum eâ imploremus , ut ipse pro fundatore & glorificatore Ecclesiæ suæ ; & ipsa pro institutore , & amplificatore solemnitate suæ Domno Guidone Episcopo , & devoto Clero , omnique populo intercedere dignentur apud eum , cui servierunt , cui placuerunt , in quem vivunt , per quem possunt quod possunt , qui est benedictus , & laudabilis , & gloriosus , & superexaltatus in sæcula , Amen .

# MONITUM.

**L**IETBERTI Camerac. Episcopi vitam eruit exscripsitque vir Religiosus æquè ac eruditus SIMON Guillemot, insignis Abbatiae S. Gislei in Hannonia Supprior è Dominici Sepulcri Camerac. Monasterii libro MS. & ad nos transmisit. Auctor vitæ hujus anonymus sese ineunte sæculo XII. vixisse indicat his verbis secundi capituli, de Gerardo Lietberti predecessore agens: Quàm sanctè vixerit, quàm Canonicè Ecclesiam sibi commissam rexit, testes sacre Religionis homines, nostris adhuc temporibus superstites. Illius vitæ sæpè meminit Colvenerius in Notis ad Chronici Cameracensis librum tertium. Cæterum Baldericus Noviomensis Antistes eo in Chronico gesta præcipua S. Lietberti, quem penitus & apprime noverat, (quippe ejus à secretis exstitit) suæ conscripsit stilo, ac posteritati commendavit.

## INCIPIT VITA DOMNI LIETBERTI EPISCOPI CAMERACENSIS.

### CAPUT PRIMUM.

*De Ottone & Henrico Imperatoribus.*

**R**OMANI principatûs Imperiale solium brachio militari sustentabat Otto Junior, Regumque veterum potentiam relegens, mobilitate juvenilis animi conabatur omnium fieri potentior. Ut autem meditata compleret, admittebat consiliis Imperialibus commercatricem Romanorum barbariem, donis & beneficiis saturare gestiens eorum ingluviem: sed Palatinis canibus, ut allolet, accedebat ex frequenti assiduitate contumax insolentia, & ex nimia familiaritate contemptus. Adeo efferbuit factionum infania, ut pelleretur ab urbe Imperator non sine morte suorum. Dum cogit ad vindicandas injurias militum castra, dum stipat Imperiales turmas, defungitur; atque cum luctu & mœore suorum honore Regio in Ecclesiâ Aquilgrani sepelitur.

Eo de medio facto, HENRICUS Baiuvariorum Ducis Henrici filius nutu & providentiâ Dei ex consilio Lothariensium purpurâ vestitus Regiâ, armis insignitur Imperialibus; qui quàm prudenter, quàm fortiter, quàm pacificè, quàm Catholicè suum rexit Imperium, monstrat nominis ipsius intitulatio, per quam non modo Augustus & Imperator, sed insuper Orthodoxus atque pacificus attulatur. Sedatis sine sanguine hostibus, suoque potens vixit Imperio, plûs paci & pietati studens, quàm militiæ, plûs Catholicæ & Apostolicæ religioni serviens, quàm furori Martio.

### CAPUT II.

*De Gerardo.*

**I**Nter hæc ERLUINO Cameracensium Pontifice defuncto, ipse dominus Imperator suorum usus non segni consilio, GERARDO suo Capellano, Lothariensium atque Karlensium parentibus edito non intimis, assensum præbuit super electione de eo factâ Cameracensis Episcopi. Qui factus Pontifex, quàm sanctè vixerit, quàm Canonicè Ecclesiam sibi commissam rexit, testes sacre religionis homines nostris

adhuc temporibus superstites, testes instauratio & restauratio domorum sanctæ matris Ecclesiæ, index est Florinarum nobile Cœnobium, in honore Dei & memoriâ Beati Joannis & indicis Christi, sumptibus ejus constructum, paternisque hereditatibus adheritatum: monstrat Cameracensis sedes ope studioque ipsius nobiliter decorata; necnon in capite sedis ejusdem pontificaliter exaltata testatur Atrebatensis Ecclesia per eundem Pontificem melius pulchriusque quàm fuerat restaurata post conflagrationem cœlestis incendii. Cujus rei ordinem, cæterorumque bene gestorum scire volentes, ad ejus vitæ textum dirigimus: nos in sumpto fasce deludabimus.

### CAPUT III.

*De ortu domni Lietberti, & de profectu ejus in studio litterarum.*

**T**Ripudiabat Christianus Orbis pacifici Regis sustentatus brachio: gaudebat mater Ecclesia Sanctorum concordia justitia, de virtute in virtutem gradientibus cunctis sub evidenti cœlestis sponsi cantico, quàm pulchri sunt gressus tui in calciamentis, filia Principis? In hoc ergo pacis tranquillitatisque solatio, bene sibi consentientibus Regno cum Sacerdotio, præclari decoris jubar effulgit in Brachatenli provincia, nobilis infans nobili ortus prosapia consueti more Christianitatis traditur Ecclesiasticis sanctionibus, postque sanctum baptisma Chrismatis unguine delibutus, divino prælagio nomen accepit LIETBERTUS, & merito, quippe qui liberaturus erat plebem sibi committendam de hostis rabidi versutis hiatibus: tantum Reipublicæ studuit libertati, ut suis imaginibus Lietbertus publica tranquillitas adscribatur.

Ablactato puero, nullum fit discidium, pari consensu parentis utriusque elementis imprimitur litterarum: & quamquam generi repugnaret nobilitas, Militemque magis quàm Clericum quæreret maternarum paternarumque multiformis possessionum hereditas, forti supervenit fortior, qui potis est vasa fortis diripere; suoque corpori sanctissimo coaduna-

Cam. 7. 1.

re discit, auditque puer docibilis, & docilem puerum vicinia cuncta reclamantes audiunt parentes & propinqui, & congratulantur ei. Ita rumore secundo insinuat prænominato GERARDO Præsuli, carnis genere sibi propinquo: mox ad audita requisitus puer, transfertur educandus in aulâ pontificali, daturus tritici mensuram suo in tempore familiæ domini sui. Traditur pædagogis sub scholari magisterio, servaturus pastoralis curâ greges tonsuram, quæ ascenderunt de lavacro. Ducitur sitibundo pectore currens ad fontem philosophiæ, & saporis triperiti septem rivos ebibens, modo studet Logicæ; nunc insudat Physicæ, sic intendens vacat Ethicæ: mirantibus Magistris penetrat labyrinthos Scripturarum, & conferens cum collegis, dissoluta colligat, & complicata differat. Fit Magister ex discipulo, & qui docendus venerat, docet doctore iudicio; à Magistris recitatur Pontifici de adolescentis industria, de moribus, de scientiâ, de religione mundâ.

## CAPUT IV.

*Ubi scientiâ merito Archischolus efficitur.*

**D**Omni Episcopi jussu, omniumque suorum fidelium assensu præficatur cunctis Scholaribus prudenti dispensatione, ut in hoc probaretur utrum perseveraret in devotis moribus. Suscepit Magisterii Scholaris dominatum: sed ne solliciti laboris studiosum pondus abjicere videretur, contrâ spem quorundam columbinis oculis gaudet ex munere. Ingreditur Imperialis magistri benè pudorata gravitas Scholarum palatia, cujus ad aspectum pallentibus labiis cunctorum suspiciunt obtutus: expectant intenti quid velit, quid innuat, quid vel cui subeat: fervet studium, præcipit quisque sibi locum: ingerunt multiplices diversarum lectionum quæstiones: omnibus ad omnia prudentissimus Doctor responsa parat; quippe scientia cujus erat crater tornatilis nunquam indigens poculis. Ita multiplicem sensum peritissimi cordis temperans affabiliter, quos erudiendos susceperat, inservit diligenter; diligenter, inquam, introducendus in cubiculum Regis dormiebat tamquam potens crapulatus à vino, inter medios cleros pennæ columbæ deargentatæ, cujus dorli posteriora in viriditate auri: scilicet inter mysteria utriusque Testamenti; servante enim gentiliū litterarum disciplinâ rutilanti eloquii præclarum leporem, retinebat intrâ sacrum cordis docti armarium divinarum Scripturarum testimonio doctrinæ cœlestis aureum nitorem. Felix & prudens scientia quæ tunc alluescebat in Scholarium studiis, quæ post declamatura erat in populis; quodque dicatur planius, post peractum studii Scholaris magisterium commutatus est in honore Regio, sublimatus ad summi Sacerdotii cœleste ministerium. Intercurrentium nuntiorum relatione jucundâ replicatur Pontifici quid noster Archischolus agat, qualiter se habeat: prædicatur indicibilis scientia, prædicabilis doctrina, sollicitudo non pigra, religio munda & immaculata. Miratur Pontifex & exultat, Deique collaudans munificentiam, votis supplicibus auditis meliora precatur.

## CAPUT V.

*Ubi Procurator domûs Episcopi constituitur.*

**S**Ed quoniam tanti senis ætas in dies ad decrepitem vergebat, præcavens quod assolet in eâ ætate, scilicet minus providè sua disponere, deliberat prudenti consilio illum de cujus gloriabatur præconio, suis domesticis præficere. Deliberata complen-

Tom. II

tur, Scholis abstrahitur, & inter Palatinos Proceres Pontificalis domûs procurator exaltatur. Felix Regia tanto sustentanda Procuratore: sed felicior familia tam prudenti gubernanda provifore. Doctor puerorum fit Consul populorum, quique concutiebat crepantes ferulas inter carmina Poëtarum, discernit super civiles multiplicium causarum querimonias judicare. . . . legum ordinaria jura. Benedictio perituri super eum veniebat, & cor viduæ consolabatur; & conterebat molas iniqui, & dentibus ejus rapiebat prædam: quodque magis stupeas, ab omni munere manus excutiebat.

## CAPUT VI.

*Ubi cum Præpositurâ honor ei Archidiaconatus tribuitur.*

**T**ertiam jam ætatem hominum vivebat; nec erat ei verendum, ne vera prædicans videretur insolens aut loquax, ex cujus ore dulcius melle fluebat oratio. Ad præclaram enim magnitudinem animi doctrina uberius accesserat, & illud omnino canonum in voce splendebat. Liberalis Procuratoris tam liberalem libertatem percipiens sancta mater Ecclesia, filium quem sibi nutrierat substractum suspirat, vi eiisque forensibus custodem positum conquesta, ut etiam suam vineam custodiat, ordinari sibi Archidiaconum deposcit quo carebat. Senio gravescente defessus jamdudum Pontifex veretur invidiam, profusisque lacrymis super hac re cœlestis oraculi recurrit ad arcam: tandem apparente nube Divini consilii suscipit responsum, non absurdè sanctam Ecclesiam suam reposcere filium: Fit discidium prædicabile, fit divortium memorabile; Aulicæ potentiâ militari suum retentant Præpositum; Cærus & populus jure Catholico sibi viriliter extorquent Archidiaconum. Diuque pensatis viri virtutibus, accepto consilio, Dei nutu judicatur dignus sublimari non solum Præposituræ dominio, sed insuper insigniri Archidiaconatus officio. Et quia eum Divina clementia & sapientiâ & virtutibus exaltaverat, commodum duxit Episcopus eum magnificare, conferens Archidiaconatum cum ministerio Præposituræ.

## CAPUT VII.

*Quam sanctè & religiosè in his officiis se habuerit.*

**A**cceptis honoribus ita utebatur, ut perfruentis majoribus dignior judicaretur. Recipit mater Ecclesia non prodigum filium, porcorum filiquas esurentem, sed Symonem nostrum columbæ septemplex filium, post esum serpentum reptiliumque Cæsaream introeuntem; Cornelii quoque domum, scilicet sanctam Ecclesiam verbi Dei pabulo satiantem. Videres in uno homine Mariam & Martiam, nunc circâ frequens ministerium satagentem, nunc ad pedes JESU cum lacrymis & attentis orationibus cor pectusque tundendo suppliciter procumbentem. Modò cum Jacob in agro contrariis aëris tempestatibus afficiebatur, modò rediens domum lactis coagulos mellisque favos pueris partiebatur; nunc in navi residens, divaricarum tempestatum marinis fluctibus premebatur; nunc introductus in cellam vinariam, per dilectionem Dei extendens se in amorem proximi, sanctæ charitatis exercebat fructus. En noster Salomon veri David filius, templum Domini sapienter administrat in cujus structurâ, nec securis, nec mailleus sonat. En verus Moyses sacris undis servatur, & in domum Pharaonis constitutus, gladio spiritus quod est verbum Dei. . . . transit de portâ in portam, ut de-

S ij

Psal. 77. 65.  
Ibid. 67. 14.

Act. II. 6.

struat, evellat. & ædificet & plantet. Temporum labente curriculo GERARDO Pontifici vergentibus annis ad occasum quarta supererat senectuti causa, quæ maximè angere atque sollicitam habere eam ætatem videtur, appropinquatio scilicet mortis, quæ certè à senectute non potest longè abesse; sed LIETBERTUS Levita magnificus, curiæ Pontificalis provisor sollicitus, quem honoribus exaltaverat, in omnibus eum sapienter juvabat.

## CAPUT VIII.

*De WALTERO Cameracensi Castellano, & JOANNE Attrebatensi Advocato.*

**E**RAT tunc temporis WALTERUS Cameracensis Castellanus, qui ob nimiam sui factus superbiam, suæque potentie indicibilem insolentiam ab inimicis suis interfectus interiit; unicumque filium cum uxore suâ superstites reliquit; quæ quidem uxor ERMENTRUDIS nomine ab infantiâ mariti sui non cessabat, sed pejora quæque operans mariti malitias superexcellerat: & quia ut desiderabat, id per se adimplere non potuit, filius enim ejus puer erat, tyrannum quemdam nomine JOANNEM Advocatum Attrebatensem in conjugium sibi copulavit, suumque & filii sui tutorem esse constituit. Filius autem ille mox mortem obiit, secundum quod scriptum est, *Cognatio impiorum peribit*. JOANNES autem satagebat quocumque poterat post mortem privigni castellaturam sibi transducere; quod lex nulla permittebat: obstabat insuper Rector sapientissimus, cui subrepere nullus poterat dolus. Unde confictis causis JOANNES inimicitias ei insimulabat, quin etiam ei mortem collaturum plerisque revelabat; sed quoniam justus in Deo confidit, parvi pendebat signifer matris Ecclesiæ consilia malignitatis, implere studens opere quem gestabat nomine trophæum libertatis.

## CAPUT IX.

*Quam strenuè & prudenter LIETBERTUS Novum Castellum custodierit.*

**I**NTEREA Præsul infirmabatur, & cum ætatis decrepitæ molestiâ febris acutæ valetudine angebatur, ita ut à domo suâ nisi alterius manibus asportatus exire nequiret, neque disponere quid, quod sibi vel Reipublicæ utile foret. Libertas autem patriæ LIETBERTUS cum eo assiduus esse non poterat, quoniam apud Novum Castellum ejus custodiæ deputatum manebat. Ibi miles Christi totius provincie propter incurfantium latronum rapinas, opportunas vicinias tutabatur, de cujus defensionis auxilio tam sui quàm externi, tam vicini quàm longinqui gloriabantur. Si quomodo quilibet hostis incurans ipsius provincie fines positos intrasset, auditis viri virtutibus & nomine, statim retrogradus, tamquam viator viso serpente refugit, necnon intra securas latebras accelerando sese recipit. Pacis erat subsidium, salus provincie, pes claudis, lumen cæcis, defensio pauperum, spes viduarum, protectio pupillorum, timor hostis & arma suorum. Nec enim incursione, nec eminens hostis aut cominus gladiis utebatur, sed ratione, consilio & scientiâ. Et quamvis ad cunctorum nutum penderet & arbitrium, præferbat tamen omnibus domni Pontificis imperium, quem sæpius revisebat, necnon amaritudinem dolorum & infirmitatum, conturbationesque causarum consolationum suarum mellitis refocillationibus dulcorabat. Ut enim adolescentibus bonâ

a Gerardi ] Imò Walteri.

indole præditi sapientes senes delectantur, leniorque est eorum senectus, qui à juventute coluntur & diliguntur; sic adolescentes senum præceptis gaudent, quibus ad virtutum studia ducuntur.

## CAPUT X.

*De morte GERARDI, & electione LIETBERTI Archidiaconi.*

**S**UPERVENIENTE suæ vocationis tempore Præsul GERARDUS defungitur; Joannes tamen remanet in civitate castellaturâ indonatus. Porro sepulto Pontifice cum reverentiâ quâ decebat & honore, convenit in unum Cameracensis Ecclesia, pari consensu electura domnum LIETBERTUM prochi ad Pontificatûs honorem. Hunc itaque Clerus & populus totis visibus expetunt Pastorem, quem pium senserant contra hostes protectorem; sciunt eum rapacibus non cedere lupis, quem Gerardi & Joannis cæterorumque tyrannorum non cessasse noverant armis. Igitur pari consensu, simili consilio, consonâ voce ordinari sibi deposcunt Episcopum, quem plenum pietate & misericordiâ hæcenus habuerant Archidiaconum: justum quippe fuerat, ut ubi devotè militaverat, ibidem promotionis culmen obtineat: sed eo contradicente, simul humanæ fragilitatis multimoda discrimina sapienter opponente, capitur, trahitur, Pontificali throno sublimis exaltatur. Victus liberalis Archidiaconus modò precibus, modò ratione, non sine lacrymis cessit precantum votis; sit gaudium celebre pariter consonantibus signis, divini respectûs misericordiam laudantibus cunctis. Neque parvipendebant se se adeptos quod petierant: meritò quippe gratulabantur; qui per Deum boni Pastoris electione gratulabantur. Non enim viri virtutes & justitiam populi noverant famâ, sed dicto crebrius in suis necessitatibus senserant experienciâ: cum laudibus hymnisonis ad aulam ducitur Pontificum, protensisque manibus omnes ei spondent fidelitatem.

## CAPUT XI.

*Electus cum aliis personis Casarem adiit.*

**P**OSTHÆC Henricum Regem adeunt novus electus, scilicet domnus LIETBERTUS Præpositus & Archidiaconus, aliique Archidiaconi, cum casatis Cameracensis Ecclesiæ, nuntiantes destructionis suæ casum flebilem, & Episcopi sui depositionem. Illis quippe diebus apud Agrippinensem Coloniam excubans super observationis Quadragesimæ diem Resurrectionis Dominicæ præstolabatur Dominicum, consulturus ibidem nobile suorum Palatinorum consilium. Audiens obitum tanti viri, piè ei: eo quod omnibus amabilis erat, condoluit, cœpitque quærere diligenter quis in loco ejus stabiliri potuisset. Sed quoniam veneranda dies superveniebat ea quæ Paralceves denominativum accepit, suorum sententiam Procerum super hac re dominus Imperator consulere distulit: cui quidem in hac re sollicito suggestum est à Cameracensibus, quod LIETBERTUS ejusdem Cameracensæ civitatis Præpositus, qui suus jamdudum Capellanus erat, quem fidelissimum sibi & civitati illi sæpe necessarium probaverat, ad regendam Cameracensem Ecclesiam electus esset ab omnibus: id ipsum tamen ne Dominicæ passionis sacramenta, Christianæque religionis ob suorum recordationem præceptorum Dominicorumque venerationem, supplicum votiva silentia intercideret videretur, interim siluit, donec sacrosanctæ Resurrectionis illucesceret dies. *O altitudo divitiarum*

R.m. 11. 33.

*sapientia & scientia Dei: quàm incomprehensibilia sunt iudicia ejus, & investigabiles via ejus! ô præclara divinæ dispensationis scientia! ô venerandam Catholicæ fidei gratiam! ô quàm gaudiosum, quàm conveniens est, ut eodem die Regali, necnon Imperiali liberalitate Levita magnificus LIETBERTUS obtineret Pontificalis electionis Regalem prærogativam, quo Rex Regum Christus victor rediens ab inferis, triumphato diabolo suum liberavit plasma! ô prælagium prudens! ô diem celebrem, in quo Liberator animarum & salvator universorum Lietberto Levitæ liberalem Pontificatûs largitus est pro-  
vectum! Jam sanctum mane fenestras intrabat,*

*Noctifugasque suo radios spargebat in orbe,*

*Propellens tenebras Hecates phœbeia lampas.* cum Rex sopore depulso cubicularios vocat, sibi-que Imperialem sessionem parari mandat. Convocatis itaque Cameracensis Ecclesiæ Legatis, suæ voluntatis sententiam Rex eis aperuit, Lietbertum scilicet Præpositum se simul cum eis eligere Cameracensis Ecclesiæ Episcopum. Audito viri nomine subrectis in cœlum luminibus omnes Deum Regemque laudaverunt, Regiæque voluntati lætantes assensu sunt.

## CAPUT XII.

*De GUONE ejus adversario.*

**H**UIC Imperiali consilio cunctis assentientibus, submurando cœpit obistere unus legatorum, scilicet Archidiaconus Guo, qui sicut averſus vocabulo, sic discors & judicio: hoc tamen probatum est eum fecisse duabus ex causis, factione Joannis prænominati, vel quoddam huic adspirabat honori. Sed quia probata virtus corripit insipientes, mox à domino requisitus Imperatore, palam confessus est majoris & sublimioris honoris dignissimum, quem huic submurmurabat non aptum. Nam dum palam privatimque sciscitaretur, quid in viro Dei contradictionis & calumniæ nosset, respondit sub sacramen-  
ro veritatis & fidei: neque nosse, neque novisse quod ei officere posset: insuper protestatur Diaconum sine reprehensione, judicem ornatum moribus, benè Catholicum, domui Dei provisorem sapientissimum, confirmabat totum sine macula, quem Deus perfuderat gratia, adstruebat magnopere viri virtutes egregias, animi constantiam, sollicitudinem non pigram, jejuniorum vigiliarumque assiduitatem, orationum lacrymarumque devotionem. Ad hoc dominus Imperator subtitit paululum, regalesque vultus componens, sic demum ora resolvit:

*Plurima sanctorum relegentes gesta virorum,  
Scimus Martinum virtutis culmine dignum  
Tunc & laudatum, dum credit eum reprobatum  
Præsul Defensor, non sanus ad omnia censor.  
Consimilis facti, similis sententia pacti;  
Lex eadem fraudis, si non par gloria laudis.  
Unde per has notas quas præsens contulit atas,  
Culmine Pontifico, testante quod est inimico,  
Ni defraudetur, me iudice dignus habetur.*

It cœlo clamor Dei cuncta gubernantis laudantium gloriam, dominique Regis confirmantium sententiam.

## CAPUT XIII.

*Ubi electio Domni LIETBERTI ab Augusto & cunctis Principibus confirmatur.*

**E**LECTUS est in die sancto Paschæ domnus noster LIETBERTUS ab Imperatore, cunctisque Palatinis Principibus, atque laudatus & testificatus à suis omnibus. Videres omne palatium gaudio &

exultatione repletum, ipsum etiam Imperatorem incipientem *Te Deum laudamus*, prosequentibus cunctis ad Ecclesiam cum hujus hymni jubilatione. Solemnisabat Mater Ecclesia coronata Episcopi resurrectione & victoriâ, plaudebat domni LIETBERTI celebri electione, præsertim ad prærogativam electionis Imperatoris. Actum est Agrippinæ in Palatio Imperiali, confirmatum in Ecclesiâ S. Petri Principis Apostolorum & cœlestis Clavigeri. Ita annuente Guone cum cæteris omnibus; donavit civitatem Cameracensem cum suis appendiciis omnibus domino LIETBERTO Imperator Romanorum HENRICUS III. Sic accepta missione, & omnibus competentibus adimpletis, properabat ad suam civitatem reverti.

## CAPUT XIV.

*Ubi Joannes Ecclesiam S. MARIE & aulam Episcopi invadit, & extra portas urbis eum claudit.*

**F**AMA præcurrente nuntiatur Joanni quod factum fuerat; quâ de causâ nimium perterritus, diuque reputat quid facto opus sit, postea suis in unum coactis animi sui secretum revelat, affirmans domno Lietberto nullum civitatis introitum præbere, nisi sibi Castellaturam quam ambiebat prius voluerit dare. Tali consilio matrem Ecclesiam Dominæ nostræ sanctæ MARIE violenter invasit, & ejectis Clericis thesauros Ecclesiæ & quodcumque intro reperit, suæ ditioni mancipavit, militesque suos armatos inibi posuit; aulam Pontificalem superbus intravit, uxorem suam in cameram Pontificis introducens, stratumque suum in lecto Pontificis fecit parari, sibi-que, & satellitibus suis de sumptibus Episcopi præcepit ministrari. Cum hac agentur, novus civitati appropinquat domus, cui Joannes cum parato occurrens exercitu portas clausit, & longè repulit ab introitu. Itaque divertens ad Novum Castellum cum honore & lætitiâ recipitur à suis, ibique aliquamdiu mansit.

## CAPUT XV.

*Ubi Comes Flandria electum Episcopum à Castello usque ad urbem secum deducit.*

**R**EDIENS Comes Flandiarum BALDUINUS à Rege Francorum, eum ibi invenit, & de dominio ejus lætus effectus, usque ad civitatem Cameracensem secum deduxit. Appropinquantibus eis nuntiatur Joanni, qui mox fugâ lapsus liberum introitum concessit domno venienti. Exhilaratus gaudet Princeps patriæ, mox sacrandus Episcopus tum pro adeptâ gratiâ Imperatoris, tum de rabidi Joannis superatâ superbiâ, civitatem Cameracum omnimodis exaltare satagebat. Cives itaque qui diutinæ seditionis oppressione paupertati redacti fuerant, pacis dulcedine vivificati, quasi de barathro mortis resurgebant. Sollicitudine quidem & studio Principis novi in civitate Cameracensi, & circumquaque in omnibus appendiciis misericordia & veritas libi obviabant, & pacis oscula libabant; aperta & reſerata sunt omnia, nec fur inventus, nec prædo, neque quilibet injurians, qui damna inferat alicui. Clerici in Ecclesiis opulentiam referti laudes Deo referebant; laici cum omni pace victualia sua conquærebant, *Beatum dixerunt populum cui hæc sunt*, imò beatiorum Domnum, per quem tanta pacis subsidia pullularunt. Sic rerum gubernatore Deo Domini ac Patroni nostri principatus primordia disponente, subsidio pacis & religionis exhilarata gaudebat plebs civilis atque suburbana.

*Psal. 143. 18.*



## CAPUT XVI.

*Ubi à Metropolitano & comprovincialibus  
Episcopis ejus electio approbatur.*

**R**emenſi Metropoli præſidebat GUIDO Antistes, vir ſanè conſpicuus, interque ſuos compatriotas per omnia clarus, cui quoniam ſui juris id erat, de prænominatâ per idoneas perſonas electione ſuggeritur, ſuæque corroborationis auctoritas ſuppliciter imploratur, Episcoporum comprovincialium ſubjungitur epistolariſ aſſenſus, electique Pontificis dies conſecrationis requiritur ab omnibus. Auditâ Remenſis Metropolitanus tam religioſâ, tamque celebri electione, conſideratiſque viri virtutibus, Dei munificentiam laudat & ipſe. Deinde conſtituto die locoque dirigitur epistola quæ paternè commoneat LIETBERTUM Levitam non tantummodò probatum aſcendere gradum, quin potiùs regiminis præſulatum. Parantur comites & impenſæ, ſuſcipitur labor itineris, ne vel Dei, vel Metropolitani videatur juffionibus contraire; peragunt auguſtam legationem, manſionemque primæ noctis metantur apud Laudunum: ſuſcipit Levitam lætabunda Laudunus, & jure fovebat hoſpitii, moxque præceſſura cum hymnis & laudibus, cultu & religione canonicâ repatrianti Pontifici.

*Tithoni croceum linquens aurora cubile,*

*Noctem pellebat, lucem radios ne ferebat,*

dum comitibus expectatis matutinum iter arripitur, Remenſemque civitatem verſus dirigitur, quo poſtquàm ventum eſt, dominoque Metropolitano innuitur adeſſe cum ſuis Cameracenſem Archidiaconum, admittuntur quantociùs, inclinatur ad genua, ad oſcula erigitur; cunctis invicem reſalutatis, cauſæ dicuntur adventûs, quæ mox auctoritate Metropolitana corroborantur, cæteris idem proſequentibus. Sed quia non poterat tanta negotia ſubire ſolus, agitur inter eos quis Archidiaconum provehat ad honorem.

## CAPUT XVII.

*Ubi ab Episcopo Catalaunensi probatur ordinatus.*

**A**pud Catalaunum familie Episcopii diſpenſabat pabulum vitæ Præſul ROGERUS, vir vitæ venerabilis, & morum dote magnificus. Huic tranſmittitur provehendus ad Præſbyterii culmen, atque docendus offerre ſacroſancti corporis & ſanguinis Chriſti viviſicum libamen. Die conſtituto Levita provehendus procedit ad Eccleſiam ſancti Protomartyris & Levitæ Stephani pignoribus ac nomine ſacram; ingreſſus omni ſupplex corpore Deum toto mentis orat affectu, quatenùs Deo dignè promoveatur ſancti Martyris meritis & interventu. Procedit & Antistes Pontificaliſ infulis redimitus, ſanctorum comitibus ordinum decenter introductus; more canonico factis ſcrutiniis, ordinandorum perſonæ præſentantur & nomina, inter quos & præ quibus domnus LIETBERTUS Levita: ſuis locis & competentis conſecrantur cæteri, donec ventum eſt ad ordinem Præſbyterii; cumque ad manûs impoſitionem Pontificaliſ inter ordinandum diceretur novo Præſbytero: *Accipe Spiritum ſanctum, quorum remiſeris peccata, remittuntur eis*; infremuit, habitumque mentis vultûs ſignificatione monſtravit, liberalis ejus facies puritate mentis incanduit, oculi familiaribus lacrymis profluenteſ inſignia Sacerdotalium veſtimentum, quibus veſtitus erat, ſancto rore perfundunt.

*Joan. 20. 22.*

## CAPUT XVIII.

*Ubi Episcopus consecratur, & tale prognosticon  
reperitur:*

*Hic est filius meus, in quo, &c.*

**F**unctus officio Præſbyterii, quo noverat iter relegit, repetenſque dominum Archiepiscopum, præſtolatur poſtero die ſummi Sacerdotii Pontificatum, vigilias & jejunium protelat novus Præſbyter in craſtinum.

*Postera jam tenebris surgens aurora fugatis*

*Illustrabat eum, quem Phœbus circum Orbem,*

cum Dominus Metropolitanus matutinalium hymnorum decurſâ melodiâ fieri conſeſſum mandat, Episcopisque diœceſeos accitis de conſecratione Cameracenſis Episcopi tractat. Cunctis idipſum ſentientibus itur ad Eccleſiam, citantur Aeditui, exponuntur utenſilia, ſignis conſonantibus fit frequens conventus: infulis redimitus procedit Metropolita, conſequentur Pontifices populorum ſtipante catervâ. Dum ventum eſt ad id divini officii, ut ab Incenſore diceretur, *Accedite ad eum & illuminamini*, ſigno dato ſacrandus introducitur Episcopus, ſiſtitur Deo, præſentatur Pontifici, recitatur electio & teſtificatur à cunctis, fit conſurſus populorum, fit ſtrepitus gaudiorum, omnes in cælum protendentes manus precabantur: erat enim pia commixtæ multitudinis; & ſacrandi Sacerdotis in oratione poſiti exſpectatio, & hi quidem omnes ut hæc conſecratio confirmaretur invocabant Dominum: Metropolita verò toto mentis affectu proſerebat orationes precum. Huic conſecrationi palam teſtatur gratia. Nam dum ſanctorum codex aperitur Evangeliorum, repertum eſt quod ait: *Hic est filius meus in quo mihi complacui*. Delibutus oleo lætitiæ & exultationis, infulatusque Pontificaliſ indumentis, donatus inſuper Episcopo Cameracenſi, benediſtione completâ novus Episcopus intrat celebrare ſacroſancta Miſſarum ſolemnia.

*Pſal. 33. 6.*

*Mat. 17. 5.*

## CAPUT XIX.

*Quod in eodem conventu Regis Francorum uxor  
desponsata, & coronata fuit.*

**R**egnum Francorum Rex regebat HENRICUS, vir armis ſtrenuus, & Regno quod tenebat dignus, qui juvenili floreſcente ætate nullius adhuc copulæ ſubierat connubium, ſed Ruſciorum gentis Regis filiam Francorum nobilitas ei parabat. Audiens Cameracenſis Episcopi conſecrationem futuram, quoniam videre virum diù peroptaverat, interfuit; acturus quoque ſui negotii cauſam, petiit ut ſponſa quæ ſibi parabatur in eodem Conventu benediceretur, Regaliſque conſecratione pariter inſigniretur. Huic Regiæ conſecrationi dominus noſter LIETBERTUS Episcopus interfuit & præſuit.

## CAPUT XX.

*Comparatio ſponſæ Regi Francorum conjunctæ, &  
Eccleſiæ Præſuli LIETBERTO commiſſæ.*

**R**egi Francorum conjungitur carnalis ſponſa, domno LIETBERTO Cameracenſium Pontifici, Regio & Sacerdotali cubiculario, ſancta committitur Eccleſia; ſed hæc copula quanto ſanctior, tanto melior; illa ſobolem generat carnalem, iſta adoptionis procreat ſanctam progeniem; illa corruptioſis, iſta virginitatis: ſic enim ait Apoſtolus: *Deſpondi vos uni viro virginem caſtam exhibere Chriſto*; illa in dolore parit filios, iſta cantans ex aquâ & Spiritu ſancto renaſci facit: Regi Francorum

*2. Cor. 11. 2.*

ducitur filia Regis terreni, domino nostro LIETBERTO Præsuli committitur sponsa Regis Regum Christi.

## CAPUT XXI.

*Ubi Laudunum veniens cum honore suscipitur.*

**O**Mnibus peractis, & suâ benedictione & Regiâ consecratione, repetit iter quo venerat, divertens apud Laudunum hospitii gratiâ: præcurrentibus nuntiis audiunt venientem, gaudent omnes, exultat civitas, coronatur Ecclesia, more Ecclesiastico procedunt omnes obviam: susceptum ducunt ad Ecclesiam, perfruuntur ejus benedictione, quam præferunt omni auro & lapidi pretioso, cum summa devotione.

## CAPUT XXII.

*Ubi ab urbe propriâ cum laetitâ & gloriâ suscipitur.*

**F**ama volans celeri cursu, rumore secundo nuntiat Cameracensibus cum gloriâ benedictionis Antistitem suum venire. Omnes exhilarantur, juvenes & virgines, senes cum junioribus, quantoque potest tripudiat gaudio omnis ætas, uterque sexus: adest illa dies omni die sanctior, in quâ Cameracum obtinere meruit sibi præesse LIETBERTUM Præsulem. Felix ille dies, in quo Cameracensis Ecclesia suscepit Episcopum, qui se se formam justitiæ & veritatis omnibus præbuit & exemplum! felix inquam dies, in quo LIETBERTUS libertas publica possidet Cameracum, liberaturus plebem sibi commissam de fastu superbiorum & rabie tyrannorum! ô felix festum, festique diei gaudium, in quo mortua nobilitas reviviscit, captivata libertas ad libertatem redit! hunc diem annum jubileum dixerim, cum cuique jura sua restituuntur. Tunc possessor magnificus suam intrans civitatem, & susceptus cum honore & reverentiâ vadit ad Ecclesiam, suarum ovium magnâ stipante catervâ.

## CAPUT XXIII.

*Quod eadem die orans in Ecclesiâ omnes ad affectum devotionis commovit.*

**Q**uas ibi preces, quas fuderit lacrymas, quæ cordis puritate traxerit susperia, testis est spiritus qui scrutatur omnia: orabat tantâ Dei gratiâ plenus, ut omnium oculos in se converteret, atque ad devotionis affectum compunctionisque gratiam corda moveret. Putares publicanum à longè stantem, pectusque percutientem, nec oculos in cælum levantem. Diceres Petrum cum Joanne in portâ speciosâ claudi gressus erigentem, vel in Joppe Thabitam suscitantem.

## CAPUT XXIV.

*Quod post orationem verbum fecit ad populum.*

**C**ompleta oratione conversus ad circumstantes pro tempore pauca loquutus est: » Hortor vos homines & proximi mei, meque ipsum hortor vobiscum, ut ad id quo nos Deus per sapientiam hortatur, quantâ possumus celeritate curamus: non diligamus mundum, quoniam omnia sunt concupiscentia carnis, & concupiscentia oculorum, & ambitio sæculi: qui enim magis amant ire quàm redire, in longinquiora mittendi sunt; quoniam caro sunt & spes ambulans & non rediens: qui verò benè utitur vel ipsis quin-

que sensibus corporis ad credenda & prædicanda opera Dei, & nutriendam charitatem ipsius, vel actione vel cognitione ad pacificandam naturam suam, & cognoscendum Deum, intrat in gaudium Domini sui; propterea talentum, quod malè utenti aufertur, illi datur qui talentis quinque benè usus est; non quia transferri potest acumen intelligentis, sed ita significatum est posse hoc amittere negligentes & impios ingeniosos, & ad eam pervenire diligentes & pios, quamvis ingenio tardiores. Non enim datum est ei qui duo acceperat; habet enim ex hoc, quia jam actione & cognitione benè vivit, sed ei qui acceperat quinque; nondum enim habet ad æterna contemplanda, qui visibilibus tantum, id est temporalibus credit, sed habere potest qui horum omnium visibilibus Deum artificem laudat, & quidem persuadet fide, expectat spe, & quærit charitate. Qui verò malè utuntur tanto mentis bono, dantur eis exteriores tenebræ: & hoc significare arbitror quod ligantur eis manus & pedes, id est facilitas omnis aufertur operandi. Hoc enim in eis perficietur post hanc vitam, quod in hac vitâ plûs diligunt. Sed si concordemus cum adversario, dum simus cum illo in viâ, liberabit nos de corpore mortis hujus gratia Dei per JESUM CHRISTUM Dominum nostrum.

Hac & simili sanctiorique recreatos admonitione, necnon sanctificatos pontificali benedictione dimittit ad propria.

*Egregios mores ex hinc carnisque labores  
Dicemus promptè, Domino vitæque volente,*

## CAPUT XXV.

*Qualem se in Episcopatu verbo & exemplo exhibuerit.*

**C**onstitutus in sede Pontificali qualis quantusque vixerit scribere quidem non opis nostræ est, sed ejus qui dat affluenter, & cum dederit non impropere, de cujus gratuito munere filii, quantum donaverit dicemus, quantumque majorum series perstrinxit in annalibus: recitabimus inquam, non ut decet, sed pro posse pontificis opera, partim cum suis familiaribus clam operata, quædam ut in odorem unguentorum ipsius currant adolescentulæ misericorditer effusa. Turrim pingimus David quæ ædificata est cum propugnaculis, de quâ pendent mille clypei, id est omnis armatura fortium adversus principatus & potestates, adversus mundi rectores tenebrarum harum, contra spiritalia nequitia in cælestibus constituta in Libano, & respicit contra Damascum, discernens inter bonum & malum, ut se ignorans ingrederetur & abiret post vestigia gregum, pascens hædos juxta tabernacula pastorum.

Studiosus divinæ legis Pontifex exemplum suis ita vivebat, ut ab immodesto corporis cultu & ornatu, ab inanibus negotiis ludorum, à torpore somni & pigritiæ, ab æmulatione, obtrectatione, invidia, ab ipsius etiam laudis immodicâ cupiditate se abstineret: amorem verò pecuniæ totius suæ spæi certissimum credebatur esse<sup>b</sup>. Nihil faciebat imprudenter, nihil audacter: in peccatis autem suorum vel pellebat omnino iram, vel ita frænabat ut esset pulsæ similis. Magnopere observabat cum vindicabat, ne nimium; cum ignoscebat, ne parum: nihil puniebat quod non valeret ad melius; nihil indulgebat quod vertitur in pejus. Quos putabat dominos<sup>c</sup>,

<sup>b</sup> credebatur esse] Hic vox quodam deest, puta detrimendum, aut alia quædam similis: quod Acherius vidit.

<sup>c</sup> putabat dominos] Sequebatur, in quos potestas sibi data fuerat, quod ex alieno loco suum in locum transtulimus.

Jacob. 1. 8.

b

c

Ad. 3. 2.

1. Joan. 2. 16.

eis ita serviebat, ut eum dominari puderet; in quos potestas sibi data fuerat, ita dominabatur, ut eos servire delectaret. In alienorum peccatis molestus non erat invitis. Inimicitias vitabat cautissimè, ferebat æquissimè, finiebat citissimè: in omni contactu atque conversatione cum hominibus diligenter servabat illud vulgare proverbium: Nemini facias quod pati non vis. In omni loco, tempore, amicos aut habebat aut habere studebat, obsequabatur dignis etiam non hoc expetentibus, superbos minùs curabat, minimè erat. Aptè congruenterque vivebat, Deum colebat, cogitabat, quærebat fide, spe, charitate. Hac in virtute animi diligenter positus optabat tranquillitatem, atque certum cursum studii sui, omniumque conviventium, & sibi, quibusque poterat, mentem bonam, vitam pacatam.

Ita novus homo & interior & cœlestis, proportionem, non annis, sed profectibus distinctas quasdam spirituales ætates suas ad summam & incommutabilem legem passibus rationis imitebatur, & emicans in virum perfectum atque aptum & idoneum omnibus mundi persequutionibus sustinendis atque frangendis, vivebat pacatus in opinionibus & abundantia ineffabilis sapientiæ, mutatus ad oblivionem vitæ temporalis, & transiens in perfectam formam quæ facta est ad imaginem & similitudinem Dei. His gradibus justitiæ temperanter scandens ad thronum prudentiæ, fortiter hærebat Deo, non ut ab eo aliquid boni extrà mereretur, sed cui nihil aliud quàm ipsum hære Deo bonum fuerat. Hic vir quamdiu fuit in hac vitâ utebatur amicis ad rependendam gratiam, utebatur inimicis ad patientiam, utebatur quibus poterat ad beneficentiam, utebatur omnibus ad benevolentiam; & quamquam temporalia non diligeret, tamen rectè utebatur temporalibus, & pro eorum sorte consulebat hominibus, si æqualiter non poterat omnibus; quare si aliquem familiarium suorum promptius quàm quemlibet alloqueretur, non eum magis diligebat, sed ad eum majorem habebat fiduciam, & apertiore temporis janua: tractabat enim tempori deditos tanto melius, quanto minùs ipse obligatus esset tempori: postremò in omnibus officiis laboribus, futuræ quietis certâ expectatione, non frangebatur: & quoniam delectabat eum libertas, quam nomine & opere præferebat, ab amore mutabilium rerum liber esse appetebat.

## CAPUT XXVI.

*Quòd in operibus & passionibus Christi meditabatur.*

Heb. 12, 2.

**I**Deoque deponens omne pondus, & omne circumstans se peccatum, per patientiam currebat propositum sibi certamen, aspiciens in auctorem fidei & consummatorem CHRISTUM JESUM, qui ut sanctificaret per suum sanguinem populum extrà portam passus est. Considerabat quàm misericorditer humano generi consultum est, cum ipse Dei filius consubstantialis Patri hominem suscipere dignatus est, & habitavit in nobis; ita enim demonstravit carnalibus, & non valentibus intueri mente veritatem, corporisque sensibus deditis, quàm excelsum locum inter creaturas habeat humana natura, quod etiam potuit & in aliquo æthereo corpore ad nostrorum aspectum tolerantiam temperato, sed in hominibus in vero homine apparuit. Ipsa enim natura erat suscipienda, quæ & liberanda; & ne quis sexus à suo Creatore se contemptum putaret, suscepit natus ex fœminâ: nihil egit vi, sed omnia suadendo; monendo conciliavit nostram fidem Deo miraculis, qui erat homini passione similis: loquens ad turbas, doctrinâ Deus apparebat, atatibus homo.

Populi satellites voluptatum, divitias appetebant, pauper esse voluit; honoribus & imperiis inhiabant, Rex fieri noluit; contumelias horrebant, omne contumeliarum genus sustinuit; injurias esse intolerabiles arbitrabantur, quæ major injuria, justum innocentemque damnari? Dolores exsecrabantur corporis, flagellis & spinis cruciatus est; ignominiosum genus mortis crucem putabant, crucifixus est; mori metuebant, morte multatus est; omnia quæ evitare cupiebamus à studio veritatis deviantes, perpetiundo deiecit. Non enim ullum peccatum committi potest, nisi dum appetuntur ea quæ ipse contemnit, aut fugiuntur quæ ille sustinuit. Tota itaque vita ejus in terris per hominem quem suscipere dignatus est, disciplina morum fuit.

## CAPUT XXVII.

*Quòd his meditationibus compunctus, concipit desiderium pergendi Hierosolymam.*

**H**is cæterisque beneficiis benè compunctus Deo dignus Pontifex, ut obsequeretur Apostolo dicenti: *Exeamus ad eum extrà castra, improprium ejus portantes: non enim habemus hic manentem civitatem, sed futuram inquirimus:* toto mentis affectu concepit desiderium pergendi Hierosolymam; sed neque gratiâ videndi lapides turrium, aut domorum culmina, sed amplectendi & osculandi vestigia pedibus Jesu calcata. Beatum quippe fore credebat præsepis angustia videre, vagientem puerum mente cum pastoribus adorare; in Golgotanâ Ecclesiâ beatæ passionis, crucifixionis & mortis sacramenta celebrare; cum beatis mulieribus ad sepulcrum Christi mortem flere, prorsus intrâ septa sepulcri suas suorumque noxas fletibus diluere, in montem Oliveti super cœlos ascendentem Christum cum MARIA Matre Jesu, beatisque Apostolis intimo cordis affectu sequi velle: sed ut prudenter id ageret, meditatur qualiter, vel civitatem vel Ecclesiam sibi commissam tranquillam pacatamque relinqueret, totique patriæ propugnatorem & defensorem idoneum provideret.

Heb. 13, 13.

## CAPUT XXVIII.

*De HUGONE puero, & custode illius ANSELLO.*

**E**Odem tempore lapso fugâ Joanne Atrebatensi Advocato, sicut dictum est, præcavens Pontifex in futurum, & timens ne vel ipse Joannes, vel quilibet tyrannus huic similis prædictam Castellaturam de quâ idem Joannes projectus fuerat, aut vi aut ingenio intraret, & postea justus heres eam repetens inde turbas faceret, HUGONEM Gualteri Castellani nepotem, qui proximus erat heres, adscivit, eique Castellaturam concessit: & quia iste Hugo adhuc puer erat, sed propinquum quemdam ANSELLUM nomine, moribus & armis egregium habebat, hujus custodiæ puerum deputat, quem Ansellus ille usque ad præfinitum tempus cum omni Castellaturâ fideliter & optimè rexit. Joannes Castellaturâ privatus, nec quidquam mali proinde adversus Episcopum præsumens facere, (prohibitus enim fuerat à Comite Flandrensi Balduino, cujus antea Miles erat) ipsum reliquit; & ad Imperatorem HENRICUM se contulit. Erant tunc temporis maximæ simultates & inimicitie inter Imperatorem & prædictum Comitem, cujus rei seriem, quoniam in gestis pontificalibus legitur & plenius describitur, omittimus, & ad exequendum Pontificis iter stilum dirigimus.



CAPUT

## CAPUT XXIX.

*Ubi cognito Episcopi proposito dissuadent plurimi.*

**I**Ta Anselmo procuratore & propugnatore Cameracensi patriæ constituto, Pontifex de ejus fidelitate confidens & diligentia, paulatim sua suorumque in rebus publicis intermittebat negotia, totoque mentis conamine concepti itineris procurabat impendia. Interim satagebat magnopere, quatenus id celatum esse posset. Sciebat quod si resciretur proculdubio contradiceretur: sed, ut ait Scriptura, *Frequens meditatio carnis afflictio est*: Submissus aspectus, macilenta facies, assiduitas vigiliarum, frequens solitudo, propalabant quod celare volebat. Tandem conventus familiariter à suis, cordis aperit secretum, quærit consilium: mente consternantur omnes, dissuadent plurimi, proponuntur multimoda causarum discrimina, mortis intercessio, patriæ desolatio, simul Ecclesiæ sibi commissæ destitutio. Quibus mens sanior fuit, altius considerantes Pontificale propositum, verentur contradicere, metuentes ex hoc Dei, vel domini sui animadversionem subire. Domino Pontifice protestante, *Reddam Deo vota mea quæ distinxerunt labia mea*, non sine fletu pariter omnes assentiunt.

## CAPUT XXX.

*Ubi confirmato consilio fœderantur via comites.*

**C**onsilio confirmato fœderantur comites, inter quos & præ quibus hi, quorum nomina subtilamus, domnus WALCHERUS Archidiaconus & Præpositus Curie, Hugo Capellanus, cujus sanctitatem, monstrant Claustra Canonicorum Ecclesiæ Matris, monstrat Monasterium Aquicincense, ERLEBOLDUS Judex & Procurator civitatis, & alter ERLEBOLDUS cognomento Rubeus, quem qualis fuerit, prædicat Ecclesia Sanctæ Crucis: sed hi duo, scilicet domnus Walcherus & Judex Erleboldus, quantæ sanctitatis fuerint, qualesque cooperatores & adjuutores domni Pontificis, suo loco dicemus, si Deus voluerit.

## CAPUT XXXI.

*Ubi egrediens à Cameraco Hierosolymam pergit.*

**M**illesimo quinquagesimo-quarto Dominicæ Incarnationis anno, missione tam Cleri quàm populi vix impetratâ, libertas patriæ, Ecclesiæ decus, Deo dignus Pontifex LIETBERTUS egreditur à civitate suâ Cameraco tenensiter Hierosolymam versus; prosequitur eum ferè ad tria millia non sine lacrymis & immensis gemitibus omnis ætas utriusque sexûs. Præterlegens civitates & oppida, civitatum regiones & provincias, montium discrimina, sylvarum pericula, cultu, moribus & lingua barbaram quam colunt Huni transmeat patriam: & ut prolixioris vitæ luci aretur compendium, transvadato Danubio penetrat Pannoniam, sancti Martini natiuitate præclaram.

## CAPUT XXXII.

*Ubi à Rege Pannonia reverenter excipitur.*

**N**untiat Regi ab exteris partibus habitu peregrino quosdam venisse homines, sui Regni fines transire volentes, qui mox accitos sibi præsentari jussit. Videns itaque Rex Pontificem, Dei nutu mutatâ mente pristina surgit citius à solio, necnon officiosissime salutatum invitat in consistorio, quærit causas itineris, miratur auditis, miratur talem

*Tom. II.*

ac tantum virum tam difficilis pondus subiisse laboris: sed quoniam illis diebus vix quilibet aut penè nullus hoc iter arripiebat, cogitabat ne simularent id alterius negotii gratiâ, unde vocatis suis jubet eos evestigio diligenter observari, ne moliantur quilibet sinistri. Exploratâ per aliquot dies religiosâ Pontificis sanctitate, simul auditâ in stipendiis pauperum liberalissimâ largitate, in vigiliis, orationibus, jejniis, assiduitate, devotus Rex impendit obsequium, quodque petebat sibi suisque Pontifex, præstat libens auxilium. Jam quippe sub ejus contubernio tanta tamque multiplex copia populi coierat, ut exercitus Domini diceretur; sic usque in extremos fines Regni sui, dato duce, Dei procurante misericordiâ securum concessit abire.

## CAPUT XXXIII.

*Ubi socios metu Barbarorum exterritos hortatur ne paveant.*

**P**rætergressus Romanorum fines limitaneos, ingreditur solitudines saltuosas, quas deserta Bulgariæ nominant, quasque latroculi Scythicæ gentis inhabitant. Hi degentes more ferarum nullis coercentur legibus, nullis continentur urbibus, sub dio manent, quas nox coegerit sedes habent, prætereuntes obudent, obvios interficiunt, cæteros deprædantur, gregatim vadunt, omnia sua secum portantes cum totâ suppellectile, parvulis & uxoribus: nullius hæresis nominatâ sectâ, nullius religionis divino cultu tenentur; tamen sicut ex eorum interfectis vidimus, more Saracenorum circumciduntur, barbari, crudeles, homicidæ, sine affectu, sine pietate.

Has mortiferas Præful ingrediens cum illo suo comitatu solitudines, obvios fuit quibusdam refugientibus, sui refugii causam flebiliter intimantibus. Quamplures terrentur, pariterque retrocedere cum refugientibus meditantur. Narrabant se se latronum cuneos incurrisse, suorum plurimos oppetiisse, cæteros ad internecionem vulneratos ut videre erat, vix evasisse; conturbantur omnes, divinique respectus misericordiam flebiliter implorant, quoniam quid factu opus sit, ignorabant. Audita domnus Pontifex turbatæ multitudinis lamentatione, pedes enim subsequeretur solus ut attentius vacaret psalmis & orationibus, substitit, & cur lamentarentur inquit: cognito casu signum sanctæ crucis indidit, erectâque dextrâ quâ iturus erat parte; signavit, post recolligens secum verba psalmi quibus orabat, invenit hunc versum: *Eripe me de operantibus iniquitatem, & de viris sanguinum salva me*. Sic miles Christi paululum progreditur, cunctosque qui aderant breviter alloquitur.

Commilitones mei, non vos deterreat adversarius vester diabolus; qui *tamquam leo circuit querens quem devoret; cui resistite fortes in fide*; quoniam *si Deus pro nobis, quis contrâ nos?* Quapropter *induite vos armaturam Dei ut possitis stare; & in omnibus perfecti esse*: quia tentat vos Deus vester, ut sciat si diligatis eum; sed faciet cum tentatione proventum ut possitis sustinere. Prope-  
rantes iter quod arripuistis accelerate, quia nemo mittens manum suam ad aratrum, & respiciens retrò, aptus est regno Dei.

Ita miles Dei Christi cum suo familiari & domestico comitatu princeps graditur, exercitumque Dei ne paveat exhortatur. Decem & eo amplius diebus peragrant eas solitudines, per quas, ut dictum est, semper Saraceni sedibus incertis huc illucque vagantur.

T

*Ecclef. 12. 12.*

*Psal. 60. 9.*

*Psal. 58. 3.*

*1. Pet. 5. 8.*

*Rom. 8. 31.*

*Ephes. 6. 11.*

## CAPUT XXXIV.

*Ubi optat aut ab eis occidi aut captivari pro Christo.*

Cumque jam die septimo crederetur evasisse periculum, vident subito fessores equorum camelorūque latrunculos inter condensa sylvarum cristatis vittatisque capitibus, ac semundo corpore pallia trahentes & latas caligas: pendebant ex humeris pharetræ: laxos arcus, & hastilia longa ferebant: quibus vilis terrentur ceteri, sed Dominus Pontifex fit hilarior, sperans comprehendere bravium, pro quo tanti cursus subierat laborem. Hoc erat in votis, hoc toto mentis amore sedulus orabat, ut ab his interimeretur, vel captivus in exteris & barbaras nationes propter nomen Christi distrahendus duceretur. Proponebat sibi devotæ mentis affectu, felici commercio pro redemptione generis humani distractum Salvatorem, ut jura mortis destrueret vivificæ crucis subisse passionem: unde peroptans exillere martyrii & calicis Christi particeps, & communicare Christi passionibus, ut in revelatione ejus gauderet, dicebat; *In me sunt Deus vota tua, quæ reddam, laudationes tibi.* Sed qui regit orbem terrarum in æquitate, Cameracensis Ecclesiæ precibus attendens quibus ei suum deponebat diu noctūque Pontificem, in hoc tanto mortis discrimine cum suis omnibus eum conservavit incolumen. Videres in adventu Pontificis obfiscere milites, inque suo conatu deficere, quodque magis stupeas, cedendo loco viam transeuntibus quodammodo demonstrare. Hoc modo dignus Deo Pontifex cum suis comitibus mortiferam regionem latrosumque domicilia pertransiit indemonis.

*Psal. 55. 12.*

## CAPUT XXXV.

*Ubi Ecclesiam Dominici sepulcri à Rege Babylonia obferatam audivit.*

Ingressus Dalmatiam, locisque peragrat in quibus olim Diocletianus thermas ædificando diversa mortis intulerat supplicia Christi Martyribus, cursum flectit. Isauriam versùs, quam præteriens devenit Chorinerum, illicque audiens Demetrii sancti inter Martyres præclari corpus quiescere, sepulcrum ejus expetit, totoque mentis affectu meritis ipsius Divinum auxilium quærit: inde progressus: aadiam Syriæ pervenit. Comperiens Ecclesiam Dominici sepulcri Christianis ejectis à Rege Babyloniæ violenter obferatam viamque Paganorum metu per terram penitus interclusam, per tres menses in eadem civitate moras fecit; sed ceteris de profectioe desperantibus, ac ubique locorum dispersis, ipse cum suo nobili familiarique comitatu perstitit: & quia terrâ non poterat ire, marino itinere se commisit: litoribus prospectis, naviumque magistris diligenter inquisitis priorum numerus computatur, victualia conveuntur, ne signo dato mora fieret in eundo.

## CAPUT XXXVI.

*Ubi Fulcherum agrotantem Deo & Matri ejus committens, iter cæptum exequitur.*

Um tempus navigandi aptum præstolatur, unus comitum videlicet dominus FULCHERUS decedit in lætam. Cumque languor in dies augmentaretur tempusque navigandi superveniret, dominus Pontifex magnis cogitationum quatiebatur fluctibus,angebatur utrum navigationem differret, anne comitis agrotantis discrimen expectaret. Cre-

sciente languore tempus navigationis effluebat, & mentem Pontificis metus cum desiderio torquebat: metus, ne comes fidelissimus eo absente defungeretur: desiderium, ne cæpti itineris tempus intercluderetur. In hoc mentis angore posito Pontifice, agrotantis salus à medicis desperatur, tactuque venarum per indiculum pulsus diutina passionis futura mors denuntiatur. Tempus aderat, navisque magister navigationis iter parabat, profectiois tempus & horam pronuntiabat, singuli citabantur, præripientium sibi destinatas stationes magnus erat tumultus. Quid ageret miles Christi? desideretne comitem, an differret navigationem? Non tulit amplius Omnipotens eum perturbari, quem sibi videbat devotè famulari, indidit consilium: qui Petro mergenti porrexerat manum, reddidit ipsius memoriæ responsum, quod quondam dedit volenti sepelire patrem suum: *Relinque mortuos sepelire mortuos suos.* Hac voce Salvatoris corroboratus, vicit dilectione Dei necessitatem carnis, revisit agrotum, & velut in corpore mortuo ultimum quodammodo trahentem spiritum, quem modò voce, modò nutibus compellans, quomodocumque poterat missionem petebat: sed ægrum quamvis sæculo jam traderetur alteri, voces atque singultus recognoscens Pontificis, resumpto spiritu oculos aperuit, eumque gravi difficultate verba loquentis intelligens, similiter petit & ipse missionem; tamquam qui recederet à sæculo; quem venerabilis Pontifex, cum maximis lamentis totoque mentis affectu Deo commendans, sancto commisit Andreæ Apostolo, atque gloriosæ Reginæ MARIÆ Genitricis Dei precibus & meritis: nec mirum, quod eum quem diligebat illis Sanctis deposuerit, quos præ cæteris omnibus attentus excolebat.

*Matth. 8. 12.*

Post hæc velut ultimum vale dicentes & osculum pacis dantes invicem, dominus Episcopus ire perrexit, ægro remanente ibidem, qui quamquam desperatus à medicis, à comitibus derelictus, jam videretur defungi, tamen benedictione recreatus Pontificis, refocillatus lacrymis, quantulumcumque respiravit, mentisque vigore quomodocumque poterat vocis aërem traxit: de hinc apud se recoilgens verba quibus dominus Pontifex ipsum sancto commiserat Apostolo Andreæ, quibusque imploraverat sanctam Dei Genitricem, per se intima trahens cordis suspiria lacrymis obortus ait, (ut ipse postmodum testatus est) O sancte Andrea, cujus me tutelæ dominus meus Lietbertus Episcopus commisit, cujusque memoriam in Carnobio quod est apud Novum Castellum situm excolit, si tu verè ille es Andreas decorus, virilis Apostolus Christi, amicus Dei, quem Dominus dilexit in odorem suavitatis, succurrere festina, miserere, digitumque tuum intingens in oleo misericordiæ Genitricis Dei Domine nostræ Sanctæ MARIÆ, precibus tuis animam deficientem sustenta, laborantem adjuva, succurre amice Dei per secretum Christi magistri tui. Jam morior, & quod per me non possum, misericordiam posce pietatis, quatenus mihi sublidetur; non meis meritis quibus pœna mortis debetur, sed ejus qui me vobis commisit lacrymis & precibus. Notem illam Pontifex duxit insomnem; se suosque Deo commendans gemitibus solitis, votisque supplicibus morientis amici vitam.

## CAPUT XXXVII.

*Ubi FULCHERIUS moriens duos Demones sibi insistentes vidit.*

Amque propinquabat noctis quarta vigilia, cum cæteris qui in domo erant in quâ decumbebat lan-



gubius soporatis, visus est sibi met quasi semivigilans obdormivisse, & ecce videt binos Daemonum spiritus contrà se stare, ferream tridentem flammivomamque velut de fornace ignis erutam ferentes, quam, sicut idem retulit, mortis aculeum nominabant: dicebant enim se ad hoc detulisse, ut eam cordi ejus affigerent, & sic animam ejicerent. Quis timor ille, Deus! quis dolor! quæ angustia! laborabat æger, laborabat & deficiebat, aspiciebat ictus ferire minantium, penitusque dissolvebatur, singultiens dissolvebatur, & inter singultus tantum sonabat, *S. Virgo Virginum Mater Jesu, S. Andrea.*

## CAPUT XXXVIII.

*Ubi Virgo MARIA cum Andrea Apostolo  
FULCHERUM visitans Dæmones increpat.*

**I**N hoc tanto tamque terribili tribulationis articulo, inter caligines & umbras mortis cœlitus effulguans irradiat locum suâ sanctissimâ potentiâ, Stella maris, Mater pietatis, & si dici fas est, pietas pietatis, cujus precatu pietas Dei parcat peccantum culpis; adest, inquam, spes miserorum, salus debiliū, gaudium Christianorum, Dæmonum forte lamentum, ferens dextrâ quâ Christum pannis involutum reclinavit in præsepio, vivificæ crucis signum: sinistrorsum acclinis super S. Andream Apostolum: *Ecquid, inquit, nequissimi spiritus tantus terror furoris vestri? quo ruitis? quæ tanta superbia vobis est?*

*Tantane vos generis tenuit fiducia vestri,*  
ut eos qui nobis commissi sunt vindicare velitis? Quid vobis & ægro quem filius meus reddit sospitati hujus sancti Andree precibus? Abite hinc quantocius, abite. Cujus ad imperium dicto citius evanescent illi Dæmonum spiritus. Tunc Mater pietatis ægrum respexit vultu serenitatis, vultu quo plorantem deducebat Filium; vultu quo interconviventes suggererat deficere vinum: illo, inquam, vultu quo dolentem respexit Theophilum, vultu dulcedinis & gratiæ: eo, inquam, vultu languidum jam penè mortuum Dæmonum manibus erutum respexit, & ut surgeret, Pontificemque sequeretur imperando significavit: sicque recessit.

## CAPUT XXXIX.

*Ubi FULCHERUS effectus sospes eadem die  
Episcopum subsequitur.*

**R**Ecedente visione, qui sibi dormire videbatur æger oculos aperuit, & ita se sanum sospitemque reperit, ac si nihil mali pertulisset: mox clamato puero qui sibi ad hoc remanserat si moreretur, ne insepultus maneret, præcepit ut quantocius vestimenta sibi deferret, viæque Pontificem subsequuturæ necessaria cuncta pararet. Illo eum amentem putante, protinus surrexit, ipse dominum domus vocavit, quantum pro impendiis sibi collatis debeatur qualivis; computatis & redditis, equos suos quàm celeriter parari jubet, puerumque lupullectilis suæ nihil oblivisci monet, quem non solum paterfamilias in cujus hospitio manserat miratur incolumem, sed & omnis vicinia gaudet sospitem. Gaudet cuncta civitas & applaudit, quoniam quem præcepto Evangelico statuerant morientem serò sepelire, cernebant mane velocibus equum suum passibus emittere: ipse verò cunctis quærentibus latus referebat quanta sibi per suam gloriosam Genitricem, sanctumque Andream Apostolum fecisset Deus; inde gradu citissimò suo comitatus cliente festinat consequi Pontificem, quem pietas & providentia Dei detinebat in littore. Sol exoriens oculis nautarum cri-

*Tom. II.*

nitos infuderat radios; quibus visis Magistro puppis futuram prænotabant tempestatem: consilio communi præstolabantur donec horâ diei mediâ capterent quid solis splendor portenderet. Inter hæc horâ diei terciâ dum Pontifex in littore deambulando pensaret miseras vitæ præsentis, secumque ploraret casum derelicti fidelis, nuntiatur ei à prospicientibus domnum venire FULCHERUM: primò stupfactus, dehinc mentem recolligens inquit qualiter id fierent; illis referentibus equos quos equitare solebat, sed & vestimenta ejus veraciter vidisse, suspirans respondisse fertur: Potest esse? non est Fulcherus, sed fortassis puer ipsius qui sepulto domino nos prosequitur: nam Fulcherum nisi solâ Dei clementiâ jam non spero videre, attamen non disido de Christi misericordiâ, quæ sororibus reddidit Lazarum, viduæ filium unicum, quippe credulus quibus eum fidejussoribus deposueram. Dum hæc secum loqueretur, & intenti venientes prospicerent, adest FULCHERUS. O quàm fuerit gaudiolum gaudium, quàm læta lætitia, noverit mens humana. Quid qualiterve sibi contigisset non erat referre licitum, tantus erat tumultus, atque tanta frequentia se se complexibus ejus ingerentium.

## CAPUT XL.

*Ubi inopinatè recepto comite Episcopus navem  
ascendit.*

**A**Ccepto comite jussu nautarum domnus Pontifex navem conscendit cum suis. Nautæ remis insurgunt viribus totis,

*Prosequitur surgens à puppi ventus cunctes,*  
lingunt Laodiciæ portus, pelagoque volent, crebris legunt freta concita terris; vela pandunt & cavâ trabe vastum currunt æquor. Postquàm altum tenuit navis, nec jam ampliùs ullæ apparent terræ, cæruleus suprà caput adstitit imber, noctem hyememque ferens, & inhorruit unda tenebris. Continuo involvunt venti mare, nigraque surgunt æquora, periclitantes jactantur gurgite vasto: involvère diem nimbi, & nox humida cælum abstulit, ingeminant abruptis imbribus ignes, excutiuntur cursu, & cæcis errant in undis: ipsi peritissimi nautæ quodammodo marinorum fluctuum domestici, diem noctemque negant in undâ: tres adeo incertos soles errant pelago, totidem sine sydere noctes: quarto terra die primùm se attollere visa est, & aperire procul montes & volvere fumum; vela cadunt, insurgunt quantocius nautæ, & adnixi torquent spumas, & cæcula verrunt.

*Virgil. Aeneid.  
lib. 3.*

## CAPUT XLI.

*Ubi per varia loca ductus Episcopus, & jam spe  
videndi sepulcrum Domini frustratus, tandem  
consilio Laodicensis Episcopi mœstus revertitur.*

**D**UM Pontificem cum suis omnibus servatum ex undis litora Cypri accipiunt. Quem Princeps illius insulæ, quem Katapant, hoc est, secundum dominum vocant, timens ne in manus Paganorum incideret, à pridie Nonarum Julii usque ad pridie Kalendarum Augusti, detinuit, donec illâ die multo auro exitu vix impetrato, dum rursùm marino itinere se crederet proficisci, fraude nautarum declinantium insidias Paganorum Laodiciam relatus est; in quo loco dum rursùm moras innecteret, nec spes ulla perficiendi vota superesset, remeantibus cum Laudunensi Episcopo . . . ( quoniam & ipse illis diebus ierat Hierosolymam ) quampluribus & itineris difficultatem referentibus, tandem consilio Laodicensis Episcopi redeundi iter mœstus arripuit.

*T. ij.*

## CAPUT XLII.

*Ubi Imperator & Rex Francorum componenda pacis gratia conveniunt.*

**I**N Regnis Lothariensium necnon Francorum simulationibus exortis quampluribus, Imperator HENRICUS, & Rex Francorum HENRICUS ut eas sedarent ad colloquium convenerunt; sed imperfecta pace discesserunt. Nec multo post HENRICUS Imperator praesente Papa VICTORE, qui pro causis Papatus per Romanos male tractatus, apud ipsum conquesturus venerat, diem clausit extremum. Post ejus mortem cum filio ejus HENRICO & Regina domno Papa arbitro, sed & iudicibus Episcopis & Principibus Regni, pro simulationibus quas contra patrem habuerat reconciliati sunt uterque Comes BALDUINUS, pater scilicet & filius. Cui placito interfuit domnus Pontifex LIETBERTUS intonsus adhuc, sicut à peregrinatione rediens, ad suam civitatem nondum venerat, qui familiariter ipsum Comitem ab exordio sui Pontificatus dilexerat.

## CAPUT XLIII.

*Ubi domnus LIETBERTUS primo Novum-castellum, deinde Cameracum venit.*

**E**Rat in animo ejus fixum non prius intrare Cameracum, quam reviseret Novum-castellum sui principatus fidele municipium, quod ob sancti Andreae memoriam diligentius excolebat: quo perveniens domno comitatus Fulchero, cum ceteris familiae suae comitibus officiosissime suscipitur ab omnibus, susceptusque in templo sancti Andreae ducitur ad orationem; prostratus solo non quaesivit in oratione lacrymas, quas semper familiarissimas habebat: dein surgens dedit benedictionem, quos potuit ex tempore exosculatus, processit palam, cunctisque refert quantes viæ pertulerit casus. Tunc domnus Fulcherus eo praesente procedit ad altare, narrat quæ quantave per suam benedictionem gloriosam sibi fecisset Dominus sancti Andreae meritis & precibus, post capitis deditioe videntibus cunctis se se sancto tradidit Andreae, offerens super sanctum ejus altare duas unicas auri purissimi, utque in eodem loco ad honorem Dei, & memoriam sancti Andreae pro se perpes servitus esset, filium suum suo de nomine nominatum Fulconem tradidit ibidem; quo Monacho facto, victualibus Fratrum magna donaria contulit, quæ privilegiorum jure Pontificis auctoritate firmavit. Omnibus rite peractis venit domnus Pontifex Cameracum, & gaudiis quibus oportuit à suis excipitur.

## CAPUT XLIV.

*Ubi HUGONEM Castellatum multa mala facientem excommunicavit.*

**I**Nterea HUGO Walteri Capellani nepos, quem prænотавimus Castellaturâ donatum, proficiebat ætate; tempus instabat proximum quo ANSELLUS regimine ejus carere, & ipse bonum suum recipere debebat. Porro Ansello videbatur quia ad regendam Castellaturam juvenis ille nondum esset idoneus, ideoque protelare volebat suæ custodiæ officium, si sibi permetteret Episcopus; sed quamvis Pontifex de imperfectione Hugonis idipsum sentiret cum Ansello, nolebat tamen ipsum fraudari à praefinito temporis spatio, putans juvenem per disciplinam suam ad veritatis viam posse revocari, si cæcitatibus suæ ignorantia à recto deviaret. Sic Ansellus nullatenus impetrare valuit prece vel pretio, quin Hugo Castella-

turam suam reciperet in die suo. Adepto itaque Hugo honoris sui gubernaculo, palam continuè fecit omnibus quod clauderat in animo: antea enim quominus cognosceres eum, cum prohiberent simul ætas & magister; modò verò suæ potestatis compos totius magisterii & disciplinæ contemptor, fasque nefasque confundens post pravitates cordis sui, & illicitas voluptates graditur sine respectu aliquo. Potestne respectum justitiæ tenere, qui in civitate domini sui meliores & ditiores contumeliis & injuriis afficiebat, alios indemnatos & injudicatos in cippo vilissimo includebat? Villicum & cubicularium ejus comprehensum alligavit catenis, prædam ejus, cæterorumque civium contradicente domino suo violenter abduxit. Pro his & aliis hujusmodi sæpe correptus ab Episcopo, & emendare nolens, sed in pejus corruens, excommunicatus ab eo. At ille & hoc etiam contempsit, nullamque misericordiam quærens, ad Comitem de Sancto Quintino abiit, ibique aliquamdiu versatus est; quidquid mali potuit, adversus Episcopum & ejus Ecclesiam fecit.

## CAPUT XLV.

*Ubi viro Dei pro defunctis silenter oranti anima defunctorum responderunt, Amen.*

**E**Rat domno Pontifici consuetudo nocturnis horis civitatis Ecclesias cum suis familiaribus Clericis nudis pedibus circumire, & Dei clementiam pro se suisque suppliciter exorare. Contigit nocte quâdam quæ præcedebat sanctam diem Parasceves, solitas excubias peragere, Ecclesias quoque & Oratoria circumire, & lustratis aliis cum venisset ad Oratoriolum quoddam intrâ civitatem constructum, intransque cæmeterium Deo commendaret animas ibi quiescentium & omnium fidelium defunctorum, licet silenter, licet secum, sicut ea nox habebat, id diceret, mira res! spiritus ibi sepulcorum clarâ voce qui aderant audientibus super ejus benedictionem responderunt, Amen. Stupentibus cunctis, & rei novitate perterritis, silentio tegi Pontifex petiit, quod pleniter impetrare non valuit.

## CAPUT XLVI.

*Quâ de causâ Ecclesia sancti sepulcri à GERARDO Episcopo constructa fuerit.*

**I**llud Oratoriolum quâ de causâ constructum fuerit, plenius exsequemur. Temporibus domni Gerardi sanctæ memoriæ Episcopi, hujus domni LIETBERTI prædecessoris, exorta fames Cameraci, sed & in regionibus circumquaque adjacentibus, adeo invaluit, ut morientium corpora capere non valerent cæmeteria Cameracensis urbis. Incidit igitur ipsi domno Gerardo rationabile consilium, ut extrâ muros civitatis fodere faceret polyandrium, quod receptui foret tot corporibus condendorum pauperum: juxta quem locum Ecclesiam postea in honore Dominici sepulcri constructam consecravit, ut propter reverentiam tanti nominis sepultura ibi esset pauperibus & peregrinis, quam temporum labente curriculo dum meliorare disposeret, diurno fessus senio defunctus est 14. Martii 1048.

## CAPUT XLVII.

*Quòd domnus LIETBERTUS eadem intactâ Ecclesiâ, ampliori schemate construxerit.*

**I**Pse verò domnus LIETBERTUS prædecessoris ac magistri tali ac tanto animatus exemplo, devotas ipsius primitias laboraturus intravit; & quoniam parva erat Ecclesia, intactam reliquit, & juxta eam

ampliori & meliori schemate Monasterium sicut in præsentī cernitur, ædificavit. Huic tanto operi exsequendo cooperatores & ministros cōstituit domnus Pontifex eos quos in peregrinatione Hierosolymitani itineris adnotavimus fuisse socios, domnum WALCHERUM Archidiaconum videlicet, & ERLEBOLDUM Judicem civitatis & ministrum.

## CAPUT XLVIII.

*Comparatio Moysis & Lietberti, & cooperarum eorumdem.*

**O** MOYSEN sanctum! ô Moysen super omnes homines qui habitant in terrâ, mitissimum! ô Moysen constitutum in foramine petrae per quod descendit sponsus in hortum suum, ut comedat fructum pomorum suorum! ô Moysen fidelissimum in totâ domo domini sui, non qui componat Tabernaculum quod circumferatur, sed qui ædificet domum supra petram, quæ nullo turbine moveatur. Vocavit Dominus ad Moysen Beseleel & Ooliab eruditos in omni fabricarum & textricum scientiâ: dedit domno LIETBERTO Walcherum & Erleboldum plenos fide & industriâ. Vocati sunt illi qui componant tabernaculum arcæ fœderis ex tabulis lapideis: dati sunt isti qui ædificent templum Christo, & ejus Genitrici. Illi sculpebant subulis & acutis lapides inanimatos: isti componebant elemosynarum largitate lapides vivos. Ibi detrahebant pelles hircorum aut vitulorum; hinc deponuntur lacrymis & compunctione cordis sordes peccatorum. Ibi adolebantur calidi panes propositionis; hinc Apostolorum & Martyrum redolet sanguis. Ibi remanentes carnes voratarum pecudum tradebantur igni, hinc inscrutabilia judicia Dei reservantur sancto Spiritui. Ibi manna servabatur in testimonium perfidiæ Judæorum: hinc sacrosanctum corpus Christi sumitur in salutem animæ & remissionem peccatorum. Cumque domnus Pontifex adscivisset sibi viros prædictos cooperatores & consiliarios operis insumpti, tradidit illis non solum quæ habebat in domo & in civitate, sed & in omni possessione suâ ad faciendum opus. Isti quoniam dominus eorum magnis Pontificii causis erat implicitus, quotidie instabant operi, donec ipsorum sollicitudine, Deo qui verus est Opifex, concedente [opus completum est.]

## CAPUT XLIX.

*Quod super dedicandâ sancti Sepulcri Ecclesiâ sphaera lucis ignea de cœlo visa sit pependisse tota nocte; & quod xxii. Sanctorum corpora ibi sint allata.*

**Q**UOD congregatis totius diœcesis suæ sanctorum corporibus Martyrum, Confessorum, ac Virginum in nomine Domini JESU-CHRISTI & memoriâ sancti sepulcri ejus, & beatæ & gloriosæ semperque Virginis Genitricis ejusdem Domini nostri MARIAE, & omnium Sanctorum Dei consecravit xxv. Octobris MLXIV. ædificatoque in Claustro cum cæteris officinis quasi mulieres ad sepulcrum excubantes, Abbatem & Monachos eidem loco assignavit, non tantum mortuo, sed regnanti in cœlis Christo, mystica orationum unguenta exhibituros. Huic sanctæ consecrationi, ut se cœlestis potentia in virtute sanctificationis liqueceret adfuisse, visibiliter demonstravit. Per totum noctis spatium, quæ sanctæ benedictionis præcedebat diem, super ipsum Monasterium sphaera lucis in modum coronæ cœlitus emissæ pependit; profectò jam significante Deo pro hoc laboris impendio Lietbertum Pontificem misericor-

diz coronam accepturum. Hoc incredibile videbitur eis qui non credunt omnia possibilia credentibus: sed ne cui ad incredulitatem scrupulum moveat, testium veracium relatione deffendor; ipsa quoque veritas suis fidelibus promittit dicens: *Si quis mihi ministraverit, honorificabit eum Pater meus*: unde credimus ibi non defuisse Patris honorem, ubi tot Sanctorum corpora conventa fuerant. Viginti & duo dicuntur adfuisse quorum nomina ne prolixitas fastidium generet, omittimus scribere, cæterum scire volentes à se ipsis poterunt colligere. Actum & consecratum Dominicæ Incarnationis anno millesimo sexagesimo quarto, Indictione secundâ; anno quoque Pontificatus domini nostri & Patroni LIETBERTI XIV. Romæ præidente Papa ALEXANDRO.

## CAPUT L.

*Quod Cœnobium intra urbem muro inclusum, & supradicta Ecclesia in honorem sancti Nicolai consecrata fuerit.*

**E**T ne Monasterium extrâ civitatis ambitum remaneret, studuerunt ampliare mœnia, circumdantes omne illud Monasterii ædificium vallo & fossâ cum civitate totâ, quod duabus ex causis eos fecisse constat: ut civitas amplioribus ædificiis & plurimis habitatoribus nobilitaretur, & circum manentes ipsi loco civitatis firmitate munirentur; Ecclesiam verò, quam diximus mansisse intactam, postea multorum labente temporum cursu WALTERUS Abbas ejusdem loci, quoniam nimîa vetustate decidebat, ampliare meliorando studuit, additisque Sanctorum pignoribus memoriam sanctissimi Nicolai ibidem constituit.

## CAPUT LI.

*Ubi Filio Regis Francorum coronando adesse passus est LIETBERTUS.*

**R**EMIS PHILIPPUS HENRICI Regis Francorum filius præsentē Concilio Principum Regni fuerat in Regem benedicendus. Hanc benedictionem jure suo GERVASIUS Archiepiscopus Remensis XLIII. procurabat, vir omni bonitate conspicuus. Hic ut sui officii celebrius commendaretur auctoritas, tam regalibus quàm suis quoque nuntiis domnum Pontificem studuit invitare, qui licet aliâs maximis causis occupatus teneretur, & maximè pro guerrarum tumultibus, quas prævidebat d. insurgere, libenti tamen animo satis se se petentibus exhibuit ipso die Pentecostes XXXII. Maii M. LIX. Regique benedictioni sicut decebat interfuit: ipsum profectò prædictus Archiepiscopus omnimodis diligebat, & super omnes Metropolis suæ Episcopos venerabatur & colebat.

## CAPUT LII.

*Ubi in Cœnâ Domini ab Archiepiscopo Divina mysteria celebrare supplicatur.*

**A**CCIDIT in unâ quintâ feriâ majoris hebdomadæ, quæ sanctum Pascha præcedit, infatus pontificalibus insigniis Archiepiscopus cum procederet sacrosancta Missarum solemnia celebrare, prospiciens vidit adstantem domnum nostrum LIETBERTUM Pontificem; quo viso substitit, retrorsumque rediens quibus erat infatus insigniis exiit, & quod celebraturus erat sacramentum suppliciter, domnum Lietbertum rogat celebrare; quod vix im-

d. prævidebat] Sic restituit Baluzius: editum erat, par-] vixendebat.

petrare valuit : quæ res cunctis qui aderant in eum magnæ venerationis causa fuit.

### CAPUT LIII.

*Ubi Hugonis municipium Porgivallem subvertit.*

**H**Oc temporum curriculo prædictus HUGO Cameracensi pago non longius à civitate quam decem milliaribus apud quemdam locum, Porgivallem dictum, municipium firmavit, in quod introiens cum satellitibus suis res vicinas devastabat Episcopi. Hoc Episcopus diù ferre non potuit, sed collectos equites & pedites illuc direxit : municipium assultu opprimitur, & igne succensum ad terram prostermitur : sicque locus ille à satellitibus emundatur. Hugo suorum speluncâ prædictâ [dirutâ] alibi divertit, prædasque & mala plurima in Episcopum repetivit. His & aliis pluribus infortuniis non frangebatur miles Christi, sed patienter omnia ferens, meditabatur qualiter ipsius insolentiam contunderet, quod & fecit.

### CAPUT LIV.

*Ubi Hugo absolvi non meretur, nisi prius faciat ea quæ ab Episcopo decernuntur.*

**P**ost hæc HUGO quamdam puellam ADAM nomine, neptem videlicet RICHARDIS Comitissæ Montensis cepit amare, eamque in conjugium sibi velle copulare; sed quia excommunicatus erat, quomodo, quaque ratione id perficeret, nesciebat. Quid faceret? absolutionem non curabat magnopere, quarit tamen eam à domino Episcopo per internuntios desiderio cupitæ puellæ. Porro Episcopus fatigatus multis injuriis ejus, absolvere eum nolebat, nisi prius dimissionem manu propriâ (quod & vulgo Werpire dicitur) faceret ex omni beneficio quod infra ambitum Cameracensium civitatis habebat. Hugo verò desiderio juvenulæ inflammatus, fecit Episcopo secundum optionem ejus : Werpivit palam omnibus, præsentem domino Episcopo suisque Militibus, præsentem Comitissâ RICHELDE, suisque Principibus, quidquid habebat beneficii infra civitatem ipsam Cameraci; sicque absolutus fidelitatem Episcopo fecit de reliquis Castellaturæ bonis, & inde obsides dedit. Hæc autem fidelitas non diù est ab ipso Hugone observata; quâ jurejurando promissâ in Natali sancti Andree, infregit eam secundâ feriâ post Palmas. In hac enim feriâ majoris hebdomadæ factam prædam super Cameracenses reddere noluit, sed in ipso absolutionis die qui est ante Parasceven, diffidentiam domino suo mandavit; postea Cameracum derelinquens, malum quod potuit sicut primitus facere instituit. Commonitus crebrò sub nomine terræ & in fidelitate quam juraverat præsentibus Comparibus suis, ante conspectum domini sui tandem venit, de quibuscumque interpellatus est rectum facere nolens, injustior quàm venisset recessit. Unde Compares ejus, & alii quamplurimi Nobiles qui communi utriusque causâ placito interfuere, reum judicantes eum, terram quam de Episcopo tenebat ei abjudicavere.

### CAPUT LV.

*Ubi HUGO sanctum Episcopum apud Buricellum capit, & apud Osiacum in custodiâ claudit.*

**H**UGO autem ad municipium quod apud Osiacum sibi paraverat rediit, & malum adversus Episcopum facere non cessavit : Episcopus tamen patienter ferens hæc omnia, abjecto amore parochiam suam circuibat, & Ecclesias quæ sacrandæ erant benedicens, & cætera ministerii sui opera per-

ficiens. Accidit ut dum hujus laboris exercitio ad quamdam villam Buricellum nomine deveniret, Ecclesiamque villæ consecrandam benediceret, & post consecrationem in chrismandis turbis fatigatus ibidem pernoctaret, præfatum Hugonem fama hujus rei non latuerit; qui acceptis secum complicitibus suis ad domum illam pervenit, in quâ jam lecto receptus Episcopus lassata membra commendabat quieti, fractis domus ostiis & quibusdam resisten- tibus interfectis, pervenit ad cameram in quâ Pontifex cubitabat cum WILBOLDO Præposito suo & Capellanis suis. Sentiens Wilboldus violentiam, ostio camerae quasi pro obice se se opposuit, sed unus pluribus resistere non valens, fracto ostio ab ipso Hugone interemptus occubuit : denique Episcopum sicut in lecto jacebat cum camisiâ tantum ille infamis homicida non timuit accipere, & ad municipium suum ita nudum asportare, clausumque in custodiâ retinere.

### CAPUT LVI.

*Ubi Arnulfus Episcopum cum honore ad urbem re- duxit, & Episcopum destructo Osiaco municipio Hugonem ab omni patria expulit.*

**H**AC igitur famâ ARNULFUS Comes Flandren- sium & mater ejus RICHELDIS excitati, sum- ptis militibus suis, continuo ambo ad Osiacum ve- nerunt, & requirentes Episcopum, cum summâ di- ligentiâ repertum reduxerunt Cameracum cum gran- di gloriâ & honore, donaverunt insuper pallus & muneribus Ecclesiam Sanctæ Dei Genitricis MARIE, aliaque Monasteria civitatis Cameracensium. His ita- que dignè & laudabiliter perfectis, Flandrentium Comes cum matre suâ latus in patriam suam rediit. Episcopus verò totis animi viribus Hugonem insequutus non contraxit manum, quoad usque destru- cto Osiaco municipio procul eum pelleret à Came- racensibus finibus. Expulsus taliter siluit adversus Episcopum de omni clamore, & vita ipsius, terra quoque requievit à facie malignitatis ejus.

### CAPUT LVII.

*Quæ & quanta bona diversis Ecclesiis & civitati propria vir Dei fecerit.*

**S**UPERVENIENTE senio cepit Episcopus corpore lan- guescere, sed de æternâ vita sollicitus animo con- valescere, hereditatemque præclaram, quam ab antecessoribus possidebat ad mundi hujus gloriam, transferre studuit ad nanciscendam æternæ vitæ patriam. Tantum de hereditatibus & sui juris rediti- bus ad Ecclesiam sanctæ Dei Genitricis MARIE Cameracensis sedis per Chartarum instrumenta con- tulit, ut inde æfectionem cibi & potus habeant Ca- nonici per omnes Dominicas totius anni; ita tamen ut in omnibus secundis feriis à congregatione gene- raliter Missa celebretur pro animâ ejus & pro fide- libus defunctis. In Ecclesiâ sancti Autberti Clericos regulares constituit, Abbatem eis præfecit quartâ Maii M. LXXVI. ejectis prius quibusdam Clericis ibidem negligenter nimis & inordinatè servientibus. Altaria valde bona & possessiones præclaras superaddidit; præbendas magnificè de suo proprio restauravit. ERLEBOLDUM qui Ecclesiam sanctæ Crucis ædifica- vit, & rebus & consilio multum juvit, & in eli- gendis & ponendis Canonicis nimirum & electionem adhibuit. Ecclesiam sancti Vedasti, quam restaura- vit idem ERLEBOLDUS, fecit consilio & auxilio ejus. Monasterio sancti patris nostri Gaugerici Episcopi hujus civitatis decimas dedit, & rebus aliis valde bonis locum ditare studuit; Novum-castrum & Ab-

batiam sancti Andreæ Apostoli, & Cænobium sancti Humberti semper fovit, semper meliorare studuit, semper exaltare non cessavit. Congregationi Beatæ MARIÆ Attrebatensis Debelrem tradidit. In Monasterio sancti Vindiciani apud montem sancti Eligii Clericos regulares constituit, & ejectis illis qui negligenter ibidem serviebant, multa de suis bonis ibi deservientibus superaddidit. Civitatem quam Episcopus factus pro guerrarum seditione desertam invenit, populosam & opulentam fecit. Nulli suorum civium nocuit, cum omnibus prodesse studuerit. Clericos suos, & omnem ordinem Ecclesiasticum diligebat, sicut gallina quæ congregans pullos suos, fovet eos sub alis suis.

## CAPUT LVIII.

*Ubi Arnulfo Comite apud Castellum interfecto, ROBERTUS Comes hanc patriam devastat.*

**E**A tempestate audiens ROBERTUS mortem fratris sui BALDUINI Comitis, qui apud Hasnonium Ecclesiam destruxit, factione majoris Flandrensium partis super ARNULFUM Comitem & matrem ejus Flandrias irrupit, ad cujus violentiam refragandam prædicta RICHELDIS Comitissa cum Filio suo Arnulfo, cum quo sicut prædictum est domnum nostrum LIETBERTUM de captione Hugonis extraxerat, Regem franciæ PHILIPPUM evocavit, ejusque auxilio apud Castellum bellare paravit: sed Flandrensibus, quorum dolo Robertus ille Flandrias intraverat, dolose pugnantis & terga vertentibus, ipse puer ARNULFUS occiditur; quo mortuo, fugatæque matre, totus Marchionatus cecidit ROBERTO. Hoc eventu belli nimis efferatus, in tantam prorupit insaniam, ut dominatum Cameracensium civitatis imperio præripere vellet Imperiali, & suæ submittere ditioni, unde collecto frequenti exercitu villas civitati proximas depopulans per cunctam viciniam bacchabatur. Quod dum non semel, sed bis annuatim faceret, totamque Cameracensem patriam penitus in solitudinem redigeret; dominus Pontifex per internuntios eum sæpe commonebat, & ut ab incepto desisteret, nunc prece, nunc pretio sæpius orabat: sed ne quidem audire volens, fastu superbiæ sæcularis inflatus minabatur non modò à devastatione regionis non cessare, sed ipsam quoque civitatem, nisi sibi eam redderet Episcopus, ad nihilum redigere.

## CAPUT LIX.

*Ubi bonus Pastor LIETBERTUS agrotans in lecto gestatorio ad tentorium Comitis urbem obsidentis se deferri iussit, & eum omnemque exercitum ejus gladio anathematis percussit, & sic eadem die obsidionem solvit.*

**I**Nter hos laboriosos vitæ mortalis sudores, inter præscripta sanctorum operum operta exercitia Deo dignus Pontifex fatigatus in infirmitatem decidit, quam per tres continuos annos mirâ patientiâ devicit, sustinuit; quem tyrannus ille audiens agrotare, tamquam de Pastoris absentia gratulabundus rursus infremit, rursus in caulas Dominici gregis insanit, collecto maximo exercitu velut ex improvviso ad civitatem advolat tamquam expugnaturus eam. Quod factum dominus Pontifex gravissimè tulit, & ultra quam dici potest indoluit; præcepit quanto citius ut in lecto gestatorio levaretur, & per medias acies bellatorum usque ad tentorium ipsius tyranni portaretur: tantis quidem podagræ doloribus angebatur, ut nullo modo in pedes subscendere posset. Delatus ex sententiâ usque ad tentorium Comitis,

postquam vidit eum graviter infremuit, & cum magnâ severitate scelestos ausus præsumptionis ejus increpavit, utque de terrâ dominæ suæ MARIÆ discederet, auctoritate Pontificali commonuit, suusenim Parochianus erat in quantum Comitatus Attrebatensis sibi cedebat, quoniam Cameracensis & Attrebatensis Ecclesia tunc temporis uni Pontifici parebat. Illo non curante sed mente superbâ Pontificis oburgationes quali quædam ludicra subsannante, Pontifex manibus se se sustentans resumptis viribus in lecto resedit, ut tibi virga pastoralis cum stola Sacerdotali porrigeretur imperavit, quibus acceptis impræsentiarum protinus ipsum Comitem cum omni exercitu ejus usque ad satisfactionem excommunicavit. Videns Comes tantam in viro Dei mentis & justitiæ constantiam, reveritus ætatem & reveritus Pontificis auctoritatem, quodque veriùs est terrore divino percussus, cum esset hora diei nona movit castra; & licet infrendens, licet minas ingeminans, quantum dies concessit extrâ terram quæ sibi contradicebatur secessit. Cæteri quorum mens sanior fuit, priusquam recederent, prostrati solo coram Pontifice veniam petunt, & quod deinceps hoc malum super Cameracensem Ecclesiam non iterarent, tactis Sanctorum Reliquiis juraverunt. Tonentes itaque singuli damnum quod intulerant patriam depopulantes, absolutione susceptâ læti redeunt; quoniam qui venerant amati furore bellico, recedebant gratificati timore divino. Ita liberata civitas ab obsidionis terrore studio sui Pontificis, laudes refert Deo, suæque gloriose Genitrici.

## CAPUT LX.

*Ubi commendatur constantia beati Pontificis.*

**O** Gloriosum Pontificem non armis, sed fide pugnans. *Mercenarius qui non est pastor, videt lupo venientem & dimittit oves, & fugit. Bonus Pastor animam suam dat pro ovibus suis.* Ecce libertatis prædium, ecce Pontificis officium. Lietbertus ab hostilis invasionis oppressione liberat patriam: Pontifex post redargutionem scelerum confitentibus implorat veniam: libertate nobilis animi se se viriliter ingessit hostibus, auctoritate Pontificali redarguit tyrannorum rabiem, ne tam crudeliter ad animarum suarum periculum grassarentur in populorum deprædationibus, ascendit ex adverso opponens se murum pro domo Israël, hoc est pro Ecclesiâ sibi commissâ, ut posset stare in prælio in die Domini. Ex adverso ascendere, est quibuslibet potestatibus præve agentibus liberâ rationis voce contraire; & in die Domini pro domo Israël in prælio stare, ac murum se opponere, est fideles innocentes contra perversorum injustitiam ex justitiæ auctoritate vindicare; sed stare in periculum non potest, qui eo quod præst non oves diligit, sed lucrum terrenum quærit: animæ pereunt, & ipse de terrenis commodis latatur: sed noster Pastor per Dei gratiam bonus & libertas patriæ, opponere se contra periculum non trepidavit, ne hoc quod diligebat amitteret; nec timuit cuneos intrare bellatorum, ne gregis sibi commissi sustineat detrimentum. *Julius ut leo confidit:* verè confidit qui Comitibus Flandriarum faciem non erubuit, qui inter gladios militum superbiam malignitatis ejus non siluit: postremò minas tyrannidis ejus non timuit: verè confidit qui Comitem Flandriarum Pontificaliter increpavit, & quia obedire nolebat, præsentem excommunicavit; perpetratâ victoriâ, fugatis hostibus, libertas patriæ quo advectus fuerat lecto reportatur ad domum, necnon intrâ Pontificale relocatur cubiculum.

Joan. 10. 11.

Prov. 18. 1.



## CAPUT LXI.

*Narratio afflictionum ejus.*

**D**Efficientibus corporis viribus augmentabatur infirmitas, & de die in diem multis incommodis molestabatur senilis ætas; & quoniam diutino languore jacuerat, etsi putrescente carne penè membris omnibus deflueret humor, nusquam tamen cili-  
*Psalm. 6. 7.* cium quo à diebus suæ ordinationis semper usus est, mutare voluit, neque lecti duritiem à proposito religionis rigore molliri permisit. Laborabat in gemitu suo, lavabat per singulas noctes lectum suum, lacrymis stratum suum rigabat. Quoad vixit, panis ordeaceus victus ejus fuit assiduus, nec eum nisi dies sollemnis levabat; quem sic sollicitè, sic honestè anteponi mandaverat inter epulas Pontificales, ut à nullo convivantium percipi posset: epulæ quidem carni-  
*1. Thess. 4. 13.* um sufficienter apponebantur, sed panis & aqua disciplinaliter sumebantur; inter convivantes jejunos, inter jucundos sobrius erat: mensis ipsius pauperes nunquam deerant, quibus diurnam annonam sicut domesticis suis constituerat, inter quos si leprosus venisset, scyphus ei Pontificalis præbe-  
*Isai. 40. 6.* batur, & tamquam calix Domini præclarus iterum Pontifici præsentabatur. Psalmos pœnitentiales diebus infirmatis suæ intuebatur & legebat, & ubertim ac jugiter dolebat, & ne intentio ejus à quoquam impediretur, Religiosis & Ecclesiasticis viris utebatur, quorum consolatione passionem carnis & animæ relevabat.

## CAPUT LXII.

*Ubi agrotus lecto decubans ad requiem supernam anhelabat, & subiectis monita pariter & exempla salutis exhibebat.*

**O**Irrecusabilis necessitas mortis! ô inevitabilis conditio quæ nulli parcat! noster liquidem Pontifex tam senectute quàm morbo confectus, diem suæ vocationis ultimum expectabat, & sicut cervus sitiens ad fontes aquarum, ad spem æternæ quietis anhelabat: qui nimirum in lecto decubans, licet fractis viribus deliquescens, morbos tamen & annos mentis fortitudine vincens, sanctis monitis ad hæreditatem cælestis patriæ cunctos invitabat; imitator quippe fiebat magistri sui de quo dicitur: *Capit JESUS facere, & docere.* Insinuabat mansuetudinem & misericordiam, largitatem in pauperes Christi quam semper exercuerat, docens quantam apud Deum confidentiam pro hac qui exercent consequerentur, ut eos in eo die periclitantes in æternum suum tabernaculum [reciperet.] Compleverat & ipse mandatum Evangelicum quod dicit: *Vende quæ habes, & da pauperibus, & habebis thesauros in cælo.* Vendidit sua, sed Deo; quoniam de cunctis quæ juris sui erant sponsam Christi Domini sui, sanctam videlicet Ecclesiam subarraverat, pluribusque locis, sicut supra taxavimus, Christi pauperes aiebat, & exoptans toto mentis affectu proficere de virtute in virtutem, cunctos sibi commissos hortabatur ut poterat præsentem postponere præsentis sæculi desideria, amare cælestia.

## CAPUT LXIII.

**C**Umque de imminente ejus exitu conquerentes alterutrum lamentarentur, dicebat: Nolite arbitrari, mei carissimi filii, me velle quasi decurso spatio ad carceres à cellâ revocari: quid enim habet vita humana jucundi? quid non potius laboris? non libet enim mihi deplorare vitam quomodo multi & indocti faciunt, neque me vixisse pœnitet;

quoniam ita vixi ut non frustrâ me natum existimem; & ex vitâ discedo ita tamquam ex hospitio, non tamquam è domo. Commorandi naturæ auctor Deus nobis diversorium non habitandi dedit: moriendum certè est, & id incertum an eo ipso die. Omnia verò quæ secundum naturam fiunt, sunt habenda in bonis. Quid est autem tam secundum naturam, quàm senibus emori? Horæ quidem cedunt & dies, & menses, & anni; nec præteritum tempus unquam revertitur, nec quid sequatur sciri potest. Quod cuique temporis ad vivendum datur, eo debet esse contentus: tantum remanet quod rectè factis & virtute consequutus sis, sed vivendi finis est optimus, cum integra mente certisque sensibus opus ipse suum qui coagmentavit, dissolvit. Et ædificium idem facillimè destruit, qui construxit; sic hominem eundem optimè qui conglutinavit Deus, dissolvit. Mortem igitur omnibus horis impendentem meditemur, nam dum sumus in his compagibus corporis, quodam necessitatis, & gravi opere perfungimur: sed ipse Deus auctor immortalitatis ut finem imponeret necessitati, terminum vitæ carnali dedit, volens nos venire ad ipsum munus immortalitatis, unde ne censes lugendam mortem quam immortalitas consequitur? *Si enim credimus quod JESUS mortuus est, & resurrexit, ita & Deus eos qui dormierunt per JESUM adducet cum eo.*

## CAPUT LXIV.

*Ubi percepto viatico corporis & sanguinis Domini spiritum tradidit.*

**I**Nter hæc flante Austro lilium sensim in pallore migrabat, quia videlicet *omnis caro fœnum, & omnis gloria ejus quasi flos fœni*: quod animadvertentes qui aderant, sacrosancti Evangelii deferunt codicem, quatenus recedenti de sæculo Dominicæ passionis supplicia quæ pro nostrâ redemptione sustinuit, recitarentur, & Dæmonum spiritus tantæ lectionis ventilabro repellerentur. Cumque à circumstantibus interrogaretur, an intenderet his quæ legebantur, respondit recitari passionem Christi secundum Evangelium Johannis. Postquàm ventum est ad id: *Cum ergo accepisset JESUS acetum, dixit, consummatum est*: percipiens & ipse Viaticum corporis & sanguinis Christi, inter manus plangentium Deo, cui omnia vivunt, & cui non pereunt moriendo corpora nostra, sed mutantur in melius, suum tradidit spiritum vigesimo-sexto Ordinationis suæ anno felix Episcopus, senex emeritus, vetus hospes, plenus dierum, dans pacem filiis, & vale dicens ultimum, vinculis carnis absolutus feliciter decimo Kalendas Julii decedente sole migravit ad Christum.

## CAPUT LXV.

*De quibusdam miraculis in ejus obitu ostensis.*

**T**Estati sunt qui interfuerunt, post emissum spiritum capillorum ipsius albedinem in pristinum rediisse colorem juventutis. Testatur etiam Religiosorum virorum contubernalis veritas, quod per decennium priusquàm vitâ decederet, à tactu genitalium membrorum, penitus abstineret, sed si necessitas naturalis vel in equitando vel in procinctu quolibet alio tangere compulit, vel pallio, vel camisiâ manus obvolvitur. Dum verò corpus ejus mortuum nudaretur ad lavandum, ut monstraret Deus quod pudorem castitatis servaverat, ea membra, cancellatis manibus sibi textit, sicque donec reindueretur jacuit, lotus aquâ, vinoque perfusus, postquàm femoralibus reindutus complotas manus dissolvit, sicque quasi rursus mortuæ reciderunt. Qui aderant glorificaverunt

*Act. 1. 1.**Matt. 19. 21.**Joan. 19. 30.*

glorificaverunt Deum qui facit res mirabiles; & funeris exequias explentes levaverunt corpus feretro, quod deferentes locaverunt in Ecclesiâ sanctæ Dei Genitricis & perpetuæ Virginis MARIÆ, vigiliæque noctis illius cum psalmis & orationibus, cum luctu & mœrore maximo peregerunt.

## CAPUT LXVI.

*Quod in Ecclesiâ sancti Sepulcri, quam ipse edificare & dedicare mœrit, ante quinquennium sibi sepulcrum effodi fecerit, in quo & sepultus requiescit.*

**M**Ane factò detulerunt illud ad Monasterium sancti Sepulcri, quod à fundo sicut est ædificaverat, & ordinatq Abbate & Monachis, locum possessionibus & rebus commodis sicut hæcenus cernitur, honoraverat. Ibi quoque ante quinquennium quàm vitâ decederet effodi sepulcrum sibi fecit, quod certis diebus revisens, & primò quidem desuper incumbens lacrymis & gemitibus fossam perfundebat, deinde pane vel carne, vel aliis cibariis implebat, quæ pauperibus erogari mox faciebat. Sepultus est autem cum gloriâ & honore Pontificali anno Pontificatus sui vigesimo-sexto, nono Kalendas Julii, Dominicæ Incarnationis 1076. Temporibus Gregorii septimi Papæ, Regnante Domino nostro JESU-CHRISTO, cui est honor & gloria in sæcula sæculorum, Amen.

*Decimo Kalendas Julii obiit dominus Lietbertus Episcopus Cameracensis atque Attrebatensis trigessimus primus anno Dominicæ Incarnationis 1076. Quarto Kalendas Octobris. Translatio ejus, anno Dominicæ Incarnationis 1211. Ab obitu usque ad translationem ejus 135. à Translatione primâ usque ad secundam anni 61. qua facta est Octavo Idus Junii.*

**E P I T A P H I U M**  
**DOMINI LIETBERTI**  
**CAMERACENSIS EPISCOPI,**  
**Ecclesiæ Dominici Sepulcri fundatoris.**

**C**landeris hoc tumulo lapidum LIETBERTE Sacerdos;  
*Spes & amor Patriæ, Laus, Decus Ecclesiæ.  
 Hancque domum Christi spe felix instituit,  
 Rursus ut olivâ luce fruaris eâ.  
 Clauditur incessu Cancris, solisque recessu  
 Orbi sexta dies; qua tibi sis requies.*

F I N I S.



**V I T A**  
**DOMINÆ HILDEBURGIS.**

**T**EMPORIS quo Rex PHILIPPUS, Henrici Regis filius, Regni Francorum regebat habenas, fuit quædam femina, HILDEBURGIS nomine, de nobili prosapia in pago Carnotensi Castro Galardone exorta. Hujus pater existit HERVÆUS Castri Galardonis do-

minus, potens divitiis & honoribus: genitrix verò illius BEATRIX vocata, & ipsa parentili generosità eximia. Quæ cum infantiæ pueritiæque transisset annos, jam adolescentili ætate subeunte, nobilis adolescentula legaliter & honorificè, ut dignum erat, à parentibus in matrimonium conjuncta est viro generoso, facultatibusque locupletato, ROBERTO Ibrienti. Succedenti deinde tempore congruo peperit tres filios, quorum primus ASCELINUS, cognominatus GOELLUS, secundus WILTINUS, utrique Milites insignes. Tertius ROBERTUS clericali ordine insignitus. Deinde venerabilis monacha conservans quod ait Apostolus, honorabile connubium omnibus, & thorus immaculatus, honorabiliter viro suo fidem conjugii custodivit, corpus suum integerrimè à corruptione adulterii, atque ab alienâ commixtione impollutum, Domino, cui omnis munditia & incorruptio placet, adjuvante, conservavit.

Porro vir ejus memoratus ROBERTUS cum jam senescere inciperet, gratiâ Dei cor suum visitante, apud semetipsum pertractans cum Propheta David, quoniam adhærere Deo bonum est, & ponere in Domino Deo spem suam: & quia mundus transiit, & concupiscentia estis, omnia hujus mundi oblectamenta, necnon fugitivos honores, omniaque vanitatum deliria, quæ humana corda à cœlesti desiderio subtrahunt, atque ad infernalium tormentorum, deferere decrevit, sanctorumque Monachorum contuberniis aggregare perseveranti animo semetipsum instituit. Deliderii itaque sui procrustinationem non ferens, uxori suæ venerabili Hildeburgi, filiisque suis, atque familiaribus amicis votum suum patefacere curavit; quorum consilio licet propositum suum differre atque perturbare diutius conarentur, ordinatâ domo suâ, dispositisque rebus suis, Beccense cœnobium expetiit, ibique Monachus effectus, residuo vitæ suæ tempore religiosè humiliterque conversatus, vitam finivit, atque, ut credimus, Sanctorum Monachorum cœtibus sociatus, regnum Dei percepturus requiem sempiternam introivit.

Post obitum verò Roberti, cum deinceps venerabilis vidua Hildeburgis in viduitate suâ se castificare, atque à conjugio abstinere mallet, filii ejus, & amici, timentes ne, quia adhuc juvenis erat, à consortiâ viri se abstinere non valeret, suaserunt ei, quatenus nimirum viro nuberet: quorum consilio diu multumque reluctans, cessit invita, timens ne si eis credere detrectaret, aliquod turpe sibi, filiisque suis, ac parentibus, de incontinentiâ suâ emergeret. Cum ergo quidam Miles nobilis, divitiis honoribusque fulgens ei nubere gestiret, constituto die venit cum multo militum comitatu, ut eam uxorem acciperet. Præparavit verò se venerabilis matrona, induitque se pretiosis vestibus multicoloribus. Verum cum per gradum ligneum de domo egrediretur, repente gradus ligneus corruit, ipsaque ad terram corruens, graviter per totum corpus, maximèque circa coxas allisa est. Quapropter evidenti- bus indiciis à Domino hoc flagello percussam se esse animadvertens, seque ipsam miseram, meretricemque incusans, nullatenus amplius alicui se nupturam protestata est.

Quomodo autem reliquo vitæ suæ tempore vixerit, qualiterque corpus suum mortificaverit, quibusque elemosynis & abstinentiis, operibusque sanctis Domini misericordiam promeruerit, aliquantisper pro posse declarabimus. Monasteria Mona-

Marius ejus Monachum inuit in Beccensi cœnobio.

Ut secundò matrimonium contrahat, consulunt filii & amici.

Sed quasi miraculo impeditur.

Ex Chartulario Abbatis S. Martini Pontifaveris, cap. 134. Parentes Hildeburgis.

*c vigesimo-sexto, ] Imò vigesimo-octavo, ut vidit Acherius.*

Tom. II.

*f decimo ] Quæ sequuntur, ait Acherius, ab alio auctore scripta esse constare videtur ex capite a. suprâ.*

V

Morabatur  
identidem  
propè Mo-  
nasterium.

Præcipue  
juxta Mo-  
nasterium S.  
Martini Pon-  
tifarae.

Austerrimè  
vitam duce-  
bat.

chorum Sanctorum, Monialiumque perlustrans, societates participationesque orationum, & beneficiorum expetebat, & accipiebat, eisque caritatem pro viribus expendebat: unde locum morandi apud sanctum Petrum Carnotensem, & apud sanctam MARIAM Columbensensem, & apud sanctam MARIAM Beccensem, & apud sanctum Taurinum Ebroicensem, & apud sanctam MARIAM Ibricensem, ab habitatoribus locorum istorum expetivit, & pro voluntate sua accepit. Apud Ibricum hospitalem domum receptui hospitum, peregrinorum, & pauperum ex proprietate sua, filiique sui GOELLI, furnumque constituit; quibus pro posse impensas præparavit. Videns verò propter frequentes guerras, quas filii sui finitimis suis faciebant, se ibi quietè vivere non posse, à filio suo Goello res quas in confinio Gaudiaci villæ, quæ est juxta Isaram, jure hereditario possidebat, poposcit sibi dari, quatenus securè quieteque ibi vivere valeat, & ab ipso benignè accepit. Quo impetrato Pontifaram venit. Eit autem ibi juxta Pontifaram Monasterium in honore sancti Martini, quod tunc temporis regerat THEOBAUDUS, sanctæ memoriæ Abbas. Cognoscens quidem loci illius habitationem opportunam frequentare cœpit, notaque Abbati & fratribus facta est, participationemque beneficiorum loci expetens, pro voluntate sua adepta est. Postmodum verò Xenodochium juxta prædictum sancti Martini Monasterium fecit, pauperulamque domum ad suam habitationem, in qua, quia erat monasterio contigua, quoad vixit, morata est. Admavit itaque locum monasterii Pontifarenis super omnes domos quas viderat, & noverat; fecitque ex proprietate sua intra claustra monasterii domum infirmariam, ornavitque Ecclesiam multis ornamentis, quæ usque hodie in monasterio conservantur. Si quando victualia Monachis deerant, ipsa pro posse suo illorum indigentiam supplebat. Hæc & alia in laicali adhuc habitu posita faciebat, & cum religionis habitu indueretur, facere non desistebat. Abbatem ex suo proprio ipsa vestiebat, multisque Fratribus vestimenta præbebat.

Quantum autem sibi parca fuerit, quam larga aliis, non facillè valet edisseri. Domabat carnem suam multis cruciatibus, ne insolesceret, spiritumque subjugaret; secundum Apostolum: *Spiritu ambulate, Et, Carnis curam ne feceritis in concupiscentiis*. Quis verò audiat, & facillè credat, quantis vicibus & per æstatem, & per hyemem ad orationem procumbens, ventrem & genua nudabat, & sic terræ & pavementis adhærebat. Hoc planè ideo faciebat quatenus caro frigeret, nec libidinis calorem sentiret. Tolerabat nimios algores, fame siti-que arebat, ut tuam, Christe, consequeretur misericordiam. Et quia psalterium in juventute sua dicerat, psalmos die ac nocte decantabat. His, aliisque operibus bonis religiosa Sanctimonialis insistebat.

Volens denique Ecclesiam sancti Martini retribus ampliare, expetivit filium suum GOELLUM, multisque eum precibus deprecata est, quatenus pro salute animæ suæ, uxorisque suæ, filiorum, filiarumque suarum, omniumque antecessorum suorum animabus, daret Domino, & sancto Martino, Monachisque Pontifariensibus in elemosynâ hereditatem suam, quam habebat apud Gaudiacum. Quod facere recusavit: verumtamen quoniam multis vicibus has postulationes repetivit, tandem hoc concessit, ut Monachi totâ vitâ matris suæ prædictam hereditatem haberent, atque post decessum ejus uno tantum anno. Factum est autem cum uno anno post transitum religiosæ sanctimonialis Monachi tenuissent hanc elemosynam, ut post finem anni GOELLUS eam in suam redigeret potestatem. Quâdam autem nocte jacebat GOELLUS in lecto suo, videbatque se esse in Ecclesiâ sancti Martini Pontifariensis inter altare principale & matutinale, ubi mater ejus faciebat mandatum trium pauperum lavans eorum pedes, ipse verò tenebat bacinos cum aquâ, & manutergium, uti matri suæ serviret. Ipsa aspiciens in eum tamquam furibunda, loquebatur ad eum dicens: impie subreptor, quare subripuisti mihi elemosynam, quam dederam servis Dei? & volebat eum percutere de cultello album manubrium habente, quem tenebat in manu suâ, dicens: Nisi reddideris mihi hereditatem meam, morte morieris. Evigilans narravit uxori suæ quæ viderat; statimque misit nuntium, qui faceret ad se venire bonum Abbatem THEOBALDUM. Cui venienti retulit GOELLUS quæ viderat, & audierat, & hereditatem omnem, quam habebat apud Gaudiacum, Abbati prædicto, Monachisque Pontifariensibus reddidit. Hæc omnia firmiter concesserunt uxor ejus ELISABETH, & filii ejus ROBERTUS & WILTINUS, coram adhibitis testibus.

Aliâ vice apparuit prædicto Goello mater sua manu tenens marsupium vacuum, & dicebat ei ut præstaret sibi quatuor libra. Drocassensis monetæ. Quod & fecit, misitque per capellanum suum Wiltinum ad Ecclesiam sancti Martini ad faciendum anniversarium matris suæ: similiter fecit omnibus annis quibus supervixit. Dedit etiam decimam sterlinorum suorum de redditibus quos habebat in Angliâ omnibus diebus vitæ suæ. His modis religiosa Sanctimonialis terruit Goellum filium suum, & mansuefecit, & amicum fecit Ecclesiæ sancti Martini Pontifariensis, & Monachis ibi Domino servi-entibus.

Mortua est autem HILDEBURGIS Sanctimonialis in senectute bonâ, plena dierum & bonorum operum. Obiit autem tertio nonas Junii, & sepulta in Ecclesiâ beati Martini Pontifariensis. Ad cujus tum- bam post mortem ejus miracula multa Domino faciente ostensa sunt, regnante Domino nostro JESU Christo.

Multa confert  
Monasterio  
Pontifarensi.

Post obitum  
in somniis ad-  
monet filium  
Goellum.



# VITA ET MIRACULA SANCTI PETRI DE CHAVANON.

Fundatoris ac primi Præpositi Ecclesiæ S. Mariæ de Piperaco in  
Episcopatu S. Flori in Arvernâ, Ordin. Canoniorum Regular.  
Sancti Augustini.

*A Stephano ejusdem Ecclesiæ Canonico Reg. ante annos 500. conscripta.*

## P R Æ F A T I O.

**C**ARISSIMO suo Poncio, Dei gratiâ Piperacensis Ecclesiæ Abbati Stephanus servus Christi.  
Vitam & actus seu miracula quæ Dominus per Domnum Petrum primum Piperacensis cœ-  
nobii institutorem patravit, me scribere, Pater Carissime, salubriter ac sæpius admonuisti. Cui  
oneri me imparem judicans, hunc penè laborem omnino subterfugi. Verum tuis orationibus  
fretus, quod in me animus erat, per te à me fieri posse confusus, nolui meam inertiam obtendere, imò  
pro posse tanti Patris præcepto parere. Religiosissimo enim studio commotus, ac nutu Dei, credo præ-  
monitus, quem per te hoc mihi injungere perpendebam, noluisse diutius lumen Ecclesiæ Dei in tenebris  
latere, neque sub modio, sed super candelabrum omnibus qui in domo sunt lucere. Equius tamen fue-  
rat hæc alicui sancto viro scribenda mandare, cujus verba conjuncta virtutibus reflorent; me verò ve-  
luti arborem infructuosam relinquere, qui in horto deliciarum sponsi nec manere, nec fructum aliquem  
offerre huc usque curavi. Non enim parvum fructum in se habet talis labor, talisque tractatus. At ego  
dum merita venerabilis viri styli officio conor evolvere, laudes ejus potius inclino, quàm digna factis de-  
promam. Nam licet illa antiquorum facundiæ pompa mihi suppeditaretur, non arbitror tamen me  
in hoc posse sufficere. Multa igitur de pluribus præteriens, quæ relatione fidelium verà esse comproba-  
vi, ac nondum interceptit oblivio, pauca de pluribus posterorum memoriæ tradere curabo. Et ne longior  
epistolaris schedula tædiola fiat, propositum opus aggrediar.

CAPUT I.  
Petrus nobilis  
Arvernus.

Virtutibus  
crescit.

**E**x illustrium igitur prosapiâ Arvernorum provin-  
ciæ, è territorio Langeacensi Dominus Petrus,  
vir venerabilis vitæ, ac lummæ sanctitatis existit  
oriundus. Sagaci siquidem parentum religiosorum  
curâ educatus, ac liberalibus studiis ceu quodam  
divino prælagio, & Dei dispositione ab infantiâ man-  
cipatus, pueriles annos simpliciter, & astutè tran-  
segit. De stirpe verò ejus plurimi existisse ferun-  
tur, quorum vitam Deus per miracula sæpissimè  
declaravit. Revera enim cum essent genere clari, &  
rebus locupletes, inter catervas nobilium tantâ ho-  
norificentia afficiebantur, quanto magis ad æter-  
nam, quàm transitoriam felicitatem aspirabant. Et  
quia generatio rectorum benedicetur, iste velut si-  
cus clarissimum inter minora astra refulgens, li-  
neam generis sui sanctitatis lampade mirabiliter de-  
coravit. Ab ipso enim juventutis primordio mun-  
di illecebras devitavit, lasciviam fugit, quam solet  
illa ætas amplecti: & in Ecclesiis nunc parentibus  
comitatus, nunc solus pernoctando in vigiliis, &  
obsecrationibus, seipsum hostiam vivam, Deo pla-  
centem offerens, quibus poterat impensis templum  
Spiritus sancti ædificavit. Flagrabat ejus intentio  
cœlestis patriæ accensa desiderio, & jam cum Apo-  
stolo conversatio ejus in cœlis erat. Specie tenus  
mundo deserviens, irreflexâ mente deserta cum  
Joanne Baptista petebat, cupiens carnis voluptates  
veluti pabula mortis evincere, & blandimenta mun-  
di transitoria pro æternis deliciis mutare.

Tempore igitur juventutis transacto, cum bona  
indoles hunc Dei virum ad majora virtutum opera  
provocaret, cœpit in eo virile robur excrecere, &  
animi virtutem amplecti, sæpius illud Evangelii evol-

Tom. II.

vens secum: *Nisi quis renuntiaverit omnibus qua  
possidet, non potest meus esse discipulus.* Et alibi:  
*Si vis esse perfectus, vade, vende omnia qua habes,  
& da pauperibus, & habebis thesaurum in cœlo, &  
veni sequere me.* Erat autem prudens in moribus,  
verax in verbo, in omni bonitate & sanctitate con-  
spicius. Ita ut cum in dicto oppido plurimis esset  
refertus virtutum insignibus, & Dominus etiam in  
præsenti sæculo iis, qui eum sequuntur, centuplum  
ut plurimum retribuatur, in futuro autem vitam æter-  
nam, ad Archisacerdotium maximo Clericorum, &  
laicorum assensu sublimatus fuerit.

Hunc verò dignitatis apicem adeptus, quàm piè,  
quàm sobriè, quàm justè vixerit, supra nos est di-  
cere. Nam sanctimoniam, ac castitatis ita diligens  
amator etiam antea fuerat, ut oculos suos commo-  
dè à vanitate averteret, ne mors per fenestras illas  
haberet ingressum. Pedes à lapsu, actiones ab om-  
ni casu, quantum gratiâ Dei opitulante poterat,  
custodire satagebat. Curam quoque subditorum si-  
bi pastoralis vigilantia gerebat; & tanquam spiri-  
tualis pater tam animæ, quàm corporis dape quos-  
que reficiebat ad posse, non immemor verbi Domi-  
ni ad Petrum. *Pasce oves meas.* Hic est, JESU  
bone, tuus non surdus auditor, qui cum tempora-  
lium flore posset lætari, maluit æternam jucundi-  
tatem momentaneis laboribus lucrari, quàm cau-  
sam flendi in perpetuum sibi comparare. Quid di-  
cam, quòd os ejus semper Deo colloquebatur in  
psalmis, etiam in terrâ Angelicam vitam degens:  
psallebat spiritu, psallebat & mente. Si enim quo-  
quam iter habuisset, erat ei mos, quòd primus am-  
bulari, ac neminem præstolaretur, ut psalmodiam

Luc. 14.

Mat. 19.

Fuit Archi-  
presbyter  
Langeacensis.

Prædicat ver-  
bum Dei.

Joan. 21.

Iter agendo  
psallebat.

V 11

nusquam interpolaret.

Quemadmodum autem mundum aspernaretur non solum ex dictis, sed multo magis ex factis ejus assiduis datur scire, quibus perniciem mundi penitus ostendebat: & omnes ad Christum trahere gliscens, longâ exhortatione creberrimè brevitatem hujus vitæ arguens, sic dicebat: « Vita nostra quam vis mille tendatur annis, ad extremum tamen ætatis diem venimus. Cum ergo hora ultima venerit, quid proderit continuatæ voluptatis fructus, quæ statim ut cessaverit, videbitur non fuisse? Quid diviti apud inferos ardenti quotidianæ delictæ, byssus, & purpura profunt? Omnis in hoc mundo fides est sicut arundo, quam vanæ gloriæ ventus jactat, & fluvijs tribulationum labefactat. Sunt hic plurima mala bonis mista impari mensurâ humanæ conditionis. Si fortè mundus iste usque in finem prospera dare vellet, mors tamen interveniens cuncta auferret: Cadaver nostrum in morte suscipiet humus: &, nisi caveritis, petet impia tartara funus. Erigamus mentes ad superna: & somno animæ excusso, cum Prophetarum maximo vigilanter canamus: *Suavit in te anima mea, quam multipliciter tibi caro mea.* Spernite, Carissimi, brevem vitam, & longam acquirite, & pro labore brevi ævi perpetis requiem præparate: bona enim quæ diligitis, diu retinere nequitis. Cur non diligitis, ubi in perpetuum vos fore beatos scitis? » His & ejusmodi assertionibus venerabilis Dei Sacerdos mundana, & superstitiosa relinquere populum excitabat.

Postquàm verò Dominus omnipotens mirificare voluit sanctum suum, miraculorum quoque insignibus vita ejus cæpit mundo manifestius declarari, tamen eo nolente, ut qui omnes virtutes suas occultare mallet, quàm in lucem edere. Accidit autem ut Casense monasterium aliquamdiu sub ejus curâ fuerit: cujus loci Sanctimonialis, quæ tunc temporis ibidem satis religiosè commanebant, diligenter, & zelo Dei observabat, ut nusquam longius à monasterio proriperent, absque suo fidelissimo comitatu. Dum igitur cum quibusdam illarum apud Daletum pro quodam urgenti negotio esset profectus, & Dominus famulum suum miraculorum gloriâ insignem mundo apertius voluisset manifestari, contigit ipsum ex more quotidiano Missam celebrare. Quo audito cæca mulier, quæ ibidem à multis annis lumen amiserat, quanto citius ad monasterium cucurrit, & à ministro altaris aquam de manibus illius sancti hominis post consecrationem Corporis & sanguinis JESU-CHRISTI defluentem sibi dari secretò, & quasi furtim, rogavit, quam ut accepit, & oculos inde lavit, statim lumen oculorum ac mentis recepit, & se recepisse exclamavit. Quod ubi vir sanctus comperit, etli se ob hoc manifestari doluit, tamen quia Deus meritis, ut credimus, ipsius hoc effici voluit, non in gloriam est elatus mundi hujus, sed secum pauperi mulierculæ congratulabatur, dicens non suis meritis, sed Dei virtuti id esse tribuendum. Et ita Dominus, qui merita servorum suorum longè, lateque dignanter aperit, in hoc famulo suo jam adimplevit quod suis fidelibus promiserat, dicens: *Qui credit in me, opera quæ ego facio & ipse faciet, & majora horum faciet.* Hoc siquidem primum quod publicè gestum est de Beato viro miraculum nobis in noticiam venit: nam antea pro certo scimus Dominum plurima ipsius sanctitatis indicia secretò ostendisse. Verùm de illis scribere omitto, quæ latere ipse maluit: illa tantum perstringam breviter, quæ certis multorum testimoniis occultari nequiverunt. Nam si tantarum ipsius virtutum signa aut ariditas nostri sermonis possit excolere, aut me-

maria retinere, prius habere poterit terminum lux hodierna, quàm pagina.

A supradicto igitur monasterio quantocius peracto negotio digressus, quasi ob vetecundiam miraculi ad Casense tamquam fugitivus cum eisdem Sanctimonialibus contubernium repedavit. Contigit autem alio quodam tempore, quod cum Abbatissa præfati monasterii, & cum quibusdam aliis more solito equitaret, ut trituram messium in quâdam earundem sanctarum feminarum villa videret. Cumque ibidem nox imminens eos occupasset, ac remanere coëgisset, tandem dum omnes ire cubitum festinarent, vir Dei Petrus ut liberius orationi vacaret, & etiam nocuos noctis vermes devitaret, super plaustrum, quod casu prope ostium sceno oneratum erat, sibi cubile parari curavit, quod extemplo accuratè, & diligenter à cubiculariis apparatus est. Dum verò ibi lucubraret, & in psalmis meditaretur, ecce nequissimus spiritus, qui semper quieti bonorum invidet, quamdam mulierem de sociabus ipsius Sanctimonialis venerio furore stimulatam, in sanctum Dei excitavit, quæ ad lectum ejus furtim per tenebras accessit, & ut secum cubaret nocte illâ rogare cæpit. Cui ille: Recede à me femina nequam, fomes peccati, vade quietum, & signa cor tuum, quia diabolus hoc incipere, & loqui, imò facere te exhortatur. Cum itaque illa instaret, nec ullatenus abscedere vellet, vir sanctus zelo Dei permotus, terribiliter cæpit ei minari nisi ab incepto desisteret, se omnes homines illic qui propè jacebant inclamaturum; illa verò confusa pudore, & de turpi dolens repulsâ vix tandem discessit.

Sed aliquamdiu commorata, iterum eodem spiritu libidinis stimulata, imò ipse spiritus nequam per ipsam virum Dei secundò aggreditur, atque ad peccandum veluti serpens primos homines tentando hortatur, sed illorum, prohi dolor! victor existit, unde genus nostrum perculsum est: hic verò à secundo victus homine, gemebundus ad tartara detruditur. Vir quippe Domini Petrus sancto Spiritu roboratus, iterum atque iterum mulierem absterrebat, & altiores intonando voces attentius illi minabatur, ut saltem vetecundiam hominum vereretur, quæ zelum Dei postposuerat. O quàm magnus, & immensus est Deus omnipotens! Ecce nempe alter Joseph in Ægypto hujus mundi positus, alter Puthipharis ab uxore patitur insultus, in thalamo pallium relinquit, & cum amictu castitatis aufugit, ne vestem pudicitie perdat quantum potest obnititur. Secundò itaque femina impudica metu, ac pudore percellitur, & clam per tenebras ad proprium stratum regreditur, ubi iterum cæpit æstare, & quid ageret anxia meditari. Occurrit illius animo sancti viri foriseca pulchritudo membrorum, decor vultus, faciei hilaritas, eloquium dulce, valetudo, & cætera, quorum gratiam bonorum singulis Deus prout vult confert: quibus porro non est abusus bonis, quin potiùs Creatoris obsequio se totum mancipavit. Sanctimonialis ergo illa femina, quæ potiùs dæmonialis dicenda est, tertio tandem sanctum virum de incestu alloqui meditatur, & sagaciori artificio, verbisque excogitatis acerbissimos ei dat insultus: Quare, inquit illa, mihi non præbes assensum? Apparet certè corporis mei pulchritudinem, formæque nitorem, & carnis lenitatem te penitus ignorare, & si perspexeris qualia, quamque jucunda sunt hæc, nullatenus renues: valent siquidem quæ apparent, sed magis latentia: Cumque hæc & similia prosequeretur, vir sanctus ait ad Monacham: Postquàm video quod aliter non desistes, nec resipiscas, Deum omnipotentem imploro, ut manifestâ in hac nocte animadversione pro hoc scelere mulcte-

CAP. III.

Impudicam mulierem strenuè à se expellit.

Petrus ob singularem castitatem Josepho comparatur.

Exhortationis sermo S. Patris.

Psalm. 41.

Regit Monaster. Casense, Gallicæ, des Chaves.

Daletum, seu Aletum Monasterium à Casensi dependens. Quotidie Missam celebrat. Cæcam mulierem illuminat.

Joan. 14.



ris. Me autem scias omni remoto ambiguo neque corpus, neque animam sordē luxurie ulquequaque polluturum. Tum verò tertio confusa, ac lacrymis furibunda discessit, & grabato quodam, ac si exanimis esset, & fessa vexatione diuturnæ stimulationis, prostermitur.

Ecce autem ex improvviso quidam maximus bufo, quem vulgò rubetam dicunt; vel idem spiritus, qui eam interitus veneno nequitiae in virum Dei inflammaverat specie bufonis immanissimi, veluti crepidæ nocturnalis turgidi, ipsam ibi cubantem per tibiā arripuit, dentibusque acutissimis exterius turgidam repentinè reddidit, & cum toxicatis luminibus dentes acutissimos per carnem, & nervos ad os usque transfixit. Quod ei sine dubio contigit; ne oratio viri sancti quassaretur; ut sagacius intuenti liquidò claret. Dixerat enim: ut manifestā in hac nocte animadversione pro hoc scelere mulctetur. Voluit nempe Dominus & votum sui servi perficere, & ne æterno plecteretur exterminio, temporali verberare eam punire. Tum verò dolore torquetur intolerabili, & ad cælum horrendos intonat clamores. Accurrunt cubiculariæ, & famuli, festinat omnis familia, monstrum aspiciunt horribile, visoque conterriti fugiunt. Hærebat quippe vastissimo hiatus tibiæ, pedibus desuper calcitrabat, cute nigerrimā turgebat, ardentibusque flammabatur oculis. Itur tandem ad Dominum Petrum, nuntiaturque quod Monacha talis tam terribilem patitur pestem, ut illi citissimè subveniat; eamque ipsam de tali re attentius exorare. Porro vir sanctus hoc perpendens Dei fore pro ejus flagitio manifestissimam vindictam, usque dum mane foret eam visere se nolle asseruit. Totā igitur nocte insequuta nec bufo illam deseruit, nec aliquis eum inde remove potuit. Virus occupat artus, horrendo femina plectitur incendio. Et tandem facto mane amicus Dei Petrus ad eam accessit, quam per spiritum adhuc torqueri novit. Vidensque illam tam horribili puniri tormento, compassus est miserrimæ mulieri; & ut duo in illā impleat pietatis opera, miseratus est salute egentem, & consolatus est miseram gravissimè languentem. Nam accedens signum Crucis super locum morbi imposuit, statimque virulentum reptile membrum reliquit, quo ablato tumor omnis ita abcessit, ut nulla turgiditatis indicia in ejus carne apparent.

O felix mercimonium charitatis, quo virū viperum adimitur, salus animæ tribuitur, reatūque præteriti noxa diluitur! Jam etenim videmus quod Paulus de quibusdam dixerat: *Ubi abundavit iniquitas, superabundavit & gratia*. Hoc viso terrenitur qui aderant, Petri sanctitas innotescit, confunditur illa pudore, quod sanctum hominem de tali interpellaret turpitudine, & de præterito pœnituit, cavitque de futuro.

Peracto itaque ad quod ierant negotio, ad Casense cœnobium illicò regressi sunt. Ubi vir Dei Petrus jejuniis, & obsecrationibus vacans, sæpe Dominum supplicat, ut, à quo procedit omne datum optimum, locum ostendat sibi aptissimum, ubi relicto actu sæcularium, divinum liber exequatur negotium. Votum hujus Patris & desiderium Deus cernens auditor humilium; cujus oculum nullum latet abditum, locum monstrat illi idoneum per Apostoli Petri spiritum, antiquitatis Dei Genitrici dictum, tunc temporis indigentissimum, Piperaci dicunt vocabulum, quem Sacerdos habens conjugium tenebat, sed incultissimum. Petrus petræ fretus oraculo, lætincatus præsentis indicio, suo relicto Archipresbyterio, Præfatus Durani functus consilio, assumptq̃ habitu Canonico, onereque mundi deposti-

to Deo militaturus perpetuò, suffultus fratrum gemino solatio, Vigiliarum Natali Dominico Piperacum venit solemnī gaudio, anno Domini millesimo supra sexagesimum secundo.

Præfatus verò præsul Duranus, vir sanctissimus, audiens à vicinis Primatibus Petro, & sociis ejus gratis Ecclesias dari, easdem, & plures alias eis communi Claromontensium Canonico Capitulo liberalissimè concessit. Deus autem suorum fidelium mellem augmentare volens, numerum supradictum visitans, in unum plures adunavit ei Regularium, qui sequantur victum Apostolicum, secundum edictum Augustinicum, nihil habentes in hoc mundo proprium. Multorum fratrum conglobato cuneo, exiguo manens in tugurio, dum ardeant frigore niveo, ignis flagrans accensus plus nimio, domicilii hæret fastigio. Quem vir sanctus viso periculo suis exstinxit precibus illicò. O quantum fidei beneficium; quæ tantum compressit incendium. Dum putat fratrum perdere collegium, deest oblatum ardendi auxilium. Quantum apud hunc premere incendia, qui cæcorum mox accendit lumina? Aut quid est depellere flammulas, qui dæmoniacas protugat insidias?

Sed addatur pagina, nec enim deerunt Sacerdotis miracula. Dum enim longè lateque languentium splenderent signa, jam ex inopinatis partibus ad eum turbæ cœperunt concurrere, eumque immensa turba perurgere. Eximius autem vir Dei exultans de mirabilibus, quæ sedulè operabatur Dominus Jesus Christus, cœpit animo complere quod sibi fuerat divino revelatum oraculo: Parat enim templum Dei Genitricis titulo consecratum erigere officiosissimo studio, ubi pastor oves sibi commissas alat Domino, dæmoniaco creptas excidio. Sicut ergo semper humani generis adversarius suam non desinit ostendere nocendi potentiam, tunc ex adverso saxum immanissimum de vicino monte ruptum repentinè super novellum adificium facit ruere, comminans paratum præcipitium, nisi vir Dei illi fuisset obtaculum. Videns siquidem sacerdos pius rupem contrā adificium terrificè venientem, elevatā manu munimentum Crucis Dominicæ illi opposuit, molesque illa statim terræ defixa ita parendo substitit, ut virtute divinā videretur depressa. Proinde socii, affinesque videntes Dei mira opera, Christum, qui in Sanctis suis voluntatem suam mirificat, glorificaverunt: quippe qui sicut Petro Apostolo suo mare stravit, sic Petro Sacerdoti suo petram gravissimam immobilem reddidit.

Evoluto autem multorum dierum curriculo Guidonem, unum ex primitivis sociis suis, in loco, Villa supra Motam \* nominato, quod eum miserat, gravissima paralyti in vitæ discrimen redactum esse admonetur. Haud mora, illum visitat; ut, si fieri possit, Piperacum deducat. At dum ei gressum parat, ita captus omni sensu est, ut vitā penè privatus videretur: Compassus itaque Pater sanctissimus filio paralytico, multisque obstrictus lacrymis, eum, ut fertur, propriis detergendo manibus saluti exemplo restituit. Quo viso venerabilissimus Dei Sacerdos, non in humanum elatus est favorem, sed bonitatem Dei in suo opere esse intellexit. O virum per omnia sanctissimum! qui cum in mundo nihil habeat proprium, fulget tamen in omnibus dote virtutum.

Sub eodem fere tempore accidit, eum in vicum, cæti nomen Brivata; Beatissimi Juliani Martyris visendi studio proficisci. Cum autem vetulam Brivatam devenisset, undique ad eum cœpit populus affluere, & verbis ac lacrymis ab eo efflagitare, ut virtutem ejus, quam præficerant, agnoscerent in libe-

Vitam cum sociis instituit secundum Regulam Beati Augustini.

Incendium exstinguit.

Ecclesiam monasterii sui dicit Virgini Deiparæ.

Domum ab irruente in eam rupe servat.

\* vulgò, *Saint Saturnin de la Motte*.

Sanat Guidonem paralyticum.

Brivatam venit ad sepulcrum S. Juliani.

Impudica mulier puni-  
tur.

Signo Crucis mulierem à bufone correptam liberat.

Rom. 8.

CAP. IV.

Piperacum, sibi divinitus præmonstratum incolit, in Episcopatu S. Flori. Petrus fit Canonicus Regul. an. 1062.

Signo Crucis  
nafragantes  
ab imminen-  
tissimo peri-  
culo liberat.

ratione cujusdam navis, quam oneratam hominibus in proximo flumine jam mergi, jamque adverso flante vento periclitari videbant. Tunc vir piissimus fletibus, precibusque populi supplicantis victus terræ prostratur, uberes fundit lacrymas, geminat alta suspiria, Dominum supplicat humillimè pro naufragantibus; & tandem manu elevata, signoque Crucis facto super navim, verbi præcipit imperio, ut iniquus prædo, qui eam intus vexabat, discederet, Christique famulos, quos impiè necare gliscebatur, defereret. Ad viri sancti orationem, & imperium, invidorum invidissimus parens invitatus aufugit, ut signum nimii fœtoris ab eo in navi excitati indicavit. Sicque naufragii periculo erepti, gratias egerunt Deo miraculo ostenso.

Curam gerit  
alendorum  
pauperum.  
Obiit die festo  
Nativitatis  
beatiss. V. M.

Per idem verò tempus vir Dei per omnia insignis, omnibusque virtutibus adornatus, & in verbo Dei simplicitatem Apostolicam observans, verè sacerdos, & hostia Dei, cum se ubique sollicitum circa alendorum pauperum negotium semper ostendisset, etiam tunc temporis dudum susceptum opus explere contendebat. Cum jam atas ad perfectam senectutem procliva pendèret, ampliatis omnibus suis tam locis, quàm locis, extremum diem sortitus est. Bonorum enim omnium perfectissimus remunerator Dominus, gloriosissimum famulum suum laboriosa corporis mole diutius gravari non sustinuit. Et similiter ut merito meritum misericordiæ Mater, cui tota mente famulatum ipse fideliter præbuerat, prout dignus erat, compensaret, Nativitatis suæ die non dicam mori, sed cœlis nasci voluit, relictis imis. Cumque ægritudine cogente corpus ejus super stramentum discipuli deponerent, ut ex jussu sancti viri terra proxima terræ poneretur, psalmodiam, hymnosque decantans, in Deique amore & laudibus perseverans, sexto Idus Septembris incontaminatum cœlo spiritum reddidit.

Ejus corpus  
cinere licet ac  
cilicio coop-  
ertum, mi-  
ro splendore  
conspicuum  
apparet, sua-  
vissimumque  
spirat odo-  
rem.

Qui autem ad exequias ejus perficiendas venerant, videntes glorificati corporis gloriam, carnemque cinere, & cilicio semper antea obtectam, ita splendentem, & ad modum vitri purissimam, resurrectionis quoddam decus jam proferre crediderunt. Accedentesque vicini Sacerdotes, & Clerici, vulgusque permixtum, odoremque ab eo procedentem super balsamum, & cinnamomum redolentem sentientes, jam virum Apostolicum, & Deo dignissimè associandum acclamabant. Occurrunt huic liberalissimæ animæ omnium cœlestium consortia agminum, Τηροτοσο reverentissimæ consociata, concivemque suum paradiso reddunt, in sinu Abrahamæ perenniter quiescentem; ubi gloriatur multipliciter laureatus, præstante Domino nostro JESU CHRISTO, qui cum Patre, & Spiritu sancto vivit & regnat Deus per omnia sæcula sæculorum, Amen.

Miraculis  
post mortem  
claret.

Petrus post carnis obitum, ut præsens sit indicium, majora dat miracula per Domini suffragia. Ubi enim tanti Patroni excessum discipuli deflent, & de ejus migratione dolent, consolatione solitè carentes, inter suspiria, gemitusque mœrentium Berlanus quidam à primo statu conversionis coquinæ deditus officio, destitutus viribus suis, arefactaque manu accedens, sic inter cæteros aïens lamentabatur: Quis, Pater sanctissime, gregem commissum consolabitur, quisve nobis sic caritative verbi beneficia impendet? Inter hujus sæculi frementes sylvas, lupi subditos devorabunt. Et quis nos à morsibus eorum conservabit? Quis, inquam, amplius me pauperrimum viribus destitutum corrigit, & fovebit? Tu ergo Pater Carissime, miserrimum consolare, dolentem aspice, ægrum consolida, lacrymantem suscipe, egentem misericordiā tuā adju-

va; tibi supplicantem servum officio tuo, dum vita comes fuit, deditum in se, & nunquam à tediscesurum solitè pietate intueri. Hæc & alia multa dicens flebat, & anxius anhelabat, erigens manum super tumulum totaliter aridam, suffultusque super tantum Patronum lacrymis precibusque perseverabat. Haud mora, ita sanum se sentit, ac si nullius ægritudinis languore fuisset detentus. Et sic orando, gemendoque tristis adveniens, lætus abscessit.

Berlani ma-  
nus arida  
restituitur.

Tempore etiam quo DURANUS Episcopus Arvernensis regebat Ecclesiam, ROBERTUS Comes audiens famam, sanctitatemque perfectissimi viri, quemdam villicum suum Brivatensem, nomine Filiolum, febre diuturnā vexatum, nullum ob nimiam ægritudinem percipientem cibum, cum cerâ quatuor solidis emptâ ad tugulum ejus in hæc verba misit: Excellentissimi Sacerdotis Petri festinanter adi Sarcophagum, rogans eum ut ob mei solitam amicitiam tibi sospitatis fructum impendat. Audito venerabilis Comitatus jussu, servus parat iter arripere, tandemque per devexa, & concava fessus, & viribus destitutus ante Beati tumulum viri paululum quiescens, talibus eum alloquutus est verbis: Tibi, Pater sanctissime, me per omnia sibi subditum Consul Robertus peracto tempore, modernæque dilectioni obnixè copulatus, febre longinquâ maceratum, & nisi citissimè subvenias morti connexum mittit, ut sanctitate tuâ miseræ meæ, oppressioni-que subvenias, recordatusque antiquæ dilectionis, nece fugatâ vel dilatâ, salutem restituas. Vix verba finierat, cum incolumitatem sentit; domum sospes revertitur, familia congratulatur, Consul de impenso beneficio lætatur, multiplicisque populi per aures sanctitatis ejus fama ab eo usquequaque pronuntiatur. Hæc sunt illius opera, qui puerum pastorem Prophetam fecit egregium, qui cum virtutibus cujuslibet animum repleverit, ardentem, incendientemque per omnia facit.

Villicus febris  
laborans  
curatur.

Aniciensis quidam Clericus Bertrandus, cognomine Bos, qui cum vir Dei præsentem vitam frueretur, Ecclesiam beati Boniti tribuerat, quartanâ febre diutissime stimulat, adeo ut nec corpus erigere, nec sustinere prævaleret, cognitâ multorum à polyandro ejus redeuntium sospitate, in grabato proprio manens, nuntium direxit Piperacum, ut qui præsentem aderant, exiguum de vino, quo Sacerdotis tumulus superfundebatur, mitterent. Ut autem à misso relatore vinum optatum accepit, & gustavit, sanitatem integerrimam illud sentit. Et sic virtus progressa de tumulo ubique magnificabatur à populo. Et licet hujus viri sanctissimi naturæ debito mors exstinxit corpusculum, fulgent tamen viventis membra polyandro.

Bertrandus  
Clericus  
quartanâ febre  
languens  
sanatur.

Inter tot miracula unum erat celebre, & continuum: quod ad sanctissimi corporis tumulum fons assidui redundans sudoris, in tantum continuatum sumeret augmentum, ut rivos utrimque circumfusâ aquæ abundantia madida quasi lacuna redderet. Ad hoc undique auditum prodigium copiosa defluens multitudo languentium, manibus suis sancto liquore madefactis tangentes, à quacumque debilitate tenerentur, sospites repentissimè regrediuntur. Ibi enim virtus divina sic affluenter exuberat, ut nullus absque salutis auxilio redeat.

Mirabilis li-  
quor à sepul-  
cro S. Petri  
emanat.

Finis vite S. Petri.



## QUÆ SEQUUNTUR EX TERRARIO

S. PETRI Piperacensis excerpta sunt.

Fol. 23. b.

**Q**Uoniam ad multorum audientiam congruum est pervenire, qualiter, & quibus Dominus noster Petrus in primo Piperacensium Ecclesiam habuerit, quibusque donis ipsam Ecclesiam Deus ob Genitricis suæ amorem, & sancti viri religionem postmodum ditaverit; ne rei veritas posteros queat latere, litterarum monumentis mandare providâ deliberatione decrevimus.

Noverit itaque præsens ætas, omniumque sequutura posteritas, quia Anno Domini millesimo sexagesimo secundo, cum præfatus Dei servus, divinâ virtute suffultus carnis illecebras devitaret, & Regulari Canonicorum jugo colla submitteret, ut divino cultui tantumdem vacaret, non Simoniacâ peste pollutus prælibatam accepit Ecclesiam ab ipso DURANTO venerabili Arvernorum Episcopo, & Augerio ejusdem Ecclesiæ Capellano, & etiam à quibusdam laicis Principibus, qui in illis temporibus illam ipsam jure hereditario possidebant, videlicet AUDIGERIO de Taglac, & WILLELMO de Piperaco, & STEPHANO & DALMACIO fratribus ejus, & quidquid eorum fevales in posterum dare voluerint.

Præterea RAIMUNDUS de Digons, &amp; PONCIUS

Castanus, & PETRUS Rainaldi, quidquid in eadem Ecclesiâ tenebant, Deo, & sanctissimo viro penitus dederunt. Quo in loco dum corpus jejuniis attenuaret, & ut mos est talium, vigiliis pernoctaret, famâ sanctitatis ejus crebrescente, omnes illius loci incolæ ardenti animo dilexerunt, & suis honoribus ampliarunt. Prædictus namque Pontifex cum felatu multorum & discretissimorum eum Dominicæ vineæ non inertem acciperet cultorem, & samentorum steriliū verbi Dei gladio mirabilem intelligeret amputatorem, quâmples Ecclesias communi Capitulo Claromontensium Canonicorum, & maxime in audientiâ Domini ANSELMII Decani, & WILLELMI Ergino, & Domni RORGII, & GILI, & RADULPHI Castani, imperio suo regendas nutu possessorum attribuit.

Hæc autem sunt nomina earum, Ecclesia sancti Vincentii, & Ecclesia sanctæ MARIÆ de Vetula Brivatâ; Ecclesia sancti Boniti; ambæ Ecclesiæ de Aurato; Ecclesia de Fraghaco; Ecclesia de Alteyraco; Ecclesia de Tauliaco; Ecclesia sancti Petri de Chafellis; Ecclesia sancti Sebastiani de Vallor-seyras; & Ecclesia sancti Marii. Cui largitioni ROBERTUS tunc temporis Comes Arvernensis assensum præbuit, suisque muneribus augmentavit; quia sanctum Dei virum, videlicet Petrum Piperacensis Ecclesiæ Præpositum medullitū diligebat, & arcana sua præcipue referabat. Sententiam igitur Ecclesiarum, & donum earum, si ausu temerario quis improbare præsumferit, à Corpore Christi, & Ecclesiæ segregatus cum Dathan, & Abiron in locum inferiorem perpetuè demergatur.

Ecclesiæ à Piperacensi Abbatia pen-  
dentes.

## M O N I T U M.

**G**ESTA GUILLELMI cognomento MAJORIS (LE MAIRE) Episcopi Andegavensis, in codice Majoris Ecclesiæ ejusdem civitatis, nobis subministravit V. C. Antonius Vionus D. d'Herouval. Porro gesta sua Guillelmus ipse conscripsit ac posteritati mandavit, nempe quidquid in munere Episcopali gessit, sapienter, & constanter jura Ecclesiæ propugnando, asserendove, accuratè ac minutatim narrat, adeo ut nihil omisisse, nec labori ac vigiliis pepercisse videatur, & (quod optimum scribendi genus est) epistolas utroque citroque datas, & varia authentica instrumenta narrationi suæ inserit. Utinam tanti Præfulis, meritò Majoris nuncupati, successores Episcopi vestigia fuissent sequuti, ipsiusque exemplum nostrâ ætate qui Cathedralis Episcopalis insident, sedulo imitarentur: quam putas exinde Ecclesiasticæ historiæ Scriptores haurirent utilitatem? Sanè permaximam. Notissima sunt quæ dico viris cruditis, ac proinde diutius hic non immoror.

GESTA GUILLELMI MAJORIS\*  
ANDEGAVENSIS EPISCOPI

Ab ipsomet relata.

\* Vulgò Le Maire.

Ex MS. cod. Majoris Ecclesiæ Andegav. à D. d'Herouval concessa.

ANNO 1290.

*Inclita recordationis Domino NICOLAO GELLANT Andegavensi Episcopo feliciter migrante ad Dominum, cuius anima in pace requiescat, scripta sunt hac ad perpetuam memoriam posterorum.*

Refert quæ in funere decessit.

**Q**UIA propter fragilitatem humanæ naturæ labente hominum memoriâ propter annorum

curricula, ea quæ studiosè aguntur in Ecclesiis, & aliâs, in oblivionis labyrinthum quotidie delabuntur: propter hæc dum casus occurrunt, magnæ ambiguitates & difficultates quamplurimæ interdum posteris relinquuntur, dum per scripturas & registra non potest oblivionis fragilitas relevari, & super factis antiquis non valet posteritas plenius infor-

foris &amp; sui electione in Episcopum Andegavens. acta sunt.

mari. Idcirco nos GUILLELMUS, dictus MAJOR, divinâ permissione Andegavensis Episcopus, ea quæ circa electionem, confirmationem, consecrationem, receptionemque nostram in Ecclesiâ Andegavis, & præmissa ægentia & dependentia ab eisdem acta fuerunt, ac etiam observata, cum difficultates & ambiguitates non modicæ, altercationesque & ambages quamplurimæ inciderint & occurrerint in præmissis, ad informationem posterorum scripto & memoriæ studuimus commendare.

## CAPUT I.

Igitur bonæ memoriæ Domino NICOLAO dicto GELLANT, prædecessore nostro immediato, in manerio de Esventart, quod manerium idem Reverendus Pater construxerat, qui Ecclesiam Andegavensem triginta annis, viginti diebus minùs, feliciter & pacificè rexerat, & qui annos octoginta & amplius exegerat gravi infirmitate laborante. Nos GUILLELMUS memoratus tunc ejusdem major Capellanus, perpetuusque Pœnitentiarius in Ecclesiâ Andegavensi, anno Domini millesimo ducentesimo nonagesimo, quarto Kal. Februarii, quâdam die lunæ circa crepusculum noctis ad dictum Manerium personaliter accessimus, ibidemque præsentibus Domino CLEMENTE Audemari tunc Officiali Andegavensi, & Decano Ecclesiæ Beati Petri Andegavensis, GUILLELMO Gellent pronepote dicti Reverendi Patris Archipresbytero Burguliensi, Magistro MATTHÆO Piquot Decano de Cerdonio, Canonicis Andegavensibus, MAURICIO de Martigne Lebrient Archipresbytero Andegavensi, GAUERIDO dicto Rege Archipresbytero de Ludio, JOANNE Guillet Rectore Ecclesiæ de Cepiâ, & aliis quampluribus Clericis, & aliis assistentibus, eidem Reverendo Patri Unionis extremæ contulimus sacramentum, qui nondum totaliter completo officio Deo reddidit spiritum, corpore remanente in terrâ. Quod corpus lavati, barbâ radi, balsamo inungi, & postmodum omnibus vestimentis seu ornamentis Episcopalibus in quibus consecratus fuerat, indui assistentes fecerunt. Ita quod aurorâ diei Martis hæc omnia facta & adimpleta fuerunt.

Et ab illâ horâ usque ad Primam dictæ diei Martis fuit corpus ejus in magnâ camerâ, in quâ expiraverat, clausis ostiis custoditum: circa verò horam Primæ in Capellâ dicti Manerii fuit prædictum corpus deportatum, & ibidem officium mortuorum cum Missis pluribus solemniter celebratum. Et circa horam Tertiam dictæ diei Martis fuit mors ejus Capitulo & Ecclesiæ Andegavensi, & toti villæ Andegavensi publicè divulgata. Fuitque per Capitulum Andegavense mandatum & injunctum singulis Monasteriis & Ecclesiis Collegiatis villæ & suburbii Andegavensis, quod ad primam pulsationem campanæ magnæ Ecclesiæ Andegavensis, pulsarent omnes classicum mortuorum in suis Monasteriis & Ecclesiis pro Reverendo Parte memorato, & sit omnes horâ nonâ dictæ diei Martis in Ecclesiâ Andegavensi processionaliter convenirent, ut processione Ecclesiæ Andegavensis usque ad Cæmeterium Sancti Samsonis prædicto corpori occurrerent. Qui verò prædicto mandato cum reverentiâ annuentes, finita majore Missâ in Ecclesiâ Andegavensi, auditoque sono majoris campanæ Ecclesiæ Andegavensis cœperunt in Monasteriis & Ecclesiis prædictas campanas solemniter pulsare, necnon & in minoribus Ecclesiis Parochialibus, quamvis eis non fuisset injunctum.

Adveniente verò horâ nonâ dictæ diei, viginti Capellanis Sacerdotibus Ecclesiæ Andegavensis robustis nominatim evocatis ad dictum Manerium de Esven-

tart pro dicto corpore deferendo, corpus prædictum in feretro coopertum unâ culcita sericâ, & desuper culcitam duobus pannis sericis deauratis simul conjunctis, cum mitrâ & baculo pastoralis & annulo Pontificali, induiti gonnis suis alternatim cum venerabili comitivâ, & magno luminari cereorum, & torchiarum usque ad prædictum cæmeterium Sancti Samsonis deportantes pausaverunt ibidem; ubi processionibus Ecclesiæ Andegavensis, & aliis Monasteriorum & Ecclesiarum prædictarum congregatis, incepit Cantor Ecclesiæ Andegavensis, cæteris respondentibus & coadjuvantibus, *subvenite* solemniter decantare: quo finito cœperunt iterum dictum corpus Capellani prædicti usque ad cæmeterium sancti Michaelis de Tertro deportare, ibidemque parum pausantes, fuit decantatum aliud responsum de defunctis.

Tunc verò Dignitates & Personatus in Ecclesiâ Andegavensi obtinentes, & robustiores Canonici ejusdem Ecclesiæ in gonnis suis nobili viro & Fidei Ecclesiæ Andegavensis, Domino GUIDONE de Camilliaco strenuo Milite, se delationi dicti corporis offerente, à dicto loco usque ad chorum Ecclesiæ Andegavensis turbâ Cleri & Populi innumerabilis lacrymabiliter comitante, honorificè detulerunt, & in Choro prædicto posuerunt, cantatis Vesperis & Completorio antequàm dictam Ecclesiam cum dicto corpore introirent.

*Hic Corpus Christi Andegavensis mortuum apportatum seu delatum ad Andegavensem Ecclesiam, ut supra scribitur, positum est in Choro ejusdem Ecclesiæ.*

## CAP. II.

Collocatis cereis circa corpus ardentibus, processionibus recedentibus, Chorus Andegavensis Ecclesiæ Vesperas & Vigiliis mortuorum solemniter decantavit. Quibus finitis, remanserunt circa corpus usque mane trigintâ tam Presbyteri quàm Clerici vicissim & alternatim vigilantes, & singulariter per totam noctem, Matutinis exceptis, psalmodiantes.

*Vigilia, seu dies immediatè præcedens sepulturam dicti Domini Episcopi Andegavensis.*

## CAP. III.

Die autem Mercurii sequenti, mane parum ante Primam convenerunt in Ecclesiâ Andegavensi omnes processiones prædictæ, necnon fratres Minores, Predicatores, Moniales Beatæ Mariæ, sacrum<sup>a</sup>, Filie Dei, psallentes, qualibet processio sigillatim exsequas mortuorum, videlicet vespas, vigiliis & Missas: quibus finitis, & ad notam altâ voce cantatis, circa horam tertiam recesserunt, Choro Ecclesiæ Andegavensis unâ cum aliis Missam de Defunctis solemniter celebrante. Quo facto, tertiam Missam & sextam diei dixit Chorus prædictus. Quibus completis, ad prandium iverunt, Clericis psalmodiantibus, & custodibus solemnibus interim circa corpus remanentibus. Horâ verò nonâ dictæ diei rediit Chorus ad Ecclesiam, & dictâ Nonâ incepserunt solemniter vespas & vigiliis mortuorum, & statim post Vesperas & Completorium de die dixerunt. Tunc remanserunt circa corpus custodes, & vigiles psalmodiantes, & Sacerdotes per totam noctem usque mane.

*Dies sepultura dicti Episcopi Andegavensis facta, ut infra sequitur.*

## CAP. IV.

Die Jovis in mane sequenti parum ante Primam conveniunt iterum omnes processiones ad Ec-

<sup>a</sup> *sacrum*] Acherius conjicit legendum, *sacerferi*.

ecclesiam

Obitus Domini Guillelmi Gellant.

cleſiam Andegavenſem, Veſperas, Vigiliis & Miſſas mortuorum, ſicut die præcedenti, ſolemniter ad diverſa altaria ipſius Eccleſiæ decantantes. Tunc erat luminare novum & recenter factum circa corpus circumquaque Chorum, & circa leterinum ſeu pulpitu-  
tum, & circa majus altare, & cætera ſingula altaria, necnon viginti quatuor torchæ novæ accenſæ circa corpus. Circa horam tertiam Reverendus Pater Dominus Henricus divinâ providentiâ Venetenſis Episcopus magnam Miſſam celebravit, Cantore Andegavenſe cum quinque cappis totum officium cantûs faciente, per omnes tres dies prædictos Tractum præſentibus imò cantantibus obtinentibus Dignitates & Perſonatus in Eccleſiâ Andegavenſi, qui Tractus incipit: *Commoviſti Domine terram.* Miſſa finitâ venerunt ad feretrum omnes Dignitates & Perſonatus in Eccleſiâ habentes, necnon quatuor ſimplices Canonici Sacerdotes, reſteſti omnes in albis.

CAP. V.

*Nota hic modum ſepeliendi Episcopum.*

**E**T horâ debitâ prædicto Episcopo Venetenſi officium faciente, corpus ad tumulum detulerunt, & poſuerunt honorificè in ſarcophago de *tuſello* de diverſis peciis conſtructo, cum mitrâ albâ in quâ fuerat conſecratus, & crociâ de ſtanno ſeu cupro; & ſuper pectus ejus calix & patena plumbei cum pane & vino, & retrò caput erat quidam alveolus in quo erat lampas cum oleo accenſa, ita quodd ſarcophago clauſo, lumen ipſius lampadis accenſæ intus radiabat per foveam ſuprà corpus.

CAP. VI.

*Hic humatum ſeu ſepultum eſt corpus dicti Episcopi.*

**C**Orpore verò ſolemniter inhumato, præſentibus Dominis de Credonio, de Camilliaco, & pluribus aliis Nobilibus & Militibus, & ISABELLA Dominâ de Credonio majore ſeu ſeniore, ac innumera multitudo Cleri & Populi abeuntibus omnibus, Capitulum convenit in Choro Eccleſiæ, & proſtrati ad terram ſeptem pſalmos cum letaniâ dixerunt; quibus finitis, intraverunt Capitulum & tractaverunt de mittendo ad Regem Franciæ & ad Capitulum Turonenſe, Eccleſiâ Turonenſi tunc vacante, pro petendâ licentiâ eligendi à dicto Rege Franciæ & à Capitulo Turonenſi, vice Archiepiſcopi vacante Turonenſi Eccleſiâ in talibus fungente, ſic & prout fuerat conſuetum, & ordinaverunt quodd venerabiles viri JOANNES Scholaſticus Andegavenſis, & MATTHÆUS Decanus de Credonio Canonici Andegavenſes irent ad dictum Regem Franciæ cum litteris ſigillo Capituli Andegavenſis ad cauſas ſigillatis: quarum litterarum tenor ſequitur in hæc verba.

CAP. VII.

*Nota hic formam litterarum directarum ex parte Capituli Andegavenſis ad Regem Franciæ, pro petendâ licentiâ eligendi.*

**E**Xcellentiffimo Principi Domino PHILIPPO Dei gratiâ Francorum Regi, ſui devoti Capituli Andegavenſis Eccleſiæ, Sede ejuſdem Eccleſiæ vacante, Decanoque ipſius Eccleſiæ abſente, & in remotis agente, ſalutem & cum beatitudine perenni ſuccellus proſperos & felices. Ad veſtram Regiam Majeſtatem deſtinamus loco noſtri viros venerabiles & diſcretos, dilectos noſtros, Magiſtrum JOANNEM Scholaſticum Andegavenſem & MATTHÆUM Decanum de Credonio, Canonicos noſtros, exhibitores præſentium & quemlibet eorum in ſolidum, ad denuntiandum Excellentiæ veſtræ prædictæ mortem bonæ memoriæ Domini Nicolai quondam Episcopi Andegavenſis, ad petendum nomine noſtro à

Tom. II.

veſtrâ Regiâ Majeſtate licentiâ eligendi Episcopum & Paſtorem in Eccleſiâ ſupradictâ, ſi peti fuerit conſuetum, necnon ad ſupplicandum Excellentiæ veſtræ, ut remedium adhibeatis oportunitate ſuper pluribus gravaminibus, nobis & Eccleſiæ Andegavenſi poſt mortem præfati Episcopi in noſtri & Eccleſiæ prædictæ præjudicium de novo illatis, & hoc ſignificamus veſtræ Dominationi Regiæ per præſentes litteras ſigillo noſtro ſigillatas. Valeat in Chriſto veſtra Regia Majeſtas per tempora longiora. Datum, &c.

Quibus litteris Domino Regi Franciæ per prædictos nuntios præſentatis apud Coronam juxta Rotomagum, ubi dictum Regem invenerant, ſtatim fuerunt expediti dicti nuntii ſimpliciter & benignè.

Et litterâ datâ per Regem de licentiâ eligendi petita ſimpliciter conſeſſa, reſceſſerunt à dicto Rege cum dictâ littera cujus tenor inſrâ ſcribitur:

PHILIPPUS Dei gratiâ Franciæ Rex, dilectis ſuis, Decano & Capitulo Eccleſiæ Andegavenſis, ſalutem & dilectionem. Petitam à nobis ex parte veſtrâ per viros venerabiles & diſcretos, dilectos Magiſtros JOANNEM Scholaſticum Andegav. & MATTHÆUM Decanum de Credonio Concanonicos veſtros præſentium relatores, licentiâ eligendi Episcopum & Paſtorem in prædictâ Eccleſiâ veſtrâ nunc Paſtoris regimine deſtitutâ per mortem bonæ memoriæ NICOLAI quondam Episcopi Andegav. vobis concedimus liberaliter & benignè, rogantes vos quatinus talem perſonam in Episcopum & Paſtorem eligere ſtudeatis, qui regimini veſtræ Eccleſiæ memoratæ in ſpiritualibus & temporalibus circumſpectus exiſtens, eidem Eccleſiæ veſtræ fore debeat fructuoſus. Actum apud Coronam prope Rotomagum die Sabbati ante Cathedram Sancti Petri, anno Domini milleſimo ducentefimo nonageſimo.

Reverſis itaque prædictis nuntiis ad Capitulum Andegavenſe, relatione factâ per eos, miſſa fuit littera venerabili viro Magiſtro GIRARDO de Monterebelli Canonico Andegav. Archidiacono Tranſvigenenſi in Eccleſiâ Turonenſi ad denuntiandam mortem dicti Reverendi Patris, & ad petendam licentiâ eligendi à Decano & Capitulo Turonenſi, Sede Turonenſi vacante, ſi ad hoc capitulum Andegavenſe teneretur; quæ littera miſſa dicto Archidiacono erat ſigillata ſigillo Capituli Andegavenſis ad cauſas, cujus litteræ tenor ſequitur inſrâ:

Viris venerabilibus & diſcretis Decano & Capitulo Eccleſiæ Turonenſis, Sede vacante, Capitulum Andegavenſe, Decano ipſius Eccleſiæ abſente & in remotis agente, ſalutem, & cum reverentiâ & honore paratam ad eorum beneplacita voluntatem. Ad vos deſtinamus & mittimus loco noſtri virum venerabilem & diſcretum Magiſtrum GIRARDUM de Maugiâ Archidiaconum Tranſvigenenſem in Eccleſiâ veſtrâ, Concanonicum noſtrum, exhibitores præſentium, ad denuntiandum mortem bonæ memoriæ Domini NICOLAI quondam Episcopi Andegav. & ad petendum nomine noſtro à vobis licentiâ eligendi Episcopum & Paſtorem in Eccleſiâ Andegav. ſupradictâ, ſi petere debeamus: & hæc vobis ſignificamus per præſentes litteras ſigillo noſtro ſigillatas. Valeat in Chriſto veſtra diſcretio reverenda. Datum die lunæ poſt feſtum beati Mathiæ Apoſtoli, anno Domini milleſimo ducentefimo nonageſimo.

Et nota quodd ſi in Turonenſi Eccleſiâ eſſet Archiepiſcopus vel electus, iſta denuntiatio non fieret Capitulo Turonenſi, nec ab ipſo Capitulo peteretur licentiâ eligendi, ſed ab Archiepiſcopo vel Electo: & quia Decanus & Capitulum Turon. reddebant ſe diſciles dicto Girardo, pro eo quod Capitulum An-

X

A Rege & à Turonenſi Capitulo, Andegavenſe Capitulum petit licentiâ eligendi Episcopum.

1290.



degavense petebat licentiam eligendi sub conditione, & ex eo quod littera dicto Capitulo Turon. directa non erat majori sigillo Capituli Andegav. sigillata : ideo rescriptit idem Girardus Capitulo Andegavensi quod mitterent alios Canonicos Turonis pro petenda licentiâ prædictâ. Et tunc missi fuerunt Turonis die lunæ post festum beati Albini ex parte Capituli Andegav. dominus PHILIPPUS de Plessiaco Decanus Ecclesiæ sancti Laudi Andegav. & MATTHÆUS Decanus de Credonio, Canonici Andegav. & post varios tractatus habitos in Capitulo Turonensi, præfatus magister Girardus petiit simpliciter & purè licentiam eligendi à Capitulo Turonensi, quamvis mandatum conditionale haberet, & fuit ordinatum in Capitulo Turonensi quod littera illa de licentiâ petita majori sigillo Capituli Andegav. sigillaretur, quod fuit postmodum adimpletum : & ex parte Capituli Turonensis die Mercurii post festum beati Albini fuit licentia eligendi simpliciter concessa, & littera super hoc confecta, quam prædicti Decani ad Capitulum Andegav. die Veneris sequenti reportaverunt : cujus tenor infra scribetur, prius inserto hîc tenore cujusdam alterius litteræ super denuntiatione prædictâ ex parte dicti Magistri Girardi dicto Capitulo Turon. facta ; cujus tenor sequitur :

Universis præsentibus litteras inspecturis Majoris Turonensi. Transligerensis in Ecclesiâ Turon. Archidiaconorum, & Archipresbyteri Turon. Officialibus Curiarum, salutem in Domino. Noveritis quod anno Domini millesimo ducentesimo nonagesimo, die Martis in capite jejuniorum, venerabilis vir magister GIRARDUS de Maugîa Archidiaconus Transligerensis in Ecclesiâ Turonensi, & Canonicus Andegavensis, Procurator venerabilium virorum Capituli Andegavensis, Decano eorum absente & in remotis agente, ut in litteris eorum sigillo sigillatis, quarum tenor talis est :

Viris venerabilibus, &c. ut supra. Denuntiavit in præsentia nostrâ nobis, ad hæc specialiter evocatis venerab. viris & discretis Decano & Capitulo Turon. sede vacante in Capitulo Turonensi, Capitulo inibi congregato, mortem bonæ memoriæ quondam Nicolai Episcopi Andegav. vice & nomine dicti Capituli Andegav. & petiit nomine ejusdem ab ipsis Decano & Capitulo Turon. purè & simpliciter licentiam eligendi Episcopum & Pastorem in Ecclesiâ Andegav. prædictâ. In cujus rei testimonium sigilla dictarum curiarum ad petitionem dicti Procuratoris unâ cum sigillo ejusdem præsentibus duximus apponenda. Actum præsentibus & assistentibus in prædicto Capitulo Turonensi Venerabilibus viris PHILIPPO de Plessiaco & MATTHÆO dicto Picot, Canonicis Andegav. ad hæc etiam, ut dicebant, ex parte ejusdem Capituli Andegav. destinatis die Mercurii, & anno prædictis. JAQUETUS.

*Sequitur tenor litteræ Capituli Turonensis, sede vacante, Capitulo Andegavensi directa super licentiâ eligendi simpliciter concessâ ; qui tenor talis est :*

**G** Decanus & Capitulum. Turon. sede Turonensi vacante, viris venerabilibus & discretis ac in Christo nobis carissimis Capitulo Andegav. salutem, & sinceram in Domino caritatem. Denuntiata nobis ex parte vestrâ per Venerabiles viros Magistrum Girardum de Maugîa Concanonicum vestrum, Procuratorem à vobis ad id destinatum, morte bonæ memoriæ Nicolai quondam Episcopi Andegav. & petita ab eodem Procuratore nomine vestro licentiâ eligendi, eandem licentiam vobis au-

toritate Metropolitanâ benigniter concedentes, dilectionem vestram affectuosè requirimus & hortamur in Domino, quatenus solum Deum habentes præ oculis, providere salubriter studeatis magis Ecclesiæ quàm personæ. Datum die Mercurii in Capite jejuniorum, anno Domini millesimo ducentesimo nonagesimo.

*Acceptatio diei ad electionem faciendam.*

CAP. VII.

**D** Ictâ die Veneris post Cineres pulsata campanâ ad Capitulum congregandum, & singulis Canonicis nominatim & specialiter evocatis, præsentibus in Capitulo Andegav. de consensu omnium & singulorum fuit dies Martis post Ramos Palmarum ad tractandum de electione futuri Pontificis & ad eligendum præfixa, cum sequentibus diebus quibus electionis negotium foret expeditum : & confectæ fuerunt litteræ citationum & vocationum ad vocandum absentes Canonicos, & missæ per Clericos juratos per Regnum Franciæ & non extrâ : quarum litterarum duorum parium tantum tenores causâ brevitatis inferius inferuntur.

Capitulum Andegavensis Ecclesiæ Decano ejusdem Ecclesiæ absente, & in remotis agente, Magistro MARTINO de Herva-curia-sicca Concanonico nostro salutem, & sinceræ dilectionis affectum. Bonæ memoriæ Domino NICOLAO nuper Andegav. Episcopo viam universæ carnis ingresso, corpore ejusdem tradito Ecclesiasticæ sepulturæ, adimpletis à nobis, quæ consueverunt hætenus adimpleri ; volentes dictæ Ecclesiæ providere de Pastore, diem Martis ante Resurrectionem Domini proximam cum sequentibus, quousque dictum electionis negotium fuerit expeditum, ad procedendum ad electionem futuri Pontificis in ipsâ Ecclesiâ & eligendum eundem concorditer duximus præfigendam. Inde est quod vobis prædictam diem notificantes tenore præsentium, & nihilominus per MICHAELM de Ruello, & THOMAM dictum de Nogento, quibus & cuilibet eorum concedimus potestatem, vos vocamus & citamus, ut ad electionem prædictam dictâ die in mane horâ Capituli, & aliis diebus sequentibus, quousque dictum electionis negotium fuerit expeditum, in Andegavensi Ecclesiâ, si vestrâ credideritis interesse, nobiscum interitis ad dictam electionem processeris, & facturis nobiscum ulterius quod in tali negotio fuerit faciendum : & in testimonium vocationis & citationis hujus sigillum vestrum apponatis in secundâ causâ præsentium litterarum. Datum die Veneris post Cineres, anno Domini millesimo ducentesimo nonagesimo.

*Sequitur alia littera de Vocatione Canoniorum absentium ad electionem faciendam.*

**R** Everendis in Christo Patribus Archiepiscopis & Episcopis, ac viris venerabilibus Archidiaconis, Officialibus, & aliis ordinariis judicibus Ecclesiasticis in Regno Franciæ constitutis, ad quos præsentibus litteræ pervenerint, Capitulum Andegavensis Ecclesiæ, Decano ejusdem Ecclesiæ absente & in remotis agente, æternam in Domino salutem. Bonæ memoriæ Domino Nicolao Episcopo nostro viam universæ carnis ingresso, corpore ejusdem tradito Ecclesiasticæ sepulturæ, adimpletis à nobis quæ consueverunt hætenus adimpleri, volentes dictæ Ecclesiæ providere de Pastore, diem Martis ante Resurrectionem Domini proximam cum sequentibus, quousque electionis negotium fuerit expeditum, ad procedendum ad electionem futuri Pontificis in ipsâ Ecclesiâ, & ad eligendum eundem concorditer du-

1290.

ximus præſigendam. Inde eſt quodd vobis omnibus & ſingulis ſupplicamus, & in juris ſubſidium vos rogamus, ut ipſam diem cum ſequentibus quouſque dictum electionis negotium fuerit expeditum, domino REMUNDO dē Caſtronovo Preſbytero, & Magiſtro MARTINO ad Herva-curia-Sicca, Concanonicis noſtris, & omnibus Concanonicis, quos lator præſentium vobis duxerit nominandos, prout vobis ſunt ſubditi, vel propinqui, intrā tamen Regnum prædictum notificantes, ipſos ex parte noſtrā citetis veſtri gratiā, ſeu citari faciatis etiam publicē ſi neceſſe fuerit, ut ipſi ſi ſuā crediderint intereſſe, dictā die cum ſequentibus, quouſque dictum electionis negotium fuerit expeditum, in Andegavenſi Eccleſiā in mane horā Capituli interſint nobiſcum ad ipſam electionem proceſſuri, & facturi nobiſcum ulterius quod in tali negotio fuerit faciendum: & ad hoc faciendum veſtri gratiā alter alterum non exſpectet, & de nominibus citatorum & quidquid ſuper hoc feceritis, vel fieri feceritis, nobis per veſtras patentes litteras reſcribatis. Datum die Veneris poſt Cineres, anno Domini milleſimo ducentefimo nonageſimo.

CAP. VIII.

Dictā autem die Martis ante Reſurrectionem Domini Canonicis in Choro Andegavenſis Eccleſiæ convenientibus & congregatis, ſermone facto per Decanum, litteris citationum & vocationum lectis, & excuſationibus abſentium. Item ſigillis cujuſdam litteræ ſuper aſſignatione ſeu præfixione diei electionis factæ à Canonicis præſentibus recognitis, & quibuſdam aliis negotium dictæ electionis tangentibus, cum deliberatione providā adimpletis; facto etiam quodam compromiſſo, quodd nullum fuit ſortitum effectum, concorditer fuit continuata ad diem Mercurii immediatē ſubſequentem ad tractandum de electione Pontificis in Eccleſiā prædictā.

Dictā autem die Mercurii ante Reſurrectionem Domini, anno quo ſuprà, continuatā concorditer à die Martis prædictā, Canonicis in choro Eccleſiæ congregatis placuit ad Electionem per viam procedere compromiſſi ſeu commiſſi, factis ſuper dicto compromiſſo litteris, quarum tenor infrā ſcribitur:

Univerſis præſentes litteras inſpecturis vel audituris, ÆGIDIUS Decanus & Capitulum Andegavenſis Eccleſiæ, ſalutem in Domino. Noveritis quodd vacante Eccleſiā Andegavenſi per mortem bonæ memoriæ Domini Nicolai quondam Episcopi Andegavenſis, corpore ipſius tradito Eccleſiaſtica ſepultura, adimpletis à nobis quæ debuerunt adimpleri, diem præfiximus concorditer ad eligendum Episcopum in Eccleſiā noſtrā prædictā, videlicet diem Martis ante Reſurrectionem Domini cum diebus ſequentibus, quo uſque electionis ipſius negotium foret expeditum; vocatiſque ſufficienter omnibus qui debuerunt, voluerunt & potuerunt evocari, & præſentibus de illis omnibus qui voluerunt & potuerunt intereſſe, die Mercurii ſequenti continuatā à die Martis prædictā proximē præcedente nobis congregatis in loco conſueto, videlicet in noſtræ Eccleſiæ Choro, pulſatā Campanā horā Capituli, Spiritūs ſancti gratiā primitus invocatā, placuit nobis omnibus & ſingulis procedere per viam compromiſſi ſeu commiſſi, & damus & concedimus poteſtatem eligendi nobis & Eccleſiæ Andegavenſi Episcopum & Paſtorem & nobis providendi, viris venerabilibus & diſcretis: ÆGIDIO Decano, G. Theſaurario, JOANNI Cantori, GAUFRIDO Archidiacono Tranſligerenſi, & ROBERTO Archidiacono Tranſmeduanenſi, JOANNI Scholaſtico, GIRARDO Archidiacono Tranſvigenenſi in Eccleſiā Turonenſi, PHILIPPO de Pleſſeyaco, JOANNI de Boſco, MATTHÆO

Tom. II.

dicto Picot, & JOANNI Agni Concanonicis noſtris, de ſe ipſis vel de aliis, de gremio tamen Eccleſiæ noſtræ prædictæ: promittentes nos concorditer illum recipere & habere in Episcopum & Paſtorem, in quem omnes concorditer conſenſerint eligendum, & quem unus ex ipſis nomine ſuo & collegarum ſuorum prædictorum & noſtro elegerit, & publicaverit in communi; ita quodd ſi quis ipſorum diſſenſerit, quod factum fuerit non habeat ſiimitatem; poteſtate à nobis ipſis datā uſque ad conſumptionem cujuſdam candelæ duraturā, quam ſibi tradidimus accenſam, & tantundem accenſam retinimus apud nos, quod omnibus ſignificamus quorum intereſſi per præſentes litteras ſigillis noſtris ſigillatas. Datum die Mercurii prædictā anno Domini milleſimo ducentefimo nonageſimo.

Quibus factis, dictis compromiſſariis ſecedentibus in partem ſubtus capſam in qua corpus Beati Mauricii Confeſſoris in ipſā Eccleſiā requieſcit, omnes compromiſſarii prædicti in virum venerabilem & diſcretum Magiſtrum GUILLERMUM dictum Majorem, Capellanum majorem & perpetuum Penitentiarium Episcopi Andegavenſis, Concanonicum Andegavenſem indilatē & unanimiter conſenſerunt. Quo facto publicata fuit electio de eo facta, ut ſequitur:

Univerſis præſentes litteras inſpecturis vel audituris GUILLERMUS Theſaurarius Andegavenſis ſalutem in Domino. Noveritis quodd ego nomine meo & Collegarum meorum, videlicet Ægidii Decani, Joannis Cantoris, Gaufridi Tranſligerenſis, & Roberti Tranſmed. Archidiaconorum, Joannis Scholaſtici, Girardi Tranſvigenenſis. Archidiaconi in Eccleſiā Turon. Philippi de Pleſſeyaco; Joannis de Boſco, Matthæi dicti Picot, & Joannis dicti Agni, Canonicorum Andegavenſis compromiſſariorum ſeu commiſſariorum electorum, unā mecum concorditer ex parte venerabilium virorum Decani & Capituli Andegav. ad eligendum Episcopum in Eccleſiā prædictā Andegav. vacante Episcopo, & ad providendum & publicationem ſuper hoc faciendam ſecundum formam litterarum eorundem Decani & Capituli ſuper hoc conſectarum, poteſtate mihi & eiſdem Collegis meis datā durante, venerabilem virum magiſtrum GUILLERMUM Majorem Concanonicum meum, ad hoc idoneum, & cui inſtituta Canonica ſuffragantur, nec in aliquo contradicunt, in quem tam ego quā prædicti Collegæ mei conſenſeramus concorditer in eligendum eum in Episcopum prædictæ Eccleſiæ Andegav. de voluntate & mandato prædictorum collegarum meorum, mei & ipſorum & totius Capituli nomine, ex meā & ipſorum poteſtate, & à Capitulo nobis datā, & eā durante ex communi & concordī aſſenſu Andegav. Eccleſiæ de Episcopo & Paſtore providens nomino & eligo in Episcopum huiusmodi Andegav. Eccleſiæ & Paſtorem, & ipſos conſenſus concordēs, & electionem publico in communi: Injungens vice meā, & collegarum meorum, ut vos, Domine Decane, & Capitulum Andegav. ipſum recipiatis in electum, & quod per nos factum eſt in præmiſſis concorditer ratum habeatis & acceptum, & prædictos conſenſus concordēs, & electionem ac publicationem communem facio & pronuntio ſub formā quæ ſequitur in his ſcriptis:

In nomine Domini Amen: Ego GUILLERMUS Theſaurarius Andegav. de voluntate & mandato omnium Collegarum meorum, vice meā, omnium compromiſſariorum meorum & totius Capituli, & poteſtate noſtrā & nobis datā, & eā durante ex communi & concordī aſſenſu nomino & eligo vobis, & omnib; eorum intereſſi, Dominum GUILLERMUM

X ij

Nomina  
Compromiſſariorum.

1290.

Majorem Concanonicum nostrum in Episcopum nostrum & nostrum Pastorem Ecclesiæ, ac ipsum vobis præcipio in Episcopum habere, & ipsos consensus & electionem vobis publico in communi, & aliis quibus est faciendum, quod omnibus quorum interest significo per præsentis litteras sigillo meo sigillatas. Datum die Mercurii ante Resurrectionem Domini, continuatâ seu prorogatâ à die Martis proximè præcedentis, anno Domini millesimo ducentesimo nonagesimo.

## CAP. IX.

*Deinde Decanus & Capitulum Andegav. per litteras constituerunt Procuratores infra scriptos, ad supplicandum Capitulo Turon. sede vacante, & confirmationem electionis petendum; quarum litterarum tenor sequitur in hac verba:*

**U**niversis præsentis litteras inspecturis vel audituris, **ÆGIDIUS** Decanus & Capitulum Ecclesiæ Andegavenfis salutem in Domino. Noveritis, quod unanimi voluntate & consensu, dilectos nostros **MATTHÆUM** Decanum de Credonio Concanonicum nostrum, **GUILLERMUM** Quadrigarium Capellanum in Ecclesiâ nostrâ, & **GUILLERMUM** de Andart Rectorem Ecclesiæ de Reigne Andegavenf. Diocesis, ordinamus, facimus & constituimus Procuratores nostros, & quemlibet eorum in solidum, ita quod non sit melior conditio occupantis, ad supplicandum & petendum à venerabilibus viris & discretis Decano & Capitulo Turonensi, sede Turon. vacante, & omnibus aliis quibus faciendum est, ut de meritis electionis in nostrâ Andeg. Ecclesiâ celebratâ de personâ venerabilis & discreti Domini **G. Majoris**, Pœnitentiarum & majoris Capellani Episcopi, in nostrum & Andegav. Ecclesiæ Pastorem & Episcopum unanimiter electi, ac de meritis eligentium & electi, & formâ electionis ipsius ritè & debitè cognoscentes, & morè periculum evitantes, & electum confirmare dignum ducant, ac his factis consecrationis munus ipsi loco consueto Andegavis debitè & canonicè faciant impertiri, eo modo, & per quos fuerit faciendum: & ad supplicandum, petendum & faciendum omnia alia & singula quæ circa præmissa & ea tangentia necessaria fuerint, seu etiam oportuna; raturum & gratum habentes & habituri, quidquid per dictos Procuratores, & eorum quemlibet, in præmissis & præmissa tangentibus factum fuerit, seu etiam procuratum, quod præfatis venerabilibus viris Decano & Capitulo Turon. sede vacante, & omnibus aliis quorum interest, significamus, per præsentis litteras sigillis nostris sigillatas in testimonium veritatis. Datum & actum die Jovis ante Resurrectionem Domini, anno Domini millesimo ducentesimo nonagesimo.

Quibus litteris Procuratorum Capitulo Turonensis præsentatis, dictâ supplicatione eidem Capitulo sede vacante, factâ, lecta fuit in Capitulo Turonensi quædam littera sigillis Decani & Capituli Andegavenfis sigillata, continens decretum electionis prædictæ cujus litteræ tenor infra scribitur:

In nomine Domini Amen. Nos Decanus & Capitulum Andegavenfis omnibus præsentis litteras inspecturis. Notum facimus, quod bonæ memoriæ Domino Nicolao quondam Andegavenfi Episcopo die Lunæ ante Purificationem Beatæ Mariæ Virginis, anno Domini millesimo ducentesimo nonagesimo, viam universæ carnis ingressus, corporeque ipsius in vigiliâ festi ejusdem Purificationis, prout moris est, Ecclesiasticæ tradito sepulturæ: denuntiataque morte ejusdem illis quibus erat denuntianda de consuetudine Andegav. Ecclesiæ, & maximè venerabi-

libus viris Decano & Capitulo Turon. sede Turon. vacante, peritâque licentiâ eligendi ab eis modo quo fuerat fieri consuetum, & obtentâ, nos, Capitulum Andegav. Decano prædicto tunc absente, & in remotis agente, ad electionem nostri futuri Pontificis celebrandam, & alia quæ huic incumbunt negotio faciendâ, diem Martis ante Resurrectionem Domini proximi in mane, horâ Capituli, cum sequentibus diebus quo usque electionis & provisionis Ecclesiæ nostræ de Episcopo negotium foret expeditum, duximus præfigendum: citatis interim & legitimè vocatis omnibus qui de jure & consuetudine debuerunt evocari, dictâ die Martis adveniente pro congregando Capitulo, campanâ pulsatâ, in Capitulo nostro prout moris est convenimus, & demum illuc exeuntes Chori, campanâ pulsatâ Chorum Ecclesiæ nostræ intravimus; & inibi vocatis & præsentibus omnibus qui voluerunt, debuerunt, & potuerunt commodè interesse; Sancti Spiritus gratiâ primitus invocatâ; visis, lectis & diligenter conspectis litteris & sigillis super vocationibus & citationibus, diligenti tractatu præhabito, aliquibusque factis processibus qui finalem efficaciam non fuerunt consequuti, diem Martis prædictam continuavimus & prorogavimus ad diem Mercurii immediatè sequentem, quâ die Mercurii prædictâ continuatâ & expectatâ à die Martis prædictâ, pulsatâ campanâ prout moris est ad Capitulum congregandum, præsentibus omnibus qui electioni prædictæ celebrandæ debuerunt, voluerunt & potuerunt commodè interesse, in Choro Andeg. Ecclesiæ prout moris est convenimus; de electione futuri Pontificis tractaturi, & alia quæ huic incumbunt negotio facturi, sanctique Spiritus gratiâ primitus invocatâ, universis tractatibus inter nos habitis super his super quibus debuerunt haberi, nobis omnibus & singulis placuit per viam compromissi seu commissi procedere ad providendum nostræ viduatæ Ecclesiæ de Episcopo idoneo & Pastore, dedimusque unanimi consensu viris venerabilibus & discretis; **ÆGIDIO** Decano, **GUILLERMO** Thesaurario, **JOANNI** Cantori, **GAUFRIDO** Transligerensi, & **ROBERTO** Transmeduanensi Archidiacono, **JOANNI** Scholastico, **GIRARDO** Archidiacono Transvigenensi in Ecclesiâ Turon. **PHILIPPO** de Plessiaco, **JOANNI** de Bosco, **MATTHÆO** dicto Picot, & **JOANNI** Agni, Concanonicis nostris ad hoc electis, potestatem eligendi nobis & Ecclesiæ nostræ Andegavenfi Episcopum & Pastorem de se ipsis vel de aliis, de gremio tamen Ecclesiæ supradictæ: promittentes nos concorditer illum recipere & habere in Episcopum & Pastorem, in quem ipsi omnes consentirent concorditer eligendum, & quem unus ex ipsis vice suâ, & collegarum prædictorum, & nostrâ eligeret, & cujus electionem publicaret, solemniter in communi, ita quod si aliquis de prædictis dissentiret, quod factum esset, non haberet aliquam firmitatem: potestate eisdem à nobis datâ & limitatâ usque ad consumptionem cujusdam candelæ, quam sibi accensam tradidimus. & tantumdem apud nos accensam retinuimus, duraturâ. Qui postmodum secedentes in partem, super his ut debebant & poterant, processerunt; & postea ad nos revertentes durante adhuc eorum potestate, prout nobis retulerunt unanimiter consenserunt in virum Venerabilem & discretum Dominum **GUILLERMUM** Majorem Concanonicum nostrum, Pœnitentiarum Andegav. & Episcopi Majorem Capellanum, in Pastorem & Episcopum eligendum, virum utique de legitimo matrimonio natum, sufficientis litteraturæ, & ætatis legitimæ, vitæ, morum & conversationis honestate pollentem, jura Ecclesiæ Andegav. scientem, & potentem cum Dei adjutorio de-

fenfare, in spiritualibus & temporalibus circumspicendum, cui instituta canonica suffragantur, nec in aliquo contradicunt. Qui quidem compromissarii seu commissarii à nobis, ut præmittitur, electi in præsentia Capituli constituti, potestatem nobis insinuandi consensum prædictum, & dictum Dominum Guillelmum eligendi vice suâ & omnium Collegarum prædictorum, & totius Capituli, & nobis ipsam electionem publicandi, dederant venerabili viro & discreto Magistro Guillelmo, Thesaurario Andegav. prædicto, qui ex potestate sibi datâ, & eâ durante nominibus & vice quibus suprà, præfatum Dominum Guillelmum Majorem nominavit, & elegit in Episcopum & Pastorem Ecclesiæ nostræ Andegav. in scriptis sub formâ quæ sequitur:

In nomine Domini. Amen. Ego Guillelmus Thesaurarius, &c. *ut suprà.*

Nos verò dictam electionem, sic publicè & solemniter celebratam & publicatam, in communitatam & gratam habentes recepimus & etiam approbavimus, & adhuc recipimus & approbamus, & prædictum dominum Guillelmum, ut præmittitur, electum requisivimus cum instantiâ ut electioni de se factæ suum vellet præbere consensum, qui variis utens excusationibus, tandem precum nostrarum devictus instantiâ, non absque magnâ difficultate offerens se Deo sacrificium, dicens, *VOLENS NOLO, NOLENS VOLO*, prædictæ electioni suum assensum præbuit & consensum, quem nos, ut decebat, hymnum hujusmodi *Te Deum laudamus* solemniter decantantes, ad majus altare deportavimus, & campanis pulsatis, multitudini magnæ populi in dictâ Ecclesiâ existenti præsentavimus, & dictam electionem insinuavimus ut moris est.

Quare supplicamus humiliter & devotè viris venerabilibus & discretis Decano & Capitulo Turon. Sede Turon. vacante, & omnibus aliis quibus est faciendum, quatenus prædictis cognoscentes, moræ periculum evitantes, electionem prædictam & electum confirmare dignum ducant, ac his factis consecrationis munus loco consueto Andegav. debitè & canonicè faciant impertirico modo, & per quos fuerit faciendum. Et nihilominus ad supplicationes & petitiones super his faciendas, tam dictis Decano & Capitulo, quàm aliis quibus fuerint faciendæ, & ad omnia alia & singula quæ circa præmissâ & ea tangentia necessaria fuerint, seu etiam oportuna, discretos viros Matthæum Decanum de Credonio Concanonicum nostrum, Guillelmum Quadrigarium Capellanum in Ecclesiâ nostrâ, & Guillelmum de Andart Rectorem Ecclesiæ de Reigne Andegavensis Diœcesis, ordinamus, facimus & constituimus procuratores nostros, & quemlibet eorum in solidum, ita quodd non sit melior econditio occupantis: ratum & gratum habentes & habituri quidquid per dictos procuratores, & eorum quemlibet, in præmissis & præmissâ tangentibus factum fuerit, seu etiam procuratum. In cujus rei testimonium, Nos Ægidius Decanus & Capitulum sigilla nostra duximus apponenda: & nos nihilominus, GUILLELMUS Thesaurarius, JOANNES Cantor, GAUFRIDUS Transligerensis, ROBERTUS Transmeduanensis Archidiaconi, JOANNES Scholasticus, HUGO Cortin, GUILLERMUS Baril, GUARINUS le Raale, ROBERTUS Forean, ODO de Genis, PÉTRUS de Villa-mauri, GUILLERMUS Archypresbyter de Burgolio, GIRARDUS Archidiaconus Transvigenensis in Ecclesiâ Turonensi, GUILLERMUS Bili, ARMERICUS le Biacle, GUILLERMUS Decanus Sancti MARTINI, JOANNES de Bosco, JOANNES de Arcolis, PHILIPPUS de Plesciaco, JOANNES de Maura, MATTHÆUS Picot, JOANNES Agni, CLEMENS Ademati, ANDREAS de

Hain, OLIVARIUS de Marolio, & GERVASIUS Homo-Dei Canonici Andegavenses, & singuli nostrum, sigilla nostra propria præsentibus duximus apponenda, excepto dicto Oliverio qui tunc sigillum proprium, ut dicebat, non habebat, qui ad petitionem ipsius præsentibus litteras sigillo Curie Andegav. pro se obtinuit sigillari. Actum die Jovis ante Resurrectionem Domini prædictam; anno Domini millesimo ducentesimo nonagesimo. Nos autem Officialis Andegavensis ad petitionem dicti Oliverii sigillum Curie Andegavensis præsentibus litteris duximus apponendum, datum die Jovis prædictâ, anno ut suprà.

His sic factis, nobis Guillelmo Episcopo prædicto in domo Decani Turon. postmodum examinato; & postea cognito de meritis electionis, & examinato diligenter processu electionis ejusdem in Capitulo Turon. per Decanum vice suâ & Capituli Turonensis, prædicta electio inventa canonica, existit confirmata. Super quâ confirmatione confectæ sunt litteræ majori sigillo Capituli Turon. quarum tenor infra scribitur:

Universis præsentibus litteras inspecturis G. Decanus & Capitulum Turon. Sede vacante, Salutem in Domino. Notum sit vobis omnibus, quodd nuper Ecclesiâ Andegav. post mortem recolendæ memoriæ Domini Nicolai quondam Episcopi Andegav. vacante, morte ejus nobis ex parte venerabilis Capituli Andegav. nuntiata petita ab eis & obtenta à nobis licentiâ eligendi, & tandem electione factâ postmodum in ipsâ Andeg. Ecclesiâ de Venerabili viro & discreto Magistro GUILLERMO dicto Majore, Capellano Episcopi Andegav. nobis ex parte Venerabilium virorum Decani & Capituli Andegav. per procuratores eorum sufficienter instructos præsentatâ, & petito ut de electionis & electi prædictorum meritis cognoscentes, electionem tanquam canonicam auctoritate Metropolitanâ confirmaremus: eandem nos de electionis & electi prædictorum meritis plenius cognito & discussio, & eis diligenter examinatis, electionem ipsam quam invenimus fore canonicam, & electum prædictum auctoritate Metropolitanâ confirmamus. Et hæc omnibus quibus significandum est significamus per præsentibus litteras, sigillo nostro sigillatas. Actum palam & publicè in nostro Capitulo Turon. & datum die Martis post Festum Resurrectionis Domini, anno ejusdem millesimo ducentesimo nonagesimo primo.

Hoc factò Decanus & Capitulum Turon. destina-verunt per proprium eorum nuntium litteras sigillis eorum sigillatas, suffraganeis Episcopis provincie Turon. pro convocando ipsos suffraganeos ad consecrationem electi Andegavensis: quarum litterarum tenor infra scribitur:

Venerabilibus in Christo Patribus Cenomanensi, Redonensi, Nannetensi, Macloviensi, Briocenti, Venitensi, Corisopitensi, Trecorenti, & Leonensi, Dei gratiâ Episcopis, G. Decanus & Capitulum Turon. Sede vacante, Salutem in Domino. Cum discretus vir Magister GUILLERMUS dictus Major, Concanonicus, perpetuus Pœnitentiarius, & Major Capellanus Episcopi Andeg. Canonicè electus in Episcopum & Pastorem Ecclesiæ Andegav. per nos auctoritate Metropolitanâ ritè & canonicè fuerit confirmatus, vobis & vestrum cuilibet auctoritate prædictâ mandamus, quatenus die Dominicâ proximâ ante instans Festum Pentecostes, quam ad consecrationem ejusdem electi præfigimus, Ande-vis in Monasterio Sancti Albini personaliter interitis, vestrum in consecrationem ejusdem electi prout incumbit ministerium impensuri: in signum receptio-

1291.

nis presentium, sigilla vestra apponi presentibus facientes. Datum Turon. & sigillo nostro sigillatum die Martis post Resurrectionem Domini, anno ejusdem millesimo ducentesimo nonagesimo primo.

Quæ litteræ subscriptæ missæ fuerunt ad suffraganeos episcopos per Decanum & Capitulum Turon. propriis expensis ipsorum Decani & Capituli Turonensis. Deinde à venerabili viro Domino RAGINALDO, Turon. Ecclesiæ in concordia electo, litteras obtinuimus quæ sequuntur:

RAGINALDUS permissione divinâ Turon. Ecclesiæ in concordia electus, venerabili viro Magistro GUILLERMO dicto Majori, electo in concordia Ecclesiæ Andeg. confirmato, salutem & sinceram in Domino charitatem. Cum Venerabiles viri Decanus & Capitulum Ecclesiæ Turonensis vos ac electionem de vobis factam à Venerabilibus viris Decano & Capitulo Andegav. tunc sede Turon. vacante, auctoritate Metropolitanâ duxerint confirmandam, confirmationem electionis prædictæ quantum in nobis est, gratam habemus & ratam. Diei verò Dominicæ ante instans Festum Pentecostes à Venerabilibus memoratis præfixæ super consecratione vobis impendendâ nostrum benignè præbemus assensum: quidlibet super præmissis & ea contingentibus & dependentibus ab eisdem quantum ad nos attinet approbantes. In cujus rei testimonium sigillum nostrum presentibus duximus apponendum. Datum apud Immotum die Dominicâ quâ cantatur *Cantate*. Anno Domini millesimo ducentesimo nonagesimo primo.

Postmodum dictus RAGINALDUS electus Turon. Ecclesiæ in concordia, Episcopo Redon. pro consecratione prædictâ direxit suas patentes litteras in hæc verba:

VENERABILI in Christo Patri Dei gratiâ Episcopo Redonensi, R: Cancellarius Turonensis in concordia Ecclesiæ Turon. electus, Salutem & sinceram in Domino charitatem. Ad consecrationis munus, Venerabili viro Magistro GUILLERMO Majori Andegav. Ecclesiæ confirmato, hoc instanti die Dominicâ post Festum Ascensionis Domini in Monasterio S. Albini Andegav. per vos principaliter impendendum, cæteris suffraganeis Ecclesiæ Turon. qui præsentibus fuerint, suum ad id ministerium vobiscum præstantibus auctoritate Metropolitanâ vobis licentiam tribuimus, & concedimus facultatem. Datum apud Larcarium, die Martis ante Festum Ascensionis prædictæ, anno Domini millesimo ducentesimo nonagesimo primo.

Item dictus electus Turonensis direxit litteras suas certis personis de Ecclesiâ Turon. ut vice dicti electi Turon. accederent ad dictam consecrationem, facturi id quod in ipsis litteris continetur, quarum tenor sequitur in hæc verba:

RAGINALDUS Cancellarius Turonensis in concordia Turon. electus, discretis viris Archidiacono Transvigenensi in Ecclesiâ Turon. Magistris GUILLERMO de Ruiss, CLEMENTI Ademari & PEIRO de Micariis Canonicis Turon. salutem in Domino. Cum consecratio Venerabilis viri Magistri GUILLERMI Majoris electi Ecclesiæ Andegav. confirmati, apud Monasterium Beati Albini Andegav. hac instanti die Dominicâ post Festum Ascensionis Domini, auctoritate Metropolitanâ imminet faciendâ, vobis tenere presentium committimus; quatenus hac vice vos omnes aut saltem duo vestrum ad dictum Monasterium Sancti Albini vos personaliter transferentes, prædictæ consecrationi loco nostri assistatis: fidem, ac nobis & Ecclesiæ Turon. successoribusque nostris qui pro tempore fuerint Archiepiscopi Turon. subjectionis, reverentiæ & obedientiæ, & aliâs debitum

juramentum vice nostrâ ab eodem electo Andegav. ut fieri assolet, recipiatis, vobis super præmissis & super his quæ circa ea fuerint oportuna, auctoritatem tribuentes ac etiam facultatem: & quod super præmissis factum fuerit, nobis per vestras patentes litteras fideliter rescribatis, harum seriem continentes. Datum apud Larcarium die Martis ante Festum Ascensionis prædictæ, anno Domini millesimo ducentesimo nonagesimo primo.

Deinde littera Regis Franciæ super deliberatione Regalium Ecclesiæ Andegav. facta electo Andegav. confirmato, missis ad Regem Nuntiis, sequitur in hæc verba:

PHILIPPUS Dei gratiâ Francorum Rex Custodibus Regalium Andegav. Salutem. Cum nos procuratoribus seu nuntiis GUILLERMO electi Andegav. Ecclesiæ & confirmati, prout per litteras Decani & Capituli Turon. Sede vacante apparebat, ad hæc specialiter destinatis, videlicet GAUFrido Archidiacono Transvigenensi in Ecclesiâ Andegav. & MATTHÆO Decano de Credonio Canonico Andegav. reddiderimus Sabbato post Pascha ultimò præteritum circa horam Vesperarum Regalia Episcopatus Andegav. Mandamus vobis, quatenus dicta Regalia, & ea quæ ad ipsa pertinent, à die & horâ prædictis deliberetis electo & Confirmato antedicto. Actum apud Abbatiam Monialium juxta Maledunum dictâ die Sabbati, anno Domini millesimo ducentesimo nonagesimo primo.

Sequitur littera Regis super juramento fidelitatis facto Regi per electum Andegav. confirmatum, in hæc verba:

PHILIPPUS Dei gratiâ Francorum Rex Universis presentes litteras inspecturis, Salutem. Notum facimus quod die Mercurii in octavis Translationis Sancti Nicolai, apud Vicens ad nos accedens dilectus ac fidelis noster GUILLERMUS Andegav. electus nobis præstitit juramentum fidelitatis, prout alii Episcopi Andegavenses prædecessores sui Regibus Franciæ prædecessoribus nostris, hujusmodi juramentum fidelitatis hætenus præstiterunt. In cujus rei testimonium presentibus litteris nostrum fecimus apponi sigillum. Actum die & loco prædictis, anno Domini millesimo ducentesimo nonagesimo primo, mense Maio.

*Nunc restat de ministerio consecrationis tractare; prius tamen quam ad ipsius consecrationis tractatum & officium descendamus, quadam tractata superius sub brevi epilogo perstringemus, & quadam à nobis gesta à die Electionis & confirmationis nostræ usque ad consecrationis diem presenti libello ad informationem posterorum duximus inserenda, quæ incipiunt sic:*

CAP. X.

ANNO Domini millesimo ducentesimo nonagesimo, die Mercurii post Ramos Palmarum, videlicet tertiâ decimâ die exeunte Aprilis, Nos GUILLERMUS dictus Major Canonici Andegavensis, Capellanusque & perpetuus Pœnitentiarius Episcopi Andegav. vacante Ecclesiâ Andegav. per mortem bonæ memoriæ Domini NICOLAI Gellent quondam Episcopi Andegav. fuimus electi in Ecclesiâ Andegav. per viam compromissi, undecim Compromissariis, videlicet Egidio Rigant Decano, Magistro Guillelmo Bouet Thesaurario, Joanne Cantore, Gaufrido de Haya Archidiacono Transvigenensi, Roberto dicto Tectore Archidiacono Transmeduancensi, Joanne Marambert Scholastico, Girardo de Montebelli Archidiacono Transvigenensi in Ecclesiâ Turonensi, Magistro Joanne de Bosco, Domino Philippo de Plesticiaco Decano Ecclesiæ Beati Laudi Andegav.

1290.



Psal. 117. 22.

domino Joanne dicto Agno, Magistro Matthæo Picot Decano Credonensi, Canonicis Andegav. ad hoc electis & in nos unanimiter consentientibus, singulis postmodum totius Capituli concordantibus & consentientibus. Electione verbò solemniter publicatâ deportati fuimus ad majus altare. *Te Deum* solemniter decantantibus, campanisque per totam civitatem ad classicum pulsantibus, nobisque prostratis existentibus ante dictum altare, quousque *Te Deum* exstitit præcantatum; quo finito, dictaque oratione cum versiculo *A Domino factum est istud* per Decanum, ab illo loco usque ad pulpitum, in quo Epistola & Evangelium in diebus solemnibus solent legi, deducti fuimus, Decano ex unâ parte & Thesaurario ex alterâ nos tenentibus & ducentibus, ibique ostensi fuimus populo & etiam præsentati, ipso Decano populum alloquente, qui populus auditâ pulsatione campanarum ibidem convenerat in multitudine copiosâ.

Quo factò Capitulum intravimus cum dictis Decano & Thesaurario & aliis Canonicis, ibidemque quibusdam tractatis negotiis, exivimus ad domum nostram accedentes, omnibus personis & Canonicis nobis facientibus comitivam. Nobis autem ingressis dictam domum, dictis Personis & Canonicis nos salutantibus, ad domos proprias recesserunt, exceptis venerabilibus viris, Gaufrido Archidiacono Transligerensi, domino Andrea fratre ejus, & domino Philippo de Pleseïaco Decano sancti Laudi, Canonicis Andegavensibus, qui nobiscum ad cœnam remanserunt, nobisque in dictâ domo pernoctantibus, die crastinâ, scilicet die Jovis in mane ad Ecclesiam Andegav. accessimus, ibique liminibus sanctorum visitatis, Capitulum intravimus, licentiâque petita à Capitulo, nosque orationibus ipsorum recommendantes, villam Andegavensem exeuntes, & viam nostram versus Turonis dirigentes, ad *Pré Brion* accessimus, ibidemque in domo Rectoris comedimus & pernoctavimus: & sequenti die Parasceves dictis loco & domo remanentes & comedentes dormivimus.

Die autem Sabbati in vigiliâ Paschæ & in die Paschæ apud Burgulium festivantes, die Paschæ post prandium apud Langés accessimus & ibidem pernoctavimus. Die Lunæ sequenti Turonis devenimus, penes Magistrum GIRARDUM Archidiaconum Transvigenensem in Ecclesiâ Turonen. descendentes, comedentes & etiam pernoctantes. In quâ die Lunæ Decano & Capitulo Ecclesiæ Turon. sede vacante, præsentati fuimus in Capitulo Turon. ibidemque negotio nostræ Electionis per Thesaurarium Andegav. proposito, & decreto ejusdem electionis perlecto, diem Martis sequentem pro examinatione & confirmatione nostrâ faciendâ dicti Decanus & Capitulum præfixerunt. Dictâ verò die Martis nobis examinationem subeuntibus in domo prædicti Decani Turon. postea Capitulum Turon. intransitibus, dictus Decanus vice suâ & Capituli prædicti auctoritate Metropolitana munus nostræ confirmationis nobis contulit.

Tunc verò confirmatione collatâ, incipiente Cantore *Te Deum* per Decanum fuimus ad majus altare deducti, & *Te Deum* finito, ac oratione dictâ: nobisque ab oratione erectis, iterum Capitulum prædictum intravimus, in quo prædicti Decanus & Capitulum Turon. diem consecrationis nostræ assignaverunt seu etiam præfixerunt ad diem Dominicam post Ascensionem Domini; & de Episcopis suffraganeis per dictos Decanum & Capitulum auctoritate Metropolitanâ, sede vacante, convocandis cum illis fuimus ibidem colloquuti. Quibus factis & accordatis, dictum Capitulum & Ecclesiam exivimus,

& ad domum prædicti Archidiaconi Transvigenensis remeavimus, ac ibidem comedimus & pernoctavimus. Dicti autem Decanus & Capitulum Turonense miserunt nuntium pro suffraganeis convocandis, pecuniâ per eisdem dicto nuntio ministratâ. Die verò Mercurii sequenti venerabiles viri Gaufridus Archidiaconus Transligeren. & Matthæus Picot Decanus Credonen. Canonici Andegav. Procuratores à nobis deputati pro quærendis nostris Regalibus, à dictâ civitate Turon. ad Regem Franciæ accesserunt: quæ quidem Regalia poteramus ex privilegio per nuntios procuratores requirere & habere.

Nobis dictam civitatem Turon. exeuntibus in mane, & apud Relleium redeuntibus & ibidem comedentibus & pernoctantibus dictâ die: die Jovis sequenti apud Mellineis videlicet ad Monasterium dicti loci venimus, ut ibidem reficeremus, quo usque Regalia nostra recepissemus, ad quæ petenda & requirenda venerabiles viros Gaufridum Archidiaconum Transligerensem, & Magistrum Matthæum Picot Decanum de Credonio Canonicos Andegav. ad Regem Franciæ à civitate Turon. ut supra scribitur, destinaveramus, qui à dictâ Civitate Turon. pro dictis regalibus quærendis recesserunt die Mercurii præcedenti.

#### De Gervasio Capellano de Ludio.

CAP. XI.

**D**ie Veneris in festo Inventionis sanctæ Crucis injunximus apud Mellineis Priori de Ludio, quòd ipse diceret ex parte nostrâ Gervasio Rectori de Ludio Ecclesiæ, ut ipse infra Pentecosten Domini proximam quærat & habeat unum bonum & sufficientem Capellanum & Clericum idoneum, ad deservendum & coadjuvandum eum in Ecclesiâ de Ludio prædictâ, quæ ob defectum servitii & aliâs ob defectum Rectoris & Capellani multipliciter passa est & patitur quotidie detrimentum; alioquin eidem Rectori significaret ex parte nostrâ quòd ex tunc consilium apponemus ut justitia suadebit.

#### De Capellano de Basogiis.

**I**tem loquendum est cum Magistro Guillelmo Baril Rectore Ecclesiæ de Basogiis, super hoc quod ejus Capellanus de Basogiis, ut intelleximus, de novo exigit & extorquere nititur linteamina à Parochianis Ecclesiæ prædictæ, quando recipiunt extremam unctionem, nec non & cum aliis Rectoribus super simili facto est loquendum.

#### Redditio litteræ subtractæ per Fratres Leprosariorum de Fixâ.

CAP. XII.

**D**ie Sabbati post Resurrectionem Domini apud Mellineis incepimus facere inquestam, seu nos informare contrâ fratres Leprosariorum de Fixâ, super ablatione & subtractione furtivâ quarundam litterarum dictæ Leprosariæ impositâ quibusdam Fratribus dictæ domûs; pluresque testes dictâ die, & diebus Lunæ, Martis & Mercurii sequentibus super præmissis recepimus.

#### Liberatio Regalium.

CAP. XIII.

**D**ie Veneris sequenti Thomas & Michaël Fratres dictæ Leprosariæ de Fixâ dictas litteras nobis detulerunt & restituerunt, quas apud nos retinimus. Dictâ die venerunt seu reversi sunt ad nos ibidem dicti Archidiaconus Transligeren. & Matthæus Decanus Credon. & nobis litteras Regis Franciæ super liberatione Regalium nostrorum præsentaverunt: quæ quidem Regalia fuerant liberata dictis

nuntiis nostris per dictum Regem, & restituta die Sabbati ante *Quasi modo* proximè præteritam circà horam vesperarum.

*Littera Regis Francie super deliberatione Regalium Ecclesie Andegav. facta Electo Andegav. Confirmato, missis ad Regem nuntiis, sequitur in hac verba:*

**P**HILIPPUS Dei gratiâ Francorum Rex, Custodibus Regalium Andegav. salutem. Cum nos procuratoribus seu nuntiis GUILLERMI Electi Ecclesie Andegav. Confirmati, prout per litteras Decani & Capituli Turon. Sede vacante apparebat, ad hoc specialiter destinatis, videlicet Gaufrido Archidiacono Transligeren. in Ecclesia Andegav. & Matthæo Decano de Credonio Canonico Andegav. reddiderimus Sabbato post Pascha ultimo præteritum circà horam Vesperarum Regalia Episcopatus Andegavensis. Mandamus vobis quatinus dicta Regalia, & ea quæ ad ipsa pertinent, à die & horâ prædictis deliberetis Electo & Confirmato ante dicto. Actum apud Abbatiam Monialium Beatæ Mariæ juxtâ Melledunum dictâ die Sabbati, anno Domini millesimo ducentesimo nonagesimo primo.

*Procuratio Fabricæ B. Mariæ de Fixâ.*

CAP. XIV.

1291.

**A**Nno Domini millesimo ducentesimo nonagesimo primo, die Veneris post *Quasi modo* deputavimus & constituimus JOANNEM Roncin procuratorem fabricæ Ecclesie B. Mariæ de Fixâ, de consensu Prioris & quorundam majorum Parochianorum dictæ Ecclesie, quoad recipiendum & exigendum redditus, obventiones & alia spectantia ad dictam fabricam, qui juravit se fideliter habiturum in præmissis & fidelem rationem nobis super præmissis redditurum, & Parochianis dicti loci quando fuerit requisitus, & tenentur Mauricius le Caorcin & ejus uxor eidem reddere decem libras, decem & octo solidos & sex denarios. Item sexaginta septem solidos quinque denarios & obolum. Item sexaginta quinque solidos. Et Thomas Carnifex viginti quinque solidos. Item Egidius de Ponte & ejus uxor quadraginta septem solidos, quando super his ab eodem fuerint requisiti. Quas pecuniæ summas confessi fuerunt dicti debitores coram nobis nomine & ratione Fabricæ memoratæ, de quibus habet dictus procurator memoriale sigillo nostro sigillatum, actum die Veneris prædictâ. Dictus verò Roncin debebat dictæ Fabricæ sexdecim solidos, quos confessus fuit se recepisse nomine & ratione Fabricæ prædictæ.

Hæc est computatio facta per Audam uxorem Mauricii Caorcin coram nobis apud Mellin, de his quæ habuit & recepit de oblationibus, censibus, & redditibus, & aliis deputatis spectantibus ad Ecclesiam B. Mariæ de Fixâ, à duodecim annis citrà: die Veneris post *Quasi modo* anno quo suprâ assignata ad computandum & rationem reddendum super præmissis, per juramentum suum præstitum coram nobis die Mercurii præcedenti. Recepta facta per dictam Audam, expensis & missis conversis in utilitatem & reparationem Ecclesie prædictæ deductis, quas æstimat undecim libras, sex solidos, quinque denarios: & habet apud se de questis factis per eandem contemplatione dictæ Ecclesie decem libras, decem octo solidos, sex denarios. Item de trunco & Reliquiis à Festo Annuntiationis Dominicæ quod fuit anno Domini millesimo ducentesimo octuagesimo, habet sexaginta septem solidos, quinque denarios obol. De partibus receptarum & missiarum alias non recolat. Item debentur de dictis questis sexaginta solidi, quos debet Thomas le Bor-

relier, quos eidem Thomæ dicta Auda mutuò tradidit: summa totius receptæ cum debito, decem septem libras, decem solidos, undecim denarios, obol. Guillelmus de Curiâ dicta die computavit.

Die autem Sabbati sequenti destinavimus & misimus dictos Archidiaconum, & Decanum de Credonio, & JOANNEM Rectorem Ecclesie de Banneio fratrem nostrum, Andegavos, ut ipsi ex parte nostrâ litteras super liberatione & restitutione dictorum Regalium Decano & Capitulo Andegav. & Magistro Joanni de Montmartin deputato ex parte Regis Francie pro Regalibus custodiendis & recipiendis, præsentarent. Qui quidem Archidiaconus, Decanus & frater prædictus dictas litteras eisdem Capitulo Andegav. Decano absente, & dicto Magistro Joanni præsentaverunt. Dictus verò Magister litteris prædictis visis & receptis, Palatium nostrum Andegav. in quo tunc manebat, deliberavit eisdem nomine nostro, & mandavit per maneria & villas, Episcopatu Andegav. & nobis ratione & nomine Episcopatus spectantia, in quibus erant Custodes nomine dicti Regis Francie ratione dictorum Regalium, ut dicti Custodes omnia nobis deliberarent, & restituerent omnia recepta & habita de dictis Regalibus, à dictâ horâ vesperarum diei Sabbati prædictæ, quæ nobis fuerunt dicta Regalia deliberata per dictum Regem Francie, ut suprâ scribitur, & quod à dictis locis recederent: quæ ipsi fecerunt.

Item deliberavit idem Magister Joannes seu restituit nobis pissides nostras seu boestas quas Andegavis habemus, & omne emolumentum à dictâ horâ dictæ diei Sabbati receptum usque ad dictum tempus receptionis dictarum litterarum, & omnia alia ad dicta Regalia spectantia deliberavit & deliberari mandavit, visis litteris suprædictis, exceptis lignis & arboribus scissis in nemoribus de Chalouâ, videlicet de margerie, & expleamento eorum; & nemoribus quibusdam villæ Episcopi, in quibus dicebamus dictum Magistrum Joannem Ecclesie Andegav. magna damna intulisse & injustè, cum Regi ratione Regalium præmissa non competerent, cum dicta nemora non essent cædua, sed antiquissima, & usui Episcopi Andegav. deputata, de quibus Episcopi Andegav. vendere nullatenus consueverant: dicto Magistro Joanne contrarium affirmante, retentâ etiam Regi executione super debitis eidem Regi ratione Regalium prædictorum de tempore retroacti. Robertus verò Archidiaconus Transmeduanensis in Capitulo Andegav. locum Decani & Capituli præsentis dictis litteris receptis sigilla Curie Andegav. dicto Fratri nostro, & etiam Archipresbytero Burgulienfi procuratoribus ad hoc à nobis constitutis reddidit & restituit.

*Prima visitatio per nos facta post confirmationem nostram, videlicet in Monasterio Mellinenfi.*

CAP. XV

**D**ie Dominicâ sequenti, qua cantatum fuit *Miser cordia Domini*, Monasterium Mellinense visitavimus, & in Capitulo prædicavimus, & in Ecclesia dicti loci Missam solemniter celebravimus: nam illâ die Religiosi dicti loci habebant festum suum de Beato Joanne *Ante portam Latinam*; & ibidem convenerant multi Priores & Fratres ordinis dicti Monasterii. Ibidemque injunximus Abbati dicti Monasterii ut Monachos Monasterii sui quâlibet die certâ horâ competenti consuetâ & determinatâ insimul comedere faceret quâlibet die in Refectorio: & quodd inhiheret eisdem, & nosmet eis inhihuimus visitantes, ne ipsi in Cameris carnes comederent, ubi silentiura non tenent, & multa illicita committunt:

tunt : maximè cum non ſit eis prohibitum ſecundùm ordinem Beati Auguſtini , quem obſervare debent , comedere carnes in Refectorio prædicto.

Item injunximus viſitantes Canonicis dicti Monasterii , ut ipſi aliis Canonicis ejusdem Ordinis Sancti Auguſtini ſe & habitum ſuum conformantes , de cætero tunicam albam & ſupertunicale nigrum , prout alii ejusdem Ordinis noſtræ Diœceſis , induant & publicè deferant , & talibus veſtibus utantur de cætero , ſeu etiam induantur. Qui Canonici præmiſſis gratanter acquieverunt. Poſt hæc verò ibidem populo publicè prædicavimus. Item dictâ die quædam alia ibidem fecimus , quæ ſuprà ſcripta ſunt , & ipſâ die ibidem comedimus. Eademque die poſt comestionem ad Manerium noſtrum de villâ Episcopi acceſſimus , in quo Manerio noſtro de villâ Episcopi dictâ die pernoctavimus.

Item anno quo ſuprà , Dominicâ quâ cantatum fuit , *Miſericordia Domini* , permiſimus uſque ad Pentecoſtes Domini Synodum Rectori Eccleſiæ de Diceio fratrem GUILLERMO Canonicum Melinenſem de conſenſu Abbatis ſui , ad ſervientium in officio Capellani in Eccleſiâ prædictâ uſque ad Synodum prædictam tantummodò , injungentes quod extunc alium quærat idoneum Capellanum.

## CAP. XVI.

*De Radulfo Tueboſ quondam Capellano de Diceio.*

Item non eſt tradendum oblivioni de Radulfo dicto Tueboſ quondam Capellano de Diceio , qui Julianam dictam la Torace ejus concubinam , quam ibidem diù tenuerat , tranſtulit apud Premium ſuper Aution , & eam dicitur tenere ibidem.

Die Lunæ ſequenti apud Brolium Monialium prope Andegav. acceſſimus à manerio noſtro de Villa-Episcopi mane , & cum Magiſtro Joanne de Domino-Martino dictorum Regalium Cuſtode ſuper multis tractavimus , præſentibus Guillelmo Theſaurario , Gaufrido Archidiacono Tranſligerenſi , domino Philippo de Pleſſeiaco , Guillelmo Archipreſbytero Burgulienſi , Magiſtro Joanne de Areolis , Canonicis Andegav. & pluribus aliis : & inter cætera cum dicto Magiſtro Joanne , nuper dictorum Regalium Cuſtode accordavimus , quòd de Clericis & viduis tailliandis apud Sanctum Alemandum inquireremus pro Rege & pro nobis veritatem , & ſi inveniremus eos non tailliandos fore , à taillâ Regis remanerent immunes : pro quâ taillâ ſi contrarium appareret , plegios poſuerant dicti Clerici erga dictum Magiſtrum , & dictam tailliam ſe ſoluturos promiſerant in illum eventum.

Iterum ibidem tractavimus de conſtituendo Officiale in curiâ noſtrâ Andegav. videlicet de diſcreto viro Magiſtro STEPHANO de Burgulio Legum Profeſſore , quem Magiſtrum Stephanum dictâ die ad dictum officium Curie Andeg. de conſilio proborum retinuvimus.

Poſt hæc verò à dicto Brolio recedentes , fecimus dari Monialibus dicti loci viginti ſolidos de eleemoſynâ noſtra , & apud Villam - Episcopi rediimus , ipſâ die comedentes & pernoctantes ibidem.

Dictâ verò die cum ROBERTO de Chaufurno accordavimus , quòd ſi jus habebat in manerio de Eſventart ratione domini vel proprietatis , quòd Guillelmus Theſaurarius Andegav. & Magiſter Gervafius Homo-Dei Canonicus Andegav. ſuper hoc inquirerent , & ſuper dicto jure ſi eidem Roberto competeret , ſatisfactionem decernerent : & iſtud accordavimus ſi Capitulo Andegav. placeret , ſine

cujus Capituli conſenſu nihil intenderamus facere in præmiſſis.

Die Martis ſequenti in mane , DAVID de Suiſdomibus , Ballivus Andegav. pergens Cenomanis venit per nos apud villam Episcopi , & ſuper pluribus negotiis tractavit nobiſcum : coram quo Ballivo conſtitutus dictus Robertus de Chaufur dixerit , quòd non opponebat ſe , quominus poſſemus intrare & nanciſci poſſeſſionem dicti manerii de Eſventart ; & hoc dixit ſimiliter MAURICIUS dictus de Beuſſon. Quibus actis juſſit dictus Ballivus cuidam ſervienti ſuo , quòd diceret ex parte dicti Ballivi quibuſdam ſervientibus Comitis Andegavenſ. dictum manerium cuſtodientibus ad procuracionem dictorum Roberti & Mauricii , quòd ipſi dictum manerium exirent , & permitterent nos liberè intrare manerium prædictum , & nanciſci poſſeſſionem ejusdem.

*Iter ad Regem Francia pro juramento fidelitatis.*

## CAP. XVII.

Die Mercurii ſequenti à villâ Episcopi receſſimus , iter noſtrum dirigentes ad Regem Franciæ , ut eidem ſacramentum fidelitatis faceremus ; GUILLELMO Theſaurario Andegav. & MATTHÆO Decano Credon. ac Domino GERVASIO Homine-Dei Canonicis Andegav. nobiſcum venientibus ad dictum Regem : & ipſâ die in manerio noſtro de Morennâ descendimus , & comedimus pernoctantes ibidem. Die Jovis ſequenti in mane à villâ Morennâ receſſimus iter noſtrum arripientes , & viginti quinque equitaturas in totâ viâ cundo & redeundo habuimus in ſocietate noſtrâ vel circâ , unâ cum ſummariis , & nobiſcum quadringentas & quatuor viginti libras vel circâ , pro viâ & neceſſariis quærendis detulimus ; de quibus parum reportavimus. Die Mercurii poſt *Jubilare* Regem Franciæ apud boſcum de Vicennes invenimus , & juramentum fidelitatis eidem fecimus , nihil Chambellano ſuo perſolventes quamvis viginti quinque libras petiſſet. Cujus juramenti fidelitatis per nos dicto Domino Regi facti forma inferius ſequitur.

*Forma juramenti fidelitatis facti Regi Francia.*

ANNO Domini milleſimo ducentefimo nonageſimo primo , die Mercurii poſt Feſtum Beati Nicolai aſſivale , fecimus nos GUILLERMUS Major Andegavenſis Eccleſiæ Electus ; & auctoritate Metropolitanâ confirmatus , Domino PHILIPPO Dei gratiâ Francorum Regi juramentum fidelitatis in hunc modum ; videlicet quòd ſtolâ nobis ad collum poſitâ in modum crucis ante pectus & manu ad pectus miſſâ , libro Evangeliorum coram poſito , dixit nobis de mandato Regis Dominus Petrus de Chamberri Miles : Vos juratis Domino Regi fidem & legalitatem , & filio ejus Regi Francorum poſt eum ; & quòd ſervabitis eiſdem corpora , membra & vitam , & jura ſua & honorem ſuum temporalem ; & ſi petat à vobis conſilium bonum & fidele , ſibi dabitis. Ita juratis ? Et nos reſpondimus ; ita juro.

Quibus factis , quibuſdam gravaminibus Eccleſiæ Andegavenſis Sede vacante illatis coram eo propoſitis , & requiſitione factâ de renovando litteram continentem juramentum fidelitatis , quod Episcopi Andegav. debent Domino Regi Franciæ facere & ſigillo ſuo ſigillandum , ſerviens quidam ipſius Regis à nobis viginti quinque libras Pariſienſes ratione prædicti juramenti fidelitatis petiit , videlicet centum ſolidos pro Rege , & viginti libras pro Camerariis : cui & alii & hoc iterato petenti reſponſum datum

fuit, quod littera nostra prædicta nos super hoc liberabat, in qua inter cætera continebatur, quod ratione prædicti juramenti fidelitatis nihil novi oneris Episcopo Andegav. poterat imponi, & hoc novum onus existeret, cum illud onus alii Andegav. Episcopi alias minimè præstitissent: & ita post hæc à dicta petitione cessarunt.

*Sequitur tenor littera renovata per Regem Francie, super juramento fidelitatis facto eidem Regi à D. Guillelmo dicto Majore Andegav. Ecclesie Electo.*

**P**HILIPPUS Dei gratiâ Francorum Rex. Notum facimus universis tam præsentibus quàm futuris, quod nos litteras inclitæ recordationis præcarissimi Domini & progenitoris nostri Philippi Francorum Regis vidimus in hæc verba:

**P**HILIPPUS Dei gratiâ Francorum Rex. Notum facimus universis tam præsentibus quàm futuris, quod nos litteras felicitis memoriæ præcarissimi Domini & genitoris nostri Ludovici Francorum Regis vidimus in hæc verba: **LUDOVICUS** Dei gratiâ Francorum Rex universis præsentibus litteras inspecturis, salutem. Notum facimus universis tam præsentibus quàm futuris, Nos inclitæ recordationis Regis Ludovici genitoris nostri inspexisse litteras in hæc verba:

**LUDOVICUS** Dei gratiâ Francorum Rex universis litteras inspecturis, salutem. Noveritis quod fidelis & dilectus noster **GUILLERMUS** Andegav. Episcopus præstitit nobis sacramentum fidelitatis, sicut alii Episcopi Regni nostri nobis faciunt, & nos recognovimus ei, quod non tenetur ire in exercitum vel equitatum nostrum in propriâ personâ, vel aliquem mittere sumptibus suis; neque occasione hujusmodi juramenti ullum onus novum vel gravamen imponetur ei vel Ecclesie suæ, sed ipse & Ecclesia ejus manebunt in illis libertatibus quas habuerunt tempore bonæ memoriæ **PHILIPPI** quondam Regis Franciæ genitoris nostri, & **HENRICI** & **RICHARDI** quondam Regum Angliæ. Item recognovimus ei, quod quando Electus Andegavensis Ecclesie erit confirmatus à Metropolitano, vel ab eo qui potestatem habebit confirmandi, nos reddemus ei Regalia sua per nuntios deferentes litteras patentes confirmationis ejus: ipse tamen Electus tenebitur bonâ fide nos adire si fuerimus in Regno infra quadraginta dies post susceptionem Regalium, & nobis juramentum fidelitatis præstare, & si infra quadraginta dies ad nos, sicut dictum est, non venerit, nos poterimus facere Regalia sua, & ea tamdiu tenere, quousque nobis fecerit dictam juramenti fidelitatem. Sciendum est etiam, quod si futuris temporibus Comitatus Andegav. separaretur à Regno, Episcopus Andegav. non teneretur facere Comiti Andegav. hujusmodi juramentum.

Actum Parisius anno Domini millesimo ducentesimo vicesimo tertio mense Novembrii. Nos autem ea quæ superius continentur rata & accepta habentes, & à nostris successoribus ea volentes in posterum inviolabiliter observari, ad petitionem dilecti & fidelis nostri **NICOLAI** Andeg. Electi in hujus rei testimonium litteris præsentibus nostrum fecimus apponi sigillum. Actum Parisius anno Domini millesimo ducentesimo sexagesimo mense Februario. Et nos prædicta quæ superius continentur rata & accepta habemus & à nostris successoribus ea volumus impolterum inviolabiliter observari. In cujus rei testimonium ad petitionem dilecti & fidelis nostri præfati **NICOLAI** Andegavensis Episcopi præsentibus litteris nostrum fecimus apponi sigillum. Actum

apud Lochas anno Domini millesimo ducentesimo septuagesimo sexto mense Septembrii.

In cujus rei testimonium nos ad petitionem dilecti & fidelis nostri **GUILLERMI** Andegav. Electi præsentibus litteris nostrum fecimus apponi sigillum. Actum apud Vicennas anno Domini millesimo ducentesimo nonagesimo primo, mense Maio.

Quibus actis, salutato à nobis Rege pro recessu, & nobis per eum licentiatis recessimus à nemore de Vicennis, in quo in domo Fratrum Grandimontensium in Ecclesia & Capellâ eorumdem præfata omnia facta fuerunt. Postmodum statim Parisius in nomine Domini revertentes, & ibidem tribus diebus manentes emimus mitram pulcrâ, & quamdam parvi pretii, pannos sericos duos vel tres, quædam necessaria pro Capellâ, ornamenta Episcopalia, & alios pannos pro nobis, pro octo valetis seu armigeris; item fellas, frana & alia pro equis & summaris necessaria, & quædam alia. Quibus factis versus patriam revertentes die Jovis post *Cantate*, per villam de Lerigneio transeuntes audivimus ibi **MISSAM**, & ibidem fecimus infra scripta. Ipsâ die Jovis apud villam Episcopi accessimus, ac ibi comedimus pernoctantes.

Die Jovis ante Festum Beati Urbani transeuntes per villam de Lerigneio invenimus **JOANNEM** Rectorem Ecclesie dicti loci excommunicatum pro decimâ Ecclesie suæ non solutâ à Nativitate Domini ultimò præterita, cui injunximus quod intrâ diem Martis proximam faceret se absolvi, & nobis suam ostenderet absolutionem, quod facere promisit; quamque postmodum nobis ostendit.

Item ibidem ipsum correximus super frequentatione tabernarum, inhonestâ conversatione, incontinentiâ & aliis, qui promisit nobis se emendare super præmissis. Item injunximus & commisimus socio Priori dicti loci, ut de Cura dictæ Ecclesie se intromitteret donec ipsum ad hoc prohiberemus; & hoc idem Priori dicti loci commisimus propter vitandum periculum animarum. Item injunximus dicto Priori, quod ipse diligenter adverteret quomodo idem Rector de cætero se haberet, & ejus conversationem nobis significaret: ut contra ipsum Rectorem si maiore se habuerit, procedamus prout justitia suadebit.

#### *Abjuratio Michaëlis Fornil.*

**I**tem anno quo supra die Sabbati, post *Cantate*, abjuravit apud villam Episcopi **MICHAEL** dictus Fornil, de Parochiâ sancti Petri de Præcigneio, **AGATHAM** filiam defuncti **JOANNIS** Medietarii absentem tunc, ejusdem Michaëlis consanguineam propinquam; cui injunximus tres processiones solemniter faciendas, unam in die Ascensionis Domini, secundam in Festo Pentecostes, tertiam in Festo Beatorum Apostolorum Petri & Pauli præter aliam penitentiam spiritalem; & ipsum ab hujusmodi incestu absolvimus. Item dictâ die Rectori Ecclesie Beati Petri de Præcigneio litteratoriè mandavimus ut ad nos venire faceret dictam Agatham, quamcunctis de puerperio in quo jacebat surrexisset, mandatum nostrum audiret. Item de eadem Parochiâ sunt in incestu notorio **COLINUS** le Forestier, & **CATHARINA** consanguinea uxoris suæ defunctæ in secundo gradu. Sequenti die Dominicâ comedimus ad convivium cum **PHILIPPO** Rectore Ecclesie de villâ Episcopi.

#### *Radulfus Capellanus de Corzeio correctus.*

**I**tem die Lunæ post *Vocem jucunditatis* apud villam Episcopi correximus **RADULFUM** Capellanum

CAP. XVIII.

CAP. XIX.

Philippus filius S. Ludovici.

S. Ludovicus.

Ludovicus Pater S. Ludovici.  
Is Guillelmus erat de Bello-Monte dictus.

Philippus Augustus Sancti Ludovici avus.

de Corzeio, de Bituriâ oriundum, ut dicebat, ſuper fornicatione quam commilerat cum JOANNA filia Stephani Beraut: injungentes eidem Radulfo, quodd ultra Pentecoſten Domini proximam in Eccleſiâ de Corzeio in officio Capellani non ſerviret, nec amplius in Andegaviâ moraretur, quod facere promiſit, maximè cum idem Radulfus dicat ſe habere in partibus Eccleſiam curatam.

Item dictâ die excommunicavimus dictum Morgenest, & dictam la Ligerote ejus conſanguineam in ſecundo gradu, in inceſtu notorio manentes. Item dictam Catharinam excommunicavimus dictâ die propter defectus ſuos, quod ipſa citata non comparuit coram nobis.

Item die Martis ſequenti apud villam Episcopi, dicta Joanna filia Stephani Beraut abjuravit coram nobis ſolemnitate quâ decuit, dictum Radulfum Capellanum de Corzeio.

Item anno quo ſuprà die Mercurii in vigiliâ Aſcenſionis Domini, abjuravit coram nobis Colinus Foreſtier de Parochiâ ſancti Petri de Præcigneio Catharinam conſanguineam defunctæ uxoris ſuæ in ſecundo gradu, pœnâ centum ſolidorum appoſitâ, committendâ & nobis perſolvendâ, ſi de cætero ad eandem redierit: cui injunximus ſub pœnâ jura-menti ſuper hoc præſtiti, quodd ipſe die Pentecoſtes Domini proximâ publicè in Eccleſiâ Beati Petri de Præcigneio peram & baculum à Sacerdote dictæ Eccleſiæ, ut moris eſt, accipiat, inde iturus nudis pedibus ad Montem Beati Michaëlis in Monte Tumba: qui Sacerdos exponet ibidem populo cauſam quare dictus Colinus ſic vadit in Montem Beati Michaëlis, & quod eſt ei ex parte noſtrâ injunctum in pœnam dicti publici inceſtus. Item injunximus eidem Colino, quodd ipſe ultra taxationem ſibi impoſitam ſolvat infrâ feſtum Beati Michaëlis quindecim ſolidos ad reparationem dictæ Eccleſiæ campanarum ſancti Petri. Dicta autem Catharina non venit, ſed ob contumaciam fuit excommunicata.

Anno quo ſuprà die Mercurii in vigiliâ Aſcenſionis Domini abjuraverunt ſe ad invicem MATTHÆUS Beioin & JOANNA filia HERBERTI de Bermicon, pœnâ unius marchæ argenti appoſitâ contrâ, cum committendâ, & nobis ad uſus pauperum ſolvendâ, ſi de cætero ad invicem inter ſe carnaliter commiſceantur.

*Vigilia noſtra conſecrationis.*

**D**ie Sabbati poſt Aſcenſionem Domini, videlicet in Vigiliâ conſecrationis noſtræ, de villâ Episcopi benè mane ſurgentes verſus Andegavis iter noſtrum direximus: occurrentibusque nobis fratre JOANNE Abbate Monasterii beati Sergii Andegav. & aliis venerabilibus perſonis de Eccleſiâ Andegav. in viâ, ad Monasterium S. Sergii prædicti more prædeceſſorum noſtrorum acceſſimus; ibidemque comedimus, & proviſi fuimus expenſis Abbatiæ, & ibidem à quampluribus Nobilibus, aliis perſonis Eccleſiaſticis & ſæcularibus fuimus viſitati. Dictis autem per nos Veſperis & Completorio, dictâ die recepimus nos in camerâ noſtrâ, quæ in Monasterio prædicto dicitur Camera Abbatis, ibidemque raſâ barbâ & coronâ, ablutoque capite ibidem dictâ die fuimus balneati. Quo factô nocte ſequenti circâ ignitegium intravimus majorem Eccleſiam ipſius Monasterii, & ibidem ante altare Beatæ MARIÆ totum Pfalterium perlegimus ſingulariter & ſubmiſſè. Quo perleſto Matutinas incepimus & complevimus, ſociis & Capellanis noſtris nos juvantibus. Quibus actis circâ mediam noctem ad noſtram cameram redeuntes, lectum intravimus, & ibidem requievimus uſque mane.

*Com. II.*

*Sequitur dies conſecrationis noſtra facta & celebrata in Eccleſiâ Beati Albini Andegav. ut infra ſcribitur. Anno Domini milleſimo ducentefimo nonageſimo primo.*

**D**ie autem Döminicâ poſt Feſtum Aſcenſionis Domini ſummo mane ipſius diei Döminicæ ſurgentes, ad Monasterium Beati Albini Andegav. cœpimus dirigere iter noſtrum, munus conſecrationis noſtræ recepturi ibidem.

Circâ autem majorem portam ipſius Monasterii ſeu Abbatiæ, per quam ingreſſi fuimus eandem Abbatiam adſtitit nobis nobilis vir Dominus BRIENCUS de Monte Joannis, Dominusque de Briençon, fidelis & vaſallus noſter pro terrâ de Briençon, iter faciens ante nos & arcens turbam ac multitudinem hominum, unâ cum multis militibus & armigeris quos ſecum advexerat ad juvandum ipſum in ſervitio, in quo nobis dictâ die tenebatur ratione dicti feudi de Briençon & ſancti Joannis de Malveretis; ratione cujus feudi dictâ die conſecrationis Episcopi Andegav. apud Monasterium Beati Albini, & etiam apud Eccleſiam Beati Mauritii, & apud Palatium tenetur onus janitoris ſubire, portasque cuſtodire, & in viâ à dicto Monasterio ſancti Albini uſque ad Eccleſiam Andegav. iter Episcopo Andegav. conſecrato facere & turbas arcere: quæ omnia tam per ſe quàm per complices ſuos, quos ad hoc ſecum adduxerat, dictâ die nobis benè & fideliter exhibuit & implevit.

Poſtquàm ante magnam portam ipſius Abbatiæ priùs dictam ingreſſi fuimus (quam portam idem Miles nobis aperiri fecit per armigeros & ſervientes ſuos, qui eandem portam intus cuſtodiebant.) Nobis de paleſfredo noſtro deſcendentibus cui inſidebamus, idem Dominus de Briençon ipſum paleſfredum capi fecit, quodd ſuus erat ratione obſequii & ſervitii, quod in die conſecrationis noſtræ nobis debebat & exhibere tenebatur, & quia exhibuit, ut eſt dictum, & ut ſequitur.

Ab illo autem loco ubi deſcendimus pedes ivimus ad Eccleſiam Monasterii antedicti, dicto milite Domino de Briençon cum ſuis complicitibus & adjutoribus nos præcedente, viam faciente, & turbam arcente cum baculis & aliis neceſſariis ad hujusmodi officium faciendum. Ipſam autem majorem dicti Monasterii Sancti Albini portam cum magnâ difficultate propter turbam & hominum multitudinem copioſam tranſeuntes, ante majus altare dictæ Eccleſiæ proſtrati orationem fecimus, & exinde ad Capellam Abbatis ivimus, & poſtmodum in quâdam Camerâ ipſius Monasterii ſeceſſimus & ibidem aliquantulum pauſavimus. Et tunc Decanus, Theſaurarius, Archidiaconus Tranſligerenſ. Scholaſticus, & alii magni viri Eccleſiæ Andegav. cœperunt cum venerabilibus viris Magiſtro GIRARDO de Monte-rebelli Archidiacono Tranſvigenenſi in Eccleſiâ Turonenſi, Magiſtro PETRO de Micariis, & Domino CLEMENTE Adenari Legum Profeſſore, Canonici Turonenſibus, Vicariis Reverendi Domini Domni RAGINALDI de Monte-Baſonis tunc Electi Turon. in concordia, qui pro negotio dictæ conſecrationis miſſi à dicto Electo venerant, & qui die præcedenti, ſcilicet dictâ die Sabbati, in ipſo Monasterio Sancti Albini comederant, pernoctaverant, ac etiam proviſi fuerant cum omni familiâ & equitaturis ſuis ad ſumptus & expenſas noſtras, tractare cœperunt de profeſſione à nobis Eccleſiæ & Archiepiſcopo Turon. faciendâ. Et tandem poſt multas altercationes & diſputationes ſuper hoc habitas, in hanc formam concordaverunt quæ talis eſt:

Y ij

C A P. X X I

1291

*Nota officium D. de Briençon ad quod tenebatur circa portas, & officium janitoris ratione dictorum feudorum.*

C A P. X X.



Ego GUILLERMUS sanctæ Andegav. Ecclesiæ nunc ordinandus Episcopus, subjectionem & reverentiam & obedientiam à sanctis Patribus constitutam, secundum præcepta Canonum, ut moris est, sanctæ Sedi Turonensis Ecclesiæ Dominoque RAGINALDO Electo concorditer Turon. ejusque successoribus Canonice substituendis, perpetuo me exhibiturum promitto, & super sanctum Altare propria manu firmo & subscribo.

*Nota hic de AMAURICO filio primogenito Domini de Credonio & de Brioleto, se offerente nobis ad officium faciendum, ad quod pater suus tenetur ratione feudi de Brioleto, dicto patre tunc absente.*

Interea autem ad nos in dictâ Camerâ accedens AMAURICUS, filius primogenitus & heres nobilis viri Domini MAURICII Domini de Credonio & de Brioleto, puer undecim annorum vel circa, Domino MATTHÆO Quatre-barbes Milite pro dicto puero verba faciente, obtulit se nobis ad faciendum servitium & officium, in quo pater suus nobis & Ecclesiæ Andegav. tenebatur ratione feudi, videlicet ad portandum nos una cum vassallis nostris, qui ad hoc tenentur post munus consecrationis nostræ, ab Ecclesiâ Sancti Albini usque ad majus altare Ecclesiæ Beati Mauricii Andegav. & ad serviendum nobis de cupâ in mensâ gerendo officium pincernæ, proponens & asserens se ad hoc admitti debere, cum pater suus in Angliâ esset absens etiam ante tempus electionis de nobis factæ, maxime ex causâ Legationis sibi impositæ à Rege Franciæ ad Regem Anglorum, ut dicebat: nobis reclamantibus & nos opponentibus in præmissis, asserentibusque illud officium & servitium adeo esse personale, quia non nisi per Dominum de Brioleto fieri & impleri poterat vel debebat; unde cum dictus puer nondum esset Dominus de Brioleto ac vassallus Ecclesiæ Andegav. ad illud servitium non debebat admitti, præcipue cum adhuc esset idem puer tam teneræ & imbecillis ætatis, quod per se dictum servitium & officium implere non posset.

His & aliis propositis hinc & inde nihil cum effectu super hoc accordato, ad Capellam ante dictam rediimus; in quâ tunc cœpimus nos ornamentis Episcopalibus de bougran, exceptis mitrâ, annulo, baculo pastorali, & chirothecis, ornare & parare; Reverendis Patribus Dominis THEOBALDO Dolenfi, & ALANO Corisopitenfi Episcopis nobis assistentibus & juvantibus ad ornandum & parandum.

Parati autem & revestiti, à dictâ Capellâ accessimus ad Majorem Ecclesiam ipsius Monasterii, & ante majus altare dictæ Ecclesiæ munus consecrationis nostræ recepimus à Reverendo Patre GUILLERMO Episcopo Redonensi, Reverendis in Christo Patribus Dolenfi, Venetensi, Macloviensi, Corisopitenfi & Leonensi Episcopis assistentibus & ministerium in dictâ consecratione præbentibus, cæteris suffraganeis Turonensis Provinciæ se excusantibus. Item professionem fecimus in formâ superscriptâ super altare prædictum. Finito autem consecrationis & Missæ officio, benedictionem super populum effudimus ut est moris. Quibus omnibus sic peractis, in eodem Monasterio paratam habuimus cathedram duobus palliis sericis coopertam & paratam ad deportandum nos, ut superius continetur.

*Nota hic qui tenentur deportare Episcopum consecratum usque ad majus altare Beati Mauricii in Cathedra, scilicet Barones infra scripti.*

Præsentibus & se ad hoc nobis offerentibus Baronibus & vassallis nostris, qui ad dictam deportationem tenentur, videlicet Domino GUIDONE de Camilliaco Milite, qui ratione terræ & feudi de Camilliaco tenebatur nos portare, & portavit ex parte anteriori ad sinistram. (Cum Dominus de Brioleto si præsens esset, teneretur ex parte anteriori ad dexteram ratione feudi de Brioleto.) Item Domino HUGONE de Baucey Domino de Blodio, tenebatur nos portare & portavit ex parte posteriori ad dextram. Item Domino JOANNE Bellomonte, Domino de Gratequesse, qui ratione feudi de Gratequesse tenebatur nos portare & portavit ex parte posteriori ad sinistram. Dicto AMAURICO filio Domini de Credonio & de Brioleto primogenito se præsentante, ac se cum instantiâ importunâ offerente & ingerente ad servitium pro patre suo faciendum, & ad nos portandum ex parte anteriori ad dextram. Nobis reclamantibus & nos opponentibus in præmissis ac protestantibus coram dictis Reverendis Patribus Dolenfi & Redonensi Episcopis, quod ejusdem Amaurici servitium non admittebamur, nisi de jure admittere teneremur, protestantes quod per talem ingestionem & quasi violentiam non intendebamus Ecclesiæ aliquod præjudicium generari. Super quâ protestatione à dictis Reverendis Patribus Dolenfi & Redonensi litteras obtinuimus in hæc verba:

Universis præsentibus litteras inspecturis & audituris, G. permissione divinâ Redonensis Episcopus salutem in Domino. Noveritis quod anno Domini millesimo ducentesimo nonagesimo primo, die Dominicâ post Ascensionem Domini, munere consecrationis à nobis Redonensi Episcopo, Reverendo in Christo GUILLERMO Dei gratiâ Andegav. Episcopo solemniter impertito, Reverendis in Christo Patribus G. Leonensi, R. Macloviensi, N. Corisopitenfi, H. Venetensi, miseratione divinâ Episcopis, suffraganeis Ecclesiæ Turonensis, nobis ad hoc ministerium præbentibus in Monasterio beati Albini Andegav. missâque solemniter per dictum Reverendum Patrem Andegav. Episcopum in Ecclesiâ Andegav. celebratâ, nobisque omnibus cum dicto Reverendo Patre Andegav. Episcopo in suo Palatio ad mensam in convivio sedentibus, AMAURICUS filius Domini de Credonio & de Brioleto nomine patris sui, & pro eo obtulit se dicto Patri Reverendo, ad servitium faciendum de cupâ in dictâ mensâ, ad dandum sibi primum potum, ad quod servitium pater ejus personaliter, ut dicitur, tenebatur; dicto Reverendo Patre dicente & expressè protestante quod servitium dicti filii admittere non volebat nomine patris sui, cum ad hoc servitium impendendum idem pater suus personaliter teneretur, ut dicebat. Quibus propositis non obstantibus dictus Amauricus nomine dicti patris sui, & pro eo unâ cum pluribus sibi assistentibus accepit cupam, & fecit infundi vinum, & obtulit eidem Domino Episcopo potum nomine patris sui, ratione servitii antedicti: cui respondit idem Dominus Episcopus: fili mi, non recipimus à vobis dictum potum ratione servitii antedicti, seu nomine patris vestri. Episcopus accepit cupam & bibit, & postea dictus puer accepit cupam, & dixit quod sibi debebatur ratione patris sui & servitii antedicti: dicto Reverendo Patre dicente; Nos non admittimus servitium vestrum: & protestante expressè, ut dicebat, quod dictam cupam contra suam voluntatem idem Amauricus deportabat, ne-

Consecratur  
Episcopus.



que ſibi debebatur quoddam pater ſuus non impend-  
rat ſervitium prædictum, ad quod ut dicebat perſo-  
naliter tenebatur. In cujus rei teſtimonium præſen-  
tibus litteris ſigillum noſtrum duximus apponen-  
dum ad ſupplicationem dicti Reverendi Patris. Da-  
tum die & anno quibus ſuprà.

*Sequuntur litteræ Episcopi Dolensis super protesta-  
tione in hac verba :*

**U**Niversis præſentes litteras inſpecturis & au-  
dituris, THEOBALDUS miſeratione divinâ Do-  
lenſis Episcopus ſalutem in Domino. Noveritis quoddam  
anno Domini milleſimo ducentefimo nonageſimo  
primo, die Dominicâ poſt Aſcenſionem Domini nobis  
in Eccleſiâ beati Albini Andegav. unâ cum Re-  
verendis in Chriſto Patribus, Redonenſi, Maclo-  
vienſi, Coriſopitenſi, Leonenſi, Venetenſi Episcopis,  
ac venerabilibus viris Domino Girardo de Monte-  
Rebello, Archidiacono Tranſvigen. & Magiſtro Pe-  
tro de Micariis Canonicis in Eccleſiâ Turonenſi Vi-  
cariis venerabilis viri Magiſtri Raginaldi de Monte-  
Bafonis Electi in concordia in Eccleſiâ Turon. &  
dictæ Eccleſiæ Turon. congregatis nobis ſuffraganeis  
dictæ Eccleſiæ Turon. ad dictam diem ſpecialiter  
convocatis pro munere Conſecrationis impen-  
dendo Reverendo Patri Domino Guillelmo divinâ  
providentiâ Andegav. Episcopo, munere conſecra-  
tionis dicto Reverendo Patri ſolemniter impertito à  
Domino Episcopo Redon. dictis Reverendis Patri-  
bus & nobis eidem miniſterium præbentibus, om-  
nibusque ritè peractis quæ in talibus debent & con-  
ſueverunt obſervari. Cum dictus Reverendus Pater,  
ut moris eſt, ad Eccleſiam Andegav. per ſuos ho-  
mines, vaſſallos & fideles ſuos & Eccleſiæ Andegav.  
deberet deportari, ut ibidem Miſſam ſolemniter ce-  
lebraret, AMAURICUS filius Domini de Credonio &  
de Brioleto in noſtrâ præſentiâ ſe exhibuit & ſe ob-  
tulit cum magnâ comitiva Nobilium dicto Patri  
Reverendo, ad eundem deferendum ad Eccleſiam  
Andegav. nomine patris ſui & pro eo; volens dic-  
tus Amauricus & ſe offerens admitti ad ſervitium  
faciendum eidem Episcopo nomine patris ſui & pro  
eo, ad quod idem pater ſuus dicto Reverendo Patri  
perſonaliter, ut dicitur, tenebatur, & eundem Pa-  
trem Reverendum ad dictam Eccleſiam Andegav.  
nomine patris ſui & pro eo deferre nitebatur, ma-  
ximè cum dictus Dominus de Credonio pater ſuus  
abſens eſſet in Angliâ, ut dicebat, ex cauſâ Lega-  
tionis ſibi impoſitæ ab Illuſtri Rege Franciæ, qui ſibi  
imponere poterat dictam legationem, ut dicebat,  
cui obtemperare neceſſariò tenebatur: dicto Reve-  
rendo Patri Andegav. Episcopo ejusdem filii nomine  
quo ſuprà ſervitium expreſſè renuente, & aſſerente  
ſervitium dictâ die ſibi debitum à dicto Domino de  
Brioleto adeo eſſe perſonale, quoddam per alium quàm  
per ipſum dominum ſibi impendi non poterat nec  
debebat; maximè cum de pluribus prædictis ex parte  
dicti Amaurici propoſitis non conſtaret; & cum dic-  
tum ſervitium ſibi à Domino de Brioleto perſonaliter  
deberetur: & licet Amauricus ejusdem Domini  
eſſet filius; vivente tamen patre ſuo, ipſo in ejus-  
dem patris poteſtate exiſtente, nullatenus Dominus  
de Brioleto eſt cenſendus: & quia idem Amauricus  
adeo juvenis & in minori ætate conſtitutus eſt, quoddam  
non eſt habilis ad dictum ſervitium faciendum. Plu-  
ribus altercationibus habitis hinc & inde, dictus  
Amauricus unâ cum magnâ comitivâ hominum,  
præſente maximè Ballivo Andegav. quorum poten-  
tiâ, ut dicebat, idem Episcopus reſistere non vale-  
bat, ſe obtulit ad dictum Patrem Reverendum de-  
portandum ad Eccleſiam antedictam contrâ volun-

tatem dicti Reverendi Patris expreſſè reclamantis &  
proteſtantis, quod ſervitium ejusdem filii pro patre  
ſuo nullatenus admittebat, niſi appareret quoddam  
jure teneretur; proteſtantis etiam quoddam in quantum  
in ſe erat, & contradicere poterat & contradicere  
tenebatur, delationi & portationi dicti filii & ſuo-  
rum complicitum contradicebat & etiam reſiſtebat;  
maximè cum per eorum importunitatem promptam  
& imminentem poſſet divinum officium, quod ad  
diem ſibi incumberebat, in Eccleſiâ Cathedrali impe-  
diri, & ſibi & Eccleſiæ Andegavenſi magnum præ-  
judicium generari in futurum. Et hoc omnibus quo-  
rum intereſt & quibus ſignificandum eſt ſignifica-  
mus per præſentes litteras ſigillo noſtro ſigillatas, ad  
ſupplicationem dicti Reverendi Patris ſigillatas, in  
teſtimonium veritatis. Datum anno & die ut ſuprà.

*Hic Episcopus consecratus deportatur ad Eccleſiam  
Beati Mauricii Andegaven. per Barones homi-  
nes & Vaſſallos ſuos & Eccleſiam Andegaven.  
in cathedrâ.*

CAP. XXII.

**H**is autem nonobſtantibus idem puer Amauri-  
cus ſuper humeros cujuſdam armigeri equi-  
tans ex parte anteriori Cathedralis ad dextram, tan-  
gens dictam Cathedralis ſic dictum ſervitium cona-  
batur implere, Domino THEOBALDO Domino de  
Matefelon ipſâ parte dextrâ Cathedralis loco ipſius  
pueri nos ſuſtinente & portante, & ſic egredientes  
habentes librum Evangeliorum ad pectus, omnibus  
ornamentis Pontificalibus etiam caſulâ & mitrâ al-  
bis, videlicet de bougran reſteſtiti, & etiam propter  
unctionem cucufati quâdam magnâ cucufâ ſubtus  
mitram: ſic humeris dictorum Baronum & Vaſſal-  
lorum deferrebamur per villam, ſignantes populum  
à dextris & à ſiniſtris. Et per hunc modum populo-  
rum innumerâ multitudine circumſtante ad portam  
Andegavinam devenimus ſic delati; quam portam  
inventes clauſam per Capitulum & firmatam,  
ibidem traximus longam moram, & poſt hoc aper-  
to guicheto dictæ portæ, Gaufridus Archidiaconus  
Transligeren. ex parte Capituli veniens pro  
ſe & Capitulo à nobis quoddam juramentum exigit.

*Nota hic juramentum quod facit Episcopus Andeg.  
consecratus Capitulo & Eccleſiæ Andegavenſi ad  
portam civitatis, qua dicitur Porta Andegavi-  
na, antequam intret civitatem & Eccleſiam poſt  
ejus conſecrationem.*

**A**D nos verba dirigens idem Archidiaconus ſub  
hac formâ, *Vis tu jurare te non inſeſudaturum  
de novo?* Ad quod reſpondimus: *Volo.* At ipſe,  
*Jura:* & nos, *Juro.* Item idem Archidiaconus ad  
nos verba dirigens: *Vis tu jurare jura & conſue-  
tudes antiquas Andegav. Eccleſiæ approbatas ſer-  
vare?* At nos reſpondimus: *Volo.* Et ipſe, *Jura.*  
Et nos, *Juro.* Quibus ſic actis dictâ porta Andega-  
vinâ reſeratâ & apertâ per dictos Barones & Vaſſal-  
los per modum ſupradictum, uſque ad portas An-  
degav. Eccleſiæ fuimus deportati: & dum tunc  
in portâ Portalli, idem Archidiaconus ad nos  
verba dirigens talem interrogationem formavit: *Eſt-  
ne ingreſſus tuus pacificus?* Et nos: *Pacificus.*

Quo facto nobis ſic deportatis, & ipſam Eccle-  
ſiam ingredientibus, occurrit nobis proceſſio capis  
ſericis ornata, & cœperunt cantare Reſponſorium  
quod incipit, *Beatus Mauricius*; & ſic uſque ad  
majus altare per eoſdem Barones & Vaſſallos fui-  
mus deportati; & dum deſcendiſſemus de Cathedrali  
in quâ fueramus deportati, Theſaurarius Andegav.  
accepit duo pallia quibus erat dictâ Cathedra coo-

Y iij

perta, & ea retinuit quia sibi erant debita: & ante dictum altare in oratione prostrati fuimus, quousque dictum Responsorium fuit percantatum. Quo completo surgentes, diximus illum versiculum; *In-istorum anima in manu Dei sunt*, cum oratione de Martyribus, *Deus qui nos concedis*.

Quibus actis inchoata fuit Missa de die, scilicet, *Exaudi Domine vocem meam*, sicut est. Dum autem ad oblationem ventum fuit, intravimus unam curiam, ne pressuram hominum in oblatione currentium gravaremur, & tunc nobis oblata fuerunt multa vasa argentea & deaurata, quae in aliis scriptis nostris continentur. In tota autem Missa non amovimus cuculam neque mitram in quibus fuimus consecrati, nec etiam tota ipsa die, quousque intravimus lectum nostrum, quam horam solam mitram amovimus, cuculam remanente. Post *Agnus* ante convivium more solito fecimus benedictionem solemnem de Festo Ascensionis, quae competebat diei.

## CAP. XXIII

*Missâ celebratâ in die consecrationis, Episcopus intrat palatium ut sequitur.*

**F**inito itaque Missae officio, Palatium nostrum cum omnibus indumentis, in quibus Missam celebraveramus, propter effrenatam multitudinem & nimiam pressuram hominum cum difficultate intravimus, & sic cameram nostram ingressi, vestimenta omnia deposuimus in quibus Missam celebraveramus, & aliud rochetum novum accepimus, & supertunicale, & mantellum, habentes in capite mitram & cuculam memoratas, & sic parati ad prandium in Palatio ivimus.

Cum autem ipsum Palatium intrassemus, & manus vellemus abluere, praesentavit se nobis Dominus JOANNES de Bello-monte, Dominus de Gratequesse, vassallus noster ligius futurus ratione feudi de Gratequesse, qui fudit nobis aquam super manus ad lavandum in bacinis argenteis, quos fieri feceramus ex proposito ad istud officium, de pondere quatuor marcharum argenti, licet bacini praedecessoris nostri non fuissent nisi trium marcharum, ut in scriptis suis vidimus contineri: quam ablutione facta dictus Dominus Joannes de Bellomonte dictos bacinis habuit, & manutergia quibus tunc tersimus manus nostras, quae sibi ratione dicti feudi & servitii nobis dicta die ab ipso exhibiti debebantur. Quibus actis benedictionem fudimus super mensas, quam benedictione facta, sedimus in cathedra magni scamni palatii nostri, nobiscum sedentibus a dextris & a sinistris in mensa Reverendis Patribus Redon. Maclou. Veneten. Corisopiten. & Leonens. Episcopis, & praedictis Vicariis Electi Turon. Nobis autem assitis, venit nobilis Miles Dominus GUIDO de Camilliaco in tunica, gerens mappam supra colulum, quam ante nos supra mensam posuit, ministris suis eum coadjuvantibus; quam posita, manibus propriis duos panes coram nobis posuit, & alios panes in dicta mensa in qua sedebamus, quod officium eidem incumbere ratione feudi de Camilliaco quod tenet a nobis; unde dicta die officium Panisarii subire tenebatur, quod per se & per suos dicta die in prandio & in cena decenter exercuit per totum palatium, & alia loca in quibus homines comedebant, videlicet in Ecclesia, Claustro & Refectorio: ratione cujus officii, finito prandio, omnes mappas dictorum locorum habuit, quia jus suum erat. In secunda autem & tertia assitia & cena eas cum magna difficultate commodavit. In sero autem de residuo panis quod de dicto festo remanserat contendit, asserens suum esse ratione officii sui praedicti,

nostris hoc negantibus & se opponentibus in praemissis, & tandem illud residuum panis non habuit, sed nobis remansit. Item obtulit se ad dandum pauperibus fragmentum, quod tamen non fecit, sed fuit per nostros erogatum.

*Nota hic officium Domini de Blodio.*

**D**um sic autem sederemus in mensa, pane & vino superpositis, venit Dominus HUGO de Bauceio Dominus de Blodio, homo noster ligius futurus ratione dicti feudi de Blodio, & primum ferculum in duabus scutellis argenteis una subtus, altera supra attulit, & coram nobis supra mensam posuit, cum sapore in aliis duabus scutellis minoribus una subtus, altera supra; & dictas quatuor scutellas argenteas, duas magnas & duas parvas habuit ratione dicti servitii, & de omnibus aliis ferculis post primum, de quo ipse servivit in propria persona coram nobis, fecit per Dominum GUILLELMUM de Corcillon Militem coram nobis usque ad finem convivii deserviri. Ultra autem quatuor scutellas argenteas, petebat a nostris potos & calderias coquinaras, sed de his nihil habuit, cum super hoc nos non potuerit informare.

His factis, ministrato nobis primo ferculo, dum bibere vellemus, supradictus puer AMAURICUS filius Domini de Credonio & de Brioleto se obtulit, offerens nobis cupam nostram deauratam cum vino, ad quod officium pater suus si praesens fuisset nobis tenebatur ratione feudi de Brioleto, cum in dicto festo consecrationis officio pincernae fungi teneatur; quod tamen servitium de manu dicti pueri non duximus recipiendum rationibus ante dictis: & sic dictus puer dictam cupam supra mensam posuit, & quidam de servientibus nostris illam nobis porrexit: & cum bibissemus, & dictam cupam posuissimus supra mensam, dictus puer dictam cupam cepit, & eam asportavit; quod jus patris sui erat, si dictum servitium prout debebat explevisset; nobis nos opponentibus dicto puero & reclamantibus in praemissis, & de jure nostro & Ecclesiae Andegav. protestantibus, sicut supra: de qua reclamatione & protestatione litteras dicti Episcopi Redon. obtinuimus, quarum tenor sequitur in hac verba:

Universis praesentes litteras inspecturis & audituris, GUILLELMUS miseratione divina Redon. Episcopus, &c. ut supra.

*Hic finitur prandium in die Consecrationis.*

**F**inito autem prandio, gratias egimus, & benedictionem super populum fudimus, & postea cameram nostram intravimus, & abluimus manus nostras. Praedicti autem Vicarii nobiscum, ut dictum est, in palatio comederunt, sed illis de familia sua qui apud sanctum Albinum remanserant, & eisdem Vicariis pro cena serotina, & toti familiae, & equis eorum de nostro ministravimus omnes sumptus. HUGO de Bauceio Dominus de Blodio decem libras, quatuordecim solidos, & sex denarios, quia comedit in villa & cum eo Dominus JOANNES de Bellomonte Dominus de Gratequesse, & cum eo multi Milites. Item pro expensis Domini praedicti de Gratequesse quatuor libras, quatuor solidos, & quatuor denarios. Item pro expensis Domini de Camilliaco octo libras septem solidos. Item pro Domino de Monte Joannis Domino de Briengonio vi. libr. vii. sold. & viii. denar. pro expensis Domini de Credonio Dominique de Brioleto nihil, quia praesens non erat, ut dictum est.

Expensæ Baronum.

## CAP. XXIV.

*Summa expensarum pro Baronibus viginti novem novem lib. tredecim solid. & ix. denar. Item nota hic expensas Vicariorum Domini Rag. Electi Turon. quarum summa est centum septem quinque solidorum.*

*Nota hic diversionem Episcopi consecrati in die crastinâ suâ consecrationis à civitate Andegav. ut infra sequitur.*

**A**nno quo supra, die Lunæ post Ascensionem Domini, videlicet in crastino consecrationis nostræ, recessimus à palatio nostro Andegav. summo mane, & eques ivimus ad chalondum subtus castrum Andegav. in quo chalondo fuimus deportati per aquam usque ad Chalonnâ: ibi verò de chalondo descendimus ante ecclesiam Beati Mauricii. Et eandem Ecclesiam intravimus, & ibidem Missam celebravimus cum cucufâ & mitrâ consecrationis; & post dictam Missam celebratam, ad manerium nostrum dicti loci eques ivimus cum cucufâ & mitrâ prædictis, quas cucufam & mitram dictâ die ante prandium deposuimus, & caput nostrum lavari fecimus, quæ quidem cucufâ & le coron fuerunt combusta. Postea verò dictâ die in dicto manerio nostro apud Chalonnâ prandimus & pernoctavimus, & in crastino similiter videlicet die Martis sequenti; quadiæ Martis assignavimus hominibus nostris dicti loci diem Jovis sequentem ad faciendum nobis homagium & juramentum, ad quæ faciendum nobis tenentur.

• Postmodum verò, quibusdam visitationibus à nobis factis, & pluribus aliis, quæ in libro visitationum nostrarum continentur, ad præsens prætermis.

## CAP. XXV.

*Nota hic de visitationibus nostris quas fecimus Turonis in Ecclesiâ Beati Mauricii, & in Ecclesiâ Beati Martini, anno quo supra*

**D**ie Sabbati in crastino Apostolorum Petri & Pauli anno quo supra apud Langez comeditus & pernoctavimus, & maxima tonitrua ac coruscationes terribiles ibidem audivimus. Die dominicâ sequenti, videlicet in Octavis beati Joannis Baptistæ, nobis occurrentibus quampluribus venerabilibus personis Ecclesiæ Turonensis ad civitatem Turonis devenimus causâ visitandi Ecclesiam Turonis, cum nos more majorum nostrorum teneremur infra tres menses à tempore consecrationis nostræ prædictam Turonensis Ecclesiam visitare, & nos liminibus beatorum Mauricii & Gatiani præsentare; & in domo Archiepiscopi descendentes, postmodum ad fores ipsius Ecclesiæ honorificè processionaliter fuimus recepti, & ad majus altare dictâ processione comitante, & unum responsum cantante deducti; orationeque dictâ, & benedictione per nos factâ, ad revectorium ivimus, & ibidem sandaliis & omnibus pontificalibus ornamentis fuimus revestiti, & post ad majus altare dictæ Ecclesiæ Missam celebravimus ad supplicationem Decani & Capituli, ac de licentiâ Vicariorum Domini RAGINALDI de Montebasonis Electi Turon. in concordia, acolythos per Decanum & Capitulum ac Vicarios nobis præsentatos ordinavimus, quorum nomina inter alios à nobis ordinatos continentur. Et fuit prædicta Ecclesia & chorus in dictâ receptione nostrâ pallis & pannis sericis ornata, ad quam ornaturam in receptione nostrâ tenebatur & tenetur dicta Ecclesia, ac in receptione Episcopi Cenoman. quamvis in receptionibus aliorum suffraganeorum Provinciæ Turon. ad id non teneatur, ut à pluribus dicebatur. Missa verò celebratâ, in dictâ domo Ar-

chiepiscopi Turon. fuimus recepti, ac in cibariis & aliis necessariis pro nobis & nostris procurati & provisi ad expensas Turon. Electi. Nobis in prandio assistentibus, & nos concomitantibus majoribus personis & in dignitatibus constitutis, necnon & Canonicis Ecclesiæ Turon. ad hoc ex parte dicti Electi specialiter invitatis, & aliis quamplurimis personis in dictâ domo comedentes, cœnantes & pernoctantes, unâ cum sociis nostris, familiâ & equitaturis ad sumptus & expensas dicti Electi.

Die Lunæ sequenti in domo Archiepiscopi pluribus de civitate & Diœcesi Turon. tonsuras Clericales impendimus seu contulimus ad supplicationem dictorum Vicariorum. Et dictâ die comedimus & pernoctavimus invitati penes Magistrum GIRARDUM de Monte-rebelli Archidiaconum Transvigen. in Ecclesiâ Turon.

Dictâ die venit ad nos apud Rideriam manerium dicti Archidiaconi Religiosus vir Abbas Majoris Monasterii Turon. & cum eo tractavimus de negotio quod vertitur inter Dominum de Camilliaco ex unâ parte, & Priorem dicti loci ex alterâ; quod negotium nos & Ecclesiam Andegav. tangit. Et finaliter fuit accordatum, quod ipse Abbas pro dicto Priore mandaret, & super hoc cum eo tractaret, ac plenius inquireret veritatem.

Die Martis sequenti in mane ad præsentationem & supplicationem dictorum Vicariorum pluribus civitatis & Diœcesis Turon. tonsuras primas contulimus clericales, computatis & numeratis inter alios ad usum promovendos in Registro nostro contentos.

Item GAUFRIDO de Malliaco Rectori Ecclesiæ de Ulmis, ad preces venerabilium virorum Joannis Archidiaconi Transligeren. Girardi Archidiaconi Transvigenen. in Ecclesiâ Turon. concessimus licentiam super residentiâ in ipsâ Ecclesiâ per ipsum Gaufridum non faciendâ usque ad finem unius anni; ita tamen quod diebus solemnibus in dictâ Ecclesiâ personaliter debeat interesse.

Post hoc ipsâ die apud Sanctum Cosmam de Insulâ comeditus & pernoctavimus ad sumptus nostros, exceptâ cœnâ, quâ die Fratres dicti loci, absente tunc Priore, honorificè nos receperunt, & nos ad cœnandum duxerunt ultrâ aquam Ligeris ad sumptus Prioris in domo seu manerio Molendinorum.

Die Mercurii in festo Translationis Beati Martini æstivalis in mane, cum Abbate de Aqua-vivâ accordavimus, quod nos cum Abbate Mellinenli & Fratribus de non mutando antiquo habitu tractaremus; cum idem Abbas de Aqua-vivâ quasdam rationes allegaret quare à dicto habitu non debeant resilire, quamvis in habitu cum Fratribus sui ordinis non concordent, Abbate Mellinenli & Fratribus super tunicale album & albam tunicam deferentibus, aliis tunicam albam & supertunicale nigrum; quamvis antea cum dicto Abbate & Fratribus de conformatione habitus tractassemus.

*Nota hic adventum Episcopi Andegav. ad Ecclesiam Beati Martini Turon. post ejus consecrationem.*

## CAP. XXVI.

**P**ost hæc dictâ die Mercurii à Prioratu S. Cosmæ recessimus, & inde accedentes Turonis, pluribus venerabilibus personis & Canonicis Ecclesiæ Beati Martini Turonis nobis in viâ occurrentibus, ut nos usque ad dictam Ecclesiam comitarentur, ad quam Ecclesiam Beati Martini Turonensis accedebamus, ut inibi more & jure prædecessorum nostrorum reciperemur in Canonicum & in Fratrem; quia prædecessores nostri in primo eorum adventu ad dictam Ecclesiam post eorum consecrationem recepti fuerunt, & nos similiter recepti fuimus in ipsâ Ec-

cieta in Canonicum & in Fratrem, & ut limina beatissimi Martini visitaremus, in domo à Capitulo Beati Martini nobis deputata in Claustro Beati Martini descendimus, & post parvam moram à nobis ibidem factam, Ecclesiam Beati Martini prædictam intravimus. Capitulo ipsius Ecclesie processionaliter usque ad portas ipsius Ecclesie nobis occurrentibus & recipientibus solemniter in dicta Ecclesia, & unum Responsorium cantando usque ad majus altare dictæ Ecclesie nos honorifice deduxerunt: oratione verò dicta & benedictione à nobis data, in Capitulum ejusdem Ecclesie non mutato habitu nostro nos duxerunt, ibidemque Capitulo congregato, Decano absente, & Subdecano locum ejus tenente, primò Ecclesie & personis nos recommendavimus, asserentes nos debere recipi in Canonicum & in Fratrem: dictus verò Subdecanus respondit, quod nos ratione Episcopatus Andegav. Canonicus Ecclesie Beati Martini prædictæ eramus, adjiciens quod si aliqua nobis necessitas immineret, ad ipsos in Claustro Beati Martini declinare possemus, in quo domum & alia necessaria sicut uni Canonico ministrarent, quamvis ab aliquibus diceretur, quod in illo casu non sicut Canonico tantum, imò sicut Episcopo ministrare tenerentur. Quibus actis idem Subdecanus exhibuit quemdam librum antiquum in quo forma juramenti sub littera antiqua erat contenta, quod juramentum ipsi Ecclesie facere tenebamur sicut alii Prælati Canonici ejusdem Ecclesie, videlicet Episcopus Pictav. Archiepiscopus Bituricensis, Archiepiscopus Senonensis. Quæ quidem forma juramenti talis est:

*Nos ( talis ) juramus, quod fideles erimus isti Ecclesie Beati Martini, & maxime de rebus existentibus in diocesi nostra: & quod ipsi Ecclesia & Capitulo fidele consilium præstabimus quod melius credemus; quotiescumque fuerimus requisiti; & quod consilia Capituli non revelabimus, unde damnum vel dedecus possit ipsi Ecclesia vel Capitulo provenire. Sic nos Deus adjuvet & hæc sancta verba.*

Quo quidem juramento à nobis exhibito, recepti fuimus in ipsa Ecclesia in Canonicum & in Fratrem; indutisque nobis habitu competenti, in dextra parte chori fuimus installati. Quibus actis majorem Missam ad majus altare celebravimus: quæ celebrata, ad domum prædictam rediimus, ibidem comedentes ferè cum totius Capituli Ecclesie Beati Martini prædictæ venerabili comitiva; cœnantes postmodum ibidem ac pernoctantes ad sumptus dicti Capituli & expensas, ad quas nobis tenebantur in receptione hujusmodi, ut ipsimet confitebantur. Quâ die socius Magistri JOANNIS Bordean in Ecclesia de Noiento Andegav. diocesis Rector, pro parte ipsius Ecclesie à nobis super residentiâ licentiam obtinuit usque ad Synodum S. Lucæ. Ita tamen quod interim idoneum Sacerdotem habeat pro se in dicta Ecclesia continuè residentem.

CAPUT  
XXVII.

*Sequuntur quedam facta notabilia & memorie digna nostro tempore emerentia, quæ causâ memoria perpetua redigi fecimus in scripturam.*

1291.

**A**NNO Domini millesimo ducentesimo nonagesimo primo, die Veneris ante Festum beati Lucæ Evangelistæ, Nobis GUILLERMO Episcopo Andegav. in Prioratu Sancti Melanii prope Brach. causâ visitandi pernoctantibus, ad nos pervenit, quod cum Pons-Seii à villa nostra sancti Maurilii de Esmâ usque ad domum seu Prioratum Fontis-Ebraudi ibi prope existentis protensus, in quadam parte sui reparatione indigens, speraretur in crastino propter indigentiam dictæ reparationis fieri inhabilis ad mean-

dum, & quod Ægidius Castellanus de Ponte-Seii minabatur in fluvio Ligeris in ea parte se positurum charreriam nomine Comitis Andegav. ad transvehendum homines per dictum flumen transvehi volentes una cum equis suis, ratione & occasione habendi & exigendi pontonagium seu emolumentum, ratione præmissorum consuetum reddi & solvi ab hominibus supradictis transvehi volentibus ibidem.

Nos attendentes Episcopos Andegav. qui pro tempore fuerint, nomine & ratione Episcopatus Andegav. fuisse maxime ab antiquo, & adhuc esse in possessione, vel quasi, ita quod nullum alium, habendi & ponendi charreriam & chalondum in fluvio Ligeris in dicta parte ipsius fluvii, prout dictus pons protenditur à villa prædicta sancti Maurilii usque ad domum seu Prioratum prædictum, ad transvehendum & transportandum homines, jumenta, & alias res transvectione & transportatione indigentes, & habendi ac recipiendi pontonagium seu passagium, & quodcumque aliud emolumentum obveniens occasione præmissorum, eo videlicet tempore quo pontem prædictum propter rupturam, refectionem, reparationem seu alias fieri contigit inhabilem ad meandum: volentes futuris periculis obviare, super præmissis taliter duximus providendum: quod nos die Sabbati bene mane sequenti Magistros GERVASIUM Hominem-Dei de la Martiniere locum nostrum, & MATTHÆUM Decanum de Credonio, Canonicos Andegav. MARSILIUM de Pratis Senecallum nostrum, PETRUM de Valeis Presbyterum familiares nostros, & alios quamplures, ad ponendum seu poni faciendum in dicto fluvio Ligeris charreriam ad transvehendum & transportandum homines, & res prædictas, & ad recipiendum pontonagium, passagium & aliud quodcumque emolumentum obveniens ratione præmissorum, & ad conservandum & defendendum nostram possessionem vel quasi prædictam, duximus destinandos; necnon & MAURICIO Archipresbytero Andegaven. per litteras nostras dedimus in mandatis ut ad locum prædictum accederet, & dicto Castellano inhiberet, ac eundem moneret ex parte nostra sub forma quæ sequitur:

GUILLERMUS permissione divinâ Andegav. Episcopus discreto viro MAURICIO Archipresbytero Andegav. salutem in Domino. Cum Episcopus Andegav. pro tempore, nomine & ratione Episcopatus Andegav. fuerit maxime ab antiquo & adhuc sit nomine quo supra in possessione vel quasi, ita quod nullus alius, habendi & ponendi charreriam & chalondum in fluvio Ligeris ex parte villæ nostræ Sancti Maurilii de Esmâ effluente quando pons protensus seu extensus, à dicta villa Sancti Maurilii usque ad domum seu Prioratum Fontis-Ebraudi ibidem prope existentis, rumpitur, reficitur, vel alias redditur inhabilis ad meandum, ad transvehendum & transportandum homines, jumenta & alias res transvectione & transportatione indigentes, & habendi ac recipiendi pontonagium seu passagium, & quodcumque aliud emolumentum tunc temporis obveniens occasione præmissorum; quæ præmissa adeo sunt notoria quod non possunt aliquâ tergiversatione celari in partibus illis; & dictus pons ad præsens refici & reparari dicatur adeo quod inhabilis ad meandum existit; sicque casus se offert quo possumus & debemus uti possessione vel quasi præmissa: & nos intellexerimus quod ÆGIDIUS Castellanus de Ponte-Seii in prædicta possessione vel quasi nos nomine quo supra perturbare, molestare & impedire nititur & conatur in nostri & Episcopatus prædicti præjudicium & gravamen: Vobis mandamus, quatinus inhibeatis ex parte nostra dicto Ægidio



gidio sub pœnâ excommunicationis, & quibuscumque aliis personis impedimentum apponere nitentibus in præmissis, ne ipsi vel alter eorum nos nomine quo suprà in prædictâ possessione vel quasi impedire vel perturbare præsumant: & si ipsi vel alter eorum aliquod impedimentum apposuerint in præmissis, moneatis eosdem & ipsorum quemlibet super hoc culpabilem, ut prædictum impedimentum amoveant indilatè, & quod nos nomine quo suprà permittant uti possessione vel quasi præmissâ pacificè & quietè. Quod si inhibitioni & monitioni prædictis ipsi vel alteri eorum non obtemperaverint, seu parere noluerint, contrâ præmissam possessionem nostram vel quasi aliquid temerè attentando, & vobis constiterit de præmissis, vel altero eorum quod sufficiat præmissorum, ipsos quos ob hoc ex tunc in scriptis excommunicamus, publicè denuntietis excommunicatos: quo factò litteras reddite sigillatas pro inhibitione prædictâ dicto Ægidio facta in secunda cauda, pro monitione eidem facta; in tertia pro excommunicatione, si eam incurrerit in quarta. De nominibus verò aliorum impediendum, si qui fuerint, nos certificare curetis, & nihilominus quid super præmissis feceritis nobis fideliter rescribatis. Datum die Sabbati ante festum Beati Lucæ Evangelistæ, anno Domini millesimo ducentesimo nonagesimo primo.

Quibus actis, ut præmittitur, prædicti ex parte nostrâ ad dictum locum destinati ad ipsum locum die Sabbati prædictâ bene mane accedentes personaliter cum magnâ multitudine hominum ponte prædicto inhabili ad meandum in fluvio Ligeris, in parte prædictâ charreriam quamdam nostro nomine posuerunt & poni fecerunt, & homines ibidem cum rebus suis transvehi volentes in dictâ charrerîâ transvehi fecerunt; nec non pecuniam nomine passagii seu pontonagii ab hominibus sic transvectis nomine nostro receperunt & habuerunt, præsentè, scientè & vidente Archipresbytero prædicto; qui quidem Archipresbyter dicto Castellano nitenti nos & allocatos nostros prædictos nomine nostro in dictâ possessione vel quasi turbare & impedire inhibuit dicto Castellano, ac ipsum Castellanium ex parte nostrâ monuit sub formâ prædictâ, super quibus monitionibus & inhibitionibus ac processibus per ipsum super præmissis factis nos certificavit, seu nobis rescripsit super præmissis in formâ quæ sequitur:

Reverendo Patri ac Domino G. Dei gratiâ Andegav. Episcopo MAURICIUS Archipresbyter Andegav. salutem cum omni reverentia & honore tamquam Patri ac Domino debitâ & devotis, litteras vestras recepimus in hæc verba. Guillelmus permissione divinâ Andegav. Episcopus discreto viro Mauricio Archipresbytero Andegav. salutem in Domino, &c. *ut suprà.* Nos igitur volentes mandatum vestrum nobis directum, ut tenemur, executioni debitæ demandare, ad locum prædictum personaliter accedentes die Sabbati prædictâ præfato Ægidio Castellano secundum formam & tenorem mandati vestri prædicti ore ad os inhibuimus, ne ipse vos in prædictâ possessione vel quasi ponendi & habendi charreriam & chalondum in fluvio Ligeris ex parte dictæ villæ Sancti Maurilii defluentis, ad transvehendum & transportandum homines, jumenta & alias res transvectione & transportatione indigentes, & habendi & recipiendi pontonagia seu passagia, & quodcumque aliud emolumentum quod obvenire poterat occasione præmissorum, perturbaret vel quomodolibet impediret. Verum quia tam per rei evidentiam, quàm aliâs legitimè nobis constitit atque constat; Ponte-Seii prædicto tunc reparatione indigente & existente inhabili ad meandum: quod idem Castel-

lanus spretâ inhibitione prædictâ vos existentes in possessione vel quasi præmissorum, necnon pontonarios & alios homines allocatos vestros charreriam nomine vestro habentes, & prædictam aquam ducentes, & reducentes ad transvehendum & transportandum homines, jumenta & alias res, & transvehentes eosdem cum rebus suis, necnon recipientes nomine vestro pecuniam ratione pontonagii seu passagii ab hominibus sic transvectis, ac possessione prædictâ vel quasi nomine vestro utentes perturbavit & etiam impedivit, inhibendo ex parte Comitibus Andegav. de facto, cum de jure non posset, hominibus dictam charreriam ducentibus & aliis ibidem nomine vestro existentibus, ne ipsi aliquam personam vel aliâs in dictâ charrerîâ transveherent, ducerent vel transportarent, & eis multipliciter comminando, necnon & firmando portas Castri de Ponte-Seii, & per hoc impediendo quamplures ne ipsi per dictam charreriam transire volentes possent transvehi per eandem, & quominus vos & allocati vestri nomine vestro pontonagium seu passagium possent habere pacificè, & recipere ab hominibus transire volentibus per eandem. Præfatum Ægidium Castellanium legitimè monuimus quod ipse impedimenta prædictâ amoveret, & ab eisdem desisteret & cessaret, permitteretque vos & allocatos vestros nomine vestro uti possessione præmissorum pacificè & quietè. Et quia Castellanus prædictus à nobis ut præmittitur inhibitus & monitus, prædictis inhibitioni & monitioni obtemperare noluit, in dictis perturbationibus & impediementis contumaciter persistendo, ipsum Ægidium Castellanium ob hoc auctoritate vestrâ denuntiavimus publicè excommunicatum. Et hoc vobis & omnibus quorum interest significamus per præsentis litteras sigillo nostro sigillatas. Datum die Lunæ ante dictum festum Beati Lucæ Evangelistæ anno Domini millesimo ducentesimo nonagesimo primo.

Et quia idem Castellanus prædictæ inhibitioni non paruit, sed eâ spretâ nos & allocatos nostros impedire & perturbare præsumsit, prout in relatione Archipresbyteri prædictæ seu suprà scripta continetur, dictus Archipresbyter ipsum Castellanium ob præmissa denunciavit excommunicatum auctoritate nostrâ. Et licet idem Castellanus in dictâ perturbatione & impediemento quantum in se erat, persisteret; prædicti tamen allocati nostri nos in possessione prædictâ vel quasi conservarunt & defenderunt per totam ipsam diem Sabbati, quousque eadem die Sabbati dictus pons circâ horam nonam reparatus, factus fuit habilis ad meandum.

Demum post multas altercationes & tractatus super præmissis & ratione præmissorum inter nos ex una parte, & DAVID dictum de Suis-domibus, tunc temporis Ballivum Andegav. nomine Comitibus Andegaviæ ex altera, habitos, die Martis post festum Omnium Sanctorum anno quo suprà in camerâ nostrâ in palatio nostro Andegav. super præmissis ordinatum existit, & ipsa ordinatio in scriptis redacta in formâ quæ sequitur:

Accordé est entre GUILLAUME Evêque d'Angers & DAVY de Ses-maisons Baillif d'Anjou, que GILLET Chatelein dou Pont de Seey vendra à certain jour avant que il seït allous au Pont de Seey sus le pont, & es autres leus où mist empêchement en la possession que les gens de l'Evêque d'Angers diseint que il aveient de metre & de avoir la charriere en Leire à passer les gens quand le pont fut depecié, le Samedy devant la Saint Lucas darrerement passée; & de recevoir & avoir le pontonage & le moliment des gens & des chouses qui estient passées en la charriere. Et dira ledit Chatelein ileques en apert;

que ce que il fist d'empêcher & de troubler la charrerie audit vesque, & de i mettre l'empeschement que il y mist, que il l'oste & le rapelle, veut estre pour nul dou commandement dou Baillif, ne ne veut ne n'entent que ledit empeschement face prejudice à la possession doudit Evêque esdites choses; ne cest rapel ne fera prejudice au Conte en son droit se il y a.

Præsentibus ad hoc in camerâ nostrâ Andegav. palatio nobis GUILLERMO Episcopo Andegav. prædicto, DAVIDE Ballivo Andegav. Magistro GUILLERMO de Marcellio, & GUIDONE Clericis Comitibus Andegav. GAUFRIDO Transligerenti, & ROBERTO Transmeduanenti in Ecclesia Andegav. Archidiaconis, Magistris GERVASIO Homine-Dei, & MATTHÆO Licot Canonico Andegav. GAUFRIDO Archipresbytero de Ludio, JOANNE de Mulceio Cantore Ecclesie Beati Maurilii Andegav. MAURICIO Archipresbytero Andegav. MARSILIO de Pratis Senescallo nostro, JOANNE dicto Guillet Rectore Ecclesie de Cepia.

Qui Castellanus Pontis-Seii dictam excommunicationis sententiam in ipsum à nobis ob præmissa latam sustinuit à dicto tempore ipsius excommunicationis lata usque ad diem Martis post festum Beati Nicolai hyemalis, anno quo supra, & etiam post. Quâ die Martis post dictum festum ad requisitionem Magistri ROBERTI de Dordan subballivi Andegav. & dicti Ægidii Castellani apud Pontem-Seii misimus loco nostri discretum virum Magistrum GERVASIVM Hominem-Dei Canonicum, socium nostrum commensalem, PERUM de Valleis Canonicum, socium nostrum commensalem, PETRUM de Valleis Canonicum Ecclesie Beati Petri Andegav. & JOANNEM Guillet Rectorem Ecclesie de Cepia Capellanos nostros, pro videndo & audiendo loco nostri revocationem & amotionem impedimenti facti & apppositi in dictâ charreriâ, ut supra scribitur, fieri per ipsum Castellandum, publicè in locis in quibus dicta perturbatio & impedimentum facta & appposita fuerant per eundem, eo modo videlicet quo continetur in cedulâ, cujus tenor in Gallico superius est inferus.

Quâ die præsentibus dictis Missis ex parte nostrâ, dictus Castellanus primò in capite Pontis-Seii, quod caput est contiguum villæ nostræ Sancti Maurilii de Etimâ, ac deinde prope aliud caput dicti Pontis ex alâ parte aquæ ante & juxtâ Prioratum Fontis-Ebraudi Pontis-Seii, dictam perturbationem & impedimentum revocavit & amovit publicè & palam, RAGINALDO Clerico dicti Subballivi Andegav. ad hoc missò, ibidem ex parte dicti Subballivi in quolibet dictorum duorum locorum altâ voce in præsentia dicti Castellani & de mandato ipsius, prius tunc legente Gallicè contenta in cedulâ prædictâ. Quâ cedulâ sic perlectâ in quolibet dictorum duorum locorum, dictus Castellanus tunc statim dicebat alta voce & publicè: Ego revoco & amoveo perturbationem & impedimentum quæ apposui in charreriâ Domini Episcopi Andegav. ponendâ per dictum Episcopum & suos hîc in ista aquâ quando pons rumpitur vel aliàs efficitur inhabilis ad meandrum; prout continetur in cedulâ hîc statim lectâ. & volo dictam perturbationem & dictum impedimentum haberi pro nullis secundum tenorem dictæ cedulæ. Et hoc facio & dico de mandato Ballivi Andegav. & peto absolvi à sententiâ à Domino Episcopo Andegav. in me latâ ratione seu occasione dictæ perturbationis & impedimenti.

Qui Castellanus in quolibet dictorum duorum locorum repetiit & repetebat quampluries verba prædicta vel consimilia, ad dictam revocationem seu a-

motionem dictæ perturbationis & impedimenti facientia, ad instantiam & requisitionem dictorum Missorum ex parte nostra. Præsentibus ad præmissa dicto Castellano Ægidio, Raginaldo Clerico Subballivi Andegav. PETRO de Camone, PETRO Moylant Priore Pontis-Seii, GERVASIO Homine-Dei Canonico Andegav. PETRO de Valleis, MATTHÆO de Lubleio, & JOANNE dicto Guillet Presbyteris, MATTHÆO Dynoie Clerico, PETRO dicto Fabro Clerico, JOANNE Burgundo, YVONE Britone, PETRO Picardo, JOANNE Polinet, ROGERIO Britone, THEOPHANIA Barbitonrice, RADULFO Sohier Marefcallo, &c.

*Sequitur absolutio Ægidii Castellani Pontis-Seii à sententiâ excommunicationis à nobis Guillermo Episcopo Andegavensi.*

**D**ie autem Lunæ in vigiliâ Nativitatis anno Domini anno quo supra coram nobis comparens idem Castellanus in Camerâ nostrâ Andegav. petiit absolvi à prædictâ excommunicationis sententiâ: cui diximus, quod juraret stare mandatis Ecclesie, qui aliquantulum renuens juravit, tactis sacrosanctis Evangeliiis, stare Ecclesie mandatis. Quo juramento præstito ipsum absolvimus, & eidem injunximus in virtute præstiti juramenti, quod jura Comitibus Andegav. fideliter conservaret, & jura nostra ac possessiones & Andegav. Ecclesie non invaderet, aut aliàs perturbaret scienter: quibus idem Castellanus acquievit & hoc observare promisit.

*Nota hîc de Concilio Provinciali à viris Venerabilibus Decano & Capitulo Turonensi, Domino Raginaldo eorum Electo confirmato adhuc in Curia Romanâ agente, Andegavis auctoritate Apostolica convocato.*

CAPUT  
XXVIII.

**A**nno quo supra convocatum fuit Concilium Provinciale à Venerabilibus viris Decano & Capitulo Turonensi auctoritate Apostolicâ, pro negotio Terræ sanctæ Andegavos, die Dominicâ ante Purificationem Beate MARIÆ Virginis, in Festo videlicet Beati Juliani. In quo Concilio octo Episcopi convenerunt, videlicet, Redonensis, nos Andegav. Nannetensis, Dolensis, Macloviensis, Venetensis, Corisopitenis, & Leonensis, & Petrus dictus le Royer Electus Cenoman. & auctoritate Metropolitana confirmatus; & quamplurimi Abbates, Priores, Decani, Archidiaconi, Archipresbyteri, alique Ecclesiarum Prælati tam Regulares quàm sæculares ibidem affuerunt. Die autem Dominicâ prædictâ in navi Majoris Ecclesie dictum Concilium confedit innumerosâ multitudine populorum circumstante, quæ dictum Concilium non modicum perturbavit, & propter hoc aliis die continuatis, videlicet diebus Lunæ, Martis, Mercurii, & Jovis, quibus duravit Concilium usque ad horam tertiam dictæ diei Jovis, dictum Concilium in Capitulo Andegav. convenit & confedit. Ipsâ autem die Dominica prædictâ Nos Andegav. sermonem fecimus proposito themate de Beato Juliano, sumpto in Ecclesiâ & Capitulo: *Quasi sol resurgens sic effulsit in templo Dei.* Die autem Lunæ sequenti omnes supradicti Pontifices & Cenomanensis Electus, Decani Turonens. & Cenoman. multæque aliæ personæ honorabiles Provincie Turonens. & omnes ferè Abbates qui in dicto Concilio convenerunt, multique alii venerabiles viri tam sæculares quàm Religiosi nobiscum in nostro Palatio comederunt.

Concilium  
Provinciale  
Andegavis  
celebratum.

Ecdi. 50. 7.

*Sequitur tenor litterarum nobis à Decano & Capitulo Turonenſi. & ipſis à Sede Apoſtolica delatarum ſuper dicto negotio & Concilio convocando, in hæc verba :*

**V**enerabili in Chriſto Patri Dei gratiâ Episcopo Andegavenſi, ſeu ejus locumtenentibus, G. Decanus & Capitulum Turon. ſalutem in Domino. Noveritis nos anno Domini milleſimo ducentefimo nonageſimo primo, die Mercurii ante Nativitatem Domini litteras ſanctiſſimi Patris & domini D. NICOLAI divini providentiâ Papæ quartæ, recepiſſe, formam quæ ſequitur continentes.

NICOLAUS Episcopus ſervus ſervorum Dei Venerabilibus fratribus Archiepiſcopo Turonenſi, & ejus ſuffraganeis, ac dilectis filiis Electis, & Abbatibus, Prioribus, Decanis, Præpoſitis, Archidiaconis, & aliis Eccleſiarum Prælatiſ, Capituliſ & Conventibus univerſis cujuſcumque ordinis Turonenſis provinciæ, ſalutem & Apoſtolicam benediſtionem. Diræ amaritudinis calicem nuper nobis de Syriæ partibus propinatum non ſine lacrymarum profluvio deguſtantes, in amara nimis & triſtia valde prorumpere cogimur, &c.

Cum igitur ad recuperationem celerem dictæ terræ, prout ejus urgentiſſima neceſſitas exigit, ferventibus ſtudiis intendamus, vias & modos diverſos & varios per nos & alios ſollicitius exquirentes, ut juxta deſiderii noſtri fervorem terra ipſa recuperari valeat, & recuperata in poſterum conſervari: Univerſitatem vobis per Apoſtolicam ſcriptam in virtute obediendiſ diſtrictè præcipiendo mandantes, quatenus convocatiſ per te, Frater Archiepiſcope, ac per eos quibus id commiſeris; & ſi opus fuerit Eccleſiaſtica cenſurâ coactis ad provinciale Concilium provinciæ tuæ Prælatiſ tam regularibus quam ſæcularibus, tam exemptis ( quibus ex convocatione tuâ nullum volumus quoad libertates & immunitates eorum in poſterum præjudiciuſ generari, nullumque ipſiſ contra convocationem & coactionem hujusmodi, quantum ad hunc ſpectat articuluſ, ex privilegiis vel adminiculis libertatum exemptionumve ſuaruſ excuſationiſ ſeu exceptioniſ provenire præſidiuſ ) quàm etiam non exemptiſ: celeriter convenientiſ in unum, & diligenter conſideranteſ, & ſolertiſ attendenteſ, quod etſi hujusmodi negotiuſ univerſiſ fidelibuſ debeat propenſiſ eſſe cordi, Prælati tamen Eccleſiæ Dei tenentur & debent arctiſ & ab intimiſ officiis circa illud, opem & operam impendende ſollicitiſ, ut optatum exituſ fortiatur: deliberando ſollicitè, providè, & attentè ſuper toto negotio ſupradictò, & præcipuè qualiter & quomodo circa recuperationem eamdem celeriter auctore Domino proventuram, & continuationem ſubſidii dictæ terræ ac impugnationem ſuorum hoſtium faciendam, & etiam circa alia negotiuſ ipſuſ tangentia, poſſit quantociſ & utiliter ſicut expedit provideri: & quod ſuper præmiſſiſ deliberatuſ fuerit in Concilio memorato, nobiſ per viroſ idoneoſ providoſ & diſcretos ac ſufficienter inſtructoſ, & à vobiſ plenuſ mandatuſ habenteſ ſuper præmiſſiſ, etiam faciendi quæ voſ præſenteſ facere valeretiſ, ad Sedem Apoſtolicam uſque ad feſtuſ Purificationiſ Beatæ MARIÆ Virginis primò venturuſ ſtudeatiſ quantociſ intimare, per quoſ nobiſ ſuper omnibuſ ſupradictiſ veſtræ circumſpectioniſ voluntas & conſiliuſ innotefcant, quorumque communicato conſilio ſedes ipſa providâ deliberatione ſtatuat, diſcutiat, diſponat & ordinet quod in tam arduo Chriſtianitatiſ negotio publicæ ſalutiſ utilitaſ poſtulat.

107. II.

Noſtræ præterea voluntatiſ exiſtit, ut voſ juxta datam vobiſ ex alto prudentiam viroſ ſubditoſ ad pacem & concordiam ſollicitè reduceteſ, ipſoſ ad devotionem ac reverentiam Salvatoriſ noſtri continuam, & ad ejus injuriâ ulciſcendam, ac etiam ad ipſiſ ſubventionem negotii in tanta neceſſitatiſ articulo excitare, inducere ac hortari ſollicitè procuretiſ; illam in hiſ diligentiam & efficaciam impenſuri, ut à Domino cujuſ negotiuſ agitur, æterna beatitudiniſ conſequi præmia non immeritò valeatiſ; voſque proinde veſtræ devotioniſ promptitudine condigniſ laudibuſ attollamur.

Si verò te, Frater Archiepiſcope, abeſſe, vel quod abſit, deſiſſe contingat; voſ filii Turon. Capituluſ auctoritate freti Apoſtolicâ hæc omnia exſequi procuretiſ. Datum apud Urbem veterem xv. Kalend. Septembris, Pontificatûſ noſtri anno quarto.

Item alias litteras, quaruſ tenor talis eſt:

NICOLAUS Episcopus ſervus ſervorum Dei Venerabili fratri Archiepiſcopo Turon. ſalutem & Apoſtolicam benediſtionem. Dura nimis & amara valde diſcrimina Terræ Sanctæ, quæ ſibi prout dolenteſ referimur nuper intulit viſ hoſtiſ, præſentiuſ tibi non duximur exprimenda relatiſ, cum illa tuæ prudentiæ per alias noſtras litteras ſerioſiſ referamur. Sanè ad recuperandam de manibuſ impij Terram ipſam ferventibuſ ſtudiis prout ejus urgentiſſima neceſſitas exigit intendenteſ, & cupienteſ ut illa recuperata ſtabiliter conſervetur, ad laudem Divini noſtriſ & honorem, vias & modoſ in hac parte deſiderium valeat adimpleri. Unde cum fide dignoruſ pandat aſſertio, quin potiſ communis vox habeat, quod dilectioſ filioſ Fratres Hoſpitaliſ Sancti Joanniſ & Militiæ templi Jeruſolymitani ad uniuſ ordinis unitatem, ſeu Religioniſ unionem auctoritate Apoſtolicâ reducamur, ut ſinceriſ & uniformiſ in vinculo charitatiſ & paciſ tendenteſ ad unum, efficaciſ poſſint proſequi negotiuſ memoratuſ; ſuper quorum unionem hæcenus etiam tempore Lugdunenſiſ Concilii ſpecialiſ mentio & collatio facta fuit. Volumuſ & per Apoſtolicâ tibi ſcripta mandamur, quatenus cum ſuffraganeis tuiſ in provinciali Concilio, quod à te fieri volumuſ, prout tibi per alias litteras noſtras injungimur, habito ſuper hoc conſilio diligentiſ, & exacta cum illiſ deliberatione ſequutâ, nobiſ quod per te ac eoſdem ſuffraganeoſ deliberatuſ fuerit in hac parte, plenè, fideliter, ſeriatim & expreſſè per tuas litteras haruſ ſeriem continenteſ, tuoque ſigillo munitaſ procures quantociſ intimare. Datum apud Urbem veterem xv. Kal. Septembris, Pontificatûſ noſtri anno quarto.

Nos itaque volenteſ prædictuſ mandatuſ Apoſtolicuſ devotè exequi, ut tenemur, abſente, & in Romanâ Curia agente venerabili viro & diſcreto Domino RAGINALDO Cancellario noſtro Electo in concordia Eccleſiæ Turonenſiſ confirmato, auctoritate Apoſtolicâ nobiſ in hac parte commiſſa, in virtute obediendiſ vobiſ diſtrictè præcipiendo mandamur, quatinuſ vocatiſ exemptiſ omnibuſ, & non exemptiſ veſtrarum civitatiſ & Diœceſiſ, qui ſecunduſ formam mandati Apoſtoliſ prædicti fuerint evocandi, & ſi opus fuerit ad id per cenſuram Eccleſiaſticam coactiſ, voſ & ipſi inſtanti diè Dominicâ ante feſtuſ Purificationiſ Beatæ MARIÆ Virginis, cum diebuſ ſequentibuſ donec tractatuſ noſtriſ, imò Apoſtoliſ deliberatio ſinem debitum fortiatur, Andegaviſ in majori Eccleſiâ, quem locuſ tanto negotio idoneuſ, & ad convenienduſ facileſ deliberatione habitâ duximur eligenduſ, compareatiſ,

Z ij

& ibidem nobiscum conveniatis, super contentis in mandato Apostolico efficaciter processuri. Ita quod nec vos nec nos possumus de remissu seu inobedientia in aliquo reprehendi de nominibus ante citatorum & vocatorum, necnon & de receptione presentium, & quid inde feceritis nobis fideliter rescribatis cum vestrarum testimonio litterarum. Originalia autem litterarum Apostolicarum vobis propter viarum pericula non mittimus, sed formam & continentiam earundem, & dicta die Dominica in Concilio vobis presentibus eas legi faciemus, & etiam si opus fuerit publicari. Datum dictis die Mercurii & anno.

CAP. XXIX. *De Venatione & fugâ ferarum nemoris de Boucheto.*

**A**Nno quo supra die Jovis post inventionem Beati Stephani, ad Castrum Andegav. accedentes super certis negotiis nostris & Ecclesiæ Andegav. cum Magistro LAURENTIO Vicini Capicerio Carnotensi, & Domino JOANNE de Denisi Milite Consiliariis Domini CAROLI Comitis Andegav. tractaturi, intuentes STEPHANUM Segrearium dicti Comitis, qui nuper nobis denuntiaverat, quod si nos in bosco nostro de Boucheto juxta villam Episcopi venaremur, ibidem venantes caperet. Inter cetera diximus eidem in presentia dictorum Consiliariorum, quod nos in dicto bosco nostro venaremur, quoniam videremus expedire, esto quod Comes presens esset, cum in dicto bosco dictus Comes nihil juris habeat, utpote cum de Regalibus illustrissimi Regis Franciæ existat, & ad ipsa Regalia spectare inter cetera dignoscatur. Qui quidem Consilarii nobis responderunt, quod si crederemus nobis jus competere in premissis, audacter venaremur in bosco prelibato, presentibus ad hoc GUILLERMO Thesaurario Andegav. DAVIDE Bellivo, RAG. Abbate Sancti Florentii, Domino GUILLERMO de Marcill. GAUFRIDO & ROBERTO Archidiacon. in Ecclesia Andegav. Subball. Andegav. GUILLERMO Archipresbytero Burgul. GAUFRIDO Archipresbytero de Ludio, JOANNE Rectore de Bauve, JOANNE Rectore de Cepia, dicto STEPHANO Segretario, GODFREDO, JOANNE de Coccio allocatis Comitis, & pluribus aliis. Parum autem postea, videlicet die Mercurii ante Festum Assumptionis Beatæ Mariæ Virginis, aliqui de nostris de mandato nostro ad dictum boscum accedentes, cum canibus, retibus, arcubus & sagittis, & aliis pro venatione necessariis, in eo palam & publice & magnis clamoribus venati fuerunt, & duas cervas repperunt, quarum ruptis quibusdam retibus evaserunt. Dictæ venationi interfuerunt PETRUS de Rochâ Miles, PETRUS de Valleis Presbyter, FORNERIUS de Villâ Episcopi, RAG. de Charnace Clerici, JOANNES de Pressâ.

Eodem autem anno dudum postea, parum ante Natale Domini cum aliqui de nostris palam & publice in dicto bosco cum canibus, cornubus & retibus venarentur, ibidem Stephanus Segrearius Domini Comitis veniens, dictos venatores alloquens quaesivit ex parte cujus venabantur ibidem; qui responderunt, quod ex parte Domini nemoris, videlicet Episcopi Andegav. Qui quidem Stephanus dixit ad illa verba: Et ego capio vos ex parte Domini Comitis. Et tunc quidam de dictis venatoribus ad illum Stephanum verba dirigens, quaesivit ab eo: Domine si inveniretis nos capientes vos, vel alios servientes Comitis in terrâ ipsius Comitis, vel alias fervigentes, quid nobis faceretur? Et respondit. Certè ego caperem vos. Et tunc alter: Nos igitur pari ratione capimus vos, quia nos capitis, & capere vultis, ac fervigentis in terrâ Domini Episcopi Andegav.

in quâ feudum nec retrofeudum habet Comes. Et tunc præcepit eidem Stephano quod redderet se in prisonem Domini Episcopi Andegav. apud villam Episcopi: quod fecit idem Stephanus, & fuit ibidem in Castro per unum diem & unam noctem; & postea ad mandatum Domini Episcopi exivit & liberatus fuit. Ad hoc presentes fuerunt MATTHÆUS de Lubleio Presbyter, RAG. de Charnace Clericus, PETRUS Ferrarius, STEPHANUS de la Roussiere, MATTHÆUS le Nigrou, & RAD. Badier, & quamplures alii.

Sequenti verò anno, videlicet anno Domini millesimo ducentesimo nonagesimo tertio, die Sabbati post festum Beati Barnabæ Apostoli, aliqui de nostris cum quibusdam aliis sibi associatis ad dictum boscum de Boucheto venandi causâ circa primam diei horam palam & publice cum canibus, cornubus, arcubus & retibus accedentes; dimissis abire & querere feras in dicto bosco canibus venaticis, magnis clamoribus vocum & cornuum prædictorum canibus excitandis, & ad melius querendum provocandis, dictum boscum quærentes & investigantes, protensis undique retibus feram aliquam non invenerunt ibidem, & inde recedentes ad boscum alium qui dicitur Laudinaye pervenerunt, ut ibidem feras quærent, ibidemque retia sua pro feris capiendis tetenderunt, & dimissis abire canibus venaticis in dicto bosco, dicti canes dictum boscum quærentes unum magnum cervum & pinguem signatum de XIV. de dicto bosco levare fecerunt, quem cervum dicti venatores insequentes cum dictis canibus & magnis clamoribus vocum & cornuum, eundem cervum usque ad dicta retia perduxerunt, & eum captum & retentum ibidem in uno rete mataverunt; & apud villam Episcopi in manerio nostro in quadam quadrigâ palam & aperte per villam prædictam circa horam diei tertiam, audientibus & videntibus qui audire & videre volebant, liberè & absque contradictione & reclamazione cujusquam alportaverunt eundem, habentem fersa de rois circa cornua, quia tempus rosarum erat: quem cervum GIRARDUS de Soucelle & PETRUS de Rochâ Milites & quidam alii in prædicto manerio deformaverunt seu *deffirent*, nobis GUILLERMO Andegav. Episcopo, GUILLERMO Thesaurario Andegav. & pluribus aliis presentibus & videntibus: prædictæ autem venationi interfuerunt...

*De publicanis & pedagogum exactionibus.*

CAP. XXX.

**GUILLERMUS** permissione divinâ Andegaven-  
lis Episcopus omnibus hoc visuris salutem in Domino sempiternam. Quantæ audaciæ, quantæque temeritatis sint publicanorum, id est, exactorum pedagogum & vectigalium factiones, nemo est qui nesciat, quorum effrenata & sitibunda cupiditas pacis æmula, mater litium, materia jurgiorum, corrumpit jura, exterminat privilegia, immutat consuetudines, novitates inducit. Cum igitur sedes Apostolica excommunicationem summam in omnes nova constituentes pedagia olim duxerit promulgandam, ipsam annis singulis in certis festivitibus solemniter innovando: & nonnulli iniquitatis filii propriæ cupiditatis vitium colorare nitentes, non nova ut asserebant constituentes pedagia, antiqua ad Clericos pedagia & ipsorum res, quas non ratione mercaturæ per terras vel aquas deferri faciebant, prorogabant, & etiam extendebant in elusionem memoratæ sententiæ, & præjudicium Ecclesiasticæ libertatis. Quorum fraudibus & exquisitis malitiis volens obviare Bituricensè Concilium, jam elapsis multorum annorum curriculis in Andegav. ci-

vitae & Diœcesi per prædecessorem nostrum hæc-  
nunc solemniter publicatum, cupientque tam præ-  
sumptæ calliditatis astutiam pœnâ debitâ castigare,  
statuit, ut nisi infra duos menses à tempore solem-  
nis publicationis dicti Concilii factæ in civitatibus &  
Diœcesibus in quibus ipsa consistunt pedagia, ex-  
actores ab ipsis illicitis pedagogorum exactionibus in  
totum desisterent, excommunicationis sententiæ ex  
tunc ipso facto auctoritate dicti Concilii subjacerent.  
Et nos quamplurimorum relatu acceperimus, quod  
nonnulli Domini temporales civitatis & Diœcesis  
Andegav. & eorum allocati, qui & publicani dicun-  
tur, eorum pedagia, vectigalia, monogia & coustumas  
colligentes, à Clericis & personis Ecclesiasticis,  
sæcularibus & Religiosis, pro rebus suis propriis,  
quas per illorum districtum non causâ negotiationis  
deferunt seu deferri faciunt vel transmittunt; & in-  
super de rebus quas in mercatibus & nundinis vel  
alibi dictæ personæ Ecclesiasticæ ad proprium usum  
comparant, contrâ juris auctoritatem & antiquam  
consuetudinem pedagia, vectigalia, monogia & cou-  
stumas exigunt & extorquent, in præjudicium &  
enervationem Ecclesiasticæ libertatis; sic dicti Con-  
cilii sententiam damnabiliter incurrendo. Et quod  
nonnulli viri Ecclesiastici, timidi ut lepores, fatui  
ut mutones, per insipientiam & vecordiam suam  
nervum Ecclesiasticæ disciplinæ rumpentes, præmis-  
sa potius eligunt persolvere, quàm contendendo suo  
privilegio se tueri; sic toti ordini Clericali ac Eccle-  
siasticæ libertati, præstando talia, derogando.

Et nos ad quos sollicitudine Pastoralis officii spe-  
ctat, privilegia Ecclesiarum nostræ diœcesis & Ec-  
clesiasticam libertatem defendere & tueri, licet dictis  
personis Ecclesiasticis super præmissis propter suam  
imprudenciam & negligentiam, ut est dictum, mi-  
nimè conquerentibus, non possimus talia absque  
conscientiæ remorsu & scrupulo tolerare: volentes  
que in hac parte nostram animam liberare, vobis  
præcipiendo mandamus, quatenus ad certum diem  
& locum, vel certos dies & loca Rectoribus Eccle-  
siarum, cæterisque personis Ecclesiasticis Archidia-  
conatus vestri per vos vel per alios quibus injungenda  
duxeritis, convocatis, eisdem præmissa in per-  
sonâ propriâ insinuare, exponere, & intimare cure-  
tis, eisdem personis districtè sub pœnâ suspensionis  
& excommunicationis inhibentes, ne pro rebus suis  
quas non negotiationis vel mercaturæ causa, quod eis  
non licet, per aquam vel terram deferri faciunt aut  
transmittunt, aut pro rebus quas in mercatibus &  
nundinis vel alibi ad proprium usum comparant,  
contrâ privilegium toti Clero indultum vectigalia,  
pedagia, monogia aut coustumas persolvere, aut  
præstare præsumant. Quod si sibi in res vel per-  
sonas à Publicanis & præmissorum exactoribus ratione  
præmissorum aliqua violentia inferatur, Nobis aut  
Officiali nostro conquerendo insinuare procurent.  
Eisdem nihilominus personis Ecclesiasticis injungen-  
tes, quatenus dictos Publicanos & exactores prædi-  
cta vectigalia, pedagia, monogia & coustumas à præ-  
dictis personis Ecclesiasticis illicitè, ut prædicatur,  
exigentes, in Ecclesiis suis publicè excommunicatos  
denuntient auctoritate Concilii memorati; & si quos  
dictam sententiam incurrere aut incurrisse noverint,  
ad notitiam nostram vel Officialis nostri deferant in-  
dilatè.

Sanè quod nonnullæ de prædictis personis Eccle-  
siasticis, maximè beneficiatæ, fumo fornacis magnæ  
cupiditatis & avaritiæ, quæ est omnium malorum  
radix & origo, ut verissimè testatur Apostolus, ob-  
securatæ, pulvere terrenorum, fumo voluptatum,  
stercoribus hirundinum excæcatæ, non Deo sed  
Mammonæ, non Creatori qui est benedictus in sæ-

cula, sed creaturæ potiùs servientes, Deum propter  
nummum, quo nihil est inferius, contemnentes,  
Laicis prædicti fomentum erroris plerumque mini-  
strare noscuntur, dum contrâ juris divini & huma-  
ni prohibitiones & præcepta Deum obliti, suæ salu-  
tis, & etiam subditorum quibus per suum malum  
exemplum injiciunt laqueum, immemores, nego-  
tiationes publicè exercentes, turpia lucra sectantes,  
& quod dolentes referimus, plerumque contractus  
fenebres ineuntes, nunc per aquas, nunc per ter-  
ras, nunc per mercatus & nundinas lucra tempo-  
ralibus inhiantes, omissis divinis ministeriis tam-  
quam mercatores laici discurrentes, emendo vilis  
ut revendant carius res, sicut causâ negotiationis &  
mercimonii comparatas, per terras & aquas deferunt  
& transmittunt, à quibus prædicta vectigalia, pe-  
dagia, monogia & coustumæ meritò exiguntur:  
quia cum legem offendant, non sunt legis auctori-  
tate tuendi; & justum est ut qui suos excedunt ter-  
minos, à non suis terminis excedantur. Et dicit de-  
cretalis Alexandri terti: Dignum est quod qui simi-  
lem cum aliis vitam suscipiunt, similem sentiant in  
legibus disciplinam. Et inde occasione sumptâ ad alios  
Clericos licitè contrahentes, & res suas in casu præ-  
missis & licito transferentes, trahitur per abusum.

Quare vobis, ut supra, præcipiendo mandamus,  
quatenus dictis personis Ecclesiasticis sub eadem pœ-  
nâ suspensionis & excommunicationis districtè in-  
hibeatis, ne negotiationes, mercimonia, emendo  
vilis & revendendo carius; & super omnia ne con-  
tractus fenebres, quod etiam Laicis est damnabile &  
prohibitum utriusque paginâ Testamenti inire de cæ-  
tero aut exercere præsumant: per hæc enim & simi-  
lia totus ordo Ecclesiasticus deturpatur, populus  
Laicalis scandalizatur & damnatur, dum illi qui  
deberent esse lux mundi, oculi Ecclesiæ, speculum  
Laicorum, duces populi Christiani, arietes gregis  
Dominici; tenebrescentes, & ut præmittitur amore  
temporalium excæcati, unâ cum grege suo, cui du-  
catum præstare debent, in præcipitium barathri di-  
labuntur. Eisdem certissimè intimantes, quod nisi à  
præmissis prohibitis & illicitis destiterint, si quem  
super præmissis convincere culpabilem poterimus, in  
ipsum intendimus canonicam infligere ultionem. Ab-  
sit enim à nobis quod talia in Dei ecclesiâ toleranda,  
cum ipsis simus participes supplicii gehennalis. Præ-  
sentis scedulæ Decanis in vestro Archidiaconatu con-  
stitutis copiam faciatis, ut per ipsos fiat aliis Recto-  
ribus & Prælati.

*Gravamina Domino Regi Francia exposita.*

CAP. XXXI

**H**æc gravamina primò præfatione habitâ, &  
gravaminibus & oppressionibus, quæ infe-  
runtur Ecclesiis his diebus generatim propalatis,  
domino Regi specialiùs exponantur occasione inde  
sumptâ, quomodo Ecclesiæ & personæ Ecclesiasti-  
cæ decimis & financiis sint oppressæ, afflictæ, ex-  
coriatæ & depilatæ. Post primos exactores decimæ  
supervenerunt secundi & tertii superexactores, qui  
iterum & iterum reliquias decimæ perferunt, pauperes  
Sacerdotes & alias personas Ecclesiasticas  
miserabiliter depauperaverunt, interdum illum qui  
non debebat nisi quinque solidos, aut interdum ni-  
hil, damnificantes in viginti quinque vel triginta,  
capiendo potos & patellas, & culcitas, & alia uten-  
silia viliora. Supervenerunt etiam alii acerrimi scruta-  
tores legatorum indistincti relictorum, & legato-  
rum factorum subadio terræ sanctæ, quæ legata li-  
cet domino Regi usque ad certum tempus dumtaxat  
fuisse concessa, quod tempus jamdiu est elap-  
sum, tamen pro omni tempore dicta legata exige-



bant, & violenter non sine gravi scandalo rapiebant: super hæc tam Clericos quam Laicos molestando. Unde accidit quoddam Lombardus ad præmissa deputatus, ut dicebat, Andegavis veniens post multa alia mala quæ in partibus illis intulit, quæ de facili explicari non possent, ad Ecclesiam Andegav. accedens occasione cujusdam legati à quodam Capellano dictæ Ecclesiæ subsidio terræ sanctæ, ut dicebatur, facti, minatus fuit publicè in Ecclesiâ, quoddam revestitorium dictæ Ecclesiæ & arcas ejusdem frangeret, & dictum legatum inde invito Sacrista asportaret.

Qualiter autem his diebus opprimatur & torqueatur Ecclesia, imò usque ad fundamentum exinanitur occasione rerum noviter acquisitarum, non est nostræ facultatis evolvere; certè ad hoc non sufficeret Salomonis sapientia, aut Demosthenis facundia eloquentissimi oratoris. Licet enim personæ Ecclesiasticæ paratæ sint finire dulciter & benigniter juxta statutum domini Regis super noviter acquisitis, tamen ministri tartarei, Ballivi, Servientes, & Senescalli omnia capiunt, nova & vetera, asserentes omnia esse nova, nisi personæ Ecclesiasticæ probent coram eis sua feuda antiqua, & possessiones suas quas à tempore cujus non exstat memoria possederunt nova à veteribus discernendo: quod certè impossibile existit, cum procul dubio labente hominum memoriâ, vergente etiam ad finem fragilitate humanâ, annorumque brevitate conclusâ; titulus decem annorum vix hodie valeat comprobari.

Insuper compellunt dicti Ballivi, Servientes, & Senescalli Ecclesias & personas Ecclesiasticas finantiam præstare de rebus in suis feudis antiquissimis, & fundamentis acquisitis, etiam in quibus dominus Rex vel Comes nullum commodum pecuniarium habere noscuntur. Proh dolor! de decimis, quod cæteris est gravius, miserabilius & nefandius, compellunt dictas personas Ecclesiasticas finire. Quid enim spiritualius est decimâ? Quis sanæ mentis dubitat decimas tam de jure divino quam humano, novo & veteri Testamento, ad Ecclesias & ministros Ecclesiæ pertinere: licet à quibusdam Laicis in divini Testamenti injuriam detineantur cum gravi periculo animarum. Unde si Ecclesia maximè Parochialis ab aliquo Laico suam decimam ad se trahat, non videtur aliquid noviter acquirere, sed ad se jus suum & Divinum revocare. Quare ergo de suo, & quod semper fuit suum, compelletur finire?

CAPUT  
XXXII.*Aliud gravamen.*

**D**E Regalioribus seu Regalium custodibus vacantibus Ecclesiis non est prætermittendum. Quæ enim damna & usurpationes Ecclesiis viduatis (quas deberent defendere & tueri, unde & ratione gardæ debentur Regalia) irrogent, satis nuper patuit in Ecclesiis Turon. & Andegav. Pastoralis solatio destitutis. Custos enim Regalium forestatas permaximas, venditioni à tempore cujus non exstat memoria nunquam expositas, venditioni exposuit; carpentatores & scissores arborum undique perquirendo, ut ante electionem posset totum extirpare, dando duas denariatas pro obolo. Imò certè firmiter credo quoddam de forestâ Ecclesiæ Andegavensis, quam eâ vacante venditioni exposuit, nihil lucri reportavit, imò plus constitit ad scindendum & explicandum, quam fuerit emolumentum quod inde habuit. Sic Ecclesiam graviter damnificando, & nullum lucrum aut modicum domino Regi afferendo. Quæ omnia præmissa etsi in præsentis sæculo punita non fuerint, in districto tamen examine non pertranseunt inulta.

*Aliud.*

**A**ddendum est aliud gravamen permaximum, super quo maximè dolet & tristatur Ecclesia. Cum enim tam de jure quam de antiquâ consuetudine personæ Ecclesiasticæ malefactores suos & injuriatores, utpote raptores rerum Ecclesiasticarum, invasores & perturbatores consueverint coram iudice quo maluerint, Ecclesiastico vel sæculari convenire, jus suæ Ecclesiæ prosequendo; hodie si persona Ecclesiastica contra malefactores aut injuriatores suos, raptores, invasores, turbatores rerum Ecclesiasticarum, qui testante divinâ & humanâ scripturâ homicidæ & sacrilegi sunt censendi, in foro Ecclesiastico seu per forum Ecclesiasticum jus suum prosequatur, Potestates sæculares per captionem bonorum temporalium compellunt easdem personas Ecclesiasticas à prosecutione juris sui desistere, & etiam iudicem, videlicet Episcopum vel Officialem qui procedit justitiam exhibendo, tales processus revocare, formâ juris minimè observatâ, alioquin bona Episcopi saisiuntur, quod est (si quis claro oculo intueatur) Ecclesiæ suum gladium spirituale auferre, & potestatem clavium penitus absorbere. Assistentibus dictis Potestatibus sæcularibus, quoddam iudex Ecclesiasticus suam temporalem jurisdictionem per jurisdictionem spirituales perturbat: quod non est verum, imò Ecclesia sua jura & libertates juxta jus & antiquam consuetudinem per suam spirituales jurisdictionem nititur conservare. Ne autem res exemplis careat, proferuntur exempla in medium.

*Exemplum.*CAPUT  
XXXIII.

**P**rimo anno creationis nostræ in Episcopum Andegav. ortâ quâdam contentione inter Capitulum & Ballivum Andegav. idem Ballivus portas civitatis Andegav. firmari fecit, adeo quoddam ad dictam urbem non patebat aditus vel ingressus, nisi per quoddam parvum guichetum, per quod pedites vix transibant, equi autem & quadrigæ transire non poterant. Et hoc in injuriam Capituli memorati, sic includens Canonicos, Capellanos & Clericos Ecclesiæ memoratæ: unde accidit, quoddam cum nos ad Andegav. Ecclesiam stationis causâ accederemus illis diebus, venientes ad portam quæ dicitur Andegavina, & eam clausam & firmatam invenientes, compulsi descendimus de equo, & per dictum guichetum intrantes ad domum nostram Episcopalem perreximus peditando. Unde cum dictus Ballivus super præmissis injuriis & inclusione Canonicorum, ad instantiam Capituli per Officialem Andegavensem fuisset monitus, dictus Ballivus procuravit erga Ballivum Turoniæ, omnia bona temporalia dicti Capituli per dictum Ballivum Turoniæ capi & saisiri, nostra & saisiri mandavit idem Ballivus Turoniæ, licet tunc saisita non fuerint & ex causa.

*Exemplum aliud.*

**I**tem cum Officialis noster Quadragesimâ ultimò præterita ad halas Andegav. alicujus negotii causâ accessisset tempore nundinarum, videns in dictis halis quemdam Clericum de homicidio suspectum, per quemdam apparitorem suum dictum Clericum capi fecit, ut eum ad prisonem suam mitteret, facturus de eo quod justitia suaderet. Quod videntes Servientes Domini Comitum, eundem Clericum excusserunt, & eundem apparitorem ceperunt, & eundem carceri mancipantes, diutius eum captum detinuerunt sic carceri mancipatum: portas etiam halarum clausurunt, dictum Officialem ibidem in-

Concil. Lug-  
dun. 2. can. 31.

cludentes & diù inſuſum detinentes. Cum itaque dictus Officialis ipſos Servientes feciſſet ob præmiſſas injurias excommunicatos à Canone nuntiarī; procurante Ballivo Andegaviæ Ballivus Turoniæ quemdam Servientem ſuum miſit Andegavis ad capiendum & ſaiſiendum omnia bona noſtra occasione præmiſſa. Hæc & ſimilia mirabilia & importabilia gravamina uſque ad hæc tempora fuerunt inaudita, & nulli jurisperito eſt dubium quin tales qui talia præcepta faciunt, & qui ea exſequuntur, excommunicationis ſententiam incurrant auctoritate conſtitutionis editæ in Concilio Lugdunenſi, quæ incipit, *Quicumque pro eo quod in Reges.*

Item cum Servientes domini Comitis Andegaviæ multas moleſtias nobis inferant, in terras noſtras ad Regalia ſpectantes, ibidem capiendū, ſaiſiendū, ſergeritando, juſtitiando; & hoc contrā voluntatem domini Comitis & ſpeciale mandatum, cum dictus Comes in dictis terris noſtris non habeat dominium, aut feudum. Si aliquando contrā dictos Servientes facimus aliquem proceſſum juxta jus & antiquam conſuetudinem Eccleſiæ Andegav. quæ contrā invaſores & turbatores terræ ſuæ ad Regalia ſpectantis, à tempore cujus non exſtat memoria, juſdictione ſua ſpirituali conſuevit ſe tueri, Ballivus Turoniæ per captionem bonorum noſtrorum temporalium nititur nos compellere ad proceſſus hujusmodi revocandos: ex quo ſequitur mirabilis abſurditas, quoddam ille qui deberet nos juvare ad deſenſionem Regalium, nos impugnare, non tantum in præjudicium Eccleſiæ Andegav. ſed etiam domini Regis, ad quem vacante Eccleſiâ dicta Regalia pertinere noſcuntur. Si enim ex unâ parte à Servientibus domini Comitis, & ex aliâ parte à Ballivo Turoniæ in dictis noſtris Regalibus impugnemur, ſequetur neceſſariò quod dicta Regalia non tantum in præjudicium Eccleſiæ, ſed etiâ in præjudicium juris Regalis penitus amittantur.

## Inductio.

**H**is & ſimilibus ineffabilibus oppreſſionibus, angariis, perangariis, decimis, financiis hodie perſonæ Eccleſiaſticae multifariè multisque modis affliguntur, angariantur & torquentur, quoddam non datur eis die ac nocte alicujus requiei intervallum; unde deterioris conditionis videtur eſſe hodie ſacerdotium orthodoxum, quàm ſub Pharaone fuerit, qui legis Divinæ notiſſimam non habebat. Ille quidem omnibus aliis ſervituti ſubactis, ſacerdotes & poſſeſſiones eorum in priſtinâ libertate dimiſit, & de publico eis alimoniam miniſtravit: ſed hodie vice verſâ, cæteris perſonis immunitate donatis, Eccleſia addicitur ſervituti. Deploret ergo Eccleſia videns adimpletum Jeremiæ vaticinium, *Dominæ gentium, Princeps provinciarum facta eſt ſub tributo.* Heu! apud Chriſticolos deterioris & vilioris conditionis habentur Miniſtri Chriſti & cultores Eccleſiarum, quàm apud Gentiles qui colebant ſculptilia, fuerint Miniſtri & ſacerdotes Idolorum. Hodie enim Miniſtri Eccleſiarum qui deberent juxta ſacraſſimas, Imperiales, Canonicas ac Theologicas ſanctiones omnibus derelictis omnipotentis Dei inhærere miniſteriis, ſic angariati, ſic diſtorti & diſtracti, à debitis officiis advocati, Deo vacare non poſſunt, nec ejus Eccleſiæ deſervire; ſed modò per curias, modò per aſſiſias, nunc per aquam, nuſc per terras diſcurrere compelluntur propter angariationes & moleſtias prælibatas. A Ballivis, Senefcallis & aliis Miniſtris tarentis ita excoriantur, exinaniantur, depopulantur, quoddam vix remanet eis unde poſſint vitam inopem, quæ eſſet potiùs mors dicenda, miſerabiliter ſuſtentare.

An autem præmiſſa Regi & Regno expediant con-

templetur & ponderet ſubtilis & providus perſcrutator: procul dubio imò præmiſſa in maximum Regis & Regni præjudicium ratione apertiſſimâ verge- re dignoſcuntur. Per hoc enim conſuetis orationum ſuffragiis, in quibus ſanctiſſimi Principes & maxime Chriſtianiſſimi Francorum Reges retroactis temporibus magnam habebant fiduciam, defraudantur: inſuper prædictæ perſonæ Eccleſiaſticae ſic excoriatæ & depauperatæ non habebunt loco & tempore unde poſſint Regni neceſſitatibus ſubvenire. Expedi enim Reipublicæ ſubjectos locupletes habere, & theſaurus Regni & Regis eſt abundantia ſubditorum. Quantumcumque enim abundant Regis araria, ſi ſubditi laborent inopiâ, Regnum pauper & inops procul dubio judicatur.

Si quærat quomodo Regno maxime hiſ temporibus conſulatur; ego fidelis tamquam Regis & Regni, & qui per ſacramentum Regi teneor dare bonum & fidele conſilium juxta poſſe, juxta modicam diſcretionem à Deo mihi datam, reſpondeo quod occurrit ante omnia; expedi Regno & Regi habere pacem cum ſubditis, ſi velit de hoſtibus triumphare, eos mitiùs tractare, juga gravia & onera quaſi importabilia eis per Ballivos, Senefcallos & alios officiales Regis impoſita alleviare, & ſic animum ſubditorum ubi allicere; recogitans quod accidit Roboam filio Salomonis qui populo ſuo ſupplicanti & dicenti; *Levis fuit jugum quod impoſuit pater tuus ſuper nos*; ſpreto conſilio ſeniorum, ſequens conſilium juvenum ſtultè reſpondit dicens: *Minimus digitus meus groſſior eſt dorſo patris mei: & nunc pater meus poſuit ſuper vos jugum grave; ego autem addam ſuper jugum veſtrum. Pater meus cecidit vos flagellis, ego autem caſam vos ſcorpionibus.* Quâ de cauſâ decem tribubus recedentibus ab eodem, duæ tantum eidem adhaſerunt; & ita ſciſum eſt Regnum ejus. Ceſſet & deſiſtat à moleſtatione Eccleſiarum & Eccleſiaſticarum perſonarum quæ contrā morem ſuis temporibus graviffimè ſunt oppreſſæ, excoriatæ & expilatæ. Det pacem Eccleſiis & Eccleſiæ Miniſtris, ut poſſint ipſum Regem & Regnum tam orationum ſuffragiis, quàm bonorum temporalium ſubſidiis adjuvare. Conſervet Eccleſiis ſuas libertates & antiquas conſuetudines, ſicut ſub Beato Ludovico avo ſuo, & præcedentibus eum Principibus Chriſtianiffimis Regibus Francorum fuerunt obſervatæ. Qui ſacraſſimi Principes dotabant Eccleſias, fundabant Monasteria, quæ prohi dolor! modernis temporibus deſtruuntur, enervantur & confunduntur. Et quia dicti ſacraſſimi Principes fuerunt devoti & humiles Deo & Eccleſiæ, ipſorum temporibus Deus ſuper omnia Regna exaltavit Regnum Francorum: poſtquàm autem ceſſavit iſta devotio, & ſucceſſit Eccleſiarum oppreſſio, qualiter Regno Francorum in omnibus ſuis agendis ſucceſſerit, taceo: hoc enim omnibus per ſe patet.

Sit ergo dominus Rex more majorum devotus & humilis Deo & Eccleſiæ. Iſta enim competunt Principi Chriſtiano, videlicet quoddam ſit in eo humilis obedientia reſpectu Dei & Eccleſiæ ejus, Deum piè colendo, Eccleſiam & Miniſtros ejus devotè honorando. Accipiat humilitatis & devotionis ac liberalitatis in Eccleſiis, ac totius bonitatis exemplum à ſanctiſſimis Romanis Principibus Conſtantino Magno ac Theodoſio, Juſtiniano, Carolo Magno, de quorum mirâ devotione & liberalitate in Eccleſias tam in hitoriâ Eccleſiaſtica, quàm in hitoriâ Tripartitâ, quàm in Chronicis approbatis mirabilia referuntur: unde in hiſ Principibus ſacraſſimis glorioſus Princeps Regum terræ, per quem cæteri Reges regnant, recompensavit etiam in vitâ præſenti, tribuens eis quaſi arrham gloriæ. Nam

3. Reg. 12. 9.

Ibid. 11.

CAPUT  
XXXIV.

Thren. 1. 1.

August. de  
Civit. Dei,  
lib. 5. cap. 25.  
& 26.

de felici prosperitate Constantini narrat Augustinus, quod diu imperavit, universum orbem Romanum tenuit & defendit, in gerendis bellis victoriosissimus fuit, in Tyrannis opprimendis per omnia prosperatus, & grandævus senectute defunctus est; filios Imperatores reliquit, &c. De prosperitate vero Theodosii sibi collata à Rege Regum narrat idem Augustinus: qualiter scilicet ipse devicit hostes, & qualiter tela hostium à vento in ipsos retorquebantur. De prosperitate Caroli Magni & ejus mirabilibus victoriis ac triumphis loqui non oportet, quia famâ celebri referente & ore vulgi celebrante adhuc ejus præclara facta toti mundo innotescunt. Humiles ergo Principes & devotos Deo & Ecclesiæ, ut est dictum, in præsentem elevat Deus, & in futuro glorificat: superbos vero, & sibi & Ecclesiæ rebelles humiliat & damnat, exemplum de Saule & de David; unde Sapiens: *Sedes Ducum superborum destruxit Dominus, & sedere fecit mites pro eis.*

Ecclesi. 10. 17.

Item caveat Dominus Rex ne injusta bella indicat, maximè contra Christianos. Belli enim illati à Principe debet esse justa necessitas; & debet esse ejusdem justitiæ æquitas, debet esse etiam in exercendo intentionis ordinabilitas. In bello justo reprehenduntur ista: nocendi cupiditas, ulciscendi crudelitas, impacatus atque implacabilis animus, feritas debellandi, libido dominandi, & si qua sunt similia quæ in bellis reprehenduntur; de quibus satis loquitur Augustinus.

Item caveat dominus Rex, præcipuè in bellis, à Dei & Ecclesiæ ejus offensâ, & ante omnia eidem reconcilietur. Summè enim in bellis providere debent Principes & sui, ut habeant Deum secum; quod erit, si obediunt mandatis ejus & illa impleant, prout ait Achior alloquens Holofernem, qui cum recitasset beneficia Dei exhibita populo Israelitico, conclusit dicens; *Nunc ergo Domine mi, perquire si est aliqua iniquitas eorum in conspectu Dei eorum, & ascendamus ad illos; quoniam tradens tradet illos tibi Deus eorum, & subjugati erunt sub jugo potentia tua. Si autem non est offensus populi huius coram Deo suo, non poterimus resistere illis: quoniam Deus eorum defendet illos, & erimus opprobrium universæ terræ.* Sicut enim ait ille strenuissimus miles Judas Machabæus: *Facile est concludi multos in manus paucorum; & non est differentia in conspectu Dei cæli liberare in multis & in paucis; quia non in multitudine exercitus victoria belli, sed de cælo fortitudo est.*

Judith 9. 24.  
& 37.

1. Mach. 3. 18.

CAPUT  
XXV.

*Littera gratiæ domino Regi concessa in Concilio  
Salmuriensi.*

Concilii Salmuriensis  
epistola.  
1254.

**E**X tollenda dignis laudum præconiis benedicti Regni Francorum mira devotio, ineffabilique Regum ejusdem Regni benignitatis ac liberalitatis in Ecclesias munificentia, Clerum Regni memorati, ac omnem Ecclesiasticum ordinem naturalis rationis instinctu provocat & indicit ipsum Regnum prosequi sincero charitatis affectu, eidem curâ vigilantiori consulere, ejusdemque necessitatibus non tantum orationum suffragiis, sed etiam bonorum temporalium subsidiis, conditione temporis exigente, liberaliter subvenire: ipsum nempe Regnum, præ cæteris Regnis ubique terrarum longè lateque diffusis, semper sacræ Religionis exstitit fundamentum, columna & scutum Ecclesiæ, tutamentum fidei, fons sapientiæ irrigans totum Orbem fluentis plenissimis Scripturarum; cujus & Principes, videlicet Christianissimi Francorum Reges, præ cunctis terræ Regibus puriori fidei lumine radiantes, fundaverunt

Monasteria, mirificè dotaverunt Ecclesias, eas multiplicibus immunitatum ac libertatum privilegiorumque insigniis decorando. Et quia semper præ cunctis terræ Principibus Deo & Ecclesiæ devoti & humiles perstiterunt, Deum piè colendo, Ecclesias & Ecclesiæ Ministros sicut decet Principem Christianum devotius honorando, gloriosus Princeps Regum terræ, per quem ceteri Reges regnant, eis recompensavit etiam in hac vitâ, Regnum Francorum per feliciora successivis temporibus incrementa super omnia Regnorum climata sublimando, eisdem victoriam & triumphum de hostibus largiendo, terrasque ipsorum hostium in ipsos suâ irrefragabili potentia transferendo.

Cum itaque quidam iniquitatis filii, totius Christianitatis ac fidei Catholicæ turbatores, quorum Rex Anglorum ore vulgi celebrante, ac famâ celebri referente, noscitur esse caput, Regni memorati felicibus prosperitatis proventibus invidentes, ac venenum, quod diutius venenatis visceribus latuit, modernis temporibus evomentes, ipsum Regnum multifariis conspirationum & conjurationum factionibus adhibitis, impugnare & subvertere præsumptione damnabili moluntur, jam in diversa ipsius Regni loca insipienti furia hostiliter irruentes; quorum perversis ac virosis machinationibus nisi maturius obvietur, eorum callidam ac subdolanam dementiam armorum potentia repulsando, ipsi Regno & ejus habitatoribus non tantum Laicis, sed etiam Clericis ac Ecclesiis universis posset grave periculum imminere. Quocirca nos necessitatem Regni ac Ecclesiarum ejusdem pariter attendentes, Illustrissimo Domino PHILIPPO Francorum Regi ob defensionem dicti Regni & Ecclesiarum ejusdem nimis expensarum oneribus prægravato, cui ad onera supportanda sine Regnicolarum ac Ecclesiarum subsidio propria non sufficerent facultates, de bonis nostris mobilibus dignum duximus succurrendum. Concedimus itaque dicto domino Regi hac vice communi consensu Cleri nostri in nostro Provinciali Concilio apud Salmurium nuperimè celebrato, congregati super hoc accidente, ob necessitatem dicti Regni, ut præmittitur, verisimiliter imminentem, & propter defensionem & tuitionem Regni, Ecclesiarum & personarum Ecclesiasticarum, & bonorum earundem, de bonis mobilibus nostris & personarum Ecclesiasticarum nostrarum Diocesium non exemptarum, usque ad biennium dumtaxat, tantam pecuniæ summam quantum à nobis & aliis personis Ecclesiasticis prædictis, nomine decimæ pro tempore quo decimam habebat, ex concessione sanctæ Romanæ Ecclesiæ deductis sumptibus percipere consuevit: ita tamen quod per istam concessionem nullum præjudicium Ecclesiis, nobis, & aliis personis Ecclesiasticis generetur; nec aliqua servitus domino Regi in prædictis Ecclesiis acquiratur.

Et quod si durante tempore concessionis prædictæ decimam seu majus onus aut simile in eodem Regno per sedem Apostolicam concedi vel imponi contigerit, vel jam etiam sit concessum, seu Domino inspirante, cui non est difficile disjuncta conjungere, pax inter dictos Reges durante dicto biennio reformetur, ex tunc cessabitur à solutione concessionis supradictæ. Si vero dicto tempore treugam inter dictos Reges iniri contigerit, pro illo tempore quo treuga duraverit antedicta, hujus concessionis præstatio ex tunc totaliter suspendetur. Et si Duces, Comes aut Barones dictarum Diocesium vellet durante dicto tempore aliquam subventionem vel subsidium non debitum ab Ecclesiis & personis Ecclesiasticis prædictis exigere vel habere, dominus Rex

faciet.

faceret ipſos ceſſare cum effectu.

Et colligetur dicta ſumma per illos quos nos prædicti Archiepiſcopus & Epicoſcopus quilibet in ſua Diœceſi ad hæc duxerimus deputandos, terminis infraſcriptis, ita quodd medietatem in inſtanti Feſto Reſurrectionis Dominicæ, & aliam medietatem in Feſto Omnium Sanctorum poſtea ſubſequenti; & eiſdem terminis anni immediatè ſequentis, præſatis receptoribus quilibet & modo quo ſuprà, ſolvere teneatur: & ſi forte aliqui in prædictis terminis portionem ipſos contingenter ſolvere diſtulerint, ad id per cenſuram Eccleſiaſticam & aliter compellentur; nec juſticiarii ſæculares Regales, vel alii, ſe de hoc ullatenus intromittent, niſi à nobis vel à receptoribus ſuper hoc à nobis deputandis ſpecialiter fuerint requiſiti. Idemque receptores pecuniam quam inde exegerint & receperint nobis tradent, ut eam domino Regi poſſimus poſtmodum assignare.

Actum apud Salmurium durante prædicto Concilio Provinciali, die Martis poſt Feſtum Beati Michaelis in Monte-Gargano, anno Domini milleſimo ducentefimo nonageſimo quarto. Datum hujus litteræ die Sabbati & anno prædicto. In cujus rei teſtimonium ſigillum noſtrum præſentibus litteris duimus appendendum.

CAPUT  
XXXVI.

*Sequuntur littera per nos impetrata à Rege.*

**P**HILIPPUS Dei gratiâ Francorum Rex Ballivo Turon. ſalutem. Dilectus & fidelis noſter Andeg. Epicoſcopus nobis fecit exponi, quodd tu de die in diem ad captionem bonorum Andegav. Eccleſiæ pro tuæ voluntatis arbitrio nullâ cauſa rationabili ſubſequenti procedis: quod in gravem, ut aſſerit, frequenter ipſius redundat læſionem. Quocirca mandamus tibi, quatinus id facere de cætero non præſumas abſque noſtro ſpeciali mandato, niſi caſus tantam accelerationem requireret, quodd nos de facili non poſſes adire. Actum apud Pontifaram die Mercurii in Vigiliâ Beati Martini hyemalis, anno Domini milleſimo ducentefimo nonageſimo quarto.

*Sequitur alia Littera*

**P**HILIPPUS Dei gratiâ Francorum Rex, Ballivo Andeg. cæteriſque Præpoſitis & Juſticiariis Andeg. ſalutem. Ex conqueſtione dilecti & fidelis noſtri Epicoſcopi Andegav. accepimus, quodd vos terras ipſius, poſſeſſiones & jura, feuda ſeu retrofeuda ad Regalia jura noſtra ſpectantia occupatis, uſurpatis, ac in terris ipſius in quas omnimodam ju- riſdictionem ſe habere aſſerit, ſerjantare ac juſticiare præſumitis, licet vobis nullum jus competat talia attentandi. Quocirca mandamus vobis, quatenus à præmiſſis uſurpationibus & indebitis novitatibus deſiſtatis omnino, talia de cætero nullatenus præſumentes; alioquin Ballivo noſtro Turonenſi dabimus tenore præſentium in mandatis, ut quæ circa hoc invenerit indebitè eſſe facta, ad ſtatum debitum faciat revocari, & coërceat, prout faciendum fuerit, contrarium præſumentes: viſis præſentibus eas reddatis Latori. Actum apud Pontifaram die Mercurii in vigiliâ Beati Martini hyemalis. Anno Domini milleſimo ducentefimo nonageſimo quarto.

*Sequitur alia littera.*

**P**HILIPPUS Dei gratiâ Francorum Rex, Ballivo Turon. ſalutem. Ex conqueſtione dilecti & fidelis noſtri Andegav. Epicoſcopi accepimus, quod Servientes caſſimi germani & fidelis noſtri Comitſ Andegavenſis plures moleſtias eidem Epicoſcopo infe-

Tom. II.

runt in terrâ ipſius ad Regalia noſtra ſpectante, ſerjantando & juſticiando ibidem, licet nullam ibi ju- riſdictionem habere noſcantur. Et ſi aliquando contra tales fiant proceſſus aliqui in foro Eccleſiaſtico, tu per captionem temporalium ipſius eundem compellere niteris ad proceſſus hujusmodi revocandos. Quocirca mandamus tibi, quatinus non permittas quodd gentes dicti Comitſ juſticiant, vel aliquam cohibitionem faciant in terrâ Epicoſcopi ſupradicti. Nec Epicoſcopum ipſum impediās, nec permittas per gentes dicti Comitſ impediri, quin juſdictione ſua liberè poſſit uti, ſuaſque ac Eccleſiæ ſua libertates atque franchiſias ſibi ſervari facias illibatas. Actum, &c. *ut ſuprà.*

*Sequitur alia littera.*

**P**HILIPPUS Dei gratiâ Francorum Rex, Senefcallis, Ballivis, præpoſitis, cæteriſque Juſticiariis noſtris, ad quos præſentes litteræ pervenerint, ſalutem. Intellectis gravaminibus quæ dilecto & fide- li noſtro Andegav. Epicoſcopo, ac ſua Andegav. Eccleſiæ aliſque Eccleſiis, & Eccleſiaſticis perſonis ſua Diœceſis aſſeruntur illata, & quæ de die in diem à gentibus noſtris ut dicitur inferuntur injuſtè. Mandamus vobis, quatenus ipſum Epicoſcopum, Eccleſias & perſonas Eccleſiaſticas ſibi ſubditas in pace & quiete fovere & ſervare curetis, eos mitius & curialius pertractando, ab eorum indebitâ moleſtatione ceſſantes, & ceſſari prout ad vos pertinuerit facientes. Actum, &c.

*Sequitur alia littera.*

**P**HILIPPUS Dei gratiâ Francorum Rex, Ballivo Turon. ſalutem. Ex parte dilecti & fidelis noſtri Andegav. Epicoſcopi Nobis eſt intimatum, quodd Ballivus & gentes caſſimi germani noſtri KAROLI Andegav. Comitſ, terras ipſius, poſſeſſiones & jura, feuda & retrofeuda ad Regalia noſtra ſpectantia occupant & uſurpant, ac in terris ipſius, in quas omnimodam juſdictionem habere dicitur, ſerjantare ac juſticiare præſumunt, licet ipſis nullum jus competat talia faciendi. Quocirca mandamus tibi quatinus ipſos à præmiſſis uſurpationibus, & indebitis novitatibus deſiſtere facias & ceſſare; & ſi quid circa hæc inveneris indebitè eſſe factum, ad ſtatum debitum reduci facias & reponi, & coërceas prout faciendum fuerit contrarium attentantes, &c.

*Sequitur alia littera.*

**P**HILIPPUS Dei gratiâ Francorum Rex, Ballivo Turon. ſalutem. Intelleximus quodd Receptores & Servientes deputati ad levandum decimam quondam nobis conceſſam & ejus reliquias, multa extorſerunt & adhuc extorquent à pauperibus perſonis Eccleſiaſticis Diœceſis Andegav. exigendo ultra quàm debeant, & eorum bona minus rationabiliter devaſtando. Quocirca mandamus tibi, quatenus (ſi eſt ita) tales exactores punias ſecundum quod ipſos inveneris in hujusmodi deliquiſſe, compellens ipſos de plano ad taliter extorta reddendum, & à talibus extortionibus deſiſtendum. Actum apud Abbatiam beatæ MARIE juxta Pontifaram, &c.

*Sequitur alia littera.*

**P**HILIPPUS Dei gratiâ Francorum Rex, Ballivo Turon. ſalutem. Mandamus tibi quatinus non permittas quodd Lombardi & Servientes deputati ad colligendum pecuniam legatorum indiſtinctorum in

A a

Diœcesi Andegav. intromittant se de cognitione hujusmodi legatorum, quæ sint & quæ non indistincta, sed illi ad quorum spectat officium de talibus cognoscant, & de legatis indistinctis, quæ durante quadriennio nobis concessio per negligentiam gentium nostrarum non fuerunt exacta, non permittas exequutores vel heredes defunctorum de cætero molestari; & super illis quæ per fugam & malitiam ipsorum exequutorum vel heredum non fuerunt levata, illi ad quorum officium id pertinet, jus nostrum prosequantur & conservent absque sacrorum violatione locorum. Actum apud Abbatiam beatæ MARIÆ juxta Pontisaram, &c.

*Sequitur alia littera*

**P**HILIPPUS Deigratiâ Francorum Rex, Ballivo Turon. cæterisque Justitiariis nostris ad quos præsentis litteræ pervenerint, salutem. Mandamus vobis quatinus dilectum & fidelem nostrum Episcopum Andegav. & ejus Officiales non impediatis, quominus ipsi cognitione suâ Ecclesiasticâ, & spirituali gladio possint uti contra raptores & invalores Ecclesiasticarum rerum, & incendiarios ac violatores Ecclesiarum, nec impediatis eos quominus ipsi per se vel per Ministros suos possint capere flagitiosos Clericos in civitate & Diœcesi Andegav. ubique, maximè secundum quod hætenus existit usitatum, &c.

**CAPUT XXXVII.**

*Bona Littera contra malos Judices, Ballivos, & eorum satellites.*

**S**erpentina viperarum progenies Judicum iniquorum, & Satellitum pessimorum, corrolis matris Ecclesiæ visceribus sic hodie vi erumpit, quod matrem Ecclesiam, quæ ipsos genuit, more pediculorum qui ex carne procreantur, & à matre procreati postmodum eam mordent, adeo excruciant & infestant, quod ipsa dum servituti, morti civili comparatæ addicitur, perimitur & necatur. Horum enim litibunda cupiditas ac insatiabilis supra naturam ferarum edax voracitas, leonum rugientium & urforum esurientium sævitiam superans, omnia devorat, omnia exterminat, decimas, bona, jura & res Ecclesiarum invadit, occupat, & usurpat, privilegia, immunitates & antiquas Ecclesiæ consuetudines violat, annihilat, destruit & immutat, astutâ ac sophisticâ machinatione, & callidâ calumniarum adinventione laqueum immittit ad illaqueandum & excoriandum, & devorandum populum pauperem sicut escam panis, iniquas leges statuendo, perversas consuetudines inducendo: sed juxta Isaiæ sententiam; *Væ qui condunt leges iniquas, & scribentes injustitiam scripserunt ut opprimerent in judicio pauperes, & vim facerent causa humilium populi mei, ut essent vidua prada eorum, & pupillos diriperent.* Et *væ*, quia tales iniquissimi & improbiissimi Religionis Christianæ, necnon totius Reipublicæ vastatores, summi Patris scilicet Dei persequutores, ac Matris Ecclesiæ impiissimi parricidæ eam servituti addicendo, ejus bona, ex quibus debent pauperes sustentari, rapiendo, auferendo, fraudando, occupando, invadendo, testante Divinâ & humanâ scripturâ, homicidæ, & sacrilegi sunt censendi; unde dicit Sapiens: *Panis egentium vita pauperis est: qui defraudat illum, homo sanguinis est.* Et rursum: *qui aufert in sudore panem, quasi qui occidit proximum suum.* Non sunt in sinu Matris Ecclesiæ retinendi, quia sicut mus in perâ, ignis in sinu, serpens in gremio, malè hospitem remunerant, sed potius eliminandi & expellendi, & tamquam membrum putri-

dum à corpore Christi mystico, quod est Ecclesia, gladio sanctæ Matris Ecclesiæ rescandendi, ne totum corpus eorum contagio corrumpatur. Ferro enim abscindenda sunt vulnera, quæ fomenta non sentiunt. Pastores enim necessitas habet, ne per plures serpant dura contagia, separare ab ovibus sanis ovem morbidam ab illo, cui nihil impossibile est, forsitan ipsâ separatione sanandam. *Tradendi sunt itaque, juxta sententiam Apostoli, hujusmodi Satana in interitum carnis, ut spiritus eorum in die judicii salvus fiat, &c.*

Exclamet ergo cum vate Isaiâ sancta Mater Ecclesia à filiis vipereis lacerata: *Andite cæli, & auribus percipe terra, quod Dominus loquutus est: filios enutrivit & exaltavi, ipsi autem spreverunt me. Cognovit bos possessorem suum, & asinus præsepe domini sui. Israël me non cognovit; populus meus non intellexit me. Væ ergo genti peccatrici, populo gravi iniquitate, semini nequam, filiis sceleratis.* Heu hodie Ministri Christi sic ineffabilibus oppressionibus, angariis, perangariis, decimis, financiis multisque modis, his periculosis temporibus affliguntur, angariantur & torquentur, quia non datur eis die ac nocte alicujus requiei intervallum: unde deterioris conditionis videtur esse hodie Sacerdotium orthodoxum, quàm sub Pharaone fuerit, qui Legis Divinæ notitiam non habebat. Ille quidem omnibus aliis servituti subactis, Sacerdotes & possessiones eorum in pristinâ libertate dimisit, & de publico eis alimoniam ministravit; sed hodie vice versâ cæteris personis immunitate donatis, Ecclesia addicitur servituti. Deploret ergo Mater Ecclesia lacrimis irremedialibus videns adimpletum Jeremiæ vaticinium: *Domina gentium, Princeps Provinciarum facta est sub tributo.* Proh dolor! apud Christicolæ deterioris ac vilioris conditionis habentur hodie Ministri Christi, quàm Christum persequentes & negantes Judæi, & Cultores Ecclesiarum, quàm apud Gentiles qui colebant sculptilia, fuerint Ministri & Sacerdotes Idolorum: his enim malis diebus Ministri Ecclesiarum qui deberent juxta sacratissimas Imperiales & Canonicas, ac Theologicas sanctiones omnibus derelictis omnipotentis Dei inhærere ministeriis, sic angariati, sic distorti & distracti, à Divinis officiis advocati Deo vacare non possunt, nec ejus Ecclesiæ deservire, nec parvulis, id est, fideibus populis petentibus panem sacræ doctrinæ, pabulum verbi Dei, maximè populo Christiano necessarium, queunt, prout incumbit eorum officio, ministrare: unde impletum est Amos Prophetæ testimonium, sic dicentis: *Ecce dies veniunt, dicit Dominus, & mittam famem in terrâ: non famem panis, neque sitim aquæ, sed audiendi verbum Domini.* Modò per curias, modò per assisas, nunc per aquam, nunc per terras discurrere compelluntur propter angariationes & molestias prælibatas à Ballivis, Senescallis & aliis Ministris tartareis, ita excoriantur, exinaniantur, depopulantur, quod vix remanet eis unde possint vitam inopem, quæ esset potius mors dicenda, miserabiliter sustentare.

Clamet ergo Ecclesia, quæ mamillis Regum primitivis temporibus lactabatur, ad filios suos, videlicet Principes Christianos: O filii dulcissimi, quos per fidem concepî, & in lavacro sancti Baptismatis parturivi, ac Sacramentis meis cœlestibus educavi, ac quotidie porrectis maternis uberibus alimentare non cesso; attendite, & videte si est dolor sicut dolor meus: olim enim mei fideles filii, videlicet Principes sacratissimi, dotabant Ecclesias, fundabant Monasteria, quæ proh dolor! à filiis infidelibus & impiis modernis temporibus destruuntur, enervantur ac etiam confunduntur, & quia dicti sacratissi-

1. Cor. 5. 5.

Isai. 1. 2.

Thren. 1. 1.

Amos 8. 11.

Isai. 10. 1.

Ecclesi. 34. 25.



mi Principes fuerunt devoti & humiles Deo & Eccleſiæ, Rex Regum & Dominus Dominantium ipſos mirificè ſublimavit, eiſdem victoriam & triumphum de hoſtibus largiendo, terraſque ipſorum hoſtium in ipſos ſuâ irrefragabili potentiâ transferendo. Poſtquàm autem ceſſavit iſta devotio, & ſucceſſit eccleſiarum oppreſſio, qualiter Principibus Chriſtianis in omnibus ſuis agendis ſucceſſerit, taceo, quia rem huius facti evidentiâ manifeſtat. O filii cariſſimi ſitis more majorum Deo & Eccleſiæ humiles & devoti, &c. *ut ſuprà.*

Cum itaque nos qui ſumus quaſi ſignum poſiti ad ſagittam, & quibus ratione Paſtoralis Officii incumbit jura ac libertates noſtræ Andegav. ac cæterarum Eccleſiarum noſtræ Diœceſis pro poſſe defendere ac tueri, à primordio noſtræ creationis à DAVID de Suis-domibus Ballivo Andegav. cæteriſque allocatis, Officialibus, & Conſiliariis Magnifici Principis domini CAROLI, filii Regis Francorum, ac Comitſ Andegaviæ, multifarias ineffabilesque injurias, moleſtias, oppreſſiones, ad quas explicandas Salomonis ſapientia & Demotheſis facundia minùs ſufficiens videretur, tam ratione noſtræ Andegav. quàm cæterarum Eccleſiarum noſtræ Diœceſis abſque alicujus requiei intervallo inceſſanter perpeſſi fuerimus, & quotidie rupto pacis vinculo ac relegatâ juſtitiâ perferamus, dictis Ballivis, Officialibus & Conſiliariis ſemper proficientibus in pejus, vulnera vulneribus nequiter infligendo, & novis gravaminibus veteribus accumulatis, ſemper de die in diem contrà nos & Eccleſiam aggravantibus manum ſuam. Nos tamen attendentes quamdam interrogationem in introitu noſtro, dum in Andegav. Eccleſiâ in die noſtræ conſecrationis recepti fuimus nobis factam, talem videlicet: *Eſt ne ingreſſus tuus pacificus?* Et reſponſionem quam fecimus ad eandem, hanc videlicet: *pacificus.* Penſantesque pacem eſſe legatum inid hereditatem Chriſtianorum, teſtante Salvatore dicente: *Pacem meam do vobis: pacem meam relinquo vobis.* Et rurſum: *Beati Pacifici, quoniam filii Dei vocabuntur.* Et ſi filii, igitur & heredes: unde & columba de arcâ Noe emiſſâ ramiſque oliivæ retulit ore ſuo, oliivâ pacem inſinuante, ad ſignificandum quodd viri ſpirituales debent portare in ore pacem, & ad ea quæ pacis ſunt cæteros admonere, nolentesque extracto furoris gladio ingredi terram noſtram, præmiſſaque gravamina patienter ac humiliter multo tempore perferentes, credentes humili patientiâ adverſarios ſuperare, juxta conſilium Pſalmiſtæ, pacem inquiſivimus, eamque multis annis, multis locis, multis vicibus perſequentes. (Non enim ſtatim ad excommunicationum aut interdictionum fulminationes proceſſimus.) Sed omnia præmiſſa gravamina humiliter, ut præmittitur, tolerantes, ipſum dominum Comitē primo noſtræ conſecrationis anno apud Chatillon in Bituriâ, non ſine magnis ſumptibus pro dictâ pace quærendâ adivimus: & poſtmodum pro eadem pace perſequendâ Cenomannis bis perſonaliter proſecti fuimus ad tractandum pacificè cum Conſiliariis domini Comitſ Andeg. Tandem demum in feſto Omnium Sanctorum ultimo præterito apud Compendium ipſum dominum Comitē pro pace in Andegaviâ conſervandâ inter ipſum & Officiales ſuos ex unâ parte, & Eccleſias & perſonas Eccleſiaſticas ex aliâ, utriusque juribus conſervatis, repetitis vicibus ſuppliciter ſtudiimus exorare. Quantum autem nuper & quot diebus primò apud Salmurium, ubi dictus dominus Comes præſens erat, & poſtmodum eo veniente Andegavis eodem præſente in Caſtro ſuo pro dictâ pace habendâ inſtiterimus, & quantis cordis

Tom. II.

affectibus & ſupplicationum interventibus eam obtulerimus, ſciunt qui præſentes fuerunt, qui ſuper hoc teſtimonium poſſunt perhibere; totius etiam vulgi opinionem ſuper hoc credimus teſtem eſſe, ipſo domino Comitē ſemper dulciter & benigniter benè dicente, volente & jubente jus Eccleſiæ conſervari illæſum, ſi dicti Ballivus cæteriſque Officiales & Conſiliarii ipſius præbuiſſent aſſenſum: qui ut ſerpentes acuentes linguas ſuas, virus mendaciorum in tantâ abundantia effuderunt, quodd veritas corruit in plateis, & æquitas non potuit ingredi, aſtutæ iniquitatis jaculis & acutis gladiis linguarum mendacium ſuperata; ſed ſperamus in Domino, qui eſt *via, veritas, & vita*, quodd veritati porrigens manum eamque à terra erigens, victoriam ei dabit, quia veritas ſemper vincet: unde ſcriptum eſt: *Veritas valet, & invaleſcit, in æternum vivit, & obinet in ſecula ſeculorum.*

Perpendentes igitur quodd noſtra humilitas dictis Ballivis, Officialibus & Conſiliariis dat occaſionem ſuperbiæ, & noſtra patientia eiſdem tribuit audaciam jura Eccleſiarum invadendi: paulatim enim ſerpendo totum uſurpare contendunt, ut pro eis videatur eſſe dictum illud vetus proverbium: Fruſtatim comedit lupus agnum: conſiderantesque quodd abſque remorſu conſcientiæ noſtræ & periculo animæ, ac ſubverſione Eccleſiæ ac defectu juſtitiæ, præmiſſas injurias, moleſtias & gravamina non poſſumus ampliùs tolerare; admonitione divini Scripturæ ſic dicente: *Uſque ad mortem certa pro juſtitiâ, & Deus expugnabit pro te inimicos tuos.* Et rurſum: *Beati qui perſecutionem patiuntur propter juſtitiâ, quoniam ipſorum eſt Regnum cælorum:* admodum roborati ad vos dirigimus præſens ſcriptum debitæ executioni tradendum.

*Sequitur Littera domini Regis.*

PHILIPPUS Dei gratiâ Francorum Rex, Ballivo Turon. ſalutem. Conqueſti ſunt nobis dilectus & fidelis noſter Episcopus, ac Decanus & Capitulum Andegav. in noſtrâ ſpeciali gardâ exiſtentes, quodd cum ſuper revocandis gravaminibus, & indebitis novitatibus, quæ ſibi per Ballivum, & alios Officiales & Miniſtros cariſſimi germani, & fidelis noſtri KAROLI Comitſ Andegav. in præjudicium gardæ noſtræ inferri contingit, noſtra eiſdem Ballivo, Officialibus & Miniſtris mandata per te dirigantur, interdum tu ipſos ad revocationem gravaminum & novitatum huiusmodi compellere non curas, niſi per dictos Episcopum, Decanum & Capitulum, parte fundatâ ſuper his in figurâ judicii procedatur. Ideoque mandamus tibi quatinùs ad revocationem gravaminum prædictorum non in formâ vel figurâ judicii, ſed ſummarie & de plano procedas, cum in hoc caſu ex veſtro ſit officio procedendum. Actum Pariſius Sabbato ante feſtum ſancti Nicolai, anno Domini milleſimo ducentefimo nonageſimo - quinto.

*Sequitur alia Littera.*

PHILIPPUS Dei gratiâ Francorum Rex, Ballivo Turon. ſalutem. Mandamus tibi & diſtinctè præcipimus, ſicut & aliàs mandallè meminimus, quatinùs Miniſtris & ſervientibus cariſſimi germani & fidelis noſtri KAROLI Comitſ Andegav. inhi-beas, ne in locis & feodis, in quibus dilectus & fidelis noſter Andegav. Episcopus omnimodam juſtitiâ habere dignoſcitur, cum Episcopus ipſe in noſtrâ ſpeciali gardâ exiſtat, ſergentare aut juſtitiare præſumant; ipſos ſi ſecùs fecerint animadverſione debitâ puniendo. Actum Pariſius Sabbato

A a ij

Joan. 14. 6.

3. Eſdr. 4. 38.

Eccle. 4. 33

Matt. 5. 10.

1295.

Joan. 14. 27.

post octavam hyemalis Festi Sancti Martini, anno Domini millesimo ducentesimo nonagesimo quinto.

*Sequitur alia Littera.*

**P**HILIPPUS Dei gratiâ Francorum Rex Balivo Turon. salutem. Exposuit nobis dilectus & fidelis noster Andegav. Episcopus, quodd tu ipsum & ejus Officiales indebitè impedis Jurisdictione suâ uti inter Curatum Ecclesiæ de Jarzeve JAMETUM de Rogeyo, & quosdam alios homines Parochiales Ecclesiæ prædictæ suæ Diocesis, & justitiam facere inter ipsos super decimis non feodalibus, occasione quarundam litterarum nostrarum ad dictorum Jameti & hominum Parochialium prædictorum . . . tibi directarum, continentium quodd compelleres ipsos Episcopum, Officiales & Curatum desistere per captionem bonorum suorum temporalium, attrahendo & molestando ipsos homines super decimis feodalibus coram ipso Episcopo & ejus Officialibus. Quare tibi mandamus, quatenus occasione ipsarum litterarum dictum Episcopum, & ejus Officiales inter præfatas personas justitiam facere, & jurisdictione suâ uti super decimis non feodalibus impedire quomodolibet non præsumas. Actum Parisius in die Cinerum, anno Domini millesimo ducentesimo nonagesimo quinto.

*Sequitur alia Littera.*

**P**HILIPPUS Dei gratiâ Francorum Rex, univervis præsentibus litteras inspecturis salutem. Noveritis quodd cum dilectus & fidelis noster Episcopus, Decanus & Capitulum Andeg. & alii Dignitates in ipsâ Ecclesiâ habentes, pro necessitate urgente & eminente totius Regni nostri, ad defensionem Regni ipsius & incolarum ejusdem, consenserint, ut valorem partis centesimæ bonorum hominum suorum Laicorum, in feodis & retrofeodis suis existentium, haberemus levandam per manus eorundem, dummodo ultra decem libras ab aliquo non levaretur, nobis ad dictam causam seu mandato nostro assignandum: Nolumus quodd per hoc ipsis, eorum successoribus, dignitatibus, hominibus & Ecclesiæ aliquod præjudicium nunc vel in posterum generetur, nec nobis vel successoribus nostris jus novum contra ipsos acquiratur. Actum Par. die Mercurii ante Brandones, Anno Domini millesimo ducentesimo nonagesimo quinto.

*Sequitur alia Littera.*

**P**HILIPPUS Dei gratiâ Francorum Rex, Balivo Turon. cæterisque Justitiariis & Ministris nostris, ad quos præsentibus litteræ pervenerint, salutem. Sicut vobis aliàs injunxille recolimus, iteratò districtè præcipiendo mandamus, quatinus dilectum & fidelem nostrum Episcopum, nec non & Ecclesiam Andegav. in nostrâ speciali gardâ existentes manuteneatis in suis justis & antiquis possessionibus, ac libertatibus & immunitatibus conservetis & defendatis ab injuriis & violentiis manifestis, & novitatibus indebitis, prout justum fuerit & ad vos noveritis pertinere. Ipsum Episcopum & gentem ejus in his quæ nobiscum habent vel pro tempore habuerint facere benignius audientes, curialiter pertractantes, & favorem impendentes eidem quem poteritis absque justitiæ læsione. Datum apud Ferrar. die xiiii. Februarii, anno Domini millesimo nonagesimo quinto.

*Sequitur alia Littera.*

**P**HILIPPUS Dei gratiâ Francorum Rex, Balivo Turon. cæterisque Justitiariis nostris, ad quos præsentibus litteræ pervenerint, salutem. Mandamus vobis quatenus in terrâ dilecti & fidelis nostri Episcopi Andeg. in quâ omnimodam habet altam & bassam Justitiam, aliquos Servientes nostros morari continuè nullatenus permittatis, nec ad justitiandum in terram prædictam mittatis eosdem, nisi in casibus ressorti, vel aliis ad nos pertinentibus: & tunc cum patentibus litteris casum exprimentibus propter quem fuerint specialiter destinati. Actum apud Vicennas die viii. Augusti, Anno Domini millesimo ducentesimo nonagesimo sexto.

*Sequitur alia Littera.*

**P**HILIPPUS Dei gratiâ Francorum Rex, Balivo Turon. vel ejus locum tenenti, cæterisque Justitiariis & subditis nostris, ad quos litteræ præsentibus pervenerint, salutem. Ex conquestione dilecti & fidelis nostri Episcopi Andeg. accepimus, quodd licet per alias nostras litteras vobis mandaverimus quodd Servientes vestros sergentare non permetteretis, aut morari in terrâ ipsius, ubi omnimodam altam & bassam habet justitiam, nisi in casibus ressorti vel superioritatis ad nos spectantibus cum litteris nostris continentibus specialiter illos casus: vos nihilominus mandatum prædictum ad domania & feoda propria dicti Episcopi restringentes, ad retrofeoda verò ipsius, quamvis in eis omnimodam habeat justitiam & ressortum hujus, mandatum nostrum extendere denegatis injustè. Quare mandamus vobis, quatenus si est ita, mandatum nostrum prædictum ad terram totam dicti Episcopi, & ab ipso moventem, in quâ omnimodam ut præmittitur habet justitiam & ressortum, faciatis extendi: non permittentes in dicti Episcopi præjudicium contra hujus mandati nostri tenorem aliquid attentari, imò attentata si quæ sint, ad statum debitum revocantes. Datum Viennæ xii. die Aprilis, anno Domini millesimo trecentesimo duodecimo.

*Forma juramenti quod debet facere Episcopus Andegavensis Ecclesiæ sancti Landi Andegav. in primo adventu dictæ Ecclesiæ.*

**N**Overint universi, quodd cum inter nos GUILLERMUM Divinâ permissione Episcopum Andegav. ex unâ parte, & venerabiles viros Decanum & Capitulum Ecclesiæ sancti Landi Andegav. ex alterâ, quædam ambiguitas vertetur super quodam juramento, quod in primâ visitatione nostrâ Ecclesiæ sancti Landi prædictæ juxta morem prædecessorum nostrorum, ut dicti Decanus & Capitulum asseriebant, facere tenebamur; Nobis respondentibus, quodd parati eramus dictæ Ecclesiæ facere juramentum, si & prout Prædecessor noster fecerat, super hoc sufficienter ex parte ipsorum informati fuisset: tandem productis testibus ex parte dictorum Decani & Capituli coram examinatore Curie nostræ Andegav. de communi concordia plenè & sufficienter probatum existit, quodd Prædecessor noster in primâ suâ visitatione dictæ Ecclesiæ ante portas ipsius Ecclesiæ, antequam ingrederetur eandem, memoratæ Ecclesiæ quoddam præstiterat sacramentum, sed sub quâ formâ factum fuisset, ignorabant testes super hoc producti & examinati, ut prædicatur, & sic de juramento constitit, formâ ejusdem non probatâ & in dubio remanente. Super formâ

1296.

1312.

CAPUT  
XXXIX.

1196.

autem dicti juramenti à nobis dictæ Ecclesiæ faciendi diutius altercato, finaliter de voluntate & consensu Capituli nostri Andegav. & dicti Capituli sancti Laudi, in nostrâ primâ visitatione quam in eâdem Ecclesiâ sancti Laudi fecimus die Mercurii post Epiphaniam Domini, anno ejusdem millesimo ducentesimo nonagesimo sexto, ante fores ipsius Ecclesiæ sancti Laudi clausas antequàm ingrederemur eandem, quoddam juramentum fecimus sub hac formâ.

Nos GUILLERMUS Episcopus Andegav. juramus nos præstituros bonum consilium & fidele pro possè nostro Ecclesiæ sancti Laudi Andegav. cum ex parte Decani & Capituli ejusdem Ecclesiæ fuerimus requisiti; præsentibus ad hoc ibidem venerabilibus viris ÆGIDIO Decano Ecclesiæ Andegav. JOANNE de Bosco Scholastico Andegav. GUILLERMO Archipresbytero de Burgulio, GERVASIO Homine Dei, STEPHANO de Burgulio Officiali Andegav. ANDREA de Haya, Magistro MATTHÆO Piquot Canonicis Andegav. HUGONE Odardi Archipresbytero de Salmuro socio nostro, Domino PHILIPPO de Plesleiac Decano sæpè dictæ Ecclesiæ sancti Laudi, JOANNE Agni Canonico ejusdem Ecclesiæ, & HERBERTO Rectore Ecclesiæ de Chatelein Capellano nostro, multisque aliis ibidem congregatis.

CAP. XL.

*Littera anathematis.*

UNIVERSIS præsentibus litteras inspecturis & audituris GUILLERMUS permissione Divinâ Andegav. Episcopus salutem, & sinceram in Domino charitatem. Prout sacrorum Canonum & sanctorum Patrum protestatur auctoritas, Pastoris necessitas habet, ne per plures serpant dira contagia, separare ab ovibus sanis morbidam, ab illo cui nihil est impossibile, ipsâ forsitan separatione sanandam. Nescientes enim quis pertineat ad prædestinatorum numerum, quis non pertineat, sic affici debemus charitatis affectu, ut omnes velimus salvos fieri. Prælati præcipuè curam animarum habentes summam deberent habere curam de his qui pereunt; quatinus eorum redargutione aut corrigantur à peccatis, aut si incorrigibiles apparuerint, tamquam ovis scabiosa à caulis, & velut membrum putridum à corpore Christi mystico, quod est Ecclesia, separantur, ne eorum contagione sive consortio grex fidelium corrumpatur: ferro enim excommunicationis abscindenda sunt vulnera, & putridæ carnes corporis reseccandæ, quæ fomenta non sentiunt medicinæ. Cum itaque DAVID de Dominibus suis Ballivus Andegav. & DARIANUS dictus Bidoyne Subballivus Andegavis, eorum Matrem Andegav. Ecclesiam more prolis vipereæ crudeliter lacerantes, eamque tam spiritualitate, quàm temporalitate suâ exheredare conantes, eidemque inenarrabiles injurias, gravamina & molestias inferentes, tam ex parte nostrâ, quàm Officialis nostri pluries requisiti & moniti recipere noluerint à præmissis, sed tamquam incorrigibiles, & in suâ malitiâ perseverantes, & dictæ Ecclesiæ semper pejora prioribus inferre non cessantes, pluribus excommunicationum sententiis tam auctoritate Canonum, quàm Conciliorum Provincialium, quàm etiam Officialis nostri prædicti fuerint & adhuc sint innodati, & à corpore Christi mystico, quod est Ecclesia, tamquam oves morbidæ & membra putrida segregati, pro eo maximè quòd nostram Jurisdictionem Ecclesiasticam impediendo & perturbando, JOANNEM dictum le Chapelier civem Andegav. occasione litis motæ ex parte ipsius coram Officiali nostro prædicto super his, de quibus ad nos tam de jure,

quàm de antiquâ, & approbatâ consuetudine, Jurisdictionis dignoscitur pertinere; ceperunt & capi fecerunt, & adhuc ipsum detinent carceri mancipatum.

Ac iterum dictus Ballivus pro eo quod in terris nostris de Villâ Episcopi, de Banneo in quibus omnimoda Jurisdictio tam temporalis, quàm spiritualis ad nos nomine Episcopatus Andegav. pertinet pleno jure, MATTHÆUM de Vincis hominem nostrum; mansionarium & estagiarium in dictâ terrâ de Villâ Episcopi, & penes quosdam alios mansionarios & estagiarios nostros dictæ terræ, duos boves & quædam alia bona mobilia, ac MICHAËLEM carnificem hominem nostrum mansionarium in dictâ terrâ de Banneo cepit & capi fecit, & adhuc captum detinet & detentum, nitendo de novo Jurisdictionem temporalem in dictis terris nostris usurpare, & easdem terras nostras de novo subjicere & supponere Jurisdictioni temporali domini Comitis Andegaviæ, in præjudicium & exheredationem Episcopatus & Ecclesiæ prædictæ.

Ac insuper dictus Ballivus pro eo quod cum dictus Officialis noster occasione præmissorum contra ipsum & contra quosdam alios allocatos & servientes domini Comitis Andegaviæ prædicti super multis violentiis & injuriis nobis & Episcopatus Andegav. prædictis ab eisdem illatis, per nostram Jurisdictionem Ecclesiasticam procederet secundum quod eidem Officiali incumberebat, & facere poterat, & debebat tam de jure, quàm de antiquâ consuetudine obtentâ & approbatâ à tempore cujus memoria non existit, temporalitatem nostram quam habemus nomine Episcopatus prædicti apud Bustam, & in hails Andegav. per manum Regiam capi & saisiri fecit & procuravit, & adhuc captam & saisitam facit & procurat detineri injustè.

Et idem Ballivus & Subballivus dictas excommunicationis sententias diu damnabiliter sustinentes, cum solemnitate quâ decet, & quæ consuevit in Andegav. Diocesi in talibus observari, fuerint aggravati; dictasque excommunicationis & aggravationis sententias diu sustinuerint, & adhuc sustineant cordibus & animis induratis, claves Sanctæ Matris Ecclesiæ vilipendentes in suis malitiis obstinati; offensionem Divinam incurrere, & in eadem perseverare non verentes, imò pro suis malis accumulantes mala malis, Dei timore postposito, contra nos & dictam Andegav. Ecclesiam occasione dictarum sententiarum manum Regiam, & suam de die in diem aggravent & procurent aggravari, maximè faciendo nos bonis nostris omnibus temporalibus, & quod gravius est spiritualibus, scilicet decimis spoliari, & à maneriis nostris, ibidem custodibus ex parte domini Regis appositis ipsis procurantibus, relegari, adeoque extrâ civitatem Andegav. non habemus ubi caput reclinare possimus.

Nos attendentes ipsos Ballivum & Subballivum in profundo malorum constitutos, & quòd invasores rerum Ecclesiasticarum, collatarum Ecclesiis pro remedio peccatorum, tamquam sacrilegi sunt anathemati usque ad satisfactionem congruam supponendi, ut quos timor Dei à malo non revocat, saltem coercere debeat severitas Ecclesiasticæ disciplinæ: cum Capitulo nostro deliberatione præhabita diligenti, dolentes & cum cordis amaritudine cum istis duodecim probis viris & honestis Sacerdotibus indutis Sacerdotalibus ornamentis, lucernas in manibus ardentes tenentibus, assistentibus nobis in Pontificalibus constitutis in hac nostrâ præsentì Synodo, quam hodie in hac nostrâ Andegav. Ecclesiâ celebramus, præsentè Clero & populo, eisdem Ballivum & Subballivum secundum Sanctorum Patrum instituta, tamquam exfortes à Regno Dei, à limini-

Synodus Andegavens. an.  
1298.

A a iij

bus sanctæ Matris Ecclesiæ, & consortio omnium fidelium, & totius cœlestis curiæ eliminantes & excludentes, ipsosque Satanæ tradentes in interitum carnis, ut eorum spiritus in die iudicii salvi fiant, in his scriptis anathematizamus cum solemnī pulsatione campanarum, ipsas candelas accensas in terram projicientes, ac pedibus conculcantes & extinguentes, ac anathematizatos, & à communione Dei, & Sanctorum, Sanctæ Matris Ecclesiæ, & omnium fidelium separatos publicè nuntiamus, & in Ecclesiis civitatis & Diœcesis Andegav. præcipimus publicè & solemniter nuntiari. Presentibus ad hoc Clero in dictâ Synodo congregato, & populo civitatis Andegav. voce præconiâ specialiter ad hoc evocato, & specialiter Religiosis viris JOANNE Sancti Sergii, MICHAËLE omnium Sanctorum Andegav. GAUFRIDO de Rotâ, & MATTHÆO de Mellineys Monasteriorum Abbatibus, ac venerabilibus Ægidio Decano, JOANNE Cantore, GAUFRIDO Transligeren. Archidiacono in Ecclesiâ Andegav. necnon STEPHANO de Ludio, HUGONE Salmuriensi, GAUFRIDO Burgulienſi, MAURICIO Andegav. & JOANNE de Fixâ Archipresbyteris, MATTHÆO de Credonio, & PETRO de Interfartam & Meduanam Decanis, & aliorum virorum & mulierum multitudine copiosâ. In cujus rei testimonium ad perpetuam memoriam posterorum præsentem litteram sigillo nostro, unâ cum pluribus sigillis dictorum Abbatum, & venerabilium virorum, & Archipresbyterorum, & Decanorum superius nominatim expressorum fecimus consignari. Datum & actum die Synodi prædictæ, quæ fuit die Jovis post festum Beati Lucæ Evangelistæ, anno Domini millesimo ducentesimo nonagesimo-octavo.

1298.

CAP. XLI.

*Hic inferuntur gravamina Ecclesiis Provinciae Turon. illata, per G. Majorem Episcopum Andegavensem, Domino PHILIPPO Regi Francorum Senonis exposita die Ramorum Palmarum anno M. CCXCI.*

1299.

**H**Æc sunt gravamina & præjudicia quæ Prælati & Ecclesiis ac personis Ecclesiasticis Provinciae Turon. tam in spiritualitate, quàm in temporalitate ab Officialibus domini Regis, & aliis Potestatibus sæcularibus inferuntur: dicto domino Regi, de cujus conscientia ut scimus talia non emanant, & ejus Consiliariis exponenda.

Et primo loco tangenda sunt gravamina, quæ in spiritualibus irrogantur; deinde illa quæ temporalitatem tangunt quàm brevius fieri poterit, annexentur.

Articulus spiritualitatis dividitur, quod primò de præjudiciis & gravaminibus quæ Jurisdictionem contingunt Ecclesiasticam differetur, & postmodum de decimis & aliis spiritualibus subjungetur. Primò circa Jurisdictionem spirituales Ecclesiasticam, de novo maximum & intolerabile gravamen infertur, super quo inter cætera maximè dolet & amaricatur Ecclesiæ. Cum enim tam de jure scripto, quàm de antiquâ consuetudine in eadem Turon. Provincia usitata & approbatâ, à tempore cujus memoria non exiit, personæ Ecclesiasticæ malefactores suos & injuriatores, utpote invasores, occupatores, raptores, & perturbatores rerum Ecclesiasticarum collatarum à Fidelibus Ecclesiis pro remedio peccatorum, qui restante Scripturâ sacrilegi sunt censendi, atque anathemati usque ad satisfactionem congruam supponendi, possint & consueverint coram quo maluerint iudice, Ecclesiastico vel sæculari convenire, jus suæ Ecclesiæ prosequendo: hodie si eandem personæ Ecclesiasticæ contrâ tales malefactores & invasores

in foro Ecclesiastico jus suum prosequantur, Potestates sæculares per captionem bonorum temporalium, & quarumcumque etiam personarum compellunt eandem personas Ecclesiasticas à prosecutione juris sui desistere, & etiam Judicem, videlicet Episcopum vel Officialem qui procedit justitiam exhibendo, per similes captiones rerum & personarum tales processus revocare, formâ juris minimè observatâ: quod est, si quis claro oculo intueatur, sanctæ Matris Ecclesiæ suum gladium spirituales auferre, & clavium suarum potestatem penitus absorbere. Utrum tales varias excommunicationis sententias evadere queant, Lector studiosus, maximè jurisperitus, diligenter advertat.

Et ne res exemplis careat, factum quod nuper in personâ Episcopi Andegav. accidit, in medium proponatur. Cum enim Officialis dicti Episcopi contrâ quosdam servientes domini Comitis Andegav. qui res, jura, bona & homines ipsius Episcopi & Ecclesiæ suæ, quæ maximè ad gardam domini Regis, & ejus Regalia pertinent, capiebant, occupabant, invadebant & perturbabant, quosdam processus faceret per suam Jurisdictionem Ecclesiasticam procedendo super causis, quæstionibus & querelis, quæ ad eandem Jurisdictionem Ecclesiasticam de jure & antiquâ consuetudine approbatâ & obtentâ à tempore cujus non exstat memoria, pertinere noscuntur, dictus Episcopus ad procuracionem Ballivi Andegav. per quemdam servientem domini Regis, qui dicitur PETRUS de Bonnay, à Ballivo Turoniæ missum, ex abrupto & sine causæ cognitione suis bonis omnibus temporalibus exstitit desaisitus, & à suis domibus & maneriis relegatus ignominiosè & ejectus, quibusdam garcionibus malæ famæ, & deterioris vitæ per dictum Petrum custodibus appositis in eisdem, qui redditus & proventus totius temporalitatis suæ per decem & octo septimanas receperunt, & miseros homines dicti Episcopi ineffabiliter molestarunt, eosdem diversis exactionum generibus affligendo, ita quod non habebat dictus Episcopus domum propriam in quâ caput reclinare valeret: & quod est dictu miserabile & horrendum, dictus Petrus domum ipsius Episcopi Episcopalem, quam habet Andegavis, conjunctam & contiguam Ecclesiæ Andegav. ex quâ dictus Episcopus ipsam Ecclesiâ ingreditur causâ audiendi Missas, Vesperas & Matutinas, & in quâ ipse consuevit Abbates confirmare, causas spirituales audire, & in quâ Officialis & Sigillator ipsius habitant & habitare consueverunt, in manu domini Regis saivivit, ibidem custodem apponendo, præcipiendo Officiali & Sigillatori dicti Episcopi in dictâ domo manentibus, ut inde exirent & domum eandem vacuarent. Cum verò dictus Episcopus sic à propriis domibus relegatus, eo tempore causâ suam celebrandi Synodum Andegavis accedens, apud quemdam civem Andegav. tribus diebus aut quatuor secessisset, dictus civis jussus fuit per dictum servientem se reddere in castro Andegav. & ibi prisonem tenere: quod videns Episcopus memoratus, nolensque dictum civem occasione ipsius indebitè molestari, à dicto loco recessit.

Item dictus Petrus de Bonnay, & custodes in dictis domibus & maneriis apposti ab eodem, compulerunt dictum Episcopum domos suas & maneria bonis suis mobilibus vacuare, & garnimenta sua & utensilia, vina, blada, & hujusmodi ad alia loca transferre cum summariis & quadrigis magnis laboribus & expensis: & cum temporalitas prædicta eisdem Episcopo postmodum deliberata fuisset, dictus Petrus retinuit de redditibus & proventibus temporalitatis prædictæ, per ipsum & ejus Ministros prædictos receptis, durante tempore supradicto, ferè

ducentas libras, & adhuc ipſas eidem Episcopo red-  
dere contradicit. Majora gravamina & ultragia di-  
cto Episcopo irrogari non poſſent, ſi fuiſſet proditor  
Regni, aut reus criminis læſæ Majestatis. Non ita  
agitur cum Baronibus & Militibus, quorum cum  
bona temporalia in manu domini Regis ſaiſiuntur,  
ad caſtra ſua & maneria accedere, & ibidem ma-  
nere non prohibentur, nec bona ſua inde transfer-  
re coguntur, nec in ipſis maneriis cuſtodes & come-  
ſtores apponuntur. Item bona ſua omnia non niſi  
ex maximâ cauſâ capiuntur, ſed aliqua villa vel  
prædium. Bona verò Prælatorum pro modicâ cauſâ,  
imò pro nullâ capiuntur omnia.

Secundò, Eccleſiaſtica Jurisdic-  
tio per eaſdem Po-  
teſtates ſæculares & Judices his diebus ferè totaliter  
enervatur. Nam ipſi Judices ſæculares ſuis clam &  
palam inſubditiſ, ne quis eorum laicum co-  
ram Eccleſiaſtico Judice conveniat. Trahentem ve-  
rò multifariè multant, necnon carceri mancipant,  
& ubi in eos animadvertere non valent, modis qui-  
bus poſſunt amicos ipſorum carnales offendunt.

Tertiò, ſi aliquis laicus ad juſtitiam laici ſeu  
etiam perſonæ Eccleſiaſticæ, quæ ſub Jurisdic-  
tione Potestatis ſæcularis aliqua temporalia poſſideat, ex-  
communicatus fuerit, actor ad abſolutionem ex-  
communicati procurandam expenſis propriis per ſuo-  
rum bonorum temporalium, & plerumque proprii  
corporis captionem compellitur; licet de antiquâ,  
approbatâ & hæcenus pacificè obſervatâ conſuetu-  
dine judices Eccleſiaſtici inter laicos conſueverunt  
in civilibus perſonalibus actionibus cognoscere & ju-  
dicare: qui Eccleſiaſtici judices ad ſuarum revoca-  
tionem ſententiarum plerumque ſupradictis modis  
coguntur.

Quartò, Judices ſæculares omnem interpretan-  
tur actionem eſſe realem, in quâ de re quâcumque  
mentio habetur, & ad ſuum forum contendunt per-  
tinere.

Quintò licet confeſſio facta à Clericis coram Ju-  
dice ſæculari non valeat; ipſi tamen ſæculares ju-  
dices propter confeſſiones, & litterarum ſuarum  
obligationes, à Clericis coram ipſis emiſſas ipſos Cle-  
ricos ad ſolvendum compellunt, & in bonis mobi-  
libus & immobilibus eorumdem exequutioni deman-  
dant.

Sextò ſi ſint contrâ aliquem duo judicata, unum  
factum in foro Eccleſiaſtico de priori tempore, aliud  
in foro ſæculari de poſteriori, tamen ipſi illud po-  
ſterius judicatum priori in foro Eccleſiaſtico facto  
de facto præferunt, per hoc Jurisdictionem Eccle-  
ſiaſticam, quantum in ſe eſt annullantes.

Septimò dicti Juſtitiarii ſæculares ſæpe nuntios  
deferentes litteras domini Papæ & Legatorum ejus,  
necnon & Ordinariorum, verberant, capiunt &  
incarcerant, litteras ab eis auferentes, & etiam ip-  
ſas litteras comedere quemcumque compellunt.

Octavò non niſi ad ſemiplenam probationem ſo-  
lùm coram ſe litteras Ordinariorum admittunt, qui-  
bus debet adhiberi plena fides de conſuetudine & de  
jure, & ita fuit hæcenus ſemper obſervatum.

Nonò ubi coram eis excommunicationis exceptio  
ad repellendum agentem, vel ferentem testimonium  
opponitur, nihilominus excommunicatum ad agen-  
dum, & testimonium ferendum admittunt.

Decimò excommunicatos qui hæcenus ad man-  
datum Ordinariorum, maximè in Turonenſi, Ce-  
noman. & Andegav. Diœceſibus, compelli conſue-  
verunt per Juſtitiarios ſæculares pro ſua abſolutio-  
ne petendâ, non compellunt prout conſueverunt;  
& ſi forſitan excommunicatorum bona aſſerunt ſe  
cepſiſſe, frivolus aut nullus communiter ſequitur ef-  
fectus; cum plus verbo faciant, quàm re ipſâ: &

ſic de die in diem hæreſes pullulare non ceſſant.

Sequuntur alia gravamina quæ per eaſdem Po-  
teſtates ſæculares in aliis ſpiritualibus Eccleſiæ infe-  
runtur. Et primò de decimis eſt agendum. Com-  
pellunt enim perſonas Eccleſiaſticas de decimis ac-  
quiſitis financiam præſtare, aut eas ponere extrâ  
manum, quod eſt mirabile & horrendum; Quid  
enim ſpiritualius, &c. *ut ſuprà*.

Secundò ſi perſonæ Eccleſiaſticæ in caſu licito de  
manu decimas redimunt laicorum, proximi illius  
laici in genere dictas decimas nituntur retrahere,  
offerendo redemptionis pretium infrâ annum jux-  
tâ conſuetudinem patriæ in rebus temporalibus appro-  
batam; & ad hoc faciendum compelluntur dictæ  
perſonæ Eccleſiaſticæ per potentiam juſtitie ſæcula-  
ris.

Tertiò laici decimas, quas cum animarum peri-  
culo detinent, in alios laicos transferunt emptionis  
aut alio quovis titulo contrâ Canonica inſtituta,  
& ſuper tali abuſu à ſæculari juſtitiâ defenduntur.

Sequuntur gravamina quæ in temporalitate di-  
ctis perſonis Eccleſiaſticis inferuntur. Primò cum  
Archiepiscopus Turon. & Suffraganei ipſius Provin-  
ciæ coram domino Rege Franciæ, aut coram ejus  
Conſiliariis, Officialibus vel Ballivis in parlamentis  
ipſius domini Regis, vel alibi nunquam conſueve-  
rint reſpondere; dicti Prælati ſæpe citantur coram  
dicto domino Rege, aut coram Conſiliariis, Sene-  
ſcallis, Officialibus vel Ballivis prædictis; & quia  
non reſpondent ſicut nec facere conſueverunt, nec  
poſſunt ſine offeſſâ juris, & periculo ſui ſtatûs, bo-  
na eorum temporalia per eoſdem Conſiliarios, Bal-  
livos & alios Officiales dicti domini Regis ſaiſiuntur,  
capiuntur, à ſuis domibus & maneriis viſiſſimè ex-  
pelluntur, cuſtodibus ex parte domini Regis in eiſ-  
dem, qui redditus & proventus ad eadem maneria  
pertinentes recipiunt, omnia dilapidant & conſu-  
munt, damna gravia & præjudicia, quæ de facili  
explicari non poſſent, eiſdem Prælatiſ & ſuis Eccle-  
ſiis inſligendo; & iſta vel ſimilia in perſonis Bri-  
cenſis, Coriſopitenſis & Leonenſis Episcoporum ac-  
ciderunt: & ſicut dictum eſt de majoribus Prælatiſ,  
ira contigit multoties de quibuſdam Abbatibus &  
Prioribus, ac nonnullis aliis perſonis Eccleſiaſticis  
dictæ Provinciæ, quæ coram Potestatibus ſæcula-  
ribus nunquam litigando conſueverunt reſponde-  
re.

Secundò cum dictus Rex Francorum in quibuſ-  
dam Eccleſiis Cathedralibus dictæ Provinciæ vacan-  
tibus habeat Regalia, de exceſſu Regaliorum eſt  
inferendum. Quæ enim damna, &c. *ut ſuprà*.

Tempore vacationis ſtagna piſcium evacuant, &  
venditioni, imò perditioni exponunt: garennas cu-  
niculorum diſſipant & denudant: & breviter quid-  
quid poſſunt, eo tempore deſtruunt & devaſtant.  
Qualiter per eaſdem Potestates ſæculares gravata  
fuerint, & adhuc graventur Eccleſiæ ſuper rebus à  
quinquaginta annis citrà ab eiſdem acquiſitis, non  
eſt facile explicare: aut enim cogebantur & cogun-  
tur res ſic acquiſitas ponere extrâ manum, aut fi-  
nanciam præſtare valorem rei, aut emptionis pre-  
tium excedentem.

Item ſi aliquis laicus contrâ perſonam quam-  
cumque Eccleſiaſticam coram Judicibus ſæcularibus  
ſuper aliquâ re, etiam Eccleſiaſtica, ſe applegiet,  
niſi ipſa perſona Eccleſiaſtica ſe contraplegiaverit,  
illius rei poſſeſſione privatur, & in applegiantem  
transferitur, licet perſona Eccleſiaſtica ſe applegiare  
non poſſit, alioquin excommunicationis ſententiam  
incurreret ipſo facto.

Item in caſu in quo pro delicto unius laici ſaiſien-  
do unum ipſius prædium eſſent contenti, omnia



bona personæ Ecclesiasticæ saisunt, & in earum plerumque ponunt maneriis comeltores, & incomparabiliter in pecuniariis emendis laicis plus gravantur.

Item ubi præcipitur per secularem Potestatem capi temporalitas alicujus Ecclesiæ, omnia tam spiritualia quam temporalia quæ habet Ecclesia, saisuntur, & omnia præmissa contineri sub temporalitatis appellatione decernunt.

Item sunt aliqui Barones, & alii Domini temporales, qui de fructibus beneficiorum personarum Ecclesiasticarum, quos per terras vel aquas deferri faciunt, de novo pedagia exigunt in præjudicium Ecclesiasticæ libertatis.

Item si Laicus nobilis res quascunque ab Ecclesiâ justè ab antiquo possedias, etiam decimas, à Rege vel comite se tenere advocat, in manu domini Regis vel Comitatus saisitur statim, & possessio advocanti traditur, nî persona Ecclesiastica se applegiet, & in foro seculari de hoc litigare velit, quod tamen non potest, ut superius continetur.

Item si aliquod delictum committatur in feudo Ecclesiæ, aut in loco ubi ipsa Ecclesia habeat omnem Jurisdictionem altam & bassam, si prætendatur, licet falsò, prædictum delictum fuisse factum in chemino Regis, quantumcumque patenter alibi factum fuerit, etiam in loco sacro, Regales cognitionem, punitionem, & justitiam sibi vindicant & usurpant; non cognito vel aliàs probato, quod in chemino factum fuit, quamquam notorium sit delictum alibi fuisse perpetratum, oblata probatione super hoc non admittit. Et ista consuetudo à viginti annis citrà existit introducta.

Quàm gravia onera, tallias, angarias & perangarias hominibus Prælatorum & Ecclesiarum imponant, eisdem homines, qui ab eorum potestate consueverunt esse liberi & immunes, ceteris gravius onerando & affligendo, non potest breviter explanari: adeo enim dictos miseros homines talliis & aliis variis exactionibus onerant & affligunt, quòd oportet eos à dominio Ecclesiarum recedere, & ad districtum Laicorum se transferre. Quotidie enim capiuntur, distringuntur, carceri mancipantur, & ibi tamdiu detinentur, quo usque tallias & exactiones gravissimas & importabiles solverint; adeo quòd necesse habent possessiones suas & facultates ad qualecumque pretium alienare, & postea oportet eos mendicando per orbem panem ostiatim queritare. Quot enim vidimus ante quadriennium divites & potentes, qui modo fame percunt, panem per ostia mendicantes? unde dictæ Potestates seculares his diebus Jurisdictionem & auctoritatem Prælatorum, & aliarum personarum Ecclesiasticarum adeo evacuant & enervant, ut nihil potestatis videatur eis in suis terris & hominibus remansisse. Per terras enim Ecclesiarum discurrentes, in iisdem justitiant & sergentant, bona capiunt, omnia devorant & absorbent, dictas terras & homines earum servituti subigendo, & potestati suæ de novo submittendo.

Qualiter autem se habeant servientes domini Regis circa exactionem duarum decimarum, quas à personis Ecclesiasticis petunt, non esset absque profundis suspiriis referendum. Dicti enim servientes cum multitudine armatorum per Abbatis, domos Canonorum, & aliarum personarum Ecclesiasticarum discurrentes, frangunt domos & ostia, cellaria, arcas, & horrea; secum ferunt quod inveniunt, vendunt ad magnum forum, ut statim pecuniam habere possint, non servantes modum debiti petiti aut decimæ reddi aliàs consuetæ. Heu! heu! quis posset lacrymas continere; videns sarcinas

& troussellos, ac involucria pannorum, vestimentorum, linteorum, coopertorum, & aliorum utensilium, quæ penes miseras personas Ecclesiasticas non habentes quid solvant, rapiunt, & per civitates & oppida deferri faciunt cum summaris, & quadrigis: equos dictarum personarum Ecclesiasticarum ubicumque inveniunt, capiunt, & secum ducunt, & eis utuntur, imò abutuntur eisdem equitando vel aliàs suis ulibus applicando. Unde nuper accidit Andegavis, quòd quidam Archipresbyter, valens homo, Capellanus Andegav. Episcopi, & quidam Clericus suus ad domum ipsius Episcopi Episcopalem Andegav. pro suis negotiis venientes, de equis suis descenderant, quibus descendens, vix amotis pedibus de strepis, affuerunt quidam servientes domini Regis, ut dicebant, qui dictos equos statim ceperunt, & secum adduxerunt: quos dictus Archipresbyter sequenti die vix habere potuit sub pignoribus argenti ab eo datis, & pro gagiis sive stipendiis dictorum servientium oportuit dictum Archipresbyterum solvere decem solidos præter expensas equorum. Quibus excessibus non contenti, post paucos dies ad domum ipsius Archipresbyteri accedentes, & ejus cameram violenter frangentes, libros suos inde asportaverunt: quæ omnia injuriosissimè facta sunt, cum dictus Archipresbyter ad nullam decimam teneretur, cum anno præcedenti, pro quo petuntur duæ decimæ, vacasset beneficium suum per mortem, & pro eo finisset cum collectoribus domini Regis super annalibus beneficiorum recipiendis deputatis, & pro dictâ finatione centum decem libras dictis collectoribus persolvisset.

Quid plura? Dicti Servientes non adeo sunt solliciti de dictis decimis colligendis, quàm de suis gagiis seu stipendiis exigendis, unde pro quolibet vice quâ dicti Servientes veniunt ad domum miseri Sacerdotis, Prioris, vel alterius personæ Ecclesiasticæ pro decimâ requirendâ, ante omnia quinque solidos pro suis gagiis exigunt & extorquent; pro quatuor vicibus viginti solidos reportantes, & sic quinque gagia eorum adæquantur quantitati decimæ vel excedunt.

Insuper à multis personis Ecclesiasticis & etiam Laicis donaria & exenia recipiunt, ut à petitione subventionum quas ab eisdem requirunt, in totum quandoque vel ad tempus superledeant vel desistant. Præterea ad Ecclesias de quibus nunquam fuit soluta decima propter tenuitatem reddituum, accedunt, ut saltem & si non decimam, tamen sua gagia valeant extorquere. Sic totum devorant Ministri detestabiles, & miserum populum deglutiant sicut escam panis; unde qui nuper erant garciones pauperes & egeni, nunc equitant magnos equos, & induuntur vestibus pretiosis, replent ipolis pauperum domos suas, vasa argentea & deaurata faciunt fabricarii, ac de iniquitatis mammona thesaurisunt: per hunc modum depauperatur Regnum, subditi Clerici & Laici ad miserabilem & ineffabilem inopiam & paupertatis ergastulum demerguntur; quæ utrum Regi & Regno expediant ponderet sapiens indagator. Expedit enim Reipub. subditos locupletes habere, & thesaurus Regni est abundantia subditorum.

Supplicant ergo personæ Ecclesiasticæ dictæ Provinciæ Turon. Regiæ Majestati, quòd de benignitate solitâ super præmissis adhibeat & adhiberi faciat remedium opportunum.

Item quòd Ecclesiis & personis Ecclesiasticis dictæ Provinciæ observet & observari faciat suas franchisas & libertates, ac antiquas consuetudines sicut observatæ fuerunt temporibus Prædecessorum, & maximè diebus beatissimi Ludovici avi sui.

Item

Item quodd ipse mittat viros Deum timentes in quibus sit veritas, & qui oderint avaritiam, ad partes dictæ Provinciæ Turon. ad inquirendum & corrigendum excessus Officialium suorum aliarum sæcularium Potestatum, & statum dictæ Provinciæ reformatum.

Item quodd velit per suas dare litteras in mandatis collectoribus annalium proventuum beneficiorum Ecclesiasticorum ex parte domini Regis, in dictâ Provinciâ constitutis, ut nihil exigant de annalibus beneficiorum vacantium aliter quàm per mortem, aut aliàs, contrà declarationem Domini summi Pontificis circa privilegium domino Regi super dictis annalibus concessum, nuper factum: & quodd si quid receperint, illud restituant eis quibus restituendum fuerit, juxtà dictæ declarationis tenorem.

Item supplicat Andegav. Episcopus quodd pecuniam receptam de redditibus & proventibus terræ suæ, quam Petrus de Bonay gerens se pro Serviente domini Regis, injustè sibi tenuit & sibi tenuit per decem & octo septimanas vel amplius in manu domini Regis, integrè faciat sibi reddi; & excessus & injurias dicto Episcopo & Ecclesiæ suæ per dictum Petrum & suos complices quos custodes maneriarum dicti Episcopi constituit, & suorum reddituum receptores, irrogatas faciat emendari, & ea quæ per eos malè acta sunt in statum debitum reformari.

CAP. XLII.

*Epistola per dictum Episcopum dicto domino Regi directâ.*

**Q**uia misericordia & veritas custodiunt Regem, & roboratur clementiâ domus ejus, prout ait ille Rex sapientissimus Salomon Proverb. xx. sic debet esse clemens Princeps, ut sit in eo æquitatis justitia, sine quâ nulla potest Respublica bene regi: remotâ enim justitiâ, quid sunt Regna nisi magna latrocinia, ait Augustinus iv. de civitate Dei cap. iv. Cum enim Princeps sit fundamentum populi, Pater patriæ, Caput Reipublicæ, prout dicunt sapientes Philosophi, à suâ justitiâ debet aliorum justitia emanare, & ab eo debet regi omnis alia justitia, & etiam gubernari. Rex enim justus erigit terram, vir avarus destruet eam: prout ait idem Salomon Proverb. xxx. Et rursum xxv. *Aufer impietatem de vultu Regis, & firmatur justitiâ thronus ejus.* Attendat Princeps sapiens qualiter differt Rex à Tyranno. Verus Princeps est, qui legitime constitutus jure divino & humano principatur, & qui virtutibus præditus seipsum bene regit: Tyrannus verò est, qui contrariis modis se habet, sed numerus annorum incertus est tyrannidis ejus. Job xv. ibid. Gregor. Moral. xii. Tyrannus dicitur qui in communi Republicâ non jure principatur. Et in Politico Polycrato lib. iv. cap. i. quæ differentia est Tyranni & Principis? quia hic legi obtemperat, & ejus arbitrio populum regit, cujus se credit ministrum: Tyrannus verò, qui contrariis modis se habet. Unde omnis Princeps, licet sit legitime institutus, cavere debet ab operibus tyrannicis, quæ sunt, injustis legibus populum subjectum opprimere, indebitis tributis & talliis aggravare, propriis rebus exspoliare, operibus non debitis angariare, ab aliis invadentibus non defendere, Præpositos & Ballivos injustos ad excoriandum populum præficere, & sic de aliis. Quia ut ait Augustinus i. de Civitate Dei, cap. xx. Rex cum est injustus, Tyrannus est. Et Sapiens in Ethicis ponens differentiam inter Regem & Tyrannum: Tyrannus est qui quod sibi conferens est, intendit: Rex, qui quod est utile subditorum. De principantibus modo Ty-

Tom. II.

rannico dicitur Prov. xxviii. *Leo rugiens, & ursus esuriens, Princeps impius super populum pauperem. Dux indigens prudentiâ, multos opprimit calumniâ: qui autem oderit avaritiam, longi fiet dies ejus.* De talibus conqueritur Dominus Isa. i. *Principes tui infideles, socii furum, &c.*

Princeps ergo nobilis & justus caveat à prædictis, cogitans quia est pater patriæ, ut dictum est supra. Ut enim ait Sapiens in Ethicis. similis est comparatio Regis ad subditos, & patris ad filios, & pastoris ad oves. Modo ergo paterno debet populum regere & clementer. Sit justus, justè & rectè judicando, leges justa præcipientes & contraria prohibentes faciando. *Per me* (inquit Divina Sapiencia) *Reges regnant, & legum conditores justè decernunt, per me Principes imperant, & potentes decernunt justitiam.* Prov. viii. Pauperes exaudiendo, eorum causas examinando, injurias propellendo, & ad satisfaciendum injuriatores compellendo: hoc enim debet eis facere exemplo egregii Imperatoris Trajani, nulli auferendo quod suum est, nec auferri permitiendo; furta cohibendo, transgressores legum puniendo. Regum enim, ut dicit Hieronymus, proprium est facere judicium atque justitiam, & liberare de manu calumniarum vi oppressos: sophisticas machinationes, calumniosas adventiones malorum Officialium & Curialium ad illaqueandum & excoriandum & spoliandum populum cohibendo; verbis eorum adulatoriis & mendacibus, suadentibus extortiones & rapinas fidem non adhibendo: quia Princeps qui libenter audit verba mendacii, omnes Ministros habebit impios. Prov. xxix. Respondere debet talibus bonus Princeps sicut de illo optimo Principe Tiberio Imperatore narratur in historiis: quod cum sibi suaderetur à malis Consiliariis tributa augenda esse Provinciis: Respondit boni pastoris non esse pecus deglutire, &c. ut supra.

Humiles ergo Principes & devotos Deo & Ecclesiæ, ut est dictum in præfenti, elevat Deus & in futuro glorificat. Superbos verò & sibi & Ecclesiæ rebelles humiliat & damnat; unde Sapiens: *Sedes Ducum superbiorum destruxit Deus, & sedere fecit mites pro eis.* Quod autem premium sit Principum justorum & bene regentium temporaliter, determinatur Deuter. xvii. ubi dicitur de Rege: *Non multiplicabit sibi equos, &c.* Et sequitur; *nec elevetur cor ejus in superbiam super fratres suos, neque declinet in pariem dexteram sive sinistram, ut longo regnet tempore ipse & filius ejus super Israël.* Et Proverb. xxix. *Rex qui judicat in veritate pauperes, thronus ejus in æternum firmabitur.* Quale verò sit damnum tyrannicè regentium dicitur Eccli. x. *Regnum à gente in gentem transfertur propter injustitias, & injurias, & contumelias, & diversos dolos,* prout patuit de Saule qui Regnum amisit, quodd Deo & mandatis ejus inobediens fuit. i. Reg. xv. unde Propheta Samuel ei dixit: *Pro eo quod abieci sermonem Domini, abiecit te Dominus ne sis Rex super Israël:* Et in Roboam filio Salomonis, qui spreto consilio seniorum, sequens consilium juvenum de aggravando jugo super populum, respondit populo dura, dicens: *Minimus digitus meus grossior est dorso patris mei, pater meus aggravavit jugum vestrum, ego addam jugo vestro, pater meus cecidit vos flagellis, ego cadam vos scorpionibus:* propter quæ decem Tribubus recedentibus ab eodem, duabus dumtaxat sibi adherentibus, scissum est Regnum ejus. Non credat ergo Rex sapiens & nobilis maximè, à sanctorum progenitorum profapia derivatus, dantibus malum consilium de jugo super populum & Ecclesias aggravando, ne Deus, cui nihil

B b

Prov. 28. 15.

Isai. 1. 23.

Prov. 8. 15.

Eccli. 10. 17.

Deut. 17. 16. 20.

Prov. 29. 14.

Eccli. 10. 8.

1. Reg. 15. 23.

Prov. 29. 4.

Ibid. 25. 5.

Sap. 6. 6.

CAP. XLIII.

est impossibile, videns afflictionem & clamorem populi importabilibus oneribus oppressi, ad iracundiam provocatus transferat aut dividat Regnum ejus. Aeterna verò merces benè regentium Principum est regnare cum Rege Regum in æternum, sicut fuit de David & de Rege sanctissimo Ludovico. Injustè verò principantium damnatio æterna; *Durissimum enim judicium in his qui præsumunt fieri: & potentes potenter tormenta patientur.* Sap. VI.

*Sequuntur litteræ Regiæ impetratæ à dicto Episcopo super gravaminibus memoratis.*

**P**HILIPPUS Dei gratiâ Francorum Rex, Turon. & Cenomanensi Ballivis, vel eorum loca tenentibus salutem. Ex dilectorum nostrorum Archiepiscopi Turon. ejusque suffraganeorum gravi querimoniâ ad nostrum pervenit auditum, quod vos & alii Justitiiarii, Ministri & Officiales nostri in nostris constituti Ballivi ipsos, Ecclesias, & personas Ecclesiasticas Provinciæ Turonensis, molestationibus & oppressionibus variis contrâ immunitatem Ecclesiasticæ libertatis incessanter opprimitis, & diversis jugiter injuriis & gravaminibus molestatis. Nos autem qui in eorum quiete quiescimus, ipsos à prædictis gravaminibus præservari, & libertatem hujusmodi, regiminis nostri temporibus illibatam servari plenè desideris affectantes, Mandamus vobis, quatenus si temporalitas Prælatis per Curiam nostram saisiri ex causâ mandetur, sitis à principio saisinâ unius manerii vel alterius paucæ partis contenti, nisi ad majorem forsitan partem successivè postmodum saisinam extendi indurata contumacia vel protervitas inobedientis exposcat. Non tamen ad seliendum totam temporalitatem procedentes, nisi in nostris litteris de totâ contineatur expressè, vel nisi facti atrocitas hoc requirat. Quod si Custodes in talibus saisinis poni contingat, uno sitis contenti à principio, nisi magna rebellio aliud requirat, vel de pluribus in litteris nostris expressa mentio habeatur.

Ab his & similibus processibus & gravaminibus abstinere, in seinis temporalitatis aliarum personarum Ecclesiasticarum prædictæ Provinciæ, facientes: attentius provisuri, ut in saisinis hujus Servientes ponatis ita providos & fideles, ne de ipsorum administrationibus atque gestis à vobis ratio exigatur, vel super hoc aliàs possitis redargui vel puniri.

Subditis quoque nostris non inhibeat, quin in casibus ad jurisdictionem Ecclesiæ de jure & consuetudine spectantibus, suos adversarios coram Ecclesiasticis Ordinariis locorum conveniant, nec aliquos per captiones corporum vel bonorum ad impetrandum pro adversariis suis absolutiones compellatis, nec compelli etiam permittatis: neque litteras Ecclesiasticorum judiciorum deferentes incarceretis, nec verberetis propter portationem ipsarum, nec litteras ipsas auferatis eisdem. Quod si apertâ litterâ & indubitâ Ordinariorum Ecclesiasticorum locorum judicium, majorem excommunicationem continens, vobis ostendatur præ manibus, & non fuerit appellatum, excommunicatos ad agendum vel patrocinandum non recipiatis, ubi consuetum est hoc servari, id est excommunicatos, siquidem obstinatos, ad petendum absolutionem ad requisitionem Ordinariorum compellatis, sicut ab antiquo fuerit consuetum.

Personas insuper Ecclesiasticas ad nova pedagia, vel inconsueta solvi à personis Ecclesiasticis de fructibus beneficiorum suorum Ecclesiasticorum, solvenda compelli minimè permittatis. Custodes autem Regalium per nos positos, vel ponendos, excessus

vel usurpationes facere prohibemus. Hujusmodi ergo mandatum nostrum sic diligenter & fideliter exequi procuretis, quod tam ipsi Prælatis, quàm Ecclesiæ & Ecclesiasticæ personæ supradictæ, injuriarum & molestationum quarumlibet turbinibus relegatis, pacis auctori, cujus mancipantur obsequiis eo devotius, quo tranquillius debitum impendere valeant famulatum; Nosque ipsorum in hac parte cessantibus querimoniis & querelis, quarum reverâ iterata delatio nostrum turbaret acerbius & offenderet animum, obedientiam & sollicitudinem vestram proinde meritò commendare possumus, præsentis litteras prædictis Prælatis vel eorum mandato reddentes. Actum apud Angleur die Jovis post Festum Resurrectionis Dominicæ, anno Domini millesimo ducentesimo nonagesimo nono.

*Sequuntur litteræ exsecutoria ad præmissa.*

**P**HILIPPUS Dei gratiâ Francorum Rex, Dilectis Magistro RADULFO Rousseloti Clerico nostro, & GAUFRIDO de Aniseyo Vicecomiti Bajocensi salutem & dilectionem. Ex dilectorum nostrorum Archiepiscopi Turonensis ejusque suffraganeorum gravi querimoniâ ad nostrum pervenit auditum, quod Collectores decimæ & annalium Ecclesiasticorum beneficiorum nobis pro Regni nostri defensionis subsidio concessorum, & alii Officiales & Ministri nostri superintendentes negotio collectionis hujusmodi, & aliis in ejusdem & aliarum subventionum impositarum diversis retroactis temporibus pro negotio defensionis prædictæ collectionis Officio, illudque contingentibus, in Turonensi Provinciâ deputati, plus illicitis quæstibus & propriis commodis inhiantes, quàm utilitati & executioni fidelis negotiorum suæ fidei commissorum, & aliàs potestate tibi traditâ nequiter abutentes, Prælatos, Ecclesias & personas Ecclesiasticas Provinciæ Turonensis ac homines eorumdem sub umbrâ subventionum hujusmodi, indebitis exactionibus, extortionibus & rapinis diversimodè gravaverunt: quodque tam prædicti quàm alii Officiales, Justitiiarii & Servientes nostri Balliviarum ipsarum, Prælatos, personas Ecclesiasticas, & homines supradictos molestationibus & oppressionibus variis contrâ immunitatem Ecclesiasticæ libertatis, & ordinationes nostras super his editas, opprimere, & diversis injuriis & gravaminibus afficere præsumserunt, & alios graves & enormes priscis temporibus commiserunt, & jugiter committere non verentur excessus.

Nos autem qui in eorum quiete quiescimus, prædicta gravamina eis, ut præmittitur, jam illata molestè ferentes, & cupientes ab his quæ inferri possent in posterum præservari; vobis de quorum industria & fidelitate plenam in Domino fiduciam gerimus, præsentium tenore committimus, & mandamus, quatinus ad partes illas vos personaliter conferentes, de exactionibus, extortionibus, rapinis, gravaminibus, injuriis & excessibus antedictis inquiratis, vocatis evocandis, summariè & de plano, diligenter & sollicitè veritatem: quæ taliter inveneritis extorta, plenè restitui, damna restaurari, injurias emendari, & gravamina submoverti, prout justum fuerit facientes, & quos in præmissis constiterit deliquisse, castigatione debitâ, etiam per privationem ipsorum ab officiis vel servitiis suis perpetuò, vel ad tempus, & aliàs, prout expedire videritis, taliter punientes, quod eorum poena tam sibi, quàm aliis præsumptionis similis interdicat exempla. Illos etiam quos culpabiles inveneritis in hac parte, ad refundendum prædictis Prælatis & aliis expensas, quas ipsos in hujus persecutione negotii fecisse

1299.

constiterit, ratione præviâ compellatis.

Hujusmodi ergo mandatum nostrum sic diligenter & fideliter exsequi procuretis, quoddam tam ipsi Prælati, quàm Ecclesiæ & personæ Ecclesiasticæ supradictæ, injuriarum & molestationum quarumlibet turbinibus relegatis, pacis auctori cujus mancipantur obsequiis eo devotius, quo tranquillius debite impendere valeant famulatum: Nosque ipsorum in hac parte cessantibus querimoniis & querelis, quarum reverâ iterata delatio nostrum turbaret acerbius & offenderet animum, obedientiam & sollicitudinem vestram proinde meritò commendare possumus. Damus autem fidelibus Justitiariis & subditis nostris tenore præsentium in mandatis, ut vobis in præmissis & ea tangentibus diligenter & efficaciter pareant & intendant. Actum apud Angleur die Jovis post festum Resurrectionis Dominicæ, anno Domini millesimo ducentesimo nonagesimo nono.

*Sequuntur alia Littera domini Regis.*

**P**HILIPPUS Dei gratiâ Francorum Rex, Ballivo Turonensi, vel ejus locum tenenti, salutem. Mandamus tibi, quatinus **P**ETRUM de Bonayo Servientem nostrum, ad reddendum de iis, quæ de terrâ dilecti & fidelis nostri Episcopi Andegav. quæ ad manum nostram ratione dissensionis inter ipsum & carissimum germanum, & fidelem nostrum K. Comitem Andegav. exortæ, saisita & aliquamdiu retenta existit, per eum & deputatos ab ipso levata & recepta fuerint, plenam, fidelem & integram rationem, & ad reddendum eidem Episcopo levata & recepta hujusmodi, deductis rationabiliter deducendis, summarie & de plano compellas. Actum apud Angleur die Jovis post festum Resurrectionis Dominicæ, anno Domini millesimo ducentesimo nonagesimo nono.

*Quædam Responsio facta domino Regi à Prælati Provincia Turonensis.*

**U**Niversis præsentibus litteras inspecturis & audituris R. Dei gratiâ Archiepiscopus Turonensis. R. Cenom. G. Andegav. H. Nanneten. B. Maclovien. N. Corisopiten. & G. Briocen. eadem gratiâ Episcopi, salutem & sinceram in Domino charitatem. Noveritis quoddam nos ab Excellentissimo Principe domino PHILIPPO Dei gratiâ Rege Francorum Illustri, anno Domini millesimo trecentesimo primo, Dominicâ in Passione Domini Parisius evocati, super quibusdam negotiis ipsum Regem & statum Regni, ut dicebat, tangentibus nostra consilia præbaturi, & super eisdem negotiis pro eodem, aliisque Prælati, & ipsius Regni Proceribus tractaturi; expositisque dictâ die ex parte ipsius Regis negotiis super quibus fuimus, ut prædicitur, evocati, petitoque à nobis ex parte ipsius Regis præsentis, ut ipsum juvare ad defensionem jurium suorum, ac honoris & Regni sui, super expositis negotiis curarem. Die Lunæ sequenti convenientes in unum, communicato consilio, ac deliberatione præhabita diligenti, protestato ante omnia à nobis, quoddam per prædictum tractatum & responsum nostram non intendebamus nos nec Ecclesias nostras in aliquo de novo subicere vel submittere: ipsi Regi respondimus in hunc modum, videlicet quoddam ipsum ad defensionem jurium, statûsque & honoris suorum & Regni, salvis juribus & libertatibus Ecclesiarum nostrarum, statibus nostris, animarumque salute, in quantum possemus commodè juvarem. In cuius rei testimonium sigilla nostra præsentibus duximus apponenda. Actum Parisius die Lunæ & anno prædictis.

com. II

*Littera missa domino Bonifacio Papa VIII. à Prælati Regni Franciæ.*

**S**ANCTISSIMO Patri ac domino suo carissimo domino BONIFACIO Divinâ providentiâ sacrosanctæ Romanæ ac universalis Ecclesiæ Summo Pontifici, sui humiles ac devoti, Archiepiscopi, Episcopi, Abbates, Priores Conventuales, Decani, Præpositi, Capitula atque Collegia Ecclesiarum Cathedralium, & Collegiatarum, Regularium & secularium totius Regni Franciæ Parisius congregati, devotissima pedum oscula beatorum. Non absque dolore cordium, & amaritudine lacrymarum beatitudini vestræ significare compellimur, quoddam Serenissimus Princeps, dominus noster carissimus, PHILIPPUS Dei gratiâ Franciæ Rex Illustris, auditis quæ per venerabilem virum Archid. Narbonensem, Notarium & Nuntium vestrum nuper sibi ex parte vestra relata fuerunt, ac inspectis Apostolicis litteris clausis ei per eundem Archid. præsentatis, & quibusdam (licet paucis) de Baronibus suis tunc sibi assistentibus earum communicato tenore; ex his tam dominus Rex, quàm Barones ipsi, ingenti admiratione & vehementi turbatione commoti, statim idem dominus Rex de Baronum ipsorum consilio Barones cæteros tunc absentes, ac nos, videlicet Archiepiscopos, Episcopos, Abbates, Priores Conventuales, Decanos, Præpositos, Capitula, Conventus atque Collegia Ecclesiarum tam Cathedralium, quàm Collegiatarum, Regularium & secularium; necnon Universitates & Communitates Villarum Regni sui ad suam mandavit præsentiam evocari, ut Prælati, Barones, Decani, Præpositi, ac duo de Prioribus uniuscujusque Collegiæ vel Cathedralis Ecclesiæ personaliter, cæteri verò per Oeconomos, Syndicos, ac Procuratores idoneos cum plenis & sufficientibus mandatis, statutis loco & termino curarem. Porro nobis cæterisque personis Ecclesiasticis supradictis, necnon & Baronibus, Oeconomis, Syndicis & Procuratoribus Communitatum & Villarum, & aliis, sic juxta præmissa vocationis formam ad mandatum Regium hac die Martis, decimâ præsentis mensis Aprilis, in Ecclesiâ Beatæ MARIÆ Parisius in præfati Regis præsentia constitutis, idem dominus Rex proponifecit cunctis audientibus, palam & publice, sibi ex parte vestra fuisse inter alia per prædictos Archidiaconum & litteras intimatum; quoddam de Regno suo, quoddam à solo Deo ipse & Prædecessores sui tenere ætendens recognoscunt, temporaliter vobis subesse, illudque à vobis tenere deberet: nec contenti verbis hujusmodi sic mirabilibus, sicque novis & inauditis à sæculo apud incolas dicti Regni, sed ea perducere satagentes exsequutionis in actum, Prælatos dicti Regni, ac Magistros in Theologiâ, & Professores utriusque juris, oriundos de Regno prædicto, pro corrigendis excessibus, necnon & pro culpis, insolentiis, injuriis atque damnis, quæ Prælati, Ecclesiis, Ecclesiasticisque personis Regularibus & secularibus in Regno constitutis eodem, & alibi, per ipsum dominum Regem & Officiales, seu Ballivos suos, ac Paribus, Comitibus, Baronibus aliisque nobilibus, Universitatibus & populo dicti Regni inferri prætenditis, emendandis, ad vestram præsentiam evocatis, ut sic Regnum præfatum pretiosis localibus, incomparabilibusque thesauris, clypeis fortium præferendis, sapientiâ videlicet Prælatorum & sapientum etiam aliorum, quorum fidei maturitate consilii, ac providentiâ circumspectâ regi habet & dirigi Regnum ipsum, firmari fides, Sacramenta Ecclesiastica exhiberi, ministrari justitia, & per eos

B b ij



facultatibus & divitiis vacuatum penitus & exhaustum, dubii casus eventibus, miserabilis ruinæ periculis, & desolationis extremæ dispendiis exponatur.

In quibus, & aliis diversis gravaminibus, quæ per vos & Romanam Ecclesiam sibi, Regno, & Ecclesiæ Gallicanæ tam in reservationibus & ordinationibus voluntariis Archiepiscopatum & Episcopatum, & collationibus beneficiorum insignium dicti Regni personis extraneis & ignotis, & nonnunquam suspectis, nullo tempore residentibus in Ecclesiis vel beneficiis supradictis; ex quibus divini cultus diminutio sequitur, & fundantium seu dominantium voluntates propulso pietatis officio defraudantur, pauperibus dicti Regni eleemosynarum largitio consueta subtrahitur, Regni depauperatio provenit, & Ecclesiæ jacturam deformationis incurunt; dum stipendiorum perceptione subtracta obsequiis destitutæ remanent servitorum, earum proventibus exterorum commoditatibus deputatis; & Prælati dum non habent quid pro meritis, imò retribuant nobilibus, quorum progenitores Ecclesias fundaverunt, & aliis litteratis personis, non inveniunt servitores; ac ex causis hujusmodi devotione tepescente fidelium, non est hodie qui ad Ecclesias manum liberalitatis extendat, & alias in præmissis perniciosum præbatur exemplum.

Necnon pensionibus novis & censibus Ecclesiis de novis impositis immoderatis, servitiis aliisque exactio- nibus & extortionibus variis; præjudicialibus siquidem & damnosis novitatibus, ex quibus generalis status Ecclesiæ immutatur, Prælati superioribus dandi coadjutores suffraganeis Episcopis, & aliis tam ipsis quàm suffraganeis ea quæ ad suum spectant officium exequendi facultas adimitur, ut pro eis ad Apostolicam sedem cum muneribus recuratur, aliisque diversis casibus, & nonnullis articulis à longè retrolapsis, & vestris præsertim temporibus illata fuisse, & continuè inferri conqueritur suam & successorum suorum & Regni exheredationem tam enormem & gravem, tamque manifestam, sui & Regni honoris dispendium & evidens detrimentum: nec intendens, sicut nec poterat, diutius tolerare, & se certum asserens, quòd superiorem in temporalibus, sicut nec sui progenitores habuerant, prout est toti mundo notorium, non habebat; ac fovere in præsentī negotio, sicut Doctorum in Theologia, Magistrorum in utroque jure de Regno suo oriundorum, & aliorum qui inter Doctores alios & peritos orbis peritiores & famosiores habentur, relatione concordī, habuerat justam causam. Nos universos & singulos tam Prælatos, quàm Barones, & alios instantius requisivit, præcepit ut Dominus, rogavit & precibus institit ut amicus, ut nobiscum ad conservationem libertatis antiquæ, honoris & status Regni prædicti, ac incolarum ipsius relevationem gravaminum prædictorum, reformationem Regni, Ecclesiæ Gallicanæ, de nostro & Baronum ipsorum consilio, ad laudem Divini nominis, exaltationem Catholicæ fidei, honorem universalis Ecclesiæ, & Divini cultus augmentum, salutaria disponat inire consilia & efficacem operam adhibere, præsertim circà gravamina per Officiales suos & alios de Regno prædicto, Ecclesiis Ecclesiasticisque personis illata, super quibus debitæ correctionis remedium ante adventum præfati Archidiaconi ordinaverat adhibere; quod jam duxisset in executionis effectum, nisi quod id ex metu vel ad mandatum vestrum fecisse forsitan aliquibus videretur, id quod nobis adscribere non possetis; & ad hoc non solum omnia quæ in bonis forent ipsius, sed & personam & liberos si casus exigeret exponendo; similiter in his in quibus singulariter omnium & generaliter singu-

lorum res agi dignoscitur, causa provehitur, & proprium uniuscujusque tangitur interesse, prout ex debito fidelitatis adstringimur, curaremus adesse consiliis & auxiliis oportunis, petens sibi statim super his ab universis & singulis præcisè ac finaliter responderi.

Barones verò cum syndicis & procuratoribus supradictis, secedentes in partem, ac demum deliberato consilio redeuntes, præfato domino Regi de hujusmodi suo laudabili proposito, & beneplacitâ voluntate, ad multa laudum præconia & gratiarum actiones exuberantes assurgentes unanimiter responderunt, se ad ea paratos nedum exponere res, & bona quæ ex tunc ad hoc totaliter offerebant, sed & personas usque ad mortis supplicium, tormentorum quorumlibet genera non vitando. Adjicientes expressius unâ voce, quòd & si præfatus dominus Rex præmissa, quod ablit, eligeret tolerare, vel sub dissimulatione transire, ea ipsi nullatenus sustinerent.

Itaque subsequenter à nobis responsione petita, licet longiores inducias postulant, ipsum dominum Regem & Majores ex Baronibus memoratis, quòd non eâ intentione ad eundem dominum Regem Apostolicæ litteræ processissent, ut vestræ voluntatis existeret in Regni præfati libertatem impingere, vel quidquam honori Regio contrarium in hac parte, vel quomodolibet innovare: multâ lenitate verborum, persuasionibus studiosis, & multiplicatis excusationum præsidis, nisi fuimus informare ipsum Regem ad servandum speciale vinculum unionis, quod inter sanctam Romanam Ecclesiam & prædecessores suos, & ipsum Regem usque ad hæc tempora viguisse dignoscitur; multipliciter inducendo: ulteriori dilatione negatâ, ac prædicto patenter & publicè universis, quòd si quis voluntatis contrariæ apparet, ex tunc pro inimico Regis & Regni notoriè habebatur, consultius attendentes, & conspicientes apertius, quòd nisi dominus Rex & Barones prædicti ex nostrâ forent responsione contenti, præter alia pericula & scandala gravia, quorum non esset numerus neque finis, tam Romanæ quàm Gallicanæ Ecclesiæ devotio & obedientia omnimoda Laïcorum, & totius populi ex tunc irrecoverabiliter tollebatur; non sine multæ prolixitatis angustia sic duximus respondendum, quòd ipsi domino Regi in conservatione personæ suæ suique terreni honoris, ac libertatis & jurium dicti Regni, prout quidam nostrum, qui Ducatus, Comitatus, Baronias, feoda, & alia membra nobilia dicti Regni tenemus, ex formâ juramenti, & ceteri quasi omnes debito sumus fidelitatis adstricti, adessemus eidem consiliis debitis & auxiliis oportunis; eidem domino Regi humiliter supplicantes, ut cum Apostolicæ sanctitati ad obedientiam teneamur, ad beatitudinis vestræ pedes juxta præmissæ vocationis vestræ tenorem permetteret nos conferre. Ex parte cuius & Baronum est sequuta responsio: Quòd nullo casu nos abire permetterent, Regnum sic periculosè, sic deformiter, sic irrecoverabiliter vacuari, quin potius exhaustum totaliter, nullatenus sustinerent.

Considerantes igitur tam vehementem commotionem, & turbationem tam periculosam & gravem, imò gravissimam Regis, Baronum & aliorum Laïcorum Regni prædicti, & jam cognoscentes apertius, quòd antiqui hostis pacis æmuli zizanizque satoris (qui à suæ principio ruinæ conatur ut Ecclesiæ unitatem pacis turbatione rescindat, charitatem vulneret, sanctorum dulcedinem operum invidiæ veneno fellis inficiat, humanumque genus evertat modis omnibus & perturbet) faciente nequitia, amabilis fœderis, unitatis & amicitiae singu-



laris, quæ inter ſæpeditam Romanam Eccleſiam ac præſatum dictum noſtrum Regem ac prædeceſſores ipſius & Regnum, ad laudem Altiffimi, ad fidei Chriſtianæ profectum, & tam Eccleſiæ quàm Regis & Regni honoris & exaltationis incrementa felicia, hætenus viguerunt; diſſolutioni & ſeparationi flebili & lugubri; proh dolor! porta patet, ac undique inſurgunt frementia ſcandala, excreſcunt angultiæ Eccleſiis Eccleſiaſticisq; perſonis, expoſitionis ac rerum & bonorum direptionis pericula intentantur, cum jam abhorreant Laici & prorsus effugiant conſortia Clericorum, eos à ſuis omnino conſiliis & actionibus abdicando, ac ſi contra eos proditorie factionis conſcii vel participes exiſtiſſent, & ad contemptum cenſuram Eccleſiaſticam & proceſſus ſi quavis auctoritate fierent contra eos, jam ſe parant & muniunt in grave periculum animarum: & alia varia & diverſa pericula, quæ nec lingua referre ſufficeret, nec poſſet ſcriptura diſſerere ( ſunt in promptu. ) Ad ſanctitatis veſtræ providentiam circumſpectam in hoc ſummæ neceſſitatis articulo providimus recurrendum, flebilibus vocibus, & lacrymoſis ſingultibus paternam clementiam implorantes ac ſupplicantes humiliter, quatenus ſalubre remedium in præmiſſis, per quod firmata fides tam longi decurſu temporis inter ſacram Eccleſiam, Regem & Regnum fructuoſæ unionis, & mutux dilectionis integritas, in antiquæ charitatis dulcedine conſervetur, ſtatus Eccleſiæ Gallicanæ in pulcritudine pacis & quietis optatæ remaneat, proſpiciatur nobis noſtriſque ſtatibus circa veſtræ prædictæ vocationis edictum, ac prædictis periculis & ſcandalis obvietur Apoſtolice providentiæ ſtudio, ac paternæ pietatis Officio dignemini providere. Conſervet Altiffimus Beatitudinem veſtram Eccleſiæ ſuæ ſanctæ per tempora longiora. Datum Pariſius die Martis prædictæ.

CAP. XLVI.

*Iſti ſunt articuli pro quibus dominus BONIFACIUS Papa VIII. miſit dominum JOANNEM Monachum tituli ſanctorum Marcellini & Petri Preſbyterum Cardinalem, ad dominum PHILIPPUM Regem Francorum, anno Domini milleſimo trecentefimo ſecundo.*

1302.

**I**nſcripti ſunt articuli ſuper quibus mittitur dilectus noſter JOANNES tituli ſanctorum Marcellini & Petri Preſbyter Cardinalis.

Super revocatione Conſtitutionis, &c. *Quæ ſequuntur exſtant apud Raynaldum tom. 14. an. 1303 n. 34.*

Item quoddam nos teſtamur, non tantum ut privata perſona, ſed etiam Papaliter, & decernimus huiusmodi dicto noſtro & teſtimonio eſſe ſtandum, quoddam civitas Lugdun. ejuſque ſuburbia, & contingentia ædificia ſive horti, non ſunt infra terminos, fines ſeu limites Regni Franciæ conſtituta; nec etiam Eccleſia & villa ſancti Irenæi, & Eccleſia ſeu locus qui dicitur ſanctus Juſtus ſuprà ſeu prope Lugdunum. Et quoddam prædicta civitas, caſtra, terræ, poſſeſſiones ad dictam Lugdunenſem Eccleſiam pertinentia, merum & mixtum imperium & juridiſſio in eiſdem ſunt juris & proprietatis præſatæ etiam Lugdun. & pertinent ad eandem. Quodque Rex ipſe, & quivis alii Reges Franciæ, non habent nec habere debent in ipſis vel eorum aliquo jus aliquod vel reſſortum. Et quoddam dictæ civitatis univerſitas, communitas ſive cives ſingulares & ſpeciales perſonæ ipſius, nec merum nec mixtum Imperium nec juridiſſionem habent in civitate, ſuburbis, hortis, vel ædificiis contingentibus, aut in caſtris, bonis, poſſeſſionibus prædictis; nec etiam in Eccleſiis ſeu

villis vel locis ſancti Irenæi vel ſancti Juſti præſatis. Et quoddam per conſeſſionem vel commiſſionem qualitercumque ipſis vel eorum alicui, à præſato Rege Francorum factam, ſub quavis formâ vel conceptione verborum, aut etiam faciendam, merito aut mixto imperio ac juridiſſione in prædictis civitate, ſuburbis, ædificiis contingentibus, territorio ſeu diſtrictu, caſtris, villis, poſſeſſionibus, terris, ſeu bonis, aut in ipſorum aliquo nullatenus uti poſſunt, ipſosque univerſitatem, communitatem, cives ſingulares vel ſpeciales per perſonas Lugdun. commiſſione vel conſeſſione huiusmodi, vel quavis aliâ, non poſſe ipſa vel ipſorum aliqua vel aliquid exercere. Quibus etiam omne jus omnemque poteſtatem condendi ordinationes, & ſtatuta municipalia nos penitus interdiciamus, maxime cum ſpeciales perſonæ civitatis ejuſdem ſint excommunicationis ſententiâ innodata, & civitas ipſa Eccleſiaſtico ſuppoſita interdicto. Et quoddam Archiepiſcopo & Capitulo Lugdun. Clericis, & vaſſallis ſeu hominibus ipſorum, de damnis & injuriis eis illatis ſatisfactio plena fiat: nec impedimentum præſtetur, quominus auctoritate Lugdunenſis Eccleſiæ merum & mixtum Imperium & juridiſſio in dictis, civitate, ſuburbis, villis, caſtris, terris, poſſeſſionibus, bonis & locis valeat exerceri, &c. *Vide Raynaldum ubi ſuprà.*

*Proceſſus contra Exactores & Levatores tributaria ſunctionis, quæ vulgariter dicitur adiutorium ſive aide, aut quartagium.*

CAP. XLVII.

**G**UILLELMUS permiſſione Divinâ Andeg. Episcopus tali Decano, ſalutem. Cum tam humanarum quàm Divinarum auctoritate ſcripturarum, Eccleſiæ & pia loca, perſonæque & poſſeſſiones Eccleſiaſticæ ab omnibus munerum ſordidorum extraordinariis & ſuperindictis talliis, collectis ſeu exactionibus, angariis, & perangariis, liberæ ſint & immunes, adeo quod de juris cenſurâ illi qui Eccleſias, pia loca, perſonas, & poſſeſſiones Eccleſiaſticas ſupradictas hæc vexaverunt munerum ſordidorum, vel ab his extraordinarium vel ſuperindictum flagitaverunt, poſt debitæ ultionis acrimoniam, quæ in ſacrilegos promenda eſt perpetuo debeant exilio deportari; & adeo quod Lateran. Concilium adverſus Conſules & Rectores civitatum, & alios qui Eccleſias & viros Eccleſiaſticos talliis ſeu collectis, & exactionibus aliis aggravare nituntur, volens immunitati Eccleſiaſticæ providere, præſumptionem huiusmodi ſub anathematis diſtrictione prohibuit; tranſgreſſores & fautores eorum commonitos excommunicationi ſubjacere præcipiens, donec ſatisfactionem impenderint competentem. Et ad aures noſtras devenerit ex plurium perſonarum Eccleſiaſticarum, Religioſarum & ſecularium noſtrarum civitatis & Diœceſis clamoribus & inſinuationibus querulolis quoddam nonnulli gentes ſe pro Servientibus & allocatis domini Comitibus Andegav. ſeu ſubſtitutis vel deputatis ab ipſis, ab Eccleſiis, piis locis, & perſonis Eccleſiaſticis, Religioſis & ſecularibus noſtrarum prædictarum civitatis & Diœceſis, quamdam impoſitionem ſeu exactionem, talliam vel collectam, quam *adiutorium* vel *aide* ſive *quartagium* appellant, de bonis, rebus, poſſeſſionibus & proventibus ſuis Eccleſiaſticis de novo exigere & extorquere conantur, & in quantum eſt eis poſſibile, exigunt & extorquent; hac occasione bona Eccleſiarum ſaiſire & invadere præſumentes, nitentesque eos de novo ſubjicere ſervituti, quæ hæc uſque in civitate & Diœceſi Andegav. exiſtit inaudita. Unde lamentum Jeremiæ modo vi-

B b iiij

Thron. 1. 1.

detur esse completum: *Princeps Provinciarum facta est sub tributo.* Non attendentes quantum sit eis in Clericos Ecclesiasticasque personas & bona ipsorum interdicta potestas, contra Canonicarum & Civilium sanctionum prohibitionem expressam temere veniendo, in suarum pericula animarum, & in præjudicium & enervationem Ecclesiasticæ libertatis.

Nosque tam horrendum abusum non possumus sub dissimulatione transire, cum nostro incumbat officio immunitates & libertates Ecclesiasticas in nostris civitate & Diœcesi defendere & tueri. Vobis & vestrum cuilibet in virtute obedientie districtè præcipiendo mandamus, quatenus alter alterum non expectans inhibeat ex parte nostrâ canonicè Ballivo Andegav. necnon Subballivis Andegav. de Salmurio, de Baugeio, ac Joanni de Cœcio, & omnibus aliis Servientibus & allocatis domini Comitibus Andegav. cæterisque Exactoribus, Levatoribus & Receptoribus impositionis, seu exactionis prædictæ, deputatis & deputandis in quibuscumque locis & parochiis vestri Decanatus prædicti, sub pœnâ excommunicationis, ne ipsi aut alter ipsorum prædictam impositionem seu exactionem ab aliquâ personâ Ecclesiasticâ, sæculari, vel Religiosâ vestri Decanatus, de rebus, bonis, possessionibus, & proventibus suis Ecclesiasticis exigere, recipere, seu levare præsumant. Monentes ipsos & eorum quemlibet nihilominus ex parte nostrâ canonicè specialiter & nominatim, quod ipsi & quilibet eorumdem super exactis, extortis, levatis & receptis per ipsos & eorum quemlibet à personis Ecclesiasticis prædictis, occasione impositionis seu exactionis prædictæ, sibi plenam satisfactionem impendant indilate & cum effectu; alioquin ipsos quos culpabiles inveneritis in hac parte per rei evidentiam, confessionem ipsorum, vel alias legitime quoquomodo, quos Canonicis inhibitione & monitione præmissis in scriptis ex nunc ut ex tunc excommunicamus, excommunicatos tam auctoritate juris quàm nostrâ nuntietis, & in locis de quibus expedire videbitis faciatis publicè nuntiari.

Denominibus autem inhibitorum & monitorum, eorumque qui excommunicationem incurrerint nos certificetis, & rescribatis quod fuerit rescribendum. Vobis verò & vestrum cuilibet in solidum, ita quod non sit melior conditio occupantis, quoad præmissa & ea tangentia committimus vices nostras, donec eas ad nos duxerimus revocandas. Datum apud Eventart die Veneris post Festum æstivale Beati Martini, Anno Domini millesimo trecentesimo septimo.

*Littera generalis de eodem.*

**G**UILLELMUS permissione Divinâ Andeg. Episcopus Archipresbytero Andegav. & ejus vices gerenti, salutem in Domino. Cum tam humanarum quàm, &c. *ut supra.*

CAPUT  
XCVIII.

*De gardâ sive custodia Monasterii B. Mariæ Andeg. tempore vacationis ejusdem.*

**O**m nibus hæc visuris, Magistri HERVEUS de Henon, MATTHÆUS PICOT, GUILLERMUS Odardi, PETRUS de Valleis, Canonici Andeg. GUILLERMUS Mauhuyon Archipresbyter de Ludio, & JOANNES Pictaven. Decanus de Camilliaco, salutem. Noveritis quod anno millesimo trecentesimo quarto, die Sabbati post Festum Beati Dionysii, in præsentia Reverendi Patris domini GUILLERMI Divinâ providentiâ Andegav. Episcopi, & nostrâ

1304.

constitutus Andegav. in camerâ dicti Reverendi Patris, GAUFRIDUS Sacrista Beatæ MARIÆ confessus est & recognovit, quod jamdiu est vacante Monasterio Beatæ MARIÆ Andegav. Abbatissa per mortem defunctæ AANORDIS Abbatissæ Monasterii memorati, idem Reverendus Pater & nullus alius dicto Gaufrido tradiderat & commiserat custodiam & administrationem omnium bonorum & rerum, & maxime temporalium, ad dictum Monasterium spectantium: quodque idem Gaufridus dictam custodiam & administrationem receperat à Reverendo Patre prædicto & nullo alio: ipsasque custodiam & administrationem dicto Gaufrido tradidit, & commisit adhuc ex abundanti idem Reverendus Pater, nobis ad hoc præsentibus dictâ die, præstito ab eodem Gaufrido solemniter juramento, quod circa custodiam & administrationem prædictam fideliter se habebit, & quod de receptis & recipiendis missisque factis & faciendis per ipsum de bonis & rebus, maxime temporalibus dicti Monasterii, ac fructibus & exitibus eorumdem, eidem Reverendo Patri, vel deputando ab ipso, & nulli alii reddat fidelem, plenam, & integram rationem quoties super hoc interpellatus fuerit ex parte Reverendi Patris prædicti. Actum nobis & Magistris MATTHÆO Chevrous sancti Joannis & RADULFO de Fixa sancti Petri Andegav. Canonicis, HERBERTO Rotarii de villâ Episcopi, & GUILLERMO de Brenio Vadi Daniele, Rectoribus Ecclesiarum, & THOMA Gonillays nostro, & JOANNE de sancto Sulpicio Clericis præsentibus die & anno prædictis.

*De eodem.*

**I**N nomine Domini. Anno ab Incarnatione ejusdem millesimo trecentesimo quarto, Indictione tertiâ, die x. mensis Octobris, in præsentia mei Notarii & testium subscriptorum ad hoc specialiter vocatorum & rogatorum, constitutus GAUFRIDUS Sacrista Beatæ MARIÆ Andegav. confessus fuit se recepisse & habuisse administrationem Monasterii B. MARIÆ Andegav. & adhuc recipit à Reverendo in Christo Patre ac domino G. Dei gratiâ Andeg. Episcopo, qui dictâ die promisit reddere rationem dictorum bonorum quotiescumque ab eodem super hoc fuerit requisitus, & ad hoc etiam se adstrinxit proprio juramento. Hæc autem acta fuerunt Andegav. in Camerâ dicti Reverendi Patris Episcopi sub anno Domini, indictione, mense, die prædictis, præsentibus testibus domino Guillermo de Mauhuyon Legum Professore, Magistro Herveo de Castro novo, domino Petro de Vallibus, domino Matthæo Chevroul Sigillatore Curie Andegav. Magistro Radulfo de Fixa, Gaufrido de Petraria Clericis ad hoc vocatis specialiter & rogatis.

Et ego Joannes de sancto Sulpicio Clericus Redonensis Diœcesis Imperiali auctoritate publicus Notarius, omnibus his & singulis præsens interfui unâ cum dictis testibus, & ea propriâ manu fideliter scripsi, & in publicam formam redegi, signoque meo solito signavi rogatus.

**P**HILIPPUS Dei gratiâ Francorum Rex, Superintendentibus negotio decimalis subsidii proventus Ecclesiasticorum à Sede Apostolicâ nobis concessi in civitate & Diœcesi Andegav. Collectoribus dicti subsidii, salutem. Quamquam à personis Ecclesiasticis civitatis & Diœcesis prædictarum, quarum quælibet habet beneficium Ecclesiasticum valoris septem libr. juxta tenorem concessionis Apostolicæ super hoc nobis factæ pro nobis exigere valeat subsidium decimale, volumus tamen & vobis mandamus, quatinus ab exigendo & levando subsidium decimale à personis prædictis, quarum quælibet non

CAP. XLIX.

1307.  
CAP. L.

habet in proventibus Ecclesiasticis ultra duodecim libr. Parisiens. supercedeatis quamdiu nostræ placuerit voluntati. Actum Parisius die ix. Januarii, anno Domini millesimo trecentesimo septimo.

Universis presentes litteras inspecturis. Miseratione Divinâ ROBERTUS Remen. ÆGIDIUS Bituricen. & RAGINARDUS Turon. Archiepiscopi salutem in Domino sempiternam. Noveritis nos litteras sanctissimi Patris & domini nostri domini C. Divinâ providentiâ sacrosanctæ Romanæ ac universalis Ecclesiæ summi Pontificis sanas & integras, verâ bullâ plumbeâ & filo cannabis bullatas, ut primâ facie apparebat, vidisse, formam quæ sequitur de verbo ad verbum continentes: CLEMENS Episcopus servus servorum Dei Venerabilibus Fratribus universis Archiepiscopis & Episcopis per Regnum Franciæ constitutis, & dilectis filiis GUILLERMO & aliis Inquisitoribus hæreticæ pravitatis in eodem Regno auctoritate Apostolicâ generaliter deputatis, salutem & Apostolicam benedictionem. Subit assidue nostræ mentis arcanum sollicitudine plena, & anxietate non vacua consideratio illa terribilis, quâ nos ad illius domûs custodiam deputatos advertimus, cujus magnitudinem cum stupore Propheta miratur: O, inquit, *Israël, quàm magna est domus Dei!* Cumque in ejusdem considerationis examine residentes opus nobis æstimamus injunctum, & nostrarum metimur virium quantitatem, attendimus cum stupore, quodd supra vires nostras nobis est onus impositum, quod procul dubio sufficienter portare nequimus; sed superest nobis spes in solo auxilio Divino reposita, ad quod humiliter recurrentes devotius imploramus, ut ille qui nobis domum ipsam custodiendam credidit, & pascendum commisit nostræ vigilantie gregem suum, domum ipsam ab ascendentibus ex adverso sollicitè custodire concedat, ipsumque gregem sic salutaribus pascere pascuis, sic rectis gressibus per viam justificationum Domini, & suorum dirigere semitas mandatorum, quodd ipsum in dilecta Domini tabernacula potiturum sempiternis gaudiis introducere ad sui nominis laudem & gloriam valeamus.

Dudum siquidem Templariorum subitam captionem, quam ad nostri Apostolatus & Fratrum nostrorum pertulit vulgatus rumor auditum, quia rationes & causæ, quæ carissimum in Christo Filium nostrum PHILIPPUM Regem Franciæ illustrem induxerant ad hujusmodi captionem, tibi que Guillelmo suggererant Regem super hoc requirere memoratum, nostram & dictorum Fratrum latebant notitiam; non immerito nos & Fratres ipsi dolentes suscepimus, cum per te Guillelmum prædictum nobis, quibus quodammodo vicinus eras in januis, nihil intimatum fuisset, ac præcipiti festinatione processus per vos contra ipsos habiti, & ut timebatur, habendi, super quo inaudita publica referebat assertio, grandis suspicionis materia in nostrâ & Fratrum ipsorum mentibus exstitit suscitata. Propter quod omnem quam habebatis in hoc negotio potestatem, de prædictorum Fratrum consilio suspendentes, ad nos negotium ipsum totaliter duximus revocandum.

Et licet postmodum Rex prædictus, ac vos Fratres Archiepiscopi & Episcopi, tuque Guillelme prædictæ, ad captionem hujusmodi excusandam plures eorum nobis & Fratribus supradictis prætenderet rationes; illam tamen specialiter proponere curavistis, quodd si, quod abiit, per captionem hujusmodi dictorum Templariorum non fuisset præventa nequitia, causæ fidei orthodoxæ, ad cujus conculcationem perverlis & dolosis conatibus nitebantur, adeo detraxissent, quodd fidei ejusdem ne-

gotio per suorum & aliorum fautorum suorum, qui multi numero fore noscuntur, per execranda facinora detrimentum irreparabile provenisset. Demum verò processibus per vos Archiepiscopos & Episcopos, & Guillelmum prædictos, ante tempus suspensionis & revocationis prædictarum, vel saltem priusquam ad vestram notitiam hujusmodi suspensio & evocatio pervenisset habitis contra Templarios memoratos, exhibitis in nostrâ & Fratrum præsentia prædictorum, & diligenter inscriptis, multa per eisdem processus contra ipsos apparent fuisse reperta; de quibus modicam habebamus verisimilem conjecturam, nec ad illa credenda nostræ mentis opinio poterat inclinari.

Postmodum autem nonnullis ex Templariis memoratis, qui ab olim non satis auctoritatis in eodem ordine habebantur, nobis per dictum Regem liberaliter redditus, ad nostram deductis præsentiam, ab eis de veritate dicendâ tam de se, quàm de aliis ipsius ordinis Fratribus, super omnibus impositis ipsis & Ordini eidem criminibus corporale recepimus juramentum, & deinde per nos diligenter examinatis eisdem nonnulli eorum se & multos alios dicti Ordinis Fratres, circa ingressum præfati Ordinis pollutis labiis abnegasse Christum Redemptorem nostrum, & alia execranda & nefandissima scelera commisisse sponte & liberè sunt confessi: & subsequenter ad majorem cautelam depositiones & confessiones eorum coram Venerabili Fratre PETRO Episcopo Prænestino, & dilectis Filiis nostris BENEGARIO sanctorum Nerei & Achillei, THOMA sanctæ Sabinæ, STEPHANO sancti Cyriaci in Terminis Tul. Presbyteris, & LANDULPHO sancti Angeli, ac PETRO de Columna Sanctæ Romanæ Ecclesiæ Diaconis Cardinalibus, repeti mandavimus per eisdem, & ipsis per Tabelliones publicos redactis in scriptis, & in eorum præsentia coram nobis & Fratribus eisdem prælectis, ipsas iidem Templarii approbarunt in illis firmiter persistentes. Et iterum interpositis diebus aliquibus, dicti Templarii coram nobis & dictis Fratribus constituti in confessionibus ipsis eis lictis, & in maternâ linguâ expositis diligenter firmiter persistenter, & sanctæ Matris Ecclesiæ satisfactione ad nostrum arbitrium oblata per eos, se reconciliari humiliter supplicarunt.

O quàm abominabilis amaritudinis haustum in auditu tam horribilis sceleris eadem gustavit Ecclesia! O quàm sævissimæ tortionis sensit in sui sacratio pectoris punctiones! Heu! quàm acerbis doloris aculei nos & eisdem Fratres pupugerunt in intimis! Heu! quàm tenebrosam obscuritatem nostris & ipsorum aspectibus dicti Templarii præsentarunt; quamvis per supplicationem reconciliationis ejusdem, per quam animarum suarum salutem recognoscere videbantur, ad quam nos ferventer intendimus, alicujus mitigationis senserimus lenitatem.

Cumque postmodum per Regem eundem ac vos Archiepiscopos & Episcopos, & Guillelmum prædictos ut in eodem negotio procedi posset liberius, ipsumque negotium ad debitum finem perducere, relaxari hujusmodi suspensionem fuisset nobis cum instantiâ supplicatum; Nos ipsius Regis ac vestris supplicationibus pro ejusdem securitate negotii, & libertate inquisitionis ipsius de Fratrum ipsorum consilio annuentes, & considerantes attentius quodd difficile, quin potius impossibile quasi fore dignoscitur, quodd per nostrum & Fratrum eorumdem ministerium curiosum quoad plenam ejusdem negotii habendam indaginem, propter Templariorum multitudinem eorumdem ac diversitatem locorum, per quæ in prædicto Franciæ & aliis Christianitatis Regnis & terris dispersi fore noscuntur, tractari va-

ad debitum finem perducere, aliis personis non is hujusmodi provideramus negotium committendum, aut vobis ex nostra permissione relinquere, ut in eodem negotio ea quæ jura permittunt, exequi & efficere studeretis. Verum diligentius attendentes, quod vos, qui estis in partem sollicitudinis advocati, in dicto negotio, tamquam viri sermone potentes & opere, virtuosi, prudentiæ vestræ acuetis ingenium, ac timoris & amoris Domini, cujus agitur in hac parte negotium, igne succensi zelum quem ad fidem eandem vos habere confidimus, pro Divini nominis gloriâ, & exaltatione fidei memoratæ, in dicti exercebitis executione negotii per effectum laudabilium actionum; prædictam suspensionem hac adjectâ moderatione duximus relaxandam, videlicet quod singuli vestrum Archiepiscoporum & Episcoporum de singularibus dictorum Templariorum personis in vestris singulis civitatibus & Diocæsis, ac vos Inquisitores & vestrum quilibet, si cum eisdem Archiepiscopis & Episcopis interesse volueritis, sub formâ quam vobis per alias nostras litteras duximus concedendam, associatis vobis certis personis idoneis per Nos vobis in hujusmodi negotio designandis, quas ad hoc, si necesse fuerit, per censuram Ecclesiasticam (super quo plenam vobis potestatem concedimus) compelletis, efficere curabitis quod requirunt Canonice Sanctiones. Prolatione tamen sententiæ contra Templarios preferendæ prædictos, Conciliis Metropolitanorum nostrorum in singulis Provinciis reservatâ.

Præcaveatis tamen quod de generali statu totius Ordinis memorati vos intromittere nullatenus attentetis; cum super hoc per idoneas personas jam inquiri ordinaverimus veritatem. Nobis insuper & Apostolicæ Sedi ac nostro & ipsius Sedis examini causam quoad inquisitionem, ordinationem, & quemcumque processum contra majorem Magistrum Templariorum ipsorum, necnon & Franciæ terræ ultramarinæ, Normanniæ, Pictaviæ ac Provinciæ majores Præceptores, faciendam & habendam totaliter, ut de ipsis, sine quibus instrui commodè sæpe dicti Ordinis causa non posset, simul vel divisim, necnon & de Ordine ipso, justum faciamus judicium, vel aliâ secundum provisionem Apostolicam ordinemus, retinemus & etiam reservamus. Volentes & auctoritate Apostolicâ ordinantes, quod prædictus Prænestino Episcopus, cui Templariorum in Regno detentorum eodem, generaliter nobis per Regem redditorem eundem, curam & custodiam commisimus, ipsos realiter recipiat, & de totâ eorum custodiâ nostro & Prælatorum nomine, necnon de exhibitione & præsentatione ipsorum nobis vel dicto Prænestino Episcopo, aut deputandis à nobis vel ab ipso Prænestino Episcopo loco nostri, & vobis faciat & ordinet prout fuerit faciendum.

Quare Fraternitatem vestram & discretionem monemus & hortamur attentius, vobis nihilominus per Apostolica scripta mandantes, quatenus mentis oculis erectis ad Deum sic in præmissis pro Divinâ, & Apostolicæ Sedis, & nostrâ reverentiâ, & exaltatione fidei memoratæ, vos promptos & paratos offerre curetis, sic attentos & sollicitos exhibere, quod clementiam Regis æterni, cui ex fidei prosecutione dicti negotii gratum & acceptum impendetis obsequium, vobis sentiatis magis propitiâ & benignam, & dictæ Sedis & nostram benedictionem & gratiam valeatis uberius promereri. Datum Pict. die 5. Julii Pontificatus nostri anno tertio.

In cujus rei testimonium sigilla nostra duximus apponenda. Datum die Martis ante Cineres, anno Domini millesimo trecentesimo-octavo.

Universis præsentis litteras inspecturis, RAGI-

NARDUS Dei gratiâ Archiepiscopus Turon. GUILLERMUS Andegav. DANIEL Nannetensis, ROBERTUS Macloviensis, & ALANUS Corisopitem. ejusdem permissione Episcopi, salutem in auctore salutis. Noveritis nos vidisse, & cum debitâ reverentiâ recepisse litteras Sanctissimi Patris ac domini domini CLEMENTIS Divinâ providentiâ sacrosanctæ Romanæ ac universalis Ecclesiæ Summi Pontificis, non cancellatas, non abollas, nec in aliquâ parte sui viciatas, cum verâ bullâ & filo cannabis tenorem qui sequitur continentes. CLEMENS Episcopus servus servorum Dei venerabilibus Fratribus Archiepiscopo Turon. & ejus Suffraganeis salutem & Apostolicam benedictionem. Faciens misericordiam cum servo suo Dei Filius Dominus JESUS-CHRISTUS ad hoc nos voluit in speculâ eminenti Apostolatus assumi, ut gerentes licet immeriti vices ejus in terris, in cunctis nostris actibus, & processibus ipsius vestigia quantum patitur humana fragilitas, imitemur. Sanè dudum, &c. ut apud Puteanum in histor. Templariorum pag. 115. apud Rubenum lib. 6. hist. Ravennat. p. 512. & Raynaldum in tom. 15. Annal. ad an. 1308. n. 4.

Universis præsentis litteras inspecturis, miseratione Divinâ ROBERTUS Remen. ÆGIDIUS Bituricen. & RAGINARDUS Turon. Archiepiscopi, salutem in Domino sempiternam. Noveritis nos litteras Sanctissimi Patris & domini nostri domini Divinâ providentiâ sacrosanctæ Romanæ ac universalis Ecclesiæ Summi Pontificis, sanas & integras, verâ bullâ plumbeâ & filo cannabis bullatas, ut primâ facie apparebat vidisse, quæ sequuntur de verbo ad verbum continentes.

CLEMENS Episcopus servus servorum Dei venerabilibus Fratribus universis Archiepiscopis & Episcopis in Regno Franciæ constitutis, salutem & Apostolicam benedictionem. Cum per nos ordinatum fuerit ut inquisitionibus, quas vos facietis contra singulares personas militiæ Templi procederetis, associatis vobiscum aliquibus per nos vobis destinandis, tenore præsentium eisdem designamus, videlicet quod in ipsis inquisitionibus associetis vobiscum quilibet duos Canonicos suæ Ecclesiæ Cathedralis, duos Prædicatorum, & duos Minorum Ordinum Fratres, quos utiliores credideritis expeditioni debiti negotii antedicti; super quo conscientias vestras volumus onerare. Necnon quod in ipsis inquisitionibus ipsarumque processibus & contingentibus etiam extrâ vestras civitates & Diocæses, ubi personæ ipsorum Templariorum custoditæ fuerint, procedere valeatis, si & prout expeditioni dicti negotii videritis expedire. Si verò aliqui articuli sint qui hæresim non sapiant, volumus quod etiam in illis auctoritate nostrâ vos, & dicti associati procedatis & inquiratis, & secundum sanctiones Canonicas puniatis. Datum Pictavis 13. die Julii, Pontificatus nostri anno tertio.

Tenor verò aliarum litterarum sequitur in hæc verba.

CLEMENS Episcopus servus servorum Dei dilecto filio GUILLERMO Ordinis Prædicatorum, inquisitori hereticæ pravitatis in Regno Franciæ generaliter auctoritate Apostolicâ deputato, salutem & Apostolicam benedictionem. Licet indignationem nostram ex eo non immerito incurrere debuisset, quod nobis existens tam è vicino propinquus, contra Fratres Militiæ Templi nobis irrequisitis præsumptuosè processisti; volentes tamen uti clementiâ quàm severitate erga te in hac parte, instantiâ carissimi in Christo Filii nostri PHILIPPI Regis Francorum illustris inducti, pluries repetita tibi, quod contra singulares personas Templariorum ipsorum simul



ſimul cum Prælatiſ Regni prædicti & aliis per nos aſſociandi eiſdem, & non aliter procedere valeas, de benignitate Apoſtolicâ duximus concedendum. Hoc idem aliis dicti Regni Inquiſitoribus tenore præſentium concedentes. Datum Piſtavis ſ. die Julii, Pontificatûs noſtri anno tertio.

In cujuſ rei teſtimonium ſigilla noſtra præſentibus litteriſ duximus apponenda. Datum die Martiſ ante Cineres, anno Domini milleſimo trecentefimo-octavo.

CAP. XLIX.

*Reſ digna notâ.*

**H**ic inferenda eſt reſ memoriæ digna, & Episcopis Andegav. futuris temporibus profutura: videlicet quodd cum Reverendus Pater dominus NICOLAUS tituli ſancti Eusebii Preſbyter Cardinaliſ, Nuntius Sedis Apoſtolicæ ad Regnum Franciæ pro ſubſidio terræ ſanctæ, à ſanctiſſimo Patre ac domino CLEMENTE Papa V. ſpecialiter deſtinatus, à nobiſ GUILLERMO Majore Episcopopo Andegav. peteret, ſeu peti faceret procurationem in pecuniâ per Collectores ſuos ad recipiendum, petendum & exigendum procuraciones ſuas in civitate & Diœceſi Andegav. deputatos.

Et nos attendentes quodd nec nos nec prædeceſſores noſtri unquam ſolvimus in pecuniâ procuraciones Legatorum, ſeu Sedis Apoſtolicæ Nuntiorum, conſideranteſque quodd in privilegio dicti domini Cardinaliſ ſuper dictiſ procuracionibus exigendis continebatur, quodd poſſet exigere procuraciones dumtaxat moderatas, ſolitas ac etiam conſuetas. Et quodd ſi hac vice dictam procuracionem ſolveremus, per hoc poſſet nobiſ & ſucceſſoribus noſtriſ in futurum magnum præjudiciuſ generari, & Eccleſia Andegavenſiſ novæ ſervitudiſ idcirco ſubjici: ad dictuſ dominuſ Cardinaliſ litteras & Nuntiuſ miſimus, ad præmiſſa ſignificandum eidem, & ſuppliçandum, quodd Collectoribus ſuiſ prædictiſ mandare dignaretur, ut ſuperſederetur à petitione & exactione procuracioniſ prædictæ: & quodd non vellet Eccleſiæ prædictæ novam imponere ſervitudinem.

Et licet idem dominuſ Cardinaliſ dictæ ſupplicationi aliquantuluſ reſtituiſſet, privilegium à Sede Apoſtolicâ ſibi conſeſſuſ ſuper procuracionibus exigendis fortiter allegando, tandem viro venerabili & diſcreto Magiſtro ROBERTO de Vernone Subdecano Eccleſiæ ſancti Martini Turonenſiſ. principali Collectori ſeu Procuratori ſuo ad dictas procuraciones exigendas deputato in totâ Provinciâ Turon. ſuper dicto negotio, quaſdam litteras clauſas miſit, quibus dicto Magiſtro Roberto ex parte noſtrâ præſentatiſ, & ab eodem diligenter inſpectiſ, à petitione & exactione procuracioniſ prædictæ deſtitit & nobiſ conſeſſit litteras, formam quæ ſequitur continentes.

ROBERTUS de Vernone Subdecanuſ Eccleſiæ ſancti Martini Turon. à Reverendo in Chriſto Patre ac domino domino N. tit. ſancti Eusebii Preſbytero Cardinaliſ, Nuntio Sedis Apoſtolicæ ad Regnum Franciæ pro negotio terræ ſanctæ ad recipiendum, petendum, & exigendum procuraciones eidem Reverendo Patri domino Cardinali à domino Papa conſeſſas, debitas in pecuniâ, & hætenuſ ſolvi conſuetas in provinciâ Turon. ſpecialiter deputatus, diſcreto viro Magiſtro Sclate de Horto, Canonico Andegav. Commiſſario noſtro, quoad dictas procuraciones recipiendas loco noſtri in civitate & Diœceſi Andegav. à nobiſ ſpecialiter deputato ſalutem in Domino. Vobiſ mandamus quatinuſ à Reverendo Patre in Chriſto domino G. Dei gratiâ Episcopopo Andegav. quem de conſcientiâ domini Cardinaliſ præ-

Tom. II.

dicti declaramuſ ad ſolutionem procuracioniſ prædictæ in pecuniâ non teneri ratione procuracioniſ huiuſmodi, hac vice nihil penituſ exigatiſ. Et hoc vobiſ ſignificamuſ tenore præſentium litterarum. Datum Andegav. die Martiſ poſt *Oculi mei*, teſte ſigillo noſtro, anno Domini milleſimo trecentefimo decimo-tertio.

*De eodem.*

**I**N nomine Domini, Amen. Anno ejuſdem milleſimo trecentefimo decimo-tertio, die Lunæ poſt *Oculi mei*, II. menſiſ Martii, Indictione duodecimâ, Pontificatûs Sanctiſſimi Patriſ, ac domini domini CLEMENTIS Divinâ providentiâ Papæ V. anno nono, per præſentiuſ inſtrumentuſ publicuſ cunctiſ pateat evidenter, quodd in mei publici Notarii & teſtium ſubſcriptorum præſentiâ venerabileſ viri & diſcreti Magiſtri PETRUS Chopin Officialiſ Andeg. AEGIDIUS Coopertoriſ legum Profeſſoreſ, ac MATTHÆUS Chevreuſ ſigillator Curiaſ Andegav. Nuntii deſtinati, ut dicebant, ex parte Reverendi in Chriſto Patriſ ac D. domini GUILLERMI Dei gratiâ Episcopopi Andeg. quaſdam litteras ex parte Reverendi in Chriſto Patriſ ac domini domini N. Titul. ſancti Eusebii eadem gratiâ Preſbyteri Cardinaliſ, Nuntii ut dicitur in Regno Franciæ à Sede Apoſtolicâ deſtinati pro negotio terræ Sanctæ, Venerabili viro & diſcreto Magiſtro ROBERTO de Vernone Subdecano Eccleſiæ ſancti Martini Turonenſiſ. Collectori, à dicto domino Cardinaliſ deputato ad petendum, recipiendum & exigendum procuraciones eidem domino Cardinaliſ in Provinciâ Turonenſiſ. debitas, & ſolvi conſuetas, ut dicitur, à Sede Apoſtolicâ conſeſſas directas eidem Magiſtro Roberto præſentarunt, eidem ſuppliçanteſ quodd eiſdem litteriſ ab ipſo Magiſtro viſiſ & inſpectiſ eiſdem profeſſoribuſ ac ſigillatoriſ, reſponderet quid videretur eidem expedire. Qui quidem Magiſter Robertuſ acceptiſ dictiſ litteriſ intrans Cameram quâ jacebat, viſiſ eiſdem litteriſ & inſpectiſ vocavit & fecit vocari eoſdem profeſſoreſ ac ſigillatoreſ, tenenſ eadem in manu ſuâ, & aſſerent quodd viderat & legerat tenoreſ earumdem: Reſpondit quodd bene videbat conſcientiam huiuſmodi Cardinaliſ, & quodd nunquâ levaverat nec exegerat procuraciones à dicto domino Andegav. Episcopopo, nec reciperet nec recipi faceret aut levare. Et quodd ſibi conſtabat, quodd dominuſ Andeg. Episcopopus non conſueverat ſolvere procuraciones prædictas; & expreſſe inhiſcuit domino Sclate de Horto Canonico Andegav. ibidem præſentiſ, à dicto Magiſtro Roberto quoad colligendum & recipiendum dictas procuraciones in civitate & Diœceſi Andegav. ut dicitur deputato, ne idem Sclate à dicto domino Episcopopo Andegav. ratione procuracioniſ huiuſmodi aliquid exigeret vel levaret.

Acta fuerunt hæc in Abbatia ſancti Albini Andegav. ſub anno, die & menſe, Indictione & Pontificatûs prædictiſ; videlicet dicta præſentatio litterarum prædictarum & ſupplicatio in baleto, ſito ante quamdam Cameram, vocatam, ut dicitur Cameram novam: & dicta Reſponſio in Camerâ, prædictiſ præſentibuſ ad hoc dictiſ Magiſtro Profeſſore ac ſigillatore, domino Sclate, GUILLERMO Hugueti, R. de Villa. . . . RADULFO de Seſina, DRACONE Damne, RADBERTO de Vaallero Cenoman. Diœceſiſ Clericiſ, & MATTHÆO Alben. Rectore Eccleſiæ de Charenceio, Preſbytero.

Et ego GUILLERMUS dictuſ de Gravella Clericuſ Redon. Diœceſiſ publicuſ auctoritate Imperiali Andegav. Curiaſ Notariuſ, præmiſſiſ omnibuſ & ſinguliſ unâ cum dictiſ teſtibuſ præſentiuſ interfui, & præmiſſa manu propriâ ſcripſi, & in publicam for-

C c

1313.



nam redegi, signoque meo signavi rogatus.

*De homagio ligio Domini Bernardi Archidiaconi  
Transligerensis.*

**I**N nomine Domini, Amen. Per præsens pateat instrumentum, quoddam anno Domini **MCCCXIII**. Indictione duodecimâ, mensis Martii die tertiâ, Pontificatus Domini **CLEMENTIS** Papæ V. anno nono, in mei Notarii infra scripti, & testium subsignatorum præsentia constitutus dominus **BERNARDUS** de Bosco-Giraudi, Rector Ecclesiæ sanctæ Crucis Caturcensis diocesis, ad docendum se esse Procuratorem viri venerabilis & discreti domini **RAYMUNDI** Bernardi de Duro-Forti, Archidiaconi Transligerensis in Ecclesiâ Andegavensi, ad ea quæ sequuntur, exhibuit coram Reverendo Patre ac Domino Domino **GUILLELMO** divinâ providentiâ Andegavensi Episcopo quoddam publicum instrumentum, subscriptione & signo **RAYMUNDI** de Ponte Clerici Caturcensis diocesis, publici auctoritate Apostolicâ Notarii munitum, ut primâ facie videbatur, cujus tenor sequitur in hæc verba:

In nomine Domini, Amen. Anno nativitatis ejusdem **MCCCXIII**. Indictione undecimâ, mensis Octobris die vigesimâ sextâ Pontificatus Domini **CLEMENTIS** Papæ V. anno octavo in mei Notarii & testium infra scriptorum præsentia personaliter constitutus venerabilis & circumspectus vir dominus Raymundus Bernardi de Duro-Forti Archidiaconus Transligerensis in Ecclesiâ Andegavensi, fecit, constituit & ordinavit Procuratores suos speciales, discretum virum Magistrum **ARNALDUM** de Boycheto jurisperitum; dominos Bernardum de Bosco-Giraudi, sanctæ Crucis, ac **GERALDUM** Alacris, sancti Aviti Caturcensis diocesis Ecclesiarum Rectores, & quemlibet eorum in solidum, ita quoddam non sit melior conditio occupantis, ad præstandum in animam suam pro ipso & ejus nomine juramentum homagii ligii, & conservandi corpus & honorem Episcopi & Ecclesiæ Andegavensis, & quoddam dabit ei bonum & sanum consilium pro posse, & quoddam non revelabit secretum suum postquam sibi revelaverit, & quoddam servabit jura sua & Ecclesiæ prælibatæ. Dans & concedens dictus constituens dictis Procuratoribus suis, & eorum cuilibet in solidum plenam & liberam potestatem & mandatum speciale prædicta omnia & singula faciendi & exercendi eo modo quo ipse facere posset, si personaliter in præmissis præsens esset: promittens insuper se ratum, gratum, & firmum perpetuò habiturum quidquid per dictos Procuratores suos, vel ipsorum alterum actum fuerit in præmissis, vel aliquo prædictorum. Et insuper revocavit & revocat tenore hujus publici instrumenti quoscumque alios Procuratores suos; per ipsum constitutos quantum ad præsentandum seu conferendum Beneficia seu Capellanas ad ipsius præsentationem, seu collationem ratione dicti Archidiaconatus sui seu Præbendæ, quos obtinet in antedicta Ecclesiâ Andegavensi pertinentia, seu etiam spectantia, vel alio jure quocumque; in aliis vero ipsos voluit in Procuratorum officio remanere, & hoc significari voluit per hoc publicum instrumentum omnibus quorum interest vel interesse poterit in futurum.

Actum apud Montilium Carpentoracensis diocesis in Hospitio **SUIRANNI** Renardi, oppidani dicti loci, anno, Indictione, mense, die & Pontificatu prædictis: præsentibus religioso viro Fratre **ARNOLDO** de Savinhaco Mon. cho de Soliaco. Prioreque de Bozelis, & **RAYMUNDO** de Varrato Cleico Caturcensis diocesis, **BERTRANDO** de Giera de Cu-

hacé, & domino **RAYMUNDO** de Brolio, de Pavone & de Castaneda Occitanensis & Agennensis diocesis Ecclesiarum Rectoribus, testibus vocatis & rogatis. Et ego Raymundus de Ponte Clericus Caturcensis diocesis, publicus auctoritate Apostolicâ Notarius, præmissis dum agebantur, unâ cum dictis testibus præsens interfui. Hoc instrumentum publicum inde feci, signumque meum solitum apposui rogatus.

Quo instrumento sic exhibito & perlecto, idem Bernardus de Bosco Giraudi nomine Procuratorio dicti Archidiaconi, & pro ipso supplicavit Reverendo Patri prædicto, quatinus eundem Procuratorem nomine Domini sui absentis, & in Curia Romanâ degentis, & pro ipso admittere dignaretur ad faciendum sibi homagium ligium, & præstandum juramenta in prædicto instrumento contenta, eidem Reverendo Patri ratione Episcopatus Andegavensis, ab eodem Archidiacono debita, pro Archidiaconatu prædicto & pertinentiis ejusdem. Cujus Procuratoris supplicationi ob reverentiam dicti D. Archidiaconi, idem Reverendus Pater annuendum duxit de gratiâ speciali; protestatione imprimis ex parte dicti Reverendi Patris factâ, quoddam per hoc Episcopatu & Ecclesiæ Andegavensi nullum præjudicium generetur ad hoc quoddam idem Episcopus, vel ejus successores aliâs teneantur recipere, nisi velint successores dicti Archidiaconi ad faciendum dictum homagium ligium & præstandum juramenta prædicta per Procuratores quantumcumque ad hoc specialiter constitutos, & quin idem Archidiaconus si & dum ad Ecclesiam Andegav. personaliter venerit, dictum homagium ligium in propriâ personâ faciat, & corporaliter præstet hujusmodi juramenta: quam protestationem idem procurator admittens incontinenti genibus flexis coram dicto Domino Episcopo, manibusque complolis & junctis inter manus dicti Domini Episcopi eidem fecit nomine procuratorio dicti Archidiaconi homagium ligium de Archidiaconatu prædicto & pertinentiis ejusdem. Et mox manu ad pectus proprium positâ, libro coram ipso aperto, juravit idem Procurator in animam domini sui Archidiaconi prædicti, & nomine ipsius & pro eo, quoddam idem dominus Archidiaconus conservabit corpus & honorem dicti D. Episcopi & Ecclesiæ Andegavensis, & quoddam idem Archidiaconus dabit eidem Episcopo bonum & sanum consilium pro posse, & quoddam non revelabit secretum suum, postquam idem Episcopus eidem Archidiacono illud revelaverit, & quoddam servabit jura Episcopatus Ecclesiæ prælibatæ.

Acta sunt hæc in Capellâ magnâ Manerii de Esventart Andegavensis Diocesis, anno Indictione, mense, die & Pontificatu prædictis: præsentibus ad præmissa discretis viris Magistro **ÆGIDIO** Cooperatoris Legum Professore, **GUILLELMO** de Brennio Archipresbytero de Ludio, **GUILLELMO** de Souvigné Rectore de Brenno supra Aution, **MATTHÆO** de Tomis Priore de Portu, **GUILLELMO** Groullé, & **GUILLELMO** de Pisis, Clericis & pluribus aliis ad hoc specialiter testibus vocatis & rogatis.

Et ego **ALEXANDER** dictus Moucant Clericus Andegavensis diocesis auctoritate Apostolicâ publicus Notarius, præmissis omnibus, unâ cum testibus prædictis interfui, manuque propria scripsi, & in formam redegi, signoque meo consueto signavi rogatus.

*De homagio ligio domini Gallardi Archidiaconi  
Transligerensis.*

**I**N nomine Domini, Amen. Per præsens pateat instrumentum quoddam anno Domini **MCCCXIV**. In-

dictione XII. menſis Junii die xxiv. Sede Apoſtolicâ nunc vacante. In mei Notarii infrâ ſcripti & teſtium ſubſcriptorum præſentiâ conſtitutus dominus Bernardus Conſtantii.

Videtur hoc ſcriptum fuiſſe d. ſignatum ſcribendis titulis dignitatum Bernardi Conſtantii, &c.

ad docendum ſe eſſe Procuratorem viri venerabilis & discreti domini GALLARDI de Duroforti Canonici & Archidiaconi Tranſligerenſis in Eccleſiâ Andegavenſi ad ea quæ ſequuntur, exhibuit coram Reverendo Patre ac D. D. G. Dei gratiâ Episcopo Andegavenſi quoddam publicum inſtrumentum ſubſcriptione & ſigno BERTRANDI de Orto Clerici, auctoritate Apoſtolicâ publici Notarii Claromontenſis Diœceſis munitum, ut primâ facie videbatur. Cujus tenor ſequitur in hæc verba.

In nomine Domini, Amen. Anno ejuſdem mcccxv. Indictione XII. Sede Apoſtolicâ nunc vacante, noverint univerſi & ſinguli præſens publicum inſtrumentum inſpecturi & audituri, quoddam venerabilis & discretus vir dominus Gallardus de Duro-Forti Canonici & Archidiaconi Tranſligerenſis Eccleſiæ Andegavenſis in præſentiâ discreti & venerabilis viri domini Officialis Agennenſis conſtitutus, dicto domino Officiali & in ejuſdem & mei communis Notarii & teſtium ſubſcriptorum ad hoc ſpecialiter vocatorum præſentiâ, ſupplicavit, quoddam infrâ ſcripta dominus Officialis prædictus ſuam interponeret auctoritatem judiciariam pariter & decretum. Ad cujus ſupplicationem idem Officialis per ſui decreti interpolationem omnibus prædictis ſupplicatis & ſubſequentibus ſuam judiciariam præbuit auctoritatem, quâ concessâ & interpoſitâ in ipſius Officialis & mei nominandi Notarii & teſtium ſubſcriptorum præſentiâ, venerabilis & discretus vir dominus Gallardus de Duro-Forti prædictus, ſuos veros legitimos ſpeciales ac generales Procuratores & Nuntios fecit, conſtituit, ordinavit & deputavit, videlicet discretos viros dominos BERTRANDUM de Curſonio de Caſtro ſancto, BERNARDUM Conſtantii de Vallebarre & de Ulmeriis, BERNARDUM de Boſco-Giraudi ſanctæ Crucis, & GIRALDUM Alacris ſancti Aviti Caturcenſis & Agennenſis diœceſis Eccleſiarum Rectores abſentes tamquam præſentes exhibitores præſentis inſtrumenti, & eorum quemlibet in ſolidum, ita quoddam non ſit melior conditio occupantis, & quoddam per ipſorum alterum inceptum attentatumve fuerit, per alium ſeu alios ipſorum perfici valeat & finiri, ad præſtandum per quemlibet dictorum conſtitutorum in ſolidum, in animam ejuſdem domini Gallardi, & pro eodem domino Gallardo ſolitum juramentum ſuper obedientiâ & fidelitate obſervandâ, & homagio faciendâ & promittendâ ratione Archidiaconatus ſui Tranſligerenſis prædicti, & omnia alia & ſingula ſuo nomine jurandi, obligandi & conveniendi pro ipſo domino Gallardo, & in ejus animam & ſe ſupponendi, quæ tam ratione & ex cauſâ Archidiaconi Tranſligerenſis & canonicatus & præbendæ Andegavenſis Eccleſiæ prædictorum, cum juribus & pertinentiis eorundem, quam & juridiſtionis prædicti Archidiaconatus ſui Tranſligerenſis, & eorum cuiſlibet idem dominus Gallardus jurare, promittere, & obligare & ſe ſupponere teneretur, ſub eo modo & formâ, quibus ſui Prædeceſſores ex conſuetudine ipſius Eccleſiæ Andegavenſis, nihilo addito nec remoto, jurare & promittere hætenus conſueverunt, Reverendo Patri in Chriſto domino Dei gratiâ Episcopo Andegavenſi & Prædeceſſoribus ſuis, & tenebitur ejuſdem domini Episcopi ſucceſſoribus canonicè inſtrumentis promittere, jurare, ſeu aliâs obligare, ratificans, plenè ac perfectè approbans tenorem præſentis inſtrumenti, idem dominus Gal-

lardus, & confirmandus ea omnia & ſingula ſuprà jurata, promiſſa & aliâs obligata per dominum Bernardum Conſtantii prædictum Procuratorem ſuum, & nomine procuratoris ejuſdem prædicto domino Andegavenſi Episcopo, in & ſuper præſentatione Litterarum Apoſtolicarum & proceſſuum factorum & habitorum, gratiam ſpecialem ſibi factam per Sedem Apoſtolicam prædictam de Canonicatu & Præbendâ & Archidiaconatu Tranſligerenſi Eccleſiæ Andegavenſis prædictæ continente, coram prædicto domino Andegavenſi Episcopo & alibi ubicumque.

Dans inſuper & concedens idem conſtituens per præſentis inſtrumenti tenorem plenariam poteſtatem & mandatum ſpeciale atque generale, cum clauſulis ad hoc neceſſariis cuiſlibet Procuratorum prædictorum in ſolidum, computum, & rationem, ac reſponſionem, & ſatisfactionem petendi, audiendi, recipiendi, & per juramentum ipſorum conſtitutorum & conſtituendorum, & ab aliis Procuratoribus conſtitutis & conſtituendis ipſius domini Gallardi.

Præterea per dictum dominum Bernardum Conſtantii, præcipue à prædictis dominis Bernardo de Boſco-Giraudi & Beraldo Alacris, & quolibet eorundem per eundem modum & formam quibus ſuprà computum requirendi, & recipiendi & inſuper de habendo & recipiendo ab eiſdem & ab aliis quibuſcumque conſtitutis & conſtituendis, fidelitatis & diligentie adhibendæ erga ipſius D. Gallardi negotia, juramentum ſpeciale & quod eo modo quo tutius eſt & commodius poterunt, & ad utilitatem pariter, & honorem & laudem divini cultus & ejuſdem domini Gallardi ipſorum conſtitutorum & conſtituendorum valeat expeditio redundare. Et quoddam dicto domino Bernardo Conſtantii legitime reſpondeant de fructibus & proventibus Canonicatus, & Præbendæ & Archidiaconatus Tranſligerenſis Eccleſiæ Andegavenſis, prædictorum & cujuſlibet eorundem per dictos dominos Bernardum de Boſco-Giraudi, & Berardum Alacris, ſeu alios de mandato eorum, vel alterius ipſorum perceptis, & habitis & factis, percipi & levare, ut dicitur, à tempore vacationis Canonicatus, Præbendæ & Archidiaconatus prædictorum citrà, & omnia alia & ſingula in præmiſſis & circâ præmiſſa, & quodlibet præmiſſorum faciendum & exercendum, quæ idem D. Gallardus faceret, ſi in præmiſſis perſonaliter intereſſet, & quæ erunt erga præmiſſa neceſſaria, & de jure oportuna.

Ratum, gratum, firmum, ſtabile, & irrevocabile promittens, & obligans dictus D. Gallardus ſub bonorum ſuorum omnium & ſingulorum obligatione & hypothecâ ſemper & in perpetuum ſe habiturum prædicto domino Officiali Agennenſi, & mihi Notario nominando auctoritate mei publici Officii Notariæ, inſimul ſtipulantibus & recipientibus pro illis omnibus & ſingulis quorum intereſt & intererit quoquo modo, quidquid per dictos Procuratores ſuos & eorum quemlibet in ſolidum juratum, promiſſum, obligatum, receptum, quitatum fuerit, vel alio modo quolibet ordinatum, ſub eadem obligatione quâ ſuprà promittens & efficaciter obligans idem D. Gallardus prædicto domino Officiali, & mihi Notario nominando, ſtipulantibus & recipientibus, pro illis quos tangit, ſeu tanget in futurum dictos Procuratores ſuos, & eorum quemlibet in ſolidum relevare ab omni onere ſatiſdandi, & deſiſti judicio & judicato ſolvendo.

Quæ omnia & ſingula ſignificat idem conſtituens D. Episcopo & Capitulo Andegavenſi, & quibus pertinere poterit quoquo modo. Prædictus quidem

D. Officialis Agennensis in prædictis omnibus & singulis supradictis, ad supplicationem prædicti D. Gallardi auctoritatem suam judicariam pariter interposuit & decretum. De quibus omnibus & singulis de mandato prædicti D. Officialis Agennensis idem D. Gallardus sibi petiit fieri præsens publicum instrumentum per manum mei Notarii infra scripti.

Acta, concessa & ordinata fuerunt hæc omnia, & singula in Castro vocato Curtis-Agennensis, prædictæ diœcesis, septimo Kal. Junii sub anno & Indictione quibus supra, & vacante Sede Apostolicâ supra dictâ. Præsentibus Reverendo Patre in Christo D. Dei gratiâ Petragoricensi Episcopo, & discretis viris dominis GUILLELMO de Favolis Anicien. PETRO de Savinaco Caturicensis, BARTHOLOMÆO de Curte Lectorensis, Ecclesiarum Canonicis, testibus ad præsentia vocatis.

Et ego Bertrandus de Orto, Clericus Claromontensis diœcesis auctoritate Apostolicâ publicus Notarius, qui in præmissis una cum prænominatis testibus interfui, & de prædictis omnibus & singulis præsens publicum instrumentum scripsi de præcepto D. Officialis prædicti, & requisitione dicti D. Gallardi, & signo meo solito, quo utor in talibus, signavi unâ cum decreto prædicto, in fidem & testimonium præmissorum vocatus & rogatus.

Quo instrumento sic exhibito & perlecto, idem Bernardus Constantii nomine procuratorio dicti Archidiaconi & pro ipso supplicavit Reverendo Patri prædicto, quatenus eundem procuratorem nomine Domini sui absentis & pro ipso, admittere dignaretur ad faciendum sibi homagium ligium, & præstandum juramenta prædicto instrumento contenta eidem Reverendo Patri, ratione Episcopatus Andegavenlis, ab eodem Archidiacono debita pro Archidiaconatu prædicto & pertinentiis ejusdem. Cujus Procuratoris supplicationi ob reverentiam dicti Archidiaconi idem Reverendus Pater annuendum duxit de gratiâ speciali, protestatione imprimis ex parte dicti Reverendi Patris factâ, quod per hoc Episcopatu & Ecclesiæ Andegavensi nullum præjudicium generetur, ad hoc quod idem Episcopus, ve ejus successores aliâs teneantur recipere nisi velint, successores dicti Archidiaconi, ad faciendum dictum homagium ligium, & præstandum juramenta prædicta per Procuratores, quantumcumque ad hoc specialiter constitutos, & quin idem Archidiaconus si & dum ad Ecclesiam Andegavensem personaliter venerit, dictum homagium ligium in propria personâ faciat, & corporaliter præstet hujusmodi juramenta. Quam protestationem idem Procurator admittens in continenti genibus flexis coram dicto D. Episcopo, manibusque complois & junctis inter manus dicti D. Episcopi eidem fecit nomine procuratorio dicti Archidiaconi homagium ligium de Archidiaconatu prædicto & pertinentiis ejusdem. Et mox manu ad pectus proprium positâ, libro coram ipso aperto juravit idem Procurator in animam D. sui Archidiaconi prædicti & nomine ipsius, & pro eo quod idem Archidiaconus conservabit corpus & honorem dicti D. Episcopi & Ecclesiæ Andegavenlis, & quod idem Archidiaconus dabit eidem Episcopo bonum & sanum consilium pro posse, & quod non revelabit secretum suum, postquam idem Episcopus eidem Archidiacono illud revelaverit, & quod servabit jura Episcopatus Ecclesiæ prælibatæ.

Acta sunt hæc apud villam Episcopi Andegavenlis diœcesis in Manerio dicti D. Episcopi anno, Indictione, mense, die quibus supra, prædictâ sede vacante. Præsentibus ad præmissa discretis Magistris PETRO Chopin Officiali Andegavensi, AEGIDIO Co-

opertoris Legum Professore, GUILLELMO de Pinno Archipresbytero de Ludio, HUBERTO Rectore Ecclesiæ de villâ Episcopi prædictâ, GUILLELMO Groulle, Clericis, & pluribus aliis testibus.

Et ego Alexander dictus Moncaut, Clericus Andegavenlis Diœcesis, auctoritate Apostolicâ publicus Notarius, præmissis unâ cum testibus prædictis interfui, manuque propriâ scripsi, & in formam publicam redegei, signoque meo consueto signavi rogatus.

*De suspensis latronibus apud Esventart.*

Notandum est, quod anno Domini m. cccxiv. circa festum natalem beati Joannis Baptistæ, Guillelmus Dardenne, & Guillotus le Chartier ejus famulus, in prisonem justitiæ temporalis Abbatis & Conventus Monasterii sancti Sergii Andegavenlis tenerentur carceri mancipati, pro eo quod sex scyphos argenteos in quâdam domo, quæ vocatur Rucha sancti Sergii in feodo dicti Monasterii sita, furati fuerant, dictique Guillelmus Dardenne, & Guillotus ejus famulus per prædictam justitiam dictorum Religiosorum interrogati & examinati tam super dicto furto, quàm super aliis ab eisdem commissis, inter alia confessi fuissent quod nedum solum furtum prædictum commiserant, quin etiam anteriori tempore quâdam nocte muros manerii Episcopi Andegavenlis, quod vocatur Esventart, transcenderent, ad cameram portarii dicti loci venerunt, & fractâ seu disruptâ firmaturâ ostii dictæ cameræ subintrantes eandem, quoddam forterium ferratum quod invenerunt ibidem, ceperunt & secum asportaverunt, ipsoque effracto plures res ibidem existentes, videlicet bursas sericas, caligas & pecuniam, & alias res ibidem existentes, dimisso forterio in quodam dumo memoris dicti manerii secum furtivè tulerunt. Quâ confessione ad notitiam justitiæ secularis Episcopi Andegavenlis prælibati, MATTHÆUS le Vignerons jurisdictionem temporalem dicti Episcopi in dicto Manerio de Esventart & pertinentiis ejusdem exercens justitiosarios dicti Monasterii cum instantiâ requisivit, quod ipsi prædictos Guillelmum & Guillotum sibi nomine & ratione Episcopatus Andegavenlis redderent, pro furto & fractione prædictis in dicto manerio de Esventart eisdem commissis justitiandos. Cujus requisitioni dicti justitiosarii Religiosorum prædictorum annuentes, prædictos Guillelmum & Guillotum die Veneris ante festum beatæ Mariæ Magdalene anno quo supra, primò per ipsos justitiosarios dictorum Abbatis & Conventus pro furto dictorum scyphorum in feodo dicti Monasterii commisso justitiatos, & abscissione auricularum dextrarum punitos, prædicto Matthæo le Vignerons exercenti justitiam temporalem dicti Episcopi in dicto manerio de Esventart, & pertinentiis ejusdem, præsentibus prædicto Matthæo le Vignerons, Joanne & Matthæo ejusdem filius, Joanne Villico Seneschallo tunc temporis dictorum Abbatis & Conventus, Guillelmo Barbitonsore de porta Andegavensi; Joanne de Mauri, dicto Pinaut, Præposito & protoserviente nostro in villâ sancti Maurilli de Esmâ, protoserviente nostro apud sanctum Alemandum dicto Malapertifore, Matthæo Gauveing, & Thoma Præcone de Chalonne, & pluribus aliis, reddiderunt per justitiam dicti Episcopi temporalem pro dictis furto & fracturâ in dicto Manerio de Esventart, ut prædictum, commissis justitiandos, & secundum consuetudinem puniendos. Quâ die Veneris prædictâ dicti Guillelmus & Guillotus per gentes dicti Episcopi ad manerium prædictum adducti, & ibi de prædicto furto & fracturâ quæ confessi fuèrant, per dictum

Matthæum le Vignerons, vice & auctoritate iustitiæ temporalis dicti Episcopi judicati, furcâ patenti erectâ retro dictum manerium in feodo dicti Episcopi, secundum consuetudinem patenter suspensi fuerunt, præsentibus ad præmissa dicto Matthæo le Vignerons, & prædictis Matthæo & Joanne ejusdem filijs prædictis, Matthæo Gauveing, Luca de Lorifrac, Juliotâ de Eleemosynario, & aliis suprà dictis.

*Littera compositionis pro Procuracionibus habendis in Prioratibus Majoris Monasterii Turonensis.*

**U**Niversis præsentis litteras inspecturis **GUILLELMUS** permissione divinâ Andegavenſis Episcopus, **FULCO** Archidiaconus Tranlmeduannensis, & **GAUFRIDUS** Burgolensis, ac **JOANNES** de Fixa Archipresbyter, necnon **PETRUS** de Candeyo, **JOANNES** de Camilliaco, & **GUITO** de Magiâ Decani, ac Fratres, **JOANNES** humilis Abbas permissione eadem Majoris Monasterii Turonensis, totusque ejusdem loci Conventus, Salutem in domino. Noveritis quod cum inter nos Guillelmum Episcopum Andegavenſem, nosque prædictos Archidiaconum, Archipresbyteros & Decanos ex unâ parte, ac nos Abbatem & Conventum prædictos, & Priores Prioratum ad nostrum Monasterium spectantium, sitorum & existentium in civitate & diœcesi Andegavenſi ex parte aliâ, verteretur materia quæstionis super Procuracionibus, quas nos Episcopus, nosque Archidiac. Archipresbyteri & Decani dicebamus, nobis scilicet Episcopo in diœcesi, & nobis Archidiacono, Archipresbyteris & Decanis in Archidiaconatu, Archipresbyteratibus & Decanatibus nostris, in jam dictis Prioratibus & à Prioribus eorumdem spectantium antedictum Monasterium, tam de jure & de antiquâ & approbatâ consuetudine observatâ à tempore à quo memoria non existit, quàm per plurimâs alias rationes deberi, dum nos Episcopum in propriâ personâ, vel per alium ex privilegio Sedis Apostolicæ, scilicet in diœcesi Andegavenſi, & nos Archidiaconum, Archipresbyteros & Decanos in nostris territoriis Ecclesias parochiales, infra quarum fines situantur & existunt dicti Prioratus, visitare continget causâ faciendi ibidem quæ noscuntur ad nostrum cujuscumque officium pertinere; & maxime quia nos in Ecclesiâ Andegavenſi Archidiaconatuque, Archipresbyteratibus & Decanatibus prædictis à tanto tempore, à quo memoria non existit, per Prædecessores nostros fueramus, & eramus, & adhuc sumus in quasi possessione juris habendi & percipiendi in Prioratibus antedictis, & à Prioribus eorumdem Procuraciones sibi & nobis debitas à Prioribus & Prioratibus antedictis ratione visitationis dictarum Ecclesiarum Parochialium, infra quarum fines dicti Prioratus situantur, impensarum, per ipsos Prædecessores nostros prout ad quemlibet ipsorum ratione sui officii spectabat:

Nobis Abbate & Conventu prædictis & memoratis Prioribus nostris è contrario dicentibus, & asserentibus, nos & Prioratus nostros ac eorumdem Priores eisdem Episcopo, Archidiacono, Archipresbyteris & Decanis ad procuracionem non teneri quoquo modo, & nos ac dictos Prioratus Prioresque nostros & eorum quemlibet per privilegia Romanorum Pontificum fore penitus immunes à præstatione Procuracionum ipsarum, & nos specialiter esse in quasi possessione libertatis & immunitatis dictas Procuraciones non præstandi, multique allegationibus inter nos super hoc habitis, & quamplurimis tractatibus proloquutis.

Tandem attendentes quoddam bonorum hominum est, & præcipue personarum Ecclesiasticarum lites

execrari, volentes obviare periculis, & damnis, incommoditatibus variis, quæ ex hujusmodi contentionibus & controversiis in futurum possent nasci, ac nostram & Ecclesiarum successorumque nostrorum pacem acquirere cupientes, præcipue cum inter Ecclesias nostras & personas earumdem retroactis temporibus usque ad tempora contentionis, seu controversiæ prælibatæ, pax & dilectio ac vera charitas viguerint. Nos Episcopus, Archidiaconus, Archipresbyteri & Decani prædicti, cum Reverendo Patre Domino **GAUFRIDO** Dei gratiâ Archiepiscopo Turonensi, Metropolitano nostro, & cum Capitulo Andegavenſi: Nosque Abbas & Conventus prædicti, cum prædictis Prioribus & cum nostris Sociis & Fratribus, & aliis nostris Consiliariis, in nostro Capitulo Generali habitis super hoc deliberationibus diligentibus, de proborum virorum consilio ad pacem & concordiam super præmissis contentionibus & controversiis, unanimiter ad invicem devenimus in hunc modum: videlicet quod cum nos Episcopum & successores nostros, quibus pro tempore in propriis personis, vel per alium ex privilegio Sedis Apostolicæ Ecclesias, infra quarum fines Prioratus hujusmodi situantur, in quibus non sunt ab antiquo certâ summâ pro procuracione taxatâ, debitum temporibus visitare continget, quilibet Priorum Prioratum prædictorum, quales procuraciones integrasolvere consuevit, visitatione parochialis Ecclesiæ completâ, statim, vel saltem eadem die septem libras bonæ monetæ, videlicet illius monetæ, in quâ domini temporales recipient communiter suos redditus, sive census, nobis & nostris successoribus pro tempore, si personaliter, vel Commissario nostro, seu successorum nostrorum pro tempore visitanti, si ex privilegio Sedis Apostolicæ per alios visitemus, aut visitent nostri successores pro tempore, pro expensis nostris dictæ diei, dictorum Successorum nostrorum cujuscumque pro temporeolvere tenebitur: ita tamen quoddam nos & successores nostri in dicto Episcopatu taliter tempore nostrarum visitationum in Diœcesi Andegavenſi moderemus, quoddam Priores anno quolibet nisi unam procuracionemolvere non teneantur.

Prior verò de Carbec quoniam ab antiquo tantam summam taxatam ex compositione jamdudum habitâ, scilicet viginti solidosolvere consuevit, eandem summam in prædictâ monetâolvere tenebitur eadem die, quâ fiet visitatio in parochiali Ecclesiâ dicti loci, nobis & successoribus nostris cuilibet pro tempore, si personaliter, vel commissario nostro & successorum nostrorum cujuscumque, pro tempore visitanti, si per alium, ut nos & prædecessores nostri consuevimus, visitemus, aut visitent successores prædicti.

Prior verò de Veru qui taxatam procuracionem integramolvere non consuevit, sed unâ cum Rectore de Veru ad procuracionem integram, pro duabus partibus conferre &olvere consueverunt; dum nos Episcopum prædictum, vel successores nostros personaliter, vel per alium, ex privilegio Sedis Apostolicæ prædictam Ecclesiam de Veru visitare continget; duas partes dictæ procuracionis, prout est superius taxata, & accordata, videlicet quatuor libras, tresdecim solidos, & quatuor denarios prorata suâ in dictâ monetâolvere tenebitur dictâ die, quâ fiet in dictâ Ecclesiâ de Veru visitatio suprà dicta.

Dum verò nos, Archidiaconum, Archipresbyteros & Decanos, successoresque nostros in nostris Archidiaconatu, Archipresbyteratibus & Decanatibus, in propriis personis, vel per alios ex privilegio Sedis Apostolicæ visitare continget; Priores Prio-



Tatum sitorum infra fines parochiarum prædictarum, quoties per nos & successores nostros personaliter, vel per alium ex privilegio Sedis Apostolicæ continget visitare, qui alias consueverunt procuraciones integras solvere, nobis Archidiacono & successoribus nostris triginta solidos monetæ prædictæ, & nobis Archipresbyteris & Decanis, qui Canonici ejusdem Andegavenſis Ecclesiæ non sumus ad præſens, & successoribus nostris Canonici Andegavenſibus non existentibus, quilibet pro tempore decem solidos ejusdem monetæ. Illis verò nostrum Archipresbyterorum & Decanorum prædictorum, & successoribus nostris, qui Canonici Andegavenſes fuerint, quamdiu Canonici & Præbendam prædictos cum Archipresbyteratibus vel Decanatibus supradictis tenebunt, ob reverentiam & honorem Ecclesiæ Cathedralis, cujus membra existunt, quindecim solidos monetæ prædictæ, ratione cujuslibet visitationis parochialis Ecclesiæ eadem die quâ fiet visitatio, ibidem vel saltem Andegavis, quantum ad illos qui erunt Canonici, ut præfertur, vel in Ecclesiis Archipresbyterorum & Decanorum non Canonici, qui per se, vel per alios, ut prædicatur, visitarint, infra octo dies à tempore visitationis hujusmodi solvere tenebuntur pro omnibus expensis nostris dictæ diei & successorum nostrorum, qui pro tempore fuerint: ita tamen quod nos Archidiaconus, Archipresbyteri, & Decani & successores nostri in dictis Archidiaconatu, Archipresbyteratibus & Decanatibus taliter tempora visitationum nostrarum moderemus, quod iidem Priores anno quolibet nisi unam procuracionem solvere non teneantur. Qui verò non integras taxatas nobis solvere consueverant, easdem in monetâ prædictâ persolvant prout est hactenus consuetum: ita tamen quod nos Episcopus, Archidiaconus, Archipresbyteri & Decani, successoresque nostri, summis prædictis pro omnibus expensis, quas ratione visitationis dictæ Ecclesiæ, & procuracionis debitæ, tam ratione dictæ Ecclesiæ, quàm Prioratûs infra fines dictæ Parochiæ consistentis, possemus & possent exigere à dictis Prioribus & habere, contenti erimus & erunt, nec plus pro dictâ causâ exigere poterimus, aut poterunt ab eisdem Religiosis, vel ab aliquo eorundem, salvo tamem procuracionibus nobis, Archidiacono, Archipresbyteris & Decanis à Rectoribus dictarum Ecclesiarum debitis ab antiquo, nec invitis, retinentibus seu expressè contradicentibus Prioribus, seu Custodibus dictorum Prioratuum, domos ipsorum Prioratuum, grangias, seu bona propria ipsorum poterimus, nec poterunt intrare, accipere seu etiam occupare. Et ut prædicti Priores de prædictis summis, dum prædictas Ecclesias per nos Episcopum & successores nostros personaliter, vel per alium ex privilegio Sedis Apostolicæ visitare continget, sibi valeant providere, & nobis promtius satisfacere de eisdem:

Nos prædictus Episcopus & successores nostri pro tempore, dum seu quando nostram voluerimus diocesim visitare, hoc ipsum denunciare tenebimur Priori S. Agidii de Vigulto Andegavis, qui est, & pro tempore fuerit, si sit præſens, & sui copiam faciat: alioquin in Prioratu prædicto vel ante portas ejusdem, si de facili ingressus non pateat ad eundem, vocatis ad hoc aliquibus fide dignis: quâ denuntiatione sic factâ, Ecclesias infra quarum fines Prioratus hujusmodi situantur, quantum ad effectum percipiendi summam prædictam, non poterimus, nisi demum tribus hebdomadis elapsis à tempore denuntiationis hujusmodi visitare, & eodem modo successores nostri Andegavenſes Episcopi facere tenebuntur.

Nos autem prædictus Abbas, qui ex totâ animi nostri intentione in pace & concordâ vivere cupimus, & in tranquillâ devotione domino famulari, ad hoc quod dicta compositio in futurum valeat firmius observari, promittimus bonâ fide, quod in nostro proximo Capitulo generali; omnes prædictos Priores nostros & nostri Monasterii in civitate & diocesi Andegavenſi constitutos monebimus unâ monitione pro omnibus, ut ipsi & eorum quilibet, prædictas summam pecuniarum prædictis Episcopo, Archidiacono, Archipresbyteris, & Decanis indilate persolvant, eo modo quo superius continetur, & prædictam compositionem firmiter teneant & observent. Promittimus etiam nos Abbas prædictus, quod in dictos Priores non observantes compositionem prædictam, seu non satisfacientes modo & formâ prædictis, suspensionis sententiam ex tunc, ut ex tempore quo satisfacere tenebuntur, proferemus. Quam suspensionis sententiam si quis ipsorum per octo dies sustinuerit, in ipsum ex tempore dictorum octo dierum transactorum, excommunicationis sententiam proferemus: quam excommunicationis sententiam si quis per mensem sustinuerit, ipsum sic excommunicatum à suâ administratione suspendemus, & ad claustrum revocabimus, vel alibi mittimus eundem sic suspensum ab administratione dicti Prioratûs, ubi videbimus expedire, donec prædictis Prælati de summis antedictis, modo quo supra, fuerit satisfactum. Sed ut taliter excommunicato & à suâ administratione suspensio, de suæ absolutionis beneficio valeat provideri; volumus & consentimus, & in prædicto nostro generali Capitulo statuere & pronuntiare promittimus, quod si contingat nos dictum sic excommunicatum à suâ administratione absolvere, aliquâ de causâ, & alii administrationem dicti Prioratûs committere, subrogandus in dictâ administratione sive Prioratu, nisi infra mensem à tempore provisionis sive commissionis sibi factæ, de administratione sive Prioratu hujusmodi, de prædicta summâ satisfaciatur, in pœnas supradictas incidat ipso facto.

Et eodem modo quilibet Abbas successor noster in primo Capitulo generali post institutionem suam, similes monitiones, summam & processus per intervalla prædicta facere & pronuntiare tenebitur in futurum.

Promittimus insuper nos Abbas & Conventus prædicti, quod si dicti Episcopus, Archidiaconus, Archipresbyteri & Decani super præſenti compositione confirmationem à Sede Apostolicâ voluerint impetrare, quod nos ad hoc consentiemus & ex nunc in quantum in nobis est, tenore præſentium consentimus, & constituimus nos Abbas & Conventus prædicti Procuratorem specialem ad consentiendum pro nobis in Romanâ Curiâ confirmationi compositionis prædictæ, salvo quod ad impetrationem confirmationis compositionis hujusmodi nihil conferemus, nisi expensas nostri Procuratoris prædicti.

Insuper ut prædicta compositio firmior & validior habeatur, nos Abbas & Conventus prædicti omnia bona dictorum Prioratuum nostrorum ad solutionem hujusmodi faciendam, & ad tenendum & firmiter adimplendum & observandum omnia & singula supradicta, & ad non veniendum contrâ in futurum aliquâ ratione.

Nosque Episcopus, Archidiaconus, Archipresbyteri & Decani prædicti, ad prædicta tenenda & observanda, bona dictorum Episcopatûs, Archidiaconatûs, Archipresbyteratuum & Decanatuum nostrorum specialiter obligamus. Præterea nos Episcopus prædictus, Archidiaconus, Archipresbyteri & Decani, & nos Abbas & Conventus prædicti Procuratores



ſpeciales conſtituere promittimus, qui prædictam compoſitionem in animas noſtras jurabunt obſervare, & contrà non venire in futurum aliquâ ratione. Eteodem modo ſucceſſores noſtrum Episcopi, Archidiaconi, Archipreſbyterorum & Decanorum; necnon noſtri Abbatis prædicti in primo Capitulo generali, poſt institutionem ſuam ſimile juramentum per Procuratorem facere tenebuntur. Acto inter nos quòd per præſentem compoſitionem exemptioni, ſive privilegii & libertatibus dictorum Abbatis & Conventus, & Priorum Prioratuum prædictorum in aliis non fiat præjudicium, nec fieri valeat in futurum.

In cujus rei teſtimonium nos Episcopus, Archidiaconus, Archipreſbyteri & Decani, Abbasque & Conventus prædicti ſigilla noſtra unà cum ſigillo Capituli Andegavenſis his præſentibus litteris duximus apponenda. Nos verò Capitulum Andegavenſe, Decano noſtro abſente, huic præſenti compoſitioni de noſtris voluntate & aſſenſu, in quantum in nobis eſt, ratificamus, laudamus, & etiam approbamus, ſigillum noſtrum apponi fecimus in teſtimonium præmiſſorum.

Datum anno Domini M. ccc. xv. menſe Aprilis apud Andegavis, & apud Majus-Monaſterium in Capitulo generali.

**U**NIVERSIS præſentes litteras inſpecturis, frater Joannes, permiſſione divina Majoris-Monaſterii Turonenſis Miniſter humilis, ſalutem in Domino. Noveritis nos monitiones & proceſſus qui ſequuntur, feciſſe in modum qui ſequitur & in formam.

Nos Joannes divina permiſſione præſentis Majoris-Monaſterii Miniſter humilis. Compoſitionem factam inter Reverendos Patres Dominum G. Archiepiſcopum Turonenſem, Dominos P. Cenomanenſem & G. Andegavenſem Episcopos, Archidiaconos, & Archipreſbyteros ac Decanos Turonenſis, Cenomanenſis, Andegavenſis Eccleſiarum, ex unâ parte, & nos & Conventum præſentis Majoris-Mo-

naſterii & Priores Prioratuum ad dictum Monaſterium ſpectantium in Turonenſi, Cenomanenſi, & Andegavenſi Diœceſi exiſtentium & conſtitutorum, ex alterâ, ſuper modo & forma habendi & percipiendi per dictos Archiepiſcopum, Episcopos, Archidiaconos, Archipreſbyteros & Decanos certas ſummas pecuniæ à Prioribus dictorum Prioratuum, vobis omnibus in præſenti Capitulo generali publicamus, voſque omnes & ſingulos Priores dictorum Prioratuum monemus unâ monitione pro omnibus, veſtrosque ſucceſſores in dictis Prioratibus, prædictâ monitione ligari volumus, ut voſ omnes tam præſentes quàm futuri prædictam compoſitionem fideliter & firmiter obſervetis, dictasque ſummas pecuniæ, prout taxatæ ſunt & declaratæ in dictâ compoſitione, integraliter ſolvatis modo & formâ in dictâ compoſitione contentis; alioquin in omnes non ſolventes, modo quo ſuprà dictum eſt, quo in dictâ compoſitione continetur, ſententias ſuſpenſionis, excommunicationis, adminiſtrationum amotionis, & ad clauſtrum revocationis proferimus in his ſcriptis, prout ex tenore dictæ compoſitionis tenemur, & apparet nos teneri ſecundum formam ejuſdem, cui præſentes noſtræ litteræ ſunt annexæ. In cujus rei teſtimonium & munimen ſigillum noſtrum præſentibus duximus apponendum.

Datum die Veneris poſt Dominicam, qua cantatur *Cantate*, in noſtro generali Capitulo anno Domini M. ccc. xvi.

**A**NNO Domini M. ccc. xvi. die Veneris poſt feſtum beati Michaëlis in monte Gregano, in Capellâ Monaſterii de Eſventart, frater PETRUS Abbas de Buxeriâ Cisterciensis Ordinis fecit nobis profeſſionem obedientiæ in modum qui ſequitur:

Ego Petrus Abbas de Buxeriâ Cisterciensis Ordinis, ſubjectionem & reverentiam à ſanctis Patribus conſtitutam, ſecundum præceptum ſancti Benediccti, tibi, Pater GUILLIELME, tuiſque ſucceſſoribus & ſanctæ Sedi Andegavenſis Eccleſiæ, ſalvo Ordine noſtro, perpetuò me exhibiturum promitto.

## M O N I T U M.

**H**ISTORIAM TREVIRENSEM nobis ſubmiſtravit codex ingens MS. Abbatia noſtræ S. Cornelii Compendienſis, in cujus initio folium unum dilaceratum eſt, unum itidem in fine. Codex ipſe hiftorias complectebatur primò Francorum incerti auctoris: deinde Romanorum à Paulo Diacono: poſtremò hiftoriam Trevirenſem, quam nunc damus in lucem. Quis fuerit auctor Hiftoriæ hujus Trevirenſis, non facile eſt dijudicare: meas nihilominus apponam conjectiones ex Trithemio & Brouvero. Duos veteres Auctores, qui hiftoriam Trevirenſium litteris mandarunt, Trithemius memorat initio Chronici Hirſaugienſis: Theodericus, ait, Monachus in hiftoriâ Trevirorum; Golscherus Monachus in geſtis eorundem, &c. Duos itidem laudat Brouverus in Proparaſceve ad Annales Trevirenſes, ſcilicet Golscherum Monachum S. Mathiæ apud Treviros, & Anonymum (forſan Theodericum) qui Annales Trevirenſes Cunoni Archiepiſcopo dedicavit. Idem Trithemius in catalogo virorum illuſtrium Germaniæ, agit de Theoderico Monacho S. Mathiæ prope Treverim, Ordinis S. Benediccti: ſed inter ejus opera non numerat Annales Trevirenſes. Proximè poſt Theodericum duobus tantum interpoſitis auctoribus, laudatur Golscherus, ejuſdem Cænobii Monachus, qui geſta Treverorum libro uno ſcripſiſſe perhibetur. Quos hic edimus Annales, non videntur eſſe hujus auctoris, qui opus ſuum Cunoni Archiepiſcopo dedicavit, quandoquidem in cod. MS. quo uſi ſumus, nulla Præſatio ad Cunonem Archiepiſcopum legitur, & Annales noſtri deſinunt in anno MCXXII. multo poſt mortem Cunonis, qui anno MLXVI. caſus eſt: forſitan ergo hujus hiftoriæ auctor eſt Golscherus, cujus ætatem non indicat Trithemius, nec nomen apographum Compendienſe ex quo hanc hiftoriam eruiamus.

# HISTORIA TREVIRENSIS.

Luc. 2. 14.

An. Chr. 30.

An. 47.

**I**gitur anno Imperii OCTAVIANI Augusti quadragésimo secundo, quo firmissimam verissimamque pacem Dei ordinatione item Cæsar composuerat, natus est Christus, cujus adventui pax ista famulata est, in cujus ortu audientibus hominibus exultantes Angeli cecinerunt: *Gloria in excelsis Deo, & in terra pax hominibus bonæ voluntatis.* Augusto defuncto TIBERIUS successit, cujus Imperii anno quintodecimo Christus jam triginta annorum à Joanne baptizatus est: deinde duodecim Apostolos elegit, & in eorum solatium septuaginta duos discipulos postea designavit. Postquam verò Dominus noster JESUS-CHRISTUS passus, mortuus & sepultus à mortuis resurrexit & in cælum ascendit, beatissimus Petrus Apostolus Antiochenam Ecclesiam primâ confessione Christiani nominis supra solidissimam petram fundavit, ac Pontum & Galatiam, Cappadociam, Asiam, Bithyniam verbo prædicationis illustravit. Anno Dominicæ Incarnationis quadragesimo septimo, Regni autem Claudii Cæsaris anno quarto, supernâ provisione ordinante Romam ingressus salutarem cunctis credentibus fidem constantissimâ assertionem prædicavit, eandemque signis potentissimis atque virtutibus comprobavit, & ejusdem urbis Pontificatum viginti quinque annis strenuissimè rexit. Fundatâ atque ædificatâ Romanæ Urbis Ecclesiâ super firmissimam petram, qui est Christus, fidelis nomine Petri, & cum jam per totam Italiam germina vitæ pullularent, tandem Spiritus sancti præmonitus inspiratione Galliæ atque Germaniæ verbum salutis inferre ordinavit. Ad hoc denique opus dirigitur ex suis discipulis vir magnarum existentium virtutum EUCARIUS, qui in ordinatione LXXII. discipulorum Domini fuit tertius; VALERIUS quoque & MATERNUS, quorum statim Eucharium Episcopum ordinavit, Valerium Diaconum, Maternum Subdiaconum consecravimus, quos statim in opus prædicationis direxit, aliosque cum eis idoneos viros CLEMENTEM, MANSUETUM, MEMMIUM aliosque plurimos, qui acceptâ benedictione magistri ad Gallias properaverunt, & multos ad soliditatem sacræ fidei signorum virtute perluxerunt.

Cumque in Elegiam Alsatia pervenissent, ibique populo verbum veritatis prædicarent, unus eorum nomine Maternus graviter agrotare cœpit, & crescente eadem infirmitatis molestiâ post non multos dies vitam finivit, cujus corpus cum gemitu & luctu terræ commendans sanctus Eucharium, assumpto secum Valerio Romam rediit, & cuncta quæ sibi in viâ acciderant, flebiliter magistro per ordinem narravit. Quem ille clementer consolatus baculum suum eidem tradidit, præcipiens eundem super corpus defuncti baculum poni, & in nomine JESU-CHRISTI ex suo præcepto resuscitari. Ille verò veloci cursu Elegiam quadragesimo die mortis ejus pervenit, & corpus fratris effodiens baculum superposuit, dumque verba Apostoli impleset, statim Maternus vivus & incolumis coram populo de tumulo surrexit. In quo loco Christiani populi Ecclesiam construxerunt, & ex eo quod acciderat nomen resurrectionis ei imposuerunt.

Sanctus verò EUCARIUS postquam in Elegiâ multos ad fidem Christi imbuere, jam ad alia loca migrare disponens vale dixit in Elegiâ fratribus, & cum Valerio & Materno profectus est, tandemque perfecto itinere Treberim pervenit, anno Dominicæ Incarnationis quinquagesimo quarto, Imperii autem CLAUDII Cæsaris nono decimo, Episcopatus verò B. Petri Apostoli in urbe Româ octavo; Sanctus Eucharium in ordine LXXII. discipulorum tertius cum sociis suis Valerio & Materno ad prædicandum Gallicis Gentibus demum Treberim devenit; cujus infidelitatis aciem devincens, veræ Religionis arcem obtinuit, & ejusdem Pontificatum tredecim annis tenuit. Sepultus est in Ecclesiâ sancti JOANNIS Evangelistæ, quam ipse ante mediam construxerat portam, & in circuitu ejus cœmeterium benedixerat; post cujus obitum Beatus VALERIUS in ministerium Sacerdotale successit, illudque per quindecim annos sanctè vivendo & verbum vitæ prædicando beatissimè rexit; cujus prædicationis tanta fuit instantia, ut jam tunc per Galliam & Germaniam Christiani paganos & numero superarent & Religionem. Sepultus est & ipse in eadem Ecclesiâ juxta corpus sancti Eucharii; post cujus decessum Beatus MATERNUS Pontificalem suscipiens apicem, quadraginta annis creditum sibi talentum fideliter multiplicavit. Hic Tungrenses & Colonienfes ad fidem Christi convertit, & tribus civitatibus Pontificali jure præfedit, in quibus singulis fertur die Pentecostes celebrasse divinum officium.

In hoc tempore fecerunt Treberi subterraneum vini ductum, à Treberi usque ad Coloniam per pagum Pedonis, per quem magnam vini copiam Colonienfibus amicitia causa misere. His diebus venit Treberim sanctus Nazarius prædicans Christum, sed à civitatis infelicissimo Principe CORNELIO, DOMITIANO Imperatori delatus est. Igitur sanctus Maternus apud Urbem Coloniam obit senex, anno Dominicæ Incarnationis centesimo vicesimo octavo: cujus obitu Treberi comperto, mox Coloniam profecti sunt Pastorem suum repetentes, aderant & Tungrenses qui simul à Colonienfibus eum retentare satagebant. Cerratum est diu ab utriusque. Interim venerandus quidam senex in urbe apparuit, monens cives ut à lite desistentes suis parentem consiliis, & corpus Pontificis in navi ponentes, deinde à littore fluctibus impellentes quo Deus velit abire sinant: mira res! mox ut Angelus consuluerat, factum est, navis sacro onusta corpore, nullo se regente nauclero, Angelico remigio contrâ fluctus dirigitur, & parvo horæ spatio, milliario confecto in loco, qui ex tristitiâ Colonienfium Rouveza tunc vocatus est, littori applicatur. Tunc Treberi corpus sui Pontificis à Deo sibi destinatum cum debita sibi gratiarum actione suscipientes Treberim revexerunt, & in Ecclesiâ non longè à corporibus sanctorum Eucharii & Valerii honorabiliter sepultura tradiderunt, deinde Auspicius quidam regimen tenuit, dein insignes per legitimas successiones sanctitate & gratiâ pollentes extiterunt Felix, Mansuetus, Clemens, a Moyses, Martinus, Anastasius, Andreas, Rusticus, Auctor, Mauricius, Fortunatus, Cassia-

a Clemens ] Hujus historię in iis quidem initiis futilitatem nemo est qui non intelligat. Clementem, ut no-

tavit Acherius, & Auctorem Metenses sibi vindicant, at Mansuetum sibi præfuisse asseverant Tullenses.

nus, Marcus, Avitus, Marcellus, Metropolis, Severinus, Florentius, Martinus, Maximinus, Valentinus, quorum octo ultimi etiam Tungrensi Ecclesiae praefuisse noscuntur, qui omnes diversis temporibus non solum in propria provincia, sed in extimis & ultimis industrii & illustres, non solum confessione, sed etiam martyrio existentes, regna etiam tyrannorum vicerunt: qui videlicet Episcopi omnes in Ecclesia S. Eucharistiae sepulti creduntur esse.

Quorum autem Imperatorum vel Consulum clauerint temporibus, quosque vita eorum habuerint exitus, quotque singuli annis administraverint officium Pontificatus, seu quantum quisque amplaverit Ecclesiae suae reditus, quia totius Galliae ab Hunis & Normannis facta abolevit everfio, nec a nobis lectoris cujusquam requirat exactio, cum & antea diris decem persecutionibus sub quibus vivere, eorum memoriam fama scriptorum studio minus potuerit divulgando perpetuare. Primus etenim Christianos persecutus est Nero, secundus Domitianus, tertius Trajanus, quartus Marcus Antoninus, quintus Severus Pertinax, sextus Maximinus, septimus Decius, octavus Valerianus, nonus Aurelianus, decimus Diocletianus cum Maximiano. Harum itaque persecutionum temporibus praedicti viri Treberorum Praefectum nequaquam manifeste, sed, sicut ait Apostolus, *In solitudinibus & in montibus, in speluncis & cavernis terrae* peregrisse probantur, ut eorum merito vita, tam fervente tunc ubique persecutione, quam postea exterminata saepius Treberorum civitate, oblivioni tradita fuisse credatur. Auxit hoc infortunium humani generis adversarius. Postquam denique insuperabiles tres Evangelii sui operarios perpetim remunerandos, scilicet Eucharium, Valerium & Maternum Deus vocavit ad Superos, Treberi rectae fidei credulitatem amiserunt, & ad pristinum paganismum ex maxima parte redierunt.

Igitur anno Dominicae Incarnationis ducentesimo nonagesimo primo MAXIMIANUS Imperator Herculeus propter Gallorum frequentes tumultus Thebaeos milites ab Oriente in auxilium accersivit. Hi Thebaei ab Antistite Hierosolymitano fuerant baptizati, deinde a Beato MARCELLINO Papa Romano qualiter sub armis Romanae libertatis Christianam innocentiam custodire deberent, instructi. Praefati sunt autem huic legioni duces duo, quorum unus TYRSUS, alter SECUNDUS vocabatur, & MAURICIUS ejusdem legionis primipilarius: pilam in signo constituisse fertur Augustus propter nationes sibi in cuncto Orbe subjectas, ut in aliis figuram orbis ostenderet, & inde dicitur primipilarius, quasi primus ferens pilam. Quorum ordine & nomine Secundus apud Vintimilium Italiae castrum martyrio finivit vitam. Mauricius vero apud Agaunum oppidum cum sociis suis victimatus occubuit. Tyrsus autem cum suis plurimis sociis & militibus in Treberim devenit, ibique in campo Martio castra posuit, ubi ab ejusdem civitatis Christianissimis Principibus Christianitatis & pacis signa in ipsis cognoscentibus Christiane & amice hospitaliter & honeste, summam quae in Deo est ordinante hoc charitate, recepti sunt. His ergo Principibus, dum causam suam ab Oriente protectionis suaeque ad hunc locum perventionis flebiliter retulissent, eorumque consilium simul & auxilium humiliter postulassent, flagrante sancti Spiritus ardore adeo corda omnium & civium & hospitem in Dei amore succensa sunt, ut ad mortis magis pro Christi amore susceptionem, quam ad Idolorum venerationem vel Christianorum oppugnationem, se animas praebere invicem exhortarentur. Vixit igitur sanctae exhortationis armis se invicem munierant, cum ecce RICHTIOVARUS a

Maximiano Imperatore Treberorum praefectura donatus, eandem urbem maximo militum agmine stipatus intravit. Qui vocans ad se in primis quorum causa praecipue venerat Thebae legionis Christianos interrogavit, utrum vellent Romanorum Deos adorare, eorumque detractatores armis subjugare; cui cum dux legionis Tyrsus responderet, se suosque omnes & socios & milites pro Christi amore malle mori quam hujusmodi sacrilegio polui; Richtiovarus diffusis per totum campum militibus omnes praecipit interfici, & corpora eorum feris & avibus devoranda relinqui. Ex his innumeris tanta multitudo ad littus Mosellae juxta Capitolium martyrizata est, ut sanguis defluentis rivuli in Mosellam aquis permisti eas in suum colorem converteret, ut naturali claritate remota peregrino magis quam proprio colore ruberent. Inhumatis etiam tunc Sanctorum corporibus unda praebat tumulum, quo redeunte compage gratia membrorum, futuro eam repraesentaret judicio. Hoc idem Capitolium postea in honorem Dei Genitricis semperque Virginis MARIAE est dedicatum, & ipse locus ob memoriam Martyrum littus ad Martyres nomen accepit: hanc eadem Richtiovarus exercuit, videlicet Tyrsi ac sociorum ejus die quarto Nonas Octobris. Sequenti autem die PALMATIUM Consulem & Patricium civitatis cum undecim Principibus ejus occidit, quorum nomina haec sunt Maxentius, Constantius, Crescentius, Justinus, Leander, Alexander, Soter, Hormisda, Papius, Constans, Joymianus. Tertio nihilominus die Richtiovarus eadem exercuit in plebem utriusque sexus & aetatis, totamque urbem occisis innumerabilibus Christianis implevit. Pauci Christiani qui hujus caedis procellas declinaverunt, horum Martyrum corpora partim sepulturae tradiderunt, & quemdam ingentis capacitatis puteum vetustate neglectum & aquis exhaustum eorumdem Sanctorum ossibus impleverunt. Quamvis aliquis quomodo Richtiovarus tantam multitudinem peregrinorum trucidare potuerit, vel quare Thebaei sive Treberi illi resistere non valuerunt? Sed notandum quod haec legio Thebaea primum juravit in sacramenta divina, deinde in sacramenta regia, haec duo sacramenta se observasse demonstrat; primum quod Idolis immolare contempsit; secundum quod innocentiam suam dum bene potuit, armis defendere noluit: alioquin si Thebaei juncti Treberensibus sedendere voluissent, non solum Richtiovari, sed etiam Maximiani potentiae resistere quivissent, sed servavit sacramentum suum patienter moriendo, & civis urbis potentissime secum ad contemptum mortis fideliter invitavit.

Post Richtiovari cruentissimum imperium vel dominatum vel tandem civile bellum, nobis Constantii primo Caesaris, dehinc Augusti reparatur Imperium. Hic multa clementia erga homines, erga Deum vero Religione maxima utebatur, neque piorum sanguine regnum suum maculavit, neque orationis domos destruxit, sed Dei cultores venerationi habuit & honori. Hic non modo amabilis, sed etiam venerabilis Treberibus fuit, praecipue quod DIOCLETIANI suspectam prudentiam, & Maximiani Richtiovarique sanguinariam temeritatem imperio ejusdem evaserant. Hic Alemannos, qui jam a temporibus Valeriani Imperatoris Treberorum confinia devastabant, in ipsis finibus Treberorum aggressus magnam strage delevit. Circa Lingonas die una adversam & secundam fortunam expertus est. Nam cum repente barbaris ingruentibus intra civitatem esset coactus, tam praecipiti necessitate ut clausis portis in murum funibus tolleretur, XIV. hora diei adventante exercitu sexaginta millia Alemannorum

D d

Heb. ii. 38.

An. 291.

Tom II.

ecidit, captis eorum regibus, quos etiam bestiis  
um magnificum spectaculum muneris pavisset, ob-  
jecit: anno sexto Imperii sui obiit in Britannia Ebo-  
raci, & inde Treberim relatus, in campo Martio ho-  
norificè sepelitur cum epitaphio hujusmodi: **ÆLIUS<sup>b</sup>**  
**CONSTANTIUS VIR CONSULARIS, COMES ET MA-**  
**GISTER UTRIVSQUE MILITIÆ ATQUE PATRICIUS**  
**ET SECUNDO CONSUL ORDINARIUS.** Hic ex Helenâ  
Treberorum nobilissimâ Constantinum filium pro-  
creavit, Imperatoremque Galliarum reliquit, qui  
etiam totius Regni monarchiam per maxima bella  
obtinuit. Beatissima verò mater ejus Helena cum  
magno exercitu Jerosolymam perrexit, ibique cum  
Dei adjutorio lignum sanctæ Crucis invenit. Quâ in-  
ventione celebratâ Papam Silvestrum adiit, magnis  
precibus deposcens ut sibi secundum carnem con-  
sanguineæ Trebericæ civitati misereatur, & ejus in-  
fidelitatis tenebras aliquo idoneo prædicatore illu-  
strare dignetur. Magnâ ergo habitâ Doctoris inqui-  
sitione, omnium fidelium consilio sanctus Agretius  
Antiochenæ Præsul civitatis evocatur, & ad Tre-  
berim cum pretiosissimis Reliquiis, quas inferius no-  
tabimus, à Papa & Reginâ destinatur, cum privi-  
legio quod idem Papa Silvester ad honorem Tre-  
berensis Ecclesiæ hoc modo noscitur conscripsisse.  
Sicut in gentilitate propriâ virtute, fortire & nunc  
Trebir primum super Gallos & Germanos Priora-  
tum, quem tibi præ omnibus harum gentium Epi-  
scopis in primitivis Christianæ Religionis Doctori-  
bus, scilicet Eucharis, Valerio Materno, ac per  
baculum caput Ecclesiæ Petrus signavit habendum,  
suam quodammodo minuens dignitatem, ut te par-  
ticipem faceret, quam ego Silvester servus ejus suc-  
cessionemque indignus per Patriarcham Antiochenum  
Agritium renovans ad honorem patriæ dominæ He-  
lenæ Augustæ Metropolis ejusdem indigenæ, quam  
ipse felix per Apostolum Matthiam de Judæa trans-  
latum cum tunica & clavo Domini, & dente sancti  
Petri, & sandalijs sancti Andree Apostoli, & ca-  
pite sancti Cornelii Papæ, cæterisque reliquiis ma-  
gnificavit, specialiterque provexit, hujus privilegii  
conscii nocui æmuli communione dirimantur, quo-  
niam anathemate maculantur.

An. 368.

Anno Dominicæ Incarnationis trecentesimo se-  
xagesimo octavo, sanctus **AGRITIUS** Treberorum  
Præsul efficitur; hic populum ab errore antiquo  
Idololatriæ velut alter Eucharis eripuit, & do-  
mum sanctæ Helenæ exclusis ab eâ cunctis paga-  
nismi spurciis, in honorem sancti Petri dedicavit,  
& caput Treberensis Ecclesiæ ut esset instituit. Eo  
tempore Treberis jussu Beatæ Helenæ Ecclesia ma-  
ximi ornatus, & structuræ in honorem sanctæ Cru-  
cis est ædificata, etiam in modum Crucis. Ipso  
etiam tempore apud Confluentiam in castro Mona-  
sterium in honorem sanctæ Mariæ Virginis constru-  
ctum est à nepte Beatæ Helenæ Mathida nomine:  
ossa Mathiæ Apostoli juxta corpora sanctorum Eu-  
charii sociorumque ejus collata sunt. Sanctus au-  
tem Agritius officio sui pontificatus expleto migra-  
vit ad Dominum, sepultusque est juxta corpus san-  
cti Eucharis, cui successit Beatus **MAXIMINUS** dis-  
cipulus ipsius, qui Efratem Colonensem hæreticum  
deposuit, & Severinum in loco ejus subrogavit, A-  
thanasium Alexandrinum Episcopum persequutio-  
nem Constantii Imperatoris fugientem honorificè  
suscepit & intrepidus. Nam antea toto Orbe pro-  
fugus vagabatur, nec ullus ei ad latendum supere-  
rat locus, Tribuni, Præpositi, Comites, exercitus-

que ad investigandum eum Edictis Imperialibus mo-  
niti totius Regni viribus concertabant, si quis vi-  
vum maxime, in minus certè caput ejus detulisset.  
Verùm Treberis sex annis ita latuit in lacu cister-  
næ supradictæ non habentis aquam, & plenæ ossi-  
bus mortuorum, ut solem nunquam viderit, &  
ibi fidem Catholicam, id est, *Quicumque vult sal-  
vus esse, &c.* composuit, sed cum per mulierem  
quæ ei lanternam præbere videbatur proditus fuisset,  
tamquam Spiritu Dei admonente, nocte ipsâ quâ  
ad eum comprehendendum cum indicibus venieba-  
tur post annos sex emigravit ad alium locum. Igi-  
tur Beatus Maximinus ad suos revivendos perrexit in  
Aquitaniâ, ibique D. se vocante quievit in pace.

Successit in Episcopatum **PAULINUS**, qui cor-  
pus Magistri sui beatum **LUBENTIUM** & populum  
Treberorum ex Aquitaniâ revexit, & in cœmeterio  
sancti Eucharis sepelivit. Beatus verò Lubentius  
per revelationem Domini venit in Germaniam, ibi-  
que super fluvium, qui Longana dicitur, Eccle-  
siam ædificavit in quâ & requiescit. Præsul verò &  
Martyr Christi Paulinus à Constantino Imperatore  
veræ fidei causâ in Phrygiâ exul destinatur, ibique  
pro nomine Christi decollatur ac sepelitur. Dum  
enim veram fidem instantius prædicaret gentibus,  
accensis in iram paganis cæsus est.

Post quem **BONOSIUS**, deinde **BRITONIUS**, de quo  
in tripartitâ Historiâ legitur, Britonium Romæ fuisse  
cum **DAMASO** Papa, qui ipse Mars gentiliter ap-  
pellatur, in nostro sermone sonat Virginem dulcem.  
Horum temporibus Græci cum magnâ manu Tre-  
berim invadere, & cædibus & rapinis & incendiis  
graviter attrivere.

Anno Dominicæ Incarnationis cccv. **MAXIMUS**  
strenuus quidem & Augusto dignus, nisi contrâ sa-  
cramenti fidem per Tyrannidem emerisset, ab exer-  
citu in Britannia invitatus Imperator creatus, Tre-  
berim sedem Regni constituit. Eodem tempore Prif-  
cillianistarum hæresis exorta est à Priscilliano Abu-  
læ civitatis Episcopo, qui mox apud Burdegalensem  
Synodum condemnatus, Treberim ad Maximum  
Imperatorem confugit, ubi errore suo propalato  
jussu Maximi ab Evodio Præfecto Prætorii gladio ad-  
dictus est, cum Eucherotiâ Delphidii Rhetoris con-  
juge, & Latroniano, Felicissimo & Juliano, mul-  
tisque aliis erroris sui consortibus. Ad hanc hære-  
sim damnandam Concilium Episcoporum famosum  
jussu Maximi Treberis congregatum est, inter quos  
erant Martinus Turonensis & Ambrosius Mediola-  
nensis: Ambrosius ergo cum venisset, postridie ad  
palatium accessit. Postea cum videret Maximus eum  
ab Episcopis abstinere qui communicabant ei, &  
qui alios devios licet à fide, id est Priscillianistas  
hæreticos ad necem petebant, ubi & Martinus de-  
liquit, commotus eis, jussit Ambrosium sine mo-  
râ ingredi. Ipse verò libenter, etsi eum plurimi in-  
sidias evasurum non crederent, ingressus est, hoc  
solo dolore percussus, quod Wineum Episcopum  
senem in exilium duci comperit. Maximus Impe-  
rator cum nollet flecti à sententiâ suâ, mox per-  
cussos his pro quibus Martinus rogaverat, ad  
Hispanias direxit. Quod ubi Martinus comperit, no-  
cte Palatium irrupit, communicaturum se spondet  
si Tribuni ad Hispanias missi revocentur, nec mora  
intercessit; Maximus indulget omnia. Postridie  
**FELICIS** Episcopi Treberorum post **BRITO-**  
**NIUM** ordinatio parabatur, sanctissimi sanè viri  
& planè digni, qui meliori tempore Sacerdos fieret.

An. 406.

<sup>b</sup> *Ælius*] Hæc inscriptio, non enim Epitaphium est, in  
Constantium Cæsarem unum convenit, qui magnum sibi  
nomen peperit in bellis Honorii ætate, quique Galliam Pla-

cidiam Augustam uxorem duxit. Quod de victoriâ apud  
Lingonas à Val. Constantio reportatâ legitur hoc loco,  
omniò notandum est.

Hujus diei communionem Martinus inivit, satius æstimans ad horam cedere, quàm perituris non consulere. Sic itaque apud Treberos eo tempore & hoc ordine Episcopatum sanctus Felix suscepit.

Erant etiam apud Treberos multi nobiles & Ecclesiastici viri, ille videlicet Presbyter Hieronymus de Bethlehem, & Ausonius Burdegalensis, alique quamplurimi, quorum Hieronymus prolixum valde de Synodis librum sancti Hilarii ibidem conscripsit; Ausonius verò libellum qui dicitur Mosella metricè composuit ad honorem hujus patriæ: quod qui scire voluerit, in Burdegala reperire poterit. Quàdam die Maximus Imperator ad spectandos ludos Circenses ad amphitheatrum egressus est. Hunc quidam ex militibus palatio nomine Pontianus cum aliis tribus contubernalibus suis exivit deambulatum in hortos muro contiguos: illic fortè uno eorum subsistente, alii duo venerunt ad cellam sancti Eucharrii, ubi habitabant servi Dei pauperes, qualium est Regnum cœlorum, & invenerunt codicem in quo scripta erat vita Antonii, quam unus eorum cœpit legere & mirari, & repletus Spiritu sancto mox elevatis oculis ad socium suum ait illi: Dic, quæso, si non videtur tibi esse melius huic Deo servire qui talem habet famulum, quàm Regi mortali inaniter militare. Dixit & hoc turbidus parturitione novæ vitæ, reddit & oculos paginæ, & legebat & mutabatur intus, & exuebatur mundo mens ejus. Nam dum legeret infremuit, & ait amico suo; Ego jam abrumpi me ab illâ spe nostrâ & Deo servire statui, & hac horâ hoc aggredior, te si piget imitari, noli adversari. Tunc ille respondit, adhærebo & ego tibi, nec ultrâ te in tali militiâ deseram. Tunc Pontianus & qui cum eo erant perambulabant horti partes, quærentes eos, deveniuntque in eundem locum, & admonebant eos ut redirent, eo quoddâ declinasset jam dies. At illi narraverunt qualis eis orta esset voluntas atque fortuna, & petierunt ne eis molesti essent. Tunc cœperunt flere, & piè illis congratulati sunt, & commendaverunt se orationibus eorum, & reverii sunt ad palatiû. Illi autem manserunt in eodem loco: habebant autem ambo sponsas, quæ postea quam hoc audierunt etiam ipsæ virginitatem suam Deo dicarunt. Maximus Imperator de Treberi cum maximo exercitu se movens, Victorem suum filium infantili ætate Imperatorem constituit, eique tutores Quintinum & Manneum Principes Treberorum reliquit. Ipse deinde à Theodosio in Italiâ peremptus est, filius quoque ejus gladio in gratiam Theodosii occisus est.

Jam nunc aliquid de sancto Felice dicamus: hic fecit Basilicam grandem in honorem Dei Genitricis in campo Martio, trecentorum decem pedum longitudinis, centum viginti latitudinis, in quâ corpora Martyrum à Rictiovaro passorum usque ad sua tempora disjecta & incompolita honorificè tumulavit. Corpus quoque sancti Paulini, quod suo tempore Treberorum populus cum copiis ex toto Regno adunatis de Phrygiâ detulerat, factâ cryptâ in eodem Monasterio medio cryptæ cum ferreis catenis suspendit. Ipse post duodecim annos Sacerdotii sui in cornu dextro ejusdem Ecclesiæ sepultus est.

Eodem tempore sub Theodosio majore Franci cum Ducibus suis Sonnone & Gundebauda in Germaniam prorumpentes, pagos depopulantes, etiam Coloniam metum incussere. Quod cum Treberis perlatum fuisset, Mammeus & Quintinus, quos supra diximus, quibus infantiam huius & defensionem Galliarum Maximus commiserat; collecto exercitu Francos de Germaniâ ejecerunt, & apud Carbonariam sylvam magnâ eos strage vicerunt. Hinc ortum est odium Francorum contra Treberos, & ex hoc dein-

ceps Rheno transmissio in terrâ Treberorum hinc mare non præsumserunt.

Post hæc igitur temporibus Honorii Imperatoris, Crocus Rex Wandalorum cum Suevis & Alemanis egressus est de sedibus suis, Gallias appetens, consilio matris nequissimo utens dum ei digniesset, si novam rem vis facere & nomen acquirere, quæ aliâ edificaverunt cuncta destrue, & populum interficere quem superas. Nam nec ædificia meliora ac pretiosiora facere potes, neque plus rem magnam per quam nomen tuum eleves: qui Rhenum apud Maguntiam ponte ingenioso transiens, primum ipsam civitatem cum populo ejus delevit, deinde cunctas civitates Germaniæ vallans, Metis pervenit, ubi muro civitatis nutu divino ruente capta est civitas à Wandalis. Deinde urbem Treberorum vix à persequutione Græcorum respirantem, pari obsidione vallatam, cepit, & magna ex parte ad solum dejecit. Civium pars aliquanta in arenâ civitatis, id est in amphitheatro, quam municrant liberata est. Post hæc cunctas civitates Galliarum Crocus pervagans Arelatum obsedit, ubi à quodam milite Mario captus, & in vinculis constrictus per cunctas civitates Galliarum quas vastaverat ductus, impiam vitam dignâ morte finivit. Paulo post imperante Theodosio minore Attila Hunnorum Rex civitatem Treberorum bello obtinuit, eamque graviter depopulatus est. Post mortem autem Valentianiani, qui post Theodosium cum Marciano imperavit, Avitus suscepit Imperium, sub quo civitas Treberorum patuit ludibrio Francorum. Erat in urbe Senator nomine Lucius qui habuit uxorem pulcherrimam, in quam deperit Avitus amore turpi. Simulans igitur infirmitatem, præcepit ut omnes senatrices urbis cum visitarent: venit inter alias uxor Lucii, & ab eo stuprata, silenter domum revisit marito: in crastino surgens Avitus dixit ad Lucium, pulcras habes thermas, sed frigido lavas. Hinc Lucius indignatus, urbem Francis prodidit à quibus direpta est, multisque necatis & incensâ Treberi, captam etiam Coloniam Franci diripuerunt. Sic finitum est nomen & Regnum Gallorum & Germanorum, & ortum est Francorum.

Post obitum sancti Felicis ut ad id redeamus unde paululum recessimus, MAURICIUS Treberorum Præsul efficitur, post quem sanctus LEGUNTIUS, deinde AUCTOR, post quem SEVERUS. Hic Apostolicis viris per omnia cœquandus, Germaniæ verbum Dei predicavit, & cum GERMANO Antistiodori Episcopo & LUPO Trecassino in Britannia Pelagianam hæresim destruxit, cui successit Beatus CYRILLUS. Hic cellam S. Eucharrii incensam & desertam reparavit, Monasteriumque non longè à priore loco constituit, & illuc corpora sanctorum Eucharrii successorumque ejus transtulit, juxta quos & ipse requievit. Cyrillum LAMNERIUS, Lamerium EMERIUS est subsequutus, qui MAURUM post se constituit, qui Monasterium S. Paulinâ Barbaris cum prædictis vastatoribus urbis desolatam reparavit, ubi & ipse sepultus quiescit; cui successit VOLUSIANUS. Hic privilegium dudum à Papa Silvestro huic urbi per Beatum Agritium delegatum, sed suo jam tempore Romæ deletum, à Romano Pontifice rescribi fecit, & honorem priscum suæ civitati renovavit. Post hunc HILDOLFUS, deinde SEVERINUS, post quem MILEIUS Ecclesiam rexit; post MODESTUS, deinde MAXIMIANUS; post quem SIBITIUS cui successit APRUNCULUS, deinde RUSTICUS. Hic primò reprehensibilis; sed postea per Beatum Goarem correctus, in Ecclesiâ Beatæ Mariæ, quæ vocatur litus ad Martyres, septem annis reclusus pœnitentiam gessit, quo decedente APONOCULUS successit.



Defuncto verò Aponoculo Episcopo congregati Treberici Clerici ad *Theodericum*<sup>c</sup> Regem sanctum GALLUM petebant Episcopum, quibus ille ait: *Ite & alium requirite*, Gallum enim Diaconum alibi habeo destinatum. Tunc eligentes sanctum NICE-  
TIUM Episcopum statuerunt, Abbatem urbis Lemovicinæ, cui successit MAGNERICUS discipulus ejusdem Nicetii: cujus temporibus in Parochiâ Treberorum magnæ sanctitatis viri claruerunt, videlicet Paulus super montem Cebennam, qui ejus nomine hæcenus mons Pauli vocatur, Ingobertus, Disibotus, Wandelinus, Carilefusus, & quidam Langobardus nomine Wolfilaicus, & Presbyter BANTUS, ejusque germanus nomine & opere BEATUS, alique quamplurimi eremiticam vitam ducebant. Hic Magnericus Episcopus antiqua Dei templa in priscum renovavit honorem, & in honorem beati Martini Ecclesiam construxit unam in monte in pago Vabrensi, alteram in villâ quæ Cara-domus dicitur, tertiam in ipsâ urbe, in quâ & ipse post expletum vitæ suæ cursum tumulatus est, cui successit GAUGERICUS discipulus ejus, qui in castro Treberorum fuerat eduratus.

Hoc quoque mortuo SABAUDUS Pontificatum subiit: post quem SEVERICUS Ecclesiam rexit, deinde MODOALDUS Episcopatum suscepit tempore DAGOBERTI Regis, qui videlicet Dagobertus plurima beneficia Treberensi Ecclesiæ contulit & beato Modoaldo: idem enim Pontifex in palatio Dagoberti quod vocatur horreum, Ecclesiam construxit in honore Beatæ MARIE, ubi & congregationem virginum instituit, quarum matres fuerunt, IRMINA & MODESTA filie Dagoberti. Itemque aliam in palatio antiquo, in suburbio sito congregationem virginum instituit, quibus matrem BASILISSAM præfecit, & Ecclesiam sancti Martini in pago Megine. Item construxit Ecclesiam sancti Symphoriani ad litus Mosellæ, ibique Congregationem virginum instituit, quarum matrem sororem suam SEVERAM nomine constituit. Hujus temporibus Paulus inclusus supradictus migravit ad Theologium, quod præfatus Rex Dagobertus in suo proprio construxerat, ibique aliquantulum mansit, postea verò Viridunensis Ecclesiæ curam suscepit, ibique quievit: sanctus quoque Modoaldus postquam sororem suam beatam Severam cœlesti sponso eam vocante obeuntem in Ecclesiâ sancti Symphoriani tradidit sepulturæ, paulo post & ipse migravit ad Dominum, & in eadem Ecclesiâ juxta eam sepultus est.

Hic successit NUVERIANUS, cui BAINUS, post quem LUTUVINUS Basini ex sorore nepos. Hic primum Belgicæ Galliæ Dux, omnia Monasteria hujus urbis largissimis honoravit donariis, & prædiis auxit: postea super fluvium Saroan in suo proprio Congregationem instituit, ubi & ipse Monasticæ vitæ habitum suscepit. Defuncto avunculo suo Basino Episcopo, successit BASINUS Electus. Hic etiam Remensibus & Laudunensibus præfuit. In quibus duobus uno die Deo præstante sacrorum Ordinum consecrationem celebravit. Remis obiit, & à Milone filio & Treberensibus relatus, divino dato indicio ad Mediolum sepultus est; post quem MILO filius ejus Sacerdotali functus est officio apud Treberos & Remos, primò quidem imitator Patris, deinde tyrannus effectus est, nihilque in eo de Clericali honore vel vitâ nisi sola tonsura enituit. Eo enim tempore bella graviora & intestina parricidalia in hac Pro-

vincia orta sunt, quando CAROLUS tyrannus Laicis Episcopatus dedit, & Episcopos nullam potestatem habere permisit. Cum hoc Carolo Milo supradictus ad bellum profectus est, solâ jam tonsurâ Clericus, habitu & moribus irreligiosus, & post victoriam Episcopatibus Treberorum & Remorum ab eodem Carolo donatus est, cujus infelici tempore his de Ecclesiis multa sunt ablata, & res ab Episcopis divisa, domus Religiosorum destructæ, Ecclesiastica disciplina disverditæ, adeo ut Clerici, Sacerdotes, Monachi, Moniales sine lege Ecclesiasticâ viverent & refugia indebita haberent. Patet hujus calamitatis indicium in pluribus Treberensibus Parochiis Ecclesiis, in quibus singulis singulæ olim fuerunt Congregationes, quæ tam à præfato Milone quàm ab aliis tyrannis, ne dicam Episcopis, rebus spoliata, vix unum Presbyterum sustentare possunt. Sicut & Ecclesia sancti Medardi, quæ sita est prope Cellam sancti Eucharîi super Soroam quæ dicitur Travena, Ecclesia sancti Symphoriani à beato Modoaldo constructa, Ecclesia in honorem sanctæ Crucis jussu beatæ Helenæ condita, Ecclesia sancti Remigii ad litus Mosellæ, Ecclesia ad palatium, Ecclesia super montem sancti Beati Confessoris in Confluentia, Ecclesia sancti Stephani extrâ castrum Andernachi, forum quoque quod erat ante portam mediam constitutum, & frequentia comprovincialium satis celebre & famosum, ortâ inter cives & negotiatores gravi simultate, ex eo loco in Wagafatiam translatus est. Et de his hæcenus.

ZACHARIAS Papa beatum BONIFACIUM doctrinâ & operatione clarum Treberensium & Remensium Ecclesiæ Visitatorem, & spiritualium negotiorum Provisorum constituit, cum MILO tyrannus res utrarumque teneret. Interea Carolus Ecclesiarum destructor moritur, de quo nocte quâdam revelatum est sancto EUCHERIO Aurelianensi Episcopo quia esset in inferno inferiori; qui accito Domino Bonifacio Romanæ Sedis Vicario, aliisque boni testimonii viris, Caroli sepulcrum aperuit: sublato autem lapide serpens miræ magnitudinis exivit de sarcophago, corpus autem Caroli non est ibi inventum. In his diebus Dominus Zacharias Papa audiens fidem & doctrinam Domni BONIFACII, constituit eum Archiepiscopum Moguntinæ Ecclesiæ. Nam antea Moguntini Episcopi & Colonienfes Suffraganei erant Wormacensium Episcoporum. Milo igitur tyrannus his ita peractis venationi inserviens, ab apro percussus moritur in villâ quæ dicitur *Irane* primo à Treberi milliaro, ubi & sepultus est, post quadraginta annos suæ tyrannicæ invasionis. PIPINUS verò Rex suggestione Cleri & plebis Trebericæ HILDO-  
LFUM claro Nerviorum genere ortum, in *Regensburch* autem enutritum Trebericæ civitati constituit Episcopum; hic construxit Ecclesiam in honorem sancti Joannis Evangelistæ juxta cellam sancti Hilarii in campo Martio, in quâ corpus beati Maximini de Cellâ sancti Eucharîi transtulit cum aliis trecentis Martyrum corporibus à Rictiovaro passorum, quem locum & suâ supellectile & fundis ditatum, & Cœnobitis repletum, centenum numerum Monachorum constituit, quæ videlicet cella in fundo sancti Petri constructa Episcoporum Treberensium multo tempore juri subjacuit, donec unus eorum adulatione damnabili cuidam Reginæ ad nuptias eandem cellam cum castello quod dicitur Sericum, dedit dono, & sic deinceps à Regibus detenta est. Hic denique post aliquot annos Episcopatum suum relin-

<sup>c</sup> *Theodericum*] In hunc locum sic scripsit Acherius; Theodericus iste Chlodovei Magni filius regnavit usque ad an. 534. at Rusticus & Aponoculus Trevirens. Episcopi

erant sub Sigiberto II. Dagoberti filio, circa an. 640. Idem Acherius in Indicibus suis Nicetium Rustici & Aponoculi successorem, anno 563. floruisse testatur est.

quens, in saltu Volagiacellam sibi construxit, in qua & requiescit, cui successit WIEMADUS. Hic cellam sancti Goaris ad ius sancti Petri transferre conatus est, sed violentia Pipini conatus ejus impeditus est. Preceptum tamen regiae auctoritatis ab eodem Pipino super cellam sancti Maximini, & aliis rebus Ecclesiae Treberensis obtinuit, à CAROLO quoque magno Pipini filio, quod qui scire voluerit, invenire poterit.

Eo mortuo RICHODUS ordinatur Episcopus, deinde WIZO, post quem AMALARIUS Fortunatus Cardinalis Romanus, qui librum Officiorum composuit. Hic missus est à Carolo magno Constantinopolim propter pacem cum Imperatore Michaële firmandam, qui Carolus multum marmor & museum plurimum de Treberis ad palatium Aquis vexit, & beato Petro ad vicissitudinem munera dedit. Post Fortunatum Treberis praefuit HETTI Abbas Mediolanensis: hic admonitus in visu à sancto Materno, in vigesimo tertio anno Ludovici Imperatoris asportavit corpus sancti Castoris de loco qui dicitur Cardena ad Confluentiam, ad Monasterium quod ipse construxerat, & secundo Idus Decembris consecravit in honore sancti Castoris & omnium Confessorum, & post consecrationem sanctum Corpus in Ecclesia recondidit, ibique Ludovicus Imperator multa dona praesentavit. Dicunt eum quidam, res Ecclesiarum sancti Eucharri & sancti Luttuini Principibus suis in beneficium tradidisse: post triginta annos sui Sacerdotii obiit, & sepultus est in Monasterio sancti Eucharri ante altare sancti Joannis Baptista in abside aquilonari, ad cujus dexteram in altera abside requiescit magni germinis nobilitate clarus vir nomine Rotgarius. Anno Dominicae Incarnationis DCCCLII. Cathedram Hetti TIETGAUDUS obtinuit. Hic simplex, seductus est à LOTHARIO Rege adultero, & Gunthero Colonienſi Archiepiscopo, & consensit in dejectione Tietbergæ uxoris ejusdem Lotharii, falso accusatae, imò diffinivit in Synodo, quod scilicet ipsa fuisset confessa semetipsam germani fratris incestuoso pollutam fuisse concubitu: hanc enim fallam infamiam Lotharius cum his Episcopis composuerat, cupiens hoc modo Reginam abjicere, & Waldradam in Regnum assumere, quam ipse adolescens concubinam habuerat; quod cum judicio Episcoporum adeptus fuisset, Tietgaudus & Guntherus à Papa Nicolao pro his causis Romanam evocati sunt, ibique omni Ecclesiastica dignitate privati, depositi sunt. Cumque iterum & tertio Sedem Apostolicam restitutionis gratia adiissent, & non profecissent; novissimè Nicolao defuncto Adrianus successit, cujus liberalitate Tietgaudus in Monasterio sancti Gregorii mansionem suscepit. Cui sanctus Gregorius apparens in somnis, monuit semel & iterum ut recederet, & mansionem Sancti non perturbaret: quod quàm illicitum esset, ipse Gregorius exposuit ut delineret: & cum hoc facere Tietgaudus dissimularet, tertio est correptus de inobedientia & de fatigatione Apostolica. Apparuerat enim huic ductu dextrae manus Petrus, praecunte cum lumine beato Andrea Apostolo, & responsum accepit, quod à momentanea morte liberaretur, sed patriam cum suis omnibus privaretur: quod cum omnibus quibus potuit revelaret, & aliud hospitium à Pontifice impetrare non potuisset, apud Sabinos concedens, eodem anno cum Gunthero & suis omnibus vicā privatus est. Lotharius quoque Rex apud Placentiam divinitus perculsus moritur, cum quo pariter totum Regnum, quod ex ejus nomine Lothar-

ringium appellatur, corrui: Castellum etiam Lotharii non longè à Treberis super Saroam, ex illo tempore desertum est. Anno sexto Tietgaudi Treberis visus est canis super Cathedram ejus sedere.

Anno Dominicae Incarnationis DCCCXVIII. BERTOLFUS Abbas Mediolanensis fit Episcopus Treberis, consanguineus Adventii tunc temporis Metensis Episcopi; qui Adventius cum Lotharium Regem Placentiae mortuum cognovisset, CAROLUM fratrem ejus<sup>d</sup> qui in Provincia regnabat, Metis advocatum, adjuncto sibi cum aliis Episcopis Hincmaro Remensi Archiepiscopo, Regem Lotharingae & Provinciae consecravit, cognatoque suo Bertolfo, ut daret Archiepiscopatum obtinuit. Hic villam, quae Martia dicitur, de manu regiae comparavit. Anno quinto Bertolfi moritur Adventius Metensis Episcopus: Walo ei substituitur, cui ordinationis suae anno secundo transmissum est pallium à Joanne Papa cum litteris docentibus quibus hoc festis foret usus. Bertolfus verò Metropolitanus audiens Walonem in secundo die Paschae cum pallio procedere, missis litteris evocatum Treberis, percunctatus est, quando vel quomodo, vel à quo procedere cum pallio fuerit ei concessum. Walo lecto in omnibus auribus qui aderant, quod sibi à Papa transmissum fuerat de usu pallii privilegium, asseruit non se primum sed quintum fuisse, quem Apostolica Sedes hoc honore dignata sit sublimare, salva tamen in omnibus Metropolitanis subjectione. Primum Urbicium, secundum Pipini Regis ex sorore nepotem Crodegangum, tertium Angelrannum, quartum Drugonem, Caroli Imperatoris filium. Bertolfus his asseritionibus non flexus, Capitulo Canonum lecto quo asseritur, nulli suffraganeorum novum, & quod non ab omnibus in Ecclesia sua praedecessoribus habebatur, absque Metropolitanis sui consilio & licentia praesumendum; interdicit ei per sanctam quam in omnibus Ecclesiasticis negotiis sibi deberet obedientiam, ne ulterius nisi ab eo petita, & concessa licentia pallio uteretur. Cumque Walo Apostolicam auctoritatem praetenderet, & Archiepiscopus Metropolitanorum jura defenderet, grandes utrimque conflatae sunt inimicitiae. Hincmarus igitur Reverentissimus Remorum Archiepiscopus, & eloquentia clarus, audiens dissidentiam, Epistolam Waloni transmisit, sapientiae ac sani consilii sale conditam, per quam eum ad Metropolitanis sui instruxit obedientiam, & sic restituit concordiam. Fuit iste Bertolfus multum acer, & impatiens in talibus suffraganeorum suorum praesumptionibus, & suae Ecclesiae privilegium non passus est in aliquo temerari. Nam litteras Romani Pontificis pro eadem Walonis praesumptione, vel Episcopi Virdunensis contra suam voluntatem sibi transmissas, suscipere noluit.

Anno Episcopatus ejus duodecimo celestis vindicta venit super Lotharingiam, Regnum Lotharii supradicti Regis adulteri & excommunicati. Denique Normanni qui ante complures annos exierant, & civitatem Namnetis succenderant, Episcopum ejus Sabbato sancto Paschae dum fontes benediceret, cum Clero suo trucidaverant, Andegavis, Turonis, Pictavis, Leodium, Trajectum, Tungrum, Coloniam, Bunnam, Tulpiacum, Juliacum, Nulſam, Aquis, Indam, Stabulaus, Malmundarium, Prumiam, Neomagum Regum castrum, igne & ferro annihilaverunt. Treberici ergo inito consilio cum sapientibus, quidquid in civitate Ecclesiastici census vel ornatūs fuerat, in subterraneis occultant specubus, Sarcophaga etiam Sanctorum altius terrae

An. 868.

d

d Fraterem] In hunc locum optimè notavit Acherius: Imò patrum ejus Carolum Calvum. Carolus Rex Provin-

cia, Lotharii Regis frater ante ipsum Lotharium obierat.

immergunt, ne reliquæ Sanctorum ludibrio essent vestitiæ barbarorum. Erat itaque in Monasterio sancti Paulini crypta, ubi circa ipsius sancti Sarcophagus ferreis catenis suspensus in aqua jacebant duodecim corpora Martyrum, quorum nomina aureis litteris in ejusdem cryptæ parietibus erant descripta. Religiosi igitur qui tunc erant Christiani, timentes ne per hujus scripturæ indicium ludibrio, ut dictum est, nota fierent hostibus Sarcophagi, vel ipsa ossa Martyrum, salubre iniere consilium, ut scilicet ablatis de parietibus & litteris, nomina eorum Martyrum, insuper qui fuerunt, unde venerunt, quemodo, quando, à quo occisi sunt, in pluribus scriberetur tabula, ubi quandoque possent inveniri, & horum omnium translationis causa, & Martyrum nomina & merita: taliter autem scripserunt in plumbea tabula: in hac crypta jacent corpora Sanctorum, quorum nomina hæc sunt, Palmatius, Maxentius, Constantinus, Crescentius, Justinus, Leander, Alexander, Soter, Hornilda, Papirius, Constans, Jovianus; corpus quoque sancti Eucharitii & reliquorum ibidem sepulchrorum altius terræ infoderunt. Idem fecerunt de aliis circa urbem sepultis.

An. 880.

c

Anno Dominicæ Incarnationis DCCCLXXX. defuncto Ludovico Imperatore<sup>c</sup>, Normanni audita ejus morte, cum omnibus viribus exeuntes, urbem Treverorum Nonas Aprilis die sacratissimæ Cœnæ Domini occupaverunt, Bertolfo Episcopo cum quibusdam civibus fuga lapsi. In qua usque ad diem sanctum Paschæ festâ ab itinere corpora recreantes, omne territorium urbis circumquaque usque ad solum demoliti sunt, omnesque quos intra & extra urbem reperiunt, gladio occiderunt, ipsamque urbem & Monasteria omnia igne succenderunt. Cumque Monasterio etiam sancti Paulini ignem multoties iniecissent, sed divinitus exstingueretur, catenas ferreas quibus sarcophagus ejus pendebat, confregerunt, sed tamen sarcophagus catenis contractis nequaquam altius terræ insedit, sed in aëre pendens remansit, donec post multos annos à quibusdam infidelibus deprimis subsedit, non sine vindictâ in eos transfusa: quicumque enim huic sacrilegio manibus deservierunt, singulas infirmitatum plagas susceperunt.

Igitur Normanni civitate omni exusta & desolata, Metim properare disponunt. Quod cum compertisset ejus urbis Antistes Walo, adjuncto sibi Bertolfo Episcopo Treberis & Adalardo Comite ad Remiche ultro illis obviam ad pugnam procedunt. Inito certamine Normanni vicerunt, Walo Episcopus ibi cecidit, Bertolfus cum cæteris fugit.

Eodem anno Bertolfus Archiepiscopus migravit ad Dominum, cui succedit RATHODO de Mediolacu venerabilis Abbas; & eodem anno Robertum Metis Episcopum consecravimus. Hic acquisivit Abbatiam sancti servatii quæ dicitur *Masethrech* ab ARNULFO Imperatore, deinde à LUDOVICO Imperatore hæc castella obtinuit, Sericum & *Orceshinvelt*, cum villis sibi adjacentibus. Deinde ROBERTUS exstitit, qui corpus sancti Severi, de quo legitur in libro dialogorum, de Italiâ transtulit, quod per Mosellæ fluminis alveum divino famulante Nauclero transectum, in loco qui Hattonis portus dicitur appulit, ubi à fratribus de Monasterio sancti Martini de pago nomine Megine susceptus, & in eodem Monasterio honorificè conditus est. Post Robertum HENRICUS Ecclesiæ præfuit, qui regulares officinas, & claustrum circa majorem Ecclesiam

construxit, & rigorem regularis conversationis ibidem decrevit exerceri; forum in loco quo nunc esse videtur, instituit. Affuit Romæ cum OTTONE in damnando magum non Papam Joannem. Idem Otto Abbatiam supradictam potestate de hac Ecclesiâ tulit, & aliam quæ dicitur Horrea quasi suæ essent pro Masethrech huic Ecclesiæ delegavit, cum ad eum nihil pertinuerit. Henricus Episcopus in Italiâ obiit.

Cui THEODERICUS successit, qui corpus defuncti sui Treverim relatum in cœmeterio majoris Ecclesiæ sepelivit, privilegium Ecclesiæ suæ renovavit & auxit, Romæ cellam quatuor Coronatorum cum omnibus appendiciis suis sibi suisque successoribus acquisivit in perpetuum. Sub eo Regulares Canonici in Ecclesiâ sancti Petri esse desierunt, sepultus est in cœmeterio S. Eucharitii; cui successit KERBERTUS æternæ memoriæ, nobilitate & virtute insignis; hic Ecclesiam suam paganorum & Christianorum rapinis exinanitam largissimâ liberalitate ditavit, aureis & argenteis crucibus, planetis, casulis, dalmaticis, tunicis, palliis, cappis, velis, cortinis, & possessionibus auxit, Monasteria urbis rapinâ comprovincialium prædiis exhausta, collectis ubique manu potestativa possessionibus reparavit, Abbatiam sancti Servatii dono sancti Ottonis recepit. Jejunium in suâ Parochiâ terciâ post Pascha Hebdomadâ fieri præcepit. Corpus S. Celi Confessoris in cœmeterio sancti Eucharitii reperiit. Adveniente quondam festo sancti Eucharitii, ipse pro celebrando ibidem divino officio ad ejus Monasterium perrexit. Cumque post expleta Milliarum sollemnia à fratribus obnixè peteretur cibi potusque caritatem sumere, ne eis onerosum fortasse existeret, si tantâ comitatus ambitione ibidem reficeretur, cœpit à Fratribus omnino caritatem refutare, & redditum suum in urbem maturare. Cumque venisset ad fluvium Oleviam, cœpit infirmitate gravi deficere, nec mora ad suam sedem veniens, diem clausit extremum; sepultus est ibidem in parvâ Ecclesiâ quam ipse construxerat in honore sancti Andree Apostoli.

Huic successit LIUDOLFUS. Eo pontificante præfuit in Ecclesiâ sancti Paulini Præpositus nomine ADELBERO de *Lucelemburch* ortus, vir potens & dives, habens castra hæc, *Sarenburch*, *Berenastelle*, *Rutiche*, qui inito cum Episcopo Liudolfo pravo consilio Ecclesiam sancti Symphoriani, quæ Abbatibus sancti Martini subiacebat, partim vi, partim dono vindicavit, Episcopo, prohi dolor! sibi consentiente, & deinceps eam obtinuit. Liudolfo autem defuncto, eâ fiducia quod soror sua Henrico Imperatori nupta fuerat, Episcopatum invasit, milites in sua sacramenta jurare præcepit, palatium quod situm est in eadem urbe occupavit, pontem quoque Mosellæ turribus munivit. Henricus autem Imperator Episcopatum MANGAUDO Præposito Ecclesiæ Maguntinæ dedit. Qui cum pararet potentiam Adelberonis resistere, octoginta mansos de rebus sancti Martini de Madelberg, Adelberto de Stale in beneficium dedit, nec tamen prevaluit. Tunc Imperator Henricus cum exercitu Treverim venit, & palatium obsedit à Dominicâ post Albas usque ad Kalendas Septembris, quâ obsidione non solum regio in circuitu urbis undique vastata est, sed & ipsa civitas, quæ post vastationem Normannicam adibus exornata & aliquatenus fuerat inhabitata, in pristinam solitudinem est redacta; non solum undique obseffores, sed & ipsi Palatini obseffi, frequen-

<sup>c</sup> Imperatore ] Imò Rege Germaniæ, qui quidem non anno 880. sed biennio post obiit.

<sup>f</sup> sancti ] An potius, secundi.

tibus eruptionibus ipsos obsessores & finitima palatii populabantur. Unâ die de vertice Jurani montis multitudo boum & ovium ad servitium Imperatoris adducta cum præsidio militum descendit, quod palatini ex arce prospicientes, subito factâ eruptione boves & oves fugato præsidio ante se in palatium compulerunt; quos Cæsariani milites persequuti, apertis portis simul cum ipsis palatium irruperant, nec mora palatini ex abdito portas clausurunt, omnesque qui irruperant missis ab arce lapidibus alios occiderunt, alios graviter sauciaverunt, reliquos ceperunt. Tunc Imperator ex materiâ domorum urbanarum machinas circa palatium usque ad arces præparari erigi, quò facilius posset palatinos ex ipsâ machinarum æquâ palatio altitudine angustare; hæc quoque palatinis fortiter repugnantibus igne succensâ immisso, vel domitæ sunt.

Cæsar ergo cum nequaquam proficeret in ejus expugnatione ad Kalendas Septembris profectus, pontem dejici jussit, quem custodiæ Adelberonis obtinuerant, & Meingauda Episcopatum confirmavit, qui usque ad finem vitæ suæ in castello Confluentiâ Episcopatum administravit, Adelberone supradicto invasore maximam Episcopi familiam retinente. Tandem circa finem gravi infirmitate deprehensus, omnia Meingauda reddidit, sed palatium retinuit. Obeunte Meingauda Henricus Imperator POPPONEM in *Rabenberg* educatum, ad offensam Adelberonis Præfulem instituit, ita dicens: Talem virum debeo dirigere, qui tuæ vesaniæ valeat resistere. Igitur Adelbero tandem serâ pœnitentiâ tactus, nec valens vires Popponis sufferre, supplex eidem factus, palatium & sua castella & omnia sua contradidit, & deinde in Monasterio sancti Paulini usque in finem vitæ suæ permansit. Henricus verò Imperator ob ea incommoda quæ civitati patravit, tabulam ex auro & argento & lapidibus pretiosis æqualem secundum Altaris sancti Petri magnitudinem, ad satisfaciendum sancto Petro direxit.

An. 1015.

Anno Dominicæ Incarnationis millesimo quinto decimo POPPO Treberorum Archiepiscopus ordinatur. Hic sæpius occupatus in expeditione & prociectu militum, quædam de sancto Paulino tulit, de palatio etiam sexaginta Monialium præbendas in beneficium distribuit. *Berencastel* quondam Adelberonis à prædonibus defensum destruxit, aliud quoque castellum Adelberti cujusdam tyranni qui dicebatur Sivra, ad terram dejecit, qui videlicet Adelbertus castellum Treveris quondam in honorem sanctæ Crucis constructum possidebat, unde frequenter cum multitudine militum erumpens ad curiam Episcopi, quidquid ibi ad ejus obsequium parabatur violenter auferens, abducebat: cujus rei ignominia confusus Episcopus, videlicet qui hostem quotidianum sibi tam proximum ob munitionem castelli non posset debellare, multis ad amicos suos habitis querimoniis ad hujusmodi infamiam depellendam consilium & auxilium cœpit inquirere.

Erat in ejus exercitu vir potens divitiis, & fortis viribus, nomine SIKO, qui promisit se tentaturum si quo modo invenire posset hujus mali medicamentum; Episcopo sibi satis congratulante, egreditur ille cupiens quæ spononderat attentare. Quâdam die pergit ad portam castelli, pulsansque fores rogat sibi ab Adelberto ad refocillandum poculum mitti; quodd cum celeriter allatum fuisset & ebibisset, nuntium alloquitur: Domino tuo, inquit, ex meâ parte magnas gratias nuntiato, pariter & hæc verba narrare curato, quodd vitâ sospite hoc sibi poculum gratâ voluntate rependere studebo, & his dictis abiit. Ca-

prato deinde consilio oportuno triginta hamas præparat, in quibus singulis singulos milites electos lorricatos, galeatos, ensibusque præcinctos collocat, deinde sexaginta viros nihilominus electos & plebeâ veste amictos, ensibus eorum in hamis reconditis gestatores constituit, nullosque hominum hujus fraudis præter prædictos viros conscios fecit. Ipse SIKO cum his & aliis paucis militibus vallatus ad castellum tetendit, foresque pulsavit. Servo sciscitante, quid sit & quid velit, dic, ait, Domine tuo me sibi vinum magnæ dilectionis gratiâ olim promissum deferre, quando ipsum non piguit mihi sitienti poculum dirigere. Servo renuntiante Adalbertus jussit viros intromitti: quibus ingressis & castellas coram Adalberto in terram simul ponentibus, post eos SIKO subintrat, jubet auferri linteorum velamina, rogat Adalbertum suscipere dilectionis munera; portitores sicut erant docti, uno momento pariter omnia hamarum velamina dejiciunt, gladios arripiunt, insidiæ de hamis proliunt, gladios stringunt, fortiter undique feriunt; ipsumque Adalbertum obruncant, cæteros ædituos crudeliter maculant, castellum in solitudinem redigunt. SIKO à Poppone pro victoriâ beneficiis est illustratus.

Hic Poppo Ecclesiam sancti Petri jam collapsam reparavit, & in honore sancti Martini translatis in eâ partim reliquiis ejus, dedicavit, turrinque ibidem construxit; sancto Eucharior quædam bona delegavit, quædam ablata restituit. Sanctus Simeon solitarius supra nigram portam Treveris claruit, ubi & requiescit. Poppo Archiepiscopus ibi congregationem instituit, ubi & ipse ad pedes sancti Simeonis postmodum requievit. Cui EBERARDUS successit. Hic privilegia Ecclesiæ suæ apud Papam renovavit, ipsum Treveris cum honore suscepit, multa prædia acquisivit, pro quibus remediis amplius quàm mille talenta de sacario tulit. Hic aliquando dum diœceses circuiret, à Conrado Comite de *Luzelemburch* captus est, vestimenta Sacerdotalia à militibus direpta, pallium discissum, Corpus Dominicum violatum & in terram projectum, chrismæ unctionis effusum est, Episcopus in *Luzelemburch* ad custodiam delatus. Treberi nihil ebrum quæ ad divinum officium pertinent celebrare voluerunt, donec Romanum Pontificem de hac re per internuntios interpellarent.

Interim Comes Conradus compulsus à plurimis, Episcopum dimisit. Romanus Pontifex Conradum excommunicavit, & Eberardo absolvendum commisit, qui tandem pœnitens Treberim venit, & humiliter à Pontifice absolutionem petiit & impetravit, & ad satisfactionem quædam bona sancto Petro contradidit. Eo tempore Henricus Imperator corpus sancti Valerii de Treberis transtulit ad Goslar, & è contra curiam Vilmar sancto Eucharior tradidit. Eberardus turrin à Poppone inceptam perfecit. Sabbato sancto Paschæ post expletum divinum officium in sacratio sicut erat paratus, obiit. Sepultus est in Monasterio sancti Paulini; quo defuncto Anno Colonienfis Episcopus, quem provisorem Regni & tutorem filii Henrici Henricus Imperator moriens reliquerat, spreto Treberorum consilio & electione adhibita Regis adhuc pueri, investiturâ & confirmatione, nepotem suum CONONEM cum magnâ ambitione & manu militari (si sic necesse foret) versus Treberim misit. Quæ inconsiderata provectio sicut illi beato martyrii occasio fuit, sic Treberensibus exercendæ crudelitatis audaciam & materiam dedit. Nam sine morâ præsidem suum Theodericum cum aliis principibus suis evocatum, ad ulciscendam tanti contemptus injuriam clamoris instigant vocibus, si Colonienfes hac molitione prævaleant,

actum hoc omnium successorum suorum ad dedecus & ad infamiam. Quid multa? Coacto exercitu frondes arborum ne arma viderentur praeferentes, nocte clara obviam pergunt, eosque in pago Bedonico quiescentes, nihilque tale suspicantes subito circumveniunt: qui conturbati advenientis sonitu multitudinis, postquam hostes adesse senserunt, fugam in pedum celeritate saltuumque denitate prout quisque potuit, sibi elegit. Sic eos discurrentes hostes invaserunt, multisque captis, compluribus sauciatis, omnibus eorum rebus ingenti praeda potiti sunt. Ipse dominus Cono incidit in manus hominum impiorum, qui eum nequioribus custodiendum donec viderent quod res vergeret, commiserunt, qui eum paulo post ne Regis adhuc juvenis temerarium praevaleret arbitrium, de rupe praecipitantes, in Kalend. Junii miserabili morte peremerunt.

Qua de causa Rege valde commoto, civitatemque Trebericam se desolaturum comminante, tandem Deo donante, a sapientibus ejus furore sedato, electione Cleri & populi UDO inthronizatur Episcopus. Hic ex Alemannorum prosapia oriundus patre EBERHARDO Comite, matre IUA, eisdemque Monasterii quod dicitur *Scafuse* fundatoribus, vir valde venerabilis fuit, facie venustus, ore facundus, staturâ procerus, cujus merito humeris sustentari posset moles regiminis; hic opera a praedecessoribus suis incepta, scilicet Monasterii sancti Petri amplificationem fecit, comprovincialium Militum audaciam compescuit: in expeditione Regis in obsidione castri Alemannorum, quod Tungia dicitur, obiit, relatusque a Treberensibus in Monasterio sancti Petri sepultus est.

Cui EGILBERTUS successit. De cujus electionis occasione libet altius parumper edicere. Tempore illo cum GREGORIUS, qui & *Hildebrant* Romani Pontificis jura disponderet, hoc decretum antiquitus quidem promulgatum nunc autem innovatum est, ut videlicet omnes in sacris ordinibus constituti, Presbyteri scilicet & Diaconi a cohabitationibus seminarum se, ut decet, abstinere, aut officio vacarent: similiter etiam ne quis cujuscunque ordinis Laicus videlicet, sive Clericus Episcopatus, Abbatias, seu alias quaslibet spiritualium donorum dignitates vel per se vel per interpositam personam emere, vel vendere praesumeret: quod si quis infringeret, honorem quemcumque haberet, amitteret. Ubi hoc verbum palam factum est, in cordibus eorum, qui non secundum Deum incedebant, magnam suscitavit invidiam; propterea inter Regnum & Sacerdotium partes exorta sunt, & hinc inde permaximae invidiae succreverunt, & eo usque dissensionis hujus & inimicitiarum in invicem fomes invaluit, ut si cui Caesarianorum occurrisset quispiam Ecclesiasticorum, qui forsitan pro amore patriae caelestis saeculum reliquisset, carnem macerasset, quemque aliqua corporis molestia attenuasset, sive qui, ut tunc moris erat, barbam quasi in signum Religionis enutrisset, quasi regii honoris proditores contumeliis afficiebant insultantes, eos Ecclesiasticos appellantes. Nullus enim tunc in subrogandis Pontificibus vel aliis Ecclesiasticis dignitatibus Canonica sanctionis ordo servabatur, sed qui tantum Regis vel principis manum implevisset, seu aliud qualecumque obsequium sibi placitum impendisset, regia praeficiebatur violentia ubi voluisset.

At verò ubi Rex ejusque consentanei Principes non eo minus omittebant, sed vetitam venditionem magis ac magis instituebant: praefatus Papa non veritus sententia anathematis omnes concludit, &

quicumque voluisset in Catholicorum consortio numerari, faciebat sibi hujusmodi verba conscribi: *Anathematizo omnem haesim Henrici dicti Regis, & complicitum ejus, & omnes qui eum regio nomine & honore venerantur, Henricum inquam nominis hujus Regem quartum.* Quam excommunicationem ubi fama ad aures detulit Imperatoris, ægrè admodum ferens, & peccatum peccato superadjiciens, convocato suae partis Episcoporum, Abbatum, & aliorum grandium Concilio. statuit, ut nulli eorum Gregorius deinceps Apostolicus esset, nec decreta quicquam ejus reciperet; & hoc facto ipse sub omni celeritate Italiam adiit, Wicbertum quemdam Ravennae civitatis Episcopum in unâ civitatum Italiae pro Gregorio Papam fecit, quem & Clementem nominavit. Porro si quando Gregorius causâ cujuslibet rei agenda Roma fuisset egressus, iste subintrabat, illo revertente iste fugiebat, illi Ecclesiastica major videlicet pars, isti vero Caesariana praedio erat. Sed quid ad nos ista pertinent? Potius in sua loca abeant, nos autem propositi nostri seriem prosequamur. Per idem tempus fuit in civitate Batavia de Optimatibus Bajoariae ex Clero quidam Praepositus majoris Ecclesiae & Scholasticus, nomine EGILBERTUS, qui vice quadam cum Episcopus loci illius nec & aliarum civitatum Episcopi, ex praeepto Romani Pontificis supra memoratum decretum in Ecclesia sua recitaret, ausu temerario illi in faciem resistit, palam dans cunctis intelligere, quoniam & ipse cum Henricianis vinculo teneretur anathematis. Constat enim testimonium perhibente Apostolo de malefactoribus, quia facientes & consentientes unâ sunt sententia plectendi. Ille verò consentit, qui etiam renuere non valeat, favendo tamen quantum in ipso est malefacientis operibus communicat. Dicebat autem Imperatori licere, nec ideo consortium Ecclesiae amittere, si non spiritualia, sed regalia sua gratis, pretiove cui voluerit impendat: quae utique non sua, sed juxta Romanam consuetudinem regalia Beati Petri, vel Ecclesiae potiori jure possunt appellari. Sed utinam qui ad Ecclesiasticæ dignitatis honorem venire desiderant, non ambitiosè, quod minimè decet, se ingerant, neque artificiosi colore commenti Simoniacæ haereseos ubi machinamenta consingant, asserentes se non spiritualia, sed terrena terrenis acquirere, cum sicut tempore, sic & in eorum mente primum sit animale, deinde quod spirituale, & non tam appetant curam pastorem, quam honorem temporalem.

Multis itaque sermonibus pro hujusmodi ad invicem collatis, cum videret eum Episcopus incorrigibiliter Simoniacæ parti & nil penitus Ecclesiasticæ assentire, jussit eum a communione Ecclesiae alienum existere usque dum universali Papae praesentatus, unitati Ecclesiae per ipsum meruerit sociari. Proinde cum diutius intrâ se hæretaret, demum ei voluntas Romam proficiscendi incidit. Verumtamen Rege inconsulto ire illud noluit, à quo Rege accepta ad eum quem superpositum Papae diximus mandata detulit, & ab universali penitus declinavit, & factum est, dum rediret, adimpletis negotiis pro quibus à Rege missus fuerat, in redeundo auditit UDONEM fidei dignum memoriâ Treberensium Archiepiscopum vita decessisse, & ob id Regem Treverim advenisse, ut alium in locum ejus debuisset substituere, & hac famâ compertâ, quamplurimum iter acceleravit, intrâ se cogitans si fortè eò maturius potuisset pervenire, pro impensâ sapius Regi servitute hunc & honorem posse subsistere, quod & factum est; sed qualiter ad id ventum fuerit ignaros docebimus. Porro cum Imperator jussisset, ut quem



quem sibi placere cognoscerent, hunc Episcopum eligerent, & Clerus unum post unum ex ipso eorum confortio hoc utique honore dignissimos exhiberent, Rex autem quotquot nominassent nullum eorum sibi placere dixisset, nullus enim benivolentiam ejus dignâ taxatione prævenerat. Jam in eligendo tribus diebus exactis, & quarto nihilominus die ad idem congregatis omnibus, tamquam à Deo missus (si tamen dici potest à Deo dirigi via hominis, qui culpâ suâ meruit ab Ecclesiæ communione suspendi) venit, & factâ oratione loquutus est Regi de his quæ habebat in mandatis, quibus finitis, dixit Rex: Quoniam diu in eligendo Episcopo concordare non possumus, saltem in hunc conveniamus, & consensit ei ex Episcopis qui causâ electionis advenerant, solus THEODORICUS Viridunensis Episcopus, qui cognomento Magnus vocabatur, & pars aliqua populi Treberensis. Rex verò nil moratus investivit eum, dans ei anulum & baculum, sub die octavo Idus Januarii, anno Dominicæ Incarnationis millesimo septuagesimo octavo.

An. 1078.

Pontifices verò HERIMANNUS Metensis & BIBO Tullensis, & residuus Clerus & populus quantum in ipsis erat, non assenserunt, quoniam ipsi tam idoneas personas exhibuerunt; resistere tamen Regis voluntati non potuerunt. Verumtamen Clerus & populus multum molestè ferentes tantam sibi irrogari violentiam, deprecabantur eos qui præsto erant Episcopos, & cum interminatione auctoritatis Apostolicæ interdixerunt ne ipsum consecrarent Antistitem, commonentes eos Canonici illius decreti, quo præcipitur ut nullus in Episcopum nisi Canonice electus consecratur. Quocirca Episcopis in sua redeuntibus, Egilbertus benedictione non perceptâ remansit, & erat cupiens consecrari, nec potuit ab aliquo Episcoporum Catholicorum qui ingressum ejus audissent, diebus quamplurimis impetrare. Tribus igitur annis ferè transactis cum res Regi innotuisset, qui sub ipso tempore Româ rediens, multâ ibi cæde patrâtâ, & Papa Gregorio fugato, (quo certè diebus illis nihil celebriori famâ omnium ora adimplēbat) secus Alpes moram faciebat, directis Episcopis ad supradictum Viridunensem Episcopum qui ei summâ familiaritate adhærebat, petiit quod Treberensem Metropolitanum quantocius consecrare studeret, quarum Epistolarum exemplar hîc inferere non ab re videtur, quæ habent hunc modum.

„ Rex H. Dei gratiâ Romanorum Imperator Augustus T. Episcopo dilectionem nulli majorem.  
„ In primis te scire volumus, quia nulli melius quàm  
„ tibi confidimus, nec Episcopum Trajectensem fidei  
„ dei monitorem, sed ad honorem Regni tractandum  
„ tibi misisse cooperatorem: deinde ad singula  
„ quæ mandasti negotia, singula damus responsa,  
„ sed brevissima, quia infinita tibi reservamus ore  
„ ad os dicenda: si quidem hoc quod in margine  
„ Epistolæ tuæ de Romano negotio nobis mandasti,  
„ in primis dicimus tibi, Romam in die sancti Benedicti  
„ intravimus, qualiter autem à Romanis recepti  
„ sumus, qualiter cum Romanis steterimus, qualiter  
„ à Romanis recesserimus, ab aliis multis te audisse  
„ credimus: tum etiam litteris nostris tibi indicavimus,  
„ quas te nondum vidisse credimus, sed & malle-  
„ mus alio quàm nostro ore te rescisse quæ nobis  
„ fecit Dominus. Incredibile enim videtur, quod  
„ verissimum probatur, quod factum est Romæ; ut  
„ ita dicam, cum decem hominibus in nobis operatus  
„ est Dominus, quod antecessores nostri si fecissent  
„ cum decem millibus, miraculum esset omnibus.  
„ Nam cum in Teutonicas partes de acquirendâ Româ  
„ desperantes redire vellemus;

Tom. II.

ecce Romani missis legatis ut Romam intraremus rogaverunt, se quoque in omnibus nobis obedituros promiserunt, quod & fecerunt. Summo namque gaudio nos intrantes susceperunt, summo studio secum manentes adjuverunt, summo triumpho & fide ab eis recedentes prosequuti sunt, in tantum ut in Domino fiducialiter dicamus, quia tota Roma in manu nostrâ excepto illo castello in quo reclusus habitat *Hildebrand*, scilicet in domo Crescentii; quem Hildebrandum legali omnium Cardinalium ac totius populi Romani iudicio scias abjectum, & electum nostrum Papam Clementem in sede Apostolicâ sublimatum omnium Romanorum acclamatione, nosque à Papa Clemente ordinatum, & consensu omnium Romanorum consecratum in die sancto Paschæ in Imperatorem totius populi Romani exultatione. His ita factis, cum benedictione Dei & sancti Petri omnium gaudio à Româ recessimus, & quanto citius possumus ad has partes properamus, & in viâ reditus invenit nos tuus nuntius. Gaudeant qui velint, doleant qui velint, nos Deo propitio assumus, Dominus ille quid agat, scire non curamus. Sed (quod tu monuisti) libenter ne damnum nobis faciat, providebimus. De Saxonibus verò, de Salzburgeris Archiepiscopo, de Comite Adalberto, & de aliis ad nos redire volentibus, tibi id respondemus, quia consiliis tuis libenter acquiescimus, ut tantummodo pax fiat in nostris temporibus, videlicet ut fideles sint cum ad nos redierint. Tu autem si non gravis facere quod volumus, Augustam ad nos venire post festum Petri & Pauli te rogamus, quia Deo favente in festo eorum Radisponæ erimus. Studeas ergo ad nos venire, ut tuo nos adventu possis lætificare. Insuper tibi mandat Apostolicus Clemens, & Henricus Imperator, ut sicut nos diligis, ita Archiepiscopum Treverensem velociter consecrare festines, Vale.

Has igitur litteras cum præfatus THEODERICUS acceptas legisset, voluit quidem quod petebatur libenter adimplere, sed attonitus rerum magnitudine, non potuit in corde suo credere ita se omnia habere, sicut scripturâ referente cognoverat: sed & recordatâ auctoritate sibi interdictum fuisset, ne fortè adversus eum exinde potuissent quandoque idoneæ accusationes consurgere, congruum duxit super hoc litteras mittere Romano Pontifici, in quibus & meminit depulsionis ab Episcopatu Herimanni supradicti Metensis, ac sibi injunctæ reconciliationis, ut videlicet ipsius interventione Herimannus loco suo restitueretur: quod licet satis laboraverit, non tamen tunc sed postea obtinuit. Litterarum autem quas mittebat hic erat modus.

Gregorio summo Pontifici, carissimo Domino, Reverendissimo Patri, Theodericus Viridunensis Episcopus qualiscumque, tamen suus, dilectionem quam Patri filius, subjectionem quam Prælati subditus, servitutem quam domino servus. Possè tibi obedire maxima mihi est jocunditas, possè servire non parva hilaritas. In quo enim venerabor te, in eo Beatum Petrum; in quo obediendo, serviendo te, mihi conciliabo, in eo Beatum Apostolum. Monitus à te suscepi confratrem meum Metensem ut te ipsum, attendens illud Dominicum, *Qui vos recipit, me recipit*, causam ejus meam feci, negotium ejus meum existimavi, eadem nobis prosperitas, eadem fuit adversitas. Ad hoc me invitavit mutua fraternitas; debita charitas, sed præcipue jussio tua, benivolentia tua & habita in me fiducia. Præterea Treverensis Ec-

Ec

Matt. 10. 40.

» clesia cum gravi dolore pedibus vestris provolvi-  
 » tur, filia dominum pulsat in consolatione sui, de-  
 » trimentum his temporibus me mediante deplorat,  
 » vidua ferè biennio, quanta passa est & patitur,  
 » quantum afflicta est & affligitur, foris pugna, in-  
 » tūs timores: elegit virum de plebe, dignum Sacer-  
 » dotem, idoneum Patrem communi assensu, teste  
 » conscientia meā coram Deo & coram te, quodd  
 » nihil Simoniacum contra jus Ecclesiasticum inter-  
 » curret, quodd nihil Simoniacum etiam petitione  
 » remotā intervenerit. Consecrationem ejus mira-  
 » mur differri, dilationem tam gravem miramur  
 » potuisse tibi inculcari; illud maximè quod pateris,  
 » hac desolatione nos adeo gravari, gravissimum  
 » onus est mihi solum esse in medio nationis pravæ  
 » atque perversæ, solum Patre R. fratre illo expul-  
 » so, alio non consecrato. Si Ecclesiam, si statum  
 » Christianitatis cures, locum nostrum respicias, &  
 » curā patris in omnibus spectatā ordinationem me-  
 » reatur, Metense & me tuo exaudito nullius detra-  
 » ctione, ulterius remoretur. Perfolvit tibi quod  
 » patri filius, quod Prælo subditus. Deinde qui-  
 » busdam interpositis in fine ita concludit. » Quo-  
 » modo Rex sit tecum & tu cum Rege, mihi rescri-  
 » bas oro.

Denique his quæ decursa sunt Romam directis, appropinquante termino quo se Rex venturum per Epistolam supra scriptam ipsi mandaverat, sicut ius- sus fuerat, venire ei obviam parabat, veniensque Maguntiam ibi fortè complures Episcoporum in oc- cursum Regis euntium reperit, ad quos factā ora- tione quoniam confratres sui, suffraganei videlicet Ecclesiæ: reverentis, supra nominati Episcopi Heri- mannus & Bibo Tullentis ob invidiam Regis Me- tropolitani sui consecrationi nolissent interesse, pe- titiv ab ipsis causā caritatis sibi eos cooperatores he- ri, & obtinuit. Itaque assumptis secum his qui plus cæteris erga ipsum benigni esse videbantur, convenit ejusdem sedis Archipræsulem, & Egilbertum, con- secravit Episcopum. Porro cum fuisset ordinatus, paucis interjectis diebus Treverim venit, & cœpit cum his qui, ut ita dicam, ipsum regnare nolue- runt super se, tyrannico more agere, ut deinceps ab ejus impugnatione desisterent, majoribus quibus plus nocere non potuit ex Rege timorem incutere, invalidæ verò plebis quæ se adversus ipsum defende- re non potuit, bona quæcumque occasione diripere. Tunc hi qui plus cæteris ausi sunt ei resistere, dixe- runt: » Quoniam ad hunc Pontificatus ordinem &  
 » tunc & nunc ingratis nobis accessisti, sed & quia ab  
 » homine excommunicato & laico Episcopalia susce-  
 » pisti, Episcopalia inquam annulum & baculum,  
 » præsertim cum in canonibus & decretis, laicis  
 » quantumvis religiosus de Ecclesiasticis rebus ali-  
 » quid disponendi nulla sit tributa facultas, idcirco  
 » non poteris Episcopari, nec nos tibi communica-  
 » re. At verò si insuper debes in gradu suscepti ho-  
 » noris persistere, oportet te Gregorio Catholicæ Ec-  
 » clesiæ summo Pontifici obsequi & obedire, & hæ-  
 » retico nunquam, juxta illud quod Beatus Gelasius  
 » Papa & Martyr in Epistolā quādam universis Orien-  
 » talibus Episcopis directā, de hujusmodi superposi-  
 » tis scribens ait: Quid ergo facimus de tot tantis-  
 » que civitatibus, ex quibus Catholici Pontifices re-  
 » jecti sunt, si Catholici sunt subrogati, cur Catho-  
 » lici sunt rejecti; sed evidenter apparet, quia cum  
 » Catholici sunt rejecti, non Catholici fuerunt, qui  
 » subrogati sunt. Item: Quis non videat illos esse  
 » Catholicos & ab omni hæreticā peste prorsus alie-  
 » nos, qui à propriis urbibus extrusi, & in exiliis  
 » sunt redacti, & eos qui superstitionibus Catholicis  
 » successores fieri ausi sunt, Catholicos omnino non

esse? Restat igitur quodd non sint Catholici, sed hæ- retici quicumque successerunt, his adde & il- los qui se prius talium communioni junxerunt. Quo contra Egilbertus respondit, velle se prius vi- tam dare, quā illi qui eum ad hunc honorem pro- vexisset, infidelis existere: nunquam velle Gregorio obedire, quamdiu ipse nollet se in amicitiam Regis præire.

Interea dum hæc & iis similia inter se contendentes tractarent, appropinquabat jejunium quatuor Temporum, quo consuetudo est Ecclesiæ promoveri eos in ordinem Clericatus qui sunt promovendi, & hoc iste omni nisu affectabat facere non amore justitiæ, sed ut potuisset majorum quempiam sibi advincere, ut videlicet ab ipso consecrati, postea ipsi essent obnoxii, & quomodo suam ab ordine sus- pensionem, ita pertimescerent ejus ab Episcopatu depositionem; cujus intentionem cum rescissent, di- xerunt: Quia pallium quod à Romanā Ecclesiā Me- tropoli nostræ debetur, nondum es adeptus, imposi- tionem manūs à te suscipere nolumus, maximè cum in Canonibus decretum sit: Si quis Metropolita- nus sine pallio consecrare præsumserit, & conse- crator & consecratus gravi ordinis sui periculo sub- jacebit. Quod utique si debes acquirere, erga Pa- pam quem adeo despicias Gregorium te convenit hu- miliare ut merearis accipere. Expositis ei idoneis cau- sis pro quibus non debuerit ordines facere, absti- nuit, & paucis diebus interpositis, quemdam con- sentaneum suum nomine Theodericum arte necro- mantiacum, professione Monachum, scientiā lit- terarum valde præditum, misit quæsitum suum Cle- mentem Apostolicum, ut inventum sibi transmittere expeteret pallium. At ille Clemens gavisus, quodd aliquid ipsum pro accipiendā benedictione respice- ret, quod petebat transmittit, cum litteris docenti- bus, quibus temporibus hoc foret usus, quas quia auctoritas non roborat, magis verò infirmat, (hæ- reticorum enim & excommunicatorum decreta fide- lis quisque non recipit) idcirco memoriæ commen- dare non curavimus. Hic autem quem jam nomi- navimus Theodericus, de sæpedito Gregorio Pap- libros duos edidit, in quibus multis mendaciis com- pilatis (quæ non ipso melius concinnare quis novit) Gregorium infamem fecit, Regis verò & sui Papæ innocentiam & sanctitatem commendavit; pro qui- bus editis iste, de quo loquimur, Egilbertus Abba- tiam sancti Martini super litus Mosellæ defuncto bea- tæ memoriæ SIGEBERTO Abbate eodem die illi re- tributionem dedit, quo utique malo si majus non fe- cisset, ad perpetuam sibi damnationem sufficere po- tuisset. Nam ipsa Abbatia prius quidem erat ad- modum in rebus sufficiens; at nunc ab hoc est adeo annihilata, ut Monachi quoque qui divinis ibidem mancipati erant servitiis, nisi aliunde conquirent, nec necessaria vitæ haberent.

Est & aliud quoddam gestorum ejusdem Egilber- ti, quod pro facti similitudine isthic libet inferere. In Monasterio puellarum Horrei, defuncta IMIZA, summæ strenuitatis ancillā Dei, matre Cœnobii, re- nitentibus omnibus ibi Deo famulantibus, quam- dam neptem suam præposuit, fratris sui filiam no- mine LUITGARDAM. (Quod cum pace, salvo hono- re professionis sanctimoniarum dixerim. Deus scit quia non mentior) arte magam, veneficam, incanta- tricem, blasphemam, de quā cum Episcopus mo- dis omnibus niteretur ut ibi eam præficeret Sancti- monialibus, omnibus pusillis cum majoribus sine cessatione, tam die quā nocte Deum & sanctam Ge- nitricem ejus cui serviunt, ne hoc fieret orantibus, cuidam ex earum collegio, quæ cæteris frequentior orationi incumberebat, inter verba orationis ut divi-

na erat voluntatis obdormienti talis ostensa est visio. Vidit sanctam Dei Genitricem **MARIAM** in medio Angelorum stantem, & beatas Virgines Irminam, Modestam, Anastasiam, quæ in diebus suis ipsi loco præfuerant, coram ei consistentes, & vultus quali mæstos exhibentes, sanctam Dei Matrem ita se alloquentem: Ausculta filia, inquit, cum illuxerit dies, horâ matutinâ indica sororibus tuis ex me, quia peccatis vestris exigentibus decrevit Deus ut ipsa de quâ petitis absolvi, flagelli vobis loco proveniat, & tandiù maneat, quo usque pro afflictionibus vobis ab eâ irrogandis vitæ ipsius vos pigeat. Verumtamen noveritis eam ex prælatione iram Dei in se provocare, vobis verò non plus officere nisi super destitutione hujus loci nostri videbimini sufferendo laborare. Itaque cum fuisset inthronizata, cœpit de bonis Ecclesiæ juxta illud libri Machabæorum diabolicum magnum exercere, & ut verum fatear, licet impudenter loquar, alia concubitoribus suis distribuere, alia vendere, postremò ut breviter concludam paucis Ecclesiæ derelictis, omnia in usus suos convertere, ut posses liquidò pendere veridicam Dei Genetricis supradictam existere sententiam, ipsam ex prælatione iram Dei in se provocare.

Denique aliquantis transactis annis, Egilbertus cœpit se satis admodum officio dignum exhibere, nisi solum quoddam ab excommunicatorum Regis videlicet & Clementis se noluit communione sequestrare, propter quod & **BRUNO**, qui ei in Episcopatu proximus loco successit, omnes quos ille ordinavit, iste ab officio suspendit, nec remotos ad pristinum gradum admisit, nisi qui se legitimo Romanæ Ecclesiæ Pontifici obediturum super Evangelium fidem fecit. Complura memoriâ digna de hujus Egilberti probis actibus quæ per ipsum vel sub ipsius temporibus gesta sunt, seniorum relatione ad nostram notitiam pervenerunt, quorum aliqua (si quidem vel aliquam ejus memoriam cum Ecclesiæ pace fieri liceat in benedictione) curabimus inlinuare.

Quædam Matrona præpotens Comitissa de Castello quod *Aralune* dicitur, mater videlicet Comitum Waleranni & Fulconis, marito suo defuncto aditipulantibus filiis suis & filiabus, bona proprietatis suæ in Ecclesiâ Treverensi Beato Petro tradidit, & amplius recepit sub conditione quam precariam nominant, ita videlicet ut cum ipsa de hac luce migraret, utraque simul data & accepta in Beati Petri & Episcopi jus liberè transirent, & quod Episcopo ex his facere placuisset, liberam potestatem haberet. Hujus Comitissæ neptem, filii filiam, Henricus quidam Dux, cujus ditionis erat castellum quod vulgò vocatur *Lemburch*, duxit in matrimonium, qui decurso aliquanti temporis spatio eadem bona Ecclesiæ studuit tollere, & in suos usus convertere; propter quod cum fuisset sæpius ab Episcopo ad satisfactionem vocatus, & nollet desistere, sequestratus est à communione Ecclesiæ. Cumque nec ideo manus suas ab inceptâ malitiâ contineret, imò magis & alia Episcopatus bona devastaret, Episcopus maledixit ei anathemate maranatha: cui nec sic quidem ab impugnatione desistenti, sed adversus ipsam civitatem Treverim cum magnâ armatorum manu venienti, Episcopus convocata ad se liberorum & ministerialium Ecclesiæ multitudine gravi, statuto die occurrit, & adjutorio Dei ac Beati Petri partis istius admodum parvo, illius verò permaximo detrimento & confusione eum ad propria redire coëgit. Post multum verò temporis cum idem Dux inflicto sibi anathema parvi penderet, & in malis supradictis & similibus perseveraret, accidit ut quidam de militibus ejus die quâdam in domum ejus advenisset, & factâ horâ prandii, appositâ

mensâ coram ipso, panem comedere debuillet, & Dux illi illudens, surge ait, & foras egredere; coram me comesturus non es, excommunicatus enim es, & ille ubi, inquit, & quis me præter eum qui & te excommunicavit? Cui Dux ait: Ecce nunc vide, jam parebit, si ita sumus excommunicati ut aliquid nobis exinde molestiæ possit accideri, si hic canis qui fortè illis edentibus aderat, buccellam quam illi dero comederit, non pertimesco. Sin autem, timenda est nobis excommunicatio, & petenda reconciliatio, & hoc dicto misit buccellam, quam canis ut naribus adhibuit, ultrâ contingere non curavit: & ne quis hoc saturitati canis posset imputare, cum alius illi buccellam mitteret, festinus arripuit. Unde omnes qui aderant summâ admiratione ducti, unâ voce dixerunt, oportere eos ad satisfactionem venire, & ita fecerunt. *Sit ergo nomen Domini benedictum in sæcula*, qui Sacerdotum licet peccatorum tamen in multitudine clementiæ suæ precibus exaudit, & quod nostra parvitas in terris ligat, apud ipsum quoque ligatum esse confirmat, juxta quod Beato Petro, & per ipsum universæ Ecclesiæ promisit dicens: *Quodcumque ligaveris super terram erit ligatum & in cælis, & quodcumque solveris super terram, erit solutum & in cælis.*

Eâ tempestate populus multus utriusque sexûs ex omni terra & natione Jerusalem ire intenderunt, & totis desideriis anhelabant pro Dei & fidei amore aut ipsi mortem suscipere, aut incredulorum colla fidei subjugare; & hac mentis intentione incitati decreverunt primum Judæos in civitatibus & castellis ubicumque habitarent, persequi, & cogere illos ad Dominum **JESUM CHRISTUM** Deum credere, aut sub ipsâ horâ mortis periculo subjacere; cumque eodem fervore incitati, civitati Treverorum appropinquarent, Judæi qui ibi habitabant, similia sibi arbitantes fieri, quidam ex eis accipientes parvulos suos, defixerunt cultros in ventribus eorum, dicentes, ne forte Christianorum velaniæ ludibrio fierent, debere eos in sinum Abrahæ transmittere: quædam autem ex mulieribus eorum ascendentes super ripam fluminis, & adimpletis sinibus suis & manicis lapidibus, præcipitaverunt se in profundum: reliqui verò quibus adhuc vivere cordi erat, assumptis secum rebus suis & liberis in palatium, quod est asyllum Treverorum, ubi ipsâ horâ Egilbertus manebat, confugerunt, & cœperunt lacrymis flagitare suffragium. Ille verò noctâ oportunitate super conversione eos admonens, ita exorsus est: Miseri, nunc venerunt super vos peccata vestra, quæ operati estis, Filium Dei blasphemando & sanctissimæ Genitrici ejus detrahendo, ipsum quidem in carne venisse negando, matri verò ejus superfluitate verborum vestrorum derogando. Ecce jam hujus rei causâ ad summam vitæ vestræ desperationem devenistis: & ego vobis dico si in hac infidelitate vestra perseveraveritis, corpore simul & animâ peribitis. Vos prolium similitudine patrum vestrorum, qui ante Christi adventum ipsum in carne venturum crediderunt, vobismet ipsis blandientes promittitis: profecto [nisi] ipsum jam venisse, & quæ ad redemptionem humani generis ipsum acturum referunt scripturæ, adimpleta esse cognoscitis, ipsi vos fallitis. Quæ vos stultitia vel magis duritia coartat, ut cum prophetica scripta legatis, non retractetis vobiscum cogitantes, quàm brevis temporis spatium adventus ejus in carne Daniel commemorat, & quot exinde anni fluxerunt: *Septuaginta*, inquit, *hebdomada abbreviata sunt super populum tuum, & super urbem sanctam tuam, ut consummeur pravariatio, & finem accipias peccatum, & deleatur iniquitas, & adducatur justitia sempiterna, impleatur visio Propheta, &*

*Psal. 112. 2.*

*Mat. 16. 19.*

*Dan. 9. 24.*

*ungatur Sanctus Sanctorum.* Nonne scientiam litterarum vestrarum bonam habetis, utique vobis magnum posset existere gaudium & fidei incitamentum de assumptione generis vestri in Deum? Hoc autem ideo dixit, quia ut quidam Sanctorum dicit: Infidelibus est blandiendum ut ad fidem convertantur, & ipsi Judaei de generis sui nobilitate gloriantur. Et adjunxit: Nunc itaque acquiescite petitionibus meis & consiliis, & convertimini & baptizamini, & ego restituiam vos cum pace & salute possessionibus vestris, & deinceps ab adversantibus tuebor vos.

Cum hæc & iis similia ad illos diceret, unus ex illis legis doctor Michæas nomine cepit dicere: Verè sicut dixistis necessarium nobis Christianorum fidei nos jungere, potius quàm de die in diem taliter vitæ & possessionum periculis subiacere. Age ergo quomodo credere debeamus ediscere, & adjuva quatenus liberemur de manibus eorum qui foris sunt, quærentium nos. Et ait Episcopus: Hæc est fides Catholica, sine qua nemo salvari potest, ut credatis in Deum Patrem omnipotentem, Creatorem omnium creaturarum, & in JESUM CHRISTUM Filium ejus, qui cum Patre unius est substantiæ, quem Deus Pater ante omnia tempora genuit, nativitate illà ineffabili, de qua dicit Ilias Propheta: *Generationem ejus quis enarrabit?* qui quidem cum homines per multimoda vitia incedentes, ad tantam devenissent insipientiam, ut neglecto Creatore suo debitum Deo Idolis manufactis honorem impenderent, sicut est infinitæ misericordiæ, condoluit perditioni eorum & ut eos ab errore & perditione, quæ de hac vitâ discedentes excipiebat, liberaret, manens quod erat, suscepit quod non erat; ex voluntate Patris cooperante sancto Spiritu homo verus per immaculatæ Virginis uterum sine viri semine natus est, quem quia Filium Dei se esse dicebat, Patres vestri crucifixerunt, & vos suo maledicto devinxerunt, dicentes: *Sanguis ejus super nos & super filios nostros.* Verumtamen vos hoc maledictum evadere potestis, si in ipsum firmo corde credideritis, & de peccatis vestris ipsum vobis fieri propitium postulaveritis. Qui post passionem suam effracto inferno, & his qui in adventu ejus crediderunt inde erutis, die tertia verus Deus & verus homo r. surgens à mortuis, abhinc die quadragesiâ videntibus his qui digni erant ascendit ad cælos, ubi sedet in dexteram Dei Patris sui, æqualis ei & coæternus in Divinitate, inde venturus ad judicandum in novissimo die, Deus verus & homo, reddere unicuique prout gessit in corpore live bonum live malum. Nec minùs credendum est in Spiritum sanctum, qui ex Patre & Filio procedens universa condita vivificat, æqualis & consubstantialis per omnia Divinitate Deo Patri & Filio: propter hoc fides Christianorum trium unam Deitatem personarum, eandem prædicat essentiam, æqualem Majestatem. Hanc fidem Catholicam sancta per orbem confitetur Ecclesia, in qua unum datur Baptisma in remissionem peccatorum credentibus, in qua justè & piè viventes, post hujus vitæ decursum, corporibus nostris hisdem quibus nunc paremus immortalitate vestitis, speramus communionem Sanctorum percipere, & fructuosos nos æternâ beatitudine, male verò operantes non confessos & inemendatos in æterno arduos incendio.

Tunc Michæas, is videlicet quo hortante hanc fidei editionem Episcopus exorsus est, ait: Testificor tibi per Deum, quia quæ loquutus es credo, & ecce jam Judaïsimo abrenuntio, & quæ nunc mihi non satis plenè sunt intellecta, cum nobis tempus pacis & tranquillitatis advenerit, perquirere cu-

rabo, tantum accelera nos baptizare ut possimus manus quærentium nos evadere. Similiter & alii omnes dixerunt. Tunc Episcopus baptizavit eum, nomen suum imponens ei, alios autem Presbyteri qui aderant, baptizabant: sed ut de cætero de his taceam, aliis omnibus in sequenti anno apostatantibus, iste adhærens Episcopo in fide permanfit. Non ergo audebo nunc dicere, quodd istius animæ conversio sit convertentis salvatio, cum scriptum sit, *quia qui converti fecerit peccatorem ab errore via sua, salvabit animam ejus à morte?* Ejus, inquam, id est suam & conversi, cum ad Ezechielem Dominus dixerit, quodd si annuntiaverit impio viam suam malam, & ille conversus non fuerit, ipse tamen mercedem non amiserit, sic enim dicit: *Si autem tu annuntiaveris impio, & ille non fuerit conversus à viâ malâ, ipse quidem in iniquitate suâ morietur, tu autem animam tuam liberasti.*

Præterea multa alia bona operatus est quæ enumerare longum est. Hoc autem sciendum, quodd elemosynas pauperibus largas faciebat, & Ecclesiis bona plurima conferebat, sed & ab antecessoribus suis ablata aliquibus restituebat, quorum testamenta in ejus memoriam in Bibliothecis usque hodie sunt reposita. Quæ omnia ego pusillus qui hæc scribo ad redemptionem animæ ejus profutura sperarem, sed sententiæ beati Augustini non audeo præjudicare; dicit enim: Omni homini qui Ecclesiæ Catholicæ non tenet unitatem, neque Baptismus, neque elemosyna, quamlibet copiosa, neque mors pro Christi nomine suscepta proficere poterit ad salutem, quando in eo vel hæretica vel schismatica pravitas perseverat, quæ ducit ad mortem. Mortuus est autem anno Dominicæ Incarnationis millesimo centesimo primo, die Nonarum Septembris, & sepultus est in Ecclesiâ Majori, domo videlicet sancti Petri Apostoli. Sedit in Episcopatu annis viginti duobus, menses octo, dies tres, & vacavit Episcopatus fratre menses quatuor.

In diebus illis fuerunt ex copioso Trevericæ civitatis Clero quamplures hac Sacerdotii successione dignissimi, inter quos erat quidam BRUNO nomine, Francus natione, insignis nobilitate, utpote quem pater ARNOLDUS Comes ex nobilissimâ matre ADELEIDA genuerat, formâ præstantissimus, litteris sat eruditus, consilio cautus, plusquàm dici potest magnificus, quibus rebus ita erga se Principes devinxerat, ut non solum Præposituris majorum Ecclesiarum in Treveri & Spirâ, verum etiam beati Florentii in Confluentiâ & sub Archidiaconatûseum honore sublimassent. De hoc suggestum est Imperatori, ut eum Trevericæ præficeret ecclesiæ. Eo si quidem anno HENRICUS, Rex quartus, Imperator tertius, habitâ curiâ Natalem Domini celebravit in Maguntia, ubi eum adeuntes cives Treverici petierunt sibi Episcopum dari, quibus mox petentibus Principibus, & consentientibus civibus Brunonem consecrari jussit. Denique ibidem ordinatus est Idus Januarii ab EDALBERONE Metensis Ecclesiæ Episcopo, oleum sacræ benedictionis imponente Joanne Spirensi, Richero Virdunensi: cooperantibus & assistentibus Archiepiscopis Ruthardo Maguntienfi, & Frederico Colonienfi, & aliis quamplurimis Episcopis. Ita ordinatus venit Treverim die Purificationis sanctæ Dei Genitricis, & cum magno populi gaudio susceptus est. Anno autem ordinationis suæ tertio, mensè Martio, Romam profectus Apostolorum gratiâ & percipiendæ benedictionis Magistri causa, invenit dominum PASCHALEM Papam universali Synodo præsentem, Papatus sui jam annum octavum agentem, à quo honorificè susceptus est, utpote Belgicæ Galliæ primæ

Jacob. 5. 20.

Ezech. 3. 19.

An. 1101.

Isai. 53. 8.

Matt. 23. 25.

Metropolis Præsul magnificus, ad cuius Præsulatum ex permissione beati Petri Apostoli suorumque successorum Apostolorum, quos enumerare longum est, inviolabilium testamentorum roboratione totius Gallie atque Germanie pertinet Primatus. Ita enim sanctus Silvester beato Agritio quarto Episcoporum Treverensium, quorum nomina cognita habemus, scripsit inter cætera:

*Sume Prioratum post Alpes Trebir ubique,  
Quem tibi lege nova Roma dat & veteri.*

Honorificè inquam susceptus, sed quoniam Episcopalia, annulum videlicet & baculum per manum laicam suscepisset, atque quia Ecclesias dedicasset, & Clericos necdum pallium consequutus promovisset, multum asperè correptus est, & decernente Episcoporum ibi congregatorum Concilio Pontificatus officium deposuit; quod tamen ipsis intervenientibus, quia discretio ejus & prudentia officio & tempori congruus erat, post triduum non sine admittorum pœnitentiâ recuperavit. Injuncta ei pœnitentiâ est, ut quoties in spatio trium annorum proximorum Missarum solemniam celebraret, Dalmaticâ non uteretur, quod ipse humiliter implevit. Deinde acceptâ tam Apostolici quàm totius Synodi benedictione, pallii honore donatus atque de regulâ fidei firmiter observandâ instructus, sive de instructione gregis sibi commissi diligenter admonitus, in sua cum gaudio remeavit. Tum verò juxtâ Magistrî institutionem magis quàm ante operibus justitiæ cœpit insistere, & verbum sacræ exhortationis quasi Evangelici mensuram tritici Dominicæ familiæ fideliter & prudenter erogare, & quod prædicavit ore, studuit operum exequutione confirmare: attentius illud beati Gregorii mente pertractans, *cujus vita despicitur, restat ut & prædicatio contemnatur.* Fuit enim constans in oratione, devotus in eleemosynarum largitione, pius in viduarum & pupillorum defensione. Excidia domorum Dei nullâ sumptuum motus magnitudine reparabat, & si quispiam Deo famulantibus aliquid intulisset injuriæ, impune præterire non sinebat. Verùm ut breviter concludam, talem se omnimodis exhibebat, ut in administrandis quoque Regni negotiis, ex omnibus Principibus consiliis & sapientiâ & auctoritate nullus eo sublimior haberetur, adeo ut Imperator patrem suum cum vocaverit, & majorem cæteris honorem ei impenderit. Sed & ab omnibus Episcopis quâcumque se conventui eorum ingessisset, ut par quidem diligebatur, sed ut major venerabatur.

Igitur quoniam in rebus commissis sibi strenuissimus erat, defuncto Imperatore, communi consilio Principum Curie regie Vicedominus effectus est, & Regnum Regnique heres, Henricus videlicet hujus nominis quintus Rex, adhuc adolescens circâ annos viginti ei committitur, ut & regnum suâ providentiâ disponeret, & heredem Regni morum suorum honestate, & disciplinâ quâ ipse præ omnibus pollebat, informaret, quousque in virum perfectum ætate & sapientiâ educatus succrevisset: quem susceptum tamdiu educavit, usque dum Adelberti tunc Cancellarii, postea verò Maguntiensis Episcopi detractionibus exasperatus, Regni & heredis providentiam Proceribus recontignavit. Quantæ autem pietatis exstiterit, exinde colligere poterit qui noverit, quodd quantumlibet quispiam ei molestiæ irrogasset, si revertens veniam postulavit, facillimè ad misericordiam motus indulgit. Unde factum est, ut cum idem Adelbertus, cujus ante memini, Maguntientium iam novus electus ob illatas Regi molestias à Rege captus & in carcerem retrusus esset, non inde prius exire potuisset, quàm ille Bruno fidem faciendo nunquam illi Regi nociturum,

pro ipso se obsidem Regie custodiæ dedit. Quid multis moror? Denique cum tantâ solertiâ ac sapientiâ ab ipso res acta est, ut cum in diebus illis de venalitate sanctæ Ecclesiæ, scilicet de contradictione venditionis Episcopatum, Abbatiarum & aliarum quarumcumque Ecclesiasticarum dignitatum, inter Regnum & Sacerdotium sicut superiori sermone decessum est ageretur, ita Catholicorum amplexus sit consortium, ut Imperatori debitum non denegaret obsequium, neque ita se Casarianorum communione contaminaverit, ut Catholicorum offensas incurreret: propter quod contigit, ut suâ prudenti mediatione Imperator Apostolico obtemperaret, & deinceps desinerent esse discordes; quod ut facere non omitteret, quoniam omnibus supereminebat auctoritate, multorum Episcoporum exhortatione ad ipsum directæ sunt epistolæ. Nunc autem superest ut gestorum ejus quoddam memorabile cui me contigit interfuisse, debeam declarare.

Ivodii quod Trevericæ diocesis appenditium est, fuerunt eo tempore hæretici, qui substantiam panis & vini, quæ in altari per Sacerdotes benedicitur, in Corpus Christi & Sanguinem veraciter transmutari negabant, nec baptismi Sacramentum parvulis ad salvationem proficere dicebant, & alia perplura profitebantur erronea, quæ memoria tradere nefas duxi. De his quatuor oblatis sunt ei, quorum duo Presbyteri, reliqui verò duo erant laici. Presbyterorum unus FREDERICUS, alter duobus vocabatur nominibus DOMINICUS WILHELMUS; laicorum verò alter DURANDUS, alter dicebatur HALMERICUS. Quos dum discuteret, & regulâ Christiani dogmatis imbueret, Halmericus fugâ lapsus est; Durandus verò hætenus quidem se sceleris hujus assentatorem esse ultro confessus est; sed deinceps in eâ assentatione nolle persistere, adhibitis sibi Sanctorum reliquiis juramento verbis fidem fecit. Vocatus autem alter Presbyterorum Fredericus ad audientiam, non solum non negavit, verum etiam benè & rectè se credere id profitendo assensit. Cui Bruno Episcopus ait: Oportebat ut tu, qui Doctor fidelium esse debuisti, sanam doctrinam cunctis evangelizares, ommitteres infidelitatis assertiones, in quibus mentiri te cunctis fidelibus luce clarius patet, cum beatus Augustinus dicat: Quoniam Christus non est fas vorari dentibus, voluit ipse Christus hunc panem & hoc vinum in mysterio, carnem verè suam & Sanguinem consecratione Spiritus sancti potentialiter creari, & quotidie pro mundi vitâ mysticè immolari, ut sicut de Virgine per Spiritum sanctum vera caro sine coitu creabatur, ita per eundem ex substantiâ panis & vini mysticè idem Christi Corpus consecratur. In Epistolâ quoque de fide Catholica item beatus Augustinus dicit: Firmissimè tene & nullatenus dubites, parvulos qui nec propriâ voluntate credere, nec pœnitentiam pro peccato quod originaliter trahunt agere possunt, Sacramentum fidei & pœnitentiæ quod est sanctum Baptisma, quamdiu rationis eorum ætas capax esse non potest, sufficere ad salutem; in capitulo epistolæ vicestimæ septimæ.

His atque aliis hujusmodi Scripturæ sacræ elogiis in medium prolatis, cum ab adstantibus fidelibus nunc singulariter, nunc communiter increpatus atque ad Christianam veritatem incitatus, nollet acquiescere, sed magis in infidelitate destitasset obstinatâ mente persistere, acclamabatur ab omnibus Dominicæ vocis sententia, quoniam *Ecclesiam non audit, sit tibi sicut ethnicus & publicanus.* Adjece-

Mat. 18. 17.

E e ij



giendi oportunitate se inter adstantes subduxit, sicque evasit. Proinde cum requisitus non esset reinventus, juxta Canonum Sanctiones; qui noluerit ad audientiam venire vocatus, eadem patiatur absens: ut breviter comprehendam, damnatus est. Inquisitus autem & alter, ille videlicet, qui ob hujus nequitiae infamiam obumbrandam duobus vocabatur nominibus, an & ipse publicatae hæresis assertor existeret, testificatus est nunquam se eam professum esse, vel profiteri velle; delatoribus è contra affirmantibus & dicentibus, se quādam vice insperatō conventiculis eorundem hæreticorum supervenisse, ipsumque illis communicantem invenisse; quo contrā ille timens ne Presbyterii privaretur honore, respondit ob hujus suspicionis notam abolendam libenter velle summæ examinationis subire sententiam: quod dictum cum placuisset omnibus, jussus est Missam celebrare, & sacrum Canonem, qui secreta vel actio dicitur, sicut cætera excelsa voce decantare, ut qui mysterio pretiosi Corporis & Sanguinis Christi præsumisset detrudere, ipsius probaretur virtute. Missa itaque decursa, ubi ad communicandum perventum est, Episcopus verba imprecationis hujusmodi intulit dicens: Si vivificum hoc salutis nostræ Sacramentum quod manibus tenes, non verè Corpus Christi & Sanguinem esse ausus es impio ore garrere, cum ipsius mysterii contestatione interdico quoquo modo præsumas accipere: si verò non ita sed Catholicè profiteris, accipe: & accepit. Verumtamen qualiter idem redemptionis munus ad damnationem sui in os ejus intraverit, referre supervacuum non judicavi. Cum enim esset in examinationis anxietate constitutus, Omnipotenti Deo de admissis pœnitentiam, de futuris custodiam pollicens, corde contrito supplicavit & obtinuit ab instanti confusione liberari. Inde ubi in sua rediit, pollicita fallere non expavit, & abdicatam hæresim majori quàm antea pertinaciā roboravit, non recolens quòd cum sit *Deus Index, justus, fortis & patiens*, tanto delinquentium culpas districtius judicat, quanto æquanimius portat. Contigit ergo ut de vitio in vitium corrueret, sicut scriptum est: *Qui in sordibus est, sordescat adhuc*, & spiritu fornicationis seductus, non multo post in adulterio deprehensus est, & digna iniquitatis suæ morte peremptus.

Psal. 7. 12.

Apoc. 22. 11.

Sæpèdictus etiam Pontifex crebris infirmitatibus, nunc pedum dolore quod podagram Græci vocant, nunc ventris fluxu quod colicam nuncupant, vexabatur: propter quod exquisitissimos semper secum habere solitus erat medicos: habebat autem inter eos Judæum quemdam Josue nomine, physicæ artis eruditissimum, & totius artis compotitam peroptimum, hebraicarum litterarum & totius Judaismi scientiā perfectissimum, quem circumdabat militaris habitus: hunc majori præ cæteris familiaritate & dilectione BRUNO idem sibi annectebat, fatagens ut quomodo ille ipsum carnaliter medicaretur, ita ipse illi salutem animæ operaretur. Cum hoc sæpissimè de Divinis disputabat voluminibus, semper illum ad conversionem deprecans & exhortans, in quo tandem Domino largiente optatum tenuit effectum. Nam consiliis ejus acquievit, & ab ipso baptizatus est, cui Bruno nomen suum imposuit, & in cunctis bonis adjovit, cunctis fidelibus suis eum commendans, & petens, quia genus illud hominum multum est in fide instabile, semperque desiderat in vitæ necessariis abundare, quatinus ille ubicumque ipsis manentibus superveniret, providerent ei necessaria cum charitate.

Nunc iterum ad ordinem unde digressus sum, orationis verba convertam. Cum igitur, unde di-

ctum est, Bruno omni probitatis actu duodecim annis serenus exstitisset, auctoris omnium prævaricationum diaboli, qui videlicet felicibus actibus ejus invidebat, instigatione retro conversus, religiosi itineris limitem excessit, & incentivis vitiorum avaritiæ scilicet & cenodoxiæ plus justo inhiavit. Ut enim multum interminatæ habendi cupidini muneribus & beneficiis potuisset satisfacere, non solum Clericorum & Laicorum bona diripiebat, verum etiam Ecclesiarum villas & curtes Deo & Sanctis ejus vespere, mane & meridie famulantium victui deputatas, sed ornamenta & vasa concupiscibilia tam aurea quàm argentea in suos usus redigebat, & exinde expensas faciens humanos in se favores concitabat. Nihil enim laude in vitâ fuit ei dulcius. Inde est, quòd villæ duæ, una Dei Genitrici loci qui Orgium dicitur, nuncupata Machara, distans à Treveri versus Aquilonem circiter tria millaria, altera beato Paulino dicata dicta Le ura, & aliæ quamplures quas omnes enumerare propter multitudinem distuli, à prioribus quoque Pontificibus ad tempus quidem sublata, sed frequenter ab omnibus reconfignatæ, nunc autem ab hoc subtractæ, nec restitutæ, Episcopalibus sunt addictæ redditibus, quarum priorem Dagobertus Rex Francorum inter cætera quæ Ecclesiis Dei legitur beneficia contulisse, sanctæ Dei Genitrici ob amorem sanctissimæ Virginis Irminæ filiæ suæ tunc ibi degentis, nunc verò quiescentis cum aliis quampluribus, contulit, alteram verò quam diximus Lesuram beato Paulino Ludolfus Treverorum Archiepiscopus donavit, & sacerdotii sui auctoritate obsignavit, imprecatus, ut si quis Lesuram in succedentibus annis usui Fratrum in B. Paulini basilicâ ministrantium tollere conaretur, disperderet eum Dominus de terrâ viventium: ubi verò in hunc ejusdem Episcopatus auctoritas collata est, iniquorum seductus consilio, ut diximus, eam cum aliis aliquibus in suos usus redigebat, dicens non licere cuiquam Episcoporum, quidquam Episcopatum reddituum alicui Sanctorum loco assignare; & quoniam prænominatus Ludolfus id fecerit, ratum non esse: quod utrum ne illi licuerit, vos decernite. Æltimo namque, quòd Episcoporum est summam Deo famulantibus diligentiam adhibere necessaria ministrando, ne dum pro necessariis conquirendis negotiantur, à sancto proposito discedere compellantur. Ad hoc enim deputati sunt Ecclesiastici redditus, ut ex eis subveniatur Christi pauperibus, quod ille exequens melius usui ministrorum Dei assignaverit, quàm iste in usum superbæ gloriationis allumerit.

Huc accedit, quòd cum Egilbertus, proximus hujus Brunonis antecessor, adhuc viveret, into consilio cum Optimatibus suis, quorum ille Bruno unus erat, hujusmodi verbis eos compellabat: Obsecro vos per misericordiam Dei, dilectissimi filii & fratres, quidquid ego & antecessores mei Episcopi Sanctorum locis injuriæ violentiæ magis quàm ratione irrogavimus, vos me commonefacite, & ego restituam, ut & meam & eorum animas ab inferis redimam. Quod cum placuisset omnibus, discretis cuique loco redditibus banni constrictione firmavit, ut qui deinceps inde subtraheret, Deum præsumptionis suæ vindicem sentiret, & responderunt omnes, Amen. Ubi verò Egilbertus spiritum reddidit, & Bruno ei in Episcopatu successit, universa quæ ille resignavit, ille resumit, dicens nihil exinde ratum esse quod infirmus & jam suimet impotens in novillimâ vitæ suæ horâ fecerit; cum Beatus Gregorius dicat, ultimam pœnitentiam nulli negandum, beatus verò Augustinus dicat, se non diffinire, quòd qui seram tantum egerit pœnitentiam,

liberetur per eam. Ego equidem puto si audeam dicere, quod qui utrum temporaneâ sive serotinâ poenitentia malè tantum parta restituerit, etli propterea non liberabitur; qui ea postmodum in indebitos usus usurpaverit, non minùs iudicium sustinebit. Anno igitur ordinationis suæ decimo nono placuit Romam tendere, ut renovaret privilegia Sedis suæ, indignatus super proterviâ præfati Adelberti Maguntienſis Episcopi, de legatione Romanæ Sedis sibi concessâ superbè se efferentis, maximè cum ex concessione priorum Apostolicorum Episcopus Treverorum nulli nisi soli Apostolico, vel à latere ejus Misso ad præsens debeat obedire, sicut Hincmarus Remorum Archiepiscopus in epistolâ suâ Nicolao Papæ directâ commemorat dicens: Remensis Ecclesia nunquam excepto Romano Pontifice Primatem habuit, nisi quandiu abjecto ab eo sine ullo crimine suo Pontifice per Tyranni violentiam Milonis tempore Caroli Principis, pastore vacans sub Bonifacio Apostolicæ Sedis Legato aliquamdiù sicut & Treverensis fuit; sed & in tempore illo præfuit Ecclesiæ Metensi quidam Stephanus Calixti Papæ ex sorore nepos, cui jam dictus avunculus ejus concesserat in celebrationibus Missarum pallio indutum intedere, integrâ Trevericæ Metropolis potestate. Qui de pallii honore exhilaratus, velut confidens gratiæ consanguinitatis suprà memoratæ, ultra quàm oportuit se extulit, omnimodis nitens si quomodo potuisset ut Trevericam Ecclesiam deprimeret, suam autem anteferebat & Metropolim faceret, sperans quodd quicumque inchoasset Calixtus assentiret. Quod exinde perpendimus, ut quotiescumque à Metropolitano vocatus fuisset, ut licet consuetudo est suffraganeis Episcopis Metropolim obedientiam & subjectionem subscriberet, venire contempsit, dicens suos quoque antecessores quandoque fuisse Archiepiscopos, quod nullarum scripturarum auctoritas firmat & pronuntiat. Solummodo quippe Metensium Episcoporum quinque numero pallio usi referuntur, quibus iste sextus adscribitur, servatâ tamen in omnibus Metropolitano subjectione; sed non omnes qui pallio utuntur, Archiepiscopi sunt, nisi quorum sedes Metropolis subjectis sibi aliis civitatibus & Episcopis principatur. Cum igitur propter causas supra memoratas sæpèdictus Bruno versus Romam iter faceret, & Augustidunum usque processisset, Calixtus Papa ibi ei occurrit, & eum amicè suscepit, & cum eo in eodem loco Natalem Domini celebravit. Transactis autem diebus solemnibus, pariter iter Cluniacum dirigunt, ubi Bruno causas adventus sui aperuit, prolatisque coram Sedis suæ privilegiis, eadem sibi & Ecclesiæ suæ Apostolicæ subscriptionis firmamento stabiliri postulavit, & obtinuit. Nam factâ ei peccatorum suorum indulgentiâ, remisit eum ad propria, dans ei chirographum hunc modum continens.

» CALIXTUS Episcopus servus servorum Dei Venerabili Fratri BRUNONI Treverensi Archiepiscopo salutem & Apostolicam benedictionem. Consuetudo Sedis Apostolicæ persuadet, & ipse rationis ordo exposcit, ut sapientes religiosæque personas, & in Romanæ Ecclesiæ obedientiâ devotas existentes honorare ampliùs ac diligere debeamus. Proinde, Frater dulcissime, postulationi tuæ cle-

menter annuimus, & personam tuam dilectionis brachiis amplectimur, & eam à cujuscumque Legati potestate absolvimus, nisi fortè à nostro latere dirigatur. Confidimus enim in Domino, quia de sapientiâ ac religione tuâ & Deo & Ecclesiæ honor magnus, utilitasque proveniat. Data Cluniaci tertio Nonas Januarii.

Denique non multo post tempore viribus corporis ejus senio simul & infirmitate ad occasum vergentibus, in omni ferè circâ regione cœperunt viri nequam consurgere, & res Ecclesiæ quæ ipsorum defensionem, & ut ita dicam advocatiæ commissæ fuerunt, barbarico more depopulari, quodam Comite Willelmo filio Conradi Comitis suprà memorati de Castello quod vocatur *Luzelenburch*, ducatum illis præbente; quos cum sæpiùs ad correctionem invitasset & non profecisset, tandem cum non haberet quillorum vesaniam armata manu posset reprimere (ipsi enim, si barbari provinciam hanc impeterent, illis resistere debuissent) usus est in eos anathematis ultione, die quâdam Dominicâ octavo Idus Decembris, anno Dominicæ Incarnationis millesimo centesimo vicesimo secundo, Pontificatus sui anno vicesimo primo. Cujus anathematis series hunc habet modum.

Propter continuas oppressiones, quas Ecclesia nostra patitur, decernimus & Sancti Spiritus iudicio, & auctoritate nobis commissâ confirmamus, ut quicumque sive in rapinis rerum Ecclesiasticarum, sive in combustione alicujus Ecclesiæ, sive in captione alicujus Clerici, vel in quâcumque indebitâ exactione, sive in generalis vel specialis pacis violatione hæcenus nos conturbavit, ad satisfactionem canonicè vocetur, passurus sententiam secundum merita; obediens, iudicium cum misericordia; rebellis, iudicium sine misericordiâ. Ab hac autem die ulterius quicumque supradictorum violatorum inventus fuerit hodiernâ excommunicatione prædamnamus, & præcipimus ut ab omnibus ut sacriligus devitetur, suspensus ejus nomine in Ecclesiâ ad iudicium excommunicationis jam super eo factæ, & singulis diebus Dominicis repetendæ, ita ut, qui cum eo communicaverit, si laicus, eodem anathemate feriat, & si Clericus, ab ordine deponatur; spolia quoque emens vel dono accipiens, ei cui & spoliator, damnationi subjaceat. Congregationibus autem licentiam damus, ut quicumque eos in bonis stipendiorum suorum læserit, eum quotidianâ excommunicatione prosequantur. Porro Archidiaconis concedo, ut ubi alius negotiis impeditus adesse non potero, poenitentes Ecclesiæ reconcilient, servato ordine in compositionibus & cæteris Ecclesiasticis consuetudinibus.

Multa quidem & alia probitatis fecit insignia, quæ & ego ipse vidi, & aliorum certâ relatione cognovi, quæ enumerare per singula gratiâ vitandæ prolixitatis omitti. Hoc tantum scire sufficiat, quodd appropinquantem vitæ ejus terminum laudabilibus admodum operibus antecessit. Etenim per nocturnam quietem solitus erat sanctorum memorias silenter circuire, & in oratione diutius persistere, & Dei propitiationem eorum intercessione profulis lacrymis exorare.

An. 1112.



# MONITUM.

**E**PISCOPORUM METTENSIVM CHRONICON MS. V. cl. Rai-  
mundo Formentino Domus Sorbonicæ Socio pererudito acceptum ferimus. Id ex fuliginoso  
ac mendofo purgatissimum purumque diligentia quâ potuimus maximâ publico bono edendum cu-  
ravimus, ope potissimum Catalogi Episcoporum Mettensium perantiqui, quem in calce Operis sui,  
Familia Ansberti rediviva inscripti, Marcus Antonius Dominici attexuit. Adjumento mihi quoque  
fuerunt correctiones à viro Clariss. Hadriano Valesio adhibitæ, qui Chronicon illud antequam in  
manus meas incidisset, jam legerat. Tres autem Chronici hujus scriptores observavimus. Prior  
quæ retulit, ab historiæ Mettensium Episcoporum auctore Paulo Diacono Aquilicensi magnâ ex  
parte mutuatus est, & ad Poponem Episcopum pervenit: posterior stilum duxit ad usque Ber-  
trannum: tertius denique finem fecit in Jacobo LIX. Episcopo, anno videlicet MCCLX. Duabus  
Appendicibus hosce posteriores à nobis distinctos noveris.

## CHRONICON EPISCOPORUM METENSIVM.

**M**ETIS est civitas antiqua in Galliarum provin-  
ciâ primæ Belgicæ sita, jucunditate fluminum  
satis amœna, vinearum ac nemorum uberrima;  
montibus cum piscalibus vicinarum venis salinarum  
illustrior urbibus cæteris, salubris aëre, sub ipso lit-  
tore statuta Mosellæ: de qua Fortunatus inquit:

*Urbs munita nimis, quam cingit mûrus & amnis.*

Hæc pro situ & diversis caulis multis nominatur  
vocalibus. Dividunum<sup>a</sup> itaque nuncupata est, qua-  
si Divûm, id est Deorum nomen, eo quod è regione  
advenientibus eminere cernitur turribus & ædificiis.  
Mediomatris quoque vocatur à circumpositarum  
urbium situ: habet namque Treviros metropolim  
ab aquilone; Tullum à meridie; Virdunum ab occi-  
dente; inter quas floret quasi media mater. Metis  
etiam à quodam victore suo, METTO nomine appel-  
latur secundum illud,

*Suffectus dederat nomen cui Metius urbi.*

Et juxta illud distichum, quod in defossis terrâ la-  
pidibus sculptum, nuper fuit inventum:

*Tempore quo Caesar sua Gallis intulit arma,  
Tunc Mediomatricam devicit Metius urbem.*

Romana siquidem victoria urbibus sibi à se subje-  
ctis nomina suorum majorum imponebat, ut per  
hoc eis quasi mansuram construeret memoriam.  
Denique à Remo fratre Romuli Remis, à Tullo Ho-  
stilio Tullum, ab Agrippa Colonia civitas est A-  
grippina dicta. Ad prædictam igitur urbem Metim  
B. Petrus Apostolorum Princeps venerabilem virum  
CLEMENTEM, pridem Consulem ac Patricium Ro-  
manorum, omnium virtutum decore ornatum, ab  
urbe Româ direxit, utque Pontificali dignitate præ-  
esset quos Christo subjugaret, ordinavit.

I. Episcopus  
S. Clemens.

Advenit itaque Metim B. Clemens v. Claudii an-  
no, sedit in Episcopatu viginti quinque annis & men-  
sibus quatuor; hoc est sub Claudio novem, & sub  
Nerone xiv. Obiit tempore Vespasiani post passio-  
nem B. Petri & mortem Neronis, B. Clemente ip-  
sus fratruele Romanis fidelibus post Petrum Apo-  
stolum præsidente. Hanc ideo supputationem anno-

tavi, quia nisi tempora Pontificatus Lini atque Cle-  
ti sub spatio Præfulatus Beati Petri comprehenderis,  
non sibi consonè respondebunt anni Pontificum Ro-  
manorum annis Imperatorum. Pro certo enim sci-  
tur, quia Beatus Apostolus non baptizandis, sed  
convertendis ministerii officium magis impendebat,  
sicut liber Actus Apostolorum testatur, quod post  
adventum sancti Spiritus in Cornelium & suos, jus-  
serit eos baptizari, & hoc propter schisma vitandum,  
ne baptizati ab Apostolo digniores se cæteris puta-  
rent. Quocirca & Paulus Corinthiis in primâ Epi-  
stolâ scribit: *Gratias Deo, quod neminem vestrum  
baptizavi, nisi Crispum & Gaium, ne forte dicatis,  
quod in nomine Pauli baptizati estis.* Nam qui ab  
Apostolis ordinabantur Presbyteri, cæteris præemi-  
nebant ut Episcopi. Scrupulus autem supputationis  
partim negligentia Scriptorum, partim pressurâ per-  
sequutorum, ut arbitror, in Ecclesiâ inolevit.

Beato Clemente ad cælestia migrante S. CÆLESTIS  
illi successit in officio Episcopali; sedit quoque annis  
quindecim, sub Vespasiano VII. sub Tito II. sub  
Domitiano reliquis: obiit tempore ipsius persequu-  
toris sub Anacleto Papa; sepultus est ante fores cry-  
ptæ S. Clementis: sed post curricula temporum à  
Drogone Archiepiscopo Metense translatus est in  
Elisatiam apud Mauri Monasterium, ubi condignè  
veneratur, ubi & de illo tale refertur insignium.  
Pignera ejus cum pro necessitate communi quodam  
tempore deferrentur cum Reliquiis S. Auctoris, di-  
citur sanctus Auctor qui quasi famosior præfereba-  
tur, restitisse, donec sanctus præcederet Cælestis.  
Cætera ejus gesta quamvis credantur magna, tamen  
nihil ad nos transmiserunt scripta priorum.

Post beatum Cælestem S. FELIX præfuit Meten-  
sibus annis quadraginta duobus, sub Apostolicis  
Evaristo & Alexandro & Sixto, temporibus Domi-  
tiani, Nervæ & Trajani: obiit tempore Hadriani  
sub Telesphoro Papa. Hic Felix sepelitur juxta S.  
Cælestem: sed longo post tempore transfertur in Sa-  
xoniam ab Imperatore Henrico Babenbergense.

II. Episcopus  
S. Cælestis.

III. Episcop.  
S. Felix.

<sup>a</sup> Dividunum] Acherius emendat Divodurum, quod ut  
agnosco verum esse urbis nomen, ita ab auctore scriptum

esse nego; nec enim ex Divoduro efficias Divûm nomen.

IV. Episcopus.  
S. Patiens.

Felici successit S. PATIENS quartus Metensis Episcopus. Hic fuit genere Græcus, Evangelistæ Joannis discipulus. Hic dicitur revelatione divina Metim transmissus, ut sicut in omnibus Evangelistâ Joannes Petro associabatur virtutibus secundum Apostolorum Actus; ita & ex disciplinâ ejus veluti & de B. Petri disciplinis insigniretur Ecclesia Metensis. Hic Ecclesiam S. Joanni Evangelistæ ad australem plagam ipsius urbis construxit, marmoreis subnixam columnis, quæ post combusta est ab Hunis. In hac Ecclesiâ & dentem ipsius sui magistri posuit cum duodecim aliis Reliquiis Apostolorum; ubi & ipse postmodum requievit sepultus, sicut suo loco dicemus. Hic sedit in Episcopatu annos xiv. partim sub Adriano, & reliquos sub Antonino Pio. Obiit tempore ipsius, Romanæ etiam Ecclesiæ Hygino & Pio præsidentibus.

V. Episcopus  
Victor.

Sancto Patienti successit VICTOR Metensium Præsul quintus, qui sedit per annos ix. Obiit x. Kal. Octobris sub Pio Papa jamdicto & Antonino Pio; & sepultus in Ecclesiâ B. Clementis.

VI. Episcopus  
Victor II.

Post hunc alius VICTOR assequutus est Cathedralis Episcopalem sextus, sedens in eâ tribus annis sub Antonino Pio & Aniceto Papa. Obiit temporibus eorundem horum duorum Pontificum: sicut de translatione, sic & de actuum relatione filetur, nisi quoddam in Ecclesiâ beati Clementis similiter sunt sepulti.

VII. Episcopus.  
S. Symeon.

Hunc sanctus SYMEON septimus est Episcopus consequutus; qui præfuit Metensibus annis xxx. ultimo tempore Antonini Pii, temporibus etiam Marci, Veri, Lucii Commodi Imperatorum; tempore Aniceti, Soteris, & Eleutheri. Obiit sub Eleuthero, Commodi Imperatore. Similiter & ipse sepelitur in Ecclesia S. Clementis, sed postea transfertur ad Monasterium Senonense<sup>b</sup>.

VIII. Episcopus.  
Sambatus.

Post hunc præfuit octavus Præsul Metensi Ecclesiæ SAMBATUS, hic sedit xviii. annis sub Apostolicis Eleuthero, Victore & Zephyrino; temporibus Lucii Commodi, Helvii Pertinacis, & Severi, cujus etiam tempore obiit, & Zephyrini Papæ. Sepultus est in Ecclesiâ S. Clementis.

IX. Episcopus.  
Rufus.

Nonus post Sambatium RUFUS Metensium fuit Episcopus, qui xxix. sedit annis in Episcopatu, tempore Severini & Antonini Caracallæ, Macrini, Aurelii Antonini, & Aurelii Alexandri; temporibus Callisti, Urbani & Anteri Apostolicorum: sepultusque est in Ecclesiâ S. Clementis.

X. Episcopus  
Adelphus.

Decimus Metensium Episcopus præfuit ADELPHUS, qui sedit xvii. annis sub Aurelio Alexandro, Maximino, Gordiano, & Philippo Christiano cum filio Philippo, sub Episcopis Romanis Pontiano, Antero, & Fabiano. Hic etiam sepultus est in Ecclesiâ sancti Clementis.

XI. Episcopus.  
Firminus.

Hic successit FIRMINUS undecimus Metensium Episcopus, qui sedit annis xlv. id est sub Decio, Gallo & Volutiano, Valeriano, & Gallieno, Claudio, Aureliano, Tacito, Florianus, Probo, Caro, Carino, Numeriano, Diocletiano; sub Præsulibus Romanis Cornelio, Lucio, Stephano, Sixto tertio, Dionysio, Felice, Eutychiano, Gaio, Marcellino, Marcello, horum ultimo tempore obiit prædictorum. Corpora Sanctorum Rufi & Adelphi, & aliorum, dum secus cryptam S. Clementis ad Aquilonem fuissent humata, vir quidam religiosus Sanctorum Basilicas nocturnis frequentabat horis, ut Paulus Italicus in serie istorum annotavit Pontificum. Hic ut ad Basilicam B. Clementis pervenit, quia licentia non dabatur interius intrandi, è re-

gione ubi prædictorum corpora quiescebant Sanctorum, accessit, seque in orationem devotè prostravit. Terminato precis modulo surrexit, & in memoriâ Sanctorum, ad quorum sepulcrum oraverat, versum psalmigraphi, quod est *Exultabunt sancti in gloria*, pronuntiavit. Illic ab intus vocem audivit subjungentem, *I etabuntur in cubilibus suis*.

LEGUNCIVS duodecimus Metensium Episcopus Firmino successit, & annis xxxiv. præfuit sub Episcopis Eusebio, Miltiade, Silvestro & Marco; imperante CONSTANTINO Christianissimo; obiit ultimo tempore ipsius, & in Ecclesiâ B. Clementis tumulatur: hoc etiam tempore gloriosus Confessor Nicolaus clarebat.

Successit ei sanctus AUCTOR, & præfuit xlix. annis sub Præsulibus Julio, Liberio, Felice, Damaso; Constantino, Juliano, Joviano, Valentiniano & Valente Imp. Sub eodem tempore dicitur fuisse Martinus Turonensis & Maximinus Treverensis: cum quibus apud Coloniam urbem damnavit Euphratam hæreticum. Hic B. Auctor eadem tempestate quando non solum Gallia, sed etiam penè occidens universus Barbarorum sævitiam est perpeffus, ad Ecclesiæ gubernacula est adfectus. De quo Præfule insignia hæc duo memoriæ posterorum traduxit relatio præcorum. Igitur, ut diximus, dum grandine Barbarorum seges Dominica premeretur, Attila Rex Hungarorum sumpto Domini gladio ad rescandam Gallorum lasciviæ abundantiam, Gondegario Rege Allobrogum<sup>d</sup> protrato, habenas suæ crudelitatis in omnem Galliam relaxat.

Sub hoc turbine beatus Servatius Præsul Tungrorum Romam proficiscitur ad Apostolorum limina, Domini remedium imploraturus per merita ipsorum sublimia. Ubi cum quasi victimam Deo se offerret pro irâ Domini à populo suspendendâ, Princeps beatus Apostolorum in visu ei dixit: Noveris carissime, divino diffinitum judicio, totam ferè Galliam tradi Barbarorum incendio præter Oratorium Protomartyris, quod Metis constructum est. Sanctus accepto Servatius oraculo, veloci regreditur gradu: sed Gallias jam Hungari compleverant, Metim urbem cinxerant oblidione, sed pro murorum robore frustrati ad tempus expugnatione, recedebant.

Sub illorum discessione S. Servatius Metim venit: B. Auctori revelationem præfatam revelat, ad sedemque suam Tungrensem remeat. Quo abeunte, muri Metensium corruunt: B. Auctor cernens hoc, cives advocat, confiteri peccata hortatur, pœnitentiam injungit, & infantes baptizari præcepit; erat enim Sabbatum Paschæ. Barbari fama celeri revocati, urbem invadunt, omnes trucidant, cuncta diripiunt; quid plura? Ecclesias cruore innocentium replent, sacerdotes jugulant; soli servantur qui ludibrio deputarentur. Oratorium sancti Protomartyris furentes circumdant, aditum tentant. Sed quod cœleste protegebat auxilium, irrumpere non valebat impetus furentium. Tandem velut Sodomitæ quondam erga domum Ioth suo delusi conamine; incensâ urbe ipsum Episcopum cum reliquis abducunt. Jam procul ab urbe recesserant ad locum qui Decem pagos dicitur: & ecce Barbari cæcitate mutantur, quasi olim Ægyptii, nusquam abire valent. In tali ergo anxietate sciscitant à Christianis quos abducebant, quo præstigio eis hoc accidisset. Quibus illi: Non hoc suspicamini maleficium, sed credite iram Dei vobis imminere, qui sanctum Auctorem Episcopum Metensem abducitis impie. Mox itaque sanctus Auctor inquiritur, invenitur, rogatur:

XII. Episcopus.  
Leguncius,  
alias Legon-  
tius.XIII. Episcopus.  
Auctor.  
c<sup>b</sup> Senonense ] Imò Senoniense.<sup>c</sup> XLIX. annis ] Alii dicunt, annis XLIX. minus rectè.

Tom. II.

<sup>d</sup> Allobrogum ] Hoc est Burgundionum, qui illâ ætate apud Allobrogas sedes fixerant.

offertur ut quidquid vellet fumeret, tantum ut beneficium lucis non subtraheret eis. Ait ille, nihil rapinarum se velle, sed tantum in beneficio sibi captivos dixit reddi. Conceditur, captivos reddunt: sicque tenebras evadunt. Sicque factum est ut captivato Pastore, grex captivorum libertate potiretur.

Refertur & aliud de hoc B. Auctore factum. Fortè trabes vetustate dissoluta, subito sub altare B. Stephani lapsa, marmor ipsius altaris consecratum in mille diminuit partes. Adest B. Auctor, & (dictu mirabile) singulas marmoris fracti minutias adunans & componens, orationem fudit, cruce consignavit, sicque statim divinâ virtute illud marmor dissolutum solidatur, ut apparentibus fragmentorum cicatricibus nil solidius videatur. Obiit autem B. Auctor iv. Idus Augusti, sub Siricio Papa; Imperatoribus Gratiano & Valentiniano.

XIV. Episc.  
Eplecius, *alio*  
Æplecius.

Sancto Auctori EPLECIUS successit decimus quartus Præsul Metensium. Sedit sexdecim annis sub Theodosio Imperatore; & Episcopis Siricio & Anastasio. Obiit sub eisdem, sepultus est apud S. Clementem.

XV. Episcop.  
Urbicius.

URBICIUS post Eplecium XV. successit in Metensi Episcopatu. Hic primus omnium ipsius urbis Archiepiscopus nominatur: præfuit viginti novem annis sub Imperatoribus Arcadio & Honorio; præsulibus Romanis Innocentio & Zosimo. Hic sepultus est in Ecclesiâ S. Maximiani ultra Saliam.

XVI. Episc.  
Bonolus, *vel*  
*potius* Bonolus.

Successit Urbicio BONOLUS XVI. Metensium Episcopus. Sedit annis tribus. Obiit octavo Idus Octobris, sub Bonifatio Papa; Imperatoribus Honorio & Theodosio.

XVII. Episc.  
Terentius.

TERENTIUS successit huic XVII. Sedit annis viginti. Obiit quarto Kalendas Novembris, sub Cælestino & Sixto Papis; regnantibus Honorio & Theodosio juniore. Quorum temporibus inventum est corpus B. Protomartyris Stephani cum Gamaliele & Abibon atque Nicodemo. Hinc probatur, quod reliquæ B. Stephani, quibus Ecclesiâ Metensis suffragantibus irruptionem Hunorum evasit, ab Apostolis beato Clementi sunt transmissæ, ut in secundo vitæ ipsius libello annotavimus.

XVIII. Episc.  
Gonsolinus.

OCTAVUS decimus GONSOLINUS successit Terentio in sacerdotali officio. Sedit annis XVIII. <sup>c</sup> Obiit secundo Kal. Augusti, sub primo Leone Papa; imperantibus Marciano & Valentiniano, & Leone Augustis.

XIX. Episc.  
Romanus.

ROMANUS successit Gonsolino Metensium Episcopus XIX. Sedit annis xxxvi. sub Hilario, Simplicio, & Felice Papis; regnantibus Augustis Zenone & Anastasio. Obiit Idibus Aprilis.

XX. Episcop.  
Phronimius.

PHRONIMIUS successit Romano XX. Metensium Episcopus: sedit annis octo sub Felice, Gelasio, & Anastasio Papis. Obiit vi. Kal. Augusti, imperante Anastasio.

XXI. Episc.  
Grammatius.  
*f*

Successit in Episcopatu Metensi GRAMMATIUS XXI. sedit annis xxv. <sup>f</sup> sub Joanne, Symmacho & Hormisdâ Episcopis Romanis; sub imperio Anastasii & Iustini senioris, obiit vi. Kal. Maii.

XXII. Episc.  
Agatimber.

Successit Grammatio AGATIMBER XXII. sedit annis xii. sub Apostolicis Felice, Bonifatio, Mercurio, Agapeto, Silverio; imperante Justiniano. Obiit iv. Idus Maii. Tres Episcopi superiores Metensium, creduntur fuisse de origine Græcorum propter etymologiam vocabulorum.

XXIII. Episc.  
Sperus.

Istis successit SPERUS XXIII. præfuit Metensi Ecclesiâ annis xvii. sub Vigilio Papa; sub imperio

<sup>c</sup> annis XVIII. ] Alii dicunt annis XIX.

<sup>f</sup> annis XXV. ] vel XV. ut alii volunt.

<sup>g</sup> X. Kal. ] Hic etiam variant codices, nam alii habent XV. Kal.

<sup>h</sup> annis XII. ] aut XX. quod aliis placet.

Justiniani. Obiit x. Kal. Decembris.

SUCCESSIT VILICUS XXIV. Episcopus Metensis. Sedit annis viginti quinque sub Apostolicis Pelagio primo, Joanne IV. Benedicto I. imperante Justiniano, & Tiberio Constantino. Obiit x. Kal. 8 Maii.

XXIV. Episc.  
Villicus.

VILICO successit PETRUS Episcopus Metensis XXV. sedit annis x. Obiit v. Kalend. Octobris sub Papa Pelagio secundo; regnante Tiberio Constantino.

XXV. Episc.  
Petrus.

AIGULFUS XXVI. Episcopus successit Petro: sedit annis xii. <sup>h</sup> sub Papa Gregorio I. imperante Mauricio. Obiit x. Kalend. Decembris. Hic Aigulfus ex filiâ Clodovei Francorum Regis ortus est, & Episcopatum Metensem tam ex luis quàm ex domesticorum prædiis ampliavit. Nam & Arisidium vicum à fratre suo Deothario suscipiens, per manum Theoderberti Regis partibus B. Protomartyris Stephani mancipavit, prædictumque fratrem suum Dominum Deotharium ibidem consecravit Episcopum. Huic etiam Aigulfo magnus Doctor Gregorius litteras dirigit.

XXVI. Episc.  
Aigulfus.  
*h*

ARNOALDUS successit eidem Aigulfo in Episcopatu Metensi XXVII. nepos ipsius, sedit annis octo sub Sabiniano, Bonifacio tertio Episcopis, regnante Phoca, sub quo obiit vii. Idus Octobris.

XXVII. Episcopus  
Arnoaldus.

PAPPOLUS successit Arnoaldo XXVIII. sedit annis xxiv. <sup>i</sup> sub Apostolicis Deus-dedit, Bonifacio V. Honorio; & Severino; sub imperio Heraclii. Obiit xi. Kal. Octob. \* Hic Pappolus Ecclesiâ in honorem S. Symphoriani Martyris ad australem Metensis urbis plagam construxit, ibique quiescit.

XXVIII. Episcopus  
Pappolus.  
*i*

Sequiturque est hunc in Episcopatu beatus ARNULFUS XXIX. Episcopus Metensium; vir per omnia lumine sanctitatis & splendore generis clarus. Hic ita profuit Ecclesiæ doctrinâ, ut & Regalis ejus consilio moderaretur Aula. Hujus habentur gesta, quæ docent eum magnis claruisse miraculis & post mortem, & in vitâ.

XXIX. Episc.  
Arnulfus.

Hujus quadrinepos CAROLUS Magnus exstitit, quem Ecclesiâ sibi Romana elegit in Advocatum. Hic etiam Carolus præ cunctis Francorum Regibus Ecclesiâ religionem ampliavit, aurum cum argento, quibus antiqui Reges simulacra decorabant, in cultum Christi consecravit. Hic etiam S. Arnulfi vitam perscrutans, miraculum quod de annulo ipsius adhuc fama recens celebrabat, miratus est se in eâ scriptum non invenisse: unde accersiens notarium quemdam nomine PAULUM <sup>1</sup>, præcepitque Metensium inquiri gesta Præsulum: sed quasi nulla inveniens (quippe à Barbaris olim irrumpentibus cum ipsâ urbe successa erant) præcepit ut vel ipsa quæ ab antiquis defluerant per famam ad posteros scriberentur, & ab ipso Pontifice B. Clemente inciperetur, in quibus & ipsum annotatum invenitur miraculum, cujus hæc est summa.

1

Fuerat isdem B. ARNULFUS Comes Palatinus sub CLOTARIO, sex provincias suo regens arbitrio, multaque confecerat prælia, justiciamque etiam de suis propinquis exercuerat. Unde quia bonorum est etiam in his quæ licent timere poenitentiam, ut David in contritione cordis in conspectu Dei agebat. Sub hac contritione mentis dum transiret apud Treviros per pontem Mosellæ fluminis, annulum, quem secum habebat aquis injectit, dicens; *Tunc me solum nexibus criminum sciam, quando hunc quem projecio annulum recepero.* Posthac verò ad Episcopatum Metensem violentiâ populi sublimatus, sicut isdem

<sup>i</sup> annis XXIV. ] Alii XXVII. & infra pro Octobris habent Decembri.

<sup>1</sup> nomine Paulum ] Scil. Diaconum Aquileiensem, qui librum de Episcopis Metensibus scripsit.



David pro effusione sanguinis ab adificatione Templi iussu Dei se suspendit, sic & iste Dei recepto annulo à piscatore apud Volagum, qui fuerat inventus in extis piscis, Episcopatum & omnem gloriam sæculi reliquit, eremumque petiit, ibique in pace quievit. Præfuit Ecclesiæ Metensi xv. annis; sub Apostolicis Joanne, Theodoro, Martino & Eugenio; Imperatoribus Heraclio, Heracleone cum matre, & Constantino ejus filio. Obiit xvii. Kalend. Decembris.

XXX. Episc.  
Goericus,  
sive Abbo.  
m

GOERICUS sanctus, qui & ABBO dictus est, huic sancto XXX. Episcopus Metensis successit. Hic primò Rex m Aquitanorum fuerat, postque Pontifex factus, opibus plurimis ditavit Ecclesiam, Basilicam S. Petro construxit, prædecessorisque sui corpus ab eremo revexit, & in Apostolorum Basilicâ dignè sepelivit. Præfuit Ecclesiæ xvii. annis, sub Apostolicis Vitaliano & Adeodato; imperante Constantino filio Constantini superioris Regis. Obiit octavo decimo Kal. Octobris, & sepultus est in Ecclesiâ sancti Symphoriani Martyris: & post translata sunt ossa ejus ad castrum Spinal dictum.

XXXI. Episc.  
Godo.

GODO XXXI. successit post hunc Metensibus, & Episcopalis officii curam suscepit. Sedit annis x. & duobus mensibus sub Apostolicis Dono, Agathone, Leone, Benedicto, Joanne, Cunone, Sergio; sub Imperatore præfato Constantino. Obiit octavo Idus Maii. Sepultus in Ecclesiâ S. Symphoriani.

XXXII. Episcopus  
Clodulfus.  
n

S. CLODULFUS, inclyta B. Arnulfi proles, XXXII. pro paternæ sanctitatis gloriâ Episcopus Metensis consecratur. Hic possessionibus ampliavit Ecclesiam B. Stephani. Sedit annis XLII. diebus xxv. sub Romanis Pontificibus Sergio, Joanne VI. Joanne VII. Sisinio, Constantino, Gregorio II. sub Imperatoribus præfato Constantino, Justiniano minore, Leone, Tiberio, item Justiniano qui supra, Philippico, Anastasio. Obiit sexto Idus Junii; sepelitur in Ecclesiâ Apostolorum ubi genitor ipsius.

XXXIII. Episcopus.  
Abbo.

Post hunc fidelem moderaturus populum Metensem ABBO XXXIII. adscitus est, qui sedit annis decem sub Apostolico Gregorio III. imperantibus Theodosio & Leone. Obiit xvii. Kal. Maii.

XXXIV. Episcopus  
Aptadius.  
o

Tricesimus quartus successit APtADIVS: sedit annis xiii. sub Apostolico Zacharia; imperante Constantino quinto. Obiit xii. Kal. Februarii. Sepultus in Ecclesiâ S. Symphoriani.

XXXV. Episcopus  
Felix.

Tricesimus quintus Episcopus Metensis præfedit FELIX novem mensibus, sub Apostolico præfato Zacharia. Obiit xi. Kal. Januarii; imperante præfato Constantino. Sepultus in sancto Symphoriani.

XXXVI. Episcopus  
Sigibaldus.

SIGIBALDUS XXXVI. Metensi Ecclesiæ præfuit xxv. annis; sub Apostolicis Stephano & Paulo; sub imperio præfati Constantini & Leonis iv. Hic beatus Sigibaldus ortus generosis natalibus exstitit, religionem fidelium ampliavit, per omnia utilitatibus Ecclesiæ sanctæ Dei ædificavit. Duo Monasteria construxit, Hilariacum, & Novum Villare. Hunc dirus podagræ dolor affligebat, sed quamvis exterior pateretur homo, interior tamen proficiebat de virtute in virtutem, ruinas Ecclesiarum restaurando. Et (quod majus miraculorum corporalium virtutibus) animas diversis vexatas vitiis sanabat, prædicationis & exempli medicamine, resuscitabatque à spirituali morte. Et cui talia dantur, si præsentium fides indigeret, putasne corporalium sanitas morborum defuisset? Obiit septimo Kalendas Novembris.

Sepelitur in Ecclesiâ Beati Martyris Symphoriani in suburbio Metensi.

Post hunc vir egregius, & omnibus præconiis effendus, GRODEGANDUS Antistes eligitur, ex pago Hasbaniensi oriundus, patre SIGRANO, matre Landradâ Francorum ex genere primæ nobilitatis progenitus. Hic in palatio majoris CAROLI ab ipso nutritus, ejusdemque Referendarius exstitit: ac demum temporibus PIPPINI, quem Zacharias Papa supra memoratus in Regem Francis consecravit Childerico abjecto, Pontificale decus Metensis Ecclesiæ XXXVII. promeruit. Fuit autem omnino clarissimus, omnique nobilitate coruscus, formâ decorus, eloquio facundissimus, tam patrio quàm latino sermone imbutus: fervorum Dei nutritor, orphanorum, viduarumque non solum altor, sed & clementissimus tutor. Cumque esset in omnibus locuples, à Pippino Rege omnique Francorum cœtu singulariter electus, Romam directus est, Stephanumque venerabilem Papam ut cunctorum vota anhelabant, ad Gallias evocavit. Hic Stephanus tertius nomine in Papatûs ordine, duos filios Pippini, KAROLUM Magnum, & fratrem ipsius KARLOMANNUM, in Reges benedixit Francorum cum Pippino ipsorum Patre.

Hic supradictus Grodegandus Clerum adunavit, & ad instar Cœnobii intra Claustrorum septa conversari fecit, normamque eis instituit; qualiter in Ecclesiâ militare deberent: quibus annonas vitæque subsidia sufficienter largitus est, ut perituris vacare negotiis non indigentes, divinis solummodò officiis excubarent: ipsumque Clerum abundanter lege divinâ Romanæque imbutum cantilenâ, morem atque ordinem Romanæ Ecclesiæ servare præcepit: quod usque ad id tempus in Metensi Ecclesiâ factum minime fuit. Hic fabricare jussit unâ cum adiutorio Pippini Regis rebam S. Stephani Proto-Martyris, & altare ipsius atque cancellos, presbyterium arcusque per gyrum. Similiter & in Ecclesiâ B. Petri majore presbyterium fieri jussit. Construxit etiam ambonem auro argentoque decoratum, & arcus per gyrum throni onte ipsum altare.

Ædificavit præterea Monasterium in parochiâ B. Stephani in pago Mosellensi in honore beatissimi Petri Apostoli, & ditavit illud opibus magnis, Monachosque ibi constituit, atque sub Regulâ S. Patris Benedicti in unâ charitate conjunxit. Construxit etiam alterum Monasterium, quod Gorzia vocatur, ubi pari modo non modicam multitudinem adunavit Monachorum. Expetiit denique à Paulo Romano Pontifice tria corpora sanctorum Martyrum, id est Gorgonii, quod in Gorziâ requiescit, Beati Naboris, quod in Hilariaco Monasterio conditum est; & B. Nazarii, quod ultra fluvium Rhenum in Monasterio quod vocatur Lorfam, ædificatâ in honorem ipsius Martyris miri decoris Basilicâ, collocavit. Hoc siquidem prædium CHILISWINDIS quondam religiosa femina, & CANGRO ejus filius eidem Godegrando Antistiti ad partem B. Stephani tradiderunt. Fuit siquidem beatus iste vir in elemosynis largus, in charitate purissimus, susceptor hospitum atque peregrinorum. Sed quoniam longum est bona quæ gessit ex ordine retexere, satis sit hæc pauca prælibasse de plurimis.

Hic consecravit Episcopos quamplurimos per diversas civitates, Presbyteros nihilominus ac Diaconos, cæterosque Ecclesiasticos Ordines, sicut mo-

XXXVII. Episcopus  
Grodegandus,  
sive  
Chrodegandus.

m Rex Aquitanorum] Hoc est Rector: alii pro XVII. annis habent XVIII., nec octavo decimo; sed XIII. Kal. Octobris obiisse dicitur.

n annis XLII.] Si alios sequaris, scribes annis XL. Tom. II.

diebus XX. ac Clodulfum obiisse dices VIII. Idus Maii. o Aptadius] Hujus nomen variat, aliis enim Heptadius, aliis Aptadius dicitur; idem dicitur sedit annis VII. mensibus II.

F f j

P	ris est Romanæ Ecclesiæ, in diebus Sabbatorum quaternis temporibus anni. Rexit Ecclesiam Metensem viginti tribus annis. Obiit 11. Nonas Martii, in diebus Pippini genitoris Karoli Magni, & Karolomanni fratris ejus. Hic Gorziæ quiescit in Monasterio, quod à fundamentis post beatum Clementem Præsulem Metensium ex parvo magnum ædificavit.	quam ipse construxerat, sepelitur. Dominus ROBERTUS reformator Cœnobiorum & murorum urbis XLIII. huic successit. Sedit annis xxxiv. sub Apostolicis Joanne IX. & Leone V. temporibus Regum juniorum Carlomanni & Lodoici & Caroli. Hic Robertus genere fuit insigni Alamanorum, pallium à Papa Romano promeruit: ornamenta Cœnobiorum multa vel mutavit, vel renovavit cum muris senio collapsis. Obiit 14. Non. Jan. sepultus est in Ecclesiâ S. Galli.	XLIII. Episc. Robertus. x
XXXVIII. Episcopus Angerannus al. Angilram- nus.	Viro huic prælato successit Dominus ANGERANNUS in ordine XXXVIII. Hic Archicapellanus palatii exstitit Caroli Magni. Hujus tempore facta est Imperatorum translatio Græcorum ad Reges Francorum, hoc ut fertur modo: Leonem Papam III. Romani zelo furoris completi corripientes, oculis privare voluerunt, sed lumen ejus penitus extinguere non potuerunt. Qui ad Karolum confugiens, honorificè ab eo susceptus est, & cum potentia exercitus Romam reductus, suæ Sedi est restitutus. Unde ab eodem Papa Karolus Magnus in Ecclesiâ B. Petri die natalis Domini unctus est in Imperatorem, anno ab incarnatione Domini 801.	WIGERICUS XLIV. successit Roberto. Sedit annis x. diebus xxx. Obiit Metis 11. Kal. Martii. His temporibus Hungari secundò Gallias vastantes, multas urbes ac Ecclesias in cineres redegerunt, & plurimum SS. Reliquiæ deloco ad locum translatae sunt. Tum regnabat Arnulphus.	XLIV. Episc. Wigericus.
q	Præfatus Angerannus inter cætera benè gesta Novæ-Cellæ Monasterium construxit, in quo & quiescit. Rexit Præfatum annis xxiii. sub Apostolicis Hadriano, Leone præscripto, & Stephano III. Obiit octavo Kal. 9 Decemb.	Quadragesimus quintus dignæ memoriæ Dominus ADELBERO successit Wigerico. Inter multa Gorziensæ Cœnobium pœnè collapsum fundis & ædificiis restructit, muro circumdedit: simili modo & S. Arnulphi Ecclesiæ in Metim multa commoda providit. Sedit annis xxxv. mensibus ix. diebus xxv. Obiit 6. Kalendas Maii. Gorziæ sustinet resurrectionis diem.	XLV. Episc. Adelbero, vel Adaibero.
XXIX. Episcopus Gandulfus.	Sublimatur post hunc GUNDULFUS trigessimus nonus Metensis Episcopus, conversatione ac fide venerandus: sedit vi. annis, tempore Ludovici Pii, sub Apostolicis Paschale & Eugenio. Obiit vii. Idus Septembris.	Successit ejus insulæ Pontificatus THEODERICUS XLVI. qui Monasterium S. Vincentii Martyris in suburbio Metensi ædificavit honorabiliter, multique pignoribus Sanctorum insignivit, ab Italiâ secum devectis. Hujus gesta habentur. Floruit sub Imperatore primo OTTONE filio Henrici Regis Lotharingiorum. Præfatus Ottone imperante, famosum bellum factum est in Calabriâ inter ipsum & Saracenos, in quo innumerabilis multitudo Christianorum obeundo vicit 17. Kal. Augusti. Revelata est siquidem beato de Baiocariâ DELRICO Præsuli talis divinitus visio.	XLVI. Episc. Theodericus, al. Deodericus. z
XL. Episcop. Diogo.	Post hunc XL. ascendit ad apicem Sacerdotii Metensis Ecclesiæ DROGO filius Karoli Magni Imperatoris: sedit annis xxxii. sub Apostolicis Valentino, Gregorio IV. Sergio. Hic Archiepiscopatus honore sublimatus est, & sacri Palatii moderator existit. Hic levavit corpus sanctæ Glotindis Virginis ab humo. Plurima egit magnifica, sicut qui vicem Apostolicam gerbat cis Alpes per totam Galliam. Obiit in Burgundiâ 17. Idus Novem. Corpus ejus inde relatum sepelitur in Ecclesiâ S. Joannis Evangelistæ Metensi, ubi & LUDOVICUS Pius Imperator frater ejus quiescit feliciter cum matre suâ Hildegardâ Regina.	Videbatur sibi videre justum Dominum judicem in schemate JESU-CHRISTI sublimi solio residere, omnemque cæli ordinem circumstare. Examinatio stateræ parata est, quæstio ventilata, cui cederet victoria, Ethnico an Christum professis. Iniquitas & peccatum Christianorum excreverat eo usque, quod judicarentur subjici gladio Saracenorum. Sanctus evigilans Sacerdos visionem manifestat exercitui. Orationibus igitur & jejuniis simul instant, spem suæ salutis in purâ confessione ponentes. Interea multitudo vulgi fame ac inopiâ profligati, substrahentes exercitui se se, cum Saracenis disponunt configere, malentes gladio quàm fame perire. Pietas itaque divina semper consulens animarum saluti, permittit eos in præsentiarum interim, quibus providit dari gloriam æternæ requiei.	y
r	Successit eidem in præfatu ADVENTIUS XLI. ex Metensibus liberiori genere natus: in ornamentis & thesauris Ecclesiam B. Stephani ampliavit. Hujus temporibus HINEMARUS Remorum Archiepiscopus fuit, qui cum eodem Adventio Meti Carolum coronaverunt fratre ipsius Lothario divino judicio interempto. Hic Adventus sedit annis xvii. sub Apostolicis Leone IV. Benedicto, Nicolao qui Thiegaudum Trevirensen & Guntherum Coloniensem Archiepiscopos damnavit, fautores adulterii Regis Lotharii, Conciliumque quod Metis tenuerant cassavit. Præfatus Adventus Meti in Capellâ S. Galli sepultus est, & 11. Kal. Octob. obiit in villâ Salto dictâ, sub Hadriano Papa secundo.	Hac lacrymabili cæde peractâ vulgi, militiâ ignorante regali; demud beatus Præsul ODELRICUS invisum rapitur, & rursus (sicut primitus) cernit in throno Redemptorem nostrum & judicem, cui gloriosa ipsius Genitrix MARIA cum omnium Cælestium ordine supplicabat, ne contentium sibi offensas pateretur plecti triumpho gentili. Statera secundò statuitur, & æqualitas utrorumque, fidelium ac infidelium consideratur. Pœnitentia fidelium procedens ex gemitu mentis, præponderat naturalis justitiæ legis. Ecce adest & Martyr LAURENTIUS, cujus imminerebat dies festivus. Hic representans cru-	XLVI. Episc. Theodericus, al. Deodericus. z
XLI. Episcop. Adventius.	Post hunc WALO XLII. Præsul est electus, sedit annis vi. diebus xv. sub Apostolico Joanne VII. à quo & pallium obtinuit. Hic Walo, dum cum suis contra Normannos qui tunc Gallias incurfabant impari manu pugnat, obtruncatur 11. Nonas Aprilis, Metimque relatus, in Ecclesiâ Salvatoris,	u III. Nonas] Aliis IV. Idus Aprilis anni 883. x annis XXXIV.] aut XXXIII. y annis XXX.] Alii volunt XXXV. z deVectis] Illius translationis historia tomo 3. Spicilegii edetur. a Lotharingiorum] Addere debuit, & Ottone II. nam ejus ætate obiit anno 984. ut narrat Sigibertus.	XLVI. Episc. Theodericus, al. Deodericus. z
XLII. Episc. Walo.	p trius annis] Addunt mensibus quinque, diebus quinque. In hoc Præfate defuit Paulus Diaconus. q octavo Kal.] Alii, VII. aut IV. aut V. Kal. Novembris. r Novembris] aut Decembris. [fratre] Imo fratruce, hoc est, fratris filio: quod Acherius notavit t 11. Kal. Octobris] Alias, pridie Kal. Septembris.		XLVI. Episc. Theodericus, al. Deodericus. z

delitatem tormentorum in se consummatorum, & compassionem sui fidelium populorum, victoriam impetrat cum cœlesti cœtu populo fidei. Sacerdos itaque festinus mittit nuntium Imperatori, hostique ut congregiatur imperat. Facta congressione sub invocatione Christi & ejus Martyris Laurentii, hostes terga vertunt, fidelitas confortatur, impietas enervatur. Et ex illâ tempestate festum S. Laurentii celebrius habetur.

XLVII. Episc.  
Adalbero II.  
frater Drod-  
erici Ducis  
Mosellanicus.

Successit & huic consanguineus ejus **ADELBERO** Metensium Præsul XLVII. de quo multa leguntur honestè descripta. Hic renovavit Cœnobium S. Martyris Symphoriani præcipuè, tum & alia à suis prædecessoribus inchoata tantum Monasteria ipse ad summum deduxit. Ejus gesta qui vult dignoscere, dignetur quæ de eo scripta sunt legere. Sedit annis xxviii. Obiit xviii. Kal. Januarii: sepultus est in Ecclesiâ S. Symphoriani, ubi & Sancti Apletius, Pappolus, Goëricus, Godd, Aptatus & Felix Pontifices meritis insignes quiescunt.

XLVIII.  
Episcopus  
Theodericus  
II. vel Deo-  
dericus.  
b

Quadragesimus octavus post hunc ascendit ad Episcopatum **THEODERICUS** secundus; qui Monasterium urbis principale S. Stephano Proto-martyri construxit, adepto ipsius brachio à Bisonticâ<sup>b</sup> civitate. Inter ipsum autem & Henricum Imperatorem dissentione non modicâ ortâ, prædia multa Ecclesiastica pro auxilio distribuit per decennium, sicut refert successio modernorum. Rexit cum potentia Cathedram annis xxx. Obiit secundo Kal. Maii: sepultus in Ecclesiâ S. Stephani. Et hujus tempore **GUARINUS** Abbas sancto construxit Basilicam Arnulfo, quam sanctus Leo nonus dedicavit, privilegioque suo sublimavit.

An. 1047.  
Sigib.

XLIX. Episc.  
Adalbero III.  
frater is  
Droderici II.

Huic sanctitate ac religione venerabilis **ADELBERO** XLIX. successit, pacis amator & Cœnobiorum reparator. Hujus sub temporibus Ecclesiæ præfuerunt Romanæ sanctus Leo nonus, primo Leucorum Episcopus, Stephanus qui & Fridericus filius Gothelonis Ducis, & Alexander cui Hildebrandus, qui septimus dicitur Gregorius. Hic Adeibero prædiis suis Ecclesiâ S. Salvatoris infra urbem ampliavit, in quâ quiescit. Obiit Idus Novembris, regnante Henrico secundo post Conradum.

L. Episcop.  
Herimannus.

Hinc ab Ecclesiâ Leodiensi adscitus domnus **HERIMANNUS**, ordinatus est Metensium Præsul quinquagesimus. Hoc tempore maximum schisma exortum est inter regnum & sacerdotium. Imponebatur itaque Rex super Regem, Papa super Papam; & hoc diutius perseveravit, ex quo disciplina discubuit à suâ vivacitate.

Hic Herimannus Præsul admonitus visione, sanctum levavit ab humo Clementem, primum Doctorem Metensium, & tertio die obiit: qui beatus Clemens ad matrem delatus Ecclesiâ, maximis latificavit populos miraculis triduum. Defuncto Episcopo nihil signorum ostendit per biduum. Unde admirati cives, redduntur tristes; sed mox redditur lætitia, & aperiatur causa. Revelatum est cuidam namque Religioso nomine **LUBRICO**, fundatori Ecclesiæ S. Petri de Monte Brianci, quod intra dilationem illam signorum, Beatus Clemens ante tribunal Christi pro animâ prædicti Præsulis cum diabolo acerrimè decertavit. Obiciebatur enim ei ab inimico, quod metu mortis inconstanter egisset inter dissentionem Regni & Sacerdotii, malens fugâ persequutiones & suæ perversiones Ecclesiæ, violato sacramento (quod egitur more imperiali) prævenire. At beatus Clemens pastor, sui suscipiens causam vicarii, pro singulis judici pusillimo preces fundebat genu flexo. Quid plura? Divina sui flexa Sacerdotis

supplicatione censura veniam indulgit, & maledicto silentium accusatori imperavit. Quamvis vero divinæ nulla sit mora efficaciam, tamen quia Trinitatis essentia in humanitatis Christi personâ judicat omnia, ex dispositionis ordine dicuntur fieri moræ.

Hic Herimannus Episcopus ex Ecclesiâ Leodiensi assumptus, in Ecclesiâ S. Petri Metis est sepultus, præsidente universali Ecclesiæ Gregorio VII. vacillante Imperio. Obiit iv. Nonas Maii. Et cessavit Episcopatus multis annis.

Cum itaque mare seculi velut Africo & Aquilone fluctuaret, Catholici Metenses terrorem postponentes imperialem, ex Ecclesiâ Treverensi domnum **POPPONEM** personam nobilem Catholicis consentientem elegerunt Pontificem, celebratâ consecratione ipsius à Legato Apostolicæ Sedis. Potestas Imperialis alium (scilicet Adalberonem) subinducere nitens; Metenses fide firmâ restiterunt. Et sicut pridem duos **BRUNONEM** ac **GUALONEM** expulerunt, sic & tertium Adalberonem non sine multo labore ac periculo suarum rerum excommunicatum deposuerunt. Huic certamini velut signifer imperterritus & in omni conflictu intrepidus domnus **ADALBERO**, post Treverensium Archiepiscopus gloriosus de gradu in gradum promotus, ab ipsa (ut ita dicam) pueritiâ pro fide Catholicâ in castris Ecclesiæ militavit, donec ex schismate trophæum pacis invenit Ecclesiæ.

LI. Episcop.  
Poppo.

Defuncto autem Domno Poppone, qui provisorius existit Clericis pro tempore, magnificum & nobilem virum; ex Viennensi Archiepiscopatu assumptum, Domnum **STEPHANUM**, Apostolicâ consecratione benedictione in urbe Romanâ palliique dignitate honoratum suæ vitæ curriculo, (Ecclesiæ Treverensis salvo privilegio) in Episcopum suscipiunt. Qui quoniam adhuc vita floret & ætate viget, tentatio neale elationis orta ex peste adulationis, & preces fundantur Deo pro continuo ipsius studio.

## CHRONICI METENSIS APPENDIX PRIOR,

*Ab anno MCXX. ad MCC. circiter.*

**D**omno **POPONI**, tam Burgundiorum quàm Lotharingorum excellenti genere clarus, sed virtute & animi nobilitate clarior domnus **STEPHANUS** anno Domini MCXX. videlicet anno **CALLISTI** Papæ secundi successit. Hic **CALLISTI** ex sorore nepos, cum Regaliam nundum ad Henrico V. qui tunc temporis arcem tenebat Imperii, recepisset, schismate inter Regnum & Sacerdotium adhuc durante, in urbe Romanâ ab eodem Pontifice Summo consecratus est, & tam pallii dignitate quàm Cardinalis titulo honoratus. Hic à civitate Metensi biennio & eo amplius (quia præmemorati Principis gratiam necdum habebat) excelsus, primos Ordines in loco qui Sancti Quintini-Mons dicitur, celebravit: & omnes curtes Episcopatus à tyrannis, solo Rumulico excepto, occupatas, fratris sui Comitis Barrensis aliorumque cognatorum & amicorum suorum fretus celeritate mirâ recuperavit.

LII. Episcop.  
Stephanus.

Idem in ipsâ promotionis suæ recentia castrum Terli, quod viatoribus per illas transeuntibus partes valte erat perniciosum, castrumque Ducis apud Vicum, & munitionem inter Vicum & Marsellam in loco palustri sitam, simulque castrum Comitis

<sup>b</sup> Byzonticâ] Byzantio. Vide Sigibertum ad an. 1004.

& 1009.

de Hœmborc, quod Marsello adhærens, toti villæ onerosum damnosumque diu exstiterat, in manu validâ destruxit & complanavit.

Processu temporis gratiâ imperiali sibi conciliatâ, de virtute in virtutem sine intermissione conscendens, castrum quod Ramberti-villare dicitur firmavit; castrumque nobile Lucerbore, quod ad ipsum jure hereditario descenderat, beato contulit Stephano: & castrum Hœmborc jure ab ipso feudali descendens, post decessum Comitis HUGONIS à Duce Lotharingiæ occupatum, Domini FRIDERICI patris auxilio sibi & posteris suis acquisivit, liberè omni ævo tenendum. Acquisivit etiam sibi & suæ perpetuæ Ecclesiæ castrum Viviers, & partem Ducis de Lemburc in castro Rucey cum universis appendiciis. Castrum quoque Mirabel, & Falconimontem. Rebellites Danubrii & Asperimontis, firmatis ante ipsa castra munitionibus, viriliter perdomuit. Apud Spinal turrin quæ Moronis dicitur, à Duce occupatam virtute recepit potenti; & multo post tempore castrum superius propter insolentiam & immoderatos excessus Advocati, juvante ipsum Duce Matthæo, obsidione clausit & cepit. Et tunc Dux recompensationem servitii hujus, jure feodi ab eo Advocatiam recepit Spinalensem. Et ipse Dux versâ vice alodium, quod apud Vicum habebat, B. Stephano Metensi contulit liberè & quietè & omni ævo tenendum.

Idem Pontifex venerandus castrum quod Petra pertusata dicitur cum anno integro & eo amplius, tribus munitionibus (quarum usque hodie vestigia apparent) in circuitu firmatis, obsidione clausisset, tandem compulit ad deditionem. Cum per castrum Deulwart graves ei injuriæ illatæ sæpius fuissent, tandem expugnavit illud, & in favillam cineremque redegit: nihilominus etiam turrin apud Thiecurt firmatam; & castrum in loco qui Walteri-Mons dicitur situm, quæ Episcopatum graviter infestabant, diruit ac subvertit. Nec inter eximia gesta ejus reticendum, quod ipse tempore quodam Duce ei vrram inferente, castrum ipsius Prigney magnanimitè obsedit, illudque muris jam perforatis indubitanter cepisset, nisi victoriam jam paratam jamque imminetent impedisset frater suus Comes Barenfis. Cujus gesta inclita & annalibus digna enumerare, & literis explicare si vellem, antè quidem membrana deficeret quàm materia.

Cum annis XLIII. sub Apostolicis Callisto, Honorio, Innocentio, Celestino, Lucio, Eugenio, Anastasio, Hadriano, sub Principibus Romanis, Henrico V. Lothario, Conrado, Friderico, sedisset, IV. Kalendas Januarii annis & meritis plenus, & in schismate Alexandri & Victoris, quod inchoatum jam fuerat, Catholicus migravit ad Dominum, & juxta chori introitum in dexterâ ipsius parte meruit sepeliri.

LIII. Episcop.  
Theodericus.

Hic an. D. MCLXIV. successit dominus THEODERICUS fratris sui Comitis Barrenfis filius, verè ei tam moribus quàm sanguine propinquus. Illi sollicitudo summa & cura specialis hæc fuit, ut sub ipso metu iustitiæ tam prædonum quàm latronum coerceretur audacia, tutaque esset inter improbos innocentia, & ubi malicia dominari consueverat, refrænaretur malignandi facultas. Hic paci & tranquillitati Ecclesiarum, omniumque sibi creditorum commoditatibus eâ providit diligentia, ut cum Miles, Clerus & populus vererentur ut dominum, & ut patrem diligerent. Hic malis nocuentis quæ per castrum Habundanges, si alius quis homo potens adeptus illud fuisset, Episcopatu quoque quotidie posset inferri, providè & solerter occurrens, sibi ac suis ipsum acquisivit successoribus, domumque ibi

ædificavit egregiam.

Acquisivit nihilominus sibi & posteris suis Wermesperc, & Radonis-villam. Castrum Conflans de firmo reddidit firmius, ipsumque palatio nobili decoravit. Idem Cardinalibus Octaviani hæresiarchæ civitatem Metensem cum nuntio Imperatoris satis pomposo ingressi, & Clerum universum ad sacramentum obedientiæ idolo suo præstandum cogere volentibus, viriliter in facie restitit, ipsoque, infecto prorsus propter quod venerant negotio, cum pudore & confusione omnimodâ fecit recedere. Ex quo ejus facto quamplures Imperii civitates æmulandæ virtutis, eosque similiter contemnendi & exemplum sumserunt & audaciam.

Sedit annis IX. & VII. mensibus, sub Pontifice Summo Alexandro III. imperante Friderico. Et propter pericula quæ ex schismate adhuc imminébant, ad Sacerdotii gradum & consecrationem Pontificalem conscendere veritus, Electus tantum & Levita tertio Idus Augusti inter tot illius magni schismatis turbines & procellas scuto armatus fidei, Catholicus decessit. Cujus sarcophagum à domni Stephani prædecessoris sui & patrui sepulturâ chori tantum dividit introitus, ut quos amor & sanguis in vitâ conjunxerat, modica & in morte separet locorum distantia.

Hic communi Clericorum electione, & tam militum quàm civium applausu successorem habuit nobilem virum, & perpetuâ dignum memoriâ dominum FRIDERICUM de Plujosâ. Hic B. Stephano Anerey acquisivit: cui tam ætate decrepitâ quàm incurabili ægritudine laboranti, sed nunquam virilem animum, nunquam liberalitatem, nunquam curialitatem cui à cunabulis deservierat, deponenti optimè divina in hoc providit miseratio, quod ipse suas & Ecclesiarum sibi commissarum petestates ita conservavit indemnes, ut nullam sub regimine ejus diminutionem, nullumque prorsus detrimentum sentirent. Hic cum sub præmemorato Pontifice Summo Alexandro, Friderico imperante, Electus tantum & Levita propter præfata schismatis pericula duobus annis & totidem mensibus sedisset, V. Kalen. Octobris Catholicus migravit ad Dominum: sepultus est autem in Oratorio quod S. Galli dicitur, ante altare (sicut ipse in extremis agens expetierat) beati Joannis Evangelistæ.

LIV. Episcop.  
Fridericus.

Successit huic filius Ducis Lotharingiæ THEODERICUS. LV. Cujus pater Dux Matthæus statim post filii inthronizationem castrum suum Surkes, quod jure allodii tenebat, B. Stephano Metensi, factâ solemniter super altare donatione contulit, & Spinalensem Advocatiam, quam ei dominus Stephanus contulerat, in ejusdem filii manum deposuit & penitus werpivit. Hic turrin in medio castri Lucemburc sitam, quam tunc temporis Comes de Salverna tenebat, sibi suisque successoribus, ipso Comite capto, recuperavit. Sedit annis VI. & paulo amplius sub Papa Alexandro; Friderico imperante avunculo suo: qui & alia armis digna gessisset, nisi ejusdem Alexandri III. manum sensisset validam, suâ ob hoc electione cassatâ ab illo, quia infra Ordines fuerat celebrata.

LV. Episcop.  
Theodericus.

Hic, cum Episcopatus per annum ferè post ipsum vacasset, anno Domini MCLXXX. successorem habuit dominum BERTRANNUM de Saxoniæ partibus oriundum, clarum quidem genere, & vitæ ac morum honestate omnimodis commendabilem, & tam divinæ quàm humanæ legis egregiè peritum. Senferat & ipse cum Bremensis esset Electus Alexandri III. severitatem, ejus quoque electione sub causâ hujus prætextu cassatâ ab illo, quia fuerat infra Ordines celebrata. Quod magis in odium Friderici Imperato-

LVI. Episcop.  
Bertrannus.  
1180.

ris, cui ipse carus admodum & familiaris erat, quam amore justitiæ factum publicè fama prædicabat. Sed felix ruina, quæ reparatur in melius. Cecidit ibi, ut fortior resurgeret. Divina nimirum huc eum transferri voluit ordinatio, ut hinc proficeret amplius, & fructum faceret uberiores.

Ejus itaque apud nos rudimenta & opera prima hæc fuerunt. Vineas suas ferè omnes creditoribus à suo prædecesore expositas, citius quidem & facilius quam credi aut sperari posset, ad manum & mensam suam revocavit, & curtim Archansiacum pro 800. libris ab eodem prædecesore suo Comiti de Dasburc oppignèratam, per justitiam Imperialem & Principum sententiam prudenter ac viriliter recuperavit. Consequenter apud Vicum nobilem ædificavit domum, & castrum Bascurt sibi & posteris suis acquisivit. Nec est silentio prætereundum, quod ipse processu temporis castrum quoddam à Waltranno homine Comitis de Bascurt non procul à Saleburc firmatum, Episcopatu in partibus illis valde nocivum, in manu potenti & validà destruxit.

His ita se habentibus, & ipso quæ pacis, quæ religionis, & quæ justitiæ sunt, studiosè tractante diligentia, ecce tamquam in fornace probari eum Dominus volens, & inter sæculi hujus turbines & procellas virtutem clarescere, insperatè ipsum persequutione ad tempus flagellari permisit. Cum enim dominum Folmarum Trevirensis Electum, à summo Pontifice Urbano III. contra voluntatem Frederici Imperatoris consecratum, de ipsius Summi Præfulis mandato, cui nec debuit nec ausus fuit contraire, recepisset; & quæ Cæsaris Cæsari, & quæ Dei sunt Deo reddere cupiens, debitam exhibuisset reverentiam; ad iram & indignationem Princeps incitatus, bona ejus universa confiscari fecit, totumque Episcopatum Metensem per ministeriales suos in facti hujus vindictam saisiri, quasi enorme & detestandum esset piaculum Summo obedire Pontifici, & plùs Deum vereri quam hominem. His ille auditis, personæ suæ salutis præsidio fugæ ut alter Athanasius consulens, migravit Coloniam, & in Ecclesià S. Gereonis, ubi prius Canonicus exstiterat, spei suæ anchoram figens, ibi asylum, ibi pro exilio patriam invenit. Ubi non solum à Fratribus & Concanonicis suis, verum etiam ab universo Coloniensi Clero, & præcipuè à Metropolitano illustri Philippo tanta personæ & meritis ejus veneratio præstita, tantæ dejectioni ejus exhibitæ compassionis, totque necessitatibus suis à liberalitate eorum collata subsidia, ut eum ferè patriæ & redditus in exilio facerent oblivisci. Cui cum exacto biennio gratiæ Imperialis serenitas opitulatione divinà, multisque tam Principum quam aliorum supplicationibus redita fuisset, rediit tandem ad Ecclesià suam diù desideratus Job noster: sed minimè ad duplicia restitutus. Qui enim vinum in Cellariis, frumentum in horreis, aliaque abundanter bona discedens reliquerat, ita in reditu suo evacuata omnia & penitus exhausta invenit, ut rursus eum redivivis vacare curis & laboribus oporteret, & ad omnium quæ humanis necessaria sunt usibus acquisitionem quasi de novo accingi. Cujus annis & meritis felix divina misratio incrementum præstare dignetur, nec desit qui loco & in tempore sequentia ejus gesta tradat annalibus, & ad cognitionem transire faciat posterorum.



## APPENDIX POSTERIOR,

*Ad annum MCCLX. deducta.*

**P**OST Dominum Bertrannum felicitis memoriæ, sublimatus est in Episcopum Metensem Dominus CONRADUS, vir quidem strenuus ex Teutonorum progenie ortum ducens, clarus sanguine, sed nobilior moribus & virtute, & inter Principes imperii venustate personali & corporis elegantia decoratus. Hic etiam Spirensis Episcopus, & Imperialis aulae Cancellarius, negotia imperii tamquam prudens & fidelis dispensator, discretionem animi fidelitatem ipsius comitante adeo procuravit, quod in talento sibi credito pigre non dormiens sed sollicitè vigilans, Domino suo plenam de eo potuit reddere rationem, in requiem Domini sui cum gaudio ingressurus.

Ipsè equidem decorem domus Domini, & locum habitationis ejus diligens, Metensem Ecclesià exquiritis ornamentis decoravit: in villà de Vico, quod tunc firmata munimine aliquo minimè claudabatur, castrum nobile murorum & turrium altitudine firmavit. Et licet ad negotia Imperii sibi commissà pro maximà parte temporis traheretur, nec posset in Metensi Diocesi, nisi raro & modicè suam præsentiam exhibere, tamen in ejus absentia famà probitatis, providentiæ & virtutis ejus militante, terram Episcopatus Metensis contra fortes & potentes viriliter protexit & defendit tamquam præsens, & rebellium violentiam cum armis tum prudentià sagaciter refrænavit. Anno igitur Pontificatus sui XII. vitam feliciter finivit, & in Choro Spirensis Ecclesiæ sepelitur.

Huic successit frater Domini Asperimontis Dominus JOANNES, quem clari sanguinis generositas decorabat exterius, & morum gravitas interius illustrabat. Qui cum esset in flore juventutis suæ constitutus citrà annos, qui in electionibus Episcoporum requiruntur, immaculatà ejus vità defectum ætatis in eo pleniùs supplente, Cleri concordia & lætitià populi pariter accedente, assumptus est in Episcopum Virdunensem. Ubi de die in diem de bono in bonum proficiens, sic continuavit & auxit suæ famam bonitatis, quod ex merito suæ bonitatis atque actionis in Metensem Episcopum unanimiter est translatus. O virum ineffabilem! qui lorica justitiæ indutus, clypeo continentia munitus, galea patientiæ protectus, & armis virtutum circumdatus, vultus sui gratià pascebat se videntes, mellitè verborum suorum modestià recreabat audientes, humilibus aderat simplicitate columbinà, majoribus serpentinà astutia assiltebat, & tyrannis feritate leoninà resistebat. Cum autem in negotiis Metensis Ecclesiæ assiduè vigilaret, illustris Comes de Dauborc viam universæ carnis est ingressus. Cujus filia, quæ heres unica in hereditate paterna successerat, ab ipso Episcopo instantè postulavit, ut feodum sibi redderet, quod pater suus de Metensi Episcopo tenuerat, quod Episcopus ipsi reddidit non sine multorum nobilium supplicatione & rogatu, cā tamen conditione adjunctā, quod si ipsam sine herede proprii corporis mori contingeret, feodum ipsum ad Metensem Ecclesià pleno jure rediret: conditione eadem sigillis authenticis communita, & fide testium pariter roborata. Sed cum eadem Comitissa sine herede proprii corporis occulto quodam Dei judicio decessisset, Dominus Walterus Dux de Lemborc, Comes Lucelburgensis, & multi alii no-

LVII. Episc.  
Conradus.

LVIII. Episc.  
Joannes.



biles & potentiores de Imperio, consanguinei ejus & fautores, castra quæ erant de feodo prædicto cum eorum pertinentiis nequiter saisierunt, ea suæ ditioni usurpare & retinere in perpetuum contra debitum conditionis prædictæ molientes. Quibus Episcopus, qui virilem & fortem gerebat animum, qui nec extollebatur in prosperis, nec deprimebatur in adversis prudentiâ suam concomitante potentiam potenter resistens & patenter, in longo guerrarum discrimine, in armorum strepitu, labyrintho expensarum tamdiu indefessè insudavit, quod divina providentia quæ in sui dispositione non fallitur, rei exitum prosperavit. Nam idem Episcopus Comitatum Metensem, & quatuor castra nobilia, Sarabore videlicet, Albam, Truquestein, & Arestein, quæ erant de feodo prædicto, cum suis appendiciis acquisivit, & Metensi Ecclesiæ perpetuò contulit possidenda. In quorum acquisitione (ut de castrorum fortitudine & amœnitate locorum taceatur) proventus Episcopatus sui duplicavit: & insuper Advocatiam de Marsal, in quâ multo plus habet Advocatus quàm dominus, pro quibusdam vineis quæ erant modici valoris in respectu permutavit; in quo etiam conditionem Ecclesiæ suæ fecit admodum meliorem.

Cum verò hæc sibi prosperè successissent, & jam locus esset tranquillitatis & pacis, inimicus homo seminavit zizaniam, ac inter ipsum & cives suos Metenses pestem discordiæ suscitavit. Cives quidem prædicti, de quorum adipe processit iniquitas, elevati superbiâ villam Episcopi, quæ Chates dicitur, ante Metim combusserunt, Clericum unum excaverunt, & multas alias irrogarunt injurias quas longum esset literarum memoriæ commendare. Quod cum Episcopus dissimulare non posset, competenti monitione præmissâ, cives excommunicavit, & manum in eos aggravando, civitatem Ecclesiastico supposuit interdicto; & demùm civitatem exiens, in monte castri dicti *Saint Germain*, quod ante Metim firmaverat, se recepit; sed & post ipsum laudabilis & robusta de Porta-salis parentela expulsa fuit à civitate, propter civile odium quod læbat inter cives, & maximè quia ipsa parentela ipsi Episcopo in jure suo fideliter aderat, & ei laudabiliter adhærebat; ita quod in civitate nec unus quidem de parentelâ illâ & sibi adhærentibus remansit, sed omnes inde exierunt & se in dicto castro receperunt, domibus eorum funditus dirutis, & bonis omnibus suis quæ in civitate reliquerant, confiscatis.

Cum verò idem Episcopus dictorum civium malitiam per spirituale gladium refrenare non posset, invocavit auxilium brachii secularis, Ducem videlicet Lotharingæ & Comitum Barrensem fideles suos quos jure fidelitatis, quâ sibi tenebantur, in auxilium suum contra cives Metenses confœderationis vinculo, & interpositione juramenti, qui funiculus difficilè rumpitur, colligavit. Sed quoniam nusquam tuta fides, fratrum quoque gratia rara est, dicti Nobiles corrupti etiam pecuniâ, quæ ipsos videntes sapius excæcat, non solum Episcopum quem fovere debebant, non sine notâ prodicionis reliquerunt, verum etiam eidem se opponere præsumserunt, & durante inter eos per triennium guerrarum discrimine, dicti nobiles & commune Metense cum eis parentelam prædictam in castro prædicto ex improviso obsederunt. Quo audito Episcopus constante constantior, fide firmus cum Abraham, sapientiâ Salomonis non integer, patientiâ Job non expers, spe Symeonis suffultus, quem quidam de fidelibus suis Clericis & Laicis reliquerant: cum idem Episcopus fratrem suum focum non haberet, qui in Franciam se transfugerat, ut cum armatorum po-

tentiâ rediturus fratri suo subveniret, & Episcopus Virdunensis, consanguineus suus, qui sibi libenter in manu potenti affuisset, ad ipsum pervenire non posset; cum fortunâ in tantum sibi novercante potuisset alius in eclipsem desperationis incidisse, ita ut de resurrectione ipsius nulla spes haberetur, vir idem resumens vires animi, in Teutonium ad gentes extraneas se convertit, ubi illustrium virorum de Eustein & de Dabore Comitum, & aliorum multorum nobilium, qui in habenda militiâ potentes erant, auxilium imploravit. Qui sibi cum præceptum pretio unanimiter adhærentes, collecto magno exercitu ipsum sunt sequuti, & in tantum processerunt, quod se super Mosellæ fluvium receperunt.

Quibusdam igitur de suis laudantibus ut illâ nocte fluvium non transirent, nec permitteret Episcopus longo itinere fatigatos laborare ulterius transiendo illâ nocte, sed procrastinaret transitum, & daret requiem hominibus & jumentis: idem qui plus suo quàm aliorum sensu & ingenio regebatur, plus sibi metipsum credens quàm alius (licet adversarii sui pro certo tenerent quod Mosellam de cætero non transiret) Mosellæ fluvium, qui tunc plenis erat alveis, cum exercitu copioso in admirationem multorum transvadavit, ita quod nec unus quidem remansit qui fluvium non transiret. Mira res! si enim illâ nocte non transissent, sic excrevit fluvius nocte ipsâ, quod in mane nullo modo transire potuissent. Et sic illi, qui in castro obsessi erant, quorum sanguinem concives sui sæviter sitiebant, cum plusquàm per octo dies succursum expectare non possent, & mortis periculo subderentur: sed Salvator, qui omnes homines vult salvos fieri, & neminem vult perire, dedit Episcopo voluntatem transeundi, & transiit, terrasque dictorum Nobilium ingressus, ponens in Domino anchoram suæ spei, elegit potius se & suos committere Martis discrimini, quàm jus Ecclesiæ suæ relinquere indefensum, & amicos suos obsessos mortis periculo subjacere.

Et cum in medio terrarum Ducis & Comitum, quibus etiam commune civium Metensium aderat, paratus esset configere eum eisdem; & cum jam itarent hinc inde castrorum acies terribiliter ordinatæ, processit in medio Venerabilis Episcopus Tullensis, genu flexo supplicans & orans, & suadens Metensi Episcopo, ut reciperet verba pacis. Idem igitur Episcopus illi parentelæ compatiens, tamquam fidelitatis illorum, quam erga Dominos suos studio devotionis ab antiquo exercuerant nec immemor nec ingratus, pietate ipsorum ductus, ut eos posset sine periculo corporum & rerum liberare, quibus redemptio seu liberatio aliâ quàm ipso mediante non patebat, & quia dubii sunt eventus bellorum, elegit in eorum liberationem certitudinem compositionis & pacis. Et sic ipse, quem suorum movebat pietas, & adversarii sui in quos timor tremorque repente irruerant, pestem guerræ gravissimæ pace latâ & laudabili concordia, mediante Tullensi Episcopo, profusis multorum lacrymis, confuso humani generis inimico, terminarunt: idemque Episcopus, & fidelis, robusta & constans de Porta-salis parentela cum gaudio ad propria redierunt.

Quinto decimo autem Episcopatus sui anno, præfidente domino Innocentio Papa quarto, ac domino Friderico filio domini Henrici Imperatoris regnante, vitam feliciter consummavit. Et sepultus est in choro majoris Ecclesiæ Metensis.

*Hujus enim fuerat quod habent hoc tempore rarò.  
Mitis vita, manus munda, pudica caro.*

Post hunc in vineâ Domini Metensis Ecclesiæ concorditer enituit secunda plantatio, propagatus indigena,

LIX. Episc.  
Jacobus.

ind gena, Reverendus Pater JACOBUS Metensis Episcopus de Regali prosapia, frater nobilis viri quondam MAHEU Ducis Lotharingæ, ex patre FERRICO quondam Duce Lotharingæ de sorore Comitis Barrensis procreatus. Qui Episcopus de nobili progenie, præclarior virtutibus & moribus præfulgebat: in quo quidquid virtutes desiderant confluebat, videlicet pacis amicitia, pudicitia cupiditas, in potentia strenuitas, in strenuitate claritas, benignitas, sapientia, prudentiaque temperata, ac in eodem iustitia, forma boni livore carens, elementa conjunxit, visusque inserta resplenduit, pacis robore discordias suffocando, imperturbatus perstiterat inter prospera & adversa, morum ornamentis undique circumseptus.

Cujus decorem virtutum sol & luna mirabantur: cui regnanti concordia patriæ totius applaudebat, quam in præsentis ipso semoto plaga pestilentia non reliquit, cum non sit qui sanet vulnera patriæ conturbata, aut qui jacenti concussoque dextram porrigat miserantis. Metensis diæcesis, quæ sub ejus umbra fuerat patriæ robur fortitudinis, facta est per ejus eclipsim viribus imbecillis, ac procellis intumescens non modicè conquisita, grexque Dominicus jam ferè apparet pastoralis regimine destitutus: qui suo tempore flectens habenas circumadjacentium rerum, cuncta sub juris regulâ limitabat, & conatus cupiditatis infringens, ejus morsus illicitos refrænabat, dum ædificia quæque suæ diæcesis diruta vetustate, sumptu mirabili visus est undique reparare, villas, castra & castella debilia roborando, novaque construendo: eandemque diæcesim quam plurimis acquisitis de novo possessionibus decorando. Nam in oppido Salebore, quod tempore prædecessoris sui ardenti desiderio fuerat inchoatum, munitionibus insignibus, turribus & fossatis, & murorum propugnaculis fortissimis consummavit, & de Alba, de Herrestein, & de Druchetein turres & muros in melius reparavit, novas cisternas profundando: villas quoque de Vico & de Marsello aded firmavit, quod ab hostilibus insultibus non valeant expugnati: ac circa villam de Rambervilleir, quæ sepibus erat circumdata, clausurâ murorum fortissimorum, & viginti quatuor altarum turrium decore circumfulsit, castrumque Spinalense & oppidum magnis firmitatibus reparavit; & castrum de Confians, quod ferè corruerat vetustate consumptum, munitionibus turrium & murorum decoravit, fossatisque profundis præmunivit.

Insuper juxta veterem Hombore, speculam totius mundi castrum de novo construxit in cacumine cujusdam montis deserti, quod Hombore adhuc nominatur, opere nimium sumptuoso & inæstimabilibus expensis, ad totius Episcopatus tuitionem, ubi

militum, civium, incolarum, & Episcopi castra præfulgent ab invicem separata, murorum altitudine & turrium fortitudine, ac ædificiorum decore insignita; ubi de redditibus mensæ Episcopalis sæculares Canonicos instituit cum sufficientibus redditibus ad cultum divini numinis deputatos: ipsumque stagnorum & molendinorum ædificatione adornavit. Item in Abbatibus Belli-prati & Sallivallis aliisque locis erexit innumerabilia ædificia operibus sumptuosiss. Insuper acquisivit feodum de Albo-monte reddibile cum suis appendiciis omnibus ab Episcopo Metensi perpetuò possidendis.

Præterea cum Ecclesia direxisset aciem contra Dominum CONRADUM filium FRIDERICI Imperatoris, post sententiam depositionis latam in eundem, idem Dominus Jacobus cum manu potenti & brachio excelso veniens in adjutorium Ecclesiæ, per virtutis suæ ac militiæ fortitudinem & industriam dictum Conradum mirificè fugavit & devicit, impensis innumerabilibus non parcendo. Item feodum de Maurimont cum appendiciis suis reddibile; & de Ruckesvignes reddibile cum appendiciis suis; & feodum de Habondanges cum appendiciis suis, Episcopatu reddibile ab illustri viro TH. Comite dicto Soiberto, in perpetuum acquisivit. Item ab illustri viro Domino Henrico de Salmis feodum de Pièrperse cum appendiciis suis, & reddibile cum homagiis acquisivit. Item à Domino TH. de Creincort acquisivit domos cum appendiciis suis. Et à Domino Werico dicto le Vogien partem suæ advocatiæ de Valle de Faus. Item à Domino Petro filio Domini Petri quondam Militis de Novo-castro, advocatiæ de castris ante Metim. Item acquisivit ab Advocato Advocatiæ Metensem. Item cum discordia inter ipsum & F. Ducem Lotharingæ nepotem suum [ orta esset ], super eo quod ipse petebat ab ipso Duce partem suæ hereditatis, ex parte patris & matris sibi proveniente: tandem per pacem obtinuit, retinuit & habuit quidquid idem Dux habebat apud Marsellum, & apud Vicum, & apud Remerville, & apud Corbesal, & apud Sella-cort, & apud Rembervilleir, & apud Sorneville, & apud Villeinnes, & apud Biffoncourt, sicut in literis super hoc confectis plenius continetur: quæ omnia per prædictam pacem acquisita, idem Episcopus contulit Episcopatu Metensi, sicut plenius in literis suis continetur. Qui tam in temporalibus quam in spiritualibus viginti duorum annorum curriculum circumspicere gubernans Diæcesim, post hæc feliciter triumphans in Domino, cum Patribus obdormivit.

Actum anno millesimo ducentesimo sexagesimo, mense Septembri Alexandro Papa IV. in summo Pontificatu præidente.

1260.

## MONITUM.

**B**ERTHARII PRESBYTERI brevem historiam Episcoporum Viridunensium, sicut & aliorum Auctorum subsequentium de iisdem Episcopis, debeo amicitia ac diligentia doctissimi Monachi Benedictini e Congregatione S. Vitoni, D. Bartholomæi Senocq, qui tum Fratris suis Theologiam prælegebat, nunc (anno 1675.) Prior est in S. Agerici Monasterio Viridunensi, qui cum plures codd. MSS. Abbatia S. Vitoni evolvisset, ea quæ ad Præsules Viridunenses attinent, aut descripsit, aut describi curavit & ad me transmisit. Vivebat Bertharius, an. circiter 887. Ante enim quam de Attone Antistite ageret, hæc præmisit: Deinceps quod oculis vidi, liberius valeo litteris exsequi. Et in Berthardo: Canonicos suos canonicè vivere fecit, &c. pueros (inter quos ego Bertharius unus fui) in humanis & divinis libris per se &

per alios cum summâ charitate instruxit. *Bertharii meminit cum laude Laurentius de Leodio in epist. ad Alberonem his verbis*: Laudanda est Bertharii pia industria, qui de ipsis cineribus & ruinis incensæ urbis & Ecclesiæ omnia prout potuit, prædecessorum saltem Præsulum, vel nuda nomina eruit, vel quædam gestorum nobis scintillavit. Nam ipsam cantillam de nostris Præsulibus notitiam ab ipso accepimus. *Hugo ex Monacho S. Vitoni Abbas Flaviniacensis quanti Bertharium fecerit, in chronico Virdunensi (quod in lucem protulit Philipp. Labbe in novæ Bibliothecæ tom. 2. p. 113.) significat*: Attestatur, inquit, huic nostræ adstipulationi domini Bertharii memorialis antiquitas, qui sanctorum Episcoporum acta replicans, Basilicæ quoque hujus meminit in hæc verba: Basilica inquit in qua, &c. (*quæ infra leguntur in Laurentiana hist.*) Et post multa idem Hugo: Bertharius Presbyter, ne Sanctorum Patrum Virdunens. Pontificum sacrosancta memoria & venerabile studium, & operatio sancta penitus oblivioni traderetur, quæ de sanctis eorum actibus legerat, breviato sermone comprehendit, præsentibus gratum, posterioribus utile. *Desinit Bertharius in Dadone XXXI. Episcopo.*

*Seriem Episcoporum Virdunens. à Berthario ordinatam, continuavit Anonymus Monachus S. Vitoni, nempe à Barnoino XXXII. Episcopo ad usque Theodericum XL. cujus tempore scribebat hic Auctor, ut ipse proficitur, ubi Richardum memorat his verbis*: Pontifex ipse Richardus, translatus à Domino Theoderico successore feliciter regnante Episcopo, &c.

LAURENTIUS de Leodio prius in S. Laurentii Leodiens. Asceterio vitam Monasticam professus, postmodum ad S. Vitonum Virdunens. à Rodolfo Priore ipsius Cænobii deductus, inibi Historiam non modo Ecclesiasticam, sed & sæcularem conscripsit. Quid porro causæ illum ad eam conscribendam moverit, aperit in fine epistolæ ad Alberonem: Ista quæ Bertharius in Pontificalibus gestis omiserat, ut hîc unum breviter colligerem, & pro commendatione transcriberem vobis, amantissimus vir, venerabilis Hugo, Monachus noster, nimîa instantiâ me invitum compulit. Et quoniam quæ ab hinc sequuntur usque ad tempus Theoderici Pontif. à quodam digesta inveniuntur, prædictus commonitor noster ut ab ipso Theoderico usque in præsens tempus omnia quæ evenerant compilarem, oppidò insistens exegit. Nonnulla in eandem sententiam leguntur in ipsâ Historiâ: ubi advertet Lector, Hugonem Monachum, cujus hic facta mentio est, haud esse Hugonem Flaviniacensis Monasterii Abbatem, & Chronici Virdunensis Auctorem, quem superius laudavi, sed dumtaxat Monachum S. Vitoni, qui Alberoni Episcopo notissimus ac familiaris exstitit; Flaviniacensis autem annum 1102. minime prætergressus, paulo post obiisse videtur; at Hugo ille in vivis erat ann. 1140.

LAURENTII Historiam Virdunensem prosequutus est Monachus itidem S. Vitoni, qui unus idemque scriptor fuisse videtur ac Laurentius, dum in exordii initio dicit: Pii & venerabilis Patris nostri Segardi præconiis, à quo non longè digressi sumus, eximendum vereor, &c. Verùm clarè insinuat ipsemet Laurentius se colophonem addidisse historiæ suæ. Continuator autem ille multis interjectis, seriei Episcoporum Virdunens. ducit initium ab Alberone, in quo desierat Laurentius, & finem imponit actis Episcopi Guidonis de Mellozo.

## BERCARIII PRESBYTERI HISTORIA BREVIS EPISCOPORUM VIRDUNENSIIUM

REverendissimo & sanctissimo Seniori meo domino DODON: Virdunensis Ecclesiæ inclyto Episcopo, BERCARIUS vester Presbyter devote pro vobis orando felicitatem æternam in Christo. Quoniam nostro tempore per triginta & sex annos vestro bono studio & inclytâ famâ nobis multa venerunt prospera, nunc autem peccatis nostris exigentibus principalis Ecclesia nostra igne succensa, libri & memoriæ sanctorum Patrum vestrorum ex magnâ parte eidem flammæ sunt traditæ; ne autem penitus oblivioni traderetur antecessorum vestrorum sacrosancta memoria, venerabile studium & operatio sancta, licet infirmitate & tristitiâ attritus, quæ de sanctis intercessoribus vestris legi, & à fidelibus audiavi breviato sermone comprehendere commo-

dum duxi, vobis quidem gratum, posteris autem utile.

1. Legimus in istâ Ecclesiâ, quæ est in honore sanctæ Dei genitricis constructa, jam præcessisse triginta Episcopos, quorum primus Sanctus SANCTINUS vocatur, de quo quod sentimus notare hîc studimus. Nam legimus quodd sanctus Dionysius Sanctinum Meldensis Ecclesiæ Episcopum & Antonium Presbyterum mitteret cum gestis passionis suæ Romam ad sanctum Clementem, & iter illorum fuisset per istam civitatem, & in cundo ac redeundo hîc primi prædicassent verbum Dei. Et ferunt quodd idcirco in ordine Episcoporum istius Ecclesiæ primus ponatur. Legitur verò in vitâ sancti Servati Episcopi, ubi de Agrippinensis Ecclesiæ Archiepiscopi

1. Episcop.  
Virdun. S.  
Sanctinus.

depositione res agitur, quod intertulset Sanctinus urbis Clavorum Episcopus. Ubi tamen ejus corpus sepultum sit nusquam reperimus nisi Meldis.

2. Post hunc legimus fuisse sanctum MAURUM & sanctum SALVINUM, & sanctum ARATOREM, quorum merita ad sepulcra illorum ostendunt frequentia miracula: siquidem sancto Agerico divinitus ostensa sunt eorum monumenta, & ab eodem honorabiliter & sanctissime ordinata. De istis enim quæ nostris oculis vidimus quamplurima referre possumus. Tempore etenim Lotharii junioris Regis, & domini Attonis nostræ civitatis Episcopi de istis sanctissimis viris Reliquiæ sunt sumptæ, & ad Theologium Monasterium, quod isti Ecclesiæ est subjectum, nostris temporibus sunt delatæ. Deus testis est conscientia meæ; quia non possum ad memoriam reducerere quæ à pueritiâ usque ad perfectam ætatem meritis Sanctorum istorum ad sepulcra illorum divinâ clementiâ operari vidi. Quot cæci illuminati, quot surdi sanati, quot claudi erecti, quot dæmoniâci liberati, quot ægroti à variis langoribus liberati, nullatenus stylo comprehendere queo, aliqua tamen sub compendio colligam.

Duo contracti causâ orationum Ecclesiam ipsorum ingressi, protinus meritis Sanctorum istorum sunt erecti. Quædam femina nomine Emma multis diebus lumine præsentis sæculi privata, in meâ præfentiâ ibidem est illuminata. Similiter & altera femina quæ erat muta, post peractas Matutinas me audiente cœpit loqui. Quidam etiam homo per XI. annos contractus, & per multos annos in porticu sancti Stephani Metensis Ecclesiæ jacens, curriculo evehctus ad istorum sepulcra delatus fuerat. Primâ verò parte noctis cœpit voces emittere, & usque ad Matutinas easdem emittens voces sospitatem meruit obtinere, ad quod mirandum cum domino Attone Episcopo eadem die venimus, simulque cum illo vidimus coxam ejus cum crure usque ad nates excoctam, quasi nihil aliud habuisset nisi ossa, & qui vix in vehiculo venerat jam senex & plenus dierum, pedes & sanus reversus est ad propria.

3. Post hos exstiterunt sancti PULCHRONIUS, POSSESSOR & FIRMINUS: de quorum memoria nihil aliud scimus, nisi quod à primis temporibus eorum merita Domino fuerint grata, & inter cives Sanctorum sint annumerati. Legitur etiam in vitâ sancti Lupi Treassini Episcopi, PULCHRONIUM admirandæ sanctitatis virum Virdunensis Ecclesiæ Episcopum præfuisse tantâ gratiâ curationum, ut religatis post tergum manibus dæmoniâcis imperaret, & dicto citius prius sensum reciperent, quàm in collisione suorum corporum cernui laberentur. Certè quando Reliquiæ de prædictis Sanctis fuerunt acceptæ tempore domini ATTONIS Episcopi, tunc etiam monumenta istorum honorabiliter ac venerabiliter sicut decet Sanctos, sub monumento sancti Vitoni reperta sunt: pars autem corporum illorum ab aliquibus visa satis ostendit, quod animæ eorum in beatâ felicitate gaudio fruuntur æternò.

4. Tempore igitur Beati Firmini habitatores istius civitatis rebellaverunt contrâ CLODOVEUM Regem Francorum, à beato Remigio baptizatum, qui cum ab eo obsiderentur, defuncto interim eodem sanctissimo Pontifice, beatus EUSPICUS Presbyter istius Ecclesiæ egressus, obtinuit apud Regem pacem & salutem civium suorum. Postea cum Rex præfatus creari vellet cum istius civitatis Episcopum, & ille omnimodis abnegaret, Beatissimus Pater VITONUS

nepos illius hîc ordinatus est Episcopus; sanctus verò EUSPICUS cum altero nepote suo beato videlicet MAXIMINO, qui sanctissimo Patri Vitono germanitatis propinquitate jungebatur, petitione ejusdem Regis cum ipso Aurelianis perrexit, & ibidem Monasticam vitam ducens obiit in pace. Sanctus verò Maximinus Aurelianis postea factus Abbas, multâ miraculorum copiâ tesulget. Vitam autem Beatissimi Vitoni à multis audivi se vidisse descriptam, sed hæcenus à nobis est invisâ; Basilica siquidem ubi prædicti requiescunt Sancti, in honore sancti Petri Apostoli est antiquitus constructa, quæ etiam pro antiquâ dignitate habet multa corporum sepulcra, & propterea à fidelibus cunctis multum est veneranda.

5. Post hunc exstitit DESIDERATUS Episcopus, cujus tempore sicut in gestis Francorum legimus, ingravescente fame, cives istius civitatis erant in afflictione maximâ; qui cum abiisset ad Theodoricum Regem, & de thesauro illius quingentos aureos mutuasset, distribuit eos civibus suis, sub tali tenore, ut de eis negotiarentur per diversa loca, & de acquisitione illorum viverent, transactâque necessitate prædictam summam regiis thesauris restituerent. Quo facto & de penuriâ famis sunt erepti, & divites effecti. Cumque Episcopus prædictos aureos Regi reddere vellet, Rex Domino gratias agens quod sui cives ex Regis thesauro ex tam flebili miseriâ erepti essent, prædictos aureos reddere ei iussit, quorum incremento usque hodie negotiatores effecti sunt.

6. Post hujus excessum de istis civibus ordinatus est in istâ Ecclesiâ sanctus AGERICUS Episcopus; cujus tempore cum vellet CHILDEBERTUS Rex placitum habere in istâ civitate, pro amore illius tenuit eum Metis, ubi depositus est ÆGIDIUS Remensis Archiepiscopus. Quidam autem vir valde nobilis cum pro suis sceleribus à Rege vitâ debuisset privari, petitione præfati Antistitis salvatus est; & ob hoc dedit ille vir Fratribus, quod ad Arcus & ad Mantuam habemus. Rursus Rex prælibatus eum per Virdunum iter habuisset, & prædictus sanctus Antistes nonnisi parum vini in uno vasculo habuisset, & omnipotens Dominus ipsius meritis sic illud dilatasset, ut Rex cum suis omnibus de ipso omnem sufficientiam habuisset, plus inveniretur vini in ipso vasculo in fine quàm in initio: Rex tanto perterritus miraculo audivit, quod ista Ecclesia non habuisset locum unde colligeret vinum; idcirco ergo dedit isti Ecclesiæ duos amandos super Mozellam & Modinum, & quidquid intrâ Luceium & Baviam est, & omne quod subtus Treviris habemus. Addidit etiam Marceium & Sampiniacum, & Comenias & Mercast-villam, & Hairici-villam, & contiguas villas isti civitati, Carmacum & Novam-villam, multaque alia loca, quæ sunt oneri hîc enumerare, quæ pro reverentiâ tanti viri Rex & sui fideles isti Ecclesiæ ad habendum tradiderunt.

Cujus venerationis tunc temporis vir iste fuerit, ostendit sanctus Fortunatus in versibus, quos in laude ipsius composuit, & quos hîc subinterre commodum duximus. Nam cum idem Fortunatus esset in Italiâ, & nimium dolorem oculorum suorum pateretur, venit ad quoddam Monasterium in honore sancti Martini constructum, & visum est illi ut de oleo, quod erat in lampade ante altare sub nomine sancti Martini, oculos liniret; quod ut fecit, protinus sanitatem meritis sancti Martini suscepit; qui postea flagrans desiderio ut inviseret se-

a Theodericum] Imò Theodebertum, si Gregorium Turon. sequaris l. 3. cap. 34. & quidem non quingentos aureos, sed septem millia aureorum à Theodeberto donata idem auctor est.

1. S. Maurus.  
2. S. Salvinus.  
3. S. Arator.

Miracula.

5. Pulchro-  
nius sive Po-  
lychronius.  
6. Possessor.  
7. Firminus.

8. Episcopus  
S. Vitonus.

S. Maximinus  
Aurelianus  
Abbas.

9. Desidera-  
tus.

10. Agericus.

pulcrum sancti Martini de Italiâ venit in Galliam, & fuit iter illius per Virdunum, & susceptus à sancto Agerico benignè & cum caritate, quod in eo vidit, sacris expressit litteris.

### VERSUS FORTUNATI.

**U** Rbs Virduna brevi quamvis claudaris in orbe.  
*Pontificis meritis amplificata places.*  
*Ad nova templa avidè concurrunt undique plebes.*  
*Et tribus populis plus in amore Deum:*  
*Te solamen inops meruit, te nudus amictum;*  
*Et solus cunctis potus & esca manes.*  
*Felix qui meritis æterna lucis amator,*  
*Tempore tam modico non moritura paras.*  
*Phœbus ut elatum suspendit in athera currum,*  
*Purus & igniferum spargit ubique jubar.*  
*Effusis radiis totum sibi vindicat orbem,*  
*Montes, plana replens, ima vel alta tenet.*  
*Sic Prasul splendore animi cum Sole coruscas:*  
*Ille suis radiis fulget, & ipse tuis.*  
*AGERICE sacer, cuius sermone colente,*  
*Ecclesia segetes fertilitate placent.*  
*Terrenis sterilibus rebus, secunde supernis:*  
*Humana spernens, dives iture polis.*  
*Illecebris mundi mundus lasciva repellens,*  
*Nil cui subripuit carnis amarus amor.*  
*Lubrica culpa perit; neque mors de crimine gaudes.*  
*Cum tua delictis libera membra vides.*  
*In templis habitando piis, sic purus haberis,*  
*Ut tua corda, Pater, sint pia templa Dei.*  
*Eligit in tali Christus se vase recondi;*  
*Quam sibi purgavit possidet ipse domum;*  
*Non dolus in labiis, nec sunt fera nubila mentis.*  
*Sinceris animis vernat in ore dies.*  
*Doctilogum flumen salicini fonte refundis,*  
*Et sensus steriles voce rigante foves.*  
*Ardua cœlorum pandis mysteria terris,*  
*Per quem plus Dominum scit, timet, orat,*  
*amat.*  
*Dogmate divino, Prasul facundè, triumphas,*  
*Dans Pastor mentis ne premat error oves.*  
*Deliciis reficis, quas cœlum, arva, unda ministrat:*  
*Et satiât populos hinc cibus, inde fides.*  
*Sumit pauper opem, tristis spem, nudus amictum,*  
*Omnia quidquid habes, omnibus esse facis.*  
*Hic tibi longa salus maneat, lux inde futura,*  
*Atque diu pastor, pro grege vota feras.*

11. Caramer-  
tus, Charim-  
eres Greg.  
Turon. l. 9.  
cap. 23.

12. Hermen-  
fredus.

13. S. Paulus.  
b

7. Post sanctum Agericum Buciovraldus quidam Abbas Episcopatum ambivit, sed quia esset superbus nihil obtinuit. CARAMERUM Referendarium cum consensu civium reguli decrevit auctoritas fieri Episcopum.

7. Post Caramerum HERMENFRIDUS fuit; de quibus nullam aliam habemus memoriam, nisi quod in ordine Episcopi sunt reperti.

8. Post Ermenfridum tractus est de Monasterio Theologio sanctus PAULUS, qui fuit frater b sancti Germani Parisiensis Episcopi, & in istâ Ecclesiâ Episcopus consecratus; cuius memoria æterna est: nam nepos Dagoberti Regis GRIMO Diaconus, qui & Adelgisus dicitur, cum fuisset à sancto Paulo ab infantia reverenter educatus, pro amore istius Antistitis suam proprietatem, id est Theologium Monasterium sanctæ MARIÆ in Virduno, suo pariter & multorum fidelium scripto in sempiterno habendum tradidit, roboravit & omni auctoritate firma-

b fuit frater ] Negat Acherius hoc uno argumento, quod tredecim annos ante Agericum obierat S. Germanus.

vit. Frasindum-villam idem Grimo pro suâ pietate victui Fratrum nostrorum delegavit. Sanctus verò Paulus Bafonis-villare de suis redditibus comparavit. Privilegium etenim nostris Canonicis de antiquioribus villis fecit, & suis manibus aliorumque Episcoporum ipsum sub divinâ attestazione roboravit.

De virtutibus autem sancti Patris nostri istud mirabile audivimus, cum adhuc Monasticam vitam ducens in pistrinum Fratrum obedientiam habuisset, & timeret ne horâ statutâ Fratres panem habere potuissent, ejecto igne de clibano ipse intus ingressus cum cucullâ suâ clibanum purgavit, & panem illic ad coquendum ordinavit, sanusque foras egressus panem sanctum Fratribus in refectorio tempore statuto distribuit. Legi, & picta vidi multa miracula, quæ juvenis [ & ] in Episcopatu egit, & post excessum positus in Basilicâ sancti Saturnini Domino cooperante fecit; cæcos namque illuminavit, surdis auditum dedit, claudis gressum præbuit, ægrotos à variis infirmitatibus curavit, & quid plura? Istam Ecclesiam rebus temporalibus dilatavit, & Deus omnipotens animam illius cum omnibus Sanctis in æternâ gloriâ sine fine gaudere facit.

9. Post hunc c existit GISLOALDUS Episcopus, GEREBERTUS, ARMONIUS, AGREBERTUS: Episcopi hujus tempore sanctus Grodingus Warlogium Monasterium construxit, & sub ditione nostræ Ecclesiæ posuit.

10. Post hunc BERTALAMIUS Episcopus. Hujus studio & industriâ Mactigisilus & uxor ejus Hechia Tilliacum fiscum, & stagnum, & casam Petriam nostræ Ecclesiæ, Frumiliacam villam Fratribus nostris, & alia quamplurima pro remedio animæ suæ dedit.

11. Post hunc ABBO Episcopus; & deinde PEPPO: hujus tempore existit seditio non modica inter CAROLUM primum, qui dicitur Carolus Martellus, & Rainfridum Francorum Principem, & quia Pepo partibus Caroli tempore seditionis favit, obtinuit pretio cum Carolo & quodam nobili vassallo ejus Calmontem villam cum omnibus appendiciis suis. Postquàm verò Carolo Deus solidavit Francorum regnum, dedit etiam Ecclesiæ nostræ pontem Petrium, & suo scripto nobis eum solidavit: Merlam verò & Casam Petriam, quia eas sui satellites invaserant, retinuit, & adhuc Casa Petria retenta est.

12. Post hunc existit VOSCHISUS Episcopus, & AGROINUS Episcopus, & post istum fuit multis diebus Episcopatus vacuus. Deinde existit domnus MAGDELVEUS Episcopus, qui fuit de familia hujus Ecclesiæ, & existit vir sanctus & justus, cuius industriâ & studio fertur per precariam obtinuisse cum Wasnaum & Warnunci curtem, & Ramisbatium, & alia plurima, sicut egomet in cartis ejus manibus roboratis legi. Cujus etiam tempore domus istius Ecclesiæ peccatis exigentibus fuit succensa; & ob hoc per Galliam, & Italiam, & sic per Græciam & Joppen cum magnâ viarum angustia Hierosolymam pervenit, & à Patriarcha ipsius loci multorum Sanctorum Reliquias obtinuit, & eas cum calice crystallino, opere mirifico sculpto Virdunum apportavit, & in principali Ecclesiâ nostrâ venerabiliter eas collocavit. Reliquias verò, quæ fuerunt in antiquiori Ecclesiâ in dexterâ parte altaris sanctæ MARIÆ, in cryptâ subterraneâ reposuit. Fuit enim tempore PIPINI Regis usque ad tempus CAROLI Magni, & obiit in proximâ villâ quæ dicitur Nova-

c  
14. Gisloal-  
dus.

15. Gereber-  
tus.

16. Armonius.

17. Agreber-  
tus.

18. Bertala-  
mius, sive

Bertolomius.

19. Abbo.

20. Peppo,

vel Poppo.

21. Voschius.

22. Agroinus.

23. Magdel-  
veus.

c Post hunc ] Atqui post Paulum Godonem scripsere Gallie Christianæ eruditi auctores.



villa. Cum verò inde portaretur ad sanctum Petrum live ad sanctum Vitonum, fertur quòd super crucem videntibus cunctis duæ columbæ candidæ sicut nix venerint, & in eadem usque dum corpus ejus sepulturæ traditum fuisset, sederunt. Multa siquidem bona in istâ Ecclesiâ constituit. Nam & Ecclesias in istâ civitate valde benè construxit, & Clerum & populum istius Ecclesiæ venerabiliter ordinavit, & evidens Pater & Episcopus istius Ecclesiæ existit. Res etiam quæ sunt in Aquitaniâ antiquitùs istius Ecclesiæ subjæctæ, id est Abbatia sancti Amantii in Rodenia sita, & Marderniacum & Puliniacum frequenter visitabat, & gesta prædictorum Episcoporum nostrorum secum ferebat, ut per illorum merita illas res longius litas liberius possidere quivisset; & pro hac occasione dicunt, quòd miracula sancti Agerici in Massiâ descripta habentur, & vita sancti Vitoni & sancti Pauli per contigua loca ultra Ligerim reperiri feruntur, cujus corpus dictum mirabile! post quadraginta annos integrum repperitum est, & ubi nunc jacet venerabiliter reconditum est.

13. Post hunc Episcopatus istius Ecclesiæ per duodecim annos vacuus existit; sed quidam servus Dei AMALBERTUS nomine, juxta morem illius temporis Chorepiscopus factus ipsam regebat Ecclesiam, & in quodam oratorio sub honore omnium Apostolorum quasi solitariam vitam ducebat, & tunc perdidit ista Ecclesia Waslogium, & Tilliacum, & Stagnum, & Merlam & Casam Petriam, & alia quamplurima. Fuit enim hoc sub tempore CAROLI Magni.

14. Post hunc existit PETRUS, vir Italicus. Nam cum esset exercitus Francorum circa Papiam & obsideret eam, ab isto, ut fertur, tradita est, & ob hoc à Carolo Magno de isto Episcopatu honoratus est. Fuit enim in Episcopatu per viginti quinque annos, & passus est in eo multa adversa. Certè etiam infidelitatem Imperatoris objecerunt illi, & ob hoc per duodecim annos Imperatorem videre non est ausus; sed à filiis istius coram Principe rectè purgatus est. Postea illius ad præsentiam multas precarias inutiles fecit, & in diebus illius multæ res ab istâ Ecclesiâ substractæ sunt.

15. Post mortem verò illius elegerunt sibi Episcopum de Regis palatio AUSTRANNUM Cantorem ipsius, virum strenuum, cujus industriâ Bracenses negotiatores istius Ecclesiæ redacti sunt. Superfuit quinque annis.

16. Deinde HERILANDUS suscepit istum locum, vir multum simplex & ultra modum infirmus: cujus etiam tempore multa mala perpeffa est ista Ecclesia. Post viginti quatuor annos sui Episcopatus obiit Aquis, & est sepultus juxta Austrannum in Basilicâ sancti Vitoni.

17. Defuncto autem isto, abiit pars Cleri & plebis ad Ludovicum Imperatorem, & petierunt sibi dari HILDINUM de Alemanniâ virum bonum & sanctum, qui construxit multas Ecclesias in isto Episcopatu, & multa bona operatus est. Post bellum in Fontanido actum, à Lothario Imperatore magno habitus est odio: in istâ civitate, Octavis Epiphaniæ cum magnâ tristitiâ & dolore obiit in Christo; vir plenus omni bonitate & charitate. Fuit autem in Episcopatu per viginti quatuor annos.

Deinceps quod oculis vidi liberius valeo litteris xequi.

18. Dominus ATTO post istum in istâ Ecclesiâ ordinatus est Episcopus, & pro prædicto Imperatoris odio invenit tunicam sanctæ MARIÆ per multa scis-

am & disruptam, id est, res istius Ecclesiæ nimium subtractas & alienatas, pro quarum alienatione & suorum afflictione toto nisu erexit se contra inimicos istius Ecclesiæ, donec miserante Domino tunicam sanctæ MARIÆ redintegratam habuit, & ad proprium statum reduxit. Insuper etiam obtinuit apud Regem LOTHARIUM juniorem Marcelliacum fiscum, & Arborei-villam & Maureium ad opus Fratrum, & Mercuringas, & Bralsaidam, & Walacras, & per precarias Metgavis-villam, & Commenarias & Cangiacum, & intentio ejus & labor ejus nimius in hoc existit, ut ista Ecclesia exaltaretur, & pace frueretur, quod & fecit diebus vitæ Lotharii junioris. Illo verò mortuo in mense Augusto, iste etiam obiit Kalendis Januarii, & sepultus est in Basilicâ sancti Vitoni in cryptâ juxta corpus Hildini Episcopi. Fuit autem in Episcopatu per annos viginti & tres, ipse etiam inchoavit nostram novam Ecclesiam, & ex magnâ parte construxit.

19. Post cujus excessum dominus & sanctissimus Pater noster BERNHARDUS Episcopus factus est; qui acclamatione Cleri & plebis suscepit sub suo regimine istam Ecclesiam, cujus intentio & studium sanctissimum fuit, Basilicam inceptam ad perfectionem usque perducere, quod Domino miserante & fecit. Signa grandia & honorabilia, & minora valde bona in illâ Basilicâ suo opere ibidem esse constituit. Pontificalia vestimenta, & Evangelium auro gemmisque paratum, thuribulum aureum & aliud argenteum valde bonum, & feretrum ubi sunt nunc Reliquiæ Sanctorum, honestissimo decore composuit, & alia quamplurima Ecclesiastica ornamenta isti Ecclesiæ suæ tribuit. Canonicos suos canonicè vivere fecit, & villanis Presbyteris viam justitiæ viriliter ostendit; & pueros (inter quos ego BERTHARIUS<sup>d</sup> unus fui) in humanis & in divinis libris per se & per alios cum summâ caritate instruxit. Obiit autem in Theologio Monasterio, ubi & corpus ejus conditum est, pridie Kalendas Januarii.

20. Christo miserante habemus nunc Seniores nostrum DADONEM venerabilem Episcopum, qui suscepit istum temporibus LUDOVICI Germanici Regis; cum quo etiam anno secundo suæ ordinationis obtinuit Meinrodum fiscum per Præceptum, ad opus sibi commissæ Ecclesiæ.

Post Ludovicum accepit germanus suus CAROLUS Monarchiam totius Imperii, apud quem adeptus est suo Altari Tilliacum fiscum, qui fuerat antea de istâ Ecclesiâ. Post Carolum accepit Arnulfus nepos illius Regnum.

### CONTINUATIO

*Historiæ Episcoporum Viridunensium per Monachum Abbatia Sancti Vitoni.*

1. **P**ost hunc existit BARNOINUS Episcopus, cujus vitæ prioris desidia solo nomine posteris manet memoria.

2. Deinde domnus BERENGARIUS primi OTTONIS Imperatoris consanguineus, vir nobilis & Saxonius, factus est hujus civitatis Episcopus. Hic Basilicam Sanctorum Apostolorum Petri & Pauli, in quâ requiescit corpus beati Vitoni cum multis decessoribus successoribusque suis, in meliorem reddidit statum, auxit & ornavit, Clericosque in ea degentes & multis vilibus negotiis deservientes ab-

30. Berhardus.

Auctor de se loquitur.  
d

31. Dado.

32. Barnoinus.

33. Berengarius.

d Bertharius ] Suprà Bercharius.

G g iij

24. Amalbertus Corepiscopus.

25. Petrus.

26. Austrannus.

27. Herilandus.

28. Hildinus, al. Hilduinus.

Ætas Bercharii Auctoris hic notatur.

29. Atto.

jecit, Monachosque inibi Domino servituros constituit, quibus Abbatem præfecit nomine **HUMBERTUM**, olim ejusdem Ecclesiæ Clericum, sed tunc temporis divini amoris instinctu apud sanctum **Aprum Tullum Monachum**, ipsique loco jam à Domino patrem factum: quorum victui delegavit Scantiam-villam cum banno: Abbatiam quoque sancti **Amantii** in Aquitania, cum multis Ecclesiis hujus Episcopii.

Fuit autem temporibus prædicti **Otonis Regis** Germaniæ, de quo dictum est, quoddam triumphum Ecclesiæ cepit **Otto** crescere & ad perfectum venire. Huic successit secundus **Otto** ad Imperium, ut floreret sæculum. Hic Romæ defunctus nescientibus Romanis à suis est ablatum, & Aquis quiescit sepultus. Vixit autem in ipso Episcopatu idem bonæ memoriæ **BERENGARIUS** multis diebus, & sepultus est in Basilicâ sancti **Petri** in sinistra parte chori, super quem positum est altare usque in præsens. Hujus ego casulam quâ indutus erat in sepulcro positus, vidi, quæ postea ab ejus corpore evulsa fuit. Multis autem referentibus audivi, quoddam ejus pes ante mortem factus est aridus; nam quadam die descendente eo ad Ecclesiam Beatæ **MARIÆ**, invenit Clericum quemdam solo prostratum Beatæ **MARIÆ** memoriæ celebrantem; hunc percussit pede ut surgeret, mox ille surrexit, & viso eo patienter tulit; sequenti autem nocte lectulo jacentis, & necdum dormientis Episcopi, cum beatâ Theclâ adstitit **Virgo MARIA**: Percute, inquit, istius pedem Theclâ, & Clerici mei injuriæ ultrix exiit. Hac percussione ab eadem horâ cepit ardere pes ejus, & in jamdicto loco Monachus factus est. Idem præfatus Episcopus Fratribus sanctæ **MARIÆ** **Belam-villam** dedit. Hujus etiam temporibus in prædictâ Beati **Vitoni** Ecclesiâ revelatum est, & inventum corpus sancti **Firmini** per devotissimam feminam **EUGENIAM**, & pro tuitione civium suarumque amplificandâ opinione virtutum, petitione prædicti Abbatis **HUMBERTI** in villam **Flaviniacum** regalem quondam fiscum honorificè translatus est.

34. Vicfridus.

3. Post cujus excessum exstitit dominus **VICFRIDUS** Episcopus de **Pauvariorum** partibus, vir Teutonicus. Iste diligentissime antecessorum suorum acta requirebat, & vitam eorum amplectendo, quibus poterat modis imitari cupiebat. Cum autem de eorum virtute & bonâ opinione multa legeret, & de statu Ecclesiæ istius à quibus ditata fuerat, satis exquireret, invenit **PAULUM** Episcopum inter alios præcipuè eam rebus collatis exaltasse, & ex inope divitem fecisse. Erat enim extrâ muros urbis in honore **S. Saturnini** Ecclesiâ, ubi corpus ejus conditum erat, suprâ fluvium posita, in quâ multa beneficia præstabat Dominus per meritum & intercessionem sui Confessoris. Nam ex tumbâ ejus oleum reverâ defluebat, cujus tactu plures infirmi sospites efficiebantur, & ab incolis dicebatur ejus sepulcrum plorare, eo quoddam incultum videretur esse. Hanc ergo studiosè, & sicut erat pius voto, in honore tanti Præfatis magnificare devovit, quam à fundamentis erexit, & Domino volente peregit, & ad petitionem civium non immemor sui voti Monachos ibi posuit, qui die nocteque servirent Domino, & sancto suo Confessori **Paulo**, & in honore sancti **Pauli** Apostoli majus altare consecravimus. Corpus autem sancti **Pauli** ex sepulcro sublatum **V. Kalendas Septemb.** decenter in feretro argenteo reposuit, ornamentis & signis optimis Templum ornavit, & de rebus istius Ecclesiæ victum Monachis præparavit, villarumque suarum meliores Ecclesias eis contulit. Wasnaum fiscum optimum stipendiis eorum delegavit, & alia multa quæ posuit, dele-

gavit. Tabulam auream ante altare sanctæ **MARIÆ** fecit, & ornamentis atque coronis Ecclesiæ faciem ornavit. Fuit autem tempore **OTTONIS** tertii, qui à cunabulis sumit sceptrum Romanorum, & traditus est liberalibus studiis, sub cujus regimine salus fuit mundo & gloria. Evolutis autem multis quibus vixit in isto Episcopatu annis, quievit in pace **11. Kalendas Septembris**, & sepultus est in Monasterio quod ipse in honore sancti **Pauli** construxerat, juxta altare in dextrâ parte.

4. Nec silendum putavi quod ab Abbate ejusdem loci audivi. Quâdam die de civitate istâ causâ poscente egrediens domus Episcopi, venit in villam **Fratum**, quæ dicitur **Wanderfalis**, ubi nocte fruente cum detineretur, & sui omnes membra sopori dedissent, protinus à Comite **SIGIBERTO** insequutus est, & sicut major casus nescientibus ingruit, à militibus ejus circumseptus capitur. Suis autem ad arma convolantibus, illic nepos ejus **Richerus** interficitur, & Episcopus in captionem ducitur. Qui mox excommunicatus ab omnibus Episcopis, tandem penitentia motus misericordiam expolcens, primum dolorem corporis tulit, deinde summam pecuniæ ad diem denominatum domino Episcopo revadiavit, ex quâ metalli copiâ Templum sanctæ . . . præter alia gesta, ita coronis ornavit, ut si manu primam tangeres, usque ad novissimam omnes moverentur.

Tali denique pastore subtracto, evenerunt huic civitati multa adversa & tribulationes in populo. Nam **LOTHARIUS** Rex Francorum (quoniam erat respublica minus defensibilis sub præfato Principe Romanorum juvene **OTTONE**) obsedit civitatem istam, sed Domino volente minimè cepit; attamen omnia quæ circa urbem erant, vastavit: contrâ quem cum nostri egressi ad bella venirent, ab ejus exercitu superati, plures capti sunt & abducti; pro quorum liberatione **Gobertus** quidam Miles potentissimus claves civitatis Regi detulit.

4. Factum est autem post hæc, ut **HUGO** quidam Clericus susceperet Episcopatum. Hic itaque ingressus civitatem, vocatis ad se ministris, unde viveret exquisivit, quibus respondentibus se penitus carere expensis quæ fuerant Pontificis, & designantibus exterminationem villarum quarum redditibus vivere solebat, ascenso mox equo reversus est.

Quo egresso susceperunt cives nostri sine regio dono **ADALBERONEM** filium **BEATRICIS** nobilissimæ Ducis, matris **THEODORICI** Ducis; qui cum aliquantisper Episcopatum tenuisset, defuncto **Mente** Episcopo, ad eandem se contulit civitatem, Episcopatu illo relicto: ad quem cum venissent nostri, susceptis eis cum honore baculum reddidit.

Huic successit dominus **ADALBERO** filius **Comitis Godefridi** Ducis, qui postea acceptâ uxore **Principis Bonifacii**, factus est **Marchio** Italicorum: hic verò honestus fuit atque humillimus, sed valde infirmus, tantamque corporis sui passus est imbecillitatem, ut ipso eodem anno benedictionis suæ **Salerniam** causâ salutis exposceret, nostris secum comitatis; qui cum ibi moraretur, & à medicis curari non posset, reversus est **Italiam**, ibique ingruente morte vocatis omnibus suis tradidit Abbatiam sancti Germani cuidam **Rodulfo** nepoti suo, qui vixit usque ad tempora domini **Richardi** Episcopi plenus dierum, aliaque multa suis distribuens, mortuus est; cujus corpus ab **Italiâ** delatum à fratre suo **Comite Frederico** positum est in Ecclesiâ suâ in Choro sanctæ **MARIÆ** ante gradus, & veneratur ibi summo honore & reverentiâ usque in præsentem diem. Vixit autem in Episcopatu tribus semiannis.

Horum ergo Pontificum nostrorum temporibus

15. Episcopus Adalbero I.

16. Adalbero II.

Abbatess S.  
Vitoni Virdu-  
nensis, vulgo  
S. Vannes.

37. Episcop.  
Heimo,  
al. Haimo.

defuncto domno HUMBERTO primo Abbate Ecclesie sancti Vitoni, gubernata est eadem Ecclesia per annos ferme quadraginta cum omni honorificentia à viris illustribus & singulari industria pollentibus, Adelmaro, Adelardo, Ermenrico, Rohardo, Lamberto & Fingenio Abbatibus, donec temporibus domni Episcopi Heimonis suscepit ipsam Ecclesiam gubernandam, ut post dicemus, domnus & venerabilis Pater Richardus noviter in eà Monachus factus, qui fuit de primoribus Ecclesie sancte MARIE Remensis Canonicus, & vir valde religiosus.

Ecclesia verò Virdunensis tantis prælibatis pastoribus viduata, pastorem à quo verè pascenda foret, & patrem à quo benignè nutrienda & diligenda esset, tum genere, tum moribus nobilissimum HEIMONEM, de quo paulo ante diximus, meruit à Teutonicà; qui loco sibi commissio non parum profuit, cum Ecclesiam perbreve magis ex parte amplificaverit, decoraverit, extulerit, cum præbendæ Fratrum Superiacum, & alia plura data vel præstata acquisierit; cum etiam suæ & successorum suorum mensæ ab Henrico pacifico Rege fideliter obsequendo, strenueque se habendo Jupeliam impetratam addiderit. O quanta viri hujus erga Ecclesias sollicitudo: cum Ecclesiam Beati Joannis Baptistæ mutaverit, mutatam ampliaverit, & Congregationi necessaria ex rebus Majoris Ecclesie providerit. Diligebat iste Ecclesias, diligebant & sui, operibus piis instabat, instabant & sui; nam ejus exemplo ejusque desiderio Amicus Præpositus Ecclesiam sancte Crucis ædificavit, Canonicos duodecim locavit, quibus necessaria ex prædiis suis & ex aliunde acquisitis providit. Ad ultimum petitione Episcopi locum illum sancto Mauro subdere non recusavit. Dudo etiam Præpositus apud castellum Destauvareth Ecclesiam in honore sancti Laurentii constituit, Canonicos ordinavit, ordinatis necessaria disposuit, magnisque operibus cum magno labore, & cum miro decore castrum illud ad effectum usque perduxit. Post hæc à pio Pontifice paternè exceptus est, aliunde adveniens Pater ERMENFRIDUS & benignè retentus, adjutusque ædificavit Ecclesiam sancte Mariæ Magdalene, Canonicisque ordinatis cum summo laboris ardore necessaria providit, utpote qui patrimonis carebat Regibus obsequendo, Principibus adhaerendo, omnibus se submitiendo, & cum mira sollicitudine Dominum præcipue invocando multa acquisivit. Huic plura contulit vita quàm pecunia, plus pia apud Dominum & homines devotio, quàm aliqua possessio, plus profuit meritum, quàm prodesse potuisset aliquod patrimonium.

Sub eodem tempore venerabilis Pater RICHARDUS, qui fuit, ut prædiximus, de Primoribus Remensis Ecclesie, vir maximæ religionis sæculo renuntians Fingenii Abbatis hujus Ecclesie successor factus est, quam Ecclesiam una cum Imperatore Henrico Magno in honore Beatorum Apostolorum Petri & Pauli & sancti Vitoni ædificavit, & ad effectum usque perduxit. Vita hujus spectabilis, vitam multorum reddidit spectabilem. Religio hujus non habentibus inculcavit, habentibus augmentavit Religionem, imò quidquid iste fuit, non tantum sibi subditis, sed etiam extraneis non mediocriter profuit: saluti aliorum ut suæ invigilabat, correctioni aliorum ut suæ applauderet. Si aliquis converteretur, sua erat conversio, si bene operaretur, sua erat operatio; talis vita, talis inquam fama, complures admonuit vivere in Christo, cum disponderet mori sæculo. Nobiles se reputabant ignobiles, fortes existimabant se debiles, & ut tantæ vitæ conformarentur, quidquid erant non esse omnino nitebantur hujus exemplo, hujus inquam desiderio. Progenies

Ducis GODFRIDI præcipue abrenuntiavit sæculo. FREDERICUS etenim Comes venerabilis huic Patri se filium commendavit, huic domino se servum subdidit; prædiis Ecclesiam auxit; cui non solum sua, sed & seipsum ultro contulit. Et quia occasio se præbuit de Comite Frederico, placet exempli gratia paulo latius conversionem beati Patris replicare, maxime quia multis credimus gratum fore.

Hi igitur præclarissimi viri, videlicet venerabilis Pater RICHARDUS, & inclytus Comes Fredericus initium conversionis in hac Ecclesia Domino donante pariter disposuerunt habere. Erat tunc ipsa Ecclesia rebus inops, ædificiis angusta, parum laudabili conversatione religiosa, quam nonnisi septem Schoti Monachi sub Abbate suo, tamen magnæ sanctitatis viro nomine FINGENIO incolebant. Ergo cum Religionis propositum ad quod piè fervebat, novella plantatio minime se invenire tristaretur, ipsedit animo ut id quod desiderabant, Cluniaco apud Sanctum Patrem Odilonem ardenti corde perquirerent. Quod cum pervenissent, & propositum animi tanto Patri exposuissent, vir sagax & industrius respondit: citò ibi eos habitare non oportere, ubi nulla supererant quæ eorum exemplo corrigerentur, quin potius redirent ad propria, ut per eos illic fructificaret seges Domino placitura. Qui cum ejus suasionibus delinuti rediissent, nec cohabitatores suos ad votum corrigi in dies corde tenè dolerent, iterum migrandi alias consilium habuere; sed Dominus omnipotens, cujus dispositioni nullus valet contraire, aliter id quàm voluerunt, ordinavit.

Erat namque tunc temporis quædam religiosa femina in reclusionem vitam solitariam ducens apud Ecclesiam Beate MARIE, die & nocte orationibus, jejuniis & vigiliis studiosè insistens: huic nocte ipsa quæ consilium migrandi fuerat, divinitus imperatum est, ut ab ergastulo illo, quo se plures annos obstruserat, egraderetur, & Abbati nuntiaret quatinus prædictos viros, quod solum restabat monachali professione sine morâ devinciret, ne eos Ecclesia funditis amitteret; quæ jussis obtemperans, omni mirante populo egreditur e cellulâ ut visa vel audita Abbati nuntiet, qui illic eos convocans, secundum Regulæ præceptum stabilitate firmari compulit. Post tres autem menses forte ultimâ urgente FINGENIUS Abbas defunctus est & in Ecclesia sancti Felicis extrâ muros Metensium civitatis honorabiliter sepultus. Quo sepulto, hic venerabilis Pater Domini ordinatione Abbas substituitur; cujus temporibus, quantis Ecclesia ista honoribus augmentata sit, quantâ religione emicuerit, qualibus ædificiis excreverit palam cernentibus est. MATTHI DIS Saxonie Comitissa non parvâ erga hunc Patrem, & pro Patre erga hunc locum exaruit benevolentia, ornamenta plura contulit, crucibus & tabulis aureis & textu cum filio Comite HERIMANNO altare decoravit, multa & redemptionis & salutis suæ mutua negotia, quibus adhuc honoratur, quibusque valde commendatur, Ecclesie præbuit. Hæc Comitissa Comiti GODFRIDO copulata, quinque filios ex ipso genuit, videlicet ADALBERONEM nostræ civitatis post Vuicfridum Episcopum, & prædictos FREDERICUM & HERIMANNUM Comites, duos quoque Ducatus profapia pollentes GODFRIDUM atque GOZELONEM. Prædictus Herimannus tradidit Beato Vitono Rogeri-curtem & Fellicam cum BOVO, quod vocatur Hasluth in Comitatu Brabanteno, atque Munau cum dimidio Mosomeni mercatu: in Harma quoque triginta mansos cum familiâ magnâ, in Graviâ duas Ecclesias cum Capellâ indominicatâ, & alia multa. Pater verò eorum tradidit Borracum atque Forbacum. Godefridus etiam Dux Fontagiam-

villam ob Fratrum suorum memoriam sepedito contulit Sancto. Supradictus quoque Comes Fredericus dum esset adhuc in laicali habitu, præbendæ Fratrum Sanctæ MARIÆ omnes centenas eorum potestatum, quibus multum inquietabantur, ob remedium animæ suæ Hierosolymam pergens reddidit. Turres lapideas Ecclesiæ Sancti Vitoni de proprio suo fecit, & multa alia bona eidem loco contulit, ubi & cum duobus fratribus suis sepultus requiescit. Lietardus quoque Imperatoris Conradi nepos & consanguineus, Bailodium tradens sub eodem reverendo Patre in eodem loco factus est Monachus.

Pius autem Pater RICHARDUS vixit usque ad tempora domni Episcopi Richardi, quem de sacro fonte suscepit, rexitque Monasterium per XLII. annos vitæ venerabilis, honestate vitæ omnibus amabilis. Mirabilis erat in religionis propolito Patris hujus instantia, cui adspirare, cui adhærere nitebatur omnis Ecclesiæ, cujus institutionibus tota gaudet Francia, & dum Religionis habet vestigia, triumphat Lothariensis patria. Quid plura? urbi nostræ quanto major vita hujus commoditas, mors ejus fuit non dicam incommoditas, sed tanto amplior evenit infelicitas. Hujus non tantum in nostrâ Ecclesiâ, verum per totam Franciam seu Lotharingiam manet dulcis memoria. Hi Patres, qui tot bona Ecclesiæ contulerunt, sub domno Haymone Episcopo fuerunt, qui vixit in Episcopatu XXXVI. annis.

Tam pio Præfati successit Præfati RAIMBERTUS, bona Ecclesiæ, & si non posset ampliare, defendere sollicitus, omnibus suis non parum commodus, Religionis, & eorum qui sui ordinis erant, amicus. Ad Ecclesiam etiam sanctissimo Agerico Præfati Hoverte ædificandam ardentissimus; vix autem desideratum opus incæperat, vix Monachos locaverat, vix necessaria providerat, desiderio sancti Sepulcri peregrinationem est aggressus, in quâ mortuus, & in viâ Bellagradâ sepultus; tandem à Canonici suis videlicet Bernero Constantii filio, & Bernardo miro ardore relatus, & à civibus suis desideranter exceptus, sub tempore piissimi Episcopi Richardi & Baldrici Abbatis in Ecclesiâ Sancti Martini & Sancti Agerici à se incæptâ honorificè est sepultus. Hic Sanctæ MARIÆ duas cappas optimas & duo ventilabra, aliaque honorifica ornamenta cum magnâ devotione contulit. Vixit autem in Episcopatu feliciter XIV. annis.

9. Richardus.

Dolorem verò totius urbis ex morte tanti Præfati mitigavit canonicè facta successio venerandi RICHARDI Pontificis, cujus benignitas, cujus inquam strenuitas spes erat honorandæ urbis, spes retinendæ Religionis, spes conservandi Ecclesiastici ordinis; suscepit ut Dux patriam, ut Pastor Ecclesiam, providus erga utrumque; attamen singulari pacis sollicitudine suscepit Episcopatum tempore HENRICI Regis Augusti Conradi filii, onus reputans non honorem, laborem non quietem, erga sibi commissos singulare studium, non remissionem vel otium; quod Episcopi erat strenuè gerebat, parietes Ecclesiæ decorans, interiores vitæ, merito, moribus, exteriores ornamentis decentibus, in quorum apparatu, in quorum sumptu singulariter æstuabat, quibus etiam omne votum omnemque curam postponebat. Hic autem Sanctæ MARIÆ Ecclesiæ cui præerat, cum magno studio contulit cruces duas de auro & lapidibus pretiosis factas, candelabra sex argentea, thuribulum auri trium librarum, quod Henricus nondum Romani sceptri Monarchiam tenens, pro nimio amore quem erga illum habebat, honestissimo opere fieri jussit. Tradidit Ecclesiæ Sancti Vitoni idem venerabilis Pontifex alodium suum, videlicet Baroniscurtem, & quod habebat ad Domnam Mariam

pro amore sui nutritoris domni Richardi Abbatis eximii. Prædictus etiam HENRICUS optimam acerram eidem Episcopo cum gemmâ pretiosâ dedit, casulas Pontificales duas auro honorificè compositas, & alias septem sine auro dedit; stolas autem auro decoratas, & alias sine auro, albasque septem cum amictis aurifrisio paratas idem Episcopus acquisivit. Cappas multas dedit, auro tamen aptavit duas à Raimberto Episcopo datas. Pallia multa dedit; dorsalia autem XII. optima cum cortinâ unâ valde pretiosâ contulit; redemit pallium unum cum aurifrisio, quod antea Ecclesiæ fuerat, vexilla duo, calicem unum de onychino, & alium crystallinum, quem omnino auro & lapidibus parari fecit. Aliud thuribulum argenteum auro coopertum, duo minora argentea, & tria manutergia, unum aureum, & duos urceos crystallinos.

Hujus tempore vir religiosus Decanus WARMUNDUS cappam unam, quam sibi Rex dederat, huic Ecclesiæ contulit. Hic autem alodium de Wo-Sophia cum omnibus appendiciis suis, à quâdam viduâ nobili Raincardi præstariâ suâ & magnâ pecuniâ acquisivit, & Fratribus Sanctæ MARIÆ eo tenore tribuit, ut in die Annuntiationis ejusdem Virginis servitium ex eo haberent, & eam solemniter celebrarent. Fuit enim suis diebus magna dissensio inter HENRICUM Regem & Ducem GODEFRIDUM, qui cum Rege pacem aliter habere non potuit, donec Centenam de Wandelini curte, & alia jura, quæ tunc temporis potestativè in hac civitate tenebat, eidem Episcopo & Ecclesiæ reddidit.

Fuit enim pax & veritas in hoc Episcopatu in diebus ejus, interiùsque & exteriùs omnes pace fruebantur. O quantum polleret & gauderet civitas, si habuisset hunc continuum Pontificem! quantum triumpharet Ecclesiæ, si meruisset hunc superstitem! cujus vita non solum sibi, sed & aliis omnimodo proficiens, quantum amplius contulit gaudium, mors acerbè & infelicitè septimo anno superveniens, tanto ampliorem molestiam, & post mortem venerabilis Abbatis Richardi ipso anno secundum grave adduxit infortunium; qui venerabilis Episcopus quàm desideranter mortem sustinuerit, testantur omnes qui exequiis sepediti Abbatis interfuerunt. Nam cum extremâ infirmitate urgeretur idem venerabilis Pater, dominus Episcopus quotidie eum visitabat flens & dolens se superstitem relinqui. Tandem ultimâ die summo mane adveniens, & videns eum jam extremum spiritum trahentem, ejus nutu ad altare sancti Laurentii accessit, Missam pro ejus resolutione celebraturus, quâ prædictâ ad Patrem rediit, & ultimum valesciens ejus in oscula lacrymando ruit; tunc animâ tanti amici Domino commendatâ ejus corpus per se lavit, & de suo proprio eum honorificentissime induit. Tertiâ verò vigiliarum ipsius peractâ die, dum post Missarum celebrationem in mausoleum eum venerabilis Pontifex deponeret, exosculans pectus illius oravit quatinus pro eo intercederet, ne per annum ei superstes relinqueretur, quod eum impetrasse veris indicibus approbatur, dum venerabilis Abbas XVII. Kalendas Julii migraverit, & ipse venerandus Pontifex infra spatium medii anni VII. scilicet Idus Novembris subsequutus sit. Anima hujus requiescat in pace; & memoria ejus viventibus sit continua, & posteris in sæcula sæculorum, Amen.

Obiit autem beatæ memoriæ RICARDUS Episcopus in istâ civitate Virdunensi, & sepultus fuit in sinistrâ parte majoris Ecclesiæ Sanctæ MARIÆ juxta Chorum, ad cujus pedes erat altare in honore sancti Nicolai atque Germani consecratum, in quo ante incendium aliud ipsemet consecraverat in honore sancti

18. Episcop.  
Rainbertus.

Sancti Nicolai & omnium Confessorum. Isti & omnes Sancti intercedant pro peccatis ejus ad Dominum Deum nostrum, qui vivit & regnat in sæcula sæculorum.

Nunc autem in medio Monasterio S. MARIE requiescit in Christo Pontifex ipse RICHARDUS venerabilis, translatus à domino THEODERICO successore ejus feliciter regnante Episcopo, cum omni veneratione celebriter repetitis exequiis ac si in ipsa die de hac vitâ migraverit. Hic suprà dictus RICHARDUS ante assequutam Episcopatus sui consecrationem, quasi peccatis suis exigentibus urbi contigisse miserabilem paternè doluit infelicitatem, palatia esse incensa, ædificia antecessorum omnimodè diruta, & quidquid ad gloriam, hoc redactum ad ruinam, quidquid erat in suum & Coepiscoporum honorem, hoc destinatum in miseram destructionem. Quantum autem doluerit, testata est maturè satisfacta reedificatio. O quantum providus erga suam salutem, quantum sollicitus erga suorum redemptionem, cum pro animâ patris sui Comitæ HILDRADI, qui cognominatus est HECELINUS, viri militaris, viri in sæculo strenui, Theoniscurtem cum appendiciis omnibus Sancto Petro Sanctoque Vitono jure hereditario tradiderit.

Huic successit dominus THEODERICUS vir Teutonicus, Ecclesiæ Batiliensis Canonicus; cujus temporibus multa adversa passa fuit ista Ecclesia: secundo enim Episcopatus sui anno civitas Viridunensis combusta est à Duce GODEFRIDO & Comite BALDUINO, unâ cum Monasterio Beatæ Dei Genitricis MARIE, quâ combustione civitas ista magnum dispendium passa est. Hujus temporibus post transitum venerabilis Patris Richardi Abbatis Cœnobium istud suscepit regendum dominus WALERAMNUS.



## HISTORIA EPISCOPORUM

Viridunensium, Auctore \*LAURENTIO  
de Leodio.

*Epistola LAURENTII Monachi \* ad Dominum ALBERONEM Episcopum.*

Venerabili ALBERONI gratiâ Dei Viridunensium Præsuli & omni ejus Ecclesiæ, Frater LAURENTIUS de Leodiensi Cœnobio B. Laurentii, secundum utrumque hominem feliciter in CHRISTO vivere.

Ante hunc annum ad urbem vestri regiminis adductus, maximè in eâ deprehendi illud Ecclesiasticis, quia omnia sub sole tendunt ad interitum, & priorum quorum non est memoria involvit omnia mortalitas; & fortissimorum Regum & Tyrannorum, quodque magis doleamus, sanctissimorum quoque Martyrum & Confessorum non solum gesta, sed etiam ipsa tollit ab hominibus, & sepelit cum ossibus nomina. Ecce sancti prædecessores vestri Sanctinus, Maurus, Salvinus, Arator, Pulcronius, Possessor, Firminus, Vitonus & multi alii, quo tempore vixerint, quæ misa, quæ gesta vivi effecerint hodie nescimus, & indignam pro nefas! Patronorum nostrorum patimur ignorantiam, quorum meritis illustramur.

De ipso etiam nomine B. VITONI lis penè in ambiguo est, antiqua monumenta cum VIDENNUM appellant, cui vocabulo vulgaris lingua magis consonat: si quæ inveniuntur de his, omnia incerta, & quasi per nebulam narrantur, ut vix digna fide re-

Tom. II.

putentur. Et quidem primum istorum B. Sanctinum aliqui de 72. Discipulis Salvatoris fuisse ferunt. Verùm BERTARIUS qui eorum Catalogum prout novit, digessit, duas de ipso opiniones ponit: primam, quæ valentior est, quòd in multis legitur fuisse S. Dionysii Parisiacensis discipulus & Meldensium Episcopus, indeque verbo prædicationis, huic Viridunensium urbi Angelicâ visitatione illuxisse. Alteram, quòd in vitâ Sancti SERVATII legitur Sanctinum urbis Clavorum Episcopum Concilio Agrippinensi, ubi agitur de Hæresiarum EFFRATHÆ depositione, & B. SEVERINI subrogatione, interfuisse.

Cui de his duabus opinionibus magis fidem adhibeam vix invenio, nisi quòd aliqui ut hoc utrumque constat, duos Sanctinos diverlis temporibus Viridunensi Cathedræ præsedisse autumant, quorum primum, vel Salvatoris de 72. discipulum, vel illum Meldensem Episcopum Martyrem fuisse volunt. Fratres THEOLOGII Monasterii dicunt de suo Cœnobio sex Monachos vel Abbates vestræ Ecclesiæ Episcopos datos. Laudanda est tamen Bertharii pia industria, qui de ipsis cineribus & ruinis incensæ urbis & Ecclesiæ omnia prout potuit, prædecessorum saltem Præsulum, vel nuda nomina eruit, vel quædam gestorum nobis scintillavit. Nam ipsam tantillam de nostris Præsulibus notitiam ab ipso accepimus; non enim pro parvo duxerim, quòd insignia gesta, magnorum beneficio scriptorum eripiuntur ab interitu oblivionis. Refert Hieron. in prologo super vita S. Hilarionis, quòd Alexander Magnus Macedo, quem vel arietem, vel pardum vel hircum caprarum Daniel vocat, cum ad Achillis tumulum venisset, *Felicem te; ait, ô Juvenis, qui magno frueris præcone meritorum;* (Homerum videlicet significans.)

Hæc hæc dicta sunt, ut ab omnibus nostris quæque versum gesta Patrum exquirantur, & memoriæ posterorum transmittantur, ut de proximo habeant quos maximè imitentur. Nam quæque civitas magis suorum amplexatur exempla; proinde & de istius civitatis antiquo statu, quæ diversis litteris comprehensa invenimus, hîc in unum breviter collecta, vobis transcribimus.

Antoninus focius Cæsaris in suo itineralio, ubi urbes, oppida, & municipia, per quæ viarum publicarum tractus ferebatur, dinumerat, hoc oppidum Verodunum vocari innuit. Vocabatur & urbs CLAVORUM, quòd vel murus ejus clavatus fuisse, vel quòd quædam hostilis oblidio clavis ferreis à civibus extrâ projectis impedita fuisse, & ita soluta discessisse ab urbe à quibusdam narretur. Quamvis incolas loci CLAVOS, urbemque Claboniam, vel Clabiam gentiliter fuisse vocatam vulgaris opinio sit. Sed ut cætera bellorum monumenta, quæ huic oppido incubuisse scimus, narremus: sub MARCIANO Imperatore, ab Attila Rege Hunnorum, qui omnes Gallias ut singularis aper de silvâ devastavit, ista urbs & Ecclesia excisa & eversa creditur. Quo tempore S. Episcopum PULCRONIUM fuisse volunt. Tempore quoque MAEDELVEI ipsam Ecclesiam fuisse combustam, vita ejus narrat. Sub HILDINO quoque dignæ memoriæ Episcopo, quando Rex Carolus Abbatiam Theologiam cum rebus aliis Viridunensi Ecclesiæ ablatam cuidam ADELMO dedit, quanta quoque Episcopus inde mala pro recuperatione sustinuerit, testis est ejusdem Hildini scripta lamentatio, & Nicolai Papæ pro ipso Adelelmo epistola.

Anno quoque DADONIS Episcopi 37. ignis civitatem & totam Ecclesiam consumit. Libri, & memoriæ Sanctorum Patrum, & monumenta rerum Ecclesiæ combusta sunt.

Narrant quædam litteræ, quòd Boso GUNTRAN-

H h

Ætas Auctoris.

40. Theodericus.

\* Ordin. S. Benedicti.




NUS vir tyrannicus, & iste Dado Episcopus mutuis cædibus, prædis & incendiis sese devastaverunt. Exstat & charta Dadonis Præsulis de HATTONE & BERTHALDO Episcopis, & de se super Ecclesiastico statu multa insignia narrantis, & confirmantis. Sub istis Episcopis incursio Nortmannorum intrâ Gallias facta est, & cum aliis hoc Episcopium vehementer afflixit: quosdam etiam Canonicos S. Vitoni Sanctique Germani incensis Ecclesiis martyrisaverunt; ut invenimus etiam in epitaphio, cujus hoc extremum est.

*Haimo tuus germanus obit cum cade piorum,  
Pro Domino moritur, & tibi junctus adest:  
Et quartodeno Martis hunc ante Kalendas  
Normanni jugulant; æthere Martyr ovat.*

Bethaldus Episcopus in destructâ Sancti Vitoni Basilicâ octo Canonicos collocavit, & res suas ipsi Ecclesiæ reassignavit.

Anno quoque primo BERNUINI Præsulis crudelissima gens Hungarorum istud Episcopium irrupit omnia penè incendit, homines aut necavit, aut abduxit. Refert vita S. BASOLI eos divinitus fuisse repulso à Cœnobio Belli loci, quod est in honore S. Mauricii. De istis infortuniis exstat epistola Viridunensis Cleri. Ista quæ Bertharius in Pontificalibus gestis omiserat, ut hîc in unum breviter colligerem, & pro commendatione transcriberem vobis amantissimus, vir venerabilis HUGO Monachus noster nimîa instantiâ, me invitum compulit. Et quoniam quæ ab hinc sequuntur usque ad tempus Theoderici Pontificis à quodam digesta inveniuntur, prædictus commonitor noster ut ab ipso Theoderico, usque in præsens tempus omnia quæ evenerant compilarem oppidò insillens, exegit. Ubi quæ de bonis sunt narrata, quoniam omnibus bonis placitura scio, si quorum delicta quæ historiam tenens non potui tacere, annotata sunt, oro ut nemo mihi indigne- tur, cum ego nullius crimen verbis exaggeraverim, & historiam necessariâ veritate sequi oportuerit.



## DE GESTIS VIRDUNENSIVM Episcoporum à Theoderico XL. Episcopo usque ad XIV. annum Alberonis XLVI. eiusdem urbis Episcopi.

### *Prologus sequentis operis.*

**S**cribimus ad laudem & gloriam benedictæ Dei Genitricis Mariæ semper Virginis, quæ in hoc ejus Viridunensium Episcopatu gesta sunt, pace vel bello memorabilia & digna relatu. Et quoniam priorum Pontificum hujus urbis gesta prout potuerint colligi litteris continentur, usque ad tempora Theoderici Episcopi, ab ipso Theoderico sumimus relationis principium, dicturi usque in hodiernum diem, quod Opusculum D. ALBERONI Episcopo utpote ac ejus prædecessoribus scriptum & in ipso finitum, meritò dedicamus.

De Theoderico XL. Episc. Viridunensi.

Igitur anno Dominicæ Incarnationis secundum Dionysium 1048. post venerabilem Richardum Theodericus hujus Viridunensium Urbis sedit Episcopus, à B. SANCTINO primo, ut referunt, nostro Præfulè XL. vir genere, moribus & sapientiâ prætitus. Hic naturâ Teutonicus, & Basiliensis Ecclesiæ fuerat Canonicus, patre nobilissimo quodam Gue-

zelone natus. Eodem anno WALERANNUS post Abbatem sanctæ memoriæ RICHARDUM constitutus est Abbas in hoc Cœnobio Sancti Vitoni, jam pridem Monachus ejusdem, ex Comite Francorum Bretulicnsi. Nam in bello quod apud Barrum Dux Goselo, & Godefridus filius ejus contrâ Odonem militem<sup>a</sup>, totis Franciæ viribus Lothariam invadentem, nobiliter confecit, ubi & ipse Odo occubuit: idem Walerannus sub prædicto Odone militavit, & succiso calcaneo graviter vulneratus, dum vitæ diffideret, ab Abbate Richardo susceptus, jam tum decimum annum agebat in palæstrâ Monastici ordinis. Hic per quindecim annos huic Cœnobio præfuit, cum quo etiam Abbatiam Aremaresensem ex dono TIBALDI Comitis filii memorati ODONIS regendam suscepit, ubi & nunc tumulatus requiescit.

Illis diebus contrâ Imperatorem HENRICUM secundum rebellaverat Dux & Marchio GODEFRIDUS, dictus Gibbosus, Gozelonis Ducis filius, pro sublato sibi Mosellano Ducatu, quem cum patre Duce tenuerat loco Patroni, post obitum Theoderici Ducis Barrensis, qui filius nobilissimi Ducis Frederici, & Beatricis Hugonis Capitonis Francorum Regis sororis. Filius hujus Theoderici fuit junior Fredericus, qui mortuus est ante patrem suum in primo flore juventutis. Cujus Frederici dux filiæ post obitum ejus nobiliter educatæ, beatrix data est à Rege uxor Bonifacio Italiæ Marchioni, & Sophia Ludovico de Monxian Comiti.

Ducatus autem patris earum, quia neutri istorum cessit, sed datus est à Rege GIRARDO Caltiniensi Comiti, ideo hic Godefridus, qui Patronus eis datus erat, iusta in Imperatorem arma movere visus est sibi. Hunc idem Imperator inter multa alia Comitatum hujus urbis, quem à prædecessoribus suis tenebat, jam in Curiâ suâ exheredaverat, ipsumque Comitatum RICHARDO urbis Episcopo manu dederat, ut alteri quem idoneum judicasset, illum traderet. Pro quo ipsi Pontifici idem Dux dicitur extitisse insensus. Sed etiam antea sub tempore RAMBERTI Episcopi, nobilissimum Comitem Chisneienssem LUDOVICUM, filium OTTONIS Comitis, & patrem alterius Ludovici Domini Pontificis nostri ALBERONIS avi I. Bullionenses milites partis ejusdem Ducis intrâ urbem oppressum exstinxerant, eo quod illum Episcopalis auctoritas prædicto urbis Comitatu præfecisset. Eadem Ducis insensio THEODERICUM Episcopum infestabat, quia & ipse nominati Comitatus Principatum ei non recognoverat. Secundo anno Episcopatus ejus, ipse Dux & BALDUINUS Comes Flandrorum cum manu validâ hanc urbem irruerunt, & in odio Cæsaris succenderunt multimodâ strage commissa. Volebat autem Dux Monasteria urbis illâsa ab igne servare, sed subitò majorem Ecclesiam Sanctæ Dei Genitricis victrix flamma comprehendit, & Duce turmâque militari frustrâ obnitente penitus absumpsit. Plurimus thesaurus, & litteralia monumenta rerum Ecclesiæ ibi combusta sunt. Tantum ipsa civitas, tantum ipsa Ecclesia tunc rerum dispendium pertulit, ut multi cives, multi Clerici locum istum fugerint, aliâs dispersi.

Fama est, viginti quatuor Canonicos de ipsâ concrematâ Ecclesiâ tunc Hungariam præ inopia profectos, quos constat nunquam fuisse reversos. Proinde Dux iram Dei metuens, pacem cum Episcopo fecit, centenas potestatum Ecclesiæ & prædia quæ invaserat reddidit, publicæ pœnitentiæ se addixit. Nam penè nudus & discalceatus, genuumque & brachiorum poplitibus flexis, rependo se per

<sup>a</sup> militem ] Aliâs Comitem.

terram trahens ; ita ex summo urbis usque ante majus altare Ecclesiæ quam incenderat ; processit. Ibi quoque multis verberibus , ut dicitur , se submitit , villas quoque sui juris Pusvillare & Arcum cum portu & piscaturâ & plurima alia donaria in opus reedificandæ Ecclesiæ contulit , satis tamen minora malis illatis. Iptum urbis Comitatum quasi legitimam à Patribus hereditatem sibi vindicavit. Cumque Imperatori infestissimus , Neomagnum palatium miri artificii ei irreparabiliter , nobilissimum ALBERTUM de Longinacastro , quem super se ille Ducem statuerat , bello exemerit , omnem Lothariam cædibus , incendiis rapinisque vexaverit : tamen per viginti duos annos , quibus postea vixit , benignus satis Virdunenlibus fuit , & per venerabilem ERMENTRIDUM Virdunensis Ecclesiæ Archidiaconum Regi reconciliari meruit ; qui postea Italiam pergens , nobile obsequium Bonifacio Marchioni præstitit , eoque mortuo Beatricem ejus uxorem duxit , filiamque ipsorum unicam Mathildem filio suo Godofrido desponsavit ; exinde ambo Marchiones Italiae & Duces Lothariæ fuerunt. Hujus Beatricis hortatu idem Dux celebrato intra hanc urbem Comitum & Principum generali Concilio , multa urbi & Ecclesiæ utilia disposuit , quod etiam in Ecclesiasticis annotatum est privilegiis ; moriens quoque , in ipsa Ecclesia quam concremaverat , se sepeliri mandavit. Godofridus quoque filius , & successor ejus per octo annos , quibus Dux præfuit , nunquam molestus sed bonus nostris exstitit , & moriens Gemmatium prædium sui juris Virdunensi Ecclesiæ , in qua requiescit , contulit.

Porro in reedificandâ à fundamento Ecclesiâ , vel mœnibus incensæ urbis , magnus labor , magna sollicitudo , & industria Theoderici Episcopi claruit : unde & est ei in posteros memoria benedictionis.

In hoc opus reedificationis WASSO venerabilis Leodiensium Episcopus quinquaginta libras argenti dedit : FREDERICUS quoque Comes Tullensis usuarium Argunnæ sui nemoris , tam ad reedificandam quam ad retinendam Ecclesiam contradidit. Tunc etiam Ermenfridus Archidiaconus , sapientiæ , morum , & sanctitatis gratiâ præditus ex donariis Principum & fidelium , quæ ei pro suis meritis & obsequiis largè impenderant , Ecclesiam Sanctæ MARIE MAGDALENÆ à se jam fundatam consummavit , & in usum Deo ibi servientium pro posse ditavit. Sanè juxta eum præ omnibus ad hoc opus venerandus vir nobilis & urbis Advocatus , qui cum BERTRADA uxore devotâ liberalitate ipsum super quo fundata est Ecclesia , & multa alia alodia obtulit , & non modicum famulorum gregem superadjecit , in quâ etiam requiescit , scripto super eum condigno epitaphio. Postea ipse Ermenfridus famæ suæ religiositatis , hortatuque & familiaritate multos Clericorum de terris remotis post se traxit , & huic suæ Ecclesiæ itemque Sanctæ Dei Genitricis inseruit , per quorum industriam utraque Ecclesia in omni augmento rerum & religionis effloruit.

Unum istorum MARTINUM Scholasticum non præterierim , qui mortis in agoniâ constitutus , cum jam biduo loqui non potuisset , subito cunctis mirantibus matutinas laudes Dei Genitricis solemniter incepit , & inoffensè percecinit ; indeque Missale Officium ingressus , post decantatam celebriter concionem *Illumina faciem tuam super servum tuum* , inter sacra verba , confectum bonis operibus spiritum exhalavit.

His diebus Papa Romanus LEO IX. primum Tullensis Episcopus , Gallias veniens Remis Synodum celebravit , ubi & ossa B. REMIGII , dedicatâ ejus Ecclesiâ transtulit. Inde cum precatu ipsius Er-

menfridi ad consecrandam prædictam Ecclesiam Theodericus Episcopus honorificè ad hanc urbem adduxit , & ab ipso Sancto Papa assistentibus tribus Archiepiscopis EVERARDO Treverorum , ALINARDO Lugdunensium , HUGONE Chrysopolitanorum , plurimis quoque Episcopis dedicata est ipsa Ecclesia anno tertio Episcopatus Domni Theoderici.

Ipse Papa miseratus ruinas incensæ urbis , & Ecclesiæ , Clerumque & populum sibi mox venienti prostratum , Ecclesiæ B. Dei Genitricis , pro omnibus monumentis incensis , rerum quas tenebat privilegium fecit ; itemque Ecclesiæ , quam consecravit , & Cœnobio B. VITONI ; veniensque Leodium , Fredericum fratrem Ducis Godofridi , Archidiaconum S. LAMBERTI inde secum duxit , & Monachum , indeque Abbatem Cassini montis , ac postea septimum sui Levitam instituit : qui etiam tertius ab eo Papa post VICTOREM in Cathedrâ Beati Petri sedit , STEPHANUS vocatus à Romanis , succedentibus ei BENEDICTO & NICOLAO , qui nobis quædam privilegia fecit , indeque ALEXANDRO & GREGORIO VII.

Item Papa tunc in Synodo Remis Lingonensem Episcopum HUGONEM , fratrem WALERANNI Abbatissæ deposuerat pro quibusdam criminalibus cautis. At Hugo Papam usque Romam sequutus , ut misericordiam ejus experiretur , plenam Synodum , cui ille præsidebat , nudus & discalceatus intravit , virgas quibus caderetur manu tremulâ deferens , & ore lacrymali hanc Antiphonam canens : *Ledit Pater pœnitenti filio stolam primam pariter & annulum : nam & calciamenta illi tribuens , celebravit magnum convivium. Habemus stolam primam in lavacro , & annulum fidei signaculum*. Cum ita videntes omnes , in singultus proruperunt , lacrymas fuderunt , questibus Synodum repleverunt. Ipse Papa præ cæteris condoluit , & cunctis supplici reo suffragia ferentibus eum absolvit , utque pius pater pœnitenti filio stolam primam & annulum amissi Pontificatus induit , & sandalia pacis recalciari edixit , dum solummodo Ecclesia sua quam læserat , vel quælibet eum alia recipere dignaretur Episcopum ; ita ille à cunctis absolvi meruit , repatriare cœpit , languorem itinerando incidit , habitum Monachi sub nomine nostri Cœnobii , cui præsidebat frater suus , à Comitibus suis Cluniacensibus Monachis quæsit , accepit , fideliter excessit , & inter obitus nostrorum adscriptus est.

At Theodericus Præsul plurimas deinceps molestias à militibus pertulit. Nam cum urbem & Episcopatum quos illi ante affligebant , in libertate sibi ab eis vindicaret , Comes Rodulfus de Crispeio vitricus PHILIPPI Francorum Regis istam urbem iterum incendit , eo quod Episcopus denegabat ei viginti annuas libras , quas à prædecessoribus suis accipiebat , ne regionem istam impugnaret.

Item ALDO de Dunocastro vir ingenuus , dum Episcopus præsidium ejus in Rourovico , quem ille ex Episcopio violenter invaserat , obsidens expugnet , istam urbem conflagravit , absentiam Episcopi & militantium aucupatus : uterque tamen per industriam Episcopi armis repressus ac repulsus est , & res Episcopi suæ libertati vindicata est. Ita sub hoc Episcopo urbs ista tertio succensa est.

Præterea idem Præsul Manassem Comitem de castro Retexto armis suorum coërcuit ab invasione Ecclesiasticæ rei. Adversus castrum Sanctæ MARCHILDIS sibi infestissimum armatam expeditionem movit. Quo metu castrenses perterriti ei in medio itineris claves castri miserunt , suppliciter pacem petierunt , obsidionem precibus evaserunt. Sed Episcopus , ne nihil ad Ecclesiam reportaret triumphi ,

H h ij

Tom. II.

eamdem expeditionem in Castrum Saptiminium æquæ sibi infensum convertit, illud obsedit, cepit, & diruit. Hoc utrumque castrum erat prædicti Comititis Manassæ. Odonem virum ingenuum, fratresque ejus filios HUMBERTI sibi insurgentes similiter domuit, & munitione ante Clarummontem firmatâ ipsum castrum super ipsos cepit.

Duce quoque Godefrido Gibboso in Frisiâ sicariè mortuo, & in hac urbe à Duce Godefrido tertio, quem ex sorore nepotem sui Ducatus heredem ille moriens designaverat, juxta patrem honorificè sepulto, nissus est ipse Episcopus auferre ipsum urbis Comitatum de sub jugo Bullionensis Principatus, qui nimis urbem oppressisse videbatur. Unde ipsi Godefrido Bolonienti, qui Bullionico castro possessio in Ducatum avunculo successit, illum abstulit. Ratus opportunum tempus, quia illi, ut minus legitimo Duci Rex & multi Regni Primates armis insurrexerunt, & nobilissimo ALBERTO Namurcensi Comiti, qui unus erat ejus hostium eundem Comitatum beneficiavit. Cum etiam idem Albertus Bullionem castrum quasi magis hereditarium super prædictum Godefridum obsedisset, ei cum omnibus sui Episcopii viribus suppetias venit. Sed Dux inclusis suis bellicosissimus citò adfuit, & contracto exercitu obsidionem hostium solvit, multis nobilium interfectis. Subinde plurimum offensus Episcopo, Comitem de Grandi Prato Henricum primò sibi graviter rebellantem, cum armis cepisset, solvit à vinculis, & Virdunico hostem territorio misit. Qui jussa ejus non segniter exequutus plura hostilia, ferro, flammâ, prædisque in nostros commisit. Ipse quoque Dux in Satanaco sui juris oppido castrum firmavit prominens in finibus Episcopii, per quod in nostros graves inimicitias exercebat: unde extemplò illud obsedit contractis undique auxiliariis, & prædicto Alberto cum omnibus suis, cum ecce in auxilium sui adest Dux iterum accinctus validâ manu bellatorum: acerrimè pugnatum est, cruentissimè concursum est, donec cessus uterque exercitus, jussu ductorum à cæde revocatus est. Actum anno Episcopatus ejusdem Theoderici quadragesimo; ubi & multi nobiles occubuerunt: neutræ parti victoria cessit, sed Episcopus non solutâ obsidione suos tentoriis, Dux autem suos castrò recepit, missisque inde cursoribus velocissimis, à totâ Germaniâ & Franciâ per fratres suos Eustachium & Balduinum cogebat exercitum sibi in auxilium. Quos ubi Pontifex super se irruere certissimò accepit, expavit, sanguine judicium facere extimuit, obsidionem solvit, eodem nuntio hoc ipsum agente, hortante & movente. Ipse erat HENRICUS venerabilis Leodiensium Præsul, cujus frater Fredericus Comes Tullensis, fratrisque filii Rainaldus, & Petrus, post in Hierosolymitanâ expeditione insignes habendi, tunc ibi sub Theoderico Præsule militabant, eratque ipse, & nostro Pontifici & Duci Godefrido carus & fidelis. Episcopo quidem, quia sub eo in Virdunensi Ecclesiâ, prima scholarum tirocinia transegerat, & ab eo Archidiaconatum susceperat. Duci autem, quia operâ ejus ante illud septennium ex Virdunensi Archidiacono in Leodiensem Episcopum assumptus fuerat. HENRICO enim tertio Imperatori expeditionem agenti contrâ RODULFUM Ducem, qui assumpto diademate ex obedientiâ Romanæ Ecclesiæ Regnum susceperat, & jam Saxoniam occupaverat, idem Dux Godefridus reconciliatus, cum multo milite in auxilium venerat, cum ecce interfecto Rodulfo, dum celebratur victoria, nobiles Legati Leodiensis Ecclesiæ venerunt, quærentes sibi ex dono & sententiâ Cælaris Episcopum. Tunc agente eodem Duce, in gratiâ ejus Imperatoria Majestas donum delati Pontificii ejusdem nun-

tiis, Henrico Archidiacono in hac urbe transmisit, quem & ipse Dux ut dulcem consanguineum ab hinc usque Leodium comitatus, illi urbi Pontificem assignavit, ubi ille inter prædecessores Præsules omni merito effulgit.

Theodericus igitur verus libertatis defensor, ita ut retulimus etiam suprâ vires pro patriâ pugnabat. Tempore hujus Episcopi Kalendis Augusti horâ matutinali fulmen de cælo irrumpens Ecclesiam, in medio psallentis Cleri ruit, & DOMINICUM Presbyterum qui collectam canebat, & ALGERUM Subdiaconum qui Choro præsidebat, percussos exanimavit, cæteris consternatis.

Dicamus aliquid de liberalitate ac devotione ejus: semel Hierosolymam ad sepulcrum Domini, multoties autem Romam ivit, ad Sanctos Apostolos oraturus, vel apud Apostolicam Sedem causas sibi creditæ Ecclesiæ acturus. Ipsius euntis liberalitas ipsi Græcorum Imperatori, itemque Papæ Romano visa est mirabilis & prædicabilis. GERVASIO quoque Remorum Archiepiscopo, qui magnâ Francigenarum comitatus frequentiam cum usque Virdunum visitatum venerat, festum suæ curialitatis recompensavit, quum non minori comitatu Lothariorum ad eum revisendum usque Remorum muros accedit, Gervasius super portas Remorum clausas per duos Cantores & in occursum ei occidit: *Commovisti terram & conturbasti eam*; cui ille itidem duobus Cantoribus respondit, *Sana contritiones ejus, quia commota est*, & inde apud Sanctum Remigium Missam celebravit, in memoriam sui Capellam suam magni pretii ibidem repatrians [donavit.] Ecclesiæ suæ Duram prædium cum omnibus appendiciis magno pretio ab Imperatore Henrico tertio, Mirohat quoque castrum cum forste, & Abbatiam Juveniaci à MATHILDE Marchisâ acquisivit. Ut de aliis Ecclesiis taceam, nostro beati Vitoni Cœnobio omnia altaria Ecclesiarum quæ nobis prædecessores ejus contulerant, Bannum quoque montis Sancti Vitoni dedit & confirmavit; & quia sub GRIMOLDO Abbate, qui Waleranno mortuo huic loco per sexdecim annos præfedit, religio per quorundam insolentiam deperibat, quia per illum non poterat corrigi, eum amovit, & venerabilem Rodulfum sancti Agerici Monachum religionem, scientiâ & moribus insignitum substituit, qui per se aliasque probabiles personas à suâ sancti Agerici Ecclesiâ expostulatas summam ordinis, & plurima bona huic loco induxit. Nam & bonus odor Religionis ipsorum etiam de remotis terris plures industrios huic Ecclesiæ tunc attraxit & associavit, quorum probitate usque modo locus iste nobilitari & magnificari promeruit. Tunc Ecclesia beati Agerici de qua hic Abbas assumptus est, ita florebat viris Religiosis, ut illâ contemporaneitate de filiis ejus duodecim Abbates per diversas Ecclesias ordinati sint, omnes magnorum gestorum viri.

Veniamus ad locum gravissimum, in quo, quod graviter dolemus, periculosa tempora plurimum laudibus digni Episcopi detraxerunt. Causa talis est. Anno Episcopatus ejus xxxvi. inter Regnum & Ecclesiam illa digladiabilis seditio jam surrexerat, quæ totum Romanum Imperium involvit: Romanorum enim Papa GREGORIUS VII. Imperatorem HENRICUM Tertium pro suis criminibus, quæ plurima ferebantur, excommunicaverat, videlicet pro conjugē Reginâ PRAXEDE, quam ignominiosè servorum stupris & opprobriis submisserat, pro variis injustitiis & Ecclesiarum oppressionibus, & præcipue quia investituras Ecclesiarum per baculum & annulum dare ex consuetudine priorum contrâ antiquos sacros Canones, cum ab eo sub anathemate esset in-

Psal. 92.

hibitus, non omittebat. At Henricus super hoc infensus Romam bello petit. ipsum Papam Missarum solemniter celebrantem sacrilegè cepit & in vincula coniecit, indeque à Duce Apuliæ ereptum, Romam cum exturbavit, & geminatâ injustitiâ quemdam **WITBERTUM** Ravennatem Pseudo-Præsulem, qui per septem annos Apostolicæ Sedi inobediens rebellis & anathematizatus fuerat, Cathedræ ejus intrusit. Tunc omne Regnum in se divisum est, tunc omnis civitas in duas partes separata est, aliis causam Cæsarianæ Curie, aliis Sanctæ Sedis Apostolicæ defendentibus, & adversam partem insequentibus. Sedes siquidem Apostolica hostes suos anathemate omnes percutiens, à sacris mysteriis arcebat; Imperialis autem curia sibi infensos captivans & exulans, honoribus privabat: demum ferro, cade & igne pars utraque suos inimicos persequabatur. In hac quoque urbe duæ partes factæ sunt. Episcopus si quidem malè à suis inductus, & vel amore vel timore Principis nimis depressus, declinavit post partes Cæsaris; venerabilis verò **RODULFUS** cum suis fratribus Apostolicæ Sedi studiosus adhæsit. Hinc inter suos soluta est vetus illa amicitia, adeo ut Episcopus Abbatem cum suis plurimis injuriis affectos ab Ecclesiâ hac perturbaverit: sed pulsus pro justitiâ ipsa, contraria in bonum mox cessare: nam fratres Burgundiam ducti, à venerando Abbate Divionensis Ecclesiæ **GERONTIONE** per septennium quo idem Præsul supervixit, velut Angeli Dei recepti sunt, & benè in omnibus usi, eâque occasione nostræ & illi Ecclesiæ germana affinitas intervenit, dignior & firmiter, ut credimus, quam illa inter Sabinos & Romanos olim; Rodulfo autem Abbati Apostolicum privilegium dedit, omnes ab Henriciano schismate resipiscences reconciliandi in tribus Episcopatibus Viridunensium, Metensium & Tullenium. His diebus **FULCRADUS** Abbas Sancti **PAULI** consensu prædicti Pontificis hanc Abbatiam cum quibusdam suorum invasit. Sub eo ista Ecclesia amisit tria pretiosa pallia, duas magni pretii cappas, duo candelabra argentea sex marcarum, foratagia vini civitatis & pugillum, Ecclesias etiam de Marleio & de Metione, multaque alia. Hunc Fulcradum, & **RICHERUM** Decanum ipsis diebus cum idem Præsul Legatos misisset ad sigillandum altare Sancti **MICHAELIS**, pro eo quod illa Ecclesia se à Viridunensi ad Tullensem Episcopatum transferri vellet, & ad audientiam vocata Viridunum venire nollet, familia ejusdem Ecclesiæ invasos eos, scilicet Fulcradum & Richerum ab Ecclesiâ pertraxit, & vinclos apud Barrum incarcerationi, quam ob rem ipsam villam & Ecclesiam ab hostico Episcopali contigit concremari; sed ipsum Richerum Sanctæ memoriæ Decanum, itemque de Clero **ENGELBERTUM**, **HENRICUM**, **GESONEM** & **BOSONEM** dignos omni laude fidei fervoris & Religionis dixerim, quorum instantiâ ita Ecclesiasticus ordo tunc invaluerat, ut omnis Clerus sub eis ductoribus insimul lectionem, cibum, dormitorium, & chorum nullo excusato frequentarent, volentes autem etiam ut nobiliores districtius regerentur. Sed Episcopum tandem senectute & nimia gravitudine fessum, dum extremus dies urgeret, nec adesset qui Apostolicæ Sedi eum reconciliaret, Abbas **RODULFUS** ad eum reconciliandum duos de suis Monachis direxit, **GERARDUM** quondam Archidiaconum, & **GERBERTUM** postea Sancti Mauricii Abbatem, quos ille lecto suo assistentes, nutibus, quia loqui non poterat, mox salutavit, reconciliari petiit & meruit; eis enim offensas ejus in Apostolicam Sedem per capitula proponentibus, ipse ad singula supplicibus oculis, manibus, & tunctione pectoris similis pœnitenti cul-

pam fateri & veniam petere videbatur; at ubi præposuerunt ei, confiteris, Pater, culpam de Monachis Sancti Vitoni, quos expulisti, tunc verò duobus pugnis crebrius pectora tutudit, altius ingemuit, profundius suspiravit, ita ut omnes videntes prorumperent in lacrymas: hinc ab eis absolutus, post paululum spiritum reddidit. Illi sanè hanc ejus satisfactionem retulerunt ad venerabilem Rodulfum, Rodulfus autem ad Synodum, cui præsidebat Legatus Apostolicæ Sedis Hugo quondam Præsul Diensis, tunc Lugdunensis Episcopus, approbataque est ejus satisfactio ab omnibus. Sedit in Episcopatu annis **XLIII**. vir in multis idoneus & laudabilis, nisi hæc macula esset in extremis ejus.

*De Richero quadragésimo primo Viridunensi Episcopo.*

**A**Nno Dominicæ Incarnationis millesimo octuagesimo octavo post Theodericum electus est Decanus Metensis Ecclesiæ **RICHERUS**, vir pius & honestus, qui quoniam alia via non patebat, ductus est ad Curiam, contra vetitum Apostolicæ Sedis à Cæsare Pontificalem baculum suscepit, fratres suos **ALBERTUM**, **BEZELINUM**, & **JOANNEM** viros nobilissimos dedit ei obsides quod à fidelitate & communione ejus nunquam recederet, rediens honorificè recepi meruit; sed quia Romanæ Ecclesiæ offensam incurrerat, septem annis sine Episcopali benedictione permanlit, donec Abbas Rodulfus, quem cum omnibus suis Monachis mox electus honorificè revocarat, dato consilio Lugdunum Burgundiæ duxit, ubi cum prædictus Hugo Archipræsul post abjuramentum Henricianæ partis in Sancto Paschali Sabbato in Presbyterum consecravit, in die autem festo in Antistitem promovit; inde cum gratiâ & honore Apostolicæ Sedis reversus, à Coepiscopis suis **POPPONE** Metensi & **PIBONE** Tullensi agente ipso Rodulfo decentissimè à totâ urbe susceptus est in misericordias Domini; ipse ut nuntius pacis & fidus salutare mox cuncta serenavit, bellis Episcopii consopitis. Solus **HENRICUS** de *Grandi prato* antiquas inimicitias adhuc exercebat, qui quoniam latrocinantibus similis, clanculo deprædatus quæcumque posset, mox refugiebat, facile opprimi non poterat: quod cum ei Catalaunis fortè convento exprobrasset Petrus Comes, filius **FREDERICI** Tullenlis, unus de Baronibus Episcopii, ille ferociter respondit, die illo ante Viridunum veniam, occurre mihi si audes, & comparemus nos in campo, quod cum **PETRUS** hilariter excepisset, uterque fide interpolitâ juraverunt sibi quod non dimitterent. Venit dies constitutus, & Petrus cum Baronibus Episcopii promissum hostem Viriduni expectabat armatus: Henricus per quoddam ex urbe sibi intimos & familiares, quibus deferentibus omnia nostrorum molimina addicebat, quæ fiebant agnovit, & adventum suum distulit. Eadem nostri eum facere arbitantes, quasi desperarent eum venturum, urbe exeunt, reditum ad sua simulant; at Henricus ex solitis nuntiis eos ad sua lapsos audiens, mox cum suis ante Viridunum advolat, ex proximis vicis prædam agitat, iterque solito recurrit: sed nostri qui arte reditum simulaverant, transverso tramite viam redituri hostis jam tenebant, cives etiam armati prædones è vestigio sequebantur; ita à fronte & à tergo hostes invasi, valideque pugnâ commissa, multi interfecti, plures fauciati & capti sunt: reliqui cum ipso Comite vitabundi fugerunt: caeli militantium quidem usque ad sexies vicinos, equorum & armorum tanta referta copia, capta castra, ut penè nostri inde ditescerent.

H h iij

1088.



Henricus tamen ab impugnatione Virdunensis Ecclesie non distulit, donec iudicium horrendæ mortis incurrit: auditis enim à Duce Godefrido & clarissimis commilitonibus ejus rebus præ Hierosolymis bene gestis, secundam expeditionem post eos animo intendit, Virdunum venit, crucem iturus accepit, sed Dei irâ præoccupatus & amentia captus, re infecta ibidem miserè exspiravit. Dudo de Claromonte qui res Episcopi profligaverat, cum mansuetudinem Episcopi non curans, hospitatus esset Virduni, à Clericis est ibi captus & ergastulo inclusus, quod à tali hominum genere commissum cum Primates & Barones indignarentur, Clerici pro satisfactione ei post unum stadium scholarem librum detulerunt.

Anno consecrationis Richeri in Episcopum Urbanus Papa apud Claromontem Arvernæ Synodum celebravit, ubi dona & Legatos suos Richerus ei transmisit; in eâ Synodo inter alia plurima prædictus Papa vocem per omnem Occidentis Ecclesiam misit, ut militares suas bellicas vires devotes moverent expeditionem ad liberanda sacra loca Hierosolymæ, quæ deficiente brachio Constantinopolitani Imperii Saracena profanitas invaserat: ad quam vocem omnes nationes motæ sunt, & abjuratis civilibus armis quibus gravabantur Regna Occidentis & Septentrionis, multi nobilium arma voverunt in Turcas pro sacris locis; inter hos de nostro territorio eminebant duo fratres, Dux Godefridus, & Comes Balduinus... de *Retexto* Castro nepos Manassæ Comitis suprâ memorati, qui omnes tres sanctæ civitatis armis receptæ alter post alterum magnanimi Reges fuerunt. Ipse Godefridus sanctum iter meditans, arma quæ in nos moverat abjuravit, pacem cum Episcopo Richero composuit, Mosacum & Stanacum castrum quod in nos firmaverat, cum omnibus appenditiis Sanctæ Mariæ in perpetuum tradidit; unde Episcopus auri & argenti plurima quæ de Episcopi Ecclesiis collegerat, ei in sumptum expeditionis sacræ contulit, & prædicta alodia Sanctæ Dei Genitricis confirmans, stantibus in stolâ de toto Episcopo Presbyteris anathematizavit, si quis ea deinceps auferret menlis Virdunensis Cleri. Cumque ipsa alodia MATILDIS Marchisia relicta Ducis Godefridi Gibbosi, ut sibi à patribus hereditaria reclamaret; iterum Præsul eadem ab ipsâ matronâ multo pretio, primò à Lestensi Synodo per Legato GERBERTUM Abbatem & AZELINUM Cantorem redemit, & ab omni extractionis nodo libera PASCHALIS Papa in eadem Synodo sub anathemate, itemque Richerus Pontifex in suâ Sede iteratâ simili excommunicatione in eum quicumque auferre tentaret, ea Virdunensi Ecclesiæ in perpetuum confirmavit, Comitatumque urbis, de quo toties discordia processerat, ab eodem Duce receptum, in gratiâ ipsius BALDUINO fratri ejus dedit, quem idem Balduinus sanctum iter cum fratre duce aggressus, mox post modicum reddidit, & Episcopus receptum Theodorico Barrensi Comiti, donis & obsequiis ejus delinitus ex consilio suorum tradidit, ut quia multum pro loco & viribus prodesset & nocere videbatur, totus nostræ utilitati intenderet. Idem Dux castrum Falconis montis quod in Episcopo firmaverat, ne in posterum noceret, abiens fecit everti, castrum quoque Bullionum cum omnibus appenditiis Sancto Lamberto Leodii contulit, accipiens ab Episcopo loci Alberto trecentas marcas argenti & libram auri in opus sacri itineris; ita insignis ille Bullionensium Principatus primum à Comite Godefrido, patre Adelberonis nostri Præsulis & duorum Ducum Godefridi & Gozelonis (duorum quoque Comitum Hermannii & Frederici, qui

omnes cum suâ numerosâ progenie vel fortitudine in bello, vel Religione in Ecclesiâ præ cæteris clauerunt, istum quoque locum cum matre suâ Matilde præ cunctis mortalibus ditaverunt, feliciter cæptus; in ipso Godefrido felicius & sanctius est finitus, & per multos est divisus. Nam Ducatus ejus Cæsareâ manu primùm Lemburgenti, postea datus est Lovaniensi Comiti; Briacensem quoque potestatem Albertus frater Episcopi sub fine Marchiæ Matildis, relicte Godefridi Gibbosi, sibi vindicavit. Item Albertus à fratre Richero Episcopo ut in rebus agendis ei adesset, Rourum vicum Episcopi tantum in vitâ suâ in usufructuario accepit; quem nunc injustè sibi vindicant ejus posterii. Porro Dux Godefridus cum suis gloriosis commilitonibus transmissio Helleponto, Nicæam, Bithyniam, Asiam, Pamphyliam, Phrygiam, & maximam urbem Antiochiam innumeris pugnae oblidionis famisque laboribus cepit, & Gentiles eiecit; Syriam quoque & Judæam aggressus, sacra loca & sanctam urbem armis recepit anno ab incarnatione vitæ Principis millesimo undecentesimo, & pro Lothariorum Ducatu Regnum Sanctæ Urbis à Deo promeruit, quamvis ipse se nunquam Regem, sed Advocatum ejus passus sit appellari. Eodem anno felici obitu excesserunt Urbanus Papa qui VICTORI successerat, Ecclesiastici privilegii adversus Cæsaream violentiam ardentissimus defensor, & venerabilis Rodulfus Abbas Apostolicæ Sedis tenacissimus suffragator, eorumque Sedis & fervoris successores facti sunt PASCHALIS Papa & LAURENTIUS Abbas.

Interea Rex Henricus, quia Richerus Episcopus, ipso abjurato ad Apostolicam Sedem se contulisset, audivit, indignatus oblates datos repetiit, unum eorum JOANNEM in vincula conjecit, alii fratrem Episcopum convenerunt, ut ab obliatu suo eos liberaret, jure gentium; ille undique constrictus, similisque Beato Martino qui sub MAXIMO nefariam Episcoporum communionem Treviris invitatus inivit, Curiam adiit, satisfactionem Cæsari obtulit, & communicavit, de cætero firmam fidelitatem repromisit, & ita oblates absolvit; rediens à divino Officio tamquam reus Apostolicæ Sedis se per triennium suspendit, in quo spatio hæc nostra Ecclesia ei non communicavit, quod à quibusdam dum ei invidiosè suggereretur, ille repellens eos dicebat, finite servos Dei, finite: meliores enim sunt me: tantæ humilitatis & patientiæ fuit, nulli unquam molestiam per se inferens, demum Laurentium Abbatem & VIDONEM Archidiaconum Legatos pro se Romam misit, communionem & gratiam Apostolicæ Sedis expetiit. Ipsos Legatos Paschalis Papa primùm de communionem sui Episcopi absolvit, deinde litteras pro absolvendo Episcopo ad Hugonem Lugdunensem Archiepiscopum eis dedit. Richerus Lugdunum venit, ab illo suo consecratore veniam petuit, absolutionem meruit, rediens Virdunum non prius intravit quàm omnes Canonici & Monachi apud Sanctum Vitonum convenerunt, ille pariter omnes pro communionem quam secum in excommunicatione habuerant, absolvit, & fidem Apostolicæ Sedi servandam jurare compulit. Cætera sub Richero Præsule prospera fuerunt. Ipse anno Episcopatus sui XVIII. die festo Apostolorum PETRI & PAULI in nostro Cœnobio Missarum solemniam celebravit, ipsis Apostolis & Vitono super Altare alodium Pauli-Crucis & bannum Marculfi-curtis ex privilegio tradidit, animam & corpus suum ipsis commendavit, sepulturam suam in hoc ipsorum Cœnobio delegavit. Inde *Vosagum* ad Valentiam alodium Ecclesiæ ivit, in ægritudinem incidit, navigio per Mosellam relatus est Treviris, à BRUNONE



1107.

urbis Archiepiscopo inunctus, viaticoque munitus in pace obiit, corpus ejus lotum idem Bruno munificentissime suis propriis indumentis Pontificalibus induit, & vehiculo illud GUIDO Archidiaconus revexit, ipsumque RICARDUS Albanensis Episcopus Romanæ Sedis Legatus apud Sanctum Vitonum sicut ille disposuerat, licet nolente Clero, honorifice sepelivit ante altare B. Laurentii anno Dominicæ Incarnationis millesimo centesimo septimo.

Is Richardus quondam Metensis Canonicus pro fide Apostolicæ Sedis cum HERIMANNO Episcopo suo à Rege in Wibertinis expulsus fuerat, & ideo Romana Ecclesia ita eum extulerat: hujus frater ARNULFUS sub Laurentio Abbate tunc erat noster Conversus, qui & post obiit Monachus, qui & ipse cum adhuc esset miles, tantâ fide Apostolicæ Sedis adhæserat, ut Lauzoni Abbati Sancti Vincentii Metensis, qui & ipse cum Herimanno Præside erat ejectus, quemdam Cononem à Wibertinis subintronizatum Divionem Burgundiæ captum & victum direxerit. Ille cellam apud Bucconis villam alodium sui juris ædificavit, & B. Vitono cum omnibus tradidit.

*De RICHARDO quadragesimo secundo  
Episcopo Viridunensi.*

**A**Nte illos dies Remorum Archiepiscopus Manasses vitâ decesserat & illa Ecclesia RICHARDUM Viridunensem Archidiaconum in pastorem sibi elegerat, qui fratre HENRICO Comite jam mortuo, & altero fratre BALDUINO, qui post illum alteram expeditionem pro Jerosolymis moverat, à Turcis martyrizato, Comitatum *Grandis præi* tunc regebat; proinde Paschalis Papa per litteras & Legatum suum prædictum Albanensem Episcopum eidem Archidiacono mandavit, ut ab ipso Albanorum Præsule in Diaconum ordinaretur, erat enim adhuc Subdiaconus, & sic consecraretur Remorum Archiepiscopus; sed Richardus nihil in his obediit, & irritus Legatus recessit. Interim enim Richero Præsule mortuo, Clerus Viridunensis eundem Richardum in Pontificem sibi elegit, quam electionem ille priori postpositâ pluris duxit, Metasque ductus de manu Regis baculum Pontificii suscepit, & rediens cum Treverorum Archiepiscopo susceptus est cum laudibus. Ipse quoque Rex cum Imperiali Curia subsequutus, eodem die susceptus est cum totius urbis applausu: die tertio ipsius Richardi suggestu idem Rex castrum Clarimontis obledit & ad deditionem compulit, quia Guido de ipso castro vexabat res Episcopii; ipse Rex Henricus IV. primum annum tunc agebat in regno post patris obitum, quem patrem Sanctæ Ecclesiæ graviter insurgentem, quamvis ipse filius custodiæ manciperat, Regni insignibus spoliaverit & usque ad mortem persecutus sit; tamen ejusdem patris mortui imitator Ecclesiam impugnando exstitit. Interim Paschalis Papa Treceas Franciæ Synodum tenuit, ubi inter alia cum ageret de Guibertinis, fertur dixisse: Richardum Viridunensem, qui se tradidit Regi Curia; & nos tradimus eum Satanæ; inde Archiepiscopo Treverorum aliisque denunciavit eum excommunicatum. In sequenti quadragesimâ cum penè omnes Religiosi communionem Richardi & Cleri sui vitarent, & ad Papam intendens, mandavit suis, ut ab Archiepiscopo de sui communionem facerent se absolvi, Romam ivit, absolutionem à Papa petiit, & multis sermonibus ultro citroque auditis; hoc ultimum à Papa audivit, nisi prius investituræ Episcopatus, quam de manu Laici, id est Regis sulce-

pisti, abrenuntiaveris, & nisi te non amplius de eodem nisi de permissione nostrâ te immitturum affirmaveris, omnino à nobis absolvi non poteris. Super hoc responso Richardus se velle consilium querere dixit, ab aspectu Papæ exiit, nunquam rediit, sed comminatus suis, si amplius eum pro excommunicato haberent, quod eos & omnia eorum in exterminium daret, Româ exiit & coactis suis repatriavit. Papa post illum has litteras misit. » Paschalis Episcopus servus servorum Dei dilecto filio LAURENTIO Abbati Sancti Vitoni, salutem & Apostolicam benedictionem; Richardus Viridunensis ad nos veniens nullam reatus sui satisfactionem Ecclesiæ fecit, unde nec à nobis in communionem susceptus, nec à vinculo excommunicationis est absolutus: quapropter dilectioni tuæ mandamus ut illius consortium omnino evites, & tam eum quam omnes fautores ejus, & omnes qui ei scienter communicant, à nobis excommunicatos esse denunties. » Clerus Viridunensis qui ab initio profectionis Richardi ad Romam ab Archiepiscopo erat absolutus, reverso Richardo ipsam absolutionem irritam fecit, quia gratiâ vel timore ejus oppressus ei excommunicato communicavit; quod si quis renuisset, factione illius opprimebatur donec cederet. At LAURENTIUS Abbas respectu Dei plenus, per omnia Apostolicæ Sedi obediebat, & omnes ei commisi: proinde quotidie conlabatur & ingravescibat in dies discordia inter duas Ecclesias, Sanctæ Dei Genitricis & Sancti Vitoni: quia filii eorum non communicabant alterutris, & quando Clerus ex more stationem apud Sanctum Vitonum faciebat, collectis Clericorum Monachi ut antea solebant, non intererant, sed post discessum eorum omnia quæ illi contigerant, aquâ lustrationis expiabant.

Interea GUIDO Archidiaconus, qui cum Richardo Romam ierat, & dum acutis febribus infirmaretur ab eo repatriante dimissus Bononiæ æger remanebat, ab Italia rediit, Clerum Viridunensem Richardo communicare audivit, sibi si Viridunum reverteretur perinde timuit, aliâ divertit. Dum enim in Italiâ ægotans, vitæ diffidens, quævisset qui sibi viaticum & necessaria animæ ministraret, invenit neminem, quia omnes eum ut excommunicatum vitabant, & nisi de communionem Richardi & Cleri Viridunensis culpam fateretur, eum post mortem in sterquilino sepeliendum minabantur; tandem ut reconciliaretur, vovit Deo sub periculo mortis, quia Richardo & fautoribus ejus nunquam communicaret nisi ille à Papa absolutus esset, hoc ei injungentibus tribus Mutinensis Ecclesiæ Canonicis tunc ægrotis; Pio Parmensi Episcopo qui vices Papæ agebat, idem imponente tunc sano: vitans ergo communionem Richardi & Cleri Viridunensis, ut absque eorum communionem inter eos bonis suis uti posset per amicos rogavit, sed Richardus & Clerus gravissimè hoc acceperunt, & missis litteris ut utique ad quadraginta dies veniret; satisfactus quod consortium eorum vitasset, ei Metisposito mandaverunt. Interim Richardus omnia ejus bona quæ Viriduni reperit, invalit, dissipavit, eumque capere ubicumque inveniretur suis mandavit. Guido eum per affines & amicos, deinde per Abbates & Episcopos, maximè per suum Archiepiscopum convenit; at ubi nihil per eos profecit, sumptis eorum in sui suffragium litteris Romam rediit; ultra Cluniacum veniens; Richardum Albanensem Episcopum obvium habuit: ei sciscitanti causam sui itineris aperuit; ille eum secum omisso itinere retinuit. Viridunum ad Richardum pro eo & pro Abbate Laurentio, quem rebus & Ecclesiâ suâ privaverat, monitorias & precatorias litteras misit:

sed tandem post repulsam litterarum & precum suarum reverso nuntio, eum ad Papam cum suis litteris transmisit. Guidonem Papa excepit, consolatus est, decem septimanis secum retinuit, demum cum his duabus epistolis remisit.

» Paschalis Episcopus servus servorum Dei Abbatibus & cæteris Clericis, RAINALDO de Monziona Comiti, RAINALDO Tullensi, & cæteris Clericis de Archidiaconatu Guidonis salutem & Apostolicam benedictionem. Pro Catholicæ unitatis dilectione Guidonem Archidiaconum vestrum à Richardo Virdunensis Ecclesiæ invasore bonis suis exspoliatum audivimus, qaamobrem charitati vestræ nostris præsentibus eum litteris commendamus; præcipimus enim ut ipsi de Ecclesiis ad Monasteria pertinentibus consueta justitia, & à Clericis seu laicis obedientia debita sicut Archidiacono impendatur; alioquin donec obediant divinis officiis careant, & decimas suæ plebis amittant; vos autem filii quibus Deus sæcularem potestatem dedit, & qui armis justitiam contuemini, pro B. Petri reverentiâ ejus adjuutores existite, & ejus adversarios viriliter cohibete: id ipsum de venerabili viro Abbate Sancti Vitoni tam vobis quàm reliquis Virdunensium partium præcipimus, qui propter eandem Catholicæ unitatis dilectionem loco suo rebusque suis privatus est, præfatum autem Guidonem noveritis apud nos Diaconum ordinatum.

Hanc epistolam quibus trans mittebatur GUIDO dedit. Item alia epistola.

» Paschalis Episcopus servus servorum Dei, fratribus Virdunensis Ecclesiæ Catholicis salutem & Apostolicam Benedictionem. Richardum vestræ occupatorem Ecclesiæ à Sanctâ Romanâ Ecclesiâ pro suis meritis excommunicatum etsi hætenus non legistis, certius tamen & audisse & scire credimus; nunc autem vobis scripto nuntiamus ut eum excommunicatum scientes, communionem ejus omnimodis caveatis. Sane Abbatem Sancti Vitoni & Archidiaconum Guidonem pro Catholicæ unitatis dilectione & dignitatibus, & rebus suis privatos audivimus: præcipimus ergo si qua penes vos B. Petri & nostri obedientia est, ut locis suis bonisque restituantur. Si autem præsentibus litteris obedire contempnit, nos Ecclesiam vestram à divinis Officiis interdiciamus; qui verò ab hujus erroris macula resipuerint, cum fratris nostri Treverensis Archiepiscopi, seu supradicti Abbatis consilio Catholicæ unitati reconcilientur; præfatum autem Guidonem noveritis apud nos Diaconum esse ordinatum. Data Lateranis decimo quinto Kalendas Aprilis.

Has litteras Guido deferens Virdunum venit, apud Sanctum Vitonum aliquot diebus occultè se continuit, ratione nitens animos Cleri sibi conciliare: postquàm id frustra esse & pertinaciam augeri sensit, quãdam mentis constantiâ se armavit, reverentiâ Romanæ Sedis se tutum fore saltem apud Clerum credidit, matutinis horis (de die enim militiam Richardi timebat) Ecclesiam Sanctæ Dei Genitricis introivit; collecto ibi toto Clero in festo Sancti JACOBI altari adstans Epistolam Papæ superposuit, & voce patriâ dixit; si quis Catholicus est, ecce litteras Domini Apostolici accipiat, legat, & obediat. Mox Clerici qui de eo reverso certi majorem in eum iram conceperant, tumultuariè in eum irruunt altari inhaerentem, & pignora Sanctorum amplexantem: eis eversis, usque ad medium Chori per capillos abstrahunt, pugnis & calcibus in eum sæviunt; at ille extorquens se manibus eorum fugit in atrium Sanctæ Mariæ Magdalenz: vene-

rabatur enim ab omnibus, maxime pro consecratione Sancti Leonis noni; illis à tergo insequentibus & inconditè per civitatem tamquam ad latronem clamorem in eum excitantibus; ibi quoque ubi tutiorem se pro sanctitate loci crediderat, capitur, verberatur, ligatur, Richardo deductus præsentatur, à quo post convicia & minas ad castrum Grandis prati destinatur, arctissimo specu immergitur, fame, nuditate, vinculis premitur, nullo amicorum ad consolationem ejus admissio; sed tantum his qui atrociam nuntiarent, qui terrorem incuterent: à quibus omnia mala intentantibus oppressus, coactus & invitatus Richardo & Clero pro libitu eorum se satisfacturum promisit, fidem eis fecit, osculum dedit, ad horam communicavit: ita carcerem evasit; mox libertati redditus, Albanensem Episcopum RICHARDUM adiit, omnia retulit, de coactâ communionem Richardi absolvi petiit. His auditis Richardus & Clerus Virdunensis infremuerunt; minaces nuntios alios atque subinde alios cum litteris ut reverteretur, miserunt, ille manibus eorum se jam meritò non credens, & in omni loco nullam audientiam vel justitiam cum eis subterfugiens, ab eis conductum pro salute sui corporis quaerivit, pollicitantibus quos vellet conductores denominavit, quibus non datis totum hoc negotium infectum remansit, & præbendam & honorem Guidonis in Virdunensi Ecclesiâ Richardus aliis dedit. Clerus in Guidonem criminosas litteras compilavit, quas ille validis argumentis irritas fecit. Apologeticum de se scripsit, in quo longâ oratione hanc omnem tragœdiam depinxit. Romana Ecclesia Guidonem sibi emeritum suscepit & coluit, Albanensemque Episcopatum post mortem venerabilis Richardi ei delegavit: sed ante consecrationem ipse ut dicitur, obiit. Anno Dominicæ Incarnationis millesimo centesimo xi. Henricus quartus Rex, per vestigia perfidi patris incedens, cum investituras Ecclesiarum violenter sibi vindicaret, & Papa subanathemate hoc ei interdiceret, Romam ivit specie quasi Papæ satisfacturus, sed post tertium fidei sacramentum subito in Ecclesiâ S. Petri, aliis hoc nefas fugientibus, ipse manu suâ Paschalem Papam cum Cardinalibus cepit, suis Pontificalibus exiit; loco immundo alios Cardinales immisit, maceravit ad libitum sui, pœnis & minis flexit, illicita Sacramenta & sacrilega privilegia, ut Rex ex more investituras Ecclesiarum teneret, & per baculum & anulum daret, neque pro aliquo eum commisso unquam Papa excommunicaret, violenter ab eis per scriptum extorsit, & per omne Regnum omnibus suis misit ac transcribi & teneri jussit: quod Richardus mox adeptus scripsit, ad Sanctum Vitonum detulit, accersitis fratribus legit, & exprobrans: ecce, inquit, ecce quod tribulationes vestræ, quod exilia vestra quæ per annos triginta plus minus passi estis, ecce omnia in cœnum devoluta sunt. Quid referam quosdam comites ejus os suum in cœlum elevasse, grandia de Rege disputasse, eum Regem pariter & summum Sacerdotem, quod nec apud ullos hæreticos dictum invenitur, prædicasse, ejus juris esse ut Præsules faciat vel deponat dialecticasse? Fratrum Conventus (nec enim Laurentius venerabilis aderat) audiens, erubuit, ingemuit, & quia turris Romanæ fidei cesserat, nullus eorum fuit qui aperiret os & ganniret, tantum intendebant quem eventum tanta ruina inveniret. Interea qui erant principes in exercitu domini, Richardus Albanensis & Guido pro Papa tunc Archiepiscopus Viennensis, aliæque similes columnæ Ecclesiæ Transalpinæ contra hanc Cæsaris iniquitatem simul collecti conclamaverunt, ad erigendam & ful-

ciendam

An. 1111.

ciendam Romanæ Ecclesiæ turrim ut viri fortitudinis se mutuo adhortati applicuerunt, violatores Romanæ Ecclesiæ anathematizaverunt, data privilegia privilegia rectius vocantes damnaverunt, ipsum Papam qui violentiam passus dederat in suam sententiam cogentes, ea damnare & anathematizare compulerunt.

Ita inde Regno, inde Ecclesiâ suas partes tota vi fulciantibus, cum Richardus & Clerus Viridunensis regias partes plus justo defensarent, ecce tota tempestas eodem anno supra Abbatem Laurentium & ejus Ecclesiâ incubuit, qui soli inter eos audebant Romanæ Ecclesiæ obedire, & eis non communicare; istis Richardus & Clerus Viridunensis post Guidonem elapsam omnes scandalum intentantes, laicos devotionis causa ad eos venientes publice cædebant, & ne ultra venirent jubendo denuntiabant, confratres autem Clericos si ob devotionem ab eis communicati fuissent, eorum fraternitatem negare cogebant, & communioni datæ ab eis iterum suam superponebant. HARICO denique piæ memoriæ Canonico, qui devotissimus eorum confrater pluribus donariis eos foverat, in extremis agenti viaticum, itemque sepulturam ab eis petenti, Richardus interminans mandavit, quia si hoc fecisset eum mortuum non alicubi nisi intrâ domum suam tumulari faceret; idem aliis Clericis hoc faciebant, Monachos ab illis communicandis domibus seratis arcebant, à sepeliendis cum injuriâ repellebant. Interea festivas S. Vitoni venerat, in quâ ad primas Vesperas & Missam collecta Cleri ex more pulsatis signis venire solet; in hac quoniam deprehenderant ante suum adventum Monachos suam collectam explere, ne collectis eorum interessent; eis vespertinam horam cantantibus improvisi supervenerunt, cum necdum signa pulsata, necdum certa esset hora; ostium chori, quia necdum expectabantur, clausum offenderunt, indignati pulsaverunt, tumultuariè clamaverunt, nec sic tamen aperiebatur, ne quod intendebant, se immiscendo turbarent fratrum collectam; tandem à suis reſerato ostio quidam eorum unum de fratribus Conversum qui ne eis aperiretur obstiterat, impellunt, distrahunt, barbam & capillos ei vellicant, corpus contundunt, Monachis aspicientibus, dolentibus, subvenire non audentibus: inde non celebratis vespers redeunt, unum scholarem sanguine infectum Richardo statuunt, à Converso prædicto adstruentes hoc ei factum, illum ad vindictam pro suâ & ipsorum irâ mox accensum secum adducunt, totâ civitate commotâ & ad idem spectaculum confluentem. Illâ vespere & die alterâ in medio Clauſtri fratrum ordine expulso, Richardus cum suis concionabatur contra venerabilem Laurentium, & multis dictis & auditis divinum officium abusivo ordine ei interdixit, & in fine imposuit pro crimine quoddam Imperatori & sibi esset rebellis, nec servaret fidem, sed insuper sperneret communionem eorum, ideo dignum esse ut omnia temporalia quæ de Imperatore & per eum de se tenebat, reus utriusque amitteret; ita rebus & potestate Abbatæ intus & extus violenter eum privavit; claves ararii & librarii rusticis Ecclesiæ, custodiam verò Clauſtri Clericis commisit; insuper mercatum & vias Episcopi publicas Laurentio & suis interdixit, adeo ut quidam in illis deprehensi injuriis sint submissi. Tantæ violentiæ venerabilis Abbas cessit, locum ad tempus mutavit, quosdam sibi commissorum secum duxit, reliquis ut sequerentur mandavit qui non segniter justum exequuti, quotidiana fugâ dilabebantur custodiam Clericorum frustrati; Clerici reliquos eorum (quia tantum juvenes remanserant) ut sibi communicarent omnimodis agebant, & oblatâ Treverorum Archiepi-

Tom. II.

scopi epistolâ Clericalis Communionis commonitoria; & Abbate S. HUBERTI ROBERTO multisque aliis ad hanc pacem impellentibus, eos in suam communionem transire fecerunt. Laurentius factum audivit, doluit, litteris missis ut spretâ communionem omnes sibi obedientes egrederentur, imperavit. Nocte sequenti quidam HUGO fervidæ & dignæ indolis, cui reliqui penè innitebantur, qui etiam de secunda fugâ jam ante retractus & vincus fuerat, tertiâ fugâ dilapsus, cum socio quodam RIGONI evasit; destituti alii qui remanserant, versantes consilium effugiendi, die alterâ prælatâ cruce cum processione Monasterio exeunt, & per mediam civitatem transeunt, ad Pauli Crucem suam cellam evadunt, totâ urbe post eos lamentante & damnationem Richardi detestante, ipso quoque Richardo graviter dolente; nam traditur, quia à quibusdam Clericorum vel Monachorum etiam nolens impellebatur in eos, inter quos maximè notatur THEODERICUS Primicerius, de quo quid memorem, qualiter Clericis fugatis, domibus eorum confractis, Primiceriatum invaserit, ut illum Canonicâ censurâ bis amiserit, & Cæsareâ violentiâ reinvaserit, quomodo avunculo suo Episcopo Theoderico in extremis agenti ne Catholicæ unitati reconciliaretur, coram Herimanno Metensium Episcopo interdixerit, quallia Cæsari inde scripserit.

Laurentius Abbas fratres dispersos colligens, oportunitis cellis Seniores collocavit, juniores verò Burgundiam milit, ubi à venerando Abbate Divionensis Ecclesiæ GERONTONE affluens quàm dici possit propter fraternitatem prius initam sunt recepti, & per triennium quo Richardus supervixit sunt ibidem commorati, ipsa Ecclesia se in omnibus per eos profecisse & testatur & lætatur.

Tanta commotio sub Richardo in Viridunensi Ecclesiâ surrexerat, sed nec minor ipsi territorio inerat. Causa bellorum ab initio Principatus ejus talis erat. Homines ejus de Castro Desluardo civem Metensem ceperant: quem dum vincum tenerent, indignati Metenses ipsum castrum obsiderant, & captum diruerant. Quod postquam reedificavit Richardus, Comitem Urbis Rainaldum filium Theoderici, quod castro Episcopi non succurrisset criminatus, in jus vocavit: qui cum ad audientiam non venisset, Richardus collecto nobilium conventu ei Comitatum urbis adjudicavit; & GUILLERMO Luxemburgensium Comiti, quia fortior aliis videbatur eum tradidit, qui etiam in pretium bellici stipendii pro ducentis libris Mosacum & Stanacum oppigneravit, parvi pendens excommunicationem à Præsule Richero super illis prolata: ita sub eo Viridunensis Ecclesia Mosacum & Stanacum usque nunc amisit. Subinde Rainaldo Comitatum Urbis sibi armis defensante, & Guillermo cum ope Richardi sibi vindicante, cadibus, incendiis, rapinis omnia miscebantur; Rainaldus tamen gravius solus à duobus urgebatur: qui primo impetu belli amisit vicum S. Michaëlis, & castrum incensum & eversum, deinde quotidiano armorum impulsu totus ejus patrius Comitatus cedit in ruinâ, præter castella, & rara loca naturâ & arte virisque munita: ad hæc quoque expugnanda Imperatorem Richardus vocavit, qui moto exercitu Rainaldum intrâ Barrum obsedit, & castro diruto eum captum abduxit. Demum intervenientibus pro eo de toto regno nobilissimis consanguineis, custodiâ solvit, cum omnibus suis ut sibi cognatum ad propria remittit, tantummodo hominum sibi ab eo suscepit. Richardus autem videns omnia sibi contraria, Romanam Ecclesiam infensam, Cæsarem infidum, quippe qui gravissimum sibi hostem carcere solvisset, ipsum Rainaldum contra se

II

nova moliri, se jam per septem annos sine benedictione Episcopali esse, & sub anathemate Sedis Apostolicæ degere; animo excidit, versabatque consilium ut se eriperet de tot malis, & collectâ multâ pecuniâ Hierosolymitanum iter yovit, & imprimis Laurentium Abbatem in pleno nobilium conventu ad Apostolicam audientiam tamquam in se reum invitavit, invitationemque ejus, quodd ab eo exspoliatus sumptum eundi non haberet, renuenti necessaria ei itineris repromisit, quæ tamen ituro omnia mox denegavit. Ipse autem subinde à Laurentio, ut Legato & Monacho suo vice suâ responderet ante Apostolicum invitatus, cum ingenti pompâ comitatus Hugonem Trecacensium Comitem, tunc in Hierosolymam movit; Italiam veniens Tiburiam ubi Papam esse audierat, ut ab eo veniam peteret divertit; & cunctis fociis de more peregrinorum admissis, ipse solus in medio lutulentæ plateæ ante conspectum Apostolici per fenestras palatii aspicientis stratus in terram pronus corruit, flebiliter exclamavit: Misere mei, Misere mei pie Pater. Paschalis jam de viâ ejus per Guidonem Archidiaconum & Rodulfum Monachum Laurentii Abbatis nuntium certum acceperat; ita eum videns indoluit, & flexus ad pietatem dixit: Gratiâ tui Romam revertar, veni mecum, & in Romanâ Cardinalium Curiâ faciam in te misericordiam Domini ex consilio eorum; Reddo, ait, tibi baculum Pontificii, tu tantum hic absolve me, neque compellas Romam ire, quia omnino non possum hunc comitatum meum in Jerosolymam dimittere. Quid plura? ubi abnuitt Papa nisi Romæ eum absolvere, ille à facie ejus dolens discessit, cum suis ivit; langore in quem inciderat ingravescente lecticâ vectitari cœpit, cum ecce ita eunti Richardus Albanensis obviavit, & admirans quisnam es tu, inquit? at ille cum suspiriis ait, ego sum miser & exul Richardus Virdunensis; audiens ille obstupuit; & quidnam cum Domino Papa egisti dic? heu heu nihil, inquit, nullam misericordiam inveni, & ecce morior in peccatis meis, nisi citò succurreris; & narratis quæ facta sunt, succurrat tibi ut potero, inquit, exspecta me hic, ut postquam loquutus fuero pro te Papæ & Romanis, impetratam reconciliationem deferam tibi: dixit, & illo gratias agente pertransiit; Romam acceleravit, veniam illi impetratam deferens, iter ad eum velox retorsit, cum ecce peregrini ei occurrunt nuntiantes Richardum jam mortuum, jamque sepultum. Obierat autem apud Cassinum montem anno septimo quo Virdunensis Ecclesiæ erat electus, necdum tamen consecratus Episcopus, & vacavit Episcopatus annis tribus & semis.

Illis diebus Abbas Laurentius ad sua unde expulsus erat, rediit, suos revocavit, thesaurum quem Ecclesiæ suæ substractum invenit, ut sibi redderetur per Archiepiscopum effecit. Clerus quoque certus de morte Richardi, absolvi se ab eodem Metropolitano expetivit; Guillermus quoque Comes cum Rainaldo in pace convenit, reddito ei Comitatu urbis nolentibus ipsis urbanis: unde ipsi duo ad expugnandum Virdunum conduxere validas copias pugnatorum; sed Virdunenses primò inducias petierunt, eisque datis, cum hostes recederent, eis incurrunt, & grave utrisque à partibus bellum commissum est, inde Rainaldus saucius reportatur.

*De HENRICO, tertio supra quadragesimum Virdunensi Episcopo.*

**I**Nterea quidam HENRICUS, & mundana sapientiâ præditus, & Guintoniensis Angliæ Archidia-

conus, qui inde venerat cum filiâ Regis Anglorum Mathilde, quam duxerat Rex Romanorum, in obsequiis ejus positus, per eam ab ipso Rege donum Episcopatus Virdunensium accepit, & præmissis Virdunum Legatis, donis & promissis animos habitatorum urbis pro se inclinavit, ita ut ipse Legatos subsequutus, cum honore susceptus sit ab eis; cui cum mox communicassent, Laurentius Abbas cum suis ab eorum communione refugit: BRUNO quoque Metropolitanus electionem ejus improbavit. GUIDO etiam Viennensis, Legatus Apostolicæ Sedis eum excommunicavit; ipse demum Henricus, post annum consultus à venerabili Laurentio ut se redderet in manu Apostolici, iter ad Romam movit, à Cæsariensis in viâ captus, & elapsus Mediolanum usque pervenit, JOANNI Cremenſi qui Cardinalis Presbyter erat, ibi invento, quoniam iret petivit; Joannes in ipso itinere Cæsariensis versari dicens, cum vice Papæ suscepit, absolvit, in Episcopum consecrari fecit, ad suos remisit. Eum revertentem jam prævenerant Legati Regis, ut sibi mitteretur Virdunensibus mandantis: veniens clausas urbis portas & animos eorum infensos invenit, ad Hadonis castrum secessit, inde arma intentabat & minabatur urbi, quamobrem urbs & Clerus ad deponendum eum consurrexit, ad Archiepiscopos Apostolicæ Sedis Legatos, ad ipsum quoque Papam accusans eum malæ intrusionis.

Interea defuncto Papa Paschali, Romanorum Ecclesiâ Joannem GAITANUM Apocrisarium in Papam statuit, & *Gelasium* cognominavit; cum Rex Romam accelerans, omnibus eis jam esset timori, à cujus etiam facie fugâ sunt dilapsi; at Rex veniens electum eorum improbavit, & Mauricium Burdinum, Bracarensem Hispaniæ quondam Episcopum, tunc depositum Romanæ Cathedræ intrusit: cujus violentiâ Gelasius in Gallias aufugit, & post annum Cluniaci obiit, Guidone Viennensi, qui est Callistus secundus substituto à Romanis: qui partes Ecclesiasticas corroborans, Synodum Remis celebravit, ubi inter plurima ne investituræ Ecclesiarum per baculum & annulum à Laicis fierent, sub anathemate interdixit, & sanctæ memoriæ FREDERICUM, quem Deus tot signis clarificavit, in Episcopum Leodiensem consecravit. In eâ Synodo Henricus per Cardinales sibi conciliatos contrâ suorum accusationem prævaluit, & confirmationem Episcopii accepit; rediens tamen non est receptus à suis, nisi ab Abbate Laurentio, qui & ipse non ei favens, commendatorias pro eo litteras Papæ susceperat. Tunc Henricus causam Rainaldo Comiti qui ipse à Virdunensibus non recipiebatur, communicans, eum in suos accendit. Ambo cum magnis copiis Virdunum accedunt, & resistentibus civibus pugna valide commissâ intromissi ignem immittunt, quo Ecclesiæ Salvatoris, Sancti Petri, Sanctique Agerici combustæ sunt cum maximâ circumadjacente urbis parte, cædis & prædæ neque modus neque numerus fuit: die altero urbs reddita & confirmata est in manu Rainaldi, & Henricus in Cathedrâ Episcopii sedit, & in tanto tumultu captâ urbe, à Clero coactò non canente sed lamentante, *sustinuimus pacem* Jerem. 14. 19. *& non venit, Domine, quesivimus bona & ecce turbatio*, receptus, mox ad Missarum solemniam accedit adhuc fumante holocausto, & sub tam recenti vulnere urbis, & suarum ovium ruinis ductu & causâ sui perpetratis. Sequenti luce cives malè de Rainaldo confisi, ad Ecclesiam Sanctæ Dei Genitricis tamquam ad asylum misericordiæ confugiunt: ubi ab illo obsessi, capti & rebus sunt exspoliati.

Anno Dominicæ Incarnationis millesimo centesimo vigesimo secundo Callistus Papa missis ad Im-

peratorem ( erat enim sibi genere proximus ) Cardinalibus, sedavit illam maximam discordiam quæ à tempore Gregorii VII. Regnum & Ecclesiam turbaverat, Investituras Ecclesiarum & Regalia beati Petri Cæsare exstucante & reconciliationem suscipiente: & ita Regnum & Ecclesia ab ipsâ peste quievit.

Eodem tempore, quia Virdunenses secretis nuntiis ad aures Imperatoris deploraverant quanta mala passi pro eo essent; Henrico de Grandi prato Imperator Comitatum urbis commiserat; ut gratiâ sui civibus subveniret, mandaverat. Ille civibus loquutus, & quid faceret docens & doctus, cum equitatu Virdunum matutinis horis accedit, & adulterinis clavibus intronitur: in tali tumultu discurrentibus militibus, Episcopus somno excutitur, & re agnitâ se turpi fugâ penè nudus proripiens, Mosam enatat & ad Rainaldum cursitat, qui civium & Henrici Comitis cognito pridem molimine ad sua conservanda recesserat, commissâ Episcopo Urbis custodiâ. Rainaldus tristibus auditis mox contrahit hosticum, accedit Virdunum, & convolantibus ad arma Henrico & civibus pugnat & vincit, non tamen urbem recipere potuit. At Comes Henricus ne viribus esset inferior, quosque fortissimos à Flandriâ & aliâs stipendio contrahit, & hostem duolatera urbis iterum assilientem fortissimè repellit, plures ex eo capit, Comitatum ejus ubique superior infestat, cædibus, flammis & prædis vexat; eum publico certamine secus Oscaram villam superat; Rainaldus ad artes se conferens, in Castrum Clarimontis milites stipendiarios collocat, qui quotidiano incurfu hostem infestent; Henricus ut artem hostis eluderet, aliquâ arte suos stipendiarios instruit, & monet ut illos de Claromonte ad congressionem eliciant diùque fatigent, ipse subito hostes jam lassos cum manu valida fortiter invadit, in Castrum compellit, subsequutus ignem immittit, & omnes illos cum castro redditos turpissimè ut latrones per gulam captos abducit. Rainaldus jam damnatis armis pacem meditatur, & mediante Frederico Tullensi Comite apud Caladiam ipse & Henricus de pace tractant; Henricus Comitatum urbis ei reddidit, illo paciscente quod fautores ejus cives non sit læsurus, & promittente ei quos ceperat exspoliare; ita sub Rainaldo Comite & Henrico Pontifice civitas demùm requiescit. Ipse, ipse Pontifex Rainaldo dedit Dunum castrum, & quatuor villas Episcopii, id est, Rouretum & Malaudimontem, & montem Sanctæ Lucie & curticellas de *Armincourt*, & de Domno Remigio, pro pignore triginta librarum; Petro verò de *Mirvart* dedit quidquid habebat ad Ronnevillam & ad utramque Aisennam, exceptis quatuor familiis pro adjutorio sibi impenso. Ipse deinceps securum se existimans, bellis suis, itemque Regni & Ecclesiæ consopitis, voluptate resolvitur contrâ decus Episcopi, proinde suscitavit contrâ eum Deus animos vulgi seditionibus multis ei incurrentis; Cleri quoque missis legatis usque ad aures Papæ eum accusantis de incontinentiâ, de simoniâ, de dilapidatione rerum Ecclesiæ. Præponderabat causa venerabilis Laurentii, qui ad aures Lotharii dignissimi Cæsaris, & Legatorum Apostolicæ Sedis, ipsiusque Apostolici querimoniam adversus eum agebat, quoddam quædam suæ Ecclesiæ tempore discordiæ inter Regnum & Ecclesiam à prædecessoribus ejus sublata sibi multoties conventus non restitueret. Henricus obstinato animo ad audientiam vocatus Callisti Papæ, non venit, neque ablata Laurentio, ut jubebatur, restituit.

Callisto defuncto HONORIUS successit, apud quem Clerus accusationem, & Laurentius procla-

Tom. II.

mationem suam iteravit; Honorius eum missis literis evocat, & ut ablata restituat Abbati, mandat, suspendens interim eum à divino Officio: ille suspensus quidem exstitit, sed neutrum mandatum complevit. Papâ eum secundo jam gravius evocante, ille sibi timuit, fultus muneribus & excusationibus Romam venit, Cardinales sibi concilians, ante Papam in jus stetit: in quem cum accusatores præsentis capitula criminalia etiam scripto protulissent, excusatores Episcopi ut eos repellerent quasi indignos audientiâ, impingebant eis quædam crimina: cumque utræque partes in contumeliâ verba prorumperent, & lis in infinitum protenderetur, Honorius à venerabili Laurentio qui & ipse præsens aderat, requisivit: Tu Pater quid dicis de criminibus Episcopo illatis? & ille: Domine ait, ego non vidi, sed populus clamat. Rapuit Papa verbum ex ore ejus, & quia faventibus Episcopo Cardinalibus, & lite nihil certi sinente, nullam poterat determinare sententiam, causam ipsam discutiendam MATHEO Albanensi Episcopo, Legato suo in Galliis posito mandavit. Matthæus ipsum Episcopum & accusatores Catalaunum ad sui præsentiam evocavit, ubi tam ipse quàm Episcopus & accusatores Remensem multosque alios Episcopos, Abbates quoque ac sapientes & religiosos viros ad suffragia suæ causæ adsciverunt. Henricus primò capit consilium à BERNARDO sanctæ memoriæ Abbate Clarevallensi, cujus consiliis Regna & Ecclesiæ Galliarum hodieque innituntur. Ille consulit gravissimum esse invitis violenter præesse, ideoque priusquàm ignominiosa in eum accusatio ad publicam tantorum virorum audientiam veniat, solus omnibus cedat, Episcopatum abrenuntiet, ne publicam contumeliam incurreret. Credidit se consilio ejus ille, & eo proloquutore adstans Concilio dicit, quoniam Clerus & populus suus communibus odiis ei insurrexissent, & maximè hi quos exaltasset, & Ecclesiasticis honoribus accumulasset, in opprobrium & depositionem ejus conspirassent, se nolle eis invitis præesse, sed ne ampliùs Ecclesiæ scandalo esset, longos contentionis funes jam se solvere: inde baculum reddidit & abrenuntiavit Episcopatu, ac recedit anno XIII. ex quo susceperat eum de manu Cæsaris. Qui ne tristis abiret, prædictus Abbas satis Curialem pro eo à Majoribus Concilii collationem decem marcarum exegit, quibus & vadimonia ejus in eadem urbe redemit: exstant multæ litteræ tam Papæ quàm Virdunensis Ecclesiæ super ejus accusatione vel depositione.

*De URSIONE, quarto post quadragesimum Virdunensi Episcopo.*

Virdunensis Ecclesia ab ipso Concilio commonefacta, ut præteritis malis instructa personam religionem fultam præficeret, sibi URSIONEM Abbatem Sancti Dionysii Remensis in Episcopum elegit: qui Virdunum ductus, Pontificalia negotia & terræ juridicia & si maximè vellet curare, nec poterat, nec noverat, sed apud Sanctum Vitonum se continens, secretam ut consueverat vitam agebat. Ejus lenitudo mox tyrannis facta est despectui, & Episcopio fuit pluribus incommodis: ierat siquidem ad Curiam Regis gratiâ suæ confirmationis, & ecce Rainaldus Comes qui dominium sibi urbis meditabatur, inopinatè Virdunum venit, magnas copias militantium, latomorum, fossorum & diversi generis artificum secum, & cum non modico apparatu adduxit, pomærium Pontificalis domus succidit & extirpavit: & quia locus ille aptissimus erat

I i ij



urbi, ibi turrim sumptuosissimam, firmissimam & amplissimam extruxit, in eâ præsidio sibi fidelissimos collocavit; per eam toti urbi totique Episcopo imperare cepit. Quid referam domos Clericorum fractas resque distractas, ipsum Clerum fugatum ac proturbatum, populum urbis in his omnibus nec mutire ausum. Ipsum Episcopum redeuntem à Curia idem hostis insidiis circumvenit, comitantes eum & Clericos cepit & clientes. Episcopus fugâ lapsus quasi Viridunum perdidisset, non rediit, ne videret quod non poterat, audiret quod non valebat ullo pacto cohibere: proinde ipsa Ecclesia se ipsam à divino officio suspenderat. Ita populus libertatem, Clerus Pontificem, Ecclesia divini pfallentii vocem insimul amiserat, & tota Viridunensium gloria videbatur esse translata: cum ecce Beata Dei Genitrix rebus suorum desperatis evidentissimè alluxit, Ecclesiamque suam cujus per dictam turbulentorum armorum tempestatem tecta erant diruta, cujus testudo fœtebat luto plena & imbribus pervia, cujus oratorium incultum, altaria stabant neglecta, & luminaria extincta, splendore coelestium miraculorum irradiavit, serenavit, clarificavit, & in cunctis celebrem reddidit. Ipsa miracula quanta inclaruerint, ordo quidem hîc inferere postulat, sed parvum nostri ingenium non sustinet has grandes laudum materias, præcipuè cum Venerabilis Decanus **GUILLIELMUS** vir limatioris ingenii & sapientiæ ea digniori stylo, ut audivit, descripserit. Sed quoniam tanti meriti non sumus, ut pro merito Dei Genitricem in suis miraculis laudemus, laudemus saltem eum qui de bono thesauro cordis præconia miraculorum ejus laudans extulit: est enim vir multa laude non tantum in hoc sed etiam in aliis dignus, nec enim parva laus est inter bonos esse meliorem; quis non solummodo suorum, sed etiam aliorum eo est studiosior in divinam paginam legendo, optimos de quibuscumque locis libros exquirendo, in eos transcribendo? Jam illam nominabilem Bibliothecam Ptolemæi Philadelphi, vel Eusebii Pamphili sibi congerere videtur; damrans avaritiam quæ Clerum nostri temporis occupavit. Quis suorum eo est devotior Dei servitium diè ac nocte frequentando, quis eo ferventior in hospitalitatem exhibendo? domus ejus videtur esse hodie Xenodochium servorum Dei. Ex fructu agnoscitur arbor & ex studiis suis homo, & de isto pro talibus dicimus, verè bonus homo, verè bona arbor, nam & radix ejus & terra de quâ pullulavit, bona apparuit ipso experimento: pater enim ejus **GUEZELO** fertili devotione obtulit nostro Cœnobio quidquid habebat apud Baronis-curtem in campis, in sylvis, in molendinis & pratis, corpus quoque & animam suam superaddicere volens, quia Monachum profiteri in eodem Cœnobio deliberaverat; sed Abbas Laurentius vir sine avaritiâ pium ejus votum pio consilio à se ad Gorziensè Cœnobium **S. GORGONII** divertit, ut quia idem Guezele advocatus illius Ecclesiæ fuerat, ei se ipsum impenderet, cui dum sæculo deserviret obnoxius in quibusdam fuisset; mater quoque ejusdem Decani **HELVILDIS** super hæc omnia dona mariti calicem argenteum insignem Beato Vitono dedit.

1126.

Anno Dominicæ Incarnationis millesimo centesimo vigesimo sexto **LOTHARIUS** Imperator qui post Henricum regnavit, Leodii in mediâ Quadragesimâ maximum nobilium conventum pro disponendis Regni & Ecclesiæ negotiis celebravit, ubi & Romanorum Papa **INNOCENTIUS** secundus, quem **PETRUS LEO** ei subinthonizatus Roma exturbaverat, occurrit, suffragiumque imploravit & meruit. Eo & **URSIO** Viridunensis electus advenit; & quia

pœnitebat eum suscepti Pontificatus, & Viridunenses ipsius electionis; ad aures ipsius Augusti & Apostolici causam suæ impossibilitatis ipse peroravit, se absolvi postulavit, Episcopalia reddidit.

*D ALBERONE XLV. Viridunensi Episcopo.*

**A**T ii<sup>us</sup> qui capita Viridunensis Ecclesiæ & populi, qui in Conventu Leodii celebrato reperiuntur, ab Imperatore jussi ut de tanto conventu quem meliorem nossent eligerent & præsentarent sibi; illi versato diù consilio domnum **ALBERONEM** Ecclesiæ suæ Archidiaconum, filium Arnulfi Comitis Chisneiensium in Præfulem elegerunt; electionem ejus Curia laudavit, Principum qui noverant cœtus acclamavit, Imperatoria Majestas confirmavit, datis ei per scriptum temporalibus Episcopii: Apostolicus & ipse approbavit, utque omnia canonicè procederent, electam personam ad Viridunensem Ecclesiam mox remisit, ut cum ipsius Ecclesiæ, & potissimum Abbatis **LAURENTII** assensu & testimonio, sibi Parisius occurreret imperavit, ut eidem ibi visâ eorum publicâ electione confirmaret spiritualia Pontificii Viridunensis. Civitas & Ecclesia audito nomine electi sui exultavit, spem recuperandæ libertatis per eum jam quodam præfugio concepit, venientem cum gaudio suscepit, cum testimonio publici assensûs ad Papam Parisiis Franciæ transmissit, à quo in sancto Paschali Sabbato in Presbyterum, diè autem festo in Episcopum est consecratus, & mox cum honore & gratiâ Apostolicæ Sedis dimissus. Redeunti ferè octo Comites sub specie peregrinorum se in itinere adjunxerunt: quorum qui major erat, quoddam esset **HENRICUS** gener Imperatoris & Dux Baviaræ, unus ex his qui circa Episcopum erant, ex vultu sed dubiè recognovit, & Episcopo secretè nuntiavit. Idem Henricus ab Episcopo requisitus, secretè quoddam & ipse esset patefecit, se sub specie peregrini loca Sanctorum & ritus Tyrannorum & populorum invisisse, ac nunc inde redire retulit, & inde conductui Præfulem se usque Treverim quò tunc Imperator erat, commisit. Episcopus eum rebus silentio suppressis secum Viridunum duxit, & post celebratam sui à cunctis suspensionem eum usque Treverim comitatus, Imperatori latissimo & gratias agenti incolumem assignavit; ipse quoque Dux Episcopo vicem beneficii reddidit, singulis clientibus eum comitatus singulos enses quos meliores à Principibus Regiis exegerat, præbuit, **PETRUM** Clericum ejus, cujus contubernio plurimum usus erat, ad se venire Baviariam rogavit, venienti quædam Ecclesiastica insignia contradidit.

Interea qui continebantur præsidio Viridunicæ turris, erant in laqueum magnum & diabolicum malum toti urbi. Longum est referre prætereuntia vehicula, rhedas & omnia onera victualium vulgi, Cleri ac adventantium vel redeuntium mercimoniorum quoties illi disturbaverint, quoties turri intraxerint, prohibitu alia sibi vendicaverint, alia redimi fecerint; adeo ut publicus patriæ commeatus qui per mediam urbem tendebat, tunc sit distortus, & emporio nostro antea celebri, hodieque perseveret inde inflicto dispendium: prætereuntes etiam peregrini Beatæ Dei Genitricis, eo ad suffragium ejus propter audita miracula undique confluentes, ab illis desuper saxi & sagittis appetebantur. Proinde institit domnus Episcopus apud Comitem Rainaldum, ut illam turrim removeret, vel quia nec in hoc acquiescebat, ut à tantis illicitis compesceret.

Quid narrem quoties eum super hoc conveniret, monuerit & rogaverit? quanta promissa, quanta pacta proposuerit, quomodo intrā Ecclesiam Sanctæ Dei Genitricis eum adjuraverit. Omnibus Sanctorum feretris de totâ urbe coram allatis, & omnibus Monachis, & Clericis & populis ante eum prostratis apud Desluardum castrum in præsentia Domni Matthæi Albanensis Episcopi & Romanæ Sedis Legati, & multorum Præsulū atque Nobiliū ad pedes ipsius Comitis se ipsum prostravit; cum ille semper pertinax repugnaret, & omnia petita negaret, Episcopus quia cor ejus clausum invenit, ad divina præsidia se contulit, CHRISTO & ejus Genitrici totam causam commisit, & res in omnibus prosperè cessit. Siquidem Comes securus & nihil aufuros burgenses, quia reverà desperaverant, existimans, custodiam turris commiserat paucis, quorum etiam aliqui erant extranei, ac ideo minimè fidi: horum unus à Primicerio Ecclesiæ ALBERTO, deinde ab Episcopo secretè conventus, & quibusdam pactis illectus, tradendam eis turrim repromisit statuto die, id est Pentecostes, & apertis signis datis, ipso sancto die, post prandium socios extrā turrim ad cætas antemurales vocavit, lusu alex ibidem eos tenuit, eis demum maximè ludo intentis, ipse iratâ facie quasi ludus non bene sibi ab eis duceretur, surrexit, ab eis in turrim se proripuit, & eis exclusis & pro ludo omnia ducentibus (nec enim suspicio erat) ostium turris firmissimo obice firmavit, & per summum turris signum prodicionis Episcopo designatum protulit, id est lineum amictum capitis circumtulit. Episcopus videns (expectans enim aspiciebat) irruente in se spiritu Domini, accensis animis totus exiliit, & animam & corpus pro libertate patriæ & ovium suarum dare paratus, signum belli ab Ecclesiâ insonare fecit, & cum Clericis ac omnibus urbanis, quos ante horam negotio celatò in arma paratos esse jussérat, accurrit scutariis simul delatis, totâ virtute turris ab eis assilitur; custodes exclusi, lapidibus, armis & omni genere nocendi ab omnibus impetuntur, fortiter resistentes igne immisso in turris materialibus, victi demum cedunt & Episcopo se reddunt. Turrim captam cum suis Episcopus intrat, & victicia pignora Virginum Virginis in summo ejus pro triumpho exaltantur, & summo jubilorum præconio concelebrantur etiam à peregrinis, quorum multitudinem miracula tunc eò frequenter evenientia catervatim undique attrahebant; nam ipsis diebus cœlestium signorum splendor solito crebrior inclaruerat, ipsam victoriam & turris ruinam etiam vulgo interprete, pueris vaticinantibus prælagiens. Fama rei mox totam patriam replevit, & Rainaldi animum plusquam credi possit consternavit, eo magis quod ejus custodes in suæ turris ergastulo custodiebantur immergi. Secundâ die Pentecostes ante Virdunum advolat, ad congressiones provocat: sed Episcopus suos ne in arma furis accensi hostis involent, revocat, & intrâ muros continet, hostis ut urbem tribus lateribus infestaret, tribus castellis præsidia imponit, id est ipse apud *Ambivium*, filius ejus HUGO apud *Guentonis villam*; HELIAS primarius ejus apud *Resertum* collectis armatorum copiis proident, continuis excursionibus urbem infestant, Episcopium vastant, de villis redemptionem exacerbant. Episcopus armatorum copias necessariò conducit, libertatem suorum vendicat, armis Helias apud Rosetum, qui gravius urbi ingruerat, subito insurgit, ignem castro immittit, ipsum hostem cum totâ pube suorum capit, abducit, ergastulo Virdunicæ turris, quam ipse faciendam mentus fuerat intrudit, impellentibus eum cunctis. Rainaldus par pari referre

nitens, Mosellanum Ducem SIMONEM, multos Comites & Barones conducit: cum his ab Ambivio egressus Virdunum intendit; cum ecce procul visa est eis summitas templi gloriolæ Virginis, divino aspectu animus in eis excidit, inhorruit: aliis ac subinde aliis captatis consiliis, palam Dux & alii Principes eum compellunt ne Christo & ejus Genitrici bellum inferant: in aliis bellis socias vires promittunt, in isto se non audere proclamant, ita rebus infectis iter ad sua retorquent: & Rainaldus adhuc spirans minarum, alios exercitus colligebat. Præterea ab initio captæ Virdunicæ turris Rainaldus exquirebat per Alberonem Metropolitanum ab Episcopo, ut suam turrim sibi redderet: quod quia ille recusaverat, iterum per fratrem suum STEPHANUM Metensem Præsulem mille promissis & pactis expetebat ab eo, ut eam ex Episcopali dono sibi tenendam concederet, & quia id quoque negaverat, per multos mediatores orabat ut saltem Chisneensi Comiti Alberto idem ex Episcopali dono annueret: qui quoniam fratre Episcopi OTTONE Comite natus erat, & gener ejusdem Rainaldi fidus utriusque haberetur, insuper magna pars Cleri & populi eidem Episcopo suggererebant, urgebant & omnimodis instabant propter gravem sibi tumultum & timorem peiorum. Verum dignissimus Pontifex reputans in animo, quia ipsa turris reddita fieret tyrannis impostum ad destructionem omni urbi & Ecclesiæ, omnium petitioni abnuvit, contestans se malle mori, vel longâ terrarum fugâ exulari, quàm tantum hostem & scandalum reimmittere libertati ovium suarum; sed licet illæ oves malo timore suscipere velent lupum venientem ad se in vestimento ovium, se tamen certaturum ut auferret ab eis hostem immanissimum; inde ipsam turrim evertit, refugientibus hoc Clero & populo pro terrore gravissimi hostis, & inde urbem muro cingere cœpit, ratus id quod erat, quia dirutâ turri jam cessaret hostis, sublato fructu & causâ pugnandi.

At Rainaldus eversâ turri, hominibus suis captis, insuper causam belli ejus refugientibus & detestantibus Primatibus & amicis, æger anxiebat, iraque & dolore extrâ se rapiebat: cum ecce subito fortissimum langorem incurrit, se divinitus percussum extimuit, infectis minis pacem medians, fratrem suum STEPHANUM Episcopum ad colloquium ALBERONIS Episcopi ut pro pace tractandâ treugas peteret, direxit: ille veniens mandata perfecit, deinde inter fratrem suum & Episcopum nostrum factus est mediator firmissimæ pacis. Ita per industriam dignissimi Alberonis Pontificis ablatas est gravissimus hostis à cervicibus nostris, & urbs nostra pacem, Ecclesia divini psallentii vocem, utraque autem plenissimam libertatem receperunt, quam amiserant per triennium regnantibus malis.

Post hæc Episcopus cum validâ manu ad Ambivium castellum, quod Episcopio nimis infestum fuerat, & adhuc quidam maligni contrâ eum retinebant, accedit. Cumque in itinere paulum gustans remoratur, præcurrentes pedites idem castellum aggressi irrumpunt, invadunt, & incendunt; & militantibus cum Episcopo mox ad hæc visa subsequutis, castellum exterminatur, præda & omnes de intus capti & vincti abducuntur, laus triumphalis deinde Christo & ejus matri celebratur.

Nihilominus & vigor Monastici ordinis in quibusdam per industriam ejusdem Præsulis reffloruit. Nam Ecclesia beati Pauli intrâ urbem tum sorduerat, divulsa, dilacerata & dissipata; cujus diripuerant filii *Belial* eam habitantes, terram & omnia bona ejus. Horreo enim dicere quantis illecebris inservierint, quàm nefariè servitio Domini nocte dieque detra-

herent, quomodo Monachum professi non se fortissimos Cœnobitas, sed terribilissimos Sarabaitas & gyrovagos in dedecus sancti Ordinis nostri exhiberent. Quid memorem quoties Abbates eorum, aliique Monachicæ disciplinæ ferventiores ab aliis Ecclesiis per Episcopum ad eorum correctionem destinati, consortia pestilentium refugerint, ab eis vel cæsi vel ad omnem amaritudinem provocati? quoties duces nequitie ipsorum commoniti, correpti, & etiam ergastulati, post omnem emendationis promissionem ad majores abominationes mox proruperint, & omnem lociorum gregem post se traxerint? Inde Episcopus ut fidelis agricola, Ecclesiasticæ vineæ hanc plantationem degenerem & aridam post non tres annos, sed post multa triennia, post multiplices fissiones correctionum, post multimodos stercoreum cophinos & fœventium adhortationum, quia nullam spem referebat fructificandi, ne amplius terram possessam occuparet, ferro abscissionis extirpavit, & novellam Clericorum Monastici Ordinis, quæ nunc germinat ut paradisus Dei in terrâ, ibi inseruit, quos NORBERTUS Magdeburgensis Archiepiscopus, vir magnus in Ecclesiâ, de professoribus sui Ordinis delegaverat ei. Pace tamen omnium dixerim, quod ut de aliis taceam, plurimum graver de factâ inibi abjectione Monachicæ professionis, nisi quoddam scio nullam viam dignissimo Præsuli patuisse ad correctionem prædicti Cœnobii, quia & Abbas Laurentius, & omnes Religiosi nostræ professionis refugerant curam ejusdem loci suscipere de manu Episcopi. Unde necessariò vigilantiam solertis Pontificis in hoc quoque laudaverim, quia & illi & omnes fideles unum sumus in Christo, maxime quia & Imperatoria Majestas & Sedes Apostolica ita fieri jussit pro correptione malorum, & Abbates ipsius Clericalis Ordinis primus ROGERUS, & secundus qui nunc præsidet THEODERICUS, Ecclesiam illam in omnibus melioraverint, & omnia ab illis dilapidata magnis curis recuperaverint, adeo ut unde vix tunc contenti erant viginti Sarabaitæ, non Monachi; inde nunc ferè trecenti servorum Dei honestè victitent, quod totum proficit laudibus industrii Pontificis.

*Epistola ALBERONIS ad INNOCENTIIUM Papam.*

REverendissimo Patri & Domino suo INNOCENTIO Universalis Ecclesiæ Dei gratiâ summo Pontifici, ALBERO Virdunensis Ecclesiæ Minister indignus sinceram cum humili obedientiâ dilectionem: Gratia Dei & vestra per electionem Ecclesiæ vestræ cum indignum merita mea me prædicarent, in Episcopum consecravit, & post & prius quomodo in officio me militare deberem edocuit, inter quæ maxime in Ordinatione Ecclesiarum mihi commissarum invigilare per-suasit. Ordinationi igitur illi, quia satis hîc apud nos necessaria est, pro parvitate meâ invigilans, reperi quamdam Ecclesiam hîc juxta civitatem nostram sitam, quæ per incuriam & irreligionem paucorum Monachorum ibi degentium ad tantam infamiam redacta fuerat, ut jam non domus Dei, sed diceretur esse quoddam prostibulum: de quâ quid egerim quàm certissime potero paucis dicam. In Ecclesiâ illâ in honore Beati PAULI Apostoli consecratâ, à primâ positione per tempora decem & novem Episcoporum fuerunt prius Clerici, sed per irreligiositatem & negligentiam illorum devenit ad tantam inopiam, ut quod prius multis fatis erat, vix victui unius Sacerdotis suf-

ficere posset. Quidam autem prædecessor meus WILFRIDUS nomine, amator Religionis, Clericis illis ex hac expulsis religiosos Monachos in eâ posuit, qui longo tempore in fervore Religionis perseverantes, & bona Ecclesiæ dissipata restituerunt, & insuper plurima acquisierunt: succedentes denique alii pedetentim ab illa Religione declinare cœperunt, & sic declinando, bona Ecclesiæ luxuriosè destruendo usque ad tempora nostra perseveraverunt. Ego dolens nimiam destructionem illius Ecclesiæ, quia magni nominis à prioribus temporibus exstiterat, Abbatem illius loci prius solum solus, postea cum cæteris Abbatibus & Religiosis conveni, multa capitula, coram dignitate vestra nec nominanda, quæ de eo verè prædicabantur, ei proposui; & ut de his se & Monachos suos corripere, & in Ecclesia sua antiquam Religionem reformaret paternè admonui; promisi se facturum quicquid vellem causâ Dei & nostrâ, sed quia quo semel est imbuta recens, servabit odorem testa diu; cum debuisset corrigere quod deliquerat, infamiam suam quotidie augmentabat: tandem post frequentes admonitiones vanas & inutiles, personæ Ecclesiæ nostræ & Religiosi Abbates in præsentia nostrâ convenerunt, Monachos illos dedecus esse sui ordinis acclamaverunt, & ut illos expellerem & alios Religiosos substituerem expetierunt; compulsus precibus illorum assiduâ, convocatis in Capitulo Religiosis viris Abbatibus & Clericis, illum incorrigibilem Abbatem ad causam vocavi, & cum eo multa de suâ malâ conversatione causatus, confessus est quæ manifesta negare non potuit, scilicet se & Regulæ suæ formam contempsisse, & multa illicita commisisse. Communicato itaque consilio Religiosorum monui eum per obedientiam, ut ad Ecclesiam Sancti Vitoni causâ faciendæ pœnitentiæ inter Religiosos transiret, & quia fructum in Ecclesiâ cui præerat facere non poterat, fructificantes intrare permetteret; consensit, sed statim ipsâ die ad vomitum rediens, quod promiserat facere recusavit. Hæc ut audivimus, in crastinum cum Clericis & Abbatibus & duobus etiam Abbatibus de Ordine Clarevallensi, Abbate Trium Fontium & de Caladiâ ad Ecclesiam illam venimus, & quærentibus cur susceptam obedientiam non implevisset, respondit, quoddam Claustrum suum non exiret nisi per judicium. Tunc Abbates & Clerici admirantes tantam impudentiam illius, quoddam post susceptam obedientiam judicium quæreret, quidam illorum, Abbas scilicet Sancti Vitoni sententiam B. Gregorii de prævaricatoribus Abbatibus protulit in medium; quâ lectâ, dictum est mihi ab omnibus, ut etiam si nollet in Ecclesiâ recluderem, & Ecclesiæ diu desolatæ consulerem; quo recluso sic, paucisque Monachis qui secum malè vivebant inter religiosos collocatis, Monachos qui statum pristinum Ecclesiæ reformarent, non tantum à nostris vel vicinis, verum etiam à Cluniacensi Ecclesiâ per nostras, per domini Archiepiscopi Trevirensis, verum etiam per domini Regis litteras requisivi studiosè, quos cum habere non possem, pauperes Christi Ecclesiæ Præmonstratæ secundum Regulam B. AUGUSTINI laudabiliter viventes in eâ posui. Inde commoti Monachi non religiosi, sed qui in simili re timent parti suæ contrarios, fremunt quotidie, non tam de expulsionem prædicti Abbatis, cujus vitam planè & ipsi detestantur, quàm de mutatione tituli conquerentes. In hoc autem male dicunt; hoc enim titulum non mutamus, sed in formâ primæ positionis reposuimus. Insuper accedit ad hoc,

» quod Abbas loci illius Vicarius est Episcopi, quod  
» officium magis convenit ordini Clericorum quàm  
» Monachorum. Supplici igitur devotione Majesta-  
» tem vestram deprecemur, ut factum nostrum quod  
» ab universis, exceptis huiusmodi Monachis, lau-  
» datur, manus vestre auctoritatis confirmare digne-  
» tur. Valeat vita vestra ad honorem sanctæ Eccle-  
» siæ longo tempore.

Sed sicut violatores Ordinis Beati BENEDICTI in  
illis evulsi & destruxit, ita idem Episcopus conser-  
vatores ejusdem professionis in suis edificare &  
plantare paratus, piâ liberalitate Rectoribus Ci-  
sterciensis religionis, à quibus Regula Beati Bene-  
dicti districtius tenetur, forestam Maginensem of-  
ferens, ut ibi Abbatiam construerent monebat. Sed  
cum Caladienses fratres in suâ Abbatia fabricandâ  
occupati, ad istam moliendam non sufficerent, ve-  
nerabilis RANULFUS Abbas Claustraensis Cœnobii  
ipsum locum in Abbatiam promovendum ex dono  
devoti Præfultis suscepit, fratres quoque suos ad  
preparandum locum direxit, à quibus ante hoc  
biennium qui fuit annus Dominicæ Incarnationis  
1142. res incepta, in futuri spe adeo jam pubes-  
cit, ut Cisterciensium venerabile Concilium ibi Ab-  
batiam jam fore sanxerit. Salvâ pace omnium di-  
ctum sit, quod ut hæc omnia hujus loci ita proce-  
derent, dominus HUGO Monachus noster vir ferven-  
tissimi zeli, cujus hortatu & relatu hoc totum opu-  
sculum confecimus, apud omnes & super omnes  
institerit, monuerit & rogaverit, & nunc domnum  
Episcopum nostro scripto piè commonitum esse  
velit ut ipsi loco specialiter prospiciat, juvet, &  
ad summum perducat, quia propria ejus est eleemo-  
syna, per quam recipiatur in æterna cœlorum ha-  
bitacula, ut sicut notatus est à quibusdam nostri  
ordinis dicentibus, quod ordinem beati Benedicti ab  
Ecclesiâ Pauli expulisset, ita probetur ab iisdem,  
quod dignè professionem sancti Benedicti servanti-  
bus consulere, auxiliari, & sua largiri in omnibus  
paratus sit. Sed quid hæc tantilla de liberalitate  
ejus refero, quasi non plura fuerint? quid ingen-  
tem laudis materiam silentio supprimo, ut Deus lau-  
dem Ecclesiæ suæ hoc tempore non tacuerit, ut in  
hoc dignus Episcopi consilio, hortatu & ope suâ  
Dei adjutor fuerit? Etenim Ecclesiastici & Mona-  
stici ordinis, ut lamentaverat JEREMIAS, jam ex  
antiquioribus *aurum mutatum erat, color optimus  
perierat, lapides Sanctuarii dispersi, in capite om-  
nium platearum jacebant*: mundana namque glo-  
ria, opes & divitiæ animos utriusque Ordinis quasi  
veneni tabes infecerat, & ventosa ambitio & æstuans  
avaritia hos duos Ordines Latinæ Ecclesiæ rebus di-  
vitis, sed virtutibus pauperis duplici modo vexabat,  
cum ecce juxta EZECHIELEM in isto vento vanæ am-  
bitionis & igne excandescens avaritiæ, ac cæcâ nu-  
be infidelitatis venientibus à frigido Aquilone &  
omnia involventibus, splendor divinæ pietatis de  
medio illuxit, & illa quatuor cœlestis Numinis ani-  
malia de medio splendoris emicuerunt, ac pedibus  
rectis incedentia lubricantes pedes Ecclesiastici sta-  
tus correxerunt. Primum enim Sancta Romana Ec-  
clesia per suos Apostolicos Gregorium VII. Urbanum,  
& Paschalem Simoniacam avaritiam gladio  
Petri contrâ arma Cæsaris ab Ecclesiâ sanctâ ut  
profanam eliminavit, concidit, diu obluentem  
demum magnis viribus exanimavit, ut in hoc ap-  
pareat, juxta Apocalypsim JOANNIS, animal pri-  
mum simile leoni. Deinde Carthusiensis illa Reli-  
gio, mundo hæcenus inaudita, de sanctissimâ scho-  
la Reverendissimi BRUNONIS processit, qui in carne  
extrâ carnem insolito mortalibus more vivendo,  
Angelos in terra, Paulum Apostolum in Paradiso,

Joannem Baptistam & Paulum Eremitam in deser-  
to, nobis hodie repræsentat, ut meritò hanc Reli-  
gionem florem mundi nomines, ut hanc esse ani-  
mal simile Aquilæ in cælum volanti jure pronun-  
tiet. Et ut habeamus animal vituli laborantis & of-  
ferentis in sacrificio Dei; itemque hominis pruden-  
ter divina & humana rationantis; subsequuta sunt  
deinde illa duo Cherubim expandentia alas suas in  
medio Ecclesiæ, & versis vultibus in propitiatorium  
se mutuò respicientia, id est, duo præclarissimi Or-  
dines devotione suâ Ecclesiam protegentes, & con-  
versis ad Deum cordibus se mutuâ charitate æmu-  
lantes, quorum unus Cisterciensis, duce BERNARDO  
sanctissimi nominis Abbate, Monasticum ordinem  
jam penè lapsus ad primam Apostolicæ vitæ nor-  
mam reparavit; alter merito & nomine à Deo Præ-  
monstratus, duce NORBERTO Parthenopolitano Ar-  
chipræsule inceptus, Ecclesiasticum ordinem de lu-  
to mundanæ vanitatis excussit. Credas hos duos  
Ordines de libro Apocalypsis duos Prophetas circâ  
finem mundi à Deo missos, & sacco pœnitentiæ  
amictos, duas olivas clementiæ cœlestis, divinæ-  
que duo candelabra gratiæ. Ita se in omnibus cru-  
ciant, ita verbo fidei mundum irrigant, ita me-  
ritorum luce illuminant. Isti duo Deo cooperan-  
te & piis omnibus juvantibus adeo jam profece-  
runt, ut Cisterciensis quidem per istud temperis  
triennium jam in ducentas circiter Abbatias magni  
nominis, meriti & numeri accreverit, & usque in  
barbaros Sarmatas & extremos Scythas jam diffun-  
di cœperit: Præmonstratus autem per hos viginti  
annos in Abbatias penè LXX. adoleverit. Noster E-  
piscopus hos ambos Ordines in suis recepit, inseruit  
& fovit, adeo ut Rectoribus Præmonstrati Ordinis  
terram ad tres Abbatias fabricandas liberaliter tra-  
diderit, quarum duas edificavit PHILIPPUS Vene-  
rabilis Abbas, primam quæ BELLAVALLIS dicitur  
in saltu Duellii, alteram sicut Hadonis castrum lo-  
co qui latine Piscina, sed vulgo dicatur *Stanchia*:  
tertiâ HERBERTUS Eremita juxta *Arcusvillam* in  
valle Genesii extruxit, EUSTACHIUS quoque  
vir Reverendissimus Monasterii in *Argunna*, item-  
que Castriloci duorum Cœnobiorum ædificator &  
Pater, Abbatiam ex dono Præfultis fundavit in insu-  
lâ suprâ Agram fluvium, in alodio Episcopali reddi-  
to ab ULRICO fratre Guidonis Archidiaconi, de quo  
multa reguli; ubi nunc electus Abbas de Ordine S.  
Augustini cum octo Canonicis locum ad majora pro-  
vehit. Hæc omnes adhuc sub fabrefacturâ positæ,  
quotidie rebus & numero fervorum Dei accrescunt.  
A militibus quoque Hierosolymitani Templi Xeno-  
dochium quoddam juxta Hadonis castrum constru-  
ctum est, & adhuc quædam alia sunt.

Idem Episcopus Sancto BENEDICTO meliora quæ-  
que tribuit, quod Cœnobium Cisterciensis Ordinis  
ADERARDUS filius Hugonis Comitis de *Risnello* in  
confinio Episcopii de suis construendum tradidit.  
Non valeo, ut dignum est, memorare quanta ipse  
Venerabilis Episcopus istis, & aliis undecumque om-  
nibus servis Dei etiam præter memorata dederit;  
quanta per ipsum omnis reverendus ejus Clerus,  
qui factus est ei cooperator in his omnibus, libera-  
lissimâ devotione superaddiderit; quanta omnis po-  
pulus ejus de totâ urbe vel Episcopio in omnibus su-  
peradjecerit vel adjuverit: piâ fide dicere præsumo,  
quod hi omnes istis Dei servis adhuc plura daturi  
sunt. Nam videas quotidie ipsos Dei servos eos fre-  
quentare, eis piâ sedulitate assistere, ut putes sim-  
plices columbas in petrâ nidificaturas, vel argumen-  
tosas apes cerea mella confecturas circâ flores voli-  
tare; hos illi ut gallina pullos suos sub alis recipiunt,  
amplectuntur, confovent, lætos post impetrata mu-

1142.

Thren. 4. 1.



nera ad sua remittunt : de sua etiam Ecclesia, id est, Sanctæ Dei Genitricis dignum ejusdem Præsulis præconium non silebimus, quomodo scilicet ejus Presbyterium & omnem pene statum . . . duabus turribus & ingenti ædificio omnibus peregrinorum oblationibus ibi attitulatis, & de suo etiam multis additis, quod opus cæteris hujus temporis incomparabile, adhuc crescit inter manus artificum, quibus præsidet GARINUS cæteris doctior, ut sub Salomone ille Hyram de Tyro. Nec præterierim CONSTANTINUM optimum Ecclesiæ custodem & famulum, qui corpore permodicus, sed animo & fide magnus, de nudo paupere magnas opes consequutus, omnes in opus cœlestis eleemosynæ expendit. Ut enim taceam quantos lazarus cæteris adhorrendos cum sua conjugē OFFICIA Deo verè officiosa domi abluerit, cooperuerit & foverit, pontem in loco Arenari iter inundantibus aquis destructum, bis ligno & semel saxo super Molam extendit, viam publicam ipsius pontis multo aggere constravit : Xenodochia pauperum additis redditibus ædificavit, ad ultimum hoc Ecclesiæ opus cæteros adhortatus, magno sumptu primus ipse incepit, ita urbi & Ecclesiæ fidelis, & bonum exemplum relinquens posteris, omnes thesauros suos in gazophylacium cœli sacra eleemosynâ evehente collocavit.

Nec illud de laude Episcopi prætereundum est, quoddam per quindecim annos quibus Præsul sedet, plebicula suæ ita pepercerit, ut percussuram proprii numismatis depravatam mox post primum annum deposuerit, & Catalaunensem monetam inducens nunquam deinceps nummi percussuram, ne pauperes inde gravarentur mutari fecit. Ecclesia quoque Caladiensis ab hoc Pontifice consecrata, & in hoc Episcopio fundata, in Abbatiam sancti Cisterciensis Ordinis profecit : ubi nunc sub Abbate sanctæ memoriæ GUNTERO militant Regno cœlorum ferè trecenti servorum Dei. Cœpit autem sub HONORICO Præsule, quando ibi Robertus venerabilis nostri Cœnobii Monachus cum duobus socii primum eremitavit, Ecclesiola & quibusdam manubriis fabricatis, sed eo ad Ecclesiam Belli-loci assumpto, cum locus vacuus remansisset, à viro nobili VALTERO nepote ejus erat, datus est venerabili Guidoni Abbati de Tribus-fontibus, HENRICO Pontifice annuente & monente, & maxime HERVEO viro nobili hoc totum innitente & hortante; qui Herveus, ubi idem locus merito rebus & numero fervorum Dei accrevit, se cœtibus eorum assuevit exemplo mirabili; nam uxori, unico filio, mundoque & omnibus ejus renuntians vir optimus unum fervorum suorum ad hoc compulsi, ut sibi domino suo laqueum in gulâ nodaret, & ita se tamquam latronem ad locum beati Sulpicii à domo sua per duo millaria protraheret, cunctis mirantibus, lacrymantibus & Deum in hoc laudantibus.

Anno nono Episcopatus domni ALBERONIS venerabilis Laurentius post quadraginta annos & tres menses ex quo Abbas feliciter huic Cœnobio præfuerat, beato excessu obiit. Hic & genere linguæque Teutonicus, & magnæ scientiæ & industriæ gratiâ præditus, à primâ indole apud sanctum Agericum in palæstrâ Monachicæ professionis exercitatus claruit, inde cum Rodulfo Abbate Cœnobio nostro infusus, & tempore nostrorum sub eodem Rodulfo exilii, in Divionensi Burgundiæ Cœnobio Prior sub Abbate sanctæ memoriæ GERONTONE multa superflue traditionis ibi inventa delevit vel mutavit, alia inseruit honestiora : inde cum nostris reversus, & post mortem prædicti Rodulphi ex Priore in Abbatem promotus, in omnibus sanctè, piè & justè præfuit, & ideo plurimum profuit tam in au-

gmento rei quàm Religionis. Sub eo multi nobiles multa Ecclesiæ nostræ contulerunt, inter quos THEODERICUS & WIDERICUS fratres Comitum Frederici, *Novillarem* Cellam cum omnibus appendiciis contulerunt. Comes etiam RAINALDUS, vitricus eorum, *Alzeicurtis* Cellam & *Nerlii* Sanctæ Romanæ Ecclesiæ tradens, ut ex dono ejus teneret istam Ecclesiam sub annuo censu duodecim denariorum effecit. Factis inde à Papa Paschali, itemque ab Innocentio privilegiis quatinus quoniam bis ista domus pro fide Apostolicæ Sedis causâ passa est persecutionem, si ei iterum persecutio ingrueret certum refugium sub velamento Romanæ Ecclesiæ ibi inveniret. Nobilissima etiam CUNEGUNDUS uxor MANFRIDI multa præstia sui juris beato Vitono obtulit. Longum est referre de aliis quanta præstia & dona dederint, quantis aliæ cellæ rebus & fratribus auctæ fuerint.

LAURENTIO mortuo, æquè venerabilis SEGARDUS, consanguineus ejus & Monachus, successor Sedis, pietatis & Religionis fuit. Ille Prior cœmeterium Fratrum muro cinxit, claustrumque melioravit : Abbas autem insigne, ingens & pulcrum magni, retii scrinium ad recollocanda ossa Patroni sui beati Vitoni multo sumptu fabrefecit, majoraque meditabatur, cum ecce Deus nobis eum abstulit; nam post duos annos beati sui regiminis in Domino requievit. Sub istis Rectoribus nomen hujus loci ubique floruit, res propagata crevit, Religio viguit : hanc sanè pro me querimoniam super eis merito fuderim, quoddam nec eos videre nec eorum bonitate perfrui meruerim; post eorum decessum huc adductus à Priore Rodulfo viro venerabili. De isto Rodulfo & ipso Segardo dignissimè retulerim, quoddam ambo consanguinei, compatriotæ & cœvi, ambo unâ die in Cœnobium ingressi, & unâ die simul Monachum professi, ambo itidem uno die ab Episcopo Abbates simul fuerint consecrati, iste Sancti Vitoni, ille Sancti Agerici; & Segardus quidem quia obedientibus & disciplinatis præfuit, in cunctis benè & prosperè egit, Rodulfus verò quia rebellibus & contumacibus præcedit, in cunctis quidem benè, non tamen prosperè egit; nam quæque pietatis & Religionis erant sibi indicta, illi abominabiliter calcabant, res necessarias ab eo solertiùs procuratas prodigè dilapidabant, personas Religionis ab eo ibidem adductas per molestias & simultates eliminabant, demùm eum solum sibi relictum perniciosè impetebant, ad nimiam amaritudinem cor ejus die nocteque provocabant, & in omnibus ex adverso ei incedebant. Tales ille exemplo B. BENEDICTI refugit, & dilectissimo Segardo qui post eum moriens ibat, quia omne exilium atque mortem libentiùs subiret, quàm talibus præsideret intimavit, & cum ille eum secum Viridunum revocaret, se nunquam rediturum nisi priùs à talium Abbatia absolveretur, protestari cœpit. Et Segardus quidem eum absolvi ab invito Episcopo fecit, & Priorem Cœnobii sui factum in omnibus honoravit. Illa autem domus desolata remanet usque nunc, sicut umbraculum in vineâ, & sicut tugurium in cucumerario, donec dignissimus Præsul eidem ut Ecclesiæ sancti Pauli prospiciat. Planè si salva charitate verum licet dicere, ipsum genus hominum alienum à bono notaverim, qui ne talem quidem virum, ut ego expertus sum dulcem, rationabilem & justum passi sint, nisi quoddam jactitant; quia quodam fato ita damnati sint, ut ex quo locus fundatus est, nullus ex omnibus Abbatibus eorum inter eos, sed aliàs ab eis pulsus exul obierit, quorum hodie tres vivunt ita pulsi.

Requieverat Episcopium à præliis septem annis; cum

Auctor de e  
loquitur.



cum ecce iterum bellorum turbo intonuit: **RAINERUS** enim de Balneio cum pro fide Episcopii novum castellum firmavit, per illud tam ipse quam dominus ejus Comes de Grandi-prato **Henricus** omnia mala inferebant rebus Ecclesiasticis. Præterea idem **Henricus** in conductu domini sui Comitis **Rainaldi** infra Episcopium viantes negotiatores **Hoyenses** violenter opibus magnis spoliavit, quem proinde tam Episcopus quam **Rainaldus** iteratò in jus vocabant, ut responderet tam pro se quam pro homine suo **Rainero**: at ille jus & audientiam despiciens ad arma se contulit per Episcopium, prope usque **Virdunum** prædâ & flammis degrassans, primum & secundum excursum fecit, sed in armis receptus utrobique victoriam Ecclesiasticæ parti invitus reliquit, utque excursus ejus interciperetur, prædium apud *Bettincurtem* ipse Præsul firmatâ munitione posuit: itemque quia non hoc suffecerat, ipsum castrum **Balneium** obsedit. Quotidie gravissimè ab utrisque pugnabatur, quotidie militares **Henrici** extrâ aquam in tuto positi insidias nostris moliebantur: at **HUGO** filius Comitis **Rainaldi** cum ducentis ferè militibus unâ dierum à suis digressus, iter ad **Viennam** castrum intendit ut **Henrici** partes infestaret, cum ecce in medio viæ positus, à nuntiis & ipsis pedum vestigiis hostiles cuneos versus suos transisse comperit, eosque ex vestigiis tractis insequutus inopinatis eis malè in tuto politis & securis incurrit, & quater vicos circiter ex eis cepit, equis cum omni prædâ retentis, pauci fugâ lapsi ad **Viennam** refugiunt, **Henrico** in infirmitate jacenti, qui nuper equo lapsus motâ de loco spatulâ graviter læsus erat, tristes suorum eventus referunt, hostes mox eo venturos ex timore superadjiciunt, eum dolentem multa inde exportantes ad tutiora confugiunt, ita ut mox **Vienna** à nostris & vacua capi potuisset, si insequuti fuissent. **Henricus** omnibus diffidens, & à suis nobilioribus quos penè omnes Episcopalis militia ceperat coactus, pacem petiit, & mox ut convaluit **Virdunum** venit, de omnibus impetitis in jus stetit, & omnia subjecta & obediens correxit, primo autem omnium castellum ab Episcopo oblectum jussit reddi, quod & Episcopus evertit, facto communiter interdicto ne quis unquam ruinas ejus resuscitare auserit.

Anno Episcopatus sui decimo quarto Episcopus iter **Jerosolymitanum** vovit, cujus votum diutinâ devotione conceptum ita suis celaverat timens impediri, ut crucem eundi de more bajulare eum Ecclesia sua ante videret quam iturum audisset. Non immeritò tunc timuerimus ne reddita per eum libertas nobis iterum eo absente à tyrannis auferretur, sed adfuit Dei misericordia, cujus nutu **CÆLESTINUS** Papa, qui **Innocentio** tunc successerat, & tota **Romana** Ecclesia pium Episcopi votum piè impedivit, & ne ultra **Roman** procederet inhibuit, & dignum Pastorem ad oves destitutas quas lupi jam invadere meditabantur, remisit. Interim maximus turbo ventorum inhorruit, & inauditas silvarum, turrium & domorum strages in his **Galliarum** partibus dedit: continuum venti flatum, & inundationem pluvie sequuta est frugis sterilitas, vini autem multo maxima. At Episcopus lætante Ecclesiâ reversus, mox duos lupos ovibus suis insurgentes unum cepit, alterum compescuit. **ALBERTUS** enim de castro Sanctæ **MANECHILDIS**, qui innumeras ab Episcopo prædas contraxerat, cum iterum prædis insisteret, & in publica contrâ Episcopum arma aspiraret, cum paucis & penè inermibus insequuta præda retenta est, ipseque captus & abductus est, & prædata reddere coactus, pro

sui dubiâ deliberatione nunc totus pendet in Episcopi manibus; **ROBERTUS** quoque de castro **Confluentiæ** qui rebus Ecclesiæ armatus inhiabat, multis repulsionibus compressus, perdomitus & ad pacem petendam est coactus. Planè non modicæ Dei Genitricis gratiæ adscripserim, quod honorabilis Episcopus alios quatuor tyrannos quasi quatuor cœli ventos **ROBERTUM** ab Oriente, **ALBERTUM** ab Occidente, **RAINALDUM** à meridie, & **HENRICUM** à Septentrione tam feliciter ne gravi flatu suis ingruerent, compresserit & compescuerit. Cooperatorum quoque digni Præsulis in omnibus istis tam in repellendis malis quam in bonis inferendis, suâ laude nequaquam privaverim: horum de Clero primi occurrunt, **ALBERTUS** Primicerius & Archidiaconus, vir prudens & in Curiâ duorum Imperatorum **LOTHARII** & **CONRADI** pro magno habitus; **GUILLELMUS** venerandæ memoriæ Decanus, **RICHARDUS** elegantis indolis & bonæ spei Archidiaconus, referens nomen propinqui matris suæ & Episcopi nostri sanctæ memoriæ **Richardi**, & avunculi sui alterius **Richardi** **Virdunensium** electi; **ANDREAS** Archidiaconus filius Petri de *Miroalt*, qui præ cunctis nobilibus sui temporis **Virdunensi** fidelis existit, **JOANNES** item Archidiaconus, cujus hortatu fratres ejus **Rainerus** & **Odardus** Ecclesiæ nostræ dederunt alodia *Chemeium* cum Ecclesia *Duncherium*, *Bruncurt* & *Villare*; Petrus Cantor; **HUGO** Thesaurarius; & **EMELIUS** scholasticus, omnes tres insignia sapientiæ & magnanimitatis, totusque reliquus Clerus omni industriâ & honestate morum præditus. Hic finem habemus materiei & temporis: qui est annus 1144. Verbi Dei Incarnati, septimus **Conradi** regnantis, primus & vici Papanis, decimus quartus **Alberonis** nobis Episcopantis: cui adesse usque in finem divinam imploramus clementiam, utque eum ad vindicandam sanctæ Ecclesiæ libertatem provexit, ut in omnibus hæcenus direxit, ipsa eidem inspiret & adsit in omnibus, ut bona totius sibi committæ Ecclesiæ quæ ablata sunt recuperare quæ diminuta sunt reintegrare, quæ integra permanent conservare, aliaque super acquirere velit, instet, possit, & perficiat, quatenus Ecclesiæ, cui factus est nobilis defensor, fiat ejusdem insignis propagator, proinde duplicem palmam recepturus à Christo. Porro petimus ut de hoc opusculo nemo nobis calumniam struat, quia cum sola vera nos scripsisse credamus, quicumque verius insinuaverit, meliorem sententiam sequi in omnibus parati sumus, & bona quidem ad exemplum, mala autem ad quorundam cautelam posteris retulimus, utque eadem ipsi suis posteris faciant mandamus; nam sicut nunc incuriæ Patres nostros notamus pro non scriptis sui temporis gestis quæ ignominus; ita & ipsi iustè à posteris suis si non scripserint culpentur; multum enim valet præteritorum memoria, & ad excitandos bonos, & ad reprimendos malos.

#### CONTINUATIO HISTORIÆ LAURENTII Leodiensis.

Auctore Monacho anonymo sancti Vitoni  
Virdunensis.

**P**li & Venerabilis patris nostri **LEGARDI** præconiis, à quo non longè superius digressi sumus, eximendum vereor, quod ei gratiâ meritorum interveniente, & effectu bonorum operum subsequente, meruit cumulari; propterea ad ipsum iteratò convertamus stylum. Is igitur Abbas omni studio dare

cœpit operam Ecclesiæ utilitatibus, & tam per se quam per cohærentes sibi fratres intus & exterius invigilare. Denique de venerandi patris nostri Vitoni sacro-sancti corporis honorificentia cœpit in dies animum sollicitare, coacervatisque, prout potuit, auri & argenti impensis, decrevit omnimodis illud decore multo sublimare, sed proh dolor! in brevi ultimâ sorte pulsatus, post triennium suscepti officii, defuncto aurifice qui opus illud inchoaverat, & ipse venerabilis Pater anno Domini millesimo centesimo quadragésimo tertio, haud multo post defungitur, & in Capitulo hujus Monasterii sepelitur. Cui venerabilis Pater CONO in regimine subrogatur, qui ordinatus, multo animi ardore impulsus, toto nisu cœptum opus quod venerabilis prædecessor suus inchoaverat, deliberavit perficere, & Deo prosperante ut deliberaverat, ungue tenuis studuit illud honorificentius complere. Explicito igitur tandem tam operoso opere, à multis quam sæpissime deliberatum fuerat, quatenus tam per Dominum Pontificem quam per religiosos Abbates seu boni testimonii viros corpus beatissimum in tam honesto loculo transponeretur certo anni tempore, quo hujusmodi transpositionis celebritas annuatim solemnibus de cætero haberetur. Verum ut liquidò claret, & ex facti fine colligi potest, nec cooperatio divina affuit, nec ipsius Sancti voluntas votis eorum tunc intercessit.

1147.

b

Procedente verò tempore, anno scilicet Incarnationis Dominicæ millesimo centesimo quadragésimo septimo<sup>b</sup>, quo expeditio Christianorum contra Paganos à toto Romano Imperio processit, quam prægnaverat jam visa antea stella spargens lucifluas in regna propinqua jubar.

*Quod planè signum signabat velle supernum.*

*Gentes profanas pessumdare regna Romana,*

*Quò nunc devotè properat gens Christianolarum,*

*Ulrici dextrâ cupiens hos jure ferire,*

*Qui Christi matrem studuerunt exhonore.*

Dominus Papa EUGENIUS in Franciam venit, & ad consecrandam B. Virginis principalem Ecclesiam à domino Præsule Virdunensi ALBERONE nomine multâ prece evocatus, Nonis Novembris tripudiante totâ hac civitate urbem ingreditur, qui auditâ hujus Sancti opinione, & quodd ipsius sacræ depositionis solemnitas quinto Idus ejusdem mensis celebranda erat, ad Cœnobium istud cum suis Cardinalibus & domno Pontifice venit, & condignâ reverentiâ seu laudum præconiis susceptus, videns loculum satis honorificentissimè præparatum, laudavit, benedixit, & in illud corpus venerandum ipse cum Domino Pontifice, adstante innumero plebium multitudine transposuit: & mox iste venerabilis Pontifex adorsus divina celebrare, post lectionem Evangelii ambonem cum prædicto Pontifice & quibusdam aliis ascendens, inter cætera sua sancta prædicationis verba plurimum Sancti hujus honorificentiam extulit, ad ultimum verò ejus festivitatem tam ipse quam Episcopus toti Episcopatu celeberrimè singulis annis solemnizare indixit. O quam innumerabilis turba huic sacræ interfuit solemnitati, virorum scilicet ac mulierum, quæ ad deosculandum caput sanctissimum certatim devotèque irruens, odorem mirificum se ab eo haurire gaudenter testabatur, & testando mirabatur, & quamplurimi illacrymabantur.

*Hinc perpendendum quanto sit honore colendus,*

*Quem sic disposito Christus provexit honore.*

*Quòd vir Apostolicus rogatâ gente relictâ,*

*Venit ad hos fines, & nos hac dote beavit.*

*Dum Sanctum coluit, manibusque suis relocavit,*

*Et post tale decus celebrem per sæcula sanxit.*

*Istud consilium divinitus esse statutum.*

*Nemo quis dubitet, sed cuncta regens sapienter*  
*Ut placuit vel disposuit, sic Sanctum mirificavit.*

ALBERO verò Episcopus vir generosus & approbati meriti labore affectus & tædio, ætate fractus & senio, Episcopatu resignavit, & tumultus ac frequentias populorum declinans, ad Claustrum Sancti Pauli Virdunensis Præmonstratensis Ordinis requietionis gratiâ divertit. Biennio verò ibi feliciter expleto in lectionum & orationum jugi frequentia, plenus dierum anno Domini millesimo centesimo quinquagesimo octavo in pace quievit, qui in majore Ecclesiâ Beatæ MARIÆ mandatur sepultura.

1158.

Alberoni successit in Episcopatu regimine ALBERTUS de Marceyo, vir excellentis ingenii, literaturæ vernans studio, qui solerti sagacitate ovium suarum curam gessit, & pro humanæ possibilitatis modulo causas erroris extirpavit, jactantiæ nescius, & pauperum adjutor indefessus. Is vergens in senium ætatis provectæ, gloriæ fallacis & seductricis refugus, deliberavit seiturum Claramvallem, ut sumpto ibi habitu, mundanæ conversationis illecebras & omnes sæculi pompas abrumperet, & pauper Christum pauperem sequens divitias æternitatis acquireret. Verum præparatis ad meandum & unctionibus cæteris sibi necessariis, relictis omnibus iter aggreditur, cum evehitur urbem populis salutatis egreditur, ante portam Beatorum Petri & Vitoni venit, cum subito repentino modo, miro res miranda miraculo dignoscitur evenisse; nam currus quo vir venerandus residebat, disjunctis compagibus & axibus confractis dissolvitur, ita ut non passum itineris ulterius progredi valuisset. Vir verò sapiens & industrius, & fide plenus, re inspecta & diligenter attentâ, divinâ gestam esse providentiâ æstimavit, nec propterea animo in contraria relapso à proposito resiliendum cogitavit, sed omine in meliora commutato Monasterium beatorum Petri & Vitoni ingreditur, conjiciens dissolutionem plaustrum aliquid ominis habuisse, quod itineris progressum potuit impedire, & revolvens animo illud Evangelistæ Marci, qui cum à beato Petro missus evangelizandi causâ Alexandriam navigio navem egrederetur, calceum rupit, quod attendens & gratias agens Deo iter suum expeditum esse perhibuit, quod simili modo idem venerandus Episcopus noster Albertus sibi evenisse assignavit; qui continuo petito habitu ab Abbate Conone & obtento, Deum sibi adstitisse evidenti beneficio comprobavit. Quid votorum ibi conceperit, quantum affectionis impenderit, quam purè se supra terram mactaverit, Deo constitit & constat soli, qui eum sibi fuisse gratissimum monimentis prætaxatis declaravit. Hic tantillo tempore quo supervixit cœpit lectioni vacare, & orationi incumbere, sicque postmodum modico dilapso tempore post habitus suspensionem votivas Deo reddens gratias, depositâ carnis sarcinâ anno Dominicæ Incarnationis millesimo centesimo sexagesimo secundo spiritum exhalavit, ac coram altari B. Laurentii in nostro Monasterio sepelitur. Huic successit RICHARDUS Electus vir nobilis, cognomento Infans, qui devotionis gratiâ transmarinum iter arripuit. Richardo verò successit ARNULFUS Episcopus.

1162.

Item venerabilis Patris nostri CONONIS Abbatis

<sup>b</sup> *sep:imo*] Hic etiam Acherius: In MS. antiquiore ubi iisdem verbis Relatio Translationis corporis S. Vitoni

habetur an. 1146. uti & super feretrum ejusdem Sancti; quod feretrum in Sacratio Monasterii visitur.

gesta memoriâ dignissima breviter replicanda censuimus dignum, qui præ multis prædecessoribus suis in hujus Cœnobii innovatione & restauratione providus valde & sollicitus exstitit, diversisque operibus auri & argenti palliorum, tapetium, librorum aliorumque ornamentorum Ecclesiam istam admodum melioravit, honestavit & decoravit. Altaria Flaviniaci & Novivillaris ab Episcopo Tullensi huic Ecclesiæ dari obtinuit. Item altare de *Valmey* ab Episcopo & Archidiacono Catalaunensi obtinere promeruit; alodiumque ad usus Ecclesiæ in vico Sancti Amantii acquisivit: & ut bonorum est semper in melius proficere, turres lapideas post opus librarii à fundo erexit, quarum opus usque ad consummationem perduxit, & in die etiam anniversarii sui x. solidos apud *Niceville* fratribus assignavit.

Nec silendum arbitror, quantum honoris Dominus Papa ei impenderit, quantumque gratiæ ipsi accreverit, quia cum idem Dominus Papa Concilii gratiâ de more celebrandi Remos advenisset, & omnes tam Abbates quàm Episcopi in suis sedibus & subfelliis resedissent, contigit tandem venerabilem Patrem nostrum Abbatem Cononem illud tardius advenire, qui cum indutus sacris vestibus Concilium introisset, nec haberet sedem in quâ potuisset residere, humi resedit. Ad quem cum Dominus PP. oculos inclinasset: » Hic est, inquit, qui gratiæ majoris honorem, & reverentiæ potioris favorem Gallicanis omnibus ex quo cisalpinavi, nobis exhibuit: & è vestigio misit ei in argumentum dilectionis curulem, in quâ solitus erat residere, quâ ille humiliter & cum gratiarum actione receptâ, desuper resedit. Post hoc clarere potest successoribus suis, quàm excellentis gloriæ exstiterit, quem summus Pontifex præ omnibus & coram omnibus sic honorare voluerit.

Is igitur ut erat multâ excellens præstantiâ sub rigoris regularis disciplinâ, quàm plures personas præconiis dignas imitatores sui & heredes, ac optimorum locupletes stipendiis meritorum educavit, & sanctis moribus & honestis in Dei laudibus informavit, videlicet **JACOBUM** dictum de *Bras*, qui fuit Abbas Sancti Agerici, domnum **BERNARDUM** Priorem Claustralem, domnum **WARINUM** Priorem de *Flavigny*, domnum **GOZUINUM** Priorem de *Calida Fontana*, domnum **GERBODONEM** Priorem, domnum **SEGARDUM**, **D. GODEFRIDUM**, **D. HEYMONEM**, & multos alios, quorum nomina in libro vitæ adscripta per Dei misericordiam credimus. Obiit autem venerabilis Pater noster Cono anno Domini millesimo centesimo septuagesimo octavo, & sepultus est in Ecclesiâ.

Sortito igitur **ARNULFUS**, vir insignis litteraturâ & moribus, Pontificatus regimine, cœpit curâ solerti negotia sui officii tractare, & jura tueri. Erat enim argutus in consiliis, & eloquio facundus. In illis diebus surrexit quidam miles **ALBERTUS** nomine cognomento *Psychot*, dominus de *S. MANCHILDE*, vir spurcius & totius malitiæ præsumptor: iste furcifer & filius iræ cœpit Episcopatum Viridunensem & Catalaunensem infestare, bona ipsorum diripere, villas deprædare, domos conflagrare. Arnulfus ergo Episcopus Viridunensis calamitati suorum condolens, confœderatis undecumque principibus, deliberavit ut Castrum quo ille minister Satanæ diverteat, oblitteret. Congregato quippe exercitu & agminibus ordinatis, cum armorum apparatu & cæteris ad usus bellicos necessariis illud diverterunt, castra locaverunt, & excubitores posuerunt. Provolutis itaque aliquot diebus cum jam gravioribus pugnis deludassent, à quodam sagittario è murorum propugnaculis idem Episcopus capite sagittâ percussus interit. Exercitus

verò turbatus & ex desolatione sui Principis confusus, & ob hoc diffusus, & Principes quique ad sua non sine mœstitiâ repedarunt; Episcopi quoque cadaver Viridunum detulerunt, quod in majori Ecclesiâ **B. MARIÆ** semper Virginis sepulturæ mandarunt, anno Domini millesimo centesimo octuagesimo primo, cui successit **HENRICUS** de *Casseres*.

Defuncto venerabili Patre nostro Conone, **RICHERUS** homo miræ simplicitatis, concordii voluntate totius Capituli eligitur in Abbatem: qui ferè per annum benedictione suspensâ, à venerabili Episcopo Arnulfo convenitur & hortatur, ut benedictionis sacramenta de more susciperet, & pastoralia negotia curâ pervigili exerceret. At ille impatiens oneris pastoralis & laboris, Abbatiam incontinenti renuntiavit. Post Richerum eligitur **PETRUS** de *Briei*: qui cum more Electi duceretur in Ecclesiam in Sede Pastoralis inthronisandus, Arnulfus Episcopus timens ne si idem Abbatifaret, sibi scandalorum spinas suscitaret, ipsi Petro violentâ manu occurrit, dicens eum esse de dominio Comitum Barrensis, & ob hoc honore prælaturæ privatus est; qui tamen non multo post tempore apud Sancti Petri Montem in Abbatem eligitur; post multum verò temporis, resignatâ curâ apud sanctum Vitonum repedavit.

Isti successit **ALESTANNUS** junior, vir admodum religiosus, & ipso anno hominem exiit, & sepultus est infra Ecclesiam, juxta ostium capellæ sancti Christophori. Cui successit **ALESTANNUS** senior, non minoris religionis quàm suus prædecessor, qui quinquennio in sollicitudine Pastoralis peracto, administrationi Abbatiam spontaneus renuntiavit, & residuo vitæ suæ tempore apud *Bohencle* degens, lectioni divinæ vacans, & orationi insistent, vitam felicem feliciore morte terminavit, & in Monasterio ejusdem loci coram altari sepultus est. Alestanno verò seniori **THOMAS** Abbas Maurimontis subrogatur, vir naturâ & moribus generosus. Hic cappam nigram aurifrigiatam comparavit, ruinas veteris refectorii Fratrum decenter refarcivit, tectum & celaturam renovavit.

Porro præpositus *S. Vitoni* **HUGO** loco Thomæ in Abbatem Maurimontis erigitur, qui invidiæ stimulis agitatus, & amore cupiditatis succensus, potenti objurgatione verborum cœpit Thomam Abbatem *S. Vitoni* lacessere, & contrâ ipsum simulates concitare, personas Viridunenses donis & adulationibus allicere, quatenus ipsum valeret ab officii Prælaturæ amovere, ut istius Sede fungeretur. Abbas igitur fraudis expertus, artifque fucatæ nescius, simulatam & seditionum impatiens, curâ pastoralis cessit, ne re occasione sui vergente in deterius, fomentum facinoris esse videretur, & Monasterium cui præerat rerum suarum & honorum dispendium pateretur; qui tandem in Novâ-villetâ vel Brevibene vivens, aliquanto tempore, vita privatus est.

Hugo verò Abbas Maurimontis, qui & Præpositus hujus Ecclesiæ fuerat, Thomæ successit, qui cum Abbatifaret apud Maurimontem, cancellium Ecclesiæ cum cryptâ sumptuosâ opere ac decenti fabricavit. Factus autem Abbas hujus Ecclesiæ, altare de *Bullamville* ab Episcopo Alberto acquisivit, vineam verò majorem quæ dicitur Nova juxta Scantiam plantari & excoli fecit; qui postmodum seditione ortâ ab eisdem à quibus erectus fuerat in Abbatem, divino in se retorto judicio acriter cœpit infestari, ut qui excitatis contentionibus prædecessorem suum contumeliaverat, & ipse modo non dispari, pari ludibrio subjaceret, sicque contentioni-

bus in publicum agitatis quia non valuit nec debuit resistere, decimo anno ab ordinatione suâ cessit Prælatura.

Post hunc STEPHANUS Prior de sancta MARGARITA & de Domina MARIA, Monachus Cluniacensis, eligitur & in Abbatem erigitur, ad rogatum & hortatum generosâ Matronâ AGNETIS Comitissâ Barrensis, sororis LUDOVICI illustris Regis Francorum: qui cum regimen istius Monasterii esset adeptus, & quâdam die in præsentia dictæ Comitissâ adstitisset, interrogatus ab eâdem qualiter tantorum rudera debitorum quibus sua tenebatur obligata Ecclesia, valeret extirpare; at ille ore irreverenti & infrunito præsumptuosè respondit, se fiduciam permaximam habere in rubeâ tunicâ B. Vito: quo dicto, continuò pœna sequitur meritum, & ecce in conspectu Matronarum & Baronum & omnium qui aderant, ob contumeliam Sancto irrisoriè illatam acerrimâ percussus paralyti cecidit, spumare cœpit, & se ipsum unguibus discerpere, sicque ultione castigatus debitâ, elinguis perpetuò permansit, ut cæteris terror incuteretur, & daretur exemplum Sanctis deferendi. Hoc viso, Comitissa iussit eum tolli, & in grabatum deferri, qui postea reductus ad istam Ecclesiam, modico post tempore resignans Abbatî, ad Domnam MARIAM reversus, aliquamdiu ibi commoratus exspiravit. Effusâ igitur contentione super Principes, cum errarent in invio & non in viâ, suscitatum est schisma inter Regnum & Sacerdotium, & ecce cum talis inter Principes orbis terræ ageretur contentio, HENRICUS de Castres Arnulfo subrogatur, qui favens consilio, auxilio, fide & affectu parti Imperatoris, excommunicatione publicâ percellitur. Interea FOLMARUS Trevirensis Archiepiscopus pro negotiis Sanctæ Ecclesiæ & suis aliquamdiu Romæ commoratus, regreditur. Et quia fervente guerrarum nebuloso turbine Trevirim nequibat repedare, Remis Concilium super rebus Ecclesiasticis ordinandis & excessibus corrigendis constituit celebrare. Sicque convocato Clero Virdunensi, Henricus qui Sacerdotio resistebat, iudicio Cleri compellitur Episcopatu resignare. Quo factò Leodium revertitur, qui recuperato personatu & præbendâ, quibus jam dudum insignitus fuerat, ibi per aliquod tempus remoratus, morte præventus ultimum clausit diem.

Henrico verò successit ALBERTUS, vir admodum strenuus; altercatione tamen ortâ in majore Capitulo inter partes super electione Pontificis, eo quod una pars Albertum Thesaurarium, altera verò pars ROBERTUM de Grandi-prato sibi vellet Episcopari, Albertus in Curiâ Imperatoris obtinuit, qui tandem obortâ seditione inter cives & forenses, lanceâ à quodam milite pro defensione civitatis perforatus, occubuit. Cui successit ROBERTUS Primicerius.

1197.

Anno Dominicæ Incarnationis millesimo centesimo nonagesimo septimo venerabilis Pater LUDOVICUS, vir gratiâ & moribus præditus, & in lege Domini quàm plurimùm sollicitus, Stephano subrogatur, & nostro Monasterio Abbas præficitur, venerabili suo fratre Alberto Episcopante, qui Ecclesiam suam invenit multitudine debitorum obligatam, & bonis temporalibus destitutam in tantum, ut ære gravaretur alieno, & maxima pars fructuum Ecclesiæ in solutionem cederet usurarum. Ne igitur ista Ecclesia majori possessionum suarum parte in posterum cogeretur exheredari, curtim de BOLLAI cum ejus pertinentiis omnibus, exceptâ villâ de *Leimerfelt*, & quidquid Ecclesia nostra habebat apud *Cimenges*, viro nobili domino Thomæ de *Bollai* vendere compellitur. Hic cum ætate juvenis

Ecclesiæ curam suscepisset, paupertatem in se sustinuit, superflua quæque vitavit, paulatim bonis operibus proficere cœpit, & non post multum tempus Ecclesiam per dissolutionem & contentionem præcedentium religione & honestate ad nihilum ferè redactam, ad bonum statum Divino cooperante adjutorio reduxit. Prædictus autem Pater noster apud Principes & Magnates graciosus & famosus existens, altaria montis Sancti Martini, Villaris, Bailodii, & Ecclesiam de Reboris à Trevirensibus acquirens: ab Episcopis autem Virdunensibus altaria de Rahericuria & de Nova-villa cum appendiciis huic Ecclesiæ donari obtinuit; & ut bonorum est Pontificum semper in melius proficere, redditus competentes ad usus infirmorum & debiliū Infirmariæ assignavit. Eleemosynariamque novam integraliter cum capellâ construxit. Advocatiam quoque de Calidofonte cum laborioso sumptu acquirens, istum Prioratum qui ad victum unius Monachi vix sufficere poterat, divitiis & redditibus ampliavit.

Quia verò longum est enarrare per singula in quibus Ecclesiam melioravit, Prioratus emendavit, loca nostra remota & proxima ad bonum statum revocavit, multis omisis, Advocatiam montis Sancti Vito: à viro Nobili GEBERTO de Aspero monte quingentis libris emit. Ecclesiam quoque nostram suppellectilibus auri & argenti decoravit, tabulam argenteam ante majus altare decenter fieri fecit, Claustrum à fundamentis erexit, & ferè omnes officinas reparavit, & in ultimo vitæ suæ termino opus novum decorum & sumptuosum in Monasterio incepit: in cujus parte loci Monasterii, in Capellâ scilicet B. Virginis se constituit sepeliri. In die etiam anniversarii sui quadraginta solidos super domum unam in macello fratribus assignavit, quorum medietatem in anniversario piæ recordationis Abbatis Richardi iussit expendi.

Hujus temporibus floruerunt venerabiles & honestæ personæ, per quas jus, ratio, discretio, religio & honestas viguit & floruit in istâ Ecclesiâ: ex quibus tres apud S. Agericum abbatifaverunt successivè, MARTINUS videlicet bonus & honestus, post Martinum JACOBUS vir admodum religiosus & scientiâ litterarum imbutus, post Jacobum NICOLAUS hujus loci Thesaurarius, qui Abbatiam S. Agerici muro forti circumdedit. NICOLAUS item de Chastel. qui in Valciodorense & Harteriense Monasteriis in Abbatem est assumptus. Præterea floruerunt in hac Ecclesiâ viri Religiosi STEPHANUS dictus *Tyecans*, RENARDUS frater ejus, VERNERUS dictus Paganus, Hugo dictus de Bello loco, Reynaldus, item Hugo dictus Faber, qui humeris oneri viriliter suppositis Ludovicum venerabilem Patrem nostrum in melioratione Ecclesiæ strenuè consiliis & auxiliis, fide & affectu adjuverunt.

Roberto viro strenuo in Pontificatûs culmine sublimato, viriliter & discretè negotia Pontificatûs procuranti, opposuerunt se duo nobiles viri HERBERTUS *Dyvous* Decanus Remensis & Canonicus Virdunensis, & THEODORICUS Decanus Virdunensis, dicentes eum esse neophytum & illiteratum, nec dignum Pontificatûs honore, & in tantum eum vexaverunt ut personaliter ire Romam urgeretur. Hic designato eidem à summo Pontifice termino, Pontificatu cedere compulsus est, qui cum Virduni reversus esset, intra terminum sibi præfixum luteâ mole depositâ, in majore Ecclesiâ mandatur sepultura.

Hoc defuncto successit JOANNES de Asperomonte, gloriâ dignus & honore, qui devotionis fervente spiritu Monasterium quod dicitur in Prato à fundamentis cum quibusdam officinis ibi erexit,

Canonicos introduxit, redditibus ampliavit, qui septennio Virduni feliciter peracto, ad Episcopatum translatus est Metensem.

Huic successit RADULFUS Cantor Laudunensis, vir mitis & mansuetus, qui dedit nobis altare de *Rarecours*, qui viginti & uno anno in Pontificatus regimine peracto, homine deposito in maiore Ecclesia sepelitur.

Radulfo vero defuncto, GUIDO de Trianel Pontificatus sortitur honorem: qui dum Virdunum adventaret in sede Pontificali inthronisandus, Baronis castro adveniens, febre correptus valida, defunctus est, & sic gaudio in morem commutato, Virdunum advectus est ac sepultus in Ecclesia maiore.

Isti successit GUIDO de Melloto eodem anno: qui cum viginti Juratos civitatis qui sibi dominium & iustitiam urbis usurpaverant, vellet dejicere, urbem obsedit, omnem Clerum ex eadem prius compellens exire, & interdicto supponens civitatem; quâ durante discordiâ, multa damna Ecclesiis & Monasteriis tam in mobilibus quàm in aedificiis intus cives, exterius Episcopus & prædones irrogarunt. Inter quæ turrim Sancti Pauli cum campanis cives funditus dejecerunt. Qui inquam Guido Episcopus obsidionem exterritus diu sustinere non valens, demum urbem tribus locis Carniaco, Deia, Ventroville, munitionibus militum circumdedit & vallavit, infra quod tempus cives urbem quâdam die, videlicet feriâ secundâ post festum Sancti Bartholomæi, cum manu forti & armatâ exeuntes, numero tredecim millia ad bella expediti, eos qui interius in munitionibus erant supradictis aggrediuntur viriliter invadentes, cum vix essent numero trecenti, eos tamen devicerunt, ex eis captos duxerunt ferè trecentos: in quo conflictu ceciderunt centum viri vel amplius; quo facto cives valde perterriti & attriti, demum pacem Episcopo offerentes, pro civibus quos captos tenebat dantes decem millia libras, omnem ei suam iustitiam quittaverunt, & præfati viginti jurati ceciderunt, & sic pace inter Clerum & Cives redditâ, ipso anno circâ Purificationem B. MARIÆ Virginis translatus est de Virduno ad Episcopatum Autisiodorensē idem Episcopus, pace nondum benè confirmatâ.

Cum Venerabilis Abbas LUDOVICUS senio fessus resignasset, præsentibus viris Reverendis Patribus, scilicet JOANNE Metensi, ROGERO Tullensi, RADULFO Virdunensi, WILLERMUS Abbas Sancti Mansueti eligitur, qui cum Monachus hujus loci factus fuisset Prior Flaviniacensis, invenit dictum Prioratum cum Ecclesia & omnibus officinis omnimodè dirutum, & ad nihilum redactum: hic appendens in staterâ considerationis sibi ad dedecus cedere si deses existeret, & ad meritum, si strenuus emendationi loci insisteret, Deum cui familiare est etiam non rogantibus multa præstare, sibi in adjutorium invocavit, & tanto operi tantoque oneri humeros apposuit, qui divino se brachio sustentante primo anno tigna, laquearia, tecta & cælaturam Ecclesiæ cum turri, veteribus operturis putrefactis abjectis, usque ad summum restauravit; Capitulum quoque cum Dormitorio, refectorium cum granariis satis competenter & honestè refarciavit, horreum etiam quod sepius circumseptum erat & clausum, sumptuoso opere & forti de novo construxit, grangias circumjacentes melioravit, decimas *D'ynnas* & de *Chamont*, quæ per XL annos Prioratui Flaviniacensi sublatæ fuerant à Comite Lunaris-villæ, per industriam suam & laborem, & per Ducem Lotharingiæ Matthæum ad locum suum revocavit, & ferè medietatem villæ de Flaviniæ quam Dux Lotharingiæ Matthæus fassiverat & suo domi-

nio mancipaverat, cum multis aliis rebus reacquisivit. Quàm commodus huic loco existerit, istis rerum & aedificiorum monumentis declaratur. Igitur pro hujuscemodi & aliis bonis ad Abbatiam Sancti Mansueti invitatus tractus est, qui illò transvectus, invenit Ecclesiam tam bonis spiritualibus quàm temporalibus dissipatam, & gravibus debitis oneratam, omnes ferè redditus Ecclesiæ profundissimo debitorum diluvio submersos reperit, & calices, textus, cruces, casulas, quin & meliores cappas invadiatas invenit, ita quoddam fortis dilatio usuras parturiret ampliores. Tectum Ecclesiæ, cælaturam, clausuram quoque curiæ reparavit, alias etiam officinas melioravit, usuras levavit, industriâ suâ & labore debita minoravit, universa quæ oppignerata erant redemit, redditus ampliavit, Ecclesiam de Clateigneis à Comite Tullensi cum appendiciis suis; Altare verò ab Episcopo Tullensi Rogero acquisivit, altare etiam de *Germai* & de *Bures* ab eodem Episcopo cum appendiciis suis obtinuit, & multa alia, ex quibus emolumentum ad annuam valentiam centum librarum possit provenire, Ecclesiæ B. Mansueti acquisivit infra spatium octo annorum & dimidium quibus præfuit Ecclesiæ illi: qui, inquam, Willermus Abbas Ecclesiam dictam cui præerat, non spiritualibus solummodo, verum etiam temporalibus copiosissime extulit incrementis. Hic de Priore suo JACOBO dicto de *Vignoles*, cujus vitam & mores latis compositos & honestos noverat, de assensu Radulfi Virdunensis Episcopi Abbatem S. Agerici creavit. Hic pius & mansuetus quamvis brevi abbatifaverit tempore, nomen bonum loco illi acquisivit, suis enim valde gratosus, & multa bona in loco illo operatus est.

Igitur venerabili Patre nostro Willermo Abbatisante seditio, de quâ suprâ mentionem fecimus, quæ inter Episcopum GUIDONEM de Melloto ex unâ parte & cives Virdunenses ex alterâ versabatur, in tantum invaluit, ut Episcopus prædictus quæcumque potuit, res, redditus & bona nostra manu violentâ subripuerit. Comes verò Barrensis hinc, dominus quoque de *Aspremont* inde. Bonis ergo nostris datis undecumque in direptionem, compulsi sumus necessitate urgente locum nostrum inviti deferere. Dispersi igitur per nostros Prioratus & per alia loca, tamdiu irrequieto ibi mansimus animo, quo usque lis utrimque sedaretur.

Interea cives Virdunenses timentes ne Episcopus castra locaret & excubitores poneret in turribus nostris, quibus arceret introitum & exitum civibus, proposuerunt turres dejicere ne eis essent impedimento. Lapidibus ergo generali edicto congregatis, cœperunt turres instrumentis suis ferreis effodere, ut eas valerent facilius dejicere, cujus rei memoria monumentis patentibus in posteros perpetuè poterit derivari. Hoc viso Venerabilis Pater noster WILLERMUS animo graviter contristatus, cives cœpit multimodis rogatibus pulsare, ne tantum facinus perpetrarent: qui nullatenus rogatui ipsius voluerunt acquiescere, nisi sub tali conditionis pactione, quoddam si Episcopus occasione turrium ipsis aliquod gravamen inferret, prædictus Abbas cum Capitulo teneretur eis in duobus millibus libris fortium obligatus. Obsidibus ergo datis & pactione confirmatâ, turres in statu suo permanserunt; Cives verò clausuram Curie, domum portariam & lapides Ecclesiæ sculptos multis sumptibus, & solitos ad valentiam ferè trecentarum librarum ad clausuram suorum mœnium & propugnaculorum deduci fecerunt. Episcopus igitur his & contumeliosis in iram concitatus, videns se nihil posse inferre gravaminis civitati & civibus, omnem Scantiam & totum suburbium superius usque ad Sanctum Amantium, ut



saltem vel sic furori suo satisfaceret, igni fecit cremari.

Hujus temporibus cum **FREDERICUS** Imperator in superbiâ & in abusione in Ecclesiam Dei rabie defœviret efferatâ, & fraude hæreticâ serpentino lapsu universum penè orbem inquinaret; summus Pontifex **INNOCENTIUS** quartus reluctandigratiâ Lugduno Galliarum appulit, non ut hostiles conflictus timidus declinaret, sed ut potius & securius reluctari valeret. Fidei igitur armatus clypeo, adjutorio fretus divino, ei se viriliter opposuit, ne veritatem falsitas obumbraret, ne æquitati iniquitas prævaleret, ne fidem perfidia debellaret. Exerto igitur potentissimè Petri gladio, in ipsum excommunicationis dictavit sententiam: post hæc communicato totius Cleri consilio, universalis Ecclesiæ judicio prædictus **FREDERICUS** sceptrum Imperialis honoris privatur: cujus sede Landegravius sublimatur, ut Catholicæ fidei materiali gladio ferret auxilium, ut ab altero alterius insufficientia suppleretur, cum hi duo gladii mutuum à se mendicent auxilium, atque ad invicem debeant sibi vires alternas impertiri: qui brevi supervivens tempore, hanc morte suâ intulit mœstitiam & dolorem.

Isto sublato de medio erectus est in Regem vir nobilis **WILLERMUS**, Miles acerrimus, filius Comitis de *Hollande*, qui multis commissis præliis contra Regem **CONRADUM** filium prædicti Frederici apostatæ, & aliquibus captis munitionibus & castellis

innumeras perpeffus est insidias & dolores.

**INNOCENTIUS** verò summus Pontifex pro tuitione Ecclesiæ libertatis, se ad omne discrimen obiciens, Ecclesiæque Dei persecutionibus commoriens, exactionibus inauditis & importunis cœpit omnem Ecclesiam & Monasteria enormiter exhaurire, ita quod vicenariam, deinde denariam partem omnium reddituum & decimarum in donativis militiæ sibi dari ab omni Ecclesiâ & Monasteriis compelleret, eos verò qui negarent, excommunicationis sententiâ percelleret. Cardinales verò hinc, summus Pontifex inde, tam in vicenario quàm in denario, tam in pensionibus quàm in procurationibus & subventionibus in mille libras Ecclesiam nostram gravaverunt.

Cum igitur *mirabiles essent elationes maris, & mirabilis in altis Dominus, statuit procellam ejus in auram*; & ille qui imperat ventis & mari, imperio suo imperavit Imperatori ne imperaret, humiliavit enim eum is qui est ante sæcula, qui humiliat omnem altitudinem extollentem se adversus scientiam Dei. Præterea ille **FREDERICUS**, qui vehementi schismate turbaverat urbes & Regna concusserat, corruit cum *Dagon*, sortem habiturus cum *Chore*, *Dathan* & *Abiron*, quorum imitorem se fecit, Ecclesias in Christi contumeliam conculcando, & ipsorum bona depopulando: quo defuncto Dominus Papa Mediolanum repedavit.

*Psal. 92. 6.*

## M O N I T U M.

**C**HRONICON FONTINELLENSIS, nunc *S. Vandregesili, Abbatiae in Normania sitæ, Diœcesis Rotomagensis, ad vetustissimum ejusdem Monasterii apographum. ante annos sexcentos exaratum contuli; at verò quod initio est proœmii loco assutum, scilicet Commemoratio Genealogiæ Arnulfi, &c. Chronologi hujus minimè esse arbitror; sed eo juniorem quempiam edidisse conjicio: quippe quæ ad annum Verbi Incarnati DCCC. LXXXV. progreditur, Chronici verò parens in Ansigisi gestis desinit, quem Ludovico Pio imperante Abbatiae pedum gestasse constat. Insuper, si utriusque unus idemque conscriptor fuerit, ut quid amabo proximè post in ipso primi capitis limine S. Vandregesili genealogiæ scribem retexeret? censendus foret memoriæ labilis quammaximè. Atat Auctor ipse, opinor, non obscurè suam prodit ætatem in Wandone Abbate qui obiit ann. 756. his verbis: Testantur plurimi qui illum viderunt, ideo non necesse æstimo omnia de eo inferere, &c. item: Nam Bortgaudus Monachus, qui eum (*Wandonem*) sepulturæ tradidit, referre erat solitus, dum eum in sarcophago posuisset, &c. cap. 14. Hæc de eo (*Austrulpho Abbate*) narrare erat solitus bonæ recordationis Hardoinus Cellæ S. Saturnini Mart. Presbyter, qui sub ejus tempore hoc in Cœnobio clericatûs suscepit habitum &c. cap. denique 17. Interea defuncto Magno Carolo Imperatore Augusto divæ memoriæ, Ludovicus ejus filius in Imperium elevatur. Duo verba, divæ memoriæ, subindicant Auctorem eâ scripsisse tempestate. In summâ, arbitror illum, quàm Ansigisus ab humanis esset exemptus paulo post vitâ functum, hoc est, anno plus minùs DCCC XXXIV. quo finem suo imposuit Operi: siquidem Appendicis primæ Scriptor nonnihil actuum Fulconis Abbatis attingens, anno DCCC XXXV. regimen eum suscepisse Monasterii Fontanellæ asserit proximè post Josephum Ansegisi successorem, qui Abbatia per menses tantummodo septem potitus est. Hactenus de Auctoris ætate.*

Præterea observandum moneo illo in Chronico prætermissa quorundam Abbatum gesta, vel quod exciderint, vel quod nihil dignum memoriâ ab his actum, seu aliis motus Auctor rationibus ea silentio premenda putaverit. Fragmentum equidem gestorum *Lamberti Archimandritæ*, post *Lugdunensis Archiepiscopi* sanctitate conspicui, in calce codicis præfati Fontinellensis reperi, sed mutilum, ut pote folium unum aut alterum e codice fuit avulsum, exesumve à blattis. Proœmium illud, cujus titulus, Commemoratio genealogiæ Arnulfi &c. necnon, Constitutionem Ansegisi Abbatis in fine Chronici subjectam haud quaquam complectitur vetus MS. Fontinella, Chronicon dumtaxat habet unâ cum vitis Vandregesili, ac præcipuorum illius Asceterii Archi-

mandratarum fide & moribus sanctissimorum. Proœmii suppetias iuvit Duchesnii apographum, atque libellus manu antiquâ exaratus Fontanellensis Cœnobii, vitam continens B. Vandregesili, ac partem Miraculorum S. Wlfranni. Forent & alia, fateor, animadvertenda, verum cum non nesciam è nostris quemdam elucidando, quo de agimus, Chronico, atque eruendis Fontinellæ monumentis multum diùque à sexennio insudasse, ut ad hæc usque tempora ejusce Monasterii historiam perducatur concinnetque, ne messem in alienam inferre falcem videar, manum continere & calamum interim judicavi. Verbo dicam, parachronismos, nœvosque si quando, Lector, offenderis, ubi præsertim Regum Francorum anni cum Reparatae Salutis comparantur, non ignobile Opus ideo abjiciendum, imò verò tum ob antiquitatem, tum etiam ob styli gravitatem, tum maximè præclaras ob res posteritati conscriptas, plurimi abs te faciendum censeo.

Subjèctam, quam vides, duplicem Appendicem præstitit Fontinellæ MS. alteram perbreve, sed eisdem quibus & Chronicon characteribus, atque à synchrono vel suppari Moracho scriptam: prolixior alteram: videlicet pericope est è libro excisa Miraculorum in translatione corporis S. Wlfranni divinitus patratorum, quæ haud ineleganter retulit testis oculatus, antequàm Normanus Duce Guillelmo Insulas Britannicas armis quærerent, ac subjugarent, nempe annum circiter MXL. Vitam protraxisse ad annum MLIII. ipsemet indigitat evidentissimè, dum Gradulæ Abbatis excessum è vitâ mortali edisserit: Obiit autem, inquit, anno ab Incarnatione Domini MXLVII. Huic successit frater illius pro carnis origine, nomine Robertus, anno fermè XII. Willelmi Comitis &c. atque nunc usque sub cœlestis Regis imperio, Monarchiam regni pro arbitrio potenter disponit, &c.

Idcirco autem pericopen hanc erui, quòd Abbates aliquot Fontanellenses, & quæ patriam dilucidant historiam notatæ digna recensent.

Postremò, ut sincerè dicam quod sentio, Asceterium Fontanellense seminarium fuit sanctissimorum Episcoporum. Vidit sibi præsentem, ac mira perpetrantem non semel Rotomagensis Ecclesia, vidit Remensis, Senonensis, Lugdunensis, vidit Apostolum Frisia, vidit demùm insulis suis reditum diversis in civitatibus Gallicana Ecclesia Monachum Fontanellensem: notiora sunt quæ refero, quàm in illis sigillatim ut immorer recensendis: nihil etenim frequentius Martyrologia uti Fontanellæ nomen, nihil augustius commemorant. Hæc Acherius, quem non adeo diligenter usum esse codice Fontanellensi discet lector è variis lectionibus quas D. Edm. Martene nobis communicavit, quasque representamus cum fide.

## C H R O N I C O N F O N T A N E L L E N S E.

### Commemoratio Genealogie ARNULPHI Episcopi, & WANDREGESILI Nepotis ejus.

**A**NSBERTUS, qui fuit ex genere Senatorum, vir nobilis, & multis divitiis pollens, accepit filiam Lotharii Regis Francorum nomine Blihbild, <sup>a</sup> & habuit ex eâ tres filios, & unam filiam. Primogenitus ejus Arnoldus, secundus Feriolus, tertius Modericus, quarta puella Tharscia. E quibus Feriolus Episcopus in Utceciâ ordinatus est, ibique martyrio coronatus requiescit in pace; ubi multa per eum miracula fiunt. Modericus frater ejus similiter Episcopus in Arisido ordinatus est, atque ibi quiescit in pace. Tharscia virgo Dei in virginitate perseverans, Rodonis <sup>b</sup> quiescit: quæ etiam fertur mortua mortuum suscitasse. Porro Arnoldus genuit Arnulfum Episcopum: Arnulfus genuit Flodulfum, Walchisum, & Anchisum, fratres ejus: Walchisus quoque genuit Wandregesilum Confessorem Domini. Flodulfus genuit Martinum, quem interfecit Ebroinus Ertriano <sup>c</sup> Palatio. Anchisus Dux genuit Pipinum Seniore & Ducem. Pipinus Senior

& Dux genuit Karolum Seniore & Ducem. Iterum Karolus Senior & Dux genuit Pipinum, quem Stephanus Papa consecravit & benedixit <sup>d</sup> in Regem. Pipinus Rex genuit [ Domnum ] Karolum gloriosum Cæsarem, quem Leo Romanus Pontifex consecravit & unxit in Imperatorem in Ecclesiâ B. Petri Apostoli die Natalis Domini [ nostri ] JESU Christi. Karolus Imperator genuit Ludovicum piissimum Augustum. Iterum Ludovicus piissimus Augustus genuit tres filios ex Irmegardâ Regina, id est Lotharium, Pipinum, & Ludovicum: ex Judith verò Imperatrice genuit Karolum gloriosum Regem. Post mortem verò Ludovici piissimi Imperatoris Lotharius (ante obitum patris decem & octo annis unctus ad Imperatorem) contra fratres suos, id est Ludovicum Regem Bajoariorum, & Karolum, exercitum duxit, adjuncto sibi Pipino cum Aquitanorum populo, in pago Autisiodorensi, in loco qui vocatur Fontanetum. In quo [ loco ] Franci cum omnibus nationibus sibi subiectis mutuâ se cede prosternentes, ad ultimum Ludovicus & Karolus Lothario fugato triumphum adepti sunt. Post cruentissimum verò prælium pace inter eos factâ, dividerunt inter se Francorum Imperium. Et Lotharius quidem accepit regnum Romanorum, & totam Ita-

<sup>a</sup> Blihbild ] Codex Fontan. hoc loco habet Balhbild.  
<sup>b</sup> Rodonis ] Idem Codex, Redonis.

<sup>c</sup> Ertriano ] In eodem legitur Ertriano.  
<sup>d</sup> & benedixit. ] Idem codex, & unxit.

liam, & partem Franciæ Orientalem, totamque Provinciam. Ludovicus verò præter Noricam quam habebat, tenuit regna quæ pater ſuus illi dederat, id eſt, Alemanniam, Thuringiam, Auſtraliā, Saxoniam, & Avarorum, id eſt Hunorum, regnum. Karolus verò medietatem Franciæ ab occidente, & totam Neulſtriam, Britanniam, & maximam partem Burgundiæ, Gotiam, Waſconiam, Aquitaniam, ſubmoto inde *Pipino* filio *Pipini*, & in Monafterio S. Medardi attonſo. Qui poſtea inde per fugam elapſus, Aquitaniam reſſus, multo tempore fugiendo ibi latuit, iterumque à Ranulfo Præfecto per fidem deceptus comprehenſus eſt, & ad Karolum adductus apud Silvanectum perpetuo eſt exilio detrufus.

*Lotharius* verò ex *Irmegardâ* filiâ Hugonis tres filios habuit, id eſt *Ludovicum*, cui regnum Romanorum & Italiæ tradidit: alterum autem *Lotharium*, cui ſedem Imperialem<sup>e</sup> reliquit: tertium verò *Karolum*, cui Provinciam gubernandam dimiſit. Deceſſit quoque *Lotharius* anno Incarnationis Domini noſtri *JESU* Chriſti octingenteſimo quinquageſimo quinto, Imperii ſive Regni ſui xxxiii. Poſt cujus obitum Karolus filius ejus, qui Provinciam gubernabat, anno octavo moritur. Deinde Ludovicus Imperator Romanorum, & *Lotharius* fratres Regnum ejus, hoc eſt Provinciam, inter ſe diſpartunt. Ludovicus autem Rex Noricorum, id eſt Bajoariorum, Ludovici Imperatoris filius, anno Incarnationis Domini *JESU* dcccclxv. post feſtivitatem Paſchalem Regnum ſuum inter filios [ſuos] diſiſit [ & ] *Karolomanno* quidem dedit Noricam, id eſt Bajoariam, & *Marcas* contra Sclavos, & Longobardos: *Ludovicò* verò Turingiam, Auſtraſios, Francos, & Saxoniam dimiſit. *Karolo* quoque Alemanniam & Curvallam, id eſt Comitatum Cornugalliæ reliquit. Ipſe tamen Ludovicus ſuper filios ſuos feliciter nunc principatum tenet anno Incarnationis Domini dcccclxix. & Et poſt hæc obiit Ludovicus Rex anno Dominicæ Incarnationis dcccclxxvi. cum regnaſſet annis lrv.

*Karolus* autem Rex Occidentalium Francorum anno xxxvi. regni [ ſui ] in Italiā pergens, orandi cauſâ ad limina Apoſtolorum pervenit, ibique à cuncto populo Romano Imperator eligitur, & à Joanne Papa in Imperatorem conſecratus viii. Kal. Januar. anno Dominicæ Incarnationis dcccclxxv. inde in Galliam proſperè reſſus eſt. Anno quoque Regni ſui xxxviii. h & Imperii tertio inchoante, in Italiā iterum perrexit, & colloquio Joannis Papæ uſus, in Galliam revertens, tranſcenſo Ciniſo monte, præſentis luminis caruit viſu iii. Nonas Octob. Indictione x. anno Domini noſtri dcccclxxvii. Cui ſucceſſit in Regno filius ejus *Ludovicus*. Deinde anno regni ſui ſecundo necdum expleto, iſdem Ludovicus obiit Compendio Palatio v. Idus Aprilis, Indictione xii. anno Domini dcccclxxix. Deinde filii ejus *Ludovicus* & *Karolomannus* Regnum ejus inter ſe diſpartunt. Prædictus verò Rex Ludovicus in pago *Wimniaco* i cum Normannis bellum gerens, triumphum adeptus eſt, & non multo poſt obiit pridie Nonas \* Auguſti, anno Dominicæ Incarnationis dcccclxxxi. Indictione xv. Regnavit annos duos, menſes tres, dies xxiv. Cui ſucceſſit in regno frater ejus *Carolomannus*. [ Regnavit \* an-

e ſedem Imperialem ] Eam nimirum in quâ ſitâ erat urbs Aquigranum, quæ Carolo Mag. & Ludovico Pio regnantibus ſedes Imperii fuerat.

f dcccclxxv. ] Codex jam laudatus, octingenteſimo quinquageſimo quinto.

g dcccclxix. ] Idem, octingenteſimo quinquageſimo nono.

nis tribus, & diebus ſex. Deinde in *Ewelina* ſaltu in Monte-Aërico à ferâ ſingulari percuſſus eſt. ] Obiit anno Dominicæ Incarnationis dcccclxxiv. Indictione ſecundâ, viii. Idus Decembris. Deinde Karolus Rex Suavorum, filius Ludovici Regis Noricorum, Monarchiam totius Imperii Francorum & Romanorum aſſumit anno Verbi incarnati dcccclxxv. Indictione iii.

INCIPIUNT GESTA  
SANCTORUM PATRUM  
FONTANELLENSIS COENOBII.  
CAPUT PRIMUM.

1. Igitur ab almiſicæ memoriæ Patre noſtro, Iac omni honorificentia nominando, egregio Chriſti Domini Sacerdote *Wandregiſilo*, qui & *Wando*, priſcorumque Patrum titulis non mediocriter coæquando, ut imperata poſtulant, initium orationis incipiam, videlicet ut à quo exordium noſtri cæpit Cœnobii, ab ipſo etiam noſtræ orationis ſermo ſumat initium. Omiſſis videlicet converſationum ac magnarum virtutum operibus, quæ in prolixioribus de eo geſtis olim memoriæ mandata ſunt, nunc brevi oratiunculâ, ne legentium ſiant oculis oneroſa, ea tantum quæ de ejuſdem clarâ origine, ſeu moribus honeſtis, ac converſatione Angelicâ comperta habemus, aut qualiter hoc *Fontanellenſe* Cœnobium ædificaverit, quotque in eo annis fuerit, quo etiam tempore, vel ſub quibus Principibus agone expleto glorioſiſſimam victoriam potentiſſimo Chriſti ſub auxilio reportarit, huic operi inferenda fore credimus.

2. Hic nempe vir Domini, ut breviter nonnulla perſtringam, ex nobiliſſimis Francorum ac ditiffimis natalibus oriundus, territorio *Vereduni* caſtri, nobiliorem ſe ſplendidæ vitæ moribus, ac caſtæ converſationis exemplis inſignem exhibuit. Hujus genitor *Walchifus* nuncupatus nomine, ut veracium didicimus traditione Seniorum, patruus glorioſiſſimi *Pipini* Ducis Francorum filii *Anſchiſi* exſtitit. Denique idem vir Domini adoleſcentiæ dum polletet ætatis in annis atque in aulâ glorioſiſſimi Regis *Dagoberti* nobiliſſimè militaribus negociis, ac aulicis diſciplinis educaretur, ab eodem Rege Comes Palatii conſtitutus; ac deinde Ducatûs Officio mancipatur. Deinde parentum hortatu, licet invitus uxorem duxit. Quâ poſt paululum unanimi callitatis<sup>l</sup> voto relictâ, comâque capitis depoſitâ Clericus effectus, ſpretiſque omnibus, angulum ingreſſus eſt callem brevi tempore finiendum.

3. Igitur ad locum qui vocatur *Monsfalcons* ſecedit, cuidam magnarum virtutum viro, cujus nomen modo memoriæ non occurrit, adhærens, plurimumque temporis cum eo converſatus, innocentis vitæ admirabilis cultor comprobatur. Inde à Rege præfato accerſitus, atque ad Regiam domum properare juſſus, pro habitûs mutatione increpatus primò, ſed poſt honorificè proſequutus: ſicque cum Regiâ auctoritate reſſus, quodam in loco Cellulam ſuæ vocationi condignam ædificat, aliquan-

h xxxviii. ] Imò xxxviii. ſi laudatum codicem ſequaris.

i Wimniaco ] Codex Fontan. *Viminaco*: idem pro III. Nonas, habet pridie Nonas. Quod ſequitur uncis incluſum, in laudato codice non legitur.

l caſtitatis ] aut caſtæ voluntatis, ut in cod. Fontan. legitur.

tum

tum temporis in eâ degens. Ibi namque actibus, ac sacræ doctrinæ verbis exornatus ceu lampas refulgebat accensa. Exinde ob gratiam vitæ contemplativæ egrediens, ac visitatione locorum Sanctorum summum habens desiderium, veluti apes prudentissimæ flosculos diverſi generis carpere satagebat, ut dulcia post caperet mella. Denique Alpium juga transcendens, lætusque peregrinationem aggressus, cum tribus pueris & aſſo Italiam ingreditur, atque ad Bobienſe Cœnobium ſicuti revelatione didicerat, accedit. Quod beatus Pater *Columbanus* Scotici generis olim à Theodorico<sup>m</sup> Rege Galliâ expulſus, atque ab Agilulpho Longobardorum Rege Italiâ honorificè ſuſceptus, ejus permiſſu ædificaverat.

4. Hoc ergo Cœnobium beatus pater *Wandregiſili* adiens, quod à diſcipulis præfati Patris *Columbani* (tunc) incolebatur, cauſa hoſpitalitatis ad vitæ arctioris explorandam<sup>n</sup> ſemitam, aliquamdiu ibidem commoratur. Ex eo loco exemplis innocentis vitæ inſtructus egrediens, Galliarum terras repetit, atque Monafterium quoddam, cujus vocabulum eſt Romanis citrà ſaltum Jurenſem conſtructum adit, ibique ſub inſtitutione regulari multum temporis nobiliſſimè Domino militavit. Eo deinde loco deſerto, cognitâ vitâ atque famâ magni Præſulis Audoeni, qui tum temporis ſedem urbis Rotomagenſis adeptus, verbum immortalitatis ſuis civibus adminiſtrabat, fideique Catholicæ fautor, pariterque præceptor, barbaricas ac indomabiles eorum mentes nectare Evangelicæ doctrinæ debriabat, atque gnaram benè credere gentem docebat, ſeduliſque exhortationibus Chriſtum Dominum Deum eſſe colendum monſtrabat: ipſum adiit, ſummâque cum reverentiâ à præfato venerabili Antiltite ſuſceptus eſt, ſecumque aliquamdiu in urbe tenuit. At verò ipſe egregius Domini cultor diſtinctiorem deſiderans vitam eremi ſecretis ducere, mundanoſque fugiens ſemper honores, ut cum Rege Chriſto cœleſtes poſſet habere gazas, licet renuens, ab antefato coangelico<sup>o</sup> Epifcopo Preſbyteratûs eſt ordine conſecratus. Deinde hortatu præfati Præſulis, ac poſſeſſionem terræ largiente *Erchinvaldo* p<sup>r</sup> Præſecto domûs Regiæ *Clodovei* q<sup>i</sup> jûnioris Regis filii *Dagoberti* gloriouſſimæ memoriæ, hoc *Fontanellense* Cœnobium, unâ cum venerandò nepote ſuo *Godone* novo opere conſtruxit.

5. Erat autem præfatus *Erchinoaldus* Major domûs Regiæ, inſignis bonitate, ac eleemoſynarum largiſſimus: qui poſt tranſitum bonæ recordationis ſcilicet præfati *Dagoberti* Regis, præfecturæ ordinem, ac curam maximam Regni Francorum etiam cum filio ſuo *Clodoveo* & *Basilide* Reginâ nobiliter adminiſtravit. Sub hujus *Clodovei* Regis tempore præfatus *Patricius* poſſeſſionem, quæ vocatur *Botmarias*, \* quam nuper à quodam hominẽ nomine *Rotmaro* per venditionis titulum emerat, locumque ad conſtruendum Cœnobium ſitum propè civitatem Rotomagenſem quindecim millia, in valle amœniſſimâ, ſaltu, cujus vocabulum eſt *Gemmeticus*, undique circumdatam (in ipſo ſaltu ædificatum eſt Cœnobium à B. Philiberto, quod vocatur *Gemmeticum*) per venditionis titulum *Godoni* contradidit. Quo etiam tempore fundamenta ejusdem

exordium ædificationis ſuſſiſſe probantur. Sed quia iſta de exordio illius prælibavimus, nunc de ſitu ipſius pauca videamus.

6. Situs quippe ejusdem Cœnobii hujusmodi fertur eſſe. A tribus enim plagis, id eſt à ſeptentrionali, Occidua, atque Aſtrali, montibus arduis ac frugiferis, Bacchique fertiliffimis, ſilviſque eſt obſitum condentis. Ab Oriente item habet fontem uberrimum, qui ab ortu ſuæ emanationis per ſpatia ſ<sup>ſ</sup> paſſuum plus minusve mille trecentorum manat: ſicque curſu ſuo expleto, in alveum Sequanam influit ad meridiam ejusdem Cœnobii plagam. Ab Occidente item ibi fluvius eſt mirabilis in Aquilonari ejusdem Cœnobii plagâ à imo progrediens, atque in meridiana Geon prædicti alvei profunda ſe demergens. Inter hæc duo mirabilia flumina prata ejusdem Cœnobii ſunt amœna atque irrigua. Quæ admirabilis *Wandregiſili* atque venerandi Patroni noſtri ſolertiâ inutilia quæque ablata virenta, militumque Chriſti ejusdem Fontanellens ſis Cœnobii degentium ſudore ſolo corquata, eorumdem neceſſitatibus aptiſſima ſunt reddita. Ab Aſtro item maximus fluviorum Geon, qui & Sequana, commerciis navium glorioſus, abundantia piſcium præſantiſſimus, diſtans ab eodem Cœnobio paſſus octingentos. In quo ſcilicet fluvio ex infinito Oceano live mari Britannico bini æltus diurno nocturnove tempore ſibimet invicem conpugnantes occurrunt: ut verſâ vice alveus potiùs retrorſum converti, quàm ad ima videatur fluere. Talique cum impetu tempore Malinæ accedunt, ut ſuper millia quinque aut eo ampliùs & ſonitus murmuris ejus humanas repercutiat aures, & aſpectibus intuentium ceu farus altiffimè lympham ejusdem penetret alvei. Talique impetu p̄r meatus prædictorum duorum fluminum, perque prata illis contigua ceu Nilus Ægyptiacus per ſpatia paſſuum plus minusve octingentorum ad murum ejusdem accedunt Cœnobii, ſinitoque conſictu in Oceanum inſuli, \* unde venerant revertuntur. Locus autem ipſius Cœnobii tam fertilis tamque jucundus exiſtit, ut cum quis illuc advenerit, inter pomorum nemora & hortorum amœnitate virentia, in hæc protinùs ei liceat prorumpere verba: *Quam pulcra tabernacula tua Jacob, & tentoria tua Iſrael!* Ut valles nemoroſæ, ut horti juxta fluvios irrigui, ut tabernacula quæ fixit Dominus quali cedri propè aquas. Erat namque iſdem locus, in quo ipſum Fontanellense Cœnobium noſcitur ædificatum, veprium aſperitate, ac ſpinarum denſitate, viretorumque inutilium ac paludum immentitate inaccessibilis. In quo magis latibula latronum ac luſtra ferarum, quàm habitatio videbatur hominum. Hunc locum pretioſiſſimus *Wandregiſili*, ac antefatus ipſius nepos *Venerabilis Godo*, à prædicto *Patricio* ſibi indultum ſtatuerunt<sup>u</sup>, cum aliis nonnullis militibus Chriſti primò precibus orationibusque à priſtinâ flagitiorum ſorde purgare, ac inutilia quæque evellendo projicere, demumque fundamenta Cœnobii jacere, ut juxta prophetiam *Eſaiæ*; *In cultilibus, in quibus priùs habitabant dræcones, oriuntur viror culami ac junci*: id eſt, fructus bonorum operum ibi naſcerentur, ubi priùs vel beſtiæ commorari, vel homines beſtiariter vivere conſueverant. Cœptum eſt autem hoc

Deſcriptio loci ubi Cœnobium conſtructum eſt.

T

t

u

m à Theodorico ] Idem codex; à Theodorico.

n ad... explorandam ] Idem; ac... explorandi.

o coangelico ] Sic maiuſmus cum laudato codice, quàm cum priori editione, evangelico.

p Erchinvaldo ] Idem codex, Erchinoaldo, quæ ſcriptura in priori editione habetur aliquot lineis inferiùs.

q Clodovei ] Idem codex cum hîc; tùm etiam aliis locis Hlodoveum habet, nuſquam Clodoveum.

Tom. II.

x ſuo Clodoveo ] Idem, ejus Hloſoveo & Balihilde. Infrâ in eodem pro *Botmarias* legitur *Bothmarias*.

ſ per ſpatia ] Hic legebatur *per millia ſpatia*; ſed mediam vocem iuſtulimus laudatum codicem ſequuti.

t paſſus octingentos ] Idem codex, paſſus LXXX. diligentiùs in ſpeciem. Infrâ in eodem pro *inſuſi* habetur *reſuſi*.

u ſtatuerunt ] Laudatus codex, ſtuduerunt.

L I

Cœnobium  
Fontan. fun-  
datum an.  
645.

x

y

opus ab anno Dominicæ Incarnationis sexcentesimo quadragesimo quinto, sub die Calend. Martiarum, Indictione III. \* qui erat annus *Clodovei* juvenuli præfati Regis undenus, Pontificante sedem Romanæ Ecclesiæ anno VII. Summo Præsule Beatissimo Papa Martino porro Constantino tertio Romani Imperii apicem gubernante anno IV. y Quod tam solerti studio summæque industriâ perfectum est, ut penè illo tempore Galliæ Belgicæ seu Neustriæ terris singulare esset.

7. Ædificavit ergo, præfatus admirabilis [Pater] in eodem loco Basilicam in nomine beatissimi Principis Apostolorum Petri, quadrifido opere ducentos nonaginta pedes habentem in longitudine, porro in latitudine triginta septem. Alteram denique in honore Doctoris Gentium beatissimi Vasis electionis Pauli, mirandi operis. Tertiam verò in veneratione clari Martyris Christi Laurentii. Misit autem isdem venerandus Pater, dum huic operi insisteret, antefatum carissimum nepotem suum *Godonem* ad urbem Romuleam propter pignora beatissimorum Apostolorum & Martyrum Christi, ut ædificatis Basilicis in promptu haberet reliquias quas imponeret. Qui votis pii Patris libentissimè parens, Alpium jugis transcendens Romam adiit, *Vitaliano* Papa eodem tempore pontificante sedem ejusdem Ecclesiæ: atque acceptam maximam reliquiarum copiam Apostolorum ac Martyrum Christi, quas etiam dinumerare laboriosum est, rediens secum detulit, necnon & volumina sacrarum scripturarum diversa veteris ac novi Testamenti, maximeque ingenii Beatissimi atque Apostolici Papæ Gregorii. Quæ omnia isdem venerandus, ac cum omni honorificentia nominandus beatissimus Pater ac Christi famulus *Wandregisilus* venerabiliter suscepit accersito etiam magno Præsule Rotomagensis Ecclesiæ *Dadone*, præfatas Ecclesias quas ædificaverat ut consecraret, simulque pignora, quæ antefatus *Godo* cum ejus auctoritate Romæ petierat, Christi imponeret aris, supplex exorati. Quod ita à præfato Præsule ut petierat, impletum est. Diligebat enim illum isdem Pontifex dilectionis fervore eminentissimo, ita ut frequenter ab urbe egrediens eum inviseret, ac dulcia colloquia cum eo haberet, dignaque Deo consulta uterque susceperet: Pontifex videlicet clarus ab egregio Presbytero ac agonista perspicuo, isdemque Christi miles à gloriosissimo Præsule. Monstrantur usque hodie lecta eorundem Christi militum, ac pretiosi Philiberti Gemmeticensis Cœnobii Patris, in destinâ quâdam juxta Basilicam almi Confessoris Christi Amantii, Ruthenæ quondam civitatis Præsulis, in quibus sancta membra post almificam collationem, quietidare consueverant; necnon & humillimæ sellæ, quibus confedere inter sacra colloquutionis verba soliti erant. Quorum denique oratio non alia erat, quàm de regno Dei, de Paradisi deliciis, & de gehennæ suppliciis, de justitiâ quoque, fide, & charitate, ac patriæ salute, simulque pace omnibus prædicandâ, mundique illecebris respuendis. Est autem hæc sacra ædícula haud procul à præfato Fontinellæ Cœnobio sita, mille circiter sexcentorum passuum ad

plagam distans meridianam. Hanc isdem clarissimus Pater quodam Diacono suo atque Monacho nomine Sindardo, pignora præfati Confessoris Christi Amantii de Ruthena \* urbe, in quâ ipse venerabiliter quiescit humatus, perferente, ædificavit.

8. Sed quia de situ loci, & adventu viri sancti aliqua tetigimus, opportunum videtur, ut qualis fuerit antiquitus locus, cujusve ante accessum illuc servorum Christi possessio, plenius intinemus. Erat nempe possessio cujusdam hominis nomine *Rothmari*, quæ largitione clari Regis Dagoberti sibi indulta fuerat. Cujus auctoritas largitionis adhuc in scriniis Privilegiorum nostri Cœnobii conservata tenetur. Acta fuerat anno decimo quinto prædicti Principis, IV. Non. Martiarum die, Compendio Palatio Regio. In ipsâ namque largitione continetur, quòd præfatus Rothmarus locum Botmaricensem, saltum præscindendo; indultu Regis habitabilem reddiderit. Molendinum quoque super fluvio Fontinellâ priscorum accolarum neglectu in ruinâ positum; novo opere readificaverit. Defuncto autem Dagoberto Rege post annos decem & novem idem Rothmarus Clodoveum juveniculum Regem filium supradicti Principis adiit, uti suam juberet patrari [donationem], & patris sui confirmaret auctoritatem de locis prædictis sibi concessis: quod ita ut petierat impletum fuisse constat. Statim denique à *Radone* Scriptore Regalium Privilegiorum, Geruloque annuli Regii, edita est jussu ejusdem Regis & matris suæ *Nambilda*, quæ cum eo Regnum tenebat, auctoritas confirmationis; ut veluti patris sui tempore, ita in postmodum ex suâ indulgentiâ perenniter valeret possidere. Editâ est hæc confirmatio pridie Nonas Februarias anno primo præfati Regis, Nantoilo Palatio, & directâ *Tengiglo* Domestico & Custodi saltuum villarumque Regalium, necnon & *Radulpho* Comiti Rotomagensi, ut licitum foret ipsi Rothmaro easdem res quieto ordine possidere: nam & ipsa auctoritas in hoc Cœnobio adhuc servatur. Acta est prima largitio à Dagoberto Rege ipsi Rothmaro anno circiter trigésimo ante adventum beati Patris *Wandregisili* in hanc regionem. Defuncto autem Rothmaro, remansit filius ejus *Airamnus* Amantius \* in pueritiâ vel adolescentiâ annis. Quo tempore *Erchinoaldus* Major-domus Regiæ à prædicto Airamno commutavit supradicta locella, data eidem in territorio Veliocassino alia pro ipsis, unde pater ejus Rothmarus carnis originem duxerat, quorum nunc nomina memoriæ non occurrunt. Sequenti quoque tempore *B. Wandregisilus*, & nepos ejus venerabilis vir *Godo*, prædicto Patricio sub titulo pretii eadem eis locella largiente, & Domino cooperante, adepti sunt, sub anno undecimo prædicti Regis, die Calendarum Martiarum, Indictione . . . . Acta erat in Compendio Palatio. Dehinc anno subsequenti & petita & acta est confirmatio præfati Regis super eisdem locellis, porrectaque à *Kalone* Scriptore auctoritatum Regiarum, Geruloque annuli Regii, prædictis patribus strenuis. Editâ fuit anno duodecimo sæpessati Regis Compendio Palatio Regio, Calendarum Martiarum die, congregatis Francorum populis in Campo Mar-

Quis loci  
Fontanellæ  
reliquias pos-  
sessor fuerit.

\* Indictione III. ] In eodem cod. additur *Evo III.*

y anno IV. ] Sic in laudato cod. primâ manu: sed recentior emendavit anno X.

z Ruthena ] Idem codex Rotenensis: & infra, de Rotenâ urbe.

a jussu ejusdem ] In cod. Fontan. totum hoc caput ad finem usque sic descriptum est: jussu Regis & Regina, ut ex sua indulgentiâ jugiter teneret. (Vides additum esse à recentiori quodam, quod de Nantiide in editis legitur.)

edita est hæc confirmatio pridie Nonas Februarii, nam &

ipsa auctoritas in hoc Cœnobio servatur. Defuncto autem Rothmaro, remansit filius ejus Airamnus in pueritiâ annis. Quo tempore Erchinoaldus Major-domus Regiæ à prædicto Airamno commutavit supradicta locella, data eidem in territorio Veliocassino alia pro ipsis, unde pater ejus Rothmarus originem duxit. B. quoque Wandregisilus à prædicto Patricio sub titulo pretii eadem locella adeptus est. Editâ fuit anno XII. sæpessati Regis Compendio Palatio Regio die Kal. Mart. congregatis Francorum populis in Campo Marisio, ubi omni-  
bus annis conveniebant, veluti omnibus notum est.



tii, ubi omnibus annis convenire soliti erant, veluti omnibus notum est.

*Gesta BAINI Episcopi Tarvanensis, & Rectoris Fontanellensis Cœnobii.*

## CAPUT II.

**B**AINUS Episcopus de civitate Tyroandâ quintus ab almisico ac cum omni honorificentia nominando protectore nostro clarissimo Sacerdote *Wandregisilo* regimen assumit Cœnobii, ab anno videlicet septimo *Hilberti* gentis Francorum Regis, & XIII. *Sergii* Papæ<sup>b</sup> usque ad decimum quintum ejusdem Regis annum, & *Joannis* Apostolici secundum, qui fuit octogesima octavus à Petro Apostolo, Exarchatus autem *Pipini* filii *Ansegisili* XXI. Dominicæ autem Incarnationis DCCVI. Indictione IV. per annos novem. Sub hujus denique tempore præfatus *Pipinus* gloriosissimus Dux *Floriacum* Cœnobium unâ cum nobili conjuge suâ *Plectrude* ædificat, quod situm est in pago *Veliocassino*, anno nono *Hilberti*, qui erat Exarchatus sui annus vigesima tertius, Dominicæ autem Incarnationis septingentesimus octavus. Ipsumque Bainum Monachorum adunavit. Ipsum autem Monasterium huic Cœnobio contradidit. Occasioni autem ædificationis præfato Cœnobio idcirco fuit, quoniam isdem Princeps per invidorum consulta admirabilem *Ansbertum* de sede *Rotomagensis* Ecclesiæ expulerat, atque ad exilium direxerat, in quo isdem agonista divinus ad æternam migraverat requiem. Cumque præfatus Princeps multas sanitatum virtutes audiret ab eo fieri, reminiscens culparum suarum, ob ejusdem militis Christi amorem ac reverentiam, simulque ut indulgentiam mereretur accipere, hoc Cœnobium ædificavit, unaque cum omnibus rebus suis huic Cœnobio *Fontinellæ* perpetualiter tradidit possidendum. Sed de hoc Monasterio qualiter in potestatem ipsius gloriosissimi Ducis *Pipini* redactum fuerit, declarabo.

2. Hic namque locus possessio fuerat antea cujusdam illustris viri, cui nomen erat *Fraericus*, qui ipsum *Floriacum* licet modico opere in suo proprio à fundamentis construxit in honorem *S. Annæ*, *S. Petri*, & *S. Aniani*, & *Xenodochium* decem pauperum ibi constituit, ubi largitus est duas partes de ipso *Floriaco*; Similiter de villâ aliâ quæ dicitur *Salcidus*, & *Garnapium* qui dicitur *Fuscinocurte*; & de *Fontanido* tertiam partem, necnon & alia prædia. Quod actum esse constat sub anno quinto regnante *Theoderico* Rege. Sequenti quoque tempore dum *Pipinus* Princeps singularem Francorum Principatum obtinisset, superato *Theoderico* Rege, & *Berthario* Majore-domus, sæpeditus *Fraericus* prædictum *Floriacum* eidem contradidit, eâ videlicet ratione, ut in majori elegantia ipsum locum sublimaret, ac Monachorum Congregationem ibidem constitueret: quod ita & factum est. Denique evocatum ipsum venerabilem Patrem idem Princeps hoc Cœnobium ædificare jussit, Rectoremque constituit, sicut in largitione quam de ipso locello huic monasterio edidit, scriptum fore constat. Sic enim inter cætera insertum illic reperitur: *Ubi constituimus virum strenuum & Dei cultorem Domnum Bainum ipsum Rectorem Monasterii Fontinellensis, eâ videlicet*

conditione, ut ex præfato Monasterio *Fontinellâ* post recessum ejusdem *Baini*, ipsi Monachi in ipso *Floriaco* Cœnobio consistentes omni tempore Rectores & Governatores habeant, & sub eorum ditione nostris & futuris temporibus permaneant, & sub nostrâ ac heredum nostrorum defensione ipsa loca perenniter tuenda consistant. Actum est anno duodecimo, regnante *Hildeberto* Rege. In quo Conventu interfuit idem gloriosissimus Princeps, & nobilis conjux ejus *Plectrude*, filique eorum *Drog*, & *Grimolus*, *Cripp*, & alii plurimi nobiles viri. Largitus est autem anno *Hildeberti* Regis nono ibidem villam, ejus est vocabulum *Taricinus*, quæ sita est in pago *Belloacensi*, ipso die tertio *Nonarum Martii*, Indictione secundâ.

Anno verò undecimo præfati Regis, *Walmonem* villam, quæ sita est in pago *Belloacensi*, & *Lucinicum* in territorio *Vilcalinensi*, eidem delegavit Cœnobio sub die decimo *Kalendarum Novembrium*.

Anno decimo tertio præfati Regis contulit ipsi Cœnobio idem inclytus Dux villam ejus est vocabulum *Mala*, sitam in pago *Madriacensi*, die decimo quinto *Kalendarum Augusti*, feriâ quintâ, Indictione sexta.

Eodem anno præfatus gloriosissimus Dux *Garnapium* villam quæ sita est in pago *Vilcalino*, contradidit ipso die *Idus Aprilis*, feriâ quinta, Indictione sextâ.

Anno undecimo jam supra scripto præfatus *Exarchus* dedit eidem Monasterio villam, ejus vocabulum est *Ecclesiola*, sitam in pago *Ebroicino*, *Kalend. Martiarum* die, Indictione IV. feriâ quartâ. *Bannagam* insulam anno decimo regni sui idem *Hildebertus* Rex præfato *Præfati Baino*, & eidem Cœnobio contradidit.

Anno duodecimo ejusdem Regis præfatus Princeps *Pipinus* *Fontanidum* villam ipsi Cœnobio largitus est. Huic admirabili Præfati largitus est præfatus *Hildebertus* Rex villam quæ vocatur *Adpicum*, quæ sita est in pago *Pinciensi* super alveum *Sequanam*, unâ cum adjacentiis suis, *Novitianus*, *Curbania*, & *Albachahan*, *Nido*, *Terralido*, & cum illis præfatis\* quinque, anno decimo regni sui, qui erat Dominicæ Incarnationis septingentesimus & quartus, Indictione secundâ, decimo tertio *Kal. Novembris*, feriâ secundâ.

Anno sexto ejusdem Regis quidam homo *Leutbrandus* portionem aliquam de villâ, quæ vocatur *Pansas*, \* largitus est in pago *Ebroicino*.

Anno septimo *Erchenulphus* similiter de villâ quæ dicitur *Ulmofus*.

Anno duodecimo præfati Regis *Gressus* villam in pago *Tellau Jordanis* contulit.

Anno undecimo *Sicbaldus* *Taunacum* villam in [ pago ] *Tellau*.

Obiit idem Episcopus *Bainus* duodecimo *Kalendarum Julii*.

Hic namque *Bainus* Episcopus inter innumera bonitatis suæ opera quæ gessit, etiam corpora Sanctorum *Wandregisili*, *Ansberti*, atque *Wlfranni* in Ecclesiam Beati Principis Apostolorum *Petri de Basilicâ S. Pauli* apostoli transtulit. Et posuit quidem beati patris *Wandregisili* in medium, magni verò *Præfati Ansberti* ad lævam, & gloriosi Pontificis *Wlfranni* ad dexteram partem in absidâ ejusdem Basilicæ ad Orientalem plagam. Facta est autem hæc sancta translatio anno Dominicæ Incarnationis sep-

Translatio corporum SS. Wandregisili, Ansberti, & Wlfranni; 704.

<sup>b</sup> *Sergii* Papæ ] Quæ sequuntur, in *Fontanellensi* codice non leguntur usque ad illum locum, *Hic admirabili præfati*

<sup>c</sup> *huic admirabili* ] Hæc quidem habentur in cod. *Fontan.* sed in fine capituli: ita enim post *Sergii* Papæ, sequitur

*Hic namque* *Taius*, & cætera usque ad finem.

<sup>d</sup> *Curbania* ] *Laudatus* codex, *Curbania*.

<sup>e</sup> *Terralido* ] Idem, *Trenlido*, & mox *forestariis*, ubi legitur *præfatis*.

<sup>f</sup> *anno sexto* ] Idem codex, *anno XI* & statim, *Pansas*. L I ij

tingentesimo quarto, Indictione secundâ, pridie Kalend. Aprilis, feriâ secundâ. Nam solemnitas sancti Paschæ tertio Kalend. Aprilis tunc existit, qui erat annus decimus gloriosi Regis Hildeberti: porro Joannis Papæ, qui octogesimus [quintus] à beato Petro Romanam rexit Ecclesiam, annus primus; *Baini* denique Patris prædicti annus quintus, ex quo regiminis assumferat curam istius Cœnobii. Eodem verò in loco, quo B. Wandregisilus in prædictâ S. Pauli Apostoli requieverat Basilicâ, B. Erenbertum Episcopum posuit, qui antea in inferiori loco ejusdem Ecclesiæ subter arcubus tumulatus, annis plus minusve triginta tribus requieverat, die trigesimo primo post translationem prædictam, condiditque super eum tepam argento decoratam. Requievit igitur B. Wandregisilus in eadem S. Pauli Basilicâ annis circiter quadraginta: inclytus autem Præsul Ansbertus annis novem; Sanctus verò Archiepiscopus Wlfrannus annis undecim. \* Qui ita inventi sunt cum vestibus suis à corruptione illæsi, quasi eadem die fuissent sepulturæ traditi. Nam sicuti ministrare sanctis altaribus consueverant, ita etiam tumulati fuerant.

*Gesta BENIGNI Diaconi, Abbatis [Patris] Fontanellensis & Flaviacensis.*

### CAPUT III.

**B**ENIGNUS [igitur] Diaconus & Monachus à patre nomine Maurino editus, matreque Ingâ, ordinatione divinâ assumit Cœnobii curam ab anno decimo sexto Hildeberti Regis, qui erat annus tertius Joannis Papæ suprâ jam taxati, Dominicæ verò Incarnationis septingentesimus septimus; Indictione quintâ. Tenuit hujus Monasterii curam pastorem per quatuordecim curricula annorum. Anno autem ab Incarnatione Domini nostri **JESU** Christi septingentesimo & decimo sexto jussu Ragenfredi Majoris-domûs, sive potius, quod verius est, Tyranni, de regimine Monasterii projicitur, & *Wando* Monachus filius Baldrici ejus in loco subrogatur per annos tres.

Eodem denique anno venit Radbodus Dux Frisonum navali ordine usque Coloniam urbem. Contrâ quem Carolus sagacissimus Exarchus bellum instauravit. Sequenti quoque anno, id est, Dominicæ Incarnationis septingentesimo decimo septimo, Indictione decimâ quintâ, actum est bellum plus quàm civile inter Carolum Exarchum & Ragentridum in Tartam in die Dominico in loco nuncupante Vinciaci, duodecimo Kal. Aprilis, dies xv. ante solemnitatem sancti Paschæ, qui erat primus annus Gregorii secundi Papæ, qui nonagesimus primus à B. Petro Apostolatum ejusdem tenuit urbis. Nam in præfato prælio Wando cum Ragenfrido & Hilperico Rege interfuit. Benignus verò Diaconus partibus Caroli favebat. Cumque post actam eadem Ragenfridus cum Hilperico fugam attripuisset, tandem post multiplicem fugæ lapsum ad Noviomum hujus nostræ Ecclesiæ villam perveniens, Wandonisequum, quem ibi in pasto constitutum reperit, extemplo assumit, atque cursu rapido ad portum, qui vocatur Devenna, penetravit. Illic namque transmissio Sequana ad Andegavis urbem aufugit: insequabatur enim à Caroli satellitibus. Cum verò comperisset Carolus à sibi dicentibus, quodd scilicet Ragenfridus per equum Wandonis aufugisset; jussit eum illico de

Cœnobii hujus regimine projici, & in Trajecto castro exilio trudi, quod antiquo gentium illarum vocabulo Viltaburg, id est oppidum Wiltorum vocabatur, nunc verò linguâ Gallicâ Trajectum nuncupatur. BENIGNUS denique rursùm regiminis hujus Cœnobii sortitus gradum per annos quatuor, id est, usque ad annum Theodorici junioris Regis tertium, qui erat Dominicæ Incarnationis septingentesimus vigesimus tertius. Hujus BENIGNI Abbatis propinquus S. Gennardus Vicedominus Ecclesiæ Rotomagensis, & Abbas Cœnobii Flaviacensis existit. Qui post recessum ipsius Gennardi Flaviacensis Cœnobii factus est Rector.

*De MILONE Recluso,*

### CAPUT IV.

**S**UB hujus denique administratione quidam paterfamilias nomine Rothmundus ob gratiam vitæ contemplativæ mundani fugiens culmen honoris, ad conversionem venit cum filio suo nomine Milonis: amboque comam capitis sibi deponentes, effecti sunt milites Christi. Sed postea Milo licentiam expetiit à prædicto Patre Benigno, ut licitum sibi foret Anachoritarum more solitariam vitam ducere. Deinde verò ad locum accedens, qui hodieque Milonis crypta per metonymiam dicitur, in rupe altissimâ super ripam alvei Sequanæ, rupem eandem excidens, mansiunculam sui voti condignam sibi constituit, quæ viginti ferè homines capere videretur: ibique aëreas dæmonum turmas fortissimo Christi umbone repellens; infatigabiliterque agonizans, feliciter Domino militavit. Mater verò ejus nomine Wila, Mater Logensis Cœnobii in sancto proposito effecta, quæ præcipua fuerant in eodem Monasterio ornamenta ipsa tribuit, necnon & prædia plurima acquisivit. Præfatus verò Rothmundus, ac religiosus famulus Christi Milo tempore conversionis suæ largiti sunt huic Cœnobio patrimonia duo, id est Oliniacas & Battonis-curtem, sita in pago Tellau, anno videlicet tertio Dagoberti junioris Regis, qui erat Pipini senioris Ducis vigesimus sextus Incarnationis autem Domini Salvatoris nostri **JESU** Christi septingentesimus tertius decimus. Erat autem præfatus miles Domini Milo Presbyteratus ordine, quem bonis clarisque actibus adornabat, decoratus. Habebat namque sub rupe [illâ] Ecclesiolam constructam, in quâ hostiam victimæ salutaris Domino immolabat. Usque hodie verò cernuntur vestigia ejusdem ædificii, in quo Basilica illa constructa fuit. Monstrantur nunc usque arbuta in latere montis ejusdem rupis, ac vitiferæ arbores, quas ipse propriâ manu terræ inseruit, necnon & plantæ seu vites vineæ, quam ipse etiam plantavit, ac dum ibi philosopharet excoluit. Secundum dictum namque Psalmistæ, laboribus manuum suarum vivere satagebat, ut ei benè esset, ac finito mundi cursu videret bona in Hierusalem. Idcirco autem de eo ista tentavi memoriæ mandare, quoniam de eo multiplex opinio bonæ vitæ per plurimos ad me perlata est. Audiavi nempe narrantem quemdam venerabilem senem, qui ab eo didicit, qui ipsum Milonem multo tempore vidit, quodd fuisset staturâ procerus, vultuque angelicus, calvitium habens capitis venerandam. In ipsâ namque cryptâ bonis operibus insistens, ac retruso ordine vitam irreprehensibilem ducens, mentem ad cœlestia desideria semper intendens, pauperie valde gaudens, ibidemque præsentis

[*g. annis novem*] In annis Ansberti & Wlfranni variat Codex sæpius laudatus; nam illi annos undecim, huic novem tribuit.

vitæ debitum complens, spiritum Deo reddidit felicitati perenni conjungendum. Cujus corpus in Ecclesiam B. Apostoli Pauli advectum, sicque sepultura est traditum. Ferunt namque nonnulli, quod ante portam Logensis Cœnobii se jussisset tumulari, atque ibidem humatus teneatur: sed ut ego à veracibus senioribus didici, commodius fore arbitror, ut ubi Monachus exstitit, illic etiam sepultus teneatur. Credo tamen, quod ubicumque ossa requiescant, <sup>h</sup> anima fruatur gaudiis sempiternis. Hæc quidem veluti auditu didici, ac in scriptis Privilegiorum nostri Cœnobii reperi, de Milone Reclauso seu Anachorita dicta sufficiant.

De BAGGA Monacho ac Presbytero.

### CAPUT V.

**O** Portunum præterea videtur, ut hoc in loco quæ à pluribus venerabilibus viris de bonæ recordationis BAGGA hujus Cœnobii Monacho ac Presbytero didici, quoniam sub hujus Patris <sup>i</sup> regimine ad Dominum migravit, inferere non omitam. Hic etenim sanctæ conversationis vir ex Britannia Oceani insulâ Saxonico ex genere ortus, hoc advenit Cœnobium, ad plurimum temporis regulari ordine vitam irreprehensibilem gessit. Ita namque in omnibus mandatis divinis se exercere satagit, ut cunctis Christi famulis hoc in Cœnobio consistentibus imitandus appareret. Hic itaque explicitis dierum suorum curriculis, quo jam in aulâ cœlesti dignus reciperetur heres, parvâ correptus ægritudine decubuit; nec multo post corpore solutâ animâ, perenni particeps factus est felicitati. Contigerat denique, ut in eâ horâ, quâ ipse Christi famulus rebus excessit humanis, prædictum egregium Patrem Benignum in Ecclesiâ [orationi <sup>i</sup> secretius insistere. Tunc unus ex ministris concito gradu eundem Patrem adiit, fundentemque Domino preces solo prostratum in Ecclesiâ reperit:] cumque diutius in precibus persisteret, isdem minister propius accessit, extemploque prædictus Pater indicare sibi aliquid velle persensit; surgensque ab oratione sciscitatur quid quæreret. At ille: frater, inquit, Bagga consortiis subtrahitur humanis. At venerabilis Pater longa ex imo pectoris trahens suspiria, talia inquit: O lignifer fortissimè Christi militiæ Bagga; nunc mercedem laborum lætus accipis tuorum: deprecare ipsum benignum Dominum, ut unâ tecum mereamur gaudere consortiis iustorum per ævum. Unde haud dubium est eidem Patri divinitus cum in oratione consisteret revelatum fuisse, ut & spiritum illius cœlos penetrantem aliquâ ex parte mereretur aspicere, qui ita auxilium ipsius flagitabat in prece. Denique more mortuorum compositus, digno in loco sepulturae mancipatus est, magna enim copia in hujus Patris administratione nobilium virorum hoc in Cœnobio exstitit.

De ARLAUNO Sylva.

### CAPUT VI.

**H**Uic Benigno Abbati largitus est Dagobertus Rex junior quartam partem de Arlauno fo-

<sup>h</sup> requiescant] Sic codex Fontan. prior edito, *teneantur sepulta.*

<sup>i</sup> hujus Patris] Nempe Benigni.

<sup>l</sup> orationi] Quod uncis inclusum est, noverit lector ex codice Font. esse descriptum; ac pro iis hæc duo tantum verba in priori editione representata esse, *minister reperit.*

<sup>m</sup> Theobaldo] Laudatus codex, Theobaldo. Infra ex co-

reste, anno quinto regni sui, suggerente Theobaldo <sup>m</sup> Majori-domus Regiæ, per loca designata, id est per Quincionem montem, deinde per Petrosam vallem, & exinde per profundam vallem, necnon etiam per Mortuam-vaccam. Aliæ verò terminationis fines sunt, à termino Itcinsæ\* de Valle Tabellis per illum lacum\* qui vadit ad locum, qui nuncupatur Caput-caballinum, inde ad illam falsosam cisternam quæ dicitur Sarconos, \* indeque ad Tenebricam valliculam ad dexteram manum per verticem montis usque ad profundam vallem, quæ dicitur Mortua-vacca. Deinde per Casalis usque ad fines Bovaricenses in dexterâ per summum illius pigatum exsartum usque ad fines Glaccolinses. Deinde per illum mansionilem qui vocatur Pomaritus infra ipsam forestem Arlaunum, & est per loca designata, hoc est de uno latere Bracus, sive vallis quæ dicitur Dirginis, usque ad eum locum qui dicitur Petrasita, & ipsum mansionilem ad pratum faciendum. Deinde ad Petrasitam secus primam viam publicam quæ dicitur ad duos pontes <sup>n</sup>, & ad Bracum, quæ dicitur Bricilione. \* Deinde etiam secus illum Bracum qui dicitur Ad Castellum Luperum, qui est super illum bracum anteriorem Dirginis. Hæc quidem largitio licet ab isto Rege sit firmior edita, ab antecessore tamen suo glorioso Rege Hildeberto maxima pars concessa jam fuerat decessori istius Benigni Abbatis, almæ recordationis Baino Episcopo. Edita est autem hæc Donatio sive Confirmatio à præfato Rege Dagoberto anno Incarnationis Dominicæ septingentesimo quinto decimo, Indictione decimâ tertiâ, quinto Iduum Juniarum die Dominicâ. Eodem anno ipse Dagobertus Rex mortuus est. Quo tempore terra Hattuariorum à Saxonibus depopulata est: sed ipsi non multo post dignas suæ perfidiæ pœnas à Francorum populis perpessi sunt, eorumque terra usque Wiseram fluvium incendiis, rapinis, interfectionibus attrita est.

De muneribus ac rebus BENIGNI Abbatis.

### CAPUT VII.

**H**IC [denique Benignus] dimisit in Ecclesiâ B. Petricalicem aureum, qui pensavit libras quinque, & patenam ejus pensantem libram unam. De rebus verò Cœnobii [nostri] nil minuit; imò augmentare studuit. Denique ex propriâ hereditate contraxit huic Cœnobio Sennan <sup>b</sup> & Maronis \* cisternam, possessiones sitas in pago Calentinse \* Similiter Bisagum, qui est in pago Rothomagensi. Siva-gum \* etiam & Limitium, quæ sunt in pago Velio-cassino: Maris, & Waldeberti \* willare: patrimonia quæ sunt sita in pago Aurelianensi: Onadonem & Caraciagum prædia posita in territorio Andegavorum: Condatum etiam patrimonium, quod est in pago Oximo. Crisciacum, Salaciagum, Saviniacum, Cap-tialonnum, & Magalonnum, quæ sunt in pago Sanctonico: Agannagum, Bonelum, <sup>p</sup> Andia-gum, Vodertam, Aguintum, \* Ambariago, Riveram, prædia quæ sunt sita in pago Engolismensi. Sunt possessiones viginti duæ, pagi septem. De quibus tertiam partem largitus est, id est de unaquâque. Edita est largitio à prædicto Benigno, quarto anno regnante Hildeberto Rege, die decimâ tertiâ Kalend. Februar.

dein scripsimus Itcinsæ & lacum, ubi erat Itcinsæ & lacum. Illic quoque pro Sarconos legitur Sarcosos.

<sup>n</sup> duos pontes] Sic codex quem semper laudamus, & Bricilione. Prior editio; *Vospones; & Bricilione.*

<sup>o</sup> Sennan] Codex Font. *Sennan, & Mauronis...* in pago Calentinse: *... Sniagum...* Waldoberti.

<sup>p</sup> Bonelum... Aguintum] Idem cod. Bonelum... Agintum.

Hic Benignus Abbas evindicavit contra Bertharium Comitem villam quæ vocatur Montecellus, quæ est sita in pago Oximenſi, coram Carolo Major-domus, mediante Advocato suo nomine Roberto. In quo Conventu interfuerunt hi Episcopi; Ebbo, Baldoinus, q & Milo, seu alii illustres viri & Comites, Teudericus, Rotgarius, Anginulfus, & Haregarius. Celebrata est hæc evindicatio anno tertio, regnante Theoderico juniore Rege, xiv. Kal. Augusti, Tulpiaco \* castro.

Anno quinto regnante Dagoberto juniore Rege, quidam Presbyter, nomine Leutbertus, vir valde dives, contradidit eidem venerabili Patri prædium, quod vocatur Bodardi villa, situm in pago Wimmā, in quo ipse Leutbertus Ecclesias ædificavit, necnon & locella alia, id est, Taunaco, Luneraco, Frolinas, t seu Gressus etiam & Duno, & Arecharium villam in pago Velioassino. Unde statim Privilegium confirmationis à prædicto Rege editum accipere curavit, quod adhuc in Scriniis nostri Cœnobii reconditum retinetur.

Eodem anno quidam homines nominibus hiis, Gunthardus, Almedius, Aiga femina, largiti sunt possessiones has in pago Ebroicino, Agmaro, & Aorma, & Maceriolas, & Spanga, & Haretone, cum omnibus adjacentiis suis, sitas super fluvium Ittonem: huic Benigno Abbati largitus est Benignus item Monachus, Senior frater Gennardi, mansum in Magaciaco villā, quæ est in pago Velioassino, cum vineis & mancipiis, quem ei dederat Ragenfridus Major-domus quondam. Item quidam homo nomine Gislehardus Montecellus villam cum adjacentiis suis Meriliaco, Nervimaco, t Ciriliaco, sitam in pago Oximenſi in centenā Noviacense, anno secundo Dagoberti Regis.

Anno decimo sexto Hildeberti Regis, quidam paterfamilias Litor \* nomine Primiaco decimo die mensis Julii in pago Madriacensi largitus est. Eodem anno Ermingus Clericus partem contulit de Brinniaco octavo Kal. Julii. In quo Conventu interfuit vir Deo dilectus Bagga Presbyter Saxonici generis.

Anno decimo septimo ejusdem Regis Ebrinus partem de Gentiaco, ac Fontanas contradidit. Nam & fratrem suum nomine Eodonem istinc Clericum habebat.

Anno primo Dagoberti juvenculi Regis Ermoaldus Summacianna t, decimo Kal. Martii. Anno secundo Erinnulfus Roccolindutum, sive Betlinicurtem, \* & Mancicum. Anno tertio Gaugia femina [Miltus] Saciacum sive Dignum u super fluvio Audurā: item Landas [largita est.] Anno quarto partem de Tertiacio & Arbrandovillari \* Erimfridus [contulit.] Item Monticellus in centenā Nantfanninte, Erchemfridus. Anno quinto Aganulfus in partem Fransariis viciniis Gressus, & quidam Waddo in Colnicio. [Obiit \* autem isdem venerabilis pater Benignus] decimo tertio Kalend. Aprilis.



Gesta HUGONIS Archiepiscopi, & Rectoris Cœnobiorum Fontanellenſis, & Gemeticenſis.

#### CAPUT VIII.

HUGO filius Drogonis vir venerabilis à matre nomine Adaltrude y primogenitus, nepos Karoli sagacissimi Principis, Archiepiscopus Rotomagensis Ecclesiæ, post præfatum BENIGNUM regimen hujus Cœnobii suscepit ab anno Dominicæ Incarnationis septingentesimo vigesimo tertio, Indictione vi. qui erat annus Principatus Karoli nonus, Gregorii verò secundi Papæ, qui loco nonagesimo à S. Petro Romanæ præfuit Ecclesiæ, annus septimus instabat. Rexitque istud Cœnobium per annos novem, menses duos, & dies tredecim, id est usque ad annum decimum sextum Principatus antefati Karoli; Gregorii verò præfati Papæ decimum septimum, Dominicæ quoque Incarnationis septingentesimum trigesimum, Indictione decimā tertiā. Hic etiam Præfultum Ecclesiæ Parisiæ, simulque Bajocassinæ, cum Rotomagensi tenuit, factione scilicet patris sui Karoli Principis, extrā Decreta tamen Canonum. Cœnobio verò nobiliora, Fontinellam, & Gemeticum: Prædia verò Regia, quæ ejus infederunt animo: non enim causā perversæ cupiditatis, aut aliquo seculari fastu à patruo suo Carolo Principe, sive à Regibus Francorum, qui ejus tempore sceptrum Regni hujus tenuerunt; id est Hildeberto, Dagoberto, Hilperico, Hlotario, necnon & Theoderico ea impetrabat, sed ut statim Ecclesiis Christi contraderet. Sciens scriptum, quoddam hereditas benè reconditur, quæ Deo custode servatur. Mater denique ejus Adeltrudis, ut prædiximus nomine, filia fuerat Warattonis nobilissimi Majoris domus Regiæ, atque Ansſledis, conjugis ejus, qui plurima huic Monasterio largiti sunt prædia. Denique prædicta religiosa & strenua matrona Ansſledis avia sua derelicta Warattonis, ad nutriendum suscepit ipsum Hugonem, Patrem demum gloriosissimum.

Hæc igitur prudentiæ & providæ industriæ spiritu plena, animum pueri fertur quotidianis admonitionibus corroborasse, ut sese cum omnibus quæ habebat Dei servitio manciparet. Unde factum est ut sacrarum literarum studio imbutus, cœvos suos sapientiā & religione anteiret: secundumque sanctam suggestionem præclaræ nutricis ac aviæ suæ Ansſledis cœpit terrena cuncta despiciere, & ad regna cœlestia viriliter anhelare, simulque patrimonia plurima Ecclesiis Christi contradere. Quæ cuncta si qui plenius scire cupiunt, scrinia civitatum Rotomagensis, Parisiæ, & Bajocassinæ, & hujus Cœnobii Fontinellenſis, simulque Gemeticenſis revolvant; illicque invenient quantam sollicitudinem ac pervigilem curam de constructione, propagatione, & administratione, ac exaltatione Ecclesiarum habuerit. Hujus pater Drogo, filius prædicti Pipini Ducis Francorum, frater Grimoaldi & Karoli nobilissimorum Principum, defunctus est anno ab Incarnatione Domini septingentesimo septimo, Indictione quintā, tempore Veris. Succedit enim isdem vir venerabilis Hugo in sede Rotomagensis [Ecclesiæ] vigesimus z à Mellone primo Pontifice ejusdem.

q Baldoinus] Aut Halduinus, ut habetur in sæpius memorato codice, in quo etiam legitur infra, Tulpiaco.

r Frolinas] Idem codex, Frolinas.

s Nervimaco] Idem, Ciriliaco, Nerviniaco. Idem infra pro Litor, habet Istor.

t Summacianna] Idem, Summacranna, & infra Bertiliacum, ubi editum est Betlinicurtem.

u Dignum] Aut Dingum: ita enim legitur in laudato codice, & infra, de Tritiaco, ac Brandovillari.

x Obiit] Pro iis quæ nunc uncis inclusa leguntur ex codice Font. editum erat antea, decessit.

y Adaltrude Idem codex, Adeltrude progenitus.

z vigesimus] Idem codex addit, tertius.

urbis: Rector quoque sive Procurator urbis Parisiæ trigelimus quintus à B. Dionysio constituitur; porro in regimine hujus Cœnobii Fontanellensis à B. Wandregisilo septimus in loco: similiter à S. Philiberto in regimine Cœnobii Gemmeticensis. Hic namque vir venerandus Hugo dum adhuc laicus foret, largitus est Benigno Abbati Vierlaicum<sup>a</sup> villam, quæ sita est in pago Tellau, super fluvio Eora, quæ ipsi de jure prædictorum parentum suorum legitime obvenerat. Facta est hæc largitio ab anno Dominicæ Incarnationis septingentesimo decimo tertio, Indictione undecima, qui fuerat annus Dagoberti junioris Regis III. Pipini autem Ducis XXVI. undecimo Kalend. Juliarum die, feriâ IV. [Factus verò Præsul contulit possessionem suam quæ vocatur Molinus-coqus, huic cœnobio, sitam in pago Belloacensi super fluvium Maslo, continentem mansos octoginta & quatuor.] Inter reliqua autem prædia ab eo contradata, etiam Witslanam<sup>b</sup> villam largitus est Wandoni Abbati anno primo Hlotharii Regis, quem Carolus post fugam Hilperici ac Ragenfridi Regem sibi statuerat, & possessa est ab hoc Cœnobio usque ad regimen Witlaici Abbatis per annos quadraginta tres. Huic glorioso Præsuli largitus est quidam illustris nomine Bertus, portionem aliquam de villa Digmaniac<sup>c</sup>, quæ sita est in pago Olismensi, in centenâ Alancionensi, & illam rem quæ vocatur Vanda in centenâ Saginse. Similiter in territorio Cenomannico rem illam quæ dicitur Veringo\*, seu Metiago; quæ appellatur Avancurte. \*Edita est hæc largitio anno undecimo Theoderici Regis patris Hilderici demum Regis novissimi ex genere Merovingorum. De patrimoniis enim à prædicto glorioso Præsule huic loco largitis, sive à fidelibus Christianis impetratis ac susceptis, qui nosse cupit, Testamenta ab ipso edita revolvat, & tunc probabit nihil in de eo finistrum aut dixisse, aut scripsisse. Mensatas [hoc in Cœnobio constituit, deputatis scilicet villis quæ per] unumquemque mensam sufficientem præberent alimoniam, idcirco memoria illius in benedictione manet. Expletis namque laudabilis cursus sui annis migravit ad Dominum sexto Idus Aprilis, qui erat annus Dominicæ Incarnationis septingentesimus trigelimus, Indictione decimâ tertiâ. Corpus ejus Gemmetico Cœnobio, quo etiam vita decessit, in Ecclesiâ Sanctæ matris ac perpetuæ Virginis MARIÆ venerabiliter sepultura est traditum. Conditæque est à Fratribus illinc habitantibus supra tumbam illius repa diversis metallis decorata; ob amorem videlicet, sanctitatem, ac reverentiam illius. Nullus enim ante eum ejusdem Cœnobii Rector, nec post eum, tot prædia ac possessiones in jure ipsius venerabilis loci contulit ac impetravit, sicut ipse facere curavit, veluti Testamenta ipsius Cœnobii cunctis legentibus liquidò patet. Hic dimisit in hoc Cœnobio Fontanellensi calicem aureum & patenam auream pensantes libras quatuor, uncias duas. Turriculam<sup>d</sup> auream pensantem libras sex. Capsam auro & gemmis decoratam continentem pignora diversorum Sanctorum. Plurima enim bonitatis gessit opera, quæ dinumerare laboriosissimum est. Nobilis enim exitit genere, sed non inferior religione. Hæc quidem de venerando Patre ac Domino Hugone dicta sufficiant.



a Vierlaicum ] Idem Virilaicum.

b Witslanam ] Idem Witslanam.

c Digmaniac ] Hic quoque variat laud. cod. nam Dogmaniac habet: idem mox Vernico, ubi est Veringo, & Avana curte, ubi Avancurte.

Gesta LANDONIS Archiepiscopi Remensis, & Rectoris Cœnobii Fontanellensis.

## CAPUT IX.

LANDO Episcopus de urbe Remensi successit Hugoni Præsuli in regimine Cœnobii hujus ab anno duodecimo Regis Theoderici novissimi, qui erat Exarchatus Caroli annus septimus decimus, Incarnationis autem Dominicæ septingentesimus trigelimus primus, Indictione decimâ quarta. Qui etiam Cellam S. Sidonii, quæ est in Waxinnâ<sup>e</sup>, simul cum istâ jure beneficii aliquamdiu tenuit. Anno namque regiminis istius primo Gregorius junior Papa migravit ad Dominum. Cui successit alius Gregorius miræ sanctitatis vir, qui claves ex confessione S. Petri Apostolorum Principis accipiens, Carolo Principi direxit, ut Romanam Rempublicam ab oppressione Longobardorum liberaret. Eodem anno Carolus perrexit Walsconiam contra Eudonem Principem, qui tyrannidem assumerat: & Ragenfridus in Tartâ post annos tyrannidis quatuordecim mortuus est. Venerabilis Presbyter Beda Historiam Ecclesiasticam, quam de gente suâ, id est Anglorum, composuerat, usque in hunc annum mirabili opere perduxit, & non multo post ad cœlestia regna perrexit, VII. Kal. Janii.

Hic Lando impetravit à præfato Carolo Principe Privilegium immunitatis perennis, in quo continetur, quod Cœnobium istud sub suâ defensione ac tuitione idem Princeps specialius receptum haberet, & hoc ipsum Francorum populo, sive Episcopis, seu Cœnobiorum Patribus, necnon Comitibus, omnibusque exactoribus Reipublicæ gentis Francorum notum esse voluit, quatenus res istius Cœnobii, universaque sua salva esse valerent, nec à quocumque diripi, aut contaminari, vel in aliquo lædi quocumque possent ingenio. Editum est hoc Privilegium in isto Cœnobio, suggerente eodem Episcopo, ac fratribus omnibus intercedentibus.

Hujus anno secundo, id est Dominicæ Incarnationis septingentesimo trigelimo secundo, Eudo Dux Aquitanorum cernens se superatum, & ad defendendam patriam suam contra Carolum se viribus esse destitutum, gentem perfidam Sarracenorum ad auxiliandum sibi invitat: qui cum Rege suo Abdirama nomine Garomnam fluvium transiit, Burdegalem urbem pervenerunt, ibique Ecclesiis Deigne concrematis, pluribusque Christianis interfectis, usque ad Pictavem urbem [profecti sunt], Basilicamque S. Hilarii igne concremarunt, & ad beatissimi Materni<sup>f</sup> Ecclesiam subvertendam summo conamine proficisci contendunt. Contra quos Carolus Princeps juxta urbem Pictavem aciem construxit, & super eos invocato Christi auxilio intrepidus irruit, & eos cum Rege eorum usque ad internecionem delevit. Accepitque spoliis eorum, nomen Domini glorificans, totâ jam Aquitania subactâ, cum triumpho ad propria revertitur. Rexit autem Cœnobium istud idem Episcopus Lando per annos tres, lapsisque cursus sui annis, ingressus est viam patrum: sicque sepultura traditus in Ecclesiâ B. Petri Apostolorum Principis, in Ecclesiâ Cœnobii Fontanellensis. Obiit XVII. Calend. Februarias.

d turriculam ] In quâ scil. Corpus Domini servaretur, ut discimus ex brevi expositione antiquæ Liturgiæ Gallicæ, editâ tom. 5. Thes. Novi Anecdor. pag. 95.

e Waxinna ] Codex Font. Waxinna.

f Materni ] Idem, Martini.

Obiit an. 730.



*Gesta TEUTSINDI Abbatis Cœnobii S. Martini  
Turonensis, & Fontanellensis.*

## CAPUT X.

**T** EUTSINDUS Pater Cœnobii S. Martini Turonensis Ecclesiæ, sortitur locum regiminis anno Dominicæ Incarnationis septingentesimo & trigésimo quarto, Indictione secundâ: qui erat annus præfati Regis Theoderici decimus quintus. Hic quidem Teutlindus quàm fuerit amator Dei ac Sanctorum, Ecclesiarumque ejus fautor ac defensor, opera quæ gessit hoc in Cœnobio, vel qualiter in diebus ejus res istius monasterii augmentum vel detrimentum sumserint, testimonium perhibent. In diebus namque tyrannidis, non regiminis ejus, hoc nobilissimum Cœnobium ignobile est redditum. Ab isto enim tempore, quo lugendus iste regiminis suscepit locum, status vite innocentis, quem in eodem Cœnobio secundum eximii Patris BENEDICTI normam excolendum fore beatus Pater Wandregisilus instituerat; ob inopias plurimas fluctuare cœpit, nec usque ad hanc diem in pristinum statum revocari valuit. Denique tempore B. Lantberti Archiepiscopi, sancti etiam Ansberti summi Pontificis, Hiltberti quoque venerabilis Presbyteri, Baimi denique gloriosi Præfatis, Benigni preciosi Patris, Hugonis quoque magni Præfatis, felicia atque lætissima isti Cœnobio fuere tempora. Quippe dum prædiis plurimisque possessionibus à Regibus magnis ac sinceris Christiane Religionis cultoribus istinc largitis, omni egestate excusâ, multitudinis Domino militantium erat cor unum & anima una, erantque eis omnia communia, nihilque proprium aut suum quisque dicebat; sed juxta exemplum primitivæ Ecclesiæ feliciter ac securè Domino militabant: omnia namque necessaria à Patre Monasterii accipienda fore noverant. In diebus prædictorum Patrum trecenti semper fuere numero istinc habitantes servi Dei. Adeptus namque iste locum regiminis, & non regiminis, sed potius tyrannidis, mox rebus [nobiliores] ablatis in maximam paupertatem hoc quondam gloriosum Cœnobium redegit. Nam penè tertiam facultatum partem abstulit, suisque propinquis, ac Regiis hominibus ad possidendum contradidit, quæ usque nunc de isto Cœnobio permanent ablata, sicuti omnibus Privilegia ac largitiones, quæ in scriptis nostri Cœnobii retinentur, revolvendis in promptu est: quæ nimis longum est narrare per singula. Sed unum & plurimis ad medium deducam precarium, quod cuidam Comiti nomine Rathario edidit, ob memoriam æternam qualiter ipsæ res de hoc Cœnobio sint ablata, per ordinem describere tatum duxi. Eidem namque Rathario Comiti contradidit Ulmirus & Warinnam [fiscos duos qui sunt in pago Tellau juxta fluvios Tellas & Warinna] cum adjacentiis eorum, id est, Crisiaco, Seda, Magneroto, & item Magneroto, necnon & Toscarias, simulque terram super litus maris, & areas salinarum piscationumque quæ ibidem institutæ erant. Vineas etiam in Warnaco super fluvio Sequanæ sitas in pago Veliocassino, quæ impetraverat sanctissimæ recordationis Lantbertus Abbas à Rege glorioso Hilderico, suadente Regina sua Blitilde, necnon & aliis illustribus viris, quorum hæc sunt nomina: Leodegarii Episcopi demumque Martyris egregii, Vinonis, & Ernoldi, Fulcoaldi,

Amalrici, Wilfoaldi Majoris-Domus Regiæ, Bavonis, Waningi, Adalberti, Gerini, sicut in gestis præfati Patris Lantberti eximii fore scriptum constat. Similiter alia patrimonia in eisdem pagis sita, id est, Somardum<sup>h</sup> pontem, Malcham, Hofdinium, Balliolum in pago Vimnau, cum adjacentiis eorum, ad se pertinentes; necnon & medietatem de Edremau, qui fuit Gesonis, Moriacum, ac Braciacum, quæ sunt super fluvio Sedanna; Balciduum<sup>i</sup> in pago Vimnau, quæ fuerat Ambremari & Bertoldi; & Bociliacas, Ruboridum, Rosbacium, Gammapium villam pulcherrimam item super fluvio Sedanna; Victriacum super fluvio Duno sita in monte Aionecorte, Gammapiolum, Rumguarias, Muriacum qui dicitur vallis Cuniculi al. . . .<sup>i</sup> in pago Vimnau Bettonecorte super fluvio Eura: sunt villæ viginti novem, exceptis adjacentiis aliquarum, quæ ponuntur in duobus pagis, Tellau scilicet & Vimnau. Hæc namque patrimonia idem Comes Ratharius à prædicto Teutlindo jure precarii accepit; unde censum levavit omni anno ad festivitatem sancti Patris nostri Wandregisili in luminaribus Ecclesiæ solidorum sexaginta persolvendum. Factum est hoc precarium in isto Cœnobio hoc anno, qui est ab Incarnatione Domini nostri JESU CHRISTI septingentesimus trigésimus quartus, Indictione II. sub die tertio Nonarum Maiarum, quod evenit feriâ quartâ, qui erat annus [Principatus] Caroli Principis vigesimus. Censum autem quem idem Comes professus est transolvere, usque ad Vitlaici Abbatis tempora omni anno Patribus istius Cœnobii absque ullâ retractatione persolvebatur; de Ulmiro videlicet ac Warinna, quo S. Ricbertus corpore quiescit.

Hinc perpendant Rectores ac Prælati Cœnobiorum quàm nequiter ac infelicitè contrâ salutem animæ suæ agant, qui prædia ac res à bonis ac Deum timentibus hominibus Cœnobiiis suis collata jure Ecclesiarum ac Cœnobiorum ablato contradunt dominationi potentium ac dominicorum hominum, qui de proprio nil quidem tribuunt, sed hæc ipsa quæ largita à justis fuerant, gratum sibi ac temporalem acquirentes honorem, gregem sibi commissum in præcipitium mittunt: pro quorum calibus districte in die novissimo exolvent penam: nempe melius esset eâ die, quando præfate res de isto Cœnobio fuerunt sublata, ut ignis ibi accenderetur, qui universa ædificia funditus consumisset, quoniam decies antea quivisset reedificari, quàm tales res acquirere. Nam unde milites Christi alimoniam consequerantur, inde nunc pastus exhibetur canibus; & unde lumen ante aram Christi in Ecclesiâ lucere solebat, inde armillæ, balthei, & calceares fabricantur, necnon sella equinæ auro argentoque decorantur. In die enim unâ iste infelix operatus est malum hoc; sed in tot annorum curricula emendationem non recepit. Qualiter enim de suo elemosynam vallet facere, qui alienas res tollit, cum Zachæus ille statura pusillus dicat ad Dominum: Domine, ecce dimidium bonorum meorum do pauperibus, & si aliquid injustè alicui abstuli, reddo quadruplum. Et si de hominibus qui res aliorum tollunt, aut pecuniam hominum invadunt, ut in quadruplum reddant juxta exemplum ipsius Zachæi, Evangelium pronuntiat, & tunc elemosynam proximis impendant: quid dicendum est de his qui res Ecclesiarum & ipsius Dei æterni auferunt, & iterum sæculo contradunt? Veniet enim illis quod Dominus per Pro-

Lantberti Ab-  
batis gesta  
defunct.  
h

i

g

g Vinonis] In codice Font. legitur, Vinonis & Ernoldi.

h Somardum] Hic quoque variat laud. codex, & ha-

bet Somardum. Item infra, Balcinium, ubi legitur Balciduum.

i cuniculi al. . .] Idem codex, Cucunionioli.

phetam

hetam impiis comminatur, dicens: *Visitato super vos mala, & quiescere faciam superbiam impiorum, & arrogantiam fortium humiliabo.* Nec enim poterit eos aurum aut argentum liberare, neque divitiæ, quas nunc in angulis abscondunt, & ex quibus arrogantes effecti salutem suam obliviscuntur. Tales quippe Rectores nequiores sunt paganis, quoniam si pagani locum igne cremaverint, terram tamen secum non tollunt. [Talem vitam finientes excipiuntur ab his qui Græco eloquio vocantur *ἀσπυροί*.]

Hujus anno quarto, qui est Incarnationis **ccccxxvii**, nuntiatum est invicto CAROLO Principi, quoddam sæva gens Sarracenorum, obtenta Septimania & Gociâ, in partes jam Provinciæ irruissent, castrumque munitissimum Avinionem per fraudem quorundam Provincialium comitatum primum obtinissent. Quapropter exercitum congregans illuc iter dirigebat; præmissisque quibusdam exercitus sui Principibus, qui castrum obsiderent; ipse prosequutus est, prædictamque urbem obsidione circumdat, machinisque compositis urbem munitissimam diruit, ipsamque cum habitatoribus suis igne & gladio consumit. Rodanum dehinc fluvium transiit, Gottorum fines penetravit; Narbonam urbem celeberrimam castris circumcinxit, Regem Sarracenorum nomine Acluma<sup>1</sup> cum Satellitibus suis ibidem reclusit. Hæc audientes majores natu Sarracenorum, qui morabantur in regione Hispaniæ, collecto exercitu cum alio Rege nomine Amormacha adversus Carolum arma corripunt. Contra quos invictus Princeps Carolus civitate Narbonâ sub custodia derelicta, in loco qui vocatur Birra, septimo ab urbe milliario occurrit intrepidus, ubi divinâ misericordiâ succurrente pugna acerrima commissa est. Carolus Princeps victor existit, Regem præfatum Sarracenorum interemit, exercitumque ejus penitus usque ad internecionem delevit: spoliis innumerabilibus ditatus, cunctâ depopulatâ Gothiâ, disruptisque civitatibus, & devictis universis hostibus, præter eos quos in Narbonâ incluserat, urbe eadem sub custodia derelictâ, cum magno triumpho remeavit in Franciam.

Sub hujus denique tempore Erinhardus Præpositus ejus ædificavit Basilicam beatissimi Archangeli Michaelis, licet modico; pulcherrimo tamen opere, allatis videlicet petris politis de Juliobonâ castro quondam nobilissimo ac firmissimo, ad construendos arcus seu frontispicium ejusdem Templi. Hæc namque civitas fertur ædificata fuisse à Gaio Julio Imperatore Romanorū ante adventum Domini, dum Gallias vastando circumiret. Ipsum namque castrum, Caletus antea vocabatur, quod destructum, & in majori elegantia reparatum ex suo nomine Juliobona vocare placuit. Denique constructâ idem Præpositus hac Basilicâ campanam in turritulâ ejusdem collocandam, ut moris est Ecclesiarum, opifici in hac arte erudito facere præcepit: qui dum injunctum tibi opus perficere contenderet, suadente inimico humani generis, de sufficiente metallo, unde patrandum erat signum, copiâ ejusdem imminutâ, partim abstulit, partim in cacabo liquefiendum composuit. Projectâque eadem copiâ metalli in formâ qua futurum sperabatur signum, ex parte aliquâ deforme deficiente copiâ metalli, quæ antequam liquefacta foret sublata fuerat, minusque est redditum, sic tamen turriculæ impositum. Denique quâcumque hora diei pulsatum sonitum dabat, prædictus

artifex, qui illud metallum furto sustulerat, in amentiam vertebatur, verbaque inepta ac latratus canum more dabat. Erat namque idem Erinharius, secundum carnis originem de Apuliaco villâ, fautor tamen & amator Regulæ, castæque religionis. Dicere verò solitus erat præfatus Teutindus Fratribus Turonicæ Ecclesiæ: Nisi vestram correxeritis vitæ ac mores, Erinharium meum Præpositum ex Fontanellâ huc adducam; qui aratra vestra rectum doceat fulcare. Expletis autem idem Erinharius circulis dierum suorum, defunctus, ac in Basilicâ S. Petri Apostolorum Principis in introitu ejusdem Basilicæ ante ostium Aquilonare terræ conditus est, sub nobili videlicet ejusdem Ecclesiæ pavimento; scriptumque est in coopertorio sepulchri sui ita: *Hic requiescit Erinharius Præpositus.*

*Gesta WIDONIS Abbatis Cœnobiæ S. Vedasti, & Fontanellensis.*

## CAPUT XI.

**W**ido fortitur locum regiminis ab anno Dominicæ Incarnationis **ccccxxviii**, qui erat annus primus Hilderici novissimi Regis, CAROLI autem principis vigesimus sextus, per annum unum. Hic namque propinquus Caroli Principis fuit; qui etiam Monasterium S. Vedasti, quod est in Atrebatensi civitate, a jure regiminis tenuit anno uno, sicut & istud. Erat autem de sæcularibus Clericis, gladioque quem semispiatium\* vocant semper accinctus, sagoque pro cappâ utebatur, parumque Ecclesiasticæ disciplinæ imperiis parebat. Nam copiam canum multiplicem semper habebat, cum quâ venationi quotidie insistebat, sagittatorque præcipuus in arcubus ligneis ad aves feriendas [erat,] hisque operibus magis quàm Ecclesiasticæ disciplinæ studiis se exercebat. Accusatus vero apud Principem Carolum, quoddam conspirationem adversus ipsum cum aliis meditatus esset, jussu ejusdem Exarchi ad Regiam domum compellitur migrare. Qui dum pergeret cum Satellitibus regiis, venientes in territorium Viromandiæ, capitis præcisione damnatur; ibidemque digno in loco sepulturae est traditus. Hæc ex relatione cujusdam Patris; qui ipsum videre potuerat, didici, quoddam ita vitâ decesserit. Qui etiam Wido Cœnobiæ S. Vedasti, quod est situm in Atrebatensi territorio, ut supra declaratum est, unâ cum isto annum ferè unum post Gogislenum jure Rectoris dicitur tenuisse. Cui successit Romanus in ipso Cœnobia per annos tres. Huic Widoni largitus est quidam paterfamilias nomine Raginfridus portionem aliquam de villâ quæ dicitur Laxtra; anno primo ejusdem Regis Hilderici; quæ sita est in pago Constantino.

*Gesta RAGINFRIDI Archiepiscopi Rotomagensis, & Rectoris Cœnobiæ Fontanellensis.*

## CAPUT XII.

**R**aginfridus Præsul Ecclesiæ Rotomagensis accepit regendi locum sub anno Dominicæ Incarnationis **ccccxxix**, qui erat annus Exarchatus Caroli **xxvii**. Hilderici verò Regis Merovingi annus **ii**. Gregorii Apostolici annus **ix**. Eodem anno

[1 Acluma] Laudatus codex, Adihima. Idem infra Erinharius.  
[m de sufficiente] Sic sensus postulat, & ita scriptum est Tom. I.

in codice Font. prior editio deficiente.

[n civitate] Laudatus codex territorio: & mox pro semispiatium, habet semispiatium.

Carolus commoto exercitu universali partibus Provinciarum iter dirigit, Avinionemque iterum cepit; totaque Provincia usque ad litus maris peragrata, ad Massiliam pervenit; fugatoque Duce Moronto, qui quondam Sarracenos in suae perfidiae praesidium as-civerat, nullo jam relicto adversario totam illam regionem Francorum imperio subiugavit. & cunctis strenue dispositis ab proprias sedes reversus est. Hic Ragemfridus de nobili Francorum prosapia oriundus exstitit, licet opera nefanda generositatem fœdarent illius. Compater etiam spiritualis regenerationis Pipini Magni Regis, quide saeculari quidem habitu commutatus Grimoni Archiepiscopo succedens, Praesul efficitur Ecclesiae Rotomagensis, Rectorque hujus Cœnobii Fontanellensis, parumque dignè hoc administravit. Erat namque ignarus literarum, sicuti praedecessores sui Grimo & Wido, ideoque minus dignum se exhibebat tantæ rei negotio. Qui cum regiminis hujus Cœnobii post praefatum Widonem suscepisset curam, nihil ad consulta Fratrum agere volebat, imò alimenta corporis ac tegumenta eis subtrahens, propriis usibus retorquebat. Unde commota omnis caterva Monachorum, ne status almae Regulæ vacillando fluctuaret, quæ agenda sint deliberant, JESUM benignum adeunt, clementiam illius implorant, ut ipse virtutum Dominus respiceret de cœlo vineam suam, ne periret quod plantaverat fortissimâ dexterâ suâ. Post celebratam denique obsecrationem, iidem milites Christi sanæ mentis consilio inito tres ex semetipsis Fratres eligunt, qui Pipino Principi suggererent, ut memor propinqui sui B. Wandregesili, ac genitoris sui invicti Caroli, qui locum hunc Privilegiis suæ auctoritatis decoraverat, ac defensione fortissimâ roboraverat, à dominatu tantæ prædonis ac tyranni misericorditer eos liberaret. Nec mora, quæ petierant adipiscuntur. Ex templo namque auctoritate Regiâ idem Raginfridus de ordine regiminis hujus Cœnobii depositus est, reservato sibi Episcopatu Ecclesiae Rotomagensis. Nomina autem Fratrum illorum, qui Regem pro eadem re adierunt, hæc sunt: Wldebertus de Meldico pago ortus, Laurentius ex Benevento Campaniæ carnis originem trahens, Aultrulphus quondam Praepositus, demumque hujus Monasterii Pater. Cumque à praefato Rege, quem sibi Rectorem præficere vel-  
lent, percontati fuissent, WANDONEM sibi præesse velle responderunt. Erat autem in exilio adhuc idem Wando in Trajecto castro, in Monasterio videlicet B. Servatii Confessoris Christi. Quem accersitum Dominus Pipinus curam illi Cœnobii istius commisit. Sicque iidem Fratres una cum Regiis Satellitibus ad utud Cœnobium Fontanellense cum lætitiâ & exultatione cordis perducunt. Facta est verò illi obvia omnis turba Monachorum cum crucibus & vexillis, laudes Deo resonans, vocesque ad sidera dans clarissimas. Quorum alii flebant præ gaudio, alii harmoniæ dulces sonos promebant in excelsis. Introducentes denique in Ecclesiam Beatissimi Principis Apostolorum Petri, immensam Christi clementiam consonâ voce collaudarunt, qui talem eis præstiterat opem contra crudelissimum tyrannum, ita ut cum Psalmista possent dicere: *Nos autem populus tuus, & oves pascuæ tuæ, confitebimur tibi in saecula.* Deposito autem praedicto Raginfrido de regimine, & substituto eodem Wandone, in summa pace ac tranquillitate hoc Monasterium extitit.

Hujus Raginfridi anno tertio regiminis necdum expleto, Carolus legationem B. Papæ Gregorii bis eodem anno suscepit, virosque religiosos, Grimonem videlicet Corbientis Monasterii Patrem, & Sigebertum Reclusum Basilicæ S. Dionysii Martyris, ad

limina Beatissimi Principis Apostolorum Petri cum magnis muneribus direxit. Eodem anno dum agrotare se cerneret, filiis suis Principatum suum æquâ lance divisit: primogenito suo Carolomanno Austrasiam, Alemanniam, Turingiamque subjecit: filio vero juniori Pipino Neustriam, Burgundiam, Provinciamque concessit. Correptus autem febre in Carisiacâ villa, quæ est super fluvio Isera, in pace obiit. Rexit autem populum Francorum annis xxvi. & mensibus vi. Transiit autem xi. Kalend. Novembris, sepultusque est haud longè à Parisiâ civitate in Basilicâ S. Dionysii Martyris. Prænominatus autem Raginfridus pro insolentiâ morum ac pravitatibus suis, etiam à Clericis Rotomagensibus apud Pipinum Regem accusatur, anno videlicet xiii. postquam regimen istius Cœnobii Fontanellensis amiserat. Quo ejecto de Episcopatu ejusdem Ecclesiae, datus est Remigio fratri ejusdem gloriosi Regis Pipini hoc anno, qui est ab Incarnatione nostri JESU CHRISTI septingentesimus quinquagesimus quintus. Cui tamen Ragenfrido causâ misericordiæ aliquæ villæ de eodem Rotomagensi Episcopio attributæ fuerunt. De quibus una erat Clovialis super alveo Sequanæ constituta, in quâ etiam post aliquod tempus ejjectionis suæ morbo correptus vitam finivit. Cujus corpus Rotomagum delatum est, sepulturæque traditum. Tenuit autem nomen Praesulis ejusdem civitatis annis xv. hujus verò Cœnobii regimen annis duobus & dimidio.

*Gesta WANDONIS Abbatis Cœnobii Fontanellensis.*

### CAPUT XIII.

WANDO Presbyter à patre Baldrico nomine progenitus, territorio Tellau ortus, regimen assumpsit Cœnobii ab anno Dominicæ Incarnationis dccxlii. qui est annus primus Principatus Carolomanni & Pipini, praesidente Romanæ Ecclesiae anno primo Zacharia Apostolico. Igitur idem vir religiosus Wando, dum de Trajecto castro, ubi ad exilium ductus fuerat, cum permisso ac jussione gloriosissimi Principis Pipini reverteretur, pignora reliquiarum B. Servatii Confessoris assumens secum detulit: veniensque in hunc locum, ædificavit Basilicam in honore ipsius Confessoris Christi juxta Ecclesiam B. Principis Apostolorum Petri ad meridianam ejusdem Ecclesiae plagam. In quâ solarium condidit, ita ut gradus sursum ascenderetur: collocavitque ibi altare unum, in quo de reliquiis praedicti Confessoris posuit. Quo in loco ob meritum ejusdem almifici Confessoris Christi plurimæ à Domino patratae constant fore virtutes. Nam ut è plurimis unum proferam, lampas quæ coram arâ hujus Basilicæ dependebat, postquam in eâ semel positum fuit, sponte liquorem olei in usu lucernæ nullo quidpiam adjiciente per plurimos manavit annos, donec quidam latomus, sicut relatione cujusdam venerabilis senis didici, qui tunc temporis in hoc degebat Monasterio, furtim inde abstulit, sicque deinceps ob piaculi hujus facinus manare desit.

Aliud quoque memorabile miraculum huic Operi inferere commodum duxi. Quodam denique tempore, id est anno Dominicæ Incarnationis dccxlii. qui erat Pipini Regis annus quintus, Ecclesia B. Petri per culpam incuriæ, igne cremata est: hæc autem B. Servatii Confessoris Basilica contigua erat illi: cumque furentium flammarum globi alta peterent, aliqui ex Fratribus ad ipsum virum religiosum Wandonem, qui in eadem sanctissimi Servatii Basilicâ residebat, accedunt, monebantque ut egredere-

tur, metuentes, quia adhætebat ei quæ incendium patiebatur, ne similiter igne concremaretur. Tunc idem vir Domini respondisse fertur: Si potuerit me quidem S. Servatius ac Basilicam istam, quam devoto pectore ædificavi, ab his ignibus defendi, faciat; sin verò, sponte cum ipsâ temporale subire non recuso incendium. In eadem denique Basilicâ, sicuti dixerat, orationi insistens remansit; exusta que sancti Petri Basilicâ, hæc illæsa permansit obtentu B. Servatii Præfulis. Erat namque idem Wando amator Ecclesiarum, semperque de lege Domini meditationem agere volebat.

Anno igitur Hildeberti Regis secundo ad conversionem veniens sub Hildeberto Abbate ex propriâ hereditate contulit jure possidendi huic Cænobio in pago Vimnau, super fluvio Vimina in loco qui vocatur quatuor Molas, tertiam partem de Cora, de Haismedis villâ tertiam similiter partem, de Buxido nihilominus tertiam partem: de Pyro, similiter, de Baliolo in pago Tellau tertiam similiter partem; necnon & de illis vineis quæ sunt in pago Tellau super fluvio Vifrona, huic venerabili Patri dedit Ragenfridus in Tartâ fiscum qui vocatur Wintlana anno secundo Hilperici Regis, qui erat Dominicæ Incarnationis DCCXVII. Indictione XV. sub die quinto Kalend. Octobrium feriâ secundâ. Plurimæ namque res Ecclesiæ nostræ in hujus administratione accreverunt. Dimisit autem in Ecclesiâ S. Petri Offertorium argenteum cum patenâ, capsam auro decoratam [ unam, ] & alia ornamenta diversa: Codicum etiam copiam non minimam, quos dinumerare oneri esse videtur. Sed aliquos ob memoriam illius inferre placuit; id est, Codicem unum Romanâ literâ scriptum, in quo continetur expositio brevis trium Evangelistarum, id est, Joannis, Matthæi & Lucæ: Arnobii Episcopi & Rhetoris sermo de Adam qui perierat. Ruffini ex Historiâ Ecclesiasticâ, de Spiridione Episcopo: ejusdem de muliere captivâ, ex eadem Chronicâ ab eodem translaturum, quæ Hiberorum gentem ad Christi fidem convertit. Fides Nicæni Concilii. Exhortatio S. Macharii ad Monachos. Item Rufini sermo de Jejunio & Oratione. Vita & Passio S. Felicis Nolanæ urbis Episcopi. Epistola S. Leonis Episc. Nolenis ad Marcellum Presb. ejusdem Ecclesiæ. Regula SS. Patrum Serapionis & Macharii, & alterius Macharii, & Pasnuthii. Regula S. Augustini Episcopi. Epistola B. Augustini ad Felicem & Hilarium. Epistola S. Hieronymi de Castitate. Item Epistola B. Hieronymi ad Nepotianum. Item Epistola ejusdem ad Evangelium Presbyterum, de Melchisedech. Item ejusdem ad Rusticum [ Presbyterum. ] Epistola S. Clementis Papæ ad B. Jacobum Apostolum [ fratrem Domini. ] Item codicem P. Augustini, in quo continetur de Pœnitentiâ. Item Historiam Apollonii Regis Tyri in codice uno. Historiam Jordani Episcopi Ravennatis Ecclesiæ, de origine Getarum. Item Codicem, in quo continetur Regula S. Benedicti & S. Columbani, & Martyrologium. Item codicem, in quo continentur Capitula nonaginta novem de Evangelis Matthæi & Lucæ exposita ab Aurelio Augustino. Item sermo ejusdem de Incarnatione Domini. Item in eodem Libro differentiarum spiritualium & carnalium Isidori junioris Hispalensis Episcopi, in quo sunt Capitula quadraginta duo. Item in eodem definitio Dogmatum Ecclesiasticorum Gennadii Presbyteri Massiliensis. Item in eodem expositio fidei Catholicæ S. Hieronymi Presbyteri. Item S. Anastasii Alexandrinæ urbis Episcopi de eadem re. Item in eodem libri quatuor

Evangeliorum expositionem continentes editam à Sedulio viro Scholasticissimo ad Macedonium Presbyterum. Item in eodem Capitula tredecim ex libro sententiarum Isidori [ Episcopi. ] Item in ipso Homiliæ tres B. Papæ Gregorii super Ezechielem Prophetam. Item in eodem Epistola S. Leonis Papæ ad Flavianum Constantinopolitanæ urbis Episcopum adversus hæresim Eutychetis Presbyteri.

Laborabat autem idem egregius Pater frequenter podagrico dolore: in infirmitate tamen politus, sicut & semper facere consueverat, Dominum attentissime collaudabat; sciens scriptum esse: *Flagellat Dominus omnem filium quem recipit. Et illud: Quem amat Dominus, castigat.* Transactis autem septem circiter post suscepti regiminis curam annis, luminibus oculorum præ nimio ætatis senio privatur. Tunc unâ cum consensu ac generali Fratrum voluntate eligit pro se venerabilem virum nomine *Austrulphum*, qui erat Præpositus hujus Cænobii; regiminis loco subrogandum. Quo facto, nullâ petitione ad Pipinum Principem, obsecrat uti suam & Fratrum electionem comprobans, suâ ex auctoritate idem Austrulphus Cænobio huic præficeretur. Quod ita & factum est. Ipse verò venerabilis Pater Wando bonis operibus insistens, in Ecclesiâ B. Petri sedulo residens, agonem suum triumphatori Christo, jejunando, orando, vigilando commendabat. Quantum verò fervens in præceptis Domini adimplendis existerit, quotque virtutum speciebus adornatus fuerit, imbecillitati meæ prosequi ponderosum foret. Testantur plurimi qui illum viderunt, ideo non necesse æstimo universâ de eo inferere, ne legentibus nauseam fecisse videar. Victimam quoque hostiæ salutaris, quamdiu capitis habuit lumina, immolabat quotidie.

Anno denique Hildeberti Regis secundo, ut supra taxavimus, ad conversionis gratiam venit, fecitque in Monachico voto annos firmè sexaginta; quibus expletis, decrepitæ jam ætatis senio confectus, præsentis vitæ debitum complens ad æternam migravit requiem anno ab Incarnatione Dominicâ circiter DCCXLVI. qui erat Pipini Regis annus quintus, [ Widonis laici verò Abbatis annus primus. ] Sepultusque est in Ecclesiâ B. Petri juxta beatos Christi Confessores, in abbatia ejusdem Basilicæ ad meridianam plagam. Nam Bertgaudus Monachus, qui eum sepulturæ tradidit, referre erat solitus, quoniam dum eum posuisset in sarcophago more mortuorum, subito conversum fuisse, seque dextero in latere collocavisse, sicuti moris est vivorum in stratu agere, viventisque elinxisse speciem. Rexit istud Cænobium primò annis quinque; secundo, id est post reditum suum de exilio, annis firmè septem; transiit XV. Kal. Maii.

*Gesta AUSTRULPHI Abbatis Cænobii Fontanellensis.*

#### CAPUT XIV.

**A**USTRULPHUS vir venerabilis à patre Sindulpho matreque Wilbertâ vocabulo, ortus territorio Curtriacensi, Abbas constituitur, sicut supra annotatum est; unâ cum consensu ac electione Fratrum, annuente ordinationi eorum pio Principe Pipino. Quod factum esse constat sub anno Dominicæ Incarnationis DCCXLVII. Hic egregius Pater amator hujus Cænobii, ac fortissimus Rector existit, curamque maximam de statu Regulæ, & observa-

o feriâ secundâ ] Codex Font. feriâ terciâ.

p Widonis ] Quæ uncis inclusa sunt, in codice Font. Tom. II.

non leguntur,

tionem legis Dei habuit. Denique tempore prædicti Patris Wandonis Præposituræ ordinem cum magnâ gessit moderatione ac cantelâ, Fratribusque suis sufficientem alimoniam semper impartiri studuit, verbiq; divini pabulum sedulè ministravit, suisque in actibus imitandus omnibus apparuit: unde factum est ut pro hujusmodi meritis sinceræque conversationis exemplis Abbatis promeritis sit honorem: quo in culmine constitutus, ita se omnibus exhibuit irreprehensibilem, ut castos hujus actus omnes imitari vellent: nam quicumque illum docentem videbat, aliter operantem non redargebat.

Sub hujus ergo tempore, ut videri potest, magnum miraculum Conditor mundi omnipotens Deus, ac preciosum thesaurum populis illis in pago Coriovallesi residentibus ostendere dignatus est. Nam Comitatum ejusdem pagi tenente Richwino Comite, vas quoddam ad instar parvi fari in medio maris juxta locum qui vocatur Portus Ballii, super aquam ferri visum est, sicque paulatim appropinquando in ipso emporio constitit. Quod cernentes vicini, more vulgi mirari cœperunt, quidnam hoc fore vellet. Deinde ad Comitem accedunt, rem novam pandunt; sicque unâ cum Comite religiosos quosque viros, ac Sacerdotii dignitate fulgentes, ad hoc inauditum spectaculum invitant. Qui propius accedentes cum grandi pavore, fide tamen majori inspicunt in latere ejusdem turriculæ ostiolum cerâ firmatum. Quod resecratum introspectientes, reperiunt Codicem pulcherrimum quatuor Evangelia continentem, Romanâ litterâ optimè scriptum, membranis mundissimis honestâque formâ confectum. Juxta quem inveniunt & capsam, quam aperientes reperiunt partem ex preciosissimâ maxillâ B. Georgii Martyris, cum aliis plurimis pignoribus diversorum Sanctorum, insuper & salutiferi ligni Crucis Dominicæ, quod in eadem capsâ literis sigillatim declaratum erat. Deinde indicto jejunio quid agendum sit deliberant. Expleto namque ipso jejunio plaustrum præparant, cui prædictum farum imponent, ut quod Domini decrevisset voluntas, perferretur. Duabus quoque vaccis eidem plastro applicitis, summi arbitri præstolabantur nutum. Nec mora; eadem vaccæ concito gradu cum ipso plastro populis expectantibus atque prosequentibus, sine ductore, ac ullius bubulci administratione, ad eum locum qui usque nunc Brucius vocatur, pervenerunt. Erat autem possessio cujusdam illustis viri. Ibi namque, ut Ecclesia construeretur in honore B. Georgii Martyris, omnibus placuit: Comes tamen prædictus primus in hoc negotio erat, qui unâ cum populis sibi subditis, condidit in eodem loco Basilicam in honore B. Georgii Martyris: duæque aliæ Ecclesiæ, id est, una in honore Beatissimæ matris ac perpetuæ virginis Mariæ, altera in Sanctæ Crucis est fabricata honore; ubi divinâ præstante clementiâ, obtentu Sanctorum, quorum pignora sacratissima cum particula preciosi capitis S. Georgii Martyris Christi servantur, tanta sunt usque ad præsens miracula, ut nisi à fidelibus qui noverunt Dominum plurimas in Sanctis suis operari virtutes, fidem excedant. Est autem idem vicus in ardui montis planicie situs, cui ab Australi plagâ fluvius adjacet, qui vocatur Undua, distans ab eo loco plus minus millia duo. Turriculæ autem illius formam, in quâ eadem reliquiæ conditæ erant, quia vidi, etiam descripsi. Est autem formæ quadratæ, ex quatuor videlicet angulis ab imo assurgens, & ita opus omne paulatim minuendo in latitudine, in summo angustum redditur, ut pyramidem in alti-

tudine reddat, uniusque mali parvi conclusione solidetur. Habet quoque in medio sui solariolum, in quo Codex ille Evangelicus cum capsâ illâ servabatur, cui desuper aptum est laquear. Eminent in altitudine pedum circiter octo, in latitudine plus minusque trium. De quâ verò parte aut loco, aut qualiter in ipsum pagum pervenerit, ab universis incolis ejusdem loci usque ad præsens habetur incertum.

Invenitur autem in gestis B. Zachariæ Papæ, qui nonagesimus tertius à B. Petro Apostolo Romanam rexit Ecclesiam, ita per ordinem scriptum: Hujus temporibus magnum thesaurum Dominus Deus noster in hac Romanâ urbe per eundem al-  
 mificum Pontificem propalare dignatus est. In venerabili itaque Patriarchio Sacratissimum B. Georgii Martyris isdem sanctissimus Papa reconditum in capsâ reperit caput. In quâ & pitacium pariter invenit literis exaratum Græcis, ipsum esse significantibus. Qui sanctissimus Papa omnino satisfactus, illic aggregato hujus Romanæ urbis populo, cum hymnis & canticis spiritualibus in venerabili Diaconiâ ejus nomine sitâ in hac Romanâ civitate, regione secundâ ad Velum aureum, illud deduci fecit. Ubi immensa miracula & beneficia omnipotens Deus ad laudem nominis sui per eundem sacratissimum martyrem operari dignatur. Unde remur aliquos venerabiles viros, aut de Britannia, id est gente Anglorum, qui maxime familiares Apostolicæ Sedi semper existunt, aut de Germania, vel de quâcumque provinciâ, ad quam intrandam mare transeundum est, tunc temporis in Romanâ affuisse urbe, præfatasque reliquias ab ipso Pontifice acceptas, dum domum redire vellent, in mari correptos naufragio, aut qualicumque discrimine, sicque ipsa pignora amisisse; nutuque Dei in ipsum territorium advecta fore, ubi usque nunc à fidelibus populis summâ excoluntur veneratione. Consequenti quoque tempore quidam paterfamilias nomine Bernehardus, quia possessio ejus erat, in quâ ipsa Basilica prædicti Martyris sita videtur, huic Cœnobio eam contradidit, sicque in ditionem hujus loci pervenit. Hæc de advectione reliquiarum B. Georgii Martyris, prout auditu didici, vel in scriptis ejusdem Pontificis inveni, aut etiam ipse vidi, quia tempora convenientia inveni, memoriæ mandare curavi. Nam eodem quo advectæ sunt tempore, & Zacharias Apostolicus, & Pipinus Princeps, & Richwinus Comes exstiterat, ideo nulla de hoc est dubitatio. Nam & Codicem illum Evangelicum, ut scriptura ejusdem insinuat, in Romulæâ urbe scriptum constat.

Huic egregio Patri Austrulpho edidit gloriosus Rex Pipinus Privilegium quoddam sacræ suæ auctoritatis, in quo præcepit ut nullus Judex neque exactor Reipublicæ gentis Francorum ad causas audendas, ac fœda exigenda, nec fidei jussos accipiendos, nec ad ullam exacturam gerendam, potestatem hujus Cœnobii ingredi audeat, sed sub perenni suâ defensione ac protectione secura in æternum ab omni querimoniâ valeret permanere. Quod Privilegium in scriniis hujus nostri Cœnobii pro munere sacro adhuc conservatur. Editum est anno Dominicæ Incarnationis DCCCL. die VIII. Iduum Juniarum, Vermeriâ Palatio Regio. Quo anno idem gloriosus Princeps Pipinus ex-consultu B. Zachariæ Papæ urbis Romæ à Bonifacio Archiepiscopo unctus, Rex constituitur Francorum, ablato Principis nomine. Unde rumor potentiæ ejus & timor virtutis in universas transiit terras. Et Hildericus Rex Merovingorum ex

q vicini ] Sic codex Font. prior editio, vicini.



genere ortus depositus, tonsusque, ac in Monasterio S. Audomari, quod dicitur Sithiu trusus est. Cujus filius nomine Theodericus, in hoc Monasterio anno sequenti Clericus effectus collocatus est. Hic namque venerabilis Pater post suscepti regiminis annum sextum, accensus igne divini amoris, partibus Romulæ urbis ad limina Beatorum Apostolorum Petri & Pauli iter disposuit. Convocatisque Fratribus, devotionem quam animo conceperat liquidè promittit. Tunc omnes unius vocis clamore hæc contradicunt, dicentes se nunquam eum deserturos. E contra ille causâ suæ salutis & illorum, corpore humi prostratus, profecturum se velle proclamabat. Quid multa? videns universa caterva Fratrum flebilibus ejus precibus se obviare non posse, conticuit, piique Patris petitionibus cessit. Demùm benedictione perceptâ, omnibus Fratribus pacis osculum dedit, sicque iter suum direxit, deducens eum plurimis lacrymarum imbre perfusus. Perveniens autem Romanæ urbis ad arces tempore Stephani Papæ, vota sua omnipotenti Deo ac Beatis Apostolis ejus reddidit: ac sic à mœnibus ejusdem urbis iter convertens, patriam ac locum suæ nativitatis repetere satagebat. Perveniens autem ad Monasterium S. Mauricii Martyris & sociorum ejus in Agaunum, ibidem à febre quam diù protraxerat ingravatus, consortiis humanis subtractus obiit in Christo xviii. Kalend. Octobrium; ibique digno in loco honorabiliter sepulturæ traditus est. Hæc de eo narrare erat solitus bonæ recordationis Hardoinus Cellæ Sancti Martyris Saturnini Presbyter, qui sub ejus tempore hoc in Cœnobio Clericatus suscepit habitum. Tenuit autem hujus Cœnobii regimen annis ferè sex.

*Gesta WIDONIS Abbatis Fontanellensis Cœnobii.*

CAPUT XV.

**W**IDO laicus ex pago Oximensi, patre Irmino nomine, matre Witboldâ, Camerarius Teutindî quondam Abbatis, ejusque sub curâ educatus est. Hic matriculam B. Martini Turonensis in beneficii jure, Teutindino hæc eadem largiente, aliquamdiù post obitum illius tenuit. Defuncto verò Austrulpho Patre Monasterii Fontanellensis, statim iste ad Palatium ire deliberavit, plurima donaria auri argentique secum deferens, quæ Pipino Regi ac suis Satellitibus collatâ, ut optaverat, Abbas constituitur, anno secundo postquàm idem Pipinus Regale adeptus fuerat fastigium, qui est annus Domini DCCCLIII. Indictione vi. Hoc anno Papa Stephanus venit ab urbe Româ in Franciam, & Carlomannus frater Pipini post illum, & filii prædicti Carlomanni attonsi sunt, & Grippo Frater Pipini occisus est. Sub hujus tempore, id est anno quarto regiminis sui, & Pipini Regis quinto, Ecclesia B. Petri igne succensa est, quam ipse cum adiutorio Regali in majori elegantia reparavit, sublimiorique fabricâ decoravit.

Sub hujus etiam temporibus plurimæ res Ecclesiæ perierunt, quas ipse Regiis hominibus ad possidendum contradidit, miserabile sibi faciens memoriale: quæ usque hodie de ejusdem Cœnobii ditionibus permanent ablata. Pro quâ etiam occasione status sanctæ Regulæ periclitari cœpit, ob inopiam videlicet compescendarum indigentiarum, quas beatus Pater Benedictus in eadem lege Monachis porrigendas præcepit. Hic etiam ditionibus Ecclesiæ dimisit capsam Evangeliorum paratam, quam ipse fabricari jusserrat, cum auro, argento, ac gemmis, id est, calicem

argenteum deauratum unum: Urceos Alexandrinos cum aquamanilibus duos: cornu fabricatum unum: pulvillos sericos sub Evangelium ponendos tres: pallas corporalium quinque: thuribula argentea duo: hanapos argenteos deauratos duos: dalmaticam unam: casulas sericas quinque: tabulas fabricatas ante altaria octo: pallia tria: Antiphonarium Turonense unum: libellum de miraculis B. Andreae Apostoli unum. Erat quippe ferè gnarus litterarum: Qui depositus est Petreo-ponte villâ publicâ sub anno Domini DCC. LXXXVII. Indictione x. decimo octavo Kalend. Octobr. qui est annus vicesimus gloriosissimi Caroli Regis Francorum, & decimus quintus Adriani Apostolici. Sepultus est autem in Ecclesiâ Beati Apostoli Petri subter arcum introitus ablidæ. Rexit ipsum Monasterium annis triginta quinque, & mensibus octo, diebus tredecim.

Hæc verò est summa de rebus ejusdem Cœnobii, quæ præcepto invictissimi Caroli Regis annumerata est à Landrico Abbate Gemmetico, ac à Richardo Comite, anno vigesimo regni sui, qui est obitus prædicti Patris. Primitus etenim de his, quæ ad usus proprios Fratrumque stipendia pertinere videntur, sunt mansi integri reperti numero MCCCXIII. medii CCXXVIII. manoperarii XVIII. qui sunt simul MDLXIX: Abbi CLVIII. molendina XXXIX. In beneficiis verò relaxati sunt mansi integri numero MMCCX. medii XL. manoperarii CCXXXV. qui simul juncti sunt MMCCXCV. Abbi CLVI. habent ipsi molendina XXIV. Summa namque universitatis præsentium rerum inter integros, medios, atque manoperarios, reperti sunt mansi MMM. CC. LXIV. exceptis villis quas Wido laicus aut Regiis hominibus contradidit, aut etiam sub usufructuario aliis concessit, quod omnimodè facere non debuerat. Duos etiam annos accepit regimen Cœnobii Wido laicus, antequàm Remigius Cathedralis Episcopalis Rotomagensis urbis subiret. Erant namque ipse Præsul atque præfatus Pater amicitie jure conjuncti. Hujus denique administratione Cœnobii, dum gloriosissimus Pipinus Rex ad sepulcrum almifici Patris nostri Wandregisili accessisset orationis gratiâ, illam inanem postulationem Fratres nostri eidem suggesserunt, quæ omnibus est notissima. Quamquam ipse prædium quoddam eis largiri dispositum haberet.

*Gesta GERVOLDI Abbatis Cœnobii Fontanellensis.*

CAPUT XVI.

**G**ERVOLDUS ex patre Walgario, matre verò nomine Walda, rexit ipsum Cœnobium annis ferè XVIII. Hic ex nobilibus parentibus ortus, dein Clericus effectus, atque ad Palatium perductus, Bertrada Regina Cappellanus efficitur: Cujus obtentu Ebroidinæ civitatis sedes, defuncto ejusdem urbis Præsule, à Domno Rege Carolo eidem attributa est. Sed & rebus humanis exempto præfatus Widone laico, idem Gervoldus suggestionem suâ à Domno ac invictissimo Rege Carolo præfatum Cœnobium Episcopatu deserto impetravit, anno videlicet jam tertio postquàm Bertrada Regina obierat. Sæpèfatus namque widoni laico erat nepos, id est, sororis suæ filius nomine Witboldus, gloriosissimi Regis Caroli tunc Capellanus; cui præfatum Monasterium post avunculi sui decessum ad regendum promissum fuerat: sed dum is ad Constantinum Imperatorem Græcorum ac Irenem à Domno Rege Carolo cum alio Legatario nomine Joanne causâ legationis directus fuisset, ac per annum & sex mensium spatia in redeundo moram faceret, prædicto Gervol-

do sepefatum Cœnobium collatum est. Causa autem Legationis erat super Ruatride filiâ Magni Caroli, quam isdem Imperator Constantinus ad conjugium petebat. Sed illo hac legatione pro quâ directus fuerat strenuè functo ac reverso, Monasterium S. Sergii, quod in territorio Andegavæ urbis situm est, à domno ac invictissimo Rege eidem noscitur attributum, quod postea per plurimos feliciter rexit annos. Gervoldus verò, ut præfati sumus, hujus Fontanellensis Cœnobii constituitur Rector, anno Dominicæ Incarnationis DCCXXXVII. quierat annus vigesimus primus Caroli Regis.

Eodem anno invictissimus Rex Carolus Conventu celebrato in Ingelheim, partibus Bajoariæ properare cum immenso exercitu disponit. Ipsoque tempore sine bello ac ullâ exercitûs sui molestiâ tradidit fortis præliator Deus regnum Bajoariæ in manus invictissimi Regis Caroli: & TASSILO Dux gentis ejusdem tonsus est, atque in Gemmetico Cœnobio trusus. Hic nempe Gervoldus super regni negotia Procurator constituitur per multos annos, per diversos portus ac civitates exigens tributa atque vectigalia, maximè in Quintawich. Unde OFFA Regi Anglorum sive Merciorum potentissimo in amicitia valde cognoscitur adjunctus. Exstant adhuc Epistolæ ab eo ad illum, id est Gervoldum, directæ, quibus se amicum ac familiarem illius carissimum fore pronuntiat. Nam multis vicibus ipse per se jussione invictissimi Regis Caroli ad præfatum Regem Offam legationibus functus est: novissimè verò propter filiam ejusdem Regis, quam in conjugium exposculabat Carolus junior: sed illo hoc non acquiescente, nisi BERTA filia CAROLI MAGNI ejus filio nuptui traderetur, aliquantulum Rex potentissimus commotus præcepit ut nemo de Britannia Insulâ ac gente Anglorum mercimonii causâ litus Oceani maris attingeret in Galliâ. Sed hoc ne fieret, admonitione ac supplicatione venerandi prædicti Patris Gervoldi inhibuitur est. Hic nempe de rebus Ecclesiæ nostræ injustè ablati, aut etiam spontaneâ Patrum Cœnobii voluntate Regiis hominibus contraditi, suggestionem suam magno Imperatori Carolo patefecit, ejusque ex sacra auctoritate Privilegium accepit, ut quidquid injustè ablatum erat, in jure ac potestate ejusdem Ecclesiæ reciperet. Hic dedit in Ecclesiâ B. Petri cruciculam auream unam, in aures sex, fibulam unam, anulum aureum unum, bismoneum unum, cruciculam cum auro & argento unam, calices argenteos tres cum patenis eorum: offertoria duo cum patenis eorum: thuribulum argenteum unum: buticulam argenteam unam: fialas argenteas duas: cochlearia argentea duo: situlam de aurichalco unam: planetas casulas quatuordecim: dalmaticas majores duas, minorem unam: palia diversa duodecim: sagiam unam: fanones duos: albas viginti octo, amictus viginti: lintea quadraginta: viniosa duodecim: de lioris verò Pentatheucum Moyli codicem unum: Minorum Prophetarum codicem unum: Expositio B. Augustini in Evangelium Joannis codices duos: librum Enchiridion S. Augustini codicem unum: Homiliare diversorum Auctorum volumen unum: De ædificiis verò, Basilicam S. Apostoli Petri plumbo cooperuit: similiter S. Michaelis Archangeli: caminatam fratrum à fundamentis edificavit: domum etiam infirmantium Fratrum emendare studuit: coquinam Fratrum jam penè dirutam in majori elegantia reparavit: sacrarium Ecclesiæ à fundamentis edificavit. Scholam in eodem Cœnobio esse instituit, quoniam omnes penè ignaros literarum invenit: ac de diversis locis plurimum Christi gregem aggregavit, optimisque cantilenæ sonis, quan-

tum temporis ordo sinebat, edocuit. Erat enim præfatus Gervoldus quamquam aliarum literarum non nimium gnarus, cantilenæ tamen artis peritus, vocisque suavitate ac excellentiâ non egenus.

Sub hujus tempore bonæ recordationis Presbyter egregius nomine HARDUINUS florebat, qui in Cellâ clari Martyris Saturnini, quam B. Wandregisilus ædificaverat, ob gratiam vitæ contemplativæ remotior degens, quæ sita in latere montis plagæ Aquilonaris præfatum Cœnobium spectat, plurimos Arithmeticæ artis disciplinâ alumnos imbuat, ac arte scriptoriâ erudit: erat enim in hac arte non mediocriter doctus. Unde plurima Ecclesiæ nostræ proprio sudore conscripta reliquit volumina: id est, volumen quatuor Evangeliorum Romanâ literâ scriptum: Epistolarum Beati Pauli Apostoli volumen unum. Sacramentaria volumina tria: Lectionarium volumen unum: item lectionum Evangelii volumen unum: Homiliarum quadraginta Gregorii Papæ volumen unum: librum de Arithmeticâ cum Epistolis de ratione Paschali volumen unum: librum B. Augustini de Civitate Dei ab undecimo usque ad decimum octavum, volumen unum: librum venerabilis Bedæ de naturis rerum ac temporibus, volumen unum: Psalterium cum Canticis ac Hymnis Ambrosianis, & terminis Paschalibus, volumen unum: librum vitarum Sanctorum Wandregisili, Ansberti, & Wlfranni Confessorum Christi, volumen unum: Quæstionum S. Ansberti ad Siwinum Reclusum volumen unum: Antiphonarium Romanæ Ecclesiæ volumen unum. Dedit etiam calicem argenteum cum patenâ, thuribulum argenteum unum in ministerio Ecclesiæ, quæ ipse ad sacrificium Deo offerendum secum habuit, quamdiu remotiorem vitam duxit. Hic etiam Religiosus vir Romam, præsidente in sede ejusdem Ecclesiæ ADRIANO Apostolico, ad limina Apostolorum orationis ac visitationis gratiâ, locorum etiam Sanctorum, profectus est: prospereque Domino comitante reversus. Qui depositus est senex & plenus dierum sub anno Imperii Magni Imperatoris Caroli undecimo, Regni autem ejus, quod per quadraginta septem annos tenuit, quadragesimo quarto, qui erat Dominicæ Incarnationis octingentesimus undecimus, Indictione quartâ, tenente regiminis locum in Fontinellâ Cœnobio anno quinto Trasaro Abbate.

Hic GERVOLDUS Abbas in agritudine positus, de quâ & vitam finivit, contulit huic Cœnobio res proprietatis suæ quas acquisierat in pago Ebroicino: hoc est illam Ecclesiam S. Paterni cum omnibus adjacentiis suis super fluvio Ittone: similiter in Villarello & Maigoldivalle, atque in curte Anelaunâ, & in Framarias, & in Rumbatidecurte. Edita est hæc largitio Petreoponte villâ hujus nostri Cœnobii VII. Idus Januarii. Et post septem dies idem Gervoldus vitæ terminum dedit XVIII. Kalendas Julii anno Incarnationis Domini JESU CHRISTI DCCCVI. [Indictione VII.] quierat annus Regni Magni Caroli XXXVIII. Imperii verò sextus. Rex istud Cœnobium annis octodecim, menses quinque, dies tredecim.

*Gesta ANSIGISI Abbatis Fontanellensis Cœnobii.*

#### CAPUT XVII.

**A**NSIGISUS vir gloriosus ac tranquillus, omni- que scientiâ, divinæ scilicet atque humanæ Philosophiæ, sufficienter instructus, à patre Anastasio nomine, matreque vocabulo Himilradâ procreatus, divinâ ordinante clementiâ, regimen acce-

pit loci hujus anno Dominicæ Incarnationis DCCC-  
XXIII. qui erat annus LUDOVICI gloriosissimi Au-  
gusti decimus, porro PASCHALIS Apostolici circi-  
ter septimus, sub die quarto Nonarum Aprilium,  
Indictione I. De cujus clarâ origine, vitâ, conver-  
satione, moribus, & actibus, placet præsentî ope-  
ri ea tantum inferere quæ Lectoris animum non of-  
fendant. Nam juxta sæculi hujus dignitatem ex no-  
bili Francorum prosapia claram duxit originem;  
quam nobiliorem operum splendidiorum reddidit  
exemplis. Duæ verò clarissimæ virtutes in eo ma-  
ximè refulgebant: quarum prima illi fuit, benè vi-  
vere; secunda, rectè docere. Denique tenente lo-  
cum regiminis hujus Cœnobii Girowaldo Abbate  
propinquo suo, hoc accessit Monasterium, consue-  
ramque capitis ab eo suscepit. Deinde non multo  
post ad Palatium eum perducens, in manus glorio-  
sissimi Regis Caroli commendare studuit. Defuncto  
verò Geroaldo, TRASARIUS hoc adeptus est Cœno-  
bium, ac non post multum temporis præfatus dom-  
nus ANSIGISUS Flaviacum Monasterium quod San-  
ctus Geremarus fundavit, ac corpore requiescit,  
quod est situm in pago Bellovacensi, à domino Re-  
ge Carolo in precarium accepit, anno videlicet In-  
carnationis Domini JESU CHRISTI DCCCVII. qui  
erat annus Magni Caroli, ex quo Rex Francorum  
constitutus est, XXXVIII. ex quo verò Imperator &  
Augustus appellatus est, annus VII. Quod ferè æ-  
dificiis destitutum, ac in egestate redactum atque  
relictum invenit: sed intra pauci temporis spacium  
nobili suâ industriâ recuperare studuit. Omnia nam-  
que ædificia & publica & privata ipse ibidem, eli-  
minatis atque projectis iis quæ vetustate consumpta  
fuerant, à fundamentis construi, atque in majori  
elegantia restaurari fecit, veluti cunctis illò adve-  
nientibus palam est. Nam in præceptis rei rusticæ  
sagacissimus erat: unde factum est ut diversarum  
frugum maxima illi copia nunquam deesset, quam  
semper largâ manu cunctis indigentibus erogare no-  
verat. Erat namque eleemosynarius valde paupe-  
rumque rector, proflus ditor ac defensor Ec-  
clesiarum, Clericorum nutritor, Monachorum ve-  
rissimus Pater, peregrinorum latissimusceptor,  
viduarum ac pupillorum maximus adjutor. Deni-  
que ante Flaviacense Cœnobium duo alia ad regen-  
dum ab invictissimo Rege Carolo ei commissa fue-  
rant Cœnobîa; unum quod est situm prope muros  
urbis Remensis, & in honore S. Sixti primi ejus-  
dem urbis Præfulis constructum, & est in ditione  
ejusdem civitatis: alterum in territorio Catalaunici  
castri, quo sanctus Episcopus Memmius corpore  
quiescit humatus. Quibus desertis, Flaviacensis Re-  
ctor constituitur anno suprâ scripto. Præterea dum  
prædictum Flaviacense Cœnobium jure precarii ac  
beneficii teneret, etiam Exactor operum Regalium  
in Aquisgrani Palatio Regio sub HEINHARDO Ab-  
bate viro undecumque doctissimo à Domino Rege  
constitutus est. Quod nobilissimè administravit, at-  
que in cunctis operibus suis prudenter se agebat.  
Plurimis verò ejusdem Regis jussu legationibus stre-  
nuissimè functus est.

Interea defuncto Magno Carolo Imperatore Au-  
gusto divæ memoriæ, LUDOVICUS ejus filius in Im-  
perium elevatur. A quo idem Dominus Ansigisus  
magnificè honorari meruit. Anno denique imperii  
sui IV. Luxovium famosum Gallius Cœnobium ad  
regendum beneficii jure eidem contulit. Quo anno  
Stephanus Papa tertio mense postquam Romam re-  
meaverat reversus de Francis, VIII. Calendâs Febr.  
vitâ decessit: in cujus sede Paschalis successor effi-

citur. Luna eclipsim passa est Non. Febr. die horâ  
noctis secundâ. Abdiraman Rex Sarracenorum Le-  
gatos pro pace Compendium ad Imperatorem misit,  
qui Compendio auditi, & Aquisgrani iterum perre-  
xerunt; tresque menses detenti, Regi suo remissi sunt.  
Hoc etiam anno BERNARDUS Rex Italiæ in deditio-  
nem apud Cavillonem Imperatori se tradidit. Sed  
his omissis ad cœpta revertamur. Anno igitur Im-  
perii Domni Ludovici Augusti tertio TRASARUS Re-  
ctor hujus Cœnobii cum licentiâ ejusdem Impera-  
toris ad locum suæ nativitatis repedavit, ac Bene-  
ventum in Campaniâ regrediens, à SIGONE Duce,  
quem ex lavacro sanctæ regenerationis susceperat,  
honorificè susceptus est. Post quem Einhardus hoc  
Cœnobium per septem fermè tenuit annos. Quod  
demum ultro derelictum; divinâ ut credi fas est jus-  
sione, ac gloriosissimi Imperatoris Ludovici largitio-  
ne domnus Ansegisus ad gubernandum suscepit an-  
no jam suprâ taxato. Quod tam solerti studio sum-  
mâque industriâ nobilitavit, ut novus Wandregisi-  
lus credi posset, aut etiam magnus Præful Ansber-  
tus redivivam ad lucem regressus fore putaretur.  
Verum sicut illi in exordio sui ædificiis nobilitave-  
runt, Clerum auxerunt, disciplinis Ecclesiasticis im-  
buerunt, ita iste diruta emendare studuit, ac vetu-  
state consumpta in majori elegantia reparavit: Cle-  
rum nobilissimè auxit, ac regulari ordine secundum  
egregii Patris Benedicti normam ut vitam degerent  
multipliciter decertavit. Nam ex desidia priorum  
Patrum, qui gregis sibi commissi curam minùs de-  
votè gesserunt, status almæ Regulæ prædicti Patris  
Benedicti jam quasi casurus videbatur, licet illi qui  
Domino militabant, Canonico ordine irreprehensi-  
biliter conversarentur. Contigerat enim ob incu-  
riam, ut jam dixi, Prælatorum, qui ea quæ Regulæ  
auctoritas sacræ dare mandabat, parvipendendo im-  
pertiri distulerant: sed prædictus reverendissimus Pa-  
ter Ansegisus hoc modis omnibus satagit ut in pri-  
stinum statum ac legem recuperaret, juxta quod vo-  
luntatem Domni Imperatoris super hoc noverat, &  
quæ regulæ auctoritas dare mandabat, largiri modis  
omnibus non negligeret. Denique ex Luxovio Cœ-  
nobio; quo in Galliarum terris in religione ac regu-  
lari disciplinâ non inferius usque ad præsens videtur,  
Monachos Deum timentes, virosque Religiosos se-  
cum huc adduxit, qui & legem istinc Monachorum  
docerent, & exempla salubria ostenderent: licet olim  
à viro justo Benedicto Fossatensis Cœnobii Abbate  
eruditi in hac Philosophiâ fore viderentur: qui plu-  
rimis diebus in hoc Monasterio conversantes, non-  
nulla exempla doctrinæ & bonitatis suæ istic relique-  
runt. Nam, ut verè fatear, non inferius Franciæ seu  
Galliæ Monasteriis istud in omni religione compara-  
batur Cœnobium. Nec mirum, si tempore Ducis  
optimi milites Christi per viam Regiam incederent;  
licet nunc Christi charitas non sit refrigerata, cum  
utique signifer sanctissimæ disciplinæ idem existeret;  
qui omnibus imitandus apparebat. Quicumque enim  
illum audiebat præcipientem, non redarguebat ali-  
ter operantem. Testimonium veritati, non amicitie  
reddebat. Sermones ejus utiles magis quàm facietief-  
se noverant: à verbis quoque turpibus omnimodis  
abstinebat, sciens quia licentia eorum impudentiam  
nutrit. Quatuor quoque virtutes, quibus omnis ho-  
mo præcipuè inniti debet, in eo refulgebant: pru-  
dentia videlicet, fortitudo, temperantia, atque ju-  
stitia: sermo nempe ejus nusquam inanis exstitit,  
imò subditis sibi aliisque aut suasit bona agere, aut  
monuit docere recta, aut consolatus est dolentes,  
aut præcepit fidem Deo æterno & immortalî, Regi-

que terreno inviolatam servare, quæ etiam in suis aëribus primus adimplere curavit. Quæcumque verò ex rebus transitoriis possedit, nihil magni æstimavit, sed potius caducum esse credidit: ideo gazas suas Monasteriis ac egenis distribuere satagebat; thesaurizans sibi thesauros in cælo, quod fur non appropriaret, neque tinea devoraret. Vitiis per omnia fugax exstitit: aliorum verò neque acerbus reprehensor, neque curiosus scrutator. Cunctis denique benignus, in adversis firmus, in prosperis cautus & humilis. Justitiæ postremò virtutem quàm magnificè tenuerit, testantur legationes, quibus jussu Augustorum frequenter functus est: maximè ea quæ tempore Domini Ludovici magni Imperatoris, jussu ejusdem partibus Marcæ Hispanicæ celebrata est adversus Gautselinum custodem limitis illius. Erat enim in sermone verissimus, in fide firmissimus, in bonis operibus promptus, in judicio justus, in consilio providus, in bonitate conspicuus, in charitate præclarus, fide catholicus, eleemosynis dives, vigil ingenio, promptus eloquio, flagrans studio. Utile nempe vas in domo Domini, Deo sedulè serviens, errantes corrigens, correctos fovens, obstinatos spernens, humiles semper diligens, Regi terreno subiectus, Christo dominatori omnium devotus.

Quantum verò in Ecclesiasticis curis intentus fuerit, testantur munera in Cœnobiis ejus curæ subditiis ab ipso collata. In Luxoviensi namque Cœnobio hæc dona obtulit: crucem auream mirificè factam, gemmis preciosissimis decoratam, habentem baculum argento coopertum, quem secum solitus erat in itinere bajulare: offertorium aureum cum patenâ suâ aureâ opere mirabili: calices argenteos tres deauratos anaglyphico opere patratos: hanappum argenteum optimo opere factum, habentem limaces aureos quatuor in fundo exterius sibi annexos: aquamanile & urceum argenteum mirabili opere: altare in honore perpetuæ Virginis *MARIÆ* decoravit tabulâ ligneâ, quam imaginibus argenteis diversis cooperuit. De vestimentis verò, dirodinum optimum unum, planetas casulas quinque: cindados duodecim coloris diversi: dalmaticas tres: pallia fundata sex: tapeta optima octo. Ecclesiam S. Petri altiore in fabricâ suâ, muros exaltans, reddidit, ac cum clavis ferreis eam cooperuit. Porticum præterea, quæ vadit de Ecclesiâ B. Petri ad S. Martinum de novo fecit, & eam cooperiens, scindulas ejus ferreis clavis affixit.

In hoc igitur Fontanellensi Cœnobio hæc munera contulit. Portionem magnam ligni salutiferæ crucis Dominicæ inclusam auro, quod rotundo scemate formatum erat, ejusque in medio crystallum positum, ita ut figura ligni sanctæ crucis intuentibus intus appareret. Quod postea præpedientibus peccatis, sive alio quolibet casu de frontispicio lecti protectoris nostri B. Vandregesili fures sustulerunt, perforatâ maceriâ Basilicæ S. Petri; quod factum est pridie Nonas Decembris, Dominicâ, expletis post obitum ejusdem gloriosi Patris mensibus tribus, & diebus sexdecim. Calicem aureum mirificè factum duas hinc inde habentem ansulas, gemmis preciosissimis decoratum, qui pensat libram: alterum argenteum anaglyphico opere factum operis mirandi, cum patenâ suâ argenteâ: offertorium argenteum ejusdem Calicis, habens effigiem mirifici operis: alia offertoria argentea cum patenis argenteis earumdem: coronam majorem argenteam cum lampadâ suâ argenteâ, optimam unam. Item lampadam argenteam unam: thuribulum argenteum optimum unum: candelabra argentea tria habentia solidos nonaginta; id est, unumquodque triginta: sigilla aurea mirifica cum preciosis lapidibus, numero duo: urceum ar-

genteum cum aquamanili optimum unum: cypas vitreas auro ornatas duas, eburneam unam mirificè factam: pixidas eburneas duas: hanapum vitreum optimum unum. Quatuor Evangelia in membrano purpureo ex auro scribere jussit Romanâ literâ; ex quibus Matthæi, Joannis, & Lucæ complevit, sed interveniente morte ejusdem reliquum imperfectum remansit: lectionarium etiam in membrano purpureo similiter scribere jussit, decoratum tabulis eburneis: antiphonarium similiter in membrano purpureo argenteis scriptum literis, ornatumque tabulis eburneis. De vestimentis verò Ecclesiasticis largitus est pallia, quæ dicuntur fundata, tria: stauracia duo; stragulum Hispanicum unum: tapetia quatuor: dalmaticas ministrorum ministerio aptas sex: roccum subdiaconalem unum: coccum unum: tunicam Sacerdotalem Indici coloris cum vestimento integro, unam: planetas casulas quatuor, casulas item ex cindato Indici coloris tres, viridis coloris ex cindato item tres: item rubei sive sanguinei coloris ex cindato unum: blatteam item calulam unam: cappas Romanas duas, unam videlicet ex rubeo cindato & fimbriis viridibus in circuitu ornatam, alteram ex cane pontico, quem vulgus Bevurum nuncupat, similiter fimbriis sui coloris decoratam in orbe: linteum optimum unum: facistergium optimum unum: fanones optimos duos, unum auro decoratum, alterum stauratio: item de cindato duos: pulvinaria serica Evangelicis officiis apta; majora duo; minus unum: cingula Romano opere facta auro decorata duo: mappulas duas, stolas duas.

De libris autem hanc dedit copiam, Bibliothecam optimam, continentem vetus & novum Testamentum cum Præfationibus ac initiis librorum aureis literis decoratis; libros Expositionum Divi Augustini in Genesim ad literam volumen unum. Item Enchiridion ejusdem, volumen unum: ejusdem Explanationum in omnes Psalmos volumina tria: ejusdem contra Julianum hæreticum volumen unum: item librum Epistolarum ejusdem ad diversos, volumen unum: item ejusdem librum qui dicitur, Unde malum, volumen unum. Item librum ejusdem qui prætitulatur, de Doctrina Christiana, vol. 1. librum decem Chordarum ejusdem: ejusdem super Epistolam Joannis [vol. 1.]: item adversus Epistolam Fundamenti vol. 1. homiliare ejusdem vol. 1. Expositionem B. Ambrosii in Lucæ Evangelium, volumen unum: Epistolarum ejusdem ad diversos, volumen unum; item ejusdem librum qui dicitur de bono mortis, volumen unum: item ejusdem de Joseph ac duodecim Patriarchis vol. 1. Epistolarum B. Hieronymi volumen unum. Epistolarum S. Sixti Episcopi volumen unum. Historiarum Josephi volumen unum. Tagii Sententiarum, volumen unum. Excerptorum Paterii de veteri ac novo Testamento ex Opusculis beati Gregorii Papæ volumen unum: Evipi ex Opusculis B. Augustini similiter volumen unum; Gregorii in parte mediâ Job. vol. 1. librum Fulgentii Episcopi Carthaginensis vol. 1. librum Ferandi Diaconi Ecclesiæ Carthaginensis vol. 1. Bedæ in Genesim expositio vol. 1. ejusdem de computo ac ratione temporum, vol. 1. Collectaneos duos super anni circulo, Pauli Diaconi volumina duo: libros Glossarum duos [volumina duo:] librum Canonum diversorum Conciliorum, volumen unum.

Ædificia autem publica ac privata ab ipso cœpta & consummata hæc sunt: In primis dormitorium Fratrum nobilissimum construi fecit, longitudinis pedum ducentorum octo, latitudinis verò viginti septem: porro omnis ejus fabrica porrigitur in altitudine

tudine pedum sexaginta quatuor; ejus muri de calce fortissimâ ac viscosâ, arenâque rufâ & fossili, lapideque tofoso ac probato constructi sunt. Habet quoque solarium in medio sui pavimento optimo decoratum, cui desuper est laquear nobilissimis picturis ornatum. Continentur in ipsâ domo desuper fenestraz vitreaz, cunctaque ejus fabrica, exceptâ maceriâ, de materiâ quercuum durabilium condita est: tegulazque ipsius universæ clavis ferreis desuper affixæ; habet sursum trabes & deorsum. Post quod ædificavit aliam domum quæ vocatur Refectorium, quam ita per medium maceriâ ad hoc constructâ dividere fecit, ut una pars Refectorii, altera foret Cellarii: de eadem videlicet materiâ similique mensurâ sicut & Dormitorium, quam variis picturis decorari in maceriâ & in laqueari fecit à Madalulfo egregio Pictore Cameracensis Ecclesiæ. Tertiam nempe fecit domum egregiam construere, quam majorem vocant, quæ ad Orientem versa ab unâ fronte contingit Dormitorium, ab alterâ adhæret Refectorio: ubi cameram & caminatam, necnon & alia plurima ædificari mandavit; sed adveniente morte ejusdem, hoc opus ex parte imperfectum remansit. hæc tria egregia testata ita constituta sunt: Dormitorium videlicet ab unâ fronte versum est plagæ Septentrionali, ab alterâ Australi, & adhæret ab eâ Basilicæ S. Petri. Refectorium similiter versum est eisdem plagis: & est ferè contiguum à parte Meridianâ absidæ Basilicæ S. Petri. Porro illa major domus, sicut supra diximus, constituta est. Ecclesia autem S. Petri à parte Meridianâ sita est, versa tamen ad Orientem. Ipsa etiam à parte Occidentali triginta pedum in longitudine, ac totidem in latitudine accrevit, constructo desuper Cœnaculo, quam in honore Domini Dei Salvatoris nostri **JESU CHRISTI** dedicandam fore præoptabat. Sed & ipsum opus propter mortem ejus tam citam imperfectum remansit. In eadem autem Basilicâ S. Petri pyramidem quadrangulam altitudinis triginta quinque pedum de ligno tornatili compositam, in culmine turris ejusdem Ecclesiæ collocari jussit; quam plumbo, stanno, ac cupro deaurato cooperiri jussit, triaque ibidem signa posuit: nam antea nimis humile hoc opus erat. Ipsam namque turrim, simulque absidam tegulis plumbeis à novo cooperiri jussit. Jussit præterea aliam condere domum juxta absidam Basilicæ S. Petri ad plagam Septentrionalem, quam Conventus, sive Curia, quæ Græcè Bouleuterion dicitur, appellari placuit; propter quod consilium in eâ de quâlibet re perquirentes convenire Fratres soliti sunt. Ibi namque in pulpito lectio quotidie divina recitatur, ibi quidquid regularis auctoritas agendum suadet, deliberatur. In quâ etiam monumentum nominis sui collocari jussit, ut dum vitæ præsentis terminum daret, illic à suis deponeretur. Item ante Dormitorium, Refectorium, & domum illam quam majorem nominavimus, porticus honesta cum diversis pogiis ædificari jussit, quibus trabes imposuit, ac juxta mensuram eorundem tectorum in longum extendit. In medio autem porticibus, quæ ante Dormitorium sita videtur, domum Cartarum constituit. Domum verò, quâ librorum copia conservaretur, quæ Græcè Pyrgiscos dicitur, ante Refectorium collocavit, ejus tegulas clavis ferreis configi fecit.

In Flaviacensi quoque Cœnobio quæ obtulerit dona, hoc in loco declarandum censuimus. Ibi namque gratuita benignitate largitus est calices argenteos diversos decem: aquamanile argenteum

cum urceo suo argenteo: candelabra argentea numero septem: pallia diversa plus minusve quadraginta: casulas planetas, ac cindatos diversos triginta, quarum colores oneri videtur describere: fanones ac lintea non occurrunt memoriæ quot fuerint numero. In honore verò Sanctæ Trinitatis Pallicam ædificavit, ante ejus aram Tabulam argenteis imaginibus decoratam collocavit, ipsique aræ crucem argenteam imposuit, universamque Basilicam variis picturis decorari jussit. Nomina autem Librorum, quos ipsi contulit loco, hæc sunt: Pandectem à B. Hieronymo ex Hebræo vel Græco eloquio translatus: ejusdem expositionem in duodecim Prophetas, & sunt Tomi viginti in volumine uno: ejusdem in Isaia Propheta libri octodecim, volumen unum: ejusdem Librum Epistolarum, volumina duo: in Proverbiis Salomonis ejusdem volumen unum: in Daniele Prophetam ejusdem: in Evangelio Matthæi ejusdem, continens in eodem decreta Gelasii Papæ de libris recipiendis & non recipiendis: & excerptio aliqua de Libris Exameron S. Ambrosii Episcopi, codex unus. Libros S. Augustini, qui prætitulantur, de Civitate Dei, numero triginta duo in codice uno: ejusdem expositionem in Evangelio S. Joannis, volumen unum: Homiliare ejusdem continens Sermones cXLVII. volumen unum: libros ejusdem xv. de S. Trinitate, volumen unum: Concordiam Evangeliorum ejusdem, codicem unum: ejusdem de Doctrinâ Christianâ, cod. unum. Expositionem Symboli ejusdem, cod. unum: Quæstiones ejusdem octoginta, cod. unum: de Baptismo parvulorum ejusdem ad Marcellum lib. tres: de sermone Domini in monte lib. duos: de providentiâ Dei Sermon. 1. De Natali proprio Sermon. 1. [ de Cruce Sermon. 1. ] Ad Flavianum Epistol. [ 1. ] vol. 1. Ejusdem Academicorum lib. tres: Soliloquiorum lib. duos: de immortalitate librum unum: de quantitate animæ lib. unum: de Magistro librum unum: de ordine lib. 11. de videndo Deo librum 1. vol. 1. libros Confessionum ejusdem cod. unum: librum qui dicitur Enchiridion, cod. unum: in Psalmis expositionem ejusdem, codicem unum. Expositionem S. Ambrosii in Epistolas Pauli, vol. unum. Hirsychii Presbyteri in Leviticum lib. 7. cod. 1. Expositionem S. Joannis Constantinopolitani Episcopi in Matthæum. Apocalypsim sancti Joannis, continentem etiam librum S. Isidori Differentiarum, cod. unum. S. Hilarii Episcopi contra Hæreticos cod. 1. Homiliarum B. Gregorii Papæ in novissimâ parte Ezechielis Prophetæ in cod. uno: Epistolarum ejusdem cod. unum. Expositionem B. dæ Presbyteri in actibus Apostolorum, cod. unum. In septem Epistolas Canonicas & Apocalypsim Joannis cod. unum: ejusdem in Marci Evangelium cod. unum: ejusdem in Lucam Evangelistam cod. 1. librum Testimoniorum Isidori de Christo & Ecclesiâ, cod. unum: ejusdem Etymologiarum cod. unum: ejusdem Rotarum ad Sisebutum Regem, cod. 1. Prosperi de vitâ activâ & contemplativâ in cod. 1. Prognosticon futuri sæculi cod. 1. Disputationem fidei inter Arium hæreticum ac Athanasium Catholicum in cod. 1. Epistolarum S. Cypriani Martyris cod. 1. Alcuini de Trinitate librum in cod. 1. Regulam B. Basilii Episcopi. Regulam B. Benedicti in cod. 1. Historiam Ecclesiasticam Eusebii Cæsariensis Episcopi in cod. uno: Chronicam ejusdem in cod. uno. Historiam item Ecclesiasticam trium virorum, id est, Sozomeni, Theodoriti, & Socratis, in cod. uno. Canones diversorum Patrum in Codice uno. Sacramentoria volumina duo. Cassio-

[ deponeretur ] Quod sequitur ad eum locum: Domum verò, quâ librorum, in codice Font. non legitur.

t. triginta duo ] Laudatus codex, viginti duo.



dori de Arithmetica, vol. unum : ejusdem in Psalmos expositionem vol. unum. Nomiliarum Origenis in veteri Testamento volumina duo : ejusdem in Psalmos expositionem, volumina duo. Vitas Beatorum Confessorum Hieronymi, Augustini, Gregorii. Item passionem B. Columbæ Virginis in cod. uno. Institutio ac collectio cujusdam de vitâ Canonica, vol. 1. Gesta Francorum in cod. uno. Et alios plurimos, quorum nunc nomina non occurrunt memoria.

In eleemosynarum verò largitionibus quantum sollicitus extiterit, ipsa ejus opera testimonium perhibent. Nam quodam tempore, id est, anno regiminis sui decimo octavo, in passionem incidit illam, quam Medici paralytim vocant : moxque vocatis domesticis ac fidelibus seu intimis suis, hanc rerum suarum distributionem gratuito animo facere curavit. Quæ largitio seu distributio, ipsius jussu ac supplicatione edita est à venerabili viro Hildemanno Bellovacensis urbis Episcopo, adjuncto Berteningo & Gerlone laicis simulque Landone Monacho. Cujus textus talis est : In hoc Fontanellensi Cœnobio largitus est Fratribus libras nonaginta ; nam omnibus annis triginta in cœnsu dare consueverat : famulis laicis libras decem : senibus in illo Xenodochio, & cæteris mansionibus pauperum solidos decem. Universæ familiæ hujus Cœnobii libras quadraginta. Cæterorum Monasteriorum nomina, ad quæ eadem largitio eleemosynæ pervenerit, sigillatim exprimam. Ad Gemmeticum Cœnobium libras v. direxit : ad Logium libram unam : ad Fiscannum libram unam : ad Villare libram unam : ad Longogilum libram unam : ad sanctum Walericum libram unam : ad B. Richarium libras duas & semis : ad sanctum Audomarum libras duas & semis : ad S. Audoënum in Rotomago libras quinque : ad sanctam Mariam in domo ejusdem Ecclesiæ libras duas : ad S. Martinum in eadem urbe, & cæteris Cellis, solidos viginti quinque : Ragnoardo ejusdem urbis Archiepiscopo libras decem ; videlicet ut quinque Presbyteris, & alias quinque pauperibus erogaret. Ad Penthale Monasterium solidos quindecim : ad Penante solidos quindecim : ad Pratellos similiter : ad Ebroicas civitatem libram unam : ad illam Crucem S. Audoëni libras duas : ad Lixovium urbem libram unam : ad Fontanas Cœnobium solidos duodecim : ad Baiocas civitatem libras duas : ad duorum Gemellorum Monasterium libras duas : ad S. Martinum Turonensem libras quinque, illis Canonicis in domo libram unam : ad S. Anianum Aurelianensem libram unam, illis Canonicis in domo libram unam. Ad S. Benedictum in Floriaco libram unam : ad Ferrarias libras duas : ad S. Carilefum libram unam & semis : ad Curbionem Monasterium libram unam : ad sanctam Columbam in Senonis, illis Monachis libras duas ; illis Canonicis in eadem civitate libras duas. Item ad S. Petrum illis Monachis in eadem urbe libram unam : in Autisiodoro urbe illis Canonicis libram unam : ad S. Remigium illis Monachis similiter : ad S. Heracleum in eadem urbe similiter : Item in Autisiodoro ad S. Germanum, illis Monachis libram unam. In Trekas illis Monachis ad S. Petrum libram unam : ad sanctam Crucem Meldis, illis Monachis similiter : ad Follatos Monasterium, illis Monachis libras duas : ad S. Genovefam Parisius libras duas : Ad S. Germanum Parisius libras tres : In eadem urbe illis Canonicis libram unam : ad S. Dionysium libras quinque : ad Calam Monasterium libras duas : ad S. Lucianum illis Monachis libras duas : Belloaci, illis Canonicis libram unam : ad Flaviacum illis Canonicis libras quindecim : ad opus famulorum co-

rum libras decem : Hildemanno Episcopo ad Presbyteros & pauperes libras decem : Ad Oratorium Monasterium solidos quindecim : ad Fontanidum Monasterium solidos decem : ad Insulam Monasterium solidos decem : ad Andelagum Monasterium solidos duodecim : ad Malardum-vallem solidos decem : ad Resbace Monasterium libram unam & semis : ad S. Salvium in Brago solidos decem : ad Malam Monasterium libram unam : ad S. Vedastum in Atrebato libras duas : ad Cameracum libras duas : ad S. Gaugericum libram unam : ad Corbeiam libras quinque : ad sanctum Eligium in Noviomio civitate libram unam ; item ad eandem urbem Canonicis libram unam. Item ad Sueffionis civitatem Canonicis libram unam : ad S. Crispinum solidos quindecim : ad S. Medardum Monachis libram unam : illis Sanctimonialibus libras tres. Ad Remis illis Canonicis libram unam : ad S. Remigium in eadem urbe Monachis libram unam. Ad S. Memmium in Catalauno libram unam : ad eandem urbem solidos quindecim ad Altum montem Monasterium quo S. Ansbertus quondam exilio fuit intrusus, atque confortiis inde ereptus humanis, solidos quindecim : ad Malbodium Cœnobium libram unam : ad Castrilocom Monasterium similiter : ad Laubias Monasterium libram unam : ad Indam Cœnobium libras duas. Ad Lingonas illis Canonicis libram unam : ad Luxovium libras vigintiquinque, id est, in ipso Monasterio libras decem : ad Fontanas Cellam ejusdem Cœnobii libram unam & semis : ad Cusantiam similiter : ad Anagrates lib. duas ad Romarici montem librarum unam : ad Balmam similiter libram unam & semis. Ad Morbach Cœnobium libram unam : ad S. Gregorium libram unam : ad Monasterium Mauri libram unam : ad Melundas libram unam : ad S. Reginberbum, ubi primò elementa didicerat literarum, per manus quoque matris suæ in usus egenorum viginti libras expendit. Simili modo per manus Berteningi libras viginti ; sibi verò in domo suâ famulantibus libras quadraginta largiri fecit. Tribus vicibus omnes opes suas egenis ac pauperibus erogari fecit, nil sibi reservans ; quæ qualiter gesta sint, ne nauseam aut fastidium ingessisse videar, transcendendo omittam. Eleemosynis enim sibi viam præparavit, quoniam noverat externum omnem hominem esse sive ad pœnam sive ad gloriam : ideo eleemosynis ac orationibus servorum Dei se roborabat, ut & cursum hujus vitæ pacificè transigeret, atque feliciter in perpetuum viveret. Rexit autem hoc Cœnobium idem gloriosus vir per annos decem, menses quinque, dies xviii. Ipso tempore recessit Dominus Ansigisus Dominicâ illucescente, die xiiii. Kal. Augusti ; eodem die cum fletu maximo tumultus extrâ Basilicam S. Petri ad aquilonalem plagam, in porticu in quâ Fratres conventum celebrare soliti sunt, ac consultis Deo dignis aures accommodare : & cessavit regiminis locus triginta & octo diebus.

#### Constitutio ANSIGISI Abbatis.

Constitutionem verò, quam servis Dei isto in Cœnobio degentibus de victu ac vestitu instituit, commodum arbitratus sum huic Operi inferre. Cujus talis est textus.

*Memoratorium qualiter dominus ac venerabilis ANSIGISUS Abbas disposuit vestimenta & calciamenta, atque alimoniam Fratribus in Monasterio Fontanella morantibus ; una cum consensu eorum ordinabiliter : ut absque ullius occasionis querelâ, omni egestate exclusâ, vota sua Deo reddere, at-*

*que sponsonis sua negotium ad effectum omni tempore perducere possent.*

De pago namque Bononensi & Tarvanensi vestitus integros lx. censuit porrigendos. Drappos albos xx. de quibus camisia xx. fieri possent. Coria boum ad soleas v. composita. Fabarum modios xx. Caseor. pensas xxi. per libras lxxv. Ova mille. Cera ad illam Ecclesiam libras cc. Ad opus fratrum c. Sevo libras cc. De Corialinse calcibus xxiiii. Bragal. lx. ad saccos autem faciendos drappos albos ii. de quibus fieri possint staminea x. Toaculas ii. Coria bovina composita v. fabar. modios x. Pisfor. modios xx. Caseor. pensas xv. per libras lxxii. Salis modios xxv. in mense Septembrio ova mille. De illa gregaria pagens. lx. De Irtio & Idtio mapp. iii. longitudinis ulnarum x. latitudinis ii. De Apuliano mappa una ejusdem mensura. Linthea ad manus tergendas vellofa iii. unumquodque de ulnis quinque in longitudine, in latitudine ii. De Gera camisiae iii. ad mappulas faciendas longitudinis ulnarum xiiii. latitudinis trium. De Glariaco mappam unam habentem in longitudine ulnas x. in latitudine iii. Item de Hirtio camisiam de ulnis xii. iii. latitudinis ad pedes tergendum. De Camponistoaculam i. De Rosontio similiter. De Floriaco similiter. De predicta gregaria caseor. pensas xxx. per libras lxxii. Filtra ad foccos faciendum xii. Ad lecta quantum necessitas poposcit. Porcos faginos ad adipem & lardum cum unctis lx. & insuper quantum necesse fuerit. De ministerio Rosontione fabar. modios tres, Pisfor. modios v. Ad Nativitatem Domini aucipastas tres, pullipastas xx. pullos lx. Ova ccl. Et in Pascha similiter. Cera libras iii. mellis sextarios tres. Et in mense Novembrio ova d. ligna carra lx. Inter illam Crucem Paldriaco & Bladriciagas fabar. iii. pisfor. modios v. Ad Nativitatem Domini aucipastas iv. pullipastas xii. pullos lx. Ova ccl. Et in Pascha similiter cera libras iii. mellis sextarios iii. In mense Decembrio ova d. ligna carra lx. De Campanis fabar. mod. iii. pisfor. modios viii. Ad Nativitatem Domini aucipastas iv. pullipastas vii. pullos lxx. ova ccl. Et in Pascha similiter, mellis sextarium unum, cera libras i. In mense Januario ova d. ligna carra lx. De Sadanma & bubulo captiva fabar. mod. ii. pisfor. modios iv. Ad Nativitatem Domini aucipastas ii. pullipastas x. pullos xxx. ova c. Et in Pascha similiter, mellis sextarios ii. Cera libras ii. In mense Februario ova d. ligna carra xii. De Gariciagas, Duno, & Gera, fabar. mod. iii. pisfor. mod. iv. Ad Nativitatem Domini aucipastas tres, pullipastas xii. pullos xi. ova ccl. Et in Pascha similiter mellis sextarium i. Cera libram i. Et in mense Martio ova l. ligna carra xii. De Petreoponte & Wirtlaico toaculas ii. fabar. mod. v. salis mod. xv. Ad Nativitatem Domini aucipastas ii. pullipastas xxvi. pullos cv. ova d. Et in Pascha similiter mellis sextarios ii. Et in mense Aprili ova d. De Idcio fabar. modium i. pisfor. mod. i. Ad Nativitatem Domini aucipastam unam, pullipastas iv. pullos xxv. ova l. Et in Pascha similiter mellis sextarium i. cera lib. i. Et in mense Maio ova l. ligna carra xv. De Irtio fabar. mod. i. pisfor. mod. i. Ad Nativitatem Domini aucipastam unam, pullipastas iv. pullos xxv. ova l. Et in Pascha similiter mellis sextarium i. cera lib. i. Et in mense Junio ova d. Item de Rosontione in mense Augusto ova clxvi. De illa Cruce & Campanis ova clxviii. De Revereis curte vini modios xlvi. ova ccl. vinum de Alpiaco mo-

dios ccl. De Riparensi curte mod. cl. De Abiaco mod. l. De Burgundia mod. l. sunt modii dc. Adu-maticum mod. xxxii. Sicera Humolone quantum necessitas exposcit. Cera ad illam Ecclesiam libras cc. olei libras cxxx. Adipem mod. viii. Ad opus Fratrum cera lib. c. olei lib. c. Ad pelles hircinas sexaginta compositas lib. iii. Ad cordebifos xl. comparandum lib. iii. Ad coria bovina xx. lib. i. Capellos nigros viii. de solid. xxxii. alios quatuor, unumquemque de solidis iii. qui sunt solidi ii. tres qui remanent de solidis septem, qui sunt simul lib. ii. & semis. Ad Stamineas xxx. optimas comparandum lib. iii. ad femoralia paria xxx. lib. i. Ad infirmorum curam mel & pigmenta lib. i. Ad saccos quindecim comparandum griseos siccos, unde cappae fiant lib. x. id est talis ordo, unumquodque de solidis x. Et duos optimos capellos de solidis xxx. quinque qui superflunt de solidis xxxvi. novem vero de solidis lvi. id est unumquodque de solidis sex. Ad roccos faciendum, qui sunt rocci xviii. colligunt super totum libras x. Ad sagos xv. in lecta mittendum lib. ii. & semis. Ad pelles berbicinae, unde pellicea fiant, solidos x. Ad ubantos u lib. i. ad fasciolas lib. i. Sunt in summa lib. xxxi. Ad infirmorum curam mansionilem qui dicitur Bothmeragus, & quantumcumque decet sauram, id est, de porcis, mutones, berbices, pullos, ova, omnem decimam nostram ad ipsam domum infirmorum concessimus. De nutrimentis nostris & de vassallis nostris ad portam Monasterii dedimus villam Noviomum, & illos mansioniles qui dicuntur Gismachas, Strotella, sanctum Stephanum, Luviceinas, Bantana, Cisternas, Lenticulosa ad illorum infirmitates & necessitates ex caritate, & caseos, & butyrum, nec non ad illorum famulos nutriendum, &c. quae necessaria sunt concessimus.

## APPENDIX I.

*Ad Chronicon Fontanellense.*

**F**ULGO Venerabilis Presbyter succedit ab anno Incarnationis Dominicae dcccxxxv. qui est annus bonae memoriae HLUOVICI Imperatoris vicesimus primus: nam antea JOSEPH Episcopus in divortio illud tenuerat menses vii. dies xii. id est, a sexto Kalend. Septembris usque ad quarto Idus Martii. Septimo decimo Kalend. Aprilis fuit tunc datum domno Fulconi praedictum Cœnobium, & tenuit annis undecim & menses v. dies xxvii. id est a Septimo Kalend. Aprilis usque sexto Idus Octobris.

HERIMBERTUS Diaconus annis iv. & menses undecim, id est, a quinto Idus Octobris, quando regimen sumxit, usque iii. Idus Septembris quando ad Dominum migravit.

## APPENDIX ALTERA.

### PROLOGUS.

*In miraculis S. Wlfranni Pontificis, cujus corpus sacratissimum in magnâ gloria apud Deum & homines Fontinella requiescit.*

**Q**uia Deo omnipotenti placuit temporibus nostris gloriosa sancti sui Wlfranni quae haecenus

latuerant, merita mundo declarare, ac multis ea recentium miraculorum insigniis declarare; Fratrum me pie ad ea scribendum adhortantium desideriis humiliter deliberavi satisfacere; & quæ vidimus divinæ virtutis opera ad futurorum notitiam literarum apicibus transmittere; quatinus expensâ fideliter tanti Patris interiori virtute per exhibita exterius miracula, erga ipsius venerationem propensioris queant & ipsi devotionis incrementa concipere. Nemo autem in his pretiosorum requirat verborum suppellectilem, quin potius Dei in sancto suo gloriam miretur & honorem, suæque salutis capiet ædificationem: neque enim steriles sententiolas floribus proposui rhetoricis, horum experts, adumbrare; sed rerum divinitus gestarum veritatem simpliciter & oportunâ brevitate aliquid prælibare; ne videlicet succedentium oblivione temporum penitus obliteretur, & pereat quod sub oculis nostris diatim divina dignatur operari clementia: quia nimirum vehementer indignum & incompetens approbatur, si tot miraculorum gloria inertis silentio supprimatur: quo circa malui, fateor, imperitæ rusticitatis, quàm infructuosi silentii redargui, ac per hoc quorundam fastidio displicere, quàm plurimum devotioni seu utilitati non inservire. Verùm quia jam quæ proposuimus libet adoriri, paulo altiori principio, ut res gratior fiat, ratum videtur ea exordiri.

*De Inventione & miraculis ejus.*

CAPUT PRIMUM.

**E**st itaque antiquissima in Galliis civitas Senones nuncupata, cujus potentiam ipsa postmodum orbis terrarum caput Roma quondam in suo excidio graviter est experta: adeo namque invaluit ut eam obsidione cingeret, manu armique fatigatam caperet, & nisi arcis, quam Capitolium auspiciatū dici placuit, munimen obstitisset, penitus subrutam delevisset. In hac igitur S. Wlfrannus meritorum prærogativâ Præsulatus apicem favente Deo promeruit; verbo, virtutibusque satis dignè aliquantisper administravit, sed acceptâ postmodum divinâ jussione, ad prædicandum vitæ verbum Fresionum genti animum intendit: quapropter insignem ac magnificæ sanctitatis virum nomine Ansbertum, Abbatem videlicet Fontinellensis Cænobii, qui meritorum gratiâ atque ordine sancto jam successerat Audœno Præsuli in Pontificium urbis Rotomagensis, festinus adiit, divinum quod acceperat oraculum, atque suam super hoc voluntatem illi patenter innotuit, auxilium in quibus res ea flagitabat poposcit, & sufficienter accepit: sicque demum Sequanam ingressus, prospero Fresiam navigio petiit: illi populo in tenebris ignorantie eatenus sedenti lumen divinæ cognitionis, ac mysterium Dominicæ Incarnationis instanter evangelizavit. Cumque Apostolicis signis suam prædicationem efficaciter adstrueret, morum tranquillitate coruscaret & sanctitate vitæ, quosque rebelles & incredulos perdomuit, atque ad percipiendam baptismi gratiam convolare fecit. Interea imminente beatæ remunerationis horâ, quàm divinâ revelatione didicerat, post innumerabilium ad Christum converforum salutem, post multorum mirabilium exhibitionem, tandem Fontinellam ubi monachicum pridem fecerat votum, rediit, nec multo post dignus præmiis cœlestibus decessit. Sepultus verò secus sancti Patris Wandregesili tumulum, per novem annorum curricula requievit, unde postmodum à S. Bains Tarennae urbis Præsule, ejusdem Cænobii Rectore, quinto videlicet sui regiminis anno, translatus

est in Basilicam S. Petri Apostolorum Principis cum pretiosis SS. Wandregesili atque Ansberti corporibus, quorum prior quidem quadraginta, alter verò annis undecim in Ecclesiâ S. Pauli jacuerat.

CAPUT II.

**E**voluto autem non parvo tempore, sub xxiv. videlicet ejusdem Cænobii Receptoribus, per annos ferme ducentos octoginta unum sibi succedentibus, cum permittente Deo, & flagitiis humanæ perversitatis exigentibus, Danica gens suis emota sedibus per universum mariæ Oceani littus piraticâ crudelitate desæviret, ferro ac flammis cuncta vastaret, maximeque regiones & loca flumini magno Sequanæ ultrâ citraque adjacentia infestaret, miserâ clade exterminaret, urbem undecumque fecundissimam quæ à conditore Ilio Parilius dicitur, incendio & rapinis tandem occupavit: celeberrimam etiam Metropolim, quam antiquitas Rotomagum vocari instituit, perempto Præsule, prostrato populo & milite, succensis mœnibus, muris solo tenus everlis, funestâ crudelitate cepit: Gemmeticum verò flammis voracibus Cænobium combussit.

Cumque nulli mortalium latibulum, vel tutus jam effugii locus uspiam pateret, Monachi qui sub ingenti metu ac maximâ tribulatione in præfato Fontinellæ Monasterio eâ adhuc tempestate in ambiguo potius pendere quàm vitam videbantur agere: nam secundo dato Paganis pretio se locumque redemerant; at verò deficiente jam pecunia, & invalescente persecutionis immanitate, fugæ præsidium deliberarunt ad postremum arripere: proinde effosis SS. Wandregesili atque Ansberti tumulis, sacratissima eorum dumtaxat ossa anno Dominicæ Incarnationis circiter octingentesimo sexagesimo secundo cum ingenti reverentiâ & honore extulerunt, gestatorisque condita oculis cum omni suppellectili quæ sibi restiterat, celeri fugâ, ne repentino hostium occuparentur adventu, inde discesserunt, atque sacratissimum B. Wlfranni corpus, ut postea repertum est, intactum ibidem reliquerunt. Unde liquidò prudentibus conjici datur, quia dispensatione divinâ procurante aut incorruptum ut in priori translatione eum reperientes veriti sunt remove, aut sanè aliquid humanius cogitantes atque in futurum prospicientes, sublatis aliis hunc quasi ad solatium loci ne penitus destitueretur, ad futurorum patrocinium decreverunt relinquere.

Nec multo post truculentus barbarorum exercitus aquis egressus hunc ad locum accessit, vacuumque hominibus & omnibus nudatum rebus deprehendens, injecto igne cuncta illius ædificia, cum ipso Sanctuario concremavit, subvertit, & recessit. Deinde universam longè lateque regionem pervagans occupavit, rapinis & incendio cuncta devastavit: diruuntur urbes, castra subvertuntur, Ecclesiæ, ac nobilia Cænobia quibus illa pulcherrima ac frequens regio præ universis regnis ut Ægyptus quondam florebat, solo coæquantur: fit interea promiscua cædes hominum, stragesque diversi generis animalium; electi juvenes ludibriis aguntur, virgines & puellæ paganorum libidini prostituuntur, cæteraque vulgi manus imbellis in externa regna distrahenda Ethnicis captiva abducitur. Cumque tanta lues per continuos ferè decem & octo annos crebris irruptionibus sub variis tamen Ducibus nullatenus desisteret, Occidentalis Galliarum plaga largiori sinu maris Britannici recepta, in desertum est atque solitudinem tandem redacta.

S. Petri transfertur una cum SS. Wandregesili & Ansberti.

Normanni Galliam intrant vastantque.

Aufugiunt Monachi Fontanellenses, ac secum asportant corpora SS. Wandregesili & Ansberti.

Destruuntur Ecclesiæ ac Monasteria.

S. Wlfrannus Fresiam petit, ac Verbum Dei disseminat, claretque miraculis.

Obiit Fontinellæ.

Corpus ejus in Ecclesiam

## CAPUT III.

Rollo Nor-  
manniæ Dux  
Chriſto no-  
men dedit.

Guillelmus  
Gemmetic.  
Cœnobium  
inſtaurat.

Richardus fe-  
liciter guber-  
nat.

Girardus Ab-  
bas Ganda-  
venſis offert  
Richardo ſe  
redditurum  
corpus ſancti  
Wandregi-  
ſii.

Interea *Rollo* noviffimus quidem Nortmannorum Dux, ſed cæteris potentior militari manu, æquitate modeſtior, prudentior conſiliis, patriis laribus pulſus littori Sequanæ appulit, ſingula loca & civitates quas ſolitudo tenebat invaſit, pauciſque quos invenerat inde fugatis, aut jugo potentiæ ſuæ ſubactis, auſpicio ſortium inter comites & commilitones ſuos diſtribuit. Is primus marchas inter ſe & finitimas nationes certis pro arbitrio limitibus præſcripſit: optima denique jura, legesque æquiſſimas domi militiæque prudenter inſtituit, quibus omnis generis diverſarumque artium homines brevi tempore ſibi conciliavit, atque unum ex diverſis gentibus populum effecit; quita conſeſtim coaluit, ut numeroſior fortiorque vicinis fieret nationibus & regnis. Cumque ſuccedenti tempore lavacrum Chriſti ſalutare ſuſcepſſet, regno optimè diſpoſito obiit, filiumque ſucceſſorem *Wilhelmum* nomine, juvenili florentem indole dereliquit. Hujus tempore fides Chriſtiana paſſim florere cœpit, Eccleſiæ ac Monaſteria olim deſtructa reædificari; inter quæ Gemmeticenſe Cœnobium, quod in honore S. Petri Apoſtolorum Principis, parvo quidem ſed miro opere conſtruxit, ubi & monachicum habitum ſpreto ſæculi naufragio aſſumere deliberabat; niſi mors cita ejus obſtituiſſet votis. Sed hoc citiùs fraude cujuſdam *Herluini* exempto, *Richardus* puer & admodum tener in regno ſucceſſit, atque inter multa diſcriminum adverſa adolevit, invaluit, regnum paternum, quod avus ejus armis & virtute ſibi paraverat, divino per cuncta fretus præſidio potenter retinuit, probis inſtitutionis decoravit, divitiis & gloriâ Romano quondam Imperio penè exæquavit.

Hujus itaque cum jam fama potentiæ longè lateque pervolaret, Nortmannorumque tellus altâ pace exultaret, Gandenſis Cœnobii Abbas *Girardus* nomine ſumpto Wandregiſii pretioſo corpore uſque in pagum Belvacenſem venire maturavit, atque in villam quæ Reverſicors dicitur ad hoſpitandum diverſit, quod Theoderico nobili & valde potenti per ejuſdem prædii Majorem mandare curavit; quia, licet injuſtè, illius poſſeſſionis dominabatur tunc temporis, quæ pridem fuerat de ditione Fontinellenſis Cœnobii. Quod ubi ſuperbus ille & arrogans comperit, Legatum baculo quem forte tenebat percuffit, & cum ingenti injuriâ è conſpectu ſuo exire coëgit. Rediit ergo ille qui nuntiaverat, Abbati Girardo cum gravi dolore intimavit quæ pertulerat: quibus auditis, fit ingens omnium gemitus, conſeſtimque coram lecticâ Sancti proſternuntur, atque inter fluentes lacrymas, & amara cordis ſuſpiria adverſus ſanctum prædictus Abbas multa probroſè inculcando flebiliter conqueritur. Sed inter hæc decedente ſole noctis ſilentium advenit, Theodoricus verò dormiturus ſe in lectulo compoſuit; cui derepente terribilis perſona ſub habitu monachili apparuit, cumque pro contumeliâ quam ſibi heſterno intulerat vehementer redarguens, paſtorali baculo quem ferebat graviter percuffit; qui ſtatim ſomno interrupto experrectus graviter ingemuit, ſeque à quodam cano Abbate caſum, altis & perturbatis vocibus inclamavit: deinde ſubitâ internorum correptus torturâ ſecceſſum naturæ petiit, ubi ſœdâ egeſtione omnia profundens viſcera vitam miſerabiliter abruptit, ut viventibus liquidò daretur animadverti, cujus meriti apud Deum ſanctus Pater Wandregiſius fuerit, qui ſic viventem inimicum, & atrocis injuriæ reum mortis ſupplicio condemnare potuerit. Res ergo hæc in

regione illâ omnibus ſtatim innotuit, Abbatem Girardum cum comitibus ſuis non mediocriter exhilaravit. Qui deinde participato cum ſuis conſilio, omnem cum ſanctis pignibus comitatum ad cuſtodiam dereliquit; ſicque aſcenſis equis Rotomagum ad urbem cum paucis properavit, admiſſusque Richardo Comiti cauſas adventûs ſui diligenter & opportunè intimavit, ſeque in promptu S. Wandregiſii corpus habere retulit, quod ſuo reſtitueret loco ſi terræ ſibi redderentur, quæ chartarum poſſet approbare Iri-vilegiis: at ille ſuorum uſus conſilio Principum, chartas exhiberi præcepit, & coram omnibus recitatas exponi. Quo factò murmur & contradic-tio fieri cœpit ab omnibus, qui ſe dicebant nequaquam poſſe carere propriis honoribus, quos ſibi armis & ſanguine prædeceſſorum ſuorum pepererat bellicoſa virtus, ſive quos ſibi ipſi diuturno acquiſierant ſervitio, multiſque ſudoribus. Sic igitur factâ difficultate rei quam prædictus Abbas quærebat Girardus, nullâ deinceps potuit pollicitatione retineri, ſed ad ſuos illic per emenſum iter remeavit, atque S. Wandregiſium conſumpto nequicquam tanto labore, ad locum unde eum extulerat, ſeſtinus revexit, ubi apud Deum & homines in magnâ gloriâ & honore nunc uſque requieſcit.

Repulſam  
paſſus reſert  
illud.

De Mainardo Abbate.

## CAPUT IV.

Verumtamen cum de his quæ acta fuerant poſtea crebriùs Gandenſes Fratres viciffim loquerentur, eorum quidam nomine *Mainardus* alto parentum ſanguine oriundus, divinâ, ut credendum eſt, inſpiratione in amore & deſiderio Fontinellenſis Cœnobii accenſus, cujus magnificentia ac dignitate literis, quas antiquorum induſtria procuraverat, erat edoctus, expetita licentiâ & obtentâ Richardum Marchionem celeriter adiit, præſatumque locum ſibi ad reædificandum dari petiit & impetravit, qui jam divinis demonſtratus erat indiis: quod quia veterum relatione nobis eſt compertum, ad poſteriorum notitiam literis cenſuimus tranſmittendum. Quidam namque vir nobilis & potens, nomine *Torſtingus*, qui ob magnificentiam ampliffimi honoris dives dicebatur, in ſaltum Gemmeticenſem proceſſit de more venaturus, & motum ſubitò cervum pernicioſe inſequi cœpit cum rapidis canibus: at verò cervus ille ociùs fugiens, & crebris anfractibus mortem imminentem differens, poſt multa diverticula in vallem descendit Fontinellenſem; ſicque Angelico ductu ad locum in quo illud quondam nobile ſteterat templum acceſſit, intraque maceriarum ruinas quantociùs ſe immerſit; deinde ad ſacrum altare quod tantum cortice tegebatur, approximavit, illic reflexo ad tergum capite quaſi jam ſecurus ſubſtitit; canes quoque veſtigia fugientis partim noto odore, partim viſu ſubſequuti in eaſdem quidem parietinas ſubintrarunt, ſed factâ divinitus difficultate ulterius progrediendi, in ſuis repente veſtigiiſ hæſerunt, beſtiamque, quam cernebant nec valebant contingere, latratibus territabant. Interea adest eques *Torſtingus* peſtrepens altis vocibus, qui inde ſine cunctatione cum equo quo veſtabatur locum ingreſſus, tum ſecuritate cervi, tum ſuorum immutabilitatem canum attentius mirabatur, erat namque mirum videre ſpectaculum; volebant canes ad cervum accedere, ut ex iplis eorum nutibus prodebat, nec poterant, quos inviſibilis virtus velut obice quodam retentabat. Quod ubi acer venator divinitus actitari non irrationabiliter expendit, equo proti-

Torſtingus  
cervum ve-  
nando inſe-  
quens, divi-  
nitus remo-  
ratur.



nus deliluit, & ad terram in oratione humiliter ſe proſtavit; ut verò ſatis oratum eſt ſurrexit, canes foras ſecum celerius eduxit, ſicque cervo relicto plenus facti admiratione, & ſatis expenſa loci illius ſanctitate reſeſſit, qui nimirum cum Jacob exclamare potuit: *Quam terribilis eſt locus iſte; non eſt hic aliud niſi domus Dei & porta cœli.* Inventâ poſt hæc Torſtingus oportunitate, prædicto Principi & Proceribus ejus hoc idem ſtudit intimare.

Quâ de cauſa actum eſt quatenus eundem locum, ut diximus, ſuprà memoratus Mainardus facile impetraret. Ad quem cum acceſſiſſet, ac dumis & vepribus occupari cuncta vidiffet, adhibito diligenti ſtudio, factoque repurgio ædificare eum cœpit. Sicque divino fretus juvamine, templum ut quondam Zorobabel in monte Sion, in parvo tempore nobiliter conſummavit; ſed & dormitorium & reſectorium ex lapidibus & cemento non parvo ſumptu conſtruxit. Quibus pro tempore ſatis ſtrenuè expletis, illic Monachos prout res patiebatur in Dei ſervitio conſtituit; libros quoque & chartas, & quadam ornamenta, ſed & phylacteria cum pretioſis Sanctorum pigneribus ab Abbate ſuo & Fratribus ſibi indulta illuc convexit. Sicque exinde cœpit ſacer locus ille paulatim diverſis rerum ſpeciebus ſuccreſcere; terris ac vineis in diverſis regionibus & pagis augmentando proficere.

## CAPUT V.

**E**A denique tempeſtate vir quidam ex tranſmarinis partibus frequenti commonitus viſione in Gallias venit, & ad locum qui ſuper Auturam fluvium Acineja dicitur intempeſtæ noctis ſilentio acceſſit; Sanctorumque corpora *Maximi & Venerandi* Martyrum, quæ ut ex relatione didicerat, invenit, ſecumque ſecretius tulit & ad portum Logienſem feſtinus deſcendit, ubi dato naulo cuiſdam viro nomine Amalberto naviculam ingredi voluit; at divinâ retentus virtute velut ebrius labare cœpit, iterque quod diſpoſuerat explere nullatenus valebat, quod cum nauta ille cerneret, & novitate rei attonitus paulo diutius aſpectaret, tandem hominem percunctatus quid ſub involucrio ferret, ad Fontinellæ Monafterium quod juxta erat ſecum venire compulſit, Abbatique & Fratribus illum offerens, quod actum fuerat expedivit: at ille deprehenſum ſe intuentes, ſpemque oneris deferendi penitus non habens, ſancta oſſa diligenter involuta retextit, nomina & viſionem cunctis palam expoſuit; ſicque amiſſo quem per tot pericula quaſierat, cœleſti theſauro, triftis mœſtûſque vehementer reſeſſit. Quæ res cum Principi Nortmannorum innotuiſſet, & Fratres humiliter illi ſuggererent, ut quid inde agere deberent decerneret; vigilanter hoc decrevit, ut quo divino imperio & ſua Sancti pervenerant electione, ibidem deinceps permanerent ſua quoque auctoritate: unde hætenus apud nos iidem Sancti Martyres cum debitâ habentur reverentiâ.

## CAPUT VI.

**C**um verò præcipua, ut dictum eſt, Abbatis Mainardi induſtria in omnibus clareſceret, Nortmannorum Duci & Primatibus ejus ſatis comperta placuiſſet, inde eum abſtrahere, & majori decreverunt honore ſublimare: denique ad Montem S. Michaëlis Archangeli compulerunt migrare; quatenus Canoniciſ eliminatis Monachos quibus præeſſet in regulari diſciplinâ, deberet undecumque ag-

gregare. Verum hic illius honor & amplitudinis incrementum lamentabilis fuit Fontinellæ deſectio, & irreparabile detrimentum: nam poſt ejus reſeſſum ſub tribus Rectoribus, de quibus ſilere decrevimus, per aliquot annos nullo rerum genere crevit, quin potiùs in multis detrimenta ſua indoluit: ſed quia Dei omnipotentis judicia nemo valet comprehendere, ſæpe dictus Fontinellæ locus, qui ex cineribus ſuis aliquo modo cœperat, ut de Jeruſalem in Propheta legitur, excutere, & in brevi tempore velut ex infirmitate videbatur aliquantulum convaluiſſe, miſerâ poſtmodum deſidiâ ſuorum procuratorum velut æger recidivo languore in deterius cœpit prorueri, uſque ad illud videlicet tempus, quo poteſtas ſecundi Richardi velut aurora diluculi in toto Latinitatis orbe ſerena reluxit. Qui cum patri deſuncto ſucceſſiſſet, poſtque nonnulla pericula inauram liberæ poteſtatis Deo juvante emiſſiſſet, Deum valde cœpit diligere, ſanctosque ejus donis & muneribus maximis honorare, atque religioſas utriuſque ordinis perſonas benignè ſuſcipere, & honeſtè tractare: quamobrem factum eſt ut ad eum undique catervatim confluerent Pontifices & Clerici, Abbates & Monachi, quos mirâ ſemper liberalitate ſtudebat munerari. Hujus rei teſtes idonei Græci ſunt atque Armeni, quos eo tempore fama tanti viri ſuis à ſedibus eduxit, quoſque ſola illius liberalitas relictis ſuis Græcis ad intuendum patriam Nortmannorum invitavit: nam & à Monte Sina Legatos frequenter habuit, per quos Sanctis cœleſtem illic degentibus vitam plurima in auro & argento munera direxit.

Hujus ſororem *Immam* nomine Anglorum Rex *Adhelret* in conjugio ſortitus, duos genuit filios, quos patriâ linguâ Eguvarth & Aluret placuit nuncupari: quorum Eguvardus, qui prior natu erat, tener admodum & in puerilibus adhuc annis conſtitutus Rex, jubente patre & favente populo terrâ unctus eſt & conſecratus: nec multo poſt præfato genitore ſuo à præſentibus exempto, *Canutus* Danorum Rex, filius videlicet *Sueni* Regis, Anglorum regnum navali exercitu fretus violenter invaſit, & quoad vixit potenti virtute pro arbitrio ſuo diſpoſuit. Unde factum eſt ut præfati infantuli tranſito mare ad patriam confugerent Richardum; à quo gratiſſimè excepti, & liberaliter ac ſi filii educati ſunt, & dum vixit in terrâ Nortmannorum cum maximo honore retenti. Interea Canutus Rex acer ingenio, & armis ſtrenuus, in Regno quo arripuerat confortatus, Reginam *Immam* prædicti Regis *Adelredi* relictam fratre Richardo conſulto favente legaliter in uxorem accepit, ex quâ filium *Hardecanutum*, filiam quoque *Grumith* nomine genuit, quæ poſteaquàm ad nobiles annos pervenit, Romanorum atque Saxonum Imperatori *Henrico* nobiliter, ut ſobolem Regiam decuit, in magnâ ſæculi gloriâ nupſit, cui filiam ſolummodo, quia in brevi deſuncta eſt, edidit, quæ ut adolevit carnale commercium Sponſi cœleſtis amore reſpuit, ſumptoque ſacro velamine virginitatem ſuam Regi omnium Deo dicavit.

Exacto verò non modico tempore ſub tribus Regibus, Canuto videlicet, & Haroldo filio ejus quem de concubinâ Aluevia, ſed & Hardecanuto natura liejus filio, Eguvardus glorioſi Principis Richardi nepos, in regnum paternum adititibus ſibi Nortmannis rediit, & in ſolio Regiæ dignitatis poſt multa, quæ inferere longum eſt, demùm reſedit. Uxorem quoque filiam Hotuvini magni illius terræ Principis, qui fratrem ſuum Alureth jam pridem cum multis crudeliter atque dolo peremerat, accepit; eoſque quos ſecum de Nortmannis duxerat

Ideo dirutum Fontanellenſ. Cœnobium tribuit Mainardo, quod & ipſe reſtauravit.

Corpora SS. Maximi & Venerandi ex revelatione inventa, retinentur in Monasterio Fontinel.

Mainardus Canoniciſ eliminatis apud S. Michaëlem Abbas Monachis præficiuntur.

Imma Richardi filia Adelredo Regi Anglorum nupſit.

Quo mortuo iterum Canuto, qui Regnum invaſerat.

Eduardus regnum paternum tandem eſt adeptus.



utriuſque ordinis amplis honoribus extulit, auro & argento ditavit. Sed his omiſſis ad rem redeamus.

*De Gerardo Abbate.*

### CAPUT VII.

Gerardus  
probatuſ mo-  
ribus ex Mo-  
nacho Lati-  
niacenſi I.  
Abbas.  
Crefpeien.

**E**Rat tunc temporis, florente Nortmannorum patriâ, & multis affluente divitiis ſub præſato Marchione Richardo, quidam Monachus de Cœnobio Latiniacenſi, cui præerat vir induſtrius, & in omni divinâ atque humanâ philoſophia inter Francos nulli inferior, nomine *Herbertus*; cui prædictus Monachus nomine Gerardus in regulari ſe ſubdiderat diſciplinâ devotus: qui cum proceſſu temporis vitæ merito diatim ſuccreſceret, poſteriora oblitus ad ea quæ ante ſunt ſe ingenti deſiderio extenderet, Monachicæ vitæ tenorem neque ad dexteram neque ad lævam declinando enixius ſequens cæteris præſtaret, in caſtro Crefpeio ſub Comite Walterio Abbatis meruit ordinatione ſublimari, primuſque eundem locum fundavit, & regulari inſtitutione excellenter excoluit. Hic itaque compertâ tanti Principis bonitate, ad eundem ut cæteri accedere curavit, qui eum ſatis honorificè ſuſcepit, neceſſaria dapiliter indulſit, ac poſt multa, quæ enarrare perlongum eſt, ſuperius memoratum Fontinellæ Cœnobium tandem ut dignaretur ſuſcipere poſcit, in cujus reedificatione multa ſe largiturum repromiſit. Quid multa? quia res à Deo præordinata erat, Gerardus Abbas petenti gratanter aſſenſit, & ad regendum ſanctum illum locum ſuſcipere tandem non diſtulit. Unde admodum gaviſus Princeps inclytus, illic virum ſtrenuum ex officio Cubiculariorum nomine Roſcelinum deſtinavit, ut Fontinellæ Monasterium illius dederet poteſtati. Quo ita ſuſcepto, Gerardus Abbas non multo poſt eum quem prius tenuerat locum quibuſdam ex cauſis ſibi diſplacentibus, ſed magis ut poſt patuit, nutu & diſpenſatione Dei deſeruit: verumtamen ex Monachis & famulis quos educaverat probiores quoſque, quique ultro ſequuti ſunt eum, ſecum adduxit, & in ſuſcepto nuper loco conſtituit. Sed ne prolixa oratio faſtidium legentibus ingerat, prætermiſſis multis quæ de tanti viri bonitate & prudentiâ, ſtudio & conſtantiâ, diſtinctione in regulari diſciplinâ, ſagacitate in rerum temporalium procuracione providentiſſimâ, caſtitate corporis & operis munditiâ, jejuniorum, orationum, lacrymarum, & in pauperes eleemoſynarum, cæterarumque virtutum quibus ſedulò vacabat, gratiâ dici poterant, ad ea quæ propoſuimus, quia res ita exigit, accedendum videtur narratione ſuccinctâ.

Cum igitur idem Pater de elegantiori reparatione loci quem ſuſceperat cum Fratribus ſæpe tractaret, placuit tandem & res eis digna viſa eſt, ut infrâ ambitum templi S. Petri quod eatenus humile valde erat, ſtatutis columnis fornicibuſque per eas orditis, cryptæ deberent erigi. Sed cum adhibitis operariis molirentur opus diſpoſitum, & paulo altiùs quia res ita poſcebat effoderent humum, ix. ſepulcra ſeriatim diſpoſita ex optimo lapide patrata reperiunt: quibus ſingulatim apertis, in duobus quidem quæ in medio cæterorum altrinſecus poſitorum locata erant, & ex nominibus S. Wandregiſili atque Anſberti videbantur titulata, nihil præter pauculas pulverum reliquias, in quibus reſoluta Sanctorum corporum caro deſluxerat, invenerunt. Cum verò tertium quod ad dexteram S. Wandregiſili ſitum erat, & S. Wlfranni eſſe tam poſitione ipſâ quæ in geſtiſejuſ deſcribitur, quàm apertiffimâ tituli designatione luce clariùs con-

ſtabat, admotis manibus reſignarent, integerrimum corpus reperiunt: ex cuſus etiam ſacerdotali veſte, cum quâ ut legitur ſepultus fuerat, auri ſeſcunciam collegerunt, quod poſtmodum in opificio argenteæ tabulæ in uſum ſacri altaris paratæ probatur expenſum. Unde nimirum deſipere, imò inſanire credendi ſunt quicumque ſe S. Wlfranni corpus contendunt habere, vel alibi arbitrantur jacere; cum nullâ nixi auctoritate valeant quæ opinentur approbatum ire. Accedant ergo quicumque ſunt illi, & inſpiciant ſepulcrum Sancti, audiantque ſcriptum quod ad dexteram S. Patris Wandregiſili poſitum fuerit, mirentur quoque & dicant cujuſnam oſſa alterius in eo inventa ſint. Certè poſt delationem & fugam Sanctorum, ſi aliquis eum qui relictus erat quaſiturus latenter & cum diligenti cautelâ propter timorem paganorum, qui cuncta latè tenebant, ad locum ſepulturæ ejus acceſſit, & eum egeſtâ humo & reſerato buſto ſubripuit, quiſnam, quaſo, alium in loco ejus depoſuit? vel ubi quem ibi poſiturus erat quaſivit? aut quare eo ſublato reſtituere alium tam ſollicitè curavit? numquidnam verebatur, quod falſum eſt, ſi locus ille deſertus erat, ſepulcro vacuo reperto reus teneri? ſi verò inhabitatus, ut quid tantas quæ furibus contrariæ ſunt moras, alium effodiendo, & ibidem reponendo innexuit? Sed indulgendum planè eſt talium devotioni, non tamen acquieſcendum undecumque exorto errori; quia reverà ſi non habent corporalem illius præſentiam, poſſunt tamen, ſi fides adſit, devota mereri interceſſionum ſuffragia: nos autem, quibus à Deo indultus atque reſervatus eſt talis tantuſque theſaurus, pervigiles excubias, & competens dignæ ſervitutis obſequium dependamus, divinis cum laudibus & ſincerâ cordium devotione proſequamur, quatenus de cujuſ præſentiâ non immeritò gratulamur, præſidium ejus oportuno tempore experiri mereamur: mutemus mores, vitam corrigamus, ſancti habitus reverentiam teneamus; ſicque divinum altare congruis votorum donariis cumulemus, ut & ipſi ſanctuarium Dei, ara, odoratumque ſacrificium ipſo ſancto opitulante & pro nobis orante mereamur inveniri. Jam verò quod ſublatis ſanctorum Wandregiſili atque Anſberti corporibus Gentilium metu is relictus ſit, liquidò conſtat, neque ullâ valet ratione reſelli. Nam & in illâ hiſtoriâ, antiquorum diligentia, literis procuratâ, in quâ Sanctorum nomina & miracula, ſcilicet Wandregiſili & Anſberti continentur ſcripta, hujus ſancti nomen vel mentio nuſquam reperitur vel ſemel inſerta, quod proculdubio nullatenus poſſit fieri, niſi ſacratiffima illius oſſa tranſlatoreſ aliorum ſe ibidem meminiffent reliquiſſe gratiâ certæ rationis. Sed quia quorundam temeritas eo vanitatis proceſſit, ut libellum de tranſlatione & miraculis ſanctorum inſalfare præſuſerint, non mirum videtur tale quid hoſ perpetrallè, cum divinæ auctoritatis libros corripſiſſe quorundam noverimus. Legant qui velint glorioſum illud miraculum, quod in libello de virtutibus ſanctæ Berthæ continetur, quomodo curatus ſit quidam longo tempore mutus per merita ſanctorum Wandregiſili atque Anſberti, cum apud Blanziacum ubi eadem ſancta Bertha requieſcit, exularent eadem tempeſtate, imponentibus videlicet ſingulis, id eſt, ſancto Wandregiſilo, Anſberto, & ſanctâ Berthâ, manus ſingulas ſuper ſingula infirmitatis illius loca; ubi protectò de hoc ſancto & glorioſo Praſule Wlfranno omnimodis reticetur, ut pote qui in illâ tranſlatione paganorum metu perpertatâ illic non interfuit: neque enim à loco ſuo, quo ſepultus fuerat, cum cæteris tranſlatus erat alibi, ſed ut dictum eſt, & manifeſtis approbatur indiis,

Deinde Fon-  
tanellenſis.

Effoſſis tribus  
ſepulcris in  
uno corpus  
S. Wlfranni  
reperitur, in  
aliis cineres  
SS. Wand. &  
Anſberti.

Fontinellæ fovebat solum pretiosis cinerum suorum patrociniis.

Inventum igitur, ut præmissum est, sancti Præfulis Wlfranni pretiosum corpus, & in ligneo locello pro tempore aptato, quia nimirum tanta erat adhuc loci pauperies, ut unde decentius fieri deberet, pretiosi metalli species deesset, cum reverentiâ & honore reconditum, super sacrum altare repositum est, & deinceps dignâ veneratione celebratum, ubi usque hodie, si fides petentium exigit, maximâque pollet gloriâ virtutum, multaque præstat petentibus se beneficia sanitarum; ex quibus ea dumtaxat, quæ nostris inspeximus oculis, hinc narrare aggrediemur, paucis tamen prius explicitis quæ series historiæ præterire nos dehortatur. Non multo post namque ortâ, die quâdam, repentinâ tempestate, collectoque in nubibus aëre subitus increpuit tonitrus, & inundantis pluviae imber erupit vehementissimus, coruscationesque resplenderunt crebris luminibus: & ecce fulmen per aëra devolutum cum fragore terribili impexit Fontinellensis Ecclesiæ inclangorium, cujus tantum crucem violenter, ac si gladio truncatam, ad terram dejecit, turriculamque, cui superimminebat, usque in inferiorem arcum ac si vetus indumentum scidit, quæ postmodum eo casu contrita ex eâ parte cecidit. Quapropter Gerardus Abbas tres quæ restiterant partes everti fecit, & aliam ambitu latiori turrem cum suis absidis in crucis modum dextrâ levâque fundari præcepit; in cujus ædificio, quoad vixit, ingenti studio insudavit, & per viginti ferme annos (tamen in vita suâ) ad effectum perduxit.

Interea erat quædam matrona nobilis, opibus magnis & divitiis pollens, nomine Herlevis, quæ difficultate partûs aliquando cœpit vehementer periclitari. Cumque diebus octo eo dolore satageret, atque ita, ut morti proxima videretur, deperiret, nulloque remediorum genere, neque votis ad multorum nomina sanctorum promissis quidquam proficeret, tandem prosperiori usâ consilio, sancto Patri Wlfranno, de cujus meritis plenius edocta fuerat, decem libras denariorum deferri præcepit; & majora, si se de præsentis liberaret internorum torturâ, munera repromisit. Nec mora, eunte qui missus fuerat cum votis & munere, illa puellam enixa est, talique extemplo exempta periculo, mortis imminentis evasit discrimen: unde actum est ut ex illâ die sanctum Wlfrannum ut ereptorem suum nimio cordis affectu coleret; locum hunc, quem antea vehementer averfabatur, in multis honoraret: & circumpositorum saltuum largiorem nobis nostrisque hominibus copiam tam in pascuis pecorum, quàm in cæteris lignorum usibus indulgeret. Nam & dormitorium ad æternam sui memoriam propriis expensis, quale nunc cernitur, ædificari fecit: ubi expleto vitæ præsentis cursu & sepulturam promeruit.

Eadem quoque tempestate alia quædam illustis femina nomine Imma, quæ mutato habitu ad hunc accesserat locum, & prædia sua, id est, Cruciolam & Tetgis villam, sed & Broilum ex integro contulerat, post alia innumera beneficia, rectorium illi dormitorio à plagâ orientali contiguum proprio sumptu construxit. Verumenimverò prædicta matrona ut suum amorem, quem erga sanctum habebat Wlfrannum operibus approbaret, reconditorium illi argenteum, quod antea ligneum erat, componi iussit; in opificio probati argenti medium talentum cum auri pondo expendit. Factumque est tale opus, quale nusquam eo tempore in totâ Normannorum patriâ poterat reperiri. Sed cum constituta dies, quâ in illo debebat loculo reponi, advenisset, Abbas Gerardus corpus sancti ad Ecclesio-

lam Sanctæ Dei Genitricis Mariæ præcedentis vespere die fecit deferri. Mane verò facto adhibitis secum duobus Fratribus illuc perrexit, cum quibus sacratissima ejus ossa optimo vino lota primò in sindone novâ, deinde pretiosissimo ex purpurâ involuta pallio, quod nobilissimus Rotomagensium Archiepiscopus Robertus ad hoc direxerat, honorificè contexit, sicque in præparato jamdudum scrinio deponit, quod accito Aurifice diligenter claudi, clavisque fortiter, ne deinceps aperiri possit, configi coram se fecit. Sanctorum nihilominus Confessorum Heremberti Tolosani Pontificis, & Eremitæ Condedi corpora in uno pariter loculo, beatorum quoque Martyrum Maximi & Venerandi decenter reposuit in alio. Interea Gradulfus tunc Decanus, ceterique Fratres eo evocati decenterque ornati, cum crucibus ac cereis una processerunt, quos prædicta matrona cum plurima suorum cohorte ac populo ad hoc undique congregato subsequuta est. Cumque illuc ventum esset, cum maximâ omnium lætitiâ Sancti corpus in humeris levatum, inde effertur. Sicque psallendo usque ad Basilicam S. Wandregisili delatum, super sacrum altare deponitur, & idcirco dies illa cum tripudio spiritualis gaudii & epularum apparatu largiori exacta, de cætero festiva per annos singulos ibidem recolitur. Facta est autem hæc translatio anno Dominicæ incarnationis millesimo vigesimo septimo, Cal. Junii; Henrico Rege Francorum regnum præter matris suæ voluntatem invasum tenente; Principatum verò Normanniæ tertio Richardo legali modestiâ disponente: nam is defuncto patri Richardo secundo, de quo supra meminimus, in regno successerat.

Huic autem tres tantummodo fratres erant, *Villelmus* videlicet qui postea Arcas castrum in pago Tellau primus statuit; atque *Malgerius* qui postmodum in urbe Rotomagensi paucis annis Archiepiscopatum tenuit. Hos autem *Papia* matrimonio Richardi potita secundi edidit, cujus fratres *Ansfredus* & *Osbernus* istic Monachum professi sunt. Robertus verò ex aliâ matre scilicet *Judithâ* oriundus, ei utpote major natus in brevi defuncto successit, nam neque annum in principatu immaturâ præventus morte peregit. Hic autem Robertus acer animo & prudens, priores suos virtute quidem & potentiâ exæquavit, sed pravorum consulti, utpote in primævo juventutis flore constitutus, æquo amplius attendens, Regnum quod florens susceperat in multis debilitavit. Verum non multo post cælesti respectus gratiâ, & bonâ, quæ inerat illi, naturâ & consilio intus resipuit: & eos quorum pravitate à recto deviaverat, à suo consilio atque familiaritate sequestravit, suæque jugo potentiæ versâ vice fortiter oppressit, ac sic in libertatem, quæ se decebat, vendicavit; atque ita propter præteritorum ignorantiam profectus Jerosolymam profundè pœnituit; sed in redeundo malignorum perpeffus insidias, qui ejus æquum, quod jam experti erant, verebantur imperium, veneficio, ut didicimus, apud urbem Nicæam occubuit, ibique intrâ sanctam civitatis illius Basilicam, quod nulli alii mortalium concessum est, honorificè donari sepulturâ promeruit. Verum vir tantus non pravorum tantum malignitate, quàm divino, ut credi fas est, iudicio decessit, qui jam unus eorum effectus erat, quibus, ut Apostolus conqueritur, dignus non erat mundus. Idcirco enim nobis est ablatus, quia jam placens Deo pœnitudine, factusque dilectus virtutis amore, eo dignus noster non erat mundus, refertus dolo & iniquitate, sed ille mons Dei sanctus in quo habitabit quisquis justitiâ operatur; ac per hoc hinc raptus, ubi jam refrigescente charitate abundat

Corpus Wlfranni in capsa argentea reponitur.

Richardus III. Dux Norman.

Fratres ejus.

Miraculum per merita S. Wlfranni patrarium.

Imma femina mutato habitu Fontinellæ mansit.

dat iniquitas, translatus est quò iustitia suos mittit thesauros, ubi aterna est charitas. Sed de tanto Principe multa memoriæ digna poterant dici, quæ præterire necesse est gratiâ suscepti negotii.

Gerardus Abbas occiditur.

Sub huius itaque tempore Gerardus Abbas ætate maturus, regularis ordinis observantiâ præcipuus, anno videlicet ducaminis illius quarto, nocte subsequenti sabbati in suo lecto peremptus, martyrio, ut credimus, coronatus est, quia pro veritate occubuit. Nam quidam non Monachus, sed potius demoniacus, & antea in sæculo homicida cruentus, quiescentibus cæteris Fratribus atque gravi sopore sepultis, latenter surrexit, & prædictum Patrem post laborem dici, quem in jejuniis & orationibus ex more suo expendere, tandem quiescentem invadere præsumsit, atque securim, quam per diem propterea involverat, in dextrum illius tempus toto annu libavit, sicque celerius fugâ lapsus inter noctis tenebras, & ingentis pluvie undas quæ solito densiores influebant delituit, spiritumque malignum quem in huiusmodi scelere habuit suasorem, in fugiendo sequutus est detestandi itineris ductorem. Revera enim qui in ipso mundi recentis exordio truculentum Cain in necem iusti fratris Abel armavit, Judæque perfido in fine sæculi traditionis audaciam adversus pium Magistrum inspiravit, ille idem procul dubio huic etiam misero paria nequitie arma ministravit, & execrandæ præsumptionis temeritatem suggessit; quatenus innocentem virum, charitate fratrem, magistrum officio, crudelis fraticida, & funestus parricida addiceret supplicio mortis. Facta sunt autem hæc anno Incarnationis Dominicæ millesimo trigésimo primo, tertio Kalendas Decembris. Existit autem religiosus idem pater origine carnalis ingenuus ex pago Medantillæ, & patrimonio Jelia oriundus, cuius pater Fulbertus, mater verò Ailendis dicti sunt. Carnoti tempore Fulberti Præfultus undecumque doctissimi literas adolescens didicit, ubi Herbertus ex Judæis ortus, sed à puero Christianus in omni litterarum peritiâ tunc temporis, & cantandi arte vocisque excellentiâ inter cæteros maxime florebat. Erat enim Regis Francorum Rotberti & prædicti Fulberti condiscipulus, auditor verò Girberti Philosophi, qui postmodum ex Monacho, urbis Remensis tenuit Pontificatum, unde per invidiam quorundam eiectus, ad apicem dignitatis Apostolicæ merito incomparabilis scientiæ demum in urbe Romulæ est provectus. Huius, ut præmissum est, Herbertus doctrinis liberaliter institutus, non multo post S. Benedicti disciplinis in Monasterio Latinianensi se submisit regularibus: quem præfatus juvenis Girardus ad bonum æmulatus, animo & corpore illuc pariter est subsequutus, atque ad summum religionis Monasticæ, cœlesti præventus gratiâ, tenorem pervenire promeruit. Cui cœlestis favor in ipso etiam vultu & habitu non deerat: nam decoram illius faciem canities gratificabat honesta, staturâ procerus, ore suavis erat & facundus, nihil indecens in eo vel incompotum deprehendebatur.

De Gradulfo Abbate.

### CAPUT VIII.

**H**UIC tam egregio Patri Gradulfus ab eodem in disciplinâ regulari pridem educatus, sub ipso autem tunc Decanus, sed in monte S. Trinitatis ad ædificandum eum constitutus, exigentibus bonæ vitæ meritis quibus abunde pollebat, multisque benè innotuerat, in regimine successit iussu Rotberti Principis, cuius supra nos meminisse non excedit, atque per

100. 11

annos sexdecim, quibus supervixit, sagaciter susceptum Officium modestè disposuit, locumque sibi commissum in omnibus augmentare curavit. Hic etiam anno suæ ordinationis secundo Ecclesiam principalem, quam Pater Girardus ædificaverat, dedicari in magnâ gloriâ & honore ingenti fecit, in honore scilicet S. Petri, & omnium Apostolorum, sanctique Wandregisili, & omnium sancto um à magnifico viro secundi Richardi fratre Rotberti nomine, Rotomagensis videlicet urbis Pontifice, sed & Herberto Liliacensis civitatis doctissimo Præfule, necnon & Rotberti nobilissimo Antistite Constantiæ urbis. Interfuerunt quoque nobiles nonnulli sapientiæque pollentes Clerici, sed & Abbates vicinorum Cœnobiorum cum pluribus Monachis, populorum etiam multitudo innumerabilis. In ipsa autem die inter sacra Missarum solemnia vir optimus, & in omni liberalium disciplinarum experientiâ probatissimus Hembertus Abbatis est benedictionem consequutus, cuius postmodum urbs Rotomagensis scientiâ ac bonitate frui meruit, sed pauciori tempore quam expedierat sibi. Porro ea dies in divinis laudibus reverenter expensa, annuo recurru facta est de cætero celebris, & populo terræ piâ devotione II. Idus Septembris sollemnis.

Per idem ferè tempus quidam vir quantum ad sæculi gloriam genere spectabilis, opibus dives, & amplissimo pollens honore Hunfredus nomine, Cœnobium in proprio fundo qui Pratellis nuncupatur ædificare disposuit, quem & antiquitatis auctoritas, & situs loci tali negotio opportunus commendabat. Qui accessito Gradulfo Abbate, nam ei valde familiaris erat, ejus consilio qualiter Monasterium, ubi officine ædificarentur Monachorum, præcepit metiri, & omnia ut prædictus Pater dictaverat, ordini fieri, atque in parvo tempore (ut pote cui cuncta suppediabant, quæ huiusmodi operis flagitabat expensa) ad effectum perduxit; sicque demum eundem locum ad regendum illi contradidit, ubi ille acceptâ potestate Monachos ex suis constituit; ac post multa quæ narrationis brevis refugit, Abbatem Ansfredum nomine secundum S. Benedicti regulam sibi professum ordinari fecit: sub quo prædictus vir non multo post sanctæ religionis habitum, abruptis mundi impedimentis, humiliter suscipiens, vitam honestam laudabili fine conclusit.

Sed cum Fontinellæ locus diatim sub tanto Rectore proficeret, atque illius fama bonitatis multis spectabilis foret, Episcopalis autem honor sanctæ sedis Rotomagensis paululum multis ex causis declinaret, visum est Pontifici Malgerio præfata Metropolis (quod & omni clero plebique non mediocriter placuit) ut eundem Gradulfum Abbatem sibi substitueret, & Vicarium sub se benedictione Episcopali insigniret, ut res quibus se minus sufficere perpendebat, ille suâ vice suppleret. Cum autem dies desiderata instaret ut super hoc negotio Principi suggestio fieri deberet, ipse ad Monasterium (nam Rotomagi erat) de hoc apud se deliberaturus reversus est. Tertiâ verò die corporis subito tactus infirmitate, ad extrema pervenit, acceptâque corporis Domini & sanguinis communionem decessit, Fratresque, quos sua destituebat præsentia desiderabili, nimio confectos dolore reliquit. Obiit autem anno ab incarnatione Domini Millesimo quadragesimo septimo II. nonas Martii.

Huic successit frater illius pro carnis origine nomine Rotbertus anno ferè XII. Principatus Willemi Comitis, quem genuerat Rotbertus Comes inclytus, de quo superius satis pauca diximus. Hic autem à patre valde tener & parvulus in regno relictus, multa incommoda & adversa pertulit, sed

Majorem Ecclesiam solemniter dedicat Rotbertus Archiep. Rotom.

Hunfredus Monasterium Pratellense ædificat.

Abbas Ansfredus.

Hunfredus Monachum induit.

Malgerius Episcopum proponit Gradulphum constituit, ut Vicarii vices ageret.

Robertus Dux Norman.

Juvante se gratia divinâ, cum ipsâ pueritiâ omnia discrimina quibus opprimebatur exiit, suorumque ultor acerrimus inimicorum, qui sibi fideliter obsequuti fuerant honoribus extulit, potentiâ sublimavit, finesque sui regni crebris munitionibus adversus finitimas gentes, ne earum paterent incurribus, vehementer firmatas cinxit, atque nunc usque sub cœlestis Regis imperio Monarchiam regni pro arbitrio potenter disponit, cunctis per circuitum regnis & nationibus aut fœderatis sibi oportunus, aut insensibilis formidolosus.

## CAPUT IX.

**S**ub hujus statim initio regni gravissima fames in universâ terrâ facta est, qualem nemo mortalium se vidisse vel audisse meminit, quæ per septem annos continuos orbem oppressit, frequentes urbes & castra multâ populorum contipatione pridem referta, sive villas & burgos ita depopulata est, ut ædificiis passim dirutis rarus incola inveniretur. Fuerunt etiam nonnulli quos victualium egestas ad vescendum humanas carnes, quod dictu quoque grave est, contra fas impulit, & homicidio miseram vitam crudeliter exigere instigavit. Præterea clades & pestilentia cœlitus super mortalium genus tot talesque extiterunt, quales nullus retrò actorum temporum relator ante hac existisse literarum indiculo dereliquit. Nam & ignis iræ cœlestis ultor, & humanorum vindex scelerum humana corpora ita depastus est, totque erant greges eâ peste pereuntes, ut terrori esset & maximò horrore, viæque & compita fœtore complerentur ingenti, & maximè cœmeteria sacrorum locorum peribola, ad quæ miserorum turbæ causâ consequendæ medelæ per sanctorum patrocinia instantissimè confluebant. Eo tempore periit cithara & lyra, & omne genus mulicorum interiit: sublatum est enim gaudium; vox lætitiæ nusquam audiebatur; nemo de ludis & voluptatibus, de secundorum successu nullus disputabat: ubique tristitia, dolor, & metus malorum ingens erat, luctus & vastitas cuncta latè tenebat. Præterea discordia Principum inter se conflictantium propter prædicti Principis pueritiâ; Normannorum patriam vehementer atterebat: ferro, rapinis, & flammis urentibus cuncta longè lateque incurfabat, & in ultimam vastitatem optima quæque & electa uberrimi & speciosi quondam regni loca redigebat. At verò Pater misericordiarum & Deus totius consolationis ubi populum suum dignanter ab alto respexit, & parumper respirare à tot tantisque indignationis suæ flagellis piâ miseratione voluit, elementorum suorum temperiem serenâ dignatione, non nostri merito, in melius ordinavit, influentes amplius quam expediebat pluvias coercuit, imminentes supernè pestes suspendit, benignitatem suam propitius indulxit, & terra nostra fructum suum solito uberius protulit. Pacis aliquantulam requiem jam adulto Principe, seque sibi in libertatem vendicante miseratus concessit; seditiones, incendia, & rapinas domesticas

inhibuit, non tamen manum vindicem usquaque sustinuit, sed reliquas scelerum populi sui clementius paterno flagello corrigere non destitit. Procurato etiam cœlesti remedio, & in lucem conspicua cognitionis prolato dignanter medicare ea disposuit: nam gloriosa sanctissimi Patris Wlfranni merita tali dignatus est occasione mortalibus declarare, & ad patronicum fidelium cunctis revelare, quæ paucis eatenus ad notitiam noscuntur pervenisse, adeo ut crebra miracula, quæ apud ejus sacratissima ossa fieri videbantur, ne illi quidem imputarentur.

Anno siquidem Incarnationis Dominicæ millesimo quinquagesimo tertio, diuturnâ siccitate tellus exaruit; mortalitatis lues cis Sequanam graviter desævians, Calctensem pagum occupavit, ita ut viri & mulieres diversæ ætatis pariter occumberent, villæ sive domus, totâ simul obeunte familiâ vacuæ remanerent. Quò terrore universus populus ad implorandum pietatem divinam toto corde conversus, letanias & processiones cœpit frequenter agere, jejunia certis diebus observare, atque de vicinis locis & villis ad sacratiora quæque loca vel urbes ad impetrandum sanctorum suffragia devotè convolare. Unde factum est ut & ipsi nos idem agere statueremus, & ad urbem Rotomagensis cum pretiosis sanctorum reliquiis populo undecumque ad hoc convocato unâ pergere deliberarémus; non tamen eâ quâ alii necessitate, quippe cum nullus apud nos sive in toto circâ nos miliario (Deo nos suorum meritis sanctorum protegente) mortalitati succumberet: sed potius ut nostro plebs incitata exemplo, promptius incepto supplicandi officio perstiteret, & impendentem divinæ animadversionis gladium precibus avertere instaret. Constitutâ ergo die; videlicet octavo Kal Junii undique coacto populo, pretiosum S. Wlfranni corpus electi quindécim Fratres præcipiente Abbate suscipientes, dispositum iter tandem arripuimus, & mansionem in villâ quæ Escetot vocatur, in Ecclesiâ S. Petri nocte illâ fecimus. Cumque die sequenti imminente aurorâ inde processissemus, & sylvam quæ interjacet festinanter transissemus, tamque pretiosum thesaurum comitante turbâ ingenti alacres gestaremus, præmissis Legatis nos adventare civitatis Archidiacono, sanctoque Clero innotescere curavimus. At illi comperto tali nuntio confestim se præparaverunt, plebemque fidelem noto signo ad occurrendum nobis excitare studuerunt. Diende sumpto sancti Romani Pontificis glorioso corpore, occurrentibusque sibi undique civitatis Canonicis cum suorum quoque sanctorum corporibus & Ecclesiastico apparatu, obviam nobis in multâ gloriâ processerunt; atque in ipso suburbii introitu cum ingenti nos lætitiâ & honore præcipuo exceperunt. Sicque elatis in altum vocibus, divinasque laudes nobis atque illis alternatim continentibus, cives qui conveniant Rotomagenses sancti Patris Wlfranni loculum suis reverenter humeris susceperunt, & usque in sanctam Dei genitricis Mariæ Ecclesiam nobis comitantibus ovantes detulerunt.

Causa reliquiarum S. Wlfranni exponendarum.

Ann. 1053.  
Rotomagus  
defertur corpus S. Wlfranni.



## M O N I T U M.

**C**HRONICON CENTULENSE cum in priori editione variis mendis deformatum, & aliquot non commatibus solum, sed etiam capitibus mutilum publici juris factum fuisset, nunc integrum edimus, ex humanitate R. P. D. Ursini Durant, qui Centulensis Abbatiae Codicem cum editis accuratissime consulit, & capita quæ deerant, omnia restituit.

Omnia, inquam; nam quod in libro 1. deesse caput XIV. suspicatus est Acherius, ideoque XV dixit illud, cui nos CAP. XIV. præfiximus in eo errasse mihi videtur; in indice enim capitum huic libro præfixo XXVI. numerantur, verum quid in decimo quarto contineretur librarius subticuit. Adeo ut appareat idem hoc loco accidisse, quod libro secundo, ubi decem ac septem capita numerantur in indice, cum septem dumtaxat in libro ipso reperiantur, quod ex secundo capite quinque capita quidam fecerint, scil. de Domni Angilberti nobilitate c. 3. . . . . c. 4. Berthâ filiâ Regis ei conjugio copulatâ, c. 5. Quod sæculum reliquerit, ac monachus effectus sit, c. 6. & caput sextum in plura etiam capita partiti sunt, quibus ne titulum quidem præfigere potuerunt.

Porro in Codice Centulensi præter hosce quatuor libros, præterque illa quæ in Appendice tomi v. Annalium Benedictinorum edita sunt, reperit idem D. Ursinus Durant Vitam S. Magdalgisli ab Hariulfo conscriptam; Vitam S. Angilberti Abbate scriptam, Libellum Miraculorum ejusdem Sancti, eodem auctore, Radulfo Remorum Archiepisco dicatum anno 1110.

In 11. vol. veterum scriptorum Hist. Franc. ab Andrea Dufresnoy editorum apparet in ære incisa effigies Ecclesiarum ab Angilberto apud Centulam anno 809. constructarum.

# CHRONICON HARIULFI MONACHI S. RICHARII CENTULENSIS.

## P R Æ F A T I O H A R I U L F I

### In descriptione gestorum Centulensis Ecclesie.

**P**OST QUAM genus humanum primi hominis delicto à Paradisi felicitate dejectum, divinæ miserationis obtentu corrigi, & ut patriam unde ceciderat rectè vivendo appetere, divinitus cœpit admoneri; nihil utilius, salvâ dumtaxat Dei & proximi dilectione, atque divinatorum præceptorum exequutione, in hominum studiis inveniri posse credimus, quàm quod ea quæ justî ac fideles recta fecerunt, vel dixerunt, ad notitiam posterorum scribendo transmiserunt. Sic enim benè gestorum quædam imago, & velut præsentia rationabilium hominum mentibus, qua se informant, prætenditur: ut cum modo narratur qualiter justus vixerit, quâve mercede donatus sit, modo impius, & bonum fastidens, quantis malis sit gravatus edicitur; humanus animus justî mercede salubriter illicatur ut benè agat, impij interitu terreatur, ne malum faciat. Hac utique ratione non solum Legalem & Propheticam, verum etiam Evangelicam remur esse factam scripturam, ut homo Deo carus, de cujus creatione tamquam consilium iniens dixerat conditor Deus, *Faciamus hominem ad imaginem & similitudinem nostram*: homo, inquam, tantæ excellentiæ, tanti pretij, patulè videat quid studiosè repudiet, quid potissimum apprehendat; & cum tantis . . . . . Deum pro se sollicitum attenderit, ipse homo tandem pro se discat sollicitari. Omnia ergo quibus instruimur divinæ bonitatis signa vel monita, scripturarum antiquarum paginis reperiuntur inserta. Quo negotio confortatus ego HARIULFUS sancti Richarii Monachus, hortatu quoque honorabilium Fratrum accensus, decrevi ea quæ de antiquitate & nobilitate Ecclesiæ Centulensis sparsim collegeram in unum conformare, & ne dispersa funditus deperirent, unius corporis retenta præsidio, ad posterorum notitiam propensius reservare. Summæ nunc Majestati linguam offerimus, ut quæ deformi alinæ formata concessit verba edere, dignetur & mihi infundere spiritum gratiæ suæ, quo valeam propositum ad effectum perducere.

Finit Prefatio.

**O** Quicumque vales meditari spirituales,  
En tibi propono quos CRISTI<sup>a</sup> gratia dono  
Vita donavit, virtutibus accumulavit;

Centula quos Patres, quos cœli concio Fratres,  
Quos sibi consortes sanctas augendo cohortes,  
Illi congaudent æternum qui benè plaudent.

<sup>a</sup> Christi ] Ita emendavimus, codicem Centulensem se-  
Tom. II.

quuti; nam antea editum erat, tibi.



*Inclutus istorum primus princepsque virorum  
Hic satis expresse RICHARI nosceris esse :  
Namque Deo carus , per quem tibi mundus amarus  
Exstitit , athereis arrides ritè choreis.  
Hinc quoque Sanctorum descripta cohors seniorum  
Irradiat mentes per devia non gradientes.*


# **NOMINA EORUMDEM ABBATUM.**

1. SANCTUS RICHARIUS Abbas & fundator primus.
2. Ocioaldus Abbas.
3. Coschinus Abbas.
4. S. Guitmarus Abbas.
5. Aldricus Abbas.
6. Symphorianus Abbas.
7. S. Anghilbertus Abbas & reàdificator.
8. Nithardus Abbas & Comes.
9. Hericus Abbas.
10. Helizachar Abbas.
11. Ribbodo Abbas.
12. Hludogvicus Abbas.
13. Hruodulfus Abbas & Comes.
14. Helgaudus Abbas & Comes.
15. Guelfo Abbas.
16. Karlomannus Abbas.
17. Hertbertus Abbas.
18. Hedenoldus Abbas.
19. Girbertus Clericus Abbas.
20. Fulchericus Abbas.
21. Ingelardus Abbas.
22. Angelrannus Abbas.
23. Geruinus Abbas.
24. Geruinus Abbas.

*Qui sequuntur alia manu erant exarati  
in cod. M S.*

25. Anscherus Abbas.
26. Joannes Abbas.
27. Gelduinus Abbas.
28. Petrus Abbas.
29. Guifredus Abbas.
30. Richerus Abbas.
31. Laurentius Abbas.
32. Ursus Abbas.
33. Richerus Abbas.

*O quot Sanctorum tegit urnas discipulorum ,  
Aula patens patrio Principe Richario.*



*In nomine sanctæ & individue Trinitatis.*

## **INCIPIT TEXTUS GESTORUM ECCLESIAE CENTULENSIS.**

### **LIBRI PRIMII.**

#### **CAPUT PRIMUM.**

*De gestis Francorum.*

**A**CTORE Deo gesta Centulensis Ecclesiæ descripturus , dignissimum censeo , quoniam hæc eadem Ecclesia largitionibus Regum Francorum multoties aucta est , ut de eorum factis aliqua hîc exprimam ; quia reverâ justum est , ut illius proventus regni commemorem , quo matri Ecclesiæ nihil

demptum , sed multum collatum est. Cum igitur ut ex priscorum docemur historiis , Troiæ cives expugnantibus Græcis locum patrium deferentes partim Italiam perrexissent , partim etiam finitima Pannoniæ loca inhabitare cœpissent , ibique ejusdem gentis pars , duodecim scilicet millia , in immanem populum excrevisset , ut naturali semper feritate viguerunt , non se passi sunt promiscuo cum aliis nationibus nomine annotari , sed ex semet caput sibi statuentes urbem condiderunt , quam Sicambriam vocaverunt , à quâ scilicet & ipsi Sicambri nuncupati sunt. Tantæ quippe idem populus semper fuit , imò est efficacix , ut quaquaversum veniens plus dominantis speciem , quàm captivati prætendat miseriam. Verùm cum Deus omnipotens , cujus velle posse est , præscius hanc gentem suæ deitatis agnitionem devotissimè quandoque suscepturam , regni eam nomine & honore sublimari permisisset , primum Regem traduntur habuisse Meroveum , ob cujus potentia facta , & mirificos triumphos intermisso Sicambrorum vocabulo , Merovingi dicti sunt , sicuti & ab Romanis , quorum jugum de suis excusserant cervicibus , linguâ Atticâ Franci , id est feroces , vocati sunt.

Meroveus igitur de medip factus , successorem reliquit filium Childericum nomine , qui de Basinâ Turingorum Reginâ genuit Hludogvicum. Hic Hludogvicus Rex post patrem cum belligerator acerrimus , & alicui parcere nescius , regni fastigio potiretur , præeunte Dei largâ bonitate à B. Remigio Remorum Archipræsule divinæ legis jura suscepit , & ab eodem baptizatus Pontifice , adorare quod incenderat , & incendere quod adoraverat salubriter est institutus. At cum ipse Rex devotè audiens hæc devotiùs observasset , tantus eum divinæ potestatis deinceps favor consequutus est , ut qui ante aliquoties victor extiterat , nunc victoriosissimus redderetur , & suscepti regni terminos magnificè dilataret , cum divinæ pietati non sufficeret ejus gladio infideles tradere , sed etiam suæ majestatis miracula adversus illius inimicos placeret exerere. Denique cum ipse Rex , superato penes Pictavum civitatem Alarico Rege Gothorum , deliberasset in revertendo illas urbes capere , quæ sibi contrariæ persistebant ; Equolissimæ muri civitatis , quam oppugnare volebat , in conspectu ejus divinitus corruerunt. Sed cum omnibus hostibus præstantior Dei dono haberetur , xxx. annis regno perfunctus obiit apud Parisium urbem Regiam , ibidemque sepultus est. Quo , ut creditur superis sociato , filiorum ejus major natus Clotharius quinquaginta ferme & uno annis cæteris obeuntibus , regnum fortissimè rexit.

#### **CAPUT II.**

*De tempore quo sanctus Richarius ortus est : & de Regibus.*

**H**Ujus itaque tempore Regis beatus , & à Deo electus Pastor noster RICHARIUS nobilissimis ex inclytâ Provinciâ Pontivâ parentibus progenitus , mundo salutis scientiâ indigenti felicia sui exortus gaudia infudit. CLOTHARIO autem Francorum Rege mortuo , Regnum ejus æquâ lance quatuor illius filii diviserunt. Primus ARIPERTUS sedem sibi Parisiis statuit ; secundus GUNTRANNUS Aurelianis ; tertius HILPERICUS Sueffionis ; quartus SIGIBERTUS Mediomatricum , quæ & Mettis. Horum itaque fratrum junior Sigibertus BRUNICHILDEM ab Hispaniis deductam in matrimonium sibi copulavit , quæ ei HILDEBERTUM filium peperit. Quibus regnantibus aliquantos verbi divini ministros Hiberniâ insulâ natos Franciæ solum contigit invisere , quorum duo ,

**b** ut postmodum narrabimus, B. Richario jam adolescenti Dominicæ servitutis <sup>b</sup> initiatores fuerunt. HILDEBERTUS verò adhuc puerulus regnum cum matre gubernandum suscepit, interfecto patre eventu prælii. Si quidem ipse Sigibertus apud Victuriacum villam, quæ in suburbano Atrabatenſis urbis ſita eſt, Hilperici fratris ſui, qui apud Tornacum oppidum tunc erat, quemque ipſe Sigibertus uſque ad internecionem perſequēbatur, fraude interfectus eſt. Sed & Hildeberto mortuo, qui ut fertur, intrâ adoleſcentiæ annos cum uxore propriâ vi veneni peremptus eſt, regnaverunt duo filii ejus THEODERICUS & THEODEBERTUS, adjuvante eos aviâ Brunichilde. Regnavit autem Hildebertus annis xxii. Gontrannus autem, patruus Hildeberti, Rex Aurelianorum terminum vitæ ſuſcipiens, regnum quod tenebat Brunichildi reliquit, quoſt poſtea in ſortem Theodeberti devenit. Regnum igitur Burgundiorum Teodericus, Auſtraſiorum verò Theodebertus ſuſcepit; Hilpericus quoque, qui Sigibertum occiderat, genuit filium nomine CLOTHARIUM virum ſolertiſſimum atque ſapientem, qui partem regni quam pater tenuerat, retinebat. Hic cum Neultriæ moraretur, liſ inter Teodericum & Theodebertum exorta eſt, & diſceptantibus illis de regni termino, uterque ad Clotharium legatos dirigit, uterque adverſus parem auxilium poſtulat; quod ille abnuſit, prohibente id fieri ſanctiſſimo viro COLUMBANO, qui malitiâ Brunichildis atque Teoderici de Cœnobio Luxovii fuerat deturbatus: quique ipſi Clothario divinitus præſignabat, intrâ triennii tempus omne regnum in ejus ditione convertendum. Teodericus igitur germanum ſuum Theodebertum ad bellum provocans, & juxta urbem Leucorum crudeliter cum eo dimicans, fugavit illum de prælio.

### CAPUT III.

*Qualiter deletis impiis Regibus CLOTHARIUS omnem obtinuit Franciam.*

**H**IS ita alterutrum conſiſgentibus, beatus Confellor Domini RICHARIUS jam majoris ætatis retinens metam, divinis operibus inſiſtebat, & ea maximè illi inerat cura, ut vaſa diaboli, animas ſcilicet peccatorum præripiens, ſuo cœleſti Domino assignaret: quod quàm piè & quàm inſtanter peregerit, non noſtris ſed Domini Albini dictis paulo poſt docebitur. Ad Regum hiftoriam redeamus. THEODEBERTUS dolens ſe à fratre de bello fugatum, collecto exercitus robore ipſi TEODERICO fraternum ſanguinem ſitienti occurrat, ad Tulbiacum caſtrum pugnaturus: ſed proditiōe ſuorum captus à Teoderico aviâ BRUNICHILDI dirigitur. Quem cum illa recepiſſet, quia Teoderico magis favebat, furens Theodebertum fieri Clericum juſſit, ac poſt impiè perimi fecit. Hac itaque infelici victoriâ Teodericus nimium elatus, Metenſium urbem rediit, ibique divinitus percuſſus inter flagrantis ignis incendia interiit. Brunichildis autem SIGIBERTUM filium Teoderici ſuffecit in regnum. At CLOTHARIUS memor Prophetiæ B. COLUMBANI, fines regni qui ſuæ debebantur ditioni, cum validâ manu captat recipere. Adverſus quem cum hoſtilibus cuneis procedens Sigibertus captus eſt & interemptus; fratresque ejus quinque cum proaviâ Brunichilde capti ſunt. Pueri ſeparatim necati ſunt; illa verò ut altera Jeſabel primùm camelo impoſita omni exercitui gyrando monſtratur;

<sup>b</sup> *ſervitutis*] Sic codex Centul. prior editio, *ſalutis*.

<sup>c</sup> *Auſtraſiorum*] Ita codex Centul. ex fide hiftoriæ: antea legebatur, *regnum ſuum*, malè.

poſt indomitorum caudis equorum alligata, miſerabiliter, ut dignum erat, vita privatur. His ita geſtis, Clotharius nemine obſtante ſolus trium regnorum obtinuit Monarchiam: qui elaboratâ à Majoribus dignitate potitus, cum plurima ſtrenuè geſſerit, quàm præcipuè illud memorabile ſuæ potentiae poſteris reliquit exemplum, quòd rebellantibus adverſum ſe Saxonibus, ita eos armis edomuit, ut omnes virilis ſexûs ejusdem terræ incolæ, qui gladii, quem tunc fortè gerebat, longitudinem exceſſiſſent, peremerit; quippe ut junioribus tumoris auſum recordatio [ illius ] vitalis ſeu mortiferi gladii amputaret. Huic fuit ex BERTETRUDE Reginâ filius, nomine DAGOBERTUS, qui patri ſuccederet induſtriâ dignus & moribus. Hic denique in annis puerilibus poſitus, traditus eſt à genitore Venerabili Arnulfo, poſtea Metenſium Epifcopo, ut eum ſecundum ſuam ſapientiam enutrirer, eique tramitem Chriſtianæ religionis oſtenderet, ac ejus cuſtos & bajulus eſſet. Clotharius igitur juſtâ ſucceſſione à Hludogvico quartus, vivens & incolumis filio ſuo Dagoberto regnum Auſtraſiorum tradidit. Mortuo autem Clothario DAGOBERTUS totum patris ſui regnum ſagaciter accepit, & pacificè gubernavit, alterum quodammodo repræſentans Salomonem.

### CAPUT IV.

*Verba Domni ALBINI de vitâ S. RICHARII.*

**T**EMPORIBUS igitur glorioliſſimi Regis Francorum Dagoberti, qui & ſæculari poteſtate præclarus, & Chriſtianâ religione nobilis effulſit ( nam & Optimates ſuos dignitatibus exaltavit, & ſervos Dei honoribus excoluit ) plurima Monalteria à ſanctis Patribus cœperunt conſtrui; nec non & multi ex laico habitu viri religioſi inventi ſunt; ex quibus RICHARIUS quidam natus in villâ Centulâ Provinciæ Pontivæ, velut Lucifer inter umbras oriens emicuit. Non tam nobilibus juxta ſæculum parentibus ortus, quàm moribus honeſtus, & omni probitate devotiſſimus, ita ut in laicâ vitâ quædam præſagia futuræ ſanctitatis gereret.

### CAPUT V.

*Explanatio de eiſdem.*

**Q**UOD in præſatione monuimus, & nunc itidem commonemus, ut nemo ferat indignè, ſi hæc Domni Albini verba de vitâ ſanctiſſimi Confelloris rhetoricè & perplexè dicta cauſâ intelligentiæ maniſeſtioris enucleare tentamus. Ecce enim videtur dixiſſe quòd Dagoberti temporibus ſanctus ille ortus ſit: cum profectò fieri non potuerit, ut ſub tempore unius Regis pauculo ſpatio regnantis homo naſceretur, adoleſceret, educaretur, & ad perfectæ ſanctitatis <sup>d</sup> ſaſtigium, vel decrepitæ ætatis perveniret ſenium. Quid ergo, inquis, contradicis auctori vitæ ejus? Non contradico, nec aliud adſtruo, ſed id ipſum quòd diſertiffimus vir paucis & connexis eloquutus eſt verbis, elucidare cupio. Denique audi: dicit Dagoberti temporibus plurima Monalteria cœpiſſe conſtrui, & multos ex laico habitu viros religioſos inventos fuiſſe. Ac deinde ſubjungit: Ex quibus Richarius quidam. Animadverte quia non dicit Dagoberti tempore eſſe natos, ſed religioſos inventos, quos utique olim ortos, & grandævæ tunc æta-

<sup>d</sup> *ſanctitatis*] Hic etiam codicem Centul. ſequimur; nam quod Acherius ediderat *ſenectutis*, non placet.

tis necesse est intelligas; & ac si diceret: Ecce honeste vir dixisti multos viros religiosos inventos fuisse, & ago Deo gratias quia merui ex illis patronum. Sed cum sanctitatis ejus bonum inchoas predicare, vellem ut & quo loco natus sit manifestares. Protinus egregius vir consilio tuo acquiescens, & ad superiora recurrans, rhetoricè intulit, & nimis parè: Natus in Villâ Centulâ Provinciæ Pontivæ. Ac demùm velut adhuc inquirenti, an ipsa ejus nativitas humiliori parentum prosapia existere: absurdè interroganti cum exaggeratione indignationis intonat dicens: Velut Lucifer inter umbras oriens emicuit. Tum verò tamquam adhuc insistenti, ne fortè illa splendidissima nativitas, & generis claritudo sancti viri virtutibus obfuerit, ut quasi minùs se humiliaverit qui tantum de sæculo præsumere potuisset: doctòr modestus ab hac te removens cogitatione, salubriter infert: non tam nobilibus juxta sæculum parentibus ortus, quàm moribus honestus, & omni probitate devotissimus, tamquam dicens; adeo in illo vixit excellens nobilitas, ut qualis inter umbras Lucifer, talis & ipse splendore generis inter patrias haberetur. At ne putes quòd tantâ sanguinis natus altitudine, cœlestis militiæ difficiliùs arma corripuerit, scito illum contempto generis supercilio, tam humiliter ac summissè divinis paruisse mandatis, ut nobilitatis magnitudinem vicerit religionis magnitudo, & servatâ in omnibus dulcedine, totum vendicaret honestas, nihil possideret arrogantia.

His ita existentibus, aliquid de ipsis vitæ ejus temporibus recensamus; videtur enim absonum, ut Dagoberti temporibus æstimeretur esse ortus, cum ille gestorum ejus textus postquàm dicit quomodo prædicatione fervorem Dei conversus sit, & post conversionem qualiter conversatus sit, ac post abstinentissimam conversationem quo fervore verbum Dei annuntiaverit; utque sanctam commatrem suam **RICHTUDIM** visitans, filium ejus, sanctum scilicet **MAURONTUM** benedixit, atque ad postremum tentantem se hostem posttraverit; evidenter doceat ipsum Regem Dagobertum sancti famâ excitatum, eundem Dei virum visitasse, & benedictionis seu orationis gratiam flagitasse. Denique ipse, cujus modo mentio incidit, **B. Maurontus** in aulâ ejusdem Regis militavit, & ut nobilis Regiæ bullæ, vel sigilli bajulus [ fuit ], quem videlicet Christi Sacerdos **Richarius** dudum infantulum baptismate regeneraverat. Omnino igitur hæc gestorum tenenda est discretio, ut juvenem hunc sanctâ prædicatione converterit **CHAYDOCUS**, sed Dei Sacerdotem jam penè decrepitum invisit Rex Dagobertus. Quæ omnia sic esse, ipsorum gestorum evidens ratio manifestat, si tamen industria legentium sagaci discutiat intellectu. Hæc anticipando præmisimus, ut commendatâ temporum ratione cetera jam fidentiùs exequamur: quæ tamen nos post venerabilis **Albini** facunda eloquia dicere præsumisse fraterna caritas benignè indulgeat.

Regio igitur hæc, quæ beati Patroni protulit genituram, aquarum concursu hinc inde circumlita, nemoribus confita, pascuis pecorum habillima, triticeigraminis & cæterorum seminum fertilitate uberima, mercium & vectigalium commeatibus quæstuosa, aëris temperie sanissima, omni commoditati corporeæ jocunditatis satis apta, viris præterea militiâ inclytis bellicosa valde & importuna, civitatibus licet careat, munitionum castris exceptis, oppida instar urbium retinet opulenta. Hujus ergo patriæ **B. Richarius** indigena, cum nobilitate splendidi generis moribus pollebat honestis, jam tunc futuræ sanctitatis gerens præfagia, demonstrabat in

proposito laicali, quod postea sanctorum operum executio declaravit.

## CAPUT VI.

*De adventu & prædicatione Sanctorum Hibernensium.*

**E**O tempore quo **B. Richarii** juvenus insignissima, nec dum sæculari schemate exuta, divinis jam Christo volente erat mandatis informanda: quo videlicet tempore **SIGIBERTUS** Rex cum Reginâ **Brunichilde** statuto apud **Mettenium** urbem regni sui solio, Orientalem Franciam gubernabat; contigit duos Sacerdotes sanctitate florentes, & virtutum meritis fulgentes de Hiberniæ partibus Pontivas pervenisse regiones. Prioris nomen **Chaydocus**: alterius nomen eo quòd rictu linguæ barbaræ ineptum visum est, à prioribus mutatum vocatur, & scribitur **ADRIANUS**. Ipso autem tempore quo isti propria deferentes Christum sequuti sunt, multorum Sanctorum examina produxisse scitur Hibernia; ex quibus beatus quoque **COLUMBANUS**, homo Scotici generis, floruit, cujus laudabilis conversatio, virtusque eximia, totius Galliæ loca respersit. Fertur verò quòd cum ipso illi quoque maria huc properando transmearent. Quos ad nostra loca ferimus divertisse: unde & illa temporum ratio quam paulò superius notavimus, maximè confirmatur: quia cum notissimum sit omnibus **B. Columbanum Sigiberti** Regis, & **Brunichildis** conjugis ejus tempore Franciam advenisse, necessariò creditur beatissimus **Richarius** superioris **Clotharii** Regis temporibus natus fuisse, quem illi sancti viri diebus Sigiberti jam juvenem invenerunt; quem tamen sic juvenem dixerim, ut animi libertas & industriæ summa in illo vixens nihil admitteret juvenile. [ Sed ad historiam veniatur. ]

Sancti igitur Domini sacerdotes in Centulo vico verbum Dei prædicare aggressi, ut milites optimi præliabantur bella Christi Domini nostri: sed agrestes populi talia audire non assueti, nec ferentes quod in mente infectâ nequitia Diaboli rogabantur nova meditari, zelo accenti cum impetu iræ furorisque affectos contumeliâ ab his eos sedibus eliminare deliberant; nec quòd à parte Oceani veri solis spicula Dominus eis mitteret perpendebant, quia forte adhuc salvi fieri digni non erant. Quod ubi bonæ spei **Richarius** adhuc laicus comperit, semetipsum pro servis Dei rebellanti plebi objicit, & ab ipsis ictibus violenter, ut nobilem fas erat, abstrahens, obsequiis intrâ domum inducit. Unde à sagaci lectore liquidò potest comprehendere, neminem post Regis dominium tunc in his partibus fuisse potentiorum, qui ad eruendos Dei servos tantam habuit auctoritatem. Illos itaque humanè tractans obsecrat discumbere, mensam ponit, reficit eos, & reficitur ipse: nam inter carnalium epularum fercula devoti heroës spirituales non cessant rependere dapes. Nec mora: **Richarius**, propter quem reverâ lucrandum cœlestis Dominus suos huc direxerat ministros, compunctus in lacrymas resolvitur: & juxta quod Scriptura justum in principio sui dicit accusatorem, se errasse juvenili facilitate fatetur. Non, inquam, in petrosa, ubi aresceret, neque juxta viam, ubi conculcicaretur, vel à volucris comederetur, semen verbi Dei ceciderat, sed in tellurem optimam ab ipso vero agricola intus invisibiliter excultam, quæ postmodum, ut in sequentibus patebit, centuplicatis frugibus fecundata, innumeros copiosâ fertilitate ditavit. Ab illo denique tempore habitum religionis sumens, in dies de virtute in virtutem scandere gestiebat. Jam dicti præterea viri Dei post emen-

**B. Maurontus**  
Regiæ bullæ  
bajulus.

sum vitæ præsentis studium, immortalitatis adepti  
bravium, cœlicas sedes suo ingressu exhilarant,  
Centulensem Ecclesiam se coram modum e funda-  
tam corporibus nobilitant, jam verò penè dirutam  
orationibus sustentant: verumtamen licet nos jam  
eorum transitum explicuerimus, noverit Lector eos  
usque dum senescerent, in divinis operibus Centulo  
deguisse.

## CAPUT VII.

*De austeritate vite Sanctissimi RICHARII.*

**P**ostpositis digressionibus, quia dictaminis teno-  
rem narratio exigit, jam loquatur pagina qua-  
liter S. Richarius deinceps vixerit. At qui divino  
Spiritu tactus repente mutatur ex omnibus, abne-  
gat semetipsum qualis ante fuerat, subito efficitur  
quod non erat. Mira dicturus sum, & quæ carnalis  
homo tolerare vix posset, nisi in eo verè Deus habi-  
taret: tantà quippe austeritate vim sibi metipso irro-  
gavit, & tam durâ se castigatione constrinxit, ut  
quæcumque ad humani corporis esum solent esse de-  
lectabilia, omnimodis spreverit. Ab ipso enim con-  
versionis suæ principio ad vitæ usque occasum non  
panem tritici, non levamen olei, non esum legu-  
minis, non dico carniū vel piscis, sed nec vini,  
sive alterius confectæ potionis gustum unquam ad-  
misit: sed quia carnis materies absque escâ subsistere  
nequit, post longa & diuturna jejunia pane hordea-  
ceo cinere commixto, & aquâ lacrymis temperatâ,  
fessum jejuniis corpusculum refocillabat. Nam ut  
graviorem sibi imponeret jejuniorum attritionem,  
non est contentus hordeo simplici (quod nimium  
asperrimi constat esse saporis) sed quia cinerem se  
protoplasti peccato cõgnoverat, hordeo cineres ad-  
miscebat: nec pura aqua ad sorbendum ei fuit ha-  
bilis, nisi ante eam lacrymis augmentasset uberri-  
mis; juges vigilias ora pallida demonstrabant. Fi-  
denter loquar, eum persecutionis tempore Nero-  
nianâ vel Trajanâ pro fide Christi non fugisse tor-  
menta, qui tantæ attritioni se subdidit voluntariè:  
illorum liquidem, qui tunc temporis Christi nomen  
negare compellebantur, vix septimanæ spatium  
passio occupabat, imò vix triduo protelabatur: hic  
autem per prolixum vitæ spatium longum tulit mar-  
tyrium; & si quisque Fidelis rei meritum dignè di-  
judicet, non minus erit, Dei amore carnem assiduâ  
maceratione contrivisse, quàm pro fide gladiis infi-  
delium objecisse.

## CAPUT VIII.

*De ordinatione ejus.*

**H**is itaque virtutum incrementis succrescens,  
& venerabile corpus suum hostiam viventem,  
sanctam, Deo placentem exhibens, dignus digno  
ministerio mancipatur, & Apostolicæ prædicationis  
exequutor; ac secretorum divinarum conscius &  
Sacerdos efficitur, ut qui se totum sanctis actibus  
Christo immaculatum exhibuerat, ipse quoque im-  
maculatum Christi corpus intemeratis manibus tra-  
ctaret; & ut cui prædicationis devotio inerat, ho-  
noris dignitas non deesset. Quem honorem famulus  
Dei magnâ humilitate ornavit, & vera caritate ex-  
coluit, & verbi Dei prædicatione ampliavit, atque  
velut bonus agricola spinas peccatorum de agro  
Domini Evangelico vomere eradica vit, & arida corda  
superno perpetuæ salutis rore irrigavit. Sed & divina  
clementia per ejus prædicationem in populo Ponti-

vorum plurima fidei dedit incrementa; unde & om-  
nibus prædictus vir Dei Richarius honorabilis factus  
est & carus: quia quod ore prædicavit, exemplo  
ostendit, & viam vitæ quam alius sermone monstra-  
vit, ipse prior actu præcucurrit. Quidquid verò ei po-  
pulus in stipendia prædicationis obtulit, omnia pau-  
peribus dividere festinavit: indignum fuit ei de cra-  
stino præsentis vitæ cogitare, qui divitias æternæ  
vitæ accipere anhelavit: ideo oblata ab hominibus  
distribuit, ut promissa à Deo acciperet. Felix com-  
mercium, ut qui parva ac transitoria hilariter di-  
stribuerat, magna & æterna feliciter esset acceptu-  
rus. Nam studiosissimus fuit pauperum consolator  
peregrinorum susceptor, viduarum defensor, pu-  
pillorum & orphanorum pater, ita ut verissimè de  
eo sanctissimi Job testimonium dici possit: *Oculus  
fui ceco, & pes claud, pater orphano: & causam  
quam ne ciebam diligemissimè perscrutabar.* Quapro-  
pter undique infirmi ad eum confluebant, quos læto  
susiciens animo, medelam eis curationis per sanctas  
orationes præbebat. Nam & cæcis factò Crucis signo  
dicto citius lumen oculorum donabat, & paralyticos  
virtute precum, & manûs impositione erigebat. De-  
monia de oblectis corporibus nunc prece ad Deum  
fusâ, nunc solo imperio ejiciebat, persæpe verò solâ  
suâ præsentia fugavit.

Job 29. 15.

## CAPUT IX.

*De miraculo leproforum.*

**N**ec leprosos vel elephanticos exhorruit, sed  
quali fratres amplexabatur, balneisque eorum  
membra faucia fovebat, eademque post ipsos ingre-  
diebatur. Unde & pro tam inaudita humilitate,  
pietateque ineffabili, continebat magnum & inau-  
ditum miraculum: quia cum tantum se humiliaret  
ut aquis veneni tabo infectis proprium corpus di-  
lueret, non solum ipse malum in se non trahebat;  
sed & ipsi leprosi qui dudum loti fuerant, divinâ  
manu medente, & sancti merito exigente, omni  
malo statim emundabantur. Prophetici sermonis  
nec surdus auditor fuit: *Egenos vagosque introduc  
in domum tuam, & nudum vestimentis tuis cooperi:  
& carnem tuam ne despexeris.* Nec solum carnali  
refectione ad se venientes fovebat, sed etiam spiritali  
solatio sanctæ prædicationis reficere non cessavit. Et  
sicut miserorum idoneus ubique fuit consolator, ita  
superborum durus castigatorem esse non timuit: hos  
pietatis clementiâ elevabat; illos severæ invectionis  
censurâ deprimebat: nec terrenæ potestatis iram  
foris metuebat, quem timor interiùs divinæ poten-  
tiæ totum corroborabat; parvi pendens divitum mi-  
nas, ut præco veritatis existeret. Nec fuit arundo  
vento agitata, ut eum aura humanæ laudis vel de-  
tractionis commoveret, sed in arce solidæ veritatis  
consistens, ab humano ore secundum Apostolum  
judicari contempsit. Viam Regiam incedens, nec à  
dextris propter terrores potentium, nec à sinistris  
propter blanditias adulantium declinavit: quapro-  
pter magnam plebem Domino Deo suo in hac Pon-  
tivâ provinciâ acquisivit; & sibi honorem perpe-  
tuum promeruit.

Isai. 58. 7.

## CAPUT X.

*De miseratione ejus erga captivos: & quòd  
Britanniam petierit.*

**U**nde populus cernens ejus religiosam in Christo  
devotionem, cœpit eum attentius honorare,

*e se coram modum*] Incepta lectio, quam repræsentat  
codex Centul. nam hoc loco lacuna est in priori editione:

lege sua curâ modo.

& multa ei pro eleemosynarum largitione afferre, quæ ille, ut erat Dei & proximorum dilectione plenus, omnia in pauperum largitus est solatia, maximeque in captivorum expendit redemptionem. Nam alios occultis diabolicâ fraude peccatorum vinculis obligatos per sedulæ prædicationis hortamenta solvebat, alios sæculari captivitate oppressos per pecuniæ largitionem redemit; ut illi spiritualiter absoluti jocundarentur à Domino, & isti carnali servitute liberati converterentur ad Deum: & non solum in his regionibus Galliarum per pietatis opera, vel per prædicationis lumina, prædictus vir Dei Richarius clarus effulgit, sed ut lucifer æquoreos oceani campos transiliens, præco diurni luminis nocturnas suo exortu discutit umbras; sic ille in ultramarinas Britanniae regiones ad expellendas ignorantiae tenebras lumen veritatis suo sparsit adventu; scilicet ut sicut in istis regionibus, sic & in illis alios à servitute diabolicâ, alios à captivitate carnali liberaret, illis verbum Dei infudit, istis charitatis pretium impendit, ut pro temporali redemptione aeternam acceperent libertatem.

## CAPUT XI.

*De adventu ejus in Sigetrudem, & miraculo nivis.*

**E**Xstat igitur villa in pago Pontivo Sigetrudis vocata, in quâ sæpe dictus, imò semper dicendus venerabilis Pater Richarius consueverat manionis habere hospitium cum aquoreos oceani transfretare campos studeret, partim salutiferæ incunabens prædicationi regionis Britannicæ, partim etiam captivorum studens redemptioni. Erat autem ipsius villæ domina nomine SIGETRUDIS, à quâ videlicet ipsum prædium nomen accepit. Verum quid factum sit cum ad hanc beatus Domini Confessor quâdam vice venisset, calamus perstringat. Contigit hyemalitem-pore de Britannia redeuntem sanctum illò Richarium adventasse, eumque ibi positum cum his quos redemptos deducebat, nox illa oppressit: à Senatrice igitur jam dictâ se suosque Beatus hospitio recipi poposcit; cui illa hanc munificentiam omnino denegavit: necdum quippe plenè sciens cujus virtutis vel meriti esset, & ut fertur, quodam sinistro rumore acta, ejus precata facillè contempsit. Igitur vir Dei cum domicilium sibi quemquam nolle imperitari pervidisset, eumque aliostrum progredi hora ipsa vetaret, cum redemptis suis, quorum tum ingentem turmam secum habebat, ejusdem vici itum peragravit, invenitque fossatum magnum in quo homines non pauci poterant clanculo congregari. In hoc itaque cum suis secessit, totiusque noctis spatium inibi peregit. Sed quid Deo sapientius? ad hoc certè mulier non est permilla ei præbere unius noctis hospitium, ut divina operatio acciperet locum; cognitoque quanti apud Deum esset meriti, non solum domum, sed & omne ei contraderet prædium. Nocte igitur eadem cum Sanctus sui que in fossato cubitarent, tantam è nubibus contigit defluere nivium magnitudinem, ut omnis patria vix ferre quiverit illius densitatem; operta omnia & in subitum candorem universa mutata sunt, solum illud fossati spatium, quo Sanctus cum suis tenebatur, nix non invasit, & quæ vel gestu ventorum, vel suâ subtilitate etiam interna tectorum penetrabat, ab ejus injuriâ sese continuit, qui hominum carens domicilio supernâ protectione tegebatur. Mane facto habitatores loci exurgunt, & vel sibi vel pecoribus suis per medias nives viam secare coguntur: sole lucente dum omnia pervidentur, invenitur sanctus Pater Richarius aquis nivium remansisse intactus:

quo facto omnes obstupescunt, admirantur, & verè hunc, qui taliter sit defensus, Dei cultorem & amicum prædicant. Hanc sancti viri erga Deum possibilitatem, ut illa nobilis femina aure cordis percepit, hospitium se negasse nimium pertremuit, & in tanto caritatis glutino deinceps eum dilexit, ut ipsam ei villam perpetuò traderet habendam. Verè mirabilis Deus in sanctis suis, verè fidelis in promissis, ipse fidelem famulum humano semel auxilio destitutum non deseruit, sed ubi ad horam non permisit habere mansionem, fecit percipere ex toto hereditatem.

## CAPUT XII.

*De fonte per orationem ejus inibi producto.*

**D**Um itaque B. Richarius pro cœlestis patriæ palmâ militarem adhuc duceret vitam in terris, in prædicto prædio hospitium sæpe habebat apud memoratam Dei ancillam cum scilicet Britanniam pergeret, vel inde ad propria repedaret. quæ cum in magnâ familiaritate apud eum haberetur, ut pote cujus vitam in Dei opere conspiciebat assiduam, petiit eum, ut suis sacris precibus apud Omnipotentis clementiam obtineret, quatenus ditari mereretur in aquæ largitione (erat enim ibi valde necessaria) qua prece ejus coactus oravit; post orationem autem tuum in terram baculum fixit, atque mox fons erupit, qui usque in præsens ibi perdurat, illud exhibens ad quod orationibus servi Dei primitus enituit; qui cum nullâ siccitate unquam fluere desinat, nunquam tamen ejusdem vici rura transgreditur, sed hinc nascens, post parcum cursum illic deficiens annullatur. Multa de fonte & de villâ dici poterant, sed ea omittimus, ut ad alia citius expediamur.

## CAPUT XIII.

*De Prophetiâ ejus.*

**S**ed inter tot & tanta miracula, quæ per suum hominem Christus Dominus efficiebat, etiam Spiritus sancti, qui verè est omnium artifex, omnia præspiciens, tanta eum supplevit gratia, ut non sola signa sanitatum, sed & denuntiationes rerum futurarum efficaciter consequeretur; quod in sequenti liquebit exemplo. Cum causâ prædicationis in Britannia diutius moraretur, subito sancti Spiritus afflatu venit illi in mentem aliquos sui juris sub servitute reliquisse in Galliâ; quo dolore percussus dixit ad suos, heu! nostros sub servitute demissimus in patriâ, dum huc alios liberare venimus, maxime quia scio citò eos esse morituros: sed ite festinanter, navem conscendite, & eos facite ingenuos, priusquam moriantur. Illi haud segniter præceptum sequenti paternum patriam venerunt, prædictos servos viri Dei sanos & incolumes invenerunt, eosque veluti jussi sunt, manu mittentes fecerunt ingenuos: qui non post multum temporis, sicut vir Sanctus prædixerat, defuncti sunt. O quanta clementia est Dei Christi, qui famulo suo pietatis affectum inferuit, & futuram servorum ejus mortem ostendit, quatenus illi misericordiæ merces de suis non perisset, & illos morientes servitutis jugum non gravasset. Ex eo tempore neminem sui juris sub servitutis jugo retinere voluit, sed omnes ubique ad se pertinentes libertate propriâ perdonavit, ne in proprios durior fortè videretur, qui in alienos mitissimus apparere gestiebat, & ut mercedem quam ex aliis congregavit, de suis accumularet.

CAPUT



CAPUT XIV.

*De constructione Centulensis Monasterii.*

**P**ostquam fugatis ignorantia ac errorum tenebris multas Dei famulus Richarius Christi nomine repleverat regiones, & paganos conversos innumeros sancta fide, plerosque autem monastica Religione instruxerat, post locatas Ecclesias, & Clericos delegatos, cum sentiret se non posse amplius praevalere ad circuitionem praedicationis, permaneret tamen in eo infatigata voluntas sanctae exercitationis, solo nativo, & paternae hereditati, quam nostrates alodium vel patrimonium vocant, se se contulit, quod reliquum erat vitae ibidem in Dei servitio transacturus. Hanc denique possessionem Christo secum dudum obtulerat, monasteriumque in paterno solo construxerat, ut ubi ipse fuerat mundo procreatus, ibi multos per Dei gratiam generaret, & in loco suae nativitatis procrearentur filii supernae hereditatis. Qui locus, Deo conservante, clarus adhuc in villa Centula permanet, & Christo Domino famulantium haecenus turbam retentat. Igitur cum hoc perfecisset, prout sanctissimae ejus voluntati complacuit, quae non amplitudinem aedificiorum, aut venustatem testorum, sed salutem animarum, & sanctitatem querebat morum honestorum, ex provincialibus aliquos, & ex his quos redemptos fecerat liberos, qui scilicet sanctitatem ejus certius aemulabantur, inibi Fratres collocavit; quorum vitas discutens, moresque corripiens, de imis ad alta, de terrenis ad caelestia, plus exemplo quam verbo tendere perdocebat, praesidendo eis jure Abbatis. Multi quoque nobilium Franciscorum ejus adherentes bonitati, semitas vitae jugiter carcebant: ipse vero discipulorum mentes caelestibus intentas & mundo superiores esse perpendens gaudebat, & seipsum ad altiora extendens inhiante dicebat: *Sitivit anima mea ad Deum fontem vivum: quando veniam & apparebo ante faciem Dei*: Et iterum: *Ego autem cum iustitia apparebo conspectui tuo; satiabor dum apparuerit gloria tua*. Sancto enim se semper Spiritu illustrante, & gratia Christi cooperante, tanto se ardentius servituti Dei subegit, quanto vicinior sibi diem remunerationis esse praesentit. Nam seipsum quotidianis jejuniis maceravit, mortificatione carnis constrinxit, vigiliis afflixit, orationibus munivit, charitate confirmavit, spe roboravit, fide armavit; nulli malum pro malo reddens, nullius adulator, neminem contempsit, ut viam veritatis prior ipse incederet, quam ceteris praedicando monstraverat. Sic vir Dei galea salutis indutus, & gladio verbi Dei accinctus, & lorica iustitiae undique circumdatus, & scuto fidei armatus, calciatusque in praeparatione Evangelii pacis, processit in praelium contra hostem antiquum, omnia tela ejus ignita fortissimo fidei umbone repellens, quotidianisque triumphis spolia multa victo hoste reportavit in Ecclesiam Christi; tam metuendus humani generis inimico, quam humani generi pernecessarius, utpote qui non suam tantum, sed multorum quaesivit salutem; ideo iustum est, ut multorum ore in Christo laudetur, multorum per Christum redemptor: tantus quippe illum ad colligendas Deo animas fervor accenderat, ut sic Monasterio praesentet quatenus per Ecclesias, per castra, per vicos, per singulorum quoque Fidelium domos circumquaque discurreret, & corda audientium ad amorem patriae caelestis accenderet. [Cujus non tanti est miracula narrare quae ab eo gesta sunt, quanti miraculosam cognoscere virtutem; quia caelesti Regi in diebus suis multum acquisivit populum. Nam officium praedicationis

Tom. II.

omni signorum ostensione majus esse non dubium est; licet non defuerit pro temporum opportunitate vel rerum convenientia signorum perpetratio, quae per eum divina peregit clementia.]

CAPUT XV.

*De sancta HRICTRUDE comitissa ejus.*

**Q**uædam illustris matrona nomine HRICTRUDIS, nunc caelesti sede beata, aliquando sancto Abbati suum destinaverat filium nomine MAURONTUM, quem ipse sanctus Baptismatis unda diluens Christi cauterio notavit. At cum puer idem jam renatus matri esset redditus, maligni spiritus tentatio accidit viro Dei tali occasione. Visitavit enim equitando jamdictam Deo devotam foeminam HRICTRUDem, & jam post dulces vitae caelestis epulas, & post colloquia salubria, ipse vir Dei cum ascenso equo ad propria remeare disposuisset, matrona praedicta juxta morem equitantis vestigia pariter sequuta est, habens in ulnis filiolum suum, ut parvulus quoque benedictione hominis Dei roboraretur, quem ipse, ut paulo ante insinuatum est, sacro baptismo Deo regeneravit: acceptoque infante eques venerandus, seu ad benedicendum, seu ad deosculandum, antiquus hostis omnibus bonis inimicus, qui & sancti viri gloriae ac virtuti, & sanctae illius pueri religiositati futurae invidebat, immisit equo ferocitatem, qui huc illucque dentibus frendens, pedibus calcitrans, & toto corpore insaniens, inconsueti impetu per campum discurrere cepit. Quod pavida cernens mater oculos avertit, ne morientem filium videret, quem servus Dei saeviente equo manu tenebat: familia vero pro morte pueri, vel casu viri Dei, strepere, plangere, ejulare non destitit: sed dextera Christi, quae Petrum trepidantem levavit ne mergeretur in undis, puerum cadentem sublevavit, ne allideretur in terris: nam oratione a famulo Dei facta, puer incolumis quasi avicula pervenit ad terram, & equus redditus est mansuetudini suae, & mater quidem filium suum e terra sanum & ridentem suscepit in ulnas: ipse tamen Sacerdos Dei non equo iter agere, sed asello mansuetissimo ex eo tempore voluit: nempe memor Dominum Christum, dum ad redemptionem properaret humani generis, asello iter egisse non equo. Sic ipse deinceps cum propter salutiferam praedicationem per multa quotidie festinaret loca, asellum sibi potitorem sufficere judicavit. Sic, Deo miserante, tentatio maligni hostis illi versa est in laudis honorem, & superbia equi ei facta est humilitatis magistra.

CAPUT XVI.

*De ceco illuminato.*

**A**LTEAE litori aquam transire volens quodam tempore, Kymbae adventum opperiens infidebat, cum ecce Pontivenis indigena homo caecus, qui tanto cum reliquis contribulibus patrono gloriabatur, inibi illum morari comperiens, alienis obtutibus deductus occurrit, & carissimum Patrem patriaeque Dominum infinitis clamoribus exaggerans, lumen proprium sibi donari poscebat. Cujus necessitati vir sanctus misericordissimo, ut semper fuit, corde compatiens, eum ad se propius accivuit; quo applicato digitos labris sacratissimis apposuit, indeque tollens salivam orbi oculis lenivit, statimque Dominicum exemplum virtus eadem prosequuta, diu obscuratum luminatum reddidit: quo loco villa & Ecclesia permanet, quae ob ejus amorem Domnus Richarius dicitur: Nulla au-

P P

tem unquam antiquitas abolere potuit ab ore posterorum, quin quotidie referant patriæ nostrates inter alia magna miracula; quod cum isdem beatissimus Pastor in locis Britanniae captivorum studeret redemptioni, si quando accidisset tardius haberi vehiculum, quo in redeundo transmeandus esset Alciæ vel Quantæ fluvius, absque aliquo humanæ opis adminiculo eundem pedibus non humectis transisset. [Contigit aliquando ut rediens de Britannia D. Richarius ingentem redemptorum deduceret multitudinem, cum subito respectans post tergum vidit turbas hominum perversorum his quos deduxerat mala infetre volentium, plusque illis metuens quam sibi, invocat divinitatem ut e manibus persequentium eruatur. Cujus precii superna virtus vicina citissime adfuit, & transposuit eum cum suis ultra fluvium Alciam ad sylvam quæ proxima erat. Sicque . . . . . toribus frustratis locus ille ubi resedit Moxultrum nomen accepit; quia scilicet virtute quæ illum . . . . . fufam mox ultra transfulerat.] Verum nos non omnes Fidelium relatas eloquiis sancti Dei virtutes referre suscepimus, proinde ad certiora veniamus, quæ sagax priscorum industria altiori consilio imitanda vitæ ejus libello inseruit: quocumque enim iter agebat, aut Psalmi ex ore ejus resonabant, aut salutis prædicatio audiebatur; nec mirum si Christum semper prædicaret in linguâ, quem semper gerebat in corde, per quem pius consolator miseris fuit, & durus invector potentibus, illorum inopiam clementi miseratione relevans, istorum superbiam severâ castigatione reprimens.

## CAPUT XVII.

De adventu Regis Dagoberti ad eum.

**T**Antorum igitur bonorum fama non latuit, sed Deo voiente, qui glorificantes se glorificat, cunctas partes finitimas sanctitatis ejus odor bonus respergit, in tantum ut ipsos Optimates Regni & Proceres non lateret; Regem quoque ipsum Dagobertum ad visendum eum mira opinio provocaret. Nam quodam tempore ipse Rex potentissimus DAGOBERTUS, rogante viro Illustri GISLEMARO Pontivas devenit in partes virum Dei visitare, & ut seipsum sacro-sanctis ejus orationibus commendaret, quem ipse famulus Dei utrumque & sanctitatis suæ benedictione roboravit, & Sacerdotali auctoritate liberâ voce castigavit; denuntiâns ei ne in seculari superbiret potentia, ne in fugitivis speraret divitiis, ne vanis adulantium extolleretur rumoribus, ne caducis gauderet honoribus; sed magis Dei timeret potentiam, & immensam illius laudaret gloriam; humanam potentiam vel gloriam nullam putaret, quæ subito velut volatilis umbra recedit, & velut spuma super aquam vento tentationis flante evanescit: & hoc magis timendo cogitaret, quia *Potentes potenter tormenta patientur*. Et, *Cui plus datur, plus exigitur ab eo*: & qui vix sufficit pro se solo rationem reddere Deo in die judicii, quomodo supportare poterit rationem reddere pro tantis millibus populi sibi commissi: idcirco quisque magis timere potest præesse quam subesse; quia qui subest, pro se solo rationem reddet Deo; qui autem præest, pro omnibus erit redditurus qui sub ejus sunt potestate constituti. Quâ castigatione Rex, ut fuit sapiens, benignè susceptâ, congaudensque

ejus liberâ veritatis fiduciâ, Sacerdotem Christi secum ad convivia venire rogavit; qui Christi confortatus exemplo secularium non respuens convivia, ut prædicationis nancisceretur occasionem venit cum Rege ad mensam; totaque die illâ & nocte inter epulas latitæ verbi Dei dapes salutiferas convivis suis ministravit: cujus constantia morum, & instantia prædicationis præfatus Rex delectatus, cepit eum animo amare, & honore prosequi in tantum, ut eâ ipsâ die aliquid de censu suo ad luminaria donis Dei ei condonaret. [Ratum æstimans, & ut sicut ipse prædicationis lumine ab eo illuminatus fuerat, sic visibili luce per eum domus Domini illustraretur: & quod intus ei fulgebat in fide . . . . . gesseret in Ecclesiâ. Memor præcepti quod dicitur: Sic luceat lux vestra coram hominibus. Item in Psalmo: In lumine tuo videbimus lumen, id est, in lumine fidei, quod fulget . . . . . foras quod splendet.] Delegavit autem ei, prius facinorum suorum confessione præmissâ, & absolutione perceptâ, territorium quoddam in pago Pontivo, quod dicitur Campania, ubi habentur villæ tres, ex eâ die sancto viro, & post ejus transitum Centulo Cœnobio hodieque servientes: quarum prima vocatur Altvillaris, secunda Rebellis-mons, tertia Valerias.

## CAPUT XVIII.

De ordinatione OCIOALDI Albatis: & ut Sanctus eremum petierit.

**E**Xinde famulus Dei, quia ab hominibus venerabatur, homines fugere meditabatur, ut honores temporales declinando, honores acciperet perpetuos. Exemplum nempe Regium quorumcumque dignitatum Principes imitantes, sancti viri benedictionibus certatim perfrui constudebant. Quod ipse cœlestibus jamjam inferi cupiens sat moleste ferens, ne tantis honoratorum virorum obsequiis ulterius ambiretur, eremum cupivit, quatenus soli Deo liberius vacaret, & contemplativos carperet fructus, qui in actualibus haud segniter desudabat. Verum quia Ecclesia in Centulo extructa absque Abbate nec debebat esse nec poterat, hoc officio se se exonerans, unum e discipulis perfectæ ac probatæ sanctitatis, nomine OCIOALDUM, jam dicto Cœnobio præfecit Abbatem. Quo ritè pacto [scilicet *recolens à Domino dictum de Mariâ sedente ad h pedes ejus, ac verbum vitæ intentius audiente*: Optimam partem elegit sibi Maria, quæ non auferretur ab eâ: hujus memor sententiæ] divinis se se ex integro contulit theoriis, eremiticam petiit vitam quâ secretius sola cœlestia mente rimaretur, & totum se in Deo sanctificaret, à quo post modicum erat suscipiendus. Cui GISELMARUS vir illuster, & Christianæ religionis devotus amator, simul & MAURONTOS sanctæ Hierodis filius, qui ob insignem nobilitatem apud Regem Dagobertum plurimum poterat, & tunc terrarum vel sylvarum ad Regem pertinentium dispositor & custos habebatur, præbuerunt locum manendi in sylvâ Chrisiæcensi, in loco qui nunc Forestis-Cella, dicitur, distans à Centula X. passuum millibus, ubi videlicet per ante acta sæcula nemo habitaverat: in eodem verò loco sub honore nostræ Domine sanctæ MARIÆ, Christo Monasterium construere inchoavit. Scire autem volumus lectorem, quod [is] ipse de quo loquimur

Sap. 6. 7.  
Luc. 12. 48.

[Moxultrum] Totum hoc quod uncis inclusum est, prius se quidem lector intelligit adjectum esse e codice Centul. verum, id cum moneri necessarium est, quod italicis litteris editum est, à nobis ex conjecturâ esse descriptum, cum aliquot voces librarii cultro essent erasæ. Moxultrum, nunc Malouire ad ripam Meridionalem Alciæ.

[Ratum æstimans] In eodem cod. Centul. ex quo hæc excerpta sunt, legitur in orâ libri: *Dagobertus iste regnavit annis XVI.*

[h sedente ad] In codice legebatur *sedis pedes*, perspicue male.

Maurontus postea pompâ sæculari & habitu cal-  
cato Monachus, Monachorumque Pater factus est,  
& nunc sanctæ vitæ merito cœlesti fungitur socie-  
tate: nec enim cassari poterat illa sacro-sancta magni  
Patris Richarii benedictio, quâ fuerat dudum puer  
intercessione matris potitus.

### CAPUT XIX.

[ *Quâ maceratione corpus proprium in eremo  
contriverit.*

**M**agnus itaque Confessor Dei & eximius Pater  
Richarius, cum solo commilitone nomine  
SYGOBARDO apice nobilitatis fulgido, præfatam ha-  
bitationem ingressus est, parvo tantum tuguriun-  
culo vilissimo opere facto contentus, ut habitatio  
vitæ congrueret, superfluum æstimans sæculi con-  
temptorem aliquid sæculi divitiarum videri habere.  
At inibi tantâ se mortificatione carnis constrinxit,  
tantâ jejuniorum & vigiliarum assiduitate maceravit,  
ut vix ossa arescentia dissipatis juncturis adhærent:  
& tremencia baculo regente vestigia difficile move-  
bat, ac mente sæculo major sola cœlestia semper  
cogitabat: quantumque mundo alienus, tantum  
Deo proximus: illum quotidie vincens in eremo,  
à quo Adam olim victus est in Paradiso: super as-  
pidem & basiliscum ambulans, caput quotidie anti-  
qui conterebat serpentis: temporalia cuncta con-  
temnens, æterna sola suspirans, atque per angus-  
tam viam quæ ducit ad vitam iter suum assiduus  
munivit orationibus. Nec clausa tamen eremi an-  
gustis lucis columna latere potuit, quin magnis  
sui fulgoris radiis longe lateque innotuit: quapro-  
pter undique ad hominem Dei cæci, surdi, muti,  
claudi, leprosi, paralytici, seu cunctis infirmita-  
tibus fatigati ibant, vel portabantur, quos sancta-  
rum medicinis orationum sanabat, omnesque ad se  
quocumque morbo afflictos venientes, vel tristitiæ  
cujuslibet rancore angustiatos, sanos & hilares ad  
propria remeare faciebat. Nec mirum si Deo carus  
homo ab hominibus frequentabatur, cum ipsa quo-  
que animalia omni ratione carentia ad obsequen-  
dum Dei servo promptissima forent. Denique si  
quando, quod infrequens erat, contigisset eum ne-  
cessitati corporeæ quidpiam comedendo conquirere,  
illæ aves, quarum multiplicitate nemora repleban-  
tur, ita intrepidè ante illius ora descendebant, &  
genuculis ejus vel scapulis insidebant, ut non in-  
sensata animalia, sed tamquam filios affectuosè pa-  
tri inhærentes ipsâ rei qualitate putares. Porrige-  
bantur eis Sancti viri manibus aliquæ micæ, & quæ  
pro sui duritiâ, vel austeritate hominum ului essent  
inhabiles, ipsis avibus nunc voce, nunc pennis adu-  
lantibus gratissimæ fieri videbantur. [ Nec mihi sin-  
gulas virtutum ejus species nominatim enarrare  
propositum est, sed vitæ sanctitatem paucis perstrin-  
gere verbis, ne ineloquentiæ meæ tarditate multi-  
plex signorum per eum gestorum fama magis ob-  
scuretur quàm laudetur; doctioribus illa relinquens,  
quo fine præsens sæculum sancta illa anima defe-  
ruerit solum mihi dicere sufficiet. ]

### CAPUT XX.

*De transitu ejus ad Christum.*

**H**actenus dum de Sancti vitâ ageretur, se hila-  
rem animus gestiebat, & quasi de vivente Pa-  
trono gaudebat, cum quæ vivens fecisset narrabat:  
hactenus tamquam prosperis navigabamus ventis,  
& dilecti Patris gesta lectione placidâ percurrendo,

quasi dulce nobis celeuma canere videbamur: at  
nunc anima quid eligis? conticesces, an justî mor-  
tem narrabis? sed ne dicas mortem quæ Sancto fe-  
cit natalem. Nam quando mundo mortuus, tunc  
Christo est in cœlis verè natus. Miserum est loca  
mortis ultrò amare, & post experta saltem pericu-  
la portum nolle videre. Simul & Patri congaudere  
debes, qui naufragio mundi salvatus, firmâ fide  
cum Christo vivens gaudet laureatus. Firmâ, in-  
quam, quia cœlesti; firmâ, quia æterna; firmâ,  
quia nullis hostium incurlibus auferenda. Cordis igitur  
dolore lacrymarum ubertate digesto Patris non  
mortem, sed transitum dicamus; qui idcirco verè  
beatus est, quia mundum contemnens hunc tran-  
situm semper ambivit. Sed jam frontem solvamus  
quæ Patris gloria liberè nuntietur.

Præsciens ergo diem advectionis suæ, quâ feli-  
citatem diu desideratam accepturus erat, & semper  
adjungi Deo quem semper amabat, vocavit ad se  
præfatum Sygobardum commilitonem suum, di-  
cens: Scio, fili mi, scio, quod finis meus non tar-  
dat, & Regem meum quem diu cupivi, citius vi-  
debo: & utinam tam propitium mihi servo suo,  
quàm desiderabilem Sanctis sis. Sed tu fili præpara  
vasculum corpusculo meo quo condatur, non su-  
perfluo studio, sed necessario usu; ut illic servetur  
in illum diem, quo corruptela hæc vertatur in in-  
corruptionem, & mortale hoc induatur immortal-  
tatem. Et para te omni diligentia, fili, ut dum dies  
illa quæ mihi modò appropinquat, tibi quoque ad-  
venierit, paratum te inveniat. Ego vero vado viam  
totius mundi, tantum mihi misericors sit Salvator  
mundi, & me modo defendat ab hoste, qui me olim  
redemit ab hoste; & quem præsentis vitæ habui  
consolatorem, æternæ vitæ mihi inveniam largito-  
rem. Hæc discipulus à Patre audiens lacrymis per-  
fusus, tandem præcepta sequutus, lignum inveniens  
fidit, cavavit, & corpori Patris coaptavit, & fletu  
opus rigavit quod fecit; & pene prius lacrymis im-  
plens amaris, quàm paternis membris: aptatumque  
ut potuit sarcophagum in loco à Patre præfinito com-  
posuit. Interim dum tristitia Patri filius pararet obse-  
quia, validior Patrem coquebat infirmitas, & in  
frigido corpusculo vix halitus remanserat extremus,  
nec tamen ab orationis cessavit officio, vel divinæ  
laudis obsequio; & dum salutifero corporis Christi  
& sanguinis viatico suum iter muniret, inter gra-  
tiarum actiones, & verba orationis, VI. Kalendas  
Maii spiritum emittit, positusque est in sepulcrum à  
discipulo, [ in loco ] ubi ipse præceperat.

### CAPUT XXI.

*De gloria ejus cœliis SYGOBARDO  
ostensâ.*

**S**ed mirum dictu: inter exequias paternas subito  
discipulus sopore oppressus, vidit in visu quasi  
raptus esset in aulam splendidissimam, omnique  
core pulcherrimam; imò solis luce clariorem, in quâ  
B. Richarium præclaro & hilari vultu vidit habitan-  
tem, sibi que dicentem: Ecce, Frater Sygobarde,  
qualem mansionem præparavit mihi Deus, pro vili  
quam habui in terrâ pulcherrimam in cœlo, pro  
contemptibili gloriosam, pro obscurâ lucidissimam,  
& pro fumosâ omni suavitate renitentem. ( Enim-  
verò, quod prætereundum non est, inter alia quæ  
in semet conficiebat tormenta, & hunc quoque san-  
ctus Dei sibi ingerebat cruciatum; si aliquando al-  
geret, abjiciebatur focus; si calentes auræ habe-  
rentur, ad hoc adhibebatur ut non calefaceret; sed

i conquirere] Sic edendum curavi ex conjecturâ; nam  
Tom. II.

editum erat concurrere.

viridi ligno instructus ut obtutus fumo repletur. ) Expergiscens itaque discipulus latior opus exequiarum perfecit, Deo providente, ut filius consolaretur, & Patris gloria monstraretur: conditusque est, ut prædixi, miles Christi ubi suo Regi maximè militaret.

## CAPUT XXII.

*De Translatione corporis ejus in Centulam.*

**B**Eatus itaque Richarius, quia tum pro spectabilissimo genere, tum pro eximiâ sanctitate apud nostrates populos clarissimus habebatur, non diù est permissus eo loci quiescere, quo, propter iter infrequens & vitam remotiorem, seipsum retruserat. Jacuit tamen sancti corporis venerabilis gemma in ligneo illo sarcophago spatio quinque mensium & dierum duodecim, id est, à vi. Kalendas Maii usque ad vii. Idus Octobris: quo scilicet tempore Fratres à Centulo Monasterio, quod, ut suprâ dictum est, ipse sanctus ædificaverat, cum suo Abbate OCTOALDO viro religioso, sanctique successore venerunt, & dilecti Patris corpus venerandum levaverunt, ita ab omni tabo corruptionis liberum, sicut ab omni mundi amore cor possederat mundum. Cum reverentiâ ergo tanto Confessori debitâ glebam omni auro cariorum devotissimè humeris imponentes, præcedente & subsequente religiosorum & plebaliū catervâ, detulerunt Centulam, ut quæ sancti viri gaudebat geniturâ, ejus consequenter ornaretur sepulturâ. Sepultus est ergo Christi amicus & gloriosus Confessor Richarius in Ecclesiâ suâ, quam sub honore nostræ Dominæ Sanctæ Dei Matris Mariæ dudum ædificaverat, vii. Idus Octobris: in quo loco à parte capitis ejus beati Petri Apostolorum Primatis nunc altare habetur. Ibique longo quievit tempore in alio tumulto, donec post cl. & eo amplius annos à sanctis viris qui huic nostro Cœnobio præfuerunt, & maximè à sanctæ recordationis Angilberto Abbate omni venerabilitatis honorificentia excultum est; quod quomodo sit completum, Deo auxiliante, aliàs expedietur. Ibi autem, Deo præstante qui suos fideles novit clarificare, nova sæpe noscuntur miracula facta, quæ omnipotentem Dominum duabus ex causis conitat facere voluisse, ut scilicet fides precantium patefieret, & merita sui servi ostenderentur, quo in servo suo Christi semper laus celebretur, ut dictum est. Laudate Dominum in Sanctis ejus [ de quibus ea placet recordari quæ antiquorum industria, ut posterii scirent, scripturâ mandavit. ]

## CAPUT XXIII.

*De miraculis ad sepulchrum ejus peractis.*

**Q**uidam igitur contractus, corpore debilis, sed fide robustus frequentabat orando sancti Dei sepulchrum, qui optatâ subito sanitate receptâ, dat gloriam Deo, quod infirmus venit & sanus recessit. In cujus miraculi memoriâ, multo tempore sustentacula infirmitatis illius in Ecclesiâ S. Richarii pependunt. Multoties autem arrepticii & demoniis pleni cum propinquorum obsequio illuc deducti fuissent, divinâ concedente clementiâ à vexatione maligni spiritus statim liberabantur. Quodam verò tempore vinculati & catenati quidam per publicam ducebantur stratam, quæ propè Ecclesiâ Beati Richarii jacet, qui dùm eminus viri Dei viderunt templum, voce magnâ clamaverunt, S. Richarii solve nos: & statim ruptis vinculis, absoluti sunt omnes. Item gladiis magna, quæ vocatur pamicula seu venenosa lacerta, percussit quemdam è fratribus

monasterii S. Richarii, qui licet mortem timeret propter cladem, vitam tamen non desperavit propter patronum: ad sepulchrum ergo servi Dei quasi ad certa suffragia, cucurrit cum fratribus reliquis, ibique oratione factâ, & ipse continuò salvatus est, & omnes de cætero defensi sunt à plagâ. ]

## MYCON Diaconus &amp; Monachus.

**A**NNUA festivitas hodie celebratur honore Almi Richarii, qui colit astra poli.  
Hic inopem Christi duxit pro nomine vitam,  
Ut cælo socius fieret Angelicus.  
Captivorum etenim studuit fore satque redemptor,  
Tutor egenorum, atque pater inopum.  
Non opus est, fateor, neque possum stringere cuncta  
Vivens qua gessit, quanta etiam docuit.  
Qualis enim quantusque fuit, miracula pandunt,  
Illius in sacro sæpe peracta loco.  
Finibus in propriis ortus quibus ipse quiescit,  
Cujus pro meritis stat locus incolumis.  
Ipsius obtentu, necnon Christoque favente,  
Sistimus illæsi denique nos famuli.  
Quapropter hodie Christo jubilemus orantes  
Laudes, pro sancti Richarii meritis.  
Ut cunctis nostra placeant presentibus oda  
Nec minùs & Domino, hoc igitur moneo.  
Atque pium puro poscamus corde Patronum,  
Ut noster cuspis sit, simul & clypeus.  
Quatenus armati precibus superare queamus  
Infestos nimium Catholica Ecclesia.  
Hoc mundi facias Rector, quia hoc tibi posse est,  
Sit tantum velle, poscimus ô Domine.  
Et tibi festa dies, præceptor lata per annos  
En numero pauci versiculi hoc rogitant.

## CAPUT XXIV.

*De successionibus Regum Francorum.*

**Q**Uoniam quidem in initio hujus operis de gestis Francorum aliquid memoratum est, necesse remur, ac perpulerum est, ut quidpiam iterum de eisdem referamus. DAGOBERTUS igitur postquam post patris obitum regnum ex integro adeptus est, paucis annis vixisse deprehenditur: qui cum haberet duos filios SIGIBERTUM & CLODOVEUM; Sigibertum cum PIPINO Duce Austrasiis regnaturum direxit; Clodoveum verò secum retinuit, qui post eum regnum Francorum suscepit. Hic CLODOVEUS sumit in conjugium sapientem & valdè decoram puellam BALDETILDEM, ex quâ CLOTARIUM & HILDERICUM atque THEODERICUM filios suscepit. Quo etiam regnante PIPINUS Dux Austrasiarum mortuus est, atque GRIMOALDUS ipsius Ducis filius Major & Dux à Sigiberto Rege constituitur. SIGIBERTUS quoque mortuus reliquit filium heredem nomine DAGOBERTUM, quem Grimoaldus totondit, & per DIDONEM Pictavorum profanatorem, non dieo Episcopum, in exilium misit, filiumque suum Regem substituit. Quod cum Franci rescissent, indignè tulerunt, & per insidias Grimoaldum capientes, Regi Francorum Clodoveo miserunt, quem ille pro merito tractans, in carcere [ apud ] Parisius trussit, ac demum dignâ morte multavit. Tunc HILDERICUS ipsius CLODOVEI filius Austrasiarum regnum accepit, & honestissimè rexit. Postquam autem à vita decessit CLODOVEUS filius magni DAGOBERTI, CLOTHARIUS fastigium adeptus est regni, rexitque populum Occidentalium Francorum annis xiv. EBROINO Ducatum & Palatii negotia exequente. Clothario verò defuncto, HILDERICUS germanus ejus in toto regno sublimatus est, pro-

curante id ipsum LEODIGARIO Augustodunensium Episcopo, qui tunc temporis inter regni Magnates egregius animi industriâ, vitæque merito habebatur. Ebroinus autem, qui Major-domus fuerat, THEODERICUM fratrem HILDERICI cupiebat fieri Regem. Sed quia pro suâ scititate oderant illum Franci, consilium ejus omnino renuerunt: & ille videns se destitutum, consiliumque suum irritum factum, postulavit à Rege, ut relictis omnibus Monachus fieri permetteretur. Cui cum HILDERICUS annuisset, illico Luxovium perrexit, & mentis devotione ad hoc aliquamdiu ibi ceu Monachus deguit, ut liberius tractaret quid contra illos quandoque facere posset, qui in constituendo Rege suam refutaverant electionem. Rex igitur HILDERICUS confirmatus in regno, quotquot tyrannorum statuta adversum priscorum Regum leges invenit, destruxit, & in pristinum rectitudinis statum quæ ineptè fuerant decreta reduxit. THEODORICUM quoque germanum suum cuidam Dei servo erudiendum ac nutriendum commendavit. Cumque probissimè Monarchiam disponderet, temerè ab insidiatoribus interimitur, cum nonnisi tribus annis regno potitus fuisset; sed & venerabilis genitrix ejus, in omni sanctitate & studio virtutum perfecta, post temporalis regni honorem, quem ipsa relinquens Monasticæ religionis habitum susceperat, æterni gloriam suscepit, VIII. Kalend. Februarii feliciter migrans è sæculo. THEODORICUS igitur matri Baldeildi superstes regni suscepit gubernacula: quod cum audisset ille verus simulator, & falsus Monachus, nequissimus scilicet EBROINUS, Monasterium deseruit, habitum abjecit, & ab eodem Rege Major-domus Regiæ restitutus, multa mala his qui dudum suo consilio in eligendo Rege restiterant, infixit. Inter omnia autem suæ sævissimæ crudelitatis nefanda opera, illud detestabilissimum comprobatur, quod Reverendissimum Pontificem LEODEGARIUM tantis injuriis, tamque multiformibus affecit suppliciis, ut in ipsâ pœnarum argumentatione, paganorum quondam principum sævitiam æquiparasse, aut etiam superavisse jure dicatur. Hi ergo fuerunt Reges, qui ex quo cœpit regnum Francorum, usque ad hoc tempus habiti sunt. Meroveus, Childericus, Hlodovicus, Clotarius, Aripertus, Guntrannus, Chilpericus, Sigibertus, Clotarius, Hildebertus, Theodoricus, Theodebertus, Sigibertus, Dagobertus, Sigibertus, Clodoveus, Dagobertus, Clotarius, Hildericus, atque Theodoricus.

# CAPUT XXV.

*De Abbate OCIOALDO, & aliis quatuor Abbatibus.*

**A**T nunc illud poni decet, quod decedente sanctissimo Abbate Richario, OCIOALDUS vir honestus Centulensi Cœnobio præfuerit, quem, ut supra comprehensum est, sanctus ipse tali officio decorarat. Hic consummato sanctæ vitæ cursu fidei, bravium à Christo accepit gloriæ immortalis. Postquam verò debito nostræ mortalitatis absolutus est, lucidum nobis non est, quem statim ministerii habuerit successorem. Exstiterunt sanè & alii non ignobiles viri hujus nostri Cœnobii Abbates, quorum gesta licet sint occultata hominibus, eorum tamen vitæ merita apud Deum magna fore creduntur; inter quos floruit vir venerabilis vitæ, & summæ simplicitatis Abbas COSCHINUS, quem ferunt ex discipulis sancti Filiberti fuisse, & ob morum probitatem scientiæque ubertatem Gemmeticensi Monasterio præfuisse. Si quidem cum sacratissimus Pater noster Richarius, superato in hujus vitæ procinctu sæculo,

jam emeritus miles & morti proximus haberetur, B. FILIBERTUS juveniles annos in Dei servicio exercebat, continentissimæ servitutis tirocinium gerens in Resbaciensi Cœnobio sub sancto Abbate AGILO. Unde & contigisse fertur, ut ab eo jam sene Gemmeticensi Cœnobium fundante, iste Coschinus divinis institutis fuerit eruditus, & meritò vitæ post alios quosdam ipsi Monasterio præfuerit. Sicque factum est, ut dum illuc Monachos verbis & rectorum operum exemplis opimat, nostros cum Monachi sibi Abbatem præfecerint: non quia inter eos defecisset, qui hoc opus dignè exequi posset, sed quia charitas summa & humilitatis altitudo ad hoc eos compulerit. Eo enim tempore jam omnes è sæculo migraverant qui sanctissimum Patrem Richarium videre potuerant; & ob hoc hujus loci Fratres, magno penes eum ducti sunt amore, quia videlicet suis oculis viderat B. Filibertum, Beatissimi Richarii ferventissimum, ut dicebant, dilectorem. Iste itaque cum jam, ut diximus, Gemmeticum Cœnobium regeret, nostro quoque Cœnobio fraternâ electione prælatus est. Hic ad incitamentum virtutis, & ad exemplum ædificationis animarum sibi commissarum, B. Filiberti vitam describi jussit, verò quidem sed non valdè culto sermone; quippe qui sic loqui gestiebat, ut & simpliciores ex lectione admodum planè fructum intelligentiæ capere possent. A tempore ergo hujus Abbatis Centulensi Cœnobio & Gemmeticensi ita ad invicem ex multâ charitate se complectuntur, ut præter quod locis dividebantur, summâ dilectione viderentur uniri.

Tunc verè sancti & boni Fideles non valdè curabant scriptis quæ gerebantur committere, qui ad hoc solum contendebant, ut in libro vitæ mererentur adscribi. Unde & illius temporis Abbates, ex toto prorsus ignorassemus, nisi venerabilis Abbas ANGELRANNUS ex aliquanto id procurasset. Qui dum priscorum Abbatum Catalogum perstringeret, ex iis unum fuisse insinuavit GUITMARUM, quem & sanctissimum virum titulavit. Et quia tantiviri tale meruit testimonium, dignum est ut à nobis pusillis memoretur, qui viri verè sancti ore sanctissimus est notatus. Hic in Neutria solo humatus quiescit, & in suo nomine dicata Ecclesia existit; qui quantæ sanctitatis & justitiæ fuerit, nos quidem non occurrimus dicere, sed his qui ejus corpori sancto deserviunt Canonicis prædicandum committimus. Hunc itaque in ordine nostræ descriptionis quartum Abbatem ponimus.

Post istos Reverendos Abbates quinto loco dicitur Centulæ congregationem rexisse ALDRICUS, de cujus gestis apud nos nulla indicia visuntur, cum & ipsum ejus nomen ignorassemus, nisi hoc venerandi Abbatis industria Angelranni revelasset.

Aldrico quoque de medio facto, Centulo Monasterio præfuit SYMPHORIANUS, vir bonus, castus, Deum timens, segregans se à peccatoribus, & excellior cælo mentis puritate effectus.

Horum itaque tempore Abbatum tam magna & tam frequentia apud tumultum sacratissimi corporis B. Richarii divinitus patrabantur magnalia, ut etiam rerum immensitas atque magnitudo illius temporis scriptoribus omnino abstulerit scriptitandi voluntatem, dum ea quæ quotidie cernebant superfluum æstimarent; vel tarditate ingenii, seu rerum inopiâ verarentur describere, quæ nec memoriâ aboleri unquam posse putabant. Non solum autem in hoc, ubi corpore Sanctus quiescebat, sed etiam in Foresti loco, ubi aliquamdiu moratus fuerat, ingentia miracula sapissimè ostendebantur. Sciat verò legens hanc Forestensem Cellulam à die Sanctissimi obitus B. Richarii fuisse decenter à Fratribus excultam, &

P p. iij

Angelrannus Abbas Catalogum Abbatum conscripsit. Guitmarus quartus Abbas.

V. Abbas Aldricus.

VI. Symphorianus.

Coschinus Abbas Centulensis.



qualem hic habuit locus, talem & ipsam Cellam obtinuisse Abbatem, ut pote qui ab initio habuerant unum eundemque sacratissimum Fundatorem.

Postquam ergo B. Patris Richarii, qui nostræ fidei & religionis fundamentum exstitit, ex aliquâ parte vitam digessimus, quam & huic quoque operi stabilimentum & decorem posuimus, habeant sibi nostra Gymnasia hanc portionem pro libello, ut à loquutione diu habitâ, noster interim spiritus conticescens ex modicâ quiete validior ad dicendum reddatur. Nunc autem Deo Patri & Filio pro præstitis gratias exhibentes, & in dicendis sancti Spiritus gratiam expetentes, textulum finiamus: orantes ut in verbo & actu sanctæ Trinitatis virtute dirigamur, cujus nos confessio gloriosos faciat in sæcula sæculorum, Amen.



## LIBER SECUNDUS.

### CAPUT PRIMUM.

#### *De Genealogia Francorum Principum.*

**S**uperiori libello innotuit quanto & quali Fundatore hoc Monasterium Centulense originem vel initium sanctitatis acceperit, & qualiter ipse primus Pastor noster vixerit in mundo, vel qualiter infertus sit cælo: sicque seriatim ad sextum usque nostri loci Abbatem noster sermo perductus est. Tandem igitur septimum designemus, cui jure septenarius numerus compensatur ob gratiam Spiritus sancti, cui is quem dicere habemus, habitatio exstitit gratiosa. **ANGILBERTUS** hic est Deo & hominibus carus, genere splendidus, virtute præcipuus, Regum & Procerum alumnus, & nunc multo latius pro Angelorum societate beatus. Sed quia nobilitatem nostri loci ex aliquanto perstringere proposuimus, quem nobilitatum jam ex primi fundatoris sanctitate signavimus, dignum est ejus viri nobilitatem à nobis pro posse explicari, cujus opere & industriâ idem locus noster magnificè meruit ampliari.

754.

Anno igitur Incarnationis Dominicæ **DCCLIV.** Cùm **PIPINUS** cum filiis **KAROLO** & **KARLOMANNO** Francorum orbi imperaret, omnium bonorum laude semper attollendus Angilbertus indole suæ nobilitatis jam dictos Reges sic in sui amorem converterat, ut miro modo visceraliter illum diligere, & verso modo Reges quibus ab aliis placere studetur, huic præ affectu dilectionis placere studerent. Inde autem hunc arbitramur honestari libellum, si & horum quoque Regum Genealogiam breviter annotemus. **Quartus** Rex Francorum **CLOTARIUS**, illius quem sanctus Remigius baptisavit Hlodovici filius, genuit filiam nomine **BLITHILDEM**, quam **ANSBERTUS** vir Senatoriæ dignitatis meruit uxorem, ex quâ genuit **ARNOLDUM**, **FERIOLUM** ac **MODERICUM** fratres, **ARNOLDUS** generavit **ARNULFUM**, primò quidem sub Clothario Dagoberti patre Palatii Præfectum, postea autem Mettensis urbis Episcopum. **ARNULFUS** genuit **FLODULFUM**, **ANSEGISUM** & **GUALCHISUM** B. Guandregisili genitorem. **ANSEGISUS** post patrem Major & Præfectus genuit **PIPINUM** Seniore & Ducem, qui & ipse genuit **KARLUM** itidem Seniore & Ducem. Ansegiso igitur, filioque ejus Pipino humanam ob-euntibus vitam, **KARLUS** totius gentis Francorum magistratum, quamquam post multa bella & certamina, de manu **RAINFRIIDI** tyranni abstulit, suæ-

que ditioni subegit. Denique rebus bellicis operosissimè insistens, tyrannos per totam Franciam sibi dominatum vendicantes oppressit, ob eamque rem plurima juri Ecclesiastico detrahens prædia fisco sociavit, ac deinde militibus propriis dispersit. Præterea Sarracenos Galliam occupare tentantes duobus permagnis præliis, uno in Aquitaniâ apud **Pictavum**, altero verò apud **Narbonam** juxta **Byrram** flumen ita devicit, ut in Hispanias redire compulerit. Itaque cum adversantibus nullatenus cedere sciret, nullique parcere, durum à posteris **Tudites** agnomen adeptus est. **Tudites** enim mallei dicuntur fabrorum, quorum ictibus cuncta atteritur durities: **Pepigit** hic fœdus cum **LEUTBRANDO** Rege **Langobardorum**, eique filium suum **PIPINUM** misit, ut more fidelium Christianorum ejus capillum primus attonderet, ac pater illi spiritualis existeret. Quod ille gratantissimè complens, multis ditatum muneribus genitori natum remisit. Rebus itaque humanis eo post diutinam administrationem exempto, duo filii ejus **PIPINUS** & **KARLOMANNUS** regni summam concordie societate divisam aliquot annis sub **CHILDRIKO**, nomine tenus Rege, gubernaverunt. Nam in illo tempore decedente Regali gloriâ, per Præfectos Palatii Domus Regia ordinabatur: neque aliud Regi relinquebatur, quam ut Regio solum nomine contentus solio resideret, ac speciem dominantis effingeret, Legatos undecumque venientes audiret, eisque abeuntibus responsa quæ erat edoctus, vel potius jussus, ex suâ velut potestate redderet; at regni administrationem, & omnia, quæ vel domi vel foris erant agenda ac disponenda, Præfectus Aulae procurabat.

### CAPUT II.

#### *Ut KARLOMANNUS, concessâ fratri portione Ducatus, Monachus factus sit.*

**KARLOMANNUS** itaque post aliquantum temporis spatium excursum, regni partem, quam ad regendum susceperat, fratri **Pippino** relinquens, amore succensus speculativæ vitæ Romam sese contulit, atque in Monasterio S. Silvestri, quod erat in monte Soractim, aliquamdiu conversatus est sat religiosè; sed cum Francorum populi, qui obtentu **B. Petri** Apostoli Romam petebant, illo diverterent, eumque frequentius inviserent, videns hoc suo proposito officere, recessit inde, atque postea **Cassinense Cœnobium**, quod tunc à quodam religiosissimo viro nomine **Petronace** restaurabatur, inhabitavit. Igitur **PIPPINUS** regni Francorum summam consequutus, jussu **STEPHANI** Romani Pontificis, qui tunc temporis **Parilius** morabatur, ob nequitiam **Langobardorum** pulsus Italiâ, **HILDRI-CUM** inertissimum Regem depositum ac detonsum privatè vivere compulit. Genuerat autem & ipse ex uxore **BERTRADA** duos filios, **KARLOMANNUM** & **KAROLUM**. Prædictus autem Papa cum diutius **Parilius** moraretur, contigit eum gravissimè infirmari, sed apparentibus sibi sanctis Apostolis **Petro** & **Paulo**, sanctoque **Dionysio**, quod & sanandus, ac propriam sedem esset cum pace reversurus, audivit: quique sospitate receptâ, cum in ipsâ **Dominicâ** Nativitatis solemnitate apud **Beatum Martirem Dionysium** divina celebraret officia, inter ipsa **Missarum** sacro-sancta mysteria unxit **Pippinum** cum uxore **Bertradâ**, & duobus filiis, in Reges **Francorum**.

**Pippinus** denique annis duodecim superstes, duobus filiis regni successionem reliquit: è quibus **Karolus** moriente germano **Monarchiam** solus obtinuit. Cui clarissimus vir **ANGILBERTUS** nobilitatis

Pippinus Rex à  
Stephano Pa-  
pa initiatus.

Angilbertus  
in conjugium  
Bertam ducit.

VII. Abbas  
Angilbertus.

IV. Rex Fran-  
corum Clota-  
rius.  
Ejus poster.

& sapientiæ merito exstitit carissimus, adeo ut præ omnibus ei familiarissimus haberetur; quæ amicitia in tantum convaluit, ut Regis filiam nomine BERTAM in conjugium acciperet, de quâ duos filios HARNIDUM & NITHARDUM genuit. Cui etiam ad augmentum Palatini honoris, totius maritimæ terræ Ducatus commissus est.

Erat eo tempore hoc Centulense Cœnobium, à sancto dudum Richario fundatum, à Monachis satis honestè Deo famulantibus hæcenus inhabitatum, qui morum quidem divitiis plenam, sed rebus sæculi non valde locupletem vitam ducebant: non quòd eis prædiorum ac reddituum seu villarum à sancto Richario collata deesset copia, sed quòd omnes redhibitionum impensas in pauperum magis quam in suas utilitates conferebant. ANGILBERTUS itaque cum accepto Ducatu Pontivum inviseret, à Provincialibus auditit signa & prodigia virtutum, quæ omnipotens Christus ad sepulcrum sui sanctissimi Confessoris Richarii jugiter operabatur: quæ opera in corde ejus magnum huic loco amorem conciliaverunt; unde & exhibitio operis quæ est probatio dilectionis, extemplo prosequuta est: nam impetratâ ab Imperatore Karolo complendi voti licentiâ, simulque intimato cordis sui desiderio, quo S. Richarii Ecclesiâ reficere ambiebat, accepit ab eodem Rege cum omni favorabilitate benignam responsionem, solamen & adjutorium suum illi nunquam defuturum spondente. Aperiantur illi jubente Rege thesauri ingentes, & quidquid vel quantum vellet inde tollere rogatur, quo dilectissimi viri intentio diligentissimè compleretur. Ita post libatâ dulcis amicitiae oscula, venerabilis Angilbertus Pontivum ac Centulam regreditur, & in Monasterio sanctissimi Patris Richarii Monachi indumentum, & verè humilitatem suscepit. Itaque post non multum temporis Abbas loci defungitur, & tam Fratrum precatu, quàm Regis jussu Angilbertus continentia & humilitate revera Monachus, ad hoc officium provehitur. Quod postquam factum est, artifices doctissimos ligni & lapidis, vitri & marmoris, Angilberto dirigit Regia potestas. Exinde quia tam pro amore sancti Richarii, quàm pro dilecto suo Angilberto, Centulense Monasterium omni honorificentia attollere cupiebat, direxit vehicula fortia & multa in urbem Romam, ut marmor & columnæ ad ornatum jam dictæ Ecclesiæ deferrentur: nec hoc contentus, dirigit Legatos per regna & civitates, jubens subditis, rogans à non subditis, ut sibi mittant Reliquias de Sanctis quos diversa loca habebant: quòd si quis nosse vult quæ & quales Sanctorum Reliquiæ huc allatæ sunt, non noster sermo, sed ipsius Domini Angilberti scriptura demonstrabit; quæ paulò post inseretur.

### CAPUT III.

#### De readificatione Centuli Monasterii.

ANGILBERTUS igitur Dei fretus auxilio, & Domni Karoli assensu & largitate omnimodâ, primò dejiciens illud antiquum à sancto Richario locatum templum, magnâ & insigni prudentiâ novi fundamenta conjecit: ob hoc autem vetustum deposuit, quia S. Richarii venerabile corpus ibidem tumulo tenebatur, & voti ejus erat super sancta ejus membra componere elegantem Basilicam. Piiſſimus autem Rex Karolus ex suis; ut dictum est, thesauris tantam & tam immensam eidem delegavit pecuniam, ut ad omne opus necessarium, mercede abundante ante deficeret quis operaretur, & quod operaretur, quàm unde operarius remuneraretur. Cum ergo marmoreæ columnæ in butico eri-

gerentur, una inter erigentium manus lapsa in duo frustra contracta est: extemplo tantus omnes qui aderant dolor excepit, ut eâ die nihil operis percomplerent. Mane factò dum redirent artifices, excogitaturi quonam modo ipsi fracturæ moderentur, viderunt columnam stantem super basim suam nihil læsuræ habentem. Angelus quippe Domini veniens, & suo digito scissuram perpalpans, integerrimam dicto citius restituit. Monstratur verò ipsum Angelicæ manûs vestigium; ita ut intuentibus videatur manere divisa, cum ipsum locum teneat fortio-rem. Multo igitur apparatu, summâque diligentia, ac eximio decore inchoatum est construi Monasterium, atque in honore Salvatoris, sanctique Richarii, fulgentissima Ecclesia, omnibusque illius temporis Ecclesiis præstantissima, perfecta est. Hæc ab Oriente habet ingentem turrem post cancellum, & interposito vestibulo aia turris versùs Occidentem habetur priori æqualis: illa autem quæ ad Orientem vergit propè locum sita est quo sanctus Richarius sepulturam habuit. Sepultura verò ipsa ita posita est, ut à parte pedum ipsius Sancti altare sit in loco editiori, & à parte capitis sancti Petri Apostoli ara persistat. Turris ergo Orientalis cum cancello & butico sancto Richario dicata est; & turris Occidentalis in honore sancti Salvatoris specialiter est dicata: ubi etiam in gyro deintus hos versiculos scribere fecit memorabilis Angilbertus.

O Mnipotens Dominus qui celsa vel imò gubernas,  
Majestate potens semper ubique Deus.  
Respice de solio Sanctorum gloria summo,  
Auxiliumque tuis Rex bone da famulis.  
Principibus pacem, subiectis adde salutem;  
Hostis pelle minas, & fera bella preme.  
Hæc quoque quæ statui fulgentia culmina templi  
ANGILBERTUS ego, sint tibi grata Deo.  
Augusto & KAROLO, cuius virtute peregi,  
Concede imperii gaudia magna tui.  
Quisquis & hic summas precibus pulsaverit aures,  
Effectum tribuas semper habere Deus.

Videtur usque hodie in pavimento choritam pulchra & tam distincta marmoris operatio; ut quicumque illud inspicit incomparabile opus asseveret. Sanè coram altare S. Richarii fecit pingere in ipso pavimento quosdam versiculos, quos nos hîc quoque necessariò mittere curamus.

Hoc pavementum humilis Abbas componere feci  
Angilbertus ego, ductus amore Dei.  
Ut mihi post obitum sanctam donare quietem  
Dignetur Christus, vita, salusque mea.

Enimverò quia antiqua illa sancti Richarii Ecclesia in honore sanctæ MARIE fuerat consecrata, ne videretur venerabilis vir Dei matrem exhonoralſe, alteram ei construxit, quæ citrà fluvium Scarduonem hæcenus consistit. Sancto quoque Benedicto Abbati unam extruxit, quam super ripam jamdicti fluvii collocavit. Si igitur situs loci discernatur, animadvertitur major Ecclesia, quæ sancti Richarii est, Aquilonem tenere; secunda inferior, quæ in honore nostræ Domine S. MARIE citrà fluvium Scarduonem sita est, Austrum; tertia, quæ minima est, Orientem. Claustrum verò Monachorum triangulum factum est, videlicet à S. Richario usque ad S. MARIAM tectus unus: à sancta MARIA usque ad S. Benedictum tectus unus; Itemque à S. Benedicto usque ad S. Richarium tectus unus. Sicque fit, ut dum hinc inde parietes sibi invicem concurrunt, medium spatium sub divo triangulum habeatur. Monasterium igitur secundum decretum Regulæ sanctissimi Benedicti, ita dispositum fuit, ut omnis ars, omneque opus necessarium intrâ loci

Monachus induit in Centulensi Cœnobio.

Fit Abbas.

ambitum exercebatur. Aqua autem torrentis Scardionis ipsum Claustrum præterfluit, quæ & ibi farinarium Fratrum in vertiginem mittit. Sed quia nos de situ loci hæc breviter diximus, Monasterii dedicationem jam modo disseramus: quæ tamen non nostris verbis, sed Domni Angilberti scripto hodieque permanenti demonstranda est: cujus tale est exemplar.

## CAPUT IV.

*Scriptura Domni ANGILBERTI de perfectione & dedicatione Centulensis Ecclesiæ.*

**E**GO igitur præscriptus ANGILBERTUS confidens, ac diligentissimâ investigatione, & mentis affectu pertractans, qualiter unâ cum consensu Fratrum meorum & omnium fidelium sanctæ Ecclesiæ, cæterorumque bonorum hominum, hunc sanctum locum mihi licet indigno ab omnipotente Deo, & Excellentissimo domino meo Karolo Serenissimo Augusto, ad gubernandum commissum auxiliante Domino in melius reedificare voluissem; ut Monachi, & cæteri famuli ibidem consistentes, vel etiam successores nostri qui per diversa temporum spatia successuri erunt, Deo militare, pro me, & pro prædicto domino meo, ejusdem Dei clementiam attentius valeant implorare, quatenus illis facta nostra ad perpetuam consolationem, nobisque, qui pro Dei amore laboravimus, illis orantibus ad mercedem proficiant sempiternam: secundum quod ratio permittit, & possibilitas nostra administravit, non tamen quantum volumus, sed quantum occurrimus, sicut in sequentibus declaratur: laborare curavimus.

Quia igitur omnis plebs fidelium sanctissimam atque inseparabilem Trinitatem confiteri, venerari, & mente colere firmiterque credere debet, secundum hujus fidei rationem in omnipotentis Dei nomine tres Ecclesias principales, cum membris ad se pertinentibus, in hoc sancto loco, Domino cooperante, & prædicto domino Augusto juvante, fundare studuimus: quarum major & prima est in honore Sancti Salvatoris & S. Richarii; alia in honore Sanctæ Dei Genitricis, semperque Virginis Mariæ & sanctorum Apostolorum; tertia verò in Claustro Fratrum in honore S. Benedicti Abbatis & reliquorum sanctorum regularium Abbatum. Quæ etiam mirifico ordine dedicatæ sunt à venerabilibus duodecim SS. Episcopis, quorum nomina ob venerationem & memoriam illorum huic Opusculo annectanda esse judicavimus. Hi sunt, MEGIMHARDUS Rodomenis Ecclesiæ sedis venerabilis Archiepiscopus, GEORGIUS, ABSALON, GERFRIDUS, PLEON, HILDIGUARDUS, THEODOINUS, YDELMARUS, BENEDICTUS, & KELLANUS, Præclarissimi Episcopi: JOANNES verò & PASSIVUS, sanctæ Dei Romanæ Ecclesiæ Legati, Præsules nobilissimi. Nam altare S. Salvatoris, in quo positæ sunt reliquæ ejus & SS. Innocentium, qui pro eo passi sunt; & altare S. Richarii, in quo sunt reliquæ sanctæ genitricis Mariæ, & ejusdem S. Richarii: altare S. Petri, in quo reliquæ ejus, & S. Pauli, Sanctique Clementis: altare S. Joannis Baptistæ, in quo reliquæ ejus, & Zachariæ patris ipsius: altare S. Stephani, in quo reliquæ ejus, & Simeonis qui Dominum in ulnas suscepit: altare S. Quintini, in quo reliquæ ejus, & SS. Crispini & Crispiniani: altare S. Crucis, in quo reliquæ ligni ipsius: altare sancti Dionysii, in quo reliquæ ejus, Rustici, & Eleutherii: altare S. Mauricii, in quo reliquæ ejus, Exuperii & Candidi: altare sancti Laurentii, in quo reliquæ ejus, Sebastiani & Valeriani: & altare sancti Martini, in quo reliquæ ejus, & Remedii, Vedasti,

Medardi, Gualarici, Lupi, Servatii, Germani, atque Eligii. In Ecclesiâ verò, S. Benedicti, altare ipsius, in quo sunt reliquæ ejus, & Antonii & Columbani: altare S. Hieronymi, in quo reliquæ ejus, Ephrem, & Equitii: & altare S. Gregorii, in quo reliquæ ejus, Eusebii, & Isidori; ab eisdem jamdictis electissimis viris condignè, ac diligentissimè, cum ingenti gaudio sub die Kal. Januarii fuerunt Domino consecrata. In Ecclesiâ etenim beatæ Mariæ Virginis altare ipsius, in quo reconditæ sunt reliquæ ejus, & sanctorum Felicitatis, Perpetuæ, Agathæ, Agnetis, Lucæ, Cæcilie, Anastasiæ, Geretrudis & Petronillæ: altare S. Pauli, in quo reliquæ ejus, Barnabæ, & Timothei: altare S. Thomæ, in quo reliquæ ejus, Ambrosii & Sulpicii: altare S. Philippi, in quo reliquæ ejus, Silvestri & Leonis: altare S. Andreæ, in quo reliquæ ejus, Georgii, & Alexandri: altare sancti Jacobi, in quo reliquæ ejus, Xylti, & Apollinaris: altare beati Joannis Evangelistæ, in quo reliquæ ejus, Lini & Cleti: altare sancti Bartholomæi, in quo reliquæ ejus, Ignatii, & Polycarpi: altare S. Simonis, in quo reliquæ ejus, Cosmæ & Damiani: altare sancti Matthæi, in quo reliquæ ejus, Marci, & Lucæ: altare S. Thaddæi, in quo reliquæ ejus, Nazarii & Vitalis: altare sancti Jacobi fratris Domini, in quo reliquæ ejus, Gervasii & Protasii: altare sancti Matthiæ, in quo reliquæ ejus, Hilarii & Augustini: VI. Idus Septembris in ejus sacratissimâ Nativitate à venerabilibus Episcopis, GEORGIO videlicet ABSALONE, PLEONE & GERFRIDO honore dignissimo sunt dedicata. Sed & altare beati Archangeli Gabrielis, quod est situm in portâ meridianâ, VIII. Kal. Aprilis in Annuntiatione S. Mariæ: Michaëlis verò, quod est in portâ Occidentali, III. Kal. Oct. ab HILDEGUALDO venerabili Episcopo: Raphaëlis autem, quod est in portâ Septentrionali, II. Non. Septembris, in honore ipsorum Archangelorum, omnium virtutum cælorum, à JESSE religioso Episcopo optimè sunt consecrata.

Reliqua verò mœnia ipsius Monasterii eodem Domino cooperante quæ hætenus conspiciuntur constructa, sicuti cernuntur, omnia à fundamentis studuimus reedificare, & ut habitatores illius in eo Missarum solemnias frequentare, & omnipotenti Domino delectentur deservire, ipso adjuvante, muro curavimus firmiter ambire.

## CAPUT V.

*De Reliquiis quas de diversis Provinciis in hunc sanctum locum congregavit, & de Capsis quibus habentur recondita.*

**D**UM enim præscriptas Ecclesias prudenti consilio in honore Domini nostri JESU-CHRISTI, suæque gloriosæ Genitricis, & Omnium Sanctorum ejus, sicut supra scriptum est, fundatas perspicere-mus, magno desiderio, nimioque ardoris amore sumus accensi, ut secundum possibilitatem nostram, eodem Domino miserante, partem Reliquiarum illorum Sanctorum ad ornandas easdem sanctas Dei Ecclesias adipisci mereremur: quapropter totis viribus totaque mentis intentione laborare contendimus, qualiter per auxilium omnipotentis Dei, & adjutorium gloriosi Domini mei magni Imperatoris, de diversis partibus totius Christianitatis, quantas, & quales, vel unde allatas recondere in hoc sancto loco valuissimus, prout in consequentibus patet. Id est in primis de sanctâ Romanâ Ecclesiâ, largiente bonæ memoriæ Adriano Summo Pontifice, & post eum venerabili Leone Papa Romano. De Constantinopoli, vel Hierosolymis, per Legatos illuc à Domino meo directos, ad nos usque delatas. Deinde

de de Italiâ, Germaniâ, [ Aquitaniâ, ] Burgundiâ, atque Galliâ à Sanctissimis Patribus, Patriarchis videlicet, Archiepiscopis, necnon & Episcopis, atque Abbatibus, nobis directas, seu etiam de sacro palatio quæ per tempora ab anterioribus Regibus, & postea à jam dicto Domino nostro maximæ sunt congregatæ, per ejus eleemosynam, de omnibus partem habere, atque in hoc sancto loco condignè recondere meruimus. Sed de his, de quibus certi fuimus, & à prædictis sanctissimis viris breves recepimus, omnium illarum nomina in hoc opusculo inferere non negleximus, quatenus à nobis & à cunctis successoribus nostris, qui per tempora in hunc sanctum locum successuri sunt, & hoc nosse voluerint, magis nomen Domini nostri JESU-CHRISTI, per quem nobis licet indignis, hæc & cætera bona largita sunt, per omnia & in omnibus semper glorificaretur, qui est benedictus in sæcula. De cæteris verò Reliquiis, de quibus incerta sunt nobis nomina, ab eisdem sanctis Patribus receptis, minimè scripsimus; cæterarum autem, sicut decrevimus nomina, isto ordine notare curavimus. Primùm Reliquias Domini & Salvatoris nostri, & ejus gloriosæ Genitricis, & Sanctorum Apostolorum, & cæterorum Martyrum, postea Confessorum, necnon autem Sanctarum Virginum atque continentium subsecuti sumus.

RELIQUIÆ DOMINI SALVATORIS.

De ligno Domini.  
De veste ejus.  
De sandaliis ejus.  
De præsepe ejus.  
De spongiâ ejus.  
De Jordane ubi baptizatus est.  
De petrâ ubi sedit quando v. millia hominum pavit.  
De pane unde distribuit Discipulis suis.  
De Templo Domini.  
De candelâ quæ in Nativitate ejus accensa est.  
De monte Oliveti ubi oravit.  
De mensâ ejus.  
De monte ubi transfiguratus est.  
De columnâ ubi flagellatus est.  
De ligaminibus unde ligatus est.  
De petrâ unde Crucem ascendit.  
De clavis unde crucifixus est.  
De loco Calvarie.  
De buccella ubi fel & acetum mixtum fuit.  
De petrâ super quam sanguis de latere ejus stillavit.  
De Sepulcro Domini.  
De lapide revoluta ab ostio monumenti, necnon & de sepulcro Innocentium, qui pro eo passi sunt.  
De monte Horeb, vel etiam de lignis trium tabernaculorum.  
DE LACTE SANCTÆ Mariæ.  
De capillis ejus.  
De veste ejus.  
De pallio ejus.  
DE BARBA SANCTI PETRI.  
De sandaliis ejus.  
De casulâ ejus, & de mensâ ejus.  
De mensâ sancti Pauli.  
De orario ejus.  
De cippo in quo missus fuit.  
De cruce sancti Andreæ.  
De manna sancti Joannis Evangelistæ.  
De Reliquiis Apostolorum Jacobi, Philippi, Thomæ, Bartholomæi, Matthæi, Simonis, Thaddæi, Matthiæ, Barnabæ, & Timothei.  
De ossibus Zachariæ Patris sancti Joannis Baptistæ.

Tom. II.

Reliquiæ Beati Simconis qui Dominum in ulnas suscepit.  
De capillis Beati Joannis Baptistæ.  
De sanguine ejus.  
De veste ejus.  
De costis sancti Stephani.  
De lapide unde lapidatus est.  
De craticulâ sancti Laurentii.  
Digitus sancti Apollinaris.  
De spongiâ sancti Symphoriani, & de veste matris ejus.

RELIQUIÆ MARTYRUM.

S. Pancratii.	Hippolyti.
Vigilii.	Christophori.
Silvii.	Felicitis.
Martyrii.	Mauricii.
Pamphili.	Candidi.
SS. Geminorum.	Exuperii.
Fabiani.	Victoris.
Valerii.	Innocentii.
Pergentini.	Benigni.
Colmæ.	Dionysii.
Damiani.	Rustici.
Anastasii.	Eleutherii.
Georgii.	Cornelii.
Alexandri.	Leodegarii.
Cassiani.	Sixti.
Magni.	Firmini.
Vitalis.	Saturnini.
Nazarii.	Quintini.
Naboris.	Valentini.
Celsi.	Marcelli.
Gervasii.	Luciani.
Protasii.	Crispini.
Innocentis.	Crispiniani.
Laurentii.	Et de ossibus xl. Martyrum : & de sanguine aliorum multorum.
Tiburtii.	
Valeriani.	

RELIQUIÆ CONFESSORUM.

S. Hilarii.	Isaac.
Martini.	Vincentii.
Germani.	Antonii.
Medardi.	Paulini.
Audoeni.	Fortunati.
Eligii.	Simpliciani.
Amandi.	Gualarici.
Lupi.	Vedasti.
Aventini.	Reliquiæ ex corporibus Sanctorum quæ condidit Paulinus Papa.
Sulpicii.	Reliquiæ sancti Megimboldi.
Remedii.	Praeci.
Maurilionis.	Eugenii.
Albini.	Fronti.
Servatii.	Fidelis.
Hieronymi.	Asterii.
Equitii.	Simpliciani.
Effrem.	Faxidi.
Gregorii.	Astogii.
Augustini.	Gissarii.
Leonis.	Sperati.
Silvestri.	Roberti.
Felicitis.	Galemeri.
Isidori.	Osqualdi.
Donati.	
Benedicti.	
Columbani.	

RELIQUIÆ VIRGINUM.

Felicitatis.	Agathæ.
Perpetuæ.	Eugenæ.

Q 9

Theclæ.  
Cæcilæ.  
Petronillæ.  
Euphemæ.  
Faustæ.

Eufraziæ.  
Aldegundis.  
Columbæ.  
Feliculæ. atque  
Scholasticæ.

Huc usque de certis Sanctorum Reliquiis, de quibus à SS. Patribus, qui eas nobis largiti sunt, nomina certa recipimus, separatim Martyres vel Confessores descripsimus. Deinceps autem distinctè aliorum Sanctorum nomina sive Martyrum, vel Confessorum, quia non invenimus minimè scripsimus.

His ita, sicut paulo superius scriptum est, honorificè, decenterque reconditis, in nomine sanctæ Trinitatis cum multâ diligentia paravimus capsam majorem auro & gemmis ornatam, in qua posuimus partem supra scriptarum Reliquiarum, quam cum ipsis ob venerationem illorum Sanctorum, quorum Reliquia in eâ recondi videntur, subtilius cryptam sancti Salvatoris ponere studuimus: nam cæterorum Sanctorum Reliquias, quæ supra leguntur adscriptæ, per alias XIII. capsas minores auro argentoque, vel gemmis pretiosis honestissimè paratas, quas à sæpe dictis venerabilibus Patribus cum eisdem Reliquiis donante Domino adipisci meruimus, dividere, atque super trabem, quam in arcu coram altare beati Richarii statuimus, ponere curavimus: qualiter in omnibus, sicut dignum est, laus Dei, & veneratio omnium Sanctorum ejus, in hoc sancto loco semper adoretur, colatur, atque veneretur.

#### CAPUT V.

*De Altariis, & Altariorum Sanctique [RICHARII] ornatu.*

Cumque præscriptorum Sanctorum venerationi altaria ordinata, atque de eorum Reliquiis venerabiliter, ut supra legitur, à nostrâ parvitate essent ornata, diligenti curâ tractare cœpimus, qualiter ea ad laudem & gloriam Domini nostri JESU CHRISTI, ob venerationem Sanctorum omnium, in quorum honore sunt consecrata, de donis Dei, & largitate magni Domini mei, ejusque nobilissimæ prolis, vel reliquorum bonorum hominum liberorum, mihi ab illis collatis, opere fabrilis in auro, argento, & gemmis ornare etiam, & ubi loca convenientia existerent de super ciboria ponere potuissimus, sicut prout eodem Domino cooperante valuimus, facere studuimus. Id sunt in Ecclesiâ sancti Salvatoris, sanctique Richarii altaria fabricata undecim, ciboria duo, lectoria auro, argento & marmoribus parata duo. In Ecclesiâ sanctæ Dei Genitricis MARIE, & Sanctorum Apostolorum altaria fabricata XIII. Ciborium unum, & lectorium optimè paratum unum. In Ecclesiâ sancti Benedicti altaria parata tria. In Ecclesiis verò Sanctorum Angelorum Gabriëlis, Michaëlis, Raphaëlis, altaria tria, quæ simul sunt altaria xxx. & ciboria III. & lectoria III. Nam de aliis vasis & suppellectilibus habentur [cruces] in eisdem Ecclesiis auro, argentoque paratæ XVII. coronæ aureæ II. lampades argenteæ VI. cuprinæ auro argentoque decoratæ XII. poma aurea III. calices aurei cum patenis II. Calix unus aureus magnus cum imaginibus simul & patenâ; alii calices argentei cum suis patenis XII. offertoria argentea x. ad caput S. Richarii tabula auro & argento parata una. Ostia majora auro & argento parata II. alia minora II. alia ostiola similiter parata duo, balteum aureum i atramentarium optimum argenteum auro paratum i. cultellus auro & margaritis paratus i. codex eburneus auro, argento, & margaritis optimè paratus i. punga auro parata

i. incensaria argentea auro parata IV. hanappi argentei supraaurati XIII. concha argentea major cum imaginibus argenteis una: bocularis argenteus i. urcei argentei cum aquamanilibus suis II. canna argentea i. eburnea una. Situlæ argenteæ II. [sivones argentei II.] clavis aurea i. scilla argentea i. coronæ cum luminibus XIII. columnæ ante altare S. Richarii auro & argento paratæ VI. trabes minores cum arcubus suis argento paratæ III. cloccaria auro parata III. cloccæ optimæ XV. cum earum circulis XV. Skillæ III. imagines æneæ VI. eburnea i. candelabra auro parata II. ostia auro parata VII. Insuper donavimus ibi pallia optima LXXVIII. cappas CC. Dalmaticas XXIV. sericas. Albas Romanas cum amictis suis auro paratas VI. Albas lineas CCLX. casulas de pallio XXX. de purpurâ x. de storace VI. de pisce i. de plattâ XV. de cendato v. Stolas auro paratas v. fanones de pallio auro paratos x. cussinos de pallio v. saga de pallio v.

De libris, Evangelium auro scriptum cum tabulis argenteis auro & lapidibus pretiosis mirificè paratum i. aliud Evangelium plenarium i. de aliis libris volumina CC. Insuper etiam plurima ornamenta in fabricaturis, & diversis utilitatibus, in plumbo, vitro, marmore, seu cætera instrumenta quæ longum fuit enumerare, prolixiusque scribere: quæ tamen tunc temporis appretiata sunt à fidelibus Dei & S. Richarii, qui nobiscum in Dei servitio laborantes existerant, hæc omnia valere potuisse libras xv. millia, vel eo amplius.

Huc usque Sanctissimi viri Angilberti scriptura de constructione, & dedicatione, sive ornatu Ecclesiæ Centulensis digesta est, quæ ab ipso venerabili viro usque ad hæc nostra tempora per CCC. annos & amplius valde inveterata, non sine labore ad futurorum eruditionem à nobis huic operi inserta est. Sunt certè & alia multa, quæ ad decorem divini officii cum superioribus inveniuntur ab eo honestè statuta: sed quia post tanta tempora apud nos tam pro loci immutatione, quam pro Abbatum voluntate, non servantur, ob hoc illuc referre omnia vitamus; & quibus tamen aliqua adhuc assumemus ob magnitudinem loci nostri exprimendam. Postquam ergo ornatum Ecclesiæ & impensas thesauri dixit valere potuisse xv. millia libras & eo amplius, ita subjecit dicens.

#### CAPUT VI.

*De institutione ejus erga divina Officia.*

His & aliis, prout donante Domino valuimus, eleganter dispositis, atque ex diversis præscriptis Reliquiis supradictorum Sanctorum ornatis Ecclesiis, diligenti mentis affectu tractare cœpimus, qualiter Domino donante ad hoc pervenire valuissimus; ut sicut in ædificiis marmoreis, & in cæteris ornamentis oculis honestè clarescunt humanis, ita etiam in Dei laudibus, in doctrinis diversis, & canticis spiritualibus Christo omnipotenti placere valeamus. Quapropter CCC. Monachos in hoc sancto loco regulariter victuros auxiliante Deo constituimus: optantes, & ordinantes, ut si non plùs, istius numeri congregatio in perpetuum habeatur. Centum etiam pueros scholis erudiendos sub eodem habitu & victu statuimus, qui fratribus per tres choros divisim in auxilium psallendi & canendi intersint: ita ut chorus sancti Salvatoris centenos Monachos cum IV. & xxx. pueris habeat. Chorus S. Richarii centenos Monachos, tresque & xxx. pueros jugiter habeat. Chorus psallens ante sanctam passionem centenos Monachos, xxxiii. adjunctis pueris similiter habeat. Eâ autem ratione



ipſi chori tres in divinis laudibus perſonabunt, ut omnes Horas Canonicas in commune ſimul omnes decantent; quibus decenter expletis, uniſcujuſque chori pars tertia Eccleſiam exeat, & corporeis neceſſitatibus, vel aliis utilitatibus, ad tempus inferviat. Certo temporis ſpatio interveniente ad divinae laudis munia celebranda denuò redeunt. In uno quoque etiam choro id jugiter obſervetur, ut Sacerdotum, ac Levitarum reliquorumque ſacrorum ordinum æqualis numerus teneatur. Cantorum nihilominus & Lectorum æquali menſurâ diviſio ordinetur, qualiter chorus à choro invice non grave- tur. Quinimò omnes unanimis ſacrificium laudis Domino omnipotenti pro ſalute glorioſi Domini mei Auguſti Karoli, proque regni ejus ſtabilitate conti- nuâ devotione jugiter exhibeant. Matutinali etenim, ſeu Veſpertina officio conſummato, mox omnes chori ordinabiliter ſe ante ſanctam paſſionem con- gregent: decem tantum pſalmiſtis unicuique choro remanentibus, & ſic per portam ſancti Gabriëlis, ac per ſalam Domini Abbatis ambulando per Occi- dentalem Clauſtri regionem cantando veniant ad S. MARIAM; ubi oratione pro temporis ratione depo- ſita, remeando veniant ad S. Benedictum in Ori- entali parte Clauſtri ſitum: inde per gradus arcuum intrent ad ſanctum Mauricium, ſicque intrantes ſancti Richarii Baſilicam reſtituantur ſuis choris.

Illud etiam obſervari præcipuâ devotione manda- mus, ut nulla dies prætereat abſque ſacrarum Miſ- ſarum decantatione; videlicet ut ſi non plus, vel xxx. à Fratribus diverſorum chororum per diverſa altaria Miſſæ quotidie agantur, exceptis illis duabus de Conventu; quæ mane & meridie ſolemniffimè celebrantur, in quibus quotidie memoria ſanctiſſi- mi Papæ Adriani, & glorioſi Domini mei Auguſti Karoli, conjugis, & prolis ejus teneatur: qualiter juxta verbum Apoſtoli pro Regibus, & omnibus qui in ſublimitate ſunt conſtituti, Salvatori Deo noſtro obſecrationum vel orationum gratias jugiter perſol- vamus.

KAROLUS Dei gratiâ Rex Francorum & Lango- bardorum ac Patricius Romanorum, dilectiſſimo Magiſtro, nobiſque cum amore nominando Albino Abbati in Domino JESU CHRISTO æternam Salu- tem. Pervenit ad nos, &c.

\* De hoc autem quod cartula noſtra proſequuta retulit, quod plurima hinc dici poſſent, ſed noluiſſe te extendere modum cartulæ, & maximè quia cum ſapiente paucis utendum eſt verbis; ita & nos verſâ vice paucis pauca reſcribimus. Quod autem uſur- paſti verba Regiſtræ Sabæ ad Salomonem de beatitu- dine fervorum qui nobis aſſiſtunt, & audiunt ver- ba ſapientiæ noſtræ, ſi hoc verum fore ſcitis, veni- te, aſſiſtite, & audite, ut pariter in Domino in pra- tis vernantibus varietate ſorum ſcripturarum jo- cundantes delectemur.

Explicit EpistoLa KAROLI Magni ad ALBINUM Magiſtrum.

Hic idem Albinus à venerabili Angilberto accer- ſitus Centulam, vitam S. Richarii antiqua ſimpli- citate negligentius digeſtam venuſto ſermone com- poſuit: præmiſſâ Operis præfatione ad eundem glorioſum Auguſtum Karolum, in quâ patenter monſtratur B. Patris Richarii magna & pluriſſima fuiſſe miracula quàm ille exiguus vitæ ejus textus enarrabat. Antiphonas quoque & reſponſoria, vel Hymnos de eodem Sancto compoſuit, ut magni Pa- tris feſtivities nihil minus congrui officii habere vi- deretur. Ubi notandum eſt, quòd quodam in Hym- no ipſum S. Richarium laudando alloquens dicit; Tu ſtruxiſti cænobium in loco prope Argubiſum, & aliud in Centulo, ambo perenni merito.

Tom. II.

## EPITAPHIUM S. RICHARII.

In fronte ſepulcri.

**A**UREA cœleſtem theſaurum contigit urna;  
Cultorem Domini, nomine RICHARIUM.  
Stemmata præcelſo, quem Centula protulit iſta,  
Quique loci Paſtor floruit egregius.

In latere dextro.

Posthabito mundi, quo grandi fulſit, honore,  
Amplas divitias prævit amore Dei.  
Hic corpus proprium frangens certamine diro,  
Vir pius & magnus ſemper in orbe cluit.

In culmine arcæ deſuper.

Hic vitam fundis reparavit, lumina cæcis,  
Leproſiſque ſalus hoc refovente redit.  
Plenus Apoſtolicis virtutibus, atque loquelis,  
Cœleſtes tenuit ſemper in ore dapes.

In latere ſiniſtro.

Huic Karolus Princeps condignum mente benignâ,  
Perficiens templum, condidit & tumulum.  
Post ſexagenos & centum circiter annos.  
Cum Domini ſervis integer exſtat adhuc.

Ad pedes.

Ipfus ut meritis capiat cœleſtia regna,  
Regnaque Francorum pace quietus agat.  
Amen.

Alibi.

Semper Sancte tuos, RICHARI, protege ſervos.  
Abſtractos terrâ capiat cœleſtis ut aula.

xiv. Kal. Junii obiit ALBINUS, qui Alcoïnus, Abbas, Levita, & Monachus, dictator vitæ ſancti Richarii.

His quoque temporibus florebat Corbeienſis Ab- bas S. ADALARDUS, qui nobilitatis, & ſanctæ re- ligionis laude per totam Galliam colebatur. Hujus amator & auditor præclarus emicuit RATBERTUS, qui tanto caritatis fervore erga noſtrates Monachos agebatur, ut ea ipſa quæ noſtris miſit vel ſcripſit, non amoris verba; ſed totum amor, & pura dile- ctio deprehendantur. Quique cum ipſius ſancti A- delardi digereret vitam; Gande, inquit, Corbeia, quia cum cætera loca ſancta proprios emiſerint patro- nos, Atrebas Vedastum, & Centula ſanctiſſimum Richarium, tu quoque emittes Adelardum tuum. In quo ſtudioſè conſiderandum quantâ reverentiâ extulerit magnificum Paſtorem, & Patronum no- ſtrum, quem cum adjectione ſuperlativâ nomina- vit, cum illum inſignem Episcopum Vedastum nu- dō nomine designare contentus ſit. Fecit hoc ob af- ſidua miraculorum quæ apud nos gerebantur ma- gnalia, fecit & ob illam reverâ ſanctiſſimam ejus vitam, quæ non tam ſancta, quàm ſanctitatis ſpe- culum uique comprobatur. Hic ad noſtri Mona- ſterii Monachum GOLLANDUM ſcripſit expoſitio- nem ſuper Evangelium Matthæi, tanti pendens Centulenſes, ut ſua eis mitteret ſcripta, quatenus eorum judicio deberent cum auctoritate quaquaver- ſum proferri.

## EPITAPHIUM S. CHAIDOCI

Confessoris.

**M**OLE ſub hac tegitur CHAIDOCUS jure Sa- cerdos:  
Scotia quem genuit, Gallica terra tegit.

Edita in Oper.  
Alcun. pag.  
1147.  
Quam præſer-  
miſimus quod  
ad hanc diſpo-  
ſitionem non ſpe-  
ctet.  
\* Hadenus  
edita.

*Hic Domini Christi gaudens precepta sequutus,  
Contempsit patrias mente beatus opes.  
Hinc sibi concrevit centeni copia fructus,  
Et metuit atherei premia larga soli.  
Huic Angilbertus fretus pietate magistrâ,  
Et tumulo carmen condidit & tumultum.*

## I T E M.

*Corpore terreno qui cernitur esse sepultus,  
Gaudia pro meritis cœlica latus habet.  
Iste fuit Fricorus Chaidoco consociatus,  
Quem sibi concessum Centula gaudet ovans.  
Hic virtute valens despectit prospera mundi,  
Et modo viventi gloria magna patet.  
Quando Deo placuit, cœlorum regna petivit.  
Nunc Angilberti carmine fulget, Amen.*

## CAPUT VII.

*De obitu S. ANGILBERTI & sepulturâ, seu  
de NITHARDO filio ejus ac successoris.*

814.  
Obiit Caro-  
lus Magnus.

**A**Nno Dominicæ Incarnationis DCCCXIV. Indictione VI. Excellentissimæ memoriæ [Augustus] KAROLUS Magnus post hostes victoriosissimè cum Dei favore triumphatos, cum Romanorum Imperium, & Francorum & Langobardorum Regna quietissimè obtineret, v. Kalend. Februarii transivit è mundo, pro obsequiis, & honorificentia Deo & Sanctis ejus studiosè exhibitâ ac benignè, percepturus, ut speramus, felicia & immortalia regna. Venerabilis autem ANGILBERTUS, tametsi senio & austeritate jejuniorum, & vigiliarum, corpore lassescente quoquàm progredi non posset vel vellet, ejus tamen dispositioni, quâ thesauros in beneficium elemosynæ Ecclesiarum Præfibus attribuit, ut pote dilecti semper Domini, interfuit; magnisque honoribus & beneficiis Ecclesiam Centulensem ab eodem antequàm decederet, sublimari obtinuit. Fuerunt autem XXI. Metropolitanæ civitates, quibus divisit dari grandem partem suarum facultatum: quarum hæc sunt nomina: Roma, Ravenna, Mediolanum, Forum-Julii, Gradus, Colonia, Magunciacus, Juvavum, id est, Salzbure, Treveris, Remis, Senones, Vesonio, Lugdunum, Rotomagus, Arciatum, Vienna, Darantalia, Ebredunum, Burdegala, Turones, Bituricum. Huic verò distributioni nonnisi quatuor Abbates interfuisse leguntur, scilicet Fridigius, Adalongus, Angilbertus, Yrmino. Ipse denique Rex in tantum locum ipsum honoraverat, & extulerat, ut & Regalem curiam inibi tenuisse die Natalis Domini, seu die Paschæ, aliquoties inveniat in gestis illius temporis: quod etiam à successoribus suis, iis scilicet qui nostratam Galliam in sui sorte Regni habuerunt, multo tempore amabiliter servatum est.

Cum ergo mortuo KAROLO Magno Hludogvicius successisset, Regnorum à patre acquisite apicem suscipiens, anno regni ejus primo incipiente, sanctissimus Abbas Angilbertus corporis attactus molestia cœlestibus gaudiis propinquabat, & cœlesti Patre disponente filius proximè recipiendus flagellabatur, ut dignus fieret cui felix nec peritura hereditas concederetur. Supererescente incommodo, cum videretur jam humanis eximi, multâ usus humilitate, ut pote cujus perseverans fuerat conservator, præcepit ut ante fores Templi tumularetur. Sanè suspiria & lacrymæ, quæ illo morti proximante fusa sunt, non à nobis narrandæ suscipiuntur, ne post tanta temporum interstitia nos quoque ad plangendum revocet dolor renovatus. Post mortem utique Magni Augusti Karoli anno eodem, diebus xx. superstes effectus, Anno Dominicæ Incarnationis DCCCXIV.

Angilbertus  
eodem anno  
quo Carolus

Indictione VI. mense Februario, die XII. Kal. Martii, celebratis circa se Ecclesiasticis mysteriis, verè Christi amatoris Angilberti gloriosa anima bonorum operum exercitiis & pietatibus cumulata, corporis terreni vase relicto, supernis civibus associatur, & quod votis ambierat, operibus meruerat, Christi aspectibus præfentialiter mulcetur, videns eum sicuti est. Veridica hoc & irreprobabili Christi sententia astruitur, qui se diligentes à Patre suo, & à se diligendos allèverat, & tantæ dilectionis profectum sui visionem propalat: Et manifestabo, inquiens, me ipsum ei, id est diligenti, & probationem dilectionis, quod est exhibitio operis, exequenti. Tunc amantissimi Patris venerabile corpus dulci filiorum obsequio componitur, & cum omni veneratione sancto Abbati debitâ ante portam majoris Ecclesiæ honorificè sepelitur. Locus autem ipsius sepulturæ ita aditu Ecclesiæ proximus est, ut à nemine-Basilica ingredi possit, qui non sanctam corporis ejus tumbam calcaret. Ubi, sicut paulo superius dictum est, humilitatis obtentu poni se poposcerat; in gyro autem sepulturæ isti vericuli in lapideis tabulatis, primus ad caput, secundus ad lævam, tertius ad pedes, quartus ad dexteram expoliti sunt.

*Rex Requiem ANGILBERTO da Pater, atque  
pius Rex;*

*Lex legum vitam aeternam illi da, quia tu Lex.  
Lux lucem semper concede illi, bona qui es Lux.*

*Pax pacem illi perpetuam dona, es quoniam Pax.*

Multa magna atque insignia sunt, quæ de hoc venerabili viro dicere habebamus, sed quia omnia comprehendere nequivimus quæ in historiis Francorum de illo, ejusque probitate habentur, rogamus ut ad laudem Dei omnipotentis, & ad honorem beati viri pauca hæc nostratibus interim sufficiant. Ceterum, ut omnia quæ de illo sunt diceremus, defuit virtus, affuit sed cautela ne plurima disserendo fastidium inferemus auditori. Quievit verò in loco supra scripto per annos XXVIII. regnante Augusto Hludogvico annis XXVI. Christi autem Domini nostri regno nullam metam capiente per omnia sæcula, Amen.

Igitur septimo Centulensis Cœnobii Abbate intimato, ejusque studiis & bonitate monstrata, jam modo paulisper linguæ nostræ requies præbeatur, ut & mœstitia ex ejus ablatione concepta, quo paululum quia mortales aliter non possumus, admittitur, eò citius suspiriis satisfacta deferatur. Simul & æquum videtur, ut is qui singulari erga nos usus est amore, singulari quoque in descriptione gestorum collaudetur libello.

Hoc tamen in calce libri necessariò recondimus, quòd post ejus sanctum transitum filius ejus NITHARDUS, quem de Regis filiâ Bertâ susceperat, Centulensibus jure Abbatibus prælatus, paucisque diebus in regimine expletis, interemptus prælio præsentis luminis caruit visu; sepultusque juxta proprium genitorem quievit in pace, regnante Domino nostro JESU-CHRISTO cum Patre & Spiritu sancto in sæcula sæculorum, Amen.

De Nithardo  
filio S. Angilberti Abbate.

## LIBER TERTIUS.

## CAPUT PRIMUM.

*De Abbate HERICO.*

**A**Nno sacre Incarnationis Domini nostri Jesu Christi DCCCXIV. Ind. VII. dum felix Francia

Magnus ab  
humanis ex-  
cessit.

Indictionis  
mutatio.

sub gloriosissimi Cæsaris HLUDOVICI moderamine omni venustate floreret, obtinuit beneficio ipsius principis HERICUS Abbas regimen Monasterii B. Richarii. Notetur autem descriptio, quia eodem quidem quo sanctissimus Angilbertus Abbas obiit anno, sed non eadem Indictione hic Hericus Abbatiae Centulensi prælatus est: si quidem mense Septembri die xxiv. Indictiones mutantur. De huius verò factis nihil apud nos memorabile habetur, præter quod in libro miraculorum B. Patris Richarii invenitur, quia videlicet uni è suis vassallis, Heutoni nomine, villam Sidrudem, quæ erat antiquitus deputata ad Fratrum calciamenta, contulerit: hæc enim villula ipsi sancto in hoc sæculo viventi fuerat donata, ut in vitæ ejus scripto clarè patefcit. At nunc placet memorari quid in illâ virtutis contigerit, postquam Heutonis dominio subacta est. Fuerat illic prope nemus, ubi sanctum Richarium accolæ loci & in iter carpendo cum Britanniam peteret, & in redeundo lassitudinem corporis temperare, & sacras fundere orationes juxta quamdam fagum ex avitâ & paternâ relatione tradiderunt. Enimverò dum præfatus Heuto ipsam villam consequutus fuisset, cœpit liberâ eâ uti potestate; quâdam autem die dum rura illius circuiret, super jamdictam fagum venit; quam enormem intuitus, jussit incidi, ut exinde focus sibi fieret. Cui servi parere noluerunt, dicentes sacratum fustem, & ibi B. Richarium consuevisse orare: quod ille superbâ mente contempsit, & ut incideretur coëgit. Ita dejectâ arbore, & partibus inde partitis, superiores quidem findi potuerunt partes, duæ inferiores, quæ & grossiores erant difficilè nimis finduntur. Attamen magnis conatibus rustici insistentes, penultimum dirimunt frustum, in quo inventæ sunt reliquæ quasi capillorum, & barbæ abrasiones; quæ cum rustici honori haberent, ut pote quæ à sancto ibidem repositæ, miser ille, & malè curtenfis Heuto, ea pro nihilo habens spargere fecit, ac deinde ultimum fagi truncum qui supererat findi præcepit; sed ad omnem ictum insectibilis permansit: quod ille videns, jussit portari in suæ domûs atrium, quod vulgus curtem dicit, & ut fieri assolet ante januam jactari. Ipsâ autem die quidam villæ colonus acceptam securem quasi tentando ligno leviter affixit, & ad ipsum ictum illicò divisum est, & inventa est quædam crux inserta uni ex illis partibus, cujus etiam signi forma alteri parti insculpta videbatur: hoc illi qui aderant ut viderunt nimio terrore percussi sunt, initoque consilio, ipsas partes cum cruce intulerunt in apothecam cujusdam custodiendas: tunc sequenti nocte obfirmatis apothecæ ostiis dormitum est: mane factò, dum somno excutiantur, crux illa vel partes nusquam inveniuntur. Præfatus autem Heuto, qui sancta temeraverat, quinto die, Deo vindice, vitalem spiritum amisit. Sed & Hericus aliquantis in regimine annis expletis diem clausit extremum.

## CAPUT II.

### Privilegium HLUDOVICI Imperatoris.

**T**Empore isto cum contigisset HLUDOVICUM gloriosum Augustum Pontivam intrare provinciam, venerabile templum S. Richarii orationis gratiâ petivit. Fratres igitur Monasterii timentes ne aliquis de parentelâ sæpediti Heutonis villam Sidrudem sibi usurparet, majestatem Regiam exorant & suadent, ut super hac, & super omnibus, quas aliquo eventu perdere metuebant, villis, & quas

KAROLUS Magnus ejusdem genitor dono regio contulerat, suæ auctoritatis præceptum firmaret; quo jamdicta villa, vel aliæ possessiones, absque alicujus contradicto, Monasterio liberè deservirent; & ut nemo Abbatum futurorum ex eis aliquam à loci dominio ulterius auferens alicui donaret. Ipse ergo talibus precatis placidè obedivit, & suæ præceptionis auctoritatem super his tali modo confecit.

In nomine Domini & Salvatoris nostri JESU-CHRISTI, HLUDOVICUS divinâ ordinante providentiâ Imperator Augustus, notum esse volumus cunctis fidelibus sanctæ Dei Ecclesiæ, & nostris præsentibus scilicet & futuris, quia dum nos orationis causâ in beatissimi Confessoris Christi Richarii Basilicam adveniremus, adierunt Celsitudinem nostram Monachi ex eodem Monasterio, deprecantes, ut super rebus, quas moderno tempore in quibuslibet pagis & territoriis infra ditionem Imperii nostri ad victum & vestitum eorum habent, nostram auctoritatem firmitatis gratiâ fieri juberemus; per quam decerneremus, ut neque Abbates per tempora ibidem degentes, neque ministri, aut alia quælibet superioris, vel inferioris prædicta persona, de eisdem rebus aliquid abstrahere aut minuere, vel in alios usus retorquere præsumat. Quorum petitionem justam ac rationabilem judicantes, hos imperiales apices nostros firmitatis gratiâ circa servos Dei ibidem per tempora labentia degentes fieri jussimus, per quos decernimus, atque omnimodis sancimus, ut nullus Doctor prædicti Monasterii, aut ministri ejus, de rebus quas moderno tempore in quibuslibet pagis & territoriis infra ditionem imperii nostri ad usus & victum atque vestimentum eorum habent: quorum hæc sunt nomina, Cinincurtem cum Bronoilo, Aldullicurtem, Valles, Drusciacum. Novamvillam, Mons-Angelorum, Wiberentium, Bagardas, Curticellam, Crux, Langoratum, Altegiam, Sidrutem, Niviellam, Verculf, Concilium, Rocconis-montem, Maris, vel quidquid ad supradicta loca præsentis tempore jussu & legaliter aspicienda videntur, aliquid abstrahere, aut minuere, aut in alios usus convertere, aut paratas, aut lidimonium, aut hostilicium, aut alias quaslibet redhibitiones exigere, aut exactare præsumat: sed eo modo atque tenore quo nunc statuimus teneant, atque possideant, ita nostris & futuris temporibus securè atque quietè habeant & fruuntur, quatenus ipsos servos Dei in prædicto Monasterio famulantes pro nobis, conjuge proleque nostrâ, atque stabilitate totius Imperii nostri perpetuè Dei misericordiam exorare delectet. Et ut hæc auctoritas per futura tempora inviolabilem atque inconvulsam obtineat firmitatem, manu propriâ subterfirmavimus, & annulli nostri impressione signari jussimus.

Signum HLUDOVICI serenissimi Imperatoris. Data III. Non. Aprilis, Anno Christo propitio xvii. Imperii Domini HLUDOVICI piissimi Augusti. Indict. viii. Actum Monasterio S. Gualarici feliciter. Amen. DURANDUS Diaconus ad vicem FRIDUSI recognovi & subscripsi.

Ex his [ villis ] quæ in hoc præcepto commemorantur sacratissimus Pater noster Richarius quasdam quietè habuerat, sed quia pravorum & nequam hominum insolentiis super his Fratres turbabantur, ob hoc illas Regiâ præceptione firmari obtinuerunt. Nam & illæ villæ, quæ à sancti Richarii tempore habebantur, & de quibus nihil mali metuebatur, ut sunt hæc, Centula, Abbatis-villa,

a prædicta ] Lege dignitatis.

Altivillaris, Rebellismons, & Valerias, & alia multa istic scribere non curaverunt.

## CAPUT III.

*Descriptio de Thesauo, & rebus, seu vassallis sancti Richarii.*

831.

**H**UDOGVICUS Imperator promulgatâ præceptione super possessionibus Monasterii, vocavit ad se Monachos, rogans ut omnia quaecumque haberi poterant, tam in thesauro Ecclesiæ, quam in bonis forentibus, scriberentur, sibi que monstrarentur. Anno igitur Incarnationis Domini MCCXXXI. Indictione IX. facta est descriptio de Abbazia sancti Richarii rogante Serenissimo Augusto, anno Imperii sui XVIII. In primis de Ecclesiasticis rebus, & sic de prædiis & possessionibus, sive & de vassallis, qui ex eadem Abbazia beneficia retinebant.

Habentur ibi principales Ecclesiæ III. una major in honore Sancti Salvatoris & S. Richarii, altera in honore sanctæ Mariæ; tertia in honore S. Benedicti. In quibus principalia habentur altaria III. hoc est S. Salvatoris, S. Richarii, & S. Mariæ ex marmore, auro, & argento, & gemmis, ac lapidibus diversis fabrefacta. Super illa tria altaria habentur tria ciboria ex argento & auro parata, in quibus tres dependent coronæ, singulæ per singula ex auro gemmisque paratæ, cum aureis cruciculis, aliisque diversis ornamentis. In eisdem Ecclesiis sunt lectoria tria ex marmore, argento, & auro fabricata. Capse reliquiarum aureæ & argentæ vel eburneæ paratæ sunt xxx. cruces majores v. & minores VIII. poma altarium XXI. è quibus tria sunt aurea, reliqua argentea. Item poma guntfanonum VII. ex argento auroque parata: candelabra ferrea ex argento & auro parata, majora xv. minora VII. coronæ argenteæ VII. & cupreæ deauratæ VII. lampades argenteæ VI. cupreæ deauratæ VI. hanappi pendentes argentei XIII. conchæ argenteæ pendentes II. Aræ majores III. & minores III. Tutibula argentea deaurata VIII. ex cupro I. flabellum argenteum I. paries ad caput S. Richarii, & duo ostiola parva ex argento & auro, gemmisque fabricata: ad pedes ipsius ostiola VI. ex argento auroque parata. Sunt & alia IV. similiter parata. Ante altare ejusdem Sancti stant columnæ VI. magnæ ex cupro, argento, & auro paratæ, sustentantes trabem unam similiter cupream argento auroque paratam. Sunt & alie trabes minores tres ex cupro, argento, auroque paratæ in circuitu altaris vel chori, sustentantes arcus XVII. ex cupro, argento, auroque fabricatos; inter quos stant imagines bestiarum, avium, hominumque VII. ex ære circuli ad signa pendentes argentei v. reliqui ex aurichalco.

Evangelium auro scriptum unum cum capsâ argenteâ gemmis & lapidibus fabricatâ. Aliæ capse Evangeliorum duæ ex auro & argento paratæ, faldene addito ex argento fabricatum ad opus ipsarum I. Calices ex auro IV. ex argento majores II. minores XIII. patenæ aureæ II. argenteæ majores IV. minores XIII. ex aurichalco I. offertoria aurea IV. argentea LX. eburneum I. magnum argento & auro paratum. Scyphus argenteus major I. minores argentei IV. ex aurichalco I. tutelli argentei IV. urcei argentei cum aquamanilibus II. hanappus ad bibendum argenteus I. situla argentea I. ex cupro & ære II. & argento parata I. canna argentea I. ex stanno I. tabulæ eburneæ ex auro argentoque paratæ I. majores II. minores II. ex cypressio una argento parata: claves argenteæ II. ex aurichalco deaurata I. baculus auro, argento, & crystallo paratus I. præparatio baculi unius ex crystallo I. ca-

sula castaneæ XL. sericæ nigra v. perla sericæ III. ex plata I. ex pallio XX. galnæ sericæ v. melnæ sericæ III. ex pisce I. ex cendalo IV. cappa castanea auro parata I. serica I. dalmatica XXXI. hrocci serici XV. lanci XI. sericus albus I. perii serici II. roccus pectoralis I. fanones ad offerendum auro parati XIV. ex brandeo III. ex pallio XV. saga ad patenas ferendas IV. pallia LXXVIII. vestimenta XLIX. viginti alia, cum pallio paratum I. in sacratio ad tabulam cooperiendam vestimentum lineum pallio paratum I. tapeta VI. cortinæ III. bancales serici IV. & alii sex cussini serici II. ex pallio IV. vestimentum lineum dominicale I. nastolæ ex auro paratæ II. Wanti castanei auro parati II. linei II. fanones manuales auro parati II. capellum auro paratum I. ex pallio I. facitercula II. cappæ CCLXXVII.

De libris, libri canonici: Bibliotheca integra, ubi continentur libri LXXII. in uno volumine. Item Bibliotheca dispersa in voluminibus quatuordecim.

De libris S. Hieronymi: super Isaiam. Item in Isaiam; super Psalmos; Expositio Levitici; Opuscula ejus super Jeremiam; in XII. Prophetas, in Ecclesiastem, in Cantica Cantorum, in Ezechiel. Liber Episcopalis; Commentarius in Matthæum, Expositio in Marcum, illustrium virorum, super totum Psalterium, in Epistolis duabus sancti Pauli, hoc est, ad Galatas, & ad Ephesios, in Epistolis ad Titum & Philemonem; Liber plenarius Epistolarum ejus; Psalterium Hebraicæ veritatis; contrà Jovinianum hæreticum, & Apologeticus ad Pammachium; Quæstiones Genesim, & liber locorum; liber qui dicitur Antiomenon; de septem vindictis Cain; de Egressione filiorum Israël ex Aegypto; de Isaac, de Osanna, de Seraphim & Calculo; de morte Oziæ Regis; de Filio prodigo; de Natura rerum; de Rhetorica: omnia hæc in uno volumine; Evangelium in Græco & Latino scriptum: qui sunt libri numero XXII.

De libris sancti Augustini: Exameron ejus contra Manichæos, & alios hæreticos; decada Psalmorum; Epistolæ ejusdem; Expositio plenaria super Evangelium Joannis; alia Expositio Augustini junioris; de sermone Domini in monte; de x. plagis; de x. præceptis: in uno volumine. In Epistola Joannis Apostoli; Concordia Evangeliorum; de Civitate Domini; Enchiridion; de naturâ & origine animæ; de Doctrinâ Christianâ; Speculum Augustini; Confessiones; Hypomneosticon; de x. chordis, & bono conjugali; de Arte Musica; de Virginitate servandâ; & Sermones ejus: de XII. abusibus; & Interrogationes Horatii; & Responsiones Augustini: in uno volumine. Contrà hæreticos; de Agone Christiano; de Blasphemiâ Spiritûs, Explanatio Rufini; de XII. benedictionibus Patriarcharum: in uno volumine. De Trinitate; de Videndo Deo; de Plasmatione primi hominis; de Definitionibus dogmatum Ecclesiasticorum, & Epistolæ S. Fulgentii: in uno volu. de Magistro; de sanctâ Virginitate; & Academicorum in I. volumine. Opuscula, & Epistolæ Augustini ad Pelagium & Valentinum; & responsiones Prosperi, in I. vol. Explanatio Augustini, & Juliani, & Pauli; de partibus orationis in I. vol. qui sunt libri numero XXIX.

De libris S. Gregorii: Expositio in Iezechiel vol. III. Moralia vol. v. Homiliæ XL. vol. II. Pastorale; Dialogus; Registrum; ordo Ecclesiasticus: liber Parterii de dictis ejusdem: qui sunt libri numero XV.

De libris Isidori: Etymologias; Rotarum; Proœmiarum; & Rotarum & Officiorum: Item Proœmiarum; item Rotarum; tractatus in Pentateuchon, in Regum, in Ruth, in Ezra; in I. volum.

Sententiæ II. vol. Synonima : qui sunt libri numero IX.

De libris Origenis : In Genesi Homilias XVI. II. vol. in Cantica Canticorum : qui sunt libri IV.

Hilarii autem : de fide sanctæ Trinitatis ; quæstiones Hilarii, Cypriani, Alcimi Aviti, Hieronymi, Augustini, super Pentateuchum in I. vol. qui sunt libri duo.

Joannis Chrysostomi ; in Epistola ad Hebræos ; Homiliæ XXXIII. de Compunctione cordis contra Novatianos ; de Jejunio, & sermones ejus LXII. & vita sancti Ambrosii uno volumine qui sunt libri VII.

Cassiodori ; super totum Psalterium.

Fulgentii, libri XIV. qui per singulos libros unam litteram detrahunt.

Bedæ, de templo Salomonis ; triginta quæstiones ejus in Regum, cum Expositione Justini in Cantica Canticorum ; in I. volumine in Proverbiis Salomonis, & in libro Tobie ; in Marco, in Luca, & in Actibus Apostolorum ; super Epistolas Canonicas ; super V. libros Moyse ; in Apocalypsi ; in Abacuc, cum glossis Pentateuch. De Natura rerum ; de Temporibus : qui sunt libri numero XVI.

Diversorum autem ; Julii de auctoritate divinæ legis ; Eugippii excerptum de libris sancti Augustini ; Paschasii de Spiritu sancto ; Primasii in Apocalypsi ; Timothei libri IV. & tractatus Peregrini contra hæreticos, & Epistolæ Theophili ad Episcopos totius Egypti in I. vol. Expositio Arnobii super totum Psalterium ; Gregorii Nazianzeni libri VIII. & Homiliæ Augustini de lætitiâ & gratiâ in I. vol. Athanasii in Levitico : qui sunt libri numero VIII.

De Canonibus : Canones Apostolorum, & Nicæni Concilii ; & XII. Concilia, & decretalia Apostolorum I. vol. Canones collecti de diversis Conciliis volumine II. Cæcili Cypriani de canonibus & institutionibus Ecclesiasticorum LXXXVII. I. vol. Gelasii Papæ de libris recipiendis & non recipiendis : Epistolæ diversorum numero LV. I. vol. Homiliarius Sanctorum Patrum anni circuli, Hieronymi, Augustini, Gregorii, Origenis, Leonis, Joannis, Fulgentii, Bedæ in I. vol. item Homiliæ SS. Patrum super anni circulum, in III. volumine. Homiliæ S. Agnetis ; Boëtii de consolatione Philosophiæ ; Gregorii Episcopi Turonensis de generatione Adæ, & de gestis Francorum ; Expositio Philippi super Job ; glossæ SS. Patrum super Psalmos III. vol. Cassiani de Incarnatione Domini ; Expositio Justini in Cantica Canticorum ; & liber Eucherii Episcopi de defectu solis & lunæ : vitæ vel passionis SS. Apostolorum, Martyrum, Confessorum, Virginum ; & collationes diversorum Patrum in vol. XVIII. Expositio Juliani Pomerii, & Prognosticon in II. vol. Expositio Pelagii super XIII. Epistolas Pauli ; Expositio cujusdam in Epistolam ad Romanos ; glossæ ex dictis Patrum in III. vol. Item glossæ Patrum vol. III. Liber Martini Papæ ; Regula S. Benedicti sexies ; Regula S. Augustini, Fructuosi, & Isidori, I. vol. Homiliæ Cæleri Episcopi Arelatensis ; Expositio fidei Catholice S. Hieronymi ; Dicta Isidori de hæresibus Judæorum & Christianorum ; & de Philosophis, Poëtis ; & Epistolæ Cyrilli, Leonis, Dionysii, & aliorum de ratione Paschali ; & cycli, in I. vol. Altercatio legis inter simonem Judæum & Theophilum Christianum ; Ephrem de die judicii ; Albini ad Karolum de fide Trinitatis, & de Incarnatione Domini. Epistolæ Caroli ad Imperatorem Græcorum : Psalteria VII. Quæstiones septem artium ; Collectarium cujusdam in Matthæo, Collectarium Scotticum, ubi primus est de caritate, ultimus ita incipit ;

cepit ; Curre ne parcas ; Liber scintillarum, qui sunt libri numero LXX.

Omnes Codices librorum Claustralium de divinitate sunt CXCV.

De libris Grammaticorum : Donatus, Pompeius, Probus, de pedibus & syllabis ; Priscianus ; Comminianus ; Servius, Victorinus Mar. . . ; Diomedes ; Verus Longinus, Tadiuvus, Tullius Cicero : Rhetoricorum libri II. omnia in IV. vol. Prosper, Aratus, Sedulius, Juvenius ; Epigrammata Prosperi ; versus Probæ, & medietas Fortunati. I. vol. Quintus Serenus de Medicamentis ; Fabulæ Avieni ; Virgilius, Eclogæ ejusdem glossatæ. Althelmus, metrum cujusdam de veteri & novo Testamento, cum vitâ Cosmæ & Damiani metricâ in I. vol. qui sunt libri XXVI.

De libris antiquorum, qui de gestis Regum, vel situ terrarum scripserunt. Josephus plenarius ; Plinius secundus de moribus & vitâ Imperatorum ; Epitoma Pompeii ; Ethicus de mundi descriptione ; historia Homeri, ubi Dictys<sup>b</sup>, & Dares Phrygius : historia Socratis, Sozomeni, & Theodoriti. Libri Philonis Judæi I. vol. Ecclesiastica historia Eusebii. Chronica Hieronymi : II. vol. historia Jordanis. De summâ temporum, & de origine actibusque Romanorum I. vol. Lex Romana ; Pactum Salicæ legis : qui sunt libri numero XV. Item volumen, ubi sermones habentur de Natali Domini, Stephani, Innocentii : Bodanicum, Partes Donati glossatæ ; Liber logon, id est, Sermonum Græcorum, vel Latinorum ; Genealogia Bibliothecæ ; Passio Domini in Theodisco, & in Latino : qui sunt libri VI.

De libris Sacrarum, qui ministerio altaris deserviunt : Missales Gregoriani tres ; Missalis Gregorianus, & Gelasianus modernis temporibus ab Albino ordinatus I. Lectionarii Epistolarum & Evangeliorum mixtim & ordinatè compositi V. Missales Gelasiani XIX. Textus Evangelii IV. aureis litteris scriptus totus I. Lectionarius plenarius à supradicto Albino ordinatus I. Antiphonarii sex : qui sunt libri numero XXXV.

Omnes igitur Codices in commune faciunt numerum CCL. & VI. ita videlicet ut non numerentur libri sigillatim, sed Codices quia in uno Codice diversi libri multoties, ut supra notatum est, habentur ; quos si numeraremus, quingentorum copiam superarent. Hæ ergo divitiæ Claustrales, hæ sunt opulentia cælestis vitæ ; dulcedine animam saginantes, per quas in Centulensibus impleta est illa salubris sententia : *Ama scientiam scripturarum, & vitia non amabis.*

Sed nunc etiam de exterioribus bonis hinc ponamus indiculum ; & villas quæ Monasterio Christi militis præcipui Richarii tunc temporis serviebant, breviter annotemus. Reditus verò villarum qui scire cupit, codicem ex hoc conscriptum revolvat ; nam pro sui magnitudine hinc totus poni non potest. Hæ ergo sunt villæ S. Richarii : Buniacus, Valles, Drusiacus, Novavilla, Gaspanna, Guibrentium, Bagardas, Curticella, Crux, Civinocurtis, Haidulfcurtis, Maris, Nialla, Langradus, Alteia, Rochonis-Mons, Sidrunis, Concilio, Buxudis, Ingoaldicurtis. Inter has erant quædam licet pauca, ubi aliqui militares S. Richarii beneficii quidpiam habebant. Hæ autem sunt villæ in Dominicaturâ Sancti ejusdem, absque ullâ admixtione beneficii, vel alterius potestatis, Pontias, Altisgnico, Tulino, Durcaptum, Abbatis villa, Forestemonasterium, Majocch, sanctus Medardus, Alliacus, Longavilla, Altvillaris, Rebellis-mons, Valerias. Istæ non

<sup>b</sup> ubi Dictys ] Sic restituit Baluzius : editum erat, ubi dicit.



tam villæ quàm oppida, vel, ut ita dicam, civitates habebantur; quippe quibus nulla vis injustitiæ inferebatur.

In Foresti-cellâ habentur tres Ecclesiæ, prima S. **MARIÆ**; secunda S. Petri; tertia S. Richarii: ubi sunt altaria auro argentoque ornata v. Corona argentea i. capsella auro parata i. Cruces auro paratæ iii. Capfa auro & gemmis parata i. crucicula argentea auro parata i. alia deaurata vi. Poma deaurata v. Ciborium auro argentoque paratum i. Candelabra auro argentoque parata vi. ventaculum deauratum i. fuscillum deauratum i. scyphus de argento i. tabulæ deauratæ eburnæ ii. Calices auro parati majores iii. argentei minores iv. offertoria argentea viii. deaurata iii. urceum argenteum i. Capfa Evangelii argentea i. casulæ satis pretiosæ xv. Dalmaticæ v. calulæ parvæ sericæ ii. hrocci de pallio iii. lanei iv. albæ xxvii. stolæ ix. Fanones xiv. boculares ii. conchæ ii. sandalia cum caltionibus vi. libri quinquaginta unds: ad lumen Ecclesiæ aspiciunt villa Dulcianæ-vallis. Sunt ibi Canonici xxx. qui habent ad stipendia villas. iv. hoc est Eghod, sanctum Vigilium, & duos mansioniles, & Ecclesiam S. Martini: & in aliis villis S. Richarii accipiunt aliqua.

Est Cellula quæ vocatur Botritium in pago Teragonensium, in quâ habetur altare i. fabricatum; cruces iii. inauratæ ii. inargentata i. capfæ xviii. fabricatæ, thuribulum i. candelabra parata ii. vasa ærea ii. calices argentei iv. patenæ argenteæ ii. aurata i; scyphus argenteus i. offertorium i. opertorium pallium i. casulâ i. dalmatica i. Missalis i. lectionarius i. Antiphonarius i. Homeliarius i. passionalis i. Psalterium i. sunt ibi Canonici x. habentes villam Teones, villam Nendum, Ecclesias duas, villam Albitrium, villam Guadanniam, & alios multos redditus ex beneficio sancti Richarii cui serviunt.

Est & alia Cellula in pago Ambianensium, quæ vocatur Inera, ubi habentur capfæ paratæ x. cruces paratæ iii. casulæ ii. dalmaticæ ii. candelabra parata ii. liber Genesis, Exodus, Numeri, Regum, Prophetarum, Parabolæ Salomonis, Missale i. Lectionarius i. Antiphonarius i. sunt ibi Canonici xii. qui habent ad victum decimam, & nonam, & molendinum i. Ipsa villa Centulo Monasterio servit, habens mansos vestitos c. lxxx. Flamiriaca villa, Catiacus-villa, Montes, Vadimiacus, Loacas: hæ omnes sancto Richario subiacebant. Sed jam illorum nomina recitemus, qui ex S. Richario beneficia retentabant: quique cum sibi subditis Militibus nostro Abbati & ministris Ecclesiæ nobiliter satis serviebant terrâ marique, vel ubicumque eorum comitatu quilibet è sancti loci Fratribus indignisset.

Heligaudus, Mainfridus, Itherus, Hubertus, Bertuinus, Alguala, Berlandus, Katuinus, Gissoldus, Lantgerus, Hardradus, Algodus, Geroldus, Irahel, Harbertus, Amalbertus, Droptulfus, Milo, Hrodinus, Gutheus, Grinarius, Helmericus, Beringarius, Adalelmus, Aldricus, Heriulfus, Godeardus, Teutfinus, Sigefridus, Hildegardus, Helmericus, Otlaricus, Hildelandus, Landricus, Regueguardus, Gualcerdeus, Rohingus, Gualterus, Ingeibertus, Fredenertus, Ombertus, Gualbertus, Madelguarius, Egfridus, Tredico, Eremboldus, Odelricus, Guandeimar, Leodricus, Ermenardus, Framericus, Boso, Guntselmus, Zacharias, Gosbertus, Hatto, Harfridus, Flodeneus Guandelmarus, Regemfridus, Gualcarius, Odilo, Godefridus, Herembordus, Restrudus, Adico, Amalfridus, Adelfridus, Ingrannus, Deodatus, Fronulfus, Regembertus, Ascheio, Berharius, Framericus, Oduleus, Ermengarius, Eginboldus, Guarin-

gaudus, Bonothus, Gondacher, Odo, Amalricus, Altmarus, Lambertus, Raimbertus, Fulchramnus, Hysail, Onulfus, Emlinus, Beto, Regemlandus, Alguinus, Rogherus, Leutbrandus, Berlaicus, Salomon, Meginarius, Guilgeradus, Donatianus.

Hæc sunt nomina Militum Monasterio beatissimi Richarii famulantium, quos ubique Abbas, vel Præpositi secum ducebant; quique consuetudinaliter in die Festi S. Richarii, & in Nativitate Domini, vel in Resurrectione, seu in Pentecoste, semper Monasterio aderant, accuratè prout quisque poterat ornati; & ex suâ frequentia Regalem penè curiam nostram Ecclesiam facientes.

Villas igitur & prædia, diversasque possessiones & redditus, quæ ex beneficio S. Richarii obtinebant; longum & nimis grave nobis est hic recensere, maxime cum volumen hæc differens pleniter apud nos habeatur, à quo scientiam horum suscipiat qui nosse exoptat.

#### CAPUT IV.

##### De Abbate HELISACARE.

**A**bbate Herico rebus humanis exempto, HELISACAR elegantis gloriæ vir successit in gradu Abbaticio, quem ferunt Gemmetici quoque Monasterii fuisse Rectorem; ob illam quæ longè superiis à nobis commendata est, mutua dilectionis fraternitatem. Hic magnæ sanctitatis studiis pollebat, & in tantam profecit summæ religionis severitatem; ut ab ingressu Monasterii omnimodum arceret feminarum accessum. Magnæ igitur sanctitatis merito Domino complacuit, & ut ex ipso rerum eventu perpenditur, ipsi sancto Confessori carus permansit: quia illius tempore ad sui sacratissimi corporis tumulum, Deo præstante, magna obtinuit fieri miracula, quorum aliqua ad Domini Dei nostri laudem hic ponenda sunt. Et ut sciatur, omnipotens Deus in præstandis miraculorum beneficiis, non sola semper Sanctorum suorum merita, vel petentium intueri credulitatem, verum etiam aliquando considerare cernentium dignitatem: dignitatem dico non honoris altitudinem terreni, sed mentium sinceritatem; ne enim miracula ante oculos nostros fiant, non sola impedit petentium fidei pusillanimitas, sed & nostra flagitia obstant, quibusdum fœdi Dei obtutibus existimus, magna videre indigni habemur. Magnus itaque hic venerabilis Abbas vitæ merito fuit, cui omnipotens & pius Dominus per gloriosa sui fidelissimi famuli Richarii merita magna videre concessit. Hæc ita se habent.

Quidam pater familias in Burgundiâ divitiis valde inclutus, sed liberis privatus, unicam filiam, quam solam habebat paralyti possedam, quamque per multa Sanctorum loca gratiâ recipiendæ sanitatis gestaverat, visione admonitus ad venerabile sancti Richarii templum detulit cum multo comitatu; ibique in festivitate sancti, quæ vii. idus Octobris colitur, substitit, promissam cœlitus filię opperiens salvationem. Et quia mos in illo tempore, instituente prædicto Abbate Helisachare, erat, ne limina Monasterii femina attingerent, ipsa introferri non potuit, sed obpanis extrinsecus tentoriis mansit. Ipsa igitur die post peracta Missarum solemnia, Fratres caritatis gratiâ, & honoris obtentu, ex vinatico sancti Richarii homini mittunt benedictionem. At illa quam dira paralytis possidebat, & quæ nunquam loquuta fuerat, vel ori cibum intulerat, ex ipso vinatico ut bibit, tantam statim sanitatem recepit, ut illic exiliens cæteris præ gaudio ipsa ministraret, & antorem sancti laudemque omnibus inculcans, non ut infirma, sed ut verè sana equitando remearet.

In Villare viculo fuit quædam animarum muscula meretrix scilicet Olga, quæ Deo sibi digna rependente omnium membrorum contractionem & torcionem pertulit, adeo ut ipsa facies more insolito retrorsum aspiceret: quam sui miserantes propinqui ad peritum archiatrum Richarium deduxerunt; ibique omnino salvata est: verumtamen corpore sanato animus voluntate languebat, dum in pristina se facinora volutaret. Hoc autem ejus factum, divinum non latuit oculum, sed repetita nequitia repetitum est & judicium. Ad instar ergo prioris mali contrahitur, & quod majus est, loquendi facultate privatur: tunc parentes ejusdem non desperantes de potentia medici, reportaverunt eam ad suffragia patroni. Sanatur itaque & emendatur; ne si amplius peccasset, jam desperatius puniretur. Sunt verò & alia multa & magna, quæ referre poteramus, sed quia libellus hæc dignè explicans nostris armis tenetur, hoc loco ista sufficiant: alias alia dicentur.

### CAPUT V.

*De Abbate RIBBODONE: & translatio Sancti Angilberti.*

**H**ELISACHARE venerabili non multis in regimine annis perfuncto, atque de hoc sæculo nequam erepto, RIBBODO Abba splendidus Centulæ congregationem suâ pastoralitate ornavit: quo Cænobii curam administrante, HLODOGVICUS divæ memoriæ Imperator cum regnasset annis xxvi. moritur anno Dominicæ Incarnationis dcccxl. Indictione III. Qui inter magna Regaliaque quæ gessit opera, Constantinopolim dicitur adiisse, & inde magnas atque mirificas Reliquias detulisse; quas per sancta loca dispersiens, posteris honorandas tradidit. Et quia sancti Richarii Ecclesia nulli tunc temporis Gallicanæ Ecclesiæ honore & gloriâ, seu religione habebatur inferior, ex eisdem Reliquiis magnam huic loco indulgit partem; hoc est, Caligulam Domini Christi, summitatem acuminis lanceæ, qua ejusdem Domini latus fuit apertum; decem lapides beati Protomartyris Stephani perlitos sanguine, quibus idem Martyr fuit trucidatus: ampullam quoque ejus sancti sanguine plenam.

Genuerat autem idem Augustus ex ERMENGARDA Reginâ tres filios, id est, HLOTHARIUM, PIPPINUM & HLODOVICUM: ex JUDITH verò Imperatrice genuerat KAROLUM gloriosum Regem. Itaque post obitum genitoris lites inter fratres exoriuntur, dum unusquisque sibi imperium exoptat. Dum hæc agerentur, & res in contrarium iret, decernitur ut inito inter se prælio, Rex vel Imperator haberetur, cui fors ministrasset victoriam. Hlotharius ergo adjuncto sibi Pippino, contra fratres suos Karolum & Hlodovicum exercitum duxit in pago Autissiodorensi, in loco qui dicitur Fontanetum, ibique Franci cum nationibus sibi subditis mutuâ se cæde prostermentes, ad ultimum Hlodovicus & Carolus fugato Hlothario triumphum adepti sunt.

RIBBODO, ut dictum est, tunc Centulo Monasterio Abbas præerat; qui videns sanctissimi Angilberti Abbatis corpus sanctum eo loci quiescere, ubi Ecclesiam ingredientibus necessarîo incedebant; & nimium molestè ferens talem tantumque virum quotidiano populi accessu calcari, reputansque esse justum ut homo Dei intra Dei domum pausaret, levavit ejus membra sancta, & transtulit eâ intra Basilicam sancti Richarii die Nonarum Novembrium. Requieverat in loco priori annis xxviii. & tamen Deo faciente, qui servi sui meritum ostendebat, ita integrum & absque corruptelâ sanctum ejus corpus

inventum est, ac si eâ horâ animâ illud depotisset. Odor etiam miræ suavitatis ibidem exuberasse asseveratur. Huic certæ rei testimonium ferunt Francorum historiæ; & scilicet quæ illius temporis facta commendant. Nam cum aliquando quidam libellus in manus nostrorum devenisset, post quædam alia de S. Angilberto hæc inibi scripta notaverunt. Mortuo Hlodogvico Imperatore Karoli Magni filio, tres ejus filii [Hlotharius, Ludogvicus & Karolus de regno inter se dissidebant; dum unusquisque hoc sibi conatur... Novissimè verò statuitur dies quâ de his judicium haberetur, & hoc fieri posse in Nonas Novembris visum est. Quâ quidem die terræmotus magnus per omnem penè hanc Galliam factus est: eâque die Angilbertus vir memorabilis Centulo translatus, & anno post decessum suum vigesimo octavo corpore absque aromatibus] indissoluto repositus est. Idem etiam liber superius aliquid repetens, de ejusdem nobilitate pauca subinfert, dicens; Fuit hic eo tempore ortus haud ignotæ familiæ. Madhelgaudus autem, Richardus, & hic de unâ progenie fuerunt, & apud Magnum Karolum meritò magni habebantur; qui Angilbertus ex ejusdem Regis filia nomine BERETHA, Harnidum fratrem meum, & me Nithardum genuit. Centulo opus mirificum in honore omnipotentis Dei sanctique Richarii construxit; familiam sibi commissam mirificè rexit: hinc post vitam omni felicitate defunctam Centulo in pace quievit. Is ipse Nithardus Domni Angilberti filius Cænobio huic præfuisse asseveratur post decessum patris: quique cum paucissimis diebus ministrasset, bello interfectus, juxta patrem sepulturam meruit. At cum ibi aliquantis annis pausasset; jamdudum translato corpore S. Angilberti in Ecclesiam, quidam devoti posuerunt corpus ejusdem Nithardi in patris sarcophagum. In loco igitur, ubi à Domino Ribbodone sanctus positus est Angilbertus epitaphium positum est.

[*Hoc recubat busto semper memorabilis abba Angilbertus, ovans spiritus astra colit. Mensis Martii obiit bisseis ipse Kalendis. Construxit templum quo retinet tumulum. Et cluit Augusti Karoli sub tempore Magni, Dogmatibus clarus, principibus socius. Ante fores templi iussit qui se tumulari, Ribbodo huc Abba transtulit ac posuit. Post annos obitus bis denos ejus & octo, Corpore cum nactus integer insolito est.*]

### CAPUT VI.

*Privilegium HLOTHARII.*

**P**OST illud, quod suprâ diximus, cruentissimum prælium, pace inter fratres factâ, diviserunt sibi ipsi Francorum Imperium. Et Lotharius quidem accepit Regnum Romanorum, & totam Italiam, & partem Franciæ Orientalem, quæ ab eodem mutuo nomine Hlotharingia vocatur, totamque Provinciam. Porro hic Hlotharius ante patris sui obitum decem & octo annis unctus fuerat ad Imperatorem; Hlodovicus verò præter Noricam quam habebat, tenuit Alemanniam, Toringiam, Austrasiam, Saxoniam, Hunorumque Regnum. Karolus verò medietatem Franciæ ab Occidente, & totam Neultriam; Britanniam, & maximam partem Burgundiæ, Gothiam, Guasconiam, & Aquitaniam; & quia sancti Richarii monasterium intra ejus ditionem habebatur, maximis illud honoravit privilegiis & amplificavit donis; sicut in sequentibus, Deo auxiliante, docebitur. Eo itaque tempore quidam Dux nomine Hugo donavit Beato Richario villas aliquas suæ proprietatis, ob animæ suæ salvationem: celebratâ au-

tem donatione . accessit ad Regem Hlotharium , postulans ut suæ præceptionis auctoritatem super illas villas , id est , Rollenicurtem & Botritium firmaret , quatinus per futura tempora absque calumniâ sancti servitio subjacerent . Sane in illâ descriptione , quæ paulo superius ex parte relata est , invenitur quia eadem villæ sancti servissent monasterio ; & constat eas ab aliquo fuisse subtractas ; quandoquidem ab isto Duce modò reddebantur . Hlotharius igitur ei benignissimè favit ; nam ejus filiam nomine Ermen-gardam uxorem habebat , & suæ concessionis auctoritatem super quæ poscebatur firmavit his ipsis verbis .

In nomine sanctæ & individuae Trinitatis . Hlotharius divinâ providente clementiâ Francorum Rex . Si servorum Dei justis & rationabilibus petitionibus benignitatis nostræ assensum præbemus , regis celsitudinis opera frequentamus ; ac per hoc facilius nos æternæ beatitudinis gloriam adepturos liquidò credimus . Quocirca noverit omnium sanctæ Dei Ecclesiæ fidelium atque nostrorum tam præsentium quam futurorum , solertia , quia Dux Hugo nobis per omnia fidelis unâ cum monachis ex Centulo Monasterio præclarissimi scilicet confessoris Christi Richarii , culminis nostri adeuntes serenitatem expetierunt quatinus villas quasdam ex eadem sancti Richarii Abbatia , quas ipse Dux Hugo stipendiis & usibus monachorum pro remedio suæ animæ addiderat , ut nullius aliquando Abbatis vel cujuscumque personæ minoratione illis subtrahantur , Imperiali præceptione pleniter firmaremus . Quorum denique preces ob amorem Dei & jam dicti militis ejus sancti Richarii , nec non & ob dilectionem carissimi consanguinei nostri Hugonis Ducis clementer audivimus , & ita illis in omnibus concessisse notum esse volumus . Quin etiam reverentiæ nostræ scriptum hoc speciali conditione fieri jussimus , per quod memoratas villas in pago Targonensi sitas , hoc est Botritium cum omni integritate suâ , Rolleni etiam curtem in jam dicto pago cum omnibus appendiciis suis vel quidquid ad supra dicta loca justè & legaliter aspicere videtur , sicut à jam dicto Duce & ejusdem loci Abbate statutum est , uibus & stipendiis monachorum in præfato loco Christo famulantium , concedimus atque firmamus . Videlicet ut nulli liceat unquam ab eorum dominio ex eisdem villis aliquid abstrahere aut minuere aut in alios usus convertere , nec paratas aut lidimonium aut hostilicium aut alias quaslibet redhibitiones aliquis ullomodo præsumat exigere , sed sicut dictum est eo modo atque tenore quo à nobis atque à prædicto Duce statutum est , ita nostris & futuris temporibus securè illas teneant & quietè possideant , quatinus eosdem servos Dei in præfato monasterio Domino militantes pro salute genitoris nostri ac felicitate nostrâ , conjugis proleque seu stabilitate regni nostri incessanter piissimi judicis misericordiam implorare delectet . Et ut hæc auctoritas per futura tempora inviolabilem atque inconvulsam obtineat firmitatem , manu propriâ subterfirmamus , & annuli nostri impressione assignari jussimus . Actum Compendio palatio Regis anno Dominicæ incarnationis MCCC. XI. tertio . Indictione VI. Regnante gloriosissimo Rege Hlothario anno XXI. Signum Domini Hlotharii gloriosissimi Regis . Ego Adalbero regius notarius ad vicem Domni

Adalberonis Remorum Archiepiscopi & summi Cancellarii , recognovi . ]

## CAPUT VII.

De Abbate LUDOVICO.

Anno Dominicæ Incarnationis MCCCXLIV. regnante Karolo anno IV. Indict. VI. Præsule Romanæ Ecclesiæ Sergio Papa , Ribbodone Centulensi defuncto Abbate , ejusdem Cœnobii curam suscepit gloriosus vir LUDOVICUS , tam divinâ quam sæculari prudentiâ ornatus . Ille ex Regali prosapiâ oriundus fuit , & nobilitatem præclari generis in nobilitatem transtulit religionis : ut sicut sui parentes , cognati , vel fratres purpurâ & diadematis refulgebant , sic ipse in oculis Dei animi virtute splenderet . Verum antequam Abbas factus fuisset , Fratres nostri Cœnobii Regiam pietatem adierant , eique Divi Augusti Hludogvici præceptum , quod super villis sancti hujus [ loci ] auctorizaverat , ostenderunt , supplicantes ut idipsum & ipse faceret , & super eisdem villis suæ potestatis præceptionem proferret . Karolus itaque occidentalis Franciæ Rex , à quo hæc postulabantur verenter assensit , & servis Dei favens , suæ præceptionis auctoritatem eisdem tribuit , his verbis descriptam :

In nomine sanctæ & individuae Trinitatis , KAROLUS gratia Dei Rex . Si servorum Dei justis & rationabilibus petitionibus benignitatis nostræ assensum præbemus , Regiæ Celsitudinis opera frequentamus , ac per hoc facilius nos æternæ beatitudinis gloriam adepturos liquidò confidimus . Quocirca noverit omnium sanctæ Dei Ecclesiæ fidelium , atque nostrorum , tam præsentium quam & futurorum solertia , quia viri religiosi Monachi ex Monasterio Centulo , præclarissimi scilicet Confessoris Christi Richarii , culminis nostri adeuntes serenitatem , obtulerunt præcellentis nostræ gloriosæ memoriæ Domini & genitoris nostri Cæsaris Augusti Hludogvici auctoritatem , quâ continetur , qualiter idem Dominus & genitor noster quasdam villas ex eadem S. Richarii Abbatia usibus & stipendiis eorundem Monachorum constitutas eis concesserit , atque ut nullius quandoque Abbatis vel cujuscumque personæ minoratione illis subtrahantur , Imperiali præceptione pleniter confirmaverit . Ac proinde oraverunt iidem Monachi Magnitudinem nostram , ut eandem Domini genitoris nostri Imperialem auctoritatem nos denudè reconfirmare vel renovare dignaremur per præcellentis nostræ rescriptionem . Quorum denique preces clementer audivimus , & ita illis in omnibus concessisse cunctis notum esse volumus : quin etiam reverentiæ nostræ scriptum hoc speciali conditione fieri jussimus , per quod memoratas villas , hoc est , Civinocurtem cum Bronoiolo , Aldulficurtem , Valles , Drussiacum , Novam villam , Montem-Angelorum , Guibrentium , Bagardas , Curticellam , Crux , Langoratum , Altegiam , Sidrudem , Niviellam , Verculf , Concilium , Roconis-montem , Maris , vel quidquid ad supradicta loca præfenti tempore justè & legaliter aspicere videtur , sicut à Domino & genitore nostro statutum est , usibus & stipendiis Monachorum in præfato loco Christo famulantium concedimus , atque firmamus : videlicet ut nulli unquam liceat ab eorum dominio ex eisdem villis ali-

c Hlotharius ] Fallitur & fallit : nam privilegium quod hoc loco editur , nec Lotharii Imperatoris est , nec ejus cognominis filii , sed Lotharii Regis Francorum , quo natus est Ludovicus ultimus è Caroli stirpe Francorum Rex :

& Hugo Dux cujus in illo privilegio fit mentio , idem est qui post Ludovicum regnavit parens inclitæ stirpis quæ hucusque feliciter regnat .

„ quid abstrahere, aut minuere, aut in alios usus  
 „ convertere, nec paratas, aut lidimonium aut  
 „ hostilicium, aut alias quaslibet redhibitiones præ-  
 „ sumat ullo modo exigere; sed sicut dictum est,  
 „ eo modo atque tenore quo à piissimo Imperatore  
 „ genitore nostro statutum est, ita nostris & futuris  
 „ temporibus securè illas teneant, & quietè possi-  
 „ deant. Quatenus eisdem Dei servos in præmissis  
 „ Monasterio Domino militantes pro salute ejusdem  
 „ genitoris nostri, & felicitate nostrâ, & conjugis,  
 „ proleque, sive stabilitate regni nostri, incessanter  
 „ piissimi Judicis misericordiam implorare delectet.  
 „ Et ut hæc auctoritas per futura tempora inviola-  
 „ bilem & inconvulsam obtineat firmitatem; manu  
 „ propriâ subterfirmavimus, & annuli nostri im-  
 „ pressionem assignari jussimus. Signum KAROLI glo-  
 „ riosissimi Regis. MEGINARIUS Notarius ad vicem  
 „ HLUDOVICI recognovi & subscripsi. Data XII.  
 „ Kal. Junii, Anno IV. Regnante Domino KARO-  
 „ LO Serenissimo Rege, Indictione VI. Actum Com-  
 „ pendio palatio regio in Dei nomine feliciter, A-  
 „ men.

Ludovicus Abbas incipiente v. anno regni Karoli  
 Monachos suos, quibus nuperrimè prælati fuerat  
 ad Regem mittit, quatenus quibusdam villis à se ac-  
 quisitis, & ex Regio dono perceptis, suæ iteratò  
 auctoritatis præceptionem firmaret. Illi obedientes  
 præceptum Abbatis exequentes, Regem Karolum  
 denuò exorant; ut juxta quod suus genitor, & ip-  
 se paulo ante fecerat, Regiæ potestatis auctoritatem  
 reconfirmaret. Karolus libenter ac placidè obau-  
 diens, quæ orabatur adimplevit, & in hoc quoque  
 privilegio illas notavit villas, quas dudum in supe-  
 riori firmaverat: adjungens illas quæ ex industria  
 clarissimi Abbatis poscebantur firmari, id est, To-  
 ristem cellam, & quidquid ad illam pertinebat, &  
 alia quædam, quæ ipsa carta liquidò pandit, ita se  
 habens:

„ In nomine sanctæ & individuae Trinitatis. KA-  
 „ ROLUS gratiâ Dei Rex. Si servorum Dei, &c. *ut*  
 „ *in præcedenti.* Qui à benignitate & licentiâ dilecti  
 „ propinqui nostri Ludovici Abbatis ejusdem sacri  
 „ Cœnobii viri religiosi Monachi ex Monasterio Cen-  
 „ tulo, præclarissimi scilicet Confessoris Christi Ri-  
 „ charii, culminis nostri adeuntes Serenitatem, &c.  
 „ *ut in superiori.* Quorum denique preces divino in-  
 „ tuitu, & deprecatione præfati venerabilis & di-  
 „ lecti propinqui nostri Ludovici Abbatis clementer  
 „ audivimus, & ita illis in omnibus concessisse, cun-  
 „ ctis notum esse volumus; quin etiam reverentiæ  
 „ nostræ scriptum hoc speciali conditione fieri jussi-  
 „ mus, per quod memoratas villas hoc est Civini-  
 „ curtem cum Bronoilo & Argovillare, Adulficur-  
 „ tem, Valles, Drusciacum, Novamvillam, Mon-  
 „ tem Angelorum, Guibrentium, Bagardas, Cur-  
 „ ticellam, Crucem, Langaratum, Alteiam quæ  
 „ Abbatisham vocatur, Concilium, Vercultum  
 „ cum seticis in Ragineri exclusa, terrisque ad eam  
 „ pertinentibus: Roconis montem cum seticis &  
 „ terris in Asflariis, Sacrocampo, & Petronutio  
 „ consistentibus; addito manso precariæ Hegfridi  
 „ post decessum ejus, Nigellam, Sidrudem, capel-  
 „ lam in villâ maris cum Mansis ad se pertinenti-  
 „ bus: Insuper & cellam, quæ Forestis vocatur,  
 „ cum villis ad eam pertinentibus, quas venerabi-  
 „ lis Abbas Ludovicus auxit Monachorum stipen-  
 „ diis, quarum hæc sunt nomina: Argubius cum  
 „ coloniâ, quæ Romangilis dicitur, & beneficio-  
 „ lum Northerti & Guicbaldi in eadem coloniâ sita;  
 „ & Bonella cum beneficiis Angaltii, & Godolardi:  
 „ nec non & villa quæ vocatur sanctus Vigilius,  
 „ cum Berniaco, & Accinicurte, & Euholt. Et in

Tom. I.

pago Belvacense, in loco qui dicitur Gellis sitici  
 „ sex, & de vineâ aripennés octo: & in Rivirtsi-  
 „ curte seticis duobus, & de vineâ aripennés sex,  
 „ & in Quentvico seticis duobus; in Mosultro man-  
 „ sum unum. In Asco seticis tribus; in Avissus  
 „ mansum unum. Eà verò conditione, ut qui be-  
 „ neficia ex jamdictis rebus modò habent, tandiù  
 „ ea retineant usquequò aut alicubi pro eisdem be-  
 „ neficiis alia obtineant, aut post decessum illorum,  
 „ nisi fortè Abbas pro eorum culpâ ante ab eis re-  
 „ ceperit, Fratres absque ullâ interrogatione reci-  
 „ piant; & XII. Canonicos in eadem Cellâ Mona-  
 „ chi sub suâ curâ & ordinatione in debitis & ne-  
 „ cessariis stipendiis religiosè custodiant. Ex sylvâ  
 „ etiam, quæ ad eandem cellam, quæ Forestis di-  
 „ citur, pertinere videtur, quæ necessaria in utili-  
 „ tatibus majoris Monasterii fuerint, discretionè &  
 „ ordinatione Abbatis prævideant. Hæc autem om-  
 „ nia, quidquid ad supradicta loca præsentem tem-  
 „ pore justè & legaliter, &c.

Signum Karoli gloriosissimi Regis. JONAS Dia-  
 „ conus ad vicem HLUDOVICI recognovi & sub-  
 „ scripsi. Data v. Kalendas Octobris anno v. Ind.  
 „ VII. Regnante Carolo gloriosissimo Rege. Actum  
 „ Compendio palatio Regio in Dei nomine feliciter,  
 „ Amen.

### CAPUT VIII.

*Ablatio S. RICHARII, & Relatio.*

Cœnobio Centulensi Ludovico præsidente, ob  
 „ malignorum timorem Danorum, quos Sequana  
 „ illis alebat temporibus, multa Monasteria mari fini-  
 „ tima ac villæ secundæ pristinum amittere decorem.  
 „ Quo rûmore & hoc Monasterium concussus est,  
 „ in tantum ut non solum facultates Ecclesiæ, verum  
 „ etiam ipsum intemerabilem thesaurum, sancti scilicet  
 „ corpus Richarii, contigerit fugam inire. Fratres  
 „ denique illud tollentes, paucosque loci custodes re-  
 „ linquentes discesserunt, & tribus circiter hebdo-  
 „ madibus dispersi Monasterio caruerunt. Dei autem  
 „ voluntate Danis discedentibus aliaque regna peten-  
 „ tibus, Fratres retulerunt Sanctum Domini in pro-  
 „ prium locum. Revertenti patrono occurrunt Pa-  
 „ trienses, de ejus redditâ præsentiam indicibiliter exul-  
 „ tantes. Omnipotens sanè, ut ampliorem sui Sancti  
 „ cordibus Pontivorum amorem accenderet, duo ma-  
 „ gna in ipso reditu perfecit miracula. Quidam enim  
 „ nobilis Gotselmus paralyti detentus, omnium mem-  
 „ brorum officio manebat privatus. Hic revertenti  
 „ sancto Confessori suorum auxilio gestatus occurrit:  
 „ & mox ut ejus lecticam conspexit, statim omni  
 „ malo liberatus optatam sanitatem perfectissimè re-  
 „ cepit. Alter quidam ignobilis vocabulo Magimber-  
 „ tus habebatur hydropicus, inutilis ad omne opus, &  
 „ nisi ab alio moveretur, uno semper residebat loco  
 „ ceu truncus: hunc quidam alii submonebant, ut  
 „ Sancto regredienti obviam iret, & salutem suam  
 „ ab illo reposceret. Negante illo & impossibilitatem  
 „ ostendente, illi eum accipientes obviam Sancto tu-  
 „ lerunt: Cumque processio Fratrum referentium San-  
 „ ctum illis è contra venisset, infirmus exclamavit à  
 „ quodam se calcari, & postmodum visum est illi  
 „ quod aquâ calidâ perfunderetur, sicque ex integro  
 „ sanatus est.



R r ij

## CAPUT IX.

## De Hruodulpho Abbate Comite.

**P**ost aliquot<sup>d</sup> annorum spatia mortuo Abbate Ludovico, Abbatia Centulensis Rectorem habuit egregium virum Hruodulphum, virum Imperialem, & tam divinâ Philosophiâ quàm sæculari prudentiâ ornatissimum. Qui cum esset avunculus gloriosissimi Regis Caroli, & tamen spretâ sæculi gloriâ Domino ut nobilissimus nobiliter deserviret, à Fratribus Centulensibus, quorum sodalis in proposito erat, Abbas eligitur. Quique cum hoc officio Regis precatu functus fuisset, ejusdem Regis Caroli, sui scilicet nepotis, dono & prece Comitatum maritimæ provinciæ suscepit: quia erat, ut diximus, non solum studiorum spiritualium, sed & humanæ prudentiæ peritissimus. Ornabatur itaque nostrum Monasterium Hruodulpho Abbate, refulgebat res alternatim publica Hruodulfo Comite. Hujus largitione Ecclesia nostra villas tunc optimas promeruit sex, quæ in sequentibus notantur. Qui etiam Monachos, sicuti anteriores Abbates fecerant, ad Regem transmisit, ut super his villis & super aliis de quibus in posterum calumnia timebatur, suæ iterum potestatis auctoritatem firmaret, quod & factum est: nam Fratres regiam Majestatem adierunt, postulatum avunculi deferentes: quibus ille ut solebat benignè paruit, & eisdem tale præceptum confirmavit.

„ In nomine sanctæ & individue Trinitatis CA-  
 „ ROLUS gratiâ Dei Rex. Si servorum Dei, &c. *ut*  
 „ *suprà*. Quia voluntate & licentiâ dilecti Avu-  
 „ culi nostri Hruodulphi Rectoris Centulensis sacri  
 „ Cœnobii, Monachi ex eodem Manasterio præla-  
 „ rissimi scilicet, &c. Quorum denique præces di-  
 „ vino nutu tactus, & deprecatione præfati avun-  
 „ culi nostri Hruodulphi Abbatis clementer audivi-  
 „ mus, & ita illis in omnibus concessisse cunctis no-  
 „ tum esse volumus. Quin etiam Reverentiæ nostræ  
 „ scriptum hoc speciali conditione fieri jussimus,  
 „ per quod memoratas villas, hoc est Civinurtem  
 „ cum Broniolo, & Arcovillare, Hardulscurtem,  
 „ Valles, Drusciacum cum Ecclesiâ Cardordense, &  
 „ appendiciis suis, Novam villam, Montem Ange-  
 „ lorum, Guibrentium, Bagardas, Curticellam,  
 „ Crucem, Langoratum, Alteiam, quæ Abbati-  
 „ sam vocatur, Verculsum, Concilium cum manso  
 „ in Vertunno, quem Teutdradus pro quodam Con-  
 „ cambio S. Richario dedit: Niallam cum mansio-  
 „ nile Filcariis, Roconismontem cum seticis & ter-  
 „ ris in Masflariis, Sacrocampo, & Petronutio con-  
 „ sistentibus: necnon etiam & Sidrudem cum om-  
 „ nium rerum plenitudine. Insuper & hoc quod qui-  
 „ dam homo nomine Ragembertus jure beneficia-  
 „ rio quodam tenuit pro commutatione Forestenlis  
 „ Cellulæ, quam hætenus per auctoritatem præce-  
 „ pti nostri habentes tenuerunt, secundum oportu-  
 „ nitatem, eorumque petitionem, atque consensum  
 „ jamdicti Avunculi nostri Hruodulphi: id est, Argu-  
 „ bium cum appendentiis suis, Longum superiorem,  
 „ Spaniam, Hadardi-villarem, Habacurtem, & in  
 „ Hambiacæ-villa Ecclesiam unam cum mansis duo-  
 „ bus, Mansionilem unum qui dicitur Ponticulis,  
 „ & in Buxide mansum unum cum suâ integritate,  
 „ & quidquid ad ista aucta vel commutata, supra-  
 „ dictaque loca præfenti tempore justè & legaliter

aspicere videtur, sicut à Domno & genitore no-  
 stro, &c.

Signum KAROLI gloriosissimi Regis. *ÆNEAS*  
 Notarius ad vicem Hludovici recognovi & sub-  
 scripsi. Data II. Kal. Martii, Indict. III. Anno  
 XVI. Regni Karoli gloriosissimi Regis. Actum in  
 Germiniaco Palatio Regio, in Dei nomine felici-  
 ter, Amen.

Hruodulfus igitur Venerabilis Abbas & Comes, postquam per aliquos annos Cœnobium cum provinciis maritimis gubernavit, se Deo vocante ex hujus mundi ludibrio emigravit, percepturus pro fideli administratione dulcia paradisi. Fratres verò de ejus morte nimium tristes, librum rotularem conficientes direxerunt per Ecclesias, & loca Sanctorum, dilecti Patris exitum nuntiantes, & pro ipso orari cupientes. Quod ideo placuit memorari, quia ipsius voluminis Epistola nostrâ ætate adhuc durans inter antiqua monumenta sancti loci gratam ex se Fratribus facit lectionem. Ipsi itaque Epistola rotuli talis est:

Fratres Cœnobii sancti Richarii gloriosæ me-  
 moriæ omnibus Christi Militibus. Petimus obni-  
 xè Paternitatem vestram pro nostris fraternè geri  
 defunctis, & vestrorum æquè dirigi vocabula mor-  
 tuorum, diemque adventus præsentis cursoris ad  
 vos venientis per monumenta Kalendarum signifi-  
 cari, ne fallaciæ suæ præstigiis nobis possit men-  
 tiri. Officio verò Abbaticio, seu Præposituræ, unâ  
 cum Decaniæ qui fungi videntur pariter intimare  
 sciat. Obiit itaque apud nos Domnus Hruo-  
 DULFUS Comes, Abbasque simul noster VIII. Idus  
 Januarii. Ideoque quatenus pro eo decertetis apud  
 Dominum, ut & vos mercedem habeatis, & ille  
 in congregatione Justorum aggregetur, vestris suf-  
 fultus sanctissimis opitulationibus. Statuimusque  
 justum esse, ut quem Patrem habuimus piissimum,  
 dulci filiorum amore pro eo pium Dominum in-  
 cessanter rogemus.

## CAPUT X.

## De Heligaudo Abbate Comite.

**U**niversæ carnis viam ingresso Hruodulfo suscepit HELIGAUDUS Comes Centulensium gubernationem. Hic ex sæculari Comitatu transit ad animarum Ducatum. Nam antequam Abbas aut Monachus foret, sæculo militavit, & etiam uxortus filium suæ carnis reliquit, terræ quidem potestatis, sed non Monasticæ servitutis heredem, nomine HERLUINUM, similiter Comitem. Verum si aliquis quærat cur nostras Rector, Abbas, & Comes insimul existeret, reddimus quam antiquiores tradunt hac de re rationem. Eo enim tempore permittente Deo, & peccato Christiani populi exigente, feræ nationes Danorum, aliarumque barbaries gentium, per sæpe Franciscos limites pervadebat, & ipsos Reges ac Proceres regno deturbare, & penitus interimere conabatur. Pontivus, vel Wimacus, Provinciolæ tunc Castella aut munitiones aut rari, aut nusquam habebant, & proinde per has liber ingressus ad Franciam hostibus existerat: quod etiam in hoc Opusculo gemino potest animadverti exemplo, quando scilicet Domnum Nithardum sancti Angilberti filium, bello interemptum retulimus; vel quando tempore Abbatis Ludovici sanctum Patrem Richarium illorum timore hinc fuisse sublatum docuimus. Reverà autem nostri ad stipulavere seniores,

<sup>d</sup> Post aliquot ] Acherius in suo codice ad marginem, hæc reperit: Post Domnum Ludovicum præfisse dicitur Domnus Nithardus; & quia tum persequutio gravis infestabat pa-

ganorum, etiam maximam ora Comitatum suscepit. Eadem leguntur in codice Centulensi.



quod & ipse Nithardus utriusque officii minister extiterit, & quia expeditioni non relicto regulari ordine inserviens, ab hostibus sit occisus. Cum ergo horum canina rabies frequenti suo adventu mala gravia orbi Gallico infligeret, visum est Regibus Francorum & Optimatibus ut Abbas Centulensis, qui magnæ gloriæ magnique nominis habebatur, hujus sedandæ tempestatis onus exciperet: quia & in ipso loco sancto magnæ generositatis viri habitabant, & qui tam pro bonorum immensitate, quam pro parentum militum numerositate, magna & fortia aggredi possent. Nec enim unquam aliquis de nobilibus loquens aliud nobilius quæsit, si sancti Richarii Monachorum nobilitas ei nuntiata fuit. In hoc enim Cœnobio Duces, Comites, filii Ducum, filii Comitum, filii etiam Regum educabantur: omnis sublimior dignitas quaquaversum per Regnum Francorum posita, in sancti Richarii Monasterio se parentem habere gaudebat. Tali igitur quâ diximus ratione quidam nostratum Abbatum Comites insimul erant & Abbates, qui & generosæ parentilitatis lumine emicabant, & sacræ Regulæ servatores, in ipsis etiam exercituum turmis ante Dei oculos habebantur.

Abbas ergo Heligaudus simulque Comes, cum hujus Cœnobii moderator existeret, cuidam militari viro Rollenicurtem, & alia quædam, pro dolor! quæ nuper à Duce Hugone noster receperat locus, in beneficium sub certi temporis denuntiatione tradidit: cujus facti precaria cartula à nobis habetur; sed nihil eorum hic ponimus, quæ non honoris augmentum, quin potius materiem doloris præstarent: qui etiam post aliquot annorum exhibitam Abbatæ Comitatus administrationem humanis rebus excessit: nec Comitatus curam jam Abbatibus agendam reliquit, quia hanc filius ejus Herluinus suscepit. Verumtamen hujus Heligaudi Comititis leges, quas in secularibus proposuit, adhuc à provincialibus tenentur, sciuntur, servantur.

### CAPUT XI.

*De domno GUELPHONE Abbate: & Translatio capitis sancti Richarii.*

**I**llo itaque mortis eventu substracto, Abbatem habuimus & verè Patrem virum Regali genere procreatum, nomine GUELPHONEM. Quantæ verò strenuitatis & probitatis fuerit Dominus iste, non paucis potest explicari relatis. Verumtamen bonitatem illius animo insitam hinc quisque lucidè capere potest, cum sicut sequentia decebunt, erga S. Richarium fidelis ac devotus, erga subiectos benignus, erga Principes semper extiterit amatus. Hic ob expertam in se prudentiam, & religiositatis devotionem, sanctæ Martyris & Virginis Columbæ apud Senones sitæ, sicut & noster, Abbas permansit: ea autem quæ sub ipso ejus regimine gesta fuisse inveniuntur, referri debent, ut & in his quoque nobilitas viri liquidò perpendatur.

Anno igitur Dominicæ Incarnationis DCCCLXIV. Indictione XII. Mense Octobri, die VI. Kalend. Novembrium, translatus est ab ipso Abbate, vel à Fratribus, gloriosum caput S. Richarii de capsâ ligneâ in capsam argenteam, auro gemmisque redimitam. Siquidem cum, ut supra dictum est, barbarorum impulsu patria vastaretur, Fratresque fugere cogerentur, fecerant capsam ligneam, in quâ caput beatum S. Richarii condiderant, ut faciliè & leviter secum possent quaquaversum portare. Datâ verò quiete, & hostibus fugatis, Odulfus venerabilis Monachus sancti ejusdem habebatur ædituus; qui dum ardenti animo sacratissimum Patrem omni ho-

nore prosequeretur, ex thesauris Ecclesiæ auro & argento preciosisque lapidibus abundantissimè eam capsam paraverat, ubi cari Patroni caput de ligneâ transmissum narramus: quod dum fieret, contigit adesse unum è Monasterii famulis nomine Geraldum, qui lumine oculorum ante annum & dimidium fuerat Dei permisso orbatus; transfertur Sanctus, ille orans solo tendens jacet, dum Sancti caput veneranter reconditur, istius oculis se lux peregrina refudit. At memoratus Custos in ipsam quam diximus capsam multas Sanctorum Reliquias cum Sancti capite reposuit, de quibus paulo post pauca referemus. Sed quia pietas Regum multa nobis contulisse deprehenditur, ad illorum facta paulisper stilus revertatur.

### CAPUT XII.

*De Regibus: & de Reliquiis quas ODULFUS Custos undecumque meruit.*

**I**N superioribus recognoscat nos lector dixisse HLUDOVICUM filium Augusti HLUDOVICI, post habitum cum fratribus certamen, Noricorum & Alemannorum, Austrasiorum quoque & Saxonum ac Hunorum regna perceperisse, quæ postquam XL. & III. annis strenuè gubernasset, jamque sibi de sepulturâ cogitandum attenderet, tribus filiis regnum suum partitus est, & Carlomanno quidem dedit Noricam, id est Bajoariam, & Marchas contra Sclavos & Langobardos. Hludovico verò Turingiam, Austrasiam, Francos, & Saxoniam dimisit. Karolo quoque Alemanniam, & Curgualam, id est Comitatum Cornugalliæ reliquit. Anno autem Incarnationis Christi DCCCLXV. Ind. XII. post Paschalem festivitatem hæc regnorum partitio facta est. Ipse tamen Hludovicus super filios suos feliciter principatum tenuit postea per XI. annos, sicque mortuus est.

Eo igitur anno quo filiis regna contulit, ODULFUS Cultos Ecclesiæ S. Richarii petiit venerabilem HILMERADUM Ambianorum Præsulem, ut sibi ad honorem Dei, & ob amorem Fratrum suorum aliquam portionem Reliquiarum donaret. Quod ei divinâ gratiâ illustratus, animo cessit libenti, atque diem quâ pro eis mitteret statuit. Prædictus verò Custos discipulum suum Samuhelem Presbyterum Ambianis misit, qui perceptas ab Episcopo Reliquias Idus Junii Centulo deportavit. Videlicet ex Casulâ sancti Firmini, quam habuit indutam cum interficeretur pro Christo; & de ossibus poplitum beatorum Martyrum Fusciani, Victorici, atque Gentiani; necnon & partem anterioris digiti famosissimi Honorati Confessoris Christi. Tunc religiosissimi Fratres obviam è Monasterio procedentes, & terrâ tendens adorantes, exceperunt illas cum ingenti gaudio ac summo honore, & in capsam quâ sancti Richarii caput beatum servabatur, reposuerunt.

Eodem anno petiit ipse ædituus sancti Fratres Judoci, ut sibi pro caritate ex ipsius Sancti corpore aliquid largirentur: at illi exultantes quod apud se haberetur unde à Centulensibus potuissent rogari, memorato Custodi citissimè paruerunt, & medietatem digiti de eodem Sancto ei contulerunt: quem ut moris erat, nostrates Monachi honoranter exceperunt, & in capsam sæpefatam cum sancti Richarii capite leus Decembris posuerunt.

Sequenti etiam anno idem Monachus rogavit à Fratribus Cœnobii Fontanellæ, quod nuperrimè fuerat populatum; ut ex corporibus Beatorum Guandregisili & Ansberti sibi & loco nostro tribuerent quantulamcumque partem. Acceptas ergo sacras Reliquias legatus æditui, ossa scilicet & cine-

res, Centulo 11. Idus Februarii intulit: quæ à Fratribus cum honore susceptæ, & in capsam sæpe dictam reconditæ sunt.

Præatus Custos Odulfus oravit quamdam Abbatissam euntem Valentianas ad placitum Karoli Regis, quo sibi suo precatu obtineret aliquid donari ex Reliquiis almi Martyris Salvii à Custodibus ejusdem Sancti. Quæ ubi ad locum venit, non immemor acceptæ precis, impetravit ab ejusdem loci alumnis, quorum Rector erat ejusdem Abbatissæ filius nomine Hugo, ex Reliquiis jamdicti Martyris portionem; ex sanguine scilicet, una cum capillis ejus: sed & partem manicæ quam habebat vestitam tempore Dominici sacrificii; quæ 14. Non. Maii Centulo allatæ, atque à Fratribus verenter exceptæ, ac in præscriptam capsam honestè conditæ sunt.

866.

Anno quoque Incarnationis Domini nostri Jesu Christi DCCCLXVI. Ind. xiii. obtinuit Custos prædictus apud HUDONEM Belgivagorum Præsulem intercessu HILMERADI Præpositi sancti Luciani Martyris, quo sibi aliquid è suis Reliquiis dependere dignaretur. Legatus itaque illò veniens, à jamdicto Episcopo Reliquias ex capillis S. Luciani, & de veste ejus, nec non de corpusculo sancti Justini quoddam accepit, attulitque ad Cœnobium Centulum 11. Idus Junii, quas Fratres cum hymnis & laudibus adorantes exceperunt, & cum capite sancti Richarii Pontivorum Patris condiderunt.

## CAPUT XIII.

*Privilegium HLUDOVICI de Civinocurte.*

867.

**P**ost hæc verò anno sequenti Ind. xv. cum honestissimus Abbas GUELFO Cœnobium Centulense modestè ac religiosè gubernaret, Villam sanctissimi Patris Richarii, Civinocurtem vocabulo, contigit peditum equitumve frequenti transitu nimis gravari. Quod pius Rector pervidens, & reputans quòd si res insoleceret, nimietate divertentium deleteretur villa, accessit ad Regem Hludovicum, qui ante fermè triennium fuerat à patre Rex statutus; & deprecatus est, ut propriæ auctoritatis præceptione inhiberet, ne aliquis commeantium peditum equitumve villam jamdictam causâ hospitandi intraret, cui Venerabili Abbati uti dilecto parenti Rex jamdictus annuit, & ad ejus petitionem tale præceptum firmavit.

„ In nomine Domini Dei æterni: & Salvatoris nostri **JESU CHRISTI HLUDOVICUS** misericordiâ  
„ Dei Rex. Notum sit omnibus sanctæ Dei Ecclesiæ  
„ Fidelibus, & nostris, præsentibus scilicet atque  
„ futuris, quoniam GUELFO Venerabilis Abbas &  
„ consanguineus noster carissimus, ad nostram accedens  
„ Serenitatem, precatus est ut propter hominum  
„ spiritum oppressionem facere juberemus præceptum  
„ nostræ auctoritatis ex villâ Fratrum sancti Richarii  
„ nomine Civinocurte; quatenus nemo ibi mansionaticum  
„ faciat, nec in hostem vadens, nec iterans, sed libera sit  
„ jamdicta villa ab omni oppressione hospitum, & liberè  
„ possit suis Senioribus deservire. Nos itaque ejus petitionibus assensum  
„ præbentes propter amorem Dei, & reverentiam prædicti loci,  
„ & remedio animæ nostræ, & ob jamdicti Abbatis Guelonis  
„ carissimi consanguinei nostri dilectionem, ita & fecimus. Præcipientes  
„ igitur jubemus per hoc præceptum nostræ auctoritatis,  
„ ut nullus in prædictam villam ex omni regno nostro  
„ introeat causâ ullius mansionatici sine voluntate prædictorum  
„ Fratrum, sed liberè ab omnium hospitum oppressionem  
„ maneat sine ullâ revocatione. Si quis verò hoc nostrum  
„ præceptum in-

fringens quidpiam sine licentiâ Fratrum ex prædictis fecerit, argenti libras xxx. coactus exsolvat. Et ut hæc nostræ concessionis auctoritas per omnia tempora inviolabiliter ab omnibus conservetur, annuli nostri impressione subter eam sigillari jussimus. AUDACHER Notarius ad vicem GAUZZINI recognovit & subscripsit.

Datum 111. Kalend. Januarii. Indictione xv. Anno 11. Regnante Lûdovico gloriosissimo Rege. Actum Compendio Palatio in Dei nomine feliciter, Amen.

## CAPUT XIV.

*Item de ODULFO, & Reliquiis.*

**H**oc eodem anno, eademque Ind. Odulfus jannuus sanctæ ædis Almi Richarii, quæsitivus à Fratribus Senonenibus ex Monasterio sanctæ Columbæ Virginis, coram Gueffone gratiâ Dei utriusque loci Abbate, ut per ipsius assensum & jussuonem aliquid sibi impertirent è corpore prædictæ Virginis. Nam eorundem Fratrum aliqui tunc temporis Centulo morabantur. Qui precatis libentissimè faventes id se impleturos dixerunt, si Christo protegente proprium incolumes possent revîsere locum; quò postquam venerunt, & cæteris Fratribus suis Centulensium preces intimaverunt, responderunt illi cum magnâ devotione, si aliquid ex loco illorum procedere ad honorem famosi loci quivisset, cum omni liberalitate se tribuere velle. Sumserunt itaque ex sacro corpore Virginis Martyrisque os ex humero quod adhæret scapulæ, & ad Cœnobium B. Richarii miserunt. Monachi autem ejusdem loci gratificum donum excipientes, & Deo glorificum melos reddentes, reposuerunt illud in gremium capse auro gemmisque ornata, ubi & conditæ sunt aliæ Reliquiæ cum glorioso capite Beatissimi Richarii.

Eodem anno Venerabilis HAVODUM Abbatissa, Centulensium casta dilectrix, attulit ad Monasterium sancti Richarii Reliquias Sanctorum Patrum, scilicet Aratoris, sancti Pauli, sancti Mauri, sanctique Salvii Confessoris Episcopi, quas Fratres ejusdem loci reposuerunt 11. Kal. Aprilis in capsam quâ conditæ sunt cæteræ Sanctorum Reliquiæ.

In eodem verò Christi Incarnationis anno contigit quemdam è Fratribus nostris, Samuhelem nomine, limina sancti Dionysii attigisse, quò impetravit apud quemdam Presbyterum civitatis Parisiacæ quoddam ossillum ex corpore sancti Viti Martyris; quod etiam Centulum misit, quodque à Fratribus xv. Kalend. Maii susceptum, & in superiori capsâ decenter positum est.

Nicolao Papa Romanæ Ecclesiæ præidente, quidam Almi Richarii Monachus, homo prudens, nomine ANSEGIVS, imperio KAROLI gloriosissimi Regis missaticum tulit ipsi Summo Pontifici, pro communi utilitate sanctæ universalis Ecclesiæ Catholicæ. Qui Ansegivus munificentia tantum viri honorificè susceptus, & eis propter quæ missus fuerat allegatis, à quodam impetravit Romano tum preceptum præmio Reliquias Sanctorum. Corpus scilicet S. Joannis Martyris penè totum, necnon & brachium S. Papæ Urbani, Sanctique brachium Alexandri quinti Apostolicæ sedis successoris; simulque caput B. Felicitatis, unâ cum quatuor filiorum ejus Reliquiis, atque Reliquias Sanctorum plurimorum, quorum ob multitudinem nomina non recensemus. Has igitur secum referens divitias, Monasterii proprii intulit gazophylaciis. Examen denique Monachorum obviam exiens, & pronis in terram corporibus in modum crucis adorans, Kal. Decembris

eandem excepit, & cum capite Sanctissimi Richarii honorifice collocavit.

Odulfus venerabilis iterum obtinuit à quodam Sancti Mauricii ministro, qui his fortè diebus Pontivo habebatur, ut ex sacro jamdicti Sancti corpore quidpiam percipere mereretur. Cujus probitati ille digna rependens, largitus est ei quamdam portiunculam de sacratissimo capite gloriosi Martyris Mauricii, & particulam de camiliâ sancti Exuperii sanguine infectam, quâ vestitus erat quando pro Christo martyrizatus est: quibus reverenter acceptis, facta est pars capitis sancti Mauricii cum jamdictâ portione interulæ sancti Exuperii, concapsalis capiti Beati Richarii.

# CAPUT XV.

*Privilegium KAROLI, de Hasloas.*

168. **R**egnante glorioso Rege KAROLO Hludogvici prioris filio anno xxviii. Indict. 1. qui erat Dominicæ Incarnationis annus dcccclxviii. Venerabilis Guelfo Centulensium Pater exoravit ejusdem Regis Majestatem, ut villam Hasloas, super Somena fluvio sitam, suâ præceptione auctorizaret perpetuè eâ ratione habendam, ut nullus Abbas, vel quilibet alter, ab illâ quidpiam ex appendiciis subtraheret, aut aliorum quàm in usus Fratrum delegaret. Annuit ei Rex gloriosus; & pro hac ratione tale condidit præceptum.

» In nomine sanctæ & individue Trinitatis, KAROLUS gratiâ Dei Rex. Si Fidelium nostrorum justis ac rationabilibus postulationibus, quas pro sacris locis sibi commissis nostræ sagacitati intimaverint, assensum præbemus, easque ad effectum perducimus, profuturum nobis ad præsentis vitæ curricula felicius transigenda, & ad futuræ beatitudinis præmia facilius obtinenda non dubitamus. Comperiat igitur omnium Fidelium sanctæ Dei Ecclesiæ, nostrorumque præsentium ac futurorum industria, quia dilectus nobis GUELFO Venerabilis Abbas Monasterii Centuli, ubi S. Richarius egregius Confessor corpore quiescit; ubi etiam turma Monachorum Deo jugiter militare dignoscitur, nostram supplicavit Cellitudinem, ut quâdam res ejusdem Abbatiæ, id est, in pago Ambianensi super fluvio Somenæ villam quæ dicitur Hasloas, cum farinariis & piscatoriis, & omnibus sibi pertinentibus, usibus ac stipendiis eorumdem Monachorum, ad sui etiam refugium deputaremus, & nostræ auctoritatis præcepto perpetim habendam confirmaremus. Res etiam alias usibus ac stipendiis eorumdem Monachorum deputatas, & præceptis piæ recordationis genitoris nostri Hludogvici Serenissimi Augusti, & nostris confirmatas, iterum nostræ Cellitudinis auctoritate corroboraremus. Cujus justis ac rationabilibus petitionibus faventes, hoc Altitudinis nostræ præceptum fieri, eisdemque Monachis dari iussimus; per quod præcipimus atque firmamus, ut omnes res illis deputatas, & auctoritatibus genitoris nostri, & nostris corroboratas, sicut in eisdem præceptis continetur, absque alicujus Abbatis contradictione aut minoratione firmiter teneant, ordinent, & atque possideant; & præfatam villam quæ dicitur Hasloas, cum domibus, ædificiis, terris, sylvis, pratis, aquis, aquarumve decursibus, farinariis, piscatoriis, mancipiis utriusque sexûs desuper commanentibus, vel ad eandem villam justè pertinentibus, plenâque integritate ad sui refugium deputamus, & hoc auctoritatis nostræ præcepto confirmamus: ita ut nulli Rectorum ejusdem Cœnobii liceat ex omnibus rebus quidquam subtra-

here, aut minuire, aut in alios præter quos constituimus usus retorquere; quatenus ipsi Monachi liberi Deo famulentur, & pro nobis, conjugibus, & prole, totiusque regni nostri statu continuis precibus Dei misericordiam implorent. Ut autem hæc nostræ auctoritatis præceptio inviolabilem obtineat firmitatem, manu propriâ subter eam firmavimus, & annuli nostri impressione signari iussimus. Signum KAROLI gloriosissimi Regis. FROTGARIUS Notarius ad vicem GOZZINI recognovi & subscripsi. Data vii. Idus Decembris. Ind. 1. anno xxviii. Regnante Karolo gloriosissimo Rege. Actum Carisiaco Palatio Regio, in Dei nomine feliciter, Amen.

# CAPUT XVI.

*Donatio KAROLI, de Vallis-Villâ.*

**D**eo autem instigante, & Fratrum religiositate id promerente, non suffecit isti potentissimo Regi ea indulgere, quæ super prædiorum; & villarum confirmatione poscebantur, sed suâ sponte illa etiam loci victus amore concessit quæ nunquam à quoquam rogarentur; tum quia opus non erat redivit abundante, tum quia alia multa præstantem id non rogare fas erat. Donavit igitur Cœnobio Centulo pro suæ remedio animæ villam in pago Belvacensi sitam. Vallis nuncupatam, super cujus dedicatione talem firmavit præceptionem.

In nomine sanctæ & individue Trinitatis KAROLUS gratiâ Dei Rex. Quidquid locis divino cultui mancipatis largiendo conferimus, profuturum nobis ad præsentis vitæ curricula felicius transigenda, & ad æternæ beatitudinis præmia facilius obtinenda non dubitamus. Comperiat ergo omnium sanctæ Dei Ecclesiæ fidelium, nostrorumque, præsentium, ac futurorum solertia, quia ob Dei & S. Richarii egregii Confessoris amorem & honorem, complacuit Cellitudini nostræ pro nostrorum absolutione peccaminum, usibus & stipendiis Monachorum in Monasterio ejusdem S. Richarii, ubi ipse sanctus Confessor corpore quiescit, ubi etiam GUELFO Abbas esse dignoscitur, Deo militantium, quasdam nostræ proprietatis res & mancipia largiri, & largiendo delegare; id est, in pago Belloacensi, in villâ quæ dicitur Vallis, feticum indominicatum habentem quadrellos cxxx. & de vineis bunuaria xxx. & de arabili terrâ bunuaria xxi. & de prato bunuaria ii. & quadrellos xlviii. & de sylvâ bunuaria xx. & de conciso bunuaria v. & quadrellos ii. & de marisco quadrellos cx. & de alnido bunuarium i. & farinarium i. & mansellos iv. habet unusquisque bunuaria iii. & alios mansellos ii. habet unusquisque bunuaria iii. & dimidium. Unde hoc Altitudinis nostræ præceptum fieri, & eisdem Monachis dari iussimus, per quod præfatas res & mancipia, cum domibus, ædificiis, vineis, terris, sylvis, pratis, pascuis, aquis, aquarumve decursibus, mancipiis utriusque sexûs desuper commanentibus, vel ad eandem res justè pertinentibus, farinariis, omnique integritate ejus largimur, & largiendo conferimus; ita ut nulli Rectorum ejusdem Monasterii liceat ex eisdem rebus quidquam subtrahere, &c. ut supra. Sigillari iussimus. Signum KAROLI gloriosissimi Regis. FROTGARIUS Notarius ad vicem GOZZINI recognovi & subscripsi. Data vi. Kalend. Aprilis Ind. 1. anno xxviii. Regnante KAROLO gloriosissimo Rege. Actum Silvaneæ civitate in Dei nomine feliciter, Amen.

## CAPUT XVII.

*Donatio ejusdem de Bersaccas cum privilegio.*

**G**UELFO Venerabilis Deo dignus, & omnibus amabilis, ubi comperit Regiam erga sanctum locum munificentiam, simulque quia, ut jam patuit, ejus consanguineus erat, ex amore sumens audaciam atque fiduciam, hortatus est sapientem Regem Karolum, ut ad laudem & amorem Dei, ac sancti venerationem Richarii, quem Dei amicam miracula crebra testabantur, aliquid adhuc Centulensibus Fratribus impartiretur, quo & Deum sibi placabilem per Sancti merita faceret, & ejusdem loci honorem in aliquo augmentaret. Salubriter certe insinuata, salubrius sunt perfecta: nam hortatui dilecti cedens parentis, donavit iterum S. Richario villam juxta Monasterium positam, quæ Bersaccas dicitur, pro cujus largitione tale auctoritatis suæ testimonium confecit.

In nomine sanctæ & individuae Trinitatis CAROLUS gratia Dei Rex. Si locis divino cultui mancipatis aliquid competentium subsidiorum conferimus, id nobis prodesse ad Sanctorum eorumdem suffragia consequenda, eorumque precibus ad misericordissimam pietatis Dei clementiam adipiscendam proculdubio confidimus. Quapropter omnium sanctæ Dei Ecclesiæ fidelium, & nostrorum, tam presentium quam futurorum solertia noverit, quia nos ob emolumentum nostræ salutis, deprecante GUELFO Monasterii sancti Richarii præcipui Confessoris Abbate, præcepto nostræ auctoritatis delegamus quemdam locum Bersaccas nomine in pago Pontivo, haud secus Monasterio ipsius Confessoris, ad luminaria scilicet prænotatæ Ecclesiæ perpetuo ritu subministranda, & quasdam res quæ juris ipsius Ecclesiæ esse noscuntur: eo videlicet tenoris pacto, quatenus deinceps sub manu ministrorum luminaria coram præcipuo illo Confessore, Reliquiisque Sanctorum illic degentium sint administrata: unde hoc Præcellentiæ nostræ præceptum fieri jussimus, ministroque huic præposito dari, per quod prædictas res omnes, cum Ecclesiâ scilicet inibi fundatâ, & sylvis, pratis, pascuis, molendinis, aquis, aquarumve decuribus, & omnia quæ ad ipsum locum Bersaccas scilicet justè & legaliter pertinere videntur, præfato sancto loco largimur. Statuentes quatenus ex hac opitulatione tria continuè luminaria coram capite sæpe dicti præcipui Confessoris, Reliquiisque Sanctorum ardeant, & annuâ translatione Sanctarum Reliquiarum illi condigantur, quæ evenit iv. Non. Decembris, commemoratione Sanctorum, & commercio suorum præmiorum Fratribus ibi Deo militantibus refectioni cibi & potus congruæ opulentiae eorum exhibitione subministretur, qui res easdem in prædicto Monasterio regendas & ordinandas perceperint. Et ne quis ab hodierna die & deinceps hanc prædictam villam Bersaccas ab obsequio divini cultus subtrahere quocumque molimine attentet, aut inde dona, vel quasdam exhibitiones extorqueat, aut presumat, sed sicut statutum est inviolabiliter manere contendant, ante divinum conspectum prædicto Patrono & Collegis suis circumstantibus precamur, sed perpetuâ hujus stabilitatis tranquillitate potiti ipsius loci ministri & prætaxata luminaria indefinenter, & refectionem Fratrum annuatim administrent. Et pro nobis, conjugibus, prole, regni que stabilitate Domini misericordiam jugiter obsecrando deposcant. Ut autem hæc nostræ roborationis & largitionis aucto-

ritas plenior in Dei nostri nomine obtineat stabilitatis vigorem, manu propria subterfirmavimus, annulique nostri impressione assignari jussimus. Signum KAROLI gloriosissimi Regis. HILDEBOLDUS Cancellarius ad vicem Gozleni recognovi & subscripsi. Data iv. Kalendas Junii Indict. i. Anno xxviii. regnante Karolo gloriosissimo Rege. Actum Carisiaco Palatio in Dei nomine feliciter, Amen.

## CAPUT XVIII.

*De Miraculis S. RICHARII.*

**S**ed nunc ad S. Patris nostri opera recurrendum est, ut nostris opusculis per se nimis insulis quali condimentum divinitatis ex eis conferatur. Eo enim tempore femina paupercula detulit filium suum ante annos quatuor natum ad suffragia Patroni nostri, jam per duos annos omni corpulculo contractum; & ubi pio medico ejus causam commisit; illico virtute meritorum Sancti amissam recepit sanitatem. In Wilcassino pago homo grandævus & pauper habebatur in villâ Floriaco, cui à die nativitatibus in reliquum fuerat negata omnimodi sermonis facultas. Huic diva miseratio in visu persuasit Sanctum requirere Richarium, usum loquendi illum posse dare confirmans. Credulus ille dictis intimatum requirit archiatrum, quo invento cœleste mox sensit antidotum; nam in sancti Patris solemnitate damnatâ taciturnitate nativâ, linguæ loquacis accepit officia. Puer nomine Dodigerus mutato jure nascendi in hanc lucem contractus, & distortus confuso membrorum ordine processit: fuit verò Rotomagensis indigena territorii. Verum ejus genitor multiformi nuntio cognoscens potentiam & pietatem Pontivorum patroni Richarii, & se ejus beneficiis uti posse non desperans, sustulit illum ad Cœnobium nostrum in Sancti magnâ festivitate. Et quia fidem habuit, spes eum præsumpta non fecit; nam cum in Ecclesiâ adstans filium in brachiis teneret, superno respectu sanatus est. Contigit eo tempore Danorum catervam de palatio Domni Karoli regredientem, & Anglicos limos repentem, per hoc Monasterium habuisse comitatum: nemo autem putet istos modo fuisse, quorum violentiis & prius & postea patria depopulata est nostra; nam isti gratiæ legationis forsitan pacificæ Regiam petierant Duce ANSLEICO aulam. Itaque in regressu hoc sanctum Cœnobium pervium habentes, gratiâ orandi intraverant Basilicam hi quos fides Christiana illustrabat, cum quibus unus intravit paganismi adhuc errore oblitus, qui Deo omnipotenti vel Sanctis ejus nullam exhibuit reverentiam, sed curiosè agens cœpit perlustrare sacrarum ædium diversoria, volens aliquid videre unde nostræ fidei cultoribus posset insultare: quam ejus præsumptionem malitiosam divina extemplo prosequuta est censura, per quam coactus est bono suo fieri Christianus, ne amplius malo suo illi dominaretur Zabulus. Nempe cum perscrutatâ Basilicâ exiisset, & illo usque venisset, ut mari se navigio transvehendus committeret, cœpit omni suâ virtute destitui, molestiâ etiam corporis & angore ingenti affatim gravari. Cumque jam oculos in mortem clauderet, propinqui ejus fortilegâ indagine quæsierunt pro quâ re tam fortiter torqueretur. Deprehendunt fuisse causam, quoddam S. Richarii paganus intravisset Basilicam; quod ita sibi videri jam & ipse fuerat confessus. Spondet itaque si reddatur sanitas, se Christianorum necem in æternum non appetere, & ipsum ritum suscepturum se fore: quatuor quoque fila argentea unumque aureum, suæ longitudini coræqua tendere fecit, & pro devotione

B. Richario mitti rogavit, addito tot candelarum numero, quot ibidem altaria perviderat: quæ ut fieri statuit, statim propitio Deo totius mali levamen accepit, & deinceps molestiam ex hoc non pertulit.

CAPUT XIX.

*De Abbate KARLOMANNO; & donatio Durcapti.*

**I**gitur sanctissimo Guelfone Abbate felici excessu mortalia cuncta superante, felicissimi nostrates Monachi Regium Abbatem nomine KARLOMANNUM sortiuntur, qui bonus boni successor existit. Hic gloriosissimi Regis Karoli filius fuit, & Imperialem nobilitatem sanctitatis & pietatis exequutione felici animo vicit: qui ab eo tempore quo sanctum suscepit ordinem, omni humilitate semper itatenus fulsit, ut ipsa summa & excellens generositas nullam in eo conciperet mentis ignobilitatem; sed sicut genere, ita & virtute magnificus Pastor eligeretur; quippe qui suo splendore ad se traxerat dignitatem. Nemo autem indignum putet quod dicimus Regis filium nostrum fuisse Abbatem, quoniam tunc temporis S. Richarii Abbatia omnium rerum affluentia, & ipsius dominationis elegantia, & certè militarium virorum servitiis cujuspiam Episcopi præcellerat dignitatem. Postquam verò is Abbas statutus est, placuit ei genitorem Karolum adire, & ut pro sui amore S. Richarii bona augeret, rogare. Vadit itaque dulcissimus filius ad cari curiam genitoris, & quid animi habeat confitetur. Pater amplectitur filium, percipit vota, & contrà sæcularis potentia consuetudinem exultat se videre filium Monachum & Abbatem, qui certè facile potuisset Ducatus vel Regni infulis decorari. Exultat Karolus de filio quòd caduca contemserit; lætatur & filius quòd patrem suo proposito non adversantem, quin omninò faventem attendit. In illà verò militum descriptione quæ superius inserta est, invenitur Hungarius Miles Durcaptum villam ex beneficio Centulensis Abbatis Herici tenuisse; qui quoniam mortuus erat, nullumque heredem, qui contrà tenere eam posset, reliquerat: si quidem tanta nostrorum auctoritas, tantusque timor ac reverentia habebatur, postulavit Abbas Karolmannus, ut jamdictam villam Durcaptum præceptione suâ stabiliret genitor pius, quatenus nec beneficiariè, nec alio modo à dominio Fratrum cuilibet donata subtraheretur, sed sancto Monasterio propriè deinceps serviret. Ut hæc autem peteret, ratio fuit talis: Domno adhuc vivente Guelfone donaverat idem Rex sancto Richario villam Bersaccas, statueratque etiam scripto, ut ex reditu ejusdem tria in perpetuum ante gloriosum sancti Richarii caput luminaria arderent: hoc autem addendum censebat Karolmannus hic venerabilis Abbas, ut etiam ad pedes Patroni eximii tria itidem ex dono patris luminaria semper arderent, & omni nocte ante unumquodque Altare una lampas statueretur: quod & factum est: nam gloriosus genitor dilecti nati postulatis assensit, quidquid rogarat velociter mandat impleri; tale super his edictum confirmans.

» In nomine sanctæ & individua Trinitatis KAROLUS gratiâ Dei Rex. Cum precibus Fidelium nostrorum debite faveamus, consequentiùs procul dubio videtur, ut piis monitis liberorum nostrorum assensum præbere saluberrimè non abnuamus. Igitur noverit omnium sanctæ Dei Ecclesiæ Fidelium, nostrorumque, tam præsentium quàm & futurorum industria, quia dilectissimus filius noster KARLOMANNUS Monasterii sancti Richarii Abbas, ad nostram accedens magnificentiam suppliciter expetiit, quatenus per auctoritatis nostræ præceptum ad luminare ipsius sacrosancti Con-

Tom. II.

fessoris Christi Richarii, quamdam villam ipsius Ecclesiæ, Durcaptum nomine, quam HUNGARIUS jure beneficiario quondam habuisse dignoscitur, cum omni suâ integritate concedere, & consentire ad serviendum Deo jugiter dignemur. Cujus precibus ratis & rationabilibus assensum præbentes, hoc Celitudinis nostræ præceptum fieri, & altari jamfactæ Ecclesiæ dari jussimus, per quod memoratas res cum plenissima sui integritate, cum terris scilicet cultis & incultis, sylvis, prætis, pascuis, molendinis, aquis, aquarumve decursibus, & universis legitimis terminationibus seu appendiciis, hac conditione perpetuo ritu famulandas concedimus, quatenus ad pedes sanctissimi Confessoris, pro nobis, proque animâ quondam carissimæ conjugis nostræ YRMINDRUDIS, seu & pro prædicto carissimo filio nostro Karolomanno, & Fratribus ejus, tria luminaria olei assidue ardeant. Insuper huic piæ institutioni, ut unumquodque ipsius Ecclesiæ altare proprium singulis noctis habeat luminare, addimus in villâ Encra mansum & molendinum unum, usui horum luminariorum perpetuè serviendum. Necnon & usibus Fratrum in villâ Hasloas molendina duo, quæ Notarius in beneficio habuisse dignoscitur: quam villam jam nostro præcepto his ipsis Fratribus integerrimè contuleramus, seu etiam ad portam ipsius Monasterii villam Anisceias; & in Hamingi-monte, hoc quod Atto, & Otgerus habuerunt, precibus supplicantis filii ejusdem nostri Karolmanni perpetuè serviendum conferimus; conferentesque concedimus. Præcipientes ergo jubemus, jubentesque omnimodis rogamus, ut nullus per successionem Abbatum, Rectorumque Abbatie hujus res prædictas in nullos alios retorqueri audeant, sive attentent usus; sed propriâ stabilitate his, quibus statuimus deservire concedant, atque consentiant nemine refragante, locis; quatenus hac dispositione, sanctique Confessoris Christi Richarii prece, Domini misericordiam habeamus propitiam, & anima conjugis nostræ Yrmindrudis perpetuam obtineat quietem, & filii nostri jugem stabilemque salutem. Ut autem hæc nostræ assensionis seu roborationis auctoritas firmiorem per futura tempora obtineat stabilitatis vigorem, manu propriâ subter eam firmavimus, & annuli nostri impressione assignari jussimus. Signum KAROLI gloriosissimi Regis. HILDEBOLDUS Notarius ad vicem GOZLENI recognovi & subscripsi. Data XVIII. Kalend. Februarii. Ind. III. Anno xxx. regnante Karolo Rege; & in successione Regni Lotharii anno I. Actum Aquilgrani Palatio in Dei nomine feliciter, Amen.

CAPUT XX.

*De Regibus Francorum: & de Guaramundo Pagano; jub quo Ecclesia nostra combusta est.*

**M**ultis & grandibus Karoli Regis beneficiis huic loco, ut jam clarum est, impensis, justum videtur de temporali ejus felicitate paucula recitare; ut quia quàm liberalis fuerit erga loca Sanctorum, nostri loci exemplo monstravimus; quantum à Deo sit exaltatus recenseamus. Anno regni sui xxxvi. Italiam pergens, ad limina Beatorum Apostolorum Petri & Pauli causâ orandi pervenit, ibique ab omni Romano populo Imperator eligitur, & à Joanne Papa in Imperatorem consecratur VIII. Kal. Jan. Anno Incarnationis Domini DCCCLXXV. Indeque Galliam prosperè reversus est. Hic præter ea quæ dudum constructa ampliavit, aliqua sancta loca instauravit; quibus hodieque Christi laus &



877.

gloria pollet decenter. Anno quoque Regni sui <sup>x</sup>xxviii. & Imperii inchoante iii. Italiam iterum perrexit. Inde dum repedit, transenso Ciniso monte, presentis luminis caruit visu iii. Non. Octobris Indict. x. Anno Domini nostri JESU CHRISTI DCCCLXXVII. successitque in regno filius ejus HLUDOVICUS. Præterea Karlomannus e ejusdem Karoli filius Centulensium Abbas decurso presentis vitæ cursu feliciter migravit è sæculo.

**A**UREA sceptræ tibi fors KARLOMANNE parabat.

*Ut morum, generisque simul probitate cluenti.*

*Omnia sed spernens nihilum quandoque futura.*

*Gaudes æterni gestans insignia regni.*

*Hæc sunt, Christe, tuis qua donas præmia Sanctis,*

*Ut te percipiant, qui te super omnia querunt.*

Porrò frater ejus Rex HLUDOVICUS, anno regni sui ii. nec dum expleto mortuus est Compendio Palatio v. Idus Aprilis.

His sanè temporibus, qui post Venerabilem Karlomannum huic sancto loco præfuerint, nulla certa intimat narratio. Fuerunt tamen penes hæc tempora nostri loci Abbates HERBERTUS atque HEDENOLDUS egregii æquæ viri: sed & HUGO atque GIRARDUS magnæ sanctitatis viri, qui quantum temporis in regimine protraxerint, quibusve terminis hujus vitæ auram excesserint, nullis antiquorum docemur monumentis.

At post mortem HLUDOVICI, filii ejus HLUDOVICUS & KARLOMANNUS Regnum inter se disperunt. His ergo regnantibus, contigit Dei judicio innumcrabilem barbarorum multitudinem limites Franciæ pervadere agente id Rege eorum Guaramundo, qui multis, ut fertur, regnis suo dirissimo Imperio subactis, etiam Franciæ voluit dominari, persuadente id fieri quodam Elmbaro Francigenâ nobili, qui Regis Hludovici animos offenderat, quique genitalis soli proditor, gentium barbariem nostris fines visere hortabatur. Sed quia quomodo sit factum non solum historiis, sed etiam patriensium memoriâ quotidie recolitur & cantatur, nos pauca memorantes, cætera omittamus, ut qui cuncta nosse anhelat, non nostro scripto, sed priscorum auctoritate doceatur. Enimverò jamdictæ gentes cum nostris oris proximantes omnibus perniciosam indicerent vastationem, Hieremias Monachus, & Thesaurarius sancti Richarii, homo nobilis, nec solum claustrali, sed etiam sæculari præditus prudentiâ, fugæ præsidio vitam servare disposuit, ne si ab eis quos venire audiebat inveniretur, atrociter periretur, vel alios morientes videre cogeretur. Fecit itaque capsam aliquantæ magnitudinis, quam ne facilè cuiquam pateret, cingulis ferreis firmiter ambivit. Deinde nullo existente qui contraheret (nam Abbas loci id ipsum volebat, cæterique Fratres similiter fugam parabant) accepit de thesauro Ecclesiæ, vel ornamentis, quæque potuit pretiosiora, & in arcam jamdictam recondidit. A tempore etenim Domni & sancti Angilberti Abbatis in majus semper & melius locus iste excreverat, & tam forensibus bonis quàm Ecclesiæ thesauris nimis valde fuerat augmentatus; unde & multa fuerunt quæ pro [eo] timore hinc ablata sunt, quæ hic noiter sermo ideo non explicat, quòd omnia recensere ut longum, ita & grave fuerit: hæc sunt tamen quæ omni auro cariora & regnis præponenda ab hoc loco

per jamdictum Hieremiam sunt ablata: Caligula Domini Salvatoris, quâ tempore suæ sanctæ pueritiæ usus est; nam unius cubiti habet longitudinem: summitas lanceæ, de quâ ejusdem Domini latus pro nostrâ salute jam mortui manu militis fuit apertum, unde etiam Ecclesiæ Sacramenta fluxerunt: ampullæ duæ in quibus B. Protomartyris Stephani sanguis habebatur, una cum lapidibus decem cruentis, quibus lapidatus est à Judæis: Reliquias etiam Innocentium, Apostolorumque & Martyrum tantas tulit, ut præter illud amabile Beatissimi Richarii corpus in comparatione horum quæ tulta sunt, pauca, aut minima putarentur quæ relicta sunt. Hæc omnia cum eximiis Ecclesiæ ornamentis jamdictus Custos asportavit, & in Monasterium sanctæ Columba Virginis apud Senones recondidit; propter illam quæ tempore Domini Guelfonis contigit amborum locorum unionem: quique cum pro amicitia priscæ dilectionis, tum pro tanti allatione thesauri officiosè susceptus uti qui probus vir fuisset, ibique de reliquo habitare statuisset, decedente loci Abbate à Fratribus electus, & ejusdem Cœnobii Rector est institutus; quique cum huic officio eleganter satis ministraret, Senonensi Episcopo morte subtracto, à Clero & plebe universâ electus, & ejusdem Civitatis Archipræsul est ordinatus. Porrò cum tanto gradu polleret, suggerentibus Clericis æquum sibi visum est, jamdictas gloriosas Reliquias in suam Ecclesiam transferre; ut quâ ipse exaltatus fuerat, tantorum pignorum receptione æternaliter honoraretur; sed hæc tristitia nobis seponentes ad reliqua transcamus.

Cum populi supervenientes nostris finibus primum appulissent, exeuntes de navibus, Vimmacum & Pontivum Provincias lustrarunt, Ecclesias straverunt, Christianos jugulaverunt, & omnia mortibus & sanguine repleverunt. Denique Ecclesiam splendidissimam B. Richarii quæ pro sui magnitudine vel firmitate dejici non poterat, admoto igne succenderunt, sublati prius omnibus, quæ discedentibus Fratribus ex supellectili remanserant Ecclesiæ.

Prædictus ergo HLUDOVICUS Rex in pago Vimmaco cum eisdem gentibus bellum gerens, triumphum adeptus est interfecto eorum Rege Guaramundo. Et cæsis militibus populi infidelis, cæteri fugati sunt. Dicitur autem quòd in ipso congressu præ nimio feriendi conamine sua interiora ruperit, ac deinde mortuus est. Regnavit autem annos ii. menses iii. dies xxiv. Cui successit in regno frater suus KARLOMANNUS; & hic quoque annis tribus & dimidio potitus est regno, ac deinde in Euvelinâ saltu in Monte Arico à ferâ singulari percussus, mortuus est. Obiit anno Domini DCCCLXXXIV. Ind. ii. viii. Idus Decembris. Deinde KAROLUS Rex secundus Hludovici filius, quem longè superiùs retulimus Alemannorum & Cornugalliæ Regem fuisse, Monarchiam totius Imperii Francorum & Romanorum assumit, Anno Domini nostri DCCCLXXXV. Indictione iii. Hunc comperimus erga Dei obsequia promptum, & ad Ecclesias quæ incurfu paganorum dirutæ erant, restituendas aliquantulum è suis redditibus donavisse.

Sed omnipotens Dominus qui nullius unquam sibi impensæ servitutis mercedem retinuit, hunc Karolum Regem corripuit, ut purgatus facinorum contagio, misericordiæ aptum vas posset haberi. Denique volente Deo qui cuivis vult miseretur, &

Abbates 4. de quibus nihil apud veteres reperitur.

e Karlomannus] Hæc in orâ codicis sui monet à se reperisse Acherius: LECTORI. Hæc qua de hoc Venerabili Karlomanno feruntur, vera esse pro certo comperimus, quia

tantam patris gratiam in tantum offendit, ut postmodum ab eodem patre suo sit cæcatus; quia verò quâ occasione sit factum nescimus, monemus ut quætur & scribatur inventa occasio.

884.

885.

quem vult indurat, ostensa sunt ei tormenta pœnarum quibus peccatorum animæ Dei iudicio plectuntur: quæ postquam vidit, arbitramur eum satis admodum fuisse correptum, quippe qui eadem pati timuerit. Res autem ipsa à prioribus descripta relatu digna existit, quoniam reverà cum legitur, audienti incutit pavorem: & ob hoc forsàn proficit ad purificationem. Nemo autem ineptiæ deputet quod ipsam visionem hic ponimus, quia ad hoc faciendum duæ nos res attrahunt: una quidem ut ostendamus qualiter misericordi Dei iudicio homo regius territus sit ne periret; & ut hæc legentes taliaque incurrere formidantes, ad lamenta pœnitentiæ se informant. Hujus ergo rei dictio talis est.

CAPUT XXI.

Visio KAROLI.

**V**isio quam vidit Karolus Imperator de suo nomine. In nomine Dei Summi Regis Regum, ego Karolus gratuito Dei dono Rex Germanorum & atricius Romanorum, atque Imperator Francorum. Sacrà nocte Dominici diei post celebratum nocturnarum horarum divinum officium, dum irem repausationis cubitum, & vellem dormitionis carpere somnum, venit vox ad me terribiliter dicens: Karole, exiet modo à te spiritus tuus, & videbis iusta Dei iudicia, & tibi aliqua præsentia, & tamen revertetur ad te iterum spiritus tuus in horâ non modicâ. Statimque fui raptus in spiritu, & qui me sustulit fuit candidissimus: tenuitque in manu suâ glomus lineum clarissimi jubar luminis emittens, sicut solent facere cometæ quando apparent, cœpitque illum dissolvere & dixit ad me; Accipe filum glomeris micantis, & liga ac noda firmiter in pollice tuæ manûs dextere, quia per illum duceris in labyrinthos infernorum pœnas. Et hoc dicto, præcessit me velociter distorquens luciflum glomus: duxitque me in profundissimas valles & igneas, quæ erant plenæ puteis ardentibus pice & sulphure, plumboque & cerâ & adipe: ubi inveni pontifices patris mei & avunculorum meorum; quos cum pavens interrogarem ob quid tam gravia paterentur tormenta, responderunt mihi, fuimus Episcopi patris tui & avunculorum tuorum, & dum debuimus illos & populum illorum de pace & concordia admonere & prædicare, seminavimus discordias, & incentores malorum fuimus: unde nunc incendimur in istis tartareis suppliciis, & nos & alii homicidiorum & rapinarum amatores. Huc etiam & tui Episcopi & populi satellitum venient, qui similiter amant nunc facere. Et dum tremebundus hæc auscultarem, ecce nigerrimi dæmones advolantes cum uncinis ferreis volebant apprehendere filum glomeris quem in manu tenebam, & ad se attrahere, sed reverberantibus radiis non valebant filum contingere. Deinde post tergum meum currentes voluerunt me aduncinare, & in ipsos puteos sulphureos præcipitare; sed ductor meus qui portabat glomus, jactavit super scapulas meas filum glomeris & duplicavit illum, traxitque me post se fortiter, sicque ascendimus super montes altissimos igneos de quibus oriebantur paludes & flumina ferventia, & omnia metallorum genera bullientia. Ubi reperi innumeras animas hominum & principum patris mei & fratrum meorum & meorum præcipitatas, alias usque ad capillos, alias usque ad mentum, alias usque ad umbilicum: clamaveruntque ad me ejulando: dum viximus, amavimus tecum & cum patre tuo & cum fratribus tuis & cum avunculis tuis facere prælia & homicidia & rapinas pro cupiditate terrenâ, ideo in ista bullientia flamina & metallorum diversa genera sustinemus tormen-

ta: & cum ad hæc timidus intenderem, audiavi retro me animas clamare, *Potentes potenter tormenta patientur.* Et respexi, & vidi super ripas fluminis bullientis fornaces piceas & sulphureas plenas magnis draconibus & scorpionibus & serpentibus diverſi generis, ubi etiam vidi aliquos patris mei principes, & avunculorum meorum, & fratrum meorum, & meorum dicentes ad me: heu nobis, Karole, vides quàm gravia habemus tormenta propter nostram maliciam & superbiam, & mala consilia quæ Regibus nostris & tibi dedimus propter rem cupiditatis. Cumque hæc dolendo ingemiscerent, cucurrerunt contrâ me dracones apertis & plenis faucibus igne & sulphure & pice, volentes me inglutire: at ductor meus triplicavit super me enixius filum glomeris, à cujus claritatis radius superata sunt ora eorum ignea; & protraxit me validius, & descendimus in unam vallem quæ erat ex unâ parte tenebrosa, ardens velut clibanus ignis; ex aliâ verò parte tam amœnissima & splendidissima ut nullâ ratione dicere valeam: vertique me contrâ tenebrosam & flammivomam partem; vidique ibi aliquos Reges generis mei esse in magnis suppliciis; & tunc nimis constructus angustia, putavi me statim in ipsa demergi supplicia à gigantibus nigerrimis qui ipsam vallem inflammabant cunctis generibus ignium: & valde tremens; filo glomeris illuminante oculos meos, vidi e latere vallis paulisper albescere lucem, ibique duos fontes fluere, unus nimium calidus, alter vero clarus & tepidus, & erant ibi duo dolia. Cumque illuc irem filo glomeris regente gressus meos, intuitus super unum dolium in quo erat fervens aqua, vidi ibi stare genitorem meum Hludogvicum usque ad femora, & nimis dolore percussus, & angore aggravatus dixit ad me: Domine meus Karole, noli timere, scio quia rursus revertetur spiritus tuus ad corpus tuum, & permittit te Deus huc venire ut videres propter quæ peccata ego talia, & omnes quos videri, toleramus tormenta; uno enim die sum in isto ferventis balnei dolio, & alio die transmittor in istum alterum suavissimæ aquæ dolium; hocque fit precibus sancti Petri sanctique Remigii, cujus patrociniis hæcenus genus nostrum regale regnavit: sed si mihi subvenieris citò tu, & mei fideles Episcopi & Abbates, & omnis ordo Ecclesiasticus missis oblationibus, psalmodiis, vigiliis, elemosynis, velociter liberatus ero de illo bullientis aquæ dolio; nam frater meus Hlotharius, & filius ejus Lodogvicus, sancti Petri, sanctique precibus Remigii exempti sunt de istis pœnis, & jam ducti sunt in gaudium paradisi Dei: dixitque ad me, respice sinistrorsum. Cumque respexissem, vidi ibi duo altissima dolia bullientia; ista, inquit, tibi sunt preparata, nisi te emendaveris, & pœnitentiam egeris de tuis nefandis delictis. Cœpitque tunc graviter horrere; cumque cerneret comes meus in tanto pavore esse spiritum meum, dixit ad me, sequere me ad dexteram partem luculentissimæ vallis paradisi. Et gradientes contemplatus sum ingenti claritate cum gloriosis Regibus federe Hlotharium meum avunculum super lapidem topasion miræ magnitudinis, coronatum diademate pretioso, & juxta eum filium ejus Hludogvicum similiter coronâ ornatum, vidensque me comminûs acerſivit me blandâ voce magna dicens; Karole successor meus nunc tutius in Imperio Romanorum, veni ad me; sapio quoniam venisti per pœnalem locum, ubi est pater tuus fraterque meus positus in thermis sibi destinatis, sed per misericordiam Deicitissime liberabitur de illis pœnis, sicut & nos liberati sumus meritis sancti Petri sanctique precibus Remigii, cui Deus magnum Apostolatium super Reges & super omnem gentem Francorum dedit; qui nisi reliquias nostræ propa-

ginis suffragatus fuerit & adjuverit, jam deficiet nostra genealogia regnando & imperando. Unde scito quoniam tolletur oculus potestas imperii de manu tuâ, & postea parvissimo vives tempore. Tunc conversus Hludogvicus contra me, dixit mihi: Imperium Romanorum quod hactenus tenuisti, jure hereditario, debet recipere Hludogvicus filius filiae meae. Et hoc dicto, visum est mihi affore in praesentiarum Hludogvicum infantulum. Tunc contuens Hlotharius avus illius, dixit mihi; talis videatur iste esse infans qualis ille puer fuit quem statuit Dominus in medio Discipulorum, & dixit, *talium est regnum caelorum: dico vobis quia Angeli eorum semper vident faciem patris mei qui in caelis est*: tu vero redde illi potestatem Imperii per illum filium glomeris quem manu tenes. Disnodans filium de pollice meae dexterae, donabam illi totam Monarchiam Imperii per ipsum filium: Statimque ipsum glomus fulgidum sicut jubar solis coadunatum est totum in manum illius; sicque post hoc factum mirabile visu, reversus est spiritus meus in corpus meum valde felix & contentus. Denique sciant omnes velint aut nolint, quoniam secundum destinationem Dei in manum illius revertetur totum Imperium Romanorum, & quod super illum non praevalere agere, praeripiente me articulo meae vocationis à Domino. Deus qui vivorum dominatur & mortuorum, illud perficiet & confirmabit, cujus aeternum regnum & sempiternum Imperium permanet sine fine in saecula saeculorum. Finit Visio. Hic itaque Karolus juxta praesagium visionis tempore pauculo supervixit, & sic diem ultimum clausit. ]

Sed his ita se habentibus, ad sancti loci nostri historiam articulum reflectamus.

Populus Christianus, qui caedibus gentilium superesse potuit, ac fideles quique dolentes nimis istius loci nobilitatem abolitam, studuerunt qualitercumque agere, ut sacer locus non omnimodis deleteretur, sed pro posse, & pro temporis opportunitate, vivifica Christi laus, & Sanctorum memoria iterum in eo celebrari reinchoaretur: & licet officinae, vel Claustrum, seu omnes dirutae essent Monachorum praesae habitationes, altaria tamen & Ecclesiae parietes inconvulsi persistebant; unde & reparandi locum spes promptior habebatur. Accedebat & hoc, quia quicumque ibidem Domino militasset, magnis reddituum villarumque copiis potiretur. Hac igitur ratione, & pia Fidelium curiositate atque industria cepit locus iterum aliquatenus aptari, & tectis non plumbo ut prius, sed ligneis tabulatis qualiter poterant obductis, Clericorum exercitus cum aliquibus Monachis, Deo & Sanctis quotidie ibidem vota laudum ferebant, uno ex clericis nomine Gerberto jure Abbatis eis praesidente; quique cum aliquanto tempore huic loco praefuisset, multis villis & praediis ac redditibus venditis, vel donatis, vel occupari permissis, mortuus est apud Buxudem villam nostrae Ecclesiae, quae in ratione proprii victus delegata ei fuerat. Per totum autem tempus quo praefuit, Monachi qui aderant semper in omnibus praevalebant, & tum religiositatis eorum intuitu, tum obtentu fidelitatis erga locum probatae, forensis populus eis potissimum deferbat honorem, unde & Clericorum facultas & libitus minor omnino existeret. Denique cum eis disponendi loci copia maxime, vellent nolent Clerici, traderetur, ad hoc compellere Girbertum nitentur, ut relicta saeculi levitate parem victum & habitum susciperet: illo autem ambiente Praelationis honorem potius relinquere, quam saeculi illicebis non servire, Monachi multa erga eum usi bonitate tribuerunt illi jamdictam Buxudem villam, in qua privatam vitam exegit, dum & Monacho-

rum solertia, Clericorum contubernia pro posse à se repelleret, & ille ut Monachus fieret nullam consentiret ratione.

Hoc itaque mortuo, Clericorum & Monachorum Centulensium primatum excepit Monachus FULCHERICUS, quia jam in tantum per Domini gratiam Monachi profecerant, ut contempto supercilio Clericorum, è suis sibi & valerent & vellent praepone.

## CAPUT XXII.

*Ablatio S. RICHARII ab ARNULFO Flandrensi.*

Postquam igitur peccatis exigentibus divinae justitiae placuit, ut per manum Paganorum, quorum Princeps fuerat Guaramundus, Francia vexaretur, & dirutis multis Sanctorum locis, Centulensis quoque Ecclesiae honestas & gloria maxima ex parte deleta est; multa per Galliam admodum confusa gesta sunt, dum deficiente principatu Regio, ceteri Proceres vel populi tamquam filii Pelii viarum suarum pravitates exercent. Nempe si qui Ducum vel Comitum potentiores erant, circumquaque manus injicere, & vicinas sibi provincias vastare, sibi subicere non cessabant. Regnum quoque sibi usurpare moliebantur. Ex his ARNULPHUS Comes Flandrensis multa inepta agere cepit, captoque Monasteriolo castro Regio, Pontivam Provinciam propriae ditioni subegit. Hanc itaque fraude ut perplura solebat, adeptus, transiit hinc S. Patrem Richarium, cupiens tam nobile lucrum cum quibusdam Sanctis propriae regionis habere. Eo etiam tempore sanctum corpus beati Gualarici abstulit, & in Monasteriolo castro una cum sancto beatissimi Richarii corpore servari praecipit. Post aliquot annorum curricula, FULCHERIUS Monachus, qui post Gerbertum Clericum Clericorumque Abbatem Centuli Monasterii Rector erat, adiit memoratum castrum, loquutusque cum ardituo, qui Sanctorum corpora asservabat, clanculo impetravit cum maximis exeniis, & infinitis precibus, ut sibi carus Patronus redderetur. Designata itaque nocte Fulchericus equum conscendit, & toto quiescente populo foribus Ecclesiae adstabat expectans: custos autem ille valde formidans Dominorum animositatem, populique furorem (nam incredibiliter hic noster Sanctus ab omnibus venerabatur & amabatur) egressus Ecclesiam his Fulchericum affatus est verbis: Ego quidem tuis precibus, & Domini victus timore Sanctum tibi Richarium reddam, sed si recitum fuerit me illum distraxisse, procul dubio periculum vitae meae incurram; unde necesse est, ut tecum Sancto recedente, ego quasi ad furtum debeam exclamare, ut tali arte ignorantiam possim simulare; tu vero cum Sancto Dei fugam celeriter inibis. Sicque Sanctum suo loco restituens, temetipsum quoque servabis. His ita compositis Ecclesiam intravit, gloriosum sancti corporis lectum accepit. Cumque Fulcherici manibus illud voluisset tradere, equus cui sedebat illico poplitibus in terram dimissis, capiteque inclinato usque ad solum, Domini Confessorem quam potuit veneratione adoravit. Fulchericus tali miraculo exhilaratus, beatissimum Patrem cum ineffabili gaudio recepit, protinusque retrocedens quam citius poterat veniebat. At ubi Custos ille intellexit illum jam leuca spatio elongatum, quasi pro aliqua necessitate exurgens, & accensis luminaribus exclamat, perstrepsit, & multis vociferationibus S. Richarium sibi furtim ablatum conqueritur. Protinus ergo Ecclesia turbatur, populus accenditur, Principes tali nuntio percelluntur. Continuo

milites populique fugientem sequuntur, & quia equus cui Fulchericus infidebat erat candidissimus, ob hoc per tetram noctem facilius fugiens agnoscebat: verum cum huic jam penè lulescenti adhuc grandis via restaret, illique proximarent, placuit Creatori Domino mirum quiddam operari, quo agnosceretur hujus Sancti favere relationi. Nam dum Fulchericus pervenisset ad villam quæ antiquitatis Mons Angelorum, sed ex hac occasione Nubilomons vocatur, tanta aeris densitudo, tantaque nebula caligo insequentes circumsepsit, ut non modo fugientem, sed nec se alterutrum videre possent. Erat etiam eis mira itineris difficultas, ut patulè cognoverint veraciter Dei nutu se esse præpeditos. Videntes verò nihil se proficere (nam & Centulæ populus, jam in obviam currebat) cum ineffabili mœstitia recesserunt. Hæc verò Sancti relatio parum valuit, cum cum Centulenses diu habere non licuit. Nam Arnulfus idem qui primò, iterum Sanctum sibi vindicavit, & tamquam cautior factus, non jam in Pontivâ patriâ, quam quandoque perdere metuebat, sed in fidentiori loco sibi que vicino, hoc est in Monasterio sancti Bertini reposuit, simulque sanctum Gualarium, ubi longiore tempore quàm Monasteriolo fuit. Longo itaque tempore Monasterium Centulense tanti Patris præsentia caruit, agente jamdicti Comitis Arnulfi potentia.

### CAPUT XXIII.

#### *De Abbate INGELARDO.*

**T**Andem placata Divinitas, & suorum precibus inclinata, decrevit glorioso reditu patrum, filiorum pectora relevare, quæ diuturnis gemitibus gravabantur pro eorum sublatione: verum Flandrensi Arnulfo dudum morte præcepto, & ejus potestatis herede nati filio substituto, dicto similiter **ARNULFO**, Hierarchiam Francorum absque titulo Regii nominis disponebat filius **HUGONIS** Magni Dux inclytus HUGO; qui cum graviter ferret patriam hostili acerbitate demolitam, nec minus indignaretur, quod & Sanctorum corpora, & cætera quæ Ecclesias venustant fraude factiosorum subblata forent propriis locis, & ad hæc in melius commutanda animum sedulo præpararet; quâdam nocte quiescenti ei affuit visio ex præcepto cœlesti, quæ illum repulsis dubietatis obstaculis animavit perficere, quod pio quamquam sed tamen timido corde facere disponebat. Beatus igitur Gualericus per visum ei assistens, ex Dei mandato talia verba profudit: Quid hîc, inquit, facis? Ille hoc percepto sermone; quisnam esset; cœpit interrogare. Et Sanctus: Ego sum; ait, Gualericus Legonaci quondam Monasterii Abbas; & Dei præcepto hæc tuis sensibus veni inferre. Venerabilis Confessor & coram Deo clarus Sacerdos Richarius unâ mecum ante hos annos exstat captivus; & dolo Arnulfi longè à nostris diu manemus sedibus pulsi; jam Deo placet ut te ministro obtineatur, teque jubente noster regressus; ut de nostrorum corporum visu præsentiaque nostrorum mœsta refocillentur corda servorum, & ut ii nostrâ lætificentur relatione, qui nos post Deum gaudent habere pios Patronos. Id celerrimè age, locaque nostra Clericis aufer; atque in ea ut prius erant Monachos stude sub regulari normâ unire: quod si hæc imple; promitto tibi ex Dei jussu per Sancti pia merita Richarii, & meâ prece, tē fore Regem, prolemque tuam Francigenarum, stirpemque tuam regnum tenere usque ad septem successiones. Inclytus igitur Dux volens ocyus perficere Dei præceptum per Sancti vocem sic intima-

tum, accitis Consiliariis inquit quonam modo posset invenire idoneum hominem, cui Centulense Conobium posset committi ad relevandum. Huic inquisitioni intererant quidam qui noverant satis hujus Provinciæ habitatores, quique Hugoni tale feruntur dedisse solamen. En, inquit, Corbeia retinet virum nobilitate valde insignem, cui putamus quod dignè satis possit committi opus quod dicis: nam parentibus nobilibus, & militia inclytis valde fulcitur; qui cum in ejusdem loci vicino & in ipsâ Provinciâ maneant, propinquo suo in Dei opere laboranti auxilium ferre non denegabunt. Audiens hæc inclytus Dux, tamque salubri consilio congratulans, misit è vestigio viros honestos, qui ab Abbate Corbeienfi super jamdictum Monachum factam deprecarentur non retardari electionem. Illo annuente vocatur elegans juvenis **INGELARDUS**, quem adhuc eo tempore ferunt scholis inesse, quique eâ ipsâ die vel horâ Subdiaconatus perficiebat ministerium. Deductus ergo in præsentiam Ducis, accepit curam atque laborem, quo se instante repararetur quantum valeret hæc Abbacia. Inde ex more Abbas lacatur, atque acceptâ Fratrum ac militum catervâ Centulam venit. Sanè Dominus ille sancti Richarii relator Fulchericus Abbas sub die VIII. Iduum Novembrium transierat è sæculo; cujus suggestu & hortatu aliqui Clericorum Monachilem ordinem susceperant. Abbas igitur Ingelardus Centulam veniens cuncta pro posse melioravit, claustra reparavit, non tamen ut antiquitatis fuerant, sed modo quo adhuc stare videntur. Deinde diebus ac noctibus religioni insistens, & congregationem Monachorum augmentans, agebat sobriè sibi commissi loci provectum: velle enim habenti difficultas nulla inesse poterat; quia magnis villis oppidisque & redditibus locus abundans, facilem cœptis dabat perfectionem.

### CAPUT XXIV.

#### *Relatio S. RICHARII.*

**M**onasterio igitur ex parte restaurato habitaculis religioni congruis, cœpit præfatus Dux perquirere, quomodo quod adhuc restabat perfici posset, ut sanctus Dei Confessor Richarius proprio loco restitueretur. Sapienti verò consilio usus, dirigit Legatos in Flandriam, mandans **ARNULFO** Comiti, ut sancta Sanctorum corpora propriis sedibus reddat; quod ille audiens, & tantis carere nimis ægrè ferens, primò abnuit, dicens non à se reddi debere Sanctos, quos ipse non abstulisset. Reversi nuntii obedire nolle Comitem Duci intinuant. Tunc ille coacta in unum militum manu fortissimâ, illo ire decrevit quo Sancti erant, volens per semet inde sublatos ad loca propria reportare. Arnulfus autem advertens non prosperè sibi cessurum, h contra Francos justos injustus agat conflictum, lacrymis humectus, misit Legatos Duci **HUGONI**, orans ut patriæ nullam ferat vastationem, dirigat tantum optimos viros qui Sanctos Dei recipientes vadant in pacem. Fecerat Arnulfus Comes Beatissimis Confessoribus lecticas argenteas, ubi cum honore corpora eorum sancta condiderat: in lecticâ verò gloriosissimi Patroni nostri Richarii tales ab eo verliculi exarari jussi sunt.

*ARNULFI Comitis quaquaversum facta sciatis;*

*Quæ solitus Domino fecerat ipse pio.*

*Ipsud RICHARIO lectum qui condidit almo,*

*Collocavit ei membra pudica sui.*

Mittuntur igitur viri insignes, recipiuntur Sancti à nostris gaudentibus, & piis lacrymis atque laudibus Deum magnificentibus: subsequuntur ab illis

S f iij

Abbas XXI.

dolentibus, & præ nimia tristitia voce in altum elatâ ejulantibus. Cumque jam ab Hugone Duce, & ab omnibus qui longiusculè expectabant videri potuerunt, quis voces emissas præ gaudio, quis dulcium profusionem lacrymarum affatim queat explicare? Magnitudo quippe gaudii clamoribus modum abstulerat, dum læticia pro Sanctorum reditu concepta, in singulorum cordibus fervens seipsam vix caperet. Acceptis ergo beatorum corporum amantissimis capis, nostri parumper subsistunt. Post hoc Primores populi, & qui bonæ mentis habebantur, jurare à Duce rogantur, quod de Sanctis corporibus nihil subtractum, nihilque esset mutatum. Quod cum illi mente liberâ & animo hilari perfecissent, sumptis Sanctorum corporibus ad propria festinare cum modestiâ cœperunt. Fama autem tam felicitis regressûs ut provincialium corda concussit, extemplo prosilierunt omnes, uterque sexus, communis conditio, juvenes cum grandævis, Monachi cum Clericis, omnisque professio obviam ruunt, seque putabat criminis reum qui non occurrisset. Mense Junio, die secundâ, B. Gualaricus suo loco reassignatur: nostratis autem Patris regressus in sequentem lucem procrastinatur. Mense jamdicto sæculis ternum diem fundente, inclytus Hugo accepit Sanctum, per unam leucam scapulis suis nostrum asportans Patrem beatum, pedibusque nudis, madidusque fletu venit ad templum, Christi amicum sui altaris sedi imponit; interim choris, populoque cuncto gratias Deo, laudesque Christo vociferante.

981.

Anno Incarnationis Domini nostri JESU-CHRISTI DCCCCLXXXI. Indict. IX. III. Non. Junii hæc Beatissimi Patris Richarii relatio facta est. Verumtamen in ipso relationis itinere quid miraculi contigerit, operæ pretium remur narrare. Hujus enim tempore mensis campi flavescentes, genitæque spicæ largam annonam spondent colonis. Beato quoque Gualarico restituto propriæ sedi, cum sancti Richarii, ut dictum est, reditio in crastinum ordinata fuisset, ipsa nocte moratus est Dux HUGO cum exercitu & populo mediis in agris, qui scilicet segete lætâ jamque secundâ erant onusti. Itaque dum hic coquina agitur, illic convivium celebrantur, dum & humanis corporibus quies ibidem, & jumentis stabula coaptantur, dum diutinâ stantium vel jacentium impressione dejicitur, dum pecude pasta, & pedibus calcata atteritur, spes omnis fructuum melliori denegatur: tantâ verò conculcatione attritâ & perditâ messe cultor non tristatur, quia Patroni obtentu pro nihilo computatur. Postmodum igitur veniente metendi tempore seges diruta & desperata tam læta & secunda desecatur, ut in illius comparisonem defensæ messes & sæpibus munitæ ubertate grani parvipenderentur.

## CAPUT XXV.

*Epistola JOANNIS Papa.*

INGELARDUS Abbas auditu & visu comperiens ab antecessoribus suis, Girberto scilicet & Fulcherico, qui Clericis præfuerant, multas sancti Richarii terras donatas & distractas fuisse, aliquas etiam, dum illi tacent nec contradicunt, à fortioribus occupatas, omni studio cœpit satagere qualiter Sanctus sua rehaberet. Quod ex parte per Dei auxilium factum est. Aliqui tamen inflatores, dum in his bonis quæ tulerant Sancto, complacent sibi, aut satis inviti, aut certè nunquam quæque redderunt. Unde sagax Abbas non solum Regiam du-

dum Ducis Hugonis imploravit pietatem, sed etiam Papæ Romani per semetipsum cflagitavit auctoritatem. Nam post constructam congruam ordini habitationem, cum videret dura patriensium corda nolle Sancto sua reddere quæ abstulerant, vadit Romam, nuntiatque Pontifici Summo qualiter Paganorum incursum famosum sancti Richarii Monasterium depopulatum sit, & qualiter consultu Procerum Franciscorum sibi sit delegatus ad reparandum locus; orare se, ut quod solum præstare poterat suæ auctoritatis excommunicatio hos sequeretur, qui Sancti bona injustè tulta reddere nollent. Apostolicus Pontifex ex intimo affectu ei compatiens, & tanti nominis Ecclesiam deletam fuisse gemiscens, annuit ei satis benignè; talia Apostolicæ auctoritatis mandata ei attribuens, quæ invaloribus forent monstranda.

## AD COMITES.

JOANNES Episcopus servus servorum Dei, ARNULFO Comiti, BALDUINO Comiti cum matre suâ, GOZBERTO Vicecomiti, atque ILDIARDA, dilectissimis filiis nostris spiritualibus, omnimodam salutem & Apostolicam benedictionem. Monemus vos à pravis operibus recedere, & bonis operibus adherere, quatenus Dei omnipotentis misericordiam consequi mereamini, & vitam perpetuam acquirere valeatis. Quapropter Carissimi mandamus vobis, ut omnem hereditatem quam abstulistis ex Monasterio sancti Richarii Confessoris, pro Dei omnipotentis amore reddere procuretis. Nam si reddideritis, habebitis benedictionem sancti Petri, & nostram: si autem mentionibus nostris non obaudieritis, ex auctoritate Dei omnipotentis & nostrâ sciatis vos esse excommunicatos & maledictos, & ab Ecclesiâ Dei, & à Communionem omnium Christianorum separatos, nisi ad satisfactionem perveneritis.

## ITEM AD EPISCOPOS.

JOANNES Episcopus servus servorum Dei, GUIDONI venerabili Episcopo, FULCONI Ambianensis civitatis venerabili Episcopo, BALDUINO Terganensis civitatis Episcopo, dilectissimis filiis nostris spiritualibus carissimam salutem & Apostolicam benedictionem. Si sospitatis copiam, alacritatisque abundantiam erga vos fore noverimus, haud aliter, quàm de vobis ipsis lætamur. Cæterum mandamus vobis, quatenus pro Dei omnipotentis amore, sanctique Petri veneratione, & nostrâ interveniente, huic Abbati nomine Ingilardo succurratis, ut Monasterium sancti Richarii Confessoris per nostrum & per vestrum auxilium relevetur. Illis quoque Militibus, qui hereditatem Monasterii abstulerunt, vestras excommunicatorias literas unicuique mittere non prætermittatis, ut omnia quæ de prædicto Monasterio abstulerunt, reddere procurent. In hoc apparebit quoddam Sanctam Romanam Ecclesiam diligitis, cum nostra deprecatio apud vos venerit, si eam adimpleveritis.

## CAPUT XXVI.

*De prudentiâ Abbatis INGELARDI.*

HIS Abbas INGELARDUS apicibus Apostolicis fretus, & benedictione munitus, Galliam revertitur, & Comitibus quidem specialiter designatis Apostolicæ Sedis porrigit mandata; Episcoporum verò præceptis erga inferiores usus, rem opti-



mè gessit; qui videlicet ex auctoritate Romanæ Ecclesiæ nolentes reddere quæ loco sancto abstulerant, excommunicabant. Valuit igitur plurimum hæc ipsius Abbatis solertia, & multa prædia multosque redditus auferens subreptoribus, Ecclesiæ Centulensi viriliter reformavit. Sicut in Terguanensi territorio Rollenicurtem & Botritium, quæ superius leguntur fuisse tradita cuidam ab Heligaudo Abbate & Comite; Guatenaas etiam in prædicto territorio, & Buxudem in pago Pontivo, quæ ideo auferebatur, quia Girberto Abbati privatè viventi fuerat attributa. Alia etiam multa sibi reddi convaluit, quæ si narrarentur tedium generarent. Ecclesias autem multas, quæ prisco tempore sancto loco nostro servierant, & quæ nuper à Clericis invalæ fuerant, de iniquorum dominorum potestate auferens Abbatia restituit: inter quas Ecclesiam Berellæ reddi fecit; verum hoc antea gestum est. Igitur pro his studiis & laboribus omnibus bonis venerabilis existeret, sicut in epistolâ quæ ei à Remensi Episcopo missa est, potest sentiri: quam nos ob emolumentum laudabilium ejus operum hic inserimus.

g

» ARNULFUS gratiâ Dei Remorum Archiepiscopus, dilectissimo Abbati Domno Ingilardo, affluentiam totius salutis. Pervenit ad aures nostras quomodo fideliter laborastis in vineâ Christi ab adolescentiâ vestrâ. Videte ergo ne post portatum à vobis pondus diei & æstus, denegetur vobis merces laboris vestri, gloriosus denarius: manifesta enim nobis est reparatio vestri loci funditus à vobis reparati, infestatione paganorum olim deserti, per fructuosam perseverantiam vestram sapienter exculsi. Cavendum est igitur vobis, ut semper detineatis ad utilitatem vestri Monasterii Ecclesiam loci qui vocatur Berella, ne aliqua per sona aliquâ occasione vobis eam & Fratribus vestris possit subripere, quam Deus reddidit Caritati vestræ. Semper itaque à vobis custodito ocu lo vestræ providentiæ, quod Deus posuit in vestrâ potestate utilitati vestræ firmiter reservate. Non deerit vobis, Deo volente, nostra auctoritas, si præclara vobis fuerit vestra hereditas. Valete.

Tantis & talibus honestorum fatus favoribus, in dies bonâ famâ crescebat, qui magnâ virtute rem desperatam in bonum statum, Deo auxiliante, composuit.

## CAPUT XXVII.

*De Abbatibus Villâ, & Incra, & Domno Medardo.*

Verum quia nihil omni constat parte beatum, his dumtaxat temporibus, quando corrupta omnia & in perversum universa mutata sunt, is de quo loquimur Abbas, sicut quæ perdita fuerant studuit revocare, ita multa quæ liberè possidebantur non recusavit donare, distrahere, invadare, tum quoddam aliquando eorum quibus dabat consanguinitate vel servitiis cobeatur aliquid impertiri, tum quoddam multas terras desertas eis partiri erat necesse, qui habitabiles eas possent facere vel frugiferas: sed & Reges Francorum circa hæc tempora nobis magna abstulerunt prædia, quæ fossilis ambientes, & muris circumdantes castella effecerunt.



## CAPUT XXVIII.

*Adventus Beatissimi VIGORIS Episcopi à Neustriâ in Pontivum.*

Multa verò Dei gratia erga hunc sanctum locum cœpit vigere, ita ut sæpe per Sancti pia merita Richarii multis daretur salus optata. Sanctorum etiam corpora ad perpetuam loci tutelam, Deo jubente, istis temporibus nobis & posteris nostris veneranda collata sunt, quorum præsentia & intercessio contrâ mundi adversa umbraculum securitatis & protectio manet. Ex his præclarus Pontifex VIGOR unus existit, qui præeunte Dei virtute nostras sedes ex tunc & modo clarus attollit. Quia igitur auctore Deo beati Vigoris corpore sanctissimo ditari meruimus, dignum est ut ad laudem omnium bonorum largitoris Dei & Domini nostri JESU CHRISTI, quali modo ad nos venerit ipsum beatissimi Præfulis venerabile corpus, breviter depromamus.

Factum est cum beatissimi Vigoris venerabile corpus intrâ sui quondam Episcopii loca adhuc pausaret, Neustriam patriam contigit barbarorum incurfu adeo vastari, ut non modò pompam sæcularem, verum etiam decorem Ecclesiasticum contingerit fœdari. Eâ tempestate in Bajocensi Ecclesiâ quidam Clericus nomine AVITIANUS matricularius habebatur, qui dum rerum copiis patriam solito non abundare, Ecclesiarum quoque obsequia, quæ Sanctis Dei devotè solent exhiberi, penitus defecisse cerneret, secum orsus est meditari, quonam modo vitæ præsentis fugeret egestatem, reputans suo ævo patriam hostili acerbitate vastatam non posse reparari. Tali cogitationum volumine circum septus, ratum æstimavit, suæque utilitati commodum, si illum qui solus supererat sanctissimi corporis B. Vigoris thesaurum asportaret. Reverâ sciens quoddam ubicumque hoc detulisset, ejus gratiâ bona sibi præstarentur. Magis autem nosse debet Fidelium devotio, divinitus hæc ejus sensibus fuisse illapsa, quoniam superna destinatio erat implenda, quæ Pontivorum populum isto etiam patrono munire disposuerat. Furtivè ergo sanctissimi Pontificis corpus abstulit, ubicumque dignè vendi posset, seu Atrebas ut quidam dicunt illud ferre gestiens: Hæc secum agens solum Pontivum ingressus est, habuitque mansionem in villâ Centulâ, quæ antiquitus ex omni ipsâ provinciâ nobilis existit & clara; quamque beatus Pater & eximius Confessor S. Richarius suo olim decoravit exortu, insignivit exemplo, nunc verò suo tuetur patrocinio, suique lætificat ac beatificat corporis præsentia. Ad hanc igitur casu itineris perveniens, hospitio receptus est à quodam viro nomine BERNARDO, qui ejusdem Clerici consanguineus sciebat: verum Clericus sui thesauri conscius, hospitium infinitâ prece exorat, ut zibernam quæ sanctis ossibus erat onusta diligentissimæ atque fidissimæ traderet custodiæ, post parum temporis quo visum fuisset iter acturus: acceptam verò zibernam Bernardus tali loco ponere eam nititur, quem latrones adire non possent, licet omninò nesciret quæ vel quanta res in eâ haberetur. Et erat ei in Monasterio sancti Richarii arca, ob tutelam scilicet quarumque rerum pretiosarum, ut dum domi quædam non audet habere, domicilio pacis tam securè quàm fideliter servarentur. Hujus certè fida custodia the-

g Arnulfus ] Hæc in ora sui codicis reperit Acherius, quæ etiam leguntur in codice Centulensi: Arnulfus iste Remorum Archiepiscopus, filius fuit Regis Clotarii: & quia prodece voluit regnum Francorum Lothariensibus, ob hoc factum

Concilio depositus est, jussu Hugonis tunc Regis, dudum Ducis. Cui Concilio interfuerunt & Godismannus Ambianorum Episcopus, & Ingelardus Abbas Centulensis.

sauro Clerici apta creditur. Sed cum reposita fuisset zaverna intrā arcæ sinum, pietatis divinæ bonitas quæ ante sæcula futurum præviderat jamjam inchoat operari. Nam quādam vice cum suam arcellam quid nescio capere volens Bernardus aperuisset, vidit totum ipsius arcæ sinum mirā claritate fulgere, ac si flammiferis esset suppleta incendiis: quo visu perterritus procul secessit, aliquid divini à suo hospite sibi commendatum reputans. Dein vocans Clericum inquit quale sit illud ab isto sibi commendatum: ille pavens, utpote qui videbat se propalari, non valens tamen celare quod Deus Omnipotens prodiderat, respondit se magni pretii ac meriti inibi Reliquias habere. Hæc dicens orat etiam ne cuiquam ista prodantur: sed cum neuter illorum tanti arcani quemquam conscium faceret, egit superna virtus quo celatum omnibus innotesceret. Fertur verò quoddam multi Religiosi cum in ipsā Basilicā secretius supplicarent, luminaria illic divinitus accendi viderint. At nos scrupulosa omittentes, illa potius exequamur quæ fideliter comperta sunt. Die quādam quædam femina quid in ipsā arcā haberetur nescia, dum divinum officium ageretur illò advenit, ac post diutinam stationem lassabunda membra super illam iniecit. Quamquam autem è conscientia culpa non prodiret, quæ nec esse culpa putabatur, placuit tamen divinæ justitiæ mirum quoddam operari, ut dum quasi vindicat sui Sancti injuriam, merita ejus ac dignitatem omnibus patefaciat. Mulieris namque, quæ super arcam innitebatur, vestis à parte natium accensa cœpit ardere; cum subito inspiciente populo mulier ignis ardore compulsa ab arcā resilit, & loco cui indignè hæserat faciente incendio cessit coacta. Fit continuò clamor cum tremore, & quod in arcā aliquid magni esset absque dubio propalatur.

His diebus Cœnobii Centulensis regimina vir nobilis Ingelardus detinebat; cui cum fuissent relata quæ fecerat mirabilis Deus, illicò nullā morā interveniente inquiri citius jubet cujus esset arca, erga quam talia gererentur. Respondentibus qui noveant nomen possessoris, illicò eum misso nuntio accivit: à quo perquirens causam mirabilis facti, audit continuò suam quidem esse arcam, suum verò non esse quod miraculum fecisset, esse sibi commendatum unde tantæ virtutis processisset operatio: sed quia, inquit, divina dignatio istud cæteris portendit, quid etiam mihi demonstraverit audiatur. Hæc inquit subsequenter intexuit quod prælibatum est, quodque satis celaverat: quia scilicet cum aperuisset locellum, superna virtus mirum splendorem oculis ejus ingessit. Tantis ergo magnalibus Abbas Ingelardus revesfactus, omniò decrevit talia non omittere quin studiosius perscrutaretur, rogatque hominem ut ad se festinet deducere allatorem tantæ rei. Clericus tum absens erat: sed ubi rediit, Abbati citissimè præsentatur: quem Abbas blandā satis alloquutione demulcens, hortabatur confiteri quod mente gerebat; se quidem scire quia sanctum erat illud quod zaverna tenebatur, tantum insinuaret sibi Sancti nomen seu dignitatem. Asserebatque idem Abbas omnia quæ peteret se præbiturum, dummodo sibi panderet tantæ virtutis arcana. Suggestabat etiam in hoc considerari debere divinam voluntatem, quæ utique, inquit, si à nobis nolle possideri illud sacrum, nullò modo præmonstrasset tantæ virtutis indicium. Sic itaque tam promissis animatus, quàm certā ratione superatus consensit, & S. Vigoris Baiocaniæ urbis Episcopi se corpus attulisse indicavit. Tunc Abbas multis donariis animum ejus illiciens, meruit tandem ut dato pretio sanctissima ossa reciperet. Hinc Fratribus collectis, & vestibus splendidis decenter orna-

tus, cum numerosā plebis catervā, atque cum ingenti lætitiā, multoque honore illuc usque chorus dirigitur: B. Vigoris sanctissima membra proferuntur, ac velut cœlestis thesaurus intrā eandem sancti Richarii Basilicam convenientiori loco diligenter reconduntur. Sed divina jussio, quæ Pontivorum gentem ac Centulæ cohortem ornaverāt tanto Confessore, non inaniter patitur tempus transire, qui ostendat quanti apud se sit meriti, quem suā gratiā bonitate nostris sedibus voluit inferri. Denique licet in quocumque periculo invocatus citus sit exauditor, in ipsis tamen incendiorum periculis tam efficacem, tamque conspicuam humanis obtutibus inculcat virtutem, ut si quando ignis convalescens, flatibusque agitatus exstingui humanā manu non potest, ac sibi quæque propinqua flamma pervadit, dum S. Victor objicitur, resiliere, & quæ jam absumi cœperant, nutu divino Sanctique merito illicò relinquere cernatur: & hoc non semel, non bis, nec ter quidem, sed multoties inspiciente Centulensi populo, in eorum habitaculis factum est. Hæc cum necessitas exigit aguntur, hæc semper fieri sperantur usque in finem sæculi per Christum Dominum nostrum, Amen.

## CAPUT XXIX.

*Translatio S. MADELGISILI Confessoris.*

CUM Cœnobii Centulensis Abbas Ingelardus adhuc teneret regimina, inter cætera bona quæ illi contulit pietas superna, Sancti quoque MADELGISILI Confessoris meruit habere corporalem præsentiam. Est denique vicus in pago Pontivo, qui vocatur Monasteriolus, ubi ipse Sanctus à die sui transitus deinceps quieverat; sed cum curiositate fidelium delatum fuisset corpus ejus Centulam in Monasterium Sanctissimi Richarii, cœperunt quidam ex Monachis quādam stoliditate permoti dicere, quod indignum esset ejus hominis venerari ossilla, cujus ignorarent actus vel vitam. Cumque hac ratione vel potius irrationabilitate aliquoties contenderent, erat antiquitus Ecclesiola quādam in confinio Centulæ sub ipsius Sancti nomine dicata, ad quam decreverunt ipsum ferri debere, dum & suæ Ecclesiæ domicilio frueretur, & illum tali modo non cogerentur honorare. Factumque est ita. Cum ergo illic fuisset positus ille, Deus qui humilia respicit, quique olim videns Liam despectui haberi causā deformitatis, dedit ei fecunditatem, ut prolis saltem numerositate amari posset, quæ sui vultus sceditate horrebatur: ille, inquam, Deus cum videret hunc suum servum per ignoratis vitæ ejus gestis non satis amari, ut quanti penderetur meritum illius populis demonstraret, voluit suā pietate eo loco multa patrare magnalia, quo ejus fuerant membra non sine despectu portata.

[Denique cæcis visum, surdis auditum, claudis gressum, cæterisque incommoditatibus tale contulit remedium, ut si quæ facta sunt seriatim scribi potuissent, omnimodo abstulissent auditionis voluntatem suā multiplicitate onerosam. In tantum verò ibi supernā virtus operata est, ut duæ trabes vix ferre sufficerent sanitatum indicia: hoc est sustentacula contractorum, vel offas è cerā factas pro oculorum vel aliorum membrorum infirmitatibus, ipsi Sancto oblatas, vel etiam compeditorum vincula, vel certè multimodarum ægritudinum quas dicere non possumus, diversa ostenta.]

Cum ergo tam evidenter claruisset, verè hunc apud Deum esse magnum, cœpit Abbas Ingelardus cum Monachis suis pœnitentiā moveri, quod tam claram Dei margaritam quasi quoddam vile abjecis-

sent,

lent, & quem prius pro obscuritate despexerat sanctitatis, cum devota cordis humilitate & celebri honore disposuit reportare, ad quem amandum & honorandum magnificā Dei virtute invitabatur. Tunc aggregati fratribus cum multo honore, magnaue timoris Dei reverentiā jam dictam Ecclesiā expetivit; prēmisiāque erroris pœnitentiā, atque adorato Domino, qui in Sanctis suis mirabilis est & gloriosus, corpus Sanctum accepit, & Ecclesiā sanctissimi Richarii cum laudibus restituit [uti cum qui mentium duritiā meritorum virtute donaverat:] quod etiam huc usque ibidem servatur. [Hæc quidem Domni Ingelardi temporibus acciderunt: sed quia nunc de hoc Sancto loqui suscepimus, addamus istic illa etiam quæ longo spatio postea gesta sunt, ne penitus excidant memoriæ, & ne posteritas eorum fraudetur cognitione. Fuit postmodum consuetudo ut unoquoque anno die sui festi, quod est III. Kalendas Junii, multitudo fidelium ad locum ubi olim sepultus quieverat processionaliter eum deferret; conveniebatque è proximis villis vel municipiis turba populorum, & cum multā lætitiā Sancti festum colebant. Quādam ergo vice cum fuisset illuc portatum, & expletis solemnibus cum jam tempus & hora redisset referendi, egredientibus de Ecclesia fratribus tantam contigit fieri pluvia & ventorum turbulentiam, ut ipsa dies nocte turpior haberetur. Ferebantur pro more ante corpus sanctum duo argentea ceroferaria, quorum lumina, licet ventis pulsarentur & pluviis humectarentur, nequaquam tamen exstingui potuerunt quousque ipsam parochiam in qua fuerat conversatus, transisset: ita quasi designans quod proprium fuerat miraculo sacravit. Quādam aliquando terra per vim injustitiæ à quodam fortiori Ecclesiæ illius tulta est; & cum consuetudinaliter Sanctus illuc referretur, celebratā honorificentia, fratres illum Centulam referre voluerunt; sed divino nutu efficientia defuit; Nam cum in redeundo ad ipsam usque, quæ ipsius propria fuisse memorabatur, comitante populo, pervenisset, ponderositate gravissimā substitit immobile. Interea dicebant quidam motum eum fuisse pro ablatione peculii, & hanc gravitatem suæ indignationis indicem ostentare: quod postmodum res ipsa verum esse docuit; nam convento fraudatore, oraverunt fratres ut Sancto sua redderet; ille autem timore vindictæ cœlestis correptus, fratrum precatis libens paruit, & sua Sancto libera fore cessit: hoc facto ad Sanctum reditur, lectica gestatur, ponderositas nullasentitur.]

Igitur hæc sunt gloriosa Sanctorum pignora, quibus præter illas [gloriosas reliquias,] quæ longè superius designata sunt, Centula nobilis decoratur: Sanctum Abbatem & charissimum Patrem Richarium ex se progenitum primatem læta excolit: post quem secundo honoris loco apud nos B. Pontifex Vigor veneratur: deinde ille ferax divinorum mandatorum Caydochus habetur: post quem ipse, de quo modo narravimus, S. Madelgisilus decibilibiter amatur. Veneratur cum istis S. Caydoci socius, quem quidam Adrianum vocitant. Inter tantorum merita beati & Sancti Angilberti Abbatis munimur Reliquiis, beatarumque Martyrum Christi & Virginum Elevare, Sponsaræ, patrociniis confovemur. Hæ autem beatissimæ Virgines, quantum à prioribus comperimus, beatæ Macræ Martyris sociæ & convirginales exstiterunt, & unā cum ipsa à persecutore Rictiovaro pro Christi nomine martyrizatæ sunt.

His Abbas Ingelardus munitus Patronis, hisque advocatis protectus, multam bonorum abundantiam Deo miniutrante meruit. Fuerunt etiam sub ipso in hoc Sancto loco aliquanti optimi viri, qui

& regularis normæ servatores, & eidem in laboribus fuerunt adjuvatores: horum aliquos pro eorum reverentiā memoramus. Angelrannus, qui cognominatus est sapiens, noster postmodum Abbas; Cuido Forestis-Cellæ Abbas; Arnulfus Sancti Judoci Abbas; Hubertus Forestis-Cellæ Abbas; Gualterus cognomento Grimutio, Sancti Salvii Abbas.

### CAPUT XXX.

*De Prædiis in Hlotharii regno Notkero Leodii Episcopo oppignoratis.*

**I**N HLOTHARII regno habebantur aliqua prædia; quæ quia longè polita non facillè visebantur, placuit Domino Abbati ea committere Leodicensi Episcopo, tunc temporis Notkero, acceptis xxxiii. denariorum libris, eo tenore, ut ipse Episcopus per xx. annos eorum redditibus potiretur; & tunc reditū sibi, vel Ecclesiæ suæ, jamdictā pecuniā, Centulensis Ecclesiæ sua reliaberet, de quā pactione tale testimonium confectum est.

**I**N NOMINE sanctæ & individue Trinitatis NOTKERUS solius Dei gratiā providente Leodicensis Ecclesiæ aliquantulum providus Pontifex. Catholicæ Matris Ecclesiæ Filiis, tam præsentibus quàm futuris, quibus censerī constat semper profusione tenendæ pietatis, notum fieri volumus quā conventionem ego & Abbas INGELARDUS invicem habuimus. Habebat liquidem prædictus Abbas S. Richarii quædam prædia in nostro Episcopio sita, v. videlicet mensos in villa Hair, & v. in villā Farnalā, ac i. in villā Burlis, & i. in Gledelā, quæ nobis oppignoravit, datis sibi à nobis ex thesauro S. Lamberti xxxiii. denariorum libris, eā scilicet ratione, ut nos vel nostri successores annis xx. sine reclamatione teneremus, sumpto tantum usufructuario cum cæteris redditibus non alio suspecto scœnore. Annis verò prædictis finitis, quācumque die ille aut quilibet successor suus nobis vel nostris similiter successoribus memoratum pondus argenti reportando redderet, sua prædia absque ullius contradictionis impedimento recipiendo rehaberet. Unde ut sic rem gestam nostri cognoscerent posterī, hujus testimonii chartulam jussimus conscribi, signoque nostro, ac signis fidelium nostrorū tam Clericorum quàm Laicorum, qui nobis tunc temporis aderant, ut prudens petierat Abbas, censuimus confirmari. Sign. NOTKERI Episcopi, S. GODESCALCI Præpositi; S. Nithonis; S. Siconis; S. Ecberti; S. Frederici; S. Gualteri Militis; S. Hiferelmi Militis; S. Norberti Militis; S. Odelmi Militis; S. Butsonis Militis. De suis autem, S. INGELARDI Abbatis, S. Angelranni Monachi; S. Duodelini Monachi; S. Senardi Militis; S. Heriberti Militis. S. Ruethelini Militis; Acta sunt hæc Leodii publicè v. Kal. Novembris, [anno dominicæ Incarnationis DCCC. LXXXVIII. Indictione XII. Imperii verò Henrici anno primo.]

Hac stabilitā conditione, Ingelardus Abbas jam reversus direxit dictitia ipsi Episcopo, postulans ut hæc conventio iterum firmaretur; & ne quis futurorum Episcoporum illam infringeret, sub anathemate prohiberet, quo inconvulsa non tantum chartæ testimonio, sed & timore prolata excommunicationis permaneret. Scripsit autem ita:

NOTGERIO Episcoporum præcellentissimo, INGELARDUS Abbas cum cunctā catervā Centulensium Fratrum, plurimarum virtutum & bono operis perseverantiam. Quoniam quidem tuæ benevolentia immensitas longè lateque diffusa pervenit ad nos, scilicet compatiendo nos expende-

» re sapius vanum laborem in eundo aut redeundo ,  
 » dum nitimur invilere quæ sunt in hac terrâ San-  
 » cti Richarii prædia : habemus gratias , proque tuâ  
 » tuorumque salute divinis auribus porrigimus pre-  
 » cum vota : parati etiam impendere si usus fuerit,  
 » multimoda corporis servitia. Et quia tantum o-  
 » nus nobiscum supportare dignaris , postulamus  
 » ut super hoc negotio sis sollicitus , excolens in-  
 » culta , reedificans destructa , quatenus à nobis red-  
 » dito mutuo à te sumpto , res suas auctas recipiat  
 » nostra Ecclesia à tuâ industriâ. Suggestimus etiam  
 » ut auctoritate tibi traditâ interdicas , ne aliquis  
 » aliter quàm stabilitum est , immutare præsumat :  
 » ut si aliquis tuorum successorum , quod Deus pro-  
 » hibeat , rebus à te benè paratis malè abusus fue-  
 » rit , in reddendo argento non sentiamus dispen-  
 » dium receptionis. Neque hæc , idcirco quoddam si-  
 » mus imparati nimis ad suscepta reddere , sed quia  
 » tenemus sacræ Scripturæ testimonio , quoddam per-  
 » mittat Deus impium regnare pro scelere , omnia  
 » contradictionis ostia cupimus obstruere.

» Cunctipotentis	» Protegat omni
» Dexterâ Christi ,	» Tempore secli.
» Qui miseratus	» Sicque pudicè
» Nostra caduca ,	» Det tibi totam
» Nullus ab alto	» Ducere vitam ;
» Venit ad ima ;	» Ut merearis ,
» Ac preciosâ	» Exspoliatus
» Morte redemit	» Tegmine carnis ,
» Noxia vitæ	» Esse coheres
» Crimina nostræ :	» Cœlicolærum.
» Te , pie Pastor ,	

Suscipiens verò hæc precata Venerabilis Episco-  
 pus , & volens omnino manere inviolatam con-  
 ventionem apud suos successores , jamdicto sape  
 talia retranscripsit Abbati.

» NOTGERIUS Episcopus Leodicensis Carissimo  
 » suo INGELARDO Abbati. Quoniam hætenus , mi-  
 » dilectissime , nihil ex sacrilegio habere cupivimus ,  
 » nec cupimus , ne quid , quod quidem absit , ex  
 » sacrilegio nostræ Ecclesiæ post discessum nostrum  
 » relinquatur , nimia tui devictus dilectione petitioni  
 » tuæ faventes , quod mandasti providus , fieri di-  
 » gnus duximus ; ne quis successor meus conven-  
 » tionem quam invicem habuimus mutare præsu-  
 » mat in pejus : ideoque notum fieri volumus cun-  
 » ctis Ecclesiæ Fidelibus tam futuris quàm præsen-  
 » tibus , quod quâcumque die tu , aut quilibet suc-  
 » cessorum tuorum , nobis , vel nostris similiter suc-  
 » cessoribus , xxxiii. denariorum libras reddiderit ,  
 » absque ullius contradictionis impedimento sua præ-  
 » dia recipiat Ecclesia S. Richarii. Quicumque id te-  
 » merare præsumserint , ex auctoritate Dei , sanctæ-  
 » que MARIE Genitricis Domini nostri , & Sancto-  
 » rum Apostolorum Petri & Pauli , ac Beati Lam-  
 » berti Martyris Christi , sint damnati , anathema-  
 » tisque vinculis obligati.

## CAPUT XXXI.

*De Villâ qua dicitur Matermortua.*

Est in confinio Letgiæ quædam Villa sancti Ri-  
 charii vocabulo Matermortua , quam sæpeditus  
 Abbas cuidam petenti ita habere concessit , ut  
 quamdiù viveret , possideret , & post suum deces-  
 sum unus suus heres similiter in vitâ suâ teneret.  
 Permisit autem intuitu laboris qui ex longo itinere  
 accidebat , sumptis à jamdicto Milite centum ar-  
 genti solidis ; ita tamen ut uno , quoque anno redde-

retur census xxv. solidorum. Super cujus firmatione  
 talis confecta est chartula.

In nomine sanctæ & individue Trinitatis. IN-  
 » GELARDUS divinâ dispositione Centulensis Cæno-  
 » bii Abbas , ad notitiam sanctæ Dei Ecclesiæ Fide-  
 » lium , tam futurorum quàm præsentium , veniat  
 » quoddam quidam Miles nomine HUBERTUS nostram  
 » præsentiam adierit , magnopere deprecans , qua-  
 » tenus ei quamdam terram in Lotharii Regno si-  
 » tam , quæ dicitur Matermortua , jure venditionis  
 » concederemus. Nos verò ipsius petitioni faventes  
 » fieri dignum duximus. Concessimus ergo ipsi , at-  
 » que suæ conjugi nomine Alguidi , uniusque hæredi  
 » ipsorum , terram quam postularat ; sumptis ab  
 » eo centum argenti solidis. Eâ conditione , ut quis-  
 » quis superstes fuerit , eam absque ullâ contradi-  
 » ctione possideat ; atque omni anno tempore Qua-  
 » dragimæ xxv. solidos denariorum persolvat. Sed  
 » quia de nomine heredis , necdum certus erat , po-  
 » stulavit duorum annorum inducias , quas & à no-  
 » bis impetravit : hæc idcirco , ut quia ad ipsius no-  
 » men scribendum vacua relinquitur membranula ,  
 » vocabitur siquidem h . . . ne fortè dissimilitudine  
 » litterarum subscribatur cartulæ falsitas. Et ut per  
 » succedentia tempora sic stabiliter permaneat , manu  
 » propria firmatur ab omnibus nobis. Signum Ab-  
 » batis INGELARDI. S. Adieri Decani & Monachi.  
 » S. Ingelranni Monachi. S. Otberti Archidiaconi  
 » Leggienfis. S. Alboldi Archidiaconi. Signum Joan-  
 » nis Archidiaconi. Actum Monasterio S. Richarii  
 » iv. Idus Mart. regnante Rege Roberto , Anno xi.

## CAPUT XXXII.

*De farinario præfeto. Et obitus ejus.*

IN ripariâ Scarduonis fluvioli est inter alia quod-  
 dam farinarium , quod dicitur Mirumdolium ,  
 quod idem Abbas cuidam suo parenti , nomine Ra-  
 ginero , in ratione victus aliquamdiù cessit ; simul-  
 que redditum publici clibani. Sunt & alia multa quæ  
 gessit aliquando in redimendis , aliquando verò in  
 invadiandis sancti loci terris ac villis , quæ , quia  
 non omnia profutura speramus , recitare fastidimus.  
 Illud autem necessariò & convenienter intimamus ,  
 quoddam stabilitis Fratrum officinis , stabilitâ quoque  
 Monachorum congregatione , cui ipse longo valde  
 tempore præfuit , mortuus est Nonas Junii , & se-  
 pulchram meruit in sancti Patris nostri Richarii Ec-  
 clesiâ hætenus conspicuam.

MATERIALE tuum repetens hîc Abba quiescis  
 INGELARDE , tuba revocet dum calica sanctos :  
 Quem mundo genuit Heroum clara propago ,  
 Baptismus Christo per verbum fontis & undam.  
 Qui Monachus primò , Monachorum Rector abinde ,  
 Richarii sacram Sancti , quam barbarus hostis  
 Vepribus implebat , reparasti funditus adem  
 Fervidus. At quintum volvebat Junius orbem ,  
 Dum tibi communem mors intulit aspera sortem.

Huic successit è suis unus Monachus nomine AN-  
 GELRANNUS , sapiens cognominatus. De quo , quia  
 hîc tertius hujus Operis liber prolixior est habitus ,  
 nunc referre supersedimus : maximè cum ejus illu-  
 stris vita ante hoc tempus à quodam Fratre exarata  
 inveniatur. De hoc itaque aliqua relaturi , quartum  
 recreato spiritu libellum incipiemus ; ut more Evan-  
 gelico justorum quadrigam deducere videamur : au-  
 xiliante gratiâ Domini nostri JESU-CHRISTI , cui  
 cum æterno Genitore & coæterno Flamme sit laus ,  
 & honor , & potestas in sæcula sæculorum , Amen.

Abbas xxii.

h [siquidem] In margine codicis quo Acherius usus est legitur ALGUDIS.

LIBER QUARTUS.

CAPUT PRIMUM.

*De ortu Domini ANGELRANNI; & de doctrinâ ejus.*

CUM igitur omnis mundus Unigeniti Deidescensione per carnis assumptionem se gratuletur redemptum, sitque universalis exultatio liberatio communis; proprium tamen quorundam locorum dignoscitur esse gaudium, viros habuisse tales qui sanctitatis ac doctrinæ prærogativâ Patres non immeritò vocentur & Pastores. Hoc privilegio potita situ & nomine dulcis Pontiva provincia, præcellorum sæpius lætata est virorum generâ. Ipsa denique illud fulgentissimum sydus, beatum scilicet Richarium, olim protulit, cujus patrocínio & corporali præsentia se beatam exultat Centula. ipsa etiam post illos, quos supra meruisse legitur, gloriosæ recollectionis virum protulisse scitur Angelrannum, qui quoniam omnem sui temporis laudem excedit, sui nominis memoriam usquequaque protendit.

Natus est ANGELRANNUS Deifer parentibus juxta sæculi pompam non adeo generosis, quamvis omnino ingenuis, sed planè Dei timore elegantissimis. Qui quantæ opinionis, quamque boni odoris foret futurus, ante suam nativitatem divinitus præmonstratum est. Vidit namque ejus genitrix quâdam dormiens nocte quasi ex se leniter sertum procedere, quod totius Centulæ muros procingens, omnium ora in sui laudem, & admirationem solvebat. Quod postquam religioso marito insinuavit, ille gratiâ doni cœlestis afflatus, dixit pro certo hoc fore præsagium optimæ prolis, quam Domini dono proximè essent accepturi, quæ bonorum odore operum universos afflaret.

Hic ergo bonæ indolis esse incipiens, profundique sensûs acumine vicens, infra ævum puerile repertus est in litteris discendis ferventissimè ardens. Jam enim Deo se inspirante idem puer quisnam futurus foret præfatio quodam ostentabat: & cum scriptum sit, *Anima justî sedes sapientiæ*, Sapientia verò Dei Christus est, summæ Sapientiæ præsignabat se templum fieri, dum litterarum non poterat scientiâ satiari. Et quia non lasciviam mundi amplecti, sed Dei servitio perpetim maluit mancipari, monachili auctus est togâ intrâ S. Richarii Monasterii Claustro. Dein divinis donis cum ætate crescentibus, habitum quem humanis præferebat obtutibus, multimodè sanctitatis exornabat speciebus. Inerat ei mater & nutrix virtutum humilitas, præpollebat in eo obedientiæ inedicibilis qualitas, conservabatur ab eo illa quæ odisse quemquam nescit caritas. Enimverò quia, ut supra dictum est, in discendo multum gliscibat, acceptâ à patre loci, nomine Ingelardo, non minimâ reverentiâ digno licentiâ, longè seposita scrutatus est scholarum magisteria; more scilicet prudentissimæ apis, quæ circumit diversorum florum arbuta, ut mellis dulcore suâ repleat receptacula. Denique multorum experientiâ probatum, & liberalibus studiis ornatissimum civitatis Carnotenæ venerabilem Episcopum, ac cum multo honore vocitandum Fulbertum, præceptorem adeptus est atque didascalum: hic ei monitor, hic tam morum, quàm litterarum fuit institutor. Gaudebat venerabilis Præsul de tanti discipuli solatio, relevabatur tam idonei auditori industriâ atque ingenio. Tandem igitur Grammaticâ, Mu-

*tem. II.*

sicâ atque Dialecticâ optimè instructum, Centulam remittit tyronem amicissimum, jam tunc Sacerdotio ornatum; quem velut grandem thesaurum recipit pia Congregatio Centulensium. Hinc jam quod ingenti studio fuerat quæsitum, profertur magnæ scientiæ præcipuum margaritum. reparantur libri, conscribuntur necdum conscripti. Educantur pueri, dispersiuntur quamplurimis sapientiæ thesauri. Illustratur patria, & ab omnibus circumquaque felix vocatur Centula, quæ tanto prælagiebatur patre beanda. Verùm populi id fieri gestientis voluntati, & desiderio felix accessit effectus.

CAPUT II.

*Qualiter Regi sit notificatus; vel qualiter Abbas sit effectus.*

EO tempore Rex ROBERTUS, prudentiæ lumine clarus, regni Francorum post patrem HUGONEM illustrabatur fascibus. Cui nutu divino, ut credimus, sæpèdictus vir tali modo refertur notificatus. Cum enim adhuc in Franciæ partibus detineretur disciplinis scholaribus, supradictus Rex in Romam bonæ voluntatis devotione est coactus: dumque jussu ejus diversis in locis quærentur divini servitii plenè imbuti officiis, ab omnibus prædicatus est efficax in hac re ANGELRANNUS venerabilis. Itaque profectio paratâ Rex callem arripit, cui Angelrannus honestissimâ vitâ [ insignitus ] comes accedit. Interim dum gradiuntur, divitiæ hactenus occultatæ latius aperiuntur, prædicationum verba procedunt, commeantium corda infundunt: miratur Rex ejus affamina, delectatur continentis vitæ munditiâ, obstupefcunt omnes linguæ nitorem, reverentur animi puritatem. Verùm quod in ipso itinere relatum est gestum fuisse, dignum videtur inferi historiæ: si quidem multimodâ assertionem insinuat est ita per omnem viam Deo Regique in divino servitio militasse, ut librorum nunquam indiguerit juvari solamine: quod an fieri potuerit, non inertes judicent, sed studiosi examinent. Igitur Romam perventum, atque inde feliciter est remeatum.

Hujus ergo eventu itineris vir Dei Angelrannus ad Regis notitiam venit: quapropter ipse Rex non eum inter infimos relinquere corde tenus ambivit. Interim verò dum Rex perquirat, quo eum honore fulciat, semper venerandus Angelrannus sua habitatione Centulam exultat. Et provenit Deo ordinante ut Abbatia Centulensis paternâ privaretur sollicitudine. Fratrum ergo sanioris consilii concordie electione id officii suscipere cogitur Angelrannus, qui Domini præscientiâ ante omnia sæcula ad hoc fuerat præparatus. Tunc Rex ovans, quod sicut cupierat locum honorandi reperisset, sæpèdictam Centulam hac de causâ concitato gradu devenit. Enimverò famæ velocitas Angelranni aures percellens, dicto citius timore salubri ejus præcordia replet. Quid ageret non inveniebat: Fratrum unanimis electio, exstante admodum parvâ quorundam sua nobilitate inflatorum contradictione, pastorem suscipere cogebat; Regia etiam auctoritas ad hoc impulsura propinquabat. Sed ille, qui subesse quàm præesse malebat, omnino se indignum hujusce rei perceptione præjudicabat. Sumpto igitur ausu sylvarum lustra expetit, ibique se ne inveniretur abditis quibusdam recondit. Rex adveniens virum interrogat, furtim eum abcessisse Monachorum turba proclamat. Rex miratur intentionem, prædicat humilitatem, jubetque ut citius pergatur, ac electus Domini ad se reducat. Exeunt ergo militares præclarum Dei militem perquirentes: sciscitantur

T r ij



à quibuscumque obviantibus sicubi visus fuisset vi-  
cluentissimus. Tandem igitur peractâ multâ scruta-  
tione in sylva Olnodioli dignoscitur latere. Itur-  
ocyus, perquiritur, inventus adducitur, Regisque  
Roberti præsentiæ sistitur. Rex itaque gaudens, Ec-  
clesiæ basilicam intrat, omnique spectante nobilium  
vel ignobilium catervâ, per funes ad signa penden-  
tes ipsi totius loci dominationem delegat. Dein jube-  
tur ab ipso Rege, ut quantocius acceleraretur be-  
nedictionis consecratio digna. Verè ergo iste superni  
membrum capitis fuit, qui memor suum Dominum,  
dum eum vellent populi facere Regem, fugisse in  
montem, ne supercilio prælationis extolleretur, ma-  
luit subire cavernam.

## CAPUT III.

*Renovatio conditionis inter Ingelardum Abbatem &  
Notkerum Leodii Episcopum.*

**J**Am verò sumpto Abbatis officio, quisejus bona  
dignè potens sit explicare? Erat enim eistudium  
juge propriæ vitæ nævis carere, coram Deo & ho-  
minibus bona semper providere, commissorum ine-  
pta refecare, tam exemplo quàm verbo bona eorum  
augere; quidquid bonum semper ambire, quidquid  
pravum semper cavere: nec ejus benevolentiae sat  
est animarum salutem obtinere, sed curat etiam ter-  
renis ædificiis locum commissum honorare. Denique  
mœnia struxit, sacras aras auro & argento vestivit,  
Christique vasa sacrosancta pro posse ampliavit. De-  
lectabatur planè sanctum ingenium bono opere,  
pascabatur pia mens sanctâ exercitatione. Interea  
Notkerus Leodicensis Episcopus, cui à Domno  
Ingelardo Abbate quædam sancti Richarii prædia  
fuerant oppignorata, obierat; & post alios duos  
DURANDUS ipsius Sedis susceperat Præsulatum.  
Hunc itaque Abbas ANGELRANNUS adiit, & ut con-  
ditionem, quam illius & suus fecerat antecessor,  
renovaret, ne infirmaretur, exoravit. Qui Episco-  
pus venerandi viri precibus acquiescens, nam & à  
Domno EBALO Remensi Antistite idipsum face-  
re fuerat exoratus, tale denud rescriptum promul-  
gavit.

In nomine Sanctæ & Individuæ Trinitatis,  
DURANDUS divinâ propitiante clementiâ Sanctæ  
Leodicensis Ecclesiæ Pontifex, universis Christia-  
næ religionis fidelibus, præsentibus videlicet &  
futuris compertum fore volumus, quoddam ANGEL-  
RANNUS Abbas S. Richarii Confessoris Christi à  
nobis sibi petierit, ut conventionem quam suus an-  
tecessor cum Notkero hujus Sanctæ sedis Episco-  
po habuerat, renovaremus scripto. Sumserat enim  
idem suus Antecessor ex thesauro S. Lamberti  
xxxiii. denariorum libras, oppignorans nobis  
quædam S. Richarii prædia; scilicet in villâ Hair  
v. mansos, & v. in villâ Farmala, & i. in villâ  
Bursis, & i. in Glemdenâ: eâ videlicet ratione,  
ut quâcumque die nobis nostra redderet, sua sine  
contradictione aut ipse, aut aliquis suus successor  
reciperet. Fecimus ergo quod suggererat, & scri-  
ptura præsentis chartulæ quod Antecessores nostri  
statuerant, renovavimus. Acta sunt hæc Leodio  
publicè sub die xiiii. Kalend. Octobris, Anno  
Dominicæ Incarnationis MXXII. Imperii vero  
HENRICI XIX. Signum HEZELONIS Comitis:  
Signum HUMBERTI Clerici: Signum GUATHO-  
NIS Clerici: Signum HILDRADI Clerici: Si-  
gnum ADELARDI Laici: Signum LIBUINI  
Laici.

## CAPUT IV.

*Quomodo Ecclesiam Scabellivilla acquisierit.*

**H**Ac igitur pactione utiliter reparatâ, Monaste-  
rium reversus est. Aliquando etiam Neustriam  
ivit, & colloquio Marchionis RICHARDI usus, po-  
stulavit eundem Duce, ut pro salute suæ animæ  
S. Richario aliquid largiretur: qui sciens virum esse  
prudentem, & Monastici tramitis amatorem, be-  
nignè ei paruit: conferens per ejus manum S. Ri-  
chario casulam pretiosæ purpuræ, & Ecclesiam Sca-  
bellivillæ. De cujus donatione talem condidit descri-  
ptionem.

In nomine Sanctæ & Individuæ Trinitatis, ego  
RICHARDUS divinâ concedente gratiâ Nortman-  
norum Dux. Compertum esse volumus omnium  
Sanctæ Dei Ecclesiæ fidelium industriæ, quoddam AN-  
GELRANNUS Abbas Centulensis Cœnobii, ubi ve-  
nerabilis Confessor S. Richarius quiescit, Clemen-  
tiam nostram experiri, quatenus ipsi Sancto lar-  
gitione nostræ elemosynæ conferremus aliquid.  
Consilio ergo & suggestu nostrorum fidelium de-  
crevimus tradere perpetuè prædicto Sancto, &  
servis ejus, Ecclesiam, quæ sita est in Scabelli-  
villâ. Præfatus verò Abbas & Fratres sub testifica-  
tione præsentis chirographi sponponderunt, quoddam  
amore genitoris nostri, nostro, & matris, conju-  
gis & prolis, personâ unius Monachi ipsius Con-  
gregationis augeretur numerus: eâ conditione ut  
illo decedente à sæculo, alterius per sæcula sub-  
sequatur successio. Illud etiam ut ab hodiernâ die  
& deinceps nos, nostrique filii supradictæ Con-  
gregationis appellati focii, omnium quæ ibi gesta  
fuerint bonorum habeantur participes. Ut igitur  
hæc futuris temporibus donatio stabilis permaneat,  
sub gravi anathemate facta ab Archiepiscopo, me  
præsentem, vel à quibusdam Episcopis cum suis Sa-  
cerdotibus, qui forte tunc nostræ aderant Curti,  
jussimus roborari, & hanc insuper chartulam fieri,  
quam signo manûs propriæ voluimus consignari.  
Signum RICHARDI Marchionis; S. ROBERTI Ar-  
chiepiscopi. S. GONNORIDIS matris eorum. S.  
JUDITH; S. RICHARDI pueri; S. ROBERTI pueri;  
S. WILLELMI pueri; S. MALGERI. Actum Ro-  
tomag. ii. Idus Martii.

Robertus quoque ipse Rotomagensis Archiepisco-  
pus, virum bonum esse cognoscens Domnum Angel-  
rannum, donavit ei unum bonum dorsale, quo ho-  
dieque nostra Ecclesia ornatur.

## CAPUT V.

*Afferio de S. Vigore.*

**A**T quia nunc Normanniam intravimus, libet  
parumper subsistere, ut quoddam necessarium  
explicemus. Retulimus sub domno Ingelardo B. Vi-  
goris Episcopi corpus honorabile à Neustriâ Centu-  
lam translatum: quod quia meruimus, Deo omni-  
potenti ex corde intimo gratias rependamus. Securi  
igitur de Dei munere in sancti corporis collatâ nobis  
benedictione, jam modò contra illos agamus, qui  
tantum bonum nostrum obscurare nituntur. Est  
enim quiddam sensibus nostris illatum, quod Deo  
auxiliante abundanti ratione purgabitur, si tamen  
faciente invidiâ obliquus non adit auditor. Verùm  
nos singulariter neminem appetimus, omnibus se-  
mel respondentes: dum enim quemquam nostra-  
tum cum Neustrianis vel Silvanectensibus de Sancti  
corpore colloqui contingit: dicentibus istis, quia  
noster Episcopus fuit, nobis quiescit; illis æquè  
referentibus se hunc habere, noliter à Deo nobis da-



tuus thesaurus apud incertos quasi fuscari videtur. Unde satis necessariè hanc modo rationem persolvimus, quâ scilicet apud nos illum esse veraciter comprobemus; quod si quisquam clarescentibus miraculis hunc se habere defendat, & nos multo magnificentius eadem experti sumus. Verè enim Christiana fides fatetur omnes Deo conjunctos, non eo tantum loco quo corpore habentur; sed ubicumque fideliter rogantur, divina posse monstrare. Sed jam pergat sermo in nomine Domini quo destinatum est; huncque Sanctum confirmemus nos habere, tametsi aliàs magna operari videatur. Christus veritas nobis adstipulatur, ipsa sancti viri anima cælesti semper hereditate beata testimonium reddet; imò de verbis ejus verbi nostri testimonium fiet.

Neustriani tamen, qui & Normanni, sui Episcopi non bene custoditi arguendi videbantur: sed mentem remordet, quia *nisi Dominus custodierit civitatem, frustra vigilat qui custodit eam*. Ob hoc autem illos sinentes, alia expediamus, dum & thesauri quondam habiti, & modo perditam amissione constet eos satis punitos. Silvanectis autem civibus de Sancti corpore inaniter superbis jam modo ora claudamus. Quò primo igitur tempore sancti corporis illatione beata est Centula, abique ullis gestorum ejus administriculis aliquamdiu permansit. Delator nempe nomine & gradu atque civitate Episcopii ejus relatis, de cæteris conticuerat. Cum autem Ingelardi Abbatis de medio facti, hic Venerabilis ANGELRANNUS, cognomento sapiens, vicem suscepisset, fuit ei necessitas illa, quæ suprà exposita est, Normanniam ire: his pro quibus ierat peroratis, vel definitis, à Clericis ipsius provincie, & à Monachis S. Audoëni cœpit inquirere, an nossent aliquem Sanctum qui diceretur Vigor: illi autem optimè hunc scientes, hoc solum mirati sunt, quod ipse Abbas tantum Confessorem nesciret; referentes ortum, vitam, ejusque dignitatem. Tum Abbas rogat sibi monstrari vitæ ejus scripturam, & describendi largiri copiam: at illi cum annuissent, tali ab eo auditu percelluntur. Cœnobio, inquit, Centula in Monasterio Domini mei S. Richarii hujus Sancti corpus habetur. Tum Monachi B. Audoëni dixerunt ei: In hoc, honorande Pater, te scito hunc reverà habere, si ossa ipsa inspectans, mentum non inveneris apud te: quod os idcirco illic tu non invenies, quia Deo gratias nos illud habemus. At ubi patriam nostram cum libello vitæ ejus repedavit, curavit insinuata citius probare. Revolvit sancta membra, & inventâ totâ ossium congerie, mentum deesse invenit: quia verò ipsius vitæ lectio docebat, quâ die Sanctus è mundo migrasset, hæsitabat parum quid faceret, quia eam diem omnium Sanctorum festivitas ex modernâ Patrum institutione vindicabat. Statuit autem ut sequenti die festivitas sua Sancto reexhiberetur. Factumque est ita; sed non sic ut tantum decuisset Confessorem. His proficue, ut speramus, insertis, ad Domni Angelranni vitam transeamus, alibi de S. Vigore certiora, & quibus obviari non possit probamenta dicturi.

## CAPUT VI.

*De constantia Domini ANGELRANNI; & Donatio Comitum-villa.*

Multo sudore & ingenio hic venerandus homo semper studuit ad usum Monasterii illa revocare, quæ vel desolationis tempore, vel sub sui tempore antecessoris aliquâ fuerant fraude subducta. Constantia quippe internæ fortitudinis, quæ menti ejus inerat, multam potentium superbiam edomabat, quia fiduciâ sanctitatis se vallante nullius po-

tentiam verebatur. ANGELRANNUS denique Comes Pontivorum, HUGONIS advocati filius cum ob expertam in illo sanctitatem compater ejus factus fuisset, magno etiam timore erga illum agebatur, quippe apud quem humani ingenii pravitati, nihil successum sciebat. Antiquitus servata est consuetudo, ut in festo sancti Richarii tota Pontivorum militia Centulam veniret, & veluti patriæ Domino, ac suæ salutis tutori & advocato solemnem curiam faciebant. Cum itaque jamdictus Comes inevitabiliter ad S. Patris festum, aut aliâ quâlibet die Monasterium intrasset, statim ab Abbate venerabili si quid loco abstulerat tantâ invectionis auctoritate arguebatur, ut miro modo non Comitem à Monacho, sed servum à Domino increpari qualitate rerum putares. Si aliquando corripienti non obedisset, Abbas loci amator, qui dicere poterat, *Zelus domus Dei comedit me*, continuò se se in verbis exaggerans, illumque infidelem, illum raptorem clamitans, nisi emendare sponderet continuò excommunicabat. Hæc ejus animi fortitudo plurimum contulit, & ut suo tempore nihil loco raperetur, obtinuit. Quod nos ideo sic dicimus, quia cum nostro ævo desint largitores, benè nobis res agi videretur, si non pateremur infestissimos prædatores. Venerabilis tamen Angelrannus non hoc solum obtinuit, ut sibi nihil tolleretur, sed & ut multa per Dei gratiam sibi darentur & redderentur: Angelrannus igitur Comes monitis ejus animatus, Villam quamdam S. Richario delegavit, de cujus deditione testamentum conficiens, regiâ auctoritate confirmari voluit, ita se habens.

In nomine Sanctæ & Individuæ Trinitatis, ego ANGELRANNUS compertum fore cupio cunctorum sanctæ Dei Ecclesiæ Fidelium indultriæ, quod remorante præcellentissimo Rege Roberto Compendii Palatio, corroborandam in præsentia ejus obtuli quam feceram sancto Richario quamdam donationis chartulam. Tradideram siquidem ipsi Sancto in pago Pontivo Villam, quæ Comitum-Villa vocatur, eo conditionis pacto, ut ego ipse dum vixero, & post me unus heres, quem vivens designavero, teneam, atque in festivitate sancti Richarii, quæ vii. Idus Octobris celebratur, xii. denarios in censu persolvam; quod si heres à me designatus reddere neglexerit, aut legaliter emendet, aut perdat. Quam concessionem in præsentia Regis regnique Nobilium obtuli, & Regiâ auctoritate confirmandam censui. Signum ROBERTI Regis. Sign. CONSTANTIÆ Reginæ. Sign. HENRICI Ducis. Sign. ROBERTI. Sign. ODONIS. Sign. ANGELRANNI Comitum. Actum Compendii Palatio Nonas Aprilis.

## CAPUT VII.

*De amore ejus erga subiectos: & redditio de Noguerris.*

HUCBERTUS quidam Miles, qui beneficiariè cum jurejurando nostrati Abbati famulari habebat, huic venerabili Angelranno aliquoties causa probationis exstitit. Siquidem aliqui ex suis parentibus sub præstatione certi temporis tenuerant villam sancti Richarii vocabulo Noguerras, & tali occasione tamquam hereditatem sibi vendicabat. Contradicente Abbate, & illo insistente, multa dura contigit venerabilem Angelrannum ejus immisione pati: nempe quàm fori amoris vinculo erga suos stringeretur hinc patuit, dum contrà hunc Hucbertum, contraque omnes qui Fratrum possessiones rapere conabantur, tam divinarum quàm humanarum legum auctoritate certare non destitit. Nam Dei & Domini nostri informatum exemplo, & accensus a-

more, qui pro suis ovibus animam posuit, ipse quoque pro Ecclesie Centulensis villis vel prædiis multa pericula, multasque iniquorum invidias perpeti non formidavit: pro illis certè qui sibi erant commissi animam posuisset, si id necesse fuisset, qui pro eorumdem re temporali, cum necesse fuit, multis injuriis affligi non recusavit: ut enim subjectorum animas salvaret, ipsi temporali suæ salutis nunquam agnitus est pepercisse. Nam non in tantum creverat tyrannorum atrocitas, ut corpora perimendo animas effugarent, sed ad hoc procellerat eorum cupiditas, ut eos rebus spoliantes miseros efficerent; & quia isdem magnificus vir eorum sevitie perpes contradictor existit, ab eis multa perpassus, etiam gladii percussione Dei amator toleravit. Sed quia verè fateri possumus, justum confidere quasi leonem, iste pro commissis bonâ conscientia fretus nullam timuit passionem. Charitas enim in eo locum sibi vindicabat priorem, quæ foras utique propellebat timorem. Tandem itaque contra Hucbertum institit, usquequod Procerum judicio in Regis præsentia eam quam diximus villam derationaret. Sed quæ non mortalium corda rapacitas urget, si adsit locus! Rex enim Henricus illectus cupiditate, postquam fuerat definitum ut Hucbertus non haberet in proprium jus, villam tulit, & quinquennio illius redditibus usus est. Sed cum ab Abbate frequenter argueretur, tandem metu judiciorum Dei coactus, & venerabilis Angelranni assiduâ interminatione fractus, nobis eam cessit, & super ejus redditione testamentum confecit, quod nos quoque utiliter hîc consignamus.

„ In nomine Sanctæ & Individuæ Trinitatis,  
 „ HENRICUS Dei gratiâ Francorum Rex omnibus  
 „ Catholicæ Ecclesiæ filiis, quibus est curâ animæ  
 „ & corporis; notum esse volumus cunctis futuris  
 „ & præsentibus qualem redditum S. Richario pro  
 „ animabus nostris & successorum permiserimus.  
 „ Miles quidam HUCBERTUS nomine Nogueariam  
 „ cum suis appendiciis quamdam S. Richarii villam  
 „ tenebat suæ invasionis tortitudine. Quotquot ve-  
 „ rò antecessores ejus tenuerant, S. Richario per  
 „ præstationis occasionem tollebant. Iste verò quasi  
 „ propriam volens invadere, repulsus est aliquantum  
 „ Abbatis & Fratrum reclamatione: & illo funditus  
 „ repulso, censurâ judicii nostri decidit in nostram  
 „ iussionem: quinquennio tenui, solidam & quietam  
 „ habui; post hæc memor animæ meæ, & licet modicum cogitans de ejus redemptione, inclinatus etiam ab Abbate & Monachorum collegio, tradidi eam S. Richario. Addidit etiam Comes  
 „ ANGELRANNUS ejusdem loci Advocatus suam petitionem, cui ego eo tenore annui, ut nunquam  
 „ inde aliquam acciperet consuetudinem. Quod ne  
 „ quis etiam successorum meorum audeat infringere, HEZELINI Parisiacensis Episcopi percussu anathemate, & omnium qui mecum erant Francigenæ, nec ipsum excepi Abbatem, ut alicui per  
 „ aliquam tradat occasionem, ne aliqua iterum erratio nostræ animæ fiat periculo. Prohibemus ergo iterum atque iterum nostro imperio, & omnium Episcoporum nostrorum interminatione, ne  
 „ aliquis malefactorum aliquo modo audeat usurpare, ut non fiat mihi in illâ reprobatio necessitate,  
 „ ubi merita mea non poterunt me juvare. Prorsus  
 „ ne aliquis dubitet imperium, videat scripto imperantis edictum. Actum est anno Dominicæ Incarnationis MXXXV. Regnante Henrico Rege anno  
 „ regni illius III. Abbas ANGELRANNUS subscripsit;  
 „ ROLLANDUS Monachus subscripsit; GUALTERUS  
 „ subscripsit; ALIUSUS subscripsit; INGELRANNUS  
 „ Comes, & HUGO filius ejus subscripserunt; Go-

DEFRIÐUS Vicecomes subscripsit; OYLARDUS subscripsit; ROBERTUS subscripsit. Hi etiam sunt testes omnium Episcoporum excommunicationis, præcipuè HEZELINI Parisiacensis. Qui deinceps infregerit ista, cum Datan & Abiron fiat ei anathema maranatha, Amen.

Superius comprehensum est, quod Dominus Ingelardus suo tempore propria permissione, tum causâ amicitie, tum obtentu consanguinitatis, concesserit farinarium sub Montiniaco, quod dicitur Mirumdolium, Raginerio Militi aliquamdiu habere; ipso Abbate defuncto, cum Dominus Angelrannus in nostræ Ecclesiæ usum voluisset ipsum farinarium revocare, Raginerus conatus est illud retentare, sed ab eodem frustratus est. Ille verò videns quod contendendo non proficeret, precatus est ut sibi permitteretur, & post se filio suo, postque filium suum, filio filii sui, sicque tandem reciperet Ecclesia quod suum erat. Placuit Abbati id facere, & super istâ constitutione tale conscriptum firmavit.

In nomine Sanctæ & Individuæ Trinitatis ANGELRANNUS Centulensium Abbas. Compertum fore volumus sanctæ Dei Ecclesiæ Fidelibus, præsentibus atque futuris, quod quidam Miles nomine RAGINERUS reclamaverit contra nos, quod debebat de nobis tenere quoddam molendinum positum sub Montiniaco. Nos ergo ejus reclamatione justâ ratione vacuatâ, ipso aliud postulante consentimus, & sibi & duobus heredibus, videlicet GUALTERO filio ejus, & alteri quem delegitimâ uxore idem Gualterus habuerit, molendinum de quo agebatur concessimus sub redditione censûs: ita dumtaxat, ut si idem Gualterus obierit non relicto semine, Ecclesia quod suum est recipiat. Si verò, ut supradictum est, conjugalis unus heres successerit, & ipse illud in vitâ suâ teneat, & in festivitate sancti Richarii quæ celebratur VII. Idus Octobris, IV. solidos denariorum persolvant. Quo tertio herede defuncto, sic iterum nostrum revertatur ad nos. Et ut hæc conventio inconvulsa permaneat, signis Fratrum nostrorum atque fidelium subnotare fecimus. Signum ANGELRANNI Abbatis; Sign. ANGELRANNI Advocati; Sign. HUGONIS filii ejus; Sign. ODELGERI; Sign. URSONIS; Sign. ROBERTI; Sign. HERBERTI; Sign. GUERNONIS; Sign. RODULFI; Sign. GODEFRIDI; Sign. ARNULFI; Sign. OYLARDI. Actum Monasterio Centulensi VII. Kal. Februarii, regnante Rege Henrico, Anno XII.

## CAPUT VIII.

*Quam misericors erga pauperes fuerit.*

Cum in omnibus erga hunc sanctum locum Angelranni Abbatis cura provida semper haberetur, non tamen ejus benevolentia sublevandæ pauperum necessitati deerat. Fuit igitur ei pietas comes inseparabilis, per quam Dei gratiâ se auxiliante miserorum consolator splenduit singularis. Multoties enim è Claustro processit, ut miserendi locum quomodo posset nancisci. Et cum pro alicujus utilitatis ordinatione putaretur egredi, ille justitiæ famelicus, misericordiæ actibus cupiebat saginari. Enimverò gestabat nonnunquam pius latro sacculum misericordiæ gazis refertum; & dum hinc ac inde cerneret pauperem quemlibet proximare, antequam contra illum pervenisset sumptos denarios in terram solebat jactare, illumque volentem transire ad se Pater misericors evocabat, & quasi nescius quid illud esse posset quod solo tenuis jacebat, sciscitabatur. Ille, qui ignorabat actum, Domine, aiebat, video nummos super terram jacere: tum ille bene-

fraudulentus, & piè deceptor, ire jubeat, & sibi tollere, dicens à Domino illi esse præparatos. O virum verè Deo dignum! ô animum omni laude jugiter attollendum! ne enim vita expers maneret, piis actibus continuè instabat; & ne eum laus transitoria percelleret, ipsos pios actus occultabat. Libet parumper nostram pravitàem, nostræque intueri mentis tortitudinem. Nos & cum bona non facimus, cupimus laudari, & si parum quid contigerit nos boni facere, ab omnibus cupimus prædicari. Nos nec actu, nec virtute quâlibet resplendemus, & velut sanctiores pro solo habitu honorem extorquemus. Damnanda prorsus miseria, non esse sanctum, & sanctitatis requirere debitum. Verus itaque Dei cultor Angelrannus bonorum operum exercitiis illustratus, hospitalitatis amator devotus, humilitatis servator assiduus, charitatis etiam obles mansit æternus. Verùm ingenui ipsius sagacis non facere mentionem, impiissimumduco errorem. Nam præcipiente sibi venerabili suo quondam magistro, D. scilicet Fulberto Carnotensi Episcopo, almissui Confessoris Christi Richarii vitam ab antiquis compendiosè descriptam, versu heroico jocundiorē fecit: nihil penè extrinsecus addens, sed eundem sensum per omnia representans. Sanè miracula quæ Dominus ac Salvator noster per ejusdem Sancti merita suo tempore exhibuit, in uno libello compingens, antiquis ejus miraculis compaginavit; in quorum capite post ea quæ suprâ texuerat, sic exorsus est fari:

*Nunc ea complectar proprius quæ vidit ocellus.*

Subsequenterque intexit illam S. Richarii relationem, quæ in præcedenti libello à nobis plenius exposita est. [Ex ipsis autem miraculis quæ post Sancti restitutionem divinitus celebrata sunt, & quæ testatur se vidisse, aliqua hîc ponimus, ut sicut longè superius dictum est, iste vir Dei judicio magnus debeat agnosci, cui divinitus concessum est talia videre.]

#### CAPUT IX.

*De miraculis sanctissimi Richarii quæ ejus tempore acciderunt.*

**R**Ecurrente igitur populorum multitudine ad sanctissimi patroni nostri Richarii annuam festivitatem, contigit existere propè Monasterium puteum, enormiter quidem profundum, sed omninò siccum, in cujus margine eo quod nullus ibi accederet, excreverant virgulta, quæ dum os illius obducunt improvissum externis exitium parabant. Homo itaque unus mulierque una dum desuper nescientes incedunt, in ejus magnum deciderunt profundum. Quod ubi auditum est, condolent Centulenses viri, miserorum morte præcipui advocati solemnitate fuscari: summittunt itaque hominem qui de profundo putei peremptorum corpora levaret; & O res miranda! qui discepti & toti dissipati putabantur, sani & absque læsione incolumes educi sunt: magnumque populis suæ vitæ spectaculum præbuerunt: Nam ut non periissent sancti meritum obtinuit, cujus illi mœnia votivâ devotione petierant. Dominicâ palmarum quam vulgus Pascha floridum vocitat, ex Ecclesiasticâ traditione colebatur, cum ipsâ die quidam Clericus cum nostris Monachis in refectorio edens piscis glutivit aristam; vespere factò cum ex eâ molestari cœpisset, voluit eam vomendo rejicere nec valuit: sequenti die excruciat, tertiâ etiam die in deterius malum procedit, quartâ autem jam de morte tractans, rogavit se ab Abbate visitari, à quo postulavit ut in cœmeterio fratrum sepeliri dignus haberetur; quintâ igitur fe-

riâ quam Cœnam Domini christiana vocat consuetudo, cum videret se in mortem jamjam resolvî, petiit ad sanctum beatissimi Richarii altare se ferri, ut per ejus magna merita Domino posset sua anima commendari. Domesticis ergo hinc inde cum gestantibus illo usque devehitur, & quidam libri gratiâ muneris ab ejus manu in altare ponuntur; sed cum illi qui portabant retrogredi voluissent, illicò divina medicina affuit; sensit enim se quasi calidâ aquâ fomentari, quâ scilicet continuò omnimodam sanitatem recipere promeruit. Engleignus quidam artifex lignarius habebatur, qui de suo artificio postuâ Ecclesiæ serviens ruentia texta resarciebat, vel nova, si res exigisset comptè aptabat: hic in Paschæ diebus conscendit campanar, ruptum campanæ funem volens renodare, expletoque opere revertebatur, cum ecce culminis foramen recludenti deficit omne quo se anniti atque teneri suspicabatur: ruit ergo, & dum terram oculis petit, à morte nigra exciperetur, nisi virtus divina, quæ sui sancti domum morte hominis cruentari nolebat, eum sustulisset; nam ut nescienti loquamur, ipsa fabrica templi porrectis in antea lapidibus ex se interiùs semitam facit, quam ut tutus posses tenere podiorum munimine industria prisca firmavit: super hos igitur lapides homo cecidit, & Domini pietate sancti merito exhibitæ suæ salutis gaudia tulit. Annuo cursu sancti Richarii festivitas reddebatur, & continuis pluvie inundationibus patrienses nostra mœnia visere vebantur: sedentibus quâdam die in unum monachis, unus ex eis cœpit conqueri quod sua sancto solemnitas à provincialibus non exhiberetur, dum omnis homo, pluvîâ obstante, istic venire non posset; tunc alter quidam in Deo filius desperanti fratri respondit; scriptura sancta propalat quòd Dominus noster famulis suis posse concessit, ut quando volunt referent cœlum, & quando volunt itidem claudant, quâ potestate ego non credo nostrum patronum esse privatum quin verè possit plebi devotæ huic venienti serenatâ cœli facie præbere nitidam viam. Cum igitur vigilia festivitatis excipi deberet, tanta, sublatis nubibus, prætenfa est cœli serenitas, ut miro modo quod hesternâ in aquis totum diffilare putabatur, hodie inedicibiliter nitens suo aspectu gigneret orbi nostro lætitiâ. Populus concurrat, festum recolitur, & quasi reddito devotionis tributo, populus ad propria repedavit. Vix unusquisque tecto suo redditur, cum ecce nubilorum densitas cataclysmi inundationem omni sæculo figurabat; ut enim illa serenitas non eventu sed sancti merito præstita fuisse evidentiùs nosceretur, peracto triduo quo solemnitas durat, rediviva tempestas incubuit. In Civinocurtem villam sancti Richarii aliquando latrunculi quidpiam subintrantes, duos nostrates homines vi tulerunt, à quibus ut exigenter quæ non habebant, ferrea vincula imponentes, impiæ custodiæ tradiderunt. Verùm cum isti in vinculis haberentur, non desitebant Dominum & ejus sanctos, maxime tamen suum patronum, sanctum scilicet Richarium, in suum auxilium prece supplici implorare. Dum hæc faciunt, festivitatem sancti orbita solaris representavit, in cujus nocte dum catenati in magno labore deficientes eundem sanctum reinvocarent, omnia statim vincula solvuntur, sicque postmodum nostri fruuntur omni libertate. Sed & illud modò referendum est quod erga Hucbertum, cujus supra memoratum est, divinitus contigit actitari: hic enim cum sancti Richarii villas superbo & rapaci spiritu invadere tentaret, & à domno Angelranno viriliter repelleretur, multa ei inferre mala molitus est. Aliquando autem unum è sancti fidelibus Richarii comprehendit, quem tam pro nequitia sui cordis, quàm

pro odio & injuria Abbatis dirissimo carcere trussit, tantisque vinculis & verberibus affecit, ut mortem non jam minari sed inferre non immerito crederetur; & quia terrena potestas quæ vice Abbatis eum eriperet non præsto affuit, Dei potestatem sibi concurrere per sui domini sancti Richarii merita vinculus ille precabatur: his eo intento precibus, vincula sponte solvantur & laxantur, & catenis liber tenere manu cœpit quibus antea fuerat tentus: restabat autem & illud, quod in loco interiori positus, & seris ac vectibus, virorumque custodiis vallatus, spem evadendi non facile capiebat; sed qui apostolum Petrum Angelico ductu de carcere Herodiano salvavit, ipse & nunc suæ imperio virtutis claustra patefecit, custodesque somno gravissimo, ne fugientem impedirent, compressit; sic Deo auctore nosster homo salvatus ad sancti patris Ecclesiam venit, bojas sancto obtulit, & in Dei laudes omnium fratrum vota resolvit. Hoc igitur miraculum licet venerabilis Angelrannus sanctissimi Richarii meritis adscribat, nos non immerito pro ipso eodem beato viro tantam credimus fuisse peractam virtutem, quippe qui talem se Dei oculis aptabat, pro quo utique magna fieri deberent. Nunc vero aliqua recenscamus quæ absque aliquo furo cognoscantur ob ejus bonitatem divinitus esse peracta. Necessitudine quadam exigente alicubi longius duos fratres emiserat, qui dum iter accelerant, longè à nostris finibus, incursum latronum arctantur, dejiciuntur caballis, & cum injuriâ ex equestribus efficiuntur pedites: at dum illi miseri ablata monachis animalia abducere voluissent, illic quasi statuæ fulles essent nec verberare nec calcarium impulsu promoveri potuerunt, sicque recognoscentes peccatum nostris sua reddiderunt. Aliâ vice ad Regis curiam similiter fratres miserat, quibus ausu latronis boni pretii equus subtractus est, at cum fur furatum animal clanculo agens fratribus quo ille indicatus fuisset, & cum eum nostri sublequerentur, mox equus dirigit, nec amplius uspiam progredi potuit; tunc malus arreptor mortis tactus timore equum invitatus dimisit, & fugam iniit: nostris autem venientibus capitur equus, & absque difficultate rursus incedit. Sed & pestifer Hucbertus, cujus opere multa dura beatus hic homo passus est, judicio Regis postmodum cum omni sua stripe interiit, quia reverà boni viri persequutor, quietâ non debuerat morte perfungi.

## CAPUT X.

De Domino ODELGERO Monacho.

**H**Ujus autem Deo tam cari viri vita excellens multorum studia ad supernorum amorem accendebat: unde nunc æquissimum judicamus in ejus discipulorum actibus quanta Dei gratia vigerit ostendere; ut quem jam monstravimus verè sanctum, ac per hoc Deo proximum, inde magis ejus bonitas resplendeat, quod non suis solis, sed & commissorum provectibus magnificus comprobatur. Erat ergo in hoc sancto Cœnobio venerabilis vitæ vir nomine ODELGERUS, qui abstinentiæ miræ, obedientiæ summæ, suique custos oris, magnum religionis per Dei gratiam præbebat lumen. Qui à puero quidem sacris fuerat sub Domino Ingelardo Abbate disciplinis informatus, sed sub Reverendissimo Angelranno Decani vel Prioris potiebatur ministerio. Hic ergo assidue lectioni & orationi insistens, animi quoque simplicitati & puritati studens, magnæ vitæ studiis pollebat. In exterioribus etiam ministrandis satis probus, ac valde aptus extitit. Consuetudo autem ei fuerat perpetua, ut quando Fra-

tres ex indulgentiâ remissioris vitæ aliquid sæculare aut etiam religiosum in communi fermocinarentur, secederet in Ecclesiam, ibique psalmodiæ & compunctioni intentus sedulè Domino jungebantur. Qui etiam ne aliquo impulsu aut alicujus occurso præpediretur, superiora templi conscendere procurabat, ibique liber & remotus quasi de proximo ac de vicino divinis obtutibus laudum & precum holocausta offerebat. Hic itaque post longam in sancto proposito exactam vitam, ad extrema pervenit; qui cum morti proximus existeret, & à Fratribus vel à famulis Ecclesiæ circumdaretur, repente exclamavit, & dixit: *Ecce chorus adest Angelorum*. Ut enim omnipotens & pius Deus ostenderet quàm devotè ei servierat, voluit suæ divinitatis ei morituro ministros transmittere, ut in eorum conspectu atque præsentia sine gravi metu & dolore de corpore exiret. Hac autem voce, omnibus qui aderant stupefactis, repente iterum subjunxit, & ait: *Ecce chorus Prophetarum*: silentioque parumper habito, sic intulit: *Ecce chorus Apostolorum*: ac deinde: *Ecce*, ait, *chorus Martyrum*. Cumque paucillulum conticuisset: *Ecce*, inquit, *chorus Confessorum*: novissimè verò cum denuntiasset, dicens: *Ecce chorus Virginum*: eodem momento spiritum emisit. Et quia veraciter cœlestis patriæ cives ad se suscipiendum venisse vidisset, sequendo testatus est. Reverendissimus verò Abbas Angelrannus eum, ut decebat verè sanctum, in Ecclesiola sancti Vincentii Martyris, quæ erat Claustro contigua, venerabiliter sepelivit, & super ejus bustum tale epitaphium composuit:

*Iustitia cultor fuit, & pietatis amator  
ODELGERUS. in hoc qui recubat tumulo.  
Subtraxit vita quem vix Februaris nona,  
Ut spes est, regno misit & athereo.*

## CAPUT XI.

*Qualiter à Domino sit correptus.*

**A**NGELRANNUS Venerabilis inter suæ magnæ sapientiæ monumenta in sancti Richarii honore, quamvis antiqui abundarent, quosdam cantus dulciori composuit melodiâ, necnon Sanctorum Gualarici Abbatis, & Wlfranni Archiepiscopi honori proprios cantus coaptavit: beati quoque Vincentii Martyris passionem metricè composuit, sanctæque Virginis Austrebertæ vitam metro subegit. Et quia tantus scientiæ fulgor non facilè poterat abscondi, multi Nobiles ejus se subdidere magistratui: è quibus fuerunt duo honorifici viri, GUIDO Præsul Ambianensis, & DROGO Episcopus Tarvenensis. Hi ejus se discipulos, hi quoad vixerunt semper gratulati sunt se ejus prudentiâ illustratos. In tantum enim disciplinæ ejus bonitas sparserat, ut ubique ab omnibus ANGELRANNUS SAPIENS specialiter non immerito vocaretur. Cum igitur tantis & talibus bonæ famæ opinionibus miro modo polleteret, impletereturque in eo ille Apostolicus sermo: *Christi bonus odor sumus Deo in omni loco*; Inspector ille cordium [Deus] videns eundem suum famulum infatigabili desiderio sibi velle sociari, ut puriorum quandoque susciperet, imò ut meritorum copiam ei accumularet, statuit eum adhuc tentationis limâ polire, ac super incudem corporeâ infirmatis, malleo propriæ percussione interrogare. Denique tantâ eum paralytis acerbitate percussit, ut non manum ad os ducere, non in lectulo se deinceps quiverit movere. Religantur manus innocentes supernæ districtiōis vinculo, & quæ in bonis se semper exercuerant, ac mala studiosius caverant, hæc vel illa, bona dico vel mala, ne contingant ar-

2. Cor. 2. 15.



tantur. Semper igitur gratias retulit Conditori, & cui antea in omni bonâ operatione se devotum exhibuerat, nunc valetudine pressus, corde & linguâ laudis sacrificium victimabat. Et cum hoc morbo sic vinculatus esset, ut omnino sui impotens maneret, tamen ejus ubique auctoritas metuebatur, ejus ubique nomen reverebatur. Sæpe autem accidit, ut quolibet residens uberrimè fletet, & cum ab assistentibus interrogaretur quanam esset causa ploratus, se peccatorum pœnas formidando cogitare respondebat, quas intrâ tartari claustra diabolo ministrante patiebantur: & ob hoc non posse omitti quin flect. Ita etiam cum alternantibus vicibus se lætissimum præmonstraret, interrogarentque famulantes quidnam rei esset quod alacer videretur, aiebat de cœlestium gaudiis Angelorum, deque Sanctorum felicitate perpetuâ hanc sibi emanasse exultationem.

## CAPUT XII.

*De subreptione Fulconis; & prophetia Domni Angelranni.*

**S**enescente autem illo, cum multis utile videretur, ut eidem Rector substitueretur, quidam secundum carnem nobilis, filius nempe ANGELRANNI Pontivorum Comitis, nomine Fulco, ejusdem loci alumnus, parentum auxilio sæpediti loci Centulensis regimen sibi met usurpare tentabat. Sed enim, cum Rex Francorum HENRICUS quo nescio casu accidente Pontivum devenisset, idem Fulco intercedente jamdicto Comite patre suo cupiebat obtinere ab eodem Rege totius loci dominationem. Quod & factum est, ignorante penitus Domno Angelranno Abbate. Jamdictus verò Fulco cum ob donum Regium se Abbatem fore auspicaretur, sumptâ audaciâ impudenti quibusdam militaribus in Fratrum refectorio, more scilicet incompetenti, convivium opulens exhibuit, quo sibi faceret fideiiores, & ad acquirendum sibi honorem promptiores. At ubi nunciatum est istud Patri Angelranno, ministros vocat; protinusque se illuc deportari mandat. Manibus ergo famulorum ad ostium usque refectorii devehitur; ibique figens gradum, ex auctoritate omnipotentis Dei eos qui convenerant, anathematizat. Hinc verò omnis illa eorum factio inchoat dissipari. Cerneret enim meliores quosque, in quibus parum quid timoris [Dei] refederat, quasi reos ante judicem, sic ante justî faciem pavitare, & incendio excommunicationis ab eo illatâ miro modo terreri. Vir Dei itaque sedens inde, Fulconem evocat, & an Abbas effici velit, minaci verbo sciscitatur: cui præ pudore nihil respondenti sententiam intulit, dicens non posse eum fieri Abbatem, quamdiù scilicet ipse in corpore moraretur. Et quamvis isdem Fulco etiam alterius Abbatîæ donum à patre suo habuerit, nunquam tamen quamdiù vir beatus supervixit, effici Abbas ullatenus potuit, quia videlicet viri Dei sermo obtinuit. Quâ in re animadvertitur Sanctus vir prophetico spiritu actus fuisse, qui non absque nutu divino prædixerat eundem non posse fieri Abbatem, quamdiù scilicet ipse in corpore moraretur. Siquidem postquàm Venerabilis pater Angelrannus cœlicas recessit ad ædes, idem Fulco Abbatîs officio donatus est primo post ejus sepulturam die, prælatusque Monasterio Forestensi, quod ex antiquo, ut in hoc opere lucidè patet, Fratrum sancti Richarii cella fuerat, sed paulo ante à Comitibus Pontivorum subtrahum Abbatiolæ nomen sibi vindicat. Et quia ad id loci pervenimus, libet memorare ob rerum notitiam posteris intimandam, qualiter idem locus nobis ablatu est. Ab eâ die quâ beatus & S. Pater Richarius ibi fi-

Tom. II.

nem vitæ mortalis accepit, & deinceps usque ad tempora Ingelardi Abbatis in nostratum deguit ditione: Hugo verò primò Dux, postea Rex, eo tempore quo propter barbarorum cavendos incursus, Abbatîs villam nobis auferens castrum effecit, eique HUGONEM præposuit Militem, Forestis-cellam nostræ ditioni subripuit, & eidem Hugoni perpetuò habendam contradidit; quia videlicet ipsius Ducis filiam nomine GELAM uxorem duxerat. Antea igitur in eadem Cellâ Clerici Domino militaverant, sed Hugone postulante aliqui ex nostris illic Monachis statuti sunt, qui & Abbatem meruerunt simili modo Monachum nostratem nomine GUIDONEM, Domni Angelranni fratrem: quique cum aliquantisper ibidem annis in animarum regimine ministrasset, officii successorem habuit HUCBERTUM nomine, nostratem Monachum. Quandoquidem nobis ille locus tollebatur, tamen ob amorem & honorem almi Richarii statutum est, ut de nostris semper ibidem fierent Abbates Monachis. Hucberto quoque mortuo, ejus loci regimen suscepit hic Fulco, quem nostri Monasterii dominium sibi usurpare voluisse notavimus. Libet verò dicere de Domno Guidone Abbate, quod cum egregiis meritis & Deo placitis fulgeret, oculorum lumine sicut & S. Tobias privatus est, omnino tamen perseverante in mente ejus divinæ contemplationis claritate. Mox verò ut hoc flagellum cum gratiarum actione à pio patre Deo excepit, succedi sibi poposcit; & rediens Centulam, quod superfuit totius vitæ in sancto ibidem explevit servitio: qui etiam VIII. Kal. Maij dormitionem accepit, & à venerabili Fratre suo Angelranno juxta Sancti illius Monachi Odelgeri corpus humatus est, talique dictio prænotatus.

*Mansoleum hic patrem recolendum ritè GUIDONEM, Sculptus litterulis monstrat habere lapis.*

*Extulit egregia quem mundo gratia vita:*

*Sublimem mundus hunc faciat precibus.*

Verum & illud placet referre, quod is de quo supra diximus Hugo, non Comes, sed Advocatus dictus fuerit, quod nomen illi erat insigne, ob hoc quod Ecclesiæ sancti Richarii defensor fuerit à Rege Hugone institutus. Quo etiam nomine filius ejus Angelrannus, hujus Fulconis pater, fuit contentus, donec permissu Dei Boloniensem Comitem bello peremit, ejusque relictam nobilissimam nomine ADELVIAM in matrimonium accepit. Et quia Comitissam duxit uxorem, idcirco deinceps Comitîs nomen accepit, quod à successoribus ejus jam ex consuetudine tritum perseveranter tenetur. Sed ad nostrum Angelrannum redeamus, & qualiter bonus bonum, habuerit successorem jam dicere inchoemus.

## CAPUT XIII.

*De Domno GERVINO Abbate.*

**C**um, ut supradictum est, comperisset Fulconem parentum intercessu, & pretii datione, præripere voluisse regiminis ministratiorem, voluit adire regiam Majestatem ne animarum cura venderetur, oraturus. Quod quia aliter ob infirmitatem non potuit, curru vectus implevit, & Regis auribus satis dura inferens, tormenta inferni illum subire, ob distractionem gratiæ minatus est. Et Rex, qui bonæ mentis habebatur, pœnituit, reatusque indulgentiâ rogatâ se spondit emendaturum. Non multi post hæc fluxerant dies, cum ecce ex divinâ, ut tenemus, voluntate, regali audientia interfuit Virdunenlis Abbas RICHARDUS, Reverendissimum Monachum & merito bonitatis unice dilectum GERVINUM secum habens Capellanum. Et quia iste est Gervinus, de cujus post Angelrannum

V u

successione Centula gavisus est, decentissimum intuemur à principio sursum quis fuerit referre, ut homo diligendus quo melius noscitur, melius & ametur. Ex territorio igitur Laudunensi, patre Guillenco, matreque Romilde, Gervinus natus est, & à primævo ævo litterarum studiis imbuendus in Ecclesiâ S. MARIE nostratis Gallie hierarcha, ubi eo tempore famulabatur Domino clerus verè clarus, traditus est. Sed, ut fieri solet, cum adolescens Grammaticæ operam daret, & patulo sensu ipsorum jam carminum vim perpenderet, animadvertit inter ea quædam, quorum omnis intentio hæc est, ut aut expletas luxurias referant, aut quomodo quis explere voluerit, vel explere potuerit recenseant: & dum talium assiduâ meditatione polluitur juvenis mens casta, tum juvenili fervore, tum turpium verborum auditione, maximè verò diaboli instinctu ad hoc cœpit impelli, ut ea faceret quæ tantorum Poëtarum æstimabat narratione celebrari. Ad hoc igitur hortatu sodalium perductus est, ut infaustos expeteret complexus; quandoquidem carnis ardorem non aliter restringendum Poëtarum oraculis, & juvenum jam corruptorum suggestione compererat. Ventum itaque illo usque est, quo castitatis jura frangerentur; sed Deus omnipotens, qui sibi eum aptum vas gratiæ ordinarat, tanto eum subito pudore respersit, ut non solum malè cogitata non perageret, sed etiam talia voluisse visceraliter eum pœniteret. De pellicis itaque se osculantis, & ad crimen incitantis amplexu, & verè de mediis diaboli faucibus exilivit, & tanta auctoritate vim iniquæ voluptatis in semet compressit, ut ipsa priscorum poemata audire extunc desiverit, ne ut penè acciderat, dum litteram disceret, animam jugularet. Hoc verò non ideo referimus, quodd insolitum sit hominem carnis lasciviâ fuisse tentatum, sed quia tali occasione mens probanda erat, quæ jam disposuerat fieri pudicitie habitaculum. Hæc ergo causa ei fuit, quâ sæcularia studia deseruit, unde nec magnam illarum artium peritiam habuit: tamen quia hæc ex parte gustaverat, facilius divina ingressus est, in quibus postmodum & verbo & opere peritus habitus est.

## CAPUT XIV.

*Ut sæculum reliquerit, & Monachus effectus est.*

**D**Efunctis patre & matre, cum totius, quæ magna erat, familiæ GERVINUS provisor & dominus haberetur, essetque Remensis Matris Ecclesiæ Canonicus, cogitabat repulsis sæculi tumultibus Deo strictius militare. Sed ejus desiderio contraibat duarum fortè sororum custodia. Inter multos igitur, quos lege beneficii sub se habebat vassallos, erat quidam vir bonus & efficax, summæque strenuitatis Miles, nomine HAYMO: huic verò Gervinus terrenorum pondere se se exonerans delegat patrimonii sui summam, tradens ei germanam in conjugium nomine ROTSELLINAM. Altera autem quæ viri thorum recusavit, Christi sponsalibus meruit subarrari, & in Monasterio sanctimonialium vitam religiosam monialis & ipsa devotè per egit. Hac tempestate florebat virtute modestiæ venerabilis Abbas RICHARDUS, quem multa bonitatis fama omnibus amabilem venerandumque efficiebat: hunc ergo Gervinus expetivit, & ut sibi Monachi vestem, normamque conferret, exoravit. Ille autem vir Dei repletus fonte doctrinæ, atque servator Regulæ sanctæ, protraxit [ & distulit ] virum juxtà quod monet Pater Benedictus: proponit dura, aspera prædicit, ardua docet, monstrat angustum callem qui ducit ad vitæ regnum. Ve-

Regulæ c. 58.

rùm cum magna diceret Doctor, majora refert auditor: nam dicit semel ad omnia promptum velle habere, licet sint dura, vel inaudita, & quæ natura non assuevit, omnia spondet toleraturum, dummodò sibi non differatur Claustrum ingressus. Richardus tantis tractus promissis: *En præsens*, inquit, *adeest Regula sancta: vide si potes his obedire, quæ tibi liber hic intimabit: si deprehendis ista te posse perpetim pati, excipieris. Si autem non vis, si ve non potes ista servare, liber venisti, liber discede.*

*Talibus induciis prope totus volvitur annus.*

Itaque viro ritè probato traditur sacra Regulæ vestis, jungiturque sacre congregationi militanti sancto Confessori & Episcopo Vitono. Factus itaque sanctæ obsequii religionis, omnibus obediens, omnibus devotus, omnibus benignus, atque ob hoc omnibus erat carus; sed ut humilitatis ejus constantia certiùs nosceretur, factus est puerorum custos, ut qui Dei judicio Pastor animarum erat eligendus, tali officio pastoralitatis prælagium portenderet. Ubi verò & in hoc aptissimus apparuit, cœpit eum Pater Richardus ferventiori dilectione ambire, in tantum ut & sibi Capellanum, & cæteris multorum provisorum commodorum ordinaret. Hinc Gervinus sancto animatus desiderio cupiebat loca sancta invisere, quibus Domini nostri JESU-CHRISTI nativitas & conversatio, mors & resurrectio celebratæ noscuntur: sed dum Patri votum indicare formidat, ne non concessionem acquireret, sed reprehensionem, eadem Dei nutu qui voluntatem timentium se facit, cordi paterno accessit voluntas. Itaque dum Gervinus orat Deum, ut sibi tradat voti effectum complendi, Abbas jamdictus caro sodali sibi inesse hoc prodit velle, ut loca sancta Jerusalem eat videre. Rogat ut suus comes esse velit, quò illo agente citò pararentur commoda vitæ. Et ille ovans quoddam quæ optabat diceret Abbas, mox festinavit ea parare quæ in illâ viâ erant portanda. Cum ergo jam Sacerdotio polleret, cum Abbate Richardo & aliis optimis viris jamdictæ urbis mœnia petiit; quò cum pervenit, oscula sanctis locis affixit, lacrymas fudit, preces allegavit, orans pro sanctâ & universali matre Ecclesiâ.

## CAPUT XV.

*Quomodo electus, & Abbas quomodo sit effectus.*

**E**Xpletis igitur votorum & precum solemnibus reversi sunt ad propria; at non multo post quædam agente necessitudine, Regali aulæ, ut supra notatum est, se se contulerunt; cum ecce HENRICUS Rex memor comminationis à Domino Angelranno sibi intentatæ, ipsum Richardum Abbatem his supplex verbis exorat: Intrà nostri regni ditionem exstat Cœnobium à priscis Regibus munificè satis constructum, & quamquam ante hæc tempora à paganis demolitum sit, ejus tamen nomen inter sancta loca non habetur infimum: huic exstat Pastor actu & nomine prudens Angelrannus, qui perfectæ vitæ suæ fidelissimo cursu jamjam carnis exuvias linquere cupit, & ideo sibi succedi in animarum regimine rogat: precor vestræ Sanctitatis bonitatem, quatenus Fratri GERVINO permittatis ejus loci accipere Pastoralitatem. Venerandus autem vir tametsi tanti sodalis dispendium ægrè ferret, concessit, & fratri Gervino donum Regium suscipere imperavit. Tunc Reverendus Princeps jubet concito gressu cum aliquantis aulicis viris... venit. Excipiuntur nimis gratanter, dein disponunt maturatò Centulam expetere. Tunc Gervinus obstitit, dicens locum se non visurum, donec unanimis Fratrum electio suis auribus referretur. Diriguntur ergo

è Clero viri prudentes, qui hæc Centulensi nuntiarent Congregationi. Aditur venerabilis ANGELRANNUS, indicatur ei electum esse à Rege virum, qui Christi ovilis opilio dignè debeat dici; sed nolle eum præcipitanter illuc venire, donec ipsius velle cognoscat, omniumque Fratrum electionem. Et venerabilis Angelrannus pro his exultat, & confitetur id se optare, ut talis homo sibi succedat, qui Christi gregem pascere norit. Dein congregatâ Fratrum unione, intimat lætus Regium opus, qui eorum curam providendo benignè virum delegisset boni amicum, rectique tenacem, ut eis præsit jure Abbatis: agite, inquit, & quid super isto vester animus velit nobis intimare, ut vestra turba tanto Pastore citò ornatur. Hæc audientes omnes collaudant, approbantque factum: deinde scribitur consensus electionis; redditur à Sancto viro cura Pastoralis, in quâ non se dignè ministrasse humiliter valde confitebatur. Recipiunt ista legati Pontificis, & præpeti gradu redeunt Ambianis, designantes Episcopo & Abbati benignam Fratrum electionem, & sancti senis concessionem. Eâ igitur die; qua intemeratâ Virgini Domini JESU Nativitas futura per Angelum Gabrielem nuntiata est, Abbas sacatur; sicque sequenti luce nostris sedibus infertur Pastor optatus. Sublimatus ergo honore regiminis, arripit arma continuæ humilitatis; non veste subtili, non cibo delicatiori, non supercilio domini utens, sed victu communi humilitateque pari Fratribus & filiis amorem sui immittens. Sanè è sui Monasterii Monachis aliqui eum gratiâ caritatis attrahente extemplo sequuntur viri honesti, & tam litterarum peritiâ, quàm & sæculari providentiâ admodum clari. Horum unum Præpositum fecit, dictum GUARINUM, alium ordinavit Decanum nomine REGNEGUARDUM. Verùm quia gloriosi Gervini ortum & adventum divino respectu nobis concessum paucis perstrinximus, ad narrandum honorabilem Domini Angelranni transitum jam modo animemur.

## CAPUT XVI.

*Venerandus Domini ANGELRANNI obitus.*

**R**erum itaque conditor Deus, qui sui servi desiderium jamjamque disposuerat cœlestis regni amœnitate mulcere, quique eum sibiabilem fecerat longissimi purgatione languoris, interno sapientiæ suæ consilio, quo omnem filium receptibilem flagellat, ejusdem famuli sui valetudinem solito acerbiorum effecit, & cui mox incomparabiliter dulcia erat daturus, doloris diu tolerati fervorem multiplicat. Sed ut ostenderet quod non ex irâ, sed ex summâ misericordiâ hæc ejus processisset correptio, evidentissimæ benignitatis super eum signa præterditi. Nam cum isdem vir beatissimus sacræ Scripturæ studiis attentissimè semper fuerit implicitus, nec modò quidem cum gravissimo morbo urgeretur à divinis operibus affectus ejus & voluntas unquam potuit inhiberi: modo psalmodiæ indefessus insiltebat, modo sacris divinarum præceptorum meditationibus hærebatur, modo Missarum solemniam in lectulo recubans ac si ad altare staret, ore proprio decantabat: unde & contingebat quosdam mirari, ut vir, qui tantæ sapientiæ sciebat, quasi dementium opus faceret; cum ille omnes quos inde mirari audiebat, ineptos & totius boni nescios dijudicaret. Accidit ergo ut quâdam vice cum Missam in lecto recumbens protensis manibus decantasset, & omnipotens Deus quid erga illum ageretur revelare insciis voluisset, post Missam finitam sitim se pati intinuaret. Præcepit itaque Ministro, ut sibi vini poculum ministraret: ille concitus vinum detulit; sed ex hoc se

nolle bibere Sanctus indicavit: Minister regrediens aliud detulit, sed ad primum gustum & hoc beatus homo repudiavit. Cumque famulus eum vidisset & semel, & bis vinum repulisse, aliudque se velle senior indicaret, minister alia vina se non habere causatur. Tunc sanctus vir, ipsa verba dicenda sunt; de illo, inquit, affer mihi, de quo nunc ad Missam habui: quo audito, circumstantes tremore obrigesunt, & dulcissimo Patri cum lacrymis responderunt: de illo, Pater, ulterius non habebis, nisi tibi dederit, qui & prius dedit. Siquidem cum Missam faciens extrâ se crederetur, dumque ad ipsum locum veniretur, quando Dominici Corporis sacrosancta libatio agi solet, cœlestibus escis superno dono transmissis refovebatur. Igitur animadvertens quod ipsi sui familiares rem secretam agnovissent, volensque omnimodo celare bonitatem Dei in se peractam, quasi permotus jubet eos citius recedere. Habent enim Sancti viri hoc proprium, ut cum bona faciunt occultari velint, ne scilicet laudis transitoria plausum recipientes, ante Dei oculos operationis suæ mercedem imminuant.

Dum verò ista agerentur, & beatus homo jamjam præ multâ infirmitatis acerbitate corpore pataretur absolvi, & ob hoc ab his quos nutriverat sollicitè observaretur, accidit necessitudo pro quâ ad regalem Curiam mittere necessarium fuit. Præcepit itaque Dominus GERVINUS, qui jam loci dominatum retinebat, uni è Fratribus ut id negotii expleat. Ille verò qui desiderabat optimi Patris præsentia illustrari transitu, & implicari exequiis, omnimodâ excusatione se non id facturum respondit. Tunc venerabilis Gervinus tali responso coactus, sanctum Dei virum Angelrannum quod jacebat adiit, eique Monachi inobedientiam intimavit. Ipse autem eundem Monachum ad se vocari faciens, inquisivit, cur non præceptum impleisset, dein jubet etiam ut impleat. Cumque adhuc ille nollet, sanctus Abbas prophetici spiritus gratiâ luminatus promissit, dicens: vade, & fac quod tibi præcipitur, & scias hoc corpus terram non intrare donec revertaris. Tali sponsione exhilaratus Frater viam arripuit, & ea, propter quæ mittebatur, apud Regias aures optimè allegavit. Superveniente autem vocatione supernâ, quâ cœlestia petens Angelrannus terrena desereret, sancta illa anima Angelorum ministerio, Dei obtutibus præsentanda v. Idus Decembris carnis exitu claustra. Jam verò ille qui multiformi argumento politus fuerat lapis, cœlesti ædificio locatur. Jam qui in valle humilitatis superno rore humecta creverat lilii flos, cœleste sertum exornat. Jam quæ inter diversas gemma claruerat tonsiones, diadema supplet divinum. Monachus autem his, pro quibus missus fuerat, expletis revertebatur, cum subito in civitate Ambianensi, quo causâ hospitandi diverterat, de obitu Patris dira cum nuntia percellunt, tunc relicto hospitio, & ciborum apparatu (nam vespertina hora erat, & cœnula studebatur) certatimque concensis equis Centulam repedavit; invenitque sanctum corpus jam exanime in Monasterio positum Fratrum excubus venerabiliter circumdari, proximâ horâ sepulturæ tradendum. Affuit ergo, obsequutus est, & impleto ejus desiderio etiam Patris prophetia impleta est, qui promiserat suum corpus terram non intrare, donec idem Monachus de Regis curiâ reverteretur.

## CAPUT XVII.

*Sepelitio Domini ANGELRANNI.*

**S**epultum verò est Sancti viri corpus infra militis Christi Sanctissimi Richarii venerabile templum,

1045.

co loci quo beati Laurentii veneratur Martyrium. Cujus tumulationi venerabilis ejus successor Abbas GERVINUS tantum contulit decoris, ut cujusslibet antiquorum Patrum Sanctitati honor tantæ sepulture sufficere posse crederetur: æquissimum contemplatus, ut honore decenti servaretur ejus corporis gleba, qui perenni lauro redignitus, cum cœlicolis laudes Christo hymnizat in æternum, Amen. Acta sunt hæc anno Incarnati Filii Dei MCLV. Ind. XIII. At Christus Dominus, cui hic beatus homo fideliter servierat, quanti apud se ejus servitium penderetur, quantaque hunc remuneratio cœlitus exaltaret, claris indiciis mortalium notitiæ pandere dignatus est. Nempe in pago Vimmaco fuit mulier habens filiam paralyti percussam, quæ ad omne opus inhabilis grabato moribunda tenebatur. Hæc compertâ beati Abbatis Angelranni sanctitate, & fidei fervore succensa, salutis filia cupida ad tumbam ejus cum candelâ illam deduxit. Cumque ipsa ægrota sepulcro hominis Dei candelam devotè obtulisset, sedit juxta sepulcrum, & somno paululum indulgit. Deinde evigilans sanissima redditur, & videntibus Fratribus Monasterii, Deumque laudantibus, ad villam unde venerat vocabulo Filcharias, propriis sedibus alacriter cum gaudio rediit, omnibus annuntians quanta sibi Deus per B. Angelrannum Abbatem fecisset. GUIDO igitur tunc Ambianensis Ecclesiæ Archidiaconus, postea ejusdem sedis Episcopus, qui illius fuerat in studio litterarum discipulus, tali ejus tumbam epitaphio decoravit.

*Quem regit hic tumulus lectissimus ANGELRANNUS,*

*Hujus Cœnobii Pastor & Abba fuit:*

*Dux gregis Ecclesiæ, Monachum spes inclita vite,*  
*Vixit & in mundo mundus, & in Domino.*

Qui igitur plenius nosse vult quantæ penes hunc sanctum locum fuerit utilitatis, vericulus intueatur, qui de eodem, ut posterius scirent & imitarentur, descripti sunt tali tenore:

*Abba ANGELRANNUS loculo quæ paucula nostro*  
*Contulit, hic retinet scriptus qui cernitur albus.*

*Sancti Vincenti, necnon sancti Benedicti*  
*Ecclesiam struxit; cellam infirmisque paravit.*

*A fundamentis instauravit paradisum:*

*Altaris Petri tabulam componere fecit:*

*Thuribula ex argento etiam constare gemella.*

*Librum Evangelii, sancti vitamque Richari*

*Ipsius studium mero argento decoravit.*

*Est & Episto-liber-larum atque Evangeliorum*

*Ipsius argento quem industria nempe paravit.*

*Ipsius atque calix studio præclarus haberi*

*Cernitur, adjuncta sibi cum lance decenti.*

*Præter & hunc alius quem in Missis semper habebat:*

*Unum dorsale, & tria pallia quàmpretiosa.*

*Terras servavit pervasus, atque redemit:*

*Sicut Noguerras, Gaspannas, & Drusiæcum;*

*Guibrenti Ecclesiam, Froocort, Montisquæ-*  
*Rochonis;*

*Ecclesiam Sacri-Campi, discrimine diro*

*Dum plures trahant, ut pars contraria vincat,*

*Detractus multis multa & perpeffus iniquis,*

*Quæ supra retuli, necnon quàmplura peregit,*

*Actum sic ut sit Domini scientia novit;*

*Excedunt libri numerum quos ipse novavit.*

*Insuper excedunt numerum quos ipse refecit.*

*Talibus atque aliis cœlestis præmia regni,*

*Ut spes est, meruit. I ector quod posse monemus.*

*Ultimus ipfius fuit hic finis studiorum.*

*Ecclesiam sancta refecit moriendo MARIE:*

*Cujus apud Dominum nobis suffragia prosint.*

*Ergo horum revocatori sint præmia visa,*

*Damnetur, cujus studio hac neglecta peribunt.*

Is ipse honorabilis vir posteritati consulens, descripsit catalogum rythmicum de Patribus sancti hujus loci, non quidem omnes designans, sed tantummodo illos memorans quorum nomina vel chartæ, vel quælibet pittatiola insinuare videbantur; vel etiam vita sancti Richarii specialiter notificabat. [ Scripsit autem in hunc modum. ]

*Quæ occurrunt memoria,*

*Licet non sint in ordine,*

*Centulensis Cœnobii*

*Abbatum scribo nomina.*

*Pra omnibus egregius*

*Pastor noster Richarius,*

*In hac villa progenitus.*

*Primus in albo ponitur.*

*Ocioaldus sequitur:*

*Angelbertus magnificus,*

*Qui præsens templum condidit,*

*Virtute Regis Karoli,*

*Guitmarus vir Sanctissimus;*

*Helysachar & Aldricus*

*Quibus Hericus additur*

*Hindogvicus & regius*

*Herbertus, Symphorianus,*

*Ruodulfus & Karlomannus*

*Cum Guelfone & Hedenoldo.*

*Gerbertus & Fulchericus.*

*Post Ingelardum igitur*

*Angelrannus adscribitur,*

*Sancti imitator ordinis,*

*Et studiosus litteris.*

Hæc quidem honorabilis ANGELRANNUS. Verumtamen nos admodum miramur quomodo fieri potuit, ut tam studiosus homo Domni HELIGAUDI Comitis & Abbatis gesta nescierit, aut si scivit, cur nomen ejus referre omiserit, cum ipsa ejusdem Heligaudi gesta non nuper alicubi reperta, sed antiquitus, nisi fallimur, in hujus loci scrinio habita fuerint & conservata. Fieri tamen potuisse credendum est, ut post Domni Angelranni obitum ab aliquo loco hæc quæ de illo Comite Abbate leguntur, istuc allata fuerint; cum, sicut hujus operis testatur præfatio, tempore desolationis Monachis fugientibus, non solum Reliquiæ & ornamenta sublata, sed & scripturæ, quæ de sancto loco confectæ erant, per diversa loca deportatæ sint & dispersæ. Nam & Venerabilis GERVINUS aliquando perrexit Monasterium Gorziam, indeque retulit codicem de gestis hujus sancti loci; ibique inventum est quod antea multo tempore latuerat: quia scilicet Domno Angilberto Abbate ad cœlestia transeunte, filius ejus Nithardus illi post quosdam alios successerit in gubernatione sancti loci; & cætera quæ superius in locis suis notare curavimus. Sed & de Abbate Ribbodone ibidem fuerat digestum, quod sancti Angilberti corpus transtulerit, & alia multa in eodem volumine reperta sunt hujus loci monumenta, quæ honorabilem Angelrannum constat ignorasse. Hæc igitur Abbatum nomina [ quatuor, ] quæ in Domni Agelranni scripto minus, in nostro verò plenius habentur, id est, Domnus NITHARDUS, Domnusque RIBBODO, HELGAUDUS quoque & COSCHINUS: duo prima in codice à Gorziâ delato, tertium autem in membranis nostri Gymnasii reperta sunt. Nam de Domno Coschino plura apud Gemmeticum Cœnobium scripta tenentur; ex quibus comprobatur isdem vir tam notus, quàm illius Abbas fuisse loci. Hæc cum ita se habeant, ad Domni Gervini vitam digerendam jamjam cum calamo animus se retorquet.

## CAPUT XVIII.

*De laudibus Domini GERVINI actis ; & de  
constructione Cryptæ.*

**G**ERVINUS igitur commissorum curæ insistens, delinquentesque corripuens, in eorum cordibus verbis prædicationum & exemplis operum plantaria virtutum serebat. Quorumque etiam hominum scelerum confessiones recipiens, eorumque animas faucias sanctarum fomentis scripturarum resolidans, ad Dei misericordiam revocabat : ex quibus si aliquos ditiores sensisset, domos orationum erigere causâ promerendæ veniæ hortabatur : cujus pia intentio nostrati patriæ multum contulit decoris, profectusque, dum quæ non erant erigebantur, vel quæ lignis fuerant compactæ ; cæmento & lapide reficiebantur. Ipse verò circa locum commissum satis sollicitus veterata novare, dissipata sarcire, nunquam facta extruere contendebat. Unde & Cryptam satis insignem condidit hodieque perseverantem, quam consecrare obtinuit ad honorem nostræ Dominæ Sanctæ Dei Genitricis Mariæ. In quâ Crypta per iv. quæ ibi sunt altaria, tanta tamque gloriosa Domini Christi, & Sanctorum ejus reposuit pignora ; ut si alia non essent, his reverâ satis superque decenter insigniretur nostra patriola : harum ergo sacrarum Reliquiarum indiculum apponimus, ut quantâ gloriâ sacer ille locus vigeat, posteritas queat nosse. Titulantur in præsentî Reliquiæ, quarum multitudine decoratur majus altare Cryptæ Centulensis, quod est dedicatum in honore Dominicæ Annuntiationis, Nativitatis, ac sanctæ & victoriosissimæ Crucis, & Beatæ ac Gloriosæ semper Virginis Mariæ, & S. Joannis Apostoli & Evangelistæ, & præclarissimi Confessoris Christi Richarii, & beatæ Cecilie Virginis, & omnium sanctarum Virginum, quorum, quarumque hæ sunt Reliquiæ. De ligno sanctæ Crucis, de sepulcro Domini, cera de sanctâ resurrectione, de columnâ ubi Dominus fuit ligatus, de lapide ubi stetit quando ascendit crucem, de linteo quo fuit præcinctus quando Discipulorum pedes lavit, de præsepe Domini, de virgâ Moyfi, de manna, de vestimentis Sanctæ Dei Genitricis Mariæ, de capillis ejus, de filo quem ipsa nevit, de sepulcro ejus, [de pallio S. Michaëlis Archangeli,] de S. Joanne Baptista, de corpore Isaïæ Prophetæ, de S. Joanne Evangelista, de SS. Innocentibus, de S. Stephano Protomartyre, de SS. Martyribus Stephano Papa, Felice Papa, Eusebio Episcopo Vercellensi, Florentio, Blasio, Crispino, Crispiniano, Paterno ; dens S. Livinii Martyris, de sancto Hermete, Præjecto, Romano, Martyribus ; Reliquiæ Confessorum Sanctorum Martini, Remigii, Nicolai, Vedasti, Medardi, Cassiani, Amandi, Eligii, Caydoci, Salvii, Pauli, Machuti, Gaugerici, Autberti, Ranulfi, Acharii, Otberti, Guandregitili, Bertini, Filiberti, Bavonis, Gualarici, Mauronti, Guingualoci, Judoci, Cutberti : Reliquiæ verò Virginum Petronillæ, Anastasiæ, Justinæ, Priscæ, Praxedis, Gertrudis, Augustæ.

Item ad meridianam partem Cryptæ dedicatum est altare in honore adventus Spiritus sancti, & beatissimorum Apostolorum, Bartholomæi, Matthæi, & Lucæ Evangelistæ ; Sanctorumque Mauricii, Nicasii, Leodegarii Martyris ; & Sanctarum Agathæ, Lucie Virginum. Hæ inibi sunt Reliquiæ, de capillis S. Bartholomæi, de capite S. Matthæi, de capite S. Nicasii, de sanctis Mauricio, Leodegario, Firmino, Cyriaco, Agapito, Crispino, Crispiniano, Anthimo Martyribus. Item de Sanctis Cor-

nelio & Cypriano, de sanctâ Agathâ de S. Sabinâ, de sepulcro Domini.

Item dedicatum est altare ad Septemtrionalem partem Cryptæ in honore gloriose Resurrectionis, Ascensionisque Domini nostri JESU-CHRISTI, & SS. Apostolorum Jacobi, Simonis & Judæ, Sanctorumque Quintini, Luciani, Fusciani, Victorici, Gentiani, Lamberti, Sanctarumque Agnetis, Scholasticæ Virginum, Hæ sunt Reliquiæ. De vestimentis Apostolorum Petri & Pauli, cum pulvere de S. Jacobo ; dens S. Simonis Apostoli, de sanctis Christophoro, Georgio, Crispino, Crispiniano. De capillis S. Quintini, & de ejus corpore, & de clavo quo perforatus est ; de casulâ S. Lamberti, de S. Hilario, de sanctis Agnete & Scholasticâ Virginibus.

Item dedicatum est altare subtus altare S. Richarii in honore Sanctæ ac Individuæ Trinitatis, Patris, & Filii, & Spiritus sancti ; & SS. Dionysii, Rustici, & Eleutherii, Gervasii, Protasii Martyrum ; & SS. Confessorum Ambrosii, Augustini, Hieronymi, atque Athanasii, & omnium Sanctorum. Hæ sunt Reliquiæ. De SS. Dionysio, Rustico & Eleutherio, Gervasio, Protasio Martyribus, & de sanctis Satyro, Ambrosio, Augustino Confessoribus.

Hæc tanta tamque pretiosa Domini nostri JESU-CHRISTI, ac Sanctorum pignora sagacissimus Pastor Gervinus per diversa Gallie loca studio ingenti quaesita, partim etiam apud sanctissimum Richarium reperta, in altariis quæ in Cryptâ erexit honorificè collocavit xiv. Kalend. Novembris, eamdem domum Deo omnipotenti, & S. Mariæ veneranter dedicans. Sunt igitur alia multa, quæ erga loci diligentiam vir bonus exercuit, tam in pallis acquirendis, quàm in tapetibus faciendis, vel terris redimendis, quarum rerum cum præ oculis multa sint experimenta, aliqua tamen hic ponenda sunt indicia.

## CAPUT XIX.

*Qualiter Scabelli-villæ Ecclesiam, quæ calumniabatur reddi obtinuit.*

**I**N hoc nostro opusculo à nobis relatum est, venerabilem Angelrannum Neustriam isse, & donatione Ducis Richardi Scabelli-villæ Ecclesiam in usus nostratis loci accepisse. Verùm Richardo Marchione, qui hoc nobis bonum contulerat obeunte, filio ejus Richardo Ducatum, quem paucis tempore tenuit, Roberto fratri relincente, atque post hunc Robertum Guillelmo exurgente, jamdicta Ecclesia impediabatur nobis à quâdam Abbatisâ, quæ in suum jus illam convertere quâ nescio arte moliebatur. Quâ occasione memorabilis Gervinus Neustriam vadit, ferens secum chirographum, quod super deditione ejusdem Ecclesiæ Marchio Richardus confecerat, volens eam veraci assertionem, & cartæ testimonio nobis derationare ; simul & exoraturus præfatum Ducem Guillelmum, ne quod sui antecessores donaverant, ipsè S. Richario pateretur auferri. At Comes memoratus valde eum pro sua sanctitate diligens & honorans, ei per omnia favit, Ecclesiam ipsam terris ampliavit, & ei super ejus perpetuâ stabilitate tale confirmationis testamentum fieri jussit.

In nomine Sanctæ & Individuæ Trinitatis, « GUILLIELMUS gratiâ Dei Normannorum Dux, « omnibus Catholicæ Ecclesiæ filiis, quibus est cura « animæ & corporis. Cupimus notum fieri omni fu- « turæ posteritati, quomodo Ecclesiam Scabelli-vil- « læ pro salute animæ meæ S. Richario perpetuò ha- « bendam firmaverim censurâ auctoritatis nostræ. « Cum calumniaretur ab Abbatisâ Villaris-Mona- « sterii, & ab Abbate fuisset conventus Monasterii «



„ S. Richarli, GERVINO nomine, causam hujus ne-  
 „ gotii ipso eodem coram Primatibus curiæ meæ ex-  
 „ plicante, sibi jure competere antecessorum meo-  
 „ rum donatione, judicio eorum decernente, tali  
 „ tenore reddidi: data insuper credulitatis gratiâ meâ  
 „ fide, ut deinceps sub meâ advocacione liberam te-  
 „ neret, sicut acceperat à meo avo & patre. Adver-  
 „ teram enim illorum qui causam noverant, narra-  
 „ tione suggerente præbendarium pro hoc beneficio  
 „ in memoriam nostri debite illis interesse. Unde ne  
 „ nostra confirmatio alicujus futurorum temeritate  
 „ cassaretur, & nos meritum amitteremus, hujus  
 „ testamenti litteras conscribere fecimus. Actum hoc  
 „ Anno Dominicæ Incarnationis **MXLVIII.** apud Ar-  
 „ gentulum **III.** Kalend. Novembris. Hujus rei te-  
 „ stes sunt idonei, **STORINSTINGUS**, **RICHARDUS**  
 „ filius ejus, **Yvo de Belismo**; **ARNULFUS** nepos  
 „ ejus, **RODULFUS TAXO.**

Guillelmus Comes cum à Domno Gervino hujus  
 rei causâ expetitus fuisset, magnopere ipsum depre-  
 catus est Abbatem, ut de S. Vigoris Episcopi corpo-  
 re, quod Dei gratiâ præeunte nostris olim fuerat le-  
 dibus illatum, aliquid sibi impertiretur: & nisi Ab-  
 bas id se facturum spondidisset, jamdictam Eccle-  
 siam, ut dicitur, verè amisisset: dum Comes ipse  
 magis propinquæ suæ & affini maluisset illam cede-  
 re, quàm cuilibet alio condonare: siquidem eadem  
 Abbatissâ parentilitate ejusdem Ducis illustrabatur.

## CAPUT. XX.

*Item de S. VIGORE assertio.*

**V**erum quia nunc de sanctissimi Pontificis cor-  
 pore mentio incidit, operæpretium remur istuc  
 narrare veridicam assertionem, quam ipse beatus  
 Præsul Domino nobis consulente patravit. Enimve-  
 rò in gestis Domini & sancti Angelranni invenitur,  
 qualiter ipse magnificus Abbas de ejusdem Sancti cor-  
 pore certus sit effectus; & quoddam libellum vitæ illius  
 à Neustriâ deferens, & ex eo gloriosi ejus transitus  
 diem agnoscens, natalem ejus coli statuerit. Hoc  
 itaque statutum ad hæc usque quæ differimus, glo-  
 riosi Gervini tempora permansit, qui Domini timore  
 Sanctorumque vigens amore, multa in divino cultu  
 circa nos melioravit. Evenit itaque ut revolutio an-  
 nua S. Vigoris festum referret, quod Fratres juxta  
 morem à Domno Angelranno quondam statutum  
 procuraverunt. Forte tum absens erat Abbas Ger-  
 vinus, Fratrumque custodiæ invigilabat Prior, no-  
 mine Regneguardus. Is igitur Regneguardus ipsâ no-  
 cte quâ Fratres Sancto solemnia exhibebant, infir-  
 mitate corporis aliquantulâ detentus, solemniis de-  
 erat, & strato decubans pigrius dormitabat. (Aliàs  
 autem vir bonus erat, castus & timoratus.) Ecce au-  
 tem dormienti ei adest venerandæ proceritatis sum-  
 mique decoris persona, Pontificale schema præten-  
 dens, satisque dulciter ait Regneguardo: Quid hîc  
 jaces, & meis solemniis non interes? Ille pavitans  
 ob personæ excellentiam, sciscitatus tamen hoc de-  
 dit responsum: Domine, ait, quia infirmus sum.  
 Subsequentisque: Quis, inquit, Domine, es tu?  
 Ego, ait, sum Vigor Bajocensis Ecclesiæ Episcopus.  
 Surge, sanus esto, & meis solemniis interesse festina.  
 Dicit autem Abbati tuo & fratribus, quia cum  
 Domini nostri bonitas meum corpus hîc haberi con-  
 cesserit, & ego hoc volo, mea festivitas amplior  
 quàm sit deberet fieri. His visu audituque perceptis,  
 Monachus sanus exurgit, chorum petit, atque cum  
 cæteris altos ut poterat pro laude Sancti cantus emit-  
 tit. Mirari Fratres, & quia illa hora loquendi au-  
 tum denegabat, facto mane rei ordinem quærunt.  
 Ille visionem refert, fatur salutem, recitat imperata.

Gaudent omnes, atque ad amorem Sancti viscerali-  
 ter accenduntur. Revertenti Abbati omnia recapitu-  
 lantur, & ille qui sine aliquâ hujusmodi occasio-  
 ne multas aliorum Sanctorum festivitates exaltave-  
 rat, sancti Vigoris festum deinceps coli celeberrimè  
 mandat.

## FULCARDUS.

**E**sta dies Patris rutilat celebranda Vigoris,  
 Patrem Bajocas, quem Fratrem gaudet Aire-  
 bas.

Hujus grata Deo genitrix, generosa virago  
 Pignore de tanto capit assertore superno  
 Natum quem gestat, benedixit diva potestas,  
 Sacra vitæque sibi, cuncto sacra vitæ & orbi.  
 Nascitur ergo puer formâ speciosus, & alter  
 Fit Samuel, Domino condignus ab ungue tenello.  
 Moxque iugo Domini subclinat lenia colli,  
 Inferiturque gregi Monachus puer Atrebatensi:  
 Proficiens cunctis Patribus, profecit ab illis,  
 Inclutus ille puer, cunctis subjectus ovanter,  
 Jam quiddam majus meditatur tyræ beatus,  
 Fiat ut à patria peregrinus cum Patriarcha.  
 Exulat ergo procul hic seminivertibus exul,  
 Tendens ad populum sibi cœlitus insinuatum;  
 Urbs est Bajocas, quàm prisca Neustria mon-  
 stras.

Hanc adit ut doceat quos impius error habe-  
 bat,

Gratia virtutum Christi comitatus alumnus.  
 Quaque docendo monet, signis probat, actibus  
 implet.

Viribus exsangues reparavit, depulit angues,  
 Ad superos vitæ sanctum traxit prece fusa.  
 His populus visis, se sacris devovet undis;  
 Hancque Deo prolem per sacri fontis honorem,  
 Sancte VIGOR, generas; sacras cui solvimus  
 odas.

Flammaram domitor; qui mundi comprimis ignes;  
 Ne nos exurant, flammæ compeste gehenna.

Marchio verò GUILLELMUS misso ad nos Monacho  
 de Monasterio Ceraliaco nomine GUARINO, unum  
 sancti Episcopi de dextero brachio os promeruit;  
 quod apud idem Monasterium Cerasiacum infinitâ  
 venerabilitate colitur. Est autem idem locus in ter-  
 ritorio Bajocasinsium situs, ex quo vir Domini  
 Vigor Episcopus, ut in vitâ ejus legitur, dum ad-  
 huc in hujus peregrinationis exilio moraretur imma-  
 nem effugavit anguem, & ob hanc virtutem tradi-  
 tus est sancto viro locus, in quo nunc etiam servorum  
 Christi Congregatio habetur. Cum itaque Mo-  
 nachi ibidem degentes etiam ineffabili gaudio sanctissi-  
 mi sui Patroni Reliquias ovanter excepissent, volue-  
 runt experiri utrumnam verè illud os de S. Vigoris  
 corpore fuisset; sciebant autem quoddam inter alia do-  
 na virtutum, quibus fulserat semper, imò fulge-  
 bat, hoc quoque excellentius obtineret, quoddam nul-  
 lomodo ignis ardore lædi, aut comburi posset. Ita-  
 que struem lini, quod scilicet faciliè nimis incendi-  
 tur, faciunt, & brachium illud sanctissimi Pontifi-  
 cis superponunt: deinde linum desuper congerunt,  
 & ita aridam & tenuem materiem igne supposito in-  
 flammant; & licet Deus omnipotens in sui servi me-  
 rito tentandus non fuisset, eisdem tamen Fratres,  
 qui non quolibet vitio, sed certitudinis capiendæ  
 gratiâ id fecerunt, miraculi ac virtutis eventus non  
 refellit: nam non solum sancti dexteram ignis ille  
 non læsit, sed etiam linum quod fuerat appositum  
 ab igne permansit intactum. Sic fratres illi de Patris  
 pignore certi facti sunt. Nec dum post hoc factum  
 octo fluxerant dies, cum ecce homo dæmonio ple-  
 nus, eorumdem Fratrum miseratione aquam, ex

quâ fortè illud beatum os fuerat lotum ; accepit , quâ bibitâ salutem corporis & libertatem recepit , & deinceps inimici infestationem non pertulit. Hæc quidem duo miracula per S. Vigoris Reliquias à nobis illuc relatas , apud Cerasiacum Monasterium Christus Dominus peregit. Post aliquot autem annorum spatia convocatis honorificis viris , Episcopis scilicet & Abbatibus , Gervinus Pater ejus sacratissima membra de eâ capsâ , in quâ à tempore Ingelardi Abbatis pausaverant , abstulit ; & per manus Pontificum convocatorum populo fideli demonstravit : deinde in aliam auro & argento paratam reposuit honorificè , ut decebat tantum Dei Confessorum. Hæc verò translatio beati corporis XII. Kal. Aprilis facta est ; quæ dies omni anno Quadragesimalis jejunii ambitur religione , quod divino nutu factitatum credimus , ut tunc populi fideles sanctissimi Pontificis ossa videre meruissent , quando strictioris ac per hoc purioris vitæ sacrificium Deo obtulissent.

### CAPUT XXI.

*De Comitibus Pontivorum , & de Villis Portæ & Nogueriis.*

**I**gitur post relationem necessariè de S. Vigore habitam , ad nostri GERVINI acta recurramus , & quomodo villam , quæ dicitur Portas , noster locus habuerit , paucis perstringamus. Ac primùm , quoniam dono Pontivorum Comitum illam meruimus , dignum putatur ut eorum series breviter intimetur. Quo primùm igitur tempore Pontiva patriola munitionibus castrorum aucta est , ablati Monasterio Centulo tribus oppidis , Abbatis-villâ , Sancto Medardo , & Incrâ , & his castellis effectis ; in eorumque stipendia multis aliis S. Richarii villis & redditibus ab HUGONE Rege prærogatis , nostra hæc provincia non Comite utebatur , sed regis militibus hincinde præpositis conservabatur. Anteriori tamen tempore à plerisque nostris Abbatibus Comitum nomen gerentibus plerumque fuerat defensata ; verùm quoniam hi moderno tempore dispositi , non omnes castrorum municipes vel Domini exstebant : ob hoc reliquis paribus suis Hugo Abbatensis fortior factus est , quia & castelli fretus munitione absque timore quælibet efficiebat , & reliqui si quid conabantur non habentes refugium , facillè succumbebant. Attamen huic nunquam Comitum nomen accessit , sed erat illi insigne quod S. Richarii vocabatur Advocatus. Quæ res etiam plurimum ei contulerat fortitudinis , dum Advocationis obtentu S. Richarii villarum redditu , & Rusticorum servitio utebatur. Hic postquàm absque nomine & dignitate Comitum mortuus est , successorem habuit filium nomine ANGELRANNUM. Hic quoque nomine Advocati contentus fuit , donec Boloniensem Comitem prælio interimens , & ejus relictam sibi in matrimonio copulans , à Comitissâ uxore nomen Comitum vindicavit. Angelrannus itaque assumptum sibi Comitum nomen in posteros transmittens , post longævam ætatem moriens , reliquit honoris & nominis heredem nomine HUGONEM ; qui post expletum vitæ tempus , dum morti proximum se videret , supradictam villam , quæ dicitur Portas , delegavit Sancto Richario , optans ut pro remedio suæ animæ Monasterii nostri usibus serviret. Genuerat verò quatuor filios , quorum primus nomine ANGELRANNUS , homo formæ mirabilis , qui patri succedebat , in die depositionis ejusdem Patris sui jamdictam villam Sancto contradidit , talem deditionis confirmans testimonii chartam.

» In nomine Sanctæ & Individuæ Trinitatis , ego

ANGELRANNUS gratiâ Dei Comes , compertum fieri volo omnibus Ecclesiæ Dei filiis tam præsentibus , quàm futuris , quòd pater meus Comes , scilicet HUGO , adhuc vivens , sed diem mortis extremum trahens , pro suæ remedio animæ villam quam possederat solidam , Portam nomine , S. Richario dedit perpetuè habendam ; eâ scilicet ratione , ut nullus suorum successorum ampliùs ullos respectus , vel parvas vel magnas consuetudines ab eâ expeteret , quatenus tota cum suis redditibus Sancto , & Fratribus inibi manentibus deserviret. Unde hujus donationis chartulam Abbate GERVINO petente conscribi fecimus , & signo nostro , nostrorumque fidelium signavimus. S. ANGELRANNI Comitum ; S. GODIFREDI ; S. OYLARDI ; S. ROBERTI ; S. BERNARDI ; S. GUALTERI ; S. GERARDI ; S. INGELRANNI. Facta est hæc traditio super altare S. Richarii die sepulturæ Hugonis Comitum XII. Kal. Decembris ab Ingelranno filio ejus cum Optimatibus suis , præsentem Domno Pontifice FULCONEM : qui illic exoratus à Fratribus , & ipso Comite suggerente , sub excommunicatione interdixit , ne aliquis ampliùs in illâ villa neque per vim , neque per deprecaturam , neque per Advocaturam , de omnis consuetudinibus ampliùs aliquid expeteret. Huc usque charta.

Præterea quidam miles , nomine GUALTERUS , quem vulgus vocitabat TIRIEL , villam S. Richarii dictam Noguerias sibi volens vindicare , post illa omnia , quæ suprà scripta sunt tempore Domni Angelranni gesta fuisse , de hac eadem villa à Rege HENRICO , & à perfido Hucberto , cujusdam quasi justitiæ retributione sibi eam deberi ex aliquo successione jure adstruebat : talique ratione suam colorans avaritiam , villam invalit , tenuit , & per aliquod tempus Fratribus cum excommunicantibus sibi usurpavit. Verùm cum ei suggererent amici illam excommunicationis sufferentiam animæ mortem illi operari , tandem Deo se respiciente aliquatenus cessit ; & quamdiu ipse vel ejus conjux viveret , sibi medietatem retinuit , medietatem Sancto restituit , post suum obitum integerrimam in Sancti jus eam redire statuens. Pro quâ ratione venerabilis Pastor scriptum chirographum archivis nostris reposuit , quod ita se habet.

In nomine Sanctæ & Individuæ Trinitatis. Ego & Frater GERVINUS Abbas Monasterii S. Richarii , notum volo omnibus Sanctæ Dei Ecclesiæ fidelibus , quos in adoptione filiorum per sanguinem suum , perque sanctificationem baptismatis fratres sibi adoptavit Christus , quia Miles quidam WALTERUS , quem vano cognomine TIRELLUM plerique appellamus , Noguerias villam S. Richarii jamdudum diu à prædecessoribus nostris possessam , & nobis jure hereditario traditam , malitiosè invalit , invadendo subripuit , ac subripiendo sub anathematis obligatione aliquamdiu detinuit : at tandem contradicentibus amicis , & injuriam hanc in perniciem animæ suæ crebrè referentibus , victus erubuit , & insanæ cupiditatis malitiam deserens à S. Richario , atque à Fratribus veniam expetivit. Reddiditque villam , & condonatâ nobis olim firmatâ Capellâ , absolutionem excommunicationis cum præsentem uxore suâ ERMINA , terræ prostratus accepit ; ita dicens , causam componens , ut præfata Capella sicuti sibi vel suis hæcenus sine quolibet Synodali respectu deserviens permaneret , ita per futura sæcula sub eadem libertate persistat. Acta sunt hæc VII. Idus Octobris , Anno Domini M. III. Indictione VI. Anathematis confirmationem eodem Milite cum aliis subnotatis testibus respondente , ne quis ex illo die pro quacumque

» occasione, aut ex progenie eorum, vel alicujus  
 » horum incitatione auderet temerarius hanc sibi  
 » villam ulterius usurpare. Ego Gervinus, nostræ  
 » etiam religionis Presbyteri, cum Diaconibus, li-  
 » mulque hujus institutionis Monachis, ex auctori-  
 » tate Dei Patris omnipotentis, & B. MARIE sem-  
 » per Virginis, & R. Petri Apostolorum Principis,  
 » damnamus, & in perpetuo anathematizamus om-  
 » nes, qui ex præsentis die voluerint hujus redditio-  
 » nem villæ, & donum atque libertatem Capellæ,  
 » aliquo autu rescindere, aut demere, seu contra-  
 » dicere, Amen. Hujus rei testes fuerunt, ODO,  
 » ALULFUS, HUGO Boquels, Boso, OYLARDUS,  
 » HUGO Sanctæ MARIE, BOSELINUS, ALELMUS,  
 » item ODO Regnante HENRICO Rege Francorum,  
 » Anno XXI.

In sanctissimi Patris & Patroni nostri Richarii  
 gestis assignatur, quod Rex gloriosus Dagobertus  
 ejusdem sancti orationibus se committens, dona-  
 verit illi terram vocabulo Campaniam. Hanc Do-  
 mini Gervini antecessores cuidam concesserant Age-  
 nardo, ut quamdiu vixisset firmâ manu possideret.  
 Hic accessit ad Dominum Gervinum Abbatem, po-  
 stulans ut eam quam ipse tenebat terram duo filii  
 sui permitterentur tenere post mortem suam; qui-  
 bus mortuis, Ecclesia quæ sua erant dignè rehabe-  
 ret. Annuuit ei venerabilis Abba, & hac de causâ ta-  
 lem composuit cartulam jure stabilitatis.

» In nomine Sanctæ & Individuæ Trinitatis GER-  
 » VINUS propitiante divinâ gratiâ Centulensis Mo-  
 » nasterii Abbas, omni Religioni Christianæ notum  
 » fieri cupimus quod quidam vir fidelis AGENAR-  
 » DUS vocabulo à nobis petierit, ut omnem ter-  
 » ram possessiunculæ, quæ Rebellis mons dicitur,  
 » quam tenebat solummodo in vitâ suâ sub manu  
 » firma cum redditione census, & terram de Va-  
 » leriis totam cum adjacenti non grandi sylvâ, si-  
 » mul etiam additâ & quartâ parte curtilli de Flohe-  
 » rimanso, tam sibi quàm suæ conjugi, HILDE-  
 » SENDI nomine, cum duobus eorum filiis, GUENE-  
 » RANNO scilicet & ANSCHERO, tenendam conce-  
 » deremus. Annuimus ergo illis quod petierat, ac-  
 » ceptis ab eo testibus certissimis, ita dumtaxat,  
 » ut ipsi solummodo in vitâ suâ habeant, & in so-  
 » lemnitate sancti Richarii, quæ celebratur VII.  
 » Idus Octobris censum IV. solidorum persolvant.  
 » Post decessum verò ipsorum terra ad nos melio-  
 » rata redeat. Unde illis hanc chartulam conscri-  
 » psimus, signoque nostro, nostrorumque Fidelium  
 » obfirmavimus. Signum GERVINI Abbatis; Sign.  
 » ALGISI; Sign. HERIBERTI; Sign. INGELRANNI;  
 » Sign. DOMINICI; Sign. OYLARDI Laici; Sign.  
 » BOSONIS; Sign. ODONIS; Sign. RODULFI; Sign.  
 » GUIDONIS Archidiaconi. Actum hoc Monasterio  
 » S. Richarii VIII. Idus Decembris, regnante HEN-  
 » RICO Rege anno regni illius XVI.

## CAPUT XXII.

*De Villis redemptis; & de altariis à GUIDONE  
 Episcopo donatis.*

Interea mortuo Rege Francorum HENRICO, post  
 annos sui regni XXVIII. PHILIPPUS adhuc puer  
 regis dignitatis culmine jam suscepto à patre, re-  
 gendi posse & scire nondum habens, BALDUINO  
 Flandrensi Comiti custodiendus cum regno tra-  
 ditur; quo regnum moderante, GUALTERUS Miles  
 filius HUGONIS Regii Buticularii, terram quam-  
 dam in Vimmaco pago sitam nobis subripere vo-  
 luit. Et quia potens erat, nec ex adverso ei resistere  
 in promptu habebatur, sollicitus Pastor Gervinus  
 verens ne Ecclesia prædium amitteret, maluit vi-

rum pecuniâ lenire, quàm itatenus tanto damno  
 multari. At ille non tam pecuniâ illectus, quàm  
 sancti viri prece venerandâ coactus, postulanti gra-  
 tiam tribuit, & ne ipse vel quilibet alius eandem  
 terram sancto loco deinceps demere posset, testa-  
 mentum inde fieri poposcit in hæc verba.

In nomine Sanctæ & Individuæ Trinitatis. Ego  
 GERVINUS gratiâ Dei Centulensis Cœnobii Ab-  
 bas, notum fore volo sanctæ Dei Ecclesiæ Fide-  
 libus præsentibus atque futuris, quod quidam  
 Miles nomine GUALTERUS filius HUGONIS Pin-  
 cernæ Regis, clamaverit super nos quamdam ter-  
 ram in pago Vimmacense sitam, quæ Filcarias  
 vocatur. Nos verò ejus clamorationi justâ ratione  
 respondentes, tortitudineque ejus evacuata, sum-  
 ptis à nobis centum denariorum solidis, supradic-  
 tam terram in ulibus Fratrum perpetuò habenda  
 sancto Richario quietam reddidit. Et ut hæc  
 conventio inconvulsa permaneat, signa Fratrum  
 nostrorum atque Fidelium annotare decrevimus.  
 Signum GERVINI Abbatis; Sign. INGELERI;  
 Sign. ALGISI; Sign. ANSCHERICI; Sign. FRAME-  
 RICCI; Sign. ANSCHERI Militis; Sign. ODONIS;  
 Sign. alterius ODONIS; Sign. ADELELMII; Sign.  
 ILGERII. Actum Monasterio Centulo IV. Kalend.  
 Septembris, regnante Rege PHILIPPO, Anno IV.

Non multum fuerat tempus elapsum, cum per-  
 vigil ac sollicitus provisor Gervinus, qui & verus  
 Ecclesiæ filiorum amator & custos jugiter exstitit,  
 precibus aggreditur Comitem GUIDONEM, orans  
 ut de villâ quâdam, quæ olim quidem nostro ser-  
 viera Monasterio, sed ante aliquos annos ab ipso  
 Comite, seu ab aliis militaribus viris nobis tulta  
 fuerat, aliquem misericordiæ respectum penes lo-  
 cum sanctum habere non abnueret. Quod ergo Do-  
 minici amoris instinctu agebat, non poterat esse cas-  
 sum, propriâ divinitate: nam Comes assensum ex  
 aliquanto præbuit, placatus non tantum beati viri  
 prece, verum etiam Ecclesiæ munere. Igitur ex his  
 quæ illo tempore S. Richario reddidit, tale confe-  
 ctum est scriptum.

In nomine Sanctæ & Individuæ Trinitatis. Ego  
 GUIDO Comes Pontivæ patriæ exoratus à Domino  
 GERVINO Abbate, annuentibus Proceribus meæ  
 provinciæ, in præsentia Regis PHILIPPI, Mar-  
 chionisque BALDUINI, nec non etiam Principum  
 regalis palatii, reddo S. Richario quartam par-  
 tem villæ, quæ Ultrabaiz vocatur nomine; om-  
 nes nihilominus impensiones Advocationis meæ,  
 quas in supradictâ accipiebam villâ perpetuò ha-  
 bendas, S. Richario, Abbati, Monachis con-  
 trado; jure accipiens ab eis aliquantulum pecu-  
 niæ, XX. videlicet denariorum libras, & quinquaginta  
 boves. De Roberto etiam, qui advocatio-  
 nem ejusdem villæ ex meâ olim tenuerat parte, &  
 si quis quâlibet occasione in prædictâ villâ quid-  
 quam studuerit vindicare, spondeo me pacem  
 sanctæ facturum Ecclesiæ. Igitur conventio præ-  
 sentis chartæ quatenus stabilis valeat persistere,  
 auctoraliter roboratur signo dextræ regis & designan-  
 tur in ordine testes idonei, qui huic assertioni in-  
 terfuere. S. BALDUINI juvenis Comitis; S. FRE-  
 DERICI; S. BALDRICI; S. RODULFI; S. RORI-  
 CONIS; S. ANSCHERI; S. OYLARDI; S. GODE-  
 FRIDI; S. RICHOGUARDI; S. Abbatis GERVINI;  
 S. INGELERI tunc temporis Decani; S. SAXO-  
 GUALI; S. WALTERII; S. ODONIS Militis; S. DU-  
 BILIONIS; S. BOSONIS. Actum est hoc anno Re-  
 gis Philippi Imperii VI. Incarnationis Dominicæ  
 MLXVII. Ind. VI. Epacta III. Concurr. VII. Qui-  
 cumque hæc quæ supra prætitulavimus dissolvere  
 voluerit, à Deo Patre omnipotente, & sanctâ Dei  
 Genitrice

» Genitrice MARIA, & omnibus Sanctis maledictus  
» sit, & excommunicatus, Amen. Fiat, fiat. Huc  
» usque charta.

Regi Anglorum HETGUARDO Gervinus semper  
carus & venerabilis fuit, & ab illo, si ejus fines in-  
trasset mira honorificentia attollebatur. Quique Rex,  
si eum in aliquâ vel pro aliquâ loci nostri necessitate  
angustiarum comperisset, munificus valde in succur-  
rendo omni remotâ excusatione existerat. Regina  
etiam conjux ejusdem nomine EDITH satis super-  
que Gervinum pro suâ merito sanctitatis diligebat  
& venerabatur, & juxta mariti exemplum admo-  
dum liberalis, si aliqua petisset, libens conferebat.  
Quâdam verò vice accidit, ut Abbati nuperrimè  
terram illam ingresso osculum salutationis & pacis  
Regina porrigeret, quod ille gratiâ conservandæ  
sinceritatis abhorrens excipere noluit. At illa ferox,  
videns se Reginam spretam à Monacho, nimis mo-  
lestè tulit; & quâdam quæ ut pro se orasset illi do-  
nare statuerat, irata retraxit. Verum maritus ip-  
sum increpante, quod Abbatem tam religiosum pro  
non infracto rigore odio insequi voluisset, & aliis  
honestis viris suggerentibus non esse odiendum ho-  
minem, qui sic Deo se mancipasset, ut ne Reginæ  
quidem osculo se pateretur contra ordinem mulceri,  
placata est Regina, & hujusmodi factum non so-  
lum in illo non vituperavit, sed magnæ laudis at-  
tollens præconio, in sui regni Episcopis vel Abba-  
tibus talem manere consuetudinem deinceps con-  
quista est. Multis ergo honoribus & donis eum ful-  
ciens, remittebat onustum, hoc solum ab eo re-  
poscens, ut tempore orationis inter benefactores  
computari mereretur. Uxor etiam ipsius Regis do-  
navit ei amictum valde pretiosum, auro & lapide  
pretioso mirifice decoratum, quem Abbas detulit in  
nostræ Ecclesiæ thesaurum.

Postea autem cum contigisset Ambianorum Pon-  
tificem GUIDONEM hunc vidisse amictum, nimis  
ejus pulchritudine & pretiositate illectus, rogavit  
Abbatem, ut isdem Ecclesiæ matri Ambianensi  
transmitteretur amictus, pro illius concambio Ec-  
clesiæ sancti Richarii duo Altaria perpetim habenda  
se velle dare affirmans. Et amantissimus vir ejus  
precatibus assentire ratum judicans, jamdictum ami-  
ctum Episcopo & Ecclesiæ Sanctæ Dei Genitricis  
semperque Virginis Mariæ tradidit; & in sui juris  
potestatem duo altaria recepit, consensu & concessu  
totius Ecclesiæ Ambianensis, quorum unum est  
in villâ nostrâ Argubio, alterum in villâ quæ Mon-  
helisi nuncupatur. At ne posteritas succedentium  
Abbatum eadem perderet altaria, prudentissimus  
Gervinus ab Episcopo obtinuit inde fieri testamento-  
ria dictitia, quæ ita se habent.

» GUIDO Dei gratiâ Ambianensium Episcopus,  
» presentibus ac futuris fidelibus mundanæ conver-  
» sationis tranquillam peregrinationem, & cœlestis  
» præmii jocunditatem. Quoniam posterorum no-  
» titiæ facta presentium litteris narrantibus melius  
» innotescunt, placuit nobis Caritati vestræ manife-  
» stare qualiter S. Richarii Ecclesiam quorundam  
» altarium dono augmentaverimus. GERVINI enim  
» Abbatis supplicatione; altaria villarum Argubii &  
» Montis-Elisi; super quibus Ratbodo & Hugo  
» personæ habentur, qui quamdiu vixerint Ecce-  
» llasticam reddituram in statutis temporibus S. red-  
» dent Richario, consensu Archidiaconorum Joan-  
» nis & Balduini condonamus: tali quidem pacto,  
» ut post eorum excessum Clerici; qui Ecclesiastica  
» debita nobis & nostris successoribus solvant; per-  
» sonaliter ibidem ab Abbate constituentur, illisque  
» obeuntibus alii vice illorum subrogentur. Hoc  
» præsentia Clericorum nostrorum corroboramus;

Tom. II

& apud successores nostros ratum esse deposci-  
mus.

Sed his ita definitis, ad Comitem paulisper venia-  
mus GUIDONEM, qui cum fuerit Comitis Hugonis  
filius, & post Angelrannum fratrem, quem supra  
de villâ Portas vice patris donationem fecisse retuli-  
mus, Normannorum dolo occisum, patriæ Comitatu-  
m receperit, ac per hoc Advocatus quoque no-  
ster hereditariè sit effectus, villas S. Richarii & ea-  
rum colonos nimis affligebat, extorquens & aufe-  
rens pecunias & substantias eorum. Cujus injusti-  
tiæ & impietati pius pater occurrens Gervinus, hor-  
tabatur & exorabat, uti non tam durus circa S. Ri-  
charii famulos permaneret, & qui Advocati sumptus  
& nomen tenebat, ne tam pessimus prædo existeret  
submonebat; verum apud efferam mentem, & cul-  
mine potestatis elatam, seu rapacitatis studio lau-  
ciam, justa supplicatio parum valebat; nisi fortè  
pecuniæ summa ejus duritiæ contraireret, quâ facile  
est terrenorum corda oculis leniri. Interea hæc ali-  
quando precum ejusdem Patris fuit summa, ut  
quâdam valde gravem redhibitionem colonis villæ  
Majoch pro S. Richarii amore ex aliquantulo indul-  
geret. At ille ad præsens consensit, & de indultâ vel  
moderatâ suæ advocacy consuetudine tale testi-  
monium confecit.

Ego GUIDO gratiâ Dei Pontivorum Comes, &  
notum fieri volo tam presentibus quàm futuris, &  
quod GERVINUS S. Richarii Abbas nostram præ-  
sentiam adierit, magnopere deprecans, ut consue-  
dinem xx. porcorum quam habebam in villâ quæ  
dicitur Majoch, pro Dei & S. Richarii amore al-  
leviarem, quia valde gravis erat ipsius villæ colo-  
nis. Acceptis ergo ab eo centum solidis concessi-  
mus, ut nunquam amplius ab ipsis rusticis prædi-  
cti exigantur porci, sed pro ipsis in festivitate S.  
Remigii annualiter persolvantur xl. solidi; ita ta-  
men ut nemo ministrorum aut servientium nostro-  
rum pro prædictis solidis colligendis suprascrip-  
tam villam introeat, sed Monachus, cui obedi-  
entia fuerit injuncta, in præfata festivitate Præposi-  
to nostro in S. Richario sito studeat deliberare. Et  
ut ipsi Monachi pro statu & incolumitate nostrâ,  
simulque conjugis & prolis obnoxii Domini mi-  
sericordiam deprecantur, hoc confirmare in præ-  
sentia Procerum nostrorum decrevimus.

### CAPUT XXIII.

De HETGUARDO & GUILLELMO Regibus  
Anglorum, & qualiter mare GERVINUS  
transmeaverit.

HETGUARDUS Anglorum Rex decurso feliciter  
vitæ mortalis spatio, ut creditur, migravit ad  
æternam gloriam. Sed dum adhuc vivens terreno  
regno floreret, quidam nobilis natione Britto; no-  
mine RADULFUS, apud ipsum Regem potens & ho-  
noratus, gratiâ elemosynæ donavit sancto Confes-  
sori Christi Richario per manum memorabilis Ger-  
vini aliqua prædia & quosdam redditus, quorum  
summa post modicum notabitur. Postquam autem  
mortuus est Rex Ethguardus; HERIOLDUS quidam  
Comes regnum sibi accepit contra fas, & contra  
fidem sacramenti quod prædicto Regi juraverat,  
spondens quod pronepoti ipsius Regis nomine Elf-  
gario regnum cederet absque ullo impedimento. At  
cum regni potestate & fascibus injustè uteretur, ex-  
pulsio Ethguardi pronepote Elfgaro, summus & su-  
per omnia potens Deus, in cujus jussu constant re-  
gna terrarum, & qui donat ei cui vult, signo mira-  
bili [è] cœlo ostenso, destinavit Guillelmum Du-  
cem Normannorum Anglorum Regem fieri: & quia

X x

veraciter Dei nutu idipsum Guillelmus appetebat, rei prosperitate probatum est. Sed quia illius gestorum recens habetur memoria, nos ea seponentes, nostra potius exsequamur.

Anno regni ejus 11. venerabilis Gervinus illa quæ superius meminimus prædia visurus, ad maris ingressum properavit, quem nominant plebeiales **GUIZANT**; ubi fuerunt cum illo tam Abbates quam Monachi plusquam centum, præterea militarium virorum & negotiatorum plurima multitudo: qui omnes mare conscenso in Angliam transvehi cupiebant. Februarii tum mentis ducebatur, quem notum est æris collisione, & ventorum nimietate, pluviarum quoque inundatione, ac nivium profusione semper constare querulosum: quo etiam tempore sævius peritrepit mare, dum tempestatum levitiam ventorum nimietate continuat. Quindecim igitur dierum expenso curriculo, dum æquor à suo fervore non quiescit, & desperatur ingressus, statuitur reditus ad propria; quandoquidem transitu denegato, & deficiente sumptuum copiâ, ibi amplius morari non poterant. Sanè absque concessu Gervini & licentiâ, qui sanctitatis odore cunctos afflaverat, abire non fuit consilium, sed tamquam cœlestem consulem, & divini juris conscium, facto conventu interrogant quid sibi esset agendum, qui tamdiu prætolatum non quirent mereri transitum. Adstruunt bonum esse ut redeant, referentes loci illius ariditatem ad tantæ frequentie non posse sufficere victum. Tunc **GERVINUS** tantâ desperatione obfessos benignè refovet, hortans ut de Dei misericordiâ non diffidentes sequenti mane festinatò veniant ad Ecclesiam, quo divini officii perfecto ministerio coram Deo humiliati postulent misericorditer comitum: deinde pedibus nudis S. Petri Apostoli quæ vicina erat, petant Ecclesiam, per ejusdem Apostoli merita gratiam à Christo quaesituri. Omnibus placet consilium, venit ad Basilicam Archangeli Michaelis; exhibitis hymnis matutinalibus vota proferuntur, & ab unoquoque transire volentium denarius pro gratiarum actione oblatus est: quam pecuniam Gervinus decreto cæterorum in suam redigens sententiam, super omnes qui aderant quasi principari videbatur, & emptâ cerâ duos permagnos cereos conficiens, unum offert Archangelo Michaeli, & Sancto Nicolao Confessori, alterum servat vovens illum Christi Virginis & Margaretæ Martyri, quæ citrà mare Ecclesiam possidebat. Hinc jam disposito agmine, cum è suis Monachis unum itatuisset præcentorem nomine Saxogualum, nudis gressibus incedendo, & tales qui Dei misericordiam exorarent cantus præcinendo, jamdictam B. Petri Apostoli Ecclesiam vadunt, ubi peracta oratione, & decantatis ab eodem viro honestissimo Gervino Missarum solemniis redierunt, imploratâ nimiumque flagitatâ Christi Domini pietate. Sequentis igitur noctis quiete potiti, exorto mane coëssentes redeunt ad Gervinum; cum ecce Dei potentiâ sopitum æquor, & omni remotâ tempestate tranquillum conspiciunt: sicque Christo actore conscendentes maria, ventorum nullo percelluntur fragore. Tanta certè fuit pacati æquoris quietudo, ut hodie vento deficiente oppansa vela vix transferret, quod hesternâ qualecumque non capiebat remedium. Exeuntes tandem de navibus Ecclesiam prænominatâ repetunt virginis, & redditâ gratiarum actione, oblatoque cereo partes dirimunt, dum unusquisque quod cupiebat velox divertit. Verumtamen hanc transeundi celeritatem mentis Gervini fuisse donatam omnes

crediderunt, & magnis laudibus prædicaverunt.

#### CAPUT XXIV.

*De honore illi à Rege collato: & de terris à Radulpho donatis.*

**GERVINUS** igitur tali modo feliciter transvectus, adiit curiam regalem, annuntiat Christum, ejusque mandata: suggerit mala confiteri, hortatur penitentiam, suadet pacem tenere, & omnia imitari, quæ Deo cognoscuntur placita. Regi Guillelmo nuntiatur adesse, qui tanti pendebat eum, ut quod Episcopis & Abbatibus negaverat, huic concesserit, hoc est suum absque dilatione conspectum, & illius ad se sine difficultate ingressum. Rogatur itaque Rex ab Abbate, ut illis quæ Ethgardi diebus Sancto donata fuerant Richario prædiis annuat, & suæ auctoritatis præcepto perpetim habenda confirmet. Aderat & is qui eadem contulerat Radulfus cum filio ejusdem nominis, qui idipsum regiam majestatem facere precabantur. Igitur Abbatis & amicorum precibus annuens, tale super eis conscribi jussit edictum.

In nomine Sanctæ & Individuæ Trinitatis, Ego **GUILLELMUS** concessu Dei Anglorum Rex, affectu mei profectus in Domino, & prece compulsus Domini Abbatis **GERVINI** Monasterii sancti Richarii, quod est situm in pago Comitatus Pontivi: nihilominus quoque hortatu amicorum meorum, **RADULFI** scilicet Comitis, nec non & filii ejus **RADULFI**; annuentibus etiam unanimiter meæ curiæ Primatibus, regio more concedo quidquid hi ambo, videlicet pater & filius, Fratrum prælibati sancti devotè concesserunt ulibus. Quorum igitur Ecclesiarum vel mansionum, ut cunctis manifestetur cognitio, dignum duximus in præsentem denominatim manifestare scripto. Hæc est sancti Richarii terra in Anglicis finibus sita, à Radulfo Comite eidem Sancto tradita. Villa vocabulo Esperlais, ubi habentur hospites xxxvii. qui persolvunt annualiter unusquisque in Nativitate Domini duos equos oneratos de bras: à festivitate S. Joannis Baptiste usque ad festum S. Michaelis, tribus diebus omne opus Domini sui: cæterum quod residuum est de anno, semel in hebdomadâ erunt ad omne opus quod eis injunctum fuerit. Habentur inibi sex carrucæ, sylva optima, terra arabilis & inculta, prata omnibus nutrimentis aptissima. Est & alia villa quæ vocatur Aera, ubi habentur hospites 11. molendina 11. quæ solvunt xxxv. oras denariorum. Præterea omnes homines Villæ metent segetes tribus in hebdomadâ diebus, & omnes carrucæ arabunt tribus diebus ad frumenta & ad avenas. Est & tertia Villa, quæ vocatur Culesturpo, quæ solvit quinque oras denariorum, & carrucis suis arant terras tribus ad frumenta & ad avenas diebus. Sequitur quarta villa, quæ vocatur Achotes: & alia quæ vocatur Apicheneam; ubi habentur omnes prædictæ consuetudines carrucarum. His junctur Merefort, ex quâ viii. carrucas duobus diebus ad frumenta & ad avenas; & in Augusto xxv. homines duobus diebus ad messim metendam consuetudinaliter Dominus villæ habebit. Vocatur villa sequens lingua eorum Alluafam, de quâ habetur omnis decima tam annonæ quam aliarum rerum. Est & alia quæ vocatur Guenite, ubi est molendinum unum & sylva, piscatio quoque optima. Hoc autem iterum iterumque cum

a XXX. oras] Ad hunc locum hoc annotatur in eo codice quo Acherius usus est: Sicut apud Franco. 12. dena-

ri: habentur pro solido sic Angli. 16. denarios faciunt solidum, & ipsum vocant oram.



interdicto affirmationis affirmo, ne alicujus tyranni invasione posthac usurpetur quovis modo. Hæc itaque charta ut posteris nostris immutabilis perduret, regiâ nostrâ eam auctoritate firmamus.

## CAPUT XXV.

*De locis ubi solivagus Domino invigilabat.*

**H**æc itaque aliaque perplura modestus Pater, & sollicitus nutritor Gervinus salubriter procuravit; quibus promeritis, adjuvante illo, pro cuius hæc amore gerebat, & cuius vicarius, existerat magno Sacerdote & magnifico Abbate Richario, supernis cum civibus credimus sociatum. Verumtamen cum multarum sollicitudinum anxietate premeretur, semper recurrebat ad orationem & studium compunctionis, velut nauta ad tutissimum portum; ut si quidpiam, dum in seculi curis tamquam marinis fluctibus laborabat, aliquâ subreptione fuisset turbatus, tanquam firma ancora internâ contemplatione iteratò solidaretur Deo inhærens. Unde etiam loca sylvestria & ab omnibus segregata appetiit, ad quæ, dum rerum sollicitudine æstuaret, recurrere, quasi paradisi amœnitate recreabatur. In territorio igitur Ambianorum Cellam possedit, eo loci quo Martyris Gratiani corpusculum quiescere perhibetur. In eodem etiam territorio aliam acquisivit vocabulo Luliacum, ubi in honore beati Luciani Martyris, & sanctissimi Richarii Ecclesia habetur. Sed & in solo Neustriæ, in nemore scilicet Augensi, tertiam habuit Cellam, Ecclesiam in honore beati Martini continentem, quam cæteris amplius diligens frequentius visibat, psalmorum & laudum spirituales jubilos Domino indefessè continuans.

## CAPUT XXVI.

*De sanctimoniâ vitæ ejus.*

**Q**uia ergo qualis actore Deo in rebus Ecclesiæ amplificandis fuerit ex parte monstravimus, operæpretium exstat maximè sanctitatem boni viri tetexere. Quod dum facere ambimus, rem necessariam nobis exercere videmur; quia quem erga Ecclesiæ res terrenas benè sollicitum monstravimus, quod nonnunquam & pravi imitantur, potius magis habebitur, si ejus quanta fuerit sanctitas recensatur, in quâ non nisi verè bonis aliquatenus noscitur imitandus. Omni igitur vitæ suæ tempore, quo sine incommodo vixit, ut parum somni percepit, grabatulo sese excutens, domum orationis intravit, omnes quorumque Sanctorum aras orando & gemendo, genuaque flectendo circuevit, pro se & pro sibi commissis, pro amicis quoque, & oratione vel confessione conjunctis; proque defunctorum requie precum vota exaggerans, ac pro sanctæ universalis Ecclesiæ statu & augmento, & pace Principum, Domino Deo Patri, & Filio ejus **JESU CHRISTO**, sanctoque Spiritui, laudum & orationum victimas cordis pingues contritione, & lacrymarum commendabiles ubertate, iterum iterumque consignans: at ubi tali exercitio carnis infirma materies fatigata lassescerebat, paulisper se in lectulum dejiciens iterandis laboribus se aptabat: cumque modicâ quiete quasi recreatum se sentiret, iterum exiliens excubias repetebat. Præter orationum munia, & psalmorum dulcissimam modulationem hæc attentissimè observabat, ut de Sanctâ Trinitate, tum de Spiritu sancto, post hoc de Resurrectione Domini, atque de sanctâ Genitrice **MARIA**, post hæc de Angelis, postque de S. Petro, vel omnibus

Tom. II.

Apostolis, sive omnibus Sanctis nocturnalem & diurnalem Canonem, excepto Claustrali Canone, cui nunquam penè deerat, quotidie Domino persolveret. Deinde iterum altaria Sanctorum regylando conveniens, unicuique proprium & conveniens psalmi votum concinebat. His autem Deo dignè expletis, si sensisset horam esse quâ Fratres assurgerent, illicò refugiens ne ab aliquo Aedituorum vel Janitorum videretur, ad lectum redibat: ut scilicet hæc quæ de eo feruntur bona quo occultiora, eo firmiora possideret. Horam itaque nocturnalis officii Ecclesiæ signo indicante exurgebat, & ita se quasi sopore satiatus, & tamquam noctis totius quietem occupasset agebat, cum immensæ vocis gallicinio illud beatissimi Benedicti edictum custodiens: *Sic stemus ac psallendum, ut mens nostra concordes voci nostræ.* Quem electissimum virum ne quis nos reprehendat gallum vocitasse, recurat quis ad illam beati Gregorii Romani Papæ super verba sancti Job expositionem, ubi dicitur à Domino, *Quis dedit gallo intelligentiam*; quam dum capacitate sensus tenuerit, intelliget profectò galli parabolam non cuiuslibet infimo, sed sanctæ vitæ virtutibus decorato homini convenire.

Intentus ergo divinæ servituti **GERVINUS**, nunquam fessus itinere, vel detentus infirmitate, nisi fortè gravi, omisit, quin juxta Regulæ mandatum post lectiones XII. Dominicis diebus, vel Sanctorum festis, habitas, Evangelii lectionem ipsemet legere: sicque omnibus officiis præsens, Fratribus exemplum sobrietatis & sancti fervoris exhibebat. Cum verò expletis nocturnis laudibus Fratres plerique, sæpe autem omnes, in proprios lectulos se reciperent, Gervinus non corporis appetebat requiem, sed quæ ante nocturnam synaxim egerat reinchoans, interititium nascentis auroræ, & discedentium tenebrarum precum continuatione, ac genuflexionum perseverantiâ occupabat. Et quia veraciter illi dies aderat internus, juxta quod docet Doctor noster Apostolus Paulus: *Nos qui diei sumus, vigilemus & sobrii simus*: hoc indefinente executione profitebatur. His illo studiis intento, ubi dies cum solis spiculo refulsisset, Claustro se recipiens, codicemque percurrens, divini verbi favos sibi congeriebat, quæ in conventu Fratrum revolvens, eos ad studia pietæ actionis & correctionis vitæ informabat. Verum ubi suam mentem orationis instantiâ quasi exhaustam lectionis refecisset sancto edulio, statim Ecclesiam rediens Missarum solemnibus auro intellectus fulgens, purpurâ fortitudinis emittens, bis tincto cocco, flammâ scilicet geminæ charitatis ardens, & bysso, id est, carnis mortificatione nitens persolvebat. Diebus verò quadraginta Domini nostri jejuniis sanctificatis, major sibi à semet imponebatur austeritas, devota membra cilicio obvoluta domando, tritico confectum panem rarissimè sumendo, deputatâ propotione modicâ aquæ quantitate; talique utens cibi solamine interim post triduum reficiebatur. Lectuli pompa congesta vili mattula procul aberat; sicque durè jacentem non facilè somnus invadebat, cuius linguam difficilè psalmi sinebant. Nunquam certè cura loci, aut necessaria sollicitudo, aut itineris occasio, aut corporis nisi maxima ægrotudo, psalmorum ac laudum, seu supradictorum Canonum, obtinere apud illum quiverunt diminutionem. Si quolibet iter agebat, more sancti ac beatissimi Patris nostri Richarii, aut psalmi ex ore ejus resonabant, aut salutaris prædicatio, seu correctionis admonitio audiebatur. Hospitio receptus non coquorum studia vel inventiones quæsit, illius utique non participes, sed contemptor, qui destruit muros Hierusalem. Cum comites itineris emenda & paranda vi-

X x ij

Cap. 19.

Job 38. 39.

Cap. 11.

1. Thess 5. 6.

dissent, ipse scamno quiescens Domino vigilabat. Cœnâ apparatâ si accubisset pransurus, lectionis auditione, vel divinæ legis meditatione implicari studebat. Hinc jam si Ecclesia vicina existeret, illud ibat consuetudinaria votorum tributa à semet exacturus. Si Ecclesiæ domus defuisset, lecto citius quasi paulaturus tradebatur, & operto capite vivifica verba trutinabat. Cumque socii itineris peractis necessariis se cubitum locassent, Gervinus velociter absque illo strepitu assurgebat, & posito marsupio, quod semper penes se habebat Sanctorum Reliquiis plenum, illa quæ supra meminimus ab eo in Monasterio fieri, orationes scilicet & genuflexiones impendebat. Sicque complebatur in illo ille veridicus sermo, quo dicitur, ubi fidelis anima, ibi & templum Dei. Inter cætera sanè virtutum exercitia, hoc illi quamdiu sospitate viguit, perstitit immobile, ut vigiliâ Natalis Domini, vigiliâ sancti Paschæ, atque Parasceve, vigiliâ Ascensionis, vigiliâ Pentecostes, necnon sancti Joannis Baptistæ, ac beatorum Apostolorum Petri & Pauli, sancti quoque Laurentii Martyris, atque Assumptionis S. Mariæ, Omnium Sanctorum, ac B. Andreæ Apostoli, omnino à cibo abstinens, totum ex integro Psalterium Domino modularet. Et cum tantopere carnem propriam edomaret, tantâ alacritate utebatur, ut non esurire, sed opulentis eduliis æstare inclytum Abbatem ipsa vultus hilaritate putares: quam tamen sic retinebat hilaritatem, ut nihil levitatis inesse appareret, servatâ in omnibus honestatis gravitate.

## CAPUT XXVII.

*Quam fuerit sollicitus infirmas curare animas, & ut pro hoc apud Apostolicum Pontificem sit accusatus.*

Galat. 4. 19

Isai. 49. 6.

Jerem. 15. 19

**P**Ræterea tanta illi erat in convertendis atque salvandis peccatorum animabus curæ instantia, ut peccaminum falce oppressis mirabiliter compatiens, & concurrens, videretur illius spiritu gubernari, qui dixit: *Filioli mei quos iterum parturio*: non solum verò hujus nostratis patriæ si quos cognovisset homines scelestos, corripbat, sed etiam Neustriam & Flandriam, Galliam quoque & Aquitaniam, necnon Hungariam, piâ gyrans sedulitate, criminoforumque confessiones acceptans, & saluberrimis monitis eorum vitam in melius commutans, Evangelistæ & Apostoli opus absque nomine perexplebat. Illud Dominicum in se cunctis portendens edictum: *Posuite in lucem gentium, ut sis in salutem*. Vidimus persæpe cum esset in Centulo apud gloriosum Confessorem Richarium, totius diei spatium in conclavi absque omni corporali edulio illum peregissem, dum aliis recedentibus, aliisque succedentibus qui animæ curâ indigebant, & quorum salutem quærebat, delectabatur, ut cœlestis archia-ter infirmis eorum animabus mederi. Erat enim super hoc officio ei deputata Cellula, quam Fratres Confessionem vocabant, in quâ per Dei gratiam in se habitantem isdem vir beatus multorum hominum scelerum enormitate devias per confessionis humilitatem, & suæ precis interventionem divinæ misericordix restituit animas; sicque reverâ effici meruit, cui divinus sermo competenter diceret: *Si feceris dignum ex indigno, quasi os meum eris*.

Sed quod unquam bonum non sequuta est ac æmulata invidia? nam Clerici multi, quorum, pro dolor! studium existerat melioribus invidere, non considerantes quia lege non stringitur sancti Spiritus donum, nostrum Equitium verbis venenatis carpebant, cur absque Apostolici licentiâ homo non Episcopus prædicare auderet, & peccatorum confessio-

nes, seu conversiones cur præsumptor non sui officii inquireret, oblatrantes. Hoc nequam rumore aliquorum animos corruptentes, id tandem peregerunt, ut Papæ Romani auribus hæc hominis Dei gesta insonarent: quique cum bonitatis ejus ignarus voces detrahentium dijudicare nequiret, dedit suæ auctoritatis præcepto mandatum, ut homo, quem temerarium fama ferebat, ad Sedem Apostolicam vocaretur, suæ præsumptionis, ut dicebant, rationem Papæ daturus.

**G**ERVINUS itaque edicto Papæ accitus, ovans expetit Romam, supernum sibi non defuturum juvenamen confisus. Et ubi à Papa potuit conspici, illud reverendissimæ vitæ virum ipsa vultus habitudine contuens ipse Papa, ipsam quæ in illo habitabat magnificè veneratus est divinitatis præsentiam. Denique venienti assurgit, satisque humiliter pacis osculum ei præbuit: dein jubet secum residere, & ut ei solitum erat cœlestia coram eo verba tractare. Sanè cum illi relationem prælibatæ detractationis intimavisset, & ab eo an illa quæ dicebantur arripuisset, aperiri sibi poposcisset, Gervinus proponit scripturarum exempla quæ præcipiebant; eos qui ducuntur ad mortem liberare ne cesses. Itemque Jacobus Apostolus dicit: *Scienti bonum, & non facienti, peccatum est illi*. Quoniam quidem ergo, ait, Domine mi Papa, meæ humilitati boni scientiam præstitit misericors Deus, jubetisne ut commissam verbi scientiam subtrahens, cum pigritanti servo damnationem incurram pro non dispensatâ pecuniâ? Simul & considerari decet quod Jacobus item Apostolus ait: *Si quis converti fecerit peccatorem ab errore viae suæ, salvabit animam ejus à morte; & operiet multitudinem peccatorum*. Si igitur peccatores convertens, non tantum illorum animas salvo, sed & pro impensâ charitate mea quoque peccata diluo, videatur, inquam, an talis operatio sit colibenda à summo Pastore; ut scilicet non sit copia cuilibet devoto charitatis exequendæ. Ille igitur verè Apostolicus Pontifex Leo, qui bona non arcere, sed semper augmentare cuperet, tam utilem & tam proficuum intentionis rationem audiens, lætior efficitur. Et quia Ambianorum Præsulem tunc temporis FULCONEM non animarum saluti, sed volucrum captioni & ferarum venatui studere compererat, tali auctoritate roborat venerandum Abbatem, his cum verbis confirmans: « Nequaquam aman-  
tissime Frater, ob invidorum susurria vel detracta-  
tiones, tantam pereuntium animarum consolatio-  
nem deinceps refugies operari, quo & Dominicæ  
vineæ fructus te cultore accrescat, & te pro im-  
pensis laboribus Christi Domini gratia comitetur,  
absque dubio æternâ mercede quandoque mune-  
randum. Ecce auctoritate Domini nostri, & Beati  
Petri Apostoli, ac nostrâ non solum auctoritate,  
sed etiam deprecatione concedimus & imperamus,  
te in recipiendis scelestorum confessionibus, &  
tradendâ pœnitentiâ nostri officii participium te-  
nere; ut quæ ligaveris, Christi Domini auctoritate  
ligata, & quæ solveris, ejusdem Domini misera-  
tione sint soluta. » Hæc dicens sanctus Papa, si-  
mul & sandalia offert, jubens ut his Gervinus uta-  
tur; ut qui prædicationis exercebat studium, prædi-  
catoris insignibus ornaretur. Venerabilis tamen Ab-  
bas custos veræ humilitatis, eadem ornamenta re-  
cusavit, dicens, sibi sufficere solam Apostolicæ li-  
centiæ auctoritatem ad exercendam circâ infirmas  
animas divini verbi stipem. Multimodo igitur fa-  
vore Pontificis auctus regreditur, & cœptum Domi-  
ni opus quo liberius, eo melius latiusque reincipit  
exercere.

Verum quia se præbuit occasio, æquum valde putamus, breviter istuc scribere, ille de quo fuit

mentio, qualis quantusque fuerit. Leo Papa, natione Teutonicus, parentum excellentissimâ nobilitate præfulgens, & cœlesti visione denuntiatus ante quàm natus; in Lotharingâ mundo processit. Qui sacris litteris atque liberalibus studiis acutissimè eruditus, & per omnem pueritiam juventutemque & adolescentiam, timoratæ mentis honestatem conservans, electione Cleri & populi, Ecclesiæ Tullensî ordinatus est Episcopus, cum jam ejus propinqui, viri Imperiales, de Romano Apostolatu ei conferendo tractarent. Sanè quoniam cum nobilitate parentum non deerat ei sanctissima claritas morum, non recusavit homo inclytus pauperulæ civitatis curam suscipere, imò obtentu majoris evitandi honoris, ad hunc faciliè deductus est. Et cum Episcopus esset Tullensî oppidi, electione Pontificum cum Imperatoris assensu in Romanum levatus est Pontificem: & qui antea vocatus fuerat Bruno, propter Papatum vocari meruit Leo. Qui tantâ mentis puritate virtuteque vixit, ut per illius merita Domino omnipotenti placuerit miracula magna patrare. Qui etiam cum beatissimi Remigii Remorum Pontificis Ecclesiam dedicare venisset, venerabilem Gervinum, ut ejusdem Confessoris corpus efferret, cum aliis tribus æquè sanctis viris delegit.

### CAPUT XXVIII.

*Miraculum quod propter illum Dominus facere dignatus est.*

**G**ERVINUS itaque, Deo auxiliante laudabili vitæ operosæ insilens, & populis Christianis verbi divini semina pandens, quæ sunt cavenda intimabat, & quæ amplectenda edocebat. In tantum verò bona illius conversatio Deo complacuit, ut etiam miraculis dignaretur declarare illius devotionem. Nam quodam tempore ut quemdam iter faciens locum devenit, ubi auditâ famâ sancti Abbatis, sic enim vocabatur à populis, quædam ægrota advenit, quæ publicè cæpit omnibus referre, quid sibi divinitus esset insinuatum, quia si hujus venerandi viri benedictione potiretur, continuò sospitatem mereretur: sed cum vir Domini non adesset (nam à fidelibus abductus, eadem horâ animarum morbis consulebat in remoto) illa, quam dira angebat calamitas, in Dei nomine poposcit ut ejus virga pastoralis, quam vulgus crociam vocat, & quæ pro more summo tenus curvabatur, dilueretur aquâ, indeque potus sibi conferretur. Tunc Monachus ejusdem virgæ custos & bajulus, qui & hodie dum hæc scribimus superest, hæc ipsa testificans, nomine Radulfus, admirans fidem illius, precibus ejus annuit. Ablutâ ergo crociâ, cum illa aquam ablu-tionis epotasset, Deo volente, qui suos servos mirificat, omni malo salvata est.

### CAPUT XXIX.

*Item aliud de OLDERICO febricitante.*

**I**N castro quoque Augensi, quod est situm in ipso Neustriæ ingressu, aliud pro ejus meritis Christus Dominus peregit ingens prodigium. Nam cum illò advenisset aliquando Gervinus, erat ibidem quidam puer nomine ODELICUS, qui litteris discendis insudabat. Hic vi febrium irretitus, quid de se agere posset nesciebat: verum ubi comperit sanctum Abbatem adventasse, spe certi remedii suffultus adiit ejus familiares, precatur & obsecrat, ut aqua, quâ sancti hominis manus ablutæ forent, sibi sorbenda daretur: at illi pietate obtenti, precatis obediunt. Lavat Abbas manus, illi aquam reponunt; quâ infirmus perceptâ & bibitâ, nulla interveniente

morâ, omnimodâ caruit febre. Sanè is ODELICUS hodieque vivit, & apud Corbeiam Monachi & Abbatibus habitu vel honore potitur.

### CAPUT XXX.

*Visio Hugonis Monachi.*

**S**ANCTUS quoque Richarius nostratis loci Dominus illis diebus magna voluit ostendere miracula; ut & hoc quoque indicio sibi placitum indicaret Abbatem, cujus tempore revelabat suæ virtutis cognitionem: Nam quidam Frater ex sæculari conversus militiâ nomine Hugo honestè in Monachico habitu se agebat, qui quâdam nocte nocturnos præveniens hymnos post impensam orationem in scamno chori residebat, cum repente audivit à parte occidentali ipsius Basilicæ, in turre ubi est Sancti Salvatoris altare, voces mellifluas excelsè modulari, in quibus, ut postea ipse retulit, voces virorum ac puerorum distinctâ soni qualitate poterant faciliè discerni: quo auditu perculsus oculos illò convertit, putans aliquas adesse illic personas quæ tam suaviter cœlestia cantica resonarent: Veraciter enim sanctorum Angelorum, sanctorumque Innocentium præsentia sanctissimam, quæ ibi est, Salvatoris memoriam ac eorundem Innocentium reliquias à Domino Angilberto quondam ibi collocatas solemniter, inviserant, sed eorum species jam dictus frater videre non potuit. Verum cum intentissimè carmina eorum auscultans ineffabiliter mulceretur, vidit fusam lucem totam turrem replese, quæ se dilatans totum buticum Basilicæ cæpit implere: at Monachus videns oculis cœlestem lucem eo tendere quo beatissimi Richarii corpus quiescit, & tali visu valde permotus, ocius surrexit, & tantæ gloriæ volens testem habere, concitus dormitorium ivit, & quem primum offendit accivit fratrem, innuens ut citò surgeret seque sequeretur. Cumque ambo aditum Ecclesiæ repetissent, viderunt divino lumine totam completam basilicam, vocesque dulcissimè decantantes audierunt, & ingenti pavore concussi intro-gredi non præsumserunt, sed deforis stantes dulcifluo canore eorum corda, quæ territa erant, recreabantur. Sed & Venerabilis Gervinus idiplum expertus est: Nam cum solito more altaria orando circumiens, venisset ad eandem Sancti Salvatoris memoriam, ibique sacrificium laudis victimaret, subito lux emissâ de cœlo, totam ipsam turrem resperfit: At ille tremore tam novæ visionis concussus aufugit, & usque ad memoriam sancti Stephani Protomartyris vadens cæpit subsillere, suspectus quidnam Deus facere vellet; cum ecce inspicit eandem lucem concurrere ad honorabilem memoriam sancti Richarii; cumque ipse sacer quo beatissimi Richarii corpus pausat locus, cœlesti lumine esset repletus, & jam per cætera basilicæ loca se dilataret lumen supernum, venerabilis Gervinus nimio pavore constrictus ivit citius, & suscitavit unum de matriculariis qui religiosè se tunc temporis agebat, volens ut secum tantæ gloriæ claritatem intueretur, & ipse de nimio horrore qui eum invaserat, illius consortio respiraret. Venerunt itaque ambo, & Abbas quidem coram beati Richarii altare figens genua & palmas protendens cum lacrymis exorabat; Aedituus verò in inferiori chori parte stans hauriebat oculis ineffabilem gloriam. Hanc tantam Domini magnificentiam contuentibus eis, post modum talem lenserunt odorem, ut in comparisonem tantæ suavitatis omnia humano studio composita fœtor putarentur, pigmenta. Visæ sunt autem & quædam corporum cœlestium species, quæ corpori sancti Richarii amabilius valde se

pingebant, sed omnia exprimere refutamur, ne in-  
assuta dicentes fastidium incredulis pariamus. Illud  
veraciter comprobatur, quia postquam cœlestes ex-  
cubiti memoriæ Salvatoris & sanctorum Innocen-  
tium reliquiis honorem detulissent, ad beatum Ri-  
charium properabant: de animæ gloriâ jam ex-  
stante, & de futurâ corporis immortalitate gau-  
dium & honorem delaturi. Sed hæc occulta & ve-  
lut mystica seponentes, ad apertiora veniatur.]

## CAPUT XXXI.

*Quædam sancti Richarii miracula.*

[**A**B aquilonali plagâ Monasterii ejusdem Con-  
fessoris Domini Richarii quâdam vice orto  
pergrandi incendio, fratres perterriti tanto immi-  
nentis vulcani excidio laborantes intendunt solum  
in exportandis sacro-sanctis pigneribus, & Ecclesiæ  
thesauro: Jam enim, quod dictu mirum est, ignis  
plus centum locis super Ecclesiam sparserat, jam  
plumbum superante igne liquefcens defluebat; ex-  
portatisque omnibus penè ornamentis exceptâ sacri  
corporis beati Vigoris capsâ, nil aliud expectaba-  
tur quàm desolatio loci, & exultio quæ impræsen-  
tiarum videbatur. Jamque humanæ fragilitatis so-  
latio decumbente, pietas Dei signum præbuit ad  
manum succurrentis clementiæ; unus enim mini-  
strorum Ecclesiæ qui ad excutiendum ignem, si  
posset, ascenderat, malè tenaci suspensus manu,  
lapsus præceps ruit ad terram, eâdemque horâ ubi  
se non læsum, imò magis mortuum per se stupuit,  
resiliens Dei gratiâ & beati Richarii meritis in pedes  
stetit. Ignis autem veluti sedatus in stipulis, ubi vi-  
res non habet, ita Dei gratiâ eodem Confessore Ri-  
chario mediante abique humano auxilio extinctus  
est. quædam etiam Tornacentis pagi oculis captus  
dum moraretur Corbeix, ubi multam sanitatum  
gratiam per merita Sanctorum loco patrocinantium  
Dominus eo contulit tempore, per visum, ut perhi-  
bebat, à quodam formoso sene est admonitus ut  
Cœnobium S. Richarii adiret quantocius, quia ibi  
adepturus esset recuperationem visus: ille monitori  
obtemperans, duce sorore jam nubili Cœnobium  
adiit sancti Richarii, quodque raro evenit alicui, ad  
vesperum venienti nullus præbuit humanitatem hos-  
pitii; sicque compulsus est inhospitare tectum pa-  
radisi, ubi in duro lecto cubans pernox inelamat  
pietatem sanctissimi Confessoris. Mane intromissus  
referatis templi valvis aledit, & cum populo ad-  
stante divinis officiis, quadragesimale enim tempus  
tunc fuit, & ipse quoque devotus adstitit. Interea  
ergo ut sibi videbatur, quem Corbeix viderat fau-  
stus monitor formosus senex adfuit, utraque ejus  
supercilia manu vellit, potentique medentis impe-  
rii verbo & nocivum sanguinem per ora patientis  
elicit, & visum diu peroratum suo obedienti inficit  
& reficit. Ergo medicanti allurgens magna voce in-  
clamat, accurrentes lætâ rei ratione lætiat, fra-  
trum verò grex Deo sanctoque patrono suo Richa-  
rio laudum præconia intonat; detentus ergo ali-  
quamdiù tandem cum sorore, non tamen duce re-  
dit, non æque felici calle, nam à latronibus dis-  
poliatus & cruciatus est, ablata quoque, quam  
ipse ducebat, sorore. Quibus discedentibus, ille  
amens factus quo impetus fugæ ferebat præceps gra-  
ditur; tandemque ad Monasterium sui sanatoris ite-  
rum sanandus uti malè se habens fertur: cui in visu  
pater pius iterum medicam manum intulit, suique  
compotem factum ad propria conducit. Alter qui-  
dam ex quâdam ægritudine hebetato visu penitus  
excecatur, dum alias tendit quo divinam pietatem  
operari didicit, in somnis admonetur ut super re-

cuperatione sui beatum Richarium petat; venit,  
adfuit, perunctusque ora ex aquâ de scrinio sancti  
tactâ videns adstitit, nimisque festinus necdum  
sumptâ licentiâ recedit; sed ad portas Ecclesiæ ite-  
rum in tenebras ruit. Quid miser faceret? quem  
pium reperit, pius repetit, importunusque orator  
lumen levitatis suæ culpâ, imò Dei dispositione  
ablatus exposcit. Nocte igitur quâdam in sopore  
decubans, videt Ecclesiæ Sanctuarium seu quorum-  
dam candidatorum totum catervâ vestitum, eorum-  
que splendore totum Monasterii spatium quasi fe-  
stivâ illustratione illuminatum; tum nimirum ap-  
paruit quot seu quantis Sanctorum patrociniis hic  
locus Deo dicatus consistit. Hac verò felici visione  
ille luce receptâ, gaudens iterum parat malè sanus  
ire ad propriâ; sed occurrentibus tenebris iterum  
ad medicum cœcus redire cogitur. Cui cum se voto  
aditrixisset quoddam in omni deinceps suâ vitâ si me-  
reretur sanari, sui capitis respectum annualiter ei re-  
ferret, sanus & clarè videns cum omnium Fratrum  
gaudio & benedictione discessit, nec tertio obviavit  
tenebris, quem perfectæ sanitati commendaverat  
beatus Pater cultor Sanctæ Trinitatis. Quidam etiam  
puer scholis addictus ut litteras disceret, dum scho-  
lam refugiens in agro puerili fatuitate obdormisset  
ægritudinem incurrit, inde auditum quoque perdi-  
dit, tribusque continuis annis in lecto elanguit;  
postque sex annis tremulo capite, nec integro au-  
ditu permansit. Hic ergo ter admonitus ut Cœno-  
bium sancti Richarii adiret, ibique invocato eo san-  
nitatem reciperet, advenit, oblatoque ex voto fidei  
cereo, ubi coram altare Salvatoris peroravit, san-  
guis è naribus auribusque profiliens illum in clamo-  
rem egit: quo exciti fratres plebsque fidelis accur-  
runt, & à jam sano rem ex ordine audiunt, gau-  
dentesque de tantâ visitatione Dei per pius patro-  
num suum, laudes in excelsis attollunt. Quodam  
verò tempore cujusdam rei oportunitate beati Pa-  
troni nostri S. Richarii sacrum corpus comitantibus  
fratribus ad villam Alliacum ferebatur: Cumque  
ineundo per Buxudem villam nostram transitus ha-  
beretur, contigit ut in unâ domunculâ moribunda  
jaceret quædam mulier ante plures annos membris  
omnibus dissoluta; dum verò per eandem casam  
Sanctus Domini transferretur, dumque de contrâ  
jacentis venisset grabatulum, illicò mulier exiliens  
cœpit clamare & dicere; laudo & benedico Domi-  
num Omnipotentem, qui mihi per Domini mei S.  
Richarii præsentiam integram reddidit sanitatem.  
Hoc itaque miraculum illi beatissimi Benedicti mira-  
culo comparandum videtur, nisi quod amplius stu-  
pendum est hominem Deo jam sociatum, tanto-  
pere humanæ infirmitatis compassionem habuisse,  
ut solâ suorum ossium præsentia ægrotam exerxit,  
quàm illum qui quamvis sanctissimus, adhuc ta-  
men carnis obses, miseris hominum concurrere ipsâ  
rerum importunitate trahebatur. Verumtamen hæc  
dicentes non eminentia beati Benedicti merita con-  
trahimus, sed istius Patris nostri factum admira-  
bile pro posse prædicamus. Jam verò quis enume-  
rare queat quanti vinculati & catenati dum illum  
invocarent, exstiterunt liberati: Hæc itaque inte-  
rim sufficiat nos dixisse, quia quæ sine fine quam-  
diù mundus steterit gerenda sunt, litterarum inge-  
nio à nobis circumcludi non poterunt.]

## CAPUT XXXII.

*De libris quos contulit: & quam studiosè requisie-  
rit corpus S. Angilberti Abbatis.*

**I**gitur Abbas bonus in boni loci reparatione  
vel custodiâ studiosâ curiositate pervigilans,

diruta restitueret, extructa conservare. & aptis tegiminis munire insistent, animarum quoque salutem devotissime consulens, regni cœlorum sibi ingressum aptabat. Inter cœtera verò, quæ loco nostro contulit, multorum librorum copiam ad ædificationem ibi Deo servientium præparavit. Et quia hæc ipsa quæ condimus ad hoc scribuntur, ut futuri horum incitentur exemplis, utile credimus apponere de eisdem, quæ venerabilis GERVINUS nobis contulit voluminibus notamina.

Epistolas Ignatii. Ecclesiasticam historiam Eusebii Cæsariensis. Ambrosii Apologiam de David, de Joseph, de Noë, de Abraham. Ambrosium de Trinitate ad Gratianum Imperatorem. Item ad eundem de Spiritu sancto. Ambrosii pastorem. Ambrosium de Sacramentis; De obitu Theodosii. Contra Auxentium. De basilicis tradendis. De sanctis Martyribus Gervasio & Protasio depositis & inventis. Ambrosium de morte Satyri; de Incarnatione Domini, & alia quædam ejusdem.

Gregorii Nazianzeni Apologeticum: ejusdem de Epiphaniis, de Pentecoste, in semetipso de agro regresso. De Jeremiæ dictis. De grandinis vastatione.

Hieronymum virorum illustrium. Epistolas Hieronymi. Hieronymum super Zachariam. Hieronymum super Isaiam. Augustinum super Joannem vol. I. August. contra v. hostium genera. De sancta Virginitate I. De bono conjugali. Ad Simplicianum Episcopum de diversis questionibus. Ad quemdam Comitem. Ad Paulinum Nolensem, de curâ pro mortuis. August. super Psalterium volum. III. August. de naturâ & origine animæ. August. de conjugii adulterinis. August. de jejunio Sabbati. August. de Symbolo. August. de IV. virtutibus caritatis. De Cantico novo, de ultimâ IV. Feriâ. De Catalysmo. Contra Felicianum. De tempore barbarico. De Trinitate. De decem chordis. De quantitate animæ: ad Inquisitiones Januarii. De Solemnitate Paschali. De Pastoribus. De Ovibus. De Perfectione justitiæ hominis. Contra mendacium. Item August. de mendacio. Item August. de Avaritiâ & Luxuriâ. De Prædestinatione Sanctorum. De Doctrinâ Christianâ. De Agone Christiano. De Vitâ Christianâ. De Disciplinâ Christianâ. De gratiâ Novi Testamenti. Confessionum ejusdem libros XII. Retractionum. De Hæresibus ad Quod-vult-Deum Episcopum. De Charitate super Epistolâ Joannis Apostol. Enchiridion contra Judæos. Sermones ejus.

Joannem Chrysostomum de Compunctione cordis. Ejusdem, Quod nemo possit ab alio lædi, nisi à se prius fuerit læsus. De Reparatione lapsi. De Pœnitentiâ. Librum Laurentii de tribus temporibus pœnitentiæ. Item Joannem Chrysostomum. De conversatione vitæ. De Oratione Dominicâ. De Psalmis.

Registrum Beati Gregorii Papæ. Quintam partem, & sextam Moralium ejus in Job. Homelias ejusdem super extremam partem Ezechielis Prophetæ. Codicem de Canonibus. Paschasium de Corpore & Sanguine Domini. Tripartitam historiam.

Codicem magnum de passionibus, & gestis sanctorum Apostolorum, & plurimorum Martyrum cum vitâ sancti Mauri. Vitas SS. Patrum Eremitarum. Vitas SS. Basilii, Remigii, Vedasti, Fursei, Ambrosii, Lupi, S. Mariæ, Germani Autissiodorensis, Romarici, Augustini, Hieronymi, Amandi, Guandregisili, Audoeni, Ansberti, Mariæ Egyptiacæ, cum Translatione Beatissimi Benedicti in I. volumine. Item vitas SS. Richarii, Augustini, Hilarii, Columbani, Iulgentii, Medardi, Firmini,

Salvii, Bertini, Bavonis, Vitoni, Martialis, Severini, Felicis; simul & passiones SS. Hermagoræ Episcopi, Georgii, Blasii, Mennæ, Theodori, Lamberti, Timothei, & Apollinaris, Perpetuæ & Felicitatis, Anastasiæ, Sabina, cum vitâ S. Genovefæ, in uno volumine.

Hæc omnia venerabilis Gervinus in xxxvi voluminibus compingens, gravi & inabsolubili anathemate condemnavit quicumque ea sancto loco demere, & qualibet occasione subtrahere auderet. Non solum librorum, sed & palliorum, cæterorumque quæ vel ipse aggregarat, vel à suis antecessoribus aggregata invenerat, ornamentorum perpetualiter excommunicavit fraudatorem.

Enimverò quoniam illo tempore Domni & S. ANGILBERTI Abbatis tumulus certissime non sciebatur, & ob hoc nullo terreno honore potiebatur, quamvis ejus celeberrima memoria in ore universorum Franciscorum vel Pontivorum, atque aspectu egregii templi quondam ab eo fundati resplenderet, studuit venerabilis Gervinus quibus poterat conatibus ejusdem sancti viri corpus perquirere, quod, si Dominus ejus votis annueret, posset illud condigno exaltare honore. Denique quodam tempore ivit Cœnobium Gorziam, quod est situm in confinio Metensis civitatis, ubi inventum codicem, qui de ejusdem sancti viri, aliorumque nostratum Abbatum gestis aliqua retinebat, ab illis Fratribus mutuavit, Centulam detulit; in quo scilicet repertum est, quomodo sanctus Abbas Angilbertus terreni corporis molem relinquens XII. Kalend. Martii transivit ad gloriam. Et quia ad eo tempore quo sub Guaramundo Pagano combustum fuit Monasterium, usque ad hanc cognitionem Centulenses Monachos dies transitus ejus latuerat: magno iidem Fratres exilarati sunt gaudio ob quod diem cognovissent, quo tantus vir pro vitæ virtutumque merito honorari deberet. Igitur Gervinus, qui merito vir desideriorum dignus est dici, cupiens, ut dictum est, eundem Sanctum dignius honorare, cœpit perquirere ad fores Ecclesiæ, quo compererat illum primo tumultum fuisse, sanctam corporis ejus glebam; & illius quidem non ibi corpus invenit, sed in eodem quo pausaverat sarcophago invenit lecticam ligneam coriatam Domni NITHARDI, filii ejus. Abbatis & Comitis corpus continentem sale perfusum: in cujus capite videbatur illa percussura, qua eventu prælii fuit occisus. Recidens itaque eundem tumulum, aliorum eum querere cupiebat; sed quod quæreretur, nesciebat, nisi potentia divinæ Majestatis per quemdam Monachum in hac re eum direxisset: nam persuasit ille frater, nomine Teudoaldus, sæpe fatum Sanctum investigari debere in ingressu chori à parte Occidentali, ubi videlicet in superficie pavimenti scriptum habebatur, Rex. Lex. Pax. hæc autem quatuor partes in illius antiquo epitaphio primæ fuerunt & ultimæ: & harum monosyllabarum partium ratione affirmabat idem Teudoaldus oportere considerari, quoniam ille qui ipsum reposuerat, ob hoc super illum has epitaphii ejus syllabas censuit describi, ut earum similitudine querenti innueretur, quo Sancti corpus Angilberti quiesceret. Venerabilis Gervinus hæc audiens acquievit, & quod anhelanter sitiebat, sanctum Angilberti Abbatis corpus invenit. Eadem verò horâ quâ repertum & discopertum est, mirificæ suavitatis odor emanavit; & non solum hi qui ibi aderant suavissimo afflati sunt odore, verum & omnes qui in ipsâ erant quovis loco Ecclesiæ admirabilem fragrantiam perleserunt, in tantum ut hodieque testetur Dominus Radulfus cognomento Benignus, quod eadem inventionis horâ super valvas cryptæ

S. Angilberti  
Inventio &  
Translatio.



sedens & scribens, dulcissimo sit refectus odore. Erant verò ipsa sancta ossa confuso ordine conglomerata, pallioque viridi obvoluta. Unde certum est post Ribodonem Abbatem qui eum integrum transtulerat, ab aliis fidelibus timore paganorum itatenus eum fuisse repositum. Inventi autem sancti thesauri gaudium illa fuscabat ratio, quòd nullum scripturæ vel chartæ indicium reperiebatur, quæ illud Angilberti fuisse corpus testaretur: sed piæ Abbatis vel Fratrum curiositati divina citò providentia consuluit, quæ suprà nominati Fratris Teudoaldi cordi immisit, ut ejusdem Sancti caput accipiens curioso oculo rimaretur: quod dum faceret, invenit in repagulo narium brevem membranulam, quâ omnis dubietatis anxietas ablata est. Si quidem eadem paginula apertè manifestavit veritatem, dicens, **HOC ESSE CORPUS SANCTI ANGILBERTI ABBATIS.** Sic quæ cupierat venerandus Pastor adeptus, eundem Sanctum cum honore relocavit; semper deinceps celebrari ejus memoriam instituens. Sancti quoque Confessoris Caydoci, sociique illius corpora à terrâ levavit, & eorum Reliquias decentius collocans, fidelibus populis honorandas censuit.

## CAPUT XXXIII.

*Qualiter à Domino correptus sit.*

**P**ostquam Venerabilis Gervinus [ multis ] mundum in maligno positum suæ sanctæ vitæ illustrarat exemplis; postquam multas peccatorum animas sanctis monitis instruendo de perversitate traxerat ad correctionem, & de fauce diaboli erutas Christi omnipotentis resignaverat gratiæ; postquam almi sui Confessoris Christi Richarii Ecclesiam Fratrum numero & religiositate, ædificiis, libris, palliis, auro & argento, variisque decorarat & augmentarat ornamentis; cum & omnium populorum laude ac præconiis attolleretur, & ejus sacer ac immaculatus cælibatus omnibus sanctæ Ecclesiæ membris appareret mirabilis, volens pius Pater Deus eum sibi omnimodis aptare, ut juxta vocem Prophetæ omnis illius ad purum excoqueretur scoria; morbo lepræ eum percussit, ut si quidpiam minus in Dei peregrisset servitio, in istâ vitâ reciperet, vel si aliqua pro benè gestis laudis humanæ eum cupido vulnerasset, similiter purgaretur: cujus mali ut primam potuit sentiscere originem, non putans fore inextricabilem illam infirmitatem, medicorum sibi studuit adhibere peritiam, quòd, Deo annuente, infirmitatibus animarum adhuc succurrere non præpediretur. At ubi recognovit se à Patre benigno irrevocabiler quantum ad carnem percussus, totis præcordiis in Deum refulis magnas gratias suo rependebat flagellatori; indefinenter exorans Dei pietatem, ut hæc corporis molestia ad animæ proficeret sempiternam salvationem. Igitur cum, ut omnibus notum est, ille talis morbus ei abstulisset vocis facultatem, non tamen omittebat quin ea omnia compleret, quæ suprà signavimus ab illo geri, id est, prolixitatem orationum, genuflexionum continuationem, sacrarum adium circuitionem, sacrorumque Canonum de sanctâ Trinitate, de Spiritu sancto, deque sanctâ MARIÆ, de Omnibus sanctis expensionem. Et cum ad cibum sumendum, ad requiem capiendam præ infirmitate deficeret, ad hæc omnia divini officii obsequia deficere nesciebat. Idem semper in orationis assiduitate, in Psalmorum recitatione, in exhibendâ Fratribus admonitione exsistebat, præter quod infirmitatis qualitas à cœtu Fratrum eum aliquando segregari cogebat. Verum cum ipse semet hac ratione volens arceret, illorum tamen quos educarat dul-

ci affectu, ut pater bonus, piæque sedulitate vallabatur.

## CAPUT XXXIV.

*Ubi successorem sibi à Rege poposcit: & quàm solerter obitum suum Fratribus commendaverit.*

**L**atius ergo latiusque aggravescente ipso langore, cum agnosceret se non prævalere ad conservandam curam animarum valetudine præpediente, advenienti fortuitu Regi Francorum tum juveni Philippo sui allegavit causam languoris, orans ut Monasterio quòd ipse pro posse bonis ampliarat, talis daretur Pastor & Custos, qui congregata non disgregare, sed disgregata nosset unire: flagitavitque ut pius Princeps cederet suo regimen nepoti, quem & dicebat ad tale opus sat eruditum, qui erat sancti Remigii Monachus, nomine GERVINUS. Et quia omnes qui eum nosse poterant, non illi obedire uti sancto viro putabant sacrilegum; Rex præfatus annuit, & ut suus post se regimen obtineret nepos concessit.

Anno igitur Dominicæ Incarnationis **MLXXI.** Finito mense Octobri, die **x.** Kalend. Novembris Ind. **ix.** ordinatus est secundus GERVINUS Centulensis Monasterii Abbas. Reverendissimus autem avunculus videns se magis ac magis corporis viribus destitui, & magni languoris urgeri gravamine, ac per hoc diem mortis non multum differendum sentiens, indefessè Domini precabatur sibi quantocius misericordiam advenire. Anno quoque suæ ægritudinis **iv.** fervescere nimis sæpe fato malo, ita angustiatum est, ut fissis & partitis naribus & labris, cæteraque cute in hispidam versâ faciem, vix posset verbum formare. Sed cum infatigata divini verbi meditatio in eo permaneret, duobus Fratribus; aut sæpe uni, jubebat ea omnia coram se adimplere, quæ dudum meminimus illum valentem omnia persolvissè. Evenit autem intrante Dominicæ Nativitatis anno **MLXXIV.** Ind. **xi.** ut **ii.** die mensis Februarii, quâ Domini nostri **JESU-CHRISTI** ab intemeratâ Virgine Matre celebrata in templum oblatio, & justi Simeonis perfecta est expectatio; ex devotione quæ apud illum nunquam frigerat Missam faceret in cryptâ nostræ Dominæ Sanctæ **MARIÆ**; in quâ solito acerbius dolore anxius, vix valuit inchoata mysteria perficere. Quibus tamen per Dei gratiam, quæ in illo commanebat, ritè peractis, nimio angore fatigatum dextrâ levâque sustentando ad cubile Fratres reducebant: cum subito inter mæstorum filiorum colloquia hæc ipse admisit verba: *Noveritis, ô dulces Filii, me hodie à Dominâ nostrâ S. MARIA accepisse licentiam abeundi.* Illis interrogantibus quorsum ire deberet: *Ubi;* ait; *semper cupivi, & pro quo Dei pietatem semper precatus sum.* Fratribus verò dicentibus adhuc illum vivere posse, & Domino omnipotenti sacrificia ejus manibus fore offerenda, subjunxit, inquit: *Nunquam amplius Frater Gervinus, Missam cantabit.* Exin quotidie in majus excrecente dolore, assatim decubuit. Superveniente autem Quadragesimali observatione, in ipsâ feriâ **iv.** quam caput jejunii vocat consuetudo Ecclesiæ, convocavit Fratres natu majores, & sacerdotii gradu ornatos, & quantocumque annisu valuit exurgens alledit; illisque coram, tum demum sic ora resolvit: *» Ut Beatus Germanus Fratribus Cœpiscopis dixit, sic & ego filii vobis dico. Commendo vobis, carissimi, transitum meum; sentio enim proxime mare horam, quâ diù à Domino exquisita mihi salus proveniet. Et hæc meæ semper fuit orationis intentio, ut in his sanctis diebus, qui modò superveniunt, meum misericors Deus obitum fieri imperaret:*

1071.

1074.

» imperaret : verum quia , ut confido , meis fau-  
» rus est votis , volo vobis in conspectu Domini con-  
» fiteri mala quæ feci , & de quibus animæ meæ ti-  
» meo : credens quoddam hæc confessio pietate Domini  
» præeunte , & vestro intercessu adjuvante , me mun-  
» dabit. « His ab eo dictis , & Fratribus ubertim la-  
» crymas fundentibus , recitavit coram illis gravia  
» quadam , & quæ nunquam cum fecisse noverant  
» omnes. Denique octo principalibus vitiis sese onu-  
» stum denuntians , in mirum redegit Fratres stupo-  
» rem , qui ejus ab infantiæ cœlibatum vitæque inno-  
» centiam optimè compererant : qui & dicebant : ut  
» quid , bone Pater , taliter te inculas , cum manife-  
» stum sit te non fecisse quæ adstruis : certè homici-  
» dium , adulterium non perpetrasti. Quibus ipse ref-  
» pondit : Parce , Frater , parce , quæso , &  
» meam animam nolite gravare : nam si sub meâ  
» curâ aliqui perierunt , quod fortasse omitti non po-  
» tuit , profectò in Dei judicio pro eorum animabus  
» reus tenebor. De adulterio autem audite quid  
» Christus veritas dicat : *Qui viderit mulierem ad-  
» concupiscendum eam , jam mœchatus est in corde  
» suo.* Fieri autem non potuit , ut non hac aliquan-  
» do illeçtus fuero lasciviæ voluntate ; ob hocque  
» ita reus existo quod voluerim , ac si opere perfe-  
» cissimè. Hæc & alia se inculando exprobrans ,  
» commendavit Deo & eorum precibus sui exitus tu-  
» telam.

CAPUT XXXV.

*Qualiter se sepeliri mandaverit : & obitus ipsius.*

**I**Ntrante igitur sacri jejunii consuetudinariâ ob-  
» servatione , grabato tenebatur , ablata omnimo-  
» dâ canendorum psalmodiarum , vel quidpiam loquen-  
» di possibilitate. Et tamen cursus spirituales coram eo  
» incessanter recitabantur. Nec enim omisit , quin ,  
» uti valens assueverat , omni die Quadragesimæ to-  
» tum Psalterium per unum è Fratribus , quia per se  
» non poterat , decantaret. Fratres ergo videntes eum  
» jamjam in mortem resolvi , juxta S. Jacobi Apo-  
» stoli mandatum , oleo benedicto perungentes eum ,  
» valde alacrem tali obsequio effecerunt. Interroga-  
» tus autem ubi vellet suum corpus sepeliri , nullum  
» locum voluit designare , hoc in eorum collocans ar-  
» bitrio. Sed cum amplius à Fratribus flagitaretur , ut  
» sepulturæ locum ipse sibi designaret ; Dicerem ,  
» inquit , vobis meum super hac re velle , & vos  
» non illud impleveritis. Tunc Fratres qui reverâ ef-  
» sent parati , in quocumque quamvis sancto eum  
» sepelire loco , omnino se impleturos quæ jussisset ,  
» sponderunt. Et ille , ait : Scio , inquit , quia  
» non facietis : verum si faceretis , magnum mihi  
» proveniret inde scelesto remedium. Neçtenes pe-  
» di meo restem , trahite me , & projicite in ster-  
» quilinum in medio platearum , quia non meliori  
» dignum me credo sepulcro. Hæc Fratres audien-  
» tes , iteratos planctus continuant. Oravit autem ,  
» ut quâcumque horâ exitus ei advenisset , statim in-  
» trâ sancti Richarii Basilicam eum ferrent , spiritum  
» Deo inibi redditurum. Jamque sacri jejunii evoluta  
» fuerat prima septimana , & secunda ducebatur ,  
» cum ecce venerabili Gervino , & utique jam beati-  
» ficando imminabat salutaris transitus. Nam feriâ  
» III. secundæ hebdomadæ quæ habebatur v. Nonas  
» Martii , post finitos matutinos , Fratres solliciti eum  
» viderunt , inveneruntque eum extremum flatum tra-  
» hentem. Innuebant ergo alterutrum quoddam morere-  
» tur. Quod ipse adhuc sentiens , manu propriâ in-  
» nuit eis ut ferretur in Ecclesiam. At Fratres eum ac-  
» cipientes sustulerunt , & strato cilicio ante sancti  
» Joannis Baptiste , quod vicinum erat , altare posue-

runt. Dein opposito obtutibus ejus crucifixi Domi-  
» ni signo , & super pectus ejus posito reliquiarum  
» uti ipse disposuerat saccello , congregatio tota in-  
» choavit litanie supplicationes ; Sanctos Dei ut ei  
» succurrerent invocantes : à quibus cum dicebatur ,  
» *Sancta MARIA ora pro eo* , ipse qui jam fuerat in  
» morte compositus , tetendit manus ; orans & ipse :  
» *Sancta MARIA ora pro me.* At ubi ventum est ut  
» diceretur , *Sancte Richari ora pro eo* : absque om-  
» nium spe mirabiliter se surrigens , manusque altius  
» protendens , lacrimando clamavit : *S. Richari ora  
» pro me.* Post hoc quietior factus , cum Fratres Li-  
» taniâ finitâ , & initiatâ commendatione fidei , illò  
» usque venissent , ut dicerent , *Suscipiat te Christus* ,  
» ille ad hæc verba spiritum efflavit. Quod ubi inno-  
» tuit , inedicibilis & infinitus subito Centulam om-  
» nem mœror excepit ; flebant viri obitum tanti Pa-  
» storis , matronæ vociferantes cum crinium evulsio-  
» ne sancti Abbatis hominis Dei mortem dolebant.  
» Nec mora , ruit omnis provincia Pontivorum ad  
» exequias viri Dei , & consideratione tanti obsequii  
» omnis necessitas mox abdicatur. Conveniunt in Ba-  
» silicam , & verè desolatam domum elatis vocibus  
» plangunt. O , inquit , Sancte Richari , cur talem  
» tui honoris tam citò sinisti mori amatorem ? Bone  
» Confessor , cur non tam bonum tibi reservasti fa-  
» mulique tuis conservatorem ? Sic viri , sic fœmi-  
» næ , sic nobiles , ignobilesque optimi viri mortem  
» lugebant.

CAPUT XXXVI.

*Sepelitus ejus , & epitaphium.*

**N**Udato itaque ad lavandum corpore ejus , tanta  
» enituit gratia membrorum , ut ipsam cutem  
» non putaretur quilibet morbus unquam fœdas-  
» se. In ipsis autem genitalibus tantus virginei honoris decor  
» apparuit , ut non tam virilia quam venerabilia sep-  
» tennem puerum imitarentur. Ex assiduitate autem ge-  
» nuflexionum in poplitibus seu cubitis inventa est ob-  
» durata cutis excrevisse ; & qui ejus studia , vitamque  
» nescisset , hujus consideratione rei contemplationi di-  
» vine ejus semper hæsisse animû liquidò cognovisset.  
» Componentes ergo ipsa sancta ossa , ( nam , carnes  
» tam abstinentiâ , quàm morbo defecerant ) tulerunt  
» in potiorem locû Ecclesiæ , devotis excubiis , uti mos  
» est , animam Deo commendantes. Missarum itaque  
» solemnibus ab Abbatibus , & à cunctis qui adfuerunt  
» Sacerdotibus copiosè expletis , sepultus est servus  
» Dei GERVINUS Abba Venerabilis ante altare beatæ  
» MARIE in cryptâ Orientali , cum universorum , id  
» est , Comitum Guidonis . Abbatum , Procerum , Mi-  
» litum , vel generalis vulgi gemitu & dolore. Guido  
» sanè Comes Pontivorum indulgendo remisit pro il-  
» lius amore omnes consuetudinarias exactiones , quæ  
» sibi debebantur in Novavillâ. *Super sanctam* , in-  
» quiens , *sancti GERVINI tumbam hoc donum pono.* Ge-  
» sta sunt hæc Centulo anno Verbi Incarnati MLXXIV.  
» Indict. II. regnante Philippo Francorum Rege anno  
» XIV.

EPI TAPHIUM.

*Inclitus iste Pater , demon per quem vixit ater ,  
» Hos pius in populos dormit in hoc tumulo.  
» Ardua rectarum scandens qui ritè viarum ,  
» Corporis assiduum martyrizator erat.  
» Regula virtutum , rectorum lux Monachorum ,  
» Exstitit à puero corpore virgineo.  
» Tunc sic florentem , studiosè iusta docentem ,  
» Mars tua tertia lux abstulit , itque redux.*

Eodem anno obiit WIDO Ambianensis Episcopus ,  
» nostri loci amator præcipuus. Abbate venerabili Ger-

Mores Ger-  
» vini junioris

exprimuntur,  
qui longè ab-  
sunt à sancti-  
tate senioris  
ejus avunculi.

vino de luce præsentis subtrahito, successit ad regimen Centulensis Cœnobii alter GERVINUS longè impar priori, licet esset ipsius ex sorore nepos, nutritus & eruditus in S. Remigii honorifico Cœnobio. Hujus fuit lingua docta, & actio impedita: ut pote qui regiminis curam convertit ad mundi gloriam, & animarum lucrum redegit in sæculi oblectamentum. Abundabat tamen eodem tempore istud sacrum Cœnobium religiosarum personarum, graviumque Monachorum stabili honestate, quorum vita vel conversatio famâ laudabili enitebat in omni Francorum loco. Erant enim quidam illorum de tempore venerandi Angelranni, boni magistri boni discipuli, & pluriore de recenti memoriâ laudabilis Gervini, quorum vita & mores videbantur secundo Gervino arenâ ponderosiores, ferro duriores, & chalybe acutiores. Horum continentia, & probitate admodum refrænabatur intemperantia levitatis ejus, quorum monita, & coercitiones verborum ex toto recusare non poterat, non tantum propter Dei timorem, quantum propter sæculi favorem eorum prudentiæ sæpius acquiescens. Seniorum igitur Monasteriū fixâ charitate honorabatur, tolerabatur, expectabatur, si quando dedisset Deus, in cor ejus spiritum corrigendi. Quâ de re vicibus assidue fiebant orationes Missarum vel psalmodum ad Deum pro eo, dum expectaretur vel aliquorum conversus imitator efficeretur sancti avunculi. Astutia verò & simulatio ita in eo redundabat, ut si quis eum nesciret, ex affluentia sermonis illius totius honestatis hominem æstimaret. Fulgebat eloquio, verbis ad omnem gratiam compositis: nihil tamen rectum in opere demonstrabat. Pictor verborum demulcendo turabatur sensus auditorum, ut nescirent evadere de verborum ejus artificiosa calliditate.

Ipsè denique me inter alios quamplures monachizavit, & in corde tenero quasi in molli cerâ gestorum suorum imaginem non imitandam, sed abjiciendam compressit. Triennio autem post meam intromissionem elegantissimum puerum ANSCHE-  
RUM, suum postea successorem, Monachorum victus unanimitate, gemebundus in Cœnobium assumptus: timebat enim jam tunc, ne puer egregius aliquando suæ contraheret vesaniæ, & idcirco non pater, sed pirata eundem puerum remisit ac negligenter enutrire fecit, quod illectus juvenili facilitate nullam honestatis portionem hauriret, pro quâ, vel per quam ad honoris cumulum provehi potuisset. Puer verò jamdictus tam per se quàm per amicos parentumque clientes animadvertens dolos ejus, dedit operam moribus dulcissimis, ut amabilis omnibus haberetur. Domnus verò Gervinus quemdam habebat nepotem nomine CASARIUM, in S. Remigio Monachum factum, cui cogitabat conquirere regiminis successionem. Sed vix tibi vesana calliditas! tu ipse nunquam Abba fuisses, nisi benedicti avunculi tui sancta vita meruisses. Si volebas de tuis heredem supponere, quare non te talem egisti, cujus gratiâ tuus nepos ad honorem debuisset ascendere? Vidi multoties, & audivi sæpius quod seniorum Monachorum non parva multitudo amare gemescebant illius vesaniæ, & ut scriptum est, *Ore suo benedicebant, & corde suo maledicebant.* Sed jam sufficiat hominis infelicitatem tantisper fore cognitam, ut habeat posteritas exemplum quid fugiat, & de bonis incitamentum ad virtutes capiat. Dicamus de bono si quid fecit. Turrem S. Salvatoris, quæ propter antiquam combustionem crepitis patentibus discissa videbatur, dejicere inchoavit, ut hac deletâ meliorem & firmiorem restauraret, statimque sequuta est Basilicæ magna ruina, quæ omni genti Pontivorum gravem incussit mœrorem; nun-

quam enim credebatur restaurari posse tantæ honestatis Basilica, vel in quartam generationem. Quid plura? statutum fuit, ut propter opus quod putabant irrecuperabile, ad quærenda solatia sumptuum amabile corpus Patris nostri Richarii per vicina castella deferretur, ut devoti populi donariis novum opus Basilicæ fundari valuisset. Venit dies hæc agendi. Adest Comes Pontivorum Wuido cum multis Nobilibus, confluebat maxima multitudo vicinæ colonie ad novum spectaculum. Paratis crucibus & vexillis, antelatis cereis, cum honore competenti levatur Sanctus à proprio altari.

[*Maximus ille dolor Monachorum pessimus horror Vocibus excessit, vox lætitiæque recessit*

*Conticuit cantus, mox cœpit surgere planctus, Sternuntur Monachi, memorantur tempora Daci Qui combusserunt, qui non combusta tulerunt. Esse sibi melius quàm quoquam tollere sanctum; Sternitur & vulgus, fit clamor denique multus. Eheu quid facimus, scelus hoc per quanta subimus? Hic noster Dominus calebs Pater almus optimus Qui semper fuerat sic dives nec peregrinus, Dimittet sedem, viduabit claustra & adem Et mendicabit, alienas res habitabit? Hæc sua stat tellus, nobis manet ipse novellus Carior almifluus qui protegit omne patronus, Et dimitemus non dando quidquid habemus. Siste Pater gressum, ne quem patiare regressum Ante mori volumus, quàm te pastor careamus Te proceres plangunt, te plebis pectora clangunt Sancte Pater remane, non fiet tempus mane Quidquid opus fuerit satis hoc latomus habebit. Gaudebit patria, lætabitur hæc tua turba Hæc sic dicentes capsam sanctique tenentes, Cum lacrymis multis altaribus hic viduatis. Cantica psallentes, cum psalmis undique flentes, Pignora restitunt quibus omnia gaudia credunt.]*

Magnis autem precibus, multisque persuasionibus cor populi ad hoc vix pertractum est, ut amabile corpus beati Patroni vel usque Abbatis-villam ferretur, quatenus devotio plebis ibidem manentis de benedictione beati corporis optabiliter reficeretur, & ipse Sanctus multis donis honoratus, sequenti die referretur. Totus simul concurret Pontivorum populus, æternum opprobrium reputantes, si Sanctus longius efferretur. Mane etenim sequenti revehitur Sanctus, tantis gaudiis, tantisque cantibus comitatus, ut lætitiæ magnitudinem vox mortalis non posset exponere. Quo suis sedibus restituto, populus Centulensium in unum congregatus pari voto, promptoque animo dederunt unumquique munera Sancto, ad restorationem Ecclesiæ, vel turris, olim dicatæ nomini Salvatoris.

*Vaccas atque boves & equos, & oves tribuerunt. Cappas, mantellos, anulos, vittasque, tiaras; Cingula, cultellos, manicas caliga que dederunt; Auribus appensum tribuuntque monile puella. Sed nostri cives argenti pondera pensant. Librarum solidos quam multos undique donant. Rusticus hordea dat, multorum cæcus avenam. Pueri dant brasium, vinum plerique dederunt. Ex his thesaurus fit mercibus amplior unus, Quem numerare nequit, vel si quis compota novit.*

Auxiliante Domino à fundamentis nova incœpta est Basilica, & bonorum hominum collationibus diatim fabrica consurgebat. Centulæ quoque habitatores ferventiùs exlequentes, quotidianis donariis urgebant invicem semetipsos, summo nisu suprâ vires exercentes ut nemo in dandis solatiis inferior videretur. Gratias Deo, qui dejectam luximus, renovatam & erectam congaudemus: fortiori fundamento, & celsiori fastigio elevatam cernimus.

Præterea cum videret isdem Gervinus in multâ se gloriâ constitutum, & multo curialium vel popularium favore constipatum, putans esse sui meriti honorem, & gloriam patroni Richarii, cœpit vanis adulantium extolli rumoribus, & nihil computare quodd Abbas existerat, ardenti corde anhelans ut Episcopus fieret.

[*Quid plus his referamus, nisi rem jam dicere veram?*

*Per data præmissa, per quotidiana promissa  
Ambit eam sedem quam dicimus Ambianensem,  
Se regnare putans per pontificatus honorem.  
Ecclesiam sancti direspoliando patroni  
Se iterum exaltat, Monachorum de grege saltat,  
Se faciens magnum fert Fratribus undique damnum.*

*Obvius est Christus, prostermitur hinc inimicus:  
Omnia quæ cepit, cum damno jure reliquit.  
Omnibus & hostis cœu plures undique nostis,  
Quos exaltavit, hos postea præcipitavit.  
Sancti Richarii res multas dilapidavit  
Exosus monachis, cunctis exosus amicis,  
Pessimus atque sibi qui nollet velle mederi  
Ad reprobum tandem certavit tendere finem.]*

Fratres etenim diuturnâ expectatione fatigati, cum viderent illum ad deteriora semper ferri, diversis modis eum revocare satagebant à destructione & dilapidatione loci, per WIDONEM Comitum Pontivorum, per Nobiles Palatinos, per RAINALDUM Remorum Archiepiscopum, & per alias nobiles personas illum conveniendo, & dejectionem beati quondam Cœnobii non sine gemitu conclamando. Quibus ille in faciem blandiebatur, se citò per omnia emendaturum spondens; sed in corde contrà eos, qui contrà eum querelam deponebant, acriter sæviens. Cumque nulla jam spes de correctione illius remaneret, dedit consilium Remensis Ecclesia, ut Domino Papæ URBANO, qui eo tempore Concilium in Claromonte erat de proximo habiturus, desolationem & confusionem sui loci Fratres nostri, vel per se, vel per fideles legatos aperirent, & majestatis ejus clementiam implorarent, ut Monasterium jam penè exinanitum ad aliquam resurrectionis speciem pro sui officii dignitate benignus revocaret.

Factum est ita, & mox successit remedium. Nam Dominus Papa URBANUS in Concilio residens, prolata in eum canonicâ sententiâ, baculo Abbatis, & Monachorum curâ spoliando absolvit, adjiciens verbum durum: »Tu Abbatiam S. Richarii, quæ nobilis & dives olim fuerat, tam pessimè tractasti, ut suis Ecclesiam ornamentis spoliaveris, & Monachos multos tuis vitiis resistentes exules feceris: unde dignus eras, ut omnem gratiam Ecclesiasticæ dignitatis ex toto perderes, velut ovium Christi mactator, & sanctæ Ecclesiæ dissipator; sed ne binâ te ultione ferire videamus, esto contentus Ambianensi Episcopatu, quem tam durè acquisisti. Monachis autem S. Richarii sit copia eligendi Abbatis, cui tu contraire nullâ ratione præsumas: quod in virtute Spiritus sancti te ob-servare jubemus.

Igitur tali ingenio, & Romano taliter accepto imperio, deleta est potestas perversoris; quievit à nobis virga percussoris; remotum est jugum grave à cervicibus nostris, anno Dominicæ Incarnationis MXXVI. Ind. IV. Hæc Dei miseratio Centulæ indulgentia est. Vir autem callidissimus non ita sopitus est à suâ versutiâ, sed rediens à Concilio, omnes qui de istis partibus conviatores aderant, precibus & promissis concitavit, ut suum casum nemo nobis

Tom. II.

intimaret: sic per annum integrum nos deludens nomine fallaci usus fuit rebus nostris; donec iterum à Remensi Ecclesiâ nobis divulgatum est, quomodo fuisset in Concilio Clarimontis Abbatia denudatus. Quod ubi fratribus palam factum est, convocaverunt eum in Capitulum valde renitentem, & aperto sermone renuntiaverunt illi, & ejus obedientiæ; affirmantes quantocius ad Papam se clamaturos, nisi penitus locum exiret. Qui videns suas fallacias jam exclusas, & majoris dedecoris cavens periculum, surrexit, baculum deposuit, veniam prostratus petivit, indulgeri sibi quod deliquerat, gemens rogavit. Monachi autem valde amaricati non audierunt vocem ejus, sed præteritorum & præsentium malorum nimietate instigati, conviciis certis eum insectati sunt, donec locum exiens Abbatis-villam adiret. Exeunti autem à Centulo non fuit qui condoleret vel unus, sed omnes ei maledicebant, gaudentes de ejus dejectione.

[*Sic pius elatus fit postea dedecoratus:  
Nobis infestus sibi met fit valde molestus:  
Quam tulerat pestem sibi propinavit eandem.  
Richa ii precibus sic corruit hic Gervinus.]*

Obsecro igitur omnes qui horum gestorum fuerint cognitores, ut meminerint quàm clara vel honesta superius relata sint, & sciant quod optatius nobis foret bona & veneranda de Domino Gervino referre, quàm ea quæ superius dicta sunt: sed ut posteri certissimè sciant quod S. Patris Richarii amatores, & ejus loci fideliter servatores, apud Deum mercedem habeant, & inter homines bonæ famæ laudem retineant, idcirco studuimus Domini Gervini lapsum ad memoriam revocare, ut successores ejus noverint adherentes Richario glorificari, contemptores autem & desertores æterno improperio subjacere. Præterea eidem Domino Gervino à Fratribus potuisset utique quamvis agrè, aliqua venia imperituri, si in pœnitentia persistens se malè fecisse cognovisset. Sed ut quasi invictum se monstraret, non cessavit nobis & loco nostro inquietudines excitare. Unde illa mox surrexit lis contentiosa, quâ voluit Abbatiam nostram sibi & successoribus facere quasi jure subjectam, quam ipse xxtv. annis liberam tenuerat, & omnium antecessorum suorum temporibus nobili libertate perfunctam optimè cognoverat. Noverat FULCONEM Ambianensem Episcopum Abbati Angelranno, & post eum Gervino multis servitiis fuisse obnoxium, & Abbates Centulæ non subiectos attendisse, sed patronos. Et certè præfatus Fulco in Remensi Concilio à beato Papa LEONE IX. excommunicatus fuisset, nisi Reverendissimus vir Gervinus Abbas accuratè & prudenter pro illo intervenire studuisset. Noverat Guidonem Fulconis successorem patre Comite natum, Comitum germanum Hugonis, Comitum Widonis patrum, Abbati Centulenli, scilicet sibi ipsi, multo famulatu existisse devotum: & tamen urgente malitiâ horum omnium se ostendit oblitum, nobilem juvenem Anscherum in Abbatem electum novis insidiis appetens, & qualiter ei resisteret, vel promotionem ejus impeiret studiosè disquirens. Longum nimis & valde tædiosum est diversitates machinationum ejus exprimere. Idcirco his omissis quomodo finierit, paucis dicamus.

Deficiente sumptu, & omnibus Clericis in ejus contumeliam aspirantibus compulsus est relinquere sedem, & ignorante Clero vel populo successit Turo-nis ad Majus Monasterium, ubi Abbas HELGAUDUS honorificè illum excipiens, ad confessionem errati pertraxit; audiens ab illo in cœtu Fratrum quantâ perversitate, quantâque crudelitate Cœnobium S. Richarii destruxerit, moribus & rebus infirmaverit. Quæ postquàm nimium ejulando retulit, paucis su-

Y y ij

pervixit mensibus, & xv. Idus Januarii de hac vitâ recessit.

*Ultio non sit ei, maneat se l lux requiei. Amen.*

Sunt & quædam utilia quæ chartarum indicio per-  
egisse dignoscitur, sed tam pauca, ut in eorum ex-  
planatione tempus terere non placeat. Verum quia  
de hoc Abbate tam tristia digessimus, largiente Chri-  
sti misericordiâ de ipsius successore jam prospera nar-  
rabuntur, ut ex eo Christi Ecclesia gaudeat in ævum,  
Amen.

Ego frater HARIULFUS Monasterii beati Richarii  
humilis Monachus, hoc de sancti loci nostri nobili-  
tate vel utilitatibus à Domino SAXOWALO ante plu-  
res annos inchoatum opus Deo auxiliante perficiens,  
obsecro omnes qui in hoc sancto loco militaturi sunt,  
imò per virtutem Dei & sapientiam Christum obte-  
stor, ut hæc, in quibus congregandis desudavimus,  
diligenter ipsi custodiant, & ea qualicumque modo  
deperire non permittant. Completum est autem istum  
opus humanitatis Filii Dei anno MLXXXVIII. Indict.  
x. anno Regis Philippi XXVIII. WIDONE Pontivo-  
rum Comite annis xxxvi.

*Explicit iv. Liber Gestorum Centulensis Ecclesiæ.*

*Toto corde meo te Centula mater amavi.  
Traditus à puero, mea sub te colla ligavi.  
Fœdera juravi, quibus in te vota dicavi.  
Pignus habens fidei, tua sat contraria cavi.  
Fratribus & Dominis tunc latitiam generavi;  
Gesta patrum scribens, pro viribus ista paravi;  
Atque Dei laudes super istis multiplicavi.  
Nobilis es palma, quia de te fructificavi.*

Hæc sunt  
Ariulfi de se-  
ipso verba,  
epilogi instar  
ad Centulam  
Monasterium  
tuum.

*Ecce tuos natos quot laudibus amplificavi:  
Thesaurusque tuos nullis prius equiparavi.  
RICHARIUM sanctum laudando clarificavi.  
Cerne piis oculis quam rem tibi magnificavi.*

*Quo si nobilior, nulli te consociavi.  
Conscriptis Patribus fore magnam nobilitavi.  
Mater agens famulum, qui te sic mirificavi;  
Exime jam culpis, per quas me commaculavi.  
Meque tuis socia, quos jure beatificavi.  
Fratribus intersim, Dominos quos desideravi.  
Projiciat nec his, quibus antea me copulavi.  
RICHARIUS foveat me, sub quo sanctificavi,  
Ut Christo placeam, me cui sacrificavi.*

Expulso quos recole à secundo Gervino no-  
mina sunt hæc. Walterus cognomine Ambrosius.  
Walterus cognomine Samuel. Walterus, Germanus,  
Teudoldus, Wido, Bernardus, Willelmus, Erlui-  
nus, Hildemar.

#### EPITAPHIUM SCRIPTORIS.

**P**ontivo natus, pronus studiis Hariulfus,  
Almi Richarii claustra puer subiit:  
In quibus imbutus deceat quid nosse magistrum,  
Aldemborgensis tertius Abba fuit.  
Rem sibi commissam pro viribus amplificavit,  
Crescere, Petre, tuis semper opes siliens.  
Fratribus Exemplum præstans compatiens,  
Multa nimis tacuit quæque loqui decuit.  
Centula quos Fratres retinet coluit seniores;  
Illis quod sit honor cernere semper amans.  
Centula diligo te, doctricis captus amore;  
Ultima cum tibi do munuscula, mater aveto.  
Atque vicem referens die noto natu valeto.]

## M O N I T U M.

**C**UM ante bina fermè lustra, S. Benigni Divionensis Chronicon è Bibliothecâ Regiâ  
commodasset Clarissimus Vir Petrus Puteanus, subierat animo publicam in lucem Opus  
vindicare, nec deerat charactèrum elegantia, quæ ad lectionem proliceret; at revolventi ac  
propius inspicienti tantæ scriptionis sæbræ occurrerant, verbis pars inversis, pars mutilis, pars  
omniò absumptis, ut actuario primam pingendi, scribendi postremam fuisse curam crediderim.  
Hinc discedendi à priore consilio necessitas. Postea verò quàm San. Benignianum Cænobium Con-  
gregationis S. Mauri disciplinam induerat, me convenère viri docti complures, ut autographum,  
quo utebatur eadem Abbatia, Parisios mittendum, publicumque faciendum curarem; ut pote  
tot annis oblivione sepultum, doctis invisum, nunc autem ab iis ardentè expetitum, qui Gallicis  
rebus illustrandis tamquam pro aris ac focis decertantes, oleum & operam impendunt; quin ne  
hi solùm, sed harioli illi mercenario calamo, stylo calamistrato, ut regni ju hereditarium (quod  
Salicam legem vocitant) caligine offusum, è medio tollere attentarent, in subsidium Chronicon  
istud, velut & Besuense, nixu temerario non erubuerunt advocare, (id legenti, quàm favet ni-  
hil utrumque, patebit.) His proinde quasi calcaribus instimulatus, continuò literas semel atque  
iterum, ac tertio Divionem, quo ad me autographum illud transmitteretur, direxi. Interim quam  
præscieram interjecta mora est, scilicet instar thesauri, antiquitatis monumentum isthoc Vir Illu-  
strissimus D. De Castille, Abbas Commendatarius S. Benigni, reconditum habens, è museolo  
distrabi, extrahive extrâ regionem agrè ferebat. Veruntamen ipse singulari comitate præditus,  
rei literariæ seu bono publico nolens invidere, ultrò concessit San. Benigniano Cænobiæ Domino  
Claudio Bertaigne, è nostrâ Congregatione Presbytero Theologo, qui maximâ curâ, summâ dili-  
gentiâ, exemplar ex mendofo Bibliothecæ Regiæ excerptum, à se, uti rogaveram, collatum ad  
archetypum, suoque nitore restitutum, quantocius Parisios remisit: quod ego morâ procul, adjectis  
prius margini variis lectionibus, conjecturisque, typographicæ officinæ intuli.

Nec abs re fuerit, totidem verbis ac syllabis & San. Benigniani & Besuensis Chronicorum  
Auctores suam Gallicarum rerum historiam texuisse, ipsâ Præfatione Lector advertas, (nam  
ujusmodi Chronica cothurni mihi visi sunt, utriusque pedum apti) quò vel umbrâ conjecturarum,  
Auctorem primigenium quæas observare. Igitur ex subiectis Chronico Besuensi præspicuum habetur



Joannem Monachum (Secretarius appellatur paulo superius) esse rerum Besuensium Commentarii conditorem: videlicet ex Epitaphio, & librorum, studio Joannis descriptorum, indiculo. Epitaphii hæc sunt verba:

Omnibus ostendit Monachi pia cura Joannis, &c.

Et in fine Indiculi: Istum etiam Librum de diversis rebus & cartis composuit. Vide'n non cartarum modo, diversarum quoque rerum concinnatorem prædicari? Num diversis rebus historia cum domestica tam Gallica insinuat? Favent profecto verba Joannis. Nihilominus scrupulum ingerit San. Benignianus, qui sese ætate haud ita obscure Joannem præcessisse ostendit: namque ad obitum Halinardi, ex Abbate Archiepiscopi Lugdunensis, Chronicon tantummodo perduxit, hoc est annum 1052. Joannes vero quæ Besuensi Asceterio Guillenci Lingonensis Episcopi, necnon Joffredi Besuensis Archimandritæ annis plus minus 1129. & 1135. fuere collata, describit (quæ enim Epitaphium chartæ subsequuntur permixtim sunt superadditæ) atque in hoc Abbate colophonem imponit. At de his sat superque: ejusmodi litem protelare necessam minime est; quando quidem inficias neutiquam icrim, quod Historiam spectat secularem, de Gregorii Turonensis ac Fredegarii Historiis, ad verbum sepiusculè Chronicorum Authores expressisse.

Chronici Besuensis autographo (ni fallor) in Bibliothecâ Regiâ asservato, usus fui; à cujus contextu vel latum unguem discedere mihi religio fuit. Et ne bilem vel nauseam Lectori subinde cierent in Besuensi repetita, his expunctis ad San-Benignianum Chronicon emendavi: illa nihilo secius quæ ad majorem historię Gallicę illustrationem conducere, seu glorię Regis, seu juri adversantes plurimum exagitarent, quæve alioquin historię filum abrumperent, operæ pretium duxi recudenda.

San-Benigniano Chronico Appendicem, quam Author proximo sæculo conscripsit, ingratam fore Lectori, si adderem, non putavi. Plura quoque antiquitatis monumenta, utrumque ad illustrandum Chronicon, ingerere consilium fuerat, verum id oneris in humeros Sodalium meorum quæ contexendæ eorundem Monasteriorum historię navaturi sunt operam, deposui.

# C H R O N I C A

## V E N E R A N D O R U M A B B A T U M,

Illustriumque hujus beatissimi Athletæ Christi Benigni Divionensis  
Monasterii Benefactorum, atque Fundatorum.

*Cui maximo cum labore, multisque lucubrationibus adauctum est, quod post venerabilem hujus Præfati cænobii Patrem Halinardum reperies.*

## INCIPIT LIBER COLLECTANEUS MEMORANDARUM RERUM.

### P R Æ F A T I O.

**A**NTIQUORUM hujus sæculi sapientum laudabile, ac imò imitandum fuit studium, ut non solum ea quæ acciderent in diebus eorum, sed etiam fortia priscorum facta heroum, ad memoriam posterorum traderent monumentis scripturarum. Quæ utilis res & eis existit magnum humanæ laudis, & futuris hæc legentibus vel audientibus exemplum, incitamentumque æmulationis. Talia considerantes nos Divionensis sacri Monasterii à parvulo habitatores & amatores, ne forte nobis justè succenseant nostri successores (sicut & nos de incuriâ meritò culpamus nostros antecessores) aggrediemur cum adiutorio Dei describere, licet rusticanâ & minimè politâ narratione, quæ de præfati loci antiquitate prodita, seu devotorum Deo fidelium gregi eidem donata sunt largitione; videlicet Regum, Pontificum, Ducum, Comitum, ac illustrium virorum, ut potuimus addiscere veraci relatione. Quatenus & honori & cænobio nostro possessionum ipsi collatarum, & memorandarum rerum in eodem gestarum descriptio accedat, & cum divinæ laudis debito, exoptanda benefactoribus ejus cœlestis gloriæ remuneratio. Verumtamen primò dicendum quo in tempore ipse advocatus & peculiaris Christianus noster sanctus martyr Benignus venerit in Galliam, vel quot annos eidem ferocissimæ genti prædicaverit sanctum Christi Evangelium, seu quo die, vel quo persecutore consummaverit agonis sui martyrium: nec non & quando post multa tempora fuerit sacrum ejus corpus revelatum atque translatum.

Anno igitur ab Incarnatione Domini nostri Jesu Christi centesimo nonagesimo quinto, Indictione tertiâ, imperante Severo: sub terribili ejus persecutionis procellâ directus est hic testis Christi cum

a  
S. Irenæus  
martyrio co-  
ronatur.

S. Benign. in  
Galliam à S.  
Polycarpo  
mittitur.

luis sociis Gallicæ genti, quæ per id tempus erat mancipata dæmonum cultui. Hujus autem servi Dei<sup>a</sup> directio ita est divinitus jussa, atque suasa Metropolitano Asiæ Polycarpo Episcopo, & à beato Irenæo Lugdunensium Archiepiscopo, septimo die passionis ipsius sancti, quæ patrata est anno tridecimo imperii Severi. Siquidem Claudio Albino (qui se apud Lugdunum Cæsarem fecerat) interfecto, Severus civitatem omnem tradidit in ore gladii; ibique sanctus Irenæus martyrizatus est cum omni populo Christianorum decem & octo millibus: tantaque fuit strages cæsorū, ut sanguine fluente à vertice montis (super quem civitas sita erat) Rhodanus & Araris qui ibi pariter conjunguntur, per plurima milliaria rubentes fluere viderentur. Hoc ergo peracto martyrio sanctus Irenæus cum multitudine martyrum apparuit beato Polycarpo, monuitque ut sanctos sacerdotes Benignum & Andochium, Thyrsū Diaconum, & Andeolum Subdiaconum transmitteret Galliam ad prædicandum. Qui sancti Dei missi à sancto Polycarpo, Angelo Domini ducente, pervenerunt Lugdunum, quæ est urbs Metropolis Galliarum. Illic sanctum Presbyterum Zachariam reperiunt, qui ob persecutionis procellam latenter in crypta inter martyrum latitabat sepulcra, fluctuantique Ecclesiæ divinum advenire precabatur auxilium. Hic denique post sanctum Irenæum præfatam rexit Ecclesiam.

Cum eo igitur verbum Dei meditantes, atque in Spiritu sancto gaudentes, Dominum precabantur, ut eorum dirigeret gressus. Et dum ibidem morarentur, Angelo Domini monente, visum est eis, ut sanctum Andeolum ad Carpentoracensem urbem prædicationis gratiâ destinarent: sancto verò Andeolo ad prædictum locum iter arripiente, verbum Dei gentibus ubique prædicando, non longè post à Severo Imperatore multis afflictus tormentis, martyrio est coronatus. Hi autem Christi testes à beato Zacharia multis adhortationibus, ut intrepidè verbum Dei & nomen Christi omnibus annuntiarent, corroborati, benedictione etiam & potestate omnis Ecclesiastici & divini cultus peragendi ab eo accepta, ad Augustodunensem properant urbem, comitante Christi virtute, & signorum gratiâ. Ad hanc itaque urbem itinere attingentes, Faustum virum nobilissimum, ac præfectoriæ dignitatis, ac Christianitatis verissimum amatorem reperiunt; ad quem Angelo monente advenerunt. Qui suscipiens eos cum omni gaudio, ut cognovit Sacerdotes exillere, suppliciter petiit ut filium suum Symphorianum, annorum trium vel quinque existentem, pariterque amicos & familiam, baptismatis gratiâ consecrarent. Quod audientes, sanctus Benignus eum baptizavit: sanctus verò Andochius eum de sacro fonte excepit. Habebat denique illustis vir Faustus sororem germanam, Lingonicæ civitatis matronam, nomine Leonillam, Christianam; cui erant parvuli gemini, nepotes ex filio tres, viri pulcherrimi aspectu, sed animo pulchriores. Itaque ut ad eam sanctus Benignus venire dignaretur impendio deprecatus est. Quem sicut manna cœleste Leonilla suscepit. Tandem hi tres gemini fratres fide sanctæ Trinitatis imbuti, baptismatis gratiâ cum omni familiâ, ac populi multitudine, per sanctum Benignum consecrati, non longè post martyrio coronati sunt. Sanctus verò Benignus perambulans universam longè latèque prædicando regionem, & multos ad Christum convertens, pervenit ad castrum Divionense.

Severo itaque decimo octavo anno Imperii in Britannia defuncto, successit Antoninus Caracalla cognomento, filius ejus, in imperium: quod tenuit annis septem. Quo mortuo imperavit Macrinus anno uno. Post quem Marcus Aurelius Antoninus obtinuit imperium annis quatuor. Hic omnibus flagitiis plenus, etiam in persecutione Christianorum nulli priorum inferior principum, dum Galliam pervagatur populum in Deum credentem persequendo, à Senonum civitate devenit ad rus prædicti viri Faustii, qui dicitur, Sede-locus, ubi Sanctis Dei Andochio & Thyrso per martyrium consummatis, ipse Divion petens misit Heraclium similem sui Sanctorum persequutorem ad Augustodunum urbem. Heraclius itaque sanctum Symphorianum, primò diris flagellis casum & carceris custodiâ maceratum, gladio plecti præcipit. Erat autem quando martyrium passus est sanctus Symphorianus, annorum viginti quinque, ut passione ipsius, atque in gestis sanctorum supradictorum martyrum invenitur. Hinc cognosci potest tempus prædicationis sancti Benigni viginti circiter annorum fuisse, in quibus istam Galliam prædicando multos ad fidem Christi convertit, & baptismatis eos undâ sanctificans, Ecclesias in aliquibus sacravit locis, Sacerdotesque ac Ministros ad divinum cultum instituit.

b  
Sub Aurelian.  
Imperat. S.  
Benign. mar-  
tyrium subiit.

Imperator ergo Aurelius, qui & Aurelianus<sup>b</sup> vulgo dicebatur, Divion castrum ingressus, compertâ sancti martyris prædicatione & virtutibus, quas per eum divinâ operabatur clementiâ, assistente crudelitatis suæ ministro Terentio Comite, sanctum Benignum perquiri jussit, ac vinctum & casum conspectibus suis præsentari. Quem in catastrâ extensum, & nervis diutissimè casum, ita ut corporis interiora paterent, rursum in carcerem conjecit, ubi ministri & carnifices pedes ejus in lapide cum plumbo remisso<sup>c</sup> confixerunt, & in digitos manuum subulas decem acutissimas & igne candentes infixerunt; ac per sex dies canes duodecim ferocissimos cum eo incluserunt. Angelus autem Domini adveniens, dedit panem cœlestem, subulas abstulit, & eum de plumbo eripuit. Ad ultimum collum ejus vecte ferreo tundi, & corpus lanceâ perforari jubet. Quo facto columba nivea de carcere Christianis aspicientibus ad cœlos ascendit, & odor suavissimus quasi paradisi sequutus est.

Veniens autem beata Leonilla, conditum aromatibus corpus ejus non longè ab ipso carcere sepelivit in magno Sarcophago: in quo loco Christiani cryptam construxerunt. Sed ob Gentilium timorem non ei exhibebatur honor tanto Martyri condignus, persecutionis immanitate, quæ à principibus reipublicæ Christianis inferebatur, fideles in Christum credentes deterrente. Multis igitur transactis annorum curriculis, ex tunc si quidem ab ipsius Imperatoris tempore usque ad finem Diocletiani, & Imperium Constantini, computantur anni octoginta unus; & à Constantino usque ad Zenonem Imperatorem, & Regnum Clodovei Regis anni ferè centum octoginta; qui sunt in summâ ducenti sexaginta unus. In quo annorum decursu, illius ævi Christianis ex hac luce subtractis, locus sepulcri sancti Martyris ita

a *servi Dei*] Sic ex conjecturâ emendavi. Acherius ediderat *servi Dei*.

b *qui & Aurelianus*] Haud dubium quin de Elagabalo loquatur, quem in nummis suis Marcum Aurelium Antoninum appellari novimus, communi scilicet nomine cum illustri illo Imperatore, in quo nihil aiant reprehendi potuisse, nisi quod Commodi pater fuit; & cum altero

Septimii Severi filio, quem Caracallam vulgo vocant. Eundem & Varium & Elagabalum dictum esse norunt quicumque in veteri historia sunt non omnino peregrini: Aurelianus nemo dixit. His accedit, Elagabalum vix credi posse in Gallias unquam venisse.

c *cum plumbo remisso*] Forte *demisso*, ait Acherius: mihi ulcus insanabile videtur.

Gregor. Lingonensis Episcopus Sepulcrum S. Benigni reperit.

fuit neglectus atque oblivioni datus, ut non jam corpus Martyris, sed potius alicujus præpotentis crederetur in eo quiescere gentilis. Solummodo rusticorum docta simplicitas, sagax inquirere notitiam veterum per relationem antiquorum hominum, ipsi rustici vota inibi dissolvebant, & quæ petebant, velociter impetrabant. Hæc ignorantia quotidie crescendo per multa annorum curricula duravit, usque ad tempora sancti Gregorii Episcopi, qui sextus decimus in catalogo Pontificum Lingonensium continetur. Qui Pontifex (sicuti cæteri hominum) credens ibi aliquem positum fuisse gentilem, virtutes ibidem nullomodo credebant, sed magis ne ibi adorarent, detestabatur. Tandem Dei Martyr beato se Confessori revelat, & dicit: Quid, inquit, agis? Non solum est quod me tu despicias, verum honorantes me spernis? Ne facias, quæso, sed tegmen super me velocius præpara. De quâ ille visione concussus, beatum sepulcrum adiit, ibique cum fletu veniam deprecatur: & cætera quæ sequuntur in dictis vel factis beati Gregorii Turonensis Episcopi. Quoniam ille pleniter translationem corporis ejus, & aliorum in hoc loco quiescentium descripsit; nobis non est necesse repetere. Quapropter his sepositis quæ deinceps gesta sunt, intimamus.

*Inferius nominantur sancti & sancta in sacro hoc loco quiescentes, & loca in quibus jacuerunt.*

489.  
Inventio ac  
translatio cor-  
poris S. Be-  
nigni.

**I**GITUR anno Dominicæ Incarnationis quadringentesimo octuagesimo quinto, indictione octavâ, præsidente sanctæ Romanæ Ecclesiæ Symmacho Papa, Zenone verò Cæsare imperante in republicâ, Clodoveo quoque primo regnante in Franciâ, & Gaudebaudo in Burgundiâ, inventum est atque translatum octavo Kalendas Decembris, corpus Almfici Martyris Benigni à beato Gregorio Lingonicæ urbis Episcopo, divinâ revelante providentiâ, ut refert Gregorius in libro miraculorum, qui fuit Antistes Turonorum. Quod cum dignè fuisset transpositum cum adjutorio supernæ virtutis, ne deinceps Testis Christi debitis privaretur officiis, idem venerabilis Præsul ædificato ei templo, ex diversis partibus ibidem adunavit multos, Deo servire paratos.

Lib. 1. c. 51.

Insignes in  
Galliâ san-  
ctitate viri.

Fulgebant tunc per Galliam plurimi sanctitate vitæ conspicui inter quos erant sanctus Joannes Abbas Monasterii quod Reomaus dicitur; nec non Eustadius, ac sanctus Sequanus hujus provinciæ alumni: è quibus Eustadium huic loco præfuisse per aliquot annos, & subjectos sibi religiosè educando vixisse, certum tenemus. Unde & moriens condignam meruit sepulturam juxta corpus sæpe dicendi sancti Benigni martyris. Cui successit Tranquillus: qui quantæ sanctitatis fuerit, crebræ sanitates infirmis ex ejus tumulo præstitit testantur, ut refert Gregorius Turonensis, in seipso expertus. Sepultus verò est ad dexteram partem sepulcri sancti Martyris Benigni, juxta sanctam Paschasiam, juxtaque eum posita fuit sancta Florida. Ex alterâ verò parte, juxta sanctum Eustadium, sepulcrum fuit sancti Hilarii Senatoris, conjugisque ejus sanctæ Quittæ. Hi fuerunt progenitores supra memorati Joannis. Et quia præfatus Gregorius Turonorum in libro de illustribus viris, hujus Hilarii quis & qualis fuerit pleniter meminit, hæc tantum dixisse sufficiat.

De glor. Con-  
fessor. c. 44.

Ibid. c. 41.

Quia igitur de sepulturâ Sanctorum pauca prælibavimus, dicendum nobis est propter aliquorum præsumptuosam calumniam, quomodo antiquitus cæmeterium habitatorum hujus oppidi constiterit.

Cæmeterium  
Divionense.

Ecclesia fuit constructa ab ipsis primordiis inceptæ Christianitatis; quam Ecclesiam ferunt à sancto Benigno sacratam in honorem sancti Joannis Baptistæ, & Evangelistæ Joannis. Quod & alios qui ex discipulatu ejusdem Apostoli fuerunt, in cæteris urbibus quibus prædicaverunt cognoscimus fecisse. Quæ Ecclesia ad hoc est Deo dicata, quatenus ibidem per sacri baptismatis regenerationem plebes credentium transirent in filiorum Dei adoptionem, & quorum animas afferret Deo, eorum corpora suo reciperet gremio. Quapropter in tantum sublimata fuit, ut sanctimonialium ibi sisteretur congregatio, & plurimi civitatis Lingonicæ præfules hic sua corpora jufferint tumulari, videlicet ob devotionem sancti Martyris Benigni, ut quem sequebantur ordine sacer-

dotii, eadem quâ ille humo cuperent sepeliri. Unde & sanctus Urbanus, unus ex eorum primus Pontificibus, ibi jacuisse noscitur. Sanctus quoque Gregorius Episcopus cui sanctus Benignus dignatus est se primum manifestare, majorem suorum sequens exemplum in hac Ecclesiâ se petiit tumulari; & juxta eum dextrâ levâque jacent Pontifices bini. Sanctus verò Tetricus successor ejus, ad dexteram partem ipsius Basilicæ est positus.

cæmeterio  
sepulci.

Claruit ergo per multos annos ille locus, ita ut esset nobilis Abbatia, nullius subjacens dominatui; nisi solummodo Lingonum Pontifici. Sepultura itaque omnium in Divion castro intrâ extraque comorantium fuit antiquitus, ab alveo torrentis, qui per medium influit burgum, usque ad locum quo nunc est monasterium: quod testatur multitudo vasorum per illam planiciem longè lateque creberrimè positorum. In hujus sepulturæ ultimis finibus ad occidentem versùs corpus sancti Benigni post martyrium positum fuit à Beatâ Leonillâ, ædificatâ super eum humili opere cryptâ, prout permisit temporis angustia. Juxtaque illam cryptam jacuit sancta Paschasia, & ipsa per ignem martyrio consummata.

Sanctus igitur Gregorius post quàm sibi divinitus revelatum transtulit sancti martyris corpus, condignamque illi eleganti opere jussit ædificari Basilicam, omnem hanc terram, de qua loquuti sumus, dedit sancto Benigno, constituitque, ut hoc solum esset generale cæmeterium, pertinens ad jus istius Monasterii deinceps & in futurum. Quam constitutionem confirmavit Apostolicâ autoritate Hormisda; deinde Joannes qui post sanctum Gregorium nonus decimus præfuit Romanæ Ecclesiæ, scripto roboravit. Sergius quoque post hunc tertius, qui præsumisset hanc transgredi sub anathematis vinculo interdixit. Cujus exemplar Epistolæ huic libro non pigebit suo loco inferere. Sed & alii Pontifices successores eorum, necnon & Lingonici Præfules hujus institutionis transgressores, & omnes qui aliquam vim vel calumniam intulerint intrâ præscriptam terram, vel claustrum quod conjacet in circuitu hujus loci, vel familiam Sancti & servos afflixerint, excommunicationis vinculo adstrinxerunt: inter quos præcipuè Isaac & Geilo Episcopi, terribili imprecatione percusserunt omnes malefactores istius loci, & Deum, & omnes sanctos ejus, sanctumque Benignum, in cujus rebus malè agunt, habeant infensos & contrarios, nisi reuuerint, & ad emendationem venerint.

S. Gregor.  
Episc. Lingon.  
Monasterium  
ædificat.

Nunc veniendum est nobis ad narrationem rei ob quam maximè cœptus est liber iste.

Postquàm, sicut diximus, sanctus Gregorius, ædificato templo ad honorem Dei & sancti Martyris ejus Benigni, congregationem hinc adunavit Monachorum, ut eis non deessent temporalia subsidia, studuit ditare hunc locum, terrarum, possessionum, quæ largâ munificentia. Dedit ergo de rebus propriis, & de rebus Episcopi plurima: inter quæ dedit pote-

illud dicit.

Inibi sancti-  
monialium  
congregatio.  
Plures Epi-  
scopi Lingonenses illo in

Hic pauca de  
de Hilario  
Comite, quæ  
in autogra-  
pho legi ne-  
queunt, desin-  
derantur.

statem, quæ dicitur Saciacus, cum Ecclesiâ & omnibus appenditiis, scilicet villas numero tredecim; quæ sunt Corlenis, Iliadus, Rumiliacus, Frascinus, Camberia, Linerolus, Brucialis, Bruciacus, Cernadus Vallis, Bonacurtis, Juvenadus, Longus-Campus; istas villas cum omnibus adjacentiis, seu & omni re superpositâ, campis, pratis, sylvis, pomiferis, pascuis, accessis, aquis aquarumque decurribus, & omnes redditus, totum ad integrum, unâ cum mancipiis, libertis, cum omni peculio eorum, unâ cum accolabus dedit ad servitium Monachorum jure perpetuo ad possidendum.

Igitur quoniam in principio hujus libri fecimus mentionem Regum, qui illo tempore regnabant in Franciâ, & Burgundiâ, prosequenda nobis eorum Chronica, usque ad Guntrannum Regem, qui hunc locum valde extulit, & deinceps ad Carolum Imperatorem, Ludovici Cæsaris filium, qui penè collapsum reparavit hoc monasterium. Siquidem ad cognoscendas Abbatum successiones, qui per diversa hic præfuerunt tempora; & quæ sub uniuscujusque illorum regimine huic loco collata sunt<sup>d</sup> fidelium largitione; Episcopos quoque Lingonicæ Ecclesiæ qui circa hunc locum munificos se exhibuerunt, nominatim singulos curabimus ostendere; & quid ab unoquoque illorum collatum sit in augmentatione hujus domus Dei, sigillatim demonstrare.

Igitur Childerido Rege Francorum defuncto, Clodoveus filius ejus succedit in regnum, vir bellicosus & in armis strenuus. Anno quinto regni ejus Siagrius, filius Agidii, patritius Romanorum, qui in Galliis habitabat, in Sueffionis civitate, quam pater ejus tenuerat, residebat. Super quem Clodoveus cum exercitu advenit, atque devicit. Siagrius fugiens ad Alaricum Regem Gothorum, Tolosæ aliquamdiu habitavit. Clodoveus legatos ad Alaricum misit, ut eum redderet, alioquin noverit sibi bellum illaturum. At ille metuens, Siagrium victum Legatis tradidit; quem Clodoveus custodiæ mancipavit, regnumque ejus acceptum, & omnia quæ illius fuerant, suæ potestati subegit, eumque gladio trucidari præcipit: atque ex illo die à dominatione imperii sublata est Gallia. Anno decimo regni sui Clodoveus commoto exercitu sibi Toringiam provinciam subjugavit: inde Gundebaudi Regis Burgundionum neptem, videlicet fratris sui Chilperici filiam (quem gladio interfecerat) nomine Crotildem, pulchram satis puellam, & verè christianissimam, interveniente Aureliano Consiliario ac Legatorio suo, in conjugem sumpsit: nuptiæ Cabilonno præparantur. Venientes cum celeritate Franci Crotildem à Gundebaudis acceptam levantes in basternâ cum multis thesauris ad Clodoveum dirigunt. Postea pœnitens Gundebaudus recordatus quod patrem Crotildæ, matremque ac fratres interfecisset, dirigit protinus post eam exercitum, qui consequentes thesauros & basternam, cuncta retentant, crotildis verò levata in equum à Francis ad Clodoveum evasit. Quam regali honore assumens, in matrimonium perfecto amore dilexit. Habebat jam tunc Clodoveus filium de concubinâ, nomine Theodoricum. Interea Godegisillus Gundebaudi Regis frater, contra eundem germanum suum machinans dolum, per legatos petit auxilium à Clodoveo, cum eum comperisset fortissimum in præliis; promittens si posset ejicere Gundebaudum à regno per ejus adjutorium, tributum se illi solvere paratum. Gundebaudus verò ignorans dolum, ab eodem fratre intelligatus præparat exercitum copiosum ad pugnam. Clodoveus cum Francis adversus duos Reges venit, in-

genti multitudine vallatus: initum est bellum super Oscaram fluvium, secus castrum, quod Divion dicitur: Godegisillus Clodoveo conjungitur, uterque exercitus Gundebaudi populum atterit. At ille sentiens dolum fratris, terga vertit, Rodani ripam percurrens Avinionem urbem ingreditur. Et postea per Aridium consiliarium suum pacem à Clodoveo expetiit. Clodoveus verò cum prædâ maximâ, & Francorum exercitu, ad propria est reversus, relictis cum Godegisillo quinque millia Francis. Godegisillus obtentâ victoriâ promissâ Clodoveo ex parte implens, Viennam post Gundebaudum dirigit. Exiens Gundebaudus de Avinione resumptis viribus, Godegisillum Vienna circumdat; per aquæ ductum in civitatem ingrediens. Godegisillum interfecit, Francos aggregatos in unam turrim ferro trucidavit, nihil postea Clodoveo reddere disponens. Postea Clodoveus mittens legatum, nomine Paterium<sup>e</sup>, virum industrium, ad Alaricum Regem Gothorum, de amicitia inter eos conditione mandavit. Alaricus verò cum per Paternum vellet Clodoveum decipere, à Paterno exploratis quæ circa eum erant, & thesauro ejus ingenio subarratis, illusos est. Igitur Clodoveus adversus Alaricum arma commovit, & in campaniâ Voglanensē decimo ab urbe Pictava miliario Alaricum interfecit, plurimâ manu Gothorum trucidatâ, regnum ejus à mari Tyrreno Ligereque fluvio, & monte Pyrenæo usque ad oceanum mare, à Clodoveo occupatum est. Et thesauros ejus à Tolosa auferens, secum Parisius duxit. Per idem tempus ab Anastasio Imperatore Codicillos Clodoveus Rex pro consulatu accepit; cum quibus codicillis etiam illi Anastasius coronam auream misit gemmis decoratam, & tunicam blatteam. Ex illo die Consul & Augustus est appellatus. Post hæc mortuus est Clodoveus Rex in pace, & sepultus est in Basilicâ sancti Petri Apostoli; quam ipse & Regina sua ædificaverunt Parisius; quæ hodie sanctæ Genovefæ templum nuncupatur. Mortuus est autem anno quinto, postquam cum Alarico Rege Gothorum pugnavit. Regnavit verò annis triginta: sunt à transitu<sup>f</sup> sancti Martini usque ad obitum Clodovei anni centum duodecim.

Mortuo Clodoveo Rege quatuor filii ejus, id est Theodoricus, Clodomeris, Childebertus, Clotarius, regnum ejus æquo ordine inter se diviserunt. Sortitus est sedem Theodoricus Mettis: Clodomeris Aurelianis: Childebertus Parisius: & Clotarius Sueffionas. Theodoricus habebat jam filium, nomine Theodebertum, utilem, & strenuum. Amalricus filius Alarici sororem eorum in matrimonium accepit, Barcinona à Childeberto & Francis occisus est. Dani eventum navali Gallias appetunt, in regno Theodorici irruunt à Theodeberto filio Theodorici superantur, omnemque prædâ & vitam amiserunt.

Gundebaudi filius Sigismundus apud Genevensē urbem, villâ Quadrinio, jussu patris sublimatur in regno, habens uxorem filiam Theodorici Regis Italiæ: unde habebat filium nomine Sigiricum. Eadem mortuâ aliam duxit uxorem: filium suum, quem ex priore conjunge habebat, novercæ insidiis jussit interfici. Unde postea pœnitentiam agens, Monasterium sanctorum Agaunensium miri operis construxit. Cumque ibi in orationibus persisteret, jejuniis & elemosynis intentus, revelatum est ei ab Angelo, ut ad instar cœlestis militiæ psallendi choros institueret. Quo divinitus accepto consilio, Episcopos, & alios religiosos viros consuluit, utrum salubriter cogitaret. Quâ interrogatione sancti Antistites inter se ventilatâ, licet inultatum opus, tamen Do-

Gundebaudum devicit.

Atque etiam Alaricum Gothorum Regem.

Init amicitiam cum Anastasio Imperat.

Mortuus.

Filii regnum dividunt.

521.

Agaunense Monasterium construxit Sigismundus.

<sup>d</sup> collata sunt ] Acherius ediderat collocata sunt.

<sup>e</sup> nomine Paterium ] In altero codice Paternum.

mino annuente unanimiter corroboraverunt. Quod sanctum opus servitutis Dei perfectè institutum, & confirmatum, & pari consensu omnium. Atque ex tunc laudes Deo omnibus [ horis ] persolvuntur: aliaque plurima monasteria præfatus Sigismundus ædificavit.

Chrotildis assidue filios admonebat mortem patris matrisque vel fratrum ulcisci. Quam ob causam illi Burgundias appetunt, Sigismundum, & Gaudemarem Gundebaudi fratrem in prælio vincunt. Clodomeris Sigismundum, ad Monasterium sanctorum dum fugeret, captum, cum uxore & liberis Aurelianis adducit: Godemaris terga vertens latuit; postea resumptis viribus regnum Burgundiae tenet. Clodomeris iterum adversus Godemarem exercitum movet. Sigismundum cum uxore & liberis interfecit. Clodomeri ab Avito Abbate prædictum est, quod fecerat Sigismundo ipsum itidem passurum. Cumque Vesperantia Franci cum Burgundionibus bellum inissent, Clodomeris capite truncatus est deceptus ab auxiliis Theodorici, qui filiam Sigismundi habebat uxorem. Franci verò in ipso prælio resumptis viribus, Burgundionibus superatis, & ad internecionem perductis, patriam eorum devastant. Clotarius uxorem Clodomeris, nomine Gundiocam uxorem, ducit. Filios verò ejus tres his nominibus Idoaldum, Guntarium, Clodoaldum, Crothechildis alebat. Clotarius & Childebertus fugato Godemare Burgundias occupant. Theodoricus filio suo Theodeberto cujusdam Regis filiam desponsavit, Wisegardam nomine. Theodoricus vigesimo tertio regni sui annu moritur. Regnum ejus Theodebertus assumpsit, magnum se in omnibus & bonitate præcipuum ostendit.

Childebertus  
& Clotarius  
Hispanias de-  
populantur.

Post hæc Childebertus & Clotarius, ut diximus, Hispanias appetunt, easque parte maximâ depopulati sunt, Amalricum Regem Barcinona interficiunt, sororemque suam auferunt. Cæsaraugusta civitas orationibus & jejuniis liberatur. Theodoricus Italiae Rex sororem Clodovei in matrimonium habuit, ex qua filiam unam cum matre reliquit. Cum mater ei Regis filium sociandum provideret, à servo, nomine Traquilla, accipitur. Traquilla cum exercitu à matre puellæ capitur, & capite truncatur: acceptam filiam mater disciplinam ei ingrens secum duxit. Filia matrem veneno interfecit. Theodatus regnum Theodorici adeptus, filiam, quæ in matre parricida exstiterat, balneo vehementer succenso jussit includi, ibique comburit. Unde causâ compositionis quinquaginta millia solidorum Childeberto, Clotario, & Theodeberto transmissa sunt. Quod Childebertus & Theodebertus inter se dividentes, nihil ex inde Clotario dederunt. Theodato defuncto Totilla successit in regnum, quem Narfes patricius interfecit, regnumque Gothorum in Italiâ destructum est. Narfes à Romanis per invidiam accusatus apud Justinum & conjugem ejus Sophiam, quod servitio premeret Italiam; timens secessit Neapoli Campaniæ, & scripsit genti Longobardorum, ut venirent & possiderent Italiam. Theodebertus Rex cum exercitu Italiam ingressus, eam maritimis terminis depopulatus est, Narsete patricio in fugam verso. Postea Bucellinus Dux jussu Theodeberti Siciliam occupavit, totamque Italiam dominatus est. Magna felicitas in his omnibus fuit.

Clotarius de Ingunde Guntarium, Childericum, Aribertum, Guntranum, Sigibertum, & Clodolindam filiam habuit: de Arigunde sorore Ingundis, Chilpericum, & de Unxinâ habuit Chirannum, Bu-

celinus in Italiâ apud Belisarium & Narsetem Patricios sapiens fortiter dimicans, eos in fugam vertit, eorumque exercitum proterit. Tandem infirmatus à profluvio ventris, exercitusque suus eâ infirmitate attritus, Belisario jam interfecto, à Narsete superatur, & interficitur. Theodobaldus filius Theodeberti Walderatam duxit uxorem. Fuit valde iniquus suis. Secundo anno regni sui Theodebaldus obiit, regnumque ejus Clotarius accepit, copulans Walderatam sibi uxorem. Eo anno rebellantes Saxones, Clotarius commoto exercitu maximam eorum partem detinuit; Turingiam vastans quod eis auxiliari præsumissent. Nec multo post tempore denud Saxones rebellantes Clotarius movit exercitum adversus eos: Saxones offerentes cuncta emendare quæ malè gesserant, & dimidiam partem ex omnibus rebus suis, exceptis uxoribus & liberis, in compositione promittunt dare. Quod Franci accipere despicientes, sed omnes volentes interficere, inito certamine, tanta strages à Saxonibus de Francis facta est, ut mirum fuisset. Childebertus Rex apud Parisios obiit, & in Basilicâ S. Vincentii, quam ipse construxerat, sepultus est. Cujus thesauros & regnum Clotharius accepit. Clotharius pro suis peccatis quæ gesserat, aut negligenter egerat, ad limina beati Martini Confessoris properat; exinde Compendio villâ veniens, anno quinquagesimo uno regni sui vexatus à febre obiit. Chilpericus occupatis thesauris Clotarii patris sui in villâ Brennaco, sedem Childeberti Parisius occupavit. Sed mox exinde repellitur. Aribertus, Guntranus, Chilpericus, & Sigibertus regnum patris dividunt. Dedit fors Ariberto regnum Childeberti, Parisius sedem habens. Guntranus verò regnum Clodomeris, sedem habens Aureliis. Chilpericus regnum Clotarii, cathedram habens Sueffionis. Sigibertus quoque regnum Theodorici, sedem habens Mettis. Eodem tempore Chuni Gallias appetunt, contra quos Sigibertus movet exercitum, eosque vicit atque fugavit; postea cum eis pacem inivit.

GUNTRANUS in Burgundiâ regnans; fuit Rex bonus, timens Deum; eleemosynam pauperibus largiter tribuens, tantâ prosperitate regnum tenuit, ut omnes etiam vicinæ gentes ad plenitudinem laudes de ipso canerent. Accepit primùm concubinam, nomine Venerandam; de qua habuit filium nomine Gundebaudum. Post accepit Marchitrudem; filiam Magnacharii: quæ postquàm de Guntranno habuit filium, veneno Gundebaudum, prioris conjugis filium, interfecit. Ipsa judicio Dei filium quem habebat perdidit, & odium Regis per saginam incurrit. Eâ dimissâ Austrichildem, cognomento Bochildem, Gunthranus uxorem accepit. De qua duos filios habuit, his nominibus, Clotarium, & Clodomerem. Guntrannus instituit Celsum patricium in locum Auricolanis, virum in verbis paratum, & ad omnia promptissimum. Gens Longobardorum comitante fame & mortalitate omnem invadit Italiam, ipsamque Romanam vastatrix obsidet urbem. Quibus tempore illo Rex erat Albuinus. Hic Clotarii Regis filiam, nomine Clodolindam habuit uxorem. Mortuo Albuino Longobardi Regem, nomine Clip, super se elegerunt. Haribertus Rex, frater Gunthranus, accepit uxorem, nomine Ingobergam. Qua relicta Merofledam, Lanarii filiam accepit; & aliam pastoris ovium filiam, Theudichildam, duxit uxorem: ex qua habuit filium, sed protinus moritur.

Porro Sigibertus cum videret fratres suos vires uxores accipere, Drogonem Majorem-donatus causâ

Obiit Childebertus.

361.

[ accipitur ] Lege decipitur. Scil. Theoderici filia idem accidit quod antea Honorii Plac. Valentiniani sorori; nec

pudicitiam suam diligentius quàm illa; servavit.



gationis ad Anagilum Regem direxit, petens ut  
filiam suam, Brunam nomine, conjugio traderet.  
Quam Anagildus cum multis thesauris Sigiberto ad  
matrimonium transmisit. Ad nomen ejus ornandum,  
est auctum, ut vocaretur Brunichildis. Quam cum  
multa letitia & jucunditate Sigibertus accepit uxorem.  
Quæ ipsum Drogonem continuè apud Sigibertum  
fecit odiosum. Ac post eadem instigante interfecit.  
Tanta mala, & effusiones sanguinum, Brunichildis  
consilio in Franciâ factæ sunt, ut Prophetia  
Sybillæ impleretur, dicentis: *Venit Bruna de  
partibus Hispaniæ, ante cujus conspectum gentes peribunt.*  
*Hæc verò equitum calcibus disrumpetur.*  
Chilpericus Gachilifendam, sororem ejus, habuit  
uxorem; relinquens Fredegundem, & alias quas habuerat  
uxores. Postea transcendens sacramentum quod Gothorum  
Legatis dederat, ne unquam eam de culmine regni degradaret,  
ipsam fugillare fecit. Post cujus mortem, Fredegundem  
denud accepit uxorem. Habebat Chilpericus de priore  
Reginâ Andovera tres filios, Theodebertum, Meroveum,  
& Clodoveum. Sigibertus præcepit Arvernensibus  
Arrelatam occupare. Jubente Guntranno à Celfo  
Patricio Arverni trucidati sunt. Anagildo Rege  
Hispaniæ defuncto, Lenna cum Levidio fratre regnum  
assumunt: moritur Lenna. Levidus integrum Hispaniæ  
regnum tenet, habens Gadundam matrem Brunichildis  
uxorem.

§ 66.

Eodem tempore defuncto Constantinopoli Justiniano  
Imperatore, Justinus ambivit imperium, vir iniquus  
& cupidus: ad quem Sigibertus legatos Warnacharium  
Francum, & Firminum Comitem direxit, qui pacem cum  
Imperatore facerent. Qui secundo anno sunt reversi.  
Defuncto Ariberto Sigibertus regnum ejus obtinuit.  
Prorumpentibus Longobardis in Gallis Amatus  
Patricius ab ipsis intericitur. De Burgundionibus  
multæ ibidem strages factæ sunt. Post Amatum  
Mommolus Patriciatum assumpsit. Irruentibus iterum  
Longobardis in Gallias, Mommolus contra eos fortiter  
dimicavit, & usque ad internecionem oppressit.  
Pauci ex eisdem Italiam repedarunt. Saxones, quos  
Theodebertus in Italiam miserat, in Gallias prorumpunt,  
apud Stuplonem castra ponentes. Multæ strages per  
vicina loca ab ipsis perpetrantur; qui à Mommolo  
superantur, & in Italiam fugaciter revertuntur, amissis  
omnibus quæ prædaverant. Iterum Saxones cum uxoribus  
& liberis in Gallias properant, ut à Sigiberto Rege  
recepti, in locum unde exierant redirent. Venientes  
in territorio Aveinico Mummolus protinus obviam  
veniens, eis Rhodanum transire non permittebat.  
Postea acceptis muneribus transire eos permisit. Ad  
Sigibertum pergentes, unde prius egressi fuerant,  
sunt stabiliti. Postea defuncto Clip, Longobardorum  
Duces Chamo, Zabau, & Rhodanus Gallias irruerunt.  
Quibus obviam Mummolus cum exercitu venit, & hos  
tres Duces cum exercitu eorum usque ad internecionem  
delevit. In alio anno Mummolus cum exercitu  
Turonos cum Pictavis, jubente Guntranno, de  
potestate Chilperici abstulit, & ad partem  
Sigiberti restituit. Multi ibidem de exercitu  
Chilperici, & ipsi Pictavenfes sunt gladio trucidati  
Tallardus & Uncio Duces Longobardorum per  
Hocola in Sedanensi territorio cum exercitu sunt  
ingressi, ad Monasterium sanctorum Agaunensium  
usque accesserant. Nuntia strage Baccis-villa, non  
procul ab ipso Monasterio, Duces eorum exercitus  
à Violico & Theodorico Ducibus Gruntanni sunt  
interfecti. Quadraginta tantum ex illis fugaciter  
Italiam remearunt.

g Nephrafi] In altero codice Rustrasi.

Postea Chilpericus & Sigibertus incuntes consilium,  
ambo moverunt exercitum, volentes Guntrannum  
interficere, regnumque ejus assumere. Sed voluntate  
Dei mutato consilio, Sigibertus super Chilpericum  
irruit, jam ejus exercitus ad propria festinans  
longè aberat, cum hæc cognovisset Chilpericus,  
terga vertens Tornacum per enit. Sigibertus post  
tergum ejus venit Parisius ibique sanctum ac  
beatissimum Germanum Parisiorum urbis Episcopum  
Sigibertus cum vidisset, hæc ab eodem verba  
Prophetiæ audivit: *Si germanum tuum ita perse-  
ni cogitas, ut eum interficere disponas, & regnum ejus  
auferre; Scriptum est, Foveam quam fratri tuo pa-  
ras, in eamdem cales.* Cujus caltigationem nolens  
audire cogitabat cæpta pericere. Cumque Victu-  
riaco accellisset, omnes Nephrafi & se sui ditioni  
subjecerunt. Ansoaldas tantum cum Chilperico re-  
mansit. Fredegundis duobus pueris dolo transmissis  
Sigibertum interficiunt, & ipsi interfecti sunt. Re-  
sumptis viribus Chilpericus suum regnum recepit.  
Brunichildis cum filio suo Childeberto Parisius sub  
custodiâ tenebatur. Sed factione Gundoldi Ducis,  
Childebertus in perâ positus, per fenestram demis-  
sus à puero, Metis solus exhibitus est, ibique à  
Gundoldo vel Austrasis in regno patris sublimatur.  
Brunichildis jussu Chilperici in exilium Rotomago  
traditur. Sigibertus in Ecclesiâ sancti Medardi se-  
pultus est ætate quadragenariâ, anno regni sui  
decimo quarto.

Eo tempore sanctus Germanus Parisiorum Episcopus  
transiit. Mummolus Patricius Guntranni, contra  
Clodoveum & Desiderium Ducem Chilperici bellum  
gessit, eosque superavit. Chilpericus enim filium  
suum Clodoveum transmisit, qui & ultra Ligerim  
civitates Childeberti pervaderet. Cæsa sunt à  
Mummolo exercitus quinquaginta millia, à Desi-  
derio verò viginti millia. Chilpericus tres filios jam  
adultos ab infirmitate dissentiri uno anno perdidit  
quos de Fredegunde habebat. Retinuit adhuc Clodoveus  
filius suos, quem postea instigante Fredegunde  
vincit custodiâ retrulit; ibique factione Fredegundis  
cultro percussus obiit. Chilpericus denud ut  
filius sibi nasceretur, jubet omnes carceratos relaxare.

GUNTRANNUS Rex duos Magnacharii filios gladio  
interemit, instigante Austrichilde Regina, facultates  
eorum fisco redigit. Filii Guntranni duo continuè  
moriuntur. Guntrannus Childebertum adoptavit in  
filium. Anno quoque tertio Childeberti Regis, qui erat  
Chilperici & Guntranni sextus decimus, stella in medio  
lunæ visa est fulgens. Childebertus Rex Ingundem  
sororem suam Ermingildo Leovigildi Regis Wisigotorum  
tradidit filio, qui hortatione Leandri Hispanensis  
Episcopi, & suæ conjugis, ad fidem Catholicam  
convertitur. Anno quinto Childeberti Regis tantæ  
lues per universas regiones factæ sunt, ut omnibus  
mirum fuisset, & universa flumina terminos quos  
nunquam excederant præterierunt. Childebertus Rex  
Italiam intravit, & Longobardi se ejus ditioni  
commendant. Gloriosè exinde Childebertus revertitur.  
Acceperat prius à Mauricio Imperatore quinquaginta  
millia solidorum auri, ut Longobardos de Italia  
expugnaret. Sed non solum eis non nocuit, verum  
amicitias cum ipsis inivit.

GUNTRANNUS Rex Francorum cum jam anno  
vigesimo tertio regnum Burgundiæ feliciter regeret,  
videns sibi liberos non superesse, cœpit thesauros  
suos in elemosynis pauperum distribuere, Monasteria  
& loca sancta ex ipsis thesauris ditare. Inter

Obiit S. Germanus.

§ 67. Multa donat Ecclesiis Guntran. Rex.

quæ Ecclesiam hujus patroni nostri, sancti scilicet Martyris Benigni, donis optimis extulit. Ipse denique Dominus Guntrannus præexcellens Rex dedit sancto Bigno vicum, qui est in prospectu Monasterii, tunc magnæ amplitudinis, vocatum Elariacum, cum omnibus appenditiis suis, super Oscaram fluvium situm. Et omnia quæ nunc usque ad possessionem pertinent hujus loci, à ponte Divionis usque Floriacum villam, contulit memoratus Princeps sancto Martyri Benigno: in Bicio <sup>h</sup> scilicet, in villâ Colanias dictâ, in Plomberias, in Seliniaco, in Sconio, in Villari, in Campiniaco, in Lanterinaco, in Girone, in Corcellas, in Flaviniaco, in Prunido, in Jusliaco, in Matriniaco, in Barbiriaco, his & aliis locis mansa, vestita & absa\*, cum mancipiis plurimis utriusque sexûs, terris cultis & incultis, vineis, sylvis, pratis, & pascuis, aquis, aquarumque decursibus, ingreditus, exiis & egressis, omnibus rebus exquisitis & inquirendis, totum ad integrum contulit memoriâ dignus Rex Guntrannus Deo & sancto Benigno, ad victum Monachorum Deo in hoc loco deservientium, ut pro se ac sequentium Regum salute, & peccatorum remissione, regni que totius statu divinam exorent clementiam Monachi in isto loco degentes. Insuper etiam instituit, ut ad similitudinem Monasterii sanctorum Agaunensium diu noctuque divinum in hac Ecclesiâ persolveretur officium. Et ut hæc institutio per succedentia tempora non teperceret, vel monasticus ordo deperiret, constituit, ut Abbates illius loci, Rectores & Provifores in hac domo essent, ut una congregatio, unusque utrobique servaretur ordo. Similiter instituit de loco sancti Marcelli, ubi ipse Rex corpore quiescit, quem thesauris & pecuniis, possessionibus etiam multis ditavit, operibus miris & ædificiis decoravit.

Apollinarem igitur, inter reliquos comperimus sancti Mauricii, atque hujus loci, sanctique Apri apud Tullum, fuisse Abbatem, ut ipsi referunt in antiquis se invenisse scriptis. Sed & successores ejus deinceps per multa tempora hujus loci habuisse curam. Quapropter hic Patronus noster sanctus Benignus illis in partibus plurima conquirit terrarum prædia per illud tempus, ut in eundo & redeundo Abbates, eorumque fideles, ad hospitandum haberent suæ possessionis loca. Siquidem juxta vicum, qui nuncupatur Urba, est Ecclesia sancti Benigni nomine sacrata, quam ferunt ejusdem loci incolæ pertinuisse quondam ad jus istius Ecclesiæ. In Burgo, quam vocant Pontem-Artic, super Dubiam fluvium situm, medietas ipsius vici cum Ecclesiâ dedicata in honore sancti Benigni, & villa juxta ipsum Burgum sita, quæ dicitur Ad Stabulos, olim fuerunt possessio istius Abbatæ. Quæ in præstariam data, possidentium violentiâ, ac Principum injustitiâ, ac temporum variis eventibus sunt amissa. Super Lupam rapacissimum fluvium, loco nuncupato Petregio, per quod Romam petentium quondam fuit iter, & est juxta Burgum Salinas vocatum, homines liberi ibidem commanentes, se & sua commiserunt patrocínio hujus sancti Benigni, annique singulis persolvebant ad ejus altare censum à semet constitutum.

Denique cum per illud tempus sanctus Martyr Benignus crebris virtutum signis claresceret, & miraculorum insignia, sanitatumque dona omnibus ad ejus tumulum venientibus ostenderentur, & largissima Domini bonitas in talibus veneratur, colitur, adoratur, magnificatur, Reges & Principes ob san-

cti Martyris meritum cœperunt locum diligere, muneribus & bonis extollere: nobiles quique possessiones & prædia condonare: devotus populus plurima conferre; multi etiam ejus patrocínio se ipsos committere. Tunc honorati quidam homines ex territorio Vesuntienfi, de villâ Cussiaco vocatâ, advenientes ad ejus Sancti limina, ejus patrocínio se commendaverunt mente devotâ. Permanferuntque annis multis in hujus sancti Benigni & ei servientium Monachorum famulatione, donec Alberico Comiti nuper data in præstariam eadem villa, ab eo injustè collata est sancto Stephano prædictæ urbis Patrono, pro sepulture suæ loco. Tamen usque hodie possessionis illius homines sancti Benigni servos se profitentur esse.

Igitur Legati Chilperici Ansoaldus & Domegileus, qui ad conspiciendam dotem in Hispaniâ missi fuerant, sunt reversi. His diebus Leobildus Rex contra Erminigildum filium suum in exercitu residebat: quem parvo transacto tempore interfecit. Ejus verò uxor volens reverti Franciam, unâ cum filio capta, atque Siciliam perducta est: ibi usque ad mortem exulavit. Chilpericus Fredegundam filiam suam cum magnis thesauris & multa familiâ in ejus obsequium Hispaniam direxit. Quam filius Leopildi uxorem accepit. Nec post morâ extante Chilpericus veniens ad villam Calensem, quæ distat ab urbe Parisius quasi centum stadiis, illic venationem exercebat. Quâdam verò die regressus de venatione jam obscurâ nocte, dum de equo susciperetur, & unam manum super scapulam pueri teneret, adveniens quidam nomine Falco, qui missus à Brunichilde fuerat, cum cultro sub ascellam percussit, iteratoque ictu ventrem ejus perforat; statimque fluente copiâ sanguinis tam per os quàm per aditum vulneris, spiritum fudit.

Cumque Guntranno perlatum fuisset, eo quod frater suus Chilpericus esset interfectus, perrexit Parisius, ibique Fredegundam cum filio Chilperici Clotario ad se venire præcepit. Quem Riolo-villâ baptizare jubet, & eum de sancto lavacro excipiens in regnum patris firmavit. Anno vigesimo quinto regni sui exercitus Guntranni Hispaniam ingreditur. Sed loci infirmitate gravatus protinus ad propria revertitur. Anno vigesimo sexto ejusdem regni Leudiscus à Guntranno Patricius partibus Provinciæ ordinatur. Childeberti Regis filius Theodebertus natus fuisse nuntiatur. Eo anno nimia inundatio fluminum in Burgundiâ fuit, ita ut solitum terminum nimium transcenderent. Ipsoque anno Leupildus Rex Hispaniæ moritur. Et obtinuit regnum Richardus filius ejus. Anno vigesimo septimo regni Domini Guntranni alius filius Childeberti, nomine Theodoricus, natus nuntiatur.

Longobardorum gens quemadmodum tributa duodecim millia solidorum ditioni Francorum annis singulis solvebant, referam: vel quo ordine duas civitates Augusta & Suifio cum territorio ad partem Francorum cassaverant<sup>i</sup>, dicam. Defuncto Clip Principe Duces Longobardorum duodecim annos sine Regibus transierunt: ipsoque tempore (sicut supra scriptum legitur) per loca in regnum Francorum proruperunt. Pro hac præsumptione in compositione Augustam, & Suifium civitates, cum integro illorum territorio & populo partibus Guntranni tradiderunt. Post hæc legationem ad Mauricium Imperatorem dirigunt. Hi duodecim Duces singuli Legatos dirigunt, pacem & patrocínio imperii petentes. Idemque & alios Legatores duodecim ad Guntrannum & Childebertum destinant, ut patro-

Chilperici mors.

689.

i Longobardi tributa Franci solvunt.

De S. Benigni Cœnobio.

Multa conferuntur S. Benigni Monasterio.

<sup>h</sup> in Bicio ] In altero codice Bicio . . . Colonias . . . Siliniaco. Item infra vestita & absa.

<sup>i</sup> cassaverant ] Vox nihili, an cesserant?

cinium Francorum & defensionem habentes, duodecim millia solidos annis singulis duobus Regibus in tributa implerent, vallem, cui nomen Ametegis, partibus Guntranni cassantes. His Legatis ubi plus congruebat patrocinium sibi firmarent. Post hæc integrâ devotione patrocinium eligunt Francorum. Nec mora post permissu Guntranni & Childeberti & Clotarii Ducem super se Longobardi sublimant in regnum. Alius Antharius itemque Dux cum integro suo Ducatu se ditioni imperii tradidit, ibique permansit. Antharius verò Rex tributa, quæ ad partem Francorum sponderat, annis singulis reddidit. Post ejus decessum filius ejus Ago in regnum sublimatus, similiter implese dignoscitur.

597.  
Guntrannus  
vitâ fungitur.

Anno trigesimo secundo regni Guntranni, ita à mane usque ad medium diem sol minoratus est, ut tertia pars ex ipso vix apparet. Anno trigesimo tertio regni Guntranni, quinto Kalendas Aprilis ipse Rex moritur, sepultus est in Ecclesiâ sancti Marcelli, in Monasterio, quod ipse construxerat. Regnum ejus Childebertus assumpsit; quod tenuit annis quatuor. Anno tertio Childeberti regnantis in Burgundiâ, multa signa cælo ostensa sunt, & stella cometes apparuit. Anno quarto, postquam Childebertus regnum Guntranni acceperat, defunctus est, regnumque ejus filii sui Theodebertus & Theodericus assument. Theodebertus sortitus est Austriam, sedem habens Mettis. Theodericus accepit regnum Guntranni in Burgundiâ, sedem habens Aurelianis. Anno quarto regni Theoderici clades glandolaria Massiliam & reliquas Provinciæ civitates graviter vastavit. Eo anno aqua calidissima in lacu Dunense, in quem Arola fluvius influit, sic validè ebullivit, ut multitudinem piscium coxisset. Anno quinto Theoderici regni, iterum signa quæ anno superiore visa fuerant, globi ignei per cælum currentes, & ad instar multitudinem hastarum ignearum ad occasum apparuerunt. Ipsoque anno Theodebertus & Theodericus Reges contrâ Clotarium movent exercitum, & super fluvium Aroana, nec procul à Doromello vico prælium confligentes, junxerunt: ibique exercitus Clotarii Regis gravissimè trucidatus est; ipseque cum ipsis qui remanserant, in fugam versus, pagos & civitates Sequanæ, qui se Clotario tradiderunt, depopulantur & vastant. Plurimi captivi ab exercitu Theodeberti & Theoderici abducuntur. Clotarius oppressus vellet nollet per pactionis vinculum firmavit, ut inter Sequanam & Ligeram usque mare Oceanum & Britannorum limitem Theodericus haberet, & per Sequanam Iſaram ducatum Denteleni integrum usque mare Theodebertus recepit. Duodecim tamen pagi inter Iſaram & Sequanam, & mare Oceanus, Clotario remanserunt.

601.

Anno sexto regni Theoderici natus est ei filius de concubina, nomine Sigibertus. Eo anno Theodebertus & Theodericus exercitum contrâ Vascones direxerunt; ipsosque, Deo auxiliante, devictos in suam dominationem redigunt, & tributarios faciunt. Eodem anno corpus sancti Victoris, qui Salodoro cum sancto Urſo passus fuerat, à beato Econio Pontifice Mauriense invenitur. Viderat namque in visu ut surgens protinus iret ad Ecclesiam, quam Sedeleuba Regina suburbano Genevenſe construxerat, & in medio Ecclesiæ designatum locum, ubi sanctum corpus jacebat. Cumque Geneva perrexisset cum beatis Rustico & Patricio Episcopis, triduanum jejunium facientes, lumen per noctem

splendidum, ubi gloriosum illud corpus erat, apparuit. Quem silentio hi tres Pontifices cum lacrymis & orationibus, elevato lapide, in arcâ argenteâ invenerunt sepultum. Cujus faciem rubentem quasi viveret, reperiunt. Ibi Theodericus Rex præsens aderat, qui multis muneribus Ecclesiam ipsam ditavit, & maximam partem ex facultatibus Warnacarii ibidem contulit. Eodem anno Eucherius<sup>1</sup> Episcopus Lugdunensis obiit. Ordinatur loco ipsius Secundinus Episcopus. Eodem anno Focas Dux & Patricius Reipublicæ victor à Persis rediens, Mauricium Imperatorem interfecit; & in loco ipsius imperium assumpsit. Anno septimo regni Theoderici de concubinâ nascitur ei filius nomine Childebertus. Eo anno sol obscuratus est. Anno quoque octavo regni Theoderici nascitur ei filius de concubinâ nomine Corbus. Eodem tempore Berthoaldus genere Francus, Major domus Palatii erat Theoderici, moribus mensuratus, sapiens & cautus, in prælio fortis, fidem omnibus conservans. Defuncto Wandamaro Duce in pago Ultramarano<sup>m</sup> & Sentengorum, Protadius ordinatur Patricius, instigatione Brunichildæ; & ut Bertrandus<sup>\*</sup> interiret, eum à ripâ Sequanæ usque Oceanum mare per pagos & civitates fiscum inquirendum dirigunt. Berthoaldus à Theoderico missus cum trecentis tantum viris, illis partibus properavit. Hæc comperiens Clotarius filium suum Meroveum, & Laudericum Majorem domus cum exercitu, ad opprimendum Berthoaldum direxit. Et maximam partem inter Sequanam & Ligerim pagos, & civitates de regno Theoderici præsumit, contrâ pactum prævadens. Cum Theodericus comperisset quod à Clotario pars regni sui contrâ jus fuerat prærepta, protinus cum exercitu Stempas super fluvium Loa pervenit, ibique obviam Meroveus filius Clotarii Regis cum Lauderico & magno exercitu venit: cum esset arduus transitus ille ubi Loa fluvius transmeatur, vix tertia pars exercitus Theoderici transierat, initum est bellum. Ibi Meroveus filius Clotarii capitur, Laudericus in fugam versus est; nimia multitudo exercitus Clotarii in eo prælio trucidata est. Theodericus Rex Victor Parisius ingreditur. Postea pacem Theodericus cum Clotario Compendio villâ inivit. Utriusque exercitus redit ad propria.

Anno decimo regni Theoderici cum Brunichildis avia ejus & Protadius Major domus assidue instigarent eum, ut contrâ Theodebertum fratrem suum moveret exercitum: tandem jussu Theoderici exercitus coadunatus loco, nomine Caraciaco, castra metasset, hortabatur à leudibus suis, ut cum Theodeberto pacem inirent. Protadius singulos hortabatur ut prælium committerent. Theodebertus non procul exinde cum exercitu residebat. Tunc omnis exercitus Theoderici inventâ occasione supra Protadium irruunt, dicentes melius esse unum hominem mori, quàm totum exercitum in periculum mitti. Interfecto Protadio Theodericus confusus & coactus cum Theodeberto pacem inivit, & illæsus uterque exercitus ad propria recessit. Anno duodecimo regni sui Theodericus Aridium Episcopum Lugdunensem, Roconem & Eboricum Comitem stabuli, ad Bethericum Regem Hispaniæ direxit, ut filiam ejus Hermobergam matrimonio sui jungendam adducerent. Qui datis sacramentis ne unquam à regno degradaretur, accipientes eam Theoderico Cabilonno præsentant. Quam ille gaudens suscepit. Factione verò aviæ suæ Brunichildæ non eam cogno-

<sup>1</sup> Eucherius: [Is est quem vulgo *Aetherius* vocant, m *Ultramarano*] Acherius conjicit *Ultrajurano*, sed an idem Dux ultrâ Juram montem & in Santonico pago fuit?

Mihi sanè non. Infrâ haud dubium quin legi oporteat, & ut *Berthoaldus*.

vit, & in tantum odiosa facta, ut post annum exspoliata thesauris, Hispaniam retransmitteret. Eo anno Theodericus persuasione aviæ suæ Brunichildis, & consilio Aridii Lugdunensis Episcopi utens, sanctum Desiderium Episcopum Viennensem de exilio regressum lapidare præcepit. Ad sepulcrum miræ virtutes hactenus sunt. Per idem tempus præsidebat Lingonensi Ecclesiæ Micus Episcopus, Divionensem verò Abbatiam, (quo in loco sanctus martyr Benignus quiescit) regebat Abbas Venerabilis nomine Gudinus, cujus diebus, scilicet, anno decimo quarto regni Theoderici Regis, quædam nobilis femina, vocata Goyla, cum consensu & laude viri sui, nomine Bonevassi, dedit prædicto sancto Martyri Benigno in villâ Longus-vicus vocata, vel in omnes fines ejus, quidquid habere, vel possidere videbatur, cum omnibus adjacentiis, vel appenditiis suis, hoc est, Fédenniaco, Postomniaco, Monasterio, Attegiis, medietate Glempono, Curce-buntiana, Ficiaco, Chevenas, Marcenniaco, de his omnibus rebus hæredem fecit post mortem suam & prædicti viri sui, sanctum Benignum.

Episcopi Lingonensis Abbates S. Benigni

Defuncto Micetio Episcopo Dodoaldus successit in Pontificatum. Hic villam vocatam Massiacum commutavit ex propriis rebus, cum illo à quo possidebatur, deditque eam sancto Benigno. Fungebatur tunc in hoc loco Bobolenus Abbatis officio; cui successit Richimarum Abbas, jam Betroaldo Episcopatum tenente. De quibus si non invenimus per scripturam quid addiderint, tamen collata bene providisse & fortiter tenuisse scimus, præcipue Elariacum vicum, quod à Guntranno Rege collocatum huc sancto Benigno fuerat cum omnibus appenditiis suis: & crebris circummanentium vicinorum molestiis infestabatur: quod usque hodie successores eorum agere non desinunt. Si quidem patres & antecessores eorum ipsum Dei Martyrem occiderunt; iste verò servientes ei non cessat persequi. In illis temporibus fuerunt & alii Abbates in hoc loco, videlicet Etheirus, Vidradus, Hugo, Odeus, Maurinus, de quorum gestis nihil ad nos pervenit, solummodo natalitia obitus eorum scripta in antiquis martyrologiis invenimus.

Anno duodecimo regni Theoderici natus est ei filius de concubinâ, nomine Meroveus; quem Clotarius de sancto lavacro suscepit. Eo anno mortuo Betherico, Sisebodus successit in regnum Hispaniæ, vir sapiens, & in totâ Hispaniâ laudabilis valde, pietate plenus. Nam & adversus rempublicam fortiter dimicavit, & provinciam Cantabriam Gothorum ditioni subegit. Dux Francio nomine, qui Cantabriam in tempore Francorum Rex erat, tributa Francorum Regibus multo tempore impleverat; sed cum à parte imperii fuerat Cantabria revocata, à Gothis præoccupatur, & plures civitates ab imperio Romano Sisebodus littore maris abstulit, & usque fundamenta destruxit. Eo tempore fuit Isidorus doctor, Hispalensis Episcopus.

Anno decimo tertio regni Theoderici habebat Theodebertus Rex uxorem, Belichildem nomine, quam Brunichildis à negotiatoribus mercaverat: & cum esset Belichildis utilis, & à cunctis Austrasis vehementer diligeretur, simplicitatem Theodeberti honestè comportans, nihiloque se minorem à Brunichilde esse cerneret, & sæpius Brunichildem per Legatos despiceret, dum ab ipsâ improperatur quod ancilla ejus fuisset: tandem cum his & aliis verbis Legatis discurrentibus, ab invicem vexarentur, placitum inter Colerence, & Suentense constituitur, ut has duas Reginas pro pace inter Theodericum & Theodebertum jungerent ad loquendum. Sed Belichildis consilio Austrasiorum inibi venire distulit.

Eo tempore beatus Columbanus, cujus fama sanctitatis creverat jam passim per universas Galliarum & Germaniarum Provincias, erat omnium rumore laudabilis, in omni cultu religionis venerabilis, in tantum, ut Theodericus Rex ad eum sæpe Luxovium, veniret, & orationum suarum suffragia omnium cum humilitate posceret. Cumque sæpius ad eum veniret, cepit eum vir Dei increpare, cur concubinarum adulteriis misceretur, & non potius legitimæ conjugis solamine frueretur, ut regalis proles ex honorabili Regina procederet, & non potius ex lupanaribus videretur emergi. Et cum jam ad viri Dei imperium Rex obtemperaret, & se omnibus illicitis segregare responderet, mentem Brunichildis aviæ, secundæ, ut erat, Jesabelis, antiquus anguis adiit, eamque contra virum Dei stimulis superbæ incitat, quia cerneret viro Dei Theodericum obedire. Verebatur enim ne si abjectis concubinis Regiam aulæ præficeret, dignitatis atque honoris sui modum amputasset. Evenit ergo ut quædam die beatus Columbanus ad Brunichildem veniret (erat enim tunc apud Brucariacum villam) eumque illa cum in aulâ venire cerneret, filios Theoderici, quos de adulterinis permixtionibus habebat, ad virum Dei adducit. Quos cum vidisset, sciscitatur quid sibi vellent. Brunichildis ait; *Regis filii sunt, tu eos benedictionibus roboras.* At ille ait; *Necquaquam, inquit, istos regalia sceptris suscepturos scias, quia de lupanaribus emerferunt.* Illa furens parvulos abire jubet: egrediens vir Dei regiam aulam, dum limitem transiret, fragor subito exortus est, qui totam quatiens domum omnibus terrorem incussit, nec tamen miseræ femine furorē compescuit. Faratque deinde insidias molire, hortatur Proceres aulicos, Optimatesque omnes, ut Regis animum contra virum Dei perturbent. Episcopos quoque sollicitare aggressa est, ut de ejus religione detrahendo statum Regulæ, quam suis custodiendam Monachis indiderat, macularent. Obtemperantes igitur Augleri persuasionibus miseræ Reginæ, Regis animum perturbant, cogentes ut accederet ad locum ac religionem probaret. Abactus itaque Rex ad virum Dei Luxovium venit, conquestus cum viro Dei, cur ab comprovincialium moribus descisceret, & intrâ septa secretiora omnibus Christianis aditus non pateret. Beatus Columbanus his & aliis verbis auditis, ut erat audax animo, objiciens Regi respondit: *Si ob hanc causam tu in hunc locum venisti, ut servorum Dei cœnobita destruas. & regularem disciplinam macules, scito tuum regnum funditus ruiturum; & cum omni propagine regiæ dimerfurum.* Quod postea rei probavit eventus (jam temerario conatu rex refectorium ingressus fuerat.) His ergo territus dictis foris celer repedit. Duris post hæc viri Dei increpationibus Rex urgebatur: contraque Theodericus ait, Martyrii coronam me tibi illaturum speras. Deinde dixit non esse tantæ dementiæ se, ut hoc tantum facinus patraret, sed potioris consilii si ageret, utilia paraturum, ut qui ab omni more disciscat, quod venerat eâ viâ repedare studeat. At quia longum est universa gesta percurrere, quas insidias Reginæ, quæ exilia, & tribulationes quas pertulit, recitare, succinctè finem rei explicemus. Vir Dei deputatis custodibus à Theoderico, qui quousque ditionis suæ regno pelleretur, non eum relinquerent: Namnetis usque perrexit. Moratus ergo ibi paululum, sciens non placere divinæ majestati, ut patriam rediret, post ad Clotarium Chilperici Regis filium, qui in Austrasis Francisque regnabat extremâ Galliâ ad oceanum politis, pergit.

Clotarius porro audierat quantis qualibusque in-

B. Columbanus multa patitur à Brunichilde.

S. Columba-

Z z iij



Clotarii  
Regem adiit.

Ejus prophe-  
tia

juris virum Dei Brunichildis & Teodericus fatiga-  
verant. Quem cum vidisset, velut cœleste munus  
suscepit: tenuit ergo eum Clotarius quantis potuit  
penes se diebus. Erat enim Clotarius pollens in amo-  
re sapientiæ.

Beato verò Columbano morante apud Clotarium  
lis oritur inter duos fratres Theodebertum & Theo-  
doricum, disceptantibus utrisque de regni terminis.  
Anno igitur quinto decimo regni sui uterque ad Clotarium  
Legatos dirigit: uterque adversus parem au-  
xilium postulat. Quod Clotarius beato viro insinua-  
re procurat, consulens, ut si videretur ejus consilii  
se uni consentiendo, contrà alium dimicaret. Ad  
quem ille repletus spiritu prophetico, ait: *Neutri  
te fore paritulum scias convenire consiliis; tuæque  
intra trienni tempus in ditione utrorumque regna  
venire.* Videns Clotarius à viro Dei talia sibi pro-  
phetico ore dici, neutri parere voluit; scilicet pro-  
nissorum sibi tempus fideliter expectans, poti-  
tus est triumpho victoriæ.

612.

Anno decimo sexto regni sui Theodericus movet  
exercitum: & Lingonis de universis regni sui pro-  
vinciis mense Maio exercitus adunatur. Dirigen-  
que per Audalaum, Nasio-castrum, super Ornam  
fluvium situm, cepit; & inde Tullo civitatem per-  
rexit. Ibi Theodebertus cum Austrasiorum exercitu  
obviavit: Tullensi in campaniâ confligit: Theodericus  
superat Theodebertum, ejusque pro-  
stravit exercitum. Cæsa est eodem prælio nimia  
multitudo virorum fortium. Theodebertus terga  
vertens per territorium Mettensem veniens, transi-  
ta Volago Coloniam fugaciter pervenit. Theode-  
ricus cum exercitu post tergum insequens, Ardui-  
nam transiens pervenit Tulliacum. Theodebertus,  
Saxones, Toringos, vel cæteras gentes trans Rhe-  
num, vel undique poterat adjuvare contrà Theo-  
doricum, Tulbiaco perrexit; ibique denuò com-  
missum est bellum à Francis, cæterisque gentibus.  
Tantaque ibi strages ab utroque exercitu facta est,  
(ubi Phalanges in congressu certaminis præliaban-  
tur) ut cadavera occisorum undique non haberent  
quâ ruere possent, sed stabant mortui, ac si vive-  
rent stricti inter cæteros. Auxiliante Deo iterum  
Theodericus Theodebertum superat, & à Tulliaco  
usque Coloniam exercitus ejus gladio trucidatus,  
oram terræ cooperuit. Eo in tempore vir Dei Co-  
lumbanus in eremo morabatur, contentus tantum  
unius ministri solatio. Eâ ergo horâ, quâ apud Tul-  
liacum commissum est bellum, supra querci putre-  
facti truncum sedebat, legens librum; quem subit-  
us sopor oppressit, & quid inter duos Reges age-  
batur, vidit. Mox excitatus ministrum vocat, cun-  
ctamque Regum pugnam indicat, multum huma-  
num sanguinem fundi suspirat. Persequutus est er-  
go Theodebertum Theodericus, & suorum proditi-  
one captum ad aviam Brunichildem Cabillono di-  
rexit. Quem illa cum recepisset, quia Theoderici  
partibus magis favebat, furens Theodebertum fieri  
Clericum rogavit, ac non multo post impiè nimis  
perimi jussit.

617.

Obiit Theo-  
doricus Au-  
strasie & Bur-  
gund. Rex.

Anno decimo septimo regni sui Theodericus exer-  
citum de Austrasiis & Burgundiâ moveri præcepit,  
volens super Clotarium irruere. Jamque exercitus  
aggrediebatur, & Theodericus Mettis civitate pro-  
fluvio ventris inter flagrantis urbis incendia mor-  
tuus est. Exercitus protinus redit ad proprias se-  
des. Brunichildis filium ejus Sigibertum in regno  
patris sufficit. Clotarius collecto exercitu fines re-  
gni, qui suæ ditioni debebantur, conatur recipe-

re. Contrà quem Sigibertus cum hostium cuneis  
pugnaturus advenit; quem Clotarius captum frau-  
de suorum peremit, furensque aliâs, fratres quin-  
que Theoderici filios cum Brunichilde proaviâ eo-  
rum cepit: pueros separatim peremit, Brunichil-  
dem verò primò ignobiliter camelo impositam, ho-  
stibus gyrando monstravit. Postque indomitum  
equorum caudis irretitam miserabiliter vitâ priva-  
vit. Funditus ergo radicitusque deleta Theoderici  
stirpe, Clotarius potitus est trium regnorum mo-  
narchiam solus.

Anno trigésimo regni sui Clotarius Burgundiæ &  
Austrasiorum regnum adeptus est. Anno trigésimo  
quarto regni Clotarius Walarium, quem Majo-  
rem-domus in Burgundiâ instituerat, cum universis  
Pontificibus Burgundiæ, seu & Burgundo Faronis,  
Bonogello villâ ad se venire præcepit. Ibi cun-  
ctis illorum justis petitionibus annuens, præceptioni-  
bus roboravit.

Anno trigésimo octavo regni Clotarius Dagober-  
tum filium suum consortem regni facit; eumque  
Austrasie Regem instituit, retinens sibi quod Ar-  
denna & Volagus versùs Neustriam & Burgundiam  
excldebant.

Anno quadragésimo secundo regni Clotarii Dago-  
bertus cultu regio ex jussu patris honestè cum Leu-  
dibus Clispiaco procul Parisius venit, ibique germa-  
nam Sichildis Regina, nomine Gomatrudem, in  
conjugium accepit. Transactis nuptiis die tertio in-  
ter Clotarium & ejus filium Dagobertum gravis orta  
est contentio, eo quod Dagobertus cuncta quæ ad  
regnum Austrasiorum pertinebant suæ ditioni vellet  
recipere, quod Clotarius vehementer denegabat ei-  
dem, nihil ex hoc volens concedere. Electi sunt ab  
his duobus Regibus duodecim ex Francis Judices, ut  
eorum disceptatione finiretur contentio: inter quos  
& Domnus Arnulphus Pontifex Metensis, inter pa-  
trem & filium pro pacis loqueretur concordia. Tan-  
dem à Pontificibus vel sapientissimis viris proceri-  
bus pater pacificatur cum filio, reddens ei solidatum  
quod adspexerat ad regnum Austrasiorum: hoc tan-  
tum exinde quod citrà Ligerim, vel Provinciæ par-  
tibus situm erat, suæ ditioni retinuit.

Anno quadragésimo quinto regni sui Clotarius  
moritur, & suburbano Parisius in Ecclesiâ sancti  
Vincentii sepelitur. Dagobertus cernens genitorem  
suum defunctum, universis Leudibus quos regebat  
in Austriâ jubet exercitum promovere; missos in  
Burgundiâ & cæteris regni partibus direxit, ut suum  
regimen eligerent. Cumque Remis venisset, Sues-  
sionis peraccedens, omnes Pontifices & Leudi de  
regno Burgundiæ inibi se Dagoberto tradidisse nos-  
cuntur: sed & Neustrasii Pontifices & Procerum  
plurima pars regnum Dagoberti vii sunt expetisse.  
Aribertus frater ejus nitebatur, si posset regnum  
assumere; sed ejus voluntas pro simplicitate parum  
fortitur effectum. Cumque regnum omne à Dago-  
berto fuisset præoccupatum, & thesauri ejus ditioni  
redacti; tandem misericordiâ motus, & sapientium  
usus consilio, citrà Ligerim & limitem Hispaniæ, &  
Vasconiæ, seu & montes Pyrenæos, pagos, & ci-  
vitates, fratri suo Ariberto concessit, id est, Tolo-  
sam, Caturcinam, Agenensem, Petrogoricum, &  
Sanctonicum, vel quod ab his versùs Pyrenæos mon-  
tes excluditur. Quod & per pactionis vinculum fir-  
mavit. Aribertus sedem Tolosanam eligens regnat  
in partibus Provinciæ & Aquitaniæ. Post annos tres  
quàm regnare cœpisset, totam Vasconiam superans,  
largius fecit regni sui spatium.

Brunichildis  
perimitur.

614.

Utroque re-  
gno Theodo-  
rici potitur  
Clotarius.

Dagobert.  
Austrasie  
Rex

Clotarium in-  
ter & filium  
contentio.

A. S. Arnul-  
pho sop. a.

618.

Clotarius mo-  
ritur. In Ec-  
clesiâ S. Vi-  
centii, nunc  
S. Germani à  
Paris sepeli-  
tur.

n pertinet Tulliacum] Acherius cum hoc loco, tum  
infra monet legi oportere Tulbiaco: idemque restituit po-  
terat addunt.



Sub eodem ferè tempore, id est quinto anno regni Dagoberti, dedit quidam illustris vir, nomine Ermembertus, & conjux ejus Hermeneara, sancto Benigno quasdam villas suæ possessionis, quæ vocantur his nominibus, Posciacum, & Fontem Lagnis in pago Latilcense; & in Lingonico pago Matiacum, quæ ante actò tempore ab Edoualdo Episcopo Lingonensi huic loco fuerat attributa, sed violentiâ pravorum hominum ablata.

Dagobertus anno sexto regni sui Burgundias ingreditur: tanto verò timore Pontifices & Proceres, & cunctos in regno Burgundiæ consistentes adventus Dagoberti concusserat, ut omnibus esset mirandus præ timore justitiæ, quam pauperibus faciebat. Veniens ergo civitatem Lingonas & inde Divion egressus, ac Latona relidens, aliquantis diebus, tantam intentionem judicandi justitiam populo regni sui habebat, ut hujus benignitatis desiderio nec somnum oculis posset capere, nec cibo satiabatur; intentissimè cogitans, ut omnes cum justitiâ acceptâ de conspectu suo remearent. Die quâdam cum à Latonâ Cabilono properaret, deliberans, & priusquam lucefceret balneum ingrediens; Branulfum avunculum fratris sui Ariberti interficere jussit: qui ab Amalgario & Ariberto Ducibus, & Wilbaldo Patricio interfectus est. Dagobertus Rex post hæc Cabilono pergit justitiæ amore quam cœperat perficiendæ. Post Augustiduno, inde Autistodoro pergens, dehinc Senona civitatem, indeque Parisius venit, Gomatrudem Reginam Rumiliaco villa, ubi matrimonium acceperat, relinquens, Nantildam unam ex puellis de ministerio ejus accipiens, Reginam sublimavit. Anno septimo regni sui cum Austrasiam regio cultu circuiret, quamdam puellam, nomine Ragnitrudem, stratu suo adscivit, de quâ eo anno habuit filium nomine Sigibertum. Aribertus Aurelianus veniens Sigibertum de sancto lavacro excepit. Anno octavo Dagoberti Aribertus Rex moritur, relinquens filium parvulum, nomine Chilpericum, qui nec post moram defunctus est: fertur factioni Dagoberti fuisse interfectus.

Anno decimo regni Dagoberti cum ei nuntiatum fuisset exercitum Vinidorum Toringam fuisse ingressum, cum exercitu de regno Austrasiorum de Metis urbe promovens; transactâ Ardennâ Maguntiam aggreditur; disponens Rhenum transire, scalam de electis viris fortibus de Neustriâ & Burgundiâ cum Ducibus & Graphionibus secum habens. Saxones missos ad Dagobertum dirigunt, petentes ut eis tributa quas fisci ditionibus dissolvebant, indulgeret; promittentes se Vinidis resistere, & Francorum limitem de illis partibus custodire spondentes. Quod Dagobertus consilio Neustrasiorum præstitit. Saxones qui hujus postulationis Legati fuerant, sacramentis, ut eorum mos erat, super arma pro universis Saxonibus firmant. Sed postmodum sicut in cæteris mendaces apparuerunt. Tamen Saxones tributum quod à Clotario seniore censiti annis singulis quingentas vacas inferendalis reddere consueverant, præceptione Dagoberti, habent indultum. Eo tempore Legati Dagoberti, quos ad Heraclium Imperatorem direxerat, his nominibus servatus & Paternus, sunt reversi, nuntiantes pacem perpetuam cum Heraclio firmasse.

Anno undecimo regni Dagoberti cum Vinidi fortiter savirent, & sæpe transgresso eorum limite regnum Francorum vastando Toringiam, & reliquos pagos insisterent, Dagobertus Metis urbem veniens cum consilio Pontificum & Procerum, seu & om-

nibus Primatibus regni sui consentientibus, Sigibertum filium suum in regnum sublimavit, sedemque Metis civitate habere permisit. Cunibertum Coloniae urbis Pontificem, & Agalgisum Ducem, instituit gubernare Palatium & regnum; thesaurum quod sufficeret filio tradidit, condignè, ut decuit in culmine regni sublimavit. Et quodcumque eidem largitus fuerat, sigillatim præceptionibus roborandum decrevit. Deinceps Austrasiorum regnum, & fines regni Francorum contrâ Vinidos utiliter defendere noscuntur. Cumque anno duodecimo regni Dagoberti eidem filius nomine Clodomiris de Nantilde Regina natus fuisset; consilio Neustrasiorum, & admonitione Principum suorum, per pactionis vinculum firmasse dignoscitur, ut Neptreco\* & Burgundia ad regnum Clodovei, post Dagoberti decessum, aspiceret. Australia verò eo quod & populo & terræ spatio coequalis esset, ad regnum Sigiberti pertinere deberet. Et quidquid ad regnum Austrasiorum jam olim pertinerat, hoc Sigibertus Rex suæ ditioni subjeceret, & perpetuo dominandum haberet, excepto Ducatu Denteleni quod ab Australis separatum fuerat, neiterum ad Neultriam jungeretur, & Clodovei regimini subderetur. Sed has pactiones Australis terrore Dagoberti coacti vellet nollet firmasse visi sunt. Quod post mortem ejus filiis regnum administrantibus dissolutum fuisse constat.

Eodem tempore quid Hispaniæ partibus à Regibus eorum gestum sit, dicendum est. Defuncto Sisebodo Rege clementissimo, Sentilla successit in regnum uno anno. Cum esset Sentilla nimium iniquus in suos, omnium Principum regni sui odium incurrit. Quapropter Sisenandus quidam ex Proceribus cum consilio cæterorum, Dagobertum expetiit ut ei cum exercitu auxiliaretur, qualiter Sentillam pelleret regno. Hujus beneficii recompensatione missorium aureum ex thesauris Gottorum quem Tresmodus Rex ab Egetio Patricio susceperat, Dagoberto dare promisit, pensantem auri libras quinquaginta. Quo audito Dagobertus, ut erat cupidus, exercitum in auxilium. Sisenandi totum regnum Burgundiæ bannire præcepit. Cumque in Hispaniâ divulgatum fuisset, exercitum Francorum auxiliando Sisenando Hispaniam ingredi, omnis Gottorum exercitus ditioni ejus se tradidit: Abundantius & Venerandus cum exercitu Tolosano tantum usque Casaraugustam civitatem cum Sisenando accesserunt, ibique omnes Gothi de regno Hispaniæ Sisenandum sublimant in regnum. Duces prædicti cum exercitu remeant ad proprias sedes, muneribus honorati. Dagobertus Legatos ad Sisenandum Regem Amalgarium Ducem & Venerandum dirigit, ut missorium quem promiserat eidem dirigeret. Cumque à Sisenando missorius ille Legatariis fuisset traditus, à Gothis per viam tollitur, nec eum exinde permiserunt auferri. Postea discurrentibus Legatis ducenta millia solidorum, quod appretiatum est missorium, Dagobertus à Sisenando accepit.

Anno tridecimo regni Dagoberti cum Vascones fortiter rebellarent, & multas prædas in regno Francorum, quod Aribertus tenuerat, facerent, Dagobertus de universo regno Burgundiæ, exercitum promoveri jubet, statuens ei caput exercitus Adoinum Referendarium, qui temporibus Theoderici Regis quondam multis præliis probatus est strenuus: cui Duces decem & exercitus eorum adjunxit. Fuerunt autem hi, Arenbertus, Amalgarius, Leudebertus, Vandamarus, Waldericus, Hermendricus, Ba-

Sigibertum & Clodoveum filios Regis Austrasie & Burgundie donat.

In Hispaniam proficiscitur.

In Vascones perduelles mittit exercitum.

\* Clodomiris] Ex sequentibus constat legi oportere Clodoveum. Haud ita multo post restituendum Neustria

Burgundia.

rontus, Airardus ex genere Francorum, Ramelenus ex genere Romanorum, Willibadus Patricius ex genere Burgundionum, Aichinus ex genere Saxonum, exceptis Comitibus plurimis, qui Ducem super se non habebant, in Vasconiam cum exercitum perrexissent, & tota Provincia Vasconie ab exercitu Burgundie fuisset repleta, Vascones de montium latebris egressi properant ad bellum. Cumque præliare cœpissent, ut eorum mos est, terga vertentes, dum cernerent se esse superandos, in fauces vallium montis Pirenæi latebram dantes, se locis tutissimis per rupes ejusdem montis collocant; exercitus post tergum eorum insequens, plurimos interficiunt, multitudinem captivorum abducunt, omnes domos eorum incendio tradunt, pecuniis & rebus exspoliant. Tandem Vascones oppressi seu perdomiti, veniam & pacem petunt, promittentes se gloriæ & conspectui Dagoberti Regis præsentaturos; suæ ditioni traditos cuncta ab eo injuncta impleturos. Exercitus patratâ victoriâ redeunt ad propria sani. Sed Arembertus Dux post agmen custodiam exercitus agens, in valle Subolâ à Vasconibus est interceptus, cum principibus & nobilioribus de suo exercitu.

Judaicæ Brit-  
tonum Rex.

Dagobertus residens Clippiaco mittit nuncios in Britanniam, ut Britones quæ malè gesserant in fines regni Francorum velociter emendarent, & suæ ditioni se traderent. Alioquin exercitus Burgundie qui in Vasconiâ fuerant, de præsentî in Britannias deberent irruere. Quod audiens Judaicæ Rex Brittonum, Clippiaco ad Dagobertum venit cum multis muneribus, cuncta quæ sui in leudibus Francorum illicitè perpetraverunt, emendandum: spondet, & semper se & regnum Britannie subiectum ditioni Dagoberti & Francorum Regibus esse promissit: indeque Judaicæ Rex Dagoberto vale dicens in Britanniam repedavit, condignè tamen à Rege muneribus honoratur. Anno quintodecimo regni Dagoberti Vascones omnes seniores terræ illius cum Amando Duce ad Dagobertum Clippiaco venerunt; ibi regio timore perterriti confugerunt in Ecclesiam sancti Dionysii: clementiâ Dagoberti vitam habent indultam. Ibi Vascones sacramentis firmiter promittunt Regi Dagoberto, & filiis suis, & regno Francorum omni tempore se esse fideles: sed solito more mentiti sunt. Permissu Dagoberti reversi sunt ad suas sedes.

643.  
Dagoberti  
obitus.

Ipsius enco-  
mia.

Dagobertus Rex eodem anno Spinogello-villa super Sequanam fluvium, non procul à Parisius, adveniens, profluvio ventris inibi ægrotare capit. Exinde ad Basilicam sancti Dionysii à suis defertur. Post paucos dies Dagobertus emit spiritum, sepultusque est in Ecclesia ipsius sancti Martyris, quam ipse condignè ædificaverat, atque auro & gemmis, multisque pretiosissimis speciebus ornaverat: tantæque opes ab eodem & villæ, & possessiones multæ per plurima loca ibidem collatæ sunt, ut miraretur plurimum. Psallentium inibi instituere ad instar monasterii sanctorum Agaunensium jusserat. Quod studio & industria Abbatis Aigulsi est adimpletum. Multas Ecclesias spoliavit, ut hanc ditaret. Omni quippe devotione suâ circa obsequium specialis Patroni intentus erat. Et ideo post mortem spe suâ frustratus non est. Qualiter verò per hunc Martyrem auxiliantibus sanctis Mauricio atque Martino à potestate Demonum anima ejus erepta fuerit, cuidam Solitario divinitus monstratum est. Quamdiu enim vixit, Basilicas horum sanctorum specialius honoravit: quamvis fuerit cupiditati & amoris mulierum intentus, in elemosynis tamen pauperum fuit largus.

Post Dagoberti discessum filius suus Clodoveus adhuc sub tenerâ ætate adscitur ad regnum. Omnes

quippe Leudi de Neustriâ & Burgundiâ cum Masolaco villa sublimant in Regem. Ega verò, quem Dagobertus custodem pueri & regni tutorem reliquerat, cum Nantilde reginâ condignè gubernabat Palatium & regnum. Anno secundo regni Clodovei apud Constantinopolim sublimatur in imperium Constantinus filius Constantini. Ejus tempore gravissimè à Saracenis vastatur imperium. Tempore enim Heraclii Imperatoris Sarracenorum gens de finibus suis egressa, regna quæ sub imperii regimine erant irruunt ad devastandum, contra quos Heraclius exercitum ad resistendum direxit. Sarraceni milites superant, eosque gladio graviter trucidant. Fertur in eo prælio centum quinquaginta millia militum Sarracenis fuisse interfecta. Iterum Heraclius congregat multitudinem exercitus: iterum vincitur: ad ultimum infelix Eutichetis hæresim sectans, cultum Christi relinquens crudeliter vitam finivit. Cui successit in imperium Constantinus filius, cujus tempore à Sarracenis respublica nimium vastatur. Duravit hæc vastitas per annos quadraginta septem, usque ad tempora Constantini superius memorati. Tunc est Hierosolyma capta, & cæteræ everlæ civitates. Ægyptus inferior & superior pervaditur; Alexandria capitur & prædatur: Africa tota vastatur & à Sarracenis possidetur: Asia & Europa quatuntur: Omnia regna mari contigua pervagantur. Ad postremum ipse Imperator Constantinus constrictus atque compulsus, est effectus Sarracenorum tributarius, ut Constantinopolis cum paucis Provinciis & insulis, & urbs Roma cum suâ patriâ sui ditione reservaretur. Tribus annis circiter, & ferè adhuc amplius, per unumquemque diem mille solidos auri Sarracenorum ærariis supplebat. Tandem resumptis viribus Constans imperium aliquantisper recuperans, tributa Sarracenis implendum refutat.

Sarraceni  
grassantur in  
imperium.

Anno tertio regni Clodovei, Ega, cui Dagobertus commiserat regni curam, moritur; & in loco ejus Herchinoaldus Major-domus constituitur. Eo tempore Sentilla Rex Hispaniæ, quem Sisenandus oppresserat, moritur; & in loco ejus Tolga ipsius filius patris precibus subrogatur. Gothorum Principes & Primates videntes deperire statum regni, eo quod Princeps esset invalidus, & minus sciens, ut pote adolescentulus: tandem eligunt unum ex primatibus, nomine Chintasindum. Collectis plurimis senatoribus Gothorum, cum cætero populo Hispaniæ sublimatur in regnum, Tolgane degradato, & ad clericatum tonsurato. Tintasindus omnem Hispaniam suâ redigit ditioni: multos Gothorum interfecit, quos in degradatione Regum priorum unâ secum noverat consocios. Cumque esset plenus dierum, filium suum, nomine Richisindum in omne regnum Hispaniæ sublimavit. Pipinus defuncto Anchilo patre suo Major-domus Sigiberti Regis in regno Austrasiorum factus est. Fuit namque Pipinus Deum timens, amator justitiæ, consilio providus, fide plenus, cautus in omnibus sapientiæ studiis, intentus in armis, strenuus, audax animo. Gubernavit regnum quamdiu vixit grandi moderatione, nec ullo munere potuit unquam à justitiâ averti.

Ega moritur.  
Erchinoaldus  
Major-domus.

Pipinus Ma-  
jor-domus  
Sigiberti Re-  
gis Austral.

Anno quarto regni Clodovei Nantildis Regina cum ipso filio suo Rege Aurelianis civitatem in regnum veniens Burgundiæ, ibi omnes seniores, Pontifices scilicet, Duces, & Primates totius regni ad se venire præcepit. Nantildis sigillatim cunctos blanditiis attrahens, Flaucatum ex genere Francorum Majorem-domus in regno Burgundiæ electione Pontificum & Principum laude in hoc gradu honoris stabilivit, neptemque suam nomine Ragnebertam eidem desponsavit. Flaucatus regnum Burgundiæ pervagatur, atque cum Archinoaldo Majore-domus se

644.

Flaucatus  
Major-domus.

Nantildis Regina moritur.

Wilbaldus interficitur.

Flaucatus febre interiit.

Gundeberga Longobardiarum Regina in carcerem detrusa.

in amicitia obligans, Wilbaldum patricium interficere disponebat. Eo anno Nantildis regina moritur. Ipsoque anno Flaucatus cum Clodoveo Rege & Archinoaldo Majore-domus, & aliquibus Primatibus Neustrasiis, de Parisiaco promovens per Senonas & Antistodorum Augustidunum accesserunt. Ibique Clodoveus Wilbaldum ad se venire precepit. Wilbaldus Patricius considerans Flaucatum cum ceteris Ducibus de suo interitu inesse consilium, colligens secum plurimam multitudinem exercitus, etiam Pontifices, seu nobiles & fortes, quos congregare potuit, Augustidunum iter arripuit. Cui obviam à Clodoveo Rege & suis Ducibus Hermentricus domesticus dirigitur, eo quod Wilbaldus trepidabat propius accedere; sed accepta securitate ex parte Regis Augustidunum accessit, Legato regis condignis muneribus prius honorato. In crastinum Flaucatus & ceteri duces, qui de interitu ejus conspiraverant, maturius ab urbe promoverunt cum exercitu. Erchinoaldus cum Neustrasiis quos secum habebat bellum aggreditur: è contra Wilbaldus tela sumens, quascumque potuit adunare Phalanges, occurrit eis. Flaucatus, Amalgarius, Ermanlenus, & Walbertus Duces contra Wilbaldum configunt; ibique Wilbaldus interficitur: plurimi cum ipso de suis gladio trucidantur. His ita gestis Flaucatus in crastino de Augustiduno promovens, Calibono perrexit: ingressus in urbem in crastino ipsa civitas incendio concrematur. Flaucatus judicio Dei percussus, vexatus à febre collocatur in scaphâ. Evectu navale per Ararim fluvium cognomento Sagonna, Latonam properans, in itinere undecimâ die post Wilbaldi interitum emisit spiritum. Sepultusque est in Basilica sancti Benigni in suburbio Divionense.

Langobardorum per hæc tempora fuerunt hi Reges. Post Autharium regnavit Ago filius ejus; hic misit Legatos ad Clotarium, offerens triginta quinque millia solidorum, ut tributa quæ Longobardi Francorum Regibus solvebant, duodecim millia solidos callaret. Quod Clotarius concessit, & pacem perpetuam cum Longobardis sacramentis & pactis firmavit. Post hunc regnavit Adoaldus filius ejus. Quo interfecto veneni poculo ob nimiam crudelitatem suam, Charoaldus Dux Taurinensis, qui Gundebergam ex genere Francorum habebat uxorem, sublimatur in regnum. Charoaldus credens dictis mendacibus Gundebergam Reginam in Caumello castro in unam turrim exilio trudit. Clotarius Rex Legatos ad Charoaldum dirigit quare Reginam parentem Francorum humiliasset. Charoaldus Regis Francorum reverentiam habens, Gundebergam reductam post tres annos de exilio sublimat in regno. Post hæc Charoaldus Rex moritur. Gundeberga Regina unum ex Ducibus, Chrotarium nomine, de territorio Bricia, acceptis ab eo sacramentis ut nunquam ab eo degradaretur de regni culmine, sumens in conjugium, illum stabilivit in regnum. Postea Chrotarius aliquantis transactis annis oblitus sacramenta quæ fecerat, Gundebergam de solio regni dejectam in unum cubiculum apud Tricinum in aula palatii retrudit: eamque privato habitu vivere fecit. Quinque anni sub eâ trusione transierunt. Illa cum esset Christiana, benedicebat Deum in hac tribulatione posita. Tandem placuit Deo ut mitteretur Aubedo Legatarius à Clodoveo Rege ad Chrotarium Longobardorum Regem: qui veniens Papiam civitatem, quæ cognominatur Ticinis, cernensque Reginam, à qua benigne in Legationem veniens susceptus fuerat, esse reclusam; inter cetera Chrotario Regi suggessit, quod Reginam parentem Francorum, per quam etiam regnum adeptus fuerat, non debuisset ita humiliare; pro quâ re Francorum Reges & omnes

1. om. 11.

Franci ei essent ingrati. Chrotarius de præsentibus ob reverentiam Francorum Gundebergam de custodia jubet egredi, & per totam civitatem & foris regali ordine per loca sanctorum ad orationem procedere: de villis & opibus fisci omnia quæ amiserat ei restitui præcepit. Quod usque ad diem sui obitus regio cultu post feliciter tenuit. Aubedo verò à Gundebergâ Reginâ fortiter remuneratus repedavit ad Regem.

Defuncto Sigiberto Austrasiorum Francorum Rege, filius ejus Dagobertus succedit in regnum. Pipinus, ut diximus, post Regem totius regni curam gerebat. cujus filius, nomine Grimoaldus, sub imperio patris palatio præerat. Hic considerans Dagobertum inertem, & ad regni curam minus utilem, fecit eum tonderi ad Clericatus ordinem.

Clodoveus igitur Rex, qui & Clotarius dictus est, octodecim annis in regni administratione completis, defunctus est in primævo flore juventutis, relictis tribus filiis, Clotario, Childerico, & Theoderico, unâ cum matre eorum Baldechilde Reginâ. E quibus Clotarius natus major, regnum patris sui Clodovei, Neustriæ, & Burgundiæ obtinuit. Childericus verò Austriæ & Germaniæ sedem adeptus est. Anno igitur octavo regni sui Clotarius Rex residens Mosollaco palatio suo, Wlfechrannus Abbas hujus loci adiit ejus præsentiam, conquerens super quorundam militum ejus violentiâ: Guntrannus namque Rex dederat sancto Benigno Martyri Patrono Divionensis loci, Clariacum-villam cum omnibus appenditiis suis; de cujus possessionis terris supra scriptis calumniatores molestias inferebant multas memorato Abbati, Monachisque hujus loci. Rex ergo Clotarius annuens ejus precibus, fecit præceptum sancto Benigno de præscripto fundo annuloque suo jussit insigniri, ut nullus supradictorum calumniantium; aut eorum hæredes, vel successores, aut ullus aliquis alius cujuscumque honoris ac dignitatis in denominato agro audeat aliquam vim inferre. Erat tunc Major-domus Regis supra nominatus Aubedo, quem inscriptio ejusdem præcepti Audebellum vocat.

Tempore prædicti Wlfechranni venerandæ memoriæ Abbatis præsidebat Lingonum Ecclesiæ Eronus venerabilis Episcopus, qui inter cetera beneficia quæ huic contulit loco; à summo Pontifice, vel verius Romanis Pontificibus Joanne & Sergio Romanæ Ecclesiæ petiit fieri decretum: in quo continetur, ut nullus præsumat constituere Cæmeterium vel sacrare, præter hunc qui ad istam sancti Benigni Ecclesiam pertinet: & ut nullus audeat vim aliquam inferre in Claustro vel in Burgo ad hunc locum pertinente. Cujus exemplar decreti placuit huic libro inferre, ut videntes discant quantum imminet illis periculum, qui non timent obligari anathematis vinculo per Petri Apostoli vicarium. Anno Domini DC. XC. VI. ab Incarnatione Domini nostri Jesu Christi, præsidebat sanctæ Romanæ Ecclesiæ Sergius Papa; cujus hæc sunt verba:

Sergius gratiâ Dei Pontifex Romanus Heroniæ Lingonum Præsuli salutem & Apostolicam benedictionem. Quam primum nobis attendendum, charissime, ne hostis malignus gregem Christi perturbet aliquâ occasione. Divionentium namque Monachorum Martyri Benigno sub regimine Wlfechranni Abbatis devotè famulantium reclamatio ad nos pervenit, Clericos jam dicti castri ad se eorum cæmeterium transferre conari. Hoc quia prædecessoris mei Joannis, Benedicti utique successoris contradicit decretis, autoritate beati Petri & nostrâ prohibetur sub percussione anathematis. Nam sicut Gregorius olim prædecessor vester

Sigibertus Austrasiarum Rex obiit.

660.

Wlfechrannus Abbas.

Eronus Lingonum Episcopus.

696.

Litteræ Sergii I. ab Wlfechranno obtentæ.

A A a

» adhortatu præfati Martyris, monasterii ipsius con-  
 » structor, utriusque vivis sancivit unum quo san-  
 » ctus jacet, concorditer cœmeterium: ita nostræ  
 » authoritatis litteræ censuerunt corroborandum.  
 » Quisquis etiam à torrente, qui utrumque Bur-  
 » gum dividit auferre ab eodem Burgo vel clauſtro  
 » aliquid, excepto Abbate vel Monachis, præsum-  
 » ſerit, simili ſententiâ ſe damnaturum noverit.  
 » Benè valete. « Data per manus Joannis Bibliothecarii tunc ſanctæ Sedis Apoſtolicæ anno Pontificatus Domni Sergii univerſalis Papæ decimo in ſacraſſimâ ſede beati Petri Apoſtoli indiſtione undecimâ.

Agilbertus;  
 B. bolenus  
 Abbates.

Clotarius vi-  
 ra ſuſtus.  
 Cui ſucceſſit  
 Childericus  
 Rex Auſtra-  
 liæ.

Et hæc Theod-  
 doricus.

S. Leodegar-  
 rius, S. Lam-  
 bertus.

Pipini laudes.

S. Vvillebro-  
 dus in Friſiam  
 miſſus.

709.

714.  
 Moritur Pi-  
 pinus.

Dagobertus

Deſuncto verò Wlfechranno Abbate ſucceſſit in locum regiminis Agilbertus: poſt quem præfuit B. bolenus.

Clotarius Rex igitur poſtquàm aliquot annis tenuit regnum, immaturâ præventus morte reliquit illud ſine hærede. Cujus obitum dolentes Francorum Principes, germanum ejus Childericum Regem Auſtraſiorum (quem audierant ſapienter & providè regnum diſponere) in omni ſublimant Francorum regno. Adeptus verò Principatum, quidquid adverſus leges Regum priorum ac Majorum Principum, quorum vita quondam laudabilis exſtiterat, ineptum atque contrarium reperit, ad priſtinum ſtatum prudentiſſimè revocavit. Eo tempore Godinus quidam ex Primatibus Burgundiæ unâ cum conjuge ſua, nomine Lantrude, dedit ſancto Benigno alodium juris ſui, cui vocabulum eſt Albiniaſus, ſitum in pago Decolatunſe quod nunc generaliter Portuenſis dicitur.

Childericus ergo Rex paucis annis quibus regnum Francorum obtinuit, æquo moderamine juſtiſque legibus diſponens ipſum regnum; deſunctus eſt, & germanus ejus Theodericus in regno fratris loco ſublimatus. Quod tenuit annis ſexdecim. In diebus ejus ſanctus Leodegarius eſt interfectus ab Ebroino Majore-domus, & ſanctus Lambertus Tungrorum Epicoſus à Dodone Comite. Hi uno tempore innocenter occiſi, coronam martyrii ſunt adepti. In illo tempore deficientibus jam à priſtino vigore Regibus, cura totius regni adminiſtrabatur per Duces & Principes domus: inter quos omnes præminēbat Pipinus, quem ſuprà retulimus, vir omni ſapientiâ adornatus: ejusdemque regni maxima pars erat in manu ejus. Hic devictâ Friſiâ, atque ipſius regni fugato Rege, nomine Ratbodo, miſit illuc ad prædicandum ſervos Dei venientes ex Britannia, Willebrodum & ſocios ejus, qui non parvam populi multitudinem ad Chriſtum converterunt. Theoderico Rege deſuncto Childibertus filius ejus ſucceſſit in regnum.

Anno ab Incarnatione Domini ſeptingenteſimo nono, Pipinus perrexit in Suvavos contra Willarium. Item anno ſequenti commovit exercitum ſuper prædictum tyrannum. Anno tertio aquæ vehementer inundaverunt. Et Childibertus Rex mortuus eſt; & exercitus Francorum in Suvavos. Anno quarto iterum exercitus Francorum in Suvavos contra Willarium perrexit: & Eribertus Rex Langobardorum mortuus eſt.

Anno ſeptingenteſimo quarto decimo Pipinus mortuus eſt in menſe Decembris: & Grimoaldus filius ejus ſimiliter mortuus eſt: & Carolus ſucceſſit in locum patris.

Eo tempore Aſtoricus Epicoſus erat Lingonum; & Babolenus regebat iſtud Cœnobium: tunc dedit Ermenoara Domino ſacrata ſancto Benigno quidquid habebat in villa Ruſſiaco, ſcilicet manſa cum ædificiis de ſuper poſitis, omnibuſque adjacentiis.

Anno ſeptingenteſimo quinto decimo Dagobertus

Rex mortuus eſt, & Saxones devaſtaverunt terram Bagoariorum. Anno ſeptingenteſimo decimo ſeptimo bellum fuit in Vinciaco inter Carolum & Ragofredum Majorem-domus: fugitque Ragofredus, & exercitus ejus caſus eſt plaga magnâ uſque ad fluvium Wiſera. Anno ſequenti Carolus intravit Saxoniam vaſtavitque eam. Anno ſeptingenteſimo viceſimo primo expugnavit Eudo Saracenos de terrâ ſua. Anno quarto poſt hunc, expugnavit Carolus Andegavos; quia rebellabant adverſus eum. Theodericus filius Dagoberti Junioris regio tunc ſublimatus erat in ſolio. Cui ſucceſſit Clotarius, & Clotario Childibertus, Childberto Childericus, in quo deſecit generatio Clodovei Regis, qui uſque tunc regnaverat.

Anno ſeptingenteſimo viceſimo quinto Carolus ſubjecit ſibi Bagoarios; & Saraceni irruerunt in Galliam. Anno ab hinc ſexto Carolus perrexit in Suvavos contra Lauffredum. Sequenti anno Carolus fuit in Vaſconia contra Eudonem; & Ragofredus tyrannus mortuus eſt. Anno ſequenti Carolus pugnavit contra Saracenos in menſe Octobris, die Sabbati, juxta civitatem Piſtavis. Iterum anno ſeptingenteſimo trigefimo ſeptimo innumera multitudo Saracenorum coadunata, quæ duodecim Reges habebat ſuper ſe, quorum primus & maximus erat Abditama Rex Cordubæ civitatis, occupaverunt Gothiam, obſideruntque Narbonam civitatem. Quod audiens Carolus congregavit exercitum copioſum, inſuper & Lindebrandum Longobardorum Regem convocavit in auxilium: conſertoque cum Saracenis prælio; ita eos contrivit, ut de tantâ multitudine vix aliquis potuerit evadere: ſed & uſque hodie gens illa truculenta Francorum formidat arma. Anno DCC. XXXIX. Carolus intravit in Provinciam uſque Maſſiliam: invaſit Vaſconiam; vaſtavit Friſiam, expugnavit Saxoniam, contrivit Alamaniam atque Bagoariam. Anno ſeptingenteſimo quadregefimo primo Carolus *Tudites* mortuus eſt, qui propterea appellatus eſt Tudites, quod eſt Malleus fabri, quia ſicut Malleo univerſa tunduntur ferramenta, ita Carolus omnia regna ſibi vicina attrivit. Deſuncto Carolo filii ejus Carlomanus & Pipinus ſuſceperunt curam regni. Anno ſeptingenteſimo quadregefimo ſecundo Carolus perrexit Vaſconiam. Anno ſequenti vaſtavit Alamaniam. Anno quarto Carlomanus & Pipinus invaſerunt Saxoniam. Anno ſeptimo Carlomanus relicta curâ regni Pipino fratri Romam perrexit, atque in monte Soracte Monachus habitationem inſtituit. Poſtea non ferens moleſtiam crebrò ſe viſitantium eorum qui de Francia pergebant ad linina Apoſtolorum, ad ſanctum Benedictum in montem Caſſini commigravit.

Anno ſeptingenteſimo quinquageſimo ſecundo Domnus Pipinus Rex ſacratus eſt per manus Stephani Papæ, & duo filii ejus Carlomanus, & Carolus qui Magnus dictus eſt. Anno quarto Pipinus Rex intravit Longobardiam: & Stephanus Papa reverſus eſt Romam. Eodem tempore ſanctus Bonifacius, genti Friſonum prædicans ſuſcepit martyrium. Anno ſexto iterum Pipinus Rex perrexit Longobardiam, & Haſtulfus Rex mortuus eſt. Anno ſequenti delata ſunt organa de Græciâ miſſa ab Imperatore cum certis muneribus Domino Pipino Regi. Anno ſeptingenteſimo ſexageſimo Pipinus Rex perrexit Vaſconiam contra Waſſarium. Iterum anno ſequenti cum filiis Carolo & Carlomano perrexit Aquitaniam, & acquiſivit civitatem Bituricas. Pipini Regis anno nono quidam homo, Rocolenus nomine, dedit ſancto Benigno alodium ſuum villare vocatum, ſitum in pago Belnenſi in fine Milliacenſi, cum omnibus ſuis appenditiis. Eodem tem-

II. moritur.

Carolus-  
 Martellus.

725.  
 Carolus ſtre-  
 nuè multa  
 gemit.

737.  
 Saracenos  
 expugnavit.

759.

Quare Mal-  
 leus appella-  
 tus.

Carlomanus  
 & Pipinus.

Carlomanus  
 fit Mona-  
 chus.

751.  
 Pipinus Rex  
 inauguratur.

S. Bonifacius  
 Martyr occu-  
 buit.



pore quidam Clericus nomine Bago, dedit sancto Benigno hereditatem suam omnem quam habebat in Aliriaco & Istodoro atque Salas, quicquid in prædictis villis possidere videbatur, tam mansis quam quæ in aliis terris ad eadem mansa pertinentibus.

Anno septingentesimo sexagesimo secundo iterum Pipinus Rex cum exercitu perrexit Aquitaniam unâ cum Carlomano; captoque omni pago Alvernico, civitatem Claromontem & Burbonis castrum igne cremavit. Anno septingentesimo sexagesimo quarto Pipinus Rex placitum magnum habuit cum Francis apud villam Carisiacum. Eodem anno fuit hyems gravissima, & tenuit gelu à decimo nono Kalendas Januarii, usque sexto Kalendas Aprilis. Anno septingentesimo sexagesimo septimo iterum Pipinus Rex intravit Aquitaniam, & conquiescit Lemovigas civitatem. Et Bertha Regina uxor ejus apud Bituricas hyemavit. Eodem anno sequenti, anno videlicet septingentesimo sexagesimo octavo, Pipinus Rex obiit octavo Kalendas Octobris, apud Parisios civitatem morbo intereuntis aquæ: & Walfarius fuit interfectus.

Eodem anno Dominus Rex Carolus & Carlomanus uncti fuerunt in Reges septimo Idus Octobris. Franci siquidem factò solemniter generali conventu ambos sibi Reges constituunt, eâ conditione præmissâ, ut totum regni corpus ex æquo partirentur, & Carolus eam partem quam pater eorum Pipinus tenuerat, Carlomanus verò eam partem, cui patruus eorum Carlomanus præfuerat, regendi gratiâ susceperet. Susceptæ sunt utrimque conditiones, & pars regni divisi juxta modum sibi propositum ab utroque recepta est. Mansitque ista quamvis cum summâ difficultate concordia, multis ex parte Carlomani societatem separare molientibus, adeo ut quidam eorum bella committere sint meditati. Sed in hoc plùs suspicionis quam periculi fuisse ipse eorum exitus approbavit. Defuncto Carlomano uxor ejus cum filiis & quibusdam, qui ex optimatum ejus numero Primores erant, Italiam fugâ petiit; & nullis existentibus causis spreto mariti fratre, sub Desiderii Regis Longobardorum patrocinium se cum suis liberis contulit. Et Carlomanus quidem post administratum communiter quadriennio regnum decessit. Carolus autem fratre defuncto constituitur rex solus omnium Francorum.

Anno igitur septingentesimo sexagesimo nono, sui verò regni secundo, omnium bellorum quæ gessit primò Aquitanicum, à patre inchoatum, sed nondum finitum, quia citò peragi posse videbatur, fratre adhuc vivo etiam & auxilium ferre rogato, suscepit. Et licet cum fratre promisso frustra esset auxilio, susceptam tamen expeditionem strenuissimè exequutus, non prius ab incepto desistere voluit, quam hoc quod efficere moliebatur perfectò fine concluderet. Nam ut Himaldum, qui post Vaisarii mortem Aquitaniam occupaverat, bellumque jam penè peractum reparare tentaverat, Aquitaniam relinquere & Vasconiam petere cogit. Quem tamen ibi consistere non sustinens, transmissò amne Garonna, Lupo Vasconum Duci mandat, ut per fugam reddat: quod nisi festinatò faciat, bello se eum expugnaturum. Lupus saniori usus consilio, non solum fugitivum reddidit, sed etiam se ipsum cum Provinciâ, cui præerat, ejus potestati commisit.

Compositis igitur rebus in Aquitaniâ eoque bello finito, regni quoque socio jam rebus humanis exempto, precibus Adriani Romanæ urbis Episcopi exoratus, bellum contra Longobardos suscepit.

Anno septingentesimo septuagesimo secundo Ca-

Tom. II.

rolus Rex intravit Italiam, & concitato bello, quod prius quidem & à patre ejus, Stephano Papa supplicante, cum magnâ difficultate susceptum est, quia quidam ex primoribus Francorum, cum quibus consultare solebat, adeo voluntati ejus renisi sunt, ut se Regem deserturos domumque redituros, liberâ voce proclamarent. Cœptum tamen est tunc contra Haistulfum Regem, & celerrimè completum. Sed licet sibi & patri belli suscipiendi similis, ac potius eadem causa subesse videretur, haud simili tamen labore certatum, ac fine constat esse completum. Pipinus siquidem Haistulfum Regem paucorum dierum obsidione apud Ticinum & obsides dare, & erepta Romanis restituere, atque ut reddita non repeterentur sacramento fidem facere. Carolus verò post inchoatum à se bellum non prius destitit, quam & Desiderium Regem, quem longâ obsidione fatigaverat, in deditionem susceperet. Filium ejus Adalgisum, in quem spes omnium inclinatæ videbantur, non solum regno, sed etiam Italiâ extedere cogeret, omnia Romanis erepta restitueret: Chrodogausum Forojulii ducatus Præfectum res novas molientem opprimeret, & Habiliunum socerum ejus Tarvisâ civitate obsessum caperet, totamque Italiam subjugaret, subactâque filium suum Pipinum Regem præficeret. Finis hujus belli fuit subacta Italia. Et Rex Desiderius perpetuo deputatus exilio in Franciâ, filius ejus Adalgisus Italiâ pulsus, & res à Longobardorum Regibus ereptæ Adriano Romanæ Ecclesiæ Rectori restituta. Italiam intranti, quàm difficilis Alpium transitus fuerit, quanto labore Francorum invia montium juga & eminentes in cælum scopuli, atque asperæ cautes superatæ, longum est enarrare.

Anno septingentesimo septuagesimo sexto, Rex Carolus ut audivit quòd Saxones iterum rebellassent contra Francos, commovit exercitum adversus eos, bellumque, quod quasi intermissum videbatur, repetitum est. Saxones siquidem sicut omnes ferè gentes Germaniam incolentes, & naturâ feroces & cultui dæmonum dediti, nostræque religioni contrarii, neque divina neque humana jura verentur transgredi. Suberant & causæ quæ quotidie pacem turbare poterant, termini videlicet utrorumque utique in plano positi, in quibus cades & rapinæ, & incendia vicissim fieri non cessabant. Ob quam rem ædificaverunt Franci in finibus Saxonum civitatem, quam vocaverunt Caroli urbem; susceptum verò adversus eos bellum, quod magnâ utrimque animositate, majore tamen Saxonum, quàm Francorum damno, per continuos triginta tres anno gerebatur. Videntes Saxones quia non potuerant Francis resistere, venerunt majores naturæ ad Dominum Regem Carolum postulantes pacem: & baptizata est multitudo populi ipsorum.

Anno septingentesimo septuagesimo septimo gloriosus Rex Carolus venit Saxoniam, loco qui vocatur Patris Brunna; & ibi habuit placitum magnum, & ibi convenerunt Saxones ad baptismum Catholicum; ædificaveruntque ibi Ecclesiam Franci, multaque millia populorum ibi baptizata sunt; eâ conditione à Rege propositâ, & ab illis susceptâ ut abjecto dæmonum cultu, & relictis patriis ceremoniis, Christianæ fidei Sacramenta susceperent; & Francis adunati unus cum eis populus efficerentur. Hoc bello licet per multum temporis spatium traheretur, ipse non amplius cum hoste quàm bis in acie confligit, semel juxta montem, qui Olmuggi dicitur, in loco Theotinelli nominato. Et iterum apud Aisa fluvium, & hoc uno mense paucis quoque interpositis diebus. His duobus præliis hostes adeo profligavit, ac devicti sunt, ut ulterius Regem neque

A A a ij

Bellum contra Saxones.

Caroli urbs.

777. Devicti Saxones à Carolo Rege.

761. Aquitania pergitur.

768. Pipinus ab huiusmodi ex-

Carolus & Carlomanus inaugurati.

Obiit Carlomanus.

Ducem Aquitan. devincit Caroli. Mag.

Adriani PP. rogatu bellum in Longobardos suscepit.

772.



venienti resistere auderent. Plures tamen eo bello tam ex nobilitate Francorum, quam Saxonum, & functi summis honoribus viri, consumpti sunt. Rex itaque omnium qui suâ ætate gentibus dominabantur & prudentiâ maximus, & animi magnitudine præstantissimus: nihil in his quæ vel suscipienda erant, vel exequenda, vel propter laborem detractavit, aut propter periculum exhorruit.

In Hispaniam proficiscitur.

Anno septingentesimo septuagesimo octavo Carolus Rex assiduo ac penè continuo cum Saxonibus bello decertans, dispositis per congrua confinium eorum loca prædiis, Hispaniam aggreditur, quàm maximo belli apparatu poterat, saltuque Pirenei superato, omnibus quæ adiit opidis atque Castellis in deditioem acceptis, scilicet Pampilona, Osca, Barzilona, atque Gerunda. Deinde acceptis obsidibus salvo & incolumi exercitu, revertitur. Præter quod in ipso Pyrenei jugo Vasconiam perfidiam parumper in redeundo expertus est. Nam cum agmine longo, ut loci & angustiarum situs pernoscerebat, porrectus iret exercitus, Vascones in summi montis vertice positos insidiis (est enim locus ex opacitate sylvarum, quarum ibi maxima est copia, insidus ponendis opportunus) extremam impedimentorum partem, & eos qui novissimi agminis incedentes subsidio præcedentes tuebantur, desuper incurstantes in subiectam vallem deiecerunt; confertoque cum eis prælio usque ad unum omnes interficiunt. Ac diræptis impedimentis, noctis beneficio, quæ jam instabat, protecti summa cum celeritate in diversa disperguntur. Adjuvabat in hoc facto Vascones & levitas armorum, & loci, in quo res gerebatur, situs: e contra Francos & armorum gravitas, & loci iniquitas, per omnia Vasconibus reddidit impares. In quo prælio Egichardus regis mensæ Præpositus; Antelmus Comes Palatii, & Ruolandus Britannici limitis Præfectus, cum aliis compluribus interficiuntur. Neque hoc factum ad præsens judicari poterat, quia hostis eo perpetrato ita dispersus est, ut ne fama quidem remaneret ubi nam gentium quæri potuisset. Domuit & Britones qui ad Occidentem in extrema quâdam parte Galliæ super littus Oceani residentes, dicto audientes non erant; missâ in eos expeditione, quâ & obsides dare, & quæ jungebantur se facturos polliceri coacti sunt.

Carolus Italiam petit.

Iterum Carolus Rex Italiam ingressus cum exercitu, ac per Romam iter agens, Capuam Campaniæ urbem accessit: atque ibi positis castris bellum Beneventanis ni dederentur comminatus est. Prævenit hoc Dux gentis Aragisus filios suos Rimoldum, & Grimoldum, cum magnâ pecuniâ obviam Regi mittens, rogat ut filios obsides suscipiat, seque cum gente imperata facturum pollicetur; præter hoc solum si ipse ad conspectum Regis venire non cogeretur. Rex utilitate gentis magis quam animi ejus obstinatione consideratâ, & oblatos sibi obsides suscepit, & quæ petebantur concessit, unoque ex filiis ejus oblatus gratiâ retento, Legatis ob sacramenta à Beneventanis exigenda, atque suscipienda cum Aragiso dimissis, Romam rediit, indeque Galliam revertitur.

787. Item in Bajoariam.

Anno septingentesimo octuagesimo septimo Bajoaricum bellum & repente ortum, & celeri fine completum est, quod superbia Tassilonis Ducis excitavit. Qui hortatu uxoris, quæ filia Desiderii Regis erat, ac patris exilium per maritum ulcisci posse putabat, juncto fœdere cum Hunnis, qui Bajoarii sunt ab oriente contermini, non solum impetata non facere sed etiam bello Regem provocare tentabat. Cujus contumaciam animositas Regis ferre

nequivit, ac proinde contractis undique copiis Bajoariam petiturus, ad Lechum amnem cum maximo venit exercitu (is fluvius Bajoarios ab Alamannis dividit) cujus in ripa castris collocatis animum Ducis per Legatos statuit experiri. Ille non pertinaciter agere, vel sibi vel genti utile ratus, supplex se Regi permisit, obsides dedit; inter quos & Theudonem filium suum: data insuper fide cum juramento, quoddam ab illius potestate ad defectionem nemini suadenti assentiri deberet. Sicque bello, quod quasi maximum futurum videbatur, celerissimus est finis impositus. Anno sequenti Thassilo Dux ad Regem evocatus, eo quod pactum violare conatus sit, non est redire permittus, neque provinciam quam tenebat ulterius Duci; sed Comitibus ad regendum est commissa. Anno quintodecimo regni Caroli Regis obiit Hildegardis Regina; conjux prædicti Principis, & Bertrada mater ipsius eodem anno defuncta.

Obiit Hildegardis Regina, & mater Bertrada.

Anno septingentesimo octuagesimo nono bellum illatum est Sclavis qui nostrâ consuetudine Wilei, id est, Winidi, suâ loquutione Welitabi dicuntur. In quo & Saxones velut avidiores inter cæteras nationes, quæ magis signa jussu loquebantur, quamquam fictâ & minus devotâ obedientiâ militabant. Causa belli erat, quoddam Abotritos; qui cum Francis olim fœderati erant; assidua incurusione lacessibant; nec jussionis coerceri poterant. Sinus quidam ab Occidentali Oceano Orientem versus porrigitur, longitudinis quidem incomptæ, latitudinis verò quæ nusquam centum millia passuum excedat, cum in multis locis contractior inveniatur. Hunc multæ circumfledent nationes. Dani liquidem & Suevi, quos Nordmannos vocamus, & septemtrionale litus, & omnes in eo insulas tenent. Ad litus australe Sclavi & Agisti & aliæ diversæ incolunt nationes. Inter quos vel præcipui sunt, quibus tunc à Rege bellum inferebatur, Wentelabi, quos ille unâ tantum & quam per se gesserat expeditione, ita contudit ac domuit, ut ulterius imperata facere minime renuerent.

789. Bellum in Winidos.

Anno septingentesimo nonagesimo primo, Rex Carolus commoto magno exercitu bellum Hunnis intulit, quod maximum omnium quæ ab illo gesta sunt bellorum, præter saxonicum, fuit; quod ille & animosius quam cætera, & longè majori apparatu administravit. Unam tamen per se expeditionem in Pannoniam, quam provinciam ea gens incolabat, tunc fecit, cætera filio suo Pipino ac præfectis provinciarum, Comitibus etiam perficienda atque Legatis commisit. Quod cum ab his strenuissimè fuisset administratum, octavo tandem anno completum est. Quot prælia in eo gesta, quantum sanguinis effusum sit, testatur vacua omni habitatore Pannonia, & locus in quo regia Cagrienerat ita desertus, ut ne vestigium in eo quidem humanæ habitationis apparcat. Tota in hoc bello Hunorum nobilitas periit, tota gloria decidit, omnis pecunia, & congesti ex longo thesauri direpti sunt, neque ullum bellum contra Francos exortum humana potest memoria recordari, quo illi magis ditati & opibus aucti sunt, tantum auri & argenti in regiâ repertum, tot spolia pretiosa in præliis sublata, ut merito credi possit hoc Francos Hunnis justè eripuisse, quod illi cæteris gentibus injustè abstulerant. Duo tantum ex Proceribus Francorum eo bello interierunt: Hericus Dux Forojulii, & Hierulus Bajoarii præfectus. Cæterum incruentum penè Francis hoc bellum fuit, & prosperum exitum habuit, tamet si diutius sui magnitudine traheretur. Post quod

791. Bellum inter Hunnis.

p avidiores] Lege au illiores. ... quæ Regis signa jussu siquæantur. Infra restituo ita contudit ac domuit.

& Saxonicum suæ prolixitati convenientem finem accepit. Boemanicam quoque & Linonicam quæ postea exorta sunt, diù durare non potuerunt. Quorum utrumque ductu Caroli filii sui, quem Burgundiæ regno præfecerat, celeri fine completum est.

Tempore illo quo prænominatus Rex magnus Carolus accepit regni curam, Abbas nomine Waldricus regebat hanc Abbatiam: cujus tempore quidam vir Ansegaudus nomine, partem suæ hereditatis quam possidebat in villâ Salonis vocatâ; nec non & aliâ villâ, vocabulo Bargis; contulit Ecclesiæ S. Benigni Martyris. Similiter quidam Leotodus nomine; non contemnendam partem suæ possessionis in prædictis villis tradidit præfato Martyri provisorio Divionensis loci, cujus rei donationem fecit per chartæ conscriptionem; in quo scripto vocatur Pontifex idem Waldricus: cujus series ita se habet: » Domino sacro-sanctæ Basilicæ sancti Benigni Martyris, sub opido Divionensi constructæ, ubi venerabilis vir Dominus Waldricus præfesse videtur Pontifex, & David Presbyter, & cætera quæ sequuntur. Idem verò David Præpositi fungebatur officio. Ipse emit de quodam propinquo suo, Aldeberto vocato, mansum unum cum omni terrâ ad eum pertinente, in villâ Assiriaco. Per idem tempus quidam vocabulo Egremarus, & Eva uxor ejus, in villâ Norviâ dictâ, quamdam partem suarum rerum dedit ad præfatum locum S. Benigni.

Defuncto Waldrico Abbate successit in regimine pastoralis officii Aridius. Cujus tempore adolescens quidam ex nobili ortus progenie, nomine Dodo, veniens ad conversionem in hoc Divionense monasterium, Deo & sancto Benigno cupiens militare, tradidit, prædicto Abbati Aridio, & Monachis hujus loci, quidquid possidere videbatur in villâ Salonis, & in Bargis, totum ad integrum, & in villâ Monfarulsi vocatâ, dimidiam quæ ad se pertinebat, cum omnibus appenditiis, & mancipiis de super commanentibus. Et constituit, ut ipsi servi annis singulis uno die ad mensam fratrum darent frumenti modium unum in pane, vini modium unum, cervisiæ modia duo; & pretium unde possint præparari duo pulmentaria secundum quod præcipit Regula Monachorum.

Memorato Abbate Aridio diem obeunte, Hildebrannus accepit curam regiminis. In cujus diebus quidam, Frodo nomine, dedit ad memoratam Ecclesiam sancti Benigni terram quamdam juris sui, sitam in pago Belnensi, in fine Consumactense, in loco vocato Vatnedo. Facta est hæc donatio anno primo imperii Caroli magni Regis: Peractis aliquot annis Hildebrannus in pastoralis curâ defunctus est. Cui successit Herlegaudus Abbas nobilibus hujus provinciæ natalibus ortus. Is omne patrimonium, quod sibi ab antecessoribus relictum possidebat, vel quod à parentibus suis emere potuit, huic Ecclesiæ quam regebat totum contradidit. Sub ejus tempore quidam Winiterus vocabulo, de terrâ proprietatis suæ in Assiriaco villâ duos campos dedit sancto Martyri Benigno. Jam eo tempore fervor monasticæ Religionis tepuerat: jam unusquisque in bonis patrum suorum hæres fieri quærebat: unde quidam eorum quod sibi acquisierant, in servitium fratrum & communem utilitatem loci publicè contradebant. Dederunt igitur Dodo, Amalbaldus, Heraclius res quas possidebant in Salonis villâ, atque Bargis. Similiter Witgerius Presbyter quidquid in prædictis villis à parentibus suis acquirere potuit, sancto Benigno Martyri contradidit. Quidam quoque Lebrandus Clericus, Presbyter ordine, gradu ex parentelâ ejusdem Abbatis Erlegaudi existens, intra castrum Divion mansum unum, & foris muros ter-

ras quæ pertinebant ad præscriptum mansum, quæ emerat à quodam Adalrao germano Farulsi, qui erant parentes sui, & præfati Abbatis, contulit sancto Martyri Patrono hujus loci. Vixit autem prædictus Abbas & perduravit in regimine Monasterii usque ad tempora Ludovici filii tæpius dicti Caroli Magni.

Præfatus igitur Rex Carolus ultimum bellum egit contra Normannos, qui Dani vocantur: primò quidem piraticam exercentes, deinde majori classe aggregatâ littora Galliarum atque Germaniarum vastabant. Quorum Rex Godefridus adeo vanâ spe inflatus erat, ut sibi totius Germaniæ potestatem promitteret, Frisiam quoque atque Saxoniam haud aliter atque suas Provincias æstimabat. Jam autem Abroditos vicinos suos in suam ditionem redegerat: jam vestigales fecerat. Jactabat etiam se brevi Aquisgranni, ubi Regis comitatus erat, cum maximis copiis adventurum: nec dictis ejus fides abnuebatur, quin potius verba sequeretur effectus operis, nisi festinatâ fuisset morte præventus. Nam à suo satellite interfectus, belli à se inchoati celerem finem imposuit. Hæc sunt bella quæ Rex potentissimus per annos quadraginta & septem (tot annis regnavit) in diversis terrarum partibus summâ prudentiâ atque felicitate gessit, quibus regnum Francorum, quod post patrem Pipinum magnum quidem & forte suscepit, ita nobiliter ampliavit, ut penè duplum illi adjecerit. Nam cum prius non amplius quàm ea pars Galliarum, quæ inter Renum & Ligerim Oceanumque ac mare Balearicum jacet; & pars Germaniæ, quæ inter Saxoniam & Danubium Renumque ac Salam fluvium, qui Thuringos & Sorabos dividit; posita; à Francis, qui Orientales dicuntur; incolitur: & præter hæc Alamani atque Bajoarii ad regnum Francorum pertinerent: ipse per bella memorata primò Aquitaniam & Vasconiam, totumque Pyrenæi montis jugum, & usque ad Iberum amnem, qui apud Navarros ortus, & fertilissimos Hispaniæ agros secans, sub Dertolæ civitatis mœnia Balearico mari miscetur: deinde Italiam totamque ab Augustâ Prætoriâ usque in Calabriam inferiorem; in quâ Græcorum ac Beneventanorum constat esse confinia; decies centum & eo amplius passuum millibus longitudine porrigitur: tum Saxoniam, quæ quidem Germaniæ pars non modica est, & ejus quæ à Francis incolitur, duplum in lato habere putatur, cum in longitudine possit esse consimilis. Postquam utramque Pannoniam, & appositam ex alterâ parte Danubii Daciam, Histriam quoque & Liburniam atque Dalmatiam, exceptis maritimis civitatibus, quas ob amicitiam & junctum cum eo fœdus Constantinopolitanum Imperatorem habere permisit. Lemde omnes barbaras, ac feras nationes quæ inter Renum ac Visulam fluvios, Oceanumque ac Danubium posita; linguâ quidem penè similes, moribus verò atque habitu valde dissimiles, Germaniam incolunt, ita perdomuit, ut eas tributarias efficeret: inter quas ferè præcipuè sunt Weletabi, Sorabi, Abroditi, Boemani: cum his namque bello confluit; cæteras, quarum multo major est numerus, in deditionem accepit.

Auxit etiam gloriam regni sui, quibusdam Regibus ac gentibus per amicitiam sibi conciliatis: adeo namque Aldefonsum Galliciæ atque Asturiæ Regem sibi societate devinxit, ut is cum ad eum litteras vel Legatos mitteret, non aliter illum, quàm proprium Dominum suum appellari juberet. Scoto- rum quoque Reges sic habuit ad suam voluntatem per munificentiam inclinosos, ut eum nunquam aliter nisi Dominum, seque subditos & servos ejus pronunciarent: Cum Aaron Rege Persarum, qui

Ultimum Caroli Magni bellum. De Norman- nis seu Danis.

Quæ regno Franciæ ac- quirit Carolus Mag. enu- merantur.

Waldricus  
Abbas S. Be-  
nigni.

Pontifex no-  
minatus.

Aridius Ab-  
bas.

Hildebrannus  
Abbas.

Hildebranni  
mors.  
Herlegaudus  
successit.

excepta Indiâ totum penè tenebat Orientem, talem habuit in amicitia concordiam, ut is gratiam ejus omnium qui in toto orbe terrarum erant Regum ac Principum amicitia præponeret, solumque illum honore ac munificentia sibi colendum judicaret. Imperatores etiam Constantinopolitani Nichoforus, Michael & Leo ultrâ amicitiam & societatem ejus expetentes, etiam complures ad eum misere Legatos; cum quibus tamen propter susceptum à se Imperatoris nomen, & ob hoc quasi imperium eis eripere vellet, valde suspectus, fœdus firmissimum statuit, ut nulla inter partes cujuslibet scandali remaneret occasio: erat omnis semper Romanis & Græcis Francorum suspecta potentia.

Uxores &  
progenies Ca-  
roli Mag.

Concubinæ.

Conjuratio-  
nes in eum.

Habuit uxorem nomine Hildegardam de gente Suevorum, præcipuæ nobilitatis feminam: de qua tres filios, Carolum scilicet, Pipinum, & Ludovicum; totidemque filias Hernodridem & Beritem & Gislam genuit. Defunctâ Hildegardâ Fasteradam duxit uxorem; de qua habuit duas filias, Theoderadam, & Hildrudem: quæ de orientalium Francorum, Germanorum videlicet gente erat. Quâ obeunte Leudegandam Alemanam duxit. Post cujus mortem tres tantum habuit concubinas, Gersuindam, Adalindam, & Reginam, quæ ei Drogonem & Hugum genuit. Ex his omnibus duos tantum filios, & unam filiam, priusquam moreretur, amisit Carolum, & Pipinum, quem Italiæ Regem præfecerat, Ruotrudem quæ filiarum ejus primogenita, & Constantino Græcorum Imperatori desponsata erat. Erat ei filius, nomine Pipinus, ex concubinâ editus; facie quidem pulcher, sed gibbo deformat. Is cum pater bello contra Hunos suscepto in Baviâ hyemaret, ægritudine simulatâ cum quibuldâ ex Primoribus Francorum, qui eum vanâ regni promissione illexerant, adversus patrem conjuravit. Quem post fraudem detectam, & conjuratorum damnationem, detentum in Cœnobio Prumia religiosè jamque volentem vacare permisit. Facta est & alia prius contra eum valida conjuratio in Germaniâ; cujus auctores partim luminibus orbat, partum membris incolumes, omnes tamen exilio deportati sunt; neque ullus ex eis interfectus est, nisi tres tantum, qui cum se, ne comprehenderentur, strictis gladiis defenderent, aliquos etiam occidissent, quia aliter eos coercere non poterant, interempti sunt. Harum tamen conjurationum Falstradæ Reginæ crudelitas causa & origo extitisse creditur. Et idcirco in ambabus contra Regem conspiratum est, quia uxoris crudelitati consentiens, à naturæ suæ benignitate ac solita mansuetudine immaniter exorbitante videbatur.

Quare Ro-  
mam quærere  
petierit.

Colebat præ cæteris sacris & venerabilibus locis apud urbem Romam beati Petri Apostoli Ecclesiam in cujus donaria, magna vis pecuniæ tam in auro quam argento, nec non in gemmis, ab illo congesta est. Multa & innumera Pontificibus munera missa. Neque ille toto regni sui tempore quidquam duxit antiquius, quam ut urbs Roma suo labore, veteri pollens auctoritate, & Ecclesia sancti Petri per illum non solum tuta ac defensa, sed etiam suis operibus præ omnibus Ecclesiis esset ornata atque ditata. Quam cum tantipenderet, tamen intrâ quadraginta septem annorum spatium, quibus regnavit, quater tantum illud votorum solvendum ac supplicandi causâ profectus est: ultimi adventus sui non solum hæc fuere causæ, verum etiam quod Romani Leonem Pontificem multis affectum injuriis, erutis scilicet oculis linguaque amputatâ, fidem Regis implorare compulerunt. Idcirco Romam veniens, propter reparandum qui nimis conturbatus erat, Ecclesiæ statum, ibi totum hyemis

tempus extraxit, quo tempore Imperatoris & Augusti nomen accepit.

Extremo vitæ tempore cum jam & morbo & senectute premeretur, evocatum ad se Ludovicum filium, Aquitaniam Regem, qui solus filiorum Hildegardæ supererat: congregatis solemniter de toto regno Francorum Primoribus, cunctorum consilio consortem sibi totius regni, & imperialis nominis hæredem constituit; impositoque capiti diademate Imperatorem & Augustum jussit appellari. Susceptum est hoc ejus consilium ab omnibus qui aderant magno cum favore. Nam divinitus ei propter regni utilitatem videbatur inspiratum: auxitque majestatem ejus hoc factum, & cæteris nationibus non minimum terrorem incussit. Decessit anno ab Incarnatione Domini octingentesimo quintodecimo, ætatis verò suæ septuagesimo secundo, & ex quo regnare cœperat quadragesimo quinto, septimo Kalendarum Februarii. Appropinquantis finis complura fuere prodigia, ut non solum alii, sed etiam ipse hoc minitari sentiret. Per tres namque continuos vitæ termino proximos annos, & solis & lunæ creberrima defectio. Et in sole macula quædam atrii coloris septem dierum spatio visa. Ipse quoque cum ultimam in Saxoniâ expeditionem contra Godefridum Regem Danorum ageret, quâdam die cum antefolis ortum castris egressus iter agere cœpisset, vidit repente delapsam cœlitus faciem cum ingenti lumine à dextrâ in sinistram per serenum aërem transcurrere: cunctisque hoc signum quod portenderet admirantibus, subito equus quem sedebat capite deorsum verso cecidit, eumque tam graviter ad terram elisit, ut fibulâ sagi ruptâ, balteoque gladii dissipato, à festinantibus qui aderant ministris exarmatus, & sine adminiculo levaretur, jaculum etiam quod tum forte tenebat manu, ita elapsum est, ut viginti vel eo amplius pedum spatio longè jaceret. Sepultus est in Basilicâ quam ipse Aquisgrani palatii ædificaverat propter amorem Dei & Domini nostri Jesu-Christi, & ob honorem sanctæ & perpetuæ Virginis genitricis ejus Mariæ. In hac sepultus est eadem quâ defunctus est die. Arcusque supra tumulum deauratus exstructus est, cum imagine & titulo hoc modo descripto: » Sub hoc conditorio situm est corpus Caroli Magni atque Orthodoxi Imperatoris; qui regnum Francorum nobiliter ampliavit, & per annos quadraginta septem feliciter rexit.

Ludovicus  
Rex & Imperator  
proclamatur à patre.

815, seu 814.

Moritur Ca-  
rolus Imp.

Sepultus  
Aquisgran.

Post cujus excessum Ludovicus, cognomento Pius, adeptus sedem imperii, magno moderamine per annos viginti quinque Francorum regnum disposuit. Et fines regni quos patere ejus pugnando longè lateque dilatavit, hic sapienter prævidendo undique ab hostibus custodivit. Nam & Græcorum calliditates & cavillationes prudenti consilio devitavit, & Sarracenorum perfidiam, qui ab Hispaniæ partibus erumpere cupiebant, fortiter compescuit, & Danorum audaciam virtute terruit. Habuit filios tres, scilicet Lotharium, Ludovicum, atque Pipinum. Defunctâ conjugē priore, duxit aliam, Judit nomine: ex quâ suscepit Carolum. Divisiones verò regni inter liberos ita fecit, ut Lotharius, qui major natu erat (cui & imperii concessit insignia) post se regnum Italiæ obtineret, & partem Franciæ quam Mosa & Renus flumina inter se includunt, partemque Burgundiæ: Ludovicus verò Germaniam, hoc est, Baviariam & Saxoniam, & reliqua regna quæ Carolus Magnus pater suus bellando subegerat, id est, Pannoniam, Daciâ, Istriam, Liburniam, atque Dalmaciam; Barbaras quoque gentes, quas tributarias fecerat, qui sunt Veletabi, Sorabi, Abodriti, Boemani, & reliqui, quos longum est enu-

Imperium Lu-  
dovicus pruden-  
ter administ-  
rat.

Dividit inter  
filios.

merare. Has omnes gentes memoratus Augustus Ludovicus omni tempore vitæ suæ habuit subjectas. Pipino etiam concessit regnum Aquitaniæ cum Vasconia, & omnem terram usque Hispaniam quam Carolus subjugaverat.

Carolus, qui minimus erat natus, adeptus est Franciam atque Burgundiam, & Neustriam: de qua re indignati sunt fratres sui, vel quia ex aliâ matre natus, volebant eum sibi æquare, vel quod principalis & melior pars regni ei collata fuisset à patre. Unde post mortem Augusti grave exortum est bellum inter eos; sed quamvis in hac pugna vires exercituum Francorum contulerint, & exteris occasionem rebellandi contulerint, tamen quod à patre eorum factum fuerat immutare non valuerunt. Ad extremum Carolus regnum etiam Aquitaniæ obtinuit. Pipino siquidem ante patrem defuncto remansit filius, Pipinus & ipse vocatus. Quem minus utilem ad regnum gubernandum videntes Primates sui & Principes, ad Carolum se contulerunt. Huius Principis præsentiam adiens Herlegaudus (quem supra retulimus huius loci Abbatem fuisse) suggessit auribus serenitatis ejus Basilicam sancti Benigni Martyris esse dirutam, nec se habere qualiter eam restauraret. Unde Augustus commonitus piâ sollicitudine scripsit Principibus & Magnatibus suis ita.

Herlegaudus  
Abbas S. Benigni.

Diploma Ludovici Pii ad  
restaurandam  
S. Benigni  
Ecclesiam.

» In nomine Domini Dei & Salvatoris nostri Je-  
» su-Christi Ludovicus divinâ ordinante providen-  
» tiâ Imperator Augustus, Amadeo Comiti, Helie,  
» & Walto, Isembardo & Barberto Vassibus nostris.  
» Notum sit vobis; quia volumus ut adjutorium  
» faciatis Herlegaudo Diacono ad restaurandam &  
» recuperandam Ecclesiam sancti Benigni Marty-  
» ris Christi: propter illam scilicet rationem, quia  
» compertum nobis est, quod vos de ratione ejus-  
» dem Ecclesiæ beneficia habeatis, & nonas & deci-  
» mas in omnibus dare faciatis, quia iustum est.  
» Propterea constituimus vobis, ut ad restaurandam  
» illam Ecclesiam, & cooperandam, adjutorium  
» præstetis. Videte ut omnino impleatis, atque ex-  
» pressum vobis demandamus, ut nullam exinde ha-  
» beat negligentiam, si gratiam nostram vultis ha-  
» bere. Et ut certius cognosceatis hanc nostram esse  
» iussionem, de annulo nostro iussimus sigillari.

Albericus  
Ligon. Epi-  
scop. discipuli-  
tam monasti-  
cam, Hele-  
berto coëpi-  
scopo Abba-  
tiam gerente,  
relaxavit.

Eo tempore præsidebat Lingonicæ Ecclesiæ Dominus Albericus Pontifex. Defuncto prænominate Abbate Herlegaudus, iam penè dilapsio monastico ordine, in hoc loco suscepit curam regiminis memoratus Episcopus Albericus, dans Pastorem congregationi hinc commanenti Helebertum sub eo Coëpiscopum. Quo tempore factæ sunt plurimæ commutationes vel coemptiones terrarum, tam ab ipso Pontifice, quam à Rectoribus loci istius: inter quæ facta est commutatio à Seraphim Abbate Besuensis loci, cum ipso Herleberto coëpiscopo. Dedit Herlebertus in villis Luco & Veronâ quidquid erat juris sancti Benigni, & Seraphim e contra tradidit terras sancti Petri quæ erant in Divione, & in fine Domini Petri, & Longo Vico, & in Canavis, & in Arzilaris, & Tremoledo, & Fontanis, & Proviso, & Disto. Item Albericus Episcopus & Fulchrius concaminaverunt terras. Dedit Fulchrius in fine Saciacensi campos tres, & Albericus Episcopus dedit ei in Hizedoro campum unum, & unum pratum. Item cum Alderanno fecit prædictus Episcopus concamiū. Dedit Adalrannus infra castrum Divion mansum unum, & foras muros campos tres in loco qui dicitur Petraficta. Et Albericus Episcopus dedit e contra in Divion vico peciolam de terrâ, & in fine Tremolenfi campum unum. Item Baldo Præpositus, &

cæteri cum eo Clerici, cum Leotaldo Presbytero commutaverunt terram. Dedit Leotaldus peciolas duas de terrâ: una est juxta Divion castrum, alia in loco qui dicitur Petraficta: Fratres dederunt Leotaldo Presbytero terram in fine Tremolenfi.

Ludovico Pio terreni insignia regni anno Domini Incarnationis octingentesimo quadragesimo, perpetuâ felicitate commutanti, filii ejus gravi perniciæ in semet dissidentes, unitum prius pulcherrimâ de diversis nationibus compage Francorum regnum fœdâ sectione sciderunt. Quâ de re contigit, ut dum Optimates aulae uniuscujusque filiorum Regis adversus alterutrum affectare se simulant gratiam, quidquid utile sibi fore existimassent, expectere non dubitarent. At regii adolescentes dum sibi quisque consulit, & ne alter ei præferatur, cavet, injustis aliquando petitionibus, invito nihilominus aliquoties animo, favere cogebantur. Unde factum est, ut locus iste grave dispendium pateretur possessionum, quæ usque tunc temporis habuisse visus est: id est, Masciacum in pago Lingonico, Posciacum & Fontem-Laguis in pago Laticensi, Visernacum in pago Tornodorenfi, Vulnonem in pago Senonico, amisit.

Exortâ, ut diximus, discordiâ inter fratres, tunc demum inter regni Primores conglobantur horribilia bella veluti intestina: deseritur custodia littorum oceani maris: augefcit numerus hostium, crescit innumerabilis multitudo Nortmanorum, Danorum, atque Britonum. Fiunt passim Christianorum strages, deprædationes, vassationes, incensiones. Capiuntur quascumque adeunt civitates nemine resistente. Capitur Burdegala, Petragorium, Xantonum, Lemovigas, Engolisma, atque Tolosa, Andegavorum, Turonensium, perinde & Aurelianensium civitates pessumdantur. Ad ultimum videntes Reges suâ discordiâ addi vires extraneis, & damna civium esse lucra hostium, pacificantur inter se primum; tum deinde cum hostibus, qui regno eos expellere non potuerant, pactum cum eis ineunt; & quod armis tueri debuissent, pecuniis redimunt.

Lotharius igitur obtinens imperii sceptrum, contentus fuit parte regni cum Italiâ atque urbe Româ. Eo tempore Sarraceni invadentes urbem Romanam, spoliaverunt sepulcra Apostolorum, & cætera sanctorum loca. Anno qui fuit ab Incarnatione Domini octingentesimus quadragesimus quartus Lotharius habuit filium nomine Ludovicum, quem cupiens sibi successorem fieri, ut coronam imperii sumeret, misit Romam, & cum eo Drogonem Metensem Archiepiscopum, suum scilicet avunculum, & reliquos Principes regni sui. Qui venientes Romam nimis austerè egerunt cum Romanis, unde animos eorum ad rancorem concitaverunt. Accepto imperio domum reversus; non longè post decessit: scriptum in gestis Pontificum Romanorum.

Per idem tempus defuncto Herleberto Coëpiscopo qui vices Pastoris in hoc loco tenuerat, successit ad regimen animarum Ingelrannus idem in Ecclesiasticis gerens officium. Hic fecit commutationem de terra in Marcenniaco cum Madalgerio quodam, dans ipse de terrâ sancti Benigni campum habentem in longum perticas viginti quinque, & recipiens ab illo duplum. Obeunte itidem Alberico Episcopo Lingonum, Theutbaldus Episcopus adeptus est cathedram. Hic sicut prædecessor suus studiosus huius loci cultor, fecit commutationes terrarum in aliquibus locis cum quibusdam hominibus. Cum Adallavo commutavit terram in Fontanas subteriores, cum Alberto in Plomberias, cum Wldegerio in fine Domi-

840.  
Mortuo Lu-  
dovico Pio,  
dissident filii.

Lotharius  
Imperator.

844.

Ingelrannus  
Divionens.  
Cœnobii cu-  
ram gerit.

q consulerint ] Imo consuderint.

r Fontem-Laguis ] Suprà Fons-Lagnis scribitur.



fo. In diebus ejus dedit Leotaldus Presbyter, unus ex Clericis hinc commanentibus, in isto Burgo, & in fine Tremolense partem hereditatis suæ: & alter Clericus, nomine Olifius, vendidit habitantibus isthic de suâ hereditate in Longo-vico, & in Ficiaco. Sed & Geraldus Presbyter commutavit cum Uuardo terram in Longo-vico, recipiens procamium in Ilariaco, quod utrumque est juris sancti Benigni. Ipso tempore quidam, Balduinus nomine, dedit ad hunc locum in Fontanis-villâ terram hereditatis suæ. Similiter Odolberga & filii ejus dederunt in Divion mansum unum: sed & Warnerius cum uxore suâ in Merneolo dedit jorales quatuor. In pago quoque Cabilonensi Villâ-Rubiliaco dedit Constantinus quidam mansum unum. Hainardus etiam Presbyter vendidit Rectoribus hujus loci res suas, sitas in Villa-norviâ. Alter quoque Presbyter, Hirsionnus nomine, in villâ Fontanas vineam suam tradidit. Adalranus quidam in eadem villâ campum unum similiter pretio distrahit. Ne non & Ebbo cum uxore suâ & filio, in pago Aisense in villa Sermatix & in Vutriaco mansum, cum omnibus quæ ad ipsum aspiciunt, dedit. Cum Samfone verò commutavit prædictus Pontifex Theutbaldus terram in Villa-Alberici, Cartis vocata. Sed & ubicumque potuit res hujus loci immeliorare curavit.

Post ejus obitum Dominus Isaac suscepit Præfatum. Hæc prædecessorum bonum sequens exemplum, nec ulli eorum passus esse inferior, hunc locum non solum excoluit, verum etiam in duplum, quàm antea fuisset, statum ejus augmentavit. Basilicam sancti Benigni jam penè dirutam in pristinum statum restauravit: Monachicum ordinem restituit, possessiones ad victum eorumdem monachorum addidit. Hæc autem omnia, adhortante pariter & adjuvante præcelso Rege Carolo, perfecit.

Idem verò inclytus Rex Carolus, anno Dominicæ Incarnationis octingentesimo septuagesimo primo regens Francorum regnum, erga cultum Ecclesiæ Dei fuit studiosissimus. Quapropter multa evicit pericula, & regni ejus semper augmentabatur gloria. Defuncto liquidem ut jam dictum est, Pipino fratre suo Rege Aquitanix, filioque ejus in regno subrogato, moderationem regni non strenuè agens, à suis derelictus ac dejectus est; & Monachus in monasterio S. Medardi factus. Carolus verò à cunctis Principibus expetitus, Aquitanix regnum est adeptus. Post non multos etiam annos mortuo Lothario Imperatore fratre ejus, Carolus suscepit Imperium. Sed Ludovicus alter frater cupiens jungere monarchiam regni, iterum contra Carolum bellum concitat, Normannos ceterasque gentes in regnum Caroli evocat. Auxiliante autem Domino Carolus fratrem de finibus suis expulit, & Normannos intrâ Neustriam comprescit. Hæc fuit secunda eruptio Normannorum in Franciam. Aliquantis transactis annis Ludovicus defunctus est, relinquens tres filios, Ludovicum, Carlomanum, & Carolum.

Caroli pietas.

Carolus igitur imperium adeptus, Ecclesiarum Dei cultor devotus, nisu quo potuit studebat in cultu religionis depravata corrigere, destructa reedificare, collapsa erigere. Unde inter cætera compariens locum hunc penè in nihilum redactum, commovit ex hoc venerabilem Isaac Episcopum, quatenus reparari posset in pristinum statum, promittens se in omnibus adjuturum. Dedit igitur idem inclytus Rex Carolus ad hunc locum restaurandum, & in usus ac stipendia Monachorum in hoc loco Deofamulantium, in suburbio Divionis castri terram indominitam, ubi seminantur modia centum quinquaginta: vineas ubi colliguntur vini modia quingenta: prata ubi secantur carra fœni

quinquaginta: sylvam ubi saginantur porci sexcenti: forestem piscium à Ponto Divionis usque ad villam Floriacum: farinarios sex; colonicas decem: mercatum pariter & Burgum simul & districtum colonicas sex, & quinque in Lariaco, colonicas decem in Biciſo, colonicas sex & semis in villa Colonicas dictâ; in Siliniaco colonicam unam; in Dicmensi colonicas semis; in Sconsio colonicas sex, in Villari colonicas tres, farinarios duos: in Lentenaco colonicam unam & semis, in Girone colonicas duas, inter Corcellas & Flaviniacum colonicam unam; in i rovisio colonicam semis, in Camboio colonicam semis: inter Patriniacum & Marcenniaco colonicam unam: in Quitiniaco colonicas duas, in Sacunino colonicam unam; in Cromaco colonicas duas; in Aguliaco capellam habentem mansum unum & semis; in Ruffiaco colonicam semis, & medietatem de Scoriaco-villâ: in Casnedo colonicam semis; in Bargis colonicam unam; in Missiniaco colonicas tres; in Norgiâ colonicam unam. Item in aliis Corcellis colonicam semis, in Aziriaco-villâ quidquid sanctus Benignus habere videtur, scilicet Capellam cum colonicâ unâ, & aliis colonicis sex & semis, & farinario, & terrâ indominitâ, ubi possunt seminari modia centum, & prata ubi possunt colligi fœni carra centum & quinquaginta. In villâ Carle mansum indominitum cum capellâ, & quidquid ibi videtur accipere: in Prunido mansum indominitum, & quidquid ad ipsum mansum attinet, cum omnibus appenditiis, rebus & mancipiis suis. In Juliaco colonicas duas; in Campaniaco colonicam unam; in Ateis colonicas duas. Has res omnes cum mancipiis desuper commanentibus utriusque sexus, dedit memoratus Carolus servis Dei Monachis, in isto loco Domino servientibus & futuris temporibus permanentibus, ut pro se & conjuge, necnon & liberis, atque totius regni statu Domini implorent clementiam: idque præcepti sui firmavit auctoritate, ut nullus posterorum de eisdem rebus quidquam distrahere audeat, aut minuire, aut in alios usus retorquere.

Isaac igitur venerabilis Episcopus congregavit in hoc loco Monachos sub Coëpiscopo & Abbate, nomine Berthilone; qui regulariter viverent, & Deo in perpetuum deservirent, & de omnibus quæ inclytus Princeps per præcepti sui munificentiam contulerat, privilegium eidem concordans Episcopalis auctoritas edidit. In quo privilegio in primis habere propriam electionem succiduis temporibus ex ipsis secundum Regulam sancti Benedicti Abbatem eligere Monachis istius loci concessit. Eum verò qui electioni fratrum contradicere, seu eidem congregationi aliquam vim inferre, vel familiam affligere, aut aliquid ab eodem monasterio auferre, seu de rebus præscriptis beneficiare alicui præsumeret, sua ac Coëpiscoporum autoritate excommunicatum æternæ damnationis maledictione multandum, ac sancti Benigni, qui præjudicium inferre voluerit, ultione damnandum, insuper anathema maranata est imprecatus. Huic excommunicationi Archiepiscopi quinque, & Episcopi decem numero subscripserunt: ac deinde omnes qui post eum fuerunt Ecclesiæ Lingonensis Episcopi.

Anno vicesimo sexto Domni Caroli Regis, qui est ab Incarnatione Domini octingentesimus sexagesimus sextus, residens Isaac Episcopus & Odo Comes, vel ceteri missi Dominici in Luco villâ in mallo publico ad res audiendas vel judicandas, venit Alcaudius Advocatus sancti Mammetis sanctique Benigni, & sancti Stephani, vel ipsius Domni Isaac Episcopi, mallavit quemdam Hildebrannum, quod ipse & sui Franci, sui que servi in fine Saciacensis,

Berthilo Coëpiscopus & Abbas S. Benigni.

Isaac jus eligendi Abbatis concedit.

Multa ablata S. Benigno restituantur.

Isaac Lingon. Episcopus.

Abbatiam Divionensem restaurat.

871. Carolus Carolus Imperator.

Secunda Normannorum in Guiniam irruptio.

Multa confert S. Benigno.



cenſi, Bruciacenſi, & Gonliacenſi in terrâ vel in ſylvâ ſancti Benigni quercum unum truncallent: & quia tunc res non fuit definita, in ſequenti anno, in ipſo mallo, & eodem loco, iterum prædictus Advocatus eundem hominem repetiit, eandem quærimoniam ingerendo. In tertio verò anno in curte Arnonis ipſo Domino Iſaac Epifcopo, Odone Comite, Hildeberto Abbate, Bertranno atque cæteris miſſis Dominicis mallum gerentibus, iterum Alcaudus interpellavit prædictum Hildebertum, quod res ſancti Benigni, prædictam ſcilicet Saciacum-villam cum appenditiis ſuis injuſtè retineret. Tunc iudicatum eſt à prædictis Scabineis, ut aut legem de malè perpetratis faceret & revadiret, aut quod injuſtè tenebat legaliter redderet. Quod & fecit, & ſancto Benigno vi ablata reſtituit. Hanc autem notiſſimam ideo huic operi inferuimus, ut oſtenderemus ſuprà ſcriptam proprietatem Saciacenſem ab antiquis temporibus juris huius loci fuiſſe, quamvis multoties & ante hæc tempora, & poſtea, fuerit ſublata. Villam etiam quæ Longus-Vicus dicitur, quæ ſimiliter fuerat ablata à dominatione huius loci, reddidit nobis præcellentiſſimus imperator Carolus, cognominatus Calvus, cum Eccleſiis & omnibus rebus ad eandem villam pertinentibus. Similiter Albinicum in pago Portuenſi: ipſam videlicet poteſtatem cum Eccleſiis & terris. Inſuper conſtituit per Præceptum regalis poteſtatis, ut nullus deinceps audeat præripere vel auferre memoratas res à ſubjectione huius Deo dicatæ Baſilicæ.

Bertillo igitur Coepiſcopus & Abbas in hoc loco conſtitutus cœpit erga curam officii ſibi commiſſi ſatagere, & poſſeſſiones vel dono vel pretio datas, aut commutatione terrarum factas ſtudit augmentare. Emit igitur à Fulcardo Præpoſito Eccleſiæ Lingonicæ, dato ſeptem librarum in pretio, in Aziriaco-villâ manſum unum, & terram arabilem in novem campos diviſam: dedit & Fulcardus Preſbyter in eodem loco campum unum Deo & ſancto Benigno. Vendidit Eldejarnus in eadem villâ terram ubi poſſunt ſeminari modia ſex. Alter quidam Elcardus vocatus, vendidit quatuor manſa cum ædificiis & ſuprapoſitis in eadem villâ. Alius quidam Mummus vocatus, veniens ad conversionem in hoc monaſterio dedit manſa quatuor cum appenditiis ſuis in eadem villâ. Commutavit prædictus Abbas Bertillo cum ſuprà nominato Fulcardo manſum unum in eadem villâ Aziriaco. Cum alio quodam viro, Bernoart vocato, commutavit terram in fine Longo-vici villâ Corcellis, recipiens ab eo ſcamium in eadem villa, loco Caſſanias vocato.

Conſiderans Dominus Iſaac Epifcopus Bertillonem Coepiſcopum & Abbatem ad utrumque officium non poſſe ſufficere, quoniam tunc temporis res Eccleſiaſticæ ſimul & publicæ in magno erant diſcrimine ob infeſtationem paganorum, perturbato regni ſtatu, Saronem Abbatem conſtituit ei ſocium ad regimen & curam animarum; ut dum iſte adjuſto cœtu fratrum divinis ſtudet intender theoriis, ille liberius Eccleſiaſticis inſerviret miniſteriis. Dederunt per idem tempus aliqui de rebus ſuis ad ſtipendia fratrum augmentanda, prout unicuique eorum divina ipſpiravit clementia. Dedit Ludovicus quidam Preſbyter in Aziriaco campum unum & pratum, atque ſervum colonum. Dedit Vindricus in Patriniaco vineam unam; & Moyſes in Cangiaco, in Arlis caſale unum, vineam unam, de terrâ arabili jomales quatuordecim. Bertha Comitiffa pro remedio animæ viri ſui Unfredi Comitis

dedit in pago Duſmenſe villâ, Colonicas vocatâ, manſa tria cum ſervis & ancillis deſuper commanentibus. Dedit Richardus quidam de nobilibus in pago Belnenſi, in villis Santilliaco, Mammiaco, Cuſſiniaco, & in pago Magnimontenſi, in villâ, Alba-terra vocatâ, hæreditatem ſuam. Dedit Teudfredus Preſbyter ad conversionem veniens, in Bargis manſum unum, terras ei ſubjunctas, & in Divion vico manſum ſemiſque, & terras arabiles. Dedit Giſlebertus Eccleſiam in Saviniaco ſitam, & manſum cum atrio, & ſepulturâ, & hortum cum ædificiis circumpoſitis, & terris, & mancipiis, & ſylvam, ubi poſſunt ſaginari porci quadraginta.

Sed & terras, quæ nuper ablatæ fuerant ab huius loci dominatione, in Bargis, in Eſcoriaco, in Siliciaco, repetierunt tunc Iſaac Epifcopus, & Bertillo Coepiſcopus & Abbas, ab iis qui eas invaſerant. Commutavit idem Dominus Iſaac Epifcopus cum Eppleno quodam ex nobilibus in Divion caſtro commanentibus, terras ipſo Milite poſtulante. Dedit igitur Epplenus de ſuo alodio proprio Iſaac Epifcopo ac Monachis huius loci in villâ Corcellis, in Caviniaco, in Quintiniaco, in Criciaco, Briſcono, Tremoledo. E contra Dominus Iſaac dedit Eppleno in villâ Caſnedo manſum unum cum omnibus appenditiis ſuis.

Idem Venerabilis Iſaac Epifcopus fecit & alia multa utilia in Epifcopatu ſuo, monaſteria corrigendo, Eccleſias relevando. Compoſuit & librum qui dicitur, Canones Iſaac; eo quod ex libris Canonum utiliora quæque eligendo, in unum volumen coartaverit. Peractis in Epifcopatu annis viginti quinque, obiit Catalaunis, ſepultusque eſt Remis; inde poſt aliquot annos Argrinni Epifcopi ſtudio & Regis Caroli, ſimplicis vocati, dono translatus jacet in hac Baſilica condigno honore tumulatus. Cui ſucceſſit Geilo in Epifcopatum, & ipſe inter præcipuos egregius.

Carolus Imperator ſecundo ire Romam diſponens, Italiam ingreditur. E contra Carlomanus Ludovici Regis fratris ejus filius, per aliam viam eandem terram ingreſſus, cum immenſo exercitu ſit ei obviuſ. Carolus verò Galliam reverſus, atque fines Lugdunenſium pertingens, ibidem vita deſunctus eſt. Atque in Monaſterio Apoſtolorum Petri & Pauli conditus, loco qui dicitur Nantoide à multitudine aquarum ibi conſluentium. Poſtmodum per admonitionem Angelicam inde translatus, Pariſius in Eccleſiâ ſancti Dionyſii regali ſepulturâ eſt tumulatus. Succeſſit patris in ſolio Ludovicus, biennio vix regio nomine functus. Huius in diebus Joannes Papa Romanus Franciam venit, & apud Trekas civitatem cum eodem Rege colloquutus, parvo tempore ibidem moratus, ſicque Romam eſt reverſus. His diebus eſſera Danorum natio tertiam Neutraſiis inſiſtente cladem advenit. Intuliſſetque majorem ſuperioribus, ni Hugo per Gallias Abbatis honore præditus eorum temerarios compelluſſet auſus. Auxiliante namque Deo parvâ manu tantas hoſtium phalanges fudit, ut vix ſupereſſet qui nuntiare potuiſſet. Quâ plagâ humilitati Dani Gallias per aliquod ſpatium temporis quietas reliquerunt. Huic bello præfuit Ludovicus Rex. At Hugone ultimos vitæ ſuæ claudente ſoles. Ludovicoque Principe poſt adminiſtratum, ut diximus, biennio regnum, diem obeunte, Carolus, qui poſtea Simplex eſt dictus, in cunis ævum agens, patre orbatus remanſit. Supererant duo filii Roberti Andegavorum Comitis, fratres Hugonis Abatis. Senior Odo dicebatur, Ro-

Iſaaci Epifcopi liber Canonum.

Mors: ſepultura.

Succeſſit Geilo.

Vita functus Carolus Rex.

Ludovicus Baſus Rex.

879.

Dani tertio in Gallias irruunt, ſed ab Hugone Abbate expelluntur.

Saro Abbas.

[fratres Hugonis] Hoc loco legendumne ſit fratre, an fratris, eruditi diſputant. Mihi nihil mutandum videtur: Tom. II.

atque huius meæ opinionis rationem oportuno tempore ac loco edam.

Carolus Rex.

bertus alter patrem nomine referans. Ex his majorem natu Odonem Franci tutorem pueri, regni que elegere gubernatorem; quia recidivi Normannorum excursus imminebant. In partibus vero regni, quæ Lotharius & Ludovicus tenebant, filii ejusdem Ludovici regnabant. Nam Lotharius sine filiis obierat. Ex his tribus fratribus unus patris nomine vocatus, alter Carolomanus; tertius Carolus est dictus. Sed duobus intra quinquennium defunctis ad juniorem Carolum rerum summa pervenit. Postque imperii monarchiam est adeptus. Ad hunc accedens dominus Geilo Reverendus Antistes petiit, ut de quibusdam rebus ab hoc loco subtractis, & à se restitutis, Præceptum regalis auctoritatis fieri juberet. Quod ipse Rex libenter annuit, & per Præceptum constituit, ut duodecim mansa in villâ Homberias ad luminaria Ecclesiæ sancti Benigni delegata, nullus in posterum ab hac domo alienare, vel ab ipso ministerio auferre præsumeret. Quod scriptum factum est anno ab Incarnatione Domini octingentesimo octuagesimo quinto, Imperii vero ipsius Caroli in Italiâ quinto, in orientali Franciâ quarto, in Galliâ primo, post obitum Caroli Calvi decimo.

885.

Carolus moritur.  
Normanni  
per Galliam  
grassantur.

Odo Rex  
constituitur.

Refert quidam scriptor in eo opere, quod metrico stilo composuit de excidio Parisiæ urbis, quo per septem annos à Normannis obsessa, atque vastata est; hunc Carolum congregato immenso exercitu expugnare Normannos voluisse. Quod illi audientes Legatos mittunt ad Carolum, promittunt se ei subjici, cuncta ab eo imperata facere, ad quod voluissent paratos fore, tantum si permittantur intra regnum consistere, & pacifice Francis cohabitare. Quibus promissionibus delusus Rex, credens vera esse quæ dicebantur, intermisit bellum. Nec multo post Carolus moritur. Normanni vero resumptâ audaciâ invadunt civitates Belvacensium atque Meldorum, nec non & Meldunum devastant castellum. Capitur Carnotis ac reliquæ secus undique civitates: nam in primo suo adventu Rotomagus, Ebroas, Bajocas & cæteras Neustriæ civitates depopulati fuerant. Gallias insuper pervagantur; Hispanias adeunt; Rhodanum intrant fluvium, Italiâ populantur & totum Christianorum pessumdatur regnum. Interea congregati Franciæ Principes consilium ineunt de magnis rebus; Odonem licet reluctantem constituunt Regem. Qui mente benignus, & Reipublicæ hostes arcendo strenue præfuit, & Carolo post quàm adolevit sua repetenti patienter regna refudit. A quo parte regni redonatus, quoad vixit tempore hostibus terribilis existit. His temporibus Incarnationis Christi octingentesimus nonagesimus primus volebatur annus.

Theobaldus  
Lingon. Episcopus.  
Abbas  
S. Benigni  
recessit.

Eo tempore defuncto Geilone Episcopo, Teudbaldus Lingonicam regebat Ecclesiam: Abbatum vero hujus loci series paululum intermissa nunc est replicanda. Bertilone, & Sarone Abbatibus ad æternam vitam translatis, successit Hingo. Saro siquidem in Pultariensi loco sibi commisso quievit. Bertilo autem moriens in hoc loco inter sepulcra sanctorum tumulari meruit. Ad cujus tumbam si fides petentium exigat, febricitantium crebræ sanitates fiunt. Anno denique Dominicæ Incarnationis M. XLV. Halinardo Abbate hunc locum regente, decimo quinto ipsius anno, cum transferretur, quia sepulcrum ejus impediabat introitum cryptæ sancti Benigni, à parte meridianâ effossio tumulo, & ad pedes ejus alia fossa præparata, quæ removeri deberet; Monachis adstantibus cum crucibus & thymianatibus, & luminaribus; multis ingerentibus manus ad movendum, quoniam immensum erat sarcophagum subito omnes ad terram corruunt: surgentes vero inveniunt sarcophagum in præparato

loco decenter compositum; & accedentes ut viderent qualiter locatus esset in tumulo, aperto opertorio fragrantiam miri odoris senserunt omnes qui adfuerunt. Et ecce corpus ejus monachili habitu indutum, stolâ sacerdotali auro textâ erat ornatum. Caput vero ejus, quod ei fuit abscissum, corpori adjunctum; & circa idem sanguis erat coagulatus in sepulcro. Hingo igitur Abbas ordinatus, licet parvo tempore, id est, triennio, agri dominici cultor fuit devotus. Nam prout potuit terrena & exteriora augmentavit; divinum vero cultum in nullo tepescere permisit. Quæ autem in diebus ejusdem vel emptæ seu commutata sunt in possessione agrorum, scribere non pigebit.

Waltemus Presbyter quidam in Rufiaco, in Patriniaco, in Gironno dedit partem suæ hereditatis. Salamannus in Aziriaco. Flothbertus in Marceniaco. Attila in Patriniaco. Richulfus in villâ Asinarias. Deodatus quidam de nobilibus veniens ad conversionem, in villâ Attegiæ dedit mansum cum supra posito, & mancipiis ibi commanentibus. Bivinus dedit in villa Norviâ capellam in honore sancti Valerii dicatam: mansum in dominicatum cum terris & omnibus appendiciis suis. Warnerius dedit in pago Belnensi in villâ, Bononicurte vocata, campum unum. Hugo quidam dedit in castello Divion cultillum vel arcem unam, & foris terram ibi aspicientem in ipsa fine, atque vineam. Bertho quoque Presbyter sancti Stephani Canonicorum Præpositus, dedit mansum unum cum supraposito, atque ædificiis in villâ Curte Mulniæ in pago Divionensi. Fulchradus vendidit ipsi Abbati in Aziriaco campum unum. Teudegerius alterum. Accepit in commutatione à quodam Huberto in Canavis terram & vineam juxta sitam, dans ei in Salonis villâ campum unum. Similiter fecit cum Euvardo, dans in Aguliaco casale cum vineâ, & campos duos de terrâ arabili, & recepit ab eo in villâ Bargis mansum unum cum supraposito, omniaque in ipsâ villâ vel in Norviâ ad ipsum mansum aspicientia.

Defuncto Hingone successit Hildebrannus in regimine. Et hic paucis annis transactis ad cœlestia regna migravit. Hi ambo sub Geilone Episcopo præfuerunt in hoc Monasterio. Post Hildebrannum Abbatibus officium suscepit Godefridus tempore Teudbaldi Episcopi. Sed post aliquantos annos, & isto migrante, suscepit Walo curam regiminis. Horum uterque præfuit tempore Odonis Regis. Eo tempore Richardus Dux Burgundiæ reddidit sancto Benigno mansum unum cum vineis & terris aliis juxta ipsum positus, & ad ipsum aspicientibus, situm in proximo pago Belnensi, & in villâ Giutiaco. Huic rei interfuit Theudebaldus Episcopus, Girbaldus, Wido ac Radulfus Comites, Madelgaudus Oscarensum Vicecomes, Guntrardus sancti Benigni hujus rei testis & Advocatus. Actum Longo-vico in mallo publico.

Anno Incarnati Verbi octingentesimo nonagesimo tertio, Odone regnante in Franciâ, Arnulfo in Italiâ atque Saxoniâ, Carolus jam invenis regni regni repetit sceptra, atque memoratus Arnulphus imperii invasit Monarchiam. Tunc primum à Francorum Regibus ad extraneos translatus est imperium, principibus regni vilipendentibus Carolum ob mentis tardum ingenium, Odone Rege duodecimo anno regni sui defuncto, qui quoad vixit, hostes fortiter compressit. Reciprocati Normannorum & Danorum insurgunt fluctus. Hungari ab Aquilone, Saraceni à meridie ac finibus Hispaniæ prorumpentes, in iteritum confluunt Galliæ: per omnia sævit gladius, cuncta dantur incendio, sanctorum loca traduntur exterminio.

894.

Ablatum  
Francis imperium.

Galliæ regnum  
in summo  
discrimine.

Vastata Bur-  
gundia.  
Richardus Du-  
cis filius.

His undique sævientibus malis, contigit corpus S. Benigni ad civitatem deferri Lingonis: præsidebat tum illi Ecclesiæ Dominus Argrinus, Pastor in curâ hujus loci valde sollicitus. Monachorum verò habitantium in isto loco Abbas erat nomine Lauderius, ad ipsum officium valde studiosus. Burgundia tunc vastata est à Normannis; quibus occurrens præfatus Dux Richardus in loco, vocato Argentuilo, commisso cum eis prælio cæsa est eorum quàm plurima multitudo: sicque Dani humiliati retrò redire sunt coacti. Iterum apud Carnotum, socio Roberto Duce, Odonis Regis fratre, Richardus cum Normannis dimicavit, & eorum innumeram multitudinem occidit. Habuit idem Richardus filium, nomine Rodolphum, qui fuit Rex Francorum. Alter filius vocatus est Boso, qui Burgundiæ superioris, quæ Gallia comata dicitur, accepit regnum. Tertius filius dictus est Hugo, cognomento Capito, qui fuit Dux inferioris Burgundiæ. Exortâ discordiâ inter Carolum & regni principes, lites & bella, rapinæ, & incendia, innumera undique sæviunt mala. Tandem Rex facti pœnitens Principes ad concordiam commonet, pacem exoptatam cum eis firmat.

Abbatia S.  
Joan. datur  
S. Benign.  
Monachis.

Hic Carolus Rex petente Richardo Duce, & Manasse Comite, fecit nobis Præceptum de Abbatia sancti Joannis, & cunctis ad eam pertinentibus rebus. Exstitit eo tempore Ademarum quidam illustris vir ex Senatoribus, multas habens possessiones tam in Divionensi pago, quàm in aliis regionibus, scilicet pago Turonensi, Aurelianensi, Senonico, Autisiodorensi, Tornodorensi. Ipse Ademarum & conjux ejus, Lampia nomine, dederunt sancto Benigno mansum unum indominicatum cum supraposito, terrisque ad eum pertinentibus ac sylva: qui mansus est in villâ Ruffiaco; & aspiciunt ad ipsum mansum, exceptis indominicatis terris, colonicæ & mansa vestita septem, & quinque abssi. Dedit & mancipia utriusque sexûs numero quadraginta octo. Dedit Ecclesiam sancti Gregorii nomine sacratam, in Escoriaco villâ positam, & quidquid ad ipsam aspiciunt, cum omnibus quæ possidebat in prædictâ villâ Escoriaco. Dedit & Capellam suam mobilem & specialem cum Reliquiis sanctorum, scilicet sancti Salvatoris, & sanctæ Mariæ, aliorumque sanctorum; crucibusque tam aureis quàm argenteis; & capsis, vestimentisque, & omnia ornamenta ipsarum Reliquiarum. Post mortem verò ipsius Ademari, Lampia uxor ejus dedit ad altare sanctæ Mariæ in hoc loco constitutum, quod Caput Ecclesiæ dicebatur ab antiquis, in comitatu Tornodorensi Stolivicum, & mansum indominicatum prope Stolivicum, in loco qui vocatur Sairocurte, cum omnibus appenditiis suis & mancipiis utriusque sexûs desuper manentibus.

Conferuntur  
plurima S.  
Benign.

Argrinus igitur laude dignus Episcopus, in augmentatione rerum hujus loci ferventissimus, donavit ad communem utilitatem Fratrum Abbatiam sancti Joannis, quam quidam Fulbertus Monachus beneficiario jure tenebat: concessit & mercatum annuale ad vestimenta Fratrum emenda, medietatem quæ ad se pertinebat. In Aziriaco etiam villa decimas, & Paratam, & omnes redditus ipsius Ecclesiæ, quæ tunc cella erat Monachorum hujus loci, supplicante Lanterio Abbate, ad usum eorundem Monachorum perdonavit. Similiter fecit de Ecclesiâ quæ est in Longovico; & de Capellâ, quæ est in Prunido, quam deputavit ad servitium infirmorum; & Ecclesiam suprascriptam sancti Joannis ad servitium hospitum. Reddidit insuper mansa novemdecim in diversis locis quæ tempore Teubaldi Episcopi antecessoris ejus ablata fuerant, & in benefi-

Tom. II.

cium data cuidam Widoni. De his omnibus quæ præmisimus fecit privilegia Episcopali autoritate, contestans & monens succedentes Pontifices, ut hanc à se factam eleemosynam paterno affectu illibatam custodiant, quatenus orationes & vota famulorum Dei in hac domo consistentium, tam ipsis quàm cæteris fidelibus vivis atque defunctis sint prolicue ante Deum. Qui verò de his aliquid subtrahere, aut beneficiare, vel quocumque modo auferre conatus fuerit, anathematis gladio percussit, nisi resipuerit. Fecit idem Dominus Argrinus Episcopus cum Abbate Lanterio commutationem terræ infrâ castrum Divion. Dedit Episcopus juxta murum castelli aream habentem in longo-perticas ancingales novem, & per latum perticas octo. E contra dedit Lanterius Abbas & Monachi areas duas, habentes utraque perticas sex in longo, & per transversum una area perticas quatuor, alia perticas quinque. In omni parte terrâ sancti Stephani. Eo tempore dedit Manasses Comes sancto Benigno mansum indominicatum in Longo-vico, cum mancipiis utriusque sexûs desuper commanentibus, & terris ad ipsum mansum pertinentibus, tam in ipsa fine, quàm in aliis villis positis: eâ conditione, ut in vitâ suâ retento sibi fructu, singulis annis festivitate sancti Mauricii congruam refectioem exhiberet Monachis; post mortem verò ipsius in ejus anniversario die similiter decens refectio de ipso manso exhibeatur fratribus; quod superfuert eorum utilitatibus profuturum. Hujus doni laudatores & testes fuerunt Walo filius ejus, & Manasses Comes junior.

Dedit & Ricardus supra memoratus Dux ad Ecclesiam sancti Antonii in Ficiato sitam, quæ est juris sancti Benigni, mansum unum: in Rovirâ cum servis & ancillis supermanentibus: & hoc laudaverunt Adeleia uxor ejus, & Rodolphus filius ipsius, & Comites Hugo, Boso, Manasses, Gillebertus.

Dedit Milo in Saviniaco de terrâ jornales sexaginta, & sylvam ubi possunt saginari porci quadraginta. Tantundem dedit pater ejus Gislebertus tempore Isaac Episcopi, scilicet terrâ arabilis jornales sexaginta, & ad porcos quadraginta saginandos sylvam, cum capellâ sancti Gervasii nomine dicatam. Sed & Atila Comitissa pro reque animæ viri sui Milonis Comitis, dedit sancto Benigno in Dumiso-villâ mansum indominicatum cum calalibus super extructis, & aliis terris ad ipsum aspicientibus. Actum Dominicæ Incarnationis. Anno DCCCC. II. Caroli Regis anno quarto. Laudatores fuerunt Girbardus Comes, & Keintrudis uxor ejus, filia ipsius Atilæ. Dedit & Winebaldus quidam de nobilibus in suis villis, Marcenniaco scilicet atque Dumiso, & in finibus earum quidquid possidere videbatur, terras videlicet cum mancipiis desuper commanentibus.

Lanterio Abbate hoc monasterium regente, venit ad conversionem quidam honorabilis homo, nomine Berengerius, qui dedit de rebus suis in villâ Longo-prato dictâ mansum indominicatum unum, cum fonte in eo nascente, & molendino juxta posito, & Ecclesiam dimidiam, quæ est in Missiniaco, & vineis, aliisque mansis ad ipsum mansum aspicientibus, qui sunt vestiti septem abssi tredecim, mancipia utriusque sexûs numero quinquaginta. Dedit & in pago Belnensi, Villâ Sentennaco, colonicam unam. Similiter Hildemodus Canonicus, & Arico Presbyter venientes ad monachilem conversationem, dederunt in Siliciaco-villâ omnem hereditatem suam. Adalreus etiam quidam simili devotione hunc expetens locum, dedit in Bargis-villâ quidquid habuit. Gotzelinus Canonicus & Abbas sanctæ Lingonensis Ecclesiæ infrâ muros ejusdem civitatis, dedit man-

vel 901.

B B b ij

Fulbertus &  
Godradus  
Abbat.

Warnerius  
Episc. Lingon.  
& Godradus.  
Ab. S. Benig.  
912.

sum unum juxta Ecclesiam sancti Desiderii. Fecit commutationem Lanterius Abbas in villa-Carli cum quodam Rohardo, in Corcellis superiori cum Isoardo. Lanterio Abbate post diuturnos labores ad celeste bravium properanti, successit Fulbertus, & hic multorum dierum miles emeritus. Qui post annum deponens onus susceptæ obedientiæ, Godrado commisit curam regiminis, anno decimo septimo Caroli Regis. Hic Godradus emit in Aziriaco ab Heldierio & uxore suâ Nataliâ, pratum unum habens in longum perticas ancingales sexaginta quinque, & in latum perticas triginta duas. Dominus igitur Argirinus relicto Episcopatus honore Monachus est effectus in hoc monasterio, ac post biennium defunctus, honorificè traditus est sepultura intrâ septa hujus Ecclesiæ.

Successit ei denique in curâ pastoralis domnus Warnerius Episcopus, & ipse augmentator bonorum hujus loci devotus. Hic primo anno suæ ordinationis, noventesimo duodecimo videlicet Incarnati Verbi, indictione quindecimâ, residens in synodo in gremio matris Ecclesiæ sancti Mammetis coram Archidiaconibus & Abbatibus, atque omni Clero, interpellatus est à Godrado Abbate & Monachis Patroni nostri sancti Benigni, de quâdam Ecclesiâ infra muros castri Divion sitâ, sancti Vincentii honore ac nomine sacratâ, quam Domnus Geilo Episcopus ad locum refugii & custodiam corporis sapientis dicti sancti Benigni perpetualiter eis habendam concesserat. Et de quâ cum longo tempore ea usi fuissent, repulsi erant à Ratherio Archidiacono & Abbate canonico sancti Mammetis, ac Præposito Abbatie sancti Stephani. Considerans ergo memoratus Episcopus causas periculorum, quæ tunc frequentes imminabant Nortmannorum incursionibus, cum consilio & laude ipsius Ratherii ac totius Synodi reddidit ipsi Abbati Godrado & Monachis prædictam Ecclesiam sancti Vincentii, cum habitaculis ad ipsam Ecclesiam atrii loco pertinentibus, quas ipsi Monachi olim ibi ad refugii locum contruxerant. De quâ Ecclesiâ fecit eis privilegium Episcopali auctoritate, ut nullus succedentium deinceps aliquam vim aut calumniam sancto Benigno, & Monachis eidem servientibus inferret.

Annis septem in Pastoralis regimine felicitet expletis Godradus Abbas migravit ad Christum. Post quem ordinatus est Abbas nomine Gozuinus. Quo post biennium defuncto, successit in locum ejus Abbas, Panto nomine. Et hic in regimine expletis quatuor annis obiit. Cui successit Abbas, nomine Suavus. Warnerius igitur Episcopus appropinquante obitus sui die, petuit se tumulari in Ecclesiâ sancti Patroni sui Benigni: vocatoque ad se Suavo Abbate, dedit ei vice sancti Benigni pratum unum in Aziriaco, ubi possunt secari fœni carra centum quinquaginta. Ideo verò, exceptis aliis rebus quæ mente benignâ contulerat, hoc pratum dedit, ut anniversaria dies obitus ejus celebriter agatur à fratribus, & refectio congrua eis præparetur ab Abbate, aut ab illo cui obedientiam illam providendam commiserit. Obiens autem sepultus est in hac Basilicâ ante altare S. Benigni. Cui successit Domnus Gotzelinus in Episcopatus honore, anno decimo regni Roberti: de quo quia mentio facta est, oportet dicere quomodo regnum acceperit.

Odone Rege defuncto, Robertus frater ipsius sperans & cupiens eam regni partem, quam ipse tenuerat, adipisci, quia à Carolo qui totius regni erat dominus, non reddebatur, palam tyrannidem invaluit. Et hoc post mortem Richardi Ducis, qui ab executione justitiæ cognomen accepit. Ipse namque quamdiu vixit, Carolo Regi semper fidelis exstitit. Robertus igitur affectatæ tyrannidis potentiam pa-

lam exercere cupiens, à quibusdam Episcopis diademate se regio coronari, ac sceptro regni insigniri, partim blanditiis, partim minis extorsit. Sed nequam hujus præsumptionis latus habuit exitus. Denique postquam uno regnavit anno, Suellonicis in campis bello à Ducibus Caroli exceptus, vitæque spoliatus, licet exercitus ejus victoriam obtinuerit, ipse tamen nefariæ temeritatis pretium luit. Nec tamen socii defectionis interitu ejus territi, perfidiæ deseruere contumaciam. Quin potius Herbertus Comes Vermandensis infando scelere Dominum suum Regemque totius Franciæ Carolum dolo captum, vinculisque irretitum Peronnæ direxit tenebroso domicilio recludendum. Et quia regni status sine Principe agebatur in certum, maximè cum Hugoni, Rotberti filio, qui post probis actibus Magni nomen promeruit, puerilis obliteret ætas, quominus regias assumeret insulas, & Herberti cunctos haberet odium, maximè eos quos humanitatis respectu ad misericordiam ærumna Principis permovebat, tandem Rodolphus Burgundiâ oriundus, Richardi Ducis filius, regendæ præficitur Francorum patriæ. Qui adeptus regni solium, & in malefactoribus fuit ultor severus, & in coercendis hostibus ac tuendo regno sagacissimus. Ejus in diebus Danorum atque Nortmannorum iterum adveniunt phalanges, & non solum Franciam, sed etiam totam percurrunt Burgundiam. Contrâ quos Rodolphus sumptis armis, ita protervos eorum compescuit incursum, ut usque nunc Gallias ab eorum invasione faciat manere quietas. Contigit tunc corpus hujus patroni nostri sancti Benigni deferri intrâ muros Divionis castri, ibique servari in Ecclesiâ sancti Vincentii.

Gotzelinus tunc Episcopus regebat Lingonensem Ecclesiam. Hic adiens Rodulphi Regis palatium, deprecatus est una cum Manasse Comite ejus clementiam, ut præcepto regali statueret de quibusdam rebus ab hoc loco ablatis, sed à suis prædecessoribus, Argrino scilicet & Warnerio, nuper sancto Benigno redditis. Quod Rex annuens, ipsas res suâ regali munificentia sancto Benigno restituit, Saciacum scilicet villam cum Ecclesiâ, & aliis villis ibidem pertinentibus, & omnibus rebus quæcumque potestas Episcopalis ibidem tenuerat. Abbatiam etiam sancti Joannis. Mercatum quoque die sabbati, quod est in burgo omnibus septimanis: & medietatem annalis, quod est festivitate S. Benigni: pratum etiam in Aziriaco-villâ, quod Warnerius Antistes in fine mortis suæ concessit inibi. Mansa octo in comitatu Alfensi, in villâ Nermedis cum mancipiis utriusque sexus. In Gibriaco-villâ in comitatu Belnenti mansum unum, favente & deprecante Manasse Comite. Hæc omnia præfatus Rodolphus Rex concessit Deo & sancto Benigno; anno Incarnationis Dominicæ noventesimo vigesimo quinto, indictione tredecimâ, regni verò sui quarto.

Idem Rodolphus Rex, mortuo Hugone Duce fratre suo, Burgundiam adiit, residensque castro Divion mense Aprili, cum causas suas teneret Robertus Comes Palatii, & Gislebertus Comes Burgundiæ, alique plures tam Comites, quàm nobiles viri, interpellatus est Robertus Vicecomes à Vizone Advocato sancti Benigni de quibusdam servis, qui quamvis ex illius servo, tamen ex ancillâ sancti Benigni, & ex potestate & fisco Longivici nati fuissent, magisque sancto Benigno, quàm ipsi Rotberto servire deberent. Tunc in ipso Placito in præsentia Principum eosdem servos werpivit, & sancto Benigno reddidit. Promittens deinceps si aliquis parentum aut heredum illius eos repetere vel calumniare voluisset, se testem & defensorem sancti Benigni contrâ eosdem fore.

Carolus ab  
Herberto car-  
ceri mancipa-  
tur.

Rodolphus  
Franciæ Re-  
ctor Norman-  
nos expellit.

Nora autho-  
ris ætatem.

Rodolphus  
Rex faver  
Monachis  
S. Benig.

915.

Divione resi-  
det Rodul-  
phus.

Gozuinus  
Panto, &  
Suavus Abba-  
tes S. Benig.

Robertus re-  
gnum occu-  
pat.



Albericus  
Abbas.

Letricus, Eri-  
cus, Achar-  
dus, Vidri-  
cus Episcop.  
Lingon.

Rodolphus  
absque liberis  
moriatur.

Carolus in  
carcere obit.

Ludovicus  
Transmarini-  
nus.

998.

Fulcherius &  
Manasses Ab-  
bates.

Mortuo Lu-  
dovico super-  
stites duo filii.  
Lotharius  
Rex.

Eo tempore dedit quidam Boso nomine, & uxor ejus Pletrudis, in Aziriaco villâ, loco Wora vocato, sancto Benigno partem unius Condominæ, alteram partem emit ab ipsis Suavus Abbas solidis centum. Annis decem Suavus Abbas in regimine transactis defunctus est. Cujus loco Albericus ordinatus est Abbas à Domino Gotzelino Episcopo. Ipse verò Dominus Episcopus aliquantulis annis in Episcopatu perdurans, obiit; qui quoad vixit tempore, huic loco studuit prodesse pro suo posse. Quod successores ejus utinam fecissent taliter, successit autem ei in Episcopatus honore Letricus Episcopus. Post hunc Ericus: deinde Acharcus, atque post Widricus. Transierunt sub his pontificibus anni ferme quadraginta & amplius, in quibus semper in deterius processit hujus loci status, Episcopis & Abbatibus alia magis quam id curantibus.

Rodulfo Rege defuncto absque liberis (nam filius ejus, Ludovicus nomine, quem habuit ex Emma Regina conjuge suâ, defunctus est ante obitum patris.) Et Carolus ergastulo clausus, animam non corpus custodiâ exemit; qui dum viveret Simplex dictus est ob benignitatem animi: sanctus nunc rectè potest vocari, quoniam injustè ab infidelibus suis & perjuris longâ custodiâ carceris afflictus, vitæ supernæ est transmissus. Hic reliquit filium Ludovicum ex Eadgiva Anglorum Regis filiâ susceptum. Qui calamitatis paternæ procellis semet involvi metuens, ad Anglos Saxones maternæ affinitatis invitatus gratiâ se contulit. Post excessum verò Rodulphi Regis ab Hugone Magno revocatus, specie tenus regno redditus est patrio, anno Incarnationis Dominicæ nongentesimo trigésimo octavo, indictione undecimâ. Cujus regni administratio jus dominationis exercere cupienti laboriosa illi fuit, tam sui à Tetbaldo Carnotensium Comite captione, quam post regni recuperationem, vario instabilis fortunæ proventu. Hujus regni anno secundo Fulcherius Abbas est ordinatus: quod officium tenuit annis quindecim, & nihil boni in hac domo gessit. Quo migrante successit Manasses Abbas nomine, & ipse peior priore.

Ludovicus Rex moriens duos superstites dimisit liberos, Lotharium atque Carolum, quos genuerat ei Gerberga soror Ottonis Romanorum postea Imperatoris. Carolus ævo junior privatis in ædibus senuit: in hereditatem omnem Lotharius successit. Qui potestate regiâ functus est per triginta & eo amplius annos. Illo tempore Manassès vices Abbatis agente, Hugo Comes Divionensis veniens ad obitum, petiit se tumulari in atrio sancti Benigni. Pro cuius requie animæ, & loco sepulturæ, dedit, Adalburgis Comitissæ uxor ejus, cum laude filiorum ipsius, Gibuini scilicet Catalaunensis Episcopi, & Richardi qui post eum hunc tenuit comitatum, & Hugonem Attoariorum Comitis: prædicta conjux ipsius dedit mansum unum in Patriniaco villâ, & quidquid ad ipsum mansum aspexit. Dedit ipso tempore Erimarum quidam in villâ Curte Arnono vocatâ mansa sex, cum Ecclesiâ inibi constructâ, & mancipiis desuper commanentibus utriusque sexus novemdecim. Insuper quidquid habuit inter duos fluvios Tilam & Basmonum, dedit Deo & sancto Benigno. Evrardus etiam pro Restantio fratre suo, hujus loci monacho, dedit in villâ Corcellis mansum indominicatum unum, & omnia, quæ ad ipsum mansum aspiciunt. Ado Sacerdos factus Monachus, dedit in Belnensi pago in villâ Cussiniaco mansum unum, & terram arabilem, & pratum: similiter in Flaviniaco dedit mansum unum; & quidquid ibi vel ubicumque habuit in terris & mancipiis, sancto Benigno tradidit. Suprà scriptus Gi-

buinus Episcopus, & fratres sui Richardus, & Hugo post obitum matris, pro requie animæ ejus atque patris sui, dederunt hereditatem quam habebant in villâ Missiniaco, quam terram dedit Manassès Abbas in præstariam cuidam nobili fœminæ Retrudi, & filiis ejus Gotescalco, & Willerio. Similiter in villa Bargis dictâ dedit viginti septem jornales de terrâ eidem Retrudi in præstariam. Retrudis altera dedit sancto Benigno juxta Divionem super Oscaram fluvium molendinum unum, & octo jornales de terrâ arabili in eodem loco.

Anno ab Incarnatione Domini nongentesimo octogésimo, indictione octavâ, regni Lotharii Regis vigésimo quinto anno, dedit idem Rex Bruno Remensis Ecclesiæ Clerico, suo verò parenti propinquitate consanguinitatis existenti, Lingonicæ civitatis Episcopatum. Ordinatus est autem idem Bruno Episcopus per manus Burchardi Lugdunensis Archiepiscopi in Ecclesiâ sancti Stephani, viginti quatuor annos gerens ætatis: & eodem anno susceptus est à Clero Lingonicæ urbis; ab Incarnatione videlicet Christi nongentesimo octogésimo primo. Is assequutus Episcopatum, omni quo potuit nisu sequi studuit exemplum boni Pastoris. Monasteria igitur ipsius ad diocesis pertinentia in spiritualibus religione, in temporibus necessaria penè annullata, gubernatione considerans, cœpit querere quatenus Dei dispensante nutu suum in statum ea quivisset reparare. Amovens ergo Manassèm Abbatem hujus loci à dominatione, quâ non benè utebatur, instituit in locum ejus Abbatem quemdam ex Monasterio Dervensi, Azonem nomine. Erat is Aquitanicus genere, ornatus bonis moribus & religiosa conversione. Hic duobus annis in regimine peractis repedavit ad suum monasterium, dimissâ hujus loci gubernatione, atque iterum Manassès Abbas suum recepit officium.

Videns igitur Dominus Episcopus Bruno statum loci in ambiguo positum, supplex adiit domnum Maiolum Ciuniacensis monasterii Abbatem, multâque prece poposcit quatenus ejus auxilio quivisset reparare in melius interiùs religionem, & exterius possessiones. Cujus precibus fluxus Reverendus Abbas Maiolus dedit ei duodecim Monachos ex omni congregatione electos, disciplinis sanctæ religionis instructos, divinâ & humanâ sapientiâ doctos, nobilitate carnali claros. Quibus advenientibus, ita ordinavit dominus Episcopus, ut die Translationis sancti Benigni Monachis cum sibi subjectis Clericis, ante sepulcrum sæpefati Martyris in cryptâ nocturnale officium peragentibus, ipsi in superiori choro ante principale sancti Mauricii altare matutinalem inciperent Synaxim. Quod utique convenienter actum est, ut qui lumen religionis ostendere veniebant, intrarent luce diei appropinquante. Proinde illis hac vel illac pergentibus, isti in loco degentes cœperunt sanctâ conversatione resplendere, & locus qui antea pravis actibus & ineffabili negligentia à cunctis videbatur confusus, nunc felici exercitatione virtutum omnium videretur esse floridus. Verum quia prædicti Patris industria locis aliis intenta erat, & hic locus sine Abbate esse non poterat; iterum Domini Brunonis Præfatus pulsatus precibus, quemdam fratrem ferventissimum sui Ordinis exequutorem, & totius nobilitatis lampade præfulgidum, atque in verâ humilitate & fraternæ dilectionis caritate, nec non summum discretionis (quæ virtutum omnium mater esse dignoscitur) honestate, laudabiliter radicatam & fundatam, nomine Wilhelmi, hujus monasterii gregi præfecit, & patrem spiritalem sibi poscentibus suis instituit. Hic Italia exstitit oriundus, alto satis germine, & nobili pro-

980.

Bruno Ling.  
Epi. cop.

981.

Dioc. sim  
deformatam  
ad pristinum  
splendorem re-  
vocare studet.

Azo Abbas.

Monachicum  
institutum  
ope S. Maiol-  
li restitutum in  
Divion. Cœ-  
nobio.

S. Guillel. Ab-  
bas S. Benig.



sapiâ editus. Quem supradictus Dominus Maiolus Româ veniens invenit in Monasterio Lauceio dicto, ubi à puero educatus fuerat. Assumensque eum ipso deprecante, secum adduxit Cluniacum, ætate juvenili florentem.

Ordinatus  
anno

990.

Sanctæ ejus  
vitæ actus de-  
scribuntur.

AA. 1. 1.

Eusef. 12. 11.

Apo. 22. 17

AA. 4. 32.

Bruno Episc.  
Monachis re-  
ligiosè viven-  
tibus providet  
temporalia.  
Matt. 6. 23.

Ordinatus est igitur Abbas à Domino Brunone Episcopo, anno ab Incarnatione Domini nongentesimo nonagesimo, indictione tertiâ. Officio verò Abbatis accepto, divinis seipsum cœpit exercere virtutibus. Erat enim corpore castus, mente devotus, affabilis alloquio, prudentiâ præditus, temperantiâ clarus, internâ fortitudine firmus, censurâ justitiæ stabilis, longanimitate assiduus, patientiâ robustus, humilitate mansuetus, bonorum operum gratiâ plenus, charitatis equidem affluens visceribus. Pro pauperibus semper erat sollicitus, Christum verò diligens totis visceribus, dum sicut Martha corporaliter non valebat, in egenis illum quotidie reficiebat. Omnibus hospitii perlargum præbuit usum: nemo est exceptus, perpeffus nemo repulsam: Divinorum præceptorum delectabatur eloquiis, quia ex his & suos mores componere, & sibi commissos instruebatur docere & corrigere. Cunctis seipsum præbebat benè vivendi exemplum. Et sicut in ordine, ita primus studebat ut esset in opere, juxta illud Evangelistæ: *Cœpit Jesus facere & docere*. Peccantes verò zelo pii amoris coram omnibus arguebat, ut cæteri timorem haberent. Sed & verba quæ sub increpatione proferebat, ut reprehendenda reprehenderet, quasi stimuli dura videbantur & aspera, ut penè timerentur plusquam verbera, juxta illud, *Verba sapientis, quasi stimuli, & quasi clavi in alium defixi*. Alios quidem blandimentis, alios admonitionibus, alios terroribus, & ita juxta Apostolum, prædicans verbum instabat oportunè, importunè, arguens, obsecrans, increpans, in omni patientiâ, & doctrinâ. Miserorum verò haud secus ac si pateretur ipse, afficiebatur calamitatibus. Os ejus ita replebatur ex cordis abundantia, ut in eodem ore penè nihil aliud nisi lex resonaret divina; & quia scriptura dicit: *Qui audit, dicat veni*; ideo quoscumque poterat, à læculi nequitia suadendo subtrahebat. Et sicut cœleste per desiderium totis ipse viribus ad supernum regnum anhelabat, ita secum pergere omnes homines, si fieri posset, exoptabat. Sed nullatenus est fraudatus à desiderio, quod in se conceperat vera dilectio. Ille enim qui charitas est, qui se timentium complet voluntatem, viri Dei ferventem affectum perduxit ad effectum. Ad ejus quippe monita multi quæ possederant relinquentes, regulari se disciplinæ subdiderunt, & beati Benedicti sequentes vestigia, semetipsos abnegantes, vero Regi totis viribus militaverunt. Partibus namque ex diversis ad ejus cœnobium multitudo confluit innumerabilis. Sed nationibus licet diversi, mente tamen erant uniti, ut illud ad litteram in eis impletum videretur, quod de initio nascentis Ecclesiæ in Apostolorum Actibus legitur: *Erat illis cor unum, & anima una*.

Crescente autem interiùs religionis studio, exterioris substantiæ supplementum cœpit abundare non modicè; prout Dominus promisit suis in Evangelio: *Quærite primum regnum Dei, & justitiâ ejus, & hæc omnia adjicientur vobis*. Dominus namque Episcopus Bruno nimium exhilaratus corde eorum bonâ conversatione, omni studio eorum usui necessaria curabat ministrare. Reddidit igitur sancto Benigno & ejus Monachis Ecclesiam in Saciaco sitam, unâ cum ipsâ potestate & villis ad eam pertinentibus totam ex integro, sicut eam possederat ab antiquis temporibus. Sed postea multis vicibus distra-

cta & direpta à malignis hominibus: salvamentum verò ipsius villæ Otto Comes, cognomento Willelmus, successor Henrici Ducis & heres, computato non modicæ quantitatis pecuniæ debito, Gazfredo Malliacensis castri Domino, pro animæ suæ remedio reddidit sancto Benigno. Necnon & Ecclesiam sancti Apollinaris reddidit Dominus Bruno Episcopus, & terram concessit juxta hoc monasterium, ut plantaretur viridarium; ac secus undique ad vinearum opera, jugera multa in Lariaco, in Bicliso, in Surdiliaco, Patriniaco, Fædeniaco, campo Salomonis, in Marcenniaco: quæ quamvis Monachorum ædificarentur studio & opere, tamen Brunonis Episcopi fiebat adhortatione. Ubique ergo investigans ablata restituebat, & de suo jure quodcumque necessarium & utile eis foret, libenti animo tribuebat. Utrisque verò, domino scilicet Præsule Brunone, atque venerando Abbate Willelmo, in restauratione hujus loci studiosè decertantibus, cœpit crescere, & quasi denudè reflorere.

Tempore quo hæc gerebantur Hugo Rex Hugonis Magni filius, cum Rotberto filio Francorum potiebatur regno. Lothario namque Regi cœleste, ut credimus, pro terreno commutanti Ludovicus filius successit. Qui immaturâ adolescens præventus morte, destitutum proprio herede Francorum dereliquit regnum. Sanè patruus ejus Carolus conabatur, si posset, à sui generis authoribus diu possessum sibi vindicare regnum, sed ejus voluntas nullum sortitur effectum. Nam Franci Primates eo relicto ad Hugonem, qui ducatum Franciæ strenuè tunc gubernabat, Magni illius Hugonis filium (cujus jam mentio facta est) se conferentes, Noviomio civitate folio sublimatis regio. Is eodem anno Rotbertum filium sibi consortem regni eligit. Cœpit regnare anno nongentesimo nonagesimo primo ab Incarnatione Christi; & regnavit decem annis. Post cujus mortem Rotbertus solus obtinuit regnum. Hugonis Regis fuerunt fratres duo, Otto & Henricus filii Hugonis Magni Ducis Francorum. Post mortem patris accepit Hugo Ducatum Franciæ, & Otto Burgundiæ. Habuit uxorem filiam Gisleberti, qui post Hugonem, fratrem Rodulphi Regis, Ducatum Burgundiæ tenuit. Sed eo in adolescentiâ absque liberis defuncto, Henricus suscepit frater suus: hic fuit comptus bonis moribus, præcipuè mansuetudine, vir Ecclesiasticus.

Ipse denique Henricus Dux, auditâ famâ religionis eximii patris Willelmi, commisit ei Abbatiam Vezeliacensem penè ad nihilum redactam, ut ab ipso restitueretur in pristinum statum: quod & fecit, auxiliante Deo. Dominus autem Episcopus Bruno considerans Patrem Willelmum ita ferventem in religione, ac monasticâ institutione, & loca ei commissa de die in diem in melius proficere, omnia in suo episcopio monasteria ipsius delegavit providentiæ. Abbatiam scilicet Besuensem, Apostolorum Petri & Pauli honore dicatam: Monasterium sancti Joannis, quod Reomaus dicitur: locum sancti Michaëlis Archangeli, juxta castrum Tornodorum: Abbatiam Molundensem, ubi sanctus Valerius Archidiaconus & Martyr quiescit; quas omnes ita strenuè gubernavit, ut post eum singulæ singulis Abbatibus distributæ, statui illius temporis, quo ab eo regebantur, non quierint æquari.

Anno sexto suæ ordinationis Willelmus Abbas Romam perrexit ad Apostolorum limina, eorum patrocinia exposcens prece devotâ; indeque ad sanctum Angelum montem petivit Garganum. Sed Beneventum veniens, gravissimæ infirmitatis adstrictus est compede. Cujus infirmitatis diuturno afflictus languore, cum jam à suis desperaretur posse evadere,

Hugo & Robertus Reges  
Franciæ.  
987.

991.

Filii Hugonis  
Magui.

Vezeliacense  
& alia multa  
Cœnobio  
Guillelmus  
Abbas instaurat.

De gestis  
ejusdem Sancti.

quādam nocte raptus in spiritu tribunali metuendi iudicii sistitur: ubi cum pro aliquibus increparetur excessibus, & maxime pro indiscretā severitate, pro his culpis metueret dampnari æternis gehennæ suppliciis, ut sibi visum est, sanctus Papa Gregorius in suā eum suscepit fidē, diligentiori deinceps victurum sollicitudine, & priora errata pietatis & misericordiz operibus expandenda correcturum fore. Post visionem in semet reversus, & ab infirmitate eādem corpit convallescere die, & priorem austeritatem permittit in maximam pietatem. Sicque postea omni vitæ suæ tempore sanctum Gregorium speciali coluit dilectione. Ceperunt denique ex suā patriā, hoc est, Italiā multi ad eum convenire. Aliqui litteris bene cruditi, alii diversorum operum magisterio docti, alii agriculturæ scientiā præditi. Quorum ars & ingenium huic loco profuit plurimum. Crescebat ergo quotidie multitudo Monachorum sub ejus magisterio degentium, ut (exceptis his qui per alia erant monasteria) in hac congregatione quotidie fratres essent septuaginta, aut octoginta.

Inter cætera quæ Dominus Bruno Episcopus in hoc loco egit bona, longum est enim enumerare singula ejus gesta, sed hoc breviter possumus dicere; cuncta ab antiquis huic loco collata, posteaque à malignis direpta, vel à pravis Rectoribus dispersita, à Brunone Episcopo sunt restituta: & licet illi non amittant mercedem suæ elemosynæ, hic tamen non inferiori dignus est gratiarum actio: de emortuis enim cineribus in excellentiorem, quàm unquam ante fuerat statum, per eum sublimatus est hic locus.

A sancto igitur Gregorio Lingonensi Episcopo fundata hæc Abbatia, à Guntranno Rege stabilita & ditata, à Carolo Imperatore cognomento Calvo, & domno Isaac Episcopo restaurata: ab honorando Præsule Brunone, & Wilhelmo venerabili Abbate, non solummodo in aliis rebus, verum etiam in novā Ecclesiæ fabricā est renovata; in cujus Basilicæ miro opere Dominus Præsul expensas tribuendo, ac columnas marmoreas ac lapideas undecumque adducendo, & Reverendus Abbas Magistros conducendo, & ipsum opus dictando, insudantes, dignum divino cultui templum construxerunt. Cujus artificiosi operis forma & subtilitas non inaniter quibusque minùs edoctis ostenditur per litteras; quoniam in eo multa videntur mystico sensu facta, quæ magis divinæ inspirationi, quàm alicujus deputari debent peritiæ magistri.

*Sequitur forma Ecclesiæ antiquæ hujus monasterii Divi Benigni.*

**F**undatum est autem hoc templum anno Dominicæ Incarnationis millesimo primo, indictione decimā quartā, decimo sexto Calendæ Martii. Cujus longitudo ducentorum ferme cubitorum, latitudo autem quinquaginta trium existit. Altitudo verò in sequentibus oportune dicitur. Inferior itaque domus orationis, in quā sacratissimum corpus sancti Benigni Martyris veneratur, eundem penè modum habens quantitatē, fulcitur centum quatuor columnis. Hæc in figuram T. litteræ facta quatuor ordines columnarum duodeno dispositarum numero: æquali extenditur in longitudine & latitudine: decem verò cubitis erigitur in altitudine; secreta ex utrāque parte habens vestibula. Quinque sanè in eā continentur altaria; primum in honorem ipsius sancti Benigni est consecratum; secundum in memoriam sancti Nicolai & omnium Confessorum; tertium in venerationem sanctæ Pascaliæ Virginis, quæ ibidem quiescit, & omnium Virginum; quartum in sancti Irenæi & omnium Martyrum; quintum sub nominibus

sanctorum Confessorum & Abbatum SS. Joannis & Sequani, atque sancti Eustadii Presbyteri ibidem quiescentis. In hac ergo corpora sanctorum qui scientia sæpediti testis Christi beata ambiunt membra; quorum in principio hujus libri nomina sunt adnotata. Sanctorum verò Confessorum & Episcoporum Urbani & Gregorii corpora in Ecclesiā sancti Joannis Baptistæ primitus fuerunt tumulta, post longa verò tempora inde elevata: sancti quidem Gregorii medietas corporis in Ecclesiā sancti Benigni est recondita, tempore quo propter metum paganorum ejusdem sancti Martyris effossum corpus delatum fuit ad civitatem Lingonas; & tunc alia medietas corporis præfati Confessoris illic est retenta. Sancti denique Urbani corpus levatum, & in loculo positum, multis miraculorum signis per eum Dominus lætificavit corda famulorum suorum in hoc loco degentium. Venerabilis verò Isaac Antistitis corpus cum exigente templi ædificio transferretur aliò à quibusdam sacerdotibus, maximā ex parte integrum simul cum capite Clericalem adhuc præferente habitum fertur inventum. Similiter & Domini Agrini Pontificis ac Monachi sacerdotalia cum cucullo, necnon interiore cilicio, vestimenta, in testimonium ipsius sanctimoniz incorrupta sunt reperta. Ad hoc haud longè reperta est sancta Radegundis, habens ad caput titulum sui nominis in laminā plumbeā: cujus ossa cerato involuta linteo sunt invent in capsā lignā in terrā recondita. Cæterorum præterea sanctorum, quorum corpora hîc noscuntur tumulata, beatus Gregorius Turonorum Episcopus mentionem facit eorum describens quædam miracula: Benigni videlicet Martyris, nostri specialis Patroni; Tranquilli quoque Confessoris; necnon Hilarii Senatoris, & ejus conjugis sanctæ Floridæ sanctimonialis; atque Pascaliæ Virginis & Martyris. Hæc à sancto Benigno edocta & baptizata, post ejus martyrium sævitia paganorum rapta est ad supplicium. Cumque immobilis in fide Christi peristeret, primò carceris afflictā squalore; postea pro confessione Deitatis sententiā fuit multata capitali; ut quædam vitrea antiquitūs facta, & usque ad nostra perdurans tempora eleganti præmonstrabat picturā. Tantorum ergo venerandis corporibus sanctorum honorabiliter hæc de quo modò agitur Ecclesiā; non mediocriter est ditata, exceptis aliorum reliquiis sanctorum, quos enumerare superfluum videtur.

Huic paulo superius descriptæ inferiori cryptæ conjungitur Oratorium ad solis ortum, rotundo scemate factum, senarumque illustratum splendore fenestrarum, triginta septem cubitos habens in diametro, decem in alto. Hoc sanè Oratorium terno columnarum ordine in semet regyrato, quadraginta videlicet atque octo; geometricali dispositione ambitur; hujus desuper culmen celsò erectum fastigio viginti quatuor columnarum, ac triginta duorum arcuum, tripertita comparis numeri machina divisione, eleganti transvolutum est opere. Hoc sanè Oratorium sancti Joannis Baptistæ sacratum est honore; cujus altare illustratur trium fenestrarum lumine. Ab hac Ecclesiā sunt per cochleam dextrā lævāque triginta septem gradus, crebris sufficienter illustrati fenestris, per quos inoffenso ascenditur tramite ad Basilicam sanctæ Dei Genitricis Mariæ. Ipsa verò Ecclesiā sexaginta octo subnixa est columnis, eundem ferè habens modum & formam in diametro, sive in altitudine, quem & inferior, undenisque irradiatur vitreis. Ad altare autem ejusdem perpetuæ Virginis marmoreum per quatuor tripertitos ascenditur gradus, juxta quos hinc & inde sunt altaria; ad dextram quidem Joannis Evangelistæ ac Jacobi fratris ejus, sanctique Thomæ Apostoli: ad

Quanta Bruno Episcopus contulit bona.

Fundator ac benefactor præfatus recensentur.

S. Radegundis.

Lib. 1. mirac. c. 51. Et lib. de glor. Confess. cap. 42. 43. & 44.

Corpora Sanctorum hujus Ecclesiæ.

lævam verò sancti Matthæi, Jacobi, & Philippi Apostolorum.

Huic iterum concordantes, & satis lucidi, utrimque per cochleam ad Ecclesiam sanctæ & individue Trinitatis triginta gradus continuatim præstant ascensum. Hæc in modam coronæ constructa, triginta quoque & sex innixa columnis, fenestris undique, ac desuper patulo cælo lumen infundentibus, micat eximiam claritate, amplitudine inferiori domui consimilis, sed viginti cubitorum altitudinis. Altare sanctæ Trinitatis ita est positum, ut undecumque ingredientibus, ac ubicumque Ecclesiam continentibus, sit perspicuum. Inde per quadrage-minas scalas, altrinsecus factas, ad suprema patet ascensus: quarum duæ æquali modo positæ per quindecim gradus usque ad sancti Michaëlis protenduntur Oratorium habens in longitudine cubitos triginta tres, in altitudine decem, vilis facta scemate: fenestras habet septem. Aliæ verò duæ per quinquaginta gradus sursum dirigunt gressum: ad ima autem harum scalarum bina super murum deambulatoria sunt facta, quæ æquali spatio ab orientali parte usque ad occidentalem, & infra templum, per arcus deambulatorios, & supra tectum domus muro altitudinis trium ferme cubitorum circumquaque pergentium, à ruinâ protegent incessum. Hæc tamen ad dexteram sinistramne partem templi incipientes; interius & subitus alas ejus gressum per quosdam occultos aditus ad suprema tecti dirigentes plano, ut dictum est, calle deducunt introitus undique, donec superliminare occidentaliū portarum attingentes, per pariles scalas viginti graduum in porticus Ecclesiæ majoris deponunt. Quæ ad instar crucis ædificata habet in longitudine cubitos centum viginti octo, in latitudine, sicut præscriptum est, quinquaginta tres, in altitudine quaqua versum per maximos triginta & unum cubitos, in medio autem quadraginta, illuminatur septuaginta vitreis, fulciturque centum viginti & unâ columnis, quarum nonnullæ juxta capita fortissimarum, quæ sunt quadraginta pillarum quadrangulatim statutæ, unâ quali simul coronari videntur coronâ, quamvis non unius sit magnitudinis omnium forma. Habet hinc & inde geminas porticus dupliciter transvolutas, in quibus bis bina continentur altaria. A parte quidem Aquilonis unum in honorem sanctorum Apostolorum Petri & Andree; alterum in honorem sancti Bartholomæi, & Simonis, atque Thadæi Apostolorum. Sancti verò Pauli altare est in superiori Ecclesia, ante aram sanctæ Trinitatis, eo quod ipse raptus ad tertium cælum vidit secreta Dei. A meridie sunt altaria, unum in honorem sanctorum Apostolorum Matthæi, & Barnabæ, ac Lucæ Evangelistæ: aliud in honorem sanctorum Martyrum Stephani, Laurentii, atque Vincentii. Est aliud altare ad occidentalem plagam Ecclesiæ, in eodem latere meridiano, in honorem sanctorum Mammetis, Desiderii, Leodegarii, Sebastiani, Gengulphi Martyrum. Et ex parte altera sanctorum Martyrum Polycarpi, Andochii, Thyrii, Andeoli, Symphoriani, Georgii, Chrystopori, & sanctorum Confessorum Urbani, & Gregorii, quorum corporibus adornatur præfens domus. Principale altare est sacratum in honorem sanctorum Mauricii atque Benigni: simulque omnium sanctorum altare ad dexteram ejus in honorem S. Raphaëlis Archangeli, & omnium beatorum spirituum. Ad lævam verò in honorem S. Marci Evangelistæ; atque in medio ipsius Ecclesiæ altare sanctæ crucis, omniumque sanctorum. Ante hoc altare triplex conilat introitus cryptæ, in quindecim gradibus ascenditur ab ipsa ad superiorem Ecclesiam.

Sepulcrum verò sancti & gloriosi Martyris ita est constructum. Est tumba ex quadris ædificata lapidibus, quæ octo cubitos in longum, quinque autem tenet in latum, cujus cacumen lapideum quatuor sustinetur suffragio columnarum: desuper autem quatuor columnæ marmoreæ locatæ erant antiquitus. Olim super lapideos arcus, qui continebant absidam, ferebant ligneam sex cubitorum longitudinis, & trium latitudinis, septemque ac semis altitudinis, quæ undique auro & argento vestita, historiam Dominicæ Nativitatis & passionis præmonstrabat anaglypho prominente opere picturâ satis optimâ. Verum hoc decentissimum de quo loquimur ornamentum, ob recreationem pauperum tempore famis fuit dissipatum à Domino Abbate Willelmo, & cum capsâ aureâ mirificè gemmis exornatâ, pariterque tribus tabulis ac duobus thuribulis argenteis, crucibusque; ac omne ornamentum in auro & argento venundatum est. Ante hæc verò tempora, insignia ornamenta, videlicet gemmæ, pallia pretiosa, caplæ, tabulæ, coronæ, vasa quoque Ecclesiastica, seu candelabra, ex auri argenti-que metallo fabricata, cum imagine Salvatoris Domini nostri ex auro, fusili opere facta, latronum fraude, in ipsius Sancti festivitate, occisis custodibus, furto fuerunt asportata. Hæc ornamenta à Guntranno & cæteris Regibus huic loco pro veneratione & honore Dei, sanctique Benigni Martyris antiquitus collata, sed priscis temporibus sacrilegâ pessimorum manu sublata, nullus postea exstitit Principum, qui tantum potuisset recuperare thesaurum. Hæc ad notificandam Divionensis loci antiquitatem & gloriam paucis dicta sunt. Illud in fine notificandum est, in templi istius ædificio esse columnas trecentas septuaginta & unam, exceptis illis quæ in turribus & altaribus sunt. Fenestræ causæ vel claudendæ vitro centum viginti: turres octo: portæ tres: ostia viginti quatuor.

Nunc ad ea quæ omiseramus patris Willelmi explicanda gesta stilum vertamus. Augustorum seu Regum Palatia cum adiit, in eis non quæsit quæ sua sunt, sed quæ JESU CHRISTI; ut ex eorum scilicet familiari colloquutione subveniret opressis suâ interventione; aut certè ex sæculari vel Clericali habitu Deo lucrifaceret; ut juxta Domini præceptum propria relinquerent, & sæcularibus curis semotis Deo in tranquillitate servire stuperent. Conveniebant igitur ad eum plurimi, ut diximus, & licet diversi nationibus, mente tamen uniti. Latabatur Pastor in sui gregis augmento, magisque gaudebat quod omnes instabant operi propolito. Verum quia super gregem sibi commissum solerti vigilavit curâ, divinâ promeruit gratiâ de fructu laborum suorum in hac gaudere vitâ. Nam regularis vitæ disciplinam, quæ jam penè deciderat per veterum negligentiam, prout beatus Benedictus eam compuluit in pristinum statum corrigendo, restauravit, ac per diversas mundi partes per plura monasteria à regulari tramite devia, tam per se, quàm per suos, quos Abbates ordinaverat, monastico ordini subdidit. In hoc verò gaudens gratulabatur Deo, quod eorum quos suâ sub curâ educaverat, ad monasticum regendum ordinem fore multos idoneos videbat: ex quibus nos aliquos dignum judicavimus huic libro indere, ut sciant posteris, quàm strenui ex hac congregatione prodierint Monachi, eorumque memoria permaneat in laude.

Cum primum Abbatis suscepit officium venerabilis Willelmus, inter Monachos in hoc loco degentes fuit quidam juvenculus vocatus Hunaldus, quem prædictus pater videns solertis ingenii, retinuit sibi cæteris abeuntibus. Hunc præcipuè omni studio

Iterum de S. Guillel. Abbat.

Regula S. Benedicti. observantiam diversis in monasteriis restaurat.

Insignes S. Guillel. discipuli.

studio doctrinæ imbutum, in domo Dei constituit vas electum. Ad omnia quippe quæ sibi erant necessaria, prædicti fratris juvabatur solertia. Denique injunxit illi curam hujus sacri periboli, quam tantâ prosequutus est cura, ut penè totum quidquid fuit ornamentorum in hac Basilicâ, ejus studio sit aggregatum. Ad ultimum post obitum prædicti Patris Abbatiam Tornodorensem assequutu, ibidem quievit annis viginti septem in regimine transactis. Alter quidam hujus castri Divionensis civis, nobili ortus genere Rodolphus, Albus vocatus cognomine, venit ad conversionem inter ipsa primordia ejus novæ ordinationis, cujus pecuniis relevata est paupertas prædicti Patris, & consilio atque adjutorio sublevata sollicitudo regiminis hujus loci, & Besuensis Monasterii: (adhuc quippe erat ei paucitas Monachorum) quem prædictus frater ita juvabat in exterioribus curis, ut solus supplere videretur solamen plurium. Sed præter ejus votum, hoc solatium tulit illi paucitas dierum. Alter quoque subjunctus est memorato Patri, Theodericus dictus, hujus patriæ civis, quem post diuturnam eruditionem Fiscanensi cœnobio constituit Priorem, ad ultimum Gemmeticensium præfecit Abbatem. Alius ex castro, Belno dicto, Miles, Ledbalus vocatus, & à studio sapiens cognominatus, Patri Willelmo est adjunctus. Cujus imbutus doctrinâ spiritali, per aliquod tempus Archimandrita in Tornodorenli loco est substitutus.

Famâ sacræ Religionis eximii patris Willelmi percitus quidam Metensis Clericus, generosis ortus natalibus, nomine Benedictus, ejus discipulatu est aggregatus: brevique in tempore studendo eum imitari, doctrinâ & conversatione perfectionem attigit monasticæ vitæ. Per ejus igitur relationem comperit Domnus Adelbero Metensis Pontifex Patris Willelmi religionem conversionem. A quo suppliciter evocatus, atque sancti Arnulphi Abbatia donatus, eundem Benedictum ibidem constituit Patrem, ubi per multos annos sacris intentus actibus, vitâ sanctus claruit multis virtutibus. Ne verò à tanto Pontifice Reverendus Abbas Willelmus rediret vacuus à munere, stolam auro textam, duasque cappas purpureas auro limbo decoratas, ab eodem percepit Præsule. Sed & præfatus Benedictus Abbas ordinatus, casulam auro decenter ornatam, atque alia ornamenta obtulit ei pro benedictione. Quæ præfatus Pater tam hoc in loco, quàm Fructuariensi, à se noviter cœpto, divisit ut sibi placuit. Prædictam verò sancti Arnulphi Abbatiam post mortem antedicti Abbatis rexit annis multis.

Ex Tullensi quoque clero venit ad eum quidam Arnulphus vocabulo litteris apprime eruditus, omnique mundanâ sapientiâ doctus. Hic in brevi assequutus perfectionis vitæ institutionem, commissâ est ei cura à Domino Patre Willelmo non solum hujus, sed & omnium quæ sub ejus erant provisione locorum. Qui quanta in hoc loco egerit bona post refrenus; non enim debent silentio tegi verborum quæ ipsius clarent studiis operum.

Interim prosequamur insignium memoriam enarrare virorum, quia licet nos eorum sequaces tabescamus desides ab eorum religionis fervore, & undique internis scilicet atque externis malis ingruentibus ab omnibus bonis studiis torpentes, sumus ignavia & pigritia adstricti: erunt tamen forsitan post nos aliqui, qui horum legentes gesta studebunt imitari exempla. Domnus igitur Bertoldus Leucorum, qui Tullo dicitur, Episcopus per querimoniam à se delapsi Clerici, confabulationem quælivit sæpefati Abbatis Willelmi. In cujus verbis considerans inconcussam inadulatamque constantiam men-

tis, cæteraque insignia virtutum in ejus actis & oribus resplendentia, admiratus, monuit instanti prece ut Abbatiam sancti Apri suscipiens, emendare curaret secundum sancti Benigni institutionem. Cujus annuens precibus eundem Cœnobium in patetis annis ad regularem commutavit statum. Invenit ibidem strenuos Monachos, ex quibus unum, Widricum nomine, post non multos annos in eodem monasterio constituit Patrem Monachorum. Qui egregii Magistri docilis discipulus ita eum studuit imitari in omnibus, ut in suis omnibus vel verbis vel actibus representari quodammodo videretur Pater Willelmus. Multos denique erudiens in sanctâ conversatione, aliquantos aliorum monasteriorum Patres Monachorum ex sua protulit congregatione.

Plures igitur Sacerdotum vel Abbatum sibi commissorum locorum vel Ecclesiarum relinquentes curam, ad Patris Willelmi confluebant doctrinam. Quidam Episcopus civitatis Albingatæ, quæ est juxta Genuam civitatem, super mare sitam in Italiâ relicto Episcopio, prædicti Patris se subdidit imperio. Alter quoque Episcopus, Barnabas vocatus, genere Græcus, in hoc monasterio sub ejus magisterio plurimis annis est conversatus. Alius verò, Benignus dictus, Episcopus à Româ huc adveniens per aliquot annos cum ipso commoratus fuit subiectus & obediens. Abbates etiam per plures ex diversis partibus venientes sponte se ipsi subiciebant obedire parati: inter quos fuerunt Abbas Joannes, dictus Capuanus. Alter quoque Joannes Abbas monasterii S. Apollinaris in urbe Ravenna. Benedictus quoque Abbas monasterii S. Severi urbis Classis. Anastasius etiam & Marcus, & alii Abbates plures, quos longum est enumerare. Monachorum verò non est numerus qui ab illis venerunt partibus. Archidiaconus etiam quidam Mediolanensis, nomine Godefredus, ut nobilem decebat, nobiliter veniens cum multis thesauris, inter quos altare onychinum auro & argento decenter ornatum, & quidquid ad capellam pertinebat, ornamentum scilicet Ecclesiasticum, secum detulit, pluribus annis in hoc monasterio monachus permansit, ac postea per consensum Abbatis Willelmi patriam revocatus, Abbas apud Mediolanum est constitutus.

Ipsi denique sancti viri Patres & Doctores Eremitarum existentes, famâ sanctitatis longè lateque notificati, Romaldus scilicet, Willelmus ac Martinus, quos in magna veneratione habebat urbs Ravenna, cæterique quos intra se concludit Italia, Patris Willelmi expetebant societatem. Quia sanctorum conjunctio grata & jocunda, Ecclesiæque pernecessaria, & contra societas malorum impedimentum bonorum. Ipsi verò cultores Eremitæ relicta quiete sollicitudinis gaudebant sub ejus magisterio associari Cœnobitis. Ex eorum ergo numero adjuncti fuerunt ei duo, Joannes & Paulus, litteris eruditi. Quorum sapientia ad salutem multarum profecit animarum. Horum uterque monasticæ religionis ferventissimus, & in cœnobiali conversatione cæteris erant imitandi: & in contemplativâ vitâ lectioni & orationi assidue studentes, videntibus exemplo fuerunt pariter & admirationi. Reverendæ memoriæ Paulus apud nos in pace quievit. Joannes verò homo Dei sanctam ob conversationem vocatus à Domino Patre Willelmo, Fructuariensi cœnobio Abbas est institutus. De quo loco, quia occasio se præbuit, intimandum paucis videtur qualiter fundatus fuerit.

Duo germani fratres fuerunt sæpefati Abbatis Willelmi, unus vocatus est Nitardus, alter Godefredus. Primus eorum honore Comitatus enituit, alius militiæ stipendiis contentus fuit. Quos prædictus Pater sæpe admonendo à mundi illecebris ab-

S. Apri Tullensis.

Plures Episcopi & Abbates Willelmi magisterio se subdunt.

Abbatia S. Guillelmi reformatur.

S. Arnulphi Metensis.

Fructuariensis.

Origo Fructuariensis Monasterii.



duxit, & ad Christum convertit. Venientes ergo uterque ad hoc Divionense Cœnobium, exceptis aliis rebus, dederunt sancto Protectori nostro Benigno quoddam juris sui prædium, Vulpianum vocatum, quodam præfugio futurorum. In quo loco Dominus Willelmus fundavit Ecclesiam in honore sancti Benigni, ut notitia & honor ipsius sancti in illâ patriâ accresceret, & ut in hereditate parentum suorum aliquid acceptum Deo edificaret. Deinde ut oblatio eorum ad animarum proficeret lucrum, atque ut fructus bonorum operum quæ ibi geruntur, sibi & illis esset abolitio peccatorum, & aeternæ vitæ digna recompenlatio præmiorum. Unde & Fructuariensis ille locus est vocatus. In brevi ergo tempore factum est nobile cœnobium, ubi de hoc loco & spiritualia & temporalia subsidia sunt delata, Reliquæ scilicet multæ cum corporibus sanctorum, volumina librorum, omniaque Ecclesiastica ornamenta, & monachi plurimi pariter illuc abierunt. Sed & de aliis suæ ditioni subiectis locis, & undecumque oblati supplementis, magnificatus est locus possessionibus & divitiis. Ita ut in vitâ ejus congregatio illius loci centum numero constaret Monachis, exceptis locis cellarum ei loco subditis, quæ fere triginta exsunt. Convocatis ergo Episcopis patriæ, Rege quoque Arduino, qui ibi postmodum quievit, suâ cum conjugē, & multis Nobilibus ipsius regni, in honore sanctæ Dei Genitricis Mariæ, sanctique Benigni, & omnium sanctorum, fecit locum illum sacrari.

Plura edificavit Monasteria.

Richardus Comitiss rogatu Fiscannense Cœnobium suscipit regendum.

Multi ad eum instituendi monasticæ disciplinæ confluerunt.

Constituit & alia monasteria in eadem patriâ, ubi deputatis Monachis, & Abbatibus ordinatis, adhuc ordo viget monasticus. Sanctimonialium etiam instituit Monasterium.

Auditâ Dei viri famâ nobilissimus Nortmannorum Comes Richardus misit ad eum, reverenter supplicans, ut ad se veniret. Qui tandem libenter ut rogatus fuerat pergens, venit ad eum; à quo sicuti decebat honorificè susceptus est. Multique ejus precibus exoratus est, ut Ecclesiam sanctæ & individua Trinitatis nomine & honore dicatam, in loco qui Fiscannus dicitur, olim constructam, & à se in ampliorem statum decenter reformatam, suscipere, atque Monachorum collegio decoraret. Cujus precibus annuens, ita præfatum locum omnibus religiosis studiis, cæterisque bonorum copiis adornavit, ut præ cunctis illius provincie locis, felicibus semper floreat incrementis. In quo loco multi convenerunt nobiles viri, tam Clerici, quàm Laici, ejus doctrinis cupientes institui: inter quos Osmundus Episcopus sanctæ & religiosæ vitæ exstitit Monachus. Duo quoque Clerici liberalibus artibus apprime eruditi, aula Regis postpositâ Willelmum Patrem expetierunt mente devotâ. Unus eorum vocabatur Locelinus, alter Beringerius. E quibus prior postmodum Abbas exstitit: sequens in eodem loco vitæ finem accepit. De transmarinis etiam partibus, hoc est, Anglorum terrâ, vir quidam nobilis regali prosapia clarus, Clemens nomine, relictis sæculi pompis ad idem monasterium venit, Deo inibi cupiens militare. Sed cum ab hominibus ex suâ patriâ adventantibus crebrè inviseretur, magis diligens Deo servire cum quiete, quàm vanitates mundi frequenter audire, Divionense expetivit cœnobium: ubi laudabilis vitæ complevit cursum. Fuit itaque secundum etymologiam sui nominis Clemens animo, omnibus virtutibus adornatus, præcipue humilitate, quâ in tantum se abjectum & vilem asserbat, ut cum sacerdotii gradu fungeretur, nunquam in omni vita sua nisi semel ad hoc ministerium acce-

dere præsumserit.

Postquàm igitur per annos ferè triginta Willelmus Abbas Fiscannense rexit cœnobium, cum jam senectute simul & aegritudine gravaretur, & elegisset sibi Fructuariensem locum ad habitandum, desiderans in patrio solo quiescere: considerans Princeps regni Rotbertus, qui post patrem & fratrem defunctos primatum tenebat Normannorum, petiit per legatos eundem Patrem, ut Abbatem sibi substitueret, quia loci status aliter sine detrimento manere non posset. Ad cujus petitionem, quemdam sibi valde dilectum Monachum, ejusdem loci Priorem, nomine Joannem, constituit Abbatem: licet eum alibi magis optaret præficere. Hic Italiâ, partibus Rauennæ, ortus, litteris eruditus, ac medicinali arte per ipsius Patris jussionem edoctus, religiosæ conversationis ejus, doctrinæ quoque, ac omnium virtutum ipsius præ cunctis aliis exstitit imitator studiosus. Qui ab exilitate corporis Joannelinus diminutivo nomine est dictus, sed humilitatis, sapientiæ, discretionis, ac cæterarum virtutum tanta in eo refullit gratia, ut (sicut sanctus refert Gregorius in libro dialogorum de Constantio Presbytero) ita ut in hoc mirum esset intuentibus, in tam parvo corpore gratiæ Dei tanta dona exuberare. Sed quia adhuc domum habitat luteam, sufficit hoc tantum dixisse: dicit enim scriptura: *Ne laudes hominem in vitâ suâ.*

Commisit & alia loca memoratus Comes Richardus sepelato Abbati Willelmo, scilicet Gemmeticum, ut jam diximus, monasterium sancti Audoëni, Montem sancti Michaëlis Archangeli: in quo loco post mortem patris prædicti, supradictus Joannes Abbas constituit Patrem quemdam Monachum prænominati Patris Willelmi: vocatus est autem idem Frater Subpo, Romanorum patriâ exortus, & jam dicti Magistri institutione in omni sanctitate educatus. Qui postmodum quibusdam contrarietatibus exortis, relicto ipso loco, Fructuariensem Abbatiam annis pluribus rexit. Rotbertus etiam Rex Abbatiam sancti Germani apud Parisius præcatus est prædictum Patrem ut susceperet, & secundum regularem institutionem ordinaret quod & fecit. Necnon & Oddo Comes pari devotione locum sancti Faronis in urbe Meldorum eidem commisit venerabili Patri. Sed & honorabilis Præsul Metensis Ecclesiæ Theodericus Gorziensem Abbatiam eodem zelo Dei commendavit illi, defuncto illius loci Abbate: qui dum præfatum regeret locum, ex Clero Metensi quemdam Clericum, Sigfridum vocatum, litteris benè doctum, ad monasticum attraxit ordinem; qui post ejus decellum eandem rexit congregationem.

Dominus verò Arnulfus istius loci Prior (ut jam diximus) cum patris Willelmi, & præfati Præfatis admoneretur precibus, ut jam dicti loci susceperet curam, atque Abbatis officium; ipse humilitatis amator nullo modo assensit, magisque elegit subesse quàm præesse; solummodo cujusdam parvi loci à prætaxato Patre Willelmo sibi expetivit curam & dominium. Est autem locus ille situs in confinio Tullensis & Lingonensis parochiarum, in loco qui vocatur Brittinacacurtis. Quomodo verò sancto Benigno istius loci patrono fuerit datus, nunc referemus. Jacob Tullensis urbis Episcopus dum rediret Româ, incitatus famâ miraculorum, quæ in hoc loco Dei operabatur clementia per istius sancti merita, ad ipsius Martyris Christi advenit tumulum, cupiens à Deo veniam adipisci delictorum per hujus gloriosi Martyris interventum. Dumque per aliquot dies

Abbatem Fiscanni sibi subrogavit S. Guillelm.

L. b. i. c. f.

Authoris hujus Chronici natus.

S. Guillelm. Mo alteriorum Gemmetici, S. Audoëni, & S. Michaëlis, curam gerit.

Necnon S. Germani, S. Faronis, Gorziensis.



remorando ad tumbam ejus cœlorum penetraret intima, vocatus à Domino est ad cœlestia regna: sanctique Benigni adjutus precibus, & in cœlis cum eo gloriam, & in terrâ juxta ejus tumulum condignam accepit sepulturam. Cujus soror, nomine Liliofa, ad sancti Benigni veniens limina, prædictum prædium suum donavit sancto Benigno Martyri, pro fratris sui sepulturâ. In quo loco ædificaverunt Ecclesiam in honore sancti Benigni Monachi hunc locum inhabitantes: ubi multis virtutibus à Deo clarificatus est hic Martyr sanctus. Sed vicini circummanentes multis molestiis impediabant illi servientes: verumtamen videntes quæ ibi fiebant miracula, frangebantur à suâ pertinaciâ. Hic enim sanctus Benignus adversantes ubi diù tolerat, sed postmodum impœnitentes durè castigat. Ad ipsum itaque locum dedit quædam Natalia nobilis fœmina terram suæ possessionis in fine Branticianæ villæ, & in fine Businiacæ pratum unum. Quæ utraque sunt in confinio memorati prædii. Fecit verò prædicta fœmina ipsam donationem tempore Caroli Regis & Imperatoris. Hunc ergo locum supradictus Dominus Arnulphus sibi eligens, omni curâ studuit eum augmentare. Ac primum Basilicam ibi magnam construens, officinasque ac reliqua habitacula Monachis utilia, nobile cœnobium constituit, possessionibusque & terris augere procuravit.

Dedit itaque Miles quidam, Evrardus vocatus, villam suam Mannis dictam in eodem loco, sancto Benigno; accepto à Domino Arnulfo pro hac re non parvo pretio. Pertingit verò terra ipsius alodii, usque ad portam castrî quod vocatur Risnellus. Cumque dominus ejusdem castrî Odulricus Comes, eundem alodium sibi vellet vindicare; à Domino Brunone Præsule tamdiù est persequutus excommunicatione, & inimicitiarum vi, donec ipsum alodium dimittens wirpiret, & insuper juraret, nec se nec aliquem heredum suorum ibidem violentiam illaturum. Dedit Archidiaconus Lingonensis, Beraldus dictus, sancto Benigno Ecclesiam in honorem sancti Desiderii dicatam in Algisi-villâ, simul cum ipsâ possessione. Et in Brualdi-curte; & molendinos in Materna fluvio, in loco qui vocatur Mortucllus. Dedit Girardus Metensis Comes medietatem villæ, quæ dicitur Godonis-curtis. Dedit Gotbertus quidam nobilis alodium suum in loco Solinimons dicto. Quod dum quidam parens ejus calumniaretur, & sæpe admonitus à prædicto Priore Arnulfo non acquiesceret; tandem in bello ab inimicis suis capitur, multis plagis confossus. Ipse ergo Miles, Rodulphus dictus, de Barrensi castro, cognoscens hæc & alia mala sibi provenire ob sancti Benigni injuriam, vocato memorato loci ejus provisor, omnem dimisit quam inferebat calumniam. Sed & filius ipsius Rainardus dum paria faceret, similem excepit vindictam. Emit prædictus Præpositus in Linerolis-villâ Ecclesiam, & partem ipsius possessionis, & in Montaniaco, & in Calmillas, atque Latona, in Clini campo, in Conchis, in Salcido, in Salsuris; his & aliis locis emit plurima terrarum mansa, quæ usque nunc possidentur ab illius loci Monachis. In hoc verò Cœnobio quanta gessit non est silendum: Vlnonis villam dictam in pago Tricalino ipsè ad Stephanum, itemque ad Oddonem Comites sæpe recurrendo, & multas pecunias dando, sancto Benigno restituit. Ubi ne deinceps auferretur, instituit cellam Monachorum, officinasque eorum usui necessarias, atque Basilicam amplam & honestam in sancti Benigni honorem construxit.

In pago Portuensi Albinicum-villam in præstariâ datam, & longinquitate temporum perditam, Dominum Brunonem Episcopum sæpe interpellans;

*Tome. II.*

atque Willelmum Comitem, ipsis raptoribus auferri, & sancto Benigno restitui fecit. In quo loco monasterium magnum construxit ad honorem sancti Benigni, & cellam instituit Monachorum. Erat ibi antiquitus Ecclesia sancti Marcelli Martyris honori dicata, quæ manet usque adhuc. Additæ sunt ibi postea aliæ duæ Ecclesiæ: in Cinbinno, & in Duellari villare, possessioque terrarum amplissima. Longum est per singula quæque referre, cum penè omnia, quæ iste locus Patris Willelmi tempore acquisivit, Domni Arnulfi Prioris consilio & labore factum sit. Super cætera quæ gessit, hanc Ecclesiam sancti Benigni librorum ornamento decoravit ipse, impensas tribuendo, & Dominus Girbertus scribendo. Fuit autem Girbertus ex primis quos nutritiv Dominus Abbas Willelmus, & ab officio Scriptor est appellatus.

Otto Comes, cognomento Willelmus, quem ante memoravimus, supplicante Domino Willelmo Abbate, qui ei propinquitate jungebatur, dedit sancto Benigno in Salinis burgo sedem unius caldariae. Sequenti tempore Dominus Arnulfus & Monachi Divionensis loci, emerunt aliam caldariam à conjugate ipsius Comitis, per laudem filii ejus Rainaldi. Dederunt etiam Willelmus & filius ejus supra dictus Rainaldus sancto Benigno terras conjacentes in his locis. In Cernenli-villa, & in Dornone, scilicet terras arabiles, & prata, ubi possunt secari fœni quinquaginta carra. Est in Dornone unum pratum, quod possunt secare falces centum: & debet in censu solidos octo, multones tres, scindulas centum. Et in alio loco Callis vocato pratum alterum cum sylvâ ibi permixtâ. Dedit idem Comes Otto sancto Benigno potestatem Vivariensis villæ pro animâ Henrici Ducis, qui eum loco filii adoptavit, & genitricis suæ Gerbergæ uxoris prædicti Ducis, ac filii sui Widonis, & Hermitrudis conjugis. Proque animæ suæ salute dedit prædictam potestatem cum appenditiis suis, sicut dono prædicti Ducis Henrici & uxoris ejus, suæ verò genitricis Gerbergæ, sibi datam legaliter tenuerat annis triginta, ita integram cum Ecclesiis in eâ sitis: unam in honore sanctæ MARIE, alteram juxta ipsam positam sancti Petri Apostoli nomine sacratam, & villis, & terris multis; scilicet in Crocherco, in Grugiaco, in Frigidâ villâ, in Colombario, in Lusiniaco, in curte Romaniscâ, in Destagno, in Cadiniaco, in Milleponto, in Turiaco, in Albaniâ, in Cariaco, in villâ Comitis, vel in aliis quibuscumque locis, cum mancipiis utriusque sexûs plurimis, & omnes redditus & consuetudines, quas debent ipsi servi & ancille, & etiam illi qui Francos se dicunt; desuper ipsam potestatem, commanentes ubicumque. Facta est hæc donatio anno ab Incarnatione Domini nostri JESU CHRISTI millesimo quarto, indictione secundâ.

Eodem tempore Oddo Vicecomes, filius Henrici Ducis, dedit sancto Benigno quamdam Ecclesiam sitam juxta muros castrî, quod dicitur Belnum, antiquitus in honore sancti Stephani sacratam, sed jam per multa curricula annorum destructam. Quam ipse & uxor ejus, Hingala dicta, à fundamentis in ampliorem statum reedificantes, Abbatis Willelmi ac Divionensium Abbatum providentiæ perpetuæ dederunt. Et ut Monachis ibi commanentibus non decissent stipendia, dedit ad ipsum locum in comitatu Dufmensi villam, Empilacus siccus vocatam, cum appenditiis omnibus, & consuetudinariis, & actionibus, ab hiis etiam quæ Francorum nomine censentur pro debito exigendis. Dedit in Milleponto villâ terras arabiles, & vineas. In Polmarco, in Valliliis, mansum ad manendum, vineas & prata. Et ut donatio ista perpetualiter maneret, Rotberti

*C C c ij*

Girbertus  
Scriptor.

1004.

Ecclesiæ diversæ  
conferuntur S. Benigno.

1005. Regis Francorum, interveniente Domino Walterio Episcopo, in cujus diocesi erat memoratus locus, & Ottone ad cuius beneficium pertinebat Comite, petit regali Præcepto firmari, ad nomen sancti Benigni jure perpetuo possidendum. Factum est hoc Præceptum anno incarnati Verbi millesimo quinto.

Alter quidam Miles prædicti Comitis Ottonis, Letbaldus dictus, quendam Ecclesiam in honore sancti Petri dicatam, loco quid dicitur Puteolis, quam beneficiario jure tenebat ab ipso Comite, per ejus laudem dedit sancto Benigno, ditans eam rebus propriis: utque hoc donum stabiliretur, petit à prætaxato Rege Rotberto, memoratis intervenientibus Legatis, regali munificentia firmari, ut Monachi ibi Deo servientes, pro ipso Rege, & ejus prole, proque largitoribus hujus doni & eorum progenie, omnique populo Christiano Dominum studeant exorare. Factum anno millesimo sexto.

1006. Humbertus etiam dominus castri, quod vocatur Salmacia<sup>u</sup>, dedit Ecclesiam sanctæ MARIÆ, sitam in ipso castro, sancto Benigno in perpetuum possidendam, sub providentiâ Abbatis Willelmi, successorumque ejus; ut Monachi ibi mitterentur Deo & ejus Genitrici servientes, ac pro se & omnibus vivis ac defunctis supplicantes. Ad quorum victum dedit alias duas Ecclesias, unam in villâ Buxo dictâ, cum mansis & terris aliis; ac farinario, servis, & ancillis; alteram in villâ Mermedis. Hujus rei donatio facta est Roberti Regis anno vigesimo sexto, ab Incarnatione Domini millesimo decimo tertio.

1012. Anno ab Incarnatione Domini millesimo duodecimo, Willelmus Abbas Divionensis, & Amadeus Flavigniensis Abbas, fecerunt commutationem inter se de terris. Dedit memoratus Abbas Amadeus de Abbatia S. Petri quidquid habere dignoscebatur in villâ Dienato, & in villâ Comitis, & in aliâ villâ Salice dictâ, & in villâ Carli, & in villâ Icio, in Marciaco, & in villa Tarsu, & in villâ Meleis, cum omni familiâ utriusque sexûs, & omnibus appenditiis. E contra dedit Dominus Abbas Willelmus quidquid habebat ex Abbatia sancti Benigni, & loco sancti Stephani, in villâ Empiliaco sicco dictâ (quam olim Odo Belnensis Vicecomes ex consensu uxoris suæ, nomine Inge, & filiorum ejus, Aquionis Abbatis, & Joannis, ad jam dictum locum sancti Benigni delegaverat) vicinum erat Abbatie S. Petri Flavignientis. Communicatum est cum servis & ancillis, & omnibus appenditiis suis atque redditibus, per laudem & assensum Domini Brunonis Lingonensis, atque Domini Walterii Episcopi Hedunorum, ad quorum dioceses pertinebant præfatæ Ecclesiæ.

Postmodum Hugo quidam Miles de Parvi, Divion castri habitator partem suæ hereditatis, quam in prædictâ villâ Dienato habebat, cum consensu & laude uxoris suæ Hildegardis, & filii sui Humberti, dedit sancto Benigno ante Dominum Brunonem Episcopum, multis Clericis, & Laicis nobilibus assistantibus: ac postmodum in præsentia successoris ejus Domini Lamberti Episcopi, quando capituli comam deposuit, reiteravit donationem ad altare sancti Benigni coram multitudine populi, dans ipsum patrimonium suum in jam dictâ villâ Dienato, vel ubicumque positum; cum servis & ancillis, cumque omnibus debitis consuetudinariis exigendis. Actum anno millesimo decimo septimo.

1017. Ex hac terrâ sunt in villâ Karli mansa decem, cum terris aliis ad ipsa mansa pertinentibus, ac servis plurimis & ancillis desuper commanentibus. Sunt

in Dienato coloniarum quindecim, curtilli viginti, & terra absque æstimatione, servi & ancillæ plusquam septuaginta. Est sylva, quæ appellatur mons Rigon in Largo fonte, mansi quindecim cum servis & ancillis, & terrâ multâ. In Scaturco mansum unum cum suis appenditiis. In Hodescâ colonias sex cum servis & appenditiis suis. In Carco fuit villa quæ vocatur Britonia: sunt ibi forestellæ duæ, una vocatur Balescoth, alia vocatur Petra. Sunt in Fontanis mansi duo cum terris & vineis. Sunt in Marcenniaco de vineâ jornales tres.

Dedit Dominus Abbas Willelmus Monachis Belnensis cellæ Ecclesiam sancti Antonii, in Ficiaco sitam, pro excannio supramemorato Empiliaci sicci & Dienati. Dedit Monachis Sarmociensis cellæ ad laborandum & custodiendum terram sancti Benigni, positam in Sarmaciâ villâ, & in Viriaco.

Ipso in tempore Addita Comitissa, uxor Richardi Comitis Divionensis, reddidit sancto Benigno, quidquid prædictus Comes vir suus tenuerat de terris sancti Benigni in beneficio à Manasse Abbate, pro salute animæ ejusdem viri sui, & filii sui Letaldi Comitis (quorum corpora sepelierat in hoc monasterio Divionensi) coram Legatis Domini Brunonis Episcopi ad hoc missis. Tradidit super altare S. Benigni ipsam vinopetionem, ut neque ipsa deinceps, neque ullus Militum ejus, de illo beneficio quidquid retineret, nisi tempore vitæ suæ. Post obitum verò uniuscujusque quod tenebant, rediret ad jus sancti Benigni. Hæc redditio facta est anno ab Incarnatione Domini millesimo septimo.

Tempore illo adolescens quidam, nomine Achædeus, Lingonensis Ecclesiæ Canonicus, in præsentia Domini Brunonis Episcopi, & Ottonis Comitis, dedit Ecclesiam sancti Albini ad altare sancti Benigni Divionensis patroni, eâ conditione tradidit prædictam Ecclesiam cum appenditiis suis ad memoratum locum, pro se, & pro patre suo Letbaldo, in hoc loco facto Monacho, ut jam diximus, ut annis singulis quamdiu viveret, persolveret in censu pro prædictâ Ecclesiâ solidos decem, & duo sextaria olei. Postmodum verò quidam Hendricus Miles matris ejus, maritusque, quia quamvis erat solutio census, adiit præsentiam Domini Willelmi Abbatis, petitque alienari censum prædictum: quod impetravit; & ad quatuor denarios redactus est census: & pro hac recompensatione, proque animæ suæ salute, dedit villam Molenfam cum omnibus ad ipsam hereditatem pertinentibus rebus. Consistit ipsa hereditas in Comitatu Oscarense super Sagonam fluvium atque Oscaram & Tyllam: habetque determinationes amplas, prout scriptum est in cartâ. Facta hæc donatio ab Incarnatione Domini anno millesimo tertio.

Exorta fuit tunc quædam altercatio inter Monachos hujus loci, & Monachos monasterii sancti Leodegarii, de quodam saltu, qui dicitur alta sylva, ad Saciacum villam pertinente, quam determinant duo torrentes. Unus dicitur Tramant, alter Scitilaria, ex diversâ parte venientes. Quæ cum mota fuit à Priore illius loci, nomine Fulcherio, ante Henricum Ducem Advocatum præfati loci, & Ottonem (qui & Willelmus dictus) Comitem, qui tunc Advocatus erat loci istius; atque in præsentia Domini Episcopi Brunonis: ad hoc denique ventum est, ut respectum caperent utraque pars super ipsam sylvam: quibus Comes Richardus cum plurimis civibus Divionensibus, videlicet Walterio, Remigio, Humberto, aliisque nobilibus, interfuisse ad justitiam diffinendam noscitur. Indeque campum fieri decreverunt,

<sup>u</sup> Salmacia ] Castrum hoc aliis locis Sarmacia vocatur.

statuto die quo is fieri deberet. Quid plura? hujus loci Prior Dominicus adfuit cum suis paratus. Ille verò qui repetebat se subtraxit, & ad conditum placitum venire noluit. Postque multis annis sine querelâ alicujus, sancti Benigni locus suam vestituram tenuit. Postmodum verò prædicti Fulcherii successor Arnulphus, de eadem sylvâ cœpit proclamare denud coram prædicto Comite Wilhelmo, contrâ memoratum hujus loci Priorem Dominicum. Venientes igitur ad placitum, communiter decreverunt novum reparare campum, ubi affuerunt multi nobiles viri; Monachorum verò hujus loci dictus Prior, & Arnulphus ejus successor, Waldus, sacrorum Custos, & Henricus: ibique conditum est placitum. Insequentis hebdomadæ feriâ tertiâ iterum prædictus calumniator accedens ad Dominum Brunonem Episcopum, cœpit causas prætere, ob causas non posse venire ad placitum campi peragendi; atque rogare ut in aliud tempus differretur. Quod audiens Dominus Bruno Episcopus, vocatis sancti Benigni Monachis ait: Quod cœpistis dijudicare, atque sylvam quam tenuistis, tenete, quia isti calumniatores nullam possunt rectitudinem ostendere.

Higelbertus quidam Miles de villâ Milleponto dictâ, veniens ad obitum, Monachusque factus in hoc cœnobio, dedit sancto Benigno in comitatu Augustidunensi, villam Brueriam dictam, cum omnibus appenditiis suis circumquaque jacentibus, hoc est in villâ Adeunt mansum indominicatum, cum appenditiis suis, & servo, ac filiis ejus: & in villâ Mardelco, atque in Barbarisco, & in Poliaco, necnon in Vinliaco. Anno ab Incarnatione Domini millesimo septimo facta est hæc donatio. Dedit & in villâ Valongias mansum unum cum appenditiis, coram Brunone Episcopo, Wilhelmo Comite, Rainaldo Comite, ipsius filio, Ottonis Comite, filii ejus Widonis filio.

Dedit Garnerius quidam Miles sancto Benigno in villâ Discaco mansum unum, & servum cum filio uno. Et in Viriaco mansum unum cum appenditiis suis, servis & ancillis, ac duas vineas. Idem Garnerius, & frater ejus Aldo dederunt alodium suum qui conjacet in loco, quo dicitur Mortariis, in Comitatu Divionensi. Constat autem alodium in terris cultis & incultis, ex se simpliciter divisum. In sylvis verò partim per se proximè, partim cum aliis participatur heredibus. Proprium quidem alodium terminatur de uno latere terrâ sancti Mammetis, à loco qui dicitur Niger solium, in superiori parte usque Vadarno-villam: in inferiori parte jam dicto Niger solio, usque ad exactum Wilhelmi, & usque ad Sylvam pertinentem ad Saviniacum. Item de unâ parte terra Odonis pertinens ad Spaniacum. Item de alio latere de loco nuncupato Nerlangio, usque ad campum peduliosum, & usque ad lacum, & usque ad terram sancti Petri de Villa-Comitis, commune cum aliis heredibus. Item de alia parte terra pertinens ad Vadarnodum. Item commune alodium incipit à quercu perdulioso, & pervenit usque Spaniacum, & usque Cangegium & Casnedum, & usque Villam Comitis. Ut ergo proprium, & commune totum simul ad jam dictum sancti Benigni transferrent locum, acceperunt à Domino Wilhelmo Abbate & Monachis ejusdem loci, octo libras denariorum. Sic ex consensu uxoris, & infantum ipsius Varnerii, tradiderunt atque condonaverunt præscriptum alodium proprium simul & commune ad denominatum monasterium; sub præsentia Domni Brunonis Episcopi, aliorumque illustrium virorum, consentiente & testificante Walone Comite, & fratre ejus Walterio.

Alter Warnerius, & ipse nobilis, dedit sancto Be-

nigno in Comitatu Divionensi, in villâ Spaniaco, vestita mansa tredecim, absum-unum, colonias etiam octo, mancipia utriusque sexûs sexaginta tria, & omnes redditus, & consuetudines, atque exactiones quas debet ipsa possessio; necnon & omnem terram pertinentem ad prædictam hereditatem absque sylvâ. Ita tamen ut ipsi servi eandem consuetudinem, quam ipsi habuerunt de prædicta sylvâ, quamdiu eos tenuit, simili fine tenus teneant. Fecit verò hanc donationem ipse Warnerius per laudem & consensum Aldæ uxoris suæ, coram Ricardo Comite, atque Hugone, & Odone fratribus ejus, aliisque nobilibus viris Divionis castri, Walterio, Hugo, Remigio, Humberto. In anniversaria die matris ejus refectio de ipsâ possessione præparetur fratribus; reliqua cameræ ipsorum deputarentur ad vestimenta eorundem fratrum.

Quia longum est enarrare cuncta quæ huic Monasterio collata sunt tempore Domini Brunonis Episcopi; & quibus per ipsum vel propter ipsum, ab aliis augmentatum est bonis, ad ipsius vitæ finem, habitatoribus hujus domûs Dei omni tempore dolendum & deffendum, veniamus. Sed ante paucis describere curabimus, quis fuerit modus vitæ ejus. Fuit itaque in elemosynis largus, in vigiliis sedulus, in oratione devotus, in charitate perfectus, in humanitate profusus, in sermone paratus, in conversatione sanctissimus: erat irreverentibus terribilis aspectu, metuendus severitate, reverendus incellu, venerandus benignitate. Censuram auctoritatis temperabat mansuetudo humilitatis. Non personæ potentiam, sed morum elegantiam attendebat in singulis, & tanto eminentius unumquemque honorabat, quanto sanctius vivere didicisset. Clericorum ac Monachorum, Sanctimonialium quoque nec non Viduarum ac pupillorum pater erat, atque inter divites; & pauperes ita medius, ut pauperes illum quasi patrem aspicerent, divites verò quasi superiorem sibi divitem timerent. Quamdiu vixit, ita Burgundiam patrocinando protexit, atque defendit, non clypeo & lanceâ, sed consilii prudentiâ, quo sibi principes patriæ omnes devinxerat, ut cum Rex Francorum Rotbertus cum exercitu maximo hanc patriam sæpe intrans incendiis & rapinis plurima loca vastaverit, nihil in eâ retinere potuit; quamdiu Bruno Episcopus vixit. Et quia ei nocere non poterat, hujus malivolentiæ causâ Domino Abbati Wilhelmo tulit Abbatiam S. Joannis Monasterii Reomensis, eo quod partibus favebat, ut justum erat, sui Pontificis. Denique quodam tempore memoratus Rex cum plurimo exercitu Divionem castrum advenit, circumpositam regionem devastans ac depopulans. Cujus iram timens præfatus Abbas Wilhelmus, omnes Monachos ab hoc loco per alia Monasteria jussit secedere, aliquantos verò cum libris & omni ornatu Ecclesiæ intra castrum Divion, ac in Ecclesiâ S. Vincentii, quam tunc quieto jure Monachi istius loci possidebant, fecit residere, paucis solummodo fratribus ob custodiam loci, & sancti Benigni servitium, cum Domino Abbate Odilone in hoc loco dimissis. Quem ad hoc accerferat; ut si fortè Rex aliquid mali contrâ hunc locum moliretur, illius precibus exoratus dimitteret. Rex verò ut erat mente benignus, cum cognovit propter se Monachos dispersos, valde doleuit. Paucis itaque transactis diebus, Franciam repedavit nullo negotio peracto. Ipso denique anno, qui fuit ab Incarnatione Domini millesimus decimus sextus, Dominus Episcopus Bruno obiit secundo Calend. Februarii, peractis in Episcopatu annis triginta quinque. Fuit autem à sancto Gregorio Episcopo, qui hunc locum fundavit, trigesimus primus in succes-

De moribus  
Brunon. Epi-  
scopi Lingon.

1016.

Obiit Bruno  
Episc. Ling.

C C c iiij

Lambertus  
successit.

sione Episcoporum; undecimus post venerabilem Isaac Episcopum

Cui successit Lambertus Episcopus. In cujus diebus quidam Archidiaconus Lingonensis Ecclesie, Parisiorum postea Episcopus, Imbertus nomine, Abbatiam S. Amatoris sitam ante mœnia ipsius urbis, quam beneficii jure tenebat à Præsule memoratæ sedis, obtulit sancto Benigno per donum, & laudem prædicti Episcopi Lamberti; quatinus ibi Monachiisterentur, qui Deo hymnis & laudibus die noctuque deservirent. Similiter quidam Canonicus ejusdem Ecclesie, Gozelinus dictus, dedit in suburbio ipsius civitatis medietatem unius Ecclesie: altare verò totum ex integro, sicut dono Episcopi tenuerat, ita ab eodem Præsule sancto Benigno traditum est ad victum Monachorum in prædicto loco consistendum.

Eadem devotione Aymo Comes dedit Abbatiam in honorem sanctæ Dei Genitricis **MARIÆ** sacram, & ante suum castrum, quod Saxonis-fons dicitur, positam, laudante prædicto Episcopo Lamberto, obtulit sancto Benigno in perpetuum possidendam & Abbati Willemo, quatenus ordo monasticus, qui ibi quondam fuerat institutus, ipsius repararetur studio.

Sed & Normannorum Comes Richardus dedit sancto Benigno Ecclesiam sancti Adelberti, cum villâ, & omnibus terris ad eam pertinentibus, sitam in pago Oximensi: quod filius ejus Richardus, & ipsius Richardi filius Robertus, & Roberti filius Wilhelmus, postea per succedentia tempora laudaverunt, & firmaverunt donum; atque Advocati & Defensores earundem rerum ad tutelam hujus domus Dei fuerunt, & adhuc sunt. Quidam quoque Miles ejusdem Comitatus, Gotbertus nomine, in loco qui Longus-campus dicitur, dedit Ecclesiam in honorem sancti Martini dicatam, cum terrâ ad ipsam aspiciente. Ut verò hæc donatio firma persisteret, nec ab ullo propinquorum ejus calumniaretur, dedit ei præfatus Wilhelmus Abbas sexaginta libras denariorum. Richardus Normannorum Dux, & Robertus Archiepiscopus ejus frater, laudaverunt, & subscripserunt Cartæ, Anno millesimo tertio.

Henricus quidam Clericus de nobilibus dedit sancto Benigno Prisceiam villam suam, cum Ecclesiâ inibi sitâ, in præsentia Lamberti Episcopi & Archidiaconorum ipsius, Beraldi, Humberti, Geraldî, Odonis, & aliis quàm pluribus, tam Clericis, quàm Laicis adstantibus; atque Willemo Abbate cum suis Monachis. Actum anno ab Incarnatione Christi millesimo vigesimo.

Fœmina quædam nobilis, Aremburgi dicta, mater Letbaldi Matifconensis Episcopi, cum eodem filio suo dedit sancto Benigno in villâ Luvocatâ, septem mansa cum sylvâ ibi adiacente, & servis qui de prædictis mansis septem colonicas tenebant.

Altera matrona Tetiardi vocata dotaticium suum dedit sancto Benigno per laudem filii sui Widonis. Conjacet verò in his villis; in Quintiniaco, in Albiniaco, in Sulliac, in Attegiis, in Curte-Arnolis, cum tertiâ parte Ecclesie inibi sitæ, dicatæ in honorem sancti Germani. Sunt mansa viginti unum, cum terris ad eos aspicientibus.

Quidam Miles Rotbertus dictus, veniens ad conversionem, dedit sancto Benigno omnem hæreditatem suam, quæ conjacet in Comitatus Belnensi & Cabilonensi: & in his villis; Seviciano, Rueledo, Mossiaco, Ambassiaco, in Monticellis villâ Gilsensi, & in Scodingiis villâ Selillis, cum servis & ancillis, in prædictis locis manentibus, omniq; terrâ in prænomatis locis ad suam partem pertinentem, dedit coram dominis suis Willemo Comite, & fi-

lio ejus Rainaldo. Actum anno millesimo septimo.

Alter Miles, Albericus dictus, dedit in Curtecuronis mansum unum cum terris ad eum aspicientibus: & in Assiriaco villâ tertiam partem suæ hereditatis. Actum anno supradicto.

Alius quoque Miles Wilhelmus vocatus, cum conjugē suâ Teudgardâ, & filio Romestannio, misit in convadium hereditatis suæ partem in villâ Attegiis, usque ad annos viginti quatuor, eâ convenientiâ, ut transactis prædictis annis, si non esset redempta ab ipso vel filiis, aut filiabus ejus, deinceps jam non redimeretur, sed Monachi sancti Benigni, quorum pecunia ibi habebatur, jure perpetuo eam possiderent. Similiter alter Miles, Cadalo dictus, cum conjugē suâ Theodradâ, pari conventionione largitus est hereditatem suam in Attegiâ, & in Ponticiaco, prædictis hujus loci Monachis.

Sunt adhuc plurimæ quæ describi possent, sed quoniam ad finem libri tendimus, his omisiss, obitum Patris Willemi intimare curamus. Postquam per annos quadraginta duos vineæ Dominicæ sedulus cultor eam excolendo jugiter propagare, amplificareque curavit: cum jam senio infirmitatibusque multis prægravatus optaret dissolvi, & cum Christo esse, bonam consummationem laborum suorum adimplere cupiens, per omnia monasteria, quæ sub ejus fuerant magisterio, incipiens ab Italiâ, circueundo, & fratres exhortando, ut ea quæ ab ipso didicerant, mente retinerent, & opere adimplere satagerent. Siquidem ejus doctrina fuit, ut juxta quod præcipit sancti Benedicti Regula, in verbo, in omni actione, in vestitus qualitate, humilitatem videntibus se semper ostenderent: & ut honore invicem se prævenientes, dilectionem sine simulatione exhiberent. His & aliis virtutum operibus intentos, etiam distinctè legendi atque psallendi magisterio erudit. Hæc docendo cæteris monasteriis peragratis, pervenit ad cœnobium nomine Fiscannum; ubi plus solito infirmitate prægravatus, sentiens sibi imminere ultimum vocationis suæ diem, convocatis Fratribus, per octo dies exhortans eos, atque absolutione & oratione Deo commendans, octavo die Natalis Domini sumpto Christi Corporis & Sanguinis Sacramento reddidit Deo spiritum. Cujus corpus à medicis qui ibi aderant conditum aromatibus, honorificè traditum est sepulturæ in ipso monasterio, ante altare sancti Taurini Confessoris. Post cujus obitum Dominus Halynardus suscepit curam regiminis animarum; quem præfatus Pater successorem sibi elegerat cum consilio & laude Fratrum, baculumque pastorale ei transmiserat. Obiit verò prædictus pater noster Wilhelmus anno ab Incarnatione Domini millesimo trigesimo uno. Et in ipso anno defunctus est Dominus Lambertus Lingonum Episcopus, decimo Kalendas Septembris. Antequam ipse Pater finiretur, in ejus locum substituit Rotbertus Rex Episcopum Richardum vocatum, Clericum literis optimè eruditum, & bonis moribus ornatum, tamen contrâ voluntatem Cleri & plebis totius: quapropter post menses quinque adepti Episcopatus, captus ac pulsus civitate, non multis post diebus veneno vitam finivit. Rex autem consiliis Reginæ ad iram animatus, iterum dedit Episcopatum cuidam Clerico Carnotensis Ecclesie. Hugo hic erat dictus; fuissetque utile vas in domo Dei, si juvenilia desideria evitare, & superbiam calcare curasset. Sed is adjectâ crudelitate cundo per fas & nefas, ad ultimum postquam decem & octo per annos Lingonum tribulavit Clerum & populum, pulsus à sede judicio Domni Leonis Noni Papæ, & Archiepiscoporum, Halynardi scilicet Lugdunensis, Hugonis Bisontinensis, Vuidonis Remorum, Evrardi Tre-

S. Guillelmus  
antequam ab  
humanis ex-  
cederet Mo-  
nasteria cir-  
cumit; Fra-  
tres adhorta-  
tur.

Cap. 7. grad.  
12. & c. 71.

Obiit, sepeli-  
turq; Fiscan.  
in Monaster.

1031.  
Defuncto  
Lamberto  
Ling. Episc.  
sufficitur Ri-  
chardus, pau-  
lo post vene-  
no sublarus.

Cui proximè  
successit Hu-  
go.

Ob perverfos  
mores con-  
demnatur.



verorum, aliorumque multorum, qui praesentes fuerunt in concilio habito Remis civitate, in praesentia memorati Papae Leonis: ubi affuerant penè totius Galliae tam Archiepiscopi, quam Episcopi, cum innumerabili multitudine cleri & populi.

Hujus itaque Hugonis ordinatione instante, cum esset deductus ab Henrico Rege juvene ad civitatem Lingonas cum magnâ ambitione, nunciata est praedicto Regi mors patris sui Roberti Regis. Qui regnavit annis quadraginta & unum. Et ipse Henricus regni jam sextum annum agebat. Ipse Robertus Rex interveniente Domino Lamberto Episcopo, & Hugone Autisiodorensi Episcopo provisor hujus loci, perdonavit salvamentum villarum quae pertinebant ad jus sancti Benigni: quarum haec sunt nomina; Lariacus, Bicius, Quintiniarius, Cromanius, Suliacus, Aguliacus, Ruffiacus, Alchiriacus, Bargas, Provifum, Colonias, Plomberias, Escuncias, Gironus, Corcellas, Tremolenum, Villarium, Pruneius, Lenteniacum, Dissum, Congusvicus, Saciacus, & omnes quae ad ipsam pertinent Villulæ, Siliacus, Asverias, Corcellas superiores, Norgias, Aziriacus, Dinatus, Merceaniacus, Pamerras, Fedeniacus, Spaniacus, Villikarli, villa-Comitis, Ontearum\*. In his & cæteris villis ubicumque terra sancti Benigni Salvamentum reddebat, Robertus Rex jussit aboleri, ut amplius non exigeretur à quoquam, sed ad profectum Monachorum reddidit Deo & sancto Benigno, posito super ejus altari dono, laudante Constantia Regina ejus conjuge, & filiis, Henrico tunc Duce, &que Roberto fratre ejus, qui illi successit. Et hoc donum firmavit præcepto Regali, annuloque suo jussit insigniri: atque Episcopis, & Comitibus, ac cæteris Primatibus qui praesentes aderant, corroborare jussit. Interfuerunt autem Lambertus Lingonesis Episcopus, Hugo Autisiodorensis Episcopus, Azelinus y Episcopus Laudunensis, Gosfredus Episcopus Cabillonum, Beraldus Episcopus Sueffionum. Comites verò, Willelmus Nivernensis, Otto Matisonensis. Actum anno millesimo quindecimo, ipsius autem regni vigesimo octavo. Fecit & de locis ad hunc pertinentibus, videlicet de Cellâ Belheni, ac Puteolis, ut supra diximus. Proque his justum est, ut anniversaria dies ipsius à nobis agatur.

Eo tempore mortuus est Otto, qui & Willelmus dictus est, Comes, anno videlicet millesimo vigesimo septimo, & in hoc sancti Benigni monasterio sepultus: ubi & filius ejus Comes Wido ante aliquot annos tumultatus jacebat. Hic pro multis in hoc loco collatis beneficiis, aliqui ex parte à nobis descriptis, promeruit, ut semper memoria ipsius agatur ab hujus loci Monachis. Suprà memoratus Hugo Episcopus Autisiodorensis, & Comes Cabilonum, Protector & Advocatus hujus loci, dedit sancto Benigno scyphum aureum pondi quinque librarum, ut fieret ex eo calix aureus ob expiationem culparum ipsius. Cui elemosynâ addidit Richardus Normannorum Dux sextam libram auri, ut pro hoc aliisque pluribus nobis collatis bonis retributionem acciperet à Deo aeternae hereditatis. Chunigundis etiam Imperatrix, uxor Henrici Caesaris, pro requie animae praedicti Principis dedit duas libras auri: insuper & omnes gemmas ipsius calicis cum patenâ: studuitque facere vas elegantissimum, ut per hoc recolatur per ævum. Pro his cæterisque benefactoribus nostris insistendum est nobis orationi prece instantissimâ, ne aliorum gratis utentes bono, peccatorum eorum nostris superadditis, gravem accumulemus sarcinam super capita nostra.

Temporibus quibus haec gesta sunt Dominus Halynardus in hoc loco Prioris agebat officium. Qui sequenti tempore etiam Abbatis ac Pastoris est allequutus nomen & meritum. Cujus memoriam dignum est nos assignare litteris, qui nos dulcibus ac paternis monuit institutis. Hic fuit oriundus Burgundiâ, nobilium virorum exortus prosapia. Nam pater ejus Lingonum, mater verò Heduerum civis exstitit. Ab ipsis infantiae rudimentis studiis litterarum traditus, supernâ providentiâ gemina scientiâ efficacissimè claruit. Amabatur paterno affectu à venerabili Praefule Heduae civitatis, Walterio nomine, cujus filius erat in baptismo, ac ideo educabatur ab eo majori diligentia, ut post aptaretur in domo Dei lucerna. Processu verò temporis, decursâ pueritiâ, cum eum jam sibi vendicaret adolescentia, à patre suo est traditus Domino Bruno Lingonum Praefuli. Qui eum liberali cernens ingenio valere, Canonicorum studuit collegio copulare. In eâ itaque urbe cum philosophos, virosque audiret Ecclesiasticos, divinâ inspirante gratiâ nulli sodalium erat inferior in sapientiâ. Fecunditas eloquentiae gravitate componebatur sapientiae. Ex materiâ hujusce compositionis vas esse cœpit electionis. Cumque foret animi ad cuncta capax, nihil intentatum, nihil denique liquit inhautum. Cum jam veltiri cœpisset vernantibus juventutis floribus, ita suam adolescentiam bonis instruxit moribus, ut eo tempore jam videretur Monachus, integrum se & sincerum omni custodiâ ab his observabat vitiis, quibus contaminari solent homines hujus ætatis. Is enim imbui timebat; ne tenerâ in ætate his infectus esset, quibus cum vellet carere non posset. Juxta illud quod scriptum est: *Adolescens juxta viam suam, etiam cum senuerit non recedet ab eâ*. Bonorum virorum & maximè prudentium contubernio potitus, turpitudinis sectatores expositus.

Igitur cum pro suâ omnibus carâ benevolentia diligeretur à Domino Lamberto Lingonis Praefule, cuperetque eum idem Pontifex collatis Ecclesiasticis gradibus exaltare, ille respuens labilem & caducam mundi gloriam, hoc studuit opere adimplere, quod Dominus præcipit sermone. *Qui vult (inquit) post me venire, abneget semetipsum, & tollat crucem suam, & sequatur me*. Spretis itaque omnibus terrenae possessionis stipendiis, ob spem futuræ repromissionis, habitum sanctae conversationis sumit. Sed non ibi defuit probatio tribulationis. Parentes namque ejus insequentes eum, atque ab hoc monasterio per consensum Episcopi vi abtrahentes, nudatum habitu Monachi per publicum ita deduxerunt, ut pro hac verecundiâ odiret quod tantopere amplectebatur. Sed nihil proficit callida ars maligni contra doctrinam sancti Spiritus. Nullo modo quippe valuerunt eum revocare à suâ intentione; verum parvo transacto tempore fugam iniit, ut vel extrâ patriam posset perficere, quod in patrio solo non permittebatur adimplere. Sed iterum insequutus, & captus ad Episcopum est reductus. Qui eum multis promissionibus & blanditiis demulcebat, si quomodo posset animum ipsius ab hac intentione revocare. At ubi vidit eum in suâ persistere sententiâ, vix tandem permittit ei quod vellet agere. Sic itaque quod cupierat allequutus, deinceps alieno vixit imperio, ut in nullo quantum potuit deviare à sanctae institutionis proposito. Is enim procul à se remotis hebetudine & murmure, singularis præ cæteris obedientiae præminebat virtute: implens illud in fratribus quod dicit sanctus Benedictus: *Obedientia bonum non solum Abbati exhibendum est, sed etiam*

Halynardi  
Lugdunens.  
Archiepiscop.  
actus descri-  
buntur.

Fit Canoni-  
cus.

Prov. 22. 6.

Deinde Mo-  
nachus.

Marc. 16. 24.  
Luc. 9. 23.

Deo à paren-  
tibus multas  
patitur con-  
tumelias.

Regulæ c. 71.

Mors Rob-  
erti Regis.

Donum infi-  
gne ejusdem  
S. Benigno  
factum.

z

y

1015.

Calix aureus  
octo libra-  
rum.

\* Ontearum ] Aliàs, Certe-Arnon.

y Azelinus ] Acherius legi vult Adelbero.



1. Cor. 3. 18.

*sibi invicem obediant fratres.* Enim verò beati Benedicti, cujus subiacebat discipulatu, imitator existens, sapientem Dei stultitiam est adorsus, juxta quod præcipit Apostolus: *Si quis vult inter vos sapiens esse in hoc mundo, stultus fiat, ut sit sapiens.* Haud secus enim ac philosophi ad syllogismorum argumenta tota se conferunt mentis instantia, ita se contulit ad ea discenda, quæ quotidianum per usum in monasterio sunt explenda. Quibus omnibus solerter sibi curâ cognitis, & experimento memoriæ commissis, videri jam cæpit doctior cunctis.

Prior &amp; Abbas S. Benig.

Hunc ergo ut in monachico ordine ita prudentem jam dictus Pater Wilhelmus intellexit, congregationi Fratrum præficiens, animarum curam eidem commisit. Quod ministerium tantâ autoritate tantâque adimplevit sollicitudine, ut omnibus secum conversantibus & exemplo fuerit & terrori. Regulari quidem contentus conversatione sic studebat parcimonie, ut differre nullatenus videretur à societate communis mensæ. Aliquorum vitia dum conspiceret reprehendenda, prius in uno quoque laudanda canebat, dehinc velut gnarus reprehendenda carpebat. Cunctos tamen sæpius admonebat, ut tales se Deo exhiberent interius, quales humana opinio pro religionis habitu ferebat exterius.

Scientia pol-  
it & facun-  
dia.

Per cuncta ergo monasterii probatus officia, omniumque ministeriorum obsequiis non segnius adimpletis, primùm Prepositi sub ipsius Abbatis imperio quatuor annis administravit officium, ad ultimum post præfati Patris obitum pastorem suscipere curam, doctrinâ id exigente justitiam, ab omni coactus est fratrum congregatione. Quod licet invitus & reluctans acceptum ministerium, cum cultui vineæ manciparetur divinæ, ut hujus se assignaret colonum, commune utile multorum magis quærebat, quàm proprium. Cunctis benignus, omnibus æquus; nemini nocebat, quibus poterat produsse studebat. Sana quippe doctrinâ ei inerat, quia suæ conditioni quod competebat illud solerter agebat, propter illud Apostoli: *Nemini dantes ullam offensionem, ut non vituperetur ministerium nostrum: sed in omnibus exhibeamus nosmetipsos sicut Dei ministros.* Sanctis etiam & modestis sermonibus inditus, obsecrans & turpibus omnino intercludebatur auditus: propter illud quod scriptum est: *Sepi aures tuas spinis, & noli audire linguam nequam.* Adeo lectioni erat deditus, ut in itinere positus, libellum sapius gestaret in manibus: itaque in equitando reficiebatur animus legendo. Philosophos verò sæcularisque sapientiæ libros cum legebat, illud sagaci sectabatur industriâ, quod per Legislatorem divina vox præcipit de captivâ. Hæc quippe quæ in philosophorum libris reperiabantur utilia, hæc suâ dignabatur memoriâ: quæ verò superflua, de amore scilicet rerumque sæcularium curâ, quali venenata radebat & mortifera. Hic calvicium inducebat, hæc unguinum more ferro acutissimo defecabat. Ex lectionis ergo assiduitate scripturarum informabatur autoritate: ita in Canonicis ac monasticis valebat institutis, ut nulli videretur secundus in legum decretis, ac philosophicis argumentis. Tum virtute & sapientiâ compositus, fandi quoque honestissimè opia ditatus, ita se coaptabat linguis, ut omnibus ille diligendus: implens illud Apostoli: *Omnibus inia factus sum, ut omnes facerem salvos.* Quid loquebatur, sapientiæ gravitate componebat. Sermo ejus sale conditus, quo virtutis pondere brevis & rarus ea prudenti suavitatem habebatur pretiosus. Ideoque quotiescumque ad ædificationem moralem faciebat sermonem, ut disertissimus, ita habebatur gratissimus. Gregem sibi commissum pro-

1. Cor. 13. 11.

Quâ mente  
philosophos  
legebat.

vidâ regens pietate, adversus pessimum sanctis omnibus inimicum concordie sanctoque certamine admonebat pugnare: & eorum quisque quod possit operari bonum non desisteret, ne tunc vellet quando non liceret. Illis etiam beati Joannis sæpius inferebat monita, qui in suâ ait Epistolâ: *Pacem sequimini cum omnibus, & sanctimoniam, sine qua nemo videbit Deum.*

Diligebatur quàm plurimum à Regibus Francorum Roberto & Henrico. Sed & Conradus Imperator, & ejus filius Henricus Caesar, illum nimio venerabatur affectu. Unde factum est, ut Lugdunensis sedis vacante Antistite, ab ipso Henrico Imperatore (eo quod olim sibi cognitus, & pro religiosa conversatione, ac famâ sanctitatis erat valde dilectus) oblatas est ei illius Episcopatus honor. Ipse verò grave pondus procelloli culminis per custodiam refugit humilitatis: Obtendens se Monachum ad tantum onus nequaquam fore idoneum. Erat tunc in Clero Ligonensi quidam Clericus nomine Odelricus, ætate pariter ac sanctâ conversatione provectus, litteris apprimè eruditus, qui tunc in Palatio Regis adent, sed tamen Principi non plenè cognitus. Hunc Dominus Pater noster Halynardus suavitè expetendum: quem & sapientiæ ubertas & senectutis commendabat dignitas. His renuntiatis Regi verbis, miratus vel quodd oblatum honorem sacerdotii tam vili penderet, vel quodd in se denegabat, pro alio tam sollicitè expetebat: assensit, & Episcopatus dignitatem memorato Domino Odelrico concessit. Quem ipse Pater usque ad sedem deduxit: & quæque in obsequio illius competeabant, ac si unus ex familiâ ipsius procuravit. Qui rexit Lugdunensem Ecclesiam per annos quinque, verbo & exemplo bonorum operum instruens animos subditorum. Postmodum à quibusdam malivolis & invidis perpeffus insidias, quem ferro non potuerunt, veneno perimere non detrectaverunt. Sicque occisus, cæteris sanctis Pontificibus ibidem quiescentibus est aggregatus.

Tum demum vox totius Cleri cum consensu populi, ut ad hoc culmen suscipiendum colla submittat, hortatur: utque Pastoris curam in eis gereret, deprecatur. Ad Imperatorem legationem mittunt, ut Dominus Halynardus Pontifex eis detur, exposcunt. Imperatoris præceptum mittitur: ut Dominus Halynardus intronizetur, præcipitur. Sed ejus animus robore firmatis divino, nequaquam adhuc flectitur, quousque Apostolici Papæ conventus est litteris. Joannes, cognomento Gratianus, tunc residebat in sede Apostolicâ. Is ut comperit eum nolle acquiescere deprecantium votis, misit ad eum, præcipiens autoritate Pontificali ut obediret precibus Cleri & populi. Factus igitur Apostoli compos & compar honoris, ducit Apostolicam factis & nomine vitam. Eadem virtus mansit humilitatis, opere multiplicato charitatis. Omnia quæ agebat, virtutum sapore condiebat: ut speculi fieri solet inspectione, ita se interius divinâ considerabat lectione, & ex hac mentis ornatus componebatur: deformitatis verò, siquid apprehendebatur, justitiæ moderamine corripiebatur. Disertis viris quoties jungebatur, & de scripturis, fieri ut assolet, aliquid proponebatur, libenter audiebat, prudenter & verècundè respondebat. Prava verò si qua proponebantur, non acriter, sed ingenuo pudore confutabat, non callidâ argumentatione contrâ se disputantem superando, sed per venerabilium Doctorum exempla benignè docendo. Tunc dicta Orthodoxorum tradebat ad medium, cum Evangelicis auctoritatibus: atque in hunc modum & eruditissimus declarabatur, & elationis, vel eruditionis ja-

Heb. 12. 14.

Archiepiscop.  
Lugdun. do-  
natus, Impe-  
ratori suadet  
Odelricus  
cogatur.Vita fureto  
Odelrico in-  
vitus fit Ar-  
chiep. Lugd.Ejus animi  
dimissio, ac  
prudencia.

stantium, fugere videbatur. Jurare omnino cavebat, ne fortè perjuraret. Unde quid in Palatio Imperatoris egerit silendum non est.

Burgundiæ regnum quare possidebat Imperator.

Sacramentū Imperatori præstare renuit Alynardus.

Mat. 5. 34. Cap. 4. Inft. 27. & 22.

Adulatores Episcopi.

Alynardus ordinatur Archiep. coram Imperatore.

1046.

Henricus tertius Imperator Burgundiæ regnum gubernabat. Rodolphus enim Burgundiæ Rex sine liberis existens, Henricum secundum Cæsarem heredem regni fecit; post quem ad Conradum pervenit imperium. Hic sororem prædicti Regis, nomine Gissam, habuit conjugem; de quâ genuit tertium Henricum. Cui ex successione paterna jure provenit regnum Burgundiæ. In cujus regni termino sita est Lugdunum civitas, quam Lotharius Francorum Rex dedit in dotem sorori suæ Mathildæ Reginae, quam despondit Conrado Burgundiæ Regi, patri prædicti Regis Rodulphi. Igitur propter donum Episcopatus Domnus Halynardus ad hoc electus, Henrici Cæsaris curiam adiit; & cum eo Episcoporum, qui erant suffraganei, Legati Archidiaconi, atque ipsum Pastorem quærentes Lugdunenses Clerici. Imperator, ut moris est, propter datum honorem Episcopii requisivit ab eo fidei sibi debitæ sacramentum. Horum verborum Domnus Hugo Archiepiscopus Chrysopolitanus erat sequester ac mediator. Ille his auditis verbis respondit: si Regis æterni, & regulæ quam jur. jurando promisi præcepta postposuero, quæ mihi fides erit, ut imperatoris juramentum custodire debeam? Dominus enim dicit in Evangelio: *Non jurare omnino: & Regula Patris Benedicti præcipit Monacho non jurare, & a sæculi actibus se facere alienum.* Hæc renuntiata Regi, miratus, & amplectens animo ejus constantiam, volens tamen probare perseverantiam, dixit: Nequaquam se illi dare Pontificatum, si non obediret suis præceptis. At ille ait: Melius est mihi nunquam accipere sacerdotium, quàm transgredi Dei mandatum. Ad hæc Episcopi illarum partium, & maxime Sigebaudus Episcopus Spiræ, ubi hæc gerebantur, insistebant, dicentes: Quis est hic qui præsumsit in Palatio Principis, mandatis ejus non obedire; quod nostrum nemo unquam facere ausus fuit? Aut juret fidem Regi, aut abjiciatur. Verum Theodericus Episcopus Metensis, & Bruno Leucorum Episcopus, ac Richardus Episcopus Verdunensium, ipsius amici existentes, suadebant Principi non debere pro hoc molestiam inferre religioso viro, cujus animum in fide & cæteris virtutibus constantem scirent. Ad hæc Imperator ait: Suadete illum si non vult Sacramentum facere, vel ad hoc se proferat, ut videatur fecisse, ne mos patriæ nostræ annulletur. Respondit ille: Tantumdem est si simulavero, ac si fecerim: absit hoc à me. Imperator videns eum sic firmum, noluit amplius inquietare illum, solummodo verbo & promissis, ipsius fidem assentiens, dedit ei quod petebatur. Ac in suâ præsentia fecit illum ordinari, dans ei quæcumque fuerunt sacerdotali benedictioni necessaria. Et non solum ipsi, vel cæteris Episcopis, sed etiam Levitis ac Ministris altaris ita præparabat omnia, scilicet vestimenta, libros, linteamina, ac quæque necessaria, ac si esset non Princeps, sed famulus. Erat enim quidem religiosus Rex, valde ecclesiasticus, & circa divinum cultum devotissimus.

Ordinatus est autem venerandus Pater Halynardus per manus Domni Hugonis Archiepiscopi Chrysopolitani, in loco, qui vocatur Herbreftine lingua Teutonicâ, quod in nostrâ, bonas mansiones lignat, anno ab Incarnatione Domini millesimo quadragésimo sexto. Eodem anno perrexit memoratus Princeps Romam, ibique tunc suscepit coronam Imperii, die natalis Domini, per manus Cle-

mentis Papæ, quem ipse Imperator ordinari jussit, & fecit deponi Joannem, qui tum Cathedræ præsidebat, & Benedictum, atque Sylvestrum, qui in concilio tunc habito examinata eorum culpâ, inventi sunt non solum simoniaci, sed etiam pervasores Ecclesiæ Christi. Huic concilio interfuit ipse Domnus Lugdunensium Archipræsul, atque memoratus Hugo Archiepiscopus, alique plures ex diversis partibus coadunati Episcopi. Fuerat ei consuetudo Romam orationis gratiâ frequenter pergere, ut sanctorum Apostolorum ac Martyrum, qui urbem illam protegent, patrocinia imploraret. Erat namque ejus voluntas, ut si fieri posset, ibidem Deo animam redderet. Quapropter non est fraudatus à desiderio suo, sed ut voluit, ita Domnus ei concessit. Defuncto memorato Papâ Clemente, Romani petierunt eum ab Imperatore. Hoc namque à Romanis Imperator datâ pecuniâ non parvâ exegerat, ut sine ejus permissu Papa non eligeretur. Ille cognitâ voluntate Principis ac populi, dissimulavit ire ad curiam, donec tardante eo, alter eligeretur: diligebant enim eum valde Romani propter facundiam oris sui, & affabilitatem sermonis: ita enim proferebat vernaculum sonum loquelæ uniuscujusque gentis, quousque latina penetrat lingua, ac si eadem patriâ esset progenitus.

Domno igitur Leucorum Episcopo Brinnone, qui appellatus est Leo Papa, ordinato, evocatus est ab ipso Romæ ad concilium Domnus Archiepiscopus Halynardus, simulque omnes Episcopi Galliæ, ad pertractandum inibi de statu, & correctione sanctæ Ecclesiæ. In ipso anno ipse Domnus Papa perrexit Franciam, & Remis habuit concilium Episcoporum, sicut jam diximus, ibique fuit cum eo prædictus Pater noster: tuncque fuit translatus corpus S. Remigii ab ipso Domno Apostolico, & Episcopis qui ibi adfuerunt, & ipsa Ecclesia sacrata. Tertio prædictus Papa habuit concilium in urbe Romæ, quod affuit præfatus Præsul: indeque iterum Galliam properanti comes individuus exstitit. Veniens verò ad civitatem Lingonas, ordinavit ibi in præsentia Papæ Domnum Arduinum Episcopum, pro illo qui fuerat ejectus. Rursùm sequenti anno Romam pergens, cum ipso Domno Apostolico properavit Beneventum; & Capuam, Montem Cassinum, atque montem Garganum ad sanctum Michaëlem Archangelum. Ideo namque prædictus Papa perrexit illas in partes, ut habitatores terræ illius si posset aliquomodo, relevaret ab oppressione, quâ nimium erant gravati à Normannis. At quia Domnus Præsul Halynardus præpotens erat in verbis, & ad suadendum quodlibet linguâ sufficiebat, propter hoc ut mediator & legatus pacis inter prædictos Normannos, & ipsum esset, Domnus Apostolicus secum duxit eum. Inde regressus, quoniam ad colloquium Imperatoris, qui tum fortè erat in finibus Ungariæ, properabat: jussit eum prædictus Papa Romæ residere, donec ipse rediret. Erat in ejus comitatu dictus Lingonensis Episcopus Hugo. Is pœnitens eorum quæ haud secus egerat, Domnum expetiit Papam, ut de commissis modum pœnitentis, & absolutionem delictorum imploraret. Ipse verò Apostolicus, sicut erat misericors & benignus animo, ut vidit eum verè pœnitentem & afflictum, condolens ei statim indulgit, dicens sufficere ad pœnitentiam ea quæ passus fuerat: abeuntem quoque post absolutionem delictorum muneraavit amplissimè: dans insuper licentiam recipiendi Episcopatus. Venientes ergo Romam Domnus Archipræsul Halynardus vale facturum ipsi, & cæteris sociis discubuit

S. Leo Papa I X.

2. quæ haud secus] Acherius legit; quæ caens; ac restituendum, quæ secus sublatâ negatione.

Obiit Aly-  
nardus.  
1052.

Romæ sepeli-  
tur in Eccle-  
siâ S. Pauli.

Quanta con-  
tuli rit' bona  
S. Benigno.

cum eis ad mensam; ubi oblatus est ei piscis à quo-  
dam falso amico, veneno infectus. Ex quo omnes  
qui perceperunt, tam ipse quàm cæteri vel infrà  
octo dies mortui sunt, vel post longam ægritudi-  
nem consumpti obierunt. Duo Monachi ex hoc loco  
qui cum eo erant, hoc cibo interfecti sunt. Obiit  
quarto Kalendas Augusti, anno ab Incarnatione Do-  
mini millesimo quinquagesimo secundo, peractis in  
Pontificio annis septem, in regimine hujus loci an-  
nis viginti.

Præcepit se poni ad sanctum Gregorium ad Cli-  
vum Scauri; illum enim locum Dominus Papa con-  
cesserat ei ad manendum. Sed nobiles Romani qui  
ad visitandum eum venerant, dum viveret, ad san-  
ctum Paulum jusserunt deferri corpus, ibique hono-  
rificè traditus est sepulturæ, ad lævam partem Ec-  
clesiæ, & arcus super tumulum ejus ædificatus. Om-  
ne ornamentum, quo utebatur ad sacrum ministe-  
rium, transmisit sancto protectori suo Benigno, cum  
non parvâ auri quantitate, & vasis argenteis, quæ  
erant in ejus officio. Auxit ornatum hujus Ecclesiæ  
maximâ ex parte; inter quæ crucem auream gemmis  
ornatam fabricari fecit. Libros etiam plures conscri-  
bi jussit. Officinas hujus monasterii renovavit. Et  
quamquam omnibus eruditus esset artibus, tamen  
in geometriâ & physicâ plurimum studebat. Quæ  
verò in hoc loco augmentata sunt in terris, & pos-  
sessionibus in diebus ejus, non est silendum.

Hugo Chrysopolitanæ sedis Archiepiscopus, ip-  
sius valde familiaris amicus, dedit Ecclesiam sitam  
in burgo Salinis dicto, quam sui genitores à fun-  
damentis extruxerant. Et est sacrata in honore san-  
ctorum Symphoriani & Agathæ Martyrum; sanctus  
que Anatolius Confessor inibi quiescit. Cujus loci  
donationem posuit super altare sancti Benigni, die  
natalis ipsius Martyris ibidem Missas celebraturus.  
Atque coram omni populo qui convenerat obligavit  
excommunicationis vinculo, qui illum locum sub-  
traheret à dominio Abbatis & Monachorum Divio-  
nensium. Hæc donatio facta est anno ab Incarna-  
tione Domini millesimo trigesimo septimo, indictio-  
ne quintâ, Episcopatus sui anno sexto. Concessit  
per Episcopale privilegium alteram Ecclesiam in eo-  
dem Burgo sitam sanctæ MARIÆ honori dicatam:  
quam Ecclesiam Rainaldus Comes dedit sancto Be-  
nigno pro requie animæ patris sui Ottonis, vocati  
Willelmi; proque ejus largitione accepit à Dom-  
no Halynardo pecuniam non parvam, dum adhuc  
Prioris gereret officium.

Dedit prædictus Comes Rainaldus in supradicto  
burgo locum ad Ecclesiam construendam; in quo  
extructa fuit capella in honorem S. Andreæ Apo-  
stoli. Quæ ex materiâ lignorum facta, per incuriam  
ad nihilum postea fuit redacta. Dedit in Evoregio  
terram, quæ fuit Theudeberti; quæ à Monachis  
aliquamdiu possessa est; sed propter contrarietates,  
quas Odilo quidam faciebat eis, intermissa ab his,  
usque dum possidentibus ipsis locum sancti Anato-  
lii, iterum jam dictus Comes restituit illis. Actum  
est hoc ab incarnatione Domini millesimo vigesimo  
sexto, post mortem Willelmi Comitis, qui ipso anno  
obiit. De habitatoribus verò ipsius oppidi aliquanti  
Clerici vel Laici venientes ad conversionem mona-  
chicam in hoc monasterio, dederunt facultates suas  
sancto protectori nostro Benigno. Aliquanti offe-  
rentes filios suos, similiter contulerunt de rebus suis.  
Inter quos pater meus me offerens, exceptis aliis  
rebus, dedit secus puteum domum, & sedem unius  
caldariæ: quæ super solutione censûs data est postea,  
eâ conventionem, ut qui eam teneret, quadraginta  
sex solidos omni anno persolveret.

Aliquanto post transacto tempore idem memora-

tus Comes Rainaldus juxta castellum, Vesullum di-  
ctum, dedit Ecclesiam in honore sancti Georgii sa-  
cratam, ut ibi construeretur monasterium, & qua-  
tuor Monachi ibidem constituerentur, qui omni  
tempore Deo servientes exorarent pro requie anima-  
rum patris sui ac matris, fratrisque, ac pro semet-  
ipso, omnique parentelâ. Dedit ad eorum stipendia  
vineas & terras, vel quodcumque fuit necessarium:  
piscationem insuper cum hominibus qui de hoc mi-  
nisterio sibi serviebant. Huic donationi præsens fuit  
memoratus Archiepiscopus Hugo: deditque per bac-  
culum, quem ferre manu solebat, altare prædictæ  
Ecclesiæ Abbati Halynardo, & ob memoriam hujus  
rei commutaverunt virgas suas. Burchardus quoque  
Comes dedit locum Offonis-villa dictum, quondam  
nobilem Abbatiam, & in honore sancti Leodegarii  
consecratam, utque monasticus ordo ibidem repa-  
retur deprecatus est enixius memoratum Abbatem  
Halynardum.

Sed & Rotgerius Dominus castri, quod vocatur  
Wangionum rivus, Ecclesiam à patre suo Widone  
in honorem sancti Stephani constructam eâ inten-  
tione largitus est, ut expulsis Canonicis Monachi ibi  
collocarentur ad serviendum Deo die noctuque. Rai-  
naldus etiam possessor castri, quod Castellion dici-  
tur, ad obitum veniens, ac sumens habitum mo-  
nachicum, dedit potestatem sancti Juliani cum om-  
nibus ad eam pertinentibus terris, & mancipiis, at-  
que Ecclesiâ ipsius sancti nomini dicatâ: ubi petiit  
Monachos constitui, qui pro ejus animâ ac cætero-  
rum fidelium exorarent Deum. Simili modo Alber-  
tus Comes Metensis dedit villam, quam dicunt Wi-  
ferei curtem cum mancipiis utriusque sexûs. Ipse  
quidem in vitâ suâ dare disposuit, sed eo mortuo  
Girardus Dux filius ejus adimplevit. Necnon & ma-  
trona quædam, Letgardis nomine, soror Lamberti  
Episcopi, dedit Ecclesiam sitam in villâ dicta Illo  
super Mosam fluvium, in comitatu Bassiniacensi.

*Finis Historia præsentis:*



## CHRONICI ABBATIE S. BENIGNI CONTINUATIO.

**N**ON autem à nobis hujus antiqui sacrique divi  
Benigni modernis monasterii cultoribus præter-  
mittenda sunt, & oblivioni tradenda, quæ ad decus  
& ornatum hujus Ecclesiæ totiusque congregatio-  
nis commodum fecerunt, seu concesserunt, supra-  
dictorum Abbatum, Benefactorumque præclarissimi  
successores. Quis enim dignè Venerabilium Patrum  
Jarentonis, Odonis, Hugonis, Roberti, aut Ale-  
xandri, sive illius maximi nostri benefactoris Domni  
Claudii de Charmis benefacta enarrare valebit; aut  
eadem potius nixu toto discere non desiderabit? Ita-  
que quoniam (ut ait quidam) plus movent exem-  
pla, quàm verba, utque illorum exemplo benè vivere  
sanctæque in congregatione hac conversari sataga-  
mus, cupiamusque, ad ipsorum balbutientes licet  
nobilissima præclarissimaque gesta explicanda cala-  
mum (Deo concedente) adaptare audebimus, atque  
curabimus.

*De vigilantissimo Pastore Jarentone.*

**J**arento igitur hujus cœnobii venerabilis post Ha-  
lynardum tertius Abbas electus (præfuerant enim

Author de se  
loquitur.

1026.

Jo nnes & Adelbero, de quorum gestis nihil prorsus nobis reperiri potuit) ad hoc veniens monasterium illud fermè destitutum invenit: nam & forinsecus possessiones factione pravorum Principum annullatæ penè fuerant, interius autem observantia regularis, fervorque religionis tepefactus omninò videbatur. Sed ipsius venerandi Patris diebus satis amicabiliter, placidè, & benignè hanc Ecclesiam visus est Deus respexisse, cum aliquantis antea temporibus ipsam miserabiliter visus fuerit (ut hoc modo loquar) despexisse. Is namque venerabilis Pastor divino fultus auxilio, & religionis cultum in pristinum statum restituit, & non paucas possessiones amissas recuperavit, ac nunquam prius habitas suâ prudentiâ acquirere meruit. Nam quia erat profundus scientiâ & eloquio, prudens consilio, Principibus tam Ecclesiasticis quàm secularibus valde placebat. Et quoties illos adisset, maximum in eorum curiis locum habebat, & ab ipsis magnificè muneratus redibat. Porro illi non satis erat per vicina sibi loca Ecclesiæ sibi commissæ commoda perquirere, sed ad exterâs & remotas regiones, in Hispaniam scilicet, atque Angliam pergendo, aurum, argentum, pallia, aliquanta autem & Ecclesiastica ornamenta undecumque huc convehebat. Et ut fidelis minister quæ sibi à fidelibus tradita fuerant, domus suæ fideliter utilitatibus impendebat. Unde & contigit divinâ favente clementiâ, ut in diebus ejus tam religionis gratiâ, quàm externarum rerum affluentia, super omnes sibi vicinas hæc Ecclesia caput extulerit. Verùm de possessionibus per eum recuperatis vel etiam acquisitis aliqua memoranda referamus. Hic venerabilis Pater, suâ industriâ Cellam sanctæ MARIÆ Cabilonenfis recuperavit, necnon & Cellam de Sarcophagis. Tuntardus<sup>a</sup> Valentinenfis Episcopus hortatu præfati Patris Jarentonis dedit nobis Ecclesias quas in Valentinenfi territorio habemus.

Hugo quoque Bisuntinenfis Archiepiscopus favore ipsius patris Jarentonis nobis contulit Capellam de Logia novella. Necnon & Agano Eduenlis Episcopus etiam nobis dedit Ecclesiam sancti Jacobi de Arneto. Ipso etiam interveniente duo nobiles viri sub eo conversi, dederunt alodium suum de Hifchino, & S. Benigno de Bosco. Per ejus siquidem ac Monachorum illius industriam habitari & reedificari cœperunt villæ istæ; videlicet, Casnedus major & minor, Marcennarius, Varescis, & Miliniacus: ex quibus duas Casnedum scilicet & Marcenniacum, ad anniversarium suum faciendum deputavit.

Hujus autem jam dicti Patris tempore venerandus Ecclesiæ Bajocensis Præsul, Odo vocatus, à suorum progenitorum Normanniæ Comitum, qui hanc Divionensem Ecclesiam affectu unico dilexerunt, eamque rebus & possessionibus plurimum provexerunt, tramite salutari minimè degenerans, imò potius imitator eorum perfectus existens, affectum ipsorum suo tempore studuit renovare, ut & sua & illorum memoria apud nos semper nova meritò debeat perdurare. Cujus devotionis indicia, ut ex parte tangamus, cum vice quadam Urbanum Papam intra Gallias constitutum expeteret, Divionem veniens à jam dicto patre Jarentone, & fratribus hujus loci, tantâ honorificentia exceptus est, ut sibi nimis incompetens videretur, si tanto eorum obsequio æquali vicissitudine non responderet, & suum erga eos affectum perenni testimonio comprobaret. Unde adhortante ipsum Wilhelmo Bajocensis Ecclesiæ Decano, pariterque Richardo Rotomagensi Ar-

chidiacono, dedit sancto Benigno hujus Ecclesiæ Divionensis protectori, per manum suprâ memorati Abbatis Jarentonis, monasterium sive Prioratum sancti Vigoris extrâ urbem Bajocensem in monte Cirismatis situm, cum omnibus appenditiis suis, videlicet plenariam decimam totius villæ in quâ monasterium situm est, tam in hominibus, & territorio, quàm in cæteris. Dedit & Burgenfes quatuor, duos in campo Florido, & reliquos apud Pontem Olberti, cum terrâ & consuetudinibus eorum. Dedit & plenariam decimam de villâ Iur, cum terrâ Presbyteri. Item Ecclesiam de Olfères, Ecclesiam de Cruceyo, & Ecclesiam de Colgrino cum plenariis earum decimis, & terris ad ipsas pertinentibus, ac terris Presbyterorum. Dedit & plenariam decimam de totâ Crecavillâ, cum terrâ Presbyteri, eâ videlicet quæ ad Ecclesiam pertinet. Constituit præterea Præsul suprâ nominatus ibidem fieri suam & omnium post futurorum Pontificum, Canonicorumque Bajocensem sepulturam. Verùm quia hæc omnia, & quæ suprâ retulimus Divionensi Ecclesiæ in Galliis positus dederat, ipsam eandem donationem post modum apud Bajocas in manu præfati Abbatis, laude & testimonio Clericorum suorum tradidit. Et cartâ factâ non solum quæ dederat confirmavit, sed insuper plura addidit; pecuniam scilicet multam, domos segetibus diversis refertas, animalium etiam promiscui generis greges, centenarium numerum excedentes.

Domnus Robertus Ecclesiæ Lingonenfis Episcopus, qui cellâ Regum Franciæ ac Ducum Burgundiæ stirpe progenitus erat, postquàm divinâ favente gratia Pontificatus suscepit regimen, antecessorum suorum Pontificum, qui hanc Ecclesiam materno semper coluerunt affectu, ita se studuit informare exemplo, eorumque in se transferre animum, ut quoad vixit, miro semper amore hunc locum dilexerit, & libertate munificâ donis ingentibus cumulare studuerit. Denique Dei sanctique Benigni amore succensus, præfati Abbatis Jarentonis frequentî exhortatione commonitus, dedit nobis Ecclesiam de Noant, cum capellâ sive sacello ejusdem castri, & omnibus tam Ecclesiis quàm altaribus ad ipsas pertinentibus. Dedit etiam Ecclesiam de Claromonte, Ecclesiam de Magnomonte, Ecclesiam de Icio, Ecclesiam de Casnedo, Ecclesiam de Spaniaco, Ecclesiam de Vareso, Ecclesiam de S. Lupo, Ecclesiam de Germani-villare, Ecclesiam de Riviaco, Ecclesiam de Occio, & Ecclesiam de pago Adeleni curtis. Addidit præterea ingens erga hunc locum suæ benevolentiae documentum. Capella namque Wangionisrivi, jûris erat Ecclesiæ Divionensis, sed Clericis illam tenentibus nullus inde veniebat profectus: unde frequenter à prædicto Patre Jarentone super hoc compulsus precibus, Guydonis etiam ejusdem castri nobilissimi domini crebrâ exhortatione commonitus, Clericis inde remotis, tradidit eandem capellam Monachis, cum omnibus quæ ad ipsam pertinebant, Ecclesiam videlicet de Sariscaco, cum omnibus ad eam pertinentibus, dimidiam Capellam de Roecurte, & medietatem decimarum, ipsius Ecclesiæ de Masnili decimam totam: altare Ecclesiæ de Hericurte; terram de Grincurte: medietatem quoque decimarum de Columbeiaco, ubi sunt duæ Ecclesiæ.

Constituit etiam suprâdictus Præsul Robertus, ut Ecclesias sancti Joannis & Philiberti, quæ intrâ Divionem sitæ sunt, liberius & quietius possideremus. Et ut Presbyteri in eis celebrarent, aut subrogarentur, vel removerentur ad nutum Abbatis, sive hujus loci Monachorum: ipsosque Presbyteros

Multa Robertus Episcopus Lingonensis tribuit S. Benigno.

Prioratus S. Vigoris.

<sup>a</sup> Tuntardus ] Acherius emendat, Gontardus, Tom. II.



ab omni exactione Presbyterii, Episcopi vel Archidiaconi immunes esse decrevit. Precepit etiam prædictus Episcopus, ut totus panis qui in eisdem Ecclesiis offerri consuevit, in refectorio Fratribus apponi debeat: ut sæpius dum corpora inde reficerent, largitoris animam ipsi quoque suis precibus recrearent. Suos autem dies in Domino clausit extremos, præfatus Pater noster Jarento, migrans ad Dominum anno à Dominicâ Incarnatione millesimo centesimo quinto. Cui successit in regimine Pastoralis officii Ademar. Hic inter hujus Ecclesiæ Benefactores connumerari meruit.

Eo autem defuncto, huic congregationi præfuit in regimine Henricus: post quem Hugo, Petrus, & alius nomine Petrus, Abbates successerunt. His deinde præfuit huic Ecclesiæ Dominus Philippus Abbas, qui inter præcipuos computatur: & reliquit eximiam in die obitus sui procurationem; pro ejusque anniversario plurima habemus bona.

Circâ hæc tempora domui contulit huic quidam Miles, nomine Richardus Bigot, quatuor jugera vineæ, sita in campo Bertrand, cum tribus heminis frumenti. Odoetiam Miles, ejusdem Richardi filius, dedit nobis tria jornalialia vineæ existentia in territorio Descolanges, pro anniversario suo singulis annis celebrando. Hi autem ambo in hoc loco sepulturam meruere. Dedit etiam nobilis fœmina Aglantina, uxor Bartholomæi Militis de Villa-Comitis, quadraginta solidos annualis redditus: quæ & in hac Ecclesiâ cum præfato conjuge, ac etiam filio tumulata est. Præfuerunt tunc huic monasterio Joannes & Aymo Abbates, qui pauca gesserunt in regimine existentes. Petrus autem illis succedens in pastoralis curâ, multa ad ornatum & commodum suæ Ecclesiæ dicitur gessisse.

Successerunt huic subsequentes patres Nivaldus, videlicet, Galterus, Adam, Gilebertus, qui de præcipuis hujus Abbatæ benefactoribus est unus. Rainaldus<sup>b</sup> ejus successor pro anniversario procurationem fecit. Stephanus Roymundus Loys, nobis plurima contulit bona. Hic ergo cum præcipuis meruit adscribi. Ipsi tempore (ut creditur) Otto dominus de Grandifsono contulit huic Monasterio, pro unâ Missâ quotidie in altari sancti Stephani celebrandâ, triginta tres libras annualis redditus, & sexaginta solidos pro anniversario suo quotannis celebrando. Præfatus venerabili patre Stephano ad Christum migrante, electus est pro Pastore venerandus Petrus. Hic fertur plurima nobis bona contulisse; quamvis à nobis nil per scripturas repertum sit: & ideo cum præcipuis adscriptus est: & habet in refectorio duodecim præbendas. Post hunc præfuerunt huic Abbatæ Richardus & Aymo, qui & duodecim præbendas habent. Hujus autem diebus quidam Jacobus nomine dedit hujus loci Monachis centum solidos Divionenses annui redditus sive censûs. Præmissis Aymone ad Christum properante, exsurrexit è medio Venerandus præ cunctis Hugo de Arcu, honestissimæ conversationis pater, bonisque moribus adornatus. Hujus autem tempore contigit in hoc monasterio res terribilis atque miranda: turris namque lapidea in medio antiquæ Ecclesiæ super bases lapideas summo opere stabilita, dimensione longitudinis, latitudinis, & altitudinis copiosa, nobilique fabricâ constructa, horribiliter corruit. Sed (ô miranda res!) theca lignea, quæ in inferiori parte Ecclesiæ præciosissimas reliquias continebat, super duas columnulas lapideas stabilita, majus ruinæ pondus sustinuit. Quæ quidem theca omnino illæsa disruptis duabus columnulis nullo alio visibili supposito, per seipsam

miro modo subsistebat. Lampades etiam quæ in loco dictæ thecæ continuè in veneratione sanctarum reliquiarum ardebant, nec propter tantas ruinas, tamque terribilem flatum & sonitum, nec propter pulveris inexcogitatum turbinem extinctæ sunt.

Quid igitur isthæc prænuntiabant, nisi novæ reedificationis istius templi divinam dispositionem, exaltationisque sanctarum reliquiarum futuram ordinationem designarent? Nam sicut sancto David à Deo fuit prohibitum ædificare domum Dei in Hierusalem, eo quod vir sanguinum esset, quod Salomoni ejus filio permissum est; sic etiam sanctis Patribus in hoc monasterio degentibus ex aliquo Spiritus sancti consilio speciali, non fuit permissum domum Domini his reedificare, sanctas reliquias exaltare; huic autem Salomoni Pacifico, prædicto videlicet Patri Hugoni, ex gratiâ privilegii specialis reservatum est. Et quoniam melior est obedientia victimis, ideo venerabilis supradictus Pater inspirationi divinæ non recalcitrans, sed devotissime obtemperans, celeriter operi fabricæ hujus Ecclesiæ (ut in præsentarium est) porrexit dexteram. Quæ quidem fabrica quantis excogitata vigiliis, quantisque sumptibus laboriosis extructa fuerit, ipsamet loquitur & satis demonstrat. Completâ autem anteriori parte jam dictæ fabricæ, quæ juxta vulgare idioma Presbyterium nuncupatur, sæpeditus Pater secundum diu ante conceptum propositum aggreditur opus dulcissimum atque amantissimum; thecam videlicet argenteam decentissimâ texturâ conceptam, auro, & argento, gemmisque compositam fabricare, in quâ sanctæ reliquiae, quæ diu in imo latitaverant, honorificè conderentur. Quâ completâ, illius fretus adjutorio, qui perficit, & solidat omnia, convocavit prædictus pater Barones, Archiepiscopos, Episcopos, Abbates, aliosque Prælatos, dissimilitudine officiorum graduumque uni Domino famulantes, cum Cleri & populi multitudine copiosa. Congregatoque tam nobili cœtu preciosissimas patroni nostri Christi Athletæ Benigni de loco ubi annis plurimis quieverant, reliquias amoventes, infra dictam thecam sive capsam, post majus altare decenter atque sumptuose in alto stabilitam, in hymnis & confessionibus Dominum benedicentes, cum maximo cleri populique gaudio condiderunt, anno à Christianâ nativitate millesimo ducentesimo octuagesimo octavo, quarto Kalendas Novembris.

Hujus autem venerabilis patris tempore, multi ex ejus progenie, & alii multi extranei, huic Ecclesiæ & ejus habitatoribus multa bona contulerunt. Inter quos præcipuus fuit Hugo, Dominus de Arcu, Miles, & Marguarita ejus uxor. Qui quidem Hugo nobis dedit sexaginta solidos Vionenses, sitos & assignatos super homines Disier, recipiendos in die anniversarii sui per Monachos hujus loci, quotannis celebrandi. Humbertus etiam de Arcu dedit tres heminas frumenti pro procuratione. Dedit etiam nobis quædam nobilis domina, dicta Isabella de Pefinis, pro anniversario quadraginta solidos Turonenses, in die obitus sui annuatim percipiendos: hæc autem moriens intus suam elegit sepulturam.

Plurimis denique in pastoralis curâ transactis annorum curriculis sæpe memorato Hugoni venerando, atque plangendo Patri, ad æterna gaudia feliciter migranti successit Abbas Girardus. Post quem præfuit huic Ecclesiæ Henricus. Deinde Millo. Quorum tempore pauca nobis benefacta reperiuntur exhibita. Sed his ad cœlestia regna vocatis, successit venerabilis Abbas nomine Joannes. Hic in die anni-

Hugo Abbas ædificat Ecclesiam S. Benigni.

1188.

Abbat. Girardus, Henricus, Millo, Joannes.

<sup>b</sup> Rainaldus ] Alias, Raymundus.



versarii sui procuracionem fecit. Circiter hæc tempora contulit nobis quidam Presbyter motus devotione erga Beatum Patronum nostrum Benignum, Galterus de Boux nominatus, sex modios vini singulis annis pro suo anniversario. Imaginem quoque prædicti nostri protectoris Benigni nobis liberè donavit. In hoc loco post præfatum Joannem præfuit Otto, qui nihil ad suæ Ecclesiæ ornatum reperitur gessisse. Cui successit Petrus, qui & prædecessori consimilis exstitit.

Post hos surrexit alius nomine Petrus, qui cum præcipuis benefactoribus nostris scribi meruit. Hic (ut à quibusdam fide dignis audiui) à Domino Hugone tunc Burgundiæ Comite ob sanctitatem quæ fulgebant, morumque nobilitatem, à fratribus hujus loci cum humillimis precibus est expetitus, ut videlicet ipse pater secum beati Jacobi Ecclesiam quæ est in Galliciâ, visitare dignaretur. Quod cunctis annuentibus monachis, feliciter complevit. Tandem autem Domino spiritum commendans, successores habuit Joannem, Guillelmum, & Petrum hujus loci Abbates.

Horum diebus licet pauci huic Ecclesiæ benefecisse reperiantur, unus tamen Joannes hujus loci Monachus, qui faciendum curavit calefactorium dormitorii, fundavitque ligna huic necessaria, est inter cæteros annumeratus. Hugo de Ray Prior sancti Apollinaris cum Huot patre suo, & Marguareta matre ipsius, nobis contulerunt viginti francos, præter domum de la Tannarie. Necnon vir illustrissimus ac nobilissimus nomine Voladislavus, qui prius fuerat Dux Albus de Poloniâ; deinde in hoc loco Monachus, sed sobole deficiente per Papam dispensatus habitum relinquens, donec heredem regni sibi successorem haberet. Tandem autem occumbens, hicque sepulturam eligens, huic cœnobio contulit duo millia & quingentos florenos pro duobus anniversariis.

Sed ut ad laudem venerabilis Alexandri de Monte-acuto, prædicti Petri successoris, quidquam enarraremus, minimè remittendus est calamus. Hic etenim hujus insignis Ecclesiæ constitutus Abbas, ipsam magnopere intus & foris continuò studuit adornare. Vascula namque argentea, necnon & pannos aureos, cum plurimis sericeis ornamentis, ac quidquid in ipsâ Ecclesiâ tunc decora erant, nobis contulit. Fundavit calefactorium refectorii, & similiter anniversarium suum, necnon eleemosynam tredecim pauperum in eadem die faciendam quarto Kalendas Maii. Hic præterea venerandus Pater, religionem in hoc loco prudentissimè reformavit, manutenuitque & in nullo tepescere permisit quamdiù vixit. Totum etiam monasterium strenuè gubernavit, reparavit, & in multis decoravit. Dereliquit interea memoratus pater Alexander successori suo Joanni circiter sex millia aureorum, præter cætera bona. Et ut summam de eo perstringam, ei non credimus æqualem huic loco præfuisse usque ad Abbatem Hugonem, qui (ut supra meminimus) Ecclesiam, thecamque argenteam fabricavit. Hic etiam Alexander dedicare fecit Ecclesiam hujus monasterii; in crastino autem ejusdem dedicationis annuatim solemne anniversarium sibi ab hujus loci conventu liberè concessum. Hic fecit bis refundi magnam campanam quæ Benigna nuncupatur. Justitiam supradicti nostri monasterii, quam penè amittebamus, recuperavit, ac solemniter arecta parlamenti Parisiensis super eâ obtinuit.

Hujus Reverendi nostri Pastoris tempore quidam vocatus Joannes, qui in hac domo conversus erat, nobis donavit pro anniversario suo singulis annis per hujus loci Fratres celebrando quatuor viginti

Francos, & multa alia nobis fecit. Insuper faciendum curavit Crucifixum qui in angulo claustris depingitur. Prænominatus autem venerabilis Pater Alexander, postquam pluribus annorum curriculum abbatiam de Flaviniaco (prius enim illic Abbas fuerat) ac etiam præfens cœnobium devotissimè gubernavit, à Christo evocatus est; anno ab ipsius Domini nostri millesimo quadringentesimo decimo septimo, die quintâ mensis Septembris, nobis relinquens successorem, quem prænominamus Joannem de Marcha Abbatem.

Eo autem die obeunte, huic loco Abbas fuit nomine Stephanus. In cujus diebus quidam Renaudotus vocatus, Ducis Burgundiæ cubicularius, ac in hoc loco Bastonarius, perpetuò fundavit Missam in altari sancti Pauli, quod de novo ædificavit, ipsum dotando quadraginta libris. De quibus viginti quatuor dantur Cantori & Refectoriario, eam celebrantibus, reliquum verò Conventui remanet. Dedit etiam præfatus Renaudotus in fine vitæ suæ ducentos aureos pro duorum anniversariorum fundatione.

Petro autem Abbate post præmissum Stephanum regiminis hujus Ecclesiæ curam gerente, Joannes de Laudona cognominatus hujus cœnobii elemosynam dedit nobis, viginti solidos redditus annui, assignatos supra domum quamdam sitam in castro de Jusseio. Dederunt etiam nobis Joannes de Visei Consiliarius Domini Ducis Burgundiæ, & Joanneta uxor ejus, vas argenteum, in quo repositum est os brachii sancti Laurentii Martyris. Tandem migranti ad Dominum Petro supramemorato Patri successit venerabilis Hugo de Monte-Cuniculo. Cujus tempore frater Joannes Brisslandi hujus cœnobii Camerarius, reædificari fecit aulam Conventus, situatam juxta domum Camerarii, ac domum Albani, cum torculari sitam ante Ecclesiam sancti Philiberti. Hic etiam fundavit pietantiam carniū, quæ ter in hebdomadâ à Pascha usque ad Ascensionem Domini fratribus in refectorio distribuitur. Item fundavit dictam carniū faciendam in festo beatæ Mariæ Magdalene. Fundavit etiam lampadem cum oleo jugiter ardentem ante altare beatæ Mariæ in navi Ecclesiæ. Etiam fundavit luminare in festivitibus ejusdem beatæ Virginis, ut sit in festis Apostolorum. Ac etiam luminare duorum anniversariorum suorum, ut mos est facere in aliis præcipuis. Andreas de Mommoreto in hoc loco Infirmarius, tunc nobis dedit imaginem sancti Blasii argenteam, auroque amplissimè decoratam, cum unâ ditissimâ cappâ aureâ. Pro anniversario suo Jacobus etiam prædicti Andree frater, Subprior de Lareyo dedit Conventui centum libras Turonenses manualiter tradendo, cum cappâ de colore, quem vulgariter dicunt *Cramoisi*, pro suo anniversario. Fœmina quædam dicta Agnes de Cyterneo, nobis etiam donavit triginta solidos, sitos ac assignatos supra quamdam domum sitam in Cœmeterio.

Præmissus autem pater Hugo pro fundatione unius anniversarii nobis contulit ducentos aureos, cum quatuor libris Turonensibus. Fecit etiam fieri campanas sive tympana in hac Ecclesiâ. Dedit præterea sex viginti francos pro faciendâ procuracione in translatione sancti Patris Benedicti. Migravit autem ad Dominum anno ipsius Incarnationis millesimo quadringentesimo sexagesimo septimo. Post hunc præfuit in hujus Ecclesiæ pastoralis curâ Dominus Humbertus de Saulbiez, qui fieri jussit expensis propriis magnam vitream ad introitum Ecclesiæ existentem. Hujus diebus Prior de Arnetto, nominatus Guillelmus d'Aguilly, dedit hujus monasterii ha-

1417.

Abbat. Joannes,

Stephanus,

Petrus,

Hugo de Monte-Cuniculo.

1467.

Humbertus de Saulbiez.

Walterius de  
Falerenco.

bitatoribus, viginti libras Turonenses annui censûs, redimibiles pretio trecentarum librarum.

Huic Humberto successit Walterius de Falerenco cognominatus. Hic septingentos aureos (ut dicunt) Conventui distribuit. Imò pro ejus intentione dici debet in Missâ de beata MARIA, collecta *Inclina*: & post prædictam Missam (quæ scilicet dicitur in veteri Ecclesiâ) quotidie dici debet Antiphona de prædictâ beatâ Virgine, cum collectâ de eadem; & *Deus cui proprium*, pro ipso Patre. Morientem autem subsequutus est in regimine venerandus Pater Ludovicus, qui de Tintavilla vocatus est: sed pauca gessisse repertus est.

Ludovicus de  
Tintavilla.

Circiter hæc tempora religiosus quidam, nominatus Benignus de Chemilli, in hac domo Camerarius, fundavit Missam de Beatâ Dei Genitrice, singulis diebus Sabbati celebrandam: & in omnibus solemnitatibus ejusdem beatæ Virginis eandem Missam dici quoque instituit. Guillelmus Regnandiu, hujus domus Prior claustralis, manualiter nobis dedit centum libras Turonenses pro uno anniversario. Godefridus etiam cognominatus Domboys, hujus loci Camerarius, contulit huic monasterio tres heminas frumenti, singulis annis per nos recipiendas.

Claudius de  
Charmis.

Post præmissos autem omnes venerabiles Pastores, nobis Deus veram in Ecclesiâ suâ lucernam suscitare voluit, vigilantissimum videlicet gregis sui Pastorem, venerandumque Patrem ac Dominum, Dominum Claudium de Charmes, sacri hujus Cœnobii Abbatem meritissimum, qui ex nobilissimâ Divionensium Procerum prosapia exortus, à puerilibusque diebus in hoc loco sacro beatissimi Patris nostri Benedicti habitu vestitus, cum primum ad annos pervenisset discretionis, primò caput in vineâ Domini florere, ac magis magisque pululare. Fuit namque ob præclaram, quâ præfulgebat prudentiæ modestiam, ac piam in omnes benignitatem, morum quoque honestatem, hac in domo Subcellerarius, Eleemosynarius etiam constitutus est. Quodam verò futuræ prælagio iubilantibus, hic etiam Sacristiæ certis temporibus habere meruit officium. Et ut paucis perstringam, sicut de venerabili Patre Halinardo supra tactum est, omnia hujus Ecclesiæ fermè officia solemner & sedulò prudenterque exercuisse visus est.

Ejus morum  
probitas.

Tandem autem defuncto Reverendo Patre Ludovico de Tintavillâ (cujus supra meminimus) hujus loci Abbate, non vi armorum, equorumve strepitu, neque etiam ob nobilitatis, quâ præpollebat, celsitudinem; imò potiùs probis id exposcentibus suis moribus, ob bonamque vitæ per omnia jam cognitæ famam, ac divinâ, ut piè creditur, hoc concedente voluntate, ad pastorale hujus dominicæ domus electus est officium. Hic autem in dominico agro ut sedulus cultor, ac fidelis dispensator, talentum sibi creditum, non in terram fodiens, aut abscondens, sed ad decus honoremque ac utilitatem, & ornatum Domini sui & sponte sanctæ Matris Ecclesiæ totis viribus explicare decrevit.

Quæ contulerit  
beneficia  
scribuntur.

A capite namque incipiens præfatus Pater, in hac domo campanile seu tympanibulum mirando quidem ac præ cæteris excolendo opere constitui, plumbeisque laminis ac magnificè collocatis cooperiri jussit, prout cunctis ad hunc locum accedentibus facillimè perspiciuntur. Ipsam quoque Ecclesiam propriis expensis dealbari fecit, ornatiusque quàm antea fuerat, decoravit. Fecit etiam præfatus Abbas refundi magnum lignum, sive tympanum aut cymbalum, quod in benedictione beati Benedicti nomen assumere voluit, multasque metalli libras in eo addidit. Crucem quoque quæ ante majus altare erigitur, deaurari fecit.

Anno præterito centesimo quinquagesimo & uno, die quartâ mensis Januarii, donavit, & manualiter tradidit præfatus venerabilis Pater, ipsum fervidâ monente devotione, Priori & Conventui hujus suprà nominati monasterii, summam trium millium librarum Turonensium, pro acquirendis censibus & redditibus. Eâ videlicet intentione, quòd in præfato Monasterio pro se suisque omnibus parentibus, familiaribus, benefactoribus vivis ac defunctis, pro spe salutis & incolumitatis suæ, singulis diebus, perpetuisque temporibus per Fratres ipsius Monasterii celebrentur & dicantur duæ Missæ. Prima scilicet altâ voce, cum Diacono & Subdiacono in majori altari hujus prædicti Monasterii, formâ & modo quibus consueverunt aliæ Missæ conventuales in ipsâ Ecclesiâ celebrari. Secunda autem submissâ voce celebrabitur per unum fratrem Monasterii prædicti, in loco, & modo, & tempore fundationis earumdem super hoc confectis litteris plenius declaratis.

Præfatus nihilominus Pater venerabilis Claudius de supra scriptis nobis à se liberè collatis beneficiis minimè contentus, sed devotionis ampliori fervore tactus, acceptantibus prænominatis Priore & Conventui, dedit manualiterque tradidit Priori & Conventui, summam duorum millium & quatuorcentum librarum Turonensium, intentione quâ supra, acquirendi censûs & redditûs, pro solutione servitiorum divinorum quæ fieri cupiebat & intendebat. Instituit namque præfatus Abbas ultrâ supra declarata suffragia, ut singulis quatuor temporibus, die videlicet Mercurii celebrentur per tres Priores hujus prædicti cœnobii, tres magnæ Missæ in jam dicto majori Altari, & centum parvæ, quæ nullibi dicantur nisi in prædicti S. Benigni Ecclesiâ per fratres ipsius monasterii, vel alios Religiosos, aut sæculares; prout in jam dictis litteris declaratur. Dicit etiam debent per prædictos Fratres die Martis præcedente dictam Mercurii quatuor temporum diem, post prandium altâ voce & solemner vigiliæ pro defunctis cum novem psalmis & novem lectionibus.

Item intendit sæpèdictus Pater, ut per prædictos Fratres ipsius Monasterii singulis diebus Adventûs, & Quadragesimæ, horâ secundâ post meridiem, dicantur etiam integraliter, solemner, & altâ voce vigiliæ defunctorum novem psalmorum, & novem lectionum, exceptis Dominicis diebus in quibus non dicuntur. Quæ scilicet suffragia sive servitia divina qui dixerint, & ipsis interfuerint, summas in supra dictis litteris ad hoc confectis declaratas, ab hujus dicti Monasterii Pitanciaro erunt recepturi. Non tantùm autem prædictas pecunias nobis contulit præmemoratus Abbas Claudius, imò etiam plurima donavit Ecclesiæ ornamenta aurea & serica. Dedit namque ad ornatum suæ Ecclesiæ divinumque cultum exaltandum, unam preciosissimam ac ditissimam casulam cum dalmaticâ atque tunicâ. Quæ videlicet ornamenta auro fulgentissimo abundanter sunt conferta ac composita. Dedit insuper cuppam argenteam, in quâ reconditur Dominicum corpus, multo auro copiosissimè decoratam. Deinde fieri fecit armariola ad sinistram partem majoris Altaris novæ Ecclesiæ statuta, quorum partes interiores ferreæ sunt in modum trilecis sive fenestrellularum quarundam fabricatæ, auroque magnificè deauratæ, ut inibi decentius reverentiusque recondentur sacræ ac preciosæ ipsius Ecclesiæ Reliquiæ: & maximè cervices sive capita sanctorum, videlicet Benigni patris nostri, Gregorii Lingonensis Episcopi nostri Fundatoris, & Radegundis Francorum Reginæ. Quæ scilicet Gregorii & Radegundis capita ipse Dominus Pater Claudius multo argento auroque

1513.  
Urbs Divio  
obsidetur.

sicuti exstant ornavit, munivit, & decoravit amplissimè. Pilas etiam sive columnas, aut si mavis pilaria, ex aurichalco conflata ante prædictum altare, ac ad ipsius altaris ornatum, sex numero construi fecit. Quæ de super sex Angelorum Christi passionis insignia repræsentantium imagines sustinent; auroque ditissimè decorata & insignita, cunctis facilius cernentibus apparere possunt.

Circà annum Dominicæ Incarnationis millesimum quingentesimum decimum tertium, Christianissimo Rege Ludovico duodecimo in Franciâ triumphante, in hac autem domo præsidente memorato Reverendo Patre, gens Suevorum, sive, ut eos quidam nominant, Helvetiorum, gens quidem fera & avara, de Germaniæ partibus egrediens, non quæ Domini sui sunt, sed propria sectans, ad iussum (ut dicebant) Maximiliani tunc Imperatoris Divionem obsedit, vastassetque ac depopulata fuisset, si non sanctissimi protectoris nostri Benigni, ad quem confugebant, sacrorumque in hac Divionensi oppido quiescentium Sanctorum precibus, ac præmeritis esset liberata. Divino enim nutu, pacto inter nos & ipsos super maxima pecuniæ summa ipsis dandâ factò, ad propria remigrarunt. Sed non sine prædicti Patris, totiusque Congregationis gravi infortunio. Tunc etenim combulta fuere S. Nicolai suburbia; necnon Divi Petri ac sancti Spiritus. Ex quibus plurimi nobis singulis annis proveniebant census & redditus. Apud sanctum Apollinarem omnia vastarunt, gravissimumque tunc detrimentum sustinuit illius loci Prioratus. Alii quoque vicinorum locorum habitatores multa perdidierunt: excedebant enim præfati hostes ultrà quadraginta quinque millium hominum numerum. Dederunt autem pro nostri ereptione Cœnobii ab ipsorum hostium manibus tam memoratus Abbas, quàm etiam Conventus; duo millia librarum argenti, ultrà jam dicta gravissima incommoda. Inde autem ob devotionem quam ad beatum Urbanum Lingonensis Ecclesiæ Episcopum, hîc olim sepultum, nunc quoque quiescentem, habebat præfatus venerabilis Abbas, fecit fabricari capsam argenteam auroque plurimo decoratam, ut ibidem sanctæ preciosæque Præfatis Reliquiæ conderentur honorificè. His temporibus quædam fœmina, Guillemeta nomine, mater Stephani, mulier quondam mercatoris, qui sub thecâ seu capsâ beatissimi Patroni Benigni sensum precibus ejusdem recuperavit, migravitque in pace ad Dominum; pro anniversario ipsius nobis dedit summam centum librarum, quam manualiter tradidit Conventui. Joannes Callot, Magister cameræ, nobis donavit pro suo anniversario singulis annis per nos celebrando etiam summam centum librarum Turonensium. Joannes Moreaul hujus monasterii Infermarius, ad nostræ Ecclesiæ ornatum, & ad divinum officium reverentiùs peragendum, dedit unam cappam auream amplam valde, ac miro modo compositam. His etiam diebus Theobaldus Demipont cognominatus, nobiliprofapiâ ortus, & in hoc loco Monachus devotione præmotus, fundavit & instituit luminare in die solemnitatis Corporis Christi, & per octavas. Pro quod ebent duo cerei ante armariola lapidea, in quibus reconditur prædictum sacramentum, continuò diu noctuque lucere. Recepitque Thesaurarius pro hoc singulis annis unum francum monetæ. Frater Joannes Conversus apud Lariacum moram trahens, nobis pro suo anniversario manualiter tradidit quadraginta francos:

Præfatus denique venerabilis Pater cum supra scriptis ornamentis huic loco per eum concessis, nobis dedit duas pulcherrimas ac ditissimas aureas cappas, arte quidem præclarissimâ compositas. Contulit etiam nobis ornamenta majoris altaris viridia, compositione sericeâ, unâ cum duabus cappis, casulâ, dalmaticâ, etiam viridibus.

Hic autem Reverendissimus Pater, velut omnibus carus erat, ab omnibusque amabatur, suoque potenter tuebatur, ita ab omnibus expetebatur. Gregis enim Dominici apud sanctum Germanum Autissiodorensis Custos electus fuit; illiusque multis annis prudentissimè curam gessit. Sed tandem honore postposito, tradito quoque onere religiosissimo viro Domino Francisco de Bello-joco, qui ejus consanguineus erat, litterisque ac scientiâ, morum etiam probitate pollens, hujus loci Camerarius annis multis exstiterat, eum Abbatem instituendo. Alias denique Abbatias recusavit, sancti scilicet Joannis Reomensis, sanctique Sequani. Quas ambas humiliter prece ipsi de ejus bonâ conversatione certiores facti obtulerunt illarum cultores: cui per resignationem successit quidam vocatus Abbas.

Oremus igitur cuncti, qui sub eorum protectione degimus, uti ille qui cuncta sub pedibus videt, moderaturque, & nutu proprio gubernat, ambos nobiscum diù vivere permittat sanos & incolumes; præstet sibi commissum gregem moribus & verbis instruere, ac docere concedat, & inspiret: quatenus post hujus ærumnarum vallis diuturnos labores, eos cum familiâ creditâ in æterna sua tabernacula, perpetuamque hereditatem suscipere dignetur Dominus Jesus-CHRISTUS, qui cum Genitore, sacroque Flamine vivit & gloriatur per æterna sæcula.

Multa autem huic sacro collata Cœnobio beneficia fuerunt, præsentis nunc inferenda paginâ: verum quoniam prolixum foret cuncta recensere, precantes ut hæc lectori satisfaciant, operi finem imponimus.

AD INSIGNIS PRÆCLARIQUE PATRIS,  
AC DOMINI DOMINI  
CLAUDII DE CHARMIS,  
SACRI, DIVI BENIGNI DIVIONENSIS,  
COENOBII ABBATIS OPTIME MERITI,  
LAUDEM, CONDITUM SUBSEQUITUR EXILE CARMEN.

**C**Larus in hoc claram claro cum nomine vitam  
Ducens cœnobio, Claudius Abbas fuit.  
Protulit illustris præcelsâ Divio prole,  
Sed voluit nobis hunc Deus esse Patrem.  
Æneas Teucris, Samsonque fecit Hebrais,  
Quo Solymis Salomon contulit ipse suis.  
Exaltata bonis hæc est Ecclesia multis,  
Subsidioque hujus facta decora Patris.  
Ille suos tutus semper protexit, & omni  
Nixu commissas multiplicavit oves.  
Nestoreos illi donec Deus ipse per annos  
Vivere; Phœnicis compleat hicque dies.  
Parcæque cum tenerum distraxerit aspera filium,  
Spiritus athereos expetat (oro) lares.  
Amen.



A N T I Q U U M  
B E S U E N S I S A B B A T I Æ  
C H R O N I C O N ,  
A U T H O R E J O A N N E M O N A C H O .

*INCIPIT LIBER MEMORABILIU  
rerum, seu etiam Cartarum Besuensis  
Monasterii.*

Ipsissima  
Chronici S.  
Benigni sunt  
verba.

**A**NTIQUORUM hujus seculi sapientū laudabile, ac ideo imitandum fuit studium, ut non solum ea quæ acciderent in diebus eorum, sed etiam fortia priscorum facta Heroum ad memoriam posterorum traderent monumentis scripturarum. Quæ utilis res & eis exstitit materia humanæ laudis, & futuris hæc legentibus vel audientibus exemplum, incitamenque æmulationis. Talia considerantes nos Besuenses sacri monasterii à parvulo habitatores & amatores, ne fortè nobis iustè succenseant nostri successores, sicut nos de incuriā meritò culpamus nostros antecessores, aggrediemur cum adiutorio Dei scribere, licet rusticanā & minimè polita narratione, quæ de præfati loci antiquitate, seu devotorum Deo fidelium eidem donata sunt largitione Regum, Pontificum, Ducum, Comitum ac illustrium virorum potuimus addiscere: quatenus & honori sit cœnobio nostro, possessionum collatarum, & memorandarum rerum in eodem gestorum descriptio, & cum divinæ laudis debito exoptanda benefactoribus ejus celestis gloriæ remuneratio.

Primo igitur persequenda nobis est eorum Chronica, qui regnarunt in Franciā atque Burgundiā usque Clotarium, Chilperici filium, cujus videlicet tempore Monasterium istud Besuense ædificatum est ab Amalgario Duce optimo, & uxore ejus Aquilina nomine, largissimeque de propriis rebus ditatum, anno ad Incarnatione Domini sexcentesimo, indictione tertiā, præsidente sanctæ Romanæ Ecclesiæ sancto Gregorio Papa, Mauricio verò Cæsare imperante in Republicā, beato Columbano commorante in Burgundiā. Si quidem ad cognoscendas Abbatum successiones, qui per diversā hîc præfuerunt tempora, & quæ sub uniuscujusque illorum regimine huic loco collata sunt fidelium largitione, Episcopos quoque Lingonicæ Ecclesiæ, qui circa hunc locum munificos se exhibuerunt, nominatim singulos curabimus ostendere; & quid ab uno quoque illorum collatum sit in augmentatione hujus domus Dei, sigillatim demonstrare.

Igitur Childerico Rege, &c. *Quæ sequebantur in hoc Besuensi Chronico, ad usque ad monasterii fundationis narrationem, in San-Benigniano Chronico reperies:*

D E C O N S T R U C T I O N E  
huius loci.

Clotarii II.  
tempore a no

**I**gitur quoniam Monasterium istud Besuense Clotarii Regis tempore ab Amalgario Duce funda-

tum fuisse prælibavimus, paulo latius nobis visum est prosequendum, qualiter ab eo & ubi fuerit constructum, & quibus rebus ab eo primum ditatum, ac deinceps à cæteris Deum timentibus, imò diligentibus largissimis facultatibus amplificatum. Fuerunt siquidem illis temporibus duo Duces in Burgundiā, rum unus Waldelenus nomine, gentes quæ intrā Alpium septa & Jurani saltus arva incolunt, regabat. Erat huic uxor nomine Flavia: de quā cum nullius heredis habuisset gaudia, cui suarum opum & honorum post se reliquisset amplissima subsidia, per beati Columbani, qui Luxovio præerat, Deo digna precamina filium susceperunt, & ei illum de sacro fonte levandum, sicut ipse quæsierat, obtulerunt. Itaque sanctus vir baptizavit, Donatumque nomen imposuit; qui postea in eodem monasterio sapientiā imbutus, Bisontinæ sedis Archiepiscopatum clarissimè gubernavit. Alter verò Dux harum duarum partium circumquaque latissimus dominator, Amalgarius nomine, habens uxorem nomine Aquilina, habuitque ex eā filios, quorum uni Audalrico nomine ducatus sui regimina post se dereliquit. Habuit & alium Waldalenum nomine, quem offerre Deo, à quo eum acceperat, cupiens, per manus beati Columbani cum ipsi in prædicto Luxoviensi Monasterio, quod tunc præ cæteris Galliarum atque Burgundiæ Monasteriis religione florebat, educandum contradidit. Habuit iterum filiam Adalsindam nomine, quam Deo offerendam, ac divino cultui mancipandam adjudicavit.

Dum itaque hi duo in scholā Christi erudiuntur, videlicet Waldalenus & Adalsinda, pater Amalgarius excogitat, ubi religioni eorum ædificet loca convenientia, & si qui postea cum eis Deo voluerint servire, unde habeant victus & vestitus sufficientia. Cum igitur in Ducatu suo duo Christi construere vellet ovilia, & ovibus, quas ibi Deus aggregaret utriusque sexus, ex illis, quos sibi dederat Deus pueris, Pastores præficere, videlicet Waldalenum viris, & Adalsindam foeminis, inter cætera ducatus sui loca duo invenit speciosissima, atque ad id non parum convenientia. Est locus inter fluvium Arraris & Sagunnæ, & fluvium quem Tila vocant ab emergente ibidem fonte non modico, qui Besuus dicitur, dictus & ipse Besua, fons est ipse limpidissimus, ad potandum habilis, ac multimodā piscium copiā fertilissimus; nec sicut alii fontes, qui plurimi decurrendo & augmentando, nomen accipit fluvii, sed ibidem ubi oritur præ magnitudine flumen dicitur. Nascuntur in eo diversi generis herbæ, quæ si frugum alimonia minùs abundaverit, pauperibus subsidium præbeant vitæ: sicque fons iste totius sui irrigans confinia, ad omnia quæcumque ibi feruntur vel coluntur confovenda, loca reddit habilia. Terra satis bona, & nisi delit qui laboret, frugum fertilissima. Prata propè sunt abunde,

600. fundatum Besuense Monasteriū.

De Amalgario Duce.

Besuus descriptio.

abundè, quibus possunt nutriri pecora, & suppleri alia quæque privata necessaria. Sylvas habet in proximo locus & contiguas, quæ ad construenda ædificia, seu ad omnia quæ generi humano sunt necessaria, sufficient.

Talem igitur locum Amalgarius Dux Deo & sanctis ejus Apostolis Petro & Paulo dignum duxit offerre, & sub manu filii sui Waldaleni Monachos, qui ibi Deo & sanctis ejus deservirent, sub regulâ beati Columbani studuit aggregare. Quid plura? Waldalenum Abbatem ibi præfecit; locum, ut prædiximus, Deo & sancto Petro & Paulo liberrimè cum omnibus appenditiis suis obtulit, cum terris & ædificiis, cum sylvis & accessibus omnibus, cum mancipiis & colonis & servientibus; denique quidquid habere ibi videbatur, totum liberrimè & integerrimè, nec sibi nec cuiquam aliquid ex illis retinens. Et quoniam locum omni adnitu voluit extollere & amplificare, visum est ei ex aliis rebus & appenditiis eum ditare.

Dedit itaque Vetus-vineas cum appenditiis suis, & sylvas Tilerias, Beriam, Tregias, Cipetum, Buxatellum, & Vendoveram. Item Auxiliacum cum appenditiis, adjacentiis, & sylvis, & colonicis. Blaniacum, Bertariacum, Baimam, & Viriacum, & Attiviacum, Noviliacum, & Villam Collatunnam, & Curtem mulinensem, Marcenniæ, cum vineis XII. & vinitoribus, & colonicis, qui excolere videntur. Apud Cocheiacum vineas non minimæ quantitatis. Dedit etiam in pago Belnensi vineas octo cum vinitoribus & colonicis. In villâ quæ Vaona dicitur, vineas & terras cum servis & ancillis excellentibus eas. Tradidit etiam cum cæteris rebus S. Petro terras quas habebat in Divione, & in fine Domni Petri, & Longo-vico, & in Canavis, & in Arsilirias, & Tremoldo, & Proviso, & Disto. Dedit & in Gibriaco vinearum non modicam quantitatem, cum vinitoribus & colonicis, & sylvis, & pratis, aliisque adjacentiis, cum servis & ancillis, omnia omninò liberrimè, & prorsus ab omni consuetudinali reclamatione aliena. Item in villâ & in Caciaco quidquid habebat. In villâ quæ Patriniacus dicitur, manum unum optimum cum appenditiis suis. Cumque his omnibus dedit villam Maiescum, & adjacentia sua prædicto Monasterio, & datis his, factâque Epistolâ propriâ manu consignatâ, in perpetuum possidenda contradidit.

His ita digestis, descriptâque Besuensis Monasterii constructione, quoniam de alio loco superius fecimus mentionem, quem in Ducatu suo Amalgarius ædificavit, ubi filiam suam Adalsindam sanctimonialibus Abbatissam præfecit, dicendum æquum putamus ubi sit locus, & quis vocatus, quibus appenditiis ditatus, ut ibi Deo servientibus victus non defuerit atque vestitus. Est locus haud longè à Besontiensis civitate super fluvium, Dubium appellatum, ipsius fluvii intercursum tantum à civitate sejunctus, ex aliâ verò parte habens montem vocatum Waldalenum, à nomine Wandalorum, qui ibi castrum habuerunt, ut antiqui incolæ dicunt. Dornatiacus dicitur, qui & Virzilas, in honorem sancti Martini consecratam habens Ecclesiam, quem Amalgarius Dux filiae suæ Adalsindæ donavit; & ut sub ejus regimine regulariter ibi viverent, congregationem sanctimonialium constituens, de propriis rebus donationem fecit. Villam scilicet quæ Allona vocatur, Villam Parnatiacum, villam Pontentiacum, & medietatem quam in Balatunnâ possidere videbatur. De villâ verò Montaniaco similiter. Sed cum his omnibus qualiter præfatus locus Dornatiacus Ecclesiæ Besuensi donatus atque conjunctus postea fuerit, in sequentibus, & ubi congruum videbitur, in-

Tom. II.

seremus. Anno XXXIV. Regni Clotarii Warnarium, quem Majorem-domus in Burgundia instituerat, cum universis Pontificibus Burgundiæ, seu & Burgundæ Faronis, Bonogello Villam ad se venire præcepit, &c. ut in Chronico S. Benigni.

Dagobertus anno VI. regni sui Burgundias ingreditur: tanto verò timore Pontifices & Proceres, & cunctos in regno Burgundiæ consistentes adventus Dagoberti concusserat, ut omnibus esset mirandus præ timore justitiæ quam pauperibus faciebat. Veniens ergo civitatem Lingonas, & inde Divion aggressus, ac Latonâ residens aliquantis diebus, tantam intentionem judicandi justitiam universo populo regni sui habebat, ut hujus benignitatis desiderio, nec somnum oculis posset capere, nec cibo satiabatur: intentissimè cogitans, ut omnes cum justitiâ acceptâ à conspectu suo remearent.

Quia igitur per successiones Regum ad tempora usque Dagoberti Regis narrationem protulimus, dignum esse putavimus, huic loco inserere quid ipse Dagobertus huic nostro Besuensi Monasterio beneficii contulerit, & quibus appenditiis locum hunc augmentaverit, atque sui Præcepti autoritate firmaverit: ut quod ipse Deo & sanctis Apostolis ejus Petro & Paulo offerebat, perpetualiter inconvulsum permaneret. Audiens enim bonam famam Waldaleni Abbatis, (de quo supra meminimus) qui tunc præerat huic sacro monasterio, donationem fecit per manum ipsius Deo & Ecclesiæ Besuensi, de villâ quæ dicitur Artasia, cum terris & appenditiis suis: quæ villa sita est in fine Campolimicenti. Dedit etiam villam quæ Monasteriolus vocatur, nec longè à supradictâ Artasiâ & in eisdem fines. Crescente itaque hujus loci religione, Amalgarius Dux hujus sancti Monasterii fundator, terras quas acceperat ab ipso Dagoberto Rege in beneficium, contulit huic Ecclesiæ, villam scilicet Alteriacum cum adjacentiis suis, villam quæ dicitur Boensis cum omnibus appenditiis suis, omnia dedit ad integrum cum consensu & Præcepto ipsius Dagoberti Regis. Item dedit villam Ginceniæ, & villam Talamarum, cum omnibus ubique ad ea pertinentibus.

Die quâdam Dagobertus Rex à Latonâ Cabillono properare deliberans, priusquam lucefceret, balneum ingrediens Brunulfum avunculum fratris sui Ariberti interficere jussit. Qui ab Amalgario & Arnberto Ducibus, & Wilbado interfectus est. Dagobertus Rex post hæc Cabillono pergit, justitiæ amore quam cœperat, perficiendâ. Post Augustoduno, inde Antisiodoro pergens, de hinc Senonas civitatem; indeque Parisius venit. Gomatrudem Reginam Romiliacâ villâ, ubi matrimonium acceperat, relinquens, Nantildem, unam ex puellis de ministerio ejus accipiens, Reginam sublimavit, &c. ut in Chronico S. Benigni.

Clodoveus igitur Rex, qui & Clotarius dictus est, XVIII. annos in regni administratione complens defunctus est in primævo flore juventutis, relictis tribus filiis Clotario, Childerico, & Theoderico, unâ cum matre eorum Baldechilde Reginâ. E quibus Clotarius natu major regnum patris sui Clodovei Neustriæ & Burgundiæ obtinuit. Childericus verò Austriæ & Germaniæ sedem adeptus est.

Nunc verò id videtur huic nostræ narrationi inserendum, illud quod supra narrare promissimus, qualiter videlicet locus Dornatiacus, qui Birgilias dicitur, huic Besuensi loco cum appenditiis suis donatus sit atque conjunctus. Iisdem namque ferè temporibus Donato, (de quo supra meminimus) existente Bisonticensis sedis Archiepiscopo, Adalsinda Abbatissa, quæ ei loco præerat, malorum hominum injuriis & plurimis adversitatibus affecta, cum

h h e

Inibi Amalgarius construit Monasterium.

Alterius Monasterii fundatio ab Amalgario.

An. circiter 634.

660.



amplius pati non posset, in manu Waldaleni Abbatis fratris sui, Deo & sanctis Apostolis ejus Petro & Paulo locum illum cum omnibus appenditiis suis donavit cum consensu ipsius Donati Bisonticensis Archiepiscopi, sicut ipsius Epistola subscripta docebit.

*Domino Sancto & in Christo amabili fratri WALDALENO, ADALSINDA Abbatissa.*

**D**Um malorum hominum vexata injuriis, & variis adversitatibus, ibidem stare non possem, inde ego & germanus meus Adalricus, vobis & fratribus vestris petivimus, ut ad Monasterium sancti Petri habitare sub regulâ vel ordine in Dei nomine deberem; quod & vos pro caritatis studio concessistis. Ideo Monasterium Dornatiacum in honore S. Martini sacratum, quod genitor meus Amalgarius & Aquilina mater mea construxerunt, & ei maximam partem de suis facultatibus delegaverunt, hoc recipere in Dei nomine debetis, cum villis ad eundem locum pertinentibus, & omnibus universaliter appenditiis suis: villam scilicet Assonam, villam Parniacum, Potentiacum, & medietatem quam in Balatonnâ genitores nostri tenuerunt. Reliqua verò, quæ ad ipsum monasterium Dornatiacum genitores nostri delegaverunt, à die præsentis in Dei nomine recipite. Et de villâ Montaniaco quod genitor noster Amalgarius, & Amoloaldus de fisco pariter promeruerunt, portionem nostram à die præsentis in vestrâ dominatione revoke; ut nec ego, nec quislibet de parte nostrâ, vel ulla appositâ persona, adversum vos de supradictis rebus calumniam ac laborem generare præsumat. Si quis verò fecerit, conferat unâ cum sacratissimo fisco auri libras viginti, argenti pondo quinquaginta. Actum publicè Fonte-Besua Monasterio. In Dei nomine ego Adalsinda hanc traditionem nostram subscripsi. Hermena Monacha jussu Domnæ meæ Adalsindæ subscripsi. Aga Monacha jussu Domnæ meæ Adalsindæ subscripsi. Subsignavit Daginus hanc donationem. S. Manulfus Presbyter. S. Victor. S. Proculus. S. Walibertus. S. Landebertus. S. Trasgarius. S. Rogitus. Ego Allo hanc traditionem scripsi & dictavi, anno ab Incarnatione Domini DC. LII. Indiçt. x. Epacta vi. Clotario Rege regnante in Franciâ, primo anno regni ejus, venerabili viro Donato Besonticam sedem tenente. Die Mercurii proximo, ante medium mensis Februarii.

Monasterium  
Besuense va-  
statum, cartæ-  
que direptæ.

Tempore igitur Clotarii Regis cum locus iste copiosissimè ditatus fuisset, & Religionis studio floret, inimicus totius boni Diabolus omni conamine efficere voluit, ut bona, quæ ibi fideles donaverant, inde auferrentur, & si fieri potuisset, in perpetuam oblivionem traderentur. Nam mortuo Amalgario Duce, Francis inter se discordantibus, & intestino furore inter se dimicantibus, & terras suæ potestatis bello plusquam civili vastantibus, contigit hoc Monasterium rabiem talium perpeti, & damna rerum omnium sustinere, in tantum, ut etiam instrumenta Chartarum & donationum, quæ præfatus Amalgarius, aliique Deum timentes & honorantes eidem Monasterio contulerant, tollerent, & in perditionem darent. Sed hanc jacturam prædictus Waldalenus Abbas relevare satagens, egit cum Sichelmo Duce, tunc in Burgundiâ Ducatum agente, ut relationem acciperet rerum ipsius Monasterii, multorum bonorum hominum confirmatam consensu & subscriptionibus. Tali igitur autoritate fretus ad Regem Clotarium se contulit, eique cuncta innotuit, & ut ejus Præceptum ad perpetuam tuitionem me-

reretur, super hoc pacto expetivit. Cujus prædictus Rex assensum præbuit, & suam præceptionem clementer concessit. Quod ex ipsis conscriptionibus melius edocebimus.

*Epistola SICHELMI ducis transmissa Majoribus Palatii.*

**D**Ominis nostris propriis Reideberto, Chrodeberto, Emerulfo Majoribus-domus sacri Palatii, Sichelmus cum reliquis fidelibus & servientibus vestris, quorum subscriptiones vel signacula in in hanc suggestionem subter tenentur inserta. Credimus quod gloriosissimus Dominus noster auditum habeat, qualiter illustris vir Amalgarius tempore ducatus sui in loco Fonte-Besua nuncupato, in pago Attoariense, in honore sanctorum Apostolorum Petri & Pauli Monasterium construxit, ubi etiam Monachorum congregationem ad habitandum conjunxit, & de facultate suâ maximam partem supradicto Monasterio delegavit. Credimus etiam ad vestram pervenisse notitiam, qualiter ipsum Monasterium ante hos dies à malis hominibus irruptum fuerit, atque vastatum, & omnes res, quas ipsi Monachi habebant, cum ipsis chartis deportata, & omnis habitatio eorum in direptionem & devastationem missa: unde humiliter pietati vestræ suggerere præsumimus, ut hoc gloriosissimo Domino nostro innotescere faciatis, ut per suam clementiam talem autoritatem ipsi loco conscribi jubeat, ut supradictas res, quas boni homines ibidem delegaverunt, nullus invadere, aut violare, vel inquietare præsumat; sed quæ in præsentis habere vel possidere videntur ipsi Monachi, vestris & futuris temporibus sine inquietudine per vestrum præceptum habere & tenere possint. Ut & eos pro vitâ vestrâ, & stabilitate Cellicitudinis vestræ & regni vestri, Dei misericordiam attentius delectet exorare. Dominicus auditit suggestionem. Farulfus subsignavit. Abbo subg. Ermerbertus subg. Frodoaldus subg. Warato subg. Fulgoaldus subg. Eurcharius subg. Data sub die Kalendas Octobris. Regnante Domino nostro Clotario Rege. Hanc suggestionem Regi innotuerunt, & quid ipse de hoc decreverit, ejus Præceptum declarabit.

*Præceptum Clotarii Regis.*

**C**lotarius Rex Francorum, viro illustri Sichelmo Duci. Regem cœlorum, qui super omnes Reges termino immenso, & nullo imperio regitur, & qui super omnes sedes Angelicas suâ pietate & potentia tenet principatum, erga solium regni nostri, quod ipse nobis ad regendum commisit, credimus esse cultorem, si oportuna beneficia ad loca sanctorum devotâ mente præstamus, vel nostris oraculis confirmamus. Igitur venerabilis vir Waldalenus Abbas ad præsentiam nostram veniens, gloriæ regni suggestit, quoddam genitor suus Amalgarius, & genitrix sua Aquilina, quondam pro Dei amore Monasterium nuncupatum Fontem-Besua, in pago Attoariarum suo opere in honore sancti Petri & Pauli ædificassent, & Monachos ibidem sub regulâ beati Columbani, seu beati Benedicti adunassent, & maximam partem de facultate suâ ipsi Monasterio delegassent; sed postea insidiante parte adversâ, ipsum Monasterium à malis hominibus irruptum & exspoliatum fuerit, & omnes res, quas de supradicto loco, vel de reliquis locis, memoratus Amalgarius, vel conjux sua ibi delegaverunt, cum multis aliis rebus ablata. Unde memoratus Waldalenus relatione vestrâ pro firmitatis studio petiit Cellicitudi-

Confirmat  
Rex cuncta  
Besuæ col-  
lata.

a seu veni Benedicti] Quin hæc verba è margine in tex-

tum translata sint, nullus dubito.

nem nostram, ut quascumque res ipsius Monasterii seu præscripti loci in Dei nomine per Præcepti nostri auctoritatem deberemus confirmare. Cujus petitione mercedem æternam, & divinam nobis in omnibus acquirere cupientes, nos id præstitisse & confirmasse cognoscite. Præcipimus igitur, ut quidquid constiterit à præfato Amalgario & ejus matronâ Aquilina, vel ab aliis D<sup>ni</sup> timentibus hominibus, ipsi Monasterio collatum, ad integrum hoc habeat, teneat, & possideat, & nostris & futuris, Deo auxiliante, temporibus, ipsam scilicet Besuam cum omnibus appenditiis suis, cum terris & ædificiis, cum sylvis & accessibus omnibus, cum mancipiis & colonis & servientibus, totum liberrimè & integerrimè: Vetus vineas cum omnibus appenditiis suis & sylvis. Tilerias, Beriam, Tregias, Cypetum, Buxatellum, Vendoveram, Auxiliacum cum appenditiis suis, & sylvis & colonicis. Blaniacum, Berliariam, Baymam, Variacum, Attiniacum, Noviliacum; villam Calatunnam, Curtem Molinensem, Marcennacum cum vineis duodecim, & vinitoribus, & colonicis, qui excolere videntur. Apud Cocheiacum vineas non minimæ quantitatis. In pago Belhenli vineas octo, cum vinitoribus & colonicis. In villâ quæ Vâona dicitur, vineas, & terras, cum servis & ancillis excolentibus eas. Terras quas habebat in Divione, & in fine Domni Petri, & Longovico, & in Canavis, & in Arzillas, & Tremoldo, & Proviso, & Disto. In Gibriaco vinearum non modicam quantitatem, cum vinitoribus, & colonicis, & sylvis, & pratis, & omnibus adjacentiis suis, cum servis & ancillis, & omnia omnino liberrimè. In villâ & in Chaciaco quidquid habebat ipse Amalgarius. In villâ quæ Patriniacus dicitur, mansum unum optimum cum omnibus appenditiis suis. Villam Majescum cum adjacentiis suis. Villam Alteriacum, & villam Boensem similiter cum omnibus appenditiis suis. Villam Talamarum, & villam Ginceniacum. Omnia hæc integerrimè, ac liberrimè cum omnibus ad ea pertinentibus.

Ut autem hæc scriptio firma & stabilis in ævum permaneat, & à nullo nostrorum successorum sit permutanda, nostro nomine insigniri, & annuli impressione jussimus sigillari.

*Signum CLOTARII Regis.*

Datum mense Augusto, anno ab Incarnatione Domini DC. LVIII. indictione primâ, anno VIII. regni Clotarii. Actum Nemauso feliciter.

Non solum autem hæc confirmavit, sed & Defensorem & Advocatum Gengulfum, virum illustrissimum prædicto Monasterio constituit, quod ejus litteræ indicabunt.

*Quomodo CLOTHARIUS constituit Advocatum beatum GENGULFUM huic loco.*

**V**enerabilis vir Waldalenus Abbas de Monasterio S. Petri Fontis-Besuæ, quod suus genitor Amalgarius ejusque matrona Aquilina quondam suo opere vili fuerunt ædificasse, Clementiæ regni nostri suggessit eo quod ipsum monasterium à malis hominibus fuisset vattatum, & instrumenta cartarum unâ cum reliquis rebus quàm plurimis exinde fuissent deportata. Ob hoc petit à nobis, ut illustrer vir Gengulfus omnes causas ipsius monasterii ad persequendum & reintegrandum deberet recipere. Cui nos hoc beneficium præstitisse cognoscite. Quapropter per præfens hoc Præceptum jubemus, ut memoratas omnes causas ipsius Monasterii ex nostro permisso licentiam habeat protequi, & unumquodque, ut iustum est, restituat. Sic tamen quantum eorum pariter fuerit voluntas.

*Tom. II.*

Data xv. Calend. Septemb. Anno x. regni Domini Clotarii Regis.

His igitur auctoritatibus Regis, & Principum adiutoris fultus prædictus Waldalenus Abbas, res ad ipsum Monasterium pertinentes legitimè & quietè tenuit, & monasticum ordinem cum suis Monachis, sicut multis indiciis clarum est, regulariter & devotè custodivit. Cujus exemplo multi ad Monasticam religionem se contulerunt, sua secundum Domini præceptum, quædam pauperibus, quædam eidem loco sancto conferentes: quorum donationes ad huc retinemus, cum instrumentis cartarum.

Clotarius igitur Rex, postquam aliquot annis tenuit regnum, immaturâ præventus morte, reliquit illud sine herede. Cujus obitum dolentes Francorum Principes, germanum ejus Childericum Regem Austrasiorum, quem audierant sapienter & providè regnum disponere, in omni sublimant Francorum regno. Adeptus verò principatum, quidquid adversus leges Regum priorum ac majorum Principum, quorum vita quondam laudabilis exstiterat, ineptum atque contrarium reperit, ad pristinum statum prudentissimè revocavit.

Childericus ergo Rex paucis annis, quibus regnum Francorum obtinuit, æquo moderamine iustisque legibus disponens ipsum regnum, defunctus est. Et germanus ejus Theodericus in regno, fratris loco sublimatus, quod tenuit annis XVI. In diebus ejus sanctus Leodegarius est interfectus ab Ebroino Majore-domus & sanctus Lambertus Tugrorum Episcopus à Dodone Comite. In uno tempore innocentes occisi, coronam martyris sunt adepti. Ille Theodericus Rex munificentiam largitatis suæ huic loco impendere dignatus est, cujus exemplar Præcepti necessarium subijcere judicavimus.

*Incipit præceptum Regis THEODERICI.*

**M**erito beneficia, quæ possident, amittere videntur, qui non solum largitoribus ipsorum beneficiorum ingrati existunt, verum etiam infideles eis esse comprobantur. Ad hujusmodi igitur exemplum postquam omnibus patefactum est, qualiter Adalricus Dux Deo sibi contrario, nobis infidelis apparuit, & se Austrasiis confociavit, ut adversum nos & nostros fideles scelera sua, si Dominus Deus permitteret, exercuisset, nos propter ipsum facinus omnes res suas ad nostrum fiscum jussimus revocari. Cognoscat itaque utilitatis vestræ magnitudo, quod res nominatas Fiscifelinis unâ cum appenditiis suis, & adjacentiis, & cum colonicâ, trevario, & quidquid supradictus Adalricus de quolibet attracto ibidem tenuit, vel possedit, ei Monasterio, quod appellatur Fons-Besuæ, quod est in honore sancti Petri & Pauli, ac cæterorum sanctorum constructum, ubi venerabilis vir Waldalenus præfisse dignoscitur, plenâ & integrâ gratiâ totum nos concessisse. Quapropter per hoc nostrum Præceptum decernimus ordinandum, & in perpetuum volumus esse mansurum, ut memoratus Abbas Waldalenus prædicto Monasterio Fontis-Besuæ res jam dictas unâ cum ædificiis, mancipiis, accolabus, terris, & pratis, sylvis, pascuis, aquis, aquarumque decuribus, accessibusque omnibus, vel reliquis quibuscumque beneficiis, cum omni usu fructuario, ex nostræ largitatis munere perpetualiter recipiat possidendas. Et ut hæc præceptio firmior habeatur, & futuris temporibus inconvulsè teneatur, manus nostræ subscriptionibus eam decrevimus roborare.

*Signum THEODERICI Regis.*

Datum mense Septembri die IV. anno IV. regnante Theoderico Rege.

*Glybertus Notarius.*

*BBC II.*

664. sive 674.

677. vel 679.

Bona Adalrici Ducis fisco suo adjudicata, Rex confert Besuensi monasterio.

681.

Primi B. suæ  
Abbat.

**T**Empore igitur prædicti Waldaleni Monasticus ordo regulariter floruit, quem successores ejus Abbates, ut boni filii mores paternos æmulantes, in regulari institutione imitati sunt: Beicangus videlicet, qui illi in regimine successit, & Ferreolus, qui post Beicangum regimen Monasterii suscepit. Sed & Syranus vir religiosus pastorem curam nobiliter tenuit. Tamen itaque fundatoribus, plantatoribus, rigatoribus, Deo incrementum præbente, in prædicto Cœnobio monastica Institutio solerter viguit, permansitque usque ad tempora Pipini, Magni Caroli genitoris. In illo tempore, deficientibus jam à pristino vigore Regibus, cura totius Regni administrabatur per Duces & Principes domus, inter quos omnes præminebat Pipinus, quem supra retulimus, vir omni sapientia adornatus. ejusdemque regni maxima pars erat in manu ejus. Hic devicta Frisia, atque ipsius regni fugato Rege, nomine Ratbodo, misit illuc ad prædicandum servos Dei venientes ex Britannia, Willebrordum & socios ejus, qui non parvam populi multitudinem ad Christum converterunt. Theoderico Rege defuncto Childbertus filius ejus successit in regnum.

Anno ab Incarnatione Domini DCC. IX. Pipinus perrexit in Suvanos, &c. *ut in Chronico S. Benigni.*

Anno LCC. LIII. Dominus Pipinus Rex sacertus est per Manus Stephani Papæ; & duo filii ejus Carlomannus & Carolus, qui Magnus dictus est.

Pipinus igitur Rex habuit quemdam fratrem, nomine Remigium, cui in Burgundia plurima loca concessit. Inter quæ etiam res ad Episcopatum Ecclesiæ Lingonensis pertinentes quas sibi visum est, suis affectis dimisit. Sed, ô nefas! Monasterium hoc Anglæ uxori cujusdam Theodardi, quia ejus stupro potitus fuerat, non custodiendum, sed diripiendum dedit. Quam præsumptionem, ut dignum erat, indignè ferentes Monachi, Monasterium reliquerunt, præter paucos ætate & debilitate confectos. Reliqui verò Luxovium Cœnobium expetiverunt, aliaque Monasteria, in quibus novant ordinem monasticum permanere.

Prædicta autem Anglæ res monasterii, ut talem decebat, disponebat. Ab ingressu autem sacrosanctæ Basilicæ Apostolorum senibus illis qui remanserant prohibentibus, aliquamdiu temperavit: sed postquam cætera sacra loca impunè temeravit, etiam ipsum Oratorium audacter ingredi præsumsit, statimque quia contra Deum velaret, experta est. Nam ut à viris fide dignis, qui ab eis qui præsentibus fuerunt, & viderunt, & audierunt, comperimus; statim ut ingressa est prædictum Oratorium, invisibili igne ardere cœpit, magnisque clamoribus se exuri vociferans, ut in fluvium Besuæ, qui juxta decurrit, deportaretur, postulabat. Quod illico factum est, sed non valuit talis aqua talem extinguere ignem. Tunc ad fontem misericordiæ cucurrit, prædictis senibus monentibus, & decem senibus, sicque salvari meruit; prius tamen temeritate confessa emendationem in reliquo talis præsumptionis promissit. Honoravit etiam prædictum locum donariis quibus potuit, quorum quædam, ob testimonium tanti ausus, apud nos servantur.

Postquam autem remoto Remigio Episcopatus Lingonensis Episcopis legitimis cedit, hoc monasterium ab Episcopo receptum est. Sed non fuit illi cura digna Pastore, ut oves dispersas ad proprium ovile revocaret; magis gaudens quod res Monachis delictæ in suos suorumque usus cederent: sicque Monasticus ordo ex hoc loco penitus est deletus; nullique succedentium Episcoporum curæ fuit, ut pristina religio in hoc loco repararet. Sed alii

Abbates Canonici ordinis constituerunt; alii sibi servandum decreverunt, donec ad piissimi augustæ recordationis Ludovici Imperium ventum est.

Anno IV. Pipinus Rex intravit Longobardiam, &c. *ut in Chronico S. Benigni.*

In diebus Ludovici Imperatoris Episcopus Lingonensis, Betto nomine, fecit quasdam divisiones de terrâ sancti Petri, sicut hic demonstrabimus.

**N**OTUM fiat posteris, & memoriæ commendetur, quod ante illustrem virum, Hildegarnum Comitem, seu Judices, quos Scabineos vocant, & quam plures personas, qui cum eo aderant, in Montaniaco villâ, in mallo publico, ad multorum causas audiendas, & rectas justitias terminandas, ibi veniens Betto Episcopus, & Advocatus suus Burgoardus, novem legitimos testes ibi præsentavit, quorum nomina hæc sunt; Simeon, Agano, Bertramus, Gono, Marchirius, Adalardus, Gervio, Gerento, Syranus. Isti testificaverunt & juraverunt de finibus Besuensis monasterii, quod à fine Pontense, & à fine Vendobrinse seu Vilense, & Vetus-vendobrinse, & Vaurinse, & Tillense, & vetus Vinienſe & Bultellense, & Bultense, & Lucense, Burburenſe, & Brechelpo-villare, per istas marcas, inter ipsos fines immunitas sancti Petri est ad integrum, & in loco qui dicitur Boscus Monachorum similiter; & in alio loco qui dicitur Longo Bosco immunitas sancti Petri ad integrum. Et in alio Longo Bosco communitas. Et in ipso fine Bultellense immunitas ad integrum, & ab ipso fine Bultellense usque ad viam Petrosam. Et deinde usque ad stratam tractam: & deinde usque ad finem Burburenſem, atque Vilarum, immunitas sancti Petri est ad integrum. Per istas marcas euntes ipsi novem testes, quos supra nominavimus, misso secum Balaeterio illustri viro ab Hildegarno Comite, & à suis scabineis, dixerunt & per judicium testificaverunt, quod à tempore Pipini Regis & deinceps per tempus Domini Caroli Magni Imperatoris vidissent inde legitimas vestituras ad partem sancti Petri haberi, ita ut nec Aldo, nec heredes, ullam legitimam vestituram exinde unquam habuissent, sed per legem & per justitiam vestitura S. Petri Fontis-Besuensis erat. Tunc ipsi scabinei unanimiter judicaverunt, quod omni tempore ipsæ res per illas marcas ad partem sancti Petri essent vendicæ, atque legibus conquestæ. His præsentibus testibus: Balaeterio, Madalberto, Beato, Eppleno, Baldrico, Aifono, Vormerio, Milone, Albrico Notario, Ferlagio, Leuduino, Arberto, Servio. Walterius præfatus fuit & subscripsit. Data notitia die Mercurii proximâ in mense Maio, anno II. regnante Domino nostro Hludovico Rege atque Imperatore.

Notitia, qualiter ante Bettonem Episcopum & Balaeterium Vicecomitem, ad vicem Hildegarni Comitis, seu scabineorum qui ibidem aderant, veniens Bernardus Advocatus monasterii sancti Petri Fontis-Besuæ, & Betto Episcopus, in fines Bodingis villæ, & Alteriaci-villæ, ibi dedit tredecim testes appellatos his nominibus; Ursnaldum, Aglardum, Guirindum, Marcherium, Aggonem, Symeonem, Garinum, Adalardum, Syannum, Winierium, Ulgerium, Amalerium, Flauminum, isti testificaverunt quod inter illas veteres villas, quarum una pergit de Alteriaco-villâ ad Colonias villam, & altera pergit de Turto-villâ ad Villarum, inter istas duas vias usque ad locum qui dicitur Vaccaria, & illum fontem, qui dicitur Springus, terra sancti Petri est, tam in campis, quam in sylvis, & semper exinde vestita fuerit ipsa casa Dei, monasterium scilicet sancti Petri Besuensis, per legem & per rectum. Actum his præsentibus, Madalber-

Res Abbat  
Monachis Be-  
suensibus re-  
stituuntur.

751.  
Res Ecclesiæ  
Lingon. laico,  
& mona-  
sterium Be-  
suense mulie-  
ri à Rege tra-  
dicta.

Nota Autho-  
ris ævum.

Eliminatis  
Monachis  
Canonici sub-  
stituuntur.

817.

Quandiu Mo-  
nachi à Be-  
suenſi cœno-  
bio exulavere.

Quâ de cauſa  
revocantur  
Monachi.

to, Adalelmo, Balatterio Vicecomite, Urſnado, Gunduino, Flaumiro, Syrahno, Aglaro, Marcherio, Aggone, Girvio, Adalardo, Winerio, Ulgerio, Bettone Vicario & miſſo ab Hildegarno Comite, Zizone, Unibaldo, Hugberto, Aribasto, Vebalſo, Laipno. Ego Aldoerius Lector hanc Notitiam ſcripſi; anno quarto Imperii Domni noſtri Hludovici Regis atque Imperatoris.

Cum verò inimicus totius boni diabolus compeſciſſet hoc Beſuenſe monaſterium religione florere, indoluit terrigenas illuc humilitate & obedientiâ conſcendere, unde ipſe ſuperbiâ & inobedientiâ corruerat. Egit itaque ut monaſticus ordo ex hoc loco penitus deletus eſſet. Nec hoc parvi temporis intervallo, ſed à tempore Pipini Regis, & tempore Caroli uſque ad tempus Domni Hludovici Imperatoris duravit. Hic enim Bettone Epifcopo defuncto, Albericum virum dignum Epifcopatu, Eccleſiæ Lingonenſi conſtituit. Qui hunc locum tali ex cauſa noſcitur reſtauraviſſe. Erat prædictus Epifcopus in Beſuâ ſanus & hilaris, cum ſubito gravifſimo dolore inteſtinorum corripitur, nullumque remedium tanti cruciatûs conſequi poterat. Medicis autem multum laborantibus, & nihil proficientibus, deſperare cœpit, & de ſolâ morte cogitare. Omnibus autem ſuis gementibus & flentibus, & mortem ejus exſpectantibus, ipſe in ſomnum deductus eſt, viditque in ſomnis venire ad ſe venerandâ canicie reverendum virum, à quo cum interrogaretur quomodo ſe haberet, reſpondit, ut erat, nimis doloribus urgeri ad mortem. Tum ille requiſivit quam mercedem retribueret illi, qui ei à Domino, non ſolùm vitam impetraret, ſed & ſalutem, & diuturnitatem. Reſpondit: Quamvis nulla recompensatio digna eſſet talibus promiſſis, tamen quantum poſſet & ab illo imperaretur, rependeret. Tum ille ſenex: Monaſterium hoc, inquit, ſub meo & fratris mei Pauli nomine, Domino conſecratum fuit, & bonis fratribus ac Deum timentibus Monachis habitatum, nunc verò, ut ipſe cernis, deſolatum eſt: promitte ergo mihi ut hunc locum reſtaures, & monaſticum ordinem in eo repares. & tibi à Domino ſalutem impetrabo. Promiſit ſub jurejurando, & à ſomno excitatus eſt, ſtatimque cum omnis dolor deſeruit, ac ſi illis diebus nullum eſſet expertus cruciatum, ſurrexit ſanus, luſtusque omnium in gaudium converſus eſt. Retulit quid viderat, quid etiam ipſe promiſerat, & ſub quâ conditione ſalutem meruerit. Precatur omnes ut adjuutores exiſterent ad implendam promiſſionem. Quanto autem ſtudio, quantâque curâ memor juramenti & promiſſionis hoc monaſterium reparaverit, melius ipſa opera quàm verba teſtantur. Monachos ex monaſteriis ſumptos adunavit, Abbatem præfecit, & non ſolùm res ad ipſum monaſterium pertinentes reſtituit, ſed & alias res de Epifcopatu Eccleſiæ ſuæ, cum conſilio ſynodi provincialis, & conſenſu Eccleſiæ ſuæ ſubjecit. Hic itaque Albericus Epifcopus timens quod experimento didicerat de eodem Beſuenſi monaſterio, ne de rebus quas ei donaverat per ſucceſſorum pravam pervationem iterum ſpoliaretur, ſtudit non tantum ſuâ, ſed etiam regali authoritate confirmare quæcumque ad præſens ſuâ vel in poſterum aliorum fidelium munificentia poſſideret. Adiit itaque Ludovicum Imperatorem, & ſuper hac re Regale Præceptum quaſiavit. Annuit Imperator, & ſicut ſcriptum eſt infra, ſuâ authoritate confirmavit.

*Præceptum Hludowici Imperatoris.*

**I**N nomine Domini Dei & Salvatoris noſtri JESU CHRISTI, Hludowicus & Hlotarius divinâ or-

dinante providentiâ Imperatores Auguſti. ſupplicatio-  
nibus fervorum Dei juſtis & rationabilibus divini  
cultûs amore favemus, ſupernâ nos gratiâ muniri  
non diffidimus. Proinde comperiat omnium fidelium  
noſtrorum, præſentium ſcilicet ac futurorum ſoler-  
tia, quia ſuggeſſit manuſcripti noſtræ vir venera-  
bilis Albericus Lingonenſis Eccleſiæ Præſul, quali-  
ter quamdam Abbatiam, cujus vocabulum eſt Beſu-  
Beſuus, ex rebus videlicet Epifcopatûs ſui, ubi quon-  
dam Monachi regulariter viventes fuerant, ſed mo-  
derno tempore penitus erat deſtructa, à fundamen-  
tis reedificavit, adificia congrua conſtruxit, Mona-  
chos adunavit; Abbatem etiam nomine Seraphini  
præfecit. Et ut Monachi in eodem loco Domino ad-  
juvante congregati melius & liberiùs ſub normâ ſan-  
ctæ Regulæ Deo militarent, non ſolùm res quæ ad  
prædictam Abbatiam legaliter pertinebant, ibi red-  
didit, ſed etiam alias res de præfato Epifcopatu ibi-  
dem ſubjecit; ſed & conſtitutionis Cartulam, quam  
ipſe unâ per conſenſum Metropolitani ſui Agobardi  
Archiepifcopi, & ſuffraganeorum ſuorum, necnon  
& cleri ſibi ſubjecti, & quorundam laicorum nobi-  
lium confirmaverat, nobis oſtendit, in quâ plenius  
conſcriptum erat, non ſolùm res ad jam dictam Ab-  
batiam legaliter pertinentes ibi reddidiſſe, verùm  
etiam ei quaſdam res de memorato Epifcopatu ſuo  
ibidem ſubjeciſſe. Quarum hæc ſunt nomina. Pau-  
liacum cum appenditiis ſuis, Bellenavum vicum cum  
ſuis appenditiis, Arconem cum appenditiis ſuis. Iſtas  
villas cum omnibus adjacentiis, ſeu & omni re ſu-  
perpoſitâ, campis, pratis, ſylvis, pomiferis, pa-  
ſcuis, accessibus, aquis, aquarumque decurſibus,  
& omnes redditus, totum ad integrum, unâ cum  
mancipiis, libertis, cum omni peculio ipſorum, unâ  
cum accolabus dedit ad ſervitium Monachorum jure  
perpetuo ad poſſidendum. Eccleſiam etiam, quæ eſt  
in ipſâ Belenavo villâ, in honore ſancti Stephani  
prorsus ab omni conſuetudinali exactiōe liberrimam.  
Eccleſiam quoque de villâ quæ dicitur Danbrum cum  
appenditiis ſuis, & villam Danblim cum Eccleſiâ &  
omnibus appenditiis ſuis. Et villam Treſcaſas cum  
Eccleſiâ, & omnibus appenditiis ſuis. Item Eccle-  
ſiam de villâ quæ dicitur S. Sequani cum appenditiis  
ſuis: & Eccleſiam de villâ Morniacum cum omnibus  
ad eam pertinentibus. Necnon Eccleſiam, quæ eſt  
in valle Verona in honore ſancti Mauricii. Eccleſiam  
de villâ Berâ in honore ſancti Laurentii cum omni-  
bus appenditiis ſuis. Præterea in territorio Divionenſi  
decimas illarum vinearum, quas donaverat huic Ec-  
cleſiæ Dominus Amalgarius Dux & fundator hujus  
ſacri cœnobii. Apud villam quæ dicitur Fiſcinis vi-  
nearum non modicam quantitatem, cum pratis, &  
campis, & ſervis & ancillis ad ea excolenda. Et in  
villa Fiſciaco vineas ſimiliter: & in Marcennaco  
ſimiliter. Horum omnium factâ donatione, preci-  
bus quibus valuit exorans noſtram Clementiam, ut  
ſuper eandem conſtitutionem noſtram authoritatem  
firmitatis gratiâ mererentur habere, qualiter prædi-  
ctus locus, quem pro divino amore, & noſtrâ ele-  
moſynâ reſtauravit, & Monachos ibi congregavit,  
qui pro nobis & cuncto populo nobis ſubjecto perpe-  
tuum Domini miſericordiam exorent, noſtrâ authori-  
tate confirmatus eſſet. Videlicet ut ſi cuilibet ſucceſ-  
ſorum ejus animo ſederit, ut alias res ibi ſupera-  
dere velit, in ſuo jure & poteſtate, ſalvâ diſcretio-  
nis ratione, id faciendi permaneret. Sin autem ſua  
devotio quæ per conſilium tantorum bonorum viro-  
rum facta & confirmata eſt, noſtro liberalitatis præ-  
cepto firma & ſtabilis permaneret. Cujus petitionem  
dignam ac rationabilem judicantes, hos noſtros Im-  
periales apices fieri juſſimus: per quos decernimus  
atque jubemus, ut memoratus ordinationis modus,

E B e iij

Albericus  
Epifc. Ling.  
Beſuenſi mo-  
naſt. inſtaur-  
at.



quem prædictus venerabilis Albericus Episcopus in præfato loco constituit, inviolabilis permaneat, & nullus Rector qui in eodem loco successerit, licentiam habeat præscriptum ordinem permutare, aut res quas ibi reddidit, sive subjecit, ullo modo auferre; sed ejus constitutio per hanc nostram Confirmationem firma & stabilis permaneat. Et ut hæc autoritas confirmationis nostræ per futura tempora inviolabilem atque inconvulsam obtineat firmitatem, de annulo nostro subter illam jussimus assignari.

*Signum HLUODOVICI Imperatoris.*

*Signum HLOTHARII filii ejus.*

830.

Actum anno ab Incarnatione Domini octingentesimo xxx. Indictione viii. Epactâ xv.

Susceptâ deinde regali autoritate Albericus Episcopus, confirmatisque, ut prædiximus rebus, rediens domum, ut præsentibus notum atque futuris fieret, propriam inde conscriptionem fecit, in quâ omnia quæ huic cœnobio donaverat, quæque in posterum futurorum fidelium largitate donanda sperabat, inferens, sic ait.

*Carta Domni ALBERICI Episcopi.*

**I**N nomine Domini JESU CHRISTI, notum sit omnibus fidelibus sanctæ Dei Ecclesiæ, quod ego Albericus dono Dei Episcopus Lingonensium reperi locum jam dirutum, quod dicitur Fons-Besuus, in honore constructum sanctorum Apostolorum Petri & Pauli, necnon & aliorum, ubi jam olim Monachi regulariter Deo famulati fuerant, sub Amalgario Duce, permittente Clotario Rege. Ideoque ob amorem Dei & veniam delictorum meorum, Deo inspirante, cogitavi reedificare supradictum locum, permittente gloriosissimo Augusto Ludovico, & consentiente piissimo filio ejus Lothario Imperatore, congregavi ibi Monachos sub Abbate nomine Seraphim, qui regulariter degerent, & Deo in perpetuum fideliter deservirent. Concessi enim eis quidquid supradictus locus per cartarum donationem assignatus est; & quidquid nostri prædecessores de hoc loco abstraxerant, propter elemosynam supradicti Principis, ejusque filiorum libenter restauravi. Ideoque per consilium Archiepiscopi nostri Agobardi & consentientibus Coepiscopis nostris necnon & piissimis nostris Principibus, seu omni Clero, necnon & omnibus fidelibus Ecclesiæ nostræ, addidimus de Episcopatu nostro villas his nominibus: Pauliacum cum appenditiis suis, Bellenavum vicum cum suis appenditiis; Arcionem cum appenditiis suis. Istas villas cum omnibus adjacentiis, seu & omni re superpositâ, campis, pratis, sylvis, pomiferis, pascuis, accessibus, aquis, aquarumque decursibus, & omnes redditus, totum ad integrum, unâ cum mancipiis, libertis, cum omni peculio ipsorum, unâ cum acolabus, dedi ad servitium Monachorum jure perpetuo ad possidendum. Ecclesiam etiam quæ est in ipsâ Bellenavo villâ in honore sancti Stephani, prorsus ab omni consuetudinali exactione liberrimam. Ecclesiam quoque de villâ quæ dicitur Dambrun, cum appenditiis suis, & villam Trescasas cum Ecclesiâ & omnibus appenditiis suis. Item Ecclesiam de villâ quæ dicitur sancti Sequani cum appenditiis suis; & Ecclesiam de villâ Morniacum cum omnibus ad eam pertinentibus: necnon etiam Ecclesiam quæ est in valle Veronâ in honore S. Mauricii, & Ecclesiam de villâ Beriâ in honore S. Laurentii, cum omnibus appenditiis suis. Præterea in territorio Divionensi decimas illarum vinearum, quas donaverat huic Ecclesiæ Domnus Amalgarius Dux & fundator hujus sacri cœnobii. Apud villam quæ dicitur Fiscinis vinearum non modicam quantitatem,

cum pratis & campis, & servis, & ancillis, ad ea excolenda. Et in villa Fisciaco vineas similiter. Et in Marcennaco similiter in substantiam Monachorum, & alimoniam pauperum, & ut ibidem delectetur servis Dei Domino servire, & pro Rege ejusque conjugē, & liberis ipsius, & totius Imperii ejus stabilitate, jugiter Domini misericordiam implorare. Eâ videlicet ratione hoc constituimus, ut semper subiectus sit jam dictus locus Ecclesiæ sancti Mammetis, & ut nec ego ipse, nec ullus de successoribus meis hanc conscriptionem violare præsumat, Domini Imperatoris confirmationem in eâ fieri postulavi. Actum Lingonis civitate publicâ. In Christi nomine Agobardus Lugdunensis Ecclesiæ Archiepiscopus subscripsi. Angericus Episcopus subscripsi. Albericus Episcopus à me facta subscripsi. In Christi nomine Faova Cabilonensis subscripsi. Modoinus Augustudunensis subscripsi. Winitarius indignus Abbas Calticensis subscripsi. Audinus indignus Corepiscopus subscripsi. Motuinus indignus Presbyter subscripsi. Hiltibaldus Matiscensis Episcopus subscripsi. Ragenardus Presbyter subscripsi. Ego in Dei nomine Jacob licet indignus Corepiscopus subscripsi. Sigouldus Presbyter subscripsi. Woanilo Presbyter subscripsi. Adalbertus Presbyter subscripsi. Simeon Presbyter subscripsi. Unricus Diaconus subscripsi. Bajus Diaconus subscripsi. Beatus Diaconus subscripsi. Fridericus subscripsi. Teuthmarus subscripsi. Rogenaldus subscripsi. Signum Humberti. Signum Hiltanni. Signum Bertardi. Signum Fulcrini. Signum Erucic. Signum Radaldi. Betto subscripsi. Bernorogitus subscripsi. Ragnoardus subscripsi. Bavvo subscripsi. Ragenardus subscripsi. Hilpericus subscripsi. Hildigifus Presbyter subscripsi. In Christi nomine Bernardus Archiepiscopus subscripsi. Godelfads Abbas subscripsi. Birico ac si indignus Levita subscripsi. Actum anno ab Incarnatione Domini octingentesimo xxx. Indictione viii. Epactâ xv. xii. Calend. Decemb. Anno Christo propitio xiv. Imperii Domni Ludovici Imperatoris, & Lotharii Augusti filii ejus vi.

Tempore verò Domini Alberici Episcopi, factæ sunt plurimæ commutationes, vel coemptiones terrarum, tam ab ipso Pontifice, quàm à rectoribus loci istius. Inter quas facta est commutatio à Seraphim Abbate nostro, & Herleberto Abbate Divionensi. Dedit Herlebertus in villis Luco, & Veronâ, quidquid erat juris S. Benigni: & Seraphim è contrâ tradidit terras S. Petri, quæ erant in Divione, & in fine Domni-Petri & Longo vico, & in Canavis, & in Arzilerias, & Tremoldo, & Fontanis, & Proviso, & Disto. Nec suffecit huic loci istius amatori Alberico Episcopo, suo tempore munificentissimè locum istum ampliare, sed audiens qualiter Betto Episcopus, prædecessor suus fines Besuensis territorii legaliter novem legalibus testibus terminaverat, suâ autoritate idipsum confirmavit. Ipso tempore quidam Hligarius nomine dedit ad hunc locum in Aquatovillâ terram hereditatis suæ, pro peccatis suis minuendis. Hoc est mansum indominicatum, unâ cum domo, & horreo. Habet verò ipsa terra perticas arpennales in longo quadraginta tres, & pedales 10. & in lato de uno capite superiore perticas novem, & pedes 4. Totum ad integrum, tam terris, curtiferis, quàm ædificiis desuper positis, campis, pratis, sylvis, pascuis, aquis, aquarumque decursibus, totum ad integrum dedit.

Similiter quidam Widaldus nomine, vendidit Domino Alberico Episcopo terram in villâ Casoto, mansum unum, & de terrâ jornales septem. Dominus verò Albericus dedit eam sancto Petro. Item alius quidam Aylardus nomine, res juris sui sitas in



pago Atoariense, in loco, qui dicitur Bustellus, & in ipsâ fine Bustellense seu & ibidem aspiciente, quidquid ibidem gentrix sua visa fuit habere, tam in mansis, quàm campis, pratis, sylvis, pomiferis, pascuis, accessibusque omnibus vendidit Domino Alberico Episcopo, per manus Abbatis Seraphim, Radulpho, & Amalarico testibus XII. in Cal. Feb. anno XVI. imperii Ludovici.

*Carta Teutonis Abbatis.*

Similiter etiam facta est commutatio inter Abbatem Besuensem nomine Seraphim, & Abbatem Theutonem Monasterii sancti Leodegarii, quod Capellenense nominatur, cujus series ita se habet.

Auxiliante Domino nostro JESU-CHRISTO placuit, atque convenit coram Domino Alberico Lingonensi Episcopo, inter Abbatem Seraphim, & Theutonem Abbatem de Monasterio sancti Leodegarii, ut aliquid de terris sancti Petri Besuensis, & sancti Leodegarii, pro communi oportunitate mutare deberent, quod ita fecerunt. Dedit Theuto Abbas de parte suâ ad partem Seraphim, coram Alberico Episcopo in cœnobio S. Petri Besuensis, curtile unum situm in villâ Besuâ. Habet idem curtile in longo perticas arpennales 48. & in transverso perticas arpennales 3. & pedales 7. De utroque latere terra sancti Petri est. Dedit autem Albericus Episcopus, & Seraphim Abbas de terrâ sancti Petri Besuensis, ad partem Theutonis Abbatis sancti Leodegarii, curtile unum situm in villâ Baciaco. Terminatur autem ab uno latere terrâ Flaviniacensis Monasterii, & habet perticas arpennales 16. in transverso perticas arpennales quinque. Similiter in alio loco in ipsâ fine Basciacense peciolam unam de terrâ, quæ habet in longum perticas arpennales 8. & in transverso perticas arpennales 4. Si quis verò, quod nec fieri credimus, de heredibus nostris, aut qualibet persona contra hanc commutationem venire conatus fuerit, inferat ei, cui litem intulerit, duas uncias de auro. Actum Fonte-Besuâ Monasterio publico 3. Calend. April. anno 13. Imperii Domini Hludovici Imperatoris.

*Carta de Bustello.*

Anno quinto decimo Imperii Hludovici, Dominus Albericus Lingonensis Episcopus emit terram de quâdam fœminâ, nomine Adda, & Laburdo, & Albuino, & Laibulfo, quæ sita est in loco, qui dicitur Bustellus, qui est in fine Vetus vineis, omnia quæ habere videbantur in ipso Bustello, & in Blaniaco, tam terris, curtiferis, quàm ædificiis desuper positis, campisque, pratis, sylvis, exaratis, pomiferis, pascuis, aquis, aquarumque decursibus, accessibusque omnibus. Omnia ex integro vendiderunt, & acceperunt pretium solidos quinquaginta.

*Item Alia.*

Anno 18. Imperii Hludovici iterum emit Dominus Albericus Lingonensis Episcopus servos, Arlebardum, atque Hayconem, cum ancillâ, nomine Humeldi, & filiabus suis, Adalberga, & Eldeardi, de quodam Nerduino nomine, qui accepit in pretium solidos 15.

Ludovico Pio terreni insignia regni anno Dominicæ Incarnationis octingentesimo quadragesimo perpetuâ felicitate commutanti, &c. ut in Chronico S. Benigni.

*De obitu Alberici Episcopi.*

Non est nostræ possibilitatis verbis ostendere, quantæ devotionis erga hunc locum Dominus

Albericus Episcopus exstiterit, quantumque cum dilexerit. Verumtamen si verba nostra ad hoc non sufficiunt, opera ipsius & beneficia clamant & ostendunt. In hoc enim apparet illum Monasterium istud super omnia dilexisse, quod quæcumque potuit, & undecumque huic loco attrahere, non omisit. Annotavimus quædam de donariis ipsius, prout tenuitas memoriæ nostræ recordari potuit. Quorum quædam adhuc retinemus, & possidemus, quædam partim debilitate nostrâ, partim infidelitate pervasorum perdidimus. Est apud nos pallium satis pulchrum visu, columbis in eo seriatim & pulcherrimè contextis, unde ipse multis diebus infulam habuit. Sunt apud nos de libris, quos ipse sanctis Apostolis Petro & Paulo obtulit. Textus Evangeliorum unus. Augustinus ad litteram. Liber Regum cum Actibus Apostolorum in eodem volumine. Beda super Lucam. Quippe non immeritò sperabat salutem, & vitam animæ pro eos Domino JESU-CHRISTO consequi, per quos sanitatem corporis & valetudinem receperat. Hujus itaque spei atque fidei constantiâ fîsus, postquàm plurima huic loco ante se præmisit, ad extrema vitæ propinquans, in hoc Monasterio se sepeliri voluit: quod & factum est. Jacet namque benedictum corpus ipsius ad dexteram partem Altaris sanctæ Mariæ: anima verò ipsius cum electis & sanctis requiescat in pace, Amen.

*Carta de Auxiliaco.*

Per idem tempus defuncto Seraphim Abbate qui vices Pastoris in hoc tenuerat, successit ad regimen animarum Walcaudus Abbas, eundem in Ecclesiasticis gerens officium. Obeunte itidem Alberico Episcopo Lingonum, Teutbaldus Episcopus adeptus est cathedram. Hic sicut prædecessor suus, studiosus hujus loci cultor, fecit commutationes terrarum in aliquibus locis cum quibusdam hominibus. Quidam namque, Eurulfus nomine, pro remedio animæ suæ per consilium Teutbaldi Episcopi, dedit sancto Petro Besuensis cœnobii unum campum, situm in villâ quæ dicitur Auxiliacus, cui terminatur de uno latere terra sancti Leodegarii, de alio verò ipsi heredes tenent, de unâ fronte fluvio percurrente, de aliâ verò fronte, stratâ publicâ. Infrâ verò istas terminationes totum contulit ad integrum sancto Petro. In alio etiam loco campum unum, in eadem villâ, quæ habet terminationes, ex uno latere sylvam communem, de altero verò latere viam publicam. Ex unâ fronte terram Godefredi, de aliâ itidem fronte ipsi heredes tenent. Similiter in alio loco pratum unum, qui habet terminationes, ex unâ fronte, fluvium procurrentem, ex aliâ verò fronte, & ex uno latere ipsi heredes tenent. Signum Adalmari: Signum Odolgarii.

*Carta de Maiafco.*

Omnes itaque Teutbaldus Episcopus, & Walcaudus Abbas fecerunt commutationem cum quodam Wlfrico nomine, de terris eorum. Dedit ergo Wlfricus de parte suâ ad partem sancti Petri, campum unum situm in pago Atoariense, in villâ quæ dicitur Maiafco, seu in ipsâ fine; qui habet terminationes, ex uno latere terram sancti Petri, ex alio verò terram ipsius donatoris, & ex unâ fronte terram sancti Mammetis, ex aliâ verò fronte stratam publicam, & habet perticationes in longo, perticas 25. pedum 10. & in lato perticas 11. & ex ambabus frontibus perticas 11. pedum 4. E contra dedit Walcaudus Abbas de parte sancti Petri ad partem Wlfrici, campum unum situm in pago Atoariense, in villâ quæ dicitur Maiafco. Ubicumque ergo potuit, Teutbaldus Episcopus

Walcaudus  
Abbas Be-  
suensis.

hunc locum nostrum immeliorari curavit. Post cuius obitum Domnus Isaac suscepit præsulatum. Hic prædecessorum bonum sequens exemplum, multa bona huic Monasterio contulit.

CAROLUS igitur, qui cognominatus est *Calvus*, Imperium adeptus, Ecclesiarum Dei cultor devotus, omni nisu, quo potuit, studebat in cultu Religionis depravata corrigere, destructa reedificare, collapsa erigere. Anno Dominicæ Incarnationis DCCC. LXXI. regens Francorum regnum, erga cultum Ecclesiæ fuit studiosissimus; quapropter multa evicit pericula, & regni ejus semper augmentabatur gloria. Defuncto liquidem Pipino fratre suo Rege Aquitanie, filioque ejus in regno subrogato, moderationem regni non strenuè agens, à suis derelictus, ac dejectus est, & Monachus in Monasterio sancti Medardi factus: Carolus verò à cunctis Principibus expetitus, Aquitanie Regnum est adeptus. Post non multos etiam annos mortuo Lothario Imperatore fratre ejus, Carolus suscepit Imperium. Sed Ludovicus alter frater cupiens invadere Monarchiam Regni, iterum contra Carolum bellum concitat, Nortmannos, ceterasque gentes in regnum Caroli evocat: auxiliante autem Domino Carolus fratrem de finibus suis expulit, & Nortmannos intra Neustriam compressit. Hæc fuit secunda eruptio Nortmannorum in Franciâ. Aliquantis transactis annis Ludovicus defunctus est, reliquens tres filios, Ludovicum scilicet, Carolmannum, & Carolum.

*Carta de Luco.*

Warinus Abbas.

Defuncto igitur Walcaudo Abbate, Warinus successit. Hujus itaque diebus, quidam homo, Baldricus nomine pro remedio animæ suæ, & genitoris sui, nomine Romani, reliquorumque antecessorum suorum dedit sancto Petro unum mansum, qui est in Luco superiori, vel in ipsâ villâ Lucensi, cum omnibus appenditiis suis, & habet terminationes ex uno latere, & de unâ fronte terram sancti Marcellini, & ex alio latere, & de unâ fronte, fiscum similiter. De rebus autem suis, quæ sunt sitæ in ipso pago, & in fine Lucensi, seu in ipsâ villâ Luco, mansum cum suprâ positis, campis, pratis, curtiferis, sylvis, pascuis, pomiferis, & uno molendino in Busceriâ, aquis, aquarumque decursibus, exitibus & regressibus, accessibusque omnibus, quidquid de parte genitorum suorum, vel quidquid per instrumenta cartarum conquirit, totum jure perpetuo, eidem cœnobio tradidit. Post aliquantos autem annos veniens quidam Utlaius nomine, ante Evam dominam suam in campo limbo proclamabat, quod partem habere deberet in molendino, quem Josmundus Clericus, & frater suus Baldricus dederunt sancto Petro in Luco, absque ullius contradictio. Jussit itaque Eva fidelibus suis, ut irent cum prædicto Utlai, ad Monasterium Besuæ pro tali causâ inquirendâ. Venit ergo Aldricus à partibus Utlai cum cæteris quàm plurimis, movens rationem de prædicto molendino contra Abbatem, vel Monachos. Itaque Monachi testes habuerunt quàm plurimos, & contra Utlaius nullum inde habuit testem, quia omnes sciebant eum esse mendacem. Sicque ipse suâ fraudatus, quidquid calumniabatur, totum Monachis dimisit, ac wirpivit. Postea verò Teutbertus Abbas qui suprâ memorato Warino successerat, ipsum molendinum Utlai eâ ratione recondonavit, ut si in deterius devenisset, 30. solidos persolveret. Habet autem idem molendinum terminationes de ambabus partibus tilam, & ex unâ fronte Isaac & uxor ejus tenent, & de aliâ fronte est exitus, & re-

Teutbertus Abbas.

gressus, & semita, quæ ad ipsam farinarium pergit.

*Carta de Vetus-vineis.*

Quidam etiam Miles Divionis castri, Epplenus nomine, pro remedio sui, atque parentum suorum, dedit huic Besuensi Ecclesiæ, in villâ, quam Veteres-vineas vocant, vel in finibus ejusdem villæ tantum spatium de terrâ arabili, ubi possunt seminari annonæ modii centum.

*Carta de Auxiliaco.*

Alius quidam homo, nomine Rogerius, donavit eidem Ecclesiæ campum unum, qui est situs in pago Atoariorum, in villâ Auxiliaco, & habet terminationes de uno latere, terram sancti Petri, de alio terram fiscalem, de unâ fronte stratam publicam, de aliâ Vincennam fluvium percurrentem.

*Carta de Luco.*

Cum resideret venerabilis Episcopus Isaac in Cathedrali Episcopali, in villâ Basiaco, omnisque clerus ipsius promptus undique ad eum congregaretur: caterva quoque admodum nobilium Abbatum cum Archidiaconibus, & Presbyteris, cœtuque universo in Synodo generali, quiddam de causis Ecclesiasticis ordinatura: inter cætera sancta colloquia, quæ pariter habuerunt, altercatio quædam exorta est inter Ansuinum sancti Martini Lucensis Presbyterum, & Adalardum ejusdem villulæ sancti Marcellini Presbyterum, de decimis ipsarum Ecclesiarum, loquente Ansuino, quod omnis decima cum integritate ab antiquo suæ fore Ecclesiæ; quæ contrario proficiente, & toto annu Adalardo reluctante, suæ Ecclesiæ prorsus magis esse debere; continuo itaque in ipsâ synodo exurgentes testes valde præclari & idonei, superius memorati Ansuini Presbyteri, qui veris indiciis Adalardum refutantes, approbaverunt & definierunt, secundum quod antiquitus fuit, stare debere, scilicet Magernardus Abbas & Archidiaconus, Otbertus, qui eodem Archidiaconatusungebatur officio, Arnoldus eodem florens honore, Isaac, Fredradus, Adalmanus, Evorinus, & omnis ferè synodus, horum veridicorum testium testimoniis satis confirmatus, & roboratus est Presbyter Ansuinus: & taliter uterque eorum querelæ hujus finem accepit. Acta sunt hæc anno Dominicæ Incarnationis DCCC. LXX. indictione III. Regnante Carolo Rege, Ecclesiam autem Lingonensem regente venerabili Isaac Pontifice.

*Obitus Domni Isaac Episcopi.*

ISAAC deinde hujus vitæ diem obeunte, ejus loco Geilo substituitur Episcopus, huic Besuensi Monasterio amicissimus, & nobis ferè omnibus melioribus optimus. Cum enim alii nobis providerint terrena subsidia, iste apud Deum procuravit animarum patrocinia. Rediens enim ex Aquitanâ, beatissimi Prudentii Martyris corpus huic loco intulit, & cum aliis multis sanctorum pignoribus ad exorandum Deum pro se, & pro nobis, ut decuit, collocavit. Ad quorum honorem, & reverentiam quædam de Episcopio suo ad luminaria obtulit exhibenda, & eorum quæ obtulit factâ legaliter & publicè donatione, scriptum edidit hoc modo.

*De Collatis huic loco à Geilone Episcopo.*

Omnibus dignitatibus, sublimibus, ac mediocribus utriusque sexûs, & ordinis notum esse volumus, qualiter ego Geilo Lingonensis Ecclesiæ humilis

Mortuo Isaac Episc. subrogatur Geilo.

Corpus S. Prudentii Besuæ donatum.

humilis Episcopus, Dei Omnipotentis inspiratione commotus, beatissimum Prudentium Martyrem Christi, Besuensi Monasterio in honore sanctorum Apostolorum Petri, & Pauli constructo, digno honore collocaverim. Qui beatus Martyr ante introitum atrii, & in ingressu templi, ac deinceps miraculis, ut omnibus Christi circumquaque fidelibus patefactum est, claruit. Nutu ergo divinæ Majestatis pulsatus, contuli illi aliquid ad luminaria præbenda ex redditibus sancti Mammetis in Luco superiori, capellam videlicet sancti Marcellini, cum appenditiis suis & mancipiis utriusque sexus, quæ ab Episcopo Virdunensi ante paucos dies digna commutatione evindicavi. Pontiliacum etiam cum adjacentiis suis, & Ecclesiam in honore sancti Hippolyti in eodem loco consecratam, eidem sanctissimo Martyri Prudentio contuli. Ecclesiam quoque de Chaluit ad integrum cum omnibus appenditiis suis, eidem sancto delegavi; ita ut ab hac die has donationes habeat, teneat, atque possideat in perpetuum, nullo contradicente. Hoc solum à successoribus meis in Deum, & propter Deum obnixis precibus exorando deprecor, ut si adjicere aliquid placuerit, faciant; & si non, hæc parva à nobis tradita non demant, nec subtrahant. Quod & si qui tentati à diabolo invadere hæc dona conati fuerint, nec permittatur eis locus in Ecclesiâ cum cæteris Christianis, & nisi citò resipiscant, maledictionibus cum Dathan, & Abiron, & cum Juda traditore Domini, pœnis gehennalibus subjiciantur: insuper & auri libras quinque in ultione Refectoribus Ecclesiæ Besuensis persolvant. Ego Geylo humilis Episcopus hanc traditionem in Synodali Conventu peregi, & confirmari rogavi. Anno ab Incarnatione Domini DCCC. LXXXIII. Indictione 1. Epactâ 1x. Regnante Carolo Magno b. Signum Domni Geilonis Episcopi, harum rerum donatoris. S. Helix. S. Oberthi. S. Galcaudi. S. Helgaudi. S. Arnaldi. S. Guntardi. S. Odonis, & reliquorum omnium, qui illi synodo affuerunt; die Dominico mensis Octob. viii. Idus ejusdem mensis.

*Carta de Ecclesiâ S. Martini de Luco.*

Anno Incarnationis Dom. DCCC. LXXXVI. Anno quoque Domni & Serenissimi Caroli Imperatoris Augusti in Galliâ imperantis 11. indictione v. xv. Kal. Junii, sacer Episcoporum Conventus ob pacem & tranquillitatem sanctæ Dei Ecclesiæ statuendam, & Ecclesiastica negotia decernenda, apud Ecclesiam sancti Marcelli Martyris, in suburbio Cabilonensi, in Christi nomine coadunatus est; ubi fuerunt Domni & sanctissimi Archiepiscopi, Aurelianus, Bernuinus, necnon & Reverendissimi Episcopi, Adalgarius, Geylo, Stephanus, Gyraldus, Adalbaldu, Isaac, & Leboinus. Geylo denique supra memoratus Lingonensis Ecclesiæ Reverendissimus Antistes, unâ cum supra scriptis Patribus in hoc sacro-sancto residens Conventu, eorum auribus intimavit de supra scriptâ notitiâ; qualiter Dominus Isaac antecessor suus, res Ecclesiæ in Luco, in honore S. Martini, in suâ S. Synodo à partibus S. Martini de Luco superiori, capellæ videlicet sancti Marcellini, contra Adalardum ejusdem Capellæ Presbyterum, iustè & legaliter evindicavit de rebus & decimis. Tunc omnes Episcopi præfati hæc audientes, in communem relationem Geylonis, venerabilis Episcopi, & notitiam evendicationis Domni Isaac, simul consenserunt, & consentiendo roboraverunt, ut si quis temerariâ, sacrilegâque præsumptione convictus, atque cæcâ cupiditate cæca-

tus, hoc quod Dei, & Domni Isaac, & nostrâ confirmamus autoritate, in aliquo infringere præsumserit, æternâ se sciens damnatione mulcendum, & cum diabolo, & Angelis ejus, sempiterno incendio concremandum, atque cum Judâ traditore Domini, & cum Dathan, & Abiron perpetuali pœnâ cruciandum, & insuper à liminibus sanctæ Dei Ecclesiæ, & cœtu omnium fidelium Christianorum tandiu habeatur extorris, donec de illicitâ præsumptione resipiscens, condignâ pœnitentiâ sublevetur.

*Carta de Luco Mediano.*

His diebus, homo quidam cujus nomen erat Isaac, dedit Monasterio Besuensi mansum unum, qui est in pago Atoariensi, in villâ quæ dicitur Lucus Medianus, & habet terminationes de unâ fronte Ithilam fluvium præcurrentem, de aliâ fronte stratam publicam. Donavit quoque supradictus Isaac eidem loco in fine, quæ dicitur mons Mainberti, in loco, qui dicitur Spinido, terræ jornales duos: in alio verò loco, qui dicitur Cabrario, jornales duos, & in alio, qui dicitur Fontinella, jornales tres. Ipsamque donationem Walcaudo, tunc temporis ipsius loci Abbati, & successoribus ejus perpetuò contradidit.

*Carta de Vetus-vincis.*

Alius quidam homo nomine Ingelgerius, & uxor ejus Amalidis, vendiderunt fratribus Besuensis Cœnobii in villâ, quam Vetus-vineas appellant, unum hortum, qui terminatur de uno latere, terrâ ipsius hereditatis, de alio latere, terrâ sancti Leodegarii, de una fronte, terrâ sancti Petri, de aliâ verò, stratâ publicâ. Habet etiam idem hortus perticationes agripennales de unâ fronte à parte vineæ sancti Petri perticas duas, pedum sex, de aliâ fronte perticam unam. Habet & in longo perticas undecim pedum novem. Infra istas perticationes, seu terminationes, totum ad integrum vendidit prædictus Ingelgerius Monachis Besuensibus, acceptoque ab eis pretio solidis duobus, & denariis octo, concessit perpetualiter possidendum.

*Item Alia.*

Vir quidam Otgerius nomine, pro remedio animæ patris sui Isaac, & fratris sui Waldrici, dedit sancto Petro Besuensis cœnobii, servum quemdam Amalerium nomine, eo quod ipse Waldricus frater datoris, cuidam servo sancti Petri, qui Lanfredus dicebatur, oculos eruiisset.

*Carta de Novo Vico.*

Item alius quidam Bernardus, & uxor ejus Imlrudis dederunt Teutberto Besuensi Abbati, & Monachis sub eo viventibus, partem de vineâ quâdam sitâ in pago Atoariorum, in villâ Novo-vico, ut haberent potestatem faciendi de eâ, quidquid potius elegissent.

*Carta de Villare.*

Miles quidam Portuensis pagi, Aigardus nomine, & conjux ejus Rotlindis vocata, concesserunt beatissimo Petro in Besuensi cœnobio famulantibus, cunctas res juris sui sitas in pago Portuensi in villâ nuncupatâ Villare, & totum quidquid in ipsâ villâ, vel in finibus ejus possederant: campos scilicet, prata, pascua, decimas, rivos, fontes, aquas, aquarumque decursus cum adjacentiis suis, & quodcumque dici, aut nominari potest, & quod per eorum nomen ibidem evendicare Monachi pos-

sent: acceptoque ob hoc ab ipsis Monachis pretio, quod convaluit ad iv. libras argenti, hanc tantam donationem testamento confirmaverunt, & possidendam eidem cœnobio perenniter decreverunt.

*Item alia Carta.*

**Q**uidam Guttinus nomine, dedit eidem Besuensi cœnobio mansum unum in pago Atoariensi, & quidquid ad ipsum mansum pertinebat, in campis, pratis, sylvis, aquis, & mancipiis utriusque sexus in eodem manentibus.

*Carta de Ponto.*

**A**urailus quidam & uxor ejus Ermengardis, vendiderunt Monachis Besuensibus mansum unum cum appenditiis suis, campis scilicet, pratis, sylvis, pascuis, arboribus pomiferis, aquis, aquarumque decursibus, quod situm est in pago Atoariorum, in villâ quæ dicitur Pontus, & habet terminationes, de uno latere terram sancti Leodegarii, de alio terram fiscalem, de unâ fronte stratam publicam, de aliâ verò, prata. Vendiderunt etiam & alias suas res sitas in fine Vendourenti, & in fine Pontensi, & in fine Lulensi; acceptisque à Monachis pro hac largitione 60. solidis, potestati eorum eam perenniter possidendam tradiderunt.

*Item alia.*

**Q**uidam miles nomine Waldrannus pro requie animæ suæ, & parentum suorum, dedit præfato cœnobio ancillam unam nomine Lampacem, ut ibidem deserviret, cum omni semine suo ex eâ progenito: & annis singulis in festivitate sanctorum Petri & Pauli, denarios duos persolveret, & ut cæteræ colonæ servitium omne facerent.

*Carta de Lujat.*

**L**andrada quoque quædam fœmina mansum juris sui, in villâ, quæ dicitur Lujat, situm, dedit eidem cœnobio Besuensi: quod mansum terminatur de uno latere terrâ Flammeriâ; de alio terrâ sancti Leodegarii; de unâ fronte stratâ publicâ; de aliâ verò Thilâ fluvio percurrente.

*Item alia Carta.*

**Q**uidam etiam colonus sancti Petri, qui Vautsonius vocabatur, & uxor ejus Manuheldis, servum juris sui, nomine Gunduinum, dederunt eidem sæpe nominato loco; eâ tamen ratione, ut colonus permaneret, sicut & ipse Gautsomus.

*Item alia.*

**M**iles quidam Hugo nomine, pro requie animæ suæ & antecessorum suorum, dedit ad ipsum locum Besuensem, servum quemdam nomine Wlfin- gum, necnon uxorem illius, nomine Aymam, & infantes illorum, Ermenasiam, Suffuciam, Susan- nam, Adallinam, Suppliciam, & Godolbergam.

*Carta de Picangiis, & Mercennaco.*

**M**ulier quædam nobilis, nomine Wandalmadis, pro requie animæ mariti sui Humberti, & reliquorum antecessorum suorum donavit ad locum SS. Apostolorum Petri & Pauli, necnon & sancti Prudentii Martyris, in villâ tractomonte, servum nomine Gundulfum, cum filiis suis Wlgerio, Warin- gaudo, Rambaldo, & dimidium mansum, quem ipsi tenebant; tali servitio, ut omnibus annis in corvatâ Monachorum jornalem unum de tritico, & alium de avenâ persolverent, & eulogias, & in cerâ duos denarios. Dedit etiam eadem Wandalmadis supradicto loco in Villâ Pichanias, servum nomine Hum-

bertum cum matre Plestrude, & mansum unum ibidem, & quidquid ad ipsum mansum pertinebat. Similiter etiam dedit eidem loco in pago Divionensi, in villâ Mercennaco, jornalem unum de vineâ.

*Carta de Vivers.*

**N**obilis quædam fœmina, nomine Eva, dedit eidem Ecclesiæ Besuensi res proprii juris sitas in pago Atoariorum, in loco qui dicitur Vivarius, ipsam videlicet villam Vivers appellatam, & quidquid ibi adjacet, totum ex integro prædicto loco concessit, mansa, servos, ancillas, curtiferas terras, sylvas, aquas, aquarumque decursus, cum mancipiis utriusque sexus; & per servum, nomine Ajembaldum, vestivit ex his rebus prædictam Ecclesiam Besuensem.

*Carta de Brescono.*

**L**evita quidam nomine Helias, dedit in pago Divionensi, in villâ Brescono, ad luminaria ejusdem Besuensis Ecclesiæ, vineam unam benè cultam, ut in perpetuum eam possideret sine aliquâ contradictione.

*Carta de Fiffiaco.*

**A**doerius quidam in eodem cœnobio ex laico conversus, in villâ Divionensis pagi, quæ Fiffiacus appellatur, dedit vineam unam, quæ terminatur de uno latere terrâ sancti Benigni de Longovico, de alio viâ publicâ de unâ fronte vineâ sanctæ Mariæ de Balma, de aliâ terrâ, sancti Eusebii de Escubilibus.

Habet ipsa vinea ex uno latere in longum perticas agripennales 24. de alio perticas 20. pedum 2. de unâ fronte perticas 20. de aliâ verò perticas 15. pedum 7.

KAROLUS autem Imperator secundo Romam ire disponens, Italiam ingreditur: è contra Karlomanus Ludovici Regis fratris ejus filius, per aliam viam, eandem terram ingressus, cum immenso exercitu fit ei obvius. Karolus verò Galliam regressus, atque fines Lugdunensium pertingens, ibidem vita functus est, atque in Monasterio Apostolorum Petri & Pauli conditus, loco, qui dicitur Nantoade à multitudine aquarum inibi confluentium. Postmodum per admonitionem Angelicam inde translatus, Parisius in Ecclesiâ S. Dionysii regali sepulturâ est tumulatus. Successit Patris in solio Ludovicus, biennio vix regio nomine functus. Hujus in diebus Joannes Papa Romanus Franciam venit, & apud Treccas civitatem cum eodem Rege colloquutus, parvo tempore ibidem moratus, sicque Romam est reversus.

His diebus effera Danorum natio tertiam Neustriasis inflicta cladem advenit; intulissetque majorem superioribus, ni Hugo per Gallias Abbatis honore præditus, eorum temerarios compescuisset ausus. Auxiliante namque Deo parvâ manu tantas hostium phalanges fudit, ut vix superesset, qui nuntiare potuisset. Quâ plagâ humiliati Dani, Gallias per aliquod spatium temporis quietas reliquerunt. Huic bello præfuit Ludovicus Rex. At Hugone ultimos vitæ suæ claudente soles, Ludovicoque principe post administratum, ut diximus, biennio regnum, diem obeunte, Carolus, qui Simplex postea est dictus, in cunis ævum agens patre orbatus remansit. Supererant duo filii Roberti Andegavorum Comitis, fratres Hugonis Abbatis. Senior Oddo dicebatur, Robertus alter, patrem nomine referens. Ex his majorem natu Odjonem Franci tutorem pueri, regni- que elegere gubernatorem, quia recidivi Nortmannorum incurtus imminabant. In partibus verò Re-

gni, quas Lotharius & Lucdowicus tenuerant, filii ejusdem Lucdowici regnabant: nam Lotharius sine filiis obierat. Ex his tribus fratribus unus patris nomine vocatus, alter Carlomanus, tertius Carolus est dictus. Sed duobus intra quinquennium defunctis, ad juniorem Carolum rerum summa pervenit, postque Imperii Monarchiam est adeptus.

Refert quidam scriptor, &c. *ut in Chronico S. Benigni.*

His temporibus Incarnationis Christi DCCC. XCI. volvebatur annus.

*De destructione hujus loci.*

**V**eniens ad obitum præfatus, ac venerabilis Geylo Episcopus, cognoscens & ipse multa ad dimittendum seu purgandum in seipso, antequam occurreret cum omnibus nobis in resurrectione generali, ei in cujus conspectu non sunt mundi etiam ipsi cæli, quibus in vitâ deservierat, in morte non solum animam, sed etiam corpus commendavit. Præcepit itaque corpus suum ad hoc Besuense Monasterium deferri, & se totum Deo, & SS. ejus Apostolis, quibus datum est claudere cælum, vel aperire quibus voluerint, committens, necnon & gloriosissimo aliorum Sanctorum quorum hîc reliquiae habentur, patrocinio, cum prædecessore suo Alberico Lingonensi itidem Episcopo sepultus est.

Prov. 14. 13.

Circâ idem fere tempus, secundum quod scriptum est, risui nostro dolor admixtus est, & extrema gaudii nostri luctus occupavit. Nam venientibus per Franciam in Burgundiâ Nortmannis, Monasterium istud Besuense penitus contigit desolatum iri. Et cum septies inveniamus locum istum à perfidis Christianis, seu à paganis violatum, atque destructum, hæc ultima destructio non immerito à nobis emphaticè dicitur, *Desolatio desolationum*. Dicamus igitur, sicut in antiquis membranulis nostris vox recoligere potuimus, quomodo, & à quibus sexies devastatum sit, ut tandem ad hanc ultimam, & atrocissimam desolationem paulo latius discurrendam accedamus. Primâ vice à Christianis per intestina bella qui hunc locum invadentes, abtulerunt inde cum aliis rebus, etiam omnes Cartarum auctoritates: unde jam in præcedentibus aliquantulum mentionem fecimus. Aliâ vice à Wandalis, perfidis paganis. Tertiâ vice à Sarracenis, quando Augustidunum civitatem destruxerunt anno ab Incarnatione Domini DCCC. XXXI. Fertur etiam unâ vice à Monachis hunc relictum fuisse locum, ob metum cujusdam morbi, qui hanc vastabat regionem. Quarta vice tempore Remigii, fratris Pipini Regis, Magni Caroli patris, per quamdam fœminam, nomine Angla, cui prædictus Remigius hunc locum donaverat: unde & nos in superioribus mentionem fecimus. Cujus rei ordinem qui plenius nosse desiderat, ad eam descriptionis narratiunculam recurrat. Sed & hoc sciendum, quodd ex hoc tempore usque ad Domnum Albericum, qui hunc locum reparavit, ab ordine Monastico penitus cessavit.

Jam verò dicendum est de illâ ultimâ desolatione, quæ non solum huic loco obfuit, verum etiam totam Franciam ipsis Nortmannis vastantibus; neque uspiam Francis tutam resistendi firmitatem reperientibus, multa Sanctorum corpora Divioni castro in vecta sunt, eo quod firmissimum, & inexpugnabile videretur, quorum quædam postea sunt relata, quibuldam ibi remanentibus, alia sunt ad alia loca translata.

Delatum est à Suessionicis corpus beati Medardi Episcopi. Delatum est à Tarwanenibus corpus beatissimi Silvini eorum Episcopi. Nostrum quoque patronum, beatissimi Prudentii corpus eodem delatum, & in

om. 11.

basilicâ beati Stephani collocatum, multis annis permansit. Tandem Deo nobis propitio, pacèque reditâ beatissimi Prudentii corpus inde delatum, & beati Silvini corpus cum beatâ Angliâ, ejus familiarissimâ, nobis à Deo donatum. Sicque factum est, ut cum hujus loci protectionem principaliter habeat cum Paulo princeps Apostolorum Petrus, unum ipsius exornet latus beatissimus Martyr Prudentius, alterum cum venerabili Angliâ, beatus Silvius Episcopus.

Aliquantisper protelavimus desolationis nostræ narrationem, nolentes silentio contegi, qualiter nobis, qui putabamur nostro patrono desolati, postmodum à Deo sint pro uno duo procurati. Nunc ad ea quæ omisimus redeamus.

Audientes hi qui hîc erant Monachi Nortmannorum adventum, quidam timore pœnæ, ac mortis se occultaverunt, quidam ad alia Monasteria demigraverunt. Nec mirum quonia qui hîc remanserunt, gladio interfecti sunt, quorum nomina hæc sunt. Aymannus Monachus, Genesius Monachus, Beraldus Monachus, Sifardus Monachus, Rodco Monachus, Ansumus Presbyter, Adarius parvulus. Hi omnes pro Christo pie jugulati rationem Deo reddentes, sacrificium Deo effecti sunt, anno ab Incarnat. Dom. DCCC. LXXX. viii.

Verumtamen cum nemo repertus sit, qui eis posset vel auderet resistere, fuit isdem temporibus quidam Dux nostrarum partium, Richardus nomine qui à justitiæ studio dictus est, & ipse *justificator*. Hic pro libertate patriæ partim zelo succensus, plurimum verò pro Ecclesiis Dei defendendis, dum habens adiutorem, expugnare illos aggressus est. Et licet usque ad hanc Beluam hostilis impetus procurerit, & hîc rabies insanix eorum adeo efferverit, ut & Monachos nostros, ut prædiximus, gladiis interemerit, & omnia vastaverit, in tantum ut & fontem ipsum de se gurgitem magni fluvii evomentem, potatione quadrupedum innumerabilium per totum quatrimum exsiccaverit, ad Divionem tamen eos aspirare, nec loci firmitas, nec Ducis nominatissimi permisit metuenda bellicositas. Quin imò occurrens eis præfatus Dux Richardus, in loco vocato Argentoilo, commisso cum eis prælio caesa est eorum quamplurima multitudo. Sicque Dani cum Nortmannis retrò redire sunt coacti.

Normannos  
duxit R.  
Richardus Dux.

Anno Incarnat. Verbi DCCC. XCIII. Odone regnante, &c. *ut in Chronico S. Benigni.*

Anno DCCCXLI. Incarnat. Verbi, xii. Kalend. Aug. in Sabbato, cum obsiderent Nortmanni Carnotinam urbem, & jam esset penitus capienda, supervenit s Richardus, & Robertus cum suis Dei auxilio, & Beatæ MARIÆ patrocinio roborati, fecerunt stragem maximam paganorum, à paucis qui remanserunt obliques capientes. Habuit dem Richardus filium nomine Rodolphum, qui fuit Rex Francorum. Alter filius vocatus est Boso, qui Burgundiæ superioris, quæ Gallia Comata dicitur, accepit regnum. Tertius filius dictus est Hugo, cognomento Capito, qui fuit Dux interioris Burgundiæ. Exorta discordia inter Karolum & Regni Principes, lites ac bella, rapinæ & incendia, innumera undique saeviunt mala; tandem Rex facti pœnitens Principes ad concordiam commovet, pacemque exoptatam cum eis firmat.

*De commutatione facta inter Walcaudum Abbatem, & Teuthardum.*

**E**O tempore facta est commutatio inter quemdam Teuthardum, & Walcaudum Abbatem, de terris quæ sub jure eorum videbantur esse. Dedit itaque Teuthardus de parte suâ ad partem Wal-

FFF ij

893.



caudi Abbatis campum unum, situm in pago Atoariense, in fine Pauliacense: & contra Walcaudus Abbas de parte sua dedit Teuthardo campum unum situm in ipso fine Pauliacense.

*Obitus Geylonis.*

**D**efuncto verò Geylone Episcopo Teutbaudus successit. Sed & isto defuncto, Agrinus Episcopus successit, in curâ pastoralis valde sollicitus. Hic Pontiliacum, & Ecclesiam S. Hippolyti à quodam Waltario nobis injustè ablatam restituit, licet hîc demonstrabimus.

*Carta & confirmatio Agrini Episcopi de collatis à Geylone Episcopo huic loco.*

**A**grinus divinâ dispensante clementiâ humilis Episcopus, omnibus Ecclesiæ Dei fidelibus utriusque sexûs & ordinis, usquam locorum degentibus. Ad multorum constat pervenisse notitiam, qualiter Geylo piæ recordationis Episcopus, prædecessor meus, sanctum Prudentium de Aquitaniâ transferens, in nostrum Episcopium Lingonense detulit, & in Besuâ Monasterio ad laudem, & gloriam nominis Dei solemniter collocavit. Ubi ob amorem Dei, & reverentiam ejusdem S. Prudentii, quasdam res Ecclesiæ suæ, videlicet Pontiliacum cum adjacentiis suis, & Ecclesiam in honore sancti Hippolyti consecratam, eidem Monasterio contulit, quatinus Monachis & Dei servis ibidem Domino famulantibus, futuris temporibus proficiant in augmentum. Quo quidem de hac vitâ sublato, sicut reliquæ res Ecclesiæ nostræ irrationabiliter ad votum diripientium distractæ sunt, ita quoque & Pontiliacus à loco ubi fuerat à præfato Præsule collatus, est à Waltario, sicut certissimum est, sacrilegè invasus & indebitè alienatus. Unde Gaulcaudus Abbas præfati Monasterii Besuæ, cum confratribus suis Monachis, nostram humilitatem adiens, præjudicium injustè loco illatum lacrymosis questibus innotuit, & ut nostrâ munificentia sublata indebitè redderentur, pro amore Dei, & reverentiâ Petri & Pauli Apostolorum Principum, sanctique Prudentii humiliter deprecatus est. Nos igitur deprecationem illius paternè suscipientes, eamque cum fidelibus Ecclesiæ nostræ Clericis, ac Laicis pertractantes, & iustam rationabilemque, & rectam prospicientes, consilio, & consensu totius Ecclesiæ nostræ, sicut præfata res ab antecessore nostro sæpe dicto loco concessa sunt, & nos quoque præsentialiter concedimus, & hac nostrâ auctoritate regnante Domino nostro, in perpetuum consecramus.

Ut autem præsens nostra restitutio futuris temporibus vigorem inviolabilem obtineat, & de cætero indebitam, injustamque nesciat pati jacturam, manu propriâ roboravimus, fideliumque nostrorum subscriptionibus confirmare jussimus: successoribus nostris per sanctam & inextricabilem Trinitatem humiliter, obnixequè suggerentes, ut quæ à nobis piè statuta sunt, ab illis inviolabiliter conserventur. Agrinus sanctæ Lingonensis Ecclesiæ humilis Episcopus in Christi nomine roboravi, & signavi. Otbertus Præpositus, & Archidiaconus signavi. Bernardus Archidiaconus sign. Madalgaudus Diaconus sign. Isaac Archidiaconus sign. Emmarricus Archidiaconus sign. Ewardus Diaconus signavi. Helgaudus Presbyter signavi. Arnaldus Archidiaconus sign. Fulcufus Diaconus sign. Albericus Diaconus sign. Aclevetus Subdiaconus sign. Wileus Subdiaconus sign. Siquinus Subdiaconus sign. Joselmus Acolythus signavi. Gisslerius Acolythus signavi. Ego Brantio indignus Presbyter hanc restitutionem scripsi, & dictavi, 11. Id. Aprilis, Indict. VIII. anno 11. Regnante Odone Rege.

*Carta de Taxnatello.*

**Q**uidam homo, nomine Alardus dedit res suas proprias, in villâ quæ dicitur Taxnatello, velut in ipsâ fine, id est, curtile unum; quod terminatur de uno latere terrâ sancti Leodegarii, de alio latere terrâ Willeri; de unâ fronte; strata publicâ, de alia fronte Fisco. Infrâ ipsas terminationes, & quidquid ad ipsum mansum aspicit, tam terris, quàm etiam pratis, sylvis, pascuis, aquis, aquarumque decursibus; exitibus, & regressibus, omnia ad integrum dedit Deo, & Ecclesiæ Besuensi.

*Carta de Luco.*

**F**odem tempore quidam homo, nomine Karlus, & uxor sua Retrudis, dederunt Ecclesiæ Besuensi, & Abbati Walcaudo res proprias, sitas in villâ, quæ dicitur Lucus; habentes terminationes de uno latere terram sancti Vincentii, de alio stratum publicam; de unâ fronte fiscum, de alia fronte coturnum vicinorum. Similiter dedit in ipsâ fine jornalem unum, & peciolam de terrâ: & in aliâ fine, quæ dicitur Campania, dedit jornales duos. In aliâ autem fine, quæ dicitur mons-Mainberti, jornalem unum, & peciolam de terrâ. In alio verò loco dedit ubi possunt seminari de tritico modii octo, & ancillam nomine Mainbergam, tempore Regis Odonis.

Defuncto igitur Agrino Episcopo, successit Warnerius Episcopus. Hic petentibus Monachis hujus cœnobii beatum Prudentium Martyrem retulit de Divione, cum innumerabilibus Clericis diversi ordinis, à plebe innumerabili utriusque sexûs cum honoris tripudio susceptus est. Denique monachis prædicti cœnobii cum infinito populo eminens à Monasterio ei obviam occurrentibus, cum immensis laudibus receptus est, anno verbi Incarnationis divini DCCCC. XXI. 1x. Kal. Octobris die.

Defuncto autem Walcaudo Abbate, Walcaudus successit, sed & isto obeunte Gaulcaudus successor efficitur; sed & isto defuncto successit Abbas, nomine Milo, postmodum Matisconensis Episcopus, qui nihil boni in hac domo gessit. Obeunte autem Warnerio Lingonensi Episcopo, successit Gotfelmus in Episcopatus honore, anno 1. Regni Roberti. De quo quia mentio facta est, oportet dicere quomodo Regnum acceperit.

Odono Rege defuncto, Rotbertus frater ipsius sperans, &c. ut in *Chronico sancti Benigni*.

Defuncto autem Gotfelmio Episcopo, successit ei in Episcopatus honore Leticus Episcopus, post hunc Ericus. Deinde Achardus. Atque post Widricus. Transferunt sub his Pontificibus anni ferme XI. & amplius, in quibus semper in deterius processit loci hujus status, Episcopis, & Abbatibus alia magis, quàm id curantibus.

Rodolpho Rege defuncto absque liberis, &c. ut in *Chronico sancti Benigni*.

*De Brunone Episcopo.*

**A**nno ab Incarnatione Dom. DCCCC. LXXX. Indictione VIII. Regni Lotharii Regis xxv. anno, dedit idem Rex Brunoni Remensis Ecclesiæ Clerico, suo verò parenti propinquitate consanguinitatis existenti, Episcopatum Lingonicæ civitatis. Ordinatus est autem idem Bruno Episcopus per manus Burchardi Lugdunensis Archiepiscopi, in Ecclesiâ sancti Stephani viginti quatuor gerens annos ætatis: & eodem anno susceptus est à Clero Lingonicæ urbis, ab Incarnatione videlicet Christi DCCCC. LXXXI. Is assequutus Episcopatum,

Abbatibus Besuensis Cœnob.

Warnerius & Gotfelmus Episc. Ling. Robertus Rex.

997.

Episc. Ling.

980.

981.

omni, quo potuit, nisu, sequi studuit exemplum boni Pastoris.

Monasteria igitur ipsius ad Diocesim pertinentiâ, in spiritualibus religione, in temporalibus necessariâ penè annullatâ gubernatione considerans, cœpit quærere quatenus Dei dispensante nutu, suum in statum ea quivisset reparare.

Cum verò de hujus Besuensis Monasterii multimodis desolationibus disliceremus, diximus prout memoriâ occurrere potuit, secundum quod in seculis veteribus invenimus, sexies desertum, & ferè annullatum fuisse. Verumtamen postea diligentius cætera perscrutantes, invenimus hunc eundem locum ab Hungris combustum quinquies; quippe cui nullum erat à terreno principe defensionis, nec loci ad resistendum inimicis munimentum. Harum combustionum duæ quo tempore evenerint, notum nobis est. Anno namque DCCCC. XXXVI. Incarnationis Verbi venerunt Hungri in Burgundiam mense Julio. Iterum anno DCCCC. XXXVII. Incarnationis Verbi Ludowico filio Karoli uncto in Regem, & nondum eo anno evoluto, Hungri venientes per Franciam & per Burgundiam atque Aquitaniam, devastaverunt omnia: quæ vastatio in tantum huic loco obfuit, ut per .li. annos, usque ad annum scilicet Incarnat. Verbi DCCCC. LXXXI. quo Dominus Bruno Lingonenſis Ecclesiæ præficitur Episcopus, respirare ad priorem statum nequiverit.

Videns igitur Dominus Bruno Episcopus statum hujus loci, & Abbatiae sancti Benigni Divionensis, in ambiguo positum, supplex adiit Dominum Majolum Cluniacensis Monasterii Abbatem, multaque prece poposcit, quatenus ejus auxilio quivisset eas reparare in melius, & interius Religionem, & exterius possessiones. Cujus precibus flexus, &c. *ut in Chronico S. Benigni.*

Tempore, quo hæc gerebantur, Hugo Rex, Hugonis magni filius, cum Rotberto filio, Francorum potiebatur regno, &c. *ut in Chronico sancti Benigni.*

Omnia autem Episcopus Bruno considerans patrem Willelmum ita ferventem in Religione, ac Monasticâ institutione, & loca ei commissa de die in diem in melius proficere omnia in suo Episcopio Monasteria ipsius delegavit prudentiâ. Videns verò Abbatiam istam Besuensem in honore, & nomine beatorum Petri & Pauli Apostolorum dicatam; penè ad nihilum redactam, monuit instanti prece, ut eam secundum regularem emendare curaret institutionem. Cujus annuens precibus istud cœnobium in paucis annis ad regularem commutavit statum; &c. *ut in Chronico sancti Benigni.*

Cœperunt denique ex patria suâ, hoc est, Italiâ multi ad eum convenire; aliqui litteris benè eruditi, alii diversorum operum magisterio docti, alii agriculturæ scientiâ periti; quorum ars, & ingenium huic loco profuit plurimum. Cum verò Willelmus Abbas Augustorum seu Regum palatia adiit, in eis, non quæ sua sunt, sed quæ JESU CHRISTI quæsit; ut ex eorum scilicet familiari colloquutione subveniret oppressis suâ interventione, aut certè ex seculari, vel Clericali habitu Deo lucrificeret; ut juxta Domini præceptum propria relinquerent, & secularibus curis semotis, Deo in tranquillitate servire deberent, &c. *ut in Chronico S. Benigni.*

Cum primum Abbatis suscepit officium venerabilis Willelmus, quidam castri Divionensis civis, nobili genere ortus, Rodolphus Albus vocatus nomine, venit ad conversionem inter ipsa primordia ejus novæ ordinationis; cujus pecuniis relevata est

paupertas prædicti patris, & consilio, atque adiutorio sublevata sollicitudo regiminis hujus loci Besuensis Monasterii; adhuc quippe erat ei paucitas Monachorum; quem prædictus frater ita juvabat in exterioribus curis, ut solus supplere videretur solamen plurium. Sed præter ejus votum, hoc solatium tulit illi paucitas dierum.

Si hujus viri mentionem facientes, paululum exceſſerimus ordinem rationis, ne cuiquam veniat in fastidium; curæ enim nobis fuit, eos præcipuè annotare, qui erga hunc locum devotiores, seu munificentiores existerent. Hic verò Rodolphus, quoniam hæc Ecclesia secundum quantitatem quia parva erat, tantis Patronis, Petro, dico, & Paulo, non videbatur condigna, à fundamentis incipiens, & ad perfectum usque perducens, in eo statu, quo modo est, consummavit. Rexit autem hunc locum sub Abbate Willelmo Prior Magnus, tam in exterioribus, quàm in interioribus providendis, & administrandis strenuissimus: quippe qui hoc ipsum jugi curâ & exercitio didicerat. Fuerat namque antequàm veniret ad conversionem Vice-Comes Divionensis. Convertens itaque studium sæculare in Ecclesiasticum, ex bonis initiis meliores fines obtinuit. Obiit verò hujus vitæ diem Idibus Novembris, cujus anima requiescat in pace, Amen.

Alter quidam Monachus, vocatus Hunaldus; &c. *ut in Chronico S. Benigni.*

Longum est enumerare singula, quæ Dominus Bruno Episcopus in hoc loco egit bona, sed tamen, quæ in cartis nostris reperire potuimus, demonstrabimus.

In nomine Domini Dei, & Salvatoris JESU CHRISTI, Bruno divinâ dispensante clementiâ; sanctæ Lingonenſis Ecclesiæ humilis Episcopus. Si locis omnibus, & præcipuè sacris, eorumque Rectoribus nostræ indignitati divinitus commissis, in sibi necessariis prout valeamus piè & oportunè consulimus, eorumque anxietatibus sollicitâ curâ subvenimus, non solum in hoc venerabilium & Deo devotorum Pontificum, piorumque Pastorum usum & consuetudinem exequimur, sed etiam salutem animæ nostræ providemus. Idcirco noverit omnium nostrum, & nostri solertia, quod veniens Dominus Abbas Willelmus (quem ob sanctitatem, & venerabilem religionem locis in nostrâ Diocesi manentibus, Divionensi, atque Besuensi, amanter præfecimus) insinuaverit nobis quasdam res de ipsis Abbatibus inter se necesse esse, reddendi censûs gratia transferri, nosque id laudare, & omnimodo consentire debere. Cujus providentiam & laudabilem discretionem non solum laudavimus, sed etiam, ut secundum suum velle locorumque necessitatem id accelerare deberet, attentè monuimus. Sumptum est itaque de Abbatia sancti Petri Besuensis, & conjunctum Abbatia sancti Benigni Divionensis, quidquid habere dignoscitur in Bruciaco villa; eo tenore, ut omni anno octo modios vini ante festivitatem sancti Prudentii in censum reddant; & quidquid supra diximus, perpetualiter Monachi sancti Benigni possideant. Quod si negligentia, vel oblivione hoc termino redditum non fuerit, censum duplo restituant, & conventum inconcussum permaneat. Quod si quisque post decessum nostrum, hoc decretum multorum nobilium ore laudatum, infringere tentaverit, nisi citò resipuerit, & pœnitentiam condignam habuerit, anathematis jugulum caveat, quo ferire decrevimus quoscumque, qui nostrorum decretorum cupiunt statuta evellere. Et ut hoc per sæcula inconcussum permaneat, manu nostrâ subterfirmavimus, & ut à pluribus firmaretur rogavimus. Signum Brunonis Episcopi. Signum Lamberti

Præpositi. Sig. Teudrici Archidiaconi. Sig. Beraldi Archidiaconi. Sig. Widonis Presbyteri. Sig. Teudonis Archiclavii. Sig. Widonis Archidiaconi. Sig. Beraldi Hypodiaconi. Sig. Oddonis. Sig. Amelii. Sig. Brunonis pueri. Sig. Humberti pueri. Sig. Nivardi. Sig. Gozelmi.

*De collatis huic loco à Brunone Episcopo.*

**C**rescente autem in hoc Religionis studio, Dominus Bruno Episcopus nimium exhilaratus de bonâ eorum conversatione, de suo jure quodcumque necessarium & utile eis foret, libenti animo tribuebat. Inter cætera igitur quæ huic loco contulit, statuit, ut de Ecclesiis à sex leugis vel infra à Besuâ, tempore Rogationum omnes tam viri, quam mulieres cum oblationibus ad sanctorum Apostolorum Petri & Pauli limina convenirent.

*In nomine sanctæ & individua Trinitatis.*

**C**onsiderans ego Lingonensium Bruno Episcopus officii mei negligentiam in damnationem animæ meæ cedere, juxta sensûs mei modum elaboravi Ecclesiis Dei provisores efficere, qui in eis talentum verbi Dei disseminantes, mecum pariter de eo, ipsi Domino JESU CHRISTO lucrum reportantes, æternæ vitæ remuneratione ditarentur.

Volui igitur Ecclesiæ Besuensis Dominum Willelmum virum Religiosissimum Abbatem præesse, qui dum in eâ cuncta regulariter, ac religiosè displiceret, intelligens propriâ in quibusdam non satis sufficere, quæsit ab Ecclesiâ Lingonensi, Ecclesiæ Besuensis aliquid ad luminarii opus conferri. Cognoscens itaque petitioni viri Dei non esse contradicendum, cum consilio totius Capituli Lingonensis statui, ut de Ecclesiis à sex leugis vel intra à Besuâ, tempore Rogationum, tam viri, quam mulieres cum oblationibus ad Sanctorum Apostolorum Petri & Pauli limina conveniant. Illud quoque non otiosè mecum reputans, quia cum tempore eodem Lingonas venire deberent, alii longitudine viæ, alii imbecillitate corporis, seu aliquibus aliis occasionibus retardati, pabulo divini verbi, & peccatorum remissione, quam ibi deberent accipere, frustrabantur. Veniant igitur illo tempore statuto, & de peccatis suis veniam postulantes ab eis, quorum linguæ claves cæli factæ sunt, à Monachis illic Deo servientibus de salute animarum suarum admoniti, factâ absolutione, & data benedictione, læti revertantur in pace. Quicumque verò huic nostræ institutioni contraire præsumserit, Dei Omnipotentis autoritate, & eorum qui quæ ligaverint in terrâ, erunt ligata & in cælo, atque omnium sanctorum anathematizentur, & excommunicentur, Amen.

Et ut hoc per sæcula inconvulsim permaneat, manu nostrâ subter firmavimus, & ut à pluribus firmaretur, rogavimus. Signum Brunonis Episcopi. Sig. Willelmi Abbatis. Sig. Lamberti Præpositi. Sig. Beraldi Archid. Sig. Teudrici. Archid. Sig. Brunonis Archid. Sign. Teudonis Archiclavii. Sig. Widonis Archid. Sig. Amelii. Sig. Widonis Presb. Sign. Beraldi Hypodiaco. Sig. Nivardi. Sig. Gozelmi, & aliorum multorum. Ego Airardus Cancellarius scripti, & cum cæteris laudator, & roborator extitit. Acta sunt hæc anno ab Incar. Dom. MVIII. Indict. VI. Epactâ XI. concurrente IV. Regnante Roberto Rege, & D. Brunone sedem Lingonicam tenente.

Benivolentiam Dom. Brunonis Episcopi atque devotionem erga hunc locum, notitiæ futurorum commendare volumus, nobis, hodieque, & posteris nostris, quamdiù sæculum durabit, profuturam.

Est Ecclesiâ non multum distans ab hoc Besuensi loco in honore sancti Leodegarii dedicata, largissi-

mis prædiis & latifundiis à Regibus, & Ducibus, & Comitibus dotata. Cujus loci Monachi non minimas injurias, & importunitates huic loco inferebant, terras nostras occupantes, injustas contumelias in ipsis terris imponentes. Et quoniam possessiones nostræ intra possessiones eorum contiguae erant, justo latius manus extendentes, ut pote terrenorum principum quamvis injusto auxilio confisi, quacumque poterant de nostris rebus locum suum ampliabant.

Est villa, quæ dicitur Cusriacus in parochiâ nostrâ ejus villæ qui dicitur Belenava, ubi cum Monachi S. Leodegarii Ecclesiam & novam parochiam construere voluissent: audiens hoc Dom. Bruno Episcopus, excommunicavit, & anathematizavit eos, qui ibi Ecclesiam construerent, & qui divinum officium ibi celebrarent. Considerans tamen quoniam parochialis Ecclesiâ, Belenava scilicet, nimis longè aberat; ut bonus pastor animarum curæ prospiciens, neve longinquitate viæ, aut negligentia Sacerdotis, aut ignorantia plebis, animæ divini verbi pabulo fraudarentur, statuit ut ad villam, Besuunculam nomine, quæ prope erat, ad Millas, & Christianitatis officium convenirent: eo verò tenore, ut quia dignus est operarius mercede suâ, medietatem eorum, quæ ad Presbyteratum pertinerent, illi Ecclesiæ condonarent.

Item in villâ quæ dicitur Anblins, quoniam ipsi in aquâ partem nobiscum habebant, cœperunt calumniari, & si quid vellemus ædificare, ipsi quantum poterant impediabant. Accessit Pater Bruno Episcopus, & ipse in medio aquæ sudem acutam infixit, quæ hodieque ibi manet, ut monachi sancti Leodegarii medietatem aquæ usque ad palum haberent, & alia medietas usque ad palum nobis in pace remaneret.

In villâ nostrâ, quæ Trecasas dicitur, voluerunt aliquando corvatam consuetudinaliter facere. Cum verò non fuisset alius, qui resisteret, quidam rusticus zelo justitiæ & fidei accensus, accessit ubi boves juncti fuerant, & juncturas super capita eorum, quas rustici convinculas appellant, omnes truncavit. Tamen timens ne pro hoc facto, quamvis injustè ei malum inferretur, aufugit. Iterum Bruno Episcopus noster, & nomine & re, cum hoc audisset, non piguit ad locum accedere, & prius quam de hac re inciperet disserere, rusticum illum qui timore delituerat, nec augebat redire, demandans: Ubi est, inquit, filius meus, qui hoc fecit, & ita viriliter loco meiegit? Qui cum venisset ante eum: Tu es, inquit, filius sancti Petri, & meus: ne paveas pro certo habens, quia qui te odit, me odit. Securus esto; nam qui te lædet, mecum quoque dividet illud. His dictis, cum per indigenas loci, & antiquos, quibus notitia, & memoria præteritorum fuerat, comprobatum fuisset, nullo modo Monachos illos consuetudinem illam quam reclamabant, in nostram villam habere, Dominus Episcopus remeavit ad sua.

*Carta de Decimis Nova Villa.*

**P**er idem tempus, quo Dom. Willelmus Abbas Besuense regebat Monasterium, Miles quidam, nomine Gyrardus, cognovit se non rectâ consuetudine accipere decimas cujusdam Ecclesiæ ad ipsum Monasterium pertinentis, quæ in Comitatu Atoariense, loco nuncupato Nova villa, in honore S. Prudentii est consecrata: eo quod decimæ illius Ecclesiæ ad alteram quasi matrem transportabantur Ecclesiâ, constitutam in villâ, quæ dicitur Frafnetum. Cum igitur apud Castellum suum, cui nomen est Fons-venti, VII. Kal. April. resideret, rec-

Oblationes  
Besuensi Ec-  
clesiæ facien-  
da.

Monachis fa-  
cultas audi-  
ndarum con-  
fessionum.

De restitutio-  
ne decimarum.

didit pro remedio animæ suæ, & uxoris, filiique sui, nomine Humberti, ipsas decimas ad jam dictum Monasterium, cui ipsa jure hereditario subjacebat capella. Hoc autem factum est sub præsentia, & consensu uxoris suæ, nomine Gertrudis, & prædicti filii sui Humberti, atque ut nemo de heredibus, vel successoribus eorum jam amplius ipsas decimas repetendi haberet licentiam, hanc fieri notitiam jussit: quam si quis calumniatus fuerit, perpetuæ excommunicationis feriatur anathemate. Nomina testium qui hanc notitiam firmaverunt, hæc sunt. Theodericus, Humbertus, Aymo, Joffredus item Humbertus, Arembertus, Gybuinus, Mainfredus, item Haymo, Wido Presb. Deodatus, & alii quàm plures illustres viri, qui omnes testimonium firmâ ratione præbuerunt, melius & rectius jam dictam Ecclesiam per se debere stare cum decimis suis in parte, & possessione Besuensis Monasterii, quàm alteri cuilibet subjacere Ecclesiæ.

*Item alia.*

De eadem re.

**C**Um apud Lingonicam sedem nostram, Ego in Dei nomine Bruno Episcopus, nostrique Archidiaconi, collectâ Diœcesis nostræ filiorum multitudine, generalem ageremus synodum, adiit præsentiam nostram quidam Monachus Besuensis Monasterii, nomine benedictus, præmonstrans cartulam quam ante fecerat Miles quidam nomine Girardus, ex consensu uxoris suæ, nomine Gertrudis, & filii sui Humberti, reddens ad jam dictum locum decimas cujusdam Ecclesiæ in comitatu Atoariensi, Nova scilicet villa, sub honore sancti Prudentii consecrata. Quam videlicet cartulam omnes pariter audientes firmavimus, atque laudavimus. Et quia eadem Ecclesia in prædio præscripti Monasterii erat constructa, decrevimus, atque statuimus, ut decimæ ipsius omni tempore jure hereditario ad idem devenirent Monasterium, nullo de nostris successoribus, neque de heredibus prædicti Girardi contradicente, neque calumniam faciente. Si quis hoc testamentum calumniatus fuerit, repetantur ab eo cuncta delicta, usque ad novissimum quadrantem. Actum publicè Lingonis. Nomina testium, qui hoc testamentum firmaverunt. Lambertus Præpositus. Teudo Abbas & Archidiac. Beraldus Archid. Item Beraldus Archid. Bruno Archid. nepos Dom. Brunonis Episcopi.

*Carta de Bustello.*

**N**otum esse volumus præsentibus, & futuris, quodd Fulbertus & Berengerius fratres recedentes de Bustello, pro inimiciis, quas vicini eorum contra eos exercebant, dederunt alodium ipsius vicini Bustelli, S. Petro & seipsos, & omnem posteritatem suam commendaverunt perpetualiter eidem sancto, unâ denerata cerâ omni anno, tam virum, quam mulierem. Eâ conventionem, ut si ipsi, aut aliqui ex eorum progenie reverterentur in regionem, hereditatem suam, quam sancto dederant, ab Abbate loci & Monachis tenerent. Discendentes itaque de Episcopatu Lingonico, tempore Brunonis Episcopi, & Ducis Henrici, venerunt in Diœcesim Archiepiscopatus Vesuvionensis tempore Hectoris Archiepiscopi, & Comitum Willelmi, pervenerunt in locum, qui dicitur Rollens, & remanserunt ibi super terram Teduini, & Beroardi fratris ejus: qui scilicet Teduinus pater fuit Bernardi. Eâ verò conventionem in terrâ illorum remanserunt, ut ipsis reditus, & consuetudines terræ persolverent, sancto verò Petro Besuæ censum, quem debebant annuatim,

deportarent. Timentes autem Monachi, ne per succedentia tempora heredes Teduini, & Beroardi fratris ejus, ipsis hominibus aliquam violentiam irrogarent, vel in servitutem eos redigere vellent, cum Abbate suo Willelmo adeuntes Concilium, in quo Archiepiscopus Hector, & Episcopus Bruno cum aliis Episcopis residebant, deprecati sunt, ut hanc Cartam pariter, & libertatem illorum hominum Ecclesiasticâ autoritate roborarent. Quod ipsi libenter concedentes cum consensu aliorum Episcoporum, & totius sancti Concilii eosdem homines liberos sancti Petri esse statuerunt, & perpetuo anathemate excommunicaverunt, qui illis servitutis jugum ullo modo imponere ausi fuissent. Signum Hectoris Archiepiscopi. Signum Brunonis Episcopi. Signum Walterii Episcopi. Signum Burchardi Episcopi. Signum Gosseni Episcopi.

*Carta de Buxiaco, & de Lama.*

**Q**uidam homo Gybuinus nomine, dedit Deo, & Besuensi Ecclesiæ, unum servum nomine Walcaudum, cum suâ conjuge, atque omnibus, qui ex his fuerint propagati: & unum mansum, qui divisus est in duas partes. Una pars est in villâ, cujus vocabulum est Buxiacus, quæ de duobus lateribus dividitur à terrâ Girardi Militis, & de tertio à terrâ S. Petri Besuensis. & de quarto ab aquâ quæ vocatur Tyla, in quâ 32. jornales appendunt; & alia pars est in villâ, quæ dicitur de Lama; quæ partitur undique à terrâ sancti Petri, in quâ appendunt 28. jornales. Postmodum verò in die depositionis suæ cum fuisset delatum corpus ejus ad sepulturam omnis affinitas ejus dederunt unam ancillam nomine Abdiardam, & confirmaverunt hanc iterum Cartam. Quicumque verò demserit quidpiam ex his supradictis rebus, sit anima ejus ablacta à confortio Dei.

*Item Alia.*

**H**isdem etiam diebus. Oggerius calumniam inferens ancillis, cum propriis filiis, uni Susanæ, & nomen alteri Hildegardæ à Monachis S. Petri per multorum curricula temporum jure possessis, conabatur in suam pertinaciter transducere servitutem. Quapropter jubente Brunone Episcoporum præcellentissimo, fidelium suorum factus est conventus, insuper etiam campiendi<sup>c</sup> est dies statutus. Sed ne homicidii, vel perjurii noxam incurreret ipse Oggerius, oblatis sunt ei à Monachis ibidem manentibus 50. solidi: quibus acceptis, sic tandem ab hac querela sponte retinuit. Et quamvis injuriè tentasset eas ad suum inflectere servitium, accepto in redemptionem ut ita dicam, pretio, sancto Petro, cui verius pertinebant, reddidit coram testibus; ita ut nec ipse, nec sui coheredes, vel aliqua suspecta persona, audeat de his, aut eorum progenie aliquando aliquam calumniam inferre. Hi sunt testes. Girardus Comes, Walterius, Nerduinus, Aldo, Odo, Hugo Comes, Odilo.

*Carta de Gibriaco.*

**P**er idem tempus, quidam homo, Jozaldus nomine, pro remedio animæ suæ per contilium filiorum & amicorum suorum, dono tradidit ad locum sancti Petri Besuensis, quamdam vineam in villâ Gibriaco, in loco nuncupato Casallo, cum jacente, quæ habet in longo 26. perticas, in latere 17. & terminatur de uno latere terrâ sanctæ MARIE, ex alio latere de ipsa hereditate; de unâ fronte stratâ publicâ; de aliâ, terrâ fisci. Hanc

<sup>c</sup> campiendi ] Hoc est, duellum in campo ineundi.

autem hereditatem duo antecessores sui, Wicherannus scilicet & Archirannus donaverant ei, & uxori suæ Tetlanæ, & duobus infantibus suis Ostrado, & Vucheranno. Sicut ergo ab ipsis duobus antecessoribus suis donata sunt, ita & ipse Deo, & sancto Petro, & Besuensi Monasterio tradidit perpetua-liter habendam, & possidendam.

*Carta de Setis.*

Vir & uxor ac  
filii sua se  
sponte man-  
cipant.

**N**overint fideles per succedentia tempora, quòd quidam homo, Lambertus nomine, cum esset ingenuus, & maneret apud Setas cum uxore suâ, nomine Eremburgi, ac liberis Framuero, & Dominico, ejusdem conditionis, gratis se tradidit sancto Petro ad serviendum in loco, qui dicitur Fons-Besua, ac Monachis ibi degentibus, famulantibus Deo; quatenus libertas proveniret animabus eorum. Sed hoc fecit eo tenore, eâ conditione, eo sœnore, ut ipse, & successor ejus, fideliter custodirent eleemosynam quam Comes regionis Rainaldus unâ cum suâ conjuge tribuit supradicto sancto Petro. Nam quidquid in lucro aut negotio aliquid exinde potuerint lucrari, reddant ad vestitum fratrum in camerâ supradicti loci. Et ut hæc scriptio firma maneret, in præsentem dederunt in recordatione huic Conventui, vir duos asinos, & ejusdem viri uxor 10. solidos ad restaurandam caldariam. Similiter & unam navim dederunt. Nam noverint Monachi ipsius loci, non cum habere alium Advocatum, nisi ipsos, & ideo omni tempore cum in vestitu, in calecatu, ac cibo semper gubernari. Et ut insuspecti manerent, anathematizaverunt seniores loci quicumque; in aliquo aut quidpiam ei molestè fecerit, aut ejus liberis, perpetuâ anathematizatione, ex autoritate Dei, sanctique Petri, ob cujus amorem se tradidit ipse Lambertus ad serviendum, nisi satisfactio facta promeruerit veniam. Testes huic subscriptioni omnes habitatores sancti loci ipsi sunt. Aldo Præpositus, Humbertus, Wido Decanus, Orbertus, Nechtus, Rainerius. Hæc enim acta sunt tempore Wilhelmi Abbatis, ac præpositi loci, Benedicti nomine.

*Carta de Talannaro.*

**P**erverforum calliditas dolos corde machinantium, exigit ut res decretæ literali tradantur scedula, ob cautela studium, & munimen sequentium. Quos ita sæpe levis circumvolvitur inconstantia, ut etiam testimoniali manu roborata, sinistrorsum subdola certent refragari solertiâ. Talium præcaven-tes versutias fratres loci Besuensis, sub Domni Abbatis Guillelmi excubantes regimine, descripsimus conventionem quam fecimus cum Parrochianis villæ Talannaci, de atrio Ecclesiæ sancti Valerii. Timentes enim hostilis impetus, ad nos venere unanimis, poscentes ipsum atrium sibi dari in auxilium, ad construenda domicilia, & condenda propria. Horum itaque evicti importunitate, atrium in commune census sub ratiocinio indulimus; eo videlicet conditionis ordine, ut qui senum pedum vel 7. mensuram usurparet in dominio, duorum; qui verò aut duodecim, aut tredecim, quatuor denariorum censum die festivitatis sancti Benigni solveret. Qui verò statutum transiret terminum, jam sciret cum usurâ secundum legem reddendum.

*Carta de Luco Ibusiaco.*

**Q**uadam sœmina, Hildegardis nomine, pro remedio animæ suæ, & viri sui, filiorumque, scilicet Norgaudi, & Heldeberti, tradidit hanc terram cum appenditiis suis, quam jure hereditario possidere videbatur, Monasterio sanctorum Apostolorum Pe-

tri & Pauli, quod est situm in loco, qui dicitur Fons Besuæ. Et ut profuturum posteris foret, & firmius crederetur, litteris assignare rogavit.

Igitur in Bussiaco villâ 4. sunt curtília, 2. ex unâ parte fluvii, qui dicitur Tila: & alia 2. ex aliâ parte ejusdem fluvii. Ex uno latere est terra sancti Salvatoris, ex alio terra Gibuini; ex uno capite currit prædictus fluvius, id est Tila; ex alio est via publica. Juxtâ autem alia duo curtília, quæ sunt ex aliâ parte ejusdem fluvii, ex unâ parte est terra Girardi; ex aliâ terra Gibuini; ex unâ fronte terra prædicti Girardi, ex aliâ sæpe dictus currit fluvius. In Luco autem Villâ secus pontem curtile unum: ex omni parte est terra ejusdem prædicti Monasterii. In eadem verò villâ est & aliud curtile, ex unâ parte terrâ sancti Petri; ex aliâ, terrâ Willerii, ex unâ fronte via publica, ex aliâ sæpe dictus fluvius.

Item in aliâ villâ, Luco dictâ ad sanctum Martinum, 2. curtília; ex unâ parte est quidam exitus ad aquam pergendi; ex aliâ est terra sancti Leodegarii; ex unâ fronte currit Tila, ex aliâ prædicta via. Item in jam dictâ villâ Luco ad pontem sunt 3. curtília modica, ex omni parte ejusdem Monasterii terra consistit. Item in eadem villâ unum curtile; ex unâ parte est terra Giraldi, ex aliâ terra sancti Salvatoris; ex unâ fronte tenet ipsum Monasterium, ex alia fluvius jamjamque vocatus. Item in eadem villâ unum curtile; ex duabus partibus terra sancti Leodegarii; ex unâ fronte terra Gibuini, ex aliâ sæpe dictus fluvius.

Hæc ergo supradicta Heldegarda cum prædictis filiis, jam dicto contulit Monasterio, & fidei subscriptione legitimis testibus corroboravit, Regnante Roberto Francorum Rege. Contulit nihilominus cum omnibus his prædictis curtilibus, omnia quæ ad ipsâ pertinent: id est prata 4. terras arabiles, & pascua, & cuncta quæ hereditario jure possidebat in his prædictis tribus villis.

*Carta de Lu, & Fracto monte.*

**I**tem alia quædam sœmina, Heremburgis dicta, pro anima suâ, animabusque seniorum suum & filiorum, dedit Deo, necnon sacrosanctæ Ecclesiæ, in loco qui Besua dicitur, in beati Petri Apostoli honore dicatæ, quædam res juris sui, scilicet colonicas 4. sitas in pago Lingonico. Quarum in villâ, quæ dicitur Lu ad sanctum Martinum, tres sunt.

Has igitur tres cum servis supermanentibus jam dictæ dedit Ecclesiæ, eo pacto, ut in vitâ suâ jure usufructu eas possideret; post obitum verò suum ad Rectores illius Ecclesiæ perveniant. Alia autem colonica sita est in eodem pago, in villâ quæ dicitur Fractus-mons. Hanc jam dictæ Ecclesiæ in vestiturâ tradidit, ut Rectores ejusdem loci teneant & possideant. Nomina verò servorum, & ancillarum his in terris degentium, hæc sunt, Stephanus & uxor ejus Deodata, & filii eorum Mainardus, Leotafius, Danucia, Ermengarius, Rainardus, Ernincia, Mainardus, Bernardus, Fulgerius, Rotrudis, Olofina.

Has igitur cum servis & omnibus appenditiis sanctæ Ecclesiæ prædictæ, cui Dominus Guillelmus Abbas præerat, jam dicto Conventui concessit, pro his quorum superius memoriam feci, necnon pro animâ Leudonis, qui ei has contulit. Signum Heremburgis, quæ fieri, & firmare præcepit. Signum Lebaldis Præsulis. Sign. Adalardi Presbyteri. Sign. Joannis Levitæ. Sign. Haymonis Levitæ. Signum Constantini. Data per manum Ranulfi Levitæ vi. feria primo die mensis Januarii. Regnante Roberto Rege.

Item



*Item alia.*

**Q**uidam Miles vocabulo Hirmuinus, Besuense adiens Monasterium ex consensu uxoris suæ, nomine Bertilæ, dedit ad ipsum locum pro amore sancti Petri, ac sancti Prudentii, necnon & pro remedio animæ cujusdam filii sui, nomine Hirmuini nuper defuncti, quemdam servum vocabulo Ewardum, cum uxore suâ, nomine Stephanâ, & infantibus illorum; eâ ratione, ut tam ipsi, quàm omnis posteritas illorum, ab ipsâ die in servitio & dominatione Monachorum jam dicti Monasterii jure hereditario pertineant, nullo contradicente, neque calumniam faciente.

*Carta de Flaciaco.*

**A**lius Miles, Hugo nomine tradidit sancto Petro pro sepulturâ uxoris suæ Wandelmodis, & pro remedio animæ ejus mansum unum, in vico qui Flaciacus dicitur, cum omnibus appenditiis suis, terris scilicet arabilibus, sylvis, atque pratis. Et ut hæc donatio nulli unquam calumniæ pateat, sed jugiter inconvulsa permaneat, hanc Cartulam altari ejus superposuit, & eam manu suâ firmavit, roborandamque testibus fidelibus tradidit.

*Carta de Beriâ.*

**N**otum esse volumus omnibus fidelibus, tam futuris, quàm præsentibus, quoddam Miles, Milo nomine, de villâ quæ dicitur Beriâ, Domni Willemi Abbatis, qui huic Monasterio Besuensi præesse dignoscebatur, ac Domni Benedicti, qui post ipsum Prioratûs officioungebatur, clementiam adierit, poscens sibi de rebus ejusdem Monasterii in beneficio donari, promittens se in omnibus jam dicti Monasterii servitiis subditurum, ejusque utilitatibus pro posse omnimodis profuturum. Qui cum in precibus suis, tam per se quàm per suos internuntios assiduus perstaret, ejus coactus postulationibus jam dictus Prior Domnus Benedictus, ex consensu supradicti Domni Abbatis Willemi, dedit ei tertiam partem Ecclesiæ præscriptæ villæ, Beriæ scilicet, parte alterâ retentâ. Nam tertiam Presbyter pro servitio tenebat. Dedit etiam ei mansum unum in vico, quod dicitur Alta-villa, & unum quartarium in villâ, quæ dicitur Juvenalis, & unum jugerum de vineâ in villâ, quæ dicitur Curtis Adonis. Eâ tamen convenientiâ ut hoc ipsum beneficium diebus vitæ suæ teneret: post obitum verò suum nec filius ejus, nec filia, aut aliquis ex ejus parentelâ, se de eo intermittere, aut præsumere auderet, nisi eis bonâ voluntate, aut gratanti donatione Abbatis, aut Monachorum ejus concederetur. Quam convenientiam in personâ suâ, ac filii sui Aduini sub jure jurando firmavit, præsentem ipso filio suo, ac gratanter consentiente. Cui rei etiam fideles testes adhibuit, quorum hæc sunt nomina: Odo, Rotbertus, Wido Decanus, Luitprannus, Aldo Præpositus, Albertus Monachus, Rotbertus Monachus.

*De obitu Brunonis Episcopi.*

**Q**uia longum est enarrare cuncta, quæ huic loco collata sunt tempore Brunonis Episcopi, ad ipsius vitæ finem veniamus. Sed ante paucis describere curabimus quis fuerit modus vitæ ejus.

Fuit itaque in elemosynis largus, &c. *ut in Chronico S. Benigni.*

Anno ab Incarnatione Domini M. XVI. Domnus Episcopus Bruno obiit 11. Calend. Februarii, peractis in Episcopatu annis xxxv. Cui successit Lamber-

tus Episcopus, & ipse augmentator bonorum hujus loci devotus.

*Carta de Novâ-villâ.*

**I**n cujus diebus, quidam Henricus, & filius ejus Vilgerius, & uxor sua nomine Aduldis, sepulturam sunt adepti in Monasterio sancti Petri Besuensis. Ex hac videlicet causâ, quo villam Novâ-villâ, quam tenuit pater ejus in beneficium, reddiderint sancto Petro pro remedio animarum suarum. Ne autem hæc redditio frustraretur, dedit ei Domnus Benedictus Prior, mansum unum in villâ, quæ Corcellis vocatur, tempore vitæ suæ, & post obitum ejus rediret ad sanctum Petrum. Hoc autem ne obliteraretur, Monachis sibi tunc cognitis decedentibus, his litteris sub testificatione priorum manifestandum rogavit posteris annectendum. Et hoc ut sicuti fratrum defunctorum anniversaria dies celebratur, ita & ipsius celebretur. Humbertus Clericus Tilecastri testis. Wido Decanus testis, & alii multi.

*Item Alia.*

**I**n nomine summæ & Individuæ Trinitatis, Patris, & Filii, & Spiritus sancti. Notum esse omnibus volo, quoddam ego Henricus, quiddam sanctus Petrus in Novâ-villâ videtur habere, quondam in beneficio teneram, sed à Brunone Episcopo sublatum, Monachis est restitutum. Sed ego post mortem Brunonis resanxivi; unde Abbas Wilhelmus indignatus cum Monachis versis ad Lambertum Episcopum clamoribus, compulsus sum Novam-villam intermittere. Postea verò præsumptione in humilitate mutatâ, ipsum Lambertum Episcopum promerui adiutorem; quo intercedente ipsam terram quæ tribus mansis, & dimidio dividitur, hac conditione Monachi mihi reddiderunt, ut retentâ corvatâ suis usibus, & David, & filio, & Rainaldo, cum terrâ, quam tenent, alios jornales haberent, & carroperam, & censum cum Eulogiis. Monachi verò de hominibus receptum & placitum recipere, cum quo etiam quiddam super tria mansa & dimidium in ipsâ villâ inventum est. Quidquid etiam assum est, & in curtilis & terrâ arabili, pratium quoque indominicatum, & sylvam & molendina. Hoc etiam meâ promissione firmatum est, ut ab hominibus præter legalem censum terræ nec occasione hospitii, nec novâ necessitate aliquid exigerem. Quod si præsumerem, iterum terram perderem, nisi Monachos satisfactione placarem.

Hujus igitur terræ indulto servitio militari, nihil aliud à me exigitur, nisi continua defensio contra prædatores, & fraudatores ejusdem Ecclesiæ. Sed ne in hoc viderer gravari, ne contra potentiores, sed contra æquales mihi genere, & potestate, & contra inferiores mihi in utroque; in quâ defensione si negligens comprobabor, iterum perdendi terram conditione constringor.

Hanc ergo terram Novâ-villæ hac conditione receptam cum omni aliâ, quam ex parte sancti Petri habebam, id est, Monasteriolum cum Ecclesiâ, in ipso alodo sitâ, & in Fracto monte mansum unum, & in Wainart dimidium mansum. In Manneio quoque quartarium unum pro remedio animæ meæ, in jus ac proprietatem præbendæ Monachorum retrado; & omnes posteros meos alieno, & in omnibus bonis, quæ ex parte sancti Petri pro beneficio tenui, ne jus hereditarium requirant, exheredo, & ad excludendam requirendæ hereditatis occasionem, om-

d perstaret] Editum erat, prestaret.

Tom. II.

G G g

ne quod habui per hanc cartæ Notitiam coram positis testibus reddo.

Ego quoque Lambertus Lingonicæ sedis Episcopus, hujus redditionis testis assisto. Et quia meâ dispositione id actum est, ut ad præbendam Monachorum redeat Nova-villa, & omnis alia terra, quam Henricus tenuit in beneficio, gratanter confirmo. Et ne ulterius beneficii more post obitum Henrici ab usibus Monachorum subtrahatur, interdico; & autoritate Patris, & Filii, & Spiritûs sancti cum invocatione sancti Petri Apostolorum Principis consentientes & subtrahentes excommunico. Signum Lamberti Episcopi. Signum Beraldi. Sign. Rotgeri. Sign. Widonis. Ego Henricus propriâ manu firmo, testesque adhibeo. Signum Girardi Comititis. Signum Milonis. Sign. Oldebranni. Acta sunt hæc Tilecastro publicè, præsentem Domno Lamberto Episcopo, Anno ab Incarnatione Domini nostri JESU-CHRISTI M. XVII. Indiction. xv. Regnante Rotberto Francorum Rege, mense Februario.

*Carta Fontis Vennæ.*

Monasterium  
condit Girar-  
dis Fontis-  
vennæ Domi-  
nus.

**I**N nomine sanctæ & individue Trinitatis. Omnibus Orthodoxæ fidei cultoribus. Luce clariùs patet humanum genus tam diabolicâ seductione, quam propriæ naturæ fragilitate Creatorem suum quotidie offendere, ejusque iram incessanter irritare, juxta illud Apostolicum: *In multis offendimus omnes*. Et si omnes, quod verum est, offendere dicit, neque cautos, ac perfectos à generalitate offendentium excludit, quantum magis nos omnino seculares, qui Dominicorum vix præceptorum meminimus, in quorumque actibus, nihil penè nisi peccatum cognosci potest, offendere credere debemus? Multa enim mala scienter perpetravimus, & in multa ignoranter incurramus, de quibus necessitas magna instat, ut antequam ad districti judicii tribunal duci cogamur, quomodocumque absolvi laboremus. Et quia Dominicis, & Evangelicis verbis receptorem Prophetæ & justî, mercedem Prophetæ & justî accipere instruimur, si quem Dei servitorem, quod nomine justî sonare videtur, receperimus, aliquantulum offensarum nostrarum sarcinam levare existimamus. Sed ne diutius in loquendo moremur, jamceptorum intentionem ad medium deducamus.

Ego Lambertus Dei gratiâ Lingonensis Ecclesiæ Præsul, notum iri volo cunctis sanctæ Christianitatis filiis præsentibus, & futuris, quod Girardus Fontis-vennæ Castri Dominus, ante prædictum castrum Monasterium in honore & memoria sancti sepulcri, ac sanctæ MARIÆ semper Virginis, ædificare volens, ibi Monachos, qui semper Deo serviant, locare disponit. Ad claustrum quoque & officinas ad hortum, & horrea, & ad cuncta necessaria ipsius loci componenda, dat eis terram ab ulteriori ripâ Vennæ aquæ, quæ est Lingonis venientibus ad castrum sinistram, usque ad sylvam quæ est eisdem dextera: de alterâ verò parte à cruce, quæ fixa est in mediâ calmar usque ad ipsum castrum per viam quæ ducit ad sylvam. Et quia ipsum Castrum cum adjacenti terrâ de casamento nostræ Dioceseos noscitur esse, per laudamentum nostrum concedit sancto Mammeti commutationem prædictæ terræ apud Arionis curtem villam, quam de hereditate Geretrudis uxoris suæ contigit habere. Quam etiam terræ commutationem pro remedio animæ meæ prædictæ aucto Ecclesiæ, ut & ipse particeps siam elemosynæ.

Vult autem prædictus Girardus hunc locum tali conventionem construere, ut in subjectione & in dis-

ciplinâ sancti Petri Besuensis, atque Abbatis ipsius Ecclesiæ permaneat omni tempore. Similiter quidquid ipsi loco ad præsens dat, & quidquid in futurum dederit vitæ comite, & ceteri quique fideles pro remedio animarum suarum voluerint impertire, in prædictâ Abbatiæ Besuensis semper consistat ditio-  
ne.

Rogat etiam me obnixè Episcopali autoritate confirmare, ut omnium Militum defunctorum corpora, quæ ab hoc Fontis vennæ castro ad Besuam, ut consuetudo eis est, non potuerint portari, in cæmeterio istius loci à me consecrato, consuetudinabiliter tumultentur. Cuncti etiam, qui intrâ castellatum, vel in ipso habitu & receptu castellati mortui fuerunt, in prædicto sanctæ MARIÆ cæmeterio perpetuâ observatione sepeliantur. Cujus petitionis intentionem fidelem & devotam intelligens, libenter cum consensu omnium Archidiaconorum, & aliorum fidelium, quod poscit annuo, & confirmo, & sancto Petro Besuensi illum locum laudando; & insuper hanc litterarum Notitiam fieri jubeo; quam etiam propriâ manu firmo. Quam petitionis firmationem, sive conventionem, ac scripturam, si quis perversâ mente deceptus aliter mutare, aut penitus evertere exorsus fuerit, anathematis æterni, & perpetuæ maledictionis vinculo vulneratus, ac legis rectitudine convictus, centum auri libras persolvat, & quæ in istâ Cartâ continentur, inviolata permaneant. Ego Lambertus Lingonicæ sedis Episcopus, ut sit memorabile sæculis, hanc cartam fieri jussi, & signavi. Beraldus Sueffionis civitatis Episcopus signavit. Beraldus veteranus Archidiaconus & Abbas sign. Girardus Comes Fontis-vennæ sig. Bruno Archidiaconus sig. Alius Girardus sig. Hugo Comes sig. Oddo Archidiaconus & Abbas sig. Wido sig. Rotgerius sig. Hugo Capellanus sig. Item Hugo sig. Rainoldus sig. Acta publicè Lingonas, anno ab Incarnatione Domini M. XIX. Indict. II. Epactâ XII. Concur. III. mense Maio. Regnante Rotberto Francorum Rege. Ego Odolricus dictavi ad vicem Beraldi Cancellarii, die Jovis scripsi, & subscripsi.

*Item Alia.*

**I**N nomine sanctæ & individue Trinitatis. Ego Girardus, Notum volo esse omnibus fidelibus adhuc in carne degentibus, & in futurum venientibus, me cum Gertrude uxore meâ quamdam partem hereditatis meæ, Lamberto Episcopo in exchange per unum conventum dedisse.

Erat quædam campestris terra subitè meum castrum quod Fons venti vocatur, in quâ Monasterium construere volebam. Videns ergo hoc me non posse adimplere, sine Episcopi licentiâ, tantundem terræ dedi ipsi Domino meo pro eodem loco in villâ, quæ dicitur Arcuncurtis. Terminatur autem ipsa terra in fronte terrâ sancti Petri Genovensis Ecclesiæ, & circumquaque hereditas mea noscitur cumjacere. Tali verò tenore tradidi, ut locus ille, in quo sedes constructa est Monasterii, in honore sancti sepulcri, & sanctæ MARIÆ semper Virginis, Abbatiæ Besuensi sancti Petri semper subiaceat, & sub Abbatis potestate permaneat.

Si quis ergo contrâ hoc factum (quod non spero per Dei gratiam futurum) ex heredibus nostris aliquam calumniam inferre tentaverit, coactus legibus in fiscum Regis persolvat unam libram auri. Hæc autem traditio omni tempore permaneat firma, & stabilis, quam propriâ manu firmavi, & firmandam tradidi testibus subscriptis. Signum Girardi. Sig. Gertrudis. Sig. Girardi Clerici. Sig. Humberti filiorum eorum. Sig. Haimonis. Sig. Otberti.

Sig. Nocheri Sig. Aymonis. Sig. Arluini. Sig. Nerduini. Sig. Willelmi. Sig. Lentilli. Sig. Arulii. Sig. Otberti Normanni. Sig. Teubaldi. Acta sunt hæc Lingonis xvi. Calendas Maii, Indictione 11. Regnante Rege Rotberto xxxii. anno, & Hugone filio ejus 111. Ego Odolricus dictavi ad vicem Beraldi Cancellarii, die Jovis scripsi, & subscripsi.

*Carta de Arcionis Curte.*

**I**N nomine sanctæ & individue Trinitatis. Manifestum iri cupimus tam presentibus quam futuris, quod ego Lambertus gratiâ Dei Lingonensis Ecclesiæ Episcopus, dedi Deo & Monasterio sancti sepulcri, & sanctæ Mariæ quod est constructum ante castellum Fontis-vennæ à Girardo & Gertrude uxore ejus in terrâ casamenti nostri, me laudante, terram Arcionis curtis, quam mihi ipse Girardus, & uxor ejus pro commutatione terræ casamenti nostri, in quâ Monasterium ædificaverant, reddiderunt. Ergo illis rogantibus tradidi eam liberam Deo, & sancto sepulcro, & sanctæ Mariæ, & sancto Petro, ad Monasterium Fontis-vennæ, eo tenore ut ipse particeps fiam eorum elemosynæ. Et quia ipsa terra de potestate Lovuncurtis erat, separaverunt eam ab ipsâ potestate, & ex toto liberam fecerunt, ut nullus ministerialium ipsius potestatis in ipsâ terrâ amplius præsumat accipere, aut tollere; & homines, qui in ipsâ terrâ habitaverint, sylvam ipsius potestatis ad ædificandas domos & faciendum sibi focum, sicut ante, utantur, & pastionem ad suos porcos, & alias bestias, quas habuerint, consuetudinaliter similiter utantur. Et quicumque pro ipsâ sylvâ, aut pro ipsâ potestate aliquid demandare præsumserit, perpetuâ maledictione, & excommunicatione feriatur. Signum Lamberti Episcopi. Sig. Girardi. Sig. Gertrudis. Sig. Humberti patris Theoderici. Sig. Haymonis patris Widonis Burgundionis villæ. Sig. Haymonis patris Manasse.

*Carta Helprici curtis.*

**I**N nomine summe & individue Trinitatis, videlicet Patris, & Filii & Spiritus sancti. Ego Lambertus gratiâ Dei Lingonensis Præsul, notum cupio fieri omnibus Christum Deum verè credentibus, quod cum quadam die essem apud Lingonas, & pro modulo cum meis tractarem Clericis, simul & Catholicis Laicis, de statu sanctæ Matris Ecclesiæ confirmando, & de religionis depravatæ vigore recuperando: ecce quidam Besuensis Cœnobii fratres meis se se præsentare obtutibus, supplicibus efflagitantes precibus, quo eorum necessitudini charitate fraternitatis compatiens, altare Ecclesiæ Helprici Curtis concederem ad supplementum presentium ac futurorum fratrum. Cujus petitionis implorationem auditam incunctanter studui rebus adimplere; quoniam subsidio fulciebatur mercedis futuræ.

Consentientibus itaque Lingonensis Ecclesiæ Clericis pariter ac fidelibus Laicis: B. videlicet Præpositus, nec non & L. Archidiaconus, in cujus supradictum est altare ministerio, Besuensi Ecclesiæ prælibatum altare æternæ retributionis gratiâ ad fratrum relevandam necessitatem tradidi, eâ conditione, ut obsequia nostræ sedi debita, temporibus congruis persolvantur. Inter ceteros præsens aderat Miles quidam Humbertus nomine, in cujus beneficio altare prædictum videbatur situm. Hic Dei gratiam consequi desiderans, beneficium illud fratribus ejusdem loci concessit, dicens: Ego Humbertus ob omnipotentis Dei amorem, & animæ meæ salvationem dono sancto Petro, & fratribus

Besuensis cœnobii beneficium Ecclesiæ Helprici-curtis, consentiente meâ conjuge, Hiltiburge scilicet nomine, & Siguino filio meo, perpetuo jure possidendum, ita ut ab hac die suis usibus illud attribuant, & inde subministrent, & licentiam faciendi quidquid inde sibi placuerit habeant. Si quis verò heredium meorum, quod absit, huic donationi calumniam inferre tentaverit, legibus coactus auri libras decem persolvat; & hæc donatio firmitatis, & stabilitatis vigorem perpetuò obineat. Actum Lingonis publicè vi. Idus Januarii, Indictione v. Anno Incarnationis verbi M. XXII. Regnante Rotberto. Signum Lamberti Episcopi. Sig. Brunonis Archidiaconi. Sig. Girardi Archidiaconi. Sig. Humberti Archidiaconi. Sig. Oddonis Decani. Sig. Ansculfi Presbyteri. Sig. Hugonis Presbyteri. Sig. Constantii Presbyteri. Sig. Mauricii Presbyteri. Sig. Widonis Laici. Sig. Gotzelmi Laici. Sig. Odoirici Laici. Sig. Widonis Laici. Sig. Rotgerii Laici. Sig. alterius Rotgerii. Sig. Humberti. Sig. Siguini filii ejus.

*Carta de Vetus-vineis.*

**N**Otum sit fidelibus Christianis, presentibus, & futuris, post constructionem Besuensis Cœnobii ab Amalgario Duce in honore Beatorum Apostolorum Petri & Pauli, non parvæ amplitudinis prædia inibi ab eo collata: cum quibus & alodum quod dicitur ad Vetus-vineas, concessit. In quo loco fervorum Dei aggregans multitudinem sub regulari disciplinâ vivere paratos, filium suum eis præfecit nomine Wandalenum. Post multorum verò temporum curricula, partim invatione hostium, partim irruptione Hunorum, à quibus idem locus quinquies traditur concrematus, nec minùs incuriâ Pontificum ut prædictum augmentum, perpeti cœpit detrimentum, donec Betto Lingonensem promeruit adipisci sedem; qui quamdiu rebus humanis interfuit, ut idoneus Pastor præfuit. Quo decedente, Albericus successor eligitur. Quique per visitationem Apostolicam, divinâ sibi opitulante misericordiâ, ipsum locum in pristinum reparavit statum, nec non suis ampliavit donis; diuque in honoris perseveravit stabilitate, & Religionis. Postea autem utrum gratiâ beneficii, an præsumptionis, Vetus-vineas quidam Hugo tenuit: quo defuncto iterum locus resumit, & quistam ac solidam tempore Brunonis Lingonensis Episcopi possedit. Post cujus decessum, sicut cetera loca sanctorum, locus Besuensis in direptionem cecidit. Tunc qui videbantur pacifici, prædones sunt effecti. Inter quos quidam Gerardus, & frater ejus Lambertus, de progenie supra-scripti Hugonis progeniti, quasi jure hereditario Vetus-vineas invaserunt. Sed cum tali invatione nihil proficerent, tandem convicti justitiâ, loco sponte restituerunt. In quâ restitutione, si qua sibi ab antecessoribus restitudo videretur, sponte indulserunt, tam pro remedio animarum suarum, quam parentum suorum, & pro promerendâ indulgentiâ, prædæ porcorum, & arsuræ Fielinx villæ quam injustè fecerunt, adhibitis testibus, qui restitutionem viderunt, & satisfactionem. Et ut hæc restitutio, & satisfactio memorialiter permaneat, hanc notitiam fieri petierunt, manu sua; & horum testium corroboratam. Signum Girardi. Sig. Lamberti, qui hanc Cartam fieri petierunt. Sig. Helvidis matris eorum. Sig. Widonis, & uxoris ejus. Sig. Walterii Clerici. Sig. Widonis Decani. Sig. Oddonis. Sig. Rotberti. Sig. Erlebaldis. Sig. Aldonis. Actum publicè apud Divionensē castrum xiii. Calendas Martii, anno ab Incarnatione Domini M. XXIII. Regnante Rotberto Rege.

*Item alia, & de Tusleio.*

**Q**Uædam mulier nomine Ezelina, uxor Nerduini Militis, tradidit unum mansum pro redemptione animæ præscripti mariti sancto Petro Besuensi, in villâ, cui vocabulum est Vetus-vineis, cum uno servo, & cum omnibus, quæ ad ipsum mansum pertinent. Dedit etiam ad Tusleium unum mansum in quo sunt quatuor jugera, & de terrâ arabili 29. & pratum ad unam carratam. Ut hæc donatio in perpetuum firma sit, & stabilis, his subscriptis testibus firmavit, & firmare rogavit. Hi sunt Gibuinus frater supradicti Militis, Bernardus, Aldo. Reddidit etiam salvamentum de villâ, quæ vocatur ad septem-fontes, quæ jam sancto Petro fuerant. Acta publicè Besuâ anno ab Incarnatione Domini M. XXVII. Indiçt. x. Epactâ xi. Conc. vi. mens. Octob. Regnante Rotberto Francorum Rege.

*Carta de Flaciaco.*

**Q**UIDAM etiam homo nomine Haymo, unum mansum cum omnibus appenditiis suis, terris scilicet arabilibus, sylvis atque pratis, in vico, qui Flaciacus dicitur, Monasterio SS. Apostolorum Petri & Pauli, sanctique Prudentii Martyris dedit, quod est situm in loco qui dicitur Fons-Besuæ. Et ut hoc profuturum posteris foret; & firmitus crederetur, litteris assignare rogavit sub legitimis testibus, anno ab Incarnatione Domini supradicto. Hi sunt testes. Sign. Bernardi. Sig. Odonis. Sign. Rotberti. Sig. Aldonis. Sig. Hugonis.

*De obitu Abbatis Willelmi.*

**S**UNT adhuc plurima, quæ describi possent, sed his omisiss obitum patris Willelmi intimare curamus, &c. *ut in Chronico S. Benigni.*

Ipsa eodem tempore quo Rex Rotbertus Monarchiam Regni tenebat, cum audisset in partibus istis quosdam exiliter, qui circumquaque res alienas violenter diripientes, ut liberius impuneque retinerent, firmitates, & castella nova sibi construxerant; cum copioso, ut Regem decebat exercitu, Miribellum ad expugnandum & diruendum advenit: erat enim illud una ex mansionibus raptorum: quod & Deo favente in brevi effecit. Sed dum ibi oblideret, nuntius advenit, dicens patrem nostrum Willelmum Abbatem ab hac vitâ decessisse.

Nolens itaque Rotbertus Rex locum istum diu sine pastore manere, ne lupi rapaces gregem invaderent, Domnum Ulgerium, qui tunc vicem Prioris sub Abbate Willelmo tenebat, huic loco Abbatem substituit. Obiit verò prædictus pater noster Willelmus anno ab Incarnatione Dom. M. XXXI. &c. *ut in Chronico S. Benigni.*

*De Abbate Ulgerio.*

**H**UJUS itaque Hugonis ordinatione instante, cum esset deductus ab Henrico Rege juvene ad civitatem Lingonas cum magnâ ambitione, nuntiata est Regi mors patris sui Rotberti Regis, qui regnavit annis xli. & ipse Henricus Regni vi. jam annum agebat. Supradictus verò Episcopus cum suscepisset Episcopatum, non fuit, ut decuisset, circa Dei Ecclesias sollicitus augmentator, sed è contrario negligens, & distractor. Quapropter cum huic loco multas importunitates inferret, & exactiones insolitas, & Dominus Ulgerius Abbas nullomodo ei vellet assentire, ipse Hatinardum Divionensem Abbatem, huic loco constituit Abbatem. Qui veniens cum suis Monachis, per violentiam Hugonis Episcopi Domnum Ulgerium Abbatem nostrum, cum quibusdam ex nostris Monachis captos Divio-

nem duxit; suos autem Monachos hic dimittens, non ad conservandum, & ædificandum, sed ad destruendum, & diripiendum quæ intus erant, locum istum eis contradidit. Quod postea claruit; nam quædam vice simulantes se ituros ut vinum deferrent, vas vinarium, quod tunnam vocant, plastro superponentes, ornamenta cum libris & thesauri maximâ parte in vase illo reposuerunt. Sed hujus villæ homines hoc intelligentes, maximè ex eo, quia tunna erat nimis ponderosa, eam aperierunt, & res nostras intus inventientes, retinuerunt. Ferunt quidam ex nostris tunc temporis, exceptâ aliorum ornamentorum non minimâ quantitate xvi. cappas, cum textu Evangeliorum, & cruce preciosissimâ, Divionem à Monachis illis deportatas.

Factum est autem dum Dominus Ulgerius Abbas ita Divioni haberetur, Monachi illius, qui ex hoc loco dispersi fuerant, notificaverunt ei, quatinus ad exeundum de Monasterio se præpararet. Illi verò mittentes ei equos cum quibus aufugeret, competenti loco collocaverunt. Quo comperto ipse de Monasterio exiens, equos ascendit, cursuque perpetuo castrum illud, quod juxta nos est, Bellimontem dictum, expetiit. Unde ipse cum suis Monachis, Divionenses, qui malè locum istum invaserant, expugnans, vellent; nollent; ad propria redire coegit. Ipse autem Ecclesiæ suæ redditus, & locum istum postea diu benè, ac regulariter gubernavit.

*Carta de Mornaldo.*

**C**ULPÂ primi parentis faciente: accidit ejus generi post ipsum, ut qualis ipse exstiter, tales post se natos relinqueret. Quâ de re sicut ipse miseriam non caruit; ita omnes miseros genuit: & sicut ipse oblitus est beatitudinis à Deo sibi collatæ, sic omnes homines obliviosos reddidit. Quia ergo obliviosum est animal, & sæpè labefactari possunt causæ rerum gestarum à mente humanâ, nisi atramento scribantur, & cartarum apicibus inferantur, quibus futuri ea quæ vel visu, vel auditu non didicerunt, harum exemplis erudiantur: idcirco nos quæ temporibus nostris acta sunt, & præcorum senectus meminit, notificanda intimamus.

Omnibus itaque notum esse volumus; præsentibus & futuris, qualiter quamdam terram in villâ Mornado sitam, quæ jure sancto Petro debebatur, tres fratres his nominibus, Wido, Odilo, Ansericus, sanxiverunt. Nam tempore Brunonis Episcopi exstiter quidam Miles Lezelinus nomine, qui ipsam terram contra jus ipsius Episcopi & seniorum loci supra scripti tenere voluit, quod videlicet nequivit. Post hunc exstiter alius Humbertus cognomine, qui ipsam terram similiter invasit: qui ad obitum veniens; reddidit ad limina sanctorum Petri & Pauli loco jam dicto, quæcumque in ipsâ terrâ tenere videbatur, sive juris sui, sive injustè ablata, omnia reddidit per caligulam suam, quæ vulgò osa dicitur, quam implevit de ipsâ terrâ, & virgulam de viridario sumit ad testimonium; quæ videlicet transmisit per nuntios suos, sed per incuriam non admissa fuerunt sancto loco.

Hinc ergo fratres suprascripti hereditari cupientes, terram invadunt, quasi à proavis sibi dimissam, & ut eis libitum fuit, agentes, multâque vi insistentes, contra voluntatem seniorum loco sancti Petri degentium, conati sunt agere, quod & fecerunt. Attamen illi non destiterunt à proposito voluntatis suæ, tam per semetipsos, quàm & per Principes regni semper clamantes, & injustam eorum calumniam patefacientes. Tandem Deo volente, & ipsi resipiscentibus, cum consilio suorum seniorum, adierunt simul limina SS. Apostolorum Petri &

Monachi Besuenses vi expellantur.

Pauli, pœnitentiam agentes, ibique quidquid in supradictâ terrâ tenere videbantur, sive iustè, sive iniustè, omnia contulerunt ad ipsum locum eo scilicet tenore, ut post obitum eorum ipsa terra in testimonium sit sepulturæ; & societatis eorum, quam & pro hoc reddiderunt. Insuper etiam aliam terram sitam in villâ Osiliaco dictâ, quæ in convadio contrâ ipsos erat, illis reddiderunt seniores loci suprascripti. Actum est publicè Besuâ Monasterio, die festo sancti Benedicti Abbatis videlicet xii. Kal. Apr. anno i. ordinationis D. Ulgerii Abbatis. Sig. Hugonis Comitis Belmontis, qui hanc redditionem fieri iussit. Sig. Oddonis nepotis ejus. Widonis Decani. Willerii, Odonis Militis. Leutpranni; Aldonis Præpositi. Et hæc nomina fratrum. Sign. Widonis, Odilonis, Anserici.

*Carta de Fracto-Monte.*

**P**resentium ac futurorum pro certo caritas agnoscat, quod Milo quidam de Tilecastro dedit sancto Petro, sanctoque Prudentio, pro remedio animæ suæ apud Fractum-Montem, unum mansum, ad quem appendunt 9. jugera de terrâ aratoriâ, & una sectura prati. Et ut hoc profuturum posteris foret, & firmitus crederetur, litteris assignare rogavit sub legitimis testibus. Anno ab Incarnatione M. XXVI. Indiæ. viii. Ep. nullâ concur. 4. mensis Julii, Regnante Rotberto Francorum Rege. Hi sunt testes. Sig. Widonis. Sign. Odilonis, & fratris ejus Rotberti. Sign. Aldonis, & filii ejus Milonis. Sig. Otberti.

*Carta de Beriâ.*

**H**oc etiam anno Milo de Beriâ, dedit sancto Petro in Monasterio qui dicitur Fons-Besuâ, pro remedio animæ suæ in ipsâ villâ unum mansum; ad quem adjacent 9. jugera de terrâ aratoriâ, & una sectura prati, cum servo nomine Lamberto, uxore, & infantibus. Testes Wido, Bernardus, Aldo, Lambertus, Grimeius, Romarus, Hugo filius Aldonis.

*Carta de Icior.*

**E**linandus etiam dedit unum mansum sancto Petro Besuensis cœnobii apud Icium, pro animæ suæ remedio, cum servo nomine Teduino, uxore, & infantibus, ad quem appendunt 9. jugera de terrâ aratoriâ, & una sectura prati. Testes Wido, Hugo, Aldo, Stephanus.

*Item alia.*

**O**dilo dedit similiter in eadem villâ sancto Petro Besuensis Cœnobii unum mansum, cum servo nomine Anfaldo, cum uxore, & infantibus. Testes Wido, Aldo, Berarmanus, Robertus.

*Carta de Besuetâ.*

**I**N Dei omnipotentis nomine. Notum fore volumus quibusque scire cupientibus, qualiter pro remedio animæ Odonis optimi militis, atque elegantissimæ juventutis filii, videlicet Nerduini, ictu repentino interfecti, dederunt ad memoriam SS. Apostolorum Petri & Pauli, sanctique Prudentii Martyris in loco Besuensis Monasterii, avunculus ejus, Hugo videlicet Comes Belmontensis, & ipsius Odonis uxor Gertrudis, fraterque ejusdem Hugonis servum nomine Theodericum: itemque alium nomine Stephanum, atque ancillam unam nomine Leutgardam, cum omni successione generis filiorum, & filiarum earumdem.

Item dederunt mansum unum liberrimi alodi permaximum, seu coloniam pergrandem in villâ Besue-

tâ, cum omnibus appenditiis, quæ ad ipsum mansum pertinent, id est, terris cultis, & incultis, & pratis, & cursus, & decursus, & usus aquarum, & usus sylvarum in gyro circumjacentium, tam circa Besuam, quam circa Vinzennam fluvios. quemadmodum prædictus Oddo, vel pater ejus, seu avus, in vitâ tenuerunt, absque ullo contradicente illorum generis, seu extranei. Debet enim prædicta terra per annos singulos, frumenti modios iv. & tremisse modios iii. & dimidium: & mense Maio denarios vi. Deinde multonem, & porcum, & per vindemias carroperum, & vini sextarium: & in Nativitate Domini, vini sextarios duos. Et ut ab hodiernâ die, & deinceps sit in Dominium prædictorum sanctorum Besuensis cœnobii, ut faciant Monachi inibi Deo deservientes quidquid illis utilitatis melius videbitur, & placuerit.

Et ut hæc firma in omni tempore, & stabilis elemosyna, sive donatio maneat, cum voluntate parentum, & consensu omnium fidelium nostrorum publicè tangentes manibus propriis roboramus, & nomina nostra, & præcipuorum nostrorum conscribi facimus. Si quis verò, quod absit, huic nostræ factioni, quam pro Dei amore, & animæ carparentis nostri redemptione fecimus, in aliquo contrarius calumniator extiterit, iram æterni judicis, ejusque Clavigeri Petri sentiet, si non cum satisfactione emendaverit.

Nomina firmatorum, qui hanc Cartam firmaverunt. Sig. Hugonis Comitis. Sig. Letgardis Comitissæ. Sig. Gertrudis, uxoris Odonis Militis. Sig. Gybuini. Sig. Richardi. Sig. Nerduini filii ejus. Sig. Widonis Archid. Sig. Hugonis. Sig. Widonis & Odilonis, & Joffredi. Sig. Bernardi. Sig. Bernardi alterius. Sig. Willerii. Sig. Richardi. Sig. Ulrici. Sig. Olgerii. Sig. Willenci. Sig. Humberti. Actum Besuâ, publicè, anno ab Incarnatione Domini M. XXXIV. Indiæ. ii. Ep. xxviii. Regnante Henrico Rege, viii. anno Regni ejus, mense Novembris. Ego Heldemannus Monachus, scripsi & subscripsi.

*Carta de Fontanellis.*

**Q**uidam Miles, Richardus nomine, mente non inconvenienter pertractans, & admodum timens, sacri eloquii consilio fretus, confidenter aggreffiens illud: *Facite elemosynam, & ipsa orabit pro vobis, & omnia munda sunt vobis.* Et, *Date, & dabitur vobis*, atque similia. Unde pro remedio animæ suæ cœlesti Janitori, atque Apostolorum Principi sancto Petro Besuæ-Fontis donavit mansum unum, in loco qui vocatur Fontanellas. Quod quidem conjux sua, Radmodis nomine, & filius ejus Hugo, fautores libenter concesserunt, imò amplius etiam se daturus sancto loco promiserunt. Actum verò hoc publicè in præfati sancti cœnobio, & super ejusdem altare. Regnante Domino nostro JESU-CHRISTO cum Spiritu sancto in paternæ Majestatis dexterâ, anno Incarnationis ipsius M. XXXVI. Indiæ. iv. Epacta xx. pridie Kal. Julii, iv. feriâ, iii. Lunæ, in quâ B. Pauli passio celebris recolitur, pridie Coapostoli ejus Petri festo, debito honore peracto, Rege Henrico in sceptris Francorum agente; Hugone verò in Pontificatus honore Ecclesiam regente sanctæ sedis Lingonicæ.

*Carta de Caviniaco, & Priniaco, atque Blaniaco.*

**Q**uidam Gybuinus Clericus, tactus timore divino, ob peccaminum suorum remissionem, seu fratris sui Nerduini, filiorumque ejus nepotum suorum: Oddonis videlicet, & Hugonis, donavit dimidium mansum unum in villâ, quæ Priniacus dicitur;

G G g iij



& unum curtile cum servo, qui in eadem terrâ stabat, nomine Humbertus, cum filiis duobus Dodo-  
ne, & Humberto. Reddidit etiam terram quamdam  
sitam in Caviniaco villâ, quam frater suus supra  
nominatus Nerduinus tenere visus est aliquando in-  
justè. Reddidit salvamentum de villis Auxiliaci, at-  
que Blaniaci. Reddidit etiam Oldierium cum fratre  
ejus nomine Hugone, & sorore, nomine Fratribus,  
quos tenebant in salvamentum supradictus frater  
suus, & nepotes sui. Donavit etiam servum Gun-  
tarium & Ingerranum cum filio Stephano. Nam  
Ingerrannus pro Oddone ante fuerat datus: filius  
verò ejus pro Hugone. Ipse Gybuinus, qui dona-  
tionem fecit, firmavit Cartâ.

*Carta de Vetus-vineis.*

**Q**uidam homo Otbertus nomine, reddidit san-  
cto Petro Besu-Fontis, quicquid reclamabat  
in villâ, quæ Vetus-vineas dicitur: die scilicet qui  
Dominicus habetur, cum in mediâ Quadragesimâ  
*Latare Hierusalem* in voce exultationis sacris con-  
centibus ad missas extollitur: ubi à Domino Olge-  
rio ejusdem loci Abbate & Monachis peram pere-  
grinationis simul, & absolutionem, Romam profe-  
cturus suscepit. Actum verò hoc publicè super altare  
memorati sancti Apostolorum Principis v. Kalend.  
April. xxvi. Lunæ, Rege Francorum Henrico stren-  
nuè in sceptris agente, Hugone verò Pontificali in  
Cathedra feliciter præsidente, Ecclesiamque Lingo-  
nicæ sedis piè regente, anno ab Incarnatione Domini  
M. XXXVI. Indict. iv. Epact. xx.

*Carta de Blaniaco.*

**L**uce clariùs constat quemque cupientem vafri  
Lhostis proterere molimina, indefesso nisu secta-  
torum Christi sequi debere vestigia. Rectorum quip-  
pe operum casta gestans præcordia, cœlorum gliscit  
gaudia capescere felicia. Quæ procul dubio conse-  
quitur ad cœlestes thesauros terrena transferens pa-  
trimonia, & inopum solans miseras liberalitatis mu-  
nificentiâ. Admonet hoc nos divina scripturâ, re-  
demptionem animæ viri contestans proprias divitias.  
Redimuntur namque misericordiis pauperum pec-  
cata, & ut ignis aqua, sic eleemosynis æterni rogi  
restinguitur flamma. Ob quam rem ego Gybuinus  
Clericus, frater Hugonis catri Bellimontis, divinâ  
respectus misericordiâ, & ad dierum meorum per-  
ductus extrema, concedo, & do Deo Omnipotenti,  
& S. Petro omnem hereditatem meam in villâ,  
Blaniaco nuncupatâ. Omnem scilicet terram ara-  
bilem cum campis, pratis, sylvis, pascuis, live pis-  
catoriâ, ex quibus ejusdem villæ constat pars ma-  
xima. Præterea addo servos Rotgerium, & Alche-  
rium, Utbaldum, Warnerium, Sendradum, Ar-  
chimbaldum, cum uxoribus eorum, & filiis, om-  
nique familiâ, & omnes servos, & ancillas ad eam-  
dem hereditatem meam pertinentes, quibuslibet lo-  
cis habitent, ut ab hinc sancto, & Monachis ei  
servientibus, sicut hactenus mihi, serviant, & con-  
suetudines persolvant mente devotâ. Ne verò post  
decessum meum, hujus eleemosynæ aliquis violator,  
vel falsator accedat, præsumptione injustâ, Ulrico  
nepoti meo commendo coram omni populo ad al-  
tare sancti Petri suâ ratione eam demonstrare, &  
vice meâ sancto, & Monachis tradere, & testem  
veritatis cartam fieri, subnixâ stipulatione, adhi-  
bitisque testibus, & signantibus roborare. Signa-  
torum nomina subsequenter exprimit sceda, Sign.  
Ulrici nepotis ejus. Sign. Anlerici Militis. Sign.  
Willenci Militis. Sign. Walterii Militis. Sign. om-  
nium Monachorum qui adfuerunt. Sign. Widonis  
Archipresb. Sign. Constantii Presb. Sign. Rotberti

Presb. Sign. Haymonis Clerici. Sign. Hugonis Præ-  
positi, & totius familiæ. Actum publicè Monaste-  
rio Besuensi, anno ab Incarnat. Domini M. XLIV.  
Indict. xii. Epactâ existente xviii. iiii. Idus Junii,  
die festivitatis sancti Barnabæ Apostoli: Henrico  
Regnum Franciæ tenente, Rotberto fratre ejus Bur-  
gundiam imperante, & Hugone, qui postea repul-  
sam meruit, in præfulatu sanctæ Lingonensis ma-  
tris Ecclesiæ, nunc verò Pastoris nomine præsi-  
dente.

*Item Alia.*

**S**anè post defunctionem antefati Gybuini in illâ  
Sterrâ, & servis qui eam incolebant, quos ipse  
sancto Petro, & Monachis reliquerat. Fulco qui  
neptem ejus in matrimonio habebat consuetudines  
cepit requirere, & quidam duo Milites, Hugo fra-  
ter Oddonis Montis Saligonis, & Wilencus de villâ  
sancti Sequani, quibus in beneficium eas tradiderat.  
Sed sæpe admonitus, & justitiæ ratione compulsus,  
ad Monasterium veniens, coram altare Deo & san-  
ctis, Monachisque ipsis, servis & ancillis, eas-  
dem consuetudines perdonavit, & eisdem, qui à se  
in beneficio tenebant hoc ipsum facere coëgit, & à  
se & ab omnibus hominibus liberos eisdem servos  
& ancillas constituit. Sig. Fulconis. Sig. Ulrici. Sig.  
Walterii. Sig. Widonis.

*Carta de Lūco, Genciniaco, & Cinciaco.*

**I**N nomine Dei Omnipotentis, Patris, & Filii, &  
Spiritus sancti. Quia mens humana labilis est, &  
citò excidunt memoriâ res gestæ, nisi Cartarum api-  
cibus inferantur, dignum ducimus nos minimi ea  
quæ nostris modo temporibus geruntur mandare po-  
steris, ne sicut præmilimus, oblivione depercant.

Notum esse volumus omnibus tam præsentibus,  
quàm futuris, qualiter Erembertus quondam Miles,  
beneficium, quod temporibus pristinis, videlicet  
Domni Willelmi Abbatis, seu Rodulphi Præpositi  
tempore visus est tenuisse, reddiderit. Hic enim E-  
rembertus nobili erat ortus prosapiâ, secundum sæ-  
culi dignitatem, sed propter intestina bella, quæ  
inter falsos Christianos geruntur, penè ad nihilum  
reductus erat, ita ut beneficium, unde agimus ven-  
dere vellet, & manibus alienis tradere. Quod nos  
agnoscentes, fratres videlicet sancti Petri Besuensis,  
damnum esse arbitantes, si alienis manibus terram  
sancti venumdaret, ipsum advocantes in nostro con-  
silio, admonuimus eum non rectè agentem erga fi-  
delitatem sancti Petri, verum ipsum pretium, quod  
ab aliis cupiebat sibi tribui, nosmet persolveremus.  
Quod & factum est. Nam ipse Miles adiens cœno-  
bium sancti Petri Besuensis, Domino Olgerio Ab-  
bate præsentem, & cæteris fratribus ejusdem congre-  
gationis assumptis, sed & aliis quam plurimis Deum  
timentibus Clericis, sive Laicis adunatis, in con-  
ventu ipsorum, ante altare principis Apostolorum  
Petri Apostoli, reddidit ipse, & filius ejus Wido  
nomine, accepto pretio centum solidorum, pro  
commutatione terræ. Non habens omnino, neque  
ipse, neque ullus heredum ejus aliquam occasio-  
nem repetendi, quod si repetere præsumserit, ana-  
thematis vinculo, agnoscat se arceri, autoritate  
Petri Apostoli, Beneficium verò, unde res agitur,  
diversis in locis continetur. Nam in villâ, Lūco  
nomine, ibi terminatur, dimidium mansum; nihil-  
ominus aliud dimidium Vendoverâ villâ; Tasnato  
unum mansum; Genciniaco unum mansum; Cin-  
ciaco unum mansum. Testes sunt hi, quos adnota-  
mus. Signum Widonis Decani. Sign. Hugonis Præ-  
positi. Sign. Odolrici Belmontis, filii Hugonis Co-  
mitis. Sign. Walterii. Sign. Odilonis. Sign. Haymo-

nia. Sign. Alerici. Sign. Brunonis Camboni. Sign. Rainaldi. Sign. Rotmari. Sign. Hervæi. Sign. Raineri. Sign. Otberti. Sign. Umberti. Actum publicè Besuâ in Monasterio, anno ab Incarnatione Domini nostri Jesu-Christi M. XLIII. Regnante Henrico Rege in Franciâ, Rotberto fratre ejus Burgundiam imperante.

*Carta de Gibriaco.*

**E**Go in Dei nomine vocatus Higmarius, notum esse volo cunctis sanctæ Dei Ecclesiæ fidelibus, & cunctis meis parentibus, ac propinquis, præsentibus ac futuris, quoniam sanctæ Religionis cultor eximius, & Monasteriū, quod Besuense vocatur, Almiclavigeri Petri sub nomine, & honore dicatum, Abbas nomine Olgerius, cum pluribus suæ ditionis Monachis adiit fundum nomine Gibriacum, situm in comitatu Oscarensi mecum placitandi gratiâ, pro quibusdam querimoniis, quas inibi contrâ eum eram habiturus.

Considerans igitur prædicti Abbatis, & ejus cœnobitarum in Dei servitio innocentie puritatem, & per eos placare Deum mihi posse considerans, consultu bonorum hominum, qui aderant, & præmaximè Rotberti Monachi, atque Otberti Militis, necnon Henrici sororii mei, pro Deo & animæ meæ, & patris, & matris, atque omnium parentum meorum requie beatâ, perdono omnem querelam, quam contrâ præfatum Abbatem, ejusque Monachos habebam. Servos meos Fulcherium & Albertum, pro quibus calumnia creverat, absque ullo contradicte meâ ex parte dono Deo & sancto Petro, ad Monasterium Besuense monachis ibi degentibus, quoad vixerint servituros, & filios eorum, quos habent, & habituri sum, omnesque, qui ex ei processuri sunt usque in æternum.

Hanc autem donationis Cartam fratri meo Bernardo, & sorori meæ Evæ confirmare faciam, & filio ejus Odiloni. Si quis verò hanc donationem calumniare conatus fuerit, non evindictet, sed insuper iram superni judicis incurrens, prædicto loco decem libras auri coactus solvat. Actum Gibriaco publicè. Signum Higmari, qui fieri & firmare rogavit. Sign. Bernardi fratris ejus. Sign. Henrici sororii eorum. Sign. Evæ uxoris ejus. Sign. Odilonis filii eorum. Sign. Otberti. Sign. Gisleberti. Sign. item Gisleberti. Sign. Waldrici. Sign. Humberti. Sign. Arnulfi. Signum Widonis. Sign. Walterii. Sign. Otranni.

*Carta de Renavis.*

**E**Go Helgerius cœm fratre meo Guntardo beneficiis Domni Benedicti, Prioris Besuensis Monasterii & Monachorum ejusdem loci prævocati, pro beneficio, quod dederunt nobis in villâ, quæ Colonica dicitur; dedimus sancto Petro, in villâ, quæ Renavis dicitur, de alodo nostro mansum unum, habentem appendentia decem & octo jugera, & pratum ad tria carra fœni, & usuarium sylvæ, quæ ad eandem villam pertinet. Ipsa autem terra ex unâ parte villam ingreditur, ex alterâ stratâ publicâ, quæ ad campanias vadit, terminatur: tertia quoque nostro alodo concluditur. Dedimus etiam & alium mansum, in jam dictâ villâ colonicâ, habentem appendentia 6. jugera, & pratum ad unam carradam fœni, & usuarium sylvæ, quæ ad eandem villam pertinet. Ipsa autem terra ex unâ parte villam ingreditur, ex alterâ, terrâ S. Petri dividitur: tertia terrâ Aremberti determinatur, quarta autem proximo rivo concluditur.

Hanc autem donationem eo tenore fecimus, ut tempore vitæ nostræ, cum prædicto beneficio ipsam terram teneremus, solventes pro ea censum duorum

solidorum annuatim in festivitate sancti Petri. Si autem unus ex nobis prior mortuus fuerit, ejus pars statim ad eos revertetur, nisi fortè eorum spontaneâ voluntate, iterum alteri concedatur. Et ut hæc donatio firmior permaneret, hanc Cartam manu nostrâ firmavimus, atque altari sancti Petri superposuimus. Testesque fideles adhibuimus. Signum Guntardi. Sign. Helgerii. Sign. Oddonis. Sign. Rainardi. Sign. Saleconis. Sign. Bernardi. Data 2. Non. Junii.

*Carta de Fontinellis.*

**I**N nomine sanctæ & individue Trinitatis. Ego Hildeberga præsentibus, & futuris manifesto, quia filius meus Odilo immaturâ ætate præventus, diem clausit ultimum, qui & sepultus est in cœmeterio sancti Petri Besuensis cœnobii. Pro cujus animâ, simul & meâ, dedi ad ipsum locum, unum mansum apud Fontenellas, quem tenebam lege dotalitii, in quo manebat quidam servus, Hamedeus nomine: eâ ratione, ut quamdiu vivam, usu fructuario teneam, & uno quoque anno, festivitate S. Petri in vestiturâ duodecim denarios persolvam, atque post meum decessum ad dominatum sancti Petri ejusdem loci sine omni contradictione pertineat. Et ut hæc donatio firma permaneat, hanc Cartam ob notitiam posterorum fieri jussi, & manu meâ, cum filio meo Joffredo, coram testibus firmavi, quorum ista sunt nomina. Signum Landrici filii mei. Sign. Hagani Longi. Sign. Girardi Deujultrui. Sign. Humberti de Campanis. Sign. Rotberti de Balenavâ. Sign. Oddonis. Sign. Aldonis Præpositi.

*Carta de Gentiniaco.*

**Q**uidam Miles Arembertus nomine, de Longo campo, tenens beneficium sancti Petri Besuensis in diversis locis, adiens locum suprâ nominatum, reddidit illi quamdam partem, hoc est beneficium, quod situm est in villâ, quæ Ginciniacus vocatur, ad integrum, ita ut neque ipse, neque alius heredum suorum repetere valeant. Istam redditionem fecit præfente Domino Abbate Olgerio, & aliis ex Monasterio ejus adstantibus ante altare sancti Petri.

*Carta de Caviniaco.*

**Q**uadam mulier, Alburga nomine, in conjugio juncta cuidam Militi, nomine Poncio, dedit, sive, ut quidam putant, reddidit terram, quæ est sita in villâ vocatâ Caviniaco, quam & antecessor quidam non mediocris nobilitatis progenitus, nomine Gibuinus sancto Petro concesserat, sed ab eâ jure hereditario, sicuti videbatur, taxata, atque retenta fuerat. Signum Olgerii Abbatis. Sign. Moroni Præpositi. Sign. Joannis Prioris, & aliorum multorum.

*Carta de Calmontis-villâ.*

**I**N nomine summe, & individue Trinitatis. Notum esse volumus tam præsentibus quàm futuris, quod ego Moronus cognomine, timore Dei, & timore peccaminum meorum tactus, adii Besuense Cœnobium, ubi multorum sanctorum patrocinia continentur, præcipuè sancti Petri Apostolorum Principis, cum collega suo Paulo Apostolo, ubi præesse dignoscebatur Dominus Abbas Olgerius. Ibi ergo adstantibus quibuidam ejusdem Cœnobii Monachis, & fidelibus Christianis Deum timentibus, quorum nomina subtus annectentur, fœci me tonsurari, & Monachum devovi sub normâ Regulæ sancti Benedicti Confessoris permansurum.

Dedi ergo ad prædictum Cœnobium medietatem, quidquid jure hereditatis possidere videbar Calmontis-villâ, vel cæteris circumjacentiis possessionibus,

in pratis, in aquarum decursibus, in sylvis, molen-  
dinis, sicut præfatus sum, omnem medietatem per  
servum nomine Arnaldum, quem dedi sancto Pe-  
tro, & per ipsum omnes servos, & ancillas tradidi  
sancto loco, ad stipulationem subnixâ. Actum publicè  
Besuâ Monasterio, Benedicto Præposito adstante,  
Heldelmanno Monacho, Adelmo Monacho, Oddo-  
ne Monacho, Girbergâ Comitissâ Fontis-Vennæ, &  
aliis multis.

*Carta de Altrisiaco, Maxiaco, Bodenaico,  
Lentiliaco.*

**I**N nomine summæ & individue Trinitatis, Pa-  
tris, & Filii, & Spiritus sancti. Notum sit om-  
nibus fidelibus, tam vivis, quam & futuris, quod  
ego Gibuinus, & neptis mea Eraungardis, tradi-  
mus sancto Petro quatuor colonias in vico qui Al-  
trisiacus dicitur, pro remedio animæ fratris mei Hu-  
gonis, qui jam dictas colonias adhuc vivens B. Pe-  
tro destinaverat, cum servis, & ancillis, quorum  
hæc sunt nomina. Rodolphum cum uxore, & in-  
fantibus suis. Abraham & Danninum fratres, cum  
uxoribus & natis eorum. Orrannum & Laibonem  
cum uxoribus & cum infantibus eorum. Lamber-  
tum cum uxore & infantibus suis. Erbertum qui  
adhuc erat puer. Concedimus hæc beato Petro li-  
berè cum omnibus appenditiis suis, ut sicut à die-  
bus Gibuini proavi mei, & filii ejus Hugonis, nec  
non & Hugonis patris mei stetit in nostrâ potestate,  
sic permaneat in potestate sancti Petri, ab istâ die,  
& deinceps, pro remedio animæ fratris mei Hu-  
gonis, ut ipsi habeant consuetudinem, quam ante  
habebant, tam in sylvis, quam in pratis, aquis,  
campis, & cunctis confiniis. Et ut nullus deinceps  
Major, sive Forestarius, vel Decanus, de potestate  
Altriaci, hominibus jam dictis vel natis eorum, qui  
de progenie eorum per succedentia tempora exie-  
rint, aliquam molestiam inferre præsumat. Et si per  
negligentiam acciderit, ut bestie istorum hominum  
sine custode in prato indomincato, vel corvatâ in-  
currerit, non cogantur per legem emendationem  
solvere, sed tantummodo æstimationem damni red-  
dant. Hanc eandem consuetudinem concedimus  
sancto Petro de duobus curtilibus, quos ante ha-  
bebat in eadem villâ. Item damus sancto Petro man-  
sum unum in villâ, quæ Maxiaco dicitur, cum ap-  
penditiis suis.

Præterea dimittimus, & abnegamus omnes con-  
suetudines, quas pater meus, & fratres mei, Hugo,  
& Wido accipiebant in villâ, quæ Bodens dicitur,  
& in Lentiliaco pro remedio animarum illorum, &  
nostrarum, excepto corvatam, quam pro sylvâ fa-  
ciunt. Et si quis heredum meorum (quod minime  
futurum esse credo) hæc calumniari tentaverit, re-  
petere non valeat, & in dexterâ Dei Omnipotentis,  
& autoritate Petri Apostolorum Principis, ana-  
thema maranatha fiat. Et ut hæc Carta firma, &  
stabilis permaneat, manu propriâ firmavi, nepti, &  
sponso ejus Fuleoni, cæterisque fidelibus firmare  
præcepi. Signum Gibuini. Sig. Fulconis. Sig. Er-  
mingardis. Sig. Bernardi. Sig. Widonis. Archid. Sig.  
Richardi. Sig. Goffredi. Sign. Widonis. Sig. Odilo-  
nis. Sig. Odolrici. Sig. Willenci. Sign. Leubranni.  
Sig. Milonis, & Golberti, & Humberti, & Lam-  
berti, & Ulgerii.

*Carta de Lucô.*

**E**odem tempore quædam mulier Adilina nomine,  
cum filiis suis Nocherio, & Poncio, dedit  
unum mansum in villâ, cui cognomen est Lucô,  
cum omnibus appenditiis suis, & censualibus pen-

sionibus, domumque in eo consistentem, & ser-  
vum nomine Albericum.

*Carta de Buxiaco.*

**S**imiliter Ezilinia dedit alodium in vico, cui no-  
men est Buxiaco, cum omni integritate suâ, ap-  
penditiis, colonicis, campis, sylvis, aquis, lau-  
dante Kalone filio suo.

*Item alia.*

**A**lius quidam homo, Bernardus nomine, de-  
dit quidquid juris sui videbatur esse in finibus  
Vetus-vineis.

*Carta de Longâ Boëllâ.*

**I**tem Bernardus, qui vocatur Francus, dedit san-  
cto Petro 2. jornales de terrâ, in fine quæ voca-  
tur Longa Boëlla.

*Alia.*

**E**wardus etiam de Ponto dedit duas petiunculas  
de prato, in loco, qui vocatur Molonga prata,  
& duos campos, ad Montannos unum, & alium  
ad Pontem-villam.

*Item alia.*

**A**nna quædam femina, pro sepulturâ suâ dedit  
sancto Petro unum curtile ad Pontem.

*Carta de Mariaco.*

**B**enignâ mente futuris consulentes sepia mem-  
branis imprimere cupimus, quod Milo, qui di-  
cebatur Bicellus, frater Maioli, cujus cognomen  
Mazilinus, dederit sancto Petro in Mariaco-villâ,  
unum mansum cum appenditiis suis, & servum no-  
mine Girardum, cum uxore & infantibus suis.

*Carta de Vachiriaco.*

**A**dnotandum credimus futuris, quod Teto  
Montis Salionis Miles, tradiderit sancto Petro  
unum mansum in Vachiriaco quondam vico, sed  
nunc deserto, simulque servum nomine Ewrino fra-  
tre suo.

*Carta de Lucô.*

**I**ustum arbitramur memoriæ tradere, quod Hugo  
Clericus de Launnâ delegaverit S. Petro unum  
mansum die festivitatis ejusdem generalem Missam  
celebrantibus senioribus. Publicè itaque accedens  
ad altare, tradidit donationem circumspiciente po-  
pulo, affirmans patrem suum Gibuinum, ipsum  
mansum sibi dedisse die, quo benedicta est ei capi-  
tis corona. Est autem ipse mansus in Lucô villâ:  
terra autem ad illum pertinens conjacet in valle,  
quæ pro fluviolo Vernelâ, qui per eam fluit, Ver-  
nevalis dicitur. Signum Olgerii Abbatis. Sig. Hu-  
gonis. Sig. Joannis. Sig. Widonis Decani. Sig. Rot-  
berti Presbyteri. Sig. Girardi Clerici.

Eodem tempore Henricus III. Imperator, Bur-  
gundiæ Regnum gubernabat, &c. *ut in Chronico  
S. Benigni.*

Veniens ergo idem Papa ad civitatem Lingonas  
ordinavit ibi Dom. Arduinum Episcopum pro illo,  
qui fuerat ejectus. Dumque ibi demoraretur, pro-  
ferrenturque in medium diversæ diversarum Eccle-  
siarum disceptationes, ac inter se calumniæ, ut pote  
ante patrem universalem & Apostolicum rectè, &  
Canonicè terminandæ; contigit etiam de nobis, &  
de Canonicis Lingonensibus rationem haberi. Ipsi  
namque volebant de vineâ nostrâ, quæ est sub Gi-  
briaco decimam habere. Unde cum rationem intel-  
lexisset Dominus Papa Leo, erupit in voce, & quid  
in

in Archivis sanctæ Romanæ Ecclesiæ inde viderat, ostendit dicens. Sanctorum Patrum, qui ante me sanctæ Romanæ sedis præfuerunt, autoritate sanctum est, ut nulla Ecclesia quæ in honore B. Petri Apostolorum Principis sit fundata, alteri Ecclesiæ censum vel decimas persolvat. Cujus rationis & autoritatis pondere repressi ipsi Canonici contulerunt.

Item vero venerabilis Arduinus Episcopus inter cetera beneficia, quæ huic loco contulit, petente Abbate Olgerio, à summo Pontifice Romanæ Ecclesiæ, petiit fieri decretum, in quo continetur, ut nullus presumat huic Monasterio vim inferre, vel eum in subjectionem cujuscumque Monasterii redigere; & ut nullus audeat infra unam leuam à Monasterio vim aliquam inferre: cujus exemplar decreti placuit huic libro inserere, ut audientes discant quantum imminet illis periculum, qui non timent obligari anathematis vinculo per Petri Apostoli Vicarium. Anno Incarnationis Dom. M. LII. Præsidebat sanctæ Romanæ Ecclesiæ Dominus Leo Papa. Cujus hæc sunt verba.

*Privilegium Domini Leonis Papæ.*

**L**eo Episcopus, servus servorum Dei, Olgerio Abbati Besuensis Monasterii, tuisque successoribus, perpetuam in Domino salutem.

Convenit Apostolico moderamini piâ Religione pollutibus, benivolâ compassionem succurrere, & petentium desideriis congruum impertiri suffragium. Quapropter inclinati precibus tuis, fili Carissime, decrevimus more Antecessorum nostrorum hoc nostro privilegio Apostolicæ tuitionis, vestro Besuensi Monasterio propter imminentes persecutiones, & propter innumeros casus, qui superveniunt, dignam concedere libertatem. Videlicet ut nulla persona, aut ulla potestas, sive Ecclesiastica, seu secularis, super eam audeat dominationem aut potestatem usurpare præter Lingonensem Episcopum, qui ei patrocinetur justè & canonicè.

Sic tamen ut ei non liceat, neque ministris ejus terras aut beneficia Monasterii commutare, vel dare, nec vasa, nec ornamenta, seu volumina subtrahere, aut qualicumque occasione diripere. Omnia verò quæcumque habet vel tenet, vel acquisierit, supradictus locus habeat, & teneat nostrâ Apostolicâ confirmatione jure perpetuo, in cujuscumque Diocesi sit.

Interdicimus etiam nostrâ autoritate, ut nullus audeat supradicto Monasterio vim inferre, vel eum in subjectionem cujuscumque Monasterii redigere. Raptores, cujuscumque ordinis, vel dignitatis sint, qui res quæ ad suprâ nominatum cœnobium pertinent, sive de hominibus, seu de terris, vel de qualibuscumque rebus, unde sustentare, & vivere debent inibi Deo servientes, rapuerint vel subtraxerint, ligamus eos ligamine sancti Petri usquequo congruè satisfaciant.

Prohibemus etiam ne infra unam leuam à Monasterio liceat alicui aliquem invadere, vel ejus res auferre. Statuentes Apostolicâ censure, ne ulla hominum persona magna, vel parva, contra hoc nostrum privilegium venire pertentet. Quod si fecerit, Apostolico anathemati subiacet, usque ad dignam satisfactionem. Qui verò se servaverit, benedictionis nostræ gratiâ cumuletur; & æternæ vitæ participet officium. Datum IV. Nonas Octobris, per manus Petri Diaconi, Bibliothecarii & Cancellarii sanctæ Apostolicæ sedis. Indictione V. anno ab Incarnatione Domini M. LII. Pontificatus autem Domini Leonis IX. Papæ III.

*Tom. II.*

*De obitu Olgerii Abbatis.*

**D**efuncto igitur Abbate Olgerio, successit in regimine pastoralis officii Abbas Oddo. Quæ autem in diebus ejus data, vel emptæ sunt in possessione agrorum, non est silendum.

Odo Abbas  
Olgerio succedit.

*Carta de Vetus-vineis.*

**Q**uidam igitur Miles hujus nostræ Religionis, nobili prosapia ortus, Olgerius nomine, cum multis aliis loca Hierosolymitana expetiit, sed in revertendo post multa pericula pro Christo tolerata, felici, ut credimus obitu, lucem præsentis vitæ reliquit.

Præsentibus autem conviatoribus, & audientibus sancto Petro Besuæ, & ejus Monachis, apud Vetus-vineas unum mansam vestitum cum servo in eo habitante, nomine Arnaldo delegavit, ita sicut pater ipsius Arnaldi vocabulo Ademarus usque in diem mortis suæ tenuit, & eidem filio suo Arnaldo dimisit. Uxorem etiam ejus nomine Tedindem cum filiis, & filiabus simul cum eo dari jussit; pariterque parmas, quas testes peregrinationis suæ, à Jerico tulerat; altari superponi rogavit. Quam donationem conjux ejus Tetburgis appellata, & filii ejus libenti animo laudaverunt, & suos homines laudare compulerunt. Debet verò iste manus porcum, & arietem, sex panes, & tres sextarios vini, carroperam, & omnes consuetudines, quas dominis persolvere debent servi. Quos suos protulerunt testes, signamus calamo omnes. Signum Tetburgis conjugis ejus. Sig. Henrici, & Ulrichi filiorum ejus. Signum Tetbadi. Signum Aidonis, & Formaldi, & Nerduini, & Humberti, & Nerduini juvenis, & Widonis Decani. Sig. Hugonis Præpositi. Sig. Roberti Presbyteri. Sig. Joannis. Sig. Arepgerii, & omnium servorum ipsius apud mansiones commorantium.

*Carta de Altrifaco, & Villare, & Cinciaco.*

**A**lius quidam Miles nomine Humbertus, omni Aprosli fiduciâ destitutus, tradidit Deo, & sancto Petro ad locum Besuensem sanus & incolumis existens, omnem hereditatem alodii sui, quæ jure paterno cesserat, absque contradictione hominis ullius. Divisus enim erat jam à fratribus suis, Hugone, & Ulrico, & unusquisque partem suam singillatim separaverat à fratre suo. Quam donationem ad mortem perductus iteratò confirmavit, & calumniatores æternæ maledictioni, in ipsâ mortis horâ obligavit. Omnem partem alodii in Altrifacensi villâ, cum omnibus consuetudinibus in omni potestate Altrifacâ, in sylvis, in campis, in pratis. Apud villare etiam omnem partem suæ hereditatis, sicut ipse in vitâ suâ tenuit. Nova casa, cunctum suum alodum, sicut ipse possederat. In Cinciaco verò similiter alodum suum, cum omni consuetudine, in aquis, in campis, in pratis. In sylvis. Calmetis, nec non totum suum alodum, sicut ipse possedit. Romaniaca etiam, & Ponto, cunctum alodum cum omni consuetudine in aquis, in pratis, in campis, in sylvis. Est etiam ibi molendinum unum, cujus tertiam partem sancto Petro tradidit. Beria etiam omnem partem alodi sui, in aquis, in campis, in pratis, in sylvis. In Comitatu Assensi, in villâ quæ dicitur Velinnia-co, & in Villari Corcellis. Bretoneria omnem alodum suum, cum omnibus appenditiis in campis, in pratis, in aquis, in sylvis. Signum Domini Oddonis Abbatis. Sig. Moroni Monachi. Sig. Hugonis Monachi. Sig. Theoderici Monachi. Sig. Willelmi Comititis. Sig. Fulconis senioris Bellimontis.

HHH

Sig. Gisleberti senioris Refeicæ. Sig. Wallonis senioris Petre. Sig. Odilonis. Sig. Willenci. Sig. Landrici. Sig. Widrici. Sig. Rodulphi, & Olgerii fratris ejus. Sig. Widonis. Sig. Tetzilini. Sig. Rotberti. Sig. Bernonis. Sig. Heraldi. Sig. Girardi. Sig. Isamberti. Sig. Hugonis. Hanc donationem frater ipsius Humberti Hugo coram omni populo laudavit, & omnem partem suam ex ipso alodo, quia tantumdem habet post mortem suam, sancto Petro concessit.

*Carta de Mornado.*

**N**overint omnes presentes, & futuri, quia quidam Miles, Robertus nomine, pro timore & amore Dei delegavit ad locum sancti Petri Besuensis Monasterii, quoddam mansum, quod quædam matrona, nomine Ermengardis, & filius ejus Odricus Clericus, destinaverant. Conjacet autem mansum illud in Mornado villâ, & habet ad se terras pertinentes, cultas, & incultas, servos, & liberos in eis manentes, prata, pomiferas arbores, & aquarum cursus & recursus, quæ omnia ad jam dictum locum sancti Petri destinavit, atque restituit. Et ut ex meliori voluntate hoc factum esset, accepit à Monachis ipsius loci caballum unum, & societatem in omnibus beneficiis eorum, & ex inde hanc Cartam fieri curavit, quam propria manu firmavit, & amicis atque parentibus suis tradidit armandam atque laudandam. Actum Besuenti Monasterio publicè vi. Idus Februarii. Signum Rotberti, qui hanc Cartam fieri mandavit. Sig. Oddonis. Signum Goffredi. Sig. Achardi, & aliorum multorum.

*Carta de Genevrerias.*

**Q**uædam mulier Sufisia nomine, pro remedio animæ filii sui Widonis, quem ex Gisleberto suscepit, dedit unum mansum sancto Petro, in villâ Beluontis cum omnibus appenditiis suis, & habet omnem consuetudinem in campo, in aquâ, in sylvâ. Servum etiam in eo habitantem, nomine Martinum. Alterum mansum apud Genevrerias, cum omnibus appenditiis suis habentem consuetudinem in campo, in aquâ, in sylvâ, eâ conventionem ut 15. jornales arabiles de alodo suo in fine ejusdem ville eidem manso ad perficiendum quod minus habebat, adderet. Servum quoque in eodem comorantem, nomine Albericum, cum uxore Fratribus appellatâ, cum infantibus suis. Et ut perpetuo fulcramento perduraret eleemosyna, horum testium subter inscribi rogavit nomina. Signum Sufisæ. Signum Eduini patrasti ejus. Signum Warnerii mariti sororis ejus. Sig. Domni Oddonis Abbatis. Sig. Moronis Monachi, & aliorum multorum.

*Carta de Mariaco.*

**M**anifestum etiam esse volumus modernis, & successuris, quod quidam Miles, nomine Sewaldus ex monte Saligone, dederit sancto Petro pro redemptione animæ fratris sui Eliranni, unum mansum apud Mariacum villam prope Tilecastrum, cum omnibus appenditiis suis, simulque unum servum, nomine Odilardum. Sig. Sewaldi. Sig. Domni Oddonis Abbatis. Sig. Moroni. Sig. Petri. Sig. Pontii Militis.

*Carta de Flaciaco.*

**N**otum esse volumus omnibus post nos futuris, quod quidam Miles, nomine Sigefredus dederit sancto Petro ad extrema perductus, 2. mansos apud Flaciacum villam. In uno quidem Erbertus

manebat ejus servus, & debet festivitate Omnium Sanctorum dimidium sextarium vini: Nativitate autem Domini unum sextarium vini, duos panes, & duas gallinas: alius vero in eadem villâ conjacet desertus. Tradidit etiam 10. diurnales terræ in finibus ejusdem villæ, ad eosdem mansos pertinentes, cum pratis, sylvis, & omnibus appenditiis suis. Signum Ruzindis uxoris Rotberti, fratris ejusdem Sigifredi, quæ hanc donationem loco ipsius Sigifregi super altare posuit. Signum Oddonis fratris Mazilini. Sig. Willerii. Sig. Amalrici. Sig. Petri Clerici.

*Carta de Bodens, & de Lentileio.*

**D**ivinâ autoritate inspirata nobilis matrona, Ermengardis nomine, sanctum Petrum sibi fecit heredem, omnesque fratres Besuensis Monasterii Deo, ac ipsi summo Apostolorum Principi servientibus, suis usibus admisit, reddens illis salvamentum de Bodens, & de Lentileio, atque de cunctis quæ ad ipsum salvamentum pertinent, pro remedio animæ suæ, ac senioris sui Hugonis, filique sui Widonis, qui tunc fuerat defunctus, quique ipsum salvamentum post mortem patris jure hereditario possidebat. Cujus rei cooperatores fuerunt filii ipsius, Hugo videlicet, & Nerduinus, simul Gibuinus qui adhuc vitâ perfruebantur. Et ut hæc traditio nota fiat futuris, sicut est presentibus, scripto mandare fecit, ut quod post mortem testare non poterat, testetur Carta servata, in ipsius Monasterii arcario. Hanc ergo, ut inconvulsa permaneat, testibus adhibitis subscripsit manu propria. Ermengardis subscripsit, Hugo, Nerduinus, Gibuinus. Hi sunt testes.

*Carta de Buxiaco.*

**N**otum sit omnibus tam presentibus quam futuris, quod Gertrudis uxor Girardi Militis de castro Fontis - Vennæ, cum filiis suis Girardo & Humberto, tradidit unum mansum pro redemptione animæ præscripti mariti sui, & filiorum suorum, ab ipso jam donatione factâ sancto Petro Besuenti in villâ, cui vocabulum est Buxiacus, ad integrum sicut tenere videbatur Rotbertus Major, cum ipso videlicet Rotberto, & uxore, & filius, cum omnibus quæ ad ipsum mansum pertinent, tam in terris, quàm sylvis, & in pratis, vel in pascuis, sive in aquis. Et ut hæc donatio in perpetuum firma sit, & stabilis, his subscriptis testibus firmavit, & firmare rogavit. Hi sunt, Aymo, Olgerius, Joffredus, Librandus, Oddo, Arlebalus, Wido, Aldo. Reddidit etiam unum mansum, quod dudum sancti Petri alodus fuerat, in villâ Patriniaco, acceptis pro pretio duobus militantium instrumentis, quæ vulgò dicuntur Helnum, & Osbergum.

*Carta de Moringas, & Mornado.*

**N**otum sit presentibus, & futuris, Richardum de Belmonte quamdam terram sitam inter Moringas, & Mornadas villas, ad Abbatiam sancti Petri Besuensis Monasterii pertinentem, dū calumniassè mulieris suæ ex parte, & multa præjudicio abstulissè. Quam calumniam Monachi sancti Petri satisfactionis causâ sæpe voluerunt juramento, vel quâlibet lege determinare, cum præfatus Richardus Dei nutu aspiratus, eandem calumniam, sive justâ, sive injustâ esset, sancto Petro donavit, presentibus senioribus loci sub stipulatione super altare positâ. Ego Richardus cum uxore meâ Wandelmode firmavimus, & testibus roborandam tradidimus. Signum Widonis Decani. Sig. Al-



donis. Sig. Benedicti Monachi. Sig. Helderici. Sig. Alberti.

*Carta de S. Mauricio.*

**N**Otum facimus caritati fidelium, quia Miles quidam, nomine Herembertus, diu languoris molestius pressus, tandem cum sibi finem vitæ imminere sentiret, ad memoriam beatorum Apostolorum Petri & Pauli, in Besuensi loco se sepeliri rogavit, quod & factum est. Pro cuius animæ absolutione pater ejus, nomine Oddo eidem loco dimidium mansum cum dimidiâ mansione, quia partem alteram frater ejus cum manso tenebat in villâ, quæ dicitur ad sanctum Mauricum cum terris adjacentibus, pratis, & sylvâ. In ipsâ, & in alterâ villâ Romania nominata, cum legali traditione dedit, & manu testium corroborari fecit; quorum ista sunt nomina. Hugo, Theodericus, Alelmus, Joannes, alter Hugo, Teudinus, Hemma. Quem ipse in brevi tempore subsequutus, non solum apud eundem locum est sepultus, sed etiam sicut petierat, Monachili habitu indutus, hujus vitæ in bono fine diem clausit. Post cuius obitum nos unum fœdiolum, quem tenebamus, filio ejus dedimus, & tria jugera in commutatione accepimus, & nostris terris junximus, & duobus hominibus sub servitio manendum dedimus, ex quibus unus servus ejus & loco dedit.

*Carta de Tasnato, & Germanico.*

**M**Anifestum esse volumus tam præsentibus, quam futuris, quoddam Miles nomine Walo pro redemptione animæ conjugis suæ, vocabulo Addilæ, dedit sancto Petro unum mansum alodi apud Tasnatum, & alium apud Germaniacum, qui persolvit in debito censûs dimidiam heminam frumenti, dimidiam heminam avenæ, unum sextarium vini, unum porcum pretii 6. denariorum, quinque denarios pro censu prati, unam rotam & unum bovem tempore vindemix. Dedit etiam servos Hunsaldum cum uxore, & infantibus suis, & Mainerdum, & medietatem infantum ejus, absque ullâ calumniâ. Et ut hæc donatio perpetuum obtineret vigorem, litteris petiti notum fieri, & testibus corroborari. Signum Wallonis. Signum Fulconis. Signum Odilonis. Signum Milonis. Signum Warnerii. Signum Widonis. Signum Henrici. Signum Widrici. Signum Warnerii.

*Carta de Colonicâ villâ.*

**N**Otum esse volumus omnibus fidelibus tam futuris, quam præsentibus, quoddam Miles, Gontardus nomine, cum fratre suo Helgerio, nos adierit deprecans, ut eis aliquid daremus de terrâ sancti Petri in beneficio, promittentes se omnimodis in servitio S. Petri, & nostro fideliter permanuros. Quod cum diu peterent, victi eorum precibus, dedimus eis quicquid sanctus Petrus in villâ, quæ Colonica dicitur, habebat, quam dudum tenebat frater eorum Henricus cum Ecclesiâ in ipsâ villâ positâ, indicentes eis annuatim in festivitate sancti Petri censum duorum solidorum: eo scilicet tenore ut tempore vitæ suæ idipsum, quod dedimus tenerent, post decessum verò eorum ad jus sancti Petri, & Monachorum ejus rediret; ita ut nullus posterorum eorum ullo modo ex eo se intermitteret, nisi spontaneâ voluntate, vel amabili Abbatis, aut Monachorum ejusdem loci concessione. Si autem unus ex eis prior mortuus fuerit, ejus pars statim ad nos revertatur: nisi fortè nostrâ spontaneâ voluntate iterum ei concessum fuerit. Ut autem hæc convenientiæ firmiter permanerent, hanc Cartam manu

Tom. II.

suâ firmaverunt, testesque fideles adhibuerunt. Signum Gontardi. Signum Helgerii. Signum Rainardi. Signum Saleonis. Signum Bernardi. Data 11. Non. Junii.

*Carta de Lu.*

**N**Otitia, quam Bernardus Belmontis, & nepos ejus defunctus, nomine Richardus, fecerunt sancto Petro Besuensi de terrâ quâdam cumjacente in fine villulæ, quæ vocatur Lu sancti Martini: in ipsius finibus dedit mansum unum, 9. jornales habens de terrâ arabili, cum duobus servis.

*Carta de Villâ curte.*

**Q**uidam Miles, nomine Stephanus, in gravi infirmitate decidens, adivit Monasterium, quod in honore Principis Apostolorum est consecratum, quod dicitur Besua, ibique ob remedium animæ suæ tradidit ad ipsum locum unum mansum, qui est in villâ quæ Curtis dicitur, & 4. jornales de terrâ in campo, qui appellatur Festiliacus, cum servo nomine Gaudio, & est de ambabus partibus terræ Gisserii. Cujus cooperatores sunt filii sui, Wido, Walterius, Hugo & uxor sua, nomine Fera in cujus dotatio erat ipsa terra, quam reddidit ei. Et ut hæc donatio ejus nota fiat posteris hanc Cartulam fieri jussit, & super altare sancti Petri posuit, testibusque roborandam tradidit. Ego Stephanus subscripsi. Sig. Widonis filii mei. Signum Walterii filii mei. Sig. Hugonis filii mei. Sig. Aymonis. Sig. Widonis. Sig. Milonis.

*Item Alia.*

**A**Lii verò duo Milites, Adunus, & Milo frater ejus, & Teburgis soror eorum, tradiderunt Deo, & sancto Petro Girbergam cum infantibus suis. Et ut hæc donatio eorum nulli calumniæ pateat, in conventu publico statuerunt decretum, ut nullus heredum eorum nullam partem jure hereditario violentiam inferat. Quod si fecerit, excommunicationis vindictam solvat. Adunus & frater ejus firmaverunt hanc Cartulam. Signum Sophiæ. Signum Teburgis. Sig. Widonis Archipresbyteri. Sig. Lezeolini. Sig. Hugonis Præpositi & totius familiæ. Actum publice Monasterio Besuensi, præsentem Domino Oddone Abbate.

*Item Alia.*

**S**imiliter & Humbertus, & conjux ejus, & filii, qui injustè conabantur detinere servum sancti Petri, Fuldradum scilicet, & conjugem ejus, nomine Richeldem, & filios eorum, dimiserunt eos liberos, quatinus ad proprium dominum cœlestem Clavigerum redeant.

*Carta de quâdam vineâ.*

**I**tem Samson de Vadonâ, & uxore ejus dederunt, Deo & S. Petro unum jugerum de vineâ in loco, qui dicitur Adalechassana. Item in alio loco, ad Austivacca dicto, duo. Testes donationis hi sunt: Sylvester Mon. suscepit, Grimaldus villicus. Harbertus.

*Carta de Mariaco.*

**D**Oda etiam de Mariaco, consentiente viro suo, Jocero, dedit unum pratum habentem ad summum exclusam molendini ejusdem villæ, sancto Petro, nec non Monachis ibidem Deo servientibus. Hujus autem donationis, quam vivâ voce fecit, vivos testes adhibuit; quorum nomina hæc sunt, Folradus, Nero, Grimaldus, Lambertus.

HH ij

*Carta de Icio.*

**N**Otificamus modernis, & successuris, quod Hildeberga soror Ærleii sapientis Clerici, delegavit sancto Petro mansum unum in villâ, cui nomen Icio, & unius diei arationem in fines ejusdem villâ ad eundem pertinentem; eo tenore, ut in eo consistens homo, & excolens eum, cui nomen Jordanius, liber tamen, ut censum, quod sibi reddere consueverat, Monachis persolvat. Insuper etiam unam ancillam, quæ vocatur Raimburgis, solitum capitis sui duorum denariorum omni anno reddituram debitum. Testes hujus donationis sunt hi. Robertus, Widricus, Joannes, Hugo.

*Item alia.*

**H**ildefendis sanctimonialis dedit sancto Petro puellam quamdam, nomine Osannam, filiam Humberti, & Retrudis.

*Item alia.*

**A**ltrudis etiam nobilissima femina mater Aduini, & Milonis dedit sancto Petro uxorem Ulrici Presbyteri Granantis-villæ, Girburgam nomine, cum infantibus suis.

*Carta de Buxiaco.*

**N**Otum sit omnibus tam presentibus, quam futuris, quod Betta uxor Hermuini Militis, cum filiis suis tradidit unum mansum pro redemptione animæ præscripti mariti sancto Petro Besuensi in villâ, cui vocabulum est Buxiacus ad integrum, sicut tenuit Lambertus Major, cum omnibus quæ ad ipsum mansum pertinent, tam in terris, quam in sylvis, & in pratis, vel in pascuis, sive in aquis. Et ut hæc donatio in perpetuum firma sit & stabilis, his subscriptis testibus firmavit. Hi sunt: Wido, Aldo, Gonterius, Otbertus.

*Carta de Pruncethel.*

**S**imiliter Sejuvoldus & Ida conjux ejus, dederunt sancto Petro Besuensis Cœnobii, mansum unum, cui terræ arabilis 9. jugera adjacent, & pratum unum, ex quo 2. carratæ fœni possunt per singulos annos colligi, in loco, qui Pruncethel vocatur. Eâ videlicet ratione, ut quidquid exinde facere Monachi ejusdem loci voluerint, libero in omnibus potantur arbitrio faciendi. Testes verò hujus donationis hîc sunt subnotati, Albertus Monachus, Odo, Rotbertus Sacerdos, Dares, Joannes cocus.

*Carta de Vetus-vineis.*

**A**ymo etiam de Vetus-vineis natus, frater Widonis, & Waroni Monachi alodum suum in ipsâ villâ existentem sancto Petro dedit, & cum filio suo Widone super altare sancti Petri posuit, & filiam suam Gertrudam laudare fecit. Signum Domini Odonis Abbatis. Signum Girardi. Signum Ulrici.

*Carta de Flaciaco.*

**Q**uidam Archidiaconus, Ærleius nomine, Canonicus sancti Mammetis, dedit sancto Petro unum mansum, in villâ, quæ Flaciacus dicitur cum suis appenditiis pro remedio animæ fratris sui Milonis. Addidit etiam unum servum, binaque tapetia mirifici operis & enormis magnitudinis. Ne verò per succedentia tempora ab aliquâ oppositâ personâ quivisset frustrari, rogavit propinquos & circumstantes hujus donationis Cartam manu propriâ, testimonioque firmare. Signum Ærleii. Signum Odo-

nis. Signum Joannis Prioris. Signum Widonis Decani.

*Carta de Dalaimâ.*

**N**Otum facimus presentibus, & futuris, quod Hugo summæ probitatis Canonicus, ædificator Monasterii sanctæ Mariæ Lagonniacensis, dedit sancto Petro suam partem de omni alodo patris sui apud Dalaimam villam situm, laudantibus fratribus suis, & nepotibus. Signum Hugonis. Sig. Ottonis. Sig. Radaldi. Sig. Petri.

*Carta de Luco.*

**N**Otificamus quibusque modernis & successuris, quod quædam mulier nomine Helizabeth filia Willerii, ex Campanis villâ, nuperrimâ viri sui Ozilini morte destituta, adierit Besuense Monasterium, tradideritque sancto Petro unum mansum in villâ, quæ vocabulum est Luco, congruum valde, & oportunum cum suis appenditiis. Signum Helizabeth. Signum Ezilinæ matris ejus. Signum Hugonis, & Radalonis fratrum ejus Monachorum.

*Carta de Blaniaco.*

**M**anifestum iri cupimus, quodd quidam nomine Rainardus ex villâ Varonâ natus, concessit sancto Petro alodum, quod ipse dudum in Blaniaco villâ comparaverat, pro abolitione suorum criminum. Cujus donationem elemosynæ fratres ipsius, Sewinus Clericus, & Albericus, benignè annuentes, feretro impositum corpus ejus deducentes ad Monasterium, firmiter stabilierunt, & ad altare vice ipsius, sancto, & fratribus delegaverunt, & subnixis testimoniis coram omnibus roboraverunt. Signum Sewini. Signum Alberici. Sig. Vilrici Militis.

*Carta de Busciaco, Lujato, Luco.*

**S**cripto etiam volumus digerere, quodd Helizabet, quæ etiam Liezilina cognominata est, mater Hugonis Monachi, dederit sancto Petro in villâ Busciaco dictâ, unum mansum cum colonicâ suâ, & cæteros mansos ad ipsum pertinentes, cum colonicis suis, & omnibus appenditiis suis, in campis, in sylvis, in pratis, in aquis, in aquarum decursibus, in piscatoriis, sive in eadem villâ, sive in aliis eidem adjacentibus, id est, Lujato, Luco, Dalaimâ, vel ubicumque ipsa terra conjacet, ex integro, cum consensu filiorum suorum, atque fratrum suorum, tradidit Deo, & sancto Petro, in præsentia universorum Monachorum. Signum Hugonis Monachi filii ejus, Richardi filii ejus, Bernardi fratris ejus.

*Carta de duabus Prabendis sancti Gengulfi.*

**H**enricus igitur Rex Francorum cum jam morbo & senectute premeretur, Philippum filium suum congregatis Francorum primoribus, cunctorum consilio, consortem sibi totius Regni constituit, impositoque capiti ejus diademate, Regem jussit appellari.

Anno autem primo Regni ejus Dominus Arduinus Lingonensis Episcopus pro solo orationum præmio, dedit sancto, ac Besuensi Congregationi, laudantibus cunctis Canonicis, duas præbendas, quantum accipitur à duobus Canonicis, sicut hîc demonstrabimus.

Priscorum felix solertia hoc salutiferum remedium providere studuit succedentibus sibi, ut quod non poterant tempora meantia mandare posteris, allegarent apicibus, autoritate fultis illius Principis, sub cujus præsentia firmatio foret cum scriptione cartis,

Henricus Rex  
filium Philip-  
pum inaugu-  
rari jussit.

1060.

aut impressione sigilli. Quod & nos providentes, Ecclesiæ nostræ filii, & sancti Mammetis sacræ concioni fore commodi, qualiter unanimes sint effecti, litteris adnotamus juxta tenorem utriusque partis.

Largitione itaque famosi Hugonis Præsulis Lingonensis, Ecclesiæ Besuensi attributa est Ecclesiæ sancti Gengulfi, pariterque stipendium, quod consequebatur is qui famulabatur in loco deserviens liminaribus sacris.

Non hæc solummodo venerabilis Episcopus contraxit, quæ prædiximus, verum etiam villam quæ vocatur Bannus, jure perpetuo concessit. Quod postea quidam indignè ferentes exemptum rebus humanis, antequam venerabilis Arduinus decoraretur sede Pontificali, auxilio fulti Girardi Præpositi sua procurantes, non quæ JESU-CHRISTI, redegerunt in potestatem, ut possessum fuerat prius ab eis. Quod venerabilis Arduinus insula Pontificali jam insignitus ut cognovit, compati cœpit, pietateque quæ affluebat, universam congregationem rogare cœpit, ut qui villam abstulerant, quam prædecessor contulerat, saltem misererentur Deo servientibus inibi, & aliquam rem providerent, ex quo sustentari possent Ecclesiæ alumni. Exegit denique ab eis in præsentia Alberonis Abbatis Divionensis, laudantibus cunctis Canonicis, ut bis edentibus supradictis Canonicis quantum percipiebatur à duobus ex illis, tantum susciperent & ipsi Monachi, videlicet manè & serò, & si semel cibum sumserint, eodem modo, quo & supra quantitas tribuatur panis, & vini, ut accipitur à duobus Canonicis.

Quia verò pecunia tunc defuit, quæ debebatur consuetudinaria lege cibis præberi universis Ecclesiæ filiis, conditione usi sunt tali, ratumque visum est cunctis, ut susciperent societatem, quæ offerebatur illis per commutationem cibi: eo tenore, ut si aliquis nuntiaretur exuisse hominem, taliter celebraretur dies depositionis à Monachis, sicut consueverunt pro cunctis congregationibus sibi conjunctis. Insuper & nomina eorum inscriberentur cum nominibus fratrum, quo agnosci posset dies eorum anniversarii, & celebrari à cunctis. Et ut hæc quæ diximus firmitus teneantur, à nostris eadem & ipsi laudare agere pro nostris.

Ne quando ergo aboleatur in succedentibus schedis quæ conscripimus, præsentem viro venerabili Arduino Episcopo hujus sanctæ sedis, subtus adnotamus ejusdem jussione Præsulis nomina vivorum, qui interfuerunt, conditione tali. Sign. ejusdem Arduini Episcopi. Sign. Willenci Archidiaconi. Sign. Rainardi, qui cognominatus est Hugo S. Rogeri Thesaurarii. Sign. Ewardi Decani. Sign. Arlei Archid. Sign. Girardi Archidiac. Sign. Warneri. S. Gybuini. Sign. Hildegari. Sign. Milonis de sancto Lupo. Sign. Emmarrici. Signum insuper omnium Canonicorum, qui unanimiter laudaverunt in capitulo. Actum Lingonis, anno Incarnationis Domini M. LVIII. Ind. XII. Epacta IV. Quicumque autem hoc violare præsumserint, vel aliquid abstulerint sancto Petro, rectoribusque Besuensis cœnobii contraire conati fuerint, autoritate omnipotentis Dei, Patris, & Filii, & Spiritus sancti, beati quoque Petri, omniumque sanctorum, & nostræ sint excommunicati, anathematizati, & à sorte iustorum expulsi, & æternaliter, nisi dignè satisfaciendo emendaverint, damnati. Signum Oddonis Abbatis, & omnium Monachorum ipsius cœnobii.

*Carta de villâ Coriaut.*

**N**otum sit omnibus præsentibus & futuris, quod Berno villicus Janlint villæ, quoddam alo-

dum juris sui, quod jacet in villâ Coriaut dicta, eâ conditione dedit S. Petro, & propriâ manu super altare misit, ut ipsius alodi usufructum fructum retineret tempore vitæ suæ: post discessum vero vitæ suæ ad locum sancti Petri rediret cum omni integritate. Hujus donationis, quam vivâ voce fecit, vivos testes adhibuit; quorum nomina hæc sunt: Odilo Præpositus, Rodulfus, Bado, Aldo, Lwardus.

*Carta de vineâ, qua est in Brisconâ.*

**A**lbordis matrona pro remedio animæ quondam senioris sui, nomine Eremberti, consentiente fratre ejus Ozelino nomine, tradidit sancto Petro Besuensis cœnobii vineam, quæ appellatur Clausmors, in villâ, quæ Briscona vocatur.

*Carta de Vetus-vineis.*

**I**tem Alburgis filia Willenci fratris Hugonis senioris castri Belmontis, quidquid in villâ Vetus-vineas habebat in pratis, campis, sylvis, pariterque servos Widonem, Theodericum, Bilinamque sororem eorum, tresque alias ancillas, Heldegardam, Evizaidam, & Teodradam sancto Petro dedit perpetualiter possidendas. Sign. Pontii senioris ejus. Widonis Militis. Walterii Militis.

*Carta de Moringis.*

**A**dnotandum credimus futuris, quod Willencus dedit Deo, & sancto Petro 2. mansos in Moringis vico cum omnibus appenditiis suis, & servum nomine Ulricum cum uxore, & infantibus suis. Et ut hæc donatio perpetuam firmitatem obtineat, signatorum nomina subtus demonstrat scheda. Sign. Pontii filii ejus, Fulconis, Odilonis, Bernonis Clerici.

*Carta de Condilico.*

**N**otificamus modernis quibusque, & futuris, quod Helyindis quædam matrona, dedit sancto Petro pro Walterio marito suo, qui vocabatur Albus, unum mansum apud Condiliacum, & servum nomine Erimberrum. Signum Gisleberti, Hugonis, Willeri, Mauricii filii ejusdem domine.

*Carta de Vaunna.*

**E**adem videlicet Helvidis tradidit post primam donationem sancto Petro unum mansum apud Vaunnam pro ipso Mauricio filio suo, quem ex præfato Walterio habuerat. Qui scilicet mansus ita liber est ab omni consuetudine alicujus hominis, ut non dux, vel ministeriales sui in eo aliquid requirere possint, ab aliorum etiam principum vel hominum exactione omnino extraneus sit. Dedit quoque servum nomine Richardum. S. Haymonis filii ejus Gisleberti.

*Carta de Creponensi villâ.*

**V**olumus quosque præsentis & futuros scire, quod Rainaldus de Autriacodelegaverit sancto Petro unum mansum apud Creponensem vicum cum omnibus appenditiis suis, qui debet ministeriali Fontanæ potestatis, singulis annis unum denarium, si tamen homo in ipso manens, sylvam ipsius potestatis frequentaverit. Sign. Rainardi, Odilonis, Odonis.

*Carta de Fonsanellis.*

**E**jusdem Rainardi consilio, & exemplo provocatus quidam sobrinus ejus Oddo qui appellabatur Gibbosus, dedit & ipse sancto Petro quidquid alodi in vico Fontanellas vocitato, habebat. Signum Oddonis, Odilonis, Rainardi.

*Carta de Buciaco vico.*

**C**Larum esse cupimus omnibus, quod Arlebal-  
dus & Odo fratres, concesserunt sancto Petro  
unum campum quindecim iugerum in Buciaco vi-  
co. Signum Domini Odonis Abbatis, Moroni, Be-  
nedicti.

*Carta de Flaciaco.*

**M**Anifestum iri optamus tam presentibus, quam  
futuris, quod Odilina, mater Pontii de Be-  
soëta, attribuit sancto Petro unum mansum in Fla-  
ciaco. Signum Pontii, Hugonis Præpositi, Joan-  
nis.

*Carta de Lifciaco.*

**P**Atere volumus cunctis presentibus & futuris,  
quod Wido de Lifciaco, dedit sancto Petro apud  
eundem vicum Lifciacum, unum mansum, cum  
omnibus appenditiis suis. Dedit etiam sedem moli-  
ni, ubi ipse molinus construeretur, cum uno servo,  
nomine Drogone; reddidit quoque servum quem  
ante pro fratre suo Anserico dederat, cui nomen Odo.  
Signum Odilonis, Anserici, Hugonis Præpositi.

*Carta de Moringis.*

**C**ognitio, quod Aduinus tradidit sancto Petro  
pro Milone fratre suo, qui vocabatur Albus,  
quamdam partem alodi, quem habebat in vico, Mo-  
ringas nominato; eo tenore, ut post excessum suum  
alia pars in dominicatum Monachorum deveniret.  
Dedit quoque servum, nomine Ærbertum. Necnon  
ante donaverat pro matre suâ, Altrudi nominatâ,  
uxorem Ulrici Presbyteri Granantis villæ, cum om-  
nibus infantibus suis. Signum Aduini, Henrici filii  
ejus, Æremberti.

*Carta de Donno Apro.*

**N**Otum iri volumus omnibus, quod Hugo Lan-  
fredi curtis concessit sancto Petro unum man-  
sum in villâ, quæ vocatur ad Domnum Aprum pro-  
pter Ecclesiam, quæ in eadem villâ constructa est in  
honore sancti Apri. Dedit quoque servum in eo ma-  
nentem cum uxore, & infantibus suis. Sign. Lan-  
drici filii ejus, Hugonis filii ejus, Odonis.

*Carta de Arciaco villâ.*

**T**Radimus litteris ad posterorum memoriam,  
quod Odo Clericus de Gimellis, concessit san-  
cto Petro unam villam in Arciaco villâ; pro Dodo-  
ne fratre suo. Signum Odonis, Bernardi, Beraldi.

*Carta de Beriâ.*

**A**Pertum esse desideramus omnibus sequuturis,  
quod Aduinus de Beriâ, tradidit sancto Petro  
unum mansum apud eandem Beriâ villam, cum  
omnibus appenditiis suis, & unum servum nomine  
Algrinum. Sign. Walonis, Warnerii, Milonis.

*Item Alia.*

**S**Cire volumus quosque tam modernos quam fu-  
sturos, quod Walo concessit sancto Petro unum  
mansum in Beriâ, cum appenditiis suis, & unum  
servum nomine Hugonem de Vado, cum uxore, &  
fantibus suis. Signum Aldonis, cujus nomen Ru-  
sticellus, Milonis, Maioli, cognomento Mazili-  
nus.

*Carta de Nogdanti Villâ.*

**O**Mnibus cognitum iri cupimus, quod Hildele-  
rius delegavit sancto Petro pro filio suo Wido-  
ne apud sanctum Julianum à balistrario occiso, u-

num mansum in Nogdanti villâ cum appenditiis suis,  
& consuetudinibus; pariterque duas ancillas, quæ  
erant sorores. Signum Odonis, Walterii, Bernar-  
di, Beraldi.

*Carta de Albiniaco villâ.*

**I**dem quoque Hildelerius concessit sancto Petro  
in villâ Albiniacensi, quæ est in comitatu Divio-  
nensi, pro uxore suâ duos mansos, cum appenditiis  
suis, in terris, campis, pratis, sylvis, pascuis.  
Signum Odonis, Walterii.

*Carta de Pinriaco.*

**C**Larescere volumus cunctis, quod Milo de Bel-  
clomonte concessit sancto Petro pro uxore suâ,  
unum mansum in Pinriaco vico cum appenditiis  
suis, & unum servum nomine Edwardum, cum so-  
rore suâ. Signum Milonis, Fulconis, Odilonis.

*Carta de Campanis villâ.*

**H**Oc etiam ad monimentum futurorum pande-  
re volumus, quod Gislebertus de Resciâ con-  
cessit sancto Petro pro uxore suâ unum mansum in  
Campanis villâ cum omnibus appenditiis suis, simul-  
que servum nomine Lotzelmum. Signum Frodonis,  
Widrici.

*Item Alia.*

**C**Unctorum notitiæ patere volumus, quod Odo  
Montis-Salionis senior, dedit sancto Petro pro  
Hugone fratre suo, unum mansum in eadem Cam-  
panis villâ cum appenditiis suis, pariterque servum  
nomine Lozuinum. Signum Pontii, Hugonis, Ar-  
lebaldi.

*Carta de Genciniaco.*

**M**Anifestare justum duximus, quod Walo de  
Scuviliaco, dedit sancto Petro prædecessori-  
bus suis, unum mansum cum appenditiis suis, in  
Genciniaco villâ, & servum nomine Isembardum,  
cum sorore suâ. Signum D. Odonis Abbatis. Moroni,  
Benedicti.

*Carta de Nogdanti.*

**O**Peræ pretium duximus literis tradere, quod  
Hilderius, quem præfati sumus, dedit sancto  
Petro pro filiâ suâ, uxore scilicet Odonis qui dice-  
batur Vetulus, unum mansum in villâ prænomina-  
tâ Nogdanti, cum unâ ancillâ. Signum Odonis,  
Bernardi, Beraldi, Walterii.

*Carta de Vaurâ.*

**P**Andi volumus modernis & futuris, quod Hugo  
Rufus, tradidit sancto Petro pro Humberto pa-  
tre suo, filio Hildebranni, duos mansos cum appen-  
ditiis suis, in villâ quæ dicitur Vaura, cum servo.  
Signum Formaldi, Theoderici, Bernardi, Beraldi.

*Item Alia.*

**H**Oc quoque incausto diplomati inferi volumus,  
quod pro Vislerio Milite, delegaverit uxor sua  
sancto Petro in præscripto vico Vaura, unum man-  
sum cum appenditiis suis. Signum Milonis, Rotberti  
Presbyteri, Hugonis Præpositi.

*Carta de Curte Salonis.*

**C**ensumus apicibus notificandum presentibus &  
futuris, quod Rotbertus Montis Salionis Mi-  
les, frater Widonis Magni concessit sancto Petro  
ad exitum veniens, & Monachicum indumentum  
capiens, unum mansum in vico Curtis Salonis, in  
parrochiâ Ruciensis villæ amplissimum, cum uno

seruo; nomine Alberico. Signum Widonis fratris ejus. Odonis senioris anontis Salionis. Hugonis fratris ejus. Item Hugonis Lanfredi curtis.

*Carta de Veronâ villâ.*

**C**unctorum notitiâ patere cupimus, quod Milo Balbus, Tilenis castri Miles, delegaverit sancto Petro unum mansum in Veronâ villâ pro uxore suâ, cum appenditiis suis. Signum Formaldi, Aldonis privigni ipsius Milonis.

*Carta de Luco.*

**I**dem quoque Milo cum Odone Divionensi Præposito, qui neptem ejus in conjugio habebat, monomachi certaturus pugnâ, attribuit sancto Petro terram, quam habebat in Luco prope atrium Ecclesiæ, quod sibi adjutor in disposito bello existeret. Signum Lamberti, Odonis, Formaldi.

*Item Alia.*

**O**mnium cognitioni clarum esse volumus, quod Pontius de Besoëtâ pro violentiâ, quam irrogavit asyilis sancti Petri, adytâ violando; quando quemdam Harduinum inde abstraxit, dedit ipsi sancto unum mansum amplissimum cum appenditiis suis, in Luco. Signum Domini Odonis Abbatis, Moroni, Benedicti.

*Item Alia.*

**H**oc etiam de eo grammis allegare congruum duximus, quia pro multis tortitudinibus, sceleribus, sive deprædationibus, in loco sancto, vel in pauperibus ejusdem loci, ab eo commissis quodammodo pœnitens, delegaverit sancto Petro alium mansum in eadem villâ cum appenditiis suis, & unum servum nomine Josbertum, qui etiam Babilinus appellabatur. Signum Domni Odonis Abbatis, Moroni, Benedicti.

*Carta de Villari vico.*

**C**ongruum ducimus litteris notificare omnibus, quod Hugo Præpositus pro uxore suâ concesserit sancto Petro unum mansum in vico, Villari nominato, prope Gradicum castellum; & unum servum vocabulo Lambertum. Signum Domni Odonis Abbatis. Sign. Benedicti, Tetbaldi.

*Carta de Auxiliaco.*

**N**ecessarium remur pro utilitate sequentium scripturæ tradere, quod Willerius de Criciaco dedit sancto Petro unum mansum in villâ Auxiliacensi cum appenditiis suis, & servum nomine Humbertum. Signum Domni Odonis Abbatis, Benedicti, Girardi Leviri ejus, Humberti, exactoris cuponum.

*Carta de Bettonis-Curtis.*

**N**otum esse volumus præsentibus, & futuris, quod Hagano de Villiaco veniens ad mortem, dedit sancto Petro pro redemptione animæ suæ, unum mansum apud villam Bettonis-Curtis, & unum servum, nomine Dominicum, cum uxore suâ, & filiabus. Et ut hæc Carta perpetuam firmitatem obtineat, nomina testium subter adscribi rogavit. Sign. Gisleberti, Hugonis, Willerii, Rotberti.

*Carta de Rainaldi Curte.*

**Q**uidam Miles Humbertus, in extremo vitæ constitutus, pro remissione peccatorum suorum dedit sancto Petro apud Marceacum-villam, dimidium mansum, jam pridem à fratre suo Girardo alterius medietatis donatione factâ ipsi sancto Petro. Tradidit etiam servum nomine Constantium, cum uxore

& infantibus suis: pariter etiam unum apud Rainaldi-Curtem, in quo habitabat David, cum omnibus appenditiis suis, in campis, in patris, in sylvis, in aquarum decursibus. Piscatoriam etiam prædicti Constantii, sicut vivente eo tenuerat, attribuit monachis loci. Et ut hæc donatio obtineat firmitatem vigoris perpetui, litteris solemniter adnotavit. Sign. Girardi fratris ejus, Odonis, Hugonis, & Adelaidis uxoris ipsius Humberti.

*Carta de S. Sequano.*

**S**cire volumus quosque futuros, quod Raimodis quædam matrona spectabilis, ad exitum veniens, & multæ quantitatis pecuniam diversarum specierum sancto Petro relinquens, dimidiam coloniam apud sanctum Sequanum Helpricurtis dedit, cum unâ ancillâ. Ne verò per succedentia tempora hanc eleemosynam ulla oblivio valeat delere, membranis deprecata est ad confirmationem tradere. Sign. Hugonis filii ejus. Gertrudis filię ejus. Reginæ filię ejus. Landrici generi ejus.

*Carta de Picangis.*

**N**otum iri volumus omnibus præsentibus, & futuris, quod hac spe animatus Hugo, qui pro salamento Crilliacensis villæ salvator dicebatur, pro animâ suâ, & filii sui Widonis dudum interfecti, dedit sancto Petro 7. mansos apud Picangias villam, & servum nomine Halinardum conductorem suum, ancillamque, nomine Addetam, cum filio vocabulo Giraldo, & sorore ipsius. Signum Hugonis, Formaldi, Halinardi, Odonis filii ipsius Hugonis.

*Carta de Ewaldi Curte.*

**N**otum esse volumus præsentibus & futuris, quod Raimodis uxor Otberti, ad exitum veniens, & divinâ inspiratione tacta, dedit sancto Petro apud Ewaldi-Curtem unum mansum cum servo, nomine Haymone, in eo habitante, & uxorem ejus, & infantes: & in villâ quæ Fontanas dicitur proximâ Vilecastro, unum mansum cum uno cliente, qui Christianus dicitur. Signum Otberti, Humberti filii ejus, Aldonis filii ejus.

*Carta de Vetus-vineis.*

**N**otum iri volumus tam præsentibus, quàm futuris, quod Henricus, pro fratre suo Ulrico, dedit sancto Petro dimidium mansum apud Vetus-vineas, & servum ejus, nomine Giraldum cum uxore suâ; eo tenore, ut quos ex hoc tempore genuerint infantes, in servitium Monachorum cedant. Signum Henrici, Humberti Rufi.

*Carta de Icio.*

**P**atere volumus modernis & successuris, quod Odo, qui dicebatur Vetulus, ad extrema perductus tradidit sancto Petro in villâ Icio unum mansum, & 3. jugera terræ in finibus ejusdem villæ cum uno servo, nomine Erberto, & filium ejus cum eo. Signum Formaldi, Walterii, Bernardi.

*Carta de Icio & Veronâ.*

**C**ognitum esse optamus omnibus, quod Wido de Fossato delegavit sancto Petro pro fratre suo Aldone pincerna, duos mansos, unum in villâ Icio, alterum in villâ Veronâ, cum uno servo, nomine Aldone. Signum Widonis, Amalrici, Aldonis.

*Carta de S. Sequano.*

**N**otitia quomodo quidam Miles, nomine Wido pro remissione peccatorum suorum apud sanctum Sequanum Helpricurtis attribuit sancto Petro



mansum unum, & unum curtile in ipsa villa, & quartam partem Tachitacensis sylve, & unam ancillam nomine Annam, cum duobus filiabus suis. Signum Pontii, Widrici, Belini.

*Carta de Pauliaco.*

**O**mnibus presentibus, & futuris, & futuris fratribus manifestum esse volumus, quod Formaldus de Icio dederit sancto Petro pro anima uxoris sue, quæ fuit soror Willenci, mansum unum apud Pauliacum, sub testimonio utrorumque parentum. Signum Formaldi, Bernardi, Beraldi.

*Item alia.*

**Q**uia labilis est hujus vite status, notum iri volumus mortalibus, quod quædam matrona uxor Hildemodi, Emene nomine, tradidit sancto Petro unum mansum apud Pauliacum, cum una cortina, sub testimonio presentium fratrum. Signum Widonis, Eremberti, Anselmi.

*Carta de Lalandi curte.*

**Q**uidam etiam Miles, Lambettus nomine, victicus Willenci, pro remedio anime sue, concessit sancto Petro unum mansum apud Lalandi curte. Signum Willenci, privigni, Formaldi, Pontii.

*Carta de Saviniaco.*

**S**cire quosque volumus, quod Wido de Porta ad exitum veniens, concessit sancto Petro duos mansos; unum in Saviniaco, alterum in Grancjaco in regione Divionensi, & unum servum nomine Tedonem, habitantem in villa Verona. Sig. Teobaldi, Widonis, Humberti.

*Carta de Arciaco.*

**M**anifestum iri volumus omnibus, quod Teobaldus filius ipsius Widonis, tradidit sancto Petro unum mansum in Arciaco villa, & unum servum nomine Mauricium, sororemque ejus, quam Edwardus recalvestes de Acetis villa in conjugium habebat. Signum Widonis fratris ejus, Humberti, Gunzonis.

*Carta de Auxiliaco.*

**P**andi volumus quibuscumque, quod pro Moranno uxor ejus, & filius dederunt sancto Petro unum mansum apud Auxiliacum, simulque servum, nomine Waldraicum. Sig. uxoris ejus, Joffredi filii ejus, Henrici.

*Carta de Ponto.*

**C**ognitio, quod Wido frater Moranni, delegavit sancto Petro unum mansum in Auxiliaco, & alium in villa, quæ dicitur Pontus, beneficium quod à Monachis tenebat reddiderit, & manu miserit. Sig. Widonis, Domni Odonis Abbatis, Moranni, Benedicti.

*Carta de Calmis.*

**M**anifestum esse volumus omnibus presentibus, & futuris, quod Mainfredus pro Mauricio filio suo, dederit sancto Petro duos mansos apud Auxiliacum, & quicquid alodi in villa Calmis, quæ propinqua est Mirabello castello, habebat, concessit. Signum Mainfredi, Leutbrauni filii ejus, Arbaladi.

*Carta de Ponto.*

**I**dem quoque Mainfredus, pro uxore sua prior, quæ fuit soror Teobaldi Abbatis, dedit ipsi san-

cto Petro unum mansum in villa Ponto. Signum Mainfredi, Mauricii, Leutbrauni.

*Item alia.*

**A** pud Cruscicacum etiam dedit pro 2. uxore, quicquid alodi ex ejus parte in eadem villa tenebat, laudantibus fratribus ejusdem domini. Signum Mainfredi, Theoderici, Widonis.

*Carta de vico Chimiscensi.*

**S**cire volumus quosque, quod Odo, & Hugo, tradiderunt sancto Petro, pro fratre suo Wdone interfecto, unum mansum cum appendiciis suis, in vico Chimiscensi, cum una ancilla nomine Helgardi. Sig. Odonis, Hugonis, Milonis.

*Carta de Wandeleni curtis.*

**U**niverforum notitia cupimus patere, quod Hildemodus delegaverit sancto Petro omnem alodum quem habebat in vico Wandeleni curtis, qui est in potestate Morticis, cum uno servo nomine Theoderico, sub censu pretii duorum denariorum, ceræ. Sig. Odonis, Pontii, Hugonis.

*Carta de Negdanti villa.*

**L**imitis vite velocitas cogit, ut memoranda quæque grammis Cartarum imprimantur, ne longitudine temporum intercurrente à memoria hominum deleantur. Quapropter notificare omnibus optamus, quod Arnebaldu Montis Salomonis Miles, tradidit sancto Petro unum mansum in villa Negdanti, cum uno servo. Signum Odonis, Hugonis, Pontii.

*Carta de Villari vico.*

**O**mnium noverit industria, quod Aymo, qui erat glabrio, concessit sancto Petro mansum unum in vico, Villari vocabulo, cum uno servo nomine Raimbaldo. Signum Henrici, Odonis, Widonis.

*Carta de Auxiliaco.*

**H**oc etiam simili modo intimare curavimus, quod Joffredus dederit sancto Petro in villa Auxiliensi 10. jugera terræ. Sig. Odonis, Henrici, Willerici.

*De obitu Arduini Episcopi.*

**D**efuncto autem venerabili Arduino Episcopo, Raynardus adeptus est Cathedram. Obunte inde Odone Abbate, successit in locum ejus Wido, ex Monasterio Areomarensi Monachus. Hic paucis annis in regimine peractis repedavit ad suum Monasterium, dimissa hujus loci gubernatione; cui successit ad regimen animarum Gausbertus, in Monasterio sancti Benigni Divionensis Prioris, gerens officium.

*Carta de Ecclesia S. Remigii.*

**I**n nomine sanctæ Trinitatis & unice Deitatis. Noverit omnis seculorum tam presentium, quam futurorum successio, quod Dominus Rainardus Lingonensis Episcopus petente Abbate Gausberto, & ejusdem loci Monachis, fecerit liberam sancti Remigii Ecclesiam ab omnibus consuetudinibus, quæ in polyptycho continentur paratas, sive debitum, quod in Synodo debebat Presbyter, remittens; ratamen, ut Presbyter quidem ad Synodum consuetudinaliter cum ceteris pergat, censum vero annuum nullum persolvat. Quod ut immobilitate perveraret, jam dictus Pontifex exemplar hujus subscriptionis, firmavitque fieri jussit, ne quinquam suorum successorum

Rainardus  
Arduino Episcopo  
fuit successus  
Et Odoni  
Abba Wido.

Et hunc Gausbertus.

1080.

cellorum hanc donationem evacuare præsumeret : interminationem damnationis perpetuæ ab omnipotente Deo substituens, qui huic notioni infracturam tentaverit inferre. Actum Lingonis in plenariâ synodo, anno ab Incarnatione Domini MLXXX. Indictione III. Signum Rainardi Episcopi qui hanc notitiam fieri iussit. Totius sui synodalis conventus Archidiaconorum suorum, seu Decanorum. Signum Girardi Archidiaconi. Ærleii Archidiaconi. Walterii Decani. Hugonis de Butgiaco Canonici.

## Item alia.

**I**dem etiam Episcopus reclamabat quemdam hominem vocabulo Rotbertum de Gurziaco, cum uxore suâ, & unicâ filia, pariterque ipsius filiarum infantes, quos ex Lamberto servo sancti Petri habebat; sed acceptis centum solidis, quidquid in eis rectitudinis sibi habere videbatur, fratribus concessit, & ex suo jure in eorum dominicatum transfudit. Sig. Walterii, Rainerii, Richardi, Gisleberti, Aymonis.

## Carta de Ecclesiâ S. Valeriani, &amp; villâ.

**C**onstat omnes perfectionis summam volentes carripere, Dominici præcepti regulam mentis oculis antepone, quo suum quemque pro ipso sua distrahare, & pauperibus mandat devotè distribuere. Quia talium iustitia per cuncta manebit sæculorum volumina, & cornu ipsorum, id est, remuneratio certaminis eorum cœlesti exaltabitur in gloriâ, cum ad cœlestes thesauros translata terrena patrimonia, dantibus proderunt in perenni vitâ. Hac ergo spei fiduciâ confortatus ego Pontius castelli Bellijoci dominus, Redemptori omnium volo tradere de meis rebus, quæ mihi jure hereditario relicte sunt à parentibus. Do itaque Deo, & sancto Petro Besuensi capellam constructam in honore sancti Valeriani cum honore, & liberè sicut hætenus visus sum habere, fratre meo Eromuino laudante, cum vineâ; & campum usque ad petrosam, & usque ad fontem, & quidquid de sylvâ, quæ est juxta vineam Monachi, vel homines illorum ad culturam agri poterunt trahere. Nec non etiam de illâ sylvâ, quæ inter Ecclesiam & Sagonnam flumen est, quidquid ad usum prati ipsi & homines eorum voluerint, acquirere.

Concedo etiam mercatum cum omni libertate, & omnes consuetudines, quas ego & frater meus videbamur habere; aliamque consuetudinem pastionis, quam nos & homines nostri in cunctis sylvis, quæ in circuitu castelli Bellijoci sunt, habent Monachi, & homines illorum similiter habeant, ita ut homines illorum nostræ partis pastionaticum ipsis Monachis solvant, & materiam ædificandi domos ipsis, & hominibus eorum, qui illic voluerint remanere, concedimus ex sylvis nostris sine pretio; & inventionem venationis, sive apum, quæ nostræ partis est, & quam homines illorum invenerint, Monachis concedimus, & totius culturæ terræ, quam eis damus, decimas, & tertias Monachi habeant, & ubicumque carruca illorum cujuscunque hominis terram infra parochiam exercuerit, damus eis decimas.

De latrocinio verò, vel qualicumque proclamatione ex delicto in ipsâ terrâ commisso, Monachis concedimus legem, & errantem, & vetitum legaliter habeant, & nullius distractione judicabitur deprehensus, nisi iudicio Monachi.

Si autem homo Monachorum delictum commiserit, nullius violentiâ constrigetur, antequam proclamatio ad Monachos facta fuerit; & si Monachi rectitudinem exequuti non fuerint, ad Ab-

Tom. II.

batem prius ipsa proclamatio referatur. Actum publicè Bellojoco, vigiliâ Ascensionis Domini. Anno ab Incarnatione Domini M. LXXXIII. Hugone ex Notario Archiepiscopatum Bisonticensis Ecclesiæ gubernante, Philippo Francorum Rege existente Odone Ducatum Burgundiæ regente, Rotberto fratre ejus Lingonensis Ecclesiæ præsulatum moderante, Willelmo Comite in rebus prosperè agente, Gaußberto Besuensis Abbatie moderamina providente. Sig. Pontii, Hermuini, Herluini, Walterii Vice Comitibus, Heurelmi, & Pontii alterius.

## Carta de Salvamento Neroni villa.

**N**otum esse volumus præsentibus & futuris, quod Fulco, & Joffredus filius ejus salvamentum, sive commendationem, quam in Neronis villâ accipiebant, proclamatione factâ à fratribus; apud Ducem Hugonem, & Comitem Willelmum in generali placito ipsis præsentibus Besuæ & cæteris quibusque nobilibus viris instantibus, sancto Petro, & Monachis eo tenore dimiserint, ut quidquid sibi iustè præteritis temporibus Monachi poterant in causâ violentiæ, & tortitudinis, præter fundum terræ, & caput hominis ullo modo amputare, id totum remitteretur, & prædictæ villæ habitatores à superscriptâ calumnia, & omnibus injuriis vel tortitudinibus perpetuò liberi manerent. Quæ remissio ut perpetuæ firmitatis obtineret vigorem, & nullus de eorum heredibus, ullo modo supradictam violentiam posset repetere, rogaverunt eam annotari litteris, & ad futurorum memoriam arctius retinendam, signatorum, vel testium nominibus confirmari. Sig. Hugonis Ducis. Willelmi Comitibus. Widois Comitibus Matiscenensis. Girardi Fontis-vennæ. Widois Wangionis Rivi. Pontii Glanx. Aldonis Tilecastri, Sewini, Widenaii. Gisleberti. Actum publicè Besuæ in publico conventu, anno ab Incarnatione Domini MLXXXVI. Indict. XIV. Imperante Philippo Francorum Rege, Hugone Duce præsentem, & Willelmo Comite Burgundiæ II. Cal. Junii die Martis.

Ignitur postquam Rainardus Episcopus hujus diei lucem clausit, vitæ præsentis finem faciens, secundum quod scriptum est: *Plures facti sunt sacerdotes, eo quod morie prohiberentur permanere*: necessarium fuit loco ipsius alium substituere. Et quoniam ipse Rainardus satis clarè & gloriôsè Lingonensem rexerat sedem, omnium quotquot eum Pastorem habuerant animos in desiderium & æmulationem hanc accenderat, ut Deo favente, imò Deo dominante talis sibi constitueretur Pastor, qui Domini Rainardi, sicut successor, ita foret etiam imitator. Quid plura?

Domnus Rotbertus eligitur, satis & ipse clarus in omnibus, ex Francorum Regum prosapia editus, frater autem Ducis Odonis cognomeneo Borel. Fuit staturâ non nimium longus, nec tamen brevi, sed mediè temperatâ. Et quamvis geminæ scientiæ eloquentiâ floreret, verba ejus rarissima, nisi forent necessaria. Ut ergo dignum erat, communi voto, tam Cleri, quàm populi, Rotbertus eligitur, & Pontificali decoratus insulâ, Ecclesiæ Lingonensi Pontifex præficatur.

Ingrati videremur, si eorum quæ huic Ecclesiæ contulit beneficiorum immemores, silentio contegi pateremur. Primò itaque dicamus qualiter ipsi Capellam castri, qui Fons-Vennæ dicitur, Deo, & sancto Petro Ecclesiæ Besuensis contradidit.

## Carta Cappella de Fontvenz.

**Q**uoniam genus humanum carnis mole corruptibili præoccupatum, labilis ac defectuosæ memoriæ contraxit vitium, benè visum est præde-

1083.

Rainardus  
Episc. obiit.  
Hib. 7. 23.

Robertus  
Ling. Episc.  
eligitur.

cessoribus nostris, ut quicquid ratum & insolubile teneri vellent, fidei litterarum custodiæ commendarent. Nos igitur eadem usi ratione, ea quæ subtilantur, ne quandoque deleantur oblivione, retinere studuimus litterarum traditione. Ego itaque Rotbertus Lingonensis Episcopus, Humberto de Fonvenz Lingonensis Ecclesiæ Cafato, pro servitio ejusdem Ecclesiæ interfecto, cappellam prænominati castri Ecclesiæ Besuensi, in cujus cæmeterio eum sepelivimus, laude, & consilio conjugis suæ, fratrumque suorum ejusdem castri omnium cafatorum, perpetualiter tenendam concedimus; quatenus per interventionem beati Petri Apostolorum Principis, & orationes Monachorum ibi Deo fervientium, suorum obtinere valeat veniam delictorum. Ita etiam hoc donum Lingonis in plenaria Synodo tenendum dijudicamus, ut si quis Clericus, vel Laicus de beneficiis ad capellam præmissam pertinentibus præter voluntatem Monachorum Besuensium aliquid facere præsumat, ordinis sui periculo, si Clericus sit, si Laicus, excommunicationi, donec resipuerit, subjaceat. Hujus dationis testes sunt: Willelmus Comes Burgundiorum, Rainaldus filius ejus, Humbertus Rufus; & frater ejus Wido: Wido Rufus, & cæteri cafati. Facta sunt hæc Regnante Philippo, Episcopante Rotberto, Stephano dictante Cancellario.

In illo tempore huic cænobio præerat Dom. Josbertus Abbas, vir totius simplicitatis & Religionis; sed quia in Ecclesiâ Dei alii sunt murus ædificati cum propugnaculis, alii ostium compinctum tabulis cedrinis, hic vir, quia non poterat sicut murus expugnare domus Dei inimicos, exterius existentibus innumeris raptoribus, interius periculis in fallis fratribus, erat tamen ad aperiendum, & claudendum ostium compinctum tabulis cedrinis, quia habebat os ad loquendum, & tacendum, defloratum diversorum excellorum, & imputribilium Patrum sententiis. Prospiciens igitur animæ suæ bonum esse in superni inspectoris oculis habitare secum, optimam partem elegit, quæ non auferetur ab eo. Cluniacum namque expetiit, & ibi reliquum vitæ suæ exegit, pacem quærens, & pacem inveniens, ei qui pax est Angelorum & hominum Christo consociatus, Amen.

Interea Dom. Rotbertus præfatus Lingonensium Episcopus, benè sollicitus animoolvebat quem huic Ecclesiæ loco Dom. Josberti Abbatem substitueret. Vertebat circumquaque cordis oculum, quærens cui committeret hujus Ecclesiæ baculum. Nec passus est eum Deus pro voto defraudari, sed nec in quærendo longius fatigari. Est namque cella S. Eugendi, non multum distans ab urbe Lingonensi, in eodem Episcopio, in comitatu verò Trecaffino, Ecclesia in honore B. Stephani Protomartyris dedicata, in eminenti quodam monte, qui Barrus dicitur, decentissime fundata. Factum est autem ut hic inveniretur, quod quærendum diu longeque fuerat, ut haberetur. Præerat namque illi loco Dominus Stephanus, quamvis ætate non multum maturus, pietate tamen & Religione circumfusus, in Dei timore, & amore, & secundum Apostolorum, in charitate radicans & fundatus.

*De Domino Abbate Stephano.*

**V**idetur haud incongruum lineam generis ipsius paululum attingere, quoniam solet plerumque nobilitas & sibi ad conservandam humilitatem, & Ecclesiis Dei ad resistendum raptoribus plurimum prodesse. Exstitit itaque pater nobilissimo progenitus, Joffredo nomine, qui & ipse non solum Consul, sed etiam à patre & avo Consulibus originem

duxit. De matre verò præfati Domni Stephani quid dixerim, nisi quod ex utrâque parte, patris videlicet, & matris, ex progenie Consulium, imò ab ipsius Consulibus est generata. Fuit namque Arnulfi nobilissimi, & audacissimi Consulis de Risnel filia, matrem habens clarissimi Consulis Gerardi de Fontvenz filiam. Quod autem iste leonum catulus, in agnum primò mutatus, postea ut aries ad defendendum eam cornibus, & ad generandum in eâ spirituales agnos in Ecclesiâ sit constitutus, fuit hoc gratiâ Dei, fuit hæc mutatio dexteræ excelsi. Volo, si possem, quamvis non faceto, vero tamen sermone percurrere, qualiter iste leonem rugientem reliquerit, & leonem de tribu Juda sequutus sit; & qualiter ab agno immaculato agnus effectus sit, ut sequatur eum quocumque ierit.

In diebus illis vocavit sponsus ad se sponsam suam, Christus videlicet Ecclesiam, venire à cubilibus leonum & montibus Leopardorum, per montem myrrhæ, & colles Libani. Principes enim qui prius fuerant similes leonibus propter crudelitatem & terrorem, & leopardis, propter diversarum iniquitatum varietatem, hyssopinâ, humili scilicet confessione mundati, per myrrhæam mortificationem libanino candore sunt super nivem dealbati.

Horum verò exstitit caput & Dux quidam Comes Francorum nobilissimus, Simon nomine Rodulphi Comitis. Hic divinâ respectus misericordiâ, mundum fugientem fugit, & Christum vocantem se sequutus est. Expetiit autem cænobium sancti Eugendi Jurenensis, ibi Christo se sacrificaturus. Præmiserrat ante se duos illustrissimos viros, Dominum Rodulfum, & Dom. Franconem, secum verò duxit Dominum Rotbertum, Dom. Arnulfum, & Dom. Warnerium. Hi omnes & secundum genus sæculi clarissimi, & secundum Deum nobilissimi, postea se holocaustum Deo obtulerunt.

Erat adhuc Dominus Stephanus, (de quo nobis sermo) tenellus, militaribus tamen armis decoratus: sed saniori usus consilio, imò Deo inspirante, Patres prædictos sequutus, seculari balteo abrenuntiavit, Christi jugum suscipiens, in præfato cænobio monachilem vitam arripuit, ibique sub Domino Hunaudo Abbate per decem annos se in Dei servitio maceravit. Deinde Cluniacum expetiit, ubi cum avunculo suo Domino Widone Priore Magno, per annum demoratus est. Quo Widone postea pro Religione, & sanctitate vitæ factò Abbate, ipse eum Pictavis sequutus, semper seipso melior efficebatur. Novissimè ad Monasterium suum regressus, apud Barrum cellam sancti Eugendi missus est. Fiebant hæc omnia Dei dispositione, sine cujus nutu nec passer cadit super terram. Hic igitur inventus est Dominus Stephanus, atque à venerabili præfato Rotberto Lingonensi Episcopo, & ab Abbate suo huic loco concessus, quamvis renitens Abbas effectus est, anno Incarnationis Domini M. LXXXVIII. Ind. xi. Epactâ xxv.

Jam verò quantâ curâ, quanto studio hunc locum emendare & augmentare studuerit, & si cessent verba, ipsa testantur opera. Nam quamvis Monasterium istud à quingentis, aut eo amplius annis primitus fuerit constructum, à tempore Domni Stephani Abbatis videtur summis principium, ita omnia innovata, omnia sunt in melius immutata. Nam quocumque gradiebatur, hoc illi erat desiderium, hæc illi mentis cupiditas, ut si alicubi aliquid vidisset honestum, aut Ecclesiæ suæ necessarium, aut illud ipse asportaret, aut simile in Ecclesiâ suâ ipse contrueret. In Religione verò ita reffloruit locus iste in diebus illius, ut usque ad mundi dominam Romanam, famosum nomen haberet Besua, & per totam

Ejus acta percuruntur.

De Simone Crespiensi Comite.

Fit Monachus cum aliis pluribus nobilibus in Monast. S. Eugendi seu S. Claudi.

Inter quos Stephanus.

1088.

Abbas Besua effectus, instaurat omnia.

Josbertus Abbas Besuensi.

Cella S. Eugendi.

Stephanus Abbas nobilis ortus genere.

Galliam usque ad maris littora. Unde factum est, ut cum primum huc veniret, vix viginti essent Monachi; in diebus vero ipsius quinquaginta seu sexaginta Deo servientes, & victus ac vestitus necessaria accipientes.

Si vero computemus eos, qui in Cellis nostris extrâ Besuam habitant, numerus usque ad centenarium consurget. Sed & illud est ei à Deo præstitum, quod in diebus ejus aliqui conversi ad Dominum, & ab eo in hoc loco accipientes Religionis habitum, postea facti sunt & ipsi lumen Ecclesiarum. Præficitur namque Ecclesiæ sancti Michaelis Ternodorense Domnus Wido Abbas. Præficitur Ecclesiæ sancti Sequani Dom. Henricus Abbas. Præficitur Domnus Eustasius Ecclesiæ Noviomensi sancti Eligii. Præficitur Ecclesiæ S. Joannis Dom. Godefredus. Et quamvis ipse non fuisset noster Monachus, de nostro tamen Monasterio est assumptus. Sed & alii quamplures sub eo æmulatione paternâ ducti, in ædificando, & acquirendo eum imitabantur Patrem, & hanc Ecclesiam dilataverunt, & ornaverunt, & munierunt ut matrem.

De ædificiis & acquisitionibus tam intrâ Besuam, quam extrâ, de instauracione corporis ipsius Monasterii, seu officinarum, de Bibliothecâ tam veteris, quam novi testamenti, de ornamento Ecclesiastico in tabulis, in capsis, in calicibus, in crucibus, in thuribulis, in vestimentis ad officium Ecclesiasticum pertinentibus, de cappis, & cortinis, de pallis, & signis ab eo & aliis fratribus, & filiis hujus Ecclesiæ ipsius tempore comparatis, & huic loco collatis, aliquantulum latius in sequentibus differemus. Nunc interim dicamus de Ecclesiis, quæ huic loco in diebus ipsius collatæ sunt, tam in hoc Episcopatu, quam in aliis. Ecclesia sancti Symphoriani de Albinaco. Ecclesia sancti Benigni. Ecclesia sancti Christophori Camlintensis. In Episcopatu Tulensi, Ecclesia sancti Willegaudi, apud Romonem castrum. Et hæc qualiter & à quibus sint collatæ, cartæ huic libello insertæ ostendunt.

*Carta de Albinaco, & de Ecclesiâ S. Benigni.*

**I**N nomine sanctæ & individue Trinitatis, Patris, & Filii & Spiritus sancti. Quoniam antecessores nostri quidquid ratum & indissolubile teneri voluerunt, litterarum custodiæ commendaverunt: ut videlicet, quod segnis deleret oblivio, litterarum aperiret repræsentatio, dignum duximus litteris commendare ea quæ perpetualiter volumus permanere. Ego igitur Rotbertus Lingonensis Episcopus Ecclesiam de Albinaco, & atrium ejus, paratas etiam & Eulogias quæ ad Episcopum pertinent, & Ecclesiam sancti Benigni, & atrium ejus, consensu & consilio fratrum Lingonensium, Ecclesiæ Besuensi tenendam concedo, & in plenariâ synodo Lingonis habitâ Stephano præmissæ Ecclesiæ Abbati, de manu in manum trado, & successoribus ejus perpetualiter habendam instituo. Hoc etiam donum ita tenendum, & permanendum dijudicamus, ut si quis Clericus, vel Laicus auferte eis præsumserit, vel inde eos injustè inquietaverit, si sit Clericus, ordinis sui periculo; si Laicus, anathemati, donec resipuerit, subiaceat. Sig. Gozelmi Archid. Hugonis Arch: Guatnerii Archid. Norgaudi Arch. Girardi Archipresbyteri. Guidrici Archipresbyteri. Facta sunt hæc Philippo Regnante, Episcopante Rotberto, Stephano dictante Cancellario.

*Carta de Sivoio.*

**I**N nomine sanctæ & individue Trinitatis. Notum sit omnibus fidelibus Christi, qualiter media pars Ecclesiæ de Sivoio, subnixæ est Ecclesiæ Besuensi.

Tom. II.

Abbas Stephanus, vir Religiosus dum remigando per Segunnam ad Ecclesiam Besuensem remearet, ab Hermuino orto nobili progenie in eâ villa hospitio susceptus est. Benignissimo amore eum suscepit, atque omnem humanitatem hospitalitatis ei exhibuit, & in crastino die pro æternis peritura commutans, in portu Prantenensi mediam partem Ecclesiæ de Sivoio, & Ecclesiam S. Dionysii in eadem villa, sicut erat sibi in patrimonio, animâ suâ, antecessorumque suorum sub testimonio legali, per manus supradicti Abbatis tradidit, Apostolis scilicet Petro & Paulo, Ecclesiæ Besuensis. Acta sunt hæc anno ab Incar. Dom. M. XCIII. Indict. i. Epact. xx. Lunâ viii. Regnante Imperatore Henrico anno xxxiv. Principante Stephano Comite, Hugone Archiepiscopo Archiepiscopalem Cathedram tenente. Si quis hanc Cartam violaverit, sepatetur ab Angelorum choris, societurque Datan & Abiron, hic & in æternum in inferno inferiori. Signum testium nostrorum. Signum Hermuini. Aimonis. Lavenchæ. Giraldis. Albrici. Teberti. Stigandi. Ego Godefredus Cancellarius Abbatis dictavi, & bene subscripsi.

*Carta de Camlintensi Ecclesiâ, & de Majasco.*

**I**N nomine sanctæ & individue Trinitatis, Patris, & Filii & Spiritus sancti. Quoniam consuetudinarium est, & ab antecessorum nostrorum inausuria ductum, ut ea, quæ memoriæ commendanda videntur, litterali tradantur custodiæ, dignum duximus; ea quæ subinferuntur ne oblivione disperant, nec vel quod inde actum est, quandoque aliqua immutetur fraudulentia, in hujus Cartæ finu fideliter recondere. Ego igitur Rotbertus sanctæ Lingonensis Ecclesiæ Episcopus, precibus Stephani Abbatis Besuensis Ecclesiæ sapius admonitus, voluntati illius tandem acquiescens, cum in Ecclesiâ Lingonensi Synodum celebrarem, & de Ecclesiasticis negotiis pro posse diligenter tractarem, consilio & assensu Archidiaconorum consentium, duos Presbyteratus Camlintensis videlicet Ecclesiæ, & Ecclesiæ de Majasco, B. Petro Besuensis cœnobii, & fratribus ibi Deo servientibus, deinceps habendos concedimus; ita ut Presbyteri parochiales, qui in eis decantaverint, medietatem omnium ad eisdem Presbyteratus pertinentium per manus Besuensis Abbatis obtineant, Archidiaconibus, aliisque ministris debita servitia exhibeant, paratas, & Eulogias suo tempore communiter persolvant. Facta sunt hæc Lingonis in plenariâ Synodo, Urbano Papa existente, Philippo in Galliis regnante. Signum Willenci Archidiaconi. Gocelmi Archidiaconi. Garnerii Archidiaconi. Norgaudi Archidiaconi. Gosberti Archipresbyteri. Stephanus Cancellarius dictavit: Duranius Notarius scripsit.

*Carta de Albinaco.*

**I**N nomine Patris, & Filii, & Spiritus sancti. Præsentis ævi scire volentibus, futurisque deinceps clarificetur hominibus, quod Odo Montis-Saliois Dominus, pœnam æterni supplicii cupiens evadere, & Paradisi præmia percipere, in die sepulture fratris sui Hugonis suâ spontaneâ voluntate partem non minimam Militum de Monte Saliois, & clientum, nec non amicorum & vicinorum suorum in Besuensi Capitulo antequam corpus defuncti ad tumulum deferretur, convocavit, ibique dona, quæ antea fecerat de Ecclesiis, scilicet de Albinaco, de sancto Benigno, de Capellâ Montis-Saliois, de Iciomâ, hoc modo confirmavit. In præsentia namque Dom. Stephani Abbatis, & Monachorum, & eorum quos ipse convocaverat, præ-

III ij

Insignes qui  
sub disciplina  
Stephani ex-  
istunt Monachi.

Ecclesiæ de Besuam pendent.

dictus Odo. & Dominus Petrus avunculus ejus, iterum donationem supradictarum Ecclesiarum ex toto fecerunt & confirmaverunt Deo, & sancto Petro Besuensis Ecclesiæ, possidentiam in perpetuum.

Textum etiam Evangelii coopertum de argento ad donationem confirmandam super altare posuerunt, pro animâ supradicti Hugonis, & pro animabus omnium antecessorum suorum, & pro semetipsis. Addiderunt etiam huic elemosynæ unum mansum in Albiniaco, & unum servum & unam ancillam.

Rogatu itaque eorum pro confirmatione hujus rei Dominus Abbas Stephanus, ab Episcopo Roberto in synodo supradictum Hugonem, & patrem ejus, & antecessores suos defunctos absolvi fecit. Ut verò donatio ista inconcussa permaneat, assignamus testes. Sig. Stephani Abbatis. Sig. Widonis Prioris. Willenci. Sig. Odonis & Petri, qui hoc donum fecerunt.

Acta sunt hæc tempore, quo Paschalis summum Pontificatum tenebat in Româ, Philippus regimen in Franciâ, Robertus cathedram Episcopalem in Lingonis, Stephanus Abbas pastorem curam in Besuâ. Anno ab Incarnat. Domini M. CI. Indict. viii. Epactâ xviii. Sig. Teboldi. Theoderici. Landrici Lanfricurtis. Lamberti de Domarim. Widrici Præpositi. Ricardi de Virillis. Rodulfi. Odonis de Bellomonte. Haimonis de Fontanis. Odonis. Walonis de Calmis. Clericorum verò, Humberti Archipresbyteri. Willenci Sacerdotis. Joannis Sacerdotis.

*Carta de Ecclesiis, quas deleverunt nobis Humbertus, & Wido.*

**A**gnoscat hoc vita credentium, quoddam res nulla melius in factis hominum, quam elemosyna quæ bono sit animo, placabilem reddit Deum, dicente Scriptura: *Sicut aqua mortificat ignem, sic elemosyna occidit peccatum.* Ergo de hac sententiâ non turdi, sed fideles auditores fuere duo fratres, Humbertus Rufus & Wido, filii Humberti Fontis-vennæ. Hi in flore juventutis suæ pro remedio suarum animarum, suorumque majorum fidelium, Ecclesias quas de proprio jure retinebant, citrà aquam quæ Asmantia dicitur, Deo & sancto Petro, & Besuensi cœnobio concesserunt, ut caritas altius firmaretur, apud Bisonticam civitatem, secus Basilicam sancti Vincentii, in præsentia Hugonis Archiepiscopi, supradictas Ecclesias Stephano Abbati, & Besuensi Ecclesiæ perpetualiter tradiderunt. Licet scire quartam partem Basilicæ sancti Martini de Monasterio, & quidquid habebat Ecclesia sancti Christophori Camintensis, & quartam partem Ecclesiæ sancti Mauricii de Sivoio, medietatem Ecclesiæ Fontis-vennæ villæ, similiter capellam de Castro, simili modo Ecclesiam de Livocurte sub tali testimonio. Sig. Hugonis Archiepiscopi, Mainerii Archidiaconi, Bernardi Magistri, Ermuini, Sewini.

In ipsâ die prædictus Episcopus annuit Stephano Abbati omnes Ecclesias licenter habere, quas posset acquirere in Diœcesi suâ.

Acta sunt hæc anno ab Incar. Dom. M. XCVIII. Indict. vi. Epact. xv. Urbano Papa præsidente Romæ, Henrico Imperante in Romano imperio.

*Carta de Albiniaco.*

**F**irmissimè sciat omnis ordo fidelium, quoddam Odo, filius Hugonis, Senior Montis Salionis, postquam suscepit honorem suum à Roberto Lingonensi Episcopo in Calmâ de Perciaco, reddidit supradicto Roberto Ecclesiam de Albiniaco; tali modo, ut eam suo rogatu, & suo concessu traderet sancto Petro, & Besuensi Ecclesiæ perpetualiter possidendam. Hoc audiens Pontifex, alacri animo suscepit donum,

quod Abbati Stephano. & Ecclesiæ Besuensi, ut supradictus Odo suggesserat, firmiter concessit, sub testibus istis. Signum Roberti Episcopi. Stephani Abbatis. Albrici Monachi. Warnerii Archidiaconi. Humberti Archipresbyteri. Willelmi Fontis-vennæ. Widonis de Radiaco. Sewini filii ejus. Odonis, qui donum fecit. Widrici Præpositi. Tetboldi. Landrici. Walonis, Aielmi, & fratris ejus. Paganide Iciomâ. Acta sunt hæc anno ab Incarnatione Domini M. XCVIII. Ind. vi. Epact. xxvi. Regnante Philippo Rege Francorum, Odone Ducatum tenente, Roberto fratre ejus, Episcopalem cathedram regente. Si quis hanc Cartam violaverit, separetur ab Angelorum choris, societurque Datan & Abiron hîc & in æternum in inferno.

*Carta de Lisseiaco.*

**I**N nomine sanctæ & individue Trinitatis, Patris, & Filii, & Spiritus sancti. Notum sit omnibus præsentibus & futuris, Odilonem Lisseiacensem Militem, Deo sanctoque Petro liberrimè dedisse, quidquid apud eandem villam Lisseiacum habebat, cum servis, & ancillis. Qui etiam cum morti esset proximus, Anxiricum nepotem suum substituens heredem sibi, præcepit ei, ut nisi prædictam servaret donationem, sua nullomodo retentaret. Sign. Joffredi Belmontis. Sign. Hugonis Magni. Sign. Gabuini. Sign. Hugonis Columbæ.

*Item Alia.*

**Q**uædam etiam mulier generosissima, Facies vulgò dicta, consobrina Albrici Arcionensis Monachi, quæcumque in ante fatâ villâ possidebat, Besuensibus contradidit Monachis; unâ cum duobus servis Girardo, & Willelmo, cum uxoribus eorum, & filiis, eo tenore, ut ab eisdem alimonia donaretur Monasterii, quoad viveret. Quæ tamen possessiuncula Sacristæ ad luminaria Ecclesiæ postmodum data est, precatibus, & piâ importunitate præmemorati Anserici. Signum Anserici. Sign. Odilonis fratris ejus. Sign. Albrici Monachi. Sign. Ulrici Monachi.

*Carta de Cypeto.*

**O**peræ pretium visum est ac necessarium posteris commendare memoriæ, quoddam Odo Chaterius de Cypeto elemosynam socris suæ Elizabet, quæ & Caritas appellata fuerat, videlicet partem suam de sylva, quæ adjacet villæ, quam dicunt Veteres-vineas, licet injustè calumnians, postmodum relipuit, & priorem donationem, sicut facta fuerat, sancto Petro, & Ecclesiæ Besuensi liberrimè concessit. Addidit etiam ut Monachus, qui Cypeto manebat, habeat usufructum liberrimum in tyllis, campis, pratis, & in omnibus aquis piscationem, excepto vivario Domni dato, sed & in ipso, si Abbas in ipsâ villâ Cypeto venerit. Testes hujus rei. Signum Odonis, qui hoc donum fecit. Signum Odonis Viridis. Sign. Stephani Abbatis. Sign. Willenci. Et de familiâ sancti Petri. Sign. Otberti Cocci. Sign. Hugonis, & aliorum multorum.

*Carta de Fontanis.*

**C**larificetur cunctis viventibus, postque futuris, quoddam Hugo juvenis de Fontanis Miles, veniens ad obitum suum qualiviv habitum Monachi, & devotè suscepit, factusque Monachus pro remedio animæ suæ suorumque antecessorum fidelium, dedit Deo, & sancto Petro Besuensis Ecclesiæ in supradictis Fontanis, unum mansum liberum cum omni libertate, & vii. jugera terræ, & tres facces de prato. Ut hæc donatio inconcussa permaneat, assigna-



mus ei testes veraces. Signum Bertranni Militis de Fontanis. Sign. Theoderici filii ejus. Sign. Hugonis Cartucæ. Sign. Widrici filii ejus. Sign. Wilenci Militis. Sign. Walonis Columbæ de Bello monte. Sign. Rodulfi Militis de Aquis. Sign. Rodulfi rustici de Fontanis. De Monachis: Sign. Wilenci. Sign. Warnerii. Sign. Odilonis, & aliorum multorum.

*Carta de Lixiaco.*

**I**Nter cæteras eleemosynas, quæ factæ sunt Ecclesiæ Besuensi, notum sit omnibus fidelibus, quoddam Wido Miles de Insulâ Bollini, dedit Deo, & sancto Petro, & Besuensi Ecclesiæ, quidquid habebat, vel habere existimabat ab antecessoribus suis in Lixiaco, pro remedio animæ suæ, suorumque antecessorum fidelium. Et hoc factum est antequam pergeret Hierusalem. Postquam hoc iter cœpit, & obitum suum cognovit, remisit sancto Petro, & Besuensi Ecclesiæ, per socios suos, Hugonem Militem de Excuviliaco, & per Constantium de Diniacō sex uncias auri, & eleemosynam suam, quam fecerat de Lixiaco; & eleemosynam matris suæ de Flexo, concessit sancto Petro, & Besuensi Ecclesiæ, habere in perpetuum. Signum Widonis Militis, qui hoc donum fecit. Sign. Hugonis Militis. Sign. Constantii. Sign. Stephani Abbatis. Sign. Wilenci Prioris. Sign. Albrici Captivi, & aliorum multorum.

*Carta de Capella Montis Salionis.*

**I**N nomine summæ & individue Trinitatis, Patris, & Filii, & Spiritus sancti. Quoniam consuetudinarium est, & ab prædecessorum nostrorum ductum industriâ, ut ea quæ perpetuæ memoriæ commendanda videntur, litterarum tradantur custodiæ, dignum duximus ea quæ subinferuntur, ne oblivione dispereant, ne vel quoddam inde legitime actum est, quandoque aliquâ immutetur fraudulentia, in hujus Cartæ sinu fideliter recondere. Ego igitur Rotbertus almæ sedis Lingonicæ Dei nutu Episcopus, dum in matris Basilicæ gremio, nobis à Christo collatæ degeremus; & secundum nostrum dogma unâ cum fidelibus præfatæ Ecclesiæ de statu & profectu illius, cum consilio & voluntate eorum unanimiter tractaremus, adfuit inter eos amicus noster Besuensis Ecclesiæ Abbas Dominus Stephanus, nostram benignitatem humiliter expetens, quatenus Capellam, quæ est in castello Montis-Salionis sita, ad Ecclesiam de Albinaco pertinentem in honore sanctæ Dei Genitricis dedicatam; sancto Petro Besuensis Ecclesiæ per instrumenta apicum concedere; & misericorditer largiri non dedignaremur. Cujus nos justam, & rationabilem petitionem libenter suscipientes, hoc quod pie & rationabiliter postulavit, per consilium fidelium nostrorum, recto ordine ad effectum perducere curavimus. Dantes & concedentes superscriptam capellam salvis omnibus Lingonenfis Ecclesiæ consuetudinibus. Eâ tamen conditione, ut capellanus eidem capellæ inserviat, & beneficiarios usus ab ipso Abbate Besuensi habeat & possideat. Ut autem hujus nostræ concessionis testamentum futuris temporibus conservetur, & absque diminutione, aut immutatione aliqua custodiatur; manu propriâ eam firmamus, & Archidiaconorum nostrorum firmandam tradimus. Signum Gocelmi Archidiaconi. Wilenci Archid. Hugonis Archid. Amalrici Archid. Warnerii Archidiaconi. Acta sunt hæc Lingonis plenaria Synodo, Romanæ sedis Paschali Apostolatum gubernante, Philippo Regnante, Rotberto Episcopo Lingonensem Ecclesiam regente, Stephano Cancellario. Duranno Notario, suas vices utroque exhibente.

*Item de eadem Capella.*

**N**otificetur cunctis, qui has legerint vel audierint litteras, quoddam Dominus Stephanus Besuensis Abbas Widrico Clerico de Orgis, scilicet nepoti Widrici Præpositi dedit Capellæ de Monte Salionis, tempore suæ vitæ tali pacto, & tali ratione, ut per hanc partem ex toto servitium faciat, & fidelis sancto Petro, & Besuensi Ecclesiæ, & supradicto Abbati existat. Si autem ipse, vel Presbyter Capellanus, qui ibi pro eo Vicarius fuerit, de nostra divisione aliquid malè subripuerit, defraudaverit, admonitus inde se & Presbyterum apud Besuam representet coram Abbate propter justiciam faciendam, sicut suus homo. Si quoque Dominus Abbas in longinquo itinere ire voluerit, supradictus Clericus paratus cum suo equo ad sibi serviendum existat. Hoc, ut supra diximus, tempore suæ vitæ agat, post mortem verò ejus in manu Abbatis, & in potestate redigatur. Huic subscriptioni assignamus testes: Signum Stephani Abbatis. Widonis Prioris. Wilenci, Joannis, Warnerii, Landrici, Albrici, Joffredi. De Laicis, Widrici, Præpositi de Monte-Salionis, Girberti de Miribello, Oberti coci, Hugonis famuli.

*Carta de Tenimentum Germani Presbyteri.*

**F**idelis concio tam præsentium quam futurorum, pleniter agnoscat, quod Dominus Odo juvenis, de Monte-Salione dominus, in solemnitate sanctorum Apostolorum Petri & Pauli apud Besuam venit, ibique oblationem Deo, & sancto Petro, & Besuensi Ecclesiæ pro sua anima, suorumque antecessorum fidelium, per textum Evangelii super sanctum Altare supradictorum Apostolorum, tenimentum Germani Presbyteri dedit, pertinentem & adjacentem altari sancti Symphoriani de Albinaco, scilicet decimationem de propria vinea domini Montis-Salionis, & tertiam partem de decimis, quæ pertinent ad dominationem Episcopi de vineis, de corvatis, de tertiis, & omnem decimationem de terra sancti Petri. Nec non & querimoniam quam injustè querelabat super cæmeterium de Albinaco, de cellariis, & de omnibus rebus; postposuit, & concessit jure perpetuo tenendum Besuensi Ecclesiæ, & Monachis cum omni libertate. Hoc totum factum est rogatu Germani Presbyteri, filiorumque ejus, qui post inde noster effectus est Monachus. Huic rationi assignamus testes. Signum Odonis, qui hoc concessit. Tetboldi Militis, Richardi de Viricillis, Widrici Præpositi, Lamberti Militis de Domarim, Calonis de Silviniaco, Girardi Crispi Militis, Humberti Militis de Bigorna, Hugonis Militis de Torciniaco, Theoderici de Divione Militis, aliorumque multorum.

*Carta de Petro Domino Miribelli.*

**O**mnis fidelis sexus, tam de Laicis, quam de Clericis, planè sciat, & agnoscat, quoddam Dominus Petrus de Monte Salionis senior de Miribello, propter quoddam infortunium quod sibi contigit, quodam die veniens ad Besuense Monasterium, in præsentia Domni Stephani Abbatis, & Monachorum, nec non & Laicorum multorum, supradictus Petrus, & Dominus Odo nepos ejus de Monte Salionis dominus, ambo omnem calumniam de piscatione, quam habebant super aquam nostram, quæ est à Molendino, quod est ultra Neronem villulam nostram usque ad Besuam, ex toto postposuerunt, & si quid juris inibi ex parte sua, vel suorum antecessorum unquam fuit, Deo, & Besuensi Ecclesiæ in illa die æternaliter condonaverunt. De hac re su-

prædictus Petrus, & de suis malefactis, quæ antea malè egerat adversus Ecclesiam satisfaciens in præsentia Domni Stephani Abbatis, de omnibus querimoniis finem fecit. Et ut pax firmitus teneretur, & bonus finis omnibus diebus vitæ suæ, manu sua coram omnibus, finem & pacem supra sanctas Reliquias juravit, nec non & Rainaldus Præpositus ejus de Miribello, & Hugo Clericus, & Lambertus de Jergeiaco, hoc juraverunt perpetualiter tenendum. Nec non & Milites, quorum autoritate hoc fecit: Dedit fidei iussores Domnum Joffredum cum suis filiis, Hugonem & Fulconem, Hugonem Columbam cum suo filio Walone, Milonem cum suo filio Ewino. Dom. Odonem nepotem suum; Theodericum de Divione, filium Stephani, Aymonem de Divione, cognomento Chag, Odilonem de Lisaco. Sig. D. Stephani Abbatis, Widonis Prioris, Wilenci, Albrici, Landrici, & aliorum multorum.

*Carta de Burburena.*

**N**otum sit omnibus hominibus, qualiter homines nativi de villa, quæ dicitur Burburena commanentes in Besua post combustionem domorum, quas in nostra terra primitus habuerant, alias reedificare cupientes, ad Abbatem loci istius, nomine Stephanum, convenerunt, reedificandi licentiam quærentes. Quibus ipse ait. Absit ut unquam deinceps in nostro fundo ita mansiones habeatis, sicuti hæcenus habuistis, nisi consuetudinaria servitia reddideritis, sicut nostri, & alii faciunt, qui in nostra potestate consistunt. Si autem nolueritis, construendi ulterius licentiam à me non consequemini. Hæc autem verba Abbatis videlicet illi audientes, inter se consilium inierunt, & cum eo pactum firmiter statuerunt, ut deinceps unusquisque de generali placito tantummodò duodecim nummos persolveret, alias verò consuetudines facerent, excepto carritum vini de Gibriaco, nisi per suam bonitatem aliquis ex eis vellet facere.

Constituit etiam ipsis idem Abbas Stephanus, ut nec ipse, nec aliquis in posterum super eos talliam faceret; alias vero consuetudines ab eis exigeret: Et hoc etiam statuerunt, ut si quis illorum injuriam à Monachis, vel à servis sancti Petri pateretur, nullam proclamationem, neque alienam justitiam quæreret, donec justitia Abbatis, & Præpositi Monasterii ei deficeret. Signum Stephani Abb. Landrici præpositi. Ex familia vero sancti Petri fuerunt illic tunc multi. Sig. Aydulfi, Giraldi, Albrici, Villici de Burburena villa & aliorum multorum.

*Carta de Majasco.*

**A**gnoscat firmiter omnis ordo fidelium, quòd Wido Miles de villa, quæ Firmitas nuncupatur, decidens in infirmitate, noster effectus est Monachus, ipse & frater ejus Theodericus, & uxor, cum filiis & filiabus ipsius Theoderici, totum alodium ex parte generis sui & ex parte Gybuini de Bello monte, & ejus uxoris, quod habebant in villa, quæ Majascus dicitur, in mansis, in agris, in pratis, in sylvis, in eleemosynâ devotè obtulerunt Deo, & sanctis Apostolis Petro & Paulo, & Besuensi Ecclesiæ pro remedio sui, suorumque antecessorum pro vivis sive defunctis.

Ut donum istud firmitus teneretur, uxor Theoderici inde pro signo habuit unum anulum de auro, & Richardus filius ejus unum cyphum de rectorio. Supradictus quoque Wido post hoc dedit omnem partem ad se pertinentem de proprio fundo quem possidebat, ultra Sagunnam fluvium, scilicet in villâ, quæ Valerius vocatur, & in aliâ villâ desertâ quæ Arcensis appellatur; & in aliâ villâ, quæ Lu-

vinensis nuncupatur, in mansis, in agris, in sylvis, in servis, & ancillis. Sig. Hugonis de Cunvulensi castro, Heinrichi, Ramaldi, Widonis, Bernonis. Domni Stephani Abbatis, Girardi Monachi, Warnerii, Wilenci, Albrici, Aimonis. Acta sunt hæc tempore illo, quo Philippus Rex regnabat in Francia, Robertus Episcopus in Lingonis, Stephanus Abbas in Besua, Odo Dux in Ducatu.

*Carta de Balenavo.*

**N**otum sit omnibus fidelibus tam Laicis, quam Clericis, nec non Monachis, quod ministri Ducis Odonis, Præpositus & alii super terram nostram, quàm Sanctus Petrus, & Ecclesia Besuensis habet in Balenavâ, quærelabant consuetudines malas, scilicet talliam pro cibo Ducis, pro qua re acceperunt 5. solidos de hominibus. Pro hac injuria Dominus Abbas Stephanus proclamationem faciens ad Ducem supradictum, & ad Ducissam uxorem ejus, inde ex utraque parte terminaverunt placitum apud Divionem; ad quod pergens D. Abbas Stephanus armatus suis cartis, suisque testimoniis, liberaliter discessit, quòd supradicta terra penitus Duci, neque suis ministris, nullam debebat consuetudinem, nec alicui viventi, nisi sancto Petro, & Besuensi Ecclesiæ. Hoc audiens Dux & uxor ejus statim fecerunt restituere supradicto Abbati illos 5. solidos superscriptos per Ervejum Præpositum. Ille quoque non habens in promptu nummos, abstulit pelles suas de collo suo, reddit eas fideiussori, scilicet Joscelmo. Ille nempe illas reddidit Abbati Stephano; Abbas quoque secum eas detulit, & tandiu ipsas pelles habuit, donec vellet nollet Ervejus Præpositus illos quinque solidos reddidit.

*Carta de Picangis.*

**Q**uædam Matrona, Alburgis cognomine, pagana, Walteri de Minoio conjux honestissima, ab hoc sæculo discessura, B. Petro, & Abbati Stephano, cæterisque fratribus apud Besuense Monasterium in Dei servitio persistentibus distribuit terram apud villam, quæ Picantias vocatur, vel prata, nemusque cum aqua, veluti ea in vitâ suâ possederat; Waltero & Raimundo filiis suis, præserte Sevaldo fratre suo, & coram plurimis testibus grateranter concedentibus. Signum Landrici Monachi, Theoderici, atque Albrici Mon. Petri Grancejacensis Canonici. Odonis Iciacensis Militis. M. C. Anno ab Incarnatione Domini, Regnante Philippo Rege in Galliâ, & Rotberto Episcopo existente apud Lingonas, & cum eo regentibus Wilenco, atque Joscelmo Lingonensem Ecclesiam Archidiaconibus.

*Carta de Villarium.*

**N**otum sit omnibus, qui has legerint, vel audierint litteras, quòd terram Hugonis cognomento Barbè quam dedit sancto Petro in villâ desertâ quæ vocatur Villarium, hanc Richardus filius, Milonis successor, & gener Hugonis Magni, qui noster effectus est Monachus, injustè invait, & per 2. annos eam super calumniam Abbatis Stephani, ac Monachorum ejus tenuit, dehinc resipuit, & terram & fructum ex toto, sancto Petro, & Dom. Abbati Stephano, cum satisfactione reddidit. Ipse quoque Abbas cum videlicet Richardum tali conditione de præterito delicto ita absolvit, ut si ille, aut aliquis successor ejus, illud repetere vellet, sub anathema maledictionis permaneret. Signum hujus rei, Stephani Abbatis, Wilenci, Joffredi, Aimonis, Richardi. Sig. quoque Milonis patris ejus, Hugonis villici, Oberti, Girardi de Virduno, Hugonis fa-

muli, Gisleberti famuli, Giraldi filii, Gunterii, & aliorum multorum.

*Carta de Bellojoco.*

**N**otificamus modernis quibusque & futuris, quod Aludis nobilis matrona de Bellojoco, soror Ermuini, & uxor Ulrici de Trevia castro, in suo obitu pro remedio animæ suæ, suorumque antecessorum, dedit fideliter Deo, & sancto Petro, & Besuensi Ecclesiæ unum mansum in Bellojoco cum servo nomine Rotberto, in illo manso habitante, cum uxore ejus, & uno filio nomine Tebaldo, & una filia, quæ vocatur Grimoeldis, & simul dedit unam vineam novellam, scilicet nuper plantatam. Hoc totum, & mansum, & vineam, & servos, & ancillas, sicuti ipsa de proprio jure possidebat, honorificè, & cum omni libertate dedit Deo, & sancto Petro, & Besuensi Ecclesiæ, ut supra dictum est, ipsa & filii ejus omnes. Ne aliquis infidelis falsum hoc existimet, assignamus testes. Sig. Theoderici filii ejus, Pontii similiter filii ejus, Theoderici pueri, Odonis de Bello monte, & uxoris ejus, Hugonis Columbæ, Odonis de Scia, Milonis de Bellojoco, Fulconis, Hugonis, Herberti villici, Giraldi coriarii. De Clericis, Acilini Sacerdotis, Ramaldi Diaconi, Tebaldi de Agiliaco. De nostris Monachis, Widonis Prioris, Wilenci, Warnerii, Landrici, & aliorum multorum.

*Carta de Vetus-vineis.*

**N**otum sit omnibus modo viventibus, post nosque futuris, quod Oltrudis filia Widonis de Vetus-vineis, neptis Waronis Monachi dedit omnem hæreditatem suam Deo, & sancto Petro, & Besuensi Ecclesiæ quam possidebat in supradictis Vetus-vineis, in mansis, in terris, in pratis, in sylvis, & Dom. Odilo Monachus noster, qui tunc regebat, obedientiam dedit ei pro signo, mediætatem emine frumenti, & aliam mensuram de Milio. Ut hæc donatio firma teneatur, assignamus testes: Signum Widonis Prioris, Wilenci, Joannis, Joffredi, Pontii, Odilonis. De Laicis, Rotberti villici de Vetus-vineis, Bernardi, Rotgerii, Petri, Hugonis famuli, Rainaldi.

*Carta de Lucio.*

**A**udiant omnes tam præsentibus quam futuri, quod Raimundus de Granciaco Miles, qui apud Salinam vulneratus fuit, antequam obiisset coram multis testibus, pro suâ animâ, suorumque antecessorum dedit sancto Petro & Besuensi Ecclesiæ duos mansos, unum apud Lucum cum suis appenditiis, & alium apud Rariacum; & duos servos, Waldricum, & Humbertum; & duas ancillas, Aluvidem, & Ermessendem. Huic rei assignamus testes. Signum uxoris ejus, & filii, & fratris ejus, Walterii, Artaldi Militis, Pontii Militis, Henrici de Icio, & aliorum multorum.

*Carta de Secuniaco.*

**C**larum fiat omnibus, qui has litteras viderint, & laudaverint, quod Odo Miles de villâ, quæ Icius vocatur, veniens ad obitum suum, dedit Deo, & sancto Petro, & Besuensi Ecclesiæ, pro suâ animâ, suorumque antecessorum, unum mansum in villâ, quæ dicitur Secuniacus cum appenditiis suis tam liberum, & tam bonum quod partem in se retineat de pactionibus, & de tertiis, & libertatem per omnes fines illius villæ. Huic Dationi subscribimus testes: Signum Odonis, & uxoris ejus, & filii ipsius Pontii Militis, qui elemosynam fecerunt. Signum Sevaldi Balbi, Raimondi, Aymonis Militis,

Pagani Præpositi, Martini Barbat, & aliorum multorum.

*Carta de Gaviniaco, & Auxiliaco.*

**S**ciant omnes tam præsentibus, quam futuri, quod Swido, Miles, de Auxiliaco, veniens ad obitum suum, dedit Deo, & S. Petro, & Besuensi Ecclesiæ, unum mansum cum omnibus appenditiis suis, & omni libertate apud Caviniacum. Dedit etiam Viridarium de Ponto cum appenditiis suis, cum omni libertate, nec non & tertiam partem molendini de Auxiliaco, cum piscibus, si ibi capti fuerint. Ut hæc elemosyna inconvulsa permaneat, subscribamus ei testes: Signum Widonis filii supradicti defuncti, qui elemosynam loco patris sui super altare posuit, sanctorum Apostolorum Petri & Pauli. Signum fratris ejus Rainaldi, Hugonis Militis de Bello monte, Joffredi Militis, Walonis Militis, cognomento Columbi, Gisleberti, Warnerii, Hugonis fratris ejus & aliorum multorum. De Monachis Wranerii, Wilenci, Landrici.

*Carta de Romanisca.*

**D**ignum duximus memoriæ tradere, quod Hugo cognomento Rubeus, & uxor ejus, cognomento Regina, per mansum Stephani Abbatis, dederunt Deo, & sancto Petro, & Besuensi Ecclesiæ terram, quæ dicitur de Romanisca ad integrum cum appenditiis suis, in quocumque loco jaceret cum servis, & ancillis, nec non & Ecclesiam de Verona. Tali pacto, si supradicta matrona vivens vellet ire ad Besuam post obitum viri sui, susciperent eam Monachi cum terra procurandam. Sin autem nollet usque ad mortem post obitum suum cum omni libertate, & cum servis, & ancillis, sicuti supra taxatum est. Pro hac quoque elemosyna dedit Dominus Abbas Stephanus & viro & mulieri societatem & omne bonum quod factum fuerit in Besuensi Ecclesia usque ad finem mundi, pro remedio animarum suarum, suorumque antecessorum fidelium. Ut hæc traditio firma permaneat, assignamus ei testes. Ulrici Militis, qui fuit frater Hugonis. Widonis Militis filii ejus. Richardi Militis de Viricillis. Widonis fratris ipsius. Widonis Capellani. Petri Presbyteri. Rogerii qui fuit filius Hugonis. Duranni de Maiafco. Fanuelis, & aliorum multorum. De Monachis autem Stephani Abbatis Warnerii Prioris, Wilenci, Widonis Capellani, Albrici.

*Item alia.*

**H**otum esse volumus præsentibus, & futuris, quod Virberga, uxor Marcelli Sutoris, dedit semetipsam sancto Petro Apostolo cum filiis suis, id est, Martino, Ermengarde, Maria, Richilde, Ada. Præsentem Godefrido Priore, Girardo, Walterio, Rotberto, Drogone Præposito, Tebaldo, Ingelranno, Stephano, Lamberto Præposito, Joanne filio Joannis Majoris, Willelmo futuro. Marcello futuro.

*Carta de Cusiaco, & de Chimissin.*

**S**acra scriptura testatur, quod elemosyna liberat animam de morte æterna, & conducit eam ad vitam perpetuam. De quâ re non inmemor Hugo Miles, cognomento de Chimissin, ipse veniens ad obitum suum pro suâ animâ suorumque antecessorum fidelium, dedit Deo, & sancto Petro, & Besuensi Ecclesiæ, quatuor mansos, duos apud Ruvriacam, quæ est villa deserta cum omnibus appenditiis suis. Alium apud Cusiaco cum appenditiis suis. Alterum apud Chimissinum, cum 4. jugeri-

bus terræ, & unam falcem de prato. Et hos man-  
fos liberos dedit cum omni libertate subscriptus Hu-  
go. Ut hæc elemosyna inconvulsa permaneat, as-  
signamus ei testes. Signum Hugonis, Widonis filii  
ejus, Walonis, Aymonis, Hugonis nepotis ipsius,  
Awini de Beriâ, Nerduini Militis, Andreæ Pre-  
sbyteri, Richardi, Constantini, & aliorum multo-  
rum.

*Carta de Nogdantium Ferrosam.*

**N**otum sit omnibus viventibus, post nosque  
futuris, quod Hugo puer, filius Wilenci de  
villâ, quæ Roscius dicitur, & avunculi ejus, Wa-  
lo Monachus & Wido Miles, fratres supradicti Wi-  
lenci, pro animâ ipsius Wilenci, & pro animabus  
fratrum suorum, & omnium antecessorum suorum,  
tam pro vivis, quàm pro defunctis, tradiderunt  
Deo, & Besuensi Ecclesiæ duos mansos. Unum  
apud Nogdantium ferrosam, scilicet mansum Ar-  
nulphi, cum suis appenditiis, & alium in villâ, quæ  
dicitur Neronis, juxta Gradiacum castrum, cum  
duobus servis, Letbaldo & Widone fratre ejus, &  
cum appenditiis suis. Ut hæc Carta inconvulsa per-  
maneant, assignamus testes. Signum Widonis, Wa-  
lonis, Widonis, Willelmi filii ejus, Hugonis, Rai-  
modis de Longo-campo, Hugonis de Nerone.

*Carta de Burgundion.*

**F**iat clarum cunctis viventibus modo, postque  
venturis, quod Henricus Miles de firmitate de-  
cubans in lecto, veniensque ad suum obitum, con-  
sensu, & consilio uxoris suæ, & filiorum, & om-  
nium domesticorum suorum, dedit Deo, & sancto  
Petro, & Besuensi Ecclesiæ, pro suâ animâ, suo-  
rumque antecessorum fidelium, unum mansum  
apud villam, quæ dicitur Burgundion, cum omni-  
bus appenditiis suis, liberum cum omni libertate,  
& tres servos manentes in ipso manso, scilicet  
Arnulfum, Henricum, Gislebertum, & medie-  
tatem de filiis, vel filiabus supradicti Arnulfi, &  
de aliâ parte unam ancillam. Huic Cartæ assigna-  
mus testes. Signum Leodegardis, quæ donum fe-  
cit, Hugonis de Comulenti castro, Richardi de  
Viricillis, Widonis fratris ipsius. De clientibus, Hen-  
rici, Ulrici, Julonis filii ejus. Rotberti villici, Ber-  
nardi, Arnaldi Clerici, Widonis Presbyteri, & alio-  
rum multorum.

*Carta de S. Sequano.*

**I**N nomine Patris, & Filii, & Spiritus sancti.  
Fiat notum cunctis fidelibus, quod Alwidis, u-  
xor Wilenci de villâ, quæ Altalon vocatur, dedit  
Deo, & sancto Petro, & Besuensi Ecclesiæ, duos  
mansos liberos cum omni libertate pro animâ viri  
sui Wilenci, nec non & pro animâ filii sui Rai-  
naldi, qui juvenis mortuus est, & pro suâ animâ,  
suorumque antecessorum fidelium. Unum in villa,  
quæ sanctus Sequanus nuncupatur, cum appendi-  
tiis suis, & alterum apud Viriniacum cum suis ap-  
penditiis. Ut hæc Carta firma, & inconvulsa per-  
maneant, assignamus ei testes. Signum Alwidis,  
quæ donum dedit, Humberti de Bellomonte, Wi-  
donis, Eldeberti, Hugonis. De Monachis, Stephani  
Abbatis, Warnerii Prioris, Wilenci, & aliorum  
Monachorum. Si quis huic donationi instigante  
diabolo contraire voluerit, aut diminueret, cum  
Dathan & Abiron anathema sit.

*Carta de Viriaco.*

**H**abet etiam alium mansum sanctus Petrus,  
& Besuensis Ecclesia apud Viriniacum, quem  
dedit pro animâ suâ Falco Miles de Riveriâ, &

Wicardus frater ipsius, cum omnibus appenditiis  
suis, & habet usum & communitatem per omnem  
potestatem de Montiniaco, in sylvis, & in pratis,  
& in pascuis, & ubique, & Petrum, qui mansum  
tenet, quantum eis suppetit, tradiderunt supra-  
scripti Milites. Et est alius mansus in supradictâ  
villâ, scilicet, Viriniaco, quem dedit pro remedio  
animæ suæ sancto Petro, & Besuensi Ecclesiæ, Pe-  
trus villicus, & Tebertus frater ejus, villicus de  
Montiniaco, cum appenditiis suis. Et sunt ibi in  
supradictâ villâ alii quatuor mansi cum appendi-  
tiis, quos tradiderunt alii benefactores pro anima-  
bus suis, Deo, & sancto Petro & Besuensi Ec-  
clesiæ cum omni libertate, sicuti Hmahel de Gran-  
ciaco, & alii fideles sub testimonio Christi.

*Carta de Cusiaco.*

**L**iqueat cunctis modò viventibus, & futuris post  
nos, quod quidam Miles Rainerius de villâ,  
quæ Cusiacus dicitur, veniens ad mortem, pro re-  
medio animæ suæ parentumque suorum cum ma-  
gnâ devotione tribuit sancto Petro, & Besuensi Ec-  
clesiæ tres mansos, sicuti ipse eos possidebat in ip-  
sâ supradictâ villâ Cusiaco. Duo ex his debent 2.  
sextaria vini, & panem & carnem; & tertius quia  
minor est medietatem sextarii, & panem & car-  
nem. Deditque unam ancillam inibi manentem  
cum tribus filiis, quæ Rolendis nominatur; sub ta-  
li testimonio. Signum Odonis Senioris Montis-Sa-  
lionis, Theodebaldi, Odilonis fratris ipsius mortui,  
cum filiis suis.

*Carta de Fontanis.*

**N**otum permaneat omnibus diligentibus hæc,  
quod Miles quidam de Monte-Salione, no-  
mine Pontius de Bigornâ in die suæ dormitionis,  
pro suâ animâ, suorumque antecessorum fidelium,  
Deo, & sancto Petro, & Besuensi Ecclesiæ, per-  
petualiter habendos duos mansos tribuit: unum in  
villâ, quæ Fontinellas nuncupatur, cum suis ap-  
penditiis, & alterum in villâ, quæ Curcellas vo-  
catur, juxta Fontem vennam, & unum servum  
cum filiis, & filiabus suis, in villâ Campaniæ. Si-  
gnum Humberti filii ejus, cum suâ matre, Walo-  
nis de Calmis, Alelmi de Icioma.

*Item alia.*

**F**ideliter retineant omnes, qui has audierint vel  
legerint litteras, quod Miles quidam de Bello-  
monte, Milo nomine pro remedio animæ filii sui  
defuncti Hugonis, addita suâ suorumque antecesso-  
rum, sanctis Apostolis Petro & Paulo, & Besuen-  
si Cœnobio, duos mansos tradidit in villâ, quæ Fon-  
tinellas nuncupatur, cum appenditiis suis, ex toto  
liberaliter, & unum servum comparem terræ, no-  
mine Widonem, & filium ejus Albertum & filiam  
ejus Alixem. Signum Milonis, qui donum fecit,  
Richardi filii ejus, Awini, Walonis, Aimonis de  
Fontana. Widonis filii ejus, Stephani Abbatis. Wi-  
lenci, Joffredi, Albrici. Acta sunt hæc tempore  
Philippi Regis.

*Carta de Vachiriaco.*

**S**ciant omnes tam præsentis quam futuri, quod  
Hugo, cognomento Troaudus, & frater ejus  
junior Waldinus, donaverunt Deo, & sancto Petro  
& Ecclesiæ medietatem villæ, quæ Vachiriacus vo-  
catur, pro animâ patris sui Rainaldi, & matris suæ,  
& omnium fidelium antecessorum suorum, sicuti  
illi tenebant, & antecessores illorum tenuerunt, in  
terrâ cultis & incultis, in pratis, & in sylvis, & in  
usus aquarum omnino totum cum omnilibertate: &  
pro

pro signo dedit illis duobus fratribus Wido Monachus qui Pauliacum tenebat undecim solidos numerorum. Ut hæc Carta inconvulsa permaneat, assignamus ei testes: Signum Odonis Militis de Bello-monte. Sig. uxoris ejus, Ailadis vocatæ, Widonis Militis, cognomento Margot, Rodulphi Militis fratris ejus, Hugonis villici de Pauliaco, Widonis Monachi, & aliorum multorum.

*Item Alia.*

**S**imili modo per aliud tempus duo milites fratres, scilicet Achardus, & Paganus de sancto Juliano delegaverunt Deo, & sancto Petro, & Besuensi Ecclesiæ, pro remedio animarum suarum, quidquid de proprio fundo habebant in illâ villâ desertâ, quæ Vachiriacus nuncupatur, in terris, in pratis, & in sylvis, & in decursibus aquarum. Signum Warnerii, Ulgerii, Widonis, Walterii, Humberti, & aliorum multorum.

*Carta de Wascum Curtis.*

**N**otum sit omnibus tam præsentibus quam futuris, quod Sewinus Miles de Raico, pro animâ patris sui Widonis, & pro animâ suâ, suorumque fidelium antecessorum, dedit Deo, & sancto Petro, & Besuensi Ecclesiæ in præsentia Domni Stephani Abbatis, & Monachorum, unum mansum de suo proprio fundo cum omnibus appenditiis suis, in villâ, quæ Wascum curtis dicitur, de agris, de sylvis, de pratis, cum omni libertate, sub tali testimonio. Signum Sewini, & uxoris ejus, Widonis, qui est Dominus Fontis-vennæ, Odonis de Bello-monte, Hugonis de villâ, quæ Geniperias dicitur, Beraldi fratris ejus. Kalonis de Silviniaco, & aliorum multorum.

*Carta de Firdriaco.*

**R**atum & cognitum permaneat modò viventibus, post nosque futuris, quod Sewinus Miles, & ejus uxor de loco, qui Villefons dicitur, sancto Petro, & Besuensi Ecclesiæ, pro remedio animæ suæ, & suorum parentum in elemosynâ duos mansos concessit: unum in villâ, quæ nuncupatur Firdriacus cum servo, Bisontico nomine, manente; & alium in villâ, quæ Wascum curtis appellatur, cum servo ad eundem mansum pertinente. Signum Widonis de Raiaco, Sewini, Hermuini, Theoderici, de Trevia, Fulconis, Odonis, Moranni Archiprebyteri.

*Carta de Morengis.*

**S**ummopere curandum est omnibus, quibus Deus dedit feliciter frui de præsentia vitâ, ut sint semper solliciti de perpetuâ. De hoc bene fuit memor in vitâ suâ quidam Miles, Pontius de villâ, quæ nuncupatur sanctus Sequanus juxta Polliacum, qui pro remedio animæ sui filii, scilicet Widonis, suâ additâ, & parentum suorum, tradidit Principibus Apostolorum Petro & Paulo, & Besuensi Ecclesiæ servum unum, Tewinum, & terram de Morengis, & nemus quod vocatur Noaino ex totum sicut possidebat. Signum Pontii, qui hoc dedit, Nerduini fratris ejus, Widrici de Arco, Odonis Bellimontis, Aimonis, Hugonis Columbæ, Hugonis villici de Palliaco, Lamberti filii ejus, Joannis filii ejus.

*Carta de Vetus-vineis.*

**P**er has cognitum fiat litteras, quod Gertrudis, uxor Henrici de Novâ-villâ & Warnerius gener ejus & filia ejus uxor Warnerii, cognomine Cara, pro remedio animæ supradicti Henrici, & suarum,

suorumque Antecessorum, obtulerunt Deo, & sancto Petro Besuensis Ecclesiæ, super Altare in Vetus-vineis villâ, medietatem mansi, cum sex jugeribus terræ, de proprio fundo; & simul unum servum, nomine Tetbertum, & unam ancillam, istius sororem, nomine Oltrudem: Uterque & servus & ancilla, nati sunt de Petro Rustico de Vetus-vineis. Signum illorum qui fecerunt donum, Odonis, Richardi fratris ejus, Hugonis de Conulensi castro, Rainaldi servi ejus de Vetus-vineis. Sign. Dom. Stephani Abbatis, Wilenci Monachi. Joannis Cantoris, & aliorum Monachorum.

*Carta de Picangis.*

**P**ro certo sciant omnes tam futuri, quam præsentis, quod Alburgis, cognomine Pagana, uxor Walterii de Mignio, veniens ad obitum suum, pro suâ animâ dedit Deo & sancto Petro, & Besuensi Ecclesiæ, partem suam, scilicet quidquid habebat vel possidebat in vitâ suâ, in villâ, quæ Picangias vocatur, in terris, in pratis, in sylvis, omnino totum. Hanc elemosynam confirmaverunt filii supradictæ matronæ, Raimondus videlicet, & Walterius, nec non & Sewaldus avunculus illorum, cognomento Balbus. Ut hæc Carta inconvulsa permaneat, assignamus ei testes. Sign. Odonis Militis de Icio, Pontii filii ejus. Haimonis Militis. Henrici, qui erat minister ipsius dominæ. Widonis Sacerdotis. Petri Canonici de Grancianco. De Monachis, Sign. Dom. Stephani Abbatis, Wilenci, Joannis, Albrici: & de familiâ sancti Petri quam plures adfuerunt, Otbertus, Hugo, Gislebertus, Joannes, Aidulfus.

*Carta de quodam plastro domus in Besia sito.*

**S**ciant omnes tam præsentis quam futuri quod S. D. Petrus, Montis-Salionis Dominus, & uxor ejus Eva, quandam sedem domus vacuum, quam Plastrum vocant, quod tenebat ipse & antecessores ejus de Abbatibus Besuensibus, & de Monachis, cumpunctus corde pro remedio animæ suæ, suorumque antecessorum, reddidit illud sancto Petro, & Besuensi Ecclesiæ, & Monachis penitus liberum: tali modo ut si aliquis de hæredibus suis deinceps aliquam calumniam super hoc facere voluerit, anathema sit, maranatha in perpetuum. Ut hæc redditio inconvulsa permaneat, subscribamus ei testes. Sig. Petri, Hugonis de Varva, Rodulphi Militis de Aquis, Hugonis Clerici de Miribello, de familiâ sancti Petri, Rotberti Præpositi, Otberti cocci, Hugonis, Willelmi, Lamberti, Tebaldi, Joannis cocci, & aliorum multorum. De Monachis, sign. Dom. Stephani Abbatis, Warnerii Prioris, Wilenci, Joannis, Philippi, Widrici, Roffredi & aliorum.

*Carta de nemore, Valle Victoris dicto.*

**H**oc ad memoriam reducat, quod duo fratres fuerunt, Henricus scilicet, & Bernardus de Fractomonte. Hi dicebant se habere quoddam alodium infra terram nostram in valle Victoris. Supradictus quoque Henricus veniens ad paupertatem, dedit Domino Hugoni de Beriâ, omnem suam hereditatem, & ipse tutavit eum usque ad mortem; & partem supradicti alodii Henrici dedit supradictus Hugo Deo, & sancto Petro, & Besuensi Ecclesiæ pro animâ filii sui defuncti Warnerii pueri. Partem quoque Bernardi de ipso alodio dedit Euvinus filius Bernardi, & mater ejus Poncia, & sororius ejus Milo, & Richardus frater Euvidi; dederunt & confirmaverunt utramque donationem, pro animâ patris sui Bernardi, & pro animabus suis, suorumque antecessorum Dominus Odilo Monachus noster

K K k



dedit illis pro signo quinque solidos nummorum. Ut hæc Carta inconvulsa permaneat, adnotamus testes: Signum Stephani Abbatis, Widonis Prioris, Albrici, Odilonis. De Laicis, Euvini, Milonis, Hugonis famuli, Gisleberti, Rotberti de Vetus-vincis, Bernardi, Rainaldi. Et in ipso die supradictus Euvinus junctis manibus effectus est homo Domni Stephani Abbatis, pro quibusdam, quas super eum habebat, calumniis.

*Carta de hominibus S. Petro à Pontio datis.*

**C**larificetur cunctis modò viventibus, post nosque futuris, quòd Pontius Miles, filius Heinrichi de Firmitate, quæ dicitur Anrosiacus, pro animâ patris sui, suorumque antecessorum, & pro animâ suâ, per consilium suorum fidelium, dedit Deo, & S. Petro & Besuensi Ecclesiæ liberaliter, & perpetualiter quinque homines, tres mares & duas fœminas, scilicet Gandradam cum tribus filiis suis, quorum hæc sunt nomina. Primus Petrus, 2. Albricus, 3. Theodoricus: altera de fœminis vocatur Elizabeth, uxor Petri desuper nominati. Hoc donum fecit supradictus Pontius in festivitate sancti Petri, & propriâ manu donum roboravit super altare per librum qui vocatur Regula S. Benedicti, coram multis testibus; tali pacto, ut si unquam aliquis de parentibus suis, sive aliquis instigante diabolo, huic Cartæ contraire, aut calumniare voluerit, anathema sit. Huic Cartæ assignamus testes. Sig. ipsius Pontii, qui hoc donum fecit. Sign. Richardi & Widonis fratris ejus de Virillis. Julonis de Granando. Widonis filii Rainaldi Conulensis. Willelmi de Fosfato. Odilonis de Liffiaco. Hugonis de Torcennaco, & aliorum nobilium, qui præsentis fuerunt. De Monachis verò, sig. Stephani Abbatis, Wilenci, Albrici captivi, Antonii fratris ipsius Pontii, & multorum aliorum.

*Carta de Feodo Giraldi de Luco.*

**N**otum sit omnibus modò viventibus, post nosque futuris, quòd Giraldus noster villicus de Luco, multoties discordatus est à nostro servitio, propter quasdam injurias, quas faciebat de terris nostris, quæ non pertinebant ad suum fœdum. De qua re Dom. Abbas Stephanus per consilium fratrum volens terminare ex utraque parte pacem & concordiam, suo jussu & jussu Giraldi per Monac. & Laicos fecit inquirere ad parum feodum Giraldi de villicatione. Inquisitione factâ inventi sunt 52. jugera terræ, & 4. falces de prato. Hæc jugera terræ, & has falces de prato, concessit Dom. Abbas Stephanus, & Monachi nostri, supradicto Giraldo: decimum . . . . ad suum fœdum; medietatem quoque illius annonæ, quæ vocatur Ungranus, de quâ erat contentio inter illum & Monachos, quam ibi ex toto dimisit, scilicet in supradicto placito Dom. Abbas, & Monachi concesserunt ei illam supradictam medietatem Ungrani tempore vitæ suæ, & non amplius, propter misericordiam, & bonum finem: & in uno quoque anno examen de horreo Monachorum, vel unum becharium, hoc est medietatem hemina de frumento vel de sigillo. Hoc concessit D. Abbas Steph. per consilium fratrum, Giraldo, ut fidelis permaneret sancto Petro, & Besuensi Ecclesiæ, melius quam antea fuerat ipse & frater ejus Olardus. Hujus rei assignamus testes. Signum Stephani Abbatis, Widonis Prioris, Wilenci, Albrici, Landrici, Theoderici. De Laicis, Giraldi, Olardi de Luco, Hugonis villici, Euvardi, Giraldi filii Gunterii, Giraldi, Hugonis famuli, & aliorum multorum.

*Carta de Molendino apud Fontanas.*

**O**peræ pretium duximus adnotare litteris, quòd Altsendis uxor Aymonis de Fontanis, veniens ad mortem dedit pro suâ animâ Deo & sancto Petro, & Besuensi Ecclesiæ, cum omni honore & omni libertatè medietatem molendini de prato Hairardi, laude, & concessione Aymonis viri sui, & Widonis filii sui. Ut hæc donatio firma, & inconvulsa persistat, assignamus testes: Signum Aymonis de Fontanis, qui hoc donum fecit, Widonis filii ejus, Hugonis Carrucæ, Wilenci Militis, Hugonis de Porta, Bertranni Militis de Fontanis, Herberti villici, & Odonis fratris ejus, Hildemari Presbyteri, & aliorum multorum. Et de Monachis nostris. Sign. Dom. Stephani Abbatis, Wilenci, Girardi, Joannis, Albrici.

*Carta de Luco.*

**M**emoria & recognitio sit omnibus modò viventibus, postque futuris, quòd Giraldus de Luco villicus noster, & Humbertus, cognomento Ingelricus de Cipeto, quandam partem decimæ de terrâ, quæ dicitur S. Vincentii de Luco, quam per aliquot annos malè subripuerant, & sub anathemate, & furto retinuerant, agnoscetes reatum suum, & culpam clamantes, restituerunt sancto Petro, & Besuensi Ecclesiæ, in præsentia Dom. Stephani Abbatis, & Monachorum, promittentes nunquam per se, neque per aliquem successorum suorum, tam execrabilem rapinam repetere.

*Carta de pertinentibus ad Arcionem.*

**C**um præcedentium Patrum statuta à posteris quotidie videamus dissolvi, & ea quæ in mundo firmius stare videbantur, aut jam ceciderint, aut casum minitentur, ne dum verba, quæ cum formari cœperint, jam non sunt, litterarum tenaci memoriæ commendare studuimus, qualiter inter Monachos sancti Leodegarii, ex diutina contentione pax & concordia firmata sit. Hæc verò contentio fuerat de decimis duarum Ecclesiarum sancti Petri, videlicet Danblin, & Danbrun, & de unâ sylvâ, quam Ferrarias vocant, & de uno campo. Placuit itaque Rotberto venerabili Lingonicæ sedis Episcopo Stephanum Besuensem Abbatem & Hugonem Antifiodorensis illius loci, videlicet sancti Leodegarii Abbatem, Jerentonem quoque Divionensem convocare, ac demum prædicta contentio hoc modo terminata est. Laudatum est atque sancitum ab Abbatibus Stephano Besuensi, & prædicto Hugone Antifiodorensi, & Roberto tunc temporis Priore sancti Leodegarii, & ab utriusque partis hominibus, quòd parrochiani S. Leodegarii ex eo quod in ipsis parrochiis, videlicet Danblin, & Danbrun, laboraverint, medietatem decimarum secum deferent, & medietatem Ecclesiis relinquent, in prædictâ sylvâ, quam Ferrarias vocari diximus, communitem nostri homines, & illorum habebunt, de tribus sylvis sancti Leodegarii, quarum hæc sunt nomina; Granzuvaure, Chalmes, Droul, faciet Monachus, qui Arcioni erit domus suâ, & ut vulgariter dicitur Aasimentum domus suæ. In prædictâ sylvam quam Ferrarias vocari diximus, si laboratum fuerit, cujus erit fundus terræ, ipsius erit & tertia. Pasturam in nostris, & illorum terris communem habebunt, utramque sine damno tantum. Et si damnum factum fuerit, si sine clamore redditum fuerit, pax erit. Quòd si clamor ad Dominum pervenerit, damnum restituet, & legem Domino persolvat ipse qui damnum fecerit. Campum illum qui est intra terram villæ, quæ dicitur Trescasas,

sicut fuerat monstratus & aratus, dimisit Dom. Abbas Stephanus Besuensis S. Leodegario & Dom. Hugoni Antisiodorensi Abbati.

Facta est hæc concordia in uno campo super Cyriacum ab Abbatibus Stephano Besuensi, & Hugone Antisiodorensi. Ex Monachis Besuensibus affuerunt Warnerius Prior, Lebalus, Alberius, qui Arcioni morabatur, Landricus frater Hugonis cognomento Columba. De Monachis Antisiodorensibus affuerunt Rotbertus Prior de sancto Leodegario, thesius secretarius, Emelbertus, Artaldus Prior de S. Marcello. Ex Militibus, Humbertus de Lissei, & Odilo frater ejus, & Hugo Columba, Wido de Agullini, Wido de Danbrun, & Humbertus frater ejus, & Hugo Præpositus de S. Leodegario. Emelbertus Præpositus Antisiodorensis. De familiâ sancti Petri, Arlebalus de Belenavâ Præpositus, Otbertus Coccus, Gislebertus famulus. De familiâ S. Leodegarii, Hugo de Ballenavâ villicus, & Odilo. Paganus Præpositus de Magnei, & Humbertus, & Hugo fratres ejus. Petrus de Mosteriole. Acta sunt hæc anno ab Incarnatione M. CVIII. Indictione II. Epacta XVII. concurrente IV. Hlucowico Rege filio Philippi regnante, Anno II. Imperii ejus. Episcopali cathedrâ Lingonensium præsidente Domino Rotberto, qui hoc placitum tenuit, & hanc concordiam laudavit. Die XXVIII. mensis Octobris.

Considerans etiam Dom. Stephanus Abbas caritatem refrigerare, veritatem à filiis hominum diminui nec solum largitiones, quæ olim fiebant Ecclesiis Dei maximâ ex parte remanere, verum etiam largita auferri; Romam petiit, & ad eum qui tunc Apostolicæ Cathedræ sedebat Papam, Dominum videlicet Paschalem accessit, & B. Petri autoritate, nec non & illius qui tunc loco ipsius universalis, atque Catholicæ Ecclesiæ curam habebat, prædicti Papæ privilegio inviolabili confirmari fecit, quæcumque istud Besuense Cœnobium possidebat, sive in futurum concessione Pontificum, liberalitate Principum, vel oblatione fidelium justè atque canonicè posset adipisci. Potius autem eo quod quæverat, ea quæ retro sunt obliviscens, & in anterioribus se extendens, pericula, & labores vitæ (hyems enim erat) parvi pendens, non reminiscatur presuræ propter gaudium subsecutum. Nos verò exemplum Privilegii illius curavimus subscribi infra.

*Privilegium Domni Paschalis Papa.*

**P**ASCHALIS Episcopus servus servorum Dei. Dilecto filio Stephano Besuensi Abbati, ejusque successoribus regulariter promovendis in perpetuum.

Religiosis desideriis dignum est facilem præbere consensum, ut fidelis devotio celerem sortiatur effectum. Proinde nos Religionis vestræ desideria confoventes, vestro Besuensi Monasterio in honore Beatorum Apostolorum Petri & Pauli ædificato, eorundem Apostolorum ex Apostolicæ sedis benignitate munimen impendimus. Constituentes, & præsentis decreti paginâ sancientes, ut Ecclesia de Albinaco, & Ecclesia sancti Benigni, & Capella sanctæ MARIÆ quæ castello Montis Salvionis sita est, ad supradictam Albinaci Ecclesiam pertinens, Ecclesia etiam Camlintonis, & Ecclesia de Majasco cum appenditiis suis, Capella de Fovenz vestro semper Cœnobio ita firmè, ita liberè, quietèque permaneant, sicut à fratre nostro Rotberto Lingonensi Episcopo, cum totius Lingonensis Cleri conventiâ traditæ sunt.

Idipsum etiam de duabus Præbendis statuimus, quas bonæ memoriæ Harduinus, & Hugo Lingonenses Episcopi fratribus in Ecclesiâ sancti Gengulfi apud Lingonas Domino servientibus tradiderunt.

Idipsum etiam statuimus super Ecclesiâ de Sivoio cum pertinentiis suis, super Capellâ sancti Mauricii seu sancti Dionysii, Capellâ sancti Valeriani, & Ecclesiâ de Raiol, & parte quartâ Ecclesiæ sancti Martini de Monasterio, seu ceteris rebus quas bonæ memoriæ Hugo Bisontinus Episcopus vestro Monasterio contradidit. Porro Ecclesia sancti Remigii, quæ est in Burgo Besuæ, & Ecclesia de Belenavo cum appenditiis suis, ita in possessione vestra liberæ, ita ab omnibus consuetudinalibus immunes semper manere censemus, sicut à bonæ memoriæ Alberico quondam Lingonensi Episcopo seu successore ejus Rainardo, ejusdem Ecclesiæ venerabili Episcopo libertate, ac immunitate donatæ sunt.

Præterea confirmamus vobis Ecclesiam Salvatoris de veteribus vineis, Ecclesiam sancti Martini de Lucco, Ecclesiam sancti Laurentii de Beriâ, Ecclesiam sancti Benigni de Boensis villâ, Ecclesiam sancti Sequani, quæ est parochialis, Ecclesiam sancti Valerii de Talemaro, Ecclesiam sancti Leodegarii de Genziniaco, Ecclesiam sancti Martini Belmontis. Capellam quoque sancti Marcellini, quam bonæ memoriæ Geilo Lingonensis Episcopus ad luminaria Altaris Ecclesiæ vestræ contulisse dignoscitur, cum P. Prudentii Martyris sub eodem Altari Reliquiis collocavit, cum appenditiis, & mancipiis utriusque sexus, sicut ea supradictus Episcopus Virdunensi Episcopo commutavit. Ecclesiam quoque sancti Hypoliti de Pontiliaco cum appenditiis suis, Ecclesiam de Casoto S. Symphoriani, Ecclesiam sanctæ MARIÆ de Fonvenz, à Lamberto Lingonensi Episcopo datam cum pertinentiis suis. Ecclesiam quoque sancti Gengulfi superius nominatam. Porro villam Besuæ sanctorum Apostolorum Petri & Pauli Monasterio adjacentem cum omnibus pertinentiis suis, ab omnium hominum vexationibus liberam, sicut hodie est, vobis in perpetuum manere sancimus. Piscariam quoque à Fontis loco usque ad Princianum in jure ac possessione vestrâ semper servari liberè, quietèque sancimus.

Præterea quæcumque in præsentiarum nunc idem Monasterium possidet sive in futurum concessione Pontificum, liberalitate Principum, vel oblatione fidelium, justè atque canonicè poterit adipisci, firma tibi, tuisque successoribus, & illibata permaneant.

Decernimus ergo ut nulli omnino hominum liceat idem Cœnobium temerè perturbare, aut ejus possessiones auferre, vel ablatas retinere, minuere, vel temerariis vexationibus fatigare, sed omnia integra conserventur eorum pro quorum sustentatione & gubernatione concessa sunt, usibus omnimodis profutura, salva Lingonensis Episcopi canonica retinentia. Ut Episcopo tamen aut Episcopi ministris omnino non liceat Monasterium ipsum, aut ejus loca gravare, nec ornamenta Ecclesiæ quolibet occasione diripere, nec exactiones aliquas, aut consuetudines, quæ fratrum quieti noceant, irrogare. Interdicimus etiam ne quis idem Besuense Cœnobium in cellam redigere audeat, quandiu Monastici ordinis observantia illic Domino præstante vigerit.

Si quis sanè in crastinum Archiepiscopus, vel Episcopus, Imperator, aut Rex, Princeps, aut Dux, Comes, Vicecomes, aut judex, vel quolibet Ecclesiastica, secularisque persona, hanc nostræ Constitutionis paginam sciens contra eam venire tentaverit, secundò tertioque commonita, si non satisfactione congrua emendaverit, potestatis, honorisque sui dignitate careat, reumque se divino judicio existere de perpetrata iniquitate cognoscat, & sacratissimo corpore ac sanguine Dei & Domini Redemptoris nostri JESU CHRISTI, aliena fiat, atque in extremo examine districtæ ultioni subiaceat.

KKk ij

Cunctis autem idem loco iusta servantibus, sit pax Domini nostri JESU CHRISTI, quatenus hic fructum bonæ actionis percipiant, & apud districtum judicem præmia æternæ pacis inveniant. Amen.

Scriptum per manum Rainerii scribarii & Notarii sacri Palatii. Datum Laterani per manum Joannis sanctæ Romanæ Ecclesiæ Diaconi Cardin. Cal. Jan. Indict. XIII. Incarn. Dominicæ anno M. CV. Pontificatus autem Domni Paschalis II. Papæ VI.

*Ego, PASCHALIS Episcopus Catholica Ecclesia subscripsi.*

1108.

**E** Volutis igitur annis duobus contigit eundem Papam Paschalem, Galliarum partes invadere. Deveniens autem usque ad nos, à Domino Stephano Abbate, & à nobis aliis cum copioso Cardinalium tam Episcoporum quam Presbyterorum, ac Clericorum suorum comitatu, nec non & aliorum Episcoporum, Abbatum diversorumque graduum Ecclesiastici ordinis, in hoc Monasterio besuense devotè susceptus est. Ubi usque in tertium diem demoratus, cum situs hujus loci multum, fratrumque conventus & ordo plurimum ei placuisset, omnia laudans, omnia benedicens, ad ultimum in Capitulum veniens confedit, ubi sermonem faciens, ab eo loco incepit, ubi dicitur: *Frates, quæcumque scripta sunt, ad nostram doctrinam scripta sunt, ut per patientiam, & consolationem scripturarum spem habeamus.* Et quia Monachis loquebatur, quibus maxime patientia necessaria est eam posuit quam fundamentum. Deinde ostendens quod patientia spem operetur, de spe differens, pervenit ad fidem. Fidem autem nos docens tenere non fictam: de ea etiam multa nos edocens tandem ad caritatem, quæ Deus est, conscendit. Dixit & de ea, imò de eo, ut tempus & ratio expetebat. Cumque sermonem terminasset, rogatus à D. Abbate, & ab aliis fratribus, ut potè qui locum tenebat ejus, cui data est potestas ligandi, & solvendi in cælo, & in terra, ut nobis, & fratribus nostris, tam vivis, quam defunctis, absolutionem daret, & benedictionem annuit; & incipiens Jo. I saluum, cum Orat. Dominica, & collecta uti rogatus fuerat, nos absolvit, & benedixit.

Nec illud præmittendum, quod altare sanctorum Petri & Pauli, ipse in honore eorundem consecravit, ibique Missam solemniter celebravit; & eum diem sicut diem natalis Domini quot annis celebrari præcepit.

Nomina verò Cardinalium, Episcoporum, Abbatum, Presbyterorum, seu Clericorum, qui cum eo adfuere, quantum memoriæ occurrere potuit, subter scripsimus. Richardus Card. Episcopus Albanensis, Divizo Card. sancti Martini, Rufus Card. sancti Laurentii. Gregorius Card. sanctorum Apostolorum, Joannes Diaconus Card. sanctæ Rom. Ecclesiæ; Episcopus Lingonensis, Rotbertus ad cuius petitionem hæc aucta sunt, Episcopus Placentinus, Episcopus Vivariensis, Episcopus Cameracensis, Henricus Abbas Angeriensis, Lambertus Pultariensis Abbas, Henricus Abbas sancti Sequani, Wido Abbas sancti Michaelis, & alii multi. Inferioris verò Ordinis Clericorum, seu Laicorum, ferè innumera multitudo.

Quoniam verò Dei dispositionem ab æterno cuncta sequuntur, suisque quando, & quomodo vult, miseretur, gratuita pietate nos voluit Apostolica benedictione relevari. Acta sunt hæc anno ab Incarn. Dom. M. CVII. Indict. xv. Epæ. xxv. die XII. Cal. Martii.

*Carta de vinea sacrista in Besua.*

**E** Vangelicæ autoritatis exemplo didicimus, quod servus fidelis, & prudens in modico, à Domino JESU super multa constituitur. Studui igitur ego Joannes, terram quæ circa basilicam sanctæ MARIE, jacet, Ecclesiæ sanctorum Petri & Pauli revocare, quæ jam diu aliquo modo distracta fuerat, sicut infra docebimus.

Domnus namque Abbas Odo dederat eam Warnerio, Patri Ulgerii, excolendam, & ad plantandam vineam, ut in vitâ suâ illam teneret; post decessum verò Ecclesiæ redderetur. Sed eo mortuo, haud ita evenit. Cum enim filio ejus Ulgerio prædicto pecunias deberet Ecclesia, concessit ei D. Abbas Stephanus terram illam, eo modo quo paterejus habuerat. Ego verò cupiens talentum mihi creditum ampliare, donavi Ulgerio 120. solidos, id est, sex libras, & ipsi ac filii ejus quidquid in terrâ clamabant Deo & sancto Petro in manu Domni Abbatis Stephani redderunt. Domnus autem Abbas Stephanus donavit & concessit eam secretario Monasterii, per manum meam, in perpetuum habendam liberè absque censu, & omni consuetudine, quæ de aliis vineis persolvitur. Concessit etiam eam consuetudinem quam Warnerus & Wigarius habuerant, scilicet, ut de sylvâ illâ, quam Castanetum vocamus, liceret in vineâ fieri porticas, furcas, paxillos, & quidquid in eâ opus fuerit. Et ut hæc Carta inconcussa permaneat, assignamus etiam testes. Signum Domni Stephani Abbatis, Warnerii Prioris, Joannis Secretarii, Theoderici Præpositi, Landrici, Gualdi. De Laicis verò Otberti cocci, Martini Clerici, Ulgerii, Amalberti, Gualdi, Stephani de Bria. Formati, Petri, Humberti & Warnerii filiorum Ulgerii.

*Carta de Mercennaco.*

**S**anctorum Patrum exemplis, piæ considerationis socium ad imitationem ingigentes, nos qui regimen sanctæ Ecclesiæ suscepimus, necessarium, in d. æquum & salubre esse cognoscimus, eam fideliter ordinare & in eâ quidquid boni ordinatè disponimus, ne citius destruat, aut percat, sapienter providere.

Notum igitur facimus omnibus tam præsentibus quam futuris nostris successoribus, ego Stephanus Abbas Besuensis Ecclesiæ, cæterique qui mecum sunt ejusdem monasterii Provires, quandam vineam, quam apud Gibracum frater Joannes emerat, nos cum vineis, de quibus vinum ad commune deportatur cellarium, terminasse; sibi etiam cunctisque post eum venturis, quidquid terræ live vinearum, atque consuetudinum apud Mercennarium habebamus id concessisse, quatenus ex redditibus earum, ea quæ sunt in nostræ Ecclesiæ ministerio apta comparantur: & insuper altare sancti Martini in sinistra parte situm Monasterii, exinde jugiter illuminetur. Quod statutum litteris imprimentes, autoritate qua debemus, inviolatum permanere præcipimus. Signum Domni Stephani Abbatis, Warnerii Prioris, Wilenci, Joannis, & cæterorum Monachorum.

*Item Alia.*

**S**ciant omnes præsentis, & futuri, quod Theobaldus, qui nunc nuncupatur de sancto Prudentio, quidquid ædificii habuit super campum, qui capellæ sanctæ MARIE adjacet scilicet de vineâ, reddidit beato Petro, & Stephano Abbati & Secretario Joanni in perpetuum possidendum, & pro tali commercio, dedit illi Joannes Secretarius 25. solidos, & unam combam quam plantaverat: communicavit ei taliter, ut per medium excolat, & per

Hujusce  
Chronici Au-  
thoris nomen  
& ætas.

Paschalis Pa-  
pa cœnobium  
Besuense in-  
vifit.  
Concionem  
habet ad Mo-  
nachos.  
Rom. 15. 4.

Qui in comi-  
atu Pascha-  
lis Papæ ce-  
ant.

medium fructum capiat. Eo tenore, si fidelis cultor exstiterit, habeat eam cum honore tempore vite sue absque censu. Post ejus obitum si quis legalis hæres ejus supradictam vineam habere voluerit, cum Secretario qui Dominus & socius inde est imprimis eam offerat. Si ipse eam sibi retinuerit, bene, sin autem noluerit, per consilium Abbatis & Monachorum vendat eam alicui de servis sancti Petri qui eam fideliter excolat, & censum & consuetudines Secretario reddat. Huic Cartæ assignamus testes. Signum Stephani Abbatis, Wilenci, Joannis Secretarii, qui hoc fecit, Girardi, Albrici, Thebaldi, Hugonis villici, Haidulfi, Hugonis famuli, Berengarii, Baldi, & aliorum multorum de familiâ Ecclesiæ.

*De obitu Roberti Episcopi.*

**C**um per multorum annorum curricula Dominus Robertus Ecclesiam rexisset Lingonensem, gravissimo correptus morbo ad extrema propinquans, apud castellum, quod Castellion dicitur, Abbates suos, Stephanum Besuensem, Widonem Molimensem; item Widonem Ternodorensem, ad se mandans, humiliter se in conspectum Dei accusans, & veniam peccatorum exposcens, à Domino Widone Molimense Abbate Monachilem habitum suscepit; deinde non post multum, Viaticum ipsum corpus Christi accipiens, vitam finivit: sepultusque est apud Molimense Monasterium in Capitulo decenter ut decuit. Cujus loco substituitur Dominus Jocerannus Lingonensem sedem gubernaturus.

*Carta Hugonis Ducis de Karris apud Divionem.*

**I**n nomine sanctæ & individuæ Trinitatis. Quantum animi devotionem erga sanctam Dei Ecclesiam habere debeamus divina sanctarum scripturarum demonstrant testimonia, quæ siquidem eam & muneribus percipiunt fierilocupletem, & omnimodâ veneratione testantur, & commendant effici gloriosam. Hac igitur animadversione compunctus, & à sancto Spiritu spiritualiter instinctus, ego Hugo Dux Burgundiæ notum facio omnibus tam modernis, quàm futuris fidelibus, quod redemptionem carcerum, quam in portâ Divionensi capere consueveram, Deo, & sancto Petro, & Abbati Stephano, omnibusque Besuensis Ecclesiæ Monachis donaverim, ut amodò quibuscumque annis vel temporibus Divionem venerint ipsi denominatæ Ecclesiæ Monachi; tam claustrales, quàm in cellis manentes; hanc sibi libertatem à me, meisque successoribus obtineant, ut sine omni impedimento, & absque alicujus redemptionis exactione, cum suis carris indubitanter pertranseant. Cujus si quidem doni largitionem zelo Dei succensus, hujus gratiâ rei pro animæ patris mei remedio, Besuensi Ecclesiæ contuli: ut videlicet singulis annis apud eandem Ecclesiam ipse in memoriam sit omnium, & sicut mos est Catholicus, anniversarium eâ à filiis Ecclesiæ celebretur omnibus, quatenus orationibus fidelium Dei famulorum, sibi meisque omnibus antecessoribus remissio omnium concedatur peccatorum. Proinde quoniam multa & maxima parentum nostrorum instituta, eos qui modò sunt in silentio & oblivione, conspicio præterire; authentico placuit hoc donum commendare privilegio, & subscripto approbatorum vivorum roborare testimonio. Sign. Hugonis Ducis, Henrici fratris, Ducis, Walonis Abbatis, Hugonis Dapiferi, Waleranni Militis, Hugonis Præpositi, Ewardi Præpositi, Dominici juvenis. Signum Stephani Abbatis Besuensis, Warnerii Prioris, Albrici. De Laicis, Otberti, Ewraldi, Girardi, Arnaldi villici Lingonensis: Acta sunt

hæc anno ab Incarnatione Domini M. CXIII. Indictione VI. Epact. 1. regnante Hugodowico Rege Francorum, Episcopante Joceranno in urbe Lingonensium.

*Carta de Decima Cafoti.*

**O**peræ pretium duximus litteris adnotare, quod Richardus, qui nepos Essemberti de Cafoto fuit, omnem calumniam quam habebat super decimam de supra taxata villa postposuit, & omnino dimisit in præsentia Stephani Abbatis & Monach. nec non & Laicorum. Quapropter ut de hac re firma pax teneretur ex utrâque parte, dedit ei supradictus Stephanus Abbas quatuor Heminas de annona in supradicto Cafoto annuatim: duas de tritico, & duas de hordeo qualiscumque ibi fuerit per fedum tui pacto & tui ratione, si supradicta villa ad supradictam de ructionem pervenerit, ut ibi capere non valeat supradictam mensuram, scilicet de quatuor heminis tamdiu patienter expectet, donec villa melioretur, & quod tibi competit iterum recipere possit. Hoc laudaverunt frater ejus Sewinus & soror. Huic rei assignamus testes: Signum Richardi, qui hoc fecit. Thetbaldi Militis de Cafoto, Pagani præpositi de Tilecastro. De familiâ sancti Petri, Otberti, Amalberti, Gisleberti, Hugonis, Girardi.

*Item alia.*

**S**ciant omnes tam præsentis, quàm futuri, quod Silia Pontii, quæ cognominata est Besusta, & Odo Miles filius ejus, quidquid juris vel proclamationis habebant super pueros Girardi, qui cognominatus est Aligrinus, dederunt Deo, & sancto Petro, & Besuensi Ecclesiæ, æternaliter pro remedio suorum antecessorum ante aram sanctorum Apostolorum Petri & Pauli, & in præsentia Stephani Abbatis, & Monachorum. Ut hæc carta inconcussa permaneat, assignamus ei testes: Signum Odonis Militis, & matris ejus, qui hoc fecerunt, Benzonis Sacerdotis de Tilecastro, Humberti, qui cognominatur Angelricus, Viviani, Hugonis villici, Joannis, & aliorum multorum.

*Carta de Ecclesiis, datis à Dominis Montis-Salionis.*

**I**n nomine Patris, & Filii, & Spiritus sancti. Notificamus omnibus fidelibus, quorum usque ad aures Cartula ista pervenerit, quod Dominus Petrus cum nepoti suo Domino Odoni in honore & dominio Montis-Salionis successisset, dona, quæ ipse Odo & avunculus ejus Rainaldus contulerant Deo, & Ecclesiæ sancti Petri Besuensis, de Ecclesiis videlicet calumniari cepit. Accipit interim Archiepiscopus Jocerannus Lugdunensem, & Episcopum Cabilonensem, & Episcopum Augustidunensem Divionem advenire. Ibi ratione consilij, imò rationabili consilio suo commonitus Dominus ipse Petrus, quidquid in rebus præfatis calumniatus fuerat in manu Domni Joceranni Archiepiscopi Lugdunensis reddidit. Archiepiscopus autem donum illud in manu Domini Stephani Abbatis posuit, & Ecclesiam Besuensem inde revestivit: assignamus testes. Sign. Joceranni Archiepiscopi, Stephani Eduensis Episcopi. Walterii Cabilonensis Episcopi. Wilenci Archidiaconi, Domni Joceranni Archidiaconi. Stephani Abbatis. Verentonis Abbatis. Stephani Novi Monasterii Abbatis. Warnerii Prioris, Joannis, Albrici. De Militibus; Willemi Fontis-vennæ, Hugonis Dapiferi, Petri qui hoc donum fecit, Widrici, Otberti cocci, Hugonis famuli.

*Carta de Arcione.*

**I**N nomine sanctæ ac individue Trinitatis. Dignum duximus litteris adnotare, quod Arlebal-  
dus Præpositus sancti Petri de Belenava reddidit Deo,  
& sancto Petro & Besuensi Ecclesiæ, omne fœdum,  
quod habebat de Abbate, & de Monachis super  
Manfos de Arcione, sicut supradiximus, omnem  
consuetudinem & quidquid calumniæ vel juris habe-  
bat super supradictos, super altare in dono posuit,  
pro suâ animâ, suorumque antecessorum, ipse &  
uxor ejus, & filii ejus æternaliter. Et propter hoc,  
ut hæc donatio inconvulsa permaneat, dedit illi Al-  
bericus Monachus qui tunc temporis Arcionem ge-  
rebat, duas heminas frumenti, & unam vaccam,  
& redemit illi de Ranaldo de Miribel quinque hemi-  
nas annonæ, quas perdiderat apud Culiriacum, cum  
40. solidos. Huic rei assignamus testes: Sig. Ste-  
phani Abbat. Wilenci, Joannis, Joffredi. Et de fami-  
liâ sancti Petri, Otberti, Hugonis, Gisleberti,  
Nerduini, Joannis, & aliorum multorum.

*Carta de Caviniaco.*

**C**larefcat hoc cunctis modò viventibus, post  
nosque futuris, quod Suffisia uxor Pontii de  
villâ, quæ sanctus Sequanus nuncupatur, & Hum-  
bertus gener ejus de Liliaco, pro animâ supradicti  
Pontii, qui Hierosolymitano itinere mortuus est,  
pro suâ requie, suorumque antecessorum fidelium,  
dederunt Deo, & sancto Petro, & Besuensi Eccle-  
siæ unum mansum, cum suis terris, & suis appen-  
ditiis in nostrâ villâ, quæ Caviniacus dicitur, &  
unum servum cum medietate suorum infantum, in  
supradictâ villâ sancti Sequani Ulricum nomine. Ne  
talis memoria deleatur, assignamus testes: Hum-  
berti Militis de Liliaco, qui donum fecit, cum so-  
cru suâ, Widrici de sancto Sequano, Theoderici de  
campo curto. De Clericis Wilenci Archidiaconi,  
Humberti Canonici, Joannis Presbyteri. De Mo-  
nachis, Wido Prior, Wilenci, Henrici, Joannis,  
Joffredi, & aliorum. De familiâ nostrâ, Hugonis  
famuli, Aidulfi, Arnulfi villici de Caviniaco, Rot-  
berti filii.

*Carta de hominibus Nova villa.*

**N**Otum sit omnibus qui modò sunt postque  
futuri, quod Deodatus de Novâ-villâ, & u-  
xor ejus censum de capitibus ejus reddiderunt san-  
cto Petro, & Besuensi Ecclesiæ, & Stephano Abba-  
ti, ut alii servi sancti Petri, & ancillæ, vir quatuor  
nummos, & mulier duos. Hoc adnotamus litteris,  
ne filii, & filiæ eorum, vel posteritas, si negare vo-  
luerint, hoc unquam negare possint. Nempe litte-  
ræ de hoc scriptæ, testimonium veritatis semper ha-  
bebunt.

*Carta de Fontinellis.*

**C**larificetur cunctis modò viventibus postque  
nos futuris, quod Wido Miles de Fontanis,  
filius Haymonis, decumbens in infirmitate veniens  
ad obitum suum, ipse & manipulares ejus, & Rot-  
bertus frater ejus puer dederunt Deo, & sancto Petro  
& Cœnobio Besuensi, mansum unum in villâ  
quæ Fontanellas dicitur, cum appenditiis suis, qui  
nuncupatur mansus Hugonis Præpositi, & qua-  
tuor servos, Constantium, qui vocatur Miles cum  
filiis suis, sub tali testimonio. Signum Richardi de  
Virillis, Hugonis Carrucæ, Wilenci Militis de  
Fontanis, Herberti villici. Hugonis de Convulensi  
castro Domini, Rotberti pueri, qui donum fecit &  
laudavit & aliorum multorum.

*Carta de Beriâ.*

**A**Gnoscat pleniter, & retineat memoriter fidelis  
natio, tam de præsentibus, quàm de futuris,  
quod Humbertus cognomento solitarius, filius Ar-  
lebal-di, dedit Deo, & sancto Petro, & Besuensi  
Ecclesiæ unum mansum pro suâ animâ, suorumque  
antecessorum fidelium in Beriâ villâ, cum omnibus  
appenditiis suis, de pratis, & de terris cultis, &  
incultis, ornatum omni libertate. Dedit etiam su-  
pradictus Humbertus unum servum & unam ancil-  
lam, fratrem, & sororem, Humbertum & Rotru-  
dem, pertinentes ad supradictum mansum jure per-  
petuo. Huic rei assignamus testes. Signum Hugonis  
Militis de Chimissiaci, Leterii, & filiorum ejus,  
Stephani, Richardi, Joannis Presbyteri, Andrea  
Presbyteri, & aliorum multorum de Beriâ. Si quis  
perversus huic eleemosynæ contraire voluerit, aut  
aliquid demere voluerit, anathema sit.

*Item alia.*

**E**st in eadem villâ Beriâ mansus, quem honori-  
ficè & cum omni libertate dedit Deo, & san-  
cto Petro Milo Miles de Bellomonte, & uxor ejus  
Adilina, in die quando primùm Joffredus filius co-  
rum celebravit missam, sub tali testimonio. Signum  
Milonis. Sig. Joffredi Monachi, qui per cultellum  
suum donum recepit, Odonis, Stephani, Rot-  
berti, & aliorum multorum.

*Carta de Majasco.*

**O**Mnis fidelis homo pleniter agnoscat, quod ele-  
mosyna fideles vivos ad vitam dirigit, & animas  
defunctorum à morte liberat. De qua re non imme-  
mor Odo Miles de Cipeto, qui Caterius cognomina-  
tur, fideliter pro animâ matris suæ, quæ Besueta  
nuncupata est, patrisque sui, suorumque fidelium  
antecessorum, dedit Deo, & sancto Petro, & Be-  
suensi Ecclesiæ in eleemosynâ corvatam apud Majas-  
cum cum omnibus consuetudinibus, quæ illi succe-  
debat liberaliter de proprio jure, & s. jugera terræ,  
nec non & partem suam de campo, qui suprâ ca-  
stellum jacet, qui Vinea nuncupatur. Nos quoque  
Besuenses Monachi pro signo recompensavimus illi,  
suisque fidelibus, orationes, & benefacta Ecclesiæ  
tam vivis, quàm defunctis in sempiternum. Huic  
Cartæ assignamus testes. Sign. Odonis qui eleemo-  
synam fecit, Willelmi Fontis vennæ, Humberti de  
Cipeto, Benzonis Sacerdotis de Tilecastro, Pagani  
Præpositi, Willelmi de Follato, & de nostrâ familiâ  
quamplurimorum.

*Item alia.*

**N**Otum sit omnibus tam præsentibus, quàm fu-  
turis, quod Odo Miles de Bellomonte conce-  
sit, & ex toto donavit Deo, & sancto Petro, &  
Besuensi Ecclesiæ, quidquid unquam habuit, vel  
ipse, vel antecessores sui, calumniæ super infantes  
Lamberti, qui Grossus denarius nuncupatus est, sive  
justè, sive injustè. Huic notitiæ assignamus testes.  
Signum Odonis qui hoc fecit ex suâ parte, & om-  
nium antecessorum suorum. Sig. Sewini de Rejaco,  
Odilonis Militis de Lissiaci, Hugonis Columbæ de  
Bellomonte, Lamberti, Otberti filii ejus, Widrici.  
De Monachis, Warnerii Prioris, Landrici, Theo-  
derici, & aliorum multorum.

*Carta de hominibus Burbereni.*

**S**Ciant omnes per notitiam istarum litterarum,  
quod homines nativi de Burbureno, qui terram  
acceperunt sancti Petri ad plantandas vineas, de ma-



nu Stephani Abbatis, scilicet Albricus, Warnerius, & Nerduinus, cum fratribus suis, tali pacto concessa est eis prædicta terra, ut si quis ex suis eorum acceperit ancillam sancti Petri in uxorem, & in servitio Ecclesiæ remanere voluerit, ipse habeat ædificium & terram supra nominatam. Et qui hoc non fecerit, post mortem ejus recipiet Ecclesia & ædificium, & terram in suo proprio jure.

*Carta de Ecclesiis pro Humberto Bruno datis.*

**I**N nomine sanctæ & individue Trinitatis Patris & Filii & Spiritus sancti. Omnibus qui has legerint vel audierint notulas, certum fiat, quod in die illâ quando corpus Humberti Bruni, Fontis-vennæ Senioris, apud Besuæ Monasterium traditum fuit sepulture, consilio & laude Rotberti Lingonensis Episcopi, & fratrum, & Militum, & clientum supra taxati Humberti, uxor ejus pro ejus animâ in illâ die dedit Deo, & sancto Petro, & Besuensi Ecclesiæ Capellam de castro Fontis vennæ, & illam partem quam habebat in Ecclesiâ S. Valentini de Lurocurte, habendam & possidendam jure perpetuo. Nec non & duos scyphos argenteos: tali pacto, ut annuatim in suo anniversario, ejus memoria & antecessorum suorum fideliter celebraretur in conventu Monachorum. Ut hæc Carta inconversa permaneant, subscribamus ei testes idoneos. Sig. Rotberti Episc. Willelmi Comitis Burgundiæ, Rainaldi filii ejus, Widonis de Raiaco, Widonis de Burgundione villâ, Hugonis de Bellomonte, Lebaldis de D. Petro, Henrici de Novâ-villâ, Henrici de Firmitate. Rotberti Capellani, & aliorum multorum. De Mon. Sig. Gausberti Abbatis. Warnerii Præpositi, Benedicti Prioris Fontis-vennæ, Constantii. Iacta sunt hæc regnante Philippo, episcopante Rotberto.

*Item alia.*

**N**Otum sit omnibus tam præsentibus quam futuris, quod Odo filius Hugonis, qui frater fuit Abbatis Odonis, propter quamdam vineam quam sibi concessit habere D. Abbas Stephanus post obitum patris sui, scilicet supradicti Hugonis, seipsum spondit permanere in servitio, & in fidelitate sancti Petri, & Monachorum sicuti liber. Et tali modo, si ipse absque proprio herede moriatur, qui non sit de ancillâ sancti Petri, ipsa supradicta vinea, & quidquid ibi ædificatum fuerit, veniat in jure & in proprietate sancti Petri, & Monachorum, pro animâ ejus: sin autem ancillam sancti Petri accepit, infantes ejus vineam possideant, quamdiu servierint: & per istam pactionem, si circa nos morte præoccupatus fuerit, quasi nostrum Commissum obtinebimus.

*Carta de Veonâ.*

**A**D memoriam reducat modò viventibus, post nosque victuris, quod Thebaldus Capellanus de Verziaco pactum fecit, & confirmavit cum Stephano Besuensi Abbate super 2. jugera de terrâ sancti Petri, quæ est in Veonâ, quæ ad plantandum quæsitæ tali ratione, ut annuatim tempore vitæ suæ 12. nummos Besuensi Ecclesiæ pro signo persolvat. Post obitum verò ejus supradicta Ecclesia terram suam cum omni ædificio liberam & ædificatam recipiat. Huic rationi subscripsimus testes. Signum Stephani Abbatis, Guilenci, Albrici, Joffredi Divionensis Prioris, Rotberti Presbyteri de Gibriaco, Humberti Clerici de Divione, nec non & aliorum multorum.

*Carta de terra Lamberti apud Novam-villam.*

**D**EScriptio terræ Lamberti de Poliac, quæ est apud Novam villam, super fontem, diurnalem & dimidium in villenas: 2. in Campanolas: 4. in cuncta de villâ Marcelli ab eâ parte, ubi fuit Capella sancti Langisi: 4. Ad campum juxta pratium, qui appellatur Campus natoria. Et in milliario 2. in campo d'Elchallos, & in campo Delfinum, 3. De prato ad 4. falces, & dimidiam.

*Carta de Uxore Ewardi.*

**C**Larificetur cunctis modò viventibus, post hosque futuris, quod Humbertus puer, filius Humberti de Cipeto, pro animâ patris sui suorumque antecessorum, dedit Deo, & Besuensi Ecclesiæ Elizabeth filiam Warnerii de Burburano, sponsam Ewardi, filii Gisleberti de Fonte. Ne aliquis infidelis hoc mendacium existimet, assignamus testes: Sig. Humberti qui donum fecit, Pagani Præpositi de Tilecastro, Walterii, Hugonis fratris ejus de Tilecastro, Otberti de Picangis, Tebaldis de Casato, Humberti, Engelrici, Albrici de Burburano. De familiâ sancti Petri, Ewardi, Gunterii, Giraldis, Albuini, Giraldis, Otberti, Hugonis famuli.

*Carta de Majasco.*

**R**eligiosorum fides ac devotio virorum eo maxime semper fuit laudabilis, quo non solum Ecclesiis Dei acquilata retinere, verum etiam alia undecumque studuerunt acquirere. Quorum formam prout potui imitatus, ego Stephan. Eccles. Besuensis licet indignus Abbas, & Ecclesiam juxta castrum quod dicitur Confluentum construere cupiens, quæsi ab Iterio, qui tunc Dominus ipsius castri fuerat, quatenus Deo, & Ecclesiæ sancti Petri Besuensis concederet quodcumque usuarium habebat in pratis, in sylvis, in aquis, seu in campis; qui petitionem nostram intelligens de fonte pietatis descendere, annuit quod petebam, ipse cum matre suâ & fratribus, ac sororibus suis. Annuit hoc ipsum Warnerius de Fulcherolis, quantum ad se pertinebat. Item Poncius de Castello, quod Firmitas dicitur, ubicumque ad se pertinebat, eodem modo & Ecclesiæ Besuensi concessit.

*Carta de Lentiliaco.*

**I**N nomine Patris & Filii & Spiritus sancti. Religiosa fidelium rebus sanctæ Ecclesiæ invigilans industria, sic suæ possessioni oportet ut provideat, ut quidquid tenet, inconcussè teneatur, & quæcumque ex propriis laboribus, vel ex piorum oblationibus adipiscitur, cuncta se perenniter obtinere in futurum gratuletur. Quam plures etenim hujus temporis homines crudeles, & sævissimi sponsam Christi, videlicet Ecclesiam, non solum non curant augmentare, verum etiam omnimodis moluntur de propriis annullare. Proinde notum sit omnibus & præsentis, & futuri sæculi fidelibus, domnum Joffredum Dominum Bellimontis, cum Gertrude suâ conjuge, suoque filio Hugone, pro animâ filii sui Fulconis, antecessorumque suorum remedio, in loco eleemosynæ, Deo, & S. Petro, fratribusque Besuensis Cænobii, unanimiter concessisse quidquid [apud] Lentiliacum in terris, in aquis, in sylvis possidebat, id est: quidquid prorsus in redditibus vel appenditiis aliquibus proprio jure ibidem obtinebat. Quod donum à se suisque heredibus collaudatum, ne procursu temporis vel aliquo oblivionis dissolvatur dispendio, oportunitate esse cognoscitur solidari privilegio, virorumque qui adfuerunt, roborari testimonio. Sig. Joffredi qui donum fecit, Hugonis filii ejus, Widonis qui Fontis-vennæ est Do-

1114.

minus, Willelmi avunculi ejus, Hugonis de Poliacco, Seuvini de Raiaco, Odilonis de Lixiaco, Humberti de Faberniaco, Mainfredi de Arco, Audonis de Fontinellis. De familiâ Dom. Joffredi adfuerunt Wido Præpositus, Warnerius cognomento Pirdix, & Hugo frater ejus, Gislebertus de Alteriaco Præpositus, & Rodulfus de Alteriaco, Gislebertus de Poliacco, Warnerius de Solario, & alii quàm plures. Acta sunt hæc anno ab Incarnatione Domini M. CXIV. Indiæ. vii. Epacta xii. Hlucowico Rege regnante in Francia: Joceranno Episcopo præfidente in Lingonis, & Stephano Abbate in Besuâ.

*Item Carta de eodem postea facta, propter contenti-  
nem de illâ primâ donatione habitam.*

**O**mnipotentis edoctus consilio, simulque illud considerans, quod pro omnibus, quæ in hac vitâ geruntur, aut puniatur quisque, aut remuneretur à Christo, deliberavi ego Joffredus cum uxore meâ Gertrude, & Hugone filio meo, vitæ meæ tempus & dies quoniam mali sunt, redimere.

Concedo igitur cum uxore meâ & filio Ecclesiæ sancti Petri Besuensis, quidquid apud Lentiliacum habeo in ipsâ villâ, & in campis, & in pratis, & in aliis appenditiis, ita ex toto liberrimum, sicut unquam liberius ab antecessoribus meis, seu à me possessum est. De sylvâ illâ quæ vocatur Brouls medietatem à parte villæ Lentiliaci, omnino ab omni consuetudine liberrimam possideat. In aliâ medietate meâ, Monachi & homines, ac mulieres qui apud Lentiliacum manebunt liberè, & consuetudinaliter sibi, & bestiis suis procursum habeant. Ingressus usque in eam partem sylvæ, quæ mea est, erit ab eâ parte, quæ angulus lirratus dicitur: & eo tenore, ut si eundo damnum nesciens factum fuerit, simpliciter reddatur; si verò scienter, aut expectando, damnum cum lege restituatur. Quod si guerra mihi, aut heredibus meis supervenerit, à castello Fontisvennæ, aut ab Aquato, aut à Chargeiaco, ingressus usque in meam partem sylvæ, erit mihi & meis per antiquas, & originales vias. Et iterum eo tenore, ut si damnum in eundo factum fuerit nescienter, simpliciter reddatur, si verò scienter, damnum cum lege restituatur. Huic donationi assignamus testes, Jocerannum Episcopum Lingonensem, Stephanum Abbatem Beluensem, Warnerium Priorem, Lebal- dum, Theodericum Præpositum, Albricum. De Clericis, Joffredum Decanum, Lambertum. De Militibus, Joffredum cum uxore suâ Gertrude, & Hugone filio suo. Humbertum de Lisseio cum Odilone fratre suo, Widonem villicum de Gradeio, Rocelinum. Rotbertum de Furt, Richardum de Poiens. Virricum de Altreio, Widonem fratrem ejus, Hugonem de Pauliaco.

*Carta de Ecclesiâ S. Martini.*

**P**ræsentis ævi futurisque deinceps hominibus clarificetur, quod Dominus Girardus Ecclesiæ Lingonenfis Archidiaconus, dedit Ecclesiæ Besuensi pro quiete suæ animæ, suorumque antecessorum, quidquid habebat in Ecclesiâ sancti Martini castri, quod dicitur Bellimons; scilicet medietatem Ecclesiæ & Presbyteratum, laudante idipsum Domino Episcopo Rotberto, & omni Capitulo Lingonenli. Nos verò contuentes penè cuncta à memoriis hominum dilabi, Cartis hoc placuit inferi, ut si quis deinceps huic donationi contraire voluerit, harum authori-

tate litterarum retineatur. Hujus autem testes rei quàm plurimi existere, ex quibus nobis quosdam placuit hîc nominatim subtexere. Dominus Rotbertus Episcopus. Abbas Stephanus. Warner. Constant. & de Militibus, Rainaldus de Monte-Salions, & frater ejus Petrus. Dominus Stephanus Abbas, cum Gibuino sacerdote, & fratre ejus, filius Berengarii, ex eadem re hujusmodi pactum firmaverunt. Tertiam partem decimæ de omnibus annonis sibi retinuit, excepto Canabo. De oblationibus verò quatuor festivitatum, Nativitatis, Purificationis sanctæ MARIÆ, Paschæ, & omnium Sanctorum quartam partem, & candelabrum, & oblationum pro defunctis.

Ut verò pax utrimque teneretur, Gibuinus Presbyter dedit fidejussores Warnerium Perdicem, & Warnerium de Solario, taliter ut si isti defecerint, alii ab eo restituantur. Hoc etiam statutum est, ut si Dominus Abbas, seu quislibet ex Monachis Besuensis, venerit in domo Presbyterii, libenter suscipiat, & serviat ei. Illud etiam additum est, quod si Presbyter quid ex nostrâ portione interceperit, si Domino Abbati vel Monacho, seu Ministro rem requirenti reddiderit, in pace erit: sin aliâs, semel & iterum per fidejussores admonitus, nisi reddiderit, postea summam, & legem persolvat.

*Carta de Vactis.*

**C**unctorum notitiæ patere volumus, quod Alefridus Miles de Vactis veniens ad obitum, dedit sancto Petro, & Besuensi Ecclesiæ omnem hereditatem, quam possidebat de proprio fundo, scilicet mansum proprium cum domo, & sedem molendini cum prato, omnemque possessionem alodii sui, ut suprâ diximus, in agris, in sylvis, in pratis ubicumque. Et ut hæc Carta inconvulsa permaneat, assignamus testes. Signum Andreæ Presbyteri de Beriâ. Sign. Walterii Presbyteri de Eccles. Sign. Stephani Præpositi de Beriâ. Sign. Hugonis de Chimiliaco. Sign. Humberti, qui fuit nepos ejus. Sign. Walterii de Vagtis, qui fuit filius Laifini. De Monachis nostris, Signum Warnerii. Sign. Aymonis. Sign. Odilonis, & aliorum multorum.

*Carta de Beriâ.*

**P**ateat cunctis modò viventibus, postmodumque futuris, quod Dominus Hugo Miles & Dominus de Beriâ, in die quâ peram assumpsit ad Hierosolymitanum iter faciendum, scilicet in die Ramis palmarum, veniens in Besuensi Capitulo, misit se ad pedes Monachorum orans & petens ut sui misererentur, & in suis orationibus memoriam illius habere dignaretur. In ipsâ die, & in ipso præfenti Capitulo coram testibus dedit Deo, & sancto Petro, & Besuensi Ecclesiæ, duos mansos optimos pro se, & pro animâ suâ, & pro animabus antecessorum suorum fidelium, unum in villâ, quæ Beriâ dicitur, cum omnibus appenditiis suis, scilicet mansum Ogerii, quem tenet Walterius filius ejus vetulus, frater Stephani Præpositi, qui vocatur Albus. Alium in villâ, quæ dicitur Luecurtis, cum omnibus appenditiis suis, quem nominavit mansum Orberti de Arbore. Ne aliquis perversus hoc frivolum existimet, assignamus testes. Signum Hugonis, qui donum fecit. Sign. Nerduini, qui habet filiam ejus. Sign. Hugonis Columbæ de Bellomonte. Sign. Milonis de eodem castro. Sign. omnium Monachorum, qui ibi præfentes affuerunt.

*e cum lege* Hoc est, cum multâ pecuniariâ, & quidem | levi.

Item

*Item alia.*

**P**ER has ergo litteras agnoscant omnes tam præsentes quam futuri, quod Nerduinus Miles de villâ, quæ Pinus dicitur, & uxor ejus Hermengardis, quæ filia Hugonis de Beriâ fuit, donaverunt Deo, & sancto Petro, & Besuensi Ecclesiæ, unum mansum in Beriâ villâ, scilicet mansum Gunterii, cum omnibus appenditiis suis in pratis, & in terris, & unum servum nomine Stephanum, quem supra dictus Hugo antea concesserat, & unam ancillam, quæ Osana vocatur, necnon & sororem ejus. Hoc totum tradiderunt Deo, & sancto Petro, ut supra diximus, Nerduinus, & uxor ejus, pro animâ Walonis pueri, & pro animâ patris sui supra taxati Hugonis, necnon & pro remedio animarum omnium antecessorum suorum, tam pro vivis, quam pro defunctis. Huic rei assignamus testes. Signum Nerduini, qui eleemosynam fecit. Sign. Milonis de Bellomonte. Sign. Richardi filii ejus. Sign. Hilberti Militis de Salice. Sign. Walonis fratris ejus. Sign. Hugonis Militis de Chimissiac. Sign. Andreæ Presbyteri. De nostrâ familiâ quàm plurimi. Hoc donum, & hæc eleemosyna tradita est per manus Nerduini, & uxoris ejus, per fructum lapidis, super altare Apostolorum Petri & Pauli, cum omni honore, & omni libertate æternaliter possidendum.

*Carta Domni Petri.*

**E**cclesiæ Dei fidelium donatione collata, ob id sine dubio litterarum traduntur monumentis, ne temporum longo succedentium volvente curriculo à memoriâ mortalium aboleantur. Quapropter non inutile fore venturis arbitramur, si nuper Ecclesiæ nostræ concessa tenacibus apicum scriptis commendemus. Quæ ita sese habent. Petrus Dominus catri Montis-Salionensis, agnomine Malus respectus, Deo, & sanctis Apostolis Petro & Paulo, Besuensi Ecclesiæ concessit, laudantibus conjuge, & filiis, alodium, quod quondam apud Lentiliacum dederat, libertate in posterum possidendum. Addidit quoque in Capitulo, Abbate assidente cum Monachis, servum nomine Walterium, & ancillam dictam Alvide, in villâ, quæ Trescase appellatur, habitantes. De quibus ne qua in supervenientibus temporibus nascatur controversia, idoneos assignamus testes. Signum ejusdem Petri, & uxoris ejus. Sign. Otonis, & Rainaldi filiorum ejus. Sign. Rodulphi Militis. Sign. Gaudini Militis. Sign. Walterii Præpositi. Signum Humberti filii Olgerii. Signum Girardi Abbatis. Sign. Wilenci Prioris, & totius Conventus.

*Carta Hugonis Herli.*

**I**N nomine Domini. Sciant omnes tam præsentes, I quam futuri, quod Hugo Miles de Renavis, cognomento Herlus, gratis, & cum magno affectu dedit Deo, & sancto Petro, & Besuensi Ecclesiæ alodium suum totum cum omni libertate, quod habebat, & possidebat in villâ, quæ dicitur Auliliacus, pro anima suâ, & pro animabus antecessorum suorum, in campis, in pratis, in mansis, in sylvis, in aquis. Ut eleemosyna ista & donum firmum persistat, assignamus ei testes idoneos. Sig. Hugonis de Bellomonte. Sig. Walonis, & Haimonis Columbe. Sig. Richardi. Sig. Milonis de Poiens. Sig. Urici de Renavis. Sig. Rodulphi fratris ejus. Sig. Rodulphi filii Urici. Sig. Widonis, cognomento Chiminal. De Mon. Sig. Girardi Abb. Sig. Theoderi. Signum Widonis de Renavis. Sig. Lebalidi. Sig. Remigii Presbyteri, & aliorum multorum.

In tempore illo Rodulfus filius Urici, de supra-

Tom. II.

dicto alodio concessit sancto Petro, & Besuensi Ecclesiæ, unum mansum, quod ei contulit avia sua post obitum suum, ubicumque obisset.

*Carta de Secuniaco.*

**S**Ciant omnes tam præsentes, quam futuri, quod Galterius Miles de Chortoson, veniens ad obitum suum, Deo, & sancto Petro, & Besuensi Ecclesiæ pro animâ suâ, suorumque antecessorum, dedit unum mansum liberum cum omni libertate, apud villam, quæ vocatur Secuniacus, cum nemore & terris, & omnibus appenditiis, quæ ad ipsum mansum pertinent. Omnia quæ ibi videbatur habere, & ipse Galterius nepos ejus, in terris, & in sylvis, tradiderunt S. Petro, & Besuensi Ecclesiæ, jure perpetuo; & unam ancillam, quæ vocatur Doda. Et ut nullus falsator possit contraire huic eleemosynæ, assignamus ei testes. Sig. Milonis Militis. Sig. Walonis, & Hilberti filiorum ejus, qui donum fecerunt cum matre illorum. Signum Galterii nepotis ejus, qui similiter donum fecit. Et de Militibus de Beriâ, Sig. Walonis. Sign. Hilberti. Sig. Pagan fratris illorum. Sig. Mainfredi de Archo. Sig. Andreæ Presbyteri de Beriâ.

*Carta de Liffiaco.*

**N**otum fiat fidelibus, quod Odilo de Liffiaco Ecclesiæ Dei, & sancti Petri & Besuensis contulit in eleemosyna quidquid habebat apud Liffiacum ubique, tam in terrâ, quàm in aquis, in pratis, in pascuis, in sylvis, ita honorificè, sicut ipse tenebat ea. Sed & ipsi Monachi Besuenses concesserunt ei Odiloni ea quæ ipsi habebant apud Brucciacum eo tenore, ut ipso ex hac vitâ exeunte, cum omnibus quæ ibi ædificavisset, Ecclesiæ Besuensi remaneret. Obtulit autem super altare sancti Petri, per textum Evangelii deauratum, & hoc ipsum, sicut diximus, de Brucciacum coram testibus tam Monachis, quàm Laïcis. Quorum quædam nomina hæc sunt: Sig. Odilonis qui hoc donum fecit. Sig. Mauricii Militis de Probato. Sig. Otberti. Sig. Hugonis. Sig. Gisleberti. Sig. Euvardi. Sig. Dom. Stephani Abbatis. Sign. Wilenci, Lebalidi, Albrici. Similem donationem fecit Hugo senior, frater Odilonis de insulâ Bollinâ, de suâ parte de Liffiaco, ipse & filius Wido puer, & uxor ejus, & filia ejus Aia, ad integrum cum libertate tenendum & possidendum B. Petro, & Besuensi Ecclesiæ in perpetuum pro suâ animâ, suorumque antecessorum fidelium. Sig. Hugonis, Widonis filii ejus. Sig. Humberti de Liffiaco. Sig. Odilonis fratris ejus. Sig. Gisleberti Sacerdotis de Malliaco. Sig. Humberti Provisoris vel Ministralis, & aliorum multorum.

*Carta de Majasco.*

**S**apientum virorum consuetudinem esse cognoscimus, præsencia litteris assignata futuris æternaliter reservare temporibus. Scribere igitur dignum duximus, quod Rotbertus de Rinei, calumniam quam faciebat de terrâ, quæ apud Majascum sita est, in finem & pacem posuit pro duobus equis, quos ab Abbate Stephano, & fratribus Besuensis Ecclesiæ accepit. Quapropter quidquid in prædictâ terrâ justè vel injustè habere se dicebat, Deo, & sancto Petro, & fratribus prædictis liberè concessit in æternum possidere. Quod ut firmitus pertineat, testes qui affuerunt subsequens scriptura demonstrat. Sig. Rotberti Militis de Fontanis. & uxoris ejus Avilina. Sig. Richardi Militis de Viricillis. Sig. Odonis Viridi. Sig. Haymonis de Monte-Salione. Sig. Bertranni Militis de Fontanis. Sig. Wilenci Militis de Fontanis. De familiâ sancti Petri, Sig. Otberti. Sig.

L L I

Hugonis : alterius Hugonis. Sig. Aygulf, & aliorum multorum.

*Carta de Luat.*

**I**N nomine Patris & Filii & Spiritus sancti. Dominus dicit in Evangelio : *Date eleemosynam, & ecce omnia munda sunt vobis.* De qua re non surdus auditor fuit Miles quidam, Otbertus scilicet de Tilecastro, Senior de Cypeto, ut de suis propriis liberius eleemosynam faceret, seipsum in primis eleemosynam fecit. Qui veniens ad conversionem ad Besuense Monasterium, dedit Deo, & sancto Petro, & Besuensi Ecclesie, unum mansum in villula, quae vocatur Luat, cum adjacentiis suis, cum terris, & pratis, sic liberè & honorificè, ut iste mansus, qui vocatur mansus Letaldi, habeat praecursum, & consuetudines per omnia nemora quae sunt de Cypeto citrà Tylam & ultrà, & servum unum Bricionem, cum omni suppellectili sua, qui erat ministralis de terris suis : & unum mulum optimum quem habebat, & quidquid calumniæ habebat super terram sancti Petri, & super homines postposuit. Ut hæc Carta inconcussa permaneat, supponamus ei testes idoneos. Sig. Humberti de Cypeto filii ejus. Sig. Aymonis filii ejus. Sig. Widonis Clerici filii ejus. Sig. Injulrici, Sig. Humberti filii ejus de Tilecastro. Sig. Aldonis Senioris. Sig. Odilarii Militis. Sig. Widonis de Fossato Militis, & aliorum multorum. De Monachis, Sig. Josberti Abbatis. Sig. Benedicti. Sig. Constantii. Sig. Rotberti Praepositi. De familia sancti Petri, Sig. Joannis Villici. Sig. Humberti Cocci. Sig. Giraldi Clerici.

Habet sanctus Petrus & nostra Besuensis Ecclesia plurimam terram in ipsa villula, quae vocatur Luat, infra & per confinia ipsius. Terram scilicet Isemberti de Casoto cum adjacentiis suis. Terram Walterii de Bellomonte Pincernæ cum adjacentiis suis. Terram Landrici cum adjacentiis suis.

**E P I T A P H I U M.**

**O**Mnibus ostendit Monachi pia cura JOANNIS :  
Qualis in Ecclesia fuit à puerilibus annis,  
Abbas STEPHANI studium quarens imitari.  
Plus studuit reliquis ea quae bona sunt operari :  
Abbas Ecclesiam venerabiliter renovavit,  
Desertasque domos veluti patet adificavit.  
Hic partem cupiens ipsius habere laboris,  
Libris scribendis operam dedit omnibus horis.  
Stephanus Ecclesia possessa sua duplicavit,  
Dum reditus, fundos, & pradia multiplicavit.  
Hic rerum Custos sibi credita dum bene servat,  
Multiplici studio libros studiosus acervat.  
Stephanus Ecclesia thesauros amplificavit,  
Omnia septa fere melius mutando locavit.  
Hic rerum Custos dum curis invigilavit,  
Plus in ea reliquis Custodibus adificavit.  
Stephanus Ecclesiam diem de paupere fecit,  
Quam melius statuendo, super sua quaque rejecit.  
Cujus & iste sequens factum non degeneravit,  
Dum res Ecclesia pro posse suo decoravit.  
Stephanus Ecclesia caput extendit super amnem.  
Novimus auxilium simul impendisse Joannem.  
Quisque modò famulando suo dat plurima, pro quo  
Fine sui cursus bravio sit dignus uterque.  
Ecclesia Domini dilexit uterque decorem,  
Dum pro posse sui famularius praestat honorem.  
Fidus uterque cliens Domini sepelire talentum  
Noluit, ex uno dum querit reddere centum.  
Vita Patris Stephani pastoribus est imitanda :  
Vita Joannis erit non immerito memoranda.  
Hic erit exemplo Praelatis, iste sequendus,  
Quis in officio suis est successor habendus.

Joannes ac  
Stephanus  
Abbas laudibus  
attolluntur.

*Nos igitur qui tot tanti bona Patris habemus,  
Quique Joannis opus tot florida scripta videmus,  
Expansis Regi manibus qui regnat ubique,  
Conferat, oremus, meritum pietatis utrique,  
Ut qui iustificat majores atque pusillos,  
Connumeret patria celestis civibus illos.*

Hic sunt libri praetitulati, quos Joannes fecit describi : videlicet magnam partem Josephi : Augustinum etiam super 50. Psalmos ultimos, à Domine exaudi, usque Omnis spiritus laudet Dominum. Exameron Ambrosii ; Ambrosium de Officiis, de Sacramentis, & de morte Satyri fratris sui ; Ambrosium de Virginitate, & Historiam Wandalorum : Historiam Orosii ; Historiam Justiniani : Historiam de Hierusalem. Homeliam Origenis. Confessiones Augustini. Collectaneum novum. Musicam Widonis. Duos Antiphonarios optimos de Musica. Gradalem, & Nocturnalem. Vitam sanctae Fidis : & Pastorem sancti Gregorii. Gregorium de Miraculis. Vitam S. Galli, & alias multas vitas, & passiones Sanctorum. Vitam S. Leonis, & Hieronymum super Sophoniam, Aggaeum, Joëlem, & Malachiam. Decem collationes Patrum, & alias septem. Vitas Patrum B. Hieronymi. Librum Scintillarum. Quaestiones Bedae in libris Regum. Istum etiam librum de diversis rebus, & Cartis composuit.

*Carta de Preopapa.*

**S**Ciant omnes tam praesentes, quam futuri, quòd Milo quidam Miles de Monte-Salionis, cognomento Paganus, veniens ad obitum suum, cum magno affectu suscipiens habitum Monachi, pro remedio animae suae, ipse & Ascherius Miles, nepos ipsius, tradiderunt Deo, & sancto Petro, & Besuensi Ecclesie, in villà, quae nuncupatur Preopapa, tres falces de prato, & quartam apud villam quae dicitur Praeciacus, & unum mansum cum sex jugeribus terrae, & de sylva quae pertinet ad villam superius nominatam Preopapa, dederunt Monachis de Albiniaco praecursum, & consuetudinem de pastione, & si ibi miserint porcos suos, & omnia quae necessaria illis erunt de illa sylva ad domos faciendas & ad omnia habitacula sua, & ad omnia utensilia sua, quae de ligno fieri possunt, tradiderunt illis jure perpetuo cum omni honore. Ille quoque Rusticus, qui in supradicto manso habitaverit, habeat similiter cum honore omnes consuetudines de villà supradicta, de sylvis, de aquis, de pratis, de pascuis, & nulli unquam serviat, nisi sancto Petro & Monachis. Et dederunt adhuc in hac eleemosynà unum plastrum juxta capellam de Monte-Salione. Si quis falsator huic eleemosynae contraire voluerit, anathema sit. Ut hæc Carta inconcussa permaneat, supponamus e testes : Sign. Ascherii qui hoc donum fecit. Sign. Lamberti de Domarim. Sign. Hugonis Militis de Cortiniaco. Sign. Odonis Viridis. Sig. Aymonis Militis. Sig. Rotberti Presbyteri. Sig. Dominici. De Monachis, Sig. Constantii. Sig. Joannis. Sig. Ulgerii.

*Carta de sylva Vetis-vinearum, & Mansili, quod appellatur Domo.*

**Q**uemadmodum invidia diaboli mors intravit in orbem terrarum, eo ipso adnitente, ut nemo ad vitam possit redire, vix est qui faciat bonum, vix est usque ad unum. Necessarium remur, ut si quis aliquid Ecclesiae contulerit, litterali memoriâ futurorum fidelium notitiâ transmittere. Quaedam mulier & ortu & actu satis in saeculo clara, filia Henrici de Novà villà, nomine Elizabeth, cognomento autem Caritas, dum ad obitum propinquaret, Ecclesiae sanctorum Petri & Pauli contulit in

Joannes multos libros curavit exscribendos.

Nota.

eleemosynā pro remissione peccatorum suorum, & antecessorum suorum, quidquid habebat in sylvā Veterum vinearum, & ejus manilis, quod appellavit Domos. Dedit etiam servum nomine Joannem, & ancillam nomine Emmam, ita omnino liberē & honorificē habendum, ut melius scivit, & potuit. Laudantibus filiis suis, Widone & Philippo. Testibus verō Alinardo Clerico, Odone de Bellomonte, Seuvino de Raiaco, Gerardo Crispo, Hugone de Vossun, Theoderico Ministro, Pagano Capellano. De Monachis, Gerardo Priore, Ulgerio Calvo, Albucō captivo, Gerardo, filio ejusdem mulieris.

*Carta de Lixiaco.*

**P**erspicientes hujus sæculi casus, & mutationes, operæ pretium duximus ea quæ nostris temporibus Ecclesiæ Besuensis collata sunt, memoriæ commendare perenni. Notum itaque fiat, quod Humbertus de Lissei, quidquid in eadem villā habebat, seu habuerat ipse & antecessores ejus, Deo, & S. Petro Besuensi, ita omnino liberrimē contulit, ut deinceps neque in cœmeterio, neque in ipsā villā cuiquam homini, neque suo, neque alterius, liceat ei, seu heredibus ejus, aut alicui loco ejus personæ, injuriam, vexationem, seu exactionem inferre; & ut prætulimus, in totā villā illā non solum hominem, sed nec quidquam omnino violenter capere. Data ab Humberto præfato, cum uxore & filiis suis, coram testibus annotatis infra: Albrico fratre ejus, Theoderico Monacho, Balduino, Lencilino, Pontio Militibus, eo die quo Ecclesia consecrata est à Dom. Joceranno Lingonensi Episcopo: anno ab Incarnat. Verbi Dei M. CXVIII. Indiēt. xii. Epact. viii. concurrente ii. Cal. Junii, die Dominico.

Eodem tempore & eadem hebdomadā feriā iv. quidam Miles, Humbertus de Cynciaco, dedit sancto Petro pro animā filii sui Widonis, & antecessorum suorum 12. denarios, de Ecclesiā cuiusdam villæ, quæ dicitur Mentusca, & unum mansum apud Cynciacum villam, ad portum cum pontinatico, & piscariā, quæ omnia obtulit ad altare, imponens librum super illud coram testibus, Letbaldo, Wilenco, cæterisque quā plurimis Monachis, & Widone fratre ejus, Walterio de Beriā, cum aliis multis.

*Carta de Ecclesiis Cypeto, & Tasneto.*

**N**on minimum successoribus nostris credimus profuturum, si juxta majorum nostrorum consuetudinem nos quoque de rebus huic Ecclesiæ collatis memoriā, etsi non luculentā, verā tamen oratione, posteris relinquamus. Notum sit igitur quod Dom. Jocerannus Lingonensis Episcopus Ecclesiam de Cypeto donaverit Ecclesiæ sancti Petri Besuensis, per manum Domini Stephani Abbatis, in Capitulo sanctæ Mariæ Fontis-vennæ castelli, coram Archidiaconis suis, & laudantibus, Wilenco Archid. & Ayrardo Archid. Humberto Canon. Sig. Stephani Abbatis, Ulgerii, Rodulphi Monachis.

Dedit etiam Ecclesiam de Tasneto prædictæ Besuensis Ecclesiæ, in sylvā quæ vocatur Volort, coram, Warnerio Archid. laudante eo, & donante quidquid in eā habebat. Coram pluribus, Rotberto Præposito, & aliis.

*Carta Joceranni Episcopi de Mentusca.*

**E**go Jocerannus nutu Dei Lingonensis Episcopus, cum pro possibilitate meā, unā cum fidelibus, & filiis nostris, de negotiis & commodis Lingonensis Ecclesiæ fideliter agendo disposeremus, venit ad nos venerabilis Abbas Dom. Stephanus,

Tom. II.

humiliter & devotē postulans quatenus deserta cuiusdam solitudinis in territorio Attoarensum juxta flumen Ararim posita, nostræ tantum Episcopali dominationi propriè pertinentia, Deo, & fratribus Besuensis Monasterii donaremus, & supradictæ possessionis heredes illos constitueremus. Cujus justæ & rationabili petitioni citissimē consentientes, & laude & consilio fidelium nostrorum Lingonensis Ecclesiæ Archidiaconorum, quidquid in villā, quæ vocatur Mentusca, Episcopali jure possidere debemus; Ecclesiam quoque ipsam cum omnibus appenditiis suis, supradicto Abbati, & successoribus ejus in posterum, salvis Ecclesiæ Lingonensis consuetudinibus, liberē donamus, & Episcopali autoritate donata confirmamus. Signum Wilenci Archid. Sign. Garnerii Archid. Sign. Ayrardi Archid. Sign. Widonis Archid. Hujus rei testes sunt Domnus Gualo Canonicus Regularis, Jozaudus Decanus Cabilon. Guilencus Mon. Albericus Mon. Rodulfus. Acta sunt hæc anno ab Incarn. Dom. M. CXIX. Indiēt. xii. Epactā vii. concurrente ii. Apostolicæ sedis Calixto anno 1. Pontificatum regente. Ludowico Francorum Rege, Joceranno Lingonensis Ecclesiæ Episcopatum gubernante, Duranno Notario dictante.

*Item de Mentusca.*

**A**udiat omnis homo, quod Gualo de Ruphia-co castro, filius Ulgerii de Coloniis, & Gualo fororius ejus, cum Haimone fratre suo, donaverit Deo, & sancto Petro Besuensis Ecclesiæ quidquid habebant, seu tenebant in Ecclesiā de Mentusca villā, videlicet cœmeterium, & Presbyteratum ipsius Ecclesiæ cum omnibus ad ipsū Presbyteratum pertinentibus in mansis, & pratis, & terris, sed etiam tertiam partem de decima ejusdem villæ, & usuaras consuetudines in omnibus terris, & pratis, & sylvis, & aquis ipsius potestatis. Signum Stephani Abbatis. Sig. Wilenci. Sig. Joannis Manachorum. Sig. Walonis, qui hoc donum fecit. Signum Walonis. Sig. Haymonis fratris ejus. Item Sig. Walonis de Vilar. Sig. Henrici. Sig. Rotberti Præpositi. Et de familiā nostrā. Sig. Tebaldi hospitarii. Sig. Humberti pistoris, & aliorum plurimorum.

*De foro Bellimontis falso.*

**E**x divini paginis didicimus Testamenti, condemnationis æternæ maledictio debere eum subijci, qui Ecclesiam Dei persequi, & contrā ministros ejus nititur altercari. Pacem enim quam Angelus in Redemptoris cecinit Nativitate hominibus bonæ voluntatis, impium est exturbare.

Ego igitur Hugo Bellimontis Dominus, pœnitentiā ductus quod meā Besuensis Cœnobii Fratres toties vexaverim imperitiā, animum apposui, jam ab eorum injuriis cessare, & eis amodo perenni dulcedine concordare. Ad sopiendam ergo fori, quod eis abstuleram, calumniā, ante Lingonensem Episcopum; cui clamor ab Abbate prædicti loci factus super hoc fuerat, veni, & quia pro eo, qui siquidem Abbatis sui Episcopatus tueri ac defendere deberet, justitiam, rationemque facere nolueram, rectum feci, & de cætero me emendaturum promisi. Quādam itaque solemnī die cum apud Besuam dedicaretur Ecclesia beati Remigii, ac pro tantæ celebritatis devotione innumerabiles undecumque confluiscent populi, in Monasterio beatorum Apostolorum Petri & Pauli fratribus cum prædicto Pontifice quā plurimis nobilibus, Clericis, ac Militibus, & quod eis forum amplius non auferrem, nec in castro meo, nec in totā terrā meā, neque in toto posse meo forum venale constituerem, nec homines

L L i j



meæ terræ à mercato Besuensi prohiberem, promissi, filiumque meum Hugonem promittere, & jurare feci. Ego ipse Hugo dexteræ manûs meæ juramento firmavi, & insuper ne successorum aliqua redeat in futurum calumnia, Deo, & sancto Petro, & Fratribus Besuensis Ecclesiæ quidquid est, vel erat, quod meum jus justè aut injustè possederat de hoc mercato, totum super altare posui, & ipsum mercatum dono donavi.

Ne autem alicujus longævitas hoc dispereat oblivione, virorum subscriptorum testimonio placuit hanc cartam roborare. Signum Guillenci Episcopi. Sig. Gocelini Archidiaconi. Sig. Fulconis Archidiaconi. Sig. Garneri Rufi Archidiaconi. Sig. Pontii de Rivel. Sig. Gerardi Abbatis. Sig. Wilenci Prioris. Sig. Rodulphi Sacristæ. Sig. Josberti Præpositi. Sig. Albrici de Arcione. Sig. Tebaldi de Grinbreris. Sig. Rainaldi de Granceio. Sig. Milonis de Poiens. Sig. Odelrici de Renavis. Sig. Guidonis Ranivel. Sig. Oberti. Sig. Hugonis Dapiferi. Sig. Constantii, Giroardi, & filii ejus.

*Carta de redditibus annuis Cantoris.*

**F**ideles quique aut orationibus aut donariis, se invicem debens sustentare, ut hi qui quietam agunt vitam, eos qui circà multa occupantur precibus juvent, & illi cum caritate ad utilitatem ipsorum necessaria administrent. Necesse est enim, ut sic transitoria peragant, quatenus pro his præmia aterna consequi valeant.

Igitur Dominus Abbas Gerardus audiens, quod ex quo venerabilis Joannes Cantor ex hac vitâ migravit, monumento librorum nemo condidisset, instituit ut omni anno Cantori de unâquâque obedientiâ hemina frumenti daretur, nolens, quamvis majora vellet, aliquem gravare, quod libentius ditiores & pauperiores præberent assensum, & futuris non esset onerosum. Omnes verò obedientiarum Præpositi huic decreto, quod eis remissionem peccatorum injungebatur, assenserunt, & libenter se hoc acturos promiserunt. Sancitum est hoc à prædicto Abbate omnibus laudantibus, die festivitatis Apostolorum Petri & Pauli, atque statutum, ut à Calend. Octobris usque in Calend. Novembris idem donum unusquisque Cantori solum habeat. Signum Wilenci Prioris. Sig. Warnerii Præcentoris. Sig. Rodulphi Sacristæ. Sig. Albrici de Arcione. Signum Josberti Præpositi. Sig. Bartholomæi Subcentoris, & omnium Monachorum.

*De Haymone & filiis ejus.*

**P**ræsentibus, futurisque fratribus nostris clarificetur, quod Dominus Abbas Gerardus, omnisque Conventus, Haymonem, & ejus filios post obitum illius Telonearios fore esse constituit, quamdiù illud ministerium fideliter & sine fraude servaverint. Si verò inde aliquis eorum fraudator deprehendatur, perpetuò careat prædicto ministerio. Signum Wilenci Prioris. Sig. Rodulphi Sacristæ. Sig. Warnerii Præcentoris. Sig. Tigerii Cellerarii. Sig. Josberti Præpositi. Sig. Oberti famuli. Sig. Willelmi. Sig. Hugonis de Ulmis.

*Carta de Beriâ.*

**O**mni cognitioni clarum esse volumus, quod Ewinus dominus de Beriâ, in die depositionis matris suæ dedit ipse, & uxor ejus Annilina, Deo, & sancto Petro, ac Besuensi Ecclesiæ unum mansum in villâ Beriâ, & s. jugera alodii, nec non etiam unam ancillam quæ vocatur Gocia, cum tribus filiis suis; quorum hæc sunt nomina; Ogdiarius, Girardus, Hugo. Alteram quoque ancil-

lam, vocabulo Hodiernam, & medietatem cujusdam prati: siquidem alia pars à prædictis temporibus nostra esse dignoscitur. Ut verò insolubilem firmitatem præfens Carta contineat, assignamus ei testes: Signum Haymonis. Sign. Heberti. Sign. Widonis. Sig. Rotberti. Sig. Humberti. Sig. Lambert. Sig. Gunterii. Sig. Warnerii Clerici, & Bartholomæi fratris ejus. De Monachis, Sig. Gerardi Abbatis. Sig. Wilenci, Warnerii, Josberti. Hanc eleemosynam in foro Besuæ laudavit Wido frater Ewini, coram Mainfredo de Arco.

*Item de quodam plastro sito in hac Besuensi villâ.*

**F**iat notum filiis Ecclesiæ, quod Ayvinus Miles, de Beriâ dominus, quoddam plastrum quod possidebat in villâ Besuâ live per jus, live injustè, dedit sancto Petro, & Besuensi Ecclesiæ perpetualiter, & uxor ejus, & Willermus puer. Ut hæc eleemosyna firma permaneat, assignamus ei testes. Signum Girardi Abbatis. Wilenci, Rodulphi. De Laïcis, Sig. Ayvini, Widonis de Chimili, Roberti, Ilberti Militis de Salice, Lambert, & filii ejus, Rainardi, Humberti filii ejus, Gunterii, Ricardi, Henrici filii ejus, Heinrichi, & aliorum multorum.

*Carta Domni Galonis Columbæ.*

**O**mne quod est natum tendit ad interitum, secundum Salomonem, nedum verba, quæ cum prolata sint, jam non sunt. Idcirco hic assignamus Galonem Bellimontis cognomine, dictum Columbam, habitum sanctæ religionis suscipientem, sancto Petro Besuensi Ecclesiæ dedisse in villâ Lentiliaco medietatem decimarum ad se pertinentium, de propriis scilicet bubus Monachorum, & mansum cum terrâ, & pratis pertinentibus ad ipsum, in villâ sancti Benigni Divionensis Casneto, atque medietatem Molendini apud villam Percejum, simulque medietatem platri siti in hac villâ Besuensi.

Addidit etiam mansum apud Lisseium cum terrâ, quæ Montis-Salionis dicitur, pertinente ad ipsum, ibidemque in pratis, paniciariis dictis, quidquid eximi potest à nemore in pratum. Laudante hoc & concedente Domino Montis-Salionis Odone, Domino Girardo Abbate, testibus assistentibus Alberto Tullensi, & Guidone de Vircellis. Hanc donationem à prædicto Galone factam Hugo filius, Haimo frater, & uxor ejus propriis manibus librum super altare ponentes, laudaverunt, quam roboramus testimonio proborum virorum: Domni Girardi Abbatis. Guilenci Prioris, Alberti Tullensis, Bartholomæi, & reliquorum Monachorum. Laïcorum, Milonis de Poiens, Hugonis de Roife, Humberti Salomonis, Humberti Divitis, Roberti Præpositi, & aliorum multorum.

*Carta Hugonis de Torcennaco.*

**M**emoriæ posterorum litteris imprimimus, quod Hugo Miles de Torcennaco, habitum Religionis suscipiens, dedit sancto Petro, & Besuensi Ecclesiæ quoddam mansum apud Roscium, partemque suam nemoris Montanici, laudantibus filiis suis, testibus Roberto Capellano Montis-Salionis, & Widone Milite de Ortis, fratreque ejus Hugone Rufo, cum aliis multis.

Noscant omnes, qui hos legerint apices, quod Odo Miles de Picangiis cognomine, dictus Saxo, Monachus ad finem factus, quidquid in molendino apud villam Lucum calumniabatur, sancto Petro concessit, ipsumque molendinum fratribus suis laudantibus, Besuensi Ecclesiæ perpetuò habendum

Statuit Abbas Gerardus redditus libellis imperdendos.

Hugo de Torcennaco Monachum induit.

Et Odo de Picangiis.

devotè tradidit. Et ne hoc in posterum quisquam irritare præsumat, supponimus signa testium qui præsentés affuerunt. Signum Gerardi Abbatis, Rodulphi Sacristæ, Hugonis de Bellojoco, Lebaldis de Genevris. De Laïcis, Sig. Hugonis, Walterii, Milonis, Humberti fratrum prædicti Odonis. Sig. Roberti Præpositi, Humberti Divitis. Otberti cocci. Giraldi villici.

*Carta Domni Ascherii Montis-Salionis.*

**I**dcirco eleemosynæ fidelium litteris adnotantur, ut hi qui post futuri sunt, legendo quod non viderunt, agnoscant, & si hinc aliqua fortè calumnia pravorum hominum orta fuerit, autoritate priorum resistere valeant. Notificandum ergo posteris censemus, quod Ascherius quidam Miles Montis-Salionis, ad obitum veniens dedit Deo, & sancto Petro Besuensi, in terrâ, quæ Craias dicitur, mansum quoddam ita liberè ut ipse habebat, cum hominibus scilicet & pratis, cæterisque appenditiis suis, duos etiam fratres, villæ Albinaci incolas, Albricum, Stephanum, neptemque eorum Avilnam. Testes hujus eleemosynæ sunt Gerardus Prior, Rodolphus Sacrista, Heinrichus, Garnerius Præcentor, & Gunterius. De Militibus, Hugo & Odo fratres prædicti Ascherii, Paganus de Buiris, aliique quàm plurimi.

*Carta Domni Wilhelmi Fontis-venna.*

**Q**uia præsens vita ad malum proclivis est, oportet ut eleemosynis, vel operibus quisque mala admissa à conspectu Domini abscondat, quoniam Apostolus tempus redimi præcipit, eo quod dies mali sint. Quod Guillelmus Fontis-venna gratiâ Dei adimplens, piscatoriam quamdam cum manso appendenti ad ipsam, piscatoremque Albricum nomine, cum uxore & filiis, Besuensi Ecclesiæ in villâ Calintenli tribuit, cum adhuc in sæculari militiâ positus esset. Postquàm verò divino respectu Monachus effectus est, delegavit in villâ quæ Cortesours vocatur, Deo, ac sancto Petro Besuensi, duos mansos cum appenditiis suis, duosque homines Stephanum, & Theodericum, habitatores eorum, cum uxoribus, & filiis, omnibusque ad se pertinentibus, atque omnes usuarios fructus, quos tertias nominant, duarum villarum de Cortesours, & de Lare; excepto quod duo fratres Verduinus, & Amalricus, villici Dom. Girardi, filii ejusdem Guillelmi, pro manso Majorali 60. jugera retinuerunt. Hæc, ut prædictum est, Besuensi Ecclesiæ concesserunt Guillelmus, & Girardus filius ejus, laudantibus Guido Domino Fontis-venna, cum filio suo Theoderico, & Guidone Domino Jovis villæ.

Præterea in die sepulturæ prædicti Guillelmi; Girardus & Guido Domini Montaniaci reliquerunt injustam consuetudinem; quam erga homines nostros de Pauliaco habebant, decreveruntque ut si aliquis eorum de aliquo homine sancti Petri justitiam pro aliquo forfacto appeteret, alter nullomodo tale ab eodem exigeret. Nam antea uterque ab uno ex uno forfacto duplex rectum exigebat. De his omnibus testes adhibemus, Dominum Girardum Abbatem, Guilencum Priorem, Rodulfum Sacristam, Garnerium Præcentorem, Widricum Priorem Fontis-venna, Albertum Tullensem. Item Hugonem de Tilecastro, Dominum Bellimontis, filiumque ejus Hugonem, Haymonem de Tilecastro, Hugonem de Bellojoco, Milonem de Poiens, Odonem de Domnâ Petrà, Widricum de Monz, Ulgerium de Burgo, Walterium, Odilonem Præpositum Calintenlis, Otbertum Coccum, Hugonem Dapiferum;

fatresque præmemoratos Nerduinum & Amalricum.

*Carta Milonis cognomento Pantenerii.*

**S**ecundum Prophetam monentem: *Dissolve obligationes impietatis, solve fasciculos deprimentes*, Milo Tilecastri Miles dictus, agnomine Gyrovagus, Humberti Vetulæ filiam, uxorem scilicet Odonis Maleth, filii Evrardi Divionensis, Oddilinam vocatam, servitute, & famulatu suo, & progenitorum suorum absolvit, & super altare sancti Petri liberam proclamans posuit, audientibus, videntibus, & laudantibus suis fratribus Humberto, & Willemo Desfosses, & filiis suis. Hanc donationem confirmamus subscriptis testibus; Girardo Abbate Besuensi, Guilenco Priore, Roberto Præposito, Otberti Cocco, Girardo filio Aidulfi, Drogone filio Gerberti, Hugone de Ulons, Lamberto Falsart, Aldone, & Odone fratribus de Fontanis, aliisque multis.

*De Dominico Malner.*

**M**emoriali digno his litteris adnotamus, Rodulfum Militem S. Michaëlis, quidquid super Dominicum Malegrinum, quem sicuti servum ab antecessoribus justè vel injustè habuerat ac possederat, sancto Petro Besuensi donasse, & super altare posuisse, testibus assistentibus multis, Girardo Abb. Henrico, Lebaldo, Richardo, Hugone Monachis. Laïcorum verò affuerunt Milites; Wido Ravines, maritus sororis datoris, Ewinus de Excelso, Walterius Malsualez Granciaci, Odo de Furno: familiæ nostræ, Humbertus Salomon, Guillelmus, Petrus Pauliaci, Petrus etiam & Robertus de Montis-Salionis.

*De Orcevalis.*

**S**ciant omnes tam præsentés, quàm futuri quod Nerduinus dominus Asperimontis, & Hugo filius ejus Miles, & Galo de Willer, & Haymo filius ejus pro animabus suis, & antecessorum suorum, traderunt Deo, & sancto Petro, ac Besuensi Ecclesiæ, in loco qui Orcevallis dicitur; 40. jugera terræ. Huic dono assignamus testes: Sig. Hugonis Francigenæ. Sig. Rodulfi de Renavis, Hugonis Conitenlis, Ewini Spinelli.

*De uxore Theoderici Carpentarii.*

**F**irmiter retineat quisquis has legerit litteras, quod Mainfredus de Arco uxorem Theoderici cum liberis suis, Deo, sanctoque Petro Besuensi pro animâ suâ concessit. ipsique Mainfredo Dominus Abbas Stephanus ob hanc causam, imò magis gratiâ amicitie, 20. solidos dedit. Sed quoniam mens humana sæpe à bono deviat, idem Mainfredus post obitum Theoderici cum coram Domino Besuensi Abbate de hac re quasi non gratis vel liberè filios ejus dedisset; queritando placitaret, commotus ratione, eos se liberè concessisse recognovit, atque eandem eleemosynam confirmand, denuò liberrimè huic Ecclesiæ perpetuò contulit, & uxori suæ ac filiis laudari fecit. Abbas verò Girardus ob pacem vel memoriam hujus pacti, dedit ei decem solidos, & Humberto de Balenevâ duos. Huic Cartæ testes idoneos, qui affuerunt, supponimus: Signum Girardi Abbatis, Guilenci Prioris, Heinrichi, Albrici, Lebaldis. Signum Hugonis Bellimontis, & Hugonis filii ejus, Guidonis Præpositi S. Juliani, Humberti villici de Balenevâ, Valoth, Oberti cocci, Girardi villici.

*De villâ qua dicitur Trescase.*

**P**resentium ac futurorum memoriæ clarescat, quoddam Hugo villicus de Balenevâ, & filii ejus Humbertus, Joannes, Petrus, terram sancti Petri apud Trescasas, quam per multos annos calumniati fuerant, reddiderunt in pace sancto Petro, & Besuensi Ecclesiæ, atque se peccasse quod eam invaserant, cognoscentes, absolutionem delicti sui à Domino Girardo Abbate, & omnibus fratribus, in Capitulo petierunt, & acceperunt. De hoc facto assignamus testes, Girardum Abbatem, Guilenchum Priorem, Albricum, & reliquos Capituli. Mainfredum etiam de Arco, Guidonem Præpositum S. Juliani, Valeth de Balenevâ, & Otbertum.

*De Villâ S. Sequani.*

**Q**uoniam facta præcedentia per litterarum adnotationem cognovimus, placuit & nobis scribendo posteris relinquere, ut inviolabile in æternum permaneat, quoddam Joffredus Bellimontis Dominus cum Gertrude uxore suâ, pro salute animarum suarum, sancto Petro, & Abb. & Monachis Besuensibus villam quamdam, quæ vocatur sanctus Sequanus in Baascha, sicut ipsi eam liberè tenebant, concesserunt; laudante Hugone filio, & nepote Joffredo, agnomine Martello, omnibusque qui hoc donum in postremo perturbare videbantur.

Contigit autem instigante diabolo, ut successor Martellus post mortem prædictorum antecessorum suorum, violare non crubesceret, quod prius laudaverat, videlicet ut justitiam & latrocinium in prædictâ villâ clamaret. Postea verò animante Domino qui Ecclesiâ suam elemosynis privari non patitur, & Dom. Girardo Abbate hoc ei admonente, ad seipsum reversus, devotus Capitulum fratrum adiit, fraternitatem accepit, & pro requie animæ suæ, & antecessorum, gratis quidquid in villâ clamabat, vel quæcumque habebat, liberè concessit, excepto manso Odilonis, & fratris ejus Galonis, fervorum suorum. Sig. Girardi Abb. Sig. Lebaldis. Sig. Richardi Monachi: de Militibus, Martelli, Welfonis, Elvini, Haimonis, Savarini, Odilonis, Wiberthi. De familiâ sancti Petri, Sig. Otberti cocci. Signum Widonis, Humberti Divitis, Humberti Salomonis.

Arbitramur rectum fore fidelium memoriæ tradere census Ecclesiæ, ne quando per incuriam nostram à pravis hominibus minuantur. Ideoque assignamus hic quemdam Militem, Haymonem nomine, filium videlicet Galonis de Viler, clamantem in atrio S. Martini de Montuscâ justitiam, & latrocinium. Nam ob hujuscemodi causam prædam abduxit, & alia multa Ecclesiæ Besuensi irrogavit. Cui, cum in hac pertinaciâ diù permaneret, placitum terminavit Abbas Girardus in eadem villâ. Convenerunt igitur utrique die terminato, consultus à matre quæ secum placitatura venerat, & à reliquis amicis suis, querimoniam quam super familiam Monachorum nostrorum ibi degentium faciebat, in pace Abbati proclamavit: insuper de duobus hominibus, quos Monachus foris atrium habitare faceret. Ita tamen ut si aliquod scelus à suis vel ab aliis hominibus illic committeretur, isdem ad Abbatem Besuensem clamationem faceret, & pro ullo patrato scelere, si etiam homicidium aut adulterium esset, quorum lex major esse dignoscitur aliis sceleribus, ultra quinos solidos lege rectitudinis inde quidpiam haberet.

*In nomine sanctæ, & individue Trinitatis.*

**U**niversi fidei Christianæ domestici sanctam Dei Ecclesiâ animi devotione gloriosam, & muneribus in quantum possunt largissimis, facere debent locupletem. Quâ si quidem animadversione compunctus, & à Spiritu sancto spiritualiter instigatus, ego Hugo de Bellomonte cum filiis meis Hugone, & Joffredo, pro remedio animæ meæ, antecessorumque meorum, Deo, & sancto Petro Besuensi, Abbatique Gerardo, Monachisque Besuensibus in Parrochiâ sancti Martini Deo servire volentibus, dono concessi quidquid Dominus Remigius ejusdem loci Presbyter, in Ecclesiis, in agris, in pratis, in sylvis, in domibus, & universis humanæ vitæ usibus, tenebat; & insuper quidquid vadimoniorum quæ prædictis Monachis, aut jam dederit, aut in futurum dare voluerit, possidebat.

Placuit etiam huic dono annectere, quoddam homines, qui apud sanctum Martinum hospitati erunt, & circa Monachos habitabunt, in terris castri Bellimontensis, omne usufructum liberè habeant in sylvis, in pratis, in pascuis, & in omnibus, quibus vivunt homines usibus; ita scilicet quoddam si homines damnum nescienter fecerint, damnum sine lege reddant: Monachi verò quoquomodo aut ipsi, aut sui famuli scienter, vel nescienter damnum fecerint, damnum sine lege prorsus restituant. Piscarium etiam ipsis donavi à Belmonte deluper, ubi, vel quando, vel quomodo eis placuerit piscari: subter verò Belmontem pede tenus piscari tantum concessi. Quod donum ut quâ tégatur oblivionis nebulâ, placuit litteris commendare, approbatorumque qui adfuerunt virorum testimonio roborare. Sig. Girardi Abbatis. Sig. Richardi de Viricillis. Sig. Lebaldis de Geneveris, Jofferti Præpositi, Henrici Capellani, Humberti negotiatoris. Petrus Rufus, Joannes famulus; Christianus, Hugo Bellimontis Dominus, Hugo filius ejus, Remigius Presbyter, Milo de Poiens, Hugo de Aces, Ewardus de Rolens, Fredericus de Campañeo, Wido de Renavis. Rodulfus filius Odolrici, Erbertus Capicium. Acta sunt hæc anno ab Incarnatione Domini M. CXXXIV. Indictione xii. Epact. xxiii. Concur. vii.

*De atrio S. Martini.*

**O**mnia hominum est, qui nominis censentur vocabulo Christiani, in lege Domini die ac nocte jugiter meditari. Lex enim Domini irreprehensibilis, cum convertat animas, & testimonium sit fidele, sapientiam præstat parvulis. Ego igitur Haymo de Tiricastro parvulus scientiâ, multorumque malorum quæ egeram oneratus insipientiâ, cum ante meum obitum longâ depresso fuisset ægritudine, ad meipsum rediens, & insuper cogitans quoddam ante Deum nullum ferrem manipulum justitiæ, pro remedio animæ meæ, parentumque meorum, Deo, & sancto Petro, & Monachis Besuensis cœnobii, atrium sancti Martini de Luco concessi, & quidquid ibidem justè vel injustè possederam totum eis dimisi. Testes adfuerunt Ricardus Capellanus, Petrus Capellanus ejusdem Ricardi, Hugo de Conulent, Joannes Clericus, Thebaldus de Casoto, Wido Talanat.

Ego Agnes uxor Domni Haymonis de Tiricastel, cum ipse Haymo maritus meus in paradiso sancti Florentii fuisset tumultus, assistentibus Clericis, parentibus, & amicis, cum insimul in claustrum regressi fuisset, & cum de elemosynâ ejus tractaremus, visum nobis est esse bonum, ut donum quod Dominus Haymo fecerat Ecclesiæ Besuensi de atrio sancti Martini de Luco, cum liberis meis facerem,

1134.

Rarum habet:  
Agnes Ay-  
monis do-  
num.

& coram eis bonis, ac pluribus viris qui affuerunt, illud confirmarem. Dedi igitur & confirmavi donum quod fecerat, atrium videlicet sancti Martini de Lucco Monachis Besuensibus, quietum, & cum omni libertate & pace pro animâ mariti mei in æternum possidendum. Quod ne deleatur, aut oblivioni tradatur temporum intervallo, virorum subscriptorum roboramus testimonio. Petrus Abbas sancti Stephani Divionensis, Tebaldus Decanus, Ricardus Presbyter, Dominicus Prior sancti Florentii, Bonet de Mare, Joannes Clericus, Petrus Capellanus, Haymo de Nimie, Wido de Saut, Nocherus, Wido Talanar, Thebaldus de Casoto, Wallerus, Rollanus, Wido, Marefcallus, Malveslor, Tebaldus Excotex, Robertus filius ejus. Hoc factum est & recognitum, quodd donum quod fecerant de atrio, non ideo fecerant, quodd atrium suum esset, sed ideo quia in atrio, quod sancti Petri erat rapiebant, & ablationes faciebant, & ea quæ jure vel rectitudine in ipso atrio non habebant, injuriâ, & violentiâ rapiebant.

*De Montigniac.*

**C**um transeant cuncta, & ea quæ in hoc mundo sunt, nunquam in eodem statu sint diu permanentia, litteris adnotamus, quodd Rodolphus, & Milo frater ejus, qui suo agnomine dicti sunt Bigornenses, pro animabus fratrum suorum Guidonis, & Rogerii, & pro animabus patris, & matris suæ, antecessorumque suorum remedio, Deo, & sancto Petro, & Monachis Besuensis Ecclesiæ dederunt duos mansos apud Montiniacum, unum mansum qui dicitur mansus Odonis Eurvini, & alterum, qui dicitur mansus Widonis Malæ filii. Hoc donum apud Besuam fecerunt in Parasceve, id est, in die Passionis Domini, tenentes ambo librum, per quem hanc donationem in præsentia Domni Abbatis Giraldi super altare posuerunt. Sign. ipsius Abbatis Girardi, sig. Widrici Prioris Fontis-vennæ. Sig. Albrici de Arcione. Sig. Alberti de Tullo. Sig. Girberti de Algeriaco. Sig. Joannis Presbyteri de Besuâ.

*De Domnâ-Petrâ.*

**P**ater quodd genus humanum ad finem semper defluat, cum profectò honor & potentia hominis labatur, decorque juventutis citò marcens evanescat. Quapropter necesse est, ut homo elemosynarum remedia quærat, quoniam elemosyna faciem Domini placat, & misericordiam impetrat. Ne verò dona fidelium oblivioni tradantur, litteris ea intimare debemus. Igitur tempore quo à Domno Wilenco Lingonensi Episcopo Ecclesia sancti Martini sancto Petro Besuensi data est, Presbyteratum Ecclesiæ de Domnâ Petrâ idem Episcopus nobis concesserat; sed hunc Humbertus de Liffey, & filii ejus, qui tunc in eorum dominio erat, calumniabantur, vique illum retinebant. Theoderico autem filio prædicti Humberti vitâ decedente, fratres ipsius Theoderici, Wido scilicet cum tribus aliis, patre eorum laudante, ipsum Presbyteratum, & atrium Ecclesiæ sancto Petro Besuensi liberè tradiderunt, justitias tantum atrii retinentes. Ita sanè ut si homo sancti Petri in eodem atrio aliquod forfactum fecerit, clamatio ad Abbatem Besuensem fiat, rectumque faciens non amplius, quam quod vivens lex ejus fuerit, solvat.

Dederunt etiam 4. falces prati in suo broulo sancti Sequani, & hominem Abbricum nomine cum uxore & filiis, suisque tenementis, sororemque ejus uxorem cujusdam Elluini. Addiderunt & tertiam partem tertiarum de Blaniaco, & alodium, & omnia, quæ illic habebant excepto manso cujusdam Walterii, cum appenditiis suis. Hanc ergo elemosynam fratres supradicti defuncti Wido, & Hum-

bertus pro remedio animæ ejus S. Petro & Besuensi Ecclesiæ per impositionem libri super altare confirmaverunt, testibus coram adstantibus, quos hîc assignabimus. Sig. Gerardi Abb. Sig. Rodulphi Prioris. Heinrici, Alberti, Richardi, Ansirici, Bartholomæi, Richardi. De Militibus, sig. Hugonis Bellimontis, & filiorum ejus Hugonis, & Joffredi, Ottonis de Miribel, Hugonis Alperimontis, Euvini de Aces, Milonis de Poiens, Haimonis Columbæ, Ulrici de Renavis, & filii ejus Milonis.

*De Mentusca.*

**C**onstat multimodâ varietate mundi negotia prætergredi, ideoque necesse est quæ memoriæ digna sunt scriptis adnotari. Notificamus ergo posteris, quodd Galo de Rosei pro animâ uxoris suæ, Annilina nomine, & animabus antecessorum suorum, dedit sancto Petro, & Besuensi Ecclesiæ minutas decimas villæ, quæ Mentusca dicitur, omnesque decimas de villâ Cincei, liberè ut possederat. Accidit autem ut postea subripiante avaritiâ donum quod fecerat, calumniaretur. De quâ re Monachus, qui præerat Mentuscæ cum eo loquutionem habuit, in quâ idem Galo se errasse cognoscens, devotè prædictam elemosynam Ecclesiæ Besuensi in pace habendam concessit. Sig. Ricardi Monachi de Mentusca, Anselmi socii ejus. Sign. Ulgerii Monachi, filii Galonis, qui donum fecit. Sign. Richardi Præpositi. Item Sign. Hugonis, & Willelmi filii prædicti Galonis. Sign. Notberti Capellani. Ricardi Conversi Molimensis. Sign. Widonis, & Lemenfredi, & aliorum multorum.

*De Cusiaco.*

**F**idelium elemosynas recensere dignum est, quijuxtà quod Dominus præcipit, in cælo sibi thesaurizare student. Omnibus ergo scire volentibus clarum fiat, quodd Milo de Fontanis, Haymone fratre suo defuncto, pro animâ ejus dedit ipse & mater sua, Petronilla nomine, sancto Petro Besuensi Ecclesiæ mansum unum apud Cusiaco cum appenditiis suis, hominemque nomine Benignum cum uxore ac familiâ. Habebamus autem ex eisdem apud Fontanellas tria jugera terræ, cum quibus alia tria liberè sicut possederant, nobis dederunt; & etiam minister illius terræ ministrationem suam Ecclesiæ Besuensi reliquit. Dederunt quoque apud Fontanas 5. solidos singulis annis in vigiliâ Omnium Sanctorum ad refectionem fratrum. Hæc supradictus Milo cum matre suâ Petronillâ devotè sancto Petro Besuensi contulit, Euvino cum cæteris fratribus, & Gibuino sororio ejus, cum uxore laudantibus. Sig. Girardi Abbatis, Rodulfi Prioris, Widrici Prioris Fontis-vennæ, Ricardi Præpositi, Bartholomæi, Richardi, Pontii, Widrici Presbyteri. De Laicis, Sig. Theoderici, Widrici, & Humberti fratrum, Lebaldi, & Hugonis.

*De Colongiis.*

**I**n nomine summæ & individux Trinitatis. Ego Gothefredus Dei gratiâ Lingonensium Episcopus humilis, omnibus sanctæ matris Ecclesiæ filius in perpetuum. Notum facimus, tam præsentium ætati quàm futuræ posteritati, Domnum Gerardum Besuensem, ejusdemque loci Monachos, decimam partem alodii, quam habebant in Colongiis, & omnem parochiam & ad ipsam pertinentia, per manum nostram sanctimonialibus de Colongiis dedisse, & concessisse. Ita tamen quodd singulis annis ab ipsis sanctimonialibus Abbas Besuensis Ecclesiæ sex libras de cerâ usque ad octavas Natalis Domini pro alodio, & parochiâ haberet. Concessit etiam idem consentiente suo Capitulo sanctimonialibus de Co-

longiis decimam ejusdem loci, quam quidam homines sibi usurpaverant. Pro quâ decimâ mulieres ibidem Deo devotæ reddant eis octo minas bladi per medium annuatim.

*De Lisseiaco.*

**L**itterarum memoriæ tradere censemus, quodd Rotbertus Billeiaci, Hierusalem ire disponens, omnem terram alodii, quam habebat Lisseiaco, dedit sancto Petro, ac Besuensi Ecclesiæ, hominemque Bernardum nomine, cum uxore & filiis: eo pacto, ut si gratiâ Dei rediret Hierosolymis, & de se ipso vel de fratre suo, seu de aliquo filiorum ac nepotum suorum, Monachum facere vellet, libenter susciperetur. Hoc etiam Petro fratri suo fecit laudare coram Comite Guillelmo, multisque Militibus, Malleiaco. Quapropter Dominus Abbas Gerardus dedit ei 70. solidos. Huic Cartæ idoneos testes assignamus, Guillelmum Comitem, Martellum de Malleiaco, Widonem Trosellum, Haymonem Columbam. Sig. Girardi Abb. Sig. Ricardi Præpositi, Alberti, Pontii, Girberti.

*De Perciaco magno.*

**G**radiâ sacri Flaminis tactus Guido de Perciaco, seminare studuit in benedictione, ut meteret benedictionem. Dedit namque in vitâ suâ, Deo, & sancto Petro Besuensi, cuncta alodia sua, quæ apud Perciacum majorem, ac minorem, & apud Noisdant, & etiam ubicumque habebat tam in mansis, quàm in pratis, & campis, & terris ac sylvis, cum quodam molendino interposito. Rogavit etiam ut si quando Monachus esset vellet, in eodem Monasterio reciperetur; quod actore Deo ad finem consequi meruit. Huic cartæ subscribimus idoneos testes, qui prædictam eleemosynam coram Altare sancti Petri laudando confirmaverunt: Eguinum de Beria, Guidonem Talevar, cum uxoribus eorum, sororibus supradicti Widonis de Perciaco, Paganum Busun, Erluinum, Joannem Clericum, Hugonem Falsarium. Sig. Gerardi Abb. Rodulfi Sacristæ, Ricardi Præpositi.

*Carta Brutini Presbyteri.*

**O**mnibus filiis Ecclesiæ perpatescat, quodd Dominus Abbas Gerardus tali pacto Presbyteratum Ecclesiæ sancti Remigii Theoderico Presbytero, cognomento Brutino, dedit, ut quamdiu res Ecclesiæ fideliter ad profectum Monachorum tractaret, eandem Ecclesiam voluntate fratrum haberet. Sin verò bona fratrum adimere, aut eos inhonorare probaretur, nisi ad eorum voluntatem emendaret, ipsam Ecclesiam amitteret. Testes hujus rei designamus, Humbertum Divitem, & Garnerium fratrem ejus, Gerandum & Bernonem, Symonem & Galterium sororios ejusdem Presb. Joannem quoque fratrem ejus, qui etiam ipso die matriculariam Ecclesiæ reliquit. Hi omnes in Capitulo cum fidei sacramento in manu Dom. Gerardi Abbatis in re prædicta se fideles erga Monachos, damna eorum restituendo, fore promiserunt.

*De sancto Benigno.*

**N**otificamus his litteris, quodd Haymo Presbyter villæ sancti Benigni, cum magis quàm jus erat, aut prædecessores ejus acceperant in decimis ejusdem villæ vellet accipere, cum Garnerio, qui tunc eidem loco præerat, coram Domino Gerardo Abbate venit, statutumque est, ut quartam partem solummodo de decimis frumenti, & a-

venæ acciperet. Porro media pars Baptisterii, mediaque pars sperarum <sup>f</sup> eidem Presbytero concessa est, quatenus Monacho fidelis existeret. Hæc idem Presbyter laudavit, & spondit nil ultra quàm sui juris esset, accipere: Dom. Gerardo Abbate, Garnerio Priore sancti Benigni, Ricardo Præposito, & Poncio, cæterisque nonnullis præsentibus.

*De Furt.*

**Q**uæ à fidelibus Ecclesiæ Christi donantur, literis tradi necesse constat, ne quod devotio Deo parat, avaritiæ cupido subtrahat. Pateat itaque quodd Robertus de villâ, quæ Furt vocatur, ad Monachatum veniens, dedit sancto Petro Besuensi pratum, quod in eadem villâ possederat, eo pacto, ut 10. solidis, quibus in vadimonio erat, redimeretur. Dedit quoque quartam partem Molendini, mediamque pasturam ejusdem villæ, & 2. mansos cum appenditiis suis juxta fontem villæ Lentiliaci. Hoc donum uxor ejus laudavit cum filio suo Hugone, & filiâ Boillot vocatâ, testibus Matthæo Monacho Lentiliaci, Ricardo, Roberto. De Laïcis, Bernone, Humberto Divite, Rodulfo, Guillelmo famulo. Accidit autem ut Hugo de Furt, prædicti Roberti filius, hanc eleemosynam, quam laudaverat calumniaretur; pro quâ re cum à Monacho qui Lentiliaci præerat, argueretur, tandem ratione constrictus super altare sancti Petri hoc idem donum per impositionem libri obtulit, nec unquam deinceps calumniari spondit. Signum Matthæi Lentiliaci. Signum Ricardi, Pontii, Bartholomæi, Girardi. De Laïcis, Sig. Humberti Divitis, Bernonis, Petri Pauliaci, Joannis Cocci.

*De Servis manumissis.*

**O**mnibus in Christo fidelibus manifestum iri volumus, quodd Severinus de Faverniaco, & Guiardus frater ejus, Domino Girardo Besuensis Ecclesiæ Abbati, Petrum de sancto Apollinari, ac fratrem ejus, omnesque eorum heredes, simulque Sacerdotis Belenaviæ filios, & nepotes illius, quos omnes diu calumniati fuerant, liberos & solutos manumiserunt, excepto ex præfati sacerdotis filiis, qui eis serviebat, quem ad serviendum sibi retinuerunt. Hanc verò prædictam manumissionem, tam pro salute suâ, quàm pro animarum parentum suorum remedio, & etiam pro eo quod eorum frater nomine Petrus in Ecclesiâ supradictâ jam erat factus Monachus, facere decreverunt. Hujus rei testes sunt de parte illorum, Humbertus de Vuchei, Stephanus Faunejaci Præpositus, Meifridus de Arcu. De parte verò Abbatis, Narduinus de Asperomonte, & Pontius de Sylvennejaco Monachi, Humbertus de Gilleus, qui eo tempore Arcioni manebat, Humbertus quoque Belenaviæ villicus, & Vasso de eadem villâ. Hoc autem factum est in campis illius villæ, quæ Arcus dicitur, ante Canonicorum horreum, in loco qui vulgo Corbiton nuncupatur, die quadam Dominicâ in quâ festum sanctæ Crucis celebratur.

*De Callentenfi villâ.*

**I**n nomine Domini, Amen. Nomen majorum nostrorum, ac sanctorum aliorum autoritas Chirographa beneficiorum nostrorum Ecclesiasticorum, redituumque institutorum privilegia scripta in usibus nostris ad præteritorum memoriam revocandam habere nos instituit, suorumque institutorum quamplurima nobis exempla reliquerit, omnia beneficia à nobilibus fidelibus nostris, vel innobilibus Clericis,

<sup>f</sup> *sperarum* ] Fortè, ait Acherius, hic intelligitur Fortuitus casus, Gallicè *le Casuel*.



vel Laïcis, pro Christi nomine nobis collata memorie sanctæ scriptis commendare consuevimus, ut ostensis beneficiorum nostrorum frequentissimè scedulis, benefactorum nostrorum animarum in orationibus frequens memoria habeatur: illaque beneficia memoriâ teneantur, ne pro deletâ eorum memoriâ importunus error sequatur. Nos ergo inter alia pleraque beneficia nostra, unum speciale, & magnum beneficium à Burgundiorum Consule Renaldo nobis illatum, operæ pretium sub silentio oculere non existimavimus, tum quia res tantâ intitulatione est digna, tum quia à tantâ, & tam dignâ personâ est acta.

Omnibus itaque Catholicis notificare hac præfenti scripturâ satagimus, quod Renaldus Comes potentissimus, Deo, & sancto Petro ejus Apostolo, Besuensis Basilicæ Patrono, sanctoque Dei Martyri Christophoro, Calentensis Cellæ nostræ advocato instinctu divino nullâ coactus offensâ, sed voluntate piâ, & bonâ, liberè, & absolutè donavit quidquid de feodo suo unusquisque de eadem villâ tam nobilis, quàm ignobilis, Clericus, vel Laïcus, pro se, vel prædecessorum suorum animarum requie, prædictæ cellæ nostræ Fratribus dederat, vel daturus fuerat, dum tantummodo ex hoc totum feodum suum ipse non omittat, assumptâ hujus rei occasione, ex hoc quod Odo Præpositus suus tyrannide suâ, septem marcas argenti hominibus de Novâ-villâ abstulerat, quas ipse Dom. Girardo Abbati, statim ut injuriam præfensit, redditurum se firmiter edixit. Hujus etiam redditionis fidejussores Dominum Hugonem de Bellojoco; & Dom. Girardum de Strabonâ, nec non Othonem de Durnecto, & Humbertum de Trimolario prædicto Abbati dedit. Quo toto beneficio definito, Ecclesiâ sancti Dei & Martyris Christophori, se comitantibus multis, festinus intravit, ac ibi ante altare flexo poplite coram omnibus adstantibus, de injuriâ supradictâ, manu etiam super ipsum altare impositâ, Deo, ac S. Christophoro, & Abbati Girardo fecit rectum. Et hoc faciendo, quod nullum jus, nullamque calumniam ejusdem injuriæ in supradictâ hominibus faciendæ, habuisset, recognovit.

Hoc autem factum est die quâdam Dominicâ diluculo, cum etiam divina Missa in supradictâ Ecclesiâ celebraretur. Quâ die etiam ad colloquium contrâ Episcopum Lingonensem proficisceretur. Hujus rei testes sunt quatuor supradicti argenti fidejussores: Hugo videlicet de Bellojoco, Gerardus de Strabonâ, Otho de Durneto, & Humbertus de Trimolario, & Odo suus Præpositus, & Guillelmus Sylvestris, Odo Albus, & Hugo frater ejus. Isti de parte Consulis. De parte Abbatis, Guirricus Prior de Fonte-vennæ, Gotheфридus Prior Calentensis, Poncius de Silvenneiaci. In Christo Jesu Domino nostro.

*Epithaphium Hugonis de Bellomonte.*

**Q**ui decreta decreverunt,  
Ex decretis hoc sinxerunt,  
Quod scripturâ notaretur,  
Quidquid jam definiretur,  
Aut sigillis insignirent  
Quidquid omnes stabilirent,  
Ne periret vetustate,  
Vel dierum quantitate,  
Hoc maiores statuerunt,  
Et statutum reliquerunt.  
Tales usus antiquorum  
Cura servat modernorum;  
Sua namque per scripturas  
Instituta vel figuras;

Tom. II.

*Semper solent designare,  
Vel signando demonstrare.  
Sed cum talis vigen usus  
Apud omnes sit diffusus,  
Nos sequentes usuale,  
Donum quoddam speciale,  
Donum dico tale, magnum  
Vel memoriale dignum  
..... satis annotari  
Scriptis, & adspicari  
Diligenter studeamus,  
Ut perfecte describamus.  
Ergo cunctis innotescat,  
Nec ab ullis evanescat.  
Noscat omnis literatus  
Simul & illiteratus,  
Quod Hugo de Bellomonte  
Donavit de suâ sponte,  
Corde bone voluntatis,  
Et affectu pietatis,  
Deo simul, & fratribus  
In Christo confidelibus  
Besuensis Ecclesiæ,  
Pro defunctorum requie,  
Pro se, & Jeffredo filio,  
Pro parentum remedio  
Tam pro cunctis fidelibus,  
Quàm pro suis heredibus,  
Inter primam coloniam,  
Vel si mavis coeveiam,  
Simul & quamdam terrulam,  
Dictam vulgo Rupeculam,  
Bis binis prati falsibus  
Accumulata grandibus.  
Hæc supradictis fratribus  
Donavit Besuensibus  
Qui deservirent sedulè  
Sancti Martini Cellulæ.  
Hæc sunt in territorio  
Bellimontis sub pradio.  
Hæc præter per injuriam  
Suamque violentiam  
Quendam factâ calumniâ  
Male fugarat patriâ,  
Et sine rectitudine,  
Carbonem dictum nomine,  
Qui juxta dictam cellulam  
Construxerat domunculam,  
Servire volens Fratribus  
Inibi famulantibus,  
Quem mox liberum credidit,  
Et absolutum reddidit.  
Ad hæc totam justitiam  
Suam dedit per gratiam,  
De Boiens, rebus omnibus  
Simul dictis & actibus.  
Post hæc sibi collibuit,  
Quod salvimentum tribuit  
De Cavennei pradio,  
Quod tenebat in proprio.  
Postremo querimoniam  
De Blegne vel calumniam  
Justam, vel non exposuit,  
Ita quod nil retinuit.  
Rursus unam filiulam,  
Quam domi nutrit parvulam,  
De concubinâ genuit,  
Quod sancta lex prohibuit.  
Hanc quidam sibi garcio  
Legali matrimonio  
Querebat semper jungere,  
Tali decreto fœdere*

M M m

*Quod Hugonis præsidio ,  
De Besuano prædio  
Sibi foret redditio ,  
Præfectura vel ratio ,  
De qua fecit calumniam  
Nec justam querimoniam.  
Sed quidquid sic disposuit ,  
Garcio non obtinuit.  
Hugo namque supplicibus  
Monachorum clamoribus ,  
Et dare natam renuit ,  
Et opem ferre noluit.  
Hæc prædicta donaria  
Facta sunt in Ecclesiâ  
Besuensis Cœnob'ii  
Super gradus altarii ,  
Per textum Evangelicum.  
Nota res est in publicum.  
Quod Pater fecit , filius  
Hugo gessit libentius.*

## De Bellanavâ.

*Psal. 34. 12.  
Isai. 12.*

Catholica mater Ecclesia gaudens de suorum profectibus filiorum & marens pro defectibus , quos patitur à privignis insurgentibus , loco filiorum Davidicâ voce proclamat , dicens : *Re-tribuebant mihi mala pro bonis.* Et per Isaiam : *filios enutrivit , & exaltavi : ipsi autem contemnentes spreverunt me.* De quibus profectis existit quidam Robertus , natus ex servis & ancillis hujus Besuensis Ecclesiæ , & exaltatus ab eâ ministerio præposituræ , sæpe numero ipsam exaltatricem plagis , placitis , rapinis , incendiis devastavit. Postmodum itaque respectu clementiæ Dei de tantis malis pœnitens , & nullo alio modo se posse salvari credens , ministerium ipsum , id est præposituram , cum omnibus pertinentibus ad ipsam , reliquit Ecclesiæ Besuensi , & concessit in præsentia Domini Stephani Abbatis , & aliorum multorum , quorum hæc sunt nomina : Rodulfus , & Vigerius Monachi , Obertus Cocus. Hugo Dapifer , Beruo. Die verò depositionis uxoris suæ , idem donum iterando confirmavit in Capitulo nostro. Hanc donationem multis diebus in pace , & quiete & sine calumniâ tenuit Ecclesia , donec quâdam die Humbertus de Balenavâ adiens Abbatem Girardum , proclamavit eundem Robertum ejusdem præposituræ se , suosque fratres heredes statuisse.

Unde Robertus nimidum exacerbatus , & istud viriliter abnegans protestatus est se quondam in captione positum fuisse , & si in illâ captione moreretur , jus suæ præposituræ eis dedisse. Quid plura ? Duelum inde firmaverunt , sed statuto die pugnae Roberto convenienter adstante , Humbertus & sui non advenerunt , neque contra mandaverunt. Sic istâ sopitâ calumniâ , post dies aliquot supradictus Robertus Monachatum expetiit , accepit , eandemque concessionem & donum quod fecerat , & iteraverat reiterans , totius capituli nostri testimonio roborari fecit. Eo autem viam universæ carnis ingresso , insurrexerunt contra nos colloquentes pro ipsâ præfecturâ , videlicet fratres de Balenavâ , Humbertus , Petrus , & Joannes : Præpositus etiam de sancto Juliano , cum nepotibus , quorum causa in curiâ Ducis Hugonis per manum ipsius , & uxoris ejus , & optimatum Curia ita terminata est. Nam victi ratione & donorum largitione , quidquid justè , vel injustè , vel parentelâ , vel dono alicujus in præfecturâ proclamabant , totum abnegaverunt & devoverunt , fide datâ , contra omne genus suum & contra omnes homines garantiam portaturos. Hoc

assignamus vidisse , & audisse Hugonem Ducem Burgundiæ , & uxorem ejus , Widricum Besuensem Abbatem , Petrum Abbatem Divionensem , Guidonem Priorem , Nerduinum de Asperomonte , Pontium de Silviniaco , Humbertum de Virzeiaco , Monachos Besuenses.

Urricus verò de Renavis , & filii sui , natâ occasione quod Haimo frater Roberti defuncti filiam ipsius Urrici uxorem duxerat , contra nos insurrexerunt calumniantes eandem præposituram , sed resipiscences ipsam cum omnibus pertinentibus suis abnegantes abjuraverunt. Ipse quoque Urricus & filii sui , Rodulfus , Milo , Wido , & Hugo , & filia , pro quâ clamabant , annuerunt , & laudaverunt Ecclesiæ Besuensi quietè & liberrimè in perpetuum possidendam. Quod roboramus testimonio proborum virorum ; Domni Guidrici Abbatis , Rodulfi Prioris , Alberti Tullensis , Nerduini de Asperomonte , Pontii de Silviniaco & reliquorum : Militum verò , Euvini Daleelz , Haymonis Columbæ , Milonis de Poiens , Mainfredi.

## Carta Joffredi Bellimontis juvenis.

Uncti fideles in corpore sanctæ Ecclesiæ compaginati , qui veri capitis Christi , membra se esse cognoscunt , perpendant qualiter invalida membra sua refovere debeant , juxta quod ait Apostolus : *Si patitur unum membrum , compatiuntur omnia membra.* Sancta enim Ecclesia more sagenæ millæ in mare , sinu suæ pietatis cunctos advenientes colligit , alios solido cibo reficiens , aliis lac potum dulcedinis infundens , nonnullos verò de naufragio mortis liberans. Hoc igitur naufragium intelligente Diabolo Joffredus Miles , Hugonis Domini Bellimontis filius , in exercitio militari morte deprehensus , litus orationum fidelium evasurus expetiit , & eleemosynis sua facta redimere studuit. Quæ eleemosyna quantâ memoriâ sit digna , in subsequentibus demonstrabimus. Pro tanti igitur criminis execratione , mortuum corpus illius anno & amplius sepulturâ caruit , donec Deo disponente , qui neminem vult perire venerabilis Gothefredus , qui tunc Lingonenſi Ecclesiæ præerat Episcopus , Romam iret.

Expletis verò prosperè cunctis , pro quibus ierat , cum & Apostolica autoritate & licentiâ rediens , eundem Joffredum à suæ excommunicationis nodo absolvit , & pro eo hostiam salutarem offerens , inhumata ejus membra honorificè tumulavit. Aderat tunc Besuæ cum Episcopo Consul Burgundiæ Renaldus , cum multâ Militum catervâ , qui eo die coram cunctis juravit tenere pacem Ecclesiæ , & omnes eam deprædantes manu bellicosâ expugnare. Ante quorum præsentiam devotus Hugo , pater Joffredi defuncti cum Hugone filio suo adveniens , D. Widrico Abbati & Besuensi Ecclesiæ promittit pacem tenere , & contra omnes qui de rebus Monasterii aliquid usurparent , quasi propriam terram depopularentur , auxilium ferre. Post hæc autem uterque Hugo pater cum Hugone filio , eleemosynam , quam prius pro Joffredo fecerat , per manum Godfredi Episcopi coram multis testibus confirmavit.

Dedit igitur Deo , & sancto Petro , & Besuensi Ecclesiæ , pro animâ filii sui , & pro animabus antecessorum suorum , adstante , & laudante Hugone filio suo corveiam propriam , quam Remigius Presbyter in vadimonio ab ipsis habebat , & quamdam terram , quam dicunt Rupeculam , à viâ quæ ducit Luillæ , usque ad villam quæ vadit Fleix , & quatuor falces prati juxta Cellulam nostram sancti Martini , & hominem nomine Carbonem , quem ob

2. Cor. 11. 26.

multas iniurias de patria fugaverat.

Præterea dedit iustitiam & Corveias quas proclamabat, liberrimè, & absque consuetudine in villâ nostrâ quæ Boens dicitur. Dedit & salvimentum Cavaneiaci villæ nostræ, & calumniam quam faciebat in terrâ nostrâ apud villam, quæ Blaineis nuncupatur, sive iustam sive injustam liberè concessit.

Hanc autem donationem roborari volumus proborum virorum testimonio; quorum ista sunt nomina: Sig. Hugonis qui hanc eleemosynam fecit, & Hugonis filii ejus. Sig. Euvini de Acels, & Hugonis filii ejus. Die verò sepulturæ ipsius Joffredi, quando hæc eleemosyna iterum confirmata est per manum Episcopi, fuerunt & alii quàm plures, quorum ista sunt nomina. Sig. Godefridi Episcopi. Rainaldi Comititis. Sig. Widonis Abbatis. Sig. Haymonis Columbar. Sig. Mainfredi Darc. Sig. Richardi de Fretis. Sig. Milonis de Poiens. Sig. Hugonis Chaine. Sig. Urrici de Renavis, & filiorum ejus. De Monachis, Sig. Widrici Abbatis. Sig. Pontii. Sig. Nerduini de Asperomonte. Sig. Warnerii. Sig. Alberti. Signum Matthæi. Sig. Rodulphi Cartæ istius dilatoris, & aliorum multorum.

*De medietate decimarum in Majasco.*

**C**um quædam patrum nostrorum instituta erroribus succedentium oblivioni perpetuè tradita videantur, adjudicamus de præsentibus institutis magnopere fore curandum, ut ea serie litterarum semper memorata teneantur. Nos igitur quantum est possibilitatis nostræ, styli officio commendamus, quod Bartholomæus filius Rodulphi Villici de Majasco, patre ac matre ejus nescientibus, Ecclesiæ Besuensis à Domino Girardo Abbate, laudante Conventu, Monachus effectus est. Illis verò temporibus prædicti Bartholomæi pater in villâ, quæ dicitur Majasco de minimis decimis medietatem à Guidone Capellano pro 15. solidis in vadimonio habebat, tali scilicet conditione, nisi vivente eo redimeret, Guidone defuncto, ipse Rodulfus, & filii ejus super eam hereditarent. Illam siquidem decimarum medietatem, de quâ superius sermonem fecimus, donavit Rodulfus pro filio Bartholomæo beatis Apostolis Petro & Paulo, & sanctæ Besuensis Ecclesiæ, in præsentia Domni Gerardi Abbatis, uxore suâ cum filiis laudantibus. Quo facto petiit uxor ejus à Domino Girardo Abbate, ut quod de decimis illis sua pars in Canabo sibi conferebat, ea vivente retinere concederet, cujus petitioni Domn. Abbas Girardus coram cunctis qui aderant, favit.

*Carta de duobus fratribus de Beriâ, scilicet Roberto, & Walterio.*

**P**ræsentibus litteris notificamus, quod Domn. Hugo de Beriâ Stephanum cum suis heredibus sancto Petro, & Besuensi Ecclesiæ dederit. Post cuius mortem Hugo de Magne cum Aldone fratre suo, qui de filiâ ipsius Hugonis de Beriâ orti fuerant, coeperunt prædicti Stephani filios proclamare, nolentes acquiescere, nec laudare, quod avus eorum Hugo eos dedisset. Quapropter cognitum examen quod sibi judicatum fuerat, manu tulerunt, Quod Domn. Hugo avus eorum totum quod in patre suo, & in heredibus suis habebat, Deo, & sancto Petro dedisset. Prædictus verò Hugo, qui eos calumniabatur, videns querimoniam suam annullatam, injustè eos proclamasse, concessit Deo, & sancto Petro, ponens per librum super Altare in Besuensi Ecclesiâ. Præsentibus qui affuerunt hujus rei testes idonei sunt, Haymo, Odo Malenutritus,

Tom. II

Haymo Strabus. Et de nostris, Vidricus Abbas, Nerduinus de Asperimonte, Poncius de Silvinne, Ulricus de Renavis. De Laïcis Berno, Petrus, Humbertus. Cum hoc laudassent apud Besuam prædictus Hugo cum Aldone fratre suo, statuerunt diem, quo hæc matri suæ & uxori facerent laudare; quo die affuit Pontius Monachus apud Magne, & laudavit coram eo mater Hugonis, & uxor, & unicus ejus juxta Capellam ligneam, præsentibus Hugone, & Aldone, & Haymone, Odone Malenutrito, Hugone, & Ulrico de Angele.

*De Nemore quod Rotardus dicitur.*

**N**otum sit omnibus, quod Pontius de sancto Sequano, & Humbertus frater suus pro pace, & fine quam fecerunt cum Giskberto d'Avenne de morte fratris sui Willelmi, qui apud villam sancti Sequani fuit occisus, & avunculis ipsius Widone, & Renaldo, dederunt Deo, & sancto Petro, quidquid habebant in nemore, quod dicitur Rotardus.

Item pro hac eadem pace & fine Hugo Belmontis dominus quinque solidos censuales apud Montaniacum in manso de Siligne, sanctæ Mariæ de Fonvenz, ubi corpus defuncti jacebat, dari constituit, tertia die post natale sancti Bartholomæi, quo anniversaria dies ejus agitur. Quod etiam testimonio proborum virorum roborari volumus. Sig. Abbatis de Tulleio. Sig. Abbatis de Caritate, Rotgeri de Abens Monachi Bellæ vallis, Odonis de furno. De Monachis nostris, Sig. Richardi Præpositi, Poncii, Nerduini. De Militibus, Haymonis, Hugonis Channe.

*De sancto Martino, & Liffiace.*

**C**lemens pater familias conditor noster non solum eos, qui à pueritiâ fideliter in vinea suâ, sanctâ scilicet Ecclesiâ, laborant, mercede non privat, verum etiam eos, qui serò venientes hoc est, jam senio gravati in eadem devotè vivere student, denario æternæ beatitudinis remunerat. Divino itaque respectu Humbertus de Bigorna, in senectute mundo renuntians, Besuense Monasterium devotâ mente petiit, ac eidem Cœnobio 4. falces prati, 3. apud sanctum Martinum Bellimontis, 1. apud Liffiacum contulit. Dedit etiam mansum apud villam Casotum, & campum trium jugerum inter Albinacum, & castrum Montis-Salonis. Hanc eleemosynam ipse Humbertus, & fratres ejus Rodulfus, & Milo, & Pontius nepos eorum, sancto Petro Besuensi super altare ponentes librum, dederunt. Signum Widrici Abbatis, Gunterii Capel. Richardi Præpositi. Willelmi famuli, Petri Pauliaci, Widonis, & Petri Cocci.

*De Genciniaco.*

**F**idelium memoriæ tradimus, quod Urricus de Renavis pro animâ filii sui Hugonis, dedit sancto Petro Besuensi mansum apud Ouliacum, singulis annis nummos duodecim duoque membra, sive duas gallinas in Natale Domini jure persolventem. Addidit, & medietatem quam possederat corveie nostræ Genciniaci; quatenus ipsa corveia Besuensi Ecclesiæ maneat. Sig. Rodulphi, Milonis, & Widonis filiorum prædicti Urrici. Sig. Widonis Ruffi nepotis ipsius Urrici.

*De Podiens.*

**P**ræfens vita, ut Beatus ait Papa Gregorius, via est, quâ ad patriam pergimus. Qui ergo ad patriam vitæ pervenire desiderat, dum in viâ est, ante mortem legationem bonorum operum aut eleemo-

M M m ij

lynarum ad Dominum præmittere studeat. Assignamus itaque Odonem immaturâ morte hac de vitâ sublatum, pro cujus animâ pater ejus Milo de Podiens, Ecclesiæ Besuensi dedit campum decem jugerum, uxore cum filiis, & propinquis ejus laudantibus. Signum Widrici Abbatis, Signum Matthæi Alberti, Signum Bartholomæi & Richardi fratrum. De Militibus, Signum Hugonis Domini Bellimontis.

*De Poilliac.*

**I**N nomine sanctæ & individue Trinitatis, Amen. Ecclesia Dei, quæ ex priorum largitatibus ampliari gratulatur, colque gaudet adipisci, propter oblivionis incommodum devitandum semper debet reminisci. Nam quia morte prohibente unusquisque Pastor non potest in æternum permanere, quidquid agit, vel cognoscit ad commodum suæ esse Ecclesiæ, litteris, & scripto suis debet successoribus demonstrare. Ego igitur Stephanus Abbas notifico omnibus tam præsentis, quam futuri sæculi fidelibus, Domnum Simonem de Bellojoco, & Domnum Hugonem fratrem ejus, antequam fuissent uxorati, filiam Geraldii divitis, quam parentes, & amici Petro filio Lamberti de Pauliaco in matrimonium dare disponebant, sancto Petro & mihi, qui præesse videbar, & Monachis Besuensis Ecclesiæ liberam, & sicut sancti Petri feminam absque omni re tractatione authenticâ concessione coram multis concessisse. Quod ne alicujus malivoli invidiâ vel improbitate possit in calumniam suscitari, justum mihi visum est hanc Cartam subscriptorum qui affuerunt virorum testimonio debere roborari. Sign. Simonis. Sig. Hugonis fratris ejus. Sig. Poncii de Silviniaco. Sig. Fulconis de Vore. Sig. Rainaldi Presbyteri. Sig. Bernardi fratris ejus. Sig. Geraldii Divitis. Sig. Gaulteri filii ejus. Sig. Stephani Abbatis. Sig. Gerardi Prioris de Fonsvenz. Sig. Guillelmi. Sig. Alberti Tullenis Prioris sancti Valeriani. Sig. Lamberti de Pauliaco. Sig. Joannis fratris ejus. Sig. Gileberti famuli.

*De eodem.*

**S**Ciendum verò est, quodd post mortem Lamberti Pauliaci, quæsiuit Audo fratri suo Petro partem de domo quæ erat in mercato. Cui respondens Petrus dixit, se ei de hac re nullo modo respondere, quia Lambertus pater suus sine parte cæterorum filiorum suorum & filiarum, dedit ipsi, quando uxorem duxit. Hoc Audo se ignorare respondit. Venerunt itaque ambo ad judicium, & judicatum est in Curia Girardi Abbatis, ut si idem Petrus de hac re legales testes haberet, in pace esse deberet. Die autem placiti vento, affuit etiam Petrus cum testibus suis, Roberto scilicet Præposito, & Hugone Dapifero, cum matre ejus, hoc affirmantibus, & ita domo liberâ, atque in pace Petro redditâ, Audo fidejussores pacis tenendæ dedit supradictos. Isti sunt, qui ad judicium fuerunt. Josbertus Præpositus, Lebaldu, Albricus, Albertus. Hæc domus Petro damnum intulit, scilicet 30. libras.

*De sancto Martino.*

**Q**Uoniam rerum mutatione plura, quæ melius stare videbantur destructa, & quasi non fuissent, videantur esse abolita, litteris commendare ratum fore ducimus ea quibus Ecclesia Christi in exterioribus augetur, quod earum autoritate defendatur, vel futuris clarificetur. Et ideo annotamus, quodd quidam miles Belmontensis, nomine Richardus, cognomento Truta, habuit lium, nomine Haymonem, quem in Ecclesiâ Besuensi Monachum

fieri deliberavit. Qui accessit ad Domnum Girardum, qui tunc Ecclesiam Besuensem regebat, & ad Fratres ipsius Monasterii, filium ipsum coram multis testibus Abbati & fratribus tradidit, & pro eo Ecclesiam ipsam ex propriis amplificari curavit. Dedit ergo huic Ecclesiæ apud sanctum Martinum in confinio Belmontensi medietatem corveiz, quam hereditario jure possidebat: & pratum de Roseros, quod similiter habebat. Consuetudinem etiam, quam in nostris hominibus habebat apud Artasiam manentibus, scilicet corveiam, & cætera quæ habebat, concessit. Nec multo post medietatem corveiz de sancto Martino, quam retinuit, vendere sibi placuit. Qui cum ex hoc supradictum Abbatem Girardum prius convenisset, emit ab eo isdem Abbas ipsam medietatem, laudante hoc uxore suâ, & filiis in Capitulo Besuensi.

Postea verò quidam frater ejus, nomine Theodericus, Jerusalem iturus omnia quæ à fratre suo nobis data fuerant vel vendita, cœpit calumniari, consentiente fratre suo Richardo, ut postea res innotuit. Abb. verò Girardus 30. solidos eis dedit, & super sanctum Altare in Capellâ sancti Bartholomæi coram multis testibus, adstante, & laudante uxore suâ, & filiis, uterque superposuit. Evolutis verò aliquantis annorum curriculum, & de medio exempto bonæ memoriæ Girardo, & succedente in loco ejus venerabili Widrico Richardus, de quo hîc agimus, Abbati Widrico, quasi rudi, & nescienti, & Monachis apud sanctum Martinum manentibus, totum abdicavit, & contradixit. Cui Abbas Widricus quasi Pastor bonus lupo rapienti, obstitit, placitumque cum eo terminavit. Qui cum uterque ad diem venisset, Abbas supradictus sapienti consilio fultus, testes idoneos, qui hoc audierunt, & viderunt, secum adduxit. Quibus cum non posset contraire, cognovit injustè, & necessitate urgente se hoc calumniasse. Promisit etiam nunquam amplius molestiam inferre, sed fidelem se in hoc & aliis quibus posset, existere. Quæ res ne amplius inquietetur, proborum virorum testimonio roboramus. Sign. Hugonis Belmontis Domini, Widonis de Sauz. Sign. Nocherii. Sign. Euvini Daces, & Hugonis filii ejus, Milonis de Poiens, & Hugonis fratris. Sign. Pontii Craffi. Widonis Ravinel, Widonis Rufi, & Wiardi: & de clientibus, Humberti de Soleri, & Warnerii fratris, Alberti Christiani, Warnerii Craffi, Dominici ministri.

*Carta Hugonis Bellimontis Domini.*

**A**D omnipotentis Dei laudem providentes futurorum utilitatem, monimentis tradimus litterarum, ne aliquâ oblivionis obfuscetur nebulâ, vel malorum aliquando perturbetur audaciâ. Præsentibus igitur cunctis fidelibus notificamus, quodd Dominus Hugo Bellimontis Dominus divino igne succensus, & de salute animæ suæ sollicitus, dederit Deo, & sancto Petro, & huic Besuensi Ecclesiæ Molendinum, quod Petrus Rufus tenebat, ante Ecclesiam sancti Martini situm, cum Molendinario, & ejus domo, & prato, & omnibus appenditiis suis, laudante filio suo Hugone, qui tunc prædicto castro dominabatur, & uxore suâ Mathilde, per manum Domini Gotfredi Lingonensis Ecclesiæ Pontificis, die quâ prædictam Ecclesiam consecravit. Hujus donationis testes idoneos assignamus. Sign. Gotfredi Episcopi. Sign. Euvini Dacels, & filiorum ejus Hugonis, & Hugonis cognomento Werra, & Milonis. Sign. Milonis de Poiens, & Hugonis fratris. Sign. Hugonis filii ejus. Et de clientibus, Humberti de Solerii, & Warnerii fratris ejus, Christiani, & Alberti, & aliorum multorum.

Datus ancilla.

Dona Richardi Militis, dum filius Monachum induceret.

Hugo filius  
Hugonis Bel-  
mont. iter  
Jerol. ag-  
greditur.

Post non multum temporis cum superna Provi-  
dentia incitasset fideles ad confutandum Paganorum  
perfidiam, compunctus Hugo, filius supradicti Hu-  
gonis, cum in expeditione Hierosolymitanâ profi-  
cisci deberet, incertus quid de se rei eventus daret,  
devotus Capitulo fratrum, vale dicturus eis, adiit,  
de malis à se Ecclesiæ Besuensi irrogatis veniam po-  
stulavit, fratrumque orationibus se commendans,  
elemosynam fecit. Habebat namque in villâ sancti  
Petri quæ Pauliacus dicitur, medietatem iustitiarum,  
& terram, & homines ipsam tenentes. Quæ cuncta  
eis concessit, præsentem & laudantem patre suo Hu-  
gone. Testes hujus rei sunt qui affuerunt in Capi-  
tulo, cum eo penè omnis Besuensium hominum &  
Monachorum multitudo, & de Militibus Hugo pa-  
ter ejus, Jobertus, Glofcius, Wido Deslartinis,  
Viardus de Renavis, Wido Rufus, Hugo Chaine,  
Wido Ravinellus, & alii multi.

Item Frederi-  
cus de Cam-  
paniis.

Adjungimus etiam quoddam alius quidam Miles Fre-  
dericus nomine de Campaniis, Hierusalem iturus, in  
eodem Capitulo concessit sancto Petro, & fratri-  
bus Besuensis Cœnobii molendinum cum appendi-  
tiis suis apud Blainiset, & terram, & cuncta, quæ  
habebat in eadem villâ, adstantibus, & laudanti-  
bus Hugone Domino Belmontensi, & Hugone Chaine  
fratre suo, & cæteris supradictis.

*Carta quæ Dom. Episcopus Lingonensis dedit nobis  
quasdam Ecclesias, & Capellas apud sanctum  
Martinum supra Vignnam & Bellomontem.*

**R**erum mundanarum varietas, quam multi-  
moda sequitur defectio, sapientem ducit ad  
consilium, ut ad cautelam providentiæ, ne si quid  
boni fecerit, pereat, mentis oculum extendat in  
futuram. Quidquid enim in humanis agitur, aut  
transcursu temporis, aut oblivionis nebulâ citius  
aboleatur, nisi sit, quod in exemplis Patrum, & in  
usu sancte cognoscimus Ecclesiæ elemosynas, &  
bona, quæ sancti viri operantur opera litteris pro-  
pter memoriam studeamus annotare. Qua propter  
ego Godefredus, Dei gratiâ Lingonensium Episco-  
pus, notum facio omnibus tam præsentis, quam  
futuri sæculi fidelibus, venerabilem fratrem nostrum  
Widricum, Besuensem Abbatem, præsentiam no-  
stram adiisse, & devotæ supplicationis precibus po-  
stulasse, ut Ecclesias, quas tenuit Dominus Remi-  
gius Belmontensis Castri Presbyter; quas siquidem  
bonæ memoriæ antecessor noster Dominus Wilencus  
Lingonensis Ecclesiæ Præsul, Domino Girardo Ab-  
bati Besuensi antea dederat; ut firmior esset dona-  
tio, iteratò donarem, & autoritate nostrâ roborar-  
em, ac propter evitandas malorum hominum ca-  
lumnias, quas Ecclesiastica semper nititur evitare  
prudentia, sigillo nostro sigillarem.

Dono igitur, salvo jure Lingon. Ecclesiæ, Deo  
& sancto Petro, & venerabili fratri nostro Widrico  
Abbati, Monachisque Besuensis Cœnobii, Eccle-  
sias, quas, sicut dictum est Remigius Presbyter te-  
nuit. Ecclesiam videlicet sancti Martini, cum Ca-  
pellâ S. Bartholomæi, & Ecclesiam de Auxiliaco,  
& Ecclesias de Campaniis, S. videlicet Juliani, & S.  
Hilarii, & Ecclesiam de Domnâ Petrâ, autoritate  
confirmans Pontificali, ne quis amplius Abbatem,  
vel fratres Besuensis Cœnobii de tenore harum Ec-  
clesiarum exturbet, aut audeat inquietare, aut ali-  
cujus controver. & fraudibus usurpare. Quod si quis  
præsumserit, proprio reatu exigente, sententiâ ana-  
thematis se cognoscat subiacere.

*De Nerone.*

**E**cclésiæ Dei filiis etiam simplicitas autoritate di-  
vinâ teneri præcipitur, serpentina tamen calli-

ditas eodem præcepto adhibenda cognoscitur; qua-  
tenus & innocentes ad malum non festinemus, & ea  
quæ videntur utilia exercere studeamus. Cum etenim  
mundus secundum Prophetam ollam succensam, id  
est, humanam conscientiam, ad faciem extendat  
Aquilonis, & moderni quàm pluribus præ cupiditate  
mali vitiorum immergantur procellis, justum est,  
ut Ecclesiastica providentia, & sua innocenter te-  
neat, & sapienter quod tenuerit, in futurum non  
amittat. Proinde ad excitandam futurorum memo-  
riam, & obstruendam oblivionis nebulam, scripto  
commendamus Dominum Widonem de Lyfio, cum  
veniret ad obitum, pro animæ suæ, antecessorum-  
que remedio, Deo & Monachis Besuensibus, in  
elemosynam dedisse quidquid apud Neronem habe-  
bat, & quidquid jure hereditario, vel quolibet alio  
modo debere esse suum inibi reclamabat. Quæ siqui-  
dem elemosyna super altare S. Petri per manum ux-  
oris suæ Chartei, & filii sui Wilenci posita est, assi-  
stentibus fratribus ipsius Widonis Poncio, & Willel-  
mo, qui & ipsi hoc donum fecerunt, audientibus,  
& videntibus quàm pluribus approbatis viris, Mona-  
chis, Clericis, & Laicis subscriptis, qui affue-  
runt. Dedit etiam tunc querimoniam prati quod  
tenebat Albricus. Signum Widonis Alberti sub-  
prioris; Alberti Tullensis, Richardi Monachi.

*Titulus de Guidone Molendinario.*

**B**eatitude, quam universalis Ecclesia de ora-  
tione intelligit Dominica, Adveniat regnum  
tuum, omni nisu mentis & corporis allequi debe-  
mus; ut cum sanctis postmodum, qui cum eo re-  
gnabunt, gaudere valeamus. Quâ animadversione  
ducta ego Cæcilia, uxor Ewardi de Rollens, cum  
filio meo Willelmo, quemdam servientem meum  
Widonem, Deo, & sancto Petro, & Monachis  
Besuensis Ecclesiæ, pro remedio animæ mariti mei,  
antecessorumque salute dedi: & hoc donum tenens  
librum Evangelii cum prædicto filio meo super altare  
posui: & filiam meam Helizabeth, hanc donatio-  
nem laudare feci. Quod ne irritum fiat, vel obli-  
vionis nebulâ depereat, testes qui affuerunt assignari  
benignè concessi. Sign. Guidonis Prioris. Sig. Al-  
berti Tullensis. Signum Widonis. Signum Lamberti  
de Racio. Signum Bartholomæi de Arcu. Signum  
Petri Cellerarii de coquina. Signum Humberti Di-  
vitis. Sig. Geraldii. Sig. Chalucoth fabri. Sig. Ste-  
phani nepotis Abb. Widrici. Sig. Petri Ministri de  
Bassei.

*De Aldrico servo.*

**E**cclésiæ Dei variis & crebris tribulationum pro-  
cellis, sicut maris insula sæpius percutitur, vento  
turbinis flante, id est, inimici suatione pestifera, fi-  
delium qui nocte ac die servitio Dei videntur manci-  
pati, quietem perturbante. Quapropter ipsis soler-  
ter invigilandum est, ut quæ habent, & possi-  
dent, pacificè queant retinere, ne malorum ali-  
quorum versutiâ perdant quod debent conser-  
vare.

Memoriale igitur æternale esse volumus, scripto  
commendantes qualiter calumnia, quam Dominus  
Guillelmus de Tricastel, de Aldrico homine sancti  
Petri faciebat, fuerit terminata. Ipse Guillelmus  
dicebat prædictum Aldricum apud Veronam man-  
sisse, & pecuniam fratris sui qui mortuus fuerat,  
ipsum Aldricum habuisse. Aldricus dicebat è con-  
trario, se nunquam in terrâ Domini Guillelmi man-  
sum accepisse, nec pecuniam defuncti fratris habuisse.  
Mediantibus igitur bonis qui affuerunt viris, Aldri-  
cus Domino Guillelmo 4. libras, & 10. solidos dedit;  
& ipse Guillelmus quidquid clamabat super eum,

MM m ij



dimisit : & ita calumniam suam & hominem in pace dereliquit. Quod ut inconvulsum permaneat , & oblivionis nebulâ non deleatur , virorum qui adfuerunt testimonio roborare , & eorum nomina opus est singillatim nominare. Sig. Widrici Abbatis , Alberti Talensis. Sig. Widonis Capellani. Sig. Humberti Divitis. Sig. Warnerii. Sig. Petri de Pauliaco. Sig. Audonis. Sig. Joannis. Sig. Haymonis. Hæc facta sunt apud Besuam. Postea verò apud Tricastel ipsius uxor domni Guillelmi laudavit , & benignè concessit pacem , quam de Aldrico fecerat maritus ejus. Testes affuerunt ipse Guillelmus , Ulricus Capellanus de Claro monte , Richardus Presbyter , Warnerius nepos ejus , Joannes Clericus. Nocherius Miles , Willelmus de Casoto , Bardulfus , Walterius , Wido Checevath , Paganus , Willelmus filius Miribelli , Warnadus , Hugo , Wido , Villici de Luco. Signum Bardulfi , Walterii de Pichangi , Walerii Malvasioth , Lamberti de Marcelliaco. Serianth , Milonis Falsart , Warnerii de Veronnâ , Warnerii de Solunge.

*Carta de Nemore Rothart.*

**E**Cclesiasticæ dispensationis providentia , etsi præcepto Domini serpentinâ calliditate debeat augmentari , columbinâ tamen simplicitate jubetur temperari , ut sic à nobis teneatur , ne plus justo temperata imprudenter dissolvatur. Cui considerationi invigilans Ego Widricus Abbas , Notum facio meis omnibus in perpetuum successoribus , quomodo Besuensis Ecclesiâ , cui præesse videor , de vexationibus , & doloribus , quos diu sustinuerat pro calumniâ , quæ erat de Nemore Rothart , tandem fuerit liberata. Quidam enim Belmontenses , qui Præpositales dicuntur , in prædicto Nemore partem hereditario jure proclamabant , & infestatione non modicâ , malis quàm pluribus illatis , nobis insurgebant. Cujus doloris vehementia cum multo tempore percrebesceret , Deo , ut credimus , volente , accidit , quòd quidam ex ipsis , nomine Brutinus , quâdam die cum in fabricâ fabri cultellum emoleret , & cum ad terram incautè deponeret , ipso cultello vulneratus cecidit , & absque viatico , & Confessione quantocius expiravit. Cum igitur tali morte defuncto parentes & amici condolerent , & excommunicatum fuisse cognoscerent , cœperunt inquirere , quomodo in terrâ cœmeterii adhibito Christianitatis officio posset tumulari , quod non posse fieri visum est , nisi à malis absolutus esset , quæ propter nemoris calumniam Ecclesiæ fecerat , pro quibus excommunicatus apparebat. Clarino igitur fratre ejus agente , qui sapientior erat , cum Widrico alio fratre actum est , quòd uxor ipsius Brutini , quam Baidulfum vocant , & pueri ejus Petrus , & Willelmus , & omnis familia calumniam prædicti nemoris dimiserunt , & heminam mihi , quæ tunc cara erat pro tempore , à nobis suscipientes , Deo , & sancto Petro & Monachis Besuensis Ecclesiæ pro absolutione illius concesserunt : testibus apposis , Haymone Monacho , Clarino , Widrico , Christiano , Humberto Loir , qui videntes , & audientes affuerunt. Proinde periculosam illius mortem adducentes sibi in exemplum fratres & consanguinei , Clarino agente , qui melioris , sicut dictum est , fuerat scientiæ , omnes in hoc convenerunt , ut prædictæ Ecclesiæ pacem facerent , & ne ante Deum rei pro calumniâ nemoris apparerent , omnes concorditer ipsum nemus Deo , & sancto Petro dimiserunt ; insuper benedictionem temporalem à Monachis susceperunt ; Widricus 40. solidos , & heminam mihi , Clarinus , & Willelmus frater ejus 40. solidos. Hugo Præpositus , pro eo quod nemus ipsum Deo , & sancto Petro guilpivit , filium suum in Ecclesiâ nostrâ fieri

Monachum obtinuit. Dimissâ sic nemoris calumniâ omnes pacem bonam , & concordiam fecerunt : & super altare sancti Petri quidquid in prædicto nemore , & appenditiis ejus , seu justè vel injustè proclamabant , totum Deo , & sancto Petro dederunt , guilpiverunt , & insuper juraverunt quòd amplius non repeterent. Et si calumniâ exindè veniret aliqua , fidei enarratione , guarantiam portantes legitimam , nobis contrà omnes calumniatores enarrarent. Quæ pax ne temporum intervallo , vel oblivionis depercat incommodo , legitimorum , qui affuerunt , roboranda est testimonio. Haymo Columba , Willelmus de S. Sequano , Petrus , Aldo frater ejus de Pauliaco , Malet , Humbertus , Warnerius , Christianus , Humbertus de Solio , Clarinus , Widricus , Guillelmus , Sibyla uxor Hugonis laudavit pacem & donum nemoris , quod fecit maritus suus Hugo , & pueriejus , Milo & alii. Malvaslet cum moretetur prædictum nemus guilpivit præsentè Abbate , Poncio Capellano Fisetâ , Gisleberto filio ejus & Christiano. Hugo de Aquato iterum cum moretetur hoc nemus guilpivit , præsentè uxore suâ. Testes affuerunt , Christianus , Malvaslet , Amalricus , Garnerius Silvestris.

*Carta de S. Sequano in Becfâ.*

**Q**UANTÆ pietatis desiderio debeamus æterna meditari , labentis mundi casus indicat , qui quotidianis defectibus videtur annullari. Præsens etenim vita , quæ in suis stipendiis ærumnosa conspicitur , quidquid confert , infirmum est & fragile , & quòd sui amatorem tandem reddat miserrimum evidenter comprobatur. In cujus liquidem dispendiis , quia multiplex pro imbecillitate carnis patimur detrimentum , ipsa mors , per quam omnis caro destituitur , doloris & timoris nobis est argumentum. Pro respectu hujusmodi , nolens amplius acquiescere carni & sanguini , sed Majestatem cœli propitiâ promereri ego Martellus de Malleio , volensque de peccatis agere pœnitentiam , quæ per mea juventutis commisi lasciviam , animo proposui sepulcrum Domini Jerusalem invisere , ac Besuensem Ecclesiâ , quæ mea est parrochia , prout patris , antecessorumque meorum testatur sepultura , largiori bonorum meorum erogatione , consilio charitatis placuit augmentare. Deo itaque , & sancto Petro , fratribusq; Besuensis cœnobii , in præsentia Domni Abbatis Gerardi , concedente , & laudante Comite Guillelmo , cui in custodiâ , & protectione terram meam dimisi , donavi duas in Sagonnâ piscarias , unam quam ante dederam , aliam quam dedi cum hoc iter arripui. Dedi autem hoc tenore , ut si opus fuerit , piscator servientem habeat , qui ad gubernandam navem eum adjuvet , & ea quæ in arte vel officio piscandi sunt necessaria , ei famulando subministret. Hominem enim , qui solus nititur operari , cum parum aut nihil proficiet , oportet adjuvari.

Dedi etiam pratum unum , quod dicitur , Brachium Lamberti. Denique nemus , quod juxta Saggunnam Wevra appellatur , & omnia memora , quæ habeo circa villam , quæ Becfca vocatur , dedi Monachis ibidem manentibus . . . ex illis omne quodcumque fuerit necessarium Monachis & hominibus ipsorum in alimentum.

Dedi etiam decimas de Flagei , & parochiaticum , & omnem usum , & consuetudinem in nemoribus , & in sylvis ipsius villæ cum omni libertate. Ad hanc donationem addidi decimam quartæ partis de portu. Dedi etiam paagium S. Sequani , quod meum erat , concessique , & donavi Monachis Besuensibus , ut porcos suos indominicales in nemora mea ubicumq; habuerq; mittant , & sine passionatico per omnia li-

berè currant. Monachi verò, qui apud Beescam manebunt similiter faciant, per omnia nemora mea porcos suos indomesticabiles sine passionatico mittant, & centum desuper si attrahere porcos voluerint. Qui siquidem Beescenses Monachi, quia pro remedio antecessorum meorum ibi sunt mancipati, nolo quoddam aliquam vexatione malà per meos homines videantur fatigari. Quapropter concessi, & in loco elemosynæ mihi constitui, ut villam illam, Beescam videlicet, in quâ habitant, cum omni libertate habitent ipsi Monachi, & præcepi ut homines mei, qui terras habent in villâ, illas claudant, & sepes oportunas apponant, ne animalia villæ quod intus fuerit devastare prævaleant. Quod si claudere noluerint, & aliquod damnum evenerit, homo villæ in causam non trahatur, & nemini respondeat, nec damnum, nec legem inde persolvat. Ut si homo prædictæ villæ damnum per clausuram malè factam susceperit, Comiti Guillelmo ostendat clamorem, & ipse Comes plenariam super hoc faciat justitiam. Et ut hæc donatio authentico roboretur privilegio, subscriptorum virorum firmamus testimonio. Sig. Martelli, qui hoc donum fecit. Sign. Willelmi Comititis. Sign. Girardi Abbatis. Sign. Constantii Abbatis. Sign. Pontii. Sign. Gileberti Prioris Beescæ. Sign. Parisii Canonici de Masenot. Sign. Roberti Militis de Bille, Wido Trosellus, Walo de terrâ Divion. . . . . pro suâ suorumque salute . . . . . filii sui Guillelmi nuper defuncti & Besuæ sepulti, dedit liberrimè Deo, & Ecclesiæ Besuensi hæc sub- tus annotata perpetuo jure possidenda, volentibus atque laudantibus uxore cum filiis, nec non & fratribus, Richardo scilicet & Girardo. Mansum unum

videlicet apud Balenavam, eo tenore, ut habitator ipsius usus consuetudinales habeat, sicut prius, in aquis, in terris, in pascuis, & in sylvis ejusdem Humberti & successorum ipsius. Dimisit quoque nummos 4. quos Monachus Arcionensis ei debebat annuatim pro ripâ molendini sui in festivitate sancti Martini. Dedit etiam 4. jugera terræ, quæ habentur prope arborem ulmum, quæ de Mulmis dicitur. Addidit his & falcem prati prope Arcionensem fici. Cujus donationis testes idoneos etiam subscribere curavimus. Quorum nomina sunt hæc. De Monachis Abbas Joffredus, Poncius Prior, Guido Sacrista. Bartholomæus frater ejusdem Humberti, Robertus Verna. Milites, Hugo de Asperomonte, Aymo Columba, Aymo de Minure, Aymo Bornus. Burgenles, Petrus de Pauliaco, Maletus, Joannes cocus, & alii quàm plures.

*Carta de Fontinellis.*

**M**ansuris est imprimendum litteris, quod Hugo Miles de Fontanis pro animâ fratris sui Haymonis nuper interfecti, & apud Besuam honorifice sepulti, laudante sorore cum nepotibus, & cæteris, ad quos res pertinere videbatur, dedit Deo, & Ecclesiæ Besuensi apud Fontenellas mansum unum cum falce prati, & tertiam partem medietatis minutæ decimæ. Hoc autem fieri fecerunt, Milo Miles Dominus de Fossato, cum fratre Roberto (ad quos maxime attinebat) in die sepulturæ ipsius Besuæ, multis præsentibus, quorum nomina partim subnotantur. Abbas Joffredus, Hautio Prior, Wido Sacrista, Bartholomæus, Gybuinus Monachi. Milo de Fossato, & Robertus frater ejus, Milites.

## MONITUM.

**C**HRONICON S. Petri Vivi Senonensis, cujus Auctor CLARIUS Floriacensi pri- mum, post ejusdem Abbatiæ S. Petri Monachus, clam sublatum fuerat, ast tandem mihi ab amico, qui inter Literatos dum viveret facile primas tenebat, restitutum. Illud meâ curâ descriptum contulit cum aliis posterioris ævi Auctorum Chronicis, & chartis Monasterii præfati, sodalis meus Hugo Mathou Senonis moram trahens. Expunximus illo ex Chronico toties ab antiquioribus Eusebio, Gregorio Turonensi, Sigiberto, & aliis repetita, ea potissimè quæ Franco- rum Regni primordia antecedunt. Menda porro quæ lima & ungue indigent, eruditi Lectoris censura reliqui. Clarium hoc ornat encomio Gaufridus à Colone S. Petri familiæ itidem alum- nus, de Concilio agens Belvacensi in Tabulis Chronologicis, cui Clarius ipse affuit Archiepi- scopi Senonensis & Archimandritæ sui nomine: Pro Domino Senonensi Archiepiscopo, & pro se, misit (Abbas) Monachum nomine Clarium, valde benè literatum: qui Monachus benè illos excusavit. Chronicon istud tanti fecit Auctor Chronologiæ S. Mariani Robertus Auti- siodorenسيس, ut verba ipsiusmet Clarii, suppresso licet nomine, res Senonenses præsertim agitando, passim usurpet.

## CHRONICON SANCTI PETRI VIVI SENONENSIS ORDINIS SANCTI BENEDICTI,

*Auctore CLARIO primùm Floriacensis, deinde ejusdem Cænobii S. Petri Monacho.*

**A**NNO ab Incarnatione Domini quadringente- simo quadagesimo sexto, Pontificatûs Dom- ni Leonis Magni Papæ anno secundo, Clodio pri-

mus Rex Franciæ regnavit annis viginti, post quem regnavit Childericus filius Merovei, expulso Egi- dio Duce Romanorum de regno, atque interfecto.

Anno ab Incarnatione Domini quadringentesimo sexagesimo sexto, cœpit regnare Childericus, & regnavit v gnti quatuor annis, qui genuit filium Clodovum in primis gentilem. Qui decimo quinto anno Regni sui à beato Remigio Remensi Archiepiscopo baptizatus est. Qui adhuc paganus genuit de concubinâ filium nomine Theodericum, qui regnavit post eum viginti quatuor annis.

Clodoveus  
Rex à S. Remigio baptizatur.

Fundatio Monasterii S. Petri Vivi Senonensis.

Anno dlii. Clodoveus baptizatur à sancto Remigio Remensi Archiepiscopo, & quatuor filii ejus, Theodericus, videlicet, quem de concubinâ genuit, & Clodomiris, Childebertus, & Clotharius, quos ex Chrochilde Christianissimâ Reginâ habuit, quique post eum regnaverunt. Fuit quoque præfato Regi & Reginæ filia nomine Techilda, quæ baptizata vovit Deo virginitatem & tenuit, septuaginta quinque annis vivens. Quæ adhuc vivente patre, adjuvantibus matre & fratribus cœpit ædificare ad orientalem plagam urbis Senonicæ Cœnobium in honore Apostolorum Petri & Pauli. Regebat tunc sedem Apostolicam Hormisda Papa, Archipræfatum Senonicæ Ecclesiæ Beatus Heraclius, Remensem Ecclesiam supradictus beatus Remigius jam senex.

DLIX. Obiit sanctus Benedictus, & in monte Cassino per centum quinquaginta unum annos jacuit, & post corpus ejus in Gallias translatum est anno sexcentesimo sexagesimo sub Papa Vitaliano.

Anno DLXXXII. Obiit sanctus Germanus Parisiensis, qui natus est in pago Eduasensi, vico Lausia, & in manso nativitatibus ejus non canis, non avis prædam rapere prævalet, quæ non statim intereat. In quo loco est Ecclesia in ejus honore constructa.

Translatio Corporis S. Benedicti in Galliam.  
Privilegium datum in Synodo senonensi.  
Cui subscribere plures Episcopi.

Anno DCLX. Translatio sancti Patris Benedicti à Monte Cassino in Gallias.

Anno DCLXXV. transit ad Christum sanctus Emmo Senonum Archiepiscopus, sepultusque est in Basilicâ beati Petri Vivi. Hic Privilegium libertatis, unâ cum Comprovincialibus Episcopis, monachis sancti Petri synodaliter fecit temporibus Clotharii Regis, & Baltechildis matris ejus. In quo Conventus fuerunt Antistites gloriosi, sanctus AUDOENUS Archiepiscopus Rothomagensis, & sanctus FARO Episcopus Meldensis, sanctusque ELIGIUS Noviomensis Episcopus, & sanctus AMANDUS Tregetensium Episcopus, cum aliis triginta Episcopis. Florebat tempore illo in eodem Cœnobio vir venerabilis Aigilenus Abbas, in sancta religione fervens: & Cœnobium illud singulare in his regionibus erat sanctitate & religione.

Anno DCLXXVIII. Pipinus Auster Major-domus Regiæ principatum Francorum suscepit. Hujus temporibus sanctus WIFRANNUS Senonum Archiepiscopus, relicto Episcopatu, ordinatoque in ejus loco DONNO GERICO, viro clarissimo, avunculo beati EBBONIS eximii Confessoris, quique ei in Episcopatu successit; Fontanellam monasterium petiit, ibique Monachus effectus Friam prædicavit.

Anno DCCX. Obiit Childebertus Rex Francorum.

Anno DCCXII. Obiit Pipinus senior, & filius ejus Carolus Martellus Princeps factus est.

Anno DCCXV. Obiit Dagobertus Rex junior decimo quarto Kalendas Februarii, qui regnavit in Franciâ annis quinque. Secundo anno post mortem ejus pugnavit primùm Carolus Martellus contra Radbodum ad Coloniam, regnante Theoderico filio supradicti Dagoberti junioris. Temporibus istius Dagoberti refulsit sanctus EBBO Archiepiscopus, miraculis & nobilitate clarus. Fuit autem ex Castro

S. Ebbonis gesta compendio narrantur.

Tornodorensi natus, & ejusdem pagi Comes & dominus, à parentibus tamen divinâ providente clementiâ litteris ad imbuendum traditus, quibus, dante Deo, sodales omnes quos in scholis habebat superavit, & sapientiâ & eloquentiâ præcessit: ubi autem parentibus orbatus est, ad regimen castri & pagi quod sibi hereditario jure competeat acclamatus, latenter fugit, & in monasterio sancti Petri Vivi sub Abbatis imperio Deo militavit. In processu verò temporum mortuo ipsius loci Abbate. Abbas factus est. Postea autem obeunte Gerico Archiepiscopo avunculo suo, totius cleri & populi acclamatione, & consensu Regis, in pontificali sede sanctæ MARIE sanctique Stephani Protomartyris locatus, claruit signis & virtutibus. Hujus in tempore gens Wandalorum Galliam vastare cœpit, Ecclesiæ sunt destructæ, monasteria subversa, captæ urbes, desolatæ domus, diruta castra, strages hominum factæ; per totam Galliam Wandalis ferro & flammis proterentibus omnia. Pervenientesque Senonas civitatem, cœperunt eam jaculis & machinis infestare. Quod cernens sanctus Ebbo, pro ovibus sibi commillis se dedit periculo, exiensque de civitate cum suis, fretus divinâ virtute fugavit eos ab urbis obsidione. Tantus autem timor illos invasit, ut penitus se de vitâ vivere desperarent, nisi fugæ prælidium expetissent. Illisque fugientibus persequutus est eos usque dum expellerentur de finibus nostris, cæsa multitudine eorum. Namque obcæcati per meritum sancti Præfatis, converlique in seipsum maximam partem de suis occiderunt, & qui evaserunt cum confusione pauci ad sua redierunt. Sicque Deus omnipotens liberavit populum urbis à persecutione Wandalorum per meritum sancti Ebbonis.

Post hæc vir Dei Ebbo soli Deo placere cupiens, eremiticam vitam diligens, cœpit solus habitare in loco qui appellatur Arcea, ubi sunt duæ Ecclesiæ, una in honore sanctæ MARIE, altera sancti Michaelis. Ibique diebus ac noctibus Christo serviens, mundo exstitit admirabilis. Sæpe autem rediens ad civitatem, illuminabat populum sibi commissum verbo & virtutibus. Claruit autem idem non solum divinâ eloquentiâ, sed etiam miraculis, quæ non sunt per negligentiam scripta. Ea verò quæ fuerunt scripta, perierunt sub persecutione Paganorum. Reddidit enim cæcis visum, surdis auditum, gressum claudis, loquelam mutis, omnibusque ad se venientibus opem levaminis cum alacritate conferre non distulit.

Præerat tunc temporis cœnobio beati Petri CHRODOLINUS Abbas, vir religione inclytus, & sanctitatis opinione famosus. Quo tempore vir sanctissimus Christi Martyr PATERNUS à partibus Oceani veniens, divinâ admonitione, sicut in ejus passione legitur, in Cœnobio beati Petri sub Abbatis imperio Christo militavit.

In illis diebus donna Ingoara Deo sacrata, soror sancti Ebbonis fecit testamentum de hereditate suâ beato Petro, quæ cumjacet in Pago Tornodorensi, donno Chrodolino tunc Abbate. Defuncto autem Chrodolino, successit ei VIRIBODUS, cujus in tempore alia soror beati Ebbonis Leoteria, & Mummia similiter Deo sacrata, dederunt cunctam hereditatem suam beato Petro, vivente adhuc & confirmante beato Ebbone fratre suo. Jacent istæ duæ sorores in cœnobio beati Petri, in oratorio sanctæ MARIE. Ubi & ipse sanctus Ebbo sepultus, innumerabilibus post mortem claruit virtutibus.

Anno DCCXLI. Obiit sanctus WIFRANNUS in Cœnobio Fontanella, per quem conversa est ad Christum

Chrodolus Abbas S. Petri Vivi.

S. Paternus Monachus & Martyr.

Viraibodus Abbas S. Petri.

S. Wiffrannus obit.

Christum Frisia. Obiit & Carolus Martellus, sepultusque est in Ecclesiâ sancti Dionysii Parisius. Hic res Ecclesiarum propter assiduitatem bellorum laicis tradidit. Quo mortuo Carlomannus & Pipinus filii regnum suscipiunt.

Pipinus Rex  
inunctus.

Obiit S. Ebbo.

Carolus Magnus.

Anno dccc. Pipinus in Regem est electus, & Childericus qui de stirpe Clodovei Regis remanserat, tonsoratus. Hic deficit progenies Clodovei Regis. Et sanctus Ebbo obiit.

Anno dcccxviii. Pipinus Rex obiit; & filii ejus ejus Carolus, qui dicitur Imperator Magnus, & Carlomannus eliguntur in Regno.

Anno septing. sexagesimo nono Carlomannus obiit.

Alcuinus moritur. Rambertus, & Magnus Archiepiscopi Senon.

Beremarius Abbas S. Petri.

Anno dccciv. Obiit Alcuinus Philosophus, Abbas sancti Martini Turonensis. Sub tempore Karoli Magni fuit Rambertus Senonensis Archiepiscopus, cujus tempore fuit Abbas sancti Petri Dominus BERTEMARIUS. Defuncto Ramberto eligitur MAGNUS in Archiepiscopum. Ille ædificavit Ecclesiam in honore Salvatoris super terram sancti Petri, ubi Canonico sepulturam instituens, seipsum ibi sepelire fecit. Tempore ejus dedit Karolus Magnus sancto Stephano villas & prædia, & ornamenta varia; insuper Reliquias Sanctorum pretiosissimas.

Anno dcccix. decimo septimo Kalendas Augusti, secundâ feriâ, incipiente horâ diei quintâ, eclipis in sole apparuit, lunâ vigesimâ nonâ, indictione secundâ.

Anno dcccxiv. Obiit Carolus Magnus, & HLudovicus filius ejus, qui Pius dicitur, Regnum Francorum & Imperium Romanorum suscepit. Cujus in tempore Pagani diffusi sunt in provinciâ quæ Pontivus pagus appellatur. Quod cernens HIEREMIAS Monachus, & procurator Cœnobii sancti Richarii, quod est situm in eodem pago, sciensque & timens multiplicatam esse malitiam in illâ regione, consilio accepto cum fratribus, accipiens corpora sanctorum cum pluribus Reliquiis, quas Carolus Magnus illic asportaverat ex multis regionibus ob amorem nepotis sui, qui illic tempore suo præfuit Abbas, detulit eas Senones in Basilicam sanctæ Columbæ, tempore Magni Archiepiscopi. Morante autem Hieremia Monacho, ibi factum est ut dormitionem acciperet dominus Magnus Archiepiscopus. Dei igitur nutu ab omnibus idem HIEREMIAS eligitur Archiepiscopus. Erat enim valde eloquens & studiosus in omni philosophiâ. Ordinatus autem transtulit Reliquias in Ecclesiam sancti Stephani, quas detulerat de sancto Richario. Obtinuit autem Præcepta imperialia à Ludovico Augusto sanctæ matri Ecclesiæ Senonensi de omnibus quæ videbatur habere ipsa Ecclesia, ad munimen & defensionem contrâ omnes judiciarias potestates. Insuper addidit ei Rex Abbatiam sanctæ Columbæ, quam antecessores sui nuper perdiderant, ut esset sub tuitione Archiepiscopi Senonicæ urbis<sup>a</sup>. Valde enim familiaris erat Regi. Ipse ædificavit Cellam in Aquitaniâ, in loco qui dicitur Mauriacus, mutans nomen ejus & vocans Noviacum, in honore sancti Petri, in proprio fundo ipsius sancti Petri Senonensis, quam Theodechildis filia Regis Clodovei & Basolus Comes Arvernæ ob amorem Dei ad stipendia Monachorum reliquerant. Per deprecationem FRODBERTI Abbatis Cœnobii sancti Petri Senonensis ipsam Cellam construxit, eo quod homines ipsius pagi terras & prædia sancti Petri diriperent, & in proprios usus retinerent. Instituit autem & Monachos Regulares de Ecclesiâ sancti Petri Senonensis, qui illic Deo ser-

virent, quatenus locus ipse prædia & terras, quas adhuc possidebat, ex toto non perderet, & ut ipsa Cella Deo auctore per cuncta tempora sub custodia Frodberti Abbatis, & ejus successorum esset; & ibi gubernarent villas & Ecclesias quæ conjacent in Aquitaniâ & Arvernâ, in Lemovicensi pago, sicut antecessores sui gubernaverunt. Postulavit autem idem Hieremias Archiepiscopus, & Frodbertus Abbas, Ludovico Augusto fieri sibi Privilegium de eadem Cellâ, & de omnibus appenditiis quæ adjacent Cœnobio sancti Petri Senonensis, quod & impetravit. Defuncto autem Frodberto Abbate successit ei ALBERTUS.

Obeunte verò Hieremia Archiepiscopo, septimo Idus Decembris, & sepulto in Basilicâ sanctæ Columbæ, nutu divino sanctus ALDRICUS Pontificalem sedem suscepit; Abbas sancti Petri Ferrariensis, vivente adhuc Pio HLudovico. Igitur sanctus Aldricus Cœnobium sancti Remigii, quod erat ante portam civitatis, in propriâ villâ ejusdem Cœnobii quæ vocatur Vallilias, commutavit. Mortuo igitur Alberto Abbate, successit ei Venerandus ANASTASIUS.

Anno autem vigesimo HLudovici Imperatoris Regni, rebellavit contrâ eum HLotarius filius ejus, auferens illi regnum Francorum. Ipso autem anno collecto exercitu copioso valde, HLudovicus pater restituit sibi Regnum quod illi abstulerat filius. Eodem anno quinto Kalendas Augusti obiit HROTLAUS matrona nobilis, conjux MAINERII Comitis Senonicæ urbis, sepultaque est in Basilicâ beati Mauriti<sup>b</sup> apud Vallilias in suâ hereditate: de quâ jamdudum testamentum fecerat sancto Remigio. Reliquit autem & beato Petro maximam partem hereditatis suæ ob amorem Dei, & donni Mainerii senioris sui, cujus corpus antea tumulaverat in Basilicâ beati Petri, in Oratorio sancti Andreæ Apostoli. Ipse verò Comes antequam moreretur, dedit beato Petro facultates magnas, & ornamentum maximum, insuper & Reliquias pretiosissimas. Vertente igitur anno, in die Ascensionis Domini fit bellum in Burgundiâ apud Fontanetum à quatuor filiis ipsius HLudovici, Caroli scilicet & HLotario, HLudovico & Pipino; ubi multus effusus est sanguis. Sanctus igitur Aldricus nondum expleto Cœnobio quod cœperat ædificare in honore sancti Remigii, migravit ad Dominum sexto Idus Octobris, mandans sua membra tumulari apud Ferrarias.

Anno dcccxxxix. Obiit Hieremias Archiepiscopus septimo idus Decembris.

Anno dcccxxxii. HLudovicus Regnum amisit, & HLotarius recepit. Item HLudovicus recepit.

Anno dcccxi. actum est bellum inter Carolum Regem & HLotharium apud Fontanetum.

Anno dcccxli. Obiit HLudovicus Pius, Sancto autem Aldrico successit in Episcopatu WENILO, nobilitate præcipuus, & ingenio acutus, qui perficiens Cœnobium sancti Remigii apud Vallilias, ditavit illud honoribus & facultatibus multis. Post mortem verò HLudovici anno uno, fuit factum bellum quod supradictum est à quatuor filiis ipsius. Ex quibus Carolus, qui appellatur Calvus, regnum Francorum & Imperium Romanorum obtinuit. Lotharius verò partem Franciæ sibi vindicavit, quæ usque in hodiernum diem ex suo nomine Lotharii regnum appellatur. HLudovicus autem Burgundiam sibi vindicavit, unctusque est in Regem à WENILONE Archiepiscopo. Perfecit autem idem Archiepiscopus Basilicam sancti Remigii, apud Vallilias, & dedicavit

Albertus Abbas S. Petri.

Hieremiæ decedenti successit Aldricus.

Cœnobium S. Remigii transfertur apud Vallilias.

Anastasius Abbas.

b

Hieremias ex Monacho S. Richarii Archiepiscopi Senonensis.

Wenilo in locum Aldrici Archiepiscopi successit.

Frodbertus Abbas S. Petri.

<sup>a</sup> Senonica urbis ] In hunc locum adnotat Acherius: Postea tamen ab eodem Ludovico primum libertati & ex-

Torn II.

ptioni fuit restituta rogatu Sulpicii Abbatis anno 835.

<sup>b</sup> B. Mauriti ] Quæ etiam S. Remigii dicta est.

Ravilaudus  
Abbas S. Remigii.

Translatio  
SS. Saviniani,  
Potentiani, &c.

Anastasius  
Abbas S. Petri.

Dido Abbas  
S. Petri.  
Otradus Co-  
episcopus  
obit.

Decessit Wenilo  
Archiepiscopus  
in cuius locum  
subrogatus  
est Egilus.

eam Kalendis Novembris, deferens illuc ipso die corpus Beati Valeriani Martyris, ditans illam opibus magnis, vivente adhuc RAVILAUDO Abbate ipsius Cœnobii. Ecclesiam vero sancti Stephani, quæ erat vetustissima, renovavit idem Wenilo, pristinoque decori reformavit, quam quarto Idus Decembris dedicavit.

In illis diebus erat OTRADUS hujus verbis Cor-  
episcopus, vir honestus & per cuncta laudabilis. Illo igitur in tempore revelaverunt se sancti Christi Martyres Savinianus, Potentianus, Altinus, Eodaldus, & Serotinus Weniloni Archiepiscopo, & ANASTASIO Abbati. Qui levantes eos cum magno honore de Ecclesiâ ubi sepulti erant, transtulerunt eos in basilicam beati Petri octavo Kalendas Septembris. Post hæc defunctus est Ravilaudus Abbas sancti Remigii decimo secundo Kalendas Januarii. Sub ipso tempore Wenilo Archiepiscopus Ecclesiam sanctæ Columbæ dedicavit in honore sanctæ Crucis decimo Kalendas Augusti, & in crastino levata sunt corpora sanctorum Columbæ & Lupi de tumulis, ubi fuerant primum sepulti, cum honore maximo ab eodem Archiepiscopo. Defuncto autem Anastasio sancti Petri Abbate, successit ei Dido. Otradus itaque Cor-  
episcopus defunctus in Basilicâ beati Desiderii est sepultus decimo septimo Kalendas Februarii.

Anno DCCCLVII. Octavo Kalendas Septembris translata sunt corpora Sanctorum martyrum Saviniani, & Potentiani, Eodaldi & Altini, à Wenilone Archiepiscopo, & auditæ sunt voces angelicæ in cœlo.

Anno DCCCLXV. Wenilo Archiepiscopus obiit, sepultusque est apud Vallilias quinto nonas Maii in Cryptâ sanctæ Anastasiæ virginis. Huic successit in Episcopatu Donnus EGIL Monachus, omni bonitate conspicuus, qui diligens Cœnobium beati Petri, tradidit ad stipendia Monachorum ibidem Deo servientium villam Alsonis, cum Ecclesiâ & suis appenditiis. Cujus Donationem confirmari voluit ab Episcopis in Conventu apud Pistas, Sic:

„ Anno ab Incarnatione Domini nostri JESU-  
„ CHRISTI DCCCLXIX. gloriosi Regis Caroli XXIX.  
„ Indictione secundâ, politis nobis diversorum ur-  
„ bium Episcopis cum eodem Rege in Pistis, quod  
„ ad componendum Regni sui statum accesserat,  
„ Reverentissimus nobisque dilectissimus EGIL gra-  
„ tiâ Dei Archiepiscopus Senonicæ Civitatis, propter  
„ insidias & cupiditatem successorum impetrato re-  
„ gali Præcepto de quâdam villâ sui Episcopatus no-  
„ mine Sevriaci, in Comitatu Senonico sitâ, cum  
„ mansis omnibus in Villamari, & Septempiri, &  
„ Longumpiri, & cunctis ad eandem villam perti-  
„ nentibus plenâ integritate, cuidam ejusdem Epi-  
„ scopatus Monasterio ad orientalem plagam præfa-  
„ tæ urbis in honorem sancti Petri dicato, ubi tur-  
„ ma Monachorum jugiter Deo famulatur, ob Dei  
„ ejusdemque sancti Petri amorem & honorem, per  
„ suæ autoritatis Præceptum restitueret vel dona-  
„ ret, & restituens, vel dans perpetim habendam  
„ confirmaret. Postulavit insuper, ut quamdam Ec-  
„ clesiam ejusdem Episcopatus in honore sancti Pe-  
„ tri constructam, cum omnibus ad eam pertinen-  
„ tibus in eodem pago Alsonis sitam, eidem Mona-  
„ sterio sancti Petri æternaliter concederet, atque  
„ concedens delegaret. Cujus petitionem libenter  
„ suscipiens, libentissimeque perficiens restituit quæ  
„ juris illarum esse dicebantur. Et dedit vel largitus  
„ est autoritate & potestate Regis, quod piè à me-  
„ morato Antistite postulatum est, ut quia locum  
„ suæ sepulturæ in eodem Monasterio præparare de-  
„ creverat, ex eadem Ecclesiâ luminare ibi continua-  
„ tim ministraretur, & prærata villa cum suis appen-

ditis, usibus Monachorum ibi degentium defer-  
viat. Hoc igitur Præceptum flagitavit carissimus  
& dulcissimus Egil Coepiscopus, ut nostræ frater-  
nitatis Conventus Privilegio nostræ autoritatis ro-  
boraret, atque confirmaret: neque abnuimus.

Igitur statuimus ut hæc restitutio vel largitio  
nostri Senioris, atque præfati Antistitis perpetua-  
liter observetur, neque à successoribus suis ullo  
modo violetur, sed semper ad usos Fratrum, & ad  
lumen sufficiens pro suâ sepulturâ teneatur:  
non modò hæc, verum etiam omnia quæ in tem-  
pore videntur habere, vel quidquid deinceps ac-  
quirere potuerint, seu à fidelibus eis collatum fue-  
rit causâ eleemosinæ, insolubiliter ab illis pos-  
sideatur. Quod si quis nostram exiguitatem  
contemnendo per aliquam cupiditatem, vel  
subreptionem, hoc nostrum Decretum infrege-  
rit, secundum autoritatem quam in beato Pe-  
tro accepimus, dicente Domino: *Quodcumque*  
*ligaveris super terram, erit ligatum & in cælis:*  
*& quodcumque solveris super terram, erit solutum*  
*& in cælis:* eum justè ac rationabiliter anathema-  
tis vinculo obligamus, qui cæcâ cupiditate hæc  
Dei servorum stipendia etiam post nostram prohi-  
bitionem auferre præsumserit. Atque ut hæc Con-  
stitutio vera credatur, & profutura Dei famulis  
omni tempore inviolabiliter conservetur, manus  
nostræ subscriptionibus eam universi firmavimus:  
& insuper tam absentes quàm futuros nostri ordi-  
nis cooperatores, seu quoslibet veræ Religionis se-  
ctatores poscimus, ut hanc tanti Pontificis largi-  
tionem cum legerint, vel audierint voto & sub-  
scriptione eam nobiscum roborant.

Ego EGIL indignus Archiepiscopus Senonensis  
Ecclesiæ hanc Donationem, & Constitutionem à  
me factam subscripsi.

FULCARIUS Tricassensis Episcopus.

Ego CHRISTIANUS Autissiodorensis Ecclesiæ Epi-  
scopus.

ÆNEAS Parisiensis Episcopus.

HILDEGARIUS Meldensis Episcopus.

ABBO Nevernensis.

GUALTERIUS Aurelianensis.

GUENILO Rothomagensis.

ISAAC Lingonicæ Civitatis Episcopus.

HINCMARUS Metropolitanus Remensis.

WLFHARDUS Bituricensis.

AYRARDUS Turonensis Metropolitanus Episco-  
pus.

In diebus illis facta est fames & mortalitas ma-  
gna per totum regnum Francorum, maxime per  
Aquitaniâ & Burgundiam, ita ut præ multitudine  
morientium non esset qui sepeliret. Nam Seno-  
nis inventi sunt uno die quinquaginta sex homines  
mortui; sed misericordiâ Christi in ipso anno cessa-  
vit. Mortuo itaque Didone Abbate sancti Petri,  
successit ei AQUILA, eruditus omni philosophiâ,  
discipulus ejusdem Archiepiscopi EGILI. Idem au-  
tem Archiepiscopus totum tempus vitæ suæ ducens  
in bonâ conversatione diem claudit extremum; quem  
sepelierunt in Basilicâ beati Petri, in oratorio sancti  
Stephani. Successit autem ei divinâ providentiâ AN-  
SEGISUS Monachus, vir in cunctis optime agens.  
Cujus temporibus Senonensis Ecclesia magno & pa-  
cifico viguit honore. Ipse promeruit principatum  
totius Galliæ & Germaniæ à beatissimo Joanne Pa-  
pa, & Carolo Augusto. Cujus Capitulum dignum  
duximus inferere huic paginæ factum à Leone Apo-  
crisario in Pontigone.

Sancta Synodus, quæ in nomine Domini voca-  
tione Domini Joannis ter beatissimi, & jussione  
Donni Caroli Augusti congregata est in Pontigone

Aquila Abbas  
S. Petri.

Ansegisus Ar-  
chiepiscopus. succe-  
dit Egilo.

Synodus S.  
Pontigonen-  
sis.



» Anno Domini octingentesimo septuagesimo sexto,  
» Indictione nona, decimo septimo Kalendas Au-  
» gusti, hæc Capitula quæ subter annexa sunt, in-  
» stituit.

» Obente HLudovico qui Romani Imperii jura  
» regebat, Joannes ter beatissimus Papa, per Jai-  
» dericum Belitrensem, Anfegisum Senonensem, or-  
» mosum Portuensem, Joannem Aretinum, ve-  
» nerabiles Episcopos, Donnum Carolum tunc Re-  
» gem ad limina beatorum Apostolorum invitavit,  
» cumque Ecclesiæ ipsius defensorem ac tutorem  
» elegit, Imperialique diademate coronavit, cum  
» præ cunctis solum eligens specialiter qui Romani  
» Imperii sceptrum teneret. Cujus sacris institutioni-  
» bus pro debito parentes, quod ipse confirmavit,  
» pari consensu omnes confirmavimus.

» Sicut Donnus Joannes sanxit, conveniente &  
» consentiente, ac condecernente Donno ac glo-  
» riosissimo Carolo Imperatore semper Augusto, An-  
» fegisum venerabilem Archiepiscopum Senonum  
» suam vicem tenere, & Primatum ei Galliæ & Ger-  
» manici contulit, in evocandâ Synodo & defi-  
» niendo canonicè si quælibet insurrexerint necessa-  
» ria, [ & ut quælibet graviora ad ipsius notitiam  
» referat, ] & nos unanimiter omni devotione lau-  
» damus, & ut ita Primatum ipse teneat Galliæ &  
» Germanici decernimus & sancimus, cunctique  
» successores ejus in propriâ urbe Senonica.

Item invenitur in gestis Episcoporum Ecclesiæ Re-  
menensis de Archiepiscopo Senonensi ita: » Obti-  
» nuit Donnus Anfegisus Archiepiscopus Senonen-  
» sis à Beatissimo Joanne Papa, & à Carolo Au-  
» gusto, ut esset primus post Papam, & teneret  
» Primatum totius Galliæ & Germanici, & ut for-  
» tiora quæque & graviora dijudicaret, Synodum-  
» que evocaret, si quælibet insurrexerint; cunctique  
» ei obediant Galliæ & Germanici Episcopi sicut Epi-  
» scopo Romano. Voluit autem ei resistere Immarus  
» Archiepiscopus Remensis, sed minimè potuit,  
» convictus Apostolicâ auctoritate. Suo etenim tem-  
» pore Ecclesiâ Senonica magno & pacifico viguit  
» honore.

Postulavit autem idem Anfegisus à Joanne Papa  
dari sibi Reliquias Pontificum atque Doctorum Gre-  
gorii atque Leonis, quod & impetravit; plerumque  
etenim Milliarum solemnitas in sede Apostolicâ cele-  
bravit. Dedit autem ei Joannes Papa caput beati  
Gregorii Papæ universalis, filii Gordiani, plumbo  
inclusum; & brachium sancti Leonis Papæ & Do-  
ctoris. Suscipiens autem hoc munus idem Anfegi-  
sus, detulit Senones in Basilicam sancti Petri, quod  
usque in hodiernum diem illic cum magno honore  
servatur. Translulit idem & corpora Sanctorum  
Præfulum, Leonis, Ursicini, Agricii, & Ambro-  
sii, in Ecclesiâ S. Petri de basilicâ S. Leonis ubi  
fuerant primùm tumulati, quæ primùm fuit dedi-  
cata in honore sanctorum Gervasii & Protasii. Fuit  
autem ipsa habitatio Monachorum magna, sed  
exigentibus peccatis hominum destructa est dum  
obliderent Pagani ipsam civitatem. Erat enim in  
ipsâ Basilicâ turris excelsa valde, quam capientes  
pagani conspicebant ex illâ omnia quæ infra muros  
habebantur. Christiani verò qui infra civitatem ha-  
bitabant, super hoc facto consilio accepto, instru-  
xerunt machinas contra ipsam munitionem. Irruen-  
tes igitur quadam die ex civitate, freti superno au-  
xilium, & precibus sancti Leonis, cujus basilicam ir-  
reverenter polluerant pagani, trucidare plurimos  
in ore gladii, & reliqui fugerunt. Postea verò ipsam

Basilicam cum turri subverterunt, ne aliâ vice simi-  
liter illis eveniret. Eâ igitur tempestate multæ Ec-  
clesiæ in hac provinciâ sunt destructæ, inter quas  
etiam Basilica sanctæ Mariæ ante civitatem miri-  
fico opere constructa funditus everfa est. Commu-  
nebat autem in eodem Cœnobio maxima multitudo  
sanctimonialium, quæ virginitate servata Deo ser-  
vire cupiebant. Erat verò in eodem loco caput, beati  
Quiriaci Martyris, ab Hierosolymis asportatum à  
Carolo Magno, & conditum in eadem Ecclesia cum  
magno honore, cum reliquiis sanctæ Dei Genitricis  
Mariæ. Hilduinus & Andreas duo Presbyteri con-  
dolentes destructæ Ecclesiæ, ædificaverunt alteram  
in honore ejusdem Virginis in proprio fundo ipsius  
Basilicæ, ubi posuerunt Reliquias cum sancti Qui-  
riaci capite. Eecerunt autem ipsi testamentum eidem  
loco de suâ propriâ hereditate. Possessiones, & car-  
tas, & templum secundum suum posse restaurave-  
runt. Floruit autem idem locus temporibus eorum  
magno honore, sed post illorum decessum ad ma-  
gnam ruinam devenit. Archiepiscopi namque ma-  
ximam partem de ipsâ hereditate Militibus in bene-  
ficio tradiderunt; ipsa Ecclesiâ cuidam Militi tra-  
dita est in beneficio, & inde penè venit ad nihilum.  
Redeamus igitur ad ea quæ cœpimus enarrare.

Videns itaque Donnus Anfegisus Archiepiscopus  
ita destrui circumquaque Ecclesiâs, pretiosum Christi  
Martyrem Sancianum translulit de villâ ( quæ ex  
ejus nomine Sanceia vocatur ) in Basilicam sancti  
Petri cum corpore sancti Augustini Martyris, qui  
ibi quiescebat, Eodædo ipsius villæ Presbytero. Tran-  
slulit etiam idem subsequenti tempore corpus sanctæ  
Beatæ Virginis in eandem Ecclesiâ, & in locello  
juxta fratrem suum sanctum Sancianum. Ferunt  
etiam veteres ipsum Martyrem, & sororem ejus  
Beatam consanguineos esse Beatæ Columbæ Virgi-  
nis, & ob amorem ipsius à partibus Hispaniæ ad-  
venisse cum pluribus aliis. Quos Aurelianus Impe-  
rator, ut Christum prædicare cognovit, diversis pœ-  
nis eos afficiens decollari præcepit. Est autem ipse  
locus ubi decollati sunt quasi duobus millibus ab  
urbe, juxta sylvam in quodam monte. Fuit autem  
Ecclesiâ ibi ab antiquis in honore horum Sancto-  
rum ædificata, sed tempore Paganorum fuit de-  
structa. Est adhuc ibi crux lignea posita pro Sancto-  
rum reverentiâ, ubi quoddam miraculum nostris  
temporibus evenit. Quidam juvenis & quadam  
juvencula illic nocturno tempore advenientes, vo-  
luptatem suam voluerunt adimplere, qui statim de-  
functi sunt subitanâ morte. Alio quoque tempore  
Warinus quidam miles injustè auferebat sancto Pe-  
tro quamdam terram, in quam dum præsens ad-  
venisset, Monachi ejus adventum audientes, cor-  
pus sancti Sanciani accipientes illuc detulerunt. Ille  
enim equum suum ascendens, obviam illis venit,  
comminans illos ne ingrederentur in terram suam:  
Monachi verò fiduciam habentes in Deo constantes  
stabant. Pro nihilo ergo computans virtutem Mar-  
tyris, voluit percutere ferrum. Mox verò ut teti-  
git, percussus à Deo in terram cecidit, contractus  
toto corpore, multos postea vivens annos in ipsâ  
languore; frater verò ejus arreptus à dæmone con-  
tinuò expiravit, cernentes hoc ceteri in fugam sunt  
converſi. Post hæc nemo fuit ausus ex ejus proge-  
nie aliquam calumniam in terram sancti Petri in-  
ferre. Vocatur autem ipse locus AD MARTYRES,  
eo quod Pagani Martyres illic decollare soliti erant.  
Narrant etiam antiqui de isto sancto Augustino,  
quod fuerit Archiepiscopus Treveris, orationisque

Translatio  
SS. Sanctia-  
ni, Augusti-  
ni, & Beatæ  
in Ecclesiâ  
S. Petri.

d

c & ut ] Quæ uncis inclusa sunt, apud Baronium non  
leguntur.

d inferre, ] Pendet adhuc hodie ab eodem Monasterio.

causâ ad sanctum Martinum devenerit, & fessus à labore hospitandi gratiâ in illâ villâ Sanceiâ diverterit, ibique egrotans diem extremum clausit; sepultusque est juxta tumulum Sanceiani martyris. Passiones horum Sanctorum & Præfulum istius civitatis non potuimus reperire, quæ tempore Paganorum fuerunt incensæ.

Translulit etiam idem Ansegisus in Ecclesiam S. Remigii apud Vallilias Sanctum Romanum de Cœnobio S. Germani Autissiodorensis, impetrato hoc ab HUGONE Abbate ejusdem loci. Abbas itaque sancti Petri AQUILA ex hoc mundo transiens, sepultus est in oratorio sancti Stephani, juxta tumulum Domni Agili Archiepiscopi. Successit autem ei FRANCO in ordine pastoralis.

Anno DCCCLXVII. obiit Nicolaus Papa sanctissimus, cui post beatum Gregorium nullus Præful videtur æquiparari posse pro studio & rigore religionis divinæ.

Anno DCCCLXXVII. Carolus Imperator, qui appellatur Calvus, cum secundâ profectioe Romam peteret, Verellis obiit, tertio Kalendas Octobris: ibique sepultus in Basilica S. Eusebii annis septem requievit. Post hæc autem delatum est corpus ejus Dei nutu in Franciam, & sepultum in Ecclesiâ S. Dionysii Parisius. Suscepit autem regnum HLudovicus filius ipsius. Anno verò sequenti Joannes Papa Romanus ad Gallias veniens cum Formoso Episcopo Portuense, ferens secum pretiosissimas reliquias, per Arelatum & Lugdunum aliasque urbes Treas venit, ibique cum HLudovico Rege & Ansegiso Archiepiscopo loquutus, ad Italiam rediit, relinquens Formosum ad Monasterium sanctæ Fara in Brigelo, dimisit ibi caput beatæ Agnetis. Quod dum poneret super altare, cunctæ Deo sacratæ in terram ruerunt velut in exitu posita. Revertens autem ad Ansegisum Senones, posuit maximam partem Reliquiarum in basilicâ sanctæ Columbæ secundo nonas Julii, Evrardo tunc Præposito, postea Pontifice. Demorans autem quibusdam diebus in urbe, profectus est Autissiodorum, ibique in Cœnobio sancti Germani pretiosas Reliquias posuit. Post hæc defunctus est HLudovicus Rex Caroli Calvi filius, relinquens filium suum parvulum, qui Simplex appellatur, cum regno in custodiâ Odonis Principis.

Verius 879.  
Obiit Ansegisus  
Archiep.

Hic succedit  
Evrardus.

Destruuntur  
Ecclesiæ à  
Normannis.

Suavus Ab-  
bas S. Remi-  
gii.

Walterius  
Archiep. Se-  
non.

Eodem anno migravit ad Christum Dominus Ansegisus Archiepiscopus, septimo Kal. Decembris, tristente mundo, latante cœlo, sepultusque est in cœnobio Beati Petri in Oratorio S. Bartholomæi. Cui successit nutu divino Dominus EVRARDUS Monachus & Præpositus sanctæ Columbæ quarto Kal. Maii, doctrinâ & virtutibus mirabilis. Cujus tempore gens Normanorum incredula per Gallias sese diffudit, totius crudelitatis genere debacchata. Quinto igitur anno ordinationis suæ venerunt Senonas, vastantes omnia. Siquidem subversa sunt castra, desolatae urbes, destructæ Ecclesiæ, succensa monasteria. Tunc quoque cœnobium sancti Remigii, quod erat apud Vallilias, incensum est, & usque ad solum dirutum, SUAVO ipsius loci Abbate cum fratribus ad urbem confugientibus cum corpore beati Romani, & pluribus Reliquiis. Interea hostilis exercitus Senonem oppugnabat civitatem, eamque omni arte qualitis machinis capere nitebatur, obsidens eam mensibus quinque. In illis diebus Evrardus Archiepiscopus languore correptus obiit Kalendis Februarii, sepultusque est in Basilicâ sanctæ Columbæ, in Oratorio sancti Martini. Cui successit sequenti mense Dominus WALTERIUS nobilitate & scientiâ clarissimus.

Tandem Sanctorum precibus ira Dei in misericor-

diam versa est: franguntur vires hostium, impetus retunditur, confidentia debilitatur, sicque intelligentes se frustra niti contra eos quos Dei pietas tuebatur, mense Maio ab urbis obsidione recedunt; dehinc ad propria redeunt. Eo igitur anno, Franci, Burgundiones, Aquitanienfes Proceres congregati in unum cum Walterio Archiepiscopo, Odonem Principem sibi elegerunt in Regem. Unxit autem eum Donnus Walterius Archiepiscopus. Pace interim redditâ BONO, cui post obitum præfati Suavi Abbatæ sancti Remigii cura erat commissa, cogitare cepit quid de loco ageret, cujus tantummodò supersedissent ruinæ. Tandem placuit Abbati ceterisque Fratribus, ut in prædiolo suo, quod est in suburbio civitatis positum, monasterium fundaretur, ubi prisco tempore fuerat conditum. Aedificatâ ergo basilicâ, transtulerunt illic corpus sancti Romani & Reliquias cum latitiâ magnâ, ubi usque hodie multis virtutibus pollet. Igitur Walterius Præful nono anno ordinationis suæ, sexto Idus Junii, captus est à Richardo Duce Burgundionum, & positus in custodiâ novem mensibus, propter quasdam contentiones quas inter se habebant, vivente adhuc Odone Rege. Post novem autem menses reversus est de custodiâ Senones cum pace VIII. Kal. Martii, datis obsidibus Richardo Duci sub titulo sacramenti.

Mortuo autem Francone sancti Petri Abbate, successit ei AIGLO. Obeunte itaque Odone Rege Kalendis Januarii, recepit regnum Carolus Simplex filius HLudovici. Sub iplo tempore venerunt Normanni in Burgundiam usque ad sanctum Florentinum. Occurrit autem illis Richardus Dux cum suis, percussitque multos ex eis, & reliqui fugerunt v. nonas Januarias. In illis diebus BETHO Præpositus & Monachus cepit ædificare muros sanctæ Columbæ in circuitu. Eodem tempore Pagani obsederunt Carnotum civitatem. Collecto igitur exercitu Richardus Dux & Robertus Princeps in eos irruerunt, peremptis ex paganis sex millibus octingentis, captives obsides a reliquis. Consilio igitur accepto Carolus Rex cum Optimatibus tradidit Neultriam Normannis: ex illo tempore vocata est Normannia. Post hæc mediante Martio apparuit Stella à parte Circii emittens radium magnum ferè diebus quatuordecim. Sequenti anno fuit fames magna per totam Galliam. In tempore illo Betho Præpositus sanctæ Columbæ, ordinatus est Episcopus Autissiodorensis, quarto Idus Martii, peractisque in Episcopatu annis quatuor, defunctus est sexto Kalendas Martii. Subsequenti igitur anno Kalendis Februarii igneæ acies visæ sunt in cœlo diversorum colorum. Ipso anno fuit dissensio magna inter Regem & Principes ejus. Ob hoc plurimæ strages inter illos perpetratæ sunt, sed favente Deo omnis illa contradictio cessavit.

Mortuo autem Aiglone Abbate sancti Petri, successit ei SAMSON venerabilis; deinde defunctus est RICHARDUS Dux, sepultusque est in Basilicâ sanctæ Columbæ, in Oratorio sancti Symphoriani Kalendis Septembris. Secundo anno post mortem ejus Robertus Princeps rebellavit contra Carolum Simplem, unctusque est in Regem à Walterio Archiepiscopo tertio Kalendas Julii. Et nondum anno expleto, decimo septimo Kal. Julii, factum est bellum Sueffionis civitate inter Carolum Simplicem & Robertum ipsum, ubi interfectus est idem Robertus. Carolo verò à cæde belli victore revertente, occurrit illi Herbertus infidelium nequissimus, & sub ficta pacis simulatione in castro, quod Parrona dicitur, ut hospitandi gratiâ diverteret, eum compulit, & sic eum dolo captum retinuit. Habebat enim ipsi

Odo Rex  
inauguratur  
Walterio.

Transfertur  
Monasterium  
S. Remigii ad  
muros urbis  
Senonensis.

Aiglo Abbas  
S. Petri.

Betho Præ-  
positus S. Co-  
lumbæ &  
Episc. Autis-  
siod.

Samson Ab-  
bas S. Petri.  
Richardus  
Dux sepelitur  
in Ecclesia S.  
Colombæ.

Robertus sororem istius Herberti in conjugio, de qua ortus est Hugo Magnus. Illic positus Carolus Rodolphus nobilem filium Richardi, quem de sacro fonte susceperat, una cum consilio Hugonis Magni filii supradicti Roberti, & Procerum Francorum in Regnum sublimavit. Idem autem Carolus post longam carceris macerationem defunctus est in ipsa custodia, & sepultus in Basilica sancti Fursei, in Castro Parronâ. Unctus est autem in Regem ipse Rodolphus tertio Idus Julii Sueffionis civitate à jam dicto Walterio Archiepiscopo. In ipso anno defunctus est Walterius Archiepiscopus xiii. Kal. Decembris, & sepultus in basilica beati Petri. Cui successit WALTERIUS nepos ejus, homo versutus moribus, & ingenio callidus. Hujus temporibus Pagani Burgundiam vastaverunt. Factum est autem bellum inter Christianos & Paganos in monte Chalo, peremptis ex Christianis multis millibus octavo Idus Decembris, ubi interfectus est Warnerius Vicecomes Senonum.

Decedente autem Walterio Archiepiscopo successit ei DOMNUS ALDARDUS venerande memorie. Ipse renovavit Basilicam sancte MARIE, quæ est juxta Ecclesiam Beati Stephani: erat enim vetustissima, dans ad stipendia Canonicorum villam quæ vocatur Ebrola. Completis igitur Dominus Aldardus in Episcopatu annis quinque migravit ad Christum vii. Kal. Octobris, cui successit Willelmus Monachus. Quarto igitur anno ordinationis suæ, vi. Idus Januarii, primo gallorum cantu incensum est Monasterium sancte Columbæ, & xviii. Kal. Februarii eodem mense obiit RODULFUS Rex Autissiodoro, quem sepelierunt in basilica sancte Columbæ. Post mortem ejus HUGO Magnus una cum Francis accersiens Willelmum Archiepiscopum, misit illam ad Oginam uxorem Caroli simplicis, ut inde reduceret HLUDOVICUM filium ejus. Fugerat enim ad patrum suum Regem Anglorum ob timorem Herberti & Hugonis. Veniensque Willelmus Archiepiscopus, datisque obsidibus sub sacramenti titulo Oginæ matri ejus, reduxit HLUDOVICUM in Franciam. Igitur xiii. Kal. Julii unctus est in Regem HLUDOVICUS filius Caroli simplicis apud Laudunum. Secundo anno post hæc xvi. Kal. Martii à gallorum cantu usque ad lucem diei sanguineæ acies per totam cæli faciem apparuerunt. Sequenti autem mense ix. Kal. Aprilis Hungari adhuc in paganismo perdurantes, Franciam, Burgundiam, Aquitaniam ferro & igne depopulari cœperunt. Pervenientes autem Senones civitatem, incenderunt Cœnobium sancti Petri, vastantes omnem provinciam. Cernens itaque Sanson Abbas & Monachi malum hoc grande, consilio accepto detulerunt corpora Sanctorum Saviniani & Potentiani cum cæteris Sanctorum corporibus, & Reliquiarum pignoribus, cum magno honore in Ecclesiam ejusdem Abbatie infra muros urbis constructam in honore sancti Petri. Relictum verò est corpus sancti Serotini in Cryptâ, retro altare sancti Petri. Vastantes igitur Pagani cunctam provinciam, redierunt ad propria incenso cœnobio sancti Petri, remanente ibi solummodo Oratorio sancti Serotini, quod minimè potuerunt incendere. Qualiter autem Willelmus Archiepiscopus corpora horum sanctorum voluit retinere, vel qualiter illos reddiderit, in libello de virtutibus sancti Saviniani plenius invenies.

Erat eo tempore BERNARDUS Archiclavus Abbatie sancte MARIE, qui post mortem cujusdam militis in beneficio tenens ipsam Abbatiam, dum illam debuit meliorare, in quantum potuit aggravavit, dans terras & prædia suis militibus. Inde terra & prædia ejusdem loci in oblivione sunt posita, eo

quod periissent cartæ ipsius Ecclesiæ & testamenta. Sacerdos namque qui illic deserviebat, nihil curæ inde habebat. Recuperatâ autem pace sancte Dei Ecclesiæ, Dominus Abbas Sanson migravit de hoc mundo, sepultusque est in basilica sancti Petri. Cui successit sanctus, ODO Abbas primus Claniacensis Cœnobii. Accersiens igitur idem Odo Willelmum Archiepiscopum, cum consensu Monachorum sancti Petri præfecit eidem Cœnobio ARIGAUDUM Abbatem Religiosum & timentem Deum, Monachum sancti Benedicti supra Ligerim.

Decedente igitur Willelmo Archiepiscopo xix. Kalendas Septembris, GERLANNUS eligitur Pontifex, Monachus sancti Germani Autissiodorensis. Post hæc rebellaverunt Francorum Proceres contra HLUDOVICUM Regem; super omnes autem Hugo Magnus. In ipso anno facta est fames valida per totum regnum Francorum. Tertio autem anno post hanc famem tradita est Senones civitas Rainaldo Comiti Remorum. Superveniens igitur Frotmundus Vicecomes cum exercitu, ingressus est castellum sancte Columbæ. Illis verò qui in urbe erant quiescentibus meridiano tempore absque ullo timore, egressus est Frotmundus cum exercitu de castello sancte Columbæ, ingressusque civitatem quiescentibus cunctis jugulavit plurimos, & reliqui fugerunt quarto Calend. Augusti. Ipse etiam Rainaldus Comes fugâ lapsus est. Propter hoc igitur destruxit Frotmundus maximam partem murorum sancte Columbæ, ne similiter ingrederetur aliquis, sicut ipse fecit, & caperet civitatem.

Post hæc captus est HLUDOVICUS Rex filius Caroli simplicis dolo apud Bajogas civitatem à Normannis, multis Francorum interceptis, conficiente Hugone Magno. Obeunte itaque Arigaudo Abbate, & sepulto in ipso Cœnobio sancti Petri, successit ei DACHELMUS. Mortuo autem Dachelmo, subsequitur ei ARCHENGERIUS. Defuncto autem Frotmundo Vicecomite, RAINALDUS filius ejus, qui Vetulus appellatur, Comes Senonum factus est. Gerlannus igitur Archiepiscopus longo jam senio confectus migravit ad astra, vocatus Nonis Augusti, sepultusque in basilica sancti Germani Autissiodorensis. Cui successit HILDEMANNUS secundo Idus Septembris, sancti Dionysii monachus.

Defuncto autem Archengerio Abbate sancti Petri, & sepulto in eodem Cœnobio, successit ei OBTERTUS. Post hæc mense Maio, feriâ sextâ, pluit sanguis super operarios. Ipso anno mense Septembris HLUDOVICUS Rex totum tempus vitæ suæ plenum ducens angustiarum, diem clausit extremum, sepultusque est Remis in Ecclesia sancti Remigii. Sequenti quoque mense secundo Idus Novembris, HLOTARIUS jam juvenis filius ejus unctus est in Regem Remis, & Hugo Magnus factus est Dux Francorum. Secundo autem anno post hæc mense Augusti obsedit supradictus Hugo Pictavis civitatem, sed nihil ei profuit. Dum enim obsideret urbem, quâdam die innotuit Dominus terrore magno, disruptaque turbo papilionem ejus à summo usque deorsum, stuporque magnus invalit omnes, ita ut vivere non se astimarent; statimque in fugam versi recesserunt ab urbis obsidione. Fecit autem hoc Deus per meritum Beati Hilarii, qui semper est defensor ipsius urbis. In ipso anno defunctus est GISLEBERTUS Dux Burgundiæ, relinquens Ducatum OTTONI filio Hugonis Magni: habebat enim Otto filiam ipsius Gisleberti in conjugio. Secundo anno obiit Hugo Magnus Dux Francorum apud Drodinam villam xvi. Kalendas Julii, sepultusque est in basilica sancti Dionysii Parisius: cui successerunt filii ejus Hugo, Otto, Auvricus, nati ex filiâ Odonis Regis;

NNn iij

S. Odo Abbatiam S. Petri regit, ac præficit Abbatem Arigaudum.

Willelmo Archiep. Gerlannus subrogatur.

Abbates S. Petri Vivi Dochemus, Archengerius, Rainaldus Senon. Comes.

Hildemannus Archiep. Senon.

Othertus Abb. S. P. Vivi.

Burgundiæ Duces Gislebert. Otto.

An. 998. Odonan.

Walterio Archiep. successit Walterius nepos.

Warnerius Vicecomes Senonensis.

Aldardus Archiep. Senon.

Willelmus in eius locum successit.

Rodulfus Rex obiit.

Willelmus Archiep. Angliam petit.

Incenditur Cœnobium S. Petri Vivi.

Bernardus dilapidat bona Abbatie S. Marie.

Hugo fuit Dux Francorum, & Otto Dux Burgundionum.

Mortuo denique Oberto Abbate sancti Petri, successit ei NOTRANNUS, destructor ipsius Cœnobii. Nam vendens villas, & Ecclesias, & ornamenta Ecclesiarum sancti Petri, & sancti Remigii, sanctique Eraclii, & sancti Petri Ferrariensis, parentibus suis distribuit, & postea Nivernensium Episcopatum muneribus promeruit. Has enim omnes Abbatis tenebat. Factumque est, ut à tempore illo usque ad Donni Seuini Archiepiscopi tempus Abbatia sancti Petri sine Abbate remaneret. Monachis namque qui ibi remanserant, ob penuriam victus & vestimenti huc illucque vagantibus, locus ille sanctus penè venit ad nihilum.

In illo tempore erat quidam miles BURCHARDUS, & uxor illius ILDEGARDIS, qui habebant quamdam munitiunculam in Pago Senonico super Sequanam fluvium, in loco, qui vulgo dicitur Brajacus, in locis palustribus. Ibi extruxerunt illi Cœnobium Monachorum in suâ hereditate, in honore Domini Salvatoris, deferentes illic corpora Sanctorum Paterni martyris, & Pavacii Confessoris.

Cæterum Hildemannus obiit sepultus in basilicâ beati Petri, expletis in Episcopatu annis quatuor, & mensibus decem & diem, & dies quatuor. Cui successit ARCHEMBALDUS v. Cal. Julii, parentum potius & pecuniarum quam Dei provocatus examine.

Mortuo denique Ottone Burgundionum Duce, successit AUVRICUS frater ejus. Sub ipso tempore oritur contentio inter Ansegisum Trecentum Episcopum, & Robertum Comitem. Ejectus autem ex civitate Ansegisus à Roberto, perrexit in Saxoniam ad Ottonem Imperatorem; adductisque Saxonibus mense Octobri obsedit Trecentum civitatem tempore longo. Venientes autem in prædam Senones, voluerunt vastare totam regionem. Occurrerunt verò illis Archembaldus Archiepiscopus, & Rainardus Comes Vetus cum exercitu maximo, in loco qui vocatur Villare: interfectisque Saxonibus cum Duce suo Elpone, Senonenses victores rediére. Dixerat Elpo incensurum se Ecclesias & villas usque ad civitatem, mittere se lanceam in portam sancti Leonis. Interfectus autem reportatus est in patriam suam Ardennam: sic enim jussit mater ejus Wârna. Planxerunt autem eum valde Rainardus Comes, & Archembaldus Archiepiscopus; consanguineus enim illorum erat. Videns autem Bruno Dux socius ejusdem Elponis quod ipse mortuus esset, & populus, reverius est in patriam suam.

Sub ipso tempore referantur Mausolei Sanctorum Columbæ Virginis & Lupi Confessoris per notitiam cujusdam veterani Monachi. Solus enim ipse noverrat quo loco tegerentur. Latuerant namque tempore Paganorum usque ad illud tempus in cryptâ ipsius Basilicæ. Certiores autem facti de illorum præsentia, invitatoque Archiepiscopo Archembaldo, & populo innumerabili, levaverunt eos cum magno honore xi. Kalendas Augusti.

In illis diebus erat quidam miles Boso nomino, raptor fortissimus, versutusque moribus, qui ingressus in munitiunculam Donni Burchardi apud Brajacum, deprædatus est cunctam provinciam, vivente adhuc Ildegarde uxore supradicti Burchardi. Igitur Rainardus Comes indignatus super hac re, incendit munitiunculam ipsam capto Bosone, cum Basilicâ nostri Salvatoris, deferens inde reliquias Ecclesiæ cum corporibus sanctorum Paterni & Pavacii in Turrim Senonicæ civitatis. Postea verò reddidit ea per deprecationem Tetbaldi Comitis, sub cujus

dominatione idem locus esse videtur.

Archembaldus itaque solo nomine Archiepiscopus, malis suis pejora addens, sancti Petri Abbatiam ad solum usque contrivit, quidquid Notrannus reliquerat ad nihilum redegit, Ecclesias, & villas, & ornamenta vendens, & distribuens, reliqua in usus proprios retinuit. Relinquens verò domum suam quæ erat ad usum Archiepiscoporum, habitavit in claustro Monachorum, vindicans sibi refectorem, in quo habitare cepit cum meretricibus. Remanserant autem ibi quindecim Monachi, ex quibus duodecim unâ nocte sunt defuncti. Tres verò de ipsâ plagâ evaserunt, id est Odo, Rainbertus, Adelungus, qui tamen in ipso anno defuncti sunt. Quidam autem Miles Frôdo nomine compatiens ruinæ Cœnobii illius, postulavit ab ipso Archiepiscopo dari thesaurum sancti Petri filio suo Frodoni. Factus autem Thesaurarius accepit illud tale ornamentum quod invenit, & cartas ipsius Cœnobii, detulitque omnia in domum suam in civitatem. Fecit autem non cupiditate retinendi, sed causâ servandi. Ille verò FRODO filius Frodonis factus Archidiaconus, dedit ad stipendia Monachorum sancti Petri villam suam Arceam nomine, in diebus Donni Rainardi Abbatis, & Donni Leoterici Archiepiscopi ex cujus beneficio esse videbatur. Jacet autem ipse Archidiaconus in Capitulo Fratrum ad pedes Donni Seuini Archiepiscopi. Pater autem ejus requiescit in porticu Basilicæ ipsius.

Archembaldus verò canes suos & accipitres faciebat quiescere in claustro sancti Petri; & illi qui sero mittebantur ibi, Dei nutu manè inveniebantur mortui. Quod miraculum dum omnes conspicerent, & super hoc facto Deum laudarent, dicebant ei domesticis sui, quod injustè retineret claustrum & possessiones Monachorum. Ipse verò totum pro nihilo deputans, vacabat curis hujus sæculi. Quâdam autem die duxit illum quidam Canonicus sancti Stephani Candacher nomine, qui erat studiosus in omni philosophia, ad sepulcrum Donnæ Theodechildis Reginæ, dicens illi: Lege Epitaphium hoc, quod edidit sanctus Fortunatus Episcopus. Cæpit autem Archembaldus legere sic:

*Hunc Regina locum Monachis construxit ab imo, Techildis rebus nobilitando suis: &c.*

Dixit illi Candacher: Perspice & intellige, quoniam non ad usus canum, sed servorum Christi Cœnobium hoc constructum esse videtur. Cumque maiorum tot Dominus decrevisset facere finem, anno nono ordinationis suæ, mense Junio defunctus est Rainaldus Coniarius Regis Hlotarii, cujus consilio & actu gestum est, ut ipse esset Archiepiscopus. Sequenti autem mense Julio, incense sunt basilicæ sancti Stephani, & sanctæ MARIE, sanctique Joannis Baptiste, & claustrum Canonicorum crematum est igne. Perit autem in ipso incendio librarium sancti Stephani, & ornamenta maxima, imò etiam Reliquiæ pretiosissimæ. Erat enim nox. Ruit autem Basilica sancti Stephani à fundamentis post incendium. Sequenti verò mense Augusti, xiv. Kalend. Septembris cæpit renovare Archembaldus Archiepiscopus presbyterium sancti Stephani, perficiens cryptas omnino. In ipso mense Augusto obiit pater ipsius Rotbertus nomine, vir nobilis & dives valde. Ipse verò Archembaldus eodem mense obiit adhuc juvenis quarto Kalend. Septembris, expletis in Episcopatu annis ix. & duobus mensibus, & die uno. Mortuus est autem hoc modo: apparuit ei inelytus martyr Savinianus semel & secundò, admonens illum ut relinqueret à tam nefario opere. Qui minimè obediens visionibus illius, de visione deterior est factus. Tertiâ verò monitione factâ,

Notrannus  
Abbas S. P.  
Vivi, & alia-  
rum bona suis  
parentibus  
profudit.

Fundatio Mo-  
nasterii S.  
Salvatoris  
propè Brayâ.

Archembal-  
dus Archiep.  
Senon.

Auvricus  
Dux Bur-  
gund.

Elpo Saxoni  
Dux à Senon.  
occiditur.

Translatio  
SS. Columbæ  
Virg. & Mar-  
tyr. & Lupi  
Pontif. Sen-  
nonensis.

Corpora Pa-  
terni Marr. &  
Pavacii resti-  
tuta Mona-  
sterio S. Sal-  
vatoris.

Archembal-  
dus vastat  
Cœnobium  
S. Petri.

Monachi 15.  
vna nocte in-  
terierunt.

Frodo Miles  
Thesaurum  
& cartas illius  
Monasterii  
servavit.

Miseræ ac re-  
pentina mor-  
tis Archembal-  
di.



percussit eum plagâ invisibili, dicens illi: » Non amplius patiemur desolari locum effusione nostri sanguinis consecratum. « Surgentes autem cubiculari admirantes quænam vox hæc esset, invenerunt illum mortuum, nudumque jacentem in terrâ. Factumque est divino nutu, ut qui locum sanctum exspoliaverat, nudus inveniretur in refectorio quod vi monachis abstulerat. Sepultus est autem in Basilicâ beati Petri.

Mortuo autem isto tam crudeli interitu, omnis populus sibi acclamabat Donnum ANASTASIUM virum egregium, omni bonitate conspicuum. Ex præcepto autem Regis Hlotharii consecratus est Antistes in Apuniaco villâ XVIII. Kalend. Januarias, & secundâ Dominicâ de Adventu Domini susceptus est in sede propriâ cum gaudio magno; ibique residens cœpit agere ea quæ Dei: erat enim miræ sanctitatis & abstinentiæ vir, vigiliarumque amator continuus, & eleemosynarum distributor largissimus; nutritor clericorum, amator Monachorum, merentium consolator piissimus, pauperum, orphanorum, & viduarum pater. Cui apparuit inclytus Martyr Savinianus visu terribili comminans & contestans ut reedificaret Ecclesiam sancti Petri, quam ipse suo sanguine consecravit. Cujus voci obtemperans cœpit locum sanctum restaurare, Monachos revocare, terras & prædia pretio redimere. In proprio quidem statu locum ipsum restaurasset, Abbatemque Monachis præfessit, nisi tam citò de hoc sæculo migrasset. Deus enim omnipotens non diu permisit eum detineri in hac ærumnosâ peregrinatione. Ab illâ ergo die quo sacerdotium sumit, usque ad finem vitæ carnem non comedit, nec indutus est lino, sed semper usus est cilicio. Multam etenim persecutionem sustinuit patienter ab impiis in hoc sæculo. Rainardus namque Comes Vetulus semper contrâ Deum & contrâ ipsum contentiosus egit, multas injurias inferens illi, sed servus Christi cuncta sustinens, imitator illius factus est, qui pro nobis crucem sustinuit.

Ædificavit autem Ecclesiam Donnus Anastasius in honore sanctæ MARIÆ in suâ hereditate, in villâ quæ vocatur Aguriacus, collocans juxta eam suam domum, ubi die noctuque orationibus vacabat, de quâ hereditate fecit Christum heredem, & Ecclesiam quam regebat. Asportavit verò corpus beati Victoris de propriâ villâ sancti Stephani, quæ vocatur Bruotea, condens illud in ipsâ Ecclesiâ quam ædificaverat, honore maximo. Istum etenim sanctum Victorem socium beati Mauricii detulit antiquo tempore Donnus Willarius Archiepiscopus hujus sedis, de Agaunensi Cœnobio, volente Abbate ejusdem loci & fratribus, quem collocavit in Ecclesiâ sancti Stephani latante populo. Subiequenti autem tempore delatus est à Canonicis ejusdem loci in pago Wastinensi in Bruoteâ villâ, eo quod homines ipsius pagi terram ipsorum devastarent, & in proprios usus detinerent. Tumultuque ibi requievit multis annis usque ad Donni Anastasii tempus, qui transtulit eum, sicut jam dictum est, in Ecclesiam suam apud Aguriacum. Requievit autem ibi usque ad Donni Seuvini sui successoris tempus, qui asportavit eum cum magno honore in Ecclesiâ sancti Stephani, ubi nunc Dei gratiâ requiescit.

Basilicam sancti Stephani in quantum potuit, Donnus Anastasius restauravit, perficiens cancellos & medietatem illius. Totam etenim illam perfecisset, nisi tam citò de hoc mundo migrasset. Basilicas autem Beatæ MARIÆ & sancti Joannis restauravit. Dedit verò ad stipendia Canonicorum villas & Ecclesias, quas jure hereditario possidebat. Talibus ornatus virtutibus transiit ex hoc mundo ad Deum,

mediâ nocte Dominicâ, VII. Idus Januarii, regnante adhuc Hlothario Rege. Sepultus est autem in Basilicâ beati Petri secundum ejus præceptum, ubi mos est Archiepiscopus sepeliendi. Vixit verò in Episcopatu annis undecim & mense uno, & diebus XIII. Habebat autem idem Archiepiscopus quamdam germanam Dei ancillam in monasterio sanctæ Faræ in Brigeso, cui apparuit Angelus Domini in ipsâ nocte dicens: Quare tardatis & non surgitis hymos Deo decantare, & laudare Christum? sciatis enim pro certo quod hac nocte Anastasius Christi Confessor transiit ex hoc mundo: sicque vobis gaudium à Deo, quia semper gaudebit cum Christo. Surgentes autem Deo sacratæ, impleverunt officium sicuti de uno Confessore. Notatoque die & horâ miserunt Senones, qui hæc inquirerent, & ita invenerunt sicut Dei ancilla in visione viderat.

Post transitum autem Donni Anastasii Ecclesia Senonica fuit sine benedictione sacerdotali usque IV. Idus Junii, resistente Rainardo Comite. Tertio Idus Junii consecratus est Donnus SEUVINUS, die Dominicâ, in Basilicâ sancti Stephani Autissiodorensis. Cui restitit ipse Antichristus Rainardus, negans ei introitum civitatis. Timebat enim perdere civitatem. Erat enim Donnus Seuvinus magnæ nobilitatis vir, ex sorore nepos ipsius Rainardi. Videns autem hoc ipse Archiepiscopus, omnem provinciam interdixit à Calendis Octobris usque in caput j. junii. Ipso verò die receptus est in propriâ sede. Eodem anno facta est mortalitas magna hominum, quâ defunctus est Isimbardus M. C., frater ipsius Archiepiscopi, idibus Aprilis. Cœpit autem Donnus Seuvinus restaurare Cœnobium beati Petri, præponens Abbatem Rainardum suum nepotem ex sorore, Monachum beatæ Columbæ, medietatem ipsius Abbatæ illi reddens, aliam in proprios usus retinens. Fecit autem hoc non cupiditate, sed causâ necessitatis. Possessionibus etenim quæ ad Archiepiscopos pertinebant penitus carebat, quia Archembaldus antecessor eas suis militibus traderat. Postea adduxit Monachos regulares ex Cœnobio sancti Benedicti, & sancti Petri Cluniacensis, quorum exemplo ipse Rainardus in melius proficeret. Perfecit verò ipse Basilicam sancti Stephani, & dedicavit eam tertio Nonas Octobris, anno sexto suæ ordinationis. In ipso die fecit heredem Christum, & Ecclesiam ipsam, dans ad stipendia Canonicorum villas & Ecclesias quas possidebat. Ab illo ergo die quo sacerdotium sumit, usque ad finem vitæ carnem non comedit, nec lino indutus fuit. Appropinquante autem solemnitate Apostolorum Petri & Pauli in die Sanctorum Joannis & Pauli dum se sopori dedisset in domo sua, quæ prisco tempore fuit refectorium Monachorum, quam Archembaldus monachis vi abstulerat, apparuit ei inclytus Martyr Savinianus comminans, & quali impetum faciens in eum dixit: » Cur locum effusionis nostri sanguinis non restauras? Quare in proprios usus retines prædia nostri Cœnobii & terras? « Ad hæc expregactus, adiit claustrum sancti Petri, prostratusque humo coram Monachis veniam precabatur, reddens eis totam terram, quæ conjacet in circuitu Cœnobii ipsius. Nam & ipsam abstulerat Archembaldus, & in dominium Archiepiscoporum fecerat devenire. Hoc pacto rediit in civitatem, non habens unde vel uno die refici posset: dicunt ei sui: » Quid acturus es modo, quoniam nihil habemus unde tu vel nos vivere possimus? « Ad hæc senior respondit: » Pascet Deus pauperes suos. Dicit enim scriptura. *Non vidi justum derelictum, nec semen ejus quarens panem.* Sultentabor ex patrimonio meo, usque dum restituat Deus pos-

Archiepiscoporum Senon. sepultura apud S. P. Vivum.

Festum S. Anastasii 7. Januarii.

Seuvinus Anastasio succedit.

Cœnobium S. P. Vivi instaurat, cui Abbatem constituit Rainardum.

Austeram vitam agebat Seuvinus.

Anastasius Archiep. Archembaldo succedit.

Ejus virtutes recensentur.

Instaurat abbatiam S. P. Vivi, & multa confert Ecclesiis.

Ecclesiam S. Mariæ exædificat.

S. Stephani restaurat.



» sessiones suas sancto Stephano. « Mirum in modum defuncti sunt omnes qui tenebant possessiones sancti Stephani. Tum ipse gratias Deo referens, recepit quod Archembaldus male errando dispersit. Post cepit domum suam ædificare juxta sancti Stephani Basilicam, ut venientes filii Ecclesiæ præsentem invenirent à quo responsum acciperent. Restituit etiam Dominus Seuvinus Monachis sancti Petri villam Alsonis, cum Ecclesiâ & appenditiis suis in Synodo Senonensi, cujus Privilegii exemplar hoc est :

» Anno ab Incarnatione Christi DCCCCLXXX. Indictione octavâ, cum sederem ego SEUVINUS Archiepiscopus Senonensis, & circumfederent quidam de Coëpiscopis nostris cum personis Ecclesiæ sanctæ MARIE Virginis, sanctique Stephani Protomartyris, quorum consilio & actu vigor Ecclesiasticus vigere debet, venerunt ante nostram præsentiam Abbas Monasterii sancti Petri Vivi & sancti Saviniani Martyris, cum turmâ Monachorum ejusdem Ecclesiæ, petentes à nobis ad supplementum victûs & vestitûs sui & successorum suorum aliquod augmentum largiri à nobis sibi clementer. Quorum petitionibus, & precibus prædictarum vel prænominatarum personarum consentientes, aurem accommodavimus, & quod petebant, quia suum esse vidimus, concessimus. Scilicet altare quod est in pago Senonico, cum villâ quæ dicitur Alsonus in honore sancti Petri dicatum, quod olim Dominus EGIL bonæ memoriæ hujus sedis Archiepiscopus eidem Ecclesiæ dedit, & litteris firmavit. Item in villâ, quæ dicitur Sanceias, altare quod est in honore sancti Saviniani Martyris consecratum. Item tertium quod distat à Cryptâ prædicti Monasterii quinquaginta dextros in honore sancti Saviniani Martyris & Protopræsulis nostri. Quartum quoque in pago Pruvienti in villâ, quæ dicitur Naudus, in honore sancti Lupi consecratum. Ad petitionem igitur RAINARDI ejusdem Monasterii Abbatis, & Monachorum ejus, dedimus hæc quatuor Altaria, ut ipsi & successores eorum ex omni tempore possideant absque alicujus servitii administratione, & in eis fideles sacerdotes ad servandum Deo omnipotenti dignè constituent.

» Postulo ergo serenitatem successorum meorum Archiepiscoporum, ut sicut cupiunt scripta voluntatum suarum cuncto tempore fieri rata, ita orthographium desiderii mei, fideliumque meorum perenniter servant stabile. Unde & propriâ manu firmo, roborandumque Coëpiscopis meis, & fidelibus sanctæ Dei Ecclesiæ humiliter deprecor & trado. Præterea violatores hujus Privilegii, & diminutores, gladio Spiritûs sancti, nisi reliquerint, & satisfecerint quibus damnum datum est, firmus. Actum in Ecclesiâ sanctæ MARIE, & sancti Stephani Senonicæ urbis synodaliter atque feliciter.

SEVINUS peccator Archiepiscopus firmo & sigillo meo munio.

ODO Carnotensis Archiepiscopus.

RAINOLDUS Parisiorum Episcopus.

MILO Trecentarum Episcopus.

Ego MANASSES Aurelianensis Episcopus.

THEODORICUS hujus sedis Archidiaconus.

GRUNERIUS hujus Ecclesiæ Archiclavus.

ALBERICUS Wallinensis Archidiaconus.

GRIVERIUS Cancellarius scripsit.

Anno DCCCCLXXXVI. secundo Kalendas Decem-

bris, ascenderunt Normanni à Parisius Senonis; & sequenti mense Maio redierunt in Franciam, jam defuncto Ewardo Archiepiscopo, & ordinato Walterio in loco ejus. Qui eodem anno unxit Odonem in Regem. Hic Privilegium fecit Monachis sancti Petri de electione Abbatis: cujus hoc est exemplar:

Anno Dominicæ Incarnationis DCCCXCI. Indictione nonâ, celebrata est Synodus in Magduno super fluvium Ligeris in Ecclesiâ Beati Lifardi Confessoris Christi, regiâ jussione gloriosi Regis Odonis diversis Ecclesiarum Episcopis confluentibus; ubi cum de diversis Ecclesiæ utilitatibus & negotiis tractaretur, exposita est in omnium præsentia ratio Fratrum Beati Petri Apostolorum Principis Cænobii Senonensis Ecclesiæ in ejus suburbio constituti, dicentes se plurimum ex revolutis temporibus discriminis jacturam tolerasse enormiter, idcirco quod eis à suis Pontificibus Senonensis videlicet Ecclesiæ Præsilibus, multi ex aliis Cænobiis in prælaturam regiminis Abbates constituerentur, quod utique quia præter Regulam Beati Benedicti & institutionem sanctorum Canonum esse videbatur, sancitum est à beatissimis Pontificibus, monente, imò & deprecante ejusdem loci venerabili Pontifice Gualterio Senonensis Ecclesiæ, ut nullus deinceps ordinaretur vel constitueretur Pater Monasterii, nisi quem ipsi suâ dispositione & libitu voluntatis ex suis eligerent. Quocirca præsentis Privilegio solemniter à prædictis decretum est Præsilibus, ut quicumque temerarius hanc tantorum auctoritatem Patrum præsumserit violare, sub vinculo anathematis habeatur, & auctoritate quâ Dominus noster JESUS CHRISTUS potestatem contulit Discipulis suis ligandi & solvendi dicens: *Quodcumque ligaveritis*, &c. omnium igitur manibus roboretur quod omnium consensu firmatur.

Et subscripserunt omnes, qui ibi aderant, Episcopi videlicet, & Archiepiscopi, quorum hæc sunt nomina.

GUALTERIUS immerito sanctæ Senonensis Ecclesiæ Archiepiscopus confirmavit.

EDACIUS Bituricensis Ecclesiæ Archiepiscopus.

HEBERNUS Turonorum Archiepiscopus.

HERERIDUS Episcopus Autissiodorensis.

TEODARDUS Narbonensis Ecclesiæ Archiepiscopus.

ADALGARIUS Eduorum Episcopus.

HERFREDUS Episcopus Claromontanus.

Semper AGILMARI manens sub nomine firma.

EUMENUS Nivernensis Episcopus.

GLIMERIUS Carnotum Episcopus.

ADOLENUS Albiæ Episcopus confirmavi.

AGILBERTUS gratiâ Dei Bituricensis Episcopus.

WALTERIUS Episcopus Aurelianensis.

SERVUS DEI humilis Episcopus Jerondensis.

GUARINUS Coroacensis Episcopus.

ADALDUS humilis Archipræsul.

Anno DCCCXCVI. Richardus princeps Burgundiz recepit Senonis contra Walterium Archiepiscopum & Varnerium Comitem.

Anno DCCCXCVIII. Obiit Odo Rex, & Carolus Simplex Regnum accepit.

Anno DCCCCLXXVI. Septimo Idus Januarii Anastasius Archiepiscopus Senonensis obiit, & sepultus est in Basilicâ sancti Petri. Et eodem anno mense Julio, quarto Idus prædicti mensis ordinatus est in

Odonem Regem unxit  
Walterius  
Archiep.

Anastasio  
Archiep. succedit  
Seuvinus.

e Archiepiscopus, ] Sic legitur in veteri codice.  
f Bituricensis, ] L. g. Bituricensis.

g Coroacensis ] Acherius conjicit *Cauriacensis*: Baluzius vero: *Guimatanus Caracensis*, h. e. Carcallonensis.

Translatio  
corporis S.  
Ebboni.

Hugo Rex  
Arnulphum  
ab Archiepi-  
scopatu sub-  
moveri man-  
dat.

Cui Sevinus  
rennit.

Sevinus obiit.

eâdem sede Seuvinus Archiepiscopus. In eodem anno obiit HLotharius Rex senex, cui successit HLothovicus filius ejus juvenis. Eo tempore Donnus Abbas Rainardus cœpit restaurare claustrum sancti Petri quod Archembaldus destruxerat, terras & prædia redimere. Erat autem ipse Abbas nepos ejusdem Archiepiscopi. In diebus illis quiescebat adhuc sanctus Ebbo in priori tumulo. in oratorio B. MARIE juxta Altare ad dexteram, fulgens innumerabilibus signis; quapropter communi consilio prædictus Archiepiscopus, & Abbas, levaverunt eum cum magno honore, convocato populo innumerabili.

Hic deficit regnum Caroli magni Imperatoris. In illis diebus erat in Remensium civitate Archiepiscopus ARNULFUS vir bonus & modestus, frater HLotharii Regis ex concubinâ. Hugo autem Rex invidabat ei, volens eum exterminare cum omni progenie HLotharii. Congregans verò Rex Synodum in urbe Remensi, invitavit Archiepiscopum Senonum Seuvinum cum suffraganeis suis, ubi fecit deponere ipsum Arnulfum, dicens non decere fieri Episcopum ex concubinâ natum. In loco autem ejus fecit consecrare GERBERTUM Monachum & philosophum. Gerbertus magister fuit Roberti Regis filii istius Hugonis, & Donni Leoterici successoris Seuvini Archiepiscopi. Arnulphum autem mancipari fecit custodiæ in Aurelianensi civitate, ibique mansit annis tribus alligatus, ubi etiam detinebatur nepos ejus Carolus. Seuvinus autem Archiepiscopus non consensit aliis in depositione Arnulphi, neque in ordinatione Gerberti. Alii verò Episcopi propter timorem Regis unum deposuerunt; alterum ordinaverunt. Nuntiantur autem hæc omnia Romano Præfati; qui valde indignatus super hoc facto, interdixit omnes Episcopos qui Arnulfum dejecerant, & Gerbertum ordinaverant. Misit quoque Leonem Abbatem ab Apostolicâ sede ad Donnum Seuvinum Archiepiscopum urbis Senonicæ, ut vice suâ Synodum congregaret in Remensi urbe, mandans illi, ut sine dilatione revocaret Arnulfum de carcere, & deponeret Gerbertum de Episcopali sede. Collecto igitur concilio in urbe Remensi, jussione Apostolicâ revocatus est Arnulfus de custodiâ, & cum magno honore receptus est in sede propriâ. Gerbertus verò intelligens quoddam injustè suscepisset pontificalem stolam, quamvis invitatus deseruit. Altercationem autem Gerberti Pontificis & Leonis Abbatis valde utilem, in gestis Remorum Pontificum invenies. Post hæc autem Gerbertus factus Pontifex Ravennæ ab Othone Imperatore, & à populo ejusdem urbis. Postea autem defuncto Papa Romano, locatus est in sede Apostolicâ.

Anno DCCCXCIX. 16. Kalend. Novembris obiit Seuvinus Archiepiscopus, qui jacturam Monasterii S. Petri, quam Anastasius Archiepiscopus antecessor ejus relevare cœperat, in pristinum restituit statum, ibique sub distractione regulari ordinavit Abbatem Rainardum; cujus etiam corpus in eodem Monasterio est sepultum. Hic etiam Monasterium sancti Petri Milidunensis ab imo relevavit, & monachos in illo mittens Abbatem Walterium eis præfecit. Hic matrem Ecclesiam sancti Stephani, quæ igni cremata fuerat, ab epistylis erigens, & ex integro perficiens, signis & ornamentis Ecclesiasticis decoravit, & adjunctis sibi Milone Episcopo Trecacensium, & Eriberto Autissiodorensium, & Roelno quoque Nevenensium, cum maximo honore dedicavit. Eâdem quoque die ad stipendia Clericorum ibidem Deo famulantium tria altaria sub privilegii testamento delegavit. Deinde brachium sancti Leonis Papæ cum digitis sancti Ebbonis, ab Abbate Rainardo & à fratribus Monasterii sancti Petri multâ prece obti-

Tom. II.

nens, auro & gemmis ornavit, & eidem casæ Dei contulit; pro quibus mutuâ vicissitudine, & pro remedio animæ suæ de altario sancti Saviniani, quod triginta passus à cryptâ Monasterii abest, & de altario S. Sanctiani, quod est in villâ Sanceias & de altario S. Petri, quod est in villâ quæ Alsonus vocatur, & de altario S. Lupi, quod est in villâ quæ Naudus dicitur, perpetua privilegia unâ cum consensu & voluntate Papæ Romani, & Coëpiscoporum suorum, sancto Petro ejusque Monachis fecit. Decrevit etiam ut Abbas ejusdem Monasterii in conventu Abbatum vel Clericorum post Episcopum primus sedeat, & inter ceteros ejusdem Episcopatus Abbates primatum teneat. Ipse autem talem se exhibeat, ut dignus sit tali honore. Tabulam quoque ex auro & argento ante altare sancti Stephani construxit, de quâ postmodum ante monasterium facta est turris. Iste Seuvinus apud urbem Romam per manum Joannis Papæ Archiepiscopale pallium, quo antecessores ejus insulati sunt, & Primatum Galliæ suscepit. Et quandiu vixit, multa bona Clericis & Monachis dedit. Vixit verò in Episcopatu annis viginti duobus, sepultusque est juxta suum præceptum in Capitulo S. Petri.

In ipso anno tradidit Walterius miles, & uxor ejus castrum Milidunum Odoni Comiti. Congregans autem Rotbertus Rex exercitum & Burchardus Comes, convocatis Normannis cum suo Duce Richardo, castrum ipsum obsedit. Castro igitur capto suspensus est Walterius & uxor ejus in patibulo. Burchardus autem Comes castrum à Rege recepit, sicut antea possedit.

Igitur Rainardus Comes Vetulus, sanctæ Columbæ Abbatiam tenens in beneficio, plurima ei abstulit, retinens in usus proprios. Similiter Cœnobium sanctæ Færæ Virginis, quod in dominio habebat, multis modis aggravavit, necnon & Abbatiam sanctæ MARIE Virginis destruxit in quantum potuit; in cujus possessione castrum quod Joviniacus dicitur, firmavit. Aliud verò castrum construxit in terrâ Terrariensis cœnobii, quod ex suo nomine castrum Rainardi vocavit. In parte vero quâdam ipsius urbis turrim maximam edificavit. Sicque intentus curis hujus sæculi senex & plenus dierum obiit, sepultusque est in Basilicâ sanctæ Columbæ Virginis, cui ejus filius Frotmundus successit, habens in conjugio filiam Rainaldi Remorû Comitis.

Anno millesimo acclamante Clero & populo electus est in Episcopatu Donnus LEOTHERICUS ipse Ecclesiæ Archidiaconus, cui resistebant plurimi Clericorum cupientes Episcopium: quâ de re Romam adiit Gerbertum Papam, qui & Silvester dictus est, cujusque discipulus in Remensium urbe fuerat juvenis. Quem ille gratanter recepit, cum benedictione apostolicâ remisit, & totius Galliæ Primatum dedit. Unde rediens Senones cum patre, susceptus est à clero & populo honorificè. Volentibus autem eum inthronizare, prohibuit Frotmundus Comes natus ex malâ progenie. Habebat enim filium Clericum nomine Brunonem, quem volebat Episcopum facere. Quare Donnus Leothericus iterum Papam adiit. Qui mittens litteras suas ad suffraganeos Episcopos Ecclesiæ Senonicæ, jussit ut congregati in unum Apostolicâ auctoritate eum ordinarerent. Qui jussâ complentes, consecraverunt eum apud sanctæ Færæ Monasterium.

Anno MI. obiit Henricus Dux Burgundiæ sine filiis.

Anno MXII. obiit Frotmundus Comes bonæ memoriz.

Anno MXV. facta est traditio Senonicæ urbis, & RAINARDUS Abbas Monasterii S. Petri Vivi obiit.

OOO

Rainardus  
Comes Abba-  
tium bona  
aufert.

Leothericus  
Pontif. Se-  
non. eligitur.

Cui adverfa-  
tur Comes.

Consecratur  
in Monasterio  
S. Færæ.

Rainardus  
Abbas: quæ

Monasterio  
contulerit,  
describuntur.

Leothericus  
Archiep. plu-  
res SS. Reli-  
quias reperit,  
easque exor-  
nat.

Multa Cœno-  
bio S. P. Vivi  
largitur.

Rainaldus  
Comes Seno-  
nequissimè se  
gerit.

Ingo Abbas  
S. P. Vivi.

Hic Monasterium sancti Petri ab imo renovavit, & claustra Monasterii cum domibus ad se pertinentibus ædificavit. Tabulam etiam auream & argenteam ante altare construxit: Crucem auream cum gemmis fabricavit: Signis, codicibus, palliis, sacris vasis, & reliquis ornamentis Ecclesiasticis idem Monasterium ditavit.

Donnus autem LEOTHERICUS quantam venerationem circa Sanctorum titulos & solemnitates habuerit, paucis dicemus. Qui quâdam die adhuc vivente præfato Abbate Rainardo investigare cœpit, ubinam essent recondita corpora sanctorum Saviniani & Potentiani. A tempore enim Willelmi Archiepiscopi ob timorem Paganorum erant abscondita in antris. Repertis autem eis per notitiam cuiusdam veterani, Martini nomine, servi ejusdem loci, cum omni diligentia condiderunt ea in locellis plumbeis, plura miracula ibi operante virtute Domini. Post hæc idem Archiepiscopus cœpit diligenter inquirere, & Christum continuis precibus exorare, ut ei dignaretur ostendere quo loco tegebantur Reliquiæ, quas Hieremias Archiepiscopus asportaverat de sancti Richerii basilicâ. Christo autem adimplente desiderium sui famuli, invenit eas per revelationem retrò altare sancti Stephani. Apertâ igitur arcâ in qua continebantur, tanta curationum genera evenisse noscuntur, quanti aliquâ parte corporis imbecilles ibi confluisse monstrantur. Dedit etiam ipse Archiepiscopus sancto Petro & sancto Saviniano terram de Tillido, & de Gerillias, & sylvam de Arceâ, cum duabus Ecclesiis quæ in eâ sunt, per deprecationem FRODONIS Archidiaconi, de cuius beneficio erant

Abbatiam quoque sanctæ MARIE quæ est extrâ muros urbis, dedit Leothericus Archiepiscopus in beneficio Frotmundo Comiti, ad opus filii sui Rainaldi Clerici, defuncto Grimerio Abbate ipsius Ecclesiæ, & Archiclavii S. Stephani. Tunc verò quidquid boni adhuc possidebat ejusdem Ecclesiæ locus, idem Frotmundus suis militibus in beneficio, tradidit, Bernardo Presbytero ejusdem loci.

In illis diebus obiit vir Dei Adraldus Archidiaconus Tricassinæ civitatis, & requiescit in Cœnobio sancti Sepulcri, quod ipse extruxit in eodem pago.

Eodem tempore migravit ad Christum sanctus GISLEBERTUS Meldenis Episcopus, cuius vita multis claruit virtutibus.

Mortuo Frotmundo Senonum Comite, & sepulto in capitulo sancti Eraclii, successit ei RAINARDUS filius ejus nequissimus, qui persecutionem intulit Ecclesiis Christi, & Leotherico Archiepiscopo, in tantum ut etiam (quod dicere & audire horribile est) quando ille divinum officium celebrans, vultumque dans populo salutabat, ille vultum avergens in posterioribus suis ei pacem offerebat: nonnunquam in faciem ejus spuebat, homines ejus interficiebat, eumque modis omnibus injuriabat. Ob propter consilio Romani Pontificis, & Abbatis Ecclesiæ Cluniacensis, necnon suffraganeorum Episcoporum, & optimorum Procerum, præcipueque Rainaldi Pariensis Episcopi, anno ab Incarnatione Christi **MXVI. 10.** Kalendas Maii civitatem Regi Rotberto reddidit. Ipse verò Comes fugiens nudus evasit. Frater autem ejus Frotmundus, & quidam milites urbis turrim defenderunt multis diebus. Quos tandem Rex cepit, & victus pietate vivos abire sinxit. Frotmundum autem Aurelianis in carcere truxit, ubi obiit.

In eodem anno mortuo Rainardo Abbate sancti Petri Vivi, successit ei Donnus INGO Abbas sancti Martini Cluniacensis, & sancti Germani Pariensis, consanguineus etiam Regis.

Rainardus autem Comes fugiens de civitate, sicut jam dictum est, pervenit ad Odonem Comitem. Colligentes igitur ambo exercitum, construxerunt castrum Monasterium nomine super Sequanæ fluvium. Dedit autem idem Rainardus Odoni Comiti illud castrum in beneficio, quod fuit in scandalum magnum Regi & Reginæ, & Archiepiscopo. Erat enim ex sancti Stephani beneficio. Sumptis igitur viribus ipse Rainardus obsedit civitatem, vastans omnia per circuitum tribus diebus. Tunc quoque incensa est Basilica S. MARIE extrâ muros, & S. Leonis, necnon & S. Desiderii, cum ipsis duobus suburbiis. Quam persecutionem sequuta est fames valida, & mortalitas magna. Postea pacificatus est Rex & Archiepiscopus cum Rainardo, datis illis obsidibus sub sacramento. Reddidit autem ei Rex medietatem civitatis, & Archiepiscopus suam medietatem, tali tenore, ut post mortem ejus medietas civitatis cum Comitatu deveniret in dominium sancti Stephani, & medietas in dominium Regis. Postquàm verò receptus est in civitate, pluribus injuriis Archiepiscopum affligens, servos Christi & suos ad mortem usque persequens, quidquid boni antea promiserat irritum fecit.

Sub ipso tempore exorta est magna hæresis, nova & inaudita in urbe Aurelianensi. Quapropter accersiens Rex Archiepiscopum, jussit congregari in eadem urbe synodum. Erant autem ipsi hæretici ex melioribus ipsius civitatis Clericis. Communi verò consensu & voluntate omnium convicti omnes, perpeffi sunt ignis incendium.

Post hæc THEODERICUS Episcopus Aurelianensis relinquens Episcopatum, venit Senonas in Ecclesiâ B. Petri, ubi nutritus fuerat tempore Rainardi Abbatis sui avunculi. Ubi commorans diebus non paucis, profectus, ut iret ad limina Apostolorum, exivit: perveniensque ad castrum Tornodorense beato sine quievit in ipsâ nocte, sepultusque est in Basilicâ sancti Michaelis Archangeli, defunctus **vi. Kal. Februarii.**

Eodem tempore HLUDOVICUS Comes Alemanorum orationis causâ profectus est ad sancti Michaelis periculum, rediensque usque Senonas infirmitate carnis præventus, in Monasterio sancti Petri Monachus effectus, migravit in astra locandus, relinquens ibi possessiones in villâ quæ dicitur Ariscourt, & pallium unum quod usque hodie vocatur pallium HLudovici.

In tempore illo factus est magnus conventus in Antissiodorensi pago, in Airiacâ-Villâ, à Leotherico Archiepiscopo. Ubi de singulis locis delata sunt sanctorum Martyrum, Confessorum, Virginum pretiosa pignora in suis scriniis. Inter quæ de Cœnobio B. Petri Vivi dum deferretur, vel referretur beatus Martyr Sanctianus, imminentibus noctium tenebris super duo capita scrinii emicuerunt duo præclarissima sydera, omnes totius noctis tenebras sui splendore superantia, oculis quidem deducendum visibilia, sed tactu impalpabilia. Ibi verò præsentibus fuerunt Rotbertus Rex, & Goslinus Bituricensis Archiepiscopus, cum aliis Episcopis, & Abbatibus, & populo innumerabili. Ibi etiam multa disposita sunt ad utilitatem Ecclesiarum.

In illis diebus transit de hoc mundo Sanctus Erveus Thesaurarius S. Martini Turonensis, vir bonæ vitæ.

Inter hæc defunctus est Rainaldus Archidiaconus, qui Abbatiam sanctæ MARIE tenebat in beneficio. Dedit autem eam Leothericus Archiepiscopus LEOTHERICO Præcentori qui cœpit eam restaurare per manum Bernardi Presbyteri, perficiens cancellos, & mittens in eo sex Clericos.

Aureliis hæ-  
retici ignis  
supplicio pu-  
niantur.

Theodericus  
Episcop. Au-  
relian. Mona-  
chus S. Petri  
Vivi.

Ludovicus  
Comes habi-  
tum monast.  
induit.

Synodus in  
Airiacâ-Vil-  
lâ.

Abbatiam S.  
Mariæ instau-  
rat Leotheri-  
cus Præcen-  
tor.

Ermenaldus  
Abbas S. P.  
Vivi.

h

Anno **xxxv.** obiit Ingo Abbas iv. Kal. Februarii, cui successit Donnus **ERMENALDUS**. In cuius tempore Rex Robertus & Constantia Regina composuerunt sancto Saviniano loculum auro, argento, & gemmis pretiosis ornatum. In quo inferuerunt etiam cum eo corpus sancti Eodaldi<sup>h</sup> cum ossibus parvuli unâ humati in loculo plumbeo, in quo ante continebantur. In quâ translatione quidam cæcus recepit lumen, & pluvia quæ à Paschâ Domini non pluerat, abundanter descendit: & hæc translatio facta est viii. Kal. Septembris.

In illis diebus auferrebat sancto Petro Villam Aulonis, quam reddidit eidem sancto, & Abbati Ermenaldo, eo satagente, Odo Comes famosissimus.

Anno **xxxvii.** obiit **FULBERTUS** Carnotensis Episcopus vir sapientissimus, & bonæ vitæ.

Anno **xxxxi.** jam regnante **HAINRICO** filio ejus, obiit Rex Francorum Rotbertus. Hic sancto Petro & sancto Saviniano Præceptum Regale de suis rebus fecit.

Gelduinus  
se-  
dem Archiep.  
Senonens.  
usurpat.

Anno **xxxix.** obiit **LEOTHERICUS** Archiepiscopus, & **GELDUINUS** in sede sublimatus, non electione Cleri vel populi, sed muneribus. Donnum verò Mainardum Clericum prudentissimum ipsius Ecclesiæ Thesaurarium, virum nobilissimum, in ipsâ urbe majorem & primum, omnis populus à minimo usque ad majorem ad Episcopum quærebant, sed vicit potentia Regis. Qui Gelduinus apud Parisium susceptâ benedictione Pontificatus xv. Kal. Novembris, nullo modo Senonas civitatem intrare potuit, resistentibus Odone Comite, Daimberto Vice-comite, & patre ejus Mainardo suprâ memorato, & cæteris Proceribus.

Eodem igitur anno in messione subsequenti Rex copiosum exercitum applicuit Senonis: & in villâ quæ Masliacus major dicitur, castra posuit. Comes itaque Andegavensium Fulco, qui primus post Regem erat in ipsâ expeditione, Abbatiam sancti Petri fregit, clausum Monachorum terrâ tenus incidi fecit. Unde Monachis contrâ eos Sanctorum pignora deferentibus, quidam eorum furentes se ipsos interfecerunt, talique conflictu, & ejusdem urbis militum assultu multi ceciderunt; cæteri verò fugerunt. Rex autem tactus amore sui patris Rotberti, qui valde ipsum locum dilexit, vi quâdam ab ipso loco eos ejecit. Deinde post tres dies rediit Parisius, & subsequenti anno venit Senonas cum tribus millibus virorum, & castra posuit in loco qui dicitur Chaliceiacus. Ubi diebus septem morantes, Abbatiam sancti Remigii, & Burgum sancti Leonis, nec non & sancti Eraclii frugerunt, prædati sunt & incenderunt; atque quosdam ante mœnia urbis jaculis interfecerunt, deinde ad patriam redierunt.

Anno **xxxix.** vivit Odo Comes Regi Hainrico medietatem urbis Senonicæ, & Gelduinus receptus est in sede in quâ nondum fuerat, resistentibus pluribus: & Abbas Gerbertus missus in Abbatiam sanctæ **MARIÆ** foris muros.

Quanta mala  
Gelduinus in-  
tulit monast.  
S. P. Vivi.

Anno **xlvi.** Obiit Ermenaldus Abbas, quem Gelduinus Archiepiscopus, alter, ut verè dici potest, Archembaldus, omnibus modis quibus scivit & potuit inquietavit, afflixit, & injuriavit, servos & ancillas Abbatie prædando, carcerando, & omnia mala faciendo, etiam & ornamenta Ecclesiæ quomodocumque subripere poterat invadendo, suisque complicitibus, quorum similis erat, dando. Obiit autem viii. Kal. Novembris, & sepultus est in claustris sancti Petri. Cui successit Donnus **GERBERTUS** Monachus ejusdem loci; quem suprâ diximus Ab-

Gerbertus  
Abbas ibi-  
dem.

batem sanctæ **MARIÆ**. Huic Gelduinus reddidit caput sancti Quijaci, quod de ipsâ Ecclesiâ, scilicet sanctæ **MARIÆ**, ante fuerat translatum in matre Ecclesiâ sancti Stephani. Eodem tempore defunctus est Frotmundus Trecacensis Episcopus, cui successit Mainardus Archiclavus sancti Stephani.

Tunc temporis **Odo** Comes exercitum congregavit, & contrâ Ducem Goscelonem perrexit, & castrum, quod Barrus vocatur, tandem postea illud cepit, & in crastinum cum ipso Duce & Alemannis pugnavit. Victus fugam iniit, fugiens cum multis Proceribus & innumerabili multitudine militum, interfectus obiit. Postea sanctus **ODILO** Abbas Cluniacensis obiit virgo centenarius in die Circumcisionis Domini, cui Donnus **HUGO** successit, vir totius honestatis. Post hæc sequenti tempore Gelduinus, peractis in Episcopatu annis decem & octo, projectus est de Pontificatu à Leone Papa & Rege Hainrico, gaudentibus Clericis, & lætante populo. Cui successit **MAINARDUS** Trecacensis Episcopus, & **LEOTHERICUS** Præcentor ordinatus est Antistes Ecclesiæ Laudunensis. Postea ipso Gelduino reclamante se injustè depositum, & Mainardum inthronizatum, auctoritate Papæ Leonis convocati, & in Concilio dijudicati, amisit uterque donum curæ pastoralis. Postea verò propter utilitatem tam Ecclesiæ Senonensis quàm totius patriæ circumjacentis, totius Concilii concordante consensu Mainardus est restitutus. Gelduinus autem pro suâ miserabili vitâ dejectus, omni honore est privatus. Reversus namque à Româ Rodulfum Comitem adiit, & castella quæ ex paterno jure contingebant, ut se adjuvaret, dedit; sicque se ab omni honore expulit. Donnus verò Mainardus ab Apostolicâ sede rediens, clerum & populum lætum propter se invenit, & in pace rexit. Ipse oblationes Ecclesiarum reddidit Canonice, quas Præpositi abstulerant illis: Abbatiam sancti Petri, & Abbatem, & Monachos, quippe quia inter eos ab infantiâ fuit nutritus & literis doctus, valde dilexit. Consuetudines pravæ, injustas, & malas, quas Gelduinus in eâ miserat, & Rainardo Comiti sua inertia mittere siverat, omnes ad nihilum magnâ vi & potentiâ redegit, & plus omnibus suis antecessoribus eam sublimavit. Hoc multum obfuit, quoddam parum superfuit.

Gelduinus  
exautoratus.

Mainardus  
successit.

In hoc tempore Papa Leo venit Lingonas civitatem, ubi ordinavit Frotmundum Trecorum Pontificem, ibique obiit Petrus Diaconus ejus, sepultusque est in Capitulo sancti Mammetis.

Leo Papa  
Frotmundum  
Trecens.  
Epist. conse-  
crat.

Tempore illo misit Rex **HAINRICUS** Walterium Meldensem Episcopum, & Wascelinum de Chalinaco, cum aliis ad quemdam Regem in finibus Græciæ, qui vocabatur Gerisclo, de terrâ Rusciæ, ut sibi daret filiam suam in uxorem. Quos ille cum pluribus donis, & cum filiâ remisit in Francia.

Anno **mlv.** in Kalendis Augusti, secundâ feriâ, lunâ quartâ, facta est tempestas valida & nimia per totum Senonicum pagum, quæ vastavit omnia sata, & segetes, & vineta, & nemora, & interfecit homines & jumenta. Et in eodem anno vigiliâ Cænæ Domini xiv. lunâ, ante Parascevem feriâ v. post primum pullorum cantum, effecta est ipsa luna tota nigra sicut carbo extinctus, ferè duabus horis, & post facta est in eclypsin, iterum reaccensa; & in ipso anno mortuus est Comes Rainardus, filius Frotmundi, persequutor sanctæ Ecclesiæ, sepultusque est in Capitulo sanctæ Columbæ. Tunc Rex Hainricus possedit civitatem, & omnia quæ ipse habuc-

<sup>h</sup> Eodaldi] Acherius: Melius, Victorini, ut habetur in actibus S. Saviniani & lib. de SS. Reliquiis S. Petri Vivi, à Tom. II.

Gaufrido conscripto anno 1298.

rat. Deinde Rex Hainricus, convocatis Proceribus Franciæ, filium suum Philippum per manus Gervasii Remorum Archiepiscopi in Regem fecit ungere.

Anno MLX. obiit Rex Hainricus. Hic regale Præceptum fecit de Abbatia rebus sancti Petri, sicut fecerat & pater ejus Rotbertus. Mortuo autem Hainrico Rege apud Viëtriacum castrum in Bieria, & sepulto in Basilicâ sancti Dionisii, Rodulfus Comes consanguineus ejusdem Regis duxit uxorem in conjugio contrâ jus & fas, unde fuit excommunicatus. Balduinus verò Comes Flandrensis Regem parvulum Philippum aluit, & Franciam gubernavit.

Anno MLXII. Obiit Mainardus Archiepiscopus, peractis in Episcopatu annis XII. & mensibus tribus, & octo diebus, & juxta patrem suum Mainardum, & Dainbertum Vicecomitem fratrem suum sepultus in Capitulo sancti Petri. Cui successit in Archiepiscopatu Dominus RICHERIUS, ipsius Ecclesiæ Archidiaconus, Dei voluntate ab omni clero & populo electus. Qui ordinatus Parisius in die sancti Paschæ ab Episcopo Gotfrido, & aliis, præsentem Rege cum Principibus, rediens inde Senonas in octavâ Paschæ, est receptus cum gaudio in propriâ sede.

Anno MLXIV. Rex Philippus fecit regale Præceptum de rebus sancti Petri Vivi, sicut pater suus Hainricus.

Anno MLXV. BERNARDUS Miles, & dominus castri Barris montis, in Capitulo sancti Petri Vivi, & uxor ejus HUMBERGA competierunt & receperunt ab Abbate Gerberto, & à Monachis ejusdem loci quartam de villa, quæ dicitur Rictiacus, & de Ecclesiâ ejusdem villæ, similiter & de villâ quæ vocatur Pauliacus.

Anno MLXVIII. incœpta est renovari Ecclesia sancti Saviniani sociorumque ejus Martyrum, quæ in principio Christianæ fidei ab ipsis idolis quibus poluebatur, quorumque immundissimis immolationibus scædabatur, emundata, in honore Salvatoris est consecrata. Postea quoque ab eis plenius jacta sunt fidei semina in urbe Senonicâ, & in circumpositis urbibus ipsi sancti cum maximâ multitudine in eâ post multa & exquisita tormenta decollati, & honestæ sepulture sunt traditi. Quæ quia vili schemate construebatur, à fidelibus honestior ut fieret, diruebatur. Quod dum fieret, inventa sunt sepulcra eorum, quæ à nullo mortalium quo in loco essent sciebantur, plena sarcophagis & loculis saxeis, plumbeis, gypseis, & septis atque complanatis lidoriis, quæ omnia plena erant corporibus honestissimè palliatis, aromatizatis; & quod mirum est, quibusdam deerant capita, quidam etiam in pedibus habebant sandalia. Inter quæ etiam subter suppedaneum altaris lapidem repertus est tumulus laterculario cementarioque luto compositus, in quo inventus est titulus in quodam latere, hujusmodi.

*Calcator mundi jacet hac Titulfus arenâ,  
Corpore contectus, sydera mente tenet.*

Inventum est quoque in quodam lidorio hoc scriptum: *Hic positus est Tetulfus ante sepulcra Martyrum, fabricator hujus Ecclesiæ.* Pro his igitur & aliis, quas referre longum est, causis, major incœpta Ecclesiæ fabrica quàm dispositum fuerat. Præerat huic operi dispositor & largitor munerum & mercedum Odo quidam sacerdos: qui quia avarè & cum murmure hæc faciebat, correptus semel, & secundo, & tertio ab eodem beato Saviniano, & à religiosis parœchianis, non resipuit; unde languens

& miseram vitam ducens, non plusquàm annum unum vixit. Suscepit autem opus Ecclesiæ, & largè & honestè perfecit vir quidam BALDUINUS, Major hujus Abbatie, & Petronilla uxor ejus, & uterque eorum felicem vitam divites, & bonis omnibus abundantes consummaverunt.

Anno MLXXIV. fundatum est Molismense Cœnobium.

Anno MLXXV. Arnulfus Abbas S. Columbæ detulit de Italiâ reliquias de corpore S. Thebaudi, fratris sui, & posuit in eadem Abbatia, cœpitque ædificare Ecclesiam in honore ejus sancti, quæ est euntibus de civitate ad eandem Abbatiam juxta viam ad dexteram manum.

Anno MLXXVIII. misit Richerius Archiepiscopus Monachos de Caritate, in Ecclesiam sanctæ Mariæ ante portam.

Anno MLXXIX. Obiit Gerbertus Abbas S. Petri, vir bonæ memoriæ, qui eandem Abbatiam rexit annis XXXIII. mensibus VII. & VIII. diebus. Ampliavit autem Abbatiam de multis possessionibus quas emit & acquisivit labore suo: & sepultus est in Ecclesiâ sancti Saviniani, VIII. Idus Julii. Cui successit Dominus HAIMO Monachus ejusdem loci XVII. Kal. Aug. Quo die summo mane fuit terræ motus magnus sine vento, & pluviam, & tonitruo.

Anno MLXXXI. fuit Concilium apud Exolduini castrum XV. Kal. Aprilis.

Anno MLXXXII. 14. Kalend. Novembris obiit WALTERIUS Meldensis: & in sequenti septimanâ HUGO Dientis Episcopus, Romanæ Ecclesiæ Legatus, congregavit Concilium in eadem urbe, & ordinavit Episcopum in eadem urbe ROTBERTUM Abbatem Ecclesiæ Resbacensis. Quod quia sine præsentia & assensu Richerii Archiepiscopi, & Cœpiscoporum ejus factum est, excommunicaverunt eum.

Anno MLXXXIII. BERENGARIUS Turonensis Magister, & admirabilis philosophus, amator pauperum effloruit: hic composuit orationem illam, quæ sic incipit: *Iuste iudex JESU-CHRISTE.* Post hæc fidelis & verè Catholicus vitam finivit; super cujus tumulum hujusmodi epitaphium est:

*Quem modo miratur, semper mirabitur orbis,  
Ille Berengarius non obiturus obit.*

Anno MLXXXV. obiit Haimo Abbas sancti Petri 18. Kal. Maii, & sepultus est in Claustro ejusdem sancti juxta Abbatem Ermenaldum avunculum suum. Hoc anno magna pars æstatis sine pluviam fuit, & erat nimis necessaria arboribus & satis. Verum Monachi S. Columbæ attulerunt corpus S. Lupi in Ecclesiâ S. Stephani, quem receperunt Canonici cum magnâ devotione. Et eo exeunte de Ecclesiâ, descendit abundanter pluvia, unde cuncti reddiderunt Deo & eidem sancto Lupo gratias. Eodem quoque anno Richerius Archiepiscopus ordinavit WALTERIUM Meldensem Episcopum 4. Nonas Novembris, excommunicato suprâ dicto Roberto.

Anno MLXXXVI. HERMINUS Abbas recepit Abbatiam sancti Petri.

Anno MLXXXVII. delatum est corpus sancti Nicolai Myrreorum Episcopi apud Barrum. Præcepto Regis Philippi in mense Maio multa millia Francorum perrexerunt in Hispaniam, in adjutorium Anfuldi Regis Christiani, cujus terram & regnum invadere volebant Pagani, egressi de finibus suis jam mare transito. Sed audientes adventum Francorum, timore perculsi redierunt in sua. Ipso anno 6. Idus Septembris obiit Willelmus Rex Anglorum & Comes Normannorum.

Fondatio  
Monasterii  
Molismensis.

Haimo Abba,  
S. P. Vivi.

Rotbertus Ab.  
Resbac. reni-  
tente Archi-  
episc. Seno-  
nensi sit Episc.  
Meldens.

Obiit Beren-  
garius an.  
1083, seu  
1088.

Walterius or-  
dinatur Episc.  
Meldens.

Richerius  
Archiep. Seno-  
nensis.

i quartam] Scilicet partem, quo loci fuit fundata Abbatia. Molismensis.



Anno **MXCII**. Philippus Rex dimisit uxorem suam nobilissimam, de qua habuit filium suum **HLudovicum**, & accepit **Bertradam**, quæ reliquerat **Fulconem Andegavensium Comitem**.

Anno **MXCIII**. Incensum est & incredibili modo crematum Cœnobium sancti Petri, cum totâ villâ : & Ecclesiâ sancti Saviniani in Kalend. Septembris, nocte mediâ. Unde damnum quod . . . . .

Anno **MXCIV**. congregavit Philippus Rex Archiepiscopos & Episcopos regni sui, in Remensi urbe, & obtinuit ab Archiepiscopo Richerio magnis precibus, ut Remis ad Concilium non designaretur ire; ostendens Rainaldum Remensem Archiepiscopum podagrico dolore contractum, non posse progredi de suâ sede : & perrexit Richerius Archiepiscopus Remis, & susceptus est cum maximo honore à Rainaldo Archiepiscopo, & universo Clero Ecclesiæ Remensis, & sedit in Concilio in nullo inferior Remensi Archiepiscopo, sed penitus par & æqualis, utpote qui non per aliquod debitum illuc perrexerat, sed per dilectionem & orationem Regis. Eodem anno obiit Berta Regina, quæ à Rege Philippo prius fuerat derelicta, ipso Rege adhuc tenente Bertradam, quam huic superduxerat reclamante iustitia.

Anno **MXCV**. Urbanus Papa **xiv. Kalend. Decembris** apud urbem Arvernensium Concilium fecit presentibus **ccc. Episcopis & Abbatibus**. Item in eodem anno fecit aliud Concilium apud urbem Turonis **xvii. Kalendas Aprilis**. Item hoc anno iubente Donno Richerio Archiepiscopo, in Monasterio sancti Petri Vivi factus est Conventus sollemnis, & sacratissimum caput beatissimi Gregorii Doctoris, quod erat repositum in quodam scrinio, unâ cum osse de corpore sancti Patris nostri Benedicti Abbatis, palam omnibus ostensum, & exinde in **vi. Kalendas Maii**, ut solemniter hæc dies in Monasterio agatur stabilitum.

Anno **MXCVI**. **5. Idus Julii**, Obiit Abbas Hermuinus sancti Petri apud Mauriacum.

Eodem anno obiit Richerius Archiepiscopus vir bonæ vitæ & beatæ memoriæ, qui antequam moreretur **vi. Kalend. Januarias**, in die scilicet festi Joannis Evangelistæ, accessit personis sanctæ matris Ecclesiæ Senonum, Daimberto scilicet Præposito & Archiclavio, nondum sed mox post eum futuro Episcopo, & Helduino Archidiacono, & reliquis Archidiaconis, & Præcentore, & nonnullis Proceribus Senonicæ urbis, misit & mandavit Fratribus Monasterii sancti Petri, ut eo vivente eligerent & providerent sibi Abbatem. Quod & fecerunt, eligentes omnium minimum **ARNALDUM** Monachum, eique præsentaverunt. Cui ipse multis præsentibus quis esset intimavit, scilicet ex humili parentelâ & sanguine ortus, quemque sic volebat vivere ut dignus esset regere commissos, de quibus ipse unus volebat esse, & corpus suum eidem in eadem Abbatia concessit humandum. Quod aliter evenit, quàm ipse jussit, prævalente invidia æmulorum Ecclesiæ sancti Petri. Ipse tamen omnia quæ habebat dans Ecclesiis, Clericis & Monachis, atque pauperibus, peractis in Archiepiscopio **xxxv. annis**, exceptis tribus mensibus & septem diebus, nudus omnibus rebus temporalibus diem clausit extremum; & quia de ejus sepulturâ corporis lis timebatur, sepultus est in Ecclesiâ sancti Stephani, in oratorio sancti Laurentii Martyris. Eodem verò anno, ipso adhuc vivente perrexerunt in Jerusalem multa millia bellatorum, equitum, & peditum, divitum & pauperum, quia invaserant Perliæ, & Turci, & Babylonii, & aliarum regionum ignotarum incolæ, Deum ignorantés, Hierusalem, & omnes civitates usque Constantinopolim, quorum timore nullus Christianorum

audebat adire sepulcrum Domini.

Verum præfato Richerio de medio sublato, successit **DAIMBERTUS** ipsius Ecclesiæ Vicedominus, nobilis & clarus, ab omni clero & populo electus. Permanit autem sine benedictione pastoralis anno uno, & duobus mensibus. Postea verò Romæ à Papa Urbano consecratus, cum Apostolicâ benedictione & pallii decore rediit, in sede propriâ locatus **xiv. Kalendas Maii**, Anno **MXCVIII**, ab Incarnatione Domini, latante Clero, & bonâ devotione populi. Cujus jam in Archiepiscopio **xi. anno** penè peracto, testor Deum nusquam Abbatiam sancti Petri vel audisse, vel legisse, aut vidisse, quietius vixisse, vel fuisse ab omni inquietudine. Det Deus succedentia tempora sub eo, & cum eo habere lata & prospera.

Anno **MXCVII**. **v. Kalendas Octobris** luna **xxvii**. visa est in cœlo in parte Septentrionali, zona ignea sanguinei coloris, longissima & multa latitudine expansa, emittens quoque terribiles radios versus meridiem. Visa est verò per totam noctem ab ipso crepusculo usque in lucem. Isto anno obiit Hugo Canonicus, Camerarius Fratrum, omnium ferè Canonicorum suorum contemporaneorum eruditor strenuus, cui parcat misericors Dominus, Amen. Hoc anno obiit Urbanus Papa, & Paschalis successit : quo etiam anno capta est Hierusalem ob occidentalibus militibus mense Julio; & de Christianâ gente tunc primum ipsa civitas sancta Regem meruit habere Christianum.

Anno **mc.** fuit Concilium apud urbem Pictavis **xiv. Kalendas Decembris**.

Anno **mciii**. Hugo Comes Treassinæ Campaniæ, & uxor ejus nomine Constantia, precatu Arnaldi Abbatis, dederunt Ecclesiæ sancti Petri Vivi ancillam unam apud sanctum Potemium, & unum de filiis ejus nomine Belerium cum uxore quam accepturus erat; & quinque sextaria salis depensu librarum in festo sancti Joannis Baptistæ : & litteris firmaverunt sigillatis, quas habemus.

Anno **mciv**. **ARNALDUS** Abbas Romam petiit cum litteris Domini Daimberti Archiepiscopi, & cum litteris Richardi Romanæ Ecclesiæ Vicarii & Episcopi Albani, cumque litteris Hugonis Lugdunensis Archiepiscopi, necnon & Donni Hugonis, Abbatis Cluniacensis. Invenit quoque apud sedem Apostolicam Donnum Richardum Archiepiscopum Cantorbiensem, & Episcopum cum eo Vincestrensem. Horum autem omnium precibus & multorum aliorum qui aderant, impetravit à Donno Paschali Papa secundo Privilegium apostolicum huic Ecclesiæ de omnibus rebus ad se pertinentibus. Quod recepit **iv. Idus Novembris**.

Anno **mcv**. tenuit Concilium apud Treas **RICHARDUS** Albanæ Episcopus **v. Kal. Aprilis**. In quo Concilio recitatum & confirmatum fuit Privilegium sancti Petri ab omnibus confedentibus in ipso Concilio. Illuc quoque Abbas Arnaldus deponere fecit Gausbertum quemdam Decanum Mauriacensem præceptis ejus inobedientem & rebellem, & Casæ Dei Monachum; & misit ibi Decanum de suis monachis nomine Petrum de sancto Balderio. Inde rediens captus est ab inimicis militibus cognominatis Robertinis, & ductus est in carcerem in pago Lemovico, in castro quod dicitur Ventudunus. Hoc autem totum factum est tractatu Petri Aimari cujusdam militis, qui reclamabat in Ecclesiâ Mauriacensi consuetudines, quas assequi, quia rectitudo ei abstulit, minimè potuit. Contigit autem ut eo tempore Episcopus Claromontensis, vir religiosus nomine Petrus, congregato maximo exercitu circa Auriliacense Cœnobium ( ut mos est Episcoporum præ-

Daimbertus  
Archiepiscopus  
Senonensis.

Concil. Picta-  
viens.

Comes Tre-  
centis quæ-  
dam elargitur  
Cœnobio S.  
P. Vivi.

Arnaldus Ab-  
bas Romam  
petit.

Concilium  
Trecense.

Translatio  
Capitis S.  
Gregorii in  
Monasterio  
S. P. Vivi.

Arnaldus Ab-  
bas : P. V.  
vi.

O O o iij

fatæ urbis) hostes quæreret, qui nunquam defuit sanctæ Ecclesiæ. Pervenit autem ad aures ejus, relatione Widonis & Rodulfi fratris ejus, qui Domini erant castri quod dicitur Scurtilias, quique hominum fecerant præfato Abbati, dolo & machinatione sæpe dicti Petri Abbatem carceratum. Unde super eum & super castrum ejus, quod dicitur Miramons, faciem exercitus vertit, & vellet nollet, Abbatem & suos conicarceratos cum suis omnibus melioribus rebus reddere fecit.

Anno mcv. fuit Concilium apud urbem Pictavis.

Anno mcvii. tenuit Concilium apud Treca Papaverabilis Paschalis secundus. In quo intentio ejus maxima fuit de Hierosolymitano itinere & de treuva Dei. Item in hoc anno consecravit Donnus Daimbertus Ecclesiam in honore Sanctorum Martyrum Saviniani & Potentiani in pago Milduino, in villâ quæ dicitur Rampellunus.

Anno mcviii. tertio Kal. Augusti obiit PHILIPPUS Rex Francorum. Qui inter cætera sua bona facta Monachis sancti Petri & sancti Saviniani Præceptum Regale fecit, sicut fecerat pater ejus Hainricus, de quiete terræ ejusdem Abbatis. Dedit etiam ad restaurationem ejusdem Abbatis post incendium quod passa est in diebus ejus, anno scilicet Incarnationis Dominicæ mxciii. novem marcas argenti. Cui successit in regno filius ejus HLUDOVICUS, qui unctus est in Regem tertio nonas Augusti à Daimberto venerabili Senonum Archiepiscopo, & à suis Coëpiscopis apud Aurelianam civitatem. Qui multa passus à Proceribus Franciæ in eodem anno, præcipueque à Widone, Rubeo cognominato, qui ei fraude & dolo suo filiam suam nuptum dare volebat; quod quia dignitati Regiæ indecens erat, & Consulibus regni displicebat, auctoritate Apostolicâ Paschalis Papæ dimiserat. Cui Widoni in ipsâ hyeme magnâ vi & magnanimitate, per nives & per grandines; per tempestates hyemales castrum, quod dicitur Firmitas-Balduini, muniens illud circum circa vallo & palo, manuque militari, abstulit, & sibi retinuit.

Hoc anno obiit Willelmus Abbas sancti Remigii xiv. Kal. Junii, qui Monachus & nutritus fuit ejusdem loci. Cui successit in Abbatiâ Willermus nutritus & Monachus S. Petri Vivi & sancti Saviniani, expetitus & requisitus à Fratribus ejusdem loci, & à Donno Daimberto Archiepiscopo & à clero Senonensi in Capitulo nostro, præfente Arnaldo Abbate, & Fratribus ipsius Cœnobii, & concessus ad regendum prædictum Cœnobium. Ordinatus est autem Idibus Junii, in quâ die celebratur transitus sancti Agricii Archiepiscopi & Confessoris, cujus corpus requiescit in Ecclesiâ sancti Petri Vivi & sancti Saviniani Martyris. Hoc quoque anno fuit æquanta venditio annonæ, ita ut venderetur sextarius frumenti sex solidis, ordeï iv. avenæ iii. siliginis v. Hoc iterum anno perfecta est turris & coopertura super chorum Cœnobii sancti Petri Vivi.

Item in hoc eodem anno venerunt alienæ gentes exeuntes de sinibus suis transmarinæ, quas quidam Amorreos, quidam Amirales vocabant, & fecerunt de se tres partes: quarum una tetendit super Saracenos, duæ super Christianos: & venerunt non longius quàm est iter trium aut duorum dierum à civitate Barcinonâ. Verùm consilio accepto Barcinonenses, Comes scilicet & Episcopus, & Proceres, & compatriotæ quibus incumbere necessitas, reclamaverunt advocationem Regis HLudovici, & miserunt ad eum causidicos suos, Episcopum scilicet ipsius civitatis cum paucis nuntiis. Qui querimoniam suorum civium & compatriotarum suorum ipsi

Franciæ Regi referentes, invenerunt eum variis militiæ bellis implicitum, scilicet versùs Regem Anglorum, Ducem Normannorum, qui contrà jus & fas denegabat facere hominum quod debebat & debet Regibus Francorum. Similiter & Consul Pictavorum, & Dux Burgundiorum, & multalii Consules qui sunt sub Rege Francorum. Cum quibus omnibus pro instante necessitate pacem fecit prædictus Rex, quibusdam inducias & treuvas dando, de quibusdam hominum debitum accipiendo. Unde confidens plurimum Rex spondit legatis prædictis, se verè præparaturum ad ferendum illi patriæ auxilium. Et ad curiam suam quæ in Pentecostes futura erat (nam hæc fiebant in diebus præcedentis Quadragesimæ) dixit se suum consilium, ut dignitatem Regiam decebat, accepturum. Inde prædictus Episcopus cum sociis suis lætus cum Regis gratiâ retrogradum iter arripuit. Tum temporis Abbas Arnaldus apud Urticidum quamdam villam sancti Petri & sancti Saviniani pro quibusdam oportunitatibus Mauriacensis loci demorabatur. Quæ villa in pago Arvernico sita non longius ab ipsâ urbe, scilicet Arvernus, quàm septem milliaribus abest, in publicâ viâ quâ ad sanctum Egidium itur. Illic didici à præfato Episcopo & sociis ejus quæ scripsi. Addiderunt etiam & dixerunt quoddam scriptæ gentes à Monte pessulo non longius erant quàm itinere quinque dierum, similiter & de sancto Egidio.

Verùm ut ad quædam, quæ de præterito anno, Incarnationis scilicet Dominicæ millesimo centesimo septimo, quatuor diebus ante præsentem annum de quo agitur, redeam, meminisse decet, & scire est utile de Translatione sanctissimi corporis communis Patris Benedicti. Quod causâ meliorandi capitii, vel Monasterii Floriaci loci (qui super Ligerim fluvium est, vel nominatur) in navi ipsius Ecclesiæ per aliquod tempus collocatum est. Hoc anno præscripto, perfecto capitio, & choro cum membris & utroque latere convenientibus, Abbas SIMON qui ad hoc sategerat, & plurimum laboraverat, & intendebat, ut in die transitus ejusdem sanctissimi Patris, duodecimo Kal. Aprilis, in priori loculo, qui honorabilior erat, transferret, præventus morte reddidit Deo debitum patris nostri Adæ, & sepultus est in clauetro ejusdem Cœnobii. Verùm convocatio populi quæ per multa loca facta fuerat, plurima ad diem denominati festi convenit, sed non quanta debuit: quis enim deesse debuit? Credo nullus quem pes portare potuit. Ad hunc conventum venit & interfuit LUDOVICUS Rex designatus, cum multis Proceribus Franciæ Regni, & communi lætitiæ suam conjunxit. Adfuerunt quoque JOANNES Episcopus Aurelianensis, HUMBALDUS Episcopus Autissiodorensis, viri religiosi cum maximâ Cleri ac populi multitudine. Eadem die dedicaverunt majus altare in honore S. Mariæ Dei Genitricis; & aliud, matutinale scilicet, in honore S. Benedicti, sub quo positæ sunt ipsâ die sanctæ Reliquiæ ejusdem Patris. Translatum est autem sanctissimum corpus in conspectu omnium qui adfuerunt, insertum in metallino quodam & cupreo serinio, in quo prius, ut creditur, positum fuit quando allatum est de Cassino monte. Illic vidi flentes præ gaudio Regem & Principes, & omne vulgus, præcipueque Monachos & Abbates, hymnos & laudes ut decebat dicere volentes, sed præ lacrymis non valentes. Levatum itaque tantum Gazophylacium, auro & argento, gemmisque omnibus carius, superpositum est feretrum auro gemmisque fabricatum tanto Patri congruum. Eadem die fecerunt Monachi ipsius Ecclesiæ concedente præfato Lud-

Concil. Picta-  
vense.

Concil. Tre-  
cense.

Ludovicus  
Rex inungitur  
ab Archie-  
pisc. Senon.

Nova transla-  
tio corporis  
S. Benedicti  
facta Anno  
1107.

vico, & patris consensum promittente, presentibus prefatis Episcopis, & Abbate S. Launomari Blesensis, & me, qui Monachus ipsius loci sum, & elegerunt Bosonem quemdam Priorem cujusdam suæ cellæ. Hoc totum factum est xiiii. Kal. Aprilis. Rex autem Philippus vixit usque in mense Julio, & in fine ipsius mensis, scilicet iii. Kal. Augusti, obiit apud Milidunum, præcipiens suum corpus ferri & tumulari in Monasterio S. Benedicti, donans ipsi loco plurima donaria, ut magnificentiam regiam decebat; cujus filius Ludovicus, Rex iii. nonas Augusti factus, valde ipsum Cœnobium dilexit, & rebus temporalibus crevit.

Hoc iterum anno venit quidam peregrinus apud castrum Nantonis & obiit, sepultusque est juxta stratum publicam ejusdem castri, ubi factus est per multos dies multus concursus populi utriusque sexûs. Cujus nomen ignorantes, sanctum Peregrinum eum vocaverunt. Quem dicunt etiam fecisse signa, quod dimitto industriæ sagacis lectoris.

Hoc anno Ludovicus Rex Monachis sancti Petri Vivi regalè Præceptum fecit, sicut fecerat Henricus avus ejus, & Philippus pater ejus.

Anno mci. fuit Pascha Domini vii. Kal. Maii, quod est ultimum Pascha. In subsequenti Maio, vel Junio, atque Julio, venditio annonæ, quam in præterito anno verno tempore diximus frumenti fuisse vi. solidorum, duplicata est, ita ut frumentum venderetur xii. solidis, aliæ annonæ similiter duplicatæ sunt. Hoc anno Ludovicus Rex juvenis cum multis suis Consulibus, vel Proceribus, bello vel amicitia pacem fecit. Tempestates multæ factæ sunt, vis grandinum, & ventorum, & fulgurum, & fragor nubium cum petris cadentibus, multos homines occiderunt, arbores eradicaverunt; domos everterunt, vineas æruginè ventoque subsequente læserunt, racemos perpaucos & tenues nobis reliquerunt. Præscripto die sancti Paschæ quidam duo fures calices tres, quorum unus major, duo minores de auro & argento aptè compositi, dum in refectorio manducaremus, furati sunt. Quorum primus jam pro simili vel pro alio nescio quo furto cæcatus, in eodem anno suspensus, indignam vitam dignâ morte finivit.

In ipso eodem anno Petrus Decanus Mauriacensis, faventibus quibusdam Monachis ipsius Monasterii, eruit oculos cujusdam Capellani, quem fecit capere in nocte subsequente nativitatem Beatissimæ Dei Genitricis Mariæ, scilicet v. Idus Septembris. Quod ideo facere jussit, quia idem Capellanus ad Abbatem Senonas venerat, auxilium & consilium quærere de quibusdam damnis, quæ ei faciebant Decanus & Monachi. Unde Abbas eis literas ut ad se emendaturi venirent, misit: quas designati sunt accipere. Quapropter idem Abbas xii. Kal. Novemb. movit, & Cluniacum tetendit, & ibi per tres dies commoratus est, & fecit festum Omnium Sanctorum Kal. Novemb. & accepit societatem ejusdem loci. Ubi etiam conquestus est cum Abbate ejusdem loci, & aliis sex Abbatibus, qui convenerant in præsentia Domni Richardi Romanæ Ecclesiæ Legati, de dedecore facto Ecclesiæ S. Petri, & sibi. Quod ipse audiens, & mirum ducens, Petro Arvernorum Episcopo, in quem confidebant ipsius malefacti factores ac fautores, litteras misit, quarum est exemplar.

» RICHARDUS Albanensis Ecclesiæ qualiscumque Minister, Apostolicæ sedis licet indignus servus & Legatus, PETRO Carissimo Arvernorum Episcopo salutem. Abbas sancti Petri Senonensis Monasterii conquestus est apud nos de inobedientiâ & rebellionē Mauriacensis Decani, & fautorum ejus.

Quod graviter ferentes utpote de Romanæ Ecclesiæ filio, vobis mandamus & præcipimus, ut ab Ecclesiâ sanctâ hoc tantum dedecus summoveatis, nec filios contumaces in pertinaciâ suâ esse sinatis, sed ad Abbatis obedientiam in præsentiarum venire cogatis. Quod si neglexerint, & mandatis nostris non acquieverint, gladio spiritûs sancti eos ferimus, & ut itidem faciatis præcipimus. Præterea ex ejusdem inobedientiæ radice Sacerdotem quemdam cæcatum pro certo accepimus, quod severe, & pro modo culpæ vindicandum judicamus. Itaque laici qui tyrannidem hanc excuerunt, & cæcati Presbyteri bona invaserunt, vel possident, excommunicentur; qui verò Sacerdotes, vel Clerici cooperatores aut consentientes fuerunt, officio divino arceantur, rebus Ecclesiasticis, ac justitiis (quas nos præbendas vocamus) priventur, talique sententiæ subjaceant, quæ eorum culpæ conveniat, & quam cæteri timeant.

His litteris apud Claromontem ab Abbate Episcopo delatis, finxit se & dixit eidem Abbati jvaturum, quod non fecit. Namque idem Abbas montana concendit, Mauriacum adiit, cum eodem Decano, quia res ita exigebat, presentibus duobus Abbatibus, scilicet PETRO Auriliacensi, & alio S. Martini de Tutelâ, & RODOLFO Priore de Casa Dei placitavit, & in eodem placito præfatus Decanus fretus militari manu, & multorum laicorum, qui illuc confluerant, & præcipue cujusdam Archipresbyteri, nomine Petri de Sennis, qui consensu Episcopi ei consentiebat, consilio, dixit se nihil propter Abbatem facturum, neque de objectis respondurum, donec ante Episcopum. Quod audientes religiosi viri, qui illic aderant, dixerunt eum inobedientem & rebellem, non ut Monachum se habere vel esse. Quâ pro re eum Abbas & consentientes ei excommunicavit, & claustrum Monasterii ne ingrederetur, foras expulsus prohibuit. Qui spernens omnia jussu Abbatis, cum quatuor Monachis, qui ejus turpi vitæ concordabant, ingrediebatur & egrediebatur, & cum militibus castri (quod vocatur *Clavers*) quique eruerunt oculos Capellani, & cum illis de Monteclaro, & de Salerno, atque de Seurralliis, sæpe consilium fecit de captione Abbatis, & de morte sociorum ejus, & de distributione equorum ejus: & nonnunquam noctis tempore assultus milites super eum fecerunt illi, quos sibi consociaverat, dans & promittens terras & possessiones Ecclesiæ Mauriacensis. Hæc autem omnia & his pejora fiebant in diebus Adventûs, & festis Natalis Domini, similiter & post octavas Theophaniæ. Videns autem Abbas quod non pœniterent, sed dictum ad Episcopum, in quo confidebant, apud Claromontem irent & redirent, cogitans quoque quia hi qui eum auxiliabantur, & in quibus confidebat, instabant quotidie, dicentes, ut faceret Decanum aliquem Monachum aut de Casa Dei, aut de Cluniaco, prævidensque quod perditio loci esset, dimissis omnibus laicis consilium habuit cum Monachis omnibus, exceptis tribus excommunicatis, & constituit Decanum ROBERTUM de Caplanâ cognominatum, tunc Priorem de Urticido, & hoc in die Sabbati. In crastino autem, Dominicâ scilicet die Septuagesimæ, jam explicatâ solemnî Missâ, irruit ipse Exdecanus cum militibus multis & hominibus villæ ipsius quos præibat cum spatibus nudis, & fregerunt partem curiæ, intraveruntque per vinclaustrum, quærentes Abbatem, & Decanum, & Monachos de Franciâ in Refectorio, & in Cellario, & in aliis officinis. Quos non inventientes egressi sunt de claustris, & invenerunt quos quærebant.

Favet Decano  
Episcopus  
Claromont.

Decani Mauriacens. crudelitas.

Subjici renunt Abbati S. P. Vivi.

Epistola Richardi Albar. Episc. Claromont. Episc. vt Decanum Mauriac. co-erceat.

ante capellam S. Benedicti, confedentes & colloquentes. Quos videns Decanus, & sciens quia jam audierat ad se perimendum venturos, currens intravit cameram Abbatis, & clausit ostium post se. Abbas autem & Monachi ejus foris remanserunt, quos verbis plurimum minati sunt, per capitia cucullarum turpiter apprehenderunt, de planis spatibus ferierunt, sed non læserunt. Propter Decanum autem occidendum, quia per ostia domus quæ fortiter obferata erant, & intrare non potuerunt, super domum aliqui ascenderunt, & de tegulis de quibus camera ipsa tegebatur, removerunt, & perforato tecto lapidem grandem demiserunt, putantes Decanum occidere. Qui lapis corruens cecidit super cistam in quâ erat quantulumque pecunia, quæ de viatico Abbatis remanserat, quam & habuerunt. Unus autem ex eis jecit fustem quem tenebat, & percussit Decanum in mento, & sanguinolentum fecit. Qui videns se ita opprimi, aperuit ostium cameræ, & fustem tenens manu, loquensque aspera per medios armatos exivit, & per claustrum Ecclesiam introivit, & in vitem quæ ad defendendum in eadem Ecclesiâ est, ascendit, & ostium post se clausit, in quo defensaculo jam se miserant aliquide nostris. Hostes autem insequentes Decanum, quia per ostia non potuerunt, per parietes & per clydas quasdam quæ super portam Ecclesiæ erant, frangentes omnia, intraverunt, & ostium per quod idem Decanus in defensaculo illo intraverat conabantur frangere, vel igne allato ardere. Sed unus de amicis Abbatis lanceam tenens, quemdam de servis sancti Petri, qui plusquam cæteri malum movebat & faciebat, in costis corporis ejus vulneravit, unde aliis hostibus metus magnus factus est, & discesserunt. Unus quoque eorum qui in prædicto defensaculo erant, jaciens lapidem percussit mulierem quamdam, quæ galeam ferebat filio suo Ecclesiam frangenti, & clamabat, percutite, occidite, ardete Francos illos. Quæ de ipsâ percussione non post dies multos mortua est. Erat autem filius ejus ille qui accepit & misit in carcere Capellanum, quando perdidit oculos jussu Exdecani Petri de sancto Balderio.

Propter hæc omnia, & quia Monasterium propter sanguinem in eo fustum à divino officio cessabat, misit Abbas duos de Monachis suis Rigaldum & Girardum ad Episcopum, mandans ei rem malè gestam; & ut ad reconciliandam Ecclesiam aquam benedictam, & concessionem reconciliationis annueret. Qui tunc temporis in expeditione ultra Claromontem itinere dierum trium erat, & quod Abbas mandavit, facere noluit. Tantum concessit ut Monachi divinum officium in oratorio sancti Benedicti facerent sine sonatione campanarum, & in Capellâ sanctæ MARIÆ ex integro divinum officium celebrarent.

Interim homines de Mauriaco timentes Abbatem discedere propter injuriam sibi factam, firmaverunt in manu ejus se rectitudinem facturos, quam laudaret EBOIUS Vicecomes, & alii quidam Milites qui nominati fuerunt; nec non & si qui alii ab Abbate vocati essent. Unde constituit eis Abbas diem, & habuit laudatores; videntesque se gravari iudicio, fidem non sunt sequuti. Quapropter Abbas secundâ septimanâ Quadragesimæ egressus à Mauriaco, Comitissam matrem Comitum, quia Comes Romanam erat, adiit. Quæ dedit ei consilium, ut ad castrum, quod Evan vocatur, in Lemovico pagaret, ibique Archiepiscopum Bituricensem Metropolitanum Episcopi Arvernensis, & ipsum Episcopum, nec non & Archiepiscopum Burdegalensem, atque GERARDUM Engolismensem Legatum Romanæ Ecclesiæ inveniret, & coram eis alloqueretur Episco-

pum de querimoniâ suâ. Quod & fecit: litteras quoque supra scriptas Donni Richardi Legati legere fecit in præsentia eorum; quas audientes reprehenderunt eum non obedisse præceptis Legati, & laudaverunt ei ut justitiam plenariam Abbati faceret, & pignora quæ sæpèdictus Exdecanus multa fecerat super terras Ecclesiæ sine assensu Abbatis & Capituli, laudaverunt debere esse irrita. Et tunc promisit Episcopus justitiam se facturum Abbati, & diem nominavit quâ apud Urticidum ei mandaret quando montana ascenderet, quod minimè fecit.

Hoc anno in Lateranensi Ecclesiâ præsidente Donno Paschali secundo, indictione tertiâ, nonas Martii factum est Concilium.

Anno MXX. Abbas Arnaldus ipsâ die Incarnationis Dominicæ in montanis Episcopum Arvernensem, qui clam eo ipsas montanas ascenderat, sequens, venit ad castrum quod vocatur Castud, & hospitium habuit in quâdam Ecclesiâ, quæ vocatur Bassinivacus, quæ est sancti Petri. Episcopus verò alias quàm ipse putabat tenens vias, & declinans ab eo, rediit ad civitatem suam. Abbas autem ivit Mauriacum, & expectavit eum sex diebus. In quibus affuit EBOIUS Vicecomes, & alii multi Milites, qui laudaverunt hominibus ejusdem Villæ, qui assultum super Abbatem fecerunt, & Ecclesiam fregerunt, ut darent se ejus misericordiæ, quia reatudo eos nimis gravaret: quod nequaquam fecerunt. Inde discedens Abbas per magnas nives, & frigora, & præcipitia, rediit Urticidum in Kalendis Aprilis. In crastinâ autem quæ præcedebat diem de Ramis Palmarum misit ad eum nuntios suos, ut requirerent eum quid faceret de justitiâ, quæ laudata sibi & imperata fuerat ab Episcopis. Quibus respondit nihil se facturum. Unde Abbas movens, venit per quinque dies apud Bituricas in feriâ quintâ Cœnæ Domini, & loquutus cum Archiepiscopo impetravit ab eo litteras feriâ sextâ, quarum exemplar hîc est.

LEODEGARIUS Bituricensis Ecclesiæ humilis minister, PETRO dilectissimo Arvernorum Episcopo, Euge à Domino. Audito clamore venerabilis Fratris nostri ARNALDI Abbatis Senonensis Monasterii apud Evan, reminiscimur nos vobiscum egisse ac concordavisse, præsentibus, & approbantibus Gerardo Engolismensem Episcopo, sanctæ Ecclesiæ Romanæ Legato, & Burdegalensi Archiepiscopo, quatenus sicut in litteris Domini nostri Richardi Legati continetur, Mauriacenses Monachos rebelles & inobedientes ad obedientiam ejusdem Abbatis redire compelleretis, quod & vos facturum concessistis. Nunc verò plurimum miramur quoniam nescimus quo spiritu actus, sicut idem Abbas conqueritur, nihil fecistis. Præsentibus igitur litteris fraternitati vestre mandamus, imò præcipimus, quatenus supradictos Monachos ipsi Abbati justitietis, & fautores eorum, simul & omnes illos qui in Ecclesiâ de Mauriaco assultum super Abbatem in die Septuagesimæ fecerunt, sub anathemate ponatis, & in eadem Ecclesiâ reconciliatione factâ divinum officium celebrare sinatis. Valet pro nobis orans.

Inde egressus Abbas venit ad sanctum Benedictum, & ibi Pascha Domini celebravit. In feriâ secundâ movens inde venit ad curiam Regis apud Aurelianum, & loquutus cum Rege narravit ea quæ passus erat, quomodo Claromontensis Episcopus litteras, quas per eundem Abbatem sibi Rex miserat, parvipendens, non solum non profuerat, sed nocuerat. Unde Rex indignatus misit litteras suas eidem Episcopo, mandans se molestè ferre quod lo-

gatis conqueritur Abbas de Episcopo Claromont.

Epistola Archiep. Bituricensis ad Episcopum Claromont.

Coram Episcopis & Le-

cun



cum Mauriaci, qui fiscus regalis, & Capella Regum Francorum est, inquietabat, & ne ulterius faceret, præcepit, donec in curia sua rectitudinem auditurus si quid in loco illo reclamabat, veniret. Post hæc quoque adiit Abbas præfatus Romanæ Ecclesiæ Legatum Richardum apud Lingonas, eique rem gestam narravit, & ab eo litteras quas supra memorato Episcopo mitteret, impetravit, quarum exemplar hoc est.

Epistola S. R.  
E. Legati ad  
Episcopum  
Claromont.

» RICHARDUS Dei gratiâ Albanensis Ecclesiæ  
» qualiscumque minister, Apostolicæ sedis licet in-  
» dignus servus & Legatus, PETRO carissimo & ve-  
» nerabili amico suo, Arvernorum Episcopo Salu-  
» tem. Scripsimus vobis de querimoniâ & procla-  
» matione Donni Senonensis Abbatis & ut Deca-  
» num illum de cuius inobedientiâ & rebellione vo-  
» bis diximus, cum illis qui cum eo ejusdem malitiæ  
» crimen sectantur, ad emendationem & satisfactio-  
» nem justitiæ venire faceretis, vobis diligenter man-  
» davimus. Sed & de illis qui Presbyterum cœcave-  
» runt, & tanto sacrilegio assensum præbuerunt,  
» tam de Clericis, quàm de laicis similiter fecimus.  
» Vos autem legationis nostræ negotia parvipenden-  
» tes, litteras quidem legistis, sed de justitiâ parum  
» profecistis. Nunc ergo iterum earumdem causa-  
» rum proclamationem retractantes, ex Apostolicâ  
» auctoritate, donec ad emendationem veniant,  
» illos interdicimus, & ut similiter faciatis manda-  
» mus iterum, atque præcipimus. Sed & illos qui  
» Ecclesiam fregerunt, & in Abbatem assultum fe-  
» cerunt, & Monachos qui Abbatis obedientiam  
» contemnunt, similiter interdicimus: & admoni-  
» tos à vobis nisi Monachi de inobedientiâ, & laici  
» de assultu Abbatis satisfecerint, excommunicari  
» præcipimus. Quorum enim culpas corrigere est,  
» & non corrigunt, hi profecto malitiæ illorum par-  
» ticipes existunt. De terris verò absque jussu Abba-  
» tis & Capituli pignoris, ut eas Ecclesiæ suæ reddi  
» faciatis, præcipimus. Sed & de impugnatione  
» quam laici in mutando Decano, Abbati & Mo-  
» nachis faciunt, quia hoc sancti Canones prohi-  
» bent, ne ulterius fiat penitus interdicimus. Va-  
» lete.

Has litteras cum litteris præscriptis Bituricensis Archiepiscopi, necnon & Regis, misit Abbas ei-  
dem Episcopo Claromontensi per Rigaudum Mona-  
chum, quem invenit in diebus Rogationum, in eâ-  
dem civitate, & litteras quas deferbat, præsentavit. Unde Episcopus dixit se obediturum, & in su-  
sequenti sextâ feriâ post Ascensionem Domini mon-  
tana conscendit, Mauriacum venit, in Dominicâ  
die Monasterium reconciliavit, & de excommuni-  
cationibus quæ sibi in litteris præcipiebantur, par-  
tim fecit, partim dimisit, scilicet illos qui parti De-  
cani depositi fuerant, & pro eo terras Ecclesiæ ip-  
sius invaserant & tenebant: illos autem qui Deca-  
num Robertum, quem Abbas miserat, calumniaban-  
tur & inquietabant, noluit excommunicare. Quod  
molestè ferens præfatus Monachus, cum indigna-  
tione discessit ab Episcopo. Et veniens, ut putabat  
Senonas, Deo ita ordinante invenit in Abbatia, quæ  
Mezacus vocatur, Donnum Richardum Legatum  
Romanæ Ecclesiæ, sæpe in hoc scripto inculcatum.  
Cui quoque sicut gesta erant, cuncta retulit, &  
cum eo, jubente ipso, Claromontem rediit, &  
cum eo Pentecosten fecit, & cuncta quæ voluit ab  
eo impetravit. Namque idem Episcopus licet no-  
lens, in Synodo quam tunc celebrabat, omnes si-  
cut in litteris continebatur, excommunicavit qui  
meriti fuerant; & Donnus Cardinalis has litteras  
suo sigillo munitas fecit, & Ecclesiæ Mauriacensi  
misit.

Tom. II.

RICHARDUS Albanensis Ecclesiæ qualiscumque  
minister, Apostolicæ sedis licet indignus servus &  
Legatus, Mauriacensium fratrum persecutoribus  
ut resipiscant. Dominus Papa Paschalis in  
Concilio Trecenti omnes eos excommunicavit  
qui pacem violarent, & præcipue eos qui res  
Ecclesiasticas usurparent, vel personas in aliquo  
injustè læderent, ut nec in vitâ, nec in morte,  
Ecclesiæ communionem haberent, nisi dignâ sa-  
tisfactione resipiscerent. Unde nos ex præcepto  
Domini Papæ Episcopum Claromontensem Mau-  
riacensis Ecclesiæ persecutores excommunicare  
præcipimus, & excommunicavimus coram Con-  
ventu synodali. Nos quoque eosdem omnes ex-  
communicamus, & eis communicantes à Chri-  
stianâ communione eos separantes, & ubicunque  
fuerit aliquis eorum, divinum officium interdici-  
tes, ut secundum præceptum Domini Papæ nec  
in vitâ, nec in morte communionem habeant, nisi  
prius condignè pœniteant. Hi sunt Scurriliacen-  
ses, Salernenses, Monteclarenses, & Mauriacen-  
ses burgenses, qui neque Abbati neque Decano  
obediunt. Si quis autem Presbyter, aut Archiep-  
scopus alicui horum persecutorum fecerit offi-  
cium, eo ipso quod injustè administrat, officio  
eum suspendimus in perpetuum, & cum excom-  
municatis ipsum excommunicamus. Facientes e-  
nim & consentientes pari pœniâ digni sunt.

His litteris addidit verba, prohibuit vivâ voce A-  
postolicâ auctoritate, ut nunquam Abbas sancti Pe-  
tri aut successores ejus de alio aliquo monasterio De-  
canum Mauriaci faciant, nisi de Senonensibus Mo-  
nachis, aut de Mauriacensibus. Hoc dixit coram  
Episcopo multis audientibus & mandavit Domino  
Daimberto Archiepiscopo, ut & ipsum confirmaret.  
Misit quoque & litteras quas subscripsimus.

RICHARDUS Albanensis Ecclesiæ qualiscumque  
minister, Apostolicæ sedis licet indignus servus &  
Legatus, venerabili fratri DAIMBERTO Senonensi  
Archiepiscopo, & ARNALDO Abbati sancti Petri  
salutem. Tolosam ad Concilium properantes Cla-  
romontem venimus, & Episcopum Synodum ce-  
lebrantem invenimus, & fecimus eum omnes illos  
excommunicare, qui excommunicato Priori non  
abhorrent communicare, & qui Presbyterum ex-  
cœcare, & qui res Mauriacensis Ecclesiæ inva-  
sere, & qui in Abbatem & Decanum assultum  
fecere, sic scilicet, ut nec in vitâ, nec in mor-  
te, Christianam communionem habeant, nisi prius  
condignè pœniteant. Valete.

In ipso anno celebravit ipse Donnus Richardus  
Concilium Kalend. Octobris apud Monasterium san-  
cti Benedicti Floriacum. In quo adfuerunt Archie-  
piscopus Senonensis Donnus DAIMBERTUS & RO-  
DULPHUS Remensis Archiepiscopus, & RADULPHUS  
Archiepiscopus Turonensis, LEODEGARIUS Archie-  
piscopus Bituricensis, cum Episcopis, & Abbatibus  
suis. In quorum omnium præsentia & auditu, præ-  
sente Episcopo Arvernensi, in fine Concilii excom-  
municavit omnes illos, sive Clerici, sive Laici es-  
sent, qui ulterius calumniam facerent Abbatibus  
sancti Petri Vivi & sancti Saviniani de ordinatione &  
mutatione Decani vel Prioris Monasterii Mauriaci.  
Fecit etiam pacem de Abbate & Episcopo Arvernensi  
Petro de molestiis quas supra scripsimus. Inde abiit  
Petrus Episcopus supra scriptus, in ipso itinere agro-  
tare cœpit, & perveniens usque ad sedem Episcopa-  
tus sui obiit, & sepultus est in eadem Ecclesiâ anno  
Incarnationis Dominicæ MXXI.

Anno MXXII. fuit ingens persecutio, & prælia  
multa inter Regem HLudovicum, & Regem An-  
glorum, & nepotem ejus Comitem Theobaldum.

P P P

Richardus  
Legatus hinc  
inter excom-  
municatos  
per litteras  
Domini Ma-  
riac. & Abba-  
tis.

Epistola ejus-  
dem Richardi  
ad Archiep-  
scopum Senonensem,  
& Abbatem  
S. P. Vivi.

Concilium  
Floriacense.

Obiit Petrus  
Episc. Claro-  
mont.

Episcop. tan-  
dem in reos  
fuit excom-  
municationis  
sententiam.

Synodus Cla-  
romont.



Unde multæ crematæ sunt Ecclesiæ, & villæ, & Abbatia vastatæ. Quapropter Arnaldus Abbas munivit Burgum sancti Petri vallo, & sepe, & aliis propugnaculis quæ sunt oportuna defensioni.

Anno MCXIII. emit Abbas Molismensis villam, quæ vocatur Pauliacus, de Milone filio Bernardi de Monte Barro, dans centum quinquaginta libras denariorum. Quæ villa cum appenditiis suis est de donationibus, quas dederunt Abbatia sancti Petri Vivi Senonensis Ingoara & Leotheria (sicut & Rictiacum) quæ ambæ fuerunt sorores sancti Ebbonis. Dederunt etiam in pago Tornodorense villam, quæ vocatur Fontanas, cum omnibus appenditiis & adjacentiis; & in pago Lallinse Bagnolum, & suprâ memoratum Pauliacum, in cujus parrochia sita est Molismensis Abbatia. Audiens autem Abbas Arnaldus hanc emptionem quam fecerat supradictus Abbas de Pauliaco villâ, quæ est alodus S. Petri Vivi, adiit eum cum duobus Monachis suis, Helduino scilicet Priore, & Girardo Cellerario, & calumniam fecit. Unde respondit ei Abbas supradictus se loquuturum cum Milone, qui vendiderat, jam monacho, & cum aliis, quorum consilio uti debebat, & responsurum se usque ad Rogationes quæ primæ futuræ erant. Factum est autem hoc in fine istius anni de quo agitur, VII. scilicet Idus Martii.

Anno MCXIV. Quia ut suprâ dictum est, Abbas Molismensis se responsurum Arnaldo Abbati dixerat in Rogationibus de terrâ quam emerat, misit ad eum ipse Arnaldus Abbas Guidonem Monachum de Alfonso audire responsum ejus. Cui dixit usque ad festum sancti Joannis quod tunc primum futurum erat, accepturum se consilium suum, & responsurum, quod non fecit. Eo autem in tempore accidit, ut pro quibusdam HLudovici Regis negotiis JOSCE-  
RANUS Episcopus Lingonensis Senonas veniret. Quem prædictus Abbas adiit, & caritative, ut tantum virum decebat, ei servivit, de Abbate Molismensi querimoniam fecit, & de Rainardo de Monte Barro, qui censum de Rictiaco simul & de Pauliaco, unde res agitur, plusquam per octo annos abstulerat, conquestus est. Qui benigne respondit se eos ad rationem mittere, & justitiam Ecclesiasticam si quando ad eum iret, aut mitteret, facturum, si rectitudinem denegarent. Quâ pro re Abbas Arnaldus ad festum sancti Mammetis quod est in mense Augusto, ivit, Abbatem Molismensem caritative ad rationem misit, quod nihil profuit sibi.

Anno MCXV. factum est Concilium Remis v. Kal. Aprilis. Item aliud fuerat celebratum apud Belvacum à CONONE Prænosteni Episcopo, & Romanæ Ecclesiæ Legato. Rursus in eodem anno aliud apud Catalaunum v. Idus Julii. Hoc eodem anno accepit Rex HLudovicus uxorem suam nomine Adelaïdem.

Anno MCXVI. Abbas Arnaldus misit Lingonas Walbertum Monachum ad suprâ memoratum Episcopum Joscerannum in synodo quæ secundum consuetudinem fit post Pascha, cum litteris Daimberti Archiepiscopi deprecativis pro nostrâ re. Unde respondit Episcopus, & mandavit Abbati se venturum Senonas ad curiam Regis, & ibi se loquuturum cum Abbate, quod & fecit. De Rainardo scilicet denominavit diem apud Retiacum post primam diem festi sancti Bartholomæi in Augusto, ubi Abbas ivit cum multâ infirmitate corporis sui, sed neque judicem, neque responsorem invenit, & sic delusus rediit ad sua. Quapropter ad aliam synodum, quæ fuit post collectionem frugum, misit iterum Abbas supradictum Walbertum Monachum cum litteris, quarum exemplar est.

Domino suo JOSCERANNO venerabili Lingonen-

sium Episcopo, frater ARNALDUS Abbas monasterii sancti Petri Vivi, sic crucem Domini portare ut ejus remigio valeat transfretare. Manifestum est dignitati vestræ, Donnum Archiepiscopum suas litteras in præteritâ synodo vobis misisse, & de injuriis à Donno Abbate Molismensi, & Rainardo de Monte Barro Monasterio nostro illatis, justitiâ vestram acclamasse. Vos autem diem placiti dum Senonas veniretis distulistis, ubi cum vobis præsentarer, tantum de Rainardo apud Retiacum diem posuistis. Quamvis autem debilitati corporis succumberem, tamen quasi in lecticâ me eo devehî feci, sed iudice & responsore ibi non inventis pro malè tractatò me habui. Proinde ad vos denudò recurrimus, ut nos justitiâ cassari non permittatis. Præterea de Retiacensi Ecclesiâ quam Rainardum adhuc de nobis tenere, nec amisisse sperabamus, vestram misericordiam, & hujus sanctæ synodi acclamamus, ut quid rectitudinis in eâ monstrare poterimus, in jus nobis dirigatis. Valete.

In ipsâ quoque synodo compèrit præfatus Monachus Walbertus, quodd Rainardus Miles de Barro Ecclesiam de Rictiaco, quam de Abbate sancti Petri tenebat, Ecclesiasticâ auctoritate judicante, perdidit, & Bernardus Abbas sancti Joannis de Prato eam ab Episcopo expetierat, & super nos invaserat. Unde idem Monachus mentionem damni nostri coram omnibus in præfatâ synodo fecit, & quia præfatus Abbas deerat, paucis verbis satisfecit. Quod ubi ad noticiam nostram pervenit, Arnaldus Abbas, quia familiaris & socius nostræ fraternitatis erat, litteras ei misit quarum exemplar hoc est:

Domno BERNARDO amico suo, Monasterii sancti Joannis Reomensis venerabili Abbati, frater ARNALDUS Monasterii sancti Petri Vivi Abbas salutem in Domino. Si benè & vos & vestra valeatis, inde gaudemus. Cum enim præcipuum sit Domini mandatum, ut invicem diligamus, tamen vos & vestros inter amicos & confratres præcipuos accepimus. Verumtamen cum in synodo Lingonensi noviter habitâ, cui absens fuistis, clamores renovâremus, quos in anteriori synodo habuimus inter cætera de Retiacensi Ecclesiâ quam Rainardus de nobis tenebat, justitiâ Domini Episcopi invocavimus, à quo vos eam occupasse accepimus. Ex consulto itaque ejus, & cassidentium vos super hac re convenimus, & ut benigne & caritative nostra dimittatis, vos admonemus. Si enim, quod absit, post firmatam inter nos & vos societatem ex industria occupastis nostra, hoc est, unde in nimiam admirationem vertimur. Et quia Monachi vestri Trevis satis contumeliosè nostris Monachis dixerunt, nos in synodo sine ratiocinatione mutuâ de personâ vestrâ querimoniam fecisse, id penitus abnegamus, & ut veridicos nos comprobetis, exemplar litterarum, quas Lingonas misimus, & vobis mittimus. Valete, & nobis super hoc convenienter litteris respondete.

Has litteras portavit prædictus Monachus Walbertus ad monasterium sancti Joannis, & non inveniens Abbatem, dedit eas Priori & Monachis ejusdem Cœnobii, ut darent Abbati, quod dixerunt se facturos. Nec multo post pro Comite de Monte-Bardo, & Clarebaudo de Capuis, apud castri locum conventu habito, idem Walbertus Episcopo, & Duci, aliisque Principibus Burgundiæ se præsentavit, reiterans clamores, quos erga præfatos Abbates habuerat. Episcopus verò humano pudore magis quàm Dei timore tactus, Bernardo Abbati Monasterii sancti Joannis diem quâ ad jus ipse

Arnaldi Abbatis  
ad Iosseran-  
tum Lingon.  
Episc.

Concilia Bel-  
lovac. Re-  
mense, &  
Catalau.

Agitur de lite  
inter Abbates  
S. Petri Vivi,  
Molismen-  
sem, & S.  
Joan. Reo-  
maens.

Epistola Ar-

Epistolæjus-  
dem ad Ab-  
batem S.  
Joan. Reom.

& Arnaudus Abbas Monasterii sancti Petri Vivi convenirent, per Archipresbyterum nomine Rainaldum in die Dominica qua *Misericordia Domini* cantatur, determinavit. Abbati vero Molismensi sic, videlicet quod si diem juris Abbati Arnaldo denominare diffugeret, ipsi Abbati apud Episcopum super hac re nullam spem fore confugii. Huic interminationi Abbas Molismensis se simulans fore obnoxium, diem Abbati sancti Joannis itidem denominatam, & apud Retiacum suscepit. Abbas igitur Arnaldus utrorumque Abbatum adventum Retiaci operiens, spe frustratus est, Mainardo Archipresbytero de Bardo super Sequanam attendente quis Abbatum veniret, vel quis venire renueret. Iste etiam Archipresbyter apud Castrilocom & testis dierum coram Episcopo positum fuit, & ad diem veniens quomodo utrique se haberent vice Episcopi expectavit. De importunitate tantae injuriae omnibus mirantibus, Rainardus de monte Bardo (intererat enim) nusquam religionem esse acclamavit, & sese ubivis omnibus judicialibus sententiis derationaturum evidenter patefecit, Ecclesiam Retiacensem se & antecessores suos plus centum annis censualem de manu Abbatum sancti Petri Vivi tenuisse, & eam vi Episcopali ab eo extortam Abbatem monasterii sancti Joannis occupasse, Abbate Arnaldo Monasterii sancti Petri Vivi hoc ignorante. Idem Abbas Arnaldus admirans quid Molismensis Abbatis absentia significaret, Molismum abiit, sed Abbatem loci non inveniens, tanto labore frustra consumpto, ad propria rediit, Priori & Monachis ejusdem loci dicto negotio pro quo venerat.

Anno MCXVII. obiit Palchalis Papa. Hic anno Incarnationis Domini MCIV. Episcopatus sui octavo, precatu Arnaldi Abbatis fecit Privilegium Ecclesiae sancti Petri Vivi & sancti Saviniani Protopræfatis Senonum & Martyris.

Anno MCXVIII. facta est Capella apud Salinacum in Sylva, in honore sancti Andreae Apostoli, & sancti Laurentii Martyris, & consecratum cœmeterium in festo ejusdem beati Martyris IV. Idus Augusti.

Anno MCXIX. Donnus Cono Prænестinus Episcopus, & Legatus Romanæ Ecclesiae Senonas venit, quem adiit Arnaldus Abbas, & quærimoniam fecit de Lingonensi Episcopo, qui justitiam diffugebat sibi facere de duobus Abbatibus supra scriptis. Qui misit litteras, quarum exemplar hoc est.

CONO PRÆNESTINUS Episcopus & Romanæ Ecclesiae Legatus, JOSGERANNO Lingonensium Episcopo salutem. Quærimoniam venerabilis Arnaldi Abbatis Monasterii sancti Petri Vivi audivimus de Abbate Molismensi, & Abbate Monasterii sancti Joannis de Prato, quorum unus Ecclesiam unam ei aufert, alter villam cum appenditiis suis. Vos autem jam bis diem placiti ei constituitis, sed neque vos neque Abbates ad ullam illarum venire voluistis. Et quia injuriam hujus rei penes vos esse sentimus, mandamus, & mandando obsecramus, ut ei inde plenariam justitiam faciatis. Quod si facere nolueritis, quærimoniam ejus ante Dominum Papam, quia de Legatione nostrâ est, me sciatis perlaturum, & causam ejus quantumcumque potero prosequuturum.

Hoc anno celebratum Concilium fuit Remis in Galliâ à Donno Papa CALISTO secundo, duodecimo Kalendarum Novembris.

Quæ sanctorum Patrum Sanctionibus de Simoniaca pravitate stabilita sunt, nos quoque iudicio sancti Spiritus, & auctoritate Apostolicæ sedis unanimiter confirmamus. Si quis ergo vendiderit, aut emerit, vel per se vel per quamlibet summis-

sam personam, Episcopatum, Abbatiam, Decanatum, Archidiaconatum, Presbyteratum, Archipresbyteratum, Præposituram, Præbendam, Altaria, vel quælibet Ecclesiastica beneficia, promotiones, ordinationes, consecrationes, Ecclesiarum dedicationes, clericalem Tonsuram, sedes in choro, aut quælibet Ecclesiastica officia; vendens & emens, & dignitatis officii sui, & beneficii periculo subiaceat. Quod nisi resipuerit, anathematis mucrone perfossus ab Ecclesiâ Dei, quam læsit, modis omnibus abscindatur. Episcopatum, & Abbatiarum investituram per manum laicam fieri penitus prohibemus. Quicumque igitur laicorum deinceps investire præsumserit, anathematis ultioni subiaceat. Porro qui investitus fuerit, honore quo investitus est absque ullâ spe recuperationis omnimodo careat. Universas autem Ecclesiarum possessiones quæ liberalitate Regum, largitione Principum, vel oblatione quorumlibet fidelium eis concessæ sunt, inconcussas & inviolatas in perpetuum permanere decernimus. Quod si quis eas abstulerit, aut invaserit, aut potestate tyrannicâ detinuerit, juxta illud beati Symmachii capitulum, anathemate perpetuo feriatur.

Nullus Episcopus, nullus Presbyter, nullus omnino de Clero Ecclesiasticas dignitates, vel Ecclesiarum beneficia cuilibet quasi jure hereditario derelinquat. Illud etiam adjicientes præcipimus, ut pro baptismatis, chrismatis, olei sacri, & sepulturae acceptione, & infirmorum visitatione vel unctione, nullum omnino pretium exigatur.

Presbyteris, Diaconibus, Subdiaconibus, uxorum & concubinarum contubernia prorsus interdiciamus. Si qui autem hujusmodi reperti fuerint, Ecclesiasticis officiis priventur & beneficiis. Sanè autem si neque sic immunditiam suam correxerint, communione careant Christianâ.

Postquam celebratum est hoc Concilium Remis, venit Donnus Papa Senonas, quem adiit Abbas Arnaldus, & ostendit litteras quas habet Ecclesia sancti Petri de duabus sororibus sancti Ebbonis, Ingoarâ scilicet & Leotheriâ, quas confirmavit, & approbavit, mittens Episcopo Lingonensi litteras suæ auctoritatis sigillo munitas, quarum exemplar est.

CALIXTUS Episcopus servus servorum Dei, JOSGERANNO Lingonensium Episcopo, Salutem & Apostolicam benedictionem. Abbatis Arnaldi, & Fratrum Monasterii sancti Petri Vivi querelam accepimus, quod eis Molismensis & Reomensis Abbates quasdam possessiones jam diu à beati Petri Monasterio possessas, injuste abstulerint. Unde Fraternitati tuæ præcipimus, ut longâ dilatione sepositâ canonicam eis justitiam facias. Nec Monasterio eidem obesse permittas, quod secundum antiquam terræ consuetudinem instrumenta sine impressione sigilli composita declarantur. Data Senonis Nonis Decembris.

Anno MCXX. celebratum est Concilium IV. Calendarum Novembris à Donno CONONE Prænestino Episcopo, qui tunc Legatus dicebatur trium Provinciarum Rotomagensium & Senonensium, atque Remensium. Ad quod Concilium cum Archiepiscopi cum Suffraganeis suis tam Episcopis, quam Abbatibus, Belvaco harum invitarentur provinciarum, Donnus Daimbertus Senonensis Archiepiscopus invitatus, molestiâ corporis detentus venire non potuit. Contigit itaque quod Arnaldum Abbatem sancti Petri Vivi invitaret, cum universis Episcopis & Abbatibus sibi subditis. Arnaldus itaque Abbas monitus libenter se ad tantum iter præparavit, & quam citius potuit iter aggressus est.

P P P ij

Epistola Cononis Legati ad Episc. Lingon. pro Arnaldo Abbate.

Decreta Concilii Remensis sub Calisto II.

Epistola Calisti Papæ ad Joscerann. Ep. Ling.

Concilium Bellovac. cui præsidet Cono Legatus.

Tom. II.

Primo autem die cum ad Ecclesiam sancti Lupi, videlicet Naudo, pervenisset, defessus itinere, & detentus pluviali tempore corporali infirmitate ingravescente, & præ senectute corporeâ deficiente virtute, in propriâ domo suâ inibi remansit. Mox quemdam Monachorum suorum nomine CLARIUM, ut se excusaret ad Concilium transmissit. Monachus verò ille ad Concilium veniens, Abbatem Arnaldum Dominum suum veris rationibus excusavit, & totum Concilium audivit, & reversus illic ubi eum dimiserat, reperit. Ibi cum per aliquot dies demorarentur expectantes ut convalesceret, tandem convaleuit, & ad proprium Monasterium cooperante divinâ clementiâ redire disposuit.

Reliquiæ S. Nicolai, S. Georgii, & de sepulcro Domini confertur Abbatia S. P. Vivi.

Cum autem inde exire vellet, accessit ad eum vir venerabilis Alexander vocatus, ipsius Ecclesiæ Capellanus, omni laude dignus, multisque virtutibus honestissimè condecoratus, quatuor phylacteria argenti deaurata, unum de ligno sanctæ crucis Domini, alterum de dente sancti Nicolai, tertium de sepulcro Domini, quartum de sancto Georgio præsentavit, & ut Dominus Abbas secum deferret, obtinuit. Referens quia cum esset Capellanus Comitis STEPHANI ultra mare secum ivit, sed antequam transirent, à summo Pontifice Romanæ Ecclesiæ inter se & Dominum Arnulfum, qui nunc Patriarcha videtur, licentiam ligandi atque solvendi accepit. Postquam mare transierunt populum convocabat, exhortabatur, pœnitentias injungebat, & ita populum magis virtutibus quàm telis instructum in præliis mittebat. Sicque faciendo ad sepulcrum Domini, sicut idem Alexander referebat, pervenerunt, celebratâque oratione pro quâ venerant, conspectibus Regis se præsentaverunt. Rex igitur Balduinus audiens tantum virum venisse, videlicet Comitem Stephanum, virum in rebus bellicis strenuum, omni religione præditum ad se accersiri præcepit, & apertis thesauris optionem dedit, ut quidquid sibi placeret de thesauro regio acciperet. Tunc Comes Stephanus respondit se divitem possessione auri & argenti, & omnium rerum terrenarum, tantum se indigere thesauro sanctarum reliquiarum. Audiens hoc Rex vocavit Arnulfum scriniarium suum, & ait ei, ut quidquid sanctuarii in capellâ suâ eligeret, totum absque morâ sibi tribueret. Comes igitur Stephanus accepit de sepulcro Domini, & de cruce ejus, & de corpore sancti Georgii. Effecit autem idem Alexander cum summâ sagacitate, sicut ipse referebat, per societatem quam cum Arnulfo habuerat, ut sibi de iisdem reliquiis clam portiunculas daret; qui non negavit, quoniam antiqua societas eum hoc facere coëgit. Has portiunculas decenter auro argentoque conditas, dimidium dentem sancti Nicolai, pro quo assererat se dedisse marcam & dimidiam argenti, & integram unciam auri, Domino Abbati apportavit, & in Archivio sancti Petri apportare memorans sic obsecravit.

Alexandri Presbyteri donatio de Reliquiis, & aliis rebus.

„ Summe & venerande Pater, lacrymans memoro cum quanto labore has Reliquias habui, de Hierusalem apportavi, & cum quanto autore servavi. Ast ego indignus & peccator non ita cum digno honore servavi, nec tractavi sicut tractare debui. Nunc summe Pater, quoniam thuribulum argenteum vobis dedi, & duos argenteos calices, alterum horum optimè deauratum, cum casulâ & pluviali sacerdotis, cum vestibus reliquis usque etiam ad subdiaconum, Missæ necessariis, vobis quoque dedo ipsa phylacteria, videlicet cor meum & animam meam. Et ut has honorificè tractetis, domum meam, quam in castro Pruvini habeo, cum omnibus utililibus suis, & uno lecto vestito, post obitum meum suscipiatis. Accersitoque

dictatore & notario, cartam vobis scribere faciat, & obsecro, ut illum qui vobis amodo auferre voluerit, excommunicetis. Pro hac mercede mihi recompensate anniversarium meum quinque solidis de eadem domo eadem die in refectioe Fratrum, & honore harum reliquiarum; ut honorificè condiantur & in archivo sancti Petri solemniter ab omnibus celebrentur, ad laudem & ad gloriam nominis Christi, beneficio cuius dantur bona, per omnia sæcula, Amen.

Elevans itaque Dominus Abbas tanta & tam magna munera, reversus est ad propria. Receptæ sunt autem capsellæ sanctarum Reliquiarum à Clero & populo, monstrata solemniter & deosculata secundo Kalendas Novembris, regnante Domino nostro JESU-CHRISTO, cujus regnum & imperium sine fine permanet in sæcula sæculorum, Amen.

Anno MCXXII. obiit DAIMBERTUS Archiepiscopus anno ordinationis suæ 27. penè transacto, sepultusque est in Capitulo S. Petri Vivi.

Anno MCXXIII. ordinationis suæ agens vicessim septimum annum, Dominus ARNOLDUS Abbas suæ considerans debilitatem ætatis, suæque prævidens vicinitatem mortis, utpote vir fractus plus sui honoris laboribus, quàm suorum annorum transitionibus, jussit apicibus annotari omnia nomina librorum quæ ipse conscribi fecerat, & benè ornaverat, & per manus notariorum transcriptos, in archivis Ecclesiæ sancti Petri Vivi ad restaurationem & ad usum ipsius Ecclesiæ locaverat. Hæc enim summa omni tempore fuit intentio suæ mentis, subtrahi sibi ferè omnia sæcularia negotia, quamvis plurima molestè occurrerent, mentemque unitam ad se traherent, quatenus maximè, expeditiisque in diversorum ornamentorum genere suæ Ecclesiæ laboraret: & maximè scriptoribus instaret, quatenus libros conscriberent quos ipse Ecclesiæ redderet, & ad Dei servitium faciendum Fratribus coaptaret. In his etiam in tantum erat intentus, ut propriis manibus aliis expers laboribus, ferret libros ac revolveret, membranas etiam secundum modum voluminum incisas numero Fratribus ad parandum daret; ipseque postea scriptoribus ad scribendum reportaret. Namque tanto ardore & desiderio, tantæque festinantia hoc perficere cupiebat, quod nulla nisi sibi timens dispendium moræ hujuscemodi, negotia velocius perficere credebat. Et quoniam antequam ipse susciperet curam rerum gerendarum, Monasterium ex toto fuit succensum, codicesque Ecclesiæ omnes ferè succensi & incinerati, idcirco supradictus Dominus Abbas Arnaldus laborabat, ut penuria librorum, vel vilitas non conturbaret gregem suorum Monachorum. Causam igitur quare nomina librorum notare disposuerit, simplex lector atque prudens invenire poterit. Timebat enim vir venerabilis instantiam temporum, & mutationes personarum, & diversitates intentionum. Multoties enim vidimus, quod hoc quod præterita persona dilexit, hoc subsequens aut parvipendendum putavit, aut ex toto neglexit. Igitur nomina futuris designare voluit, ut omnes nomina librorum legerent, & lecta memoriâ retinerent, & sicut ipse ad Dei servitium libros dedicavit, ipsi dedicarent, ejusque super hoc excommunicationem omnes universaliter confirmarent. Excommunicavit enim omnes indifferenter qui aliquem vel aliquos subscriptorum librorum vel venderent, vel accommodarent, vel aliquo modo efficerent, quo Ecclesia perderet, & librum non rehaberet. Ipse enim Deo obtulit, & quâ custodiâ potuit munivit. Non ergo culpa constructoris erit, si negligentia successorum dispersum fuerit, quod ipse ad honorem & ad gloriam Salvato-

Catalogus li-  
brorum quos  
exscribitur  
vit Arnald.  
Abbas.

ris construere laboravit. Nomina autem librorum hæc sunt.

Pentateuchum Moysi, videlicet primam partem bibliothecæ in uno separatim conscripsit corpore, ut Fratres redimeret à toto bibliothecæ onere, qui liber legendus est ex ordine à Quinquagesimâ usque in mediam Quadragesimam. In secundo volumine continentur libri v. Josue, & Judicum, & Ruth, & Hieremias (qui leguntur à mediâ Quadragesimâ usque in Pascha) & Psalterium in eodem volumine. In tertio, Tractatus B. Augustini in Epistolam B. Joannis Apostoli. In quarto, homiliæ 40. B. Gregorii Papæ: & Actus Apostolorum: & Epistolæ Canonice, & Apocalypsis. Hæc omnia leguntur à Pascha usque ad Pentecosten. Et in eodem volumine Apostoli Pauli Epistolæ. In quinto, quatuor libri Regum, & Paralipomenon, & passio S. Tiburtii Martyris, & in sexto volumine 15. libri explanationis B. Gregorii Papæ in Job. Altera enim pars hîc habebatur. Hinc quoque leguntur in septimo volumine Machabæorum libri duo, & Ezechiel, & Daniel, & 12. minores Prophetæ: & Esaias: quæ leguntur à Pentecoste usque ad Natale Domini. Aliquos horum librorum tam præcedentium, quam futurorum necessitas coëgit scribere, alios verò, vetustas renovare. Hinc sequitur Paterius in octavo volumine. Nonum volumen habet Tractatum Origenis super Josue. Decimum habet Dialogum Gregorii, & loci Floriaci descriptionem, & B. Benedicti Translationem. In decimo primo volumine, invenies librum Pastorem B. Gregorii Papæ. Paulus Longobardorum historiographus numeratur duodecimus, & in eodem inventio capitis B. Joannis Baptistæ. Tertium decimum volumen continet hymnos & cantica totius anni, & gloriosa bella gentium Hierosolymis & Christianorum, & descriptionem locorum sanctorum. Corpus decimi quarti voluminis continet Epistolas ad legendum dispositas, & ad totius anni Missas prætitulatas. Quinto decimo volumini attribuitur liber interioris similis, sed exterioris dissimilis: Interioris Epistolarum, sed exterioris argento coopertus. Sed tamen iste fuit factus tempore Domini Hermuini Abbatis. Sextum decimum complent evangelia diebus totius anni competenter attitulata. Hinc sequuntur duo volumina Antiphonarii; primum ab Adventu Domini usque in Pascha, & aliud à Pascha usque ad Adventum. Hos duos si superiori numero conjungere volueris, octodecim invenire poteris. Si hunc in quo legis alios, addere quæris, novemdecim continere numerabis. Vicesimus libellus est quem dedit nobis eo anno quo incensi fuimus Jotrensis Abbatissa, in quo sunt parabola Salomonis, & Cantica Cantorum, & libri Sapientiae, & Sapientia Jesu filii Sirach.

Anno MCXXIV. qui est annus ordinationis Arnaldi Abbatis xxviij. cum quatuor mensibus, dimisit Arnaldus Abbas Abbatiam suam & HERBERTUS electus est.

Anno MCXXVIII. invisibilis ignis plurimos depastus est in regno Francorum. Cui morbo misericorditer meritum B. Dei genitricis MARIE obviavit, præcipue in urbe Sueffionis. Et GUILLERMUS Comes Flandriæ dictus Longa spata, obiit.

Anno MCXXIX. Ecclesia Vallis Lucentis fundata est; cujus primus Abbas Donnus HERPALDUS fuit, sedens annis xxx. PHILIPPUS Ludovici Regis Francorum Remis coronatus est, postea de equo lapsus moritur.

Anno MCXXXIII. Stephanus Cisterciensis Abbas moritur, succedit Rainardus Abbas quartus.

Anno MCXLII. Magister PETRUS Abacildardus mo-

ritur. Cujus sepulture insertum est Epitaphium hujusmodi.

*Est satis in titulo, Petrus hic jacet Abacildardus,  
Huic soli paruit scibile quidquid erat.*

Anno MCXLIII. Ecclesia Vallis - lucentis primò dedicata est.

Anno MCXLIV. mortuus est HENRICUS Senonum Archiepiscopus; & voces auditæ sunt mediâ nocte, primò in Burgo S. Petri, postea in civitate. Henrico defuncto successit Hugo Archiepiscopus.

Anno MCXLVI. facta est communia in civitate Senonis à Rege Ludovico.

Anno MCXLIX. destructa est Senonum Communia ab Eugenio Papa Romano, & à Ludovico Rege Francorum per deprecationem Herberti Abbatis sancti Petri Vivi: qui Abbas interfectus est ab eadem Communia pro fidelitate suæ Ecclesiæ.

Anno MCLI. Belvaco HENRICUS, frater Ludovici Regis Francorum, & Monachus de Clara valle Præsulatum tenet, qui postea Remensis Archiepiscopus fuit.

Anno MCLI. Donnus Ugo Autissiodorensis Episcopus moritur, vir bonæ memoriæ. Hic, ut præfati sumus, Pontiniacensis primus Abbas fuit. Sepultus est in jam dicto Cœnobio honore condigno.

Anno MCLII. incensa est civitas Senonensis. Famulus in nostro sæculo Comes Campaniæ Teobaudus moritur.

Anno MCLIII. Donnus Eugenius Papa moritur. Miraculis etiam gloriosis illius sepulcrum illustratum est. Succedit ei Anastasius Papa mense Augusto.

Anno MCLIV. Anastasius Papa moritur senex valde. Succedit ei Adrianus Papa, qui primò Abbas fuit sancti Rufi.

Anno MCLVI. Rex Ludovicus confirmavit Ecclesiæ sancti Petri Vivi transitum, & hospitamentum mercatorum in Burgo, quod voluit auferre suggestione quorundam habitantium in civitate. Confirmavit etiam omnem libertatem secundum tenorem Privilegii patris sui.

Anno MCLX. inventa sunt corpora sanctorum Christi discipulorum ac Martyrum Potentiani Altini, sub majori altari à venerabili HUGONE Senonensi Archiepiscopo, in sarcophagis intrinsecus plumbeis, extrinsecus ligneis: quæ quidem ibidem diù latuerant, sed à nullo Fratrum in eadem Ecclesiâ Deo servientium sciebantur. Facta est autem hæc revelatio tempore GIRARDI ejusdem Ecclesiæ Abbatis, ipso cum omni ferè conventu præsentem. Præfatus autem Pontifex de tantâ revelatione cum multis Clericorum suorum lætificatus, Deo grates reddidit, & tantorum Martyrum corpora absque diminutione in eodem loco, ubi Deo annuente diù requieverant, sicut prius erant cum magno gaudio reposuit. Facta est autem hæc grata & beata revelatio VII. Idus Junii, regnante Ludovico Rege. Eodem anno apparuit eclypsis lunæ in mense Augusto: ipsoque anno mortua est Regina Franciæ filia Imperatoris Hispaniæ: Rex verò Ludovicus consilio procerum suorum accepit in conjugem filiam bonæ memoriæ venerabilis Comitis Theobaudi, quam postmodum prædictus Hugo Senonensis Archiepiscopus Parisius in Reginam unxit, ipsamque cum Domino suo Rege ipso die præsentibus duobus Cardinalibus OTTONE videlicet atque HENRICO Pisano in Ecclesiâ B. MARIE coronavit: & in eadem Ecclesiâ ipsis Cardinalibus, & multis aliis præsentibus Missæ officium solemner celebravit. Quod factum valde displicuit Remensi Archiepiscopo, & ejus Episcopis.

Anno MCLXII. sanctus Thomas Archiepiscopus ordinatur: fames ingens fuit.

Anno MCLXIII. Domnus Alexander Papa tertius

P P p. ij

Henricus, &  
Hugo Arch-  
ep. Senonens.

Nova Inven-  
tio SS. Potentiani, & Al-  
tini

Hugo Senon  
Archiep. Regem, Regiamque coro-  
navit.

Herbertus  
Abbas d-  
tur S. P. vi.

Fundatio-  
barie Vis  
Lucentis d.  
Cist.



Cencil. Tu-  
ronense ab  
Alexandro  
Papa celebra-  
tum.

Diu commo-  
ratur apud  
Senones.

celebravit Concilium Turonis in octavis Pentecostes, scilicet xiv. Cal. Junii. In ipso vero anno venit idem venerabilis Papa Senonis cum multâ catervâ Episcoporum, & Cardinalium sanctæ Romanæ Ecclesiæ, in festo sancti Hieronymi, quod est ii. Kal. Octobris, ubi à prudentissimo Hugone ejusdem urbis Archiepiscopo, & multis Episcopis, Abbatibus, & omnibus vicinarum Ecclesiarum Conventibus, in Ecclesiâ B. Protomartyris Stephani honorificè est receptus. In eadem liquidem urbe per annum & dimidium in sede Archiepiscopali commoratus, in sequenti anno à præfato Hugone Archiepiscopo, & Clericis ejusdem Ecclesiæ rogatus, consecravit eis altare in honore beatorum Apostolorum Petri & Pauli in Ecclesiâ novâ xiii. Cal. Maii, in quâ die fuerunt tunc temporis octavæ Dominicæ Resurrectionis. Postea vero dedicavit Ecclesiam beatæ Virginis & Martyris Columbæ vi. Kal. Maii præfente ejusdem Ecclesiæ bonæ memoriæ Abbate Odone, qui ipsam Ecclesiam, ut apparet, à fundamento extruxerat: qui tamen infra ipsum annum, est mortuus, & in ipsâ Ecclesiâ sepultus. In Ecclesiâ verò beati Petri Vivi à Girardo venerabili Abbate, & Fratribus ejusdem Ecclesiæ, sapissimè cum honestissimis & jocundis processionibus & maximâ exultatione susceptus, multoties ibi solemniter Missæ officium celebravit, ipsumque locum, & ejus habitatores sicuti bonus & pius pater benedictionum suarum consecratione sæpius munivit.

Anno mclxiv. Sanctus Thomas exulatur.

Anno ab Incarnatione Domini mclxv. Ludovicus Regi natus filius, Philippus nomine, xi. Kal. Septembris.

Anno mclxvii. Imperator Romanorum Fridericus Romam obsedit odio Domini Alexandri Papæ. Cujus exercitus penè omnis peste interit: ipse verò cum ingenti tristitiâ ad sua reversus est. Hoc anno discordia nata est inter Regem Francorum & Anglorum.

Anno mclxviii. mortuus est HUGO Archiepiscopus Senonensis, cui successit WILLERMUS, xi. Kal. Januarii consecratus. Item in ipso anno mortuus est Warinus Vicecomes Senonensis, sepultusque est in Capitulo S. Petri Vivi, pro cujus sepulturâ prædicta Ecclesia duos modios frumenti, in molendinis Vicecomitatûs annuatim in perpetuum possidere debet.

Anno mclxix. Nonas Februarii Catana urbs in Sicilia terræ motu ita subversa est, ac si per centum annos non fuisset inhabitata. Ubi Episcopus cum Clero, & Abbate de Mileto, cum xl. Monachis, & populus innumerabilis extincti sunt.

Anno mclxx. In transmarinis partibus tantus terræ motus fuit tertio Cal. Julii, ut præemptorum infinitus esset numerus.

Anno mclxxi. Sanctus Thomas Cantuariensis Archiepiscopus pro libertate Ecclesiæ iv. Kal. Januarii martyrio coronatus est.

Anno mclxxiii. igneæ acies nocte in Regno Anglorum visæ sunt iii. Idus Februarii; & subsequenti Martio discordia inter patrem & filium, Reges scilicet Anglorum nata est. S. Thomas canonizatus est à Papa Alexandro.

Anno mclxxix. Donnus Alexander Papa tertius celebravit Concilium Romæ iv. Idus Martii, feriâ scilicet secundâ post medium Quadragesimæ: & in ipso anno Henricus Comes Trecentis cum Petro de Curtinaco, & aliis multis Jerosolymam peregre profectus est; & filia Regis Ludovici Constantinopolim ducta est, & filio Imperatoris in uxorem tradita: &

Philippus unctus est in Regem. Hoc anno vigiliâ sanctorum Gervasii, & Protasii gravi incendio crematum est Cœnobium sanctæ Mariæ, quod est ad portam sancti Leonis.

Quodam præfatio pertimescens suaviter equitabat. Volens itaque socios suos attingere, equum suum quo citius pergeret cœpit stimulis perurgere; qui celerius pedes movens, molli superficie terrâ deficiente, quatuor pedibus in unam partem concurrentibus, corruit in terram toto prostratus corpore. Quod Bernardus Prior sentiens, in alteram partem se projecit, & tam longè in medio agro dissiluit, quod ipsius jacentis pedes equi pariter corruentis sella vix attigit, quod utique sociis accurrentibus immensæ lætitiæ causa fuit. Sic nimirum Deo sanctorumque præsentium patrocinantibus meritis, qui prius nihil mali pertulerat, & tunc & postea per totum iter permanlit incolumis. Non longè autem ab illo loco Armandus & Joannes non sine effusione lacrymarum recedentes ab eis regrediuntur ad propria. Bernardus verò & Philippus Cantor in Galliam revertentes, cum pace atque lætitiâ per viam longi itineris ad civitatem Senonicam perducuntur mensis Januarii die octavo.

Hæc liquidem scripto & memoriæ quatuor de causis commendari voluimus. Primò ut sanctorum veneratio, Ecclesiæque sancti Petri honor & dignitas nostris, successorumque nostrorum temporibus celebrior habeatur. Secundò, ut Mauriacensium fidelitas & obedientia erga suum Abbatem, sanctique Petri Vivi Ecclesiam comprobata noscatur. Tertiò, ut pro diversis rerum eventibus, pro diversis locorum sive temporum qualitatibus, de tam difficili proposito non sine magnâ deliberatione præsumatur. Quartò, ut ex rebus visis & auditis si de Mauriacensium Ecclesiæ personatu quidcumque tale contingerit, facilius quid agendum sit videatur. FINIT, AMEN.

Posthæc eodem anno prædictus Ugo Decanus visitandi gratiâ matrem suam, sancti Petri Vivi Senonensis Ecclesiam petiit: ubi in ipso Capitulo coram universis Fratribus suam dimissionem, & cætera, sicut à Bernardo Priore & Philippo Cantore facta fuerat, per ordinem recognovit, & certam de omnibus fidem fecit.

Anno mclxxx. Obiit Odo Abbas, & successit GAUTERIUS de Naudo.

Anno mclxxxiv. In vigiliâ B. Joannis Baptistæ civitas Senonensis gravi incendio vastata fuit cum omnibus Ecclesiis, quæ à portâ sancti Desiderii usque ad portam sancti Remigii, à parte orientali & usque ad portam S. Leonis in civitate continebantur. Post etiam hoc incendium sequenti mense, sexto Calendas Augusti combustum fuit Laniacum, & Abbatia tota.

## CHRONICON

### S. MEDARDI SUESSIONENSIS

Ab anno ccccxcvii. ad mclclxix.

Auctore Monacho Benedictino ejusdem Asceterii.

ccccxcvii. **C**LODOVEUS Rex Francorum sextus, Paganus sicut antecessores sui Reges, à sancto Remigio Archiepiscopo Remensi bap-

[ *Lecnis* ] Hic folium vnum à codice MS. est avulsam.

Hæc ma-  
nu iecta  
sunt

Cloves  
avulsus  
Idem Chri-  
stian reli-



gionem ar-  
plectitur.

tizatur. Hujus Clodovei, primi Regis Francorum Christiani, fuit uxor sancta CROCHILDIS Regina. Tempore Clodovei sanctus MAMERTUS Episcopus Viennensis claruit. His temporibus in Viennâ urbe terræ motus maximus fuit. Ibi multæ Ecclesiæ, & domus multorum concussæ fuerunt & subversæ. Illic bestiarum multæ oberrantes, lupi, ursi, ac cervi, ingressi per portam civitatis, devorantes quamplurimos per totum annum hoc faciebant. In vigiliâ siquidem sanctæ Pascæ dum sanctus Mamertus Episcopus in eadem civitate Missarum solemnia celebraret, Palatium Regale, quod in eadem civitate erat, divino igno succensum est.

DXII. CLODOVEUS primus Rex Francorum Christianus obiit, & quatuor filii ejus, THEODERICUS, CHLODOMIRIS, CHILDEBERTUS, & CHLOTARIUS, Regnum ejus inter se æqualiter diviserunt. A transitu sancti Martini usque ad obitum Chlodovei centum & duodecim anni sunt.

DXVII. CHLOTARIUS & CHILDEBERTUS frater ejus peremptis nepotibus, scilicet duobus filiis Chlodomiris fratris sui jam defuncti, partem Regni Francorum quam tenebant inter se diviserunt.

DXIV. Sanctus BENEDICTUS magnus habetur: BÆTIUS occiditur.

DXLIV. Sanctus Pater BENEDICTUS obiit. Sanctus MEDARDUS, & sanctus GILDARDUS magni habentur.

DLVI. Sanctus MEDARDUS Noviomensis Episcopus obiit, quem CHLOTARIUS Francorum Rex honorifice sepelivit, & Ecclesiam in honore ipsius extrâ civitatem Sueffionensem miro opere fabricavit, & multis opibus ditavit.

DLXVII. CHLOTARIUS tenens totum Regnum Francorum obiit, quem quatuor filii ejus cum magno honore Sueffionis deferentes, in Basilicâ beati Medardi sepelierunt anno quinquagesimo primo Regni sui. Quatuor enim filii ejus, scilicet CHAREBERTUS, GUNTRAMNUS, CHILPERICUS, atque SIGEBERTUS de Regno Francorum, divisionem legitimam inter se fecerunt. Accepitque Charebertus Regnum avunculi sui Childeberti, sedemque constituit Parisius. Guntramnus accepit Regnum avunculi sui Chlodomiris, sedemque constituit Aureliani. Sigebertus verò Regnum avunculi sui Theoderici, sedemque constituit Remis. Chilpericus verò accepit Regnum patris sui Chlotarii, sedemque constituit Sueffionis. Crannus verò filius Chlotarii cum inimicus esset patris & rebellis, iussit eum prædictus Chlotarius Rex pater ejus cum uxore & filiabus igne consumi, & sic factum est. De Chilperico verò filio Chlotarii exivit progenies Regum Francorum, scilicet Lotharius magnus Rex Francorum, quem habuit ex Fredegonde uxore suâ pessimâ, quæ postea fecit prædictum Chilpericum Regem maritum suum causâ adulterii sui occultè occidi.

DLXX. Sanctus Vedastus obiit.

DLXXIV. Sanctus Germanus Parisiensis Episcopus obiit.

DLXXXIII. Pelagius Papa. Mauricius Imperator, cujus filium sanctus Papa Gregorius à sacro fonte levavit.

DLXXXIV. Sanctus Gaugericus magnus habetur.

DXC. Profitente Simone multis cruciatibus affecto, tunica Domini integra reperta est in arcâ mareâ in sanctâ civitate Jerusalem.

DXCII. Gregorius magnus ordinatur Papa.

DCIV. Phocas Imperator. Hic Papa Bonifacio petente statuit sedem Ecclesiæ Romanæ caput Eccle-

siarum esse; & Pantheon permittit dedicari in sanctæ MARIE omniumque sanctorum honore.

DCXI. Eraclius Imperator, qui Crucem Dominicam à Persidâ in Jerusalem reportavit.

DCXXII. Sanctus Gaugericus obiit.

DCXXIX. Sanctus Bavo obiit.

[ DCXLI. <sup>a</sup> Constantinus filius Eraclii Imperator. ]

DCXVI. Sancta Gertrudis obiit.

DCXX. Adventus corporis sancti Benedicti in Gallias.

DCXXII. Sanctus Audoenus Archiepiscopus Rotomagensis, & sanctus Leodegarius Episcopus Augustidunensis insignes habentur.

DCXXVIII. Theodericus Rex, Childerico fratre suo interfecto, in Regno Francorum restitutus est.

DCXXXI. Ebroinus Princeps Francorum, & Dux, Præfectus Palatii, & Major-domus interfectus est.

DCXXXVII. Pippinus senior pater Caroli Martelli, Princeps Francorum & Dux, Præfectus Palatii, Major-domus sub Theoderico Rege effectus est.

DCXCIII. Theodericus Rex obiit, Clodoveus filius ejus successit.

DCXCV. Clodoveus puer Rex obiit; Childebertus frater ejus successit.

DCXCII. Childebertus Rex Francorum obiit decimo octavo Kalendas Maii: sepultusque est apud Causiacum in Basilicâ S. Stephani Protomartyris: Dagobertus junior puer filius ejus successit.

DCXXIV. Pippinus senior Princeps Francorum & Dux, Præfectus Palatii, & Major-domus obiit, & Carolus dictus Martellus in loco patris sui successit. Obtinuitque prædictus Pippinus senior Principatum sub superscriptis Regibus Theoderico scilicet, Clodoveo, Childeberto, & Dagoberto juniore viginti septem annis.

DCXXX. Daniel quondam Clericus successit Dagoberto juniore in Regno, & Chilpericus nuncupatur.

DCXXV. Chilperico, nuncupato Danieli, successit in regno Theodericus Rex Francorum.

DCXXXI. Obiit Beda Presbyter.

DCXXII. Theoderico Regis successit in Regno Francorum Hildricus qui postea fuit depositus, & in Monasterio beati Medardi Sueffionensis tonsoratus. Zacharias Papa. Hildricus Francorum Rex. Carolus dictus Martellus Princeps Francorum & Dux, Præfectus Palatii, & Major-domus obiit, Pippinus verò junior parvus, & Carolomannus filii ejus loco ejus successerunt.

DCXXV. Carlomannus frater Pippini junioris parvi Monachus efficitur, & Pippinus junior parvus frater ejus totum Principatum Francorum solus obtinuit.

DCCL. Pippinus junior parvus Princeps Francorum & Dux, Præfectus Palatii, & Major-domus, filius Caroli Martelli, per auctoritatem Zachariæ Papæ electus est ad Regem, & unctus per manus sanctæ memoriæ Bonifacii Archiepiscopi, & elevatus est à Francis in regno Francorum in Monasterio sancti Medardi Sueffionensis; Hildricus verò, qui falsè Rex vocabatur, tonsoratus est, & in Monasterium missus est.

DCCLIV. Stephanus Papa, qui venerat in Franciam adiutorium & solatium quærendo pro justitiis Ecclesiæ Romanæ, Pippinum unctione sacrâ confirmavit in Regem Francorum.

Ejus filii regnum dividunt.

Clotarius Ecclesiam S. Medardi apud Sueffiones condit.

Obit Clotarius.

<sup>a</sup> DCXLI. ] Quod uncis inclusum est in hoc Chronico, additum est à Baluzio, ex ipso codice quo usus erat Acherius,

qui nunc servatur in Bibliothecâ Colbertinâ.

ccccxviii. Pippinus junior parvus Rex Francorum obiit, & Carlomannus, & Carolus magnus filii ejus regnare cœperunt.

ccccxli. Carlomannus obiit, & Carolus Magnus solus regnare cœpit in Regno Francorum.

cccci. Carolus Magnus Imperator Romanorum factus est. [Terre motus magnus factus est.]

ccccxiv. Karolus Magnus [Imperator Romanorum & Rex Francorum,] obiit quinto Kalendas Februarii, hora diei tertiâ, anno ætatis suæ septuagesimo secundo, sepultusque est in Ecclesiâ Aquisgranî, quam ipse ædificaverat. Ludovicus vero piissimus filius ejus, in Regno & in imperio successit. Soror ejus erat Bertha inclyta mulier, & filia prædicti Caroli Magni Imperatoris. Castrum Vici super Axonam cum omnibus appenditiis suis donatum fuit Ecclesiæ beati Medardi Sueffionensis [per liberalitatem prædictæ inclytæ Bertæ.

ccccxvi. Corpora sanctorum Sebastiani & Gregorii, & quorundam aliorum à Româ delata sunt in Ecclesiâ beati Medardi Sueffionensis,] tempore Eugenii Papæ, & Ludovici Pii Imperatoris.

ccccxvi. Corpora sanctorum Marcellini & Petri à Româ delata sunt in Ecclesiâ beati Medardi Sueffionensis, tempore Eugenii Papæ & Ludovici.

ccccxxix. Ludovicus pius Imperator & Rex Francorum obiit duodecimo Kalendas Julii, & filii ejus succedunt Lotharius, Ludovicus, & Carolus Calvus. Ille Carolus Calvus postea fuit Imperator Romanorum. Ipse enim mutare fecit corpora sanctorum Medardi, & Sebastiani, & Gregorii, & aliorum, & ponere in cryptas sexto Kalend. Septembris.

ccccxxvii. Carolus Imperator & Rex Francorum obiit, & Ludovicus Balbus filius ejus successit.

ccccxxx. Ludovicus Balbus Rex Francorum obiit, & Ludovicus & Carlomannus filii ejus succedunt.

ccccxxxiii. Ludovicus filius Ludovici Balbi Rex obiit, anno vero sequenti frater ejus Carlomannus Rex obiit.

ccccxxxix. Odo cœpit regnare.

cccccxiii. Carolus junior nepos Caroli Imperatoris cœpit regnare.

cccccxviii. Odo Rex obiit, & Carolus filius Ludovici junioris regnavit. Ille Odo Rex Ecclesiâ beati Medardi in suâ munde burde & successorum suorum in perpetuum suscepit. Fecit etiam prædictus Rex Odo Castrum de Vico, & de sancto Medardo firmare propter insurgentium Danorum insolentiam; & multa alia bona, possessiones & confirmationes Ecclesiæ beati Medardi contulit.

cccccxvii. Hungri primum Renum transferunt, & usque Burgundiam pervenerunt.

cccccxix. Conrardus Rex obiit, & Henricus succedit.

cccccxii. Robertus Rex efficitur. Anno sequenti interfectus est à Carolo Rege præliando, & Rodulfus Rex regnare cœpit. Eodem anno Carolus Rex captus est.

cccccxv. Rodolphus Rex obiit, & Ludovicus filius Caroli junioris regnare cœpit.

cccccxvii. Hungri Europam, Franciam & Burgundiam vastaverunt.

cccccliv. Ludovicus Rex obiit, & Lotharius filius ejus succedit. Eodem anno Hungri secundâ vice Franciam vastaverunt.

ccccclv. Monachi apud sanctum Quintinum in Insulâ ponuntur.

ccccclxxix. Ludovicus puer filius Lotharii Rex effectus est patre vivente, & volente.

ccccclxxx. Saxones Franciam vastaverunt, & à Francis cum Imperatore suo Othone fugati sunt.

ccccclxxxvi. Ludovicus Rex, filius Lotharii Regis, obiit, & Hugo, cognominatus Chapez, Dux Francorum (Carolo, fratre Lotharii Regis, a vinculo Ludovici Regis filii Lotharii, traditione capto, & apud Aurelianensem urbem cum uxore suâ incarcerato) Rex Francorum effectus est; & ita disjunctum est Regnum Francorum à genealogia Caroli Magni Imperatoris, & Regis Francorum.

ccccclxxxviii. Robertus, inclytus filius Hugonis Chapez Regis Francorum, Rex effectus est, patre vivente & volente.

ccccxcviii. Hugo Chapez quondam Rex Francorum obiit.

M. Quarto Calend. Aprilis die Pasce factus est terre motus, & draco in nube apparuit in vespere.

xxxxi. Robertus inclytus Rex Francorum, filius Hugonis Chapez obiit, & Henricus filius ejus successit. Ille Henricus Rex in decimo quinto anno Regni sui Abbatiam beati Medardi de potestate Stephani Comitis eripuit, & in suâ munde burde suscepit propriâ. Castrum etiam de Vico cum appenditiis suis, de quo privabatur Ecclesiâ tunc temporis incuriâ & nugacitate prædicti Stephani Comitis, Ecclesiæ restituit. Ipsam vero Ecclesiâ à molestatione & inquietudine Roberti Militis, Domini de Couciaco, viriliter defendit, & plurimas consuetudines, quas ipse Robertus dicebat se habere in Ecclesiâ beati Medardi & in possessione Ecclesiæ, viriliter revocavit.

mxlix. Renoldus Abbas Ecclesiæ beati Medardi quia absque voluntate & licentiâ Regis Henrici Romæ vocatus abiit, Abbas esse desit.

mxix. Philippus, Henrici Regis filius, Rex effectus est, patre vivente & volente, & communi consensu Francorum.

miic. Godefridus Dux Lothariensis, & Robertus Dux Normanniæ, & multi alii Principes, & innumerabilis populus Christianorum diversarum terrarum & linguarum, cruces acceperunt contra Paganos, & iter per Constantinopolim arripuerunt. In anno vero sequenti obtinuerunt inclytas civitates, & plurima castella, in terrâ Bityniæ, Mesopotamiæ, & Syriæ: & in anno tertio obtinuerunt, civitatem sanctam Jerusalem, & factus est Godefridus Dux Lothariensis Rex Jerusalemorum. Balduinus vero frater ejus factus est Princeps civitatis Edissæ id est Robeis. Raymondus vero Princeps Siciliæ, factus est Princeps civitatis Antiochiæ. Civitatem vero Nicram restituerunt Imperatori Constantinopolitano Alexi, & plurimas civitates & castella à Turcis sibi ablata.

meviii. Philippus Rex obiit, & Ludovicus Grossus filius ejus successit.

mcxii. Episcopus Laudunensis & omnes Primates urbis interfeciti sunt, & civitas igne succentâ.

mcxvi. Gaufridus, cognominatus Collum-cervi, Abbas Ecclesiæ beati Medardi effectus est.

mcxxvii. Inclytus Carolus Comes Flandrensis à suis perveris hominibus occiditur.

mcxxix. Philippus puer, filius Ludovici Grossi, Rex effectus est patre vivente.

mcxxx. Thomas de Marlâ, Dominus de Couciaco, persequutor Ecclesiæ pessimus interficitur.

mcxxxi. Philippus Rex obiit, & Ludovicus junior frater ejus Rex effectus est patre vivente, scilicet Ludovico Grosso. Innocentius Papa secundus, quibus diebus in Franciam venerat, prædictum Ludovicum juniorem, Philippo Rege fratre ejus defuncto, qui duobus annis, & dimidio regnaverat, Remis inunctum consecravit. Gaufridus, cognominatus Collum-cervi, Abbas Ecclesiæ beati Medardi, Episcopus Catalaunensis effectus est, & Odo Abbas successit. Ecclesiâ beati Medardi Sueffionis dedicatur à domno

Castrum in Bertha confert S. Medardo.

Corpora SS. Marcellini & Petri in Ecclesiâ S. Medardi Sueffionensis.

Et SS. Medardi, Sebast. & Greg. reconduntur in cryptis.

Castrum de Vico.

Abbatia S. Quintini in Insula.

Henricus Rex Abbas S. Medardi cœmit à potestate Comitis.

Gaufridus Collum-cervi ex Abbat. S. Medardi. Episcopus Catalaunensis effectus.

Ecclesiæ S.  
Medardi dedi-  
catio.

domno Innocentio Papa secundo prædicto, Papatus sui anno secundo, in honore beatæ Mariæ semper Virginis, & sanctorum Apostolorum & Martyrum, & in honore beati Medardi Episcopi & Confessoris, Idus Octobris. Prædictus siquidem Papa ante dedicationem Ecclesiæ prædictæ Odonem Abbatem Ecclesiæ beati Medardi, nolente, sed contradicente Episcopo Sueffionensi [in civitate] Aurelianus benedixit pridie Kalendas Octobris.

Galterus Ab-  
bas.

MCXXXIII. Odo Abbas decessit, & Galterus successit. Altaria sanctorum Crispini & Crispiniani, sanctorum Apostolorum Simonis & Judæ, & sanctorum Marcellini & Petri, sanctorum Apostolorum Philippi & Jacobi, & Capella super murum in honore beati Nicolai, dedicata sunt à Domno Josleino Sueffionensi Episcopo.

MCXXXVII. Ludovicus junior Rex Francorum accepit uxorem, nomine Alienorem, Comitissæ Pictavorum Guillelmi filiam; & per eam factus est Dux Aquitanorum. Ludovicus Grossus quondam Rex Francorum obiit. Ecclesia Corbeia combusta [est.] Siccitas inaudita.

MCXLI. Capella S. Bartholomæi in valle, Ecclesia S. Petri de Rotundis, Ecclesia sanctæ Sophiæ apud sanctum Medardum, Altare retro Chorum ad Crucem, dedicata sunt à Domno Ansculpho Sueffionensi Episcopo. Omnes istæ dedicationes factæ sunt tempore Odonis, & Galteri, & ingranni Abbatis.

MCXLVI. Ludovicus junior Rex Francorum, & Conradus Imperator Romanorum, cruces acceperunt contra Paganos, & multi alii Principes Christianorum, & infinita multitudo populorum; & anno sequenti cum maximâ multitudine armorum equitum & peditum per Constantinopolim Jerosolymam profecti sunt, & inclytam civitatem Damasum cum Balduino Rege Jerosolymitano obsederunt; sed à quibusdam militibus Christianis Syriis traditi, nihil profecerunt; & ita reversi sunt unusquisque in patriam suam, nihil vel parum in terrâ promissionis proficientes.

Ingrannus  
Abbas.

MCXLVIII. Eugenius Papa Remis Concilium tenuit. Galterus Abbas obiit, & Ingrannus Abbas de Marchenis, Monachus Corbeia, Abbas beati Medardi, effectus est. Temporibus Ludovici Junioris Regis Francorum, & Ingranni Abbatis Ecclesiæ B. Medardi, facta est communia in ripariâ beati Medardi, & iterum dissipata.

MCLXVI. Philippus filius Ludovici Junioris natus est.

MCLXXIV. Henricus Archiepiscopus Remensis obiit, & Guillelmus Archiepiscopus successit. [Inundatio aquarum insolita facta est.]

MCLXXVII. Ingrannus Abbas renunciavit Abbatiæ, & Gaufridus Præpositus de Ripariâ, Monachus Ecclesiæ, Abbas effectus est. Hugo Episcopus Sueffionensis obiit, & Nevelo de Balochiis Episcopus Sueffionensis effectus est.

MCLXXVIII. Alexander Papa generale Concilium Romæ in Ecclesiâ Lateranensi celebravit, in Dominicâ mediæ Quadragesimæ.

MCLXXIX. Philippus puer filius Ludovici Junioris, Rex efficitur patre vivente.

MCLXXXV. Gaufridus Abbas renunciavit Abbatiæ, & Galcherus Abbas de Flavigniaco, & Monachus de Clugniaco, Abbas beati Medardi effectus est, & eodem anno, scilicet post decem menses obiit, & Bertrannus successit Abbas. Tempore Bertranni Abbatis insultum fecerunt Sueffionenses in Ecclesiam beati Medardi.

MCLXXXVII. Civitas sancta Jerusalem, & universa terra promissionis, à Paganis capitur, & de-

populatur in festo sancti Petri ad vincula, præter civitatem Tyrum. Ludovicus filius Regis Philippus natus est. Lucius Papa, qui successerat Papæ Alexandro qui Concilium tenuit generale, decessit, & Urbanus Papa ei successit.

MCLXXXVIII. Philippus Rex Franciæ, & Richardus Rex Angliæ, cum Principibus & populis multis, cruces acceperunt contra Paganos, & in sequenti anno profecti sunt. Philippus verò Rex Franciæ cum Francis civitatem Tolomaïdam maritimam cum multis aliis Christianis obsedit. Postea verò à Paganis obsidione circumdatur. Tanta verò fuit famis in exercitu Christianorum, quòd gallina venderetur decem solidis turonensibus. Richardus verò Rex Angliæ in Insulam Cypri profectus, Græcis expulsi, totam Insulam suo dominio mancipavit. Postea verò venit cum suo exercitu ad obsidionem Tolomaïdæ. In tertio verò anno postquam obsessa est, prædicta civitas capta est à Christianis in festo sancti Christophori, & Paganis occisi, capti, & captivati, & civitate ordinatâ & munitâ reversus est Philippus Rex Franciæ infirmitate cogente. Post non multum verò temporis quædam civitates, scilicet Baruth & Gibel, & quædam aliæ, à Christianis mirabiliter acquiruntur. Urbanus Papa decessit, & Celestinus successit.

MCLXXXIII. Galterus de Coinssiaco Monachus factus est tempore Bertranni Abbatis, & erat quindecim, vel sexdecim annorum.

MCLXIC. Monachi politii sunt apud Vicum. Petrus de Courtemont Monachus efficitur. Arnulphus Piz nascitur. Bertrannus [Abbas] obiit, & Galterus Baena successit.

MCLXVII. Galterus Balena Abbas obiit, & Rogerus Faucillons successit. Celestinus Papa obiit, & Innocentius tertius successit. Tempore Rogerii Abbatis beati Medardi fuerunt in Franciâ duo Apostolicæ Sedis Legati, scilicet Octavianus, & Petrus de Capis, sed non in uno tempore.

MCCII. Balduinus Comes Flandriæ cum Episcopis, Principibus, & populis multis Christianorum, prædicatione bonæ memoriæ Magistri Fulconis Presbyteri cruces contra Paganos acceperunt; sed quibusdam catibus intervenientibus Constantinopolim contra Græcos profecti sunt, & ipsam vi capiunt, & prædictum Balduinum Imperatorem Græcorum constituunt. Post non multum verò temporis prædictus Balduinus pugnans cum Comanis & Blacis, ipsis fugientibus cum velociequo insequutus est cum paucis, & usque hodie incognitum est quid de eo factum sit.

MCCIV. Rogerus Faucillons Abbas resignavit, & Albricus de Branâ ei successit.

MCCVI. Albricus Abbas decessit, & Milo de Balochiis ei successit.

MCCVIII. Gobertus de Coinssiaco Monachus efficitur, & erat septem vel octo annorum.

MCCIX. Ludovicus filius Regis Philippi, Miles efficitur apud Compendium. Innumera multitudo infantium & puerorum de diversis partibus, civitatibus, Castellis, villis, Castris & agris Galliarum, absque licentiâ & assensu parentum exeuntes, dicebant se causâ sanctæ Crucis quærendæ iter ultra mare arripuisse, sed nihil profecerunt; omnes enim diversis modis periti, mortui, vel reversi sunt. Dicunt quidam & pro certo affirmant, quòd de decennio in decennium antequam illud mirabile accidisset, pisces, ranæ, papillones, & aves simili modo secundum genus suum & tempus proficiscebantur. In illo tempore verò tam immanis multitudo piscium capta est, ut omnes mirabiliter mirarentur. Quidam verò senes & decrepiti illud pro certo affir-

Galterus de  
Coinssiaco  
Monachus.  
Et Petrus de  
Courtemont.Galterus de  
Balena, &  
Rogerius Ab-  
bas.Albricus de  
Branâ:  
& Milo de  
Balochiis Ab-  
bas.  
Gobertus de  
Coinssiaco  
Monachus.Gaufridus  
Abbas.  
Episc. Sueff.  
Hugo & Ne-  
velo.Galcherus  
Bertrannus  
Abbas.

nant, quoddam de diversis Galliarum partibus innumera multitudo canum apud Castrum Campaniæ, quod vocatur Monshymer, congregata est. Ipsi vero canes in duas partes divisi, ad invicem fortiter & acriter pugnantes, ferè omnes sese mutuà cæde interfecerunt, & paucissimi reversi sunt.

MCCX. Muri & Fortaricia Ecclesiæ B. Medardi facti sunt.

MCCXII. Philippus Rex Franciæ, cum Francis multitudine maximâ navium congregatis, ad portum, quod dicitur Dens, in Angliam voluit transfretare, sed Ferrando Comite Flandrensi sibi cum multis aliis impediendo, quibusdam navibus suis admissis, reliquas vero iussit igne consumi, & sic captum suum imperfectum reliquit, & reversus est.

MCCXIII. Bellum fuit apud Castrum de Muriaus, in quo Rex Aragonensis occisus est; & multa alia millia Aragonensium, Albigenium, Tolosensium, cum Principibus suis, à Simone Comite Montisfortis, & à paucissimis Francis occisi, capti, & fugati sunt, ita mirabiliter ut vix credi potuissent. Robertus de Courcon, Apostolicæ Sedis Legatus, venit in Franciam.

MCCXIV. Bellum fuit apud Pontem de Bovines inter Philippum Regem Franciæ & Francos ex unâ parte, & Ferrandum Comitem Flandrensem, & Ottonem dictum Imperatorem, & Guillelmum Longam spatam, fratrem Joannis Regis Angliæ, Comitem Salesberiensem, & Reginaldum Comitem Bologniæ, & Hugonem Dominum de Bovâ, & multos alios Principes Alemannorum, Theutonicorum, Hainoensium, Flandrensiū, & Anglorum, & omnes fugati sunt à Francis, parum vel nulli occisi, multi capti: inter quos Fernandus, Guillelmus, Reginaldus, & multi alii nobiles Flandrensiū, Anglorum, Alemannorum, & cæterorum. Ludovicus filius Regis Franciæ cum maximâ multitudine militiæ Francorum Joannem Regem Anglorum ab obsidione Castri, quod vocatur Rocha-Monachorum, fugavit, & de terrâ Piçtavorum exire coëgit. Galterus vero de Coinssiaco Prior de Vico efficitur mense Augusti: Galterius de Marissiaco efficitur.

MCCXV. Ludovicus cum Francis transfretavit in Angliam, sed nihil profecerunt.

MCCXVI. Innocentius Papa tertius generale Concilium Romæ celebravit. Eodem anno decessit, & Honorius successit.

MCCXVII. Venerabilis Albricus Archiepiscopus Remensis, cum multis Prælati, & Principibus Christianis diversarum linguarum, cruces acceperunt contrâ Paganos, & in terram Suriaz profecti sunt, & simul coadunati eum Joanne de Briennâ Rege Tolomaïdæ, navibus ascensis, in manu forti in Ægyptum profecti sunt; & inclinatam civitatem Ægypti Damiatam viriliter obsidione circumdederunt, & in brevi à Paganis obsessi sunt. In tertio vero anno, scilicet anno ab Incarnatione Domini MCCXIX. mirabiliter capta est. In sequenti vero anno quibusdam casibus & periculis Christianis provenientibus, reddiderunt ipsam Paganis, & treuga decem annorum inter ipsos facta, & captivis tam Christianis, quàm Paganis ex utrâque parte redditis, reversi sunt cum armis, & supellectibus, navibus ascensis, unusquisque in patriam suam.

Corpus B.  
Leocadiæ.

Radulphus de  
Bria Abbas.

MCCXIX. Corpus beatæ Leocadiæ Virginis à latronibus nocte furatur, postea vero in fluvio Axonæ invenitur in vigiliâ Pentecostes; & caput ejusdem Virginis in vase argenteo per manus Milonis Abbatis in die beatæ Mariæ Magdalene apud Vicum reponitur. Milo Abbas obiit in die sanctorum Crispini & Crispiniani, & Radulphus de Briâ Abbas successit.

MCCXXII. Gobertus de Coinssiaco facit professio-

nem mense Junio, & eodem anno Diaconus efficitur mense Martio apud Vallem-serenum.

MCCXXIII. Philippus Rex obiit Idus Julii, & Ludovicus filius ejus successit. Gobertus de Coinssiaco Presbyter efficitur mense Septembri apud Noviomum, & eodem anno venit cum pannis apud Vicum moraturus tertio nonas Novembris.

MCCXXIV. Ludovicus Rex Franciæ Castrum, quod vocatur la Rochele, cum Francorum exercitu obsidione circumdedit, & capit, & totam Aquitaniam ferè sibi subjecit.

MCCXXV. Quidam rusticus Lecator, nomine Bertrannus de Raiz, finxit se consilio quorundam Flandrensiū esse Comitem Flandriæ Balduinum, Imperatorem Constantinopolitanum, & multi Flandrenses adhæserunt ei, maximè Valencenienses & Hainoenses, & obtinuit maximam partem Flandriæ, resistentes & contradicentes tam ipsos quàm terras illorum, tam ferro quàm igne vastando. Ad ultimum vero colloquium habuit cum Rege Francorum Ludovico apud Castrum Peronæ, salvo ire, & salvo venire & salvo redire. Ibi vero malitiâ & fraude Flandrensiū, & prædicti Bertranni multis argumentis, indiciis, & intersignis detectâ & probatâ, iussus est prædictus Bertrannus à Regno Francorum indilatè recedere: qui postea in Campaniam, unde oriundus erat, per manus Erardi Militis Domini de Chaistenay captus, & iterum in Flandriam reductus, & per villas, & Castella, & Nundinas ductus, cognitus est à multis, & pater, & mater ejus, & fratres, & alii parentes ejus. Ipse siquidem publicè confitebatur singulis, quia ipse esset Bertrannus de Raiz. Ad ultimum vero suspensus est apud villam, quæ vocatur Insula.

Bertrannus de  
Raiz & Comitem  
Flandriæ Balduinum  
simulat.

MCCXXVI. Ludovicus Rex Franciæ cum maximo Francorum exercitu, in virtute magnâ, in terram Albigenensium profectus est, & civitatem Aviennensem obsidione circumdedit, & post multos assultus & labores ipsam sibi subjecit, cum multis Civitatibus, Villis, & Castellis. Eodem vero anno in reditu suo obiit, & Ludovicus puer duodecim vel tredecim annorum, filius ejus successit. Honorius Papa tertius obiit, & Gregorius Papa nonus successit.

MCCXXVIII. Pax fit inter Albigenes, & Francos, & absoluti sunt ab excommunicatione, quam longo tempore sustinuerunt.

MCCXXIX. Fredericus Romanorum Imperator cruce signatus cum exercitu Longobardorum, & Alemannorum, & quorundam aliorum Christianorum, in terram Suriaz profecti sunt. Colloquio siquidem habito inter ipsum Imperatorem & Paganos per internuntios, restitutæ sunt ei quinque civitates cum chaminis & viis publicis constitutis inter ipsas. Civitas sancta Jerusalem restituta est, præter Templum Domini Bethleem, Rama, Nazareth, & Joppen. Treugâ siquidem inter ipsos decem annorum factâ, ipse Fredericus cum magno gaudio suorum in sancta Jerusalem profectus est, & Coronam, & diademâ in Basilicâ sepulcri tamquam Rex Ierosolymorum portavit. De prædictis vero civitatibus non poterant murari, nec firmari, præter civitatem sanctam Jerusalem, & Joppen, & quoddam Castrum, quod erat hospitalis sancti Joannis Alemannorum, Custodibus siquidem suis in turri David, & civitatibus, & aliis, prout sibi placuit, ordinatis & positis, & locis sanctis visitatis, reversus est in terram suam excommunicatus, sicut ante fuerat. Cum autem reversus fuisset, in rebus & possessionibus Ecclesiæ Romanæ & cæterarum Ecclesiarum, Templariorum & Hospitalariorum crudeliùs arma movit, quàm unquam fecerat.

MCCXXX. Henricus Rex Angliæ cum magno exer-

citu Anglorum in Britanniam minorem contra Regem Francorum Ludovicum puerum, Petro dicto Mauclore hoc faciente, transfretavit, sed nihil profecit: multis liquidem ex suis amissis diversis generibus morborum, in Angliam reversus est febre quartana laborans. Philippus Comes Boloniae avunculus Regis Ludovici pueri, cum Roberto Comite Drocarum, & aliis Baronibus Francorum ferè cunctis, Rege Ludovico puero in terram Britanniae minoris contra Regem Angliae, & Comitem Britanniae, & ceteros inimicos illius, cum exercitu quorundam Francorum praedicto Regi adhaerentium, tamquam crudeles & impii, derelicto, contra Comitem Campaniae Theobaldum, qui Regi adhaerebat, arma moverunt, & quasdam munitiones suas captas destruxerunt, Dameriacum verò, Cergiacum, Faverias, & quasdam villas & domos Ecclesiae beati Medardi Sueffionensis, ferro & igne vastaverunt, villis, & domibus, & munitionibus Militum intactis permanentibus & integris cum rebus universis.

MCCXXXI. Inclyta civitas Hispaniae, nomine Corduba, à Rege Hispaniae, & à Christianis post longam & laboriosissimam obsidionem capta est contra Paganos, & in ditione Christianorum locata.

MCCXXXIII. Galterus de Coinssiac Prior de Vico, magnus Prior Ecclesiae beati Medardi efficitur mense Junio in die sanctorum Gervasii & Protasii. Eodem die Gobertus de Coinssiac Prior de Vico factus est.

Bulgari sive  
Pisii haeretici.

MCCXXXVI. Galterus de Coinssiac magnus Prior beati Medardi obiit mense Septembri, in die festivitatis sancti Principii Episcopi & Confessoris. Haereticorum maxima multitudo, quos quidam vocabant Bulgaros, alii Pisios, per diversas civitates, & Castella Franciae, Flandriae, Campaniae, Burgundiae, & ceterarum Provinciarum, procurante quodam Roberto fratre Praedicatoris capti, examinati & probati per Archiepiscopos, Episcopos, & ceterorum graduum Ecclesiasticorum Praelatos, ad ultimum damnati, & tanquam Haeretici saecularibus potestatibus sunt traditi. Quidam verò ipsorum ad agendam poenitentiam in carcere sunt retrusi. Alii verò, qui haeresibus renuntiare noluerunt, igne consumpti sunt, & bona ipsorum à saecularibus potestatibus sunt recepta. Non solum istud factum est in isto anno, sed ante per tres continuos annos, & post per quinque continuos annos & plùs. Dicebatur si quidem à multis, quod infinita multitudo Haeticorum per diversas partes Galliae dispersa erant. Hoc anno insultum fecerunt Sueffionenses in Ecclesiam beati Medardi. Hoc anno inundatio aquarum insolita facta est. Petrus de Milli magnus Prior factus est mense Novembri.

Reginaldus de  
Nantolio Abbas.

MCCXXXVII. Radulphus de Branà Abbas decessit, & Reginaldus de Nantolio successit mense Maio. Robertus Comes Atrebatensis Palatinus, frater Regis Ludovici, Miles efficitur apud Compendium.

MCCXXXIX. Theobaldus Rex Navarrae, Comes Campaniae, Dominus Briae, & Comes Trekarum Palatinus, Almaricus Comes Montisfortis, Comes Barrensis, & Dux Burgundiae, cum multitudine maximà Principum, Baronum, Militum, & innumerà multitudine Francorum, equitum & peditum, cruce signatorum, navibus ascensis in portu Civitatis Massiliae, in terram Suriae contra Paganos profecti sunt. Colloquio liquidem habito per internuntios inter Paganos & ipsos, restituta est eis omnis terra, quam Christiani tenebant tempore perditionis. Civitates, Neapolis, Jerico, Gaza & castrum fortissimum, quod vocatur Biaufort. Civitas verò Ascalona optimè murata est, & firmata, & munita à

Christianis. Omnis terra Christianorum reddita est, praeter fortissimum castrum quod est in terra Arabiae intra flumen Jordanis, quod vocatur Mons regalis. (Alii verò nominant ipsam le Crac de Monte regali) & civitatem Damiatam. Treuga liquidem cum Rege Damasceno per triginta annos facta, & cum Rege Aegypti per decem annos, & captivis, ex utraque parte redditis reversi sunt. Ante verò quàm treuga fuisset, omne praesidium Turris David fortissima, & quasdam turres, & muri, quae per manus & sumptus peregrinorum constructa erant in civitate sancta Jerusalem pro civitate tuenda & defendenda, à Paganis destructa sunt, confracta & ad terram dejecta & prostrata. Eodem anno Imperator Constantinopolitanus, scilicet Comes Nemurcii cum exercitu magno Francorum per Alemanniam, Hungariam, Bulgariam, & per terram siccam à Francià Constantinopolim in manu forti & excelsa reversus est, & quasdam Castella, quae inimici sui Graeci sibi abstulerant, obsessa & expugnata, ditioni suae restituit. Gregorius Papa nonus Fredericum Imperatorem Romanorum, Regem Longobardiae, Alemanniae, Apuliae, Siciliae, & Ierosolymorum, per longum tempus excommunicatum anathematizat, & tam in spiritualibus, quàm in temporalibus damnat. Temporalia verò Frederici dicti Imperatoris, prout multi experti sunt, usque ad obitum praedicti Gregorii noni Papae parum, vel nihil imminuta sunt propter hoc. Praedictus verò Fredericus abstulit multa diversis Ecclesiis in Imperio illius & Regnis constitutis, multis Episcopis, Archiepiscopis, Abbatibus, & ceterorum graduum Ecclesiasticorum Ministris, ab Ecclesiis suis & locis expulsi exulatis. Eodem anno Jacobus Episcopus Praenestinus Apostolicae sedis Legatus venit in Franciam [circa Epiphaniam Domini, & recessit circa Purificationem B. M. A. R. I. A. E.]. Obiit Petrus de Fontenay Subprior S. Medardi.

MCCXL. Spinea Corona pretiosissima [ & sanctissima ] à Ludovico Rege in civitate Parisius cum magno honore & maximà humilitate praedicti Regis, & fratrum suorum, ita ut omnes qui aderant & viderant, & omnes qui audierant, multum nimis mirarentur, processionaliter deferretur, & in Capellam praedicti Regis, quam miro opere & maximis sumptibus propter hoc fabricabat, honorifice reponitur. Eodem anno quidam Principes & Barones Albigensum cum fautoribus suis, in unum congregati, terram, quam Rex habebat in terrà illà, & adhaerentes Regi coeperunt fortiter & acriter impugnare, terram Regis & illorum ferro & igne vastando & depredando. Ipsi verò appropinquantibus civitati Carcasonae à Burgensibus, & illis qui manebant in Burgo forensi intus nocte per traditionem sunt intromissi. Civitatem verò, & illos qui intus erant, & Custodes Regis qui intus erant, in crastino obsederunt, & magnis assultibus longo tempore vexaverunt. Ludovicus verò Rex missio exercitu suo cum Vicecomite Castridunensi, & Joanne nobili Milite de Bellomonte, ipsos fugavit. Ipsi verò Albigenfes ab obsidione recedentes, totum forenssem Burgum inclytum Carcasonae igne combusserunt. Burgensibus verò cum uxoribus & filiis, & familiis non audentibus propter traditionem quam fecerant remanere, secum ducentibus. Postea verò, Deo dante, omnia in pace reducta sunt, & ad voluntatem praedicti Regis in totà terrà Albigensum ordinata. Quasdam genera hominum, qui vocantur à quibusdam Tartarini, à quibusdam verò Comani, à quibusdam verò peritis creduntur esse Ismaelitis id est filii Ismaelis, quem habuit Abraham ex Agar ancilla sua, quos David

b circa ] Quod uncis inclusum est hoc loco, monet Baluzius non reperiri in eo codice quem vidit; ut dubium esse

queat, an idem sit quo Acherius usus erat.



vocat Agarenos. Prædicti verò comedentes carnes hominum, bestiarum, avium, & serpentium, & sugentes & bibentes sanguinem, & parum panis & vini utentes, cum innumerâ multitudine & incredibili equitum & peditum tam virorum quàm mulierum Regna Bohemiæ, & Hungariæ, & Ducatum Poloniæ, & quasdam alias terras maximas & optimas in illis partibus sitas, ferro & igne devastant, maximas & incredibiles cædes utrorumque sexuum tam virorum, quàm mulierum facientes, nec alicui sexui parcentes.

[ Eodem anno c obiit Petrus de Milli Magnus Prior mense Junii: cui successit Guillelmus de Minci. Et eodem anno datæ sunt mihi induciæ per spatium tredecim annorum, in crastino beati Benedicti mense Julii. ]

MCCXLI. Anfurnus frater Regis Ludovici, Comes Pictavenfis, Miles efficitur apud Saumur. Eodem anno in die Exaltationis sanctæ Crucis maxima pars Dominicæ Crucis, illa scilicet, ut multi boni testimonii viri testantur, quam Helena Constantini mater post inventionem ejusdem sanctæ Crucis à Jerusalem Constantinopolim secum honorificè fecit deferri, & in Capellâ gloriosissimi Constantini Imperatoris dilectissimi filii sui fecit honorificè reponi; prædictus verò Constantinus illam partem Dominicæ Crucis in expeditionibus suis causâ victoriæ faciebat secum gloriôsè & honorificè deferri. Illa verò pars Dominicæ Crucis à Ludovico Rege Francorum die prædicto cum magno honore, & maximâ humilitate prædicti Regis, & fratrum suorum, ita ut omnes qui aderant, viderant, & audierant multum nimis mirarentur, processionaliter nudis capitibus & pedibus, cruribus, & brachiis, in civitate Parisius in Capellâ prædicti Regis, quam miris operibus & sumptibus in honore ejusdem sanctæ Crucis, & pretiosissimæ spinæ Coronæ JESU CHRISTI Domini nostri, veri Dei & veri hominis, fabricabat, honorificè reponitur. Siccitas inconsueta.

MCCXLIX. Damietta nobilis illa fortissima & munitissima civitas Mahometicorum in Ægypto, uno, eodemque die obsessa est & capta à Ludovico Rege Francorum [ hujus nominis quarto ] de genere Hugonis Capeti, & ab exercitu Christiano cruce signato. imò, ut verius dicamus, mirabiliter & miraculose à Domino eisdem data & tradita octavo nonas Junii, scilicet in supervigiliâ festivitatis sanctorum Confessorum Medardi & Gildardi, quæ tunc fuit in Dominicâ post octavas Pentecostes. Et eodem anno, nescimus quo Dei judicio, per magnos labores & sumptus Christianorum quasi inexpugnabilis facta, integra & sana absque ullo detrimento restituta est iteratò Sarracenis.

*Quæ sequuntur ex eodem MS. cod. excerpta sunt.*

MCCXLIV. Guillelmus de Minci resignavit Prioratui mense Aprili: Cui successit Johannes de Clamiciaco mense Junii in die festivitatis Apostolorum Petri & Pauli.

( MCCXLVI. Reynaldus<sup>d</sup> Abbas S. Medardi decessit, & Joannes successit. )

MCCLIJ. Obit Joannes de Clamiciaco Magnus Prior sancti Medardi, in mense Septembri, in vigiliâ sancti Matthæi Evangelistæ. Cui successit Hieronymus de Coinssiaco, in mense Novembris, in quinto die ejusdem mensis.

MCCLIJ. Resignavit Abbatia S. Medardi Joannes de Merincourt in mense Augusti, in crastino S. Laurentii; cui successit Hieronymus de Coinssiaco Magnus Prior ejusdem Monasterii in mense Septem-

bri, in crastino Ordinationis S. Gregorii Papæ. Cui successit in magno Prioratu ejusdem Monasterii Gobertus de Coinssiaco Prior de Vico, in mense Februarii, in crastino Purificationis Beatæ Mariæ.

MCCCLIV. Obit Conraldus filius illius pessimi persecutoris Ecclesiæ Frederici quondam Imperatoris. Eodem anno rediit à peregrinatione ultra-marina Ludovicus Rex Francorum cum Margarita uxore suâ prægnante, & tribus pueris in ultramarinis partibus generatis. Et in vigiliâ Nativitatis Beatæ Mariæ receptus est apud Parisius processionaliter & solemniter cum eisdem.

[ Anno Domini MCCLX. die octavo mensis Julii, id est, in vigiliâ septem fratrum, resignavit Gobertus de Coinssiaco magno Prioratui sancti Medardi, causâ conspiratorum contra ipsum & conjuratorum. Et in crastino, id est, in die nono mensis ejusdem Julii, id est, in die septem fratrum, venit apud Cellesam cum pannis moraturus. Et in eodem anno & mense, in die sanctæ Mariæ Magdalene immediatè sequentis, fuit factus vel creatus magnus Prior sancti Medardi Gerardus de Brana Theaurarius de Souciaco. ]

#### DE TEMPORIBUS QUORUMDAM Ordinum.

**A**NNO Domini MLXXXVI. Cæpit Ordo Grandi-Montis.

MLXXXVI. Cæpit Ordo Catursiensis.

MXC. Cæpit Ordo Trunci Berengerii.

MXCVIII. Cæpit Ordo Cisterciensis. Eodem anno cæpit Ordo Militiæ Templi Domini.

MCVI. Cæpit Ordo Monasterii Fontis-Ebrardi.

MCXX. Cæpit Ordo Præmonstratensis.

Eodem anno cæpit Ordo Militiæ Hospitalis sancti Joannis.

MCXCVIII. Pontificatûs Innocentii Papæ tertii anno primo, cæpit & institutus est Ordo sanctæ Trinitatis, quem solebant appellare Ordinem Asinorum, eo quòd Asinos equitabant, non equos.

#### INCIPIT PROSAPIA REGUM Francorum usque ad DAGOBERTUM Junio- rem, filium HILDEBERTI secundi.

**P**RIAMUS genuit Faramundum: Faramundus genuit Chlodionem: Chlodio quia sine filio fuit, successit ei in Regno nepos ejus Meroveus: Meroveus genuit Hildericum: Hildericus genuit Clodoveum, quem sanctus Remigius baptizavit, & in baptismate mutato nomine vocatus est nomine Ludovicus: Ludovicus genuit Clotharium & fratres ejus: Clotharius genuit Chilpericum & fratres ejus: Chilpericus genuit Clotharium Magnum ex Fredegonde: Clotharius genuit Dagobertum, & Blithildem sororem ejus: Dagobertus genuit Clodoveum, & Sigebertum: Clodoveus genuit Lotharium, & Hildericum, & Theodoricum: Theodoricus genuit Clodoveum, & Hildebertum: Clodoveus quia sine filio fuit, successit ei in Regno frater ejus Hildebertus. Iste gloriosus Rex justus, bonæ memoriæ Hildebertus, regnavit annis septemdecim. Postea migravit ad Dominum, sepultusque est Causiaco Monasterio, in Basilicâ sancti Stephani Protomartyris. Hildebertus genuit Dagobertum juniorem: Dagobertus junior Rex puer ægrotans mortuus est, re-

c Eodem anno ] Hæc etiam non leguntur in Codice Colbertino.

d Reynaldus ] Hic etiam annus deest in codice Colbertino.

gnavitque annis quinque. Franci nimirum Danielem quondam Clericum, cæsarie capitis crescente, in Regnum stabiliunt, atque Chilpericum nuncupant. Chilpericus verò Rex, qui est Daniel quondam Clericus, in urbe Noviomio mortuus est, regnavitque sex annis. Quo mortuo Franci Theodoricum Regem in sedem Regni statuerunt. Hildericus verò, qui postea depositus, Theodorico successit in Regno.

### INCIPIT GENEALOGIA,

*De quâ ortus est CAROLUS Magnus Rex Francorum & Imperator Romanorum.*

**P**RIAMUS genuit Faramundum, &c. (require superius totam genealogiam usque ad illum Regem) Clotharius genuit Dagobertum & Blitildem sororem ejus: Blitildis verò soror Dagoberti, genuit Arnoldum ex Ansberto illustri viro: Arnoldus genuit Arnulphum, post Metensem Episcopum: Arnulfus, qui postea fuit Episcopus, genuit Aistulfum Metensem Episcopum, & Gualchisum & Flodulphum, & Ansigisum: Ansigisus genuit Pipinum seniore ex Beggâ filiâ Pipini Majoris-domûs. Iste Pipinus senior febre validâ correptus mortuus est; obtinuitque Principatum sub superscriptis Regibus, Theodorico scilicet & Clodoveo filio ejus, & Childeberto fratre Clodovei, viginti septem annis & dimidio. Pipinus verò senior Princeps & Dux Regni Francorum, Præfectus Palatii, & Major-domûs, genuit Carolum seniore, cognominatum Martellum. Carolus Princeps & Dux Regni Francorum, Præfectus Palatii, & Major-domûs, genuit Pipinum juniorem parvum, & Carlomannum, post Monachum. Pipinus junior parvus, Princeps & Dux Regni Francorum Præfectus Palatii, & Major domûs, factus Rex Francorum hoc modo: Burghardus Wirceburgensis Episcopus, & Folradus Capellanus missi fuerunt ad Zachariam Papam interrogando de Regibus in Franciâ, qui illis temporibus non habentes Regalem potestatem, si benè fuisset, aut non. Et Zacharias Papa mandavit Pipino, ut melius esset illum Regem vocari, qui potestatem haberet, quàm illum qui sine Regali potestate manebat; sed ut non conturbaretur ordo, per auctoritatem Apostolicam jussit Pipinum parvum Regem fieri anno Domini septingentesimo quinquagesimo primo. Pipinus verò parvus secundum morem Francorum electus est ad Regem, & unctus per manus sanctæ memoriæ Bonifacii Archiepiscopi: & elevatus est à Francis in Regno Francorum in Monasterio S. Medardi, quod situm est in Sueffionis civitate. Hildericus verò, qui falsè Rex vocabatur, tonsoratus est, & in Monasterium missus anno ab Incarnat. DCCCL.

Anno DCCLV. Venit Dominus Stephanus Papa in Franciam, adjutorium & solatium quærendo pro justitiis Ecclesiæ Romanæ: & in anno sequenti confirmavit prædictum Pipinum parvum unctione sacra in Regem Francorum, & cum eo inunxit duos filios ejus, Carolum Magnum, & Carlomannum in Reges: Pipinus verò parvus Rex Francorum genuit Carolum Magnum Regem Francorum, & gloriosum Cæsarem, quem Leo Papa consecravit, & in Ecclesia S. Petri Romæ die natalis Domini Imperatorem unxit. Genuit siquidem prædictus Pipinus parvus Rex Carlomannum, fratrem Caroli Magni. Carolus Magnus Imperator Augustus & Rex, genuit Ludovicum piissimum Augustum, & fratres ejus, Pippinum & Carolum. Ludovicus Pius Imperator genuit ex Judith Imperatrice Carolum Calvum, & Lotharium, Pipinum, & Ludovicum ex Ermengarde Imperatrice. Carolus Calvus genuit Ludovi-

cum, de quo dictum est, qui nihil fecit, quia post mortem patris duobus annis tantum vixit. Ludovicus filius Ludovici genuit Carolum Simplem & Carlomannum. Hic Carolus Simplex ab Heriberto captus est. Carolus Simplex genuit Ludovicum ex Ogivâ. Ludovicus genuit Lotharium Regem & Carolum Ducem ex Gerbergâ. Lotharius Rex genuit Ludovicum juvenem. Ludovicus juvenis Rex obiit, & successit in Regno avunculus ejus, scilicet Carolus Dux, frater Lotharii, sed impediante Hugone Chapet Duce Francorum, non fuit inunctus in Regem; sed prædictus Hugo ipsum prædictum Carolum captum expulit à Regno, sicut superius scriptum est. Carolus Dux frater Lotharii genuit Ermengardem, & Gerbergam. Ermengardis genuit Albertum Comitem de Namurco. Albertus genuit Albertum qui nunc est: & Gerberga soror Ermengardis genuit Henricum seniore de Brusellâ. Henricus senior genuit Comitem Lambertum, & Henricum fratrem ejus, & Matildem sororem eorum. Hanc Matildem duxit uxorem Comes Eustachius de Buloniâ, & genuit ex eâ duos filios, Eustachium, & Lambertum. Eustachius accepit uxorem filiam Godefridi Ducis, Idam nomine, nobilem genere & moribus; & genuit ex eâ quatuor filios, Guillelmum Godefridum, qui nunc est Dux Lotharingiæ, Balduinum, & Eustachium. Godefridus verò & Balduinus fuerunt Reges Jerosolymorum. Eustachius verò genuit filiam nomine Matildem, quam postea duxit in uxorem Stephanus Rex Anglorum.

### QUOMODO DISJUNCTUM SIT

*Regnum Francorum à Genealogiâ CAROLI Magni Regis Francorum & Imperatoris Romanorum.*

**A**Nno ab Incarnatione Domini DCCCCLXXVI. obiit Lotharius Rex, senex & plenus dierum, sepultusque est Remis in Ecclesiâ beati Remigii. Cui successit Ludovicus filius ejus juvenis, qui regnavit in Franciâ annis undecim, & mortuus est, sepultusque est in Basilicâ beati Cornelii Martyris, Compendii. Cui successit frater ejus Carolus. Eodem anno rebellavit contra eum Hugo Dux Francorum, eo quod accepisset Carolus filiam Herberti Comitis Trekarum. Collecto igitur exercitu copioso valde obsedit eum Lauduni, ubi manebat Carolus cum uxore suâ. Exiens Carolus de civitate fugavit Hugonem cum exercitu suo, incensis hospitibus, ubi multitudo hostium commanebat. Cernens igitur Hugo quod non posset Carolum vincere, consilium habuit cum Anselmo Episcopo ejusdem Civitatis, vetulo traditore, qui erat Consiliarius Caroli. Tradens autem Anselmus Laudunum in nocte unâ, quiescentibus cunctis, Hugoni Duci Francorum, victus est cum uxore suâ Carolus, & ductus est in custodiâ Aurelianis civitate. Non enim erat ipse adhuc Carolus unctus in Regem, resistente ei Hugone Duce. Manens autem Carolus Aurelianis, interim genuit ei uxor sua duos filios, Ludovicum, & Carolum. Eodem anno unctus est Hugo Dux in Regem Remis civitate, & in ipso anno Robertus Regum piissimus filius ejus Rex ordinatus est. Sic defecit progenies Caroli Magni à Regno Francorum. Robertus Rex, qui non fuit de stirpe illâ, genuit Henricum Regem. Henricus Rex genuit Philippum Regem. Philippus Rex genuit Ludovicum, qui ordinatus est Rex anno ab Incarnatione Domini millesimo centesimo octavo, residente Papa in sede Apostolicâ Pascasio secundo. Ludovicus Rex genuit Philippum, Ludovicum, Henricum Clericum, Robertum, Petrum Clericum, itemque Philippum, &

Q q q iij

Constantiam, quam Eustacius Stephani Regis Anglorum filius accepit uxorem. Philippus major natus, patre adhuc superstite, Remis unctus est in Regem: non multo post dum Parisius equitando in plateâ curreret, offensus in porcum equo decidit, moxque vitam & Regnum amisit. Cui frater, patre adhuc similiter vivente, succedens Ludovicus accepit uxorem, nomine Alienorem, Comitis Pictavorum Guillelmi filiam; & per eam Pictavos, omnemque possedit Aquitaniam; quâ ob incontinentiam repudiata, duxit alteram de Hispaniâ, Constantiam nomine, sed hac de medio factâ accepit aliam, filiam Theobaldi Comitis Blesensis, de quâ in senectute suâ natus est ei filius, quem vocari Philippum fecit, qui puer cum quatuordecim esset annorum, iussu patris Remis unctus est in Regem. Qui puer eodem anno sacrationis suæ duxit uxorem, filiam Comitis Hainoensis, consilio Philippi Comitis Flandrensis, cujus neptis erat. Qui Philippus cum vigesimum secundum ageret annum, genuit ex eâ filium, quem vocavit Ludovicum. Qui Ludovicus accepit in uxorem, filiam Regis Hispaniarum nomine Blancham. Mortuo siquidem Rege Philippo anno quadragesimo quinto Regni sui, successit ei prædictus Ludovicus filius ejus, cum triginta & septem esset annorum. Habebat siquidem prædictus Ludovicus ex uxore suâ Blanchâ, antequam Rex efficeretur, filios, scilicet Dagobertum, Joannem, Ludovicum, Robertum, Ansurum. Postquam autem Rex effectus est, genuit ex eâ filium nomine Carolum, & filiam nomine. . . . .

Obiit siquidem prædictus Ludovicus Rex anno Incarnati Verbi millesimo ducentesimo vigesimo sexto, ætatis suæ quadragesimo, Regni sui quarto. Cui successit filius ejus Ludovicus puer major natus, cum tredecim vel quatuordecim esset annorum, quia Carolus, qui major natus erat, jam defunctus erat. Consecratus siquidem fuit & coronatus in civitate Remis per manus Jacobi Sueffionensis Episcopi, quia tunc sedes Archiepiscopatus vacabat. Accepit siquidem prædictus Ludovicus Rex in uxorem filiam Comitis Provinciæ, nomine . . . . . de quâ genuit filiam nomine . . . . . anno decimo quinto Regni sui. Robertus verò frater ejus accepit in uxorem filiam Comitis Brabantis, nomine . . . . . Ansurus verò filiam Comitis Tholosani: Joannes verò & Dagobertus jam defuncti erant.

#### DE GENEALOGIA REGUM Francorum.

**I**tem Ludovicus Grossus Rex genuit Robertum Grossum Comitem Drocarum: Qui genuit Philippum Episcopum Belyacensem, & Henricum Episcopum Aurelianensem, & Robertum Comitem Drocarum: Qui genuit Henricum Archiepiscopum Remensem, Joannem de Branâ, Petrum Malum Clericum, & Robertum Gasteblé Comitem Drocarum: Qui genuit Joannem Comitem qui nunc est. Item Petrus Malus Clericus accepit in uxorem sororem Arturi Ducis Britannis, & per eam factus est Dux Britannis, & genuit ex eâ Joannem Ducem Britannis qui nunc est. Item Ludovicus Grossus Rex supradictus genuit Petrum de Cortenaio: Qui genuit Petrum, qui postea fuit electus in Imperatorem Constantinopolitanum, Robertum de Cortenaio, & Comitissam Engolismentem: Quæ genuit Reginam Angliæ uxorem Regis Joannis: Qui genuit ex eâ Henricum Regem Angliæ, qui nunc est, & Richardum Ducem Cornubiæ, qui nunc est, & quamdam filiam, quam accepit uxorem Fredericus

Imperator Romanorum, & genuit ex eâ prolem.

#### GENEALOGIA

*Rollonis primi Ducis Normannis.*

**R**OLLO Paganus & crudelissimus persecutor Ecclesiæ, & destructor Galliarum & Christianorum, postea per miraculum factus Christianus genuit Willelmum Ducem Normannis: Qui Richardum primum: Qui Richardum secundum: Qui Richardum tertium. Post Robertus: Qui genuit Willelmum Bastardum Ducem Normannis. Ille Willelmus cum magno exercitu & forti transivit in Angliam, & factus est Rex Angliæ primus de Ducibus Normannorum, adversariis fugatis & interfectis. Qui genuit Robertum Ducem Normannis, qui fuit in expeditione Jerosolymitanâ cum Godofrido de Buillon, & mortuus fuit sine herede. Genuit siquidem Willelmum Regem Anglorum mortuum sine herede. Genuit siquidem Henricum Regem Angliæ, & Ducem Normannis: Qui Mathildem Imperatricem. Ista primò fuit uxor Imperatoris; quo mortuo, nupsit Gaufrido Comiti Andegavensi, cujus filius fuit Henricus Rufus Rex Angliæ, & Dux Normannis, qui fecit interfici beatum Thomam Martyrem Archiepiscopum Cantuariensem. Ille Henricus genuit Gaufridum Ducem Britannis: Qui Arturum Ducem Britannis, mortuum sine herede, & quamdam filiam Ducissam Britannis, quam accepit in uxorem Petrus Malus Clericus, & genuit ex eâ Joannem Ducem Britannis, qui nunc est. Item Henricus Rufus Rex Angliæ genuit Henricum juniorem, mortuum sine herede. Item genuit Richardum Regem, mortuum sine herede. Item genuit Joannem Regem Angliæ; qui genuit Henricum Regem Angliæ, cum vix esset vigintiduum annorum. Ille Henricus accepit in uxorem filiam Comitis Provinciæ. Item Joannes Rex Angliæ genuit Richardum Ducem Cornubiæ, qui accepit in uxorem tertiam filiam Comitis Provinciæ. Item Henricus Rufus Rex Angliæ genuit Ducissam Saxonis, matrem Othonis Ducis Saxonis, & Imperatoris Romanorum, sed postea fuit depositus. Item Henricus Rufus Rex Angliæ genuit Reginam Castellâ, quæ genuit Candidam Reginam Franciæ, matrem Ludovici Regis qui nunc est.

Item Willelmus Bastardus Rex Angliæ, & Dux Normannis genuit Comitissam Bolonis: Quæ genuit Theobaldum Grossum Comitem Trecharum: Qui genuit Adelam Reginam, uxorem Ludovici Regis Francorum. Qui duo genuerunt Philippum magnanimum Regem Franciæ: Qui Ludovicum: Qui genuit ex Candidâ Ludovicum Regem Francorum qui nunc est: Robertum Comitem Attrebatensem: Alphonsum Comitem Pictavensem: Carolum Andegavensem, Cœnomanensem, & Provinciæ Comitem. Item Theobaldus Grossus Comes Trecharum, genuit Henricum Comitem Trecharum, & Theobaldum Comitem Trecharum: Qui genuit Theobaldum Comitem Trecharum, qui nunc est: Qui genuit filiam, quam accepit in uxorem Joannes Dux Britannis, qui nunc est. Item Theobaldus Grossus Comes Trecentis genuit Comitissam Pertici: Quæ genuit Comitem Pertici, qui occisus fuit in Angliâ. Item Theobaldus Grossus Comes Trecentis genuit Theobaldum Comitem Blesensem, Willelmum Archiepiscopum Remensem, & Stephanum Comitem Sacri-Cæsaris: Qui genuit Theobaldum Comitem Blesensem. Item Comitissa Bolonis supradicta genuit Stephanum Comitem Bolonis, qui postea

factus est Rex Anglorum : Qui genuit Mattheum Comitem Bolognæ : Qui genuit uxorem Reginaldi Comitis Bolognæ : Qui duo genuerunt Comitissam Bolognæ , quam accepit in uxorem Philippus , filius Philippi magnanimi Regis Franciæ. Qui duo genuerunt filiam , quam accepit in uxorem Galtherus Comes Nivernensis , qui nunc est.



# CHRONICON BREVE

Ecclesiæ S. Dionysii ad Cyclos Paschales.

*Authore illius Abbatie Monacho Benedictino.*

**A**NNO DCCCCLXXXVI. Obiit Hlotharius filius Ludovici , qui regnavit annis xxxii.

Anno DCCCCLXXXVII. Ludovicus filius Hlotharii. Et ipso anno v. nonas Julii Ugo Rex factus est. Et in supradicto anno iii. Kalendas Januarii Rodbertus filius Hugonis Deo juvante Rex ordinatus est.

Anno DCCCXCIV. Obiit S. Majolus Abbas.

DCCCXCVII. Obiit Ugo Rex ix. Kal. Novembris.

MII. Obiit Henricus gloriosissimus Dux Burgundiorum.

MV. Obiit Robertus Abbas.

MVII. Obiit Bucardus Comes senior.

MVIII. Ordinatio Domni Viviani Abbatis.

MXV. x. Kal. Maii capta est civitas Senonis à gloriosissimo Rege Rotberto.

MXVI. Obiit Rainoldus Episcopus.

MXV. Obiit Hugo gloriosissimus Francorum Rex , Rotberti filius Regis , qui . . . puer mirificis bellorum insignibus , pictatis , & mansuetudinis gemmis laureatus effulsit.

MXVIII. Henricus Rex ordinatur à Widone Archiepiscopo Remensi.

MXXI. Obiit Domnus Robertus piissimus Rex Francorum , & Henricus regnat.

MXLIX. Obiit Domnus Vivianus Abbas.

MLI. Leo Papa venit in Galliam.

MLIX. Philippus Rex ordinatur.

MLX. Obiit Domnus Henricus Rex , Philippus puer regnat.

MLXV. Obiit Willelmus Comes.

MLXVI. Cometa visus est à vi. Kalend. Maii per ix. dies , à vespere usque ad gallicinium. Ipso anno Willelmus Dux Normannorum Angliam intravit , Hairaldum Regem occidit , seque regni diademate coronavit.

MLXXXV. Fames magna fuit.

MXCIV. Obiit Domnus Yvo Abbas.

MXCIX. Idus Julii Hierusalem à Christianis capta est. Eodem anno Urbanus Papa obiit.

MC. Guillelmus Rex Anglorum & Comes Normannorum obiit.

MCVIII. Obiit Philippus Rex , & Ludovicus ordinatur iv. Nonas Augusti.

MCXVI. Magnus ventus in vigiliâ Natalis Domini. iv. Calend. Septembris Philippus nascitur filius Ludovici.

MCXX. Nativitas Ludovici Regis filii Ludovici.

MCXXII. Obiit Adam Abbas. Ordinatio Sugerii Abbatis.

MCXXVIII. Hoc anno Philippus puer vivente patre Remis coronatus est. Restitutum est Monasterium Argentolii Ecclesiæ Beati Dionysii , studio Domni Sugerii Abbatis.

MCXXXI. Boamundus junior perimitur.

MCXXXII. Obiit Philippus Rex puer. Hoc anno

Ludovicus junior à Papa Innocentio consecratus est Rex.

MCXXXIV. Obiit Henricus Rex Anglorum.

MCXXXVII. Obiit Ludovicus Rex Francorum.

MCXLI. Dedicatum est novum opus Ecclesiæ Beati Dionysii anteriori parte à Domno Hugone Rothomageni Archiepiscopo , xix. anno administrationis Domni Sugerii Abbatis , qui idem opus construxit.

MCXLII. Obiit Stephanus Episcopus Parisiensis.

MCXLIII. Dedicatio capitalis partis Ecclesiæ ; & Translatio beati Dionysii & sociorum ejus in eandem partem capitalem , aliorumque sanctorum , quorum ibidem corpora continentur xxiii. anno administrationis Domni Sugerii Abbatis.

MCXLVI. Ludovicus junior Rex Francorum cum innumerabili exercitu Hierosolymam profectus est contra Saracenos , eâ præcipue causâ quod civitatem Edessam occupassent. Quo etiam anno ab eodem Rege regni administratio commissa est venerabili Abbati sancti Dionysii Sugerio , Stampis videlicet in generali Conventu , quod factum est communi omnium electione , & unanimi assensu Pontificum , & Optimatum , Comitis scilicet Andegavenfis , Blesensis , Flandrensis , Nivernensis , & aliorum omnium , qui de propinquis & remotis partibus ibidem convenerant. Cumque Abbas omnino reniteretur , & diceret se non sine mandato Summi Pontificis hanc curam suscepturum , contigit eodem anno ut Domnus Papa Eugenius in Gallias veniret. Qui in Pascha Domini apud sanctum Dionysium magnifice susceptus & coronatus , memoratum Abbatem , ut eandem administrationem susciperet , sub obedientiæ præcepto coëgit.

Imperator quoque Alemanniæ ipso anno exhortatione Abbatis Clarevallis Bernardi , cum suo nihilominus exercitu eandem peregrinationem suscepit , unde Rex Francorum Ludovicus post innumeras suorum mortes & pericula cum quibusdam Optimatum suorum , videlicet Flandrensis , Blesensis , & Nivernensis , incolumis reversus , cum à multis , & præcipue à Summo Pontifice Eugenio de constantia & fidelitate prædicti Abbatis sancti Dionysii satis certioratus fuisset , regno suo in summâ pace recuperato , eundem venerabilem Abbatem & ejus Ecclesiam pro meritis spectatæ fidei in summo semper honore & amicitia habuit. Quippe qui ne regni adversarii fratri Regis Roberto jungerentur , ei ante alios de Hierosolymis regresso , & regni pacem turbare nitenti , in faciem liberè restitit , donec sibi commissa pacifice & fideliter conservata , revertenti postea Regi cum integritate restituit.

MCLI. Sugerius Abbas obiit. Ordinatio Domni Odonis Abbatis.

MCLII. ix. Kalendas Aprilis obiit Radulfus Comes.

MCLIII. Hoc anno Ludovicus Rex duxit uxorem ex Hispaniâ Regis filiam.

MCLIX. Obiit Regina Constantia ex Hispaniâ. Eodem anno Ludovicus Rex duxit filiam Comitis Blesensis.

MCLXV. Filius Ludovici Regis junioris Philippus natus est.

MCLXVII. Hoc anno Willelmus medicus attulit libros Græcos à Constantinopoli.

MCLXVIII. Hoc anno allata sunt tria corpora Virginum de Coloniâ in Ecclesiam beati Dionysii à Magistro Rainaldo.

MCLXIX. Domnus Yvo Abbas electus est.

MCLXXII. Obiit Yvo Abbas , & eodem anno Willelmus.

**MCLXXXIII.** Guerra inter Reges Francorum & Anglorum.

**MCLXXXIX.** Concessus est usus Mitræ, & annuli, & sacerdotalium Guillelmo Abbati sancti Dionysii, & successoribus ejus; & prima sedes in dextro latere ante omnes Archimandritas; & prima vox in sententiis. Eodem anno consecratus est Rex Philippus puer, filius Ludovici Regis Calendis Novembris à Guillelmo Remensi Archiepiscopo, & à Guillelmo Abbate sancti Dionysii, qui post consecrationem ejus suscepit ab eo coronam, & familiam, & cætera regalia indumenta . . . . . secum, tunicam . . . . . calcaria & sceptrum.

Obit Ludovicus Rex pater Philippi Regis.

**MCLXXX.** Hoc anno consecrata est Regina, filia Comitis Anoenfis in Ecclesiâ beati Dionysii.

**MCLXXXI.** Hoc anno orta est guerra inter Philippum Regem, & omnes amicos suos, & Comitem Flandrensem.

**MCLXXXIV.** Hoc anno vineæ gelu ustræ sunt vi. Idus Junii, & messes.

**MCLXXXV.** Hoc anno fuit pestilentia hominum, & siccitas aeris.

**MCLXXXVI.** Hoc anno v. feriâ infra octavas Pentecostes multa loca & diversa regni fulmen colliit; & pax facta est inter Regem & Comitem Flandrensem.

**MCLXXXVII.** Hoc anno ordinatus est in Abbatem sancti Dionysii Dominus Hugo de sancto Dionysio.

Nativitas Ludovici filii Philippi Regis.

**MCLXXX.** Hoc anno Philippus Rex Francorum Hierosolymam profectus est.

**MCLXXXVII.** Obit Hugo Foucaut Abbas: cui succedit Hugo Mediolanensis.

**MCCV.** Obit Hugo Mediolanensis beati Dionysii Abbas: cui successit Henricus Abbas.

**MCCIX.** Fuerunt hæretici Sacerdotes, & Clerici, & Laici condemnati; ab ordinibus degradati, & igne concremati apud Parisiis, in loco qui dicitur Champiaus, tempore Philippi inclyti Regis, & . . . bonæ memoriæ Episcopi Parisiensis.

**MCCXIV.** Hoc anno actum est bellum in Flandriâ, in quo captus est à Philippo Rege Ferrandus Comes Flandriæ, & Comes Bononiæ, & multi alii.

**MCCXV.** Hoc anno natus est Ludovicus Rex filii Ludovici Regis, in festo sancti Marci Evangelistæ.

**MCCXVI.** Hoc anno natus est Robertus filius Ludovici Regis in exitu Septembris.

**MCCXIX.** Hoc anno natus est Joannes filius Ludovici Regis in exitu Septembris.

**MCCXX.** Hoc anno natus est Alfonsus filius Ludovici Regis, in festo sancti Martini hyemalis.

**MCCXXI.** Hoc anno obiit Henricus beati Dionysii Abbas, qui multa bona fecit Ecclesiæ beati Dionysii: & venerabilis Petrus successor ejus electus est. Hoc anno natus est Philippus filius Ludovici Regis Dominicâ primâ Quadragesimæ.

**MCCXXIII.** Pridie Idus Julii Medontæ obiit Illustrissimus Rex Francorum Philippus; Idus verò Julii cum honore debito sepultus est in famosissimo Macarii Arcopagitæ Dionysii Monasterio, præsentibus duobus ejusdem filii Ludovico & Philippo, præsentem etiam Rege Hierosolymorum Joanne, Legato Apostolicæ Sedis, Portuense Episcopo, duobus Archiepiscopis, 24. Episcopis, duobus mitratis Abbatibus, aliisque personis tam sæcularibus quàm Ecclesiasticis, quarum numerus soli Deo cognitus est. Hoc nimirum divinâ disponente providentiâ, ut quia idem Philippus cultor fidelissimus fidei Catholicæ, pius amator & defensor egregius sanctæ Matris Ecclesiæ in vitâ suâ exstitit, ipsâ vice muneris in præsentem gloriosas eidem in suis pastoribus & filiis

in obitu exequias exhiberet.

Tempore suo Philippus Rex supradictus hos Comitatus acquisivit: Comitatum Virmandensem, Picavensem, Andegavensem, Turonensem, Cénomansensem, Alençonensem, Cleromontensem, Bellemontensem, Pontivinsensem. Philippo successit in regnum Ludovicus filius ejus, viii. Idus Augusti Rhemis solemniter consecratus. Reginâ Blancâ conjugem suâ eodem die cum ipso pariter coronatâ.

**MCCXXIV.** Hoc anno suspensus est in Flandriâ quidam, qui se dicebat Comitem Flandriæ Balduinum Constantinopolitanum, qui multos seduxerat ut sibi consentirent.

Hoc anno nata est Isabel filia Ludovici Regis in Martio.

**MCCXXVI.** Ludovicus Rex Philippi Regis filius cum reverteretur à subversione Avenniensium, mortuus est in Alverniâ, apud castrum Montpencer, cui successit in regno Ludovicus filius ejus, qui fuit Rhemis coronatus à venerabili Patre Jacobo Episcopo Sueffionensi. Hoc anno natus est Carolus filius Ludovici Regis in exitu Martii.

**MCCXXVIII.** Concessus est Ecclesiæ beati Dionysii usus tunicæ & dalmaticæ & benedictionis super populum à Domino Papa Gregorio, vivente Petro Abbate.

Hoc anno obiit Petrus de Aurelio Abbas sancti Dionysii, in festo SS. Vedasti & Amandi: & electus fuit Odo Clemens in Abbatem ejusdem Ecclesiæ, in festo sanctæ Scolasticæ facta fuit electio; & in ipsâ die idem Odo recepit à Rege Ludovico regalia: à Domino Romano Cardinali & Apostolicæ sedis Legato confirmatus fuit, & in crastino ab Episcopo Carnotensi benedictus.

**MCCXXXI.** Hoc anno cœpit Odo Abbas renovare Capitulum Ecclesiæ beati Dionysii Arcopagitæ, & perfecit illud usque ad finem chori, hoc excepto, quod turris ubi sunt cymbala à parte revestiarii non erat perfecta, nec voltatus erat chorus, sed à parte sancti Hippolyti totum erat perfectum, & etiam voltatum erat à parte vestiarii.

**MCCXXXIII.** Hoc anno obiit Philippus filius Philippi Regis Francorum, Comes Bononiæ, Cleromontis, Albemarlæ, Domni-Martini, de Moretel, Domino-Frontis en Passois, & sepultus est in Ecclesiâ B. Dionysii ad sinistram partem altaris matutinalis, anno vitæ suæ xxxiii. Hoc anno obiit Ferrandus Comes Flandriæ.

**MCCXXXIV.** Hoc anno Margarita filia Comitis Provinciæ, inuncta est in Reginam Franciæ apud Senonas ab Archiepiscopo Senonensi; cui inunctioni & dispensationi interfuit Odo Clementis Abbas sancti Dionysii cum Episcopalibus ornamentis.

**MCCXXXVI.** Hoc anno in Purificatione Beatæ Mariæ translatus fuit cum magnâ solemnitate corpus sancti Hippolyti ab oratorio, quod diu fuerat in medio navis Ecclesiæ, in novum oratorium in sinistram partem novi operis, & tunc fuit maxima inundatio aquarum.

**MCCXXXVII.** Hoc anno fuit maxima mortalitas fratrum Monachorum in Ecclesiâ beati Dionysii, ferè usque ad xliv.

**MCCXXXVIII.** Hoc anno profecti sunt Hierosolymam Rex Navarra, qui & Comes Campaniæ; & Comes Montisfortis, & tota ferè nobilitas Baronum, tam Militum, quàm populorum. Et eodem anno Alfonsus de Hispaniâ duxit in uxorem Comitissam Bononiæ.

**MCCXXXIX.** Hoc anno regnante Ludovico Rege, filio Ludovici Regis, fuit Conventus Ecclesiæ beati Dionysii apud Vicensas feriâ v. post Assumptionem Beatæ Mariæ Virginis, quæ tunc erat v. Calend.

Septembris;



Septembris; & illucescente aurorâ induerunt se albis & pretiosissimis cappis, ut honestius cæteris processionibus, cum Coronâ Dominicâ, de Constantinopoli ad Regem per certissimos nuntios asportata, usque ad Ecclesiam Beatæ Mariæ Virginis Parisius deveniret, ubi Dominus Odo Clementis, tum temporis Ecclesiæ beati Dionysii Abbas, cum cæteris Archiepiscopis, Episcopis, Abbatibus, ornatus Episcopalibus indumentis, mitram habens in capite, annulum in digito, & manu baculum pastorem, ad dextram altaris Beatæ Virginis adstiterit. Processio verò nostra à cæteris separata, in mediâ navi Ecclesiæ Beatæ Virginis remansit: Guillelmus verò Cantor tunc temporis Ecclesiæ beati Dionysii, à Vicenis usque ad dictam Ecclesiam Beatæ Virginis omnes cantus tanquam inter cæteros Cantores specialis Præcentor mirabiliter inchoavit, maxime in navi Ecclesiæ Beatæ Virginis, *Ave Regina cælorum*, intonans ita altè, quod omnes stupefacti sunt audientes. Inde usque ad Regis palatium coronam Dominicam cum divinis Responsoris deducentes, in capellâ Domini Regis cereos quos in manibus portabant; in honore dictæ coronæ, similiter obtulerunt, & capella, & etiam dicta sacrosancta corona, cum toto palatio palliis & ornamentis pretiosissimis de domo nostrâ ad hoc Parisius delatis, cunctis aliis ornamentis vilipensis, decentissime fuerunt ornata.

MCCXI. Hoc anno nata est Blanca primogenita Ludovici Regis in Translatione sancti Benedicti.

MCCXII. Hoc anno nata est Ysabella filia Ludovici Regis die Martis. Eodem anno fuit siccitas magna à Dominicâ post natale Domini usque ad Exaltationem sanctæ Crucis mense Septembri. Eodem die cœperunt pluvie: & eodem anno fuerunt omnia vina tam fortia, quod non poterant bibi commodè sine aquâ, & multi in anno illo patiebantur malum maximum in oculis eorum.

MCCXIII. Hoc anno natus est Ludovicus primogenitus Ludovici Regis in festo S. Matthæi Apostoli.

MCCXIV. Hoc anno cœpit Rex Francorum Ludovicus die Sabbati ante festum S. Lucie validâ febre, & vehementi fluxu ventris apud Pontisaram graviter infirmari. Et eo anno paucis diebus revolutis devenit Lugdunum Innocentius Papa IV.

MCCXV. Hoc anno fuit natus Philippus filius Ludovici Regis in festo Apostolorum Philippi & Jacobi.

MCCXVI. Odo Abbas B. Dionysii fuit Archiepiscopus Rotomagensis: & Guillelmus factus fuit Abbas.

Hoc anno dixit Rex quod Joannes haberet comitatum Hanoniæ post mortem matris: & Guillelmus Comitatum Flandriæ.

MCCXVII. Hoc anno in festo B. Dionysii comedit Ludovicus Rex, & Robertus, Alfonsus, Carolus fratres ejus, in refectorio nostro; & Comes sancti Egidii; & multi alii Barones.

MCCXVIII. Hoc anno feriâ vi. Pentecostes Ludovicus Rex accepit vexillum, & peram, & baculum in Ecclesiâ B. Dionysii, & fratres ejus, ab Odone Cardinale; & post accepit licentiam in Capitulo nostro, & Robertus, & Carolus fratres ejus, cum magnâ humilitate: Dominicâ post Margarita uxor ejus similiter fecit.

MCCXIX. Hoc anno Dominus Guillelmus Abbas sancti Dionysii vigiliâ Annuntiationis misit duos solemnes nuntios ad Ludovicum Regem Franciæ ultramare, videlicet Thomam Cantorem, & Nicolaum tertium Priorem ejusdem Ecclesiæ, qui in Natali Domini post, & eorum familia integra cum prospe-

ritate & gaudio per Dei gratiam ad propria remeant: & in Dedicatione sequenti mortuus fuit Guillelmus de Macouris Abbas istius Ecclesiæ, & successit ei Henricus dictus Malet.

MCCXX. Mathæus Vindocinensis consecratus est Abbas B. Dionysii.

MCCXXI. Translati sunt Sugerius, Henricus, Petrus, Adam, Yvo, Hugo Abbates.

MCCXXII. Hoc anno translati sunt die sancti Gregorii Reges Odo, Hugo Capet, Robertus, Constantia ejus uxor, Henricus, Ludovicus Grossus, Philippus filius Ludovici Grossi, Constantia Regina quæ venit de Hispaniâ.

MCCXXIII. Translati sunt Reges in dextro Choro, scilicet Ludovicus Rex filius Dagoberti, Carolus Martellus Rex, Berta Regina uxor Pipini, Pipinus Rex, Hymintrudis Regina uxor Caroli Calvi, Kallomagnus Rex filius Pipini, Kallomagnus Rex filius Ludovici Balbi, Ludovicus Rex filius Ludovici Balbi.

MCCXXIV. In die Pentecostes fuit Philippus filius Ludovici Regis Miles novus Parisius.

MCCXXV. Christianissimus Rex Ludovicus obdormivit in Domino in die Lunæ post octavas Assumptionis, circâ horam nonam. Eodem anno in Quadragesimâ natus est Carolus filius Philippi Regis de primâ uxore.

MCCXXVI. Coronatus est Philippus filius ejusdem Ludovici.

MCCXXVII. Hoc anno mense Maio natus est Ludovicus filius Philippi Regis de uxore secundâ.

MCCXXVIII. Prior S. Dionysii factus est Abbas S. Launomari Blesensis. Eodem anno sic crevit fluvius Sequanæ, quod aqua posset accipere manibus de super magnum pontem, de quo majores duæ arcæ totaliter corruerunt. Eodem anno & tempore fecit Conventus processionem ad fluvium Sequanæ cum clavo & coronâ Domini, & brachium S. Simeonis deportaverunt.

MCCXXIX. Consummatum est novum opus Ecclesiæ B. Dionysii à Domino Matthæo Abbate.

MCCXXX. Condemnatus est Petrus Rex Aragonum.

MCCXXXI. Joannes de Pontisara Prior Argemolii, factus est Abbas de Ferrariis.

MCCXXXII. Hoc anno venit quidam in Alemanniam, qui dicebat se Fredericum esse, & multos deceptionibus suis ac magicis artibus, de quibus peritus erat, decepit; ita ut multum comitatum, ut dicebatur, haberet; & multi credebant illum esse eundem Fredericum, qui quondam Imperator fuerat. Tandem cognitâ malitiâ suâ tamquam maleficus, & execrandis artibus operator, in eisdem partibus concrematus est.

Hoc anno vi. Kal. Februarii translata sunt corpora Domini Joannis quondam Comitis Nivernensis, & Ducis de Brabant, de priori loco, & posita ad pedes Ludovici Regis patris sui.

Eodem anno Carolus Rex Siciliæ in Capitulo B. Dionysii, præsentem conventu, ejus orationes impetrando, flexis genibus sacra Evangelia osculando, & eos Deo commendando, humiliter recessit ab eis.

Philippus filius Philippi Regis factus est Miles in festo Assumptionis beatæ Virginis; & duxit uxorem filiam Regis Navarræ, & factus est cum eo Miles frater ejus Dominus Carolus, & filius Comitis Atrebatensis, & multi alii. Cui Domino Carolo concessum est regnum Aragonum à Sede Apostolicâ.

Eodem anno profectus est super regnum Aragonum Philippus Rex Franciæ cum exercitu suo. Accepit autem peram & baculum in Ecclesiâ beati Dionysii Dominicâ die in medio Quadragesimæ, quæ

fait iv. Nonas Martii : & ab illâ die cœpit iter.

Eodem anno mense Martio obiit famosissimus Carolus Rex Siciliae. Eodem anno iii. die Octavæ beatæ Virginis Assumptionis, Joannes Cholet Apostolicæ Sedis Legatus apud Parisius congregavit Concilium, & advenit ibi maxima multitudo Prælatorum.

MCCLXXXV. Hoc anno obiit Philippus Rex Franciæ, filius Ludovici Regis, iii. nonas Octob. apud Castrum quod dicitur Parpegnien : sepultus est autem in Ecclesiâ beati Dionysii iii. nonas Decemb. à venerabili viro Joanne Cholet, tunc temporis Sedis Apostolicæ Legato.

Eodem anno coronatus est Philippus Rex, filius ejusdem Philippi Regis, cum uxore suâ, in die Epiphaniæ.

MCCLXXXVIII. Obiit venerabilis Abbas Mathæus Vindocinensis apud Belnam. Eodem anno Reginaldus Gifardi electus est in Abbatem in Capitulo B. Dionysii à toto Conventu.

MCCLXXXIX. Hoc anno circa festum Resurrectionis Dominicæ Parisius magnum argumentum fidei

nostræ nobis ostensum est. Quidam Judæi hostiam sacram à quodam pessimo habuerunt, quam in aquam calidam positam cum cultello percusserunt : de quâ virtute divinâ sanguis copiosè effluit in tantum, quodd tota aqua rubefacta est. Qui capti veritatem confessi sunt, quorum quidam confusi sunt, alii baptizati sunt.

MCCXC. Hoc anno missi fuerunt à Curâ Romanâ duo Legati in Franciam, quorum nomina, Dominus Girardus, & Dominus Benedictus, qui convocatis omnibus Prælatis ejusdem regni tenuerunt Concilium in Ecclesiâ B. Genovefæ Parisius.

Eodem anno frater Joannes de Auteul, Magnus Prior Ecclesiæ B. Dionysii, factus est Abbas B. Audœni Rotomagensis à Domino Papa.

MCCXCI. Isto anno capta est civitas Achonenfis à Soldano. Propter quod facta est prædicatio generalis de Cruce.

MCCXCII. Isto anno motum fuit bellum inter Regem Franciæ, & Comitem de Henaut.

## MONITUM.

**Q**UADRIENNIVM jam effluxit quo refugiebat animus Historiam Vizeliacensis Monasterii amplissimis hiatibus sædatam in publicum proferre : spes enim erat illius integræ aliquando è rudibus, antrifus Monasteriorum, ubi fortean adhuc in pulvere & situ cum tineis delustatur, eruendæ : verum crebris amicorum hortationibus interpellatus, suasionibus impulsus, ne à me repulsam paterentur, cessi tandem eorum votis (viri enim sunt inter Literatos eruditione juxta ac pietate præcipui) atque historiam quamvis lacunis dehiscentem, vetustis tamen nobilitatam monumentis, doctæque ac eleganter conscriptam, nolui diutiùs tenebris obvolvi, imò luci, ut pote utilitate literariæ profuturam libens exposui.

Historiam placuit Auctori Hugoni Pictavino quadripartitam proponere. In priori parte Conditorum tabulas, Romanæ Urbis literas, diplomata Regum, atque alia id genus rescripta, tamquam eorum quæ erat in medium producturus fundamenta subjecit. Depingit in alterâ Episcopum Eduensem quâ fas quâ nefas libertates Ecclesiæ Vizeliacensis infringere, ac jura soli Romano Pontifici competentia usurpare conantem. In tertiâ demum & quartâ luctuosas prodit tragædias à Comitibus Nivernensium peractas, qui incursionibus ac direptione per se, perque suos non semel in Monasterium Vizeliacense, universumque ejus dominium, ut illud ditioni suæ adjungerent, grassati sunt, barbarorum more Monachos expulerunt, Oppidanos à legibus & subjectione Abbatis eorum Domini apertâ vi subtraxerunt. Auctor ipse nihilominus victorias ab Abbate & Monachis, non tamen sine ingenti labore ac dispendio rei familiaris, tum de Episcopo, tum etiam de Nivernensibus, afflante divino Spiritu, Pontificibus Romanis juvantibus, favente in primis Rege Ludovico septimo, reportatas describere non omittit. Interferit etiam insigniora sui temporis, quæ Civilem, Ecclesiasticamque historiam admodum illustrant.

Quonam anno cucullum Vizeliacenses vestibus Canoniarum assumptis abdicaverint, videbis in Observationibus ad Guiberti de Novigento Opera, pag. 658.

## HISTORIA VIZELIACENSIS MONASTERII

Auctore HUGONE Pictavino Notario GUILLELMI Abbatis Vizeliacensis, qui eam jussu Pontii Abbatis scribere aggressus est anno MCLVI. & sub ipso Guillelmo absolvit anno MCLXVII.

### LIBER PRIMUS.

*Privilegia & Charta Vizeliacensis Cœnobii.*

**I**N nomine Sanctæ & Individuæ Trinitatis, Patris & Filii & Spiritus sancti. Incipit Instrumentum seu Testamentum GERALDI Comititis, Funda-

toris Monasteriorum, videlicet Pultariensis & Vizeliacensis, subsequentibus Privilegiis Apostolicæ & Regalis authoritatis, ipsum Testamentum confirmantibus & corroborantibus in perpetuum.

Omnibus Christi fidelibus, pietate, amore, desiderioque ferventi beatam vitam expectantibus, & in unitate Christianitatis sub obedientiâ præce-

Testamen-  
tum Gerardi  
Comitis.

ptorum Dei ubique manentibus, sive his qui præfentes sunt, sive his qui futuri, atque in compage & vinculo charitatis victuri, & usque ad consummationem sæculi in Ecclesiâ Sanctorum sibi invicem sunt successuri. Ego GERARDUS divinæ pietatis munere apud gloriosam Regalem mansuetudinem Comitis honore sublimatus, ex communi voto & desiderio dilectissimæ Conjugis meæ atque amantissimæ BERTÆ, eo quod nobis pariter unanimiterque, Domino inspirante, complacuerit, ut de rebus nostris & possessionum nostrarum titulis perennem memoriam Domino Deo nostro, ubi laus ejus assidue fieret, statueremus. Et quoniam largitionibus piis Minorum & Seniorum nostrorum, qui nos liberalissimè honoribus & dignitatibus ampliaverunt, id est, Imperator & Senior noster clementissimus Ludovicus, & gloriosa Domina & Regina Judith, filiusque ipsorum æquè Senior atque Dominus noster Rex Karolus, plurima nobis possidenda accreverunt, justissimè nobis visum est, ut eorum amore incitati locum etiam ipsum fundaremus, ubi pro gratis muneribus ipsorum esset in orationibus solemnis & jugis supplicatio, & apud Deum continua pro salute ipsorum exoratio. Non immemores etenim sumus eorum circa nos benevolentiam, ipsorum, id est, Domini Senioris Ludovici Augusti, Judith Domine & Regine, Karoli filii ipsorum similiter Domini & Senioris qui nunc superest regnans. Sed & dignam rependentes genitoribus atque parentibus honorificentiam, id est, Leuthardi, & Grimaldis, atque gratissimorum Hugonis & Bavæ, amabilibusque filiis & filiabus ipsorum, sive qui jam dormierunt in Domino, sive qui adhuc vivunt, consanguinitate, affinitate & propinquitate etiam nobis junctis, id est, Leufredi & Adalardi Comitum præclarissimorum, ut pro eis intercessio & assidua deprecatio fieret, & peccatorum eorum acquireretur propitiatio, & in loco ipso, quem juvante Christo fundaremus, succedentibusque temporibus esset eorum permanens recordatio. Itaque & illorum quoque propinquorum, quibus & hereditario jure eisdem in rebus successimus, necnon & reliquorum omnium, sed & amicorum nostrorum universorum & fidelium generaliter omnium perpetua duraret memoria, ibique per ævum pro omnibus fieret communis oratio.

Ego igitur GERARDUS, & conjux simul gratissima, piâ & fidei devotione constituimus atque construximus Monasterium & habitaculum servorum Dei apto competentique loco, & ex largitione atque oblatione facultatis & rerum nostrarum, illic quidquid ad sustentationem eorumdem Deo famulantium, quidquid ad religionis cultum necessarium exstat, piâ ac solerti providentiâ juxta vires quas Deus tribuit, procuravimus, mentemque promptissimâ eadem ipsa quæ de manu ipsius accepimus, gratias beneficiis illius referentes, obtulimus. Fundatus igitur atque conditus est locus devotionis nostræ in honore Domini nostri JESU-CHRISTI, & veneratione Beatissimorum Apostolorum Petri & Pauli super amnem Sequanæ præterfluentis, in agro respiciente ad villam, quam ex antiquo Pultarias nominant, in pago Laticensi in regno Burgundiæ, ut ibi venerabile orationis domicilium votis ac supplicationibus fidelium frequentetur, conversatioque cœlestis sub regulari districtione, & institutione Beati Benedicti viventium, omni desiderio & ardore intimo perquiratur & expetatur. Ibique contulimus villas has: Ipsam eandemque, ubi è vicino Monasterium situs est, Pultarias; quidquid ibi ex hereditate, quidquid præcepti sui autoritate Senior noster Carolus Rex nobis ibi contulit, quidquid alio legitimo

pacto ibi rebus nostris accessit, cum universis appendiciis suis, & quæ ubicumque ad ipsa respicientia sunt. In pago verò Senonico Sextam cum omnibus ad eam respicientibus & universis appendiciis. Villam Manniscam similiter cum omnibus ad eam respicientibus & appendiciis suis. Veron etiam, & Villare in supradicto pago cum omnibus rebus ad eas respicientibus & appendiciis earum. Similiter & in eodem pago, in villâ quæ dicitur Piscatoria, quæ est sita super Hyonam fluvium, totum & ad integrum quidquid de Ildino Vasallo Dominico acquisivimus, & quidquid ad ipsam Piscatoriam aspicit, in omnibus dumtaxat, in quibus ibidem nostra videtur dominatio, vel esse scitur potestas; & quidquid ad jus nostrum in pago Tricassino pertinet.

Pari etiam ordine fundavimus aliud Monasterium eodem studio, eademque devotione, ut habitaculum ancillarum Dei sub districtione regulari, & institutione beati Benedicti viventium, ibidem fieret in honore Domini nostri JESU-CHRISTI, in loco vel agro qui dicitur Vizeliacus, in pago Avalensi, in regno Burgundiæ; ubi & contulimus Villas has: Eandem ipsam in quâ situm sacrum & venerabile Monasterium Vizeliacum, quam commutavimus cum Domina & gloriosâ Judith Regina, agente & impetrante apud piissimæ memoriæ Dominum & Seniores nostrum Ludovicum Imperatorem, quidquid idem clementissimus Imperator ad eandem villam respiciens sub præcepti sui confirmatione condonavit, nobisque contulit, quæ ubicumque respiciunt ad eandem villam pertinentia, prædicto Monasterio consignavimus. Villam denique Dorniciacum, villam Cisternas, Fontanas, atque Molnitum; vel quidquid in nominato pago Avalensi vel Tornodorenli acquisivimus, cum universis appendiciis supradictarum villarum, ubicumque vel in quocumque pago fuerint.

Totum ergo ex integro quidquid in supranominatis villis vel agris acquisivimus, & acquirere potuimus, sacratissimis locis & Monasteriis coadunavimus, & unanimitati atque utilitati eorum qui ibi Deo servierint in perpetuo connexuimus; tantum nobis, dum manemus in vitâ carnis, usufructuario reservato; tuitionem quoque atque defensionem prædictorum Monasteriorum sub nostrâ curâ habentes. Itaque quidquid præfato Monasterio virorum nostrâ religiosâ oblatione collatum est, quidquid in rebus sive servitiis, vel quibuscumque speciebus, Deo inspirante contraditum additumque fuerit, aut à quibuscumque fidelibus, quolibet unquam tempore oblatum absque ullis exterioribus obsequiis, & obsequiorum exactionibus, solis eorum stipendiis & necessariis sumptibus, qui illic Domino serviunt, jugi præsentis nostri Testamenti firmitate permaneat illibatum; excepto quodd pro benedictione annis singulis ad Reverentissimam Sedem Beatorum Apostolorum, cui loca eadem subdidimus, Romæ offerantur B. Pontifici Urbis libræ argenti duæ, & quæ ultionem voluntate charitatis atque humanitatis officio quotidiana beneficia docent exercenda; liberi tamen ab illis exhibitionibus Monachi sub quieto servitio regulariter vivant, orationis obsequia solemner offerentes Deo pro gloriosissimis Dominis & Senioribus nostris Ludovico Augusto, & Carolo filio ejus, & præcellentis memoriæ Dominabus nostris Judith atque Hermengarde, necnon etiam & Senioris Caroli conjuge venerabili Hermentrude: sed & præclarissimæ item recordationis genitorum genitricumque, filiorum filiarumque ipsorum, qui sive vivunt sive dormierunt jam in Domino, pro nobis etiam filiisque ac filiabus viventibus sive de-

Necnon Vizeliacense Monialium.

Fundatur Monasterium Pulterienfe Monachorū.

R R r ij

Monasterium  
vtrumque  
Romano  
Pontifici sub-  
jicitur.

functis, cunctisque amicis nostris, omnique fide-  
lium multitudine.

Hoc verò Monasterium sive aliud suprà nomina-  
tum, cum omnibus rebus ibi collatis, Beatissimis  
Apostolis apud Romam subdidimus, & testamentario  
libello dato, æternè sanctis Pontificibus urbis illius,  
qui vice Apostolicà annis sequentibus sedem tenue-  
rint, ad regendum, ordinandum (non tamen ut  
beneficiarià potestate cuiquam dandi aut proca-  
miandi licentia sit) disponendumque perpetuò com-  
misimus; ut eorum sollicitis studiis & vigili provisio-  
ne juxtà nostram devotionem religio pietatis & ho-  
nestatis ad gloriam Dei semper ibi excreseat, & fru-  
ctus apud Deum propensior generetur. Illud præci-  
puè firmum volumus, ut quoties Abbas vel Abba-  
tissa de præfatis Monasteriis respectu divino à reli-  
gione nostrà sanctis Apostolis contraditis, ex hac  
luce migraverint, congregationes ipsæ, quas vene-  
rabilibus locis Deus esse voluerit, habeant concessam  
sibi potestatem cum interrogatione sanctorum-  
que virorum consilio alterum, vel alteram bonæ vi-  
tæ & boni testimonii auxiliante Domino è suo con-  
sortio atque collegio electum, vel electam præficien-  
di, prosequente Pontificis super hac re probatione,  
qui sedem Apostolicam tunc temporis meruerit.  
Sed & rerum quantitas in suscipiendis Fratribus vel  
Sororibus semper attendatur, ne superfluo numero  
congregationes ipsæ, quod absit, forte gravatæ, di-  
labantur. Illud quoque summopere monemus, &  
sub obtestatione etiam inhibemus, ne cui pietatis  
nostræ votum liceat in perpetuum commutare, vel  
præpostero ordine, irrumpendo perturbare. Quod  
si quis, quod non credimus futurum, præsumserit,  
Domini & Senioris nostri Caroli pii Regis præcepto  
damnatus, Domino Deo nostro dignam facti sui vi-  
cem ei reddente ex sententiâ Sancti Pontificis Ur-  
bis, ut sacrilegus, & sacrarum rerum fraudator à  
cœtu populi Dei extraneus, pœnam æternam, ni-  
si reliquerit, incurrat. Sed & omnes vos sanctis-  
simi Patres & Episcopi per Redemptorem nostrum  
deprecamur, ut huic nostræ devotionis operi semper  
dignemini fautores & adjuutores in omnibus existere:  
quod in fine monendum sit, piis & carissimis nostris  
servis dictis Monasteriis tam pio studio à nobis fun-  
datis degentibus, & piâ & vigili curâ devotionis &  
religionis sit, atque in omnibus se exhibeant sicut  
Dei ministros, nemini dantes ullam offensionem vi-  
tuperandi religiosissimum & sacrum ordinem mini-  
sterii sui, ut Apostolicæ Sedis Pontifex sit eis Rector,  
assiduus consolator & tutor, quatinus corpori &  
membris Ecclesiæ fidelissimâ charitate, & religio-  
sissimâ obedientiâ uniti, etiam capiti totius corporis,  
quod est Christus, mereantur compage sociari. Hoc  
autem Testamentum plenâ à nobis pietate & devo-  
tione confectum, ut omni tempore irrefragabilem  
obtineat firmitatem, etiam manûs nostræ & Illu-  
strum virorum suscriptionibus sanximus roboran-  
dum.

S. GERARDI Comit. S. BERTÆ conjugis, qui  
hanc oblationem Deo pro remedio animæ suæ obtu-  
lerunt, & testamento facto firmarunt, atque firma-  
ri jusserunt.

S. EVÆ filiarum ipsorum, quæ voluntatem parentum,  
& oblationem Deo factam audiendo & firmando  
consentit, & consentiendo confirmavit. S. Sauna-  
ri. S. Teuderici. S. Bunonis. S. Aiverti. S. Fanuel.  
S. Fredeberti. S. Baunarii. S. Radulfi. S. Widerici.  
S. Gerardi. S. Sigiberti. S. Rotardi. S. Gislemari.  
S. Abbonis. S. Gauzselini. S. Auzgarii. S. Ayrbaldi.  
S. Optadi. S. Bernonis. S. Galtarii. S. Odolardi.  
S. Athonis. S. Odoberti. S. Ardulfi. S. Austorici.  
S. Bercharii. S. Amalberti. S. Raganaudi.

*Epistola GERARDI Comit. ad NICOLAUM Papam  
De ditione & tuitione Apostolicâ.*

**D**omino beatissimo & sacratissimæ Sedis Apo-  
stolico, atque peculiari Patri nobis NICOLAUS,  
GERARDUS misericordiâ Omnipotentis Dei apud Re-  
galem Clementiam Comit. honore sublimatus, unâ  
cum gratissimâ conjugē BERTA nomine.

Publicè notum esse volumus tam beatitudini ve-  
stræ, quàm Clero & omni populo sacræ Urbis, fi-  
dem in Domino nostro JESU-CHRISTO devotissimam  
& promptissimam oblationem ex largitione facul-  
tatum nostrarum (latam enim possessionem rerum  
dedit nobis Dominus) propter amorem ipsius, &  
æternum animæ nostræ remedium; quia pariter at-  
que unanimiter, communique voto, nobis Do-  
mino inspirante, complacuerit, ut exceptis illis  
quæ posteritati generis ac prolis servantur, de re-  
bus nostris reliquis heredem ipsum Deum, beatos-  
que ejus Apostolos Petrum & Paulum faceremus,  
eosque apud ipsum perpetuos intercessores consti-  
tueremus; & quoniam auxiliante ipso, qui om-  
nium bonarum voluntatum largitor, & inspirator  
est omnis sancti voti, accessit huic nostræ devo-  
tioni, ut eisdem facultatum nostrarum rebus apto  
& convenienti loco Monasteria & habitacula Servo-  
rum Dei construeremus, atque illic quicquid ad  
sustentationem eorumdem Deo famulantium & re-  
ligionis cultum necessarium existit, piâ ac solerti  
providentiâ juxtà vires quas Deus tribuit, procura-  
remus, & ut defensionem & tuitionem ordinis &  
religionis suæ perennem haberent, atque devotio-  
nis nostræ fructus perpetuò maneret, sacratissimæ  
ac reverendissimæ Urbi, & loco, ubi beatorum Pe-  
tri & Pauli Apostolorum æterna memoria celebra-  
tur, decerneremus, subderemus, atque Domina-  
tioni sanctissimi Pontificis Urbis ipsius committere-  
mus; ut videlicet dispositionem sive statum ipsorum  
Ecclesiasticâ pietate & firmitate idem B. Pontifex  
ordinaret; ita tamen ut nulli unquam ea benefi-  
ciario dono concederet, nisi ipsis, quibus testamen-  
tariâ largitione consulentes nos ipsi concedendum  
esse signavimus, & inferius hæc eadem scriptura  
signabit. Implentes igitur promptissimam nostram  
devotionem, & plenissimum in Christo desiderium,  
legitimè ac testamentario donationis jure Ecclesiam  
Dei rerum nostrarum constituentes heredem, sta-  
tuimus atque fundavimus venerabilem & sacrum  
oblationis nostræ locum in nomine Domini nostri  
JESU-CHRISTI, & veneratione beatorum Apostolo-  
rum Petri & Pauli, ut sit habitaculum Dei Servo-  
rum sub regulari ordine, ac professione beati Bene-  
dicti degentium, super amnem præterfluentis Se-  
quanæ in agro respiciente ad Villam, quam ex an-  
tiquo Pultarias nominant, in pago Laticensē, in  
regno Burgundiæ, & in parochiâ Lingonicæ civita-  
tis, ut ibi venerabile orationis Domicilium votis ac  
supplicationibus fidelium frequentetur, conver-  
satioque cœlestis omni desiderio & ardore intimo  
perquiratur & expetatur; cuique & res nostras &  
facultates possessionum nostrarum, quæ de paren-  
tum benignissimâ successione, seu affectuosissimâ  
largitione provenerunt, vel benignissimus Rex Do-  
minus & Senior noster Carolus per præceptum no-  
bis conferre dignatus est, sive etiam quæ dignâ com-  
paratione in nostrum jus transfusa sunt. Deo auxi-  
liante, & plenè devotionem nostram adimplente,  
legitimè scilicet ac testamentario donationis jure  
transposuimus atque refundimus. Hoc est agrum sive  
villam in pago Laticensē, ubi è vicino Monasterium

Gerardus  
subdita vult  
Monasteria à  
se condita juri  
solius Roma-  
ni Pontif.

situm est, Pultarias; quidquid ibi ex parentum hereditate, quidquid præcepti sui auctoritate pius Rex ibi contulit, nobisque provenit; quidquid alio legitimo pacto ibi rebus nostris accessit; cum universis appenditiis suis, & quæ ubicumque sunt ad ipsam respicientia. In pago Senonico Sextam cum omnibus ad eam respicientibus, & universis appenditiis suis; Magnificam<sup>a</sup> villam similiter cum omnibus ad eam respicientibus appenditiis suis. Totum ergo, ut prætulimus, ex integro quidquid in supra nominatis villis acquisivimus & acquirere potuimus, sacratissimo loco & Monasterio, servisque Dei ibi militaturis coadunavimus, unanimitati & utilitati eorum servitura in perpetuum connexuimus, tantum nobis, dum manemus in vitâ carnis, usufructuario reservato, tuitionem potius atque defensionem loci ferendô.

Itemque alium æque venerabilem & sacrum locum sub honore ejusdem Dei & Domini nostri JESU-CHRISTI, & veneratione Genitricis ipsius beatæ Virginis Mariæ, in loco vel agro qui dicitur Vizeliacus in pago Avalense, & regno Burgundiæ, atque de rebus nostris communi voto similiter ditavimus atque dotavimus: ibique contulimus villas has, ipsam in quâ situm est sacrum & venerabile Monasterium Vizeliaci, quam commutavimus cum piissimæ memoriæ Ludovico Imperatore; quidquid idem clementissimus Imperator ad eandem villam respiciens sub præcepti sui confirmatione muniendo nobis ad vicem condonavit; quæcumque respiciunt ad eandem villam pertinentia prædicto Monasterio consignavimus, Villam denique Dorniciacum, villam Cisternas, villam Fontanas, atque Molnitum, vel quidquid in nominato pago Avalense vel Tornodorense acquisivimus, cum universis appenditiis supradictarum villarum, ubicumque vel in quocumque pago fuerit.

Quidquid itaque præfatis locis, Monasteriis, Ecclesiisve contulimus, quidquid ibi nostrâ oblatione collatum est, in rebus sive in servitiis, vel quibuscumque speciebus à nobis Deo inspirante additum fuerit, aut à quibuscumque fidelibus quolibet unquam tempore oblatum, absque ullis exterioribus obsequiis & obsequiorum exactionibus, solis eorum stipendiis & necessariis sumptibus, qui illic Domino serviunt, jugi nostræ auctoritatis firmitate, & testamenti conscriptione permanere decrevimus, usu nobis fructuario tantum dum vivimus, reservato; excepto quod pro benedictione annis singulis ad Reverentissimam Sedem cui ipsa Monasteria subdidimus, offerantur B. Pontifici Urbis ex utrisque Monasteriis libræ duæ argenti; & quæ ultroneâ voluntate charitatis atque humilitatis officio quotidiana beneficia docent exercenda: nec quislibet temerarius, seu ulla quæcumque persona inde aliud unquam præsumat affectare, aut invadendo, sacram donationem minuere, aut proprio jure in usus suos illicitè transferendo vendicare, sed quod respectu divino à nobis profectum est, metuens tremendum judicium sinat inconvulsam durare. Hæc itaque venerabilia servorum Dei domicilia, unâ cum Deo ibi servantibus sive servitutis, vobis, Beatissime Pontifex, successoribusque vestris propter reverentiam Beatorum Apostolorum, quorum locum & vices sortiti in Christi Ecclesia tenetis, totâ ante Deum animi devotione commendamus, subdimus, & ad disponendum nostri desiderii votum stabiliter per Apostolatûs vestri studium perpetuò committimus; ut ea paternâ in omnibus & Ecclesiasticâ pietate, misericordissi-

mâque dispositione gubernare, tutari, & defendere dignemini; ne cuiquam contrâ nostrum votum beneficiario dato tradantur, nisi his qui testamentariâ scripturâ designantur, & piis successoribus vestris sub divinæ majestatis obtestatione, & futuri judicii tremendâ contemplatione, ubi antetribunal Christi unusquisque nostrum absque dubio actûs sui rationem reportabit, immobili firmitate, & canonicâ paternâque auctoritate servandum commendetis, toto conamine humilitatis provoluti vestris sanctissimis vestigiis obtinere mereamur: ut videlicet de rebus nostris, quas Domino plenâ devotione obtulimus, legitimo scilicet Testamento perfectò, Servi Dei in præfatis Monasteriis à nobis constructis, vel Sanctimonialium congregatio de vestra benedictione semper pendens, juxta devotionem & desiderium nostrum licitè disponant, regulariterque sub suo jure per vos tutati & defensati vivant, nemini quicquam præter charitatem debentes, nulli nisi Principi Apostolorum, Vicarioque ejus in servitio obnoxii. Sed post discessum nostrum (quamdium enim vita superest, eos sub nostrâ curâ cum vestra benedictione manere cupimus) tam illis quàm omnibus quos illic divina gratia vel aggregavit vel aggregatura est, & præsens & futura Deo miserante quies & tranquillitas procuretur. Et si quando ex congregatione ipsâ, quam in venerabilibus locis Deus esse voluerit, Abbas vel Abbatiſſa ex hac luce migraverint, congregationes ipsæ habeant concessam sibi potestatem cum interrogatione & sanctorum virorum consilio, alterum bonæ vitæ & boni testimonii, vel alteram auxiliante Domino ex suo consortio atque collegio electum vel electam præficiendi, prosequente B. Pontificis, qui tunc temporis sedem Apostolicam meruerit, probatione, qui vel quæ secundum regularem ordinem B. Benedicti, intus forisve liberè quæ sunt juris Monasteriorum prævideant; & alacriter, gratiam infundente Domino, impleant. Quod verò nimis timemus, quia iniquitate abundante refrigit charitas multorum, & avaritia latè omnia occupavit, si post obitum nostrum quælibet persona, aut Diocesis ipsius Episcopus, cui nec ordinatio aliqua, nec dominatio loci conceditur, seu aliquis potentiorum, vel alius aliquis congregationem servorum Dei, vel ancillarum Dei, suâ maligno impulsuque cupido perturbare tentaverit, aut regularem ordinem confundere, seu Abbatem vel Abbatiſſam aliam quem vel quam congregatio regulariter elegerit, mutare contenderit, vel dominationes illicitas Monasteriis vel rebus Monasteriorum à nobis stabiliter ibi contraditis exercere præsumserit, obsecramus per Deum vestram Reverentissimam Paternitatem, ut opem quibusque modis Beatitudo vestra ferre non differat, piisque successoribus vestris sub divinæ Majestatis obtestatione, & futuri judicii tremendâ contemplatione; immobili firmitate, & paternâ auctoritate sanctitas vestra servandum commendet, & ipsum qui temerare tam sacram Deo donationem ausus est, sicut sacrarum rerum fraudatorem & appetitorem à communione Ecclesiasticâ vestra auctoritas suspendat, & Apostolica severitas vel censura illicò damnet, nec unquam perversissimâ suâ inflammatus avaritiâ, aliquid de superscriptâ piâ nostrâ voluntate, & religioſâ propter Deum devotione, quam vobis coram Domino & sanctis Apostolis ejus fidentissimè commendavimus, possit evincendo permutare. Sed continuo expertus Canonicum & Apostolicum dignissimum judicium, ipsis Apostolis vicem iniquitatis suæ illi reddentibus, etiam

<sup>a</sup> Magnificam ] Suprà habetur Mannificam. Illic etiam alia loca nominantur, quæ cur hoc loco non recentantur,

videbit fortasse peritior aliquis.



multa trecentarum librarum auri, sicut in testamento insertum est, feriatum & damnetur.

Insuper hoc vos ( Sanctissime Pastor ) successorum vestros, prout & animo toti consummissi per Christum Dominum, perque Virginem Matrem ipsius, & per Beatos Apostolos Petrum & Paulum, omnesque qui suo sanguine totam Dei Ecclesiam illustrant, deprecamur, ut pio & ferventi studio semper habitatoribus Monasteriorum vestre Paternitati & Reverentiae traditorum, peculiari quâdam paternitate suffragium feratis, nec unquam illa quæ sub vestra tuitione sub spe bonâ commisimus, aut beneficiari, aut procamari patiamini: sed & vos piæ nostrum votum integrum servare, & successoribus vestris, ut ipsi pari modo servant, relinquere & mandare dignemini, benedictionibusque piis Fratres & Sorores quos vel quas sub fiduciâ vestrâ ponimus, munire, & contra incurfantes defendere, & securos ad otium & quietem fructuosam reddere dignè insistendo satagatis, recepturi mercedem ab illo qui sanctos suos æternâ remuneratione coronat, JESU-CHRISTO Domino nostro.

Hanc autem Epistolam voluntatis, sive testamentariam oblationem, plenâ à nobis pietate & devotione confectam, ut omni tempore irrefragabilem obtineat firmitatem, etiam manûs nostræ, & illustrium Virorum subscriptionibus sanximus roborandam, æternâ memoriâ Beatissimorum Apostolorum Bibliothecis etiam transmisimus servandam.

S. Gerardi Comititis: S. Bertæ conjugis, qui hanc oblationem Deo pro remedio animæ suæ obtulerunt, & testamento facto firmaverunt atque firmari jussuerunt.

S. Evæ filiæ ipsorum, quæ voluntatem parentum, & oblationem Deo factam audiendo & firmando consensit, & consentiendo firmavit. S. Saunari, S. Theuderici, S. Bunonis, S. Ayverti, S. Fanuel, S. Fredeberti, S. Baunari, S. Radulfi, S. Widerici, S. Gerardi, S. Sigiberti, S. Rotardi, S. Gislemari, S. Abonis, S. Gauzselini, S. Auzgarii, S. Airbaldi, S. Optadi, S. Bernonis, S. item Bernonis, S. Walfrarii, S. Odolardi, S. Athonis, S. Odeberti, S. Radulfi, S. Austorici, S. Bercharii, S. Amalberti, S. Raganaudi.

Data in mense Martio anno XXIII. regnante gloriosissimo & serenissimo Rege & Domino nostro CAROLO.

Ego Gileramnus Clericus rogatus scripsi & subscripsi.

*Privilegium NICOLAI Papa.*

NICOLAUS Episcopus S. S. Dei, Religiosæ & Deo dicatæ, quæ divino nutu, divinæque providentiâ in Monasterio fuerit constituta, quod à vobis Gerardo scilicet clarissimo filio nostro illustrissimo Comite, & nobilissimâ filiâ Bertâ in nomine Domini nostri JESU-CHRISTI, & veneratione beatissimæ Virginis Mariæ Genitricis ejusdem Dei & Domini nostri JESU-CHRISTI, in loco vel agro qui dicitur Vizeliacus, in pago Avalensi in finibus Burgundiæ, constructum est, opibusque ditatum, & omnibus quæ post eam in eodem Monasterio Abbatissæ regimen tenuerint in perpetuum: de quo Monasterio cum omnibus jure ad se pertinentibus pro remedio & futurâ retributione animarum vestrarum hanc sanctam heredem Romanam fecistis Ecclesiam, illudque per donationis paginam, beato Petro Apostolorum Principi contulistis. Quando ea [ad] quæ Catholicorum virorum corda Pontificum sunt monitis provocanda, ita ardenti desiderio, divinâ præ-

veniente clementiâ, succenduntur, ut ab eis ultrò poscantur, alacri & læto sunt animo concedenda, quanto ea ipsa quæ cupiunt si nolent facere, peti debuerant: proinde juxta vestram petitionem Monasterio in honore Domini nostri JESU-CHRISTI quod in parochiâ urbis Augustodunensis in loco & regno prænominato à vobis religiosâ devotione fundatum est, hujusmodi privilegia præsentis nostræ Apostolicæ auctoritatis decreto indulgentes concedimus, confirmamus atque statuimus, ut nulli Regum, nulli Antistitum, nulli quâcumque prædico dignitate, vel cuiquam aliî de his quæ eidem Monasterio à vobis, vel à quibuscumque aliis de proprio fuerint jure collata, sub cujuslibet causæ, occasioneve specie minuire, vel auferre, sive suis usibus applicare, vel aliis quasi piis causis pro suæ avaritiæ excusatione liceat quocumque modo concedere; sed cuncta quæ ibi oblata sunt, vel offerri contigerit, tam à vobis quàm ab eis quæ in eodem loco in officio Abbatissæ vel conversatione religiosâ successerint, seu qui pro animæ suæ remedio ibidem oblationes suas obtulerint, à præsentis tempore illibata & sine inquietudine volumus, & Apostolicâ auctoritate præcipimus possideri, earum tantum usibus, pro quarum sustentatione ac gubernatione concessa sunt fuerintque, modis omnibus profutura, eâ conditione ut nullus successorum nostrorum in sanctâ hac Sede, cui auctore Domino deservimus, unquam vel usquam quiddam de eisdem rebus cuiquam beneficiare, commutare, aut sub censu concedere, vel retinere, per futura tempora patiat. Sed censum tantummodo in testamento traditionis vestræ, quo ex eodem Monasterio heredem hanc sanctam fecistis Matrem Ecclesiam, unam videlicet libram argenti annis singulis successores nostri accipientes, piæ paternitatis suffragium eidem Monasterio, & Abbatissæ, & Monachis sub Regulâ Sancti Patris Benedicti ibidem degentibus, sollicitudine pastoralis vigilantè contra omnes infestantes impendere studeant. Item constituimus ut obeunte Abbatissâ prædicti Monasterii, non alia ibi quâcumque obreptionis astutiâ ordinetur, nisi quam consensus Monachorum secundum timorem Dei & institutionem Regulæ beati Benedicti elegerit, & hujus Apostolicæ sedis Pontifex præviderit ordinandam, aut suggestionem Monacharum consenserit ordinatam.

Hoc quoque Capitulo præsentis subjungimus, ut locum avaritiæ secludamus, nullum de Sacerdotibus, nullum de Regibus, vel quemcumque fidelium per se suppositamve personam de ordinatione ejusdem Abbatissæ, vel Clericorum atque Presbyterorum, vel de largitione Chrismatibus aut consecratione Basilicæ, aut de quâcumque commoditate specialis<sup>b</sup> aut temporalis obsequii, sive quibuscumque causis ad idem Monasterium pertinentibus, audere in auro vel aliâ qualibet specie commodi vel exenii loco quidquam accipere, neque eandem Abbatissam ordinationis suæ causâ quidquam dare præsumere; ne hac occasione ea quæ à fidelibus pio loco offeruntur, aut jam oblata sunt, consumantur. Neque Episcopus civitatis ipsius Parochiæ, nisi ab Abbatissâ ipsius Monasterii invitatus, ibidem publicas Missas agat, neque stationes in Cœnobio eodem indicat, ne ancillarum Dei quies quoquomodo populari conventu valeat perturbari, neque paratas, aut mansionaticos exinde præsumat exigere. Susceptionem autem fidelium, & Religiosorum, ac Religiosarum, atque beneficentiam quam jubet Apostolus cunctis exhibendam pro possibilitate loci & facultatum, non modo ibidem gratis fieri [non] denegamus, verum etiam

<sup>b</sup> specialis ] Lego spiritualis, ita enim postulat sensus. Li-

brarium fecellit compendium scribendi spalis.

suademus. Sed & modus in numero congregationis adeo conservetur, ut pluralitas penuriam, nec paucitas inhabitantium destitutionem loci indicare<sup>c</sup> valeat. Præ igitur omnia quæ hujus Præcepti Decretique nostri pagina continet, cunctis post vos succedentibus, qui idem Monasterium à vobis exstructum, & S. R. Ecclesiæ traditum sub usufructuario retinetis, vel eis quorum interesse poterit, in perpetuum servanda decernimus.

Si quis verò Sacerdotum, Judicum, atque sæcularium personarum hanc Constitutionis nostræ paginam agnoscens, contra eam venire tentaverit, potestatis honorisve sui dignitate, percussus Apostolico anathemate, careat, reumque se divino iudicio existere de perpetrata iniquitate cognoscat, & nisi vel ea quæ ab illo sunt malè ablata restituerit, vel præsumpta correxerit, vel dignā pœnitentia illicitæ acta desceverit, à sacratissimo corpore Dei & Domini ac Redemptoris nostri JESU-CHRISTI alienus fiat, atque in æterno examine districtæ ultioni subiaceat. Cunctis autem eidem loco justa servantibus sit pax Domini nostri JESU-CHRISTI, quatenus & hîc fructum bonæ actionis recipiant, & apud districtum Judicem præmia æternæ pacis inveniant.

Scriptum per manum Sofronii Regionarii & Scriptorii Romanæ Ecclesiæ in mense Maio. Datum verò per manum Tiberii Primicerii Sedis Apostolicæ.

DIPLOMA Caroli Calvi, quod subsequi deberet, edium reperies in Observationibus ad Guiberti Novigentini Opera, pag. 657.

*Privilegium JOANNIS Papa VIII.*

JOANNES Episcopus S. S. S. Dei EUDONI Venerabili Abbati Vizeliacensis Cœnobii, omnique Congregationi ejusdem Monasterii in perpetuum. Quoties illa tribui à nobis optantur, quæ rationi incunctanter conveniunt, animo nos debet libenti concedere, & petentium desideriis congruum imperiri suffragium. Atque ideo quia postulasti à nobis quatenus privilegium sedis Apostolicæ Monasterio Vizeliaco, cui præesse dinosceris, quod constat olim à Gerardo nobilissimo & Christianissimo viro, necnon & Bertâ uxore ejus, in honore Domini & Salvatoris nostri JESU-CHRISTI & veneratione Beatissimæ semper Virginis Mariæ Genitricis ejusdem Domini nostri JESU-CHRISTI constructum; in Regno scilicet Burgundiæ, in pago Avalensi, quodque à præfatis fundatoribus beato Petro Apostolorum Principi piâ devotione & testamenti paginâ collatum est, facere deberemus: inclinati precibus tuis libenter fieri decrevimus, per quod nimirum Apostolicæ sedis privilegium confirmamus, atque statuimus, ut nulli Regum, nulli Antistitum, nulli Comitum, nulli cuiquam alii liceat ipsum Monasterium perturbare, vel ea quæ ibi à jam dictis Fundatoribus, vel ab aliis fidelibus oblata sunt, vel in futurum offerri contigerit, sub cujuslibet causæ, occasione ve specie, minuire, vel auferre, sive suis usibus applicare, sed sine inquietudine in sustentatione ejusdem Monasterii, & usibus Abbatum & Monachorum sub regula sancti Patris Benedicti ibi Deo militantium volumus ea & præcipimus possideri: ea videlicet conditione, ut nullus successorum nostrorum Pontificum in hac sanctâ Sede, cui auctore Deo servimus, unquam vel usquam quiddam ex eisdem rebus cuiquam beneficiare, commutare, aut sub centu quolibet concedere per futura tempora patiatur, sed centum tantummodo in testamento traditionis à Fundatoribus qui ex eodem Monasterio hanc sanctam heredem Romanam fecerunt Eccle-

siam, etiam delegatum, unam videlicet libram argenti annis singulis successores nostri accipientes, per paternitatis suffragium eidem Monasterio sollicitudine pastorali vigilanter contra omnes infestantes impendere studeant. Item constituimus, ut obeunte Abbate prædicti Monasterii, non alius ibi quâcumque obreptionis astutiâ ordinetur, nisi quem consensus Monachorum secundum timorem Dei, & institutionem Regulæ sancti Benedicti elegerit, & hujus Apostolicæ sedis Pontifex præviderit ordinandum, aut suggestionem Monachorum consenserit ordinatum.

Hoc quoque Capitulo præsentî subjungimus, ut locum avaritiæ secludamus, nullum de Regibus, nullum de Episcopis vel Sacerdotibus, vel de quibuscumque fidelibus, per se, suppositamve personam, de ordinatione ejusdem Abbatis, vel Clericorum, aut Presbyterorum, vel de largitione Chrismatis, aut consecratione Basilicæ, vel de quibuscumque causis ad idem Monasterium pertinentibus, audere in quâlibet specie exenii loco quidquam accipere, neque eundem Abbatem pro ordinatione suâ aliquid dare præsumere, ne hac occasione, ea quæ à fidelibus pio loco offeruntur, consumantur. Neque Episcopus civitatis ipsius Parochiæ nisi ab Abbate ipsius Monasterii invitatus, ibidem publicas Missas agat, neque stationes in eodem Cœnobio indicat, ne servorum Dei quies quoquomodo populari conventu perturbari valeat, neque paratas, aut mansionaticos exinde præsumat exigere. Susceptionem autem fidelium & religiosorum virorum atque beneficentiam, quam jubet Apostolus cunctis exhibendam pro possibilitate loci & facultatum, non modo ibidem fieri [ non ] denegamus, verum etiam suademus: sed & modus in numero congregationis adeo conservetur, ut nec pluralitas penuriam, nec paucitas inhabitantium destitutionem loci indicare<sup>d</sup> valeat. Privilegium quoque à prædecessore nostro piæ memoriæ Papa Nicolao eidem Monasterio collatum nostrâ auctoritate confirmamus, excepto dumtaxat quod ipse sub nomine ancillarum Dei quæ ibidem pro crebris infestationibus sæculi nunc ordinabiliter manere nequeunt, illud delegavit: nos verò aptioris utilitatis gratiâ sub habitu Monachorum esse congruenter decernimus. Si quis verò Regum, Episcoporum, Sacerdotum, Abbatum, Judicum, Comitum, aut sæcularium personarum, contra hanc nostræ institutionis paginam venire tentaverit, percussus Apostolico anathemate, potestatis honorisve sui dignitate careat, reumque se coram divino iudicio cognoscat, & nisi ea quæ à se malè acta sunt desceverit, à sacratissimo corpore Domini nostri JESU-CHRISTI alienus fiat, atque æterno examini districtæ ultionis subiaceat. Cunctis autem eidem loco justa servantibus sit pax Domini nostri JESU-CHRISTI, quatenus & hîc fructum bonæ actionis recipiant, & apud districtum Judicem præmia æternæ pacis inveniant.

Datum per manum Walperti humillimi Episcopi sanctæ Portuensis Ecclesiæ III. Kalend. Octobris. Anno VI. ejusdem Domini Joannis Papæ VIII. Indict. XII. Scriptum verò per manum Georgii Notarii Regionarii & Scriptorii sanctæ Romanæ Ecclesiæ.

*Privilegium STEPHANI Papa.*

STEPHANUS Episcopus S. S. S. Dei EUDONI Venerabili Abbati Monasterii Vizeliacensis, omnique Congregationi ejusdem Monasterii in perpetuum. Quoties illa &c. ut supra in privilegio Joannis Papa.

<sup>c</sup> indicare ] Melius esset inducere.

<sup>d</sup> indicare ] Jam monuimus legendum esse inducere.

Confirmat  
Pontifex im-  
munitates  
Monasterii  
Vizeliacensis.

Scriptum per manus Samuel Notarii & Scriniarii sanctæ Romanæ Ecclesiæ mense Januario Indictione XV.

Datum X. Kalendas Februarias per manum Samuelis Notarii & Scriniarii sanctæ Romanæ Ecclesiæ, Imperante Domino nostro Landeberto piissimo Augusto à Deo coronato, magno Imperatore Indict. XV.

*Privilegium JOANNIS Papa.*

**J**OANNES Episcopus S. S. S. Dei, AYMONI venerabili Abbati Vizeliacensis Cœnobii, omnique Congregationi ejusdem Monasterii in perpetuum. Quoties illa tribui à nobis optantibus &c. *ut supra in Privilegio Stephani Papa.*

Scriptum per manum ANDRÆ Scriniarii sanctæ Romanæ Ecclesiæ in mense Januario Indictione VI.

Datum verò VI. Idus Januar. per manum GREGORII Deo amabilis Sacellarii S. sedis Apostolicæ, anno III. Deo propitio, Pontificatus Domini nostri JOANNIS summi Pontificis & universalis XI. Papæ in sacratissimâ sede beatorum Apostolorum.

*Privilegium MARINI Papa.*

**M**ARINUS Episcopus S. S. S. Dei GUIDONI Religioso Abbati Vizeliacensis Cœnobii, omnique Congregationi, &c. *ut in Privilegio Joannis Papa VIII.* Unde & constituimus & Apostolicâ auctoritate censuimus, atque per hoc nostrum Apostolicum privilegium confirmamus, ut nullus Rex, aut Pontifex, vel Abbas, aut Comes, vel qualiscumque magna parvaque persona, avaritiæ cupiditate corruptus, aut diabolicâ suggestionem deceptus, audeat vel præsumat contra tuum honorem, ô Venerabilis Wido Abba, qualicumque modo insurgere in tuâ vitâ, aut de tuo honore tibi molestias inferre, vel de omnibus rebus Monasterii quæ tibi tuisque prædecessoribus à nobis nostrisque antecessoribus, per paginam privilegii concessa atque firmata sunt, aliquas invasiones vel rapinas sive violentias inferre, si non vult, auctoritate Dei & sancti Petri & nostrâ Apostolicâ excommunicatione à corpore & sanguine Domini JESU-CHRISTI, & ab ingressu Ecclesiæ disjunctum esse: Hoc quoque capitulo præsentis subjungimus ut locum avaritiæ &c. *ut supra in præfato privilegio.*

Scriptum per manum AZZONIS Scriniarii sanctæ Romanæ Ecclesiæ in mense Febuario Indictione I.

Data II. Nonas Februar. per manum BENEDICTI Episcopi & Bibliothecarii sanctæ sedis Apostolicæ, anno Deo propitio, Pontificatus Domini nostri Marini summi Pontificis & universalis Papæ, in sacratissimâ sede beati Petri Apostoli anno I. in mense Februar. Indict. I.

*Privilegium BENEDICTI VI. Papa.*

**B**ENEDICTUS Episcopus S. S. S. Dei; ELDRADO Religioso Abbati sancti Vizeliacensis Cœnobii &c. *ut in Privilegio Marini Papa, usque ad hæc verba:* Non modo ibidem [ non ] denegamus fieri, verum etiam suademus &c. De cætero notum fieri volumus, quia devenerunt ad nos deprecatoriæ litteræ GERARDI Episcopi Augustodunensis Ecclesiæ, pro decimis quatuor Ecclesiarum, sancti videlicet Petri, & sancti Christophori, sanctique Germani, necnon sancti Leodegarii, quas ipse prædictus Abbas ab eodem Episcopo impetraverat, sicuti antecessores ejus ab Episcopis ipsius sedis per succedentia tempora ordinatis fecisse noscuntur, ut sub confirmatione nostri privilegii corroborarem, quod & fecimus, excommunicantes, ut nullus Augustodu-

nensis Ecclesiæ Episcopus aliquam calumniam Abbati ejusdem loci sive Monachis de ipsis inferat Ecclesiis, sive de decimis tam ipse quàm aliqua emissâ persona valeat minuere, aut in aliam transferre parochiam. Si quis verò Regum &c. *ut supra.*

Scriptum per manum STEPHANI Nolani Episcopi, & Scriniarii S. R. E. in mense Novembri Indict. II. Datum IV. Kal. Decemb. per manum Joannis Episcopi [ Bibliothecarii ] sanctæ sedis Apostolicæ anno I. Pontificatus Domini Benedicti Sanctissimi VI. Papæ Imperante Domino Ottone à Deo coronato magno Imperatore, anno VI. Indict. II.

*Privilegium BENEDICTI Papa VII.*

**B**ENEDICTUS Episcopus S. S. S. Dei, ELDRADO Religioso Abbati &c. *ut in præcedenti.*

Scriptum per manum BONIFACII Notarii Regionarii atque Scriniarii S. R. E. Datum II. Idus mense Decembrio per manum Joannis Episcopi: Deo propitio, imperante Domino piissimo Augusto Ottone à Deo coronato magno Imperatore anno VIII. in mense & Indictione IV.

*Privilegium JOANNIS Papa XV.*

**J**OANNIS Episc. S. S. S. Dei, Dilecto filio ELDRADO, &c. *ut supra* Indictione XIV.

*Privilegium SILVESTRI II. Papa.*

**S**ILVESTER Episcopus S. S. S. Dei Dilecto filio ROBERTO religioso Abbati sancti Vizeliac. Cœnobii, omnique Congregationi ejusdem Monasterii in perpetuum. Quoties illa à nobis tribui sperantur quæ rationi incunctanter conveniunt, animo nos decet libenter concedere, & petentium desiderii congruum impertire suffragium: atque ideo quia postulasti à nobis quatenus Privilegium sedis Apostolicæ Monasterio Vizeliaco, cui præesse dinosceris, quod constat olim à Gerardo nobilissimo & Christianissimo viro, necnon & Berthâ uxore ejus, in honore Domini & Salvatoris nostri JESU-CHRISTI, & veneratione beatissimæ MARIE Genetricis ejusdem Domini nostri, constructum in regno Burgundiæ in parochiâ Augustudunensi, in pago Avalensi; quodque à præfatis Fundatoribus B. Petro Apostolorum Principi liberali devotione, & testamenti paginâ collatum est, facere deberemus, veluti à prædecessoribus nostris piæ memoriæ Nicolao Papa atque Joanne jamdudum factum fuisse; inclinati precibus tuis libenter fieri decrevimus; per quod Apostolicæ auctoritatis Privilegium confirmamus atque statuimus, ut nulli Imperatorum, nulli unquam Regum, nulli Antistitum, nulli quâcumque prædito dignitate, nulli cuiquam alii de omnibus rebus mobilibus & immobilibus, quæ eidem Monasterio à jam dictis Fundatoribus, vel ab aliis quibuscumque personis collatæ & concessæ; vel in futurum à quolibet de proprio fuerint jure donatæ, sub cujuslibet causæ occasione sive specie liceat minuere vel auferre, neque suis usibus applicare: sed cuncta quæ ibi oblata sunt, vel offerri contigerit à præfatis XIV. Indictionis tempore illibata, & sine inquietudine, in sustentatione jam dicti Monasterii, & usibus Abbatis, & Monachorum sub Regulâ Patris Benedicti ibi Deo militantium, volumus atque præcipimus possideri; eâ videlicet conditione, ut nullus successorum nostrorum Pontificum in hac Sanctâ Sede, cui Deo auctore servimus, unquam vel usquam quiddam de ejusdem rebus cuiquam beneficiare, commutare, aut sub censu quolibet concedere per futura tempora patiat: sed censum tantummodo in testamento traditionis à Fundatoribus, qui ex eodem Monasterio hanc Sanctam Sedem Ro-

manam

manam hæredem fecerunt, etiam delegatum, unam videlicet libram argenti annis singulis successores nostri accipientes, piæ paternitatis suffragium eidem Monasterio, & tibi, successoribusque tuis ac Monachis sub jam dicti Patris regulâ ibidem degentibus, sollicitudine pastoralis vigilantè contrà omnes infestantes impendere studeant. Item constituimus, ut obeunte Abbate dicti Monasterii non alius ibi quâcumque obreptionis astutiâ ordinetur, nisi quem consensus Monachorum secundum timorem Dei, & institutionem regulæ B. Benedicti elegerit, & hujus Apostolicæ Sedis Pontifex providerit ordinandum. Unde constituimus, & Apostolicâ auctoritate censemus, atque per hoc nostrum Apostolicum Privilegium confirmamus, ut nullus Rex aut Pontifex, vel Abbas aut Comes, vel qualiscumque magna parvaque persona avaritiæ cupiditate corruptus, aut diabolicâ suggestionem deceptus audeat vel præsumat contrà tuum honorem, ô Venerabilis Roberte Abbas, qualicumque modo insurgere, vel in tuo loco aut de tuo honore molestias tibi inferre, vel de omnibus rebus Monasterii quæ tibi tuisque decessoribus à nobis nostrisque antecessoribus per paginam privilegii concessâ atque firmata sunt, aliquas invasiones, vel rapinas sive violentias inferre; si non vult auctoritate Dei, & S. Petri & nostrâ Apostolicâ excommunicatione, à corpore & sanguine Domini nostri JESU-CHRISTI, & ab ingressu Ecclesiæ noverit se esse disjunctum. Hoc quoque Capitulo præsentis subjungimus, ut locum avaritiæ secludamus, nulli unquam liceat de Regibus, nulli de Episcopis vel Sacerdotibus vel de quibuscumque fidelibus, per se suppositamve personam, de ordinatione ejusdem Abbatis, aut Clericorum vel Presbyterorum, aut de largitione chrismatis, vel de consecratione Basilicæ, vel de quibuscumque causis ad idem Monasterium pertinentibus audere in quâlibet specie exenii loco quidquam accipere, neque eundem Abbatem pro ordinatione suâ aliquid dare; neque Episcopus civitatis, ipsius parochiæ, nisi ab Abbate ipsius Monasterii invitatus ibidem publicas Missas agat, neque stationes in eodem Cœnobio indicat, ne fervorem Dei quies quocumque modo populari conventu valeat perturbari, neque mansionaticos exinde præsumat exigere. Susceptionem autem fidelium, aut religiosorum virorum atque beneficentiam, quam jubet Apostolus cunctis exhibendam, pro possibilitate loci & facultatum, non modo ibidem fieri denegamus; verum etiam suademus. Si quis verò Regum, &c. *ut in præcedenti.*

*Privilegium LEONIS IX. Papa.*

**L**EO Episcopus S. S. S. Dei, GAUFRIDO Abbati Vizeliacensis Cœnobii, quod est in honore Domini nostri JESU-CHRISTI, & veneratione ejusdem Genitricis, & BB. Apostolorum Petri & Pauli, & B. Mariæ Magdalene, ejusque successoribus in perpetuum. Quoniam postulastis à Romanâ sede, cui Deo auctore deservimus, vobis confirmari privilegia ab antecessoribus nostris vestræ Ecclesiæ collata, dignum duximus vestram petitionem adimplere. Proinde Monasterium prædictum in pago Avalensi in finibus Burgundiæ constructum, opibusque ditatum quorundam Sanctæ Ecclesiæ..., Privilegio nostræ Apostolicæ auctoritatis decreto indulgentes; vobis concedimus, confirmamus, corroboramus ut nulli Regum, nulli Antistitum, nulli quâcumque prædito dignitate, &c. *ut in præcedenti privilegio Stephani Papa. seu Joan. Papa VIII.*

Data V. Kal. Maii per manus Petri Diaconi, & Bibliothecarii Sanctæ Sedis Apostolicæ anno II. Domini Leonis IX. Papæ, Indict. III.

*Tom II.*

*Privilegium GREGORII VII. Papa.*

**G**REGORIUS Episcopus S. S. S. Dei, Dilecto in Christo filio BERNONI Abbati Vizeliacensis Cœnobii quod est in honore Domini nostri JESU-CHRISTI, & venerandæ ejus gloriosæ Genitricis, & BB. Apostolorum Petri & Pauli, & B. Mariæ Magdalene, in pago Avalensi, in finibus Burgundiæ constructum, & vestris successoribus in perpetuum, *Cetera desunt in Ms.*

*Privilegium PASCHALIS II. Papa.*

**P**ASCHALIS Episcopus S. S. S. Dei, Dilecto Fratri ALTARDO Abbati Vizel. Cœnobii, ejusque legitimis successoribus in perpetuum. Quia documentis &c. *Exstat hoc Privilegium in Notis V. C. Andrea Duchesne ad Bibliothecam Cluniac. pag. 133.*

*Epistola PASCHALIS Papa II.*

**P**ASCHALIS Episcopus S. S. S. Dei, Clericis, Militibus, & cæteris Laicis per Gallicanas Ecclesias, salutem & Apostolicam Benedictionem. Audivimus & vix credere potuimus, quod Confrater noster Eduensis Episcopus & Archidiaconi ejus vel Archipresbyteri, non justitiâ ducti sed æmulatione compulsi, vobis interdixerint Vizeliacense Cœnobium gratiâ devotionis adire, Ecclesiam introire, & ad Sepulcrum Beatæ Mariæ, quod in eadem Ecclesiâ celebratur, accedere, aut aliquas oblationes apponere. Nova profectò, nova hæc est interdictio Sacerdotum, cum ad devotionem vocare, non à devotione revocare sacerdotalis officii debitum videatur. Porro nos interdictum hoc Sacerdotali officio dissolventes, scire vos volumus, quia sive Episcopus, seu Ministri ejus nisi ab hac præsumptione destiterint, Apostolicæ sedis indignatione plectentur. Datum Laterani III. Kal. Novembris.

*Epist. II.*

**P**ASCHALIS Episcopus S. S. S. Dei Dilecto filio ROBERTO Vizeliacensi Abbati, Salutem & Apostolicam Benedictionem. Et divinarum & humanarum legum institutionibus edocemur, & ipsa etiam naturalis ratio nos exhortatur, ut non solum familiares & domesticos, sed universos quoque diligentes nos diligere debeamus. Quia ergo in Christo, fili carissime Roberte Abbas, dudum Romanæ Ecclesiæ familiaris ac domesticus comprobaris, & quia in ipso B. Petri allodio constitutus es, præcipuâ te dilectione complectimur & B. Petri munimine confovemus; interdiciamus enim, ut nullus omnino personam tuam, vel commissum tibi officium conturbare vel inquietare præsumat, sed quietè permaneat, ut liberè omnipotenti Deo debitum possis servitium exhibere. Si quis autem contrà ista præsumserit, Dei omnipotentis, & sedis Apostolicæ indignationem se noverit inventurum. Qui verò obediens & observator extiterit, Domini Dei nostri & Apostolorum ejus gratiam consequatur. Datum apud Transyberim VIII. Kalendas Novembris.

*Epist. III.*

**P**ASCHALIS Episcopus S. S. S. Dei, GUILLELMO Illustri viro Nivernensium Comiti, salutem & Apostolicam benedictionem. Non parva de te apud nos fama est, & nos ita credimus & credidimus, quodd Dei timorem habeas & amorem, quodd justitiâ diligas, & quodd in cæteris, sicut tantum decet virum, per Dei gratiam honestè te habeas. Moneamus igitur, ut vicinas tibi Ecclesias ab oppressioni-

S S I.

Solvit interdictum injustè ab Episc. Eduensi latum.

In suam tutelam accipit Rob. Abbat.

Monet Comitem ut molestiam Monachis Vizel. non afferat.

bus liberas facias, nec aliquas eis molestias irroges: illis maximè quæ ad B. Petri tutelam aut patrocini-  
nium pertinent, quemadmodum Vizeliacense Cœ-  
nobium; in quo exactiones aut usurpationes aliquas  
per te vel quorumlibet præsumptione institui omni-  
nò prohibemus, & interdiciamus: imò sicut à no-  
stris prædecessoribus Apostolicæ sedis Pontificibus  
sancitum est, nosque sancimus, ut idem Monaste-  
rium secundum Constitutionem testamenti nobilis  
memoriæ Gerardi Comitis, B. Petri jure quietum li-  
berumque dimittas. Alioquin B. Petrus adversum  
te dominii sui exeret ultionem, & nos locum nostrum  
Apostolicæ auctoritate tuebimur. Datum Præneste  
XII. Kal. Jan.

## Epist. IV.

Ut benevolos  
se exhibeant  
Episcopi erga  
Vizeliacenses,  
rogat.

**P**ASCHALIS Episcopus S. S. S. Dei, Venerabili-  
bus Fratribus & Coëpiscopis DAIMBERTO Se-  
nonensi, HUGONI Nivernensi, STEPHANO Eduensi,  
JOCERANNO Lingonensi, HUGONI Autissiodorensi,  
Salutem & Apostolicam benedictionem. Ex fundato-  
ris illustris memoriæ Gerardi Comitis oblatione Vize-  
liacense Monasterium B. Petri juris esse, vestra, ut  
credimus, notitia non ignorat. Verum quidam, si-  
cut accepimus, loco eidem exactiones imponere,  
& graves moluntur injurias irrogare. Rogamus er-  
go fraternitatem vestram, & monemus ut pro vestri  
officii debito locum ipsum protegere studeatis: & si  
quis ei molestias fecerit, ab Abbate vel Fratribus re-  
quisiti, ita inde justitiam faciatis, ut à B. Petro, &  
à nobis gratias habeatis. Datum Præneste XII. Kal.  
Januarii.

## Epist. V.

Abbatis in-  
terfectores  
præcipit in  
exilium pro-  
pulsari.

**P**ASCHALIS Episcopus S. S. S. Dei. Venerabilibus  
Fratribus Episcopis Galliarum, salutem & Apo-  
stolicam benedictionem. Sacerdotalis ordinis chari-  
tati vehementer indignum videtur, quoddam facinoro-  
sas personas quas pro criminibus suis persequi debe-  
retis, fovere dicimini. Interfectores enim Vizelia-  
censis Abbatis in quorundam vestrum parochiis li-  
center habitare dicuntur: unde fraternitatem ve-  
stram dignâ redargutione corripientes, præsentium  
literarum auctoritate præcipimus, ut eos qui Domi-  
num suum Presbyterum & Abbatem tam nequiter  
occiderunt, secundum dignum poenitentiae modum  
in exilium detrudatis: & si noluerint obedire, ex-  
communicationi subijcite, nec unquam vel Vizelia-  
censi Abbati, vel Præposito alicui facultas sit eis-  
dem homicidis, vel eorum heredibus, de his quæ ad  
Ecclesiam pertinent aliquid dimittere: eos verò quos  
hujus homicidii fuisse constat auctores, nisi dignam  
egerint poenitentiam, ab Ecclesiâ alienos efficite.  
Datum apud Guardastallum. VIII. Kalendis No-  
vembris.

## Innocentii Papa II. Epist. I.

Abbatem in-  
stituit.

**I**NNOCENTIUS Episcopus S. S. S. Dei, Venera-  
bili Fratri STEPHANO Eduensi Episcopo, Salu-  
tem & Apostolicam Benedictionem. Quemadmo-  
dum tua novit fraternitas, Vizeliac. Monasterium  
pro Pastoris absentia tam in temporalibus quàm in  
spiritualibus maximum sustinuit detrimentum. Ne  
igitur ipsum Monasterium propter hoc diutius fati-  
getur, dilectum filium nostrum Al. Supporem  
Cluniacensem ejusdem loci Monachis in Abbatem  
dedimus. Ideo fraternitati tuæ mandamus, quatenus  
ei vice nostrâ manum benedictionis imponas. Datum  
VI. Kal. Februarii.

## Epist. II.

**I**NNOCENTIUS Episcopus S. S. S. Dei, Venera-  
bili Fratri H. Eduensi Episcopo, salutem & Apo-  
stolicam benedictionem. Sicut tua novit Fraternitas  
Vizeliacum Monasterium cum omnibus appendiciis  
suis beati Petri juris existit, & ad ejus proprietatem  
& defensionem specialiter pertinet, unde tibi est in-  
juncta necessitas ipsum Monasterium, & Fratres ibi-  
dem Domino servientes defensare, & manutenere, & in  
suis oportunitatibus adjuvare. Quocirca per præsentia  
tibi scripta mandamus, & mandando præcipimus,  
quatenus dilectum nostrum P. Abbatem, & Fratres  
suos in nullo gravare vel infestare præsumas, & de  
parochianis tuis à quibus eorum querimoniam acce-  
peris, remotâ dilatione eis justitiam facias. Clericos  
verò eorum, quos contrâ tenorem privilegiorum se-  
dis Apostolicæ diceris ab ordinibus suspendisse, in  
officiis & ordinibus restituimus.

## Epist. III.

**I**NNOCENTIUS Episcopus S. S. S. Dei, Dilecto  
filio PONTIO Abbati Vizeliacensi, Salutem &  
Apostolicam benedictionem. Per alia tibi scripta  
mandasse meminimus, ut Stephano Autissiodorensi  
Canonico in præsentia Venerabilium Filium nostro-  
rum Godefridi Lingonensis Episcopi, & Bernardi  
Clarevallensis Abbatis, de querimoniâ suâ respon-  
deres, & quod ipsi exinde statuerunt, firmiter obser-  
vares. Verum quoniam literis & Nuntio tuo postea  
significasti illud, unde controversia agitur, Vizeliac.  
Ecclesiam jam per XXX. annos & eo amplius quie-  
tè tenuisse, & juxta antiquam Ecclesiæ tuæ consue-  
tudinem nulli in tuâ Curia te debere respondere,  
præter consuetudinem Ecclesiæ tuæ super hoc in-  
quietari nolumus, nec quod à beatæ recordationis  
Papa P. prædecessore nostro exinde statutum est,  
immutari. Datum Latera. II. Non. Maii.

## Epist. IV.

**I**NNOCENTIUS Episcopus S. S. S. Dei, Vene-  
rabilibus Fratribus GODEFRIDO Lingonensi Epi-  
scopo, & BERNARDO Clarevallensi Abbati, salutem  
& Apostolicam benedictionem. Per Apostolica vo-  
bis scripta mandasse meminimus, ut querimoniam  
Stephani Autissiodorensis Canonici adversus dile-  
ctum filium nostrum Pontium Abbatem Vizeliaci  
audiretis, & sine debito terminaretis. Verum quia  
idem Abbas literis & Nuntio suo postea nobis signi-  
ficavit, illud unde controversia agitur, Vizeliacen-  
sem Ecclesiam jam per XXX. annos, & eo amplius,  
quietè tenuisse, &c: ut supra.

## Lucii Papa Epistola I.

**L**UCIUS Episcopus S. S. S. Dei. Dilecto filio  
Abbati S. Germani Autissiodorensis, Salutem &  
Apostolicam benedictionem. Dilectus filius noster  
Pontius Vizeliacensis Abbas ad præsentiam veniens,  
questus est quoddam in quodam nemore tibi & ipsi com-  
muni homines suos capi feceris, & servientibus Co-  
mitis Nivernensis incarcerationes tradideris: quos  
cum à te requisisset; & habere non posset, pro eo-  
rum liberatione tibi fidejussores dedit, & textum  
Evangelii tradidit: quod quia contrâ religionem &  
fraternæ charitatis vinculum factum fuisse cognosci-  
tur, per præsentia tibi scripta mandamus, quatenus  
dilatione remotâ, & textum Evangeliorum tam in-  
ordinatè susceptum ei restituas, & fidejussores suos  
absolvas: postmodum verò, si quam adversus ipsum  
te confidis habere justitiam, in præsentia Venerabi-  
lis Fratris nostri Godefridi Lingonensis Episcopi quod  
justitia dictaverit, obtineat; ea quoque quæ Gui-

Abbati man-  
dat ut Eccle-  
siæ Vizeliac.  
servet con-  
suetudines.

Ejusdem ar-  
gumenti.

Ejusdem ar-  
gumenti.

Juber servum  
in carceratum  
Mon. Vizeli-  
ac. Abbas Autis-  
siodor. libe-  
ret.



berto fervienti tuo ob malivolentiam ipsius abstulisti, ei restituas. Datum Later. XI. Kalend. Aprilis.

*Epist. II.*

**L**UCIUS Episcopus S. S. S. Dei. Dilectis filiis **PONTIO** Abbati Vizeliacensi ejusque Fratribus, salutem & Apostolicam benedictionem. Prædecessor noster felicis recordationis Paschalis, sicut ex scriptis ipsius intelleximus, Episcopis per Galliam præcipiendo mandavit, ut interfectores Abbatibus Artaldi Vizeliacensis, quia Dominum suum & Presbyterum & Abbatem tam nequiter occiderunt, secundum poenitentiam dignum modum in exilium detruderent, & si obedire nollent, eos excommunicationi subicerent. Prohibuit etiam ut nunquam Vizeliacensi Abbati vel Præposito alicui facultas sit eisdem homicidas in eodem Monasterio ad habitandum suscipere. Nos itaque præceptum confirmantes ipsius super hoc, Apostolicâ auctoritate prohibemus, ut nec ipsi vel eorum heredes, nominatim Stephanus Altiſſiodorensis Clericus, qui cum te, dilecte in Domino fili Abbas, in præsentia Venerabilium Fratrum nostrorum Godefridi Lingonensis Episcopi & Bernardi Clarevallensis Abbatis super hoc in causam traxisset, eorum judicio sicut accepimus, à causâ deciderit, Monasterium ipsum ulterius inquietare præsumant interdiciamus. Et ne cui Abbati vel Præposito eos in Vizeliacensi Burgo de cætero ad habitandum suscipere liceat, prohibemus. Datum Lateran. VI. Idus April.

*Epist. III.*

**L**UCIUS Episcopus S. S. S. Dei, Dilecto in Christo filio **G.** Comiti Nivernensi, salutem & Apostolicam benedictionem. Ad Nobilitatem tuam pertinet venerabilia loca cum ipsis personis divino famulatu mancipatis diligere & fovere, & suam eis justitiam conservare. Ideoque per Apostolica scripta Nobilitati tuæ mandamus, atque in peccatorum tuorum remissionem injungimus, quatenus antiquam stratam, quam de Vizeliaco diceris abstulisse & aliàs divertisse, ad prædictum locum restituas. Datum XI. Kal. Junii.

*Epist. IV.*

**L**UCIUS Episcopus S. S. S. Dei, Carissimo in Christo filio **BERNARDO** Clarevallensi Abbati, salutem & Apostolicam benedictionem. Dilectionem tuam ignorare non credimus, quod Vizeliac. Monasterium beati Petri juris existit, & ad ejus proprietatem & defensionem specialiter pertinet. Nunc autem, sicut accepimus, **G.** Nivernensis Comes contra justitiam & sedis Apostolicæ auctoritatem à dilecto filio Pontio ipsius loci Abbate violenter exigit, ut de quolibet querimonia in personâ suâ cum hominibus suis in Curia suâ respondeat. Quod quidem nec ipse Abbas nec prædecessores sui hætenus fecisse noscuntur. Ideoque per Apostolica tibi scripta mandamus, quatenus eundem Comitem ex nostrâ parte diligenter commoneas, ut pro beati Petri reverentiâ ejus juris idem Monasterium esse dinoscitur, ab hujusmodi exactione desistat, aut in præsentia Venerabilium Fratrum nostrorum **A.** Hostiensis, & **I.** Tuscul. Episcoporum Apostolicæ sedis Legatorum, juxta tenorem sedis Apostolicæ privilegiorum quod justitia dictaverit, ab eodem Abbate recipiat: quod si hoc recipere noluerit, ipsum Monasterium tam injuste opprimi pati non poterimus, & quod nostri interest officii, auctore Domino faciemus. Datum Lateran. XIII. Kalend. Decembris.

*Tom. II.*

*Eugenii Papa II. Epistola I.*

**E**UGENIUS Episcopus S. S. S. Dei, Dilecto filio **GUILLELMO** Nivernensi Comiti, salutem & Apostolicam benedictionem. Venerabilia loca, & religiosæ personæ, quæ suam in Dei obsequio intentionem fixerunt, nullis debent gravaminibus concuti, nullis molestiis agitari. Accepimus autem, unde valde miramur, quod dilectos filios nostros Pontium Abbatem & Fratres Vizeliacensis Monasterii, atque ipsorum Burgenſes, contra Privilegiorum Apostolicæ sedis statuta, pro faciendâ seu recipiendâ justitiâ extrâ Vizeliacum exire compellas. Quod tanto gravius ferimus, quanto Monasterium ipsum ad sedem Apostolicam specialius pertinet, & ad ejus defensionem & patrocinium propriè spectare videtur. Te ergo indignum est, & ab industriâ Catholicorum Principum penitus alienum, ut sacrosanctæ Romanæ Ecclesiæ statuta temerè ab aliquo dissolvantur, cujus privilegia divinitus radicata evelli nullatenus possunt. Per præsentia scripta Nobilitati tuæ mandamus, quatenus de cætero neque Abbatem, neque Monachos prædicti Monasterii, sine ipsorum Burgenſes, pro supradictis causis extrâ Vizeliacum egredi cogas; quod si monitis & mandatis nostris obedire neglexeris, dissimulare non poterimus quin beati Petri injuriam pro nostri officii debito vindicemus.

*Epist. II.*

**E**UGENIUS Episcopus S. S. S. Dei Dilecto filio nobili viro **GUILLELMO** Nivernensi, Comiti salutem & Apostolicam benedictionem. Quanta devotione pater tuus Apostolicæ sedi semper adhæserit, & quæ ad eam pertinere noverat, quam studiosè dilexerit, & fovere ac manutenere curaverit, notitiam tuam latere non debet. Propterea **B.** Petrus eum, dum vixit, honoravit, provexit, & ampliavit terris, atque circâ finem hujus labentis vitæ in consortio Sanctorum virorum susceptum, reſeratis ei regni cœlestis januis, cum sanctis agminibus in æterno palatio feliciter, sicut credimus, collocavit. Prædecessores etiam nostri ipsum affectione debitâ dilexerunt, & in suis necessitatibus efficaciter adjuverunt; nos quoque temporibus nostris personam & domum tuam, sicut specialem **B.** Petri familiam paternâ benignitate dileximus, honoravimus, & semper idipsum facere, ductore Deo, præoptamus; si tu parentum vestigiis inhærendo, matrem tuam sanctam Romanam Ecclesiam filiali devotione amaveris, & quæ ad eam pertinent fovere, ac manutenere curaveris. Miramur autem quod sicut ex questione dilecti filii nostri Pontii Vizeliac. Abbatibus didicimus, antiquam libertatem ipsius Monasterii, quod utique ad proprium jus **B.** Petri ab ipso suæ foundationis exordio indubitanter noscitur pertinere, conaris infringere, & novas consuetudines, atque indebitas exactiones eidem filio nostro Abbati moliris imponere; non considerans tantorum & tam sanctorum Apostolicorum anathematis sententiam, quæ sicut in eorum privilegiis declaratur, in perturbatores ejusdem Cœnobii promulgata esse dinoscitur. Quia ergo locus ipse sub **B.** Petri tutelâ, & nostrâ defensione specialiter consistere cernitur, & diminutionem libertatis seu immunitatis ipsius pati nec possumus nec debemus; per præsentia scripta nobilitati tuæ mandamus, quatenus ipsum Monasterium in suâ libertate dimittas, & ab infestatione prædicti filii nostri Pontii ejusdem loci Abbatis pro **B.** Petri, & nostrâ reverentiâ omninò abſtineas. Quod si ab impetitione tuâ cessare nolueris, nos quantum æqui-

Comitem monet ut jura Vizeliac. ultra non usurpet.

Obſervat Comit. patris pietatem & erga Sedem Apost. devotionem, quod illum deterreat ab infestatione Vizeliac. Mon.

Exulare vult interfectores Artaldi, Abb.

Hortatur Comitem ut stratam Vizeliac. restituat.

Scribit Bernardo ut Comitem ad bonam frugem reducere cœnetur.

tatis jus exigit, tibi offerimus, & in præsentia dilecti filii nostri I. Apostolicæ sedis Legati, qui per partes illas præstante Domino est in proximo rediturus, memoratum filium nostrum P. Abbatem super causâ ipsâ tecum stare ad justitiam volumus, vel si forte idem Legatus nimium, quod minimè credimus, redditum suum distulerit, in conspectu venerabilium Fratrum nostrorum S. Remensis Archiepiscopi, G. Lingonensis Episcopi, atque carissimi filii nostri B. Clarevallensis Abbatis, idem negotium discuti volumus, & mediante justitiâ diffiniri: si verò neque hoc facere, neque ab infestatione ipsius Abbatis, & Fratrum inibi Domino militantium cessare nolueris, tolerare non poterimus quin B. Petri patrimonium tueamur, & ab indebita oppressione tuâ præfatum Monasterium tam per nos, quàm per fideles Ecclesiæ liberemus.

*Epist. III.*

Ut Comitem  
coerceat Re-  
gem adhor-  
tatur.

**E**UGENIUS Episcopus S. S. S. Dei, Carissimo in Christo filio LUDOVICO Illustri Francorum Regi, salutem & Apostolicam benedictionem. Summum in Regibus bonum est justitiam colere, Dei Ecclesias in suo jure devotione debitâ custodire atque diligere, & in subjectos non sinere quod potestatis est fieri, sed quod æquum est custodiri. Monasterium Vizeliac. quàm propriè, quàm specialiter à suæ foundationis exordio ad Apostolicam sedem pertineat, & quantâ curâ in suæ libertatis & immunitatis integritate à Romanorum Pontificibus, sive Regibus, & aliis Principibus eidem loco indultæ, usque ad tempora nostra per studium & exactam diligentiam prædecessorum nostrorum, & parentum tuorum custoditum sit, ejusdem loci status incolumis evidenter ostendit, & tam vicini quàm longè positi recognoscunt. Nunc autem Nobilis vir G. Nivernensium Comes à vestigiis parentum suorum declinans, libertatem ipsius conatur infringere, & novas consuetudines atque indebitas exactiones dilecto filio nostro Pontio ejusdem loci Abbati molitur imponere, non attendens anathematis sententiam quæ in perturbatores, seu infestatores ejusdem Cœnobii à tot & tam sanctis Pontificibus Romanis, sicut in eorum privilegiis declaratur, promulgata esse dinoscitur. Quia ergo locus ipse juris B. Petri, & sub ejus tutelâ, & nostrâ defensione indubitanter consistere cernitur, atque diminutionem ipsius justitiæ pati non possumus nec debemus, per Apostolica scripta Nobilitati tuæ mandamus, quatenus prædictum Comitem ab inquietatione ipsius Monasterii desistere facias, & in suâ libertate dimittere. Quod si ab impetitione suâ cessare noluerit, nos quantum æquitatis jus exigit ei offerimus, & in præsentia dilecti filii nostri I. Apostolicæ sedis Legati, qui per partes illas præstante Domino est in proximo rediturus, memoratum filium nostrum Pontium Abbatem super causâ ipsâ stare ad justitiam volumus. Vel si forte idem Legatus nimium, quod minimè credimus, redditum suum distulerit, in conspectu venerabilium Fratrum nostrorum S. Remensis Archiepiscopi, G. Lingonensis Episcopi, atque carissimi filii nostri B. Clarevallensis Abbatis, idem negotium discuti volumus, & mediante justitiâ diffiniri. Si verò antedictus Comes neque hoc facere, neque ab infestatione ipsius Abbatis & Fratrum inibi Deo militantium cessare noluerit, nobis necessitas imminet, ut B. Petri patrimonium tueamur, & ab indebita oppressione ipsius Comitis antefatum Monasterium tam per nos, quàm per fideles Ecclesiæ liberemus. Ideoque quoniam per excellentiorem ac devotiorem Ecclesiæ fidelem ac defensorem non possumus, tuæ indultriæ studium rogando attentius incitamus, ut

ipsum Comitem à tantâ præsumptione firmiter revoces & omninò prohibeas.

*Epist. IV.*

**E**UGENIUS Episcopus S. S. S. Dei, Carissimo in Christo filio LUDOVICO Francorum Regi salutem & Apostolicam benedictionem. Pro sinceri amoris & paternæ affectionis prærogativâ, literis & vivâ voce tibi frequenter ostendimus, si aliquando super aliquibus causis strenuitatem tuam nos rogare contingat, nostras, imò B. Petri preces in nobis debes attentius exaudire; sed cum pro vexatione, quam Nivernensium Comes Vizeliac. Monasterio contra Deum & omnem justitiam præsumptione tyrannicâ inferre dinoscitur, Nobilitati tuæ scripserimus, postmodum vehementius & atrocius quàm antea ipsum monasterium oppressit, afflixit, & cum perfidis Burgensibus ipsius loci non destitit impugnare, & proprium alodium ac patrimonium ejusdem Apostolorum Principis, licet in vanum, conatur auferre. Quare autem hoc contigerit, sive quia juxta mandatum nostrum prædictum Comitem à tantâ præsumptione nolueris sive neglexeris cohibere, sive idem Comes commonitionem & potestatis tuæ dominium parvipenderit, ignoramus. Et quoniam tam immoderatam nequitiam dissimulare impunitam non possumus, nec debemus; Nobilitati tuæ per iterata scripta mandamus, atque attentius exoramus, quatenus antedictum Comitem districtè commoneas, ut damna, quæ memorato Monasterio intulisse dinoscitur, in integrum emendet, & locum ipsum in pace ac libertate suâ dimittat. Quod si aliquam in eodem Monasterio justitiam se habere confidit, nos quod justum fuerit, ei faciemus postmodum exhibere. Si verò in suâ pertinaciâ induratus, hoc effectui mancipare contemserit, nos in personam ejus ac Burgensium de Vizeliaco excommunicationis sententiam sine appellationis remedio proferri præcipimus, & in totâ terrâ ipsius, præter baptisterium puerorum, & morientium poenitentias, omnia divina officia prohiberi. Quocirca præsentium auctoritate mandamus, ut ex tunc ab eo tamquam ab excommunicato abstineas & Burgenses ipsos ab omnibus feriis regni tui sub banno tuo penitus prohibens, à quibuscumque inveniri potuerint capi, & rebus suis spoliari sicut perjuros & Ecclesiæ turbatores justitiæ zelo præcipias.

*Epist. V.*

**E**UGENIUS Episcopus S. S. S. Dei, Venerabilibus Fratribus HUGONI Altiissiod. & G. Lingonens. Episcopis, & Carissimo filio B. Clareval. Abbati salutem & apostolicam benedictionem. Apostolicæ sedis administratio, cui licet immeriti deservimus, facit nos universis Ecclesiis debitores, & quemadmodum de earum pace & tranquillitate gaudemus, ita si qui eas indebitis molestiis & fatigationibus inquietant, paterno affectu dolemus, & eis tam per nos ipsos, quàm per Fratres nostros benignè providere solliciti sumus. Accepimus autem quod venerabile Monasterium Sanctæ Mariæ de Vizeliaco filius noster W. Nivernensium Comes contra justitiam & antiquam consuetudinem gravare contendat, cum dilectos filios nostros Pontium Abbatem, & Fratres ipsius loci, atque eorum Burgenses, extrâ villam Vizeliac. pro faciendis seu recipiendis justitiis contra privilegiorum Apostolicæ sedis statuta exire cōstringat. Quia ergo Monasterium ipsum B. Petri juris est, & sub sanctæ Romanæ Ecclesiæ patrocinio & defensione consistit, in suâ ei justitiâ nec possumus deesse nec debemus. Ideoque per præsentia scripta vobis mandamus, quatenus eundem Comi-

Idem scribit,  
asseritque Co-  
mitem excom-  
municaturum  
nisi resipiscat.

Commoneant  
Comitem ut  
Vizeliacenses  
non pertur-  
bet.

tem ex nostrâ parte districtius commonere curetis, ut de cætero neque Abbatem, neque Monachos neque Burgeneses pro huiusmodi causis prædictam villam egredi cogat. Quod si facere attentaverit, dissimulare non poterimus quin B. Petri injuriam districtius ulciscamur.

*Epist. VI.*

**E**UGENIUS Episcopus S. S. S. Dei; Dilecto in Christo filio nobili viro ODONI Burgundie Duci salutem & Apostolicam benedictionem. Ad industriam Catholicorum Principum spectare dinoscitur venerabilia & Deo dicata loca affectione debita fovere, & à pravorum hominum incursumus defendere. Vizeliacense Monasterium B. Mariæ Magdalenæ quàm propriè, quàm specialiter ad jus B. Petri pertineat, & quod à suæ foundationis exordio sub Apostolicæ Sedis tutelâ commissum sit, tam vicini quàm longè positi recognoscunt. Ideoque de tuâ nobilitate plurimum confidentes, idem Monasterium, & quæ ad ipsum pertinent, strenuitati tuæ duximus attentius commendandum; per præsentia scripta rogantes, quatenus locum ipsum devotionis intuitu diligas, protegas, & ab eorum infestationibus, qui antiquam ejus libertatem nituntur infringere vel turbare, pro beati Petri & nostrâ reverentiâ manuteneas & defendas. Idem scribimus Archimbaldode Burbone, & Comiti Theobaldo.

**A**LBERICUS Dei gratiâ Hostiensis Episcopus, sedis Apostolicæ Legatus, Venerabili fratri PONTIO Vizeliac. Abbati, salutem & dilectionem. Scire volumus fraternitatem vestram quia Comiti Nivernensi studiosè pro vobis scripsimus. Quod si eum in pertinaciâ suâ manere videritis, aliud vobis consilium non damus præter illud quod jam vobis semel & secundò dedimus, ut videlicet contrâ Romanorum Pontificum privilegia, seu Ecclesiæ vestræ libertatem nihil facere incipiat.

*Epist. VII.*

**E**UGENIUS Episcopus S. S. S. Dei; Venerabili fratri G. Lingonensi Episcopo, salutem & Apostolicam benedictionem. Savitiam & tyrannidem, quam Nivernensis Comes in Vizeliac. Monasterium Dei timore postposito exercere non veretur, tanto tibi plus notam esse credimus, quanto ei vicinior esse dinosceris. Quia ergo idem Cœnobium à primâ sui fundatione proprium alodium ac patrimonium B. Petri esse dinoscitur, ipsius destructionem pati non possumus; nec debemus. Et quia de religionis tuæ prudentiâ valdè confidimus, per præsentia tibi scripta mandamus, quatenus prædictum Comitem districtè sine longâ dilatione convenias, ut damna quæ ipsi Monasterio intulit in integrum restituat, & locum ipsum in suâ pace ac libertate dimittat. Quod si infra xxx. dies post tuam commonitionem adimplere neglexerit, ad locum unde ad ipsius Comitis notitiam pervenire possit, accedas, & congregatis religiosiis & prudentibus viris, accensis candelis in Ecclesiâ, & in personam ejus, atque perfidorum Burgensium de Vizeliaco auctoritate nostrâ excommunicationis sententiam absque appellationis remedio proferas, & in totâ terrâ ejus præter baptismum parvulorum, & pœnitentiam morientium, omnia divina officia prohibeas celebrari: adjicientes ut sententiam ipsam venerabilibus Fratribus nostris Archiepiscopis P. Bituricensi & Hu. Senonensi & G. Nivernensi, & He. Eduensi, & He. Trecenti & A. Altissiod. Episcopis per tuas litteras ex parte nostrâ firmiter observandam denuncies. Nos siquidem per alia eis scripta mandavimus, ut eandem sententiam

post tuam denuntiationem per suas parochias inviolabiliter faciant observari. Litteras verò quas prædictis Fratribus nostris Eduensi, Nivernensi & Altissiodorensi misimus, per tuos eis Nuntios facias præsentari.

*Epist. VIII.*

**E**UGENIUS Episcopus S. S. S. Dei; Venerabilibus Fratribus nostris Hug. Senonensi Archiepiscopo, G. Lingonensi, T. Parisiac. & He. Trecenti, Episcopis, salutem & Apostolicam benedictionem. Immoderatam præsumptionem & intolerabilem contumaciam perfidorum Burgensium de Vizeliaco, qui violatâ fidelitate & juramento quod Abbati & Domino suo fecerant, eum de Monasterio suo ausu nefario ejicere, & locum ipsum, quod utique ab exordio suæ foundationis proprium B. Petri alodium esse dinoscitur ac patrimonium, nobis licet in vanum auferre conantur, Fraternitatis vestræ notitiam latere non credimus. Ne igitur tantæ præsumptionis audacia impunita remaneat, & in pejus indisciplina perniciosa prorumpat; per præsentia vobis scripta mandamus, quatenus prædictos Burgeneses tamquam perjuros & proditores & excommunicatos, in nundinis & mercatis vestrarum parochiarum recipi omnino prohibeatis; imò à quibuscumque parochianorum vestrorum inveniri potuerint, capi & rebus suis spoliari præcipiatis. Datum Romæ apud S. Petrum XIII. Kal. Januarii.

*Epist. IX.*

**E**UGENIUS Episcopus Servus Servorum Dei, Dilectis filiis nobilibus viris ODONI Duci Burgundie, He. Comiti, Ar. de Bobone, G. Comiti Cabilon. R. fratri Ducis, R. Comiti de Joviniaco, G. de Donzeio, R. de Rubeomonte, D. de Luziaco, A. de Monte Regali, S. Vicecomiti Senon & filiis ejus, G. atque B. G. Vicecomiti Castrilandonis, G. de Virgiaco, O. de Tylo, Hu. de Monte S. Joannis, salutem & Apostolicam benedictionem. Immoderatam præsumptionem, & intolerabilem contumaciam perfidorum Burgensium de Vizeliaco, qui violatâ fidelitate & juramento quod Abbati & Domino suo fecerant, eum de Monasterio suo ausu nefario ejicere, & locum ipsum, quod utique ab exordio suæ foundationis B. Petri alodium ac patrimonium esse dinoscitur, nobis, licet in vanum, auferre conantur, Nobilitatis vestræ notitiam latere non credimus. Quia ergo tantæ præsumptionis audaciam potentes ac nobiles viri, qui eidem Apostolorum Principi devoti existunt, impunitam tolerare non debent, per præsentia scripta Nobilitati vestræ mandamus, quatenus prædictos Burgeneses, donec resipuerint, & condignam satisfactionem humiliter exhibuerint, ab omnibus feriis terræ vestræ prorsus inhibeatis: imò quoscumque de ipsis homines vestri forte invenerint, tanquam perjuros & proditores & excommunicatos capi, & rebus suis spoliari præcipiatis. Datum Romæ apud S. Petrum XIV. Kal. Januarii.

*Epist. X.*

**E**UGENIUS Episcopus S. S. S. Dei Venerabili Fratri Eduensi Episcopo, Salutem & Apostolicam benedictionem. Apostolicæ sedis clementia singulis Ecclesiis & Personis Ecclesiasticis suam dignitatem & justitiam servare consuevit. Unde nos, quorum præcipuè interest Ecclesiarum omnium curam gere, pro Vizeliacensi Monasterio quod beati Petri juris existit, & Fratribus religiosiis ipsius loci oportet esse sollicitos, pro quibus sicut credimus, tibi scripta nostra transmissimus, ut eosdem Fratres juxta

Excommunicatos Burgeneses Vizeliaci Episcopi in suis ditionibus vertari non fiant.

Eodem argumento scribit ad Ducem Burgundie & alios nobiles viros.

Vult ut Episc. bona ablata Burgensium Vizeliac. restituat.

Commendat Duci Burg. Vizeliacense Monasteriū.

Legatus Abbatem forti sit animo exhortatur.

Mandat Episcopo Lingon. post monitionem si Comes non resipiscat, excommunicatum denunciet.

Idem scripsit Archiepiscopo Bituric. & aliis Episcopis.

officium tuum & potentiam à Deo tibi concessam à pravorum hominum incurlibus defensares. Quo contrà gravis ad nos querela pervenit, quòd hominibus & servientibus tuis Monasterium ipsum multis modis infestare permittis. Ipsi namque, sicut accepimus, equos & boves eorum per violentiam auferunt, & homines ipsorum cum rebus suis & trofellis, & aliis rebus capiunt; & alia plurima damna & injurias inferunt. Dux etiam Burgundiæ frater tuus ad similitudinem hostium, quibus prælum indicitur, eisdem Fratribus à se custodiri mandavit, & homines & res eorum apprehendi & detineri jussit. Quia igitur unicuique volumus sua jura servari, præfenti tibi annotatione mandamus, quatenus prædictis Fratribus ablata ab hominibus tuis facias cum integritate restitui, & de damnis & illatis injuriis satisfactionem congruam exhiberi. Si verò aliquam justitiam contrà ipsos te habere confidis super pecuniaria causa, in præfenti venerabilis Fratris nostri Hugonis Altissiodorensis Episcopi quod justum fuerit poteris obtinere. Quocirca si ab eodem Fratre nostro fueris evocatus, ejus præfentiam adeas; & quod ipse exinde inter vos judicaverit, suscipias firmiter & observes. Cæterum si de statu Monasterii controversia agitur, volumus eam in nostrâ præfentiâ pertractari.

*Epist. XI.*

**E**UGENIUS Episcopus S. S. S. Dei: Dilecto Filio Nobili viro Duci Burgundiæ, Salutem. Quando divinæ dispositionis clementia majora tibi concessit, & te amplius in sublimem provexit, tanto magis Ecclesias & Ecclesiasticas personas & pauperes Christi debes diligere, & eos attentâ sollicitudine à pravorum hominum incurlibus defensare. Sed sicut accepimus, unde valde dolemus, contraria operaris. Dilectos siquidem filios nostros Vizeliacensis Monasterii Fratres duris vexationibus inquietas, & homines eorum cum rebus suis capi jussit; eisdem quoque fratres more hostium per tuum Nuntium diffidit. Nos siquidem de te talia minimè sperabamus. Quia igitur hæc fieri in perniciem animæ tuæ manifeste cognoscimus, & Monasterio quod beati Petri juris exilit deesse non possumus nec debemus, per præfentia tibi scripta mandamus, quatenus prædictis Fratribus de damnis & illatis injuriis condignè satisfacias, & de cætero eis nulla gravamina inferas, imò tamquam Ecclesiæ Catholicæ devotus filius, & justitiæ amator, eisdem Fratribus, & aliis Religiosis viris, & Ecclesiasticis personis in suis necessitatibus itudeas subvenire. Si verò contrà eisdem Fratres aliquam quæstionem habere confidis, in præfentiâ Venerabilis Fratris nostri Hugonis Altissiodorensis Episcopi quod justitia dictaverit poteris obtinere. Cum igitur ab eo fueris evocatus, ejus præfentiam adeas, & quod ipse inter vos judicaverit, firmiter suscipias & observes. Verum si nostris mandatis obedire contemseris, manus beati Petri in te proculdubio extendetur. Datum Signiæ IX. Kal. Novembris.

*Epist. XII.*

Judicem constituit Episc. Autissiod. in causâ Episc. Edu. & Vizel.

**E**UGENIUS Episcopus S. S. S. Dei, Venerabili Fratri HUGONI Episcopo Altissiodorensi, Salutem. Venerabili Fratri nostro Eduensi Episcopo, qui per homines suos Vizeliacensis Monasterii Fratribus multa mala dicitur intulisse, per scripta nostra mandavimus, quatenus ablata sibi & hominibus suis faciat cum integritate restitui, & condignam satisfactionem de damnis & illatis injuriis exhiberi: si verò aliquam justitiam contrà eisdem Fratres super pecuniaria causa se habere confidit, eundem Fratrem

quod justum est in tuâ præfentiâ volumus obtinere. Per præfentia igitur scripta discretioni tuæ mandamus, quatenus si agere voluerit, utramque partem congruo loco & tempore ad tuam audientiam convocet, & causâ examinatâ & cognitâ, inter eos mediâ æquitate diffinias.

*Epist. XIII.*

**E**UGENIUS Episcopus S. S. S. Dei, Dilecto filio PONTIO Vizeliacensi Abbati, Salutem & Apostolicam benedictionem. Quid Venerabili Fratri nostro Eduensi Episcopo, & nobili viro Duci Burgundiæ Fratri ejus pro negotio vestro per scripta nostra mandavimus, ex transcripto litterarum poteris apertè videre. Si ergo prædictus Episcopus & Dux voluerint te super pecuniaria causâ coram venerabili Fratre nostro Hugone Altissiodorensis Episcopo convenire, cum ab eo fueris evocatus, ejus præfentiam adeas, & quod ipse inter vos constituerit, audias & observes. Cæterum si de statu Monasterii Episcopus Eduensis agere voluerit, controversiam ipsam in nostrâ præfentiâ volumus agitari. Datum Signiæ IX. Kal. Novembris.

*Epist. XIV.*

**E**UGENIUS Episcopus S. S. S. Dei, Dilecto filio O: Burgundiæ Duci, salutem & Apostolicam benedictionem. Cum omnis potestas à Domino Deo sit, terreni Principes, & populi mundiani Rectores quæ ad honorem Dei spectare cognoverint, debent propensius operari: quo contrà adversus personam tuam querelam accepimus: Significatum namque nobis est, quòd Ecclesiam sanctæ Mariæ Magdalene, & ejus homines inquietas multipliciter & infestas, quod tanto gravius ferimus, quanto personam tuam propensiori charitate diligimus, & salutem tuam debitis affectionibus præoptamus. Ideoque per præfentia tibi scripta mandamus, quatenus memoratam Ecclesiam & ejus homines infestare de cætero non præsumas, ne iteratus clamor ad nostras aures debeat pervenire. Datum Remis III. Non. Aprilis.

*Epist. XV.*

**E**UGENIUS Episcopus S. S. S. Dei, Dilecto filio PONTIO Vizeliacensi Abbati, Salutem & Apostolicam benedictionem. Veniens ad præfentiam nostram venerabilis Frater noster He. Eduensis Episcopus, adversum te in conspectu nostro & Fratrum nostrorum, præfente quoque Confratre tuo quem ad nos destinaveras, suam querelam deposuit, quod quadam quæ in Monasterio tuo Ecclesia sua ulque ad hæc tempora pacifice habuit, ei contrà justitiam auferre moliris, & vivâ voce responderis quòd pro eo nihil penitus faceres. Quia igitur ad nostrum officium potissimum spectat Fratrum scandala de medio tollere, & cuique suam justitiam conservare, per præfentia tibi scripta mandamus, quatenus proximis octavis beati Martini, nisi forte cum eodem Fratre nostro interim concordaveris, per te ipsum, vel per sufficientes responsales tuos cum munimentis Monasterii tui, maxime cum Instrumento Fundatoris, ad nostram præfentiam venias, super his respondere paratus. Nihilominus quoque sollicitudini tuæ mandamus, ut in præfentiâ Venerabilis Fratris nostri Hugonis Altissiodorensis Episcopi de his quæ tu & homines tui ei ab hominibus suis injuste tenetis, justitiam facias: quoniam eidem Fratri nostro Eduensi Episcopo eodem modo præcepimus, ut ex his quæ homines sui tuis hominibus abstulerunt, in ejusdem præfentiâ justitiam pariter faciat. Interim verò ex his quæ possidet, nullam sibi volumus

Certiorem, facit Abbatem de Episc. Autiss. Judice à se constituto.

Dux destinat. Vizeliac. Conobium divexare.

Vult ut coram se vel Episc. Autiss. dirimantur controversiæ Vizel. inter & Ep. Eduens.



molestiam irrogari. Datum Ferentini VII. Kalend. Martii.

*Epist. XVI.*

Episcopo Lingon. & Abbatibus mandat ut quod testes deposuerint ad ipsum referant.

**EUGENIUS** Episcopus S. S. S. Dei, Venerabili Fratri G. Lingonensi Episcopo, & dilectis filiis S. Regniac. & P. Trinorcienfi Abbatibus, Salutem & Apostolicam benedictionem. Causa quæ inter Venerabilem Fratrem nostrum He. Eduensem Episcopum & dilectum filium nostrum P. Vizeliacensem Abbatem agitur, non potuit in præsentia nostrâ iudicio terminari; quoniam idem Frater noster quosdam se testes habere dicebat, qui senio vel languore confecti suam nobis præsentiam nequeunt exhibere. Quia igitur de vestra prudentiâ valde confidimus, & per hoc causam ipsam nolumus sine debito defraudari; per præsentiam vobis scripta mandamus, quatenus ab alterutrâ partium requisiti in unum convenientes ad locum, in quo testes suam vobis præsentiam exhibere valeant, accedatis, & juramento ab eis suscepto quidquid super eadem causâ testificati fuerint in scripturâ seriem fideliter redigatis; in scripturâ redactum, ac sigillorum vestrorum impressione signatum, & cum ad causam jam dictus Frater noster redire voluerit, ad nostram præsentiam transmittatis. Forma verò Juramenti hæc erit: *Ego ille juro quoniam quidquid veritatis scio super causâ, qua inter Hen. Eduensem Episcopum & P. Vizeliacensem Abbatem agitur, vobis aperiam: falsitatem penitus reticeo.* Datum Signiæ IV. Kal. Februarii.

Orat SS. Pontificem ut libertates Cœnobii asserat.

**R**everendo Patri & Domino suo **EUGENIO** Dei gratiâ summo Pontifici, **HUGO** Rothomag. humilis Sacerdos, obedientiam debitam & reverentiam. Quod sancta Romana Ecclesia providâ dispensatione juris ac dignitatis contulit quibuscumque Ecclesiis, confidimus ratum ab ipsâ teneri, nec ab aliquo in posterum id ipsum posse violari. Ecclesia siquidem Vizeliac. quæ vestra est, à Domino, ut audivimus, Eduensi Episcopo graviter infestatur, & quod eidem libertatis ac dignitatis Rom. Pontificum gratuita benignitate collatum est, cassare nititur. Super hoc autem quod idem Frater noster Episcopus, ut dicitur, affirmat, in eodem Vizeliaco aliquem Episcopum præter ipsum velesus assensum, ordines non posse celebrare, vel altaria consecrare; utriusque recordamur officium prece & monitu Abbatis ipsius Ecclesiæ atque Conventus nos ibidem complexisse, aliosque quamplures Episcopos auctoritate privilegiorum S. R. Ecclesiæ, quæ ibidem habentur, similia perpetrasse. Pater igitur Paternitati vestræ pro eadem Ecclesiâ vestrâ Vizeliac. supplicamus, ut in eadem libertate & dignitate ipsam conservare dignemini, quâ antecessores vestri eam servaverunt, nec de jure suo eandem minui, vel injustè privari sustineatis, Carissime Pater & Domine.

*Epist. XVII.*

Inrepat Episcopum Eduens. quod Vizeliac. Burgenfibus excommunicatis favet.

**EUGENIUS** Episcopus S. S. S. Dei Venerabili Fratri He. Eduensi Episcopo, Salutem & Apostolicam benedictionem. Quod Apostolicæ benedictionis te participem facimus, non ex tuis meritis, sed de Apostolicæ sedis benignitate procedit. Sicut enim pro certo nobis à compluribus significatum est, omnes molestiæ atque vexationes, quas dilecto filio nostro Pontio Abbati Vizeliac. Burgenfibus ipsius Villæ aulâ nefario præsumserunt, per instinctum & incitationem tuam habuerunt exordium; & eos in tantâ nequitia contrâ Deum, & contrâ commissum tibi Episcopale officium, & animæ tuæ salutem fovere, ac manutenere non times. Diceris namque, quod

& eisdem Burgenfibus excommunicatis communicare præsumas, & ad divina officia eos tu ipse admittas, atque Presbyteris tuis divina eis officia celebrari permittas atque præcipias. Quia ergo tam gravem & immoderatum excessum impunitum prætermittere nec possumus nec debemus, per præsentiam tibi scripta mandamus, quatenus proximâ B. Lucæ festivitate tam pro terminandâ controversiâ quæ inter te & prædictum Abbatem agitur, quàm pro his ad nostram præsentiam occasione sepositâ venias, super contrarietatibus, quas ipsi Abbati diceris intulisse, nobis sufficienter respondere paratus. Interim verò eidem Abbati nullam perturbationem seu molestiam quibuscumque modis inferre præsumas; sollicitè cavens ut supradictorum excommunicatorum, vel interdictorum nullus à te vel à tuis Presbyteris ad divina suscipiatur officia, sed ad quemcumque locum Parochiæ tuæ aliquis devenerit, donec præsens fuerit, nullus ibi divina officia præsumat celebrare. Quod si statuto termino ad nos venire neglexeris, aut hæc vel alia quæ ad prædictorum vindictam Burgenfium à nobis seu Fratribus nostris statuta sunt præsumpseris, vel præsumseris violare, pro certo cognoscas, & causam ipsam processum dictante justitiâ recepturam, & te officii tui periculum incursum. Datum Laterani VI. Kalendis Februarii.

*Epist. XVIII.*

**EUGENIUS** Episcopus S. S. S. Dei Eduensi Episcopo, Salutem & Apostolicam benedictionem. Opera quæ de personâ tuâ, & his qui per omnia tuis præceptionibus acquiescunt post discessum tuum à Nobis ad nostram aulientiam pervenerunt, fidem nobis faciunt illorum verborum, quæ dum apud nos moram faceres, de ore tuo audivimus processisse, quia scilicet malebas ut Vizeliacense Monasterium omnino destrueretur; quàm tuæ non debeat jussioni parere. Dilecti quidem filii nostri Pontii Abbatis ipsius loci nuper est ad nos transmissa conquestio, quod postquàm à sede Apostolicâ discessisti, cum & commissam tibi Ecclesiam tam per te quàm per tuos multipliciter aggravasti, quoscumque potes in damnum & perturbationem ejus accendis; frater etiam tuus ad suggestionem tuam in Ecclesiam & bona ejus damnabili præsumptione grassatur, homines suos de more orationis causâ ire ad Monasterium non permittit, homines Monasterii capit & deprædatur; & quidam eorum qui sub ipsius ditione consistunt, in tantæ præsumptionis audaciam prorumpunt, ut in ipsos etiam Monachos violentas manus injicere non dubitaverint. Præterea Nivernensem Comitem ita in ejusdem Ecclesiæ persequutionem diceris accendisse, ut sub tantorum concussione ventorum præfato Filio nostro & ejus Fratribus vix ibi quietus locus ad divinum remaneat famulatum. Sanè quia hæc tam gravia sunt, ut nec impunita debeant, nec irrequisita dimitti, cognitionem eorum Venerabili fratri nostro G. Lingonensi Episcopo decrevimus committendam. Præsentium itaque tibi auctoritate præcipimus, quatenus cum ab eo fueris evocatus, præsentiam tuam ei exhibeas, inquisitioni ejus plenam rationem de his omnibus redditurus. Illos autem parochianos tuos, quos in aliquem Monachorum aut Clericorum ipsius Monasterii violentas manus injecisse constiterit, congregato cœtu Ecclesiæ, publicè candelis accensis, excommunicatos annuncies, & donec pro tanto excessu satisfacturi Apostolico se conspectui cum tuis literis repræsentent, per totam tuam diocësim sicut excommunicatos facias evitari. De cætero totâ sollicitudine præcave, ne antefato Filio nostro; aut Ecclesiæ, aut ejus fratribus sive

Episcopo Eduensi præcipit ut coram Lingon. stet rationem de persequutionibus à se in Vizeliac. excitatis redditurus.



per te vel summissam personam, aliquam molestiam irrogare præsumas. Alioquin tam in personam quam Ecclesiam tuam auctore Domino taliter vindicabimus, ut omnibus qui audierint apertè detur intelligi quàm grave sit ea velle per tyrannidem occupare, quæ canonico tantum debeant alicui iudicio provenire. Datum Signiæ XII. Kal. Julii.

*Eugenius Ludovico Regi Epist. XIX.*

Regem exhortatur ut cohibeat Comitem à vexatione Vizeliac.

**P**ER alia scripta Nobilitati tuæ mandavimus, quatenus Nivernensem Comitem ab infestatione Vizeliac. Ecclesiæ, quæ ad jus beati Petri specialiter pertinet, attentius cohiberes. Et ecce, quod sine grandi mentis afflictione non dicimus, nescimus an eum exinde Magnificentia tua convenire neglexerit, an ipse noluerit jussioni tuæ parere. Postquam nos propter hoc tibi nostra scripta transmisimus, idem Comes durius est eandem Ecclesiam insequutus, & nunc per se, nunc per eos qui sub ejus ditione consistunt, Fratres inibi ad Dei servitium commorantes & terrere minis, & fatigare injuriis non desistit. Sanè omni nostrâ commonitione cessante, tam illi, quàm universis Ecclesiis, quæ in terrâ tibi à Deo commissæ consistunt, deberes esse præsidio, & à pravorum incursum, maximè autem eorum qui tuis præceptionibus acquiescunt, eas studiosius defendere. Nunc autem petitionibus & precibus nostris adhibitis, Ecclesiam ipsam non videmus ab ejus inquietationibus liberatam. Quocirca Magnificentiam tuam Apostolicis literis & precibus admonemus, quatenus sicut de nostrâ dilectione confidis, ita eundem Comitem ab infestatione Vizeliac. Ecclesiæ, ac bonorum ejus districtè cohibeas, & homines suos eum facias attentius commonere. Porro si aliquid sibi adversus ipsam Ecclesiam aut res ejus credit justè competere, Nos ad quos provisio & regimen Ecclesiæ ejusdem specialiter pertinet, si postulaverit, æquitate mediâ per nos aut delegatos Judices curabimus exhibere.

*Idem Episcopo Lingonensi Epist. XX.*

Officiis abdicet qui cum excommunicatis conversati sunt.

**E**X parte dilecti Filii nostri Pontii Vizeliacensis Abbatis adversus Archipresbyterum de Avalone, R. de Domiciaco, & I. de Chorâ Presbyteros gravem querelam accepimus, quod excommunicatis hominibus de Vizeliaco scienter communicare, & divina officia celebrare ausu temerario præsumferunt. Quia igitur tam gravem excessum irrequisitum & impunitum prætermittere non debemus, per præsentia tibi scripta mandamus, quatenus causam ipsam diligenter inquiras, & si rem ita inveneris, prædictum Archipresbyterum, & alios Presbyteros ab officiis suis suspensos ad nostram præsentiam mitas, literas verò quas Episcopo Eduensi mittimus, per tuum certum & secturum Nuntium eidem facias præsentari.

*Idem Abbati Cluniacensi Epist. XXI.*

Ut soletur Abbatem Pontium exulem.

**I**N maximis vexationibus & angustiis posito dilecto filio Pontio Vizeliacensi Abbati carnali germano tuo, absque hortatu & commonitione nostrâ fraternâ debes compati caritate, & ejus exultationem benignis solatiis & oportunis debes consolationibus relevare. Quocirca quoniam debita caritatis officium exigit, ut Fratres nostros tamquam nos ipsos in Domino diligamus, & eorum necessitatibus fraterno provideamus affectu, per præsentia tibi scripta mandamus, quatenus Silviniacense Cœnobium, quousque ipsa exultatio ei duraverit, etiam pro beati Petri & nostri reverentiâ sibi concedas.

*Idem Archiepiscopo Senonensi Epist. XXII.*

**D**ILECTORUM filiorum nostrorum Pontii Abbatis & Fratrum Vizeliacensis Monasterii adversus venerabilem Fratrem nostrum M. Aurelianensem Episcopum querelam accepimus, quod eis Ecclesiam sancti Machuti, quæ prædecessor suus eis donavit, & scripti sui auctoritate firmavit, contra justitiam auferat, & per violentiam detineat occupatam. Quia ergo de tuæ discretionis prudentiâ valde confidimus, per præsentia scripta Fraternitati tuæ mandamus, quatenus congruo loco & tempore utrâque parte ante tuam præsentiam evocatâ, causâ ipsâ diligenter auditâ & cognitâ, justitiâ eam mediante diffinas. Datum Ferentini VII. Kalend. Februarii.

Litem de Ecclesiâ S. Machuti solvat.

*Eugenius M. Aurelianensi Episcopo Epist. XXIII.*

**E**X conquestione dilectorum Filiorum nostrorum Pontii Abbatis & Fratrum Vizeliacensis Monasterii nuper accepimus, quod Ecclesiam sancti Machuti, quàm He. prædecessor tuus eis donavit, & scripti sui auctoritate firmavit, contra justitiam eis abstuleris, & per violentiam detineas occupatam. Quia ergo Monasterium ipsum beati Petri juris existit, & in suâ ei deesse justitiâ non possumus nec debemus; per præsentia tibi scripta mandamus, quatenus si eorum querimonia veritate innititur, aut Ecclesiam ipsam memorato Abbati & Fratribus ejus in pace restituas; aut in præsentia venerabilis Fratris nostri Hu. Senonensis Archiepiscopi exinde justitiam facias. Datum Ferentini VII. Kal. Februarii.

Eandem Ecclesiam Episc. Aurel. restituatur, vel iudicet coram Arch. Senon.

*Eugenius Abbati de Chorâ Epist. XXIV.*

**V**ENIENS ad nos dilectus filius noster Pontius Vizeliacensis Abbas, contra te nobis conquestus est, quod quamdam decimam & parochialia jura villæ ipsius de Prissiaco per violentiam ei abstuleris, & injustè detineas. Questus est etiam quod Burgensibus ejus G. & W. de Vizeliacensi pecuniam quam tibi mutuasse dicuntur, eis contra rationem restituere contradicas. Quia igitur omnibus in suâ justitiâ debitores existimus, per præsentia tibi scripta mandamus, quatenus in præsentia dilecti filii nostri sancti Riniacensis Abbatis super his dilecto Filio nostro Vizeliac. Abbati justitiam facias. Cum ergo ab eodem Riniacensi Abbate propter hoc fueris evocatus, ejus præsentiam adeas, & quod exinde inter vos judicaverit, suscipias & observes. Datum Signiæ V. Kalend. Februarii.

Abbas de Chorâ decimam, &c. usurpavit Vizeliac.

*Eugenius S. Abbati de Regniaco Epist. XXV.*

**C**ONTOVERSIA quæ inter Filios nostros Pontium Vizeliac. & G. de Chorâ Abbates super decimâ & parochiali jure cujusdam villæ ipsius Vizeliacensis Abbatis, & quâdam pecuniâ, quam idem Abbas de Chorâ à quibusdam Burgensibus G. & W. de Vizeliaco mutuo dicitur suscepisse, agitari dinoscitur, discretionis tuæ audiendam terminandamque commisimus. Per præsentia itaque scripta tibi mandamus, quatenus congruo loco & tempore utramque partem ante tuam præsentiam evoces, & rationibus utrimque diligenter auditis, & plenariè cognitis, causam ipsam justitiâ mediantè decidas. Datum Signiæ V. Kalend. Februarii.

Arbiter constituitur Abbas Regniaci in causâ decimæ, &c.

*Eugenius I. Comitissa Nivernensi Epist. XXVI.*

**G**UILLELMUS Comes bonæ memoriæ in præsentia Venerabilis Fratris nostri Hugonis Altissiodorensis, & dilecti filii nostri Bernardi Abbatis Clarevallensis dicitur promississe, quod mercatores & cæteros Vizeliacum ire volentes neque ipse, neque suæ terræ homines prohiberent; nunc verò, sicut dilecti

Vizeliacenses exagitari desinat.

dilecti filii nostri Pontii Vizeliacensis Abbatis relatione accepimus, ire illuc volentes per te & per tuos homines prohibes & infestas. Ideoque Nobilitati tuæ per præsentia scripta mandamus, quatenus inhumanitatem hanc facere de cætero non præsumas. Quod si facere præsumseris, timendum tibi est ne indignationem omnipotentis Dei, B. Mariæ precibus, quæ multum dilexit Dominum, consequaris. Datum Remis III. Non. Aprilis.

*Epistola S. Bernardi.*

Ejusdem argumenti.

**D**ilectæ in Christo filiæ I. Nivernensi Comitissæ Frater BERNARDUS Clarevallensis vocatus Abbas, Salutem & orationes. Conqueritur venerabilis Abbas Vizeliacensis quod vos & clientes vestri mercatores & cæteros Vizeliacum volentes ire prohibetis, quod quia Guillelmus Comes bonæ memoriæ, & filius ejus in præsentia Domini Altissiodorensis, & nostrâ penitus refutavit tamquam impium & iniquum, monemus & rogamus, ne id deinceps ullo modo faciatis. Timemus enim si talia facere cœperitis, ne fortè & vobis hic, & viro vestro ubi ipse est, plurimum possint obesse; quod omnino nollemus. Credite ergo nobis, & omnino desistite à malitiâ hac.

*Epist. Canonis A. S. L.*

De inauguratione Callisti P. II. agit. Deinde Comitem atque ejus satellites ob sacrilegia in Vizel. Ecclesiâ commissâ excommunicatos declarat.

**C**ONO Dei gratiâ Prænustinus Episcopus, Apostolicæ sedis legatus, H. Nivernensi Episcopo venerabili & dilecto Fratri, Salutem & fraternam in Christo dilectionem. Quæ postquam à nobis discessistis, apud nos gesta sunt, dilectioni vestræ innotescere volumus. Die ipsa quâ ab invicem discessimus cum Electo nostro duce misericordiâ Dei ad partes Lugdunensium properavimus. Antequam autem Lugdunum perveniremus, Dominus Lugdunen. Archiepiscopus electioni nostræ assensit, & Lugduni subscripsit. Ibi factâ processione solemni, Dominum Papam Callistum & nos honorificè suscepit. Nam & Engolismensis Episcopus antequam à nobis discederet, subscripserat, & Domino Papæ humiliter se subdiderat. Inde venimus Viennam, ubi in Dominicâ Quinquagesimæ Dominus Papa coronatus est. Cum autem ab illo digressi Vizeliacum venissemus, comperimus rumorem eum verum, quem famâ vulgante tristes acceperamus. Tristes, inquam, tum pro Ecclesiâ Vizel. in cujus læsione læsa est Romana mater Ecclesiâ (specialis enim ejus filia est) tum pro ipso Nivern. Comite, quem satis dileximus, cujus clientela portas Vizeliæ claustrum fregit & dirupit, SS. Lazari & Marthæ sororis ejus, & SS. Andeoli atque Pontiani Martyrum corpora, crucem quoque in quâ de ligno Domini habetur, jactis lapidibus exornaverunt, Monachos verberaverunt, & lapidibus percusserunt, & quemdam ex ipsis ceperunt, & injectis manibus sub habitu Monachi dehonestaverunt. Pro quibus omnibus vos monemus, & Apostolicâ auctoritate præcipimus, ut ipsum Comitem ex parte nostrâ conveniatis, & ad emendationem tanti sacrilegii eum venire moneatis. Quod si dixerit non se interfuisse huic flagitio; de consensu eum arguite, quia scilicet cum eadem die Vizeliacum ipse venisset, & omnes sacrilegos qui flagitium commiserant ibi invenisset, neque spontaneus neque monitus ab Abbate sub testimonio multorum, de suis hominibus justitiam vel honorem, vel satisfactionem Ecclesiæ Vizel. facere voluit. Quamobrem timeat sententiam Lucii Papæ sanctissimi, quæ talis est ad Episcopos Gallos & Hispanos inter alia in primo decretali suo: » Res Ecclesiarum » vestrarum, & oblationes fidelium quas significastis à quibusdam irruentibus vexari, vobisque &

Tom. II.

Ecclesiis vestris auferri, indubitanter maximum est peccatum, testante scripturâ quæ ait: *Qui abstulerit patri vel matri aliquid, & dicit hoc non esse peccatum, homicida particeps est.* Pater ergo noster sine dubio Deus est, qui nos creavit; & mater nostra Ecclesiâ, quæ nos in baptismo spiritualiter generavit. Hæc fieri Prophetæ, hæc Apostoli, hæc successores eorum, & omnium catholicorum Patrum vetant decreta, & tales præsumptiones sacrilegia esse dijudicantur: quorum nos sequentes exempla, omnes tales præsumptores, & Ecclesiæ raptores, atque suarum facultatum alienatores unâ vobiscum à liminibus sanctæ Matris Ecclesiæ anathematizatos Apostolicâ auctoritate pellimus, & damnamus, atque sacrilegos esse judicamus, & non solum eos, sed omnes consentientes eis, quia non solum qui faciunt rei judicantur, sed etiam qui facientibus consentiunt. Par enim pœna & agentes & consentientes comprehendit. Item Symmachus Papa adversus perverores Ecclesiarum: » Generaliter quicumque res Ecclesiasticas confiscare, aut competere, aut pervadere periculosa aut sævâ infestatione præsumserit, nisi se citissimè per Ecclesiæ de quâ agitur satisfactionem correxerit, perpetuo anathemate feriatur. Similiter & hi qui Ecclesiæ jus vel largitione Principum vel quorundam Potentum, aut quâdam invasione, aut tyrannicâ potestate retinuerint, & filiis vel heredibus suis, ut à quibusdam jam factum audivimus, quasi hereditarias reliquerint, nisi citò res Dei, admoniti à Pontifice agnitâ veritate reddiderint, perpetuo anathemate feriantur. Iniquum esse enim censemus, ut potius custodes cartarum, quàm defensores rerum creditarum, ut præceptum est, judicemur.

Quod si Comes ipse privilegia Ecclesiæ Vizel. contemnit, audiat Anacletum Papam à B. Petro tertium: » Privilegia Ecclesiarum & Sacerdotum S. Apostoli jussu Salvatoris ejus decreverunt manere temporibus. » Et in legibus sæculi cautum habetur: » Si Ecclesiæ venerabilis privilegia cujuscumque fuerint temeritate violata, vel assimulatione neglecta, commissum hoc in triplo, juxta legum sanctionem; Ecclesiæ cui factum est componatur, nobisque bannus noster in triplo persolvatur. » Item in alio loco: » Nullius autem sacræ res & religiosæ & sanctæ: quod enim divini juris est, nullius in bonis est. » Item adversus eos qui portas frugerunt, ait Justinianus: » Sanctæ quoque res, veluti muri & portæ, quodammodo divini juris sunt, & ideo nullius in bonis sunt. Ideo autem muros sanctos dicimus, quia pœna capitis constituta sit in eos, qui aliquid in muros deliquerint. » Nolumus autem, Frater carissime, exaggerare quod gestum est, ne cogamur judicare quod dignum est, sed volumus ut annunties eidem Comiti, ut de perpetratis sacrilegiis nobis in manu nostrâ satisfactionem ab hominibus suis, quorum nomina subscribentur, fieri faciat usque ad mediantem Quadragesimam, & in futuro ab inquietatione Ecclesiæ desistat: quia nisi obedierit, nos sequentes Sanctorum superscriptorum sententias, anathematis gladio tam ipsum, quàm terram ejus, licet inviti, post transfactum quem præfiximus terminum, feriemus. Hæc sunt nomina illorum qui in sacrilegio illo manus commisisse visi sunt: Rainaldus Præpositus de Moncellis, & frater ejus Nicolaus, Guillelmus Mariscalcus, Paganus Buticularius, Petrus Panetarius, Odo Camarlancus, Petiz de Moncellis; Theobaudus Cocus, Guillel. Præpositus de Cerciacio, Croslebos; Renaldus nepos Mainfredi de Portâ, Beraldus de Moncellis, duo filii Aimberti de Moncellis, Joannes

TTI

Deli, Tardet de Moncellis, Seguinus de Moncellis, Guichardus frater Galterii Buticularii, Burgensis de Moncellis, qui cognomine ita vocatur, Gaudricus de Climiciaco cum septem sociis, & multi alii quos donec nominatim nominemus suis conscientis puniendos relinquimus, si non dignè satisfactionem fecerint.

*Anastasi Papa. Epist. I.*

Burgenses Vizeliac. excommunicatos degere in suis terris non sinant, imo & exspoliari & capi faciant.

**A**NASTASIUS Episcopus S. S. S. Dei, Venerabilibus Fratribus Hug. Senonensi Archiepiscopo, G. Lingon. T. Paril. & He. Trec. Episcopis, Salutem & Apostolicam Benedictionem. Ad notitiam vestram jamdiu credimus pervenisse, quod pro immanitate crudelitatis & barbaricæ tyrannide, quam perjuri & proditores Burgenses de Vizel. in Dominum suum dilectum Filium nostrum Pontium Abbatem Vizel. & in ipsum Monasterium exercuerunt, & adhuc non desinunt exercere, à corpore Christi, quod est Ecclesia, quasi membra putrida mandato sanctæ recordationis Eugenii Papæ sint gladio divini verbi præcisi: quod ipsi pro nihilo reputantes, ac si adversus Dominum se fallaci potentia existiment prævalere, adhuc in suâ nequitia contumaciter, non impunè tamen, perdurant; putantes forsitan quod Apostolicæ Sedis patrocinium aliquando eidem Ecclesiæ subtrahatur. Nos igitur eorum iniquitatem districtè pensantes, in irâ tamen nostrâ misericordiam continentes, manus nostras super eos ad præsens non plùs duximus aggravare; per præsentia vobis scripta mandantes, quatenus Burgenses tamquam perjuros proditores & excommunicatos in nundinis & mercatis parochiarum vestrarum recipi omnino prohibeatis: imò à quibuscumque parochianorum vestrorum poterunt inveniri, capi & rebus suis præcipiatis penitus spoliari.

*Epist. II.*

**A**NASTASIUS Episcopus servus servorum Dei, Dilectis Filiis nobilibus viris O. Duci Burgund. He. Comiti, A. de Borbone, Guillelmo Comiti Cabilonensi, R. fratri Ducis, R. Comiti de Joviniaco, G. de Donziaco, R. de Rubeo Monte, D. de Luziaco, A. de Monte Regali; S. Vicecomiti Senon. & filiis ejus G. & B. G. Vicecomiti Castrilandonis, G. de Vergiaco, O. de Tilio, Hu. de Monte sancti Joannis; Salutem & Apostolicam benedictionem. Ad notitiam vestram, &c. *ut superius.*

*Anastasi P. Bituricensi Archiepiscopo. Epist. III.*

**I**mmanem crudelitatem & barbaricam sævitiam quam Nivernensis Comes in Vizeliac. Monasterium, ac si contrâ Dominum adversus sponsam suam sacrosanctam Ecclesiam ejus potentia debeat prævalere, adhuc exercere non desinit, tua Fraternitas, ut credimus, pro suâ saltem magnitudine recognoscit: contrâ quam cum prædecessor noster sanctæ recordationis Eugenius Papa, Apostolica sedis antidota præparasset, & voluisset eum corrumpere, à tanto morbo sanari non meruit, quoniam pertransiit in affectum cordis, & obscuratum est insipiens cor ejus, ut, juxta verbum propheticum, videns non videat, & intelligens quæ Dei sunt nequaquam intelligat. Nos igitur qui divinâ dispensante clementiâ memorato prædecessori nostro in sede Apostolatûs successimus; quoniam præfatum Vizel. Monasterium tanquam B. Petri alodium cogimur defendere, & prædicti Comitis ac omnium Christianorum salutem paternâ charitate sitimus, atque de tue Fraternitatis prudentiâ & honestate fiduciam non modicam obtinemus, per præsentia

In Comitem Nivern. nisi resipiscat, damna Vizel. illata refarciendo, proferat sententiam.

scripta Caritati tuæ mandamus, quatenus remotâ dilatione districtè commoneas, ut damna quæ ipsi Monasterio intulit, cum integritate refarciat, & locum ipsum in pace ac libertate suâ dimittat. Eidem etiam Comiti ex parte nostrâ denuntiâ, ne pro exhibendâ justitiâ alicui suorum hominum Abbatem Vizel. ad suam præsentiam venire compellat, nisi prius in ejusdem Abbatis Curia cognoscatur alicui suorum hominum justitiam denegasse. Quod si infra XXX. dies post tuam commonitionem, quæ suprâ diximus neglexerit adimplere, ad locum unde in auribus iplius de facili valeat resonare cum Religiosis, & prudentibus viris accedas, & populi cœtu in Ecclesiâ congregato, accensis candelis in personam ejus & perfidorum Burgensium de Vizeliaco solemniter auctoritate Apostolicâ excommunicationis sententiam absque omni appellationis remedio proferas, ut præter baptismam parvulorum & morientium poenitentiam in omnibus terris ejusdem Comitatus omnia divina officia prohibeas celebrari. Adjicientes etiam tibi mandamus, ut sententiam ipsam Venerabilibus Fratribus nostris Hu. Senonensi Archiepiscopo, G. Nivern. Episcopo, G. Lingon. He. Eduensi, He. Trecensi, & A. Altissiod. Episcopis per tuas literas ex parte nostrâ firmiter denunties observandam. Nos siquidem per Apostolica eis scripta mandavimus, ut eandem sententiam post tuam denuntiationem per suas parochias inviolabiliter faciant observari: literas verò quas prædictis Fratribus nostris Ling. Eduensi, Nivern. Altissiod. Episcopis misimus, per tuos eis Nuntios facias præsentari.

*Anastasi Ludovico Regi. Epist. IV.*

**Q**uoniam jam à retroactis temporibus de tuâ Reginâ magnificentia Nobis & sacrosanctæ Romanæ Ecclesiæ bona sunt plurima nuntiata, Nobilitatem tuam tam hi qui in Apostolatûs officio præcesserunt, quàm nos per omnia dileximus; & qui adhuc ex divinâ voluntate sumus superstites, diligimus, & honorem tuum in quibus secundum Deum possumus, cupimus augmentari. Eapropter, Carissime in Christo Fili, quemadmodum prædecessor noster sanctæ memoriæ E. Papa, ita & nos pro Vizeliac. Monasterio Apostolica tibi scripta dirigimus; mandantes, & in Domino commonentes, ut Nivernensem Comitem, qui feritate barbaricâ sævire adversus præfatum Monasterium non desistit, districtè commoneas, ut memorato Monasterio damna quæ intulisse dinoscitur in integrum studeat emendare, & locum suum in pace ac libertate suâ dimittat. Si verò aliquam justitiam in eodem Monasterio se habere confidit, suam postmodum mandato nostro poterit obtinere justitiam. Quod si in suâ pertinaciâ induratus hæc effectui mancipare contemserit, nos in personam ejus & Burgensium Vizel. excommunicationis sententiam sine appellationis remedio præcipimus promulgari, & in totâ terrâ ipsius, præter baptismam parvulorum & morientium poenitentias, omnia divina officia penitus prohiberi. Quocirca per præsentium latorem tibi mandamus, quatenus ex tunc ab eo tamquam excommunicato abstineas, & Burgenses ipsos ab omnibus feriis regni tui sub banno tuo penitus prohibens, à quibuscumque inveniri poterint, capi, & rebus suis spoliari sicut perjuros & Ecclesiæ turbatores, justitiæ zelo præcipias. Præterea nihilominus industriæ tuæ mandamus, quatenus præfatum Monasterium Vizeliac. pro alicujus falsâ suggestionem nullatenus aggraves, imò pro B. Petri & nostri reverentiâ, ipsum tamquam ejusdem Principis Apostolorum patrimonium ab omni hoste studeas de-

Scribit ut Nivernens. Comitem coercere à persequendis Vizel. & Burgensibus comprehendere jubet.

fenfare. Ad hæc devotionem tuam nullatenus latere volumus, quod nos dilecto Filio nostro Vizel. Abbati dedimus in mandatis, ut memorato Comiti in Monasterio nostro nullam prorsus concessionem facere audeat. Valete.

*Epist. V.*

**A**NASTASIUS Episcopus Galliarum. Quando peccata, in quibus culpa est relaxare vindictam, ab aliquibus suggerente diabolo committuntur, tanta est eis imponenda correptio, ut ipsi, poenâ docente, cognoscant, quàm grave fuerit quod patrarent, & cæteros à similibus præsumptionibus Ecclesiasticæ correptionis timor inhibeat. Inde siquidem est, quod prædecessor noster beatæ memoriæ Eugenius Papa per Apostolica scripta tibi, Frater Episcopo Lingonensis mandavit quatenus Nivernensem Comitem super immanitate tyrannidis, quam in Vizel. Monasterio, quod utique beati Petri juris existit, feritate barbaricâ exercuerat, ut resipisceret districtius commoneres, & si à tantâ nequitia nollet desistere, in eum & in Burgenfes Vizeliaci excommunicationis, & in terris ipsius Comitis interdicti sententiam promulgares. Sed sicut audivimus, quibusdam occasionibus mandatum ipsius, unde non modicum admirantur, nondum est ex toto completum, & ideo nos qui divinâ disponente clementiâ in officio ei Apostolatûs successimus, quoniam præfatum Monasterium tamquam speciale patrimonium beati Petri cogimur defendere, memorati prædecessoris nostri veltigiis inhærentes, venerabili Fratri nostri P. Bituricensi Archiepiscopo dedimus in mandatis, ut nisi præfatus Comes ab eo commonitus damna, quæ ipsi Monasterio intulit, in integrum emendaverit, ac locum ipsum in pace ac libertate suâ dimiserit, tam ipsum Comitem, quàm Burgenfes Vizeliaci, qui tantæ nequitie fautores existunt, excommunicationi auctoritate nostrâ subijciat, & in totâ terrâ ejus, præter baptisma parvulorum & morientium poenitentias, omnia divina prohibeat celebrari. Præsentium vobis itaque auctoritate mandamus, quatenus & sententiam ipsam, postquam vobis ab eodem Fratre denunciata fuerit, firmiter observetis, & per vestras parochias observari inviolabiliter faciatis. Datum Laterani VIII. Kal. Januarii.

*Epist. VI.*

**A**NASTASIUS PONTIO Abbati Vizeliacensi. Super contritione, persecutione atque angustia, quam pro commissâ tibi Ecclesiâ & pro justitiâ pateris, devotioni tuæ paterno affectu compatimur, & in quibus secundum Deum possumus, grata tibi volumus subsidia ministrare. Inde est quod juxta votum & petitionem tuam literas nostras tam Archiepiscopis quàm Episcopis Regni Francorum, & Regi, Comitibus, atque Baronibus, quemadmodum tua devotio requirebat, studuimus destinare, quarum continentiam ex transcriptis poteris evidenter agnoscere. Si ergo, Dilecte in Christo Fili, tu pro domo Israël tribulationibus subjaces, debes sperare quod dabit Dominus de tribulatione auxilium, & in ipsius misericordiâ confidentes de omni pressurâ eripiet, & ad portum quietis gratiâ suâ perducet. Age ergo, Fili, & murum tutissimum te pro Ecclesiâ tuâ sicuti hætenus, ita & deinceps non pigriter opponere, imò contrâ eos qui fidem penitus abnegarunt, quos etiam excommunicationis vinculo præcepimus innodari, viriliter studeas dimicare, & donec excommunicati fuerint, si te super aliquo in jus forsitan voluerint evocare, nobis inconsultis nullatenus eis respondeas. Adjicientes etiam tibi

*Tom. II.*

mandamus, & auctoritate Apostolicâ inhibemus, ut in Ecclesiâ nostrâ de Vizeliacensi quæ proprium alodium beati Petri esse dinoscitur, nullam concessionem nisi ex mandato nostro Comiti Nivernensi facere audeas. Datum Laterani VIII. Kalend. Januarii.

**D**OMNO PONTIO Abbati Vizeliaci. Frater M. Florentiacensis Abbas; Pacem quæ evangelizabatur hominibus bonæ voluntatis. Literis vestris lectis, earumque tenore diligentius retractato, quod mihi consultius visum est, Dilectioni vestræ rescribo. Pax vestra si venalis vobis proponeretur, quæ vos & à tantæ tribulationis angariâ levaret, vestrosque adversarios humiliaret, & unanimes exhilararet, caro valde emenda videretur, dummodo Ecclesiâ vestra statûs sui rectitudinem, & libertatis privilegia illibata servaret. Porro fratrem vestrum sic habere suspectum, ut cum se Comes ei ex toto committat, vos ejus arbitrium declinetis, durum valde videtur. Libratis itaque hinc inde causis, quæ utilius judicamus, dicimus, ut expectetis Legatos, quos ad Dominum Papam direxistis, & cum venerint, responsum Domini Papæ, & privilegia Ecclesiæ vestræ Domino Abbati ostendite, & tunc demum negotium vestrum ejus arbitrio fideliter committite. Neque enim credimus aut privilegiis vestris aut præceptis Domini Papæ contraria & repugnantia judicare.

**L**UDOVICUS Dei gratiâ Francorum Rex & Dux Aquitanorum, Venerando PONTIO Abbati Vizeliacensi, Salutem & gratiam nostram. Non decet Regem asperitas nimia, & in veritate supplicandi non est neganda venia. Intelligimus prece vestrâ fidelem nostrum Arc. de Burbone, & ejus conjugem nostram Materteram, pro vobis nos deprecari. Quibus nos obaudientes, pro honore Dei & Ecclesiæ vestræ sanctitate, & pro nostrâ honestate, quidquid offensæ adversum vos habemus, omnino laxamus, & totius rancoris nubilum abstergimus, & vos de cætero in gratiam, & res ad vos pertinentes in tutelam regiam benignè suscipimus.

*ADRIANI Papa Epist. I.*

**A**DRIANUS Episcopus S. S. S. Dei, Venerabilibus Fratribus Lingonensi, Eduensi, Nivernensi, Altissiodorensi, Salutem & Apostolicam benedictionem. Tantum jam malitia Nivernensis Comitis, quod vestra Fraternitas non ignorat, adversus specialem sedis Apostolicæ filiam Vizel. Ecclesiâ excrevit, ut culpa nimia proculdubio esse videatur, si malitia ejus maneat impunita. Præter illa siquidem mala, quæ jampridem ei & instigando Burgenfes ad persecutionem ejus, & diversis aliis modis ausu temerario irrogavit, in villâ Vizeliacensi nuper milites suos & homines inimicorum suorum constituit, & dominium pro voluntate suâ in eadem villâ contrâ jus antecessorum suorum usurpat. Burgenfes etiam contrâ dilectum filium nostrum Pontium Vizeliacensem Abbatem in suâ conspiratione ac perjurio fovere præsumit. Sanè feliciis memoriæ Papa Eugenius antecessor noster, afflictionibus & angustis illius Ecclesiæ affectione paternâ compatiens, & in malitiam antedicti Comitis fervore debito inardescens, à corpore Christi, quod est Ecclesiâ, divini eum verbi falce præcedit, & in terrâ ipsius divina interdixit, celebrari officia. Quoniam igitur idem Comes ita datus est in reprobum sensum, ita oculos mentis ab intuitu æternæ damnationis avertit, ut nec flagellatus etiam à suâ potuerit malitiâ cohiberi; per præsentia vobis scripta præcipiendi mandamus quatenus eum districtius moneatis, qua

*T T t ij*

Quid facto opus habeat in defensione jurium Vizeliaci.

Clementiam promittit ac tutelam.

Regdat Comes chartam in jura Vizeliaci Ecclesiæ confectam, abstinereque à vexatione, alioquin excommunicatur, &c.

Sententiam excommunicationis edicant in Comitem Nivernensem & Burgenfes Vizeliaci.

Jura sui Monasterii fortiter propugnet, exhortatur.



tenens custodes suos de villâ Vizeliacensi removeat, mala quæ Ecclesiæ irrogavit, emendet, cartam compositionis contrâ privilegia prædecessorum nostrorum, & Ecclesiæ libertatem elicitam antedicto Abbati restituat, & Burgenfibus contrâ eum in sua conspiratione nullum præbeat auxilium vel favorem, & jurejurando promittat se communie ipsi nullas vires ulterius præbiturum. Si verò infrâ XXX. dies post commonitionem vestram, quæ prædicta sunt adimplere contemserit, in personam ejus excommunicationis, in terram verò interdicti sententiam renovetis, & ab omnibus præcipiatis firmiter observari. Datum Sutrii XII. Kal. Junii.

## Epist. II.

Excommunicatione, ac variis pœnis afficiant, Burgenfes Vizeliac.

**A**DRIANUS Episcopis Galliæ. Quantâ nequitia Vizeliac. homines adversus Matrem & Dominam suam Vizel. Ecclesiâ conspiraverint, & quàm asperè in eam fuerint & in ejus bona grassati, ad notitiam Fraternitatis vestræ devenit, & nos nullatenus ignoramus. Sanè felicitis memoriæ Papa Eugenius antecessor noster, & illorû superbiâ & Ecclesiæ afflictione permotus, eosdem sacrilegos Ecclesiasticæ districtiōis sententiâ innodavit. Ipsi autem alienati & conversi retrorsum à suâ malitiâ minimè destiterunt, sed transierunt in affectum cordis, & graviora jugiter adversum matrem suam committere præsumserunt, facti sicut illi de quibus ait Propheta: *Percussisti eos & non doluerunt, attrivisti eos, & renuerunt accipere disciplinam.* Ut enim in præsentiarum alia quæ ante hæc ab eis gesta sunt contrâ Vizeliacensem Ecclesiâ, taceamus, nuper facto impetu lustraverunt officinas Ecclesiæ, ruperunt vegetes, effuderunt vinum, diripuerunt omnia, & in ipsos etiam Monachos violentas manus extendere præsumserunt. Porro nos in omnibus his dolemus de miseris illis hominibus, qui in perjurii, sacrilegii, rapinæ ac peccatorum multorum foveam inciderunt: dolemus etiam quodd nullum vestrum assumere justitiæ clypeum, & in ejus auxilium exurgere intuemur: usque adeo ut lugere valeamus, & dicere cum Propheta: *Non est qui consoletur eam ex omnibus caris ejus.* Quoniam igitur Nos ad quorum tutelam atque præsidium præfata Ecclesia specialiter respicit, afflictiones ipsius dissimulare nec possumus, nec debemus, per præsentia vobis scripta præcipiendo mandamus, quatenus omni tepiditate cessante Burgenfes ipsos festinetis districtius admonere, ut antedicto Abbati & ejus Fratribus ablata restituant, irrogata damna refarciant, de illatis injuriis competentem satisfactionem exhibeant, & ad fidelitatem & dominium Ecclesiæ revertantur. Si verò sine dilatione aliquâ post commonitionem vestram quæ prædiximus adimplere contemserint, omnes illos qui nequitie hujus auctores existunt, & quos præfatus Abbas vobis annuntiaverit, sine appellationis remedio excommunicetis, & ad quemcumque locum per Episcopatus vestros aliquis Burgenfium ipsorum devenerit, donec præfens fuerit, divina ibi prohibeatis officia celebrari, & si aliquem eorum mori contigerit, Christianorum careat sepulturâ. Ne autem corporalem quoque pœnam effugiant, omnibus parochianis vestris districtius injungatis, ut in nundinis suis eos nequaquam admittant, & nullam cum eis societatem, vel in mercibus, vel in aliis rebus habere præsumant, sed sicut excommunicatos eos evitent, & ubicumque invenerint, capiant, & amore justitiæ bonis suis non desinant spoliare: ut inviti saltem cogantur ad subjectionem & fidelitatem Domini sui redire. Novis liquidem morbis nova convenit antidota præparari. Datum Sutrii XII. Kal. Junii.

## Adrianus Ludovico Regi Epist. III.

**D**E Religiosorum virorum præsidio, & veneratione sacrorum locorum non oportet longis te sermonibus admonere: satis enim ad hoc animum tuum commonitione cessante, ignis ille, quem Dominus venit mittere in terram, accendit; ita ut inter universos Principes orbis nullus sit qui super hoc in conspectu totius Ecclesiæ commendabilior habeatur. Sanè licet potentie tuæ præsidium ad omnes Ecclesias in regno tuo constitutas extendas, Vizeliacensi tamen Ecclesiæ tanto te cupimus attentius exhibere, quanto & ad jus beati Petri specialius pertinet, & ex perfidiâ suorum Burgenfium majores molestias & pressuras sustinet. Nec enim ignorat tua prudentia, qualiter ab aliquot annis adversus dilectum filium nostrum Pontium Vizeliacensem Abbatem favore Nivernensis Comitis conspirati, diripere bona Ecclesiæ, & ipsum quoque Abbatem exinde expellere præsumserunt: unde & à corpore Domini, quod est Ecclesia, fieri meruerunt extorres. Nuper etiam in ipsam Ecclesiam facto impetu irrumpentes, fregerunt portas, lustraverunt officinas, effuderunt vina, diripuerunt vestes Monachorum, abstulerunt ornamenta sacrarii, & in ipsos etiam Monachos, & famulos domus violentas manus ausu temerario extenderunt. Porro quoniam illorum nequitia Ecclesiastici severitate judicii necdum potuit coerceri, cohibitionem tuæ manus exspectat, & vigore tuo indiget emendari, quodd sub æquitate censuræ canonicæ mansit hætenus incorrectum. Magnificentiam itaque tuam rogamus, monemus, & exhortamur in Domino, atque in peccatorum tibi remissionem injungimus, quatenus justitiæ zelo succensus, & afflictione supradicti Monasterii, ac nostris exhortationibus provocatus in manu validâ Vizeliacum accedas & Burgenfes abjurare communiam quam fecerunt, & ad fidelitatem atque subjectionem dilecti filii nostri Pontii Vizeliacensis Abbatis tamquam Domini sui redire compellas; ablata etiam eos restituere, & irrogata damna facias refarcire, atque in illos, qui hujus nequitie caput existunt, tantam ultionem exerceas, ut qui eis successerint consideratione ultionis eorum caput contrâ Dominum suum erigere, ac consimilem perfidiam in sanctuarium Domini committere non attentent. Datum Sutrii XII. Kal. Junii.

## Eidem Epist. IV.

**G**Ratum & acceptum habemus, & magnificentiam tuam de piarum rerum exequutione plurimum commendamus, quoniam dilecto filio nostro Pontio Vizeliacensi Abbati, sicut ejus directâ nobis relatio patefecit, amore Dei, & nostrarum reverentiâ literarum juxta regie dignitatis officium diligenter hætenus astitisti, & contrâ suos & Monasterii sui persequutores auxilium ei & consilium præbuiti. Unde quoniam bonorum intentio ad salutaria opera tanto amplius dirigitur, quanto sapius inde commonetur, Celitudinem tuam per Apostolica scripta rogamus, & in peccatorum tibi remissionem injungimus, quatenus pro Dei amore, & pro beati Petri & nostrâ reverentiâ, prædictum Abbatem propensius diligas & honores, & ut Monasterium ipsum à dilecti filii nostri Nivernensis Comitis, & aliorum omnium infestatione defendas, ut Fratres inibi commorantes, pro tuâ & regni tui salute ad Dominum debeant jugiter intercedere, & nos Regie nobilitati tuæ gratias exolvere debeamus. Et quoniam Burgenfes Vizeliac. occasione præferim lapidearum domorum, quas munitas habent

Rex armatâ manu Burgenfes Vizeliac. insequatur, ut Abbatem tamquâ Domino subdantur.

Regem iterû gratias prius habitis, commonet, ut opem Abbati Vizeliac. ferat.




& elevatas, adversus antedictum filium nostrum Abbatem, & Vizeliacensem Ecclesiam ita superbiunt, ut nec manere pro persecutione illorum idem filius noster possit in Monasterio: Magnificentiam tuam rogamus, quatenus easdem domos ita facias dirui, ut Burgensium superbia retundatur, & Vizeliacensis Ecclesia occasione hac non debeat fatigari.

*Epist. V.*

Abbatem arguit quod jura Monasterii infregerit.

**A**DRIANUS Episcopus S. S. S. Dei, Dilectis filiis Abbati & universis Fratribus Vizel. Salutem & Apostolicam benedictionem. Quanto Monasterium vestrum ad jus B. Petri specialius dinoscitur pertinere, tanto ad dirigendum & ampliandum statum ipsius attentius nos convenit laborare. Pervenit autem ad nos, dilecte in Domino fili Abbas, te tabulam nummulariorum contra tenorem privilegiorum Apostolicæ Sedis Simoni de Silviniaco in primordio tuæ prælationis, cum nondum tibi eorumdem privilegiorum tenor innotuisset, reclamantibus Fratribus tuis concessisse: unde quia nec bona vestri Monasterii aliquâ levitate diminui, nec privilegia prædecessorum nostrorum patimur violari, per præsentia scripta vobis mandamus, quatenus si ita res habet de tabulâ, illam ad manus vestras & proprietatem Ecclesiæ velociter revocetis, & quæ ad proprietatem Monasterii pertinent, donare, vendere, vel quomodolibet alienare nullatenus præsumatis. Alioquin graviter in vos noveritis vindicandum. Datum Beneventi XI. Kalendis Decembris.



## HISTORIÆ VIZELIACENSIS, LIBER SECUNDUS.

**D**IVINÆ bonitatis gratia pluribus ac diversis consulens modis humanæ infirmitati, inter cætera æquè innumera suorum beneficiorum remedia, homini contulit literarum præsidia, quo vel præsentium incitaretur industria, vel absentium provocaretur affectus, vel futurorum erudiretur posteritas: & quoniam omnis prudentiæ inimica oblivio, rerum maximè utilium quam sæpe intercipiebat memoriam, mos ab antiquitatis inolevit, Patrum monumenta per literarum apices tamquam per visibiles sonos mandare posterorum notitiæ. Quem morem & nos quoque pro modulo nostro imitantes, pressuras Ecclesiæ nostræ, quas pro ingenitâ sibi libertate per multatemporum curricula multipliciter pertulit, brevi compendio ad multorum utilitatem describere satagemus. In quo dum brevitate sectamur, arrogantia supercilium omnino diffugimus; quoniam si juxta quod ipsa deposcit materia, rerum perfectioni incumberemus, ipsâ proculdubio periculi enormitate quodammodo fidei derogare videremur; dum quod historicæ integritati aliquatenus inserviret, loquaci jactantiæ incredulus auditor deputeret. Utrobique ergo prospicientes, sic medio tramite incedimus, ut & rerum constet cognitio integra, & falsitatis pateant penitus nulla vestigia. Sanè quamvis ad hæc minus idoneos, minùve sufficientes nos esse non ignoremus; provocamus tamen caritate Ecclesiæ, invitamur etiam, imò ut ita dicam perurgemur obedientia Reverentissimi Patris nostri PONTII Venerabilis Abbatis, qui & si quantum ad prædecessores suos tempore videtur esse novissimus, attamen

in defensione libertatis Ecclesiæ suæ omnium antiquorum merito constat esse primus. Illi enim licet vel acquirendo vel ædificando plura contulerint, certè plus illis omnibus iste laboravit, dum à diripientibus & evellere eam conantibus, salvam & integram atque illibatam viriliter custodivit. Minus quippe est habere quod custodias, quàm custodire quod habeas. Sed jam propositum adordientes, de his hæc tenens.

Igitur cum Vizeliacensis Ecclesia nobiliter nata, nobilius fuisset educata, ingenuæ libertatis caput inter omnes Occidentis Ecclesias præferebat: siquidem in ipso suæ foundationis primordio Beatissimo attitulata Petro regni Cælorum Clavigero, soli & uni Apostolicæ illius Sedi nobiliter à nobilissimis auctoribus suis est assignata, atque perpetuæ libertatis dote ab ipso tunc temporis summo & Apostolico Pontifice NICOLAO subarrata. Cujus successores ad hæc usque tempora pietatis ejus inhærentes vestigiis, auctoritate Apostolicâ & dignitate Romanâ suis privilegiis eam corroborantes, ac si proprium jus & alodium Beati Petri, ab omni subjectione cujuslibet alterius personæ vel Ecclesiæ immunem penitus esse decreverunt. Ecclesiastica proinde officia, uti sunt sacri Ordines Monachorum vel Clericorum suorum, & Basilicarum seu altarium consecrationes, chrismatis vel sancti olei gratiam, & quæcumque alia hujusmodi, ubilibet & à quolibet cujusvis provinciæ Catholico Episcopo accipere, Romanorum privilegiorum clementiâ atque libertate Apostolicâ indulgentes, illi concesserunt. Tantis ergo & tam ingenuæ libertatis propalata præconis, invidiosam faciem sodalibus exhibebat Ecclesiis. Unde post annorum plura centena HUBERTUS quidam Eduensi præsidens Ecclesiæ, pulcherrimam libertatis illius nævum maculosæ servitutis inferre molitus est. Quo tempore venerabilis PONTIUS regimen Vizel. Ecclesiæ obtinebat, PETRI Cluniacensis. & JORDANI Casæ-Dei Abbatum frater uterinus. Nobilis ergo genere nobilissimam sortitus Ecclesiam, de more libertatis illius Aurelianensem Episcopum Heliam invitavit, & ut sibi celebraret sacros Ordines humiliter petivit. Qui perspectis Romanæ auctoritatis privilegiis, devotioni ejus devotius acquievit, Monachorumque nonnullos, ac Clericorum aliquos in Basilicâ Vizel. Ecclesiæ ad sacros Ordines promovit. Quo facto indignatus Eduensis, quos adepti fuerant Ordines Clericis interdixit. Quam vesaniam ejus temeritatem corripiens bonæ memoriæ Innocentius tunc temporis Romanæ sedis Apostolicus Pontifex, suspensos ab Eduensi Clericos suis reddidit Ordinibus, & ne jura Rom. Ecclesiæ amplius temerare præsumeret, denuntiavit. Tum Eduensis accepto gustu Apostolicæ indignationis pœnituit cæpti; sed cæpta dissimulare puduit. Nec destitit Abbatem lacessere donec suis ipsis frustratus conatibus, tandem in manu Cluniacensis Abbatis, & aliarum honestarum personarum propositæ liti renuntiavit, atque inter utramque Ecclesiam per manum jam dicti venerabilis Pontii Abbatis, pristinæ pacis statum reformavit.

Cum autem esset genere clarissimus, morum honestate ac pietate decentissimus, Ecclesia Lugdunensis Antistite suo destituta, Archipræsulem sibi eum petebat; quo assumpto Eduensem Episcopatum suscepit HENRICUS, Ducis Burgundiæ germanus: nec mora, veteris discordiæ incentores hunc alloquuntur, & sopitam calumniâ super Vizel. libertate renovare satagentes, cupidis auribus ingerunt. Ille autem confidens de potentiâ generis & divitiarum, quibus æquè pollebat, novumque ali-

Quæ Vizel. Ecclesiæ Privilegia.

Humbertus Eduens. Episc. primus perturbare privilegia tentat.

Henricus illius successor, Ducis Burgundiæ germanus, inde attentat.

Quare hanc scribere historiam Auctor aggressus est.

T T ij

quid tamquam singularis potentiae homo facere praetentans. Vizel. Ecclesiam in jus proprium vindicare, & in diocesim redigere, ac pro more aliarum Ecclesiarum suae parochiae subdere, suisque Synodis eam parere quaesivit: sed Deo protegente, & Beata Deique dilectrice Maria Magdalene patrocinante, clavam de manu Herculis tollere non potuit: plane quantum in eo fuit, nihil intentatum reliquit, quo sibi usurparet quod soli Petro cessisset. Cæca quippe cupiditas totum blanditur sibi facile, quod ipso appetitu jam se sperat obtinere. Prædictum itaque venerabilem Pontium Abbatem, qui causam Ecclesiae in ratione sua acceperat, primum de Synodali executione; deinde de clericali seu sacerdotali examinatione, postremo de sacramentorum Ecclesiasticorum ratione compellans, juris justitiam ab eo deposcebat. At ille tutorem Ecclesiae non actionarium imò Apostolicæ paternitatis, quantum ad Vizel. jus Ecclesiae spectat, Vicarium se esse dicens, nihil causæ cum eo se habiturum super hac re incio Domino Papa respondit. Sic repulsus Episcopus vi extorquere voluit, quod surripere actionali persequutione non potuit. Cæpit ergo Ecclesiam infestare, homines Ecclesiae opprimere, possessiones quoque illius diripere, ac quidquid in se fuit posse, totum adversus Ecclesiam in detrimentum illius experiri. Arbitratus autem suum posse minus esse sufficiens ad præmeditados perficiendum conatus, fratrem suum Ducem, & alios etiam fratres suos in odium Ecclesiae incitavit, & per eos quasi potentatum totius Burgundiae in ruinam & dejectionem Ecclesiae appulit & impulit. Abbas vero nactus constantiam, patientiâ suâ omnes impetus illius sprexit, fregit, cassavit, ac velut inanes & futes annihilavit.

His temporibus universali Ecclesiae præsidebat EUGENIUS sanctissimus, qui audita infania, quâ Eduensis nitebatur adulterare castitatem suæ specialis filiae, Vizeliacensis dico Ecclesiae, sæpe illum admonuit, sæpe corripuit, & intendendo, ni resipisceret, de gradûs sui periculo præmonuit. Jam ergo Eduensis à spe propriâ frustratus, & diffidens de vanitate potentiae suæ, Romanam adiit curiam, & falsa comminiscens, verique similia componens, querelam adversus Abbatem statuit, asserens ea, quæ ab Vizel. Ecclesiâ repetebat, per longi temporis præscriptionem hæcenus ad hæc usque tempora suæ Sedis Ecclesiam absque alicujus controversiæ calumniâ tenuisse. Clementissimus vero Papa Eugenius dignitati Apostolicæ autoritatis, salvâ integritate veritatis, per omnia consulendû, deferens, diem utrique parti statuit, & notatam Abbati designavit, utque vel per se, vel per sufficientes responsales suos cum munimentis Ecclesiae suæ ad ejus præsentiam denominato die occurreret, ad illata responsurus, per pietatis suæ scripta mandavit. Uterque igitur secum adhibito sufficienti, & ut cuique videbatur, legitimo testium comitatu, universali se præsentavit Curiae, finem quisque suæ causæ ratus tanto sub examine adepturum se fore. Interea iusti tenax merito dicendus Abbas Pontius accedens ad summum Pontificem, conquestus est non debere se omnino subire actionem quamlibet, vel iudicium huiusce rei, cujus per Apostolicam manum & perpetuâ possessione tueretur, & ejusdem Apostolicæ autoritatis per plura & antiqua Rom. privilegia testamento perpetuæ libertatis heres esset constitutus. Ad quod pius refert Apostolicus, tanto æquius ac liberius eum debere etiam iudicii examen expectere, quo suæ justitiæ magis conscius esset; sciens proculdubio causam suam eo semper robustiorem fore, quo iudicii libramine perpena, de cætero ab omni quaestionis nodo redderetur absoluta. Qui si etiam forte,

quod futurum non sperabat possibile, inconsiderato præjudicio in causâ suâ quoquomodo gravaretur, tunc demum auctoritate privilegiorum cujuslibet præjudicii violentas determinationes refragari posse non dubitaret. Hac permotus ratione Abbas acquiescit suscipere actionem, & jam causam suam utraque pars prosequitur; in quâ prosequutione definitum est Eduensem nihil ex proprietario jure, nihil ex investitionis possessione, nihil ut sibi videbatur ex longi temporis præscriptione, nihil etiam ex fructuario seu legatario, sed tantummodo largitionis, permissionisve usu, de more Vizeliacensis libertatis quibuslibet etiam cujusvis provinciae concessio Episcopis, efficere in quaestione; cum è diverso Vizeliacensis Abbas nec longi temporis præscriptionem, nec legatarium, sive alium quemlibet alienæ acquisitionis usum prætenderet, sed omnino ex proprietario jure, & antiquâ perpetuæ possessionis investitione Vizel. Ecclesiam semper obtinuisse prædictam libertatem diceret; & hæc non libertinâ emancipatione sibi collatam, imò sibi innatam, & secum connatam fuisse, secumque adolevisse, atque ad hæc usque tempora irrefragabiliter in eâ perdurasse sufficienter peroraret. Cum autem allegationes suas testibus uterque præmuniret, dictum est ex sententiâ confessus, ut producti testes jurisjurandi sacramento testimonia sua firmarent. Forma verò juramenti hujusmodi fuit, ut quam sciret veritatem super causâ utriusque quisque aperiret; falsitatem porro penitus reticeret. Sic per jusjurandum obligatos Abbas produxit testes suos. Quorum testificationis modus talis est:

GERARDUS Prior Albörnensis dixit: Antequam Monachus factus essem interfui Concilio quod tenuit Papa Paschalis Guarestalla, & vidi quod ibidem benedixit Abbatem Vizeliac. Renaldum. Post Monachus Vizeliaci factus sum, & idem Abbas misit me Altissiodorum cum Petro Aribaldi Clerico, & aliis pluribus Monachis, Giberto, Achardo, Aimone, & recepi Ordines quatuor usque ad Subdiaconatum, & Petrus Aribaldi ibi ordinatus est, sed quem Ordinem acceperit, non reminiscor. Alio tempore ab eodem Episcopo Umbaldo Subdiaconus ordinatus sum. Postmodum Episcopus Andegavenis Romam pergens, Vizeliaco Chrisma & sanctum oleum, confecit in majore Ecclesiâ, & credo indubitanter Capellanos ejusdem villæ illud sanctum Chrisma & oleum recepisse; & idem Andegavenis me Diaconum & alios Monachos, & quosdam Clericos ejusdem villæ aliâ vice ordinavit Vizeliaco; sed Clericorum nomina non reminiscor. Et idem Abbas misit me & Joannem Monachum ad Ugonem Nivern. Episcopum, qui nos Presbyteros consecravit. Et cum essem apud Sanctum Jacobum in Esconio, Obedientiâ Vizeliaci, vidi Guillelmum Barzelim Nuntium Renaldi Abbatis eundem Altissiodorum pro Chrismate, & inde rediens cum aliquantulum nocte quiesceret, Chrisma mihi commendavit; postmodum ipse idem à me resumens Vizeliacum detulit. Alio tempore vidi Amicum de Ulmo ab eodem Abbate Renaldo ad eundem Hugonem Episcopum missum pro Chrismate; & redeuntem cum Chrismate. Tempore ejusdem Abbatis Renaldi quidam parochianus ejus Stephanus Aicaphit Hierosolymam ivit, & dum ibi moram faceret septennio, uxor illius alio viro nupsit, postmodum vero memoratus Stephanus rediens uxorem repetiit; quæ cum ei negaretur, ante præsentiam Abbatis Renaldi eam convenit, ibique causâ cognitâ iudicio & auctoritate Abbatis Renaldi suo viro restituta est, & assistente Petro Capellano S. Petri superioris, adulter & adultera penitentiam ab Abbate susceperunt.

Decidit à causa Episcopus Eduens.

Testes Abbatis referunt quid de iuribus agnovissent.

Coram Summo Pontif. de immunitatibus Vizel. controvertitur.

HUGO Prior de Moreto juratus dixit : Albanensis Episcopus Matthæus ordinavit me Subdiaconem, & alios plures Monachos, Vizeliaci in Capellâ sancti Laurentii, tempore Alberici Abbatis, Papa Innocentio existente Altissiodoro, & vidi tempore ejusdem Abbatis quoddam Rothomagensis Archiepiscopus Hugo altare sancti Egidii in majori Ecclesiâ consecravimus, & vidi matrimonium Arduini & Cæcilie, unde controversia erat, auctoritate & judicio Vizeliaci Abbatis Alberici, præsentis & assistente Galterio Cabilonensi Episcopo confirmari : & ipse pater & juvenis filius erant de parochiâ Eduensi, videlicet de Glanâ. Garnerius Subprior Vizeliaci duxit me Altissiodorum, & ibi ab Episcopo Hugone, qui fuerat Abbas S. Germani, in Sacerdotem cum pluribus Monachis nostri Monasterii ordinatus sum. Postea, cum essem Camerarius XIII. Monachos Altissiodori per Hugonem Altissiodorem ordinari fecit (qui fuit Pontiniacensis Abbas) ad vocationem Alberici Abbatis. Stephanus Eduensis Episcopus consecravimus altare S. Andeoli positum in Choro Monachorum, & audiivi Stephanum Episcopum Eduensem dicentem Comiti Nivernensi, quoniam vocatione Abbatis Cluniacensis Petri, & Monachorum Vizeliaci venerat ad benedicendum Abbatem Pontium, & hoc fuit in Camerâ Abbatis. Et vidi sæpe Carnotensem Episcopum Guifredum, & Altissiodorem Hugonem, qui fuit Abbas S. Germani, celebrantes Missas in Ecclesiâ sanctæ Mariæ Magdalene in festo ejusdem, præsentis Eduensi Stephano & non contradicente.

ANSELLUS Vizeliaci. Monachus juratus dixit : Vidi Abbatem Pontium committere Ecclesiâ S. Petri inferioris cuidam Presbytero Bernardo tam in spiritualibus quàm in temporalibus, & hoc in Capitulo. Et idem commisit Presbytero Guidoni Ecclesiâ S. Petri superioris pro spiritualibus & temporalibus præsentis capitulo : & idem Abbas commendavit Presbytero Andrea Ecclesiâ S. Stephani similiter in Capitulo; & hæc omnia post concordiam, quæ facta est apud Molinos, contigerunt. Matthæus Albanensis Episcopus me in Diaconem, & tres alios Monachos in capellâ S. Laurentii ordinavit. Hugo Altissiodorensis Episcopus, qui fuerat Abbas sancti Germani, me in Presbyterum & plures alios ordinavit apud Pontiniacum. Henricum Eduensem Episcopum cum processione vidi recipi Vizeliaci, & plures alios.

HUGO de Silviniaco Monachus & Presbyter juratus dixit. Helias Aurelianensis Episcopus me in Presbyterum, & plures alios Monachos, & Guidonem, qui modo Capellanus est, & Renaldum Reialta me vidente in Presbyteros ordinavit in Ecclesiâ majori Vizeliacensi : & eodem anno meæ ordinationis vidi Nuntium Abbatis Pontii, Durantum nomine, euntem pro chrismate & oleo ad Episcopum Nivernensem Frotmundum, & cum chrismate & oleo redeuntem : & cum ex consuetudine Vizeliaci Monasterii nullus Clericorum villæ debeat ire ad synodum sine licentiâ Abbatis, vidi tempore synodi, quoddam Abbas Pontius Sadonem & Petrum Aumbaldi majores Capellanos vocavit, & præcepit eis ne ad synodum irent, & ipsi obedierunt. Et cum Presbyteri juxta festum Omnium Sanctorum licentiam eundi ad synodum peterent, Abbas non concessit, & ipsi non iverunt. Vidi Arnulfum de Ferrariis ex mandato Abbatis Altissiodorum pro chrismate & oleo euntem, & cum chrismate & oleo redeuntem, & hoc post concordiam; & jam sunt sex anni : & vidi post concordiam altare S. Michaelis in majore Ecclesiâ ab Hugone Rotomagensi Episcopo benedici : & post concordiam vidi Hugonem Altissiodorem

Vizeliaco ordinationes facere : vidi quæstiones trium Matrimoniorum deponi apud Abbatem Pontium, Oberti Saltarelli, & Helizabeth, & Americi Cerarii, & filie Blaucarti Sartoris, & fratris Drogonis, & filie Petri Mercatoris, & terminari auctoritate Abbatis. Et in causâ Oberti & Helizabeth fuit advocatus Ermannus, qui modo est Archidiaconus & Archipresbyter Avalonensis : de donatione trium Ecclesiarum idem penitus dicit, quod Ansellus Monachus Vizeliacensis.

HUGO de Scolâ Vizeliaci. Monachus & Presbyter dixit : Tempore Alberici Abbatis Prior de Moret Hugo duxit me cum pluribus aliis Altissiodorum, ibique nos ordinari fecit, me in Subdiaconem, & reliquos in diversos Ordines ab Hugone, qui fuit Abbas, Pontiniacensis. Tempore Pontii Abbatis, Helias Aurelianensis Episcopus ordinavit me in Diaconem, & plures alios in diversos Ordines, Guidonem, qui modo major Capellanus est, & Renaldum Raiaza in Presbyteros, & hoc in majori Ecclesiâ. Et tempore ejusdem Pontii vidi Humbertum Lugdunensem, tunc Eduensem, vocatum ab eodem Abbate Vizeliaci, in Ecclesiâ peregrinorum ordinare plures alios in Presbyteros, alios in Diaconos, alios in diversos Ordines : Et vidi Hugonem Rotomagensis Archiepiscopum consecrare altare S. Michaelis, & hoc in majori Ecclesiâ, & post pacem reformatam : & vidi Hugonem Altissiodorem ordinare duos Guifredos in Subdiaconos. Et de donatione trium Ecclesiarum idem prorsus dicit quod Ansellus & Hugo. Vidi Humbertum, qui nunc est Lugdunensis, & Henricum, qui nunc est Eduensis, in Burgo Vizeliaci, & quandoque in majori Ecclesiâ hospitari, & quandoque in Burgo suis sumptibus procurari.

URSUS juratus dixit idem de chrismate & oleo quod Hugo de Silviniaco, & de Synodo idem ; de quæstionibus & terminationibus matrimoniorum idem dicit quod Hugo, excepto quoddam mentionem Archipresbyteri Avalonensis nullam fecit.

BENEDICTUS cocus Abbatis juratus dixit idem de causâ matrimonii Arduini & Cæcilie, quod Hugo Prior de Moret, & de Matrimonio Oberti & Helizabeth, & de Matrimonio Americi Cerarii, & filie Blanchardi Sartoris, & fratris Drogonis, & filie Petri Mercatoris, idem dicit quod Hugo de Silviniaco Monachus & Presbyter.

ALGRETH juratus dixit idem de causâ matrimonii Oberti Saltarelli & Helizabeth, & Americi Cerarii, & filie Blanchardi Sartoris, quod dixerat Hugo de Silviniaco, & Benedictus cocus ; & dicit quoddam quædam mulier ivit Hierosolimam, & cum moram faceret, vir ejus aliam duxit, postmodum mulier reversa virum repetiit, & in præsentia ipsius Pontii cognita causâ, judicio & auctoritate Abbatis viro suo reddita est, sed nomina eorum non reminiscitur.

His amotis, obtulit Eduensis testes suos, quorum primus Abbas S. Margaritæ juratus dixit, se vidisse ad synodum Eduensis Episcopi sacerdotes Vizeliaci pluribus vicibus, continuè an assidue ignorat ; Sadum, Petrum, Bernardum ; & hoc, tempore Stephani, Sadum & Petrum ; Humberti, Bernardum ; an debito vel voluntate nescit, si simul, non reminiscitur. Verumtamen sæpe audiivi Monachos dicentes quoddam ex debito non ibant ad synodum : querelam quando non veniebant Sacerdotes Vizeliaci audiivi, & vindictam vel satisfactionem nullam. Sacerdotes suspensos ab Eduensi scio restitutos à Domino Papa, & literas ejus vidi. In reformatione pacis audiivi Abbatem promittentem se fidelem amicum deinceps futurum Eduenti, & talem se exhibiturum ipsi, quales prædecessores ejus exhi-

T. res Episc. Eduens. adduntur.

buerant se prædecessoribus Episcopi. Vidi quoddam Abbas obtulit huic Episcopo privilegium Eugenii, & tunc Abbas Cluniac. dixit Eduensi Episcopo: cum opus fuerit, vade Vizeliacum, & fac ut Episcopus præsentem Pontio Abbate ipsius Monasterii.

JOANNES Prior sancti Symphoriani juratus dixit: Ego vidi quoddam Humbertus Episcopus Eduensis celebravit Missam Vizeliaco, & sermonem fecit, & hoc quâdam solemnitate, & tempore Synodi vidit Sadonem & Petrum Eduis, & credit quoddam ad synodum venirent. De reformatione pacis hoc dixit se audisse à quodam, quoddam Episcopus iret Vizeliacum, & faceret ibi officium suum, & hoc post reformationem pacis.

EBERARDUS Archipresbyter juratus dixit: Vidi Stephanum Eduensem Episcopum die Paschæ, & Mariæ Magdalene celebrare Missas majores, & ad minus bis. In die sanctæ Mariæ Magdalene quando Missas celebravit Eduensis, erat ibi Carnotensis Episcopus, & fecit ipse sermonem ad populum, Eduensis verbò benedictionem. Idem Stephanus dedicavit Ecclesiam peregrinorum, existente in Vizeliaco Papa Innocentio, quo tempore fuit ignoro. Idem dedicavit altare de Choro Monachorum, & altare de Capellâ sancti Stephani, & vidi quoddam benedixit Albericum Altissiodori, & vidi Pontium benedici ab eodem, & vidi ordinationes Monachorum & Clericorum fieri ab eodem Stephano in Ecclesiâ peregrinorum, & hoc semel. Vidi Bellinum, Angilbertum, Sadonem & Bernardum, Capellanos Ecclesiæ inferioris: Petrum Graelum, Blainum, Sadonem, Guidonem, Ecclesiæ superioris venire ad synodum continuè exceptis duobus annis, hoc præsentem, & eo quando fuit discordia inter Humbertum Eduensem Episcopum & Abbatem Pontium, pro Ordinibus ibi celebratis ab Aurelianensi, & hoc per XXX. annos. Hoc idem de chrismate & oleo; de pace idem quoddam Abbas, excepto eo quoddam verbum illud, vade Vizeliaco, non dixit: Sed post modum vidi Episcopum ibi celebrare ordines semel, & vidi duos clericos, Bonnamicum, & Petrum volentes ordinari, portare literas Eduensis Altissiodorensi: & vidi duos Capellanos, videlicet S. Stephani & S. Jacobi de Esconia venire ad synodum Eduensem, & hoc vel semel. Ego idem Archipresbyter Eberardus vidi duos excessus Clericorum puniri, videlicet Blandini Subcapellani, & Mainardi de Esconio; & vidi Angelbertum Capellanum sancti Petri inferioris recipere curam animarum à Lamberto Presbytero Avalonensi; & Bernardum ab Humberto Eduensi, & audivi eum dicentem, quia volebat quoddam Abbas nesciret: Petrus & Andreas Capellanus Sadonis, & Galterius de Esconio, adduxerunt mihi parochianos suos ad pœnitentiam recipiendam de criminibus; & hoc sæpe & ex antiquâ terræ consuetudine: vidi per XL. annos, quoddam parochiani de villâ Vizeliaci, singuli de singulis domibus veniunt ad Ecclesiam Avalonensem, & ibi unusquisque nummum, vel ceræ nummatam Ecclesiæ præstat. Vidi Sadonem & Petrum recipere curam animarum à Stephano Eduensi Episcopo. Vidi Renaldum Lugdunensem Archiepiscopum facere Ordines ibi, tam de Monachis quam de Clericis. Vidi quoddam Abbas Vizeliacensis mittebat Monachos suos ordinandos Episcopo cui volebat. Vidi instrumentum Fundatoris: legi coram Domino Papa Innocentio, in quo continebatur quoddam liberum esset Monasterium ab omni exactione pecuniæ, præter libram argenti quæ annuatim offerebatur Ecclesiæ beati Petri, & eo lecto dixit Dominus Papa Episcopo: Vade, fac quoddam tuum est. Et vidi quoddam Ecclesia sancti Petri singulis annis pro paratâ à XL.

annis retrò quinque solidos Ecclesiæ Eduensi annuatim persolvit.

ARNULFUS juratus dixit: Vidi quoddam Stephanus Episcopus benedixit altare quoddam in Ecclesiâ sancti Stephani: nescit tamen quoddam altare fuerit, cum ibi plura sint: idem benedixit altare de choro in Ecclesiâ sanctæ MARIÆ. Idem benedixit Ecclesiam peregrinorum, & erat ibi Papa Innocentius: sicut credit in eadem Ecclesiâ idem fecit Ordines Monachorum & Clericorum illius villæ, & aliorum sui Episcopatus; & cum essem in sede loco Archipresbyter, vidi Aganonem Episcopum euntem Vizeliaco ad Ordines faciendos, & vidi Clericos redeuntes qui dicebant se ordinatos. Et audivi quoddam in sequenti die post Ordines dedicavit Ecclesiam de Esconio. Idem Stephanus celebravit Vizeliaco Missas majores in Resurrectione Domini & sanctæ Mariæ Magdalene, & Carnotensis fecit sermonem, & Eduensis benedictionem, & hoc contigit pluribus vicibus me vidente. Vidi quoddam per XXX. & V. annos continuè Sacerdotes Vizeliaci veniebant ad synodum Eduensem: aliquorum nomina sub hæc: Blandinus, Sado, Petrus Grandella, Petrus Armenbaldi, Guido. Vidi Narigaldum Episcopum recipi à Monachis Vizel. cum processione. Vidi quoddam Stephanus benedixit Albericum Altissiodori, sed de Ecclesiâ non reminiscitur.

GALTERIUS Archipresbyter juratus dixit, quoddam Stephanus Episcopus benedixit Abbatem Pontium, benedixit altare de Choro. De concordia hoc idem quoddam & alii, & post fecit ordinationes in Ecclesiâ sancti Petri, & Stephanus confirmavit ibi omnes, & vidit Sacerdotes Vizel. venire ad synodum Eduensem multoties, & Guidonem & Bernardum, qui modo sunt, & V. solidos recepit decem annis pro paratâ, & unaquæque familia nummum unum pro crucibus, & hoc semel vidit & multoties audivit, & audivit quoddam Abbas Vizel. mittat Monachos ad quem vult Episcopum ordinandos.

GALTERIUS Presbyter juratus dixit, à XXX. annis retrò se vidisse clericos Vizel. petere chrisma ab Archipresbytero Avalonensi, præter præsentem, & annum discordiæ; qui fuerint Nuntii ignorat, & vidit benedici Ecclesiam peregrinorum à Stephano Episcopo, commorante in villâ Papa Innocentio, quo tempore fuerit ignorat; & erat ibi Abbas, sed nescit nomen ejus. Idem consecravimus altare de choro majoris Ecclesiæ, quæ consecratio alteram præcellerit, nescit. Idem vidit Landricum, Petrum, Angilbertum, venire ad synodum Eduensem, & hoc per XXX. annos, & vidit quoddam Angilbertus suscepit curam animarum ab Archipresbytero Avalonensi: per XXX. annos vidit Petrum Gradella, Sadonem, Blandinum, cum successoribus suis venire ad synodum. Idem vidit Ecclesiam sancti Petri inferioris paratam solvere Ministris Episcopi XXX. annis. Idem vidit Blainum Capellanum Sadonis puniri ab Archipresbytero Avalonensi pro excessibus suis; & eundem Mainardum, & Galterium de Walteriâ: & audivit quoddam Abbas Vizel. mittebat Monachos ordinandos quo volebat.

JOANNES Gentilis juratus dixit, quia à XXX. annis vidit Clericos Ecclesiæ sancti Petri tam superioris quàm inferioris venire ad synodum, sed non continuè, & vidit Angilbertum Ecclesiæ inferioris recipere curam animarum à Lamberto Archipresbytero Avalonensi, & audivit Petrum & Arebaldum & Sadonem dicentem se recepisse curam animarum à Stephano Episcopo, sed non vidit: & vidit Capellanos Vizeliac. recipere chrisma ab Archipresbytero Avalonensi & Monte regali per triginta annos, sed non continuè: & vidit Petrum Gradella petere

Archipresbyterum.



Archipresbyterum in synodo ab Episcopo Stephano, & hunc presentem concessit; & de excessu Blaiui idem dicit quod alii: & vidit denarios crucis solvi, & vidit Capellanos Vizel. adducere parochianos suos, ut reciperent pœnitentiam ab Archipresbytero Avalonensi: de dedicatione Ecclesiæ peregrinorum idem dicit: de celebratione Missarum ab Episcopo idem quod & alii.

BONUS-AMICUS idem per omnia quod Gentilis, præter presentem annum & discordiæ.

GOSFRIDUS juratus dixit, quod multoties vidit Sadotem, Petrum tempore Stephani, & Humberti, Bernardum & Guidonem tempore illius venire ad Synodum; & vidit quemdam Clericum Vizeliacum, petentem licentiam ab Episcopo ordinandi.

CONSTANTINUS juratus dixit, quod sæpe ivit ad Synodum cum Clericis Vizeliacis; & quod quidam Clericus Vizeliacus ordinatus est per litteras Eduensis.

GOSFRIDUS Nivernensis Episcopus coram positis sacrosanctis Evangelis dixit: Vidi quod Eduensis Episcopus Stephanus vocatus, & aliquando non vocatus Vizeliaco ut Episcopus recipiebatur, & aliquando à Monachis, aliquando suis sumptibus procurabatur, & in festo beatæ Mariæ Magdalænæ Missas solemnes, aliis quibusdam Episcopis adstantibus, sæpe celebravit; & semel Eduensi celebrante solemnina Carnotensis sermonem fecit; & vidi quod idem Stephanus benedixit Abbati Albericum Altiissiodori, & idem Stephanus consecravit Ecclesiam peregrinorum, existente Papa Innocentio Vizel. Alio tempore idem Stephanus benedixit altare in choro Monachorum, alio tempore idem Stephanus benedixit altare in Ecclesiâ S. Stephani: & interfui cum pax reformata est inter Eduensem & Vizel. mediante Cluniacensi, ubi in ultimo dictum Eduensi est; Vade Vizeliaco, & fac ministerium tuum. Sed si hoc Abbas dixerit, siue alius pro eo, non recordor. Et alio tempore Pontius Abbas cum Eduensi Humberto ab Urbe veniens, cum Episcopus eum præcessisset, postmodum ab eodem & Clericis ejus dictus Abbas cum processione susceptus est Eduæ, & inde in Capitulum Eduense veniens, amicitiam & dilectionem Eduensi secundum consuetudinem suorum prædecessorum promissit.

HUMBERTUS Lugdunensis coram positis sacrosanctis Evangelis dixit: Cum essem Eduensis Episcopus, non vocatus ivi Vizeliacum, & in majori Ecclesiâ in Pascha Missarum solemnina celebravi, credens meo Episcopali jure uti, & sermonem ad populum feci, & benedixi præsentem quodam alio Episcopo. De concordia idem prorsus dicit quod Episcopus Nivernensis, nisi quod asseverat Abbatem dixisse ei: Vade & fac Vizeliaci quod antecessores tui facere consueverunt. Postmodum vocatus Vizeliaci Ordines celebravi tam Monachorum quam Clericorum villæ, & quorundam clericorum mei Episcopatus. Et alia vice Eduæ Ordines celebrans, Clericos Vizeliaci cum Clericis meis aliis secundum consuetudinem examinans promovi. Et quamdiu Episcopus fui. Clerici Vizel. ad Synodum meam singulis annis venerunt, vel exultationem miserunt. Archipresbyter Avalonensis quemdam Burgensem Vizeliaci ad me adduxit, qui uxorem causâ sterilitatis dimiserat, cui mandavi, ut distante justitiâ Burgensem ad recipiendam uxorem cogeret.

Ita testimonia sua prosequuti, in partem cedunt testes Eduensis, quorum voces, si diligenter pensantur, causam Eduensis examinare potius quam fulcire probantur. Celebratio quippe Missarum, consecratio altarium, distributio Ordinum, largitio benedictionum, petitio sacri olei vel Chrismatis, & alia hujusmodi vicino & Comprovinciali Episcopo

æquæ ut peregrino, liberali permissione pro arbitrio Vizeliacensis libertatis conceditur. Quod igitur cum cæteris sibi commune est, jure proprio minimè illi cedit. Cæterum quod ab Eduensi suspensos per Apostolicam libertatem suis ordinibus restitutos testantur, causam Vizeliac. faciunt, & suam, hoc est, Eduensis, penitus destruunt. Quod Vizeliaci Clericos Eduensem synodum frequentasse, quod licentiam ordinandi ab Eduensi petuisse, quod curam animarum ab eodem suscepisse, quod paratam solvisse, quod Parochianos suos pro pœnitentiâ Archipresbyteris duxisse referunt, si fas est dicere, & Sacerdotum fraudulentiam, & eduensis temeritatem produnt, dum hæc incio utique Vizeliacense perpetrata fatentur, ac per hoc gravis actori redditur causa, quæ furtivis surreptionibus allegatur annexa.

Igitur posteaquàm utriusque partis testes, prout superius expressum est, testificati sunt, decrevit summus Apostolicus, ut judicio tantæ litis controversiæ dirimeretur: & quoniam suprema formido argumentum est sævæ conscientiæ, sit nonnunquam ut extremis subacta periculis cogatur mens perpendere, quod in pace olim quodammodo dedignabatur prospicere. Causâ itaque positâ in articulo discriminis, perturbatur Eduensis suæ conscientie temeritatis. Quia porro eum non latebat Romana æquitas in censurâ dumtaxat juris justitiæ, fluctuare cœpit, dissimulare nequivit, judicium tamen differri petiit, dicens causæ suæ adhuc se habere efficacissimos comprobatores, qui languore & ætate confecti, laborem tanti itineris non possent aggredi. Verum si infra Gallias competens & loco & die sibi præstetur actio, hos proculdubio se exhibiturum, atque post horum voces in ejus præsentia statuto ab eo tempore indubitanter se subiturum Apostolicam sententiam pollicetur, nisi forte interim optata pax intercedat. Tum Vizeliacensis supervacaneam comperendinationem ratus, & de temporis indulgentiâ potius quàm de causæ constantia Eduensem sperare considerans; jussus juris, vel jurisjudicium instanter reposebat: prævaluit tamen Apostolica clementia, & tandem judicium distulit, diem repetendæ sententiæ statuit, Vicarios adjuvatores testium suorum infra Gallias Episcopos designavit, videlicet Episcopum Lingonensem Godefredum, necnon Petrum Trinoricensem, & Stephanum Regniacensem Abbates. Quibus & per scripta mandavit, ut die & loco congruo prædictam causam inter Eduensem & Vizeliacensem suscipientes, testes quos Eduensis legitime proferret sub formâ præscripti juramenti audirent, atque eorum testificationes descriptas, & sigillorum suorum munimine consignatas per eosdem sibi ad statutam judicii diem transmitterent. Cujus tenor epistolæ superius in serie Epistolarum illius quas ad diversos ob tutelam Vizeliacensis libertatis fecit, continetur. Enimvero incomparabilis memoriæ Papa Eugenius piâ sollicitudine futuris præcavens eventibus, utriusque partis testificationes jussit conscribi in triplici scedula, quarum unam Episcopo, Abbati alteram dedit, tertiam verò suis indidit scriniis, quatenus si forte vel in suâ vel in sui successoris præsentia hæc eadem iterum agitaretur controversia, præscriptæ testificationes ac si vivæ voces, novitates omnes refellerent, & Judicium, vel agentium alteratam successionem suppositi testes non fallerent. Sic rebus gestis, suis uterque redditur.

Eduensis autem optatâ dilatione potitus, proposita dissimulare, tempusque redimere nitebatur, ac de his quæ pro dilatione summo Pontifici pollicitus fuerat, penitus nihil curabat. Cumque moras ægrè ferret Abbas, quibus impedimentum causæ suæ & non finem litis parere sentiebat, Lingonensem Epi-



scopum, qui forte quadam die Vizeliaco advenerat, convenit, deque Domini Papæ mandato requisivit. Qui respondit eum potius hanc requisitionem facere debere qui actionem proposuerat, cum plerumque tacendo liti renuntietur. Ipse autem, videlicet Eduensis, necdum super hoc negotio quidquam sibi sit loquutus.

Interea sanctæ memoriæ S. Eugenius sanctæ Sedis Apostolicus, viam universæ carnis ingreditur. Cui Anastasius S. R. Ecclesiæ Vicarius subrogatur. Quo comperto, Vizeliacensis metuens ne faciem novi Præfulis præveniret vetus hostis, scribit ad eum ociosus, significans quanti semper habita sit usque hodie Vizel. Ecclesia in oculis omnium Apostolicorum qui eum præcesserunt. Supplicat præterea, ut exemplo Patrum suorum Romanorum Pontificum Vizel. Ecclesiam uti proprium jus & alodium B. Petri ab instantium incursionibus, maximè autem ad præsens ab Eduensis temerariâ præsumptione tueretur, describens qualiter causa tam illius, quam suâ in præsentia piæ memoriæ decessoris sui Engenii ventilata per dilatam jurisdictionis diem petente Episcopo remansisset infecta. Ad postremum, ut ejus pietas transactam morte Judicis sententiæ diem in suâ præsentia renovare, & Eduensi denuntiare dignetur, exorat.

Divus ergo Apostolicus specialis Ecclesiæ patroni preces admittens, renovationem causæ utriusque mandat, & quintam decimam post Pascha utrique præscribit, nisi forte ex consensu alterutro pax interrim Ecclesiarum reformetur, quatenus quæ suus prædecessor infecta reliquerat, Deo agente per eum bono fine terminarentur. Tunc nodosa cervix sese contorquens, ut pote insperatis percussâ spiculis, rebus jam desperans Ducem aggreditur, & jam cum fratre agit de pace suâ, cum quo egerat aliquando de oppressione alienâ. Quippe veritus ne dum alienis inhiat, amittere cogatur & propria, duellioni renuntiat, de reformatione pacis cogitat. Quique hætenus aliena per se usurpare contenderat, jamjam aliis mediantibus sibi consulere festinat. Ne verò fraternalis esset suspecta malitia, religiosæ vitæ, & honestæ famæ viros Dux ipse cum Episcopo interpellat, Abbatem scilicet Cisterciensem, & alios plures ejusdem Ordinis. Hi ergo Vizel. Abbatem Pontium adeuntes cum supplicatione preces Ducis offerunt, & vice Episcopi pacem repræsentant, pacemque reposcunt. Nec pati repulsam merentur, quoniam apud generosos animos rigorem rectitudinis semper comitatur lenitas mansuetudinis. Cedit ergo Abbas humiliter supplicanti, qui non cesserat arroganter superbienti: & his mediantibus per manum Ducis pax inter utramque Ecclesiam reformatur, controversia omnis pacificatur, dantque invicem amicitia oscula, atque ineunt perpetuæ pacis fœdera. Quæ pacis compositio, ut etiam inter successores custodiretur illibata, manûs suæ formatam fecit, quam & sigilli sui munimine corroboravit, ut sequens probat exemplar.

» Notum sit tam præsentibus quàm posteris,  
» quodd ego Henricus in Dei nomine Eduensis Episcopus consilio religiosarum personarum, & quorundam Fratrum Ecclesiæ nostræ, controversiam  
» & querelam diu inter Eduensem & Vizeliacensem ventilatam tali tenore amicabili compositione sopitam esse volui, ut in bonâ pace & concordia  
» tam ego quàm Pontius Abbas prædictæ Ecclesiæ permaneamus & persistamus, salvo jure in vitâ  
» meâ, & privilegiis utriusque Ecclesiæ. Prædictam autem transactionem live compositionem me su-

perstite ratam esse decerno, adeo ut post mortem meam nullum præjudicium utraque Ecclesia hinc patiatur. Testes sunt ex parte utriusque; Guillelmus Abbas Fonteneti, Hugo Abbas de Bussériâ, Petrus Abbas de Monte sancti Joannis, Otbertus Abbas S. Margaritæ, Magister Otbertus, Siginus de Liniaco, Gislebertus Prior Oisiaci, Girardus Buca, Hugo de Moncellis, & multi alii.

Hæc pro nostræ modulo parvitatæ de libertate Vizel. Ecclesiæ quantâ potuimus brevitate & veritate perstrinximus, latiora forte sed non veriora majori committentes otio. Et veritate quidem filiis atque amatoribus hujus Ecclesiæ fecimus, ut credimus, satis. Brevitate autem talium subsannatoribus condescendere curavimus. Solent quippe utilia scribentibus succensere nonnulli, vel gestorum invidia capti vel eorum quæ proferuntur ignari. Cum autem sapientis otium nihil arbitretur otiosum, quin alienum otium suum ducat officium: è converso maximum est insipientis negotium adscribere otio quidquid prudens elaborat studium, quod sui pretio penitantes, compendio usi cursim stilum exegimus. Licet enim temporum ætate juniores nos Ecclesia protulerit, nostram tamen erga ipsam nihil devotionem minuit, si posse nostrum quaecumque illius profectibus affectu integerrimo impendamus, nec diffidimus quin præstet vires ipsa, quæ præstitit velle & gratia, dummodo degere nobis detur sine querelâ. Quia verò aliquanti loco mercenarii, & non naturâ filii, sua quærentes, & non quæ sunt adepti officii, in communi causâ, vel sub obtentu communis causæ propria sectantur emolumenta, nos ab hac specie adeo mentem defæcatam gessimus, ut solo & simplici respectu communis boni pro communi bono ad commune bonum his operam dederimus. Sanè spem nostram in eo solo & ad eum solum contulimus, qui nullum bonum esse decernit irremuneratum ab ævo & usque in æternum.



## HISTORIÆ VIZELIACENSIS, LIBERTERTIUS.

**P**ontius Abbatum regni celeberrima virtus,  
Vizeliacenses sorte regebat oves.  
Dumque sibi morum parat instrumenta bonorum,  
Dum sibi commissâ providet Ecclesia;  
Suscitat invidiam turbâ turbatior omni,  
Servorum in Dominum seditiosa manus.  
Plebs armata dolis, dux & via prodicioni,  
Frangere docta fores, & spoliare domos.  
Adibus ausa dehinc assultum impingere sacris,  
Inque necem Domini tangere sacra manu:  
Quæ mala, quot clades rabies compleisset iniqua,  
Nî celerem prudens Abba tulisset opem?  
Si rerum causas quaris cognoscere Lector,  
Præsentis libri pagina pandet iter.  
Hanc tibi noster Hugo vir stemmate Pictaviensis,  
Elegit gratis pendere mente, manu.  
Perlege, cognosces quantum benè, quàm sapienter  
Quamque suo fulgens ordine currat opus.  
Invida lingua tace, cui virtus est inimica,  
Cui semper studium velle nocere bonis.

Tandem pacem init Abbas cum Episc. Eduensi.

a Solent] Sic restitui: editum erat Semper.

**G**RÆCI cujusdam famosissimum fertur proverbium, quod in tripoda Apollinis dicitur inventum: Scito te ipsum, & vide te ipsum. Nihil in humanâ naturâ utroque clarius, nihil pretiosius, nihil denique excellentius. Per hæc quippe singulari prærogativâ passibilibus cunctis homo præfertur, & connexâ unitate impassibilibus quoque conjungitur. Est autem scire seipsum, propriæ dignitatis conditionem nosse atque intelligere: videre quoque seipsum est ipsam dignitatem conditionis sinceritate fidei, & pietatis cultu excolere. Quia igitur primæ parti specierum prædictarum, hoc est scientiæ, supponitur quod intendimus, de dignitate Vizeliacensis quo potuimus compendio partim in superiore libro egimus: in quo dum res commendare, & non verba jactare studuimus, quasi placidi æquoris terga fulcantes enavigavimus, scientes pium Lectorem ex superficie verborum pondus negotii confecturum. Verum quoniam prædictæ libertatis sive dignitatis vestes, scilicet Ecclesiæ possessiones, quidam ore canino lacerare, vel pede belluino discerpere, audaciâ filii, non virtute freti, conati sunt; placuit serenissimo atque strenuissimo Patri nostro venerabili Pontio Abbati per hæc scripta mandare longè post futuris, qualiter & quomodo per divinam providentiam & conatus æmuli evanuerint, & Ecclesia suis ipsis calibus enituerit. Nec verò istis quasi proprium exercentes ingenium otiosi incumbimus, quibus voti esset propriæ potius quàm alienæ eruditioni vacare. Sed movemur utique tum cœvorum probitate, tum succedentium utilitate, tum Ecclesiæ matris dignitate. Movemur necne irrepugnabili jam dicti Patris imperio, qui pro hac eadem libertate & dignitate ad sanguinem usque decertavit, licet votum sceleris percussor non obtinuerit, nihil tamen in eo defuit quin ferè totum se immunitati Ecclesiæ impenderet, & suam pro illius salute negligeret. Cujus videlicet Ecclesiæ sponsæ suæ casto flagrans amore, cum jura illius per aliquot annos & officiosissime disponderet, & strenuissime administraret, invidente fortunâ, nævo eam pravæ commixtionis constuprari perlesit. Tum ille zelatus, & stans ex adverso pro domo Israël, se se obicem adulterinis obtutibus præbuit, & per plura vitæ suæ pericula clariorem & perspicabiliorem libertatis sponsæ suæ puritatem effecit, sicuti nostram infirmitatem Deo juvante, & nostram parvitatem ipsius Patris auctoritate corroborante, in sequenti more nostro sectantes compendium, propalare curabimus, quatinus & præsentibus habeant quo fruuntur, & futuri quid æmulentur. Quia etenim piorum est communi potius quàm privatæ utilitati intendere; satagemus & nos profectui futurorum providere, & charitatis vestem ad talem usque protendere. Opus ergo pium pius Lector piè legat: susurro autem & detractor procul abstat. Cui autem nostra displicent, aut adulterinus, si tamen filii nomine dignus fuerit, aut vernaculus, nedum dicamus Ecclesiæ inimicus reputabitur. Si enim placuit antiquis vel aniles fabulas, vel monstruosa portenta ob solam elegantis ingenii ostentationem tradere memoriæ, & hæc etiam nostris temporibus non infructuosè aliquando legantur; multo acceptabilius, multoque fructuosius fore futuris credimus, nosse tum gestorum veritatem, tum ipsius fructus honestatem: neque prorsus talia fatemur quasi fraternæ caritatis examen dedignant, quin demantur ea quæ forte per excessum effluerunt, & suppleantur itidem ea, quæ vel nostram præterire notitiam, vel stili non admisit compendium. Utrobique sanè simplicem interpellamus affectum, quo & nostram non erubui-

mus penuriam; & tanti oneris non negleximus laborem.

Cum Vizeliacensis Ecclesia ex dono fundatoris & ex dignitate Romanæ auctoritatis prærogativâ libertatis polleret, & oraculo beatæ dilectricis atque famularicis Dei Mariæ Magdalenæ, quæ ibidem condita toto orbe prædicatur & adoratur fortissima emeretur, multis ex partibus ad eam plures convolaverunt, & tam sui copiâ, quam rerum affluentia illud oppidum illustre conspicuumque reddiderunt. Prædia quoque ut erant amplissima & sibi contigua, locum ipsum suo situ delectabilem, opulentissimum adeo effecerunt, ut spectabilis ad usque fines terræ clareret, & gloriosus in universo orbe emeretur. Hujus loci corpus tantâ & tam speciali caritate proprietarii juris capiti suo Ecclesiæ unitum & compactum jungebatur, quod in quâlibet parte sui cujusquam participium domini vel societatis admittere tamquam profanum atque insolentia incentivum abhorreret, & seipso per Apostolicam gratiam in alodio testatoris constans, nemini contractu alicujus servitutis, nisi tantum Apostolico Pontifici, cervicem flecteret. Ad cujus integræ libertatis notitiam si quis oculos castos ingenue simplicitatis intendat, perlecto Fundatoris testamento relegat, & primordialis, atque antiquæ auctoritatis Romanorum Pontificum privilegia, venerandi scilicet Nicolai, & utriusque Joannis, Benedicti quoque, necne alterius Benedicti, Leonis etiam & Sergii, & Stephani & Marini, sed & divæ recordationis Urbani, qui de Cluniaci Monasterio ad Apostolatûs administrationem assumptus, prædecessorum privilegia seu decreta pro libertate jam dicti Cœnobii Vizeliacensis, non solum intemerata & rata atque inconcussa esse voluit, imò etiam & suæ auctoritatis munimine corroboravit. Illis denique omnibus diligenter perspectis, nulla certè contraria, vel repugnantia offendet, nec fictitia & surreptitia esse omnino comprobabit; cum pro certo impium & sacrilegum sit sentire Apostolicos viros contraria sibi decernere, & quod ex opposito allegari potest, sibi metipsis repugnare. Felicis etenim memoriæ Gerardus Comes, cum piâ conjuge Berthâ, ob timorem Dei, & sui suorumque salutem, Monasterium supra Choram fluvium, in proprio & liberrimo alodio suo construxit, & congregationem famularum Dei ibidem constituit, quod etiam Monasterium cum omnibus rebus ibi collatis Beatissimis Apostolorum Principibus, & illorum in Romanâ Sede per sæcula successoribus, dato testamentario libello perpetuæ possessionis, regendum defensandumque contradidit, dimotâ & penitus exclusâ omni beneficiaria potestate cuiquam dandi, aut mutandi licentiâ. Sed cum propter crebras irruptiones Sarracenorum præfatum Monasterium penè fuisset subversum, ne piis studiis hostilis prævaleret invidia, reedificatum est illud ab eodem Comite in adjacenti monte sive Castello Vizeliacensi, ac fœminino sexu commutata, servorum Dei primus effectus est Abbas Eudo.

Tantæ igitur devotionis pietatem ejusdem Comitatus Romana Sedes grante & benignè suscipiens, placuit ipsum Cœnobium proprio juri & alodio B. Petri adscribere, & gratiâ vel dono Apostolicæ auctoritatis auctum munire. Siquidem hujusmodi privilegia suæ Apostolicæ auctoritatis decreto Romani Pontifices indulgentes concesserunt & confirmaverunt, atque statuerunt, ut nulli Imperatorum, nulli Regum, nulli Antistitum, nulli quâcumque prædito dignitate de his quæ eidem Monasterio ab eodem Comite vel à quibuscumque de proprio fuissent jure collata, sub specie cujuslibet causæ sive occasionis minuere, vel auferre, sive suis

De immunitate ac nobilitate, Vizeliacensis Ecclesiæ.

Origo libertatis Vizel.

r. Abbas.

Summa Privilegiorum Apostolicorū.

usibus applicare, vel aliis quasi piis causis pro suæ avaritiæ excusatione liceat quocumque modo concedere, sed ab eis qui in eodem loco religiosâ conversatione degerent, illibata & sine inquietudine possiderentur; eâ conditione, ut nullus Romanorum Pontificum unquam vel usquam quiddam de eisdem rebus cuiquam beneficiare, commutare, aut sub censu concedere, vel retinere per futura tempora pateretur, sed censum tantummodo unius libræ argenti in testamento traditionis singulis annis ab eodem Monasterio Romana Sedes accipiens, piæ paternitatis suffragium sollicitudine pastorali vigilanter contra omnes infestantes eidem impendere studeat. Statuit quoque Sedes Apostolica, ut sine cuiuslibet surreptionis astutiâ communi consensu Fratrum, vel sanioris partis ejusdem Cœnobii consilio, electo Abbate, & à Romano Præsule approbato, de ordinatione ipsius, aut Monachorum, vel Clericorum, necnè Presbyterorum, seu de largitione chrismatis, aut consecratione Basilicæ, aut de quâcumque commoditate spiritualis vel temporalis obsequii nullus Pontificum, nullus Regum, nullus vel Ecclesiasticæ vel secularis personæ fidelium, per se suppositamve personam accipere, aut juris aliquid sibi vindicare auderet.

Et Regum.

Taliter Apostolicis privilegiis compositis, Francorum quoque Regum Majestas eidem Cœnobio clementer prospexit, & precibus Illustribus Gerardi Comitibus favens, tale edictum eidem fieri constituit, per quod quicquid Apost. Sedis decretum sanciendo deliberasset, abique alicujus contradictionis scrupulo perpetuis temporibus inconvulsum manere statuit: præcipiens ut nulla secularis persona, vel ex Missis Regiis in præfato Cœnobio, aut prætutilato Castello, seu villis ad locum ipsum pertinentibus potestativè mansiones acciperet, aut paratas seu freda, vel cespitaticum, seu pontaticum, aut inferendas ab eo exigeret. Quisquis verò hoc immunitatis decretum temerare præsumeret, sexcentorum solidorum multam coactus exsolveret, medietatem scilicet Fisco Regio, & medietatem Ecclesiæ cui litem intulisset. Quod suæ auctoritatis præceptum ut plenioris firmitatis vigorem obtineret, manu suâ illud firmaverunt, & sigilli sui impressione signaverunt.

Invidere plures libertati Vizeli.

Sub tantæ igitur libertatis & immunitatis integritate novella plantatio novo cespite pullulavit, & ramorum suorum viridi fertilitate plurimas provincias illexit. Sed quoniam inter cætera vitia quæ in prævaricatione primi parentis humana contraxit natura, invidiæ livor atrocius humanum genus infecit, multi hac peste corrupti tam Ecclesiasticarum quàm secularium circumadjacentium potestatum, stolâ libertatis spoliare, & gloriâ suâ nobilitatis privare jam dictum Monasterium conantes, de corde in corde loquuti cogitaverunt ad invicem nequitiam, & pertranscuntes in affectum cordis, ignominiam reportaverunt suæ confusionis. Licet etenim diversis temporibus vel pariter vel vicissim sibi succedentes, facri Cœnobii pacem vexare, inquietare, perturbare molirentur, & maximos magnæque auctoritatis ejusdem Cœnobii Patres multifariè multisque modis afficere non vererentur, omne tamen virus nequitie suæ malignitatis, totumque posse suæ pravitatis generatio nequam & viperina in præstantissimum atque prudentissimum nostrî temporis Abbatem Pontium evomuerunt, & evomentes contabuerunt & defecerunt, eviscerati sunt & annihilati sunt. Pia quippe Vizeliacentium Abbatum sollicitudo, ob crebras impiorum hominum infestationes Comitibus Nivernensis Civitatis liberalissimâ indulgentiâ frequenter spontaneum impendebat obsequium, quo devotius contra omnes adversantes præsidium ferrent

Ecclesiæ, quæ nullo jure sibi obnoxia, sedulo gratuita sibi largiretur beneficia. Verum degener animus beneficiis semper abutitur, atque gratuitis obsequiis insolentior nonnunquam efficitur, nec obsequium gratiæ adscribitur, quod ingrato decernitur. Unde factum est, ut Guillelmus, qui postmodum Cartusiar effectus est Monachus, dum Nivernensis Civitatis consulum gereret, salariis atque aliis Ecclesiæ beneficiis insolenter abusus, nonnullas ab eâ consuetudines non solum pacis, sed etiam libertatis inimicos, per vim tyrannidis exigere nitebatur. Cujus aspernatus insolentiam venerandus Abbas Pontius, rationabiliter denegavit quod injustè petebatur, & prudenter conservavit quod potestative exigebatur. Dolens itaque Nivernensis sic se repulsum, in tantam exarsit iracundiam, ut stratas regias à Vizeliaco diverteret, & publicum comitatum à vico prohiberet. Tunc Vizeliacensis cum nec beneficio nec prece gravi Comitem à proposito flectere potuisset, sanctæ matri Apostolicæ Sedi Romanæ Ecclesiæ insinnavit oppressionem Monasterii sui, & quâ tyrannide jus vel allodium beati Petri Comes insectaretur, exposuit. Summus autem Pontifex eidem Comiti reiteratò scribens ut ab insectatione specialis filiæ suæ Vizeliacensis Ecclesiæ desisteret, monuit; ut etiam ejus paci & libertati favendo pro beati Petri reverentiâ provideret, injunxit, ne si Apostolica jura usurpare præsumat, universalis Ecclesiæ inimicus & temerator existat. Quod si quid juris in eodem Monasterio sibi competere crederet, ab Apostolicâ gratiâ non diffideret, dummodo quietem Ecclesiæ non vexaret: alioquin si secus contenderet, onus Apostolici baculi se laturum non ignoraret. Vizeliacensem quoque idem Præsul auctoritate Apostolicâ commouit, ne de jure Monasterii in aliquo alicui cederet, neve Patrum terminos transgredi præsumeret, in dō de Dei & beati Petri auxilio confideret, & viriliter pro Ecclesiâ decertaret, ne si Ecclesiæ integritatem commaculati permitteret, ipsius integritatis proditor existeret.

Diù ergo inter Vizeliacensem & Nivernensem protractâ controversiâ, tandem ad hoc ventum est, quod Abbas & Comes communi assensu in laude & concordia, seu diffinitione Bernardi Abbatis de Claravalle, & Hugonis de Tilio, atque illorum quos ipsi ad hanc vellent vocare concordiam se exposuerunt; ut quod præfatæ personæ super hac re concorditer definirent, irrefragabiliter observarent. Fexto igitur die solemnisi Paschæ, cum universa fere Gallia solito crebrius Vizeliaco convenisset ob frequentiam orationis, simulque ob reverentiam piissimi & religiosissimi Regis Ludovici Junioris, qui suis ibidem in humeris crucis Dominicæ Vexillum Hierosolymam peregrinaturus suscepit, convenit pariter & Comes cum jam dictis personis; qui venientes apud Bassiacum Ecclesiæ grangiam, die statuto, quartâ scilicet feriâ infra octavas Paschæ, taliter Comes calumniam suam exorsus est: Ecclesia Vizeliacensis, inquit, in advocacy meâ est: volo ut quoties Abbati mandavero, mihi & hominibus meis secundum judicium Curie meæ justiciam faciat, negare non debet. Et si aliquis adversus eum dicere voluerit quod ei justiciam negaverit, dictante meo judicio se defendere debet. Ad hæc Abbas respondit, quod nullatenus hoc facere deberet; quia Abbatiam Vizeliac. à præfato Comite non haberet. Cumque esset ipse Monachus & Sacerdos & Abbas, laicali judicio se subdi nolebat, nec per tales personas aut in se aut in Monachos suos sententiam suscipere non debebat. Iterum Comes quærebat quod homines Vizeliaci ad Ecclesiam pertinentes, de justitiâ suâ esse volebat, & quoties sibi placeret

Guillelmus Nivern. Comes usurpare tentat jura Vizeli. Monasterii.

Arbitri controversiæ inter Abbatem Vizeli. &amp; Comitem Nivern.

Quid preterderet Nivern. exponit: cui Vizeliacensis responderet, eumque confutat.

Abbati mandaret, ut pro susceptione coacti iudicii ad curiam suam eos duceret; & si forte inter homines ipsos & Abbatem aliqua querela emerferit, dicebat idem Comes non nisi per manum suam, tantum in curiâ Abbatis, debere eos inire concordiam. Respondet Abbas, quod Ecclesia Vizeliac. non esset ab ipso, nec à parentibus suis fundata, nec homines de feodo suo erant, nec Abbas aut Ecclesia eos ab ipso habebat; & ideo indignum erat, ut illius subderentur iudicio, de cuius non erant beneficio. De concordia verò Burgenſium nihil ipso auditu dicebat injustius esse, & veritati omnique iustitiæ contrarium, cum pax sit omnibus communis, & beati pedes evangelizantium pacem protestentur à divinis scripturis & à sanctis Patribus, neque ista vel huiusmodi consuetudo fuerit in Ecclesia à priscis temporibus. Rursus Comes dixit, quod homines sui de Clemiciato, cum ad nundinas vel ad forum Vizeliaci veniebant, in plateis sua mercimonia deponebant, & à consuetudine aliorum hominum immunes se esse dicebant, & ideo querebatur quod telonearii Abbatis ipsas consuetudines ab eis violenter exigenter. Abbas ad hæc respondit, quod plateas in proprios usus ab antiquo habebat, & nemo aliquid juris exceptum habebat, & cum omnes homines ad nundinas sive ad forum Vizeliaci adventantes secundum diversitates mercium teloneum gratanter exsolvent, volebat ut similiter & ipsi consuetudines redderent, qui non dicebant quâ iustitiâ retinere deberent. Tunc Hugo de Tilio testatus est Comitem nullum jus in hac querelâ habere, quia tempore Domni Renaldi Abbatis Vizeliaci, postmodum Lugdunensis Archiepiscopi, super hac re ab ipso Comite querela mota est, quam ipse Comes acceptâ ab eodem Abbate pecuniâ per manum suam, Hugonis scilicet de Tilio, penitus dimisit, & de cætero nunquam se quæsiturum eam fideliter promissit. Iterum Comes quæsituram stratum, quæ tendit de Esconio usque Blanniacum, & illam de Prisseio, & alias à crucibus & à terminis usque Vizeliacum constitutis. Cui respondens Abbas dixit, quod stratum de Varginiaco, quam Comes requirebat de Esconio usque Blanniacum, illa fuit Erveo de Donziaco, & Savarico de Varginiaco Dominis Castri Censorii, qui ipsam stratum, & totam terram de Varginiaco cum omnibus appendiciis suis, scilicet aquis currentibus cæterisque quæ jure hereditario in allodio possidebant, ipsi eam dederunt, & vendiderunt beatæ memoriæ Artaldo Abbati, & Ecclesiæ Vizel. ac super altare BB. Apost. Petri & Pauli multis adstantibus Deo & B. Mariæ Magdalene, atque ipsis Apostolis, cum omnibus appendiciis suis obtulerunt; quam terram Ecclesia Vizeli. per XL. & eo amplius annos jure hereditario hætenus in pace totam ex integro absque omni calumniâ possedit. Latrones verò in publicâ viâ captos ibidem suspendit, & de cæteris malefactoribus iustitiam fecit, & si quid ibi inventum fuit, sine violentiâ quietè habuit. Terra porro de Prisseio fuit allodium Ducis Burgundiæ, quam quidam milites ab ipso tenebant, qui eam B. M. Magdalene dederunt, ac vendiderunt. Ab illo itaque tempore usque nunc & Ecclesia & Abbas Vizel. in pace sine aliquâ interruptione totam ipsam terram, & viam publicam intus villam & extrâ, cum viis publicis & semitis tenuit & possedit. De quâ re & aliis supradictis Abbas plurimos testes habuit & nominavit; Martinum scilicet & fratres ejus de Prisseio, & multos alios in villâ viventes, qui dixerunt se in itratâ sex latrones falsam monetam deferentes comprehendisse, & Vizeliacum pro iustitiâ faciendâ Præposito reddidisse. Insuper bovem unum in viâ publicâ sine Domino

inventum Renaldo Monacho de Prisseio, qui eo tempore ibidem morabatur, sicut jus Ecclesiæ reddidisse. Quæ omnia sine dilatione prædicti viri parati fuerunt probare. De aliis verò stratis, scilicet de Fontaneto, & de Craiâ, & de Monte Tirohet, & de cæteris Vizeliacum usque tendentibus, Abbas respondit, quod antecessores sui iustitiam earum sine querelâ diu multumque tenuerant, quia & ipsæ stratæ per viam Ecclesiæ transeunt, de quibus omnibus multos testes habuit, Guinimerum olim Decanum, Girardum Decanum, Hugonem Præpositum, Renaldum Dautran, Renaldum de sancto Christophoro, Guillelmum de Ponto, & fratrem ejus Jonam, Arnulfum de Ferrariis, Rotbertum de Monterohilone, Guidonem Forestarium, Durannum de villâ Lohet, Durannum de Chasteneto, Constantium Præpositum de Fontaneto; Stephanum Præpositum de Blanniac, Aimonem Nummularium, Bonum amicum de Castro Censorio, Gofridum Bertinum, Blanchardum de Sarcitorio, Stephanum Beurandum, Odonem pulchræ similitudinis, & multos alios. Quæ omnia à Summo Pontifice in perpetuum tenenda confirmata sunt, & ne ab aliquo super his Ecclesia vel Abbas molestantur sub anathemate interdictum. Hæ fuerunt querelæ Comitis, & hæ repulsiones earum, Abbate refellente.

Post hæc conquestus est Abbas de prædicto Comite, quia per viam publicam ab Altissiodoro usque Vizeliacum institores & mercatores omnes avertebat, & Vizeliacum ire non permittebat. Comes respondit, quia olim sic fecerat, nec ab aliquo Abbate interpellatus de hac re fuerat. E contra Abbas dixit, quia strata quæ Vizeliaco tendebat æquæ erat regalis, publica, antiqua via sicut Nivernensis, ac securior, & injustum erat ut itinerantes revocaret à viâ quæ sibi faciliior & melior videbatur, cum plures orationis causâ magis quàm negotiationis ibi convenirent. Iterum Abbas conquestus est de Teloneariis Comitis, qui assidue homines suos per Altissiodorum transeuntes deprædabantur, dicentes quod Abbas in tribus festivitibus, scilicet Paschæ, & Pentecostes, & B. M. Magdalene, eos cum omnibus sociis suis procurare deberet, & unicuique ceram pondo unius libræ pro pedagio vini Altissiodorensis, quod emere solebat, dare. Respondit Comes quod prædicti pueri, sui hanc consuetudinem ab Abbate Renaldo constitutam in Ecclesiâ habebant. Abbas ad hæc dixit se nescire hanc consuetudinem, si verum erat, tamen consilio Capituli factum non fuerat, ac per hoc nec ratum nec stabile esse potest, vel debet.

Igitur postquam signum Dominicæ crucis Rex piissimus Ludovicus Junior Hierosolymam profecturus suscepit, plures facti hujus famæ & exemplo incitati, transmarinam peregrinationem arripuerunt: inter quos etiam duo filii Nivernensis Comitis, videlicet Guillelmus & Renaldus, comitatu regio se se conjungentes, eandem professionem susceperunt. Ipse quoque pater eorum desiderio alterius priorem vitam commutans, habitum religionis & vitæ finem apud Cartusiam accepit. Sed quia venerabilis dilectricis atque famulatricis Dei M. Magd. sepulcrum gloriosum & religione sanctissimum injustè vexando afflixerat, pœnam criminis ipse à cane devoratus exceperit, & injustitiæ vindictam suis reliquit heredibus. Nam Renaldus captivitatis miseriam turpiter sortitus, servituti barbaræ gentis infelicitè addictus est, ut pater, qui Vizel. Ecclesiæ libertatem depravare tentaverat, servitutis experiretur opprobrium in filio. At verò Guillelmus paterni Consulatus heres & sceleris, cum ab Hierosolymis revertens naufragium pateretur, de salute propriâ periclitabatur. Rebus autem expositis, cum jam in

Abbatis objectiones, & Comitis responsa.

Filii Comitis ut à cum Rege Hierosolymam proficiscuntur.

Comes ipse habitum monasticum Carthusiæ induit, post à cane devoratur.



articulo mortis omnibus constitutis à circumstantibus moneretur, ut quæ pater illius contrà jus falsæ in Vizel. Monasterio usurpando sibi vindicabat, pro communi salute sui & suorum remitteret, vix tandem urgente periculo cessit, & jurejurando subtestificatione devovit, nullas deinceps procurationes.... Paschæ & transitûs B. Mariæ Magdalenzæ solemnitatibus se repetiturum in Monasterio. Nec mora, mirâ Dei virtute, ipsâ ejus dilectricæ B. Mariæ Magdalenzæ suffragante, mirabiliter ab angustis præruptæ rupis quo navis inciderat, repente eripitur, & turbido æquore transmeato, quieto littori redditur.

Interea præclarus Abbas Pontius terram ac familiam prædicti Nivernensis procurabat, atque ab incursantibus undique defensabat: tum quia Monasterio suo eatenus prospici sperabat; tum quia idem Guillelmus cognationis affinitate sibi conjunctus exstabat. Quem revertentem ab Hierosolymis naufragum excepit, & occurrens ei honorificè à penuriâ, qua graviter premebatur, sufficienter relevavit. Incolumen denique familiam cum totius immunitate possessionis suæ illi consignavit: nec multo post etiam inimicos illius cum satisfactione in gratiam reflexit. Invitatum deinde Vizeliaco coram Fratribus vocavit, & ut quod fecerat votum persolveret Deo, monuit. Paruit ille in facie, quamvis dolos versaret in mente. Capitulum ergo ingressus Fratrum, naufragium suum illis exposuit, quodd B. M. Magdalenzæ interventu liberatus sit, confitendo absolvit, votum quod ob gratiarum actionem fecerat, expedit, & à patre usurpata salaria, vel cibaria, concedente uxore suâ, & filio suo Guillelmo, præsentibus innumeris, remisit, concessit, confirmavit. Cumque multa sibi bella increvissent, assistebat ei in omnibus, & auxiliabatur Abbas Pontius, sperans mitigare se posse feroces animos, & proclives atque præcipientes ad usurpandum jus alienum; & cum totis animis flagraret ad impetendam Ecclesiam, reprimebatur tamen nimis cognati beneficiis, quibus obsequenter verebatur impetere aliquibus præjudiciis. Unde cui pro naturâ vitium inerat, toto spiritu suo meditabatur, quoquomodo invenire posset occasionem calumniandi Ecclesiam vel Abbatem. Viri autem iniquitatis, quorum cor clibanus erat impietatis, dolentes se amisisse maximos quæstus suæ libidinis, quibus fruebantur in comestationibus quæ Comiti frequenter Vizeliaco exhibebantur, pronom ad omne malum circumveniant animum Principis, & ut detrimentum, quod suâ sponte admiserat, renovatione sive commercio alterius litis recompenfaret, suggerunt.

Erat autem Vizeliaco quidam qui dicebatur Hugo de S. Petro advena, genere & moribus ignobilis, quem natura inopem protulerat, sed manus arte docta mechanicâ locupletem effecerat. Is ut erat acer ingenio, & in omni versatus nequitia, Comitem modo muneribus illiciebat, modo fraudulentis spebus animabat, quatenus extorqueret ab Ecclesiâ jus justitiæ, seu judicii dirimendi vel examinandi causas hominum Vizeliacensium. Sperabat enim nefandissimus homo toti se principari vico, si per gratiam tyranni juris judicii sibi daretur optio: quare nonnullos pravitate sui similes clandestinis conciliabulis huic malignitatis proposito sibi associabat, ut sub specie libertatis prodicionem meditarentur, & obtentu pietatis dolos machinarentur: affluentia siquidem rerum semper apud degeneres animos insolentiam parit. Dumque plus quis censu potest, quam alter naturâ, regis etiam natalibus sese præfert, & oblitus sui manè erigitur, dum occultâ conditione superbus incedens privatis gloriatur. Monachus ergo

quidam de Monasterio Vizel. dum possessiones circumcurret Ecclesiæ, contigit eum in quodam nemore, quod erat juris Ecclesiæ, devenire, & cum invenisset, quemdam vetitum nemus præcidentem, securim pro vade voluit ab eo auferre; sed conversus ille Monachum graviter cecidit, & circumventum ab equo cui infidebat, dejecit. Tunc Monachus acceptâ injuriâ dehonestatus ad propria rediit, & illatam sibi contumeliam clientibus Monasterii aperuit. At illi tantam indignitatem non ferentes, nocte veniunt ad domum hominis, & effosis oculis illius, noctem ei intulerunt perpetuæ cæcitat. Quod factum cum resciret Comes, dissimulato gaudio quasi noctæ oportunitatis calumniandi, perditionem minatur hujusce rei factoribus; diuque conceptam in corde nequitiam pedetentim parturiens, renovare disposuit quam pater sopitam reliquerat litem.

Superveniente itaque beatissimæ dilectricis Dei Mariæ Magd. festo solemnî, cum in hospitio Monasterii ex more consedisset, servos suos jussit stare præ foribus, quatenus si fortè visitaturus illum Abbas advenisset, ab ingressu eum prohiberent. Qui factis jussis complentes advenienti Abbati obices januas clausurunt, Comitem esse in conclavi deintus responderunt. Repulsus Abbas sustinuit & hanc cum patientiâ contumeliam, & suspectus ingrati hominis nequitiam, utrobique liberum gerebat animum. Existente autem Comite apud Cluniacum, ingressus est ad eum Abbas, causamque ostentatæ indignationis requisivit ab eo, quo prætendente orbati hominis calumniam: non esse juris illius hominem Abbas respondit. At ille filiolum suum hominem esse dixit, hoc est ab utero matris denominatum. Arridens Abbas quasi ludo, utrum jus justitiæ ab eo dignaretur accipere requisivit, quo negante, utrum etiam per manum amicorum & domesticorum suorum, & illius in concordiam rediret, identidem rursus requisivit. Idipsum eo renuente, interrogavit iterum Abbas, utrumne necessariò sibi incumberet, ut se suæque ab eo observaret. Respondente illo sic sibi opus esse, diffidatus Abbas ab eo recessit. Mihi quoque Comes satellites suos in quamdam possessionem Monasterii, & deprædatus est eam abductis animalibus & spoliis multis. Obscrante proinde Abbate, ut ablata sibi concederentur; tunc tandem hæcenus absconsum virus Comes effudit, & ut Abbas in Curia ejus de quibuslibet ab eo vocatus juris justitiam exqueretur, expetiit. Abbas respondit contrarium adversumque omnino esse tam divinis legibus, quàm Ecclesiæ moribus, necne etiam Apostolicis Decretalibus quod expostulatur. Et turpe atque indecorum, inquit, mihi est, ut libertas Monasterii quæ per multa tempora sub diversis Patribus florens, hæcenus etiam impræsentiarum viget, per eam quæ ab te mihi est cognationem servituti addicta depereat. Nec tantum affinitati, sed & naturæ inimicatur quod intendis, dum divina jura homini tibi subdere moliris, quæ me cognato & parente tuta illibataque conservare & augere debuisses. Quàm verò inhumanum sit beneficiis talem vicissitudinem rependere, coram est inspicere, dum tibi deferenti honorem & munificentiam, sempiternum mihi præstare contendis opprobrium. Verumtamen cum de cætero gratum tibi spondeam obsequium, sed in hac expostulatione scias me nullatenus tibi cessurum.

Quo audito tyrannus accensus est nimis, & multa interminando, gaviora inferendo, excidio Ecclesiæ totus incubuit: adversus quem Romanum per internuntios interpellat Abbas suffragium. Interim mediantibus amicis pro pace Comiti supplicat; Comitum malignitatem sese immeritum perorat, concor-

Ereptus Comes Nivern. è naufragio, votum solvit Vizel. Capitulo.

Hugo de S. Petro auctor persequutionis in Monachos Vizel. actæ.

Deprædatur Comes bona Vizel. Monasterii.

Conciliare sibi animum Comitum omnem impendit industria, sed frustra.



diam salvo jure privilegiorum & dignitate Ecclesiæ repræsentat : proinde multorum magnorumque Optimatum, pluribus in locis colloquia multa, varique versantur sententiæ. Attamen amicitia nusquam procedit pax, quoniam discurret ubique discordiæ fax. Ut ergo cognovit tyrannus quoddam Legatos suos Romam Abbas misisset, protinus missâ expeditione per prædia & possessiones Monasterii Vizeliacensis, ubicumque in Nivernensi seu Altisiodorensi pago aliquid Ecclesiæ juris habebat, totum invasit, diripuit, abduxit, spoliavit. Præpositos quoque, & singularum rerum Monasterii procuratores, per sacramenta pollicitæ fidei coëgit, quatenus in nullo negotio Monachis parerent, nec de aliquâ ratione Abbati vel suis responderent. Satagebat quidem callidâ versutiâ prævenire Abbatis Legatos, si forte aliquod cessionis verbum vel ab invito utcumque posset extorquere. At ille prudenter usus, rebus in periculo constitutis consuluit, de competentis satisfactionem Comiti repromisit, amissa recepit, eidem beati Jacobi oraculum adeunti dona & exenia multa largitus est. Sed quæ beneficiorum copia cupiditatis voracitatem implere queat? nempe animus corruptus nihil aliud novit quàm vel recta pervertere, vel de rectis prava conjectare.

Reversus denique Comes ab Hispaniis, diem ex mandato Abbati statuit, ut in ejus præsentia de quibus foret interpellatus judicium Curia principalis susceperet. Enimverò cui baculus Petri commissus fuerat, Petri constantiæ & magnanimitatis omnino expers esse non poterat. Igitur eo dissimulante mandata tyranni statim edicto proposito denunciavit Comes, ne quis mercandi, vel viandi seu religionis obtentu Vizeli. ingrederetur, neve ab Vizeli. quispiam ad publicas nundinas, sive ad publicum comitatum prodiret. Quisquis porro constitutum temerare præsumeret edictum, prædæ omni occurranti pateret. Taliter vicinis obsessis, cœpere aliqui intrinsecus furtivo murmure susurrare, dicentes actorem simul & causam malorum omnium esse Abbatem, qui & novis & injustis legibus eos premebat, & tyranni furem, cujus infra terminos clauderentur, adversum se in interitum eorum concitaret. Felices demum se ac beatos fore prædicabant, si rejecto Ecclesiæ jugo sese manciparent Comitis arbitrio. Tunc quippe & externos hostes non formidarent, & internos exactores velut exiguas muscas à se abigerent; sed & si opus esset, cum Abbate judicio æquipollenter contenderent, cum plures fortiori innitentes paucorum & imbellium dominatione sese eriperent. Nec latuit Comitem talia eos invicem musitare. Hugone profano impia consilia sibi perferente. Cujus amplexatus dolum quo instruebatur, quoniam si Vizeliaco veniret, & verbum de Abbatis desertione quasi tentando usus temperanter ad vicinos haberet, non dubium quin potior & copiosior pars eorum sibi favens protinus manum deditiois ei daret: recompensato fœdere, quo protectionem & auxilium suum eis ubique præstaret, venit Vizeliaco: cumque in hospitio Monasterii ex improvviso descenderet, clam ad se Vicinos convocat, desertionem illis suadet, secum eos agere contra Abbatem orat, dicens quoddam se irato nusquam subsistere haberent, se pacifico nec etiam Dominum suum formidarent.

» Videtis, ait, quoniam cum sim legitimus advocatus & tutor Ecclesiæ hujus, solus Abbas impedire communem vestri salutem contendit, dum præripiendo quod juris est alieni, jus justitiæ quidem à me repetit, quod ipse calumniantibus me iudice vel advocato exequi dedignaretur. Et quis

tantam ferat arrogantiam, imò iniquitatem, quod sua quis repetens, aliena indiscussè detineat? quam verò causam habere possum in faciem diripientium bona vestra, jure ipsorum tyrannicè retento? Denique pluris est, inquit, aliquid posse, quàm petere jugiter. Quid autem & quantum, vel quàm latè nostrum valeat posse, nihil experto evidentius argumento. At Monachorum preces & si quando repulsam non merentur, inefficaciæ sæpius diminuuntur. Quorsum igitur vestra tendant vota, vestra interest. Nam nobis faventes, & posse nostro communicantes, jam cassas Monachorum preces, & futile Abbatis auxilium non curabitis, tutum habentes ac liberum ingressam & regressum quaquaversus destinaveritis, perpetuâ potiti securitate tam vestri quàm bonorum vestrorum.

Hæc dicens ac prorumpens in singultus, lacrymas fudit impietatis, quas hauriebat de puteo cœnulentæ cupiditatis. Quam malesuada suggestionis tentationem præcavens Abbas, cœtum convocat Fratrum, & ut euntes prostrati solo tenus pariter Comitem deprecarentur, quatenus eorum misertus Ecclesiæ parceret, admonuit. Obtemperantes illi mentis paternis, ad pedes tyranni relinquentes mentas pariter corruunt, & ut sibi, imò Ecclesiæ amore Dei, & ejus Dilectricis reverentiâ parceret, suos vel Ecclesiæ homines ne seducendo perverteret, suppliciter efflagitant. Quibus ille colubino corpore, non columbinâ mente è contra dejectus respondit, se nihil aliud ab eis requirere, præter quod jus proprium repetentes, itidem & ipsi per manum illius jus alienum exequantur. Et mirè (inquit) stupeo, cuinam æquitati adscribatur tanta insolentia; quoddam me advocato & iudice alios compellatis; ipsi autem aliis quoque compellantibus, me itidem advocato & iudice quod justum est exequi dedignamini: nec verò homines vestros vel seducere, vel revocare à vobis, ut dicitis, studeo; sed quos de more & de jure meo ubique ab omnibus tueor ac defendo, legitimo ac publico judicio Curia meæ vel purgatos, vel justificados esse decerno: quisquis enim, ait, quod suum est repetit, alieno æquè juri cedere debet. Fratribus ad hæc respondentibus, juxta consuetum diu morem Patrum suorum, & statuta Apostolica se nemini negare quod justum est, tota subito domus confuso clamore repleta est. Iterum Fratres, quia festi B. Mariæ Magdalenzæ solemnitas instabat, Comitem deprecantur, ut vel aliquot dierum inducias sibi concederet, quo publico concursu festos dies peragerent. Quibus ille nec oblatione à se conclusos, nec captivitati eos esse addictos, quod talia peterent, respondit: quia, inquiunt, prohibuisti intendendo ne quis ad nos externus accedat, neve nostrum quispiam extrâ progrediatur comitatus gratiâ, miserâ conditione immeritos nos esse obsessos protestamur. Vix tandem confusus tantorum Fratrum precibus, octo dierum concessit inducias; atque illic abscessit infecto prodicionis negotio. Fratres autem tametsi non solito cursu, non minoritamen ritu dies festos peragunt. Quibus expletis, accersito Altisiodorensi Episcopo ad Comitem Abbas profectus est. Cui Apostolica mandata quibus pro terminandâ calumniâ Eduentis Episcopi pergere jubebatur Italiam, ei innotuit. Orat deinde ut quemadmodum ipso peregrinante jura illius ac si sua, fideliter servaret, & ab incuriantibus intacta defensaret: ita & ipse cognati sui Monasterium cum appendiciis suis tueretur, & in fide suâ susceperet, atque fideliter protegeret, donec à Româ rediret. Spondet præterea se suasurum Domino Papæ ut Vizeliacensem permittat subire audientiam Nivernensi-

Vizeliacenses  
Fraternis Comi-  
tibus ut à  
captis dissi-  
tat, exorant.

Suader Com-  
mes Burger-  
sibus Vizeli.  
ut à domina-  
tione Abbatis  
se subtrahant.

sis; quod si forte impetrarit, omnem penitus controversiam sese depositurum promittit. Ut autem ista induciæ rata & inconcussa persisterent, obtulit ei Abbas pecuniam sexaginta librarum monetæ publicæ.

Induciis ab  
Comite datis.  
Romam Ab-  
bas proficif-  
citur, ubi de  
Eduensi Episc.  
triumphat.

Itaque tyrannus precibus flexus, sponsonibus illectus, muneribus actus, postulas concessit inducias; & de cætero se se fidelem fore amicum pollicetur, si promissum effectus prolequatur. Et quia duplici animo nil facilius ad mentiendum, multa promisit quæ pauca servavit. Tamen quia charitas omnia credit, omnia sperat, omnia sustinet; fidei ipsius generosa simplicitas Abbatis se credidit. Profectus denique Romam, atque universalem Curiam ingressus, adeo de calumniâ Eduensis Episcopi coram Summo Pontifice triumphavit, ut nec etiam pilus capitis ejus quoquam fluctuaret dejectus, & Eduensem sic dejectum redderet, ut audientiam juris judicii subterfugiens, dilationem confusus deposceret. Post hæc Abbas ingressus ad Apostolicum, calumniam quâ cum & Monasterium Vizeliaci, quod hæcenus beati Petri proprium jus, & Romanæ Ecclesiæ liberrimum fuisset, Nivernensis Comes vexabat, exposuit. Et quoniam is nec potentum precibus flectitur, nec amicorum suggestionibus inclinatur, nec obsequiis delinitur, nec muneribus revocatur, nec Ecclesiasticâ censurâ coercetur; decernat, inquit, Apostolica prudentia quid facto opus sit, utrum videlicet proterviæ tyrannicæ Apostolica cedere debeat libertas, necne. Forsitan etenim exsaturata rabies inimici cupida, pacem ac perpetuam tutelam præstabit Ecclesiæ munimentum. Ad hæc Apostolicus: Nequaquam, ait, imò si Vizeliacensis Sacerdos forenti vel plebeio subjacuerit examini, non solum quiete privabitur Monasterium, sed etiam omnis Ecclesiasticus ordo extremæ confusionis nodo implicabitur. Monitum ergo corripimus, & suadebimus ut jam semel fecimus, quatenus ab hac desistat insolentia; denuntiantes ut si quid juris in Monasterio tuo sibi competere autumat, sub datis à nobis iudicibus sua recipiat, aliena linquat. Qui si forte nostram pietatem contemserit; ecce chamus, ecce frænum, ecce Petri gladius, quo auricula contumaciæ præcidatur. Tuam denique solertiam auctoritate Apostolicâ præmunitam esse volumus, ne de rebus Monasterii, scilicet de jure beati Petri, cuiquam in aliquo cedas, neve ingentem atque Apostolicâ gratiâ cumulatam Ecclesiæ libertatem quâlibet pusillanimitate prodas. Quamvis enim longè remotum non minori gratiâ te pro jure Apostolico vigilantem habebimus, sollicitudine & auctoritate quâ decet filium.

Forti sit animo adversus  
Comitem mon-  
net Pontifex.

Apostolica  
scripta sper-  
nit Comes,  
instigatque in  
Monachos  
Burgundiæ  
Primates.

Talibus Abbas instructus monitis, vale dicto Curiam ad Monasterium ovans revertitur. Cumque Apostolica monita Comiti dedisset, sprexit, respuit, abiecit, nil se illi debere à quo aequè nil possideret, respondit. Requirebat deinde si juxta promissum audientiam & executionem juris judicii Curie suæ ab Apostolico impetrasset. Salvavi (ait Abbas) verbum oris mei, sed prohibitus sum voto parere. At ille stomachatus, & felle permixtus, rursus Vizeliacensem commeatum jus produciendi & ingrediendi habere prohibuit; & veritus per seipsum Monachis bellum inferre, Satrapas instigat Provinciæ, videlicet Gibbadum de sancto Verano, Iterium de Brivate, Gosfridum de Arseio, & eorum complices, quatenus Vizeliaci homines quaquaversus occurrerint, invadant, res illorum occupatas usurpent, Monasterio non parcant, possessiones diripiant, calumniam Abbati struant, suamque inopiam Ecclesiastico penu suppleant. Isti itaque ac si canes effusi prædia Monasterii invase-

runt, Monachos ceciderunt, vestibus eorum ablatis turpiter abusi sunt, omnemque suppellectilem diripientes, tam servos quàm jumenta vel pecora Ecclesiæ deprædatis sunt. Nulla religio ab eis reverebatur, sed passim Clerici cædebantur, Sacerdotes inhonestè trahebantur, viantes spoliis nudabantur, peregrini captivabantur, nobiles matronæ prostituabantur. Quocirca mira consideranda est Vizeliacensis Ecclesiæ patientia, mirabilior prudentis Pontii Abbatis strenuitas atque magnanimitas. Hinc siquidem Nivernensis Comes, illinc Eduensis Episcopus, hinc tyranni, illinc Duces terræ uno impetu, uno spiritu, uno interventu, quasi feræ bestię hinc inde discurrerant, Abbatem lacerabant, Ecclesiam vexabant, atque adeo jura illius lacerabant, quod totum cederet occupanti quidquid hostili occurreret manui. Verum generositas mentis ingenuitate nobilitatis adornata, tanto æquius indigna sustinebat, quanto nequius mala sibi irrogari perpendebat.

Considerans itaque Abbas, quod undique mala multiplicarentur, venit ad Regem auxilium petens ab eo adversus Comitem. Qui vocatus à Rege sic respondit: Advocationem suæ tuitionem Monasterii Vizeliaci cum contingentibus sibi ulibus, pii patris vestri ac vestræ concessionem serenitatis & gratiâ hæcenus à patribus & proavis meis jure matrimonii absque ullius reclamationis contradictione usque impræsentiarum teneo ac possideo. Quâ verò ratione jus tanto tempore à patribus meis hereditatum mihi calumniatur, prorsus ignoro. Respondens Abbas dixit: Ecclesiâ Vizeliacensis ab inclyto Gerardo Comite nobiliter fundata, nobilius ab eodem attitulata beatorum Petri & Pauli Apostolorum nomini adscripta, juri assignata, regimini credita; protectioni commissa; ipso etiam pio Comite Gerardo interveniente, Francorum excellentissimorum Regum tali meruit donari privilegii prærogativâ, ut omnibus remissis quæcumque jus regium ab antiquis ibidem obtinebat, nulli potestati seu personæ cuiusvis pateret facultas cujuslibet juris aut consuetudinis, pro quâlibet pietatis munerisve specie seu occasione exigendi, sed ab omni servitutis conditione libera, exhibitionisque exactione persisteret. Quod ita esse pii proavi vestri Ludovici privilegium quod præsto habemus, si vestra dignetur audire serenitas, comprobabit. Perlecto privilegio quærebat Rex ab Abbate, utrum sese committens regio examini, sententiam super hac calumniâ promulgatam prosequeretur. Perpendens itaque Abbas infensam sibi Curiam partibus favere adversis, timuit sese committere dubio iudicio, ne præjudicium pateretur Ecclesiæ, quæ solo iudice Petro, adhuc paululum respirabat: Celsitudinem denique Regiam exoravit, ut tyrannum ab infestatione Vizeliacensis Monasterii desistere juberet, & jus iudicii per manum Apostolicæ Sedis Legati, vel eorum quibus à Domino Papa commissum fuerat, susciperet. Quæ cuncta Comite cum subsannatione renuente, valescens Abbas Regi ad Monasterium suum reversus est. Et cum audisset quod Joannes Romanæ Ecclesiæ Presbyter Cardinalis, cui Apostolicus causam controversiæ Vizeliacensis & Nivernensis commiserat, expletâ legatione ab Angliâ rediret, misit in occursum illius, rogans ut quantocius veniret, quoniam Vizeliacensis Ecclesiâ omni auxilio destituta, jam propè solitudinem minabatur. Qui accepto nuntio accelerat pedem, & utrique mandat, scilicet Abbati & Comiti, ut sibi occurrant Altiſodoro. Audiens autem ille Joannes, quod Jordanus Cardinalis datus esset Gallicanis Legatus, scribit ei ut festinatò Vizeliacum veniat, & festum instans beatæ Mariæ

Exhibet Ab-  
bas Regi Pri-  
vilegia Vizeli-  
ciusque im-  
porat tute-  
iam.

Magdalen.

Magdalene pariter ibidem concelebrent. Et cum Altisiodoro uterque presente Abbate & Comite assisteret, hortabatur clementer Comitem & affabiliter Legatus, ut sopita calumnia pacem faceret cum Abbate, ne Vicarium Christi persequendo & Petri, Deo inimicari convinceretur, ac per hoc persecutoris Ecclesie Sauli similis existeret. Quin etiam si nostri, ait, contemptor existeris, nec etiam Sauli imitator dignus inveniaris: quoniam ipse ut corripientem expertus est, protinus Magistrum sequutus est. Sed cum Comes pia monita contemnendo dissimularet, quia rursus à Vizeliaco publicum commeatum vel accessum prohibuerat, petivit ab eo Cardinalis inducias, quatenus beatae Mariae Magdalene solennia festivo cultu atque publico concursu more debito celebrarentur, quibus vix ad octavas usque impetratis, Vizeliacum venerunt Cardinalis Joannes & Abbas Pontius, veniensque Jordanus Cardinalis Galliarum Legatus, pariter cum eis dies sanctos peregit.

Interea Comes regressus à Rege, descendit & confedit in loco campestri, ubi Rex peregrinaturus crucis Christi trophaeum sustulerat, atque adunata potiori parte hominum Vizeliacensem, & profusis impuris lacrymis ab oculis cupiditatis simulata compassione exactis, sic profatur ad eos: O viri illustrissimi multaque prudentia famosissimi, ac fortitudine strenuissimi, sed & propria virtute acquisitis opibus locupletissimi, doleo satis admodum miseriam conditionem status vestri; quoniam multarum rerum possessores quidem specie, revera autem nullarum domini effecti estis, quin nec ipsa vestra ingenua libertate utcumque fruimini. Videns denique optima praedia, vineta pulcherrima, copiosa flumina, pascua uberrima, fertiles agros, nemora condensae, pomifera virgulta, aedes conspicuas, quae ipso situ suo in circuitu vestro sunt omnia, nec tamen fruendi eis vobis conceditur ulla facultas: haec, inquam, prospiciens, non mediocri affectu vobis compatiar. Haerens autem valde stupeo ubi sit, vel ad quantam ignaviam devenerit olim opinatissima virtus vestra, qua prudentissimum & satis liberalissimum Abbatem Artaldum, ob duas tantum domorum stationes interfecistis; hunc vero alienigenam Arvernensem ipsa sui praesentia trucem, absentia crudelem, sermone arrogantem, moribus plebeium, nec solum vestrorum bonorum, sed etiam ipsius vitae vestrae exactorem tanta sustinetis ineptia, ut jam recte brutis animalibus comparemini. Denique ad incrementum & consummationem interitus vestri, praeripere & auferre mihi molitur Dominus vester Abbas jus legitimae advocacionis, qua vos tueri, & pro vobis respondere habeo, ut destitutus vobis liberius queat exactorias consuetudines imponere. Eapropter, Carissimi, suadeo prudentiae & magnanimitati vestrae, quatenus instanti necessitati feratis consultum, & declinetis ab homine illo qui tanta debacchatur in vobis tyrannide, scientes quod vobis me propitio nulla contingat defectio, sicuti è diverso quamdiu fidem praestabitis adversario, nulla vobis erit salutatio. At vero si mutuam confederationem ad invicem jurantes, ad me quoque fidelitatem servare volueritis, ubique meo fruimini praesidio, atque ab omni prava exactione malarum consuetudinum liberos vos facere studebo, necne ab ingruenti malorum incursione defensabo.

His dictis & multa verborum interruptione dolore dolo simulans siluit. Viri autem illi respondentes, dixerunt: Nos fidelitatem Domino nostro iurando juravimus, & quamvis inique nobis abutatur, fidem tamen prodere perperam judicamus, & quidem consilio inito certiores effecti, ad praefi-

xum diem proximo in loco sub tua praesentia convenientes tibi ad haec respondebimus. Et venientes retulerunt Abbati verba Comitum, perquirentes quid super haec ferret consilium. Quibus ille: Minimè inquit, fideles mei, vestram latet prudentiam, quod ea sola de causa mihi inimicatur, ut dolo vos circumveniens plenius servituti suae addictos subijciat erepto quod plenum est libertate dominio. Ego autem haecenus pro vestra libertate certando defudans, si tantae ingratitudinis tam impiam vicissitudinem rependere mihi volueritis, ut mei & matricis Ecclesiae vestrae proditores fieri non vereamini; solus, licet gemens, licet confusus sustinebo, & Ecclesiae detrimentum & interitum vestrum, scilicet vobis & filiis vestris perpetuo poenam prodicionis luentibus. Quid si sanis acquiescentes consiliis prudenter pro vobismetipsum steteritis, atque juratam fidelitatem ad me & ad Ecclesiam quae suo lacte vos enutrivit & educavit indubitanter servaveritis, & mecum contra omnes insectantes pro libertate & salute, necne pro gloria & honestate vestra constanter egeritis, libentissimè pro vobis impendar, nihil haesitans quod prospera secundis succedent calibus, & post multas tribulationum calamitatumque procillas, pacis quandoque donabimur serenitate. At illi dixerunt: Ita esse ut astruis omnino credimus & speramus. Sed enim renuntiare liti, cedere adversario, inire pacem cum eo, consultius nobis esse videtur. Sin autem & aliter est in conspectu tuo, tui pro certo sumus. erimusque. Nec dubites quin tibi ut fideles tui ubique in omnibus sinceriter assilamus. Respondit eis Abbas: Lis equidem nulla mihi est penitus, sed sola litem inferenti responsio vel defensio. Porro adversario cedere dementissima est in praesenti causa ignavia, ac perpetuae confusionis chirographum. Pacem denique tam prece quam pretio vel obsequio saepe quaesivi, saepius obtuli, saepissime exegi, sed à filio discordiae non potui pacem impetrare. Si ergo ut dixistis, pro communi salute steteritis, ego quoque operam meam pro salute vestra ac libertate spondeo, simulque vobiscum omne infortunium caecamque fortunam virtute ac iustitia fretus subibo.

Haec dicens dimisit eos. Et ecce affluerunt viri nequam, effundentes diu reconditum virus in latebris saevae conscientiae; aggregataque sibi maxima sceleratorum juvenum multitudine, pacti sunt sibi mutuo foedus sceleratae conspirationis adversus aequissimi moderaminis & ingenuae pietatis Dominum suum, haecenus simulatam fidem prodentes, & à matre sua Ecclesia se se praecedentes, & convenientes ad praefixum diem & locum, confederati sunt Tyranno, legitimo Domino suo abjurato, paciscentes ad invicem per manum tyranni execratam communiam, & conspirantes contra caput suum, ut jugum libertatis Ecclesiae à cervicibus suis rejicerent, & Comiti adhererent: quique juravit illis consilio & auxilio nunquam vel nusquam adversus quemquam, vel negotio in quoquam sedes futurum. Constituitque illis Principes vel Iudices, quos & Consules appellari censuerunt. Quod factum non latuit praedictum Dominum Abbatem, sed nec Cardinales, quos ad festum adscitos esse dictum est. Ingressi denique majores natu, quique capita populi esse videbantur ad Cardinales, freti auctoritate perfidia suae postulabant remitti sibi quasdam consuetudines, quas novitatis & tyrannidis esse dicebant: quibus Cardinales responderunt: Quoniam & vobis aequè ut filiis Romanae Ecclesiae sollicitudinis nostrae curam debemus, prono affectu suadebimus Abbati, quod & paci & utilitati vestrae, atque honestati & integritati convenire videbitur. Scimus autem cum tanta mansue-

Conspiratio juvenum contra Abbatem.

Cardinales deterrere filios conantur à coepis.

Comes avertere conatur subditos Vizeli. à subjectione.

Detrectant Vizeli. assensu Comiti praebere.

tudinis esse, quoddam irrefragabiliter nostris obaudiens monitis, clementer indulgebit quidquid ratio æquitatis dictaverit. Attamen nunc in periculo mortis pro communi libertate & sospitate vestra constituto, fidem necesse est ei deferatis auxilii per omnia, & colloboretis illi pro vobis ipsis; quoniam res constat in periculo omnium vestrum. Si quid autem, quod minimè credimus, conspirationis ab aliquibus vestrum in Dominum vestrum Abbatem admissum, hoc primitus abjuretur, purgetur, emendetur: & sic postmodum quidquid natum fuerit justæ querimonie, salvo jure Ecclesiæ sedabitur. Abbas quoque loquutus est ad eos: Videtis, inquit, quàm graviter opprimor & insector à Comite, cui & manum dedistis in perniciem vestram adversum me mutud conspirantes. Iniquum ergo est quod improba fortitudine confederati remissionem expetere potius quàm deposcere videmini, quam non tam remissam, quàm extortam vel exactam vobis habeatis. Verùm si funditus relinquatis quod malè pacti estis, non tantum remissionem, sed & condonationem, uti nostram mansuetudinem decet, merebimini. At illi conclamantes, non ita se facturos dixerunt, sed potius rebellionem Ecclesiæ illaturos se se dixerunt.

Idem Abbas.

Cardinales disculsi perperam contraversi, & à Comite repulsi passi abeunt.

Porro Cardinales exorabant Comitem ut sospitâ discordiâ, iracundiam animi sui remitteret. Ille autem dissimulabat eos audire. Cumque diu orantes persisterent, juravit se nullam penitus admissurum concordiam, donec omnia quæ juris sui esse dicebat, reciperet. Tunc demùm Abbas conquestus est in præsentia Cardinalium de malefactoribus suis, Gaufrido videlicet de Arseio, & aliis quos ad destructionem Ecclesiæ Comes impellebat. Quo respondente homines illos nec de familiâ, nec de militia sua esse, atque ideo ex proprio voto, & non ex suo impulsu calumniam eos Abbati inferre, decreverunt Romanæ Ecclesiæ Cardinales vastatores Ecclesiæ gladio anathematis ferire. Restitit eis Comes, dicens homines suos esse, quos ad justitiam exequendam paratos haberet, si sibi & ipsis Abbas ad interpellata responderet. Et constitutâ diè ad discernenda ea quæ Comes in calumniam deducebat, apud Jabliacum nono diè à Vizeliaco Cardinales egressi sunt cum magno tremore, medium Abbatem deducentes ob infidelium conspirationem, qui mortem illius devoverant. Et cum Jabliaco venissent, jussurunt Cardinales ut causam suam Comes ediceret. Quam cum referret, exigebat ab Abbate, ut tam de se quàm de hominibus Vizeliaci staret ad justitiam ab ipso vocatus in causam. Cardinalibus & cæteris prudentibus viris qui aderant non est visum, quoddam talia ab Abbate exigere deberent; oblata est Comiti justitia secundum tenorem Apostolici præcepti. Ille autem justitiam ut injustus, & judicium ut iniquus recusavit. Lectæ sunt literæ Apostolicæ in præsentia ejus, quibus sententia excommunicationis in eum nî relapsa, promulgabatur. Quibus auditis indignatus est, & Cardinalibus conductum per terram suam diu negavit. Vix tandem obtinuerunt illustres personæ quæ aderant, ut eis conductum permitteret. At verò Abbati non nisi usque Vizeliacum dextrâs fiduciæ dare voluit. Cujus non fuit contilii eo pergere; quoniam perfidi homines sui adversus eum conspiraverant. Quem assumens Episcopus Nivernensis, præcepto Cardinalium ex parte Apostolicâ ab Ecclesiâ Jabliaci eum deduxit, & ad portum usque sancti Majoli perduxit. Quo permeato, ad Montetum Abbas divertit, & fuit ibi per dies aliquot.

Vizel. Burgenses adherent Comiti.

Proditores autem viri Vizel. sacrilegium perjurio addentes, Comiti adhererunt, & obliti factoris sui

qui mendicos & egenos eos locupletaverat, & bonis omnibus repleverat inopes & vagos: obliti, inquam, Dei, & avertentes se ab eo, coluerunt Deos quos ignoraverunt, colla submittentes Comiti, & cæteris tyrannis provincie, sese suaque illis dedites, & fornicantes in superbiâ oculorum suorum, quantum in ipsis fuit commaculaverunt semen sanctum, adulterantes castitatem incorruptæ Ecclesiæ. Ipse quoque tyrannus præter omnia mala quæ Monasterio intulerat, auferendo quæcumque extra oppidum reperta sunt, atque alia multa immunitatis & sævitie plena inferendo: addidit insuper & hæc, scilicet ut desertores Dei & Ecclesiæ contra omnem justitiam, contraque privilegia Apostolica suscipere, & ipse ad hoc eos variis promissionibus ac blanditiis impelleret, ipse minis & terroribus irritaret: promittendo insuper nunquam sine ipsis pacem se facturum cum Abbate, nunquam ad concordiam Abbatis consensurum. Hujus itaque freti auxilio, & conspirati consilio, egressi sunt mures de cavernis suis prorumpentes, torrentes Belial, & insurrexerunt in Ecclesiam matrem suam, & quasi abyssus circumvallaverunt eam, & tamquam pelagus cooperuerunt caput ejus oppidani vel qui dicuntur Burgenses, utique sui ipsius quondam specie tenus filii, nunc facti alieni, & tanto graviores quanto interiores. Et cognito quoddam clam ab eis declinaverit Abbas, mox sacrosancto violato templo, occupaverunt turres ejus, ponentes in eis custodes, & escas & arma, atque gravioribus pejora cumulantes, servos Dei Monachos & Dominos suos turpiter injuriaverunt, & bonis omnibus privatos, atque omni humano destitutos auxilio, infra muros Monasterii recludentes abdiderunt, ut absque externo conductu quoquam progredi nemini liceret. Præterea invaserunt colonias, etiam Monasterii jura sive debitos redditus usurpaverunt, domos plurimas Ecclesiæ diruerunt, prædia, molendinos, omnemque suppellectilem diripuerunt, mobilibus & immobilibus furia investiti non pepercerunt, mœnia vel clausuras Monasterii solo tenus confregerunt, & erant per dies & noctes consilia in conciliabulis malignantes, dolos & fraudes atque insidias concinnantes; unanimiter conspirantes, & malis graviora, gravioribus pejora quotidie interminantes.

Interea vigilantissimus Abbas Pontius profectus est Cluniacum, ubi Cardinales & Legati Apostolicæ sedis cum multis religiosis & honestis personis conveniant. Cumque nota fecisset illis quanta mala profani Vizeliacenses Monasterio suo intulissent, exorabat eos ut peteret à Cluniacense, fratre videlicet suo, quatenus unam sibi impertiret cellulam, quo tuto diverteret, & pacem suam investigaret. Qui compatiens afflictioni ejus, Cluniacensem deprecatus sunt ut misericordiam & compassionem præstaret uterino fratri suo in maximâ angustia posito; ejusque exilium relevando, Silviniacense Monasterium ad tempus usque sospitæ tribulationis clementer illi concederet. Annuens ille petitioni eorum ita se pollicitus est facturum in brevi, explorato loco congruo. Post hæc Abbas Pontius suggestit germano & Majoribus Cluniacensium ut facerent, quatenus Cardinales sententiam anathematis promulgarent super sacrilegos ac perfidos proditores suos Vizeliaci, & eorum fautores. Illis hoc ipsum detrectantibus & dissimulantibus, visum est Cardinalibus ita ut Abbas implorabat expedire.

Datâ ergo sententiâ, malefactores illos atque factorum violatores, sui que proditores, à corpore Christi, quod est Ecclesia Catholica, anathematis gladio præciderunt, & deprecatus est eos Abbas, ut causam suam sicuti viderant oculis suis, & ma-

Oppidani Vizel. omnia quæ Monasterii erant diripiunt, Monachos diverunt adificia.

Fertur in eos sententia excommunicationis & interdicti.



nibus suis palpaverant, Domino Papæ ex integro panderent, traditoque in manum eorum nuntio suo, qui sententiam universalis Pontificis super Comitum referret, rediit ad Montetum habens libellum excommunicationis proditorum Vizeliacensium. Quem posteaquam Vizeliaco misit, & sententiam Romanorum promulgari iussit: convenientes Sacerdotes pariter quâdam in capellâ S. Petri superiori coram omni populo exposuerunt sententiam, & illos qui designati erant ex nomine publicè anathematizaverunt: ceteros cum omni villâ penitus à divinis officiis & Ecclesiasticis charismatibus interdixerunt, solo baptismo parvulorum, & confessione morientium indulto. Indignati ergo sacrilegi aliqui, in eum sacerdotem qui sententiam protulerat impetum fecerunt. Quorum primus fuit Odo de Palude, qui rejecto pallio quærebat lapides ut jaceret in eum; deinde David Longabarba, & Robertus filius ejus, qui solvens pallium suum extraxit patinos suos ut Sacerdotem percuteret, & nisi quidam intervenissent, in mille frustra concideretur, qui fugiens ad altare vix evasit manus impiorum. Sequenti denique die, cum sublatis valvis aditum Ecclesiæ ipsius spinis obstruxisset; incentores omnis malitiæ Hugo & Petrus, uterque de S. Petro cognominatus, abstulerunt spinas, & valvas restituerunt. De Ecclesiâ verò S. Stephani injuriato Clerico, qui sacrilegio eorum resistebat, calicem, librum, vestimenta sacerdotalia tulerunt: postea cum magno strepitu furoris Claustra Monasterii ingressi, Priorem Hildinum assistentibus quibusdam Fratribus injuriose convitiis lacebabant, causantes de excommunicatione, atque cum multâ arrogantia postulabant inducias, qui cum nollet eis acquiescere, unanimiter responderunt, quia inquirunt, nos excommunicatis immeritis, faciemus ut excommunicati videamur. Decimas itaque & censum, seu alios redditus consuetos, jam amplius vobis non persolvemus. Adeuntesque Comitem, de sententiâ conquesti sunt. Quibus ille: non possum, inquit, aliud: ita etiam de me facient si voluerint. Dixeruntque: ubi molemus, vel coquimus panes nostros? Monachi enim nolunt molere nobiscum. Ait illis: Ite, & de lignis vestris clibanum succendite, & coquite. Si quis obstitit, vivum incendite: sed & si Molinarius obstat, vivum similiter molâ comminuite.

His & hujusmodi animati responsis ad mala exaggeranda reversi sunt; ita factum est, ut quidquid vellet damni, injuriæ, adversitatis Monasterio inferrent, pueros Ecclesiæ de domibus suis expellerent, verberibus afficerent, & cum magnâ jactantiâ se adeo afflicturos Monachos devoverent, quod absolutionem ipsorum pedes requirerent. A potestate igitur Abbatis vel Ecclesiæ sese penitus abdicantes, sententiam super eos datam tamquam pro nihilo habebant, & minimè ab ingressu Ecclesiæ sanctæ sese cohibebant, cumulantibus peccata sua, nec Deum timentes, nec sanctuaria illius reverentes. De his omnibus & hujusmodi pluribus conquestus est Prior in præsentia Comitis. Ille prava & perversa promittens, eos benè fecisse respondit, & exaggerando proloquutus sic dicebat: Utinam Monachi omnes discederent, & Monasterium funditus esset dirutum! quare excommunicavit eos? & abstracto pilo vestis quâ operiebatur, addidit: Si mons Vizeliaci totus in abyssum usque foret præcipitatus, pilum istum non darem. Vobis commendo thesaurum Ecclesiæ simul & oblationes custodire, ne ille quidquam habeat vel suscipiat, fortiter observate: cujus gratiâ volo ut Burgenses omnia dissipent, omnia diruant, maximè illos qui de ipsius confœderatione sunt. Accidit autem ut quemdam sub anathemate defunctum, ipsi

absque sacerdote signa pulsantes sepelirent, & ipsum Sacerdotem de domo suâ ejicerent.

Cum igitur apud Montetum Abbas moraretur, & dictum fuisset Cluniacensi, quoniam Vizeliacensis Romam mittens, Monasterium Silviniacense requisiturus foret à summo Pontifice, indignè tulit, & promissionem suam differendo dissimulavit. Reputans autem ne forte anathema super Comitem, & super terram illius ab Apostolico promulgaretur, & ob hoc Monasteria Cluniacensis curæ quæ plura infra terminos ipsius erant, periclitarentur, hujusmodi per suos necessarios eidem Comiti mandat monita: Quotquot Christianitatis nomen sortimur, Apostolicam censuram subterfugere omnino non possumus. Benè ergo feceris, si bonæ spei fide te committens, pacem cum Vizeliaci Abbate per manum nostram feceris. Nostrum autem erit ita rebus utrobique consulere, ut tibi quoque profectus pacis illius accedat. Talibus acceptis mandatis, acquievit Comes, & quasi senipetam Bernardum Priorem S. Stephani misit ad Abbatem Vizeliacensem, cujus mortem sitiebat pigmentis omnibus præstantiorem. Is ergo veniens, constantiam atque magnanimitatem in eo vigere prædicabat; sed si pertinacia virtute pallietur, non minimam perhibebat Monasterii sui ferre jacturam. Hortatur proinde sic magnanimum esse in adversis, ut honestati provideat in prosperis; & belli quidem incertam esse fortunam, pace autem, quamvis judicetur extrema, nihil fore dicebat securius, nihil quietius, nil certius, quam sibi oblatam per manum Cluniacensis si dignetur suscipere, testatur Comitem eidem pacto favere. Nec videri debet suspectus eodem de sanguine cretus.

*Cum sit affinis repugnans identitas hostis,*

*Immemor ipsa sui se iudice victa manebit.*

Credit Abbas suadenti, nec sperat posse surripere præjudicium, ubi cum iustitiâ causa tota sibi constabat. Conveniunt ergo pariter Cluniacensis & Vizeliacensis atque Nivernensis apud Luzium oppidum Augustidunense. Cui colloquio interfuerunt Stephanus Abbas S. Michaëlis de Clusâ & . . . . . Abbas de Moisiaco, sed & alia graves Cluniaci personæ; quo pariter consistentes, post plura quæ Comes injustè requirebat indebita, hi qui loco advocatorum convenerant, sub specie pietatis adversa potius quàm justæ parti faventes, composuerunt quamdam formam pacis suspectam libertati, obnoxiam servituti, deditam instabilitati. Sugerunt deinde Abbati Pontio suscipere, quod fraternus amor & socialis dispensatio de pace suâ providit, tempus redimens atque instanti necessitati indulgens, sufficere sibi debere quoddam diminutum alter optato capiat: quibus ille prudenter & reverentiam Numinis & injuriam honestatis sæpius prætendebat, & ne impietas pietatis ministris frueretur, iteratò supplicabat. Denique Comes protestatus est, quoddam tantorum amicorum compositioni acquiescat, communiam vel sacrilegam confœderationem hominum suorum ipse dissipabit, & penitus abolebit, eumque in Monasterio suo salvum & incolumem servato ei jure domini integerrimo constituet. Sed cum multa hinc & inde alternarentur, & Abbate in causâ suâ persistente confusioni cederet effectus, tandem inito consilio Nivernis finem colloquii exitumque pacis statuunt. Misit itaque tyrannus majoribus conspiratæ prodicionis, & futuræ concordie iussit eos interesse. Abbas quoque mandavit Priori & quibusdam aliis de Fratribus Monasterii sui, ut sibi occurrerent, consulto primùm generaliter universo cœtu, utrum pacis compositionem inter se & Comitem per jam præscriptam manum ratam esse decerneret.

Conveniunt  
apud Luzium  
ubi tractant  
de pace.



rent. Qui pari & unanimi sententiâ rescripserunt Domino suo & patri vigilantissimo, ratum & firmum atque inconvulsum in sententiâ Fratrum permanere, quidquid paterna providentiâ decreverit vel constituerit, salvo jure privilegiorum suorum & libertatis Ecclesiæ.

Ut autem factus est Nivernis conventus, mittebat Comes exenia quædam Abbati Pontio, & varia pocula ob simulandæ pacis ostentationem; quod videntes sacrilegi proditores confusi sunt, & sedefertos esse à tyranno suo formidarunt. Ingressus deinde Comes ad Cluniacensem, monebatur copiosius ab eo de reformandâ cum cognato amicitia. At ille multipliciter contestans jurabat se neminem carius eo diligere; quin nec ab eo quidquam expeteret, quod non & utilitati & honestati illius accederet, & hæc genu tenus dicens, complicatis etiam manibus inter manus Cluniacensis, luculentas lacrymas emungebat, quibus copiosè fraudulentus affluebat. Cumque Cluniacenses clam tractarent aliquid de compositione pacis, collegas Abbatis à consensu suo omnes arcebant: unde & Vizeliacenses suspecti redditi sunt; & præcavescentes ne sub specie pacis præjudicium paterentur ignominiosæ conditionis, ingressi sunt aliqui ex eis in conspectu Cluniacensis, & ne aliquid contrâ jura dignitatis & privilegiorum Monasterii sui pacis conditione molirentur, ex Dei & Apostolicâ auctoritate, atque ex parte Capituli Vizeliac. denuntiaverunt & contradixerunt. Ob quam causam iratus Cluniacensis profectum parari præcepit, accitoque fratre objurgabat eum dicens: Quid est quod agis? quid tam impudenter me exhonoras? numquid puer aut delirus tibi videor? ego pro tuâ pace & quiete usquequaque laboro, ego tuis profectibus ac successibus incunctanter invigilo, tu autem versâ vice quod ædifico, destruis; quod exstruo, dissipas; quod colligo, dispergis; & quod palam pacis tuæ gratiâ vocifero, clam me calumniando contradicis: quia ergo inutilis tibi videtur labor noster, solus ipse onus proprium ferto. Miratus ad hæc Vizeliacensis interrogabat quisnam talia præsumsisset: dicunt ei Cluniacenses Guillelmus qui dicitur de<sup>a</sup> . . . .

Regina mater Regis, soror uxoris Archimbaldi de Burgobono . . . .

Sed & filia ejusdem . . . . quæ postmodum nupta est Comiti de S. Ægidio . . . . .

Macharius autem Floriacensis Cœnobii Abbas vegetis, dolia . . . . .

. . . . . Monasterio meo cum in treugâ & pace Reverentiæ tuæ jura disponerem Ecclesiæ, accidit suscipere me litem cum quodam servo Ecclesiæ pro causâ possessionis ipsius Ecclesiæ, quam duelli certamine adjudicavi fore determinandam. Protinus itaque ut tempus certaminis advenit versi in seditionem homines isti qui præsto sunt, me cum fratribus & pueris meis oppetierunt, fugatisque nobis & improvisis & insperatis, Claustra Monasterii violaverunt, ornamenta dissipaverunt, utensilia diversi generis diripuerunt, vegetes ruperunt, vina fuderunt rapinam bonorum omnium fecerunt, sanctuaria, conculcantes contaminaverunt, eadem in Monachos, & famulos nostros exercuerunt, & me ad mortem petierunt, quem utique si invenirent, in mille frustra conciderent, deinde ineruditos nos ad præliandum obsederunt, domos fregerunt, molidina everterunt, & quidquid nostrorum præmanibus habuere, totum occupaverunt, & in contumeliam regię Majestatis satiati sunt pœnis nostris. Tan-

dem nactus oportunitatem, iterum Apostolico jubente, ut in præsentiarum est cernere, ad te singulare præsidium meum confugi: proinde adstans æqualitatis tuæ judicio, sanguinem meum & meorum, mortemque meam de manu istorum requiro, & detrimenta domûs meæ ab ipsis repeto, salvo per omnia vestro jure atque Apostolico, cujus injuriam prorsus remittere nec possum nec debem. His dictis conticuit.

Surgens autem tyrannus, Comes scilicet Nivernensis, causam perfidorum prosequutus, ait: Cum constet Vizeliaci Oppidum multorum millium promiscui vulgus esse refertum, nec sint homines unius moris vel quantitatis, ut pote ex multis hinc inde partibus ex majori numero adventitii, ac diversa studia ferentes, & studio potius quam lege morem gerentes non est jure imputandum electis indigenis, & in omni lege & honestate probatis, quidquid erroneum vulgus per excessum deliquisse comprobatur. Alioquin jus justitiæ non est justitia, si pari crimine justus & impius obligantur. Cæterum cum ubique numerosior, ac proinde fortior quodammodo sit plebs quam Senatus, quid requiritur à paucissimis & honestis ac solius rei familiaris curam gerentibus, quo Principis auctoritas plebeios nequit comprimere motus? Quapropter si Regio placet moderamini, denominentur ab Abbate auctores sceleris, ut innoxii absolutis justitiæ censura in reos decernatur. Ad hæc tyranno responsum est: Quoniam naturali & legitimo jure proprium est civibus custodire & defendere, atque immunem servare ab omni periculo Dominum ac Principem suum, mortem necne spontaneam pro salute illius non abhorere, jam non noxii, sed proditores & desertores Domini sui dicendi sunt, & adjudicandi qui eo in necessitatis articulo constituto, tam solatio quam auxilio suo eum defraudaverunt. Atque ideo à capite ipsorum exigendum est, quidquid nequiter ipsis instigantibus, juvantibus, & opem ferentibus, plebeia manus commisit. Tunc omnes pariter qui cum Abbate ab Vizeliaco non exierunt, vel Fratribus in Monasterio obsessis non se adjunxerunt, vel auxilium non tulerunt, adjudicati sunt rei proditoris, infidelitatis, sacrilegii, perjurii, atque homicidii.

Quo facto, prolatum est primum capitulum de sententiâ Regis, ut Abbas testificando probaret detrimenta sua vel Ecclesiæ, & quidquid legitime probatum fuisset, condemnati crimine capitali totum restituerunt. Cui capitulo hæc Abbas objecit. Cum palam constet homines istos ob immanitatem pertinaciæ suæ à tribus Apostolicis excommunicatos & anathematizatos esse, perperam mihi videtur Dominum servis, fidem perfidis, sacramentum perjuris, testificationem profanis, legem facere sacrilegis. Respondit ei Lingonensis (Is quippe semper & ubique Vizeliacensi causæ adversabatur, & cum Humberto de Talahi Archidiacono Nivernensi mediante Comite causam proditorum Burgenfium in advocacy suâ susceperat) Etiam si, inquit, tantummodo sententia sit promulgata, non habemus homines pro lege excommunicatorum, donec ab Ecclesiâ generaliter denominentur, vocentur, publicentur: quod de istis factum minimè scimus. Ad quod Abbas: Præsto sunt, ait Dominus Senonensis, & Dominus Parisiensis, necne Dominus Trecentis, qui jussu Apostolici Pontificis sacrilegos proditores denominantes publicaverunt. Attestantibus Episcopis hæc ita se habere, persuasum est Abbati facere probationem, quam nil suo juri contrariam

Id etiam agitant Cluniacenses.

fore constaret. Sed quia plenè non aderant Officiales ac ministri Ecclesiæ, per quos probatio faciendâ erat, dilata est in subsequenti sabbato, quo pariter tam præsentes quàm absentes convenirent apud Moretum.

Iterum apud Moretum conveniunt.

Erat autem dies qui cognominatur Martis, id est tertia feria. Et ut qui fuerant requisiti convenerunt, egressi sunt omnes cum Rege & Optimatibus suis in nemore consito suprâ Moretum. Ubi cum Abbas referret summam probationis suæ, dixit eam esse centenorum sexagenorum millium solidorum, præter detrimenta nemorum & aquarum, & præter injuriam prodicionis, & præter sanguinem occisorum, & præter sacrilegium invasæ & violatæ sacrosanctæ Ecclesiæ. Quo audito conscii facinoris consternati animo, protinus in fugam versi sunt, nec sustinuerunt fieri probationem: & nesciente Rege ad complices & confodales scelerum suorum repedarunt. Abbas verò jussu Regis fecit probationem suam præsente Comite, & auxiliariis illius prætitulatis. Ut autem cognovit Rex perfidos abesse, & injussos temerè regiam curiam subterfugisse: Feliciter, ait, Abbas comprobavit justitiam suam, proditores verò comprobaverunt perfidiam suam: quamobrem quia exciderunt à justitiâ, proferatur sententia eorum reatui congrua: loquutusque est Rementis: Unum (inquit) capitulum dictavimus, adhuc alia prolaturi, si expectantes vel judicio se dignos inveniri paterentur. Nunc autem quoniam exortes rationis exciderunt ab omni jure justitiæ, dictante Regis judicio diffinimus, ut Comes Niverneus, quide fidelitate Regis præsens adest, profanos illos proditores vi comprehendat, & puniendos Regi ubi jussus fuerit adducat. Res porro eorum tam mobiles quàm immobiles ex integro pro restitutione illati damni Abbati tradat. Et interrogatus Comes utrum dictatam ex ore Regis sententiam susciperet; Suscipio ait. At Lingonensis nitebatur refellere judicium. Cui Rementis: Si, inquit, injustum tibi videtur elucubratum judicium, apud Romanam audientiam te appello, ut ibi coram Summo Pontifice, & universali Judice, si quid habes objectes. Nequaquam, ait Lingonensis, appellationem istam suscipio, nec judicium Regis redarguo, sed quod æquitati ipsius visum fuerit, ut dignum est, approbo. Iterum ergo Rex interrogavit Comitem utrum prolaturum judicium susciperet de tradendis condemnatis; qui respondit: Si jubet Dominus meus Rex, suscipio: sed peto ut illis concedantur induciæ, quas ex fiducia Regis pietatis dediciis. Respondens Rex ait, Planè jubeo, & auctoritate Regiâ pro fidelitate, quâ mihi juratus es, præcipio ut quod præfinitum est, perficias, nec de sententiâ quidquam omittas. De induciis autem tuâ intererit; nam à me nec tibi nec illis aliquæ conceduntur, quin sequenti Dominicâ perficiatur quod definitum est.

Sententia proferatur in Comitum Niverne, & perfidos Vizeliacos oppidanos.

Biduo igitur habito Concilio ibidem, solutum est collegium. Abbas autem valefaciens Regi, & Optimatibus, atque amicis illius, accessit prope Vizeliacum, & fuit apud Givriacum usque ad dictam Dominicam. Tyrannus verò dolens super impios, quos ad conspirationem incitavit, quos ad facinus provocarat, quorum Juratus erat, quorum opes ob fiduciam sui exhauserat, quorum etiam auxilio dominium Monasterii Vizeliacensis sese obtinere sperabat, dolens quoque quòd tam potenter & tam publice ab Abbate victus, & confusus atque confutatus esset, quodque tam de se quàm de suis satellitibus & complicitibus vesaniæ suæ pro voto triumphasset, attingebatur animo vehementer, & cogitabat qualiter damnatis provideret, vel desperatis sub-

Inventus Comes sententia cum annuisset, modis omnibus obliuctatur, tentatque ut effectum non forniatur.

veniret. Sed quia confusus animus impos est ratonis, infatuatum est consilium ejus, & Deo disponente dum plebi providet damnatâ, invitus & ignarus consultum fert Ecclesiæ, totumque præstat oppressis quod nititur efficere dolis: dumque tendit laqueum, levat ipse socium, aduncatur stimulo, malè satur cupito. Missis ergo satellitibus suis, jussit clamare sub voce præconis omnibus oppidanis seu vicanis ex ore Comitum, ut sublatis mobilibus cunctis omnes pariter quaquâ possent, confugerent in præsidii illis, ubi cum minimè venturum sperarent: quoniam ex judicio Regis sequenti die Lunæ omnes comprehenderet quotquot infrâ Vizeliacum inveniret, & puniendos quamvis invitus Regi traheret Parisius. Et immisit Deus terrorem suum in hominibus illis, & fugerunt quotquot erant de adversariis omnes à minimo usque ad maximum, domos, uxores, liberos, possessiones, & mercimonia sua relinquentes, ita ut penitus nemo ex tot millibus summo mane appareret, sed quasi ab hostibus invasum & direptum esset, sic vacuum & inane remansit oppidum. Existimans autem versutus & callidus Comes, quòd non præsumeret se absente Abbas ingredi in Monasterium suum, simulavit languorem. Tunc Abbas vecordiam ipsius despiciens, itatim ipsâ Dominicâ cum triumpho vespere Vizeliacum venit, & Monasterium suum obtinuit: & facta est exultatio magna in Ecclesiâ, quoniam confusus est adversarius, contritus est inimicus. Et misit tyrannus satellites suos Vizeliacum quasi ob gratiam perficiendi mandatum Regis, ut comprehenderent profanos quos loco cedere jusserrat. Ingressique satellites, dixerunt Abbati Dominum suum Comitem diù expectasse Nuntium illius, quo veniens ipsum in Monasterio suo honorificè introduxisset; se autem adeo mirari quòd tam Improvisè illuc ingressus inimicorum motus non pertimuerit, missos autem à Domino suo idcirco se dicebant, ut definitam de adversariis ultionem ad imperium Abbatis exercerent. Quibus Abbas respondit: Audito quòd Dominus vester infirmaretur, nolui onerosus illi existerè; sed commisi meipsum Deo & beatæ Mariæ Magdalenæ, cujus causam votis omnibus prosequor, & recepi Deo tradente quod nitebatur æmulus præripere. Cæterum ipsi scitis à quo missi estis: si quid faciendum vobis præcepit, vestrâ interest utrum faciatis necne: ego autem rei exitum patiens præstolabor. Respondentes dixerunt se missos ideo esse, ut homines vici illius comprehenderent, sed ingressos neminem præter mulieres & parvulos earum invenisse. Ait illis: Siccine quatuor homines tot millia comprehendere venistis? Et dixit illius quidam: Ecce si perfidos proditores captivare venistis, inveniatis ferè quater viginti latitantes & latrocinantes in contiguâ sylvâ. At illi: Aliud, inquit, iter nobis confecturis; modò non dirigitur illò via nostra: & sic tergiversantes abierunt. Versutia quippe discipuli probatur dolus magistri. Et egressi sunt quidam de fratribus armatæ cum pueris juventutis, & fregerunt tabulam impij Simonis, & vestibulum domus ipsius, quæ contrâ jus ob contumeliam contradicentium Fratrum ædificaverat, & de conspiratione factionis confusus hætenus contrâ votum Ecclesiæ obtinuerat. Inde progressi dissipaverunt torcularia, quæ in subterraneis domorum suarum fraudulenter erexerant impius Hugo Fricans-panem, & nefandissimus Hugo de sancto Petro. Porro impij diffusi sunt per oppida & loca tyranni, quique jussit satellitibus suis atque Præpositis, quatenus eos occultarent, excusarent, & omnem humanitatem illis exhiberent; tantum sui præsentiam declinare eos juberent. Reliqui circumquaque errando dispersi, multi eorum

XXx iij

Prædæ & direptioni; necne captivitati patuerunt. Inopes & vagi contiguam sylvam occupaverunt, ædificantes ibidem calas, & exinde latrocinia exercebant, viantes & peregrinos deprædabant. Die autem suspecti occursum quærentium se declinabant, & ad socios qui erant in locis munitissimis se conferebant: nocte verò in prædictâ sylvâ degentes, mittebant absconditos exploratores in vico sub veste peregrinâ, qui eis deferrent necessaria, & referrent quæ didicissent consilia; & congregati sunt profugi apud Corbiniacum, & cogitaverunt irruptionem facere, & vi repetere quas sponte formidolosi reliquerant sedes.

Exercitum colligi jubet Abbas, quo perfidis oppidanis obstitere.

Tunc collegit Abbas externum exercitum, maximum fortissimam, & homines doctos arcu & balistâ, & militibus infra castrum retentis, cæteros divisit cum pueris suis, & posuit in munitionibus pessimorum, ut per ea expugnarentur impii per quæ nitentur oppugnare munitiones Monasterii. Omnes autem iussit per vices & die & nocte circuire & discurrere circa oppidum & prædia illius. Quicumque verò de fugitivis comprehendebantur, aut captivitatibus miserâ, aut membrorum multâ puniebantur: & obtinuit Ecclesiâ jus iustitiæ debitum, nec tyrannicam cogeatur adire curiam pro ulciscendâ iustitiâ, & ultus est Ecclesiâ Abbas Pontius de pessimo adversario illius Hugone de sancto Petro, & præcepit ut diriperetur omnis substantia ejus, & publicarentur omnia bona illius, & subverterentur omnia ædificia ipsius, domus & molendina, stagnaque aquarum quæ multo fastu extruxerat, & exaltatus erat usque in cælum. Sicque deleta est omnis possessio illius, ut fieret parabola & proverbium cunctis post futuris generationibus. Sed & in ministros seditionis Aimone de sancto Christophoro, qui dicebatur insanus, Petro, qui prænominatus est de sancto Petro, Aimone de Phalesiâ, Roberto de Furno, Renaldo Daudet, Galterio Normanno, Roberto de Campo-petroso, Duranno Gulos, Alardo Claudio, & Petro Galimardi, censura iustissimæ ultionis pertransiit, & domus eorum funditus everse atque succensæ sunt, bonaque eorum quibus malè abusi fuerant, direpta. In cæteris autem, hoc est, Eustachio, Simone, Duranno, Alburno, inque David, & Hugone Fricante-panem, & Felice, aliisque ipsorum complicitibus pietas Abbatis sententiam suam moderata est, & vina tantum eorum à fidelibus Ecclesiæ transfusa sunt. Inventa sunt præterea scuta & arma diversî generis inter spolia direptarum domorum. Et coniecti sunt plures in vinculis, donec Regis iudicium super eos decerneret; & humiliata est superbia impiorum, & cognovit se subactam insolens rusticitas Vizeliacensium. Et vidit tyrannus quoniam prævaluit iustitia, & confusa est impietas, nec erat ei auxilium quo ferret opem deceptis, & reverebatur eos, nec poterat sustinere aspectum illorum: quoniam arguebatur ab ignaviâ suâ, & torquebatur à conscientia suâ. Attamen impios se se volentes reddere, & ad arbitrium Abbatis satisfacere prohibuit, promittens eis pro voto pacem affuturam; & quia confundebar pro eis intercedere, ne contra iurandum eos juvare videretur, cogitavit consilium irrationis in Deum, & blasphemus erga cultum pietatis, assumpto baculo & perâ, quali B. Dionysii petiturus oracula, cujus instabant solemnia, profectus est ad Regem. A quo requisitus causam sui adventus, peregrinum se B. Dionysii Martyris mentitus est. Captato denique Regis colloquio, procidit ad pedes ejus, & ut exilibus parceret illis, parceret etiam Vizel. Monasterio, quod destituto vico desolatum iri constaret, affectuosissimè deprecatus

est, jurejurando etiam & obtestando pollicitus est, se in præsentia Regis homines illos adducturum, & eos ad arbitrium Regiæ pietatis Abbati & Ecclesiæ satisfacturos, ac perpetuæ pacis fœdus firmaturos.

Motus igitur Rex precibus istis, statuit ei diem apud Altissiodorum, scilicet tertiâ die post festum Omnium Sanctorum, & designavit Abbati petitiones & pollicitationes Comitum, petivitque ut interim parceret domibus eorum usque ad diem conditæ concordie. Quibus auditis Abbas significavit protinus Floriacensi & reliquis amicis suis mandatum Regis & conditum Comitum, petiitque ut futuro secum adessent colloquio. Cæteri autem Optimates, cum quibus pro causâ Vizeliacensi Rex indixerat colloquium, renuntiaverant Regi; nullatenus se affuturos ubi Nivernensem adesse prænoscent. Quo cognito tyrannus, & hac etiam improbitate suâ impudenter uti voluit: iterumque festinus ad Regem venit postulans ut diem & locum indicti colloquii de causâ Vizeliacensi accelerando præveniret, causatus inimicorum suorum insequutionem, à quibus se defendere oporteret. Sperabat etenim quod si nudum consilio & solitarium absentia suorum amicorum Abbatem inveniret, facile suadilibus dolis eum flecteret. Sed tritus fallacis illius animus, non potuit decipi incautus. Credidit tamen ei Rex, & scripsit Abbati ut ipsâ die Omnium Sanctorum apud sanctum Julianum de Salto indicto colloquio adesset, pacem facturum, pacemque recepturum, si congrua offerretur. Ad quod Abbas inito consilio respondit, tam præpropere se non posse occurrere, quippe qui ad primitus designatum diem amicos suos vocaverat, quorum consilio & facturum & accepturum pacem esset, si congrua offerretur; quem præsertim non decebat tantum & tantæ causæ solum subire colloquium. Quo audito Rex iustum esse dixit Abbatis responsum, licque fieri iussit ut prius fuerat constitutum.

Die igitur statutâ Jovis post festum Omnium Sanctorum convenerunt pariter apud Altissiodorum Rex & Abbas cum Optimatibus & amicis; Comes quoque cum Vicanis Vizeliaci: & sedens Rex postera die quæ nuncupatur Veneris, interrogavit Burgeses quidnam facere mallent. At illi respondentes, omnia se facturos secundum beneplacitum miserationis illius dixerunt. Dictum est igitur ex sententiâ Regis, ut conspiracyonem & mutuam confederationem quam fecerant, quoquo pacto fecissent, penitus abjurarent: illos, qui pueros Ecclesiæ occiderant, ubi ubi repertos aut caperent si possent, aut clamore & indicio quo possent, proderent. Fidelitatem & vitam, salutemque membrorum Abbatis & suorum, Ecclesiæ & suorum, supra sacra jurarent, & summam XL. millium solidorum pro illato damno penderent, munitiones & antemuralia domorum dato termino ad festum usque sancti Andree diruerent, & hæc omnia bonâ fide integrè se facturos jurarent. Tum illi jam fractâ cervice domiti & humiles effecti, ita se facturos sponderunt, & Abbatem ut Dominum suum se veneraturos & conservaturos juraverunt; ipsa etiam statuti juramenti sacramenta, statim ibidem qui affuerunt, fecerunt; scilicet Guibertus Lotariensis, Hugo Fricans-panem, Durannus Alburni, & alii ferè amplius quam XL. Et reversus est Abbas Vizeliacum cum hominibus suis jam de perfidis factis fidelibus. Et ingressi sunt cum eo, lætitiâ & tripudio magno exultantes, habitaveruntque in pace, ut ferè mansuefactæ. Porro illi qui erant circumquaque diffusi, audita pacis conditione gavisii sunt, & revertentes confluebant quotidie catervatim ad iurandum & diditionem. Con-

Comes multa Regi fraudulenter suggerit: quibus occurrit Abbas.

Conditâ die Autissiodori congregantur Rex, Abbas, &c.

Damnatur denuo Oppidanus Vizel.

stituit autem Abbas ex ipsis quæstores, qui exigent à singulis impositam pecuniam; tali moderamine, ut appreciatis per obligationem jurisjurandi singulorum possessionibus, redactisque in summa penstationibus de librâ persolveretur pars decima, hoc est duo solidi redderentur de viginti; nec fuit in his omnibus qui resisteret, vel aperiret os contradicendo, quoniam ablatum est cornu superbiæ illorum, & contrita est virga fortitudinis eorum, & redintegrata est per manum eximii Abbatis Pontii libertas Ecclesiæ, & confusi sunt omnes prostitutores pudicitie illius. Verumtamen antemuralia domorum evertere dissimulantes neglexerunt, quoniam hoc præceptum in scandalum erat illis, & quasi aculeus terebrans oculos eorum.

Peractis autem Dominicæ nativitatæ Kalendis, vocavit eos Abbas, monuitque ut juxta compositionem pacis, quod necdum fecerant perficerent, de diruendis munitionibus domorum. Constituitque illis terminum quo jussa complerent. Iterum dissimulantes cum interminatione commonuit, & si ultra factis obaudire negligerent, iram suam eos experturos fore prædixit. Mittebantur autem frequenter Abbati Epistolæ precatoriæ à Principibus regionis, maximè pro Simone, ne contineret in irâ misericordiam suam super eum, sed magis miseretur, parceret domui illius, quæ utique causa erat & initium malorum. Unde & ipse impius Simon plurimum præsumens de gratiâ & familiaritate Principum, suadentem Abbatem ut præcipitaret quod malè ædificaverat, contempsit, addiditque contumeliam contemptui, & ædificavit propugnacula, & munitionem incœptæ turris. Ut igitur vidit Abbas quoddam vestigium contumaciæ, & gloria superbiæ ipsorum esset in domibus illorum, accersivit agrestem multitudinem de possessionibus Monasterii, & Sabato post Hypapante Domini misit eos & quosdam de Fratribus in domum impii Simonis, præcipitaveruntque funditis antemuralia ipsius, propugnacula, & turrim, sedente ipso Simone ad ignem in ipsâ domo, cum uxore & liberis suis. Quod videntes cæteri timuerunt valde, & ingemiscientes erubescabant, dederuntque obsides pro evertendis munitionibus infra constitutum tempus.

Divinæ humanationis anno quinquies undecimo, atque vices quinquagesimo quinto, Pontificatûs verò Apostolici Nicolai, qui nuncupatus est Adrianus, anno 2. Regnante, & agente pio Rege Francorum Ludovico Juniore, data est requies Vizeliacensi Ecclesiæ per manum inclyti & clarissimi Abbatis Pontii, genere & moribus ac dignitate præstantissimi, & obtinuit Ecclesia integerrimam atque liberrimam libertatem suam, tam in privato quam in forensi negotio. Nam in privato, superstitè adhuc æmulo, invitatus est à prædicto Abbate Alanus Altissiodorensis pius Episcopus, & celebravit apud Vizeliacum solemnes Ordines in Oratorio B. Dei Genitricis & semper Virginis MARIÆ, Sabbato Jejuniorum mensis Martii, assistente in Monasterio Cardinali Subdiacono Odone de Bona-Casa, fecitque inspectâ Romanorum privilegiorum auctoritate Acolythos tres, Subdiaconum unum, Diaconos quatuor: porro ad Sacerdotii gradum sex Fratres promovit, præsentè & cooperante Stephano Abbate de Rigniac. Sequenti anno, anno scilicet pacis & victoriæ, duo Episcopi, videlicet Cenomanensis & Ebroicensis, venientes à Româ cum Abbate S. Albani apud Vizeliacum Pascha sanctum fecerunt; qui rogatu Venerabilis Pontii sanctarum Vigiliarum persolventes officium, sacros Ordines solemniter celebraverunt. Et Ebroicensis quidem Ostiarios, Exorcistas, Lectores, Acolythos in Oratorio Theotocot

MARIÆ ordinavit. Cenomanensis verò septem Subdiaconos & unum Diaconem fecit, Presbyteros autem quinque consecravit. Et in his omnibus obtinuit adversarius jugulo invidiæ confectus, & auctoritate justitiæ dejectus. Eodem sabbato accepit Abbas Pontius sanctum chrisma ab Archipresbytero Altissiodorensi.

Porro in forensi causâ, primò quidem de perfidis proditoribus & servis rebellibus non ex jure neque ex consuetudine, sed ex necessitate per manum Regis auctoritate Apostolicâ liberum jus justitiæ obtinuit Ecclesia. Deinde per manum Abbatis Pontii tam suas quàm suorum causas potestativè in propriâ curiâ dijudicavit, nec unquam vel usquam cujusquam laicalis vel clericalis personæ arbitrium jurisdictionis intercessit: & annullata est omnis calumnia, quoniam possedit calumniatores confusio & ignominia, & defecit inimicus, quoniam prævaluit justus.



## HISTORIÆ VIZELIACENSIS, LIBER QUARTUS.

SICUT Patres thesaurifant filiis in incremento prædiorum & pecuniarum, ita priorum providentia thesaurifant sequentium notitiâ in descriptione librorum, & commendatione gestorum. Scriptis namque mediantibus præterita quodammodo junguntur futuris, dum litera repræsentat quod antiquitas abduxerat. Descriptis itaque superioribus libellis de dignitate & exordio atque libertate Vizeliacensi Ecclesiæ, laboribus etiam quos pro justitiâ libertatis suæ constanter & infatigabiliter sustinuit, ad ea quæ desunt non supplenda quidem, sed proseguenda, ut pote visu & auditu experta, styllum ducimus, & piorum patrum piis filiis æmulandam probitatem describimus. quatenus obtinere non negligant, quod patrum strenua sagacitas non absque gravibus laboribus acquisivit. Devictis igitur omnibus adversariis libertatis Ecclesiæ Vizeliacensis, obtinuit venerandæ & semper recolendæ memoriæ Abbas Pontius integræ dignitatis fastigium, & quasi renovato jure totum penitus abolevit quidquid erroris livor servilis induxerat, & pace adeptâ per quinquennium pacificè postmodum rexit in virgâ æquitatis Monasterium suum.

Anno autem Verbi incarnati Millesimo centesimo quinquagesimo nono, orta est, proh dolor! sæda dissensio in Romanâ Ecclesiâ. Mortuo etenim Adriano Papa, generali consilio & universali consensu electus est sacri Scrinii Cancellarius Rollandus. Quo humiliter tantum onus suscipere dissimulante, interim Octavianus unus ex Cardinalibus Apostolicis, & inter Senatores urbis nobilior, Apostolica indigna sibi fraudulenter præripuit, & Apostolicum honorem, proh nefas! usurpavit: neque divina neque humana jura reveritus, tres tantum sui schismatis fautores habens de toto Apostolico Consistorio, scilicet Ismarum Tusculanum Episcopum, & Guidonem Cremonensem, atque Joannem de sanctâ Martinâ; quorum Ismarus & Joannes schismatici mortem in schismate prævenerunt. Ut autem cæteri Cardinales schismaticam usurpationem cognoverunt, protinus cum Electo suo, Alexandro cognominato, atque ab Humbaldo Hostienfi Episcopo consecrato,

An. 1159.  
Schisma  
exortum in  
Ecclesiâ.

Plectit Abbas  
renuentem se  
subjicere suis  
decretis.

Tandem an.  
1155. obtrinet  
suam libertatem  
Vizeliac.  
Ecclesia: ac  
petente Ab-  
bate Ordines  
conferuntur.



ab urbe sunt egressi. Et factum est grave schisma in Occidentali Ecclesiâ, Germanico Imperatore Octaviano, qui dictus est Victor, Siculo autem Rege favente Alexandro Catholico. Et misit Alexander Legatos suos in Galliam, & in Insulas Britannia, ad Regem Francorum Ludovicum, & ad Henricum Regem Anglorum, atque ad omnem utriusque Regni Ecclesiâ: videlicet Guilelmum Papiensem, & Henricum Pisani, atque Ottonem de Tulliano Carcere. Qui transeuntes Italiam cum à Cluniacensi Monasterio nequaquam reciperentur, primus & præcipue omnium Gallicanarum personarum suscepit eos dignæ memoriæ Abbas Pontius Vizeliacensis, & Catholicam Orthodoxi Alexandri electionem universis utriusque ordinis Principibus commendavit. Igitur Alexandro ab utroque regno suscepto, scripserunt Legati Cluniacensibus pro susceptione Alexandri. Præerat eo tempore Cluniacensi Ecclesiæ Hugo prudens moribus, & simplex ingenio. Is convocato ex more talium negotiorum Capitulo, de susceptione Alexandri Fratres suos consuluit: at illi Patris Hugonis exosam habentes prælationem, cum dentem invidiæ in personam innocentis nequirent infingere, versuto usi consilio, cum contestatione interdixerunt ei tam Catholicum quàm Schismaticum suscipere; ne forte dum, ut assolet in talibus, victo faverent, victoris odium incurrerent; ne verò dolosi potius quàm salubris consilii periculum suspectum haberet, idem sapere, & eadem subire cum eo unanimiter quidquid exinde contigisset adversi sponderunt. Cum autem Cluniacum accedere, & in schismaticos ferre sententiam Apostolici Legati formidarent, miserunt Henricum tunc Belvacensem, postea verò Remensem Episcopum, qui propter germanitatem Ludovici Regis tutius ad partes illas accedere, & delegatum sibi ab Alexandro per prænominatos Legatos Apostoli Petri gladium exerere posse videbatur. Qui cum accessisset, & apud Luzium convenisset, superque Cluniacenses ponere sententiam anathematis disponderet, rogatu Dalmatii & aliorum terræ illius Principum distulit, & scripsit Cluniacensibus, exhortans ut relinquerent, & ut Alexandrum, sicut alia Franciæ Monasteria, susciperent; alioquin delegatâ sibi auctoritate Apostolicâ sententiam excommunicationis tam super ipsos, quàm super omnes fautores eorum ulterius promulgare non differret; & assignato die apud Melidunum, cum neque ipse Abbas Cluniacensis fraude detentus à suis, neque responsales ejus adessent; porro æmuli Abbatis ex adverso starent, Theobaldus scilicet Prior sancti Martini de Campis, qui aliquando post Abbatem Prioris locum in Monasterio Cluniacensi tenuerat, & alii plures qui videbantur esse capita Ecclesiæ suæ, ipsum Abbatem suum tamquam parricidæ filii patrem accusantes, & culpam schismatis à se removens, quippe qui se & commissa sibi Monasteria subjectioni & protectioni Catholici Alexandri committerent, ipsis faventibus Hugonem Abbatem Cluniaci, & omnes subditos & fautores illius publicè excommunicavit.

Excommunicantur.

Vocatus fuerat ad hoc colloquium sanctæ memoriæ Pontius noster meritò Abbas nominandus, quibusdam annuentibus, ut extruso Hugone is Monasterio Cluniacensi præficeretur. Sanè beata & gloriosa Dei dilectrix Maria Magdalene, cui devotus devotum semper exhibuerat famulatum, hunc à candelabro suo, quo clarissimè irradiaverat, minimè evelli pertulit, retinuitque cum sibi etiam corpore, quem à puero enutritum & ab Angelorum Principe Michaële sibi concessum, totum ex integro sibi vendicans consecraverat, nec passa est inimicum libertatis sepulcri sui vel ad horam exultare

de eo, ne fortè contrarius sibi metipsum existens, qui pro patriâ pugnaverat patriam quodammodo expugnaret, neve malitia de virtute virtutem prosterneret, & ignavia probitatem probitate dejiceret. Langore namque insperato detentus, vicesimo quarto anno ordinationis suæ viam universæ carnis ingressus est, & cum gravi luctu suorum ante sepulcrum famulatricis sepulcri Christi sepultus, raptus est, ut credi fas est, ne gloria humanæ probitatis mutaret intellectum illius. Quo assumpto protinus Vizeliacensis Monasterii Fratres uno voco & communi assensu elegerunt sibi Patrem genere nobilem, probitate conspicuum, virum ab adolescentiâ sacris instructum disciplinis, tam in ipso ubi susceptus est Vizeliacensi, quam in Cluniacensi Cœnobio, videlicet Guilelmum Abbatem sancti Martini Pontifarenfis, quod Monasterium ipse per XV. annos regens, possessionibus & ædificiis multis ampliaverat.

His diebus Nivernensis Comes Guilelmus, filius Guilelmi Cartusienfis, filii Renaldi de Hubenc, filii Guilelmi, filii Renaldi, filii Landrici, qui primus hujus generis Principatum Nivernis à Comite Burgundiæ suscepit: hic, inquam, Comes post multa gravamina quæ, uti in superiore volumine partim comprehensa sunt, Ecclesiæ Vizeliacensi intulit, gravi morbo correptus, calicem divinæ ultionis prægustabat. Ut ergo audivit filius ejus Guilelmus quoddam Vizeliacenses Abbatem sibi elegissent, genuinâ insolentiâ ratus omnia nutu suo constare, Vizeliacum venit in irâ multâ & in furore magno, & interdixit Fratribus electionem se absente & inconsulto patre suo factam; posuitque custodes ne quis de Vizeliacensibus transiret ad Electum. Sed quàm pravo & irrationabili consilio hoc fecerit, manifestant Romanorum Pontificum munimenta, & Francorum Regum privilegia: avi quoque sui, qui simili arrogantia electionem Renaldi Abbatis, postmodum Lugdunensis Archiepiscopi, calumniatus est, exemplar subscriptum declarat. » Ego Nivernensis Comes di-

Vizeliacenses igitur postpositâ juvenis Comitissæ injustâ calumniâ, Renaldum Merlotensem ad convocandum Electum suum miserunt: qui cum venisset, neque Monasterium introire, neque solemnem Fratrum processionem suscipere voluit, ne minus per ostium ingressus videretur: cum hujusmodi translatio de Monasterio ad Monasterium, vel de Ecclesiâ ad Ecclesiâ inconsulto Pontifice Romano nequaquam authentica esse decernatur. Unde Vizeliacenses per Gaufredum Hospitalem scripserunt Ottoni Cardinali & Legato Apostolicæ Sedis, insinuantes ei modum electionis, & personam electam. At ille perlectis Apostolicis privilegiis, electionem sanam comprobavit, & eam fore ratam vice Apostolicâ confirmavit, ipsique Electo commisit curam Vizeliacensis Ecclesiæ ex parte Domini Papæ, per manum Petri Pisani Decani sancti Aniani Aurelianensis. Et ingressus est Guilelmus Abbas Vizeliacum, totius populi favore, & Fratrum solemnî processione susceptus, habens secum Macharium Floriacensem, Theobaldum sancti Germani de Patris, Stephanum

Pontio Abba-  
Vizeli. vitâ  
functo, in ejus  
locum subro-  
gatur Guillel-  
mus Abbas Pon-  
ti-  
fas.

Ne fortitur  
effectum ele-  
ctio, obicem  
ponit Comes  
Nivern.

Consensus Co-  
mitis in eli-  
gendo Abbate  
haud requi-  
rendus.

Confirmat e-  
lectionem  
Cardinal, Le-  
gatus.

Init possessio-  
nem Abbas.

Rigiacensem,



Rigniacensem, Abbates. Et non post multos dies misit ad Alexandrum Papam prænominatum Gaufridum, & Joannem Italicum Clericum suum cum literis Capituli sui continentibus actionem electionis suæ, & literis Francorum Regis, literis etiam Regis Anglorum, atque Abbatum prænominatorum, personam electi & modum electionis commendantium.

Interea Alexander Papa Octaviani schismatici declinans insidias, per mare appulit ad urbem Januensium. Quo audito nuntii Vizeliacenses profecti sunt illuc. Susceptique honorabiliter ab Alexandro, fuerunt cum eo in Palatio per dies aliquot: & sedens Alexander unâ cum universo cœtu Cardinalium, adstante multâ frequentiâ multarum partium, Legatos Vizeliacensis Monasterii audivit, allatas ab ipsis literas suscepit, ordinationem Guillelmi Abbatis ratam habuit, eidem & fratribus universis ejusdem Monasterii privilegium fecit, in quo juxta antiquorum Pontificum Romanorum exemplaria statuit, quatenus Fratres Monasterii Vizeliacensis defuncto Abbate suo liberam electionem in substituendo successore haberent, & ne aliqua persona cujuslibet causæ religionisve obtentu quemlibet assensum de ipsâ electione sibi usurpare, vel quocumque modo requirere præsumeret. Hanc siquidem libertatem, cum per trecentos ferè annos ab ipso suæ fundationis principio Vizeliacensis Ecclesia quietè & absque calumniâ obtinuisset, tamque de suis quàm de aliorum Fratribus Monasteriorum sibi Patres indifferenter præfecisset: Cluniacenses longè post exorti per surreptionem sibi vindicare nisi sunt; assensum quidem primùm, deinde verò jus electionis sibi arrogantes, mentientes utique à Paschali traditam sibi curam ordinis Ecclesiæ Vizeliacensis ob quam prorsus causam eadem Ecclesia sub Innocentio II. Papa grave scandalum pertulit reclamando libertatem ingentiam, dum per violentiam ejusdem Innocentii & Comitis Nivernensis intruso à Cluniacensibus quodam Alberico, ferè omnes sæpe fati Monasterii Fratres vinculis colligati, & per Provinciam, Italiam, Germaniam, Lotharingiam, Franciam, & Aquitaniam, hæc illacque ignobiliter dispersi sunt, alienigenis subintroductibus in liberrimo solo, qui quasi sub Sennacherib undecumque congregati, unum superstitionis Samaritanorum nomen fecere.

Quia ergo in tempore tentationis supercilium Cluniaci intumuit, & Monasterium quod hætenus specialius Ecclesiæ Romanæ membrum existerat, à Romanâ unitate exorbitavit, jure placuit Apostolico examini, ut beati Petri uterina filia Vizeliacensis Ecclesia denuò Schismaticorum non subjaceret calumniæ, præsertim cum ipse Catholicus Papa Alexander æquè ut Paschalis, & quilibet alii Apostolici prædecessores sui, Deo authore, beati Petri clavibus frueretur, quibus merito fidei remittendum vel solvendum censebatur, quod aliquando sub obtentu religionis commissum vel ligatum prætendebatur. Ob insolentiam denique Cluniacensium non solum in hac parte, imò etiam in toto corpore, libertas Ecclesiæ Vizeliacensis periclitabatur: nam cum adventitii præfati abundantia multâ abuterentur, & à vicinis locorum indigenis bonorum Ecclesiæ rapinam paterentur, desidiæ & ignaviæ potius quàm debitæ libertati consulentes, Comitem Nivernensem induxerunt, & sub specie familiaritatis materiam ei dederunt inconsumptæ tyrannidis & inusitatæ consuetudinis. Eorum etenim temporibus & indebitæ justitiæ exactio, & procuratorum frequentia, occasionumque gravamina, atque malarum consuetudinum submissio inolevit; per quæ omnia nostris temporibus eadem Ecclesia penè ad nihilum redacta est: paulatim enim serpendo pestiferum virus tam Cluniacæ servitutis

quàm Comitis tyrannidis, à plantâ pedis usque ad verticem omnes illius ævi seniores infecit usque ad beatæ memoriæ Pontium, quem fecunda virorum illustrium Arvernica nobilis tellus protulit, & hunc de quo in præsentiarum agitur, Guillelmum de Meloto, quem strenua Caroli Magni de Rupe Merioti proles edidit. Hi nempe verè filii veræ matris vicem doluerunt, & pro justitiâ illius ad sanguinem reititerunt.

Igitur Alexander Papa egressus ab Urbe Januensium, in portu Magalonæ applicuit: cui prænominatus occurrens Guillelmus Abbas Vizel. quemadmodum prædecessor illius Pontius primitias legationis Apostolicæ, non absque suorum & quorundam Magnatorum invidiâ susceperat; ita & hic ipsum Summum Pontificem à littore maris prodeuntem omnium Sacerdotum Galliæ prior excepit, & invenit gratiam in conspectu Alexandri, & magnificavit eum Alexander coram frequentiâ totius Romanæ Ecclesiæ, & iterum retractato Comitis Gerardi testamento, munimentis etiam antiquorum privilegiorum collatis cum modernis, immunitatem libertatis Ecclesiæ Vizel. & libertatem eligendi vel substituendi Abbatem communi consilio & voluntate, atque arbitrio omnium Episcoporum, Presbyterorum, Diaconorum, Subdiaconorum, Cardinalium, Alexander Papa in Consistorio Montis Pessulani juxta subscriptum exemplar confirmavit.

ALEXANDER Episcopus S. SS. Dei, Dilectis filiis Willemo Abbati Vizel. Monasterii, ejusque Fratribus tam præsentibus quàm futuris Monasticam vitam professis in perpetuum. Sacrosancta Romana Ecclesia, quæ unicuique respondet pro suorum qualitatibus meritorum, eos quos fideles reperit, benigniori tractare gratiâ consuevit, & quos ferventiores circa suum obsequium intuetur, honoris prærogativâ est solita decorare. Antecessor autem noster bonæ memoriæ Paschalis Papa, sicut ex privilegio prædecessoris nostri felicis recordationis Calixti Papæ cognovimus, Vizel. Monasterium, quod propriè ac specialiter B. Petri juris existit, Cluniacensis Ecclesiæ fervorem religionis, quæ tunc temporis inibi habebatur, attendens, cum religio in eodem Vizel. Monasterio tunc ex parte maximâ deperisset, commississe dinoscitur, & prædictus Calixtus Papa idipsum auctoritatis suæ privilegio confirmasse; ita quidem ut obeunte Abbate, qui ibidem esset pro tempore institutus, alius ibi deberet communi Fratrum consensu, vel partis consilii sanioris, Cluniacensium Abbatum consilio subrogari. Nos verò devotionis vestræ constantiam, & fidei firmitatem, quam in hoc tempore procelloso tam vos quàm bonæ memoriæ Pontius Vizel. Abbas, circa Rom. Ecclesiam habuistis, diligentius attendentes: considerantes etiam quàm manifestè Cluniacensis Ecclesia tempore hujusurbationis erraverit, & quomodo à pristina religione & honestate corruebat, ab unitate Ecclesiæ se fecerit alienam: prædicto Monasterio vestro in devotione & fide Ecclesiæ firmissimè permanente, & religione per Dei gratiam ibidem plenariè restitutâ, ut utraque Ecclesia fructum videatur pro meritis reportare, commissio-nem illam, quam idem antecessor noster Paschalis Papa fecerat, de communi Fratrum nostrorum consilio duximus revocandam statuantes ut idem Monasterium Cluniacensi Ecclesiæ in nullo penitus subjacere debeat, nec alicui teneatur nisi tantum Rom. Ecclesiæ respondere; & electionem ita liberam per omnia habeatis, ut Cluniacensium Abbatum consilium vel consensus nullomodo requiratur; imò illum vobis in Abbatem dari volumus

Privilegia Vizel. Ecclesiæ confirmat Alexander Papa; eamque eximit à potestate Cluniacensium.

Alexander Papa Januam appulit.

Ratam habet Abbatis electionem; renovatque privilegia.

Cluniacenses usurpant regimen Cœnobii Vizel.

„ & præponi, quem Fratres communi consensu,  
 „ vel Fratrum pars consilii sanioris, secundum Dei  
 „ timorem, & B. Benedicti institutionem elegerint,  
 „ & Romanus Pontifex aut prævideret ordinandum,  
 „ aut suggestionem Monachorum ejusdem loci con-  
 „ senserit ordinatum. Ut autem hæc nostra institu-  
 „ tio futuris semper temporibus inviolabiliter obser-  
 „ vetur, eam auctoritate Apostolicâ confirmamus,  
 „ & præsentis scripti privilegio communimus: sta-  
 „ tuentes ut nulli omnino hominum liceat hanc pa-  
 „ ginam nostræ constitutionis infringere, vel ei ali-  
 „ quatenus contraire. Si quis autem hoc attentare  
 „ præsumserit, secundò, tertiove commonitus, nisi  
 „ præsumptionem suam dignâ satisfactione correxe-  
 „ rit, potestatis honorisque sui dignitate careat,  
 „ reumque se divino judicio existere de perpetrata  
 „ iniquitate cognoscat, & à sacratissimo corpore &  
 „ sanguine Dei & Domini nostri JESU-CHRISTI alie-  
 „ nus fiat, atque in extremo examine districtæ ultio-  
 „ ni subiaceat. Servantibus autem sit pax Domini  
 „ nostri JESU-CHRISTI, quatenus & hic fructum  
 „ bonæ actionis percipiant, & apud districtum Judi-  
 „ cem præmia æternæ pacis inveniant, Amen.

Abbas huma-  
 niter à Papa  
 exceptus ad  
 propria redit.

Et cum fuisset Abbas Guillelmus cum Apostolico  
 Alexandro dies plurimos, gratiâ & benedictione il-  
 lius auctus cum favore Romanæ totius Ecclesiæ re-  
 cessit ad propria, & regressus cum magnâ gloriâ  
 receptus est à Fratribus suis, & ab omni populo suo  
 cum solemnî processione in ornatu platearum & fu-  
 mo thymiamatum, & factâ, ut moris est, oratio-  
 ne, ostulit duos pretiosos pannos sericos, & duo  
 optima tapetia: & confusi sunt omnes adversarii li-  
 bertatis Ecclesiæ Vizel. & insurrexerunt viri linguo-  
 si, & quibus proprium est bonorum invidere pro-  
 speris, cœperuntque detrahere Guillelmo Abbatî  
 apud Comitem juvenem (nam pater vitâ excelle-  
 rat) quasi Guillelmus omnia bona Ecclesiæ dilapi-  
 dasset, & infinitam pecuniam Romanis dedisset; di-  
 centes impium esse tam nobilem Ecclesiam dissipari,  
 impietatem verò ipsam in caput Comitis meritò re-  
 dundare, qui cum tutor & defensor existeret Ecclesiæ  
 tantæ illius depopulationi non obstitat.

Famæ ejus  
 detrahunt o-  
 fiores.

Erat autem juvenis quidam nomine Guillelmus;  
 filius Petri de Monte-Regali inter ministros Abbatis  
 Pontii, ætate quidem junior, sed ingenio acrior;  
 hic sensu astutus, & obsequio gratus, tantam apud  
 Pontium obtinuit gratiam, ut potentiâ cunctos ex-  
 celleret Aulicos, & dominandi secundum ferè vin-  
 dicaret locum; quem excludabat, excludebatur; &  
 quem admittebat, admittebatur; quem justifica-  
 bat, justificabatur; & quem condemnabat, con-  
 demnabatur; justum & injustum, munus & me-  
 ritum, ipsa quoque gratia, quâ nihil clariùs in  
 omni fortunâ, absque Guillelmi favore nihili pen-  
 debantur: factique sunt extranei, quos olim &  
 ætas & sapientia Pontio familiares fecerat. Cumque  
 puerilibus animis majora majoribus præsumeret,  
 etiam Fratribus detrahere cœpit, proprios accusans  
 Dominos, servus conditione & moribus: exclusif-  
 que omnibus solus solo nomine Domini sui gratiâ  
 abutebatur, fasque nefasque unius erant pretii apud  
 eum, qui totus incumbere de penuriâ pauperum  
 dilatare terminos suos, & abusus fiduciâ Domini sui  
 pro centenario tricenarium reddebat, & pro dena-  
 rio centenarium recipiebat: multiplicatusque est  
 vehementer in possessionibus multis & pecuniis in-  
 numeris, & actus omnium in ore illius. Unius tan-  
 tum gratiâ abutendo contentus, omnium simul in-  
 tûs & extrâ odium concitavit. Homo quippe su-  
 perbus & arrogans atque impurus, honestos quos-  
 que & probatissimos viros despiciebat, accusabat,  
 & dehonestabat; adeo quippe simplices pii patris

animos circumvenerat callidis adulationibus, ut to-  
 tum ei concederet quod huic quocumque modo  
 placeret. Elatus igitur & miro modo supra semetip-  
 sum juvenis erectus, cum per quadriennium ita in-  
 solesceret potius quàm convalesceret, unius uno  
 momento noctis repente miser corruit & crepuit,  
 & effectus est quasi qui nec fuerit, & utinam nec  
 fuisset: nam cum felicitis memoriæ Pontius Abbas  
 extremum vitæ spiritum efflasset, servus proditor,  
 qui præ dolore commori debuerat, postpositis exe-  
 quiis proximis claves tulit, armaria spoliavit, &  
 quidquid rapere potuit, clam asportavit. Cumque  
 tam sacrilegum furtum sæpius reiterasset, deprehen-  
 sus à Fratribus & comprehensus est. Inquisitus au-  
 tem super thesauros Abbatis, & de candelabro au-  
 reo, quod Imperatrix quondam Mathildis mater  
 Regis Angelorum Henrici Monasterio Vizel. dede-  
 rat, omnia negavit; & scrutatâ domo illius, tan-  
 demque negatâ clave à familiaribus illius receptâ,  
 repertum est illud quod negaverat candelabrum, si-  
 gillum quoque Abbatis, simul & sigillum Capituli,  
 quod jam per biennium Fratres latuerat. Facto au-  
 tem mane dedit Fratribus obsoles super quingentas  
 libras pro executione justitiæ tenendâ in manu fu-  
 turi Abbatis, qui eâ ipsâ die depositionis venerabi-  
 lis Pontii concorditer electus est, anno divinæ Incar-  
 nationis millesimo centesimo sexagesimo primo VI.  
 feriâ, XIV. die mensis Octobris.

Interea profanus Guillelmus de Monte Regali ac-  
 cessit ad juvenem Comitem patris exequias celebra-  
 tem, qui octavo die obitus pii Pontii vitam huma-  
 nam finierat: cumque multa mentiendo præstrue-  
 ret, spondit Comiti novo octoginta libras, de-  
 cem septemque scyphos argenteos, si ei adversus  
 Vizeliacenses auxilium præberet, & singulis etiam  
 annis duas marchas argenti Comiti pro commenda-  
 titio daret. At ille compromisit ei contrâ omnes peti-  
 tum auxilium.

Recepto igitur solemniter electo Abbate Guillel-  
 mo, clamaverunt omnes pariter adversus Guillel-  
 mum de Monte-Regali, qui præsumens de auxilio  
 Comitis justitiam exequi detestabatur. Unde jussus  
 ab Abbate Guillelmo comprehendi, carceri manci-  
 patus est. Tunc ille solitâ usus versutiâ, cum spe-  
 rato careret auxilio, Abbatibus qui forte ad novi  
 Abbatis introitum convenerant, Floriacensi scilicet  
 & Parisiacensi cœpit supplicare, atque sub obtentu  
 confessionis, quam detegere sacerdotibus fas non  
 est, requisitos thesauros in quantum nosset propa-  
 lare, contestans se stare definitioni eorum de obje-  
 ctis capitulis si novus Abbas acquiesceret, qui pa-  
 rens illorum precibus & consiliis dixit se quoque  
 idem facturum: statimque in ipso crepusculo noctis  
 allatæ sunt Sanctorum reliquiæ in virgulto Abbatis,  
 & productus impius Guillelmus de carcere, jura-  
 vit super sancta quoddam faceret quidquid sequenti  
 mane præscripti Abbates definirent, & quoddam inter-  
 rim nusquam diffugeret. Sed in perfido quæ fides,  
 nullum est enim veritatis vestigium, ubi non est fi-  
 dei fundamentum. Ut autem vulgo dicitur experto  
 non esse credendum inimico, ita & proditori ju-  
 ranti nulla fides est adhibenda; jurat ore profanus,  
 ore justitiam, sed loquitur ex corde in corde nequi-  
 tians, & decidens in profundum malorum contem-  
 nit justitiam, sequiturque impietatis propositum.  
 Sic ille sceleratus Guillelmus spreto jusjuramento,  
 postpositâ etiam fide obsidum impudenter ipsâ nocte  
 perjurus aufugit. Quod cum Abbas Guillelmus au-  
 didisset, & rei exitum comprobasset, statim misit mi-  
 nistros suos in domum fugitivi proditoris, & tam  
 frumenta quàm vina, vasâ quoque & pannos, at-  
 que universam suppellectilem domus asportari fecit,

pollicitamque pecuniam quingentarum librarum à fideiussoribus exegit. Sacrilegus verò clam profugit ad Comitem, à quo receptus, post paucos etiam dies ab eo Vizeliacum reductus est. Unde cum Comes interpellaretur ab Abbate quare perfidum fugitivum suum suscepisset, & Vizeliacum contra morem villæ reduxisset; cui utique non liceret de jure neque commendatitium hominem Monasterii suscipere, neque cuiquam inimico villæ in eà conductum præstare: de his & aliis capitulis terminandis constituerunt diem apud Regniacum; ubi cum convenissent, primum conquestus est Abbas quòd Comes extrà morem Ecclesiæ homines suos commendatos susciperet; petiitque ut hunc fugitivum suum Guillelmum de Monte Regali, qui capitaneus servus Ecclesiæ existeret, incunctanter sicut de perditione & perjurio convictum sibi redderet. Tunc Comes Optimates suos requisivit super propositam de jure consuetudinis calumniam. At illi omnes unanimiter dixerunt nullum habere Comitem in hominibus Ecclesiæ Vizel. commendatum, neque adversus Ecclesiam, neque alio quolibet modo. Protinus Comes dimisit versipellem Guillelmum, & iussit eum redire ad legitimum Dominum suum, & per omnia illius stare mandato: & ut vidit quòd nihil profecisset, præcepto Abbatis vellet nolletque se submisit. Domo igitur cum aliquibus ex suis possessionibus distracta, obsides suos liberavit.

Post hæc contigit Comitem infirmari usque ad mortem. Cui Abbas Willelmus valde compassus, ut potuit, quamquam exosus ab eo, gratis ei obsequutus est: & oratio fiebat quotidie ab Ecclesiâ Vizeliac. ad Deum pro eo. Sed cum illà orante convalesceret, ingratus oblitus est omnium beneficiorum quæ sibi ab Ecclesiâ, vel ab Abbate exhibita sunt. Et patulas aures linguis apponens detrahentium, recogitabat quibus occasionibus Abbatem vel Monasterium fatigaret. Scripsitque Abbati ut pecuniam, quam profanus Guillelmus de Monte-Regali cognominatus sibi ex compromisso debebat, sibi redderet. Deditque in mandatis Nuntio qui ejus literas deferrebat, ut si pecuniam reddere Abbas differret, vel dissimularet, terram Abbatis illicò deprædaret. Quâdam ergo die Dominicâ, epistolam Comitum super præfatum negotium Abbati Nuntius obtulit (dicebatur autem nuntius ille Gaufridus de Meliduno) cui protinus Abbas respondit nullam omnino pecuniam se Comiti debere: si quid verò impius Guillelmus Comiti deberet, ab eo indubitanter reposceret. Respondit Gaufridus nil suâ interesse, nisi Domini sui tantummodo mandatum perficere. Numquid ergo, ait Abbas, hac Dominicâ bonorum nostrorum rapinam facies? non inquit Gaufridus, sed cras Domini mei præceptum dissimulare non potero. Si tamen ad Dominum meum mittere placet, proficiscar libens & ego cum nuntio, & pro causâ tuâ orabo: & cum ibidem, hoc est apud Campum-mollem, ab Abbate procuratus fuisset, & Abbatis nuntium quemdam Monachum iturum ad Comitem accepisset, in ipso itinere divertit à Monacho, & veniens ad Castrum Cenforium elegit fortissimos juvenes, statimque ipsâ Dominicâ jam advesperascente omnes greges ovium Abbatis apud Campum-mollem, ubi eâ die cum Abbate comederat, deprædatus est. Nec mora, ultio eum divina sequuta est: nondum quippe septem diebus transactis amentia captus, de fenestrâ domus suæ saltum dedit in subjacenti flumine Yonæ: unde semivivus extractus propria cœpit membra laniare, sicque insaniendo vitâ indignus mortuus est. Conclamantibus autem Fratribus universis & omni populo Vizeliacensi adversus Guillelmum sceleratissi-

Tom. II.

um, quòd causâ illius, & tanti Principis inimicitias, & suorum deprædationem paterentur, præcepit eidem Guillelmo Abbas, quatenus Comiti de compromisso satisfaceret, aut certè illata damna Ecclesiæ restitueret. Qui deficiens ab utroque, conjectus in vinculis carceri mancipatus est. Ferro igitur ligatus & tenebris obvolutus, censum pecuniæ fœtore carceris non potuit negligere, quin inò dulcius habuit omnem subire miseriam, quàm vel diminuire gratis pecuniam. Hac etenim pluribus in locis fœneratâ, squalorem carceris atque famis inedia, quodque gravius est, honestatis injuriam libenter perferebat: tandemque longâ carceris pressurâ coactus iterum distractis possessionibus pacem fecit, fuitque deinde quasi lupus inter oves circumveniens proximos, accusans pauperes, detrahens divitibus. Sanè Comes neque hujus miseriis neque suis malis contentus, armenta & pecora, hominesque Monasterii Vizel. prædari fecit: quia, ut dicitur in proverbio vulgari, Sola volenti nocere sufficit occasio; nullius justæ querimoniæ fretus ratione, occasiones quærebat qualiter Ecclesiam suo dominio subjugaret, & ab ingenuâ libertate spoliaret.

His diebus occidentalis Ecclesia gravi schismate laborabat. Henricus autem Comes Trecentis partibus favebat Imperatoris. Porro Ludovicus Rex Galliarum milit in occursum Alexandri Catholici Papæ Legatos suos, Theobaldum Abbatem S. Germani de Pratis, & Carducum Clericum suum; quorum legationem cum minùs optato Alexander suscepisset, reversi Vizeliacum venerunt. Et decidit in lecto ægritudinis Theobaldus Abbas, & mortuus est IX. Kalend. Augusti, sepultusque infra januam Basilicæ B. Mariæ Magdalene, cujus Monachus existerat. Et ut cognovit Rex Ludovicus repulsam Legatorum suorum, iratus pœnituit se suscepisse Alexandrum contempto Victore, & scripsit per Manassè Episcopum Aurelianensem super hæc verba Comiti Henrico Trecenti, qui eo tempore ad Germanicum Imperatorem properabat. At ille gratulabundus pro opportunitate repertâ, suggessit Imperatori ut iniret colloquium cum Rege: adunatis utriusque regni Optimatibus, & Ecclesiasticis viris, contestatus jurejurando quòd Rex audita utriusque Apostolici electionis examinatione, juxta discretionem personarum utriusque Regni, staret consilio suo, videlicet Henrici Comitum: & indictum est colloquium apud Lovigennam vicum citrà Ararim fluvium intrâ fines Regni Franciæ. Et statutum est ut Alexander Catholicus & Victor Schismaticus colloquio adessent, & de suâ electione in conspectu totius Ecclesiæ conferrent. Quod ut cognovit Alexander, milit ad Ludovicum Regem Legatos, scilicet Bernardum Portuensem Episcopum, & Jacintum Diaconem suum, qui Regis iram lenirent, & familiare colloquium inirent. Convenerunt ergo Alexander & Ludovicus apud Silviniacum, qui est vicus Monachorum Cluniacensium. Rex autem Ludovicus rogabat Alexandrum, ut ad constitutum veniret colloquium; aut si forte præsentiam Imperatoris abhorreret, saltem ad partes illas accederet usque ad Vergiacum castrum, quod erat inexpugnabile. Cui cum Alexander nollet acquiescere: Ego, ait Rex, & te & universum Comitatum tuum salvum ducam, & reducam salvum sicut corpus meum. Et cum nec sic acquiesceret Alexander veritus dolos Imperatoris, respondit Rex: Mirum est quòd conscius justitiæ suæ subterfugit testimonium innocentiae suæ, seu audientiam causæ suæ. Et abiit Rex ad indictum cum Imperatore colloquium: nondum autem cognoverat condiciones quas ex

Ludovicus Rex Gal. partibus stat Alexandri Papæ à quo repulsam passus est.

Pontifex seniori consilio Legatos mittit ad Regem, qui ejus animum demulcerent.

Y Y y ij

Convenit Rex  
ad colloquiū  
cum Henrico  
Comite Tre-  
censi qui Im-  
peratorī fa-  
vens Alexandro  
adversabatur.

parte suā Comes Henricus fecerat cum Imperato-  
re.

Cum ergo venisset Rex apud castrum Divionem, occurrit ei Comes Henricus, & tum primū aperuit ei pactiones quas cum Imperatore fecerat, dicens: Majestatis tuæ reverentiæ & Regni tui consulens utilitati, Domine mi Rex, inii colloquium super Ararim fluvium; quo tu Domine mi Rex, & Imperator Fridericus cum Pontificibus & Abbatibus atque Optimatibus utriusque Regni convenientes, præsente Apostolico tuo, & Imperatoris Apostolico, ex utrâque parte eligentur probatissimi viri tam Ecclesiastici quàm militares, qui electionem utriusque Apostolici dijudicabunt. Et si Rollanni electio fuerit sanior comprobata, Octaviani electio cassabitur, & Imperator procidet ad pedem Rollanni: Si autem Victoris electio prævaluerit, Rollannus annullabitur; Tū vero, Domine Rex, ad pedem Octaviani venies. Quod si Octavianum deesse contigerit, Imperator ab eo deficiens Alexandro tuo obediet: si autem ē converso Alexander defuerit, identidem decidet, & Rex Victori favebit. At verò si tua Majestas noluerit nec prædictis pactionibus acquiescere, nec arbitrio Judicum assensum præbere, ego jurejurando juravi quod ad partes illius transibo, & quidquid de fisco Regis in feodum habeo Imperatori tradens, ab illo deinceps tenebo. Stupefactus Rex Ludovicus ad hæc respondit: Miror unde tibi fiducia, quod me incio, meque inconsulto talia cum Imperatore condixisti. Respondit Henricus: Hanc fiduciam tu Rex ipse per Manassē Aurelianorum Episcopum mihi dedisti: interrogatusque super hoc verbo Episcopus, timore Regis dissimulare cœpit, occultans machinationes quibus Henricum ad hoc induxerat. Tunc Henricus protulit epistolam Regis, quā continebatur quod Nuntii Regis repulsi fuissent ab Alexandro, ob quam rem indignatus Rex mandabat Henrico quatenus ad Imperatorem Fredericum licenter procederet, & colloquium utriusque audientiæ iniret, certus quod Rex per omnia illius consilio staret.

Aliud collo-  
quium in fini-  
bus Imperii.

Nuntii Regis.

Fredericus autem Imperator ædificaverat sibi palatium miræ amplitudinis in loco qui dicitur Dolah, in finibus Imperii sui, & cognoverunt Franci quod Schismaticus Victor non esset cum Imperatore; & lætati sunt super illius absentiam. Quo agnito Theutonici live Germani currentes, adduxerunt eum cum festinatione maximā eadem die: quem assumptum Imperator, mediā nocte duxit eum supra pontis medium, statimque quasi pactionibus satisfecisset, recessit. Rex autem Ludovicus quasi venatum pergens, transit per nemus ad locum colloquii, militque Jocum Turonensem Archiepiscopum, & Mauricium Parisiorum Episcopum. Guilelmum quoque Vizeliaci Abbatem cum aliis Optimatibus Regni sui ad Nuntios Imperatoris, qui ibidem convenientes verbum Regis expectabant. Inter quos etiam erat Comes Henricus, qui propter affinitatem cognationis, partibus omnino favebat Victoris Schismatici. Petierunt itaque Missi Regis ex ore ejus competentes inducias, eo quod pactiones hujus colloquii hæcenus usque perendie Regi fuissent incognitæ, præsertim cum Imperator compulerit Henricum Comitē jurare ne prædictas actiones ante diem constituti colloquii ullomodo manifestaret Regi: indecens autem fore tam temerē de tanto negotio diffinire. Cumque Imperatoris Frederici proloquutores petitas inducias negarent, reversus est Rex apud Divionem. Cardinales verò, quos illuc Alexander Papa miserat, sperantes solum esse colloquium, Vizeliacum redierunt. Rex autem constituit qui custodirent fines Regni sui. Et sequenti summo mane

venit Comes Henricus ad Regem in Palatio Ducis Burgundiæ, allegans Regem nequaquam esse à pactionibus liberum, ideoque se necessariò discessurum ab eo, & sese traditurum in manu Imperatoris: ita ut totam terram, quam de feodo Regis hæcenus tenuerat, amodo Imperatori traditam ab eo reciperet, & hominum illi faceret. Attamen ob gratiam Regis obtinuisse se dixit ab Imperatore trium hebdomadarum inducias, eā conditione quod Rex datis obsidibus polliceretur Imperatori ad diem se venturum, & Alexandrum adducturum, atque ibidem causam utriusque auditurum, & judicio proborum virorum Imperii & Regni pariturum, aut certè seipsum tradere vinctum Imperatori apud Chrysopolim, quæ est urbs nobilis Byzantinorum: & acquievit Rex, & defecit spiritus ejus, & tædiatus est animo, pactusque est ita se facturum, datis obsidibus.

. . . . . Duce Burgundiæ. . . . . Comite Flandriæ, & Guilelmo Comite Nivernensi. Omnis autem Ecclesiasticus ordo audito hoc verbo quod fecerat Rex, doluit valde, & corde clamaverunt omnes ad Dominum ut miseretur Ecclesiæ suæ sanctæ, & liberaret Regem à fraude circumvenientium se.

Abiit ergo Rex ad prænominatum vicum Lovigennæ, ubi Regi debebat occurrere Imperator; sed fecellit Imperator Henricum, misitque præcipuum fautorem schismatis, Renaldum Cancellarium suum Colonienſis Ecclesiæ. Cumque coram eo replicarentur pactiones, quas Comes Henricus ex ore Imperatoris proposuerat Regi, subito divina virtus adstitit Ecclesiæ suæ, & piæ simplicitati Regiæ Majestatis. Respondit enim Renaldus profani erroris fautor, nequaquam Imperatorem talia dixisse, scilicet quod cuiquam permetteret consortium judicandi Romanam Ecclesiam, quæ propriè sui juris existeret. Tunc repletus gaudio Rex, quæsit ab Henrico Comite utrum se haberent pactiones secundum formam ab eo sibi propositam. Et Rex: Ecce, ait, quod Imperator qui juxta verbum tuum adesse debuit, abest: ecce quod etiam Missi illius formam pacti te præsentē, te teste commutant. Verum est, inquit Comes Henricus. Et ait Rex: Nonne ergo absolutus sum ab omni pacto? absolutus, ait Henricus. Et dixit Rex cunctis Optimatibus suis & Episcopis, atque Abbatibus, qui præsentēs aderant: Audistis & vidistis omnes, qualiter ego ipse gratis perfecim omnia quæ ad me pertinent, & dicite utrum liber ab his pactionibus videar. Dicunt omnes, liberaſti verbum tuum: statimque Rex velocissimum equum cui infidebat reducens, protinus ire perrexit. Theutonici autem valde confusi insequuti sunt eum, rogantes ut rediret ad Imperatorem paratum prosequi omnia quæ Henricus proposuerat. At ille parvipendens ea quæ dicebantur, decipulam quam evaserat exhorruit, dicens: Feci quod meum fuit. Sic soluto conventu Rex in suum Regnum rediit.

Alexander autem Catholicus Papa veritus indignationem Regis Ludovici, transit in Aquitaniam Metropolim urbem Bituricorum, & in Dolensē Monasterium, quod est apud Castrum Radulphi, ibique hyemavit: & sequenti tempore Quadragesimæ accessit ad Ludovicum Regem in urbe Parisiorum. A quo susceptus honorifice secundum morem Romanæ Ecclesiæ, portavit ipse rosam auream Dominicā quā cantatur *Lazare Jerusalem*. Peraclisque Paschalibus solemnibus consecravit Basilicam Monasterii B. Germani de Pratis, cui præerat Hugo de Moncellis, Monachus Ecclesiæ Vizeliacensis. Illuc iterum accessit Guilelmus Abbas Vizeliacensis, petens à summo Pontifice Alexandro quatenus liberta-

Fallaciæ Im-  
peratoris de-  
tectæ, à quo  
Rex deſicit.

Alexander Pa-  
pa ſuccepsit  
Parisius à Re-  
ge.

Conſecrat Ec-  
cleſiam S.  
German. Pra-  
tensis.



Concilium celebrat apud Turones.

tem & possessiones Ecclesiæ suæ, atque immunitatem banniarum Monasterii sui ab Antecessoribus suis præscriptarum tertio plenius confirmaret. Cui ille pium assensum præbuit, & tertium ei privilegium dedit. Inde Turonicam Metropolim urbem adiit, & Concilium ibidem tenuit omnium Episcoporum Lugdunensium, Narbonensium, Viennensium, Bituricensium, Senonensium, Remensium, Rothomagensium, Turonensium, Burdegalensium, Auscitansium, Alpinsium, Apenninarum, & Maritimarum, centum quinque numero: Cantuarensum etiam atque Eboracensium, Scotorum quoque & Hibernensium; sed & Abbatum & diversæ professionis personarum gratanter undique advenientium: nam & Germanorum Episcopi plures occultè scripserunt Alexandro Papæ, obedientiam, & omnimodam reverentiam pro loco & tempore illi humiliter exhibentes. Italiam verò non minima pars affuit, partim scripto, partim suâ præsentia. Sed & Sardinia & Sicilia, cum omni Calabria, omnis quoque Orientalis Ecclesiæ, & Hispania, devotum obedientiæ caput humiliter Alexandro Catholico Papæ subdidit.

Interfuerunt prædicto Concilio Stephanus Abbas Cluniacensis, & Guillelmus Abbas Vizeliacensis. Cogitaverunt autem actionem renuntiationis Cluniacenses proponere contra Vizeliacenses: sed concilii suæ injustitiæ & Romanæ rectitudinis conticuerunt omnes, nec etiam exinde ausi fuerunt mutire: cum plurimæ hujusmodi controversiæ hinc & inde in eodem Concilio proponerentur & terminarentur; sicut fuit causa Paritiensium Clericorum & Monachorum Cœnobii sancti Germani de Pratis, quæ plenius ventilata injustis Clericorum vocibus æternum silentium imposuit. Alexander igitur soluto Concilio Synodali, Bituricam in urbem, quæ caput est Aquitanie, rediit. Procedente dehinc tempore autumnus Senonicam civitatem adiit, ibique per decem & octo mensium curricula sedet. Auctore autem Schismatis Octaviano, qui appellatus est Victor, ab hac vita infelicitè exempto, subrogatus est à Schismaticis Guido Cremonensis, qui de auctoribus electionis Alexandri primus apostatavit.

Interea Comes Nivernensis Vizeliacensem Ecclesiam graviter infestabat, & per suppositas personas eorum, qui ovino colore mendacium supprimunt, mores Guillelmi Abbatis & Fratrum suorum diffamare instabat. Solâ quippe Vizeliaci ditione cupidus, invidiæ morbo adversus Abbatem afficiebatur, qui pravis conatibus ejus tam strenuè quàm callidè resistebat. Unde illius magnanimitas potissimum enituit, quod insimulanti æquè ut deprædanti restitit. Ea propter cum dolus invidiæ in seipso contabescens nihil penitus proficeret, & ab omni destitueretur jure, tandem postpositâ justitiâ, honestate spretâ, contemptâ religionis reverentiâ, rabiem vesaniæ suæ tyrannicâ temeritate armavit. Cumque tergiversando ut iniquè ageret, laboraret, & nullam causam justè affligendi Ecclesiam inveniret, usurpatis procuraciones, quas pater illius periculo maris actus remiserat, & eo cum matre in Capitulo Vizeliaci concedente confirmaverat, contra jus fasque ab Ecclesiâ repetiit. Neganti Abbati quod injustè reposcebatur, dissidationem mandavit. Intervenientibus autem amicis utriusque partis, interunt colloquium supra Itagnum de Noverriâ, si fortè obortam controversiam pacificare possent. Interpellanti itaque Comiti super prædictam exactionem, respondit Abbas, quia quod pater dimiserat, & ipse concesserat, nec ab eo repetendum, nec à se reddendum erat, præsertim cum ipse investitam Ecclesiam hac dimissionis partis, & suâ concessione invenerit. Et subito

tyrannus iracundiâ motus, frendens & infaniens, Vizeliacum venit, (erat autem vigilia nativitatis Præcursoris Christi) ingressusque Monasterium, cum Fratres audito adventu ejus Claustra sua signallent, irrumpit ipse, & primus accepta securi ostium fregit coquinæ. Quod videntes satellites ejus, domos Ecclesiæ protinus occupaverunt, ostia reliqua fregerunt, Monachos impellentes ceciderunt, & de substantiâ Monasterii Dominum suum invitis Fratribus eâ nocte in hospitio Monasterii procuraverunt. Fratres autem crucis, & capsellas depoluerunt, altaria nudaverunt, & divinum officium per omnes Ecclesias suas celebrare cessaverunt.

Eâ nocte declinavit Abbas apud Campum-mollem; sequenti vero apud Gibriacum, inde mihi ad Regem, ipse autem profectus est ad Romanum Pontificem, qui regressus à Concilio Turonico in Dolensi Monasterio degebat: sed quia Rex expeditionem tunc moverat in Arvernenses, noluit exasperare Comitem; monuit tamen ut propolitam litem differret, donec ipse ab expeditione rediret. Alexander quoque recogitans schisma, quo infirmabatur Ecclesiæ, & veritus ne forte si aliquantulum durius erga sæculi Principes procederet, graviore scandalo Ecclesiam affligeret, simplici tantum scripto commonuit Comitem, ut à gravaminibus Ecclesiæ Vizeliacensis, quæ filia beati Petri & alodium Romanæ Ecclesiæ existeret, desisteret. Sed induratum est cor Pharaonitici Comitis, & pro dulci fonte duriciam induit lapidis. Apostolica igitur simul & Regalia monita spernens, cum gravi & multo exercitu equitum & peditum atque promiscui vulgus, quasi hostilem obsessurus populum, in ipsâ beatæ Mariæ Magdalene sacrâ solemnitate Vizeliacum venit: quo ingressus, protinus Fratres cessaverunt à divinis officiis, seorsum submissâ voce in capellâ Genitricis Dei clausis ostiis Claustris Deo debita vota solventes, indignum utique judicantes sacra sacrilego pandere. Abbas autem descendit apud sanctum Petrum: Comes autem Monasterium ingressus more solito, sed comitatu insolito descendit in hospitio, negatamque sibi à Fratribus procuracionem ipse sibi de suo exhibuit.

In ipsâ nocte ascendit Abbas ad sepulcrum beatæ Mariæ Magdalene, ibique Deo debita solemnitate celebra pro tempore persolvit, & illucescente die descendit ad Elconium, Deoque sacram hostiam obtulit. Quem insequutus Renaldus de Merloto fratruelis suus cum Duranno Alburg, rogavit quantens ibidem requiesceret modicum. Miserat quippe apud Gibriacum, qui sibi necessariam refectorem pararent. Ascenditque Renaldus, & loquutus est de compositione pacis cum Comite. Revocato igitur Abbate talis compositio processit, ut Comes de violatione Monasterii publicè ad altare satisfaceret, de usurpatâ procuracione viginti libras resolveret, remissionem quam pater fecerat de fortuitis procuracionibus ipse denud concederet, & scripto confirmaret; Renaldum quoque fratrem suum, & Guidonem æque fratrem suum, sororemque hæc omnia concedere faceret, datâ fidei pollicitatione & obsequiis, Ignaro Vicecomite de Joviniaco, & Stephano de Petrà-pertuis, & Hugone de Tornellâ, ut cum ad legitimam ætatem pervenissent, iteratò præscriptam remissionem concederent. Ob gratiam verò scriptæ confirmationis & conservandæ pacis in perpetuum diffinitum est, quod Abbas septingentas libras daret Comiti, & de procuracione illius diei ducentas quinquaginta tres libras persolveret; eo pacto interveniente, quod Comes sequentis festi procuracionem penitus dimitteret, & iterum de aliâ procuracione non nisi centum libras exigeret. His ita

Papa monet Comitem ut vexare desinat Vizeliacenses.

Pacem ineunt Abbas & Comes nonnullis conditionibus interpositis.

Agitatæ eo in Concilio variaz causæ; præsertim Clericorum Pariti. adversus Monachos San-German.

Comes Nivern. persequi Vizeliacenses non desistit.

Y Y y u j



De illatis injuriis veniam petit Comes.

Iterum litem movet & persequutionem.

compositis & hinc inde concordatis, horâ diei sextâ pulsantibus signis celebraverunt Fratres sacri festi solemnia. Et accedens Comes ad altare, de illatâ Monasterio satisfecit injuriâ, reposuitque juxtâ conditum pro recti exequutione viginti libras. Et sequenti die ingressus Capitulum Fratrum præsentem Abbate coram omnibus concessit sæpeditam procuratorum fortuitarum remissionem, quam pater suus fecerat, & scripto confirmavit, sui que sigilli munimine corroboravit.

Post hæc Guillelmus Comes Nivernis ægrotavit vehementer, ita ut desperaretur; sed cum humilitatis vota solveret Deo, tandem convaluit, petivitque Sanctorum suffragia in Oratorio Beatæ & intemeratæ Virginis *MARIÆ* apud Anicinum urbem Vallavensium. Inde reversus corpore quidem ad patriam, animo autem ad inditum sibi odium Guillelmi Abbatis Vizeliacensis, mandavit eidem ut sibi justitiam de non exhibito sibi salinario exqueretur in præsentia suâ, & judicio Curia suæ Nivernis staret. Respondit Abbas, Sperabam fecisse me pacem cum Comite de omnibus querelis præteriti temporis: verumtamen quia ego rudis, & de hujus Monasterii consuetudinibus nondum plenè instructus videor, loquar cum majoribus natu villæ hujus, & cum cæteris sapientibus, & secundum consilium cælitus nobis indultum per proprios Comiti Nuntios respondebo. Abo autem de Monte Gualguerii (is enim injunctum sibi nuntium perferebat) dixit Abbati: Si placet diem Comitis à me tibi denominatum suscipere, benè; sin autem, Comes faciet sicut de negatâ sibi à te justitiâ. Sic Abo recessit, & pejora dictis Comiti retulit. Abbas verò inivit consilium, misitque Nuntios qui ad hæc verba responderent; qui euntes occurrerunt satellitibus Comitis, Dominum suum cum multâ vesaniâ venientem Vizeliacum præcuntibus. Et subito Tyrannus irrumpens in Monasterium, invasit officinas Monasterii, misitque protinus præcones per omnem villam Vizeliacæ & Elconii & sancti Petri, mandans omnibus hominibus Monasterii, ut pariter congregati præsentia suæ in crastinum adstarent. At illi unanimiter omnes mandatum ejus contemserunt. Tunc ille furiam invectus contra morem oppidi clamare fecit per præconem suum, quod omnis qui ante conspectum suum non veniret, inventus proculdubio caperetur, & domus illius publicaretur. Quo audito stupesciti sunt omnes, & plures præ timore accesserunt ad eum; quibus adstantibus dixit: Quoniam negavit mihi Abbas justitiam, investi me de jure meo: volo itaque ut abjurato Abbate fidelitatem mihi faciatis, & amodo Abbati aut Monachis nullam consuetudinem persolvatis. Ad hæc Burgenfes responderunt: Nos fidelitatem juravimus Abbati & Ecclesiæ; injustum ergo & turpissimum videtur abique causâ quantum ad nos pejerare; unde petimus à te dari nobis inducias ut cum Domino nostro loquamur, & super hæc verba illum conveniamus. Præsto est, ait, Dominus vester, & citò poteritis ei loqui. Permite nos ergo, inquirunt, ire ad eum; quibus ille dixit: Eligite ex vobis duos vel tres qui Abbati verbum vestrum, & vobis illius responsum perferant.

Surrexit igitur Simon de Silviniaco, & Durannus Alburg, qui Comitis impietati præcipuè favebant, veneruntque cum paucis ante Abbatem, & innotuit sermo Abbati, quod Comes detinuerit suos, ne ad se venirent. Illic vocavit Joannem Caprarium, & paucos seniorum Ecclesiæ, misitque eos confestim in hospitium ad Burgenfes suos in hæc verba: Vobis qui fidelitatem Abbati debetis & Ecclesiæ, mandat & præcipit Abbas per ipsam fidelitatem

quam sibi jurastis, & sibi debetis, ut recedentes ab hoc tyranno quantocius ad illum veniatis, & statim venerunt. Et cum de questione Comitis hinc inde multa conferrent, rogaverunt Burgenfes Abbatem, quatenus in tantâ necessitate sibi & illis consuleret, tempusque redimeret, recipiens diem Comitis sub tali conditione, ut in eo tantum Comiti faceret, quantum deberet. Acquivit Abbas suorum consiliis, mandavitque Comiti dicens: Quoniam ex improvviso tyrannicè invalisti domum meam, licet omnino injustum sit quod exis, suscipio tamen diem tuum sicut violentiam passus, assignatum apud Altissiodorum, tantum ibidem facturum quantum debere me probabo. Protinus Comes frustratus à proposito (proposuerat namque tali conditione Vizeliacum suo mancipare dominio) collecto impetu vesaniæ suæ recessit. Instante autem die, misit Abbas ad Comitem Deseliæ Majores Ecclesiæ suæ, Gilonem tunc Priorem, & Gausfredum Angligenam Suppriorem, atque Gislebertum Eleemosynarium. Quibus ille dixit ut se sequerentur Nivernis, ibidem eos auditurus. Quod cum fecissent, ex parte Abbatis renuntiaverunt ei diem assignatam, rogantes, ut alteram propinquiore loco assignaret. Renuente illo diei renuntiationem vel commutationem suscipere aut dare, subintulerunt: Dominus Abbas Vizeliacensis tibi respondet per nos, quod mandato tuo stare nullo teneatur jure, & si denud per violentiam volueris illum fatigare, ipse te appellat ad audientiam Apostolicam, ad quam dominium Vizeliacensis Monasterii propriè spectat, & ad audientiam Domini Regis, sub ejus protectione & custodia idem Monasterium consistit, assignatque tibi diem in præsentia Papæ Alexandri in Octavis Paschæ; interim se suæque in manu Apostolici, & in manu Regis committens. Et cum hæc dixissent, licentiamque redeundi ab eo petissent nec impetrassent præ nimia irâ, paululum digressi reversi sunt ad hospitium suum in Monasterium sancti Stephani, quod contiguum est eidem urbi, simulantes quali in crastinum ad Curiam Comitis essent redituri. Nocte verò consensu equis Vizeliacum redierunt. Abbas autem declinans furorem insipientis Comitis, abiit in Franciam.

Abbas verò abiit ad Alexandrum Papam, significans ei qualiter & quàm injustè ipse & Ecclesiæ Vizeliacensis à Comite gravantur. Inde profectus est ad Regem, conquestus in auribus ejus super injustâ vexatione quâ premebatur à Comite, qui motus tam compassione conquerentis, quàm commotione Alexandri Papæ, mandavit Comiti diem colloqui in urbe Senonum. Quo utrimque convenientes, & plura hinc inde conquerendo conferentes, cum pacis vestigia nulla patrent, tandem rogatu Regis diem requiritæ justitiæ in submonitione suâ distulit. Rex autem Ludovicus Epiphaniarum diem fecit apud Vizeliacum, & suscepit eum Abbas, obsequutusque est ei diligenter; quo regresso, invidia ductus Comes mandavit Abbati diem apud Altissiodorum; qui diem suscipiens pro tanto quantum sibi competeret, misit ad Papam Legatos qui eum consulerent quid super hoc faceret. Illi verò accepto ab eo consilio, & cautè secreto commisso, reversi sunt.

Et egressus quidam Frater Vizeliacensis, nomine Renaldus, à Monasterio quod adjacet Moreto cum B. Dei Genitricis *MARIÆ*, & S. Blasii, aliorumque Sanctorum memoriâ propter ædificationem Basilicæ ipsius Monasterii, de eleemosynis fidelium plurimam collectionem faciebat. Cumque loca peragraret, & Ambianensium pagum pluribus Sanctorum virtutibus opitulante supernâ gratiâ illustrasset, ad ca-

Monachus circumfert reliquias SS. ad poscendas appetias.

strum quod dicitur Arborea, cum ipsâ Sanctorum venit memoria: ubi paucis diebus commoratus, cum plurima ibidem Sanctorum per merita fierent miracula, & multus undique occurfus populorum fieret, tandem exinde abire proposuit, & hinc inde, ut moris est, allumentes lecticam, nec vel parum ab Ecclesiâ potuerunt eam extrahere. Cumque vices vicibus alternarent, & nunc alios aliis, nunc fortiores fortioribus submitterent, Dominus locorum nomine Aielmus cum alio illustri viro lecticam levavit, sed neque limen Basilicæ attingere potuit. Reponentes itaque lecticam super altare, orationi incubuerunt. Tunc unus Fratrum, qui cum eodem Renaldo advenerant, vocatus Petrus, stultâ temeritate cœpit lecticam ipsam, quasi Sanctos flagellis exire compellens, percutere virgis. Nec mora, in illum deservit ultio: continuò quippe paralyti dissolutus, post paucos dies hac vitâ caruit. Illustri ergo vir Aielmus perpendens divinitus hæc fieri, pro munere sibi cœlitus collato omnium bonorum auctori Deo gratias egit; deditque in confinio ipsius castrî in proprio allodio locum ubi ædificaretur Oratorium, in quo Sanctorum memoria reponeretur, & à Fratribus religioso officio ad honorem Dei coheretur. Constituit etiam locum ipsum sub regimine & dispensatione Ecclesiæ Vizeliacensis debere consistere, eo quod Sanctorum pignora ab eadem Ecclesiâ & à Fratribus ejusdem loci perlata ibidem fuissent. Ad quem locum ipse Guillelmus Abbas cum vocatus venisset, alias quoque Reliquias & ornamenta multa pretiosa secum attulit, quæ ob honorem Sanctorum & ob devotionem fidelium locorum illorum ibidem reliquit: dictus est locus ille de nomine adjacentis castrî, Arborea. Sic inter fluctus persecutionis bonorum semper successus virtutis incrementum capit; & unde magis Ecclesia affligitur, inde magis cumulatur.

Comes itaque Guillelmus gravi odio tenebatur adversus Guillelmum Abbatem, & quia minùs pericere valebat quod volebat, furorem suum in rapina aliorum, & pecorum, & mancipiorum Monasterii exiebat. Et erat homo pessimus Hugo, cognomine Lethardus, servus de capite suo Monasterii: fuit quippe mater ejus consanguinea germana Simonis nati Odonis Præpositi Vizeliaci, servi utique Ecclesiæ: qui videlicet Simon prodidit & percussit Dominum suum, videlicet Artaldum Abbatem Vizeliacensis Monasterii. Hunc Hugonem fecit sibi Comes Præpositum apud castrum Censurium, qui præ omnibus satellitibus Comitum Ecclesiam persequabatur. Impossibile dictu quot & quibus quantique modis nocte dieque vexabat eam, & injustè agens de jure interpellabat Ecclesiam; sed jus exigens, ni juris rependebat, imò pro jure sibi contabat quidquid contra jus falsèque violenter extorquebat. Cum ergo iterum Abbas conquereretur in Alexandri Papæ auribus super iniquas & multiplices oppressiones, quæ per satellites Comitum sibi & suis intrebantur, scripsit Alexander Comiti & matri ejus in hæc verba.

„ALEXANDER Episcopus Servus Servorum Dei,  
„Dilecto filio nobili viro GUILLELMO Comiti Niverni & Iudæ matris ejus, salutem & Apostolicam benedictionem. Quanto Monasterium Vizeliacense ad jus B. Petri, & dispositionem nostram noscitur specialius pertinere, tanto ejus incrementis & commodis studio frequentiori intendimus, & ad pacem ipsius, & bonorum conservationem magis solliciti permanemus. Inde quidem est quod de pace & unitate ejusdem Monasterii studio omni modis existeres, dilectum filium nostrum Subdiaconum Petrum ad Nobilitatem vestram transmittimus, Magnitudinem vestram per

Apostolica scripta rogantes, monentes, & exhortantes in Domino, quatenus ad pacem & utilitatem præscriptæ Ecclesiæ, & rerum suarum conservationem & defensionem pro reverentiâ B. Petri, ac nostrâ, modis omnibus intendatis, & jam dictum Subdiaconem nostrum in hoc audire & etiam exaudire curetis; & circumadjacentes nobiles & potentes Barones vestros à præscripti Monasterii molestiis & injuriis penitus compescatis. Ita quoque nostris in hac parte precibus & admonitionibus acquiescatis, ut nos preces ac petitiones vestras debeamus efficacius exaudire, & eis effectum utilem indulgere & ad honorem vestrum omni tempore ferventiùs aspirare. Datum Senonis vii. Idus Septembris.

Igitur Petrus Rom. Ecclesiæ Subdiaconus peractis apud Vizeliacum Dominicæ nativitatis solenniis, venit ad Comitem & ad matrem ejus, deditque illis Apostolica scripta: & cum post Apostolica scripta, etiam & suam, uti optimè literatus, exhortationem obturatis auribus exhibuisset, illi ex adverso injuriis & diversis pluribusque mendaciis cœperunt Abbati & Fratribus ejus detrahere, bonumque nomen illorum diffamare. Et cum de pace cum inimicis pacis tractaret, nullum pacis vestigium invenit; nisi Abbas contra morem & dignitatem Ecclesiæ judicio Curie Comitum staret. Adhibito ergo communi Fratrum consilio, deliberaverunt omnes pariter exilium potiùs mortis subire, quàm tantæ tyrannidi deservire. Omnem itaque postponens Abbas dissimulationem induciarum, suscepit diem indictam in initio Quadragecimæ: misitque ad Papam ut sibi mitteret auxilium: qui misit ei Jacintum Diaconem Cardinalem Rom. Ecclesiæ, & Petrum de Bonâ Subdiaconem suum, & Joannem Mariscalcum suum.

Eo tempore Fratres Pontificis adstantes Apostolicæ Curie, interpellati à Cluniacensibus, eo quod vel Guillelmum quondam Abbatem suum Vizeliacensibus illis inconsultis dimiserint, vel alium eis substituerint: sed defecerunt Cluniacenses à causâ suâ, nec etiam præsentare se ad diem præsumserunt. Unde Fratres Monasterii Pontificariensis absoluti à Romano Pontifice, cum libertate suâ remearunt ad propria. Quorum Abbas Lecelinus Vizeliacum interim degebat, & rei exitum ibidem expectabat. Præ nimia quippe arrogantia designati sunt illum Cluniacenses in causam trahere, sed Fratres ejus tantum, quasi acephalos provocaverunt: de Monachis tantum, non de Abbate, quasi non esset Abbas, conquerentes, ideo consequenter Fratrum, & non Abbatis audientiam Alexander Papa expetiit: sed quia non fuit Sathan neque occurfus malus, probatam Pontificariensis Monasterii libertatem favore omnium Cardinalium confirmavit. Conveniunt itaque Altissiodorum Guillelmus Abbas Vizeliacensis, & Lecelinus Abbas Pontificariensis, atque Abbas Monasterii S. Joannis de Pratis, cum multis aliis Fratribus & amicis Monasterii Vizeliacensis; quibus etiam occurrerunt Legati Apostolici: quorum præsentiam Comes reveritus, jam sponte mutare diem voluit, quem hætenus nec rogatus differre permisit. Super quo Abbas prudentes viros consuluit. Respondens Jacintus dixit ei: Hætenus tertianâ laborasti febre, ergone vis quartanam subire? quin potiùs ambages omnes abrumpe, & de jure libertatis tuæ incunctanter age. Et posuit Abbas verbum suum in ore Abbatis Monasterii sancti Joannis de Pratis: sed nec ipse nec quispiam alter ob timorem Comitum ausus est proloqui. Quod videntes filii libertatis Ecclesiæ Vizeliacensis, fide armati omnem penitus timorem abjecerunt, & pro-

Literas Papæ  
pernit Comites.

De pace tractatur.

Grassatur Comes Niverni in Monachos Vizeli.

Ut à veratione abstinereat ad eum scribit Alexander Papa.

priam dignitatem alieno defendere sermone indignum duxerunt. Surrexitque Gilo tunc temporis Prior Cœnobii Vizeliacensis, & ait Comiti: Hactenus audivit allegationes tuas Dominus Vizeliacensis; & quædam quidem facili cedunt concordia; cætera verò secum ipse tractabit: nam iudicio tuo eum stare debere frustra existimas, quippe quinullo unquam tibi jure tenetur. Quo audito Comes nimio furore correptus est. Erubuit enim ad verbum quod præter opinionem suam fuerat prolatum. Egressusque est Abbas cum suis à Comite. Jacintus autem feroces Principis animos mitigare tentabat, & pro pace instabat: sed repulsus, vel inducias aliquas Ecclesiæ dari orabat. Acquievit Comes, & fidas licet inducias dedit usque in octavas Paschæ.

Instante igitur sacrâ Dominicæ Resurrectionis solemnitate venit Vizeliacum Signiensis Episcopus, à latere Domini Papæ missus ad visitandos, & confortandos Fratres: & consecravit ibidem sacrosanctum chrisma, & oleum sanctum sacro die Cœnæ; celebravitque Sabbato sancto Paschæ Ecclesiasticos Ordines. Ordinavit autem Henricum, Petrum, & Humbertum de Monachis Ecclesiæ Presbyteros; Geraldum quoque ejusdem villæ Clericum fecit Presbyterum; tres etiam Diacones de Monachis ordinavit, scilicet, Ansellum, Guillelmum, & Gaufridum: Subdiaconos autem, Guillelmum, & Guidonem pueros. Porro Laurentium de Moreto fecit Acolythum.

Thomas autem Cantuariæ Archiepiscopus Henricum Regem fugiens, exulabat apud Pontiniacum. Is aliquando familiarissimus eidem Regi, & elegantis strenuitate conspicuus, Cancellarius ejus extiterat, nec eo potentior quisquam visus est apud Regem Angliæ: at ubi Ecclesiastici regiminis curam suscepit, Deum homini præponere per omnia curavit; unde contigit ut usurpanti Regi in morem Ozia jura Ecclesiastica, velut alter Jonas constanter restiterit: quamobrem indignatus Rex, & inestimabilem gratiam implacabili commutans odio, comprehendere illum, & bona ejus in fisco redigere disposuit: sed prævenit impios conatus solertia innocentis, & clam mare transiens cum parvo comitatu ad Ludovicum Regem Francorum venit, & se suoque in manu illius commisit. Qui suscepit eum benignissime, & necessarium ei auxilium liberaliter exhibuit. Attamen juitum illi visum est Alexandrum Papam adire debere, & omnino ipsius consilio stare. Ad quem cum venisset, & adventus sui causam ei exposuisset, condoluit ei Alexander, & tradidit eum Guichardo Pontiniacensis Monasterii Abbati, qui postea ab ipso Alexandro Lugdunensem Archipræsul consecratus est. Rex autem Ludovicus pro his & pro aliis negotiis ad Henricum Regem Anglorum misit, indixeruntque Reges mutuum colloquium: cui colloquio cum interesse Alexander disponderet, venit Parisius: quod ut Rex Henricus cognovit, colloquium indictum Ludovico Regi demandavit; infestus Alexandro ob invidiam Thomæ Cantuariensis. Alexander autem iteratò jam acceperat Legatos Romanorum rogantium ut rediret, & B. Petri ad sedem remearet: vale dicens itaque Ludovico Regi ad urbem venit Bituricorum.

Impiissimus verò Hugo Letardus, servus nequam genere & moribus pertinaciter insisterat tam captioni, quam deprædationi hominum & rerum Vizeliacensium; sed & illa vetus Herodias, filia Jesabel de semine Amalech, mater videlicet Guillelmi Comitum Nivernis, nomine Ida, virus odiorum ore pestifero jugiter infundebat in filii pectore, æmula honestatis, & inimica totius bonitatis, & quæ satellites suos quasi filii partibus favens, ad persequen-

dum Monasterium Vizeliaci acriter peturgebat. Hinc cædes, hinc rapinæ, hinc captivitates, hinc varia tormenta, hinc mortis diversa genera, omnia de antro fœminæ nequitie manantia; nec facillè cuiquam civium Vizeliaci exitus liber patebat. Composuerant Fratres ratem calcis miræ magnitudinis ad construendum dormitorium suum, & igne succenso trahebant ligna cum plaustris de adjacenti nemore suo: unde inflammata hydra peste invidiæ, immisit Satellites vesaniæ suæ, qui in ipsis Sancti Spiritus solemnibus equos raperent quadrigarum, quibus ligna trahebantur: sic deficiente igne periit opus ratis pretii centum librarum. Hujus hydræ viperinus filius præceperat observari iter Guillelmi Abbatis; ut quasi eo ignorante à vilibus mancipiis dehonestaretur. Tantis igitur undique malis afflictus Guillelmus Abbas, prosequutus est Alexandrum Papam; quem cum in prædicta urbe invenisset, exposuit ei omnia ut potuit mala; quæ à Comite & matre illius patiebatur: dixitque illi quoddam causa sua, causa esset Domini Papæ & totius Romanæ Ecclesiæ, cujus juris Monasterium suum propriè existeret; & ideo æquè ut suum Vizeliaci negotium suscipere Apostolicum debere; præsertim cum idem Monasterium hoc solo crimine periclitaretur, quoddam se Romanum liberæ voce proferretur, & quoddam nemini se obnoxium, nisi soli Romano Præsuli fateretur. Addidit quoque, quoddam si periclitanti Monasterio quàm citius subvenire negligeret, tamquam repudiatum adultero manum daret, & jam amplius de censuali jure non teneretur, maximè cum in ipsâ Apostolicâ præsentia tam moderna, quàm antiqua Romanorum Pontificum impune vacillarent statuta, seu privilegiorum munimenta, & adstante pastore lupina deliraret rabies, nec multum constaret libertas, quæ unius verbi justitiæ posset distrahi silentio. Denique non pusillanimitate, nec supercilio ductus toties Apostolicas adversus Comitem aures interpellavit, qui certè quàm sæpe & prece & pretio gratiam illius redemerit: ipse autem è contrâ tam diram calamitatem ingratus sibi rependerit, quod jam penè exhaustum ad extremam ferè inopiam se contulerit, nec contentus redemptione hominum seu dilapidatione possessionum Monasterii fuerit, sed ipsum Fratrum quotidianum victum jam per biennium tulerit. Quod factum quamvis graviter Monasterium affligat, magis tamen ac magis injuriam ingentem libertatis deflet; quam videlicet libertatem sub obtentu cujusdam usurpati, & negligentia quorundam prædecessorum suorum surrepti salvamenti annullare penitus contendit: liberalitas quippe, quæ illi charitative aliquando impendebatur, jam non ut gratuita devotè liberalitas poscebatur, imò ut debita tyrannicè servitus exigebatur. Et qui prius pauci numero contenti erant oblato, nunc multus exercitus inhiant rapto; in tantum quoddam unius hospitii procuratio ducentarum quinquaginta librarum & eo amplius constaret pretio. Talia dicta talibus Abbas rursus prosequabatur, dicens filiam B. Petri, videlicet Ecclesiam Vizel. omni expositam fore malo, ita ut jam à plantâ pedis usque ad verticem nulla sit in ea sanitas: data est enim, ait, omni transeunti in direptionem & conculcationem, & quo prius exstitit junior, eo nunc magis ac magis invenitur abjectior; & qui prius invidabant libertati illius, modo insultantes movent super eam capita sua, & derident sabbata Romanæ dignitatis in exprobationem deditionis Ecclesiæ Vizeliac. Jam Edua, Cluniacum, & versâ vice Cluniacus Eduam adversus Vizeliacum mutuo seinstigant & cohortantur. Tempus est, aiunt, quo confracto cerebro Romanæ arceis, oculi quque illius effodiantur, & subjiciamus nobis

Episcopalia  
munia exerceat  
Vizeliaci Signien-  
sis Episcopus.

S. Thomas exul  
in Galliâ  
tutelæ Regis  
se committit.

Hugo Letardus  
res Vizeliaci  
deprædatur  
instinctu Comitum  
Nivernis.

Conqueritur  
Abbas coram  
Papa multis  
rationibus.

nobis ancillam fugitivam, quæ se gloriatur B. Petri filiam. Et nunc Edua Moab, nunc Cluniacus Idumæam repræsentat, Vizeliacum velut alteram Jerusalem impugnando sibi reputantes, & dicentes: Populus stultus est, pauper & superbus. Ego igitur Edua superbiam illius contundam: tu autem stultitiam ejus subfannabis, & paupertas illius nostras supplebit delicias. Invitemus ergo Assur precibus, instigemus persuasionibus, conducamus muneribus, qui ejus arrogantiam atterat in virgâ ferreâ, & in manu robusta: & quoniam non est auxiliator neque propugnator qui liberet eam, scindamus eam inter nos, & tollat unusquisque partem suam. Tu Cluniacus arcem obtinebis Capituli: ego Edua mihi vindicabo altare. Porro Assur, Comes scilicet, oppidum diripiet. Et quis ad hæc, inquit, Domine sancte Pater stabit? utinam esset transmigratio! utinam forte divideremur! utinam tempus & tempora nobis ponerentur! forte quando suscitaret nobis Dominus Aod ambidextrum, in cujus manu foret salus Israël: nunc autem in sedibus nostris jugulamur, in domo nostrâ servituti subijcitur, temporis redemptionis perpetua nobis efficitur subjugatio. Tantorumque malorum cumulo totius milerie & extremæ ignominie accedit incrementum, quod in conspectibus patris maculamur, quod à complexibus pastoris avellimur, quod legitimo præsentante patrono præjudicamur; quodque summa totius redargutionis est, silentio universalis Judicis condemnatur. Utique si actio palam procederet, si ratio intercederet, si jus fasque, vel judiciarius ordo locum haberet, levior esset jactura, & gauderet compendio præjudicata pœna, tametsi minus videretur conscientie judicio promerita: nunc autem causa nostra in ore vulgi versatur, & judicium nostrum in manu inimicorum nostrorum proferbitur.

His auditis condoluit Alexander, & omnis Romana Ecclesia, scripsitque Comiti, ut illata damna Monasterio Vizel. emendaret, & deinde ab infestatione ejus abstinere: quod si quid juris habere se adversus Abbatem putaret, præsentie suæ in octavis Pentecostes apud Clarum-montem se exhiberet, ibi primum Abbati satisfactorius, & sic ab eo jus debitum recepturus. Comes autem Apostolicum mandatum penitus contempsit, insuper etiam Abbati insidias præstendens, ita eum inclusit, quod nec illius equi aquatum ire possent. Misit ergo Abbas Joannem Clericum suum ad Alexandrum: sed & Comes dissimulans contemptum, misit & ipse Theobaldum Decanum Nivernis, & Humbertum Archidacemonem, & Bernardum Priorem S. Stephani: quos Apostolicus Pontifex benignè suscipiens, requirit utrum sufficientes responsales pro Comite advenissent. Sed cum excusationem potius quam juris executionem prætulissent, absolutos remisit, scribens per eos Comiti quatenus infra octo dies posteaquam literas suas recepisset, Abbati & Fratribus Monasterii Vizel. ablata restitueret, captos Burgenses, & eorum obsoles liberos absolutosque dimitteret; & ipsis strata publicæ, quam à longè retroactis temporibus habuisse noscebantur, ingressum & egressum liberum habere permetteret: deinde Apostolico se conspectui præstaret, ut inter eum & præminatum Abbatem ac Fratres componeret. Quod si ei grave videretur, scilicet Apostolicam adire præsentiam, ad Senonensis & Bituricensis Archiepiscopi præsentiam cum Abbate accederet, qui inter eos pacem & concordiam reformarent. Porro Bituricensi & Senonensi Archiepiscopis scripsit formam præscripti mandati ad Comitem, præcipiens eis, ut si Comes mandato illius stare, congruam compositionem inter Abba-

tem & Comitem facerent: sin autem, præcipiendo mandavit soli Senonensi, ut secundum tenorem aliarum literarum procederet, quarum contentia ita se habet.

ALEXANDER Episcopus Servus Servorum Dei, Venerabili Fratri HUGONI Senonensi Archiepiscopo, Salutem & Apostolicam benedictionem. Ad tuæ Fraternitatis notitiam pervenisse credimus, quomodo vir nobilis Comes Nivernensis, & mater sua, in Vizeliacense Monasterium manus suas amplius solito aggravarunt, & Dei ac B. Mariæ Magdalene, cujus corpus in eodem Monasterio requiescit, timore & reverentiâ omnino postpositâ, equitaturas, boves, alinos, & pecora tam Monasterii quam exteriorum obedientiarum per servientes suos rapere, & exinde abducere minimè formidarunt. Abbati quoque ejus loci jamdictus Comes minas & insidias circumponit, ita quod de Monasterio sine proprii corporis periculo & timore exire non audeat. Unde quoniam Monasterium illud ad Jus & proprietatem B. Petri ac nostram noscitur specialiter pertinere, & non modicum membrum Ecclesiæ Romanæ existit, Fraternitati tuæ per Apostolica scripta mandamus, quatenus sicut gratiam B. Petri ac nostram caram habes, memoratum Comitem, & matrem suam, sub velocitate cum omni diligentia studeas convenire, & attentius exhortari, quod prænominato Abbati & Fratribus ablata omnia cessante dilatione restituant: de damnis & injuriis illatis congruam satisfactionem exhibeant, & ab eorum molestatione ac gravamine indebito ulterius omnino quiescant. Alioquin infra XX. dies post commonitionem tuam per totam terram eorum omnia divina officia, præter baptismum parvulorum, penitentias morientium, penitus interdicat, & si nec sic respuerint, in personas illorum excommunicationis sententiam non differas promulgare. Venerabilibus fratribus nostris, Eduensi, Lingonensi, Autisiodorensi, & Nivernensi Episcopis per scripta tua significans, & firmiter eisdem ex parte nostrâ injungens, ut sententiam à te in suprâ dicti Comitis vel matris suæ terram aut personas eorum prolatam usque ad dignam satisfactionem inviolabiliter studeant observare. Nos enim ipsis per scripta nostra mandamus, ut ex quo super hoc literas tuas receperint, id fideliter studeant adimplere.

ALEXANDER Episcopus Servus Servorum Dei: Venerabilibus Fratribus HENRICO Eduensi, GALTERIO Lingonensi, ALANO Autisiodorensi, & BERNARDO Nivernensi Episcopis, Salutem & Apostolicam benedictionem. Ad vestræ Fraternitatis notitiam, &c. ut suprâ usque ad hæc verba: Ecclesiæ Romanæ existit. Venerabili Fratri nostro Senonensi Archiepiscopo dedimus in mandatis, ut memoratum Comitem, & matrem suam sub velocitate, cum omni diligentia studeat convenire, & attentius exhortari, quod prænominato Abbati & Fratribus ablata omnia cessante dilatione restituant, de damnis & injuriis illatis congruam satisfactionem exhibeant, & ab eorum molestatione & gravamine indebito ulterius omnino quiescant: alioquin per totam terram eorum omnia divina officia, præter baptismum parvulorum, & penitentias morientium, penitus interdicat: si nec sic respuerint, in personas illorum excommunicationis sententiam non differat promulgare: vobis per sua scripta significans, & firmiter ex parte nostrâ injungens, ut sententiam ab eodem in suprâ dicti Comitis vel matris suæ terram, aut personas eorum prolatam, usque ad dignam satisfactionem

Scribit ea de re ad Senon. Archiep.

Nisi Comes resipiscat, interdictum & excommunicationem promulgar.

Ejusdem est argumenti.



» inviolabiliter observare curetis. Ideoque Fraternali-  
» tati vestræ per Apostolica scripta mandamus, qua-  
» tenus cum ejus super hoc literas receperitis, quod  
» ab eo exinde statutum fuerit, sicut gratiam beati  
» Petri ac nostram eam habetis, firmiter teneatis,  
» & per vestras parochias faciatis inviolabiliter ob-  
» servari; alioquin nos in nostri transgressorem man-  
» dati id auctore Domino durius corrigemus. Da-  
» tum apud Clarum-montem Nonas Junii.

Rogat Regem  
ut Comitem  
coerceat.

» ALEXANDER Episcopus Servus Servorum Dei,  
» Carissimo in Christo filio LUDOVICO Illustri Fran-  
» corum Regi, Salutem & Apostolicam benedictio-  
» nem. Ad Regiæ serenitatis notitiam credimus per-  
» venisse, quomodo nobilis vir Comes Nivernensis  
» & mater sua in Vizeliacensem Monasterium manus  
» suas amplius solito aggravarunt, & Dei ac beatæ  
» Mariæ Magdalene; cujus corpus in eodem Mo-  
» nasterio requiescit, timore & reverentiâ omnino  
» postpositâ, equitaturas, boves, asinos, & pecora  
» tam Monasterii quàm exteriorum obedientiarum,  
» per servientes suos rapere, & exinde abducere mi-  
» nimè formidarunt. Abbati quoque ejusdem loci  
» jam dictus Comes minas & insidias circumponit,  
» ita quòd de Monasterio sine proprii corporis pe-  
» riculo & timore exire non audeat; publicam etiam  
» & antiquam stratam non solum infringit, sed via-  
» tores per quoddam castrum suum transire com-  
» pellit, & occasione istâ quosdam Burgenfes à nun-  
» dinis redeuntes cepit. Unde quoniam Monaste-  
» rium illud ad jus & proprietatem Romanæ Ec-  
» clesiæ, & Regiæ Celsitudinis protectionem specta-  
» re dinoscitur; Serenitatem tuam per Apostolica  
» scripta rogamus; monemus, & exhortamur in  
» Domino, quatenus divini amoris obtentu, & pro  
» reverentiâ beati Petri, ac nostrâ, memoratum  
» Comitem & matrem suam instantèr commoneas,  
» & diligentius studeas convenire, & etiam si neces-  
» se fuerit potestate Regiâ coercere, ut prænomina-  
» to Abbati & Fratribus ablata omnia sine dilatio-  
» ne restituant, de damnis & injuriis congruam sa-  
» tisfactionem exhibeant, & ab eorum molestatione  
» ac gravamine indebito ulterius omnino quiescant.  
» Ita quòd ab omnipotente Domino indiciens pro-  
» pter hoc præmium feliciter valeas adipisci, & nos  
» Clementiæ tuæ uberrimas exinde gratias exolvere  
» teneamur. Nos enim præfatum Comitem & ma-  
» trem suam per nostras literas monuimus, ut er-  
» rata corrigere studeant, & à talibus de cætero pe-  
» nitenti conquiescant. Datum apud Clarum-mon-  
» tem Nonas Junii.

De præfatis  
litteris à se  
scriptis cer-  
tiores facit  
Abbatem ac  
Monachos  
Vizeliæ.

» ALEXANDER Episcopus Servus Servorum Dei,  
» Dilectis filiis GUILLELMO Abbati & Fratribus Vi-  
» zeliacensibus, Salutem & Apostolicam benedictio-  
» nem. Susceptis literis vestris, ac diligenter per-  
» spectis tribulationibus & angustiis vestris, quas  
» earum continentia exprimebat, paternæ mentis  
» affectu interius condoluimus, sicut qui Monaste-  
» rium vestrum proprium patrimonium beati Petri  
» esse cognoscimus, & vos sicut speciales & devo-  
» tos Ecclesiæ filios certiori in Domino charitate  
» diligimus, & vestris profectibus prompto animo  
» aspiramus. Inde siquidem fuit quòd carissimo in  
» Christo filio nostro Ludovico Illustri Francorum  
» Regi, Venerabilibus quoque Fratribus nostris Hu-  
» goni Senonensi Archiepiscopo, Eduensi, Li-  
» gonensi, Autiodorensi & Nivernensi Episcopis,  
» nobili etiam viro Comiti Nivernensi & Comitissæ  
» matri ejus, pro negotio vestro scripta nostra di-  
» rigimus, sicut ex eorum transcriptis vobis eviden-  
» tius innotescet; vos autem ad hæc corrigenda stu-  
» dium & operam adhibeatis, & per Claustrum ac  
» religionis observantiam jugiter orationi vacantes,

clametis in cælum, ut omnipotens Dominus his  
» malis citò finem imponat, & vobis pacem & op-  
» tatam tranquillitatem concedat. Datum apud  
» Clarum-montem Nonas Junii.

» Igitur Hugo Senonensium Archiepiscopus secun-  
» dum mandatum Apostolicum præfixit Comiti & ma-  
» tri ejus diem infra quem ablata Ecclesiæ Vizeliacensi  
» restituerent, & suam atque Bituricensis præsentiam  
» adirent, ut cum Ecclesiâ Vizeliacensi componerent.  
» At illi rogaverunt Senonensem quatenus per se so-  
» lum diem sibi & Abbati daret, illi autem consilio  
» ejus cum Abbate libenter componerent. Et con-  
» venerunt Senonensis & Abbas cum Fratribus &  
» amicis suis apud sanctum Julianum de Salice. Co-  
» mes autem & mater ejus Legatos suos miserunt;  
» non qui componerent; sed qui appellarent Aposto-  
» licam audientiam. Præviderat hoc Abbas Guillel-  
» mi provida sagacitas, qui jam paulo ante cum ma-  
» gna celeritate miserat Nuntium suum, supplicans  
» quatenus omnem appellationis vocem tollerent ab eis;  
» qui potius subterfugium quàm judicium quærebant.  
» Unde impetrato quod postulabat, reversus est festi-  
» nanter Nuntius; & quarto die post appellationem  
» ingressus Senonicam urbem, invenit Abbatem; &  
» dedit ei optatas literas Domini Papæ. Statimque  
» Abbas ingressus ad Archiepiscopum, tradidit ei A-  
» postolicum mandatum, quo continebatur; ut nisi  
» Comes & mater sua infra præscriptum terminum  
» viginti dierum, quem nuper in superioribus literis  
» præfixerat, ablata Ecclesiæ restituerent, de illatis in-  
» juriis satisfacerent, & à gravaminibus Ecclesiæ de-  
» inceps quiescerent, omni remotâ appellatione in per-  
» sonas & in terras eorum sententiam secundum te-  
» norem aliarum literarum promulgaret. Quo audito  
» Senonensis valde stupuit; miratus tam celerem ap-  
» pellationis remotionem: indignabatur etenim Apo-  
» stolici judicii sententiam sibi delegatam fuisse, eo  
» quod Nivernensis Comitis animositatem vereretur.  
» Ipse autem Comes ære graviter alieno pressus, au-  
» divit multas esse opes in quodam Arvernorum mu-  
» nicipio, quòd vocatur Mons-Ferrandi; & repente  
» ex insperato quietum nihilque suspicantem ag-  
» gressus est populum, & omnem prædam prædicti  
» diripuit municipii, ipsumque Dominum municipii  
» pactæ pecuniæ obsidem secum tenuit: ubi cum fu-  
» riosâ tyrannide desæviret, venit ad eum Senonensis  
» Archiepiscopi Hugonis Nuntius, & obtulit ei ex  
» parte Domini sui Archiepiscopi Senonensis literas  
» hunc modum continentes:

» Hugo Dei gratiâ Senonensium Archiepiscopus,  
» Carissimo suo GUILLELMO nobili Comiti Nivernen-  
» si, salutem & dilectionem. Suscepimus literas  
» Domini Papæ pro Ecclesiâ Vizeliacensi, quam  
» omni modo aggravastis, sicut Monachi conque-  
» runtur; & misimus ad vos statim Guillelmum Fra-  
» trem meum qui vos admoneret diligenter, ut om-  
» nia ablata & damna faceretis restituere, & injurias  
» emendari, & præfixus fuit vobis dies. Infra verò  
» diem, sicut conquesti sunt Monachi, viginti qua-  
» tuor boves capi fecistis: ad diem qui præfixus fue-  
» rat misistis ante nos responsales vestros, minùs  
» quidem sufficientes uti videbatur, quoniam nec  
» litteras vestras attulerant, quòd quidquid face-  
» rent de negotio, teneretis. Nec ideo plenius age-  
» re poterant in eodem negotio. Abbas quidem ple-  
» nariam petebat restitutionem ablatorum, sicut  
» Dominus Papa præcipiebat: sin autem, infra ter-  
» minum viginti dierum, prout in eisdem literis Do-  
» mini Papæ continetur, plenariam justitiam de vo-  
» bis & de terrâ vestrâ exhiberi. E contra dicebant  
» vestri, quòd recredi facerent Abbati: sed Abbas  
» non nisi plenam restitutionem volebat habere. In-

Archiepisco-  
pus Senon.  
arbitratur à Pa-  
pa constitu-  
tus, agit cau-  
sam Vizeliæ.  
& Comitissæ.

Nisi Comes a-  
blata Vizeliæ  
restituatur, ex-  
communicationis senten-  
tia minatur.



ter hæc verò & alia, vestri appellaverunt ad Dominum Papam, & sic destitimus in eodem negotio procedere. Postea venerunt ad nos literæ à Domino Papa, in quibus nobis injunctum est, cessante omni occasione & appellatione si damna & universa ablata non feceritis restitui, ex tunc & in vos & in terram vestram excommunicationis sententiam promulgemus. Quod si non feceritis, infra decem dies postquam literas istas videbitis, in vos & in terram vestram auctoritate & precepto Domini Papæ, quamvis tristes & inviti, excommunicationis sententiam promulgamus.

Similia quoque scripta misit Senonensis Idæ Matri Comitit; & completi sunt præscripti dies ante festum B. Mariæ Magdalene tertiâ die: & incurrit Comes & mater ejus Apostolicam sententiam. Nec tamen minus venire præsumsit Comes Vizeliacum in festo solitam procurationem exacturus, non debitum honorem famulatrici Dei exhibiturus. Sed Fratres absente Abbate suo Domini Papæ excommunicatum procurare minimè præsumserunt, imò divina officia celebrare ipso præsentem destiterunt. Super quo valde aporiat, voluit vim inferre Monasterio & Burgensibus, sed revocatus est à Milone & ab aliis Baronibus suis.

Et addidit Satan aggravare manum suam super Monasterium Vizeliacum, & intravit in cor quorundam Pseudo-monachorum, ut quoniam exterior calamitas ad evacuandam dignitatem Monasterii sufficere minus videbatur, intestinum saltem bellum ipsam penitus libertatem subjugaret. Nam Petrus quidam genere Arvernus, in Monasterio à juventute nutritus, viperinam astutiam asinina simplicitate, vel potius hypocrisis fictione occultabat. Et quoniam palliata virtus bonorum simplicitatem efficacius decipere solet, factum est ut per singulos gradus ordinis ad Prioratum Monasterii promotus, tandem industriâ & ope dignæ memoriæ Abbatis Pontii Monasterio Tornodorense præficeretur. Quam dignitatem indignus indignè adeptus, vitiorum protinus laxatis habenis, bona domus ad nihilum usque redegit. Cujusdam præterea juvenis nomine Theobaldi, quem sacro habitu induerat, contubernio diffamatus, sæpe à Fratribus Monasterii sui præmonitus, sæpe ab ipso Lingonensi Episcopo suo Godofrido correptus est: sed cum non minus correptionem quam præmonitionem neglexisset, contubernium tandem illius Fratris abjurare ab Episcopo præfato coactus est. Cumque dilapidationi domus etiam perjuri infamiam apposuisse, canonico judicio à curâ regiminis Monasterii Tornodori remotus est. Quem depositum Pontius Abbas venerabilis usus ingenuitâ pietate suscepit, & cum multo, quamvis indebito, honore habuit. Quo videlicet Pontio Patribus suis in pace conjuncto, infans ille Petrus fratres Monasterii Vizeliacum sollicitando cœpit à sacra libertate deviare, & electionem hujus Guilelmi, de quo agitur, modis quibus potuit impedire, sed infatuatum est consilium Achitophel, & dissipatæ sunt omnes machinationes Satanæ. Tamen multis verbis stultorum corda inficiebat, & interna odia concitabat. Factus est ejus insipientiæ collega Gaufridus de Latiniaco, potens in sermone, & efficax in persuasionem, sed efficacior in verbiâ.

Talis & tantus præfato conjunctus Theobaldo, furtivis colloquiis & nocturnis susurris nunc istum nunc illum sollicitabat, inquirebat, irritabat, instigabat & provocabat ad scandala detractionum atque odiorum. Uterque igitur coeuntes ex semine Chanaam pepererunt filium dissensionis, materiam

scandali, fomitem inimicitiae, incitamentum discordiæ, Bartholomæum spurium, & ex scorto ab adultero genitum.

His quatuor rotis currus Pharaonis velut quatuor equi juncti sunt, & alii quatuor quorum nomina supprimuntur, quia nihil præter numerum efficere valebant, tùm quia in tempore examinationis à proposito resipiscences insipientiam suam recognoverunt. Per hos omnes murmur paulatim serpebat, & sacri ordinis disciplinam quodammodo inficiebat. Jamque confederantes sibi quoscumque allicere poterant, unanimi deliberatione scripserunt Petro pulso à Tornodoro, qui paucis ante diebus cum gratiâ & benedictione Abbatis ad visitandas obedientias suas in territorio Arvernico sitas perrexerat, & rogaverunt eum suppliciter, ut desolatæ domui Vizeliæ subveniret celeriter, unum esse dicentes consensum Fratrum omnium illius consilio in hac necessitate parere. Quibus cognitis, Petrus statim inopinatùs advenit, malignantes exhilaravit, cæteros autem multâ admiratione tam subiti quàm insperati adventùs replevit: & accesserunt ad eum clam machinatores infandæ seditionis, & effuderunt in auribus ejus fel conspiratæ prodicionis, regantes & adjurantes, seseque illi devoventes, ut infausam illorum causam adversus Abbatem, imò adversus Ecclesiam susciperet: spondentes se nunquam illi defuturos usque ad mortem, & etiam totius Conventus maximam partem sibi sociaturos. Ille Comitem secretò adiit, qui, ut prætaxatum est, ad festum convenerat, eique seditiosorum vota intimavit. At ille gaudio incredibili exultans, ipse quidem fidei pollicitatione, sibi & complicitibus ejus spondit, quod eis in omnibus firmissimum præstaret auxilium, equos & expensas, & etiam si necesse foret, tuta prædialia ubique locorum terræ suæ impenderet. Quatuor autem milites de Optimatibus suis dedit ei obseques, qui jurejurando pacti sunt Comitem promissa servaturum tam ipsi, quam omnibus quos secum adversus Abbatem in fide Comitit habere posset. Petrus verò & Theobaldus juraverunt Comiti fidem se illi tenere adversus Abbatem, ita quod potio rem partem Conventus Ecclesiæ fidelitati Comitit submitterent: ipsi autem post Alexandrum universalem Pontificem adversus eundem Abbatem Guilelmum pergerent. Et facta est conjuratio hæc in ipso sacro festo Sanctæ dilectricis Dei Mariæ Magdalene, in capella superiori apud B. Laurentium, per manum Stephani Pontifarensis, & Stephani de Petra-foraminis, & Milonis atque Hugonis de Argentolio. Et impii quidem atque adulterini sic prophana verunt sanctum diem, fratribus & liberæ filius dolentibus & mœrentibus, quod Patronæ suæ minus dignè possent exsolvere debitam celebritatem. Aderant quoque Henricus Pisanus Cardinalis, & electus Maguntinus, atque electus Carnotensis, qui specie tenens videbantur agere de pace, sed spiritu carnis acti, magis ac magis partibus Comitit & matris ejus favabant.

Unde & ipse Comes proditorum suggestionibus audacior effectus, Fratrum Capitulum ingredi petiit; quo impetrato conquestus est de Abbate, à quo exheredaretur, & multiplicibus injuriis afficeretur. Quæ cum universa immeritus pateretur, maximè dolere se perorabat desolationem Ecclesiæ quondam rebus opulentæ, honorabilibus personis decoratæ, rigore disciplinæ religiosæ, charitate hospitalitatis opinatæ: & quæ in his aliisque pluribus bonis omnes Gallicanas Ecclesias post Cluniacum aliquando præcallebat, nunc & rerum penuriâ, & debitorum gravamine, & personarum exiguitate, & morum infamiâ, & hospitalitatis inhumanitate adeo deno-

Comes allicere conatur Monachos adversus Abbatem.

Comes excommunicatione innodatur.

Monachi quidam degeneres partibus stant Comitit.

tabatur, quod jam non solum quarumcumque Ecclesiarum, sed etiam vilium vulgi personarum fabula extaret, quod totum utique superbiâ & dissolutione Abbatis, ipsorum quoque Fratrum consensu, qui ei faverent, provenisse constabat. Ubi, ait, sunt honestæ illæ & graves personæ quondam, Cellarius, Hospitalis, Sacrista, Eleemosynarius, Camerarius, quorum prudentiâ & etiam potentiâ olim domus hæc florebat? Jam non est in vobis qui possit alterum juvare, vel consulenti cuilibet respondere, callo nomine tantum honoris retento. Idcirco patet in propatulo omnium vestrum dissolutio, cum similes simili faventes, quasi gratuitam patimini injuriam. Hactenus sustinui injurias meas, hactenus passus sum hujus Ecclesiæ detrimentum; quæ videlicet Ecclesia quoniam mea est, & in tuitione meâ velit nolit Abbas vester, consistit, jam amplius tantum dedecus, tantumque gravamen non patiar; præmonitos tamen vos esse cupio, quatenus Abbati suadeatis, ut huic denuò Ecclesiæ parcat, & à destructione illius desistat; quodque mei juris est mihi restituat. Ego quippe nihil novi exigo, sed meorum antiqua Patrum jura repeto. Quomodo namque novis vel injustis exactionibus gravarem, quam ab omnium hominum infestatione habeo custodire? Moneo demum ut consulatis vobis, alioquin ab omnibus vobis exigam tantæ illius pravitatis assensum.

Prior Comitatus respondet.

His auditis, surrexit Gilo Prior ad hæc respondens, vocavitque Ecclesiæ Seniores, & ipsum alterum Judam, cujus adhuc proditio latebat, & fecerunt in Oratorio beati Dei Genitricis MARIE cum Fratribus & Burgensibus, collatoque consilio, respondit Gilo: Sicuti, Domine Comes, ipse professus es, & nos quoque cognoscimus & volumus te tutorem ac patronum nostrum & Ecclesiæ hujus esse. Desolationi autem domus nostræ te compati gratum & acceptum habemus; atque in hoc affectuosius Celsitudinem tuam rogamus, quatenus in his quæ ad tuam, & in his quæ aliorum Principum spectant personam, Ecclesiæ huic, quæ in tuâ existit custodia, consulas & provideas. Quæ licet interius fraternâ pace & concordia, sufficientique victu & vestitu vigeat, exterius tamen & rerum suarum diminutione, & quorundam inimicorum gravamine laborat. Debito autem eam opprimi nondum novimus, quod septingentas libras non excedere scimus. Capituli sanè severitas, & Claustrî disciplina, necne personarum dispositio non minus solito florere nobis videtur; & si qua mendacis infamix nota Ecclesiam lædit, non hanc veritatis assertio, sed æmulum invidia contraxit. Personam porro Abbatis nostri bonam & honestam fore sicut volumus, ita & credimus, & si quid odio iudice cuicumque de eo aliter videtur, rationis lance mendosum vincitur. Eapropter idem sapere, idemque cum eo sentire, sicut decet membra cum capite, gaudemus: nec in tam communi legitimoque capitis & membrorum consensu quidquam inesse vitii speramus. Verumtamen si quid vel proprio excessu, vel alienâ insimulatione odio dignum forte apud vos contraxit, hoc nos piget, & exinde plurimum dolemus, licet usque hodie incertum quid vel quare commoverit habeamus. Cum ergo venerit, humiliter ut Monachi Abbatem, ut subditi Dominum commonebimus, quatenus dignitatis vestræ gratiam promereri satagat. Cæterum discretionem tuam exoramus, ut Ecclesiæ quæ in tuâ, ut dicis, existit custodia, parcas, & ne unius hominis odio illam disperdere moliaris, quæ quantum in se est, Abbati quidem suo subdita, tibi autem semper est devota. Mandaverat autem Petrus pro-

ditor Comiti per Simonem de Silviniaco clam, ut mitius Fratribus loqueretur, maximè in verbo quod ad Fratrum infamiam spectare videretur, ne dum Abbatem insequitur, irritatos Fratres amittere videatur.

Respondit ergo Comes: Vestros quidem mores non improbo, sed multam egestatem vestram, quam Ecclesiæ hujus bonorum dilapidatione ab Abbate factam patimini, doleo: unde, sicut dixi, aut vos ipsi vobis & Ecclesiæ isti providebitis, aut ego tantum ulterius detrimentum non patiar. Nam cum canonico ordine nondum publicatus fuero, præcepto Abbatis vestri ob solam præsentiam meam à divinis officiis cessastis, & procuracionem meam, mundo teste, debitam nescio quâ ratione non exhibuistis. Quod verò debitum Ecclesiæ septingentas libras non excedere dicitis, scio ego inter duo maria plus quam mille libras vos debere; & quod de exteriorum inimicorum gravamine querimini, hoc in caput Abbatis vestri redundat, cujus tanta esse arrogantia dinoscitur, quod nec mihi, nec cuicumque alii, quod justum est prosequatur: Verum in causam vos ego non traho, tantum ut recogitatis, & vobis provideatis moneo. Quod si feceritis, fidelem adjutorium me per omnia habebitis; sin autem, vestrâ intererit: ego autem mihi met providebo. Hæc ideo dixit, ut proditores animaret, & alios ad consensum proditorum incitaret. Egressus ergo Capitulum, loquutus est Petro proditori, inieruntque simul consilium, quomodo Petrus ipse post Alexandrum Papam pergeret, Abbatem accusaturus & mitteret cum eo Abbatem Boniradii, qui sub ovina specie infontem acrius dente ludino morderet; & ut dolus mutæ loquutionis lateret, spondit Petro Comes quoddam pecuniam, quam eidem Petro Ecclesia Tornodorensis pro dimissione cujusdam obedientiæ debebat, sibi reddere faceret.

Instabat autem dies colloquii data Comiti & Abbati ab Archiepiscopo Senonensi: sed neque Comes neque Abbas convenerunt: affuit tamen ex parte Abbatis Gilo Prior, & hic ipse Petrus adhuc latens proditor. Cumque utrimque agerent in præsentia Archiepiscopi apud Balloldum, & Gilo Prior illata à Comite damna Ecclesiæ adstante Comite prosequeretur: Petrus vim ferventis doli eructans; cœpit constanter arguere Gilonem, quasi durius & irreverentius adversus Comitem loquentem. Quo audito Gilo & Gofridus tunc Hospitalis, alique Fratres, qui illuc pro Abbate convenerant, erubuerunt vehementer. Comes autem pro parte damnorum restituendorum dedit obsides. De reliquis verò querelis, petiit alteram diem annuente Senonensi Archiepiscopo, innocenti parantes laqueum in quem ipsi deciderunt. Namque Archiepiscopus excusatoriam petitionem misit ad Alexandrum Papam, rogans ut sententiæ super Comitem alter Judex delegaretur: ne forte juvenis Principis sævitia tam in se quam in suos debaccharetur, & unius detrimentum duos in eadem pœnâ involveret. E contra Comes Petrum præfatum & alios Principes suos parabat mittere adversus Guilelmum Abbatem Vizeliacensem ad Alexandrum Papam. Et hæc erat fiducia, ut Archiepiscopo excusante; Comite autem accusante, delegarentur à Papa Judices, qui inter utroque limites Comitis & Abbatis causam agerent. Sed contigit in obliquum, & frustrata est cogitatio insipientiæ.

Infesto igitur negotio recesserunt ab invicem, & venit Gilo ad Abbatem apud sanctum Julianum de Salice, & retulit ei quæ nudius tertius apud Vizeliacum, & quæ in præsentem diem egissent, & quam impudenter confudit eos Petrus ille intimus amicus

Subinfert Comes.

Narrat Prior Abbatem quid cum Comite egerit.

suus in præsentiâ Comitis & Archiepiscopi. Super quo Abbas non modicum admiratus, ex abundanti gratiâ fidem dictis nullatenus adhibuit, imò liberum cum ab omni suspitione dimittens, præcepit ei ut receptâ pecuniâ à Tornodorenlibus in domum suam de Salis abiret, ibidem cum expectans iturum in proximo post Alexandrum Papam, aut viso Nuntio suo, occurreret ei apud Podium, paratus proficisci cum eo: præmiserat autem Abbas ad Curiam Joannem Clericum suum, à quo cum literas recepiisset, quodd Alexander in Kalendis Augusti mare foret ingressurus, propositam profectionem dimittens, venit per terram Ducis Vizeliacum perendie Octavarum beatæ Mariæ Magdalenzæ, & obstupuerunt quotquot erant de factione Petri ad tam subitum & inopinatum Abbatis adventum, quem denuò Abbatis honore præditum non sperabant rediturum, quemadmodum contubernalibus suis prophetizando, vel tius delirando jam prædixerant.

Certior tandem Abbas redditus de proditoribus, vocavit Vincentium Decanum, narravitque ei quomodo etiam alio referente eadem cognoverit. Vocavit etiam Abbas Gilonem Priorem, & retulit ei omnia quæ audierat. Incredibile illi visum fuisset, nisi nequitiam verborum Petri ad memoriam renovasset. Accersitus postmodum Gaufridus Superior, obstupuit ad ea quæ dicebantur: nec mirandus stupor tantæ novitatis: Ecclesia quippe Vizeliacensis trecentorum & eo amplius annorum tantâ pacis & honestatis disciplinâ floruerat, quod usque ad id temporis nulla infamiæ macula, nullius scandali rumor eam fœdaverat. Abbas autem paci & quieti, atque silentio, & charitati operam dare omnes in commune hortabatur, & ut orationi attentius insisterent, & manus in cælum contrâ Amalech leverent, deprecabatur. Dein habitâ ex more solemnii processione, obtulit Deo sacrificium. Et hi qui seditionem abjuraverant, scripserunt Petro & Theobaldo, ut cæpta omitterent; præsertim cum in ipso exordio dissipatum videretur consilium illorum, & ipsi deprehenso traditam si ab ipsis nequitiam abjurasent. Alexandro quoque Summo Pontifici & universis Apostolicæ Curiz Cardinalibus scripserunt, qualiter à quodam dierum malorum inveterato fuissent infatuati; quem ad pedes Apostolicæ Curiz venientem adversus Abbatem suum, & Matrem suam Ecclesiam, ne susciperetur, exorant, neve tenebræ lucem obfuscarent, errorque veritatem obtunderet, supplicat. Porro vasa iniquitatis filii Belial, scilicet Gaufridus Latiniacensis, & Guilelmus Pideth, in felle permanentes nequitiz, & dolos excogitantes insipientiæ, rogabant Abbatem, quatenus post Petrum & Theobaldum eos abire concederet, quatenus eos aut reducerent, aut in Romanâ Curia de proditoris nequitia convincerent. Sanè columbina simplicitas prudenter nonnunquam præcavet astutiam serpentis; vix nempe experta nequitia suspitione caret.

Post prandium itaque clam disposito itinere, venit Guilelmus Abbas nocte Avalonam, quod est castrum Ducis Burgundiæ. Inde surgens septimâ die Montempellulanum ingreditur, habens in Comitatu Gaufridum Angligenam Suppriorem, Vincentium Decanum, Franconem Capellanum suum, Hugonem Pidtavinum Notarium suum hujus Operis Auctorem. Hugo autem de Varenis subsequutus fuerat proditores Petrum & Theobaldum, quos in castro quod dicitur Gannac invenit simul cum Abbate Boniradii, qui eâ horâ jam se collocaverat. Proferens igitur Hugo litteras Abbatis Guilelmi, & totius Capituli Vizeliacensis tradidit eas Petro, quem torvo lumine Theobaldus respiciens, ait Petro:

Quid est, stultorum stultissime quod fecisti? Quis enim est ille Abbas in cujus nomine formatam suscepisti? nos quidem illum pro Abbate non habemus, qui fidelitati Comitis contrarius existit: & hæc dicens, formatam adhuc integram rapuit de manu Petri, atque in solo conculcandam projecit. Respondens Hugo dixit Petro & Theobaldo: Injuria hæc non solum Abbatem, sed etiam totum Conventum Vizeliacensis Monasterii lædit. Ex parte igitur Abbatis Guilelmi, & ex parte totius Capituli vobis dico, ut infra quartum diem Vizeliacum redeatis ad objecta responsuri: sin autem, Abbas & totus Conventus sententiam excommunicationis auctoritate Apostolicâ in personas vestras promulgant, & ego ipsam sententiam ex parte illorum vobis denuntio. Et egressus Hugo occurrit Abbati apud Anicium Civitatem Vallavorum, & retulit ei proditorum rebellionem. Prævenieruntque proditores Abbatem; sed præcogniti à Joanne Clerico Abbatis, nullum ad Curiam introitum habere poterunt.

Ingressus Abbas ad Alexandrum Papam, cum magno honore & plenâ gratiâ susceptus est ab eo, & ab omni Curia. Cumque proditores adire Curiam niterentur, & ab eâ turpiter & cum notâ proditoris etiam per ostiarios repellerentur, introivit Abbas Boniradii quasi propria Ordinis sui negotia exequiturus: ut autem partes Comitis cœpit allegare, & proditorum velut innocentium Legatorum Ecclesiæ Vizeliacensis causam adversus Abbatem, quasi adversus dilapidatorem bonorum, & Ordinis subversorem agere, repulsus est statim ab Alexandro Papa, resistente ei in faciem Umbaldo Hostiensis Episcopo Cardinali. Denique Henricus Pisanus Cardinalis, & Electus Maguntinus parti Comitis & proditorum pro posse favebant. Unde precibus multis pertæsum l'apam, vix compulerunt scribere Comiti excommunicato. Quod ut per notarios cognovit Abbas, ingressus ad eum genuflexo dixit: Quid est Domine quod fecisti? nondum plenam justitiam sumus assequuti, & jam illud tantillum justitiæ quam nobis feceras, revocasti. Quomodo, ait Papa? Scribendo, inquit, præter morem Apostolicum ei quem ipse excommunicasti. Ergone, ait, jam sententia promulgata est? Ita inquit. Et dixit: Ostende tuum rescriptum; & dedit ei: protinus Alexander misit in gazophylacium Notariorum, & jussit ut surreptitium illud scriptum retineretur: utque cognovit quod jam illud Maguntinus recepiisset, indignatus valde, præcepit ut celeriter ab eo reposceretur: quo reddito, ingressus est Maguntinus ad Papam, & petiit Apostolicam epistolam sibi reddi: quem Papa cœpit arguere de surreptione indebiti scripti: qui cum petitionis suæ repulsam indignè ferret, ad lacrymas prorupit. Motus ergo Papa, dixit ei: Ecce habeto ut vis; sed nullum exinde cognato tuo emolumentum præstabis: fecimus enim nova scripta adversus illa surreptitia. Videntes verò Petrus & Theobaldus proditores quod nihil proficerent, recesserunt. Quibus abeuntibus, occurrerunt eis Guilelmus Pideth, & Helias literis quidem vacuus, sed insipientiâ plenus: hi ad vomitum reversi, & abjuratâ infidelitate resumptâ, nocte Claustrum clam egressi, Monasterii murum conscenderunt, & per funiculos sese summiserunt. Accidit autem ut rupto funiculo caderet Helias, & brachium laderet.

Totâ igitur nocte fugientes, & ad Comitem venientes conquesti sunt se gravissimis tormentis afflictos ab Abbate ob illius solam odii causam, quibus Comes dedit equos & expensas, misitque eos post Petrum & Theobaldum. Ut ergo sibi invicem oc-

Abbas à Romano Pontifici cum honore exceptus: Proditors repulsi.

Abbas tandem agnoscit proditores suos.

Auctor hujus historiae.

currebant, ad Curiam pariter reversi sunt: & observantes exitum Alexandri Papæ, ad quem nullum penitus accessum habere valebant, tandem occurrerunt ei exiunti de Oratorio: prostratusque coram eo Guillelmus Pideth, conquestus est quoddam post appellationem Apostolicæ audientię cæsus & incarcerationis fuerit ab Abbate Guillelmo. Numquid, ergo, ait Apostolicus, & tu ex illis excommunicatis proditoribus Ecclesiæ tuæ es? Conclamantibus autem universis adstantibus, ejecti sunt proditores à conspectu Alexandri de Consistorio. Denique Abbas nihil horum curabat, nec etiam verbum ex illis in Curia facere dignabatur. Volebat sanè ut delegatio Apostolicæ sententiæ in tyrannum & matrem illius à Senonensi transferretur, & cuilibet alteri delegaretur; quod etiam ipse Senonensis plurimum affectabat, & hoc ipsum jam scripto petierat. Sanè quoniam potior & maxima pars terræ Comitum de Diocesi ejus erat, delegationem quidem sententiæ transferre Apostolicus noluit, sed ut securior & robustior ad executionem sententiæ Senonensis procederet, dedit ei collegam Stephanum Meldensem Episcopum: & scripsit utrique quatenus Comitem Nivernensem & matrem ejus convenirent, eosque hortarentur cum Ecclesiâ Vizeliaci amicabiliter componere, aut super contemptores delegatam sententiam, omni surreptitio scripto postposito, & appellatione remotâ promulgarent; & Eduensi, Lingonensi, Altiſſiodorenſi, atque Nivernensi observandam denuntiarent, secundum quod eisdem scripto ipse mandaverat.

Factum est ergo sequenti die Lunæ post Assumptionem intactæ Virginis & Genitricis Dei Mariæ, ascendit sanctissimus & universalis Pontifex Alexander Catholicus Papa ad altare, ut sacram & vivificam Deo victimam offerret pro animâ Ivonis Carnotensis Ecclesiæ Decani; & cum perficeretur sacrificium, proditores illi cum Gaufrido Angligenâ litigabant; & accessit ipse Gaufridus ad Umbaldum, Hostiensensem Episcopum, & significavit ei quantam Domino Papæ proditores irreverentiam irrogarent. Conversus Hostiensis vidit detestabiles illos proditores, dixitque Alexandro: Ut quid Domine, sustines prophanos illos proditores Vizeliaci, sacris te præſente interesse officiis? ubinam, inquit, sunt? Respondit, adſunt: & ait, Ejice quantocius eos foras. Dissimulantibus illis exire, protinus Hostiensis & Signienſis vocatis Officialibus expulerunt eos ab Ecclesiâ. Quod videns Maguntinus, qui tunc forte cum Vizeliacensi loquebatur Abbate ibidem, egressus præ nimia indignatione abiit post eos. Abbas quoque Boniradii, cujus lateri semper ipsi proditores adhærebant, videns sese frustratum à proposito, erubuit valde, & recessit: quem proditores proſequuti, confuſionem & ignominiam promeritam Domino suo Comiti reportaverunt. Abbas autem Guillelmus non recessit, donec ipsum Papam Alexandrum usque ad mare proſequutus est. Reversusque prosperè auctus Apostolicâ benedictione, ultimo die mensis Augusti Vizeliacum ingressus est: inde post paucos dies venit Parisius, ubi Hugoni Archiepiscopo Senonensi, & Stephano Episcopo Meldensi Apostolica scripta tradidit: qui protinus tam ipsi, quam Comiti statuerunt diem apud Joviniacum. Quo cum convenissent, obtulit Abbas munimenta privilegiorum Romanorum Pontificum, & Regem Francorum; Epistolas quoque Alexandri Papæ, quas prænominatis Pontificibus de executione compositionis seu sententiæ delegarat. Cumque hic inde allegarentur plura, constante controversiâ dies finita est. Ut ergo Pontifices cognoverunt quoddam per Comitem stare quin pacis compositio fieret, delegatam sibi ab Alexandro Papa excom-

municationis sententiam super Comitem & super Matrem illius promulgaverunt.

Sequenti sanè die rogatu ipsorum Pontificum rursus hinc inde ad Ulmum Bassoldi conveniunt. Enumeratis igitur damnis Ecclesiæ illatis, tentabant quidam ita componere quoddam Abbas damna sua omnino condonaret; Comes verò deinceps pacem cum Abbate & Ecclesiâ haberet, sicque omnes aliæ controversiæ sopirentur. Et respondit Abbas, quam ergo cautionem præstabit Comes de pace tenendâ? Dixerunt ei: nudo tantum verbo tenebitur: quoddam si Comitem ad hoc coegeris, manu suâ fiduciabit in manu Pontificum. Et si, inquit Abbas, fidem compromissæ pacis exceſſerit, quis mihi justitiam faciet? Responderunt: Tu videris: non ergo acquievit Abbas remissioni tantorum detrimentorum, imò magis omnino instabat ut gravamina procurationum penitus à Comite remitterentur. Quippe cum auctoritate Testatoris & privilegiorum neminem habeat Ecclesia procurare, nisi sponte & ex charitate. Comes verò respondit prius se velle exheredari, quam obtentam à patribus suis consuetudinem relinquere. Quin etiam ni trecentas libras ei Abbas pro negatâ sibi nuper procuratione eâ ipsâ die persolveret, nullam pacis compositionem reciperet. Et ait Abbas Guillelmus: Nequaquam more nummularii ad has nundinas attuli sacculum meum. Verumtamen ecce jam in propatulo patet superstitio tyrannidis seu rapacitatis Comitum, qui pro unius diei procuratione trecentas libras exigit; & sub tanto flagello quæ pax poterit constare? Sic per Comitem negatâ pacis compositione discessum est. Venit itaque Gilo Prior Pontiniacum nocte illâ cum Episcopo Meldensi, qui celebravit festum Omnium Sanctorum apud Vizeliacum, Gaufridus verò Supprior cum Renaldo Eleemosynario, & reliquis sociis venerunt non sine timore Altiſſiodorum, & nocte surgentes ipso mane ingressi sunt Vizeliacum. Porro Abbas noctem illam fecit cum Senonensi Archiepiscopo, & Abbate S. Germani de Pratis, apud sanctum Julianum de Salice. Inde occurrit Regi Moritum, efflagitans ut pro ingenuâ pietate, & pro Apostolici mandati reverentiâ in tantâ & tam gravi necessitate Vizeliacensi subveniret Ecclesiæ: à quo responsum accepit, nunquam se B. Mariæ Magdalene neque famulis ejus defuturum; imò pro Monasterio Vizeliacensi, sicut pro coronâ Regni decertaturum. Abbatem sanè sustinere ad modicum debere; & declinare vesaniam insanientis tyranni, & videre si forte ad sacrilegium usque manus extenderet, quatenus completâ totius orbis testimonio punirent.

Suscepit igitur Abbas monita Regis, misitque Hugonem Notarium suum mandans Senonensi Archiepiscopo, quatenus juxta Apostolicum mandatum Comitem & matrem ejus excommunicatos publicè denuntiaret. Cum itaque Archiepiscopus sacris adſtaret altaribus, & expletâ lectione Apostolicâ, solemniter perficeretur jubilatio, adstante populo, & expectante Diacono, fecit sermonem ad populum, significans ei quantis gravaminibus Comes Nivernensis & mater ejus, dilectricis Dei B. M. Magdalene toto orbe famosiſſimum perſequeretur sepulcrum. Pro quibus videlicet gravaminibus ex mandato, inquit, Domini Papæ sententiam excommunicationis super utrumque promulgamus; & nisi infra imminens festum B. Martini reliquerint, totam terram illorum sub interdicto totius divini officii, præter baptismum parvulorum & pœnitentias morientium, ponimus. Hanc sententiam idem Archiepiscopus Hugo scripsit Alano Altiſſiodorenſium, Bernardo Nivernensium, Henrico Eduensium, Galterio Lingonensium Episcopis in hunc modum:

Iterum apud Ulmum Bassoldi litteram discurrunt, sed in cassum.

Delegati Judices à Summo Pontifice.

Conveniunt Delegati Joviniacum, excommunicationemque subiiciunt Comitem & matrem ejus.

Abbas Regem adit.

Archiepiscopus Senonensis excommunicatos declarat Comitem & ejus matrem.



Ea de re ejus  
epistola ad E-  
piscopos.

**HUGO** Dei gratia Senonensis Ecclesie humilis Mi-  
nister, Venerabilibus Fratribus & amicis **HENRICO**  
**Eduensi**, **GALTERO** Lingonensi, **ALANO** Altissio-  
dorensi, **BERNARDO** Nivernensi, eadem gratia Epi-  
scopis salutem & dilectionem in Domino. Discre-  
tioni vestre significamus, quod Dominus Papa sepe  
& repetitis literis à Claro-monte, & à Podio, atque  
à Montepessulano tam monendo quam auctoritate  
Apostolica precipiendo, nobis scripsit super inde-  
bita gravamina & iniquas oppressiones, quas Mo-  
nasterio Vizeliaci & hominibus eidem pertinentibus  
**Comes Nivernensis** & **Mater sua** inferre noscuntur.  
Denique praecepit nobis, ut ex tenore literarum  
ipsius videre potestis quas vobis ex parte illius mitti-  
mus, quatenus utrumque, scilicet **Comitem** & **Ma-  
trem suam**, sub velocitate conveniremus, & cum  
omni diligentia eos exhortaremur, ut **Abbati prae-  
nominati Monasterii** ablata omnia sine dilatione redde-  
rent, de damnis & injuriis illatis satisfacerent, &  
ab eorum infestatione & indebito gravamine ulterius  
quiescerent. Si autem infra **XX. dies** nostrae com-  
monitioni obedire contemnerent, super ipsos excom-  
municationis sententiam proferremus, & in terram  
illorum omnia divina officia, praeter baptismum par-  
vulorum, & poenitentias morientium, penitus in-  
terdiceremus: eandemque sententiam omni remotà  
appellatione, & dilationis occasione inviolabiliter  
observandam vobis auctoritate ipsius mandaremus.  
Nos itaque praeceptum Domini executioni man-  
dantes, cum de admonitione nostra nihil proficere-  
mus, sententiam excommunicationis in utrasque  
personas promulgavimus; sed vobis eam denuntiare  
hactenus consultò distulimus. Pacem quippe inter  
**Abbatem** & **Comitem** componere cupientes institi-  
mus, & in quantum potuimus, elaboravimus, tam  
nos quam venerabilis Frater noster **Meldensis Epi-  
scopus**, cui hoc ipsum à Domino Papa ex industria  
injunctum fuerat; sed quoniam saepius à proposito  
frustrati sumus, tandem **Joviniacum** convenientes,  
& per biduum de pace agentes, cum nec pacis ve-  
litigium habere possemus, promulgatam jam diu à  
nobis ex mandato Domini Papae sententiam confir-  
mavimus, eandemque vobis tenendam & firmiter  
observandam auctoritate Domini Papae & nostrae  
praecipiendo denuntiamus, mandantes ut de cetero  
habeatis eos excommunicatos; & ab instanti festo  
**S. Martini** statim sine dilatione per omnes parochias  
vestras excommunicatos publicè denuntiatis, & in  
omni terrà illorum divina officia, praeter baptismum  
parvulorum, & poenitentias morientium, prohibea-  
tis: maxime autem illis Sacerdotibus qui propriè  
**Capellani Comitis** & **Comitissae matris ejus** dicun-  
tur, hoc denuntiandum, & sub Ordinis sui pericu-  
lo intimandum est, ut à transgressione Apostolici &  
nostri mandati caveant.

Et haec quidem Archiepiscopis. Ceterum Epi-  
scopi constitutam sibi sententiam minus firmiter ob-  
servare studuerunt. Porro **Guilelmus Abbas** circuiens  
Monasteria sua in pago **Belvacensi** constituta; ingres-  
sus territorium **Noviomensium** venit ad **Villaris-Sil-  
vae Monasterium**. Erat autem dies **Sabbati** hebdo-  
madæ primæ adventus Domini: eadem nocte venit  
ad eum unus è pueris ejus nomine **Girolodus**, refe-  
rens ei luctuosum statum **Vizeliacensis Ecclesiae**. Ac-  
cidit interea in eadem Ecclesia quoddam futuræ ca-  
lamitatis praelagium simul & solatium. In crypta  
enim; quæ supra **B. Dilectricis Mariae Magdalene**  
sepulcrum extat, tantus ignis casu erupit, ut etiam  
tirannos, quos **Francigenæ trabes** vocant, qui erant  
in superiori parte, combusserit. Imago tamen **B.  
Dei Genitricis MARIAE** lignea, in ipsius pavimento  
cryptæ posita, nullum omnino passa est incendium,

sed tantummodo denigrata est. Sericum autem quod  
ad collum Imaginis pueri **Jesu** pendebat phylae-  
terium, nec odorem fumi contraxit, nec in parvo  
aut magno colorem mutavit. Unde liquidò claruit,  
quod nec ipsa imago aliquantisper fumo obducere-  
tur, nisi ut reparationis ejus occasione thesaurus  
inestimabilis latens in eà per divinam dispensatio-  
nem panderetur. Nam prædicta imagine ad repa-  
ratorem missa, dictum est ab ipso reparatore, quod  
imago, uti sibi videbatur, occultissimum ostiolum  
inter scapulas haberet: quo audito, **Gilo Prior** præ-  
cepit eam portari in sacristariam; vocansque secum  
**Gaufredum Suppriorum**, & **Gervasium Sacristam**,  
& **Girardum Conestabulum**, **Mauricium** quoque  
**Succentorem**, & ipsum **Lambertum** imaginis repa-  
ratorem, accepto cultello ipsemet rasit colores, li-  
gnoque resecto nullius juncturae indicium potuerunt  
deprehendere: demùm accepit malleolum ferreum,  
tentavitque aure percipere; quod omnes oculis ne-  
quibant investigare, audiensque quasi sonum rei con-  
cavae, spe succinctus hilari ostiolum illud propriis  
manibus piè audax referavit, invenitque capillos  
illius interheratæ Virginis, quæ nec primam similem  
visa est nec sequentem habere; & de tunica ejus-  
dem **Genitricis Dei MARIAE**, & ossium unum **B.  
Joannis Baptiste**. Invenit etiam ossa **BB. Apostolorum**  
**Petri & Pauli & Andreæ** in ligaturâ unâ: unam  
quoque unciam pollicis **B. Jacobi fratris Domini**;  
sed & duas ligaturas de ossibus **B. Bartholomæi**  
**Apostoli**, & quasi unum brachium de **Innocentibus**,  
atque reliquias **S. Clementis**, & unam massam de  
**Capellis S. Radegundis Reginae**: de vestimentis præ-  
terea trium puerorum, **Sidrach**, **Misach**, & **Ab-  
denago**; & de veste purpureâ quam indutus est **Do-  
minus JESUS-CHRISTUS** in passione. Per singula  
autem supra dicta singulos breves invenerunt, qui  
singulorum docerent differentiam; & cum omnes  
prædicti breves adeo inveterati essent quod vix legi  
potuissent, inventi sunt & alii tres non legibiles;  
sed cujus vel quorum extiterint soli Deo cognitum  
est. Quos ergo legere potuerunt: transcribi fecerunt,  
& vetera scripta cum novis ligaverunt in testimo-  
nium. Postquam autem omnia diligenter viderunt,  
loco suo, ut prius fuerant, reddiderunt, ipsamque  
imaginem cum prædictis sanctorum pignoribus su-  
per majus altare locaverunt: & induti omnes cap-  
pis, omnibusque signis majoribus cum campanis  
pulsatis, laudaverunt Creatorem omnium, qui ad  
illorum custodiam & loci tutelam tot & tam præ-  
clara pignora largiri dignatus est. Tunc confluen-  
tibus populis tam peregrinis quam vicinis fit lætitia  
& exultatio permaxima, tam in Ecclesia quam totâ  
villâ atque in locis vicinis, ex agris & ex vicis cir-  
cumquaque properantibus ad gaudii celebritatem.  
Denique vix omnium clamores **Gilo** compescens,  
manu silentium imperavit; causamque laudis &  
gaudii sub brevitatis moderamine reddidit, omnibus  
sentibus præ gaudio, & dum postea sepulcri **Dile-  
ctricis Dei** cryptæ imaginem reddere niterentur,  
tantus factus est concursus populorum volentium  
eam osculari, vel etiam tangere, ut vix eam in om-  
nium præsentia loco pristino possent restituere. Quod  
autem ipsam imaginem tangi non permiserunt, causa  
fuit ne notarentur avaritiæ. Ignis ergo divinitus  
erumpens instantis tribulationis præfagium fuit: in-  
ventio autem sanctorum pignorum ejusdem tribula-  
tionis optimum finem edocuit. Hæc autem verba  
scripserunt **Vizeliacenses Abbati suo Guilelmo** ad  
consolationem susceptæ peregrinationis.

Anno Verbi Incarnati millesimo centesimo sexa-  
gesimo quinto, vicesimâ sextâ die Mensis undecimi,  
quintâ feriâ quæ præcedebat adventum Domini,

Reliquiæ in  
immagine B.  
Virginis re-  
pertæ.

An. 1165. Co-  
mes Niver. no-  
vam perse-  
quutionem

Sepulcrum B.  
Mariæ Mag-  
daleneæ fla-  
grat.



in ver-  
sus Vizeliac.

Guillelmus Comes Nivernis & mater ejus Ida ingressi sunt oppidum Vizeliaci cum multitudine armatorum, quasi funditus illud everfuri. Et Comes quidem declinavit in hospitium Monasterii quod adjacet domui Eleemosynariæ, quæ est in introitu Claustrum: mater verò ejus omnium malorum incitatrix descendit in domum Simonis de Silviniaco, & factus est timor magnus super omnes inhabitantes oppidum. Et intonuit sermo Giloni Priori, & omnibus Fratribus eâ horâ in Capitulo sedentibus: tulitque Gilo omnes claves Monasterii, prohibens ne quis Claustrum egrediretur. Et siluit Comes eâ die. Sequenti verò die cum vidisset quodd nullus Fratrum prodiret, subfannando interrogavit utrum Monachi parascevem ridiculò solemnizarent, an forte solitâ superbiam suam præsentiam dedignarentur. Hæc ille irridendo; reverâ autem Fratres parascevem instantis reparationis libertatis suæ solemnizabant: nam sicut per parascevem Dominicæ passionis reparata est dignitas humanæ conditionis, sic & per parasceven communis Fratrum exilii exclusâ tyrannicâ usurpatione; reparata est integritas prisce libertatis. Et mandavit Fratribus Comes, quodd vellet ingredi Capitulum eorum loquuturus ad eos. Qui responderunt quodd non possent communicare excommunicato; verum si ea quæ pacis sunt persequeretur, per Priorem suum ei loquerentur. Paucis ergo secum accitis venit Gilo ante faciem Comitit, quem torvo respiciens oculo in multis eum objurgabat; ad extremum ut detestabiles proditores Petrus & Theobaldus, eorumque complices in Monasterio reciperentur instabat. Cui Gilo respondit, nec posse nec debere se excommunicatos Domini Papæ recipere. At ille: Isti, ait, non sunt excommunicati; sed quia noluerunt uti prudentes participare vestre leccacitati, innocentes expulstis à vobis. Respondit Gilo: Nos in pace & pro pace venimus, tu autem nos indebitis injuriis appetis: unde tibi certum constet, quodd denuò faciem tuam pro tali donativo non repetemus. His dictis, Claustrum Gilo repetiit. Comes autem missò præcone, sub interminatione præcepit omnes Burgenles ante faciem suam convenire. Quidam sanè illorum nequitiam illius sapius experti, sese latenter per abdita infrâ Monasterium receperunt. Posuerat namque custodes qui observarent valvas, ne quis Burgenlium ingrederetur Monasterium. Hi ergo qui vel de familiari obsequio, vel de furtivâ commendatione tyranno exhibita præsumere potuerunt, præsentiam illius adierunt: quos protinus fidelitatem Abbati & Ecclesiæ pactam abjurare præcepit. At illi responderunt, consilium super hoc verbo se habituros. In promptu, ait, habetote consilium. Et fecit obserare ostia hospitii portasque Monasterii: misitque Stephanum Cancellarium suum, & Stephanum de Petra-foraminis, & Furnerium de Droia; mandavitque Giloni Priori, ut sibi mitteret claves Monasterii. At ille respondit: Ergone Comes est Abbas, vel Clavicularius Monasterii hujus? Sic, inquiunt, præcepit Comes. At ille: Loquar super hoc Fratribus meis: & ingressus Capitulum, omnibus Fratribus residentibus sic exorsus est: Ecce, Fratres, ecce adest dies longè ante à Venerabili Abbate nostro, & à nobis ipsis præmeditata, sapiusque vobis prædicta, in quâ de libertate vestrà & vestræ Ecclesiæ, deque communi periculo vestro & hominum vestrorum non tractandum, sed potiùs deliberandum est. Hæc dies est meta servitutis & libertatis, quietis & laboris, ignaviæ & probitatis, honoris & infamiæ; utrumlibet eligatis chirographo inviolabili constabit. Hactenus bonorum vestrorum rapinam sustinulistis, hactenus minas & opprobria impiorum patienti aures, quali ventorum rabiem excepistis. In theatro fortunæ istius

vobis constitutis, omnium in vobis defixi sunt oculi. Jam corpus ipsum negotii vestri est in stadio, & utrum vincatis, an vincamini nulla est dilatio, non sufficit tyranno huic vestes vestras abrumpere, pilos vestros evellere, pellem vestram vellicare, sed jam etiam molares vestros conatur excutere. Claves vestras expetit, ut vestram libertatem servitutis compede se inclusisse gloriatur. Ad hoc verbum protinus omnes surrexerunt, & ne claves Monasterii Comiti daret, ex parte Apostolicâ, & ex parte Abbati sui unâ voce contradixerunt. Et insistebant ut paucis relictis custodibus omnes pariter exilium pro libertate subirent. Quibus respondit Gilo: Inconsultum mihi videtur domum relinquere, quamdiu redditus domus superfuerint.

Et dum hæc agerentur, divertens Furnerius de Droia, tulit secum satellites Comitit, & venit extrinsecus ad inferiorem portam domus Abbatis, ejectoque loripede qui portam custodiebat, accepit claves, quæ forte in ostilio valvæ majoris dependebant, & occupavit domum tam superius quàm inferius, relinquens in eâ viros impios, qui Comitit loco eam obtinerent, quasi Comes tantam in Monasterio haberet dominationem, quodd ejectis Abbatis hominibus suos pro libito intrmitteret. Et prorumpens Comes ingressus est Claustrum, clamante Isgnardo, Vicecomite Joviniaci: Festinate, ait, superbi Monachi, & estote subditi Domino meo Comiti. Cumque festinaret Comes ingredi Capitulum Fratrum, occurrentes ei quidam compulerunt eum cedere retrorsum. Fratres autem statim egressi Capitulum, ingressi sunt Ecclesiam ut rei exitum expectarent, non ut divina officia celebrarent in eâ, à quibus ob præsentiam Comitit eadem Ecclesia vacabat, & cum sederent in eâ, respicientes viderunt super capita sua tyranni satellites, qui jam turrem sancti Michaelis fracto ostio invaserant. Siquidem subito adventu inimicorum Fratres præoccupati, non potuerunt resistere inopinatæ nequitie: sed & prudentioribus visum fuit cedere potiùs quàm resistere; ne forte tyranni provocatus furor Monasterium simul & oppidum funditus everteret. Post hæc Fratres Refectorium ingressi, panem lacrymis, potumque fletu miscentes vix parumper cibo prægustato egressi sunt velociùs, responsuri Burgenlibus de expostulatâ à Comite abjuratone: dixeruntque eis: Si sanum sapitis, honestam paupertatem divitiarum infidelitati præferetis. Melius quippe est honestè vivere cum fidelitate, quàm opulenter cum dedecore infidelitatis: vos videritis quid prætet consultius. Siquidem vestri gratiâ laboramus, vestri causâ persequimur. Cujus enim est pretii staminium nostrum, seu nigellum caputium istud quod cernitis? Vestræ opes ambiuntur, vestrum propriè caput appetitur, si serpentino more vos membra nostra istius exponimus: ecce nos quasi truncum caput, qualicumque quiete perfruemur: sed absit hæc à nobis, absit quodd vestrâ deditone ignominiosam pacem redimamus. Neque enim gloriamur in tribulationibus vestris pro nobis, sed potius gloriamur in tribulationibus nostris pro vobis. Jam jam experiri libet & jam experiri necesse est, quæ fides, quod fœdus, quis amor hactenus intercesserit, jamque qui noster est, nullâ ratione à nobis avelli patietur. Talibus animati, qui fideles exstiterunt, eum Fratribus infrâ Monasterium remanserunt. Quo audito Comes armatos satellites disposuit in domibus singulorum, solo victu præcipiens eos fore contentos de stipite obsessorum. Porro excommunicatis proditoribus pseudomonachis, Petro scilicet, ejusque complicitibus tradidit domum & redditus de Esconio: alios autem redditus omnes Monasterii tradidit in manu Hugonis Letardi Præpositi Castri Cenforii, qui

Satellites Comitit vi Monasterium ingrediuntur, diripiuntque.

Prior Fratres  
adhortatur ut  
forti sint animo.

qui erat servus Ecclesiæ de genere Simonis filii Odonis Præpositi Vizeliaci; qui videlicet Simon occidit Dominum suum Abbatem Artaldum. Hugo autem tradidit omnia Mauricio de sancto Andrea ejusdem conditionis & generis. Et innotuit verbum Giloni. Facto igitur vespere misit famulos qui debitum furnagium reciperent; quos satellites Comitum cum uxore Mauricii aggredientes; panibus ablatis, & verberibus affectos remiserunt. Reos etiam qui in domo Præpositi tenebantur iussit Comes absolvi. Tunc pro monastico more percussâ tabulâ ingressus est Capitulum Gilo cum Fratribus suis, & dixit eis: Jam quod rationabiliter differebamus, necessariò facere compellimur. Domus nostræ & hominum nostrorum occupatæ sunt ab hostibus, redditus necessarij auferuntur; & quod morte gravius est, garriferi cum meretricibus sacratissimum Dilectricis Dei sepulcrum pedibus impuris conculcant, jam nihil est quod nos detineat, quibus & victus & honestas interdicitur. Cedat sanè dolor rationi, & indiscreta procul absit desperatio. Neque enim novum est, vel inopinatum est quod accidit. Biennium est ferè quod idem versabamur in mente; hanc eandem violentiam tyranni, & futurum exilium præ oculis habentes, & vobis omnia hæc prædicantes; unde & vos ipsi sæpius nobis acclamastis, & ut præmeditata effectui manciparentur exorastis: & ecce nox tribulationis & nox temporis nos urget, nec verbis sed factis opus est. Et factus planctus & fletus magnus inter Fratres, & famulos, atque Burgenses qui intra Monasterium confugerant.

Monachi crudeliter vexati aufugiunt.

Disposuit itaque Gilo Prior qui remaneret, quive pergerent, & famulos qui euntibus obsequerentur. Et dato potu fecerunt super se totâ nocte excubias, & deposuerunt imagines, & cruces, & omnia vascula, in quibus Sanctorum pignora continebantur. In quâ depositione cum iconiam majoris crucis quæ super altare in mediâ pendet Basilicâ, diligentius inspicerent, invenerunt de lacte involatæ Virginis & Genitricis Dei MARIE. Gilo autem Prior inter tumultum euntium & redeuntium, clam nocte recessit; descenditque pedes in inferiorem vicum S. Petri: statimque conscendens equum, venit in prædium quod vocatur Pons-Arberti, ubi cum parumper quiesceret, supervenerunt à Gibriaco Gaufridus Supprior, & Gaufridus Hospitalis: remissoque Hospitali Prior & Supprior per longos anfractus Burgundiæ declinantes terram Comitum, venerunt Joviniacum. Facto igitur mane cum vidisset Comes quod Fratres recessuri componerent sarcinas suas, recessit in domum Simonis Silviniaci. Fratres autem præparatis omnibus, ingressi sunt Capitulum, & acceptâ benedictione, mutuo sibi cum lacrymis valedixerunt. Et ingressi in majorem Basilicam, ubi ferè omnis populus cum parvulis & mulieribus convenerat, ante sepulcrum Beatæ Patronæ suæ prociderunt, & causam suam illius patrocinij commiserunt: factusque est mugitus ingens, flentium & plangentium, suosque capillos evellentium; ita quod ad cælum usque pertingeret clamor ululantium. Et erat horror intolerabilis videre quod vix præ dolore videri poterat, commixtusque clamor & promiscuus fletus pectora & capita sua in ipso pavimento tundentium. Elementa denique ipsa tantæ calamitatis quodammodo compati visa sunt, dum obtenebratus aer, solaris splendor obfuscatus, fluidus liquor congelatus, continuo nivium imbre adoperta tellus, tristem omnia faciem prætenderent. Fletu tandem & ululatu totius populi prosequente, egrediuntur Fratres ab Ecclesiâ numero ferme sexaginta.

Jam Comes matre remanente ab Oppido recesserat. Traditor autem Guillelmus Pideth consensu

Tom. II.

equo tripudians venit post fratres, dicens quod Comitissa mandaret ut subsistentes eam expectarent. At illi dissimulantes invisum videre, transierunt Elconium, perveneruntque comitante populo ad Crucem Montis-gaudii. Ibi remorantes aliquantisper, venerandamque toto orbe dilectricis Dei Mariæ Magdalenæ Basilicam respicientes, prociderunt in facies suas cantantes ut poterant. O peccatoris solatium! Quis fletus, quisve dolor fuerit abeuntium simul & prosequentium virorum ac mulierum, capita sua ibidem præ angustia in nive volutantium, fari potest nemo; cum stylus hic ipse ferreus lacrymis penè totus exudet. Luctus iste, ut verum fatear, funeris luctum excedit: siquidem luctum funeris relevat successio heredis: at verò heredis desolatio, hereditatis est abolitio: inaudita nostro orbe, nostræque ætate desolatio! Catholicus Princeps innocentes Monachos pellit à Monasterio, & quem ferè totus Christiani nominis mundus veneratur locum, affines ipsi atrociter devastant. Si causa quaeritur, libertas criminatur: si ratio ventilatur, præjudicium contorquetur. Cum ergo fletus & gemitus utrimque tam à Fratribus quam ab omni populo indifferenter funderentur, illa tyranni viperea mater Ida pedetentim abeuntes prosequuta, accessit propius, & ab equo descendit, utque à Fratribus audiretur simulatâ humilitate petiit. At illi memores illius Apostolici: *Noli vinci à malo, sed vince in bono malum*: surgentes à terrâ sublitterunt. Tunc illa fictas prætendens lacrymas, irrationabilem & sine causâ illorum calumniabatur exitum; cum filius suus ipsos & Ecclesiam Vizeliacensem affectuosius diligeret, solique Abbati inimicaretur, à quo injustè exheredaretur, quamquam filius suus nihil ab eo, nisi quod sui juris est, reposcat: eos autem memores esse debere illius Evangelici: *Reddite quæ sunt Cæsaris Cæsari, & quæ sunt Dei Deo*. Rogabat deinde ut redirent, & ipsa filium exoraret, quatenus illorum misertus usurpatos redditus Monasterii eis redderet, vel si ad hoc filium flectere nequiret, ipsa eis quotidianum sumptum præberet, donec Abbas filio suo concordaret. Talibus dictis Fratres responderunt, quod neque locus, neque tempus intercederet disceptandi de jure filii sui, cum palam constaret illum sibi vendicasse fasque nefasque: redire autem sub incertâ spe inconsultum videbatur; & alienam stipem inconsulto Abbate suo percipere intolerabile credebant: indignum judicantes se præbendarios famulatricis Christi Jesu Mariæ Magdalenæ, effici stipendiarios desolatricis sepulcri ejusdem Beatissimæ Patronæ suæ. Hæc dicentes terga mulieri dederunt, & noctem illam apud Breciam fecerunt.

Sequenti die properantibus Altissiodorum, occurrit Arduinus Venerabilis Abbas S. Germani, supplicans ut apud S. Germanum declinarent. Quo concessio, ille quidem rediit ad præparationem hospitii. Fratres autem bini & bini coopertis capitibus urbem ingrediuntur, suam calamitatem Davidicâ melodiâ commendantes: & factus est concursus populi totius civitatis virorum & parvulorum ac mulierum flentium atque clamantium; Proh dolor! quis unquam vidit talia? quis crederet posse fieri talia? quis furor, quæve insania exercuit talia? O gloriosa & B. Domina Maria Magdalena ut quid iustines talia? quam de te nos peccatores fiduciam sperare possumus, quæ permittis servos tuos pati talia? pereant & confundantur omnes illi quorum consilio aguntur talia. Ipse quoque tyrannus ascenso equo advenerat, & singulos respiciens, subannabat eos dicens; sic & sic tales debent lucrari panem suum. Fratres autem nihil horum curantes, demissis vultibus transierunt. Et honestè suscepti

Mater Comitum fictis lacrymis compati Monachis simulans, eis ut redeant suadere tentat.

A A a a

in Monasterio S. Germani nocte illâ quieverunt. In crastinum autem divertentes apud Joviniacum in domum Hugonis quondam Præpositi, procurati sunt honorifice ab Aimerico Podiensi, & à fratre illius Stephano. Inde properantes ad urbem Senonicam præmiserunt procuratores. Simon autem, cognomento Infans, egressus deambulatum fortè occurrit eis, & cognitâ causâ tanti laboris tantorum & talium virorum, vehementer condoluit. Et descendens suppliciter petiit, ut in domum suam pro charitate diverterent. Quo vix impetrato suscepit eos, & procuravit honestissime. Mane autem deduxit eos ad conductam navem (nam huc usque pedes venerant) & scœnum multum illis ipse supposuit, & laboraverunt die illâ in remigando, vixque jam nocte ingruente descenderunt in quamdam villulam quæ dicitur Miriacus: cumque illic non inveniretur hospitium tot & tantis opportunum; erant quippe ferme octoginta animæ: cujusdam rustici grangiam bovum stercorebus refertam ingressi sunt. Et cum die jejunassent, nihil circumcirca inveniri potuit, præter parum communis panis, & duas aliorum restes, quæ cruda utcumque comederunt cum pane & aquâ: mirum dictu! cum tot laboribus affligerentur, alacriter omnia tolerabant, & exilium pro libertate quasi patriam amplectentes, cantando & congratulando squalorem itineris transigebant. Et summo diluculo ad navem reversi, applicuerunt Chonam. Ibi primò invenerunt Gilonem Priorem, & socium illius Gaufridum. Et exinde pedes venerunt Moretum die secundâ mensis duodecimi; ibique fecerunt sequentem diem & tertiam. Miserunt autem Renaldum Priorem de Arboreiâ ad Hugonem venerabilem Abbatem Parisiensem, nuntiantes ei adventum suum, & causam adventus ad Regem. Quo ille audito vehementer condoluit; lacrymisque suffusus festinavit ad Regem Ludovicum, ostendens illi quàm facinoroso ulus sacrilegio Comes Nivernensis pervasisset famosissimum Monasterium Vizeliaci, & quanto labore omnes ferè ejusdem Monasterii Fratres ad pedes Regiæ Majestatis confugerent. Protinus Rex irâ simul & dolore motus, mandavit Comiti, ut injustè pervasa dimitteret, & fratribus infra octo dies Ecclesiam, turres, domos, villam, redditus omnes, & possessiones in eo statu quo ante octo dies egressionis Fratrum constiterant, redderet, diminuta quoque restitueret, & de tam gravi injuriâ toti Regno illatâ sibi satisfaceret. Ad hæc Comes Legatis Regis respondit: De Monasterio Vizeliaci feci sicut de meo, nec quidpiam ex hoc facto Regi debeo; imò, inquit, debes de excessu perpetrato in feudo Regis. At ille comminando prohibuit eos denuò adire præsentiam suam. Cui responderunt: Nos servi Regis sumus, & responsum tuum Domino Regi referre debemus. Statim Comes misit Regi JOANNEM Aurelianensem, qui de perpetrata tyrannide sese excusaret, quasi qui rebus publicis terræ suæ consulisset, eo quod Abbas & Monachi Vizeliacenses inimicum suum Ducem Burgundiæ conduxissent, & ei nisi præventi fuissent, turres Monasterii tradidissent.

Tandem Monachi Parisios advenerunt, ac lacrimis perfusi Regi pandunt causam doloris.

Interea Fratres nocte, quâ secunda Dominica Dominici adventus illucescebat, surrexerunt, navemque ingressi pervenerunt in quamdam possessionem Monasterii beati Germani Episcopi Parisiensis. Introeuntes autem domum cujusdam viri, optimè procurati sunt à superveniente misso Abbatis ejusdem Monasterii nomine Renaldo. Inde surgentes, & æquoreo vehiculo sese committentes, venerunt Parisius: & commota est universa Civitas, concurrentibus & flentibus universis à minimo usque ad maximum; ingressique matricem Ecclesiam, fa-

cta oratione, sederunt ibidem modicum, nihilominus assistente & confluyente omni populo. Rex verò Ludovicus ut audivit adventum Vizeliacensium, relicto negotio de ordinatione Monasterii sancti Dionysii, quo tendebat, reversus est. Venerunt ergo Fratres ad Palatium Regis. Cumque Rex obviam illis iret, & super gradus Palatii staret, cum ingenti fletu prociderunt omnes ad pedes ejus: e contra Rex ipse flens motus pietate procidit, & cum surgentibus surrexit. Dixit itaque Gilo: qui Prior agminis existerat: Nota tibi est, Domine mi Rex, nostri causa adventus, sed dolore & concursu populi præpediente, modum causæ nequaquam plenius tibi ad præsens pandere valemus: loco igitur & tempore à te constituto; pars nostrum veniet ad te, & quæ mala nobis Comes intulerit diligentius aperimus, interim ad hospitium remeabimus, vestram in commune gratiam & misericordiam implorantes: & prociderunt omnes in facies suas. Et respondit Rex: Antequàm venissetis, statim ut infamis fama nostras pervenit ad aures, misi ego Nuntios meos ad Comitem: quid responsurus, quidve facturus sit, nondum ego novi. Hoc tamen pro certo noveritis, quoniam si Comes tantumdem terræ quantum Rex Anglicus habet, præter suam propriam terram haberet, nullatenus tantam injuriam sustinerem fore inultam. Ego quippe peregrinus sum Dominae meæ beatæ Mariæ Magdalenz, & pro posse meo famulis ejus nunquam deesse potero. Unde etiam rogo ut in domo meâ manere dignemini, & ego cuncta vobis necessaria providebo. At illi humiliter gratias agentes, responderunt sufficere sibi auxilium illius in tantâ necessitate. Videntes verò ad latus Regis hospitem suum Simonem, qui cognominatur Infans, gratias ei de collato egerunt obsequio in conspectu Regis. Sed & Rex multam ei gratiam exhibuit. Exeuntibus igitur Vizeliacensibus & populis prosequentibus, processerunt obviam illis usque ad vetus Palatium omnes Fratres Monasterii sancti Germani de Pratis, & susceperunt eos cum fletu & gemitu gravi. Ingressique, ut moris est, bini & bini, & factâ solemniori oratione venerunt in domum Abbatis, & appositæ sunt illis mensæ.

Clementer à Rege excepti.

Porro Guilelmus Abbas Vizeliacensis ut audivit apud Villarem-Sylvam malâ domus suæ, & adventum Fratrum suorum, ingemuit, & omnes qui erant cum eo consternati sunt animo, maxime eo quod tam longè positi essent. Surgentesque nocte ipsâ, quâ & Fratres à Moreto, totâ die jejunii & frigore niveque affecti equitantes per varios alieni itineris anfractus, tandem secundâ vigiliâ noctis fessi & mortui venerunt Merlotum. Sequenti autem die venerunt Parisius, inveneruntque Fratres suos adhuc sedentes ad mensam, quos surgere volentes jussit Abbas sedere. Et pretendens Abbas constantiam à fletu continuit; intrinsicum dolorem viriliter reprimens. Socii autem ejus tantâ doloris capti sunt angustia, quod vix alterutrum discernere, & salutantibus se Fratribus exulibus respondere quivissent. Mirum in modum Fratres exules, itineris & famis squalore confecti, Fratres suos, qui tantorum pro parte laborum fuerant expertes, consolabantur, & de Dei misericordiâ, deque Regis compromisso auxilio præsumendum hortabantur.

Abbas Parisios Fratres visuras petit.

Facto igitur mane, Dominique invocato auxilio, ingressi sunt Palatium Regis Abbas Guilelmus & Abbas Hugo, cum Gilone & Gaufrido, Francone & Rotberto, Petro & Vincentio, Hugone & Theobaldo Regis cognato, paucis accitis gestæ rei testibus. Sedente itaque Rege cum Fratribus suis, Henrico Remensium Archipræsule, & Comite Roberto, atque Petro de Curtiniaco, & aliis Optimis

Coram Rege causam suam agit.

tibus Palatinis: surrexit Gilo, & modum tyrannicæ invasionis, Fratrumque suorum expulsionis ex ordine peroravit. At contrà Joannes Aurelianensis respondit Abbatem jus Comitum, quod in villâ Vizeliaci Regio ex fisco habebat, tulisse, & de illatis injuriis justitiam Comitum negasse. Si, inquit Rex, de feodo meo habet jus illud quod sibi vendicat, ergo prius debuerat mihi clamorem facere de injuriâ feodi mei, quàm Monachos de suo Monasterio expulisset. Et ait Joannes: Dominus Comes non expulit Monachos, sed ipsi sponte in contemptum Domini mei exierunt. Respondit Robertus cognomento Crassus, unus ex Fratribus Vizeliacensibus: Satis, inquit, mihi obturat os, qui meam de manu meâ tollit buccellam. Ita est, inquit Rex. Postquàm ergo, ait Robertus, invasit Comes Monasterium nostrum, & misit inibi satellites suos, omnesque redditus nobis ablatis in manu eorum tradidit, quæ nobis ibidem post hæc mansio compete-  
bat? nulla, inquit, tota Curia. Et ait Rex: Ego Nuntios meos mihi Comiti, & siquidem benè fecerit, utinam! sin autem, posse meum Ecclesiæ non deerit. Et gratias agens Abbas cum his qui secum erant, ad hospitium regressus est. Fueruntque Abbas & Frater ejus per triduum apud sanctum Germanum, & reversi sunt Moretum, manseruntque ibidem per dies triginta. Et scripsit Hugo Archiepiscopus Senonensium Guilelmo Abbati Monasterii Vizeliacensis in hæc verba.

» Hugo Dei gratiâ Senonensis Archiepiscopus,  
» Carissimo suo Guilelmo Venerabili Vizeliacenti  
» Abbati, salutem & dilectionem. Pro negotio Vize-  
» liacensis Ecclesiæ & vestro, misimus ad Comitissam  
» sam Nivernensem, & ipsa sicuti illa quæ multum  
» pacem desiderat, fecit nos securum de centum  
» libris in vadimoniis auri & argenti & si amplius  
» fuerit in querelâ, faciet me inde securum per bo-  
» nos obfides & fidejussores. Mandamus itaque vo-  
» bis & consulis, ut proximâ die Jovis Senonis  
» veniatis, & secundum quod feceritis probari legi-  
» timè, restitutionem habebitis. Nunc autem si non  
» veneritis ad diem, sentiet se Comitissa gravari:  
» & si verbum hoc voluerit ad summam audien-  
» tiam deportari, non poterimus ei negare testimo-  
» nium secundum quod offert. Valete.

His verbis Abbas rescripsit, quoddam data dies minùs competens videbatur, eo quod tam longè positu à Monasterio suo, & inimicitias habens ipsius Comitissæ & filii ejus, convenire nullatenus posset. Verumtamen si securitatem eundi & redeundi ipsa Comitissa præstaret hominibus suis legitime probaturis illata damna, libenter conveniret ad diem congruè sibi datam: & factum est ita. Convenerunt igitur utrimque. Reposcente ergo Abbate illata damna, & legitime probare volente; è contra partem maximam Comitissæ negabat, quædam verò in filium retorquebat, dicens crimine filii se non debere teneri. Respondit ei quoddam malefactores ipsi homines essent Comitissæ, & Præpositi terræ illius; & idcirco iuste ab illâ exigebat, quod à suis ablatum legitime probabat ad pretium usque ducentarum marcharum. Attoniti qui erant ex parte Comitissæ, magis autem ipse Archiepiscopus cum Clericis suis, rogabant Abbatem, ut finem probatorum damnorum diceret, ne tam gravi verbo Comitissam exasperaret. Et respondit Abbas, immeritus extremam exasperationem illius expertus sum, & jam in quo amplius valet exasperari? Attamen ob recuperandam gratiam illius, si tamen hoc reverà posset fieri, quod indubitanter constaret, medietatem eorum quæ probare possum gratis dimitterem, salvâ in cæteris Domini Papæ mandati executione. Cujus, inquit;

Tom. II.

mandati? At ille respondit: Ut de illatis injuriis satisfaciatur, & de servandâ pace cautionem præstet. Erat autem Sabbatum ante Natale Domini. Ipsa die promotus est ad Diaconatum Guillelmus Electus Carnotensis, frater Comitum Henrici, qui etiam tunc ibidem ob gratiam fratris advenerat. Is jejunio valde pertæsus, graviter adversus Abbatem indignatus abscessit: & dilatum est verbum usque in crastinum. Cumque hinc inde multum pro compositione laboraretur, opere casso discessum est; quoniam Comitissa neque illata damna restituere, neque de servandâ pace cautionem præstare voluit, dicens absque consensu filii sui expositulata facere se non posse, unde & actio ipsa dilata est usque in tertiam diem Circumcisionis.

Legati autem Regis à Comite reversi responderunt se nihil de mandato Regis à Comite impetrasse; injuriis verò, & minis abundanter ab eo remuneratos fuisse. Statim Rex accitis Librariis præcepit undique adunari exercitum, & jussit ut omnes armati occurrerent sibi vicinâ die post Natale Domini. Comes igitur Theobaldus & Comes Henricus vix à Rege impetratâ licentiâ Comitum Guillelmum convenerunt, & de perpetrata nequitia objurgati sunt; acceptoque ab eo compromisso quoddam taret mandato Regis, conduxerunt eum in urbem Senonicam, quo Rex propter alia negotia intrante Januario convenerat. Abbas quoque Vizeliacensis forte ibidem advenerat in præsentia Senonensis & Meldensis, causâ componendi cum Comitissâ. Sed illâ desistente vel ablata reddere, vel cautionem de servandâ pace præstare, labor inutilis effectus est. Nocte itaque insequuta misit Comes Theobaldus ad Abbatem, rogans ne sequenti crastino abscederet, donec secum de proprio negotio loqueretur. Cumque sequenti die Abbas Curiam Regis adiret, occurrentes ei Comes Henricus & Comes Theobaldus tentabant eum de compositione pacis. Quibus Abbas respondit: Ego in manu Domini Papæ sum & Domini Regis, & absque illorum nutu facio penitus nihil. Ingressi ergo ad Regem, rogabant eum super hunc eundem sermonem. Et vocatus Abbas ante Regem, non tam de suâ quàm de tyranni pace à quibuldam interpellabatur. Cognovit autem Abbas dolos eorum, qui modis omnibus laborabant gratiam ab eo Regis avertere, unde consultò in deliberatione illius posuit totum finem negotii sui, vituperium æquè ut gratiam à se removens totius operis. Quænavit ergo Rex à proloquutoribus Comitum, non enim cum eo loquebatur, nec faciem ejus videre volebat, quamdiù quæstio ventilabatur: quælivit, inquam, Rex, utrum Comes secundum verbum suum finem faceret hujus negotii. Quo negante, indignatus Rex vehementer, ait: Quid ergo? Abbas qui injuriam passus est, & in nullo penitus mihi tenetur obnoxius, ipse totum se meæ dispositioni exponit, & Comes qui fecit injuriam, mihi tenetur tam proprio hominio quàm causâ querelæ suæ, Consilio meo & Curie meæ parere distidit? Jam de cætero caveat sibi Abbas ne decipiatur, quia ego ei nunquam deero.

Post multos itaque conflictus verborum, tandem vocatus Comes ante præsentiam Regis, compromisit ei per manum suam in manu illius pollicendo Ecclesiâ, redditus, domos, & omnes possessiones Monasterii Abbati & suis reddere in eo statu, quo diebus octo ante Fratrum egressionem consistebant, & salvis illis querelis quas ad invicem ante habebant, & salvâ sententiâ excommunicationis & interdicti quâ tenebatur. Pollicitus est item ea omnia, quæ à tertio die ante Fratrum exitum de rebus Ecclesiæ quoquomodo diminuta vel perdita viderentur;

Sequestres se offerunt Comites Theobaldus & Henricus, pro Comite Niverno.

Comes Niverno coram Rege sistitur, promittitque damna à se inflicta resarciturum.

A a a ij

Mandar Abbatem ut Senones conveniat ad pacem cum Comitissâ componendam.

Petit Senones disceptatque de jure ac de damnis Vizeliacis.



restituere, & denuò pacem servare, Ecclesiæ & possessionibus illius, Abbati & Monachis atque hominibus eorum: hoc jure retento, quòd si forte inter Comitem & Abbatem vel Ecclesiam controversia emergerit, per quindecim dies post diffidationem habebunt inducias Burgenfes Vizeliaci, in quibus divertere poterunt se & sua ad tuta loca, Ecclesiâ permanente in pace cum universis propriis possessionibus suis. De damnis igitur modernis secundum probationem hominum Ecclesiæ restituendis Comes dedit obsides Ansellum de Triagnello, & fratrem ejus Garnerium. . . . Comitem, & Ignardum Vicecomitem de Joviniaco. Hi quatuor pro quartâ parte fiduciaerunt singuli in manu Comitum Theobaldi, quoniam si Comes post quadraginta dies legitimæ probationis damna probata reddere detrectaret, infra quindecim dies summonitionis Abbatis apud Senonicam urbem obsidatum tamdiu tenerent, donec Abbati & Ecclesiæ ipsi vel Comes satisfacerent. His itaque compositis rogatus ab Abbate festinavit Rex facere diem Epiphaniarum apud Vizeliacum, reduxitque Abbatem cum lætitiâ magnâ in locum suum. Et ejecti sunt filii Belial de Monasterio & de Burgensium domibus, & obtinuit omnes gaudium & lætitiâ magna. Sed & nequam proditores pseudomonachi egredi de domo Elconii, bona penitus omnia quæ manibus habere poterant dissipantes, fugam arripuerunt.

Rex per se-  
met Abbatem  
restituere, &  
Monachos  
Vizeliac.

Igitur novies quinque diebus exactis, reversi sunt fratres de exilio cum lætitiâ & ingenti gaudio. Unus autem excommunicatorum nomine Guillelmus Pideh, diabolico invasus spiritu cœpit Monasterium impugnare & prædas facere: quod cum diu fecisset, insequuti sunt eum tam ex oppido Vizeliaci quàm ex oppido Campi-molli multitudo rusticorum magna: tandem percussus miser mortuus est. Itaque præsentibus Regis militibus & clientibus Comitum computavit Abbas summam detrimentorum Monasterii, quæ ab hominibus Comitum fuerant Ecclesiæ illata ab exitu fratrum usque in præsens: & fuit summa ducentarum quadraginta librarum. Post hæc Missi à Comite exposulaverunt ab Abbate expensam procurationis festi B. Mariæ Magdalene, & alia quædam ridicula. Quibus Abbas respondit: Quando Comes factâ mecum concordia in communionem Ecclesiæ susceptus fuerit, tunc respondebo illi super positâ quæstione. Et convenerunt apud Crisenon Archiepiscopus Lugdunensis, & Archiepiscopus Cantuariensis, tentantes si forte componere possent inter Abbatem & Comitem atque Comitissam. Sed frustra laboratum est. Quia enim pondus omnium gravaminum in immoderatis procurationibus exitebat, nolebat Abbas vel Ecclesia recipere quamlibet compositionem, quæ profectò non veram, sed potius fictam inducere pacem videretur, nisi aut omnimodas procuraciones Comes dimitteret, aut certâ expensarum præscriptione easdem limitaret.

Tentat Comes  
Abbatis ani-  
mum emolli-  
re.

Iterum imminente mediâ Quadragesimâ Guillelmus de Merloto & Renaldus frater ejus venerunt ad patrum suum Guillelmum Abbatem Vizeliac. tentantes de compositione pacis animum ejus. Et convenerunt apud Escolnias hinc Abbas, illinc Comes: sed & tunc cassò labore sudatum est. Inde Abbas cum properaret ad Regem, invenit eum Senonis. Et significavit ei quomodo Comes constitutas interrupisset inducias quadraginta dierum. Siquidem in Senonicâ compositione dictum fuerat, quòd post probationem damnorum suorum, Abbas & Ecclesiæ XL. dierum inducias haberent à Comite super omnibus querelis quas Comes adversus Abbatem haberet. Et etiam deinceps si forte Comes amplius sustinere nollet, à die diffidationis iterum quindecim

Conqueritur  
Regi Abbas de  
Comite.

dies induciarum Abbas haberet. Comes autem diebus octo infra XL. dierum inducias Abbatem ita diffidavit, quòd non nisi octo dies daret induciarum, & ipsi octo dies cum XL. superioribus perficerentur. Quod ut Rex audivit, ægrè tulit; dixitque Abbati ut secum rediret Altisiodorum: & vituperavit Comitem Rex, præcepitque ei ut fractas inducias restitueret. Et contristatus est Comes valde, ita quòd penè lacrymaretur: coactus tamen paruit, & abinde XV. dierum inducias dedit. Completique sunt dies illi infra septimanam Ramis-palmarum. Henricus denique Comes Trecentis, & Theobaldus Comes Blesensis, atque Ansellus de Triagnello convenerunt Guillelmum Comitem Nivernensem, & Guillelmum Abbatem Vizeliacensem, & diu satisque egerunt pro compositione pacis inter Comitem Nivernensem & Cœnobium Vizeliaci. Erant autem hi duo Comites cognatâ germanitate conjuncti Comiti Nivernensi. Quid plura? de omnibus querelis suis dixit Abbas stare consilio & diffinitioni eorum, exceptis duabus procurationibus, quibus Ecclesiam penitus Comes destruebat. Dictum est itaque à prætaxatis illustribus viris, quatenus de singulis procurationibus sexaginta libras Comiti persolveret; ita tamen ut de festivitate, quam præsentia suâ minimè Comes honoraret, nihil ei omnino Abbas vel Ecclesia præstaret. Ut autem hæc compositio grata Comiti, & perpetuâ lege rata constaret, dictum est ut Abbas Comiti septingentas libras daret. Abbas verò quinquaginta tantum libras de singulis procurationibus, & pro compositione quingentas libras offerebat. Ventum est igitur ad Comitem Nivernensem. At ille compositionem omnino, instigatus ab Stephano Clerico suo, & ab Stephano de Petra-foraminis renuit, nisi de singulis procurationibus octoginta librarum, pro compositione autem mille librarum ab Abbate sibi darentur. Et durus visus est sermo in oculis Abbatis, laudante & contradicente Comite Henrico; ne quid oblato amplius daret. Sic vespere facto, infectoque negotio ab invicem discesserunt.

Comes Tre-  
centis, & alii  
agunt de pace  
componenda,  
sed perperam.

Rogatu denique Abbatis scripsit Rex Comiti Henrico gratias agens, & obsecrans quatenus pro præscriptâ compositione satageret. Et assignavit Comes Henricus Abbati diem Lunæ Ramis-palmarum Trecentis. Misitque ad Comitem Nivernensem, rogans sicut cognatum, ut gratiâ compositionis inter ipsum & Abbatem Trecentis venire dignaretur. At ille remandavit ei ipsum potius venire debere Altisiodorum, si forte opus haberet. Henricus autem tantum factum exhorrescens, scripsit hoc ipsum verbum Regi & Abbati. Reversus itaque Abbas ad Regem, invenit eum Aurelianis in die sancto Dominicæ Cœnæ. Invitatusque est ab Episcopo Manasse, ut secum celebraret solemnia consecrationis sacri Chrismat. Quo facto misit ex eodem Chrismate Vizeliacum per manum Vincentii Decani. Et cum intimasset Regi responsum Guillelmi Comitum, quod fecerat Comiti Henrico, miratus est Rex valde, & misit ad eum præcipiens ut die Mercurii post Pascha suam apud Moretum præsentiam exhiberet. Interim autem ab infestatione Monasterii Vizeliaci contineret, & saluum conductum veniendi ad prædictum colloquium Vizeliacensibus concederet. Fecitque Abbas sanctum Pascha apud Villare Monasterium. Et quarto die convenerunt in nemore quod est supra Moretum Rex, & Comes, & Abbas, singuli cum suis. Rex autem rogabat Comitem ut compositioni acquiesceret secundum consilium Comitum Henrici. Cui Comes respondit: quod habeo in Monasterio Vizeliaci susceperunt patres mei à patribus tuis in feodum, de quo feodo plus quàm de totâ hæreditate meâ vel agere vel componere non tam pacificum, quàm

Colloquium  
coram Rege.



violentum mihi videtur. Ad hæc Rex : Si ita est , inquit , quoddam patres mei patribus tuis illud traderunt feudum , constat proculdubio causâ tuitionis & non destructionis id factum fuisse. Tu autem , prout nobis videtur , in destructionem Monasterii totis viribus anhelas. Respondit ei Comes : Salvo verbo Regis , ego illud non destruo. Dicit ei Rex ; in quantum opera tua manifestant , destructio ipsa præsto est. Sanè his intermissis , de compositione agamus ; si tamen Abbas voluerit. Respondit Abbas : Quod Comes dicit patribus suis à patribus tuis datum fuisse Monasterium Vizeliacum , ecce præ manibus habemus patrum tuorum privilegia , quibus ipsius Monasterii libertas commendatur , & omnium Potestatum omnimoda possessio atque consuetudo excluditur. Attamen ipsa privilegia tam Apostolica quàm Regalia , & ipsum Monasterium Vizeliacum in manus tuas committo ; compone & dispone secundum censuram justitiæ tuæ. Interrogavit ergo Rex Comitem utrum staret compositioni proloquutæ à Comite Henrico apud Autissiodorum. Respondit Comes : nullum penitus verbum feci compositionis cum Comite Henrico. Et ait Rex : Equidem sic audieram sicut dixi. Sed quantum ad hæc , vide quid mei gratiâ facturus sis. At ille : Tui , ait , gratiâ quod potero faciam , sed de jure meo nunquam componam. Indignatus Rex ait ; Abbas qui nullo jure mihi tenetur obnoxius , de jure proprio sese submittit , & sententiæ meæ totum se exponit : & tu qui jure proprii hominii mihi teneris , suspensum me Dominum tuum habes , atque consilio meo stare detrectas ? Hactenus pueritiæ tuæ deferens injustitias tuas sustinui , hactenus grande peccatum in tolerantia subversionis sepulcri B. Mariæ Magdalene contraxi. Jam de cætero justitiæ Monasterii non deero , si forte Abbas clamorem super te faciens justitiâ quæsierit : interim auctoritate regiâ interdico tibi , ne amodo Monasterium Vizeliacum , aut homines seu possessiones ad illud pertinentes infestare præsumas ; sciens in injuriam coronæ Regni redundare quidquid denuò mali eidem Monasterio feceris. Siquid autem habes adversus Abbatem , ecce ad justitiâ illum tibi exhibeo. Accedensque Abbas ad Regem petiit justitiâ de Comite. Respondit ei Rex : quoniam pro compositione vocatus à me venit , non decet regiam mansuetudinem in jus illum ad præsens trahere : sustine ergo donec recedat , & postmodum tibi & illi assignabo diem & locum agendi. Et convenerunt iterum sequenti die in domum Fratrum Vizeliacæ quæ sita est super fluvium Lupæ apud Moretum.

Aderant autem cum Guilelmo Abbate Vizeliacensi Hugo Abbas S. Germani , Stephanus Abbas S. Remigii Senonensis , Stephanus Abbas Castri Meliduni . . . Abbas Castri Laudonis , & Jurisperitus Mainierius , atque Osmundus Parisiensis Canonicus. Quidam verò multifariè tentabant si quomodo possent avertere animum Regis ab Abbate , vel ab Ecclesiâ Vizeliacensi ; sed frustrati sunt omnes conatus Satanæ , & disrupti laquei clandestinæ cupiditatis ; quoniam Abbas in nullo penitus à voluntate & sententiâ Regis deficiebat : Comes autem judicio Regis stare omnino recusat ; & conquestus est quoddam Abbas hominem suum captum teneret. Requisitus , quem : respondit , Andream de Palude. Et ait Abbas : Andreas de Palude nihil omnino ad te pertinens , meus est à plantâ pedis usque ad verticem , sicut proprius servus Monasterii Vizeliacæ. Dixitque Comes : Conditionem servitutis hujus Andreas minime nisi coactus cognoscit. Respondit Abbas : Ecce super hoc etiam adsto judicio Regiæ Curie. Et dixerunt Optimates & Consiliarii Regis :

Mos Regiæ Curie talis est , quoddam si quis de servili conditione ab alio interpellatus fuerit , liber à suo possessore producat in medium. Qui si suum possessorem solum Dominum suum recognoverit , calumniator lite solutâ nihil in eo habebit. Si autem se servum calumniatoris dixerit ; nudus cedit in partem calumniatoris , res autem illius tam mobiles quam immobiles universas nudo relicto corpore possessor occupabit. Respondit Abbas : hoc judicium & hunc morem laudo & libenter observabo. Tunc confusus Comes voluit ignominiam causæ suæ in Abbatem refundere , & proposuit calumniam de proditore illo Guilelmo , qui digno interitu perierat , dicens Monachum qui in suâ tutelâ existerat , præcepto Abbatis fuisse interemptum. Et exclamavit omnis Curia adversus tam insipientem & nequissimam calumniam Comitis ; dixitque Abbas : Licet omnino falsa sit proposita calumnia , nihil tamen exinde tibi responsurus sum. Cum ergo cognovisset Rex de pseudo illo Monacho , in risum multum excussus , ait Comiti : Ergone tales sunt Monachi tui ? Cumque modum & causam interitus periti hominis audisset , iterum sublannando & impropinando ait : ô justus & competens clamor Comitis ! ô prosequenda calumnia nobilissimi Principis ! quid super hoc expostulat ? proditor Monachus terræ corpus , diabolo animam exsolvit.

Dum hæc apud Moretum aguntur , Hugo Letardus assumptis satellitibus Comitis ingressus est terram Vizeliacensem Monasterii , & fecit in eam prædam multam nimis armentorum & pecorum , varietate suppellectilis , & etiam infecta coria mansionariorum de ceno extrahens distraxit , & pecuniam ducentarum , eoque amplius librarum ex omnibus confecit. Et ascendens clamavit per præconem in foro , quoddam si quis cujuslibet conditionis deinceps aliquid venale afferret infra oppidum Vizeliacum vel in omni confinio ejus , bonorum suorum amissionem , & proprii corporis injuriam vel captivitatem incurrerent. Transactâ denique septimanâ Paschæ posuit nequissimos viros , & ipsâ inopiâ prædones acerrimos qui singulos aditus observarent ; ne quis virorum aut mulierum , parvulorum vel senum præsumeret descendere ad hauriendam aquam , seu ad molendum triticum. Unde factum est ut matronæ & virgines pro sexus reverentiâ confidentes descenderent aliquando , & à vilissimis hominibus dehonestarentur & violarentur , atque injuriis multis affligerentur. Tantâ igitur necessitate coacti descenderunt ipsi Fratres ad hauriendam aquam , & ad legenda olera ; sed & ipsos injuriis affectos spoliaverunt , nec utilitatem pannorum , seu inhabilitatem habitus pannosi gargariferi erubuerunt. Stephanus quoque de Bellico acceptâ à Fratribus pecuniâ quingentorum solidorum , & piperis ac ceræ non modicâ quantitate , egressus pergebat ad Abbatem eo tempore apud Villare Monasterium commorantem , & insidias Comitis declinantem. Cumque satellites Comitis suspectos haberet Stephanus , assumpto fratre suo milite circumvit per devia & venit in Poscium , confidens de conductu Guilelmi Præpositi Droïensis , qui sororem illius in uxorem duxerat. Sanè proditio pietate sanguinis nonnunquam abutitur. Recedente namque milite à fratre , protinus misit Guilelmum Præpositum Droïensem Guilelmum de Lensch , qui insequentus est abeuntem Stephanum , & abstulit ab eo pecuniam , & equos , & universa quæ deferrebat. Reversus ergo Stephanus accessit ad Idam matrem Comitis , & petiit ex parte Regis ut ablata sibi restituerentur , quoniam cuncta spectabant ad domum Villariis Monasterii , quæ in dominatione & tutelâ Regis existerat. At illa nomen Regis spernens,

Interim terrâ Vizeliacæ prædatur Hugo Letardus.

Rennit Comes stare Regis sententiæ.

Consilium coegit denuò Rex apud Moretum.

& Monasterium Vizeliacense quod erat in protectione suâ & filii sui, ab adversario & filii sui deprædari prætendens, vix precibus amicorum Stephani devicta, equos & partem ceræ jussit reddere. Et pervenit verbum istud ad aures Vizeliacensium, & consternati sunt animo, paternam magis inopiam quàm propriam descentes ærumnam. Et factus est rumor, quod præcepisset Comes, ut seniores & potentiores populi Vizeliacensis comprehenderentur, & bona eorum diriperentur, vel confiscarentur. Qui præterriti receperunt se infra Claustra Monasterii.

Abbas Bellocum Regem adit, conquesturus de prædis à Comitis satellitibus a-

Gaufredus igitur Angligena, qui post Gilonem primum locum in Cœnobio Vizeliac. tunc obtinebat, scripsit cum fratribus suis Abbati, significans ei quantâ afflictione & contritione à satellitibus Comitis oppidum Vizeliaci obsideretur. Tunc Abbas venit Belvacum, quo Rex forte convenerat cum multitudine Episcoporum & Optimatum suorum. Ut ergo cognovit Rex mala quæ Vizeliacensi Monasterio Guilelmus Comes Nivernensis intulerat, assignavit ei diem agendi cum Abbate coram se Aurelianis Dominicâ quæ præcedit Pentecosten; ita tamen ut sibi primum satisfaceret de contemptu & transgressione mandati sui, Monasterium præfatum post prohibitionem suam persequendo. Et accepto die, indignatus est Comes valde, & recessit cum comminatione multâ. Accessitque Abbas ad Duce[m] Burgundiæ, rogans eum ut obsecris opem ferre dignaretur. Protinus ille scripsit Guntardo Præposito Avalonensi, præcipiens ei quatenus quæque venalia terræ suæ Vizeliacum indubitanter conducere, & etiam si necesse foret armis defenderet. Sed puer ætate & animo pelleretur à Comite per astutiam Anserici de Monte-Regali, qui non minùs quàm Comes Abbati & Monasterio inimicabatur, mentitus est omnia quæ sponderat, & prohibuit venalia, præcipiens comprehendi quotquot de Vizeliacensibus in terrâ suâ invenirentur. Rex autem Ludovicus accersitis librariis scripsit omnibus Præfectis & Principibus Regni sui, ut coadunato exercitu equitum & peditum sibi occurrerent Senonis Dominicâ quæ præcedit festum beatæ Mariæ Magdalænæ. Porro Comes veritus judicium Regiæ Curie assignatam sibi diem excusavit. Rex illico assignavit primam Dominicam post Pentecosten Parilius. Et hanc quoque rursus excusanti dedit tertiam Dominicam post Pentecosten Laudunum. sed & hanc tertio excusans Comes, militem Guilelmum de Domino-Petro, supplicans, ut vel semel Rex inire dignaretur colloquium, quo utrimque auditis allegationibus ipse per omnia statet arbitrio Regis. Et bonus visus est sermo in oculis Regis, cui grata requies, exosum semper existit bellum.

Genealogia Regum Capetianorum.

Ludovicus VII. Hierosolymam pergit.

Hic est enim Ludovicus Rex filius Ludovici, qui cognominatus est Grossus, filii Philippi, filii Henrici, filii Roberti, filii Hugonis Capitonis, qui primus Rex existit post defectum genealogiæ Caroli, quæ per ducentos ferme annos regnavit; fueruntque à primo anno Hugonis usque ad primum annum hujus Ludovici, qui cum patre per quinquennium regnavit, anni ferè centum quadraginta. Hic est Rex Ludovicus, cujus pater Ludovicus usquequaque dilatavit Regnum suum, & conjunxit ei in matrimonium filiam Guilelmi Ducis Aquitanorum & Comitis Pictavorum, propter quam acquisivit omnem Aquitaniam, Gualconiam, Basconiam, & Navarriam, usque ad montes Pyrenæos, & usque ad Crucem Caroli. Hic est Rex Ludovicus qui quintodecimo anno Regni sui, præsidente in Romanâ Cathedrâ Eugenio, cum magno exercitu ve-

xillo vivificæ Crucis insignitò Hierosolymam perrexit, gentem inimicam fidei debellaturus. Sed incognito Dei judicio, maximâ suorum parte amisâ, absque triumpho rediit, pravoque usus consilio uxorem suam cum prænominatâ terrâ, quæ Regnum aliquando per se exstiterat, dimisit, & postmodum conjunctus est filię Imperatoris Hispanorum, quâ defunctâ, tertio nuptis sororem Comitis Henrici, de quâ primum suscepit filium nomine Philippum, anno Regni sui XXXIII. à Galliis redeunte Alexandro Papa.

Convenerunt igitur apud Moretum Rex, & Comes, & Abbas. Propolitis hinc inde controversiis, voluit Rex ut uterque statet definitioni Henrici Archipræsulis Remensis, & Henrici Comitis Trecentis: & concessit Comes datâ fide in manu Petri fratris Regis, ita se facturum: Abbas autem in verbo tantum veritatis idem spondidit. Querentibus diem definitionis (neque enim intererant arbitri) respondit Rex, quod circâ festum beati Dionysii congruam eis diem assignaret: interim verò Abbas ad Monasterium suum reverteretur, & optatâ pace atque securitate ipse & sui perfruerentur, usquequo lis per prædictos arbitros terminaretur. Quam pacem se servaturum Comes sacramento fidei confirmavit. Sic singulis ad sua redeuntibus, Abbas Guilelmus abiit Trecentis ad Comitem Henricum, & inde Clarevallis, quo se sperabat inventurum fratrem Regis Henricum Archiepiscopum: quem cum non invenisset, rediens celebravit solennitatem beatæ Mariæ Magdalænæ in Monasterio. Rex verò Ludovicus movit exercitum adversus Guilelmum Comitem Cabilonensem propter pessimam stragem, quam Guilelmus filius ejus exercuerat super Cluniacenses. Cum enim occupasset castrum Lodonis, quod exstat de jure Cluniacensis Cœnobii, egressi sunt majores natu cum juvenibus de viculo Cluniacensi, quos incautos sicut indoctus vulgus, docta manus militum Comitis protinus aggressa, fugam inire compulsi, & ferè omnes ad internecionem delevit. Movens ergo Rex exercitum, occupavit Castella & munitiones ejus, & ipsam urbem Cabilonensem, omnemque terram illius usque ad fluvium Arariûm, quam devastatam tradidit in manu Hugonis Ducis Burgundiæ, & Guilelmi Comitis Nivernis, quousque puer ipse, qui causa malorum exstiterat, venit Vizeliacum ante faciem Regis cum matre suâ, & prout potuit Regi satisfecit. Quia igitur totum pondus ipsius negotii Comitem Nivernensem occupabat, distulit Rex definitionem controversiæ, quæ versabatur inter ipsum Comitem & Abbatem, usque in festum quod instabat beati Martini.

Anno Verbi Domini incarnati millesimo centesimo sexagesimo sexto; exceptionis autem sacri corporis beatæ Dilectricis Dei Mariæ Magdalænæ ducentesimo octogesimo sexto, porro destructionis execratæ Burgenſium Communiæ undecimo, decimâ die mensis Novembris, convenerunt ante Regem Parisius Guilelmus Abbas Vizeliacensis, & Guilelmus Comes Nivernis, & proposuit Co.

Guido adhuc puer frater Comitis. . . . .  
Soror ejus adhuc innupta, & junior frater suus. . . . .  
Milo de Nuceriis. . . . .

Disſimulatâ igitur nequitia verborum matris surrexit Comes, & flexit genua ante sanctum Evangelium, & vivificam Crucem Christi, sanctasque Reliquias. Cui cum Abbas vellet dictare formam juramenti; sustine, ait, & permitte me quod cor-

Conveniunt Moretum Rex, Comes, & Abbas.

166

An. 881. receptum Vizeliaci corpus B. Mariæ Magdalænæ.

Jusjurandum Comitis de pace tenenda cum Vizeliacensibus.

de sentio & fide teneo, per me proferre: si quid autem minus vel amplius protulero, liceat tibi emendare; dixitque, sicut ex præsentis chirographo recitatum est, & ego bonâ fide intelligo, vosque omnes qui adstatis, intelligitis, sic tenebo & observabo, & meos observare faciam, Sic me Deus adjuvet & Sancta ista. Et clamaverunt omnes, satis est, satis est, benè & luculenter dictum est. Vocansque Guidonem fratrem suum præcepit ut & ipse juraret in eumdem modum; quod & fecit, sic dicens: Sicut Dominus Comes frater meus bonâ fide juravit, sic & bonâ fide tenebo & observabo. Sic me Deus adjuvet & Sancta ista. Deinde vocatus Præpositus Althiodori nomine Joannes, Columbus quoque Præpositus Tornodori, & Milo Præpositus Malliaci, atque Hugo Letardus Præpositus Castricensorii, aliique circumadjacentis territorii, juraverunt sicut in chirographo diffinitum fuerat. Ida verò mater Comitis subterfugiens, ingressa est Oratorium intactæ Virginis MARIE, quod contiguum erat Capitulo, accito secum Milone, aliisque quampluribus, quos vecordie suæ sperabat parituros, & cum multifariè retractarent quomodo jusjurandum Comitissa evitare posset, nullusque sibi honestus pateret exitus, vocaverunt Comitem: quo præsentem supplicabat mater ne eam jurare compelleret. Respondit ei comes: Si me vis perjurium incurrere, noli jurare: quæ dixit: Velim nolim concedo in verbo legitimo quidquid pro voluntate jurasti. Dixit ei Comes, si hoc satis fuerit Abbati, mihi quoque satis erit. At illa: Roga, inquit, fili, cum ut tibi det hoc jusjurandum. Reversus Comes ad Abbatem dixit: turpe est mulierem jurare, maximè verò matrem meam, quæ nobilis est & genere & potentatu, sed & vidua: parce illi quæso, & ne illam compellas jurare; sed suscipe pactum illius in verbo legitimo; ego autem pro eâ tenebor quoddam sic observabit. Respondit Abbas: Noli, inquit, noli solvere firmitatem pacis: scio enim matrem tuam initium & causam fuisse omnium inimicitiarum tuarum, quam profectò constat plura compromittere, pauca effectui mancipare. Verumtamen amore tui, si ut dixisti, formam compositionis servaturam se in verbo legitimo pepigerit, patiar ut quilibet legitimus miles vice ipsius aditante illâ ante Sancta juret. Et factum est ita: & juravit Balduinus, qui dictus est pro eâ. Et facta est lætitia & exultatio magna omni populo in die illâ. Et facta est concordia & amicitia magna inter Abbatem & Comitem, & nulla fuit distantia inter utrumque, quin sentiret idem unus quod alter. Hi autem qui operatores & incitatores inimicitiarum omnium fuerant ad pedes Abbatis venerunt, & ut eos Comiti offensos reconciliaret suppliciter exoraverunt. Rex autem Ludovicus venit Vizeliacum, & gratias ei egit Abbas cum Fratribus suis pro adeptâ pace, & occurrit ei filius Comitis Cabilonis, & agente Abbate fecit pacem cum Rege.

Ad hoc colloquium venit & Stephanus Abbas Cluniaci, qui exosam habens personam Guillelmi Abbatis Vizeliac, dignatus est ingredi oppidum Vizeliac, & substitit in prædio quod dicitur Novemfontanas, mandavitque Regi ut sibi ubilibet occurreret, qui assignavit ei locum in crastinum apud S. Petrum inferiorem, quod est prædium Monasterii Vizeliac; quod ut Guillelmus Abbas Vizeliacensis cognovit, misit ad eum Renaldum Eleemosynarium, & Gaudricum Priorem de Campo-molli: quos vix ad se introductos cum audisset, non resalutato Guillelmo, remisit Stephanus dicens collaturum se cum Fratribus suis super ea quæ sibi protulerant. Erant autem cum Stephano Abbate Cluniaci Ber-

nardus Prior S. Stephanus Nivernensis, & Hugo de Silviniaco, Thomas & Amblardus aliique quamplures, qui omnes unanimiter rogaverunt & laudaverunt ut acquiesceret petitioni Abbatis Vizeliac. Petiit enim Abbas Vizeliacensis, ut ipse Abbas Cluniacensis Vizeliacum veniret; ille autem sibi occurreret cum Duce Burgundiæ & Comite Nivernis, universaque militiâ Procerum, qui tunc ibidem convenerant, & ornatis plateis multoque incenso flagrantibus, solemnem processionem cum signorum omnium sonitu, festivo more susciperet, Capitulum pro arbitrio teneret, ad cymbalum Refectorii sederet si vellet, aut certè in camerâ Abbatis quotquot vellet diebus comperendinaret. Acquiescens ergo Cluniacensis suorum consilio, mandavit Abbati Vizeliac. per Hugonem & Amblardum, quoddam satisfaceret petitioni illius. Statimque Abbas præcepit ornari Basilicam & omnes plateas, omnique populo clamante præcone præcepit ut fores & vestibula domorum suarum decenter ornarent, & honestè secum procederent in occursum Abbatis Cluniacensis. Superveniens autem Theobaldus, Prior Cluniaci, qui postmodum factus est Abbas Monasterii Molismensis, vituperavit consilium Fratrum suorum. Veniensque cum Pontio tunc Priore Paredi Monasterii, tentabat animum Guillelmi Abbatis, inquirens quo honore Abbatem Cluniaci suscipere disponeret. Cui Abbas respondit, dicens: Assumptis mecum Comitibus & Proceribus atque Militibus, quorum multitudinem adesse cernitis, occurram Domino Cluniacensi, & solemnem ei processionem exhibebo. Cum autem huc ingressus fuerit, Capitulum & Refectorium pro arbitrio tenebit, aut in ipsâ Camerâ meâ quamdiu voluerit, comperendinabit, omnemque illi honorem exhibebo, in frumento, vino & carne, & piscibus. Submurmurante Theobaldo, respondit Pontius: Hæc omnia quæ proponis, bona quidem sunt, sed minus sufficientia personæ Abbatis Cluniaci. At ille: Quid ergo, ait, amplius faciendum vobis videtur? Et respondit Pontius: optimè nosti quid ei congruat, præsertim in hoc Monasterio, quod præter communem hospitalitatem ampliori tenetur sibi reverentiâ. Benè (inquit) novi quid sibi congruat, ideoque omnem debitum illi honorem exhibebo. Si autem forte ultra intenditis, hoc apud vos certum constare volo, quoddam collatâ mihi sede non sibi cedam. At illi dixerunt; noli ergo fatigari, quoniam Dominus Abbas minimè huc veniens, obsequium tuum recipiet. Quibus Abbas ipse ait, viderit; feci ego quod meum fuit. Et audivit Rex & Optimates ejus hoc verbum, & displicuit eis valde, dixeruntque: O quantâ arrogantia istius hominis, qui sibi oblatum tantum honorem despicit, & Dominum Regem nosque omnes occurrere sibi expetit. Cum hæc loquerentur, & esset Guillelmus Abbas coram Rege, dictum est ei, quoddam Stephanus Abbas Cluniaci jam descendisset ad gradus exteriores majoris Basilicæ, & staret ante altare Apostolorum Petri & Pauli, ad quem descendens, deduxit eum in domum superiorem ante conspectum Regis, ubi cum frustra per totum diem jejunos perstitisset, imminente noctis conticinio, rediit ad prætaxatum prædium. Et magnificatus est eâ die Abbas Guillelmus in conspectu Regis & Comitum Nivernis, omniumque Procerum. Et obtinuit Abbas Guillelmus gratiam Comitis Nivernis, & magis ac magis per singulos dies proficiebat in dilectione ejus; ita quoddam Comes per omnia sese illi crederet, & secreta sua committeret.

Post hæc verba Comes Nivernis GUILLELMUS, filius Guillelmi Althiodorensis, filii Guillelmi Cartusienis, filii Renaldi Malliacensis, filii Guillelmi Ni-

Abbatis Cluniac. actus improbantur à Rege ac Proceribus.

Guillelmus Nivern. pergit Hierosol.

Deonarii seu  
Poplicani hæ-  
retici in judi-  
cium adducti.  
b

Hæresis eorū  
capita.

vernensis, filii Renaldi, qui fuit filius Landrici primi hujus generis Comitis Nivernis, accepit apud Caritatem signum vivificæ Crucis gratiâ Hierosolymitanæ peregrinationis ab Hugone Senonensi Archiepiscopo.

Eo tempore deprehensi sunt apud Vizeliacum quidam hæretici, qui dicuntur Telonarii<sup>b</sup> seu Poplicani, & adducti in quæstionem per ambages & circuitus verborum tentabant velare scdissimam sectam hæresis suæ. Separatos itaque Abbas jussit recludi; donec à supervenientibus Episcopis honestisque personis convincerentur: fueruntque detenti ferè per sexaginta vel eo ampliùs dies, & frequenter adducebantur in medium; & nunc minis, nunc blandimentis de fide Catholica inquirebantur. Tandem cum frustra multo tempore laboratum fuisset, mediantibus Archiepiscopis, videlicet Lugdunensi & Narbonensi, cum Episcopo Nivernensi, & Abbatibus, aliisque peritissimis viris quampluribus, convicti sunt quoddam solam divinitatis essentiam ore confidentes, omnia penitus Ecclesiæ Catholicæ sacramenta evacuarent; Baptismum scilicet parvulorum, Eucharistiam; vivificæ Crucis impressionem, exorcizationem aquæ asperisionem, Basilicarum ædificia, decimarum & oblationum remedia, conjugatorum conubia, monachorum instituta, Clericorum & Sacerdotum omnia officia: Et cum instaret Paschalis solemnitas, duo ex illis, audito quoddam proximè ignis exterminandi essent judicio, finxerunt se credere quod Catholica credit Ecclesia, & pro pace Ecclesiæ aquæ examine satisfacturos. In ipsâ igitur processione Paschalis solemnitatis adducti sunt in medium maximæ

multiplicitudinis; quæ totum Claustum occupabat, stante Guichardo Lugdunensi Archiepiscopo, & Bernardo Nivernensi Episcopo, Magistro quoque Galterio Laudunensi Episcopo, cum Guillelmo Vizeliacensi Abbate. Itaque requisiti de fide per singula capitula, sic se credere dixerunt sicut Catholica credit Ecclesia. Requisiti de execrabili sacramento erroris sui, nihil se scire dixerunt, præter præscriptam infidelitatem Ecclesiasticorum sacramentorum. Requisiti utrum ita se credere, uti professi sunt, & nihil de secreto erroris ampliùs se scire aquæ examine probarent: ita se facturos sponte absque aliquâ adjudicatione responderunt. Tunc omnis Ecclesia uno ore exclamavit, *Deo gratias*. Et respondens Abbas dixit omnibus qui aderant: Quid ergo, Fratres, vobis videtur faciendum de his qui adhuc in suâ perseverant obstinatione? Responderunt omnes: Comburantur, Comburantur. Sequenti die adducti sunt illi duo qui videbantur revocati, ad judicium examinis aquæ; quorum unus omnium judicio salvus per aquam factus est: fuerunt tamen nonnulli qui exinde dubiam tulere sententiam. Alter porro remersus in aquam, ferè omnium ore damnatus est. Unde carceri mancipatus, quoniam varia quorundam, etiam Sacerdotum ferebatur sententia, iterum ipso petente, ad aquæ judicium reductus, & secundò demersus, nec vel parum ab aquâ receptus est. Bis denique damnatus igni ab omnibus adjudicatus est: sed deferens Abbas præsentis suæ, publicè casum eliminari præcepit. Cæteri autem numero septem igni traditi exusti sunt in valle Esconii.

An. 1167.

## M O N I T U M.

**C**HRONICON MOSOMENSE ex duplici apographo, Bibliothecæ Sangermanæ altero, altero Francisci Chesnii, propriâ Andreæ parentis manu olim exscriptum est. Auctor initio exhibet vitam sancti Arnulfi, quem passim Martyrem vocitat, more tunc usitato, quamvis haud pro fide sanguinem fuderit suum, tormentave passus fuerit, sed tantum quoddam à latronibus sauciatus peremptusque sit. De quo martyrii genere clarissimus vir Hadrianus Valesius scite admodum, uti solet, plura suppeditat exempla in tom. 3. Rerum Franciarum libb. 21, 22, 23. nimirum sanctorum Præjecti Arvernorum, Theodardi Tungrorum, Leodegarii Augustodunensis, & Emmeranni Reginensis Episcoporum.

Chronicon Mosomense visum, opinor, fugit oculatissimi Sirmondi cum Galliæ Concilia ederetur. Nam si illud vidisset, non dubito, quin integram Synodum apud Montem sanctæ Mariæ anno 983. celebratam inseruisset tom. III. pag. 598. ubi desunt ultima verba & subscriptiones Patrum Synodi; quæ omnia nostro in Chronico reperies.

b Telonarii] Sic scribendum monuit Baluzius; editum] erat Deonarii.



C H R O N I C O N  
M O N A S T E R I I B E A T Æ M A R I Æ,  
O R D I N I S S A N C T I B E N E D I C T I  
A P U D M O S O M U M,

In Diœcesi Remensi, à D. Adalberone Remorum quondam Archiepiscopo fundati anno salutis DCCCCLXXI.

*INCIPIT TEXTUS VITÆ  
ac Translationis S. Arnulfi Martyris.*

**S**ANCTORUM solemnia quotiescumque agimus, fidei mente. Fratres, pensare possumus, quia cum sit pro humanis laboribus apud Deum jugis omnium Sanctorum deprecatio, de illis hoc pro nobis tantopere fieri, tunc potissimum sperare debemus, quando in Dei laudibus pro illorum gloriâ attentiores sumus. Ideo nobis piâ intentione curandum est, ut quod exterius per speciem significamus, interius in veritate teneamus; & inde foris solide-mur in opere, unde intus reformamur in mente. Solemnitas enim Sanctorum, salus est & læticia fidelium, qui de illâ jam gaudent inventione; unde nos per spem hilarescimus in itinere, certi per gratiam Dei ad eorum nos pertinere & perventuros esse consortium, quorum per fidem & operationem imitamur exemplum. Illi fidei firmiter servantes propositum, spei anchoram tenentes per desiderium, imitati sunt Christum in morte suâ, & per calicem passionis adepti sunt præmia æternæ felicitatis.

Igitur eorum nos in quantum possumus, Deo largiente, vestigia prosequamur; & si eos dignè imitari per omnia non vaitemus, tamen in quantum virtus suppetit, & ex affectu cordis diligamus, & corporis devoto servitio celebremus; ut dum eorum merita recolimus, patrocinia sentiamus. Nec enim dubitandum est eos semper esse avidos salutis humanæ, pro quâ Deus misericorditer homo fieri dignatus est, & quam nobis suo sanguine Christus comparavit, ipsamque in se assumptam in dexteram Patris in cœlestibus collocavit; ut ubi præminet in capite, ibi conservetur in corpore. Sed idcirco impensius Sancti salutem nostram apud Dominum efflagitant, & per compassionem . . . . . scientes quia quanto magis nostræ corruptionis labore premimur, tanto magis necesse est ut divino auxilio sublevemur.

Proinde, dilectissimi Fratres, Sanctorum memoria fidei semper est cogitatione veneranda, & piâ admiratione suscipienda. Qui enim carnis materiam portantes, sed tamquam de carnali corruptibilitate assumpti, præter carnem vixerunt, & per spiritum vivificantem ea quæ carnis sunt calcaverunt, dignum valde est, ut & vitæ sanctitate insignes habeantur, & victoriarum suarum titulis coronati, honore & admiratione pariter reverendi laudabiliter prædicentur. Unde quia hunc diem pro B. ARNULFI Martyris præsentis patrocinio solemnem recolimus, ipsi Domino Deo multiplicis gratias referimus, cuius adoranda semper clementia tanti benedictione suffra-

gii, nos in hac die voluit feliciter prosperari. Hodie namque Patribus nostris & prioribus hujus loci, Mosomensis videlicet Ecclesiæ, quod minus sperabant divina bonitas optabile satis contulit donativum, quod & sibi ac posteris suis per succedentia temporum curricula posset esse salutiferum, mœstis & dolentibus consolatorium, fessis & laborantibus tranquilla requies, profligatis & pro peccato mœrentibus præsentissima sedes recreationi. Hodie namque, Deo faciente misericordiam, Mosomensis Ecclesia hujus sancti Martyris suscepit pignera, accepit patrocinia, meruit fidissima orationum ejus beneficia. Excepit die istâ lætantibus Angelis exanime corpus, sed quod miraculorum famulante testificatione comitabatur cœlica virtus. Suscepit, inquam, loculum & corpus cum ossibus extinctis, sed quæ foris abjecta videbantur, intus erant jucunda & vivida meritorum lumine. Ostendebat nimirum omnipotentia divinæ majestatis quod latebat oculos nostræ carnis: representabat vivæ virtutis indicium, unde mens nostra nimis ambigeret, cum eam fidei argumento solidatam veritas ipsa miraculorum ad magis credendum attraheret.

Mirum erat quodd cœca mulier visum reciperet, & cum virtute miraculi lumen surgebat fidei. Stupendum erat prodigium, quodd ignis suarum oblitus virium nequibat præbere inter arida ligna incendium. Prorsus erat mirificum, & ante à sæculis nostris insolitum, verè novum cœlestis virtutis opificium, navim per fluctus ire sine remige, contra fluminis impetum allabi placidissimè; & dum fluctus deorsum sensim labitur, navim aquilâ præsidente cum solo Sancti corpore gratanter undis invehit. Sed jam ratio postulat, ut causas tantarum rerum series narrationis expediat.

Venerabilis igitur ARNULFUS, vir verè Deo dignus, Lothariensis terræ fuit accola, atque ut ex miraculis claruit, totius innocentie & sanctitatis arripuit tenere vestigia. Quibus insitens, & fideliter Deo in timore & justitia deserviens, magis ac magis in bono proficiens, sicut palma in dies multiplicabat, sicut lilium odorem virtutum coram Deo germinabat; pro quo modo electus & assumptus, habitabit in atriis semper cœlestis vitæ beatus. Hic itaque verè bonorum operum studiis augmentatus, per simplicitatis oculum corpus suum exhibebat lucidum. Sed cum divina gratia sic ejus disposuisset opera, ut lucerna in domo Dei fieret quatenus intrantibus lumen præberet ipse; quod nescientibus rectum & velut obscurum erat in tenebris. Positus super candelabrum bonæ operationis dare cœpit flammam, quibus accensus fuerat divini amoris. Audiens namque quod ait Apostolus: *Quamdiu in hoc corpore sumus, peregrinamur à Deo: per fidem enim ambulamus, & non per speciem.* Itemque illud:

*2. Cor. 5. 6.*

B B b b



H. b. 13 14.

*Non habemus hic manentem civitatem, sed futuram inquirimus*; hanc vitam peregrinationem intellexit esse, non patriam, carcerem servitutis pro domo libertatis, exilium captivitatis pro civitate & regno supernæ inhabitationis. Idcirco corpus calligans servituti subiciebat; attenuans carnem malè illecebris seducem, & spiritum roborans virtutum plantaria fructificantem.

Unde bonus adolescens peregrinatione susceptâ ad ultrâ Mosanos ac Mosellæ sinus Belgicam, Celticamque Galliam petiit orandi gratiâ, & Sanctorum qui in eis sunt frequentandi suffragia. Quid ibi negotii habuerit, quid commercii cum ipsis, sancta ejus suspiria & piæ lacrymæ in precibus assidue profusæ egerint, non multum est necesse dicere, cum satis sit perspicuum, cum quæ sanctè poposcerat, efficaciter promeruisse, & quæ justè quæsierat feliciter obtinuisse. Itaque lustratis multorum Sanctorum patrocinis, tam in urbibus quàm in vicis, mente & corpore sospes repedabat, & alacris ambulabat sollicitus cum Deo suo, innocens manibus, & corde mundo, quia non acceperat animam suam in vano, nec in dolo juraverat proximo suo. Et quoniam hæc generatio quærentium Dominum, quærentium faciem Dei Jacob accepit benedictionem à Domino, & misericordiam à Deo salutari suo, ut ascenderet in montem Domini, & staret in loco sancto ejus.

Interim Porciensem comitivam ingressus, propè jam egrediens perlimitabat eam, cum ecce à latronibus vitæ vel pecuniis transeuntium insidiantibus occurso improvise exceptus, in loco qui dicitur . . . . . in silvâ, quæ cum toto circumposito sibi montuoso territorio Frigemons appellatur, usque ad mortem verberibus & plagis dirissimis toto corpore dilaniatus, tandem vix ad villam, quam Gruerias appellabant, pervenit, & ducente se viâ, regio, ut dicunt, Pergio substitit. Quem cum inibi villæ populus diutissimè residentem vidisset, nec inde se promoventem, lassum quidem prius credentes, fageto autem & umbrâ sylvæ quæ dextrorsum præeminet æstimantes obumbrari; ac deinde cum nulloatenus removeretur, putantes speculatorem, vel alicujus prædæ aut rapinæ exploratorem, vadunt quisnam sit percunctari. Nam villa tunc illa & viris habitabatur admodum honestis & divitibus, & populi frequentia, ruralique negotio satis erat composita. Venientes autem, & quàm malè se ille vir sanctus haberet invenientes, humanâ miseratione commoti nuntiaverunt apud villam celerrimè causam facti. Quod audientes concives à majore usque ad minorem convenerunt ferè omnes dolentes cum dolente, infirmati cum infirmante.

Matronæ verò villæ illius, quibus & humanissimus & devotus erat affectus, cupientes eum domibus suis adducere, ut in sanctâ administratione illius participarent gloriæ remunerationis ejus, offerebant ei suam christianissimè sedulitatem in omnibus, secundum quod immensitatem considerabant dolorum & plagaturæ ipsius. Quibus ille publicè loquens: Ego, inquit, jam delibor, & tempus resolutionis meæ instat, non erit diutissimum sedulitatis hujus ministerium; quia jam fatiscientibus hujus corruptionis artibus, jam sopitis venarum pulvis, mox deposito carnis onere spiritus suo pergens itinere, repræsentabitur Dei misericordiæ. Subvenite potius, ut subveniat vobis Deus. Procurate misericordis, quatenus Sacerdotum manibus Dominicæ communionis Eucharistiâ merear suscipere, ut accepto viatico defensionis, contrâ occursum insidiantium spirituum munimen habeam redemptionis pretium. Protinus . . . . accito Presby-

tero, factâ oratione, & dicto Symbolo, participans vivificis mysteriis, unitus corpori æternæ salvationis: Peregrinum, inquit, me cernitis, peregrinum in hoc loco & in hac viâ hujus meæ sepelite peregrinationis. Post hæc facta & dicta, pedes suos colligans & oculos ac manus in cælum intendens. Domine, inquit, JESU-CHRISTE, qui hanc fecisti & redemisti animam, tibi eam trado & commendo, tuæ redemptionis electis animabus connumerandam.

Quo post beata vota in morte resoluta, procuraverunt ei cives illius loci honestum sepulturæ loculum, qui viâ regiæ contiguus in promptu est videri transeuntibus. Ubi positus ignotum est quamdîu jacuit, quousque illum divina virtus revelari voluit. Defunctâ namque & è medio viventium sublatâ omni generatione illâ, quæ cum terræ mandaverat, nomen quoque ipsius prorsus jam tacitum & oblivioni traditum erat, præterquàm quia fidelis cujusdam peregrini sepultura nota erat, & tumulus deluper aggestus ibi præminebat.

Cum autem supernæ providentiæ placuit & nomen & meritum manifestare dilecti servi sui, accidit unum è vicinis gravi februm languore torqueri, & diù vexatum dureque detentum ad mortem usque affligi: in quo dolorum angustiatu cruciatu, vidit ex revelatione divinâ visione somnii sui quemdam placidi vultus hominem apparentem, sibi que dicentem: Gravidetineris dolorum incommodo, pessimæ infirmitatis artaris vinculo: unde & te jam relaxari oportet, & auctorem salutis venerari condecet. Vade properè absque hesitatione ad locum illum tumuli, secus viam in dextrâ positi, & factâ oratione tuâ cum fide convalesces ocius ex hac incommoditate. Dicam tibi mysterium, enuntiabo veritatis arcanum. Ibi enim sepultus ex diutino tempore requiescit sanctus Martyr Arnulfus; quem generatio illa quæ tunc eum sepulcro obruit, minùs curans oblivioni contradidit. Tu ergo ne dubites, quin ipsius meritis salutem quam desideras, consequaris. Abiit ille, humiliter accessit, precibus suis paululum dormitavit: exitus à somno, Deo & sancto Martyri gratias & laudes referens, incolumis remeavit. Quod ubi contiguus finibus auditum est, accessit infirmus unus & alter; oraverunt fideliter, redierunt salubriter. Fiebat istud non paucis diebus, donec infinitâ multitudine conveniente, & manifesta sentiente remedia, quotquot cum fide veniebant, Dei & sancti Martyris ejus redeuntes prædicabant quæ experti erant, magnalia.

Hinc vicini cum incolis inter se colloquentes consilium habuerunt, ut collatione factâ pro viribus præparatis impensis, Ecclesiolam facerent, in quâ cum sepulcro suo S. Arnulfi corpus transferentes ponerent. Quibus omnibus paratis, Ecclesiam ex communi faciunt, tecturam superponunt, ad tumulum eâ veniunt intentione, ut quia ibi ut pote in viâ regiâ super eum non quibat fieri Ecclesia, ad præparatum loculum ferrent arcam sepulcri lapideam cum corpore. Sed effosso circumquaque tumulo, & egesto terræ aggere, nullâ vi hominum, nullo ingenio conquisito artium amoveri potuit inde. Mirum, non sine magnâ quidem circumstantium & intuentium admiratione, cum sepulcrum inspicerent quantitatatis modicæ & multæ brevitatis, quod etiam quadruplicatum portaret faciliè tantorum virtus coadunata virorum. Unde cum stupore & timore præsumptionis suæ ab incœpto desperantes penitus reittere, reservantes illud factum cui Deus annueret, generationi posteræ Ecclesia tamen mansit multo tempore distans à sepulcro Sancti, quantum potest jacere . . . . . cujus adhuc manent vesti-

Obiit S. Arnulfus.

Diù jacuit corpus ejus incognitum.

Tandem revelatur.

Ecclesia S. Arnulfi edificatur.

gia, fruticibus & arbutulis circumsepta, vetustate & imbrium infusione diruta omni maceria.

Erat adhuc eo tempore in eadem villâ ex majorum successione, quorum juris fuerat fundus ille, una linearis prosapia, quæ juxta abusivam consuetudinem mundani tumoris arrogabat sibi veterum suorum ventosam defensionem in pretiositatem generosi germinis, & superbi nobilitatem sanguinis. Unde contentione factâ, ex multiplicatione litis accidit inter eos dissidium. Nam quidam Miles nomine Airannus, ex ipsis unus, sed ut videbatur aliquanto inferioris germinis, cætera omnia pro se, vir bonus inter eos sortem habebat hereditatis: in parte tamen illâ ubi corpus requiescebat S. Martyris Arnulfi, quæ viæ vicinior & exitui oportunior (per eam quippe & in sylvam erat iter & in pascua) quidquid sati vel gramine habebat inquietudine peculii totius villæ perdebat. Hinc sæpe clamans, sæpe contendens, cum neque legum judicio, neque civili contubernio quæ sua erant quietè possidere potuisset, verborum contumeliis & nimietate injuriæ provocatus, arma capit, armis rem suam defendere repromittit, injuria iteratur, damnum cumulat, homo contemnitur, in facinus properatur. Quid multa? Adeo res processit, ut quidam eorum Fulcherus nomine interceptus in damni crimine, confossus truculenter, cum peccato suo moriens spiritum exhalaverit vitæ.

Quo facto post ultionem injuriæ & admissionem piaculi Airannus in sese rediit, & quia manum propinquorum effusi sanguinis sustinere non posset, secum ipse æstimans reputare cœpit. Unde continuò fugitivus per devia quæque & sylvoſa delitescens timore mortis, patronum sibi & tutorem contrâ potentes potentiorum querens, facit pactione suæ fidelitatis & manu commendationis cum omnibus quæ erant sui juris . . . . . quemdam virum bellicosum, qui fasque nefasque pensabat æquè, famosus operè, potens & viribus & genere. Hic habitabat in villâ sui juris prædicto fundo satis proximâ, quæ appellatur Avia: frater enim erat Comitum Goeranni, qui castellum sui domini tenebat, quod Cantaranna nomen habebat.

Airannus ergo propter compendium auxilii & liberationis, advocatum habebat interim virum hujusce qualitatæ. Inde ad altiora tendens, & tutiora perquirens, Otthonem Comitem adiit, qui fortè tunc in illis partibus commanebat: quia ibi propter defensionem & oportunitatem alodiorum suorum castellum fecerat, quod Marcus nomen habebat. Hunc itaque virum tunc Airannus expetiit: de suis fortunis verba facit, causas aperit, susceptionem postulat, fidelitatem servaturum insinuat, spondet, & firmat. Comes Ottho viri fortis & nobilis gerens animum, suscipit hominem, annuit gratiam, præbet necessaria, repromittit adjutorium & defensionem suam sibi non defuturam, si fidem in eo inveniat stabilem & firmam.

His factis pactionibus adeptus familiaritatem gratiæ ejus: Est, inquit, cum coheredibus meis in villâ Gruerias alodii non modica mihi portio, quam cum cespite suo nobilitat beati Arnulfi in tumulo adhuc quiescentis pretiosa confessio; qui gloriosus meritis, factis virtutibus fulget venerabilis. Hunc si tu, domine mi, comparate volueris, leviori pretio quam aliquis hominum me vendente & tribuente, sub tuo jure acquirere & possidere poteris. Lætus Comes de patrocínio Sancti, quia certa esset tuitio sui castri, secundum commune placitum ille solvit quæ inter eos convenerat pecuniæ summam; ille promissam donat beati corporis glebam. Comes facti commercii non negligens negotiator, properans maturè

antequam fama vulgaret, accitis peditum & equitum copiis, matutinus venit ad tumulum, & per manus Presbyterorum levans, in feretro corpus sanctum cum ingenti gaudio, insipientibus rusticis de quorum possessione tollebat, transtulit Guilleldium, & in Ecclesiâ sancti Hilarii Pictaventis Episcopi, cujus ibi memoria veneratur, posuit aliquamdiu custodiendum, donec in castello facta capella cum majori reverentiâ servaret tantum thesaurum. Quo ad nutum ordinato, & capellâ constructâ, transfert ibi pretiosâ Sancti pignora cum multâ populorum frequentia.

Qualiter autem ab illo loco ad hanc Mosomensem Ecclesiâ gratia Dei Sancti hujus voluerit pervenire præsentiam: quamquam prolixitate orationis digressionem facere videamur, tamen plenâ fide relationem historiæ textentes explicare aggredimur. Udalricus sanctæ Remensis Ecclesiæ Archiepiscopus naturæ concedens legibus, humanis rebus erat exemptus. Francorum Rex gloriosus in sceptris agebat domnus Lhotarius; qui audiens vacuam Pontifice sanctam sedem Remensis Ecclesiæ, Dei permittente gratiâ, & ordinante clementiâ, cum totius cleri & populi electione, & assensu Procerum occidentalis Franciæ, domnum Adalberonem regali munificentia præfecit & constituit summum Antistitem, virum, ut credimus, Deo dignum, in rebus Ecclesiasticis strenuum, carne nobilem, genere potentem, consilio prudentem, magnanimitate singularem, fidei virtute invincibilem.

Hic sibi commissi ovilis pastor sollicitus, nequando periclitaretur, & urgente mundi pressurâ à recto deviare, curis anxius, piâ sedulitate infirmos consolabatur cum fortibus. Erat ei sermo doctrinæ congruus, ad ædificationem audientium in gratiâ sale conditus: unde formam virtutum ac disciplinæ daret subditis, unde redarguendo improbos viam eis significaret humilitatis. Interea dum pax creditur, dum meliora sperantur, insurgunt contrâ hunc bonæ spei virum mille insidiarum stimuli, tumultuantur adversus eum quidam Proceres regni: *Dum enim, sicut ait Evangelium, dormirent homines, venit inimicus homo, & super seminavit Zizania.* Dum dormit justitia in Regum & Principum cordibus, dum resolvuntur in suis cupiditatibus, & sicut scriptum est: *Quia in diebus illis non erat Princeps & Propheta & Dux in Israël,* sed unusquisque quod sibi videbatur rectum, hoc faciebat, cœpere se prout quisque poterat in majus efferre, majores minores suos, ut est hodie malæ consuetudinis, opprimere, potentiores impotentes venari, & quasi prædam sequi, timore Dei abjecto, jure legum sæculi spreto, Ecclesias affligere, familias Ecclesiarum, quas minus gladius & leutum defensionis tueretur, appolitâ quâcumque injuriæ occasione, aut gratuito potius servituti addicere.

Quos cum vir prædictus in familiam suæ Ecclesiæ nimis grassari cerneret, & quæ libera esse debuisset servitutem plangeret, primum quidem verbis & suasionibus suis missionem querere, inde cum minus proficeret, quia & militiæ sibi erat copia, & sui generis hoc pati indignè perferebat potentia; reclamando aperte minari, & resistendo tuitionis remedium defensionisve subsidium conquirere cœpit manu militari. Unde factum est, ut & quibuldam adversariorum audendi talia metum incuteret, & ab infestatione Ecclesiæ alios temperare faceret, aspernantes autem, & in suæ pravitate feritatis persistentes, promptissimo sæpe aggrediens ausu, victoriarum glorioso superans mutilaret occurſu. Inter hos & omnium quidem præcipuus jam nobis superius dictus Ottho erat Comes, Otthonum scilicet Romanorum

Transfertur corpus S. Arnulfi Guilleldium.

Matt. 13. 25.

Judic. 17. 6.  
& 18. 1. 21. 24.

imperatorum, & adhuc tunc temporis sceptrum nobilitantium clarissima & germanissima progenies, sanguis Patricius, & ut exemplissimi paterni & materni juris ditissimo patrimonio apparet, fundis vir & opibus & dignitate satis præditus. Hic ergo tantus homo graves discordiarum inimicitias cum isto nostro Adalberone susceperat Archiepiscopo. Quæ specialis causa tunc existerit, nos quidem latet hodie, quia oblivio mater negligentiarum quæ nimis in partibus nostris viguit, posteris suis hæc & multa alia tacendo invidit, tamquam ea senium vetustatis antiquaverit. Tamen vir iste protervo animo & minaci ausu contendens cum Episcopo, sese vastaturum ejus Ecclesiam, oppressum ire familiam minabatur, & gravibus eundem verborum contumeliis exasperabat, & diversis injuriarum modis laceffere ipsum vel inquietare non trepidabat.

Sed ecce tamquam ex improvviso noster Episcopus paratus ascendere ex adverso, & opponere se murum pro domo Israël, callens ingenio, cautus consilio, fultus parentum & amicorum præsidio, collectis copiis militiæ ecclesiasticæ fortibus auxiliariis, præfati Comitis castellum, quod Warchum superius diximus appellari, cum exercitū circumvallat, turmas perditum circumfundit, ballistas & fundibula intendit, negotium pro quo convenerant gnaviter peragi & poëit & imperat. Ad certamen venit, missilibus & jaculis res geritur, foris acriter pugnatur, intus fortiter resistitur. Istis nitentibus pro gloriâ, illis confligentibus pro vitâ, fit interdum anceps victoria: locus enim non tam naturali munitione firmus, quàm humano labore & opere manuali factus, modo aggere terræ, modo pastophorio, interdum ubi opportunum fuerat . . . . . roboratus non faciles præbebat accessus. Nam & Mosa fluvius profundissimis inibi gurgitibus, vel equo vel pede non transmeabilis, parte unâ castrum ipsum prætersuit, parte verò alterâ veniens Sulmona flumen non modicum gratanter alluit. Hic loci situs tunc erat, modò turrium altitudine & fortissimo murorum ambitu præter ipsa fluviorum fundamina, nisi fors altera fiat, robur habet inexpugnabile.

Interim nostro Archiepiscopo rem variabilem & nimis asperam non aequis oculis aspicienti, subitæ novitatis opus apparuit, quod suo prodigio, & animos bellatorum quàm fortiter erexit, mentemque Archiepiscopi quem spes incepti negotii frustrabatur, licet eam quàm strenuè vultu præferret, ex Dei tamen adjutorio refovens sublevavit. Nam militibus fluminis profunditate viam aggrediendi & manus conferendi inhibente, per media castra junix una transitum habuit, & videntibus omnibus vadum quod penitus ignorabant sensim legens, alveum permeavit, neque ut natura est animalium, enatando vim fluviorum transfudit, sed pedetentim quâcumque previum fuit, passim iter monstrando ne tantus labor frustra esset, tamquam Dux auctor itineris ultteriores ripas voti compos ascendit. Quo viso, nec stuporem movente, sed quod erat in rem audendi & faciendi operam prænuntiante, Episcopus cum assistentibus: Divina nos, inquit, comitantur beneficia, quibus rem facti per bruta denuntiat animalia. Sequamur, quâ nos non fortuna sed Deus evocat; qui populo Israëlítico maris rubri arenas ad calcandum dividendo discrevit, & Pharaonem demersit, credo, spero, audenter etiam dico, ipse, nobis pecudem præsignatricem misit, ut sicut hoc animal iugo asuetum, humanæ vitæ suis laboribus sit accommodû; ita nobis si vestræ militiæ non pigeat & pudeat, bos ita vincendi & superandi quidquid putatis arduum sequendo & experiendo sit argumentum. De laboribus animalis hujus sic Scriptura refert: *Ubi plu-*

*rima seges, ibi manifesta fortitudo bovum.* Ac si dicat, ubi bellantium virtus vivida, ibi victoria sequitur & corona. Quapropter, Milites fortissimi, virtute accingimini, nec segnitie redarguat quos bucula lasciviens ad exasperandum informat. Sequimini præostensam viam, nullus labor arduus virtutem verè amantibus.

Talibus excitus adhortationibus & junicis vestigiis præeuntibus, Godefridus Comes frater Archipræfulis, qui simul aderat, Heynodarios & Ardennenfes, quos secum exhibuerat, lituo buccinante aggregat, quo cæteri sequantur, ipse primus, ut decebat virum fortem, insinuat. Qui mox lorica trilici & hamatâ indutus, galeâ cristatâ fulgentique caput armis accinctus, vultu terribilis, impetu formidabilis, quâ bucula præcesserat vadum ingreditur cum suis. Intentis acerrimè omnibus prælio, Godefridus ignem jubet sepibus apponi subito, ut & suis audendi fiducia, & illis introrsum fiat inaccessibleis pugna. Ignis interim accensus undecumque perquiritis ambustionibus flammæ ad cælum evomit, dextrâ levâque errabundus obvia quæque demetit, urente vento arreptus magis magisque vires accipit, spinis & sepibus, facili quippe materiâ, celerrimè cedentibus, patet amplissimus intrandi aditus. Oppidani relicta statione pristina quaquaversum palantes, fugæ præsidio diversa quærent latibula: milites ocios confcenso domnitione, domo scilicet principali & defensivâ, rebus suis diffidentes, decernunt inter se pacisci pro vitâ. Vident enim totum castrum teneri undique ab ignibus, & si quid ignis nondum attigerat prædam fieri hostibus, equos scilicet phaleratos cum burdonibus, & omnem suppellectilem concupiscibilem domus. Ignis ignorans parcere, nesciens mitescere, propriè habens misereri nolle, consumptis omnibus, flammis semper potentioribus Ecclesiæ propinquabat foribus.

Ecclesia ibi erat lignea, in quâ sancti Arnulfi quiescebant pignora: lignea, inquam, quia nec maceriarum adhuc ibidem existerant fundamenta; etenim vorago paludis nulla inibi sinebat fundari pro hyemalibus aquis. Ad hanc ergo Ecclesiam cum appropiassent flammæ, ignis resedit repente, & quasi totis Æoli flatibus relictis aversus, continuè recessit retrogradus. Divinum namque quiddam intuens, & mirabile quoddam in ipsâ intendens, oblitus naturæ perdebat vires potentie suæ; nec erat dubium si hæc flammis urgeretur, quin statim omnis defensiva domus cum fugitivis & latentibus cremaretur. Sola hæc causa erat quæ moras victoriæ protrahebat. Episcopus miratus, & novitate facti stupore percussus: Quid, inquit, hoc novum, quid significat rei hujus miraculum? Vetus tabulatum & arida lignorum materies illæsa inter flammæ durat, & ignis qui etiam ferrum domat, attentare ligna reformidat? Mirum! ô viri mirum! nobis sic ista videri:

*Fit res mirifica, nec frustra visio tanta.  
Sed vellem scire, quid rei possit inesse;  
Hæc sine prodigio non sunt quæ ludicra cerno.  
Si sit divinum, dignum est venerari ipsum.  
Si qui concives estis qui talia nostis,  
Pandite perspicui turo jam mystica facti.*

Assistentes quidam, qui etiam pagenses erant: mirum non est, inquiunt domine, quia opus cernitis virtutis divinæ:

*Hic meritis sanctus, virtutem luce cornuscus:*  
Corpore servatur Arnulfus Martyr, laude dignus & honore verendus. Hactenus nobis propitius fuit, & pietate insignis; nunc aversus facientibus malis nostris reliquit in angustiis iniquam gentem cum peccatis suis. Malè namque ei serviebatur, nec honor

fuis meritis congruus referebatur. Monstrat modo quid possit, ostendit quid nolit, tuetur suam ab ignibus domunculam, & donec in eâ paulaverit, adversus eam ignis nihil poterit. Et quis, inquit Episcopus, quo sanguine cretus? unde domo genitus? civis an incolâ? peregrinus an advena? Genus, aiunt, & vitam quam duxit ignoramus, præterquam quoddam locum sepulturæ ejus habemus in proximo, ubi terram terræ contulit, cœloque spiritum reddidit, ubi etiam aliquamdiu jacens & meritis vicens, diversis infirmitatum incommodis, Deo præstante, obtinuit remedium salutis. Quod Otto Comes audiens, & experimento cognoscens, dato pretio incolis, quorum juriserat locus (villam enim illam Gruerias dicunt; auctor autem commercii Miles quidam Airannus exstitit, sub cujus possessionis titulo Sanctus quiescebat in tumulo) Comes, inquam, Otto vallatus multo populo, corpus Sancti tulit inde cum honore debito, & in Ecclesiâ antiquissimâ sancti Hilarii in hac proximè villâ Guilleldio cognomine (nominatissimus quippe fuerat nundinarum locus) pausavit tempore aliquantulo, donec miraculis crebrescentibus propter frequentiam populorum timens furtim perdere, usus sibi viso consilio transtulit huc novissimè.

Cumque hæc & alia audiret patienter Episcopus, mente pertractans, & rem quam videbat, quæque satis congruenter dicebantur, sapienter pensans: Ite, inquit suis qui eum circumstabant Sacerdotibus & Clericis: Ite intro, & quæque Sanctorum intus invenietis, cum diligentia exhibete hîc nobis. Quo factò & expositis omnibus, miro modo & opere stupendo ignis, qui antea timidè languens & quasi penè deficiens relidebat, vires subito resumens, & sicut ventus vehemens irruens, quidquid prius intactum reliquerat, profundâ consumendi voragine Ecclesiam scilicet cum domo majore absorbebat. Unde magis in admirationem ductus Episcopus, lætus quia facti quod cœperat compos & victor existeret.

Certus autem quia quæ mira de hoc Sancto audiebat jam ipse miranda præ oculis habebat, reverentiam erga Sanctum tenens: Causas justitiæ ait, mihi habens adversus hoc castrum veni: sed ut mihi videre videor, & Deus ex hoc factò ostendat, meritum hujus Sancti ut venirem exegit; & ne diutius in hoc malorum & negligentia jaceret cœno, promeruit. Pareatur, inquit ergo Episcopus, jam festinanter cum suis rectoribus una navis quæ eum cum testimonio & auctoritate nostrâ perferat Bracas, ubi Confessor egregius vitæ & meritis requiescit Archiepiscopus Viventius. Est enim ibi Canonica duodecim Clericorum Remensis parochiæ, quam vitæ comite, auspice Deo in votis habeo regulari Monachorum proposito honestius ordinare. Ad nutum jubentis mox paratâ navi, cum illâ sui exercitus frequentia per se idem Episcopus ad feretrum veniens, & manu appositâ altrinsecus tenens cum impositione Antiphonæ; *Preiosa in conspectu Domini*, & prosecutione Psalmi, ad navim jussit ferri, & in eâ imponi, cum campanâ unâ flammis Ecclesiæ subtractâ.

Interim Archiepiscopo à navi regresso, ordinante qui remiges, quive Clericorum & hominum pariter irent comites: Deus cujus sapientiæ & scientiæ altitudo divitiarum inenarrabilis, cujus viæ sunt investigabiles, qui solummodo mirabilis in altis Dominus, qui dat virtutem & fortitudinem pleni suæ: dignatus est judiciorum suorum ostendere secreta, & operum suorum notificare mirabilia propter hujus Sancti sui merita. Namque cum navis in ripâ fluminis affixa sublisteret sustinens rectorem qui du-

ceret, nullusque in eâ hominum ex voluntate. De præter corpus sancti remanisset, aquila desuper advolans, in fronte navis nauta certissimus alledit, & mox navim ipsam à littore in medios fluctus virtute divinâ emovit, & aquis itinere suo deorsum fluentibus, navis contrâ fluminis incedebat excursus, Angelicâ, ut credimus, illud administrante creaturâ, & virtute, ut patuit, cooperante & regente divinâ; directoque pergens cursu anteriora sibi semper petens, celeberrimo sibi prosperabat gressu.

Cujus rei stupendum indicium cum ad Episcopi venisset audientiam, plusquam credi possit admirans, & in laudibus Dei attolens animum, divinum adorabat consilium, exultans in illius misericordiâ, in cujus gloriâ sancti Arnulfi lætabatur anima. Prosequantur, ait, aliqui nostræ fidelitatis per crepidinem alvei, navisque vestigio subiequantur pignera Sancti. Nam mira video, nec minus miranda considero. Ubi cumque enim navis hæc sublisterit, absque dubio ibi divini nominis gloria, & laudis ejus per successiones fidelium prædicabitur potentia. Hæc avis quam cernitis figuras gerit mylticas, multiplices intendens in dicendo sententias: nam per Ezechielem Prophetam loquens Dominus ad Israël, proponit ænigma sub personâ Regis Babiloniarum, atque sub specie Regis Egypti, dicens: *Aquila grandis magnarum alarum, longo membrorum ductu, plena plumis & varietate. Et, Facta est aquileæ altera grandis, magnis alis, multisque plumis.* Quoties hujus avis nomen in Proverbis alluitur, Regum potentium figura subintelligitur. Hæc avis inter cæteras quasi regu juris obtinet dominium, avibusque reliquis principans, facti sui gestat mysterium: hæc avis sublimia penetrans & sublimius evolans, speculando irreverberatis solem ardentem contemplatur oculis. Sub quâ specie typicâ Joannes signatur Apostolus & Evangelista, qui omnem supervolans creaturam, incarnati Verbi mysterium, & divinitatis ejus ineffabile patefecit arcanum. Quod aptissimè convenit remotis ab omni hujus vitæ negotio Deo famulantibus Monachis contemplativæ vitæ insudantibus, & per jube mentis desiderium spiritalia semper & cœlestia piâ cogitatione meditantibus, fidei nihilominus intentione *qua sursum sunt, ubi Christus est in dexterâ Dei sedens*, indefessè quærentibus. Locum ergo quicumque sit, quem navis ista expetit, Monachorum religiosè conversantium famulatio & ordine insigniri convenit.

Aliis ergo post hæc verba assentientibus, atque aliis multo aliter opinantibus: si, ut dicitis, inquit Episcopus, Guilleldio apud S. Hilarium, ubi prius aliquamdiu pausavit, consistere voluerit, non est diutina expectatio. Vix enim uno distat stadio ab hoc in quo consistimus loco. Si autem apud sanctum Sulpicium in villâ quæ appellatur Pitorum, nec aliud erit diutius attendendum; solum quippe milliarium hoc nobis facit ..... Si verò ulterius processerit, nec ad dexteram nec ad sinistram diverterit, sed sicut cœpit intendere posteriora dimittens, in anteriora prodierit, advertite unum quod vobis enarro, sicut intelligo divinæ gratiæ arcanum, quia Mosomi nostræ diœcesis loco pausare & venerari habet annuente Deo. Jam tunc Episcopus intendebat animum hunc locum decussare regulari institutione Monachorum, sicut post fecit Remis S. Theoderici locum, quem de manibus Rotgeri Comitibus injustè illum tenentis vi & sagacitate retraxit; & remotis duodecim Præbendariis, non Deo & Sancti ejus, sed sibi ipsis & Comiti servientibus, Abbate ex Monasterio S. Remigii

Ezech. 17. 3. 7

Coloss. 3. 1.

Transfertur  
iterum cor-  
pus S. Arnul-  
fi apud Mo-  
scomum.  
Psalm. 135. 5.



accepto, Airardo nomine, cum Monachis Deo fideliter militantibus religiosè restituens ordinavit. Ità etiam ad præsens Bragnis optabat fieri propter amorem & reverentiam S. Viventii, nisi hujus intercessisset causa miraculi. Sed quia jam antea non suppetebat possibilitas, pro eo quod devenerat in manus externas, promptissima tamen manebat implendi voluntas, opperiens oportunitatem siquando Dei largitas quam desiderabat efficeret facultatem. In his & hujuscemodi operibus ferè totus erat iste noster Episcopus, & simili desiderio mentis flagrare cœpit erga locum Ecclesiæ Mosomensis. Insequentibus ergo navim quibus antea jussu fuerat, jam nullatenus ut primum cœperat segnius ibat; regebat namque illam bonitas illius *qui facit Angelos suos spiritus*. Cum ineundo per villas circumpolitæ tanti facti rumor exisset, omnibus undique circumvolantibus, absque numero confluebat populus pro merito & gloriâ Martyris laudans Deum in operibus suis. Adhuc laudes erant in ore ipsorum, & virtus Dei recentiori miraculo paravit exhilarare ad credendum mentes eorum.

Nam in villâ Torciaco nomine quædam erat mulier vidua, quæ post viduitatem gravi cœcitatibus infirmitate oppressa, ad glorificandum Deum aliquamdiù plus anno integro luminibus manebat orbata; quæ dolens & viri sui desolationem, & rerum suarum futuram defectionem, magis autem corporis debilitatem (erat enim honestis & liberis parentibus progenita) in angustiis multis & doloribus vivebat: habebat tamen ex legitimâ nuptiarum viri sui copulâ unicum admodum parvum filiolum, ad augmentum suæ dolorositatis satis macram spem posteritatis: Rumore itaque per populos diffuso pro S. Arnulfi adventu glorioso, hæc mulier ubi audivit salutis avida, cum jam Sanctus per alveum fluminis navi in præsentiarum posita veheretur, unum camilem quem optimum habuit de domo suâ secum sumsit, & gressu conducibili se feco loci minari fecit. Ubi cum pervenisset, genua flectens cum multis obsecrationibus Dei misericordiam, & sancti Arnulfi exorabat præsentiam, ut per ipsius meritum sibi redonaret Dominus Deus amissi luminis usum.

Petiit ergo navim ad litus appellere, ut perficeret oblationem voti sui. Quâ appulsâ, appropians illa cum fide multâ, corrigiam sibi in collo posuit, ancillatui Sancti se se subdidit, capitaticum suum & se, & posteritatem suam post se daturam, si salutem optatam mereretur repromisit; camilem quem secum detulerat, extulit, super corpus Sancti posuit, & mox dicto citius salubri facto commercio, videntibus qui aderant omnibus, lumen pristinum optatumque recepit. Hinc laudes Deo, hinc gratias referebat Sancto, hinc omnium ora & corda multis ex pietate lacrymis profusis laudabant misericordissima Dei magnalia, & quæ sola venerat cum dolore, cum multis & inter multos lætabunda repedabat cum salute. Quæ quandiâ supervixit, salutem suam ipsa prædicans, semper singulis annis capitis sui censum Sancto persolvit, & post mortem illius, unicus quem diximus filius ejus annis quibus matri supervixit, fideliter donavit.

Harum omnium rerum certissimus Mosomum tendens pervenit nuntius, dictitat Clero præsentem & populo quæ fuerit in glorificatione Sancti divina illuminatio, quæ fuerit Episcopi votiva transmissio. Indicitur interim & paratur processio; currit Mosomensis populus cum gaudio; excipit sanctum corpus lætantibus animis, gestat suppliciter in humeris, faciunt vota & preces quibus mereantur fieri ejus intervenientibus meritis æternæ vitæ confortes.

Sonantibus Ecclesiæ signis adsunt Clerici cum crucibus & cereis, thurificant sancti glebam odoribus, suscipiunt cum hymnis & dignis psalmorum laudibus: licque ingredienti Ecclesiam principalem, divinam adorant majestatem, supplicantes pietatis ejus dono & B. Mariæ semper Virginis suffragio, illius & omnium simul Sanctorum jugi in perpetuum muniri patrocinio. Sicque dimissa turbâ & populo, abierunt quique in suâ cum exultatione & gaudio, illum magnificantes in gloriâ, qui vivit & regnat unus in Trinitate Deus per æterna sæcula, Amen.



*Textus qui sequitur describit qualiter ipse Præsul ADALBERO per Romani Symmatæ Papæ, conciliique sui decretum, constituit ut Monachos locus hic Mosomus haberet, quos cohiberet Regula sanctæ vivere, quique pro se proque suis prædecessoribus in spem æternæ vitæ divinum numen adorarent.*

**P**RÆCEDENTIS itaque serie sermonis de vitâ & transitu sancti Martyris Arnulfi compendiosam fecimus relationem, ubi fuerit sepultus, qualiter inde assumptus ad Guilledium trajectus, demum quoque Dei misericordiâ disponente ad hanc Mosomensem Ecclesiam miraculis concurrentibus devenerit, stilo quidem admodum rustico & impolito exaravimus, sed ratione satis probabiliter investigatâ, sicut suo loco lector inveniet, ad plenum prosequuti sumus. Nunc quæ postea circa præfatam Ecclesiam ADALBERONIS Episcopi devotio exstiterit, quia per hunc sanctum suum ARNULFUM mentem ipsius, ut supra retulimus, visibili miraculorum illuminatione Dominus admonuit, ad posteris mittere memorandum, non indignum judicavimus, ut divinis beneficiis ingrati esse timeant, & intelligentes quanta per hunc suæ salutis providum pastorem adepti sunt bona, rependendi vicem animæ ipsius in bono se semper obnoxios esse cognoscant.

Secundo igitur suæ ordinationis anno acta sunt quæ priori sermone tractavimus, de translatione videlicet, atque in Mosomensem Ecclesiam illatione beatorum, ossium prædicti Martyris, anno nongentesimo septuagesimo primo Dominicæ Incarnationis, Indictione quartâ decimâ, mense Julio, nono Cal. Augusti.

Visis itaque & auditis reverendus Pontifex tam sanctis, quàm laude & admiratione dignis divinæ virtutis miraculis, quæ brevi suæ præsentis temporis hujus Beati exhibebantur meritis ac nomine, non tulit diutius quæ longè ante satis animo conceperat, sed maturè opus facto disposuit, ne alterius esset operis quod erat suæ intentionis, & inde sibi si negligeret, meriti fieret detrimentum; unde alter qui id fideliter efficeret, coronam portaret & præmium. Unde intra mentis suæ secretum, tamquam intra speculum amplissimè contemplando collectis quæ sint, quæ fuerint, quæ post futura sequantur (ex præteritis enim persæpe ventura concipiuntur) quosdam Procerum suorum, tam cleri quàm militiæ suæ Nobiles in præsentem sibi coëssentes advocat, & quid voti mente diutius collectum supporter, exposulatâ sui gratiâ consiliū, an approbent seu magis improbent audire & referre monet dicens: Quo consilio & sententiâ judiciorum Dei ad hanc pastoralis curæ pervenerim & ordinatus sum dispensationem, penitus ignoro; sed quod semper



timere debeo tamquam irruentes super me fluctus, sic onus istud quoties penso, toties reformido. Consideratis namque hujus Episcopii quibusdam antiquissimis locis, olim dum misericordia & veritas obviarent sibi, dum se iustitia & pax osculatae sint, dum veritas de terrâ oriretur, & iustitia de cœlo prospiceret: olim, inquam, sub religione fundatis, tunc quidem prosperantibus & felici fortunâ se se agentibus, Dominus dabat benignitatem & terra nostra dabat fructum suum: modò autem prorsus neglectis; aliquibus solam nominis famam prætendentibus, aliquibus sic ad solum dirutis ut nec fama super sit nominis, quibusdam dum emendari debuerunt in melius, ad deteriora perventis: eorum aliquem cujus incœpti artificio reformare prius attentem, multæ ambiguitatis naufragio pendulus hæreo, & dubiis anfractibus intricatum, & vix se explicantem animum gero.

Res enim locorum illorum quæcumque in mobilibus fuerunt, vel esse potuerunt, auro videlicet argentoque, seu cujuscumque ornamentum substantiali suppellectile, ut pote vastata, dirupta, vetustatis etiam senio dilapsa, jam nullæ sunt. Villæ, vici, ancillæ, servi, Ecclesiæ, molendini, & omnium habendarum possessiones rerum, à potentibus & tyrannis, regnique Optimatibus pervasæ, donatæ, confiscatæ, sub beneficiis delegatæ, quando Sanctorum locis nec pro antiquitatis suæ debito jure, nec pro quibuscumque privilegiis testificantibus habebunt redire? Tanta fuerunt malè pacati infortunia, regni, tanta Regum & Procerum discordia, tanta populi peccatis facientibus emergens malitia, tanta gentium intra Gallias irruentium, & adversum se depugnantium, hostili rabie exundans exstitit impia & perquam iniqua sævitia.

Accidit huic bono quorundam nostrorum laudabilis vita Pontificum, qui si fortè quidpiam supererant, ut sibi fidissimos pararent, quorum impudentiâ & fraude tuti essent, Palatinis canibus omnia contradebant. Nec quemquam fas est nominare, cum culpa ex dubio videatur venire, & factum hoc magis expostulet veniam, quam aliquam repromittat gratiam, & melius pro multitudine factiosorum taceatur, quam corrigendi spes ulla doneatur. Quapropter hæc missa faciamus, ad rem redeamus.

Locorum de quibus agimus, Mosomus est unus, sanctæ Dei genitricis MARIE olim insignis nomine & honore. Hic Mosâ influente amœnissimus, Monachorum habitationi mihi videtur opportunissimus. Omnia namque humanæ vitæ jucunda pro aëris qualitate præstat & commoda: præter quod vinearum ibi proventus adeo non exuberat. Nec enim inhabitantibus id fuit negotii, nec ea sollicitudo, præsertim cum natura sit vinearum, temperati magis & non frigidi cespitis amare solum. In quo tamen mihi minima cura; quoniam si Deus votum meum prosperaret, habeo ex patrimonio meo, & ex mihi contingenti antecessorum meorum jure debito, unde hanc sibi penuriam pellerem, & optimi vini cum cæteris reddituum suorum benedictionibus veros dominos & divites possessores, si procurare id sciant, eos efficerem.

Olim locus ille Mosomensis in honore Reginæ cœli & Virginis Matris MARIE pro verâ pietate & voto fidelium, sub ordine fuit prætitulatus Sanctimonialium; sed turbine sæviente malorum, quorum suprà vix attingendo meminimus, cum nomine perdidit & esse. Nuper autem beatæ memoriæ D. Heriveus hujus sedis pastor & rector fidelissimus, magno religionis affectu hunc diligens locum, sub titulo jam vice alterâ dilapsorum restituit

& ordinavit Canonicorum.

Intueniens namque omnibus rebus & ipsâ etiam inhabitatione destitutam, ex fundamento reedificavit Ecclesiam, quæ flammis eam exurentibus & impluvio, multaque longi temporis negligentia detritis parietibus, solitudinem tantum horrendam representabat aspicientibus. Quæ reformatâ, & in statum pristinum recollectis Præbendariis exornata; ab initio nimirum sui pro dignitate loci, & generosa populositate civium. Secunda sedes hîc agebatur Remensium: hujus tituli scilicet Canonice non dicam vitæ, sed simulati Canonicorum nominis utcumque tenorem servat antiquum. Sed cum hæcorum vita nihil à laicorum differat cohabitatione (nuptiis quippe fruuntur, filiorum & filiarum quæstuosis mercimoniis inservientes, usibus sæculi contumuntur) valde stimulando sollicitat animum meum, ne diutius, si corrigendi sit posse, reverentia tanti nominis, Beatæ MARIE dico semper Virginis, absque honore debito maneat religiosi ordinis. Mihi credite,

*Amor hujus facti tantum mihi crescit in horas,  
Quantum vere novo viridis se fulgigit alnus.*

Et quâ ratione id primum aggrediar, audite paucis eloquar. Est in hujus Portuensis Comitatus partibus octo Monachorum cum Abbate sibi superposito parvus admodum & pauper locus, quem Freduidis matrona nobilis, cum illustri viro suo Comite Stephano, quia spes eos frustrata fuerat posteritatis, collatis quæ inibi habere videbantur prædiis suis, sub jure & titulo constituerant divinæ servitutis, ut pro recompensatione præsentium nomen haberet melius à filiis & filiabus in cohereditate cœlestium.

Hunc ergo per consilium domni Gerardi Abbatis viri vitæ venerabilis, qui tunc temporis pro merito sui nominis, & religiosæ conversationis, pluribus in Franciâ præerat Monachorum Cœnobiis, inter quæ & Monasterii sancti Remigii curam agebat: hunc eundem, inquam, locum sancto Remigio ut subiectum haberet, ac procurando servaret, fidei voto tradiderunt. Hic in honore sancti Quintini consecratus, & radicibus Aldiniaci montis aditus, à rivulo fontis qui inibi exoritur præterfluit, Tignus cognominatur. Sed circummanentium inquietudine satellitum, ex castello proximè imminente, quod ob palustre cœnum, in cujus medio residet, Cantarana dicitur, frequentius urgetur, molestiasque crebras patiens, contemplationis suæ studium sæpe amittere cogitur. Hunc cum Abbate & Fratribus loci sancti Remigii per concambium ex rebus Ecclesiæ nostræ volo, si Deus annuat, commutare, mihi que legaliter contraditum cum Mosomensi loco unum efficere, ut cum Monachis Abbate ibi transposito, ex duobus quamvis minoribus unum aliquid fiat majus & melius. Ecce hæc sunt quæ vos interim audire volui, & si ex Deo sint cujus misericordiae innitimur, consilium ne cunctemini referre quod utilius judicabit.

Mox illi opus pietatis attendentes, & viam bonæ actionis considerantes: O fœusta, inquiunt, intentio! & si effectum habeat, quàm certa & felix bonæ voluntatis erit remuneratio! Talia differre non sit consilium, opus enim hoc accelerare cœleste est negotium. Opus bonum si sit in voluntate, ex Dei adjutorio erit in perfectione. Talia liquidem vota, quamvis ex difficultate titubent, magis autem ex desidia si omittantur nocent: quia quanto ardua & altiora quis aggreditur, tanto majoris præconio laudis si efficiendo superet, dignus attollitur. Quapropter quod vos audire veltræ gratiæ auctoritas dignata est, omine tantum dextro Deus aspiciat,

Mosomensis  
Ecclesia se-  
cunda sedes  
Remensium.

Monasterium  
S. Quintini.

De Mosomen-  
si Monasterio.

Inibi olim  
Moniales,  
post Canonicos,  
cum denique  
Monachi.

nobis optimum factu videtur, & vobis salutiferum connumerabitur.

His relationibus acceptis Episcopus (animo enim cupienti nihil satis festinatur) actutum sancti Remigii Monasterium expetit: Abbatem qui tunc praeerat, virum honestum, Rodulfum nomine, super sua intentione multiplicibus, & ad persuadendum dulcibus evocatum moratur sermonibus, omnemque rem sui consilii secreto aperit, omnes difficultatis aditus sapientissimae rationis suae limâ eradit, abjurandi limites excludit, nihilque dispendii loco sancti Remigii devenire, sed commutatis rebus, quae inter eos complacitis pactionibus cederent, opportunius repromittit esse: tanta videri negotia sua, ut pote multis Episcopis, & rerum plenitudine, & dignitate nominis praestantia: hunc autem loculum modicum cum modico communicatum, opus habere vicinitate communium, & laboriosâ vivacitate virium, se se benè & prudenter agere, si unde divinae servitutis honor cresceret, prompto & fidei animo ordinare & constituere satageret: seipsum autem qui hæc expetere videbatur, sibi unanimum efficeret.

Abbas de his quæ audierat consulendi locum, & cum Fratribus conferendi postulat. Quo clementer indulto, Fratres Abbas revisit, coadunatis & confidentibus quæ sit postulatio Episcopi, quodve totius profundum consilii apertis & brevibus verbis absolvit. Fratres itaque diversa sentientes, atque ut est ingenium mobilium mentium, idque potius juvenum, non eadem mirantes: interim vacillante sententiâ, & nutante seniorum judicio, dum suæ opinioni quisque magis innititur, primò abnuere nec assentiri velle. Quod semel acceperant cur alteri curandum quàm sibi credant? Votum fidelis mulieris eleemosynam facientis manere debere; sibi subtrahi quod alter faceret, sibi minui unde alius cresceret, hoc apud populum non esse laudis præconium, sed videri vitæ degeneris & contumeliosæ improbationis elogium.

Talia renarrantibus, motuque vario dissonantibus, Abbas silentium imperat, sandique auctoritate, & vocis libertate ad compescendum murmuris strepitum arrectus, piæ exhortationis alloquutione sic inchoat: Fratres dulcissimi, Deoque carissimi, verba sunt ista dicentis Apostoli: *Nihil per contentionem, neque per inanem gloriam; sed in humilitate superiores sibi invicem arbitantes: non quæ sua sunt singuli considerantes, sed quæ aliorum.* Hæc Apostoli verba sunt quasi fermentum bonæ conspersionis in nostrâ intelligentiâ, ut omnia quæ facimus, sint sine murmurationibus & hæitationibus, *Ut simus sine querelâ, & simplices sicut filii Dei, sine reprehensione in medio nationis prave & perverse: inter quos lucetis, ait, sicut luminaria in mundo, verbum vitæ continentes.* Et alibi: *Solliciti estote servare unitatem spiritûs, in vinculo pacis. Unum corpus & unus spiritus, sicut vocati estis in unâ spe vocationis vestræ.*

Unde, Fratres mei, si in his quæ Dei sunt moneat Episcopus, nulli debet esse resistendi ausus: quia dicit in Evangelio Dominus: *Qui vos audit, me audit; & qui vos spernit, me spernit.* Ita verò suggestio nostri Archiepiscopi, consideratâ intentione sui, videtur nobis prodire ex insito sibi timore & amore Dei: unde nos nec justè quibus oblitere, nec ea quæ ad cultum divinae servitutis pertinere sentimus, debemus ausu temerario pervertere. Si diminutionis damnum plangitis, ea quæ nobis in recompensatione concambii ad præsens transcribit, non satis providè attenditis: si autem favores ex judicio populi assumitis, cavendum ne arundo vento agitata esse

velitis. Quodd autem votum mulieris manere debere asseritis, majori credo misericordiâ stabit subnixum, quod in usus cedet pauperum & egenorum, sicut scriptum est: *Dispersit, dedit pauperibus: justitia ejus manet in seculum seculi.* Cum ergo abundemus & superabundemus, cavendum nobis est, ne sub specie pietatis & quasi defendendæ rectitudinis arguamur sceleris, avaritiæ, & cupiditatis. Ideo rogo vos, Fratres, ut saniori consilio mentes vestræ inclinentur & acquiescant, ut juxta Apostolum; *Omnia vestra in charitate fiant.*

His & hujusmodi multis atque saluberrimis alloquutionibus fracta & emollita prius exasperantium cervicositas, in gratiam assentiendi redit, & annuit quæcumque sit Episcopi & Abbatis voluntas. Hinc itur ad Episcopum, quæ Fratrum fuerit obauditiõ exponitur; licet primùm reniti & oblitere voluerint, tamen ratione victos suam reflexisse intentionem, & bonæ voluntatis ejus non aspernari operationem. Episcopus benignè accepit, gratias egit, ordinatissime ex communi consensu oportuni testimonii optimis in attestando viris, recompensationem rerum quæ ex condito placuerant per commutationem dati & accepti Episcopus pariter & Abbas legaliter faciunt, & ut cuique quod in præfenti assignabant determinatum & inconvulsum perseveret, vadibus juri cedentibus sub adstipulatione ratum traditur.

Post ubi omnia quæ præoptaverat, Episcopus ex sententiâ comparavit, iter cum suo comitatu Macerias castellum, quod tunc frater ejus Godefridus Comes constabilibat, arripuit, & illum Tingenfis Cœnobioli pauperculum Abbatem Lietaudum nomine quàm celerimè advocat, & sub testibus sanctique Remigii Præposito, seu aliis bonæ fidei viris renarrat quidquid taxatum fuerat. Quid deinde se obedienter facere velit privatim mandat, & ut cum suis Monachis navim conscenderet, quam ipse Præsul eis imposito comitatu apparaverat, & cursum non desisteret donec prius Mosomum veniret, imperat. Quibus ita dispositis, dominus Adalbero consensu equis negotium quod intenderat perfecturus; ad hanc suæ sedis Ecclesiam pervenit, & cum honore susceptus est. Tunc priores Ecclesiæ appellare cœpit, alia pro aliis quasi dissimulando fingens, deque situ & statu loci ædificiisque compositis confabulans, si quid in auro argentoque esset, quod plusculum vel pretiosum Ecclesia seu in pallis, aut in sacerdotalibus indumentis haberet, se videre velle dixit. Quibus inspectis: Et hæc, inquit, pro se satis, sed non multa sunt; ampliare autem illa potest, cujus omnia sunt.

Crastino autem factò, horâ dici quasi primâ, jam Episcopus Monachos suos in proximo adesse sciebat (puer quippe in speculâ positus, id præ oculis facillè habens, certissimè nuntiabat) in secretario Clericos omnes coadunari facit, & præfente forti custodia sui, circumfidentibus omnibus sic orsus ab alto est: Multa est nimis malicia sæculi hujus, & verè naturâ hominum ab adolescentiâ suâ semper proclivis est in malum: quæ ad similitudinem navis positæ in medio fluctuum, nisi sedulò in anteriora expungatur, jugiter vadit retrorsum. Quam rem cur proposuerim, paucis absolvam. Locus iste sub titulo assignatus sanctæ Dei genitricis MARIE, secundum sui nominis dignitatem religionis non habet honorem. Post illam namque miseriam, quam penè omnibus importat sæculi malitiâ, vix pertenuis scientia, & propè nulla clericalis seu canonici ordinis ad sciendum & intelligendum Deum vos exornat sapientia & continentia. Nec moras vobis faciam in multum loquendo: duorum vobis datur optio: eligat quisque quod sibi utilius videtur, aut

Psal. III. 8.

1. Cor. II.

philip. 2. 3.

1. Th. 5. 15.

Ephes. 4. 3.

Luc. 10. 16.

firi

fieri Monachum, aut cedendo vacuare locum. Cui placet in Monacho, spondeat in præsentem. Refutans & nolens mutet sedem, & exeat. Ecce habeo mihi Monachos sub normâ sancti Benedicti victuros. Abbas namque cum suis Fratribus egrediens à navi, nuntiabatur jam esse præ foribus. Hic turbatis omnibus (durus quippe sermo visus est de Monacho) nulli fuit consilium præter paucos quos rei familiaris angebat necessitudo, sequi bonum quod Præsul Deo dignus suadebat agendum.

Sic Episcopus intromissis cum honore congruo Abbate & Monachis in sanctuarium: *Ecce, inquit, quam bonum & quam jucundum habitare fratres in unum.* Sit vobis sicut unguentum in capite, quod descendit in barbam, barbam Aaron. Et quod descendit in oram vestimenti ejus: & sicut ros Hermon, qui stillat in montem Sion. Ut hic mander Dominus benedictionem, & vitam in seculum.

Cumque omnes respondissent, Amen, Episcopus Abbati loquutus est & Fratribus: Non frustra neque sine causâ sit, quod hic vos admittimus, quod mutatione factâ ordinem Clericorum vobis postponimus, sed pensate quod dicitur: *Amice, ad quid venisti? Servite Domino in timore, & exultate ei cum tremore: apprehendite disciplinam, nequando irascatur Dominus, & pereatis de viâ justâ.* Vestrum sit pro nobis orare; nostrum erit, Deo donante, victualia vobis ordinare. Claustra Monasterii & officiales vobis domos metabimur, & præcedente tempore oportuna quæque procurabimus; vos tantum cum Deo ambulantes solliciti, sic Deo dignè & Sanctis ejus conversamini, ut de vobis meritò possit audiri: *Ecce tabernaculum Dei cum hominibus, & habitabit cum eis. Ipsi populus ejus erunt, & ipse Deus cum eis, erit eorum Deus.* Quicumque vos in hoc loco degentes per multa annorum curricula præcesserunt, sive Sanctimonialium diebus, seu Clericorum secundâ permutatione jam sibi succedentium, concupiscentias suas sequentes desideriis suis pravis malè inhæserunt, & facti sicut equus & mulus, quibus non est intellectus, in stercore suæ corruptibilis vitæ sicut jumenta computruerunt. Et quia non probaverunt Deum habere in notitiâ, tradidit illos in reprobum sensum, & obscuratum est cor eorum insipiens, ut facerent ea quæ non conveniebant. Et sicut loquitur Deus in cantico Moyse: *Ipsi me provocaverunt in eo qui non erat Deus, & irritaverunt in vanitatibus: & ego provocabo eos in eo qui non est populus, & in gente stultâ irritabo illos.* Nolite ergo effici participes eorum.

Sit vobis bonæ imitationis forma & speculum Beati BENEDICTI Regula, omnesque eam sequantur tamquam magistrâ, neque ab eâ temerè declinetur à quoquam. Oro itaque vos & obsecro, sit fructuosus devotionis meæ labor, ut quod de vobis agere cœpi, & facere cupio, per primitias hujus bonæ à Deo complacitæ frugis, ad plenam messem pervenire possim divinæ benedictionis & æternæ beatitudinis. Sic operamini, dilectissimi Fratres, & sic vivite, ut in novissimo vitæ hujus die non pereat in vobis misericordia Redemptoris, sed coronet in gratiâ pretium nostræ redemptionis per JESUM-CHRISTUM Dominum nostrum.

Ecce jam in præsentem coram Deo & testibus ad vestrum servitium pro animæ meæ remedio, proque prædecessorum atque successorum meorum beatæ remunerationis commercio, de meâ mensulâ unam villam, Oduntem nomine, cum omni banno suo subtrahô: & alteram villulam Seciam, quantum inibi in jure meo venit. Itemque apud Romeliacum & Alleicurtem quidquid mihi, parum quidem, ibidem competit, in promerendo jugi suffragio domi-

Tom. II.

næ meæ sanctæ Dei Genitricis MARIE usibus sibi fideliter servientium Monachorum libens perpetuò habenda offero, & auctoritate quâ debeo vel possum legaliter trado. De patrimonio autem meo, quod in partem mihi cedit, si fratrem meum Godefridum super hoc sancto negotio, Christi adminiculante gratiâ, persuadendo evincere potuero, quidquid in Metensi episcopio habeo, in villis videlicet Bretenaco, Rothilâ, Madrengias ad mansos viginti octo.

Itemque de terrâ quam dicunt Sulcos sancti Remigii, in duobus locis Roscolis & Castello, ad mansos duodecim, ne indigentia vini satis optimi vos coangullet, sublevare curabo. Bervelliacum verò ad tria millia hinc positam, ad faciendam saginam in pastione porcorum vestrorum, cum omnibus appendiciis, ubi de manibus illis quæ nunc in beneficio tenent aut precario, aut concambio, aut cujuscumque ingenii effectû eripere quivero, usibus vestris (tantum peccatorum meorum maculas assiduis precibus extergite) libens acquirere instabo. Hanc villam tunc Richardus Comes Metensis ex antiquo in beneficio de Episcopio tamquam jure proprio possidebat, quam bonus ille Præsul sicut promisit, multo sibi adnissu attrahens antequam vitâ decederet, huic Mosomeni Ecclesiæ jure proprio in reliquo possidendam legaliter contradidit.

Sic Episcopus coram multorum frequentia ipsum Abbatem & Fratres alloquens, & ut sui jugiter sanctè & piè vivendo memores essent exorans, in pace dimisit benedicens. Mensis erat November, VII. Idus agebatur dies, quando in hoc loco constituti sunt Fratres, & cum illâ Tingenfi Abbatia Mosomense cœnobium nomen habuit & participium, ut cum verbo præpositionis adverbium fieret conjunctionis, servans tenorem prænominis propter mentales affectus conjunctionis. Ab Incarnatione autem Domini nongentesimus septuagesimus primus perimitabatur annus quando hæc facta sunt, Indictione quintadecimâ, Epactâ vicesimâ secundâ, concurrente sexta, quinquagesimo secundo decemnovennali cyclo, lunari nono decimo.

Post hæc dicta & facta domnus Adalbero secundum Pastoralis libri sententiam quæ dicit: *Sit Re-ctor internorum curam exteriorum occupatione non minuens*, exteriorum providentiam in interiorum sollicitudine non relinquens, ne aut exterioribus deditus ab intimis corruat, aut solis interioribus occupatus quæ foris debet proximis non impendat: quæ in Palatio erant consilii sui vigore confirmans, quæ in regno erant curanda cavens, magnanimitatis suæ auctoritate præstans, summis & imis idemque unus ædificabat divites cum pauperibus.

Ergo Natali Domini celebrato, legatos suos Romam cum litteris dirigit ad domnum Joannem Papam, cognomento Albam gallinam, qui à juventutis suæ primis annis reverentiæ competentis, & dignitatis angelicæ albebat canis, magnificentissimâ largitione condignis honorat muneribus, & quæ secum vel in Galliis agantur exponit mandationibus, seque mense Maio habere debere Concilium enarrat per Internuntium: Si quid suæ ordinationis in eo consistere velit, suæ Apostolicæ auctoritatis virum dignum eò mittat. Inde quod magis exposulet super Mosomenis Cœnobii statu, totiusque facti causas ex amussim de omnibus secundum conceptam bonæ voluntatis suæ justitiam informat, & ut suæ auctoritatis & beati Petri Apostolorum Principis ad internum conservandum mereretur privilegium, humiliter ex Dei gratiâ poscit & implorat beneficium.

Papa suorum Officialium & Confacerdotum in

C C c c

975

S. Greg. Past. curæ part. 2. cap. 7. init.

Privilegium à Summo Pontif. petit Adalbero.

Concilium a-  
pud Montem  
sanctæ Mariæ  
Tardanensis.

Adalberonis  
Oratio.

his omnibus sententiale requirit iudicium, & per Dei gratiam ut tanto viro, Pontifici videlicet nostro annueret, unum omnium in hoc bono opere assensit consilium. Proinde accito notario, & secundum Romanæ dignitatis consuetudinem paratis scriptisque ex papyro tomo chartis, fecit privilegium, constituit decretum, quod hanc Mosomensem Ecclesiam cum suo Monastico atque Monachico ordine in perpetuum tueretur, quamdiu illum divina clementia servandum disponderet: ac in suo Concilio coram Episcopis, & generali Synodo recitatum misit. Itaque ad se cum sanctæ Romanæ Ecclesiæ Apocrisiarius regressis etiam responsalibus suis, Præsul Deo dignus Adalbero convocatum undique pro Canonibus religendis, & causis sanctæ Ecclesiæ in melius conciliandis, in pago Tardanensi apud Montem sanctæ Mariæ collegit mense Maio Concilium. Ubi ordinantis iusteque dispositis quæcumque videbantur necessaria & ordinabilia, voti sui pro quo Romam miserat non immemor, coram venerandis Patribus & omni illa sancta Synodo sic exorsus dominus est Adalbero.

Domini Patres ac dilectissimi Fratres audite, quæso, & intendite humilitatis meæ preces; quoniam sicut hic nos congregavit Spiritus sanctus, ita quidquid ex ejus inspiratione sentimus, per ipsius etiam infusionem & cooperationem administrari per adventum ejus super nos exorantes præoptavimus, & consequuti sumus: unum restat modicum, in quo auctore omnipotente Deo, etiam vestrum expostulo favorem, consilium & benedictionem. Mosomus locus quidam est diocesis nostræ, consecratus sub titulo & nomine sanctæ Dei Genitricis Mariæ, olim ab exordio Sanctimonialium congregatione famosus, sed mundi crebrescentibus malis in quo erat statu durare non potuit, postea à fidelibus Clericorum vel Canonicorum jam bis restitutus collectione, dum sua quærent omnes non quæ JESU-CHRISTI, dilapsis rebus & partim subtractis, penè ad nihilum reductus est. Unde, ut credo, ex inspiratione Dei visum est mihi, Monachorum ordine & disciplina secundum sancti Benedicti Regulam locum illum in melius reformare. Quod & efficiens, domini nostri Romanæ sedis Antistitis consilium atque auctoritatem super hoc facto expetens requisivi. Unde ut in præsentia audituri estis, præcunte Christi gratia & privilegium auctoritatis suæ nobis transmittit, & decretum constituens sub paginâ Sancti Petri corroboravit, & ausu temerario infringere tentantes anathematis jaculo impetivit, sicut infra scriptum est.

Privilegium  
Joannis XIII.  
Papæ.

JOANNES Episcopus servus servorum Dei, Cæ-  
rissimo in Domino fratri ADALBERONI, sanctæ  
Remensis Ecclesiæ dignissimo Archipræsuli, per-  
petuam in Domino salutem. Si Ecclesias longè la-  
teque diffusas divino nutu in sancta religione cre-  
scere cognoscimus, Deo omnipotenti laudibus  
exultare, gratiasque juges referre debemus. Qua-  
propter cognovimus tuâ industriâ stabilitum in  
Mosomo castro, quod est super fluvium Mosæ, in  
veneratione Dei genitricis Mariæ Monasterium  
Monachorum religione decussatum, tuisque pro-  
prietatibus Ecclesiæque tuæ terris & Ecclesiis do-  
tatum, quod sub paginâ Beati Petri Apostolorum  
Principis decretique nostri te orante benignè sus-  
cepimus. Insuper locellum qui à Stephano viro  
illustri, atque ejus conjuge Freduide, Thim nomi-  
ne constitutus, sanctoque Remigio suppositus fuit,  
quem idem Monasterio Mosomo quia per se ob  
exiguitatem rerum stare non poterat, contulisti,  
conlatis rebus in recompensatione Beato Remigio,  
consentientibus Fratribus.

Ut autem cognoscat universa Ecclesia non una-  
nimiter assentire, & à te collata vel conferenda,  
seu à quibuscumque in terris cultis & incultis, vi-  
neis, pratis, Ecclesiis, mancipiis utriusque se-  
xus, aquis, aquarumque decursibus, in omni-  
bus ad supradictum Monasterium pertinentibus,  
beati Petri Apostolorum Principis & nostri firma-  
mus decreto, quatenus sine livore oblatrantium  
locus quietus & inviolabilis jugiter permaneat.

Si quis interea, quod non credimus, temera-  
rio ausu contra ea quæ ab hac nostrâ auctoritate  
piè & firmiter per hoc nostrum Privilegium dis-  
posita sunt, ire tentaverit, vel hæc quæ à nobis  
ad laudem Dei pro stabilitate jamdicti Monasterii  
statuta sunt; frangere & in quoquam transgredi:  
sciat se auctoritate beati Petri, cujus quamquam  
immeriti vices agimus, anathematis vinculo in-  
nodatum, & cum diabolo & Juda traditore Do-  
mini nostri JESU-CHRISTI æterno incendio con-  
cremandum. At verò qui pio intuitu observator  
in omnibus exstiterit, custodiens nostri Apostolici  
constituti ad cultum Dei respicientis præceptio-  
nem, benedictionis gratiam & delectorum suo-  
rum indulgentiam consequatur, & vitæ æternæ  
particeps efficiatur. Scriptum per manum STE-  
PHANI Scrinarii sanctæ Romanæ Ecclesiæ in mense  
Aprili.

Data per manus ANDRÆ Episcopi IX. Ca-  
lendas Maii, Anno pontificatus domini nostri  
JOANNIS sanctissimi & tertii decimi Papæ VII.  
Imperii autem domini OTTONIS Majoris, Augu-  
sti undecimo, Junioris verò quinto in mense Aprili,  
Indictione quintâ decimâ.

Quia igitur domini Apostolici decretum & vidis-  
tis & audistis, si placet ut itidem hujus sanctæ Sy-  
nodi unanimi testimonio & nostræ humilitatis scri-  
pto corroboretur, hoc factum decernite. Itaque  
omnibus sub uno assensum præbentibus, conscriptio-  
ne factâ sic recitatum est:

ADALBERO divinâ propitiante clementiâ sanctæ  
Remensis Ecclesiæ Archiepiscopus. Notum fuit  
universis tam præsentibus quàm etiam futuris fide-  
libus, quondam nobis Episcopo gratia & beni-  
gnitate Regia contradito, Sanctorum quoque lo-  
ca quædam in honore integro reperisse plurimum  
valentia; quædam verò pristinæ dignitatis statu  
deficiente prorsus neglecta. Inter quæ ille etiam  
Mosomi Cœnobialis locus antiquitatis studio cer-  
tatim constructus, ab exordio scilicet Sanctimo-  
nialium vitæ aptatus, postmodum verò Canonica-  
li ordine ab Hervæo prædecessore nostro melius in-  
formatus, atque in honore sanctæ Dei Genitricis  
Mariæ dignè consecratus, sed nefandis vitibus  
utrobique negligenter incultus, rebus quidem par-  
tim subtractis, partim verò currentibus malis,  
sinistræ cessit fortunæ.

Quo igitur comperto mens nostra, adhibito fi-  
delium nostrorum diligenti consilio, liquidè per-  
pendens eundem locum pro mundi infelicitate in  
Canonicali ordine utiliter stare non posse, æterno-  
rum spe, prout oportunum exstitit, ibidem mo-  
nasticæ religionis vitam ordinato Abbate Leotaldo  
constituit, ut ejusdem loci cultores religiosi tam  
rebus delegatis, quàm etiam fortè delegandis uten-  
tes, continua vota Deo solventes, sint & pro no-  
bis & pro posteris nostris cæterisque ordinibus ju-  
giter exorantes. Quocirca paternitatem loco nostri  
vestri subrogandorum in illâ charitate Dei enixius  
imploramus, quo sub divini amoris respectu hujus  
rei gestæ conducibili negotio consentaneæ pietatis  
faveant zelo, idque liberalis auxilii indigentibus  
se dignentur temporum curriculis consolari atque

» fulcire, ut ex eo gratiam Dei feliciter adipiscerentur,  
 » hujus præstantioris emolumenti mererentur fore  
 » confortes. Sed & hoc ex decretis sanctorum Pa-  
 » trum sub auctoritate pastorali omnimodis inhibe-  
 » mus, imò etiam cum divini nominis obtestatione  
 » omninò interdiciamus, ne usquam hujusmodi sta-  
 » tutum quâlibet temeritate ab ullo nostri Ordinis  
 » violetur; quin potius in reliquum stabile & incon-  
 » cussum jure perpetuo idipsum venerabiliter con-  
 » servetur. Nam si per laicos in rem hanc injuria  
 » invehatur, in eos procul dubio excommunicatio-  
 » nis jaculum cum anathemate intorqueatur.

» **ANNO** igitur ab Incarnatione Domini **JESU-**  
 » **CHRISTI DCCCCLXXIII.** provinciali Synodo men-  
 » se Maio constitutâ, generaliter congregatâ apud  
 » Montem sanctæ **MARIÆ** in pago Tardanensi, hoc  
 » Decretum solemniter recitatum est coram vene-  
 » randis Episcopis, Abbatibus, cæterisque fidelibus,  
 » huic nostræ institutioni pio assensu faventibus,  
 » imò etiam collaudantibus atque confirmantibus:  
 » quorum videlicet primus ego **ADALBERO** jam præ-  
 » scriptus Archipræsul eidem Concilio Deo auctore  
 » Pontificali auctoritate præsidens, manu nostrâ sub-  
 » scribens, idem roboravi; sed & cæteri haud secus  
 » censuerunt manibus impositis solidari hoc ipsum  
 » Pontificale statutum, Apostolicæ auctoritatis pri-  
 » vilegio petitionis nostræ obtentu undecumque sub-  
 » nixum, ac per hoc summo honori omnibus reve-  
 » renter habendum.

» Ego **ADALBERO** sanctæ Remensis Ecclesiæ Ar-  
 » chipræsul subscripsi & corroboraui.

» Ego **WIDO** Sueffionensis Ecclesiæ Episcopus.

» Ego **HILDRICUS** Belvacensis Ecclesiæ Episco-  
 » pus.

» Ego **THEBALDUS** Ambianensis Episcopus.

» Ego **HAIDULFUS** Noviomensis Episcopus.

» Ego **THEUDO** Cameracensis Episcopus.

» Ego **ADALBERO** Laudunensis Episcopus.

» Ego **GIPVINUS** Catalaunensis Episcopus.

» Ego **CONSTANTINUS** Silvanectensis Episcopus.

» Ego **LIUDULFUS** Tarvanensis Episcopus.

» Signum **ALBERTI** Remensis Archidiaconi.

» **LEUDONIS** Archidiaconi.

» **THEBALDI** Archidiaconi.

» **ERLUINI** Archidiaconi.

» **HUGONIS** Archidiaconi.

» **GERANNI** Archidiaconi.

» **ROGERI** Archidiaconi.

» **EMMONIS** Archidiaconi.

» Signum **RODULFI** Abbatis sancti Remigii.

» **ODELEI** Abbatis sancti Medardi.

» **RATOLDI** Abbatis Corbeienensis.

» **BERLANDI** Abbatis sancti Vincentii.

» **ALZONIS** Abbatis sancti Basoli.

Postquàm hæc acta sunt, beatæ memoriæ Præsul  
 Adalbero datâ benedictione solvit Concilium, cum  
 pace & gratiâ, redeuntibus singulis ad propria. Nec  
 minùs interea, quamquam in diversa traheretur,  
 & regni negotia cum reliquis præcipuus administra-  
 ret, curabat quæ cøperat. Sed consimili studio aggre-  
 ditur sancti Theodorici locum de laicali ordine ab-  
 strahere, & Presbyterorum qui coadunati non mul-  
 tum religiosè locum tenebant collectione Monaste-  
 rium vacuare, atque ut olim sub beato Remigio  
 sanctoque Theodorico, multoque post eos tempore  
 steterat, Abbatis & Monachorum ordine & sanctâ  
 conversatione reformare.

Coadunatis etiam rebus & fundis quæ olim jurts  
 fuerunt prædicti loci, & etiam Atticias de suâ mensâ

subtrahens, in Veromandensi territorio optimi cespiti-  
 tis contulit villam, ad legumen & laginam, triti-  
 cum quoque; quale melius illa procreat terra, men-  
 sâ Fratrum per totum annum sufficiens. Inde ad  
 Remensem suæ sedis Canonicam intendens animum,  
 quales invenerit, quales reddiderit, quàm rusticos  
 & pauperes ac singulariter suis domibus vivere con-  
 suetos, quàm religiosos, quàm Civites, ornatissi-  
 mos, quàm communiter & claustraliter vivere do-  
 cuerit, & monendo instituerit: beneficia parando;  
 largiendo; res suas de manu potentiorum hortando,  
 suadendo, terrendo, serviendo, redimendo: & spe  
 semper ad meliora tendens, Ecclesiæ quam regebat  
 restituendo, non est meum dicere, cum situs Re-  
 mensis Claustrî satis ista prædicet, communis etiam  
 adhuc mensâ Fratrum idipsum testetur: & vix præ  
 magnitudine & nobilitate quæ tunc fuerat, pauca  
 vestigia illius rigidi ac canonici ordinis hodieque sub-  
 sistant.

Quæ si ut singula quæque relatu digna sunt dice-  
 re tentarem, nec verba quibusdam fidem facerent,  
 neque hi qui ea acciperent, cum jam ex parte ma-  
 ximâ dilapla sint, ita tenus facta vera dicta judica-  
 rent. Quid sancti Dionysii Ecclesiæ, quam vir Deo  
 devotus extrâ muros urbis pro foribus majoris Ec-  
 clesiæ sanctæ Dei Genitricis **MARIÆ** instituit, ut  
 ostio contrâ ostium posito quando Sacerdos ad sacra  
 Missarum solemnia ad Orientem versus adstaret,  
 Sacerdotem principalis Ecclesiæ semper in intuitu  
 haberet, atque quidquid iste supplicans orando præ-  
 mitteret; ille subsequens, præmissâ offerendo fir-  
 maret, quatinus isti de his quæ præoccubuerant cre-  
 sceret devotio, & ille anteriora intendens & sancti-  
 ficationibus securus adstans, Angelum fortem & ad  
 defendendum paratissimum atque armatum haberet  
 à tergo. Cum verò ille populum salutans & Occi-  
 dentem respiciens, *Dominus vobiscum* diceret, istum  
 alitrinsecus positum Sacerdotem cum omnibus cir-  
 cumadstantibus divini nominis invocatione & vir-  
 tute in precando benediceret. Singulis ergo quasi  
 generaliter omnibus providens, omnibus quasi spe-  
 cialiter singulis vacans, nec cœpta deserebat, nec  
 ab incœptando dietim quæ cura pastoris expetebat,  
 alicujus eorum defatigatus labore, intentus & sem-  
 per novus ullatenus deficiebat.

Mosomensem itaque matriculam sæpe per se re-  
 visens, sæpe per internuntios commonefaciens, piis  
 elemosynarum suarum largitionibus instanter edu-  
 cans, Ecclesiis, altariis, prout in manu suâ ve-  
 niebant, victualia Fratrum ordinabat. Claustrî offi-  
 cinas ut sponderat, quas & nos ex parte plurimâ  
 vidimus, de suo sumptu plenè ac largiter edificab-  
 at. In omnibus igitur quæcumque locus hic possi-  
 debat, sed maximè in illis quæ vel ipse jam contule-  
 rat; vel à se vel à fratre suo conferenda de suo patri-  
 monio repromiserat, & ipse fidelis defensor erat. Et  
 quia Ecclesia semper pro justo Advocato contrâ mali-  
 gnantes opus habet, nullum fideiorem firmioremque  
 æstimans, eundem fratrem suum omnemque suum  
 successorem absque aliquo pacto dationis & acceptio-  
 nis, vel consuetudinis, nec in quarto nec in quinto,  
 vel ipsi vel his quibus sub se committeret, per ma-  
 num Regiam, perque auctoritatem suam Advocatum  
 pro remedio animæ suæ constituit, ut hoc prin-  
 cipale eis & votivum esset, ut quomodo ipsi hanc  
 Ecclesiæ tractarent, sic & pro eorum animabus  
 beatæ semper virginis Dei genitricis **MARIÆ** oratio  
 ad Deum fieret. Et licet in aliquibus fundis nostris  
 Advocati nostri & fredum dum teneant, & consue-

Ætas Aucho-  
ris.

<sup>a</sup> Anno] Rectè quidem hoc loco, sed in Appendice ad  
 Flodoardum à Sirmondo editâ, pag. 403. refertur hæc Sy-  
 Tom. II.

nodus ad annum 983.



tudines quærant, ut in Portuensi videlicet Comitivâ domni Gonhardi, qui tunc ibi Præpositus erat, & Monachorum Placitoniis; qui novos sibi hodie Advocatos attrahunt, insolentiâ & levitate & fit & factum est. Ita ergo administrato præsulatûs sui officio per plenum decemnovennalis Cycli ambitum, fide & operibus benè consummatus, suis sequacibus bonæ æmulationis relinquens exempla, x. Calendas Februarii ad æterna bonorum præmia, ubi beatâ spe tendebat, vinculis carnis absolutus admisus est cum Sanctis in gloriâ. Quia debitum hic liber poscit finem, quæ dicenda restant sequentis paginæ explebit volumena

\*\*\*\*\*

*TERTIUS iste Tomus sequitur, qui continet hujus*

*Ecclesiæ Abbates, successio quos moriendi Denuo restituit, regimen, nomenque novavit.*

I Taque, ut præmissum est, loci hujus in Monachico ordine à domno piæ memoriæ ADALBERONE primus Abbas institutus est D. LIETALDUS, priori conversatione Clericus, posteriori Conversus & Monachus. Igitur domnus ADALBERO Præsul Deo dignus, rebus supradictis feliciter fideliterque constitutis, veniente suæ vitæ termino obiit in pace x. Calend. Februarii: cui eodem anno successit in Episcopatu ARNULFUS. Abbas verò supradictus Lietaldus supervivens ei octo annis, obiit anno Dominicæ Incarnationis nongentesimo nonagesimo septimo, xiii. Calend. Julii.

Et tertio Calendas ejusdem mensis ab Arnulfo Remorum Archiepiscopo substitutus, & ordinatus est eidem loco Boso Abbas secundus. Hic auxiliante Deo & meritis sanctæ Dei Genitricis Mariæ Ecclesiam ampliavit: altare de loco ubi erat removit, & in quo nunc est posuit, & per manus Archiepiscopi Arnulfi dedicari fecit, regnante Roberto Rege Francorum, anno Dominicæ Incarnationis nongentesimo nonagesimo nono, ordinationis suæ secundo, xiv. Cal. Julii. Videns autem idem Archiepiscopus hujus Abbatis Bosonis ad ipsum locum fidelem devotionem, credensque sibi ad salutem animæ pervenire, largiri cœpit quædam quæ loco necessaria erant. Anno enim Dominicæ Incarnationis millesimo quinto decimo, per deprecationem illius Abbatis Bosonis, & aliorum Dei fidelium, ob susceptionem peregrinorum & pauperum donavit ad illum locum quartas omnium Ecclesiarum quæ ad ipsum pertinebant locum, & decimam porcorum quos prædicti loci Abbas vel Fratres mitterent in Ardennam sylvam saginandi gratia: & dedit piscationem Cari fluminis secus Duziacum decurrentis usque ad Mosam, & dedit bannum & distractionem omnium hominum vel feminatum, ad præfatam Ecclesiam de capite pertinentium, in Mosomo vel Flaverio manentium, vel deinceps mansurorum. Et dedit altare de Colredo in territorio Remensi, & duas tunicas subdiaconales. Hæc sunt, quæ huic Ecclesiæ per eum provenerunt. Obiit autem anno Dominicæ Incarnationis millesimo vigesimo primo, tertio Nonas Martii.

Cui successit EBALUS Archiepiscopus. Ipse reddidit Ecclesiam de Dufciot sanctæ Mariæ de Mosomo & Fratribus. Boso verò prædictus Abbas post præfatam Ecclesiæ dedicationem, murum in circuitu Monasterii construxit, & ante portam Destrés duo molendina quæ ibi sunt statuit super terram sanctæ Mariæ, & horrea fieri fecit cum muro Ecclesiæ. Ejus tempore furtim sublata est tabula alta-

ris de argento, & una crux de auro quam dedit Adelaidis Comitissa, cum duabus aliis de argento: & ipse Abbas alteram fabricari fecit de auro, quod ei Henricus Imperator donavit, & de calice aureo quem Dada de Ritannia dedit ad locum cum dorsali maximo, & aliis sacerdotalibus vestimentis. Fecit etiam fabricari thecam argenteam de multis spontaneisque collationibus & donariis pauperum fidelium, in quam translatum est de scrinio ligneo corpus sancti Victoris Martyris præsentem Ebalo Archiepiscopo, & plurimis Francorum Nobilibus, cum dignâ reverentiâ Cleri & populi, millesimo vigesimo quinto anno Dominicæ Incarnationis. Et sequenti anno obiit ipse Abbas Boso x. Calend. Julii.

Cujus successor existit JOANNES Abbas tertius, qui & ipse pro viribus & ante Abbatiam & post devotâ intentione fidelis fuit Ecclesiæ. Ipse enim inter chororum & turrum inalbavit parietes Ecclesiæ. Obiit autem anno mxxx.

Quo defuncto & legatione pro instituendo Abbate ad Archiepiscopum EBALUM delegatâ, ipse Gandavo litteras suas misit, & inde domnum Abbatem ROTULFUM, Mosomensis Cœnobii Monachum, sed cum benedictione & licentiâ prædicti Abbatis sui Joannis commorantem apud domnum Abbatem RICHARDUM, sanctum omnino virum religionis gratiâ, remis devenire fecit, & Abbatem ordinans Calendis Octobris festo sancti Remigii spirituali sanctificatione consignavit, millesimo trigesimo primo. Ebalus autem obiit anno millesimo trigesimo tertio. Cui successit WIDO Archiepiscopus.

*Quæ sequuntur addita videntur præfato Mosomenſi Chronico. Ex apographo And. Duchesni: in nostro enim non exstant.*

ANNO Domini nostri JESU-CHRISTI, DCCCCLXIX. Hoc anno ordinatus est Adalbero Remorum Archipræsul. In secundo anno ordinationis suæ, id est, DCCCCLXX. ab Incarnatione Domini, venit sanctus ARNULFUS ad hanc Mosomensis Ecclesiam. Et in tertio ordinationis suæ anno, id est, DCCCCLXXI. ab Incarnatione Domini, viii. Idus Novembris adduxit domnum LIETALDUM Abbatem cum suis Monachis, de loco qui vocatur Thin, quem construxit Freduidis Deo devota, & constituit eos in hoc Cœnobio, & dedit nobis idem Adalbero suum alodium, videlicet Marengias, Rotelan, Bertenacum, & Castellum, Roseolas, & Seciam, Berviliacum, & Odunt, Remiliacum magnum & parvum, & Arlicourt, & Puiron, & multa alia bona nobis dedit.

Anno Dominicæ Incarnationis MLXV. Indictione III. regnante Philippo Rege Francorum adolescente: anno regni ejus vi. Pontificante Gervasio Remorum Archiepiscopo, anno sui Archiepiscopatus x. Domino Abbate Bernero, cæterisque sanctæ Mosomensis Ecclesiæ Fratribus cum summâ devotione facientibus, præsentem domno Hugone S. R. E. Cardinali, per manus ejus elevatum est corpus sancti Arnulfi Martyris de thecâ priori, & cum devotis laudibus & hymnis repositum est in aliam, sub die ix. Calendarum Augusti, præsentem ibi ipso repositionis die plurimâ utriusque sexûs & ordinis multitudine, altisonis vocibus Christi gloriam collaudante.

Anno Domini MXXX. Calixtus Papa cum Cardinalibus Romanis, & totius Galliæ, Angliæ, Hispaniæ, Scotiæque Archiepiscopis, Episcopis, Abbatibus & Clericis, necnon & Principibus Franciæ, Mosomi venit habiturus colloquium cum Imperatore Henrico V. Cîschenensi, qui & ipse cum Magnatibus totius Imperii sui ad idem colloquium veniens, apud Bevreliacum villam sanctæ Mariæ Mo-

I. Abbas Mosomenſis Lietaldus.

997.

II. Abbas Boso.

999.

1015.

1021.

1021.

III. Abbas Joannes.

1031.

1033.

fomenfis cum omni exercitu refedit ix. Calend. Novembris.

Anno Domini mclviii. Aſcalona civitas à Chriſtianis Deo præſide capta eſt. Eodem anno bellum inter SAMSONEM Archiepiſcopum Remenſem &

GUISCARDUM Comitem de Roccio.

Anno Domini mcccxi. factum eſt incendium Abbatiz Moſomenſis, & cum eadem Abbatia incenſa eſt maxima pars caſtri Moſomenſis, videlicet à molendinis ejusdem villæ uſque ad pontem.



## MONITUM.

**E**X ampliffimis Collectionibus illuſtriſſ. viri D. Michaelis de Marolles Abbatis Villæ Lupæ, Hiſtoriam Prælatorum & poſſeſſionum Monasterii de Fontanis Congregationis Ciſterciensis, ſelegimus ac deſcribi curavimus. Is enim pietate & eruditione præſtantiſſimus Abbas Collectiones illas, ad hiſtoriam Turonenſis Diœceſis texendam à ſe paratas, perlibenter ac ſingulari benevolentia nobis communicavit. Auctori hiſtoriæ Fontanenſis Peregrinus, ejusdem Cœnobii Abbas VII. initium, fundationem, conditores & progreſſus ad uſque ſua tempora haud inerudiſe deſcripſit, ac tandem chartas diverſas, tamquam probationes eorum quæ in medium attulit, ſubjicere non prætermiſit.

# HISTORIA PRÆLATORUM, ET POSSESSIONUM ECCLESIAE B. MARIAE DE FONTANIS à PEREGRINO ejusdem Eccleſiæ Abbate.

## PRÆFATIO AUCTORIS.

**C**UNCTIS Fidelibus quos ad inhabitandum iſtud Cœnobium à Solis ortu & occaſu, ab Aquilone & mari divina inſpiratio convocabit, cunctiſque quos hîc in unum congregabit Chriſtus ad glorificandum ſeipſum, frater PEREGRINUS ſeptimus ſed ſemper indignus Abbas de Fontanis, præveniri à Domino in benediſtionibus dulcedinis, creſcere & multiplicare vos faciat Deus ſicut arenam maris.

### CAPUT PRIMUM.

**I.** **D**E creatione hujus Abbatiz, Fratres cariffimi, hiſtoriam tenere decreveram, ſed timo ne fortè præſumptioni & vanæ gloriæ reputetur, non mercedi; ſiquidem [ quod ] prædeceſſores noſtri per inſcitiam, aut negligentiam, ſeu etiam per occupationem rei familiaris diutiùs omiſerant; nimis promptulus attentabo. Igitur locus iſte ab antiquo Fontanas nomen accepit, propter fontes qui in hac valle copioſi videbantur. Erat autem locus iſte nemoroſus ex omni parte, & valde periculofus propter latronum frequentiam.

### CAPUT II.

**I.** **C**Um autem placuit illi, qui vocat ea quæ non ſunt tamquam ea quæ ſunt, ut ubi abundavit malitia, ſuperabundaret & gratia & ut glorificaret nomen ſuum ibi, miſit ſervum ſuum GAUFRIDUM primum Eremitam ad inhabitandum locum iſtum; dedit ei etiam ſocium GAUFRIDUM Bullonum, qui ambo nati erant de Monte Leonis; adjuncti ſunt eis WILLELMUS quidam vir religioſus, & LAMBERTUS quidam Miles Flandrenſis, qui dicebatur Magnus reſpectu cujuſdam ſocii eorum qui dicebatur minor LAMBERTUS. Fuerunt & alii plurimi ex quibus fuit GIRALDUS de Locumnia, & HER-

VEUS de Galardone, & DAVID Laicus, qui fuit ſatis utilis in agriculturâ. Fuit & inter eos ASCELINUS Presbyter vir admodum religioſus.

**2.** Septem verò ex iſtis ſociis Domini Gaufridi primi Eremitæ, Monachi facti à primâ institutione Abbatiz, vixerunt uſque ad tempora Domini Roberti de Foſſello, qui in diebus eorum puerulus ſuſceptus in Cœnobio iſto, & nutritus ab eis per quatuordecim aut quindecim annos ſub manu Theobaldi tertii Abbatis, uſque ad tempus Domni Willelmi, qui Infirmatorium noſtrum per triginta & eo ampliùs annos procuravit.

### CAPUT III.

**I.** **I**gitur ex ore eorum Roberti ſcilicet de Foſſello & Willelmi Infirmarii noſtri didici quæ ſucceſſionis noſtræ memoriæ fideliter commendare ſuſcepi. Illud pro certo tenete, quòd habitatores hujus loci fuerunt prædicti Eremitæ primi, & plures ex eorum Fratribus quos enumerare longum duximus. Hoc iterum noverit veſtra Fraternitas, quòd in hoc loco primam manſionem non habuerunt, ſed elegerunt ſibi locum habitationis juxta Pontem Rune in terrâ petroſâ, quæ ſupereminet huic Abbatiz. Exiit autem ſermo inter fratres quòd locus ille non ſatis eſſet aptus ad permanendum, & de communi conſilio tranſtulerunt ſe cum ſuis omnibus ad locum

Auctor à quibus didicerit quæ ſcripſit.

CCcc iij

Etymon loci Abbatiz de Fontanis.

Rom. 4. 17.  
& 5. 20.

Primi qui hanc Abbatiam inhabitant.

istum quo nunc orantes degimus. Inter cætera verò ædificia quæ hîc construxerunt, ædificaverunt Capellam ligneam multæ pulchritudinis in honore sanctæ Mariæ Magdalenæ, ad cujus solemnitatem singulis annis ex vicinis locis confluebat non modica multitudo & fiebat lætitia magna in populo.

## CAPUT IV.

1. **A**ccidit in illo tempore quoddam dignum solemni recordatione: nam Willelmus ille Clericus, cujus superius mentionem fecimus, inspiratione divinâ tactus amore cordis intrinsecus, petivit licentiam à Domino Gaufrido & à Turonensi Archiepiscopo eundi Hierosolymam, & sicut petiit habuit; & abiit. Quando venit ergo sacri celebratio Sabbati Paschæ, accessit cum cæteris fidelibus ad Sepulcrum Domini volens interesse consueto miraculo, quo datus ignis divinitus illâ die præsentibus solebat omni anno lætificare, & cunctis videntibus qui aderant & præ gaudio mirantibus, cereus ejus divinâ virtute ardens & lucens apparuit. Inquisitus autem à Majoribus quis esset, & unde advenisset, confessus est & non negavit se esse de Galliâ, & huc advenisse à Turoniâ, & quod esset de Fontanis Eremita. Quia verò nuper obierat Patriarcha & adhuc vacabat sedes illa, tanto miraculo commoti Clerus & populus unanimi concordia cum in Patriarcham protinus elegerunt. Quo audito Fratres de Fontanis gavisi sunt gaudio magno valde, & laudaverunt Deum qui facit mirabilia magna solus.

## CAPUT V.

1. **P**ost hæc prædictus Lambertus Magnus ad Magistrum Gaufridum benedictionem petens accessit, quâ receptâ recessit, & causâ visendi sancta loca adiit Hierosolymam cum desiderio videndi Dominum Willelmum Patriarcham: quo cum pervenisset, & eum sanum & incolumem reperisset, salutantes se mutuo, & in oscula ruentes flentesque præ gaudio pariter confederunt. Tunc venerabilis Patriarcha pro labore itineris & periculis maris prius fratri Lamberto compatiens, festinans inquisivit dicens: Adhucne vivit Pater noster senior ille qui præerat domui nostræ? Et sigillatim de cunctis fratribus interrogans, reverenter ei respondit frater Lambertus. Et post hæc hilariter ministris suis iussit omnem humanitatem illi exhibere non solum illâ nocte, sed quàm diutius frater Lambertus mansit in Hierosolymitanâ civitate.

2. Adveniente verò tempore quo naucleros & nautas ad mare solet aura secundior revocare, & repatriantes peregrini cum multâ festinatione solent panem & aquam, & cætera ad usus proprios necessaria ad portum coadunare, didicit religiosus Patriarcha, quod frater Lambertus in illâ patriâ disponeret diutius permanere: quem cum advocasset, & seorsum & privatim tenuisset, cœpit cum eo multâ gravitate & pietatis affectione de loco isto sermocinari. « Misereor inquit super locum nostrum, quia nostri Fratres ibi manentes, & pro nobis orantes sine intermissione, suspensi quotidie se sperant a nobis literis aut nuntio seu quo-cumque beneficio jamjamque visitari. Unde te, « Frater carissime, oportet incunctanter remeare, « quia ad ipsos habeo secreta quæ perferas; » & aperto thesauro suo protulit phylacterium parvum argenteum in modum crucis, dicens: Frater mi, ecce lignum crucis in quo salus mundi pependit, & procidentes adoraverunt illud. Rursumque protulit tabulas ligneas plenas Reliquiarum, in quibus erat lapis insertus & mirifice sculptus, monstrans qualiter mulieres venerunt ad monumentum cum

aromatibus, & qualiter digito monstrat eis Angelus, ac si diceret: *Ecce locus: jam non est hic, sed surrexit Dominus.* Monstratur & ibi non parva portio Domini Sepulcri, cui supereminet signum Dominiæ Crucis ligneum, satis honestè locatum: in quarum circuitu maxima continetur multitudo Reliquiarum, quas præ multitudine non sum ausus numerare. Tradidit & altare suum proprium in quo celebrare consueverat quod usque hodie apud nos est candore & decore nimio cernentibus satis acceptum.

3. Protulit & casulam pretiosam & purpuream cum cæteris ornamentis sacerdotalibus, dicens: Hæc sunt, Frater carissime, quibus Deo disponente & te deferente sanctum locum de Fontanis decrevimus adornare, quod cum perveneris, & Fratribus nostris obtuleris, Deo teste, & me tibi asserente jurejurando fideliter affirmare poteris, quod sicubi in partibus istis aliqua portio Domini ligni remansit, prout verius & melius certiusque cognoscere potui, privatim & publicè investigare non omisi: quod cum reperissem, penitusque certus fuisset, cum timore & tremore, cum honore & amore usque hodie mecum assuevi deportare. Nunc ergo tibi mando & præcipio ut per mare & per terram quocumque perveneris, his sanctis Reliquiis, & maxime illi parvulo phylacterio quod continet lignum Dominiæ Crucis, reverentiam & honorem prout melius potueris, exhibere non omittas: & cum ad Fratres nostros Deo volente redieris, vide ut quod de sanctis Reliquiis me attestante discis, illis fideliter affirmes, asseras, inculces, & exponas. Nec tibi durum videatur, quod à me tam citò recedere permitto; neque dicas apud te, quod per alium nuntium satis possem ista transmittere; non enim hæc tam parvipendo ut ea traderem cuiquam sæculari aut laico, nec etiam minus fidelis nuntio.

4. Quo finito consilio, convocatisque in unum sociis Domini Lamberti, inter quos præcipuus erat vir genere & nobilitate insignis, quidicebatur vulgò filius Evraldi Senior de Codrilieto, quod est in Ambasiensi territorio, injunxit eis, ut in partibus istis testimonium perhiberent veritati super his Reliquiis, quas Frater Lambertus asportabat ab Hierosolymis: injunxit etiam illis ut honorem & amorem huic loco conservarent.

5. Quo sermone finito, & post celebratum convivium, hymno dicto privatim convocans Fratrem Lambertum, expensas ei tradidit in præsentem, prout in viâ ejus credidit competere necessitati. Et rursum eorum cunctis exiens Dominum Lambertum sociosque ejus sigillatim deosculans, elevata manu cunctos benedixit, imprecans eis prosperitatem hujus viæ & vitæ in portum salutis æternæ. Qui vale facientes ei, recesserunt ab eo gaudentes & exultantes super his omnibus quæ audierant & viderant. Et sic Dominus Lambertus felici navigio, cursu prospero rediit ad propria, secum deferens omnia quæ illi tradiderat venerandus Patriarcha.

6. Fratres verò de Fontanis valde consolati sunt in adventu Domini Lamberti, & susceptis tantis pignoribus & tanti viri salutationibus benedixerunt Deum; qui visitavit & fecit misericordiam cum illis.

## CAPUT VI.

1. **P**ost hæc cœperunt frequentius sollicitare & convenire Magistrum Gaufridum, ut se & suum locum transferrent ad aliquem Ordinem; qui non respondebat eis verbum. Agrotavit verò Ma-

Willelmus Hierosolymam petit.

Solitum miraculum de cereo divinitus accenso.

Willelmus fit Patriarcha.

Lambertus Magnus iter Hierosolymam aggreditur, visendi causâ Patriarcham.

Reliquias Patriarcha confert Lamberto ut eas ad Fontanenses deferat.

Ornamenta quoque Sacerdotalia.

De veritate Reliquiarum testatur Patriarcha.

Lambertus cum sociis patriam recepit.

Ut eligeret Regulam Gaufridus dicitur conatus Fontanenses

Magister Gaufridus, & erat languor ille fortissimus. Accedentes autem Fratres ejus ad eum, dixerunt: Dispone domui tuæ, quia timemus ne fortè moriaris, & amplius non vivas. Si tibi displicent isti Monachi nigri de Bonavalle qui juxtà nos habitant, an hi qui sunt Majoris Monasterii ex alterà parte? Si Canonicos Regulares non acceptas, si tibi placet mittamus usque Savigneum, quod est celebre Monasterium, de quo jam plurima processere Monasteria, ex quibus Abbates conveniunt ad Capitulum, & floret ibi Ordo, & eorum ubique redolet dulcis opinio. Quibus ille ait: si vultis mittere, mittite: & rapuerunt verbum de ore ejus. Mittentesque festinanter, adduxerunt Dominum Gaufridum Abbatem Savigniensem, & Dominum Hildebertum Archiepiscopum Turonensem. Affuit etiam dominus Raginardus de Castello, ad cujus dominium locus iste pertinebat. Omnes igitur in unum congregati Dominum collaudantes, statuerunt locum istum de cætero esse Abbatiam. Et ipsà die Archiepiscopus Turonensis benedixit in Monachos duodecim ex Eremitis; benedixit etiam in Abbatem Dominum Odonem Monachum de Savigniac, quem ad hoc secum adduxerat Gaufridus prædictus Abbas Savigniacensis. Et sic anno Verbi Incarnati MCCCXIV. tertio Idus Novembris fundata est Abbatia de Fontanis.

2. Illi verò qui supervenerant omnibus ritè celebratis, cunctisque dispositis remeantes ad propria, imperati sunt remanentibus præsentì prosperitate gaudere & futurà. Magister verò Gaufridus, & Dominus Gaufridus Bullonus, & Ascelinus Presbyter, & plures alii, quos nominare nescimus, recusaverunt se in Monachos benedici. Quibus Monachi concesserunt quocumque vellent ire, & de rebus Monasterii quidquid vellent sive in possessionibus sive in quibuscumque rebus quamdiù viverent, possidere.

3. Recessit igitur Magister Gaufridus, & habitavit in forestà ultrà fluvium qui dicitur Cherius, in loco qui dicitur Aqua-viva, ubi nunc est Canoniorum Regularium Abbatia. Unde & quo veniebat certum non comperimus, sed apud Castellum qui dicitur Montricardus invenit eum ultima dies & hora. Et detulerunt eum & sepelierunt in Cæmeterio prædictæ Abbatæ, talemque vir Dei sortitus est exitum vitæ. Ascelinus verò Presbyter cum alio Gaufrido, in loco qui dicitur Lauda habitavit, & obiit, & sepulturam habuit. Dominus verò Gaufridus, cognomine Bullonus circa suum finem ad nostrum Monasterium se cum suis omnibus transtulit, & in Claustro Monachorum Deo volente sepulturam promeruit. Et hic finis Eremitarum.

#### CAPUT VII.

Monachorum verò tenentes historiam, revertamur ad Dominum ODONEM primum Abbatem, qui postquam rediit ad mentem, expavit paupertatem; nihil enim ei dimiserant prædicti Eremitæ præter sedem Abbatæ, & hujus terræ petrosæ quantum quatuor boves poterant laborare, sed conversus ad Dominum de cælo petebat auxilium. Misit ergo Deus misericordiam suam, & liberavit eum à pusillanimitate spiritûs, & tempestate sæcularium actionum. Diebus autem suis completis obdormivit in Domino, cujus sepultura à nobis quotidie cernitur in Capitulo.

#### CAPUT VIII.

Hic successit Dominus GILBERTUS Savignienfis Monachus, ex cujus Monachis ego tres vidi & cum eis conversatus sum multis diebus: ex qui-

bus unus dicebatur Hugo de Brandellis, qui fuit Abbas de Buxeriâ; alter Dominus Alexander, qui postea fuit noster Abbas de Fontanis: tertius Omundus vir antiquus dierum, & ætate longiori decrepitus. Horum igitur relatu multa novi quæ scribenda proposui. Prædictus verò Gilbertus prædictam paupertatem reperiens aliquantulum sustinuit, quærens qui adjuvaret & consolaretur, & non inveniens abiit, & obiit in domo Savignienfi.

#### CAPUT IX.

1. IN diebus illis præerat in domo Savignienfi vir Venerandus nomine SERLO, valde litteratus, & cujus eloquium audientibus erat acceptabile super mel & favum. Hic igitur cum esset iustus, & paulatim cœpisset intelligere quòd quidam Coabatum suorum de subjectione Savignienfi sua colla molirentur excutere, ac tardius & repidiùs quàm solebant ad Capitulum venirent, divino fultus consilio & auxilio, impetratâ licentia & auctoritate summi Pontificis suum Monasterium cum cæteris omnibus ad illud pertinentibus Ordini Cisterciensi contradidit, & subjecit in manu Bernardi Abbatis Clarevallentis, vitæ cujus & Religionis auctoritas ubique redolebat. Erat enim vir potens in opere & sermone coram Deo & omni populo, qui continuò dedit Abbatæ Savignienfi in Priorem & eruditorem Ordinis Cisterciensis virum Venerabilem, nomine Theobaldum, qui cum esset sancti Dionysii Monachus & Infirmarius, & fortè vidisset S. Bernardum, relictis omnibus sequutus est eum. Erat autem iste Theobaldus nobilis genere, & de Pertico natus.

2. Illud autem volumus successorum nostrorum memoriæ commendare, quod quamdiù domus Savignienfis subjecta non fuit Ordini Cisterciensi, locus iste dicatus erat in honore S. Mariæ Magdalene, & ex quo se subjecit, sicut habetur, Cisterciensis ordo dicatus est in honore B. MARIE Virginis, cujus vita inclita cunctas illustrat Ecclesias.

3. Cum autem prædictus THEOBALDUS Savigneum pervenisset, & Fratris illius Cænobii Ordinem Cisterciensem sufficienter erudisset; post D. GILBERTUM dederunt illum nobis in Abbatem. Qui postquam locum istum regendum suscepit, recordatus sancti Dionysii divitias, & illius Clarevallentis Ecclesiæ multitudines copiosas, nec non & Savignienfis Cænobii sufficientes expensas, non minus quàm cæteri paupertatem extimuit, sed quia corde mitis erat, erat & hilari vultu, jocundus aspectu, eloquio facundus, jocosus in sermone, coram cunctis intrans & exiens gratus erat & amabilis valde, Prælati & Principes, Senatus & Judices, Principatus & Comites venerabantur eum: & quia talis erat, conferebant, inferebant & offerebant auxilium & consilium: & ita divino fultus auxilio & humano beneficio, gubernavit hunc locum usque ad vicessimum annum secundum.

#### CAPUT X.

1. ANno autem vigesimo primo ejus Prælationis, obiit longè prædictus Lambertus parvus, qui unus ex Eremitis, & ex primis Monachis benedictis, anno vigesimo secundo me suscepit in Novitium, & post me non suscepit alium. Nam circa festivitatem Omnium Sanctorum pergens Savigneum, fessus labore, & rupturam habens in corpore, solutionem petiit & impetravit, deinde per nos veniens abiit Claramvallem. Post non multum verò temporis Clarevallenses dederunt eum in Abbatem Monachis Castellionis, quod est nomen cujusdam Abbatæ in Lotharii Regno. Et quia incolæ illius patriæ pessimi sunt, & Dei hominem malè tractave-

Æras Aucto-  
ris.

1144.  
D: Serlone  
Saviniacensi  
Abbate.

Subjecit Savi-  
nacum Ordini  
Cisterciensi.

III: Abbas  
Theobaidus.

Commenda-  
tur.

Eo tempore  
Peregrinus,  
qui hæc scri-  
bit, Monachū  
induit.

Perunt Savi-  
niacensis Mo-  
nasterii, insti-  
tutum.

Monasterium  
de Fontanis sit  
Abbatia.

Primus Ab-  
bas Odo Sa-  
viniac. Mona-  
chus.

1134.  
Fundata Ab-  
batia Fonta-  
nenfis.

Plures Eremitæ  
primævi à  
Fontanis re-  
cesserunt.

Magister  
Gaufridus,  
Ascelinus, &  
Gaufridus  
Bullon.

Primus Abbas  
Odo.

II. Abbas Gil-  
bertus.

runt, vix secundum annum ibi peragens, dimissis illis reversus est Claramvallem. Postea verò tempore Domni ROBERTI prædecessoris mei ad nos rediit, & in pace quietè multos annos implevit.

2. Accidit verò quod Alicia filia Lodovici pii Regis, uxor Theobaldi Junioris Comitis Blesensis, proxima partui apud Castrumduum, timensque periculum mittens accersivit eum. Erat & ibi Gauridus Abbas de Galtinetâ cum eo. Et factum est cum essent ibi, completi sunt dies ut migraret à sæculo. Qui post lacrymabilem & devotam confessionem, post sancti liquoris unctionem, & sanctam Communionem, lætus & devotus, & plenus dierum migravit ad Dominum: quod audiens prædicta Comitissa vehementer indoluit, & cum honore debito ad nos usque deferri præcepit. Cujus corpusculum nos mœsti suscipientes, post celebratum Officium ante portam Oratorii sepelivimus cum in medio Claustrî.

## CAPUT XI.

1. CUI successit Domnus HERBERTUS Prior de Claromonte, vir. benè litteratus & valde Scholasticus, nobilis genere, & natus de Vovreio, qui locus est in territorîo Castrilidi. Erat autem vir bonus & religiosus, aliquantulum tamen impetuosus & onerosus, sed unde hoc inerat illi diffinire non audeo, an ex fervore Religionis, seu ex naturali motu complexionis: illud autem benè recolo, quodd ex ejus moribus ejusque sermonibus multum edificatus remansi. Duabus enim de causis post duos annos à nobis recessit, primam puto, quodd se novit nostrorum moribus convenire non posse; secundam, quia fallaces & maligni suggererant Theobaldo Comiti, quodd Abbas ille insidiosè ageret contra illum tempore guerræ & dissensionis, quæ in diebus illis orta est inter HENRICUM Regem Angliæ seniore, & HENRICUM filium ejus juniorem.

2. Adhuc quâdam vice prædictus Abbas Comitem Theobaldum, & pro necessitate domûs hujus deportabat illi quoddam responsum, qui non detulit ei, sed durè loquutus est, & exasperavit eum. dimisitque vacuum. Vir autem Dei valde contristatus citò rediens petiit Savigneium, & suæ Prælationis penitens omisit officium. Inde venit Claromontem, & Claromontes eum læti suscipientes constituerunt eum Priorem. Nec multo post cum Clerici Redonenses Abbatem ejus Domnum Philippum in Episcopum elegissent, & Fratres ejus promoverunt eum in Abbatem. Parvo autem tempore transacto, prædictus Philippus Episcopus obdormivit in Domino. Quo defuncto Clerici Redonenses Domnum Herbertum quæsierunt, & habuerunt in Episcopum. Qui sicut vidimus & audivimus pluribus annis vixit in Episcopatu; insistens bonis operibus, plenus dierum & meritis secessit à sæculo.

3. Hujus verò recessum à nobis graviter tulerunt majores natu de domo Savignei, ita ut cum ad electionem nostram de more peterentur advenire, exhiberent nobis illud Esaie: *Manda, remanda, expecta, reexpecta*; tandem post longam fatigationem & dilationem, nolentes aut non volentes venire, miserunt Domnum Simonem Abbatem Sancti Andree, qui postea præfuit Savignienfi Ecclesiæ. Hic ergo cum ad nos pervenisset, & ab eis habuisset mandatum ut in electionem Domni Roberti Prioris hujus Domûs non consentiret, siluit. Factâ autem electione cum ejus assensum quæreremus, ait: Illud

omniñò stare non potest. Et cum ab eo quæreremus causam, respondit: Hoc in mandatum non accepimus à nostris Majoribus. Optionem tamen nobis dedit quemcumque de cæteris eligere vellemus in Abbatem, & nos ignorabamus quid agere deberemus. Quod cum cognovisset Domnus Robertus Prior ait: Nolite turbari, neque pro me æmulari. Et consensimus omnes in Portarium nostrum, ALEXANDRUM nomine, qui dudum missus de Savigneio Monachus nobiscum Religiosus habitarat. Erat autem Anglicus natione, sed venerandus, maturâ conversatione, linguam namque refrænans temperabat ne litem insonaret, visum fovendo contegebat ne vanitates exhauriret, & nihil in eo apparebat quod debuisset offendere intuentes. Erat autem vir iste debilis corpore cum multâ macie, nec tam erat litteratus, ut in Capitulo lectionem Regulæ auderet explicare & exponere: qui cum se debilem & minus sufficientem cerneret, misit & accersivit Abbatem de Savigneio Domnum scilicet Willelmum de Tolosâ, virum utique pie recordationis, qui secundò præfuit Abbatiæ Savignienfi, & postea obiit Abbas Cisterciensis: qui veniens ad domum nostram, ab administratione suâ Domnum Alexandrum absolvit, & in ejus loco celebratâ electione, uno die & eodem Capitulo Domnum ROBERTUM nostrum Priorem subrogavit. Quem cum quidam maligni & invidi coram Domino Abbate Savignienfi vellent diffimare, & ei prædecessorum suorum fugam imponere, Domnus Willelmus Abbas fertur respondisse: Sinite si benè egerit, Deo gratias, sin aliâ, noverit nos in proximo uti abscessionis ferro. Et sic obstructum est os loquentium iniqua. Domnus autem Alexander vix tertium annum peragens post absolutionem suæ administrationis, paucis diebus expletis, vacante Domino migravit à sæculo, & sepelivimus eum juxta laurum, inter majus Oratorium & Capellam infirmorum.

## CAPUT XII.

1. DOMNUS autem ROBERTUS novus Abbas institutus, cœpit audaciùs quàm consueverat gregis sibi commissi negotia pertractare, possessiones, grangias & res universas prout melius poterat emendando perlustrare. Erat enim vir fortis & copulentus, & non memini me novisse hominem cui tam parvus sufficeret cibus. Et quamvis esset rusticus & gracili voce & continuo labore, curâque pervigili, fatigatus non se subtrahebat divino operi. Semper in psalmis, hymnis & canticis spiritualibus intrans & exiens, in corde suo psallebat Domino. Monachos omnes & maximè juniores Psalmos, Hymnos, Officia Gradualis & Antiphonarii, & cætera quæque ad divinum Officium pertinentia frequenti recordatione prout poterat, cogeabat memoriter retinere.

2. In diebus ejus Psalmos, Hymnos & cantus universos alius, productius, & ut ita dicam solemnâ decantare consuevimus, quàm ut verum fatear Monachis nostri temporis unquam persuadere potuimus. Hic est qui abundantius laboravit pro gente, & universâ nostrâ Congregatione. Aliorum etenim temporibus portavit pondus diei & æstus; & quia in meditatione suâ exardescerebat ignis divinus, & frequenter apparebat iracundus, à junioribus timebatur, & à senioribus reverebatur. Huic Ecclesiæ præfuit, ut credimus, annis duodecim & eo amplius, completisque diebus appositus ad Patres

V. Abbas Alexander.

Paulo post cessit regimine.

VI. Abbas Robertus.

Observantissimus fuit disciplinæ Monachicæ.

IV. Abbas Herbertus.

Abdicavit Abbatiam.

Philippo Abbate Claremont. electo Episcopo Redonensi Herbertus fit Abbas: deinde successit Philippo.

Isai. 28. 13.

a ut migraret] Scilicet Abbas Theobaldus, non Lambertus, ut existimavit Acherius, qui Robertum Abbatem

obstrudit inter Theobaldum & Herbertum, ac sic Peregrinum.

suos,



suos, & sepelierunt eum in Capitulo nostro ad dexteram Domni Odonis primi Abbatis.

3. Me autem pro quodam responso jam miserat usque Vindocinum, cuius autem exitum vitæ à Vindocino rediens cognoscens in mediâ viâ quâ veniebam, fletus & contristatus incedens dicebam illud Elizei: *Pater mi, Pater mi, currit Israel & auriga ejus.* Multis enim diebus fuerat currus nos vehendo, fuerat & auriga noster agendo & regendo.

### CAPUT XIII.

**P**ost obitum Domni ROBERTI, Monachi hujus Congregationis cum Domino Willelmo Abbate Savignienfi, & quatuor Abbatibus aliis pariter in unum congregati, die Apostolorum Petri & Pauli me invitum & indignum substituerunt Abbatem. De me autem historiam tenere nec debeo, nec audeo, nec valeo, quia nondum notum mihi fecit Dominus finem meum, neque numerum dierum meorum novi, quamvis sint mensurabiles apud Deum: finem verò loquendi jamjamque faciemus, quia prolixitas fastidium generate solet, & brevitatis auribus amica placet. Annus verò quo hæc scripsimus erat ab Incarnatione Domini MCC. Ego autem tricesimum annum peregeram à die Conversionis meæ, & duodecim peragebam in statu Prælationis. Dominus siquidem Willelmus Infirmarius quadragesimum secundum, & Dominus Robertus de Folello quinquagesimum à die suæ Conversionis peragebant. Universitatem siquidem vestram admonemus, ut historiam Prælatorum & possessionum hujus Ecclesiæ de cætero tenere non omittatis, quæ nostris successoribus valde comprobatur utilis, non solum in legentium recreatione, verum etiam in possessionum nostrarum cognitione, defensione & conservatione; sicque meritò nostri memoriam posteris relinquetis in benedictione.

*Explicit prima pars de successione Prælatorum.*

### INCIPIT SECUNDA PARS.

**P**rimum quidem sermonem feci de institutione hujus Cœnobii, & usque ad nostra tempora de successione Prælatorum, in secundo verò dicendum est de cognitione libertatis & possessionum. Mihi autem videtur triplex esse nostra libertas, prima per Spiritum sanctum, secunda auctoritate Romanorum Pontificum, tertia ex liberalitate secularium Potestatum. De primâ habemus authenticum sanctum Evangelium cum Actibus Apostolorum: de secunda, plurima sanctæ Romanæ Ecclesiæ & Apostolicæ sedis privilegia, quorum quædam continentur apud Cistercium, quædam apud Claramvallem, quædam apud Savignium, quædam verò apud istud Cœnobium. Illorum vero quæ locis supradictis continentur, tria tantum rescripta huic Operi judicavimus inferenda: & his subjungemus piæ recordationis Alexandri Papæ privilegia, quæ in præsentem continentur Ecclesiâ. De tertiâ libertate habemus munimenta Comitum, Baronum, Judiciarumque potestatum. Cognitionis verò possessionum fit aliquando per auditum, nonnunquam per visum, aliquando verò per instrumentum, perspicacior tamen illa est quæ fit ex certitudinis trium prædictorum. Et ne quis vestrum de cætero de ignorantia suâ se valeat excusare, utile fore duximus in hoc libello cunctas per ordinem & ex integro inferere chartas, ut proficiatis abundantius ex earum lectione in li-

*Tom. II.*

bertatum & possessionum nostrarum cognitione.

#### *Privilegium INNOCENTII Papa secundi.*

**I**NNOCENTIUS Episcopus servus servorum Dei, dilecto filio STEPHANO Cisterciensi Abbati, ejusque successoribus regulariter substituendis in perpetuum. . . . Statuimus enim ut possessiones & bona quæ ad eundem locum in præsentiarum justè & canonicè pertinere noscuntur, aut in futurum concessione Pontificum, liberalitate Regum vel Principum, oblatione fidelium seu aliis justis modis auxiliante Domino ei conferri contigerit, firma tibi tuisque successoribus, & illibata permaneant. Prohibemus ne aliquis Archiepiscopus, aut Episcopus te vel successores tuos, seu aliquem Abbatem Cisterciensis Ordinis, nisi pro fide ad Concilium vel Synodum venire compellat. Quia verò Cisterciense Monasterium hujus Religionis origo est atque principium, nostrâ concessione hac prærogativâ non immeritò gaudeat, ut si quando fuerit Pastore proprio viduatum, quemlibet Abbatem de omnibus Abbatibus vestri Ordinis vel Monachum sibi liberè præficiendum eligat, & absque aliqua contradictione obtineat; cæteris verò vestri Ordinis Abbatibus, quæ unam vel plures Abbatis habent sibi subditas, & de sui corporis fructiferâ copiâ derivatas, Abbate suo rebus humanis exempto eligendi quemcumque maluerint de sibi subjectis Abbatibus, vel quemlibet Monachorum de omnibus congregationibus Cisterciensibus liberam concedimus facultatem. Illa autem Abbatia quæ nullam habet subditam, quemlibet Monachum de omnibus præfatæ Religionis Congregationibus liberè sibi in Abbatem eligat & habeat.

Porro Conversos vestros, qui Monachi non sunt, post factam in vestris Cœnobis professionem nullus Archiepiscoporum, Episcoporum, vel Abbatum, sine vestrà gratâ licentiâ suscipere, aut susceptum retinere præsumat.

Statuimus ut de laboribus quos vos, & totius vestræ congregationis Fratres propriis manibus & sumptibus colitis, & de animalibus vestris à vobis decimas expetere vel recipere nemo præsumat. Nulli ergo, &c. Conservantibus verò eidem loco quæ sua sunt, sit pax Domini nostri JESU-CHRISTI, quatenus & hic fructum bonæ actionis percipiant, & apud districtum Judicem præmia æternæ pacis inveniant. Amen.

**E**GO INNOCENTIUS Catholicæ Ecclesiæ Episcopus.

Ego JOHANNES Tit. sancti Chrysogoni Presbyter Cardinalis.

Ego ROMANUS Diaconus Cardinalis S. MARIE in Porticu.

Ego GREGORIUS Diaconus Cardinalis SS. Sergii & Eacii.

Datum Cluniaci per manum AIMERICI S. R. E. Diaconi Cardinalis & Cancellarii, IV. Idus Februarii. Indiæ. x. Incarnationis Dominicæ anno MCCXXXI. Pontificatus verò Domini Innocentii secundi Papæ anno secundo.

#### *Aliud Privilegium ejusdem.*

**I**NNOCENTIUS Episcopus servus servorum Dei, dilecto filio BERNARDO Clarevallensi Abbati, ejusque successoribus regulariter substituendis in perpetuum. . . . Cæterum quàm firmâ perseverantique constantiâ causam beati Petri & sanctæ Matris tuæ Romanæ Ecclesiæ, dilecte fili in Domino Bernarde Abbas, incandescens Petri Leonis schismate fervor tuæ Religionis & discretionis suscepit de-

D D d

4. Reg. 2. 12.

VII. Abbas Peregrinus Scriptor hujus historia.

1200.

fenfandam, & se murum inexpugnabilem pro Domino Dei opponens, animos Regum ac Principum, & aliarum tam Ecclesiasticarum quam sæcularium personarum ad Catholicæ Ecclesiæ unitatem, & beati Petri ac nostram obedientiam frequentibus argumentis & ratione munitus inducere laboraverit, magna quæ Ecclesiæ Dei & nobis provenit utilitas manifestat. Quamobrem tuis iustis desideriis accommodantes assensum, Beatæ Mariæ Dei Genitricis Monasterium, cui Deo auctore præsidet, cum omnibus ad ipsum pertinentibus Apostolicæ sedis patrocinio communivimus. Statuentes ut quæcumque possessiones aut bona ad eundem locum, &c. *ut supra.*

Ego INNOCENTIUS Catholicæ Ecclesiæ Episcopus.

Ego MATTHÆUS Albanensis Episcopus.

Ego ROMANUS Diaconus Cardinalis S. Mariæ in Porticu.

Ego JOANNES Tit. S. Chryfogonis Presbyter Card.

Ego GREGORIUS Diaconus Cardinalis SS. Sergii & Bachi.

Datum Lugduni per manum AIMERICI S. R. E. Diaconi Cardinalis & Cancellarii XIII. Kal. Martii. Indict. x. Incarnationis Dominicæ anno MCCXXI. Pontificatus Domini Innocentii Papæ secundi anno tertio.

*Privilegium LUCII Papæ secundi.*

**L**UCIUS Episcopus servus servorum Dei, dilectis filiis SERLONI Abbati S. Trinitatis Savign. Monasterii, ejusque successoribus regulariter substituendis in perpetuum. . . . Quia igitur Fratres Savignienfis Monasterii à curâ sæculari liberos, & divinis servitiis mancipatos piè vivere ac religiosè cognovimus, idcirco, dilecte in Domino fili Serlo Abbas, tuis iustis postulationibus duximus annuendum, & præfatum Savignienfè Monasterium, cui Deo auctore præsidet, cum omnibus suis pertinentiis sub beati Petri & nostrâ protectione suscipimus, & præsentis scripti privilegio communimus. Imprimis statuentes ut Ordinem Monasticum secundum beati Benedicti Regulam, & Instituta Regulæ competentia inviolabiliter observetis. Si quis verò ex Abbatibus, Monachis quoque vel Conversis vestræ Congregationis à proposito & ordine exorbitaverit, & secundo tertiove commonitus incorrigibilis remanserit, Abbate absque ullâ contradictione retento, juxta providentiam Savignienfis Abbatis qui pro tempore fuerit, loco ipsius alius idoneus substituat: Monachus verò si contumax fuerit, regulariter corrigatur.

Prohibemus etiam ut nullus Abbatum in ordine vestro facere schisma præsumat, aut commissam sibi Abbatiam, vel quemlibet alium locum absque assensu communi alterius ditioni tradere.

In benedictione verò Abbatum vestrorum exactionem cappæ, vestimenti, pastûs, seu cujuslibet terreni quæritûs ab aliquo fieri omnino interdiciamus.

Præterea quæcumque possessiones & bona, &c. *Habentur ut in prædictâ Bullâ Bernardo Clareval. Abbati concessa.*

Prohibemus ne aliquis Archiepiscopus aut Episcopus te vel successores tuos, seu aliquem Abbatem Savignienfis Ordinis, nisi pro certâ & evidenti negotiorum Ecclesiasticorum causâ, vel culpâ manifestâ, ad Concilium vel Synodum venire compellat. Porro Conversos vestros, &c. *ut supra.*

Ego LUCIUS Catholicæ Ecclesiæ Episcopus.

Ego CONRADUS Sabinienfis Episcopus.

Ego GREGORIUS Diaconus Cardinalis SS. Sergii & Bacchi.

Ego GREGORIUS Presbyter Cardinalis Tit. S. Calixti.

Ego PETRUS Albanensis Episcopus.

Ego GUIDO Diac. Card. SS. Cosmæ & Damiani.

Ego RAYNERIUS Presbyter Card. S. Priscæ.

Ego GUIDO Presbyter Cardinalis SS. Laurentii & Damiani.

Ego GREGORIUS Diac. Card. S. Angeli,

Datum Laterani per manum BARONIS S. R. E. Subdiaconi Nonis Decembris, Indictione VIII. Incarnationis Dominicæ anno MCXLIV. Pontificatus verò Domini Lucii secundi Papæ anno primo.

*Privilegium Alexandri Papæ III.*

**A**LEXANDER Episcopus servus servorum Dei, dilectis filiis Theobaldo Abbati Ecclesiæ sanctæ Mariæ de Fontanis, ejusque Fratribus, &c. Statuentes ut quascumque possessiones in quibus hæc propriis duximus exprimenda vocabulis: Abbatiam videlicet vestram quæ vocatur FONTANE, cum nemore quod dicitur Theulin, & cum alodiis & cæteris terris circumadjacentibus, quas RAINALDUS de Castello, & HUGO Lumbart, & RAINALDUS Aucherii vobis dederunt, & Comes THEOBALDUS & IDEBERTUS Turonensis Archiepiscopus sigillis suis confirmaverunt. Terram quam habetis in castris; grangiam quæ vocatur Sicca Noa, cum terris ad ipsam pertinentibus. Terram quæ dicitur Villana; terram quæ dicitur Travalleria; Laudam cum appendiciis suis; molendinum, terram, fupem & vineas quas apud Lineriacum habetis; terram quæ dicitur Princiaceum; & terram quæ vocatur Campus Britonis, grangiam quæ vocatur Puza, & Gievin cum vineâ & terris ad ipsam pertinentibus; grangiam quæ vocatur Rogerol cum appendiciis suis, & terram de Trunchetis; sub beati Petri & nostrâ protectione suscipimus.

Præsentis quoque decreto sancimus, ut Episcopus, in cujus Episcopatu Ecclesia vestra consistit, nec regularem electionem Abbatis vestri unquam impediatur, nec de removendo vel deponendo eo qui pro tempore fuerit, contra statuta Cisterciensis Ordinis, & auctoritatem privilegiorum suorum se ulatenus intromittat.

Sancimus autem ne quis Archiepiscopus aut Episcopus, sive cujuslibet Ordinis persona, locum vestrum à Divinis interdicat officiis, sed liceat vobis omni tempore clausis januis, non pulsatis tintinnabulis, exclusis excommunicatis & interdictis, suppressâ voce diuina officia celebrare, nisi Abbatis vel Fratrum istius loci evidens & manifesta culpa extiterit.

Paci quoque & tranquillitati vestræ paternâ sollicitudine providentes, auctoritate Apostolicâ prohibemus, ut infra clausuras locorum seu grangiarum vestrarum nullus violentiam vel rapinam, live furtum facere, vel hominem capere audeat. Et si quis hoc temerario ausu præsumserit, sacrilegus judicetur. Nulli ergo, &c. *Sicut in præscriptis Bullis.*

ALEXANDER Catholicæ Ecclesiæ Episcopus.

HUBALDUS Ostiensis Episcopus.

BERNARDUS Portuensis & S. Rufinæ Episcopus.

GALTERIUS Albanensis Episcopus.

HUBALDUS Presbyter Cardinal. Tit. S. Crucis in Hierusalem.

HENRICUS Presbyter Card. Tit. SS. Nerei & Achillei.

JOANNES Presbyter Cardinalis Tit. S. Anastasie.

ALBERTUS Presbyter Card. Tit. S. Laurentii in Lucinâ.

GUILLIELMUS Presbyter Card. Tit. S. Petri ad Vinculâ.

JACYNTUS Diaconus Card. S. MARIE in Cosmedin.

ODO Diaconus Card. Sancti Nicolai in Carcere Tulli.

ARCILICIO Diaconus Card. S. Theodori.

BOSO Diaconus Card. SS. Cosmæ & Damiani.

JOANNIS Diaconus Card. S. MARIE in Porticu.

Datum Turonis per manum HERMANNI sanctæ Romanæ Ecclesiæ Subdiaconi & Notarii xi. Kal. Novembris, Indiæ. xi. Incarn. Dominicæ anno MCLXII. Pontificatus verò Domini Alexandri Papæ tertii, anno quarto.

*Privilegium LUCII Papæ.*

**L**UCIUS Episcopus servus servorum Dei, Venerabilibus Fratribus Turonensi Archiepiscopo, & ejus suffraganeis, & dilectis filiis Archidiaconis, Decanis, &c. Datum Veronæ Idus Octobris. *Continet tantum hac Bulla exemptionem decimarum & navalium.*

*De Libertate nemorum.*

**E**GO ILDEBERTUS Dei gratiâ Turonensis Archiepiscopus. Donum quod Dominus Rainaldus, Ecclesiæ de Fontanis in manu meâ fecerunt, sigilli mei auctoritate corroboro. Donum autem tale est:

RAINALDUS Aucherii, & HUGO Villanus cum Helduino de Connenz sororio suo, D. RAINALDO de Castello, filioque suo RAINALDO cum cæteris filiis suis concedentibus; concedente etiam GANNELIONE de Balgenciaco, cum filio suo GARNERIO locum Fontanarum, quem indigenæ allodia vocant, integrè, quidquid videlicet ibi habent sive in planâ terrâ, sive in pratis, sive in nemore; totum Deo & Ecclesiæ de Fontanis liberè & absolūtè dant & concedunt: dominus autem RAINALDUS de Castello donat & concedit Deo & præfatæ Ecclesiæ, & Fratribus ibidem Deo famulantibus, Vicariam, forisfactum sanguinis, glandem nemoris, denique quidquid ibidem sui juris fuit usque hodie, sibi tantummodo venatione retentâ. Donat etiam dominus RAINALDUS de Castello Fratribus de Fontanis, de Forestâ quæ Blimardum vocatur ad omnes usus suos quantum & ubicumque necesse habuerint, excepto quòd de eâ nec dent nec vendant. Concedit etiam eis glandem ejusdem Forestæ, ut eam suis propriis porcis quamdiu voluerint gratis habeant, &c. Hujus doni sunt testes ALVEREDUS Archidiaconus.

RADULPHUS Decanus.

ALBERICUS Cancellarius.

ROBERTUS de Rupibus.

GAUFRIDUS Melschinus.

ARRANDUS Malaterra.

HUGO de Verno.

FULQUERINUS Faitmal.

BERNARDUS Mandros.

Actum est 7. Idus Augusti anno ab Incarnatione Domini 1227. Regnante in Galliâ Ludovico Rege, Fulcone Andegavensi Comite.

*De Libertate loci, qui dicitur Landâ.*

**E**GO RAINALDUS de Castello Rainaldi concedo Magistro GAUFRIDO Eremitæ, postquam ipse disjunctus se de societate Monachorum de Fontanis, quemdam locum qui vocatur Landâ, & quidquid illic habeo, scilicet latronem, & forisfactum sanguinis, & quidquid ibi habeo, pro se & successoribus suis. Dono etiam illi pascagium de Forestâ de

Blimarz, & ligna ejusdem forestæ ad se calefaciendum & ad domos suas ædificandas, quod præc. & voluntate bonâ domini mei Comitis Theobaldi factum est: hujus rei testes:

RAINALDUS Alcherii.

GAUFRIDUS Melschinus.

HELDUINUS de Connenz.

BERNARDUS Mandrusius.

MINARDUS de Buscheio.

Actum est anno Domini MCXI. & sigillo GAUFRIDI Carnotensis Episcopi confirmatum.

ROBERTUS de Grata-Lupo, & RAHERIUS de Montebasonis, filii & filiiab eorum, concedentibus, dederunt Deo & Ecclesiæ de Fontanis de terrâ suâ, quæ vocatur Castras; quantum cum duabus carrucis per singulos annos arare possent, & unum quadrantem prati, & de vivo bosco per quinque annos ad domos suas ædificandas: postea verò mortuum nemo ad omnia necessaria faciendâ, & pascua pecorum; exceptis porcis, tempore pastionis in perpetuum concesserunt. Huic dono interfuerunt de Canonicis sancti Florentini, MAURICIUS Herveus, MATTHEUS Radulphus, IVO Clericus, GAUFRIDUS BOUZON.

Post longum verò tempus PETRUS filius Raherii de Montebasonis, & ARCHEMBAUDUS de Vindocino acceperunt in uxores duas filias BUCARDI de Grata-Lupo; Petrus scilicet MILESENDIN, & Archembaudus PETRONILLAM. Isti autem elemosynam, quam antecessores sui Deo & Ecclesiæ de Fontanis fecerant, concesserunt, præsentibus dominâ GAROTA matre Milesendis, GAUFRIDO BOUZON, RADULPHO de Persio, ASCELINO, GAUFRIDO de Balnol, & AUCLINO fratre ejus, MARCO avunculo prædicti Archembaudi, & JOSEBTO Ludovici, & pluribus aliis. Terra verò prædicta metatâ fuit, in præsentia Domini GISLEBERTI tunc temporis Abbatis de Fontanis, & GI ALDI Radulphi, & CSMUNDI suorum Monachorum, GAUFRIDI Pouzon, GAUFRIDI Præfecti de Aultresches, FERVEI Carpentarii, & GASTINELLI.

RAINALDUS Rabel dedit Deo & Monachis de Fontanis decimam de Siccâ Noâ, cum quibudam terris ibidem; & apud Aultresches consentiente Petronillâ uxore sua, testibus Ulrico de Pelvezin, Guiberto de Plaffio, Buchardo de sancto Amando, Rainaldo de Melleio, & aliis.

GAUFRIDUS Dei gratiâ Carnotensis Episcopus. Notum sit, &c. quòd cum aliquando per locum domini GAUFRIDI, qui Saltus dicitur, transitum haberem, concessit idem dominus Gaufridus & fratres ejus similiter in manu Dei & nostrâ eundem locum integrè cum pertinentiis suis. Nos igitur precibus eorum clementer annuimus, & prædictum locum suum sub tutelâ & custodiâ Dei & nostrâ recepimus, & in vitâ videlicet ejusdem domini Gaufridi & post decessum ejus. Quicumque ergo, &c.

Notum sit præsentibus & futuris, quòd Ego Goffenus Carnotensis Episcopus pro salute animæ meæ & domni prædecessoris & avunculi mei bonæ memoriæ Gaufridi, rogatu domni Bernardi Claraevallensis Abbatis, & aliorum Religiosorum Abbatia de Fontanis, locum quemdam non longè ab eâ in Episcopatu Carnotensi situm, qui Landâ vocatur, cum omnibus quæ pertinent ad ipsum locum, & qui in manu nostrâ erat, liberè in perpetuum à Fratribus prædictæ Abbatia ad opus grangia concessi. Testibus PAGANO Carnotensi Archidiacono, MILONE ejusdem Ecclesiæ Canonico & Presbytero, ODONE ejusdem Ecclesiæ Diacono & Canonico, nec non ERNALDO Bonævallis, GAUFRIDO Blesensi, RICARDO Eleemosynæ, & STEPHANO Regniaci Ab-

batibus: GISEBERTI Fontanarum Abbatis tempore.

ROBERTUS Dei gratiâ Carnotensis Episcopus. No-  
verint omnes locum istum qui Lauda nominatur, in  
manu domini Gaufridi Carnotensis Episcopi præde-  
cessoris nostri fuisse datum sub patrocinio & prote-  
ctione ejus. Ideoque auctoritate Dei & Ordinis  
nostri sententiam anathematis super illos omnes  
constituo, siue Religiosi siue cujuslibet alterius Or-  
dinis fuerint, qui prædictum locum aliquâ occu-  
patione vel inquietatione malè tractare & persequi,  
siue in alium statum transferre sine assensu vestro  
præsumserit.

JOANNES Dei gratiâ & meritis Beati Thomæ  
martyris Carnotensis Ecclesiæ Minister humilis,  
PETRO de Candείο, salutem. Tuæ utilitati provi-  
dentes consulimus & monemus, ut in eleemosynâ  
tuâ de Lauda Monachos de Fontanis contrâ formam  
Ordinis Cisterciensis Missam celebrare non compell-  
as; sufficiat autem devotioni tuæ Officium Di-  
vinum, quod in ipsâ Abbatia pro tuâ & præde-  
cessorum tuorum salute celebrare Monachi statue-  
runt.

PHILIPPUS Lancelini dat in eleemosynam Fratri-  
bus de Fontanis omne quod habet apud Gutam tam

in pratis quàm in nemore, & duos solidos censua-  
les apud Monceium. Concedentibus DOGNA matre  
suâ, AGNETE uxore suâ, MATHILDE filiâ suâ, MA-  
THILDE sorore suâ, & nepotibus suis HERVEO,  
LUCETE & AALIZ. Testibus GERVASIO de Plelleio,  
JOANNE Ruillez, GOSBERTO Presbytero de Per-  
reio, HUGONE Presbytero de Gubergen, PHI-  
LIPPO & Pagano de Poncio & aliis, anno  
MCCXC.

HENRICUS Dei gratiâ Albanensis Episcopus Apo-  
stolicæ sedis Legatus, HELCHIMBALDO Windoci-  
nensi & PETRO de Candείο Militibus salutem. No-  
tificavit nobis Abbas de Fontanis, quod in terrâ  
quâdam, quam de eleemosynâ vestrâ possidet, Ca-  
pella noscitur antiquitûs constituta, in quâ vultis  
ut Divina jugiter Officia celebrentur. Scire autem  
vos volumus, quod in pluribus locis Ordinis Capel-  
læ sunt dirutæ vel sublatae, ut cessante concursu  
frequentia salutaris Ordinis institutio liberius con-  
servetur: unde monemus vos & mandamus, quâ-  
tenus ab hac intentione cessetis, nullum inde pecca-  
tum vel scrupulum formidantes, si prædicta Ca-  
pella pro servandâ pace Ordinis à Divini Officii  
celebritate vacaverit.



## MONITUM.

**P**ROFERIMUS historiam Abbatiae Condomensis, nunc Episcopatus, hætenus ineditam,  
Pauktore Monacho anonymo. Ejus verò historiae exorata sic falsis narrationibus fœdata erant  
& conspurcata, ut ea expungere necessarium duxerimus, ne Lector eruditus insulsis ejusmodi  
initis offensus, cætera ejusdem historiae, quæ profutura esse existimavimus, respueret. A plu-  
ribus verò Auctoribus contextam esse hanc historiam varius demonstrat stilus: initio siquidem  
non ita rudis ac barbarus apparuit scriptor narrationis, quæ post medium pinguiori Minervâ des-  
cripta est. Codicem MS. misit V. Cl. Ant. Dandinus Altēferræ.

## HISTORIA ABBATIAE CONDOMENSIS. NUNC EPISCOPATUS.

\* Ecclesiæ  
Condomensis.

**Q**UANTUS verò sit ei \* honor exhibendus & re-  
verentia, pandit ignorantibus Epitaphium in-  
dustria Domni EGALSI Ducis Aquitaniae editum,  
& ne unquam oblivioni daretur, in tabulâ marmo-  
reâ sculptum. Certè sicut studiosus lector compre-  
hendere valet, subtili sensu & succincto satis ser-  
mone expressum est, adeo ut vix gustum sitientibus  
præbeat: adhæret autem tabula, in quâ Epi-  
taphium continetur, parieti retrò altare, & in  
eminentiori loco posita hujuscemodi retinet verba:

*Templum, Christe, tuis famulator AGALSIVS  
offert,*

*In quo se socias mater & uxor agunt.*

*Tu cœli è folio terrenum illabere mysten,*

*Et puram puro trade fidem populo.*

*Hic mera perpetuò recinunt altaria Christo,*

*Et calet arcanis nox vigilanda sacris.*

*Hic & Justorum gaudent componier urna,*

*E Transalpinis qui veniunt tumulis.*

*Ambitus hic templo est, atque ambitus iste se-  
pulcro,*

*Quisquis sanctus adi, quisque profanus abi.*

Ego ALGASIVS Aquitanorum Dux, & mater mea  
Ilamburgis, & uxor mea Agnes hunc locum dedi-  
mus Domino nostro JESU-CHRISTO Salvatori, ob  
peccatorum nostrorum indulgentiam parentumque  
nostrorum salutem.

Verùm hæc & his similia, quo tempore fuerint  
gesta, nobis est ignotum, quoniam barbarorum in-  
festatione oblivioni sunt data. Post mortem enim  
Lodoici Pii, ejus inter se dissidentibus filiis & inte-  
stinâ clade certantibus, gentes perfidæ & cultibus  
adhuc dæmonum irretitæ, Sclavorum videlicet,  
Normannorum atque Hunnorum, occasione acce-  
ptâ, suæ claustra habitationis irruerunt, & per in-  
tervalla temporum sibimet succedentes, nonnullas  
Galliæ provincias invaserunt, cædibus & rapinis,  
ferro & flammis universâ vastantes. Porro Nor-

Psal. 78. 1.

mannorum perfidiam tanto amplius experti sunt Aquitani & Guascones, quanto semper Deum ad iracundiam provocaverunt peccantes. Nam urbes eorum potentissimæ tunc desolatæ sunt, oppida subversa sunt, loca populosa ad eremum redacta sunt, & habitacula Deo sacrata, juxta illud Psalmistæ, *in perierum custodiam posita sunt.*

Eodem tempore quo hæc mala sunt perpetrata, Deo permittente, Cœnobium istud igne succensum, magnæque ex parte est dirutum: si quid fuit in ornamentis & bibliothecis, traditum est combustioni, urna tantummodo remansit illæsa, & à contagione ignis aliena, ut fuerat altaris in medio collocata, divinâ hoc agente clementiâ, cui patent quæque intima. Caput quoque Basilicæ omnisque ambitus altaris, licet exustum, tamen solidum remansit. Interea locus vacuus effectus est, habitatoribus partim gladio necatis, partim captivatis, partim in fugam versis, cœpitque vestiri sentibus & virgultis, qui ante vestiebatur populorum turmis.

Instauratio  
Cœnobii Con-  
domensis.

Manfit autem sine cultu ecclesiastico, & debitâ veneratione diuturno tempore, donec honorem Comitissæ sortita est religiosa fide; hæc conjux fuit GARSIA Principis cognomento Curvi, verè felix ille Curvus tali collega erectus. Frequentabatur tunc jam locus, & adustæ caput Basilicæ vilissimis tegulis tectum fuerat, atque in modum tugurii monstrabatur; signis etiam evidentissimis quantæ sanctitatis esset, pandebatur. Audiens verò venerabilis femina miraculorum famam, & per seipsam frequenter experta, sensit ibidem adesse gratiam visitationis supernæ, atque Dei zelo accensa confestim locum purgavit, magnisque sumptibus Basilicam ædificari ibi præcepit, congrua quoque habitacula & xenodochia per circuitum disposuit. Quibus rite peractis, conventum Episcoporum & illustrium virorum convocavit, & in honore nostri Salvatoris, & in honore beati Petri dedicari præcepit, & Cœnobium Clericorum Deo servientium esse voluit.

Ecclesiæ dedi-  
catio.

Clericorum  
institutio.

Quia verò nullum reperiebatur prisce honoris indicium, eorum inopiam suis opibus ditavit, & ne aliquando deficeret, plurima terrarum prædia devotè est largita: Satis quippe in suis actibus erat prudens & strenua, prudentiorque fuisset, si non ut mulier errasset, voluitque magis sapere quàm oportebat, quia noluit sapere ad sobrietatem: dedit nempe animum ut sciret & cognosceret quid interius sanctissima theca contineret: quod confessa secum comitantibus Episcopis & religiosis viris, quâdam die Cœnobium petiit; omnibus in commune placuit, ut Comitissæ desiderium perveniret ad effectum. Sed triduo peracto jejunio benedictio salis & aquæ successit, quâ aspersâ, præcedentibus cereorum luminibus, & turibulis ture fragrantibus, ad locum pariter acceperunt temperè violandum, concussimque opertorium ferreis nexibus vinctum sustulerunt, patentemque urnam reliquerunt. Cæteris statim vehementi terrore correptis & tabefactis, illa ægrè accepit, & indigna tanto mysterio se ingessit, tenensque calaman mensuræ decreverat metiri quantæ foret profunditatis; & mox ut ulnam ori sacratissimæ urnæ rimando apposuit nefariam; mirabile dictu! virga de manu ejus elapsa introrsus corruit, & nulli unquam comparuit. Eadem hora vultus pallore mutata, & dolore cordis percussa penè exanimis est effecta: quod videntes qui aderant, quanto magis tegumentum quod abstulerant, eidem ori restituerunt; illa verò manibus obsequentium ad hospitium delata, ingravescente dolore post paucos dies vitam finivit jam vicina partui, cujus ventre caeso filius abstractus est, & Arnaldus vocatus, cognomento

verò *Natus*, Comitatum Astariacensem postmodum obtinuit. Vasconie Principatum SANCIVS GARSIA ejus frater post obitum patris promeruit; moriens autem tres liberos honoris reliquit successores, nomine satis & memoriâ celebres; SANCIVM videlicet, & GUILLERMUM, atque GIMBALDUM, qui patris imitatores effecti studuerunt feliciter regere, quod consequuti fuerant hereditario jure. E quibus Sancivus Sanctii major natu majoris domini vix usus est dominatione: quo sine liberis obente, Guillelmus Sanctii successit, & totius promeruit culmen honoris.

Cujus in diebus gens perfida Normannorum Christicolis jam nomine magis quàm opibus unita, maritima littora circumiens, Guasconie fines invasit, & in quâdam vastâ planitie Taleras dictâ confedit; quos ille aggressus tantâ cæde in eadem planitie solitudinis mactavit, ut magis hodie videatur operta in locis quàm plurimis ossibus occisorum, quàm cespitibus herbarum agrestibus. Hac ergo plagâ correcti, non apposuerunt ultrâ pervadere fines Gasconie. Inter quos quidam Normannorum fortissimus AIRALDUS nuncupatus, qui lorica indutus & armis præcinctus undique percutiebat, & ipse percutiebatur, sed absque læsione perstiebat: tandem captus & lorica exutus, dominicæ Crucis vexillum gestare est inventus ad collum dependens, cujus præsidio munebatur indignus, quo privatus, repente est necatus. Hoc verò lignum salutiferum honorandus Comes huic Cœnobio devotissimè est largitus, cujus probatissima virtus ignis injuriam repellit, imminentes grandinum tempestates effugans, vinoque aspersus quod languentibus propinetur, salutem accommodat: vocatur autem adhuc eodem nomine, quo & miles qui eam gestabat.

Factus ergo GUILLERMUS Princeps patriæ, consortem honoris & dignitatis germanum Comitem Gimbaldum Sanctii voluit habere, concedens illi ad supplementum vitæ Agennense solum & Basatense cum omnibus appendiciis suis. Et quia à pueritiâ sacris litteris fuerat imbutus, utriusque se lis Pontificatum & Præfecturam, Deo favente, sortitus est. Nemo tamen id molestè accipiat, quod vir prudentissimus contrâ decreta Canonum utriusque Sedis accepit Pontificatum: depopulatâ namque regione hostili gladio, nullus eo tempore ad hoc opus reperiebatur idoneus; verum antequàm Episcopatus cathedrâ sublimaretur, uxorem duxit nobilibus ortam natalibus, ex quâ filium nomine HUGONEM sustulit. Hic congruo tempore educatus, & litterali studio eruditus, tandem proficiendo adolescentiæ viam est ingressus; videbatur jam tunc maturis moribus adornari, & justitiæ operam dare. Perpendens pater filium recto tramite gradientem, noluit illum honoris & dignitatis remanere expertem. Erat illi præfata subdita Leumania, quæ ad diocelimum Agennensis, Episcopatus pertinebat: hoc etiam Cœnobium, sicut fuerat à venerabili Comitissâ ordinatum, promeruerat, felicique sorte gubernabat, quod Hugoni filio suo favorabiliter contulit, & Abbatem Clericorum esse præcepit, nihil sibi reservans ex omnibus.

Non multo post vitâ ex hac decessit Gimbaldus, filii sui successione ad præsens privatus. Adhuc enim Hugo in virum perfectum non venerat; nec tantæ potentiæ arcem attigerat, nec hereditatem patris vindicare poterat: sed tantummodo huic Cœnobio, cui prælatus à genitore fuerat, dominabatur. Ob cujus tunc temporis imbecillitatem Agennensis Ecclesia, necnon Basatensis singulos Præfules acceperunt, cæteras quicumque prævaluit, usurpavit. Cum enim adhuc Abbatis fungeretur officio, ad

D D d d iij



augmentum doloris & tribulationis praesens, cui dominabatur, Cœnobium igne est succensum. Certè non renuit divina miseratio cunctis innotescere, quanti penderet ambitum sacratissimæ urnæ. Nam cum ignis universa vastaret, & supereminens tectum Basilicæ jam invalisset, sanctuarium illud, ubi urna est constituta, servavit illæsum miseratio divina. Quidam autem Clericorum metuentes ne violentia ignis cuncta absorberentur, quasi quæ inibi continebantur asportaturi, intus sunt introgressi, quibus introgressis ecce trabes pereuntis ædificiï adustæ intus ceciderunt, omnisque strues lignorum diruta est, atque aditum sanctuarii ita obstruxit penitus, ut nemini pateret introitus vel exitus. At illi qui intraverant, substitit magis mortem quam vitam præsolantes, & igne se perituros sperantes. Clamantibus autem & supernæ pietatis opem sibi adesse poscentibus, confestim in eodem loco ventus vehemens erupit, præparans illis refrigerium, & à contagione ignis liberans eosdem. Quibus paractis mortui qui putabantur, viventes reperi sunt; videntes verò qui advenerant, grates Deo referebant, qui salvat in se sperantes.

Transacto hoc incendio, & parietibus Ecclesiæ dirutis, quidquid consumptum fuerat, Dominus Hugo restaurare festinat, totumque se ad hoc contulit, ut domus Dei in melius reedificaretur. Quod ubi cœpit, Dominus de pulvere egenum suscitavit, & de stercore humilem erexit, ut cum Principibus federet, & solium patris obtineret. Tunc quippe prudentiâ fultus, fortitudine auctus, potentia glorificatus, viriliter se agere cœpit, & de adversariis triumphare. Nulli tamen ex his qui genitori in Episcopatu successerant, molestus fuit; verum illis obventibus utrarumque sedium patrio more accepit Pontificatum. Sed antequam Pontificali insula sublimaretur, quod de sanctissimâ urnâ præsumserit, non prætereundum censemus. Certè mos hominum est, ut ea quæ ignorant, sagaciter perscrutentur & inquirant: volens ergo scire quid interius lateret, & de sua desperans sanctitate, nolebat per seipsum hoc appetere, Comitissæ correctus periclitatione. Agebat eâ tempestate quidam ARSINUS RACHA cognomine Præsulatum Gualconia: hic miræ sanctitatis & continentie ab omnibus ferebatur esse. Interea rumor exivit dicentium: Hic est potens revelare divinum mysterium. Et hic sermo optimus est visus in conspectu insipientium. Adit ergo Dominus Hugo suum patrum nomine GUILLELMUM, atque persuasit ut eundem virum ad hoc compelleret negotium, factumque est: & accersitum Comes Præsullem secum adduxit ad Monasterium, comitantibus viris nobilibus non paucæ numerositatis, ut intueri valerent magnalia Dei. Itaque cum insula sacerdotali more ad violandum locum, & ut post patuit, indignus accessit, conscendensque scabellum subpedaneum ad hoc præparatum, Deo amabilem patefecit loculum, tenensque flammeum manu cereum interius fixit aspectum, viditque breviculum in proximâ marmoris concavitate positum, quod accipiens & recitare cupiens, cum revolveretur, præ vetustate nimia in cinerem est resolutum. Referebant autem qui aderant, quoddam sacratissima ipsius urnæ latera misto simul cruore essent & candore variata. Cupiens autem majora cognoscere quam merebatur, & interiora illius absque reverentiâ revolvens, continuo hebetatis luminibus cæcitatem incurrit, nec antea vidit, donec trahendo & palpando ab Ecclesiâ exivit. Quo facto cæcitatem diutinam inibi incumbens omnino perdidit; sed nunquam postea languore caruit, quoadulque diem ultimum clausit.

Venerabilis igitur HUGO Pontifex ordinatus, religiosæ vitæ continentiam sectabatur, & quanto amplius sublimabatur gradus honore, tanto humiliabatur cordis contritione. Ædificium sanè quod adhuc Abbas devotè cœperat, Præsul factus implevit devotius. Reminiscens verò malorum quæ gesserat, & suorum delictorum pœnitentiam gerens, Romam tendens, Deo & sancto Petro satisfaciens, cui se cum lacrymis & debitâ veneratione prosternens, veniam præteritorum postulavit & impetravit criminum. Quo in loco quemdam Benedictum tunc temporis reperit Apostolicum, cui suarum vulnera aperuit cicatricum. Ille statim agrotanti consuluit, & quomodo salutem consequi posset, paternâ pietate ostendit. Audiens verò eum contra canonum præscripta duabus præesse sedibus, præcepit ut unâ earum contentus alteram dimitteret: ad delendam quoque peccatorum gravedinem, & promerendam animæ salutem supradictus Papa injunxit ei, quatenus in propria diœcesi Monasterium construeret, & officiosissimè adornaret. Hoc responso accepto Pontifex religiosus privilegium libertatis à Domino petiit Apostolico, & impetravit ab eo, ut si aliquando Monasterium illud quod jubebatur, quivisset construere, absque ulia habitaretur inquietudine. Jam enim animo advertebat quomodo supradictum Condomi locum in Monachorum poneret usibus. Post hæc benedictione acceptâ seditum acceleravit, & quantocius Provinciam intravit. Nec mora, juxta mandatum quod acceperat, egit, atque Basatensem Episcopatum cuidam viro fideli concessit, sibi verò Agennensem retinuit. Jam tunc Consulatam in Vasconia SANCTUS GUILLELMI fratribus defunctis regebat, erat autem Domini Præsulis consanguineus.

Consummata itaque Monasterii fabricâ, tempus instabat ut dedicatio fieri deberet. Advocato itaque Comite, factoque generali Conventu Pontificum, Abbatum, Tribunorum & Centurionum, nobiliumque virorum, acta est dedicatio, sicut quondam fuerat in honore sancti Salvatoris, & in nomine B. Petri Apostolorum Principis. Porro omnibus qui convenerant, privilegium ostendit Apostolicæ auctoritatis, quod adhuc in eodem habetur Monasterio, in quo continetur, ut nullus ex Principibus, vel Pontificibus, sive Comitibus dominationem præfati Cœnobii præsumat sibi vindicare, nec prædia, seu Ecclesias & cætera quæ ad eundem pertinent locum, in suos usus transferre, diripere, aut alienare; sed liceat Abbati locum ipsum justè, & ut illi melius visum fuerit disponere, & absque molestiâ gubernare. De Abbate verò ordinando, liceat Monachis quemcumque dignum invenerint, sibi Rectorem & Pastorem eligere, & hoc fiat secundum Deum: nec præsumat aliquis primatum ibidem honoris pecuniâ emere, sive violentiâ arripere, nisi Monachorum ejusdem loci assensione. Hæc & his similia, quæ longum est enumerare, in nostro continentur privilegio; & ad ultimum hæc præcepta non observantes, Apostolicâ multantur feriunturque excommunicatione. Quod cum recitatum fuisset, Comiti valde complacuit, omnibusque qui aderant, ut libenti animo obediunt his quæ recitata fuerant.

Metuens verò supradictus HUGO, ne post ejus decessum quod promittebant, prætermitterent & transgrederentur, sub attestatione sacramenti cunctos fidem facere coëgit, primusque omnium SANCTUS Comes jusjurandum protulit, & ut illum imitarentur, cæteros est adhortatus; quem subsequuti, sicut ipse egerat, sacramento fidem fecerunt, ut fidelitatem sancto Petro servarent, & honorem illi debitum custodire sponderunt.

Monachi in  
Condomensi  
Monasterio  
constituitur.  
I. Abbas Pe-  
trus.

II. Abbas Ve-  
recundus.

Donatio sive  
fundatio Hu-  
gonis Episco-  
pi. In Diplo-  
mate Gregorii  
PP. infra dici-  
tur fundator.

Isai. 40. 6.

Psal. 102. 15.

1011.

Psal. 83. 11.

His ritè peractis, Monachos ibi Deo militaturos constituit, præficiens illis Patrem nomine PATRUM: hic quamdiu hominem gessit, morum honestate satis enituit, locumque cui prælatus est, honestissime rexit. Nec multo post Dominus HUGO vitâ decessit, & in eodem loco sepulturam accepit; in introitu videlicet Ecclesiæ ad lævam partem infra maceriam, diem iudicii præstolans, corpore ejus requiescit. Quem PETRUS Abbas supradictus non multo post subsequutus, ibidem obiit, & in loco ejus quidam nomine VERECUNDUS de Lanâ successit.

**I**N nomine summæ & individue Trinitatis, ego Dei gratiâ Episcopus HUGO secundum transitorie nobilitatis gradum alto florens germine parentum, & pro illo deciduo putrescentis carnis flore terreno sublimatus honore. Infra pectoris armarium sæpius volvebatur illud Salomonicum: *Quanto gradus altior, tanto casus gravior.* Et dum hoc sollicitè meditatione mecum agerem, & omnem sæcularis dignitatis ordinem de die in diem in pejus declinando deficere viderem, paululum confidens in tam fragili flore nobilitatis, qui tam citò amittit honorem suæ viriditatis, perterritus me illud testimonium Esaie: *Omnis caro fenum, & omnis gloria ejus quasi flos feni.* Et illud: *Exsiccatum est fenum, & cecidit flos; verbum autem Domini manet in æternum.* Ad hæc quotidie illo admonebar exemplo, quod David profert in Psalmo: *Homo sicut fenum dies ejus, tamquam flos agri sic efflorescit.* Et hoc quod sequitur: *Quoniam spiritus pertransiit in illo, & non subsistet, & non cognoscat amplius locum suum, & cetera.* His ergo & hujuscemodi Scripturarum testimoniis aliquantulum correctus, ea quæ mihi contulit benevolentia parentum ad radicem sæcularis honoris propagandam, illuc decrevi ut deportarentur ubi fures non effodiunt, nec furantur, & ob promissa centupla retributionis Deo disposui conferre: salubrius mihi & illis existimans secundum Deum consulere, si hoc quod contulerant pro amore carnis peccati & vitii fomentum, per me sanctæ Dei Ecclesiæ produceretur in augmentum. Sed ut hoc convenienter posset fieri, & ne ulla in posterum tempus meis parentibus servaretur occasio, hoc disponere volui communi consilio, & plurimorum provincialium confirmare testimonio.

Anno igitur dominicæ Incarnationis M. XI. glorioso HENRICO Romanam urbem imperante, ROTHBERTO autem Franciam regente, Sedi verò Apostolicæ summæ sanctitatis viro BENEDICTO præidente, apud provinciam Vasconiam SANCTIONE illustri viro Ducatum obtinente: Ego supra nominatus UGO, licet immeritus Præsul, secundum lineam carnis eidem Duci propinquus & affinis, inito consilio cum eodem Duce, & provincialibus Episcopis, & Abbatibus, cæterisque terræ Principibus, id est, ARNALDO Episcopo & ARNALDO Vicecomite, & cum conjugē suā eorumque filio ARNALDO, ejusque conjugē ADALIAS, BERNARDO Vicecomite, & ARNALDO Lupo Vicecomite, AMNARDO, GAUZELMO, ARBUINO, GAUSELMO alio Vicecomite, aliisque bonis hominibus, qui in præsentia aderant, terrenis postpositis heredibus, omnis meæ possessionis Christum heredem feci, & secundum Psalmistam: *Elegi abjectus esse in domo Dei mei, magis quam habitare in tabernaculis peccatorum.* Omnem itaque portionem meæ hereditatis, quam in pago Leumannæ liberè & absolutè & absque ullâ parentum occasione possedi, Domino Deo, Principique Apostolorum Petro, Sedique Romanæ in conspectu plurimorum dedi. In primis Ecclesiam sancti Petri, & locum Condomus, quod interpretatur quasi Domus sublimis, cum om-

nibus appenditiis.

Et ut hoc donum apud Deum semper esset in memoriâ, placuit mihi, seu Duci SANCTIONI, vel aliis Principibus terræ, Clericos sæculariter & absque regulari disciplinâ ibi degentes penitus amovere, & Monachos Deo jugiter servientes, & sub regulari jugo militantes in illorum loco secundum instituta vel monita sancti BENEDICTI ibi ordinare; & hoc jussu & Apostolicâ auctoritate firmare. Ad hoc omnium commune votum idoneè perficiendum, quemdam nostrum filiolum nomine PATRUM divinitus nobis collatum, virum omni virtute probatum, Apostolicâ auctoritate ut præesset cæteris, in loco Patris constituimus, Abbatemque secundum instituta Patrum benediximus. Quem etiam ut jugum Christi suave, & onus ejus leve aliis regulariter imponeret, paternâ admonitione submonuimus. Monachos verò, ut sibi quasi Patri & seniori in omnibus obedi- rent, devote postulavimus, insuper anathematis lege indiximus.

Sed quia pleraque loca maximâ calamitate oppressa audivimus, & jam omnino desolata nostris temporibus vidimus, ob hoc præcipue quia aliquanti sub specie regiminis usurpantes sibi dominium, dum ab aliis defendere deberent locum, ipsi pessimum & abominabilem immittunt usum, assiduus comestio- nibus bona loci turpiter consumentes, importune- que supervenientes, non familiariter, sed hostiliter hospites, & quod his omnibus est intolerabilius, vendunt Abbatis ipsi Abbatibus: ex hoc fit quodd ipsi non in loco spiritualium Patrum cæteris præesse videntur, sed bonis quæ comparantur turpiter do- minando abutuntur, & inde gravia scandala in Mo- nasteriis oriuntur. Nos ab illâ simoniaca hæresi de- clinantes, & quæ Dei sunt Deo reddentes, pro obe- dientia tradita & remedio animæ meæ meorumque parentum, item GARSIE SANCTII Comitis, & filii sui SANCTII GARSIE Comitis, & GUILLERMI San- cti Comitis, & GIMBALDI Episcopi, & GUILLERMI Comitis, & GARSIE Comitis, & BERNARDI Guillelmi Comitis, & URACHÆ Comitissæ, & cæ- terorum tam vivorum quàm defunctorum: ita or- dinamus & constituimus, ut ipse locus, scilicet Condomus, tali libertate sit condonatus, ut ex hac die in deinceps nullus meorum heredum sit particeps: quidquid ad nos pertinere usque huc videbatur, ad solvendum pertineat, ipseque cum cæteris suis fide- libus, quorum nomini adscribitur, amodo in per- petuum possideat. Monachi autem ibi Deo servien- tes nulli sæculari personæ propter honorem loci res- pondeant, nec Comiti, vel Episcopo, aut cæteris co- acti aliquid servitium faciant; excommunicationem Episcopi non timeant, nisi rationabili causâ existente legalem esse cognoscant: sed & hanc libertatem semper habeant, ut Abbatem ex seipsis eligant; om- nino tamen prohibemus ne quis pretio inter eos ho- norem adipisci velit, quia Apostolus dixit: *Qui dat & qui recipit, anathema sit.*

Hanc igitur nostram descriptionem, & Apostoli- cæ auctoritatis confirmationem si quis meorum he- redum infringere voluerit, & Deo suisque fidelibus vim inferre & nostro dono studuerit, ullus cujuscum- que ordinis sit, qui violare velit, cum Sem & Ja- phet non habeat partem benedictionis, sed cum Cham servo servorum mercedem recipiat maledictio- nis, & cum omni suâ possessione perditioneque ani- mæ incurrat sententiam Sodomæ & Gomorræ, fiat, fiat anathema, maranatha †. Hæc descriptio acta est IIII. Kalend. Augusti UGONE Episcopo, & SANCTIONE Duce jubente, Domino autem sine fine regnante. Amen, Amen, Amen.

Monachi se-  
cundum Re-  
gulam S. Be-  
nedicti sunt  
instituti.

An. Chr. 1076.  
Confirmat  
donationem  
factam ab  
Hugone A-  
gennensi Epi-  
scopo.

**G**REGORIUS Episcopus, servus servorum Dei, dilecto in Christo filio RAYMUNDO Abbati Monasterii sancti Petri siti in loco qui dicitur Condomus, suisque successoribus in perpetuum. Supernae miserationis respectu ad hoc universalis Ecclesiae curam suscepimus, & Apostolici moderaminis sollicitudinem gerimus, ut iustis precantium votis attentā benignitate faveamus, & libramine aequitatis omnibus in necessitate positis, quantum Deo donante possumus, subvenire debeamus. Proinde juxta petitionem tuam praefato Monasterio, cui tu praeselle dinosceris hujusmodi privilegia praesentiauctoritatis nostrae decreto indulgemus, concedimus atque confirmamus; statuantes nullum Regum, vel Imperatorum, Antistitem, nullum quācumque dignitate praeditum, vel quemcumque alium, audere de his quae eidem venerabili loco à quibuscumque hominibus de proprio jure jam donata sunt, vel in futurum Deo miserante iuste collata fuerint, sub cujuslibet causae occasionisve specie minuere vel auferre, sive suis usibus applicare, vel aliis piis de causis per suae avaritiae excusationem concedere: sed cuncta quae ibi iuste oblata sunt, vel offerri contigerit, tam à te quàm ab eis, qui in tuo officio locoque successerint, perenni tempore illibata & sine inquietudine volumus possideri, eorum quidem usibus pro quorum sustentatione & gubernatione concessa sunt, modis omnibus profutura.

Et quia UGO Episcopus idem Monasterium ex bonis hereditatis suae ditatum Romanae Ecclesiae juri contradidit; ad futuram defensionis suae cautelam constitutum est, ut singulis annis pensio quinque solidorum monetæ illius terræ Apostolicae Sedi reddatur. Nominatim igitur confirmamus eidem Monasterio illas possessiones, quas praedictus UGO Episcopus ejusdem Monasterii Fundator, in pago Leumaniae ex jure patrimonii sui praefato loco contulit: videlicet Ecclesiam sancti Petri & locum Condomus, quod interpretatur domus sublimis, cum omnibus suis appendiciis. Item constituimus, ut obeunte Abbate non alius ibi quācumque obreptionis astutia ordinetur, nisi quem Fratres ejusdem loci communi consensu secundum timorem Dei elegerint. Hoc quoque praesenti capitulo subjungimus, ut ipsum Monasterium & Abbates ejus, vel Monachi ab omni saeculari servitii sint infestatione secuti, omnique gravamine mundanae oppressionis remoti, in sanctae religionis observatione seduli atque quieti, & nullā aliquā habeantur occasione subiecti.

Hæc igitur omnia, quae hujus praecepti decretique nostri pagina continet, tam tibi quàm cunctis qui in eorum loca successerint, in perpetuum servanda decernimus. Si quis verò Regum, Sacerdotum, Clericorum, Judicum ac saecularium personarum, hanc constitutionis nostrae paginam agnoscens, contra eam venire tentaverit, possessionis honorisque sui dignitate careat, reumque se divino judicio existere de perpetrata iniquitate cognoscat. Et nisi ea quae ab illo sunt male ablata, restituerit, vel dignā poenitentia illicitè acta desseverit, à sacratissimo corpore ac sanguine Domini Redemptoris nostri JESU CHRISTI alienus fiat. Cunctis autem eidem loco iusta servantibus sit pax Domini nostri JESU CHRISTI, quatenus & hinc fructum boni operis percipiant, & apud districtum Judicem præmia æternæ pacis inveniant. Datum Lateranis VIII. Idus Martii per manus PETRI sanctae Romanae Ecclesiae Presbyteri Cardinalis ac Bibliothecarii, anno tertio Pontificatus Domini VII. GREGORII Papæ, Indictione XIV.

1076.

**Q**Uoniam vita praesens incerto tramite graditur, & immensis mundus tribulationum quatitur turbinibus, homo quoque hodie vivens cras moriturus praestolatür: satagendum est cunctis sanè sapientibus iustis solerter insistere operibus, & vitam quæ nullo fine clauditur, totis appetere viribus. Sanè ad illam nequaquam aliter pervenitur, nisi bonis actibus curratur. Ergo dum tempus habemus, operemur bonum ad omnes, sicut Apostolus admonet, & ambulemus in lucem vitae, ne tenebrae mortis nos comprehendant. Hoc quippe infimis & majoribus dicitur, iustis & peccatoribus praecipitur, egenis & divitibus injungitur, unicuique secundum propriam virtutem & conscientiae puritatem. Cunctis audientibus Christus clamat humanitatis: Venite ad me omnes qui laboratis & onerati estis, & ego reficiam vos. Ab hac refectione nullus excusatur, nec inopia, nec infirmitate, sicut ipse cuidam ex Praedicatoribus praecipit dicens in Evangelio: Exi cito in plateas & vicos civitatis, & pauperes ac debiles, cecos & claudos compelle intrare, ut impleatur domus mea. Multis namque bona voluntas à Deo pro opere computatur, illis videlicet qui facultate indigent operationis. Porro divitibus & Principibus saeculi hujus, maximeque sanctae Ecclesiae Rectoribus, qui opibus abundant, honoribus tument, superba dominatione gaudent, salute corporis & sospitate vigent, possibilitatem bene operandi habent, & voluntate carent, atque ad exercenda bona opera pigri remanent, quid aliud debetur, nisi gehenna & confusio nunquam terminum habitura?

Ego itaque UGO, quamvis indignus, officium gerens praesulatus, divitiis locuples, & abundans honoribus, quia Deus omnipotens mihi posse contulit bene operandi, ipsius favente clementia velle assumpsi, & potius sitiens animae salutem quàm corporis, nolui piger remanere in operibus bonis. Seio enim quia cui plus committitur, plus ab eo exigitur. Ergo de rebus mihi à Deo commissis & collatis cedo ipsi locum nomine & memoria dignum, sicut olim concessi, Condomum in honorem sancti Petri Principis Apostolorum, locatum eadem ratione & ingenuitate, quam jam diximus, & in primo hujus scribi privilegio descripsimus, quod in archivis ejusdem Cœnobii hodie reservatur. Sed quia de statu & ordinatione ipsius Monasterii satis in eodem privilegio disseruimus, nunc bonum nobis visum est, ut quidquid idem locus, scilicet Condomus, promeruit diversis temporibus, sive à nostris temporibus, seu à viris Deo dignis & fidelibus nostris in usque diebus, hoc est, Ecclesiis, vicis, alaudis, vel territorii succinctum colligamus, & in uno corpore redigamus, ne quando oblivione delectantur.

Primam itaque omnium Ecclesiarum de his quae sancto Petro debentur, sive primum alaudem, ponimus in Aurelianum infra Vasconiam constitutum & nomine sancti Cyrici decoratum. Hunc locum meus genitor GIMBALDUS Deo & sancto Petro devotè obtulit cum terris, & vineis atque casalibus, aquis aquarumve decursibus, intrandi & exeundi aditibus, & cunctis ad eum pertinentibus, absque ullā reservatione pro salute suā & redemptione sui spiritus.

Huic subjungitur in eadem Vasconiae provincia sancti Petri Ecclesia, Sangor nuncupata, & ipsius nomine insignita, quam meus patruus & Vasconiae Comes SANCTIUS eidem Cœnobio fideliter delegavit cum omnibus quae ad ipsam pertinere videbantur: quo obeunte successit illi frater ejus GUILLERMUS Sanctius, meus itidem patruus; & agnoscens eleemosynam sui decessoris, firmiter roborare insti-

Gal. 6, 10.

Joan. 12, 31.

Matt. 11, 28.

Luc. 14, 31.

Enumerantur  
bona quae ad  
Condomensem  
Monasterium  
pertinent.

ruit,

tuut, ut simul acipere merentur portionem in regno Dei.

Ecclesiam sancti Petri Sanagorensis, quam AMANEUS Lebreitenis eodem tempore quali propriam vindicabat; datis SIGUINUS duobus equis magni pretii, & viginti solidis redemit ad augendum honorem sancti Petri Condomensis; cui fideliter deservire studuit.

Postea sequitur sancti Stephani Ecclesia *Berrin-* *gus* dicta, quam ego jam tradidi sancto Petro cum omni censu Ecclesiastico, deprecans ut ipse mihi succurrat in futuro, cui me toto cordis affectu commendo. Nunc ad alia transeamus, & quia nobis proxima & cognita sunt, sub brevitate curramus.

Est quidam locus nomine *Molans* alaudus sancti Petri, & supra taxati Cœnobii Condomi cum omnibus suis appendiciis.

In quodam loco nomine *Margallo* possidet sanctus Petrus casalem, & quidquid ad eum pertinet; cum adjacente vineâ,

Ex alio loco nomine *Donadeno* cunctam medietatem retinet.

In alio loco nomine *Salbone* habet Ecclesiam S. Luperculi cum omnibus quæ ad eam pertinent.

Habet alaudum nomine *Balurenium* cum omnibus suis terminis.

Retinet alium nomine *Casellas* cum omnibus finibus suis.

Habet alium alaudum nomine *Ferrucinum* cum omnibus appendiciis.

Possidet alium nomine *Poiol* cum omnibus sibi suis debitis.

Quædam nobilis matrona nomine BRISCHITA de Forces, sancti Petri Ecclesiam de *Diolo* huic Cœbio pro salute animæ suæ legaliter contulit, cum omnibus rebus ad eam pertinentibus. Quâ defunctâ, filius ejus AMALBINUS à Seguino Abbate & habitatoribus loci duos equos accipiens, iteratè eandem Ecclesiam & cetera prædia, quæ in eodem loco habere videbatur, cum omnibus appendiciis suis sancto Petro libere & absolute largitus est, adjunctâ ad hæc alterâ S. Hilarii Ecclesiâ de *Herrenes*, cum omnibus rebus Ecclesiasticis; terris quoque vel vineis, culcis & incultis ad eandem Ecclesiam pertinentibus.

Habet alium nomine *Zacordata*, cum omnibus quæ ad eum pertinere nescuntur.

In quodam loco nomine *Marchiro* vendicat unum campum de terrâ cultivâ, cum omnibus quæ ad ipsum pertinent.

Item in alio loco nomine *Gualardo* possidet alaudes plurimos, terras, vineas, casas, prata, pascua, aquas & decursus aquarum certo tramite currentium.

Habet alaudum nomine *Poiote*, vel *Oleras* cum omnibus sibi adjacentibus.

Retinet alium nomine *Datolmum* cum eadem Ecclesiâ quæ dicitur sancti Martini, & omnibus illi debitis.

Est alius alaudus sanctæ MARIE, *Lana* dictus, & sancto Petro subditus, cum omnibus suis terminis. Medietatem sylvæ quæ *Lana* dicitur, Siguinus Abbas datis viginti solidis emit à quodam Milite nomine ARNALDO, ejusque filio RAMUNDO, quibus jure hereditario provenerat. Idem verò Arnaldus veniens ad extremum, unum ex filiis nomine Bernardum huic Cœnobio servitutum juxta regularem institutionem delegavit, & alteram medietatem fideliter sancto Petro largitus est. Sanctæ MARIE locuples habetur Ecclesia, *Lana* ab incolis nominata,

quæ cum esset sancto Petro quasi alaudus subdita, à Prælati istius Cœnobii secularibus data fuerat occasione beneficii. Collatis itaque Siguinus Abbas centum solidis & equo magni pretii, redemit eam à REMUNDO Delavarmac, ejusque duobus filiis, Bernardo scilicet atque Radulpho, qui suis in diebus vindicabant.

Habet alium nomine sancti Joannis de *Capdolicia* vocatum, cum omnibus appendiciis suis.

Notum certumque sit cunctis nostris successoribus, quemdam nomine GIMBALDUM Comitem, patrem UGONIS Episcopi, pro redemptione animæ suæ multos beato Petro dedisse honores inter quos etiam dedit quamdam Ecclesiam sancti Joannis *Cablisa* vulgo vocatam, sylvamque & terras quæ circumstant, certis metis ibi positis; & hoc jure perpetuo tali beato Petro tradidit tenore, ne unquam aliquis de ejus consanguinitate jam dictum repeteret honorem. Denique quædam nobilissima femina GAVARSENS<sup>a</sup> nomine dicta, ejus videlicet neptis, soror Sancti Gualconis Comitis, rediens à quâdam provinciâ Burgundiâ vocatâ, ubi maritum habuerat, sicut mos est pravorum, superscriptam Ecclesiam violenter beato arripuit Petro: tandem vitæ terminum dans, atque violentiam injustam quam beato Petro fecerat, ut dignum erat recognoscens, Abbati Condomensi fratribusque nuntios festinanter transmisit, Ecclesiamque quam vi injusteque abstulerat, graviter pœnitendo reddidit, suumque corpus & animam cum aliis donis, sicut tantam decebat matronam, sancto Petro contradidit; quam Fratres accipientes, corpus ejus apud Condomum detulerunt, & ibi dignè atque honorificè sepelierunt, ac die noctuque pro ejus animâ, & pro aliis qui ibi sepulti sunt, Deo preces funduntur, elemosynæ pauperibus dantur, quatenus ejus anima aliorumque mereantur à Domino vitam accipere perpetuam, Amen. Hoc verò donum quisquis malignus Deoque odibilis violare seu auferre beato Petro præsumserit, perdat eum Deus in hoc sæculo, & in futuro maledicatur ab omnipotenti Deo, & ab omnibus Sanctis ejus: filii ejus fiant orphani, uxorque ejus vidua. Maledicatur vigilando, dormiendo, manducando, bibendo, nisi citò pœnituerit. Amen, Amen, Amen.

Iterum in alio loco nomine *Andirano* habet unum campum cum suis finibus, quem illi contulit Arsfianus Oculo lupino cognominatus.

Quædam etiam villa nomine *Marcharit* sancto Petro debetur, cum duabus Ecclesiis & omnibus rebus earum, quarum una est in honore ipsius consecrata, & in nomine sancti Gervasii altera.

Est alaudus sancti Petri nomine *Serra* cum duabus Ecclesiis, & omnibus finibus earum, quarum una dicitur sanctæ MARIE, & altera sancti Luperculi. Adhuc est alius eodem nomine *Serra* vocatus, & totus illi subditus. Habet alium nomine *Carderona* cum omni integritate. In confinio sancti Germani est quidam campus adhærens Principi Apostolorum cum suis, nomine *Ariolandus*. Est locus nomine *Guardulinas*, ubi patronus noster retinet Ecclesiam suo nomine insignitam, cum omni censu ecclesiastico, & his quæ ad eam pertinent. In quodam loco nomine *Serralta* habet plurimos alaudes certo limite definitos. In alio loco nomine *Fredelenco* terras & vineas & multa alia certo fine conclusa.

De illo qui appellatur Marchari, honore si per ordinem repetimus, simili modo actum est ut de isto primitus. Nam supradictus Comes GIMBALDUS qui

<sup>a</sup> Gavarfens ] Infra *Guarfinda*.  
Tom II.

hunc locum jure hereditario tenuit, etiam illum in suo dominio cum isto liberè & absolutè & absque occasione possedit: quo viam universæ carnis ingressio, Ugoni reliquit suo filio. Qui similiter ut tuus pater, quoad vixit, cum honore istius loci possedit; hoc mortuo, Sanctione Comite vim isti loco inferente, BERNARDUS de Pardilan de eo acquisivit, & quousque supervixit, licet injustè, tenuit; qui tamen in fine vitæ suæ recognoscens quoddam injuste possideret, ordinavit in præsentia plurimorum ut unus suus filius nomine PONTIUS Monachicum hîc reciperet habitum, & ex integro sancto Petro reddidit honorem supradictum. Quod & ita actum est, ut ipse ordinavit, & hoc legaliter, ut debuit, coram testibus sua mulier AUXILIA postea super altare S. Petri confirmavit.

Est alius Alaudus sanctæ MARIÆ de *Franciscano* dictus, & dominio nostro subditus cum omnibus appendiciis suis.

Ecclesiam S. Orientii de *Quinmach* tali modo recuperavimus. Hanc Ugo Episcopus cum Ecclesiasticis rebus ad eam pertinentibus, qui cum isto honore S. Petri ex integro possedit, ARNALDO Guillelmo de Mulinar in beneficium dedit. Qui item ARNALDO de Muirach simili modo concessit pro beneficio: quam dum suo filio Guillelmo Arnaldo, sicuti ipse possedit post suum decellum in beneficio dimisisset, nos post longum tempus tali conventionem ab illo redimendo perfolvimus. Nam tres caballos & sexaginta solidos denariorum ibi dedimus, & spontaneè & bonâ voluntate sancto Petro reddidit, & coram præsentibus testibus, & his fidejussoribus, Rotlando de sancta Genovefa, & Arnaldo Segino de Burgunnos, ita nobis firmavit, ut si unquam aliquis injuriam facere vellet, ipse contra omnes in omnibus firmiter & legaliter auctorizaret hujus chartæ descriptionem vel legalem affirmationem: si quis infringere vel infectam reddere voluerit, hîc & in perpetuum anathema sit.

In quodam loco nomine *Cirifela* habet quasdam piscatorias cum instrumentis suis.

Est alius locus nomine *Pinus*, in quo retinet sylvam bene determinatam.

In loco nomine *Sparthago* habet unam vineam cum campo ibidem posito & satis defuncto.

Adhuc vindicat in quodam loco nomine *Pingulmo* quamdam Ecclesiam sancti Saturnini dictam, cum omnibus rebus suis.

Est locus *Doaldo villa* dictus habens Ecclesiam nomine S. Petri titulatam, in qua ipse tertiam partem retinet cum sensu Ecclesiastico, & quidquid ad eum pertinet.

In loco qui dicitur *Camarnicus*, est Ecclesia sancti Stephani dicta, & Patrono nostro subdita cum omnibus rebus suis.

Est alia Ecclesia quæ dicitur sancti Joannis: sita in loco nomine *Septem socios*, & hæc sancto Petro debetur cum omnibus terminis suis.

Est alius ejus alaudus *Cumbans* nominatus cum omnibus suis finibus.

Habet alium *Bigomonte* dictum cum omnibus quæ ad eum pertinent.

Iterum est alius alaudus nomine *Treolars* cum omnibus terminis suis.

Est alius locus nomine *Rocas* cum omnibus suis appendiciis.

In loco qui dicitur *Fevolea* habet alaudum cum adjacentem vineam, & quidquid ad eam pertinet.

Quidam locus est nomine *Pogencus*, habens Ecclesiam in honore Principis Apostolorum dicatam, de qua ipse medietatem obtinet cum omni censu Ecclesiastico, & his quæ ad eum pertinent.

Adhuc habet aliam Ecclesiam S. Joannis dictam cum omnibus rebus suis.

Apud quemdam locum *Pontacus* vocatum possidet unam vineam cum toto alaude ad ipsam pertinente.

In eodem loco qui *Calsada* dicitur, tenet Ecclesiam sancti Luperculi cum omnibus appendiciis suis.

Est quidam locus vocabulo *Beraldis*, habet Ecclesiam sancti Severini dictam, quæ sancto Petro debetur cum omnibus his quæ ad illam pertinere noscuntur.

Apud aliam villam *Surdam-vallim* nominatam tenet medietatem Ecclesiæ sancti Martini cum omnibus rebus suis.

Iterum in quodam loco nomine *Bodolmo* habet Ecclesiam sanctæ Mariæ, & censum per singulos annos solvendum, scilicet duos modios frumenti, & duos modios hordei, & duos similiter vini, & duos etiam porcos pretio duorum solidorum dignos.

Ad ultimum restat *Tamvilla* quam beatus Petrus tali modo promeruisse dinoscitur. Quodam tempore GUILLELMO Burdegalesi Comite capto, meus patruus GUILLELMUS SANCUS, cujus superius mentionem feci, ei subvenire studuit, & ideo ab hoc Monasterio plurima donaria accepta in vasis aureis & argenteis, candelabris quoque & turibulis seu aliis ornamentis, ea in amici sui liberatione protulit, offerens sancto Petro quasi pro satisfactione hunc locum sui juris, de quo loquimur, *Tamvilla* nuncupatum, ab integro, & absque ullâ reservatione. Cui & dixit: Sancte Petre, hoc in præsentem accipe, quod nunquam, Apostole, tibi subtraham, sed quod tuum est, usque ad unum obolum fideliter reddam, si sortitus vitam fuero prolixam: statimque morte præventus nihil ad effectum perduxit, sed villam prædictam beatus Petrus obtinuit, & nunc obtinet, & in futuro præstante Domino obtinebit cum omnibus finibus suis. Illud verò nequaquam silere debeo, quod superius prætermisi, quando de Ecclesiâ S. Stephani *Beringus* vocatâ disserui; una quippe est ex tribus Ecclesiis quæ in eadem villâ esse noscuntur, quarum prima est sancti Hilarii dominans aliis duabus, scilicet sancti Martini, etiam dictæ Stephani. Quia ergo Ecclesia sancti Stephani jure subjicitur Ecclesiæ sancti Hilarii, pandere volo ne aliquando oriatur contentio.

Itaque primam & sequentes cum omnibus rebus suis jam beato Petro concessi, & iterum concedo sub obtestatione veri, quatinus meis obtineat veniam delictis. In loco Beraldi, cujus paulo ante meminimus, retinet sanctus Petrus in alterâ ejusdem loci Ecclesiâ, & suo nomine nuncupatâ, quartam partem, & quidquid ad ipsam partem pertinet.

Est quædam Ecclesia nomine *Ruferat*, quam dedit beato Petro quidam homo Centullus nomine, & altera sancti Mauricii: qui locus in ipsius Patroni nostri dominatione permanet cum ipsis Ecclesiis & omnibus suis territoriis.

Quemdam locum *Grummac* dictum S. Petrus possidet ad integrum cum Ecclesiâ in ejus honore sacratâ, & alterâ nomine B. Sulpicii vocatâ, & quidquid ad eas pertinet.

In eodem loco qui dicitur *Villa-Ormens*, vindicat Dominus noster Ecclesiam S. Luperculi cum omnibus suis territoriis.

Apud alium locum *Quinciatus* dictum vindicat beatus Petrus sancti Orientii Ecclesiam, & alteram suo nomine titulatam cum omnibus terminis suis.

Adhuc est quidam locus nomine *Cambas*, sive *Tornasole*, habens Ecclesiam sancti Saturnini, quæ Patrono nostro debetur cum omnibus rebus suis.



Est alius locus vocabulo *Sarracianus*, habens Ecclesiam sanctæ *Mariæ*, quam similiter retinet cum omnibus quæ ad eamdem pertinent.

Locus quoque dictus nomine sanctæ *Rufinæ*, beato Petro subijcitur cum omnibus suis appendiciis.

Quædam Ecclesia sancti *Sigismundi* ipsius est, & quidquid ad eam pertinet.

Nec non est Ecclesia sancti *Aviti* cum omnibus rebus suis. Porro hoc quod in meo Comitatu, vel Episcopatu, hoc est, Agennenſi possidet, huic operi breviter inferendum est.

In eadem & ejus tellure habetur villa quæ *Villaris* dicitur, & Domino nostro debetur cum universis quæ ad eam pertinent.

Est adhuc altera nomine *Anelaveda*, quæ sancto Petro est subdita cum omnibus finibus suis. Hæc ergo sunt quæ nostrâ tempestate istud Cœnobium venerabile cognoscitur possidere, & possidebit, Deo auxiliante, absque intermissione.

Adhuc restat quædam villa vocabulo *Luchac*, in cujus territorio dedit Anna Comitissa sancto Petro plurimos alaudos, terras, vineas, prata & virgulta certo limite ab aliis sequestrata.

Donum quod fecit Arnaldus Sanctius de Ecclesiâ, quæ vocatur sancti *Joannis de Varag*, & de omnibus pertinentibus usquequaque, & qui vult scire, hujus rei testes fuerunt Petrus de Salas, & Arnaldus de Albâ-terrâ, & Espaiols de Suau.

Et de Ecclesiâ quæ vocatur sanctus *Vincentius de Avemac*, similiter Humaldus Siguinus dedit tertiam partem beato Petro, accepto Monachili habitu. De Ecclesiâ sanctæ *Mariæ de Estamvillâ* assignamus, qualiter omnipotenti Deo, & sancto Petro Condomensis Cœnobii donata fuerit. Forto Bernardus Estamvilla, & Bernardus Oddo nepos ejus, & Bernardus Forto de eadem villâ dederunt supradictam Ecclesiam sancto Petro cum omnibus Clericis ad quos pertinebit locus ille, sine ulla sæculari calumniâ, coram Abbate Raimundo & quibudam ex Fratribus. Clerici verò non solum dederunt partes quas possidebant, sed etiam semetipsos tradiderunt Deo & Abbati, ut communiter viverent sub potestate illius, vel sui Legati in eodem loco; quatuor tantum, scilicet Ainardus & Garſiaels & Petrus & Vitalis. Testes verò hujus rei sunt Raimundus Oddo, Deboolenes, & Sanier Debafoert, & Garſia de Goion, & alii quamplures qui aderant, & Forto de Sallag Presbyter: sicque in adſcriptione duo talia signa ab ipsis testimoniis factâ continebantur.

Est & quædam Ecclesia quæ dicitur *Bignau*, & cultura una quam possidet beatus Petrus.

Donum quod fecit Pontius de Olbion & frater ejus Bertrandus, de Ecclesiâ sancti *Joannis de Majan*, pro remedio animarum suarum & parentum suorum: pro quo etiam dono dedit Abbas Raimundus & Fratres mulam centum solidorum, & viginti solidos, & Bertrando l. solidos, de quâ re sunt fidejussores Emericus de Galard, & Guiraldus frater ejus, & Guillelmus de Bornag, & Guillelmus Garſias de Clarag; testibus Arſione de Olbion, Petro de Galar, Bonel de Ponnesfont, Guilem de Gualart, Bernard Desbornamers, & aliis quampluribus.

Raimundus Lupus & uxor sua dederunt unum boscum cum terrâ ad sanctum Petrum Condomensis ad Molinare in ripâ fluminis *Banisia*, & Seguinus Abbas dedit unum cavallum xl. solidorum, & decem solidos.

Tempore igitur alio quidam Geraldus Princeps Debons dedit filium suum quemdam, Petrum nomine, beato Petro, & cum eo Ecclesiam sancti *Vin-*

centii super *Oceam*, & medietatem Ecclesiæ sancti Martini de *Elim* cum Ecclesiasticis suis, & Ecclesiam sancti Amandi de *Bruis*, totam cum appendiciis suis, & Ecclesiam sancti Severi de *Guardera*, & quidquid ejus videtur esse juris, [in] cultis & incultis. Hoc factum est in præsentia A. Garſiæ de Albion, & in manu Abbatis Raimundi, filii ejus, & Bonel de Laroche, & aliorum multorum. Postea Bertau de Bons & Arnaldus filius ejus instinctu diaboli prædictam Ecclesiam de *Guardo* invaserunt, & Arnaldum de Caned & Garſiam de Gardera, qui eam censualiter de manu Abbatis Condomensis tenebant, inquietare cœperunt. Reclamante Abbate *Aynero* Sanctii ad Episcopum Aguinensem R. Bernardum, prædicti malefactores tamdiu sub anathemate positi fuerunt, donec ipsi & parentes eorum recognoscentes injustitiam suam, Abbati & Senioribus satisfaciētes, fidejussores dederunt, & jurejurando firmaverunt, ut ullus unquam de parentelâ eorum hoc requirere audeat. Arnaldus de Bons dedit fidejussores Gualiardum de Bons, & R. Guillelmum de Vemerod, & Petrum de Vemerod; Bertran de Suau, quia habebat sororem Arnaldi, dedit seipsum & Geraldum de Bons.

Nostris temporibus fuit homo amabilis Garſias de Sedliag dictus, habens quoddam podium virgultis ad plene constitum: hunc pro salute animæ suæ Deo & sancto Petro Condomi obtulit, & abique ulia reservatione nobis dedit. Quem accipientes edificare curavimus, statimque jactis fundamentis Ecclesiam in honore sancti Salvatoris extruximus, domicilia fecimus, agricolas statuimus. podium *Visu-pulcrum* vocavimus. Et ut termini illius magis prolongarentur, datâ pecuniâ fecimus: in primis comparavimus de ipso Garſia primam culturam xxx. solidorum. Cumque morti proximus esset, aliam nobis culturam in elemosynam dedit, quæ superiori conjuncta est. Postea *Siguinus* Abbas dedit xl. solidos Oci. . . . Comitello ejusdem territorii pro libertate, ut nunquam amplius nec ipse, nec aliquis successor ejus prædicto podio, & quidquid ad eum pertinet, dominationem requireret, nec calumniam ingereret, legem comitalem, exceptâ causâ homicidii, non acciperet.

Quidam vir justus nomine *Aiz*, venit ad conversionem nobis in eodem loco, deditque vineam satis optimam. Villa quæ dicitur *Guila*, eidem podio est proxima, S. Martini habens Ecclesiam. Hujus possessor Guil Dat vendidit nobis xxvi. solidis duas partes ejusdem Ecclesiæ cum omni centu Ecclesiastico, & quæ ad eam pertinent, dans fidejussores seipsum, Guillelmum Bergui, Roger Amburada, & testes Sanctum Odentrotum, Arſiam de Ponte, G. Garſia Nincar. In eodem loco verò nostri Monachi Forto & Dominicus comparaverunt vineam xv. solidorum, & terras alias xx. solidorum de Oriol; Forto, Depintopin accipientes, fidejussores Guil Dat de Guilâ, Aizoriol de Sedliag, Bernat Ardui de Bolays; religiosa femina Gasens soror Guil Dat de Guilâ, in isto Cœnobio Sanctimonialis effecta, dedit quamdam franquitatem Darſimam, & in eadem *Guilâ* abique ulia reservatione, & quidquid Inden Gracies, vel Extort Canda habere videbatur, liberè nobis contulit. Item dedit nobis unum casalem cum adjacentē vineâ, & quamdam partem alaudi quæ ipsi vineæ conjuncta est.

Dum prius sæculum, memorandarumque rerum monumenta non uniformi lege sancita, sed diversæ intentionis adſtipulatione alligata secundum illustrium virorum dicta consideraremus; multo honestioris, seu utilioris facti nostrum decretum fore existimavimus, scilicet quod tunc temporis in regali-

bus fidei augendis, vel in divitiis Reipublicae acquirendis studiosam litterarum impressione commendabatur posterorum memoriae, nostris temporibus singula quaeque ad obtinendam memoriam diligenter informarentur, quaecumque in augmentum sanctae matris Ecclesiae deputarentur. Nam in hac ultimam labentis saeculi aetate, & penè naufragam mundi tempestate tanto diligentius fieri credimus, quanto agnoscitur prius saeculum declinatum esse in pejus. Quapropter ego SIGUINUS, licet indignus Abbas loci qui dicitur Condomus dum vitam procelloso imminenti tempestatis gurgite absque remige laborarem, & plurimorum desolationem locorum considerarem, communi consilio Fratrum decrevi, ut bona nostri loci jam à bonis hominibus data, & tum à pessimis ablata, undequaque sparsa in unum colligeremus, & quae nostris temporibus pretio, vel quocumque alio placito, Deo adjuvante, recuperavimus, nostrorum successorum memoriae per chartas commendaremus; & ut indivisa in perpetuum permanerent, Comitum vel Episcoporum, testium & fideiussorum legaliauctoritate Deo & sancto Petro, iustius scilicet loci provisorio, constanter firmaremus.

In nomine ergo summae & individuae Trinitatis, ego supradictus SIGUINUS ceterique Fratres de quodam honore sancti Petri *Causac* nomine, & omnibus suis appendiciis cum GUILLELMO Astanovâ Comite conventionem habuimus, & ut nostro loco sanctoque Petro redderetur, pretio licet gravi & carissimo tandem impetravimus. Quem scilicet locum, ut relatu plurimorum audivimus, GIMBALDUS Comes, & post eum ejus filius Ugo Episcopus hereditario jure possederat, semperque cum honore istius loci in suo dominio tenuerat; sed SANCTIO Comes post mortem Ugonis vim inferens, dedit suae sorori, scilicet GUARSINDAE, post cujus mortem iterato idem Sanctio sua potestate AMERICO Comiti vendidit, qui & filium suum GUILLELMUM ejusdem honoris quasi heredem reliquit: de cujus manu vel potestate, ut supra diximus, tali conventionem extraximus, ut pretium mille solidorum daremus, cujus pretii exstimationem omnino solvimus, quamvis maximo labore, secundum conventionem. Nam mulam optimam & unum caballum secundum ipsius electionem pro septingentis solidis dedimus in pretium, insuper ex bonâ monetâ trecentos solidos denariorum.

Quâ firmatâ conventionem coram plurimis testibus, ex integro dedit super altare sancti Petri, quod tunc temporis videbatur possidere; & hoc ita libere & absolute, & tali ratione, ut ullus unquam ex suis heredibus, & nulla alia quaelibet suspecta persona ullam vim Monachis intulisset, sed sanctus Petrus cum suis propriè in dominio in perpetuum possideret; & ut in sua vitâ & omnibus locis auctorifaret, & legaliter confirmaret cum textu Evangeliorum, & ligno Dominicæ crucis Deo in præsentia plurimorum promisit, & duos fideiussores scilicet, Vicecomitem RUGERIUM de Gavaret, GUILLELMUM Arnaldum de Vilerâ, in manu Fratrum dedit eâ ratione, ut si eam unquam vel ipse Comes seu ullus suorum, vel cujuscumque personæ homo diabolo instigante vim vellet inferre, vel ullâ occasionis intentione placitum commovere, ipsi in fidelitate Dei & sancti Petri placitarent, & si opus esset, & contra omnes defenderent.

Comes SANCTIO curtem, quæ dicitur *Busel*, & castellum quod ipse in eadem curte firmavit cum omnibus appendiciis, villis, vineis, sylvis, pratis, pascuis, aquosis & inaquosis, cultis & incultis, pro remedio animæ suæ vel parentum suorum, ita ut ipse libere possedit, post obitum suum sancto Pe-

tro ordinavit, & coram his testibus donum firmavit, Guillem Lupus, Bernard Ramont, Ramunt Paba, Arnalt de Fogit, Ricart Cordan. Eâ ratione ut ipse Ramundus Paba, qui eundem locum sancti Petri de *Busel* per manum ipsius Comitatus tenuit, medietatem ejusdem curtis in suâ vitâ possideret, ita tamen ut nullo modo licentiam haberet neque vendendi seu donandi, vel pignori, vel in beneficium alicui concedendi, & post suum obitum ex integro libere & absolute cum omnibus appendiciis, sicut ipse Comes in suis diebus tenuit, rediret ad sanctum Petrum.

Quidam Miles non infimi generis, sed præcipue nobilitatis & potentiae, Bernardus de Taurinac vocatus, possidebat jure hereditario locum super litus Garonæ positum, regalibus ædificiis olim, sicut apparet, constructum, at nunc præ nimia vetustate penitus dirutum & desolatum; vocatur autem ab imminente fluvio, qui ibidem finem accipit, & Garonâ absorbetur, *Calcisdroi*, demonstrans ruinas duarum Ecclesiarum, quarum principalis est in honore sancti Christophori, altera in honore sancti Eparcii. Hunc ergo locum supradictus Miles ita dolens deperire, dedit animum ut in melius reedificaretur, & de infimo nobilis, de inculto cultus, de vacuo plenus redderetur; factâque nobiscum conventionem partim dans, partim vendens, accepit à nobis mulam bene valentem c. solidos Tolosanenses. Et fecimus præstitum uni. . . . . Romam pergenti. Ipse vero veniens ante altare sancti Petri, dedit nobis ipse & uxor sua nomine *Sodoma* locum nominatum cum supradictis Ecclesiis, & Ecclesias cum rebus ecclesiasticis & omnibus suis appendiciis. Dedit etiam supradictus Bernardus de Taurinac quasdam piscatorias beato Petro in loco ubi flumen Calcisdrotum conjungitur Garonnæ, absque ullâ reservatione, & sigillo, & reclamatione suâ, & omnium heredum suorum in provinciâ fidelium virorum secum comitantium, & nostræ parti faventium, quorum nomina sunt Arnaldus Garfies cognomento Comes, item Fortsans de Saron, Astonis Lubaner de Varenâ: in præsentia horum & aliorum multorum dedit sancto Petro, & firmavit nobis ipsum locum cum omni integritate.

Antiquorum sententiâ Patrum per universum mos inolevit orbem, ut quicumque pecuniæ, vel fundi alicujus legatione indigeret, testamento scripturarum fore fixa & immobilia statueret. Ideoque & nos vestigia non minus illorum sequentes, quam & illi, qui ratum & esse tenendum sanxerunt, disposuimus non minus ea quæ à vivis nobis tradita sunt, quam ea quæ ab his qui ex hoc saeculo transierunt, concessa suscepimus, commendare testimonio litterarum, ne quod à religiosis & timentibus Deum viris pro remedio animarum suarum, vel cujuscumque beneficii accepti, impendebatur Deo & hominibus, minus religiosis & non timentibus Deum postmodum sequacibus filiis irritatione quassaretur infestâ. Devotione itaque supernâ quidam nobilis nomine Arsinus de Olbion percussus, accersito consilio totius suæ nobilitatis provinciae, dedit beato Petro Condomensis Ecclesiae, & habitatoribus ejus fundum hujus villæ quæ dicitur *Nerag*, & cum ipsis villam, forum & munitiones ibidem stabilivit. Dedit etiam huic Ecclesiae fundum ad vineam ædificandam, in loco qui dicitur *Hesteri*; & in alio loco qui dicitur *Lupcrup*, culturam unam, dominationemque totius prædictæ villæ, & fori, atque usumfructum omnis beneficii: cujus beneficii medietatem accipiens ab Abbate, sponduit sese neque dominari ulterius, neque ullam violentiam facturum in æternum. De domo etiam suâ & muni-

tione, ut totius dominationis nostrae integritas in eadem villâ servaretur, xii. nummos censualiter nobis dari uno quoque anno statutum est. Hæc omnia dedit beato Petro Apostolorum Principi Condomensis Cœnobii in præsentia Abbatis RAIMUNDI fratris sui, aliorumque plurimorum virorum.

Hoc etiam confirmatum est auctoritate & præsentia domini Papæ Urbani II. qui ibidem in honore beati Thomæ Apostoli & sancti Nicolai Episcopi & Confessoris Ecclesiam nobis consecravit. Affirmavit etiam hoc pacto & hac eadem adstipulatione omnia dona, quæque pater suus & ipse fecit in provinciâ suâ, in perpetuum beato Petro mansura, Ecclesiarum scilicet, rusticorum, fundorum, vinearum atque omnium stipendiorum. Hujus rei testes sunt Petrus & Garlie, Arnalt de Olbion, Oggers de Padieru, Giraldu de Bons, Bonellus Falchetus, & Petrus de Salas, & alii perplures viri.

Arnaldus Garlias de Olbion dedit filium suum nomine RAIMUNDUM sancto Petro Condomensi, simulque Ecclesiam sancti Martialis de *Biravel*, & omne dominium & potestatem quam habebat in eâ. Postea verò supradictus Raimundus ejus filius, nunc Dei jam Abbas factus, dedit Arfino fratri suo equum pretii quingentorum solidorum pro dimidiâ parte sancti Vincentii *Lausmanensi*, & pro confirmatione Ecclesiæ & alodii sancti Martialis *Birilanensis*. Quo facto Presbyter ejusdem Ecclesiæ sancti Martialis, scilicet Emerius nomine, suis cum filiis, qui eam pro laudo tenebat, suamque esse dicebat, accepit à supradicto Condomensi Abbate suis cum fratribus duos optimos boves, & omnia instrumenta quæ aratori necessaria & utilia sunt: de quo dono dimisit & confirmavit, necnon tribuit Deo sanctoque Petro, quod habeat ejusdem Ecclesiæ totum. Et pro unâ peciâ terræ, quæ est sub *Rochâ*, accepit ipsemet Emerius Presbyter cum suis filiis, solidos videlicet xii. sic vendidit & cum fidejussoribus firmavit; scilicet cum Bonello de Rochâ, & Garlie, Arnaldi de Olbion. Postea verò veniens jam bis suprà nominatus Emerius cum quodam filio suo ad Monasticum habitum nomine Bernardo, dedit B. Petro quamdam vineam, & unam terram simul in uno clauso, & stabilitatem domus quæ est in eodem loco.

Item in *Barandraldo* Arnalt Garlias dedit Ecclesiam S. Martini de *Alanfed* cum filio suo supradicto Ramundo, qui suscepit Monasticum habitum; & quidam Vitalis similiter suscipiens conversionem, dedit fundum Ecclesiæ beato Petro, & quidquid ipse Vitalis possidebat terrarum vel vinearum, totum dedit beato Petro.

Item in *Barandraldo* dedit Amalbinus de Paradiso & filii ejus & filia Ecclesiâ sanctæ MARIE de *Molas*, & acceperunt à Monachis equum unum & decem solidos; & ipsi qui tenebant fundum, Guillelmus scilicet & Arnaldus, dederunt ipsum fundum beato Petro propter fratrem suum Bernardum, qui Monasticum suscepit habitum.

Item isdem Bernardus & mater ejus dederunt francum unum in loco qui dicitur *Estonbed*.

Item in *Barandraldo* dedit uxor Garliæ Namundi de Padieru culturam unam, & filii ejus S. Petro.

Item in eadem provinciâ dedit Amalbinus de Paradiso Ecclesiam S. Joannis de *Campo Cenceer*, beato Petro totam.

Item isdem Amalbinus dedit Ecclesiam S. Orientii super fluvium Garonæ.

Item Oliverius Monachus dedit francum unum in loco qui dicitur *Biraged*.

Item in loco qui dicitur *Gwardera*, dedit quædam mulier nomine Miranels, unam libertam cum om-

nibus heredibus, & culturam unam, & vineam unam.

Deinde quidam homo nomine Guillelmus Galter & filii ejus duo, loco qui vocatur *Mejanos*, dederunt beato Petro medietatem, & ultra *Rivulo-torto* medietatem suorum, boscum & tres dimeradas de vineâ, & in loco qui vocatur *Bodiga-Sicura*, dederunt beato Petro cum omnibus quæ ad ipsum locum pertinent. Et in loco qui vocatur *Duorinla* Ecclesiam beatæ MARIE, beato Petro duo fratres Garlias Dat, & Guillelmus Dat, cum Ecclesiasticis suis, qui fundum Ecclesiæ jure hereditario possidebant, omnes in unum coadunati dederunt, & firmaverunt sanctissimo Apostolo Petro pro redemptione animarum suarum & parentum suorum. Tali namque conventionem, ut si ibi fieret salvatio, omnes supradicti qui inibi ad manendum venirent, cæterique qui se sub ditione ipsius salvationis ponerent, quisque pro domo suâ live cellario censum sancto Petro tres aut duos donarios singulis annis redderent.

Tempore igitur alio quidam Guiraldus Princeps de Bons, dedit filium suum quemdam Petrum nomine beato Petro, & cum eo Ecclesiam sancti Vincentii super Oceanum, & medietatem Ecclesiæ sancti Martini de *Elz*, & Ecclesiam S. Amandi de *Bruis* totam cum appendiciis suis, & Ecclesiam sancti Severini, & quidquid ejus videtur esse juris de *Gwardera*.

Item Guillelmus Karolus quidam Miles, & nepos ejus quidam Oliverius nomine, venientes ad Monasticam conversionem, dederunt sancto Petro Ecclesiam quæ vocatur *Nux-sicca*, & francum unum, & alium francum in loco qui dicitur *Anezag*. Item dedit quidam Garlias Clericus alium francum in loco qui dicitur *Casals*. Item quædam mulier Argenta nomine dedit unam modiatam alodii. Item quidam Fortasi dedit unam denariatam vineæ, & modiatam unam alodii. Item Miles quidam Bertrandus Dazim dedit quamdam terram quæ adhæret Ecclesiæ sanctæ MARIE de *Nucissicca*.

Donatio de Ecclesiâ sancti Petri de *Lustralensi*, quam dederunt beato Petro Berus de Casa novâ cum uxore suâ Spaniâ, & terras & vineas ad ipsum altare pertinentes ad alodum medietatem: alia medietas facit servitium xii. denariorum, & xii. panes & unum modium, c. & unam somadam vini pro remedio animarum suarum, & filiorum & filiarum suarum, & omnium parentum suorum vivorum & mortuorum: & Dominus Abbas propter hoc dedit ad eos xx. solidos, & suprà hoc dimisit Abbas duos cavallos, & vi. boves, & quinquaginta pondera caballorum de annonâ, & ferramenta nimis & spolia multa.

Cunctis legentibus sit manifestum, quoddam quidam homo Fort-Gartias Darrigapel vocitatus, in termino suæ vitæ beato Petro duas partes Ecclesiæ sancti Stephani de *Bornac* pro animæ suæ redemptione parentumque suorum voluntate spontaneâ contulit, & unum campum juxta eandem Ecclesiam, quem tenebat in pignus quidam homo Aneiba cognominatus de Bornac, pro quatuor solidis. Et in Ecclesiâ quæ vocatur *Surdavallis*, similiter dedit isdem supradictus Fort-Gartias medietatem cujusdam vineæ, aliamque medietatem suæ uxori tali dimisit conditione, ut quamdiu ipsa viveret, eam teneret: sed post ejus decessum beatus Petrus cum supradictâ medietate jure perpetuo possideret. Post longum quoque tempus venit quidam Presbyter Arsinus nomine de *Bornac*, cum quodam filio suo nomine Guillem, nepotes supradicti Fort-Gartias ad sanctum Petrum, & dederunt beato Petro aliam tertiam partem supradictæ Ecclesiæ, & uterque mo-

nasticum habitum inibi accepit, & omnia quæ in Ecclesiâ & in hac villâ juris eorum erant, sancto Petro tradiderunt.

Ode Dariaco cum filiis suis beato Petro Apostolorum Principi Condomensis Ecclesiæ, Ecclesiam scilicet de *Cleriaco* cum omnibus appendiciis suis offerens, etiam filium suum Bertrandum ut Monachus fieret, pro remedio animæ suæ parentumque suorum; tributum quoque quod reddit supradicta Ecclesiâ, tale est. Duo quarti reddunt unusquisque nummos XII. panes VIII. annonæ conchas quatuor, vini sextarios II. convivium semel in anno suo domino cum VIII. hominibus. Tertius verò quartus similiter, excepto prandio. Nam quartus liberè reddit beato Petro culturam unam in villâ sancti Medardi; casalem unum in isto burgo pignore datum pro ei sol. Hujus rei testes sunt Pontius de Pons, G. Garfias de sancto Orientio, & frater ejus Bernardus & Forto de Simonvilla.

Otgerius de Alba-folia venit ad conversionem sancti Petri Condomensis, & dedit ei terram, cultam & incultam, quod interpretatur *Pelagmon*, usque dum propinqui sui reddant sancto Petro c. xx. & III. solidos & VI. denarios. Forto Emerius de Colerano reddit tributum, VIII. panes & VI. d. & duas c. de cuate, & iterum VI. d. & sex panes.

Donum quod fecit Gallardus de Bilerâ sancto Petro de filio suo Oggerio, & de tributo Bergomo, de censu scilicet xxx. & III. panes, & xv. conchas de annonâ & tertiam partem uno modio vini; & postea venit Bernardus filius supradicti Galardi, & accepit ab Abbate Ramundo equum valentem c. solidos, propter hoc quod supradictum est, & affirmavit donum super altare sancti Petri, & postea venit Bernardus ad obitum mortis, & duobus qui remanserant de supradicto tributo Bergomo, scilicet xl. & VI. panes, & duobus partibus, modio vini, & xxx. conchas annonæ, & duos solidos, & III. gallinas, usquedum c. solidos redderent sancto Petro: deinde venit Oddo frater supradicti Bernardi ad mortem, & dedit sancto Petro servitium Garfiam filium Bergomo, scilicet XII. denarios & XII. panes, & unum modium annonæ.

In villâ quæ vocatur *Poipardinus*, beatus Petrus duos habet rusticos, qui singulis annis servitium v. solidos ad Vincula fideliter reddunt. Quos utique rusticos quidam miles Servatus nomine Deport pro filio suo, quem beato Petro in Monachum obtulit, jure hereditario dedit.

Quoniam nostri successores dona quæ huic loco dantur, nisi nos eis dimittimus scripta, penitus nescirent, cupimus ut hujus doni notitiam hoc ex scripto certissimam habeant. Fuit autem Miles quidam Gerardus de Bono-fonte vocitatus, filius Atarnalt, germanus frater Garnerii, qui in fine vitæ suæ donationem medietatis Ecclesiæ sanctæ *MARIE*, quæ nuncupatur *Eseramurs*, beato Petro in pignore, dereliquit, tamdiu donec Guarnerius ejus frater beato Petro lx. solidos Morlanensis monetæ redderet. Cujus Ecclesiæ annualis census tantus est, panes xl. nummi II. solidos, annonæ modii duo, sarcinæ vini II. hujus medietatem servitii dimisit supradictus G. beato Petro. Transactis iterum diebus plurimis, instinctu divino perculsus Guarnerius, ejus suprà jam nominatus frater, quemdam filium suum Atonem nomine monachili habitu indutum, pro redemptione animæ suæ, & ejus uxor Majalsen nomine, filiique ejus II. scilicet Bertrandus & Kostas, beato Petro super altare obtulerunt, & donationem quam in supradictâ vindicabant Ecclesiâ, medietatem alteram videlicet cum filio spontaneè dederunt, necnon alteram medietatem quam

Eraldus pro hoc solidos dimiserat, insimul cum filio beato Petro tradiderunt: & ita utroque fratre partem suam donante, ex integro sub beati Petri donatione, Deo volente, posita est. Sed & hoc sciendum, quod in dono Geraldii fidejussores & testes Petrus Gualardi ille vetulus, & Argaias ejus nepos exstiterunt, in dono quoque Guarnerii Petrus Gualardi suprascripti Petri filius; & idem Argaias & Arsinus de Bono-fonte, & frater ejus Petrus fidejussores & testes fuere: in utroque quippe dono tot fuerunt jussores & testes tam Monachorum quàm Clericorum, tam Militum, quàm Burgensium, quod si vellemus scribere eos, proprium oporteret habere librum.

Alio in loco qui *Gumla* vocatur, quidam homo Arnaldus nomine cum duobus vicinis suis tradidit se Deo & beato Petro in perpetuum, reddens unoquoque anno servitium xv. denarios.

Hæc est conditio de dono cujusdam vineæ, & terrâ quâdam quam dedit Emerus de Birarel, pro se & filio suo, quæ vinea & terra simul sunt in uno clauso, & stabilitatem domus quæ est in eodem loco, B. Petro Condomensis Ecclesiæ.

Quidam Miles Oddo nomine de Pardeliano vitæ suæ terminum imminere præsentiens, cum consilio uxoris suæ atque filii Ugonis vocitati, pro redemptione animæ suæ dimisit Ecclesiam beato Petro Condomensis Ecclesiæ, Fratribusque in eodem loco Dei jugiter famulantibus, quæ scilicet Ecclesiâ vocata sanctus Joannes de *Guardo*, habetur in *Barrindraldo* famolissima. Protinus utique redemptione Abbas cunctique fratres supradictæ congregationis dederunt lx. solidos Morlanenses atque xx. Agenenses. Cujus itaque donationis, nec non & affirmationis testes exstiterunt atque fidejussores, G. de Pardeliano, Argaiatus de sancto Martino, Arnaldus de Alteras, Ramundus Bernardus de Viconovo, G. de Bornaco, Bonifacius de Calladâ.

Notum sit omnibus, tam præsentibus quàm futuris, quod quædam domina soror Guillelmi Arnaldi de Riaco, & Petri de Salberas, uxor Arfina de Matharis hominis locupletissimi, habens ex eo filium nomine Garfiam Clericum obtulit beato Petro de Condomo in Monachum in manu Amerii S. Abbatibus & Annomi atque Joannis de Lausian Capellani, cum quâdam terrâ de *Nerag*, quam dederat Arfino marito ipsius & omni progeniei suæ prædictus frater ejus & avunculus Petrus de Salboëras, cum consensu omnium parentum suorum in dotem; & hanc terram prædictus Clericus dedit tali conditione, ut si aliquis filius de parentelâ suâ istam terram possidere vellet, quingentos solidos Morlanensis monetæ beato Petro perolveret. Hujus rei testes sunt Geraldus de Bons, & Ramundus Guillelmus de Nizered, & Amaneus de Sales, & Guillelmus de Sart, & Petrus Alaman, & Vitalis de Lausiam, & alii quamplures. Cujus terræ, ad utilitatem Ecclesiæ, cui filium, de quo loquuti sumus, voverat, statuit defensorem Amaneum Delebred, & omnem progeniem ejus, ut Monachi in pace terram illam possiderent. Istud donum factum est tempore INNOCENTII Papæ, & RAYMUNDI Bernard Agennensium Episcopi, & GUILLELMI Pictaviæ Comitis Valconæ Ducis.

Istud est donum vineæ de *Birag*, quam dedit Bernat Oddo sancto Petro pro remedio animæ suæ, cum uxore suâ & filiis suis. Post mortem verò ejus peracto curriculo multorum annorum, R. Abbas istius loci dimisit Ecclesiam istius loci Sancti filio ejus, & tribuit ei x. solidos, & ipse iteravit donum vineæ quod fecerat pater ejus cum uxore suâ Beliard, atque cum filiis suis, conditione tali, ut à nemine parentum suorum ulterius deleri posset, in

præsentia Arfina de Olbion & Petri de Sales & Falchet, & multorum testium nomina quorum scribere esset longum.

Ego Armerlen de Deo & sancto Petro & Abbati VIGINO & Monachis præsentibus & futuris habitantibus in Condomensi Monasterio vineam, quæ est in villa quæ vocatur *Sarrazan*, quam plantavi cum conjuge meo Garfia Guillelmo, jure hereditario in perpetuum, ut sanctus Princeps Apostolorum aperiat nobis valvas regni cælorum.

Arfinus Sanctii de Artignâ, & uxor sua Anria dederunt unam vineam Deo & sancto Petro de Condomo pro peccatis suis jure perpetuo.

Arnaldus de Arrocas dedit unum alodem cum nemore, quod pertinet ad ipsum alodem, sancto Petro de Condomo pro animarum suarum parentumque suorum redemptione in villa, quæ dicitur *Malo-ricino* inter duo flumina, unum vocatur *Bamla*, alterum *Ocea*.

Memoriæ præsentium posterorumque commendare disposuimus, quodd Ugo de Pardeliano prærogativâ charitate conspicuus in suburbio sui castri, *Montis* scilicet *Capreoli* ad pedem pontis, ubi sit ascensus ad superiorem partem præfati oppidi, pro redemptione animæ suæ Deo & sancto Petro Condomensi ad structuram Ecclesiæ domusque, locum largæ diversionis in præsentia ALDEBERTI Agennensis Episcopi misericorditer erogavit, ubi diu mansit Ecclesia. Postea verò OUDO successor ejus & heres, vir bonæ indolis & astutæ prudentiæ, zelo divinæ adspirationis compunctus, & frater ejus Ugo suggestione Guidonis nostri familiaris, qui tunc conductor loci illius erat, donum præfati Ugonis fratris sui in præsentia R. Bernardi Agennensis Episcopi, & A. Sancti Abbatis Condomensis multipliciter augmentavit. Terram namque illam quæ est ante portam ejusdem castri, adjunxit priori dono, eo tenore, ut ibidem in honore beatæ semperque Virginis *MARIÆ* Ecclesia fabricaretur, & harum solemnium usû quotidiano frequentarentur, quoniam locus intrinsecus ad sacrosanctum Corpus dominicum tractandum competens non erat, de suis facultatibus multo sudore laborantium assiduoque dolatu construxit Ecclesiam, & xx. stationarios, vel eo amplius simul hereditavit, qui usû annotino x. solidos in festivitate sancti Joannis Baptiste censualiter redderent. Placuit itaque sagacitati Condomensium de reliquiis Sanctorum, quarum Occidentalis Ecclesia feliciter partem non obtinet, præscriptam Ecclesiam feliciter ditare, ut & illis esset in testimonium & accolis locus veneratior haberetur. Hoc autem factum est regnante LODOVICO Rege Galliarum, GUILLELMO Aquitanorum Duce, RAMUNDO Bernardo Agennensi Episcopo, A. Sanctione Condomensi Abbate, testibus Ugone Archidiacono, Fortone de Bix, A. de Seira. Bernardo Vilau, Arfino Vitalt. Signum Odonis tribuentis †. Signum Abbatis suscipientis.

Posteris nostris conventum, quodd Ramundus Bernardus de Bignau cum uxore sua pro filio suo, quem in Festo omnium Sanctorum in præsentia Prioris Bertrandi & omnium Fratrum, Deo beatoque Petro in Monachum obtulit, scriptum reliquimus. Hac enim in villa servitutem Guillelmi Ramundi Loripedis, scilicet vi. denarios dedit. In villa autem quæ *Planeu* vulgò vocatur, alios vi. nummos, scilicet Garthoth, qui uno quoque anno illos reddat. Dedit etiam in eadem villâ medietatem culturæ. Hæc autem omnia supradicta tali tenore dedit, ut quamdiu suprâ memorato Monacho scilicet Ramundo, vita comes ubi fuerit, jure hereditario teneat; si autem aliquis ex Fratribus illum supervixerit, & commemoratam terram cum servitio recuperare voluerit, beato Pe-

tro aut lx. solidos Morlanensis monetæ, aut centum Agennensis reddat. Visores autem hujus rei fuerunt complures, quos enumerare per singulos tædium esset: sed præcipuè isti, Petrus videlicet frater memorati Monachi, & noster Capellanus, necnon & Lambertus Eleemosynarius, & Tinardus, & Petrus Garlias. Amen, fiat.

Ego Arnaldus Despiasag, & uxor mea Alalaia, & filius meus Garfia Arnaldus damus terram, quæ est ad *caput urtium canarum* in podolio, quem expetivimus coram Grinaldo & aliis hominibus, beato Petro Apostolorum Principi. Testes Eicio de Castris, & Arnaldo Debeirenes.

In nomine Domini nostri JESU-CHRISTI Arnaldus Delator, & uxor ejus Alarida dederunt medietatem Ecclesiæ sancti Aniani Deo & beato Petro Condomensi pro Arnaldo filio suo, quem fecerunt Monachum, & pro redemptione animarum suarum, & unum locum, in quo (si quando Monachus in castro eodem habitare voluerit) domum sibi faciat, & ibidem fideliter Deo serviat. Necnon etiam dederunt xxii. denarios censuales in hac villâ de Condom, qui pro x. solidis in pignus habentur. Dederunt fidejussorem Jordan de Soldun, ut quomodo-cumque Abbati & Monachis placeret, supradictus Arnaldus & uxor ejus xxii. denarios solverent. Testes hujus rei sunt Dominus Abbas, G. Arnaldus de Quais, Giraldus Dalteges, Bernardus Cellerarius; Lasci verò Jordan de Soldun, Arnaldus de Causenes juvenis, & alii multi.

Donum de Honore de *Causacho*, quem dedit Pontius de Aibion beato Petro pro redemptione animæ suæ, ut orent & cantent fratres ipsius loci villæ Mullas pro eo. Interim teneat beatus Petrus supradictum Honorem, usque centum solidos reddat filius ejus, vel frater ejus aut propinqui ejus beato Petro. Ego Bertrandus frater ejus affirmavi ipsum Honorem super altare sancti Petri dedique fidejussores Petrum de Gualardo, & Eicium de Castras.

In Christi nomine, ego Amalbinus & Sanctius Forto frater meus facio chartam de unâ peciâ de vineâ apud ipsam terram de *Surdevalle* ad opus sancti Petri de Condom, & ad opus donatum Monachorum. Et ista vinea terminos habet in se per una concisa, & per unum avellatum, & per viam publicam, & hoc est pretium lx. solidos denarios Morlanensis monetæ, & istud pretium benè complacuit animabus nostris. Fidejussores Garfie Ancr, & Donatus Sanctius de Sordebad: Visores Arnaldus Ramundus, Guillelmus Sanctius, Forto Garfia, & præsentibus multi adfunt.

Donationem quam fecit Bernardus de Mirandol & filius ejus Petrus, de Ecclesiâ sancti Medardi & omnibus ad eam pertinentibus. Visores sunt, Vitalis de Sarralte, Donatus Darrigapel, & Guillelmus frater ejus, & pater eorum Sanctio Forti, & Durandus Agule, & plurimi alii.

Durandus filius Bernardi de Olone venit ad extremam diem, & pro remedio animæ suæ Ecclesiam sanctæ *MARIÆ*, quæ dicitur *OLONA*, dedit sancto Petro; tali conventionem, ut dedissent Abbas & Monachi Bernardo & Ramondo de Sanguinâ xxx. solidos, deinde sit ex integro sancto Petro. Postea Ramundus & Bernardus fecerunt inter se talem conventum, ut Bernardus propter medietatem xxx. solidos supradictos accepisset x. solidos à beato Petro & suis, & medietatem supradictæ Ecclesiæ beato Petro reliquisset, & fecit. Si Ramundus propter aliam medietatem Ecclesiæ quam iterum reliquit, venisset ad monasticum habitum, & propterea receptus est inter nos. Deinde Durandus supradictus pignus quod pater suus sancto Petro fecit &



luis, & alios pignos quos factos habebat ad duos Milites, id est, Garfia Bergun de Claraco; *la Franc-dat Trejelba*, propter c. l. x. solidos. Et Saxetus Descatarenes duas francas de *Grodes*, propter c. l. solidos. Hoc totum sine ulla reservatione sancto Petro ad alodem affirmavit. Postea Amardus frater ejus venit ad finem, & pro animâ suâ, & patris sui & fratris iterum affirmavit.

Amardus de Oloia dedit beato Petro unum cabmas *Alpeiregai*, quod reddit singulis annis iii. modios frumenti ad conchas vi. per annum, pro redemptione animæ suæ & parentum suorum, & fecit se in hoc loco sepeliri.

Bernardus de Majalt, & frater ejus Eugenius dederunt sancto Petro Condomensi pro peccatis suis parentumque suorum, & pro uno equo, Ecclesiam que vocatur *Fluran* fidejussores fuerunt Garfie Destil, & Pontius de Papons.

Hoc est donum quod fecit Ramundus Arnaldus de Ecclesia de *Ampel* Deo & sancto Petro pro remedio animæ suæ, donationem scilicet totius Ecclesiæ, & terras quæ ad eam attinent, necnon duo servitia quatuor denariorum, & unam vineam juxta Ecclesiam. Hujus rei fidejussores fuere Fortaner de Santoscâ, & Ramundus & Arnaldus frater ejus de Ampel; & tres fuerunt ipsi fidejussores, & Ramundus Oddo Deberali, & Argaiad de Gualard, & Arnald de Ladbads, & alii multi, quorum nomina præ multitudine scribere nequivi.

Omibus hoc scriptum legentibus sit notum, quoddâ miles quidam Fortanrius de justia vocitatus, tertiam partem Ecclesiæ, quæ dicitur *Guardera*, tenebat ab Abbate & Fratribus Condomensibus, persolvens annuatim beato Petro quatuor conchas tritici, totidem sextarios vini. Tandem verò ad vitæ terminum post diutnam infirmitatem perveniens, dereliquit beato Petro jam supra nominatam partem Ecclesiæ, & quemdam campum de *Laborera* nuncupatum, Monachusque effectus ad hoc Monasterium fuit allatus, & in Clauitro ante Capitulum honorificè tumulatus, necnon in Martyrologio secundum alietum Monachorum morem in aliorum serie adscriptus. Testes hujus rei sunt Guillelmus de Pontaraco ejusdem Ecclesiæ Obedientiarius, & Guillelmus Bornaci Camerarius, Donatus de Avimam, Guillelmus Garlias, & frater ejus de Avimam senior de Gardera, Eicius de Tenâ, Bernardus de sancto Martino, & frater ejus Tidbaldus, Guillelmus Gasias de Quais, & alii multi.

Sanctio de Rocas dedit vineam suam P. in *Podio*, i. denarium. Item in alio loco qui vocatur *Fossas*, dedit Sanctio Presbyter de Guardelâ unam vineam benè determinatam. In alio loco qui vocatur *Porgia*, dedit sancto Petro Forto Presbyter de Rocas unum nemus cum adjacentē culturâ, & quidquid ad eam pertinet. In alio loco dedit Arsi dominicum unum campum benè determinatum. Item *Apredos* possidet sanctus Petrus duas pecias de alod. Item *Acbrocar* possidet sanctus Petrus unum campum, quem emit Ar. à Guillelmo Presbytero de Guardelâ, & Fortone de Rocas decem libras de capro. Iterum in *Pogia* possidet sanctus Petrus unam peciam de terrâ, quam emit Ar. v. solid. de Sanctiâ & de filiis suis. Item filius ipsius Arsi Forto aliam peciam vendidit sancto Petro duos solid. & tres denarios.

Notum sit omnibus presentibus & futuris, quoddâ Rostais Dalmiam obtulit Bernardum filium suum in Monachum Deo & beato Petro hujus Condomensis Ecclesiæ, & cum filio nominato dedit tertiam partem Ecclesiæ *Dalmian*, & quamdam vineam propè ipsam Ecclesiam. Bernardus verò filius ejus Monachatum dimittens, militiam arripuit, quod multum

condolens se fecisse, piratus in extremis ad conversionem rediit, & prædictam Ecclesiam reddidit. Hoc etiam donum Garlias frater ejus firmavit in presentia Domni Garlias Abbatis & Fratrum hujus Monasterii, adstante etiam multitudine tam Clericorum quam Monachorum circa altare B. Petri. Testes hujus rei sunt D. Abbas, Arsinus Dalbion, Arnalt de Quais, Bernardus Cellerarius, Petrus de Albuzon Monachi. Clerici verò, Forto Capellanus hujus villæ, Guillem Darricoder Capellanus sanctæ Eulaliam, R. Delvenier. Laici verò F. de Casâ novâ & uxor ejus, Geraldus de Sabadiâ, Petrus de Gondri, Guillelmus Danalag, Arsi Delpont, Vidal Clairomegosa, Guillem Bernad de Sabe Garde, & multi alii. Facta est hæc confirmatio anno. m. centesimo sexagesimo septimo, III. Nonas Madii, Lunâ xiii. in Romanâ Ecclesiâ præidente ALEXANDRO Papa, HENRICO Rege Anglicorum, & Duce Aquitanorum Principe nostro, GUILLELMO Auscitano Archiepiscopo, qui præfens erat, HELIA de Castellione Aggennensi Episcopo.

Comes Guillelmus Astanana dedit donationem de Ecclesiâ sanctæ MARIÆ *Cassania* sancto Petro Condomensi: & Abbas Siginus & Monachi sancti Petri dederunt ad eum duos equos ex magno pretio: & Bernardus de Olonâ tenebat supradictam Ecclesiam de manu supradicti Comititis. Et iterum Abbas & Monachi dederunt duos equos supradicto Bernardo. Postea sanctus Petrus tenuit illam Ecclesiam usque ad obitum supradicti Comititis. Postea venit Garlias Presbyter & Sanctius filius ejus, & dederunt potestatem Ecclesiæ quam habebant in eâ sancto Petro super altare.

Ego Guillelmus de Gordon veniens ad conversionem in hoc Monasterio sancti Petri Condomensi, dedi eidem Ecclesiæ ejusque Fratribus omnem hereditationem meam in manu Domini Garlias Abbatis. Ipse etiam Abbas cum Fratribus suis dedit creditoribus meis triginta solidos Morlanensis monetæ, & omnia mihi necessaria in Monastico habitu. Vires hujus rei sunt Bernardus de Salabertan, G. Dalteras, R. de Balarum, Garfie Thomas. Laici G. de Boncis, Ganzolans, Guilemate de Cassaie, Petrus de Cassaie, D. de Cassaie †.

In nomine Domini donum quod fecit Vidal de Copeton huic Condomensi Ecclesiæ. Vital de Copeton audiens Dominum in Evangelio dicentem: *Nisi quis renuntiaverit omnibus quæ possidet, non potest meus esse discipulus*; in hoc Monasterio Condomensi habitum sanctæ religionis accepit, & omnes possessiones suas in parochiâ beatæ MARIÆ de *Cassanæ* huic Ecclesiæ Condomensi, ejusque habitatoribus in perpetuo possidenda dedit. Hujus rei testes sunt A. de Bonafont, Arnalt Mont, Arnaldus de Quais, Petrus de Flusan. Laici R. Artomen, G. S. Bera, Fort Od, & alii quam plures.

Hanc autem terram propter debita cujusdam Electi Abbatis G. Bertran nomine Petro de Larrabazâ familiari meo, & pater ejus Bruno impigneratam quidam Monachus Sanctius de Maian vocatus v. solidos cum Domino Abbate G. postea solvit. Hujus rei testis fidejussor fuit Fortanenus de Senmag, P. Dalbuson Cellerarius, G. Tornefod de Salabatan, & testes plures fuerunt.

Alio loco Bernadus de la Beze dedit Ecclesiam S. Joannis *Damiebad*, cum campo uno qui Ecclesiæ inhæret, in casali quodam, quem venerabilis Abbas Addo de Casâ novâ fecit fieri & vallo cingi, & quidquid Ecclesiastici juris est, sancto Petro de Condom pro se & pro animabus parentum suorum; & obtulit quemdam filium suum in Monachum, & in obitu suo semetipsum. Similiter plures alii exemplo illius,

ejusdem.

eiusdem loci habitores, in obitu suo pro redemptione animarum suarum de terris suis eidem Ecclesiae donum fecerunt. Et hoc tali conditione posteritati nostrae scriptum reliquimus, ut quicumque huius donationis propter cupiditatem aliquid minuere sive auferre voluerint, damnatione perpetua ab omnipotenti Deo damnati permaneant, Amen. Sciendum verò est, quod quaedam matrona Ecclesiae medietatem possidens, beato Petro donaverat. Supradictus verò Bernardus Ecclesiam de novo faciens, in propriam terram transmutavit.

Item apud *Cassaneam* quidam homo Sanctius de Tortoret in extremis positus, dedit beato Petro ad Ulmum de Tortoret unam concadam de terrâ & dimidiam, & unam cartaladam ad fontem de Pisol pro remedio animae suae.

Ab Incarnatione Domini nostri JESUS-CHRISTI anno M. septuagesimo quarto, feria III. II. Nonas Madii, Lunâ VI. PHILIPPO Francorum Rege regnante, & Gauffredo Gualconorum Duce, & Aymerico Comite Fezenciaco, id est, Forto Milas, & G. BERNARDO Ausciorum Archiepiscopo, factum est ut in pago Fezenciaco tres fratres, scilicet Forto Bernardus de Villanovâ, & Ramundus Bernardus, & Arnaldus Bernardus dederunt beato Petro quamdam Ecclesiam nomine *Villanova*, juxta fluvium Oza sitam, & mater eorum Beliardis nomine effecta est Sanctimonialis: & hoc donum quod fecerunt supradicta mater & ejus filii, cum consilio Amanevi eorum domini factum fuit. Hanc quippe Ecclesiam sancti Martini cum omni decimâ quae ejus juris est, & cum terrâ quae in circuitu ejus est, omnino sine aliquâ tradiderunt contradictione. Hoc iterum fieri notum volumus, quod quando supranominata Ecclesia beato Petro fuit data, adeo erat solitaria, & ab omni hominum familiaritate sequestrata, necnon irticis atque vepribus ita circumdata, quod vix aut ullo modo adiri poterat. Sed facto dono Fratres Condomenses adierunt, ea quae necessaria fuerunt tam in libris quam in signis, vel etiam in aliis Ecclesiasticis rebus illuc detulerunt, & eandem Ecclesiam, necnon altare de senectute in juventutem redegerunt. Hujus rei testes sunt Guillelmus Garlias de sancto Anreia, & frater ejus Bernardus, & G. Archidiaconus de Ascos & alii multi.

Walterus de Berdusan dedit beato Petro *Cabmas Asmerlenos*, quod reddit unoquoque anno 3. modios frumenti, & 2. solidos & dimidium, quod quisque minuere, vel auferre beato Petro aulus fuerit, cum in aeternum pereuntibus pereat.

Donum quod fecit Pontius & frater ejus Bertrandus de Olbion ex Ecclesia sancti Joannis, quae dicitur *Maian*, pro suarum remedio animarum suorumque omnium parentum. Et quamvis hoc donum pro hujusmodi intentione beato Petro dedissent, tamen ab Abbate Ramundo, illorum scilicet consobri- no, qui tunc temporis erat, & ab istius loci Fratribus mulam centum solidorum Morlanensis monetæ, & xx. solidos Pontius qui Ecclesiam possidebat, accepit, & Bertrandus ejus frater L. Sed & hoc notandum; quod supradicta Ecclesia in quatuor participes sub hac donatione manentes, est quadripartita, scilicet Marsmer de Ecclesia, & Arsinus de Jerselâ, & Arsinus de Petrâ & Garlianer Vicarius. Et supradicti homines duo, scilicet & Arsiner & Arsinus, sunt propriè homines beati Petri, & faciunt servitium ambo xl. panes, & duos solidos, & quatuor modios annonæ, & viii. sextarios vini, duasque gallinas & questam. Forto quippe de Petrâ reddit servitium xii. panes & xii. denarios, & Garlias Amerius totidem: & hoc pro parricipatione faciunt ejusdem Ecclesiae. Hujus verò doni fidejussores sunt

Aymericus de Gualard, & Geraldus ejus frater, & Guillelmus de Bornac, & G. Garlias de Clarac. Testes isti idem & Arsinus de Olbio, Petrus de Gualard, Bonels de Bonefont, Guillelmus Guilem de Gualard, Bernardus Desbornazers & alii plures. Si quis verò de eorum genere, vel alius aliquis de beato Petro suisque habitatoribus hoc donum auferre voluerit, nisi inquisitus citò reddiderit, corpus & anima ejus, & quidquid ejus est, à Deo vivo maledicatur, & dæmonum potestati tradatur, & à Petro regni celestis clavigero Paradisi janua in perpetuum ei claudatur, Amen.

Alius Miles nomine Ramundus Arnalt obtulit unum ex suis filiis ad serviendum Deo & sancto Petro in illo loco nomine Triremium, & cum eo dedit nobis Ecclesiam sancti Laurentii de *Armal* cum senioratu, & omni servitio, unum quoque francum, & unum boscum; atque unam culturam; & unum mansum Adæ Mul.

Nobilis quidam vir Ardoinus de Malmag vocatus, quemdam de suis filiis Bernardum nomine Deo & sancto Petro obtulit in praesentia SEGUINI Abbatis, pro quo filio dedit beato Petro pradium quoddam juxta Monasterium *Else* constitutum, quod cabmas tunc temporis Forto porcarius possidebat, ex quo uno quoque anno sine aliquâ contradictione beato Petro redditur hujusmodi census, tres modios frumenti, xii. denarios, quæsta & convivium Abbatii suisque. Hoc donum sui filii sui que honoris ita firmavit, ut nunquam aliquis de genere ejus in perpetuum suprascriptum sancto Petro referat honorem: quod si fecerit, confundatur, maledicatur cum Datan & Abiron in inferno, & cum diabolo sepeliatur, Amen, Amen, Amea.

Simili modo Amaloinus de Paradiso dedit nobis Ecclesiam sancti Luperci de *Arrumbers*, cum senioratu & suo censu, hoc est, unâ refectioe vel prandio absque ullâ necessitate, sed cum omni largitate.

Confirmatio doni quam fecit Amalbinus filius S. de Paradiso. Hic Amalbinus confirmavit donum patris sui, & dedit Ecclesiam de *Molas*, & Ecclesiam sancti Orientii, & Ecclesiam sancti Joannis de *Cararedus*, & Ecclesiam sancti Luperci de *Arrumbers*, beato Petro Condomensis Cœnobii in manu & praesentia Arlini de Olbion, & Galterii de Fossato, & Peregrini de Porto, & aliorum plurimorum hominum.

Rodgerius Vicecomes de Guavaret dedit sancto Petro sibi que famulantibus in ipso *Guavaret*, unum mansum pro ablutione suorum criminum.

Item in civitate quae vocatur *Aquis*, Ecclesiam sancti Pauli in loco, qui appellatur *Bonos Casales*, quem dedit Anepalafred frater Comitiss Garlia Sancti pro infirmitate quam passus est per duos annos, & sanus factus postea per intercessionem beati Petri.

Ab Incarnatione Domini millesimo octuagesimo quarto anno, undecimo Kalendas Octobris, v. feriâ, & Lunâ VI. Gualardus dedit beato Petro filium suum Odgerium nomine, & propter eundem filium, & remedium animae suae & omnium parentum suorum praeteritorum, praesentium & futurorum, dedit Ecclesiam sancti Martini quae dicitur *Sentels* retro *Marchari* cum omnibus appendiciis suis.

Item in eodem anno quarto Idus Octobris, Lunâ xxvii. & Feriâ v. Arnaldus Donad de Abigas & filius ejus, & G. Arnaldus de terrâ, quae dicitur de *Capâ*, culta & inculta quantum illic possidebant, fecerunt donationem & venditionem beato Petro cum textu Evangelii, & propter hanc terram dedit eis dominus Abbas R. duos equos optimos; & supradicti Arnaldi fidejussores ejus fuerunt, Bernardus

de Limano, & Petrus de Villairâ, & Radus de Barrenes. Item in eodem anno Arnaldus Donat de Podis, donum fecit beato Petro de decimâ de terrâ quæ dicitur *Aster*, medietatem de tabulâ, & medietatem ad frairia, & si consortia deficiet, revertatur ad opera.

Notum sit cunctis in hoc loco viventibus Raimundum de Berrenes ætate quidem juvenem, moribus autem senem, filium Arnaldi Cappe, pro redemptione suæ animæ parentumque suorum, accipiendo monachalem habitum, quartam partem Ecclesiæ de *Grasfmo*, quam hereditario jure ex parte matris liberè possidebat sine aliquo impedimento, beato Petro in præsentia Garfii ejus Abbatis dedisse. Quod donum tali conditione affirmavit, ut forte adhuc parentes sui justâ ratione clarente acquirere à nobis possent, quingentos solidos Morlienses nobis persolverent. Hujus doni testes sunt Acto Monachus Bonfontis, Aimonius Monachus, Vitalis Topie, & filius ejus Arnaldus, Geraldus Topie, & frater ejus Argaiad, & ipsemet Arnaldus Cappe, & alii plures: & Guido montis Caprini, Gaulolandus Darival. Similiter medietatem quartæ partis ejusdem Ecclesiæ Raimundus de Sarralte, Monachum se faciendo, beato Petro perpetuò dedit.

In villâ quæ dicitur de *Berrenes*, Fort Guillem dedit sancto Petro de Condom quatuor concadas terræ, & æstimante unâ denariatâ de vineâ pro salute animæ suæ.

In nomine Domini hæc est charta quam fecit scribere Eicius Gillelmi de Podio Sanctio de Bilotâ Monacho atque Priori Condomensis Monasterii de illâ terrâ, quam habebat Grimaldus Mercator in vadium, pro tredecim solidis. Sentiens igitur supradictus Eicius Gillelmi appropinquare dies ut moreretur, convocatis cognatis suis & necessariis amicis, scilicet Bernardo Gaucelini de Bornag, & Arnaldo de Clarag, & Guillelmo Arnaldi de Canfances, & Garfia Raimundi de Calfadâ, & duobus fratribus Guillelmo Garfia & Sanctio Garfia de Vallibus, & Petro de Gauran & plurimis aliis, fecit donum & vestitionem de supradictâ terrâ Domino Deo & beato Apostolo Petro sub testamento eorundem cognatorum atque propinquorum, commendans illud & confirmans atque corroborans, his verbis: Ego Eicius Gillelmi recognoscens violentiam quam pater meus fecit Guilem Ladib beato Petro de illâ terrâ *Dellai*, reddo ei quamdam partem; ita tamen ut redditus tredecim solidis Grimaldo, terram ab eo hætenus possessam possideant beatus Petrus ejusque servi, Abbas scilicet & Monachi perpetuo jure, & ut donum meum indissolubile sempiternoque tempore maneat, in horâ egressionis animæ meæ de corpore, meâ propriâ manu facto signo Dominicæ crucis, Sanctio Priore me per manum tenente, sequentibus in testimonium heredibus, hanc petitionem commendo atque confirmo. Si quis autem meorum successorum hoc donum infringere voluerit, cum Cham & Chanaan, cum Dathan & Abiron, & cum diabolo & angelis ejus flammis ultricibus deputetur & æternis. Amen, Amen. Fiat, fiat. Signum Eicii Gillelmi †. Signum Bernardi Gaucelini †. Signum Petri de Gauran †. Signum Arnaldi de Clarag †. Signum Sanctii de Pilota †.

Vir quidam nomine Arnaldus cum filio suo Raimundo sylvam quæ dicitur *Lana*, jure hereditario possidebat. Quem circumvenientes, viginti sibi solidos dedimus Tolosenses, & ab eo medietatem ejusdem sylvæ accepimus eo ordine quo ipse vindicabat, dantes fidejussores Arnolt Gaucem, Sans Devotum, Guaimum de Calzadâ: in præsentia Bernardi Cautid, Guilem Sanz, Fortzan & aliorum multorum. Idem quoque Arnaldus veniens ad extremum,

quemdam filiorum suorum nomine Bernardum sancto Petro dereliquit, & alteram medietatem ejusdem sylvæ nobis dedit, & mediam partem vineæ quæ *Mafus* dicitur, & tres partes sui alaudi, quas in nostro possidere videbatur, eâ ratione ut filius suus in isto Cœnobio Monachus efficeretur, & ipsi Arnaldo omnia quæ ad sepulturam essent necessaria, præberentur.

In territorio, in villâ quæ dicitur *Nitrag*, ego Eicius de Auriolo, & uxor nostra Argenta facio chartam ad opus dominicum Monachum, & Fortone Monacho, de bono alode apud ipsum boscum, & habet terminos in se per unam viam publicam, & pro uno pario, & hoc est pretium novem solidorum. Fidejussores Arroger, Garfia, Guilelmo; teneas, possideas. Vifores Garfia, Arnaldus, Arrianus Presbyter, Arroder & alios multos.

Durols de Gager dedit sancto Petro de omni suâ liberâ possessione liberum donum, & dedit suo arbitrio censum vi denarios omnibus annis, præsentem Abbate Siguino, & Sanctio Garfia de Sentoscâ, & Saxeto Descatarenes, & Pontio puero de Pui, & Mesfort Despinols, & aliis multis.

In finibus Lactoratensis hæc est memoria illarum terrarum quæ vocantur *Cumbe*, quas dedit Vicecomes Raimundus Arnaldus omnino, sicut olim beato Petro atque Abbati Siguino, cæterasque pertinentes ad eas, præsentem ac regnante Guillelmo Comite, pro Dei amore & suâ animâ, Episcopo. . . .

Ego famulus Christi Arnaldus de Airochâ dedi unum alodem cum ipso bosco, quod ad ipsum pertinet, sancto Petro de Condom pro remedio animæ meæ, in villâ quæ dicitur *Malovicinio* inter duo flumina, una vocatur Banisia, & alia Oca. Et hoc est pretium quod dedi, i. solidos liber comparavi, liber dedi. Valet.

Hæc est donatio quam sponte affirmavit Emardus de Olonâ Deo & sancto Petro S. pignus de *Godres*, quod dedit Saxetus Descatarenes cl. solid. Ipse verò Emardus dedit fundum supradicti pignoris jure hereditario, ut pater suus possederat.

Quidam nobilis Guillelmus Forto de la Plaie dedit beato Petro quamdam culturam, & quamdam vineam secus viam qua itur ad *Adugalum*.

Item alio in loco qui vocatur *Mirandol*, idem vir dedit beato Petro quamdam terram tali tenore, quod nemo parentum suorum unquam recuperaret, nisi prius sancto Petro pro illâ cl. sol. melioris monetæ redderet.

Hic est adscripta donatio terræ, quam Alazeid de Lobens dedit pro remedio animæ suæ Deo & sancto Petro Condomensi, annuentibus filiis & filiabus, in præsentia Raimundi Abbatis, necnon & Petri Prioris, tali tenore, ut in vitâ ipsius & post mortem perpetualiter teneant & possideant absque reclamatione ullius heredis. Testes & vifores hi sunt, Robertus Descocan, Vitalis de Pino, Senior de Moriet, Bernad de Lobens. Hæc terra sita est in *Cirisol*, mensurâ decem concharum.

Donum quod dedit sancto Petro G. Defilet, & filii ejus Centullus, & Garfia Guilelmi, & Guilelmus, de Ecclesiâ sancti Petri quæ dicitur *Peiregais*, & decimam de *Suas artigas*, pro remedio animæ suæ, & filiorum vel propinquorum suorum. Raimundus filius Sanctio Garfias de Laivals venit ad extremum vitæ suæ, habebat equum optimum, dimisit eum beato Petro pro remedio animæ suæ, & supradictus pater ejus retinuit equum ipsum. Et propter hoc quia retinuit, dedit medietatem Ecclesiæ sancti Salvi de *Laivals*, usque dum xx. solidos redderet sancto Petro.

Quidam Clericus nomine Cinerfi de Carabedâ venit ad sanctum Petrum ad monasticum habitum, & dedit sancto Petro Ecclesiam sancti Joannis quæ dicitur *Auriabad*, & vites canes, quæ sunt prope eam, & filium suum Arnaldum ad Monachum; postea alius filius ejus Arnaldus dedit sancto Petro filio suo nomine Bertrando ad Monachum, & propter illum vites canes quæ sunt juxta alias, & omnia quæ possidebat in *Auriabal*.

Donum quod fecit Galterius de Tuded de terrâ, quæ dicitur *Anacleffa*, sancto Petro Condomensis, scilicet Lapressâ quæ cepit Ane Garfias *ec est de la Barrere*, unde pergit Anadellâ usque *Reclenbilla*; deinde usque *Addera* per guttas aquæ quæ dividuntur, terram; deinde sursum juxta *Clera* usque ad pontum *Clato servo*, deinde usque ad *Barreram* juxta *Anadellâ*. Postea Ramundus Oddo frater supradicti Galterii à sancto Petro & à suis accepit x. solidos, & firmavit hoc supradictum donum Raymundus Bernardus de Balsert, & Saugerius frater ejus in ipso loco dederunt sancto Petro, qui dat sex denarios, & sex panes & tres conchas de cinada sed.

Quidam probatissimi viri nomine Fort Bernad Destamvilla, Bernardus Oddo nepos ejus, & Bernardus Forto Destamvilla, & Clerici qui eam de manibus supradictorum tenebant, similiter eam dederunt. Post multum verò tempus venerunt filii Forto Bernardi, scilicet Ugo Daltamvilla, & Arnaldus ejus frater, & Forto frater eorum, necnon Assalz, & filius ejus Bernard Od, & Geraldus filius ejus, quoniam donum quod supradicti parentes beato Petro fecerant, ipsi retraxerant & violaverant, pœnitentes & recordantes se malè fecisse; quòd malè abstulerant, benè beato Petro reddiderunt ante præsentiâ Amerii Sanctii Abbatis, & ante faciem Gualterii Vicecomitis Tarride. Et etiam ut melius donum & redditio esset firma, Assalz filium suum Sancium de Condom nominatum dedit beato Petro in Monachum. Postea verò in die festivitatis beatæ MARIÆ mater supradicti pueri donum firmavit; & similiter Vitaldi eundem puerum in litteras misit: Vicecomes quoque supradictam fidem Abbati dedit, quatenus supradictum donum semper faceret tenere firmum, & salvatatem in eadem villâ. Testes hujus redditionis & firmationis sunt Guillelmus Donetz, & frater ejus Odo, Ramundus de Cobirag, Guillelmus Beg, Guillelmus Perdedrudas, & alii multi. Sed & hoc sciendum, quòd tali conditione talique pacto fuit hoc factum, quòd nullus calumniator vel contradictor, qui contradiceret, ibi affuit, & ut in sempiternum beatus Petrus ejusque habitatores eandem Ecclesiam tenerent ac possiderent.

Præsentes viri necnon & futuri notitiam habeant perpetuòque tenaci memoriâ retineant, geminos peregrinos in partes Gualconia cum quibusdam, ut testabantur, Sanctorum reliquiis venisse, alter quorum, ut fatebatur, Petrus Helias vocitabatur, alter verò Galterius nuncupabatur. Hi verò viri diù locum ad habitandum quærentes, tandem ad confinium quoddam, quod juxta Ecclesiam quæ vocatur Sediliag, est positum, & super ripam cujusdam fluvii quod vulgo dicitur Anda, habens litum, grantanter pervenerunt; ibique gressum longo itinere fessum figentes, cujusnam ditionis terra illa haberetur à vicinis ruricolis diligenter percunctantes, sub jure cujusdam nobilissimi Militis, Arnaldi scilicet de Sediliag eandem terram esse repererunt, & acceptâ pro voto notitiâ, veloci pede ad supradictum Arnaldum, & ad Guillelmum Archidiaconum pervenerunt. Quid plura? Licentiam ædificandi villam

Tom. II.

ab A. expetierunt, & ut à viro largissimo largâ manu acceperunt. Incepto autem ædificio suprascripti peregrini nolentes diù esse veluti oves sine pastore, vel ut navis absque rectore, Dei nutu cum suprâ memorato Arnaldo & G. Archidiacono aliisque probissimis viris Condomum adiere, seque ipsos cum reliquiis quas secum gestabant, beato Petro dedere: & quidam ex illis, P. Helias scilicet, monasticum inibi accepit habitum, ejusque socius G. familiaritate acceptâ, monachalem accipiendi habitum tempore quo vellet potestate adeptâ, cum quodam fratre sibi in suprascriptâ obedientiâ prælato, nomine Aogerio de Alba-folia, reversus est, & inibi cum R. Abbatis, cumque Petri Prioris totiusque Conventus licentiâ remansit, & prout potuit ædificium construxit, & ad ultimum peregre more solito profectus, abiit & recessit, & beato Petro ejusque habitatoribus obedientiam dimisit. Hoc quippe donum fuit factum G. BERNARDO Archiepiscopo Ausciensem sedem regente, & FORTONE Comite regnante. Hujus rei hujusque facti testes sunt A. de Sediliag & ejus filius Garlafort Sanz, necnon Odo ejusdem frater, & Guillelmus Archidiaconus, & filius ejus Sanctius Guillelmus Fortanerus de colcian, & Sanctius de Sescar.

Quædam nobilis femina nomine *Alaxen*, uxor Raimundi Garfias de Casals, venit ad sanctum Petrum ad Sanctimonialis habitum, & dedit ei Ecclesiam quæ dicitur sancta Gelada, quæ reddit xxx. panes obiales & ii. solidos, & unum modium annonæ, & quatuor sextariis vini. Et in eodem loco unam culturam; & supradictus vir ejus venit ad monasticum habitum. Et in villâ quæ dicitur *Vilota*, dedit unam francadâ, quæ reddit tres solidos. Et in alio loco qui dicitur *Guardesco*, unam culturam; & in alio loco Hailino unam francadâ, quæ reddit xii. denarios & unam culturam. Et in alio loco unam terram quæ est sita inter viam publicam & *Calaned*.

Quædam nobilissima femina nomine *Arricfen* cum filiis suis, scilicet dominus Ajude, & Gansolan, atque Ugom & Arrejat, qui tunc vocabatur, & filiabus, dederunt Ecclesiam sanctæ Eulaliæ beatissimo Petro de *Sexan* pro remedio animarum suarum & parentum, cum omnibus appendiciis suis, scilicet cum honoribus Ecclesiasticis, cultis & incultis, aquis & inaquolis, quæ ad eum pertinebant; tali conventionem, ut si aliquando frater ille nomine B. qui tunc præerat honoribus his, præcepto Abbatis sui didicisset à vicinis hominibus illis quòd illic lateret causa Ecclesiastica, statim sine ullo placito sanctissimo Petro reddi mandaverant. Interfuerunt verò viri non pauci nobilissimi atque rustici, testes & provisores, quorum nomina sunt hic: Odo de Pardelan, Arnaldus de Sediliag, Arnaldus de Sentoscâ, & Ramundus frater ejus, Arnalt Unalt de Percipian, Sanzaner de S zan, & Arnaldus frater ejus. Nomina autem rusticorum sunt hæc, Sanctius Presbyter, Despiaub & filius ejus Garfias, & Arlinus Donatus Descolonier, Sanzarii & Garfias Fort gener ejus, Fortali & filii ejus, Donatus, & Guillelmus, & alii quamplurimi, & plurimæ feminae.

Ideo notum sit omnibus Cœnobarum Condomensium, quâ ratione quoque modo sit hæc donatio facta, subsequitur. Cum vellet supradicta Domina donum facere, fecit coadunare Dominum Abbatem Ramundum, & Petrum Priorem, & alios Fratres, & supradictos Seniores, misit legatos ut daret ei Abbas aliquod munus. Ipse autem compulsus his qui ibi aderant, dedit ei equum pretii viginti solidorum & x. solidos ex avelis. Et fecit

FFFFij

donum ipsa, & filii ejus, & filiae cum cornu altaris & cruce in integro, nisi tantum tertia pars quae pignus erat Garfiae Arnalt de Cornella. Ipsa tamen quousque solveretur, permaneret, & soluta pretii ejus dominæ remaneret vel suis, non reservans sibi, neque filiis, neque parentum ullam reservationem. Fuere autem hujus rei fidejussores, scilicet Arnaldus de Sediliag, Arnalt Urnalt de Pircipian, Sanzaner de Sezan, & ejus frater Arnaldus.

Sanctio Garfias de Centoscâ dedit *Ascaland* sancto Petro unam sylvam, & campos cultos & incultos in ipso loco. Augerius Dascons pro redemptione animæ suæ & pro pretio, quod accepit ab Arnaldo Monacho, x. solidos, dedit unum campum.

In loco qui vocatur *Rufiacus*, emit Sanctio vineas, alaudos, cultos & incultos. Forto Garfias de Rufiaco dedit de sancto Petro duos rusticos.

In alio loco qui vocatur *Cartiga*, dedit Arisam de Artinciam sancto Petro unam vineam benè determinatam.

In illo loco qui vocatur *Pino*, dedit Ato de Angladâ sancto Petro medietatem honoris sui quem possidebat.

Arsiarnalt de sancto Gurgurio dedit ad sanctum Petrum unam domum, & unum casalem, & alaudos plures, & similiter in *Poio* unam vineam.

Garfias Monachus de Chilaon dedit sancto Petro unam vineam & unum campum prope *Bamsia*, supra quem casalem emit Arnaldus Monachus unam peciam de terrâ de Donato Auriolo.

In villâ quæ dicitur in *Lota*, est quidam casalis cum vineis, quas dedit beato Petro Sanctius Monachus cum puero fratris sui, qui vocabatur Donatus Auriolus. Et in fluvio, qui vocatur *Bamsia*, habetur unum Molendinum; ex unâ parte dedit Ato de Angladas, ex aliâ parte dedit Anforto de Vilorâ. Post obitum Anfortonis abstulit filia ipsius cum viro suo, acceperuntque à Fratribus x. solidos probatæ monetæ, & dederunt fidejussores ut in perpetuum non possiderent. Et ipse Ato, cujus superius memoravimus, pro redemptione patris, vel matris & animæ suæ jure hereditario quas possidebat, dimisit. Et est vinea in parte ipsius villæ, quam dedit Donatus Emerus de Sartigâ. Et in alio loco possidet sanctus Petrus aliam vineam, quam dedit Sanctia femina. Item dedit aliam vineam Arnaldus Monachus, cum uno campo propè molendinum. Itemque alius Arnaldus Deairal dedit aliam vineam in prato. Iterum in podio *Vilota* dedit aliam vineam Fachel femina. Item sequitur alia vinea quam emit Sanctius Monachus vii. solidos de manu Auria. Et supra villam *Vilota* dederunt decimam sancti Hilarii Ermenlen cum filiabus suis, beato Petro in generationibus sempiternis. Post mortem ipsius matris venit filia ejus cum suo marito, abstuleruntque beato Petro. Ad finem autem acceperunt tres solidos, & renfirmaverunt per cuncta sæcula. Amen.

Quidam Miles nomine Ramundus Garfias de Casals venit ad conventionem beato Petro, & dedit unam franciad facientem tres solidos. Alio verò in tempore per suum filium Arnaldum dedit in *Bailino* unum hominem xii. nummos dantem, atque unam culturam ad *Guardefe* ante unum campum.

Eicius Arlinus de Ampel tradidit beato Petro filium suum, & dedit unam culturam pro redemptione animæ suæ. Arnalt Eicius de Camaridâ unam dedit culturam.

Oddo de Beralt vendidit beato Petro quartam partem Ecclesiæ de *Beralt*, & accepit unum nummum & multa alia munera, atque insidiosè postea abstulit ipsemet. Ad finem autem suæ mortis non

potuit ipse loqui, ideo nihil boni restituit. Fratres verò nostri illuc usque ierunt, ex parte Dei & Archiepiscopi prohibuerunt suæ uxori & filiis ejus, ut ullomodo sepeliretur, nisi prius damnum B. Petro emendaretur. Uxor verò sua postquàm verba hæc audivit, voluntariè cum filiis duobus suis dedit B. Petro Ecclesiā de *Mirag*, atque omnia ad ipsam pertinentia, munus verò accepit x. solidorum; fidejussores fuerunt nomine Sanctio Forto de Beraldo, & Donad Sanz de Fontan.

In primis Catholicus quidam Eicius Aner nomine de Aran; veniens ad sanctum Petrum causâ peregrinationis, ut erat solitum ab hominibus illius terræ, suscepit monasticum habitum, dans quoque beato Petro Ecclesiā quamdam super fluvium Garonæ, quam vocant sanctum Petrum de *Jels*, & de Ecclesiâ sanctæ Mariæ de *Villamors* tertiam partem. Ex omni etiam parochiâ de *Villamors* Ecclesiā, & ex omnibus parochiis Ecclesiarum ad eam spectantium supradictus Eicius Aner tertiam partem totius decimæ beato Petro dimisit; necnon ex omni annonâ sive frumenti, sive aliarum messium, homines earum Ecclesiarum ex singulis modis singulos sextarios semel in anno beato Petro persolvere debent.

Inde Clericus quidam de *Odezano* nomine Forto dedit sancto Petro modiatam alodii unam in eadem villâ.

Inde Princeps quidam nomine *Bernardus* de Bassonâ dedit libertam quamdam nomine Ancerd de *Tauran*.

Inde Ato de Angladâ dedit libertam unam in *Podio* super S. Gurgurum.

Deinde in eodem *Podio* super sanctum Gurgurum Arsiarnaldus quidam offerens filium beato Petro & cum eo quartam partem Ecclesiæ sancti Martini de *Gualians*, & donum quoddam, & unum casalem quod dicitur *Armal*, & duas culturas, & dedit in eodem *Podio* vineam unam.

In villâ quæ dicitur *Inzota*, habet beatus Petrus casalem unum, quem dedit ei Sanctius & frater ejus de Adanriol, & ipse dedit filium suum & duas vineas: & in eadem villâ comparavit isdem Sanctius vineam unam beato Petro de muliere quādam, quæ vocabatur Auria, & juxta eam partem quādam alterius vineæ, quam dedit sancto Petro mulier quādam Fal nomine.

Item in eadem villâ dedit quidam Arnaldus de Eiral partem aliam vineæ cujusdam.

Item in eadem villâ Arnaldus quidam suscipiens monasticum habitum, dedit ipse & mater ejus sancto Petro partem vineæ quādam, & super vineam partem terræ quādam, & super ripam fluminis Baniatæ tres modiatas alodii. Et statuit ei mater sua, quod post mortem daret sibi omnem portionem terrarum, vel vinearum patris sui, sive suarum.

Item in eadem villâ dedit quādam mulier Sancia nomine partem quādam vineæ: & in eodem loco dedit quidam Dooelanaer de Lartigâ partem unam vineæ.

Item in eadem villâ habetur molendinum, quod construxit familia beati Petri; cujus locum, ripam scilicet fluminis, alteram dedit Ato de Angladâ & filia ejus Azera beato Petro, & alteram ripam dedit quidam Anefort & filia sua Guarrens cum marito suo.

Item in eadem provinciâ dedit quādam mulier Ermenelc cum filiâ suâ Guarfen decimam sancti Hilarii.

Item in villâ quæ vocatur *Artigua*, dedit quidam Arsi Sanci de Artmeiam vineam unam.

Item quidam Garfias Clericus dedit sancto Petro



quamdam partem terræ *Acomaneira*, & de omnibus supradictis in quibuscumque Ato de Angladâ dominabatur, cedit isdem Ato beato Petro omne donatum quod ad se pertinebat. Item quidam Sanctius Clericus de Arrocas, dedit sancto Petro unam denariatam vineæ in villâ quæ appellatur *Cuardera*.

Item in eadem villâ alius Sanctius Clericus dedit sancto Petro vineam unam quæ vocatur *Afufossa*. Item in eadem affinitate quidam Presbyter Forto nomine dedit nemus, & juxta culturam unam beato Petro. Item in eadem villâ quidam Arſi Dominicus dedit agrum unum. Item in eadem villâ, in loco qui dicitur *Bredons*, dedit quædam mulier agrum unum, & Arnaldus Monachus emit juxta illud agrum de Forto Emerio, dans ei duos solidos & dimidium.

Item in *Brocario* emit isdem Arnaldus agrum unum de Guillelmo Presbytero, & de Fortone de Guarderâ, dans eis decem libras metalli. Item in eadem villâ *Cuarderâ*, in loco qui dicitur *Poligia*, emit supradictus Arnaldus agrum alium de quadam muliere quæ vocabatur Sanctia, dans ei quinque solidos. Item in eodem loco vendidit quidam Artiforto sancto Petro agrum alium, accipiens inde duos solidos & tres denarios.

Item in villâ quæ dicitur *Lota*, emit supradictus Arnaldus Monachus unam partem terræ de Donandriol.

Item quidam Sanctio Garſias Miles de Sentoscâ, veniens ad sanctum Petrum suscepit monasticum habitum, & dedit beato Petro agrum unum magnum, & sylvam omnem undique positam, in loco qui dicitur *Calaned* juxta castrum *Pardelian*. Item in alio loco qui dicitur *Bailin*, dedit quidam Eiliarſi Dampel culturam unam pro filio suo, quem obtulit sancto Petro.

Item in pago qui dicitur *Rufiag*, emit Sanctius mutus terras & vineas cultas & incultas de Arnaldo de Bilota & de Arnalt de Caridpiu. Tertius quidam Forto Garſias de eodem Rufiag monasticam suscipiens conversationem, dedit duos francos sancto Petro. Item quidam Garſias de Haliano suscipiens monasticam conversationem, dedit sancto Petro unam vineam & unum agrum juxta ripam Bamsiæ.

Alio quoque tempore quædam nobilissima femina nomine *Aſtaria* suscipiens monasticum ordinem, dedit sanctissimo Petro medietatem Ecclesiæ, scilicet beati Gorgoni, quæ sita est in ripam Olonæ, cum conelio consobrini sui Sanctio Garſia, & filiorum ejus nomine Arnaldo atque Guillelmo. Viſores verò fuerunt Guilem de Orzan, & Amaneus de Berduſan.

Item Ato quidam nobilissimus Miles, dedit agrum magnum cultum & incultum, quem emit à parentibus suis, sanctissimo Petro in loco qui vocatur *Polio*.

Rusticus quidam nomine Sanzſan contulit Apostolo Petro quemdam . . . , & unam concadam terræ in pago sancti Gorgoni, quæ reddit xii. conchas tritici.

Igitur in tempore alio quidam nobilissimi viri, scilicet *Ramundus* Garſan & *Galmundus* de Maſecomâ, & *Ramondus* Viciate, atque *Ramundus* de Madirâ dederunt fundum Ecclesiæ sancti Petri, quæ vocatur *Bolbena*, cum omnibus appendiciis suis. Et illa Ecclesia erat tunc temporis impignorata duobus fratribus, scilicet Guilem Guilem, & Arnaldo Militi de Corzâ per xxx. solidos. Et alii quâmples rustici & Clerici.

In nomine Domini nostri JESU CHRISTI, ego *Garſias* de Flaraied cum Fortone avunculo meo, donamus & offerimus Ecclesiæ beati Joannis de *Flaran* cum omnibus appendiciis suis, & cum omni

jure nostro, pro redemptione animarum nostrarum & parentum meorum. Et ego G. dono meipſum pro Monacho Deo & beato Petro Condomensi Monasterii, in præſentiâ A. Abbatis & Fratrum suo ante altare beati Petri, regnante L. Rege Francorum R. B. Agennensi Episcopo. Hujus rei testes sunt E. Clarag Prior, R. de Bignan, B. de Golored, G. Dalbaterre, G. Demtalt, A. de Bonafont, A. Nion, F. de Maian Monachi. Laici G. de Marmont, G. de Sentannon, F. Dargentei, V. Monge, & alii multi.

Servitium quod Bernardus & Eugevius miserunt pignus beato Petro pro animâ matris suæ: hoc est in villâ quæ vocatur *Hesquer*, est quidam rusticus qui debet uno quoque annò reddere viii. denarios Morlanensis monetæ, & vi. pro ariete, & unam concham tritici, & alteram annonæ, & ix. sextantios vini, usquedum reddat aliquis eorum xx. solidos Morlanensis monetæ.

Quidam Miles nomine *Raimundus* Lupi de Morrellis, venit ad conversionem in nostro Monasterio, in villâ quæ vocatur *Canoes* misit pignus quemdam rusticum, qui redderet in anno vi. denarios, & vi. panes, & unam culturam & vineam bonam beato Petro, donec filii ejus solventes redderent L. solidos Morlanensis monetæ. Hujus autem rei fidejussores sunt Ugo de Bileire & R. Donatus de Cano.

Fordat Destampoers, dum esset in captione, clamans ad Deum, intercessionem beati Petri à vinculis liberatus est. Quare dedit beato Petro decimam cuiusdam terræ, quam habebat liberam, omni tempore vitæ suæ, & post eum omnis posteritas ejusdem idem faceret in perpetuum.

Soror Principis SANCTII nomine TOTA, quamdam possessionem sancti Petri, quæ *Tamvilla* dicitur, violenter invasit, nec antea dimisit, donec uno caballo, & optimo signo redimeretur ab hujus loci habitatoribus.

Boscus de *Molinari* dictus, olim ab isto cui debetur Cœnobio fuerat alienatus, & sancto Petro sublatu: hunc Siguinus dato non ignobiliequo & viginti solidis redemit à Ramundo Lupi & ejus uxore, à quibus eo tempore detinebatur.

Vir potens & magni honoris, *Bernardus* Arnaldi, Lanſinaco nuncupatus, fratrem nomine Pontium Abbati SIGUINO ad nutriendum & litteris imbuendum commendavit, dans illi sancti Martini, quæ *Ticiana* dicitur, Ecclesiam cum sylvâ circumquaque positâ, & omnibus quæ ad eam pertinent.

Clericus hujus loci qui Lemes dicitur, Garſias nomine, quandam libertatem sancto Petro moriens donaverat. Hanc Arduinus de Monte dictus violentè r invadens, tamdiu tenuit, quoadusque à Siguino Abbate xv. solidos accepit, & ita dimisit.

Alteram libertatem sancti Joannis, vocatam de *Guarderas*, datis xxx. sol. Guillelmo Comiti, & aliis triginta Raimundo Garſia de Sentoscâ, comparavit, qui eam à præfato Comite in beneficio acceperat.

Duo probatissimi Milites, quorum erant nomina Raimundus Sanctius de Sales, & Garſia Sanctius frater ejus dederunt Ecclesiæ sanctæ MARIE *Darragonem* Deo & sancto Petro, pro peccatis suis & parentum suorum, cum omnibus appendiciis suis.

Posteritari nostræ scriptum relinqui volumus, quod *Ramundus* Pareis instinctu divinæ inspirationis totam terram de *Bons* cuitam & incultam, cum nemore quod circa viciniorē nobis ripam fluminis Oceæ situm est, ab omni servitio liberum, quod ex hereditate matris suæ in possessionem ejus transierat, & xx. denarios servitii, quos Raſtard famulus noster pro vii. solidis in pignus habebat, pro re-

FFF ij

demptione animæ suæ, & parentum suorum, & pro suo Monachatu beato P. in manu PEREGRINI Abbatis dedit. Pocis post hoc transactis diebus, ut confidentius nemus prænominatum à nobis acciperetur, datis sibi à Camerario G. Dalticias nomine v. solidis pro vestitu suo, donationem ipsam in Claustro coram cunctis Fratribus cum magnâ devotione affirmavit. Testes hujus rei sunt ipse Abbas Peregrinus, G. Dalticias, & G. Franlencs, & Bonel de Sarocâ, P. de Samazârâ, B. de Safaurgâ Monachi. Laici verò G. Dargentem, Bastard, P. Baldon, R. de Moirags, G. Durol, S. Fuert de Salignâ, qui ejusdem terræ cultos & observator erat, & alii multi.

Posteritati nostræ scriptum relinqui volumus; quod B. de Bons pro se & pro suis dedit beato Petro in perpetuum; locum qui dicitur *Laverdesca*, & locum qui dicitur *Almont*, & locum qui dicitur *Lacoma*. G. Fuert & molendinarium ejusdem loci, & culturam de *Calaosâ*, & omnia jura sua usque ad terram *Montain de Gualart*, pro monachatu suo, & pro redemptione animæ suæ & parentum suorum.

Universis tam præsentibus quàm futuris notum fieri volumus, quod Miles quidam, Garsias Dalunan nuncupatus, sanus & incolumis ad Condomensem Ecclesiam accedens; monasticum ibi suscepit habitum, pro redemptione animæ suæ parentumque suorum, offerens beato Petro Condomensi Fratribusque ejusdem Ecclesiæ, duas partes Ecclesiæ *Dalunan*, cum omni jure ecclesiastico, & cum Ecclesiâ juxta eandem terram circumquaque spatio xxx. stadiorum, cujus Ecclesiæ tertiam partem Arostaïs Dalunan beato Petro Condomensi dederat, quando filium suum S. nomine vocitatum, Monachum fecerat: & ita beatus Petrus donationem totius Ecclesiæ Dalunan cum omnimodâ libertate acquisivit. Propterea memoratus G. Dalunam Ecclesiam sancti Gervasilii, quæ proxima est Ecclesiæ Dalunan, nobis hoc pacto tradidit, quod tandiù eam habeamus & possideamus, donec aliquis de consanguinitate ipsius, cui jure hereditario competat, pro præscriptâ sancti Gervasilii Ecclesiâ c. solidos, Morlanensis monetæ nobis persolvat. Hujus rei testes & visores fuere Dominus Abbas R. in cujus manu hæc omnia facta sunt. ARSINUS Episcopus Convenarum, A. de Laman Prior, G. Dalticias Cellerarius, B. Alaman, T. de Montfalcon, & omnes alii Fratres Condomenses, G. A. Dalunam qui præfatum donum confirmavit, & alii quamplures.

Præcedentium exemplo admoniti, quæ temporibus nostris beato Petro oblata sunt, scripturæ testimonio commendamus, ne incuria & negligentia nostra posteris nostris sit damnosa. Cunctis igitur liqueat legentibus quod anno Verbi Incarnati M. c. xciiii. Miles quidam Arnaldus de Lescura vocitatus, divinâ miseratione compunctus, in Condomensi Monasterio monachalem suscipiens habitum, dedit beato Petro Condomensi & ejusdem loci habitatoribus tres partes decimationis Ecclesiæ sancti Martini de *Lirâ*, cum omnibus ad eam pertinentibus, terras quoque cultas & incultas, necnon & servitia quæ ibidem jure hereditario possidebat, hac interpolatâ conditione, ut Fratres Condomensis Ecclesiæ easdem tres partes Ecclesiæ à creditoribus, scilicet Amigot & A. de Soberâ Guarda, quibus præfatus A. de Lescurâ eas obligaverat de cccc. solidis Morlanensis monetæ, redimendo persolverent: quod fecerunt. Hoc autem donum frater ejusdem A. Marfan nomine confirmavit, datis sibi à Fratribus Condomensis Ecclesiæ r. Morlanensis monetæ. Supranominatum donum ambo fratres pariter C. A. & M. & quidam eorum consanguineus, politis manibus

super sacrosancta Evangelia, absque omni reservatione in perpetuum concesserunt: hoc tamen addito, quod si aliquando Marfan monachari voluerit, in Condomensi Ecclesiâ admittatur. Hujus autem donationis testes & visores Fr. G. Prior, A. G. Operarius, G. Sacrista; B. Camerarius, R. de Montfalcon, C. de Godbes, B. Daltafort, P. Mercer, & omnes Monachi Condomenses. Laici verò B. de Scatatenes, B. de Montpaion, S. de Luan, A. de Montfalcon, G. Dargentem, A. de Meca, Corals, & alii quamplures. Actum est hoc CÆLESTINO Papa III. præidente, PHILIPPO Rege Francorum regnante, RICHARDO Rege Anglorum Vasconiam gubernante, B. Agennensi Episcopo existente.

In nomine Domini JESU-CHRISTI, laborans in extremis ego Vitalis de Beral, in Condomensi Ecclesiâ monasticum sumens habitum, in manu Peregrini Abbatis, dono & concedo beato Petro Condomensi octavam partem Ecclesiæ de *Garlerâ*, quam liberè possideo, & in eadem parochia ii. conchadas de terra liberas. Hoc tamen præcognito, quod prædicta pars Ecclesiæ & terra cum medietate Ecclesiæ de *Bilar* & servitiis, terris & omnibus aliis quæ ibidem jure hereditario possideo, pro cc. solidis Morlanensis monetæ Bono Amico Davalag obligata est. Super hoc autem in præsentia plurium tale testamentum facio; quod Fratres Condomensis Ecclesiæ præscriptum pignus cuicumque voluerint solvant, servato tamen ulu pignorum solvendorum; & tandiù teneant, donec aliquis, cui de jure hereditas mea competat, cc. solidos Morlanensis monetæ ejusdem reddat, & tunc Ecclesiam de *Bilar*, & omnia quæ ibidem ad me pertinent, recipiat; Ecclesia verò & terra de *Garlerâ* Condomensi Ecclesiæ in perpetuum remaneat. Quod si etiam aliquando aliquis de consanguinitate mea memoratum pignus solverit, superius dictam partem Ecclesiæ de *Garlerâ*, & terram Condomenses Fratres obtinebunt. Hujus rei testes invoco Dominum Abbatem Peregrinum, G. Dalticias, F. de Porta, V. Elcolier, Gualterium de Beral, R. Estiu, & alios quamplures.

Item Petrus R. de Gotbes dedit beato Petro Condomensi, ejusdem loci habitatoribus pro redemptione animæ suæ parentumque suorum; medietatem decimationis prædictæ Ecclesiæ de *Garlerâ*, quæ est inter Condomium & locum qui dicitur *Analog*, & filium suum C. pro Monacho, hac conventionē à nobis retentâ, & ab ipso P. R. in fine vitæ suæ in manu PEREGRINI Abbatis ore suo affirmatâ, ut si & filius ejus monachari nolle, Ecclesiam supradictam beatus Petrus, & servi ejus Monachi non minus hereditario jure possiderent: qui tum postea factus est Monachus. Testes sunt ipse Abbas R. G. Dalticias, G. Daurenes Capellanus hujus villæ, A. Lup de Bileni, C. de Ligardas, & alii multi. Hoc & donum postea filii præscripti P. R. scilicet Petrus, R. & Bertrandus, & R. G. politis manibus super altare beati Petri, pro se & successoribus suis in perpetuum nobis concesserunt & affirmaverunt. Hujus autem concessionis seu affirmationis testes sunt A. Abbas, G. Prior, G. Sacrista, A. G. Operarius, B. Camerarius, G. de Canoas, & Gualardus frater ejus, B. Daltafort, P. Mercer, & ceteri Monachi Condomenses. Milites verò A. Lup de Pilâ, C. de Ligardas; Burgenses G. Dargentem, Boaneg, Davalag, Saubaieg, B. G. Davalag, Gis de Poleng, P. de Sentyenion, & alii multi.

Item R. Clasterpuei, qui noster exstiterat Monachus, in fine vitæ suæ habitum nostrum quem ante dimiserat, reaccipiens, cum contentu & assensu matris suæ Anrengat & aliorum amicorum suorum, dimisit ac dedit B. Petro Condomensi dimidium quar-

tae partis saepedictae Ecclesiae sancti Joannis de *Guar-dera* jure perpetuo in manu G. Dalticias Cellerarii nostri. Testes & visores hujus fuerunt Anrengeat magister Raymundi, P. Galairan Prior de Gazalpoi, S. de Gualcoie Capellanus ejusdem loci, C. de Ligardas, & alii multi.

Bernardus Delbois decimationem terrae *Delbois* beato Petro Condomensi pro se & pro suis totam ex integro liberam, & ab omni servitio, pro redemptione animae suae parentumque suorum, in manu Abbatis PEREGRINI de Forcas & AR. Episcopi Convenensis dimisit. Quare facta donatione praedicti Abbas & Episcopus, ut hoc magis ratum haberetur, dederunt supramemorato B. v. solidos Morlanensis monetae. Hujus res testes & visores fuere praefati Abbas & Episcopus, & fratres Episcopi ODDO de Cassanova, & V. RAMUNDUS, R. de Bianan, D. de Sentsenon, Asters, Laici; Monachi vero G. Dalticias, tunc Cellerarius, S. de Majan, S. de Quinlag, & alii multi.

Arnaldus de la Serra Miles divinam inspiratione peractus, a sententia data de illicitis decimarum detentoribus absolvi cupiens, in manu HELIAE Episcopi Agennensis & R. Abbatis dedit liber beato Petro Condomensi medietatem Ecclesiae de *la Saira*, sive de *Maumont*, cum omnibus appendiciis suis. Quod donum filius ejus eodem nomine nuncupatus, super altare beati Petri positus manibus juramento pro se & successoribus suis affirmavit. Rustici etiam sui D. Serbad, & G. & quidam alii, qui pro praescripta Ecclesia jam dicto Arnaldo quolibet anno certam pensionem reddebant, juri suo, si quod videbantur habere, praefatum donum concedentes, penitus juramento interposito abrenuntiaverunt. Testes sunt ipse Episcopus & jam dictus Abbas, G. Dalticias, R. de Montfalcon, G. de Lescolt, V. Descalaos, V. Alaman, & ceteri Monachi Condomenses; Laici vero P. de Canoas, G. Feiran Pinhera.

**V**iris religiosus atque devotis in Christo dilectis, domino M. Abbati Condomensi, totique Conventui nunc existentibus, Frater JOANNES Dei misericordiae Episcopus & Magister Ordinis Fratrum Praedicatorum salutem, & ad vitae coelestis gaudia continue suspirare. Vestram ad Fratres nostros & Ordinem universum specialem dilectionem evidentibus devota pietatis effectibus cognoscentes, & gratiarum omnium largitori uberes exinde gratiarum actiones affectione debita referentes, oramus & desideranter optamus, ut fructum nobis in ratione nostri Deus tribuat abundantem, & per incrementa quotidiana justitiae messem nobis praepararet gloriae sempiternae. Et ut nostrae parvitatibus devotio ad tam promptam nostrae libertatis obsequia appareat non ingrata, omnium Missarum, orationum, praedicationum, confessionum, jejuniorum, & aliorum bonorum, quae per Dei gratiam in universo Ordine nostro fiunt vel fient in posterum, vos tenore praesentium participes facimus perpetuo & consortes: concedentes nihilominus, ut cum alicujus vestrum obitus nostro generali vel provinciali Capitulo fuerit nuntiatus, idem pro vobis fiat, quod pro Fratribus nostris defunctis communiter fieri consuevit. Datum in Monte Peilulano in Capitulo generali, anno Domini M. CCXLVII: VI. Kalendas Junii.

Nomina Fratrum qui tunc erant, sunt haec: Dominus Abbas MONTASSINUS, Gualtas Prior, Pontius, Guillelmus, Arnaldus, Garlias. Cenebrinus, Bernardus, Bernardus, Andreas, G. Bellus, Ramundus, Ramundus, Augerius, Amalbinus, Fortaverius, P. G. Petrus, Arduus, Geraldus, Arduus, Vi-

talus, Bernaldus, Seibonus, Pelegrinus.

**V**iris religiosus atque devotis, & in Christo dilectis Domno AUGERIO Dei gratia Abbati Monasterii Condomensis, totique Conventui ejusdem nunc & in posterum existentibus GUALBARDUS permissione divina humilis Abbas Monasterii sanctae Crucis Burdegalis, totus ejusque Conventus, salutem & ad vitae coelestis gaudia continue aspirare. Vestram ad nos & Monasterium nostrum specialem dilectionem evidentibus effectibus cognoscentes, ac debita affectione vobis condescendentes, oramus & indefinenter optamus, ut fructum optatae salutis Dominus vobis tribuat abundantem, & per incrementa justitiae messem praepararet gloriae sempiternae. Et ut nostrae parvitatibus denotatio ad tam promptam devotionem, & postulatam instantem desiderium appareat non ingrata, omnium Missarum, orationum, jejuniorum, elemosynarum, & aliorum bonorum quae per Dei gratiam in nostro Monasterio fiunt vel fient in posterum, vos tenore praesentium participes fecimus pro vobis & successoribus vestris perpetuo & consortes: concedentes nihilominus ut pro animabus Fratrum defunctorum Monasterii Condomensis praedicti tertia die post Festum omnium Sanctorum, anniversarium annis singulis in Monasterio nostro per nos fiat, adhibita solemnitate quacumque, quam in praecipuis anniversariis consuevimus adhibere: necnon concedentes, ut cum Dominum Abbatem vel aliquem Fratrem Monachum Monasterii praefati declinare ad Monasterium nostrum, seu ad aliqua loca nostra fortasse contigerit, juxta possibilitatem nostram & dictorum locorum, eidem vitae necessaria ministrentur, ut nobis & Fratribus nostris volumus, vel fieri consuevit. Datum & concessum hoc Burdegala in Claustro Monasterii praedicti, praesentibus venerabili Priore Calcedroti Fratre, Raimundo de Andirano, die Martis post Festum Exaltationis sanctae Crucis. In cujus rei testimonium & obligationis nostrae hujusmodi affectatae & perpetuae observationis praenitorum, nos Abbas & Conventus praedicti Monasterii sanctae Crucis Burdegalis sigilla nostra duximus praesentibus apponenda, anno Domini M. CCXXXI.

**V**enerabilibus & religiosis viris, ac in Christo sibi dilectis & carissimis Domno ARNALDO Odoni, Dei gratia Abbati Monasterii Condomensis, totique Conventui ejusdem Monasterii, nunc & in posterum existentibus seu Professis; Frater BERTRANDUS dictus Abbas Grandissillae Monasterii, Cisterciensis Ordinis, Tolosanae Diocesis, totusque Conventus ejusdem loci, salutem & perpetuum ac continuum sanctae religionis effectum, fructum coelestis gloriae promereri. Exigente pia devotionis affectu, quam ad nostrum Ordinem & ad nos ac nostrum Monasterium praedictum ex serie vestrarum litterarum accepimus vos habere, & obligationibus vestrarum orationum & suffragiorum, necnon communicatione bonorum temporalium a vobis, nobis licet immeritis vestri gratia praesentatis, gratiarum actiones vobis pro nobis & nostris successoribus quantas cum Deo possumus referentes, concedimus vobis ac vestris successoribus perpetuo plenariam participationem omnium bonorum spiritualium & temporalium quae fiunt, ac de cetero, Deo favente, fient in nostro praedicto Monasterio Grandill. & in nostris filiabus Abbatibus, ac tota generatione praedicti nostri Monasterii Grandill. in vita pariter & in morte, in Missis, orationibus, jejuniis, disciplinis, elemosynis & ceteris quibuscumque operibus pietatis. Intuper quod cum obitus in

Abbatia S. Crucis Burdegalis associatio cum eisdem.

1281.

Grandissillae Monasterii Ord. Cist. associatio.

Associatio totius Ord. Praedicatorum cum Abbate & Monachis Condom. Abbatia.

1247. Nomina Monachorum Condomens.

posterum Domni Abbatis Condomensis ac cæterorum Monachorum & Fratrum ejusdem Monasterii, per rotulum brevem, vel litteram, aut aliàs scripto seu verbo nostro Capitulo fuerit nuntiatus, ibidem sicut unum nostrum absolvemus, omniumque Missarum & orationum, quas pro Fratribus nostris defunctis injungimus faciendas, efficiemini participes & consortes. Præterea volumus ut die quâ præcipimus anniversarium pro nostris Fratribus fieri annuatim, videlicet xii. Kalendas Decembris, nomen vestri Monasterii inscribatur, necnon & personarum, ut indelebili memoria vestri & vestrorum successorum absolutio apud nos & nostros successores in ipso anniversario perpetuò habeatur. Gaudenter vobis nihilominus annuentes, quia cum Domnum Abbatem Condomensem aut aliquem de Monachis aut Fratribus dicti Monasterii ad nostrum Monasterium, seu loca nostra contigerit declinare, eisdem liberaliter & honorabiliter, sicut uni nostrum aut melius necessaria ministrentur, ut sicut invicem in charitate radicati & fundati, bona temporalia & spiritualia communicantes, in stadio vitæ currendo perseveramus, sicut decet humilitatis omnimodo professores, mereamur in fine feliciter accipere bravium cœlestium gaudiorum. In quorum omnium fidem & testimonium, nos prædictus Frater BERTRANDUS Abbas Grandisylvæ sigillum nostrum, quo unito cum prædicto Conventu utimur, pro nobis & dicto Conventu, præsentibus duximus apponendum. Datum Grandiss. & concessimus unanimiter in Capitulo, die Lune post festum beati Barnabæ Apostoli, anno Domini M. ccciv.

Enarrantur  
donaciones  
Abbatum, ac  
Monachorum  
Condom. Ab-  
batia, quæ re-  
gularem ob-  
servantiam  
denotant tunc  
labefactam.

**Q**uoniam bona opera prædecessorum sunt per suos successores memoriter retinenda, ut ipsi successores pro animabus eorundem prædecessorum velint Dominum JESUM-CHRISTUM in suis orationibus exorare, ut perfectis dictis bonis operibus ipsorum prædecessorum ipsi successores studeant similia opera vel meliora exemplo eorum in hoc Monasterio, & locis aliis ejusdem Monasterii facere, & totis suis viribus procurare; ideo quædam bona opera per aliquos venerabiles Abbates, Priores, Administratores, ac aliquos alios Monachos Claustrales hujus Monasterii facta merito sunt scribenda.

In primis est sciendum quod Dominus MONTASINUS de Gualardo, venerabilis Abbas hujus Monasterii fecit fieri muros castri de *Cassanea*. Item aulam Prioratus *Calcidrotii*, & multa alia bona. Et post ejus obitum de suis vasis argenteis fuerunt facta tabula & capsula de argento, cum imaginibus quæ sunt in altari majori B. Petri, in quâ capsula sunt plures reliquie diversorum Sanctorum. Qui quidem Dominus Montasinus obiit in vigiliâ B. Matthæi Apostoli, anno Domini M. cclxvii. Et est sepultus in Prato B. Katherinæ retrò Capellam B. Virginis MARIE.

Item anno eodem Dominus AUGERIUS de Andirano, tunc Prior *Neiraci*, fuit electus concorditer in Abbatem hujus Monasterii, qui fuit valde religiosus & vitæ laudabilis, ipseque in hoc Monasterio instituit festum beati Joannis Evangelistæ ante Portam Latinam in Albis; pro quo festo emit certos redditus, & eisdem Conventui assignavit, Capellaniam in capellâ beati Joannis Evangelistæ infra Monasterium, & ibi est sepultus. Item fecit tria anniversaria, unum pro se, & aliud pro Domino Montano de Gualardo Abbate prædicto, tertium verò pro animabus parentum suorum. Item fecit unam cappam Chori, & unam infulam cum dalmaticâ, & tunicâ de byllo viridi. Item unum vestimentum cum imaginibus paratum. Item fecit fieri domum de

*Cuz* cum Ecclesiâ. Item Ecclesiâ castri de *Cassanea*. Item domum Infirmarie testudinatam cum camerâ eidem contiguâ hujus Monasterii. Obiit autem dictus Dominus AUGERIUS die iii. post festum Assumptionis B. MARIE, anno Domini M. cclxxxv.

Eodem verò anno Domini, videlicet v. die post obitum ejusdem Domini Augerii Abbatis prædicti, Reverendus Pater in Christo Dominus ARNALDUS Odonis de Leomaniâ, tunc Prior *Neiraci*, fuit electus concorditer in Abbatem hujus Monasterii, qui fuit valde famosus, religiosus & utilis huic Monasterio verbo pariter & exemplo. Nam ipse instituit in hoc Monasterio quinque Festa in Albis, videlicet S. Antonii Abbatis . . . & quod dies crastina post Festum Assumptionis beatæ MARIE solemniter celebraretur. Item ordinavit quod omnibus diebus Sabbatinis totius anni officium Missæ beatæ MARIE Virginis perpetuò celebraretur, exceptâ Quadragesimâ & Octavâ Nativitatis Domini, Paschæ & Pentecostes, nisi illâ die Sabbati occurreret Festum xii. Lectionum, & si contingeret occurrere dictâ die Sabbati aliquod Festum xii. Lectionum, quod in proximiori die præcedenti ejusdem septimane dictum officium celebraretur. Item instituit unam Capellaniam, & duo anniversaria, unum pro se, & aliud pro animâ dominæ Deauratæ matris suæ; pro quibus omnibus supradictis emit medietatem decimæ sancti Joannis de *Carieto* propè castrum de *Fengaroliis*, & proventus & redditus ejusdem medietatis decimæ in quatuor partes dividendos, cum quinque conchis frumenti annui redditus per clavigerum hujus Monasterii, ratione cujusdam terræ emptæ apud Martinum sanctum, per ipsum Dominum Abbatem Conventui persolvendis prædicto crastino Assumptionis ejusdem, Conventui assignavit. Item fecit fieri unum vas de argento pulcherrimè deauratum, cum duobus Angelis argenteis deauratis, tenentibus in manibus suis unum vas de crystallo, in quo sunt pili beatæ MARIE Virginis. Item unam crucem argenti deauratam, duo candelabra argentea, unum magnum calicem cum imaginibus deauratum, unum turibulum argenteum deauratum & subtiliter operatum, unam naviculam, duas canetas, & unum urceum pro aquâ benedictâ portandâ, cum hyssopo de argento. Item fecit fieri duas crollas pulcherrimas de argento deauratas, & duos bassinos magnos de argento. Item fecit fieri duas cappas, & duas infulas cum dalmaticis & tunicis pulcherrimis, cum diversis imaginibus de opere brodato: item duas cappas, & duo vestimenta parata, & unam infulam cum dalmaticâ & tunicâ de panno deauratò. Item duas cortinas de cendalo rubeo & viridi circa altare beati Petri. Item fecit scribi Flores Sanctorum, Expositionem Regulæ beati Benedicti, Ugutionem, & unum Officiarium. Item fecit fieri picturas Claustrales conventuales, & turres castri de *Cassanea* à muro antiquo supra, exceptâ turre introitus dicti castri. Item domum de *Retrosingula* à superiori solario & supra cum turribus dicti castri. Item porticum beati Benedicti per quem itur de dormitorio versùs Monasterium. Item unum magnum pallium de serico cum imaginibus, & duos pannos pulcros de lanâ cum diversis signis; & multa alia bona, quæ longum esset per singula enarrare. Qui quidem dictus Dominus ARNALDUS Odonis Abbas prædictus recolendæ memoriæ, migravit ad Dominum in Festo Conceptionis beatæ MARIE Virginis, anno Domini M. cccv. & est sepultus intrâ Monasterium ante altare beati Benedicti. Et ut fertur, ipse Dominus Abbas prædictus in die Festo Conceptionis beatæ MARIE fuit natus, & tali die recepit habitum monachalem.

1285.

1247.

1305.

Amo

Anno autem quo suprà, videlicet xi. die post obitum Domni ARNALDI Odonis Abbatis predicti, reverendus Pater in Christo Dominus RAMUNDUS de Gualardo, tunc Prior *Agranleri*, Tolosanæ Diœcesis, fuit electus concorditer in Abbatem hujus Monasterii. Iste quidem Dominus Abbas, vir religiosus, misericors ac prudentissimus fuit: nam super causâ sive controversiâ, quæ ratione incurrimenti multisque aliis de causis inter ipsum & prædecessores suos ex parte unâ, & villam Condomi ex alterâ vertebatur antiquitùs, pacem benignissimè reformavit, qui usque in hodiernum diem vivit Domino præeunte multa bona factururus.

Domnus CENEBRIMUS de Gothelio, olim venerabilis Episcopus Conforanensis, dum erat Camerarius hujus Monasterii, acquilivit, ut dicitur, huic Monasterio plures libros Theologiæ, & anniversarium instituit, & in Episcopatu suo religiosè vixit, & multa bona fecit, & docuit verbo pariter & exemplo.

Religiosus vir Pontius de Gotz, Sacrista olim hujus Monasterii, fecit fieri unum brachium argenteum, in quo sunt Reliquiæ; & ferè omnes capfas deauratas fecit fieri, exceptis paucis, & multa alia bona fecit.

Item religiosus vir Bernardus de Combâ Boneto, quando erat Sacrista hujus Monasterii, fecit fieri unam cappam chori de cendalo rubeo, & unum vestimentum cum imaginibus paratum cum pulchrâ stolâ, & manipulo de serico cum diversis lignis deauratis.

Item religiosus vir Arnaldus de Luco, Prior *Neriaci*, instituit festum Translationis beati Nicolai in Albis, pro quo certos redditus dicto Conventui assignavit; quos redditus claviger hujus Monasterii recipit, & pro ipsis tenetur claviger octo conchas frumenti solvere dicto Conventui annuatim; & multa bona alia fecit.

Item religiosus vir Arnaldus de Panlhaco, Operarius olim hujus Monasterii, instituit Festum beati Blasii in Albis, de quo ante dictam institutionem nullum festum in hoc Monasterio fiebat, exceptâ Commemoratione simplici: pro quo festo celebrando cum voluntate dicti Domini AUGERII Abbatis & Conventus, xx. solidos bonorum Morl. annui redditus in molendino sancti Gervasii propè castrum *Licia*, pertinente ad domum de *Capliffâ*, dicto conventui assignavit; prout in quâdam litterâ sigilli Domni Augerii & Conventus prædictorum plenariè continetur. Item fecit fieri omnes testudines corporis Monasterii ab antiquo opere & suprà, exceptâ testudine magnâ quæ est versùs portam beati Nicolai. Item fecit fieri apud *Capliffam* in majori parte domum lapideam, cum columbario lapideo & domo lapideâ, ubi est coquina; item molendinum *Tanafrese* cum medietate molendini sancti Gervasii. Item instituit anniversarium pro se, & multa alia bona fecit & procuravit.

Item religiosus vir Geraldus de Borigiis, olim Camerarius hujus Monasterii, fecit fieri lectos dormitorii; item unam cappam chori, & unam infulam de serico cum uno vestimento parato. Item instituit duo anniversaria; unum pro se, & aliud pro parentibus suis.

Item religiosus vir Guillelmus de Neriaco, olim Cellarius hujus Monasterii, fecit fieri clausuram lapideam molendinorum cum molendinis lapideis in Baylia; item cellarium lapideum novum hujus Monasterii; item duas domos cum magnâ bordâ apud Martinum sanctum. Item incœpit castrum de *Gwarderâ* in *Fezenciaco*. Item instituit anniversarium pro se, & plura alia bona fecit & procuravit.

Tom. II.

Item religiosus vir & famosus Cenebrunus de Cotbesio, dum erat Sacrista hujus Monasterii, fecit fieri majora duo signa; item unam capellam de panno deaurato. Item instituit duo anniversaria, videlicet unum pro se, & aliud pro Domino Petro Raimundi de Sanbolcâ, bonæ memoriæ, olim Episcopo Conforanensi. Item factus Prior de *Neriaci* instituit & ordinavit, quoddam crastinum post festum beati Nicolai hyemalis, & festum Translationis beati Martini in Albis perpetuò in hoc Monasterio celebretur, pro quibus certos redditus Conventui assignavit. Item emit pro Prioratu *Neriaci* medietatem decimæ sancti Joannis de *Carieto* propè castrum de *Faugaroliis*. Item fecit fieri unam capellam rubeam cum cappâ chori de panno deaurato. Item fecit fieri magna duo Breviaria Prioratus prædicti. Fecit etiam fieri unam pulchram cameram, & emit unam domum lapideam juxtâ cœmeterium dicti Prioratus, & plura bona fecit.

Item religiosus vir Bibianus de Gieres, Prior claustralis hujus Monasterii, instituit anniversarium pro se, & fecit fieri & poni in refectorio & Capitulo tabulas ligneas ad sedes.

Item religiosus vir Petrus de Riperâ Eleemofynarius hujus Monasterii, bonus Religiosus & devotus, instituit anniversarium pro se, & fecit fieri unum vestimentum. Item fecit reparari & meliorari domum Mandati, ubi recipiuntur hospites & pauperes; & procuravit quoddam Dominus AUGERIUS Abbas prædictus faceret Ecclesiam de *Cassannâ*, & multa alia bona fecit & procuravit.

Item religiosus vir Ramundus de Estuffano, Prior *Salvatis*, instituit anniversarium pro se.

Item frater Petrus de Salmis, bonus Religiosus & humilis Monachus claustralis, instituit anniversarium pro se, & fecit fieri unum vestimentum aurifrizatum.

Item frater Andreas de Chicâ, bonus & utilis Monachus claustralis, instituit tria anniversaria, videlicet unum pro se, secundum pro parentibus, tertium verò pro D. Pontio Decoz, Sacrista hujus Monasterii. Item scripsit manu propriâ libros Ecclesiasticos, videlicet duo Missalia beati Petri & Dominiæ nostræ; item Evangelistarium & Epistolarium; item duos Graduales sive Jornaria, duo profaria, & unum mixtum. Item fecit fieri duas cappas chori; item tres infulas cum dalmaticis & tunicis, & plura alia Ecclesiastica vestimenta.

Item religiosus vir Petrus de Anguzano, Camerarius hujus Monasterii, fecit unam capellam pulchram de panno de serico ultramarino cum duobus vestimentis. Item emit apud Martinum sanctum terram pro refectioe unius pauperis, quam terram tenet ad manum suam Eleemofynarius; & ratione illius terræ ipse Eleemofynarius tenetur uni pauperi quâlibet die in comestione providere unâ cum aliis pauperibus in Mandato.

Item Frater Petrus de Peyrerio, Monachus claustralis hujus Monasterii, fecit anniversarium pro se.

Item Frater Petrus de Quercino, Monachus claustralis hujus Monasterii, instituit anniversarium pro se.

Item Ramundus Denbosquet, Gassias del Escolt, Arnaldus de Flarano, Guillelmus de Ganrano, Senborius de Bons, Bernardus Bed, Petrus de Grazia-co, Donatus de la Casa, & Geraldus de Altiguis, Monachi olim hujus Monasterii, quivis istorum instituit anniversarium pro se.

Item religiosus vir Guillelmus Arnaldi de Biolas, Camerarius hujus Monasterii, instituit anniversarium pro se, & fecit fieri duo vestimenta. Item fecit columbarium terreum apud Martinum sanctum.

Ggg



Item religiosus vir Joannes de Polinhaco, Prior *Salvitaris*, fecit fieri in Prædicto Prioratu unum novendinum ad ventum, & unum vestimentum.

Item religiosus vir Geraldus de Urraco, Prior claustralis hujus Monasterii, instituit anniversarium pro se, & fecit fieri duo vestimenta.

Item Frater Jacobus de Martello, Monachus claustralis hujus Monasterii, instituit anniversarium pro se, & fecit fieri unam cappam chori de serico cum foliis liliorum, & unum vestimentum.

Item Frater Joannes Royissim, Monachus claustralis hujus Monasterii, instituit anniversarium pro se, & fecit fieri unum vestimentum aurifrizatum.

Item Frater Bonus-homo de Riperiâ, Monachus claustralis hujus Monasterii, fecit fieri tria vestimenta aurificata.

Item religiosus vir Arneus Grinaldi, Prior *Calcidroti*, instituit duas Capellanas, quarum unam uni Monacho hujus Monasterii, alteram Capellano dicti loci *Calcidroti* cum certis redditibus assignavit. Item fecit fieri unam pulchram cappam chori de serico deaurato, cum uno vestimento parato, & stola & manipulo. Item fecit quatuor anniversaria, unum videlicet pro se in Monasterio, & alium in Prioratu *Calcidroti*, tertium verò pro religioso viro Bernardo de Cumba Boneto, Priore quondam *Calcidroti*, & quartum pro parentibus suis. Item fecit fieri in Prioratu prædicto duas domos lapideas, & plures cameras. Item instituit & assignavit quinque solidos Burdegalenses, pro duobus cereis ponendis ante corpus Domini die Jovis Cænæ, qui continuò ardeant usque in crastinum, dum dictum corpus Domini ad altare fuerit reportatum. Item instituit festum de corpore & sanguine Christi annuatim solemniter & cum processione celebrandum in Monasterio, pro quo festo certos redditus Conventui assignavit.

Item religiosus vir Guallardus de Florensiâno; quando erat Cellerarius hujus Monasterii, fecit fieri unam insulam cum tunica & dalmatica de bysso seu cimeto viridi, & tria vestimenta parata. Item idem Guallardus, quando erat Sacrista hujus Monasterii, fecit fieri unum vestimentum paratum cum stola & manipulo imaginatis; item paraturam mappæ altaris beati Petri cum imaginibus de opere brodato; item duo candelabra longa pro cereis portandis; item duas crotas de cupro deauratas. Item assignavit duos pannos deauratos cum imaginibus & historiis ad ornandum altare B. Petri in festis præcipuis; item duas insulas pro Missis celebrandis in altaribus Domine nostræ, & beati Benedicti; item unum vas argenteum cum lampadibus, in quo est positus calix lapidis pretiosi, cum quo beatus Petrus Apostolus celebravit primam Missam in Antiochiâ. Item fecit fieri tres calices argenti, & unum Missale. Item fecit poni in cappâ de bysso rubeâ placas argenti deauratas. Item ipse Guallardus, factus Operarius hujus Monasterii, fecit pavimentari Monasterium, ut apparet, quod primò erat diversis impedimentis ligneis & lapideis impeditum. Item fecit fieri magnum portale sanctæ Crucis hujus Monasterii cum imaginibus & picturis. Item fecit fieri unam testudinem cum picturis, suprâ quam est chorus hujus Monasterii plus solito elongatus. Item fecit claudi magnas fenestras capitis Monasterii versùs portam furni lissas & dirutas, & reparari & depingi cum vitreâ ibi

positâ, ut apparet. Item fecit fieri vitreas fenestrarum capitis Monasterii in alto & testudinis vestiarum. Item fecit fieri cruces, & imagines & picturas beati Benedicti; item crucem & imagines cum picturis, quæ sunt circâ chorum Monasterii, cum picturis quæ sunt in cornu claustrum beati Benedicti. Item fecit fieri cortinas de serico rubeo & livido altaris beatæ *MARIE*. Item unam cappam pulcherrimam deauratam cum diversis historiis Sanctorum de opere brodato; item unam cappam de panno deaurato; item tria vestimenta cum serico suta; item unam caplam argenteam & deauratam, in qua sunt reliquie beati Blasii, beati Laurentii, beatorum Cosmæ & Damiani, & quorundam aliorum Sanctorum; item imaginem beati Nicolai argenteam, in quâ sunt & apparent duo dentes beatissimi Nicolai.

Religiosus vir Guallardus de Florensiâno instituit duo festa in Albis, videlicet beatæ *Quiteriæ* Virginis, & beati Georgii Martyris, de quibus ante dictam institutionem in hoc Monasterio non fiebat festum, nisi simplex trium Lectionum, pro quibus festis annis singulis celebrandi certos redditus dicto Conventui assignavit. Item instituit unam Capellaniam pro salute animæ suæ, & parentum & benefactorum suorum, quæ post ejus obitum per Dominum Abbatem vel per alium de mandato suo uni Monacho hujus Monasterii assignetur. Interim verò dictus Operarius, quamdiù vixerit, de dictâ Capellaniâ valeat alicui Monacho dicti Monasterii providere, cui Capellaniæ certos redditus assignaverit. Item instituit quatuor anniversaria, videlicet unum pro se, & duo pro animabus domini Guallardi de Florensiâno Militis, & domine Esquinæ parentum suorum & quartum pro animâ Domini Arnaldi de Podio Carreialardi Militis, avunculi sui: pluraque alia anniversaria & Capellanas dicto Monasterio procuravit.

Item fecit fieri cortinas de telâ & supracellum altaris beati Petri. Item fecit fieri duas magnas mensas seu tabulas Refectorii; item porticum juxta Ecclesiam beatæ Katarinæ. Item fecit elevari murum inter domum Sacristariæ, & magnam aulam infirmariæ versùs carreriam publicam villæ: nam ante dictam elevationem muri prædicti, de fenestris domorum villæ transeuntes per porticum dormitorii & ante domum Acimontis poterant videri. Item fecit fieri Ecclesiam de *Caplissâ*, & unam magnam bordam. Item fecit reparari bis clausuras molendinorum dicti loci, & quædam alia & plura opera in domo & molendinis dicti loci, fecit utilia & necessaria. Item fecit fieri carnerium & Ecclesiam sancti Joannis Baptistæ desuper cum porticu & picturis.

Isti fuerunt Abbates hujus Cœnobii Ugo Episcopus Agennensis, PETRUS de Sentas-Puellas, GUILMUS de Puerletian, SEGUINUS de Calsadâ, DURANDUS de Sentaler, ODDO de Cazanovâ, BERGOMUS de Lanâ, AINERIUS de Caninont, RAMUNDUS Dalbuzon, Garlias Ciz . . . . . PEREGRINUS de Forces, ARNALDUS Oddo de Lomaihâ, MONTASIVS de Gualard, AUGERIUS de Andirano, ARNALDUS Oddo de Lomaihâ.

Isti fuerunt post Abbates Episcopi. Primò, Dominus RAMUNDUS de Gualardo. Secundus, Dominus PETRUS de Gualardo. Tertius Dominus BERNARDUS Alamandi b.

b Alamandi ] Qui quidem electus est anno 1371.



## M O N I T U M.

**C**HRONICI SENONIENSIS fronti Auctor Richerius inscribitur, quod & videre est in Praefatione : Ego Frater Richerius Monachus Senoniensis, &c. pag. 272. Quo emendatius Chronicon in publicum prodiret, apographum annos præ se ferens sexaginta, cum archetypo studiosè collatum, perhumaniter ad me transmisit R. P. Alexander de Lescale ejusdem Asceterii Prior.

Stylo rudi quidem Chronicon texuit Auctor, ac dubia, non identidem sed raro, pro certis, & quæ ex solo vulgi rumore didicerat, immiscuit; at quem seculi barbaries & simplicitas excusat. Quas verò per se tractavit, perspexit oculis, iis rebus fidem adhibendam inficias, reor, ibi nemo. Quin & anterioris ævi acta ipse referens, quam subinde religiosus emiserit, qui nonnulli mavult premere silentio, quàm incerta aut excogitata intexere, ingenuè profitetur in Praefatione : Licet imperito stylo & inculto sermone ea quæ in quibusdam scriptis adnotatis de fundatione hujus Senonensis Abbatiae, &c. reperire potui, licet perpauca sint, relatu digna, & ea quæ propriis oculis vidi, & auditu audiui & circumjacentium Ecclesiarum fundationes, & Constructorum nomina & dignitates, quibusque Regibus vel Imperatoribus clauerint, huic membranæ adnotare & inferre studui. *Initio libri 2* Quia verò de B. Gundelberti successoribus, vel ipsorum actibus pauca vel nulla ad scribendum invenire potui, exceptis tantum nominibus, nihil de meo addere præsumpsi, ne rumorum inciperem novus auctor haberi. *Ibidem paucis interjectis* : De quo (Magneramno Abbate) quia nihil plus inveni, nihil scribere possum. *Lib. 4. c. 20.* De Henrico hujus loci Abbate quia nostris temporibus oculata fide actus ipsius & vidimus & cognovimus huic paginae adnotare non pigebit. *Quà porro Richerius vixerit tempeste signat ipse his verbis in lib. 3. pag. 358.* Ego quidem tunc temporis (Friderico Alemannorum Rege, Theobaldo Duce Lotharingæ) ab Abbate Henrico Senoniensi ad ipsum Ducem Lotharingæ missus sum, eo quòd Philippus Dominus de Gillibertivillare, &c. Et post pauca Synodum Lateranensem ann. MCCXV. celebratam Innocentio III. Pontifice Romano præsidente describit. Ipsum tandem ad annum pervenisse MCL. & ultra, conjectare licet ex iis quæ narrantur in cap. 4. ac consequentibus libri quinti.

ABBATIAE SENONIENSIS  
IN VOSAGO DIOECESIS TULLENSIS,  
HISTORIA  
AUCTORE RICHERIO EJUSDEM MONASTERII  
Monacho Benedictino.

## P R A E F A T I O.

**C**UM ea quæ de mundi hujus creatione, humani generis propagatione per S. Moysem, nec non & Jesu Nave describuntur; per virum famosissimum Eusebium Cæsariensem Episcopum initium rudis Ecclesiae, ejusque incrementum, sanguine Martyrum, doctrinâ Confessorum, aliorumque Virorum illustrium operum exercitatione fundatæ, declarantur; & secundum Paulum Orosium bella Punica & civilia, dissensiones, fames, pestilentiae, signa, portenta, eventus rerum mundanarum describuntur: quid aliud intelligendum, nisi secundum Apostolum: *Quaecumque scripta sunt, ad nostram doctrinam scripta sunt*: ut alia nos ad judicii Dei timorem, alia verò ad spem vitae aeternae informare & sollicitare videantur. Quis enim legat Caïn fratrem ob invidiam interfecisse, universam mundi creaturam pro commissis per diluvium omnino interiisse, non formidet incidere in manus illius districti Judicis, scilicet Dei summi? Quis verò audiat tot millia Martyrum, non tantum virorum, sed etiam illius sexus fragilis Virgines, Matronas, senes, & juvenes in agone certaminis viriliter desudasse; etiam si videatur habere cor lapideum, statim ad molliem compassionis & devotionis non convertatur? Si quis verò consideret secundum prædicti Pauli Orosii scripta miseras hominum, tot cædes, tantam humani sanguinis effusionem, tanta parricidia, tot spoliolum innocentum direptiones, tantas clades occulto Dei judicio

mundo illatas; quis, inquam, non abhorret ipsum Dei iudicium proprio delicto posse incurrere, præsertim cum tunc temporis mundus floruerit, & etiam aurea, ( ut in Daniele legitur ) tunc sæcula extitisse; nunc verò non tantum plumbea vel ferrea, imò certè lutea esse comprobantur; in quibus homines potius ad malum quàm ad bonum videntur esse promptiores? Si verò illi per tot annorum curricula posteris suis facta priorum, alia abhorrenda, alia verò admiranda conscripserunt; nos in quos fines sæculorum devenerunt, quia plus solito abundat iniquitas, & nostris temporibus actus priorum, imò enormiora innovari videantur, ipsos rerum eventus ad posteros destinare debemus, ut & ipsi, sicut & nos relationibus Majorum aut malis terreantur, aut certè bonis ad meliora provocentur. Hujus rei gratià ego Frater RICHERIUS Monachus Senoniensis, licet omnium abjectior, nolens successoribus nostrorum temporum eventus occultare, licet imperito stylo & inculto sermone ea quæ in quibusdam scriptis versibus annotatis de fundatione hujus Senoniensis Abbatix vel Ecclesiæ, vel ejus Fundatore, & succedentibus Abbatibus reperire potui, licet perpauca sint, relatu digna, & ea quæ propriis oculis vidi, & auditu audiui, & circumadjacentium Ecclesiarum fundationes, & Constructorum nomina & dignitates, vel etiam ipsorum miracula, quibusque Regibus vel Imperatoribus claruerint, more balbutientis infantis huic membranæ annotare & inferere studui, tutius arbitrans ipsius narrationis seriem rusticando elucidare, quàm philosophando obnubilare: Lectores vel auditores per Dominum obtestans, ut si qua in præsentis Tractatu minus aptè conscripta repererint, non præsumptioni, vel audaciæ adscribant, sed devotionis & bonæ intentionis gratià hoc fecisse arbitrentur.

## LIBER PRIMUS.

De adventu S. Gundelberti ad Vosagum.

## CAPUT PRIMUM.

Gundebertus  
An. 720. floruit.

**I**Gitur tempore illo, cum ab Incarnato Dei Verbo **D**CCCXX. ageretur annus, fuit vir quidam ex nobilibus Gallix partibus oriundus Gundelbertus nomine, qui sicuti postea ex sui conversatione claruit, Deo dignus & hominibus habebatur. Fuit igitur tantæ bonitatis & excellentiæ, ut civitati in Burgundiæ confiniis sitæ nomine Senonas, quæ una de nobilibus illius provinciæ nobilis habebatur, voto & voluntate omnium subrogaretur Episcopus: qui talentum sibi à Domino creditum ita in administratione officii pastoralis augmentavit, ut si jam fas fuisset ipsum ab hac vita discedere, statim illud Evangelicum, *Euge serve bone*, audire mereretur. Sed quia Dominus dilectum suum jam non dicendum servum, sed amicum ampliore remuneratione dignum fieri decreverat, ut talentum sibi creditum cum fructu multiplicato ad gazophylacium Domini sui reportaret, & ipsum Dominus tamquam aurum in fornace probatum in thesauris cælestis Jerusalem collocaret: hunc, inquam, talem ac tantum virum ad cujusdam eremi partes, ut post pauca referemus, Domini destinare voluit benignitas.

Descriptio &amp; situs terra &amp; eremi Vosagi.

## CAPUT II.

**F**uit igitur idem servus Christi & ejus coheres temporibus Illustrissimi Regis Francorum Childerici nomine, qui cum progenitoribus eo tempore usque ad fluvii Rheni vada Franciæ regni terminos ampliaverat, ( sicut Venerabilis Beda Presbyter in libro Regum Francorum plenius insinuat ) quos Imperium Romanum usque adhuc obtinere comprobatur; licet Lotharingum Regnum, quod ab ipso dependet Imperio, infra supradictas sit metas constitutum. Hic itaque Deo & hominibus honorabilis Gundelbertus Archiepiscopus Senonensis, cum videret sibi ad culmen perfectionis, ut optaverat, conversationem sæcularium haud satis sufficere, disposuit se omnibus quæ possidebat abrenuntiaturum; & crucem Christi bajulans sequutus est suum Redemptorem. Itaque dimissis Archiepiscopatus divitiis & honoribus, solo sibi Episcopi officio reservato, quo in tantâ & tam vastâ solitudine ad Ecclesias consecrandas, vel personas ad officia divina idoneas pro-

mövendas uti potuisset, vale dicens Fratribus ac civibus suis, secreta deserti, paucis secum acceritis, petere decrevit. Transmeatis itaque terrarum spatiis pervenit ad eamdem Vosagi vallem, quam idem Dei famulus ita incoluit, uti hætenus cernitur, & Deo adiutorium nobis commodante loco suo plenius exponemus. Sed quia pluribus terra illa incognita habetur, licet à multis ipsius nomen terræ frequenter, ipsius tamen litum & metas lucidiùs exponere conabor.

Est autem terra ista excelsis montibus occupata; rupibus immanissimis veluti quædam caltra in ipsorum montium cacuminibus naturaliter politis, ipsos montes faciunt suo aspectu horribiliores. Inter ipsos arduos, ut diximus, montes quædam valles profundissimæ cernuntur, quæ nemoribus abietinis ita confitæ sunt, ut suâ nigredine etiam horrorem plurimum incutere videantur: prætenduntur enim dicti montes in longum per quatuor diatarum spatium, in latitudine verò vix sex milliaribus vel septem dirimuntur. Habent prædicti montes ab Oriente Alsatiam, quæ pars est Alemanniæ, cum suo fluvio Rethno nomine: ab Occasu Lotharingiam & Burgundiam: extenduntur siquidem à Meridie in Septentrionem. Ista, inquam, vasta solitudo non tam hominum quàm ferarum sævarum habitatio habebatur, & quasi labyrinthus ab hominibus tunc temporis vitabatur. Hanc, quam descriptimus, terram antiqui Vosagum, moderni Vogiam dixerunt. In hujus igitur eremi vastâ solitudine noster agonista Gundelbertus Archiepiscopus primus subintravit; qui Vallem, quam nos modo incolimus, sine nomine reperit, eam dulcedine natalis patriæ, quæ cunctos

*Ducit, & immemores non sinit esse sui,* imò civitatis, in quâ Archiepiscopatus functus erat officio, quæ Senonas vocatur, quasi nomine copulativo Senonias vocavit: unde ulque ad præsens tempus ipse locus, ubi ipse Domini servus habitavit, Senonias, vallis quoque Senoniensis appellatur. In hac igitur valle, quam super nominavimus, quam iste Venerabilis Pater Gundelbertus subintravit, quidam locus erat inhabitabilis, & à frequentatione hominum remotus, ubi soli Deo vacare volens ad habitandum receptacula quædam parva inchoavit; sed ne alieni juris pervasor esse videretur, cum comperisset quoddam Vosagus in regno supradicti Regis Childerici consisteret, ipsum ad impetrandam licentiam ibidem commanendi adire disposuit. Igitur datâ opportunitate Regem, quem quondam familiarem habuerat, adiit, interpellat. Rex postulata, ut erat animo placidus, concedit, regis sceptris data confirmat, metas terræ sibi tra-

ditæ localiter assignat, & ita distinguit: à Rupe, quæ Alta petra dicitur, per cacumen montis usque ad villam quæ Cella dicta est, per ripam fluvioli per eandem villam decurrentis usque locum qui Mare dicitur: inde ad grandem Fontanam, inde per rivulum qui Waconos dicitur usque ad fluvium Bruscam, & per ripam Brusce usque ad cacumen montis juxta S. Stephanum, & inde ad fontem Donnous; inde per transversum monticulorum usque ad rivulum, qui Petrosus rivulus nuncupatur, qui fuit per claustrum Mediani Monasterii. Sed pars terræ adjacentis dicto Monasterio postea fertur data esse viro Sanctissimo Hydulpho ejusdem loci Fundatori, sicut postmodum plenius loco suo describemus. Ita noster Patronus donis regis locupletatus, ad locum diu desideratum cum gaudio remeavit. Igitur antequam noster iste Patronus ad hanc eremi solitudinem devenisset, quædam ad occidentalem plagam super Mortam fluvium ædificata habebatur Ecclesia, Stivagium nuncupata. Quis ejus fuerit Fundator, vel quo tempore inceperit, non reperi: ferunt enim in dictâ Ecclesiâ Ordinis S. Benedicti Monachos primò exstitisse, deinde Sanctimoniales, postea verò iterum dictum locum Monachos inhabitasse, exin Canonicos seculares, ac deinde Ordinis Præmonstratensis Canonicos, sicut hætenus ibidem permanent, fuisse institutos. Sed hæc de ipsâ Ecclesiâ dicta sufficiant. Sed quia idem S. Gundelbertus nihil penitus nisi ad nutum Dei agere decreverat, quippe qui sibi proprii animi voluntatem non retinuerat, quia necdum aliquam in loco alieno, modo suo, adhuc Ecclesiam vel Monasterium inchoaverat, credidit divinam voluntatem super hoc vigiliis, jejuniis, & orationibus fore requirendam. Dubitanti enim eo super dispositione officinarum Monasterii, quomodo vel quibus Numinibus ipsa dedicare deberet: ei in ipsâ postulatione persistenti Dei misericordia quid, vel quomodo, vel quibus Sanctis ipsa loca consecrari vellet, per visum innotuit. Qui denique revelatione & auctoritate Regiæ, ut supra dictum est, animatus, in honore Sanctæ & perpetuæ Virginis MARIÆ primam construxit Ecclesiam, quam solemniter dedicavit, & penes illam Monasterium cum officinis suis ædificavit, in quo B. Petrum Apostolorum Principem cum suis Coapostolis duxit venerandum. Omnibus itaque Dei nutu dispositis & ordinatis, aliquantisque ibidem Fratribus congregatis, sub B. Benedicti Regulâ ipsos militare decrevit, sicut hætenus immutabiliter usque ad tempora nostra Deo regente videntur subsistere: quos ipse Episcopus & Abbas cum Ecclesiâ sibi creditâ strenuè rexit & religiosè.

*De obitu S. Gundelberti Archiepiscopi & I. Abbatis Senoniensis.*

### CAPUT III.

**P**ost immensos denique & innumerabiles in hac nostrâ Vosago pro Christo toleratos labores, cum jam suum emeritum militem pro suæ militiæ meritis Deus remunerare decrevisset, ab hac ærurnâ peregrinatione, non tamen in hoc nostro loco Senoniensi nescio quo occulto suo judicio, substrahere voluit. Sed quia de ejus sepulturâ nihil fide dignum invenire potui, melius tacere, quàm aliquod dubium de ipso scribere dignum duxi: licet aliqui apud Medium-vicum cum aliquibus Sanctis, sancto scilicet Pientio & aliis sociis suis, eum quiescere contendunt. Enimverò de Cellis circumquaque positis, quas sancti viri hujus nostri Fundatoris Gundelberti eo tempore construxerant, mentionem

me facturum memini promisisse: ne indigneris, quæso Lector, si à materiâ digredi aliquantulum videar, quia non parum utilitatis consequeris, cum tantorum virorum ad hanc Vosagum adventum, ipsorumque sanctam conversationem, & Ecclesiarum fundationes, & Fundatorum nomina perlegeris.

*Vita & actus S. Deodati Nevernenfis Episcopi.*

### CAPUT IV.

**F**uit igitur eodem tempore cum noster Fundator Gundelbertus ad has Vosagi devenisset partes, ut supra memoravimus, in Alverniæ partibus in civitate Nevernenfi vir egregius nomine & operibus Deodatus, ejusdem civitatis Episcopus sanctissimus. Hic cum audisset quia hæc Vosagi eremus à tot & tantis sanctis viris inhabitaretur, zelo quærentium Dominum ductus, Episcopatus sui honoribus simul cum cathedrâ relictis, paucis cum laboratoribus sibi junctis, viam quæ ducit ad vitam aggreditur tendendo ad solitudinem, ut in deviis montium, in cavernis petrarum Deum diu quæsitum inveniat. Veniens igitur ad quoddam castellum, quod Romont vocatur, itinere lassus cum suis ad pausandum modicum resedit. Quo in loco quemdam reperit infantulum ferramenta carpentariorum prædientium servantem: sciscitatus est ab eo quæ ibi agerentur, cuiusve domus esset. Cognitoque ex ordine factò, puer ei de quâdam trabe quæ præ sui deformitate vel fortitudine ad ædificatoribus in fastigio ipsius domus adaptari nequibat, innotuit: propter quod dominus domus eisdem carpentariis suis non modicum irascebatur, præsertim cum sylvam & ligna in promptu haberentur, quibus ipsam trabem longiorem vel grossiorem, aut certè rectiorem commutare poterant si voluissent. Quo vir sanctus comperto, ut erat pietatis gratiâ præditus, laborantium periculo condolens, convocatis discipulis suis, invocato Domini Salvatoris nomine, ipsam magnæ molis trabem ipsius domus in excelsò nulla tortitudine obstante, ubi poni debuerat, collocavit. Cumque idem sanctus perpetrato dictæ trabis miraculo iter cœptum carpere vellet, ecce dominus domus cum operariis suis ad locum operis revertitur, inventumque Sacerdotem Dei Deodatum cum suis sodalibus, inquit qui essent. Audito verò quâ causâ insignes viri iter tam laboriosum & difficile aggressi essent, visoque miraculo trabis, nobilis ille labori Sanctorum condolens, se & sua eis liberaliter exposuit, dicens se ibidem requiei sancti locum præbiturum si vellet, & necessaria vitæ se donaturum promisit. Sanctus quoque cum gratiarum actione humiliter promissa reculans, quia sui desiderii cursum nondum viderat expeditum, licentiam abeundi quæsit. Videns denique Nobilis viri Dei constantiam, ne tanti patroni orationum fraudaretur juvamine, domum eandem de Romont quam ædificabat, sub titulo quinque siclorum argenti eidem sancto annuatim persolvendorum in memoriam trabis fertur contulisse: quos solidos usque ad tempora nostra Ecclesiæ S. Deodati, quæ nunc est, à domina de Romont persolutos esse cognovimus. Beatus igitur Deodatus suo datori vale dicens, cum suis sodalibus cœptum iter arripuit, per devia quæque Christum quærendo gradiens infatigabiliter laborabat. Sed antequam ad optatum sibi locum perveniret, plurima discrimina viæ, importunas rusticorum irritationes, tædiolæ famis inedia, improbam malorum expulsionem pluribus in locis miserabiliter est perpessus.

GG gg iij

*De adventu S. Deodati in Alsatiam.*

CAPUT V.

**H**Is itaque tot & tantis, ut prædiximus, viæ & vitæ impedimentis B. Deodatus ad quemdam locum pervenit, qui Theutonico idiomate Helygevorst, Latine sancta Sylva vocitatur, juxta oppidum quod Hagenowia dicitur, in Alsatia finibus situm, ubi se sui voti requiem reperisse credens, aliquanto tempore ibidem delituit: sed inde invidorum injuriis propulsus ad Claustrum quod Abresennisten vocatur, in eisdem Alsatia partibus situm veniens, ipsi loco & Fratribus ibidem Deo servientibus non multo tempore fertur præfuisse: ubi cognitionem & familiaritatem memorandi viri Arbogasti, qui de Scotia oriundus, non multo ante tempore veniens, Argentina de novo Episcopus factus, miraculis fulgens erat, adeptus est: ac deinde P. Florentii ejusdem Arbogasti successoris, qui à dicta Insula Scotiæ, sicut & prædecessor ipsius, venerat, qui & apud Hasela in introitu Buscæ vallis, quam primus Eremita incoluerat, in corpore requiescit, S. Deodato contemporaneus amoris vinculo adstrictus fuit. Cernens itaque vir B. Deodatus tumultum populi, quem in Episcopatu reliquerat, se iterum incurrisse, decrevit ad secretiora loca transmeare. Veniens igitur ad quamdam villam, lingua Alemannicâ Wilra dictam; juxta villam quæ Amalrici villare dicitur, in parvâ quâdam valle refedit, & habitacula humano usui apta ibidem erigere cœpit. Incolæ igitur dictæ villæ cum viderint sancto plura prædia à fidelibus, & aliquantas conferri possessiones, crediderunt sanctum illum sibi suas usurpare velle, eum ab ipso loco ubi habitare volebat inhumaniter expulerunt: quod factum divina ultio statim est subsequuta: nam quotquot in supra dictâ villâ nati sunt infantes, omnes strumoso gutture nati apparuerunt; quod matronæ pariturae considerantes, tempore partus insistente, rivulum, qui eandem villam præterfluit, transeuntes, pueros enixe illius strumositatis vindictam declinabant.

*De S. Deodato & Hunone compatre ejus.*

CAPUT VI.

**I**gitur B. Deodatus inde progrediens ad quamdam villam, quæ sui possessoris nomine Hunonis-villa vocabatur, advenit: possessor enim dictæ villæ Hunâ nomen habebat, cum æquivocâ uxore suâ Huna, ex nobilibus orti, Deum verbo & opere, quantum humana fragilitas permittebat, excolebant. Credidit igitur Nobilis ille beatissimum sibi Deodatum à Deo fore destinatum, Christum in ipso honorans, gratanter ipsum cum sodalibus suis, ut erat pius hospitatis amator, benignissime suscepit, & eum aliquamdiu licet invitum detinuit. In ipso itaque tempore quo vir Dei apud dictum Nobilem moraretur, contigit dictam Hunam uxorem ipsius Nobilis, quem de ipso conceperat filium peperisse: quem beatus ille & baptisavit, & de sacro fonte levavit. Reminiscens igitur beatissimus Dei servus Deodatus se non opum secularium gratiâ, sed solius Dei intuitu sua cum Episcopatu & dulci patriâ reliquisse, decrevit ad eremi desertâ, quod prius desideraverat, properare: qui hospitibus suis vale dicens, datis inter se mutuis amplexibus, cum magno ejulatu ab invicem discesserunt. Aggrediens verò vir Dei cœptum iter per ardua montium, per concava vallium, per defossa terrarum incessanter laborans,

tandem nutu Dei ad quamdam pervenit vallem speciosam & spatiosam, nemoribus undique confitam, aquis irriguis & piscosis copiosam: quam cum vir Dei diligenter conspiciendo perlustrasset, tandem in quodam loco juxta montem qui Cumberch dicitur, refedit, & ibidem Oratorium in honore beati Martini, quod usque hodie perdurat, crexit & consecravit. Transiens igitur fluvium Mortam nomine ad Septentrionalem plagam, quia locus decentior ibi ad Ecclesiâs construendas habebatur, in clivo monticuli Ecclesiâ in nomine SS. Martyrum Mauricii & Sociorum ejus exstruxit. Deinde juxta illam in honore Matris Christi Ecclesiâ ædificavit, & circa illam Claustrum cum officinis ad usus Monachorum exstruens, Frâtes sub Regulâ sancti Benedicti ibidem militaturos collocavit: qui usque ad tempora cujusdam tyranni Ducis Lotharingæ, sicut postea explicabimus, quietâ pace permanserunt.

*De donis S. Deodato collatis.*

CAPUT VII.

**C**um igitur circumadjacentium locorum viri fideles & devoti cognovissent quod sanctus ille Episcopus vallem supradictam incoleret, ad ipsum confluxerunt, videntesque ejus admirabilem conversationem, prædia sua, possessiones, redditus, & alia bona ei largissime contulerunt. Cum igitur vir B. Deodatus in illâ vastâ eremo laborans agonem suum Domino commendaret, & necessaria victui ei operanti non satis suppeterent; jam eo cum cohabitatoribus suis inediâ & fame deficiente, Omnipotens Deus, qui sibi servientibus semper præsto est, non permisit sanctum suum tantæ paupertatis mole diutius coartari: apparuit liquidem in visu noctis illi nobili viro supradicto Hunoni Dominus, dicens: En, inquit, famulus meus Adeodatus in illâ eremi solitudine magnis detinetur langoribus, & inopiâ laborat; & tamen meis non desinit quotidie inhaerere servitiis; tu verò hîc bonis tibi à me collatis, quibus abundas, sine misericordiâ delectaris. Cui ille, ut erat vir providus & discretus: Domine, inquit, nec locum scio, neque viam novi; nec ubi vir Dei lateat scire valeo, & quomodo sui possum misereri? At ille, onera saumarios & alios portitores tuos; & mane facto sine duce permittas abire, & quo fors ipsos deduxerit à longè subsequi facias; & ubi eos exonerari contigerit, ibi scias dilectum meum esse Deodatum. Qui mane consurgens, & visionis suæ mysterium considerans, secundum quod ei præceptum fuerat: onerati quippe portitores diversorum alimentorum & aliarum rerum opulentiâ, eadem viâ, licet nondum esset à quoquam frequentata, quâ sanctus Domini Deodatus eremum penetraverat sagaciter gradientes, ad locum ubi vir Dei commanebat recto itinere pervenerunt. Quos ut vidit Dei famulus, cognovit illum sui curam gerere, qui quinque millia hominum quinque panibus satiavit in deserto. Jam vix famuli sancti portitores exoneraverant, cum viri subsequentes eos apparuerunt, qui de inventione viri Deo gratias exhibentes, cum licentiâ sancti Episcopi ad dominum suum cum lætitiâ reversi sunt. Ex tunc quidem fama illius S. Eremitæ circumquaque ita innotuit, ut à multis sua eidem largientibus honorabiliter frequentaretur. Et quia idem sanctus pluribus declarabatur miraculis, & virum sanctum eum credebant, & apud Deum multi plura eum posse confidebant, vallem illam, quam ille inhabitabat, incolere maturarunt: & quia vallis spatiosa erat & lata ad colendum, decem & octo Ecclesiâs & mansiunculas in quibus habitarent



contruxerunt. Et ne actuum ipsius sancti prolixitas Lectorem onerare videatur, ad finem sui cursûs stylum dare curavimus.

tempus à Deodatenſibus possideri dignoscitur. Et ne Lectorem fastidire videamur, ad alia stylum reducamus.

*De obitu S. Deodati.*

### CAPUT VIII.

**P**eractis igitur, ut prædiximus, ipsius loci ædificiis, ordinatisque ibidem ad serviendum Deo Fratribus idoneis, dispositisque utriusque vitæ præsentis & æternæ subsidiis, levi febre correptus, Angelorum cœtibus sociandus, lætus Deo spiritum reddidit. Sed quia Monasterium illud (quod tunc pro conjunctione duorum rivulorum scilicet Robach & Mortæ, ille beatus Juncturas appellaverat, qui modo S. Deodatus vocatur) sine Rectore remanserat, B. Deodatus viro sanctissimo & Deo & sibi amantissimo Hydulpho (de quo postea scribere curabimus) in somniis apparuit, & ei ut curam loci sui & Fratrum quos reliquerat, prout videret expedire excresceret. Quam admonitionem B. Hydulphus grateranter suscipiens, viginti & octo annis, quibus post obitum B. Deodati superfuit, suam & ipsius Deodati apud Juncturas strenuè & religiosè adjuvante Deo rexit Ecclesias.

*De miraculo vini & muscarum.*

### CAPUT IX.

**E**Nimverò, ne quis hunc Beatissimum Deodatum credat apud Deum magni non esse meriti, inuitatum unum de multis huic paginæ non pigebit inferere. Erat igitur vir quidam satis locuples in Alsatiæ partibus, in villâ quæ Theutonice Sigoltesem vocatur, qui fama sancti Episcopi excitatus partem prædiorum suorum beato contulit Deodato: in qua parte quidam ager vineæ donatus est, qui illi donatori quia peroptimum vinum gignebat, incomparabiliter carus erat. Cumque Monachi Monasterii B. Deodati aliquanto tempore possedissent eam, ipsius vineæ donator considerans se in omnibus vineis sibi relictis tam pretiosum vinum nusquam habere, animi cupiditate cæcatus ipsam vineam quam prius devotus Deo donaverat, jam suæ largitatis infaustus effectus, in proprios usus iterum resumere præsumsit; quam coluit vindemiavit, & vinum sollicitè in quodam vase collocavit, & sibi cautè conservari præcepit. Denique cum quâdam die ad manducandum cum quibuidam amicis lætus recumberet, vocato ad se pincerna suo, de illo optimo vino suo sibi jubet apportari: qui concito cursu ad cellarium, ubi vas cum vino habebatur, accepto vase vinario, quod cantrum vocatur, accessit. Cumque paxillum de fundo ipsius vasis ad emittendum vinum retraxisset, & vinum se crederet habiturum, mirares! pro vino tanta multitudo muscarum per foramen ebullivit, ut putares te, si vidisses, in Ægypto esse, ubi plaga muscarum Ægyptios jussu divino puniisse narratur. Videns igitur is qui ad hauriendum vinum venerat hoc mirabile factum, obtupuit, & paxillum cum cantro quod manu tenebat in terram projecit; cursuque rapidissimo ad dominum suum narraturus quæ facta fuerant, advenit: statimque examen muscarum cum illo veniens dominum aggreditur, & tanto nisu dominum morſibus & aculeis crudeliter attrivit, ut isdem dominus compunctus & fundum reddere, & de commisso veniam petere cogeretur. Restituto liquidem monachis fundo, & venia obtentâ, illa muscarum multitudo à viri vexatione cessavit: & ita vinea illa usque ad hoc

*Quod Bodo Episcop. Tullensis Rodonis-Monasterium construxit, quod & S. Salvatoris dicitur.*

### CAPUT X.

**E**Lapso etenim modico tempore postquam vir beatissimus ille Deodatus in hanc subintravit Vosagum, erat vir æquè sanctissimus, Bodo nomine, Tullensis Episcopus, qui Dei ductus zelo, in quodam prædio suo, quod ejus nomine Rodonis-Monasterium appellatur, adunato non modico conventu Sanctimonialium claustrum ibidem statuit, & eidem monasterio pluribus collatis redditibus, ordo Sanctimonialium multo tempore ibidem perduravit. Sed postmodum à quodam successore suo Berthodo Tullensi Episcopo idem Monasterium deletum est, & in superiori loco, qui modo S. Salvatoris dicitur, pro illo ipse Episcopus à fundamentis ædificavit, & ibidem Monachos sub normâ B. Benedicti Abbatis instituit: qui postea inde expulsi, Ordinis S. Augustini Canonici, sicut usque nunc ibidem permanent, sunt inthronizati. Enimverò, quia antequam ad propositum redeam, cujusdam adhuc sancti & admirandi viri mentionem, quia in hoc vicinio nostro olim refedit, huic libello nostro specialiter adnotare desidero: hujus inspectores Operis, ne ob hoc irascantur, posulo: quia & ejus vita & actus tanto sunt ad legendum delectabiliora, quanto sunt & mirabiliora.

*Vita S. Hydulphi Archiepiscopi Trevirensis.*

### CAPUT XI.

**I**N Bawariorum igitur territorio, in civitate quæ Renesporch dicitur, duo viri fratres exstiterunt, ex nobilibus illius terræ genitoribus procreati; quorum unus Erardus, alter verò Hydulphus vocabatur. Hi etenim fratres literis liberalibus traditi, se ita Clericali ministerio manciparunt, ut meritis propriis exigentibus, unus eorum, Dominus scilicet Erardus supradictæ civitatis Renesporch sublimaretur Episcopus: Hydulphus verò ad Archiepiscopatum Trevirorum potius est tractus quam electus. Et ita utrique fratres adeo sibi sunt vinculo carnis, & gregibus sibi commissis charitate adstricti, ut non mercenarios, sed veros sibi Catholica Ecclesia gauderet acquisivisse Pastores. Enimverò cum vir Deo dignus Hydulphus aliquamdiu Archiepiscopatu Trevirorum feliciter deservisset, audiens quod tot & tanti viri de tam remotis partibus ad hanc nostram Vosagum ad serviendum Deo devenissent, non sui tardus provisor effectus, ne suorum Compresbyterorum merito in ipsâ commorantium fraudaretur, relictis omnibus voluit cum beatis pauperibus pro terrenis cœlestia commutare. Inito itaque cujusdam viri Venerabilis, Jacob nomine, Suffraganei sui Tullensis Episcopi consilio, quo in loco ad serviendum Deo requiem reperire quiret, tandem ad has Vosagi nostræ partes beatus ille venire decrevit. Volens igitur inter hos sanctos Patres, qui in hac eremo de novo convenerant, habitare, quia eorum familiaritatem diu desideraverat, ad locum, ubi postea Monasterium quod Medianum-Monasterium dicitur, erexit, applicuit. Sed quia ibidem habitandi spatium non invenit, quia confinia nostræ hujus Senonienſis Ecclesiæ, & Monasterii Stivagienſis ibidem jungebatur, impetrata ab utrâ-

que Eccleſiâ aliquantâ terræ portione ibidem habitare decrevit. Et quia de nomine loci, qui antea nomen non habebat, anxius erat: conſideratâ loci poſitione, quia ab Oriente Senonienſe Monafterium, ab Occidente Stivagium, à Meridie Juncſuras, quæ nunc S. Deodatus vocatur, à Septentrione autem Bodonis-Monafterium habebat, illum ſuæ habitationis locum Medianum-Monafterium appellavit, quod nomen uſque hodie perdurat. Videns igitur B. Hydulphus ob religionis gratiam multos ad ſe confluere, Monafterium & officinas Monachis habiles in ipſo loco ædificare ſtudit. Multitudine equidem magnâ tam Clericorum quam laicorum ad ſe adunatâ, quia tot in tam arcto loco ſimul habitare nequibant, ſtatuit in circumadacentibus locellis cellulas conſtruere in quibus habitare deberent. Deſtinavit ſiquidem apud Septem-Abietes quosdam, alios ad S. Joannem, & alios apud Orbacum, alios autem apud S. Præjectum, alios apud Vilivallem, quosdam verò ad Altam petram, quæ Monafterio præeminet; alios enim ad quemdam locum in ſummitate montis, qui Roberti-fons dicitur, degere decrevit.

*De Begonis Cellâ & 300. Monachis, & de obitu S. Spinuli.*

#### CAPUT XII.

**D**enique ad locum qui Begonis-Cella, nunc verò S. Blaſius dicitur, B. Spinulum adhibitis ſecum quibuſdam Fratribus converſari præcepit. Locum verò illum cum nemoribus, & montem qui Fulconis-rupis appellatur, cum multo terræ ſpatio adjacente B. ggo vir nobilis & locuples beato viro Hydulpho ad Monafterium ſuum ampliandum patulo ante contulerat. Fratres quoque qui in prædictis locis habitabant, tunc aſſimabantur numero quaſi trecenti ſub regimine S. Hydulphi Archiepiſcopi & Abbatis conſtituti. Devoluto igitur non multo tempore B. Spinulus, cujus ſuperius meminimus, militiæ ſuæ donativum recepturus cœlo ſpiritum reddidit: quod cum ſervus Dei Hydulphus Angelo annuntiante comperiſſet, ad cellam ubi vir Dei jacebat, properavit. Compoſito igitur Sancti viri corpore in feretro, erucibus præviis, & cereis ardentibus, cum hymnis & canticis ſpiritualibus glebam ſancti ad Monafterium reportare parabant: aggredientibus verò illis iter, ſubito tanta pluvie inundatio & ventorum immenſitas exorta eſt & tempeſtas, ut non ſolum minutas arbores, ſed etiam grandes quercus, & excelsas abietes radicibus evellendo terræ proſtrerneret: & cum tantus ſæviens eſſet turbo, & tribulatio abhorrenda: nec portitores ſancti ſunt læi, nec luminaria cereorum ſunt exſincta; ſed utque ad Monafterium corpus ſancti ita miraculoſè detulerunt. Sed ut Omnipotens Deus omnibus innotefceret, qualem idem ſanctus Pater, & quàm religioſè inſtructum famulum ad cœlos deſtinallſet, ida miranda voluit ſancto demonſtrare: cujus exequias ritè peragentes in Oratorio B. Gregorii, quod ipſe beatus vir Hydulphus cum cœmeterio ſuo ædificaverat & conſecraverat, in tumulo lapideo illa ſancta membra collocaverunt. Et ut divina Majeſtas dilecti ſui Spinuli merita lucidiùs declararet, tanta ad ipſius tumulum mirabilia oſtendere dignata eſt, ut nulli credenti ad ipſius auxilium reportandum venienti munus ſanctitatis foret denegatum.



*De miraculis S. Spinuli, & aquâ ſaliâ inventâ.*

#### CAPUT XIII.

**H**is itaque ſe habentibus, ad augmentum gloriæ ſancti tres ſalinarii fontes in horto penes Monafterium ſunt inventi. Fama igitur miraculorum & ſalinarum longè lateque divulgata tantam populi multitudinem ad ipſum locum deduxit, ut locus aſſluentiam gentium minimè capere potuiſſet: unde vir ille S. Hydulphus ſuæ inquietationis moleſtiam, quam ab advenientibus ſuſtinebat, ferre non valebat, licet Monafterio ſuo pro virtutibus ſancti & ſalinarum quæſtu, aliquid emolumenti conferri ab illâ gente videretur. Vir igitur beatiffimus Hydulphus qui pro divitiis mundi acquirendis paupertatis onus ſibi non aſſumſerat, videns ſe & ſuos à propoſito ſuo non modicum aſſluentia populi deviare, auxilium divinum ſuper hoc duxit requirendum. Eccleſiam tandem B. Gregorii baculo artus ſuſtentante, ut jam erat vigiliis, & orationibus, & jejniis ſatis attenuatus, lento gradu pervenit, doloremque ſe prementium populorum corde concipiens, cum ad ſepulcrum dilecti ſui Spinuli perveniſſet, orationi incubuit, & quaſi vivo loqueretur, ſic ait, Gratias agimus Deo Salvatori, ó Frater Spinule, quòd miraculis fidem facientibus te divinæ Majeſtati adſtare certiffimè credimus, & jam naufragia præſentis ſæculi evaſiſſe te, ac cœleſti gloriâ potiri gaudemus; ſed ſi frequentia populorum, quam Deus per te huc confluere fecit, aliquamdiù preſſi fuerimus, non modicum à viâ regiâ quæ ducit ad vitam nos declinare videbis: unde te in illa obedientiâ quam dum viveres nobis intædiabiliter exhibere ſolebas, admonemus & exhortamur in Domino, ut aſſluentem & omnium bonorum largitorem Deum pro nobis interpeſſes, ut repreſſâ inquietudine gentium, & præſentis vitæ fluctuationibus amotis, curſum cœleſtis vitæ expedito greſſu nobis liceat peragrarè. Videres mortuum quaſi viveret Magiſtro jubenti obedire. Ceſſantibus ſignis miraculorum, aquis ſalis in dulcedinem redeuntibus, aſſluentia repreſſâ populorum, vir ſanctus & Fratres ſui ſine tumultus moleſtiâ Deo deinde ſervierunt. Videns verò Deus famulum ſuum ſibi toto corde & non mundo inhærere, quia parvum & inſtabilem quæſtum tam leviter abjecerat, majora pro minoribus ſtatim ei reſtituere dignatus eſt: nam prædia multa in Alſatiæ partibus, nec non in Lotharingiâ à potentibus & primatibus terræ, & alia quamplurima à diverſis fidelibus Deo operante ſunt collata; quæ omnibus ſupradictis trecentis Fratribus ad victum ſufficere poſſent: ſed poſtmodum, ut poſtea referemus, pars maxima de menſâ Monachorum peccatis exigentibus per quemdam Nobilem exſtitit exciſa.

*De adventu S. Erardi Epifcopi, & de S. Odiliâ.*

#### CAPUT XIV.

**C**um igitur B. Hydulphus in hac ærumnoſâ peregrinatione debilem duceret vitam, & fama ſuæ converſationis longè lateque diſſunderetur, cognovit vir ſanctus Erardus Epifcopus ejus germanus, ipſum in hac Voſagi ſolitudine peregrinari: qui quantociùs iter arripiens ad partes illas, ut fratrem quem videre deſiderabat, inveniret, acceſſit: quem diù quæſitum in Monafterio, quod jam ædificaverat, invenit; qui cum ingenti gaudio ſuſcipiens, vitam pluribus diebus duxere cœleſtem. Cum

verò hæc ita se haberent, contigit cujusdam Nobilis filiam cæcam natam ad Monasterium dictum deportari, quam pater ejus Ethico nomine, quia cæca nata fuerat, necari præceperat: quod cum mater puellæ comperisset, per quamdam anicula, quæ eidem matri familiaris erat, eam exulari maluit potius quam occidi. Comperto verò quoddam talium parentum proles erat, nec adhuc Baptismate regenerata erat, illi duo sancti fratres & Episcopi Hydulphus & Erardus, eam in nomine Trinitatis baptizantes, mente & corpore illuminatam de sacro fonte levaverunt, & eam Odiliam appellaverunt: quæ cum ad annos pervenisset discretionis, frater ejus, qui cum patre remanserat, audiens quoddam soror ejus, quæ nata cæca fuerat, foret illuminata, gavisus est valde; & nunciis accersitis sororem Odiliam ad se venire mandavit. Quod cum pater comperisset, filium ad se venire jussit, & interrogato eo quis tantam præsumisset audaciam perpetrare, ut cæcam illam repatriare fecisset: cum filius ejus se fecisse spe paternæ benignitatis respondisset, pater iratus baculo, quem forte tunc manu tenebat, juvenem percutiens, & filium trucidavit, & hæreditatis suæ successorem amisit. Videns autem idem vir nobilis se suo orbato herede, admodum ipse indoluit, ac deinde filiam suam Odiliam, quam ante spreverat, intimo dilexit amore; ita ut postmodum in castro patris, quod Hoemborch appellatur, Claustrum Sanctimonialium Ordinis S. Benedicti ipsa B. Odilia auxilio & voluntate patris instrueret, & proprio ditaret patrimonio. Beata igitur Odilia cum ad se videret populorum turbas adventare, in subditâ valle castro domum hospitali ad supervenientes recipiendos construxit. Sed ipsa hospitalis domus ita est augmentata, ut opulentissimum Claustrum fieret Monialium, nec superiori Claustro in ullo haberetur subjectum. Sed hæc de B. Odiliâ dicta sufficiant, & ad nostrum Hydulphum revertamur.

*De morte SS. Episcoporum Deodati & Hydulphi.*

#### CAPUT XV.

**B**Eatus igitur Hydulphus cum adhuc Deo donante se sibi commisso strenuè gubernaret, contigit B. Deodatum ab hac vitâ migrare ad Dominum: qui ab ipso S. Deodato per visum, ut sui Monasterii curam gereret, est admonitus: quod B. Hydulphus viginti octo annis strenuè gubernavit, & multis redditibus ampliavit. His denique ita feliciter peractis, Dominus carum suum Hydulphum pro suorum meritorum exercitatione remunerare volens, noluit eum diutius hujus corporis sarcinâ detineri, ipsum febre quâdam examinatum ad se transtulit. Cujus sacra membra Fratres in supradicto Oratorio à tergo altaris S. Gregorii, in tumbâ lapideâ cum summo honore sepelierunt: unde postea sunt relevatæ reliquiæ ipsius, & translatae in Monasterio suo, quod ipse de novo construxerat, sicut adhuc ibidem reservantur, in scrinio argenteo reconditæ.

*Quod Medianum-Monasterium Imperiale erat.*

#### CAPUT XVI.

**E**Nimverò defuncto, ut supra dictum est, gloriosissimo Hydulpho Archiepiscopo, alii atque alii ad illius Ecclesiæ regimen successerunt; qui prout potuerunt, Deo adjutorium præstante, ipsum Monasterium gubernaverunt. Sed quia idem Monasterium sicut & alia circumjacentia Imperio Romano subjacebant, & in expeditione Imperatoris arma-

Tom. II.

torum cuneos de jure mittere solebant, præliis crebris innovantibus Ecclesiæ miserabiliter opprimebantur; unde contigit Abbatem istius Monasterii Claustrum Mediani-Monasterii constangis dictorum armatorum ita attritum, ut ab Imperatore admonitus armatos in rhædam Principis mittere nequiret. Quidam verò Dux, qui tunc in Lotharingis præerat, ad ipsum Imperatorem in armis venerat, qui ab ipso Imperatore requisitus, cur Abbas Mediani-Monasterii armatos non transierat, & Dux se nescire responderet; Imperator interrogavit Ducem, si vellet Abbatis vices agere: quo respondente, quia vellet; Princeps ejus jurisdictioni Monasterium Medianense, quod ante Imperiale erat, tradere non distulit: quod factum illi Monasterio magnæ desolationis exitiit occasio: nam Duce ipso ad patriam revertente, dominio Ducis, quod ante non fuerat, Monasterium illud submittitur, res Monasterii dissipantur, & Fratres molestantur; tandem à mensâ Monachorum mille quingenti & undecim mansi dirimuntur, & Ducis Lotharingæ ditioni subduntur. Quid fieret de Monachis qui fame & inediâ laborant? Dimittunt cellas; aliâs victum queritando vagantur: ita ut deni vel duodeni in loco principali vix sustentari queant: quapropter ipsa Abbacia usque nunc & divino officio, & sustentatione Fratrum irremediabiliter est fraudata, sicut hodie ipsius status inveniri potest.

*De diffidio Monachorum Ecclesiæ Mediani-Monasterii, & dissolutione Monachorum.*

#### CAPUT XVII.

**F**Ratribus igitur Cellarum ita à locis suis eliminatis, iis quoque qui in Abbatiâ remanserant suis redditibus destitutis, cœperunt à semitâ rectâ retrahere pedem; Abbates verò segiores effecti, de grege Domini non curantes, secundum Prophetam quod crassum erat assumebant, & quod macrum erat abjiciebant: Monachos nempe qui sibi non Christo vivere volebant, diligebant; alios spernebant. Videntes igitur Monachi cuncta sibi pro voluntate suâ licere, licet non expedirent, ad præcipitia potius quæque quam ad bona cœperunt esse proniores.

*De Visione Monachi Senoniensis.*

#### CAPUT XVIII.

**C**UM igitur Monasterium illud talibus deturparetur possessoribus, qui vilioribus insitebant actionibus, Dominus qui est conspectus sæculorum, volens eos ab errore viæ suæ misericorditer avertere, satis miti & salubri admonitione sub hac formâ submonuit. Quidam enim Monachus hujus nostræ Ecclesiæ Senoniensis, vidit se in somnis ante fores Monasterii Medianensis, quæ ducunt ad Claustrum, stare; & ex Monasterio ipso quemdam virum facie decorum, canitie decoratum, insulâ Episcopali redimitum, virgam pastorem manu portantem, atque universas officinas cum suspiriis ingentibus & dolore cordis circumeuntem; & ex omnibus exeundo uberrimas plangendo emittebat lacrymas. Tandem ad Cameram Abbatis veniens manibus complois, pectus tundendo, plus solito uberiores effundens lacrymas talia in verba prorupit: *Deus meus pone illos ut rotam; & sicut stipulam ante faciem ventis*: & ista sæpe repetendo, nusquam comparuit. Quod cum ab ipso Monacho, cui hæc revelata fuerant, Abbas ille & Monachi loci comperissent; visioni falsæ adscripserunt, sed postea exitus rei factum

H H h

approbavit. Imprecatio namque sancti tam celeriter est subsequuta, ut unus post alium mori inciperent, incipientes à senioribus usque ad juniores, ut nullus ex ipsa multitudine, sicut de Ægyptiis legitur in mari rubro meris, excepto Abbate solo superesse videretur. Quod Abbas videns, non Dei judicio, sed casu hoc advenisse arbitratus est. Circuiens verò civitates, quoscumque invenire potuit qui volebant monachari, secum adduxit; & eos tonsoratos non corde, sed habitu tantum monachavit: & talibus pyratibus locus ille redimitus non diu est gavisus. Nam sicut alii unus post alium vitam finientes, omnes in modico tempore sunt decucullati; & ita male adunati, male dispersi sunt. Abbas verò fugā lapsus ad Alsatiā, unde natus fuerat, repedavit, & ita Monasterium istud Abbate & Monachis diu caruit: nec aliquando divina ibi agebantur, excepto quod ibidem Presbyter villæ adjacentis aliquando Missam gratis celebrabat, donec à quibusdam Monachis, Gorziensibus ut credo, ad hoc Deo missis, ordo Monachorum, & officia divina ibi sunt restituta.

*De obfesso à peritissimo Dæmone, & sanato in Mediano Monasterio.*

### CAPUT XIX.

**E** Nim verò quia de miserabilibus ejusdem loci habitatoribus, miserabilique conversatione aliqua explicavi, ne mihi ad odium imputent, cum sciant me ipsum locum sicut melius dilexisse; volentibus audire, de aliis tacendo, miracula quæ ibi per merita semper reminiscendi Hydulphi omnipotens Deus dignatus est operari, pauca de multis recitaturus aggrediar. Beatissimo igitur Patrono nostro Hydulpho adhuc vitam præsentem agente, ut erat corpore prudens & spiritu, nec quæ sua erant quærens, sed quæ JESU-CHRISTI, cuncta quæ intra Claustrum erant discretè moderans, & quæ exterius cum moderatione disponens, ut Deum offendere timeret, & à fratribus sibi commissis plius amari quàm timeri affectaret. Ordinans siquidem interius Claustrum cuncta religiosè, decrevit domum hospitum, ne Fratres à supervenientibus molestantur, ad portam Monasterii adificare, & juxta illam capellam, in qua hospites ad divina audienda convenirent, in honore B. Joannis Baptistæ erexit, quam & nomini ejus consecravimus. Ad gloriam igitur & honorem Omnipotentis, & dilectorum suorum magni sui Vatis Joannis, & B. Hydulphi Archipræsulis, ut opinor, tot & tantis miraculis mirandis Deus Deorum dignatus est illustrare Ecclesiam, ut quotquot energumeni, quotquot demoniaci ad ipsum Oratorium delati fuissent, statim à quocumque spirita vexabantur, liberarentur. Habebatur quippe in ipso Oratorio dolium aquâ exorcizatâ plenum, ut energumeni & alii à Dæmoniis obfessi, in ipso meris sanarentur, quod & ita fiebat. Cum ergo hæc ita agerentur, contigit quemdam Rusticum à Valle S. Deodati illuc adventasse, qui à tam potentissimo Dæmone obfessus erat, ut vix catenis ferreis adstrictus teneri posset; qui etiam tantæ erat scientiæ, ut se omnium linguarum jactaret habere notitiam: artium quoque liberalium omnium eruditus erat prudentiâ, omniumque actuum prætorum; & cogitationes simultateque omnium ad se venientium eruditissimè referebat. Officio Missæ & aliarum horarum intererat, & cum cantantibus cantabat, & cum psallentibus psalabat, nec crucem, nec crucifixum vitabat. Hic talis ad dictum Oratorium adductus, in dolio ipso meris, quia & circumstantibus insultabat, Monachus quidam, qui ad officium

energumenorum deputatus erat, audiens quoddam Dæmon secretos actus hominum revelaret, timuit ad illum venire; sed adiens quemdam seniore, omnia quæcumque fecerat illi confessus est, & ad Dæmoniacum reversus ita eum alloquitur: O tu mendacissime hominum deceptor, qui tuis mendacissimis assertionibus te dicis scire hominum cogitationes & actus, dic ea quæ de me cognoscis. At ille attonitus, demisso vultu in terram cogitat quid diceret; tandem in hæc verba prorupit: Nudiustertius rem grandem fecisti, quæ modo lapsa est à memoriâ meâ. Quare cum ipse responsa Dæmonis audisset, animatus pro confessione, cepit super caput illius sanctum Evangelium Joannis recitare. Cui ille indignans dixit: Idiota tace, nonne scis me melius scire hoc Evangelium? scias illud planè me scire, & ejus mysterium, nec per ipsum ab isto hospitio me expellere poteris: vade, & quære tibi aliud quod tibi melius placuerit. Quo audito Monachus ad Ecclesiam quantocius properavit, & ibi accepto scrinio in quo Sanctorum plurimorum reliquiæ erant reconditæ, ad Dæmoniacum quantocius cum scrinio ipso repedavit: appropinquante verò illo cum reliquiis Dæmon cepit clamare: Tolle, tolle inimicos meos. Qui accedens, scrinium cum reliquiis posuit super caput ejus. At ille clamans dixit: O me infelicem! Quantum lapidum acervum super caput meum adunasti! tolle à me quæso ista, quia valde crucior. Quod cum Monachus audiret, gavisus est valde, & tunc cepit arctius adjurare. At ille acrius clamabat: Tolle, tolle, tolle inimicos meos. Ille verò interrogans eum qui essent inimici sui: ait: Stephanus & Laurentius: unum lapidavi, alterum assavi: & jam meritis ipsorum oportet me hinc exire. Et hæc dicendo profiliit ex ore ipsius quasi scarabeus, & cecidit in terram, & lento gressu videntibus cunctis pervenit ad ostium Ecclesiæ, & ita volatu se elevans, miscuit se ventis: cumque ille interrogatus utrum aliquid sciret, ac non? asseruit se nihil penitus scire, nisi maternam linguam, quam à pueritiâ didicerat. Ego verò in ipso scrinio vidi cum pluribus aliis, ipsorum Martyrum reliquias, de saxo quo lapidatus est sanctus Stephanus, & carbones sanguineos sancti Laurentii Levitæ, & Dalmaticam sancti Leodegarii. Plures etiam utriusque sexus senes, & juvenes, alii canabinis funibus ligati, alii vinclis ferreis adstricti, ad locum ipsum ab amicis & vicinis adducebantur, qui statim in dicto dolio meris curabantur. Et ita Dominus merita servorum suorum declarando, nos ad ipsius timorem & amorem quotidie invitat.

*De Miraculis tempestatis à S. Hydulpho quater in die repulsa.*

### CAPUT XX.

**A** Dhuc S. Patris nostri Hydulphi facta me scribere delectat, ut ea lecta vel recitata hominibus, glorificent Deum Patrem qui in cælis est, qui dedit potestatem talem hominibus. Una dierum cum anno revoluto solemnitas B. Hydulphi evenisset, & Fratres Mediani-Monasterii solito celebrius, ut decebat, festivitati inhærent, contigit quasi horâ tertiâ magnam imminere tempestatem. Adunatâ igitur à quatuor ventis crassitudine nubium, coruscationum, & tonitruum horribilitate gestantium, ita ad ima se detrucebat, ut putares cælum cum nubibus super locum illum & totis adjacentibus locis velle fulminare cadendo; apparebat enim tanta in nubibus horribilis cum turbinum apparatu nigredo, ut aspicientibus multum moverent timorem.

Cumque tale ac tantum immineret exitium, Fratres perterriti ad altare cucurrerunt, alii cruces, alii reliquias Sanctorum, alii corporalia sancta efferebant, alii campanas sonabant, atque alii Deum invocabant. Et quanto plus Fratres hinc instabant, tanto plus illa nubium adunatio cladem minabatur. Quare cum Monachi viderent contrà hanc molestiam precum instantiam nihil proficere, ad solitum patroni sui refugium confugerunt. Composito quidem feretro, in quo sanctum ejus corpus habebatur, altisonis vocibus ipsum inclamantes exspectaverunt. Videres verò in exportatione Sanctorum artuum totam illam comminantem nubium molestiam quasi intelligibilem creaturam, sui Creatoris famulo cedere imperanti. Solutis nempe illis horribilium nubium adunationibus, tota illa massa se se in quatuor dedit partes; & ita retrocedens, quod factura erat ad tempus repressit, & aëris serenitate reddidit. Fratres cum ingenti gaudio, quasi praelii triumphatores reliquias Patris Hydulphi venerandi ad locum suum reportaverunt; & ita cum summâ devotione Missam inchoaverunt majorem. Necdum ipsam finierant, cum subito quasi insidiatores ab insidiis erumpentes viatores depredari desiderant, ita illa, ut prædiximus, vastationis oppressio à locis in quibus se prius in exportatione sancti occultaverat, exiliens cum inevitabilibus ventorum collisionibus, fulgurum coruscationibus, & magnorum tonitruum mugitibus, revertendo super faciem illius loci multo truculentius quàm antea accumulavit, & ad solum omnia æquaturum minabatur. Accurrunt, periculum Fratres vident, mirantur, expavescunt, ad securum sibi auxilium recurrunt. Glebam Sancti cum crucibus & thuribus contrà aëris tempestates pugnatu-ram exportant. Quid plura? Adventus famuli Dei sicut prius, sancta ejus animâ in cœlis Deum rogante, illam periculosam in quatuor iterum partes diuisit, nec mora, redditur serenitas. Monachi, & tota plebs, quæ ad Festum convenerant, pro tam evidenti miraculo exultant, Deum totis nisibus laudant, corpus Sancti cum summâ veneratione reportant. Nec mora, locatis reliquiis Viri Dei, tanto labore attriti & pavore ad mensam jam serò pransuri conveniunt, & inter prandendum de isto turbine & clade ita irrumpente habetur sermo. Sed nondum à mensâ surrexerant, cum tonitruum fragor auditur, ventorum impulsio mittitur, fulgurum coruscationes sagittantur, grandinum calculi testis illiduntur. Quid agere possent Monachi? tam subita illa supervenerat calamitas, ut jam desperati à loco moveri nequirent. Coacti verò tantâ turbinis impulsione, imò quia mortem sibi credebant imminere, surgunt à prandio; tota acclamat populi multitudo, ut ille promptus adiutor exportetur. Curritat quantocius, ille se leniorem portitoribus præbet, tertium imò continuum initurus bellum adest. Pugnat interventu, jussu expugnat, statim venti silent, tonitrua obmutescunt, fulgurum sagittæ reprimuntur, grando casus suos in altum suspendit, nubium densitas clarescit, & aëris cœlique tranquillitas adeo emicuit, ut crederes in totâ illâ die vel nocte sequenti nec unam pluviae guttam casuram. Enimverò quia eadem dicta tempestas nunc recedendo, nunc subito revertendo toties ipsos terruerat Fratres, arbitrati sunt loculum sancti cum custodibus custodem dimittere, ne ipsos nequam impulsio sub noctis silentio loco damna valeret inferre. Ita igitur cunctis dispositis Horas vespertinas perficiunt. Dies ad suum finem devenit. Igitur nocte incipiente lassî Fratres ad lectulos paulaturi veniunt. Videns verò ille tempestatum ductor, se pro præsentia sancti, sui videlicet impugnatoris, nil suæ

Tom. I.

malæ voluntatis adimplere posse, voluit tamen, quid facere, si licuisset, volebat, demonstrare. Nocte verò eadem cum se omnes sopori dedissent, tanta congeries grandinis inter claustrum & domum hospitem in mediâ nocte cum summo silentio demissa est, prout scriptum reperi, ut in tanto fervore solis & temporis, illa grandinis massa infra quindecim dies liquari nullatenus posset: nec tamen in toto confinio illo extrâ ambitum Claustrî, nec una quidem gutta pluviae vel grandinis granum illâ nocte visa vel audita cecidisse.

*De rustico S. Praejecti à tempestate dignè colliso in festo S. Hydulphi.*

## CAPUT XXI.

**A**Lio quoque anno quo etiam ejus revolutio Festum adduxerat, fuit quidam rusticus apud Sanctum Praejectum, qui junctis bobus sæno currum oneraverat, & ad suum domicilium revertendo sænum cum curru jam prope Villam minaverat: cum subito aër, qui antea satis clarus & purus apparebat, obtenebratur, tonitrua mugiunt, coruscationes fulminant, atque grandinis tanta influenza inundat, ut vix rusticus ille subistere valeret. Procellâ siquidem invalescente rusticus atteritur, concutitur, grandinis globis lapidatur, nihil refugii invenire poterat, nisi quod relictis plastro & bobus se sub curru protegeret. quod & facere non distulit: sub plastro latitare sperat, spes tollitur, quia ex improvise ventus tam validus insufflavit, ut non tantum currum ipsum everterit, sed etiam sænum totum per lata camporum totaliter dispergit, & rusticum sine tecto relinquit. Quid ultra? Vapulat rusticus vento, rebus spoliatur, grandine lapidatur, inundatione aquarum pluviarum suffocatur, terretur tonitru, fulmine jaculatur, & ita ferè ad extrema perducitur. Illo etenim ita castigato, statim universitas illius Villæ supervenit, scrutantes si illa tempestas frugibus terræ in aliquo nocuisset. Cumque invenissent quoddam non, invenerunt illum juxta currum jacentem semimortuum. Quem ad domum suam deportantes, judicabant digna pro meritis evenisse, quia Deo nec honorem, nec sancto suo Hydulpho incredulus impendere cogitaverat; unde ista ei accidisse certum erat. Ita noster adiutor Hydulphus & suos novit contemptores corripere, & suos protegere cultores. Considera, ô peccator, si Deus omnipotens tam aspera contemptoribus, cultoribus verò bona quæque in præsentî redonare solet, quid de futuris eum facturum existimas, cum ista transitoria, illa verò sint æterna? ista terrena terrenis refundentur.

Revertentes igitur ad nostræ narrationis ordinem, istius nostræ Ecclesiæ eventus suo modo prosequamur. De aliis quoque Cellis & earum structoribus circumquaque erectis, prout se locus obtulerit, disseremus. At verò quia de hoc nostro fundatore Gundelberto, quantum adinvenire potuimus, disseruimus; ad posterorum suorum Abbatum explanationem, & ipsorum actuum publicationem calamum revocemus.



HHhh ij





## LIBER SECUNDUS.

De ſucceſſoribus Abbatibus S. Gundelberti.

## CAPUT PRIMUM.

**Q**uia verò de B. Gundelberti ſucceſſoribus, vel ipſorum actibus pauca vel nulla ad ſcribendum invenire potui, exceptis tantum nominibus, nihil de meo addere præſumſi, ne rumorum inciperem novus auctor haberi. Primò quidem Abbatem Fundatoris ſucceſſorem, virum moribus ſanctis adornatum, Domnum Magneramnum huic noſtro Monasterio Senonienſi dicunt præſuiſſe. De quo quia nihil pius inveni, nihil ſcribere poſſum. Poſt hunc Agericus, & alii, Mageramnus, Bonciolus, Stephanus. Quibus quidem vir præpotens & nobilis nomine Angelramnus in adminiſtratione loci hujus ita ſucceſſit. Erat vir ille Imperatori tunc temporis ita carus, ut ipſum ſuum Cancellarium efficeret. Cumque tali in aula Imperatoris fungeretur officio, contigit Archiepiſcopum Metenſem mori, quæ civitas tunc Mediomatrix dicebatur, quia in medio aliarum trium civitatum, Trevereniſis, Tullenſis, Verdunenſis, poſita erat, in medio Mater dicta erat, præſertim quia tunc Archiepiſcopatus pollebat honore. Quomodo ad ipſam dignitas illa delata fuerit vel ablata, non reperi. Cumque id ad aures perveniſſet Imperatoris, ſtatim ſuum cariſſimum Cancellarium Angelramnum illi honori donari decrevit: qui aliquanto ſupervivens tempore, feliciter ſibi commiſſum gregem rexit & locum. Igitur Angelramno ita ſublimato, contigit Stephanum hujus loci Imperialiſis Abbatem ab hac luce migrare. Quod cum Archiepiſcopus Angelramnus comperiſſet, ſtatim ad ſuum cucurrit Imperatorem: & ut ſuæ hanc Abbatiam ſubderet ditioni poſtulavit. Hic enim locus ab initio ſui ab Imperio dependebat. Imperator verò ipſum nolens moleſtare, ejus petitioni aſſenſum præbuit, & Monasterium ipſum cum appendiciis Metenſi Epicoſpo, eo jure quo & Imperatores à primo tenuerant, perpetualiter conceſſit. Unde ite noſter locus Epicoſpis Metenſibus huc uſque ſubjectus eſſe dignoſcitur. Enimverò quia hic locus, ut diximus, ſuo erat viduatus Rectore, idem Archiepiſcopus Angelramnus & Epicoſpatum, & Abbatiam Senonienſem aliquanto gubernavit tempore. Et ita Monasterium quod priùs Imperiale exiſterat, ex tunc manu Epicoſpi Metenſis degere compellitur. Monachi verò quia à tanto honore, imò melius dicendum onere ſe deſcendiſſe videbant, graviffimè tulerunt. Non enim conſiderabant, quòd ſicut & aliæ circumjacentes Eccleſiæ oppreſſione Imperiali ſæpiùs terebantur & deſiciebant, tum pro armatorum cuneis in expeditione mittendo, tum quia ab inimicis Imperii crudeliter vexabantur, & non erat qui adjuvaret, quia & Imperator multoties aberat, & Eccleſiæ ab inimicis erui non poterant. Vano igitur dolore conſumebantur. Certè ſi ab illis temporibus ita omnia Monasteria in hac parte Voſagi ſita adhuc Imperii eſſent, jam lapis ſuper lapidem non remaniſſet, quia ſub aliis adverſariorum imperiis paſſim ſunt conſtituta. Præſertim cum, ſi quæ ab inimicis tolerarent, Imperatorem non leviter adire poterant, nec per ſe illa poterant emendare, quòd Epicoſpus uno vel duobus diebus inventus corrigere poſſet. Et ita, ut opinor, vano conſumebantur dolore.

De Tranſlatione S. Simeonis Metenſis Archiepiſcopi ad Senonias.

## CAPUT II.

**A**rchiepiſcopus verò Angelramnus & Abbas cum videret res ſe ita habere, propoſuit moleſtiam Fratrum actu ſagaci compeſcere. Voluit enim paſtorem pro paſtore, deſenſorem pro deſenſore, patronum pro patrono conferre; ſed non ſimiles poſteſtate. Ille ad præſens, iſte hîc & apud Deum poſteſt conſervare & tueri: ille adjutor temporalis. iſte ſempiternus, ille corpus tantum, ille corpus & animam ſalvare ſciebat, & ſemper ſcit: ille temporalia conferre poterat, iſte utriuſque vitæ ſubſidia ſibi famulantibus novit præparare. Contulit quippe huic loco pro momentaneo continuum adjutorem & promptum, beatum Pontificem ſeptimum à B. Clemente Metenſem Epicoſpum Simeonem clariſſimum miraculis, & adjutorem promptiſſimum. Sufocatos namque aquis precibus ſuis ad vitam audivimus fore revocatos; lampades ante ejus ſacrum corpus dependentes funibus ruptis ſuper pavimentum lapſas per ſe ſuper acutam cuſpidem plenas oleo mirabiliter ſtantes illaſas reſervallè; ardor febrium pellit, inundationes pluviarum ſerenitat commutat; calores nocivos ætivos ſtatim invocatus temperat; horribiles tempeſtatum comminationes requiſitus depellit. Quid plura? omnium infirmitatum & dolorum moleſtationes, non tardus, ſecparatus medicus novit relevare; ad omnium denique neceſſitatum importunitatem promptiſſimum ſemper exhibet deſenſorem. Hunc verò talem ac tantum hoc noſtrum Senonienſe Monasterium meruit habere patronum. Qui ab illo venerabili viri Angelramno huc tranſlatus, licet tanti, ut diximus, haberetur meriti: tamen, ut audivimus, ab hujus loci fratribus minimè eſt ſuſceptus. Dictus vero Archiepiſcopus & Abbas volens illorum ad tempus quali vir prudens declinare indignationis ferociam, in clivo montis, qui ad meridiem Monasterio præeminet, Capellam conſtruxit, & ibidem illum incomparabilem & ſanctum theſaurum collocavit. Cum Deus in ipſo locello ſancto ſuo Simeoni tantam contulit gratiam, ut nulli indigenti ejus adjutorium ibidem poſtulanti, divina miſericordia ſui voti ſubſidium denegaret. Ita tamen per illorum Fratrum obſtinationem aliquanto tempore ille ſacer Deo dilectus in dicta Capella plenus miraculis permanſit. Sed cum quia poſt beatum Clementem ſeptimum Epicoſpum Metenſem ſuperius fuiſſe deſcripſimus; quis ille Clemens fuerit breviter aperiemus.

De Sancto Clemente primo Metenſi Epicoſpo; &amp; de ſerpente ab eo ſugato.

## CAPUT III.

**E**O tempore quo B. Petrus primus Apoſtolorum Romæ cathedram ſuſcepit Epicoſpalem, quidam alter Clemens in urbe erat, qui à B. Petro ad fidem inſtructus, poſtea poſt ipſum Petrum tertius fortitus eſt ſedem: cum quo multi ſe fidei Catholice ſubjicientes, ad B. Petri juſſum verbum fidei ubique miſſi conſtanter prædicaverunt. Erat autem quidam cum ipſo Clemente Clemens, qui diſpoſitione Magiſtri ſui Petri cum aliis ad partes Galliarum miſſus, Metenſem eſt aggreſſus civitatem, aliis ſodalibus ſuis loca ſibi à Deo deſtinata fide plenis occupantibus. Cumque inveniſſet civitatem Metenſem ſacrilego idolorum ritu multo tempore ſædatam,

indoluit, & aliquantulum loco cedens, in loco ubi poſtea Monafterium quod Gorzias vocatur, prius habitator Oratorium erexit. Statutis verò temporibus ad civitatem veniens, Verbum Dei de Deo ante tempora natum, de matre verò ſub tempore de novo natum conſtantiffimè prædicabat. Cives igitur novitate ſermonis attoniti, alii dicebant, quia bonus eſt ſermo, alii autem non, ſed contrà antiquas traditiones agit. Erat autem ante portam civitatis maceria pluribus in locis cavata, quæ ad ludos ſuos exercendos quaſi theatrum quoddam fuerat ab civibus illis in gyrum ædificata, in quâ draco miræ magnitudinis, ſibi locum & manſionem elegerat. Qui anhelitu fœdiſſimo ita aërem corrumpebat, ut ſua inſeſtatione portam ipſam, & ferè tertiam partem civitatis vacuum habitatoribus reddiderat. Unde ipſa porta ab ipſo serpente nomen accipiens, adhuc porta ſerpentina appellatur. Cum vir Dei hoc cognoviſſet, ſciens tantum populum non niſi miraculis fore convertendum, juſſit ſe ad ſerpentem ipſum perduci. Qui cum illuc perveniſſet, divina quippe eâ die ad hoc faciendum celebraverat, ſtolam de collo demittens, antrum ubi draco erat, adiit: eique in virtute Dei altiffimi, & omnibus venenatis ſerpentibus & reptilibus præcepit, ut ſe ſequerentur, nec in eadem civitate quidquam ipſorum remaneret. Videns inſperatè tantam multitudinem ſerpentum ſubſequi Sanctum, ut non crederes in totâ regione illa, tantam abundantiam immundorum reptilium poſſe inveniri. Sanctus verò Clemens eum ſuo illo captivo uſque ad fluvium, qui Sallia dicitur, veniens, draconem in ipſo demerſo, præcepit ei in nomine Dei, ut ad locum inhabitabilem cum ſuis ſequacibus ſine alicujus læſione abiret, quod & fecit. Unde incolæ illius civitatis teſtantur adhuc nullum venenatum reptile ibidem poſſe reperiri: & ſi quoquomodo illic deveniat, meritis ſui S. Clementis non poſſe aliquamdiu vivere proſitentur. Quo miraculo viſo, & fidem Chriſti cives ſuſceperunt, & illum ſibi Episcopum ſtatuērunt. Hujus ergo ſanctiffimi Clementis ſeptimus iſte noſter Patronus Simeon Episcopus Metenſis exiit ſucceſſor. Eliminatâ denique inde omni diabolicæ ſuperſtitionis verſutiâ, in ipſo theatro, quod ante adiri non audebat, Eccleſia in honore B. Petri Apoſtoli conſtruitur: ubi & poſtea, ſicut hætenus permanet, Cella conſtructa eſt Monachorum, quæ Monafterio S. Clementis ſubjecta habetur.

*De Solemnitate S. Simeonis, & de ſervitio piſcium  
ejuſdem diei.*

#### CAPUT IV.

**I**gitur Archiepiſcopus & Abbas Angelramnus videns ſe aliis arduis tam Imperii, quàm Archiepiſcopatûs negotiis implicitum, decrevit huic loco Abbatem ſubſtituere. Inito quoque conſilio, virum religioſum Norgandum præfecit, quem ipſe Episcopus huic loco à noſtro Fundatore Gundelberto ſeptimus huic Monafterio octavum conſtituit Abbatem. Et à tempore illo Abbates hujus Cœnobii ab Episcopo Metenſi temporalia, ab ipſo verò Episcopo Tullenſi ſpiritualia receperunt, ſicut & adhuc contingere videmus. Videntes igitur fratres hujus loci pro Imperatoria dignitate, à quâ lapſi fuerant, fruſtrâ ſe dolore conſumi; ne tanto ſubventore forte privarentur, corpus ſanctiffimi Simeonis, quod ſuperius in Oratorio collis diximus collocatum, ad Monafterium reportare maturarunt. Oblatâque temporis oportunitate, glebam Sancti cum magno populorum comitatu octavâ ante feſtum O. n. um Sancto-

rum die, in Eccleſiâ Beatorum Apoſtolorum Petri & Pauli, ubi nunc in thecâ argenteâ requieſcit, tranſlatum eſt. In quâ die annuatim omnes plebani, qui ab Abbate Senonienſi tenent Eccleſias, ſervitia piſcium ad honorem feſti omni occasione amotâ ſolvere tenentur. Vidi enim aliquos ab Abbate Henrico pro defectu ſervitii piſcium, quod illâ feſtivate non perſolverant, ad præſentiam ſuam vocatos, & emendam propter hoc Abbati feciſſe, & perſolviſſe neglectum ſervitium. Vidi etiam aliquâ illarum feſtivate tantam copiam piſcium apportari, ut ad decem libras Tullenſium valentia illorum computaretur. Sed nunc ad hiftoriæ ſeriem revertamur.

*De poteſtate Abbatis Senonienſis, & jure  
Advocati.*

#### CAPUT V.

**C**onſiderans itaque vir venerabilis Angelramnus ſe non poſſe niſi magno labore tot & tantis inſiſtere proviſionibus, quia ſapius Imperiali cum Cancellariæ oportebat intereſſe, hunc locum ut decebat, nequiret deſenſare; ſtatuît Monafterio Advocatum providere tali conditione, ut quicumque Advocatus per Metenſem Episcopum inſtitutus fuerit, ad quem Advocati ſpectat inſtitutio, tertiam partem emendarum illarum, ſcilicet placitorum, ad quæ ab Abbate vocatus fuerit, accipere debebit, & ad cætera manus non extendet. Pars quidem dicto Advocato terræ & hominum, quæ adhuc Abajum vulgo appellatur, pro advocatione collata fuit, quos adhuc tempore noſtro heredes de Salmis poſſidebant. Et his contentus, nil penitus juris in hominibus terris, banno, aquis, nemoribus, placitis, juſtitiis, vel in omnibus Monafterii dependentiis, ſe ampliùs ſibi uſurpare debebit. Sed ubicumque necelle fuerit, pro Abbatîâ & ejus rebus & hominibus pro collato ſibi advocationis beneficio ſtare tenetur. Abbas verò homines ad placitum vocabit, judicabit, & per ſcabinum ſuum emendas judicatas ſine Advocato levabit: & ſi qua culpa aliis temporibus in banno emerſerit, Abbas vel ejus villicus, qui per ipſum Abbatem, & non per alium inſtituetur, illas tractabit & ſine debito determinabit. Quicumque verò Abbas ſit Senonienſis, Villicos, Decanos, Foreſtarios, Scabinos, & etiam Eccleſiarum S. Mauri. ii, S. Joannis de Plama, de Wipodi Cellâ matricularios ponet & deponet, & pro voluntate ſua ſine aliquâ contradicitione inſtituet & deſtituet. Nec in Villicum & alios miniſteriales Eccleſiæ, vel Abbatis Advocatus manum immittere debebit, vel in homines; ſed omnia in diſpoſitione Abbatis ordinanda permanebunt. Si verò quiſquam aut Advocatus ſuper prædictis, vel quivis alter moleſtaret Eccleſiam, per Episcopum Metenſem omnia corrigi & emendari deberent. Et inſuper omnibus præmiſſis, Apoſtolicorum, Imperatorum, Episcoporum, Ducum, Comitum, & aliorum Magnatum privilegiis hæc noſtra Senonienſis Eccleſia fundata eſſe conſtat & roborata; ita ut Apoſtolici quatuor, Episcopi, Archiepiſcopi, vinculo excommunicationis privilegiorum Eccleſiæ infractores, & offenſa divinâ dignos, pronuntient innodatos. Qui ſibi vult cavere, caveat; quia multos poſtea habuit Advocatos Eccleſia excommunicatos. Hoc denique Monafterium omnia ſupraſcripta & alia quæcumque poſſidebat & etiam privilegia inviolata retinuit uſque ad tempora cujuſdam Adelardi hujus loci Abbatis, parvæ prudentiæ & ſcientiæ, imò hujus Eccleſiæ dilapidatoris, ut poſtea loco ſuo exponemus.

*De corpore Joseph Sepulchris Domini.*

### CAPUT VI.

**T**Empore Caroli magni vir quidam venerabilis, Fortunatus nomine, Patriarcha Hierosolymitanus, corpus S. Joseph sepulchris Domini, Paganos qui tunc terram sanctam vastabant, fugiens apportavit, & ad Medianum Monasterium deveniens, ibidem cum ipsis suis reliquiis se collocavit: qui postea ipse Monasterii Abbas est ordinatus. Sed postmodum ipsum Sancti corpus per insolentiam Canonicorum, qui illum locum possederunt, à quibusdam Monachis peregrinis noctu furatum asportatum est; & ita illud Monasterium tali est thesauro viduatum. Postmodum verò prædium magnum apud Berchem in territorio Alsatiæ situm cum Ecclesiâ B. MARIE, quod antea vir quidam nobilis pro salute animæ suæ Ecclesiæ Mediani-Monasterii contulerat, pro quantitate aliquot cascorum Episcopo Basiliensi quasi obligatum, per negligentiam perditum est. Et sic de die in diem peccatis exigentibus, Ecclesia Mediani-Monasterii redditibus suis miserabiliter est fraudata.

*De Zundeboldo Duce Lotharingæ, qui Comiti cuiusdam Medianum-Monasterium contulit in jure beneficii.*

### CAPUT VII.

**C**ontigit deinde, quando annus Domini DCCCXIV. habebatur, quemdam nobilem, Zundeboldum nomine, Ducem Lotharingæ existisse, qui consilio depravatus pessimo, dolorem dolori addens, Medianum-Monasterium cum appendiciis suis cuiusdam Comiti, Hasuma nomine, jure beneficii tradidit. Qui Comes iniquitatem apponens iniquitati, Pipinum, qui tunc illi Monasterio præerat, cum Monachis omnibus à Monasterio depulit, & Canonicos seculares instituit, & eis Monasterium, & omnia quæ Monachi antea possederant, jure perpetuo contradidit.

*De fame, & Hunis, & Monachis apud Medianum-Monasterium restitutis.*

### CAPUT VIII.

**S**ecundo anno verò post hæc tanta penuria bladi & aliorum alimentorum omnium invaluit, ut quod auditu est horribile, homo homine vesci cogeretur. Et sequenti anno Hunni totam Alemanniam, & terram istam gladio vastaverunt; civitatem Basileam solo coarctaverunt: ita ut vix in his tribus Ecclesiis, Deodateni, Stivagiensi, Medii-Monasterii, singuli remanerent Clerici. Duobus inde annis elapsis Canonici denuò reversi, Claustrum Mediani-Monasterii iterum occupaverunt. Septuagesimo verò anno, postquam dictus Zundeboldus Dux per donationem Mediani-Monasterii Hasuna Comiti factam, Canonicis depulsi inde Monachos ibidem statuit quidam Dux Lotharingæ, Fridericus nomine, vir Deum timens. Audiens enim quòd ordinem Monachorum à sui fundatione Monasterium illud habuisset; decrevit Ordinem priorem ibidem restaurare. Unde Canonicos depellens, per quemdam Adelbertum Monachum Gorziensem, qui ordine & regulâ B. Benedicti instructus satis erat, Monachos denuò restituere maturavit in eodem statu, quo ante Clerici ibidem habitaverant; exceptis

his, corpore scilicet S. Joseph sepulchris Domini, & aliis per incuriam Clericorum alienatis, quæ instaurari non potuerunt.

*De Blidolpho, qui Cellam de Acheri edificavit.*

### CAPUT IX.

**E**odem verò tempore existit quidam Metensis Primicerius, Blidolphus nomine, vir justus & prudens, qui relictis omnibus quæ possidebat, appetens locum suæ conversioni aptum, quærere decrevit. Quem diù quæsitus, tandem in valle quæ Lebrath dicitur, intra montes inclusam adiit Valliculam, in quâ, in clivo montis ad meridiem Cellam erexit, & eam Bellum montem appellavit. Qui ibidem Ecclesiam edificavit, & in eâ novem altaria cum cancellis & cryptis instruxit. Officinas enim circa illam, & Claustrum propositione loci ad usum Monachorum erexit: aliquantos verò redditus ibidem acquisivit: & adunatis Fratribus, Deo devotus cælibem duxit vitam. Audientes verò multi sanctitatem viri Dei, ejus se conversationi sociare studuerunt. Inter quos exstiterunt duo genere & fide nobiles Vilhelmus, & Achericus, qui etiam ambo ipsius loci Fundatori meritis coarctari potuissent. Unus nempe duorum tam evidentibus & in vitâ, & post vitam claruisse fertur miraculis, ut ejus sacrum corpus de loco sepulturæ in scrinio transferretur: cujus reliquiæ postea in thecâ novâ argento & auro ornatâ tempore cujusdam Sacerdotis, Hesso nomine, repositæ, adhuc in ipsâ Ecclesiâ reservantur. Alter verò Achericus ejusdem Villelmi successor aliquandiu ipsam rexit Ecclesiam & locum: qui tanta exstitit famâ, ut ipsum, dimisso nomine Bellimontis, quo prius nominabatur, Achericum appellarent locum, quod adhuc eo nomine ipsa villa nuncupatur. In quâ postea nobiles exstiterunt viri, quorum diebus argentariæ fossæ repertæ sunt, in quibus multum argentum esse fertur effossum. De quorum nobilium progenie postea exierunt viri qui temporibus nostris in ipsâ Valle Lebrath castrum construxerunt, quod nomine supradicto, Acherich vocaverunt. Ille verò sanctus Achericus plenus dierum migravit ad Dominum. Cujus corpus in medio chori in ipsâ Ecclesiâ ante altare B. MARIE sepultum videtur. Ipsa deinde cella Acherich Mediano Monasterio olim per dictos viros fuit attributa. In quâ Cellâ Monachi Medii Monasterii ferè usque ad tempora nostra feruntur habitasse. Modò verò Ecclesia parochialis per negligentiam Monachorum est effecta. In ipsâ etiam valle, in inferiori loco quia spatiosior erat, famosissimus Imperator Carolus Magnus Cellam in honore B. Dionysii edificavit, in quâ corpus sanctissimi Papæ Alexandri & Martyris à Româ delatum collocavit, & eam magnis redditibus ampliavit. Cujus etiam Ecclesiæ pavementum diverso colore marmoreo artificiosè, sicut hodie in aliquâ parte sui apparet, substravit. Quæ adhuc Cella ad Monasterium B. Dionysii Arcopagitæ pertinere dignoscitur.

*Quòd Fridericus Dux Lotharingæ, Ecclesiam S. Deodati Abbati Medii-Monasterii duxit regendam.*

### CAPUT X.

**A**nno igitur Domini DCCCXLIII. Fridericus Dux Lotharingæ, & de quo supra mentionem fecimus, quia divinis libenter providebat Ecclesiis, cum Monasterium S. Deodati proprio foret vidua-

tum Pastore, Adelbertum Mediani Monasterii, quem post Canonicos ipsi præfecerat Monasterio, adire decrevit; & ei ut dicto Monasterio S. Deodati præesse vellet, admonuit. Qui voluntati Ducis obviare metuens, petitioni Ducis acquievit. Suscipiens igitur Ecclesiam ipsam credidit se duabus Ecclesiis ad regendum non posse sufficere. Accerito itaque sui Monasterii Monacho, Eucherbertum nomine, illud S. Deodati Monasterium tradidit providendum. Qui ipsius loci substantiam & universam suppellectilem in tam brevi tempore dispersit, ut Fratribus ibidem commanentibus victui necessaria non valeret ministrare. Unde Dux valde iratus Monachum illum ab administratione amovere cogitavit: quod cum ille Ducem sibi sensisset iratum, credidit eum munera velle accipere: conversus verò ad Monasterii thesaurum, quia quo manus extenderet non habebat, distrahit calices, cruces decrustat, cappas sericas & ornamenta serica, & aurifigia vendidit, Ducique pretium offerre parat. Cum igitur Dux cognovisset ipsum Eucherbertum Monachum, ut gratiam ejus recuperaret, tam enormiter deliquisse, valde condoluit: quia potius pro gratiâ Principis rehabendâ prius commissum restaurare, quàm posterum priori adjungere debuisset: non tantum modo ipso Monacho poenam commissi retorfit, sed etiam Monachos omnes cum illo suo nequam provitore à Monasterio propellere non distulit. Et quia Ecclesia ipsa S. Deodati sub dominio ipsius Ducis habebatur, nec ipsum locum diù officio divino carere volebat, quia facta Monachorum satis expertus erat, Canonicos sæculares ibidem, sicut usque adhuc permanent, instituit.

*De Translatione corporis S. Hydulphi.*

CAPUT XI.

**Q**uarto decimo post hæc anno dictus Abbas Mediani-Monasterii Adelbertus, corpus beatissimi Hydulphi, quod adhuc saxea tumba tenebat, convocatis pluribus Abbatibus & aliis viris religiosis cum magno apparatu levavit, & in quodam scrinio ligneo, quod ad hoc præparaverat, collocavit. Eo tempore levata sunt corpora sanctorum germanorum Joannis & Benigni, discipulorum sancti Hydulphi, qui miraculosè ab hac luce venientes, nunquam ab invicem discesserunt. Unâ namque horâ sunt concepti, unâ horâ in ventre matris sunt formati, simul procreati, unâ horâ nati, simul educati, simul studiis traditi, unâ die cucullati, simul conversati, unâ die lecto infirmitatis incubuerunt, unâ die defuncti; simul cœlo recepti, tumulo uno collocati. Unde de his sanè potest dici, & ab invicem non sunt separati. Aliquanto verò elapso tempore, postquam levata sunt istorum Sanctorum corpora, contigit bonæ memoriæ Stephanum Tullensem Episcopum ad has devenisse partes: qui cum quâdam solemnitate ad Medianum-Monasterium peregrisset festum, Monasterium sancti Salvatoris adiit, ibique extremum clausit diem: & inde ad Medianum-Monasterium reportatus; quia ita ipse vivens præceperat, in eodem tumulo quo levata sunt corpora prædictorum sanctorum, honorificè est sepultus. Unde postea tempore Nicolai ejusdem loci Abbatis inde levata sunt ossa ipsius; cum quibus vidi cruciculam plumbeam, in quâ scriptum erat, *Stephanus bonæ memoriæ Tullensis Episcopus*. Qui etiam eidem loco aliqua prædia contulit, quæ adhuc Camerariæ deserviunt Monachorum:

*Qualiter Monasterium de Boxeriis est constructum.*

CAPUT XII.

**N**onagesimo sexagesimo secundo Domini anno, quidam vir venerabilis exstitit, Gozelinus nomine, Tullensis Episcopus, vir sagax & providus, qui Monasterium Sanctimonialium, quod Posleriis dicitur, à fundamentis primitus ædificavit. Vivente adhuc dicto Gozelino, quædam gens aliena Episcopatum Tullensem, & ipsam civitatem patientia Dei adeo vastaverunt, ut in principali Ecclesiâ tres tantum Clerici remanserint, qui vix ibidem valebant sustentari. Gozelinus verò venerabilis Episcopus, videns Episcopatum ad tantam devenisse miseriâ, indoluit: adiit quippe Magnates, Duces, Barones, & alios Christi fideles, ut eorum auxilio Ecclesia inopia relevaretur. Otto itaque tunc Imperator Romanus, cum comperisset dictum Tullensem Episcopatum ad tantam inopiam devenisse, pietate motus, industriâ & sagacitate dicti Episcopi, ipsum Episcopatum reparavit, ut videretur de novo constructum fuisse.

*De Ordinatione sancti Gerardi Tullensis Episcopi: & de miraculis ejus.*

CAPUT XIII.

**D**efuncto denique ipso, ut suprâ dixi, Gozelino Episcopo, B. Gerardus in Episcopatu successit. Qui cum ad Episcopatum electus fuisset, & ad civitatem Tullensem ad instituendum duceretur, cum ad Ecclesiam sancti Manueti, quam prius idem S. Manuetus in adventu suo ad civitatem Tullensem pro Otorio sibi exstruxerat, pervenisset; quia ejusdem urbis primus Episcopus exstiterat Manuetus, Otorium ipsum causâ orationis fertur introiisse, & tamdiu ibidem orasse, usquequo Ecclesiam ipsam consensu totius cleri se vovisset in melius ædificaturum, quod & fecit sicut hodie videtur permanere. Ecclesiam quoque majorem Episcopii, sancti scilicet Stephani Protomartyris à fundamentis restituit, picturis & aliis ornamentis decoravit. Quam dedicare volens, reliquias Protomartyris non reperisse fertur: quare ad Metenses navigio dicitur devenisse. Cum igitur per Mosellam navigaret, & super oram navis fortè incumberet, contigit cruciculam quam ad collum appensam gestabat, nescio quocasu à collo lapsam in fluvio decidisse; pro qua revir Dei valde contristatus est: cursu liquidem concito Metim pervenerunt. Petiit vir Domini Gerardus, ut Episcopus loci & alii suis interessent encaniis, & ei aliquas B. Stephani reliquias darent si haberent. Qui nullas se habere responderunt, excepto solo saxo, de quo idem Dei Martyr fuerat lapidatus. Beatus verò Gerardus hæc audiens corde gavisus est, & ut ei lapis ostenderetur, supplicavit. Quem afferentes, eidem Episcopo dederunt in manibus; qui saxum unâ manu honestè tenens, digitum dexteræ per saxi cuspidem satis curiosè trahens, dixit: si mihi tantula pars de voluntate Dei conferretur, satis me recepisse gauderem. Quo dicto statim illa particula per quam digitum traxerat, ita ab illo lapide divulsa est, quasi à cultro esset abscissa. Quod cum viderent Metenses, cognoverunt sanctum hoc miraculo obtinuisse, quod prece concedere recusabant. Particulâ quidem saxi acceptâ, cum ingenti gaudio valedicens illis, navimque ascendens, venit ad locum ubi antea cruciculam diximus lapsam fuisse. Quem locum beatus ille prospiciens

ſuſpirando dixit : Domine , Domine , cruciculam meam peccatis meis exigentibus hîc credo cecidiſſe : quo dicto , crucicula illa deſuper aquas natando apparuit : quod cum Sanctus videret , porrectâ manu apprehendit eam ; ſicque cum duplici gaudio , ſaxi videlicet & crucis , ad civitatem ſuam devenit , & Eccleſiam quam reſtruxerat , dedicavit. Idem verò beatus de die in diem meritum ſuum augmentare non ceſſans , Eccleſiam in honore B. Gengulphi Martyris de novo ædificans , Canonicos ibi inſtituit , & rebus neceſſariis ampliavit. Deinde S. Apri corpus ſui prædeceſſoris Tullenſis Epifcopi de tumulo levavit. Multa quidem & alia ſigna fecit Deus per merita ſancti ſui Confeſſoris Gerardi Epifcopi.

*De orſu ſancti Brunonis Epifcopi Tullenſis , poſtea  
Papa Leonis.*

#### CAPUT XIV.

**A**Nno igitur Domini milleſimo ſecundo Nativitas B. Brunonis , qui poſtea Tullenſis Epifcopus , deinde Papa Romæ efficitur. Cujus parentes Heſſam Monafterium Sanctimonialium penes Sareborch ædificaverunt. Aliud quoque Monafterium conſtruxerunt , quod Aldorf dicitur , Ordinis S. Benedicti . quod in Alſatiâ ſitum eſt. Tertium etiam , quod Luſtrenſe dicitur : & quartum Sanctimonialium in honore Sanctæ Crucis , item in Alſatiâ , quod Wofenheim nuncupatur. Quæ Monafteria bonis propriis ita ditaverunt , ut ipſorum Conventus largiſſimè valeant ſuſtentare. Ac demùm cum idem Bruno Papa Leo fuiſſet effectus , Eccleſiam S. Deodati cum totâ valle jurisdictione Epifcopi Tullenſis exemit , & ſedi Apoſtolicæ immediatè ſubjecit. Cujus igitur ſanctitatis idem Bruno poſtea futurus eſſet , in quamcumque civitatem vel caſtellum , vel vicum , aut villam intrarent , galli earumdem villarum , linguâ ejus patriæ per quam tranſibant , denſis clamoribus eum Papam futurum clamabant : Leo Papa , Leo Papa , cum ſibi nomen imponendum omnes ignorarent : & iterum hoc nomen atque iterum reciprocabant : Leo Papa , Leo Papa. Quo audito qui cum eo erant , eum in ſummâ veneratione habere cœperunt.

*De Tranſlatione S. Deodati per Beatricem Duciffam  
Lotharingia viduam.*

#### CAPUT XV.

**P**Oſtea verò anno Domini MIII. vergente numero , erat quædam Duciffa , quæ viro ſuo viduata Lotharienſem Ducatum pro modulo ſuo regebat. Inter cætera quæ temporibus ſuis contigerunt , acceſſit ad Eccleſiam S. Deodati : & Canonicis , & Clericis , & vulgo comminata eſt , quodd ſi corpus Domini ſui , ſcilicet B. Deodati non oſtenderent , quod jactabant habere , ipſos perpetualiter in propriam redigeret ſervitutem ; quod adhuc tumulo ſaxeo tenebatur. Minis etenim Clerici & Populus perterriti , convocatis undecumque viris religioſis , jejunii & orationibus præmiſſis , corpus ipſius Sancti , loci ipſius primi Fundatoris Deodati , de tumulo in medio ipſius Eccleſiæ locato , ante altare Sanctæ Crucis , quod nunc eſt parochiale , levaverunt , & in ſerinio novo ad hoc parato pridie ante vigiliam deſiſtionis ejus locaverunt. Unde adhuc ſingulis annis ejus ſacra tranſlatio à Clero & populo eo die recolitur. Ita ex tunc Eccleſia & vallis oppreſſione ipſius Duciffæ exempta fuit. Secundo autem poſt anno idem Monafterium S. Deodati præ vetuſtate

corruens , ab ipſâ Beatrice & quodam Comite Lodovico cum aliquibus aliis adjutoribus fidelibus , ampliori & novo ædificio eſt innovatum. Ottone verò Imperatore anno Domini MI. decedente , duo ſibi regnum uſurpaverunt , quorum unus Harduinus Italiam , alter verò Hermanus Alemaniam poſſederunt. Idem autem Hermanus inter alia mala quæ geſſit , Sabbato ſancto Paſchæ inopinatè civitatem Argentinam intravit , & totam civitatem in die Reſurrectionis Domini igne ſuccendit. Armati ſui matronas , quæ ad Eccleſias fugerant , Virgines cum cæteris mulieribus vi violabant , & hoc intrâ Eccleſias fiebat ; Sacerdotes ab altaribus dejiciebant , & exutos veſtimentis calices rapiebant , libros , pallas altarum , cruces , capſas cum reliquiis Sanctorum per ſpatium pavimenti quali quædam ſtercora expandebant. Quidam verò eorum conſiderantes crucifixum magnum auro puro & gemmis redimitum , ad eum cucurrerunt. Cui ut decruſtarent manus injicientes , ſubitâ morte præventi , ante ipſum crucifixum diabolo reddentes , animas ceciderunt. Omnis deinde ille exercitus peſſimâ morte diverſis modis citò totus interiit. Ille verò eorum Hermanus ut ſuæ malitiæ donæivum reciperet , cum quâdam nocte in cubili ſuo ſe ſanum collocaſſet , ab illo cui ſervierat Diabolo ſuffocatus , ſomno mortem ſociavit. Et ita Dux cum ſuis omnibus in brevi inferni clauſtra poſſederunt.

*Quod Bertoldus Tullenſis Epifcopus Monafterium  
S. Salvatoris conſtruxit.*

#### CAPUT XVI.

**M**illeſimo decimo Domini anno Bertoldus Tullenſis Epifcopus , de quo ſuperius mentionem fecimus , Monafterium S. Salvatoris in Voſago , in clivo montis prope Bodoniſ Monafterium , ubi Sanctimonialia diximus à Fundatore ſuo Bodone inſtituta , à fundamentis ædificavit , & ibi Monachos , ut prædixi , inſtituit. Monachis verò poſt aliquod tempus inde expulſis , Canonici ibidem inſtituuntur.

Quod quidem Monafterium ex ſuo proprio dotavit patrimonio , videlicet villa cum hominibus de Domnoapro , villa Bertheurte ad Quercus , villa de Auralcourt prope vicum in bannis ac fundis earumdem in omni jurisdictione nobilium ex ſuis liberis alodiis , necnon hominum ſubjectione , ſic abſque aliquorum Dominorum temporalium reclama-tione , ſic multo pacificè Abbas quievit tempore in poſſeſſione ; malitiâ verò multorum iniquorum urgente virorum idem Monafterium cum ſuis Religioſis & pertinentiis vexantium , aliquanto tempore ſpatii medio Abbas tunc temporis exiſtens inito ſibi conſilio , videns ſe non poſſe niſi magno labore tot & tantis moleſtationibus reſiſtere , ſtatuit ſibi & dicto Monafterio ſub modo advocatiæ de Conſervatore providere. Tali conditione ſic ſtatutum eſt , ut quicumque Conſervator inſtitutus fuerit , ſcilicet ex tunc Dominus de Albomonte , redditus annuales animalium trahentium in villâ & banno de Domnoapro ſimul cum uno groſſo ſemel in quolibet anno perſolvendo monetæ ſcurſibilis ; ex unâquâque domo in quâ ignis fieret , dicti Abbatis domo & in dictâ villâ nomine ſuo ubi habitantes morarentur dumtaxat exceptis , idem Conſervator perpetuis levabit temporibus & poſſidebit , fidelitate ab eodem Conſervatore ſibi Abbati prætaçtâ , & his contentus nihil penitus juris in hominibus , terris , banno , nemoribus , placitis , niſi vocatus fuerit ab Abbate , vel ejus Miniſteriali ſeu Villico ut vim ſibi inferat ,

pro



pro quâ vocatione & viri rei rebellionem, ipsi qui reus erit duorum placitantium inventus, poterit idem Conservator pro emendâ per Ministralem seu Villicum Abbatis exigendâ & levandâ usque ad viginti solidos postulare; ex quibus Abbas quinque recipiet; & pro eodem Conservatore reliquos quindecim conservabit solidos. In aquis vero si Abbas eas vendiderit, duas pecuniarum partes habebit, & isdem Conservator tertiam partem; si autem piscare voluerit facere, ponet seu statuet duos pisces, & Conservator unum tantum. In placitis & iustitiis nihil habebit, nisi morti deditis, quorum facultates Abbati liberè remanebunt, & corpus delinquentis à Ministrilibus villæ judicatum, eidem Conservatori deliberaretur exequendum, nec in omnibus aliis appenditiis amplius usurpare debet, sed ubicumque necesse fuerit pro Abbatiâ S. Salvatoris & ejus pertinentiis licitis pro collato sibi ab Ecclesiâ tali beneficio stare tenebitur. Abbas verò homines ad placitum vocabit, & per Scabinum suum emendas judicabit, judicatasque levabit, & si qua culpa aliis temporibus in banno emiserint, Abbas ve ejus Villicus illas tractabit & sine debito terminabit. Villicos, Scabinos, Decanos, Forestarios instituet; & etiam Ecclesiâ S. Salvatoris, villam scilicet de Dominoapro, de Barbay, de Barbesieux, de Herboye, de Syreis, & de Blemerey, ac de Bodone-Monasterio Marticularios ponet & deponet, & pro voluntate suâ sine aliquâ contradictione instituet & destituet nec in Villicum & alios quoscumque Ministrales Ecclesiæ & Abbatis S. Salvatoris isdem Conservator aut alius manum violenter mittere, sive alios homines extraneos qualicumque modo aut causâ vincire, aut vinctum ducere sive incarcerare potest nec debet, sed omnia in dispositione Abbatis, quia summus in dominio illius villæ & ejus banno habetur, ordinanda & disponenda permanebunt. Si verò quisquam aut dictus Conservator; qui se cum suis sequacibus ad hoc horâ suæ primæ institutionis ac orationis omnino Ecclesiæ Dei jurisdictioni sponte subdidit, super prædictis vel quilibet alter nomine suo ipsam molestaret Ecclesiâ, per Reverendum in Christo Patrem Dominum Episcopum Tullensem corrigi & emendari debebunt, atque excommunicationis sententiâ coarctari; in quam eo facto se ipsos noverint incurrisse.

*Quod Simon Dux Lotharingæ Advocatus fuit constitutus in villâ de Berthercurte ad Quercus.*

## CAPUT XVII.

**A**Nno Domini MCLIII. ex consensu, imò potius ad requestam Abbatis per Dominum Tullensem Episcopum, ut vim Ecclesiæ & Abbati S. Salvatoris ferret, fuit in villâ de Berthercurte ad Quercus Dominus Simon Dux Lotharingæ liber Advocatus, qui pluribus advocatiam annis salubriter in Ecclesiæ favorem rexit, ac à suis regere fecit, quam advocatiam Simoni de Morcy filiolo suo, quem de sacro fonte levaverat, contulit in feodo: sed anno Domini MCC. LX. Duce Ferrico ratificante & laudante heredes dicti Simonis de Morcy Abbati & Conventui in perpetuum vendiderunt ipsam advocatiam.



*De Adelardo misero Abbate Senoniensi, & de miseria ejusdem loci.*

## CAPUT XVIII.

**H**Is igitur ita se habentibus, cum Ecclesiâ istam Senoniensem alii post alios Abbates rexissent feliciter, contigit quemdam Adelhardum, qui quartus decimus à primo Fundatore erat, hujus nostri Monasterii gubernacula suscepisse: qui felix infelix succedens, hujus loci bona, redditus, terras, proventus suâ negligentia dissipavit: imò, quod deterius est, spiritualium, Ordinis scilicet & Religionis, & Religiosorum existit perversor; ut in loco qui usque ad tempora ejus, quasi quidam hortus deliciarum tam in spiritualibus, quam in temporalibus floruerat, minime Deus coleretur. Quicumque res Ecclesiæ rapiebat, sine repulsâ detinebat: Monachi non ordini, sed perversitati insistebant: ad ludos citius quam ad Ecclesiâ conveniebant; refectorium, dormitorium, claustrum, quasi interficientium arma devitantes, impudicis se actibus, comestationibus, ebrietatibus, ac cæteris mundi delectationibus implicabant: nec erat qui corrigeret. Quid ultra? Grex dum lupis exponitur, causæ ovium Dei dissipatæ non valent eas retinere. Ita Abbas Adelhardus Ecclesiâ sibi commissam cum grege sibi commisso gubernabat. Videntes Monachi omnia sibi licere, licet non omnia expedirent, statuunt sibi vivere, non Christo. Quæsit sibi quisque domunculam, ubi non regulariter, sed voluntate propria sibi conversari quiret: fit congregatio taurorum in vaccis populorum, gloriantes in malitiâ suâ: & ideo tenuit eos superbia, confusi sunt, nec compuncti, subsannaverunt multis subsannationibus: & quia maledictus qui ponit carnem brachium suum, quia de carne tantum curabant, non speraverunt in Domino, sed divina contemnentes officia, operati sunt iniquitate & impietate suâ; & ita transientes in affectum cordis sui, perierunt propter iniquitatem suam. Victu quippe deficiente & vestitu, decreverunt more rusticorum agricultores fieri, ut ita saltem possent inopem defendere vitam. Tali etenim congregatione, imò certè segregatione, hæc nostra Senoniensis Ecclesiâ pluribus, prohi dolor! annis fuit frequentata. Quid plura? Abbates Abbatibus succedentes nec seipsos, neque subditos ab hac misera conversatione corrigere curarunt. Hæc etenim Fratrum miserrima conversatio temporibus sex Abbatum incorrecta perduravit, usquequo Deus omnipotens, quia tempus miserendi venerat, misereri voluit. Receperat enim duplicia pro peccatis suis. Destinavit enim ei quemdam juvenem, Rambertum nomine, hujus tamen loci Monachum, qui aliorum non consentiens ludibrio, sanctæ conversationis studium quæsit. Erat enim in Episcopatu Mentensi quoddam Monasterium Gorzias nomine, quod à Fratribus Deum timentibus, quasi quibusdam flosculis amœnissimus Paradisus suo desiderio fulgebat. Hanc Fratrum congregationem frater Rambertus hujus loci Monachus evadens naufragium, Deo donante melior futurus aggredi disposuit. Qui ab Abbate & fratribus loci benignè est receptus, & tamdiu tamque religiosè ibidem conversatus, ut omnibus carus haberetur, & præcipuè ejusdem Monasterii Priori, qui Adelbero dicebatur, vir quippe vitæ laudabilis & honestæ conversationis. Rambertus enim, quem divina instruebat benignitas, consideratis Ordinis & Religionis circumstantiis, atque ipsorum Fratrum Gorzienfium mores laudabiles & actus, consuetudinem loci & modum tam sagaciter

retinuit, ut idem Prior & Fratres ipsum gratanter, si voluisset pro suæ humilitatis & modestiæ statu retinuerent. Sed ille, quem Deus suæ Ecclesiæ Rectorem præviderat, ad revisendum locum istum & Fratres quos in tam pravo statu, ut superius dictum est, reliquerat, acceptâ à Priore & Fratribus licentiâ, ad Monasterium Senoniense repedavit. Quem Dominus Rangerus, qui tunc huic loco præerat, suscepit, & cum quia prudens erat & modestus, post pauca Monasterii Præpositum ordinavit: qui suæ obedientiæ agendas tam strenuè gubernavit, ut ab omnibus amaretur. Rangero itaque hujus loci Abbate ab hac vitâ non multo post decedente, eoque prout debuit condecenter sepulto, totus Fratrum Conventus Rambertum Præpositum sibi elegit Abbatem. Qui ab Episcopo Metensi temporalia, ab Episcopo verò Tullensi curam suscepit animarum. Cum igitur Rambertus Abbas ad Monasterium remeasset, Fratres alloquitur, eis verbis benignissimis quod Gorziæ didicerat indicavit, & ut more illorum Religiosorum viverent, admonuit. Qui, quia consuetudo altera est natura, responderunt se non aliter velle vivere; sed sicut contueverant, orabant ut eos viciitare permitteret. Videns verò Rambertus Abbas se nihil proficere, Episcopum Metensem censuit consulendum. Episcopus verò videns eum zelo Dei duci, ad ejus bonam roborandam voluntatem, dictum Priorem Agenaldum<sup>a</sup> Gorziensem suâ fultum auctoritate eidem Abbati dedit adiutorem. Venientes igitur ad nostrum hoc Monasterium prædicti Abbas & Prior, Fratres satis aptè sunt alloquuti: nunc quidem blanditiis, nunc verò terroribus, ut à suâ dissolutione recedendo, se disciplinæ regulari submittere maturarent, hortabantur. Qui omnino nec prece, nec minis, vel demum ditricione regulæ moti, irati ad contumelias devenerunt. Quod cum viderent Abbas & Prior, scilicet ipsorum pertinaciam & duritiam cordis, proposuerunt eis unum è duobus eligendum, aut obediendo mandatis regulæ, Deoque serviendo in Monasterio disciplinatè viverent, aut de Monasterio exeuntes quaecumque vellet viam sibi vivendi assumerent. Quod illi audientes, quidam ipsorum, qui simpliciores erant, se Abbatibus directioni subdiderunt: quatuor verò qui aliquantulum scioli videbantur, alii in suâ scientiâ, alii in suâ stoliditate tumentes, alii in suâ juventute confidentes, totam viam quæ ducit ad mortem, relicto Clauetro, sunt aggressi. Reliqui verò Abbati suo & Ordini se committentes, Deo potius quam sæculo servire decreverunt. Ordinatis denique Fratribus, & Ordini ac disciplinæ regulari restitutis, ac rebus Monasterii sagaciter ordinatis, dictus Prior Agenaldus valedicens Abbati ad propria est reversus. Rambertus autem locum tam feliciter rexit, ut se amabilem cunctis exhiberet & honorabilem.

*Quòd Bruno Tullensis ordinatur Episcopus, & de miraculo pomorum.*

#### CAPUT XIX.

**A**Nno igitur Domini MXXVI. obiit Hermannus Tullensis Episcopus, cui supradictus Bruno filius Comitum de Dalsporch, qui postea Leo Papa effectus est, in Episcopatu successit. Eodem anno, mirum dictum! in pomis & piris nuclei effigies hominum pro quantitate sui habentes inveniebantur: sed quid hoc portendebat non inveni. Eodem tempore Simeon quidam de transmarinis partibus de monte

<sup>a</sup> Agenaldum] Suprà Alelberonem appellavit.

Sinai veniens Treveris, in portâ nigrâ dictâ ab Archiepiscopo Popone ejusdem civitatis includitur, postea miris claruit miraculis. Anno quippe Domini MXLIV. Humbertus Abbas Mediani-Monasterii, vir clari ingenii, Laudes, quæ responsoria dicuntur, sanctorum Cyriaci Martyris, Columbani, Odilia virginis, Gregorii Papæ, Hydulphi, Deodati Episcoporum, rhythmicè ac metricè componens Brunoni Episcopo supradicto Tullensi tradidit decantanda. Inde quinque annis elapsis, apud Maguntiam Conventus Episcoporum ac Procerum, & aliorum plurimorum cum Imperatore Frederico habitus, Bruno Tullensis Episcopus Papa communi consilio omnium eligitur, ac Romæ proficiscens per partes istas transeundo, Oratorium S. Joannis Baptistæ ad portam Mediani-Monasterii consecravit x. Non. April. Humbertum quoque Mediani-Monasterii Abbatem secum ducens, Archiepiscopum Siciliæ ordinavit, deinde Romæ Cardinalem ad vices suas supplendas secum morari præcepit.

Millesimo quinquagesimo anno Dominus Leo Papa ad partes istas rediens, S. Arnulphi Ecclesiam Metis dedicavit. Secundo anno item Galias repetens, ossa B. Gerardi Tullensis Episcopi de tum-bâ levavit.

*De adificatione Ecclesiæ Longimaris.*

#### CAPUT XX.

**A**Nno Domini MLVI. Quidam Bilonus Girardi Ducis servus, in saltu Vosagi qui Longum-mare dicitur, locum & Capellam in honore beati Bartholomæi primus adificavit.

*De adificatione Domus Maris prope Senonias.*

#### CAPUT XXI.

**T**Empore Bercheri venerabilis hujus loci Abbat-  
tis, fuit quidam Regnerus qui locum in vastâ cremi solitudine positum adiens, Ecclesiam ibidem adificavit. Qui locus usque hodie Mare dicitur. Quam videlicet Ecclesiam memorabilis Episcopus Tullensis Pibo industriâ ipsius Regneri Nonas Maii in honore Sanctæ Trinitatis consecravit. Ubi multi eâ die Sanctæ Trinitatis, id est in octavis Pentecostes, ob festi gratiam convenire solebant. Alii verò atque alii ipsum locum inhabitantes, quia habilis ad serviendum Deo habetur, melioraverunt. Locus enim ille Monasterio Senoniensi semper subditus existit.

*De Stephano Episcopo Metense, & Antonio Abbate Senoniensi.*

#### CAPUT XXII.

**P**ost hoc autem Rambertus Abbas hujus loci Senoniensis aliquanto supervivens tempore, cum feliciter Ecclesiam suamque rexisset, migravit ad Dominum. Cui vir venerandus Bercherus successit. Qui vestigia sui decessoris regulariter imitando sequutus, cuncta sibi commissa laudabiliter conservavit, alia verò sagaciter augmentavit: qui etiam felici vitæ cursu peracto, cælo spiritum reddidit. Defuncto igitur Berchero Abbate civitas Metensis dicitur eodem tempore Præsule caruisse. Et quia Abbas hujus loci ab Episcopo Metensi temporalia recipere tenetur; deficiente Episcopo hæc Ecclesia etiam

Pastore ferè per triennium caruit. Electo siquidem Episcopo Stephano in sede Metensi, Fratres hujus loci ipsum Episcopum, ut eis de Abbate provideret, postularunt. Qui consideratis circumstantiis necessitati eorum volens consulere, Episcopus accersito ad se Priore Cellæ-Laci Antonio, ipsum ad regimen hujus nostri loci vocare maturavit. Sed quia hic, de quo agimus, Antonius laudabilibus se artibus, ut postea aliqua referemus, mirabiliter decoravit, quomodo ad nos pervenerit breviter & succinctè edisseram. Hic itaque Antonius de Ticino, quæ Papia dicitur, in territorio Longobardiæ sita, oriundus fuit. Qui se tanto plus honestis decoravit moribus, quanto nobilioribus ortus erat parentibus. Agens adhuc annos juveniles, relictis parentibus rebusque paternis ad istas devenit partes. Civitatem quoque Metensem adiens, Claustro beati Arnulphi, quod tunc famosissimum habebatur, se familiarem præbuit. Cumque Abbas & Fratres dicti loci ejus viderent modestiam, ipsum in Fratrem receperunt & Monachum: deinde Cellæ supradictæ Laci, quæ eorum erat jurisdictionis, præfecerunt. Qui Cellam ipsam, quia vetustate ruinas minabatur, solo prosternens, de novo & ampliorem reedificavit: redditus quoque ita ampliavit, ut in introitu vix duo suo vel tres, modo deni vel duodeni ibi valeant sustentari. Antonio verò ipsam cellam ita regente, ab Episcopo Metensi huic loco, licet invitus, Rector destinatur. Non multo post tempore quæcumque in loco isto erant à priscis temporibus constructa, Monasterium, Claustrum, Refectorium, Dormitorium, cæterasque officinas intus & extrà ad terram projecit, & omnia honorabilius reedificavit. Sumptus Ecclesiæ augmentavit, Cellas quæ ante non erant huic loco acquisivit; Cellam juxtà castrum Danubrii adjutorio & devotione Reverendissimi Stephani Episcopi Metensis construxit. Episcopus verò ei contulit ad sustentationem Fratrum ibidem Deo fervientium piscationem in aquis suis ad libitum ipsorum, id est, quoddam Fratres suos proprios piscatores in aquis Episcopi habeant, & quando & quomodo voluerint in piscuis, in nemoribus similiter ad ignem & ædificia ad usus suos pro voluntate usufructuarii habeant. Locus enim ubi Cella illa constructa est, & quædam prata, agri etiam ab Episcopo, sicut in Privilegiis ipsius Prioratus continetur, collata fuerunt. Cujus Cellæ Ecclesia postmodum à quodam Cardinali, Tiewino nomine, in honore beati Protomartyris Stephani fuit dedicata. Cella verò Leonis-montis sagacitate ipsius Antonii huic loco fuit attributa, & ab ipso oblatione & subventionem fidelium redditibus & beneficiis satis aptè existit ampliata. Prioratus verò de Suris, quem venerabilis Matrona Cunegundis huic loco cum suis redditibus, pratis, terris, nemoribus, & aliis bonis pro animæ suæ remedio contulit, industriâ Antonii ejusdem Abbatis actum perhibetur. Cellam quoque sancti Christophori in clivo collis ante portam vici sitam, per quosdam nobiles viros, qui suas possessiones huic loco pro animabus suis contulerunt, tempore suo construxit, & redditibus plurimis ditavit. Cellam quoque de Lorchinge cum appendiciis suis, & Ecclesiam in eadem villâ munere perpetuo acquisivit. Alia quoque multa, thesauros Ecclesiæ, ornamenta altariorum huic loco Senoniensi laudabili solertia adunavit. Quid plura? Triginta & octo annis Monasterium istud feliciter gubernavit, in quibus nec solum præterit annum in quo non ædificaret, vel aliud aliquod ad augmentum Ecclesiæ acquireret. Decurso itaque felicitis vitæ stadio, migravit ad Dominum anno Domini MCCCXVI. Sepultusque est in medio Ecclesiæ Sanctorum Apostolorum Petri &

Tom. II.

Pauli ante altare Sanctæ Crucis, in tumulo lapideo, super quo lapis columnulis lapideis sustentatur, in quo ego postea imaginem propriâ manu sculpsi, quasi Abbatis jacentis cum baculo pastoralis in manu tenentis. Post hanc successit Galterus. Sed quia nihil de ipso legi vel audiui, nihil scribere sum conatus, nisi tantummodo quoddam vicissimus octavus hujus loci Abbas fuerit ordinatus.

*De Translatione S. Nicolai de Myrrheâ ad Barrum Apulia.*

## CAPUT XXIII.

**A**NNO igitur quo intravit ad nos reminiscendus ipse noster Antonius, contigit quosdam negotiatores à Barro civitate Apuliæ ad Græciam quæstus causâ advenisse. Antiochiam cum navibus oneratis frumento & aliis mercimoniis devenire volentes. Tandem ad Myrrheam, in quâ corpus beatissimi Confessoris Nicolai septingentis septuaginta quinque annis sepultum delituerat, devenerunt. Qui inito inter se consilio, quia civitas Myrrhenlis à Sarracenis vastata paucis incolebatur colonis, crediderunt sacras illas reliquias se levius pro paucitate habitantium adepturos: quod & ita factum est. Intrantes itaque Ecclesiam, sacrum illud beati Nicolai corpus à custodibus Ecclesiæ cum magno labore & astutiâ sibi sub pavimento demonstratum, cum gaudio magno per mare navigantes, ad Barrum civitatem suam deportaverunt, ubi per merita ipsius Sancti tanta ostenduntur miracula, ut nunquam ab aliquo scripto possent commendari.

*De articulo digiti S. Nicolai ad Portum deportato.*

## CAPUT XXIV.

**E**odem quoque ferè tempore quidam miles de istis partibus ortus, translatione sancti Nicolai auditâ ad civitatem Barri, ad quam translatus erat, devenit: ibique vota solvens, abhuc amore sancti ductus laboravit, ut articulum digiti secum ad partes istas apportaret; quem ad locum qui Portus dicitur, reposuit; erat enim villula admodum parva, quæ nunc ad instar magni Oppidi per merita beati Nicolai jam aucta cernitur. Ubi idem Sanctus tantis claret miraculis, ut captivorum, febricitantium, aliarum infirmitatum laborantium frequentatione adeo repleatur, ut si quis bojarum & catenarum velit considerare in eâ pondus innumerabile, miraculis sancti potius fidem dare poterit, quam narrationi. Frequentatur itaque in eadem villâ sanctus ac diligendus Nicolaus à Burgundionibus, à Francis, ab Alemannis, & ab universis circumquaque regionibus constitutis, & omni gente munera apportante. Et quia omnipotens Deus hanc nostram regionem tanto adjutore ditare dignatus est, ipsum velocem subventorem, ut nostri apud Deum memor esse dignetur, exoremus.

*De constructione Cella Bella-vallis à Gerardo Lotharingia.*

## CAPUT XXV.

**E**odem tempore Dux Lotharingæ Maherus, & frater ejus Gerardus terras suas inter se dividentes, Comitatus Vadamontis Girardo in sortem

II i i j

devenit. Qui non longè post Cellam Bellævallis in territorio Castrensi sitam satis compendiosè extruens, prædiis & aliis possessionibus augens, Mediano-Monasterio possidendam submitit: ubi postea se delegit sepeliri, & duas Ecclesias Muri villæ, & Puris Cellæ Bellævallis pro animæ suæ remedio liberaliter contulit: quod & adhuc permanet. Eodemque ferè tempore Ecclesia Calmosiaci à quibusdam viris fidelibus incoacta fieri cœpit, quæ postea bonis multis augmentata, & in honore perpetuæ Virginis **MARIÆ** dedicata, à Canonicis Ordinis S. Augustini dignanter incolitur.

*De constructione Castri, quod Altapetra dicitur, juxta Medianum Monasterium.*

## CAPUT XXVI.

**A**Nno Domini **MEXCIII.** Albertus Miles, dictus primò de Parreia, Castrum in rupe, quæ Altapetra dicitur, erexit. Et anno **MCCX.** à Matthæo Duce Lotharingiæ obsessum, ab octavis Pentecostes usque ad nativitatem **B. MARIÆ**, tandem captum & dirutum est.

*De interfectione Civium Metensium à Comite Barrensi.*

## CAPUT XXVII.

**A**Nno Domini **MCVIII.** interficiuntur cives Metenses ab exercitu Regnaldi Comitis Barrensis apud Tyreium, tempore Stephani Episcopi ejusdem civitatis. Sequenti anno dedicata est Ecclesia Beatæ **MARIÆ** hoc in loco sub Abbate Humberto Senonienti, cui successit Bernardus Abbas anno Domini **MCLX.** Hujus Bernardi tempore Senonientis Ecclesia quemdam Prioratum in Burgundiæ partibus, in Diocesi Bisuntinensi possidebat, quem à priscis temporibus acquisierat, qui dicebatur Sales, & alio nomine Mansus S. Benedicti. Tempore hujus Bernardi, ut dicitur, venundatus est, nescio pro quanto tempore, vel quare. Et quia de illo nihil reperi, nihil dicere volui. Idem verò Bernardus Abbas cum Ecclesiam Senonientem rexisset ix. annis, migravit à sæculo. Cui Gerardus successit anno Domini **MCLXVIII.** Hic de Valle S. Deodati fuit oriundus, de militari quidem genere, sed S. Arnulphi Metensis Monachus: ibique sumptus, quia bonæ conversationis & moribus honestis habebatur, huic loco præficitur. Qui secundum tempus benè rexisset, nisi parentibus suis Ecclesiam hanc nimis onerasset. Parentes nempe sui res Ecclesiæ minùs providè dispergebant: unde Monasterium ultrà modum lædebatur, nec Abbas ipsos à suâ vitâ pessimâ avertere quibat, unde contigit eos captivari. Quod cum vidisset Abbas, tanto pro parentibus est dolore percussus, ut postquam uno & triginta annis hanc rexisset Ecclesiam, dignitatem resignavit: & loco cedens, ad Cellam Leonis-montis se transtulit: ibique paucis supervivens annis diem clausit extremum, ibique fertur esse tumulatus. Cui Theodoricus successit, vir simplex & honestæ vitæ: qui tamen Abbas fuit benedictus, & à Pascha usque festum S. Simeonis sedit, & resignavit; & in cellâ S. Christophori penes vicum commoratus, ibidem vitam finivit, ibique sepultus est.

✠

## LIBER TERTIUS.

*De electione Maheri præpositi S. Deodati ad Episcopatum Tullensem, & de depositione ejus.*

## CAPUT PRIMUM.

**I**N illis diebus erat vir Maherus nomine, Imperiali & Ducum profapia procreatus, vir satis in principio sui modestus, elegantis formæ, & beneplacens, Ecclesiæ S. Deodati Præpositus. Episcopo igitur Tullensi defuncto idem vir Maherus Episcopatus Tullensis cathedram suscepit. Cujus regiminis tempore Cono quidam de Danubrio Sacerdos, quia ditissimus esse credebatur (vacillabat enim Ecclesia hæc inopiâ) propter sua tantum carus ad hanc regendam domum Pastor futurus à Fratribus eligitur, Regulæ B. Benedicti ignarus, totus secularis moribus & actu: in quo nulla erat ordinis fiducia, sed credebatur huic loco divitiis suis posse subvenire. Sed quia erat totus mundanis rebus implicitus, regularibus disciplinis se minimè conformare valebat. Accipitres suos, sicut prius, in Claustro, in choro, non cucullatus portabat: alumnis & familiæ, prout solebat, providebat. Attamen, prout credebatur, huic loco nihil profuit. Nec mirum, quomodo sciret præesse, qui nunquam novit? Quis docere potest quod non didicit? Quî Magister erit, qui nunquam discipulus exstitit? Ita præcipitantur ab insensatis honores. Quid plura? Quinque annis talis Abbas hanc rexisset Ecclesiam. Interea cum hæc ita se haberent, Episcopus Maherus, de quo superius mentionem fecimus, à Canonicis suis Tullensibus trahitur ad judicium, vocatur ad Judices, accusatur, de Episcopatus dilapidatione arguitur, nec tamen causa per Judices valet terminari. Ad Papam, qui tunc Innocentius tertius erat, appellatur. Archidiaconus quidam, Fridericus nomine cum aliis Papæ se præsentat. Episcopus verò iter arripit venit Sutrium ad xxx. prope Romam milliaria. Adversarii instant, quia dies appellationis transierat. Papa differt, quia parcere volebat: allerebat enim eum se scire venientem. Episcopus verò de salute suâ desperans, retrographo se committens itineri, ad partes istas infelix reversus est. Adversarii verò ejus Papam urgentes, cum Papa eum audisset repatriasse, contra eum, licet invitus, tulit sententiam. Episcopus verò sciens contra se datam esse sententiam, bannum Bodonis Monasterii Duci Lotharingiæ Friderico fratri suo titulo pignoris se obligare simulavit: terra verò illa Bodonis Monasterii jure hereditario ad Episcopatum Tullensem pertinere dinoscitur. Fridericus igitur Dux ut vidit quia non sine peccato ipsam polleret retinere terram, illam cuidam Abbati Altæsylvæ Cisterciensis Ordinis, qui eidem Duci satis familiaris erat, eodem jure, quo ipse eam possidebat, habendam tradidit. Cum ergo Abbas ille terram aliquanto tempore tenuisset, timuit ne propter hoc ab Episcopo Tullensi molestaretur, ipsam possessionem cuidam Balivo Comitis Henrici de Salmis, qui Mathæus de Blammont dicebatur, nescio quo pacto habendam contulit. Et ita ille eam possedit usque ad Fridericum filium dicti Henrici Comitis de Salmis totum bannum de Bonmonstier, ita enim vulgo appellatur, de quo nos loco suo loquimur postea. Amoto igitur Mahero ab administratione Tullensi, Regnaldus successit, filius Princernæ Regis Franciæ qui dicebatur de Sanlize, nobilis vir

beneque morigeratus. Maherus quoque ad Præposituram suam ad S. Deodatum est reversus.

*De eodem Mahero Præposito, & filiâ ejus, & vitâ eorum.*

## CAPUT II.

**I**Ta verò Maherus Præpositus ædificavit domum inter duo Monasteria de lapidibus turris S. Deodati quæ lapsa erat. Habebat enim filiam juvenem & satis formosam, quam de quâdam Sanctimoniali Spinalensi genuerat; ipsam in domo, in mensâ, & ut dicebatur, in lecto assidue habebat: de quâ etiam filios dicitur procreasse. Cumque Fredericus Dux frater ejus audisset fratrem suum talem ducere vitam, venit ad eum, & dixit ei. Quare ita impudenter seipsum & totam suam progeniem ita cum suâ filiâ dehonestaret. At ille dixit non esse filiam suam. Dux respondit: Numquid matrem cognovisti? tam enormiter cum matre & filiâ vultis rem habere? Ille verò confusus nihil respondit. Dux verò iratus accepit eam, & misit eam in compedibus in Castro Bernestim in Alsatiâ, quod filius ejus Theobaldus habere dicebatur, quia mortuo Comite de Dasporch idem Dux filiam ejus filio suo acceperat in uxorem, ut ei idem Comitatus cum uxore proveniret, quod & ita contigit. Maherus verò Præpositus S. Deodati antea anno Domini MCCIII. tempore Simonis Ducis patrui sui Castrum crexerat in quâdam rupe penes montem, qui Clarus-mons dicitur, in valle S. Deodati, pro quo tota vallis illa ferè destructa & male tractata fuerat. Sed non diù duravit, quia consilio Friderici postea Ducis Lotharingiæ, & etiam patris ipsorum Friderici de Vites, & aliorum prudentium virorum disruptum fuit: & ita pace ordinatâ quisque reversus est ad propria. Præpositus verò Maherus, quia Dux Simon tempore guerræ domum, de quâ suprâ diximus, funditus everterat, & meritò, quia de lapidibus Monasterii exstitit facta, & in atrio Ecclesiæ in ipsâ domo multa inutilia acta sunt; quia certum non habebat receptaculum, per montes & nemora cum canibus venatoribus quotidie discurreret, & præcipuè in Claromonte, ubi eum antea diximus castrum erexisse. Habebat enim in summitate illius montis Ecclesia in nomine beatæ Mariæ Magdalænæ constructa, cum suis officinulis, solitariis apta. Ibi idem Præpositus Maherus conversabatur plurimum.

*De interfectione Renaldi Tullensis Episcopi ab eodem Mahero.*

## CAPUT III.

**C**ontigit igitur non multo tempore post Renaldum Episcopum Tullensem, de quo superius dixi, ad partes illas causâ visitationis devenisse. In festo quippe S. Paschæ ad Monasterium S. Salvatoris in Vosago ad festum ibi celebrandum pervenit. Cumque illâ die ibidem festivitatem peregisset, ad Claustrum hoc Senoniense devenit. Comitabantur verò honesti Clerici & viri religiosi, de quorum societate gaudebat, cum eo. Eâdem quippe nocte sequente Paschæ diem, quidam spiculateores missi advenierunt, quorum unus Clericus erat, alter verò laicus. Clericus postea sacerdos effectus est, & ipse dives. Hi duo à Mahero Præposito missi sunt, ut Episcopo insidiarentur. Hi eâ nocte quâ Episcopus apud Senonias pernoctavit, in camerâ Abbatibus comederunt, & mane sine licentiâ recesserunt. Episcopus verò Tullensis Renaldus sequenti feriâ

secundâ, Missâ cantatâ, facto prandio cum suis, ad Medianum-Monasterium pervenit, & ibi modicum demoratus, per Stivagium transiens ad Claustrum Alteriacense properabat. Ibi enim ipsâ nocte pernoctare volebat: cumque quamdam villulam, quæ Berguncia dicitur, pertransisset, venit ad quemdam locum arctum, ubi ex unâ parte viâ montis cum nemore denso habetur; ita ut vix quispiam per montem illum eques transire valeat: ex alterâ verò parte viâ palus profunda cernitur cum arboribus. Idem Præpositus cum suis frutices & cæteras arbores in ipso loco ex utrâque parte viâ obruerat ad spatium occupandum, ne quis extrâ viam eques vel pedes transire valeret: via enim tam arcta est, ut vix curius per eam duci possit. Circâ illam quippe viam idem Præpositus S. Deodati insidias paraverat. Cumque Episcopus Renaldus ad locum illum cum suis pervenisset, illi de insidiis salierunt: Abbatem S. Mansueti Stephanum virum honestum de equo projecerunt, qui etiam despoliaverunt eum, & plagis impositis in viâ dimisso, similiter alios spoliaverunt; & quibusdam vulneratis venerunt ad Episcopum ipsum; etiam despoliaverunt, & inhonestè tractaverunt eum. Tandem unus eorum Joannes nomine juvenis, servus filiæ Præpositi Maheri (ipsa enim, ut fertur, illi servo præceperat, ut si ad Episcopum veniret, quomodo ipse cum eo ageret, ut gratiam suam retineret, viriliter laboraret) quod & fecit; arrepto quidem cultello, quem penes se habebat, Episcopum ter in tribus locis cultro perfodit, in pectore, & bis à tergo, & mortuum secus viam dimisit. Ita eum & omnes quotquot de comitatu suo habere potuerunt, spoliaverunt, & ipsum nudum, quod nefas est dictu, in palude juxta viam & mortuum reliquerunt. Et ita perpetrato illo nefario facto recedentes domino suo Præposito in equo, baliitâ in manu tenenti obviaverunt. Qui inquirens quid fecerant, duxerunt eum ad locum ubi Episcopus mortuus & nudus jacebat: qui cum illuc devenisset, aliquamdiù Episcopum intuitus est, ut videret si quoquomodo adhuc in ipso vitalis calor haberetur: videns ergo quod non moveretur, versis retrò habenis cum suis satellitibus abiit in montana. Fuerunt enim cum eo quidam Clerici, ex quibus unus Sacerdos erat nomine Terricus de S. Deodato, & plures alii. Sed ut vindicta Dei pro hoc enormi commisso in ipsis perpetratoribus cœlitus illata non tegatur silentio, finem quorundam ipsorum, prout potero, aperiam.

Sacerdos verò ille Terricus, de quo superius mentionem feci, videns quod factum fuerat, & loco remanere formidans, secessit ad partes Polaniæ, & domino terræ se inferens, dixit se esse cognatum suum: mater quippe Præpositi dicti Maheri, filia domini terræ Polaniæ exstiterat. Cumque dominus Polaniæ audisset illum esse suum cognatum, libenter eum retinuit. Ille verò Terricus sacerdos dixit se esse militem: erat enim homo satis formosus, validum habens corpus & membra; ita ut personæ elegantia fidem ejus daret militiæ. Ipse vero Terricus talem in militiâ se exhibuit, ut dominus Polaniæ quamdam nobilem mulierem illius terræ ei in matrimonium jungeret. Ille verò cum eâdem muliere paucis vivens tempore, in prælio interfectus occubuit. Et ita ille militiâ Dei spretâ, terrenæ se jungens, miserabili fine vitam finivit. Alter verò Cono Clericus, quem insidiatorem Episcopi suprâ notavimus, postea à quibusdam crimine notatus, Monachum se vovit futurum. Sed facta dictis non compensans, sæculo potius vivere maluit quàm Deo. Talis itaque ad sacros ordines astutiâ propriâ promotus, tandem Presbyter factus est, deinde Sena-



tor, id est Decanus Christianitatis Vallis S. Deodati effectus, ditissimus, & plenus omnium bonorum terrenorum fuit. Cum igitur diu putaret in tali felicitate vivere, subito quâdam nocte cum se cubitum dedisset, spiritum reddidit, & ea quæ præparaverat, nescientibus se reliquit; & in hoc vindicta Dei apparuit. Alter igitur laicus, qui Episcopum interfecit, Joannes à spiritu immundo correptus, & diu miserabiliter vexatus, seipsum moribus lanians, tandem miserum efflavit spiritum; & ita isti tres malâ morte multati sunt, quia noluerunt poenitere, vitam æternam perdiderunt. Alii quippe, qui in malitiâ suâ gloriabantur, vel paupertate angustiiati, vel infirmitatibus, vel infortuniis temporalibus attriti, delictorum suorum pœnas exsolverunt. Alii quoque qui sanioris consilii exstiterunt, Romam adierunt, à Domino Papa tunc Innocentio tertio absoluti, poenitentes evaserunt; quod si ita non poenituissent, credo quoddam illorum sequuti fuissent, vestigia. Nunc igitur ad sæpè memoratum Maherum Præpositum S. Deodati revertamur.

*Quod idem Maherus apud Castrum quod Bilestein dicitur aliquo tempore habitavit: Et de morte ejus.*

#### CAPUT IV.

**D**ictus quidem Præpositus Maherus perpetrato tali, sicut dictum est, scelere, non se loco credens abiit ad Castrum quod Bilestein in Alburii appellatur, quod est domini de Horborg. Ibi enim habebat milites qui ei familiares erant, cum quibus ad tempus habitavit. Detulit enim quidquid Episcopo abstulerat, faumarios, scrinia in quibus Episcopalia, oleum sacrum, chrisma, & sandalia ferebantur, & in eodem Castro reposuit, quæ ego propriis oculis vidi. Sequenti igitur Pentecoste idem Maherus audiens quod nepos suus Theobaldus Dux Lotharingæ apud S. Deodatum solemnitatem ipsam cum magno militum comitatu celebrare decrevisset, adventit, non tamen in palam, non enim se illis credebatur. Audierat enim quod parentes dicti Episcopi Renaldi dicebant ipsum Episcopum de consensu Ducis fore interemptum: unde Dux valde dolebat. Et propter hoc Maherus Præpositus ante nepotem suum venire non audebat. Et quia aliàs in valle nullum securum habebat reclinatorium, ad Clarum-montem ubi & esse solebat, ascendit, ibique quaecumque festum cum paucis celebravit. Paucis dico, quia pro ejus infortunio jam cum omnes aspernabantur: Eadem quippe die Pentecostes clanculò ad S. Deodatum veniens, quibusque fidelibus suis apparens, ab eis inquisivit utrum se cognato suo Duci Lotharingæ præsentare ad veniam petendam auderet: audivit quoddam non. Et quia ei dictum est, mors Episcopi ab amicis suis improperabatur, ipse Dux animam ejus quæreret. Ille verò hæc audiens, inde recedens ascendit in montem ubi commorari solitus erat; Dux verò Theobaldus pro solemnitate Pentecostes apud S. Deodatum peractâ, feriâ terciâ Pentecostes inde discedens, assumpto secum quodam nobili Simone milite de Junville, equos ascenderunt, & per Bellum-montem ad Villam Norpateglize dictam venire volentes, in quodam ibi fluente rivulo venientes; & ecce Præpositus Maherus apparuit eis, veniens obviam eis. Quem cum Dux Theobaldus vidisset, irâ accensus, dixit illi militi qui cum eo equitabat: Si me, inquit, diligis, perfode istum lanceâ quam tenes. Absit, ait, à me, quoddam unquam talem ac tantum virum interficiam. Quo audito Dux acceptâ lanceâ de manu militis

Præpositum petiit. Ille verò cum videret cognatum suum ad se iratum venire, flexo genu misericordiam deprecatur. Dux verò nihil horum animo concipiens, demissâ lanceâ ipsum Præpositum suum patrum per pectus transverberatum interfecit, quo facto inde recessit. Quidam verò supervenientes, ipsum in rivulo jacentem repperunt mortuum, & eum inde tollentes ad S. Deodatum detulerunt. Et quia talem meruit habere exitum, nec ei sepultura humanitas fuit judicata; sed ad locum quem vivens frequentaverat delatus, scilicet Clarum montem, sub tecto Ecclesiæ B. Mariæ Magdalenz exteriùs in quodam vase ligneo appensus aliquanto tempore permansit. Tandem, ut fertur, in quâdam fossâ, ubi feræ sylvarum præcipitata capi solebant, ipse Præpositus lignis & lapidibus tectus talem meruit sepulturam. Et ita Episcopus quem interfecerat, ad locum suæ conversationis, id est ad Tullensem Ecclesiam delatus, honorificè est sepultus. Interfector verò ejusdem Episcopi, ad eum quem incoluerat locum, ut suprâ dictum est, deportatus, etiam catholicâ caruit sepulturâ. Filia verò ejus Aledis, de quâ prædiximus, tandem cuidam balistario de Gilberti-villâ in matrimonium juncta, cum viro suo Alemanniam petiit, & apud Castrum quoddam Imperatoris Croneberch nomine pauco tempore manens, tandem mortua, vix sepulturam Ecclesiasticam habere meruit. Et ita pater ejus Maherus & ipsa filia, & mortis Episcopi cooperatores, sui laboris meritum Dei judicio receperunt.

*De Philippo Rege Francia, & prudentiâ ejus in judicando.*

#### CAPUT V.

**C**ircâ tempus verò illud præfuit Rex magnificus in Regno Franciæ Philippus nomine, qui præ confortibus suis ad judicia discernenda, ut de Salomone legitur, valde discretus erat. Et quia ejus actus multis scientibus valere credo; pauca de multis, quæ à veridicis relatoribus didici, breviter annotare curabo. Fuit igitur sub eodem Rege quidam Ballivus valdè locuples & astutus, qui quemdam militem vicinum domui suæ habebat, cujus domui vinea juncta erat, quæ dicto militi valde cara habebatur. Ballivus verò idem vineam ipsam, quia ejus domui erat contigua, ultrâ modum concupierat, & ipsum militem ut ei ipsam vineam venderet, pluries convenerat, nec impetrare potuerat. Rogabat enim idem multo precatu Ballivus militem, & coram concivibus suis, ut quantum pretii pro ipsâ vineâ vellet, acciperet. Ille è contra affirmabat constanter se nunquam pro aliquo pretio uxorem & filios exhereditare posse. Ballivus verò, quâ poterat intentione ut ipsam vineam habere posset, machinabatur. Accidit igitur ut miles ille moreretur, & in cœmeterio ritè sepeliretur. Audiens igitur ille Ballivus, quia miles ille defunctus esset, quoddam mirabile dictu pro vineâ illâ habendâ excogitavit. Petiit quippe forum civitatis, ubi sciebat diversarum gentium mangones adventare. Considerans enim huc & illuc, tandem vidit duos viros robustos vagos, & valdè corpulentos, qui si vestiti fuissent (erant enim ferè nudi) satis honesti viderentur esse. Quos Ballivus accertitos duxit eos in domum suam, & ita eis loquitur: O viri, si consiliis meis acquiescere velletis, ego de meo vobis tantum darem, quoddam benè paupertatem vestram relevare possetis: videmini enim satis honesti & corpore & moribus. Illi verò audientes, quod desiderabat, promiserunt se omnia factururos pro illius voluntate. Ballivus verò nocte sequenti

assumptis secum illis duobus viris, datis vestibus satis honestis, calceamentis & pecuniâ, ad tumulum ubi miles ille sepultus erat pervenit; & instrumentis quæ secum attulerant sepulcrum aperiunt, & militem qui rigiduserat supra pedes suos erigentes, Ballivus quasi vivus esset, alloquitur: Ecce, ait, multo tempore pro vineâ tuâ te rogavi ut mihi eam venderes, & adhuc coram istis viris, qui mecum sunt, supplico ut mihi eam modo emptionis permittas habere. Cui ille nihil quia mortuus erat, respondere poterat. Ad hæc unus illorum duorum qui secum venerant, respondit: Numquid sæpius audisti: qui tacet, laudat? Ille bene creantare videtur mercatum. Da ergo palmam, quia certum nobis est quia non contradicit, imò ferrum hoc permittit fieri. Bibamus ergo lati boveragium, (attulerant enim vinum secum) ad hoc mercatum confirmandum. Expleto igitur tam execrabili mercato, militem in fossâ repoluerunt; & eum ut prius erat, terrâ cooperuerunt. Et ita peracto tali scelere ad domum Ballivi reversi sunt. Mane autem factò Ballivus vocatis operariis conduxit eos in vineam illam. Relicta verò militis, cujus erat eadem vinea, videns operarios Ballivi in vineam suam, venit ultrà modum irata ad Ballivum; & scrutans quid hoc esset, audivit à Ballivo vineam illam tibi à viro suo milite venditam esse.

Ille verò hæc audiens valde ingemuit, & quasi fera agilis Regem Philippum adiit, & ei inquietationem Ballivi, quam pro vineâ sua patiebatur, gemens & suspirans aperuit. Rex verò quia idem miles suus dum viveret existerat, sciensque se orphanorum & viduarum esse defensorem constitutum, vocat Ballivum ad se. Ille verò veniens adduxit secum illos duos testes, qui secum ad mercatum illud vineæ factum, fuerant: se Regi cum civium suorum & advocatorum pompâ præsentavit. Vidua verò relicta militis, quia suum amiserat Advocatum, cum paucis, ut moris est pauperum, se etiam Regali præsentavit Curia. Rex verò Ballivum satis modestè alloquens inquisivit, quare mulieris vineam occupasset. Ille verò ut erat affabilis colloquio, dixit se vineam illam à milite viro illius mulieris sub testimonio prudentum virorum legaliter emisse, asserens per testes idoneos se probaturum. Cui mulier respondit se nunquam venditionem illam vidisse, vel audisse. Rex verò audiens & Ballivi responsum, & mulieris allegationem, inquisivit à Ballivo qui essent testes per quos ista probare volebat. Ille obtulit illos duos viros qui secum facti conscii erant. Quibus Rex ait: Numquid vos estis qui hujus rei testes estis? At illi se vidisse rei gestæ seriem asseruerunt. Videns igitur Rex illos satis corpulentos & benè vestitos, credidit eos viros justos & approbatos esse. Consideravit enim Rex viduam illam contrà Ballivum illum, qui cum magno comitatu & talibus testibus ad se venerat, causam suam non posse defendere, ad iudicium confugit Danielis. Vocato quippe uno illorum duorum testium, secessit seorsum in angulo Palatii, ita ut ab omnibus audiri & videri posset. Alloquens verò illum testem quem secum tulerat, ait illi: Amice, tu videris esse sapientior socio tuo, & propterea te priorem vocavi: sed antequàm te de aliis interrogem, dic mihi quod melius est, scis tu *Pater Noster*? Ille verò admirans, ait: Non credo esse Christianum qui Dominicam orationem ignoret: & si tu scis eam, dicas. At ille cæpit dicere: *Pater noster qui es in cælis*. Rex verò exaltans parùm vocem, ut hi qui in Palatio erant audire eum possent, dixit: Per lanceam S. Jacobi (sic enim jurare consueverat) tu verum dicis. Et iterum, scis de istâ oratione plus? Ille ait, scio. Rex ait: Dic

ergo totum. Ille prosequutus dixit: *Sanctificetur nomen tuum, adveniat regnum tuum*. Rursus Rex altâ voce dixit: Per lanceam S. Jacobi nunquam aliquis tam vera dixit. Illi vero qui in Palatio erant credebant Regem rei processum inquirere: ita & socius illius credebat. Iterum Rex interrogavit eum; Dicas totum quod scis. Ille autem totam orationem illam explicavit. Rex verò ait illi: Vade, quia veram veritatem mihi dixisti, & non es mentitus, scias te meam gratiam obtinuisse. Et iussit illum in quâdam camerâ includi. Et advocato alio dixit: Frater, vide ne mihi mentiaris, quia socius tuus tam verum mihi dixit, sicut *Pater noster*. Ille verò hæc audiens, credidit à suo socio Regi cuncta quæ acta fuerant de milite mortuo retulisse: & corde hæsitantans nihil dicebat. Rex verò eum sollicitans hortabatur ut ei veritatem puram diceret, sicut socius ejus dixerat, qui ei tam verum dixerat sicut *Pater noster*: & noli, ait, timere, quia si mihi similiter verum dixeris, nullum malum patieris. Ille verò putans Regem factum non latere, dixit: Verè, Domine mi Rex ita se res habet sicut ille meus socius dixit. Rex verò dixit: Scio quia socius tuus mihi vera retulit: vide & tu quoddam non mentiaris, audiam si verba vestra concordant. Ille verò Regi ita omnia de verbo ad verbum retulit, sicut & acta fuerant, ut suprâ scriptum est. Rex verò vocans alium, qui ei *Pater noster* dixerat, dixit ei: Tu interfuisti ubi miles ille de sepulcro levatus fuit, & quomodo Ballivus cum eo mortuo egit, & quod vineam cum eo emit, & quod boveragium ibi bibitum fuit, & hoc factò eum repoluitis in sepulcro; & ita Ballivus habet vineam, & de his omnibus vos estis testes. Ille verò qui *Pater noster* dixerat, cum audisset quia Rex factum ita recitaverat, timens offensam Regis incurrere, omnia sicut Rex dixerat, asseruit.

Quod audiens Ballivus ultrà modum admiratus est, quomodo vel quâ sagacitate Rex ab ipsis viris rei veritatem extorserat, & obstupuit. Rex verò ait illi: Numquid tu, miser, negotiorum meorum, & totius territorii Parisiensis post me eras Ballivus, & tibi divitias magnas & largissimas possessiones inde acquieras, unde tibi necesse erat quia tantillum vineæ istius mulieris habere voluisti? præsertim cum tu ei potius quæ nuper viduata viro suo erat, dare quàm auferre debuisses? Enimverò quia in tam enormi factò nec Deum timuisti, nec hominem veritus es; sufficiat tibi si vitam tibi donavero, cum te potius supplicii tradere, quàm parcere debuissim. Vade, & sicut in præsentia meâ itas, cum baculo tuo & uxore & filiis egredere de Regno Franciæ, nihil præter peccatum tuum portans, nec infrà Regni mei fines in totâ vitâ tuâ inveniri valeas: quia si inventus fueris, tu patibulo appensus durâ morte & pudendâ vitam miserabiliter fines. Deinde illinobili mulieri viduæ dixit: Vade, & assume tibi de militibus meis, vel civibus istius civitatis quos volueris, quibus præcipio ut te ad domum illius nefarii Ballivi perducant; ut sicut ipse te tuâ vineâ impiè spoliare conatus est, ita & dicti milites te in possessionem illius domûs, & totius hereditatis suæ, nec non & omnium rerum suarum auctoritate meâ introducere procurent: ita ut ille miser factorum suorum pœnas exsolvat, & tu de hoc beneficio à nobis tibi judicialiter collato, dolorum tuorum & luctûs tui consolationem recipere merearis. Ita altissimus redditor Deus per famulum suum hunc Regem Franciæ Philippum diversâ utrisque intulit stipendia meritum. Hæc de ipso Rege ad præsens dicta sufficiant, quia de reliquis actibus suis & obitu postea aliqua rereamus. Et quia de fundatione hujus nostræ

Senoniensis Ecclesiæ & successione Abbatum nostrorum, vel eorum operibus, narrationem nos continuare promissimus, licet ab ipsâ materiâ aliquantulum digressi simus, tamen ad narrationis seriem redeamus.

*De electione Henrici Abbatis hujus loci Senoniensis.*

#### CAPUT VI.

**A**Nno Domini MCCII. Henricus hujus loci Monachus succedendo Cononi, ut prædiximus, de Clero assumpto, ordinis & regulæ S. Benedicti ignaro subito Abbate electo, & ab hac vitâ substracto, huic nostro Monasterio præficitur; qui in introitu suo multa adversa à Monachis hujus loci passus est: sed à Comite Henrico Albimontis aliquamdiu sedata, sicut postea suo loco hæc, & alios actus ejus, & alia quæ temporibus suis acta sunt, huic paginæ annotare curabimus.

*De Friderico Imperatore, & Alexandro Papa, quo tempore schisma fuit.*

#### CAPUT VII.

**F**uit ante illos dies quidam Imperator Fridericus nomine, Dux Sueviæ, de cujus genere nemo antea Imperator exstiterat. Fuit enim tempore Alexandri Papæ. Qui ita immoderate Ecclesiam impugnare cæpit, ut patrimonium beati Petri, ubicunque reperisset, sibi usurparet, & suæ subderet jurisdictioni. Unde & ab ipso Alexandro Papa III. cum omnibus fautoribus suis excommunicatus est. Qui cum videret se ab aliquibus propter sententiam Papæ evitari, ad augmentum suæ malitiæ, quia ei omnes Principes, & ferè omnes Archiepiscopi, Episcopi, & omnis reliquus Clerus applaudebant, sibi Papam constituit, & ei apud Mediolanum sedem statuit; ita ut omnis Clerus, & alii dicto Imperatori faventes dicti falsi Papæ curiam frequentarent, & quidquid Papa Alexander ligabat, ille absolvebat; quidquid ille excommunicabat, iste solvebat: Archiepiscopos, Episcopos, & universum Clerum ab honoribus & beneficiis, quando & quomodo volebat instituebat, & destituebat: & Imperator cum eodem misero Papa dictum Papam Alexandrum tam immaniter oppressit, ut Romanâ sede derelictâ ad partes Franciæ exulare cogeretur. Rex verò Franciæ cum totâ illâ Occidentali Ecclesiâ, ipsum Papam cum tantâ lætitiâ & exultatione suscepit, ut ipsum in partibus suis, omnibus diebus, si liceret, remanere desideraret. Archiepiscopi verò, Episcopi, cæterique Clerici jurisdictionis dicti Imperatoris, ad nutum sui Papæ non ad sacros, sed sacrilegos ordines dicendos promovebantur. Cumque idem putidus Papa tanto fastu elatus, se crederet longo tempore tantâ uti potestate, rumpuntur fila sororum, dirâ febre corripitur, dignâ morte mulctatur, & pro Pontificio sacrilego tam parvo tempore habito Pontifex principis inferni Sathani efficitur, non ut potestatem aliquam ibi exerceat, sed ut dignas meritorum suorum pœnas miserorum miserimus sine fine recipiat. Fertur enim idem Imperator Fridericus ad culmen suæ dementiæ duos alios post istum Papas creasse, qui simili infortunio sicut & primus superviventes parvo tempore ad tartata migraverunt.

*De pœnitentiâ dicti Friderici Imperatoris, & de concordia inter ipsum & Ecclesiam factâ.*

#### CAPUT VIII.

**V**idens igitur Imperator Fridericus judicium divinum suæ potestati præjudicare, quia dictus Alexander Papa provectæ ætatis, imò certè decrepitus adhuc superesset, & sui Papæ nondum suos dimidiassent dies, imò juvenes ad inferos descendissent, pœnitentiâ ductus ad ubera misericordissimæ matris Ecclesiæ confugit, Papam Alexandrum quantocius ad sedem Apostolicam revocavit, indulgentiam postulat, certum se pœnitentem demonstrat, de malefactis suis pœnitentiam sibi injungi desiderat; Papa verò à sententiâ in ipsum latâ misericorditer absolvit, & pro delictis suis viam sancti sepulcri injungit, & statim eum cruce signavit. Imperator verò Papam pro sequacibus suis, ut absolverentur imploravit; qui eos absolvit, & qui ad hoc idonei erant cum Imperatore transfretare præcepit, Archiepiscopi verò, Episcopi, Abbates, cæterique Clerici tempore schismatis ordinati, omnes officio suo caruerunt, nec de cætero promoveri potuerunt; excepto solo Notario ipsius Imperatoris, qui pro eo Papam devotè rogavit, & ipse gratiam habere meruit. Imperator denique exercitum magnum sibi coacervans, promissum iter adimplere cupiens, ad partes Siciliæ cum comitatu suo adveniens, unâ dierum cum quendam pedes transire vellet; quem quilibet transvadere poterat, nescio quo occulto judicio Dei in fluviolum lapsus, aquis suffocatus interit. De sacerdotibus & Clericis qui tempore illius schismatis ab officiis suspensi sunt, nos tempore nostro plures vidimus & cognovimus.

*De Henrico filio dicti Friderici, & de morte ejus immaturâ.*

#### CAPUT IX.

**F**ridericus verò Imperator adhuc vivens, Henricum filium suum in Regno sublimaverat; qui satis aptè quoad vixit Imperatoria gubernacula gubernavit. Sed non diù supervivens, dignitatem cum vitâ perdidit, sibi tamen parvulum filium in Apulia relinquens: quem, quia pater ejus à Baronibus illius terræ exosus exstiterat, quidam Episcopus illius regionis furtim sublatum in quodam domicilio suo occultè nutrit, timens ne forte ab incolis terræ inventus ipse puer occideretur.

*De Philippo Rege fratre Henrici Imperatoris, & Osbone Imperatore adversario ejus.*

#### CAPUT X.

**D**ictus verò Henricus quemdam habuit Fratrem Ducem Sueviæ nomine Philippum, quem Barones Alemanniæ in parte sibi Regem constituerunt, alii verò Principes inferioris Alemanniæ quemdam nobilem virum Ottonem nomine de Brunswick, quia consanguineus Regis Angliæ erat, in Regem sublimaverunt: & ita inter duos Reges aliquamdiu conflictus duravit.



*De morte Philippi Regis Suevia:*

## CAPUT XI.

**C**ontigit igitur quemdam virum nobilem, qui Comes erat Palatii, qui dicebatur de Witelspach, Philippum adiisse Regem, rogans eum, ut ei filiam suam quam habebat elegantis formæ, daret in uxorem. Cui Rex quia adiutorio indigebat, filiam pollicitus est ei dare, sed distulit. Ille verò importunè instabat, ut Rex promissa impleret. Accidit autem ut Rex Philippus ad civitatem Spirensē veniret, & ibi causā quietis cum Conrado ejusdem civitatis Episcopo; postea Metensi Pontifice facto, aulæ Cancellario Imperialis, sibi sanguinem minueret. Cumque quādam die in camerā quādam ad confabulandum soli residerent; ecce vir ille nobilis, qui filiam Regis postulaverat, ad ostium cameræ pulsatus, intromittitur; Regem sic alloquitur: Quamdiū, inquit, uxorem mihi promissam detinebitis? Rex ait: Sustine, o mi amice; quousque dies minutionis meæ expleti sint, & promissā dabo. Ille autem ut erat animo furibundus, iratus responsis foras exivit, & diū secum, animo decertans, ira devictus ad thalamum repedavit. Habebat enim, sicut moris est Theutonicorum, gladium sub axellā, & intrans cameram dixit Regi: Ut video, diū ego promissā vestra expectabo: hoc dicto, evaginato gladio eum percussit in capite, ita ut caput ejus in duas partes divideret usque ad scapulas, quarum una in gremio Episcopi cadens magnum ei horrorem incussit. Episcopus verò quamcūque surgens, quamdam intravit cameram. Ille verò facinore tanto peracto, equum ascendens ad sua reversus est.

*Quod filia ipsius Regis Philippi Regi Hispania fuit nupta: Et de acquisitione civitatis & patriæ Cordubæ.*

## CAPUT XII.

**P**ost non multum verò temporis spatium Nuntii Regis Hispaniæ postulaverunt Regis Philippi filiam Domino suo dari in uxorem, quod & factum est. Rex verò Hispaniæ ex ipsā genuit filium. Idem verò Rex collecto exercitu ad regionem Cordubæ pervenit; quæ regio adhuc ritu detinebatur gentili, quam regionem, ut fertur, ipse Carolus Magnus tempore suo domare nequivit. Civitatem verò Cordubam dictus Rex Hispaniæ obsedit, & nutu divino eam expugnavit, & obtinuit; & quamdiū vixit, cultui Christiano subjugavit. Mortuo verò eo, filius ejus de filiā Regis Philippi, ei in Regnum Hispaniæ successit, qui patrixare volens, collectis secum agminibus pugnatorum, supradictam regionem Cordubæ intravit, & Sibiliam, quæ erat illius terræ munitissima civitas, expugnavit; & alias XVI. civitates acquisivit, & interfectis, aut expulsis, vel captis universis illius patriæ Sarracenis, Christianitati subegit, quas & adhuc decem & octo civitates cum oppidis & castellis universis illius terræ munitionibus idem Rex possidet. Sed ad Regem Othonem Alemanniæ styllum reducamus.

83

*De promotione Ottonis in Imperatorem, & de infortunio quod ei apud Brisach evenit.*

## CAPUT XIII.

**A**uditā igitur Rex Otto sui adversarii Philippi Regis morte, assumptis sibi illius terræ primatibus, Alemanniæ terram sibi subjugavit, quia non erat qui resisteret. Inde progressus cum exercitu suo Romam profectus est, præeunte eum tamen Conrado Episcopo Spirensi, Imperialis Aulæ Cancellario, in omnem civitatem & locum quo erat venturus, qui ubicumque veniebat, cum exultatione recipiebatur. Veniens verò Romam, quod inauditum erat, à Papa & Romanis sine bello vel aliquā sanguinis effusione, quod nunquam prædecessoribus suis concessum est, cum exultatione recipitur, & ab Innocentio Papa III. inunctus, in Imperatorem Romanum sublimatur. Sed statim postquam sceptrā Imperialia suscepit, Ecclesiam impugnare cœpit, patrimonium JESU-CHRISTI & B. Petri Apostoli invasit, diripuit, & suæ potestati subegit. A Romā verò egrediens ad Siciliam & Apuliam profectus est, & ubique filium Henrici Imperatoris diū quæsitum non invenit. Sed cum videret terram illam, prout volebat, sibi subjacere; regnum Alemanniæ, excommunicatus tamen à Papa, revivere curavit. Transmeatis verò terræ spatiis, tandem ad castrum quod Brisach dicitur super Rhenum situm pervenit. Habebat enim secum milites & clientes leves animo quorum mos erat impudicus, quia in quacumque civitate vel loco pernoctarent, cum hospitum suorum uxoribus, vel filiabus vel ancillis, vellent nollent, gratis vel vi, coibant, & eas impudicè tractabant. Quod & in eodem castro facere cœperunt. Viri igitur illius castri considerantes tantum nefas se non posse sustinere, inito consilio arbitrati sunt se potius unā horā velle mori, quàm tantum dedecus de uxoribus & consanguineis suis tam intollerabiliter sustinere. Dato itaque signo, quod quamcūque campanam majorem Ecclesiæ loci audirent, statim quilibet eorum, quod consilio privato statuerant; in hospitio cum hospitibus suis peragere maturarent. Quod si quis differret, à castro ipso cum totā familiā suā sine spe reverſionis pelleretur. Unusquisque verò domum suam rediens, in cameris clam, se armis munierunt. Adhuc vix se ad arma præparaverant, cum subito clangor campanæ auditur, & quilibet de latibus suis armati egredientes, inveniebant alios cum uxoribus, alios cum filiabus vel cum consanguineis vel demum ancillis impudenter luctantes, apprensos gladiis miserabiliter occidebant, & per propugnacula castri ita detruncatos in Rhenum præcipitabant. Alii verò volentes gladii mortem fugere, seipsos per murum castri demittebant: & ita super rupes, quibus insitum est cadentes, collisi, mortem quam fugiebant invenerunt. Clamor igitur hujus facti ad aures Imperatoris pervenit, qui in eminentiori domo castri cum Domino de Wisemberch, & paucis aliis erat. Qui inquirens quid esset audivit à quodam qui de eadem mactatione fugerat, quod tota gens sua, & milites sui interfecti erant, & expoluit Imperatori quare. Imperator verò timens si forte seditio populi ibi eum inveniret, ne ipse interficeretur, rogavit Dominum de Wisemberch, ut à castro eum cautè educeret: qui eum portenulā educens, ad Wisemberch pervenit. Et ita ille Imperator fugā lapsus ad inferiores partes Alemanniæ secessit. Et hæc fuerunt initia dolorum suorum, quia quandiu vixit, nunquam

*à devictus*] Sic restitui pro *devictus*: fortasse tamen Tom. II.

melius foret *disſante*:

una die dolore & ærumna & periculo corporis & animæ permanſit.

*Quid Otto Imperator ad Brunſwich rediit, & de pugna inter ipſum & Regem Franciæ.*

#### CAPUT XIV.

**D**escendens verò idem Imperator Otto ad inferiores partes Alemanniæ, venit Brunſwich. Eâ verò tempeſtate Rex Angliæ habebat guerram cum Rege Francorum Philippo pro quâdam terrâ quam ei Rex Francorum in Regno ſuo ſitam, non tamen ſine cauſâ, abſtulerat. Rex verò Angliæ mandavit Ottoni Imperatori, ut collecto exercitu ei veniret in auxilium, quia Regnum Franciæ in armis deliderabat intrare. Erat enim ille Otto propinquus ſuus, & valde cariſſimus. Cui Imperator Otto remandavit, ut ex illâ parte Regnum Franciæ invaderet, ipſe vero à parte Alemanniæ regionem vaſtaret. Erat enim quidam comes in Flandriâ, Ferrandus nomine, qui uxorem ſuam, quæ erat Regiſ Franciæ conſobrina, quam pro ludo ſcæcorum, quo cum ipſa uxor ſæpius mataverat, ipſam verberaverat, & inhonestè tractaverat: quæ uxor irata, hæc Regi Francorum indicavit, qui Comiti Ferrando duriter comminatus eſt, improperans ei quia non ei ideo Comitatum Flandrenſem & cognatam ſuam dediſſet, ut eam ſic dehonestaret. Comes Regiſ minas aggrè ferens, aſſumpto ſibi comite Boloniæ cum aliis pluribus amicis ſuis regni Franciæ abiit ad Ottonem Imperatorem, & cum eo tractavit de expeditione quam idem Imperator ſe facturum dixerat, & ei iuravit quia ipſum Pariſius Regem conſtitueret. Initio denique tali inter ſe pacto, etiam Comitatus, civitates & munitiones univerſas ipſe Imperator cum ipſo Ferrando Comite, Comitibus, & Baronibus qui cum eo regnum Franciæ ſe intraturos iuraverant, antequàm poſſideret, diviſerat. Collectâ itaque innumerabili multitudine armatorum, mandavit Imperator Regi Franciæ quidd iuraverat nunquam ſe ad Alemanniam rediturum, niſi prius Pariſius ſedem ſuam poſuiſſet, & ſuis Baronibus regnum Franciæ localiter diſtribuiſſet. Rex verò Franciæ hæc audiens, miſſis epistoſis Duci Burgundiæ, Normanniæ, Britanniæ Comitibus, & ubicumque milites adunare potuit, exercitum colligit: ſilium verò ſuum Ludovicum adverſus Regem Angliæ eâ parte qua regnum Franciæ intraturus erat, cum aliâ quâ parte armatorum direxit. Ipſe verò Rex Franciæ contrâ Ottonem Imperatorem acies ſuas minavit, & veniens ad quandam planiciem juxta Valenciennes, ad pontem qui dicitur de Bovines fixit tentoria: cujus exercitus ad novem millia militum, & ad quinquaginta millia peditum æſtimatus eſt. Imperator vero Otto penè ad eundem locum pervenit, & ibi reſedit. Cujus gens computata eſt ad viginti quinque millia militum, & ad octoginta millia aliorum armatorum, multitudine magna currum, victualium, & armorum oneratorum. Adduxerat enim ſecum plures currus funibus oneratos ad Francos ligandos, quia putabat ſe eos tenere captivos.

*De congreſſione ipſius pugne, & exhortatione ipſius Regiſ ad ſuos.*

#### CAPUT XV.

**V**enit dies Dominica, in quâ quilibet Chriſtianus feriare & Dei obſequio vacare æberet. Comes verò Ferrandus videns exercitum Regiſ Franciæ tam

parvum eſſe, dubitabat ne forte major gens Regi ſociaretur, ſuggeſſit Imperatori ut eâ die Dominicâ cum Rege bellum fieret, & ita multitudo Imperatoris parvitatem Regiſ Franciæ ſuperaret ac devinceret, & ad Regem Angliæ regnum Francorum devaſtando perveniret. Sed Deo auxiliante, res in contrarium verſa eſt. Imperator autem miſſis ad Regem nunciis, mandavit ei ut ſe ad bellum præpararet: Rex verò dans Deo honorem ob reverentiam diei Dominicæ, bellum poſtulabat in craſtinum prorogare: Comes verò Ferrandus dixit, quia ideo Rex pugnam differri volebat, quia aut magnum ſuccuſum gentium exſpectabat, aut noctu timore belli fugere diſponebat. Imperator verò credulus eâ die voluit bellum fieri. Rex autem Francorum Philippus convocatis Primatibus & militibus ſui exercitus, ſtans in eminentiori loco, ſic alloquitur ſuos.

O Vos, ſtrenui milites, ſuos Franciæ, decus coronæ Regiæ, nos deliberavimus in hac ſanctâ die Dominicâ Deo deferre honorem, & obſequio divino, & orationibus vacare; ſed urgente hoſte, & ad pugnam cogente, iſta nobis non licent. Videtis quippe nos coronam regni portantem, ſed homo ſicut & vos, & unus ſum; niſi vos ſupportaretis, ipſam minimè portare poſſem. Ego ſum Rex. Et ita ablata coronam de capite ſuo, porrexit eis dicens: Ecce volo vos omnes Reges eſſe, & verè eſtis cum Rex dicatur à regendo, niſi per vos regnum ſolus regere non valerem. Iſti verò qui ad nos conterendos venerunt, ſuis viribus conſili, non ſolum nos captivare, ſed etiam totum regnum Franciæ occupare conantur. Scio enim, & verè ſcio, quia contrâ adverſariorum diſpoſitionem Beatiffimus ac ſemper remiſcendus Patronus noſter Dionyſius hodie cum ſuis ſanctiſſimis Sodalibus pro nobis & pro ſtatu regni noſtri miſericordiſſimum Filium Dei gemitibus inenarrabilibus interpellat. Eſtote igitur ſecuri, quia hodie manifeſtè precibus beatiffimi dicti Patroni noſtri, videbitis auxilium Domini ſuper vos. Eſtote ergo viri cordati, & pugnate contrâ gentem ipſam nefandam: certè hodie Dominus omnes tradet in manibus noſtris, nec prævalebunt adverſum nos. Et ita eis devictis ad domos veſtras, uxores, & filios, & filias, quas ſibi rapere concupiſcunt, cum victoriâ & gaudio reducemini. Præcipio enim univerſis clientium & peditibus, & hoc ſub pœnâ ſuſpēdii (præceperat enim ad hoc plurima patibula erigi) ne forte aliquem veſtrum cupiditas rerum inventarum decipiat, ſed eas pro nihilo reputet, ne ab ipſis in bello impediatur, donec ad finem pugne perveniatur. Et ſic victoriâ, Deo adjuvante, potiti, quidquid quilibet habere potuerit, dummodo alii injuriam non faciat, totum ſuum de permiſſione noſtrâ erit. Si verò arma vel equos adverſariorum potuerit conquirere, ſi indiget ea ad pugnandum, accipiat.

At illi unâ voce clamaverunt, aſſerentes ſe adhortationi & præceptis Regiſ libenter velle obedire. Rex verò ſecum de Pariſius vexillum Caroli Magni, quod vulgò Auriflamma vocatur, quod numquam, ut fertur, à tempore ipſius Caroli pro aliquâ neceſſitate à ſecretario Regiſ expoſitum fuerat, in ipſo bello apportaverat. Qui ſuis clarâ voce dixit: Quis hodie veſtrum hoc vexillum in honore Regni Franciæ, in congreſſu iſto portabit? Cui Dux Burgundiæ reſpondit: Eſt mihi miles hîc benè cognitus, vir corpore validus, & ad bella doctiſſimus, ſed pauper, nomine Walo, qui totam terram ſuam deſiderio iſtius pugne pro ſolo equo, pignori obligavit. Si cui vexillum veſtrum committere velitis, iſti committite. Rex verò eo ad ſe vocato, porrigens ei vexillum dixit. Accipe amice Walo, hodie tibi com-



mitto honorem Regni Franciæ. Cui Walo : Quis ego ſum, Domine, ut hæc facere poſſim ? Cui Rex : Noli timere, ſi Deo donante victoriâ potiti fuerimus, labori tuo ampliffimè reſpondebimus. Cui Walo ait : Quia, Domine, juffio veſtra ad hoc me urget, mandata veſtra adimplere curabo. Sed ut video, quia Auriflamma iſta humanum ſitit ſanguinem, Deo mihi vires præſtante, multis videntibus hodie eam ſanguine adverſariorum potabo. Rex verò conſiderans quòd ſol radio ſuo oculis ſuorum reverberabat, arbitratus eſt ſoli terga vertere, quod & fecit. Adverſarii verò hæc non conſiderantes, ſplendoris ſolis ſe oppoſuerunt. Rex Franciæ ſuos buccinatores, de quibus multos habebat, à tergo exercitûs ſui ſtare præcepit, ut in primâ congreſſione tubis fortiter clangerent.

*De clangore tubarum & initio pugna.*

## CAPUT XVI.

CUmque iſta ita ſe haberent, ecce clamor adverſariorum ad pugnam exhortantium fortiffimus auditur, quem buccinatores Regis Franciæ audientes, ita unò icû tubis ſuis argenteis clangere cœperunt, ut terra ſub pedibus eorum tremere crederetur, & adverſarii tremore magno quaterentur. Ferrandus verò Comes Flandriæ volens ſe videri cæteris audaciorem, urgens calcaribus equum, ſcutò amplexo à ſuis ſeparatus, curſu equi ad adverſarios portabatur, quem cum intuens Walo miles, qui Auriflammam Regis Franciæ portabat, curſu validiſſimo illi obviam veniens, demiffò vexillo lumbos ejus perfodit, ita ut ex aliâ parte totum vexillum ſanguineum appareret, & cum de equo ad terram projecit, & ad ſe vexillum retraxit ; & ita, ut prædixerat, ipſam Auriflammam ſanguine potavit. Quod & poſtea ſæpius fecit. Duo vero clientes videntes Ferrandum Comitẽ ad terram jacere, ſupervenientes eum tenuerunt. Unus verò eorum gyronẽ loricæ levato coxam ipſius ita perforavit, ut teſticulos tranſverberatos alii coxæ jungeret. Alius verò icû cultri inter ſcapulas fortiter vulneravit, ſed loricâ eo defendente non eſt vulneratus ad mortem, & ita captivus Regi oblatuſ eſt Franciæ, qui eum cuſtodie tradidit. Alemanni verò ſua ſigna fortiter inclamantes, viriliter, ſicut moris eſt eorum, Francis reſiſtentes, plures ſuorum à Francis de equis projecti, à multitudine equitantium colliſi mortui ſunt, alii lanceis perfoſſi vitam finierunt, alii gladiis detruncati, animas ad inferos præmiſerunt. Otto verò Imperator cum videret anteriorem partem exercitûs ſui ita miſerabiliter debilitari, in multitudine gentis ſuæ conſidens, magnis clamoribus, ut moris eſt bellantium, ſuos ad pugnam adhortari cœpit. Rex verò Franciæ & ſui omnes Deum & B. Dionyſium in adiutorium ſuum invocabant. Walo verò ſignifer Regis Franciæ videns Imperatorem cum aciebus ſuis ad pugnam venientem, ultrâ moram non ſufferens, calcaribus equum viriliter feriens, Deo etiam ſe commendans, & B. Dionyſium ſæpius invocans, ſigno ſuo in altum elevato denſitatem pugnæ audacter intravit, & univerſas acies miles fortiffimus curſu ſuo in duas diviſit partes, & uſque ad aciem ultimam, in quâ Imperator erat, pervenit. Quem ſubſequuti ſunt Dux Burgundiæ cum ſuis, Comes Normandiæ, & Comes Britanniæ cum ſuis, & alii complures armatorum. Nobilis verò vir Agerrannus de Corcei<sup>b</sup> intuens Imperatorem à longè, equum calcari-  
bus percutiens, curſu validiſſimo eum petens, ad

terram demiffâ lanceâ de equo projecit. Ipſâ eadẽ<sup>m</sup> horâ equus Regis Franciæ offenſo pede, ipſum Regem de dorſo ſuo excuſſit, & ita cadens ad terram omnes videntes altiffimis vocibus inclamaverunt : Currite, currite ad Regem, quia cecidit. Illi verò qui jam Imperatorem tenebant, ut eum captum ad Regem ducerent, audientes clamorem ſupradictum, dimiſſo Imperatore, concito curſu ad Regem ſuum venientes, ipſum jam in equo ſanum repositum invenerunt. Qui de dimiſſione Imperatoris valde dolentes, iterum elevatis lanceis pugnam interrumpentes, quæſitum Imperatorem, quia fugâ lapſus erat, non invenerunt. Invento itaque milite qui Imperatorem in equo ſuo levaverat, tenentes ligatum cum pluribus aliis ad tentoria Regis Franciæ captum deduci fecerunt. Walo verò ſæpe dictus ſignifer cum pluribus aliis inſequens Imperatorem per devia quæque eum fugantes attingere non potuerunt ; ſed citò revertentes obviabant illis qui de bello fugiebant, quos omnes ſpoliatos captivaverunt, alios quia vulnerati aut laſſi in bello ire non poterant, abire dimiſerunt. Venientes autem ad locum ubi pugna exiſterat, invenerunt Francos mortuorum corpora ſpoliantes, alios captivos de funibus, quos adduxerant ad Francos ligandos, vincientes, alios tentoria Alemannorum colligentes, alios ſpolia inventa & prædas pecudum inter ſe dividentes. Et ita Rex Francorum cum paucis tantam multitudinem exercitûs Ottonis Imperatoris cum traditoribus ſuis devicit, interfecit. Ibi eſt captus Comes Flandriæ, Comes Boloniæ, & alii quam plures equites & pedites, quos de Franciâ in præjudiciũ Domini ſui Regis Franciæ in auxilium Ottonis Imperatoris dicti Comites adduxerant, qui captivi Franciam ligati ducti ſunt, & incarcerationi. Ita Rex Franciæ & exercitus ejus ſpoliis magnis onerati & lucris ingentibus, in regnum Franciæ omnes, exceptis uno milite & uno cliente, qui in bello interfecti ſunt, proſperè & gaudentes reverſi ſunt. De exercitu verò Ottonis ad eſtimationem triginta millium, vel interfecti, vel captivati fuerunt. Otto verò Imperator ad Brunſwiche oppidum veniens, tanto dolore & triftitia anguſtiatus eſt, ut in lectum decidens paucis ſupervixit diebus : fecit enim quosdam amicos ſuos adhuc vivens jurare, quòd quam citò mortuus eſſet, corpus ejus coqueretur, & ad Papam oſſa ejus ad beneficium abſolutionis obtinendum, quia à Papa excommunicatus erat, deportarent. Nefcio ſi obtinuerit, an non. Rex verò Angliæ qui jam regnum Franciæ invadere cœperat, auditâ victoriâ Regis Franciæ de Alemannis, quaſi cancer retrocedens, claſſibus aſcenſis cum exercitu ſuo in Angliam reverſus eſt. Lodovicus verò Regis Franciæ filius ad patrem Regem ſalutandum Pariſius cum ſuis reverſus eſt. Ibi cum Primatibus ſuæ terræ de triumpho victoriæ Deo & B. Dionyſio gratias affectuoſas referentes, plurimos dies feſtivos cum ingenti lætitiâ deduxerunt. Ita Deus omnipotens timentes ſe protegere & adjuvare non ceſſat ubique.

*De obitu Philippi Regis Francia, & ſepulturâ ejus.*

## CAPUT XVII.

Sed quia de tanto Rege pauca diſſerui, ſaltem de ſobitu ſuo, quo ordine ad Chriſtum migraverit, referre non pigebit, ſicut à veridicis Monafterii S. Dionyſii cum Fratribus meis apud Lebrach Cellam ipſorum, qui morti ipſius Regis interfuerunt, de verbo ad verbum audiui. Idem verò Rex Philippus poſt

<sup>b</sup> de Corcei ] Hic librarium erraſſe Acherius non immerito conjecit : legendum *de Concy*.

dictam victoriam sex feliciter supervixit annis, & mortuus est. Qui cum sepeliri deberet, quæsierunt in Ecclesiâ S. Dionysii ubi poni posset. Est enim à tergo altaris Martyrum B. Dionysii & sociorum ejus quoddam sepulcrum, in quo quidam Rex Francorum Carolus Calvus nomine fertur esse sepultus, qui cum quondam cum Fratribus suis pro Regno Franciæ litigaret, nec ei ad conducendos milites facultas suppetere, decimas Ecclesiarum militibus pro donativo dicitur hereditario jure distribuisse: unde milites usque ad tempora nostra donationes Ecclesiarum cum decimis suis adhuc obtinent: super quod sepulcrum sarcophagum habetur æneum fusile longitudine octo pedum, latitudine verò trium, super quod sculptus est Leo ad magnitudinem sarcophagi, quod & ego propriis oculis vidi. In hoc cum Philippum Regem sepelire disponent, aperto subteriori sepulcro, nihil penitus præter carbones mortuos, quibus totam plenum erat, invenerunt: quod videntes qui illud aperuerant, admirati sunt valde: dicebant enim quod carbones illi inventi, quia idem Rex Ecclesiis decimas, ut dictum est, abstulerat, significarent illum in carbonibus inferni fore sepultum. Quare recludentes ita dimiserunt, & in alio loco Regem Philippum condignè sepelierunt. Super quem tumbam argenteam deauratam cum imaginibus plurimis artificiosè factam composuerunt, quæ usque hodie perdurat.

*De mirabili transitu ipsius Regis, & de visione  
Honorio Papa inde factâ.*

#### CAPUT XVIII.

**E**Adem siquidem die quâ dictus Rex defunctus fuit, Honorius Papa apud Perusium civitatem Tusciæ, qui in eâ habebat quemdam militem consobrinum suum, qui tam gravi infirmitate diù detentus fuerat, quoddam ad extremum vitæ jam perductus esset. Quem Honorius Papa visitans, invenit eum in quodam virgulto in lecto jacentem semi-mortuum, & à medicis penitus desperatum & derelictum. Cum verò Papa eundem militem videret in extremo vitæ articulo positum, & spiritum in summitate pectoris vix palpitantem, exhibitis ei exequiarum & absolutionum beneficiis, dispositis custodibus qui exitum suum diligenter considerarent, ipsum Deo commendans, abiecit. Sequentem igitur nocte, cum jam ille mortuus crederetur, primâ vigiliâ noctis tres viri in albis apparuerunt ei, quartum secum ducentes: quorum major, quia infulis decoratus erat, Episcopus esse videbatur, qui ad lectum ægri accedens, cum proprio nomine appellans ait: Numquid dormis? At ille vix labia movens, raucâ voce, ut moris est morientium, dixit: Quis es Domine? Episcopus ait: Ego sum Dionysius Areopagita quondam Atheniensis, postea verò primus Parisiensis Episcopus, & cum his duobus sodalibus meis Rustico & Eleutherio, pro Christi nomine ibidem capite truncatus. Ille verò quartus, quem nobiscum habemus, Philippus est Rex Franciæ, quem jam defunctum per purgatorium ignem transducere proponimus, ut si qua ei peccata de contagiis terrenis adhæserunt, per hunc ignem misericordia divina ea diluat, & ita ad requiem cum nobiscum deducemus. Surge ergo & vade, & dic Honorio Papæ quæ audisti: denique subjunge, ut die crastinâ summo mane hostiam salutarem pro ipso Rege Philippo offerre non differat, & ei beneficium absolutionis impendat. Quo facto, sciat eundem Regem proculdubio statim æternæ requiei donatum. Et ut tibi de prædictis melius credatur, surge, & hoc tibi signum: quia cum esses in articulo mortis jam posi-

tus, te ab ipsâ morte revoco, & ad mandatum meum adimplendum, sanitati & viribus melius quàm fueras te divinâ virtute restituo: & apprehensâ manu ejus, eum de lectulo levavit, & ita visio illa disparuit. Miles verò ille custodes suos, qui eâ horâ visionis casu obdormierant, excitans, vestimenta sua & calciamenta sibi dari poposcit. Custodes verò videntes eum in lecto sedere, immoderatè perterriti sunt, nescientes quid factum fuerat. Ille verò videntes eos hæsitantes, ait illis: Ecce jam sanus factus, video me juvenilibus annis integraliter restitutum: expurgiscimini ergo, & mecum laudate Deum, & eamus ad Papam, quia ad ipsum habeo mandata quæ perferam. Illi verò timentes cum eo ire, putabant eum phantasma esse: Ille verò confortans eos abierunt. Venientes verò ad cameram Papæ, miles pulsans, petit se intromitti. Ostiarius verò sciscitans quis esset, qui tali horâ januam tam audacter pulsans, Papam inquietare præsumeret. Ille ait: Ego sum Miles ille cognatus Domini Papæ, qui usque ad mortem ægrotavi; & ecce Dei gratiâ sanus factus sum: aperi, quia habeo ei mira dicere. Ostiarius verò tremens, ad lectum Papæ cucurrit, & ei audita narravit; Papa admirans, tamen hæsitans, jussit ei aperiri. Qui veniens ad Papam cuncta ei ordine narravit, quæ à B. Dionysio audierat & viderat; & quomodo, ut melius verbis ejus crederetur, ab ipso Sancto pristinæ sanitati restitutus erat. Papa verò exultans, Deo gratias egit, & data illi benedictione, dimisit eum; & mane facto, sicut ei mandatum fuerat, divina celebrando, & dictum Regem absolvendo, cuncta fideliter adimplevit.

*De Innocentio Papa, quomodo Fridericum filium  
dicti Henrici Imp. ab Apuliâ in Aleman. misit.*

#### CAPUT XIX.

**N**E mireris, lector, quæso, si finem Regis Franciæ seriatim exponendo descripsi ordine præposito ante Innocentium. III. Papam, de Honorio, cujus tempore dictus Rex Franciæ obiit; & visio prædicta facta est, mentionem feci: quia melius arbitratus sum actus ipsius Regis, & finem de verbo ad verbum sine intermissione adnotare, quàm diversis locis diversa componere. Revertamur igitur ad quædam, quæ tempore Innocentii facta sunt, & sic cætera expediamus. Innocentius igitur Papa III. auditâ morte Ottonis misit in Apuliam, & quælitum Fridericum quondam filium Henrici Imperatoris, invenit eum jam ferè vicessimum ætatis suæ annum habentem; quem cum epistolis & Missis suis satis subtiliter ad Alemanniam transmisit. Fridericus verò qui Infans Apuliæ, quia juvenis erat, tunc appellabatur, Batiscam usque deductus est. Lutoldus verò illius civitatis Episcopus ex præcepto Papæ usque ad oppidum in Alsatiâ, quod Columbaria dicitur, dictum Fridericum conduxit. Dux itaque Fridericus Lotharingiæ, cum audisset illum ad partes Alemanniæ venisse, quia cognatus ejus erat, & sperabat se aliquid ab eo accepturum, venit ad eum in armis.

*De conventionem inter Fridericum puerum de Apuliâ,  
& Frider. Ducem Loth. factâ, ut sibi assisteret.*

#### CAPUT XX.

**F**RIDERICUS verò Rex Duci Lotharingiæ dixit, qui ad eum venerat, si adisteret ei, ipse daret ei quatuor millia marcharum argenti, & super hoc dedit ei in pignore Villam, quæ dicitur Rotsem. Et

inde Dux cum Friderico ipso Haugonoyam usque pervenit, reperitque oppidum à quodam nobili milite Domino de Loëmberch occupatum. Fridericus enim Rex ad inferiores partes Alemanniæ, ut sibi Primates illius terræ in amicitiam jungeret, descendere volens, Ducem Fridericum cum exercitu in obsidione Haugonoyæ dimisit. Dominus verò de Loëmberch videns oppidum illud diù non posse obtinere, reddidit illud Duci; Dux verò genti Friderici. Fridericus itaque cum Primatibus illis per industriam Innocentii Papæ se concordans, ab illis Aquisgrani in Regem coronatur. Dux verò Fridericus pignus suum, id est Rotsem, quam ei Rex Fridericus pro dictâ pecuniâ contulerat, quamdiù vixit obtinuit.

*Quòd Dux Fridericus Theobaldo filio suo filiam Comitis de Dasporch accepit in uxorem, cum & eâ Comitatum.*

## CAPUT XXI.

**E**A tempestate Dux Fridericus Lotharingæ filiam Comitis Alberti de Taxpurch quæ sibi unica erat, filio suo Theobaldo accepit in uxorem. Post paucum itaque tempus dicti Dux & Comes mortui sunt. Ipse verò Theobaldus dicti Ducis filius Ducatum Lotharingæ ex parte patris, Comitatum quoque de Taxpurch ex parte uxoris suæ obtinuit. Rex verò Fridericus auditâ morte Friderici Ducis, Villam de Rotsem, quam ei in pignore dederat, sibi relaxavit. Dux verò Theobaldus hoc audiens, adunatis sibi militibus, præcepit Lambyrino de Arches, qui quasi Major domus ipsius erat, ut cum peditibus ad Bruscam-vallem descenderet, & ibi eum exspectaret. Sed cum videret Lambyrinus Ducem non venientem, venit cum suis ad Rotsem. Et quia ibi excepto vallo nulla defensio erat, citò Villam intravit. Quod videntes illi de Villâ, intrâ Ecclesiam loci & atrium se concluderunt. Lambyrinus verò cum suis Villam occupavit. Illi autem spolia multa inveniunt, vina & alia quamplurima cibaria pro voluntate suâ quilibet eorum rapuit.

*De occisione Lotharingorum apud Rotsem facta.*

## CAPUT XXII.

**C**Um igitur viderent quòd nullus eis adversaretur, intrantes cellaria, inveniunt vina plurima, sederunt, comederunt, & biberunt quantum voluerunt: & sicut illa gens rusticana facere solet, cum copiam vini reperit, quia in domibus suis rarè vinum habent, omnes inebriati sunt, & per pavimenta cellariorum se jacentes, quasi exanimati, temulenti jacebant. Quod cum vidisset quidam strenuus miles, Otto nomine, ejusdem villæ, convicaneos suos exhortatus est: Eia, inquit, vos omnes viri cordati: numquid aspiciatis rusticos istos vino temulentos? Sumite ergo arma, quia quàm citò eos omnes debellabimus. Illi verò, sicut moris est Alemannorum, furibundi de latibulis suis exeuntes in miseros illos irruerunt: illi verò qui præ nimia ebrietate super pedes suos stare non poterant, volentes arma sua capere, non valebant: alii verò fugere volentes ad terram decidebant: alii veniam inclamare cupientes, balbutientes verba proferre non poterant. Et quia Alemannorum moris est nulli velle parcere cui possunt dominari, in illos miserabiliter lævire cœperunt: & quia illi ebrii defendere se non poterant, detruncantur, eviscerantur, & gladiis perfodiuntur ut plusquàm cxx. interfecti æstimentur. Lambyrinus verò & aliqui, qui cum eo erant, pro-

videntiores ascensis caballis suis, per portam qua ducit ad Bruscam-vallem exeuntes fugerunt; aliqua pars verò istorum videntes tantam stragem suorum, per vallum villæ exeuntes ad montana, quæ ibi propè habentur, se contulerunt: alii verò usque ad mortem vulnerati per hortos vino & vulneribus attriti, quasi mortui jacebant; sequenti verò nocte quomodo potuerunt fugientes, per nemora gradientes ad terram suam reversi sunt. Alemanni verò domos & cellaria & latibula domorum requirentes, multos adhuc invenerunt, & ita omnes interfecerunt, ut non unus de tantâ multitudine, qui inveniri potuerit, vivus remanserit. Lambyrinus verò cum paucis fugâ lapsus, ad dominum suum Ducem Theobaldum, qui incontinenti cum exercitu suo in Brusca-valle erat, apud Wicha tristis advenit; qui Duci cuncta quæ facta fuerunt, narravit: Dux autem hæc audiens tristis retrocessit.

*Quòd Rex Fridericus Lotharingiam cum armis intravit, & castrum Amantia obsedit, & Ducem Theobaldum secum in Alemanniam duxit, & eum veneno interfecit.*

## CAPUT XXIII.

**F**Ridericus autem Rex Alemanniæ cum audisset quòd gens Ducis Lotharingæ Rotsem cum armis intraverat, etiam aliâ vice, nescio ante hoc factum vel post, cum magno exercitu Alsatiâ vastaverat, collecta non parvâ multitudine equitum Lotharingiam penetravit; & veniens ad castrum quod Amantia dicitur, illud obsedit. Mandans verò pro Comite Barrense & Comitissâ Campaniæ ad ipsum properaverunt: qui venientes apud Nanceyum ibidem pernoctaverunt. Mane factò illud oppidum totum igni succenderunt; deinde ad Regem venientes grante recepti sunt. Dux verò Theobaldus mitens per universos, quos amicos suos esse credebatur, ut ei in auxilium venirent, & non est inventus auxiliator. Cumque Dux videret se omni succursu esse destitutum, timuit ne Rex totam Lotharingiam devastaret, & sibi eam auferret: quia jamplures, qui ei succurrere debuerant tam de terrâ suâ quàm aliunde, ut eum opprimerent ad Regem venerant: accepto consilio ad Regem inermis venit, & se ad pedes inclinans veniam petiit. Rex verò se ei velle indulgere respondit, sed non ex toto, quod ita fecit: retinuit enim Ducem cum quatuor militibus tantum cum eo, & ad Alemanniam revertens, Ducem cum eo quasi captivum ducebat in omnem locum quo iturus erat, & sic eum cum eo diù detinuit. Volebat enim Rex ut secum semper solus in mensâ esset, in hoc tantum garcione contentus, qui ei pallium suum ad Curiam deferrebat: Milites verò sui ad hospitium remanebant, nec unus quidem ex eis ad Curiam veniebat; ministrabantur tamen eis à Curia Regis necessaria universa. Ego quidem tunc temporis ab Abbate Henrico Senoniensi ad ipsum Ducem Lotharingæ missus sum, eo quod Rhilippus Dominus de Gillibertivillare dictum Abbatem meum in quibuscumque poterat, molestabat, & ei satis periculosè minabatur: quem cum diù quæsissem, eum cum Rege in Herbipoli, quæ Theutonicè Werseborch vocatur, in Hosterfrank inveni, & per octo dies in Curia ipsâ permansi: acto meo negotio, considerans quomodo idem Dux & sui à Rege tractarentur, reversus sum. Rex verò cum eundem Ducem Theobaldum pro voluntate suâ detinisset, dimisit eum: deliberaverat enim quid cum ipso ageret. Dux igitur transvadato Rheno ad sua gaudens revertebatur; credebatur enim se

D= se scribit  
Auctor.

KKkkij

gratiam Regis integraliter recepisse : sed Rex malitiæ suæ non immemor , statim cum Dux ab eo discessit , quamdam meretricem , quam Sodariam vocant , post Ducem direxit : quæ cum Duce unâ nocte hospitans satis jocosis verbis & motibus , sicut talium moris est , blanditiis alliciens , veneno , quod ei Rex ad hoc dederat vino mixtum , Ducem potavit ; & sic mane facta meretrix illa discessit : Dux verò non longè post vivens , mortuus est , & in Claustro Stulceborne Cisterciensis Ordinis sepultus est. Cui frater ejus Maherus in Ducatu successit. Fridericus Rex de Apuliâ uxorem sortitus est , quam secum adduxit , & de eâ genuit filium , quem Henricum appellavit. Sed ad reliqua quæ tempore Innocentii Papæ facta sunt revertamur.



## LIBER QUARTUS.

*De Synodo Lateranensi , cui præsedit Innocentius Papa III.*

### CAPUT PRIMUM.

**A**Nno ab Incarnatione Domini MCCXV. celebrata est universalis Synodus Romæ in Ecclesiâ Salvatoris quæ Constantiniana vocatur , mense Novembri , præsidente Domino Innocentio Papa III. Pontificatus ejus ann. XVIII. in quâ fuerunt cccc. & XII. Episcopi , inter quos fuerunt de præcipuis Patriarchis duo , videlicet Constantinopolitanus , & Hierosolymitanus : Antiochenus verò gravi langore detentus venire non potuit , sed misit propter se vicarium Antercedentem Episcopum : Alexandrinus etiam sub Sarracenorum dominio constitutus fecit quod potuit , misit pro se Diaconum germanum suum. Primates & Metropolitanos septuaginta unus : Abbatum verò & Priorum numerus ultrâ octingentos existimatus est. Archiepiscoporum verò , Episcoporum , Abbatum , Priorum , & plurimorum Prælatorum Ecclesiæ , qui non interfuerunt , non est numerus. Legatorum Regis Siciliae in Romanorum Imperatorem electi , Imperatoris Constantinopolitani , Regis Franciæ , Regis Angliæ , Regis Hungariæ , Regis Hierosolymitani Joannis , Regis Cypri , Regis Aragonensis , nec non aliorum Principum , & Magnatum , & civitatum , aliorumque locorum magna affuit multitudo. In quâ Synodo dictus Innocentius Papa sermonem proprio ore protulit , ita incipiens : *Desiderio desideravi hoc Pascha manducare vobiscum antequam moriar.* In quo sermone inter cæteros tractatus & disputationes fidei conservationes de statu Ecclesiarum & personarum eas regentium liquidè persequutus , limpidius de obitu suo , & quoddam Deus super hoc signum fecerat in bonum , mirabiliter pertractavit : & quod mirabilius est dictu , de Matrimonio ita efficaciter disputavit , ut ipsos gradus contrahendi matrimonium potius usque ad quartum gradum debere restringere , quàm in septimo gradu in quo antiquitus constitutum erat , permaneret ; asserens quod pro intricatâ cognitionis computatione minus providè contrahebant , & divortia celebrabant : unde idem Papa connubia matrimonii extrâ quartum gradum tantum fieri decrevit : & si in quinto gradu ex unâ parte , & in tertio ex alterâ juncti fuissent , præcepit non separari. Et alia multa indixit , quibus Jurisperiti adhuc utuntur. Et sic quilibet ad proprio reversus est.

*De exercitatione justitiæ à Friderico factâ in urbe Romanâ.*

### CAPUT II.

**R**Ex itaque Fridericus regnum Alemanniæ sagaciter circueiens quotquot potuit invenire raptores nocturnos , incendiarios , fures , & alios regni molestatores magno studio perquirebat , inventosque sine aliquâ redemptione decapitabat , alios rotis confringebat , alios supplicio damnavat , alios membris mutilatos dehonestabat , alios verò diversis supplicis interficiebat. Quare mercatores eum , qui & vias & regionum stratas ita pacificaverat , quoddam securi quocumque volebant pergebant , magno affectu diligebant ; & ita fama sui boni initii ubique diffundebar : sed proh dolor ! exitus ejus in contrarium versus est.

*De multitudine puerorum volentium mirabiliter transfretare in Hierusalem.*

### CAPUT III.

**E**O siquidem tempore tanta agmina puerorum utriusque sexus ex diversis regionibus nescio quâ arte collecta sunt , ut in unum conglobati , innumabilis fieret exercitus : qui ante se vexilla dirigentes sequebantur , dicentes se transfretare debere ; & terram sanctam sicut filii Israël ex Ægypto exeuntes terram illam obtinuerunt , ita & ipsi eam forte possiderent. In quâ verò civitate vel terrâ veniebant , habitatores illarum quasi pupillos & orphanos , sicut erant , pro Deo suscipiebant , & eis alimenta ministrabant , & ita eos dimittebant. Illi verò Alpes transeuntes Longobardiam intraverunt , & per maritimas civitates , Januam scilicet & Pisam , & alias in orâ maris sitas dispergentes , credebant naves ad transfretandum invenire , & non invenerunt. Duæ tamen naves ex ipsis oneratae in mare se miserunt ; sed adhuc ignoratur si portum obtinuerunt , vel ad quas regiones delati sunt : Alii verò qui remanserunt , ad tantam penuriam devenerunt , ut non ipsos quis hospitio reciperet ; ut de ipsis illud Hieremiæ dici posset : *Parvuli petierunt panem , & non erat qui frangeret eis.* Unde per vicos & plateas maxima pars ipsorum fame mortua jacebant , nec erat etiam qui sepeliret. Et sic verè illa parva gens illis magnis Innocentibus , qui pro Christo occisi sunt , comparari creditur : quia ipsa in tam tenerâ ætate labores immensos & mortem famis , quæ crudelior est gladio , subire meruit : unde Hieremias : *Melius fuit occisis gladio , quàm interfectis fame.* Et verè melius , quia gladius solo ictu occidit , fames verò diu cruciatum interficit. Cæteri quoque qui sanioris mentis & ætatis erant , per regiones Italiæ & Thuscæ dispersi , ad serviendum gentibus illius terræ , vel ad laborandum se contulerunt. Talis enim illius facti finis fuit : nec adhuc potest inveniri quid tam inauditum factum portenderet. Et eodem tempore Ordo Prædicatorum , & Fratrum Minorum inchoatus est , de quibus post pauca loco suo apertius disseremus. Eadem verò tempestate non multò post , sicut ipse in sermone Synodi suæ prædixerat , Innocentius Papa migravit à sæculo , sepultus Perulii à tergo sepulcri S. Herculani in thecâ marmoreâ satis decenter sculptâ ; cui successit Honorius.



*Quòd Fridericus in Imperatorem proſectus eſt ab Honorio Papa.*

## CAPUT IV.

**R**Ex itaque Fridericus cum totum regnum Alemanniæ quietà pace & ſucceſſibus proſperis gaudere videret, ordinatis ejusdem regni agendis, cum exercitu Romani proſectus eſt, & intrans cum magnâ difficultate cum uxore ſua Apulienſi, in Imperatorem ab Honorio Papa III. ſublinatus eſt anno ab Incarnatione Domini MCCXXI. Indictione VII. in Baſilicâ S. Petri. Papa verò ut terræ ſanctæ ſuccurreret, quia neceſſe erat, adhortatus acquievit, & ſtatim cruce ſignatus eſt, & jura ſanctæ Eccleſiæ ſe obſervaturum, prout deberet, juravit. Inde denique progrediens, vale dicens Papæ cum exercitu ſuo ſeceſſit ad partes Siciliæ & Apuliæ, & ibi magnas ſtrages de Primitibus, & gente illarum regionum, qui ſibi & patri reſtiterant, perpetravit: alios quippe vivos excoriavit, alios ſuſpendio deputavit, alios membris omnibus mutilatos vivos dimiſit, alios rotis confregit, alios cum alleribus decapitavit: & ita totas regiones illas juridiſctioni & timori ſuo ſubdidit. Deinde quemdam montem, qui Nigra montana dicitur, muris fortiffimis munivit, & cum Saracenis innumerabilibus implevit, & de iſtis ſapientiores quos Mathematicos, quos Aſtronicos vocant, ariolos, divinatores, & inſpectores volatus avium, & alios plurimos Chriſtianæ fidei adverſarios ad ſe accerſivit, de quibus quosdam Conſiliarios fecit; quosdam qui in volatu avium & extis animalium augurari ſciebant, & ſortilegos, qui ei futura prædicebant, familiariffimos ſibi junxit, & ita univerſas gentes illas cum univerſis regionibus ſuis ſuæ poteltati adjungens, ſigillum terræ illius ſibi fieri juſſit, cujus ſuperſcriptio talis erat:

*Siculus & Calaber, Apulus mihi ſervit & Aſer.*

Quas regiones diu circuiens ſibi, ut ſupradictum eſt, ſubjugaverat.

*Quòd Imperator Fridericus vallem Spoletanam, & ceteras terras S. Petri ſibi uſurpavit.*

## CAPUT V.

**C**umque hæc ita ſe haberent, cupiens Alemanniæ viſitare, quæ ei cara erat, intrans Tuſciam, vallem Spoletanam cum civitatibus ſuis & vicis, & omne patrimonium & munitiones B. Petri ubicumque invenire potuit ſaiſivit, & quamdiu vixit obtinuit: aſſerens Episcopos & alios Clericos, qui orationi tantum vacare debebant, civitates & alias munitiones habere non debere: ipſe enim Advocatus & Defenſor Eccleſiæ erat, cui hæc competeabant. Descendens ad Alemanniæ, filium ſuum Henricum quem de Apulienſi uxore genitum prius dixeramus, de conſenſu Magnatum Alemanniæ Aquilgrani in Regem coronari fecit, & ei ut moris eſt fidelitatem fecerunt, & dicto filio ipſe Imperator filiam Ducis Aſtriæ dedit uxorem, de qua genuit duos filios, quos, ut fertur, poſtea idem Imperator interfecit, ſicut & matri dicti Henrici feciſſe dicitur. Et hæc initia ſuæ malæ converſationis, ſicut poſtmodum lucidiùs exponemus, uſque in finem vitæ ſuæ exſtiterunt: in quibus ipſe illiſſimo Juliano Imperatoris ſimilis fuit, qui ab Eccleſiâ & in Eccleſiâ nutritus, & ad honores prius promotus, poſtea Chriſtum negans, ob ambitionem Imperii omni niſu crudeliter Eccleſiam impugnavit, & inhumanè Chriſtianos perſe-

quens, quos veri Dei cultores inveniebat diverſis ſuppliciis interfeciebat; qui denique à S. Mercurio Martyre B. MARIÆ Virginis juſſu dirâ morte percuſus interiit in Perſide.

*De Volfelino Sculptore Haganoyæ & de munitionibus ab ipſo in Alſatiâ conſtructis.*

## CAPUT VI.

**E**Rat his diebus in Haganoyâ Alſatiæ quidam Præfectus nomine Volfellus, ruſticus quidem genere, ſed ſolertiâ & prudentiâ præditus. Hic in Alſatiâ oppida plurima, caſtra & alias munitiones regno ædificavit; caſtrum videlicet Croneberch juxta villam Morbei, apud Andelay aliud caſtrum quod Landeshoarte appellavit; Scleſtat quoque, quæ antea parviſſima villa erat, francam fecit, & eam muris latiffimis & burgentibus pluribus ampliavit, & ditavit. Oppidum quoque Keſepech cum caſtello ſuo de novo ædificavit: Columbariam etiam in Episcopatu Baſilienſi, ſicut Sleſtat fecerat, conſtruxit. Citrà Rhenum igitur oppidum, quod Nuemberch dicitur, munivit & libertavit. Sed Imperator pro omnibus his bonis, & ceteris aliis quæ pro utilitate regni & honore fecerat, mala pro bonis eidem Præfecto Volfello Haganoyæ inferens, ipſum captivavit, & ab eo theſaurum immenſum auri & argenti extorſit: nec adhuc ei credens in domo propriâ incluſit: ſed poſtea licentiâ acceptâ venit uxorem ſuam viſere, & unâ nocte cum uxore ſua dormiens, ab eadem uxore dicitur eſſe ſuffocatus, ne divitias quas ipſa uxor habere credebatur, Imperatori revelaret.

*Quòd Imperator Fridericus filiam Regis Joannis Hieruſalem duxit in uxorem: & quòd idem Rex Damiatam miraculoſè cepit, & poſt pauca iterum perſua eſt.*

## CAPUT VII.

**I**mperator verò Fridericus ad Apuliam rediens, accepit ſibi uxorem filiam Joannis de Brine Regis Hieruſalem, de qua genuit filium Conradum nomine. Dictus verò Joannes moto exercitu Damiatam Ægypti obſedit, & miraculoſè obtinuit, quam ſtatim ſtultitiâ cujuſdam Legati Romani, qui exercitum Chriſtianorum de civitate eadem eduxerat, a quibus multitudinè Saracenorum incluſi, & in anguſtiâ mortis poſiti, Damiatam Saracenis reddiderunt, & ita à terra illâ Chriſtiani exierunt. Imperator verò Fridericus à Papa excommunicatus, eo quod votum crucis nondum perſolverat, credens ſe Deo ita ſatiſfecifſe, accerſitis ſecum paucis, & Abbate Morbacenſi, qui mihi hæc omnia retulit, mare tranſivit, & Joppen in littore maris ſitam, à Saracenis quondam deſtructam, reædificavit, & inde Amirando Babiloniæ in amicitiam ſe conjunxit; ita ut totam terram illam ſi voluiſſet, ut fertur, Chriſtianitati ſubjeciſſet, & ſic ad Apuliam reverſus eſt. Audiens verò Imperator Fridericus quòd filius ſuus Henricus Rex de conſenſu Magnatum terræ, invito patre Regnum Alemanniæ obtinere ſatageret, eum ad ſe accerſitum cepit, & eum in Sicilia caſtro includens ibi mortuus eſt. Descendens igitur Imperator ad Italiam, Mediolanum obſedit, & duobus annis ibi ſedens nihil profecit. Carrucam tantum ipſius civitatis, quam Standarium vocant, cum vexillo ſuo acquiſivit, & Poteltatum Mediolanenſem captivum ad Cremonam ducens, in altâ turri patibulo eum ſuſpexit. Deinde Bononiam obſedit, & ante illam novam civitatem conſtruxit, quam cuſtodiendam



filio suo, quem de concubina genuerat, Regi Sardiniae dereliquit, & abiit. Illi vero Bononienses de civitate sua exeuntes, civitatem illam novam invaserunt, & igne incendentes funditus destruxerunt, & dictum Regem Sardiniae, qui eam custodire debebat in civitatem suam captivum duxerunt: sed quid de eo actum sit non audivi.

*Quod Imperator fratrem Gregorii Papa suspendio damnavit.*

#### CAPUT VIII.

**I**gitur Imperator tunc ad Alemanniam forte devenerat, & apud Haganoyam veniens venationi & piscationi vacabat. Gregorius vero Papa, qui Honorio successerat, habuerat quemdam nobilem Militem fratrem Apulensem, qui Imperatorem aliquando se offendisse dubitabat; veniens in Alsatiam Comitum Sigibertum Alsatie Lantgravium & Conradum tunc Metensem Episcopum Imperatoris Cancellarium, rogavit, ut eum ad Imperatorem salvum conducerent, quod & promiserunt. Imperator vero iussit in patibulo eum suspendi: & sic male conductus vitam finivit. Gregorius igitur Papa admonens Imperatorem per Internuntios ut Deo ac beato Petro satisfaceret, qui & renuit: quem Gregorius Papa in toto orbe Romano excommunicatum denunciavit. Gregorio vero mortuo Sedes diu Pastore caruit, Imperatore electionem perturbante. Tandem Coelestinus electus, decem & septem diebus supervivens mortuus est:

*De electione Innocentii Papa IV. & de adventu ejus Lugdunum.*

#### CAPUT IX.

**E**Rat igitur quidam Cardinalis Senebaldus nomine, de civitate Januensi in Italia oriundus, quia Imperatori aliquantulum familiaris erat, Papa effectus est: qui eodem anno simulata infirmitate, dicens se velle aërem nativitatis suae ut sanaretur invisere, venit Januam: Inde clam per terram Comitum Savoyae progrediens pervenit Lugdunum, & ibi per septem annos continuos demoratus est. Volens igitur Papa cum Friderico Imperatore de rebus Ecclesiae, quas rapuerat, agere, ipsum per legitimas ferias ad Curiam citavit. Imperator vero Legistas & doctissimos viros Jurisperitos pro se mittens, dicens se in Longobardia occupatum, tandem asseruit se esse venturum. Fertur etiam quosdam versus nescio à se vel ab alio compositos interea Papae mandasse, ita scribens:

*Fata notant, stelleque vocant, aviumque volatus,  
Totius & subito malleus orbis ero.*

*Roma diu titubans, longis erroribus acta  
Decidet, & mundi desinet esse caput.*

Quibus Papa versibus respondit, sed à memoria mea dilapsi sunt: sed hinc est sensus. Fata tacebunt, & stellae silebunt, & volatus avium non loquentur: tu vero malleus orbis ad tempus esse poteris, sed non diu: Romam vero, quam dixisti esse casuram, Ecclesiam, id est, naviculam Petri advertimus: potest enim in fluctibus hujus maris, id est mundi, fluctuare, sed nunquam mergi. Tertia igitur citatione, ut praediximus, facta, interea Papa Innocentius IV. (ita enim in Papatu vocatus) Concilium Archiepiscoporum & Episcoporum regionum circumadjacentium convocavit, ad quod Fridericus vocatus noluit venire, sed suos Nuntios misit. Praesidente igitur Innocentio Papa in facie ipsius Concilii, de

commisissis ipsius & haeresibus, quibus implicatus esse dicebatur per xvi. Capitula hinc inde disputatum est: tandem per sententiam, ipsum anathematizavit, & à dignitate & honore Imperii alienavit, & ipsum vel heredes suos ad dignitatem Imperii Romani nunquam venire posse judicavit, & sub interminatione anathematis districtè inhibuit; ne quis de cetero cum pro Imperatore haberet, nec Imperatorem; sed Fridericum tantum de Stoupha appellaret. Et hoc mandatum per universas Imperii Romani regiones Papa divulgare fecit: sed hoc Rex Franciae approbare noluit, quia idem Fridericus quondam juratus suus exstiterat.

*De bello transmarino, quod Ludovicus Rex Franciae in extremis positus in visione vidit.*

#### CAPUT X.

**R**ex igitur Francorum gravi detentus infirmitate usque ad mortem agrotavit, cui talis apparuit visio. Videbat se in transmarinis partibus esse constitutum: ibi enim nostri Christiani & Saraceni ad pugnam parati erant, & congregientes acriter inter se pugnant; & postquam diu pugnatum est, Saraceni nostros vicerunt, & omnes aut interficiebant, aut captivos ad terram suam deducebant, ita quod de tantà multitudine nostrorum vix xv. milites de bello fugientes remansisse dicerentur. Quod cum Rex Franciae videret valde indoluit: cui fertur dictum fuisse: Rex Franciae hoc irrecuperabile damnum vindica. Rex autem ab hac visione reversus, vovit se ad terram Sanctam post duos annos properaturum: & statim sibi crucem dari praecipiens, invitâ matre Dominâ Blanchâ cruce signatus est. Pugna quippe ab ipso Rege intrita accidit in festo S. Andreæ, & sicut viderat verum fuit.

*Quod Papa Innocentius damnato Friderico Imper. Landgravium de Thuringia Regem Rom. creavit.*

#### CAPUT XI.

**F**Riderico quoque quondam Imperatore, ut diximus depulso, Innocentius Papa Regem creavit filium Comitum Palatii de Thuringia, qui assumpto sibi exercitu intravit territorium de Nuremberch. Papa vero misit ei Archiepiscopos & Episcopos cum militibus. Conradus vero filius dicti Friderici prius Imperatoris, qui tunc in Suevia erat, accersita sibi magnâ multitudine armatorum venit obviam novo Regi & congressus cum eo victus est, & multi de exercitu suo perierunt interfecti, alii capti, alii fugerunt: Conradus vero in Nuremberch fugit. Novus vero Rex ad sua, & omnes adjutores sui cum multis spoliis redierunt; solus tantum garcio de tantâ multitudine nostrorum ibi mortuus. Novus quoque Rex non multo post diem clausit extremum: & Papa alium instituit, Comitem scilicet de Holande, qui exercitum colligens venit Aquisgrani, & eam obsidens tandem cum magno labore expugnavit, & ibi coronatus est, & inde ad sua rediit. Episcopus vero Argentinenfis duo castra, quae Regi nostro adversabantur, Wigressem, & Croneberch, funditus destruxit, & totam terram Episcopatus vice Regis sibi subegit: Silestat vero obledit, sed nihil profecit. Conradus vero radiatus viribus assumptis subito Alsatiam intravit, & recto itinere nihil aliud faciens cum suis incedebat. Episcopus autem Argentinenfis usque ad ripam Rheni sequutus est eum. Conradus vero Rhenum transiens

in

in Sueviam fugit, & Episcopuſ in ſua reverſuſ eſt.

*Quòd Rex Francia mare tranſiit: Damiatam miraculoſè obtinuit, & eam pro liberatione ſua Sarraceniſ reſtituit.*

## CAPUT XII.

**R**Ex verò Franciæ mare intrans applicuit magno apparatu Cyprum, & ibi aliquamdiu moram faciens, multi de ſuis mortui ſunt. Deinde ad portum Acharon volens venire, vento ſtante contrario ad littuſ Damiatæ projectuſ eſt: nautæ verò valde admiranteſ, dixerunt civitatem quam videbant eſſe Damiatam, quæ in Ægypti introitu ſita eſt: noſtri verò valde perterriti ad arma currunt, littuſ occupant, Sarracenoſ ad bellum paratoſ inveniunt, qui à noſtris oppreſſi Damiatam redire compulſi ſunt. Noſtri igitur Chriſtiani tentoria ſigenteſ ibidem pernoctarunt: mane autem factuſ ad portuſ civitatuſ venienteſ, apertuſ eaſ quidem invenerunt, ſed nulluſ intuſ civiuſ reperiunt. Intranteſ autem civitatem mundaverunt, & Eccleſiaſ compoſitiſ cultui Chriſtiano ſubdiderunt. Poſt paucos itaque dieſ Rex cum exercitu ſuo ſuggeſtione Comitiſ de Artois fratruſ ſui terram Sarracenoſ ingreſſuſ eſt, & ibi reſpecto exercituſ Sarracenoſ cum eiſ conſigeneſ vidit, ibi quippe mortuſ eſt dictuſ Regiſ frater. Cæteri verò omneſ aut capti, aut interfecti ſunt ibidem, excepto Rege & pauciſ qui in quodam monte fugerunt. Expletâ denique tantâ cæde montem, in quo Rex erat, Sarraceni circumdederunt: Rex verò ſibi nuſquam fugam patere videneſ tradidit ſe illiſ. Pagani ſiquidem Damiatam cum Rege venienteſ, minati ſunt ſe Regem interfecturoſ, niſi Damiatam eiſ redderetur. Dux verò Burgundiæ & Regina cum aliis pluribuſ videnteſ irrecuperabile damnuſ de Rege, civitatem Sarraceniſ tradiderunt; ita tamen quòd univerſi captivi, qui à Sarraceniſ tenebantur, Regi reſtituerentur; quod & factuſ eſt. De quibuſ noſ unum Sacerdotem vidimuſ qui hæc omnia nobiſ narravit. Rex verò cum ſuiſ Acharon venit.

*De Amiraldo de Coine qui Regem Babilonia interfecit, & de nece filii ſui Conradi.*

## CAPUT XIII.

**I**gitur Amiralduſ de Coine, qui à Rege Babiloniæ ad dictam pugnam vocatuſ fuerat, dicebat ſe debere Damiatam habere, & etiam medietatem captivorum & ſpolioruſ, quia maiorem ipſe exercituſ habebat quàm Rex. Rex verò non acquievit: unde Amiralduſ in ipſum inſurgeneſ interfecit, & exercituſ ejuſ in fugam convertit, & Damiatam obtinuit. Sed Amiralduſ, quia Damiatam longè à terrâ ſuâ diſtabat, timeneſ ne filiuſ Regiſ interfecti Damiatam, quæ ei prope erat, aliquando obtineret, & ita ſuam gentem, quam in eadem civitate dimiſerat, perderet; inito conſilio Damiatam fundituſ evertit, nec in eâ lapideſ ſuper lapideſ reliquit: & ita illa delicata civitaſ, quæ quondam paradifuſ eſſe dicebatur, à noſtriſ biſ miraculoſè acquiſita, & biſ neſcio quo occulto Dei iudicio miſerabiliter perſita, finem accepit. Rex verò Franciæ Caſtream civitatem quamdam, quæ à Sarraceniſ antea deſtructa fuerat, ſatiſ compendioſè reſtauravit, & gente & ædificiis copioſam reddidit; & ſic vix duobuſ annis in terrâ illâ degeneſ, in Franciam rediit.

Tom. II.

*De morte iniquâ Friderici Imper. & de obitu Innocentiſ IV.*

## CAPUT XIV.

**C**um igitur reſ ita ſe haberet, & Fridericuſ quondam Imperator in Apuliâ moraretur, adhuc in infidelitate ſuâ perſeveraneſ, ut fertur contra Deum blaſphemiaſ, quæ non ſunt etiam referendæ, loqueretur, decidit in lectuſ & mortuſ eſt, ſepultuſque in Palerno, ubi dicebatur plurimoſ habere theſauſoſ. Poſt hæc Apulienſeſ neſcio quo zelo, ſed ut rei exituſ probavit, malo, Conraduſ filiuſ dicti Friderici, qui in Sueviâ degebat, ut regnuſ patriſ acciperet, aſciverunt: qui non multo poſt veneno potatuſ interiit. Innocentiſ verò Papa IV. cum VII. annis apud Lugdunuſ manſiſſet, Romam reverſuſ, in Apuliâ diem ſuum clauſit extremuſ.

*De B. Hildegarde Sanctimoniali, & de prophetiis ejuſ.*

## CAPUT XV.

**A**n te hoſ annoſ ferè triginta fuit in inferioribuſ Alemanniæ partibuſ Sanctimonialiſ quædam incluſa ſanctiſſimæ converſationiſ & vitæ, Hildegardiſ nomine, cui Deus etiam inter cætera gratiam prophetiæ contulerat, & quod miruſ eſt dictuſ, quod nunquam antea didicerat, linguâ loquebatur latinâ, & ſcribebat. Prophetavit quippe de ſtatu regnoſ, & eventibuſ futuroſ: & inde libroſ propriâ manu conſcripſit. Scripſit etiam libruſ medicinaleſ ad diverſaſ infirmitateſ, quem ego Argentinaſ vidi. Scripſit ſiquidem de Ordine futuroſ Prædicatoruſ, & Fratruſ Minoruſ, qui temporibuſ noſtriſ primuſ eſſe cœperunt. Dixit quippe apertè quòſdam Fratreſ futuroſ altè conſuratoſ in habitu religioſo, ſed inuitato, qui in principio ſui quaſi Deus à populo reciperentur; nec aliquid propriuſ habituroſ prædixit, ſed tantummodo eleemoſyniſ fidelium victitarent, nec de hiſ eleemoſyniſ in craſtinuſ reſervarent; & ita tali paupertate contenti civitateſ & caſtella, & regioneſ prædicando circuirent: & ita in primordio ſuo Deo & hominibuſ cari haberentur; ſed propoſito ſuo decidenteſ, vilioſeſ haberentur. Hæc Hildegardiſ de Prædicatoribuſ & Minoribuſ Fratribuſ fertur prædiſſe, quod poſtea veruſ actuſ ipſoſ eſſe probavit.

*De S. Dominico, & principio Ordiniſ Prædicatoruſ.*

## CAPUT XVI.

**Q**uidam Dominicuſ nomine de Tuſciæ partibuſ Oriunduſ, tempore Innocentiſ III. Ordineſ inſcepit Prædicatoruſ; ſicut & eodem tempore Franciſcuſ quidam, de quo poſtea diceneſ, Ordineſ Fratruſ Minoruſ inchoavit. Dictuſ ſiquidem Dominicuſ Fratreſ ſibi collegit, & ſecunduſ Regulam B. Auguſtini vivere conſtituit: & ita à Gregorio Papa confirmati, diſperſi ſunt per univerſaſ regioneſ, & quamdiu in propoſito ſuo permanſerunt, cari ab omnibuſ habituſ ſunt. Sed miruſ eſt quòd tanti viri in diviniſ ſermonibuſ probabileſ, in civitateſ opulenteſ habitare cœperunt, in quibuſ ſplendideſ vivitur, & habitatoſeſ earuſ civitatuſ deliciis & divitiis abundanteſ, & ibidem luxuſ & ambitio reruſ ſæculariuſ vigent, & uſuriſ & publiciſ

L L I I

rapinis impudenter insilunt : quomodo nostri Prædicatores à talibus & cum talibus conversari & vivere, & dona ipsorum recipere gratulantur ? Sed quia prophetia illius Venerabilis Sanctimonialis Hildegardis ne fieret præteriri non poterat, in primordio sui nostri Prædicatores omnibus in bono satis claruerunt : multos quippe ab erroribus suis & à viâ suâ malâ averterunt, & hæreticos, quibus universa terra jam prope occupata erat, represserunt, & multos eorum dari igni fecerunt, & adeo in exercitatione suâ valuerunt, ut etiam quidam eorum miraculis claruisse referantur. Sed quia, ut dicitur, nova placent & usitata vilescunt, quia jam à proposito aliquantulum declinabant ; imò etiam de se præsumendo quædam inepta sibi usurpabant, à populo jam non tanti pretii haberi cœperunt. Divites quippe & raptores, & usurarios publicos circumeundo visitabant, & si quâ ambitione secularium vel rapto, vel fœnore ab illis acquisita invenirent, ad Monasteria sua, quæ permaxima ædificare cœperant, efficiebant ut donarentur ; & ita per interpretes illas res in ædificiorum suorum, vel victualium usus convertebant : licet non ignorarent rapinas, vel usuras nisi eis, à quibus extortæ fuerant, reddi debere : illos verò qui eis talia dona conferebant, quod Papa facere non potest, à peccatis rapinarum & usurarum absolvebant, & mortuos in cæmeteriis suis solemniter sepeliebant : & ob hoc viliores plurimum esse cœperunt.

*De B. Francisco primo Fundatore Minoritarum.*

#### CAPUT XVII.

**F**RANCISCUS igitur, quem superius primum Ordinis Fratrum Minorum esse diximus, de Assisi civitate vallis Spoletanæ oriundus fuit : filius quidem divitis civis dictæ civitatis exstitit, quicumdem Franciscum causâ mercimonii ad partes Franciæ frequenter mittere solebat ; unde à Franciâ Franciscum nominatum fuisse referunt. Qui Franciscus bonæ indolis existens juvenis & sapiens ( sicut mos est mercatorum ) ambitionem rerum secularium infectatus est : sed de mercimonio à patre credito Ecclesiis & pauperibus largissimè erogabat. Contigit ipsum Franciscum ad partes suas quodam tempore redire, & à patre libenter receptus paucis diebus cum ipso mansit : quâdam verò die cum pater ejus quemdam solemnem ageret diem, Franciscus juvenis laudabilis quamdam cameram intrans vestibus suis omnibus exiit ; quâdam tunica, in quâ caputium consuetum erat, & tamen vilissimi panni se induens, cordellâ nodatâ se præcingit : & ita sine calceis & tonsoratus ad patrem exiit, & patri vale dicens asseruit se potius Deo servire velle quàm mammonæ. Circuiens verò regionem illam, plures sibi Fratres & Ordini suo sociavit. Veniens igitur ad Papam Gregorium, sicut Prædicatores ab eo autorizati sunt, & ita per diversas regiones collocati sunt. Franciscus verò cum paucis Fratribus per civitates & castella circuiens prædicando, ad quamdam civitatem fertur devenisse ; & ibi volens verbum Dei prædicare, cives loci illius in tali habitu cum cum suis considerantes quasi stultum à civitate suâ eum expulerunt : ipse verò extrâ portam civitatis juxta stratam publicam stans, conspexit in campo diversî generis aves pascentes, quasi loqueretur hominibus ad se ipsas vocavit, & statim ad vocem ipsius tanta multitudo diversarum avium circa eum adunata est, quanta nunquam in partibus illis visa fuisse feratur : quas B. Franciscus admonens, quia gens intelligibilis & sensata verbum Dei audire con-

temneret, saltem aves indiscretæ mandata Dei audire non recusarent : illæ verò colla erigentes, & capita, & visum quali eum intelligerent, porrigebant ei : ille verò hortabatur eas vocibus & cantibus Deum qui eas creaverat, & pascebat, glorificare & laudare : & sic eas diù alloquens, & quasi cum rationabilibus creaturis de verbo Dei cum eis disputabat. Videntes autem transeuntes ignotum virum in tam extraneo habitu avibus quasi hominibus prædicantem, nuntiaverunt hæc in civitate ; ad quem tota civitas exiens, admirans super miraculo avium, rogabat eum, ut quia eum expulerant, civitati indulgeret : ipse verò avibus benedicens jussit eas abire, & convertens se ad populum improperabat ei quod populus intelligibilis & rationalis verbum Dei audire contemneret, aves verò sine ratione cum gaudio magno illud susceperant. Cumque gentem illam diù alloquutus fuisset, hoc sermone finito, dans benedictionem à loco discessit. Fertur etiam transfretasse, & ad Babyloniam devenisse, à Rege illius terræ licentiam prædicandi obtinuisse. Videns igitur B. Franciscus gratiam dicti Regis & gentis ipsius terræ se habere, paucos de discipulis suis relinquens ad partes suas reversus est, volens illuc plurius ad prædicandum dirigere : sed quia non est laborantis & currentis, sed volentis Dei hominis cursum dirigere, nescio quo impedimento detentus ad Babyloniam non est reversus. Cumque plures sui Ordinis Fratres ubique disseminasset, & pluribus in vitâ suâ claruisset miraculis, ad civitatem Assisi revertens infirmitate detentus ibidem bono fine quievit in Domino, & ibidem sepultus est. Illorum liquidem & conversatio & vita semper melius & sanctius quàm Prædicatorum ad tempora nostra usque perduravit. Quamplures igitur ambos ordines viri & mulieres imitantes, conversationi eorum se contulerunt. Nobiles quippe Clerici, & benè literati suas prælationes, dignitates, divitias, parentumque consolationes contemnentes, se eis pro Deo sociarunt. Mulieres verò, aliæ virgines, aliæ matronæ & viduæ, aliæ verò meretrices, nobiles & ignobiles, magisterio ipsorum & religioni se submittentibus, pusilla sibi habitacula erexerunt. Sed proh dolor ! plurimi utriusque sexûs, qui jam aratro Dei manum salutis apposuerant, miserabiliter retrò respicientes, luxui & voluptatibus sæculi quasi canis ad vomitum redientes denuò se tradiderunt. De quibus melius arbitror silere, quàm loqui.

*De Beguinâ Sybillâ de Marsal, & actibus ejus.*

#### CAPUT XVIII.

**D**E quâdam juveniculâ muliere, quæ plurimos suâ subtilitate decepit, dicturi accingamur : quia tota ista regio actus illius agnovit, audaciùs de eâ loqui non pigebit. In Episcopatu itaque Metensi, in oppido quod Marsal dicitur, illa supradicta muliercula degebat : quæ videns plurimas mulierculas sub doctrinâ dictorum Prædicatorum specie religionis florere, quæ Beguinæ appellantur, volens ipsas imitari dictis & factis suis simplicitatem suam prætendebat : Ecclesias etiam horâ Matutarum & Missarum, sicut moris est Beguinarum, maturius frequentabat. Quid dicam ? adeo magnificavit fimbrias suas, ut etiam Ludovico tunc plebano viro discreto, & omnibus habitatoribus villæ de Marsal gratissima haberetur. Quædam verò matronâ illius villæ cum viro suo simulationibus ejus credens, eam hospitio receperat : cui etiam ipsa juvencula suggerbat, se Angelos vidisse : cui matrona illa quamdam cameram concesserat, ubi orationes & vigiliæ

secretius agere posset. Cumque ipsa juvencula videret famam suæ religionis ubique diffundi, ad majorem præsumsit audaciâ properare: fatebatur quippe se in spiritu rapti in cælum, & ita in lectulo suo jacens quasi dormiens, non manducans neque bibens totam diem deducebat. Hospita verò sua verū esse credens cameram claudebat, nec aliquem ad eam introire patiebatur: aliquā quippe horā noctis, ut spiritus ejus ad eam reversus crederetur, lentā voce planctum emittebat: quod cum hospita sua audiret protinus accurrebat, & ei cibum volens dare, illa renuebat, dicens se epulis cœlestibus ita refectam, ut carnalibus cibariis de cætero nollet uti. Dictum est enim post, quod quidam Sacerdos ejusdem villæ juvenis, qui ei familiaris erat, secretò noctu ad eam veniebat, & eam delicatis cibus reficiebat, & species benè redolentes ad supervenientes decipiendos ei afferebat; ita ut camera illa tota odore specierum repleretur, ut odor ille in adventu Angelorum ad se venientium ibi fieri crederetur. Sacerdos igitur quæ illa sumere non poterat, substramento lectuli sui sagaciter recondebat, quod eidem tribus diebus vel quatuor ad victum sufficere poterat: & ut dictus Presbyter secretius & tutius ad eam venire posset, illa dicebat hospiti suæ, ne aliquando timeret si noctu ostia domus aperiri, vel alium strepitum audiret, quia à diabolo de nocte immoderatè molestaretur.

Cumque cunctos ita deciperet, Fratres Prædicatores & Minores veniebant, & observantes eam, fallaciam ipsius nunquam percipere poterant; sed de ipsâ, & sanctitate ejus & actibus jam in publico prædicabant. Quid plurâ? Episcopus ipse Metensis Jacobus ad eam venit, Comites quoque & Milites, Clerici, Monachi, & utriusque sexus universus populus ad eam confluebat: sed non dabatur omnibus copia eam videndi, quia cum audiret tot & tantos ad se venisse, simulabat in spiritu, sicut facere solebat, in cælum esse deductam, & etiam prædicebat in tribus diebus non reversuram, & ita nulli aditus ad eam patebat. Illi verò qui ad eam videndam venerant, nec viderant, audientes ab incolis quæ faciebat, ad sua revertantes mira de eâ nescientibus narrabant. Episcopus verò Metensis cum Clericis suis & Prædicatoribus qui cum eo erant, volens experiri si ita non manducaret neque biberet, & si in spiritu raperetur, ut ipsa dicebat, fecit eam in aliam domum transferri. Ipsa verò in camerâ in quâ jacebat nullum secum noctu manere patiebatur, quia Angeli eam custodiebant, cum diabolus eam ita importunè infestabat. Sed cum ita custodiretur, ut nec posset manducare, neque bibere; ut vel verbis suis de diabolo fidem faceret, simulans se de die in cælum raptam, noctu surgens accepit plumas de pulvinaribus in quibus jacebat, quasi diabolus hoc faceret, per cameram ipsam & per domum, in quâ custodientes eam jacebant, dispersit. Videntes verò credebant propter molestiam ipsius à diabolo hoc fieri. Dixerat quippe pluries à diabolo nimium inquietari, & hoc ibi & aliàs sæpe fecisse dicebatur: & ita in illâ domo tribus mansit diebus & tribus noctibus, non manducans neque bibens. Et cum videret se ulterius famem sustinere non posse, rogavit Episcopum ut eam ad priorem locum suum reportari faceret, quia in visione ad quam his tribus diebus rapta permanerat, audierat si ulterius in ipso loco, in quo diabolus eam plus solito infestabat, moraretur, totum corpus ejus diabolus in frustra discerperet. Episcopus verò credulus eam ad priorem locum reportari fecit. Videns autem Sibylla (ita enim ei nomen erat) quia Episcopus, Prædicatores, & Fratres Minores, & alii qui eam observabant factis suis fidem darent, ad majorem se contulit audaciam; fecit quippe nigram

tunicam fieri; & hispidam, & capucium diabolicum vultum habens, quâ induebatur cum ad cælum se simulabat translatam, & loquens raucâ & horridâ voce audientibus magnum incutiebat timorem. Et quandoque noctu à camerâ in illo diabolico & horribili habitu multis apparebat, & cum eis loquebatur; & quod mirabilius est dictum, per vicos & plateas de Marsal discurrebat, & obviantibus sibi dicebat se esse diabolum, qui Sibyllam illam nefandam & impiam virginem impugnabat, & ita ab illis fugientibus relicta, ad cameram suam secretò revertebatur. Contigit enim quâdam die unum de civibus illius villæ mori, qui à plurimis illius villæ non multum bonus habebatur: quod cum Sibylla ab his qui in domo erant audivisset, nocte sequenti larvâ suâ se induens (sic enim talis habitus appellabatur) venit ad ostium cameræ, & his qui in domo erant quasi diabolus esset, raucâ vauce dixit: Heu! heu! quantum damnum ista mala mulier Sibylla mihi hodie intulit, quia amicum meum qui hodie mortuus est, mihi violenter abstulit. Ipsa enim ad cælum hodie rapta est, & usque ad tertium diem non revertetur: & ita suffragiis suis & orationibus sibi eum retinuit: ego enim credebam eum meum esse, & volebam eum ad spatiosum pratum meum deducere. Illi verò audientes interrogabant ubi esset pratum illud? Quibus respondit; Ego habeo pratum valde spatiosum & delectabile, in quo ego amicos meos ad spatiandum deduco. Pratum illud semper rore sulphureo, & igneo conspergitur: ibi sunt jocosa reptilia, & animalia viperea & serpentina, & angues, & buffones, & alia plurima pusilla cum magnis; cum quibus amicos meos dilectissimos conversari & joculari facio, & in illo sulphureo rore ab Angelis meis pro deliciis volutantur. Sed quia ista mulier mihi hodie tantum amicum abstulit, libenter eam in frustra discerperem! sed non audeo, quia Angeli custodiunt eam. Heu mihi misero! quare ista contrâ me, & malo meo vobis annuncio? quia quâm citò ad Magistrum meum Sathanam revertar, ipse me ob hoc fœdissimis cruciatibus tradet. Sed non audeo propter istam malam mulierem dimittere, ut vobis ista annuntiando, vobis caveatis; vobis etiam dico ipsis & audientibus me, ne in illud spatiosum pratum veniatis. Episcopus itaque & alii audientes, verè credebant esse diabolum, qui eis talia referebat. Sequenti enim die cum Episcopus & Prædicatores tantum ad eam videndam intrassent, quia aliis non licebat, invenerunt eam in lectulo suo jacentem rubicundâ facie, quasi dormientem, & subtilissimos pannos & candidos circa se habentem, & coopertorium capitis sui tam subtile erat, ut diceretur nunquam à manu humanâ tale fieri posse. Jacebat enim quasi dormiens, habens anhelitum tam subtilem, ut vix ab aliquo percipi posset utrum anhelaret an non: & quia nemo eam tangere audebat, hospitam ejus interrogabant, unde tam candidi panni & benè redolentes venerant. Respondebat se pluries quando à superis revertebatur, eam in tali statu invenisse, & quia ei sæpius dixerat lectum suum ab Angelis refectum fuisse, & apud iis ornamenta ipsa recepisse. Asserebat etiam ei ab eis aquam benedicti, ut versutias diaboli ipsam impugnantis superare valeret: erat enim ad caput ipsius satis pulchrum vasculum positum, in quo ipsam aquam miserat; de quâ ipse Episcopus & Prædicatores, & alii plures, ut se à diabolo tutarent, se aspersisse, & ex ipsâ aquâ olidâ bibisse feruntur. Quid plura? Jam Episcopus Ecclesiam ædificare deliberabat, in quâ quia non comedebat, neque humaniter vivebat, ipsam ponere volebat, ut ad eam confluentes talia mirabilia delectarentur aspicere: cum subitò illud Evangelicum;

*Nihil occultum quod non reveletur*, apparuit. Namque cum una die ad superna se rapì prædixisset, & ostia benè ferrata essent, & hi qui in domo erant se paulatim dedissent; illa de lecto suo surgens sibi sternere cœpit, & diversas voces emittens quasi opponentis & respondentis, unam habens horribilem quasi diaboli, aliam verò subtilem quasi Angeli, audiebantur quasi conflictus duorum: quare quidam Prædicatorum conflictum illum subtilius volens audire, accessit ad parietem cameræ, & circumspiciens casu tenuissimam invenit rimam, & aspiiciens per eam vidit illam, quam credebant raptam fuisse, lectum suum reficientem; & advocans Episcopum ostendit illi quid illa interiùs faciebat. Episcopus verò cum aliis ad ostium venientes, illud fregerunt. Quod illa videns projecit se in lecto imperfecto. Illi verò introcuntes levaverunt eam de lecto, & cogentes eam omnes actus sicut supra scripti sunt, exposuit, & quoddam haberet escas sub lecto suo absconditas, quibus pascebatur, quod & inventum est. Episcopus verò & Prædicatorum, & alii omnes qui aderant videntes se tamdiu à tali mulierculâ fore deceptos, ineffabiliter doluerunt. Videbant enim oculatâ fide larvam illam, scilicet vestimentum illud diabolicum, escas absconditas quibus illa vivebatur, & ornamenta lecti sui, & alia utensilia quibus illa tot & tantos viros & mulieres, & qui credebantur esse sapientiores, magis ac magis confundebantur. Alii clamabant ut cõbureretur, alii ut aquis suffocaretur, alii ut viva defoderetur. Beguinæ verò, quæ ad hoc spectaculum venerant, ista audire non poterant: coopertis capitibus flentes & ejulantes, quia neminem præ pudore videre poterant, in sua revertebantur. Episcopus verò pudibundus suas injurias non ferens, voluit eam interficere: saniore tamen usus consilio mulierem illam incarcerationi, concessâ tamen ei parvâ fenestellâ, per quam ei modicum panis & aquæ porrigebatur; paucis enim supervivens tempore, in ipso carcere mortua est. Sic Deus ea quæ per ipsum non fiunt, breviter dissolvit.

*De gente quâdam horridâ quæ Tartarini dicebatur, quæ multas regiones & regnum Hungaria vastavit.*

## CAPUT XIX.

**C**ontigit ante hoc quædam gentes nescio unde ebulire; immensus siquidem erat eorum exercitus & innumerabilis, facie quidem horridi, cultu horribiliores, Tartarini appellati, unde quidam eos à Tharso Ciliciæ nominatos dicebant. Alii verò asseriebant eos Judæos illos esse, quos ferunt ab Alexandro Rege magno intra Caspios montes quondam fuisse inclusos, sed adhuc ignoratur unde tanta multitudo gentium ebulierit. Venerunt quippe per Bulgariam & Poloniam & per plures alias Orientis regiones, universa quæcumque inveniebant sine misericordiâ interficiebant: sicut Gothi & Wandalii in his Occidentalibus partibus quondam fecisse leguntur. Intrantes denique regnum Hungariæ, ut breviter dicam, ita illud depopulati sunt, ut nec civitas vel vicus, vel munitio aliqua, vel homo, vel mulier, vel demùm aliquod pecus saluum remaneret: excepto quoddam Rex in interioribus sylvarum, locis, quibus terra illa abundabat, cum paucis se occultaret. Denique usque ad Danubium fluvium venientes, Alemanniam totam, & etiam Franciam totam se occupare debere jactabant. Sed quidam ferunt instinctu Frederici tunc Imperatoris eos Hungariam intrasse, eo quod Rex Hungariæ regnum

suum ab eodem Imperatore recipere nollet, quod rei exitus postea comprobavit. Nam Rex Hungariæ compulsus dominio Imperatoris se subdidit, & regnum Hungariæ ab ipso recepit, & ita illi Tartarini à regno Hungariæ exeuntes, nescio quo ad sua reversi sunt.

*De Henrico Abbate hujus loci Senoniensis, & actibus ejus.*

## CAPUT XX.

**D**E Henrico quidem, de quo superius mentionem aliquantulum fecimus, hujus loci Abbate, quia nostris temporibus oculatâ fide actus ipsius & vidimus & cognovimus, huic paginæ adnotare non pigebit. Fuit equidem idem Henricus de civitate Metensi oriundus, personâ quidem satis honestus, aliquantulum literatus, moribus Monasticis, ut ætas illa exigebat, admodum ornatus, officio divino libenter insistens, solemnitates Sanctorum in officio divino cantando, legendo, ordinando, satis compendiosè decorabat. Sed in rebus conservandis aliquantulum ultrâ metam sollicitus erat. Hic in principio suæ ordinationis Monachis hujus loci satis parcè ministrabat, ita ut inter ipsum & Monachos lis ingens oriretur. Abbas verò videns se à Monachis urgeri, Comitem Henricum de Salmis & Comitissam adiit, & se eis tantâ juxxit familiaritate ut pro voluntate suâ dictum Comitem & Comitissam haberet. Adduxit eos nempe ad Claustrum, & tantâ instantiâ prædictos per Comitem & Comitissam Monachos aggressus est, ut ipsi Monachi vel prece vel pretio, vel demùm minis coacti Abbati se submiserunt. Unde idem Abbas dicto Comiti & Comitissæ ex tunc subiectus fuit; ut quidquid idem Comes in valle Senoniensi, vel in cunctis appendiciis suis agere volebat, nutu & voluntate ipsius Abbatis fiebant universa sine contradictione aliqua: ita ut in talliis, & aliis exactionibus, quas idem Comes in hominibus vallis agere volebat, sine repulsâ, quod ante non fuerat, exercebat. Unde sæpe idem Abbas pectus suum pagno tundens, nobis referebat ita dicendo: Væ mihi! Quid feci? Quia cum ego Abbas ad hunc Senoniensem locum electus fui, in totâ valle Advocatus loci istius vix quatuor libras vel centum solidos Tullenses accipiebat, quod precaria dicebatur: & ego sustinui quoddam illi centum solidi libræ facti sunt. Et sic inolevit quoddam Advocatus ex tunc pro voluntate sua tallias, & alias rapinas exegit. Veniamus verò ad alia quæ benè fecit, & deinde malefacta referemus. Videns igitur idem Abbas quoddam voluntati suæ nullus Monachorum suorum contradicere audebat, quomodo vel quando volebat, erat pro ratione voluntas. Bona igitur voluntas ejus prima hæc fuit. Construxit apud Archum molendinum super Mortam fluvium situm. Acquisivit etiam Ecclesiam S. Hilarii Metensis ad Pontem Renmonis. Edificavit quoque apud Roitsei domum lapideam in Curia nostrâ sitam. Fuit denique Ecclesia Senoniensis, & omnis domus cum appendiciis suis tempore suo locuples & omnibus bonis plena. Sed unum erat in eo, quoddam Ecclesiam Senoniensem valde oppressit, Præposituram de Curte omninò delevit, Eleemosynarium amovit, Camerariam in manu suâ tenuit, omnes Obedientias ferè ita sibi retinuit, ut nullus Monachorum statum Monasterii intus vel extra scire possent. Unde in aliis locis quæcumque habebat, commendabat. Postquam verò viginti & uno annis Senoniensem Ecclesiam rexit, infirmitate detentus, apud Bellum pratum diem sortitus est extremum,



& ad Monasterium deductus in Capitulo nostro sepultus est.

*De Comitatu de Dasporch, quomodo dissipatum est dominium, & nomen perdidit.*

## CAPUT XXI.

**C**ontigit igitur eo tempore Ducem Lotharingæ Theobaldum ab hac vitâ migrare, qui sortitus fuerat filiam Comitis de Dasporch in uxorem: unde ei Comitatus castris & munitionibus, & oppidis ditissimis, & terrâ fertili admodum ditatus. Sed dictus Dux non dimidiâs dies suos juvenis obiit; & ita uxorem cum Comitatu reliquit. Comes verò Campaniæ adhuc adolescens, audiens Comitatum illum tam opulentum, relictam Ducis Lotharingæ accepit in uxorem, & hoc causâ Comitatus. Sed cum eam aliquamdiu habuisset, quia sterilis erat, eam repudiavit. Ipsa verò Comiti de Liguigne nupsit. Sed non post multos annos ambo mortui sunt. Ita Comitatus de Dasporch herede caruit. Mira res & inopinata, quia, ut fertur, mulier illa de quâ agitur, fuit à nobilissimis & Christianissimis progenitoribus procreata. Nam beatus Leo Papa, cujus vitâ & moribus sancta illustratur Ecclesia, de ejus stirpe natus fuit, cujus pater fundator Ecclesiarum existit clementissimus. Edificavit quippe Monasterium Sanctimonialium juxta oppidum Saleborch, quod Hessa vocatur, & propriis ditavit sumptibus. Aliud quoque Monasterium Monachorum sub regula beati Benedicti degentium in Allatiâ construxit, quod Altorph vocatur. Tertium idem Monialium in Episcopatu Basiliensi extruxit, quod Wffemhem dicitur. Si fas esset os ponere in cœlum, dicerem quare tam nobilis progenies & tam sancta, per sæpeditam mulierem herede caruit: imò, idem Comitatus nomine tam famoso caruit: nam Metensis Episcopus Joannes audiens defectum heredum illius Comitatus, quædam Castra, scilicet Herneftem & Turqueltem, & quædam oppida peroptima, videlicet Alban & Salaborch, & Comitatum civitatis Metensis, & terras & homines, quæ omnia Comes de Dasporch à priscis temporibus nomine feudi possederat ab eodem Episcopo, ad jus & proprietatem Metensis Episcopii resumit & sibi. Frater verò dicti Comitis defuncti ad castrum Dasporch cum armis veniens ipsum obtinuit. Mirum dictum! ut melius dilaceraretur; etiam ii, ad quos nihil penitus de Comitatu ipso pertinebat, munitiones & terras sibi usurpare præsumserunt. Episcopus namque Argentinenfis Bertoldus cum videret sibi adjacere duo castra fortissima, Ginrebade scilicet & Verveftem, cum appendiciis eorum, solerti industriâ acquisivit & obtinuit. Et ita Comitatus de Dasporch celebre nomen cum rebus amisit.

*De Widerico Abbate Senoniensi post Henricum electo & actibus ejus.*

## CAPUT XXII.

**M**ortuo quippe Henrico Abbate de quo superius mentionem fecimus, successit ei Widericus vir honestæ personæ, & ornatus moribus, de parentelâ militum de Scovagio generatus, in hac nostrâ Ecclesiâ nutritus & doctus secundum morem Monachorum: ad legendum & cantandum satis aptus, moribus prædecessoris sui se conformans officio divino insistebat, intus & exterius providus, quæ invenit diligenter observavit. Hujus anno secundo castrum Altæ-petræ destruitur. Præterea idem

Widericus officia divina decentius quàm prædecessor suus, consuetudines Monasterii instituit; Verbi gratiâ quia cum prædictus Henricus hujus loci Abbas electus est, Horæ de B. Virgine MARIA in Conventu non cantabantur, sed finitis Matutinis canonicis Conventus ante altare S. Crucis Matutinas de S. MARIA in directum dicebant, & laudes de omnibus sanctis. Prima verò, Tertia, Sexta, Nona, Completorium in Conventu minimè dicebantur, Vesperæ verò de Dominicâ nostrâ ante altare sanctæ Crucis, sicut & Matutinæ dicebantur. Henricus verò Abbas effectus, instituit ut decantatis Matutinis Canonicis, Conventus Responsorium de B. Virgine MARIA cantando cum lumine ad Ecclesiam Beatæ MARIAE properaret, & ibidem Matutinas celebraret. Cæteræ verò Horæ in Ecclesiâ B. Petri post canonicas Horas decantarentur; exceptâ Vesperâ, quæ sicut & Matutinæ in Ecclesiâ Beatæ MARIAE Virginis cantaretur. Matutinalis verò Missa, quæ antea ad S. Simeonem in Conventu celebrata cantabatur ad S. MARIAAM cum Tertiâ præcedente decantarent. Constituit etiam idem Abbas Henricus, ne B. Simeon Missâ fraudaretur: voluit ut ibi privatim Missa fieret, & qui eam cantaret, mensuram vini per portionem quotidianam de cellario acciperet. Ita ista omnia quamdiu vixit diligenter observata sunt. Succedente autem ei dicto Widerico, præter ea quæ jam dicta sunt de ordinatione ipsâ, quam dictus Abbas Henricus instituit de Horis B. MARIAE, iste Widericus ex aliquâ parte decentius constituit. Considerans quippe quod Canonicæ Horæ ex integro in majori Ecclesiâ non cantarentur, voluit ut Missa matutinalis cum Tertiâ præcedenti, quæ à prædecessore suo ad S. MARIAAM cantanda, instituta fuerat, ad S. Simeonem in Conventu, sicut prius, decantarentur. Tertiâ verò Missam ad S. MARIAAM instituit quotidie celebrari; ita ut omnibus diebus anni, excepto die Parasceve, ibidem Missâ de S. MARIAA solemniter celebraretur, sed non à Conventu; imò qui hebdomadarius majoris Missæ & matutinalis esset, hanc tertiam Missam ad S. MARIAAM cum coadjutore celebraret: & mensuram illam vini quæ pro Missâ S. Simeonis dabatur, ille qui Missam S. MARIAE celebraret, quotidie de cellario acciperet: quod & tempore nostro perduravit. Claustrum quoque columnis & testudinibus ædificavit ab ostio Monasterii, quod ducit ad Capitulum, per partem illam quæ Conventus dicitur, per partem Dormitorii usque ad Refectorium, sicut hætenus apparet. Emit denique quamdam possessionem apud Regisvillam in Allatiâ octoginta marcis argenti; quæ postea perdita fuit tempore Balduini Abbatis, sicut in sequentibus exponetur.

*De lite Widerici Abbatis & Henrici Comitis de Salmis.*

## CAPUT XXIII.

**C**um igitur iste Abbas Widericus rempublicam quàm strenuè gubernaret, subito oritur contra eum satis lamentabile bellum. Comes quippe Henricus de Salmis litem miit cum quibusdam fratribus ipsius Abbatis, Joanne scilicet, Joffrido, militibus, & Rodulfo de Oucrois, dicens eos esse de familiâ suâ; quod illi inficiabantur. Unde Comes iratus abstulit eis universa, quæ in Comitatu suo possidebant. Quod Abbas valde ægrè ferens, Comitem super vexatione istius Ecclesiæ coram Metensi Joanne, & Tullensi Episcopis convenit, & diu hinc inde sine terminatione litigatum est. Hoc cum vidisset Abbas, credens Comitem citius ad pacem posse evocare,

ELL iiij

Conventum totum à Monasterio discedere fecit; & partem Monachorum secum apud Rambertivillare ad commorandum duxit: alios verò ad Cellam Leonis-montis misit. Inito etiam consilio corpus B. Simeonis de capsâ argentea extrahentes, ad ipsam Cellam deportaverunt. Tamen quinque Monachi remanserunt in Monasterio, qui Comiti favebant: qui Comes eis necessaria ministrabat. Quod cum videret Abbas, dictos quinque Monachos in malitiâ perseverare, Episcopos Metensem & Tullensem adiit, & eis nuntiavit quomodo dicti Monachi contrâ voluntatem suam & Conventûs, locum Senoniensem occuparent. Episcopi verò consenserunt in hoc, quod ipsi Monachi captivarentur, quod & factum est. Episcopus quippe Metensis præcepit cuidam Præposito suo Richerio Spinalensi, ut dictos Monachos in turri apud Rambertivillare captivaret. Unde quatuor ipsorum inventi sunt, de quibus actum est sicut præcepit Episcopus. Quintus verò qui aberat, non est tentus. Cum se res ita haberet, quidam considerantes quodd nunquam Comes & Abbas pacificarentur, nisi prius fratres Abbatis pacem cum Comite haberent. Unde Comes cum iis pacem iniit; & universa quæ eis abstulerat restituit, & ipsos liberavit; & super hoc Literas patentes eis contulit. Tractatum quippe est de pace inter Comitem & Abbatem, promittitque Comes Abbati, quodd universa quæcumque ipse Comes Ecclesiæ Senoniensi abstulerat, restitueret. Sed Abbas talibus promissionibus deceptus, ad Monasterium cum suo Conventu reversus est: & ita sub tali facto ex tunc amici facti sunt. Monachi verò, qui captivi tenebantur antea, dimissi sunt. Edificavit quippe idem Widericus Abbas cameram inter portam anteriorem & Monasterium sitam.

*Quomodo Widericus Abbas Senoniensis ad regimen S. Aprî Tullensis transiit, & de electione Balduini Abbatis Senoniensis.*

#### CAPUT XXIV.

**E**Lapso quippe non parvo tempore, cum hanc Ecclesiam satis competenter rexisset, Ecclesia S. Aprî Tullensis tunc temporis orbata est proprio Pastore. Fratres verò illius loci ad acquirendum sibi Pastorem diù laborantes, Episcopum Rogerum, qui tunc temporis sedem obtinebat Tullensem, ut de Abbate eis provideret, adierunt. Episcopus verò quia valde Abbatem Widericum hujus loci diligebat, consuluit ut ipsum Widericum sibi peterent in Abbatem, quod & fecerunt. Abbas verò quosdam cognatos Monachos suos in hoc loco habebat, de quibus unum ad regimen hujus loci promovere studebat, quod Conventus omnino recusavit. Cumque videret eo se nihil proficere, Episcopum Metensem & Tullensem, scilicet Joannem & Rogerum, necnon & Abbatem Willermum S. Mansueti Tullensis, qui ei familiarissimus erat, & alios quamplures Magistros & Clericos huc secum adduxit, credens per tot & tantos viros Conventum hujus Senoniensis loci ad desiderium suum inclinare posse. Qui satis sagaciter exhortationibus, precibus & minis, personas sigillatim & Conventum in unum aggredientes, nullomodo ipsum Conventum ab intentione suâ amovere potuerunt. Dicebat Conventus se electione velle gaudere: Abbas verò è contra dicebat, quod nondum resignaverat, sed volebat in hoc loco Abbas remanere. Quid plura? Omnes imperfecto negotio recesserunt. Abbas verò Widericus videns se ita nihil proficere, aliud iniit consilium, credens personas majores muneribus ad se attrahere posse. Contulit uni namque Eleemosynariam, alii Camerariam, alii Thesaurariam, alii Prioratum hujus loci: aliis au-

tem exteriores obedientias promittebat, dummodo votis suis favere vellent. Illi verò obedientias sibi oblatas libenter susceperunt, sed nullomodo voluntati suæ acquieverunt. Quid Conventus faceret, qui tot impulsionebus terebatur; quia cunctis diebus aut per Episcopos aut per Abbates, seu etiam per milites & laicos, ut voluntati dicti Abbatis acquiesceret admonebatur? Sed nec sic voluntas Conventus immutata. Ipse verò Abbas cum videret quodd desiderium ipsius effectum non haberet, laboravit ut electio nostra duobus Episcopis dictis, quia ipsos propitios habebat, absolute conferretur. Et die assignatâ apud Bellumpratum convenimus. Episcopi verò instanter petebant, ut voluntati ipsius Abbatis consentiremus, quod minimè contigit. Episcopi verò videntes Conventum nostrum in hoc tam constantem, Abbatem nobis nominaverunt. Eleemosynarium scilicet S. Vixoni Viridunensis: qui venire contempsit. Aspirabat enim ad Abbatiam loci illius, quia Abbas ille decrepitus erat & valde debilis. Cumque Abbas Widericus videre quodd dictum Eleemosynarium habere non possemus, redivivâ instantiâ nos sollicitare cœpit, ut intentioni ipsius manus daremus, nec impetrare potuit, sed fortius electionem nostram impediēbat. Nos verò in tantâ angustia constituti, necessitate coacti penes nos deliberare cœpimus, si quoquomodo insaniam ipsius mitigare possemus, Cellam nostram Leonis-montis ei contulimus, & super hoc literas sigillo Conventus sigillatas ei dedimus. Et ita diem electionis constituimus. Qui ad ipsum veniens, partem suam Monachorum consuluit: habebat enim septem vel octo de Fratibus Conventus, qui parti ejus favebant; unde nos in electione procedere non poteramus. Demum de electione tractantes arbitrati sumus melius esse ut inter tres personas compromitteremus, quam per scrutinium, vel alio modo in electione procederemus. Quod & ipse Abbas & complices sui concesserunt; ita tamen quodd unus illorum trium de parte suâ acciperetur. Conventus verò Nonnum Joannem, & me Fratrem Richerium elegit: Abbas verò & fautores sui Fridericum Priorem de Xures nobis duobus junxerunt. Nos verò eidem Friderico omnes personas idoneas hujus loci nominavimus, quas omnes recusavit. Obtulimus etiam Priores & alios idoneos viros, quos etiam repudiavit. Quod cum idem Fridericus Abbati Widerico omnia verba nostra retulisset, idem Abbas fertur dixisse: Si Monachi isti nolunt consentire, ego faciam quodd ipsi miserum Abbatem habebunt, & ita in Balduinum consensit qui tunc de novo Prior Waringivillæ effectus erat. Quem nos, ut debebamus, postulantes, cum Episcopo Tullensi Rogero præsentavimus. Quem cum ingenti difficultate suscepit, & tandem vix electionem confirmavit. Qui ad sedem sibi de novo concessam circâ Purificationem B. MARIE Virginis veniens, cum grandi solemnitate & processione à Conventu receptus est. Abbas verò Widericus ad regimen, ad quod postulatus erat, perrexit: & quidquid in hoc nostro loco & in appendiciis habere potuit, asportavit: quia ei necessaria fuerunt in introitu ad S. Aprum. Nihil quippe in eodem loco in suppellectili reperire potuit, excepto solo asino qui ad coquinam Monasterii quotidie ligna afferebat. Invenit verò universam suppellectilem ipsius Monasterii S. Aprî in toto alienatam: calices, cappæ sericæ, & ornamentum Ecclesiæ cuidam mulieri Metensi invadiata erant. Curtes etiam & alia bona vel pignori detinebantur, vel ex toto alienata erant. Sed Deus omnipotens ei tantam in oculis omnium contulit gratiam, ut hæc omnia supradicta solerti prudentiâ & sagacitate ad jus & proprietatem ipsius Eccle-

fiæ S. Apri in brevi revocaverit : & ita parvo tempore ipsam Ecclesiam benè rexit. Sed quia tali viro mundus dignus non erat, ab hac vitâ sublatus est. Sepultusque est in Ecclesiâ S. Apri in tumbâ elevata lapideâ, satis decenter sculptâ, ad dexteram partem juxtâ parietem Ecclesiæ, cui Deus omnipotens det æterna gaudia in cœlis per infinita sæcula, Amen.

*De Balduino Abbate Senoniensi, & moribus & actibus ejus.*

## CAPUT XXV.

**R**Evertamur igitur ad nostrum Balduinū, qui jam sedem obtinuit Senoniensem. Adhuc adolescens ætate & moribus, velox ad audiendum, nec tardus ad loquendū, nec tardus ad iram, proprio utens consilio, nulli nisi garrulis & adulatoribus credens, propriam gloriâ quærens semper exstitit. In primordio quoque sui talis erat usus ad nos loquendi : Fratres, vos videtis me esse juvenem, & adhuc mores vestros, vel Monasterii usum, vel demum statum rerum minimè cognovi : si qua indecenter dixero vel fecero, arguite me, & docete. Sed tamen admonitus, pauca aut nihil emendabat. Tamen cum primo anno sui ingressus ad nos cognovisset quiddam Abbas S. Apri, tunc vivens, Cellam Leonis-montis, sicut ei contuleramus, obtinere vellet, statim ad Visitatores Provincie Ordinis S. Benedicti in Provinciâ Treverensi constitutos festinanter cucurrit, & ab eis impetravit literas ad Abbatem Widericum S. Apri, ut statim visis literis cellam Leonis-montis quam occupabat, Ecclesiæ Senoniensi restitueret : aliter se sciret excommunicatum. Ita Cella illa ad jus & proprietatem Ecclesiæ Senoniensis reversa est. Ecclesiam quoque de Columbario, quæ prius ad donationem hujus Ecclesiæ pertinebat, tempore suo acquisivit. Similiter Ecclesiâ de Fonteniers tempore suo acquisita est, sed sub nomine S. Christophori de Vico, licet idem Abbas Balduinus ipsam semper tenuerit, & fructus acceperit, & ipsam pignori obligaverit, Conventu non consentiente, imò contradicente : sed nihil pro contradictione ipsius obmissum est. Præterea in ædificiis domorum erigendis & construendis satis sollicitus erat. Partem quippe claustrî, quæ coram Ecclesiâ S. MARIE est, sicut decessor suus Widericus Abbas partem alteram construxerat, cœpit ædificare. Habebat enim duos Lapidas, unum Conventum, & alium familiarem Præbendarium, qui operibus hujus Monasterii diligenter insistebant. Construxit etiam quædam molendina de novo, alia verò vetera restauravit ; unum scilicet apud Reclonville, pro quo instruendo quidam Simon Canonicus S. Deodati, cognomento Diabolus ( quia filius esse dicebatur, cujusdam nobilis militis, qui Thericus Diabolus dicebatur, hoc cognomen Diabolus acceperat ) XV. libras Abbati contulit, ut partem in eodem molendino quamdiu viveret, acciperet. Sed morte præventus, dictas XV. libras pro remedio animæ suæ acquitavit. Abbas verò annuatim instituit in anniversario dicti Simonis de ipso molendino Conventui Senoniensi pro pitantiâ quinque solidos Tullenses dari. Sed quia incertum erat quod in futurum dicti quinque solidi Conventui ordinatè darentur, constitutum est quoddam domus de Ogieviller ad dictum molendinum sine moturâ moleret, & dominus domus, id est Pitantiarius singulis annis in anniversario dicti Simonis Canonici S. Deodati V. solidos Tullenses Conventui Senoniensi pro pitantiâ persolveret. Aliud verò construxit molendinum apud Chaneferes, quod pertinet ad Eleemosynariam. Ter-

tium quoque instauravit, quod prius erat, sed debilitatum, juxtâ Meurviler situm. Quartum quoque apud Lorefingue situm perfecit ; quod Petrus bonæ memoriæ Præpositus de Anpsalmivillare prius inchoaverat. Alia etiam ædificia per domos instruxit. Si universos ejus alios actus, sicut prædecessorum suorum feci, scriberem, forte mihi ad iniquitatem reputaret, vel hoc odii causâ me fecisse assereret, unde melius arbitror silere, quàm loqui, dicente Domino per Moysen : *Verenda patris tui non revelabis.* Sed si cum his, quæ benè gessit, mores Ordinis copulasset, Monachos suos paterno affectu dilexisset, & eos tam indiscretè non blasphemasset, si officio divino libenter interfuisset, & divina ipse celebrasset, plus solito, & in agendis Monasterii sollicitior fuisset, & demum Conventus sui frequentius usus fuisset consilio, & in pluribus aliis articulis non tantummodo Monachum, sed & Abbatem religiosum se demonstrasset, nullum præter eum Sedi Senoniensi optaremus præsidere. Sed quia plurima sæcūs fiunt, necesse est ut ad tempus supersedeamus, præsertim quia idem Abbas eo tempore, cum ego hæc scribebam, adhuc vivebat ; unde facta scribere nequibam. Tamen quadam virtute præfulgebat, hospitalitates sectabatur, & præcipuè milites & clientes, aliasque honestas personas lætissimè hospitio suscipiebat ; & etiam joculatores gratanter videbat, ut hospites suos jocundiores redderet. Sed quia de Domino Balduino satis compendiosè scripsimus, quod de vitâ suâ superest, & quid in futurum acturus sit, Deo hoc relinquamus, qui vitam ipsius & actus, & etiam omnium nostrum bono potest concludere fine.

*De Henrico de Danubrio, dicto de Salmis, & de iniquâ morte ejus.*

## CAPUT XXVI.

**S**ED ne malefactores hujus nostræ Ecclesiæ preterire videamur, aliqua facta ipsorum, & vindictam quam meruerunt, brevi stylo huic paginæ adnectere curavimus. Incipiamus igitur à Comite Henrico, qui dictus est de Salmis, qui & contemporaneus noster fuit, qui tempore Henrici Abbatis, de quo supra diximus, tallias & exactiones in hominibus Ecclesiæ plus solito, de permissione tamen ipsius Abbatis Henrici, exercebat. Cujus tempore castellum in Bruscavalle in fundo hujus Ecclesiæ, quod Salmis dicitur, tempore dicti Abbatis Henrici constructum est. Quod nomen à quodam castro quod in territorio Ardenæ situm est, unde idem Comes & sui prædecessores orti sunt, accepit. Hic uxorem sortitus est, scilicet sororem Friderici Ducis Lotharingæ, de qua genuit duos filios, primogenitum scilicet Henricum nomine, & alium nomine Fridericum. Cum igitur dictus Henricus ad ætatem perfectam pervenisset, accepit sibi uxorem de stirpe Comitum Barrensis, deinde petivit à patre sibi dari partem Comitatus, qui contulit ei superius castrum de Danubrio cum terrâ ad ipsum castrum pertinente, scilicet, centum mansos qui quondam à mensâ Monachorum Senoniensium abicissi sunt, & collati sunt Advocato hujus loci, ut ad cætera manum non extenderet. Quod tamen castrum Comes de Salmis ab Episcopo Metensi obtinet. Idem verò Henricus diu cum uxore suâ sine liberis fuit. Quod mulier ægrè ferens, quemdam Capellanum suum, qui se de Physicæ artis peritiâ jactabat, rogavit ut, si quid posset, laboraret ut de viro suo concipere posset. Capellanus verò potiones quasdam dedit eis : illa concepit : vir quoque in infirmitatem decidit ; de

Quâ postea, ut fertur, interiit. Idem verò Henricus, quamdiù vixit, isti Ecclesiæ valde molestus fuit. Erat quippe vir bellicosus & superbus, in juventute suâ & virtute ultrâ modum confidens, ita ut ad regnum Alemanniæ aspiraret, debitis magnis obligatus, unde ubique quaquâ versum poterat, Ecclesias molestabat, & earum res, ut poterat, diripiebat. Unde contigit Widericum Abbatem hujus loci ad eum venire. Postulabat enim, ut res quasdam sibi ablatas restitueret. Unde miles iratus respondit ei, jurando per B. Nicolaum (eramus quippe in capellâ beati Nicolai cum eo, quæ in castro Danubriensi habetur) dicens quoddam ante festum S. Remigii, & in personâ & in rebus ita molestaret ipsum Abbatem, quoddam mallet esse ultrâ mare, nunquam reversurus. Quod omnipotens occulto suo judicio quodam vindicare dignatus est: sed non multo post luce clariùs patuit. Nam circâ festum B. Remigii, quo tempore minatus fuerat ipsum Abbatem enormiter se læsurum, ipse infirmitate prædictæ potius aggravatus, decidit in lectum & mortuus est. Idem verò Henricus dum adhuc viveret, inter cætera mala quæ facere cogitabat, proposuerat Comitum Henricum patrem suum & matrem Comitissam de Comitatu totaliter expellere, & in aliquo Monasterio detrudere, ut ipse terram possideret. Cum igitur mater ipsum Henricum filium suum mortuum esse scivisset rumore jamdicto mota filium suum quantocyus apud Altamsylvam terræ, & itatim sepelirificavit. Sequenti verò nocte audita est vox quasi plangentis in sepulcro. Mane autem facto aperientes sepulcrum, invenerunt eum, quem resupinum alterâ die sepelierant, versâ facie ad terram jacere. Et sic cognoverunt quoddam quando sepultus fuerat, nondum exspiraverat. Unde cognosci potest, quoddam qui superbe contrâ Deum agunt, vix aut nunquam dimidiabunt dies suos, quia frangit Deus omnem superbum.

*De Henrico de Albomonte Comite, & malis quæ Ecclesia Senoniensis fecit, & vindicta Dei.*

#### CAPUT XXVII.

Veniamus igitur ad Comitem Henricum, de quo superius scripsimus; qui tempore Widerici Abbatis Ecclesiam Senoniensem intolerabiliter oppressit, & patrimonium JESU CHRISTI sibi usurpare præsumens, homines sancti Petri diversis molestiis affligebat, unde à proprio filio à domo propriâ expulsus est & potestate. Nam cum filius ejus Fridericus miles effectus fuisset, & videret Comitem qui pater suus dicebatur, præ senio debilitari, quod frater ipsius, de quo jam mentionem fecimus, molitus est facere si vixisset, iste effectui mancipavit. Expulit eum quippe à castro de Albomonte, & quod nefas est dicere, solo garcione contentum, pedetentim usque ad castrum quod Pierepercie, dicitur, ire coëgit; & inde usque ad castrum Salmis eodem tenore perrexisset; sed Abbas Balduinus ei equum concessit, & ita à filio honore & potestate privatus est. Nec ab illâ die, quâ cum Abbate Widerico litigavit, potestatis vel honoris sui dignitate gavisus est: Imo quamdiu postea vixit, in egestate & miseriâ exheredatus perduravit, & sic Deus sibi adversantes remunerare consuevit. Postea non multis supervixit annis, sepultusque est in Ecclesiâ sancti Petri juxta sepulcrum venerabilis Antonii Abbatis, ubi etiam postea uxor Domini Henrici militis de Bayon sepulta est. In quibus sarcophagis ego propriâ manu sculpsi imagines, & flores, & verius, sicut hætenus apparet. Contulit quippe idem Henricus Comes

pro remedio animæ suæ triginta solidos Tullenfes, accipiendos in talliâ Vallis Senoniensis annuatim, quousque terra assignata fuerit, valens singulis annis pretium suprâ dictum. Contulit etiam decimas Novæ-villæ penes Fonteniers sitæ, & quosdam census: quæ omnia adhuc Ecclesia Senoniensis minimè possidet, & hoc propter negligentiam nostram tantum.

*De Matthæo Prapósito de Albomonte, & vindicta Dei in eum.*

#### CAPUT XXVIII.

Erat igitur tempore istius Comitis apud Albomontem vir quidam nomine Matthæus, satis locuples, sed malitiosus valde: qui Prapósitus erat in totâ terrâ ipsius Comitis, qui omnia, prout volebat, disponebat, & sine ipso in totâ terrâ illâ nihil fiebat, quem multi dixerunt esse patrem istius Friderici, qui Comitem, ut suprâ dictum est, tam impudenter à sedibus suis expulit. Ille, quamdiù vixit, cum dicto Comite Ecclesiam Senoniensem & rusticos Ecclesiæ intolerabiliter molestavit & oppressit: unde Deus in præsentī sæculo eidem Matthæo condignas pœnas pro malefactis suis redonavit, nescio quomodo in alio sæculo habeat. Enimverò cum dictus Fridericus potestatem regnandi post Henricum Comitem suum putativum patrem accepisset, & idem Fridericus circumquaque Ecclesias sibi adjacentes immoderatè vexaret & molestaret, Altamsylvam scilicet, quam iniquè & indicibiliter oppressit, Ecclesiam Sancti Salvatoris, nec non & istam Senoniensem gravissimis injuriis laceßivit, ipsum Matthæum semper in suis omnibus habuit consiliarium & adiutorem. Sed in his actibus malis sibi Deum opposuit adversarium. Erat quippe tot & tantis debitis oneratus, ut vix aut nunquam in totâ vitâ suâ ab his absolvi potuisset. Deus enim pro maleficiis suis quodam occulto judicio suo opprimebat. Quid plura? Manus misit in Matthæum, & custodiæ tradidit, & ab eo quamdam summam pecuniæ extorsit, & quod à potestate suâ non discederet vel à terrâ, fidejussores pro ducentis libris sibi dari fecit. Matthæus verò videns quod sub tam iniquo dominio diù degere non posset, furtivè se ad Metenses contulit, & quod ei remanserat, expendit: & sic ad oppidum Salebore se transtulit; & ibi pauper & dolens infirmitate detentus, mortuus est, nihil secum præter peccata asportans, sepultus est apud S. Salvatorem.

*De Friderico filio Henrici de Danubrio dicti de Salmis, qui etiam de Salmis dictus est, & iniquis actibus ejus.*

#### CAPUT XXIX.

Ignitur cum Fridericus de Albomonte potestatem regnandi accepisset, cunctis sibi subditis & vicinis nequam & injuriosus, sicut patri & cæteris existiterat, sic adhuc esse non desiit. Gravavit quippe Ecclesiam Senoniensem pluribus injuriis, ita ut necessitate urgente oportuerit Ecclesiam istam ipsum super injuriis ab eo illatis convenire. Quod idem Fridericus grave ferens, tanto impetu Abbatem Balduinum & Conventum aggressus est, ut non tantum cedere compulsi sint, imò etiam totam causam & querelas universas in manum ipsius Friderici resignarent, & se arbitrio ipsius & voluntati submitterent, & se peccasse contrâ eum assererent. Ille hoc audito gavisus est valde, & diem super hoc assignantes, etiam literas super hoc conscripserunt, continentes quoddam Ecclesia Senoniensis duos carpentarios haberet,

unui.

unum coquum, adcratorem unum, lavandarium unum, ſutorem unum, piſcatorem duos: cæteri verò omnes in valle Senoniënſi ei pro voluntate ſua ſervirent. Et ita Abbas & Conventus puſillanimes & effœminati tam citò victi, voluntati Advocati ſe miſerabiliter ſubdiderunt. Ego verò non eram præſens, nec vellem adhuc interfuiſſe. Mirum, quod in tali actu non conſideraverunt Abbas & Conventus, quòd Eccleſia Senoniënſis Epifcopi eſſet Metenſis cum appendiciis ſuis: & quicumque ſit Abbas Senoniënſis, ab ipſo Epifcopo temporalia recipere tenetur, & ob hoc homagium illi facit: ergo non licuit eis tam miſerrimam tranſactionem de feodo Epifcopi ſine ipſo Epifcopo facere. Attamen uſque ad tempora Henrici dicti de Salmis nepotis dicti Friderici quidquid Abbas & Conventus de omni familiâ ſua & piſcatoribus facere voluit, ſicut antea, ſine contradictione fecit. Sed Deus omnipotens, qui reddit unicuique ſecundum opera ſua, iſti Friderico immoderatæ malitiæ ſuæ in præſenti ſæculo condignas rependit vices: nam à tempore quo cœpit Comes appellari uſque ad extremum vitæ ſuæ diem, nunquam uno anno compos ſui eſſe potuit: aut pro debitis ſuis Meti à creditoribus ſuis per aliquos annos detinebatur, vel validâ febre, aut aliis infirmitatibus intolerabiliter vexabatur, vel à nepote ſuo domino de Rapoſteim, quia exigebat partem hereditatis, captivus detentus eſt. Deinde quia videbat ſe ita debitis obligatum, caſtrum de Albomonte cum burgo ſuo, quod allodium ſuum priùs erat, Epifcopo Metenſi pro aliquantâ pecuniâ vendidit, & ab eo in feodo recepit. Et ita Deus ipſum de caſu in caſum corripiebat. At demùm ſuſcitavit ei adverſarium fortem Henricum ſcilicet nepotem ſuum, filium fratris ſui Henrici, qui petebat ſecum dividi partem Comitatus de Albomonte. Ille verò per multas ambages illudebat nepotem: tandem compulſus partem ſuam dedit ei, ſcilicet Morehenges, Vivieres, & caſtrum Pierepercie & Salmis. Ipſe verò Fridericus ſibi retinuit Albummontem, & ſuperius caſtrum de Danubrio, quod tamen mater dicti Henrici quamdiù vixit, obtinuit, quia dos ejus erat. Fridericus verò tot adverſis calamitatibus oppreſſus, in nullo eſt correctus, ſed de die in diem deterioratus paucis ſupervixit annis, & juvenis mortuus eſt, dicente Propheta: *Viri ſanguinum & doſoſi non dimidiabunt dies ſuos.*

*De Henrico filio Henrici de Dannbrio dicti de Salmis.*

## CAPUT XXX.

**H**enricus verò de Salmis (ita enim appellabatur) Advocatiam Vallis Senoniënſis & de Planniâ, & Vipodicellâ, quæ ei ſorte devenerant, ſatis inepte tractare cœpit, & homines illius terræ acerrimè talliis & exactionibus, ſervitiis & aliis oppreſſionibus affligere cœpit; adeo ut vix ſuſtentari poſſent. Nec mirum, quia debitis detinebatur perquam maximis. Nam, ſicut patruus ejus Fridericus ſæpe fecit, à quodam cive Metenſi creditore ſuo ſæpius in hoſtagiis detinebatur, nec habebat unde redderet. Unde coactus eſt juramentum, quod dicto creditori ſuo ſuper hoc præſtiterat, impudenter infringere. Nam quâdam die ſuper equum ſuum aſcendit, illicentiatus furtim de civitate reſceſſit; & ſicut patruo de Albomonte contigit, ita & iſte ob inopiam caſtrum ſuum de Morehenges, quod allodium erat, pro pecuniâ Duci Lotharingæ dedit, & ab ipſo in feodo recepit. Eccleſiam denique Senoniënſem tantum oppreſſit, quòd in nemoribus no-

Tom. II.

ſtris, & aquis, & etiam in valle totâ foreſtarios ſuos poneret & piſcatores, nobis verò non licebat niſi ſolum habere piſcatorem, quod ante nunquam fuerat, ſed tamen quotquot volebamus in aquis noſtris habebamus piſcatores. Homines etiam cogebat de fundo Eccleſiæ coram eo; vel coram Ballivo ſuo placitare: ſed ſi quis ruſticorum Eccleſiæ adverſum nos aliquam querelam haberet; pro ipſis litigabat, & eis contra nos favebat. Si quis verò ipſorum Converſus volebat fieri, ab ipſo ſecuritatem accipiebat, quod Converſus non fieret: ſi verè contingeret quemquam illorum Converſum fieri, vel ſi de hac vitâ ſine heredibus decederet, vel ſi de valle ad habitandum aliàs exiret, quidquid de mobilibus talium invenire poterat, omnia vi rapiebat. Placita verò quæ Abbas ſine Advocato, ſicut hætenus fecerat, tenere debet, impediēbat, dicens ſe debere intereſſe pro vi faciendâ. Villicos verò, Decanos, foreſtarios, & alios minifteriales noſtros, quos Abbas instituere & deſtituere pro voluntate ſua debet, ſicut & alios ruſticos ſibi ſervire cogebat, quod facere non debuerat. Tandem in quodam monte te juxtâ villulam quæ Grandisfontana dicitur, minam ferream idem Henricus de Salmis quibuſdam adulatoribus referentibus reperit, ibi fornaces ferrarias erigi fecit, & fabros, qui ferrum conficerent, inſtituit. Quod audientes Abbas & Conventus, ipſum Advocatum adierunt, ſcire volentes quare in fundo Eccleſiæ Senoniënſis fornaces illas contrâ juſtitiam conſtruxerat. Reſpondit montem illum ſui juris eſſe, quia Advocatus erat loci: unde ſuperſedere neglexit. Abbas autem hæc audiens, Epifcopum Metenſem Jacobum adiit, & ei hæc omnia expoſuit. Epifcopus verò fabricas illas ſtatim confringi fecit. Ipſe enim Henricus ante hos dies fontem ſalis juxtâ caſtrum de Morehenges invenit, & ibi puteum fodit, volens ibi ad coquendum ſal ſedes ſalinarias conſtituere: quod idem Epifcopus fieri prohibuit, & omnia ſicut inchoata erant, penitus deſtrui fecit. Et quia de iſto Henrico nihil dignum relatione reperi, niſi quòd adhuc Eccleſiæ Senoniënſi adverſari non deſiſtit: & ita ad audiendum delectabiliora tranſeamus.

*De B. Eliſabeth, & de converſatione ejus.*

## CAPUT XXXI.

**C**itrâ Rænum in regno Alemanix quoddam caſtrum ſitum eſt quod Marporch appellatur, quod quidam Miles nobilis poſſidebat. Ille habebat uxorem generoſitate ſibi non imparem nomine Eliſabeth, quæ tantâ morum honeſtate, tantâ ad Deum devotione, tantâ ad pauperes eleemoſynarum largitione pollebat, ut potiùs Sanctimonialis quàm alicujus domini dignitate prædita dici poterat. Hæc duos de viro ſuo genuerat filios, quos magnarum ſuarum poſſeſſionum & divitiarum heredes uterque parens ſibi fieri gaudebat. Contigit enim illum nobilem virum extremæ ſuæ vitæ debitum exſolvere. Cum igitur illa nobilis matrona Eliſabeth ſui juris fuiſſet effecta, tanto ſe amore Deo conſtrinxit, ut nec mandatorum Dei unum iota auderet prætereire. Enimverò temporibus illis Ordo Prædicatorum & Minorum per univerſum mundum cognosci cœpit: nova enim tunc erat eorum plantatio. Erat enim temporibus illis quidam Frater de ordine Fratrum Minorum Conraldus nomine, ſatis honeſtus & religioſus. Hic illi felici matronæ familiaris erat, qui eam ad viam ſalutis quotidie animabat: cujus conſilio illa benigna Eliſabeth freta, & promiſſis divinis diligenter intenta, dicentibus: *Si*

M M m m



quis reliqueris patrem, aut matrem, aut filios aut agros propter nomen meum, centuplum accipiet, & vitam eternam possidebit: Statim relictis filiis, & munitionibus in quibus dominabatur, & possessionibus universis, habitum Fratrum Minorum sibi assumpsit. Erat enim sub castro illo Marporch quoddam Hospitalis, quod à prædecessoribus suis constructum fuerat; in quod se illa devota matrona confrens, vigiliis, jejuniis, & orationibus intenta, pauperibus, claudis, & omnibus indigentibus supervenientibus, propriis manibus pedes lavabat, & cibaria, prout cuique videbat expedire, præbarabat & eis distribuebat. Quid plura? In tantum illi officio insistebat, ut mirum esset quod mulier tam delicata in tanto labore tot supervenientibus serviendo perseverare poterat. Et cum sic officio divino insisteret, Deus eam remunerare volens, quia multo plura quàm dixerim pro Christo sustinuerat oppropria, ab hac vitâ substracta, ad Deum migravit, sepultaque est in Capellâ quæ in eodem Hospitali habetur. Et non multo post idem ille Conraldus qui eam converti fecerat, ab hac vitâ decedens, in ipsâ Capellâ in alio latere sepultus esse dicitur. Ex tunc igitur innumerabilis multitudo ad sepulcrum B. Elizabeth undique confluere cæpit: & inter illam multitudinem, claudi, cæci, surdi, muti, & aliarum infirmitatum utriusque sexus homines oppressionibus detenti, ibi curabantur. Post hæc cum vix duobus annis illa beata mulier, prius nobilis vivendo, modo Deo nobiliter, in sepulcro jacuisset, fama que vitæ ejus & miraculorum, quæ omnipotens Deus ejus interventu in populis operabatur, ad Dominum Papam Magnatibus referentibus pervenisset, Dominus Papa corpus ejus de sepulcro levare permisit, & ipsam in catalogo Sanctorum adscribi fecit: & ut in Ecclesiâ Catholicâ celebris haberetur. Eadem verò die, quâ ejus sanctum corpus de tumulo levatum est, ex omnibus regionibus circum adjacentibus multi Magnates conveniunt; Archiepiscopi, Episcopi, & alii nobiles viri, Marchiones, Principes, & etiam multi Abbates, & communis vulgi innumerabilis multitudo. Interfuit interea ille Fridericus quondam Imperator (quem Innocentius IV. Papa congregatâ Synodo Episcoporum & Abbatum apud Lugdunum ab Imperatoria dignitate deposuit: hic scyphum aureum in quo solitus erat bibere, obtulit Beate Elizabeth, in quo & caput ejus reconditum est. Ipsa enim Beata Elizabeth cognata ipsius Friderici fuisse dicebatur. Ubi ex tunc illa sancta Matrona tantis miraculis clarescere cæpit, ut nullus Sanctorum in partibus illis secundus ei esse videretur.

*De Judæis Coloniensibus, & de miraculis Crucifixi.*

#### CAPUT XXXII.

Cum per universum mundum universa flagitia à Judæis, etiam postquàm Christum crucifixerunt, facta fuisse comprobentur, adhuc tamen si non audient ore, corde & horrendis operibus ipsum Dominum nostrum JESUM-CHRISTUM, & suos Christianos incessanter blasphemare & vituperare contendunt. Unde de quibusdam Judæis horribilia & inaudita facta huic nostro libello inferere non pigebit. In civitate Coloniensi Judæorum multitudo habitare dicitur. In eodem vero vico quidam civis Christianus domum fertur habuisse, quæ domibus Judæorum inserta erat, nullus tamen in eâ habitabat. Quod cum quidam textor non de civitate, sed extraneus, comperisset, accessit ad illum civem cujus illa domus erat, & conventionem cum ipso facta, quod per annum in eâ maneret, cum familiâ suâ ipsam domum intravit. Et in quâdam stupâ ejusdem

domûs ea quæ ad ministerium suum pertinebant, erigens, cæpit operari & texere. Sed quia domus illa inter domos Judæorum sola stabat, & à conversatione Christianorum, & ab Ecclesiâ longè erat, ultrâ modum indoluit, præsertim quia non poterat ad officium divinum tam celeriter sicut volebat accedere. Quid faceret ille Christianus, qui inter inimicos Christi solus habitabat? Cogitat enim intrâ se, si non posset ad Ecclesiam cum vellet accedere, tamen si posset aliquam memoriam de Christo habere, securius in eadem domo habitaret; accersito sibi pictore, imaginem Crucifixi in loco ubi operabatur, in fronte parietis depingi fecit, & hinc inde duas imagines MARIÆ & Joannis, sicut mos est Christianorum, adaptavit, ut imagines illæ honestius tegi possent, pannum mundum desuper appendi fecit, & ostiolum sub quo imagines illæ servarentur, diligenter adhibuit. Nolebat enim quod omnes ingredientes eam tangerent, vel inspicerent, ne forte deleteretur, aut vilior haberetur. Sed cum orare volebat, ostiolo aperto & linteo levato, genu flexo & imagini capite inclinato, Deum cœli in ipsâ imagine exorabat, & oratione factâ ipsam imaginem linteo & ostiolo diligenter contegebat, & sic ad opus suum revertebatur. Sed cum annus præterisset, nolens ulterius inter illos infideles habitare, sibi domum prope Ecclesiam & inter Christianos comparavit. Deus enim, quia fidelis & justus erat homo ille, sibi substantiam multiplicaverat. Ipse verò relictâ domo in quâ per annum habitaverat, sumptis universis utensilibus suis, domum illam, quam emerat ut ibi habitaret, intravit: relictâ tantum imagine quam secum portare non poterat. Accidit autem eodem tempore quemdam Judæum de extraneis partibus ad habitandum Coloniam devenisse. Et cum inter Judæos devenisset, inquirebat si domum ad habitandum invenire posset. Alii verò Judæi læti effecti monstraverunt domum, in quâ ille Christianus habitaverat. Ille verò ad civem accedens convenit ut ibidem habitaret: & congregatâ multitudine Judæorum introivit in domum illam, & cum eis cum magno tripudio epulatus est, sed cum in eadem stupâ in qua textor ille texere solebat, post prandium residerent, quidam eorum aspiciens ostiolum sub quo imago illa latebat, mirabatur quid esset: & concito surgens ad ostiolum accessit, & aperto ostiolo, levatoque linteo, vidit imaginem nostri Crucifixi, torvis oculis eam respiciens, conspuit eam, & altis vocibus clamare cæpit: Accedite, inquit, Judæi, & conspice illum proditorem, qui vos de terrâ vestrâ expulsos in universum orbem exules dispersit. Illi clamore audito, omnes accurrunt, & visâ cruce cum Crucifixo fremebant dentibus in eum. Quid plura? Christus in Cruce à Judæis iterum irridetur, iterum conspuitur, iterum pugnis & alapis cæditur. Quid dicam? Ipsæ mulieres Judææ, quod in primâ crucifixione facere non audebant, in istâ secundâ tam protervè ibi operabantur; ut turpius imaginem illam conspuerent, furiosius pugnis tunderent, sævius unguibus dilacerarent, quàm unquam patres eorum in illum verum Crucifixum prius fecissent: & ita cum illi infelicissimi Judæi & Judææ tam lethaliter in illam sanctam imaginem Crucifixi desævirent, unus illorum qui audacior erat cæteris, dixit eis: Sustinete & discedite omnes, quia ego jam vindicabo vos omnes de isto nefario JESU: & accepto cultro acuto, quem penes se habebat, ad imaginem Crucifixi accessit, & vibrato ictu Crucifixum illum in latere percussit, in eodem loco in quo latus Christi nostri Salvatoris lanceâ perforatum est. Cumque ille Judæus cultrum ad se traxisset, ut iterum feriret, tanta abundantia sanguinis de vulnere illo

effluxit, ut vultum illius Judæi & cunctas vestes ejus conspergeret, cumque Judæi illi evidens miraculum vidissent, timuerunt timore magno, alii in terram ceciderunt, alii pectora tundebant, alii excurrentes quod factum fuerat, silere non poterant. Mox rumor facti civitatem occupat, accurrunt Magnates, accurrunt Clerici, accurrunt senes cum junioribus, viri cum mulieribus, cernere cupientes quæ per Deum tam nova facta sunt mirabilia: Christus enim ibi suæ Passionis miracula innovaverat. Venientes autem Clerici & cives ad locum illum ubi hæc fiebant, videntes eam imaginem crucifixi, invenerunt adhuc sanguinem de latere ejus manantem. Et ut illi magno miraculo certior fides adhiberetur, sanguis ille tamdiu de latere hujus imaginis manare non cessavit, quousque non modicum vasculum de eo impleveretur, & ita manare desit. Universitas verò illius civitatis tam Clerici quam laici habito consilio omnes Judeos illos quotquot invenire potuerunt, captivaverunt, & substantiam illorum diripuerunt. Si qui eorum converti voluerunt, baptizati sunt, alii verò trucidati: cæteri enim fugâ lapsi, in civitate ultra non sunt visi. In loco verò ubi hæc acta sunt, Ecclesia in honore sanctæ Crucis præclaro opere fabricata est, in quâ ipsa imago Crucifixi, per quam hoc miraculum factum est, in summâ veneratione habetur, & à fidelibus in eâ Christus adoratur. Hoc igitur miraculum à quodam Judæo, qui eidem facto Colonia interfuit, qui etiam viso miraculo Christianus effectus est, audiui: & sicut illud mihi de verbo ad verbum retulit, ita & huic paginæ annotare curavi.

*De Judæis qui apud Haguenoviam in prastigiis suis tres pueros interfecerunt.*

## CAPUT XXXIII.

Cum Judæorum nefandissimos actus nemo tacere debeat; ut ea, quæ in Salvatore nostro egerunt, semper ad mentem redeant, ad correctionem hominum & ædificationem quotidie retractare convenit; ut præsumptio eorum Judæorum confutetur, & gloria Christi augmentetur. In oppido quod Hagonovia dicitur, in territorio Alatiæ multi Judæi habitabant eo tempore quo Fridericus quondam Imperator regni Romanorum Monarchiam obtinebat, qui postea ab Innocentio Papa IV. dictante justitiâ à dignitate Imperii apud Lugdunum depositus est. Cum idem Fridericus apud Hagonoviam moraretur, contigit Judæos qui in eodem oppido manebant secundum eorum legem festum Paschæ celebrare, eo tempore quo & nos Pascha celebramus nostrum: non tamen illâ die, sed quartadecimâ lunâ, quâ & Christus crucifixus est. Illi verò Judæi nescio quomodo procuraverunt, quod acquisierunt sibi tres pueros septennes & Christianos, & cum festum eorum celebrarent, de ipsis quædam ludibria in domibus suis egerunt. Sed inter hæc iidem pueri mortui sunt. Et cum Christiani hæc forte percepissent, intrantes domos Judæorum invenerunt pueros nudos, sed mortuos. Imperator verò Fridericus forte non erat præsens: Christiani verò pueros illos usque ad adventum Imperatoris reservare decreverunt. Judæi quippe cum viderent periculum sibi imminere, inito consilio disposuerunt Imperatorem placare muneribus: & accedentes ad Imperatorem, tantis muneribus illum excœcaverunt, ut gratiâ ipsius potiti ad domos suas læti redirent. Cum igitur Imperator ad Hagonoviam rediisset, Christiani illos tres pueros præsentaverunt, & intimaverunt ei quia Judæi ita eos interfecerant. Imperator respondit: Si mortui sunt, ite, sepelite eos quia ad aliud non valent. Christiani verò hoc audientes, confusi ab eo

Tom. II.

discesserunt. Et ita iste infelix Imperator unum suæ infidelitatis articulum promulgavit, quia & Judæi in pace dimissi sunt, & Christianis de tam nefario facto nulla est exhibita justitia. Et hæc de Judæis dicta sufficiant, quia si iste miser Imperator Judæos pro tam iniquo facto non punivit; ille potentissimus arbiter & hunc & hos in claustris inferni punire non obmittet.

*De quodam milite, Rambaldo nomine, hæretico de Kercewelt in partibus Alsatiæ.*

## CAPUT XXXIV.

Cum essem in Argentinâ & scholas frequentarem, erat quidam Magister apud sanctum Thomam nomine Henricus, qui etiam physicâ arte imbutus erat. Hic cum Prior apud Trouthenhouze effectus fuisset, narravit mihi quod quidam miles, Rambaldus nomine, de Kercewelt cum gravi infirmitate teneretur, ipsum Priorem ut sui curam gereret, invitavit. Ille verò cum ad eum venisset, invenit eum ad extrema jam appropinquantem. Qui Prior ait: Si mihi creditis, Domine, vos prius confitebimini peccata vestra, & recipietis corpus Christi, antequam ego apponam ad curandum vos, quia illud erit major vestra curatio. Cui ille: Ego multoties confessus sum; & multa talia corpora comedi. Magister Henricus respondit, Ha! nolite ita loqui, quia ubicumque consecratur corpus Christi, non plura sunt corpora, sed unum corpus Christi. Ille respondit: Quomodo hoc potest fieri, quia si illud corpus tam magnum fuisset, sicut ingens mons, jam millies devoratum à populo fuisset. Magister Henricus dixit: Bone domine mi, ego jam vos video graviter infirmitate opprimi, rogo vos, ut quidquid usque huc credideritis obmittatis, & corpus Christi fideliter credendo recipiatis, & sic salvus eritis. Cui ille: Et quomodo tantillum panis me salvare poterit? Sed quia infestus estis, ego amore vestro paniculum illum manducabo, & tunc videbitis quomodo me salvare possit. Et verum dixit. Quia post pauca manifestavit Deus, quâ credulitate ille sanctissimum Christi corpus auderet percipere. Magister verò Henricus, qui ejus salutem desiderabat, credens aliquid fidei in eo remansisse, accersito Presbytero qui cum corpore Christi advenerat, fecit ei corpus Christi dare. Ille verò os aperuit, & Sacerdos corpus Domini in os ejus immisit; sed ille os claudere non potuit. Corpus verò Domini ita juxta palatum stetit, ut plenè palatum non tangeret, nec ad linguam descenderet. Cum ille subito balbutiendo quia os claudere non poterat, magnâ voce clamare cœpit: Subvenite, carissimi, subvenite, quia jam ardeo, jam me infernus tenet: afferte aquam, & refrigerate os meum. Et hoc sæpius clamando, ei attulerunt aquam, & in os ejus miserunt. Ille verò multo magis clamabat: Tollite, tollite aquam, quia dupliciter ardeo. Illi verò qui aderant, quia ferè tota villa advenerat, amarissimè flebant; pugnis pectora sua tundentes, lamentabantur eum, quia videbant eum tam infelici morte mori. Nam securi erant quia anima ejus æternis suppliciis traderetur. Et cum jam per duas ferè horas torqueretur, inter ipsas angustias emisit spiritum. Et cum Sacerdos ita videret eum mortuum, mittens manum, corpus Christi ita incontaminatum & inviolatum de ore illius extraxit, sicut prius illud imposuerat. Et repositum in pixide cum summâ reverentiâ, comitantibus viris & mulieribus ad Ecclesiam prout debuit, reportavit. Cujus facti fama per totam Alsatiâ innotuit, ad hæreticorum confusionem, ad laudem verò & gloriam Domini nostri JESU-CHRISTI.

M M m m ij

De S. Petro Mediolanenſi novo Martyre.

CAPUT XXXV.

**Q**uia temporibus noſtris, & noviffimis ſæculi diebus, ſicut per Prophetam promiſit Dominus, Deus innovat ſigna, & immutat mirabilia: unum de iſdem ſignis novis mox recitare non pigebit. In Longobardiâ eſt quædam civitas quæ Mediolanum appellatur, in quâ Fratres Prædicatores habitare dicuntur. Cum illis verò Prædicator quidam Petrus nomine habitabat, vir egregius & ad prædicandum doctiſſimus. Hic etiam Petrus, ut talentum ſibi creditum cum multiplici ſœnore Domino ſuo reportaret, quotidie officio prædicationis inſiſtebat. Enimverò quia apud Mediolanum à priſcis temporibus hæretici habitare conſueverant, iſte Frater Petrus, quia adhuc videbat in eadem civitate quosdam tribulos hæreticorum pullulare, quotidie eorundem hæreticos in prædicatione ſua viriliter impugnabat. Et ut eos ad viam veritatis reduceret, modo blandimentis vel exhortationibus, modo increpationibus vel vituperiis corripiebat. Sed quia dicente ſcripturâ, *In malevolam animam non intrabit ſapientia*, cordibus induratis ſicut aſpis ſurda contrâ incantatorem; ita & iſti hæretici contrâ prædicationis incantationem obturabant aures ſuas: ſed ſicut Judæi in B. Stephanum, ita & iſti in Fratrem Petrum dentibus fremebant: & ſi eum extrâ civitatem invenire protuiſſent; non minùs quàm Judæi Stephanum, iſti Petrum lapidarent. Quid plura? arcum ſuum intenderunt, ut ſagittarent in occulto immaculatum, id eſt, inſidiabantur ei, ut eum morti traderent ſi poſſent. Veruntamen, quia in aperto ei nocere non audebant, diſpoſuerunt ei inſidias ponere. Erat enim quidam vicus in civitate, per quem ire, & redire ſolebat, cum ad prædicationem iret vel rediret. Et cum Deus ſamulum ſuum invictum veritatis pugilem donativo gloriæ cœleſtis remunerare vellet, *raptus eſt ne malitia mutaret intellectum ejus, aut ſectio deciperet animam ipſius*. Et verè raptus; nam cum quâdam die à civitate ſero reverteretur, & per vicum illum, ſicut ſolebat, tranſire vellet; illi miſeri, qui arcum inſidiarum tetenderant, quaſi ſagitta de occultis inſidiarum proſilientes, ſagittaverunt Petrum illum immaculatum, id eſt armis ſuis interfecerunt. Et ita *conſummatis in brevi, completis temporibus ſua: placita enim erat Deo anima ipſius*. Fratres verò Prædicatores auditâ morte illius ultrâ modum indoluerunt: quia potentior omnibus erat in ſermone. Et peractis debitis exequiis, tumulo honeſto cum canticis & hymnis ſpiritualibus eum ſepelierunt. Et ut Deus Martyris ſui merita mundo declararet, & ut illi inſeliciffimi hæretici confunderentur, tantam ei gratiam conferre dignatus eſt, ut quicumque debiles quibuſcumque infirmitatibus detenti ad tumulum ipſius Martyris accederent, à malis omnibus liberarentur. Et ita Deus temporibus noſtris ſervos ſuos magnificare non dedignatur.

De Prioribus de Danubrio, Mervaville,  
& de Xuris.

CAPUT XXXVI.

**C**um divina ſcriptura quolibet ad benefaciendum invitet, & Dominus in Evangelico nos admoneat, ut homines *videant opera noſtra bona, & glorificent Patrem noſtrum qui in cœlis eſt*: Et ſi nos deſides bonis operibus inſiſtere non valemus, bona tamen ab aliis facta & diligenter conſiderare,

& ad lucem producere debemus. Unde quædam bona opera quæ quidam Fratres noſtri in cellis noſtris egerunt, ſcripto commendare debemus, ut legentes zelo illorum ducti, bonis operibus inſiſtere, & ea adimplere jugiter feſtinent. Quidam igitur Monachus noſter Senonienſis Hugo nomine, Prioratum de Danubrio xx. & eo ampliùs annis rexit, & Prioratum ipſum muro circumdedit, & in eo muro incluſit ſtagnum & molendinum & furnum; & Capellam S. Catharinæ; quæ omnia ego, cum eſſem Prior ejuſdem loci, conſtruxi. Fecit enim ille Hugo cameras ſatis ad habitandum habiles. Potuiſſet etiam feciſſe, ſi ei datum fuiſſet deſuper, multa alia bona, quæ omnibus diebus illi loco potuiſſent profeciſſe; quia multas adunaverat pecunias, quæ in non neceſſarios uſus converſæ ſunt, & ſic ſine effectu mortuus eſt. Revertamur igitur ad Prioratum de Mervaville, cui vir diſcretus Rennerus ſeptem præfuit annis, qui etiam illi loco infrâ ſeptem iſtos annos multum profuit: nam majorem partem Eccleſiæ B. Mariæ, excepto cancello conſtruxit, altare majus à venerabili Gilone Epifcopo Tullenſi in honore B. Mariæ conſecrari fecit, & cœmeterium benedici, curiam quoque muro optimo circumdedit; agros, prata multa illi loco adjecit; & Advocatos de Alſeraule à frequentatione de Mervaville quantum potuit, reſtrixit: & adhuc eo tempore ad meliora anhelabat. Veniamus igitur ad Prioratum de Xuris, cui præfuit vir nimium exercitiſus Fridericus nomine. Hic cancellum Eccleſiæ ſuæ ampliavit, pulchro opere ad perfectionem perduxit, & picturis & fenestris vitreis decoravit. Majus quoque altare S. Jacobi in ipſo Cencello erexit; & illud imaginibus ſculptis auro & coloribus in circuitu adornavit. Clauſtrum quoque ex latere cocto & plumbato inuſitato opere conſtruxit, domos etiam & ædificia omnia lapidea erexit: Curiam ipſam muro forti clauſit. Parochias omnes ad Prioratum ipſum pertinentes de lateribus cooperuit. Sedes etiam ſalinarias ipſius Prioratûs apud Mediumvicum in domibus lapideis incluſit. Et cum hæc omnia bona feciſſet, invidiâ & odio mediantibus, immeritè ſunt ei redditæ vices, quia humana miſeria ita bonos remunerare ſolet.

De lite inter Prædicatores & Clericos Parisius orta.

CAPUT XXXVII.

**S**uperiùs de Ordine Prædicatorum ſecundùm Prophetiam ſanctæ Hildegardis Sanctimonialis aliquantulum digeſſimus, qui in principio ſui magnæ auctoritatis habiti ſunt. Sed deinde à propoſito paulatim declinantes, proceſſu temporis à ſtatu ſuo paululum decidere viſi ſunt, ſicut multifariis modis ipſorum actibus comperiri poteſt: & præcipuè in controverſiâ quâdam, quæ Parisius de novo orta eſt; de quâ, ſi placet, in hoc Opusculo noſtro aliquid inferere curabimus. Contigit igitur inter Clericos Parisius commorantes antiquitùs, & Prædicatores de novo venientes, de diſſinitione quæſtionum, & Magiſtrorum legentium approbatione periculoſam controverſiam emeriſſe. Nam Prædicatores dicebant ab eis quæſtionum diſſinitiones debere proferri, quia optior ſcientia in perſonis Ordinis ipſorum vigeret, & dignitas prædicationis eis auctoritatem diſſiniendi prærogare videbatur. Clerici verò è contra aſſerebant ſe antiquitùs Magiſtros & diſſinitores habuiſſe, qui ſcholarum & ſcholarium Rectores exiſtiterunt: quos etiam Dominus Papa eis ſcribendo, Rectores ſcholarum eos appellaviſſe comprobatur, nec eorum Ordini aliud aliquid commiſſum eſt, niſi ut prædi-

cationi & animarum ſaluti ſine intermiſſione intendant: Sed cum aliquandiu fuiſſet inter eos decertatum, & inter ſe pacificari non poſſent, ad Papam appellaverunt. Prædicatores verò quemdam librum Evangeliorum compilaverunt, in quo dicebantur aliqua contineri, quæ contrà fidem eſſe videbantur. Clerici verò nescio quâ arte procuraverunt, ut copiam ipſius libri haberent; ex quo omnia capitula fidei contraria decerperunt, & ea ſcripto commendantes ſibi retinuerunt. Elegerunt quoque ſibi quemdam virum diſcretiſſimum Willelmum nomine, qui præ cæteris magnus Philoſophus habebatur: quem cum libro illo ad Curiam mittentes, procuratorem ſuum contrà Prædicatores ſtatuerunt. Et cum coram Papa veniſſent, diu inter ſe diſputaverunt, & inter cætera Magiſter Willelmus librum iſtum quem Prædicatores conſcripſerant, Domino Papæ fertur porrexiffe. Papa verò cum librum legiſſet, ſtatim cum damnavit, & comburi juſſit: Magiſtro Willermo, quia ſacundiſſimus Orator erat, nec ei aliquis in ſermone reſiſtere poterat, ſilentium impoſuit, & nondum cauſa illa finem acceperat. Clerici omnes qui Pariſius ſtudebant, tunc ab ipſâ civitate reſceſſiſe ferebantur.

Eâ liquidem tempeſtate, quâ, ut dictum eſt, Prædicatorum ſtatus deteriorabatur, non minus infortunium eis eveniſſe perhibetur. Rex enim Franciæ, qui alio anno à tranſmarinis partibus reverſus fuerat, eiſdem Prædicatoribus valdè familiaris erat: & cum quotidie quia valde religioſus erat, domum ipſorum frequentaret, cogitaverunt eum ad Religionem ſuam poſſe devenire. Et cum quâdam die de divinis ſcripturis & de Filio Dei confabularentur, unus eorum qui cæteris audacior erat, dixit Regi: Numquid Domine velles tantum de Filio Dei inter manus tuas quotidie poſſe tenere, quantum uterus Beatiffimæ Virginis Mariæ quondam in ſe comprehendere perhibetur? Rex hæc audiens & admirans ait; Quis eſt qui hoc reculaſet? Ignorabat enim quoddam de ſacramento corporis Chriſti diceret. Prædicator reſpondit: Si placet, docebo te quomodo tibi hoc concedetur. Rex reſpondit: Placet ſanè. Frater ille dixit: Numquid audis Dominum in Evangelium dicentem; *Si quis reliquerit patrem vel matrem, aut uxorem, aut filios, aut agros propter nomen meum, centuplum accipiet & vitam æternam poſſidebit?* Rex ait: Audio & benè ſcio. Frater dixit; Domine mi Rex, tu habes heredes, filios & fratres qui regnum tuum benè regent: tu etiam pro Deo multos labores ſuſtinuiſti, & etiam vitam tuam periculis mortis expoſuiſti; & ita nihil aliud reſtat, niſi quoddam relinquant omnia, & aſſumas tibi crucem noſtram, id eſt habitum noſtrum: & ita de gradu in gradum ad Sacerdotium promoveberis, & Filium Dei in manibus accipere mereberis. Rex verò hæc audiens, conſternatus intrâ ſe cogitare cœpit, proponens ſibi tribulationes huius mundi, & immenſos labores, & etiam regni ſollicitudinem: è contra occurrunt ei illæ ſupradictæ Evangelicæ promiſſiones, & illud Domini corporis deſiderabile & delectabile ſacrificium, & ad ſe revertens dixit Fratribus: Si iſta vera ſunt quæ audio, imò quia veriſſima eſſe credo, conſiliis veſtris acquieſcam. Sed priùs vadam & indicabo Reginæ, & ab eâ impetrabo huius facti licentiam. Rex verò cum ad Palatium veniſſet, introivit ad Reginam, & omnia narravit ei, quoddam ei & ſuis ſuis regnum relinquere vellet, & quoddam habitum religionis ſuſcipiendo ſacerdos fieret; & pro ipſis, & pro ſtatu regni Deum exorare non ceſſaret: unde peto ut ad hoc faciendum licentiam mihi donare velis. Regina verò mirabiliter ſtupefacta nihil reſpondit ei: ſed ſtatim mittens, fratrem Regis Co-

mitem de Anjou ad ſe vocari juſſit, filioſque accerſitos ita fertur alloquuta fuiſſe: Quod melius eligitis, an appellemini filii Sacerdotis, vel filii Regis? Illi audientes ſtupefacti, nesciebant quare hoc diceret. Mater ſtatim ſubſequuta eſt, dicens: Illi Prædicatores Regem ad hoc induxerunt, ut nobis relictis & regno Prædicator & Sacerdos fiat. Comes verò cum hæc audiſſet, in furorem verſus eum impudentiſſimè objurgabat, & Prædicatoribus minabatur. Filius verò Regis primogenitus, qui poſt Regem regnare debebat, Prædicatores etiam quomodo poterat, vituperabat. Rex verò convitiis eorum commotus, filio ſuo fertur alapam dediſſe. Filius verò ait Patri; Domine quia pater & Dominus meus eſtis, non ſum vobis ingratus; ſed juro per B. Dionyſium patronum noſtrum, ſi aliquando me contigerit Deo annuente gubernacula regni obtinere, ego omnes iſtos Prædicatores à regno expelli faciam. Cumque Rex hoc juramentum audiſſet, ultrà modum indoluit, quia ſciebat eum animo ferum eſſe. Comes verò frater Regis præcepit, ne Prædicatores in toto regno Franciæ de cætero prædicare præſumerent. Fertur etiam præcepiſſe, ne quis Prædicatoribus aliquid conferre auderet. Illud etiam Regem potiſſimum offendiſſe dicebatur quia omnes ſcholares, qui in civitate Pariſienſi morabantur, exeuntes de civitate per diverſa loca ſe collocaverunt, & hoc in opprobrium ipſius Regis. Eminverò quia hæc ſuprà ſcripta facta eo tempore quo hæc ſcribebamus, ad nullum certum finem devenerant, aliquid ulterius ſcribere nequivi.



## LIBER QUINTUS.

De Sacerdote apud Zaberniam interfecto.

## CAPUT PRIMUM.

Sicut nota & certa ſcriptis commendata legentibus & audientibus ædificationem generant, ita incerta & dubia ſcriptoribus & auditoribus in vitium eſſe comprobantur: unde & ignota præmittere nos & dubia, certa & cognita ſcribere curavimus. Fuit igitur in Aſſatiæ partibus in Episcopatu Argentinenſi, in oppido quod Zabernia dicitur, quædam matrona jam quodam Milite viro ſuo viduata, ſed prole ſatis nobili admodum locupletata: habebat enim quatuor filios, quorum duo militaribus ſacramentis implicati erant. Alii verò duo ad hunc honorem nondum pervenerant. Et licet ipſa matrona tali prole gauderet, tamen laſcivo adhuc detinebatur animo: habebat enim quemdam Sacerdotem, quem ſibi Capellanium fecerat, qui eidem matronæ inhoniſtâ familiaritate, ut ſe fama habebat, ineptè jungebatur. Cumque fama ipſa ad aures filiorum perveniſſet; nimio tacti dolore matrem ſuam dictam matronam ad hoc induxerunt, ut ipſum Capellanium à domo ſuâ eliminaret. Ipſe verò Capellanus ad alias partes ſceſſit. Peraçto itaque aliquanto tempore, cum idem Capellanus infamiam illam, quæ de ſe & de matronâ illâ habita fuerat, totaliter crederet eſſe ſopitam, diſpoſuit ipſam matronam iterum viſitare, ſed non habitu quo agnoſci poſſet. Decrevit igitur indui non Sacerdotalibus, ſed veſtimentis quarundam muliercularum, quæ in partibus iſtis Beguinæ, in Alemanniâ verò Kuherin, id eſt pœnitentes appellantur, dominæ ſuæ ut non agnoſceretur præſentari voluit. Aſſumptis quippe dictis veſtimentis, domum dictæ matronæ clam ſub-



intravit, & in eâ aliquanto tempore ſub ſpecie mulieris habitavit. Aliæ ſiquidem mulieres ipſius Religionis domum dictæ dominæ intrare ſolebant; inter quas una Sacerdotem illum, qui eiſdem veſtibus indutus erat, ut diximus, ſubtiliùs intuens, cognovit quod ipſe Sacerdos eſſet, de quo ipſa domina diffamata erat, à quo petivit ut ab eo aliquid acciperet. Capellanus ei ineptè quod petebat denegavit: Beguina verò irata ad filios illius matronæ acceſſit, & quoddam Capellanium illum ſub ſpecie muliebri in domo matris illorum invenerat, intimavit. Qui nimiam verecundiam commoti, domum matris cum magno ſtrepitu intraverunt, & ipſum Sacerdotem tam enormiter ſuſtibus & pugnis tuderunt, ut fere ſpiritum exhalaret; & tandem de domo eicientes, & eum per vicos intolerabiliter deducendo, etiam naſum amputaverunt, & ipſum extrâ portam ipſius oppidi, in colliculo quodam ſemivivum projece-  
runt; qui parvo tempore in ipſâ mortis anguſtiâ ſupervivens, ibidem mortuus eſt & ſepultus. Cum igitur famâ referente id factum ad aures Henrici Episcopi Argentinenſis perveniſſet, ipſe Episcopus nimio dolore percuſſus ultrâ modum ingemuit; & ſtatim accerſitis nuntiis, dictæ matronæ filios ad ſe venire præcepit, quos ipſe Episcopus licet inviti veniſſent, ita alloquitur: O viri ſtolidi & ſtulti, quis ad hoc vos animavit, ut manum in Chriſtum Domini mittere præſumeretis, & ipſum interficere, & ineptè ſepelire auderetis? Illi verò conſternati matris injuriam, & ſuum pudorem præponebant. Episcopus ergo interrogabat, ſi ille Sacerdos matris quorum vim aliquam intuliſſet: illis è contra dicentibus ſi vi vel voluntate hoc factum fuiſſet, tamen eis ingens dedecus & pudibunda fama per eundem Sacerdotem exorta fuiſſet & illata. Episcopo verò dicente quoddam non eis juſtitia deſuiſſet, ſi ab eis de Sacerdote illo aliquid inelamatum fuiſſet, præſertim cum ipſe in eodem oppido & ſpirituali & materiali potiretur juſtitia. Oppidum Zaberſia ſui juris eſt, & in Episcopatu Argentinenſi ſitum. Illis igitur nihil contrâ reſpondentibus, quæſivit ſi pro facto illo mandato Eccleſiæ & ſuo vellent obedire: illi conſiderantes quoddam ipſe Episcopus, & ſpiritualis & temporalis eorum dominus erat, & quoddam judicium ipſius declinare non poſſent, ipſius Episcopi ſe ſubdiderunt mandato. Episcopus verò juramento ab eis præſtito, præcepit ut ſine mora in eodem loco, ubi Sacerdos inhoneſtè, ut diximus, ſepultus fuerat, ſepulcrum honeſtum propriis ſumptibus conſtruerent, & ibidem Capellam ædificarent, & illi Capellæ de ſuis redditibus tantum conferrent, ut Presbyter aliquis in eodem loco divina in perpetuum celebrare poſſit: quod & factum eſt. Igitur Episcopus fratres dictos iterum ad ſe vocans, & ſagaciter de ſalute ipſorum tractans, ait: Vos filioli, qui tam enorme factum ſub juramento vos expiaturus promiſiſtis, ut video, mandato Eccleſiæ ſatis parati eſtis obedire: jam ſatis competenter pro interfecti Sacerdotis remedio aliquid actum eſt, de peccato tamen commiſſo quæ vobis incumbit pœnitentia adhuc nulla injuncta eſt; quia vobis in ſpirituali & temporali juſtitia providere tenemur, ſub juramento Eccleſiæ & nobis ſuper hoc præſtito diſtictè præcipimus, quatenus vos quatuor fratres pro tanto peccato diluendo transfretare, & ſepulcrum Domini viſitare maturetis: & inde antequàm mandatum noſtrum acceperitis, ad propria non redeatis. Dicti verò fratres, quia nullam penitus aliam viam ſine ingenti diſpendio ſui & rerum ſuarum invenire potuerunt, & iter aggredientes ad tranſmarinas partes properaverunt: ſed de reditu ipſorum nihil audivi.

*De alio Sacerdote Parocho ab excommunicato interfecto apud Barram Alſatiæ.*

## CAPUT II.

**I**N Alſatiæ partibus, in Episcopatu Argentinenſi, habetur villa quædam, quæ Barra dicitur, viris honeſtis referta; in quâ quidam Sacerdos juvenis & honeſtus degebat, qui in eadem villâ Barrâ ita deſerviebat. Manebat itaque in eadem villâ vir, qui plus debito gulæ deſerviebat: erat ei quippe mos, ut ſi quando Adventus Domini, vel Quadrageſima, vel alii jejuniorum dies in revolutione anni occurrerent, ipſe nullo modo jejunare volebat, ſed aſſumebat ſibi duos vel tres, qui etiam gulæ illecebris detinebantur; tabernam intrabant, & ibidem in aperto coram omnibus comeſſabantur uſque ad ebrietatem. Cumque dictus Sacerdos, qui curam parochiæ illius gerebat, hanc in eo conſuetudinem videret, voluit eum priùs inter ſe & ipſum ſolum arguere, ut tam nefario facto abſtineret, quia ipſe alios ſecum peccare faciebat; & multi in eum ſcandalizabantur. Ipſe verò è contra Sacerdoti dicebat, quoddam jejunare nollet, quia Deus panem & vinum & cætera cibaria fecerat, ut homines eis, ut vellent, uterentur. Cum igitur Sacerdos eum ſuper hoc ſæpiùs admonuiſſet, nec admonitionem ſuam aliquid videret proficere, ipſum vocare decrevit, ut in facie Eccleſiæ de commiſſo illius à parochianis judicaretur. Ille verò ad Eccleſiam veniens, nihil exultationis prætendit, ſed dicebat ſe velle uti bonis à Deo collatis quando vellent, & quomodo vellent & ubi. Quoddam cum milites & alii prudentes viri, quibus tunc referta erat Eccleſia, hæc verba ab eo audiſſent, eum arguebant quoddam inepta in facie Eccleſiæ verba proferre auderet. Sacerdos igitur eidem viro præcepit ut mandato Eccleſiæ ſtare deberet: & eum ſemel, ſecundo & tertio diligenter admonens, cum videret quoddam nihil proficeret, ſecundum morem Eccleſiæ ut inobedientem excommunicavit, & eum ab Eccleſiâ exire compulſit. Contigit deinde non multum poſt temporis in vigiliâ ſanctorum Apoſtolorum Simonis & Judæ Sacerdotem ad Eccleſiam pèrgere, ut ibi divina perageret. Erat autem propè Eccleſiam taberna ſita, ubi ille excommunicatus cum quibuſdam complicitibus ſuis in introitu ceilarii illius tabernæ manducans & bibens, & de ſententiâ in illum latâ inter ſe conferebant. Cumque Sacerdos per illum locum tranſiſſet, & in cœmeterium introiſſet, quidam illorum qui cum excommunicato comeſſabantur, imperabat illi, quare ſententiam in ipſum datam in Sacerdotem non vindicaret. Excommunicatus circumſpiciens dixit ſe non habere armaturam præ manibus, quâ Sacerdotem moleſtare poſſet. Cui unus ex illis diabolico veneno inflammatus dixit: Accipe telum meum quoddam ad hoc peroptimum eſt. Excommunicatus verò ille telum accipiens, concito curſu ad ſacerdotem venit, & antequàm Sacerdos illum venientem percepſſet, miſer ille Sacerdotem telo perfodit. Sacerdos verò ſentiens ſe intolerabiliter vulneratum, manu telum tenuit: & cum videret percuſſor, quoddam telum nequiret ad ſe retrahere, ut iterum feriret, dimiſſo telo cultellum acutum, quo erat accinctus, de vaginâ extrahens, Sacerdotem etiam vulneravit quouſque ad terram cadens mortuus putaretur. Miſer ille ſacrilegus homicida à loco & villâ diſcedens non comparuit. Sacerdotes igitur circumadjacentes hoc factum audientes accurrerunt, & adhuc eum palpitantem inventientes, corporis & ſanguinis Domini Sacramentis ejus exitum munierunt: qui ac-



cepto Sacramento, non multum poſt verè Martyr ſpiritum cœlo reddidit, & in eadẽ Eccleſiã in quã deſerviebat tumulatus eſt. Quidam enim cognatorum ſuorum qui aderant, tunicam ipſius Sacerdotis telo & cultro in pluribus locis perforatam, & ipſius ſanguine inſuſam ſibi reſervavit, arbitran- tes debere eam Epifcopo Argentinenſi monſtrare. Quod & factum eſt. Nam in craſtino Animarum Sy- nodus omni anno Argentinæ celebratur. Ad quam illi cum tunicã Sacerdotis venientes, in quã ipſe Epi- ſcopus cum Canonicis ſuis & Sacerdotibus & Clero multo, militibuſque, & aliis plurimis viris reſide- bat. Silentio igitur factò, illi cum tunicã extenſã perforatã & ſanguinolentã flebilibus vocibus hunc verſum, Epifcopum intuentes, decantabant: *Vide ſi tunica filii tui ſit, an non? Quibus Epifcopus per- ſuſus lacrymis: Tunica filii mei Joſeph hac eſt.* Et ſtatim omnes qui aderant cum ingenti clamore & gemitu reſponſum ſubjungentes, cantaverunt: *Vi- dens Jacob veſtimenta filii ſui Joſeph ait: Fera peſ- ſima devoravit meum filium Joſeph.* Quantum ibi lacrymarum effuſum, & quantus dolor, & timor omnes qui præſentes erant, invaſerit, vix lingua aliqua docere poſſet. Factò tamen quoquomodo ſi- lentio, Epifcopus Clero hinc ita loquitur: Fratres mei dilectiſſimi, jam diabolus petiit nos ut tenta- ret, & cribraret ſicut triticum, ut de morte Fratris noſtri dolentes, & timentes, & ſcandalizatos nos redderet: nos verò in Deitate Dei Patris ſpem ſidu- ciamque habentes, qui non permittit vos tentari ſu- per id quod poteſtis, ſed dabit cum tentatione pro- ventum, ut poſſitis ſuſtinere, cum ipſius adjutorio diſponamus quomodo hoc factum in perpetuum cum vindictã ſuã ad poſteros tranſmittatur. Decer- nimus quippe ut auctor ille ſcleris à gremio ſanctæ & Catholicæ Eccleſiæ cum complicitibus & fautori- bus ſuis excommunicetur, exclusus ſeparetur, & cum Juda traditore æternalibus pœnis, niſi ſatis- fecerit, obnoxius ſine fine teneatur. Matricem verò Eccleſiam illam, infrã cujus atrium ille dilectiſſimus noſter Sacerdos pro juſtiã uſque ad mortem per- ſequutionem paſſus eſt, honore ſuo privamus: ita ut honor pariter & nomen matricis Eccleſiæ ad ca- pellam ſuam Berchem transferatur, nec in ipſã Ec- cleſiã de cætero divina celebrentur; excepto quòd ob reverentiam illius feliciffimi Sacerdotis, qui pro juſtiã occubuit, & ibidem ſepultus eſt, à Plebano de Berchem procuretur, ut ibi divina ter in heb- domadã celebrentur. Acta ſunt hæc tempore illo quo annus Domini volvebatur milleſimus ducentefi- mus quinquageſimus octavus. Hæc ſunt acta ut ſu- præ ſub Epifcopo Henrico de Strahelerh antiqui Sue- viæ Comitatus tertii. Sub eodem Prædicatores fue- runt fundati ſubterraneo fundamento ab Argenti- nenſibus Canonicis: in quo fundamento primarium lapidem ipſe Henricus Epifcopus, & ſub eo Hen- rico ſunt recepti Prædicatores intrã mœnia urbis Argentinienſis in locum quem hodie habitant; qui dederunt locum Monafterii in domibus Fridericus & Havalò Præpoſitus Uldaricus de Thalmaſigen, & Joannes de Albã uterque canonicus Argenti- nenſis.

*De Clerico à milite captivato, & ab ipſo Epifcopo Argentinienſi clementer liberato.*

### CAPUT III.

**Q**uia de venerabilis Epifcopi Argentinienſis Hen- rici factis quãdam noſtro Libello adnotare cu- ravimus, tamen adhuc unum dignum memoriã le- gentibus aperire maturabimus. Erat quidam Cleri-

cus in dicto Epifcopatu Argentinienſi, qui quem- dam nobilem virum ejusdem diœceſis, qui ſuper quibuſdam rebus ei injuriabatur, trahebat in cau- ſam, & ipſum militem in Eccleſiaſtico foro multum moleſtabat, & eum multipliciter ad judicium tra- hendo ſatis eum vexabat; quod idem nobilis vir valde moleſtè ferebat, ſed neſciebat quomodo hoc in ipſum Clericum vindicare poſſet. Qui diù ita ve- xatus animo torquebatur, & inter multimodas co- gitationes animo fluctuabat. Cum igitur diù hac & illac excogitaſſet, tandem corde audaciam conci- piens, ipſum Clericum immiſericorditer moleſtare diſpoſuit. Tandem opportunitate acceptã, accerſi- tis ſecum ſociis armatã manu venit ad inimicum ſibi Clericum, hac illac quæritat, tandem Clericus invenitur, cæditur, ſpoliatur, & vincus ab ipſo milite deducitur. Sed quia idem miles dictum Cle- ricum captivum in ipſo Epifcopatu Argentinienſi detinere non audebat, ad quosdam amicos ſuos in Epifcopatu Baſilienſi longè manentes ipſum Cleri- cum vincum captivum cuſtodiendum deduxit, quatenus in vinculis offenſas & vexationes quas ei iutulerat, miſerabiliter lucret. Sed quia Deus ipſius militis malitiam, & famuli ſui ſcilicet Clerici cap- tivitatem diutius occultari noluit, fama, quæ velo- cior eſt vento, hoc enorme factum illius venera- bilis Epifcopi Argentinienſis auribus innotefcere ma- turavit. Cum igitur idem Epifcopus ſeriem rei au- diviſſet, accerſito Notario, dicto militi ſcripſit, ut Clericum ſuum quem malè tractaverat cum uni- verſis rebus ablatis ipſi Epifcopo reſtitueret; & de injuriã tam præſumptuoſè illatã ad ipſius Epifcopi præſentiam veniendo ſatisfaceret, & condignas pœ- nas de tam enormi factò meritò reportaret. Perle- ctis igitur miles Epifcopi literis nimio terrore per- territus, non eſt auſus ad præſentiam Epifcopi, ut præceperat, accedere: ſed nec acceſſit, nec ipſum Clericum, ut ei injunctum fuerat, Epifcopo reſti- tuit. Epifcopus ſiquidem memorandus cum audiſ- ſet ſcripta ſua in hoc factò nihil prodeſſe, cogita- vit qui ſi ipſe dictum militem in foro Eccleſiaſtico conveniret, ipſe captivus Clericus in vinculis diù torqueretur, & ob hoc ei ſalubriori ſuccurſu mo- ras prævenire decrevit. Adunato ſiquidem non mo- dico pugnatorum exercitu, dimiſſo foro Eccleſiaſti- co, materiali mucrone ad voluntatem ſuam matu- randum uti voluit velociori. Vertens ſiquidem ad domum militis gradum cum exercitu ſuo, cum ad- huc non longè eſſet, militum ſuorum uſus conſilio, miſit ad dictum militem, mandans & præciens ut ei Clericum ſuum reſtitueret, & de tam peſſi- mo factò ad ipſum veniret ſatisfactorius; alioquin ipſum militem dignã captivitatis pœnã multaret, univerſa ſua ubicumque inventa immiſericorditer diriperet. Quo audito dictus miles cum magno ti- more Epifcopo ſe velociter præſentavit, & ipſum Clericum & ſibi ablata reſtituit, & cauſam pro quã idem Clericus captivatus fuerat, in manus Epi- ſcopi reſignavit, & quod ipſi Epifcopo juxta formam Eccleſiæ ſatisfaceret & obediret, ſecurita- tem quam Epifcopus dictavit coram omnibus affir- mavit. Si quidem quis velit hujus facta Epifcopi diligenter perſcrutari, ſtatim invenire poterit quo ſpiritu ducebatur, qui tam celeriter inimicos Eccle- ſiæ ſanctæ & Cleri eum tantã diſcretionẽ Deo ſa- tisfacere compelleret, cum ita aſperè illos duos Sa- cerdotes, de quibus ſuperius mentionem fecimus, ſatis apertè vindicaverit, & pro ſolo Clerico arma- tos adunaverit, & militem ipſum qui Clericum ca- ptivaverat, non quaſi Epifcopus, ſed quaſi Prin- cept militiæ ad ſatisfactionem condignam compu- lerit. Sed de ipſo Epifcopo cum alia plurima memo-

riæ digna ſcribi poſſint, hæc dicta ſufficiant.

*De conflictu coram Episcopo Metenſi inter Eccleſiam Senonienſem & Dominum de Salmis.*

#### CAPUT IV.

**A**Nno Domini M. CCLI. tempore Jacobi Metenſis Episcopi, Dominus Balduinus & Conventus Senonienſis convenerunt Dominum Henricum dictum de Salmis coram dicto Episcopo, super injuriis quas inferebat Eccleſiæ Senonienſi. Ille verò volens declinare judicium, dixit quoddam ipse vel prædeceſſores ſui pro ipſo Episcopo vel prædeceſſoribus, ejus nihil unquam defecerant, & ita à judicio diſceſſum eſt. Dictus igitur Henricus Dominus de Salmis tali exceptione fultus, multas & graves Eccleſiæ Senonienſi intulit injurias. Habebat enim quemdam fratrem, quem pater ejus in partibus Burgundiæ de quâdam muliere fertur genuiſſe, qui ad omnia mala & actus perversos valde exercitiolus erat. Idem quibus poterat machinationibus Eccleſiam Senonienſem ſedulò opprimebat, unde Dominus Balduinus Abbas ipſi Jacobo Episcopo dictas moleſtationes coactus eſt ſæpiùs intimare. Quapropter idem Episcopus cuidam Præpoſito ſuo Therri- co nomine per litteras ſuas patentes diſtrictè præcepit, ut quoties querimonia Abbatis Senonienſis ad ipſum perveniret, toties de rebus Domini de Salmis acciperet, ſi gratiam Episcopi vellet retinere; quod & ipſe Præpoſitus facere ſtudit. Sed de his omnibus in utilitatē Eccleſiæ Senonienſis nihil devenit.

*Quod Dominus Henricus de Salmis Duci Lotharingiæ allodium Morehanges vendidit.*

#### CAPUT V.

**I**gitur cum hæc ita ſe haberent, contigit Dominum de Salmis magnis debitis detineri: & cum non haberet unde redderet, neceſſitate coactus Frederico juniore Duci Lotharingiæ caſtrum ſuum Morehanges dictum pro ſeptingentis libris Metenſium vendidit; quod allodium ſuum priùs erat, & hoc ab eodem Duce in feodo accepit, ut ſi quando ipſi Duci neceſſitas occurreret, illud caſtrum abſque ullâ contradictione redderetur. Quod cum Episcopus Metenſis audiſſet, majori ex tunc indignatione exarſit contrà ipſum Dominum de Salmis, & ex tunc cœpit eum duriùs impellere. Contigit præterea Dominum de Salmis penes Morehanges fontem ſalinarem reperiri, in quo ædificando multas expendit pecunias: & licet ab Episcopo prohibitus, tamen ad conficiendum ſal ille fons nihil valuit. Sed nec debitorum pondere, nec expenſarum dicti fontis perditarum caſtigatus, ad deteriora ſpirans, Eccleſiam Senonienſem quomodo poterat, moleſtare non ceſſabat. Nam conſilio Renaldi ſupradicti, qui & Ballivus ipſius Domini de Salmis tunc temporis erat, in quodam monte in poſſeſſione Eccleſiæ Senonienſis ſito juxtà Grandem fontanam fabricam ad ferrum conficiendum fieri juſſit. Nam ibidem lapides reperiuntur, de quibus ſit ferrum, quos vulgo minam ferream vocant. Abbas verò, cum hæc comperiſſet, ſtatim Episcopo Metenſi indicare maturavit, dicens quoddam Dominus de Salmis fundum Eccleſiæ invaſerat, ſicut prædictum eſt, quod antea nullus prædeceſſorum ſuorum fecerat. Episcopus verò iratus præcepit Præpoſito ſupradicto, quoddam ſine morâ penitus deſtrueret, quod & factum eſt. Nam ipſe Præpoſitus non tantum fabricas ipſas delevit,

ſed univerſa utenſilia fabrorum, & ferrum quod fecerant, aſportavit. Et ſic Dominus de Salmis vivente Jacobo Episcopo in fabricis illis non eſt auſus quidquam operari: attamen in quibus poterat, Eccleſiam Senonienſem quotidie non ceſſabat moleſtare.

*De eo quod idem Henricus de Salmis indigentia ductus, Episcopo Jacobo Metenſi duo caſtella Pierepercie & Salmis vendidit.*

#### CAPUT VI.

**I**gitur cum hæc fierent, videns Dominus de Salmis ſeſe triplici modo intolerabiliter vexari: primo quia Episcopi Metenſis iram ſibi ſentiebat plus ſolito inceſſanter imminere: ſecundò quoddam à creditoribus ſuis tædiabiliter urgebatur: tertio quia facultas non ſuppete- bat, quâ poſſet Domini ſui Episcopi iram mitigare, ut creditoribus ſuis ſatisfaceret, & egeſtatem ſuam relevaret. Cum igitur idem Dominus de Salmis tot afflictionibus quateretur, nec aliquam evadendi viam reperire poſſet, conſideravit ſibi duo tantum caſtella ſuper-eſſe: Pierepercie ſcilicet, quod allodium eſſe ferebatur, & aliud caſtellum de Salmis dictum, quod Comes Henricus de Albomonte avus iſtius Henrici de Salmis in fundo Eccleſiæ conſtruxit; de quibus anguſtias ſuas ſe credidit poſſe mitigare. Adit ſiquidem Episcopus Metenſem, & ei ipſa caſtella vendidit eodem tenore, quo & Morehanges Duci Lotharingiæ antea venderat. Episcopus verò accerſitis ſecum viris diſcretis, ad utrumque caſtellum acceſſit, & ibi pernoctavit, & cuſtodes turrium & portarios portarum inſtituit: & ſuper his omnibus privilegia facta ad Episcopium ſuum reportavit; & ita Episcopus Domino de Salmis ex tunc mitior fuit: ſed tamen reparandi fabricas ferreas licentiam non accepit: ſed de die in diem nunc huc, nunc illuc, nunc coram ipſo Episcopo, nunc coram Conſiliariis Episcopi, ad pacem componendam nos invitabat. Et cum nos pluries de loco ad locum pertraxiſſet, nihil tamen de pace fuit ordinatum. Et cum inter Dominum de Salmis & Balduinum Abbatem & Conventum Senonienſem ferè per quatuordecim annos ita fuiſſet decertatum, nec ipſum certamen peccatis noſtris exigentibus ad ullum finem deveniſſet; Omnipotens redditor delicta noſtra duriùs ferire voluit. Nam permittente Deo Dominus de Salmis tam crudeliter opprimere non timuit, ut crederes eum eſſe Nabuzardan Principem coquorum Regis Babylonie, qui muros Hieruſalem deſtruxit, ſicut poſtea plenius exponemus.

*De demissione ſacrarum imaginum; & proclamatione qua quotidie fiebat pro Domino de Salmis & fautoribus ejus.*

#### CAPUT VII.

**C**um igitur Dominus de Salmis Eccleſiam noſtram Senonienſem tam miſerabiliter affligeret, nec ipſa aliquem verum haberet defenſorem, habito venerabilis Patris Gilonis Episcopi Tullenſis, & aliorum prudentum virorum conſilio, cum magno ſtatu & altis ſuſpiriis ſacratiffimas imagines Redemptoris noſtri, & etiam Beatiffimi Simeonis Confeſſoris, ſeptimi à Beato Clemente Metenſis Episcopi multis miraculis decorati, de locis ſuis ad terram ſuper ſpinas depoſuimus, cum lacrymis ad Dominum clamantes & dicentes: *Suſtinuimus pacem, & non venit: quaſivimus bona, & ecce tribulatio. Cognovimus Domine peccata noſtra, ne in æternum iras*

*scaris nobis Deus Israël.* Deinde quia privilegia Apostolicorum virorum Romanorum Pontificum omnes malefactores Ecclesiæ nostræ excommunicant, & à gremio sanctæ Ecclesiæ separant, & à communione sacratissimi corporis & sanguinis Domini JESU-CHRISTI alienant, & in die districti examinis divinæ ultioni subjiciunt; ita & nos Dominum de Salmis, & omnes fautores suos singulis Dominicis diebus & festivis in facie Ecclesiæ ipsas sententias manifestabamus incurrissè; ac demùm ad majorem Missam ante *Agnus Dei* omnes pariter genua flectentes, à Diacono quotidie ante altare proclamatio illa in spiritu: humilitatis recitabatur. In quâ ipse Henricus Dominus de Salmis cum fautoribus suis apertè nominabatur. Quâ finitâ, Chorus responsorium *Aspice Domine* cum versu decantabat. Deinde omnes prostrati, Psalmum, *Deus misereatur nostri*, *Kyrieleyson*, & *Pater noster*, devotè dicebant. Presbyter verò qui Missam celebrabat, flexis genibus ante corpus & sanguinem Domini, subjungebat deinde versum *Exurgat Deus*, & collectam, *Ecclesiæ tuæ preces*, vel aliam tempori tribulationis competentem; deinde Missa fiebat: nec adhuc propter hoc Dominus de Salmis cum suo Renaldo à læsione nostra cessabat.

*De morte Jacobi Metensis Episcopi; Et de direptione bonorum Ecclesiæ Senoniensis sacrilegâ per Dominum de Salmis.*

## CAPUT VIII.

**F** Nimverò quia nondum tempus miserandi nostri advenerat, ut nobis clariùs patesceret quia *melius confidere in Domino, quàm confidere in homine: & quia maledictus est qui ponit carnem brachium suum*, dicto citiùs auxilium Episcopi Jacobi nobis extemplò substractum est. Et quia in ipso Episcopo plurimùm confidebamus, experti sumus planè, quia *bonum est sperare in Domino, quàm sperare in Principibus*. Nam cum nos speraremus de manibus Domini de Salmis ab ipso Episcopo liberari; ipse decidit in lectum, & fluxu ventris ingravescente mortuus est, & nos ita spe adjutorii fraudati sumus. Cum igitur Canonici Metenses mortem sui Episcopi percepissent, tulerunt corpus ejus, & sepelierunt illud ante quoddam altare in Ecclesiâ B. Protomartyris Schephani. Sed quia de mortis ejus vilitate vel paupertate diutiùs loqui pudet, breviter tamen dico quodd qui in vitâ suâ cunctos in potestate suâ positos, Clericos, Monachos, Laicos, rebus propriis spoliaverat, ipse in morte suâ ita spoliatus inventus est, ut circà eum vix inveniri potuisset, ut audiui, quo corpus ejus valeret cooperiri. Quædama tamen de ipso Episcopo, dum adhuc viveret, laudabilia facta referuntur. Præcepit siquidem ut omnes captivi tempore suo detenti laxarentur, & rapinam salis, non quod rapuerat, sed quod secum ferre non poterat, reddi jussit. Et de redditione ipsâ privilegia conscribi fecit, quæ parvo tempore valuerunt, licet in subsequentiis clariùs patebit. Cum igitur Dominus de Salmis mortem Episcopi comperisset, credidit se posse Monasterium nostrum & res ejus suæ subdicere potestati; cœpit nos & res nostras durius impugnare. Accersito quippe suo Renaldo cum quibusdam aliis, misit eos ad nos; & convocatis Fratribus sic ait, Dominus meus me milit ad vos: ut si vultis ipse proteget vos contra omnes, & super hoc habeatis consilium. Nos verò intrantes Capitulum ei alia pro aliis reddebamus. Quidam nostrum dicebant, quia Abbas non erat præsens; benè poteramus hanc protectionem ad tempus acceptare, si Ab-

bati placeret: alii verò nos acceptaverunt. Et ita quod nobis bonum erat recusavimus, quod postea verè sensimus. Milites verò illi indignanter recedentes, Abbatiam nostram & omnes grangias nostras saisivērunt. Canonici verò Metenses convenientes ut Episcopum eligerent, sed non sunt concordati, licet sæpiùs ad eligendum convenirent, quia Comes Barrensis, ut ferebatur, eorum impediēbat electionem. Tandem convenientes, duos elegerunt. Pars verò una elegit quemdam Philippum, qui dicebatur de Floreanges, qui & cognatus Ducis Lotharingi erat, & Præpositus S. Deodati, & Thesaurarius Metensis. Altera autem pars elegit quemdam Canonicum suum Theobaldum nomine de Porcellis, divitem nimis, sed grossum & gravem corpore. Inter quos diù de Episcopatu litigatum est. Dominus quippe de Salmis cum videret sibi tempus malefaciendi arridere, fabricas quæ priùs fractæ fuerant, instauravit, & nemora nostra ad prunas faciendas incidi fecit, & fabros ad ferrum ibidem instituit. E contra Conventus noster supradictas excommunicationes & proclamationes in ipsum Dominum de Salmis, & in coadjutores suos non cessabat promulgare. Quod ipse Dominus de Salmis ultrà modum ægrè tulit: & mittens satellites suos cum suo Renaldo armatos, abstulerunt omnes res nostras quas invenerunt, equos, boves, oves, vacceas & porcos: & ea quæ voluerunt, deduxerunt. Similiter & in grangiis nostris idem fecerunt. Sed & in eadem die Cellam nostram in Bruscavalle, & domum nostram Anselmivillare idem tyrannus eadem die omnibus bonis spoliari jussit, & hoc factum est sabbato proximo ante Septuagesimam. Sed cum crederemus eis sufficere quod fecerant, mane factò idem Renaldus cum complicibus suis venientes, invenerunt portas Claustrî & ostia clausa, & petentes se intromitti, non est eis concessum: sed scalas muro applicantes transierunt, & descendentes ante cameram Abbatis, Claustrum intraverunt, & tollentes sibi claves Ecclesiæ & Claustrî, & Cellarii; universam suppellectilem Monasterii potestati suæ subdiderunt. Deinde accersitis curribus, pulvinaria, ollas æreas, & patellas coquinæ, & omnia quæ in eleemosynam pauperibus distribuenda erant, in curribus suis asportaverunt. Deinde vassallos suos ad turres custodiendas deputaverunt. Matthæus verò Prior bonæ indolis juvenis, & cæteri Fratres, hæc videntes consideraverunt se hîc locum manendi non habere: cruce præviâ omnes ordinatè Monasterium exierunt, plorantes & deprecantes ut Deus omnipotens gressus ipsorum in viam salutis dirigeret: & sic procedentes eâ nocte apud Medianum-Monasterium pernoctaverunt. Deinde ad præceptum Abbatis ad diversa transierunt. In Claustro verò Senoniensi nemo Monachorum remansit, excepto me & quodam Fratre nostro Bertrando, qui gravi detinebatur infirmitate. Sed quia Deus non vult mortem peccatoris, sed ut convertatur & vivat; hunc dirum nostræ Ecclesiæ vastorem, satis dignâ correctione admonere voluit. Nam uxori suæ prægnanti tempus pariendi advenit, & peperit filium, proh dolor! antequàm nascetur, mortuum. Unde à pluribus per infortunium, imò vindicta Dei luculenta, maximè à parentibus plangenda fuit triplici modo. Primò quia abortivus natus & non baptizatus, creditur regnum Dei non posse possidere. Secundò quod parentes ejus abortivi tam miserabiliter perdidērunt sibi futurum successorem & heredem; quia eis nunquam natus fuerat masculini sexûs puer. Tertiò, nec tam apertè castigati à malitiâ suâ cessaverunt: sed familiam totam Monasterii, scilicet carpentarios, furnerium, lavandarium, piscatores, ille diaboli satellites Renaldus

bonis ita omnibus spoliavit, ut vix in domibus eorum parietes erecti subsisterent.

*De Gillone Episcopo Tullensi, & sententiâ per eum in Dominum de Salmis promulgatâ.*

#### CAPUT IX.

**D**Enique cum cor nostri vastatoris contrâ nos, sicut cor Pharaonis contrâ populum Dei in Ægypto fuisset induratum, nos in tantâ tempestate non inveniebamus consolatorem. Quid plura? Canonicos Metenses consulimus, auxilium eorum instantissimè imploravimus: sed quid dicam? Non fuit qui adjuvaret. Igitur cum Dominus de Salmis nos & Ecclesiam nostram, ut suprà dictum est, instantèr molestaret, post diutinas alterationes, electi Metenses, Philippus scilicet & Theobaldus ad præsentiam Archiepiscopi Treverensis vocati sunt. Cujus industriâ nescio quo pacto dicti Electi ita pacificati sunt, ut ipse Theobaldus cederet, & Philippus confirmaretur Episcopus, & postea consecratus Episcopatum obtinuit. Dominus verò Abbas Balduinus, & quidam fratrum nostrorum ipsum Episcopum adieunt, & ei omnes calamitates nostras de verbo ad verbum, sicut suprà dictum est, intimaverunt. Qui Episcopus ita rudis & segnis à nostris inventus est, ut crederes eum nullius vigoris virum esse: sed tamen quædam verbis promisit, quæ facta non fuerunt. Fratres verò nostri venerabilem Gilonem Episcopum, quem Deus omnipotens sanctæ Sedi Tullensi Rectorem concesserat, dolentes petierunt, & ei quæ facta fuerant exposuerunt. Episcopus hæc audiens valde indoluit; & accersito Notario scripsit Alexandro Abbati Mediani-Monasterii, ut ad domicilium Domini de Salmis personaliter accederet, & eum diligenter admoneret ut de perpetrata tam enormi iniquitate resipisceret, & ablata restitueret, & de tam impio facto Deo & Ecclesiæ satisfacere non differret. Accepto igitur Abbas mandato Episcopi, non segniter, sed zelo domûs Dei spoliata ductus, sibi injuncta accelerare properabat. Veniens igitur ad Villam quæ Baudouiller dicitur, invenit illum Angelum Sathanæ Renaldum, Ballivum Domini de Salmis in malitiâ nimis exercitosum, qui interrogavit Abbatem quid quæreretur. Abbas verò ei indicavit mandatum Episcopi sibi commissum. Ille ergo audiens iratus misit manus in eum, & tenuit eum & tradidit eum satellitibus suis in domo quâdam custodiendum, qui sedulo custodiebant eum, & expensas magnas in custodiendo Abbate faciebant, ita ut in duobus diebus & noctibus octo solidos Tullensium expenderent, putabant enim quod Abbas omnia persolveret. Fratres igitur Mediani-Monasterii audientes quod Abbas ipsorum captivus teneretur, cucurrerunt ad Præpositum Ducis Lotharingiæ Godefridum nomine, & indicaverunt ei quod Abbas ipsorum captivus teneretur: Præpositus verò assumptis secum armatorum cuneis properabat ad villam illam ubi Abbas tenebatur, sed mediâ viâ consuluerunt ei ne ulterius procederet, nisi prius inquireret si adversarii ei Abbatem Domini sui reddere vellent; alioquin quod vellet, rationabiliter facere posset. Præpositus enim eorum consilio acquiescens, misit duos milites qui Abbatem requisierunt. Ballivus audiens quod Præpositus Ducis cum armatis ad se veniret, timuit, & Abbatem dimisit. Abbas verò mandatum quod acceperat solemniter exposuit, denunciâns ab Episcopo Tullensi excommunicatum, & secundum statuta Concilii Treverensis ipsum Dominum de Salmis excommunicatum, ac terram suam sub interdicto positam affirmavit, excepto via-

tico mortuorum, & baptisinate puerorum. Et sic Abbas & Præpositus cum suis ad sua redierunt. Episcopus quippe Tullensis, qui se semper consuevit pro domo Domini murum ponere, zelo divino animatus, Domino Episcopo Metensi supplicavit, ut quod ipse contrâ Dominum de Salmis & terram ipsius in Episcopatu Tullensi pro Ecclesiâ Senoniensi exercuerat, hoc ipse in Episcopatu suo contrâ dictum Dominum denunciare satageret. Episcopus ergo Domino Nemerico Plebano de Vico ad hoc faciendum cum literis suis apud Morehanges destinavit. Qui cum ad castrum ipsum devenisset, perlectis literis Episcopi admonuit ut Dominus de Salmis Ecclesiæ Senoniensi ablata restitueret, & de commissis satisfaceret, alioquin ipsum Dominum, & totam familiam suam, & fautores, & coadjutores ipsius excommunicatos denunciabat, & terram ipsius auctoritate Metensis Episcopi, & statuti Treverensis sub interdicto positam constanter affirmabat. Familia igitur ipsius castri hæc audiens injectit manus, & tenuit eum: & mittens eum in compedibus ferreis vinctum custodiebat. Plebanus verò nolens longius ita detineri, hostagiavit se pro sexaginta libris, & sic recessit, & veniens, nuntiavit hæc Episcopo. Excommunicato quippe Domino de Salmis, & terrâ suâ sub interdicto positâ, ita ut nec mortuis catholica concederetur sepultura, nec sententia in ipsum & fautores suos & in terram suam data ab Archiepiscopo Treverensi, ut sperabat, est infirmata. Et cum super hoc ultra modum torqueretur: ille suæ perditionis Ballivus, imo certè Antichristi, Renaldus inopinata damna, & molestias contrâ Ecclesiam nostram excogitare cœpit. Nam adveniente tempore veris, quo agricolæ ad colenda arva & hortos procedere solent, ille malorum adinventor Renaldus prohibuit ne homines Ecclesiæ Senoniensis croadas debitas persolverent: nec agros nec hortos prout solebant excolerent. Audi, ô lector, adinventionis nefas permaximum: legimus in Annalibus historicis quarundam civitatum agros, & terras in circuitu suo adjacentes, ab aliarum civitatum obsessibus & hostibus sale seminatas, ut in ipsis terris ardor salis nullum semen germinare permitteret aut crescere; ut cum agri sale steriles effecti, nullum fructum proferrent, habitatores illarum civitatum fame attriti, seipsos & urbes suas inimicis suis tradere cogerentur: sic & iste nequissimus Ballivus ideo agros nostros & hortos coli prohibuit, ut nos & Ecclesia nostra penuriâ attriti, voluntati Domini sui velocius subjiceremur. Sed in hoc dictus Ballivus suâ opinione fraudatus est: nam cum vir ille venerandus semper Dominus Gillo Tullensis Episcopus supradictam prohibitionem audivisset, statim datis literis præcepit eundem Dominum de Salmis, & omnes adjutores & fautores, & etiam Ballivos ipsius singulis Dominicis diebus & festivis per totum Episcopatum Tullensem excommunicatos denunciari.

*De tractatione pacis inter Ecclesiam Senoniensem, & Dominum de Salmis.*

#### CAPUT X.

**C**Um igitur ipse Dominus de Salmis videret, quod neque per malitiam suam, neque Ecclesiam nostram & nos opprimendo, neque per Archiepiscopum Treverensem in quo plurimum confidebat, neque per ipsum Episcopum Metensem qui eundem Dominum de Salmis invitus offendeat, neque demum per Jurisperitos, & Advocatos, quorum copiam amplissimis donis & muneribus sibi ac-

quiſierat, ſupradictam ſententiam non poſſe revo-  
cari; conſiderans ſe in periculoſo ſtatu eſſe conſtitu-  
tum, cœpit de pace tractandâ anxie cogitare. Sed  
quia ea quæ in his agendis competeabant videbat eſſe  
difficillima, tûm pro rerum ablatarum reſtitutione,  
tûm quia in iis reddendis ad plenum ei facultas non  
ſuppetebat, & præterea quia de tam nefario factio  
Deo & Eccleſiæ Senonienſi & nobis eum ſatisfacere  
pudebat. Quia Dux Lotharingiæ Fridericus junior,  
qui tunc temporis de novo poſt patrem Maherum  
regnum Lotharienſe regendum acceperat; necnon  
& Comes Wadanimontis juvenis, & alii quamplu-  
res milites ſua juvenilia corda ſequentes, ipſum Do-  
minum de Salmis ad mala potiùs quàm ad bona in-  
ſtigabant. Denique cum idem Dominus de Salmis  
conſideraret, quodd nec nos nec Eccleſiam noſtram  
moleſtando, nec Dominum Abbatem, nec Fratres  
noſtros per diverſa loca ad componendum de die in  
diem trahendo, pacem ſibi competentem poſſet ob-  
tinere, Dominum Episcopum Metenſem Philippum  
pro ipſâ pace rogaturus adire decrevit. Episcopus  
verò ipſum nolens offendere, parti ipſius magis fa-  
vere cœpit, quàm noſtræ. Habebat enim quemdam  
militem ſecum peritiſſimum loquacem, qui Alber-  
tus de Othoniſvillâ dicebatur, qui aliquando Domi-  
ni de Salmis conſiliarius exſtiterat. Hujus conſilio  
pacem qualem voluit ordinavit: & comminatus eſt  
nobis quod ſi contrâ illam ordinationem venire vel-  
lemus, ipſe contrâ nos & Eccleſiam noſtram, imò  
certè B. Stephani, & ſuam, ſemper & in omnibus  
ſe acturum affirmabat. Quid igitur contrâ hoc fa-  
cere poſſemus, ignorabamus. Immiſit tamen Deus  
in cor Abbatis ut firmiter aſſeteret, ſe nunquam ea  
quæ Episcopus de pace componendâ ordinaverat,  
velle conſentire, niſi priùs Dominus de Salmis abla-  
ta reſtitueret univerſa, quod & Episcopus accepta-  
vit, & datâ ſecuritate de reſtitutione faciendâ,  
Dominus de Salmis diem etiam aſſignavit. Unde incon-  
tinenti beneficium abſolutionis petiit, quod & Epi-  
ſcopus Metenſis libenter annuit. Semper verò remi-  
niſcendus Dominus Gillo Tullenſis Episcopus aſſe-  
ruit ſe nunquam eum velle abſolvere, niſi priùs da-  
ret cautionem, quod pro tam oneroſo excellu man-  
dato ſtaret Eccleſiæ, Dominus verò de Salmis videns  
ſe nullam declinandi viam invenire poſſe; coram ip-  
ſis Episcopis, & Clericis, militibus, & aliis quam-  
pluribus corporali juramento ſolemniter præſtito  
promiſit ſe mandato Eccleſiæ & voluntati Domini  
Gillonis Tullenſis Episcopi velle libenter obedire, &  
ita beneficium abſolutionis meruit, & ejus terra ab  
interdicto eſt liberata. Deinde Dominus de Salmis  
credens quodd Conventus ſtatim, & theſaurus, &  
res aliæ Monasterii, quæ ad alia loca pro metu guer-  
ræ translata erant, incontinenti ad Clauſtrum reduci  
deberent; præcepit ut homines Eccleſiæ noſtræ croa-  
das & hortos, ſicut antea ſolebant, excolerent, &  
ea quæ Eccleſiæ debebant, perſolverent. Hoc præ-  
ceptum datûm eſt ultimâ ſeptimanâ Aprilis quæ fuit  
illo anno proximior Paſchæ. Ballivus igitur prædi-  
ctus ad Clauſtrum veniens, ejecit, ſicut promiſſum  
fuerat Episcopis à Domino ſuo, cuſtodes turrium &  
Monasteriorum, & univerſam familiam Domini ſui  
à Monasterii curiâ expulit. Et hoc factum eſt pro-  
ximâ feriâ ſextâ ante Paſcha; quæ Paraſceve appel-  
latur. Sed de rebus ablatis niſil eſt reſtitutum. Un-  
de Dominus Abbas ſatis ſagaciter hoc fertur egiſſe;  
quodd ante reſtitutionem rerum ablatarum noluit  
concedere, quodd Conventus ad Monasterium rever-  
teretur: & ita in Monasterio Senonienſi divina om-  
nino ſiluerunt à die Paraſceve uſque ad ſubſequen-  
tem vigiliam Nativitatis Domini, & in Clauſtro no-  
ſtro nullus Monachorum degebat, excepto me, Ri-

Tom. II.

chero ſcilicet, & Bertrando qui gravi detinebatur  
infirmirate, & quodam Monacho noſtro, Hugo no-  
mine, qui valde aſtutè diſperſa recolligebat; & ara-  
tra boum & caballorum ſatis ſagaciter inſtruebat,  
& omnia quæ obedientiæ ſuæ competeabant ita pru-  
denter diſpoſuit; ut niſil de omnibus pro poſſe ſuo  
ſineret deperire.

*Quodd Dominus de Lietſtemberch depradatus eſt ter-  
ram Episcopatus Metenſis ſede vacante.*

## CAPUT XI.

**E**Nimverò, quia occasio ſe ingerit ut à materiâ  
aliquantulum diſgrediamur, & retrogrado curſu  
à morte bonæ memoriæ Jacobi quondam Metenſis  
Episcopi, ea quæ explicare volumus, initiare cura-  
vimus. Igitur deſuncto dicto Episcopo & ſede Me-  
tenſi adhuc vacante, quidam tyranni ſuis viribus  
conſiſi, terras Episcopatus invadere & depradari non  
timuerunt. Sicut ſupradictus Dominus de Salmis Ec-  
cleſiam noſtram Senonienſem crudeliſſimè pro poſſe  
ſuo, ut ſuprà dictum eſt; opprimere, imò ad nihi-  
lum redigere conatus eſt. Similiter & Dominus de  
Lietſtemberch credens quidquid in ipſo Episcopatu  
mali facere voluiſſet, perpetualiter inultum perma-  
nere; idem quippe Dominus de Lietſtemberch vi-  
dens Episcopatum Metenſem ſine deſenſore eſſe, ac-  
ceſſit ſecum ſatellitibus ſuis acceſſit ad Clauſtrum,  
quod Novum-villare appellatur, & fraude oppidum,  
quod ante ipſum Clauſtrum ſitum eſt, armatâ ma-  
nu intravit. Promiſerat quippe ſe illis niſil mali fa-  
cturum; ſed promiſſionis ſuæ impudenter oblitus,  
ipſum oppidum rebus omnibus ſpoliavit, & domos  
funditus deſtruxit, & lapides & ligna domorum, &  
univerſa ſpolia ibi inventa in curribus & in equis ſi-  
bi aſportari fecit: & cum his omnibus quemdam  
montem aſcendit, qui ſitus eſt juxta caſtrum quod  
Erneſte appellatur, ibique in fundo Episcopatus ca-  
ſtrum erexit, & de lapidibus & lignis quæ de op-  
pido tulerat, illud ædificari juſſit. Similiter & quam-  
plures alii tyranni res & bona Episcopatus diripere  
non timuerunt.

*De introitu Philippi Episcopi Metenſis cum exercitu  
ſuo in terram ipſius Domini de Lietſtemberch.*

## CAPUT XII.

**I**gitur cum ita res ſe haberent, & Philippus de  
quo ſuprà diximus, Episcopatum Metenſem ob-  
tinuiſſet, & caſtra & munitiones & terram ſibi ri-  
vendicaſſet, vocatis ad ſe Magiſtratibus civitatis Me-  
tenſis, ab ipſis requiſivit quid de tyrannis illis, qui  
Episcopatum ipſo abſente invaſerant, fieri deberet.  
Et reſponſum eſt ei; quia hæc injuria Episcopatu  
illata ipſos cives Metenſis ſicut Episcopum tangere  
deberet: ipſi verò pro injuriis illis vindicandis, &  
ſe & ſua prout deberent exponere parati erant. Epi-  
ſcopus verò ſtatim miſſis nuntiis mandavit Duci Lo-  
tharingiæ Friderico Juniori cognato ſuo, ut cum exer-  
citu ad ſe veniret, quia Dominus de Lietſtemberch  
ei multa damna & injurias intulerat, quas in eum  
vindicare conabatur. Dux cum hæc audiſſet, ſatis  
ei placuit, & miſſis nuntiis acceſſit ſibi Burgun-  
dionum & aliarum gentium grandem multitudinem.  
Episcopus verò mandavit Comiti Barrenſi ut in ar-  
mis ad ipſum veniret, qui miſit Episcopo cuneum  
armatorum, ſed in propriâ perſona non venit. Id-  
ipſum Rex Navarræ fecit. Congregato igitur exerci-  
tu Episcopus terram illius de Lietſtemberch cum  
gente ſuâ intravit, & fixit ibi tentoria; æſtimatus

NNnn ij



est quippe exercitus ille super omnes exercitus qui nostris temporibus in Lotharingâ existerunt. Dominus igitur de Lietstemberch videns terram suam à gente istâ occupatam, valde expavit, & Walterum adiens Episcopum Argentinensem, rogabat eum ut ei succurreret. Quod cum audisset Episcopus, timuit ne Dux cum exercitu tanto terram illam intraret, sic quippe fama se habebat. Idem verò Episcopus videns sibi & terrâ ingens periculum imminere, missis nuntiis, adunavit sibi non modicam multitudinem armatorum: & etiam ab Argentinenfibus auxilium petiit, qui non acquieverunt, sed dicebant civitatem suam se velle custodire. Episcopus iterum mandavit eis, ut saltem exercitui suo mercatum ministrarent. Cives responderunt quòd ad custodiam civitatis suæ rerum facultas vix eis sufficeret. Episcopus denique videns se à civibus suis fore derelictum, misit in civitatem ut quasdam res suas, quas intus habebat, ad se deduci faceret, quod & cives non consenserunt, sed nuntios Episcopi ad Dominum suum vacuos remiserunt. Quod ipsis & toti Alsatiæ grande scandalum fuit. Denique Episcopus Argentinenfis desiderans copiam armatorum habere, misit ad Archiepiscopum Treverensem, qui ei cognatione proximus erat, ut ei veniret in auxilium. Cum ergo ipse Episcopus adunasset quos potuit convocare, videns quòd ipse exercitui Episcopi Metensis resistere non valeret, cœpit de pace tractare, quæ sic, ut fertur, est ordinata. Dominus quippe de Lietstemberch contulit se ditioni & voluntati Episcopi Metensis; erat enim homo ejus. Denique promisit Episcopo quòd oppidum illud ante Claustrum de Novo-villari situm, quod ab eo superius diximus fuisse destructum à fundamentis, in meliorem statum per omnia reedificaret, & spolia ablata restitueret, & castellum quod ædificaverat penitus destrueret. Hac igitur pactione per Magnates illius terræ ordinatâ, & per literas inde confectas, prout debuit, etiam condignam satisfactionem Domino Episcopo de perpetrato scelere, datis fideiussoribus, se facturum repromisit. Unde & castellum quod in fundo Episcopatus exerat, incontinenti totaliter eversum est & destructum. His ergo omnibus, ut suprâ dictum est, ordinatis, exercitus ab invicem separatus ad sua redierunt. Sed quia de Argentinenfibus & Episcopo eorum superius mentionem feci; de cruentâ guerrâ, quæ modicâ occasione inter ipsos postea invaluit, sicut à veridicis relatoribus didici, partem relatione dignam ad posterum destinare curabo.

*De initio guerra Walteri Episcopi Argentinenfis  
contra cives Argentinenfes.*

### CAPUT XIII.

**I**gitur cum guerra Domini Lietstemberch talem fuit dictum est, finem percepisset, Walterus Episcopus Argentinenfis ad propria revertens, cœpit Argentinenfes duriter calumniari, quare in tantâ necessitate ei non succurrissent, cum viderent eum contra adversarios patriæ bellum voluisse committere. Qui Argentinenfes responderunt: Si Episcopus pro defensione Episcopatus sui aliquam pateretur necessitatem, ipsi pro viribus ei succurrere festinarent. Res igitur Episcopi ideo detinuerunt quia audierant Ducem Lotharingæ Alsatiâ in manu forti velle intrare; ut si forte Dux eis nocere vellet res illæ tam Episcopo quam civitati in subsidium forent. Episcopus verò hæc audiens responsum illorum non acceptavit; sed missis Nuntiis omnes cives excommunicatos denunciari præcepit, & civitatem illorum

interdicto supposuit: Clerum universum exire cœgit. Argentinenfes quoque cum hæc audirent, miserunt Prædicatores, Fratres Minores, & alios discretos viros ad Episcopum, si forte aliquam formam pacis ab eo habere valerent, nec obtinere potuerunt. Sed & consilio Domini de Gerohseke, qui & pater erat ipsius Episcopi, hæc omnia fiebant: erat quippe in substantia & argento opulentissimus, & dives valde nimis: habebat enim idem de Gerohseke citrà Rhenum montes in terrâ suâ, e quibus argentum abundanter effodiebatur, cujus adjutorio etiam ferebatur in Episcopatu Argentinenfi filium suum Walterum inthronisasse. Idem verò Episcopus verbis patris animatus, Argentinenfibus bellum indixit: & quòd civitatem obsideret, satis acriter comminatus est. Argentinenfes verò propugnaculis & aliis defensionibus necessariis civitatem suam munierunt. Episcopus quippe adunato exercitu civitatem obsedit eâ parte quâ de civitate itur ad vicum, qui appellatur Kungushove, & ibi tentoria fixit. At ubi Episcopus exercitum vidit in tanto negotio sibi non sufficere, missis Nuntiis mandavit Archiepiscopo Treverensi, ut in armis ad se veniret: qui veniens adduxit secum cuneum armatorum satis honestum. Qui cum venisset juxta civitatem, credidit aliquos de civitate elicere ut cum eis confingeret. Illi verò de civitate cum vidissent Treverenses dictum vicum Kungushove in equis intrasse, gavisi sunt valde, quia ipsi trabes grandes ex transverso vicij ipsius composuerant, ita ut equitantes ad pedites venire non poterant, pedites verò cum equitantibus pugnare valebant: unde ipsi Argentinenfes ad arma cucurrerunt, & intrantes domos per ostia, aut per fenestras, alii per subtus trabes lanceis equos perfodiebant: ballistarii verò sessores equorum sagittis perforabant. Videntes igitur Treverenses se intolerabiliter læsos, alii pedes, alii in equis ad mortem vulneratis, vix vicum exierunt; & venientes in campum, quorundam equi vulnerati sub se mortui cadebant. Feruntur siquidem in ipso conflictu Treverenses centum & quadraginta equos perdidisse. Archiepiscopus cum vidisset tantum suorum damnum & rerum ipsorum tam inopinabiliter incurrisse, Episcopo Argentinenfi valedicens ad propria est reversus cum suis. Episcopus Argentinenfis considerans, quòd nihil in obsidione ipsius civitatis proficeret, cum exercitu suo ab eâ recessit. Attamen Episcopus in villis quibusdam adjacentibus civitati armatorum cuneos posuit, qui exitus civium de civitate diligenter observarent: unde contigit ipsos Argentinenfes de civitate incautè exire; quos milites Episcopi invadentes, quosdam trucidaverunt, quosdam captivaverunt, reliqui verò fugientes ad civitatem suam reversi sunt. Igitur Argentinenfes considerantes suos ideo cecidisse, quia sicut oves errantes sine duce ad prælium exierant: unde coacti sunt cum comite Rodulpho de Habesporch convenire, quem sibi Dominum & Ducem præfecerunt. Videns igitur Comes Rodolphus, quia Episcopus Argentinenfis quædam oppida & villas Regis Alemanniæ in Alsatiâ custodienda occupaverat, molitus est ea sibi vindicare. Unde quidam Comes Godefridus nomine, cognatus ipsius Rodulphi, ejus fultus consilio, oppidum, quod Columbaria appellatur, in Episcopatu Basiliensi armatâ manu intrans inopinatè, ita villam sibi subegit. Quam Episcopus Argentinenfis sibi cupiens reacquirere, cuneum armatorum signis armorum Comitis Rodulphi fraudulenter indutum misit Columbariæ; ut ita per signa quæ acceperant, non possent agnosci quia milites essent Episcopi. Milites verò Episcopi ita dolosè venerunt ad portam Columbariæ; mentientes se esse milites Rodulphi, petierunt se intromittere.

Columbarienſes igitur cognoscentes ſigna armorum Comitſ Rodolphi, aperuerunt eis portam: qui relinquentes equos ante portam, pede tenus Columbariam intraverunt. Epiſcopus verò à longè cum exercitu ſuo ſequebatur eos, ut cum illi villam introiſſent, ipſe ſubſequendo ipſam ſibi ſubjugaret: ſed Epiſcopus ſua opinione fraudatus eſt: nam cum Columbarienſes deprehendiſſent illos non eſſe quos ſe eſſe ſimulabant; Columbarienſes ad arma curren-tes illos invaſerunt. Quidam verò Columbarienſium timens ne plures in adjutorium illorum ſubintrarent, aſcendit portam, & portam collisam ab alto ad ima dimiſit: & ita Columbarienſes cum militibus Epiſcopi conſigentes, univerſos interfecerunt. Epiſcopus autem tandem veniens invenit portam obſtructam, & audiens voces pugnantium in oppidum, conſuſus receſſit. In quo conſictu de gente Epiſcopi pluſquàm quinquaginta feruntur interiſſe.

*De obſidione & captione oppidi de Mulnehuſe à Rodolpho facta.*

## CAPUT XIV.

Comes igitur Rodolphus videns ſibi favere fortunam adunato non modico exercitu obſedit oppidum, quod Mulnehuſe dicitur, in Epiſcopatu Baſilienſi ſitum, quod & Rex Alemanniæ Epiſcopo Argentinenſi commiſerat cuſtodendum. Homines verò illius oppidi obſidionem illam agrè ferentes, Comiti Rodolpho ſe ultrò contulerunt qui eos gratanter ſuſcepit. Sed milites Epiſcopi, & Baliftarii, qui erant in caſtello quod oppido præminet, valde oppidanos moleſtabant: ſed Comes Rodolphus nolens hoc diutiùs ſuſtinere, cœpit caſtellum impugnare, quod tandem expugnavit, & caſtellanos deduxit captivos, & ſpolia multa, quæ à circumadja-centibus villis in caſtello illo recondita erant, fecit aſportari, & deinde ipſum caſtellum funditus deſtruxit: & ita Comes Rodolphus Mulnehuſe obtinuit. Epiſcopus igitur Argentinenſis cum audiſſet quia Mulnehuſe & Columbariam, & milites ſuos, & terram quam à Rege Alemanniæ cuſtodendam acceperat, tam infeliciter perdiſſet, habito conſilio militi fratrem ſuum, ut terram Comitſ Rodolphi ubicumque poſitam occuparet, & penitus devaſtaret. Appellabatur enim idem frater Epiſcopi Advocatus Alſatiæ. Qui adunato non modico exercitu intravit Alberti-vallem, ſed tempore incompetenti: erat enim vigilia Octavarum Chriſti; diſperſitque exercitum ſuum per trifariam diviſionem vallis illius, & ita in valle illà pernoctavit. Mane autem facto domos & omnia quæ in eis erant igne combuſſerunt, & ita vallem totam deſtruxerunt. Eadem nocte nivium multitudo ſuper terram cecidit. Eadem etiam nocte gens Epiſcopi de Bruſcaval- le armati terram Comitſ Rodolphi, ſcilicet Sales, & Bruſcam, & alias Villas in montibus illis invaſerunt, & quæcumque ſpolia invenerunt, ſecum aſportare curabant, ſed ruſtici illius terræ adunati in quodam monticulo ſubſtiterunt, prædonum ſuorum reversionem præſtolantes. Et cum viderent eos ſpoliis oneratos, ita ut vix diſcederent, irruerunt in eos; & interfecerunt ex ipſis triginta quinque, exceptis vulneratis, qui volentes fugere mortem, mortem invenerunt; nam in vepribus & ſpinis, & ſylvis ſe abſcondentes, à nivibus congelati, mortui ſunt. Sed infortunium irrecuperabile Epiſcopi hominibus eveniſſe creditur, quia tam enorme factum in tam ſacrâ ſolemnitate Octavarum Domini perpetrare præſuſerunt; ſicut fratri contigit Epiſcopi, qui totam Alberti-vallem eadem ſolemnitate ex-

ſpoliavit & igne conſumſit. Igitur milites Epiſcopi dolentes ſuper his qui in dictâ terrâ interfecti ſunt, adunato armatorum cuneo, venerunt ad villam, quæ Novum-caſtrum dicitur, & illam igni tradiderunt. Inde ad Sales venientes fecerunt ſimiliter, & poſtea villam Bruſcam incenderunt. Quid dicam? la Verne, Salacie, Stamdoimont, Raurumper, cum Eccleſiâ ſancti Vincentii & Conretum totaliter igne conſumſerunt, & ita ad propria redierunt. Non multo poſt ex utrâque parte, ſcilicet Argentinenſes in terrâ Epiſcopi & adjutorum ſuorum, & Epiſcopus in Argentinenſes & eis faventes ita rapiendo, ſpoliando, inſidiis favire cœperunt, ut tota Alſatia ita depopulata & vaſtata diù ſedere in tritiâ cognoscat: ſi enim univerſa incommoda, conſictus, villarum incendia, deprædationes villarum, terrarum vaſtationes ſigillatim huic pagine noſtræ imprimere vellem, certè lectori ſatiſdum incutere viderer. Ipſa enim Alſatia tot calamitatibus oppreſſa, ſuam miſeriam gemitibus inenarrabilibus inſolteſcere non ceſſat. Sed quia de infortunio guerræ Argentinenſium, & Epiſcopi eorum Walteri aliqua digeſſimus, veniamus ad malleum ipſius guerræ quod miſerabiliter ipſius tutudis Epiſcopum.

*De conſictu Walteri Epiſcopi cum Argentinenſibus & de interfectis & captivis ab Argentinenſibus.*

## CAPUT XV.

Cum igitur Walterus Epiſcopus in quodam caſtello ſuo quod Dakveſtein appellatur cum ſuo exercitu undecumque adunato ad tutelam ſui degeret, Argentinenſes quodam die de civitate parati ad bellum exierunt. Epiſcopus hoc audiens cum ſuis armatis, Argentinenſibus bellum indixit. Argentinenſes verò contrâ Epiſcopum proceſſerunt, & ita bellum inierunt. Argentinenſes igitur ſibi aſcias fecerant fabricari, quos Franci Haches Danoſes appellant, quibus Argentinenſes exercitum Epiſcopi ita detruncaverunt, ut nec ſcutum, nec galea, neque lorica, nec demùm alia armatura durare poſſet. Præterea cum pugna ita ingreſſeretur, & eade intolerabili inter ſe conſiglerent, exercitus tamen Argentinenſium creſcebat. Nam quia bellum erat propè civitatem, illi qui in civitate cuſtodie cauſâ remanſerant, videntes ſuos in agone certaminis viriliter laborare, zelo victoriæ moti, cum civibus ſuis in ſuccurſum venire feſtinaverunt, in exercitum Epiſcopicum furore irruentes, quotquot coram ſe invenerunt morti tradiderunt. Videntes igitur Magnates exercitus Epiſcopi, & præcipui milites de eodem conſictu non poſſe evadere, ciegerunt ſibi potiùs cum Argentinenſibus captivi vivere, quàm cum ipſis conſigendo mori: ita Argentinenſes illos armis ſpoliatos captivos in civitatem ſuam tranſmiſerunt. Igitur Argentinenſes conſiderantes Deum in hoc conſictu ſibi favere, irruentes in aciem in quâ Epiſcopus erat conſiderans ſuorum interitum, ipſam totam deleverunt, & equum Epiſcopi interfecerunt, ita ut ipſe Epiſcopus ad terram corrueret. Quidam autem milites qui circâ ipſum erant, cum in equo levaverunt, & de bello eum exire compulerunt. Argentinenſes igitur quos voluerunt ex illis occiderunt, & alios in civitatem ſuam ſecum captivos deduxerunt. Igitur in craſtino Argentinenſes de civitate exeuntes ad locum certaminis ad ſpolianda cadavera mortuorum deveni-erunt; & quidquid unusquiſque ſibi aſſumere po-tuit, ſecum aſportavit. Cum igitur Argentinenſes per campum interfectorum ad rapiendum diſcurrerent, contigit quemdam ipſorum quemdam mili-

tem invenisse in campo jacentem, armis pretiosis armatum: cumque appropinquasset, vidit adhuc in ipso animam esse, & interrogavit eum dicens: Quis es tu? Miles vero respondit: Ego sum frater Episcopi Argentinensis; dictus Advocatus Alfatia, & subjunxit: O si me ad tutum locum velles deducere, & mihi vitam reservare, ego te omnibus bonis ditarem. At ille dixit: Ego vero mallet hinc potius mori quam te vivum dimittere; & ita ipsum interfecit: & cum illum armis spoliaret, & lorica, qua indutus erat, ex averso ipsum exueret usque ad manus, invenit ipsas catenulis, sicut mos est armatis, ligari, timuit ne malo suo ibi diutius remaneret, illi militi ambas manus cum lorica abscidit, & ita illum militem detruncatum mortuum reliquit in campo, & secum manus ipsius militis cum armis suis ad civitatem deportavit; & ita Argentinenses alios mortuos rebus omnibus spoliatos, reliquerunt; alios autem in civitatem secum captivos deduxerunt, & in Claustro majoris Ecclesiae in compedibus ferreis millos detinuerunt, obstruentes fenestras & ostia, ita ut nulli daretur exundi vel introeundi facultas; exceptis his qui ipsis captivis ministrabant. Captivorum igitur numerus fertur octoginta exstitisse, exceptis his qui in bello occubuerunt, quorum certus numerus inveniri non potuit: Sed quia Episcopus de fratre suo fuit sollicitus, cum diu quaesitus fuisset, tandem ita manibus abscissis, sed vix cognitus, invenitur inter quamplures interfectos qui in eodem campo jacebant: quem Episcopus in quodam Hospitali juxta villam, quae Thoroholtse dicitur, cum pluribus militibus & aliis juvenibus, qui in supradicto bello interfecti sunt, sepeliri fecit. Sed adhuc victoriam ipsam Argentinenses non fuerunt contenti, sed terram Domini de Gerohefke, & etiam ipsos Episcopos, & universa bona militum eis faventium, spoliis, deprædationibus, & rapinis & tandem incendiis omnia vastaverunt. E contra Episcopus Argentinensium bona omnia fautorum ipsorum depopulatus est, ut ignis omnia contumeret, & gladius hominum carnes devoraret. Sed cum fortuna in tantis malitiis partibus arrideret, benignitas divina dictis bellatoribus aliquantulum parcere volens, ipsum Episcopum in firmitate detineri toleravit: & sic aliquo tempore eadem infirmitate detentus, viam universae carnis ingrediens defunctus est: & ita guerra illa ex una parte finem accepit. Sed quia cum hac scriberemus, de futuris nihil adhuc perceperamus, potius sihere, quam falsa cudere volumus.

*Quod Comes Barrensis procuravit depositionem ipsius Philippi de Episcopio.*

#### CAPUT XVI.

**I**gitur quia fallaciae Comitum Barrensis pluribus notae sunt, quaedam huic libello nostro inferere curavimus. Cum igitur Comes Barrensis electioni Philippi Metensis resistere non valeret, mirabilem nocendi viam adinvenit. Et quia Urbanus Papa IV. de novo Sedem Apostolicam occupaverat, cui idem Comes plurimum confidebat, eo quod cum idem Papa Episcopus fuisset Virdunensis, quo tempore idem Episcopus compater dicti Comitum effectus est. Qui Comes latenter iter arripens Romam profectus est, quem ipse Papa libenter excepit. Sed quia idem Comes noverat publicè se Episcopo Metensi obijcere, per quosdam Canonicos Metenses ipsum Episcopum de vitio simoniae aggressus est: & super hoc Archiepiscopum Remensem inquitorem à Pa-

pa obtinuit: & sicut nihil profecisset, cum silentio ad propria rediit. Canonici vero qui hanc causam procurando susceperant, ad Archiepiscopum Remensem venerunt, & omnia ei indicaverunt. Archiepiscopus vero, prout potuit, ipsam inquisitionem sine debito non terminavit; sed ad favorem Comitum quaecumque voluit Domino Papae rescripsit, sed antequam causa ipsa finiretur, ipse Archiepiscopus judicio Dei lecto decubuit, & mortuus est: similiter & unus Canoniorum illorum qui causam terminandam susceperant, qui inter illos major videbatur, etiam in Curia Domini Papae mortuus est. Episcopus vero Philippus videns sibi Episcopatus & honoris sui periculum imminere, praesertim quia Fridericus Dux Lotharingae Junior ipsum Episcopum super magnis expensis quas pro ipso Episcopo se fecisse assererat, valde intestaret, inito consilio, ut breviter loquar, totius Episcopatus custodiam Comiti Barrensi contulit: & ita Metenses cum Episcopo & Comite Barrensi, corporali juramento interposito dictum factum confirmaverunt. Quo audito Dux Lotharingae inito consilio cum cognatis Episcopis, qui etiam aliqua ab ipso Episcopo exigebant, quasdam munitiones Episcopatus occupaverunt, scilicet castra Homborch & Trikestei. Enimvero quia Dux Lotharingae credebatur Comitem Barrensem sibi velle adversari, secessit in partes Coloniae, ut ibi à parentibus suis armatorum, quibus terra illa abundat, auxilium postularet. Sed antequam Comes Barrensis custodiam Episcopatus susceperet, contigit Comitem Wadanimontis cum armatorum adunasse: & quia terra Episcopatus nondum Comiti Barrensi commissa erat, dictus Comes Wadanimontis terram Episcopatus cum suis satellitibus invaluit. Gens vero Episcopatus & etiam Ducatus adunati venerunt ad villam, quae Wassoncourt dicitur: cum subito Comes Wadanimontis cum suis ordinatis aciebus illos invaserunt, & alios quidem vulneraverunt, alios interfecerunt, alios vero captivaverunt, & quod deterius est, rustici illi fugientes mortem occurrerunt morti; & cum crederent se in aquis salvari, in eisdem aquis submersi sunt; ita ut centum quadraginta Molella deglutivit, & sic illi ad propria reversi sunt. Ballivi vero Ducis & Episcopatus audientes hoc infortunium, adunantes non modicos armatorum cuneos intraverunt terram Wadanimontis, & sic eam igni tradiderunt, & quidquid spoliis invenire potuerunt, deportaverunt. Comes vero versa vice quidquid invenire potuit circa Bruiers & circa Spinal, totum igni consumpsit.

Sed quia aliquantulum ab historia digressi sumus, ad depositionem Philippi Episcopi revertamur. Cum igitur Comes Barrensis potestate Episcopatus totaliter potitus fuisset, subito adversarii ipsius Episcopi cum litteris suis ipsum Philippum de sede sua detruserunt. Quid plura? Philippus accersitis sibi paucis Curiam petiit, sed quid sibi profecerit ignoramus. Papa vero cuidam Clerico Comitum Barrensis consanguineo Metensem Episcopatum contulit, & cum litteris Papalibus, ubi vellet, & quando vellet in Episcopatum promoveri fecit. Comes vero Barrensis cum videret se & terram suam, & Episcopatum à gentibus Lotharingae tam miserabiliter vastari, igne cremari, & villas solo tenus irrecuperabiliter detruui, adunato exercitu magno castrum Ducis Lotharingae, quod Prigney vocatur, obledit, & ibi quinque septimanas sedens nihil profecit, licet multa ibidem in vanum expenderet. Sed cum Comes videret Ducem Lotharingae terram Episcopatus & suam miserabiliter delere; contiderans etiam quod Magnatibus Franciae & aliis militibus

quos ad id opus asciverat, maxima donativa, & victus necessaria oportere dari, expavit, mandavit: ut fertur, Episcopo Metensi si placeret tantum exercitum cum tam magnis sumptibus diutius retinere: ille respondit, quia tota terra Episcopatus in manu sua esset, quod expedire videret, hoc faceret. Comes vero hæc verba silentio premeus mandavit amicis, qui in exercitu Ducis erant, ut de pace tractarent: quod & factum est: sed de modo pacis vix aliquis certitudinem referre potest; & sic ista ita relinquamus. Sed tamen quoddam infortunium silendo suppressere non arbitramur. Comes quippe Wadanimontis accersito sibi quodam milite de Burgundia, qui in furandis oppidis, villis & castris peritissimus erat latro; adhibitis etiam aliis satellitibus, in formam mercatorum arma sua in saumariis suis occultaverunt, & ita sparsim, non in unâ acie, sed globa-

tum quasi mercatores venientes interrogabant quolibet hospitium; & ita domos Novicrafti intraverunt, & sarcinas armorum in secretioribus cameris, sicut moris est mercatorum, deputarunt. Cum igitur hospites intenti essent ad necessaria procuranda, milites ad arma in interioribus cameris cucurrerunt, & signo facto quilibet hospitium suum spoliare cepit. Et mirum cum burgenfes omnes illius oppidi præsentessent, & inermes, quod nullus in eis misisset manus: illi autem effugerunt. Burgundiones vero asportantes quæcumque invenerunt, bigas, & currus suos onerantes ad terram suam redire cœperunt: sed cum prope terram Ducis devenirent, quidam homines Ducis ibi adunati, adventum eorum præstolantes, in ipsos irruerunt, & quos voluerunt vulneraverunt, & quos voluerunt interfecerunt, & quos voluerunt ligatos duxerunt.



## MONITUM.

**H**ISTORIAM de Monasterii sancti Viti Gladbacensis fundacione, & antiquiori progressu, Diœcesis Leodiensis, deinde Colonienfis, nunc primum in lucem emittimus, cujus primordia sic refert Trithemius in Chronico Hirsaug. ad annum 974. pag. 36. Gero Archiepiscopus Colonienfis fundavit Monasterium insigne Ordinis nostri in Diœcesi suâ quod Gladbach nominatur, uno dumtaxat milliari distans ab oppido Nuissensi: quod multis prædiis & ornamentis ditavit. Primus autem ejusdem Cœnobii Abbas fuit Sanderadus vir sanctissimæ vitæ, & regularis disciplinæ tam in se quàm in subditis suis maximus cultor, qui multis virtutibus & signis clarus in vita, & post mortem sanctorum catalogo insertus est, cujus dies festus 9. Kalend. Septemb. agitur. *Historiographum Monachum fuisse Gladbacensem apparet ex præfationis hisce verbis: Sanctissimo Patrono nostro Vito interveniente. At nomen haud in promptu est divinare. Indubitata se fidei attestatur Historiographus iste, utpote qui ea quæ narrat sibi ab Henrico Antistite, sc. S. Pantaleonis Colonienfis, cum veneratione nominando; tradita fuisse scribit: deinde à sanctissimo Abbate Wolcelmo Henrici nepote.*

## HISTORIA

DE FUNDATIONE MONASTERII S. VITI  
Martyris in Gladbach, Diœcesis Colonienfis; Auctore anonymo.

### PRÆFATIO AUCTORIS.

**I**N domo patrisfamilias habentur vasa multiplicia, communiter quidem, sed differenter necessaria; nam cum quædam ad gloriam, quædam verò ad contumeliam sint; quæ videntur viliora, sæpe probantur utiliora; contraque quæ cariora, minus probantur utilia. Sunt quidem aurea & argentea in divitum thecis diligenter reposita, sunt lignea & testea divitum & rusticorum usibus æquè ministrantia, hæc verò pretiosiora, illa sunt utiliora. Sic sic nimirum Dialecticorum & Rhetorum astutia sapientibus solis, simplicitas verò columbina doctis simul pater & idiotis. Unde nos consulentes simplicioribus, intentionis nostræ seriem humili stylo descripsimus, succingentes eam, & rusticitatem devitantes quammaximè potuimus, ne sermo gravis vel nimis horreret incultus, aut ultra modum fastidium generaret productus.

Verùm ne quis juniores nos, quod non accepimus finxisse calumniatur, relationem habere veracem gloriamur, cui nos non solum, sed testimonium dicunt quotquot eum noverunt. Abbas enim HENRICUS cum veneratione nominandus, hujus nobis Historiolæ auctor exstitit, qui & tantos testes nominavit, quantos in ipso, de quo agimus, Monasterio Abbates vel seniores probatos esse contigit. Habemus autem & nos cum multis aliis idoneum testem WOLFFELMUM Monasterii Brunweilerensis Abbatem, cui pro religionis & sapientiæ reverentiâ fides est major adhibenda; qui à præfato viro tanto enucleatius omnia percipit, quanto familiaris cum eo, utpote avunculo suo, conversari meruit. Scribere verò proposuimus Monasterium illud Gladbacense revelatione divinâ constructum, qualiter quotiescumque sit invidiâ insti-

Fundatio  
Gladbacensis  
Monasterii.  
An. Chr. cir-  
citer 974.

A quibus Au-  
ctor suam  
haussit histo-  
riam.

gante destructum, & inhabitantes cum Abbatibus pulsi atque transmigrati, donec demum miserendi tempore sanctissimo Patrono nostro VITO interveniente, licet non in pristinum statum, utcumque tamen reformatum & stabilitum est. Sed his ad exhortandam fidem, simul & legendi curiositatem Lectori prælibatis, ad ordiendam accingamur materiam narrationis.

## CAPUT PRIMUM.

Cœnobii  
Glabacensis  
initium.  
Gero Episcop.  
Colon. funda-  
tor.

**R**ecordationis igitur piissimè GERO successor datus FOLEMARO Colonienſi Episcopi, cum Pastoralis solertiâ invigilavit gregi sibi commisso; bonis enim pollens moribus, per cuncta laudabilis, non à se, sed à Deo est commendatus. Cum autem quam ruminabat sedulus devotionem, in aliquam Deo placitam transferre conaretur actionem, revelatum est ei divinitus, quod in colle consito nemoribus, rivulo præterfluente, Deo & pretioso illi Martyri S. VITO Monasterium deberet construere cœnobiali regulariter informatum Religione.

## CAPUT II.

Sandradus S.  
Maximini  
Monachus,  
selectus ut  
ædificando  
Cœnobio det  
operam.

**P**ontifex enim Deo plenus, divinæ voluntatis exequutor haud tædiosus, de Cœnobio S. Maximini, unde tunc temporis monasticæ vinæ botros virtutum germinantis odor longè lateque spargebatur floridus, virum conscivit strenuum prælibato operi præponendum, disciplinis regularibus apprime eruditum nomine SANDRADUM, cui cum propriæ voluntatis, divinæque panderet ordinem revelationis, placuit in commune singula suæ diœcesis loca circumire, sic fortè locum à Deo præelectum inventum iri.

## CAPUT III.

**E**xeuntes ergo exploratores pii, actiones suas postulabant Deo aspirante præveniri, & adjuvante prosequutum iri, multisque Saxonie locis curiosâ indagine circumspèctis Leigelingen devenerant; ibi post corporum recreationem factâ deambulatione perspicaciter omnia desiderantes considerare, locum invenerunt, ut eis visum est, visioni congruè respondentem, fluviumque Wiperam propè fluentem. Quocirca læti admodum effecti, & quod votis omnibus quærebant se invenisse rati, Domino, qui puris manibus & mundo corde invocantibus semper præsto est, laudes dicunt, moxque Monasterii officinarumque spatium vallo cingunt.

## CAPUT IV.

**V**erum omnipotens Deus, qui pia fidelium vota clemens dignatur intueri, passus non est eos incallum diutius fatigari, sed apertè signavit hunc non esse locum, quem Antistiti devoto construendum præmonstravit; nam cæpto opere etiam in dies proficiente, nuntii venerunt Imperatoris OTTONIS secundi, post obitum patris in administrationem Monarchiæ recens ordinati, quorum adventu gratulabundus Episcopus, ut humani mos est ingenii in rebus agendis amicorum favoribus delectari, acceptâ legatione præcepit solito citius mensam parari: & omnibus affluenter epulantibus nuntiisque regiis contra Episcopum honorabiliter residéntibus ( unus enim ex eis erat Clericus & alter laicus ) misit eis Antistes jecur cervinum lautius curatum, erat enim tempus autumnale quo venatio imminet cervorum præcipua: laico autem carnem incidente sapius, Clericus incisam rapiebat avidius, donec quasi jocando laicus cultello vulnus in genu levissimum inflixit Clerico, moxque cum tenui sanguine in ipso mors est subsequuta momento.

## CAPUT V.

**S**tupentibus verò qui aderant universis, & de eo quod acciderat, mente confternatis, varia quoque more vulgi, opinione gentili conferentibus, spiritu sapientiæ & intellectus repletus Episcopus, silentio facto, in hæc est verba concionatus: Nemo fortuitum putet vel fatale, quod in præsentiarum cernitur contigisse; fatum enim vel fortuitum nihil esse constat, sed providentia divina ritè quæ condidit, regit, proprio nutu dispensat. Quod si homo rationalis semper apertos teneret oculos mentis, invigilans ad adventum judicis, nequaquam ita formidabiliter in subitanæ foveam mortis incideret; nam piè monens in Evangelio Dominus ait: *Vigilate, quia nescitis qua hora Dominus venturus est.* Quia ergo & venturæ mortis tempus ignoramus, & post mortem operari non possumus, superest ut ante mortem indulta tempora rapiamus: sic enim, sic mors ipsa cum venerit vincitur, si priusquam venerit suspecta timeatur. De huius autem fratris nostri judicare non permittitur occasu repentino, sed ejus qui omnia novit antequam fiant, reservamus iudicio. Verum futurorum præsciens Deus, revelans arcana quæ nullâ sui perspicacitate mens prævidet humana, nobis servis suis ostendit quæ hoc in loco cœpimus non sibi voluntaria; non enim credendum quod hunc locum in constructionis initio tam stupendo sineret pollui homicidio, si inhabitationis Monachicæ dignaretur insignire privilegio. Nam sicut Monachis mundo mortificari, solique Deo vivere arduum manet votum, sic habitationes eorundem mundas & sine pollutione nefariâ vel criminali sollicitudo debet prævidere constructorum, & custodire pastorum. Unde quia nec hunc locum Dominus elegit, voluntati ejus per omnia parendum, & ad alia censeo emigrandum, operans in bonitatis ejus clementiâ, quia quod cœpit in nobis bonum perficiet. Et nunc quidem pro humanæ sortis miseriâ nobis est in commune dolendum, simulque orandum, ut pius Deus & exorabilis hunc famulum suum ab omnibus absolvat peccatis, quem occulto suo iudicio tam terribiliter casu præveniri permisit mortalitatis.

Mat. 24. 41

## CAPUT VI.

**P**ost hæc orante qui aderat populo, corporeque defuncti à commilitonibus ad alia translato, rursus Antistes infatigabiliter conatur redintegrare laborem, quem per divinam revelandum sperabat consolationem, ac ita demum moventes inde citrà Rhenum statuerunt inquisitionem facere, & multa prætereuntes, ultra terminum Diœcesis appropriaverunt Molensium fines: in ipsis ergo finibus mons erat incultus nemorum densitate opacus, Ecclesiæ veteris vix ostentans ruinas, & habitationes jam dudum penè neglectas.

## CAPUT VII.

**F**ertur ab antiquioribus Caroli Magni temporibus BALDERICUM quemdam ex Regni Primoribus in isto monte fabricasse Ecclesiam, & cum pretiosissimis Sanctorum Reliquiis, eamque sufficientibus redivitibus velut sponsam dotasse pulcherrimam. Postea verò primo OTTONIS annum XVII. in sceptris agente, Hungarorumque nefandissimâ gente peccatis exigentibus Galliam Germaniamque devastante, &

ad



ad istas partes appropriante. cultores Ecclesiæ Reliquias Sanctorum in grandi cavato lapide, quem hodieum cernere licet, supposuerunt terræ, quatenus, sicut evenit, si se tueri non prævalerent & sua, saltem non permitterent margaritas & sancta suis canibusque proculcanda.

### CAPUT VIII.

**I**N istius ergo montis habitatione dum consisterent circa Nonas Julii, occupato in alius Episcopo venerabili, vir Religiosus SANDRADUS secundum consuetudinem egreditur ad explorandum situm loci, ubi dum rivulum cerneret præterfluentem ad radices montis, vallemque fontibus undique scaturientibus, habilem piscinis, intellexit vir Deo deditus hunc locum sancto Episcopo revelatum divinitus, & exhilaratus corde Pontificem advocavit concitè, ostendens ei ex visionis consonantiâ loca diu desiderata.

### CAPUT IX.

**E**Xultantes autem lætitiâ spiritali, triduo jejunio condixerunt conspiratoris omnium bonorum clementiam invocari, quatenus aperta signaret ostensione, si hunc montem construi Pontificali præfiguraret visione. Celebrato liquidem jejunio, tertiam noctem pervigilem ducentes audierunt circa galli cantum spiritus beatos in loco, quo nunc est Oratorium in honorem S. Viti Martyris, Antiphonam hujusmodi modulatione canentes: Beatus Vitus illatus ab igne clibani decantabat: *Probasti me Domine; sicut aurum igne me examinasti, & non est inventa in me iniquitas.*

### CAPUT X.

**M**ane autem facto retulerunt utrimque quod audierant cum nimio congratulationis gaudio, & certi jam facti de oraculo accinxerunt se viriliter operi mox futuro, sed in operis Deo placentis augmentum cælestem terra protulit thesaurum; nam sapientes architecti fodientes curâ obsequii Angelici quod perceperunt, noctu locum invenerunt, (gloria tibi Christe) & lapidem supra memoratum, in quo sacratissimorum Martyrum condebantur Reliquiæ Viti, Cornelii, Cypriani, Chrysanthi & Barbaræ.

### CAPUT XI.

**A**ntistes itaque beatus, in agendo quæ Dei sunt, nescius moram pati, coadunavit undique fratres spiritu ferventes & orationi instantes, Domino servientes, quibus jam pridem probatum Abbatem ordinavit SANDRADUM. Igitur habitatione cælesti fundatâ lapidibus vivis, Deo devotus Pontifex haud segniter instabat Oratorio Monasterialibusque officinis, donec pro voto suo complevit, & in honore Salvatoris mundi, sanctæ Mariæ, Viti, Stephani Protomartyris, Georgii, Gangolfi, Cornelii, Cypriani, Chrysanthi & Barbaræ dedicavit, & redditibus pro Fratrum necessitatibus sufficientissimè cumulavit. Fidelis enim dispensator considerabat prudentissimè theoriam regularis vitæ nullatenus uniformiter constare, nisi sufficiat Abbas singulis sua necessaria tribuere; nullique licitum, vel opus esse, quid proprietatis habere: appositâ enim formâ cui imprimit, primitivam illam nascentis Ecclesiæ institutionem votivè Monachi æmulantur, ubi erant omnia communia, & multitudinis credentium cor unum & anima una.

### CAPUT XII.

**I**gitur Antistes gloriosus divinâ se comitante gratiâ, voti compos effectus, à se Monasterium con-

structum haud ratus auctoritate propriâ satis firmum, stabili munificentia regali, & Sedis Apostolicæ privilegiis aliavoravit insigniri, unde quamdiu ipse in corpore vixit, locus cum congregatione apud Deum & homines crescendo profecit.

### CAPUT XIII.

**P**ostquam verò domus ejus habitationis hujus est dissoluta, ut aperiretur ei in cælis ædificata, non manufacta, æterna, consensu totius Cleri & plebis WARINUS sedi inthronisatus est Pontificali. Hujus ergo cum detractorum pulsarent aures assidue, coegerunt illum odio vehementi prædictum Abbatem SANDRADUM insectari; mussitantes à viro venerabili plus servitii impendi Episcopo Leodiensi quàm sibi, Præsulum etiam quemque propriam rectius ædificare Parochiam, quàm alienam. Locus enim tum temporis Leodiensis existit Diocesis. Abbas autem Venerandus, utpote quem virtutum omnium mater erudierat discretio, utrique sine querelâ jure subdebatur proprio. Anulorum siquidem non prius delitit obsecratio, quàm beatum virum depelli persuadeant Episcopo, ut ejus in loco non æquè dignum quemdam sine consecratione subrogaret MAGINHARDUM.

### CAPUT XIV.

**V**enerabilis itaque SANDRADUS non victus à malo, sed vincens malum patientiæ bono, invidiæ cessit, & ad Imperatricem ADELHEIDAM, cui etiam conjunctus erat confessionis familiaritate, secessit, à quâ benignè susceptus, Monasterio est Weissenbergeni promotus. Ubi cum vir Dei conversaretur irreprehensibiliter, subditos regens prudenter, credita dispensans fideliter, ad Cœnobium, quod sibi primum quasi sponsam desponsavit carissimam, suspiravit frequenter. Deo autem miserante, & Imperatricis supradictæ sedulitate mediante, non est ab animæ suæ desiderio fraudatus, sed honorabiliter ab Agrippinensi Metropolitano revocatus, in locum & gradum est pristinum restitutus.

### CAPUT XV.

**V**erum Pastore absente, mercenarioque superius notato præsidente, ovium Domini facta est luctuosa dispersio, rei familiaris, librorum, Reliquiarum, prædiorumque distractio, ita ut Abbate reverso coadunatâque congregatione, in maximâ licet penuriâ, servirent Domino tamen sine murmuratione. Sic itaque vir ille devotus in mundi hujus incolatu pressuris variis & tribulationibus in fornace probatus, præstigatum cælo reddidit spiritum cum sanctis æternaliter gavilurum.

### CAPUT XVI.

**I**gitur secundo loco regimen sæpediti Monasterii suscepit FOLRADUS, vir divinis & humanis valde idoneus, ex Clerico Monachus professus, sed paupertinis quas offenderat rebus nimium coarctatus; instabat tamen strenuè diruta restaurare, ab antecessore suo cœpta complere, imperfecta quæque secundum posse perficere.

### CAPUT XVII.

**I**nter hæc verò dominus WARINUS diem clausit extremum, & Pontificatus successorem reliquit EVERGERUM, qui per austeritatem, quæ sibi familiariter adhærebat, nimium in prædecessoris sui pedibus ivit sententiam, arbitratus inconveniens à se Leodiensem ædificari Parochiam, cum vix sufficeret dispensare propriam. Exinde consilio cum primoribus habito, maturè acceleravit facto, & FOLRADO

Warinus Geroni in Episc. sed non in pia intentione successit.

Sandradus in justè expellitur, & Maginhardus intruditur.

Relic Sandradus ad suum Monasteriū.

II. Abbas Folradus.

Instaurat omnia.

Warino mortuo Evergerus fit Episcopus Colon.

Transfertur Cœnobium Gladbach in Monasterium S. Martini Colon.

OOO

Tom. II.

Abbate cum omni advocatâ S. Viti Congregatione, misit eos in Monasterium S. Martini, quod est Colonia, ut professis vel expulsis paucis quos invenerant Canonicis, ibidem instituerent normam vitæ regularis. Prædia verò cum Ecclesiis multis idem EVERGERUS suis distribuit Militibus, quæ beatæ memoriæ dominus GERO Fratribus donavit Deo militantibus. Ita ergo licet invitis Cœnobii Gladbacensis Abbate vel fratribus Coloniam transmigratis, redactus est in solitudinem locus antea deliderabilis.

## CAPUT XVIII.

SUGgerentibus itaque qui nosse poterant ex familiaribus Antistitis Reliquias Sanctorum in sepedicto Monasterio pretiosissimas haberi, nec eas expedire dari neglectui, Præpositum domus sancti Petri WERELINUM direxit, iungens ei quæque possent inveniri, sine morâ transportari. Unde factum est ut prædictus Præpositus diu noctuque haud segnis iter acceleraret. Cum verò iter agens noctu cum Sanctorum pignoribus festinaret reverti, contigit dominum Antistitem somno depressum gravi per visionem rapi, judiciarioque tribunali terribiliter adisti, ubi dum S. Vito agente pro Monasterii sui destructione, suppliciis esset adjudicatus Antistes gehennæ, Pastor pius Ecclesiæ generalis Patronusque Colonienlis specialis S. Petrus eo tempore sua suscepit, cum fidedictione quod Cœnobium prædictum cum omni affectu deberet reedificare, si ipsius patrocinio supplicia deputata mereretur evadere. In hæc fidejussionis verba dimissus, & ab illo horribili est somno solatus.

## CAPUT XIX.

EXpergefactus autem statim de lecto proslivit, & unum è pueris ministratoris excitavit, imperans equo conscenso obviam properare Præposito, ne cum Reliquiis tenderet ulterius, sed suimet curaret salute carnis aut spiritûs, quâ tulerat referret eas quantocius, se enim non prius aiebat requieturum, quàm sciret eum reversum. Puer autem dum properaret secundum domini sui jussionem, invenit Præpositum ad duo ferè ab urbe milliaria contrâ se alacriter festinantem, cui cum protinus legationem daret, nec posset exprimere quid significaret, præcipiens se ibidem sequaces suos cum Reliquiis opperiri, statuit per seipsum quid hæc mandata portenderent, experiri. Cunctis igitur ad sarcinas relictis, solus cum puero ad aspectum properavit Antistitis; cumque coram introisset, & quænam subita prioris sententiæ permutatio requirisset, acceptis pro re paucis, accelerare cursum perurgeretur itineris. Egressus itaque Præpositus, ita festinavit concitus, ut repositis in Gladbach Reliquiis, ipsâ die Coloniam ad colloquium reverteretur Antistitis.

## CAPUT XX.

MAne denique habito primo cum familiaribus consilio Pontifex Abbatem advocavit FOLRADUM, cum obnixè deprecans ad suum cum fratribus redire Monasterium. Verùm lacrymabiliter Abbas querebatur de Monasterii destructione, divinâ constructi revelatione, dicens admodum perterritum totidem permutationum. Tum verò devotum Episcopus vovit votum, in pristinum statum velociter restaurandum, & ad suam Diœcesim ab Episcopo Leodiensi mutandum, & quidquid ipsius Ecclesiæ prædiorum nondum fuisset dispersum, vel quod ipse posset undecumque precario vel quoquo-

modo colligere S. Vito donandum sine retractione. Sic denique demùm Abbati satisfactum est venerando, ut ad proprium Monasterium cum unanimi reverteretur fratrum collegio.

## CAPUT XXI.

Interea haud secus ut voverat reparando Monasterio Pontifex instabat, quod quia festinatò perficere studuit, cum nullo ornatu, sicut est hodie, perfecit, sed & Parochiam non distulit mutare pro duabus Ecclesiis, id est pro Gladbach & Rheite, donans tres; Tegelen; Lobberigh; & Venlo. Verùm quoniam non multo post supervixit, pauca prædia colligere potuit, quæ tamen ipsa S. Vito secundum votum suum donavit. Unde factum est ut Fratres inibi Domino servientes magnam necessariorum licet sustinerent penuriam, gratias tamen semper agentes; Deo enim spei & solatii, qui replet omne animal benedictione, adimplet eos omni gaudio & pace in credendo, ut abundant in spe & Spiritus sancti virtute.

## CAPUT XXII.

Libet autem in fine Opusculi iteratò Lectorem admonere sollicitius, ne à nobis præjudicet ficta quæ diximus. Fidelis autem ipse consideret fideliter hanc ab omnibus æstimationem fuisse beati viri, qui eum nosse poterant familiaris, quem nobis relationis hujus auctorem prælibavimus, ut nec sine magnâ, ut credimus, offensâ perhibeatur. Ipse de talibus præstitim voluisse mentiri, nec à quoquam sistrum quid impune de ejus personâ possit confingi. Testamur verò Deum scrutatorem cordis & renum, quem nullum latet secretum, quia sicut ab ipso audivimus, vel à fidelibus ejus auditoribus postea commoniti percepimus, nudam veritatem prosequuti sumus, ad laudem & gloriam ejus qui dignè laudandus in sanctis suis, personis trinus, sed Deitate unus vivit & regnat Deus per infinita sæcula sæculorum, Amen.

*Quiescit in cryptâ Ecclesia hujus corpus, S. ADELBERTI, quem alii ALBERTUM, vulgus autem ALBERICUM vocant. De quò circa sepulcrum antiquitus exstabant hæc carmina.*

*Armiger ALBERTUS, vir erat virtute refertus,  
Mox ore Joseph sine re, rem luit ejus hera.  
Insens cœcatur, mala passus Job similatur;  
Huc peregrinatur, hic sibi cella datur.  
Hic manet, hic habitat, Christo vivens, [hic] mala vitat.*

*Austerâ vitâ vivere finit ita,  
In Domino moritur & mortuus hic sepelitur.  
Corpus & in tumulo vifitur à populo.  
Et plura ob merita quæ fecerat hic Eremita,  
Donorum genera plebs capit innumera.  
Præcipue febris vertiginibusque cerebri,  
Auxiliante Deo curâ fit hic ab eo.  
Ob cuius, Christe, meritum quo fulserat iste,  
Qui poscunt veniam redde, polique viam.*

Alteram partem Historiæ Monasterii Gladbacensis, licet aliquoties promissam, nondum accepimus. Regit hodie illud Monasterium magnâ cum laude & disciplinæ famâ Reverendissimus D. Bruno Charmanus vir devotissimus.

Deinde in pristinum statum restauratur Gladbach.

Adnotatio R. P. Wilhelmus Wisfar, qui hanc historiam descripsit.

# MONITUM.

**C**HRONICI sancti Trudonis (S. Tron) Diocesis Leodiensis, auctor est Rodulfus Abbas, vir insignis religione, doctrina, prudentia & constantia, qui non ineleganti stilo describit nudè ac sincère, nec studio partium indulgens, quæ vel à probatis & optimæ notæ Scriptoribus edoctus erat, ex antiquis monumentis, quantum ipsi fas fuit eruerat, quæve ab oculatis testibus hausit, aut ipsemet perspexit. Conqueritur nihilominus de librorum penuria, quodque suorum negligentia prædecessorum posteritati traditum nihil prope repererit. Ab octavo libro ad finem usque sua ipsius gesta sub aliena persona commemorat, ne inanem gloriolam videretur aucupari, & ut liberius quicquid in administrando Monasterio præclare ac fortiter gesserat, posteritati commendaret. Etenim eundem stilum, eundemque scribendi modum in prioribus ac in posterioribus septem libris animadvertere est. Plures alias lucubrationes edidit Rodulfus, quæ in Chronico enumerantur.

## G E S T A ABBATUM TRUDONENSIIUM ORDINIS SANCTI BENEDICTI.

Auctore RODULPHO Abbate ejusdem Monasterii.

**N**OTUM est omnibus quibus gratifica manus fortunæ experiendi copiam dedit, quia vetera vina gelidis promptuariis toto anni circulo liquata, autumnii tempore ad tempus seponantur; & nova multa naturali motu adhuc calentia & necdum prorsus defæcata, avidius sumantur. Ut quid hoc? utique non ut nova & turbida veteribus & defæcatis quasi meliora præponantur, sed quia novæ res delicatos hominum animos irruente passione desideriorum oblectabilius afficere soleant, donec satiata passione desideriorum, cum alacriori aviditate ad veterum usum revertantur. Unde quidem physica non ignarus ait: Alternis uti delectabile est, ipsaque alternitas saporis, licet impares, æque tamen interdum gratificat.

Secundum hujus dictæ rei similitudinem, dilecte mi & diligende Præpositæ sancti Dionysii N . . mitto tibi historiam novâ incude formatam de his quæ acciderunt antiquo & moderno tempore erga Ecclesiam nostram: ut qui veterum & novarum rerum usu delectaris, vetera nostra & nova per eam sapias, per quam cupidum animum ad condignam passionem afficias. In quâ licet ad eruditionem parum proficias, scire tamen poteris, quia nova scire cum veteribus quæris, qualis quondam Ecclesia nostra fuerit, de quânam sublimitate ad quas abissi voragines frequenter corruerit, & quantum laboris super vix exstantem adhuc veteris ruinæ favillam, contra malignorum flatuum importunitatem quotidie irruentem, ne prorsus avolet ægerrimè sustineant: quod te scire ideo mihi proderit, quia solent plerumque miseri homines referendo æquanimius sustinere dolores, cum invenerint qui eos audiant familiariter & compatiuntur.

## INCIPIUNT GESTA ABBATUM SANCTI TRUDONIS.

**R**ODULPHUS gratiâ Dei, sanctorumque TRUDONIS & Eucherii, Abbas eorum Cœnobii, omnibus posteris meis tam Abbatibus quàm Monachis, qui in hoc eodem Monasterio Deo sunt militaturi, id fore quod profitebor, & peccatricis animæ meæ interdum reminisci. Sæpe necnon & sæpiissime, Fratres carissimi, totam armarii mei revolvens supellectilem, dum adhuc in carne quâ nunc agonizatis positus essem, ardebam vehementer me posse reperire qui, & quot, & cujus professionis omnes monachicæ, an canonicæ aliqui fuissent prædecessores mei, & cujus quisque vocabuli, & quot annis præfuerit; quod ad desiderium meum fateor me nunquam potuisse reperire, sed neque quisquam erat antiquis de Fratribus qui se unquam hoc legendo reperisse, vel unquam audiendo didicisse diceret. Ut ergo scire quærebam, hoc utrumne contigerit familiari super nostris negligentia notariorum, an inter frequentissimas loci desolationes amissione forsitan librorum, certum similiter habere nullo modo potui.

Dum autem nostrum & piissimæ memoriæ sanctum TRUDONEM Clericum fuisse & Sacerdotem, & Cœnobii nostri primum ædificatorem, vita ipsius docet, necnon & beati REMACLI Tungrorum Episcopi, ubi aliqui leguntur de Principibus Regnorum, & Rectoribus Ecclesiarum, quorum temporibus hoc nostrum sanctissimæ puritatis lilium effloruit; sed hoc manifestè neque ibi neque aliàs, usquam datur intelligi, utrum per eum ipsum regeretur primò ædificatum Cœnobium nostrum, sive per alium. Clerici quoque sive Monachi fuerint quos in eo constituerit, & quando Monachi in eo esse cœperint. Talia, quæ quidem dignissima essent sincerâ annotatione, dum lectione aut verâ relatione scire, ut dixi, sæpissimè vehementer arderem cognoscere, inveni Libellum quemdam ubi vita sancti Silvestri habebatur, atque Translatio sancti Benedicti, necnon & Sermo de Assumptione sanctæ Mariæ semper Virginis; in eo quantum repererim hoc annotare curavi.

Unde excusatum me rogo habere lectores hujus mei Opusculi, si minùs quàm velletis certos vos reddidero ex his de quibus ipse certior esse non potui. Hæc mea in hoc Opusculo est intentio, ut quod aliorum negligentia fermè obliteratum reperi, nostrâ salvum diligentia puriusque eliquatum futuræ conservem posteritati. Abbates & Monachos post me futuros in hoc Cœnobio volo sollicitos inde reddere, quatenus in anteriorum suorum negligentiam ulterius non incidant, sed suis quoque posteris de prædecessoribus suis plenum fidei monimentum scripto relinquunt, in quo dum probitas seu improbitas singulorum frequenter legi poterit, probi priorum exemplo accensi, in melius & melius semper proficiant; improbi imaginatâ vitâ suâ confusi, à malis operibus suis vel sic saltem resipiscant.

Accipite ergo polteri mei nomina quædam Abbatum, sine annis quibus præfuerint, & absque annis Domini, quædam cum ipsorum tantum annis, quædam cum ipsorum annis & cum annis Domini. Cætera verò fidelium virorum qui hæc viderint, aut eos qui hæc viderant relatu didici; ipse quoque de quibusdam, quæ me præsentem aut me jam juvenem adhuc existente acta sunt, aliquantula fidelissimè quidem memoriæ mandabo: plurima pudore nostri Ordinis, & nimio tædio longæ relationis præteribo.

Igitur nomina Abbatum Cœnobium quondam sancti Trudonis regentium sunt hæc: GRIMO Abbas, REIMANNUS Abbas, HARDEENUS Abbas, COLUMBANUS Abbas, ANGELRAMNUS Abbas, AMBROSIVS Abbas, GISLEBERTUS Abbas, ADELBOODUS Abbas, HILDRADUS Abbas, SABBATINUS Abbas, ERMMENARUS Abbas, RADULPHUS Abbas, LUDOVICUS Abbas, RADBERTUS Abbas, RODEGANGUS Abbas. Huc usque reperi sine numero annorum quibus præfuerunt: REINERUS Abbas præfuit annis quinque, THEUDERIDUS Abbas præfuit annis triginta, ERENOFRIUS Abbas præfuit annis quatuor. Huc usque reperi quot annis præfuerint, sed tamen sine annis Domini.

ADELARDUS Abbas, memoriâ dignissimus, præfuit annis triginta quinque\*, scilicet usque ad annum millesimum trigésimum nonum Incarnationis Domini. GUNTRAMNUS Abbas præfuit annis viginti\*, ab anno millesimo trigésimo nono Incarnationis Domini, usque ad millesimum quinquagesimum quintum. ADELARDUS Abbas præfuit annis viginti septem, ab anno millesimo quinquagesimo quinto, usque ad centésimum octogésimum secundum Incarnationis Domini. Huc usque & ita in supradictò libello reperi. Post hunc autem Adelardum illorum tantum nomina ponam, qui vel Abbates fuerunt vel Abbates se esse voluerunt, usque ad nostrum introitum, quoniam tantam confusionem annorum inter se contententes fecerunt, quia de singulis nullum certum tempus habere potuimus præter unum, sicut in consequenti Opere explanabimus. Nomina autem eorum fuerunt LANZO, LUYPO, HERIMANNUS, & alter HERIMANNUS, & prædecessor noster domnus Abbas THEODORICUS. De tribus verò supradictis Abbatibus, scilicet Adelardo, Guntramno, & Adelardo secundo, quod fidelium narratione didici referam. Nam de supradictis cæteris nihil accepi quod fide certâ proferre audeam: à secundo autem Adelardo usque ad me quidquid referam, aut ipse vidi, aut videre potui, & quæ non vidi, eorum relatione qui hæc viderant didici.

INCIPIT TEXTUS OPERIS.

### LIBER PRIMUS.

999.

IGITUR primus ADELARDUS factus Abbas hujus loci anno Domini ~~ccccxcix~~. nativam linguam non habuit Teutonicam, sed quam corruptè nominant Romanam, Teutonicè Walloniam: familiam Ecclesiæ nostræ viscerabiliter dicitur dilexisse, unde & usque in hodiernam diem de eo à plerisque solet tale quid memoriale referri. Cum ex sterilitate terræ, ut aiunt, fames aliquando ejus tempore accidisset, concurrebat ad elemosynam Fratrum omnis sexus & ætas importunè & miserabiliter, quorum aliquibus interdum ad se vocatis, quærere dicebatur joculariter: Cujus servus tu ille? tunc illa, cujus ancilla es? respondentibus illis, verbi gratiâ, S. Lamberti aut S. Petri, sive S. Servatii, sive S. Remacii, postremò enjuslibet Sancti: aiebat; Quid igitur tibi & familiæ S. Trudonis? Pascat te tuus dominus cujus tu es servus: Qui sancti Trudonis se esse profitebatur, paternè ab eo audiebat: Pascet

ergo te hodie S. Trudo dominus noster, conservus enim noster es. Primis enim annis Ecclesiæ nostræ necessariis illi deficientibus, anxie nimis (ut referri a divi) laboravit.

At unde hoc potissimum accidisset fide plenâ relatione non didici: quorundam Fratrum suorum inquietatione Theodericus Metensis Episcopus in eum adeo commotus exstitit, quod cum aliquandiu quasi exulem abductum Metis teneret, & per Præpositos interim res nostras curaret; sed Episcopo Leodiensi, cujus diœcesis erat, jus suum eo defendente, tandem honorificè revocatus est: quem revertentem tanta comitata est gratia, ut Ecclesiæ suam non modo necessariis faceret abundare, verum interius & exterius vario cultu, diversisque utensilibus gloriòse coruscare; quorum perpauca, pretiosissima tamen, vidimus: nam cætera, sicut & alia plurima, furor debacchantium Simoniacorum, & de nostrâ Abbatia inter se decertantium, variis modis diversisque vicibus damnosè nimis distraxerat, perditionique perpetuæ sepeliverat. Et ne quis hodie videns paupertatem Ecclesiæ nostræ & in substantiâ & in thesauro, existimet eam semper tam tenuem tamque nudam fuisse, videtur mihi non ingratum

a triginta quinque] Lege, triginta novem, & in Guntramno lege annis quindecim, ubi habetur annis viginti.

Scil. Adelardus, ut infra dicitur, regere cœpit Abbatiam anno 999.

illi debere fieri, neque nostris verecundum, si hæc ei retulero quod in quodam alio Libro inveni de thesauro quondam nostro, & de substantiâ præbendæ Fratrum ita annotatum.

Anno ab Incarnat. Domini nostri JESU-CHRISTI septingentesimo <sup>b</sup> septuagesimo, Indictione tertiâ, & anno decimo tertio sedis domini ADVENTII gloriosi Præfulis, sub die decimâ octavâ Kalendarum Septembris, facta est descriptio per jussionem ipsius ex Abbatîâ sancti Trudonis per suos Legatos, videlicet FREDELONEM, & HERIGANDUM. (Hinc etiam, sicut ex aliis multis, nostrorum negligentia debet meritò reprehendi, qui hîc neglexerunt annotare nomen Abbatis sui qui tunc temporis præerat, cum non tantum Mettensis Episcopi nomen hîc invenitur annotatum, sed etiam nomina Legatorum ejus qui hanc descriptionem fecerint.)

Reperimus de thesauro sancti Trudonis rebam ipsius corporis auro argentoque fabricatam; item rebam sancti Eucherii argento nobilitatam; item in dexterâ parte sancti Trudonis similiter; item altare in honore sanctæ Mariæ & sancti Petri auro argentoque imaginatum, cum cyborio desuper, in medio cyborio pendentem coronam æream deauratam. Item altare in honore sancti Stephani argento paratum. Capsam gemmis auroque insignitam. Item capsas argento tectas XXI. cruces inter majores & minores argento paratas decem: capsas evangelicas argento paratas tres: malagranata argentea duo, calices argenteos cum patenis inter majores & minores novemdecim. Item patenæ sex; item calicem aureum cum patenâ etiam argenteâ, unde debentur de argento libræ octo & dimidia: altaria parva argento parata 5. Item cruciculas aureas tres, argenteas sex, ex cupro 2. thuribula argentea tria, & unum ex cupro. Candelabra argentea septem: suxtæ argenteas duas ad ferendum incensum. Offertoria argentea septemdecim: cyphos argenteos quatuor, & duos ex cupro: suxtilem unum argenteum. Vitam S. Trudonis cum imaginibus decoratam, lampades argenteas quinque & septem ex tanno; coronas argenteas duas. Item clavicellam ex auro: lambittas duas argento tectas; vexilla quatuor; cappæ triginta tres pretiosæ de pallio; casulæ duodecim pretiosæ de pallio; dalmaticas novem cum tunicis subdiaconalibus. Cuffinos sericos tres; pallia quatuor majora, & minora quadraginta quatuor. Item pallium unum cum friso & margaritis. Item palleas lineas serico coopertas decem. Item palleas lineas sine serico nonaginta octo. Fuscinas aureas parvas de auro penfas denariorum quinque; cultellum auro paratum; situlas duas ex cupro, &c.

Habent ipsi Fratres ad proprium usum deputatam speltam ad panem faciendum, corbos centum & viginti, quod colligitur ad modios mille sexcentos: ad cerevisiam faciendam ordeï corbos CCXII. quod colligitur ad modios mille DCCCXX. Sunt simul inter speltam & ordeum corbi trecenti & duodecim, quod colligitur ad modios tria millia quingentos viginti: porcos saginatos quindecim: leguminis modios sexaginta: salis modios viginti quatuor.

Talem quondam fuisse thesaurum nostrum, & Fratrum præbendam rectâ annotatione legatorum Mettensis Episcopi reperimus: diu tamen ante istum Adelardum majorem partem permansisse usque ad ipsum, ipsumque nihilominus nonnulla perdita re-

parasse, quædam illius studio acquisita usque ad nostra tempora, non tamen usque ad nostram prælationem perdurasse. Nam, ut superius diximus, & in subsequens suo aptè loco ponemus, furor pertinacissimus debacchantium Simoniacorum, & de nostrâ Abbatîâ inter se collidentium, variis modis diversisque vicibus miserabiliter nimis pretiosissimum Ecclesiæ nostræ thesaurum distraxit, sepultoque irrevocabiliter inæstimabili illo decore, sedere eam usque hodie facit lugubrem & miserabilem, plenamque extremâ confusione suæ nuditatis. De Adelardo præter obitum ejus non plura didicimus. Nunc ad successorem ejus convertamur.

Post primum Adelardum successit GUNTRAMNUS natus de Hasbaniâ liberorum prosapia, innutritus Cænobio nostro ab adolescentiâ, ibidemque Ecclesiasticis apprimè eruditus officiis & regularibus disciplinis. Tempore autem quo prædecessor ejus, Abbas scilicet Adelardus, à Mettensi Episcopo Theoderico exul tenebatur, accidisse cognovimus, sed quo ordine non didicimus, Cænobii nostri curam agere primum Popponem Stabulensem Abbatem. Interea nonnulli de Fratribus nostris relicto loco nostro diversis exulabant Cænobiis, amissi Pastoris gravissimo dolore exacerbati; inter quos præcipui & religiosissimi magnifici viri Gauzelinus & Godeto servi Dei, carne quidem germani, sed spiritu uno in Deo coanimati, qui reverso tandem pastore ad ovile sunt reversi, & apud nos conscripti. Interea cum pro ordinandâ re utique homini nostro necessaria primus Poppo Stabulentis Abbas (ut pote qui exulantis Abbatis vices agebat) ad Cænobium nostrum descendisset, Capitulum Fratrum, ut audivimus, ingressus est, & de culpis cœpit agere pastoraliter: cumque ad istum GUNTRAMNUM devenisset, elegantissimæ formæ juvenis qualitate perspectâ, cœpit de eo sagaci mente pium aliquid humileque prælagire, atque in lucem velle producere, si ut sibi de eo videbatur, ita experiri posset in re. Oblatam igitur sibi ordinis negligentiam cœpit in eum ex industriâ vehementius aggravare, & piæ charitatis stimulus pectus humilitatis terebrare: tandem quali in contumeliam præceptum dat ei per obedientiam, ut ad agendam ibi negligentiam suâ pœnitentiam, pedes eum sequeretur usque ad Stabulensem Ecclesiam. Erat ille primævâ pube vernans, formâ elegantissimâ, staturâ ultrâ nostræ ætatis homines procerâ, grossitudine proceritati congruâ: vocalitas in eo inibat tubæ altissima, prædulcis tamen, & mole corporis non indigna (claris eum natalibus ortum superius diximus) & apprimè eruditum officiis Ecclesiasticis & regularibus disciplinis; hæcque plerisque vagis juvenibus superbiendi solent esse multa materies: pulcherrimus juvenis tanto in se existimabat venustiora fore, quanto humiliori exercerentur obedientiâ: vicino igitur jubentis pede obedientiæ iter Stabulaus alacriter pedesque aggressus est, nec pudore insueti peditis motus, nec difficultate itineris exterritus. Ubi cum lassus quassusque tenerum corpus delicatus juvenis pervenisset, ex præcepto Abbatis, cui portarius eum jam adesse nuntiaverat, ad portam atrii ad quam suscipiuntur hospites, scilicet extrâ Conventum Fratrum, nocte eâ manere jussus est. Agebat pius Pater ex industriâ qualiter ejus comprobata exaltaretur humilitas. Portarius igitur piâ humilitate & hilaris vultus obedientiâ in tam pretioso nobilique juvene sagaciter considerata, atque

Sancta Guntramni Monachi acta, describuntur.

<sup>a</sup> Septingentesimo ] Hunc in locum sic scripsit Acherius: Menda hic Librarii: nam 3. Indictio in hunc an. non incidit, sed 2. Nec concordat annus temporis Adventi Episc. Mett. illa enim tempestate Mettensi Cathedrâ sedebat Chro-

degangus. Id verò deinde emendavit Baluzius, ac scripsit Angelramnum pro Chrodegango. Mihi locus mendosus videtur, sed aliter restituo: nimirum si reponas octingentesimo, omnia plana & accurata.



tam Fratribus quàm Priori Ecclesiae, necnon & ipsi tandem Abbati in admiratione celebri facta, faciliè per ipsos obtinuit ut à Conventu Fratrum non differretur tam honestus tamque præclarè obediens juvenis. Itaque in Conventu admissus est, atque loco optimo positus, totis scapulis cellior quoque majoribus habebatur. Nocte illà Conversio S. Pauli annualis de more solemniter celebrabatur; quâ ille ad Invitorium, Hymnos, Psalmos, Antiphonas; Responsorialia dulciter jugiterque instar amplissimæ tubæ reboans, attonitas aures, fixosque in eum omnium Fratrum animos absque invidiâ delectabat. Cumque ad illud Responsorium quod cantandum Abbati ab Armario deferretur, significavit Abbas Armario, ut memorato juveni pro se cantandum deferret, eo loco quo stabat in ultimo. GUNTRAMNUS susceptâ cum humilitate cantandi Responsorii obedientiâ, tam mirabili tubæ vocis suæ novitate atque organicâ fistulati gutturi dulcedine totum chorum, ipsumque maximè Abbatem permulsi, ut finito Versu & Gloria Patri, eadem horâ Abbas significaret ei ad se venire, & de eo quo ultimo stabat loco eum à se secundum stare.

Itaque aliquanto ibi mansit tempore, majori semper cunctis habitus admirationi & reverentiâ. Quomodo verò inde transferit Hersfeldiam nescimus, sed quod eo transferit didicimus; quia factum eum ibi Camerarium Abbatis cognovimus. Locus regius studiis liberalium artium, mundanarumque rerum gloriâ egregiè præcipuus. Manimus quoque & nos aliquamdiu apud loci illius Abbatem FREDERICUM, & exuberantium divitiarum ejus jugem inundantiam, & liberalium artium apud Fratres studiosam efficaciam quotidie tanquam de novo expavimus, Camerarius autem Abbatis non idem qui & Fratrum, est honor magnus; nam & pluribus abundat domesticis, imperantibus; quæ debentur Abbati quasi tertius participat. Ubi dum moraretur, corporis pulchritudine, morumque probitate & nobilitate, in brevi factus est celebris aulae Regiæ, ipsi religiose Imperatrici maximè.

Interea primus Adelardus Abbas loco nostro & honori suo jamdudum restitutus, defungitur triginta quinque annis Ecclesiae prælatus; famâque volante Hersfeldiâ ipsique Imperatrici nuntiatur: nec mora, apud utrosque fit deliberatio qualiter Guntramno daretur nativi soli sui honor, & proprii loci prælatio, sed parvum quid esse hoc reputabant, nisi quod inter suos eum sublimandum majus multum illi peregrino honore, gratiusque posse fore asserebât. De provehendo eo Hersfeldiâ Imperatrixque gratulabantur, sed quod tanto talique viro carerent mestificabantur. Magnis igitur muneribus ab Abbate Hersfeldiensi, maximè verò ab ipsâ Imperatrice honoratum cum litteris Imperialibus & commendatiis, honestoque committatu Metis transmittunt, ut Episcopo annuente Abbas loci nostri, quinimò sui, sine contradictione constitueretur. THEODORICUS qui tunc erat Metensis Episcopus, frater Imperatricis secundum carnem habebatur: atque Deo ordinante contigit ut simul unâ die venirent ante Episcopum & Imperatricis nuntii cum Guntramno, & Fratrum loci nostri missa legatio: utrorumque audita Episcopus legatione distulit rem usque in crastinum, sed seorsum utrisque recedentibus, cum jam profundior esset vespere, jubet Episcopus duos de obsequio suo famulos ire ante Guntramnum cum aureis suis candelabris, necnon & flammantibus super ea cereis, usque ad illius hospitium, simulque candelabra illa dono jubet ei relinquere, servitioque ejus & honori, quæque illi sunt suisque necessaria transmittuntur largè de episcopali curiâ.

Quo viso Fratres rem ut erat futura intelligunt, & facto mane unanimiter hilarique vultu consentiunt Episcopo de præferendo sibi Confratre suo viro venerabili Guntramno.

Factus igitur Abbas GUNTRAMNUS Metis, & consecratus Leodii, multam paupertatem in loco nostro invenit, parumque in ordine nostro religionis: maturius utrumque correxit, paupertatem ex eis quæ ab Imperatrice donò acceperat, & à Regionibus secum detulerat, ordinem ex disciplinâ maximam quam Hersfeldiâ didicerat. Mox qui dispersi fuerant Monachis redeuntibus, nonnullique ex sæculo apud nos habitum vitamque mutantibus, florebat locus odorificentissimè religiosorum senum canitie, obedientiumque juvenum officiosâ multitudine: per viginti & unum annum quibus eum præfuisse comperimus, Ecclesia nostra & temporalibus & famosissimè crescebat spiritualibus. Hujus vitæ ultimis annis domini nostri Trudonis sepulcrum frequentissimè cœpit coruscare miraculis, quæ ille studiosissimè satagebat occultare; sagaci enim peccatore concipiens quod futurum erat, *signa data esse infidelibus, non fidelibus* dicebat: quod non longè post illum nonnulli de nostris experti sunt, qui inter ipsa quoque miracula Deum offendere non timuerint. Nos autem qui adhuc supersumus, sicut flagella iræ Dei & indignationis super locum nostrum non vidimus incepisse, ita quoque gravissimâ anxietate ingemiscimus adhuc quotidie necdum desisse.

Tempore domni hujus Abbatis Guntramni usque ad modum producta est maxima pars turris nostræ cum utrisque testudinibus suis: quia verò, ut superius in juventute ejus testificati sumus, formâ erat elegantissimâ, corporis proceritate convenientique grossitudine, delectabilis hominum aspectibus, ex eoque sonorâ valde modulatione dulce canorum, hunc ei contulerat honorem Ecclesia Leodiensis, ut summis ejus solemnitatibus indutus honorificentissimè chorum medius cantorum regeret, pulchritudine magni corporis pascens visus altantium, & dulcedine vocis tubæ aures delectans audientium. Quid plura? talis ante eum in loco nostro non surrexit, nescio utrumne post illum futurus sit. Obiit tandem anno millesimo quinquagesimo quinto confessus & unctus; adhucque vigente in eo toto sensu animi, dispositâ sapienter super stratum doloris sui re familiari, & consolatâ multimodis domo sua spiritali, multa dona in argento, equis, annonâ, ceteraque suppellectili famulantibus sibi familiaribusque reliquit, & victum & vestitum abundantissimè usque in alterum annum ulteriusque Fratribus suis. Sepultusque in Ecclesiâ nostrâ, jacet nunc juxta exteriorem partem templi versùs aquilonem, medio parietis qui jungitur Fratrum Conventui.

Huic successit ADELARDUS secundus, liberis ortus parentibus de Brabantia, de vico qui dicitur Lovinium, juxta Lovanium, atque inde diminutivato. Hic à puero innutritus est cœnobio nostro sub Adelardo primo & Guntramno Abbatibus, honestè litteratus, neque ignarus de sculpendis pingendisque imaginibus. Post alios nonnullos Ecclesiasticos honores, de majore Præpositio electus est Abbas & consecratus. Magnæ gloriæ apud mundales in Abbatia habitus est, multis affluens divitiis & expensis utens sumptuosus, ut pote qui dominum habebat fortem & religiosum Alberonem, secundum videlicet Metensem Episcopum, fratrem Ducis Frederici, cui in omnibus quæ erant ipsius Episcopi nullus Principum live advocatorum audebat quidam damni inferre, sed pro ejus sanctitatis reverentiâ & ejus timore, quia tota pendebat ab eo Im-

Guntramnus  
fit Abbas S.  
Trudonis.

1. Cor. 14. 22.

An. 1055.  
obiit Gun-  
tramnus.

Adelardus II.  
Abbas.

perialis curia, necnon quia toto utriusque Franciæ regno diffusa erat per nobiles ejus parentela; ubique peccata exercebantur, & multiplicabantur bona exteriora nostra; sed & venerabilis Abbas Guntramnus ditatam Abbatiam bonisque omnibus refertam illi reliquerat; paceque vigente & rebus affluente securus eam glorioseque possidebat. Accedebat quoque ad augendam illi divitiarum multitudinem sepulcrum beati Trudonis frequentissimis quotidie mirabilibusque coruscans miraculis, quæ tanta toto orbe terrarum respererat, ut multitudinem peregrinorum non solum templi ambitus, sed & ipse quoque totus oppidi nostri locus ferre minime posset.

Ab oppido namque nostro penè usque ad dimidium milliare per omnes in circuitu populares vias ad nos se dirigentes, necnon & per campos atque per prata tantus peregrinorum cœtus, nobilium videlicet liberorumque atque popularium sexus utriusque penè quotidie, maximè verò diebus solemnibus confluebat, ut in papilionibus tabernaculisque frondeis cortinatisque habitantes, totum ipsum oppidum circumfedis obsidionis specie viderentur, quos pro multitudine ipsæ oppidanorum domus aliis refertæ capere non poterant: tum mercatorum copia, qui vix equis & curribus, plaustris & animalibus tanta poterant advehere, quæ sufficerent multitudini peregrinæ. De oblationibus altaris quid dicam? taceam animalia, palefidos, boves & vaccas, verres, arietes, oves quæ incredibili multitudine offerebantur. Sed & linum & cera, panes & casei, nullo pondere, nullo numero, nullo æstimabantur pretio fila argentea: & vix in Claustro vesperi olympo exhaustis denariorum acervus quamplurimos recipiendo & recondendo custodes fatigabant, & præter id nihil penitus agere sinebant. Erat igitur non tam incomputabilis, quam re verà inæstimabilis peregrinorum semper venientium ad altare oblatio, & nomen beati Trudonis frequentissimis mirabilibusque miraculis; Cœnobiumque nostrum exuberans divitiis, diffamatum plusquam toto Romani orbis Imperio. Nam sic licet vera referre etiam credere nolentibus, major longè altius si res existimaretur erat per totum annum integrum altaris fructus; quam omnes vel modo vel tunc Abbatæ redditus; atque non uno atque duobus annis, sed per totum vitæ tempus hujus Abbatis Adelardi.

Pace igitur & abundantia securus gloriose vivebat, cunctisque de Regno nobis & nostris reverentiam exhibentibus, hinc gloriosi sancti Patroni miraculis, hinc domini nostri Episcopi Metensis virtute & nobilitate ejus utriusque hominis quantacumque . . . in propria quantacumque discordia in regno securus ambulabat, securus terram suam inhabitabat quicumque sancti Trudonis sive servum sive ancillam se esse dicebat. Milites verò qui de circumjacentibus villis ob infestationem inimicorum suorum oppidum nostrum incolebant, cum adhuc esset sine omni vallo & munitione, tantâ tamen pacis securitate in eo manebant, ut si fortè contigisset aliquando eos hostes suos longius processisse, & fugientes ut plerumque assolet, redire, hanc præstantis beneficii gratiam ex meritis & reverentia beati Trudonis haberent, quatenus ex eo loco cessarent eos inimici eorum insequi, quod primum poterat altior pars turris Monasterii nostri videri.

Interea Abbas Adelardus II. sollicitè agens, ne tantus eleemosynarum fructus otio totus cederet & luxui, Monasterium quod neque vetustate, neque ruinis aliquam ruinam videbatur minari, non sanè passus est præsumptuosorum hominum tam Monachorum quam laicorum temeritate dirui, sed am-

plitudine latitudineque majus satis ordinatum muro firmissimo, columnisque spectabilibus pulcherrimo tandem opere, sed expensis inæstimabilibus reparari. Videre erat mirabile, & relatu erit incredibile, de quàm longè quanta hominum multitudo, quantoque studio & lætitiâ lapides, calcem, sabulum, ligna, & quæcumque operi erant necessaria nocte ac die plaustris ac curribus gratis, propriisque expensis non cessarent advehere. Ipsi quoque materiales, atque in fundamento grandes atque gravissimi positi, fideliter hoc possunt attestari, qui in totâ Hasbaniâ cum non possint reperiri, de alienis partibus comprobantur asportari. Columnas autem de Gourmatia per Rhenum Coloniam usque navigio deductas, atque aliunde alias plaustrisque invectas tamquam à Colonia usque ad nos per terram vehendas, populus vicatim funibus plaustris injectis ardentissimo studio rapiebat, & sine omni boum jumentorumque adminiculo, per ipsum quoque fundum Mosæ sine ponte trajectas catervatim ad nos hymnisonis vocibus perducebat. Quid plura? muro vidit consummatum & tecto totum penè obumbratum, exceptâ parte aliquâ, quæ inter majorem turrim & arcum grandem antepositum continetur.

Nec minus interea in ædificandis per Abbatiam Ecclesiis, & emendis Ecclesiæ nostræ nobilium villis & prædiis, de oblationibus ad altare fideliter operam dabat: nam dimidium quod habemus in Villario, & totum quod habemus in Moscha à Comite BRUNONE de Hengebac, Ecclesiæ nostræ acquisivit, emptam septingentis marcis. Similiter & totam villam de Stades emptam centum marcis à Duce FREDERICO: & quidquid habemus in Harches à Comite de Musal ALBERTO: necnon & partem illius quod possidemus in Sarchinio. Pro his tamen plurima de thesauro Ecclesiæ distraxit; inter cetera quidem calicem aureum magni ponderis, & frontem auream de feretro sancti Trudonis, aliqua etiam molendina in vadio posita morte præventus redimere non potuit. Ecclesiæ quas per Abbatiam novas ædificavit, seu quas reædificari maximâ ex parte juvit, sunt hæc tam numero quàm nomine. Prima major nostra Ecclesia; secunda sanctæ MARIÆ semper Virginis in oppido nostro; tertia sancti Gengulfi Martyris in eodem; quarta in Alburg; quinta in Guimalâ; sexta in Pore; septima in Srate; octava in Guebechem; nona in Daich; decima in Strades; undecima in Mere; duodecima in Beninges; decima tertia in Horel; decima quarta in Gemapiâ. Domum etiam nostram, quæ est Leodii, à fundamento fecit renovari.

Cumque tot & tantis operibus (quæ ipsum quoque Imperatoris ærarium possent attenuare) libens sollicitaretur; sollicitus occuparetur, tamen à dominis nostræ Ecclesiæ, & à tyrannis Principibus terræ non minus vexabatur frequentibus obsoniis & gravissimis precariis: & licet oblationum altaris fructus per hebdomadam centum posset æstimari libris, præter quod hac illacque distraxerat audax custodum fraus, & damnosa manuum magistrorum rapacitas, tamen inter has illasque sollicitudines & expensas frequenter egere videbatur, & egebat, eoque intolerabilius quia à nemine sibi cederetur. Jam enim sanctæ memoriæ ADALBERO secundus Metensis Episcopus, frater, ut dixi, Ducis FREDERICI, murus & arma, paxque post Deum & Sanctos, & lata abundantia Cœnobii nostri obierat, cui succedens HERIMANNUS, pro dissensione quam contra Henricum quartum Imperatorem moverat, eum videlicet qui sub filii sui persecutione longè post istis penè omnibus jam defunctis, Leodii profugus obiit, gravissimis exactionibus Abbatem quotidie, ut ita

dicam, exollabat, Ecclesiaeque & censum suis beneficiari majoris damni damnatione cogebat, quem usque Metis ex violentia praecepti sui pertractum, tanto mœrore gravatum remisit, ut inibi beatum Protomartyrem suppliciter exoraret, quatenus prius somno mortis domi quiesceret, quam Metis amplius reversus recideret iterum in violentas iudicii ejus manus. Sed & HENRICUS Leodienſis Episcopus hujus Herimanni contemporaneus, frequentissimè ad audientiam sibi vocatum anxie nimis terrebat eum, & in pace esse sine gravissimo damno minimè tandem permittebat. Nam licet canus toto albicaret capite, & in senium vergens omnem æmulis videretur tollere suspicionem familiaris vitæ suæ; tamen apud eum non penitus habebatur acceptus; quod verisne an falsis hominum fieret suggestionibus, hoc Domino Deo nemo novit melius: sic de Abbatia multa suis beneficio dedit, & fiduciâ oblationis altaris nihil vel reliquit vel constituit quod luminaribus, vel cæteris necessariis serviret Monasteriū. Jamque cum tædebat vivere, cum neque oblatio altaris, nec multus fructus pinguissimæ tunc Abbatiae valerent gravi sollicitudini ejus satisfacere, cessissetque loco Sigeburgæ intentus animo, si cum non retinisset Præpositi ejus Gerardi nomine cura & devotio. Quievit tandem in pace anno millesimo octogesimo secundo Incarnationis Domini, prælatus Ecclesiae nostræ viginti septem annis.

Adelardus  
Abbas obiit  
anno 1082.

### INCIPIT LIBER SECUNDUS.

POST obitum Adelardi II. mala gravissima & dolores super dolorem mulieris parturientis apprehenderunt Ecclesiam nostram, qualia non sunt audita in toto unquam mundo ab illo famoso domino Tito & Vespasiano Hierosolymorum excidio, quæ in hoc secundo Libro altiori repetenda dignum duxi principio, ut directâ per ordinem veritatis semita viantem gravatum longo plano relevet vestigio. Si quidem pius multum & patientissimus longanimitatis Dominus Deus non precipitâ, naque subito furoris sui turbine statum evertit Ecclesiae nostræ, sed qui tunc erant temporis patientiâ Dei abutebantur in contumeliam, vitam suam magis magisque distendentes in luxum & desidiam: itaque cæcitate sua & contemptu miserationis Dei, vim tandem fecerunt patientiæ ejus & longanimitati. Nam quod periculosissimum est, atque iræ Dei maximum incitamentum, nolebant intelligere suis peccatis accedere Dei super se flagellum, sed eorum tantum hominum per quos Deus puniebat sui contemptum: unde factum est, ut agitati tandem intolerabili iudiciorum Dei turbine, dispergerentur divertis partibus orbis terræ, longiusque multo ipsis corporibus exiliarentur, quam infami nomine post ventilarentur.

Igitur, ut superius dixi, miracula ad sepulcrum beati Trudonis quantum licuit, quantumque humana industria facere potuit, occultata fuerunt usque ad paucos annos obitus domini Guntramni Abbatis. Intelligebat enim tamquam vir prudens, non evenire ea suis neque suorum meritis, sed admonitiones ea esse de vitæ & morum sui suorumque correctione, quoniam signa data esse infidelibus non fidelibus legerat. Satagebat ergo quamplurimum Fratrum numerum augere & meritum; quapropter eâ liberalissimâ manu Omnipotentis largitoris hanc obtinuit benedictionem, ut omnibus diebus vitæ pax & abundantia comitarentur ejus studiosam religionem: defuncto autem eo, & succedente Adelardo

II. cœperunt haberi miracula & virtutes sepulcri sancti Trudonis non tam timori & reverentiæ, quam ostentui & populari gloriæ. Frequentabat enim sepulcrum ejus infinitus peregrinorum numerus, neque diebus tantum singulis, sed singulorum dierum horis superveniebat multitudo multitudini, atque noctis medio grandinosa faciebat venientium & abeuntium inquietatio. Vellent nolent Fratres, per omnes clauſtri irrumpebant partes; maxinè quia aqua nostri qui adhuc superest putei, dicebatur potata in nomine sancti Trudonis fieri medela, atque fiebat accedentibus ad eam languidis. Sed & leprosi ibidem de eâ loti referuntur nonnunquam fuisse curati. Quid multa? Oratorium, chorus, templum, clauſtrum, pratum nocte dieque non inveniebatur à multitudine vacuum, quarum perſtreptum continua inquietatio magnæ fiebat molestiæ, & ordinis impedimento senioribus solitis & volentibus Deo servire in quiete & silentio. Juniores verò, quibus tædio erat Religio, & disciplina odio, gratulabantur prius occultè hac quali necessitate se magistræ Regulæ mandata præterire. Accessu verò temporis, & frequentissimo usu peregrinæ multitudinis, tandem inverecundâ fronte cæperunt ad libitum cuncta agere, locorum indifferenter abutebantur qualitatibus, & horarum tam incompetentium quam competentium vicissitudinibus, seniorum increpationes indignanti supercilio respuere; in ipsum quoque Abbatem interdum indecenter protervire; quodque primum in animâ Monachi est totius perditionis radicale seminarium, & supremum exterminandi Ordinis vixque evadendum excidium, interea illicitis proprietatibus ardentè studere, & à secularium personarum accessibus vel mediocriter non abstinere, audere quod non expediebat. Hinc quosdam superbi sanguinis effrenabat tumida recordatio, hinc quibuldam lenocinantibus modo submurmurato, modo palam objecta accendebat ejusdem falsi suggestio: quorum impunitas alios animo & sanguine degeneres audaciores reddebat ad similia aut majora committeuda, & impatientiores efficiebat si fortè decepti dignè plecterentur regularis disciplinæ sententiâ.

Ad hoc ruinosum peritura Ecclesiae præcipitium accedebat, ut ita dicam, lubricamentum, videlicet quia de hac vitâ subtrahebantur quotidie sancti & religiosi viri, qui nutriti fuerant sub disciplinâ Abbatis Guntramni, quantoque eorum immuebatur numerus; tanto præsumptio & indisciplina ininvaleſcebat amplius. Qui verò de illis superarent admodum pauci, sibi soli cum dolore vivere, & de juvenum insolentiâ nec audere mutire. Quid pudore & reverentiâ nostri Ordinis teneor? Quanto longius ferebatur relatione peregrinorum gloriosa celebritas miraculorum sancti Trudonis, tanto & nostrorum reprehendebatur secularitas ex levitate morum & abusione indiscipline. Erat enim summa oportunitas quibusque nostri Ordinis perire volentibus ex peregrinâ, ut dixi, veniente & abeunte multitudine, tum ex confracti Monasterii vastâ reparandâque amplitudine.

Et quia quidquid à discipulis delinquitur ad Abbatem respicere beatus benedictus testificatur, extendit pius & tantus salutis nostræ monitor manum suam ad percutiendum Abbatem Adelardum, quia remissius multo agens quam necesse esset, animosè non opponebat se ad tantum animarum periculum, & ad avertendum imminens furoris Dei exterminium. Percussit igitur eum Dominus, & sensu alienavit; ut etiam inter signa & miracula, quibus per beatum Trudonem vitam nostrorum emendandam quotidie admonebat, ex hoc admoni-

tos Fratres terreret, territos animadvertere faceret, quia eorum peccatis facientibus ille sensu esset alienatus. cuius ducatu regi deberent imitantes eorum gressus. Ductus itaque est Leodium ad Monasterium beati Laurentii; ibique freneticorum more factis multis diebus in crypta beatæ MARIÆ semper Virginis, curari tandem meruit ejus intercessione ad sepulcrum Wolbodonis Episcopi. Sed neque sic sentire voluit nostrorum mala cæcitas, quam piæ, quam cautè manum misericordiæ porrigeret eis divina misericordia, in flagello sui capitis periculum admonens totius corporis; quin magis impetu irrevocabili ferebantur ad omne quod erat eis desiderio & voluptati, captâ, ut dixi superius, oportunitate ex circumstrepenti peregrinorum multitudine, atque ex vastâ fracti Monasterii amplitudine; tum quia si quid fortè concupiscentiæ cujusque decrat, supplebat singulis ad placitum suæ pruriginis effusissima oblatio sepulcri beati Trudonis; non enim noxias manus à tanto sacrilegio continere curabant.

Latere ipsa omnino non poterant dominos nostros, scilicet Metensem & Leodiensem Episcopos, quinimò invidorum delatione majora satis veritate cœperunt credere, Abbatemque gravissimis exactio-nibus & frequentibus audientiis super posse gravare. Nam Clerici, quos in exitiale malum suum parvulos educarat inter scholares pueros nostros stulta Abbatis Seniorumque indulgentia, rem sibi ex primâ familiaritate nimis notam cum augmento deteriore per multorum ora spargebant, ipsosque Episcopos modo litteratum transmissione, modo præ-senti suggestionem in nostrorum omnium ejectionem, & aliorum Monachorum introductionem vehementissimè accendebant; quorum impudentes linguæ atque impudentiores litteræ plus, cæteris omnibus delatoribus, plusque ipsâ famâ rem semper augmentante, nostris qui eos educaverant exitiales, ut dixi, fuere. Unde factum est ut duo supradicti Episcopi, Metensis scilicet Herimannus, & Leodiensis Henricus, pari in unum conspirarent consilio, quatenus si superstes adhuc defungeretur Abbas Adeldardus secundus, nunquam nostris ex nostris Abbas daretur, sed ad evacuandam irreligiositatem eorum alius aliquis Religiosus eis introduceretur. Bonum siquidem & utile consilium, si magistrâ directione & non irâ vindice esset consummatum.

Quid plura? Octavo Idus Decembris Abbas Adeldardus secundus defungitur, Fratrum electio Metis respuitur, decimo tertio Idus Augusti in Capitulo nostro ab utrisque Episcopis cum Religiosis tam Clericis quam Monachis convenitur: affuit & Abbas sancti Laurentii Berengarius, & magnæ vitæ & nominis Franco Magister scholarum sancti Lamberti religiosus. Recitantur sub omnium audientiâ delatrices litteræ ab iniquis Clericis maleque nobis familiaribus datæ: adscribuntur illis & illis de nostris aliæ atque aliæ criminatum infamissimæ notæ; deinde omnibus pro hac infamiâ in commune Fratribus præcipitur, ut exilio longè lateque per diversa Cœnobîa ferantur. Totum pondus Capituli diè illâ in nostros convertitur: non enim erat qui miseretur, quibus jamdudum cæcitate suâ obduratis longanimis Dominus tandem inveniebatur iratus. Tamen petitâ vixque impetratâ audientiâ unus ita respondet pro omnibus: Licet peccata nostra, ô Domini nostri & Episcopi, vosque sanctus tam Clericorum quam religiosus Abbatum & Monachorum Conventus, alienent pia corda à nostri miseratione, tamen debita justitiæ piique judicii regula nunquam debet vacare ab universali matre virtutum sanctâ discretionem. Si à Regulâ sancti Benedicti, quam professi sumus, hætenus utcumque de-

viavimus, idcirco regulam datam esse credimus Monachis, ut Regulæ prævaricatio ipsius autoritate & sententiâ emendetur: ita tamen secundum eandem Regulam, ut rubigo valis sic abradatur, ne testa humanæ fragilitatis comminatur. Peccatis quidem nostris exigentibus licet serò, tamen recognoscimus factos nos esse opprobrium omnibus per circuitum nostrum, non tamen cuncta esse vera quæ loquuntur adversum nos malignæ linguæ odio nos habentium; quapropter si canonicum hoc est, si Regulæ nostræ consentaneum, si vestræ religioni debitum, si usibus Ecclesiasticis usitatissimum, date oramus, pronisque tam mentibus quam corporibus imploramus, date supplicamus, date piissimi Domini nostri Abbatem, quoniam noster defunctus est. Cum datus nobis ille fuerit, de omnibus quibus infamati sumus, quibusque hodie accusamur tam falsis quam veris vocibus, magistrâ Regulâ ipsâ ordinante, vobis etiam, si placet, præsentibus satisfacere & emendare parati sumus. Qui si prius cuique inde respondere debemus, sanctus iste vester decernat Conventus. Electus noster cum non tantum careat crimine, sed omni quoque suspitione malâ, isque nullâ possit auctoritate respui, si nostris tamen falsis reprobatum criminibus, detur nobis quicumque vobis placuerit alius, non contradicimus, quin libenter annuimus, dummodo habentes caput purgari & emendari sub oculis ejus ex his possimus, quibus vel præsentibus vel absentibus arguimur.

Et quidem erat Electus ille vir peroptimus, prudens & religiosus Monachus, humanâ divinâque paginâ apprime eruditus, diuque loci nostri Præpositus, nomine GERARDUS, ex discipulis Guntramni Abbatis superstitem adhuc unus. Sed tanta fuerat, Proh dolor! infamia eligentium, ut præjudicans prævaleret adversus Electi meritum, quamque Dei benignitate & patientiâ abutentem, aurem cordis à clamore ejus diu averterant, effectum petitionis suæ licet justæ . . . . . justo tamen Dei judicio assequi non poterant. Quid plura? Solvitur tandem diè illâ Capitulum cum irâ magnâ & indignatione Episcoporum; ratione & regulari auctoritate se premi dissimulantes, tamen occultè ingeniscebant; sed tamquam ministri iræ, & virga furoris Domini in nostros, etiam volentes assentiri non poterant. Sategebant ergo totâ diè illâ simul, ut qui ferri in auxilium reluctarentur, viribus & ignominiosè sequenti diè de Monasterio & oppido ejicerentur, utque ejecti miseratione humanâ à nullo reciperentur vel in hospitio. Progreßus in publicum Episcopus Leodiensis Henricus stolatus, auctoritate Episcopali per bannum omnibus in Episcopio suo præcepit, ut & hospitium eis non indulgerent, ut quidquid habere invenirentur primò illis obviantes impunè distraherent. Res miserabiliter miseranda, & nisi Dei judicio accidisset, nullo Dei & hominum judicio suscipiendâ. Sed ne fortè in judicio duorum istorum Episcoporum occultum Dei judicium videamur reprehendere, sinamus cum reverentiâ justum judicem Deum peccata nostrorum per istos punire; hoc tantum ad miseriam eorum veraciter referamus, quod etiam non indulgentes ministros iræ Dei & virgam furoris Domini se esse, esse tamen meruerunt, & pro peccatis suis peccata aliorum punire, atque ita ut non modò hoc fieret sine reverentiâ Monachici Ordinis, sed etiam sine compassione in homines saltem extremæ necessitatis. Quæ enim Regula, quis Canon, quis Ordo, quæ leges hoc authorizant, ut defuncto suo Abbate Monachi Abbatem regulariter petentes, & quidquid de eis vel fama mentitur, vel veritas perhibet secundum Regulam suam vel pur-



gare vel emendare volentes, ire ante datum Abbatem ab Episcopo in exilium compellantur, & nisi assentiant, stolâ & banno omnes in Episcopio Christiani ab eorum hospitalitate interdicantur? Sed cum reverentiâ, ut diximus, justum Dei iudicium in istorum iudicio suscipiamus, proximiorumque Dei clementiam indubitanter credamus esse erga illos quos dignatur corripiendo flagellare, quàm quos voluit ministros iræ suæ & virgam furoris sui esse, si tamen in humilitate conscientiae suæ sciant correctionem Dei suscipere. Episcopi nec iustæ petitioni nostrorum acquiescentes, nec Deum in se nostros persequi pro peccatis tam suis quàm nostris intelligentes, spretâ nostrorum dignâ electione, & quæ reprobari non poterat aliquâ regulari objectione, sicut jamdudum deliberaverant, sequenti die stupentibus oculis Monachorum introduxerunt in Monasterium nostrum LANZONEM quemdam de Cœnobio sancti Vincentii Metis Abbatem, virum quidem religiosum & inter Religiosos nominatissimum; at nihil religioni ejus detraxissent, si tamdiu à regimine Cœnobii nostri abstinuisent, donec canonica auctoritas etiam repugnantes eum ad id pertraxisset. Nam nisi me fallunt auctoritates Sedis Apostolicæ, scilicet Cælestino Papa præcipiente, necnon & illud idem Nicolao Papa ad Carolum Francorum Regem & Egilonem Episcopum Senonensem, multipliciter iterante: » Illicitum est in aliena stipendia quemque obrepere, & ex transverso venientem in castra » inter quæ non militavit ducatum arripere: Tunc » tandem alter de alterâ eligendus est Ecclesiâ, si » de civitatis ipsius Clericis vel Monachis nullus dignus inveniri potuerit qui ordinandus sit. Primum » enim illi requirendi sunt, quàm aliqui de alienis » Ecclesiis præferantur. Habeat unusquisque fructum suæ militiæ in Ecclesiâ in quâ suam super omnia officia transigit ætatem: in aliena stipendia minimè alter obrepit, nec alii debitam alter sibi audeat vindicare mercedem. « Hæ sunt auctoritates Sedis Apostolicæ.

Quod si quis dominum istum & religiosum quidem virum Lanzonem Abbatem ex eo conatur defendere, quia faciente ipsius famosâ religione consenserint in eum duo Episcopi isti de violentiâ ejus in nostro prælacione, audiat se inde redargui hac ejusdem Nicolai Papæ ad eundem Egilonem auctoritate. » Quid autem, inquit, suffragatur consensus » Episcoporum, ubi non pro Regulis sed contra Regulas adunatur. « Et paulo post. » Cujuscumque » itaque sit sanctitatis dono quolibet præditus, alienos non debet labores præripere; quippe cum jubet nihil eorum quæ proximi sunt aliquo modo concupiscere: eo ipso enim quo quisquam alteri pertinentia jura surripit, sanctitatis gratiam perdit. Nam quæ sanctitas vindicat mercedem alteri debitam? Quæ sanctitas alterius sibi mercedem usurpat? « Contra has ecclesiasticas auctoritates & Sedis Apostolicæ interdictiones, licet sanctus, licet justus, licet religiosus, licet suffragante illi duorum Episcoporum consensu peccatis nostrorum ita merentibus, dominus Lanzo Abbas est super nostros introductus. Donum tamen rerum temporalium, & cura committendarum ei animarum delatum est ab Episcopis usque ix. Calendas Septembris.

Die verò Capituli convenerunt in Chorum ad Vesperas omnes Confratres nostri vestientes chorum formosis viris magnarum personarum, & eruditis apprime in omnibus officiis Ecclesiasticarum institutionum. Felix quidem Ecclesia tot & talibus & tantis viris, si non iratum habuisset Deum Patrem, si pro peccatis suis vel iram ejus scivisset portare in humilitate cordis & contritione carnis. Sed

quid moror? Eadem nocte intelligentes ab amicis, quoddam sequenti die violenter & contumeliosè contruderentur in exilium si in Claustro essent uniti, pavore dissoluti (ut est humana natura, & maxime formidolosa simplicitas Monachorum) fugâ sibi consuluerunt: unus tantum eorum, Luipo nomine, exilio sibi magis quàm fugâ electo transmissus est Leodium sub BERENGARIO Abbate apud sanctum Laurentium: paucissimi verò cum Abbate Lanzone remanserunt, GERARDUS scilicet Præpositus ille nostrorum electus, necnon & Blingerus, Herimannus quoque senior cum alio Herimanno nepote suo, atque Eugo paulo post missus est Metis in exilium; cæterorum plurimis per Flandriam & Angliam, Daciam & Saxoniam, Regnum quoque Theutonicorum dispersis. Pars minima habitu sibi retento per diversa Cœnobio hospitabatur, pars maxima nihil sibi de Monacho retento, Presbyterorum more per diversas parochias vagando ferebantur: sed & Leodii & Coloniae post iræ Dei super locum nostrum pœnitentiam, & redditam nostris miserationis suæ gratiam, vidimus nonnullos eorum inter Clericos sub Clericorum habitu consensisse in ordine Canonicorum Leodii in Monasterio sanctæ Crucis, necnon sancti Joannis Coloniae in Monasterio sancti Georgii.

Interea Lanzo Abbas fultus duorum auctoritate Episcoporum, cœpit strenuè de temporalibus & spiritualibus apud nos agere; advocatâ sibi de Metensium partibus religiosorum Monachorum multitudine; sed nescimus quo occulto Dei iudicio gravissimâ contritus est divinitus adversitate, dum humanâ forsitan nimium elevaretur prosperitate. Nam anno tertio prælacionis ejus super nostros septimo Idus Martii combustum corruit mirificum illud & pulcherrimum opus Monasterium nostrum, quod incomparabilibus in hac nostrâ terrâ columnis, & tecturâ irrecuperabili benè consummaverat pia sollicitudo Abb. Adelardi II. tantumque fuit, non dicam infortunium, sed, ut dixi, occultum Dei iudicium, ut de unâ domunculâ, longè quidem positâ. in toto oppido nostro solum nostrum combureretur Monasterium; globus namque ardentis straminis altissimè se attollens ab incendio flammivomentis domunculæ, dicitur visibiliter tandem corruisse super nidum ciconiæ in unâ duarum turrium, quæ est juxta orientales absides in australi latere, & oppidanis ad clausum ostium Monasterii concurrentibus, sed Fratribus causam nescientibus, tamdiu protelatum illis esse introitum, donec vis ignea inexpugnabile sibi præoccupasset totius domus imperium. Cecidit igitur tandem, cecidit illud Monasterium, cujus simile amplius nostrum non habebit Cœnobium, illaque mirabiles columnæ super quibus labor, expensæ, studium, opus, pulchritudo, magnitudo referri dignè vix potest, ita funditus igne resolutæ corruerunt, ut de duodecim reformari non posset una similis prædictarum. Sed à tam luctuosi descriptione paululum hic jam respirare oportet, & secundi libri fine terminato ad tertium inchoandum molestum animum recreare clementiori otio.

\*\*\*\*\*

### LIBER TERTIUS.

QUAM gravi sollicitudinum mearum pressurâ urgeor, tenue nimis viliterque scissam ipse reprehendo quicquid in hac ordinâ celsâ texuisse videor. Sed quid? Si talis non fuerit res peracta, vel digna sit ita permanere, tantum saltem conferet ex

Nicol. I. Ep.  
21. sub init.

Cælestin. I.  
Ep. 2. cap. 5.



suâ vilitate, quam quandoque coget erubescerentem se in melius stylum commutare. Interim Lector animadvertat, quod scribitur, non quam benè scribitur.

Anno igitur Dominicæ Incarnationis millesimo octogesimo secundo obiit Abbas Adelardus II. octavo Idus Decembris; tertio verò Idus Aug. Capitulum actum est super Confratres nostros à duobus Episcopis, HERIMANNO scilicet Metensi & HENRICO Leodiensi, quâ nocte dispersi sunt omnes Confratres nostri præter paucos quos superius nominavimus. Nono autem Calendas Decembris LANZO Abbas S. Vincentii Metis ordine memorato in secundo libro Abbatiam nostram regendam suscepit: tertio verò anno introitus ejus combustum est Monasterium nostrum, scilicet septimo Idus Martii anno millesimo octogesimo quinto.

HILDEBRANDUS Papa, qui & GREGORIUS VII. est appellatus, & HENRICUS IV. Romanorum Imperator, qui Leodii obiit filii persecutionem fugiens, gravissimis dissidiis Regnum & Sacerdotium hac illacque miserabiliter distrahebant; quare Imperator faventium sibi Episcoporum Mogontia Concilio habito, sui que Papæ CLEMENTIS appellati; Ravennensium, scilicet Archiepiscopi, auctoritate ut sibi videbatur roborato HERIMANNUM Metensem Episcopum, hostem imperii publicum adjudicari fecit in eodem Concilio, totoque alienari Metensium dominio, Abbate quodam S. ARNULFI Metis, Gualone dicto, Episcopo pro eo supposito.

Interea LUIPO unus de Fratribus nostris, ille, inquam, qui Leodii apud S. Laurentium exilii sententiam susceperat, fugâ exilium evadit, necessitate quidem eâ quia Leodiensium Episcopum longius eum velle in exilium mittere sensit. Qui cum per omnes quos utiles sibi fore existimabat, per ipsum quoque Imperatorem apud Abbatem Lanzonem omni humilitate ageret, ut receptus in Claustro suo, quo nutritus fuerat, ordine quo & alii venire posset, nullo modo impetrare valuit. At ille cum parentibus suis Lovanii, interdum verò Salechem, aliasque nonnunquam (nobilitate enim natus fuerat) de patrimonio suo tristis & mœrens vivebat. Sed auditis inimiciis quæ inter Imperatorem & Herimannum Metensem obortæ fuerant, & quia abjudicatum illi Episcopatum, Imperator cum omnibus appendiciis ejus, simul etiam & Abbatiam nostram eadem lege habebat in manu sua, loquutus Fratribus suis qui Gandæ in Monasterio S. Bavonis exulabant, necnon & quibusdam qui Abbatem Lanzonem aliquantum cum eo morati tandem effugerant, simul etiam aliquibus qui cum eo adhuc erant, ut multa interea hac illacque acta præteream, ab Imperatore tandem obtinuit ut suscepto dono Abbatia nostræ de manu Imperatoris, per duos Comites ejus in eam introduceretur, GERARDUM scilicet de Castello quod dicitur Guassenberge, & Gosuinum avunculum ejus de Castello quod vocatur Heinefsberge. Hæc autem eâ geri videbantur ratione, quia absque electione dominus Lanzointroierat Fratrum electioni suppositus, Episcopatusque Metensium, qui Herimanno abjudicatus videbatur, in manu Imperatoris habebatur, cujus capiti inhæret nostra Abbatia: quare Imperator Lanzonem tamquam inviolabilem remove posse sibi videbatur, & Fratribus nostris suum electum dare. Nostro tamen judicio non videtur coherere hæc ratio, cum si quid contra Canones actum esset ab Episcopis in nostros de Lanzone, Apostolicâ potius coercendum esset auctoritate, quam illicitâ Imperatoris potestate. Sed apud mortales per mortales nihil justè rationabiliterque agitur, cum rationis justitiæque regula Deus iudex

Tom. II.

justus victâ patientiâ insurrexerit iratus. Hac tamen ratione & ordine Luipo Abbatiam nostram primùm visus est intrasse, qui si tum & postmodum gratis & per ostium introierit, testabuntur sequentia ipsius opera.

Intravit igitur septimo Calend. Junii in pompâ magnâ militum, quâ die secunda feria fuit Rogationum: cujus tyrannidem Lanzo veritus intrâ parietes se continuit, turrimque præoccupans cum paucis Monachis vitæ sibi eam solatium fecit. Primus quidem ipse fuit, qui turrim nostram sibi vitæ præsidium fecit; quæ res perniciosissimum postea exemplum nostris fuit, fiduciâ tanti præsidii factis rebellibus in excidium totius loci nostri: non tamen vir religiosus ita intellexit, cum eam ascenderet, qui nihil ex eâ nisi vitam sibi servandam cogitabat, donec Episcopi auxilio salvus evadere posset. Sed seditiosus populus noster, & ad omne quod est turbæ & dissidii levissimus, hujus viri necessitatis leviter in malo potuit meminisse, oblatâ sibi rebellandi & calumnias faciendi occasione. Unde ipsi aliquando meminimus, & post præsentem vidimus, non solum oppidum nostrum incendio prorsus conflagrasse, verum turris hujus occasione plurima miseria in eo accidisse cum humani sanguinis largâ effusione.

Igitur quidam de Fratribus nostris, qui prælationem Lanzonis Abbatis ferebant inviti, ad Luiponem statim se convertunt, beneficiati Ecclesiæ præter paucissimos, necnon & oppidani fidelitatem ei faciunt: Lanzo interea Letanias Rogationum intrâ parietes templi agebat cum paucis Monachis. Luipo per campos, ut mos est, cum multis de Fratribus nostris, & turbâ laicali. Homines nostros ad hujusmodi seditiones facillimos, & modo hac, modo illac levissimè devios usque ad nostra quoque tempora invenimus; quod & interdum gravissimè experti sumus quamdî de Monachis superstit vel unus, qui contendere de Abbatia nostrâ moliretur. Quid Meror? franguntur tandem ab hominibus Luiponis fores Monasterii versùs Claustum, & Abbatem Lanzonem intrâ turrim coactum ostium exire non permittunt. Tandem cum in eâ necessitatem audivimus sustinuisse, ut aliquot diebus à pauperibus mulierculis per fenestulas aleretur grosso & arido pane, vasculoque parvissimæ refocillaretur aquæ Sic & sic & hæc & illa per quindecim dies sunt inter eos acta. Quinto decimo demum die in quâ misit Episcopus Leodiensis Abbatem Berengarium de Cœnobio sancti Laurentii Leodii, & astu simplici ereptum Abbatem Lanzonem de nostrâ turri, cum eodem Abbate manere fecit Leodii Monasterio sancti Laurentii. Fecit etiam ibidem ei servire quicquid habere videmur in Sifuin, & in Jemapia, & in Villario, & in Olere; deliberans interea quid de Luipone ageret. Post hæc nihil moratus Luipo Metis proficiscitur, & redditum Gualoni baculum, qui super Herimannum Episcopus ibi dicebatur, ab eodem recipit, præsentibus ibi de Fratribus nostris multis & de oppidanis melioribus. Episcopus Leodiensis de hac præsumptione Luiponis contemptuque Ecclesiæ sancti Lamberti, suis tam Abbatibus quàm Archidiaconibus totique simul Ecclesiæ conquestus, eorum judicio Luiponem excommunicat decimo septimo Calendas Julii, Octavis scilicet Pentecostes, omnesque adhærentes ei.

Sed heu! nunc, nunc invalescit materia de miseriis nostrarum miserrimâ relatione, sub cujus pondere mens collisa hebetudine suâ stylum quoque hebetem facit, horrorque informis monstri & enormis materiæ timet in lucem prodire. Dicendum enim hic erit post primam & miserabilem illam mirabili

P P P ij

Luipo Abbatiam invadit.

flammâ faciente templi nostri ruinam, secundo vix anno & quasi calidis adhuc templi cineribus quomodo totum oppidum nostrum in unâ quasi favillâ corruerit, & humanus sanguis non modo perustos semirutosque templi parietes fœdaverit, verum altius largeque super ipsas altariorum crepidines ro-raverit.

Igitur Luipo quid faceret? Episcopum HENRICUM inexorabilem prorsus sibi videt: rem igitur ad Imperatorem iterum atque iterum refert. Imperator turbato sibi Regno & Sacerdotio ægrè occupatus, rem ejus usque in Curia Aquilgranensi differt: sit Curia in Natali Domini, adsunt Episcopus & Luipo, longè inter utrosque post & ante Imperatorem verborum conflictus. Cedit tandem Episcopus, victus terrore Imperatoris magis quàm legibus. Solvitur cum suis omnibus ab excommunicatione Luipo. Sed interim Fratribus nostris omnibus divino interdicto officio, donec dato sibi conductu veniens ad audientiam pacificè Leodii discuteretur Luipo, si quo modo posset de eo petitio Imperatoris fieri. Luipo instante die licet conductum sibi videret deesse, CONRADUM scilicet Ulterioris Trajecti Episcopum, qui sibi permissus fuerat coram Imperatore, tamen ad diem tendit; quem ministri Leodiensis Episcopi excipientes insidiis, juxta villam Jupiliam Leodio proximam graviter verberatum spoliant; neque tamen sic à proposito itinere prorsus deterrent. Sedit Concilium. Jubetur Luipo intrare. Ille non abnuit dummodo spoliato sibi res suæ restituerentur, & qui eum introduceret promissus ei adesset conductus. Iterum atque iterum & usque tertio vocatus, cum superius dictâ ratione venire nollet, tandem excommunicatur: sicque tristis ad Claustrum reversus, res domesticas disponit, & statim ad Imperatorem redit. Nec mora, fautores ejus consilio similiter habito de muniendâ turri nostrâ deliberant, & quidquid munitioni & obsidioni videbatur esse necessarium, parent. Eliguntur ad tale negotium juvenes audacissimi, multarum in corpore & parentelâ virium, sed paucissimi consilii; ut si Episcopus Leodiensis Lanzonem reducere vellet, timor turris ab illis occupatæ eum à reditu arceret, donec dominus eorum Luipo ab Imperatore pace habitâ rediret. Tantaque erat cæcitas judicio Dei eorum qui videbantur in oppido nostro sapientiores & natu majores, ut non attendere vellent quàm pessimum furem haberent, quia domus Dei illis cooperantibus aut consentientibus, sive non resistentibus fiebat militum præsidium, quinimò spelunca latronum, & sacrilegorum refugium.

Cœperunt interea novi illi castellani ædificatam sibi munitionem possidere multo Dei contemptu, & rerum Ecclesiasticorum abusione: nam cortinis & tapetibus, quibus tunc multis & pretiosis abundat nostra Ecclesia, velabant undique exterius novæ ædificationis suæ circâ turrim ambulatoria, sub illis & circâ ea protegentes se ab æstivalis solis ardore; & bibentes & manducantes luxuriosè: nam spatium Monasterii, quod est à turri usque ad arcum primum ante ipsam turrim, munitioni suæ quasi antemurale junxerant, & per fenestras trium simul positarum turrium trabibus ingentibus longè porrectis in gyro extrâ turre placidum aspectu composuerant ambulatorium. Ibi, ut dixi, cortinis & tapetibus cæterisque ecclesiasticis utensilibus luxuriosè nimis abutebantur. Censum quoque & annonam, quæ pertinebat ad Fratrum præbendam, gulæ suæ & libini prodigè nimis servire faciebant. Nam inter magnos & parvos vix octo Fratres tunc habebantur apud nos: qui enim Deum timebant, Leodiensis Episcopi dispositione per alia Cœnobia hospitaban-

tur, & quidam vestibus abjectis Monachicis Clericali habitu exules abutebantur. Quidam verò illorum, qui cum Luipone remanserant, horum omnium malorum non tam incentores quàm etiam co-operatores existerant, & simul cum seditioforum furore quasi oleum in igne rebellionum insaniâ effervebant, Quorum scilicet turrensium insolentiam cum majores oppidanorum tardè quidem nimium cohibere vellent, nullo modo jam poterant: quia parentelâ & armis, insuperque forti, beneque stipendiata munitione confidentes, ad modum quem excefferant redire jam nisi invitè nolebant; unde frequenter in eos est rixa exorta, inque fori medio & ipsum atrium cruentè pugnatum. Tunc demum peregrinorum multitudo cœpit cessare, quæ ut superius descripsi quotidianâ concertatione ad sepulcrum beati Trudonis solebat oblationem offerre. Nam hinc illos dehortabatur horror bellicæ, imò diabolicæ faciei, quam ex armatâ turre impresserant latrones illi domui Dei; hinc Episcopalis terrebat interdictio, quæ sacrilegos illos præconabatur ex oblatione fidelium non debere stipendiari.

Quid longius moror? his & aliis innumerabilibus nostrorum præsumptionibus provocatus Leodiensis Episcopus, movit tandem exercitum ad expugnandam non jam turrim Ecclesiæ, sed speluncam latronum. Igitur Nonas Julii feriâ secundâ obsessum est ab eo oppidum nostrum, ipseque resedit ante portam illam quâ exit Sarchinium. Erat tunc temporis totum oppidum nostrum vallo fortissimo munitum, atque desuper postibus fortissimis magnisque trabulis coronatum: super singulas portas turre lignæ eminentius ædificatæ, strataque per medium, & vestitæ per circuitum cratibus firmissimis, & nullis sagittarum acuminibus perviis. Præterea turris Monasterii fortissima quasi arx excelsa, in medio oppidi instar montis eminebat, qualem non deceret tunc temporis habere Monasterium, sed civitatem bellicosissimam aut castellum Regium. Tunc fortissimus Monasterii murus, qui in anteriore anno concrematis tectis adhuc totus stabat nudus, longo suo exterius gyro & amplo interiori spatio, amplissimos & plenos securitatis præbens illis qui in turre mirabantur recessus. His namque freti munitionibus, tum multitudine maximâ bellicosorum, magnæque audaciæ virorum, quibus semper abundasse oppidum nostrum scitur, primâ die obsidionis frequentes temerariosque nimis faciebant in exercitum excursus, ita ut Episcopum loco moveri facerent, & majorem suorum revocare multitudinem, potuissentque non multum timere illam obsidionem, nisi propter injustam eorum causam & domus Dei prophanationem, Deum vindicem habuissent expugnatorem. Orta igitur sequenti statim die inter eos est seditio, aliis de deditione murmurantibus, aliis de repugnatione clamantibus. Itaque invitis qui turrim occupaverant, alii quos jam pœnitebat incepti, obsides Episcopo tradunt, ut sanis rebus suis & corporum concessâ sibi incolumitate Episcopus cederet ab obsidione, oppidani à rebellionè. Sed quæ prudentia, quod consilium effugere tandem potest judicis iræ Dei judicium? Nam & ipsa pœnitentia interdum esse potest infructuosa, cum facti mali pœnitet nos, magis ne de rebus temporalibus aliquid perdamus, quàm ut Deum quem offendimus satisfactione placare studeamus.

Erat tunc temporis adhuc inter Brustenienses & Trudonenses gravissimum & antiquum belli jure dissidium, quorum alterutros nunc lancea, nunc sagitta, plerumque & gladius usque ad quamplurimos & de melioribus viris voraverat. Itaque Bru-

stenientes intelligentes de pace faciendâ inter nostros & Episcopum, gravissimè ferunt, & quidquid illud sit audent moliri ad nostrorum excidium. Postpositâ igitur fide quâ Episcopus obsides nostros suscepit, eâdem horâ quâ ante eum venerant per quosdam recessus ultrâ vallum in oppidum nostrum transiliunt, nostris nihil minùs quàm id suspicantibus, pro pace laudatâ & datis jam obsidibus, & imò remissè positisque armis se continentibus. Priùs ergo silent igne injecto, deinde pedestri populo clamoribus in idipsum concitato, deinde igne & ferro totum invadit exercitus oppidum nostrum spe prædæ, captivandorumque cupiditate, non respicientes ad reclamantem fermeque solum relictum Episcopum, qui nihil Brusteniensium insidiarum sibi conscius ægrè nimis ferebat pro acceptis obsidibus, lacrymasque & grave suspirium dicitur fuisse, cum victricem flammam videret Ecclesiam beatæ MARIÆ semper Virginis corripuisse. Nostros licet serò ad arma, tamen audenter convolantibus per plateas, per compita, per notos sibi meliùs quàm illis viarum recessus, multus hostium sanguis effunditur. Hinc tamen eos igne, hinc armis circumvallantibus, inque fori medio gravissimum commissum est prælium, armorum collisione, & gemituosâ humani sanguinis effusione tetra & miserabilis facta est diei illius facies, horribilis quoque & cruenta tota fori planities. Prævaluit tandem multitudo, & nostros in atrium retrogrado cogunt vestigio. Heu quantum sanguinis effusum fuit priùs quàm possent nostri compelli intrâ portas Monasterii! Nam qui suprâ turrim erant, omni defensionis genere hostes miserrimè procul & propè contegebant, etiam quibusdam ex Monachis, qui diù postea nobiscum vixerunt, acerrimè accinctis ad hujus defensionem necessitatis. Miserabile erat videre à fenestris turris sanctam imaginem Domini, sanctum scilicet Crucifixum pendere, & in expositum sancti Eucherii feretrum congregientem multitudinem sagittas mittere. Cumque recepti intrâ templi parietes qui fugæ aut neci superfuerant de nostris, portas clausissent, multo hostium dolore gravissimo suorum moti occisorum, speque illectâ majoris prædæ, cœpit diligentissimè explorare per gyrum Monasterii parietem, si quem ad nostros possent habere accessum, & fracto tandem muro ad austrum contrâ cryptæ introitum, necnon & per fenestras cœperunt irrumpere in Monasterium. Interea nostri timorem & sollicitudinem intùs silentio simulantes, quantos volunt de hostibus intrare permittunt, subitâque in eos factâ irruptione non tantùm trucidant, quantum super ipsa quoque altaria insilientes horribiliter immolant. Fit, proh dolor! in domo Domini cædes cruentissima, ita ut membratim concisorum hostium hac illacque plurimâ factâ congerie, visceribusque effusis forte insatiabili furentis gladii mucrone, non solum parietes & pavimenta humano aspergerentur sanguine, sed ipsa quoque altaria sancti Trudonis, & Eucherii sepulcra avullorum intestinorum heu, heu! polluerentur stercore, nec satis hoc erat huic tam miserè victæ nostrorum victoriæ; nam artus exanimis igni circumfurenti injectos hîc ibi prunarum ex incendio ferventissimus factus acervus, pestiferi nidoris profluentes sanie miserabiliter urebat.

Hocine portendebant, sancte Trudo, tua miracula quæ tantis priùs temporibus fiebant ad sepulcrum tuum, tot tam crebra, tam stupenda, tam gloriosa? Portendebant quidem, quia dum blandâ commonitione miraculorum tuorum non corrigeretur negligentia vitæ nostrorum, quin magis inconsideratè elati in luxu & desidiâ abuterentur fru-

ctu inestimabili ad altare oblationum, meruerunt tandem experiri tam terrificam, tam gemituosam sententiam in se iræ Dei judiciorum? Intellexerat hoc longè ante prudentia sagacis mentis religiosi Abbatis Guntramni, qui quando suo primùm tempore inciperent fieri hæc signa, dicebat ex auctoritate divinæ scripturæ, *Infidelibus non fidelibus signa data primum fuisse*: & quasi ad divinam commonitionem per ea signa melior factus & timidus, satagebat priùs multum de occultandis quæ fiebant suo tempore miraculis, deinde de vitæ suæ & Fratrum correctione, quam prædicabat quotidie ea miracula commonere; quod quoniam nostri noluerunt animadvertere, involuti sunt tandem hac quam descripsimus, miserrima vultus sui confusione.

Quid tandem? Totâ die pugnatum est, noctis supervenientis beneficio cessaverunt utrimque hostes. in toto oppido nostro nec minima domuncula die illâ superfuit incendio. Noctē illâ qui supererant de nostris fugâ dilabuntur, quippe qui nihil congregaverant sibi unde in Monasterio sustentarentur. Pauci qui erant in turre, & qui tantorum malorum pars fuerant, licet ambigui, necdum tamen illâ nocte recesserunt, sed missis nuntiis ad Comitem Arnulfum de Los, turrim ei tradiderunt.

Heu heu! quibus gemitibus, quibus lacrymis referam gloriosam adhuc tunc thesauri Ecclesiæ nostræ supellectilem, quæ in ea turri comportata fuerat, à reddentibus & recipientibus turrim quibus quantisque modis distracta fuerit, quo ludibrio habitata non tam viris aut matronis, quàm ipsis quoque mœchis aut mulierculis. Nudata est illa die Ecclesia nostra omni interiore suâ & exteriori gloriâ. Pauci de Monachis qui in ipsâ obsidione gravi senectâ corporis locum relinquere non poterant, miserabiliter loci faciem interiùs & interiùs aspicientes, & nihil aliud præter ruinam, nisi horribilem solitudinem, utcumque exire conantur, viamque Margueles arripientes, à nostris quoque perfidissimis, & nullo unquam Dei judicio castigatis corpiuntur, percutiuntur, spoliuntur, Episcopoque Leodiensi plectendi transmittuntur. Erant in his duo magnarum & pulcherrimarum personarum viri, litterarum artibus, & usu Ecclesiæ nostræ apprime eruditi. Alter LIEBERTUS, cujus studio multi & optimi adhuc hodie habentur in bibliothecâ nostrâ libri, & qui multa thesauro Ecclesiæ nostræ addiderat, quæ illo exterminio cum cæteris aliis quamplurimis bonis, non tam prædonum quàm nostrorum quoque manus sacrilegæ diripuerunt. Alter STEPELINUS cujus nos diù post sepulturâ interfuimus. Cæteri utcumque miserrimè evaserunt. At Episcopus illos præter nostrorum perfidissimorum spem illos impunitos abire permisit, Episcopium tamen suum interdixit.

Actâ sunt hæc octavo Idus Julii. Interea Comes ARNULPHUS de Los turrim nostri Monasterii pro præsidio habebat. Cumque in Monasterio nostro nec puer, nec juvenis, nec senex, nec quisquam Monachorum tandem remansisset, nudosque semirutosque Monasterii & Claustrii parietes solitudo cum nimio horrore nocte & die inhabitaret, erat nimis miserabile & gemituosum etiam inimicis de tam gloriosâ quondam domo faciem tam tristem, tam lugubrem, tamque horribilem aspicere; vespertinisque horis, necnon & nocturnis & matutinalibus pro dulci quondam psallentium Monachorum choro, stridores tantùm in eâ audire vespertilionum, & malè ominatos cantus ulularum. Tunc de eâ dici illud aptè nimis quidem poterat, quod Dominus per Isaiam Prophetam minatur de Babyloniâ: *Et*

Isai. 13. 19.

Thren. 2. 2.

Ibid. 3.

Ibid. 5. &  
seqq.

Cap. 1. 10.

erit, inquit, Babylon illa gloriosa in regnis, incluta in superbiâ Chaldaeorum, sicut subverit Deus Sodomam & Gomorram. Atque illud Hieremiæ: *Præcipitavit Dominus nec pepercit, omnia speciosa Jacob destruxit: destruxit in furore suo munitiones.* Et infra: *Succendit in Jacob quasi ignem flamma devorantis in gyro.* Et paulo post: *Factus est Dominus velut inimicus: præcipitavit Israël, præcipitavit omnia mœnia ejus: dissipavit munitiones ejus, & replevit in filiâ Juda humiliatum & humiliatam.* Et dissipavit quasi hortum tentorium suum, demolitus est tabernaculum suum: oblivioni tradidit Dominus in Sion festivitatem & sabbatum; & in opprobrium in indignationem furoris sui Regem & Sacerdotem. Repulit Dominus altare suum, maledixit sanctificationi suæ; tradidit in manu inimici muros turrum ejus. Et paulo superius: *Manum suam misit hostis ad omnia desiderabilia ejus.* Postem currere penè per omnem lamentationem Hieremiæ super Hierusalem, & etiam ad litteram invenire possem aptissimè convenire eam ad Ecclesiæ nostræ lamentabilem miseriam; qui enim etiam nunc hodie eam aspicit intus & foris, cum tamen multo & incredibili dolore & sumptibus pars aliqua murorum, imò multa sit refarcita, ædificiorum restructa, substantia reacquisita, Fratrum numerus major, ordo & vita eorum melior; & post cum adhuc florens staret Ecclesia videre eam potuit in pulchritudine suâ & divitiarum gloriâ, parvissimum quidem est unde consoletur suam mœstitiam, cum vix umbra sit hæc ad priorem ejus gloriâ. Sed de his satis hîc dictum est.

Igitur hac miserâ, & majore quàm sciamus dicere, hocque Monasterio in solitudinis horrore jugiter permanente, præter quod milites Comitis Arnulfi de præsidio turre præphanaticæ præsumptione frequentabant ingressum & egressum Monasterii: tandem Episcopus Leodiensis misertus miseræ loci, tam quondam gloriosi quàm nunc ignominiosi, eodem anno parum sicut ante Augustum remisit ad locum nostrum Præpositum Gerardum, illum scilicet quem superius diximus fuisse ad Abbatem electum. His enim malis super locum nostrum irruentibus, & Abbate Lanzone apud sanctum Laurentium Leodii morante, posuerat cum Episcopus apud sanctum Jacobum in eadem civitate, diligens & honorans eum tamquam virum prudentem & religiosum. Remisit igitur eum, ut dixi, ante Augustum, ut horrea construeret, fruges colligeret, & circa exustos Monasterii parietes aliquas utcumque domunculas repararet, sepulcrumque sanctorum Trudonis & Eucherii qualicumque cappellulâ circumdans repararet, ut aliqui de Fratribus redeuntes possent incipere Deo servire, & habitaculum manendi invenire. Quâ re pro tempore & loci facultate peracta, cœperunt Fratres bini & bini redire, sed illi tantum qui Luiponem execrantes Lanzonem noluerunt deserere. Lanzo autem Abbas novissimus suorum omnium rediit, decimo scilicet Calendas Martii die natalis sancti Eucherii. Et ut dixi pro tempore & loci facultate agere strenuè cœpit, nihil tamen unquam remissius agere promittens de his quæ sunt nostri Ordinis. Sed erat odibilis suprâ modum penè omnibus oppidanis, dicentibus eum causam fuisse malorum quæ acciderant eis. Tunc tandem milites Comitis Arnulfi recellerunt de præsidio turre, & oppidum nostrum cœpit licentiùs inhabitari. Interea dum hæc aliaque per plurima mala geruntur apud nos, & non tam volubili fortunæ rotâ quàm justâ in nostros vindicis Dei irâ, nihil firmum, nihil certum, nihil prosperum nostris esse permittitur. Metensis quoque Ecclesia, cujus nos membrum sumus, tan-

to aliorum fluctuum gravissimâ quatiebatur collisione, quanto magis cætera quælibet membra solet supereminere.

Itaque GUALO, quem superius diximus Episcopo Metensium HERIMANNO suppositum, videns quia nihil proficeret quinimò veraciter cognoscens quia se graviter apud homines infamasset, apud Deum condemnasset, quia scilicet illicitâ ascensione viventis adhuc patris sui cubile maculasset, pœnitentiâ ductus ad humillimam satisfactionem Herimanno venit coram omnibus majoribus & religiosioribus Episcopii; proque emendatione tam illiciti facinoris positus in Cœnobio Gorziensi sub disciplinâ, factus est custos puerorum, qui antea dicebatur Episcopus Metensium. Postea tamen vidimus eum Abbatiam suam recepisse, scilicet sancti Arnulfi Metis, compulso ad miserationem ejus Herimanno Episcopo super pœnitentiâ humillimè pœnitentis. Verumtamen Imperator Herimannum nec sic esse quietum sinebat; statim enim contrâ eum & super eum Metensibus alium figuravit Episcopum, BRUNONEM videlicet Comitis de Caluch, hominem quidem nobilem sed levissimum, inque solo mendacio gravissimum, cujus frater GODEFRIDUS postea existit Comes Palatinus. Bruno ergo per missaticos suos ea quæ apud nos habere videtur beatus Protomartyr Stephanus, sibi usurpans, frequentibus & humillimis litteris Lanzonem Abbatem ad se venire rogat, suamque invasionem hujus viri auctoritate palliare volebat; sed viri religiosi constantia nullo modo acquiescebat, solum habens eum pro suo & Metensium Episcopo, quo vivente videbat adhuc vacare sedem illam absque canonico judicio. Quid tamen faceret? Permanente itaque invasore illo, aut Abbatiam sancti Vincentii Metis, quam cum nostrâ tenebat, erat illi carendum, aut ad illum quoquo modo respiciendum. De nostrâ quoque non bonâ multum spe diutiùs præsumebat, cum illum super se irruere quotidie metueret, & plurimis oppidanorum nostrorum propter templi incendium se intolerabiliter exosum videret. Nam cum nocte ad matutinorum hymnos surgeret, procedere nunquam ad chorum audebat nisi stipatus armatorum manu, neque aliter inde egredi.

Pertæsus igitur tandem tantorum malorum, & jam quasi desperans ulterius de pace, versùs Hierosolimam cœpit ordinare peregrinationem suam: toto tamen illo anno, & usque dum Leodium veniret, ita occultè quòd nullus nostrorum omnium illud unquam potuit subintelligere. Itaque contrâ vitæ suæ propositum, & inviolatæ in eo religionis habitum, cœpit in argentum æquè & iniquè conficere quidquid per totam Abbatiam de suâ & Fratrum præbendâ potuit corradere. Inter quæ constat eum tunc gravissimo Ecclesiæ nostræ dedisse quidquid nunc de Remhrode videntur extrâ dominicalia nostra esse: qui etiam sylvas quæ Mere & Burlo pertinebant fecit extirpari, sumptum inde pretium servans suæ peregrinationi; censum verò molendini de Moisc juxta Villarium ad quinque solidos redegit, quod multis longisque reclamationibus longè post dirutum & destructum, de fortioribus quorundam manibus labor prædecessoris nostri domini Abbatis Theodorici, Gerardi tunc Præpositi nostro tandem tempore, Follardo maximè allaborante, nostra quoque sollicitudo maximis dispendiis ad dominicalia nostra retraxit, totumque ex novo reædificatum vix contrâ renitentes plurimo damno redimere potuit. Quidquid in villâ Hallei habere videmur, eodem tempore cuidam forti tyranno, scilicet EVERARDO de Nadelbet, culpatur beneficialle, sumpto ab eo mulo ipsâ perfectionis suæ die. Sic & sic multo collecto argento,



æquè ut dixi & iniquè exivit de oppido nostro, nemine quò proficisceretur hoc sciente: veniensque Leodium, in cryptâ sancti Laurentii stupentibus nobis & omnibus qui aderant, reddidit Episcopo Leodienfi curam Abbatiae nostræ & baculum; cappas tamen & casulas, & quidquid de Reliquiis thesauri nostri tulerat, per manus Præpositi sui Gerardi ad nos remisit, sed uno tantum die se reliquissè Fratribus unde viverent Præposito confessus, discessit.



#### LIBER QUARTUS.

**H**En, heu, heu Domine Deus, qui Lanzone recedente, putabamus naufragi perditis mercibus nudi saltem portum tenere, ecce videmus nos iterum in altissimum sævientis maris profundum gravi revolvi turbine. Perpauci ergo Fratres de nostris qui jam redierant (nam præmiserat suos Lanzo Abbas qui secum venerant Metis) mittunt relationem de Abbate Lanzone quomodo discesserat, petuntque humiliter primam sibi adhuc concedi electionem, saltem post tantam loci nostri desolationem. Annuit eis BRUNO, qui Herimanno suppositus post Gualonem Metis invalerat Episcopatum: mandat tamen se prius ad nos venturum. Interea Præpositus Gerardus consulit Episcopum HENRICUM de secundâ suâ electione, & Fratrum de eo unanimitate: alter namque alteri familiarissimè sibi credebatur, & quis alterum potius diligeret non facilè poterat intelligi. Dissuadet Episcopus, prætentâ sicut & superius indomabili inquietudine Fratrum; tum quia videbat Brunonem illum, à quo accepturus erat baculum, super canonicum adhucque viventem Episcopum invaluisse Episcopatum; per quem si intraret, canonicam ei benedictionem dare non posset. O Henrice, Henrice, verum quidem & pium est, per manus invaloris religiosus vir intrare non debet, sed cur non permisisti hunc intrare cum prius posset canonicè, scilicet cum Herimannus pacificè adhuc maneret in sua Sede. O quanta mala debet hodie nostra Ecclesia quæ tibi imputantur omnia, dum illum nobis prohibes promoveri, quo possent hæc & alia futura nobis mala utcumque arceri.

Itaque BRUNO paucis iterum diebus interlapsis ad nos descendit, nullum habens secum de honorabilibus Metensium; audiensque Gerardum Præpositum nolle accipere de manu suâ baculum, nullo modo eum coëgit, quin magis gavisus cuidam Fratrum nostrorum, HERIMANNO scilicet qui Calvus & Senior cognominabatur, pecuniâ gravissimâ Abbatiam vendidit. Habebat iste Herimannus germanum quemdam, virum quidem tam genere nobilem quàm prædiis à parentibus suis prædivitem, nomine Engerannum, cujus inter cætera dicitur fuisse villa de Harfasse, & furt: hic de suo proprio totum dedit, quod de venditâ Abbatia nostrâ Bruno accepit. Quod audiens factum Episcopus Henricus, indignatus de presumptione voluit Herimannum excommunicare, sed obstitit instantissima supplicatio familiaris sui & amici Præpositi Gerardi, proponentis & commonentis simili re primam desolationem Ecclesiæ nostræ sub Lanzone & Luipone accidisse; timentisque adhuc gravius quoque multum posse accidere, cum jam populus non haberet quid sicut primò perderet, & in vindictam præteritorum dolorum facillimè commoveri posset. Episcopus auditâ ratione consideratâque tempestuosorum temporum necessitate acquievit, & Herimanno neque maledixit, neque benedixit. Verum quidem ille Herimannus non satis erat ad hunc honorem idoneus, utpote in quo de

aliquibus virtutibus nihil didicimus quod dignum alicujus memoriæ videatur, neque de sæculari neque de scientiâ litterali.

Interea Bruno sævissimus quidam turbo in superextantes cinerum nostrorum favillas, quæcumque nostra & ejus apud nos erant ventilata diligentissimè, cœpit in omnem ventum dispergere: utque hîc taceam de plurimis tamquam minimis, inter cætera villas nostras vendidit viro cuidam forti & nobili Ottoni videlicet de Disle, patri Arnulfi, scilicet Gebeken, Palthealetret, Gruvali, acceptisque ab eo centum marcis, traditione quali potuit ei firmavit. Inde Aquilgrani ad Curiam profectus, ultrâ ad nos non est reversus: nam Metenses cum insolentiam ejus ferre non possent, ultatâque ejus suorumque superbiâ, Deo ita volente, provocarentur, armis tandem in eum irrucunt, & intrâ Monasterium beati Protomartyris inclusum obsederunt: sed foribus tandem super cum fractis, milites ejus hac illacque per Monasterium gladiis lanceisque confoderunt, quosdam super ipsa altaria immolantes, quosdam ipsis altariis contortis spiculis affigentes. Itaque Bruno vix elapsus, tam honore quàm nomine Episcopi ea ipsâ die penitus est privatus à Metensibus. Quid ergo misera nostra Ecclesia poterat facere? Post ignem & gladium gravius ferebat hoc damnum sibi contingere, maxime cum nemo esset, etiam si posset qui nostri misereri vellet: Mettis turbatio, Leodii super nos & nostra, Dei & hominum indignatio. Abbas quasi nullus, quippe cui neque pulchrum responsum pro aliquâ nostrâ necessitate daretur.

Accidit quoque eodem tempore ad cumulum malorum nostrorum, dum in his aliisque perturbacionibus nostris negligeretur Ecclesia nostra de Alboro ut clausa diutissimè caderet tandem judicio in manibus Episcopi Trajectensis CUNRADI gravissimi & potentissimi hominis: neque prius inde posset eximi, donec amplius quàm quadraginta libras constaret nobis: pro quali tunc necessitate venditus est calix magnus aureus multo pretiosior hac quantitate pecuniæ, auri valentissimi pondere, & mirabilium gemmarum operisque mirifici in æstimatione. In quo negotio multam fraudem audivimus fecisse nobis (sicut & sæpius fecerunt) hujus rei venditores & argenti portitores, maxime verò Presbyteros nostros, semper & usque hodie Ecclesiæ Fratrumque nostrorum insidiatores damnosos. Quid amplius? undique concluderat nos Dei indignatio, multorum hominum maximeque domesticorum compassio applicabat se nostræ miseriæ, quin ipsa nostra familia erubescat se fateri nostræ esse Ecclesiæ.

Cum his tantis malis aliisque multis quæ prætermittimus, non tam quateremur quàm funditus crueremur, tetigit Dominus Deus cor HENRICI Episcopi, non nostris meritis, sed ipius; & remiscens quanta mala nobis ac nostris accidissent in brevi suo tempore, ipsumque maximam partem inde fuisse, tactus intrinsecis cordis dolore (erat enim homo pii cordis) atque graviter se peccasse inclamans in nostram Ecclesiam, accinxit se ad succurrendum ei in quibus laborabat, & ad parcendum in quibus ulterius peccaret humanitas. Primum igitur decem marcas de proprio misit ad reparandam Ecclesiam sanctæ MARIE semper Virginis, quæ combusta fuerat tempore nostræ obsidionis. Deinde OTTONI viro illi forti & nobili, qui villas nostras à BRUNONE emerat, minaciter interdixit, ut de bonis Ecclesiæ nostræ nullo modo se intromitteret, alioquin eum excommunicaret: non enim poterat esse ratum, quod contrâ Dei & hominum leges inde fuerat factum. At ille non acquievit. Mandante ergo Episcopo nobis, Fratres & multa familia Ecclesiæ tam



militum quàm peditum cum feretro & reliquiis sancti Trudonis Hales ad eum veniunt; qui verò ad Gnebechen & alias villas nostras pertinebant, quas Otto sibi usurpaverat, nudati pedes, laneisque induti, miserabili cultu, maximoque ululatu ex alterà parte fluminis Sanctis nostris occurrerunt, ita ut etiam ipsum Episcopum compungerent ad lamentationem. Itaque cum grandi suorum nostrorumque processione introduxit Episcopus sanctos nostros in Gnebechen, celebratoque ibi in Ecclesià divino sacramento, interdixit ante altare Ottoni Episcopali auctoritate villas nostras, satisfaciens omnibus qui adstant ratione quia non posset stare illa venditio, quam fecisset non Episcopus sed fur & latro; habuitque de praesenti sermonem ad populum nuntians ibi: *Va homini illi per quem scandalum venit*: sicque nostris in pace & lætitià magnà dimissis, Episcopus ipse ibi prope ad sua pernoctaturus pertransit.

Matt. 18. 7.

At OTTO nec sic quievit; nam recedente Episcopo, ut prius illa omnia sacramento sibi mancipavit. Contigit autem Deo ita ordinante, pacis die illo illum praesumisse; quod audiens Episcopus, ut erat vir valde potens, nec minùs nobilis, indignè admodum tulit, veniensque Leodium paribus illius majoribusque sui Episcopii conquestus est acriter contemptum suum & pacis violamentum: quorum iudicio tandiù persequutus est Ottonem, ut reus adjudicatus ad satisfactionem tandem venire compelleretur, & non solum villas nostras sine ullà nostrà exstercaret redemptione, verùm Episcopo per gratiam ipsius centum marcas persolveret. Sic Deo miserante, sanctoque Trudone intercedente, Episcopo verò miro studio allaborante recepit Ecclesia nostra bona sua, & tenet usque hodie.

Interea auctore hujus mali BRUNONE ab urbe Metensi & Episcopio irremeabiliter, ut superius dixi, expulso, Herimannus Episcopus ad suam rediit sedem, non tamen adhuc satis securus propter Imperatorem. Qui mandans se citò venturum ad nos, praecepit non Herimanno à Brunone Abbati posito, sed Gerardo Praeposito, ut pararet ei servitium suum, Herimannumque nunquam adducerent ante conspectum suum. Dumque Leodium venisset, volebat ei jurare super sacramenta cum undecim secum adductis, liberis ENGERAMNUS germanus Herimanni, quòd de bonis Ecclesiae nihil datum fuisset pro fratre suo Abbate posito, sed de suo totum, nihilque ampliùs inde vellet exigere. Quod Episcopus benignè audiens, rem distulit usque in loco nostro, ubi cum venisset nullà voluit nos communione suscipere, donec absolveret nos à banno quo dicebat nos teneri pro excommunicato illo Brunone. Cumque altero die sedens in Cellà Abbate de negotiis suis strenuè ageret, prandiumque illi ingens ex damno nostro paratum interea exspectaret, inter plures oppidanorum nostrorum, qui ante eum ad placitum vocati fuerant, unus eorum ita protervo ore, indignanti supercilio praefatus est: Hicne est, viri optimi, Episcopus qui factà in Ecclesià istà & oppido nostro tantà seditione de suis Abbatibus, nostra omnia incendio fecit cremari, & parentes nostros nobis vix elapsis gladio cruento jugulari? Et ecce nunc in conspectu filiorum cum miseris incendiis nostri reliquiis contendit iudicio, cui non deberet rependi nili mors pro tanto nostro nostrorumque excidio. Subintelligens hæc verba Episcopus, rem diligentius interrogatam alto silentio dissimulat, secretaque sibi parari equum suis secretariis mandat, habentique in verba quòd foris super campum nepoti suo sc. Leodienti Episcopo deberet occurrere, Leodium statim citissimè tetendit, neque ultrà ad nos aut nostra est reversus. Excepto autem damno quod

de magnificè sibi parato servitio afflictæ Ecclesiae nostræ, duos ei Herimannus equos transmisit, pro quibus molendinum de Stades in vadio positum fuit. Sic & sic inter Episcopos & Abbates quotidie ibat in deterius Ecclesia nostra, Herimannus verò ita remansit in Abbatia.

Dum hæc & illa aguntur per annos aliquot, Luipo jamdudum sine spe auxilii ab Imperatore redierat, adhucque cum parentibus suis Lovanii hac illaque manebat, ubi gravissimè, ut visum est, infirmitate correptus; fuerunt enim qui eam simulatam fuisse dicerent, ut taliter absolvi ab Episcopo posset, & ad Claustrum suum redire, cum quasi de vità desperare videretur per parentes suos; nobiliter enim natus fuerat: hoc effecit ut absolutus ad Claustrum suum si fortè vivere posset, referretur: sed citò convaluit, & cum reverius, redeuntibus quoque Fratribus nostris, privatus manere cœpit: Reversum autem majori parte Fratres cum diutinà longaque nimis Dei animadversione extricti & emendati esse possent, obliti sunt citius praetentorum culparum suarum, & poenarum pro his subsequatarum, de vità suà, de religione magis, ut ita dicam, deteriorantes quàm emendantes; & cum experti fuissent quanta per altercationes passi essent, haberentque ex seipsis modo Praelatum per quem nullo modo gravarentur, si vivere vellent quietè, ita agere noluerunt; sed verbis & factis suis miserrimè illum quotidie affligentes, ut ranæ bacellum conculcabant. De substantià Ecclesiae penè annullatà, de combusto reedificando Monasterio, de reparandis à fundamento officinis & claustris, nulla eis aut minima cura erat; sed ventri tantum & eis quæ sunt ventris servire, portionesque grandes piscis & mensuras vini exigere. Hinc lites horis & locis incompetentibus & competentibus quotidie, hinc maledicta, hinc convitia in miserum illum Herimannum sine ullà miseratione.

Parvo interea praeterlabente tempore ambo Episcopi moriuntur, Herimannus Metensis, Henricus Leodienfis. Imperator autem in Longobardià morabatur: Sicque factum est ut quisque terræ nostræ potentium quantum vellet, usurparet sibi quæ suis adjacebant vel interjacebant partibus. Igitur Comes HENRICUS Lovaniensis, cujus defuncti frater GODEFRIDUS Comitatum tenuit, qui etiam primus Lovanensium postea Dux exstitit: iste quidem Henricus potentior tunc habebatur in nostris partibus. Et quoniam mortuo Henrico Episcopo, nulloque ei alio substituto non erat qui Ecclesiasticæ rei resistere, viribus etiam sæcularibus, neque ipse etiam Dux eum offendere auderet, Luiponem in Abbatiam nostram restituit, Fratribus ita volentibus, laicisque partim assentientibus, partim contradicere non audentibus: Sic itaque Herimannus de Abbatis honore & nomine irrecuperabiliter ejectus, in claustris nostris mansit quietus quidem, & nullum unquam inde scandalum movens: qui nobiscum tandem gravissimo languore & longo multum consumptus, atque prius in paupertate propter loci desolationem magnam, & multà angustia cruciatus, praeter ossa & nervos tensamque desuper cutem pallidam nihil habens vigoris, penè hominem vivens exutus, tandem confessus, unctus, & communicatus praesentibus nobis obiit, atque in fratrum cimiterio sepultus est. Dies verò quâ hoc Herimanno ejecto Luipo intravit, fuit translatio sanctorum Trudonis & Eucherii 3. Idus Augusti, defuncto eodem anno in diebus Pentecostes Episcopo Henrico; quâ etiam die sub Herimanno Episcopo, & Henrico supradicto Capitulum illud ante actum est, quo Fratribus nostris expulsis Lanzo Abbas S. Vincentii Me-

tis

tis apud nos quoque Abbas constitutus est. Nunc verò quidam Canonicus S. Lamberti, OLBERTUS nomine, Præpositus in eadem civitate in Monasterio sanctæ Crucis, jamdudum ad Imperatorem in Longobardiam profectus fuerat spe adipiscendi Episcopatum Leodiensem, sicut & adeptus est. Videns ergo Luipo oportunitatem temporis ad confirmandum se in Abbatiâ nostrâ, circa autumnum & ipse ad Imp. in Longobardiam profectus est.

Nemo me mordeat; nemo mihi detrahat, si veritatem loqui ipsa veritas me compellat, ipse animæ meæ terror de mendacio; ipsa Dei per sanctam Scripturam comminatio: nam *omne mendacium a diabolo est. Et, Os quod mentitur; occidit animam.* Historiographi debitum est nec assentatione, nec amore, nec odio, nec terrore à veritatis tramite declinare. Scribam ergo Deo teste sicut à multis didici, & ut veraciter exquirere à Fratribus quoque potui quierant apud nos tunc temporis, qui mecum postea inde ore ad os ista sunt loquuti. Sed quid rem prophanam verbis juvat multiplicare? Gravissimâ pecuniâ LUIPO, hoc ibi effecit apud Imperatorem, ut OLBERTUS factus Episcopus, Leodiumque reversus & consecratus; secundum jussionem Imperatoris eum consecraret in Abbatem sancti Trudonis, de quâ persolvendâ illis quibus constituerat Imperator, & aliis quibus ipsemet promiserat, multa fœda & illicita placita visa sunt, ipsâ etiam die quo inductus fuerat ut consecraretur. De quibus honestius est silere quàm loqui: hoc tantum sufficiat, & nimium sit dixisse, quia neque prius neque tunc intelligere potuimus eum secundum Deum intrasse, qui paulo post gravissimè ingemiscens de malis quæ per eum apud nos acciderant, & conscientiam suam infirmam crebris prodens suspiriis, accingere se videbatur ad diluenda peccata sua per multas elemosynas, & per suscipiendos pauperes & peregrinos, & interdum etiam leprosos lavandos, tergendos, manibusque propriis ungendos.

Acer quidem erat constansque & intrepidus ad resistendum violentiæ Advocatorum, tanquam generosè natus de libertate & familiâ Lovaniensium. Parentibus verò suis & curâ domesticâ profluus nimis & gulosis, plura victus & vestitus effundebat quàm in Fratribus, & quæ interdum tolerate non poterant Abbatiæ redditus, unde & ruricolos in precariis frequenter nimis aggravabat. Cultor tamen agrorum, & nutritor pecorum habebatur strenuus. Quædam temporalia quidem in manibus ejus prosperabantur, sed de tenendâ aut emendandâ religione pristinaque morum Fratrum qualitate neque terror, neque respectus aliquis apud eos habebatur. De reparando Monasterio & clauistro quædam incipienti illi parum succedebant; nam quod memoriâ dignum sit nihil inde egit: quartam tamen illam partem clauistri, hoc est domum tantum quæ est ad occidentem, inceptam per Lanzonem Abbatem, ipsam consummatam texit, & interiùs sursum & deorsum sine omni cultu reliquit, in quâ postea tantas fieri communicationes officinarum vidimus, ut nesciamus quo magis nomine eam appellemus.

Quodam tempore diebus messis valde æstuans, lassusque de agro reversus, cum vespere multum bibisset cum domesticis suis, multum lætatus stratoque sanus repositus, mediâ nocte inventus est membris penè omnibus in eum emortuis, ita ut neque loqui, neque movere se posset, deteriusque semper & deterius ageret, vixque ut cumque usque ad rimam vivens, diluculo tandem exspiravit, neque confellus, neque unctus, neque communicatus.

Obiit autem Calendâs Augusti vix post consecrationem suam vivens in Abbatiâ duobus annis, sepultusque est in Monasterio nostro. Quo etiam anno Præpositus Gerardus mortuus est prius confellus, unctus & communicatus; sicque in bonâ memoriâ ad patres suos in Monasterio nostro est appositus.



### LIBER QUINTUS.

CONSIDERATIO lugubris miserabilisque operis instanti pondere qui superius heri ter exclamaveram, nunc septies atque multo crebrius illud idem exclamare in alimendâ mihi materiâ opus haberem, nam quo altius provehor, terribiliores fluctus in faciem mihi consurgere video. Igitur defuncto Luipone per quem ante Abbatiâ, & in Abbatiâ navis Ecclesiæ nostræ onerosa peccatis nostris in gravissimas syrtes defluerat, & inexplata charybdis voraverat, quidquid fructus & decoris in domo Dei intus & foris apud nos fuerat; Dux Godefridus qui postea Hierosolymam profectus est, totam Abbatiâ nostram suo mancipat servitio: Necdum reparata erant templi & clauistri nostri ædificia, sed Fratres quasi in tuguriis circa exustos parietes hac illacque habitabant. Parum apud eos religionis, minusque consilii, inter quos erat quidam Herimannus nepos superius dicti Herimanni, nobiliter natus, & à puero clauistro nostro innutritus, simplexque sine prudentiâ, tacitus & patiens ad sufferendas injurias, sed obstinatus ad occultè ulciscendas, facillimus ad quodvis præsumendum, sed pertinacissimus ad non dimittendum, deliberari scientiâ insulfus, usu Ecclesiæ nostræ tantum exercitatus. Hic laicorum suggestionibus corruptus, & partim eorum qui propter Luiponem turrim olim occupaverant, ex dono Ducis GODEFRIDI superius dicti providentiam invadit Abbatiæ nostræ, sperans sic tandem ipsum & nomen & fructum obtinere posse.

Huic damno Fratres vehementissimè reclamabant, tum quia ad talem curam eum inutilem esse omnino sciebant, tum quia metuebant, ut evenit, de promissâ ab eo Duci pecuniâ, pro eo dono totam vastandam Abbatiâ. Vicit tamen dulcis violentia, corrasque est illi modo hinc, modo illinc cum maximo damno Ecclesiæ gravis nimis pecunia: nam soli nostri homines de Testrebant usque ad sexaginta marcas inde persolventes, mendicare tandem compulsi sunt, qui prius fuerant divites. Quid singula enumerem? undecumque fuerit corrasa, centum marcas nescio quantum excessit summa. Sic & sic, & sic & sic pauci etiam qui apud nos tunc erant Fratres summâ vivebant inopiâ, nudi turpiter & famelici intolerabiliter. Quidam verò ab intrantibus Monasterium, ut ipsos ore proprio audivi, conferre stipem interdum petebant, aliqui eorum qui à parentibus suis, cognatis & amicis aliquid accipiebant, inde aliquamdiu tenuiter nimis victitabant, aliqui si quid in libris aut vestimentis haberent quo patientius carere possent, vendentes, panem inde emebant.

Herimannus autem laicorum consiliis similiter addictus, eorum etiam qui habebantur de stultioribus nunc apud Episcopum Olbertum, qui Henrico successerat Leodii, nunc apud Archidiaconos, cæterosque aulicos promittendo, dando, mentiundo voces Fratrum pro necessitatibus suis clamentium ad effectum aliquem pervenire non sinebat. Audiens autem quia prævalente apud Imperatorem Ecclesiâ

Herimanno Poppo successerat, magno laicorum stipatus agmine, sed nullo omnino de Fratribus nostris sibi comitante, ad eum tetendit, & quibuscumque pravis modis solet illud fieri, donum ab eo Abbatiae ambire cepit. Aderant ibi aliqui de nostris Fratribus missi à ceteris, legationemque Ecclesiae nostrae, necnon & Leodiensi Episcopo canonicam offerebant; simulque & Trevirenses litteras, quibus Herimannum inter minas quidem & verbera, direptionemque caballorum suorum & vestimentorum, quoddam Abbatiam sibi non debere dari constantissime rationabiliterque confutabant. Sed quid? praevaluit pecunia, praevaluit adversus Fratres laicorum malitia. Data est Herimanno hac auctoritate Abbatia. Fratres inde reversi; laceri, spoliati, & pedites per tam longum perque tam difficile iter, rem per ordinem Ecclesiae beati Lamberti, Episcopoque lacrymabiliter conquesti sunt, & damna Ecclesiae quae nunc eam pressuram metuebant, suique victus & vestitus extremam inopiam. Victi tandem sui contemptu, & nostrorum miseriam etiam illi quos transversos aliquando agebat Herimanni pecunia, accedunt Episcopum ut ad audientiam faciat venire Monachos & Herimannum. Vocatur semel & iterum ac tertio Herimannus, tandemque venire nolens canonicam persecutione excommunicatur & damnatur. At veritus Episcopum ne sicut disponebat, manu militari ejiceret eum, oppidum nostrum exivit, & apud villam nostram Hales aliquamdiu multo damno Ecclesiae commoratus, transivit ad Comitum de Lemburg, HENRICUM nomine; majorem tunc temporis Advocatum Ecclesiae nostrae: sperabat enim eum se posse recuperare quandoque Abbatiam, aut se afflicturum eam, sicut fecit frequentibus damnis & multis irruptionibus.

Interea necdum cessante dissidio, quod erat inter Metensem Episcopum & Imperatorem Henricum, Imperator partem illam dominicalem, quam Metensis Episcopus apud nos habere videbatur, tradidi in beneficio Comiti ARNULFO de Los: quod indigne ferens HENRICUS Comes de Lemburg, quoniam major apud nos erat Advocatus, introivit oppidum nostrum cum aliquantis equitibus, usurpans sibi quod Comes Arnulfus in eo habere videbatur. Adduxerat etiam secum tunc Herimannum, ut in Abbatia vi restitueret eum. At Fratres tantam unanimi- tate & constantiam spreverunt eum, ut neque signum facere, nec divinum officium facere vellent, quamdiu eum sciebant intra septa Monasterii nostri aut atrii esse. Terroribus, minis, blanditiis per homines Henrici Comitis frequenter pulsati, nullo modo movebantur. Ille vero interim in angulo unius nostri spicarii, ad quem accedentes fautores ejus homines levissimi, & nullius boni inter nostros testimonii sive consilii animabant eum ad perseverandum in proposito, & contra Henricum etiam convitiis inflammabant ad vindicandum terribiliter in nos contemptum suum de Abbate suo. Interea Comes Arnulfus collecta suorum ingenti multitudine, Comitem Henricum aut in oppido nostro occidisset; aut dedecorose ejecisset, nisi orantem ita suppliciter per nuntios suos Comes GODEFRIDUS de Lovanio, qui postea Dux exstitit, interponendo se illum eripuisset, cujus conductu sanus evadens abduxit quoque secum Abbatem: statimque apud nos & signum horae tertiae sonuit, & divinum officium quod propter eum dimittebatur, fieri cepit.

Utraque ergo repulsam Comes HENRICUS gravissimè effatus, Herimanno apud se collocato, quaecumque de nostris poterat invadit, dissipat, affligit, suisque ut similiter faciant precipiendo praecipit.

Quis referre totum queat quibus quantisque malis distracta tunc temporibus bona Ecclesiae nostrae, aut prorsus in perpetuum sunt nobis sublata, aut nimiam longaque afflictione nobis penè amplius inutilia reddita? Nam Dux GODEFRIDUS qui postea Rex Hierosolymorum ibidem obiit, nostra sibi quaeque erant in Hasbaniâ in Testrebant servire ad libitum faciebat; Comes Henricus, quae erant circa & ultra Mosam, & in Ripuaria & circa Rhenum; Comes HENRICUS Palatinus, quae habere videmur super Mosellam. Ab illa die invasam nobis Ecclesiam de Fonce non longè à Metensi urbe, nunquam postea rehabeere potuimus, quae adhuc Lanzonis Abbatibus tempore, & longè post adhuc ut nostra possidebatur. Praeterea villici nostri, & quidam de beneficiatis hominibus Ecclesiae nostrae quidquid eis placuit, quidquid melius eis tunc visum fuit suis attraxerunt villicationibus, suisque feudis; nobis modò volentibus ea recipere afferentes jura sua fuisse antiqua, legalique beneficii aut villicationis possessione. Ulli ergo mirum sit si in gloria & divitiis attenuati hodie humiliter vivimus, cum magis mirandum diligenter attendentibus possit videri quomodo inter tot loci nostri desolationes vel tantum relictum est, quia congregatio apud nos esse & Abbatia appellari possit. Itaque paucissimi tunc temporis apud nos Fratres remanserant, nullus apud eos ordo, nulla religio, ut potè qui victus & vestitus necessitate afflictus fame & frigore penè interibant, & qui neque claustrales officinas habebant quibus suas necessitates occultarent: tantaque fuerat miseria, tanta desolatio, tanta rerum distractio, ut desperantes plerique vel ipsum nomen Abbatiae loco posse remanere, latagere viderentur ut Clericorum praepositura fieret, & sex aut septem sub se Clericos haberent.

Inter hæc & cætera innumerabilia mala cum penè annullata esset nobilissima illa & famosa quondam Abbatia nostra, tandem misratio divina tetigit corda Leodiensium, habitoque simul frequenticolloquio, ceperunt viscerabiliter tractare quomodo desolatæ, & penè annihilatæ Abbatiae subvenire possent. Sed quoniam temporale bonum nostrum ad Metenses pertinet, curaque animarum tantum ad Leodienses erat, aliqui inter eos, ut plerumque fit, qui ad subveniendum nobis non multum erant attenti, dicentes hoc tantum ad eos pertinere cui debebatur annualis redditus nostrae Ecclesiae, Leodiensesque non debere nobis Abbatem donare, sed tantum ordinare: è contra sapientiores & religiosi asseriebant canonicè hoc posse facere Leodiensem Ecclesiam, utque cura animarum & consecratio Abbatis ad eam pertinebat, & Metensis Ecclesiae nobis subvenire non poterat propter tribulationem suam, Leodiensis Ecclesia Abbatem Ecclesiae curæ suae provideret atque ordinaret, ita ut nihil ex his quae debebat Metensi detraheret: non enim esset leve ferendum tantum locum, tantum nomen, tantum quondam honorem negligentiam Metensium annullandum esse ab Ecclesia Leodiensium.

Quærebatur ergo diligentissime si quis superesset de filiis nostrae Ecclesiae, cui idoneè committi posset cura subveniendi matri suae. Aiunt Fratres nostri, necnon Clerici & laici qui eam cognoverant, quia Gandæ in Monasterio S. Petri moraretur unus de nostris Fratribus, nomine THEODERICUS, qui à loco nostro recesserat sub contentione Abbatum Lanzonis & Luiponis. Hic si posset extrahi inde idoneus illis videtur ad regendam Abbatiam, quoniam theutonicæ & gualicana lingua expeditus, liberalibus artibus egregiè eruditus, in prosa & versu nulli esset suo tempore secundus, dulci & altissima sonorus

vocalitate, brevis sed pulchra persona, mediâque ætate, qui etiam Fratrum suorum infirmitatibus melius sciret compati tamquam à puero illis connutritus, & qui viderat & audierat mala quæ passi erant in suis tribulationibus. Quid plura? Gavissus est inde Episcopus **OLBERTUS**, & Ecclesia Leodien-  
sis.

Abbas eligi-  
tur Theode-  
ricus.

Electum igitur à Fratribus eum necnon Clericis & laicis, vix tandem de cœnobio S. Petri Gandæ litteris & missaticis suis abstrahit, & ducit eum Aquisgrani, facit eum accipere donum Abbatiae nostræ de manu Imperatoris, sicut mos erat tunc temporis. Hoc idcirco per manum illius factum est, quia Imperator quidquid beatus Protomartyr in partibus nostris habere videtur, suo juri mancipaverat, propter Popponem Episcopum Metensem, qui Episcopatum absque dono & consensu Imperatoris obtinebat. Adhuc enim Imperator hoc in toto regno suo jure antiquo possidebat, ut absque dono ejus nullus in eo constitueretur Episcopus. Nunc autem quia, ut dixi, Poppo absque dono & voluntate Imperatoris Episcopatum Metensem intraverat, & hac de causâ Imperator quæ sunt apud nos Protomartyris, suo juri mancipaverat, necessitas hoc fecit, ut de manu Imperatoris baculum de Abbatia nostrâ reciperet, ne longâ inter Imperatorem & Episcopum decertatione locus noster miserabiliter desolatus intererit. Quamdiù ergo Aquisgrani erat, cuncti illac & moranti ibi Episcopus obsonium illi dabat, quique suis expensis reducens eum Leodium tamdiù ibi secum tenuit donec ordinatum ad Abbatem per semetipsum ad nos adduceret, & loco Abbatis posito, Fratribusque & populo commendato, omnibus diebus vitæ suæ consilium & auxilium suum ei in auribus omnium præsto fore promitteret, dummodo strenuè agens de loci recuperatione propter nimiam ejus desolationem non desperaret. Datus est ei baculus 3. Calendas Februarii Aquisgrani, consecratus est in Abbatem & Sacerdotem Nonas Martii Leodii, anno ab Incarnatione Domini millesimo nonagesimo nono.



### L I B E R S E X T U S.

**P**ost varias Abbatum commutationes, post obitum Abbatis Adelardi II. ut retulimus, certam annorum seriem propter violentias eorum, & frequentes ejectiones & regressiones singulorum nequaquam tenere potuimus. Nam ibi nullus legitimus ordo succedentium sibi Abbatum servabatur, sed quàm citiùs quisque poterat æmulum suum ejiciebat, isteque quàm minùs poterat illum præesse sinebat, observari faciliè certus annorum numerus non potuit, de singulis maximè: etiam si posset cum familiari semper nostris negligentia nemo erat qui operam impenderet. Superius igitur repetens, ab obitu scilicet Adelardi secundi usque ad introitum Abbatis Theoderici in Abbatiam annos continuabo, & quod aliorum interpositorum schisma dirupit, per duos istos renodare studebo, notatis ex obitu alterius & alterius introitu annis Incarnationis Domini. Abbas Adelardus secundus obiit anno **MLXXXII**. Incarnationis Domini: Abbas Theodericus intravit Abbatiam anno **MXCIX**. ejusdem Incarnat. fuerunt igitur ab obitu Adelardi secundi usque ad introitum in Abbatiam Theoderici Abbatis **XVII**. anni, quos inter se compleverunt, iste plus, ille minùs, Lanzo, Luipo, Herimannus & alter Herimannus de Abbatia conten-

Tom. I.

ientes, & nullum certum tempus invicem habere permittentes.

Anno igitur ab Incarnatione Domini **MXCIX**. post longas & diurnas mortes quibus à domno Abbate Adelardo secundo usque ad ea tempora de Ecclesiâ sancti Trudonis omnis vicinia desperaverat, quidam **THEODERICUS** ejusdem loci antea nutritus ad eandem Ecclesiam regendam à domno **OLBERTO** Episcopo & primis Leodensium, tertiis jam missis litteris à Flandriâ Monasterio sancti Gandæ tandem est revocatus, nescio magis an coactus, & Nonas Martii Presbyter & Abbas loci nostri consecratus. Quantam desolationem intus & foris invenerit, crede omni mihi qui hæc legis, quia nullâ vi ingenii possum exprimere, nullâque facultate exponere sicut veritas se habuit: nam de toto Monasterio præter turrin nihil tectum habebatur, quin interioribus parietibus collapsis exteriores vastissimè patebant, continentes in medio vilissimam capellam super sanctorum Trudonis & Eucherii sepulcrum. Nostri autem post combustionem templi, cum sanctuarium stante adhuc firmissimè muro fortissimo facili sumptu possent cooperuisse, totum potius funditus diruerant, & majus stultâ temeritate orditum volutâ jam cryptâ usque ad fenestras cancelli illud produxerant. Ad quod opus ferventissimè accinctus domnus Abbas Theodericus, brevi tempore quidquid etiam superius à fenestris cancelli pulcherrimo opere consummavit, duobusque pilariis cum superstantibus illis parietibus juxta chorum ædificatis, totam illam partem Monasterii quæ est ab arcu super sepulcrum S. Trudonis ad partem Orientis cæmento plasmavit, calce dealbavit, fenestris vitreis decoravit, cælaturâ continuavit, tectamque superius pavimento linivit inferius, similiter & cryptam quam volutam tantum invenit, cæteris omnibus quæ deerant consummavit, atque in honore beati Protomartyris Stephani principale in eâ altare dedicari fecit.

Anno Domini millesimo centesimo secundo dedicata est crypta nostra à domino **OLBERTO** Episcopo Leodiensi ad instantiam domni Theoderici, qui de vilissimâ capellâ suprâ sepulcra beatorum Trudonis & Eucherii introduxit nos in eam cryptam Cantardi, quæ dies visâ est nobis & fuit immensæ lætitiæ, cum in eâ jam inciperemus secundum ordinem & orationes facere, & in choro stare, & ad altare procedere, quod nullo modo poterant prius Fratres per multos annos in angustia capellæ. Nam ab eâ die quâ vetus Monasterium dirutum fuerat, & novum combustum atque discissum, inter cæteras desolationes & calamitates quas Fratribus accidisse superius retulimus, ordo & disciplina prorsus abolita fuerant, maximè loci positurâ deficiente in quâ teneri possent. Quæsitus est unus de antiquioribus Fratribus vix præ senectute seipsum valens regere, Custos puerorum, qui stante adhuc veteri Monasterio viderat disciplinam eorum & ordinem Fratrum. Itaque paulatim cœperunt reviviscere quæ erant Religionis, & frequenti in Capitulo collatione abundantius proficere.

Postquàm verò eduxit nos de cryptâ in chorum pulcherrimum, & in partem illam Monasterii quam partim ædificaverat, partim reformaverat, & sepulcro beatorum Trudonis & Eucherii usque in finem operis versus Orientem, cum augmento lætitiæ cœpit & religio augmentari, & Fratrum numerus aliquantulum crescere. Hoc autem vehementissimè impediēbat, quia officinas claustrii Fratres paucissimas atque illas vilissimas habebant, partibus illis quæ sunt ad orientem & aquilonem non habentibus nisi tantum sepem nudam & vilissimam, quæ non modò hominibus, sed & canibus & por-

QQq ij

1102.



cis indifferentet pervia erat. Pars illa claustrum in qua sedentes Fratres ad lectionem, Conventum suum silendo vel legendo modo tenent, medio intertextu pariete tantum coopertura habebat, sub qua Fratres Capitulum suum faciebant, dimidiumque superextantis dimidium necdum coopertum, ex varia aeris intemperie Fratribus ibi sedere volentibus multam molestiam tam aestate quam hyeme faciebat. Refectorium Fratrum ac dormitorium domus illa una erat, quae ad occidentem pars quarta claustrum esse debebat, intertextu nihilominus pariete habens subitus scholam puerorum, cellarium, domum infirmorum.

Sed ut superius dixi, sine aliquo cultu erant omnia, tectura nulla ante officinarum istarum ostia, jubeque intus hyeme, & molestia grandis intus pluviae, nivis, grandinis, & boreae, nihilque obstaculi quo prohiberetur quodvis animal accedere. Domus infirmorum neque die habebat ignem, neque nocte lumen, nisi Fratres in ea jacentes, undecumque sibi interdum etiam ex victu & vestitu suo ea sibi procurarent: sed neque in dormitorio lumen erat, Fratribus tota nocte in tenebris manentibus, & per tenebras ad matutinos euntibus; quod quidem erat gravissimum eis, quia de illa parte domus in qua dormiebant oportebat eos per tenebras transire partem aliam, in qua resiciebant, atque inde exeuntes sub tectura partim lignea, partim straminea, utraque vero semirutae juxta murum Monasterio palmando, frequenterque ruendo aut offendendo ire omni nocte ad Matutinos, & de Matutinis similiter per tenebras redire. Infra Matutinos si quis Fratrum aut puerorum volebat aliquando exire ad necessaria naturae, dum timebat tenebrarum horrorem, magnam interdum sustinebat naturalis necessitatis injuriam. Hyemali tempore lecta Fratrum aspergebantur nive densissima, surgentesque ad Matutinos sicut se albicantes nive super vestimenta sua inveniebant, ita & revertentes tota lectisternia sua. Propter quorumlibet accedere voluntium importunitatem, nihil tutè servare poterant de lectisterniis suis in dormitorio, nihilque de his quibus serviebatur mensa eorum in refectorio, quae necessitate habebant, qui habere poterant pro lectis ligneis arcas seratas, in quibus surgentes lectisternia sua obfirmabant: qui vero habere non poterant, frequentes molestias de vestimentis suis à Fratribus sustinebant. In refectorio autem post se in muro fenestras diligenter seratas habebant, recondentes in eis mappulas suas, cultellos, scyphos, & quae supererant eis de mensa, quia non habebant quibus necessitatibus suis succurrerent, nisi ex ea substantia quae aut supererat, aut quam ori suo subtraherent. Ad eleemosynam nihil inde aut permodicum dabatur.

Transitus tritus utriusque sexus erat. Plurimum vero ad Missas mane per eum locum quem tunc appellabamus, & nunc habemus conventum, & frequens in eo cum Fratribus fabulosumque laicorum & Clericorum usque ad noctem colloquium. Si qua potens persona, ut frequentissimè atheniensis, hospitari apud nos voluisset, Fratribus haec illacque miserè panem suum manducantibus, ipsa in refectorio ad mensam Fratrum discumberebat, aut si purior clementiorque aer, in medio prati: milites usque ad ostium refectorii sive ad medium Conventus equitantes, ibi descendebant, nullamque reverentiam non dicam Monachis, sed ipsis quoque Sanctis loci exhibere usque ad noctis medium curabant. Testor Deum quia dignè non possum os meum stylumque miseriae applicare, quo tantam majoremque miseriam Fratrum secundum quod audivimus, maximam

que ex parte ipse vidi, fideliter valeam referre.

Vir autem bonus, scilicet dominus Abbas THEODERICUS, noviter hanc Hierosolymiticam nescio magis an Babylonicam desolationem ingressus, cum omnia simul corruiße invenisset, omnia simul & de repente non poterat erigere; verum ut superius retuli ad Monasterium reparandum & animo incendebatur, & studio infatigabili accingebatur. Quidum facundi oris gratia concionaretur diebus Paschae, sive Pentecostes in Ecclesia Beatae MARIAE ad populum, frequenter eis eliciebat decem aut duodecim plusve minusve marcarum ad Monasterii reparandi auxilium, ubi occupatus, minus intendebat ad claustrum. Tamen quantocius potuit in domo infirmorum, in dormitorio, in cella Abbatis, in crypta ante altare beati Protomartyris lumen constituit de Ecclesia de Corbece, disponendum per manus Custodis Ecclesiae, de marca & dimidia census ejus constituens Custodi marcam ad luminare, Praeposito vero dimidiam ad praebendam Fratrum: quae prius non persolvebat, nisi quinque tantum solidos. Similiter de censu Ecclesiae de Stades constituit Custodi quinque solidos ad luminare, quod amplius non pertolvit. Eleemosynae pauperum prorsus abolitæ sex quotidie constituit siligineos panes dandos de decima de Brustiniâ, quam redemit politam in radio pro decem maris. Molendinum de Moisc cum auferre prorsus non posset viro potenti, qui dicebat se illud acquisivisse pro censu quinque solidorum singulis annis, & quod plus valebat accepisse in beneficio de manu Abbatis Lanzonis, multis sumptibus, multis laboribus eo perduxit, ut ferro inde sublato paulatim decidendo avelleretur, & praeter aquam & ripam nec vestigium molendini ibi relinqueretur. Quod usque ad nos ita permansit. Alia plura molendina redemit, quae gravissimam pecuniam invadita aut beneficiata dicebat sibi fraus malignorum feneratorum.

Ad Missae suae ornamentum reponendum scrinio la duo tali operi convenientia fecit, suoque studio amictum magno aurifrigio & longo ornatum, albamque laqueum à colli aurifrigio tactum, & nodum unde assegebatur ex auro, & margaritae pulchrae habentem compactum in eis acquisivit. Similiter & cingulos duos, unum de nigro bonoque pallio latum satis, aurifrigio latitudinis trium digitorum in fine decoratum, alium de pallio varii coloris valde bonum à nodo ante ventrem cingentis cum filis aureis usque ad summitatem, operose multam crasseque undique contextum. Sed & Balteum, & calicem cum patena argenteum intus, & circa oras deauratum, pixidem argenteam similiter & argenteam acerram, vasque argenteum ad vinum trium firtonum pondus habens: turibulum quoque de cupro deauratum, catenulas argenteas habens; pelliculam simulacro bestiolae caudatam de cupro factam ad suspiciendam aquam manuum lavandarum, intus habentem imaginiolas argenteas fusili opere caelatas, tresque tuellas, unam sternendam super altare, aliam sub libro, tertiam ad tergendas manus. Crucem quoque eum crucifixo, & pede quatuor Evangelistarum imaginibus operoso; utrumque de cupro sed deauratum. Columbam etiam cupream, auro tamen superius argenteoque variatam, continentem aquam ad opus manuum. Casulam de nigro pallio circa collum, & à collo usque ad pedes ante ventrem aurifrigio lato ornatam: cappam similiter de nigro pallio penè eodem circa collum, & super cristam capitii aurifrigio ornatam, ante pectus habentem plusquam palmam unius longitudinis aequa longitudine & latitudine aurifrigium, neque tantum aurifrigium quam rem filis aureis desuper solidissime contextam, in medio



habentem gemmulam bullulâ circumclusam. Hæc omnia ad officium Millæ suæ, & ad ornamentum Ecclesiæ proprio studio & novo acquisivit. Redemit quoque cappam unam albi pallii valde bonam, turibulum quoque argenteum appendens septem marcas, quod cum postea præstitisset Archidiacono cuidam nomine Alexandro, cum pallio uno optimo, quod ipse quoque emerat, & calice argenteo, nunquam rehabetere potuit, quæ ita usque hodie nostra Ecclesia perdidit. Pallium quoque unum quod sufficit ad majus altare cooperiendum, emit totum novum, & de spisso pallio purpurei coloris palentis tamen in grandiusculis rotis imaginibus bestiarum variatum. Hoc hodie quoque penes nos est.

Fratres quos invenit benignè fovit, & quot & quos potuit addidit, multa perpessus ab his quos necessitate minoris sibi numeri de aliis claustris exeuntes suscipere cogebatur, invehentibus in illum frequenter malignè semper loquacibus nostris oppidanis, quod tantæ fructum Abbatiae octo aut decem tantum Fratres consumerent, non attendentibus, neque veteri malitiâ cæcitatibus suæ considerare volentibus, ad quantum paupertatem devolvissent Abbatiam furor mobilitatis eorum, & contentio inter se Abbatum factione eorum, & quanta consummanda essent in reparando Monasterio, claustro & appenditiis eorum. Hac, inquam, malè loquacium & malignè detrahentium necessitate compulsus, cum plures de suis Fratres non haberet, & aliunde venientes Monachos ignotos suspiceret, multa & damna & injurias sustinuit frequenter, talibus nullum ordinem servare volentibus, & cum de nuditate suâ revestiti, & de famelitate suâ refocillati essent, aut molestissimè nobiscum commanentibus, aut cum damno & injuriâ & detractioe nostri tandem à nobis effugientibus. Vidi ipse intrâ quinque aut sex annos de talibus XVII. à nobis recessisse, revestitos apud nos à plantâ pedis usque ad verticem integrâ veste. Studium & laborem ejus circa emendandam Ecclesiam nostram intus & foris, & quantum sub eo profecerit, longissimum esset enarrare, cum tamen nunquam defuissent interim ei tribulationes & persecutiones ab eis, de quibus aliquid hîc modo volo referre.

Primo tempore introitus ejus in Abbatiam gravissimus persecutor fuit ei Comes GISLEBERTUS de Duram. Advocatus noster, quem nunquam potuit placare nisi damnosa Ecclesiæ pecunia pro eo intercurreret. Præterea HENRICUS de Lemburg major noster Advocatus supradictum illum Herimannum, qui per violentiam non potens Abbatiam nostram quam invaserat tenere, ad eum patrocini causâ confugerat, frequenter super domnum Abbatem Theodericum in oppidum, & usque in cellam Abbatis introducebat, volens libentissimè in Abbatia eum confirmare, si & Fratrum consensum inde prius habere potuisset, & fidelibus Ecclesiæ fidelitatem extorquere suo Herimanno. Sed Fratribus constantissimè illi pro domno Abbate Theoderico in faciem resistentibus, atque adeo ex auctoritate Leodiensis Episcopi, ut quamdiù Herimannus aut in cellâ Abbatis, aut quoquam in toto oppido nostro esset, divinum officium in Ecclesiâ nostrâ non fieret, & nulla campana sonaret, cum multâ tandem confusione, & in nos & nostrâ indignatione recedebat, suumque iterum Herimannum in malum nostrum recipiens custodiebat. O JESU bone, quando totum dicerem, aut quomodo totum dicere possem malum & damnum, quod per hos duos sustinuit Ecclesia nostra?

Accidit interea turbato vehementissimè Regno & Sacerdotio, ut HENRICUS tertius Romanorum

Imperator Augustus traditis filio æquè Henrico vocato Imperialibus insignibus, abjectusque à regno iterum regnare moliretur, cujus maxima spes tunc temporis esse videbatur iste Henricus Comes de Lemburg, Duc modico jam ante creatus. Quæ res propè exterminium debuit esse Ecclesiæ nostræ, quia cum tunc temporis non tam dux quàm Rex esse videretur, ut pote qui Regis erat factus patronus, non erat Rex, non erat Episcopus, non amicorum quispiam qui auderet nos contrâ tantum tyrannum juvare, maxime pravißimis quibusdam de oppidanis nostris, & hominibus de factione Luiponis & Herimannorum factioniosissimis, ad hoc quotidie illum instigantibus, & in fornacem ardentissimam illius malæ suggestionis suæ oleum, picem, relinam, & omnia instigatorum fomenta congerentibus, ut suum Herimannum in Abbatiam nostram restitueret, & Theodericum ejiceret: modo utilissimum tempus adesse, in quo hoc liberrimè facere posset, faceretque eum benedici, cum non auderet unquam Episcopus contradicere ei quem & introduxit; sed Fratres non amplius quàm antea inflectere ad suam voluntatem potuit. Relicto tamen eo cum custodibus sibi familiaribus in cellâ Abbatis, abiit, multâ vastatione factâ in curiâ nostrâ, & in claustro de rebus victui & vestitui nostro præparatis.

Interim domnus Abbas THEODERICUS secesserat ad Castellum Comitis GISLEBERTI Duram, timens sibi si tyrannum illum exspectasset, de vitâ: quo unâ parte oppidum nostrum egrediente, ipse aliâ ingressus est. Testor Deum omnipotem quia nisi oculis vidissem, & præ magnitudine lætitiæ gemitum eorum, querelosaque suspiria auribus hausissem, non facile mihi, sed neque ipsi cui fiebat posset persuaderi tantus affectus, tanta erga eum populi devotio sexûs utriusque diversæ ætatis. Ipse è converso quàm acclivi vultu, quàm modesto ore humiliari, quàm profusis lacrymis, quàm humectis genis totâ facie irrorari. Flebant illi præ nimia quâ in eum ardebant charitate, flebat ipse præ maximâ quâ seipsum metiebatur humilitate. Tam triumphali applausu, tam favorabili populi devotione exceptus, usque ad cellâ suâ januam est perductus. At illi interius eum observaverant, & strepitu indignatione populi perculsi, nihil sibi certius quàm eorum perfodi gladiis exspectabant, quâ observatione populo magis magisque iram indignationemque concitato, cum tamen quidam dubitare viderentur, utrumve vi in eum irruerent, quidam verò ad irruptionem cum clamore se accingerent, unus eorum, cujus sapientiæ & consilio totum inniti videbatur oppidum, vultu flammeo & ore grandifono prorupit in medium: Eia, inquit, eia viri, si tamen viri, quid hîc tam ignaviter excubatis? quid ad postes hujus domicilii observatis, cur statim fracto repagulo, vultu ipsi postibus radicatis evulsis aperto ostio, micante gladio non irrumpitis? Quasi non voluntate neque judicio Dei, sed fortuitu hîc conclusi teneantur rei illi, & gladiis nostris hodie decapitandi, quorum venenata delatione, pestilenti consilio, domus vestræ damnofo olim flagrant incendio, matres legitimo destitutæ sunt conjugio, nepotes vestri sine parentibus, vos ipsi heu heu! sine liberis estis hodie & nepotibus; & ecce nunc iterum ad nostram & nominis generisque nostri ignominiam in oculos nostros importuni contumaces, ignobiles lenones se ingerunt, ut quorum patres, filios, fratres, nepotes, amicos & servos peremerunt, quosque igne & rapinâ, de divitiis in inopiam, de gloriâ in ignominiam truserunt, eorum nunc dominum inermes, ignavi, pauci, scelerati ejiciunt, ut quæ ferro flammæque eorum cum periculo capitum eripuimus, libidinis de-

Quas passus est persecutiones Abbas Theodericus refertur.

Henricus III. Imper.

QQ99 iii

glutiant, seditionem, intestinum bellum in oppido nostro plectendi parricidae ut olim, ut sæpius, nunc etiam commoveant. Si viri essemus filii virorum, numquid hæc in capita eorum nunc de præsentis non redundarent?

Talia Gontramnus: erat hic Gontramnus servus Ecclesiæ nostræ, homo gratissimæ grandisque facundia, staturâ procerus, grossitudine corporis ejus decentissimè respondente proceritati, acerrimus in bello, audax animo, prudens consilio, formosus tam venusto corpore quàm pleno vultu & elegantissimâ facie. Hunc talem, qualis apud nos de nostris nemo surget ampliùs, Oppidani nostri flagrant in eum odio maligno & iniquissimâ invidiâ, pro probitate ejus, casu volantis sagittæ in frontem ejus incerto auctore occiderunt, dum quâdam die prodicione ejus sic tandem patefactâ adversus eum sic nec opinantem confurrexissent armati; quem si casus eo minùs se gladio defendere non vetuisset, ô quot quantamque dedisset stragem antequàm occumbere posset. Sepultus jacet inter turrim & ostium quod aperitur versùs cœmeterium Fratrum & meridiem, juxtâ murum statim ut exitur de ostio ad dexteram manum.

Hoc tali viro ita, ut superiùs dixi, perorante ad populum, statim versus in furorem præteritorum malorum recollectione populus, & tamquam ursus cruentis prægustatis carnibus in eos efferatus, stricto mucrone in eos conclamat ostia confringere, postes evellere pertentat, ut omnes tam Monachos quàm milites, minores quàm majores in ore gladii interficiat. Sed statim pietas & benignitas domini Abbatis Theoderici perituris scelestis tutissimum scutum se opposuit, vehementerque inclamans Gisleberti Comiti, necnon singulos eorum proprio ex nomine revocans, vix tandem ne in functos illos irruerent multis precibus obtinuit: quibus sedatis, hoc modo Fratres suos ante populum alloqui cœpit: Abiit à me, Fratres carissimi, abiit inquam, dulcissimi filii, hoc peccatum in Domino, hoc scandalum in populo, ut regressus meus ad vos, & pia in me vestra populique devotio maculetur, obfuscat sanguine cujusvis aut homicidio. Non his armis decertandum nobis, non hoc gladio trucidandus est impius hostis: cujus nos sumus milites, ipsæ armatura nostra Christus est. Hujus signifer beatus Paulus suis ita conclamat commilitonibus: *Stare, inquit, præcincti lumbos vestros in veritate, & induite lorica[m] justitiæ; & calcate pedes in præparationem Evangelii pacis. Super omnia accipientes scutum fidei, in quo possitis universa tela maligni ignita exstinguere; & galeam salutis accipite, & gladium spiritus, quod est verbum Dei.* His armis ad similitudinem boni Regis David muniti, hunc superbissimum spurium & incircumcisum fiducialiter poterimus aggredi, ut cum tantus blasphemus percussus in fronte, & in corporis parte vulneratus, in quâ præsumptor Sacerdotii Ozias leprâ incanduit, leprâ corruerit, capite ei proprio mucrone truncato, armisque omnibus expoliato confiteamur Domino quoniam in sæculum misericordia ejus. Qui facit mirabilia magna solus. Atque iterum cum nostro David dicamus: *Benedictus Dominus Deus meus qui docet manus meas ad prælium, & digitos meos ad bellum. Misericordia mea & refugium meum; susceptor meus & liberator meus.* Hæc cum dixisset, populus ad propria rediit; ipse verò nobiscum in claustrum habitavit. Qui autem conclusi erant in cellâ Abbatis, ne à nostris qui turrim eis præripuerant deberent interfici, nocte illâ penè omnes effugerunt, & præter unum qui cum Herimanno venerat de Malmundariâ Monachum, quasi

nulli cum illo remanserunt. Quidam tamen ex oppido nostro impurissimi nebulones ventricolæ, apud quos data crustula hispidi panis cujusvis dignitatis nomen faciliè mercari, eademque subtracta patibulo reus posses adjudicari, frequenter ad eum conclusum in cellâ introibant, lethargicumque cerebrum ejus fœtido adulationis suæ oleo impinguentes, interiùs leccatriæ suæ sic cum eo satisfaciebant. Tota autem Abbatia, & maximè Monachi ad domnum Abbatem Theodericum humili fidelitatis obsequio, & piæ obedientiæ oculo respiciebant, ejusque anxiatum amaro satis animo deslebant.

Sequenti igitur die cum domnus Abbas THEODERICUS, vocante eum OLBERTO Episcopo Leodium venisset, injuriam suam, persecutionem, redivi Simoni superbiæ, invasionem in auribus Episcopi Ecclesiæque beati Lamberti exposuisset, non eos tantum mollâ compassione sauciavit, sed & ipsam totam civitatem mœrore quidem maximo obnubilavit. Erat enim tam Clero quàm populo & Monachis gratissimus multâ litterarum scientiâ, & egregiæ vocis júbilo acceptissimus, tum placidissimus moribus, & vultus hilaritate serenissimus. Sed tamen prout deceret dignitatem disciplinæ & nominis Leodiens. citò non vindicatum fuit tam grave facinus in præsumptorem impium. Sed nec mirum, bonâ eis veniâ indulgemus, dum necessitatem temporis & eorum angustiam respicimus. Erat enim tunc non parva turbatio, non in eâ tantum Ecclesiâ, sed & in toto Episcopio, & unumquemque non modo reipublicæ, sed familiaris quoque sollicita urgebat occupatio, sicut superiùs tetigimus. Pro recuperando extorti sibi regni statu Imperator Henricus ibi anxie insudabat, & quia crudeli odio & gravissimis dissidebant inimicitis Episcopus & HENRICUS Dux, similiter quoque Namurcentis Comes GODFRIDUS, & idem Dux, eos priùs ad pacem & concordiam revocare Imperator maximè laborabat, ut postea robur pacis eorum & concordia, esset ei spes & causa victoriæ. Quatiebantur etiam muri totius civitatis & Ecclesiæ undosâ imminenti belli formidine, quia ferebatur, verumque erat, filium Imperatoris Henricum nomine, in manu robustâ & indignatione maximâ ad civitatem obtinendam propere.

His malis concurrentibus, quò publicæ familiarique rei suæ unusquisque prout necesse sibi videbat, consulit attentius, eo de nostrâ disponitur satis quàm expediret negligentius. Semel tamen atque iterum vocatum eum Episcopus tandem excommunicat, omnesque ejus complices, præcipiens Archidiacono suo Alexandro, ut eum de caminata Abbatis, atrioque suo eliminet, sed ille omnino neglexit; quâ causâ, quo animo ipse viderit. At Dux non immemor injuriæ contemptusque sui in Herimannum, arma copiasque suas in furore & indignatione magnâ adversum nos colligit, ut die datâ quoscunque de nostris ad dedicationem sui Baalis compellere non posset, eorum carnes in ejus sacrificio victimas propitiabiles faceret. Sed Comes GISLEBERTUS, qui reconciliati sibi fidelis tunc adiutor exstebat domni Abbatis Theoderici, conducto sibi Comite Lovanienſe GODFRIDO, qui non multo post Dux exstitit, viriliter ei resistit, omnemque conatum Henrici licet domini sui dum accedere non auderet, irritum fecit.

Nec multo post domnus Abbas Theodericus reversus est de Leodio ad Cœnobium nostrum, grandi ferens patientiâ conclusum in cellâ suâ æmulum suum. Jamque dies eminebat quâ Comes Flandrensis Imperatori occurrere Andegueri debebat, quod dum Imperator proficisceretur, contigit eum habe-

Ephes. 6. 14.

Psal. 35. 1. 4.

Ibid. 43. 1.

re per locum nostrum transitum, atque in cellâ Abbatis, in quâ non sani consilii Frater ille habitabat, nocte unâ hospitium. Qui dum cellam omnino non auderet Imperatori contradicere, si verò ab eâ egrederetur, nullum sibi ulterius patere regressum formidaret, in cellarium sub caminatâ descendit, ibique totâ illâ nocte mansit, ut facto mane cum Imperator viam suam proficeretur, ipse ex inferioribus abditis prodiens ad obtinendam cellam regrederetur. Sed quidam de pueris nostris, quâ nocte illâ Imperatori ministraverunt, Fratrum nostrorum consilio praestruentes ei aditum, in cellam regredi non permiserunt, nihil tamen contumeliæ aut virium ei ejusque satellitibus intulerunt. Cumque sibi interceptam introeundi facultatem intelligeret, & se quasi in sepulcro in cellario illo scilicet à pueris nostris suffocandum omnino formidaret, de lacu in quo seipsum malè damnaverat novus quasi terrigena ad invisam sibi lucem per aliud ostiolum tandem erupit, & magnum spectaculum populo factus, platearumque pueris, ad unam forensium domum homo sine honore, Monachus sine pudore se proripuit; aliquotque dies ibi faciens, sabbato sancto Dominicæ iterum ad Ducem transivit. Quâ peste eliminatâ, sentinæque ejectâ de navî nostræ Ecclesiæ, mox quia erat hora tertia sonuit, & post tot luctuosos dies quibus chorus noster siluerat, nos jam posse licenter divinis ora laudibus aperire grandis lætitia fuit: nam nostrum Monasterium & parochia foris tamdiu ab Episcopo in banno posita erat, ut in eis nemo cantaret, donec de cellâ Abbatis, & de totâ curiâ & atrio Herimannus exiret.

Quod cum nuntiatum fuisset Duci HENRICO, fortè enim ipse eadem horâ per forum nostrum transibat, irâ incredibili exarsit, dolore intolerabili infremuit, & nisi hanc suam in exemplum omnibus injuriam vindicaverit, cum obtestatione & horribili quâdam anathematizatione se suaque omnia diræ mortis exterminioque crudeli devovit. Irâ igitur vehementi, furoreque ingenti, necnon & indignatione non minimâ in nos & nostra exardescens, contemptum sui Abbatis cordigavius apposuit, totumque se statim in nostrum nostrorumque vitæ periculum, tam substantiæ quàm membrorum quoque detrimentum dissolutè nimis accinxit. Jamque nulli nostrum parcere inter Monachum & Clericum, clericum & laicum, neque quidquam discernere, crudeliter persequi, bestiali furore in nostros & nostra sævire, ut nullius nostrum misereantur suos omnes suppliciter orare, obsecrare, terribiliter præcipiendo præcipere. Tum si illos vel illos de nostris possent arripere, quosdam sine compassione decernebat suspendere, quibusdam oculos effodere, istis nares truncare, illis manus amputare, aliis pedes abscidere, nonnullis crura comminuere. Quibus verò misericordem & humaniorem se exhibere volebat videri, eos diu carceratos, tandem præcipiebat gravissimo argenti pondere debere redimi, & certè longè se beatiore cæteris reputabant, qui nihil aliud se perdere quàm pecuniam metuebant. Erat igitur omnibus grandis formido, pavor & tribulatio, mentis hebetudo, membrorum dissolutio, genuum collisio, cum nulli nostrum extra oppidum pateret aliqua via sine vitæ periculo, membrorum ac substantiæ detrimento. Sed & Comitem GISLEBERTUM quia pro nobis se illi opposuerat, in tantum odio habebat, quòd eum de infideliâ palam arguere, & hereditario propter hoc privato beneficio suenter laborabat. Erant etiam tunc nobis adhuc Colonix plures caretæ vini, quas statim fecit suis utilibus oblimari.

Hæc aliaque plurima quæ nobis quotidie ingere-

bat mala; nam & villicis nostris omnibus interminatus terribiliter fuerat, ne in quovis nobis responderent; domni Abbatis Theoderici animum graviter afficiebant & illud multo amariùs, quia audiebat eum velle beneficiare suis satellitibus quæ nobis juxta Mosellam, necnon in Testebrant obaudiebant: quòd si semel in tam tempestuosâ tempestate contingeret, aut vix aut nunquam ea amplius Ecclesia nostra reciperet, & vinum & pisces ulterius Abbatia nostra non possideret. Immenso igitur dolore & metu afficiebatur, metuens etiam & nimium sollicitus ne in tantâ turbâ quisquam propter eum occideretur, carceraretur, spoliaretur. Sed cum sub hoc curarum sollicitudinumque onere importabiliter premeretur, fuerunt quidam ex amicis ejus cum Duce, qui videntes ejus angustiam, oppidanorum periculum, Ecclesiæ intolerabile & irrecoverabile damnum, mediante pecuniâ conabantur adhuc eum ab his malis quæ in nos cogitabat, revocare. Vix tandem argenteo malleo emollita est nigri silicis duritia, exceptoque Comite Gisleberto annuit, ut pacem habeant Abbas noster & tota ejus Ecclesia. Sed re perlatâ tandem ad domnum Abbatem Theodericum, nam novit Dominus, se nesciente hoc prius ab amicis agitabatur, nullâ ratione, nullo consilio, nullâ persuasione, nullo timore adduci potuit ut acquiesceret, nisi res Ecclesiæ quas impedierat, prius ab omni impedimento Dux enodaret, & Comitem Gisleberty oppidanosque omnes, quibus propter eum molestus fuerat, in firmam pacem, gratiamque suam revocaret: quod miro indicibilique labore ab utrâque parte tandem concessum est.

Ipsè præsens istis interfui, & pro explendis feriâ sextâ Parascevæ Domini die unâ Leodium equitavi, & multum ibi moratus pro hoc negotio ipsâ redii, & statim reascendens cum domno Abbate iterum Leodium abiit. Perfoluta est ibi peracta prius pecunia, Comiti Gisleberto reddita est Ducis gratia, oppidani liberati sunt à timore, res Ecclesiæ eo jubente prorsus sunt expeditæ. De Herimanno verò inter Ducent & domnum Abbatem hoc tantum diffinitum est, ut si cognoscens reatum suum ad satisfactionem & pœnitentiam venire vellet, misericorditer reciperetur, probatâque ejus humilitate & obedientiâ, secundum ejus animi infirmitatem condescendere ei domnus Abbas non dedignaretur. Sed inveterata miserandi hominis malitia humiliari nullo modo ad satisfactionem & pœnitentiam potuit, sed id quod fuit permansit, & quod non erat assumpsit.

Ex hac Ducis oppressione & Herimanni invasione gravissimè afflicta elanguit diu Ecclesia nostra. Calix aureus nescio quantiponderis cum patenâ, quem ipse domnus Abbas Theodericus acquisierat, hac necessitate irrecoverabiliter venditus est: sylva in Brychem excisa est & vendita, substantia aliâ multum attenuata, quodque magis dolendum erat magisque deflendum, totum opus Monasterii intermissum usque ad obitum ejus deperibat. Dei autem faciente judicio eodem anno abjudicatus fuit HENRICO ducatus, & datus Comiti GODEFRIDO de Lovanio causâ existente, quia eadem hebdomadâ scilicet feriâ quintâ, quæ fuit Cœna Domini pugnaverant contra filium abdicatî Imperatoris HENRICI, Regem creatum HENRICUM dominum suum super fluvium Mosæ oppido Guiscir ante pontem, Regemque contrito exercitu ejus fugaverat.

Ad cumulum autem malorum nostrorum accidit nobis & aliud malum, quanto de familiari & amicitiori prius nobis potente personâ, tanto & gravius, tanto & intolerabilius. Cœperunt namque in invicem dissidere Comes GISLEBERTUS Advocatus noster, & domnus Abbas THEODERICUS. Comes exi-

gebat ab eo viginti quatuor marcas argenti, quas Duci Godefrido dederat de Lovanio, quia Ducem Henricum propter à nobis suum abjectum Herimannum super nos irruere non permiserat, & quidquid super eas ex usuris quotidie crescebat. Abbas respondebat se ei non promississe nisi quinque tantum, & eas se jam perfolvisse. Sic & sic quotidie mala nostra multiplicabantur. Comes quid faceret? Rationi omnino acquiescere nolens neque veritati, cum duplici damno quod argenti hujus summa fuisset totum per Abbatiam quod exigebat, diripuit, nulliusque unquam petitione Abbati reconciliari voluit, sed conversus ad dominum suum Comitem Henricum, & ad æmulum Abbatis Herimannum, cepit omni consilio & virtute agere, ut de Abbatia ejiceretur, & Herimannus ei introduceretur.

Habebatur tunc Metis Episcopus ADALBERO post Popponem, qui licet litteras suas & missaticos pro domno Abbate Theoderico ad Comites Henricum & Gisbertum frequenter mitteret, nihil tamen aut modicum juvare eum contra eos poterat, nisi in hoc tantum quod magis inde confortabat animos Fratrum nostrorum, & corda ambigua levium oppidanorum. Sub hujus fune contentione aliquandiu agitatae sunt ancipites utraque partes dissidentium. Cum igitur humano undique destitueretur auxilio, & ab illis vehementissime affligeretur qui eum maxime debuerant juvare, ratum sibi duxit ad Dominum eodem modo confugere, si dissolutionem nostri Ordinis, quæ diu nimis casibus divertis accidentibus apud nos non absque infamia inoleverat, religiosorum Monachorum viribus posset emendare, ad quod peragendum quidam de Fratribus, pauci tamen, instantissime eum perurgebant: plures vero gravissime inveteratas abusiones suas immutandas sibi ferebant; maxime autem qui apud nos de aliis claustris profugi confluerant.

Sed cum Dei adjutorio, prevalente meliori parte Fratrum, licet minori, introducti sunt usus Cluniacensis in Monasterium & Claustrum nostrum, scilicet Calendas Martii, quæ fuit eo anno sextâ feriâ in capite jejunii: ad quos demonstrandos misit nobis domnus Abbas S. Jacobi de Leodio STEPHANUS duos de suis Fratribus, Abbas S. Laurentii BERENGARIUS de eadem civitate duos; cepitque doceri Ordo Cluniacensis ferventissimo apud nos studio, & exerceri tenacissime non ex parte, sed ex integro, maxime juvenibus nostris in eo laudabiliter sine omni mendacio nostro ferventibus, senibus cum silentio mente pacificâ acquiescentibus, scholarum pueris sine gravi jugo quotidianâ exercitatione disciplinam exhibentibus. Qui aliunde apud nos collecti fuerant, immutarique veterem levitatem suam volebant, recesserunt; humiliter & de nostris aliqui ejusdem levitatis.

Volo autem hinc annotare nomina eorum, qui tunc de presenti inventi, quando usus isti apud nos introducti sunt, ut gloria eorum inde in hac quoque vitâ crescat, & posterius intelligant quanta apud nos Fratrum paucitas extiterit. Abbas Theodericus, Prior ego Radulfus, Secretarius Sibertus, Præpositus Morungus, Cellerarius Cantorque Folrardus, Hugo jam senex, Gisbertus juvenis maturus. Primâ autem die quâ Ordinem incepimus, exierunt de scholis quinque pueri, Thidelinus, Balduinus, Henricus, Christianus, Franco, qui postea abjecto habitu fugit. Hi omnes jam adulti fuerant, & de scholis jamdudum exisse poterant, sed Prioris diligentia eos intra scholas usque ad eam diem tenuerat, timens si ante inceptum ordinem secundum veterem abusionem extra scholas levitatis & otii placitam ju-

venibus, venenatamque dulcedinem gustassent, quoddam amplius rigide juvenum, jugique insuetæ cervicis applicari ad Ordinem non possent. Pueri qui in scholis remanserunt fuere hi: Guazelinus, Adulfus, Guilbertus, Fredericus, Humbertus. Inter majores & minores eramus XVII. quo parvo numero cum adjutorio eorum, qui de Leodio præstiti nobis fuerant, cepit, ut dixi, Ordo ferventissime teneri, maxime studio juvenum laudabiliter ad hunc se accingentium.

Si quis tamen nostrum præcipue existit, cujus importunitas & oportunitas, cujus mille formis variata sagacitas animum Abbatis, ad hos usus tenendos, & cum multâ suâ tribulatione & angustia, odio & invidia, apud ipsum ut teneretur tandem obtinuerit, & cujus studio eo vivente viguerit; mortuoque refrixerit, non dubitat quisquis ille sit, cum multum emendationis vitæ Fratrum, & profectus Ecclesiæ per hos usus subsequutum sit quoddam de eo nobis tacentibus ille tacere debeat, pro cujus amore nihil adversi, nihil odii, nihil invidiæ, nihil periculi sustinere formidabat, dummodo religio introduceretur, & locus à præteritâ irreligionis infamiâ liberaretur.

Injectâ igitur nobis ab HENRICO gravissimæ mortis nebula, magnâ jam ex parte deterferat nova introducti Ordinis gaudia, & sub suavi jugo Domini leve satis habebatur nobis onus nostræ afflictionis. Vadit inimicus & invidit prosperis de Ordine nostris successibus, atque multum doluit giganteis, ut ita dicam, nos in eo promoveri passibus. Implevit igitur spiritu suo nequissimo en nescio quotâ vice eundem Henricum ad affligendas animas nostras jamdudum usitatissimum sibi ministrum, & familiarissimum; qui oblitus peractæ pactionis cum domno Abbate Theoderico, damnosæque multum nobis pecuniæ quam ei extorserat pro sibi ulterius eo placito, mentitus fidem, & non Dei reveritus iudicium, iterum aggressus est sine omni dilatione suum nobis intrudere Herimannum. Regnum autem & Sacerdotium, ut superius dixi, ita adversus invicem erant conturbata & commota, ut adversus violentiam tyrannorum nihil aut parum juvare posset nos tunc Ecclesiastica censura. Herimannus etiam per quosdam complices, & in Curia Regis aliquantum familiares, conciliavit sibi animum Cancellarii Regis, ADELBERTI nomine, qui postea Archiepiscopus fuit Moguntia, & per ipsum Regem, habens eos fidos adjuutores de suâ restitutione: res vero non fuerat ita notificata Regi & Cancellario, sicut se veritas habebat de Herimanno. Itaque mendaciis faventium Herimanno decepti, restitui eum in Abbatiam nostrâ per litteras & missaticos suos Metensi & Leodienti Episcopo præceperant, cujus adventus quotidie nuntiabatur. Comes autem GISBERTUS paratus erat suscipere, & quia Advocatus noster fuerat, in Abbatiam introducere.

Inter quæ minantia famæ volitantis quotidie tonitrua manus tonantis Dei excelsa, jamdudum ab antiquo gravissime super nos extenta, terribilissimo fulgure subito nos perforavit, tollens nobis de medio domnum Abbatem Theodericum infirmitate vix quinque dierum ex sanguinis minutione viam universæ carnis introductum. Heu quo ore habeo referre, quo stylo scribere, quas tunc sustinuerimus pressuras, tribulationes & angustias? Hi qui vivente Abbate Theoderico palam nos persequabantur propter Herimannum, vix jam manus continebant quin nos vivos discerperent, aut in frustra gladiis considerent; & qui occulte soliti erant nobis ponere insidias, tunc apertâ fronte prodibant, tanto in nos jam palam acriores, quanto prius fuerant occultio-



res. Paucissimi qui nobiscum sentientes quidquam pro nobis agere vellent, quod effectum aliquem virtuosius alicujus operis haberet. Herimannus quotidie pro foribus nuntiabatur, & ab aliis invitatus, ab aliis expectabatur, omnium tamen Fratrum animi erant contra eum obfirmati non minus Abbate defuncto, quam prius vivente illo. In hac nostra pressurâ, tribulatione & angustia nullos graviores invenimus persequutores, quam Presbyteros nostros, tres potissimum, Reynerum scilicet de Hales, Hazelonem de Mergueles, necnon & Lanzonem quemdam de oppido nostro.

Istis dissensiones magnas facientibus, & laicorum amicitiam contra nos ante & retro concitantibus, vix obtinuius ut integro die defuncti Abbatis corpus insepultum custodiremus, donec mandati compares ejus debitas ei solverent exequias. Alii Presbyterorum & laicorum adventanti Herimanno acclamabant, alii hunc & illum prout sunt qualitates hujusmodi partium, nulli tamen eorum secundum assensum nostrum, unde, ut dixi, vix se continuerunt quin sepelissent eum absque exequiis Fratrum. Quorum furori cum essem Prior, constanti auctoritate me opposui, in multo tamen periculo vitæ meæ, flocci factus prius ab illis, multis convitiis, & pluribus contusus injuriis. Evici tandem, & tertiâ die expectata sepelivimus Abbatem Theodericum, exhibente illi exequias domno Abbate Berengario de sancto Laurentio Leodii, prosequente funus ejus Comitum & nobilium, & populorum granditurbâ; interque sibi viventi fideles & amicos facientibus illi Fratribus planctum magnum, & miserabilem ploratum & ejulatum irrepressibilem. Fuerat enim erga eos lenissimi affectus & grandis patientiæ, vultus hilaris, & jucundæ allocutionis, malos æquanimitè sciens tolerare, bonos amare & honorare. Obiit autem VII. Calend. Maii die litaniarum majoris anno millesimo centesimo septimo, exactis in Abbatia annis novem, mensibus tribus, sex diebus minus.

Nihil de possessione suâ tempore ejus perdidit Ecclesia nostra, excepto allodio, quod jacet versus Andegerp juxta Malines, hoc persolvebat singulis annis viginti quinque solidos monetæ & ponderis de Andegerp die Conversionis S. Pauli, quod ea necessitate vendidit, quia nihil inde habere poterat Ecclesia nostra propter raptos & violentos prædatores: eâ autem intentione, ut de pretio ejus aliud apud nos allodium redimeret. Fecitque illud non sui unius consilio, sed majorum suorum, Metensis scilicet Episcopi & Advocatorum nostrorum & Patrii Ecclesiæ. Sed morte illum præveniente Comes Gislebertus ab hominibus illis commissum argentum abstulit, qui servabant illud ad redimendum Ecclesiæ aliud allodium, sicque Ecclesia tandem & allodium perdidit & pretium. Turbulum etiam argentum ponderis septem marcarum, & unum pretiosum prorsusque novum pallium, necnon calicem argenteum appendentem marcam & dimidiam præstitit Archidiacono cuidam Leodiensi nomine Alexandro, quæ usque hodie rehabere non potuimus. Abstulit etiam Comes Gislebertus eo defuncto. Ecclesiæ nostræ phylacterium pretiosissimum, quod ei Abbas præstiterat, tabulam scilicet unius pedis longitudinem, habentem tantundem propè latitudinis in exteriori parte argento cælatam, in interiori auro purissimo, multisque & electissimis lapidibus miro opere ornatam & oneratam, plenam pretiosissimarum gemmarum.



## LIBER SEPTIMUS.

SEPulto igitur domno Abbate Theoderico, cum viderem æmulatorum meorum invidiam me sustinere non posse, maximè eorum jamjam se manifestantium odia, quibus propter novi Ordinis introductionem, non licebat abuti Claustro nostro, & horis locisque inconvenientibus Fratrum colloquio, eadem die humillimâ satisfactione petivi me absolvi à Prioratu, & absolutus sum, Fratribus tamen id ægrè ferentibus. Præterea quicumque Herimannum desideranter expectabant, Comitem Gislebertum & uxorem ejus, & quotquot alios poterant malignis de me detractionibus, & fictis aut veris meis sceleribus in me quotidie inflammabant, certum habentes quamdiu cum Fratribus essem, quod adversus eos ratione & consilio de suo Herimanno prævalere non possent.

Factam igitur Fratres electionem suam cum Leodii Episcopo Ecclesiæque repræsentassent, & inde Metis transire vellent, invenerunt ibi nuntios Imperatoris Herimannum prævenisse litteris Imperialibus, & unâ voce Episcopo præcipientes, ut Herimanno ultra molestus de Abbatia nostra non existeret. Episcopus tunc noviter Imperatori reconciliatus fuerat, defuncto Leodii patre Imperatoris, cujus partes contra filium adjuverat, quo timore non satis audebat, ut tamen eum decuisset, violentiæ Imperatoris contradicere; neque tamen assensit, sed quantum salvâ gratiâ Imperatoris potuit nuntiis rationem reddidit, quomodo apud sanctum Trudonem non posset amplius Abbas canonicè fieri, atque subjunxit: Non est meum dare donum Abbatia sancti Trudonis, sed Abbatem ejus benedicere; Metensis illud est Episcopi, quem mihi mittat benedicendum ipse viderit. Ibi sicut & aliàs frequenter religiosus vir Abbas sancti Jacobi Leodii STEPHANUS multâ fiduciâ & ratione Nuntiis Imperatoris ostendit, quod frustra laboraret Imperator de Herimanno, quem suo suorumque comparium Ecclesiastico judicio constabat jamdudum damnatum pro invasione hujus Abbatia & pro obstinatione incorrigibilitatis suæ etiam excommunicatum fuisse, nec amplius potuisse tandem mereri absolutionem, nisi promissâ amplius emendatione invasionis suæ & violentiæ. Hac turbatione intermissa est Fratrum profectio Metis, & reversi sunt ad Claustrum nostrum, disponentes nuntium suum mittere pro instanti necessitate ad Metensium Episcopum.

Nec mora, adest Herimannus, & nuntiis Imperatoris eum adducentibus, per Comitem Gislebertum in Abbatiam introducit. Faciunt ei fidelitatem & hominum quibus placebat ipse, & qui propter Comitem non audebant contradicere. Primi tamen Abbatia & honestiores viri manus suas continuerunt à fidelitate ejus & hominio. Fratres omnes unanimiter non solum Monasterio & Claustro, sed & nullo eum dignantur nisi per internuntios colloquio, & eo duro, ut qui assentiri ei nollent ullo modo nisi ad audientiam & canonicam discussionem prius veniret, quam ille tamquam infirmæ sibi conscientiæ ut semper, ita & nunc refugiebat. Collaterales ejus & consiliarii erant homines levissimi, mendaces, seipsos metiri nescientes, inanis spei, omnis præsumptionis, nullius tam virtutis quam consilii, pars maxima de illâ Luiponis conjurata factione, adhuc tunc truncas manus portantes in signum damnationis & exlegalitatis suæ. His miseriis & miserrimè miserrimis hominibus circumventus,

R R r



& ut ab uno eorum didicimus juratus in Sanctos illis ad infaniam eorum hac illacque nolens volensque ferebatur infans: nihilominus interdum illis tantum diripientibus ut non haberet saltem panem & cervisiam unde aleretur, aut praeter simplicem tuniculam, unde media quoque gravissima hyeme cooperiretur, qui sibi talis erat qualem nobis futurum existimatis.

Quaeritus interea nuntius qui de his malis relationem ferret Metis, electus ad hoc & compulsus multis Fratrum sumptibus, timens mihi sicut & postea graviter sensi accidisse, quantum ex relicto Prioratu invidiae & odii Herimannitarum crediderim mihi minui posse, quod tantum contraherem, si non amplius ex hac suscipienda legatione; parvi tamen, pretiosiores mihi non faciens animam meam, quam Ecclesiae utilitatem; sed propter Herimannitarum insidias non ausus publicam viam Metis transire, junxi me exercitui Episcopi Colonienfis **FRI- DERICI**, & Ducis **Lovanii GODEFRIDI**, & **Lomentis Comititis Arnulfi**, duorum, ut putabam, si non amplius millium militum tendentium ad Imperatorem ad urbem **Virdunum**. Habuimus igitur iter de **Leodio Hoyum**, & de **Hoyo** per **Hasflangiam** & **Villantiam**, inde per **Castellum Innis**, sicque per aliud **Castellum** pervenimus tandem **Virdunum**. Jesu bone, quanta in illo itinere sustinuerimus, quomodo referre? Dum putarem nos nocte debere per villas hospitari, subito vix octava adhuc hora diei laxabant equos suos scutiferi & militum nonnulli, & tota simul duarum vel trium villularum aedificia rapientes, grandemque & parvam materiem caudis equorum suorum ligantes, per viridaria secus fluentia aliqua quasi domicilia inde sub horula una sibi & equis suis aedificabant, secum bipennes aliaque ferramenta ad tale opus portantes, necnon & falces, quibus interea pars alia herbam ad opus equorum metebant. Dum autem in papilionibus suis magnis & operosis statim erectis, quasi in domo propria habitabant, deducetes se spatiosè usque ad vesperum, aut per viridaria secus fluentia, aut secus saltuum virgulta, varietate volucrum modulis voluptuoseque resultantia.

At ego quid facerem Monachus, & unum tantum habens famulum? Si ad villas tenderem, aut exercitu eas diripiente jam villae non erant, hominibus omnibus de eis per sylvas latitantibus, aut si qua juxta remanserant, nihil tutum me posse in ea servare nocte illa certum habebam; hinc à rusticis spoliatis, & nocte explorare venientibus exercitum de sylvarum latibulis, hinc à comitibus quoque nostris sua sibi invicem diripientibus. Si autem per spatiosa pratorum viridaria inter exercitum remanerem, ut taceam de domiciliis & casulis quas & si scirem, non habebam tamen unde aedificarem, aut mihi aut equis meis, victum quem mecum non portabam, nesciebam ubi emere, neque pabulum ad opus equorum. Famulum autem meum à me separare non audebam, quia solus remanens, cui me de exercitu conjungerem aequè omnibus ignotus, nesciebam. Tandem me & mea Deo & beato **Trudoni** committens, exiens exercitum, ibi juxta villulam semirutam à comitibus meis transivi, nullum virum in ea inveniens, nisi tantum feminas propter timorem exercitus, quae videntes me Monachum irruerant in occursum meum certantes invicem, quae illarum prima me posset habere nocte illa ad hospitium suum, ut mea praesentia defenderetur de rapina inimicissimorum scutiferorum. Cumque ad unam declinasset, cujus domus munitior mihi parietibus videbatur: statim omnes mulierculae cum pueris suis & infantibus de tota villa illa relictis domibus suis ad hospitium meum ululantes confugerunt, porcel-

los, gallinasque suas & gallos, & caetera parva animalia sua secum trahentes, & inter domum & horreum hospitae me concludentes. Caseos autem & lac & panem, qualem habebant avenacium, & mihi & famulo meo gratis ingerebant ad comedendum, necnon & fenum & annonam gratis nihilominus omnia haec ad pabulum equorum. Sed gratias Deo, nihil gratis ab illis accepi, & Deo me meritis sancti **Trudonis** protegente, non solum nihil ea nocte perdididi, verum quidquid pavidae mulierculae ad hospitium meum contraxerant, mane exercitu discedente sine aliquo damno receperunt. Mansi penè tota illa nocte insomnis, maxime ut est pavida natura muliercularum, me ibi trepidare facientium ubi non erat timor.

Sequenti die summo diluculo movente se exercitu, salutatis meis mulierculis surrexi, adjungens me nostro comitatu, sed pro praeteritae diei fatigatione & nocte insomni, tota die illa sub gravissimo solis ardore eram aestuans & anhelans, & super equum toto itinere diei illius somnolento capite, & quasi fracto collo nutabundus equitans; ea tamen die emens mihi & famulo meo bipennulam, necnon & falcem, cepimus amodo de casulis & hospitulis nostris metante exercitu sicut & alii facere, magistrata nobis necessitate, praeterquam quoddam rapina & domorum confractioe abstinerebamur, concisisque viminibus & lignis grandiusculis, casulas nobis & equis nostris conficiebamur, praesepia & aliqua obumbratoria. Fœtor enim fimi equorum & hominum non longè à nobis ad secessum declinantium, penè me quotidie enecabat, crebro pungens ad vomitum: tum grandium die muscarum densissima infestatio, & nocte dormire volenti tenuè sibilantium, & usque ad effusionem sanguinis amarè crebroque mordentium, malarum pulicum importuna nimis infestatio.

Tandem emenso itinere per decem ferme dies, quod tamen poteramus per quinque suaviter fecisse, **Virdunum** venimus, Imperatorem ibi quia necdum venerat, expectantes. Audiens autem quoddam Episcopus **Metensis** hospitaretur ad unam villam juxta **Virdunum** nomine **Dongei**, illuc ad eum transivi, dans ei ibi litteras Fratrum nostrorum, & viva voce supplens ei querimoniam & petitionem eorum. Ipse verò respondere mihi **Metis** distulit, consilio majorum suorum acturus de hac re ibi; sed cum aliquamdiu apud eum manerem, quod quantas sustinui ibi controversias & contradictiones à quibusdam **Herimannitis**. Erat enim ibi Comes **HENRICUS** de **Lemburg** cum Episcopo, & ad eum miserant **Herimannitae** Presbyterum quemdam nostrum verbosissimè contentiosissimum nomine **Hezelonem** de villa **Mergueles**, ut ibi nuntiaret mortuum esse domnum Abbatem **Theodericum**, & admoneret eum juvare apud Episcopum de Abbatia **Herimannum**. Qualem ibi frequenter simul confictum ante & retrò habuimus, quam vix evasi insidias ejus tentas mihi inter **Dongei** & **Virdunum**, dum pro hac necessitate penè quotidie equitarem ad Episcopum. Villa autem haec, scilicet **Dongei**, quae versùs austrum **Virduno** milliaro parvo adjacet, sicut à **Metensibus** & indigenis tunc ibi didici, una fuit ex illis quas dominus noster sanctus **Trudo** cum caetero allodio suo beato **Proto-Martyri Stephano** in pueritia sua **Metis** tradidit: quae ad mentem Episcoporum **Metensium** usque ad tempus Episcopi **Theoderici** permansit, qui Cœnobium Monachorum sub titulo sancti **Vincentii Martyris Metis** aedificans, Fratribus Deo & sancto **Vincentio** inibi famulantibus ad stipendium proprium in perpetuum tradidit. Sed cum Deo me protegente nihil mali mihi ibi fa-

cere potuissent, tractabant quomodo in reditu meo insidiis me exciperent, aut turpiter me dehonestarent, aut crudeliter interficerent. Sed commissus ab Episcopo Priori de sancto Clemente Azelino nomine, qui postea exstitit Abbas Gorges; habebat enim secum tunc eum tamquam virum sapientem & religionum Monachum; Metis cum eo transivi, expectans ibi apud illum aliquando Episcopum. Qui cum venisset consultus signatas mihi dedit duas litteras, unam ad Fratres, aliam ad Herimannum ferendas, mandavitque Fratribus citò se velle venire ad eos, ut præsens præsens consilio eorum terminaret longum contentionis funem inter eos & Herimannum. Litteræ autem ad Fratres habebant ut nullius timore frangerentur à justitiâ & veritate; quia vim nullam de Herimanno vellet eis facere. Ad Herimannum verò ita erant modificatæ, ut duplici sensu possent intelligi ab Herimanno de assentiente sibi Episcopo, à Fratribus de contradicente illi. Hæc ambiguitas idcirco facta erat, ut dum vanâ spe illuderetur Herimannus ante adventum Episcopi, qui quotidie expectabatur, nullum per satellites suos inquietaret de Fratribus sibi assentire nolentibus, & Fratres non frangerentur territi de dubio sibi animo Episcopi.

His acceptis litteris, & in pacis osculo ab Episcopo dimissus, viâ qua veneram non audebam, neque sciebam reverti, publicamque nihilominus viam metuens ob insidias Herimannitarum quas mihi densissimas tetenderant. Igitur ducente me nuntio boni Alzelini transivi per castellum Brici, nocte illâ habens hospitium apud religiosissimos Canonicos in sylva juxta nomen loci Monasterio S. Petri noviter incæpto ab illis ædificari. Facto die, scilicet Ascensionis Domini, similiter accepto ab illis conductu veni ad castellum Cuns, ubi erat cellula Fratrum de Monasterio S. Huberti; & apud eos nocte illâ mansi. Tertiâ verò die perveni ad S. Hubertum per viam longissimam, & vastâ solitudine horribilissimam, penè solis ardore cerebrum concrematus, & quibusdam ante quasi dentatis, aliis verò sine dubio amarè nimis retrò aculeatis equorum meorum carnibus gravissimè concisis, & sanguine eorum penè exhausto, qui amarissimarum punctationum suarum, & levissimorum morsuum agitatione tantum hac illacque præ angustia subtrès me totâ die illâ dissiliant, ut vix me jam possent portare, & amplius quàm lentum passum incedere. Væ terræ illi, cui Deus tam pessimorum monstrorum maledictione maledixit. Quartâ die ducente me quodam Clerico, qui non minùs captivitatem metuebat quàm ego, nescio quæ devia per altissimorum montium juga saxosa, per densum vallium concava palustria, miserabiliter totâ die illâ enervati nos & equi nostri fuimus, semper aures attonitas ad omnem cujuslibet rei strepitum attollentes ne fortè caperemur, aut familiari loco illi latronum excusu dormientibus nobis equi nostri tollerentur. Quintâ die illucescente locum execrantes effugimus, Clerico viam suam tenente, me aliam. Habent Cluniacenses Cellulam in sylva inter Hoyum & Leodium, ubi dicitur ad S. Symphorianum, ad eam cum venissem humanissimè ab illis susceptus sum nocte illâ.

Sextâ die pervenimus Leodium apud piissimum & religiosissimum Abbatem de S. Jacobo domnum Stephanum, ubi in securo jam politus cœpi tandem gravissimè sentire quid doloris contraxissem de longâ itineris difficultate. Jesu bone, redde animæ meæ compassionis humilitatem, quam ibi infirmitati meæ exhibuit. Quàm benigno vultu, quàm largâ manu, quàm consolatorio alloquio! Jam dudum præstolabantur ibi quidam de Fratribus nostris reditum

meum, pro timore volentes me avertere ut ad claustrum tunc temporis non redirem, quoniam totâ obstinatione conjurassent in me Herimannitæ, & jussu domini sui homines Comitæ Gisleberti summo opere quærerent me dehonestare. Fateor territus aliquantulum, modicum anceps hæsi; sed reumptâ mihi constantiâ, etiam ad claustrum non transirem gravissimo considerato Ecclesiæ damno, mirâ arte, bonâ tamen effeci ut placarem mihi uxorem Comitæ Gisleberti, quæ maximè incitabat dominum suum & suos in auxilium Herimanni, à quâ facillimè obtinui, ut de Leodio ad claustrum nostrum pacificum conductum mihi daret, & Herimanno suisque præciperet, ut in nullo mihi molesti essent. Suspendere enim animum ejus quoddam forsitan Herimanno concordaret, si secundum misericordes litteras Episcopi quas illi afferebam, consilio meo acquiescere vellet. Quod illa libentissimè de ore meo suscepit, & quidquid volui de pace meâ ab illa tunc impetravi. Reverâ autem non mentiebar ei, quia si Herimannus vellet consilio meo acquiescere secundum litteras Episcopi, quas apportabam illi, quæ, ut dixi, duplici sensu poterant intelligi, in hoc quod concordaret ei, ut ab Ecclesiâ nostrâ recederet, & Abbatem canonicè nos habere permetteret. Ego autem dummodo sanus possem intrare claustrum, non multum postea timebam Herimannum. Sic simplicitate monachicâ delusa est mulieris astutia.

Tendens igitur audaci fronte & nudo capite ad claustrum, stupori erâm omnibus incurrentibus mihi per viam, maximè qui me transeunte in medio oppidi nostri stabant; rarus enim erat incola nostri territorii qui ignoraret de coanimatâ eorum obstinatione in periculum mei capitis; sed Comitissæ nemo eorum contradicere audebat. Fratres autem viso me in medio claustrum præter spem, cum magno stupore & ingenti lætitiâ me circumferebant, tamquam redigivum de sepulcro, aut depensum à patibulo, & redditum vivum Conventui nostro; labores itineris mei cum eis referrem, pectora sua percutiebant, & quod saltem vivum recepissent Deo gratias agebant. Interea Episcopus Leodiensis Monasterium nostrum & foris Ecclesias in banno posuerat, quamdiu Herimannus in Abbatia moraretur. Paulo post Fratribus tradidi litteras legendas Metensis Episcopi, quomodo deberent intelligi aliæ missæ Herimanno exposui illis secundum sensum Metensis Episcopi, unde fortissimè in suam sententiam contra illum sunt animati. Suscipiens autem Herimannus de manu meâ missas ab Episcopo litteras, nullumque alium in eis sensum inveniens nisi qui ei placebat, familiaribus suis ostendit, addens etiam illis, quia Episcopus ei mandaret cum veniret, quoddam de me pacem ei faceret, si nos concordare non posset. Quæ spes licet inanis, tamen eos interim mitigabat, ne furorem quem malignâ mente in nos conceperant, maligniori opere exercerent. Acta sunt hæc in mense Maio.

Mense autem Julio quartâ hebdomadâ venit Episcopus Metensis Leodium, tendens ad locum nostrum, cui occurrentes Fratres nostri deprecabantur eum primùm omnium precum humillimarum humilitate, ut non audiret contra eos fautores Herimanni; deinde constanter affirmabant illi quia si contra Ecclesiasticas regulas vim eis inferre moliretur, etiam usque Romam non vererentur eum appellare. Episcopus autem promittebat illis se nihil de Herimanno facturum quod non esset canonicum. Sed fautores Herimanni circumvenientes consiliarios & collaterales Episcopi incredibilibus promissis, modo fidem spondendo, modo jurejurando in tantum sibi eos inclinaverunt, ut de Leodio ubi venerat, bonâ spe redire ad locum nostrum facerent Herimannum.

R R r i j

2. Reg. 24. 16.

Thren. 5. 1.

Ibid. 3.

Præcessit Episcopus, lentè subsequutus est Herimannus. Episcopum venientem cum obviâ processione suscepissimus, præcantabamus ei cum multis lacrymis & singultibus illud responsum: *Aspice, Domine, quia facta est desolata civitas plena divitiis.* Et aliud: *Recordare, Domine, testamenti tui, & dic Angelo percutienti: cesset jam manus tua.* Deinde introducto Capitulum nostrum, lecta est ei & suis Clericis illa lamentabilis Hieremiæ lectio: *Recordare, Domine, quid acciderit nobis: intueri & respice opprobrium nostrum.* Ubi cum ventum fuisset ad illud verliculum: *Pupilli facti sumus absque patre: matres nostræ quasi viduæ. Cervicibus nostris minabamur, lassus non dabatur requies:* Lector primùm tantis increpuit singultibus, & profusus est in lacrymas, ut vox deesset legere inantea volenti; & visus præ inundantiâ lacrymarum obtenebraretur ante se aspicienti. Deinde totus Conventus in idipsum flebiliter incitatus, omnes Episcopales eâ horâ ad pietatem & miserationem super nos inflexit: sed citò ab cordibus eorum misratio illa & pietas evanuit. Inde tamèn surgens Episcopus humanis nos consolatus verbis, bonâ spe eventum rei modicum sustinere præcepit. Silvimus scilicet.

Fautores, imò venatores Herimanni iterum atque iterum nocte & die collaterales & consiliarios Episcopi, quin certè etiam vilissimos quosque de curiâ ejus maximis promissis, & quæ vix aliquis sperare poterat sollicitantes, satagebant summo opere ut sibi animum Episcopi inclinarent, quod & factum est. Habebat enim Herimannus nepotem quemdam Gualterum nomine de Harchis, liberum quidem hominem, & plurima in feudis & prædiis possidentem. Huic non erat curæ quid promitteret, quid persolveret, quid juraret, quid pejeraret, sua multa bona in vadio ponens pro argento dando, pro equis & palefridis, pelliciis & pellibus grisiis & variis, cæterisque vestibus, dummodo Herimannus Abbas statueretur. Cæteri nihilominus ejus complices nullo modo attendebant quantum inde fidem mentirentur, quantum pejerarent, dummodo illum nobis nolentibus intruderent. Summa tandem persoluti argenti supputata est nobis fuisse usque ad sexaginta marcas & aliquid ampliùs, & equorum & palefridorum usque ad quadraginta duo: sic erat tunc fama, quin imò infamia, sibi imputetur non mihi, si sit mentita. Sed nos ea quæ vidimus & præsentis audivimus, veraciter referre possumus, quia ante Cellam Abbatis in quâ Episcopus hospitabatur, & per totam Curiam magnus quotidie venientium & abeuntium equorum discursus, & clamor hominum venientium aut eumentium eos habebatur, qui dabantur à fautoribus & amicis Herimanni consiliariis & collateralibus Episcopi. Herimannus verò in spicario nostro morabatur, parvo satis spatio distante à Cellâ, in quâ Episcopus hospitabatur, ita ut intercurrentes nuntii manifestissimè ad eum ingrederentur, & de quantitate & qualitate suiturpissimi mercimonii ante eum tractarent.

Hæc dum agerentur, nos interea gravissimâ victus & vestitus necessitate afficiebamur, in tantum ut præsentis Episcopo & tyrannifante Herimanno die solemnitatis sancti Petri Apostoli Calendas Augusti, & in Inventionè beati Proto-martyris Stephani patroni & domini nostri, nihil omnino quod comederemus & biberemus, invenissemus ad mensam nostram, & cæteras perplurimas necessitates pateremur, quas hîc enarrare longum esset. Quid moror? Graviter corrupti, & facti turpiter abominabiles in studiis pessimæ hujus simoniacæ omnes qui tunc aderant Episcopales, maxime verò & ardentius Clerici subtilissimâ examinatione, & astutissimâ

pertractione quærebant quomodo nobis deceptis Herimannum intruderent, ut sic promissa sibi acciperent, aut accepta deservirent, aut si nos astu decipere, neque vi aut ratione possent frangere, quomodo tanta eis promissa, aut jam data illuso Herimanno retinerent; qui frequentissimè nobiscum inde agebant: & cum neque superare, neque astu possent decipere, malignis verbis & minis quamplurimis afficiebant.

Ne tamen omnes lateat quæ nobis proponebant, & quid nos eis respondebamus, paucis hîc annotare curavimus. Aiebant cum Poppo, qui Herimanno Metis in Episcopatu canonicè successit, Herimanno huic Abbatiam dederit, quomodo audetis dono ejus contradicere, qui canonicus fuit Episcopus? Quibus Fratres: Popponem Metensem post Herimannum canonicum Episcopum fuisse non negamus, sed Herimannum canonicum donum ab eo non accepisse, his rationibus usque ad majorem audientiam approbare parati sumus. Primò, quia scientiâ tam divinâ quàm honore & nomine Abbatis sit indignus. Secundò, quia defuncto Abbate suo, Fratribus ei reclamantibus per vim & pecuniam, & per laicalem manum Ducis GODEFRIDI, ad quem nihil pertinebat neque de spirituali, neque de temporalis dono Abbatiae nostræ, prælationem super nos accipere præsumsit, & homines Ecclesiæ nostræ per sacramentum & hominum sibi mancipare. Tertiò, quia bona Ecclesiæ distraxit, familiam afflixit, nos victis & vestitis egestate cruciavit. Quartò, quia sine omnium consensu Fratrum & electione Metis profectus est, & donum illud quod accepit à Popponem, præsentibus ibi Fratribus nostris, & vivâ voce ei contradicentibus, diemque & audientiam petentibus, tamen accipere præsumsit. Insuper cum ibi Fratres impræsentiarum habuissent litteras Leodiensium Episcopi, & alias, scilicet ejusdem Ecclesiæ, necnon & Trevirensis Archiepiscopi Magistri Metensis, quæ donum illi contradicebant cum Fratribus nostris. Quintò, quodd etiam illud donum per pecuniam obtinuerit, & quodd contradicentes ei Fratres spoliari & flagellari gravissimè fecerit. Sextò, quodd cum necdum Monachus sit, scilicet cum ad nullius unquam Ecclesiæ titulum adhuc professionem fecerit, neque benedictionem Monachi suscepit, Abbas esse & benedici in Abbatem non potuerit, qui necdum est benedictus in Monachum. Et quomodo Monachis benedictionem monachalem dabit, qui eam necdum professus est? Septimò, quodd pro his culpis cum semel atque iterum, necnon & tertiò canonicè ad audientiam vocatus fuerit, & venire noluerit; quodd inde excommunicatus usque ad eam diem adhuc existerit: quæ si ita esse nollent credere, dies daretur & audientia nobis & illi, si se posset excusare ab his, non contradiceretur ei.

Talia cum à nobis Metenses audirent, nesciebant quid certi nobis respondere possent: attamen aviditas ardentissima gravissimæ eis promissæ aut jam solutæ pecuniæ urgebat eos in omnes anfractus ire. Quid tandem? ipsemet Episcopus ADALBERO in Capitulum nostrum venit, si fortè vel ejus præsentia frangi posset Fratrum constantia; sed cum non posset, saltem loco Abbatis suadebat nobis tamdiu illum nobiscum pati, donec discuteretur nobis præsentibus Metis de his suis culpis. Fratres verò de discussionis illius die omnino acclamabant, sed quodd ante discussionem in loco Abbatis, aut etiam Fratris inter eos stare deberet, nullo modo pati volebant: maxime cum Ecclesia Leodiensis in tantum pro excommunicato eum haberet, ut divinum Ecclesiæ nostræ officium interdixisset quamdiu intra a-

trium & curiam nostram esset; communicareque ei non audebant, cui non communicaret Leodiensis Ecclesia, quoniam de ejus curâ & communione erant. Sub hac dissensione die illâ Capitulum nostrum solutum est, muneratis ab Herimanno id ægrè ferentibus, munerandisque multò ægrius. Consolatum tamen eum & suos sicut invenerant, reliquerunt; tollentesque secum grandem quam ab eo acceperant pecuniam, & magnum equorum numerum, pellesque & pellicias tam varias quàm grillas, Metis recesserunt. Episcopo autem recedente, factus est apud nos error novissimus pejor priore, efferatis crudelissimè omnibus Herimannitis in nostram tribulationem, fame, siti, nuditate, tamen de Ordine, quantum unquam sustinere poterat humana fragilitas secundum mala quæ accidebant; nihil voluntariè prætermittebant. Versum est autem in me solum majus pondus istorum malorum, & in me succensi fervebant ardentissimè animi omnium Herimannitarum. Putabant enim se potuisse prævalere, si solus cessissem, cum licet per me plurimum, non tamen per me solum totum fieret quod prævalere non poterant.

Comitissa verò GERTRUDIS tandem sentiens quia ei arte illulissem, iratum in me maritum suum GISEBERTUM vehementius indignatione femineâ cœpit accendere, ita ut etiam intrâ parietes dissipati Claustrî nostri non auderem me credere, infraque ipsum Monasterium timerem capi plerumque. Quod vitæ meæ periculum cum diutius sustinere non possem, tacitè egi per Comitem ARNULFUM Lovaniensem, ut me suo conductu sanum de Claustris nostro educeret, animamque meam de medio catulorum leonum eriperet. Eduxit igitur me quarto Calendas Septembris tristem vehementissimè, qui locum assuetum mihi relinquerem, & ad juvenes in quos erudiendos multum desudaveram, ad omnemque congregationem in quâ plurimum laboraveram, non uirâ redeundi spem haberem. Erat enim multo major, quàm hodie quisque existimare possit, loci desolatio, & Fratrum tribulatio; cum Herimannus usurpatâ sibi totâ Abbatîâ, homo sine consilio & absque prudentiâ, per pessimos nebulones, & mandacillimos & levissimos homines omnia ageret, patrocinantibus ejus violentiâ penè omnibus qui defendere deberent Ecclesiæ nostræ justitiâ. Unde laboris mei pro eo loco, & multarum angustiarum quas frequentissimè sub domno Abbate Theoderico sustinueram, multum me modo pigebat, in tenerimo flore relinquens pede superborum & luto miserimæ conversationis eorum imprimendum, quod putaveram me perducere posse ad maturum piæ operationis fructum. Flebam igitur amarissimè discedens, nullamque longo subsequenti temporis spatio consolationem recipiens: nec multum moratus conculi me ad sanctum Laurentium Leodii, sub magisterio sapientis viri Abbatis Berengarii. Ibi infra tertiam hebdomadam Septembris firmavi stabilitatem meam: Gratiâ illis quia omni humanitate, & majori quàm dignus essem honore consolari satagebant Fratres multo studio recentis doloris mei ægritudinem.

Interea nec Herimannus ab obstinatione invictus, nec Fratres quamvis ejus infestatione, aut suâ penuriâ removeri poterant à suâ constantiâ, tamdiu inter utrosque protractus est miserabilis contentio hujus funis, donec Imperator Leodium reverteretur de sua in Flandriam profectio, scilicet eodem anno mediante mense Decembris. Ibi igitur proclamantibus Fratribus Imperatori coram Episcopis & Principibus qui cum eo erant, quoddam contra sanctorum Patrum instituta & Canonum decreta Heri-

mannum violenter vellet præesse, cum olim culpa exigente ejectus excommunicatusque fuisset ab eorum Ecclesiâ & prælatione judicio majorum Leodiensis Ecclesiæ; Imperator jussit Herimannum & Fratres sequenti die adesse, ut coram Leodiensi Ecclesiâ intelligeret, si ita esset de eo, sicut Fratres ei conquererentur. Nam fautores Herimanni notum fecerant ei, quoddam præjudicium passus fuisset, & quoddam non canonicè sed obstinatè Fratres eum abjicerent. Die igitur datâ hujus indagandæ veritatis, sedit Imperator in Capitulo S. Lamberti cum Episcopis suis & Principibus, sedis & Episcopus Leodiensis OLBERTUS cum Archidiaconibus & Propositis, Decanis, Cantoribus, Scholasticis & multo alio Clero sederunt, & Abbates de civitate, Abbas S. Laurentii BERENGARIUS, & Abbas S. Jacobi STEPHANUS. Intravit autem Capitulum & Herimannus multâ vi & ingenio ad hoc ut ante veniret compulsus: aderant & Fratres. Ibi si adesses, polles vidisse quàm parvi homo erat consilii, quàm invercundi animi, quàm hebetis ingenii. Nam inter cætera eo usque perduxerant eum sui consiliiarii, qui tunc procul valde ab eo erant, quod in ipsa hyeme vix habebat, unde vel frigus à se grosso aliquo tegumento propelleret in medio tanti Conventus, necessitate urentis eum frigoris super tunicellam suam indutus vilissimam capulam cum quâ equitabat. Tum surgens in conspectu omnium Episcopus OLBERTUS narravit per ordinem, quomodo judicio suæ Ecclesiæ actum esset olim de Herimanno, & quæ ratio esset, quoddam non liceret eum esse amplius Abbatem S. Trudonis; & quoddam ejusdem culpæ obstinatione & frequentissimâ iteratione usque ad ipsam diem teneretur sub suâ excommunicatione. Qui cum perorasset, Abbates & Archidiaconos, & omnem suum qui ibi aderat Clerum per obedientiam admonuit, si ita res esset acta de Herimanno olim, quam eodem tramite repetentes eodem fine concuissent.

Tunc Imperator dixit ad Herimannum: Frater, si habes aliquid adversum hoc dicere, exi, consule, revertere, & responde. Sedebat juxta Imperatorem fautor Herimanni potentissimè tunc temporis famulus, & famosissimè potens in Curia Imperatoris ADELBERTUS, postea, ut dixi, factus Moguntinus Archiepiscopus, confusus nimium, quia cum vellet, contra varietatem non poterat juvare eum. Rogabat autem Herimannus aliquos de Archidiaconibus & de Clero, ut exirent ad consilium ejus. Sed nullus cum excommunicato homine exire volebat. Tunc de Principibus nomine Guibertus & Rabodonensis Episcopus dixerunt ad Archidiaconos & Clerum S. Lamberti: Benè decet vos exire cum excommunicato homine ad consilium, ut consulatis ei, quatenus cesset ab eâ re pro quâ tenetur excommunicatus. Quod audientes quidam exierunt, & aliquamdiu habito foris cum hebetè & obstinato homine conflictu, ad hoc tandem perduxerunt, ut reingressus in medio omnium se peccasse, se errasse fateretur, & toto corpore prostratus absolutionem deprecaretur, promittens se amplius talia nolle committere: ubi & absolutus est & jussus abire; quem statim omnes satellites ejus non modo reliquerunt, verum præcurrentes ad hospitium ejus, nec equum, nec quidquam sicut stabat & ambulabat, reliquerunt. Quidam autem Canonicorum S. Petri Leodii solum eum jam vesperticente invenit stantem ante capellam S. Trudonis ibidem Leodii morantem, & quod declinaret prorsus nescientem: quem nocte illa ducens ad hospitium suum mane juxta transire Mosam insylvam ad S. Symphorianum Cellam Cluniacensem. Fratres autem nostri cum lætitiâ magna reversi sunt ad Claustrum suum. Sic agunt Laici



erga stultos & nimium sibi credulos Monachos, ad talem honorem perducunt honoris cupidos, sed honoris indignos.

Imperator inde abiens habuit curiam suam Aquisgrani in Natale Domini, ad quam cum audissent Fratres nostri quoddam Episcop. Metensis adesset, venerunt ibi ad eum, sua mala quae passi fuerant omnia ei imputantes; quoniam tyranni illius violentiam opprimere eos passus fuisset: qui suspensos eos de die in diem reddens de dando illis Abbate, tamdiu distulit nullo Fratrum nostrorum quidpiam ei pro Abbatia promittente, donec cum eis ad Claustrum nostrum reverteretur. Tandem vero sentiens non bonam famam ubique volitare de se, pro eo quod nobis de Herimanno fecerat, Leodienses vero necnon & Metensium meliores non sine nota simonia afflictionem Ecclesiae nostrae manifestius imputare, secretum cum suis iniit consilium, ut pro hac extinguenda infamia ipsemet iret Leodium: Fratresque nostros meliores secum duceret, & ibi Abbatum primorum Ecclesiae consilio de praeficiendo Fratribus nostris Abbate ageretur: quod & ita fecit.

Quarta igitur hebdomada Januarii venit Leodium, & ad electionem Fratrum nostrorum, qui ibi aderant, Prieris scilicet Guederici, & Praepoliti Morungi, Sacristaeque Siberti, & Cantoris Cellerrarii que Folrardi, consilio Abbatum & Monachorum, necnon & majorum Clericorum Leodiensium, primis qui aderant, tam Clericis quam laicis in idipsum acclamantibus, necnon & melioribus de familia nostra Ecclesiae, praefecit eis Abbatem (cujus nomen non est meum hic ponere) contradicente huic electioni multa animadversione Advocato nostro Comite Gisleberto. Sed Fratres, & maxime homines nostrae Ecclesiae maximam constantiam & libertatem coram Metensibus & Leodientibus pronuntiabant nihil omnino ad Advocatum pertinere de talire, quod si Episcopus hanc libertatem Ecclesiae vellet infringere, nullus eorum omnino interesset novae & inaudita illis hactenus praesumptioni & violentiae. Vicit Fratrum hominumque Ecclesiae constantissima acclamatio, & in novum Abbatem, & ei familiariter adherentes succensa est quasi fornax vehementissima Advocati ira & indignatio.

Acta sunt haec Leodii in domo S. Trudonis, scilicet quoddam Abbas iste positus fuit III. Calend. Februarii. Quarto vero Nonas Februarii, hoc est die Purificationis B. MARIAE oppidum & Monasterium S. Trudonis intravit, susceptus cum processione Fratrum, & multa multitudine utriusque sexus, & diversae aetatis oppidanorum, statimque indutus candelas benedixit, processione cum aliis egit, Missamque cantavit. Septimo autem Calendas Martii consecratus est in Abbatem, quae fuit eo anno prima dies scilicet Domica Quadragesimae, quando cantatur: *Invocavit me*: anno millesimo centesimo octavo, regnante Romae Imperatore quinto HENRICO, cujus pater Leodii defunctus est: praesidente Romae in Papatu PASCHALI post Urbanum, Metis ADELBERONE quarto post Popponem, Coloniae FREDERICO post Herimannum, Leodii OLBERTO post Henricum. Quod autem consecratio Abbatis tamdiu diuturna fuit, fecit hoc Advocatus tunc noster Comes GISEBERTUS, qui quocumque modo per se, per amicos suos adversabatur ei, tum causam Herimanni quem sicut prius juverat, ita & tunc quoque juvare adhuc de Abbatia volebat; tum quia acerrimum sibi cum fore metuebat, si libertatem Ecclesiae nostrae infringere propter advocatiam suam ullo modo unquam attentaret. Neque enim adhuc pax fuit de Herimanno, adhuc restat inde dicenda gravis inquietatio, quam illi scribendam servamus,

qui gesta hujus Abbatis post dominum Theodericum assumet sibi scribenda. Qui si fidelis diligensque relator exstiterit, inseret gestis hujus Abbatis quid Herimannus ei fecerit, & qualem novissimum finem habuerit.

## LIBER OCTAVUS.

Obiit dominus Abbas THEODERICUS septimo Calendas Maii anno 1107. Fuit autem Abbatia sine Abbate usque III. Calend. Februarii propter supradictas dissensiones, volentibus Herimannitis suum intrudere Herimannum, Fratribus vero volentibus habere canonicum electum. Tandem igitur post indicibiles labores suos & miras angustias, prevaluit Fratrum canonica unanimitas, unanimisque constantia, & III. Calendas Februarii substitutus est Abbas RODULFUS ordine quo superiore libro tacito nomine descriptum est de illo; quarto autem Nonas Februarii intravit, scilicet die Purificationis Sanctae MARIAE: septimo vero Cal. Martii consecratus fuit.

Fuit iste RODULFUS natus de villa, quae sita est super Sambriam fluvium nomine Monasterium, ubi habetur Abbatia sacrarum Monialium nigras vestes ferentium, locusque est in honore S. Petri Apostoli constructus a S. Amando Episcopo, ubi requiescit S. Fredegandus gloriosus, & virtutibus probatissimus Confessor. Parentes quidem ejus plebei sed christianissimi de ejusdem Ecclesiae familia, hospitalitati pauperum & refectioi eorum infatigabili studio servientes, & conjugalem vitam sine crimine, & absque nota aliqua christianitatis suae ducentes. Sub scholari disciplinâ & studio litterarum Leodii positus, usque ad XVIII. aetatis suae annos ibi mansit; ubi quantum metro & prosa profecerit ex scriptis ejus & opusculis, quae postea fecit, plane intelligi poterit. Jamque factus Subdiaconus libertatem eundi quod vellet adeptus, amore cujusdam Clerici sodalis sui nomine Lathberti, qui consilius ei fuerat, quia Porceti vellet Monachus fieri, quod etiam dudum Deo & Sanctis loci illius voverat, tamen gratiam videndi loca calidis aquis de terra emanantibus famosa, cum illo Porcetum quod est juxta palatium Aquisgrani transivit: nihil tamen minus fuerat ei tunc in voluntate quam fieri Monachum. At cum nocte de more Monachorum vitae Patrum legerentur ad collationes Fratrum, abicondebat se in operto ibi juxtaposito locello, unde audire totum & intelligere poterat quod legebatur. Neque hoc faciebat adhuc studio tantum adificandi, quantum audiendi miracula vitae simplicium virorum, de quibus ibi legebatur, & novo auditorio styli simplicioris: cumque frequentius ardentiusque non tam styli rusticitati, quam mirabilibus dictis & factis simplicium sanctissimorumque Patrum, de quibus ibi legebatur, attenderet, cepit ei vehementer vilescere praesentis vitae miseria, & nihilominus accendi ad contemptum saeculi, atque illud in corde suo hac illacque versare continua noctis in stratu suo meditatione. Quidpura? Intra paucos dies in tantum coaruit lactea potatioiliarum collationum in corde ejus, ut non solum titubantem aliquantulum sodalem suum de mutando habitu exhortatione sua firmaret, verum ipse una eademque die mutaret decimo octavo anno aetatis suae.

Die igitur Conversionis sancti Pauli uterque habitum mutavit, monachicumque professi sunt in loco qui dicitur Porcetum juxta palatium Aquisgrani in Monasterio sancti Joannis Baptista sub AZELINO Abbate. Sed cum audita Regula videret Fratres ean-

Radulfi Abbatis nativum locum.



in perpaucis observare, coepit religiosa Colonienſis Episcopii Cœnobii frequenter circuire, interdumque ibi & menses & dimidium annum facere, maxime apud religiosum & pium Abbatem ADELBERONEM Gladebacensem, qui primus & noviter tenebat ibi ordinem Sigebergenſium nominatissimorum tunc temporis Monachorum in ordine, religione, hospitalitate. Quorum disciplinam quo ardentiori animo ebebat, eo fastidiosior loci sui dissolutionem, & secularitatem nimiam abhorrebat.

Mortuo interea Abbate Azelino, cujus nimia simplicitas & gravis senectus, & ordinem & temporale bonum nimis defluere nescientis melius dimiserat; successit Joannes Custos & Decanus ejusdem Cœnobii senex multum, & in nullo prorsus valens ad tale ministerium; nam Fratres secundum quod erant personam sibi idoneam elegerant. Tunc videns Rodulfus quia multiplicata essent mala & dissolutio roborata, secundum quod rem veracissime intelligebat futuram, desperans de loci & Ordinis emendatione, accepta licentia recessit, tendens iter in Flandriam, ubi audierat duci religiosam Monachorum vitam. Gladebac autem ubi sæpe moratus fuerat idcirco ire noluit, quia sentiebat ut postea evenit, si Abbas loci illius Adelbero moreretur, quod cum eo corrueret Ordo Sigebergenſis noviter ibi introductus. Multas autem & gravissimas frequenter injurias prius in Porceto sustinuerat, cum primum positus Custos & scholaris Magister Puerorum, inde Cellerarius, deinde minor atque major Præpositus de emendanda Religione contenderet, penè quotidie ipse & sodalis suus cum quo Monachus factus fuerat, Fratribus eis convitiis multum atque injuriose resistentibus, cum parvum aut nullum haberent ab Abbate inde auxilium.

Defatigatus igitur multum, ut dixi, desperansque de loci emendatione, recessit tandem tendens in Flandriam. Contigit autem eum habere transitum per sanctum Trudonem, & nocte illà hospitio eum recepisse domnum Abbatem Theodericum, qui interrogans eum quis & unde esset, quoque qualique mente proficisceretur: cum bonum ejus propositum intellexisset, formosumque & pulchrè litteratum juvenem illum attenderet, coepit sagacissime fatagere quomodo eum sibi retineret, utilem sibi eum fore credens, primum ad instruendos sibi disciplinā & doctrinā pueros suos, deinde ad promovendum in aliquod si ita fortè accideret, ut accidit, ecclesiasticum intus aut foris ministerium. Cui cum persuasisset demorandi secum voluntatem gratiosi oris facundia, primum ei scholares pueros scholaribus disciplinis instruendos commisit, quasdamque utilissimas compilationes plenas plurimarum divinarum Sententiarum scribendas, & multorum decreta Conciliorum. Scripsit igitur ei eodem primo anno volumen illud utilissimum, multum continens Scripturæ: & Pueros vix musam declinare sciolos non tam dictamen, quam metrum quoque componere docuit. Gravissimum autem sustinuit laborem ad introducendos eos, cum ipse loqui eis theutonicam nesciret, & quidam Puerorum parvitate adhuc scientiæ, & nativā illis linguā theutonicā neque latinè, neque, ut ita dicam, wallonicè possent eum intelligere. Vicit tamen labor improbus omnia vincens, & eodem anno fecit eos litteratè facillimè intelligere quidquid volebat eis legere. Instruxit etiam eos arte mulicā secundum Guidonem, & primus illam in Claustrum nostrum introduxit; stupentibusque Senioribus faciebat illos solo visu subito cantare tacitā arte magistrā, quod nunquam auditu didicerant.

Miserima tunc adhuc, ut superioribus libris re-

latum est, & lamentanda habebatur loci facies, Fratribus prius non habentibus neque Claustrum neque Monasterium, sed nudam & discissam atque horribilem templi vastitatem, & in Claustro domum unam tantum imperfectam & incultam, in cujus dimidietate reficiebant, & in alterā dormiebant. Fratres autem qui tunc habebantur isti sunt: Primus demum Abbas Theodericus: 2. Bozo Decanus, quia sic tunc in illo veteri Ordine appellabatur, qui modo in isto Prior vocatur: 3. Stêphelinus: 4. Herimannus cognomento calvus, de quibus aliquid superius dictum est: 5. Sibertus: 6. Eugo: 7. Morungus: 8. Folrardus: 9. Bovo: 10. Reizelinus. Pueri de scholis Gislebertus, Gerardus, Thidelinus, Balduinus, quatuor hi tantum hospites qui paulo post recesserunt.

Itaque post duos ferme annos Bozo qui tunc erat Decanus, moritur, & Rodulfus ad illud ministerium ad omnibus Fratribus electus in loco ejus substituitur: qui statim accingens se ad emendationem Ordinis, quotidie in Capitulo & extra Capitulum conferebat cum Senioribus, qualis & quomodo antiquitus Ordo in Monasterio, priori & Claustro adhuc stante teneretur: quibus consuetudines plenas honestissimæ gravitatis & religionis antiquæ Monasterii illi demonstrantibus, suadebat illis benignā arte, mollique & paulatim procedente informabat vestigio ut attentarent eas posse recipere, & antiquam inusta illis infamiæ rubiginem sic aliquando vel tandem abraderet. Ipse autem nocte & die assiduus erat omnibus horis in choro, & de Psalmis tractim cantandis, & cantu dulce æquè modulando indefessa illi sollicitudo. Sed cum nesciret secundum usum Claustri cantare (usus enim cantandi, nescimus unde hoc acciderit, nulli comprovincialium nostrorum convenit) erubesceretque vehementissime, quasi stipem inutilem inter cantandum in choro stare: miro quidem & indicibili labore, & gravissimā capitis sui infirmitate Graduale unum propriā manu formavit, purgavit, punxit, sulcavit, scripsit, illuminavit, muliceque notavit syllabatim, ut ita dicam, totum usum prius à Senioribus secundum antiqua eorum Gradualia discutiens. Sed cum usus eorum per quamplurima loca propter vitiosam abusionem & corruptionem cantus, nullo modo ad certam regulam posset trahere, & secundum artem non posset notare nisi quod regulari & verisonā constaret ratione, ipse autem ab usu Ecclesiæ non facillè vellet dissonare, miro, ut dixi, indicibilique labore in hoc tantum se frustra afflixit, quod ex toto usum mendacem regulā verā tenere non potuit; sed in hoc profecit quod quidquid alicubi in monochordo cantari potuit de usu Ecclesiæ, non prætermisit se præterire. Multa tamen propter negligentiorē suā perficiendi operis velocitatem, quæ per graviores litteras notari debuerant, per acutas sive per superacutas notavit, & quæ per acutas sive per superacutas, per graviores quod incorrectum reliquit aliā sollicitudine intercurrente. Consummavit autem uno anno opus illud propriā, ut dixi, manu de omnibus parvis & magnis quæ pertinere videntur ad Graduale, cum Antiphonis Rogationum, & benedictione cerei in Pascha. Statimque pueri & juvenes magisterium ejus & libri exemplar sequentes, non solum artem illam coeperunt addiscere, verum emendatiùs & accuratiùs libros suos post illum notare. Quod postquam vidit, petebat ut suus tolleretur de medio, ne propter ejus inemendationem, & festinantis manus incuratam scripturam & notam, esset ei in posterum confusio. Sed pueri & juvenes qui ex illo introducti fuerant, magistri amore monimentum illius leviter deperire non sinebant.

Scripsit igitur in posteriori parte voluminis inter duas asellas, ita Graduale non tam regulare quam usuale, postremo neque usuale neque regulare, ut ostenderet quia licet ita notasset, non tamen ignoraret quid erroris haberet, cum regulam propter usum, & usum propter regulam tenere ibi non posset, & cum propter festinationem interdum de regulâ præterisset, ubi eam tenere attentus potuisset.

Abbas autem THEODERICUS videns studium ejus & fervorem in religione, ferventissimè super eo gloriabundus lætabatur, & ad voluntatem ejus omnia quæ erant Claustris sinebat libenter disponi. Sed ille affligebatur quàm maximè, & pene continuè à quibuldam inquietis Monachis, quos propter paucitatem Fratrum nostrorum Abbas Theodericus permittebat nobiscum hospitari de aliis Claustris, cum eos compelleret nobiscum sub regulâ & disciplinâ vivere, quam illi aut in Cœnobis suis non didicerant, aut exosam habentes effugerant. Ille autem aiebat, malle se cum paucis religiosè vivere, quàm cum multis irreligiosè. Tenebatur tunc quoque ab usio quædam vestimentorum apud nos non antiquâ sanctione, sed nonnullâ præsumptione, scilicet quoddam tunicæ Fratrum non erant sine capitibus sicut modo sunt, sed ita habebant à se capitia, sicut à cucullis pendentia. Quod si quando tunicas induerent, sine cucullis ibant, & quando cucullas portabant, tunicas nunquam induebant propter singula, ut dixi, capitia à singulis vestibus fixè dependentia: & quia talis abusus ab illis tantum tenebatur qui irreligiositate nobiles habiti, seculares quoque Monachi appellabantur, dolebat multum Rodulfus hac notâ se & Fratres suos teneri, quod absque aliquâ corporis afflictione poterat emendari. Contrâ quam abusionem immutandam maximè repugnebant superiùs dicti hospites Monachi, & alios hortabantur artificiosâ adulatione ut non acquiescerent juvenili Rodulfi insolentiæ, maximè cum nunquam debuissent eum aliunde accitum sibi præfuisse: sed Rodulfus prudenti astu bonoque ingenio malam eorum frustratus est suggestionem.

Nam veniens ad unum de senioribus Fratrum nomine Stepelinum, interrogavit eum, quot anni haberentur, ex quo puer Claustrum nostrum priùs intrasset, qui cum respondisset pene lxxx. quærenti illi ita ab eo subjunxit quoque se in pueritiâ suâ Seniores in Claustro nostro vidisse, qui non minoris, quinimò majoris ætatis exstiterunt quàm esset ipse. Sed cum Senior ille interrogaret, cur tam diligenter hoc quæreret, adjunxit: Quoniam, inquit, Pater vellem scire, si de tam longo tempore centum scilicet sexaginta annorum, de quibus tu potes meminisse, sive relatu eorum quibus vidisti octogenarios, sive visu tuo cum sis ipse octogenarius in Claustro isto hodie, si unquam ullo modo potes invenisse hanc consuetudinem ab antiquo in Ecclesiâ nostrâ fuisse, ut Fratres non haberent capitia à tunicis suis dependentiâ, sicut non habent hodie alia Cœnobio religiosè circa viventia. Cui Senior: Certissimus, inquit, sum, & relatu Seniorum meorum, & visu proprio quoddam cucullis tantum penderent eorum capitia, sed invalescente sub Abbate Adelardo secundo juvenum indisciplinatione & insolentiâ, præsumisse eos hoc novissimo tempore hanc abusionem, ut ad utrasque vestes capitia fixa ferrent, Seniores tamen semper tenuisse primam & antiquam consuetudinem. Cui Rodulfus: Igitur cum ita sit Pater ut asseris, quare transgredimur illum qui sanctorum & antiquorum Patrum in hoc quoque nostro Cœnobio

usus fuit olim communis omnibus, nunc quoque circa nos religiosi Monachis pudor est relicto Religiosorum usu, & antiquâ Cœnobii nostri consuetudine mutari novam stultorum & indisciplinatorum juvenum præsumptionem, hac tantillâ cultûs corporis nostri immutatione notabiles haberi circumquaque apud religiosos de irreligiositate.

His aliisque facundi oris perlationibus conciliatis firmatisque sibi Seniorum animis, Abbati tandem rem eandem suggestit, facilemque deinde obtinuit ut unusquisque Fratrum nostrorum capitium à tunicâ suâ deponeret, Abbate primùm deponente suum; sed unus quem de Sigeburgensium Cœnobio abjectum domnus Abbas Theodericus firmatâ sibi stabilitate susceperat, propter nostrorum ut dixi supra paucitatem, huic decreto obstinatissimè contradicebat, Priore Rodulfo sæpe eum admonente, atque per obedientiam præcipiente, ut capitium sibi à tunicâ deponi sineret, cum à puero inter Sigeburgenses illud ita semper portasset, & nos secundum antiquam consuetudinem idem modo facere videret. Prior autem videns duræ mentis illius obstinationem, pendentem à lecto ejus tunicam die quâdam accepit, & mittens eam consutoribus, fecit inde capitium honestè deponi, & ad modum aliorum Fratrum aptè formari. At ille cum die quâdam Dominicâ extractâ de more cucullâ ad Primam vellet ire, indutus tunicâ capitium non invenit, torvoque vultu seipsum circumspæctum irridens, sine cucullâ in solâ decapitiatâ tunicâ chorum intravit, totâ illâ Primâ spectaculum se præbens Fratribus fronte impudenti. Sed quid? ventum est ad Capitulum, vindicatumque est in illud regulariter impudentis hominis tale spectaculum, jussuque Capitulum statim exire, & pendentem à lecto ejus cucullam sub tunicâ induere, vellet nollet fecit eum domnus Abbas Theodericus secundum alios indutum incedere. Sed culpis culpas quotidie superaccumulans cum esset incorrigibilis, ejectus est tandem à Claustro, permissus quod vellet irrevocabiliter abire. Cæteri vero Fratres proficiebant quotidie melius & melius in Ordine, Priore ad hoc totum studium suum impendente, neque deficiente unquam sive hac sive aliâ aliquâ contumelia, aut cuiusvis procuracione.

Sed & aliam quamdam pravam consuetudinem, quæ malè apud nos insolentiâ nihilominus dissolutorum juvenum diù inoleverat, prorsus extirpare fecit, neque tantum inter nos, sed etiam seorsum prorsum inter laicos nostros. Nam diebus Rogationum cum antiquo more primâ die Septembris<sup>a</sup> processio nostra venisset, plurima pars Fratrum prece vel mercede equis sibi conductis ibi statim ascendebant, & Brustentiam ante processionem equitantes indeque ad Claustrum cum levibus oppidanorum juvenibus per campos ante faciem totius populi modo quantâ agilitate poterant equos suos laxabant, modo subitâ retentione hac illacque gyabant perticis intentis nunc hos nunc illos fugantes seu fugientes. Quod totis tribus diebus Rogationum non cessabant facere, secundâ die Falunam, tertiâ Mergueles pergente processione: unde hoc singulis illis diebus eveniebat, ut quidquid ad mensam Fratres habere debuerant piscium aut placentarum, illis darent qui sibi equos præstiterant, præter paucissimos qui prece sine mercede noluerant sibi conducere, aut non potuerant: quin etiam scholares pueri hac prævissimâ consuetudine tenebantur illecti. Fratres autem quos aut voluntas aut necessitas pedites ire & redire faciebat, populo cito vestigio equitantes se-

<sup>a</sup> Septembris ] Locus mendosus; sed quâ ratione restitui queat nescio, nisi quod loci alicujus nomen hic re-

poni debere satis constat.

quente domum, gravissima affligebat defatigatio, tum ex longo itinere, tum ex inassuetâ & citâ ambulatione.

Itaque dies Rogationum & Latiniarum supplicationes erant apud nos quasi militantium excursiones, & mollium juvenum lascivæ circumvelitationes. Quâ detestabilem abusionem Prior exhorrescens Rodulfus, cum aliis ascendentibus offertur ei ad equitandum equus, aiebat non decere neque laïcorum neque Monachorum regulam, nulliusque prorsus Christiani etiam ut in equo pœnitentiam ageret & supplicationem, & hoc prætendere exspoliatorum sibi pedum nuditatem atque jejunium; & quodd cooperto capite supplicationes Sanctorum recitatis eorum nominibus frequentarent, quia & aliis quæ ad hoc pertinere videntur, rationibus primum persuasit domino Abbati Theoderico, deinde cæteris Fratribus, ut tandem cessaret illa equitatio, & quæ fiebat pro equitatione indecens Monachorum dissolutio, & præbendæ eorum damnosa eleemosynæ distractio, cui suppeterent de Fratribus vires, iret; cui non, in Claustro maneret, sicque abbreviaretur via, ut euntes nimis defatigationis nulla afficeret molestia. Itaque cessare cœpit sub prioratu ejus illa ad Rogationes equitatio, cessavitque toto vitæ illius tempore, tantumque populo cœpit placere, ut paulatim inducerentur penè omnes similiter loqui & facere.

Quid dicam de diebus solemnibus festivitatum sanctorum Trudonis & Eucherii, atque S. Remigii? Quidam Clericorum nostrorum ex familiaritate quâ scholaribus aliis in Claustro nostro cum pueris nostris, pueri quoque ipsi nutriti fuerant, alii quoque nonnulli ex religiositate suâ apud antiquiores nobis olim jamdiuque multum obtinuerant, ut supradictis solemnitatibus chorum nostrum annuatim ad majorem Missam cum reverentiâ intrarent, induti albis sicut & Fratres nostri, & si qui fortè eorum vocales essent, tropos qui tunc temporis apud nos cantabantur, aut Graduale sive *Alleluia* cantarent, atque cum omni honestate diebus ipsis ad mensam Fratrum in refectorio cum eis reficerent, indeque surgentes cantando altis vocibus; quod ad festum pertineret, Fratres *Miserere mei Deus* cantantes ad Ecclesiam procederent. Sed usus qui ex charitate & religione pium videtur habuisse initium, procedente tempore paulatim cœpit transverti in superstitionem & vitium. Nam cum illis tantum prius permitteretur de quibus & sicut diximus, in hanc tandem evaserat superstitio præsumptivam abusionem, ut quicumque Presbyterorum ex agris ad nundinas magis quàm ad solemnitatem diebus illis convenirent, indifferenter in chorum nostrum inter Fratres intrarent, ad majorem Missam sine omni reverentiâ ruerent, nonnulli vestibus laïcorum fassisque ante & retrò turpiter induti, paucissimi saltem nigris cappis & absque albis & superpelliciis: tum quod contrarium est tam nostro Ordini, quàm ipsis quoque religiosiis laïcis, quin imò omnibus ritè Christianis, inter agenda Christi mysteriorum secreta duo vel tres de ipsis Clericis circumsedebant in ipso choro, unum aut duos de Fratribus nostris, aut singuli singulos circumveniebant, & verbis otiosis risuque & jocis reliquum Missæ sic pariter peragebant.

Ubi autem per plurimas intolerandasque indiscipline ad refectorium ventum fuisset, tantus inter reficiendum fiebat ibi strepitus diversorum, & etiam ignotorum Presbyterorum & Clericorum clamor & fabulatio, ut vix audiri posset vox licet altisona legentis in eminentiori loco; & quo productior erat refectio, eo major accrescebat vino incitante inquietatio, tantusque erat eorum numerus; pas-

sim namque quicumque volebat ingrediebatur, ut constitutis ad serviendum illis Fratribus vix de nobis quinque aut sex remanerent, qui ad mensam reficerent. Quanta die illâ expenderet Præpositus, quin imò quanta illi distraherentur, nec ratione, nec numero poterat comprehendere. Quid, nihil ordinis & disciplinationis, quin potius quantum dissolutionis, & periculi animarum diebus illis apud nos haberetur, honestius existimo reticere quàm loqui. Surgentibus autem à mensâ Fratribus, & nonnullis ineptorum inverecondorumque Clericorum, quæcumque occurrerent manibus suis inde diripientibus, statim non minor ad ministros confedebat populus, scilicet quicumque in curti nostrâ de aliquo officio intromittere se per totum annum videbatur: strepitum, sumptuum nec modus, nec ratio ibi tenebatur.

Talia primo & secundo prioratûs sui anno videns, atque gravissimè inde ingemiscens Rodulfus, multis & exquisitis modis & frequentibus in tantam indiscipline exaggerationibus satagebat, quamplurimum verò apud Abbatem Theodericum, ut pravus iste usus & damnosus Ecclesiæ, aut ad priorum temporum modum reduceretur, aut penitus destrueretur. Abbas licet absque magnâ commotione hoc fieri non posse videret, tamen bonæ Prioris intentioni non satisfacere inutile Ordini fore & Ecclesiæ suæ videbat. Annuâ igitur revolutione festis redeuntibus dictum est Clericis ut absque religiosâ veste chorum nostrum nullus eorum intraret, sed qui Missæ majori interesse vellent, in cancello, cum esset spatiosum, circa Abbatem starent, cum reverentiâ tamen & silentio, ut benè conveniebat festo & tanto mysterio. Quodd si quis eorum aut albâ vellet indui, aut superpellicium haberet, post Fratres ultimus in nostro Choro staret, sub reverentiâ nihilominus & silentio: post Missam domus esset eis extra refectorium parata, in quâ ministraretur eis non minori quàm cum Fratribus abundantia; non enim Fratres ferre poterant, neque decebat eorum ordinem, ut tantam haberent & in choro, & in refectorio suo indiscipline & inquietudinem. At illi omnes graviter commoti, & indignationis iræque plenitudine rationem non admittentes penitus recesserunt, & nisi prior eis abusus permitteretur, nihil aliud facere voluerunt. Sicque forsitan ita Deo volente factum est, ut morbus ille diu apud nos inveteratus tandem deficeret. Sed & Laici qui in refectorio ad ministros solebant diebus illis comedere, ad domum illam compulsi licet multum inviti reficere, providentibus eis Præposito & Cellerario quæque habituri erant in refectorio. Res verò talis multum odium & persecutionem longo tempore tam de Laïcis quàm de Clericis Priori comparavit, semper festis istis diebus convenientibus apud nundinas Presbyteris morbum istum recommoventibus.

Neque illud tacere habeo, si defuncto alicui apud nos Missa generaliter celebraretur, Frater noster, ille videlicet qui Missam cantabat, totam oblationem habebat, & tamquam propriam sibi rem vendicans, nihil inde ad communitatem aliorum redundabat. Et quoniam secundum Apostolum, avaritia est idolorum servitus, & secundum B. Benedicti Regulam *nihil proprium debet habere Monachus*: Prior Rodulfus huic occurrens vitio, de medio nostrum summo illud labore tulit, statuens præsidente Abbate commune esse omnibus fratribus tam parvis quàm magnis quicquid eis, quandocumque vel ubicumque offerretur: interpolito, quodd si frater cui oblatio fieret aliquâ reculâ sibi necessariâ indigeret, provideretur & à Priore ex eadem oblatione live corrigia sive cultellus, sive lineus sub capite & scapulis

Cap. 33.

ejus pannus, aut tale aliquid mediocris pretii. Quidquid aliter inde agatur, sciant posteri nostri ita fuisse statutum, Fratremque qui die illâ Missam cantaverit, liberè posse sibi exigere, per manum tamen illud rotum Prioris, si quid ei defuerit de minoribus sibi necessariis. Nos enim huic statuto praesentes interfuimus, & exigi & dari frequenter vidimus sicut hic scribimus. Quod autem postea immutatum est, & pars ad cooperturam plumbi, & pars ad utensilia circa altaria Custodi data est, non ideo factum est, ut sic amplius permaneret, sed quamdiu Abbati & Fratribus placeret.

Et quoniam duae partes loci illius qui Claustrum apud nos debebat fieri, saepe humillimâ & aridâ semirutâque cingebatur, & sine aliquâ tecturâ erat, ad Orientem scilicet & ad Aquilonem, parique Occidentalis licet domus esset lapidea, nihil tamen ante parietem haberet, quod Fratres ad ejus officinas intrantes à pluvîâ & luto defenderet, sed patentibus undique aditibus nihil aut parum fuerat quod Laicos, interdum etiam & mulieres transitum habere per locum Conventus Fratrum prohiberet: satagebat multâ anxietate, benignâque & prudenti arte, toto studio, multoque labore apud Officiatos, maximè apud Folradum fratrem nostrum, qui secundus tunc post Abbatem in omnibus nostris temporalibus habebatur, ut ædificarentur aliqua domus, quæ Claustrum nostrum firmarent, & transitum publicum per medium Fratrum prohiberent. Nec frustrata est eum pia intentio, inque brevi tempore ædificio ligneo clausa est pars Orientalis, quæcum domus perfecta fuisset, ante composito sub tecturâ deambulatorio partem sui capitulum nobis aptum præstitit, partem dormitorium. Similiter à mediâ ferè parte Conventus usque ad duas partes domus illius quæ Occidentalis erat, coopertum deambulatorium est, ut per tres partes Claustrum. Orientalis scilicet, Australis, Occidentalis cooperturâ factâ honestè posset incedi, sola pars Aquilonaris saepe adhuc tenebatur, & posticio claudebatur.

Cumque hac conclusione & Fratres arceret ab egressu Claustrum præter eos quibus hoc solum licebat, & utrumque sexum ab ingressu, unamque ipse inde ferret clavim, Cellerarius aliam; Comitissæ advocatricis nostræ GERTRUDIS, quæ apud nos in Claustro nostro requiescit, gravissimam inde iram & indignationem incurrit, cum solito more nequisset habere transitum per medium Claustrum nostrum & Conventum Fratrum. Incitabant autem eam vehementissimè in eum multi Clericorum nostrorum & Laicorum, maximè famuli de curti nostrâ, qui se conquerebantur odiosè à solito transitu Claustrum & familiaritate fratrum arceri. Verùm ille licet terribiles in eum detonarent minæ, penetrantiaque etiam durissima hominum corda, undique verborum manifesta volarent, tamen imperterritus, irreflexusque manebat, solum hoc metuens ne de emendando ordine & Claustro minùs ei ad votum succederet. Ut igitur secundum ordinem Fratres haberent unde in Claustro ad sedendum & legendum atque cantandum, tenendumque silentium facilius retinerentur, armarium in Claustro primus ipse fecit ex obedientiâ fieri, librosque in eo ad numerum Fratrum reponi.

Interea rarè unquam ipse cessabat, quin semper aut scriberet aut notaret, interdum quoque modulatis delectabatur carminibus; & de solemnitatibus Sanctorum compositis cantibus exstat volumen opusculorum ejus, in cujus præfatione invenitur quid scripserit, quid modulatus fuerit, & cur & quando. Exstat & aliud volumen septem librorum ejus,

quos contra Simoniacos scripsit, quatuor ratione ac tribus agens auctoribus. Paucis referre non possem quantum laboraverit causâ Abbatis Theoderici, quàm fideliter, quàm constanter, in quot & in quibus locis, & coram quibus pro eo adstiterit, cum magnæ & primæ regnorum personæ vellent eum de Abbatia ejicere, & supradictum Herimannum intrudere, de quibus superius partem aliquam tetigimus.

Postquàm ista & nonnulla bona & mala, prospera pauca & adversa multa per aliquot annos Prioratûs sui apud nos sunt gesta, audivî Rodulfus usus Cluniacensium apud sanctum Jacobum Leodii teneri, introductos per Abbatem Stephanum dictum etiam Stephelinum, quos paulo post Abbas sancti Laurentii Berengarius susceperat: unde eos omnium Religiosorum ora magnificabant, & frequenti hospitio aut colloquio reverentiâ quàm prioribus annis dignabantur. Præterea de sæculo tam Clerici quàm laici plures ad eos convertebantur, & invalescente religione augebatur & numerus Fratrum & fructus Ecclesiæ. Jamque Rodulfus videns tempus adesse quo desiderium suum posset adimplere de meliorandis usibus, & tenendâ apud nos religione, quocumque modo poterat ad hoc nosse dieque apud Abbatem Theodericum laborabat quatenus eum ad hoc accenderet, ut post istos duos Abbates tertius eosdem in Claustrum nostrum usus introduceret. Decere enim eum aiebat cum non minoris esset scientiæ & gloriæ in sæculo quàm illi, & locus noster antiquioris & famosioris esset nominis, ut in religione & spiritualibus non obscurior apud homines, neque indignior apud Deum inveniretur. Sed cum perturbantibus hanc molitionem ejus quibusdam Fratribus, rem ad effectum perducere non posset, acceptâ licentiâ à loco nostro ad suum sine spe reditionis transiit, ut disposito ibi itinere suo inde transiret, quod districtius ordinem teneri audisset. Mox aliqui Fratrum necnon & famulorum nostrorum occultè aperteque exultantes, ex votoque sibi accidisse gaudentes, quia ad voluntatem suam modo liberius possent facere, non multo post intellexerunt ex comparatione positi alterius Prioris, quantum iste præstaret eis consilii, auxilii & honoris.

Pœnitentes igitur quamplurimum, post paucos menses simulatâ aliâ re quidam eum revocaverunt, sub præsentia & assensu Abbatis Theoderici firmantes ei si rediret, & Prioratum suum reciperet, quod infra annum illum usus Cluniacenses in Claustrum nostrum introducerent. Vix tandem obtinuerunt. Qui igitur parum ante festivitatem Nativitatis S. Joannis discesserat, in Adventu Domini statim post festivitatem sancti Andreæ Apostoli rediit. Prioratu igitur suo ei reddito, captatoque loco in tempore oportuno, atque domni Abbatis & Fratrum hilaritate fidem promissi modo serid, modo jocose resposcebat, remque bonam non diu quæ fieret esse differendam aiebat.

Miris igitur laboribus & frequentibus Leodium itineribus, concitato sibi multorum inde Clericorum & laicorum aliorumque Fratrum nostrorum maximo odio, tandem effecit, ut eodem anno Calendas Maii, quæ fuit feria sexta in capite jejuni, introducerentur usus Cluniacensium in Claustrum nostrum tenendi; quibus introductis cum vehementissimè ferverent in eis, & ultra quàm quisque speraret Fratres nostri, paulo post heu! heu! domnus Abbas THEODERICUS obiit Calendas Maii. Quæ autem postea sequuta sunt usque dum Abbatiam intraret, & quomodo introierit, puto quod satis inde scriptor præcedentis historiæ præloquutus sit,

Theodericus  
Abbas obiit



ad illum recurrat quisquis hoc diligentius scire desiderat. Postquam autem Abbas constitutus est, de Ordine tenendo omnimodis satagebat, amator illius & amatorum ejus, atque in tantum (rem quam certissime scio fidelissime referam, ecce coram Deo quia non mentior) quod nullus Fratrum tam carnaliter tamque spiritualiter poterat ei esse familiaris, quem perfecto unquam corde diligeret, nisi diligentem Ordinem nostrum cognosceret, & fidelem de rebus Ecclesie sibi commissis probasset. E converso nullus Fratrum poterat esse rarus accessu ad eum, qui etiam palam aut occulte de dictis, factis, vitaeque ejus si eum mordaciter (ut plerumque solet) reprehenderet, dummodo aliquando cellaret, & diligentem eum ordinem aspiceret, & fidelem in rebus Ecclesie illi commissis, quin facillime hos aliosque ei lapsus, etiam graves indulgeret. Quid tibi vis amplius dicam? brevius & verius quam potero hoc tibi sub testimonio Christi dicam, quod nulla res eum Fratrem sibi commendare poterat, quem dilectio Ordinis & fidelitas rerum Ecclesie sibi commissarum non commendabat. Non aetas, non familiaritas, non timor, non consanguinitas, non scientia, non pulchritudo, non generositas, non aliqua etiam magna utilitas, propter quae duo apud eum poterant in quocumque invenirentur, & apud eum nihil aut minimum poterant apud quoscumque non haberentur, frustra quivis aliter laboraret, aut ista habendo gratus illi, aut non habendo ingratus existeret.

Præcipue detestabatur hoc vitium, & ad exterminandum illud quaecumque virtute poterat, per se & per illud sibi referentes laborabat, ut nullus Fratrum de substantia in refectorio sibi statuta aliquid quocumque distraheret, sed per manus Eleemosynarii quod ori ejus superesset, pauperibus erogari sineret. Quoscumque autem Fratrum laicorum videbat amicitias & confabulationes, & has illasque vanas gloriolas proclivius appetere, aut nunquam aut invitus illos volebat ad aliquam obedientiam promovere, neque eos quos intelligebat quocumque modo illam vel illam obedientiam ambire, & quos noverat inhiare ut possent clanculo aliquid dare & accipere. Quibus non erat grata ante obedientiam hominum gratia, & qui æquo animo, simplicique tantum contenti erant Claustrii substantia, illis dicebat danda Claustrii ministeria. Quos sibi laudabant sæculi homines de obtenta apud eos familiaritate & frequenti colloquutione, & si quid unquam habere possent de benevolæ eorum dapnitate, eos judicabat indignos Claustrum, vel quoquam ire: quorum barbariem & silentium, & quia nihil eis darent, aut ab eis acciperent, reprehendebant, quæquæ vellent ire securius eos sinebat. Silentium inter Monachos tanto extollebat præconio, ut diceret nunquam tam perfectos & electos Monachos simul esse posse, qui ordinem & disciplinam valerent absque silentii virtute tenere. Superbæ subjectorum rigiditate, nunquam frangi poterat, humilitate quamvis multum læsus, citius etiam vincebatur quam & ipsi interdum expediret. His aliisque bonarum virtutum studiis, hinc ipsius sollicito curante magisterio, hinc discipulorum pio obedientiae obsequio, cepit in brevi longè lateque diffundi dulce flagrans unguentum boni de loco nostro nominis, fœdaque cicatrix vultus nostri de opprobrio præteritæ indisciplinationis paulatim curata detergi manu piæ moderationis, hospitalitas lætè supervenientibus exhiberi, maximeque obsequutoribus nostri Ordinis; refectio pauperum post mensam Fratrum non negligenter provideri.

Sed quia exterioris sæculi bona ad hoc aliaque nostro Ordini multum sunt necessaria, primumque

regnum Dei querentibus necessaria, deinde secundum Dei promissionem sunt ista adjicienda, cepit se tota vigilantia & labore accingere ut non modo quæ salva invenerat de bonis Ecclesie conservaret, verum quæ dispersa fuerant congregaret. Primam igitur die quæ homines Ecclesie debebant ei fidelitatem & hominum facere, Præpositum Ecclesie & Cellarium, quosdamque de Senioribus juxta se in Cellam suam fecit sedere, ut nullius manus neque fidelitatem reciperet, quem Fratres de præbenda sua injustè aliquid tenere quererentur. Quæ res multas ei peperit inimicitias, quas tamen sine gravi damno evasit, usus postremo consilio necessaria in omni re discretionis. Ut autem sciant posterie ejus, & scientes magis solliciti inde reddantur, quantam sollicitudine & timore, quantoque studio & labore servavit professionem pro posse & nosse, quam teste Ecclesia ante altare coram stolato Episcopo, stolati & ipsi ut in consecrationibus suis facere solent, tam Abbates quam Episcopi, finem hujus octavi libri hic facere decrevi, & nonum ab eâ Epistolâ incipere, quam scripsit ad Metensem Episcopum Stephanum, loci nostri tunc temporis dominum.



### LIBER NONUS.

VENERANDO atque reverendo sanctæ Metensis Ecclesie Episcopo STEPHANO, RODULFUS Dei sanctique Trudonis id quod, salutem animæ & corporis. Diebus prælationis meæ vigesimo octavo anno, millesimo centesimo octavo Incarnati Domini usque ad millesimum centesimum trigésimum sextum, qui tunc agebatur quando scribebam. Quæ nostræ Ecclesie, videlicet S. Trudonis, in Hasbaniâ accreverint sive per meum laborem de perditis recuperata, sive de non habitis acquisita, sive per meum nostrorumque studium de nullis aut parvis redditibus ad aliquos & majores fructus instaurata, & quæ pro animabus fidelium pauci pauca in possessionibus tradiderunt, fideliter hic annotare curavi. Quod si quid in hac annotatione excessu memoriæ exciderit, aut spes peritura adhuc necdum protulerit, cum illud meminero, & istud evenerit, huic aliquando subjiciam operi. Testem interim conscientie meæ habeam Deum, quia hoc non facio, ut inaniter videar gloriari secundum homines, & non secundum Deum de rebus, quarum tenuitas, et si gloriari vellem, magis asserere potest mihi confusionem quam gloriam. Sed ut posteris mei desidiam, & prælationis meæ inutile spatium erubescens, accingant se fortius & utilius non solum ad servandas has & alias res Ecclesie quas invenerint, sed ad multiplicandas suis laboribus & meritis: quamquam qui tempestates maris quo jactatus sum & adhuc jactor, cognoverit, magis admirari possit aliquid interim esse servatum quam acquisitum; quæ quoniam aliis plenius descripsi, iterare hic superfluum. Et hæc etiam nihilominus idcirco facio, ut sub impetranda negligentia meæ veniâ, hoc quoque à clementia tuâ obtineam, quatenus vestra auctoritate & sigillo firmetur, ut nullus prædecessorum meorum prioribus erroribus amplius ea involvat quæ absolvi, sed fixa permaneant ut institui; quod si præsumptum fuerit, irritum fiat; & banno vestro & omnium successorum vestrorum subjaceat. Non enim parvo rerum familiarium dispendio ea obtinui, interdum cum vitæ quoque meæ periculo vix evaserim, & in perpetuum odium eorum usque hodie sim, qui ea se amisisse dolent quamvis injustè tenuerunt.

Epistola Rodulphi Abbatis, qui regimen suscepit anno 1008. Istæc verò hic exarata scripsit anno 1036.



## INCIPIT TEXTUS.

**I**gitur post obitum Adelardi II. tanta mala apprehenderunt Ecclesiam nostram, & multis annis tenuerunt, quanta non sunt audita in quovis loco ab illo famosissimo Hierosolymorum excidio. Evenerunt ea propter dissensiones de Abbatia nostra inter Monachos & Episcopos, Metensem videlicet HERIMANNUM & Leodiensem HENRICUM, dum Monachi extrudere niterentur intrusum Episcoporum Abbatem per violentiam, & stabilire suum suppositum per simoniam, sic primum secundus, & secundum extrudit primus, tertius inter utroque irrepit, quartus tertii labores invadere & locum occupare praesumit: quorum nomina sunt haec sunt: LANZO, LUIPO, HERIMANNUS, & item HERIMANNUS; inter quos decem & septem annis miserrime decertatum est, atque sic ut infra annos tredecim fierent commutationes alio moriente, alio alium ejiciente. Sub istis totum oppidum nostrum una die redactum est in favillam, effuso in eo cruentissime multorum hominum sanguine: vixque duo anni praeterierunt ex quo Monasterium quoque nostrum novum & mirifici operis, & Claustrum cum omnibus appenditiis suis funditus igne cremata interierunt. Turris quae sola supererat de incendio facta est latrocinantium hominum munitio; thesaurus, qualem nostrae similis nulla habebat Ecclesia, irreparabiliter distractus periit, Monachi omnes, prorsus inquam omnes dispersi per diversas regiones, solum in loco vastatio & horribilis solitudo.

Hac tempestuosâ tempestate contigit Ecclesiam nostram de Alburg decidisse in potestatem Episcopi Trajectensis CONRADI; & longâ loci nostri miseria in jus Ecclesiae ipsius transiisse lege synodali & iudicio canonico; propter quam liberandam, sed nec sic liberatam distractus fuit calix aureus Ecclesiae nostrae, cujus pretii pars, scilicet sexaginta marcae data est Episcopo Conrado, ut restitueretur Ecclesia juri nostro; quod superfuit pretii perfidè distraxerunt in hoc negotio perfidi quidam Presbyteri nostri. Episcopus acceptâ pecuniâ nudo tantum verbo non auctoritate canonicâ mandavit nostris ut reciperent sua, non quidem malitiosè sed minus cautè; & factum est ita. Subsequentus est Episcopum Conradum BURCHARDUS Episcopus, qui occasionem recipiens, eo quod legibus synodalibus non esset liberè nobis restituta Ecclesia, mancipavit eam suis usibus synodali iudicio; sicque eam tenuit usque ad adventum meum in Abbatiam meam, ad quam liberandam profectus sum eo anno quo intravi in Abbatiam, ulterius Trajectum in sancti Joannis festivitatem, & per auxilium Dei & Advocati nostri Comitum de Holant FLORENTII, iudicio Ecclesiastico liberam nobis restitutam Ecclesiam retulimus domum, chartâ de hoc factâ & Episcopi Burchardi signo sigillatâ.

Eodem anno Ecclesia, & alia quae Alburg habemus bona valuerunt nobis domi absolutè viginti quatuor marcas argenti. Quanto labore, quantâ sollicitudinè, quantis expensis per tres hebdomadas integras finem hujus rei effecerim, longum esset referre, cum praedivitem Comitem & gravissimum pinguedine oportuit me funibus argenteis de Hollant Trajectum trahere, ipsiusque Episcopi rigidam cervicem ejus metalli malico mihi inclinare, necnon & Archidiaconum reacquisitâ Ecclesiae. In ejusdem villae villicatione homo quidam Gualdo nomine erat, qui quinque solidos denariorum de Tyele dicebat se habere in beneficio de Abbate; falsum erat, & convictus recognovit eos coram Paribus Ecclesiae ad

praebendam Fratrum, quos de terrâ suâ debebat. Pro simili mendacio quidam Franco nomine de Dourch convictus legibus & iudicio, quatuor solidos de denariis Andeguerp duobus denariis minùs amisit, & eos quinquaginta praebendae Fratrum restitui. In villâ Hylfelâ villicus tantum sibi de censu furtim usurpaverat, quid ad nostros usus retractus sex solidos facit. In eadem villâ decimam lini Dapifer Hezelo ad feudum suum trahebat, de quâ legibus & iudicio abstractus, permisit eam habere Fratres ad opus mapparum in refectorio ad mensam, ubi pertinebant. Unus ex illis quatuor pestilentissimis flatibus quos supra dixi mare nostrum tam naufragiosè agitalle, Luipo scilicet tria bovaria culturae nostrae, quae jacet versùs Mergueles, beneficiaverat cuidam amico suo nomine Ludovico, & de mensa Fratrum alienaverat: qui mortuus reliquit parvulum filium nomine Henricum in eadem injustitiâ, cui eadem bovaria requirenti à me in feudo dare nolui, quoniam de mensâ suâ Fratres sublata esse dicebant injustè. Longa fuit altercatio, multis ejus similibus de me conquerentibus. Episcopus quoque Leodiensis OLBERTUS, quoniam puer consanguineus ejus erat, blandimentis, promissionibus, minis, terroribus frequenter propter eum me aggressus fuerat. Cumque evincere non posset, tandem se nostro Cenobio & hospitio repraesentavit, cui instanti pro puero respondi, putans me sic melius posse evadere: Fratrum praebenda est, sine eorum assensu facere non audeo nec debeo: qui statim ad eos absente me se transferens, facillimè simplicitati eorum persuasit ut ei concederent. Quod cum intellexissem, omninò cœpi reclamare, neque non debere sequi deceptam simplicitatem eorum, sed corrigere. Episcopus irasci, minari, & me in hoc cum eo consensisse suos nostrosque attestari. Miro tandem labore evici, & tria bovaria culturae praedictae retinui, & eum exstucare feci.

Oppidanus quidam noster Arnulfus terram tenere volebat sine servitio, quae debet servire Fratribus ad omnem munitionem sanguinis eorum. De eâ terrâ sunt XVIII. bovaria, & dicitur mansus de Nissen. Debet & alia minuta servitia ad utensilia Camerae Abbatis, scilicet quidquid de ferro ad sellam equitariam ejus, & de calcariâ & ad samnas componitur, dato sibi ab Abbate ferro, fractas vitreas fenestras Monasterii, Claustrii, Cellae Abbatis accepto à Custode vitro, plumbo & stagno & cerâ, & sumptu emendat. Claves omnes Monasterii & Scriniorum novat & renovat. Similiter & de omnibus officinis Claustrii & curtis. In sollemnitate sancti Trudonis & sancti Remigii adjutor est Cellerarii ad servendum honestis hospitibus secundum consuetudinem: quando minuebant Fratres, Chorus totus unus simul minuebat, cum silentio & psalmodiâ sedentes ordinatè in cellâ unâ. Eadem die dabatur domino mansi hujus quantum uni Fratrum ad mensam. Hæc cum ille tamdiu tenuisset ut pro libero militari feudo habere se diceret, convictus tandem recognovit coram Metensi Episcopo STEPHANO, & majore Advocato nostro GUALTERANNO, & Paribus Ecclesiae & servitoribus curtis nostrae. Sylvam quamdam quae dicitur Godledaleth iniquus homo invaserat, dicens eam esse suum feudum; quam cum multâ ei injuriâ extorsissem, dedi ad censum aliis qui decem solidos solvunt singulis annis ad bracenam Fratrum.

De paucis, quae pro animabus suis fideles tam viventes quàm morientes ad Ecclesiam nostram nostro tempore tradiderunt, ita evenit. Quidam Miles ADELGERUS de villâ Primirs super Mosellam ad nos venit, & societate nostrâ impetratâ vineam nobis tradidit, quae afferre potest tres carratas vini. De

eâdem villâ Gerardus quidam relicta seculari vitâ ad nos se convertit, tradens nobis quatuor vineas, tres minores, quartam majorem: hæc possunt afferre duas carratas vini. Istorum anniversaria agimus, in quibus carrata vini debetur Fratribus de eorum collationibus. Inter sanctum Trudonem & Sarchinium quidam Libertus nomine parum allodii habebat, quod moriens reliquit Fratribus pro animâ suâ. Solvit autem duodecim denarios in festivitate sancti Remigii, qui cum aliis duodecim ponuntur, quos vivens Hardechumit pro animâ suâ dederat Fratribus; & in capite jejunii ad charitatem Fratrum in refectorio dantur.

De campanis autem, quæ aut novæ aut innovatæ sunt meo labore, scribere aliquid ad gloriam Dei hîc volui, cujus adjutorio eas feci fieri; quæ etiam ventrem non pascunt, aures tamen & corda hominum ad laudes Dei sonitus sui dulcedine provocant & attenta reddunt. Sunt igitur omnes XVI. scilicet cymbalum primum in refectorio; 2. ad parochiam Beatæ Mariæ; 3. ad sanctum Gengulfum; 4. ea quam mihi Metis beato Proto-martyri Stephano; 5. super chorum nostrum; in turri nostrâ novem, quæ quantum dulcedine valeant, atque unâquæque in suo modo atque magnitudinis pondere, & videre mirabile, & audire est delectabile. Unum quidem affirmo, quia tot & tales & tantæ sunt, ut pro centum marcis fieri non possent hodie. Sed dicamus de campanarum vocabulis, & de earum ponderibus quas feci novas fundi, aut veteres renovari. Prima est facta de quatuor centenariis & aliquanto plus scilla dulce sonora. 2. de XXI. in honore sancti Eucherii, & eam appellavi Aureliam, quam & benedixi. 3. de duobus centenariis quam appellavi Filiolam: hæc sanctæ Mariæ data est ad parochiam. 4. de XXXIII. centenariis, in honore sancti Quintini Martyris appellata est Quintina. 5. Remigia in honore sancti Remigii de septem centenariis. 6. de sex centenariis dicta est Benedicta in honore sancti Benedicti. 7. de octo & amplius centenariis vocavit Angustiam, quia in tempore illius angustiae facta fuit, quo tota villa nostra & Abbatia per Ducem Lovaniensem combusta aut invasa fuit. 8. Factam de sex & amplius centenariis vocavit Trudam in honore sancti Trudonis, quæ his fusa in dulcedine sonitus nulli aliarum compar fuit. 9. vocata est Nicolaa, quæ viginti centenariis ad ignem habuit; sed nescio quantum superexcrevit. Decima quæ propter pretiositatem suam missa est Metis, quatuor centenarios habuit, quam Stephanianam vocatam beato Proto-martyri Stephano dedicavit. Undecima quæ translata fuit ad Ecclesiam sancti Gengulfi, quatuor centenarios nihilominus habuit, sed non fuit similis pretiositatis. Duæ scillæ in Refectorio, & cymbalum in Claustro bis fustum potuerunt habere ad ignem dimidium centenarium. Illa quæ pendet super chorum, habuit plusquam centenarium. Iste simul positus numerus facit centum centenarios & xv. & dimidium.

De incenso & diruto Monasterio quoniam alias plenius scripsi, breviter hîc tangam quando gratia Dei & Sanctorum patrocinia in restituendo affuerunt. Omnes qui videbant tantæ ruinæ expavescendum barathrum, desperabant aliquando esse reparandum. Igitur à pilariis & arcibus qui sunt ad pedes domini nostri B. Trudonis, ubi prædecessor meus Abbas Theodericus finem operis sui fecit, usque ad majorem tarrim omne quod est operis infra inferioris muri parietes meo tempore alluxerit, exceptis pilariis cum arcu, quæ sunt in medio navis Monasterii, & quod ante me & sub me factum fuerat feci consecrari III. Calendas Octobris ab Episcopo Leo-

diensi OLBERTO, anno MCXVII. ordinationis meæ IX. ab eo quo crematum fuit Monasterium XXXII. De claustro & omnibus ejus appenditiis nihil inveni quod sic posset remanere, neque ubi quis hospitem pernoctare: domus tantum una prorsus inculta, & tam æstate quam hyeme pro suis multis defectibus Fratrum usibus molesta. Tamen & Refectorium præstabat eis & Dormitorium, cellarium quoque & miserrimum carcerem potius quam infirmorum cellam. Cæteræ partes sepe veterrimæ & semirutæ signabantur potius quam clauderentur. Quidquid igitur Monachis opus est in officinarum usibus, oportuit me festinanter construere de lignis ad tempus, postea paulatim illud diruere, & à fundamento per gyrum de muro ædificare, de quo opere illud adhuc Horatii possum cantare, *dimidium qui cepit, habet*. Propter multas & vix inenarrabiles tribulationes lentè, pulchrè tamen surgit, maximè cum à duobus miliaris empti adducantur lapides, & calx interdum à quinque. Numerus Fratrum cum inter paucos & minores ante me frequentissimè vicenarium duobus vel tribus descenderet, usque hodie ad quadragenarium non pervenit, aliquantillo tamen unus tantum defuit, tricesimum autem quantum necdum descendit, & nisi mors immatura, aut levium quorundam fuga tulisset, quadragenarium multo superexcessisset.



## LIBER DECIMUS.

FINITA epistolâ Abbatis RODULFI, quam ad Episcopum Metensem Stephanum scripsit de his quæ ejus tempore accreverint in Abbatia per suum suorumque laborem de perditis recuperata, sive de non habitis acquisita, necesse est nos amodò ad priorem narrationis ordinem redire, ut si quid fortè omisit aut obscurius quia brevius, posuit, nostra narratio restituat & elucidet.

Eo itaque secundum Episcoporum & Abbatum in sacratione suâ professionem servante inventa, recuperante perdita, recolligente dispersa, emendante neglecta, mortuus est juxta nos homo quidam nobilis HARDECHEMIT nomine de locello Ronchirs, hic tantum de ejusdem loci allodio nobis reliquit, quod duodecim solidos debet nobis singulis annis solvere, primâ Dominicâ post Epiphaniam sex solidos, & primâ Dominicâ post festivitatem S. Joannis quinque solidos, & nullam aliam jultitiam amplius: sunt inde duo mansi, & si metiaris plus invenies, & quoniam prædecessores Abbatis Rodulfi multa quæ ita tradita fuerant Ecclesiæ, olim suis famulis in feudum dederant, ita ut de totâ hominum elemosynâ non remansisset Fratribus vel una in anniversariis refectio, timens ne illud idem de isto post se fieret, coram majoribus Ecclesiæ & traditoribus & receptoribus hujus allodii Fratres omnes convocavit, & Priori Ecclesiæ nostræ hos solidos singulis recipiendos per manus Præpositi statuit, sex in anniversario defuncti ad refectionem Fratrum, sex ad ea quæ necessaria erant ad domum infirmorum. Nihil enim omnino erat ad eam ordinatum aut constitutum, præter quod negligenter multum à Præposito interdum dabatur. Paulo post defuncta est ejusdem Hardechemit uxor nomine BERTHA, pro quâ tantum datum est nobis, quantum & pro marito ejus, terra scilicet juxta illam eandem terram solvens duodecim solidos, in die S. Joannis sex solidos, & in die Epiphaniæ sex solidos; de quibus ab Abbate Rodulfo eodem modo solemniter constitutum est, sex scilicet solidi in anniversario ejus, &

sex ad domum infirmorum: quam videlicet terram cum legitimâ donatione tradidissent ad Ecclesiam nostram Advocatus noster Gislebertus, & filius ejus Otto, qui supradictorum liberorum heredes exstiterunt, tamen postea invadi passi sunt à nepote suo Comite Arnulfo de Los, & nunquam restituere voluerunt.

Pro Comitissâ autem GERTRUDE quæ jacet in Claustro nostro, tantum alodii datum est nobis quod solvit singulis annis xx. solidos & tres denarios, & ad Allebruc v. solidos, & ad Stenivet octo solidos, hi omnes simul faciunt sexdecim solidos & tres denarios; & tres solidi solvuntur Calendis Maii. Superest adhuc tantum juxta Stenivet de eodem alodio, quod solvit quatuor solidos in die S. Remigii, & quando apportatur iste census, nihil omnino debetur inde apportantibus. De his nihilominus constitutum est solemniter præsentem marito ejus GISLEBERTO Advocato nostro, & filiis ejus OTRONE & GISLEBERTO, & Comite ARNULFO, & THEODERICO fratre ejus, petente & allaborante Abbate Rodulfo propter supradictum timorem, ut per manus Præpositi singulis annis totus census iste Priori daretur; darenturque in anniversario ejus sex inde solidi Fratrum refectio, & quando maritus ejus Gislebertus defungeretur, sex similiter in anniversario ejus; & octo reliqui & tres denarii ad domum infirmorum haberentur.

ENGERAMNUS vir nobilis de Norpale olim ante istos defunctus fuerat, qui pro animâ suâ in villâ quæ dicitur Herebac, tantum alodii nobis reliquit, quod præter alias justitias quindecim solidosolvere debebat, sed ab Abbatibus in feudum datum olim totum fuerat; de quibus studio Præpositi sui Folrardi Abbas Rodulfus quindecim solidos reacquisivit, sed quia cum labore acquirebantur, & vix retineri poterant, volebat illud aliâ libenter ambire si posset. De his decem solidis similiter Abbas Rodulfus majorum suorum consilio statuit ut quinque in anniversario ejus ad refectioem Fratrum haberentur, quinque ad domum infirmorum, & si quis illos cambiret, qui tunc temporis essent, sollicitè obviarent, ut de cambiis anniversarium ejus ordinaretur, & quod superesset ad domum infirmorum daretur.

Jam igitur viginti quinque solidi sunt & tres denarii, qui constituti sunt ad domum infirmorum. Dicendum modo erit quid ex his agendum Abbas Rodulfus constituerit. Ad ligna coquinæ domus infirmorum, quando per se coquinam habuerunt infirmi, & ad focum faciendum hyeme ante eos, octo solidos; & ad continuum in eâ nocte lumen incendendum sex solidos; & ad minutum lumen, quo cœnantibus & Missam in eâ cantantibus servietur, tres solidos & tres denarios: tres solidos ad utensilia emenda, scilicet vascula quibus in eâ opus habetur, & mappas & mensulas, & manutergia & minuta homini. Quinque autem solidos qui adhuc restant, ita reliquit, ut si fortè contingeret quominus viginti alii solidi & tres denarii solverentur ex istis, quod decisset suppleretur, & si plenè persolveretur, quantum viginti solidis illis superesset necessitatibus infirmorum disponderetur, ad quasquæque Custos domus infirmorum consilio Prioris videret necesse fore sive ad carnes, sive ad alias res, licet carnes de præpositurâ debeant venire.

Censum autem istum de omni elemosynâ idcirco constituit recipiendum à Præposito à debitoribus, & à Præposito præsentibus illis dandum Priori, ut absque majori sollicitudine, & absque ullis expensis Præposito procurante solveretur ei. Si autem redemptio aliqua de terrâ moriente herede exiret, aut culpâ

aliquâ existente vadium aut tale aliquid præter censum vivens persolveret, duas inde partes Præpositus haberet, qui hac illacque suis sumptibus pro acquirendâ justitiâ equitaret, & tertiam Prior. Prior verò Custodi domus infirmorum de istis viginti quinque tantum solidis singulis annis responderet. Si autem nullus Custos in eâ esset, ipse per se eadem disponderet, sicut & de anniversariis & aliis elemosynis. Mortuo verò qui aliquid de censu isto jure hereditario teneret, successor ejus ad Claustrum veniret, & domum hereditatis de manu Præpositi & Prioris reciperet, alioquin legitimum non esset. Lumen autem quod Custos prius dabat ad domum infirmorum, constituit Abbas Rodulfus ut divideretur hyemali tempore per quatuor angulos Claustrante collationes usque ad Completorium. Ita paucâ domui nostræ infirmorum de elemosynis quæ suo tempore venerunt constituit, quia ad eam nec parvum nec magnum constitutum invenit, præter quod infirmis & languentibus carnes ministrare debebat & adhuc debet Præpositus. Quod si in lardario Abbatis aut in curti invenirentur, aut in curti inde acciperet, quod ipsis infirmis convenire videretur. Novit enim Dominus, quia ad eam miseriam & tenuitatem disceptatione Abbatum res Ecclesiæ defluerant, quod domus infirmorum neque lumen nocte, neque focum in die, neque quidquam amplius infirmus habebat languens in lecto quàm sanus in refectorio, ex eo si quid appetitui ejus non conveniebat, commutationem foris faciebat pro eo quod intus desiderabat: interdum etiam ori & appetitui subtrahebat unde necessitatem luminis & foci sibi supplebat. Quæ constitutio non ob hoc facta est ab eo, ut sic tenuiter amplius permaneret, sed ut præsentem tunc necessitatem utcumque alleviaret: nam voluntas ei erat summa & desiderium plura addere, si ei accideret, aut ab eis addenda relinquere qui post eum venirent.

Ad vestiarium Fratrum parum certierat statutum: nam cætera Abbates prout eis veniebant procurabant, quorum negligentia magnam frequentissimè Fratres penuriam vestimentorum sustinebant, maxime inter illas quas superius diximus Abbatum contentiones: tamen dicendum hîc otiosum prorsus esse non credidi, quod ad eam tunc pertinebant & prius quæ & quomodo statuerat. Bonum de Provin totum ad illam pertinebat, & census de Aloft tres libræ, & Ecclesia de Pirges quatuor libræ, & Ecclesia de Dunc duæ libræ, & Ecclesia de Guebechem duæ libræ. Bonum de Provin ad id modicum defluerat ut vix solveret septem marcas, cum aliquando xix. solvisset, unde inter hæc omnia vix ad viginti duas libras tandem perveniebat. Ligna ad vestimenta Fratrum lavanda veniebant de terrâ, quæ dicitur Manedac, ad balneas de Lare præbendæ lautorum, & confutorum de molendino de Grosmeç.

Igitur Abbas Rodulfus audiens eâ quæ Abbates de luo dabant ad vestimenta Fratrum, quia cum labore & dolore, & longâ prius afflictione eis interdum dedissent, timensque quia id post se posset accidere, utile duxit tam animæ suæ quàm Fratribus, ut plenè ordinaret & denominaret bona ad vestimenta Fratrum jam amplius pertinentia, maxime quia Fratrum numerus creverat sub eo, qui supra in compinso vestiri non poterat.

Voluit etiam ita ordinare ut illa vel illa curia non demembraretur de censu sive de annonâ suâ, sed quo servire deberet tota integrè finiret, & si quando carum tempus accideret, officiatu de annonâ se plenius juvaret; & si annonâ vile venderetur, census esset, qui ei succurrere posset. Dicebat enim nullum officiatum de aliquâ curiâ posse proficere, cui

aut census de eâ aut annona deesset. Itaque Provin sicut erat ad vestimenta Fratrum dimisit, & censum de Aloft, & Ecclesiam de Pirges, & ligna & præbendas servientium, sicut invenit. Censum autem de Ecclesiâ de Guebechem, & de Ecclesiâ de Dunc, quoniam istæ villæ majori parte ad Abbatem pertinent, in manibus retinuit superius dictâ intentione. Villam verò de Devinc cum Ecclesiâ suâ, quoniam studio suo & labore eam magno & gravibus expensis reacquisierat, ad vestimenta Fratrum statuit, & villam de Stades absque Ecclesiâ & molendino Remigii in censu & annonâ. Si igitur diligenter computaveris, invenies, quoddam ad vestiarium aliquid plus pertineat quàm valens triginta librarum, de quibus decem superadditæ sunt quæ prius non erant.

Cum legisset in libro de vitâ S. Trudonis, quia vivens adhuc Monasterium suum primum in honore sanctorum Quintini & Remigii fecisset Deo consecrari, & ante aram ipsorum se sepeliri; viderentque usque hodie & à populo exterius, & à Fratribus interius festivitatem S. Remigii celebrari, & de S. Quintino unam tantum Collectam fieri; miratus quâ negligentia hoc de tanto Martyre contigisset, gratum existimavit fore B. Trudoni, qui se & sua sub nomine ejus dedicaverat, si solemnitas ejus celebraretur in loco qui esset, ut dixi, Deo ex nomine ejus dedicatus. Composito ergo ex passione ejus pulcherrimo cantu cum Antiphonis & Responsoris Hymnisque dulcisonis, solemniter celebrari ejus festivitatem apud nos instituit, statuto Fratribus die illâ redditu in Refectorio ultra commune refectiois.

Molendinum de Gurdendrul ratione dictante, duos modios fecit solvere amplius quàm antea solveret, alterum siliginis, alterum frumenti: in die S. Quintini dimidium siliginis constituit pauperibus ad domum eleemosynariam; alterum dimidium similiter pauperibus ad eandem domum in die sacrationis suæ, sic ut post suum discessum transferretur ad suum anniversarium. De altero modio frumenti constituit in die festi ejusdem Sancti, ut simila excuteretur, & panis ponderis duarum marcarum & dimidiæ daretur inde singulis Fratribus super panem suum quotidianum; de reliquo farina panis fieret communis, & singulis camerariorum & servientium in curti unus daretur ejusdem ponderis. Similiter de alio modio in die suæ sacrationis, & cum defungeretur ad diem anniversarium.

Dum autem inter hæc recolligenda & singula ordinanda miro ardore defudaret, non defuerunt illi maximæ tribulationes. Persequebatur enim eum inhumanè Advocatus noster Comes GISEBERTUS, & plurimum advocatrix Comitissa GERTRUDIS conjux ipsius, ita ut nihil aut permodicum ei relinqueret de omnibus redditibus ad eum pertinentibus præter communem victum & vestitum qui debetur Fratribus. Vetus autem odium exordium habuit à tempore Abbatis Theoderici, propter quem frequenter & constanter eis restiterat tempore Prioratûs sui. Et cum modo factus esset Abbas, fortius & fiduciahius pro posse & ultra posse resistebat, ubicumque jura Ecclesiæ eos infringere videbat: propter quod tantum in eum processit feminea procacitas, ut misso ad eam aliquando Priore nostro Guederico ardenti irâ cum juramento minaretur, nisi etiam communis victus & vestitus Abbati tolleretur, quoddam eis suis non relinqueretur. Interea Abbas Claustro clausus tenebatur, relevans sibi otium & tedium lectione, prosâ, metro & cantu, quasi qui non habebat nec audebat quod progrediretur. Desperans tandem de auxilio hominum, convertit se ad Dominum, disposuitque iter suum Metis infra dies Paschales non ad

aliquem dominum suum in carne adhuc positum Episcopum, sed ad B. Proto-martyrem Stephanum, specialem post Deum Ecclesiæ nostræ dominum & patronum: ubi cum ante pares Metensis Ecclesiæ Monachos, Clericos, laicos, causam itineris sui & angustiam perorasset, nullumque posse ab illis fieri auxilium videret, convertit se lacrymabiliter per octo dies quos ibi fecit ad B. Proto-martyris suffragium frequentans reverenter parvulum quoddam B. MARIAE semper Virginis in eo Monasterio oratorium: tantoque profusiori corde causam suam illis agendam committebat, quanto se propensius humano destitutum auxilio considerabat. Sed dum illuc transfret ex Monasterio S. Trudonis; Stabulaus nocte unâ habuit hospitium. Celeberrima erat nox illa sollemnitatis institutæ, pro eo quod B. Remaclus reacquisierat sibi Malmundarium, quod NANNO Archiepiscopus Colonienfis susceperat de manu Henrici Imperatoris qui Leodii obiit. Porro secundus tunc temporis Abbas ibi habebatur, simulque & Prumiensem tenebat Abbatiam, quas quàm irrecuperabiliter dilapidaverit dicere hîc non est mei propositi. Noctē illâ ad primas solemnes Vesperas ambo Abbates albis & cappis pretiosis induti, positis sedibus festivis sederunt ab utrâque parte ingreissus cancelli ante altare B. Remacii, ubi Abbas RODULFUS dum infra *Magnificat* & sequentem Antiphonam baculo pastorali innixus caput, quem ambabus manibus junctis tenebat ad altare staret versus, amarissimè & profusum profudit fontem lacrymarum pro suâ necessitate quâ peregrinabatur, revocabatque sæpe B. Confessori Remaclo ad memoriam eam quam ipse senex & B. Trudo adolescens viventes adhuc in carne habuerant simul amicitiam, piâ etiam exprobratione objiciebat ei consilium pro quo tradiderat B. Proto-martyri Stephano Metis præclaræ hereditatis suæ atque familiæ magnum & illustre monumentum, cum non esset modò Præsul in urbe qui succurreret angustis nostris & miseræ. Quid plura? Audivit pius Confessor tacitos gemitus mœrentis cordis illius, vidit profusos per baculum usque in pavementum lacrymarum fluxus.

Non solum igitur ab insidiantibus Abbati dispositis latronibus eripuit eum in itinere, verum præcedens eum verè, verè præcedens eum potenti virtute, causam ejus efficaciter Metis egit, non cum Episcopo ALBERONE secundo, sed cum B. Proto-martyre Stephano, atque cum beatissimâ Dei Genitrice MARIA, cujus oraculum in ejusdem Proto-martyris Ecclesiâ, gloriosa frequenter illustrant miracula. Nam antequàm Abbas reverteretur à Metis Stabulaus ad Beatum iterum visitandum & orandum Remaclum, in itinere nuntiatum est ei, quoddam mortua esset illa superius dicta Advocatrix, & ipsius & Ecclesiæ permaxima persequutrix. Advocatus autem Gisebertus qui inimicissimus ei prius fuerat, reverso à Metis statim obvius ivit amico vultu & supplici, & quidquid in eum deliquisset à modo se libentissimè velle emendare promisit. Sed neque hîc adhuc continuit se B. Remaclus. Nam Herimannitarum & Herimanni multos & malignos & sapius redivos in Abbatem conatus potenter contrivit, & ab omni spe decidere fecit: qui videlicet Herimannus ad S. Symphorianum in sylvâ suprâ Leodium juxta Clarum-montem sicut ante se contulit, & ab inguine inferius gravi infirmitate correptus privatus est omni gressu. Longo itaque cruciatu ibidem mortuus est, & sepultus. Prius tamen quantum fieri potuit per internuntios Abbati & Ecclesiæ reconciliatus, sex quippe annis postea vixit quàm Abbas Rodulfus in Abbatiam intravit, quo vivente alter nunquam absque perturbatione vixit. Hic talis fi-



nis exstitit Herimanni, qui unus & ultimus fuit quatuor illorum ventorum, quorum turbinibus agitati frequenter usque ad caelos sumus, & depressi usque ad abyssos descendimus. Defunctis Herimanno & Comitissa, aliquantula pax Abbati & Ecclesiae est reddita.

Et quoniam de reparando Monasterio propter vastitatem ejus desperabat, & manus apponere propter paupertatem non audebat, convertit se ad aedificandam quartam partem Claustris versus aquilonem ex lignorum materia, sicut erat pars illa quae ad orientem respiciebat, cum prius ambae vix clauderentur sepe humili & vetustate discissa. Illa versus orientem habebatur pro Fratrum dormitorio, versus aquilonem pro infirmorum domo, subque uno ipsius tecto domus erat lavatoria, domus elemosynaria, & curtis ante cum posticio, exitus de Claustro & introitus pulcher & amplus, in quo mandatum pauperum agbatur, & curtis ante portam clauderetur, superius granarium, inferius duae camerae; una in qua vestimenta Fratrum Camerarius reponeret, alia in qua consueretur. Deinde domus infirmorum habens fumariam sive forariam, capellulam, lobiam, cameram dispensatoriam, cameram privatam, aliamque privatiorem. Hortum ante eam postibus, tabulis, spinis munitum, ut esset ex aere & viriditate infirmorum aspectibus refrigerium. De domo illa, quae prius erat quasi carcer infirmorum, fecit cervicis & vini cellarium, atque à dextra introeuntium aptum hospitibus suscipiendis habitaculum. Quae prius cellarium fuerat, fecit pulchram & amplam sibi & majoribus hospitibus cameram, habentem ab utroque latere duas alias usus hospitantium necessarias, ex quibus aptus & secretus in Monasterium est introitus, interclusa manica à Monasterio, factoque ad tumulum S. Lamberti Martyris oratorio, hospitibus volentibus Missam audire vel dicere congruo. In pariete hujus manicæ versus monasterium est fenestra ab utraque parte vitrea quae lumen fundit, & in Monasterio & in hoc hospitum Oratorio; lumen hoc procurat Custos de quinque solidis quae veniunt ei de Ecclesia de Alost. De hoc quoque Oratorio est introitus in aliam cameram, quam ipse Abbas latam & altam similiter hospitibus aedificavit cum necessariis ejus appenditiis, ut non haberent Fratres inquietudinem de hospitibus in Claustro, neque necessitudinem exire propter eos sicut ante solebant, de suo Refectorio. Sunt & atria & porticus ante has utraque cameras, & viridarium spatiosum & delectabile hospitibus, cum pluribus lignis diversos fructus ferentibus, de quibus penè omnibus nihil invenit, nisi titum horribilem & dirutas macerias, quando Abbatiam est ingressus.

Et cum de reedificatione Monasterii propter horribilem vastitatem ejus, ut dixi, desperaret, & propter tenuem Ecclesiae substantiam accingere se ad tantum opus formidaret, inspiravit Deus cuidam matronae de oppido nostro nomine Ruzelæ, quae suis sumptibus unum pilarium cepit aedificare, cepit, erexit, consummavit. Hanc imitatus quidam Libertus de hac majori curte nostrâ villicus, aliud juxta eam incepit & consummavit. Post illos oppidani nostri de suis facultatibus quatuor incepunt pilaria, & duo reliquerunt imperfecta. Perpendens ergo Abbas Rodulfus, quia voluntas Dei erat & Sanctorum, spiritu recepto aliis intermissis, ad illud tantum opus non segniter se accinxit. Itaque pilariis tanto labore & constituta erectis, qualem nemo novit qui non interfuerit, in brevi tempore de choro usque ad turrin utrosque parietes navis Ecclesiae penè usque ad consummationem perduxit.

Sed diabolus crescenti invidens operi, cum turbatis regni Principibus adversum Imperatorem Henricum quartum; videret locum impediendi opus nostrum, partes fecit, & propter Comitem Gisbertum Advocatum nostrum Imperatorem deserre nolentem, & Ducem Godfridum Lovanensem Imperatori adversantem, irruptio facta est ab eo in oppidum nostrum. Nam stolidus populus præter corporum communia arma & pectora, stultâ audaciâ nulla præparaverat adversus eum repugnationis machinamenta, fossatum oppidi detritum & dirutum, & plusquam centum locis pervium. Porta nulla, terra loco pontium continua, ligna prostrata, nulla transversa; tamen audax & male ante securus populus ruit ei obviam obduratis pectoribus, contraque omnium hominum spem diu ne intraret virili ei manu obstitit, & bis & semel violenter ingressum factâ magnâ strage corporum eorum cruento vestigio ejecerunt. Sed tertio prævalentes hostes multitudine, & securiores nostris ferreo tegmine compulerunt nostros intrare atrium, quod tantum munierant contra eum, statimque omne oppidum usque ad quindecim domos igne fuit concrematum. Interea milites circumquaque discurrentes omnia nostra diripiunt, non amplius Ecclesiis quam domiciliis parcunt, maneque abeuntes quidquid supererat depopulationi, igni tradunt, omnes nostras villas, quae illi superfuere incendio, suos mancipare fecit Dux suo suorumque servitio. Quam nostram calamitatem quoniam tristi metro bis descripsit Abbas Rodulfus, prosâ hinc iterare otiosum duximus.

Tunc intermissum est opus Monasterii, cum eâ ipsâ die eadem horâ quâ cremabatur oppidum operarii starent adhuc super absides, super cancellum celeriter se transfuderunt, & cum magno vitæ suæ periculo & intolerabili aestu atque ardore partes illas ab incendio eripuerunt. Nam multis in locis de tecturâ sub pedibus eorum flamma irrumpebat, & dorso atque capitibus minaciter desuper allambabat. Gratias Deo, pars illa evasit ab incendio, non tamen sine aliquo de ruptione tectorum damno. Annus quo hæc mala nobis acciderunt, annus erat Incarnationis Domini millesimus centesimus decimus quartus, ordinationis Abbatis septimus, xiv. Calendas Augusti feriâ secundâ mense maturâ; anno à concrematione Monasterii & Claustris sub Lanzo & Luipone de Abbatia contententibus xix. à concrematione oppidi quæ facta est sub Henrico Leodiensi Episcopo, & per eum, triginta & plus modico.

Dux Lovanensis, licet mala ista omnia nobis propter Advocatum nostrum Gisbertum fecisset, majora tamen adhuc minabatur, neque bona Ecclesiae solvenda ab invasione, nisi prius fossatum atrii quod contra eum elevaverant, repletur. Quid multa? Quod stultâ factum erat temeritate, ut ita dicam, defectum est tristi necessitate, fossatum atrii repletum est. Tunc Abbas Rodulfus à turre Monasterii per circuitum versus Aquilonem usque ad portam curtis, quæ respicit ad Orientem, cumulum grandissimæ fossæ non exterius, sed interius sparsit propter magnum præcipitium, quod eâ parte curtis intus deformiter habebat: portam quoque quæ respiciebat ad Aquilonem, transtulit juxta molendina ad Occidentem. In quâ commoda planitie, videlicet inter portam orientalem & occidentalem, pulcro modò ordine sunt positæ necessariae curti officinae, horrea duo, domus dominica vasta habens per circuitum sui stabula equis supervenientium hospitum necessaria, duæ domus pauperum, altera æstivalis ad habitandum, alterâ hyemale calefacto-



rium ad reficiendum. Per circuitum hortus amœnus, pomorum herbarumque commodus usibus; deinde pristinum, post braccena, post eam divitibus hospitibus coquina, quæ cum expedit Fratribus est lavatoria. In medio & ante istas officinas puteus utilis curti ad omnes aquæ usus. Igitur repletâ atrii fossâ & pacatâ Ducis irâ recepit Ecclesiâ nostrâ sua bona vacua, & post multos annos inutilia.

Deinde sequenti anno tam ardenti animo ad reparandum Monasterium Abbas Rodulfus se cœpit accingere, quodd (ut ita dicam) vix meditullio noctis poterat requiescere, quin ipse semper adesset præfens operariis: manè ante solis ortum, vespere usque post occasum ad instantiam operis urgens eos hinc lapidi, hinc ligno occupatos. Totos igitur parietes Monasterii anno illo usque ad turrim peregit, & trabibus suprâ compositis ferè cooperuit, modico superexstante, quamvis illud idem non cessaret quotidie strenue consummare. Tunc tandem facta est ab ipso capellula, quæ suprâ sepulcra sanctorum Trudonis & Eucherii ferè triginta annis computruerat, & circumdata sunt sepulcra eorum inferiùs muro, superiùs quadratis tabulis quadraginta versùs altare inisitis ligno opere duplici ordine. Circuibat hoc opus Sanctorum corporibus reverendum minor chorus valde decorus, & invalidis Fratribus ad sedendum aptus, & ad venerandam & orandam præsentiam sanctorum corporum, per duo utrimque ostiola introitus erat per minorem chorum ad altare & sepulcra Sanctorum, valvis duabus ferreis ante altare intercludentibus populum & Fratres; si quando cantatum aut orationem procedere vellent manifestè aut occultè ad altare & corpora sanctorum. Muro itaque Monasterii & tecto gravissimis sumptibus consummatis, fecit illud solemniter dedicari ab OLBERTO Leodiensi Episcopo in gaudio & in gloriâ magnâ anno ordinationis suæ, Abbatis videlicet, ix. ab Incarnatione Domini millesimo centesimo decimo septimo, tertio Calendas Octobris, ab eo quo crematum tunc xxxii.

Reliquiæ verò quæ in altaribus, & in quibus altaribus positæ sunt ita habentur. Principale altare post beatam & gloriosam semper virginem Dei genitricem MARIAM est consecratum in honore Sanctorum Quintini & Remigii, quibus beatus Trudo primum à se factum Monasterium dedicavit, in quo continentur Reliquiæ istæ: De corpore sancti Adriani Martyris, de sepulcro Domini, de columnâ Domini, de spineâ coronâ Domini, de sancto Theodoro Martyre, & aliorum Sanctorum. Altare quod est retro majus altare, est consecratum in honore sanctorum Martini Episcopi & Christophori Martyris, in quo continentur Reliquiæ istæ: De vestimentis sanctorum Trudonis & Eucherii, de Reliquiis sanctorum Pancratii, Victoris & Rumoldi Martyrum, Bavonis Confessoris, & aliorum Sanctorum. Altare in dexterâ parte est consecratum in honore sanctorum Joannis Baptistæ, & Joannis Evangelistæ, in quo continentur Reliquiæ istæ: De lecto sancti Joannis Baptistæ, & de ipeluncâ ipsius, & aliorum multorum. Altare in sinistrâ parte est consecratum in honore sanctorum Apostolorum Petri & Pauli & aliorum omnium; in eo continentur Reliquiæ istæ: De corpore sancti Amandi Confessoris, & sancti Valentini Martyris. Altare ad sepulcrum beatorum Trudonis & Eucherii est consecratum in eorum honore; in eo continentur Reliquiæ istæ: de capillis sanctæ MARIE, de vestimentis sancti Jacobi Apostoli Domini, de Reliquiis sanctorum undecim Virginum. Altare à

dexterâ parte ad introitum Monasterii, est consecratum in honore sancti Benedicti & sanctæ Gertrudis Virginis. In eo continentur Reliquiæ de corpore sanctæ Gertrudis, & aliorum multorum. Aliud contrâ illud altare in sinistrâ parte, est consecratum in honore sancti Lamberti Martyris: in eo continentur Reliquiæ istæ, de capillis sancti Lamberti Martyris & Episcopi, de sancto Georgio Martyre, de sancto Mauricio Martyre, & aliorum.

XXXXXXXXXXXXXXXXXXXXXXXXXXXXXXXXXXXX

### LIBER UNDECIMUS.

**A**Nte hos consecrationis Monasterii undecim annos excommunicatus obierat Leodii HENRICUS Imperator, filius HENRICI filii CONRADI Imperatoris, regnoque & attrio privatus erat propter dissensionem inter ipsum & Apostolicos Romanos de investituris Episcopatum per annulos & baculos de manu Imperatoris, & propter simoniam quam de eis faciebat. Regnabat autem pro eo filius ejus æquè HENRICUS vocatus, qui cum Romanâ Ecclesiâ patrem persequutus, regno eum privaverat. Hic cum regnare cœpisset, & potentissimè atque robustissimè in regno confirmatus esset, in illud ipsum incidit in quo pater Ecclesiam offenderat, & pro quo sententiam privationis acceperat, majoraque latis atque nefanda committere non pertimuit: nam cum Romam venisset, & ad gradus B. Petri Apostoli processione suscipiendus esset à Domino Papa PASCHALI & Cardinalibus, Episcopis & Presbyteris, Diaconibus & omnibus Clericis, Romanorumque Nobilioribus, & populo innumerabili, fidem subito rupit, sacramenta interposita postposuit, datos obsides vilipendit, manusque sacrilegas tam ipse quàm sui in dominum Papam Christum Domini injecit, & omnes qui capita videbantur esse Ecclesiastici Ordinis atque Romani populi custodiâ conclusit. Ibi quod quisque suorum potuit de insignibus Ecclesiasticis sibi rapuit tam in auro quàm in argento, & cappis & casulis, sicut unaquæque Ecclesia attulerat ad ornatum processionis. Quid longius protraho? Tandem gravi necessitate & lamentabili re compulsus dominus Papa, non propter se tantum quantum propter Romanorum Nobiles, & Cardinales suos, Episcopos, Presbyteros, Diaconos, qui secum crudeli clausurâ tenebantur, extorquenti magis quàm petenti Imperatori consecrationem imperialem se daturum concessit, & privilegium potius quàm privilegium de investendis Episcopis & Abbatibus.

Hoc tristi nuntio & pollutâ famâ pervolante ad Gallicanam Ecclesiam, sine omni morâ factò Conventu, Imperatorem excommunicavit, & quod sub tanto sacrilegio & violentiâ factum fuerat damnavit. Dominus verò Papa quod in reconciliatione Imperatori promiserat non violavit, sed Ecclesiam Gallicanam, omnesque filios Romanæ Ecclesiæ pro injuriâ summo Pontifici factâ, clavibus beati Petri Apostoli uti non prohibuit. Suspendebatur adhuc hæc in Imperatorem sententia apud Germanorum Ecclesiam, cum propter timorem, tum à quibusdam propter gratiam, nec multo post tempore vocatus est ab eâ, & missus ad eam CONO Episcopus Prænæstinus Romanæ Ecclesiæ Legatus, congregatumque est Concilium magnum in loco qui vocatur Frisebart, tam de Abbatibus & Episcopis, quàm de multitudine Clericorum & Monachorum, cui propter obedientiam quâ vocabatur non ausus fuit deesse D. Abbas hujus nostri Cœnobii videlicet S. Trudonis Rodulfus, ne ab officio & communione Ecclesiæ sus-

penderet. Excommunicatur in eodem Concilio Imperator **HENRICUS**, sicut & in Gallicanâ Ecclesiâ, cum propter prædictam culpam, tum propter tyrannidem quam exercebat in Ecclesiâ. Propter fideles Imperatoris cum multâ sollicitudine & timore actum & peractum Concilium fuit; sed & dominus Abbas Rodulfus non sine minori sollicitudine atque timore domum rediit, ut pote per medium fidelium Imperatoris: sicque in turbato regno facta est satis major perturbatio.

Defungitur paulo post Leodienſis Episcopus **OLBERTUS**. Fit altercatio grandis de Episcopatu, electionis tamen dies præfigitur, infra quem Alexander ejusdem Ecclesiæ Sacrista & Archidiaconus baculum & anulum arripit, Imperatori repræsentat, & ab eo recipit, investitus sic à manu excommunicatâ de Episcopatu Leodienſi: pro quâ temeritate, & contentionis erroneo fune, præfixa canonica electio diu protelata fuit, donec traheretur Coloniae Conventus Leodienſis cogente auctoritate Metropolitani, scilicet **FREDERICI** Archiepiscopi. Ne ibi quoque ausus est defuisse dominus Abbas Rodulfus, cavens sibi semper sollicitissimè ne inobedientiâ feriretur, sicut ne excommunicatorum communione macularetur. Electus est igitur ibi dominus **FREDERICUS** majoris Ecclesiæ Leodienſis major præpositus & Archidiaconus, atque à domino Papa **CALIXTO** consecratus, & Alexander cum omnibus suis complicibus excommunicatus. Studens brevitati prætermisi hîc, quantâ difficultate, quanto periculo Electus, & qui elegerunt redierunt à Colonia Leodium, cum à Trajecto usque ad urbem ab utrâque parte Mosæ acerrimas insidias per dispositas locis aptis militum copias Alexander eis posuisset, quibus ipse quoque intereat. Tamen protegente eos Deo sine aliquâ læsione urbem introierunt, & exclusum Alexandrum, ex Hoyo castello obsidione ejectum quotidie patiebantur hostem gravissimum. Vix tandem aliquando dominus Abbas Rodulfus, ab hoc reditu multas frustratus insidias, Cœnobio nostro incolumis est receptus: quod non minimum dolebat Advocatus noster **Gislebertus** Comes, & omnes Alexandri satellites.

Igitur excommunicato **Henrico** Frisebart, & Alexandro Hemis, in hoc & illud facta est magna perturbatio, & in Monachos & Clericos crudelis persequentio in toto Leodienſi Episcopio, qualis à tempore Arianorum non fuit audita. Alexandri partes juvabat cum suis omnibus Lovanienſis Comes **GODEFRIDUS**, tunc temporis Dux, Durachienſis Comes **GISLEBERTUS** Leodienſis militiæ Signifer, **REYNERUS** de Monte-acuto, Comes **LAMBERTUS**, & pene tota familia Ecclesiæ cum suis viribus. **FREDERICI** partes tuebantur frater ejus Namurcenſis Comes **GODEFRIDUS** cum suis sed non omnibus de Lemburg, Comes **GUALERANNUS**, qui postea exstitit Dux de Monte-falco, Gorguinus civitas tota exceptis aliquibus; Abbates omnes, Episcopi, de Archidiaconibus & Præpositis meliores & plurimi, Clerus quamplurimus: pars illa dicebatur Alexandrina, pars ista Frederina. Alexandrini dicebant Frederinos reos esse Regiæ Majestatis, & ob hoc persequabantur: Frederini Alexandrinos cum Imperatore & Alexandro excommunicatos, & ob hoc in Ecclesiasticâ communione eos vitabant. Itaque qui Romanæ obedientiæ sub Episcopo Frederico obtemperabant, prædas & direptiones & captivitates, ignem & gladium per Alexandrinos quotidie sustinebant: nulli ætati, nulli sexui, nulli ordini parcere, totum persequutionis ætium super Ecclesias tam in Monachos quàm Clericos effundere: vagi & proflugi, laceri & seminudi multi tam Monachi quàm

Clerici hac illacque mendicare. Sic vidimus, sic audivimus, sic scribimus.

Alexander ex castellis ejectus, sed prædictis tutoribus nostro oppido frequenter se recipiebat & tantorum malorum incendium acriter agebat. Oppidani nostri omnes illi favorabiles erant, ut pote semper levissimus ad talia populus. In totâ Brabantia, in totâ Halbania non erat Princeps aut dominus qui Alexandro non faveret, aut eum tueretur. Solus Loenſis Comes **ARNULFUS** inter utrosque medium se agebat; Frederico tamen magis obtemperans ob domini Papæ obedientiam, quàm Alexandro ex Imperatoris violentiâ. In medio nationis tam pravæ atque perversæ in multâ spiritus angustia & carnis nostræ amarâ penuriâ, licet depradata, licet afflictâ servabat tamen Ecclesia nostra cum domno Abbate obedientiam Romanæ Ecclesiæ, & incontaminatam se custodiebat ab excommunicatorum communione. Quapropter irâ gravissima & odio intolerabili atque rapinâ in domnum Abbatem Rodulfum, & in nostros & nostra omnes ferebantur, quicumque Imperatorem & suum Alexandrum sequebantur.

In tempore illo & in diebus illis scripsit dominus Abbas Rodulfus epistolam ad ipsum Alexandrum, & aliam ad quemdam de suis, redarguens eos cum magnâ libertate animi, & constantia, & auctoritate de illicitâ ejus invasione & de tyrannide quam in Ecclesiam exercebant quotidie, & instruens eos quæ esset canonica electio, & ad Episcopum ecclesiastica promotio & de Imperatoris dono. Sed quid? non mutavit Æthiops pellem suam. Interea Lovanienſis Dux villas nostras & Ecclesias, & quæcumque de nostris dominio suo adjacebant, militibus suis distribuebat. Comes verò **GISLEBERTUS** advocatus noster de nostris quæ ei subjacebant similiter fecerat, **HENRICUS** Castellanus de Cohune Ministerialis Imperialis Imperatoris quæ super Mosellam videbamur habere possidebat, quisque dominorum, imò raptorum prout eis nostra contingebant. Solum deerat votis Alexandrinorum & aulicorum dominus Abbas Rodulfus, desiderantium cum quandoque rapere, & Imperatori dehonestandum pro magno munere offerre, hoc ei totum conflaverat advocati **Gisleberti** vetus in eum & novum odium, & detractio continua apud ipsum tyrannum: sed testis erat qui novit corda, quia præter Romanam obedientiam non peccaverat in illum.

O quoties fideliores & meliores Ecclesiæ domnum Abbatem convenerunt humillimis precibus, & piis obsecrationibus, prætendentes ei tempestuosi temporis tempestatem, ut promissâ sibi prius securitate offerri se pateretur à fidelibus viris Imperatori, & osculo tantum & colloquio ei communicaret, & sic deinceps pacem & gratiam ejus tam ipse quàm bona nostra haberent. Cumque evincere non possent, quia ille constanter dicebat sibi servandam obedientiam Romanam & communionem catholicam, convitiis affectum aspernabantur, & sinistris auspiciis devote iratum solum relinquebant. Nam si quando Trajectum sive Leodium Imperator venisset, vix eum tutum fore posse intrâ nostri quoque templi parietes amici ejus credebant, quos & Alexandrini plurimum concitabant. Ipse tamen nihilominus quantum valebat ab Ecclesiâ nostrâ eos arcebat, & si quando ad unum altarium nostrorum ab uno suorum Alexandro Missa cantaretur, nullum nostrorum ibi Missam cantare permittebat amplius: donec benedictione datâ ab ipso Episcopo Frederico reconciliaretur. Præteribant dies sanctæ Quadragesimæ, necnon similiter Passionis Domini cæ, & tota Ecclesia nostra cum domno Abbate ago-

Moritur O-  
bertus Episc.  
Leodienſis.

In ejus locum  
suſcitur Fre-  
dericus.

nizabat vehementer in hac passione. Nil nos juvare poterat, quod consilio & multis precibus fidelium Ecclesie pacem & securitatem tam nostri, quam bonorum nostrorum credebamus nos redemisse viginti quatuor marcis à Dovanienſe & à Durachienſe impeditis, quæ supererant nobis sub fœnore pro hac gravissima exactione. Inimici Dei & sanctæ Ecclesie mentiuntur promissam, rumpunt fidem, ventum cum esset ad clausulam, scilicet aut Abbatem eis communicaturum, aut loco aut Abbatia cessurum, si ve fame cum omnibus nobis in eâ moriturum, atque ad complenda eorum longa desideria hujusmodi eis est occasio suborta.

Infirmata matrona de majoribus oppidanorum, propinquabat ad mortem: spes vivendi nulla erat: conveniunt Abbatem filii & parentes, rogant ut cum defungeretur, Missam & exequialia de more ei faceret. Quid faceret? annuere eis quod non erat facturum eum non decebat, negare causamque querentibus dicere seditio futura erat. Quid tandem? respondit se non audere: querentibus quare, pro servandâ, inquit, sanctâ communione; sed si viri tantum vellent abesse, presentibus mulieribus Missam & exequialia non timeret peragere. Suggesterunt crebrius eadem; & eadem ab eo audierunt. Episcopum verò Alexandrum non Episcopum reputabat, sed invasorem & tyrannum. Ergone tantum, inquirunt, viri excommunicati sunt? Itaque recedentes commoverunt seditionem magnam, populusque cum filiis ægotantis matronæ cum clamoroso furore querimoniam apud Advocatum faciunt de ipso: Ecce, inquirunt, Advocate patet, quod pro excommunicatis tam te quam nos habet, quia te duce venimus Hoium in Ducis expeditione, ob hoc neque nos in communione, neque mortuos nostros propter nos vult recipere. Satis utique ignominiosum tam tibi quam Duci, qui in medio nostrum securum pateris esse inimicum Imperatoris, qui tam ipsum quam te & nos non negat se habere pro excommunicatis. Monebant Abbatem secreto amici & homines sui, ut saltem residens Conventum Fratrum ad exequias mitteret, & tentantes eum à proposito avertere, dicebant ei utilius esse ad horam necessitati temporis cedere, quam Ecclesiam sibi commissam desolatam relinquere. Sciebant enim alterutrum imminere, aut voluntati eorum aut loco cedere. Flecti non potuit.

Nunc quoniam sermo de expeditione Ducis versus Hoium incidit, breviter tangam quid fuerit. ALEXANDER Hoium castellum occupaverat, quem in eo FREDERICUS Episcopus cum fratre suo Namurcensi Comite GODEFRIDO obsessum tenebat; nam suburbana Hoï Frederico magis favebant quam Alexandro: ad quem liberandum Dux applicuit exercitum Hoïo ex unâ parte Mosæ, in quo oppidani nostri fuerant (& hoc est quod Advocato & Duci improperabant, ut eos amplius in Abbatis contumeliam sic accenderent) ex alterâ parte Mosæ de verticibus montium Comes LAMBERTUS in obsidentes castellum cum ingenti multitudine exivit. Pugnatum utrimque acriter est, illinc à Duce, istinc à Lamberto Comite contra utroque ab his qui erant cum ipso Frederico & fratre ejus Namurcensi Comite. Dux inani spe frustratus recessit. Comes LAMBERTUS in bello prostratus de equo & vulneratus, captivus ductus Namurcum fuit. ALEXANDER obsidionem diu sustinere non valens, & valde expavescens ex verbis Papæ Calixti, qui ei mandaverat quia clauderet ei januam æternæ vitæ nisi cessaret, Episcopo Frederico castellum redderet, & promissâ emendatione & perpetuâ cessatione; in publico Conventu Leodii absolutus est ab Episcopo Frederico cum pau-

cis adherentibus ei Clericis, & domi sedens ad tempus invitatus siluit. Nunc ad narrationis ordinem revertamur.

Advocatus jamdudum in Abbatia graviter infensus, nunc verò magis in iram & furorem propter supradictam exprobrationem succensus, Duci quid eis faciendum sit de Abbate communicat; consultumque accepit. Secundo die Paschæ in atrium Ecclesie veniens, pulsata campanâ populum convocat: ubi de illo pariter coeperunt tumultuari & conqueri, & vicissim favere ejus derogationi, mandatus exire ad eos derogat. Advocatus homines ejus pro mandato suo nolentes eum exfestuare exfestuabat: die illâ totâ satis turbæ actum est in turbâ: sequenti die Comes ARNULFUS de Los se interposuit, nihilque profecit: cumque neque mutari posset Abbatis constantia, neque dissidentium ab eo pertinacia: itaque defatigatâ eorum ratione & eorum dissono fremitu, eâ res demum redacta est, ut aut loco cedendum, aut excommunicatis communicandum sibi esset. Nec diu hæsitavit quod potissimum eligeret; vir enim prudens citius advertit, etsi temporis necessitas præsentiam suam Ecclesie sibi commissâ omnino deposceret, priori tamen honori & constantiæ suæ nullatenus debere notam sublationis inferre, nec egregia principia probroso exitu corrumpere. Tædebat eum bona Ecclesie quotidie videre diripi, & ab his qui debebant nullum auxilium ferri. Concertabat verò ægerimè in mente ejus hinc Fratrum affectus, quos intimè diligens sine gravi dolore ita desolatos relinquere nequibat; illinc conservandæ Catholicæ communionis superius liberrimè acta constantia. Sed quid zelus Ecclesie, & magnanimitas honesti fortisque propositi? Demum palmam hic conflictus penes eum obtinuit; certus itaque de incontaminandâ Fratrum perseverentiâ, cessit tamen non sine magno ejulatu eorum, & meliorum de Abbatia dolore, parvipendens præsentia melioris vitæ contemplatione.

Anno incarnati Domini millesimo centesimo vigesimo primo exivit, Ordinationis ejus XIII. quartâ feriâ Paschæ, quæ fuit eo anno Idus Aprilis, atque à Comite Arnulfo de Los honorificè conductus, humanissimè quoque ab eo est hospitio susceptus, liberaliterque stipendiatus. Paucis itaque cum eo factis diebus, licet morbo tunc per plures diffuso capitis & oculorum tunc gravaretur, viam tandem versus Flandriam est aggressus, atque per Lovanium ubi dominus Lovanientium folia tantum dedit verborum: inde per Hasslingiam, per Cœnobium S. Bavonis, tandem Gandæ pervenit ad Ecclesiam sancti Petri. In illis diebus præerat Hasslingiæ primus Abbas loci illius FULGENTIUS, vir cum omni suo Conventu vitâ religiosus atque hospitalitati deditus: apud sanctum Bavonem GUALRICUS, in providentiâ rerum temporalium vigilanter strenuus: apud sanctum Petrum Gandæ ARNULFUS qui postea vivens Abbatiam reddidit, inquietatus à Fratribus. Exuberabat tamen ejus tempore locus ille victuum & vestium tam sanis Fratribus quam infirmis superabundanti copiâ, vigeabantque sub eo introducta per eum religiosa Cluniacensis Ordinis studia. Ab his supradictis omnibus piâ humanitate & compassione susceptus, postremò Gandæ sub eodem Arnulfo Abbate, donec de tam solido littore posset speculari quando Deus imperaret ventis ejus & mari. Interim dum ibi moraretur, manus Domini paternæ super eum visitationis correptionem super correptionem ei apposuit, quia frater ejus uterinus qui cum eo exierat vice famuli, sed affectu germani, longo languore vitâ decessit; jacet sepultus Puci ante occidentalem portam Monasterii, quod

1111.

circumdat murus undique valli & benè compositi paradisi. Signatur sepulcrum ejus lapide polito atque subnigro. Quantà constantiā animi, quantà vultus serenitate visitationem illam Domini sibi suscepit, cum tamen carnis affectu ut homo intus ureretur, mirabantur omnes qui eum intuebantur, maxime ipse Arnulfus Abbas, qui omne genus consolationis affectu & effectu maximo erga eum exercebat. Fuit igitur cum eo usque post obitum Frederici Leodiensis Episcopi, propter ejus obedientiam & Romanæ Ecclesiæ communionem supradictam patiebatur incommoditatem.

Eo anno defungitur Episcopus **FREDERICUS VI.** Calendas Junii, & **ALEXANDER** reducitur à suis & cum suis. Præter eum verò solum quem Episcopus Fredericus absolverat, ut & Hoyum exiret & ab Episcopatu cessaret, nullus suorum laicorum absolutus fuerat, neque ipse eorum communionem in aliquibus devitabat; videbatur enim tam sibi quàm suis, quod omnis contradictio; quæ eos hactenus impugnaverant, defuncto Frederico sublata & remota esset. Vocatus ergo ab eo licet excommunicatus adhuc Lovaniensis Dux Leodium venit, Clerum & populum ei pacificare satagit, & in pleno conventu Capituli reformat ei assensum electionis; qui de Fredericis intererant, silentio magis quàm corde aut ore assentiebant. Placuit tunc quoque in communi eis, Abbatem Rodulfum revocare, ut illo ei cooperante qui in parte domini Frederici nonnullæ opinionis fuerat, & Archiepiscopo virtute constantiæ in persecutione satis innotuerat, ad ea quæ restabant promptius de Alexandro prævalerent. Scientes autem quia pro ipsis minùs rediret, litteris & sigillo Leodiensis Ecclesiæ eum remandaverunt. Rediit, sed ex consilio Alexandri, licet hoc negaret, Abbatiam intrare ab Advocato Gisleberto non permittitur, donec intelligeret aut probaret, quo animo, quo studio causam suam tueretur. Cumque Leodii moraretur, nitebantur valde communes amici eorum ut pacificaretur: Abbas Rodulfus non renuebat, sed secundum Deum & animæ suæ salutem: Alexander neque hanc neque illam volebat interponere conditionem: manebat interim Leodii apud sanctum Laurentium. **HERIBRANDUS**, tunc temporis ibi præsidebat post **BERENGARIUM**. Sed cum intelligeret ex his quæ Alexander querebat, quia anguis in herbâ lateret, atque cognosceret quia ille excommunicatis communicaret, & factus Conventus excommunicatorum communionem contaminatus esset, dolebat veliementer se venisse, & libentissimè volebat se absentare, ne cætera sua strenuè acta fuscaret vel falsâ opinione; sed non parum habebat anxietatis & sollicitudinis, quia neque in Flandriam redeundi facilè copia ei erat, cum videret eos sibi dissentire à quorum conductu eò redire haberet, & timeret deesse sibi ad victum pertinens, si Leodii remorari necessitas compulisset. In proximo autem Archiepiscopus & Dux Trajecti debebant convenire, ut in pace omnia solidarent, sub quâ spe firmandæ pacis pacificè Trajectum venire. Nihil eorum quæ promittebantur actum. Archiepiscopus non venit.

Videns igitur facultatem in Flandriam revertendi minùs sibi suppetere, Coloniam intendit ad Archiepiscopum **FREDERICUM**. A Trajecto autem descendens Eiselo castellum, invenit ibi majorem Præpositum Ecclesiæ sancti Lamberti **ANDREAM**, qui postea Trajectensis Episcopus exitit, & cum eo de Ecclesiâ majores, qui Alexandri communionem vitabant: ubi invicem consolatis, & in perseve-

rantia corroboratis, transiit ad virum nobilem **GORGIVM** de Castello Falco-monte, qui & ipse fautor erat & cooperator Fredericæ parti faventium, qui honorificè habens eum secum aliquot diebus, deduxit eum in Arduennam ad Archiepiscopum, ubi tunc per nemorosa oblectabatur. Archiepiscopus de adventu gavisus, hospitio & consilio est eum consolatus. Mane autem facto adveniunt nuntii Alexandri **HENRICUS** Archidiaconus Ecclesiæ sancti Lamberti, filius **CONONIS** Comitis, & **GODESCALCUS** Canonicus Ecclesiæ sancti Servatii Trajecti, qui erant de communionem Alexandri. Sprevit eos Archiepiscopus, nolens eos audire propter communionis contaminationem; tamen eis & Alexandro omnique Clero ei faventi inde apud sanctum Corneliolum diem statuit, ut audiret eos ibi. Interim Abbatem Rodulfum secum Coloniam ducit, & commendat eum Roberto sanctæ **MARIÆ** sanctique **Heriberti** ultra Rhenum Tuitii. Iste **ROBERTUS** Leodii nutritus fuit in Cœnobio sancti **Laurentii**, quem propter præclaram nominis famam in sanctarum Scripturarum scientiâ Archiepiscopus sibi assumserat, & Abbatem loci prædicti constituerat. Hujus viri multa magna & præclara exstant librorum volumina, quæ de divinâ paginâ exarata reliquit in Ecclesiâ, ejus corpus viventis nec somno poterat requiescere quin palpitaret lingua, & moverentur ejus labia in divinæ legis meditatione. Neque diù interfuit; venit dies positus Alexandrinis: Archiepiscopus convocatis majoribus Ecclesiæ Colonienfis affuit, Abbatemque Rodulfum cum Tuitiense Indam perduxit: duobus diebus longa ibi altercatio, longa de Canonibus disputatio. Archiepiscopus Alexandri & suorum communionem vitabat, & omnes cum eo qui de obedientiâ Frederici Episcopi fuerant. Alexander se absolutum ab Episcopo Frederico, & suos Clericos aiebat: Archiepiscopus non solum Alexandrum & suos, sed & omnes qui erant capita Ecclesiæ sancti Lamberti pro excommunicatis se habere dicebat, exceptis his qui de obedientiâ & communionem Episcopi Frederici adhuc extrâ civitatem erant. Tandem querentibus quare; Archiepiscopus respondit, quia defuncto & sepulto Episcopo Frederico Ducem Lovaniensem in Capitulum vestrum & in Ecclesiam introduxistis, & cum eo, imò per eum & propter eum electionem fecistis, cum ab Apostolico & meipso & ab ipso vestro Episcopo Frederico fuisset excommunicatus, & necdum absolutus, & omnes cum eo qui persequuti fuerant Ecclesiam sub Episcopo Frederico. Hoc autem totum faciebat Archiepiscopus, ut, cum ex hoc convicti satisfacerent, cassâ esset eorum electio, quam cum excommunicatis & per excommunicatos & propter excommunicatos fecerant de Alexandro. Erant autem de illâ contaminatione honestæ personæ Ecclesiæ Archidiaconus **ALMANNUS**, Archidiaconus **HENRICUS**, **SEIFRIEDUS** Diaconus, **STEPPUS** Archidiaconus, & multi alii majores atque minores. Cum Archiepiscopo erant de Ecclesiâ Leodiensi **ANDREAS** Majoris-domus Præpositus, **EMMO** Archidiaconus, Magister scholarum **STEPHANUS**, vir vitæ venerabilis, **RAMBOLDUS** Præpositus sancti Joannis, & alii nonnulli in Ecclesiâ boni testimonii cum Abbatibus. Quid multa? Tandem procedunt omnes coram Archiepiscopo, & petitam impetrant absolutionem. Alexander interrogatus ab Archiepiscopo, obedientiam promittit manu suâ in manu ejus sacratâ positâ. Archiepiscopus per sanctam ei præcipit obedientiam, ut amplius se non intromittat de Episcopa-

a *Robertus*] Rupertum vulgò vocant ejus præclara | exstant opera.

tu, ille annuit. Et qui vidimus & audivimus hoc testificamur, sed die illa solutus est ille Conventus.

Archiepiscopus expertus in illo Conventu, quàm necessarius esset Ecclesiæ Abbas RODULFUS, gratissimè illum secum Coloniam reduxit, donec deliberaret quid de illo esset acturus, commendatum supradicto Roberto Abbati. Nec multà morà intercedente causa existit, quàm majores Ecclesiæ Colonien-  
Archiepiscopus expertus in illo Conventu, quàm necessarius esset Ecclesiæ Abbas RODULFUS, gratissimè illum secum Coloniam reduxit, donec deliberaret quid de illo esset acturus, commendatum supradicto Roberto Abbati. Nec multà morà intercedente causa existit, quàm majores Ecclesiæ Colonien-

sis Archiepiscopum adierant Præpositi, Decani, Cantores, Scholastici, necnon & Abbatum aliqui, quorum unus erat Tuitien-  
sis Archiepiscopum adierant Præpositi, Decani, Cantores, Scholastici, necnon & Abbatum aliqui, quorum unus erat Tuitien-

sis Abbas ROBERTUS, qui ad illum Conventum secum duxit Abbatem Rodulfum. Aderat & Sigeburgensis Abbas CONO primus, qui postea Ratisbonæ existit Episcopus. Apud illum decreverat Abbas Rodulfus se man-  
sis Abbas ROBERTUS, qui ad illum Conventum secum duxit Abbatem Rodulfum. Aderat & Sigeburgensis Abbas CONO primus, qui postea Ratisbonæ existit Episcopus. Apud illum decreverat Abbas Rodulfus se man-

surum; quoniam locus erat famosæ religionis, & propter excelsum montem propter Monachos amandæ solitudinis, sed divina providentia aliter fieri de eo proposuerat. Ecce enim Fratres S. Pantaleonis adveniunt, & Archiepiscopi pedibus provoluti coram toto Conventu se post defunctum Abbatem suum HERIMANNUM jam novem mensibus pastore caruisse conqueruntur, religionem deperire, bona Ecclesiæ imminui. Archiepiscopus sine morà optionem dat eis eligendi; pars illum, alia elegerat alium. Fæda coram Archiepiscopo inter eos erat dissensio. Longo enim novem mensium spatio magis creverant partes, quàm unanimitas crevisset. Ipse quoque Abbas Rodulfus pro nostri Ordinis reverentiâ, ut eos uniret, aut saltem disciplinatè loqui coram tanto Conventu faceret, se interposuit, & frustra laboravit. Archiepiscopus semel & secundò de concordia monuit eos, & locum dedit consulendi, deteriorque recepit. Quapropter consilio cum majoribus Ecclesiæ accepto, placuit in auribus omnium, ut providentiam illam Abbati Rodulfo committerent. Ille tale quid nihil unquam suspicatus, de benevolentia dominorum; primùm gratias egit pronus in terram; deinde renisus est quantum ratione & auctoritate potuit & licuit: sed Decanus & Magister scholarum majoris Ecclesiæ EGBERTUS (qui postea regularis factus Canonicus atque Monasteriensis est Episcopus) citò ei occurrit ex sententiis Canonum, cum pro Romanâ communionem pulsus esset à sede suâ, & sancti Pantaleonis vacaret Abbatia. Cessit tandem, nihil tamen aliter nisi Fratrum loci illius consensu & electione hoc fieret; & unanimiter hoc factum est. Itaque mense Septembrio medico ante Nativitatem sanctæ Mariæ, sancti Pantaleonis Abbatiam ingressus est, introductus à majoribus Ecclesiæ Colonien-  
Ille tale quid nihil unquam suspicatus, de benevolentia dominorum; primùm gratias egit pronus in terram; deinde renisus est quantum ratione & auctoritate potuit & licuit: sed Decanus & Magister scholarum majoris Ecclesiæ EGBERTUS (qui postea regularis factus Canonicus atque Monasteriensis est Episcopus) citò ei occurrit ex sententiis Canonum, cum pro Romanâ communionem pulsus esset à sede suâ, & sancti Pantaleonis vacaret Abbatia. Cessit tandem, nihil tamen aliter nisi Fratrum loci illius consensu & electione hoc fieret; & unanimiter hoc factum est. Itaque mense Septembrio medico ante Nativitatem sanctæ Mariæ, sancti Pantaleonis Abbatiam ingressus est, introductus à majoribus Ecclesiæ Colonien-

sis, & in festivâ Fratrum & familiæ processione susceptus. Ecclesia autem S. Pantaleonis ex privilegio Romano antiquitùs hoc habuisse dicebatur, ut Abbas loci illius sandaliis & dalmaticâ uteretur, vicesque ageret Archiepiscopi per civitatem in suis stationibus. Sed Anno Archiepiscopus sandalia & dalmaticam prohibuit, vices verò suas agere per stationes concessit. Sic usque ad tempus Abbatis Rodulphi permansit, & quia erat homo pulchri, ut dicunt, personatus, & divino assistens officio decen-  
Ecclesia autem S. Pantaleonis ex privilegio Romano antiquitùs hoc habuisse dicebatur, ut Abbas loci illius sandaliis & dalmaticâ uteretur, vicesque ageret Archiepiscopi per civitatem in suis stationibus. Sed Anno Archiepiscopus sandalia & dalmaticam prohibuit, vices verò suas agere per stationes concessit. Sic usque ad tempus Abbatis Rodulphi permansit, & quia erat homo pulchri, ut dicunt, personatus, & divino assistens officio decen-

ter sonorus, frequentabant stationes quas agebat frequentissimè Colonien-  
ter sonorus, frequentabant stationes quas agebat frequentissimè Colonien-

sis populus, matronarumque plurimum devotus Deo sexus. Clerus verò sine omni invidia solemnè exhibebat ei obsequium, tamquam si haberet præ oculis ipsum Archiepiscopum. In brevi & sine grandi labore dilapsus ordinem & violatum Fratrum concordiam pulchrè reformavit, peroptimamque virtutem puræ confessionis in Fratribus illis invenit, furtivarumque & publica-  
sis populus, matronarumque plurimum devotus Deo sexus. Clerus verò sine omni invidia solemnè exhibebat ei obsequium, tamquam si haberet præ oculis ipsum Archiepiscopum. In brevi & sine grandi labore dilapsus ordinem & violatum Fratrum concordiam pulchrè reformavit, peroptimamque virtutem puræ confessionis in Fratribus illis invenit, furtivarumque & publica-

rum vigiliarum & orationum indefatigatam assiduitatem. Clausam inò seratam janua hospitalitati aperuit; domos dirutas atque deformes, dignas ipsi Archiepiscopo hospitibus atque loci Abbati reparavit; nihil unquam passus mensæ Fratrum de statuto imminui. Inter vetus & novum centum & viginti carratæ vini Ecclesiæ illo anno provenerunt. In hospitibus & plurimum Monachis & regularibus Canonicis multa expendebat, quippe quibus & janua & mensa ejus semper patebat. Magni & etiam majores de Ecclesiâ S. Lamberti, qui propter Alexandrum adhuc erant extra Leodium, magnum apud eum frequenter habebant refugium, nunquam tamen egebat, quin magis semper abundabat; diligebatur à familiâ Ecclesiæ valdè, eo quod tractabat eam honorificè, & Theutonicorum disciplinato more. Cum Judæis frequenter lenè habebat colloquium, non disceptando neque exprobrando, sed duritiâ cordis eorum palpatu & fricatione quâ opus erat emolliendo. Quamobrem ita amabatur ab eis, ut etiam mulieres eorum irent videre eum & alloqui. Fluctuabat adhuc graviter Leodien-  
rum vigiliarum & orationum indefatigatam assiduitatem. Clausam inò seratam janua hospitalitati aperuit; domos dirutas atque deformes, dignas ipsi Archiepiscopo hospitibus atque loci Abbati reparavit; nihil unquam passus mensæ Fratrum de statuto imminui. Inter vetus & novum centum & viginti carratæ vini Ecclesiæ illo anno provenerunt. In hospitibus & plurimum Monachis & regularibus Canonicis multa expendebat, quippe quibus & janua & mensa ejus semper patebat. Magni & etiam majores de Ecclesiâ S. Lamberti, qui propter Alexandrum adhuc erant extra Leodium, magnum apud eum frequenter habebant refugium, nunquam tamen egebat, quin magis semper abundabat; diligebatur à familiâ Ecclesiæ valdè, eo quod tractabat eam honorificè, & Theutonicorum disciplinato more. Cum Judæis frequenter lenè habebat colloquium, non disceptando neque exprobrando, sed duritiâ cordis eorum palpatu & fricatione quâ opus erat emolliendo. Quamobrem ita amabatur ab eis, ut etiam mulieres eorum irent videre eum & alloqui. Fluctuabat adhuc graviter Leodien-



## LIBER DUODECIMUS.

**D**IES quibus extra Abbatiam fuit Abbas RODULFUS fuerunt duo anni & menses quinque, intra quos Advocatus noster GISBERTUS & filius ejus OTTO redditibus Abbatia ad libitum suum abutebantur; neque solum eis, sed quæ apud nos Episcopo quoque Metensi debentur: nec sacris etiam locis  
DIES quibus extra Abbatiam fuit Abbas RODULFUS fuerunt duo anni & menses quinque, intra quos Advocatus noster GISBERTUS & filius ejus OTTO redditibus Abbatia ad libitum suum abutebantur; neque solum eis, sed quæ apud nos Episcopo quoque Metensi debentur: nec sacris etiam locis



dignam exhibebat reverentiam, cum in cellâ Abbat-  
tis quasi in propriâ domo manens, novæ nuptæ suæ  
commixtione juxta sacratæ telluris parietes filius non  
abstineret. Reverso autem Abbate post dies aliquot  
Pentecostes, atque cum occurſu longè à villâ mul-  
torum hominum, & majori gloria cum processione  
suscepto quàm contumelia exivisset, Advocatus &  
filius ejus cellâ Abbatis abstinerunt, & direptis  
sibi quæcumque tunc poterant, futuris redditibus  
renuntiaverunt. Ira tamen eorum & indignatio &  
odium adversum Abbatem non erant pro hoc mino-  
rata, sed in occulto, ut ita dicam, ampliorata. Nam  
propter Episcopum Leodiensem Adelberonem qui  
eum diligebat & reverebatur, & de Coloniâ secum  
reducerat, & ad locum nostrum remiserat, non erat  
quisquam eorum ausus, qui in manifesto ei adver-  
saretur.

Itaque reversus multis modis dilapidatam invenit  
Ecclesiæ substantiam, & debitis & usuris graviter  
oppressam. De eis ergo quæ Deus ei foris dederat,  
& secum attulerat, & quotidie administrabat, com-  
munem Ecclesiæ anxietatem maximè de debitis &  
usuris relevabat. Nec multum moratus, cellam quæ  
juxta majorem turrin positâ erat quasi leprosam ha-  
bens exosam propter supradictorum cohabitationem,  
& quia vetustate corruptis atque fractis trabibus fa-  
cili sumptu non poterat reparari, fregit & funditus  
destruxit, juxta aliam quam ipse olim construxerat  
novam pro veteri construens congruam hospitibus  
necessariis appendiciis, Capellâ quoque & virida-  
riis: cujus lapides ad opus domûs dormitorii extra-  
xit, & fundamento unius parietis versùs orientem  
jacto, extra terram aliquantulum anno illo eduxit.  
Habebat etiam & ob aliud exosam, quia apta fue-  
rat olim recessibus profanorum qui de junctâ illi sa-  
crâ turre struxerant sibi bellicosum præsidium, quod  
& adhuc posse fieri sibi posterisque suis timebat.  
Pulsatus enim usque ad graves injurias & inimici-  
tias per Advocatum Gislebertum aliquando fuerat,  
ut similiter in eâ milites suos ponerent propter utrius-  
que de villâ securitatem, sicut cum eo fecerat Ab-  
bas Theodericus, & ante eum cum eodem Advoca-  
to oppidani suis vocibus, quâ de re multa de eâ  
turre evenerant mala, & in adjunctâ & camminatâ  
perpetrata fuerant plurima flagitia. Ob hoc igitur  
eam fregit ut turris à modo minùs apta esset sedi-  
tiorum munitioni, & domus Dei non profanaretur  
amplius ab eis.

Cumque aliquando solus ibi sederet, & ærum-  
nas præteritosque labores suos recogitaret, atque in  
inquietudine quâ manebat locum desendi peccata  
sua se habere non videret, cepit valde tristari &  
mœstus esse, & de fugâ & relinquendâ sibi patriâ co-  
gitare. O quoties cupido licet mœrenti revolvebat  
animus, si fortè unquam liberè voci illi Domini ad  
Abraham posset obedire, *Egredere de terrâ tuâ,  
& de cognatione tuâ.* Atque illud Psalmistæ veraci-  
ter psallere: *Elongavi fugiens & mansi in solitudine.*  
Intendebat ergo animum Romam ire, atque in iti-  
nere religiosorum viro-  
rum consilio quod intendebat  
si agendum esset, peragere. Deinde ut perageret  
Apostolicâ firmari benedictione. Interea Alexander  
privatus & quietus sub Adelberone Episcopo time-  
bat, honoribus contemptis quos prius possederat.  
Incidit & illi in mente ut Romam pergeret, & de  
perturbationibus quas in Ecclesiâ fecerat, ultra  
communem absolutionem quam acceperat singula-  
rem sibi à summi Pontificis gratiâ impetraret. Ho-  
nori-  
us post CALIXTUM tunc Romæ præsidebat.  
Prius verò reconciliati ipsi & Abbas Rodulfus, pere-  
grinationem suam per sanctum Egidium aggressi  
sunt simul cum omni dilectione & bono affectu:

cumque emensis Alpibus intrassent Italiam, perve-  
nerunt Hofs, quæ Senis-villa dicitur alio nomine.  
una de nobilioribus civitatibus Tusciæ, ubi cum per-  
noctassent, mane egressi, inciderunt in prædones  
circa meridiem. & captivi abducti per devia perdi-  
derunt omnia suæ peregrinationi necessaria. Vix tan-  
dem post magnum laborem, post multum timorem  
cum parvissimis sumptibus equos receperunt. Neque  
tamen à peregrinatione destiterunt.

Itaque Romam pervenientes cum minùs consola-  
tionis & compassionis quàm sperarant, tam secun-  
dum Deum quàm secundum homines invenirent;  
ad sanctorum Apostolorum limina, & aliorum mul-  
torum Sanctorum suffragia devotè se contulerunt,  
satisfacientes votis suis lacrymis & precibus, prout  
erat unusquisque sibi conscius. Ubi cum per aliquot  
dies morarentur, & de Apostolico & de his qui circa  
eum erant viderent & intelligerent quæ dicta sibi  
domi credere non vellent, in diversas animi partes  
ferebantur, plurimum Rodulfus Abbas qui sibi benè  
consci-  
us erat, pro quo terram egressus fuerat. Cum-  
que vigilans nocte aliquando jaceret, & die in Ec-  
clesiis solus Romæ resideret, diligenti curâ & solli-  
cito retractabat animus, quæ peregrinationis suæ fuisset  
intentio; & de eâ revelatâ religiosi viris quid in  
itinere didicisset ab eis. Sollicitabat etiam eum hoc  
non parum: ad ea quæ cogitaverat si essent explen-  
da, cuncta ei jam surrepta fuerant necessaria. Præ-  
terea terram ad quam ulteriùs disposuerat peregrinari,  
audiebat pollutam esse inveteratâ hæresi de  
Corpore & Sanguine Domini, sed & de consilio  
animæ suæ, & eorum qui sibi fuerant commissi nihil  
aliud audierat à religiosi viris, nisi quod domi di-  
dicerat ex ecclesiasticâ disciplinâ & libris commu-  
nibus tam nobis quàm illis. Super hoc accreverat ei  
passio jamdudum in clune, quam Phisici solent  
leiatricam appellare: ea cum gressum ei perstringeret,  
equitate etiam sine continuo cruciatu non sinebat.

Talibus à proposito revocatus necessitatibus, sa-  
lutatis Sanctorum patrociniis & Apostolorum oscu-  
latis liminibus, acceptâque apostolicâ benedictione,  
intendebat cum prædicto socio repatriare. Cum-  
que ad supradictam urbem Hofs redissent, omnia  
quæ sublata eis fuerant à prædonibus, præter spem  
invenerunt sibi recollecta à suis hospitibus, & à  
cunctis urbis civibus. Magnum Dei & occultum ju-  
dici-  
um, ut Romam pervenirent pauperes & domum  
redirent divites. Quid moror? per multas animi tri-  
bulationes, per multas corporis passiones, per exi-  
tialia Montis-Jovis pericula recepit eos tandem ci-  
vitas Basilea. Alexander inde remeavit eques per  
Burgundiam, Rodulfus naufragoso navigio ulque  
prope Coloniâ, quoniam propter supradictam pas-  
sionem ferre non poterat juges equitationes.

Paulo post ADELBERO Leodiensis Episcopus in  
pace requievit; vir simplex & rectus, lenis, pudic-  
us, sine avaritiâ, bonis moribus, nobilior nobili-  
bus: statim malè sanata cicatrix veteris morbi ALEX-  
ANDRI, bis prius effracta, tertio jam erupit, &  
ad Episcopatum anhelans ut lupo ad dilapsam sibi  
prædam, omnem pudorem Deique timorem post-  
ponere cepit: sed quid melius tacenda, quàm ma-  
ledicenda in auribus hominum profectè volumus?  
assequutus est quod voluit. Quomodo? Sicut Deus  
novit. Gladebach Cœnobio sancti Viti consecrationis  
ejus dies fuit; res mira! ab Archiepiscopo Colo-  
nien-  
si FREDERICO, qui tanta in eum egerat antea,  
ab illo: inbutus antiquitatis vitiis avaritiæ, sub-  
trahere se non poterat à servitio idololatriæ perexer-  
citium simoniæ; quapropter à suis Clericis agita-  
tus, ante Apostolicum HONORIUM Romam est in-

Gen. 22. 1.

Psalm. 54. 8.

Adelbero  
Leod. Episc.  
vitâ sanctus.  
Alexander  
expul-  
sus se-  
dem occupa-  
re nititur.

vitatus. Tunc illi visum fuit utile Abbatem Rodulfum secum posse ducere. Abbas non recusat, neque tam propter eum, quantum propter insitum ei adhuc prioris peregrinationis suæ desiderium imperfectum. Hyemalis tota fuit hæc profectio, atque idcirco vix tolerabilis corpori humano. Itum tamen est. Romæ positus soporato nocte Abbati à furibus, & ut dicebant vicini, à proprio hospite ablatum est ei quod paraverat ad peregrinandum suæ antiquæ & novæ voluntati. Decidit igitur ibi prorsus ab iteratâ intentione, quam secundum quod poterat conjicere putabat voluntatem Dei non esse.

Alexander infuso sibi ab Apostolico Honorio vino salubris increpationis, & oleo paternæ commotionis, domum cum Abbate Rodulfo repatriat, quem in omnibus postea reveretur & honorat. In reditu autem suo Nativitatem Domini Placentiæ celebraverunt, & incrementibus hyemalibus periculis Augustam civitatem transeuntes, ad villulam, quæ est in pede Montis-Jovis, quæ vocatur Restopolis cum difficultate morti proximâ pervenerunt, ubi nec ante ire valentes, nec retrò propter altissimos nivium aggeres, Octavam Domini egerunt; & post aliquot dies præmonstratâ eis à præducibus maronibus difficillimâ viâ, (marones enim appellantur viarum præmonstratores) subactis duobus milliariis Teutonicis ad S. Remigii villulam in ipso Jovis-Monte pervenerunt. In quo loco tamquam in mortis faucibus coagulati, manebant nocte & die sub periculo mortis & angustia: villula tota completa erat peregrinorum multitudine, ex altissimis & scopulosis rupibus ruebant frequenter intolerabiles omni opposito nivium aggeres, ita ut aliis jam collocatis, aliis adhuc supersedentibus mensis domos juxta eos prorsus obruerent, & inventos in eis quosdam suffocarent, quosdam contritos inutiles redderent.

Sub hac jugi morte aliquot dies in infausta villulâ illâ fecerunt. Tunc sponte applicantes se peregrinis montis marones, gravem indicunt eis mercèdem ut tentatam viam aperirent, pedites perigrini eos sequerentur, equi post illos; sicque trita via planaretur dominis, qui delicatiores retrò venirent. Itaque marones capitibus propter nivium frigus filtro pileatis, manibus villosè chirothecatis, pedibus cothurnis munitis atque subtus à plantâ ferreis aculeis propter lubricam glaciem armatis; hastas longas ad palpan-dam sub altâ nive viam in manibus ferentes solitam audenter ingressi sunt viam: summum mane erat, atque cum lummo timore & tremore sancta mysteria peregrini celebrantes atque fumentes, ad instantis mortis ingressum se præparabant. Certabant, quis eorum prior Sacerdoti confessionem suam dare posset, & cum unus eis non sufficeret, passim per Ecclesiam invicem sua peccata confitebantur. Cumque hæc in Ecclesiâ cum summâ devotione agerentur, percipuit per plateam luctuosissimus luctus; nam marones per ordinem de villâ egressos, subito lapsus rupibus instar montis densissimus nivis globus decem involvit, & usque ad inferni lacum visus est extulisse. Quibus hujus infausti mysterii aliqui conscii fuerant, præcipiti cursu ad hunc homicidam lacum velocissimè ruerant, & effossos marones alios exanimis in contis referebant, alios semivivos, alios contritis ossibus in manibus trahebant: illa maritum, illa fratrem, ille & ille illum & illum se amisisse clamitabant. Tam horribili occurso peregrini exeuntes de Ecclesiâ exterriti paululum hæsitaverunt, & idem timentes sibi futurum, quantocius Restopolim refugerunt, de difficultate viæ nulla ut prius quæstio, plana videbatur eis, pro effugiendo mortis

periculo. Ibi acta Epiphania Domini, & expectato sereno aëre conductis maronibus mortiferam villulam repetunt, & timore mortis pedibus velocitatem præbente, die illâ usque ad medium montis modo reptando modo ruendo, vix tandem perveniunt. Sequenti die recepto aliquantulum spiritu profana Jovis sacra effugiunt, & ad patrium solum tendentes sine gravi difficultate perveniunt; sed Abbas non ita. Nam cum propter asperitatem hyemis & difficultatem itineris, tum propter incommoditatem corporis contractis dietis lento vestigio est eos subsequutus, sed usque ad Primam non assequutus. Quapropter cum parvo comitatu pertransisset Bisuntium civitatem metropolitanam Burgundiæ, à maligno tyranno exceptus est insidiis alterâ die, atque per nigosa & saltuosa devia fatigabiliter deductus & distractus tribus diebus, demum spoliatus necessariis in itinere, permissus est abire.

Jam igitur Româ secundò reversus, modicumque ab itineris vexatione recreatis, necdum tamen quiescebantâ priori desiderio, si fortè requiem quam extrâ patriam quæsierat nec invenerat, in propriâ invenire valeret. Sed manus Domini antea super nos extenta, & necdum abbreviata, adjecit adhuc per solitum Angelum iræ suæ ministrum percutere locum nostrum, & commonefacere prævaricatores redire ad cor suum. Advocatum enim nostrum Comitum GISLEBERTUM & filium ejus OTTONEM [spiritu] malo repleti permittit, & in omne quod erat contrâ jus & contrâ fas ad deprimentam Ecclesiæ familiam irrevocabiler suscitavit. Commotus humiliter ab Abbate Rodulfo, increpatus frequenter à Lemburgenti Duce domino GUALERANNO, proclamante super eum domino nostro Metensi Episcopo STEPHANO, pro pertinaciâ, pro contumaciâ abjudicatus est tandem legitimo judicio ab advocatiâ: & quia erat homo pertinacis animi & non multi consilii, contingit ei sub eisdem diebus culpis suis exigentibus, ut Comitatus & beneficium quæ habebat de Leodiensi Episcopatu, proclamante Episcopo Alexandro à paribus ei abjudicaretur. Quid faceret? Vires quibus supradictis dominis resisteret non habebat, animositas eum quiescere non sinebat, seditionem movit in regno, scandalum in populo; contulit ergo se ad Exducem Lovanientem GODEFRIDUM, regni & Imperatoris inimicum propter Ducatum qui abjudicatus fuerat illi, & datus Gualeranno Lemburgenti Comitæ Advocato nostro majori. Calamitas hujus dissensionis ex majori parte Ecclesiæ nostræ incubuit. Quæcumque ex nostris subiacebant Advocato & Exduci, aut cremata, aut vultata, aut servientia erant illi & suis; quanto erant nobis viciniore, tanto & infestiores. Solum restabat nobis oppidum & Cœnobium, in quibus non audebant adhuc profanas ponere manus. Erat autem Advocati permaxima intentio, ut quia sine omni munitione erat oppidum nostrum, vires suas & Lovanientium in ipsum introduceret, & oppidanos hospitii dissipatione gravatos postremò captivos abduceret. Sed providentia Abbatis malignitatem ejus prudenti consilio avertit. Egit enim apud dominum suum Metensem Episcopum Stephanum, quod Alexander Episcopus Leodiensis nostram Abbatiam & oppidum sub patrocinio suo suscepit. Juraveruntque sibi invicem fidem, consilium & auxilium Episcopales & oppidani: quâ fiducia renovare cœperunt fossati vetustatem, firmaveruntque qualem in planoterra nostra nunquam habuit munitionem.

Quamobrem crescebat vehementissimè in majus & majus malum dissensio, hinc furente Lovanienti Exduce; hinc Comite Gislebeto. Monachorum &

Clericorum substantiis tam in villis quàm in Ecclesiis nunquam parcebant; omnem sexum, omnem ætatem, omnem ordinem captivantes, diris cruciatibus usque ad mortem pro redemptionem examinabant. His aliisque culpis exigentibus excommunicatus Lovanienſis Exdux, & Comes Gislebertus cum suis omnibus.

Obsidetur post hæc Durachium ab Episcopo Leodiensi ALEXANDRO, & Duce Lemburgense GUALERANNO: ad quod liberandum movit exercitum Lovanienſis dominus GODEFRIDUS, & cum eo Flandrenſis Comes THEODERICUS. Durum commissum est prælium, ante ipsum pugnatum est acriter: Victi fugerunt Lovanienſis & Flandrenſis Comites. Ceciderunt in isto prælio ex hostibus plusquàm quadringenti homines. Rediit circà castellum obsidio. Sed diù teneri non potuit propter instantem mensem in Augusto. Soluta est ergo: sed tyrannorum permansit dissolutio in igne & gladio. Sub tali calamitate & angustia licet de victu & vestitu multum attenuata esset Fratrum substantia, ut pote qui tribus annis subjacuerunt hujusmodi passioni, tamen ob hoc nec disciplina eorum tepuit, nec numerus decrevit.

Cum autem complacuit ei in cujus manu sunt omnium potestates & omnia jura regnorum, & qui conturbat profundum maris & mitigat cum voluerit, dixit: *Angelo percutienti, cesset jam manus tua, ut non desoleatur terra*, & statim facta est tranquillitas magna: nam Lovanienſis & Durachienſis domini, & qui cum eis erant excommunicati Leodium venerunt, & Ecclesiasticam facientes satisfactionem absolutionem acceperunt, & emendationem promiserunt. Itaque cessavit terra à bellis: jamque facta secundà crematione & vastatione Abbatiae nostrae à Lovanienſe Principe, primà propter Advocatum nostrum Comitem GISEBERTUM, tunc ei adversantem propter Imperatorem HENRICUM quartum: secundà verò nihilominus propter ipsum nobis adversantem & ei confederatum; maxima sollicitudo incumbere nobis de reparandis Ecclesiis nostris combustis, moleninis, villis dominicalibus, sicut vulneratis in bello de curandis domi eorum vulneribus; inter quæ maxima & continua mala intolerabiliter afficiebatur Abbas RODULFUS cum animi vexatione tum corporis pro sciaticâ passione, quæ ita ei totum clunem occupaverat, ut equo aut pede modicum valeret progredi. Itaque infirmitati suæ commodam & religiosè vivere volenti congruam ædificavit sibi cellulam versùs aquilonariam partem, juxtà occidentalem Monasterii absidem aperientem ostium in oratorium cryptæ choroque vicinum, votoque ei fuerat altare consecrare in honore sanctæ MARIE Matris Domini nostri JESU-CHRISTI & sancti Basilii Episcopi; quia beata Dei Genitrix semperque virgo Domina nostra MARIA nullum speciale Oratorium habebat in nostrâ Ecclesiâ. Sed medicinalis manus Domini quæ ab antiquo non consuevit corpus Ecclesiæ nostræ absque vexatione relinquere, adjecit quoque ad caput nostrum se misericorditer apponere, & passionem sciaticam transfudit in paralyticam.

Mense Martio ordinationis suæ anno xxv. xv. Calendas Aprilis feriâ vi. diebus sanctæ Quadragesimæ sedebat Abbas Rodulfus ad mensam cum Fratribus in Refectorio: eâ ipsâ die dederat Fratribus generale de pisce, solvens abſtinentiam pro humanâ compassione; ubi inter prandium allatæ sunt ei palustres anguillæ veru assatæ, atque subinde majores aliæ herbis primogenitis in pulmento confectæ, de quibus cum comediſſet, & aviditatem sentiens abjeciſſet, apposuit manum ad poma quæ erant in

scypho ante eum vino infusa, quibus ad modicum gustatis statim sinistra manus cœpit ei quasi plumbum aggravari, & momentaneis viribus interdum levare, angulus quoque labiorum in eadem parte quasi emori, & lingua minùs solitâ facilitate uti. Territus valde, tamen electionis finem non fecit, sed peracto prandio cum Fratribus gratias peragens, ad occidentalem cellam sine aliquo dolore, sed cum multo timore declinavit pro eo quod acciderat ei. Ibi cum suis familiaribus conferens de eo quod contigerat ei in refectorio, gratias Deo agebat, qui se evasisse cum non evasiſſet, putabat. Nam post collationes Fratrum sensit paulatim obstupescere crus sinistram ita ut sine adminiculo non fuisset ausus ire ad lectum: circà mediam noctem cum evigilaſſet, omni officio cruris, & sinistri brachii privatus est inventus. Cumque de officio linguæ & sensûs integritate vehementer pavitaret, Fratrum orationibus devotissimè se commendabat, ut ei linguam ad confitendum & sensum ad recognoscendum Deus ei conservaret: quod & Dei clementia ei concessit. Eodem anno circà autumnum dolori huic paterna manus eum corripiens tantum languorem adjecit, ut à medicis desperaretur, & vix figmentum hominis prætereundum videretur, & ut ipse inferre solebat, nocte festivitatis sancti Michaelis tantâ passione attritus fuit, quasi qui Angelorum aspectum peccando offenderat, si Angelicis verberibus puniretur.

Postquàm de illâ infirmitate vix evasit, & de paralyſi tantum meliorari cœpit ut bacillo inixus ambulare utcumque valeret, & Conventum Fratrum, Chorum, Capitulum interdum intrare, studiosissimè admonebat Fratres de observandâ religione, de avertendâ ab eis iræ Dei indignatione, fecit & sibi basternam fieri, qua ad usus Ecclesiæ quo vellet commodè valeret provehi, apposuit animum & studium ad informandum de muro claustrum, & sequenti anno aperiens turrin ante Conventum de parvo priùs fecit arcum, ut nunc apparet, magnum, mutans templi introitum ad dexteram manum, & in obturato priori introitu faciens depingi sanctæ Dei genitricis imaginem, ut haberet ab introeuntibus & exeuntibus dignam venerationem. Perduxit etiam murum dormitorii ad trabes ex utràque parte, & murum Refectorii ex unâ vicinam coquinæ muro, & signato exitu de Claustro Capitulum quoque ordinavit tribus parietibus, juxtà quartum templi habens arcum ad introeundum, & duas fenestras ad illuminandum cum arcuatis columnis: murum Clauſtri super quem stare debent columnæ, ab uno capite Conventus usque ad aliud in circuitu ab alto fundamento usque ad ponendas columnas evexit; pilariisque per circuitum erectis, locum columnarum distantium signavit, atque simul locum quem ad lavandas manus debet habere Conventus Fratrum. Jamque ex parte trabes excisæ jacebant in sylvâ, quibus dormitorii desuper & officinarum deorsum compaginaret structuram. Cumque ad hanc Abbas sollicitaret officiatos, & sollicitarentur à Fratribus, suscitavit Deus nescio quotâ vice super nos Angelum satanæ, & ut operis impedimento nos contristaret, & substantiæ detrimento nostra peccata puniret; adhuc enim manus ejus extensa super nos, & ira non erat averſa, provenientia sub hac occasione.

Est genus mercenariorum, quorum officium est ex lino & lanâ texere telas: hoc procax & superbum super alios mercenarios vulgo reputatur, ad quorum procacitatem & superbiam humiliandam & propriam injuriam de eis ulciscendam, pauper quidam rusticus ex villâ nomine Inda hanc diabolicam.

can.

2. Reg. 24. 16.

cam excogitavit technam. Acceptâ à Judicibus fiducia, & à levibus hominibus auxilio qui gaudent jocis & novitatibus, in proximâ sylvâ navim composuit, & eam rotis suppositis affigens, vehibilem super terram effecit: obtinuit quoque à potestatibus, ut injectis funibus textorū humeris ex Indâ Aquigranum traheretur: Aquis suscepta cum utriusque sexûs grandi hominum processione, nihilominus à textoribus Trajectum est provecta, ibi emendata, malo veloque insignita Tungris est inducta, de Tungris Los. Audiens Abbas Rodulfus navim illam infausto omine compactam, malâque solutam alite cum hujusmodi gentilitatis studio nostro oppido adventare, præfago spiritu hominibus prædicabat, ut ejus susceptione abstinerent, quia maligni spiritus sub hac ludificatione in eâ traherentur, in proximâque seditio per eam moveretur, unde cædes, incendia, rapinæque fierent, & humanus sanguis multus funderetur: quem ista declamantem omnibus diebus, quibus malignorum spirituum illud simulacrum loci morabatur, oppidani nostri audire noluerunt, sed eo studio & gaudio excipientes quo perituri Trojani fatalem equum, in medio fori sui dedicaverunt, statimque proscriptionis sententiam accipiunt villæ textores, qui ad profanas hujus simulacri excubias venirent tardiores. Pape! quis vidit unquam tantam (ut ita liceat latinisare) in rationalibus animalibus brutitatem? Quis tantam in renatis in Christo gentilitatem? Cogebant sententiâ proscriptionis textores, nocte & die navim stipare omni armaturæ genere, sollicitasque ei excubias nocte & die continuare. Mirumque fuit, quod non cogebant eos ante navim Neptuno hostias immolare, de cujus naves esse solent regione, sed Neptunus eas Marti reservabat, cui de humanis carnibus fieri volebat, quod postea multipliciter factum est.

Textores interim occulto, sed præcordiali gemitu Deum justum judicem super eos vindicem invocabant, qui ad hanc ignominiam eos detrudebant. Cum juxta rectam vitam antiquorum Christianorum & Apostolicorum virorum manuum suarum laboribus viverent, nocte & die operantes unde alerentur & vestirentur, liberisque suis idipsum providerent: quærebant & conquærebantur ad invicem lacrymabiliter unde illis magis quàm aliis mercenariis hæc ignominia, & vis contumeliosa, cum inter Christianos alia plura essent officia suo multum aspernabilia, cum tamen nullum dicerent aspernabile de quo Christianus posset se sine peccato conducere, illudque solum esset vitabile & ignobile quod immunditiam peccati contraheret animæ, meliorque sit rusticus textor & pauper, quàm exactor orphanorum & spoliator viduarum urbanus & nobilis judex. Cumque hæc & eorum similia secum, ut dixi, lacrymabiliter conquererentur, concrepabant ante illud nescio cuius potius dicam Bacchi an Veneris, Neptuni sive Martis, sed ut verius dicam, ante omnium malignorum spirituum execrabile domicilium, genera diversorum musicorum, turpia cantica & religioni Christianæ indigna concinentium. Sanctum quoque erat à Judicibus, ut præter textores, quicumque ad tactum navi appropinquarent, pignus de collo eorum ereptum textoribus relinquerent, nisi se ad libitum redimerent. Sed quid faciam? loquarne an fileam? Utinam spiritus mendacii stillaret de labiis meis: sub fugitivâ adhuc luce diei imminente lunâ matronarum cæteræ abjecto femineo pudore audientes strepitum hujus vanitatis, sparsis capellis de stratis suis exiliebant, aliæ seminudæ, aliæ simplici tantum chlamyde circumdatæ, chorosque ducentibus circâ na-

vim impudenter itrumpendo se admiscebant. Videres ibi aliquando mille hominum animas sexûs utriusque, prodigiosum & infaustum celestium usque ad noctis medium celebrare. Quando verò execrabilis illa chorea rumpebatur, emissio ingenti clamore vocum inconditarum sexus uterque hac illacque bacchando ferebatur; quæ tunc videres agere, nostrum est tacere & deslere, quibus modo contingit graviter luere. Istis tam nefandis factis plusquàm duodecim diebus supradicto ritu celebratis, conferebant simul oppidani quid agerent amodò de deducendâ scilicet navi.

Qui sanioris erant consilii, & qui eam susceptam fuisse dolebant, timentes Deum pro his quæ facta viderant & audierant, & sibi pro his futura conjiciebant, hortabantur ut combureretur, aut isto vel illo modo de medio tolleretur; sed stulta quorundam cæcitas huic salubri consilio contumeliosè renitebatur. Nam maligni spiritus qui in eâ ferebantur disseminaverant in populo, quod locus ille inhabitantes probroso nomine amplius notaretur, apud quos remansisse inveniretur. Deducendam igitur eam ad villam quæ juxta nos est Leugues decreverunt. Interea Lovanienſis dominus audiens de dæmonioso navis illius ridiculo, instructusque à religiosiſ viris terræ suæ de illo vitando & terræ suæ arcendo monstro, gratiam suam & amicitiam suam mandat oppidanis nostris, commonefaciens eos humiliter, ut pacem illam, quæ inter illos & se erat reformata & sacramentis confirmata, non infringere, & inde præcipuè illud diaboli ludibrium vicinæ suæ inferrent: quod si ludum esse dicerent, quærent alium, cum quo inde luderent. Quod si ultra hoc mandatum committerent, pacem prædictam in eum infringerent, & ipse vindictam in eos ferro & igne exequeretur. Idipsum mandaverat Durachienſibus dominis qui & homines ejus fuerant manuati, & interpositis sacramentis & obsidibus datis sibi confederati. Hoc cum jam tertio fecisset, spretus est tam ab oppidanis nostris quàm Durachienſibus dominis. Nam propter peccata inhabitantium volebat Dominus mittere super locum nostrum ignem & arma Lovanienſium. Ad hanc igitur plebeiam fatuitatem adjunxit se Comes GISEBERTUS contra generis sui nobilitatem, trahendamque decrevit navem illam terream usque Leugues ultra Durachienſem villam, quod & fecit malo nostro omine cum omni oppidanorum nostrorum multitudine, & ingenti debacchantium vociferatione. Leugues oppidanis nostris prudentiores, & Lovanienſis domini mandatis obsequentes portas suas clauſerunt, & infausti ominis monstrum intrare non permiserunt.


Lovanienſis autem dominus precum suarum & mandatorum contemptum nolens esse inultum, diem constituit Comitibus tamquam suis hominibus, qui neque ad primum neque ad secundum, sed nec ad tertium venire voluerunt. Eduxit ergo contra eos & contra nos multorum multitudines exercitum armatorum tam peditum quàm militum. Nostro igitur oppido seposito tamquam firmitus munito, & bellicolorum hominum pleno, primum impetum in Durachienſes fecit, quibus viriliter resistentibus, castellum nescio quare cum posset non obsedit, sed inter Leugues & Durachium pernoctavit. Cumque sequenti die exercitum applicare disponderet, & ex quatuor partibus assaultum faceret, habebat enim ingentem multitudinem, supervenit ADELBERO Metenſium Primicerius filiorum Lovanienſis domini avunculus, cujus interventu quia Comitissa Durachienſis erat soror ejus, & Durachienſe erat castellum S. Lamberti, Lovanienſis dominus ab impugna-



tione cessavit, & ab obsidione se amovit, promisso ei quoddam Durachiensis paulo post ei ad justitiam suam educeretur; & cum ista & alia de dominis & inter dominos tractarentur, pedites & milites per omnia nostra circumjacentia se diffuderunt, villas nostras, Ecclesias, molendina & quaecumque occurrebant combustioni & perditioni tradentes, recedentes vero quæ longè à nobis fuerant prout cuique adjacebant, inter se diviserunt.

Vastata est tempore illo Abbatia, & direpta omnia Fratribus necessaria. Vastatio ista fuit quarta, quas infra viginti sex annos fecit Lovaniensis dominus. Prima propter Comitem GISEBERTUM dissidentem ab eo propter Imperatorem Henricum quartum; secunda cum eo propter ALEXANDRUM postea Leodiensem Episcopum; tertia quando pugnatum est ante Durachium nihilominus propter ipsum; quarta quando inter eos est fœdus ruptum, propter terrestribus navis malignum adventum, dominus iste grandis. Vastationes factæ sunt propter Comitem Gislebertum, aut per eum, aut cum eo, exceptis innumeris minutis quæ facere nunquam cessavit.

Itto ferè anno quid nobis per Abbatem RODULFUM acciderit necessarium sciens fore posteris nostris, tenaci memoriæ scripto mandare curavi. Homo quidam HEZLO nomine defunctus Dapifer Abbatum sub quibus consenuerat: hic dum adhuc viveret, & dominis suis placere familiari servitio sciret, familiaritate & calliditate suâ effecit, quod de mensâ Fratrum partem culturæ juxta oppidum nostrum, & partes duas culturæ Ustades necnon & molendinum de Coetim, quod solvit omni anno viginti quatuor modios, suo feodo attraxit. Mortuus est tandem sine liberis relicto usufructuario suæ uxori, sicut ei firmaverat ante Abbates & coram Paribus suis. Surrexit autem filius fratris ejus post eum ARNULFUS nomine, volens quod avunculus tenuerat justè & injustè feudali & hereditario jure possidere, patronum inde habebat Advocatum nostrum Comitem GISEBERTUM & potentiores qui de Paribus habebantur. Longa inter hunc Arnulfum & Abbatem Rodulfum fuit decertatio. Ille Abbatem urgebat falsis sed verisimilibus conditionibus, & Advocati violentiâ, de cujus erat familiâ. Abbas qui erat satis legis peritus, excludebat eum legibus & veris assertionibus, non solum quæ avunculus occupaverat de mensâ Fratrum, sed & à feodo quod possederat legitimum. Quid multa? res tandem eo processit, quod molendinum & culturam Arnulfus exstercavit, & adjudicatum ei coram Paribus fuit, & quod ad dapiferi ministerium pertinebat, obtinuit. Molendinum verò & culturæ post mortem supradictæ uxoris nomine ENGELBERTÆ, judicata sunt ad mensam Fratrum redire. Molendinum eo tempore solvebat viginti quatuor modios annonæ commixtæ Leodiensis mensuræ, & modium frumenti & duos solidos. Acta sunt hæc solemniter publicè præsentem GISEBERTO Advocato & Comite, & RODULFO Abbate, testibus Paribus Ecclesiæ ARNULFO & EVERALDO.



### *LIBER DECIMUS-TERTIUS.*

**D**iligentiùs igitur exarare volentes statutam antiquitùs præbendam Fratrum usque ad desolationem loci, propter Abbatum contentiones, & propter multimodas bellorum varietates, sic incipiamus. Mensæ Fratrum panis quotidianus quinque marcis Colonienfis ponderis appenditur, pulcher & albus, de speltâ maximè & de excusso primæ

farinæ flore effectus: puerorum panis quatuor marcis, sed ejusdem pulchritudinis. Portio cervisiæ unicuique Fratrum, cervisiæ inquam qualem nulla alia Cœnobia habent, usque inter prandium & cœnam sextarius vinarius. Die dominicâ & feriâ tertiâ atque quintâ inter tres Fratres sextarius vini; sabbato ad mandatum inter quatuor: sed cum venisset ad nos usus Cluniacensium qui multâ sobrietate mandatum suum faciunt, sextam partem sextarii de vino in prandio accepimus, & de cætero more Cluniacensium mandatum explevimus. Juvenibus verò Fratribus nunquam dabatur vinum, nisi ab Abbate vel Priore eis dare præciperetur, & tunc quoque parciùs feriâ secundâ, feriâ quartâ, feriâ sextâ. Si talis eveniebat festivitas, nihilominus inter tres Fratres sextarius vini dabatur. Habebant etiam Fratres quotidie legumen diebus quibus comedebatur, confectum sagimine, similiter & olus tribus in hebdomadâ diebus. Ab Assumptione verò sanctæ MARIE quotidie usque *Circumdederunt me*, quando vaccina caro comedebatur pinguedine carnis olæ abundè condiebantur. Sed & scutellæ tam leguminum quàm olerum magnæ & benè refertæ habebantur à festivitate sancti Remigii usque ad Octavas Pentecostes. Præpositus de Testebant inter duo leguminum videlicet & olerum fercula piscem quotidie dabat; scilicet aut magnos lucios, aut anchoram sive salmonem, vel halec recentia, de halec recentibus unicuique Fratrum quinque dabatur, de anchora tanta portio quanta palmæ hominis latitudo pollice juxta eam complicato. Portiones verò lucii & salmonis minores erant, quia carior est piscis & spissior. Quoddam si alii pisces interveniebant, recta compensatio inde fiebat.

Quia verò jugis & antiqua querela semper erat de piscibus inter nos, qui de Testebant adducebantur, eo quod nimis essent falsi, aut interdum putridi aut putridi, aliquando etiam quia nec qualecumque poterant propter hyemen inveniri, & unius rei quotidiano usu Fratres fastidio graviter affiebantur, ordinaverunt Abbas THEODERICUS & Prior tunc temporis Rodulfus, ut fierent vicissitudines, scilicet aut daretur piscis cum posset inveniri & sanus haberi, & cum non posset hoc fieri, commutaretur sive de frixis sagimine ovis, sive de artocreas, aliquando de caseo & ovis.

Præpositus de Hasbania quamdiu alius serviebat, cœnam omni nocte dabat, scilicet quatuor ova unicuique Fratrum, aut dimidium caseum, seu poma vel alium fructum. Et illud non est obliviscendum, quia si infra istos dies, sive intra totum annum dies jejunii eveniret, debitum cœnæ Præpositus de Hasbania non subtrahebat; sed prandentibus Fratribus dabat quod concedi die illâ poterat. Sed à festivitate sancti Remigii usque ad Octavas Pentecostes omnibus festivitatibus quibus Fratres in albis erant, Præpositus Hasbania pro ferculo leguminis juscellum commutabat confectum vino, ovis & sagimine, dabatque unicuique Fratrum recentis piscis portionem bonam, atque similiter in artocreas quæ jure antiquo continere debent quinque ova & caseum. Nunquam propter hoc subtractâ portione de Testebant. In nocte festivitatis sancti Remigii & sancti Trudonis idem ipse Præpositus dabat Fratribus ad cœnam inter quatuor vini sextarium, etiamsi contingeret eis eâ ipsâ die inter tres habere ad prandium. Die festivitatis sancti Remigii die festivitatis sancti Trudonis cum quotidiano Fratrum pane dabatur inter duos simila appendens quatuor marcas, & primum ferculum in mensâ erat, quæ vocari potest carpeia de sicco pisce, eo quod minutatum carperetur, & minutatum cum



Ovis concisus cum pipere superaspergeretur. Secundum ferculum idem Hasbanienſis Præpoſitus de ſalmonem recenti aquâ cocto & piperato. Tertium ferculum de eodem genere allatum, & nihilominus piperatum interea & alios allatos piſces qui afferebantur de Moſâ, quos poëticâ licentiâ vocare poſſumus roceas & bardos. Præterea inter duos & duos Fratres piſtancias partim de luciis ſarſitis, partim de dorſis ſalmonum, & ovis eorum piperatis, poſtremo artocreas. Quid multa? multorum piſcium multa erat eopia.

Cumque ſic per intervalla feſtivitatum cum Præpoſito de Teſtebant Præpoſitus Haſbanienſis ſerviret, tamen omni tempore minutis Fratribus quatuor ova ad jentacula procurabat, & quatuor ad cœnam; & carnes in infirmariâ, ſi tamen in curti erant aut in lardario, inde ſumebant quantum expediebat: ab Octavis Pentecoſtes uſque ad feſtivitatem ſancti Remigii Præpoſitus de Teſtebant ceſſabat, & Præpoſitus Haſbanienſis omni die ſerviebat. Die Dominicâ, & ſecundâ feriâ & quartâ & ſextâ dabantur ſcutellæ refertæ bonis piſcibus unicuique Fratrum, quantum aliâs inter tres aut duos dividebatur.

Frequentiffimè magnæ portiones ſtrutionum tempore quo lampadæ in uſu ſunt inter duos una, ſed & craſſus piſcis quæ balena dicitur, frequenter abundè miniſtrabatur. Tertiâ feriâ, ſextâ & ſabbato ſupradicti temporis intervallo inter legumen & olus ad prandium unicuique Fratrum quinque ova & dimidius caſeus dabatur, ad cœnam quatuor ova aut dimidius caſeus, & propter hoc minutis diebus de ſupradictis ovis nihil ſubtrahebatur. Ipi quoque minuti quartam partem ſextarii vini tribus diebus pro minutione ſuâ accipiebant, quamvis aliqui dierum illorum de communi juſtitia tertiam partem haberent ad prandium. Diebus Rogationum habebant Fratres ad menſam unusquiſque placentam cum pòrtione ſui piſcis. Die palmarum commutabatur legumen pro fabâ tritâ, & in Cœnâ Domini, ſimuliter & in ſabbato Sancto, quatuor diebus Nativitatis Domini Paſchæ & Pentecoſtes ad prandium duas portiones piſcis, unam de Teſtebant, aliam de Haſbaniâ, & ad cœnam primâ die placentam cum brachiolo, minorem tamen quàm in diebus Rogationum. A Paſcha uſque ad Octavas Pentecoſtes omnibus diebus quibus Fratres ſunt in albis, dabat Præpoſitus Haſbanienſis juſcellum & porcionem piſcis cum illâ de Teſtebant, & tanacetum quod quinque ovis conficiebatur, aut pro tanaceto porratam benè ovis & ſagimine coſectam: ab Octavâ Pentecoſtes in antea eo loco artocreas.

Panis qui dabatur ad cellam Abbatis in ea famulantibus & in curti ſervientibus, & omnibus ſupervenientibus hoſpitibus, de communi accipiebatur in cellario Fratrum, ſimiliter cerviſia & vinum per manus villici qui erat ſuper curtim: pabulum & cibarium equorum diſtribuebat Marſcalcus de horreo & granario, tam domeſticis quàm hoſpitibus: nam Cellerarius Fratrum ea tantum accipiebat & diſpenſabat quæ Fratrum erant. De annonâ verò & de cerviſiâ & de vino nihil habebat Abbas ſingularè præter cenſum quarundam villularum & Eccleſiarum & molendinorum. De eo procurabat menſæ ſuæ in cellâ & obſequentibus ſibi, & hoſpitibus tam parvis quàm magnis, & tria ſervitia in anno Epifcopo Metenſi, quorum redemptio ſex marcæ, & ea quæ pertinent ad reſtauranda Clauſtri ædificia.

Habebant Fratres ad veſtimenta ſua ſinguli in anno ſingulas pelliceas novas, duas ſtramineas novas, cothurnos novos, quatuor calceos novos, noctur-

nales & diurnales, & portionem magnam unde ungebantur; & inter duas vices octo pedales; cucullam & tunicam, brachias & caligas, & cætera quoties & quando indigebant. Hæc & alia quæ ſupradiximus unde venirent, villæ erant quas hîc nominabimus.

In Teſtebant, in villâ Alburch ea quæ habere videmur cum Eccleſiâ & appendiciis villicationis illius, in villâ de Pelte, &c.

Idcirco quoque à noſtris antiquioribus cum pace & opulentiâ & religione Eccleſia noſtra floreret, quod Elte villa magna & Eccleſia ejus noſtra fuiſſet quæ non longè à Trajecto ſuper Moſam poſita eſt. Fructus verò altaris ad ſepulcrum beati Trudonis per multa tempora tantus erat & quotidianus, quod, ſi nihil eſſet aliud, ſolus ſufficere poſſet totius Eccleſiæ neceſſitatibus, quâ fiduciâ præſumptuoſa Abbatum temeritas & temeraria præſumptio multa detraxit de ſubſtantiâ Fratrum beneficiando, & de cuſtodia quidquid pertinebat ad Monasterii limitem & ædificium. Similiter cenſum & pradium quod pro defunctis dabatur, vel datum erat ad eleemoſynam Fratrum, beneficiabant ſuis ad libitum. Quo tempore eleemoſyna pauperum ita annihilata fuit, quod ad eam pertinuiſſet quod nec in memoria relictum ſit. Sed & in præpoſitorâ de Teſtebant octo Capellas per negligentiam Abbatum Eccleſia noſtra perdidit, quæ ſerviebant Fratrum ſtipendiis. Accreſcentibus verò malis per contentiones Abbatum & inquietudines Monachorum, multa de præbendâ Fratrum per negligentiam deperierunt, multa in beneficiis data ſunt, multa à villicis uſurpata per mendacium.

Præterea damnum grande & irrecuperabile increvit iſtis diebus Eccleſiæ; nam familia ejus, quæ multum imminuta eſt hodie propter oppreſſiones Advocatorum, & turbines bellorum, ampla quondam erat valde & diſuſa longè lateque, cujus plurima pars vivebat ſub hac lege. Maſculus duodecim denarios ſolvebat ſingulis annis de cenſu ſui capitis, femina ſex; quidam alius legis duos denarios, quidam quatuor. Maſculus iſtarum conditionum quocumque moreretur ſive ſub noſtro jure ſive ſub alieno, ſi necdum conjugatus erat, debebat Eccleſiæ quafi ſuæ heredi quidquid in omni ſubſtantiâ ſupererat ei; ſi fuerat conjugatus, & non cum ſuâ compare, hoc eſt quæ non eſſet ancilla noſtræ Eccleſiæ, debebat dimidium ſuæ ſubſtantiæ: ſimiliter & femina, excepto quod de quocumque conjuge eſſent ei liberi, non dabat Eccleſiæ, niſi quod melius videratur habere in omni ſuâ mobili re. Maſculus ſi eſſet cum ſuâ compare conjugatus, dabat de ſuis veſtimentis quod erat melius: quod ſi haberet cenſualem terram & ſervilem, de terrâ dabat Præpoſitis ad curtim bovem, & de capite ſuo vel alium, vel rem quam habebat meliorem. Ita quoque fiebat ſi pareſcidi ſuper-eſſent. Fructus iſte copioſus & valde commodus fuerat olim Præpoſitis & Abbati noſtræ Eccleſiæ, antequàm propter bellorum inundationes & Advocatorum infeſtationes, & villicorum infidelitates, & noſtra exulando minueretur familia, & remanentium attenuaretur ſubſtantia. Magiſtris verò cenſus capitum partim conſentientibus, partim exhortantibus propter uxores quas de hujus legis conditione duxerant, ad hoc paulatim quidam proruperunt, & innumerabiles in hoc ipſum protraxerunt, quod cenſum duodecim denariorum ad unum protrahere volunt, & cætera debita eorum ad duodecim poſt mortem ipſorum. Sed & ubicumque in alienâ moriantur juſtitia, præter duodecim denarios omnia nobis negantur debita. Qui autem conſentunt & ſolvere ſe velle dicunt debita, communicato cum vil-

licis fraudis suæ & dolositatis commento, post mortem alicujus vestem aliquam prætendunt vilissimam & discissam, aut ovem claudam, vel scropham languidam, & accepto sacramento quoddam mortui aliquid melius non habuerint, si permittitur sine omnimodico Dei jurant, imò pejerant, aut à villicis eis condonatur, ut injurati discedant. Sic & sic & multis modis aliis sublati sunt fructus antiquæ commoditatis. Fructus etiam altaris ad sepulcrum B.

Trudonis qui inestimabilis olim fuerat, & de quo Ecclesia omnes incommoditates suas antiquitus emendabat, vix modò confert unde Ecclesia debitum luminare habeat. Quapropter tantis incommoditatibus, tantis defectibus simul concurrentibus nemo miretur, si intus sit præbenda attenuata, cum exterius sit substantia sic & multo amplius quam dixerim, attenuata.

## MONITUM.

**V**ALCIODORENSE CHRONICON, à Monacho ejusdem Asceterii conscriptum est. Libri foundationis Abbatie Valciodorensis (vulgò Valor) scriptorem fuisse Robertum docent Molanus in Natalibus Sanctorum Belgii ad diem 111. Decembr. describens Translationem corporis sancti Eloquentii Presbyteri ad Cœnobium Valciodorense; & Aubertus Miræus in Originibus Cœnobiorum Benedictinorum in Belgio; & in Originibus Benedictinis, de Valciodorensi agens Monasterio: ubi eadem planè refert uterque hoc modo: De hac Translatione (S. Eloquentii) plura habet liber foundationis Cœnobii Valciodorensis ante trecentos annos (imò quadringentos, si verè est Auctor Robertus, ut Chronicon apertè indicat) à Roberto Monacho Stabulensi, post Abbate Valciodorensi conscriptus. Ex illo itaque nonnulla libet hic subjungere: Egressus à Summo Pontifice, &c. Nempe ipsamet propè verba Chronici Valciodorensis à nobis editi, paucis tamen contractis atque immutatis. Unde si tantorum virorum testimonio fidem adhibemus, conjiciemus & illius libri foundationis Cœnobii Valciodorensis, & Chronici auctorem esse Robertum. Sed enim Chronici Continuator cum nequaquam Robertum, ne verbum quidem, asserat Auctorem, par est credere nec Chronicon istud, nec librum foundationis Robertum contexuisse. Non enim, ipsum eximius laudibus efferens, rem quæ ipsum haud mediocriter commendare poterat, vel ignoravit, vel sciens præterit. Si Robertus ipse scriperat librum foundationis, quod volunt Molanus & Miræus, idne oblivione precessisset Chronici Continuator, Roberti actum commemorans? Nequaquam verisimile est, quandoquidem se inter Roberti discipulos qui Magistri gesta noverant, versatum esse haud obscure insinuat, dum ait: Hic quàm idoneus & efficax in administrandis utriusque hominis rebus necessariis fuit, Fratres utriusque loci (Valciodorensis & Hastieriensis) ab eo nutriti, & ad sacros Ordines per eum promoti noverunt, quorum nonnulli adhuc vivunt. Sed ne ego præfate contendere, aut aliqua subducere videar quæ conjecturis obsint meis, ingenuè duas proferam epistolas, in quibus apparet Robertum S. Forannani Abbatis Valciodorensis vitam composuisse, quamvis illo in Chronico nulli ipsius vitæ fiat mentio.

Præfatio sive Epistola I. ROBERTI Sacerdotis & Monachi, ad dominum WIBOLDUM Abbatem Stabulensem.

„ Inclyto totiusque prudentiæ fulgore insigni domino WIBOLDŌ Abbatum egregio, Frater  
 „ ROBERTUS suorum utinam clientum ultimus, quidquid Præceptori subditus. Non, ò Rector  
 „ inclyte, vestræ autoritatis indignetur magnificentia, quod in conspectu vestræ dignitatis, nostræ  
 „ audemus manifestare schedulas exiguitatis; verum nec temeritatis supercilio id factum existimet  
 „ vestræ pietatis esse dignatio. Non ergo hoc in opere luculentæ verborum investigare ornatum,  
 „ atque animadvertere ab imperito velitis qualiter enucleatum. Ut igitur hoc examinationis robore.  
 „ tur iudicio, de vestræ magnificentia confidens pietatis, vestris obtutibus repræsentō, quo vigeat in  
 „ aliquo vestri si displicet abitui correptio, vestræque si placet roboretur adminiculationis decreto.

Epistola II. WIBOLDI Abbatis, THEODERICO Abbati Valciodorensi.

„ Frater WIBOLDUS Dei gratiâ Stabulensis Ecclesiæ servus domino THEODERICO venera-  
 „ bili Valciodorensis Ecclesiæ Abbati, Reverendo Fratrum Conventui divinis semper invigilare  
 „ studiis & provehi muneribus. Gratias agimus, Dilectissimi, Conditoris omnium inestimabili  
 „ gratiâ, qui universalis Ecclesiæ suæ pulchritudinem certis temporibus miro ordine magnis an-  
 „ toribus ipse idem novus semper & perfectus artifex condecorare non desinit. Et unaquæque  
 „ per orbem Ecclesiæ & maris undas interdum patitur, littoris tamen firmitate aliquando gaudet,  
 „ discipulis in naviculâ Christam dormientem excitantibus, & Christo fluctibus imperante. Chri-  
 „ stum utique, Fratres, & vos Apostolico exemplo in vestra naviculâ excitatis, dum vestris,  
 „ quibus Ecclesiæ vestra regitur Patronis, honorem & devotionem exhibetis, dum ea quæ in eis

ipse operatur miracula ad multorum notitiam & adificationem perducere desideratis.

Scripsistis nobis per fratrem nostrum & filium vestrum ROBERTUM, vitam & miracula Beati Pontificis & Abbatis Forannani ipsius non parvipendendo studio composita, eâ, ut nobis ipse reculit, intentione, ut si qua nimis viderentur composita vel superflua, nostra parvitas elimaret, aut detraheret, & totum corpusculum Operis nostra cooperatio roboraret, quod Operi si necessarium inspicerem fore, quæ injunxit & vos injungitis aggredi non recusarem planè. Sed quia per omnia probatur laudabile, de cætero præceptis vestris cupio obtemperare, si labores nostri pro Ecclesiâ, si Regni quibus obligamur negotia prosperos habeant exitus, & nobis aliquot sepositis curis aliquando indulgeant otium.

Vos interim eo quod cœpistis studio Beati Confessoris miracula amplectimini, & memoriæ tradere curate: quia si vestra perseveret devotio, si studium non lassescat, si religio accrescat, glorificationem sacri corporis videre corporeis merebuntur oculis, quibus tantum manifesta datum est videre miracula. Cujus temporis felicitati nostra utinam interesse mereatur præsentia, nostra subservire parvitas, ut sacrorum cinerum glorificatio sit nostræ fidei de spe resurrectionis confirmatio; sit in præsentis tempore de tribulationibus nostris consolatio, de exilio ad patriam, de morte ad vitam translatio.

Bini fuere Valciodorensis Chronici conscriptores, quod Chronicon perducitur ad annum circiter 1141. Continuatursiquidem tempore Joannis Episcopi Leodiensis, qui consecratus est anno 1219 Henricum Abbatem ultimum describens, isthæc in fine subinfert: Qui etiam nunc nobis præest feliciter, tredecimum agens annum, &c. Enimvero si anno 1219. tredecim addas, reperies annum 1141.

Hoc Chronicon describi curavit eruditus juxta ac religiosus dominus Simon Guillemot sancti Gisleini Supprior e Gemblacensis Cœnobii codicibus manu exaratis, & ad me perhumaniter misit n:o 1660.

## C H R O N I C O N V A L C I O D O R E N S I S C O E N O B I I. O R D I N I S S A N C T I B E N E D I C T I.

CUM summæ nobilitatis sublimis magnificentia Cæterni Regis procul dubio devota servitus comprobetur, & æqualiter servi sive liberi cœlestis doni præmium secundum suæ quantitatis meritum accipiant, & gloria patris finis sapiens sit: operæ præmium rati iumus ostendere, Valciodorensis Ecclesiæ structor egregius Comes EILBERTUS quibus sit progenitus parentibus, atque secundum sæculi dignitatem ejus genealogia quàm alto sanguine claruerit. Ejus itaque pater Comes EBROINUS fuit, vir armis strenuus. Hic armis strenuus & omni honestate, industria suâ & virtute multa acquirens, filiam WIDERICI Comititis & ejus uxoris EVÆ, quæ in nominis acquisitione BERTA nuncupabatur, sumit in conjugium; cum eâ accipiens dantè ipso genitore atque genitrice Florinas, & quidquid ad eundem pagum Florinensem pertinet.

Interèa ob virtutis ejus potentiam & armorum strenuitatem, & indultrii pectoris sagacitatem, sicut illustri viro & venerabili Romanæ magnificentie Rex LUDOVICUS ex prosapia Caroli Magni ultimus, volens honorare dignis muneribus, tradidit ei sub regalibus testamentis villas suæ ditioni subjectas duas, quæ propter dignitatem honoris ejus suis nominibus hic annotantur. Una quæ est in Condrufo, dicitur Antina; & altera quæ adjacet in Jamennâ, nuncupabatur Heidra. Has itaque sine aliqua contradictione usque ad terminum vitæ suæ tenuit, quousque secundum antiquorum morem in filii sui Eilberti Comititis, videlicet post ejus transitum, ver-

teretur sortem & hæreditatem, & sicut ex Regiâ manu in patris dominatione transferat & jure, sic cum sibi subjacentibus nutu OTTONIS primi atque concessione, ad filii rediret jus & dominationem.

Nos itaque qui structoris Valciodorensis Ecclesiæ proposuimus alti germinis consanguinitatem enucleare, jam ad opus cœptum, ut expedit, gressum figamus: & quoniam omnia propter ejusdem progeniei arduam inclytamque successionem nequimus comprehendere, fideliter ad ea quæ non sunt omitenda necesse est transire. Præfati siquidem Ebroini pater Comes BOVO fuit, qui dictus est *Sine barbâ*, & hujus pater BOVOIS Comes WARINUS de Afcloviâ exstitit, qui fuit filius inclyti nobilissimique Comititis AIMERICI Narbonensis, ex ERMENGARDE Comitissâ, sorore BONIFACII magni Principis de Papiâ. Ille autem EBROINUS ex præfati Comititis Wederici & ejus uxore EVÆ filia, quæ ut superius præfati sumus Berta dicebatur, septem filios habuit, qui terram longè lateque post decessionem patris tenuerunt hereditario jure, & sibi prudentiâ suâ multa acquieverunt. Sed ne prolixitas fastidium generet in tantarum evolutione rerum, omitentes cætera, ob honorem præfati Comititis Eilberti & dignitatem, suorum germanorum tantum nomina perstringamus.

Primus itaque in ordine generationis Comes EILBERTUS fuit, major natu & dignitate, secundus Comes UDDO de Roix, tertius HERIBERTUS Co-

Eilberti Fund.  
Abbatia Valciodorensis  
genealogia.

a ultimus] Scil. filius Arnulfi Imp. qui obiit anno 912.

mes de sancto Quintino, quartus GERARDUS de Odenarde Comes quintus BOSO Comes, sextus WILHELMUS Comes, & MACWARDUS Episcopus venerabilis. Isti fratres germani fuerunt, & cum Comite EILBERTO licet in subsequentibus aperietur, quidam eorum Valciodorenti in Ecclesiam donis & muneribus amplaverunt. Nam BOSO Comes cum multa tenuisset, & in multis preoccupatus fuisset, liberosque quamplures habuisset, tamen fratri suo, Comiti videlicet Eilberto villam in Florinenli confinio positam, quæ Calvus-mons nuncupatur, & quæ hereditario jure in suæ sortis pervenerat parte, dereliquit: quam in usus succedentis Valciodorentis Ecclesiæ, quia in eâ sui corporis sepulturam futuram fore decreverat, (sicut factum) constituit. Ex fratrum suorum successione, videlicet GERARDI de Odenarde, & Comitis HERIBERTI de S. Quintino, nobilis & ingens familia huic Ecclesiæ provenit; & hujus rei apud Vironannos & Flandros testes ex ipsâ familia superstitibus usque in præsens tempus nobis sunt, & testamentum legis eorum apud nos & eos conservatur.

Ingentis discordiæ & calamitatis causa.

Jam igitur tempus postulat & res, ut inferatur sermo qui de re Valciodorentem Ecclesiam præfatus Comes studuerit edificare: ad hujus rei indaginem articulata arte mentem applicemus. Comes igitur EILBERTUS nobilium actuum super omnes sui generis corvos aggrediens conamina, industrius, strenuus & vir bellicosus effectus est in tantum ut ex suo proprio ad evitandos casus incertos adhuc primævus septem contrueret castra. Suo autem tempore Conventus illi frequentiaque diversarum gentium, quæ nunc Nilasce quotannis congregatur, in Tirasse ad crucem solito more conveniebat, quod mercimonii sui commutationes si rent, ut vicissim mutua venditione congregata distrahierent. Cum vero in foro r. rum venantium antedictus Comes deambulare, obviis fuit ei equus ingentis fortitudinis necnon & admirabilis speciositatis, qui visus est sibi fore turris fortitudinis, si congruo pacto ad hunc pertingere posset ratione alicujus mercimonii. Dominus enim equi erat quidam Clericus magnæ progenitus nobilitatis parentibus, Canonicus ex Remensi Ecclesiâ Sanctæ Mariæ majori. Cum autem mutua affabilitate Comes & Clericus ex prædicto sermocinarentur equo, sub quâdam taxatione pretii finem fecere rationis; sed cum imparata foret pecunia istius comparationis, HERIBERTUS nobilissimam conjugem suam Comes quaerivit, quaerens consilium ab eâ quid ex hoc negotio faciendum sit; nullâ namque ratione equum ipse à se sinebat dimoveri, cujus fortitudinis auxilio suorum se dicebat omnium inimicorum declinare infortunium, & periculo forum casuum naufragium. Itaque se maturè à Clerico cupiens expediri, sine consilio suæ nobilissimæ conjugis, quæ formidabat casum qui accidit, loco oblidis mirabilem thesaurum quem apud se ipsum conservabat Clerico tribuit, diem statuens in quo fieret solutio debiti. Thesaurus autem iste desiderabilis compositus est in similitudinem insignis monili, quem sanctus ELGIUS venerabilis Episcopus sanctitate, honestate, & in omni operationis artificio egregius, præcepto nutuque inelyti Lotharii Regis Francorum manibus propriis operatus est. Lapis siquidem Berillus in medio positus sculptum retinet, qualiter in Daniele Susanna à senibus judicibus male eriminata sit, qui varietate sui operis diligentiam ostendit artis, & diligentia venustatem locupletis honoris.

*Egregia gentis Rex Anglicus hunc de lit illi,  
Quem fore speravit gravium lani plurima gratis,  
Inier quæ dantiis profici sibi porio talis.*

Quid multa? Statuti temporis dies advenit in quâ à Comite debiti solutio parata fuit, & pro sibi commissio thesauro ipsa convenit. Ab hujus rei verò notitiâ ille se ignarum exhibuit, nec in hujusmodi ante colloquio aliqua ratione Comiti acquievit. Dignitate siquidem thesauri denudatus convicioque controversiæ & perversæ operationis graviter vexatus, cum gravis indignatione mœoris & irâ Comes ad propria est reversus, quaerens consilium qualiter istius periculosi casus valeret devitare infortunium. Itaque collectâ multitudinē propinquoꝝ, ex rei eventu præfatorum fratrum quaerivit consilium, exponens illis supradicti mercimonii conventum, & sui venditoris execrabilis machinationis periculum, & atrocis fraudis miserabile ludibrium, & instantis controversiæ si non maturè fuerit subventum, irreparabile detrimentum. Unius igitur deliberationis consilio pariterque concordis voluntatis assensu, sit fratrum omnium congregatio amicorum, & omnium confluentia divitiorum agminum stipata equestrium innumerabili plebe, quorum catervæ operuerunt superficiem terræ, quæ nâque convenerant commotæ virorum illustrium opinione. Catervatim namque usque ad urbem Remensem properant maturè; quam factâ congressione undique oblidens, oblidens capiunt: captaque cum argumento callide observationis, dispositis ubique speculatoribus præfatum fugientem Clericum usque ad majorem Ecclesiam persequuntur, quam introgressum, & infra ejus ambitum in cujusdam cubiculi cubili latitantem undique circumvallant. Cumque minimè reperiretur, sparsim ubique dispersi, ignibus tota illius templi compositio atque structura crematur, & sic flammis urentibus ab ejusdem templi mœnibus ille fraudis commentator ejicitur, & dolus, qui antea verlabatur clausus, in ejus pectore evidentibus indicibus in propatulo manifestatur. Nam thesaurus, quem dolosæ machinationis inventionem furtivè deliberaverat retinere, ab eo auferitur, & cum detrimento urbis & Ecclesiæ restituitur.

Urbs Remensis oblidens, capiuntque.

Maior Ecclesia flagrat.

Extemplo facti fama regias penetrans aures, omnium regalis curiæ Procerum conturbavit conventum: quapropter in indignationem conversus & iram, unanimiter universus exercitus pariter cum Rege statuere decretis regalibus periculosa congressionis grave bellum fratribus, quo pellerentur emancipati omnes cum suis à propriis finibus. Cum ergo ab utriusque partibus graviter præliaretur, & periculosi certaminis afforet sæva congressio, à fratribus capitur Rex, & hostium ille cunctus huc illicque dispersus vexatur, & ut levis auroræ nubecula à conspectu magnæ commotionis venti leniter fugatur.

Igitur anno Incarnationis Domini nongentesimo vigesimo secundo CAROLUS Rex Francorum captus ad EILBERTO, & fratre ejus HERIBERTO, usque ad Peronam deducitur, & ab eisdem sub vinculis carceralis custodiæ diebus multis religatur. Porro datis ab utrisque partibus mutue pacis oblidibus, cum grandis honoris contubernio Regem à Peronâ educunt fratres, & ut regalis magnificentia decebat dignitatem, suæ servitutis ministerium unanimes obtulere sibi: sicque sedato bello pars eorum in pace conquievit, & ille thesaurus desiderabilis, qui causa totius seditionis fuit, Comiti inviolabilis remansit.

912.  
Rex Carolus Peronæ carceri mancipatur.

Processu tamen volvente haud multo post ultima habentis ætatis clauditur dies HERIBERTI Comitis de S. Quintino, qui viam universæ carnis ingressus superstitibus post se quatuor filios reliquit; quibus, ut regimine fratris sui Comitis Eilberti nutrentur, & hereditate eorum terræque ejus industriâ auxilio-

que tuerentur, obedire præceptis præcepit. Cum verò istius angoris mœstitudine premeretur, & ab amicis & fratribus funeris exequiæ præpararentur, quidam Cameracensis Comes RODULFUS nomine, qui dignitate regalis consanguinitatis gloriabatur, adversus quatuor Heriberti filios confidens in robore fortitudinis suæ insurrexit, & annuente Rege Francorum, videlicet avunculo suo, terras eorum invasit, sicque evaginatâ iniquitate quam confideraverat, adversæ partis cuneus ab eodem præparatur, & atrocis crudelitatis dolus, qui clausus latuerat, evidentibus indicis in propatulo manifestatur. Reciproca namque crudelitate à genitore puerorum & patris se vinculum reminiscens præfatus Rex jus abnegans, injustè possessiones, terras, hereditatesque eorum supradicto RODULFO concessit; sicque ab hoc norma justitiæ confusa est, & gravis periculi commotio ab utrâque parte machinatur.

In exordio suæ congressionis Rodulfus oppidum S. Quintini obsidendo aggressus est expugnare; quod cum ab eodem minimè caperetur, impetum vimque resistentium ferre non valens, ignibus delibabat aduri. Cumque certatim istius iniquitatis ruina machinaretur, concursu hostium nobilium virorum nobile oppidum repente crematur, & villa mobilibus & diversis repleta comœatibus, diversorumque agminum stipata plebe depopulatur, & cum eâ templi ædificia uruntur, & ad nihilum rediguntur. Inter hæc templum Virginum Monialium à fratribus haud multo post constructum, & magnis prædiorum honoribus ditatum, propter cuiusdam nobilissimæ mulieris conversionem, quæ se sacri veli consecratione, relicto sæculari habitu munierat, aduritur, & cum eo hæc nobilis mulier & Virginum Chorus. Mulier autem hæc cum magnis orta foret natalibus, seducta fuisse dignoscitur à Comite Eilberto quasi sub quâdam conjugii confederatione: quæ cum eo permansit, quousque alterius nobilissimæ prosapiæ mulieris, legalis decreti ceremoniâ conjugii dans consensum, neceretur contubernio: quæ cum spernendo se cerneret postponi, ordine supradicto curâ sæcularis negotii postposuit.

Hæc itaque ex supradicto Comite filium enixa est, cui in spiritali regeneratione & nominis acquisitione BERNERUS nomen impositum est. Hic avulsus à lacte, atque dempto ubere ablactatus, supradicto Rodulfo urbanitatis gratiâ traditus est nutriendus, qui cum aliis juvenibus nobilibus vernaculis serviebat ex armorum apparatu: ut verò matris adustionem, patris, patris, ac filiorum ejus agnovit detrimentum, & honoris diminutionem, imbecillitatis suæ condoluit importunitatem, cumque tædere cœpit cum proximorum infortunio mors suæ unicæ genitricis, & repentini casus cœpit conqueri austeritatis improbitatem. Cumque crebrò in hoc conquereretur infortunio, lacrymabilique ejulatu gravis finis interitum memoratæ genitricis lugeret, luctus ejus ad domini sui aures pervenit. Unde conversus in iram, post jurgiorum proverbialia occiput sui capitis vulneravit nimia fervens infantiâ, sicque bonæ indolis adolescentulum removit à contubernio suorum familiarium. Talis siquidem gravedinis & molestiarum acerbitas cum à filio patri nuntiaretur, reciprocatus dolor graviter renovatur, quo exasperati cordis meditatione, confluentiâ diversarum gentium multiplici numerolitate conglobatâ, catervæ multiplices disponuntur, & machinamento prudentium congressiones RODULFO præparantur. Præfatus siquidem BERNERUS infra quamquam pueriles annos positus, eventum rei graviter accepit, & actionem præteritam non pueriliter investigans,

rogavit patrem militiæ sibi non negare armaturam. Tandem ipse quod concupierat voto adeptus militiam honestis moribus adornavit. Cum verò ab utrisque partibus graviter fortiterque præliaretur, & invicem adversarum partium cadavera mucrone sæviente passim sternerentur, cum capite primæ cohortis BERNERUS voluit apparere, quo strenuitatem suæ actionis evidentiùs voluit ostendere.

Igitur in tempore definitæ congressionis antequàm pariter convenirent, de morte matris Rodulfum sicut suum dominum convenit, à quo inconvenienter improperia sustinendo repulsus, dominum suum postposuit, & sibi fidem post hæc servare denegavit. Ordine siquidem certaminis composito, obviis affuit in concertatione Bernerus Rodulfo, cui mortem matris requirens anteposuit, & ab eodem sibi hanc injusto judicio sublatam nuntiavit. Hic autem verba illius ignaviæ æquiparans, insultationis verba illi respondendo reddidit, corpusque illius ab eo simili sorte fieri pronuntiavit. Ut autem istius commotionis verba à RODULFO accepit BERNERUS, in indignationem conversus & iram, spiculo & ense contumacem militem aggressus est, & in impetu sui spiritus ab ejus corpore animam viriliter non timuit abstrahere. Sedatâ itaque seditione istius malæ contritionis & doloris, gemitus suæ partis factus est Rodulfus, & ulto sanguine, qui ab eo effusus fuerat innoxius, hereditates & terræ, quæ per violentiam ab eo fuerant usurpando invasæ, HERIBERTI heredibus restituuntur justè, judicio, probitate, industriâ, fortitudine familiarium amicorum.

Hujus rei gratiâ, & prosperorum actuum prudenti progressu omnimodâ urbanitate compositus, à suo genitore & familiaribus iste egregius adolescens complectabatur tenerè, in quibus successor paternæ hereditatis credebatur fore, quia ex sponsalis confederationis connexione patri heres negatus calicâ voluntate, quò nomen ejus dilaretur posteritatis successione. Surrexit interea ex Rodulfo radice, gravis infestationis & totius iniquitatis dono repletus quidam furculus, nomine WALTERUS, qui ejusdem pompaticæ regalis consanguinitatis tumendo gloriabatur propinquitate, veluti sororis Rodulphi filius. Hic autem adversus EILBERTI filium BERNERUM, scilicet inter innumeras adversæ partis catervas cohortium Princeps primus effectus surrexit, & ab hoc sui avunculi mortem requisivit. Illum autem sibi injusto judicio ab eo præcunte morte demptum pronuntiavit, & ab eodem manu propriâ contrâ jus fasque illum extinctum dicens, mœroris affectum per cordis contriti verba evidentibus indicis indicavit. Tumultus autem venturæ congressionis, & tempestuosus ardor gravis angoris utrâque parte machinatus, propositione verborum horum quâdam ex parte conquerunt. Contrâ hæc mortem matris, fracturam capitis, vel detrimentum genitoris, & patruorum desolationem illi respondendo Bernerus opposuit; & hæc omnia injusto judicio sustinuisse ab eodem replicavit.

Animati igitur diræ congressionis & adversæ machinationis mutuâ confabulatione, uno conspirationis consensu adversum se invicem exaggerantes malum, Regis præsentiam adire, & ibi ex utrâque parte datis obsidibus, condixerunt sub regalis juris observatione & suæ litis agone, suæ propositionis verba confirmare. Statuto siquidem certi temporis die unâ pariter convenere, atque ipsis acriter modo irremediabili invicem propugnantibus, triduo litigio sese ceciderunt; pro quibus regiæ magnificentiae auctoritatem cernentes, constantiam & fortitudinem juvenum mutux partis exercitus interpellavit.

Urbs Sancti-  
Quintini cre-  
matur,

Monasterium  
quoque Hu-  
molariense cū  
Monialibus.



Regalis itaque auctoritatis ut pervenit ad eos sententia, arma posuerunt, & iudicii sui timentes sententiam, armaturam suam obsidibus suis tradiderunt. Palatinorum autem Procerum iudicio abjudicatum litigium, & moderatione indultuum virorum pacata sunt jurgia tumultuantium puerorum, eorumque conflictus pacem dedit mutae partis Principibus: sed virus praeteritae commotionis in Viromanorum & Cameracensium serpit visceribus usque in praesens tempus.

Dei post haec iudicium, ejusque ordinatio, qui quos creat & sui signaculi virtute conservat, regit, suaeque gubernatione in prosperis adversitatibusque provehit, istum adolescentem **BERNERUM** videlicet vocavit, vocandoque sui spiraminis commissum suscepit: atque sic ejusdem assumptionis vocatio patri facta est diutinae defolationis & lacrymabilis rememorationis saeva destitutio, orbatioque irreparabilis. Pulsatus igitur tantis talibusque eventibus, infortunium diversorum casuum corporis & animae timere coepit venerandus Comes, priscae reminiscens conversationis enormitatem, & antiquorum contagiorum praeteritam actionem: quid egerit diuturna meditatione coepit meditari, & se reum voce lacrymabili ex transactis facinoribus confiteri. Cumque jugi mœroris anxietate filii defleret destitutionem, suae intentionis actionem suppliciter ad Deum convertit, & in studio istius bonae voluntatis ex sui juris proprietario, una cum sua clarissima conjugē **HERESINDE**, Archangeli Michaelis ob honorem in Tirasce Basilicam condidit, eoque in loco sub tramite **B. Benedicti** Deo militantibus coadunatis Fratribus, ipsis Abbatem praeficiens, ad usus quotidiani victus stipendia constituit non modica; locumque illum sub ditione & ordinatione Laudunensis Ecclesiae Antistitis constituit.

Venerabilis autem **HERESINDIS** conjux ejus Christo in eodem loco famulantibus se subjiciens, pietatis gratia ipsum frequentare coepit, & non segniter secundum suae nobilitatis sublimitatem studuit res necessarias providere. Et quia praenabatur mansuiculam proprii corporis sibi ibidem fieri, haud procul ab eodem loco Virginum Monialium Monasterium construi diutina deprecatione supradictum Comitem imploravit, quatenus ipse qui Principali Praeposito calidiorique animarum, sancto scilicet Michaeli sacrae ædis crexerat fastigium, beato Petro paradisi Clavigero suo adnissu propitiusque labore componeret venerabile templum, quo Christi famulae suarum orationum frequentia piacula praeterita suorum facinorum expiarent. Coactus itaque sua deprecatione, nec non **B. Petri** veneratione, à Monasterio recenter constructo in spatio duorum miliarium, in loco dicto Bocileis fundamenta jecit, erigensque structuram, peracto opere statuit templum, in quo ab eodem constituitur Virginum Monialium Congregatio, & quidquid talium ordo exigit. Constructis autem per ordinem mansionibus plurimis, eisdem dato pastoralibaculo Abbatissam praefecit, eundemque locum veluti superiorem sub regimine Laudunensis Ecclesiae Praefessoris constituit.

Evangelici profecto mandati non surdus auditor, Domini sui in eo paulatim crescente virtutum culmine nitebatur verba adimplere, quatenus ex mammona iniquitatis fideles sibi congregaret amicos coelestis pietatis, qui cum heredem facerent suae adminiculatione in aeternae hereditatis possessione. Igitur veluti sacra profert sententia; *Justus magis justificetur*; studioso se labore ad opera misericordiae venerandus Comes se totum contulit, patrimoniumque suum tuto in loco constituere nitens, locupletis honoris dignitate misericordiae Matri, beatæ videli-

cet **MARIAE** egregiam construxit Basilicam, villamque Humblires, quo fundata fore videbatur, eidem Monasterio subjiciens, magnis illud ditavit praediorum honoribus.

Ex praedicto sanè patrimonio suo eodem tempore tria cum superioribus Monasteria construxit, quibus tantum de praediorum redditibus delegavit, quantum ad usus necessitudinem sufficienter sufficere videretur in eisdem pensum sui famulatus Deo exhibentibus. Ordinatis tandem Monasteriis, atque regulariter secundum institutionem **S. Benedicti** vivere paratis in eisdem coadunatis Fratri us, ut in rigore sui tenoris norma justitiae magis convalesceret, eadem loca sub ordinatione & protectione Abbatum, juris dans diffinitiva privilegia, fore constituit: sicque idoneis successoribus & filiis spiritualibus, qui sua valerebunt metere carnalia & sibi serere spiritualia, dereliquit copias hereditatum. His secundum quantitatis suae dominium, & magnificae auctoritatis principatum ac honorem (sicut decebat suae nobilitati) congruè & prudenter omnibus compositis, horum operum finem fecit, & se totum divinae contemplationi serviens Deo subdidit.

Tempore illo dum die quadam in castro, quod Florinis construxerat, resideret, suae actionis transactum tempus rememorari coepit, & tacitus intra se revolvens quid ex Remensi sanctae **MARIAE** Basilicæ actum sit, vehementer eum tale infortunium tædere coepit. Enimverò rememorando coepit meditari ob septem castrorum propugnacula, sempiterna sibi fieri municipia maledictorum, deliberavit ut haec maledictionis structio per benedictionis antidotum remediaretur. Construxerat enim septem maledictionis domicilia: praesente gratia Spiritus sancti, benedictionis & obedientiae habitacula septem complere deliberavit, quia plerumque in sacro eloquio septenario numero designatur universitas, ut non particulariter, sed plenarie legem divinam videretur adimplere; & ut ex rivulo septiformis Spiritus stillicidium participiumque, spiritualis renovationis donum gradatim in se valeret multiplicare, senario numero constructarum Ecclesiarum septimam ob honorem Genitricis Dei ob restorationem Remensis Ecclesiae adjecit.

Descripturi verò loci quantitatem, quo structura fore dignoscitur, prius videamus ex sylvestri & nemoroso qualis factus fuerit, & ex informi & obliquo in quantam venustatem transierit. Tempore autem illo locus ille erat inhabitabilis, excepto quod domus Comitis inter densitatem nemoris paulominus constabat invisibilis, quo secundum discretionem corporis remotis à se plebis us frequenter morabatur secretalis. Habitatio ejus generalis in loco dicto Priepertis tunc erat, ubi Ecclesia habebatur, & communes habitantibus necessariae res prudenter & congruè more oppidi erant compositae cultu honorabili. Castrum autem ejusdem oppidi non longè ab eodem erat, circumseptum congruis munitionibus, quibus cuneus adversae partis procul pelleretur plenarie, si ejus habitatores infestatione alicujus moverentur, sicut municipatus ejus, quo sterisse dignoscitur, usque in praesens tempus monstrantur vestigia.

Congregatis itaque manualium operum artificibus, nemus propter domum ejus suo praepcepto eo tempore succiditur, & paulatim ex obliquo & inhabitabili decoratus locus redditur atque salubris. Hic ut res exigebat omnibus prudenter acquisitis, quo necessitudinibus forent apta succedentis operis, coadunatisque lapidum atque lignorum gnaris artificiorum compositoribus, juxta domum ejus templum construxit, utiles habitationes componuntur, & spiritualium

Monasterium  
S. Michaelis  
in Tirasce  
extruitur.

Eilbertus Comes  
septem  
Monasteria  
fundavit.

Apoc. 22. 11

944.  
Eilbertus  
exadificat  
Florinense  
Monasterium  
in Diœcesi  
Leodeusi.

spiritualium Fratrum habitaculum claustrale compaginatur. Anno siquidem ab Incarnatione nongentesimo quadagesimo quarto, regni OTTONIS primi nono, à Comite EILBERTO jacta sunt supradicti templi fundamenta, & in spatio trium annorum venusto opere consummata sunt omnia.

Cumque regulariter omnia per ordinem consummasset, quo nunc Cœmeterium Fratrum esse videtur, Ecclesiam in S. Patricii honore construxit; & sic prudenter & honestè cum opere memorato cætera consummavit. Constructo tandem secundum nobilitatis suæ quantitatem templo, utilitati succedentium Fratrum prodesse desiderans, castrum superitis memoratum diruit, & villam, quæ in suo confinio erat sita, & sibi subjacere videbatur, exinde jussit auferri, & juxta Monasterium habitationem iterum restruct.

Tempore autem illo sollicitè meditari cœpit, quilibet incrementis Ecclesia per eum, & quomodo multiplicaretur, & religionis cultus in eâ dilataretur, & sui juris libertatem retineret, & sempiternæ benedictionis sibi nomen acquireret. Tandem salubri inito consilio, Regem memoratum adiit, & ei consilii sui secretum pandens, & totam suæ actionis intimans intentionem, gratiæ suæ auxilium in præsentis negotio affore præcatus est sibi. Itaque mutuâ ordinatione Regis pariter & Comitis decretum est, ut quidquid ab utrisque partibus donationis & muneris supradictæ Ecclesiæ conferretur, Regis protectione & auxillio tueretur à die illâ & deinceps, & non solum rerum præsentium donativum, verumetiam quidquid eis succederet oblatione fidelium. Constitutâ autem Ecclesiâ sub Romanæ Majestatis imperio, ab eodem Romano Rege donum investituræ ipsius loci & Abbatiam præfatus Comes suscepit. Ex designatis rebus quæ ab eodem Ecclesiæ conferebantur, sequens sermo omnia declarabit.

Providentiam ejus urgente censurâ Regis per viginti tres annos sustinuit, deinde ordinatione mutuâ quidquid in Antinâ & Heidrâ pater suus Comes Ebroinus à Rege Ludovico ex Caroli Magni progenie ultimo, feodali dote acquisierat, posuit in præsentia Regis, prædictorum feodorum eâ conditione se spolians dignitate, quatenus Regis concessio & Comitis datio regali decreto firmaretur; & hæc liberalis commutatio sine scrupulo & perpetualiter transiret in potestatem & legitimam perpetuamque possessionem Ecclesiæ. Ipse verò Comes quæ eidem Abbatæ ab eodem Rege conferebantur, ibidem replicavit, & designatis nonaginta quinque terræ mansis, culturis decem cum magnis redditibus & Ecclesiis earum, & cum ingenti familiâ, & ea quæ propter difficultatem computandi (quoniam aliâs pleniter annumerata continentur) referre distulimus, ostendit, & omnia sub regalibus testamentis designavit. Deinde non mediocriter circa locum curiositatem suæ actionis apposuit; sed & thesaurum superius memoratum, qui seditionis & controversiæ quondam causa fuit, & pro quo multa acciderant, dedit eidem Ecclesiæ, & inter alia ornamenta ipsum in eâ præcipuum & excellentiorem præcepit in perpetuum per succedentia tempora non segniter custodiri.

In tempore illo, transacto viginti trium annorum curriculo, ex Scotiæ partibus Angelicâ jussione admonitus venerabilis Archiepiscopus FORANNANUS proprium relinquens solum, locum decoræ vallis ab Angelo sibi designatum quærens, cum duodecim comitibus advenit, adveniensque Comiti obviavit, à quo requisitus quod tenderet, ei mox Angelica designavit indicia, & sic cum maximo ho-

nore ab eodem Comite in jam prædictum deducitur habitaculum. Ejus sanè adventus susceptionis obsequiique in quantâ veneratione à Comite, & ab omnibus patriotis habitus sit, qui pleniter ambit cognoscere, librum gestorum ejus legat; ibi enim sufficienter hujus rei indaginem reperiet. Ingressus ejus habitaculum, haud multo post uterque, Comes & vir Dei præsentiam Regis adiit, quod Comes domum & investituram Abbatæ deposuit, & precibus apud Regem obtinuit, quatenus ex jamdicto dono Dei cultor ab eodem Rege investiretur. Investigatâ ejus sanctitate, libens annuit Rex Comitibus petitioni, & suppliciter devoteque sancto viro præsidium sui obsequii & consilii affore pronuntians, se orationibus ejus undique commendans, donum & Abbatiam ex Palatinorum Procerum decreto tribuit, & decretis regalibus statuit, ut eadem Abbatia absque scrupulo alicujus controversiæ omni deinceps tempore Regali & Imperiali protectione tueretur. Ut hæc institutio fixa, inconvulsa, & immobilis permaneret in sempiternum, de villâ scilicet Heidrâ & indominicatis beneficiis nonam sibi retinuit, & in monumentum Regali decreti, ne per succedentia tempora Abbatæ decisset Imperialis protectio, in Aquensi Ecclesiâ quotannis jussit persolvi. Propterea perfecto decretum est ibi judicio Procerum de curiarum ejusdem Regis præsentia, quatenus Mjaordomus, videlicet Præpositus de Ecclesiâ sanctæ Mariæ quæ est Aquisgrani, cum cæteris valentioribus Canonicis, pro eadem Ecclesiâ tempore tribulationis ejusdem Abbatæ caudici assurgant, & importunitatem ejus sicut & suam in præsentia Regis & Principum ubicumque præfatus Rex fuerit, perferant.

Tandem regressus à Rege Dei cultor cum suis comitibus, locum cœpit incolere, & secundum Angelicum responsum Vallem-decoram nominare, quod nomen sicut nunc vulgariter permanet. Quidam malè opinantur tractum à quodam Thifidoro, qui, ut aiunt, ipsam vallem inhabitaverit: sanè non ex nomine Thifidori Valciodorus dictus est, sed ex Angelico præconio, qui eam Vallem-decoram appellavit, Valciodorus scilicet quasi vallis decora nominatur. Ab ipsis enim Scotis secundum idioma linguæ suæ & nostræ ipsum nomen aliter non potuit aptari, sed sicut dictum est, ipsum Valciodorum, scilicet quasi vallem decoram nominaverunt secundum proprietatem utriusque linguæ.

In diebus illis in Metensi Ecclesiâ Pontificatus infulam DEODERICUS vir honestæ vitæ, & morum elegantia egregius regebat. Hic enim ambobus Regibus patri & filio, scilicet HENRICO & OTTONI ob sui nominis religionem & sanctitatis excellentiam ita carus esse videbatur, ut hunc primum inter præcipua rerum publicarum negotia, consilio, discretionem, prudentiâ & vigore haberent. Hic autem propinquitatis consanguinitate Comiti adhærebat Eilberto, & plerumque uterque fruebatur mutuæ partis alloquio. Cum autem ad invicem sermocinarentur, & inter utrosque ex pluribus verba sererentur, ex eventu contigit habere sermonem Comiti ex Valciodorenâ Ecclesiâ, in quâ, ut ipse aiebat, curæ pastoralis inserviebat quidam Religiosus, qui ob Christi famulatus amorem cum proprio solo dignitatem sui honoris dereliquit, & ibi recentem cum nobilibus comitibus ductu Angelico advenit. Venerabilis autem Pontifex sanctitatis & justitiæ normam egregii Præfatus FORANNANI cognoscens relatione illustrium virorum, & ipsi adhærere toto animo desiderans suppliciter Comitem rogavit, ut hunc secum adduceret ad palatium. Cum verò ibi veniens alterutrum se viderent, motuo se salutaverunt, & benedictio-

Vallis-decora, sive Valciodorus appellata est Abbatia.

Deodericus Metensis Episcopus.

nis donum alter ab altero, unusquisque eorum anticipare parem pariter renuentes, humiliter invicem petierunt. Sed quia beatus FORANNANUS ob duplicem cœlestis gratiæ honorem Archiepiscopus erat & Abbas, & idcirco in hac parte superior cognitus est, venerabili viro religiosoque Episcopo acquievit, & manu elevatâ ex triumphali vexillo sanctæ Crucis prædicti Antistitis cum capite totum corpus munivit. Deinde residentes atque sacrarum paginarum revolventes mysteria ad invicem contulerunt, & post multimoda sacrorum proverbiorum colloquia, divinæ confederationis conjunxerunt subsidia orationum.

Factum est autem dum hæc tractarentur, quatenus ex Valciodorenli loco verbum ab utrisque partibus communiter fieret, & Episcopus ex Hasteriensî villâ in medium proferret sermonem, acceptâ occasione ratiocinandi ex verbo prædicto. Cum igitur Comes prædicti Antistitis voluntatem cognosceret, quod per Hasteriensem Valciodorense donum & Abbatiam ad Metensem Ecclesiam vellet transferre, mentem apposuit & quomodo hoc salvo honore Ecclesiæ secundum quod factum fuerat ex manu regiâ posset erui, inter se tacitus cœpit meditari. Hasteria enim quia prope in confinio Valciodorensis Cœnobii sita est, Comiti visa est fore congrua & proficua Valciodorensi Ecclesiæ; sed quia ea Ecclesia esse constructa cognoscebatur à domino ADELBERONE Metensium Præfule, suo prædecessore, & ab eodem data sanctæ GLODESINDI & Monialibus ibidem servientibus, & testamento confirmata: hæsitare Comes cœpit, & ab eodem querens consilium; interrogavit quomodo hæc fierent salvâ dignitate utriusque partis. Cumque Comitibus hesitationem Episcopus intelligeret interrogatione ejus, hanc extemplo à suo pectore remove re studuit, & serie succedentis narrationis quomodo possit fieri, salvâ dignitate utriusque partis, illi rationem ostendit. Deliberatâ commutatione quæ pro Hasteriâ Monialibus sanctæ Glodesindis assignaretur, propositum suum illi aperuit, & sic titubationis obitaculo ab eodem remoto, procedere Comitem in decretâ ratione monendo stimulavit. Inito tandem consilio, pari consensu Regalem magnificentiam adierunt, & consilii sui beato Forannano intimantes actionem, concordis voluntatis deliberatione ad Curiam pervenerunt. Demum mutuâ voluntate statutum est, ut sanioris consilii capitales curiæ suo consilio auxilioque conjungerentur, & sic motâ ratione freti adminiculatione Principum regalis auctoritatis consolationem, consilium & consensum ex prædicto negotio investigarent.

Audiens autem Rex Venerabilis Deoderici Metensium Pontificis petitionem, & beati Forannani perpendens devotionem, Comitibus etiam advertens bonæ voluntatis sagacitatem, profectum Ecclesiarum & utriusque rei causam sciscitatus ab eodem Pontifice, & à cæteris regalis curiæ Principibus investigatâ rei veritate consilium quæsit, quomodo salvâ dignitate Regalis censuræ Imperialis decerti transmutatio fieret, & donum legitimo jure curiæ assignatum ab eadem avelli posset. Sed avulsa est à corde suo judicio Principum istius titubationis obligatio, & cum consilio decretum est, quatenus profectus Ecclesiarum sub Imperiali auctoritatis protectione vigentium, utilitatis & commodum Curie Regalis haberetur, ita dumtaxat, ut ex respectu, nutu illius cuncta regerentur. Ut autem istius sanctionis edictum à Principibus Rex percepit, voluntati religiosi viri FORANNANI, & petitioni venerabilis Pontificis DEODERICI Comitisque EILBERTI acquievit, & à prædicto dono prædictæ Abbatie

se conditionaliter spolians secundum anterioris conditionis sponsonem, legali decreto sub potestate Metensis Ecclesiæ donum & Abbatiam Valciodorensis Ecclesiæ constituit. Constitutio autem hæc quomodo auctorifata fuerit, in subsequens aperiemus.

Venerabilis enim Pontifex commutationem, quam Monialibus sanctæ Glodesindis pro Hasteriâ assignaverat, in præsentia Principum Regi ostendit; Sicque supradictam Hasteriam cum omnibus appenditiis, consensu & deliberatione Conventus S. Glodesindis & Majorum Metensis Ecclesiæ, ad usum Valciodorensis Ecclesiæ Regis pietate & manu posuit, & liberaliter Decreto Principum ab eodem Rege & Pontifice ac Majoribus Ecclesiarum Metensium B. Forannano assignata est, quatenus ipse quemadmodum Abbas Valciodorensis Ecclesiæ sine scrupulo & controversiâ ac motione contrariâ eam teneat, & successores sui, qui regimen ejusdem Ecclesiæ tenuerint in sempiternum, & ipsa sub regimine ejusdem Valciodorensis Ecclesiæ permanens tueatur. Ne autem igitur regalis & Imperialis decreti compositio, & Majestatis ejus deliberatio, molimine aliquo nefarii ausûs ab aliquo Clerico vel Laico nobili & ignobili violando irritetur, auctoritate & judicio Principum, testamento Imperiali munificentie confirmatur: sicque Hasteria juri & dominationi Valciodorensis Ecclesiæ famulatura supponitur anno ab Incarnatione Domini nongentesimo sexagesimo nono, Indictione decimâ tertiâ, regnante OTONE I. anno regni sui trigelimo quinto.

Sed ne aliquâ Valciodorensis Ecclesia motione alicujus hominis vexaretur ob protectionem, advocatiam & defensionem prædictæ Valciodorensis Ecclesiæ, donum superius memoratum conditione retinuit supradictâ, & hoc ordine diffinito concessit, quatenus Metensis Ecclesia Valciodorensi recto tramite incedens, ab omni Ecclesiastico jure illi justitiam faciat, & ne recederet ab eadem justitia cum eâ enormiter, sanxit ut si ab eadem Metensi Ecclesiâ vel ejus Episcopo scrupulus alicujus controversiæ ex eadem Hasteriâ Valciodorensi Ecclesiæ oriretur, ad pristinum Valciodorensis Ecclesiæ reverteretur gradum, & de manu Regis prædicti iterum sumeret donum: Istius igitur emancipationis utilitas, & utriusque rei deliberatio ex dono Valciodorensis Abbatie ex Regiâ manu abstracto, & ex villâ Hasteriensî cum omnibus rebus instantibus ac succedentibus, ac . . . omnibus appenditiis suis Valciodorensi Cœnobio subjugata decreto Curiarum Principum sub regalibus testamentis auctorifata legitur, & Domini DEODERICI & Beati FORANNANI Comitisque EILBERTI, & capitalium virorum de curiâ testimonio confirmatur.

Tempore illo Hasteriensem villam Moniales sanctæ Glodesindis tenebant, & in Ecclesiâ ejusdem villæ sub imperio & regimine Decanæ, quædam earum in eadem Cellâ Deo servientes vivebant, & sub jugo & obedientiâ Abbatissæ sanctæ Glodesindis omnes pariter incedentes regebantur: nutu deinde Abbatissæ suæ regressæ ad Monasterium suum, locum reliquerunt; & sic postea unusquisque quod sui fuit juris detinens, ex eo secundum proprium arbitrium disposuit. Itaque inito consilio in eadem Hasteriensî Ecclesiâ à B. Forannano & Comite Sacerdotes quatuor constituti sunt, qui eandem Ecclesiam ex officio domini famulatus secundum suum Ordinem multis diebus rexerunt.

Interea decretum est ab utrisque partibus, à B. Forannano & Comite, nutu Imperatoris & consilio, ut pondus rationis & ordinem, & præteriti negotii actionem Romano Pont. innotescerent, & ex supradictis rebus auxilium consilii sui, & munimen-

169

Romanæ peti-  
B. Forannan-  
nus, ut à  
Summo Pont.  
f. Privile-  
gium obti-  
neat.

tum suæ protectionis quererent. Huic definitioni actionem apponentes, laborem assumerunt, & statutis comitibus, & quæ itineris necessitudinibus forent apta paratis, accelerato itinere Romam pervenerunt. Venientes autem ibi honorificè ab eodem Papa & viris Ecclesiasticis suscepti sunt, quia causam itineris sciscitanti, & qui essent, & cur tanti itineris vexationem assumpsissent cognoscentes, atque morigeratæ conversationis vultus intuentes, majoris dignitatis veneratione sunt habiti, & cultu digniori promoti. Tandem revelatâ sui consilii actione, ipsam ad aures domini Benedicti Papæ, qui septimus in agnitione ipsius nominis Pontificatum Romanæ Ecclesiæ eo tempore gubernabat, deposuerunt, & ex eâ suum consilium, tutelam & munimentum quaesierunt. Cumque sancti finis rectitudo & norma justitiæ egregiè Forannani qualiter proprium relinquendò solum, honorem Archiepiscopatus deposuerat Angelico jussu, & ad denominatam sibi ab eodem Angelo habitationem pervenerat, curam ac regimen animarum ibidem suscepit, cognosceretur à Papa & Clero, laus ab eisdem in excelsis attollitur, & sic in his & in aliis bonis operibus ejus Deus benedicatur. Audito tandem eo, voluntati & petitioni ejus satisfieri ab omnibus judicatur, non solum Regiæ auctoritatis interventione, & inclyti Comitis deprecatione, verum etiam amore suæ venerationis exigente, & religione suæ sanctitatis.

Itaque denominatis rebus, pro quibus negotium agebatur, & Hasteria & pro quibus in præsentī viri venerabilis petitio habebatur. censurâ Romanæ Curiae quæ sunt in præsentī & in futuro succedere possunt Valciodorensi Ecclesiæ, in protectione ejusdem Romanæ Majestatis constituuntur, & ut hæc constitutio per succedentia tempora firmiter conservetur, & Apostolica auctoritas cum Regali & Imperiali firmitate conglobata conglutinetur, statuit ut Hasteriensis villa, cum omnibus rebus & appendiciis suis constantibus & succedentibus, Ecclesiæ Valciodorensi famuletur, & ei sine scrupulo sicut una de suis cæteris curiis subiaceat in perpetuum. Ne igitur istius Constitutionis Romanæ Majestatis firmitas, & Apostolici Decreti munimentum aliquo modo ab aliquo homine in quocumque ordine constituto laico vel Clerico, Rege vel Episcopo, aut aliâ quâcumque personâ, temerario ausu violetur, sed firmiter inconvulsam conservetur per succedentia tempora in sempiternum, religiosorum virorum de Curia decreto statutum est, ut à die illâ & deinceps quicumque diffinitum prædictæ Constitutionis munimentum ausus fuerit infringere, perpetuæ excommunicationis vinculo subiaceat, nec ab aliquo Sacerdote vel Episcopo pro qualicumque conditione absolutionem accipiat, excepto Romano Pontifice, qui reatus illius eâ conditione faciet absolutionem, si satisfactioe condignâ penituerit, & quod malè usurpavit restituens, à detrimento Ecclesiæ cessaverit.

Deinde utriusque deliberationis Decreto Papæ & religiosorum de Curia sancitum est, ut recedens ab eis B. Forannanus Privilegium sui Archiepiscopatus in omni officio & actione cultuque divino retineret, necnon ut regimen curamque animarum sibi injunctarum prædecessoris officio, curâque pastoralī in Monasterio suo sollicitus gubernaret, & idem Monasterium sub protectione Apostolicæ auctoritatis in æternum firmâ stabilitate tueretur. Ut autem Testamentum à tantis testimoniis auctorizatum fixum

& inconvulsam rationabiliter conservetur, per B. Forannanum remittitur.

Regressus à Papa B. Forannanus incrementum suæ Ecclesiæ cœpit desiderare, & plebi sibi subj. & prodesse desiderans, meditari cœpit quo consilio ipsam eadem Ecclesia ad meliorem statum proveheretur. Itaque Comitē convenit, quatenus industriâ suâ alicujus nominati Sancti venerabile patrociniū totā adnū devotè quæreretur, & laborando felinaret ex venerabilibus pignoribus gloriosum reddere sanctuarium Genitricis Christi, ut per meritum venerabilis corporis alicujus Sancti memorabilis caterva fidelis multiplicaretur, & propter inhabitantium bonam conversationem, & in vinculo charitatis unanimi- tatem, à Deo locus eligeretur. Huic devotioni animum apponens Comes venerabilis, **HERISINDI** conjugii suæ denominatum à B. Forannano aperuit consiliū, ut ipsa consors istius propositi solertia suā investigaret cum eo actionem, quam suo nomine ad profectum utilitatis niteretur adducere. Suo namque labore Basilicæ Beati Michaëlis Archangeli memorabile corpus B. Adalgisi Confessoris paulo ante acquirerat, & ipsum in eâ cum ingenti devotione & venerationis honorificentia reposuerat.

Igitur memorabilis Christi Confessoris Eloquenti in tempore illo famâ vulgante notitia partes mundi expleverat, qui cum beato Foillano, quem fratrem suum ferunt scriptores antiquarum relationum, atque cum beato Furseo, cui successit in regimine Latiniaci Monasterii, quod in occidentali Francia eis egredientibus à suâ terrâ scilicet Hiberniâ, constructum fuerat ab utrisque, ad nostras advenit partes. Ob dilectionem ejusdem sancti Eloquenti corda utrorumque, devoti scilicet Comitē & clarissimæ conjugis, divinus amor accendit, & propter fervorem instantium miraculorum quæ ab eo fieri indefinenter contemplabantur, in concupiscentiâ ejus magis exarserunt, & ambitione majori cœperunt scrutari, quo ordine ad ejus corpus pervenirent. Deinde quoniam in procinctu Laudunensis Ecclesiæ, quo in contemplatione divinâ eremiticam duxerat vitam relictâ pastoralī curâ, & in memorato Monasterio ejusdem Sancti corpus jacebat, eum qui eodem tempore Laudunensis Ecclesiæ regbat Pontificatum humiliter rogarunt, quatenus concederet eis exinde memorabile beati Eloquenti corpus transferre, quo illud honorabilius & devotius cum obsequio divini famulatûs à Christo famulantibus collocaretur. Ecclesia enim illa, in quâ Deo sedulum in vitâ suâ exhibuerat famulatum, quamquam in statu eremitico & vastatione eo tempore videretur esse, in vitâ suâ à fidelibus Christi magnis prædiorum honoribus locupletata fuisse dignoscitur: ipsa, inquam, in quâ memorabile corpus ejus tempore illo tumultum requiescebat, sæviente passim per orbem crudelitate Danorum cremata est, & in negligentia ita diebus multis permanens, absque divini famulatûs ministerio quievit, miraculorum prodigiis per eum coruscantibus indefinenter. (Corpus<sup>b</sup> beati Eloquenti concessum est Comiti à venerabili **RODOARDO** Laudunensi Pontifice:) sicque memorabile corpus cultu honorabili, & non mediocri devotione Clerus ex Episcopatu cum Episcopo, Comite & clarissimâ Comitissâ, ac populo terræ transtulerunt ex eo loco, & non sine magnorum miraculorum opitulatione usque ad Basilicam beati Michaëlis detulere, in quâ requievit usque ad diem anniversarium suæ depolitionis, quæ III. Nonarum Decembriū celebratur. Nam ob hoc ejus annalis

**b**  
S. Eloquenti  
Corpus in  
Valciodorensi  
Ecclesiâ trans-  
fertur.

<sup>b</sup> Corpus ] Quod tunc inclusum vides, opinor repositum in locum eorum quæ vel deerant, vel pluribus verbis

Tom. II.

quam erat descripta visa sunt amanuensi.



translatio dilata est, quoniam in loco Giriniaco unde translatus est corpus ejus, die hac ex longinquis regionibus quotannis conventus diversarum gentium congregabatur, ibique ex more solemnantes, reddebant vota sua Deo & sancto Confessori; ita in lætitiâ deductis duobus vel tribus diebus, alacres revertebantur cum salutari recreatione animæ suæ. Hanc solemnitatem inclytus Comes & beatus Forannanus in melius reformare cupientes, statuerunt quatenus provinciæ, in quâ subsidium istius memorabilis Patroni venturum erat, nuntiando ostenderetur, & gratanter spectatores præstolarentur adventum ejus, cujus ope apud Dei clementiam, & intercessione ejusdem refugium, consolationem, auxilium in oportuno tempore consequerentur.

His itaque dispositis cum famâ istius nominis provincia repleretur, & ad aures industriû viro- rum talis auditus, & tantæ cognitionis rumor pervenisset, fit gaudium omnibus, vox exultationis in excelsis attollitur, & cum tripudio communis jucunditatis ab omnibus iste desiderabilis adventus præstolatur. Statuto liquidem temporis termino denominatâ die, videlicet depositionis suæ, confluentia diversorum hominum & gentium ex longinquis partibus congregata cum universo mercimonio, ad hanc condictam solemnitatem invicem se cohortans studuit præparare, & celebrem recolendæ jucunditatis & futuræ prosperitatis totâ mentis aviditate diem expectare. Quid multa? celebrabilis solemnitas prædictæ diei III. Nonarum Decembrium adveniens initiatur. Et ecce adveniente beato Eloquio cum signis & miraculorum prodigiis, catervatim ei occurrit diversarum plebium exercitus: qui dum deferretur per Famenensê pagum, contigit ei transitum habere per vicum qui dicitur Romunthiusim, quo dum impetu populi ad eum confluentis à delatoribus deponeretur, ob superexercentem frequentiam, & sedatâ plebe iterum illud desiderabile onus portitores tentarent resumere, nullo molimine illud moveri potuit. Cumque mirarentur attoniti, & stupor vehemens comprehenderet eos, ex hoc accidenti fama istius tremoris ad quemdam nobilem Widricum Famllemanensim pervenit, qui mox in conspectu omnium in eodem viro beato Confessori duos mansos terræ tribuens constituit, quatenus ex totâ Falemanienti Parochia unaquæque domus singulis annis dimidium denarium persolvat in Valciodoro, ob venerationem egregii Confessoris. Legaliter completâ donatione hac, cum cælestibus melodis venerabile corpus iterum levigatum immensâ velocitate elevabatur, & cum tripudio magnæ jucunditatis à Clero & turbis undique congregatis usque ad Valciodorentem Basilicam deducitur.

Cumque populi multi cum beato FORANNANO, Comite EILBERTO, & Comitissa HERESINDE, ex totâ provinciâ inhiante expectarent adventum ejus, die condicta ecce advenit lumen eorum, & munimentum provinciæ, refugium miserorum, & languentium portus, sicut evidenter aperuit ingressus ejus. Nam die eodem illius ingressionis multi à variis infirmitatibus liberati sunt, & antequam ingrederentur habitaculum sanctificationis, virtutem Dei in se sentiant visitatione suâ: sed ne prolixitas dicendi fastidium generaret legentibus, textum miraculorum ejus replicare distulimus. SuffICIENTER enim hæc inveniet, qui codicem gestorum ejus & translationis legendi requirit. Nos autem ut ambiguitatem auferamus ab eis, qui ex hoc quod ibidem scriptum reperitur de ejus Translatione & Templi consecratione, scandalizantur: opus est ostendere evidente

ratione ex tribus solemnitatibus quoniam nostris modò diebus utcumque veneratio, Templi consecratio, & Confessoris Translatio, & unaquæque solemnitas principaliter per se retinet suam dignitatem: ne error pullulet in cordibus succedentium, necesse est ostendendo intimare à quo prima templi consecratio, & primæ Translationis observantia acta fuerit: diem etiam cum tempore in quo utraque solemnitas statuta fuit, & quare eodem die fuerit instituta, citissimè demonstrare.

Superius namque præfati sumus, quòd eodem in loco unde translatus est, maxima populi frequentia die eadem ex antiquo more congregabatur, & peractâ divinæ servitutis solemnitate tempus deducendo cum salutari refugio suæ animæ revertebantur. Hoc itaque solemnne tempus consilio suo beatus Forannanus in melius reformare desiderans, quatenus majoris ambitionis & venerationis dignitate dies & solemnitas recolenda ab omnibus magis amplecteretur, has res solemnitates celebres sub unâ observatione compaginavit, & annuatim ita statuens custodiri, dedicationem Ecclesiæ, translationem ejus in eadem die depositionis suæ statuit.

Consecratur ergo die eodem à beato Forannano locus & Ecclesia, & in eadem ab eo sanctificantur tria altaria. Altare majus dedicatur in honore sanctæ Trinitatis, beatæ MARIÆ, & duodecim Apostolorum; & in dexterâ levæque Ecclesiæ duo: unum in honore beati Joannis Evangelistæ; & aliud in veneratione sancti Martini atque sancti Benedicti dedicatur. Altare verò quartum in domo Comitum, videlicet turri ejusdem Ecclesiæ, petitione ejusdem in honore sanctæ Trinitatis insequenti die consecratur. Hæc est hujus diei venerabilis solemnitis observatio, & à beato Forannano renovata & auctorizata solemnitas, & recolendæ festivitatis institutio.

Obtinuit interea venerabilis Comes & beatus Forannanus à cunctis terræ Principibus, ut observantia hujus diei in suâ veneratione perpetualiter permaneret, quatenus decreto eorum statueretur celebranda per omne succedens tempus. Assensu itaque cunctorum Principum tempus hoc solemnne in eodem loco ut conservetur per succedentia tempora annuali revolutione, statuitur, & ingredientibus & egredientibus, venientibus & redeuntibus pax firma conceditur; & ut liberaliter cuncta fierent, & congregata mercimonia liberè distraherentur, militibus ex longinquis partibus convenientibus judiciorum pax constituitur. Congregabantur eo tempore; ut ex majorum relatione comperimus, non solum ex hac provinciâ, verum etiam ex aliis quam plurimis & à nobis procul remotis. Hanc ergo celebrem institutionem ne quis nefario molimine audeat violare, infringere, conturbare, à beato Forannano, Monachis, Sacerdotibus, Clericis & Conventu Ecclesiasticarum personarum auctoritate Ecclesiasticâ interdicitur: & ut hæc omnia sine scrupulo conserventur, huic solemnitati assignatis solibus octo, sub anathematis obligatione, pœna delinquentium & præfata solemnitatem conturbando demolientium indicitur.

His ergo canonicè, rationabiliter & congruenter dispositis, die consecrationis turris, in medio Ecclesiæ se erigens venerandus Comes, & ex prædictis operibus Deo gratias reddens, per gladium suum beato Eloquio protectionem donis illius, quam post Regem de Regiâ manu defunserat, & advocatum omnium rerum ibidem pertinentium tribuit, & ipsum à supradictis rebus emancipans, iterum cuncta sub potestate beati Forannani & ejus successo-

Consecratur  
Eccles. Val-  
ciodor. à S.  
Forannano.



rum redegit. Deinde recapitulatis rebus collatis eidem Ecclesiæ, ab eodem designantur insuper beato Forannano piscatio respiciens ad Valciodorensē indominitum beneficium, & aquæ cursus ex utraque parte, & ex utraque ripâ, ab eo loco in quo rupes est, quæ lapis perforatus dicitur, usque ad altam rupem, quæ secundum latinitatem Specus dicitur & secundum usum provinciæ Hunia appellatur. (Comes liberaliter aquæ cursum Valciodorensi Ecclesiæ, & beato Forannano ac successoribus ejus concessit.)

Exinde advocatâ plebe Florinensium præcepit, quatenus ad mensuram unius cubiti virgam unam ferream ad refarcienda tecta Monasterii unusquisque de banno Florinensi deferret, & de eodem banno unaquæque domus obolum unum administraret singulis annis Valciodorensi Ecclesiæ. Hæc de Translatione egregii Confessoris Eloquii, & primâ templi consecratione dicta sufficiant; & de triplicis solemnitate institutione sine ambiguitate legendo recitantur.

In tempore isto Comitissa HERININDIS piis operibus insistens, & in sanctâ conversatione de die in diem proficiens, memoratæ Basilicæ B. Michaëlis Archangeli assidue frequentando adhæsit, in quâ haud multo post carne depositâ sepulturæ conditorium suscepit.

Post mortem verò ejus venerandus Comes die ac nocte in lege divinâ meditans, & pretiosas Basilicas sapientiâ suâ Deo dicatas frequentando circueiens, & ex consilio suo adminiculationem & solatium eis impendendo administrans, adhærere Deo ipsique servire toto mentis affectu disposuit, & agonizando certamen contrâ invisibilis hostis versutiam arripuit, sibi que propugnacula, quibus fraus & deceptio invidi tentatoris demoliretur, composuit, charitatem videlicet, & quæ ex ejus radice prodeunt virtutum insignia. Cum verò talibus hostiis diutinâ meditatione seipsum macerando satisfaceret Deo, surrexit adversus eum proximorum multitudo, qui impetu uno simul compaginati prædixere ei terras ejus nullâ eos ratione pati posse exhereditari. Violentiâ itaque illorum tempore illo competentem genere & dignitate conquirens uxorem, conjungitur iterum conjugali contubernio: sed humanæ deliberationis ratio, tentamentumque humani moliminis nil valet contrâ decretum consiliumque divinæ Majestatis. Proximorum namque moderamine vinctus carnali connubio, eadem conjuge sterili cum eo permanente, vixit absque liberis: vivens tamen legaliter cum eâ, divinæ servitutis meditationi, studio bonæ voluntatis juxta temporale impedimentum caduci honoris & casualis fragilitatis, adhæsit.

Hæc autem nobilis mulier ex alio anteriore marito bonæ indolis adolescentulos pariens nutrierat, qui Comitæ more filiorum & non privignorum amicabiliter adhærentes, & per studium diutinæ servitutis ministerialiter ei se subicientes, & per obsequii sui famulatus familiarem dilectionem suam illi aperientes, non sicut vitrico, sed sicut patri proprio ministrabant. Factum est autem tempore illo quatenus ex eventu Curie Regali cum his juvenibus adesset Comes: qui quoniam pedibus infirmatus absque sustentatoribus incedere nequibat, innitendo super hos quocumque per ambitum Curie à suo spiritu proprioque arbitrio duceretur, horum auxilio gradebatur, & in conspectu Regis & Principum inani dilectione ei se subiciebant.

Cumque à Rege diligentia servitutis juvenum in-

tueretur, astutia eorum & honorabilis servitus ab eo multipliciter laudatur, & incomparabilis eorum morigerata compositio investigata ab omnibus, sublimatur ore Principum. Cum autem ante Regem stans super utrumque adolescentem Comes inniteretur, ex qualitate juvenum Rex causam cognoscere volens, nomina, seriem progeniei, & qui essent, & quomodo ita familiariter ei adhererent investigando interrogavit. Ille profectò ex ordine Regi puerorum notitiam ostendendo aperiens, nomina designavit, & inò eorum constantiam benigni famulatus Rex considerans, dixit: Verè Comes merentur à te digno munerando ditari præmio, qui tibi deserviunt fideliter ex hujusmodi famulatus obsequio. Animatus igitur Comes ex hoc Regali consilio, in conspectu ejus Principum privignos utroque de dexterâ lavâque semovens, & eos ante Regem statuens, inquit: Rectori sæculorum & vobis, Domine Rex, gratias refero, quod sensus vestræ discretionis in hac actione conjungitur sensui meo, & dignitas vestræ benignæ moderationis hæc agere roborando innuit nostræ voluntati: exemplat nos provocando in hoc negotio hortatio vestræ dignationis. Quapropter tibi GODEFRIDO & fratri tuo ARNULFO ob gratiam domini mei Regis, quâ suam misericordiam vobis demonstrando aperuit, & remunerationem vestræ servitutis, quam mihi fideliter diuturno labore exhibuistis: in testimonio ejus & Nobilitum de Curia pagum Florinensem cum integro suo banno, & indominitum beneficium ex eodem banno liberaliter trado, & ut hæc liberè & legaliter ac sine adversâ motione cuncta possideatis, castrum ibidem à me constructum cum suis appendiciis, & municipalibus & oppido, concedo vobis, & quidquid paternâ successione in eo jure & nobiliter mihi subjacuit, vobis subiacere constituo, excepto quod jura Valciodorensis Ecclesiæ à me designata ex Florinensi banno à vobis & successoribus vestris, sicut à me sine scrupulo & motione contrariâ conservabuntur. Sepulturam autem vestram vos & successores eidem loco benefacientes, perpetualiter in eodem Monasterio à me constitutam vobis cognoscetis: hancque Constitutionem ob Genitricis Christi honorem & nostram memoriam, quicumque dominus fuerit Florinensis domus inconvulsam conservabit per omne succedens tempus, ne subiaceat perpetuæ maledictioni: cui subiacebit, qui fraudem fecerit eidem Ecclesiæ de rebus suis à Christi fidelibus ibi constitutis.

Decrevit autem ibi in præsentia Regis & Principum, & in conspectu prædicti Godofridi & fratris ejus Arnulfi in testimonio eorum, quatenus Major de Valciodoro, Abbas videlicet & Præpositus cum Fratribus suis spiritualibus à die illâ & deinceps secundum suam voluntatem, quando ei placuerit, pro suo jure in Florinensi castro resideat, & cum ministerialibus ejusdem castri, villico scilicet atque tabinis rationem suam judicialiter ventilando producat, & sine alicujus violentiâ usque ad rebellionem & contradictionem rusticorum liberè cum suis & prædictis ministerialibus judicia sua exerceat de rebus suis.

Constituit præterea, quatenus ex his duabus partibus & potestatibus quasi gens una & populus unus sibi invicem familiæ hærent, & sine exactione contrariâ & Bathiniendem quæstu<sup>d</sup> Florinensis homo ex Valciodorensi potestate mulierem sumens legitime sicut parem, sicut versâ vice humiliter Valciodorensis homo de Florinensi mulierem su-

c Comes] Quæ uncis inclusa sunt, videntur è margine in textum irrepsisse.

d quæstu] Locus mendosus.

endo faciet. Si verò quis homo vel mulier Florinensis ad Valciodorensis, vel Valciodorensis ad Florinensem transierit potestatem, protegatur à rancore potestatis illius in quâ elegerit habitare, ita planè ut capitalia jura & secundum decreta suarum legum, quod cuique deberet potestati certis temporibus & assignatis non negligat reddere. Ut autem illius Constitutionis decretum fixum permaneat, Regalis auctoritatis & Palatinorum Procerum judicio testamentis Regalibus confirmatur, & nobilium juvenum assensu & concessione propositæ actionis diffinitio, sacramento Regalis etiam dispositionis & honore sui juris, hereditatis & nobilitatis, & à se & à successoribus suis conservanda intimatur. Ex diversitate autem tanti benefici Fratres prædicti dignas gratias juxta modulum suæ facultatis Comitibus reddiderunt suæ servituti toto vitæ suæ cursu fideliter adhererunt ob magnitudinem honoris quo sublimiter ab eo sunt promoti.

Deinde regressus à Rege, Valciodorensi Ecclesiæ frequentando, adhæsit: & sepulturam in eo suorum familiarium & fideliū amicorum cum magno studio præparavit. Ipse namque ab ingressu chori usque ad altare turris terram aperiens, eandemque effodiens, duos in eâ muros construxit, & à latitudine utrorumque ad mensuram duorum cubitorum, & latitudinem in mensurâ unius & dimidii cubiti composuit, ibique nobilium virorum corpora ex profapia suâ cum patre & matre & filio BERNERO & Fratre BESONE iterum honorificè sepelivit: ea videlicet quo per eum à locis in quibus antea fuerant sepulta, ob dilectionis fervorem, & mutæ consanguinitatis propinquitatem, suâ virtute & dignitate translata sunt. Exhinc cum divini famulatus meditationi inhiante adhærere, & auditu divinæ contemplationis elogium ausculando libenter perciperet, eruditus hujusmodi dilectionis sermocinationibus frequenter oculus fuit cæco, & pes claudus, ostium quo ejus viatoribus patuit. Reddebat sanctæ sanctæ discretionis compositis nundo mundana, & ita ex arte mundi arte suâ mundanas artes deludendo conculcabat, ut non oblivisceretur qualem reatori suo deberet subjectionem: licque dexterâ suâ fidei lumen in se accendebat, ut lucerna simplicis & astuti cordis ejus opacitate sinistra suggestionis, nec oleum lampadis ejus extingueretur, nec venditorum perditione, nec adulatorum contagione sensus ejus turbaretur. Itaque retiduum suæ vitæ cursum in sanctâ conversatione de die in diem proficiendo peragens, & fornitem ignis, anteriorum cursus extirpando nitens extinguere, lucernam se illuminantem, elemosynam scilicet per aquam in manu ferebat, & per hanc callidi tentatoris insidias repellere. Ita namque in agone istius contentionis viriliter decertabat, ut non veluti dormitans, verum vigilans & expeditus inveniretur in occursum Conditoris sui: licque pulsanti Judici suo & Domino introitum nitebatur præparare, ut ne in portu ex suo sermone ei confusionem inimici sui facerent. Portum ergo illius exitus, quo ejus anima cælos penetrans ex hoc carnis ergastulo transivit ad Christum, invenit.

II. Abbas  
Hadroe.

Beatus ergo FORANNANUS quia regularis censuræ normam primus in Valciodorensi Monasterio gubernandi cum suis comitibus applicaverat, post ejus transitum ex eodem duodeno numero comitum ejusdem Rector justitiæ, & sanctæ conversationis amator beatus HADROE eidem Valciodorensi Ecclesiæ præficitur. Hic autem cupiens sequi per omnia documenta ejusdem felicitatis memoriæ sui prædecessoris, meditabatur in lege divinæ exhortationis; propterea ibidem sublimatus obtinuit regimen rigoris & recti-

tudinis anno ab Incarnatione Domini nongentesimo octogesimo. Ipse autem ob sanctitatis suæ auctoritatem, & morigeratæ conversationis excellentiam, & prudentis discretionis moderationem, ne lumen ejus sub modio tegeretur, sed ratione sui splendoris Ecclesia illuminata amplificatione suæ doctrinæ dilaretur, B. Felici Metensi Ecclesiæ regulariter Abbas præficitur, & consensu omnium ibidem pertinentium dominus don us illius legitimè constituitur. Hinc ergo quasi fuerit monstrat gratia supernæ largitionis, quæ multiplicibus insignis ita ejus misericordiam suam infundendo largiter replevit, ut ex magnis prodigiorum beneficiis, quæ per eum Dominum quidam pietas operando manifestavit, volumen non modicum in Ecclesiâ beati Felici, & apud Valciodorensis conservatur. Ibi namque in Ecclesiâ beati Felici ob dignitatis suæ venerationem, à Majoribus altare constructum continetur, quo singulis annis dies depositionis ejus solemniter celebratur.

Itaque in exordio suæ conditionis tales Valciodorensis Ecclesiæ Rectores animarum habuisse cognoscitur, de quorum patrocinio non solum præfentes, verum & succedens generatio misericorditer illuminatur, & intercessione eorum spes miserorum, remissio peccatorum, consolatio languentium, debiliū restitutio, & casuum levamen, naufragantium portus, apud Conditoris & Reformatoris clementiam reperitur. Ergo sanctitate insignis & cælestis doni præmium recepturus, quod divinâ faciente clementiâ promeruerat agonizando, carnali sarcinâ depositâ, hominem exiit, sicque anno ab Incarnatione Domini nongentesimo nonagesimo octavo ad Christum transmigravit.

Surrexit deinde ex eodem contubernio nobilium comitum vir vitæ laudabilis nomine MACHALANUS qui cum assensu omnium annuente Metensi Episcopo in Valciodorensi Ecclesiâ Abbas constituitur, ibique regulariter inthronizatus à Leodiensi benedicitur. Et quia testimonio suæ vitæ hoc commeruit, etiam in Basilica beati Michaelis sub eodem tempore regimen animarum & curam omnium ibidem pertinentium, cultu dignæ venerationis Abbatis nomen sortitus, obtinuit. Ipse etiam in conversatione bonæ actionis degens, & super custodiam suam inhiante vigilans, recto principalique spiritu normam justitiæ viriliter regebat, & ne caudus hostis detrimentum sibi ex credulis ovibus faceret, suam suorumque subditorum actiones Domino commendabat. Tali se studio exercens, ignis ille divinus meditatione suâ in eo vehementer accendebatur, de quo dicit summa sapientia: *Ignem veni mittere in terram; & quid volo nisi ut ardeat?* In hoc ergo ardore fidei comprehensus, ultimæ labentis diei cursus eidem clauditur anno Domini Incarnationis DCCCX. ex hoc mundo in Basilica beati Michaelis transivit, & in eadem à Fratribus ejusdem loci, conditorio sepulturæ honorificè constructo, cum summâ diligentia sepelitur.

Interea ex Valciodorensis Ecclesiæ Conventu subrogatus eidem Ecclesiis regulariter dominus IMMO præficitur, & convalescente electione, & utriusque partis assentientibus Episcopis in Rectorem animarum à Leodiensi Pontifice benedicitur. Ipse namque specialem societatem mutæ fraternitatis ita compaginavit inter utraq; Ecclesias, videlicet inter beati Michaelis Basilicam & Valciodorensis, quod si infortunio aliquo casuque acciderit, quod egrediat quis Fratrum ex una præfatarum Ecclesiarum, ad quamecumque harum ut pervenerit sicut in propria manebit, donec Prælatorum providentiæ propriæ restituetur. Ut autem unum corpus utraq; Ecclē-

980.

991.

III. Abbas  
Machalanus.

990.

IV. Abbas  
Immo.

995.

V. Abbas  
Godefridus.

sua tam in divinis quam in humanis subsidiis fierent, & istius sanctionis edictum firmiter custodiretur, assensu seniorum Ecclesiarum sub vinculo anathematis constringitur. Ipse etiam quia prudentis discretionis moderatione per industriam suam Reipublicae commoda quaerendo utilitatibus intentus fuerat, carnis deposito pondere ex hoc mundo migravit feliciter anno Dominicae Incarnationis DCCCXCV. & sui regiminis IV. recepturus sui laboris praemium.

Post hunc quidam GODEFRIDUS ex Remensi Ecclesia beati Remigii est assumptus, & conductu quorundam Nobilium de Cunaucio propinquitatis consanguinitate, quorum gloriabatur, utriusque partis assentientibus Ecclesiis, Abbatis sortitus est nomen. Nactus vero privilegii dignitatem, austeritate suae tyrannidis plerumque sibi commissas Ecclesias conturbare non distulit, dignitati suae dicens non sufficere, quidquid ab aliquo sibi fiebat servitutis veneratione. Convalescente igitur ejusdem tyrannidis enormitate, dum die quadam in Valciodorenti conciliabulo resideret, fieretque mentio ex memorato monili desiderabilique thesauro, pompaticè minando illud serelaturum ad urbem Remensem deposuit, dicens restituendum illi fore, quae per illud detrimentum cognoscitur sustinuisse. Valciodorentes autem audito hoc verbo scandalizantur, & regresso eo à Valciodoro, infra terminum condictionis diei à fidelibus Valciodorentis Ecclesiae consilii dies statuitur, eorumque consilio eo redeunte contra faciem ejus ostia & portae clauduntur, & sic suam temeritatem expulsi, spoliatur ab ejusdem honoris dignitate.

VI. Abbas  
Theodericus.

In diebus autem illis linquens saeculare negotium ad conversionem Sacerdos de Priezeris, nomine THEODERICUS, haud multo post tempore sub domino Immoine venit, habitum religionis sub eodem in Valciodorenti Monasterio assumendo vestivit, & sanctitate religiosae conversationis moribus dignis condendo ornans, & se totum divinis legibus subdens, praeceptis divinis parere non distulit. Hic ergo ob suae venerationis dignitatem, & morigeratae bonaeque conversationis excellentiam, ab saniorum consilii eminentioribus, & omnibus Valciodorentis Ecclesiae subjacentibus, in pastorem & dominum electus, ejusdem loci obtinuit Abbatiam, & benedictione Canonicali fultus, rectitudinis & justitiae normam studuit militare indefessus.

Cumque sollicitè rei familiaris ad perfectum niteretur negotium meliorando perducere, sumpto consilio prudentum virorum, ex Ecclesia Hasteriensis Sacerdotes, qui à Comite & à beato Forannano constituti fuerant, industriam suam providentiae removit, & ex Valciodorenti Monasterio Monachos assumens, in eadem Hasteriensis Ecclesia loco Sacerdotum servire constituit, decrevitque consilio & assensu utrorumque Episcoporum Metensis atque Leodiensis, ut annuatim Monachi ibidem habitantes mutarentur. Verum si contingerit aliquem ex his ibidem mori, ad coemeterium Valciodorentis Ecclesiae sanctum est praecepto eorumdem Episcoporum & consilio corpus illius referri; ut ibi habeat officium sepulturae, quo suae professionis cognoscitur suscepisse benedictionem.

Suo denique tempore dum ob negotium rerum familiarium à loco exiens sibi subjectas circuiret villas, occulto Dei judicio passim ignis congerie exaggerante Valciodorentis Monasterium est concrematum, & adificiorum habitacula ejusdem Monasterii cum eo sunt dissoluta. Cumque reverteretur, ruinae respiceret descendendo de monte qui respicit contra faciem templi, ex equo cui insidebat graviter cecidit, & afflicti animi morbo consuetudinem ob cordis contritionem velare nequivit. Verum vires resu-

mens, atque ad habitaculum revertens, quod peccati infortunio dirutum fuerat, reaedificare cepit, auxilioque proborum hominum eandem Ecclesiam artificio luculentae aedificationis studium apponens, haud multo post tempore iterum reformavit. Deinde quia res exigebat ut ararum consecrationes renovarentur Episcopali benedictione, tres à beato Forannano solemnes celebritates tertio Nonarum Decembrium, sub unius diei observantiam constitutae mutantur. Nam templi consecratio pridie Idus Maii statuitur, & depositio beati Eloquii in propriam diem relinquitur, & ejusdem Translationis observantia propter confluentiam populi, qui eo tempore quotannis congregabatur, sicut unus observatur, octavo Idus Octobris ob temporalem affluentiam prudenti consilio constituitur. Renovatis igitur à domino NOTGERO Leodiensi Pontif. tribus solemnibus celebritatibus, honorem proprii cultus unaquaeque celebritas per se reformata dignitatem suae venerationis resumit; sicque dierum istorum exultatio & devotionis ordinatio longo tempore permansit.

Inter haec tempore illo de nobilibus progenitus parentibus puer quidam à Macerienti oppido nutriendus ad eandem Valciodorentem habitationem adducitur, & militaturus Deo, & sanctae Regulae in eodem Monasterio secundum beati Benedicti mandatum regulariter offertur. In cognitione igitur proprii nominis puer ipse dictus est EREMEERTUS, qui dignitatem suae nobilitatis egregius ornavit moribus. Factus enim adolescens duplicem adeptus est divinae scientiae utilitatem: literis enim pleniter imbutus in omni operationis constitutionem, tam in auro, argento, vel aere, quam in ceterarum exercitationum ingenio factus est artifex egregius. Tandem & solutionis tempore venerabilis THEODERICI Abbatis, secundum divinae dispositionis volitionem ex hoc carnis ergastulo migravit; atque post ejusdem depositionis & sepulturae officium, deliberationis inhiante ad praefatum EREMBERTUM convertit intuitum. Ipse Clerus cum populo & conventu Monachorum Rectorem suae protectionis esse disposuerunt, & se ei subicere tota mentis intentione decreverunt. Igitur omni tergiversatione procul remota unanimiter dominus domus ab eminentioribus atque providentiori consilio valentibus petitur.

Verumtamen seminarium discordiae invidus diabolus motiones contrarias miscuit, & ab electione Canonicali stimulavit recedere quosdam instinctu suae deceptionis. Istius ergo commotionis controversia turbatur provincia; vociferatione enim frementium, tumultus adversae partis ad Regias aures usque pervenit. Cumque strepitus Rex causam investigaret, cognosceretque utriusque partis voluntatem, & quid de sinistro dextroque pendere videretur, animadverteret, partem contrariam respuendo seposuit, & prudenti deliberatione vocibus Religiosorum & consensui acquiescere indicavit. Ergo nutu Regis HENRICI electione convalescente dominus Erenibertus gubernaculum Valciodorentis Ecclesiae nactus regulariter suscepit, & canonicali benedictione fultus, ab utrisque Episcopis secundum uniuscujusque juris potestatem feliciter inthronizatur.

Sessio igitur suae suscepto honore qualem se quantumque reddiderit, operum illius designant vestigia, quae à suo tempore usque nunc nobis certa monstrant indicia. Sapientia enim suae providentiae Claustum cum curia ordinando compaginavit, & adificiorum habitacula sicut usque nunc permanent, luculento opere construxit. Deinde intra templi ambitum curiolitatem suam apponens, in eo mirificae artis opera propriis manibus operando com-

VII. Abbas  
Erenibertus.

posuit. Nam duas tabulas argenteas suo labore & sudore earum sumptus quærens, ob honorem Genitricis Christi construxit; unam enim earum ad mensuram majoris altaris fabricans, alteram desuper altare ante ipsarum beati Eloquii statuens, has completo opere mirificā arte consummavit, & ibi solemnibus solibus easdem tabulas statuere constituit. Et ut longo tempore signum suæ benevolentiae, & studiosi operis indicia, & locupletis honoris vestigia, in eadem Ecclesiā de suo labore superstitionibus certam dantia manifestationem ob suæ benedictionis incrementum perpetualiter permanerent, pretiosorum ornamentorum multimodam suppellectilem congregavit.

Tempore enim eodem mater ejus carnalis, nomine ERMENRADA, non tam carnali affectu, quam sanctæ religionis desiderio, illi fideliter adhæsit, & se divinis legibus subjiciens, actionis suæ intentionem ad Deum convertit. Et ne hostis invidus superstitione suā hanc otiositatem sectando vacuum à bono opere deprehenderet, labore manuum suarum cortinas, quibus Monasterium usque nunc præcingendo decoratur, composuit, & unicuique temporis tam Quadragesimæ quam Paschali cum altarium operturis proprias aptavit.

Tempore autem illo venerabilis EREMBERTUS honestatem & religionis ordinem cupiens in Ecclesiā augmentando exaltare, ob difficultatem, molestiam & tumultum, qui Fratribus oriebatur divinis in meditationibus præoccupatis ex doctrinā puerorum, scholam à loco removens, eam in Halsteriā esse disposuit, puerosque ibi usque ad tempus ordinationis beati Benedicti nutrire præcepit. Deinde adolescens quidam, nomine RODULFUS, de Valciodoro assumptus, puerorum Magister ab eodem Abbate Eremberto in Halsteriā constituitur; & postea in eodem Præpositus ibidem constitutus præficiatur.

Desideranti verò studio quoniam omni tempore vitæ suæ decorem domus Dei dilexerat venerabilis Erembertus, excogitare cœpit quibus sumptibus Ecclesiā Valciodorensē posset exaltando dilatare, & quomodo secundum quantitatem adificiorum recenti renovatione à se constructorum luculenti coaptatione renovaretur & decenter. Congregatā igitur diversorum sumptuum copiā innumerabilem providentiā suā ad hoc opus explendum acquisivit pecuniam, quam ne per incuriam alicujus dispendii dilaberetur, eam conquirendo in manibus prudentium hominum collocare disposuit. Dispositis denique ordinatione suā industriis fidelibus, quia rerum familiarium custoditoribus sumptus, amplificationis, renovationis, atque futuræ constructionis templi diffinitio eos obligans sacramento custodiendos tradidit, eā videlicet conditione, ut nullius terroris conturbatione, nec . . . . . deceptione substantiam prædictā ab aliquo dispergendo depopularetur, nec exuendo à manibus eorum in alios transiret usus, exceptis his pro quibus cum multo sudore, labore, atque paritate eos congregaverat ipse venerabilis Erembertus.

In illis diebus etiam in Metensi confinio ex villā à B. Forannano Ecclesiæ Valciodorensi acquiritā concambium factum est, & in Halbanienſi pago in loco dicto Bronies, & in eadem villā allodium aliud dictum Bammenis factā vicissim commutatione sumptum est. In hac ergo commutatione de duabus vineis, de quibus superius mentio facta est, una cum domo prædicta, quæ Metis habebatur, transiit, & alia, quæ Valciodorus vocabatur, Ecclesiæ remansit. Hanc sanè sancti Vincentii Abbas jure hereditario assumens, ex ea se & suam Ecclesiā con-

ditionaliter Metensis Episcopi præsentia & curiæ ejus investivit: conditionis namque utrorumque Abbatum, atque Fratrum confirmatio, & ab eodem tempore ab utrisque partibus per succedentia tempora conservanda Constitutio talis est: Pro vineā quæ, ut duximus, Valciodorus vocabatur, quam de manu Valciodorensis Abbatis & Fratrum ejus perpetualiter detinendam, cultam, sufficienterque compositam, sancti Vincentii Abbas ad se traxit cum suo conventu expedite, Valciodorensium pars ab illo die, & deinceps pro qualicumque necessitate Metis conveniens, hospitium præparatum in eadem S. Vincentii Ecclesiā in loco ejusdem honestiori inveniet, & ad usum Abbatis Valciodorensis Ecclesiæ, & suorum secum advenientium, per quindecim dies, si res necessitatisque occasio exegerit, obsoniorum necessaria de re publicā ejusdem S. Vincentii Ecclesiæ ab Abbate ejusdem vel à procuratore domus illius præparabuntur. Hæc diffinitiva Constitutio à tempore Abbatis Lamberti per succedentium posteritatem dilatata firmiter & absque motione contrariā ab utrisque partibus custodita est, quæ nunc permanet juridicialiter in tenore suo.

Dominus autem EREMBERTUS virtutum gratiā plenus, Christo fideliter adhærens, ipsi servire studuit indefessus, seseque ab humanis emancipans vitiis, per virtutum culmina apprehendere nitentur immarcescibilem gloriam perpetui decoris. Arbitrio tandem divinæ dispositionis carne deposita, è mundo transmigrans Judici suo spiritum reddidit, & pro fidei dispensatione, & suæ pastoralitatis tempore suarum ovium augmentatione, futuræ requiei recepturus jucunditatem, & credimus labore peracti operis transito, plenæ retributionis suscepit denarium. Igitur anno ab Incarnatione Domini MXXXIII. ejus destitutionis dissolutio facta est Valciodorensium mœoris exaggeratio, quoniam ab die depositionis ejus usque nunc in Valciodorensi Ecclesiā hujus detrimenti non est reperta recuperatio, nec reformatione alicujus personæ sic utilis suffragatio.

Ne autem ob pastoralitatis viduitatem post ejus transitum Valciodorensis Ecclesiā vacillando fluctuaret, sanxere capitales Valciodorensis Ecclesiæ RODULFUM tamquam Monachum de Valciodoro in pastorem & dominum suscipere, qui è vestigio canonicali fultus electione, auctoritate utrorumque Episcoporum sublimatur. Ipse sanè normam justitiæ, quam sub doctrinā sui prædecessoris exemplando animadverterat, ex parte adimplendo exemplare concupivit: nam infra officium Præposituræ Halsteriensis Ecclesiæ sumptus non modicos acquisivit, quibus ruinas Halsteriensis Ecclesiæ reformando novam construxit. Dehinc post biennium à transitu venerabilis Eremberti communi sorte mortalium ex hoc mundo transiit, lectoque decubans diurnā supplicatione apud Valciodorenses obtinuit, quatenus in eā quæ à se fuerat reformata Ecclesiā, assensu eorum haberet sepulturæ tumulationem. Tempore enim illo si quis Monachorum in Halsteriā obibat, ad Monasterium Valciodorensē referebatur, ut secundum superius dictum ibi tumulatus susciperet sepulturæ officium, ubi antea susceperat professionis benedictionem.

Post hujus quoque discessum exorta est lis & contentio ex publicā electione Valciodorensium; quapropter regali decreto domnus Poro Stabulensis Abbas, qui eo tempore cum Stabulensi S. Maximini Ecclesiā, & cum eā quamplures regebat, ad nuntum Metensis Episcopi & hanc Valciodorensē regendam cum cæteris suscepit. Et quia virtutum gra-

VIII. Abbas  
Rodulfus.

IX. Abbas  
Poro.

X. Abbas  
Lambertus.

tiā repletus, laudabiliter & sine querelā suo tempore vivere conabatur, atque sine offensa & scrupulo, & contrarietatis motione secundum antiquam constitutionem jura Ecclesiarum suā sub ditione constitutarum, irrefragabiliter nixus est custodire, unicuique Ecclesiæ certis & assignatis temporibus propria distribuit, & adhibitis ad hoc opus explendum gnaris & industriis secum procuratoribus, unicuique domui proprium designavit.

In diebus illis dominus LAMBERTUS Treveris in S. Maximini Ecclesiā, sicut Monachus ejusdem sub domno Poppone præposituræ administrationem procurabat; & quia fideliter tempore suæ procuratoris ministravit, à præfato D. Poppone à Treverensi Ecclesiā remotus, procuratoris gratia ad Valciodorensē adducitur. Enimverò res exigebat, quod non solum procuratoris ordinatio, verum omnis domus deliberatio ad eum respiceret. Dominus Popo præbens ei pastorem baculum, exuto se ab hoc privilegio officio, vix apud Regem Metensemque Antistitem obtinuit, ut in Valciodorensi Cœnobio vice suā collocaretur. Tandem seriem rationis trutinando Regalis magnificentia cum Episcopali auctoritate animadvertentes, conditionaliter voluntati ejus satisfieri adjudicaverunt, & supplicationem illius eā deliberatione susceperunt, quatenus regulariter incedendo prudenter disponat factus Abbas dominus Lambertus de rebus Valciodorensis Monasterii; sin autem, in quacumque die à conditione præfata vacillando recesserit, pro ejus enormitate dominus Popo rursus erit, & pro detrimenti realitate domini Lamberti in Regis præsentia & Metensis Episcopi, Valciodorensi Ecclesiæ de damno illato se dominus Popo satisfacturum cognoscit.

Ut autem adeptus est dominus LAMBERTUS Valciodorensis Cœnobii privilegium, tempore domni Poponis in eo prudenter plurima disponendo rexit, & nimia urbanitate quā fulciebatur nobilium virorum levamen sibi complanavit cum adminiculatione. Cumque rei familiaris gubernando intentus foret procuratori, ad excolendas vineas quas reperit super omnia operam dedit, & cum his alias recentes construendo colere disposuit.

In diebus autem illis major villicus de Hasteriā cum universis Officialibus suis, & omni potestate ejusdem Hasteriæ, per annum tribus vicibus ad generalem concionem in Valciodoro conveniebat, & quoniam diebus illis annuatim Valciodorensium omnis circumjacens potestas certis & assignatis temporibus post Domini Natalitium, Pascha & Pentecosten congregabatur, discutienda audiendo & respondendo eadem Hasteriensis potestas de suis judiciis, sicut diximus, eisdem diebus cum cæteris conveniebat. Cumque tempore quodam more solito conveniret Hasteriensium populus post Pascha in Valciodoro secundum antiquam institutionem, ab eodem Abbate Lamberto inter Valciodorum & Hasteriam sub respectu Valciodorensis Ecclesiæ vinea structa colebatur, quæ diebus illis ob hoc sepiebatur murorum ambitu. Videns namque viros de Hasteriā, Valciodorenses nihilominus vocari præcepit, atque de rebus publicis se tractaturum ibidem disposuit, dicens alicui nullam facere injuriam, si in suæ potestatis banno, & in loco sub suā ditione constituto audiendus, responsurus necnon populus conveniret. Itaque ne scrupulus controversiæ ex hac occasione Valciodorensi Ecclesiæ oriretur, in die illā generaliter ne ibidem concionaretur; ei à Valciodorensibus interdictum, sed respuendo monita eorum, & permanens in priori sententiā ibidem die illo usque ad vesperam concionatus est: unde conversus retrorsum populus Hasteriensium secundum tempus con-

dictum post hoc in Valciodoro venire detrectans, scandalizandi occasionem & initium contrarietatis ex hoc alloquio sumit, & Valciodorensis Ecclesia ex suo suæ dignitatis privilegio spoliata, suo tempore istius juris accessum cum populi conventu tali controversiā amittit.

Ex hoc accidenti turbati Valciodorenses, actionem prætentam domno Poponi innotuerunt, & in hac parte à suā dignitate spoliata Ecclesiam ostendentes, hoc gravedinis & seditionis exordium illi lacrymabiliter conquesti sunt. Hoc audito dominus Popo vehementer commotus, illi in Leodio diem constituit, & ad diem constitutam ex hac enormitate & eloquii infortunio responsurum ipsum venire decrevit. Cumque pervigil infra constitutæ die terminum dominus Popo super suam . . . laboraret, cœlesti remuneratione pro suo labore ditaturus præmium supernæ jucunditatis recipiendo ex hoc mundo transiit; cujus finem auditu referentium dominus cognoscens Lambertus ita fertur dixisse: Demum ex istius propositi ratiocinio liberum me ostendo, & quia Abbas sum constitutus, per sortem Deum Abbas ero.

Accidit deinde haud multo post, ut unus Monachorum nomine Viventius de Valciodoro professus, & in Hasteriā tempore illo commorans, ex hoc mundo transiret: cujus funus cum cæteri secundum antiquam consuetudinem & constitutionem ferre in Valciodoro disponent, ipse ne fieret interdicens, dixit: Hujusmodi corruptionis putredo cur delatoribus vexationem faciens eundo & redeundo tedium fiat, ignoro, cum neutri sit juris & potestatis in hoc Hasteriensis Cœmeterio, ut in Valciodorensi: secundum voluntatem & nostrum mandatum sibi locum sepulturæ providete. Itaque vobis præcipio, ut hic ei locus sepulturæ præparetur, & Ecclesiæ Hasteriensis, cui vivens servivit, ex hoc etiam mundo translatus post obitum adhæreat. Hæc est post primæ transgressionis periculum altera enormitas, in quā Hasterienses suæ damnationis exordium & animarum suarum dispendium assumendo traxerunt: has enim quas juxta B. Benedicti decretum & normam facere professiones debuerant, ut in eis sanctificarentur Ecclesiastico jure, postponendo reliquerunt, & à die illā usque ad hanc, benedictionem, qua Monachorum sanctificatur Ordo, suscipere renuerunt. Ne verò contrā veritatis tramitem incedere videamur, & à quibus subsannamur ex commento falsæ opinionis inaniter dijudicemur, testimonium illorum in medium proferimus, qui ea non solum oculis viderunt, verum operando manibus propriis tractaverunt. Hi nobis verissimā relatione quādam ex parte materia fuerunt, quocirca quotumdam illorum nomina censuimus hic inferenda, auctoritas quo magis convalescat. Exstitit namque ex his unus noster didascalus Reverendus Richerus, alter pauper Joannes, Fulbertus quoque qui in suo tempore dives est appellatus, & cum eis opiniones eorum veraxque relatio, qui de eadem ætate memorata veraciter referebant. Hæc enim omnia nugas rumor eo in tempore aures omnium nostrum personabat.

In diebus illis substantia à venerabili Fremberto Abbate præfata, quā templi structura dilatanda atque renovanda erant; supellex quoque varia, & multimodarum rerum collectio supererat, quo fieret concursus futurum fastigium templi ad mensuram quantitatemque futurorum ædificiorum. Et quoniam isdem venerabilis vir futuri operis copias in industriū virorum tutelā collocaverat, atque sub firmā protectione ita regebantur, quo ne timore amoreque

usibus alterius rei subjacerent, Dominus Lambertus

Y Y y

Tom. II.



ne machinamento alicujus occasionis prædicta substantia deflueret, deliberavit propositæ actionis excellentissimi Eremberti complere desiderium. Sed nostræ partis in hac etiam actione non defuit dispendium: Conventus enim ille qui quotannis in translatione B. Eloquii congregabatur, de quo & superius sermo est habitus, ex hoc opere scandali sumens occasionem, retrocessit, dicens eo in loco gravem fieri controversiæ enormitatem, quod in tam solemnī die ad quam confluebant diversarum plebium catervæ, ausus sit quis ruinam facere, & in hac à suo statu templi ædificia remove. Die enim eodem in tantâ populi frequentia ab hoc templum est eversum, & annualis convenientium devotio est redacta in nihilum, atque reddere postposuit antiquo more debitum obsequium gens & populus diversarum regionum. Quid plura? tribus ab eo demptis nobis præcipuis & congruis honoribus, nobis non profuit, & nostris Halsteriensibus in his periculis suarum animarum inimicitians multum obfuit. Reverâ contrâ Deum & regularem observantiam hoc, inquam, controversiæ enormitatem ita induxit, quatenus pro contradictione atque superstitione, quam contrâ auctoritatem Romanæ Ecclesiæ, decretique Domini Apostolici ex eorum cæmeterio ebullit, regularem benedictionem postponerent, & suo more viventes ab illo tempore usque ad nostrum ita permanerent. Vulgus nihilominus ex eadem villâ, quod statutis temporibus ad hoc Cænobium confluebat, contrâ salutem animæ & corporis agens præcepto illius antiquum morem dereliquit, obedire detrectans præcepto decretoque Romanæ Ecclesiæ, & Domini Apostolici, atque statuta illius contemnens à die illo usque nunc per iter inobedientiæ graditur.

Completo exinde murorum ambitu, & diligenter atque mirificè venerabilis Monasterii compaginatione sublimatâ in interiori oculo, sedulâ meditatione Domnus Lambertus cœpit perscrutari à quibus & quomodo celebre nomen & antiquum Ecclesiæ renovari possit. Tempore siquidem illo parochialis Ecclesia in hoc Cænobio non erat, sed B. Forannano & suis successoribus à Romanâ Ecclesia & suis capitalibus concessum fuerat, quatenus super populum loci istius vices ministeriumque Pontificis per omnia ut super claustrales interiùs, ita quoque super Laicos exteriùs expleret. Quapropter in diebus illis à latere Abbatis Capellanus non deerat, qui in eodem Monasterio vice Abbatis curam gerebat, & ad nutum illius cætera disponebat. Verum Domnus Lambertus hoc privilegium contumeliam fore assignans, sub sarcinâ jugoque tali se diù comprimere non ferens, maturè se ab hoc absolvit, atque juxta Monasterium ipsam quam nunc habemus in honore S. Michaëlis Ecclesiam construxit.

Deinde qualiter ad plenitudinem perpetuæ stabilitatis procederet excogitari cœpit; non enim vacua portio supererat Ecclesiæ nostræ, quæ sine dispendio removeretur ab antiquâ constitutione. Rebus itaque instantibus undique circumspectis, de præbendâ Fratrum ex indominito mansu hujus villæ eam portionem subtraxit, quâ dote designatâ, constructam à se Ecclesiam, veluti in præsentiarum dotis ejus dilatio ostendit, magnificè nobilitavit. Leodientis deinde Pontifex dominus Detuinus locum consecraturus ab hoc invitatur, atque ad complendum talis actionis negotium innumerabilibus preparatis expensis, ab utrisque partibus celebrandus dies statuitur. Ergo in capite Calendarum Octobris illius celebrationis decus initiatur, venerabilisque templi majus altare in honore sanctæ & individuæ Trinitatis, & sanctæ Crucis, atque Genitricis Dei & duodecim Apostolorum, beati necnon Proto-martyris

Stephani, sancti quoque Vincentii, Leodegarii Martyris, à supradicto Præsule consecratur. In templi verò dexterâ sinistrâque, & cryptâ in die præfatâ ab eodem tria consecrantur altaria, in quibus re & nomine patrocina diversorum adunantur Sanctorum. Altare verò in facie ingredientium à parte Clausuri in honore beati Joannis Evangelistæ, necnon & beati Joannis Baptistæ & beati Stephani Papæ dedicatur. Altare exinde in honore beati Andreæ Apostoli, Felicis Papæ & Martyris, Calixti Papæ & Martyris, Mauricii Thebez legionis Ducis & omnium Sanctorum, cum suâ Basilicâ oleo, consecrationis inungitur. Aliud autem in lævâ Monasterii ad honorem Christi Confessorum Martini, Nicolai, Benedicti, Silvestri, Gregorii benedicuntur. In sequenti præterea die Altare & Basilicam superius memoratam, quæ propter villam & Monasterium ab eodem Abbate memorata constructa fuerant, in honore S. Archangeli Michaëlis, & sancti Patricii Confessoris, necnon & beatæ Cæciliæ Virginis ac omnium Sanctorum consecravimus. Beati verò Eloquii translatio antiquam dignitatem retinens, in eâ permansit stabiliter, quam antea domni NOTGERI industria ordinavit, & ut ipse celebrabilem reliquit; sic etiam domnus BETUINUS ejus solemne decus octavo Idus Octobris reformando celebraturum constituit.

In diebus autem illis ad hoc Cæmeterium nobilium Florinensium funera antiquo more, sicut superius præfati sumus deferebantur, quod utilitatis commodum etiam Ecclesiam spolians, eam in hac parte hac ratione læsit. Accidit forte quod quidam eorum hominem exuens ex hoc mundo transiret, cujus funus dum ejus successores ad locum sepulture disponerent deferre, obviavit Domino nostro Lamberto Florinensis Abbas nomine GONZO, & dum ex prædicto funere sermocinantes ad invicem conferrent, ita præfatus Florinensis Abbas nostro intulit: Cum nullius utilitatis commoditas ex his cadaveribus vobis proveniat, nostris consiliis assensum præbete, & sepulturam eorum nobis concedite, vosque ab hoc fatigationis tædio expedites, hac pro recompensatione hunc equum ingentis fortitudinis ad usum vestræ Ecclesiæ assumite. Sic denique talis definitionis concessio, nostris facta est horum diminutio, destructioque maxima futurarum rerum eventus per effectum forte succedentium.

In tempore etenim præcedenti ex his nobilibus quædam nobilis matrona nomine ALPAIDIS, voto præcordiali ad hunc in vitâ suâ confugiens locum, in eo deliberans suæ dispositionis expectare terminum, villam Roleriam, & quidquid in eâ juris habebat nobis liberaliter tradidit, disponente eâ interea amplioribus beneficiis locum exaltare; sed ab hoc voto cujusdam Monachi quædam improba stultitia retraxit hoc ordine. Cum de republicâ ejusdem Ecclesiæ prudenti definitione portionem sibi constitutam perciperet, accidit fortè quod suus nuntius Fratrum portiones anticiparet, illeque ejus de piscibus acciperet ferculum, & prædictus Monachus eo die amitteret suæ portionis ferculum: cumque ob id graviter perstreperet, ejus strepitus ad Domine pervenit aures, quæ hac motione in indignationem conversa recessit à loco ejusdem, faciens de seipsâ detrimentum irrecoverabile. Exinde Domnus Florinensis GODEFRIDUS ob suæ salutis remedium de suo proprietario liberam nostræ Ecclesiæ donationem faciens, redditum duorum solidorum in Harnais illi tradidit, & ut Fratribus quotannis in suâ rememoratione administrarentur per succedentia tempora instituit.

Diebus siquidem illis super Letiam flumen in castro dicto Greteri quidam nobilis Comes nomine

THEODERICUS unâ cum suâ nobilissimâ conjuge ERMENGARDE habitabat, de cujus nobili prosapia Fenniensis Theodericiæ quivocali successione originem traxerunt. Isti denique adjutricem in oportuna necessitate beatam sibi adesse MARIAM in hoc Valciodorensi Monasterio, sub ejus protectionum alis fore sepulcrum decreverunt, & de beneficiorum suorum redditibus præbendam Fratrum ibidem Deo servientium ut nobiles nobiliter ampliaverunt. Dominus enim Theodericus in confinio Fallemanienſi in vico dicto Juvoniâ, partem alodii quatuor modios in redditu quatuor solidorum præfatæ Ecclesiæ tradidit, & ut Fratribus per omne succedens tempus singulis annis ministrarentur, instituit. Venerabilis nec non ERMENGARDIS Comitissa uxor ejus in Soloniâ, quæ prope Dinantum adjacet, in redditu decem solidorum congruum Ecclesiæ huic alodium quatuor scilicet mansos terræ, quod in usibus præfatorum Fratrum decrevit succedere per omne tempus.

Sub eodem tempore in castro Femuensi illustris Domina nobilis mulier nomine GERTRUDIS prima de Femuensibus, fideliter huic Ecclesiæ adhæsit, & benevolentia suæ devotionis illi largitionem nobilis doni adhibuit, & ob suorum peccaminum remedium sub ejus protectione confugiens, sibi suisque successoribus instituit in eodem loco fieri sepulturæ domiciliū. Igitur ejus pronepos nobilis JOANNES ex eadem prosapia & ex eodem castro ille in hoc suæ benevolentia studium occurrens, sibi quæ Genitricem nostræ redemptionis in omni necessitate quærens affore, ad complendum opus divinitus conceptum manum apposuit, villam Borsium invicem in redditu octodecim solidorum nobis tradiderunt, exceptis accidentalibus quæstibus & familiâ ex diversis eventibus frequenter qui accidunt in Ardennensi provincia: Ecclesia enim ejusdem villæ decem, villaque octo solidos redditus reddere debebat omnibus diebus, quem propterea hîc annotavimus ne ab aliquo aliquando Ecclesia aliquod patiatu detrimentum injustè.

Huic sub eodem tempore quædam nobilis mulier HERINSINDIS nomine ex ante dictis Florinensibus, in hoc Valciodorensi Monasterio Genitricis Christi levamen quærens à facie inimici atque tribulationis futuræ, ejus sub alis devotè confugit, omniaque illius perpetuæ retributionis suavia ab eâ quatenus inveniret, de suis beneficiis prædictæ Ecclesiæ cum quodam EILBERTO conjugis sui Fratre uterino donativum quoddam tribuit. Dedit enim tam ipse quàm ipsa in villâ Erchevelles, in quâ in honore beati Medardi habetur Ecclesia, in respectu quatuor solidorum duas quadras terræ, quas annuatim usibus Fratrum ibidem Deo servientium omni dehinc tempore nobiliter decreverunt subesse.

Interea quidam Vidricus de Romereis nobilitatem suam decorare nitens militari studio, vitam præsentem armis ornavit, & ob diversorum casus reatum vinculo excommunicationis irretitus, in eo usque ad terminum suæ mortis permansit, sicque ex hoc mundo cum priori sententiâ transivit. Verum antequàm decederet à suis familiaribus præcordiali precatione obtinuit, quatenus in præcinctu Valciodorensis Ecclesiæ ut in eo sui corporis sepultura fieret, deferretur, ita dumtaxat ut signo crucis turris ipsius Ecclesiæ à suis delatoribus agnito ibidem è regione Ecclesiæ sepeliretur. Ipse denique ne omnino apud matrem Ecclesiæ haberetur ingratus, in eadem villâ Romereis in respectu quindecim denariorum Valciodorensi Ecclesiæ partem alodii dedit, dans ibidem congruentem familiam & honestam. De quâ quædam puella ad nos transitum faciens, quam qui-

dam Prezerientis ANSELINUS sumpsit in conjugium, de quibus haud multo post grandis turba populi conlurrexit, qui à supradicto Anselino & puellâ memoratâ QUERENTIA nuncupabantur, originem traxerunt.

In tempore eodem quidam Evardus in hoc Monasterio à parentibus traditus est nutriendus, ut post in sanctæ conversationis observantiâ vivens regulariter conversaretur. Cumque secundum regulam S. Benedicti pro puero prædicti parentes suam petitionem facerent, & in Rouz tam pro se quàm pro eodem respectum duorum solidorum nobis tradiderunt; omnique tempore deinceps Fratribus annuatim in eodem vico eundem respectum suscipere constituerunt.

In diebus etiam illis Domini ex Rovonienſi castro huic Ecclesiæ fideliter adherentes, ex redditibus suorum beneficiorum Fratrum præbendam nobiliter ampliarunt, omnisque illius progeniei successio in maximæ venerationis honorificentia hanc cæteris prætulerunt, & in eâ conditorium instantis & futuræ successionis suæ funerum constituerunt. Ex his unus nomine Isaac ex suo jure huic Ecclesiæ Valciodorensi oblationem faciens, in Mahiert partem alodii tradidit, hocque sub respectu quatuor solidorum illi subjecit.

Eodem tempore de nobilibus de Nova-Villâ in pago Famenienſi sitâ WALTILINUS quidam ob tyrannidem suam perpetuum periculum metuens & futuram examinationem, Genitricis Christi levamen remediumque quæsit: qui de propriis redditibus honorificentiam faciens, in villâ Gessimilus suæ ditioni subjectam alodii partem dedit, cujus respectus in hoc Valciodorensi Monasterio quotannis Fratribus triginta denarios solvit.

Fuit interea in his diebus de Namurcensi familiâ quidam Hodebaldus, cujus filius, Theodoricus de Bodello in Namurco, filiam habuit nomine Herisindem, quam quidam Balduinus de Horiâ sumſit in uxorem. Hic itaque cum suæ vitæ enormitatem considerasset, fontem misericordiæ beatam videlicet MARIAM suis enormitatibus opposuit antidotum, quo salutari ejus tuitione liberaretur ab incendiis perpetuæ damnationis. Igitur pro divinâ recompensatione sibi futurâ, quam oportuno tempore & die tribulationis haud sibi dubitabat affore si promeretur, in vico dicto Chrestevin ob venerationem Christi Genitricis Valciodorensi Ecclesiæ partem alodii tradidit, duosque solidos in respectu illius Fratribus ejusdem Ecclesiæ quotannisolvere constituit. Hæc de tempore Domni Lamberti Abbatis atque rebus acquisitis amplificatione, sive diminutione, & infra terminum suæ pastoralitatis accidentalibus casibus & periculosis anfractibus dicta sufficiant.

Quomodo verò cœmeterium istius Ecclesiæ ante exitum suum ambierit, testis fuit conscientia suæ cordium scrutator Deus: verum ne hoc præteriisse inaniter videamur, ob testimonium referentium munimenque futurorum hic adnotare decrevimus. Ipseque denique veluti accepimus cum crebris ante exitum pullaretur infirmitatibus, frequenter huic Ecclesiæ adhærebat nitens ibidem corporis exuvias relinquere; quod sicut suo versabatur in voto satis fideliter opinabatur militavisse. Enim verò ut post eventus rerum aperuit sollicitudo humanæ dispositionis nil valet contra consilium divinæ dispensationis. Vocationis igitur suæ adveniente tempore ultimum sorte ei in Halsteriâ finis clausit diem, & impediende accidentali difficultate necesse fuit ejus corporis glebam ibidem mansionem accipere.

Quid autem in suis diebus ei in Halsteriâ contigerit, paucis explicabimus. Notitiam itaque Prin-

Cap. 59.

cupum suo tempore sollicitè procuravit, & semper in eorum præsentia cum eis frequenter adesse desideravit. Cumque die quâdam Bullonis ante Bullonensem Ducem adstaret, Dux GODEFRIDUS ex pestilentia suorum equorum conqueri cœpit, atque ex hac à circumstantibus consilium sciscitatus est. Cui à Domino nostro Lamberto tale consilium confectum datum est: Beati Nicolai suffragium, optime Dux, hac pro pestilentia requirite, & confestim liberabuntur ab hac invaletudine. Requirit interea Dux quò ejus memoria haberetur. Duci respondit; in Valciodorensi Basilicâ in honorem sancti Nicolai consecrata continetur una ara. Tandem Dux ex sua suppellectili in Valciodorensi Basilicâ ob honorem sancti Nicolai suorumque salutem equorum per præfatum Abbatem optimum pallium transmisit, quod usque nunc in jam dictâ conservatur Ecclesia.

Revertens autem à Bullone fortè per Hasteriam transivit, & in ea antequam huc rediret unius noctis tempore pernoctavit: cumque more solito matutinali adveniente horâ Missam celebraturus altare sibi preparari præcepisset, præfatum desuper altare pallium poni præcepit, quod divinæ celebrationis mysterio completo ad locum destinatum transferre disposuit. Verùm nostri Hasterienses injuriam sibi fieri judicantes, affectum contumeliâ prædictum Abbatem, cum jurgio pallium retinuerunt; & sæpè jam dictum Abbatem armis aggredientes unanimiter cum laicali manu obsidendo clauferunt. Cum autem clausus ab his in suo cubiculo teneretur, cum summâ velocitate ab eodem in Namurco dirigitur nuntius, quatenus veniente Namurcensi Comite ab hac insolenti circumventionem erueretur. Veniens itaque Namurcensis Comes ALBERTUS, pater Comitum GODEFRIDI, diligenterque rem investigans, consideransque nimis procacitatis insolentiam grave iudicium in eos exercuit, quoniam quosdam orbatos, quosdam verò cauteriatos, nonnullos verò demptis pedibus claudos reliquit.

Domino LAMBERTO viam universæ carnis ingresso Valciodorenses pari consilio canonicam electionem facere decreverunt, & de suis qui eis præfesset unum in pastorem & dominum secundum primam institutionem sibi imponere condixerunt. Igitur canonicali auctoritate undique ventilato negotio, utriusque partis in hoc convenit consensus, ut Valciodorensis Monachus dominus GODESCALCUS Abbas in regimine ejusdem Ecclesiæ præficeretur. Dictum & factum. Verùm nactus juxta deliberationem Fratrum, eorum regimen, res publicas. . . . . quas suis voluntatibus haud multo post subesse disposuit. Cum verò votis præcedentibus prospera succederent, & sibi sine aliquâ contradictione cuncta bona malaque subjacerent, proprii cordis sequutus est arbitrium, sicque ex parte res sibi commissas deduxit ad irreperabile commercium, & detrimenti & diminutionis lacrymabile infortunium. Huic velatâ affinitate quidam Leumentis ENGELBERTUS conjunctus est, adeo ei præcordiali familiaritate adhærens, ut non solum ex rebus transitoriis, verùm etiam ex existentibus perpetimque manentibus ab eodem superabundanter ditaretur. Distractis siquidem contrâ fas sibi commissis rebus Ecclesiasticis, potestate quâ valuit Abbatie curias omnes deturbavit, præfato Engelberto de unâquâque portionem tribuens. Ipse autem ne crimineretur ab aliquo se hæc injuste fecisse, puellam quamdam nobilibus ortam natalibus Ecclesiæ acquisivit, quam ipsi Engelberto in uxorem tradidit: ipsi præterea in dotis annumerationem hæc contulit, quæ venerabilis Comitum EILBERTI devotione & industria Ecclesiæ fuerant oblata, quæ etiam

Apostolicæ auctoritatis sub gravis ligaturæ excommunicatione indeterminabiliter contrâ omnes, qui fraudem moliri cupiunt de rebus supradictis, tuerentur canonicâ defensione. Ut enim damnosam distractionem per eum factam futurorum cognoscat successio, hujus detrimenti seriem partim explicabimus. Dedit illi in hac villâ in vico Lemniensi per quatuor capita culturæ quatuor bovatos terræ arabilis. In Antinâ decimam lini, de quâ antiquitus suebantur panni Fratrum, cum quibusdam ejusdem curiæ eulogiis. Ab Heydrâ verò unum vicum semovens ex integro cum suo molendino, & mansionariis, præfato ENGELBERTO feudali dote tribuit. Sicque curiâ demembratâ, congruum Valciodorensi Ecclesiæ alodium abstulit. In Roseriâ Loytres & Bromes, & aliis curris tantam exercuit destructionem, omnia illi tribuens quæ non solum non sufficerent sibi soli, verùm de quibus more magnatum feodatos faciens nonnullos sibi servientes acquireret.

In tempore illo accessit ad eum quidam suus consanguineus, nomine ANSELMUS, efflagitans ab eo ut in hoc Valciodorensi Monasterio germanos fratres, scilicet filios suos susciperet, atque normâ institutioneque B. Benedicti victuros enutritet. Huic definitioni assensum præbuit præfatus Abbas. Prædictus enim Anselmus ut nobilis nobiliter faciens, pro puerorum donatione secundum B. Benedicti Constitutionem, Genitrici Christi in Valciodorensi Monasterio cum oblatione pueros obtulit, quorum unus dictus est ALBERTUS, alter ANSELMUS. Dedit præterea in pago suo Ardennâ, in confinio scilicet Faltoniæ, villæ medietatem, quæ dicitur Holengia, & in eâ mansum indominitum cum pratis aquarumque decursibus, & familiam & sylvam ingentem. Ex residuâ sanè medietate villæ cum plerumque sermocinarentur invicem sub quâdam taxatione pretii, assensum cuique parti alternatim prædictus Abbas, Anselmusque præbuerunt. Abbas enim pro comparationis expeditione jamdicti alodii viginti quatuor marcas supradicto Anselmo tribuit, dans cum illis optimum cornu eburneum; quod in Ecclesiâ cum omni diligentia inter cætera ornamenta conservatum ab aliquo tempore fuerat. Sic denique tradita est, & nobilibus testimoniis transivit in legitimam possessionem Valciodorensis Ecclesiæ Holengia, in quâ eo tempore exceptis accidentalibus quæstibus, pratis, sylvis & terris indominitis, viginti quatuor solidi Leodiensis monetæ ex respectu mansionariorum habebantur.

Tempore illo in Hasbaniâ in sylvâ Cipeleis juxta Bromes alodium, mansionarios, redditusque hæc Ecclesia habebat, sed ob rusticorum contradictionem plerumque census reddituum. . . . . præveniebant. Cumque frequenter de obstinatione talium Fratres conquererentur, quidam GODEFRIDUS vir nobilis de Serem ex Heriâ concambium se facturum ex prædicto alodio sponndit, si rationabiliter mutæ partis census necerentur. Altrinscûs itaque re prudenter ventilatâ convenitur in unâ ad stipulationem utrorum voluntas, dante præfato Godefrido Heriam assentientibus huic mutationi suâ uxore HERMENTRUDE cum natis suis WALTERA, HALINO, GODEFRIDO, HENRICO, suscipienteque eodem Cipeleis cum ingenti pecuniâ. Hæc autem HERMENTRUDIS de nobilibus orta, filia existit HUGONIS de Gabelo, de cujus successione ipsi Godefrido Heria provenit, quæ etiam nobis in villâ Mazeio pro animæ suæ redemptione in respectu septemdecim denariorum partem alodii tradidit. Iste autem Gabilonensis Hugo quatuor habuit filios, è quibus unus dictus est HUGO Poëtemus, alter WILDERICUS de

Godescalcus  
XI. Abbas  
eligitur.

Ripâ, tertius **WALTERUS** de Heriâ, quartus verò noster fuit Abbas **THEODERICUS** secundus. Interea de supradictis Nobilibus ex Rovomâ quidam **HUGO** hominem exuens, in Hunay tres solidos Leodiensis monetæ quotannis nobis assignavit, & in cœmeterio Nobilium de Valciodoro sui corporis exuvias requiem habere disposuit. Ex hoc verò Hugone quædam filia exstitit, quæ **IMMA** nuncupata est, quæ etiam pro suâ salute sollicita Genitrici Christi Valciodorensis Ecclesiæ, in eadem villâ de Hunay triginta denarios tradidit. Hanc quidam **GOSOLDUS** de Tier accepit in uxorem, & hæc ex eodem marito filium habuit, in patris memoriam appellavit **Hugonem**. Ille **HUGO** avi sui non immemor beneficii existens, nec in voto impar illi apud Genitricem Dei apparere volens, in eadem villâ de Hunay Fratribus Valciodorensibus singulis annis Leodiensis monetæ quinque solidos constituit, deprecans in eodem Monasterio post suam depositionem corpus proprium collocari. Hic autem in primitivo suo tempore de Nobilibus ortam secundum genus suum quærens uxorem, nobili conjunctus est: tradita enim est quædam **HADUUDIS** quæ fuit orta de Orisino-monte, filia scilicet nobilis **GILLEBERTI**. Hic autem **Gillebertus** secundum sæculi dignitatem magnæ auctoritatis exstitit, duosque filios totidemque filias habuit, quibus hæreditario jure quæcumque sibi paternâ successione provenerant, dereliquit.

Ne autem aliquando ex inani superfluitate criminemur, quod supervacua hujus viri descriptio fiat, constat admodum fore necessarium præsentis rei denotatio, quoniam pedetentim ab hujus viri hereditibus ex suis hereditatibus præsens Ecclesia non modicam consequuta est portionem, veluti post stylo corrente aperietur. Geminæ enim tam nomine quàm consanguinitate prædicto filio fuerunt filiæ, nam sub appellatione hujus nominis ut prima, sic & altera dicta est **HADUUDIS**, ut præfati sumus; una conjugem habuit **HUGONEM** Renomensen, altera **HERIBRANDUM** de Hugiâ. Haud siquidem multo post tempore Genitrici Christi fideliter in hoc Monasterio Valciodorensi adhærentes, unâ pari desiderio convenerunt, & in confinio Vercis-montis Beatæ **MARIÆ** villam dictam Verere tradiderunt. Verum ne scrupulus alicujus controversiæ ex suâ donatione Ecclesiæ oriretur aliquando, donum à Nobilibus nobiliter traditum, nobilium virorum fratrum scilicet suorum **GODEFRIDI** de Urcis-momonte, & **GODESCALCI** de Cemiaco testimonio confirmarunt, dantes pariter in Gedinâ quæcumque sibi paternâ successione provenerant. Sic ab his duabus sororibus Verere sine aliquâ contradictione Ecclesiæ nostræ data est, & in eâ quæcumque erant, mansus indomnicatus, prata, sylvæ, piscatio prolixa, reddituum census, familia. Exhinc **Godescalcus** de Cemiaco frater earum habuit filium nomine **GODESCALCUM**; qui Genitrici Christi in hoc Valciodorensi Monasterio partem illam, quam habebat in Gedinâ hoc ordine dereliquit. Ipse ex proprietate Ecclesiæ tres marcas accipiens, pro hac pecuniâ præfatum oblidem collocavit allodium, ea scilicet conditione, quatenus respectu ejusdem alodii pro suorum expiatione peccatorum Fratres recipiant quousque à se & non ab alio, de suâ pecuniâ & non de extraneâ redimatur.

Supereff autem dicere de Renomensi **Haduide** jamdicti **Hagonis** uxore. Ex supradicto namque marito suo quatuor habuit filios, quorum hæc sunt nomina; **THOMAS**, **WALTERUS**, **GERARDUS**, & **GILBERTUS**, qui nobilitatis urbanitate quâ fuissebantur huic Ecclesiæ caritatis gratia adhærentes,

fidelia dona contulerunt: è quibus **Walterus** in mortis angustia positus, amicorum circumventionem in hujus Ecclesiæ cœmeterio precatus est se sepeliri; qui de rebus domesticis suis Ecclesiæ donationem faciens matre & fratribus consentientibus, in testimonio eorum Leodiensis monetæ quinque solidos & denarium unum in jam memoratâ villâ **Hunay** per omne tempus Fratribus de Valciodoro annuatim suscipere instituit. Tres verò residui fratres in succedenti tempore modo dissimili & ordinatione rationabili in hoc loco sanctæ conversationis habitum susceperunt, & de rebus unusquisque secundum suæ quantitatis mensuram Ecclesiam honorarunt. Dominus scilicet **Gerardus** tempore domini **Theodorici** Abbatis, de Gedinâ octavam partem, quæ à maternâ successione sibi provenerat cum suis appenditiis, cum pratis, sylvis, aquarumque decurribus, terris cultis & incultis, & copiosâ familiâ huic Ecclesiæ tradidit; ut hæc omnia per omne succedens tempus legaliter permanerent Ecclesiæ, & ab ea firmiter tenerentur legalibus nobilibusque testimoniis confirmavit. Verum ne aliquando Ecclesia in hac donatione legitimâ vexationem patiatur injustè, memorari decrevimus nomina testium, hæc sunt: **HERIBRANDUS** & **HUGO** frater ejus de Florinis, **RODULFUS** & frater ejus **SIMNIGIVECURT**.

Contigit autem eodem tempore Dominum Abbatem **GODESCALCUM** à præsentibus migrare ad Dominum, cujus sicut & aliorum cum breviter & lucidè iste libellus actuum diligenti stylo exaratam contineat seriem, non incongruum contigerat, si quod non digessit, quia nondum contigerat, eâ fide & veritate quâ à religiosis viris qui adhuc sunt superstites accepi, litteris commendem, & ad rerum gestarum notitiam posteris legenda transmittam. Huic (quem præfatus sum **Godescalcus**) de nostris & in nostro uti nostrorum consueverat antiquitas, Capitulo electus dominus **WIDRICUS**, pari voto & communi assensu subrogatur: qui nobili ortus propagatione nobilior moribus fuit, sed cum hujus honoris gradui ob suæ humilitatis custodiam non acquiesceret se sublimari, vix tandem petitioni Fratrum & honori, suæ in quâ ferè à tenero ubere matris nutritus fuerat Ecclesiæ accommodans aurem, suscepit jugum Domini. Quod ipse probis exornans moribus multa egit, quæ si oblivioni non essent tradita relatu digna judicarentur.

In diebus ejus florebat Ecclesia præsens arcuâ religionis censurâ; & rerum temporalium affluentia, cujus famâ tacti sapientes & litterati viri undique conveniebant jugolevi obedientiæ colla submittere, & cœlestis haultu dulcedinis carnalis vitæ æltum refrigerare, ac dicere cum Propheta: *Sitivit in te anima mea, quàm multipliciter tibi caro mea.* Hujus gustatâ suavitatis dulcedinis magister **WILBALDUS**, & magister **RICHERUS** sine ullâ deliberationis morâ præfatum Abbatem adeunt, atque illi æltus suos confitentes, consilio ipsius vestem cum spe priori mutant, Religionemque sub eo profitentur. Exstant magistri **Richeri** penes nos præclari monumenta ingenium opusculis, quæ de translatione corporum martyrum **Candidi** & **Victoris**, & sanctarum Virginum **Colonensium** edidit, qui in toto vitæ suæ tempore in scholâ virtutum Christi sub magisterio magis doceri quàm docere volens, hinc Deo se vocante beato fine quievit.

Dominus verò **WILBALDUS** à Magisterio hujus Monasterii scholæ in Stabulensi Ecclesiâ ad idem officium accitus, non solum illius, sed & **Cassiniensis** & **Corbeienfis** uno in tempore Abbas exstitit. Ipse antiquum **Ottonis** primi Imperatoris, in Curiis Imperatorum **Lotharii** & **Frederici** simul & **Conradi**

Continuatio  
Chronici ab  
alio Auctore.

XII. Abbas  
**Widricus**.

*Psal. 62. 2.*



Regis, novis & apertioribus impetratis privilegium renovavit, quorum confirmationem in Metensi beati Stephani Ecclesiâ, quæ & istius mater est & domina, conservari perpetuò constituit. Renovavit etiam privilegium Benedicti Papæ septimi, uti adhuc videri potest in nostri Monasterii thesauris, temporibus Apostolicorum Adriani & Eugenii tertii, quibus manifestè ostenditur, quòd Halterienfis locus Valciodorenfi Ecclesiâ tamquam Cella vel Præpositura, vel quocumque nomine dicatur, debet velut membrum capiti adhærere, & in omnibus obedire. Sed longè antequàm hæc fierent dominus WIDRICUS suprâ memoratus Abbas ad beatarum sedes transivit animarum.

XIII. Abbas  
Theodericus  
II.

Cui successit dominus THEODORICUS secundus, cum pari omnium consensu à nostris sicut noster Monachus in nostro Capitulo, absque partis adversæ contradictione Abbas præficitur. Multa sub eo meminerunt gesta digna relatu dominus Walterus Prior, & dominus Lietbertus qui post eum tertius Abbas exstitit, & quamplures quorum noticiam habere potuissim, si in hac tunc Ecclesiâ residens exstitissem.

Eodem tempore quidam Miles egregius filius ANSELMi de Tier, frater THOMÆ & GERARDI, à matre HADUIDE ex Renomensibus dominis suæ claræ stirpis ducens originem (quorum solerti studio & piâ devotione, hæc possessionibus in Flamenâ augmentata crevit Ecclesiâ) JOANNES nomine testamentum fecit, & confirmatum in præsentis loco testimonio Nobilium roboraverat. Hic in bellicis rebus strenuus habebatur: eo tempore quo Reges ad bella solent procedere, ut nobilis & clarus in armis suum Regi Franciæ exhibuerat obsequium: moram autem eo ibi faciente, mors quæ juvenibus est in insidiis & senibus in januis, illum corripuit, & ad horam extremam veniens coram accitis nobilibus Regalis Curie, & ARNULFO domino de Tier unâ cum Rege nominato jam dictum testamentum alodii de Nefsiâ renovavit, & ita vitam finivit: & ex eo villam eandem cum familiâ in jus & dominationem suam domus ista transegit. Deinde aliæ quamplures aliis in locis ab aliis nobilibus villæ, redditus villarum, Ecclesiæ cum decimis & aliis proventibus suis, maximè in pago Hammenienti & à Renomensibus dominis suis diebus nobis tradita memorantur.

Factum est etiam juris nostri eodem tempore quidquid habemus in Daneles: quod datum est in Eleonâ accepimus à quodam Joanne ejusdem loci indigena. Hic ab utroque sanguine ex nobilium Procerum prosapiâ genitus, in hoc multo nobilior clariorque refulsit, quòd Christum & piâ Matrem ejus magis quàm suæ carnis propinquos optavit succedere sibi. Describerem paulo diffusius de eo quis & unde fuerit, sed stemmati Falemannensium hoc ipsum reservatum iri maluimus.

Sed jam tempus est, & ordo ipse narrationis hoc exigit, ut proferatur in medium, & ex suis involucribus ne situ vel oblivione deleatur, salvo fulgore meræ veritatis, omnique rancoris & odii fomite procul depulso, præsentis historiæ inseram quid nostri Halterienfes attentare eodem tempore aggressi sint: non enim mentitus est qui dixit: Asperius nihil est humili cum surgit in altum. Tempore quo præfatus sum domni Theoderici Abbatis, ab eo in Halterienti domo constitutus quidam Joannes Prior fuerat: hic novitatum amator, & fraterni odii seminator cum alio collega suo perniciosissimus. Inde accidit, ut per ducentos annos statutum fuerat, lacunam quamdam jussu Abbatis ministrorum obsequio, ad quos antiquo jure Ecclesiæ hujus id agere

spectabat, reparari, & ut capiendis piscibus aptior esset statuto tempore renovari. Quod audientes Halterienfes nostri, memorati Prioris sui instinctu & consilio, à cujus etiam ore venenum hoc in alia majora & pejora præparatum flagitia hauserant, dicto citius advolant, palos solo infixos evellunt, dirimunt cætera, & quidquid ibi factum fuerat dissipant & dispergunt. Non eos jus antiquum loci seu Abbatis reverentia, quod planè ignorare non poterant, ab errore & contentione præmeditata revocavit. Tamen pius Pastor benignè ovium suarum miseratus errores, non cessabat tum per se tum per vicinarum religiosas personas Ecclesiarum Halterienfes ad pacem Valciodorensium Fratrum, & ad subjectionem sibi & suæ Ecclesiæ debitam & eatenus absque calumnia exhibitam revocare. Exstant in monumentum hujus rei apud nos reservatæ in uno volumine comprehensæ epistolæ, quas in executione hujus negotii Leodiensis Metensi, Metensis Leodiensis scripsit Episcopo, etiam WILBALDI ad eosdem Episcopos, una Regum & Imperatorum CONRADI, LOTHARII & FREDERICI Metensi directæ Ecclesiæ & Episcopo ipsius. Quibus apertè datur intelligi quomodo memorati Fratres ad unitatem prædictorum auctoritate redire compulsi sunt, & subjectionis jugo quo nunquam caruerant, denuò colla submittere. Ex hac ergo occasione accidit, & infra rebellionem istam post primum Ottonis primi Imperatoris privilegium antiquum & authenticum, jamdicta ad nostrum perpetuum decus & munimen emanare privilegia. Quod ex facili tamen ab alio non potuisset impetrari, sed memorato Abbati nihil ab his Regibus vel Imperatoribus, quod justitiæ & servituti Imperatoris non obviaret, tunc negabatur, in quorum aulâ inter Principes serenissimus, & inter amicos amantissimus conversabatur.

Eodem tempore contigit per manus domni Theoderici Abbatis beatorum Martyrum Candidi & Victoris, & sanctarum Virginum Colonensium corpora ad hanc beatæ semper Virginis Mariæ transferri Basilicam. Sub eadem tempestate Prior Halterienfis Joannes nomine, ante portam nostram litus Mosæ respicientem navi advectus transibat: quod cernens Abbas, indignatus est Monachum suum quâdam velut indignatione se non salutare, quem transiens vidisse poterat & cognovisse ante se pertranfire; arctari eum fecit, & infra claustrum istud custodiæ mancipari, donec precibus Comitum Namurcensium promissâ prius emendatione veniam obtinuit. Iisdem diebus diversæ suppellectilis & rerum plurimarum ab antiquo congesta copia cum thesauris Ecclesiasticis tota defecerat, quæ inopia non solum hanc, sed & nostram Halteriensem suis pretiosis spoliavit etiam gemmis, & auro claris ornamentis; quâ etiam graviter invalescente dominus Abbas THEODORICUS appositus est in senectute bonâ ad patres suos.

Die sepulturæ ejus cum statim fieri deberet electio, & Halterienfes in exequiis Abbatis defuncti adessent, celebrandæ tamen electioni futuri Patris subtraxerunt se, & regulariter convocati redire noluerunt. Prior verò hujus Monasterii videns eorum arrogantiam, & timens ne si differretur electio tumultus fieret, in domnum Stabulensem sæpe memoratum WILBALDUM Abbatem electionis suæ sententia toto annuente conventu confirmavit. Ipse verò post reditum suum à Curia Imperatoris (nam ibi per aliquot menses moratus fuerat) tunc hoc audito statim Valciodorum venit, & ab hoc onere sese humi prostratus excusavit humiliter, non tamen à loco discessit, donec consilio ejus sæpe dictæ Ecclesiæ Stabulensis Decanus DOMNUS ROBERTUS

XIV. Abbas  
Robertus.



subrogatus in Abbatem à Metensi Episcopo investitus, à Leodiensi benedictus, & ab utriusque loci Fratribus in Dominum & Abbatem ut decuit, cum honore & reverentiâ susceptus est. Hic quàm idoneus & efficax in administrandis utriusque hominis rebus necessariis fuit, Fratres utriusque loci ab eo nutriti, & ad sacros Ordines per eum promoti noverunt, quorum nonnulli adhuc vivunt.

Ipse Falemannensem acquisivit Ecclesiam: hæc à foundationibus suis quatuor Sacerdotum ministeriis commissa, eodem tempore ad tantam devenerat negligentiam, ut quatuor Clericorum officia vix unius Vicarii ministerio explerentur, loci possessiones de divini cultûs exterminio usque adeo commotæ sunt (Nam tunc duobus Subdiaconibus & duobus pueris infra annos & ordines constitutis adscripta erat) ut eam spe meliorandi huic Monasterio, & ejus jam memorato Abbati Roberto legitimâ donatione, adstante Namurensi Comite H. & aliis Nobilibus, traderetur: eâ dumtaxat conditione, ut discedentibus Clericis loco eorum Monachi ab Abbate inibi constituerentur. Dignum ergo duxi huic narrationi inferere participes alodii, & possessiones fundi quorum donatione temporalia, quorum petitione spiritualia impetrata sunt.

Dederat primùm tempore domni Olberti Episcopi GERULFUS & uxor ejus HERBAUDIS, & filii eorum HERBERTUS & WINANDUS, ut Nobiles testimonio Nobilium medietatem præbendæ investiti: tertiam partem ejusdem ANSELMUS de Falemanniâ, frater domni HELLINI reverendi Treverensis Archiepiscopi, pater illius qui nunc est Anselmi, & frater ejus GODEFRIDI jam defuncti. Item THEODERICUS & Godefridus filii Engelberti hujus Ecclesiæ servi reliquam quartam partem. Ex secundâ præbendâ præbuit idem Anselmus medietatem, dicti Godefridus & Theodericus fratres aliam medietatem. De tertiâ rursus Anselmus prænominatus quartam partem, THEODERICUS de Buillon & uxor ejus MATHILDIS alias tres partes. Item de quartâ præbendâ ANSELMUS quartam partem: ASCELA de Dantes matrona illustris alias tres partes; hæc fuit domini Hellini dicti Archiepiscopi & fratris ejus illustris viri Anselmi cognata: qui omnes unâ cum JOANNE illo qui nobis ea quæ apud Daneles habemus largitus est, si longa retrò series repetatur tam in Clericis quàm in Militibus insignes invenientur.

Primo adventûs sui tempore domnus ROBERTUS, quoniam adhuc nobis aliquid ex eo, Ecclesiarum statum quem deformatum repererat dum in melius reformare satageret, obloquebantur ei quidam in hac domo de scientiâ ac genere suo præsumentes; sed ipse eorum parvipendens arrogantiam, omnes ejecit, donec debitis persolutis ac redditibus rebusque omnibus in priorem statum revocatis, suos amicos faceret, & dilectos fratres quos prius habuerat obloquentes. Tamen nunquam adeo utilis sicut Halsterienti Ecclesiæ, propter prædictorum arrogantiam. Halsteriam ergo cum bonis omnibus suis nudatam invenisset à dilapidatoribus, studuit quæ juris ipsius esse didicit ab invaditoribus eripere. Aderant ei fideles & optimi adjutores domnus Petrus vir bonus, & ab infantiâ suâ sanctæ amator & observator Religionis, & Joannes postea Præpositus. Contigit autem prædictum Abbatem pro apportato lucro suæ negotiationis audire Dominum dicentem sibi: *Intra in gaudium Domini tui.*

Hoc itaque rebus humanis exemplo, iste de quo paulo ante feci mentionem PETRUS, de Halsterienti domo primus ab utriusque loci Fratribus in

Capitulo nostro concordibus votis electus perhibetur. Cujus ego actus & mores quoniam laudabiliter vixit non reprehendo, in hoc tamen satis reprehensibilis exstitit, quoddam decus illud & prærogativam honoris, qua hæc Ecclesia tamquam mater & domina illi antecessit de quâ loquimur, domui Halsterienti, quæ ejus est filia, voluit vel annihilare quantum potuit, multum hic quidem, quoniam Abbas erat & dominus, vel ad eandem Halsteriam latenter & callidè semper transferre satagit. Abbas autem noster investituram ab Episcopo Metensi accipit, & in hac investiturâ hic ordo verborum servatur: *Do tibi* (verba sunt Episcopi) *domini Abbatis Valciodorensis & omnium pertinentiarum ejus*: quo accepto præstat electus religionem fidelitatis suæ. Idem Abbas non erat Monachus, quia non professus. Consuetudo erat ei beatum virum Forannanum devotis & frequentibus exorare precibus, & ejus sepulcrum latenter & publicè invisere; expertus ejus opem erat in multis: quod si quis diffusius audire voluerit, legat miraculum quod in vitâ ejusdem Sancti continetur de reddita ab eo sibi sanitate; quo ipse Sancto singulis hebdomadibus pro sibi concessâ sanitate unius Mille officium quamdiu vixit, devotè sicut promiserat perfolvere non cessavit. Erat vir ille decora facie, stellantibus oculis, & proceræ magnitudinis, statuâ valde decorus, cygneoque ornatus candore, nescio quid celeste & divinum se intuentibus tam facie, quàm verbis & moribus prætendebat. Præterea frequentibus & devotis in Ecclesiâ insistebat precibus, & gregis sui curam Deo commendans. Appositus est autem in senectute bonâ ad patres suos, cui de nostris successit D. LIBERTUS.

Sed ne in transitu & quasi viator mentionem ejus fecisse videar (quem inermem, pauperem & rebus omnibus egentem & nudum ipse in hoc Monasterio susceptum confestim dignatus est excipere suis adscitis) ejus actibus describendis immorandum mihi cenfeo paulo diutius, ne ingratitude ignavi redargutus vitio, inertis aut desidii inultus cauterio ignaviæ notam incurram. Fuit hic de quo sermo est claris ortus natalibus, quem à parentibus nobilibus & locupletibus huic beate semper Virginis Mariæ Monasterio divinis mancipatum obsequiis, sui quos hîc habebat cognati regularibus disciplinis, & literarum scientia affatum intraxerunt. Qui priusquàm ad virilem pervenit ætatem, divinâ ad hoc se vocante gratia Abbatis sortitus est officium & nomen. In hoc à recto tramite nimirum exorbitavit, quod in Halsterienti domo post sui prædecessoris exequias sacræ electionis munia passus est in se & de se celebrari. De nostris verò qui hoc sæculus patnaverunt, cum Regum & Imperatorum super hoc capitulo præ manibus haberent privilegia, cum suæ antiquitatis jura non ignorarent, dicimus eos scienter & voluntariè peccasse, unde confidenter asserimus quia divinæ examen ultionis non evadent.

Tempore suo MATHILDIS matrona nobilis, consilio Franconis cognomento Lotharii Sacerdotis & Monachi hujus loci accessit huc, & dedit in elemosynam medietatem Ecclesiæ beati Martini de Mihayâ cum decimis omnibus ad villam spectantibus; alodii autem totius medietatem acquisivit Ecclesiâ à filiis & heredibus suis, quod divisum fuerat in quinque partes. Quam divisionem quia alio in loco medegissile sicut acciderat memini, huic narrationi inferere nolui.

Elapso autem non longo tempore post hæc orta est inter Ecclesiam istam & Halsteriensem gravis discordia pro festivis diebus, in quibus Halsterienses

XVI. Abbas  
Libertus.

XV. Abbas  
Petrus.

de jure expetebant Abbatis presentiam, duabus tantummodo exceptis solemnitatibus; Paschali scilicet & Ascensione, & pro hac occasione eoque processum est, ut ad presentiam Metensis Episcopi, qui nunc fundi dominus & patronus utriusque loci habebatur, fuerit appellatum. Dehinc post festum omnium Sanctorum agente eodem Episcopo in Synodo, & partibus hinc inde constitutis, ad defensionem suam Halsteriensis quoddam scriptum in modum Privilegii Alexandri Papae protulerunt: hoc autem scriptum unde emanarat ne supervacuum rerum gestarum relator esse videar, scribere superfluum. Nec praetereundum est quod dum haec agerentur, voluerunt Halsteriensis Abbatem in partem suam trahere & secum habere, sed noluit ille, imò cunctis audientibus contestatus est se magis illi debere assistere Ecclesiae quae nutrierat eum, & religionis & scientiae totius decorarat titulis, quam illi quae rebellis & inobediens ei esse nitebatur, quae domina & mater ejus eatenus fuit, testibus privilegiis Imperatorum & Regnum Romanorum, necnon & Romanorum Pontificum; quae in ea ad iudicium hujus rei conservantur.

Elapso deinde anno jam reversis à Romanâ Curia utriusque partis Legatis, cum esset profectus D. Abbas LIBERTUS Leodium jam aliquantulum infirmus, & existente eo in Claustro sancti Lambertii cepit sensim viribus corporis deficere; quod dum perciperet dominus WARNERUS Praepositus qui cum eo erat, voluit eum reducere ad hospitium, sed cum jam essent in via illud revertendi, in plateam quadam cecidit, & ibidem expiravit; nec dubium quin sic eum Dominus vocavit, sicut illud Scripturae dicentis: *Iustus quacumque morte praecipuus fuerit in refrigerio erit.* Ut autem de ipso breviter commemorem, vix aut nunquam manus ejus libro carebat: lectioni assidue deditus, exceptis illis horis quibus devotis insistebat precibus aut divinae contemplationi.

Eo tandem sepulto in Ecclesia beati Laurentii in Leodio, cum secundum scita Canonum deberet fieri successoris electio in Capitulo Valciodorensi, & ad hoc agendum esset dies assignata, praeripuerunt diem ipsum quidam de nostris novitatum amatores, & dominum WALCHERUM tunc Cantorem, Halsteriensibus Fratribus non vocatis, quibusdam etiam de nostris abeuntibus, Capitulum intrantes in Abbatem nominaverunt. Quod cum videret fieri dominus WALTERUS Prior de Rononia, ausus eorum non ferens damnavit factum, ipsumque electum & electores suos denunciavit excommunicatos. Quod cum domino HUGONI Episcopo Leodiensi fuisset intimatum, pro nihilo ducens processum, aususque temerarios praedictorum, & sententiam à Priore in eos latam confestim firmavit. Ipsi vero festinantes ad Metensem accedentes Episcopum, cum non esset qui resisteret, multa precum instantia donum Abbatiae obtinuerunt. Igitur investito domino WALCHERO dono & honore Abbatiae, rediit cum suis concito gradu ad Valciodorenses. Cumque ipse & sui eis qui sibi contrarii fuerant expulsionem, & multa alia gravia minarentur, dominus WARNERUS Praepositus assumpto secum magistro Scholae JOHANNI nomine, & GERARDO Monacho Halsterienti adiit Leodiensem Episcopum, qui tunc in castro Hoyensi sanguine minutus erat, & conquestus ei insolentiam D. Walcheri & sociorum ejus. His auditis Episcopus praecipit dictis Fratribus Joanni & Gerardo dictorum non curare audaciam, sed ut redirent ad domos suas, & convocatis utriusque domus Fratribus qui non consenserant praesumptioni dictorum, in Capitulo Valciodorensi jamdictum Varnerum

Praepositum in Abbatem eligerent, & electum sine mora sibi benedicendum praesentarent. His memorati Fratres auditis cum laetitia magna reversi sunt, omnia sicut eis fuerat imperatum implentes. Sed dominus Valcherus hanc confusionem suam non ferens, de nocte cum suis omnibus fugitivus abscessit, absconditis omnium campanarum batallis. Hoc cum factum fuisset sequuta sunt damna hujus Ecclesiae gravia & importabilia, adeo quod multi dicerent domum Valciodorensis de cetero non esse recuperandam: sed Dominus qui malis omnibus novit finem imponere, hoc modo finem imposuit. Obtinuit enim dominus WARNERUS assensu utriusque Episcopi Abbatiam, concessa domno Walchero toto tempore vitae suae curte de Hoyâ cum omnibus pertinentiis suis.

Dominus vero WARNERUS tam strenuus fuit in administratione sua, quam efficaciter congregata conservaverit, quamque prudenter dispersa congregaverit sequens sermo declarabit. Videns itaque domum suam multis & gravibus debitis oppressam, possessionum etiam non modicam partem invaditam, cepit debita singula minute & paulatim annullare, ita ut infra septennium omnia quae domus debebat solveret debita, & infra aliud septennium quod supervixit multa acquireret, necnon & praebendas Fratrum adeo melioravit, ut ipsis assignaret quadraginta librarum valorem ultra quam Fratres accipere consueverant. Ipse etiam interfuit Concilio Lateranensi quod celebravit dominus INNOCENTIUS Papa cum septingentis Patriarchis, Archiepiscopis & Episcopis, necnon & multis Ecclesiasticis personis diversorum Ordinum. Acquisivit in tempore suo maximam partem decimae de Genidâ. Obtinuit praeterea litteras confirmationis à domino HUGONE Episcopo Leodiensi medietatem decimae de Nuhayâ, quam acquisierat à PETRO Comite Antifiodorensi & IOLENDE uxore sua, qui tunc Comitatum Namurcensem tenebat. His & aliis piis operibus deditus, gravi morbo cum laborasset à die qua reversus fuerat à Romanâ Curia, omnibus Ecclesiasticis sacramentis circa eum peractis obdormivit in Domino.

Quo de medio facto dominus WALCHERUS in pace successit; cujus tempore multa praeclara opera in hoc Monasterio facta sunt, videlicet porticus à majori Ecclesia usque ad parochiam; & super turrim tectum lapideum, quod procuravit censibus suis Frater Balduinus de Hiemvalle Sacerdos & Monachus noster, cum quibusdam aliis quae antea jam procuraverat, videlicet vitrea fenestra retro majus altare, cappâ etiam de sameto optimâ, mensaque auro & argento decoratâ, cum cruce & textu Evangeliorum: qui Monachus cum hac omnia faceret, sanctae paupertatis amator in magnâ inopia victus & vestitus seipsum confringebat. Acquisivit etiam ad curtem de Fecheit terrâ optimâ non modicum, quam prius domus ista non habebat. His & hujusmodi bonis operibus deditus cursum vitae suae totum explevit, non tamen obiit tempore domni Walcheri, sed domni HENRICI qui post eum tertius successit.

Dominus igitur Walcherus cum ad regimen hujus loci noviter accessisset, occurrerunt ei multa gravia scandala propter accidentia quadam. Nam PHILIPPUS Comes Namurcensis, hujus loci primus, frater videlicet nobilis ELISABETH Reginae Francorum, & BALDUINI Flandrensis & Haionensis Comitis postea Imperatoris Constantinopolitani, diem clausit extremum: qui moriens Ecclesiae S. Albini in Namurco, ubi ipse seipsum disponebat tumulari, partem illam decimae de Nuhayâ, quam dominus Warnerus

nerus

nerus Abbas à PETRO Antifiodorensi Comite & uxore suâ IOLENDE sorore illius Philippi de quo sermo est, acquisierat; delegavit. Sed quia dominus Warnerus jam sibi eam fecerat confirmari à domino HUGONE Leodiensi Episcopo, obtinuit eam dominus Walcherus multis & gravibus damnis huic Ecclesiæ irrogatis; cuius acquisitionis & retentionis labor totus incubuit in fratrem Alardum Sacerdotem & Monachum nostrum; tunc temporis Præpositum, filium Anselmi quondam villici hujus villæ.

Sequitur aliud grande gravamen, siquidem Frater Alardus, dictus de . . . . . tunc temporis Camerarii officium administrabat, qui cum propter census paucos, quos apud Counig & Peio habebat, ad partes illas devenisset, rogavit eum quidam Presbyter Nicolaus nomine, ut ad villam de Daillies secum accederet visitandi gratiâ parochianum suum gravi detentum infirmitate, nomine GONSELINUM; qui cum simul ibidem accessissent, cœperunt diligenter secum agere de salute animæ suæ, & etiam de ordinatione rerum suarum; non enim filios habebat nec heredes. Quorum verbis æger diligenter intendens & devotè, nullius expectavit consilium, imò sicut & à Spiritu sancto inspiratum fuerat, se & suam in manus dicti Alardi Deo & beatæ Mariæ semper Virgini contulit, & accessit Abbate conversus factus paucis postea supervixit diebus. De cuius hereditate & rebus calumnias graves & longas sustinuit Ecclesia; tam contrâ virum nobilem dominum ROGERUM Militem dominum Cimacensem, quàm contrâ cognatos & propinquos ejus de quo sermo est. Tamen modò divinâ misericordiâ disponente & in melius semper negotium promovente, quidquid dictus GONSELINUS habuit nunc in pace possidemus.

Per omne tempus quo hæc agebantur dominus Walcherus Abbas gravi morbo laborabat, quo nunquam caruit à die promotionis suæ usque ad diem obitus sui. Morbus autem iste sibi faciem deturpavit undecim annis quibus Abbatix præfuit, ut gravis esset ad videndum etiam his qui intimo cordis affectu eum diligebant. Non tamen causâ infirmitatis hujus caruit Angelicâ voce, qua præ ceteris omnibus Regularibus personis in partibus istis præminabat. Ipse quidquid habemus in Daillies refectio Fratrū, elemosinis pauperum in Cœnâ Domini, luminaribus Ecclesiæ, non obstantibus sumptibus quos inde fecerat, nobis benignè contulit, & quadraginta solidos ad decimam de Gerin in anniversario Comitum PHILIPPI Namurcensis primi nobis delegavit, quod anniversarium facimus cum anniversario domini THEODORICI Advocati, pro quo habemus ad Ginovagium suum quadraginta solidos alborum.

Quibus omnibus ut prælibatum est diligenter ordinatis, prædictus dominus Abbas ingravescente infirmitate suâ videns nec posse præesse, quibus prodesse non poterat, resignavit in manum domini HUGONIS Leodiensis Episcopi Abbatiam in die S. Andree Apostoli; cui Episcopus mansione, Capellano & servitore delegato, cum omni humanitate redditibus assignatis prospectum iri decrevit; nec tamen ad præsens de Abbate ordinando ita fuit ab eo dispositum ut decuit: unde sicut rei probavit eventus jurgia, rixæ, damna plurima nobis contigerunt. Interim accidit quoddam dominus Hugo memoratus Episcopus viam universæ carnis ingressus, finem vitæ præsentis acciperet. Post cuius obitum Magister

Hugo sancti Pauli in Leodio Canonicus expectans quadraginta diebus in die sancti Marci Evangelistæ (illa enim die debebat electio fieri) assumpto secum cognato suo domino JOANNE Boutou cum universis Monachis Hasteriensibus venit in Conventum Claustrum apud Valciodorum, & vocato ibi domino Joanne tunc temporis Priore, & Alardo Præposito, & etiam Magistro Pontio Clerico Dionensi, toto Conventu nostro in cryptâ residente, & reditum prædictorum præstolante: præceperat enim Prior ne quis donec rediret, cryptam egrederetur. Magister Hugo exhibitis ibidem litteris Archiepiscopi Colonienfis & recitatis, in quibus continebatur quoddam jurisdictio ordinandi Abbatis ad eum devoluta erat auctoritate cujusdam constitutionis Innocentii Papæ; nominari prædictum cognatum suum JOANNEM per quemdam Robodonem in Abbatem fecit. Quo audito Prior Joannes innuit magistro Pontio, & ipse protinus in vocem prorupit appellationis. Prior verbò convocatis omnibus Fratribus, indicavit eis quid actum fuisset. Qui irruentes in Claustrum cum tumultu antequàm Hasterienses ingredi possent Ecclesiam, turpiter eos de Claustris ejecerunt, & intrantes Capitulum domnum Henricum de Gran in Abbatem elegerunt, & hymnum *Te Deum* decantando ad Ecclesiam deduxerunt. Quæ omnia processu temporis dominus OTTO Apostolicæ Sedis Legatus utriusque loci paci consulens irrita esse judicavit, & magistrum NICOLAUM sancti Vitoni Viridunensis Monachum, præmissa Fratrum utriusque loci concordie electione, Abbatem constituit. Eo igitur suscepto, paucis postea evolutis diebus dominus WALCHERUS vitam finivit Calendis Aprilis, vir per omnia laudabilis, cuius memoria apud nos in benedictione est.

At memoratus Abbas NICOLAUS cum anno itno & nescio quot mensibus præfuisset, videns sibi pro voto res non cedere, recessit ad locum unde venerat, & per Gerardum Monachum Hasteriensem missis ad nos litteris sigillo suo impressis absolvit nos ab obedientia & subjectione quâ tenebāmur; remittens Abbatix & curæ pastorali, quod etiam Episcopo Leodiensi domino JOANNI litteris suis patentibus intimare curavit. Jam sicut dicere cœpimus rebus in pace compositis, Fratribusque utriusque loci invicem se amicabiliter habentibus de instituendo Abbate, in commune ab utroque sic fuit ordinatum. Compromiserunt enim ab una parte Valciodorenfes in domnum JOANNEM Priorem suum, Hasterienses verbò in CLEMENTEM Monachum, & in dominum JOANNEM Episcopum Leodiensem ex alia. Quod tamen eâ pace quâ decuisset tunc fieri non potuit, Hasteriensibus semper toto nisu agentibus ut dominus Joannes, de quo superius mentio facta est, iterum Abbas ordinaretur. Sed dictus Episcopus & magister Hugo hoc non debere fieri arbitantes, positus in Castro Hoyensi coram eis dicto Priore & Clemente Monacho, die condictâ domnum HENRICUM in Abbatem eligi consenserunt; quod & factum est, qui etiam nunc nobis præest feliciter tredecimum agens annum: in quo dierum spatium suâ industrâ adificatum est Claustrum novum valde decorum, grangia nova tecto parietibus tota lapidea, & super portam littus Mosæ respicientem. Aliam domum segetibus reponendis idoneam ad curtem de Lemna, novam domum quam Bovile vocant ad aliam curtem, quæ Froimont dicitur. Horreum optimum & tres alias domos novas.

XVIII. Abb.  
Nicolaus.

XIX. Abbas  
Henricus.



# MONITUM.

**C**HRONICI LAUBIENSIS vel LOBIENSIS Auctor non ignobilis FULCUINUS (aliis Folquinus, & Volquinus) ejusdem Asceterii Abbas inscribitur initio codicis scripti, unde apographum exscripsit Sub-Prior Lobienſis Religioſiſſimus D. Gregorius Sergent, & ad me tranſmiſit idem qui ſuprà R. P. Simon Guillemot; unà cum ſerie Abbatum Fulcurno poſteriorum, ſeu cum Continuatione Excerptiſue ex veteribus monumentis ac ex variis Scriptoribus Abbatia Lobienſis, quorum ſtilum recens Auctor mutaffe ſe ſeu perpoliſſe, emendaſſeque Chronologiam plaribus in locis atteſtatur. Sed utinam ea plana, integra, nuda reliquiſſet: de literis dubio procul optime meruiſſet. Namque in ejuſmodi veteribus ſcriptis haud elegantia verborum, vel eloquentia quaeritur, ſed res ipſae appetuntur, ponderantur, excipiuntur: quin è mendis etiam atque ex incultis & obſoletis vocibus ſapius veritas eruitur, & obſcura identidem elucidantur.

Fulcuinum variis encomiis ornant: Sigibertus de Scriptoribus Eccleſiaſticis cap. 136. Fulcuinus Abbas Lobienſis ſcripſit Geſta Abbatum Lobienſium, ſubintroducens per digreſſionem plura legentibus utilia. Auctor libelli de geſtis Abbatum Gemblacenſium agens de Erluini Abbatſ nece: Quod quidem Fulcuinus Abbas non tacuit in Libello quem de Geſtis Abbatum Lobienſium ſcripſit, &c. Trithemius l. 2. de Viris illuſtribus Ord. S. Benediſti cap. 60. Volquinus Abbas Lobienſis, in divinis Scripturis valde ſtudioſus & doctus, ſæcularis quoque eruditionis non ignarus; ingenio promptus & clarus eloquio, cognitor temporum inſignis: Scripſit petentibus Fratribus Geſta Lobienſium Abbatum: in quo volumine per digreſſionem multa inſeruit quæ legentibus jucunda ſint & utilia. Sermones quoque & homilias plures edidit, in quibus abundantem ingenii ſui venam oſtendit, & alia quæ ad me non venerunt. Aubertus Miræus ad præſatū Sigiberti cap. 136. Fulcuinus ſive Folcuinus ſcripſit Chronicon Lobienſe, ſive Geſta Abbatum Lobienſium, quæ MSS. exiſtant Lobiis, Tornaci in Collegio S. J. Gemblaci, & alibi.

Obſervandum verò eſt nonnulla in Appendice ſive Continuatione Lobienſi, oſeitantia vel tædio librariorum (quæ nihili pependere, etſi ponderis ſint alicujus) expuncta fuiſſe; eaque cum in apographo noſtro deſiderarentur, ſuppleri à nobis non potuiſſe.

## G E S T A A B B A T U M L O B I E N S I U M, O R D I N I S S A N C T I B E N E D I C T I. A U C T O R E F U L C U I N O A B B A T E.

### P R O L O G U S.

**D**IU ab antiquis quaquā verſum quis poterat quaſtione ventilatā, tandem omnium tam Philoſophorum, quā ſpiritualium Patrum animis ſedit ſententia, nobiſque inviolabiliter tenendam mandarunt, non fortuitis mundum volvi caſibus, ſed ad nutum præſidentis, & creatricis, omnipotentisquæ Deitatis cuncta regi per providentiam, ſecundū ineffabilem diſpoſitionis ſuæ ordinationem, antequā quidquā proderet in tempore. Viſ enim Deitatis omnipotentiffima, cuique quod eſt eſſe perfectum eſt, rerum formas per principales quaſdam materias penes ſe ſemper perfectas habuit; ſed quando voluit, & ubi voluit, & quomodo voluit nobis viſibiles fecit; nec ei ut Creator eſſet acceſſit; quippe cum tempora eo ordinante cœperint, & ipſe in tempore cuncta ordinaverit, ut qui meritō creditur Creator, teneretur & diſpenſator. Tempora quippe diebus & numeris conſtant; & quando legimus aut audimus, illo vel illo die fecit Deus hoc vel illud, tempus utique vel numerum intelligimus. Ergo Deus creator eſt temporum, cum & ipſe antiquior ſit tempore, cujus creator eſt, & cuncta creaverit in tempore, fecit quidem & ipſa tempora diſſonā inter ſe parilitate diſjuncta, ſed ad nutum ſuum invicem convenientia, ut non confundatur quæ putantur conſula, ſed potiùs alternatim ſibi congruentia, ordinatam quādam rempublicam faciant & perfectam.

Ipſa quoque quibus ſubſtitimus elementa ſibi invicem contraria, in unius corporis habitudinem ita gratā parilitate conveniunt, ut diſcrepantia non diſcrepent, imò ſi unum alteri demſeris, hominem ſi-

mul interimas. Temporalis quoque motionis ſimilis cauſa eſt : quid enim magis contrarium , quàm nox diei , tenebræ luci ? *Æſtas* quoque hyemi , hyems æſtati repugnat. Veri quoque autumnus ; autumnus ver contrarium eſt. Quis enim in hyeme cancri ardorem , & dies caniculares expertus eſt ? Aut quis æſtate nive campos albefeſcere , flumina glacie vidit diſtendi ? ſic quoque nemo unquam in vere multa præguſtavit , aut racemis uſus eſt , cum ipſa quoque herbarum ſeu florum diverſa genera , quibus ver ornatur & gaudet , autumnus tempore languida marceſcant. Hæc autem ordinatè venientia , & loco ſuo poſita annuum perficiunt ; quæ ſi confunderentur , chaos quoddam & importabile tempus potius videretur , quàm annus. Hanc autem rerum cauſam mutabilem immutabilis ratio continet , apud quam non eſt novum quod recens nobis apparet , & cui non variantur , quæ nobis variabilia eſſe videntur : ita ordinans cuncta , ut etiam quæ putantur mala , non ſint inordinata. Summa ergo & principalis , imò ſola rerum cauſa voluntas Dei eſt ; unde & canimus , *Omnia quacumque voluit fecit Dominus* ; nec quidquam foris agitur , niſi quod de internâ Imperatoris aulâ aut jubeatur , aut permittatur , ſive ad quorundam utilitatem , ſive ad occulti juſtique judicii ſui ultionem. Quis enim plus diligit , quàm ille qui fecit ? Porro quis ordinatius regit , quàm ille qui fecit , & diligit ? Ergo non poteſt quidquam ultra citrave progredi niſi cum voluntate Domini , ſalvo cum gratiâ Dei dono hominibus dato liberi arbitrii.

De Regnorum quoque ſucceſſionibus , ſeu permutationibus , quas vel audivimus , vel vidimus , non multum mirandum. *Ipfius eſt enim* , ut ait Pſalmiſta , *regnum & ipſe dominabitur gentium*. Et ſicut Nabuchodonſor ſenſit , cuiſcumque voluerit dabit illud ; nam quando voluit Regna ſtatuit , & quando voluit mutavit. Teſtatur hoc antiquiſſimum Aſſyriorum Regnum , quod poſtea ad Medos , & ad Perſas tranſlatum , regnandi finem fecit ; inde ad Macedones , quos multo ſanguine ſibi acquiſivit Alexander ille , quem Daniel vel æs in ſtatuâ , vel pardum in viſione nominat , magnus utique , magnus ille gurgis miſeriarum ; ad poſtremum Romanis , terrâ & mari tranſactis copiis præſtantibus , non ſine nutu Dei ceſſit imperium. Et de regnis quidem ſic hætenus habetur , licet Francorum ſubinde accreverit Imperium , quod quia ſe Romanis arcibus frequenti & proſpero ſucceſſu , & manu militari , quo delectu optimè abundat , infuderit , idque acquiſierit faſtigium , in Romanâ tamen republicâ eſt connumerandum : nam & eadem gens Romanis quâdam civilitate conjungitur , cum uterque populus à Trojâ , illi *Æneâ* ſigna ſequuti , iſti Antenore Duce per Illyricos ſinus ad Meotidas paludes progreſſi , propter nimiam mentis ferocitatem Franci ſortiti ſunt nomen , qui Gallias demum occupantes , & cæteris id locorum formidabiles , idolagiam in Chriſti tyrocinium commutaverunt. Nam Rex eorum Clodoveus per ſanctum Remigium Chriſti gratiam baptiſmate adeptus , gentem ſuam Chriſtianam effecit. Nec diſtulit Rex Regum Chriſtus donativum dare ſibi militantibus ; nam proſexit eos regnis , auxit ſucceſſoribus ſecundis. Inde ad Clodoveos , Clotharios , & Dagobertos , felix illa & hereditaria permanſit ſucceſſio. Et quare non maneret , quam ſapientia Dei , quæ ait ; *Fer me Reges regnant* , hinc firmabat , æquitate & juſtiâ roborabat ? Teſtantur hoc Episcopia vel Monasteria ante id temporis diruta , aut nulla , quæ abhinc aut rediviva pullularunt , aut novis auspiciis inchoarunt : quæ ſi ſcriberemus ſingula , deſiceret nobis pagina , præſertim cum nec hoc propoſuimus ; ſufficit ut de noſtro dicamus , & quia de loco dicendum eſt ; ſitum dicamus ejus de quo dicendum eſt.

Pſal. 21. 31.

# FULCUINUS ABBAS

## DE GESTIS

### ABBATUM LOBIENSIIUM.

#### CAPUT PRIMUM.

*Etymologia nominis Lobienſis : & fundatio Monasterii per ſanctum LANDELINUM.*

**E**ſt locus ubi intrâ terminos pagi , quem veteres à loco ubi ſuperſtitioſa gentilitas fanum Marti ſacraverat Fanomartenſe dixerunt ; juniores à nomine præterfluentis fluvii Hainou vocaverunt , & pago Sambrino Sambrâ fluens blândâ & amœnâ ripa decurrit , quæ hinc inde prominentibus collibus planities quædam , & nemorum opacitas , & oportunitas loci gratiſſimum reddit ; in quo loco rivulus delabitur in Sambram , quem Laubacum vocant , eundemque putant nomen loco dediſſe ; licet ſint aliqui qui pro oportunitate capiendarum ferarum ( undique enim ſaltu cingitur , vicinaque erat Liptinas fiſco tunc regio , ) & priſco nomine permanente Foreſtis adhuc dicitur , eo quod Rex pergens venatum , ibi ſibi fieri juſſerat obumbraculum ad temperandum ſolis æſtutem , quod Lobiam vocant. Inde putant locum dictum nomine permanente , rivulumque à loco , non locum à rivulo nomen traxiſſe , quod videtur magis veriſimile eſſe. Teutones hoc ad-

Tom. II.

ſtipulare videntur. Nam locus ille eorum linguâ , *Lobach* dicitur ; & *Lo* quidem vocant obumbrationem nemorum , *Bach* autem rivum ; quæ duò ſi componantur , faciunt , *Obumbraculi rivum*. Erat autem locus parandis inſidiis , & latrocinantibus aptus ; nam ſicut dictum eſt , cinctus eſt ſylvis , & exaſperatus ſcopulis ; unde & perpetrato ſcelere non inveniebatur hoſtis.

Tali ergo oportunitate captatâ **MOROSUS** quidam , vir hujus artis & operis , tali in loco latrociniiſ inſiſtebat tempore quo à Clodoveo ſeptimus Lotharius agebat in ſceptris ; qui cum minimis ſcleribus non ulquequaque contentus , grandiora quæque moliretur & ageret : tandem miſerante ſuper his Domino , per ſanctum **AUTBERUM** Cameracenſem Episcopum , ( nam parochia eſt ipſius Eccleſiæ terminus , licet huculque & Leodiienſis protenditur ) de Moroſo in **LANDELINUM** converſus , ſecundus de Saulo factus eſt Paulus , & finem vitiiſ dedit , & locum ſacris ſtudiis initiavit , ut quem commaculaverat vitiiſ , dedicaret virtutibus , & ubi ſuperabundarat peccatum , ſuperabundaret & gratia , ſicut ait Apoſtolus. In quo loco & Eccleſiam ſibi pro tempore conſtituens , deſtebat quibus antea obſtebatur ; manuum labore victum quærens , laſciviamque carniſ jejuniis & vigiliis domans , & exercebatur ſummio mentis conamine in his quæ ſunt Dei , ut omnes mirarentur videntes commutationem dexteræ Excelſi. Taiſibus igitur exercitiis , pluribus ad id ſtudii confluentibus ſpeculum factus eſt ; ſicque Leobienſis Cœnobii fundator exſtitit primus : ſed præordinatio , de quâ præpoſuimus , Dei , qui non omnibus judicia ſua manifeſtat , *Judicia enim tua* , ait Pſalmiſta , *abyſſus multa* , voluit beatum

Rom. 5. 10.

Z Z z z ij



Landelinum Lobii demigrare, ut alteri quandoque subsequuturo locus vacaret, ne utique super alterius fundamentum ædificia strueret, & detrimentum pateretur, aut ne merita tanta duorum unius loci angustia artarentur. His fortè præcius beatus LANDELINUS Lobii demigrans, Crispinium petiit.

## CAPUT II.

*Sanctus URSMARUS suscipit Monasterium Lobienſe regendum; & de ejus mirabili natiuitate.*

**N**Ec defuerunt adjuutores & cooperatores in prædicti loci augmentatione quamplures, licet nomina eorum exciderint, temporibus Clotharii filii Clodovei, qui regnavit annis iv. sed & fratrum ejus Hildrici scilicet Regis Austrasiorum, & Theodorici, quem Pippinus debellavit in Textricio, sibi que subjugavit, sub seque regnum finire permisit, post annum regni ipsius Theodorici decimum octavum, Clodovei quoque filii Theodorici, qui regnavit annis duobus, sed & fratris ejus Childeberti cognomento Justi qui regnavit annis septem, necnon & Dagoberti filii ejusdem Childeberti, qui regnavit annis quinque, qui omnes regnaverunt sub præfato Principe, regni tantum eis nomine manente. Quo in tempore, secundum quod in Actibus Apostolorum, in Aliam volentes ire Discipuli, prohibiti sunt à spiritu Domini, servabatur enim Joanni. Beatus URSMARUS virtutum exercitiis omnibus clarus, cui Lobias Apostolatûs locum designaverat Dominus, à Pippino jam dicto Principe evocatus, idem Monasterium regendum suscepit per Hildulfi interventum, qui erat unus de Proceribus Regni majoribus; cujus indicia meritorum fuerunt puer ille & panis matri in oromate præmonstratus, & scanſio illa beatæ scalæ à terrâ cælo tenus; quæ omnia quantum beato viro congruunt, ex actibus ejus cognoscimus. Nec sine quodam præſagio tale sortitus est nomen. Ursmarus enim ex duobus usitatis Galliæ loquutionum generibus, Latinâ videlicet quam usurpantes vitiant, & Teutonicâ, ursus dicitur; congruum planè beato viro vocabulum. Ursus enim, aiunt, partum informem linguâ lambere, & quod naturæ minus est, officio linguæ supplere; sic & ille beatus vir carnales quosque, & solum ea quæ carnis sunt sapientes prædicando, ad formam sui reduxit principii; parturiens semper Domino de filiis iræ, populum acquisitionis, ut cum Apostolo diceret; *Filioli mei quos iterum parturio, donec formetur Christus in vobis.* Mentior, si hæc ejus exercitia ad nostri temporis faciem non usque decurrerunt: nam ut prætermittam eos quos aut vivâ voce instruxit, aut vicinitate temporis per eos qui audierant eum vel viderant, sibi in plurimis inimitabiles fecit; nam adæquari ei in omnibus difficillimum fuit: nos, in quos fines sæculorum devenerunt, licet in nobis nullum Patroni specimen reluceat ingenii, id ipsum quantumcumque sumus, ejus contemamus patrocinio. Nam signaculum Apostolatûs ejus nos quoque sumus in Domino. Famosum ante eum esse non magnopere nostrum est commendare; scit hoc magna pars Galliæ, sciunt & hi quos variis infirmitatibus vexatos sanos reddit quotidie.

## CAPUT III.

*Cur sanctus URSMARUS dicatur Episcopus.*

**Q**Uare autem eum Episcopum fuisse dicimus, sæpe à nobis quaesitum est; nam textus descriptionis ipsius vitæ Episcopum eum fuisse docet, locum autem, vel tempora ordinationis ejus, vel à

quibus ordinatus sit, omni modo silet, sed & in chartis sub ejus tempore factis, ac perantiquis membranarum petatiolis, quæ continentur in Ecclesiæ nostræ archivis, inscriptum eum invenimus sub nomine Episcopi & Pontificis. Varia de hoc est seniorum nostrorum relatio, dicentibus quibusdam, quoddam prædicandi gratiâ, ut competebat tunc rudimentis novellæ fidei, ad compescendos superfluos ritus gentis barbaricæ Episcopus fuerit ordinatus; quod factum quoque de sancto Amando legimus. Quibusdam dignitatem hanc loco tribuentibus, opinionemque suam ratione quâdam tuentibus; quoddam videlicet locus Regius, Regiâ munificentia contructus, Regio, ut dictum est, palatio contiguus, scilicet Liptinis nulli committeretur, nisi prius ordinatus esset Episcopus; quam dignitatem & in plerisque successorum ejus durasse, in subsequentibus dicemus. Quid horum verius sit, lectoris arbitrio committimus, nec in utramvis partem sancto viro derogamus, dum quidquid horum sit, cum fuisse Episcopum non denegamus.

## CAPUT IV.

*S. URSMARUS fidem Christi annuntiat in Flandriâ, & in aliis Gallia partibus: & quadam ejus virtutes.*

**I**gitur in exordio regiminis sui Ecclesiam, quæ ante id temporis erat inconsecrata, consecravit, dedicans illam Domino in honore Principis Apostolorum Petri, simulque doctoris Gentium Pauli, & omnium Apostolorum Christi; cumulans templum donis, & altare multiplicibus Sanctorum patrociniiis. Facta est autem hæc dedicatio anno qui est sexcentisim nonagesimus septimus Dominicæ Incarnationis, decimo septimo Calendas Septembris; Domino in perpetuum regnante, Pippino autem Francis principante. Quam Ecclesiam nequaquam passus pollui cadaveribus mortuorum; fecit aliam in honore sanctæ MARIE in montis vertice, cui subjacet prædictum Monasterium; ubi cæmeterium constituit esse fidelium, & ad quam conflueret populus; nam illitus, ut nunc quoque, nisi certo tempore, apud aliam erat feminarum accessus. Monasterium quoque in Alnâ ipse construxit, & Lobii subjecit. Monasterium quoque dictum Waslare versus Teoracia saltum, in finibus Fanix ædificavit; cui & Dodonem præfecit, virum admodum sanctum, ut pote à se instructum; qui aliquantisper inibi demoratus, eremum concupivit, extructaque in eodem Fanix saltu cellulâ, cum permisso pii Patris & licentiâ, vitâ vixit in eâ theoricâ; ubi postea multis virtutibus clarus migravit ad Dominum; corpus autem ejus translatus est ad Monasterium Waslare dictum, ubi nunc requiescit debitâ veneratione.

Sanctus autem URSMARUS, ut erat semper lucrandis animabus intentus, prædicandi gratiâ se Flandriæ intulit versus Menapum fines, qui ritu gentis adhuc detinebantur vanis superstitionibus; cujus doctrinâ ad fidem Christi conversi, non minimæ partis prædiorum suorum illum faciebant heredem, & eam quæ est in Lobii Ecclesiam Christi.

## CAPUT V.

*Obitus S. URSMARI; cui succedit S. ERMINUS.*

**B**eatus igitur URSMARUS virtutum omnium commercii plenus, officio sibi credito fideliter administrato, locoque prædictis Monasteriis regiâ munificentia constructis coæquato, solvitur carnis ergastulo, & cælesti introfertur paradiso, ubi nunc & semper nostri petimus memor, feliciter fruatur Do-

II. Abbas  
S. Erminus.

I. Abbas  
Ursmarus.

Galat. 4. 19.

697.

713.

mino. Obiit autem anno DCCXIII. Dominica Incarnationis, nobis in perpetuum Domino Deo regnante, & Pippino agente in ſcepſtris: qui antequam decederet fractus longâ moleſtiâ, ſe vivo ſanctum ERMINUM ſucceſſorem ſibi ſubſtituerat, in quem familiaritate quâdam ſpeciali ſe totum transfuderat, ut pote in dilectum heredem, & gratiſſimum ſucceſſorem.

Subſtitutus igitur ERMINUS, Magiſtrum cœpit æmulari, ut ſi ſecundum Pythagoricorum narrationem, migrationem animarum in alternis corporibus fas eſſet credere, eundem ipſum crederetur repræſentare. Superſedendum erit ſi cuncta velimus dicere, quàm aſſiduus in loci augmentatione, quàm cautus fuerit in commiſſâ ſibi paſtoralitate, maximè cum deſcriptio vitæ ejus dicat de eis ſatis abundè. Habuit etiam & cooperatores, ſive ſucceſſores ejuſdem loci gubernatores, & Coabbates, ſanctum utique Abel Scottum genere, & ſanctum Wlgiſum Episcopum, & Dominum Amulguinum æque Episcopum; qui utrum ſibi viciffim ſucceſſerint, an Sancto Ermino ſpiritualibus occupato rebus locum in commune tractaverint, nihil certi reliquit antiquitas. Non tacuit tamen locum Bobienſem eos & tenuiſſe, & gubernariſſe; ſed & pro oportunitate temporum locum melioraſſe. Rexit autem ſanctus Erminus idem Monasterium ſub præfato Principe Pippino tribus annis, & ſub Carolo ejuſdem Pippini filio ſimiliter ſeniore & Duce viginti duobus annis, ſicque expletis in regimine viginti quinque annis, participatus eſt gloriæ magiſtri, decedens octavo Calendas Maii.

## CAPUT VI.

De THEODUINO Abbate.

III. Abbas S. Theoduinus.

POſt quem exſtitit THEODUINUS Abbas; ſub quo, Karlomanno Majore-domûs concedente, villam Fontanas, quàm Sambra alluit, Eccleſia noſtra habere meruit, in cujus traditionis chartâ ſic ſubſcriptum eſt: *Actum Liprinas villâ publicâ, quo facit Februarius dies ſex: anno ſecundo regnante HILDERICO.* Et in ſtipulatione, *ſignum*, inquit, KARLOMANNI Majoris-domûs, qui hanc donationem fecit firmavitque. Is ſane eſt Karlomannus Pippini frater qui relinquens operoſam Regni adminiſtrationem, primum Romæ Clericus factus in Soracte monte Monasterium ædificavit, poſtea apud ſanctum Benedictum in Caſſino monte Monachus effectus eſt. HILDERICUM enim Regem ſuprà nominatum ſub Pippino regnaſſe tradunt hiſtoriæ, quæ & ipſum teſtantur poſtea juffu Zachariæ Papæ attonſum, & in Monasterium retruſum; indeque Monarchiam regni Bonifacio Archiepiſ. opo conſecrante Pippino ceſſiſſe.

## CAPUT VII.

De S. ABLE Archiepiſcopo Remenſi, &amp; S. WLGISO Episcopopo.

DE ABLE quoque ſuprà nominato tale quid comperimus. Remis nuper cum fuiſſemus, & cum viro venerabili, & illarum partium eruditiffimo ADALBERONE Archiepiſcopo confabularemur; inquirentibus nobis originem ejuſdem urbis, & in eâ Episcoporum ſucceſſiones; prolatis ejuſdem civitatis Pontificalibus geſtis pro oportunitate temporis ſatiſfecit. In quibus videlicet geſtis inventum eſt, quod in eadem civitate Abel quidam fuerit Episcopopus, qui in eâ plura vel acquiſierit, vel ordinaverit; finis verò ejus quis fuerit Scriptor geſtorum ejus aut nescivit, aut omnino tacere voluit: nos collatis undecumque numeris, hunc eundem Abel

& noſtrum fuiſſe, & Scottum, & Episcopum, ſacili ratione probavimus; ſed quia ſcriptori ejus incertus exſtitit finis, longinquitas forſè fecit itineris, & viri religioſi voluntaria privatio, & amor patriæ cœleſtis. Dixit etiam Episcopopus ſuprà nominatus prædeceſſorum ſuorum ductam ulque ad ſe conſuetudinem, ut inter Miſſarum ſolemnia in eâ ſpeciali commemoratione defunctorum, quæ ſuprà diptyca dicitur, & in conſecratione Dominici corporis ſolemniſſe agitur, quotidie in aurem Presbyteri recitante ſilenter Subdiacono, omnium ipſius ſedis nomina ſcripto viritim recitentur Episcoporum; ſatiſque mirari ſe quidd in eâ commemoratione iſte non inveniatur: quod ut conjicimus idcirco actum eſt, ut ipſe vacanti ſedi jam antea Episcopopus juffus ſit aliquantiſper inſidere, at pro amore Dei voluntariâ ceſſione ſponte catalogum illum repudiaſſe; nam hæreticum illum in hoc non eſt credere, quod hæreticis non reſiſtere, idem penè ſit quod favere, & tot tantique viri tunc temporis non ſuerent tale quid ſerpere; quàm imò inditis ſcriptis publicis, ſive ad præcavendam, ſive ad conſutandam hæreſim liberâ inſequerentur auctoritate, Domino terribiliſſe intermitante: *Maledictus*, inquit, *qui prohibueris gladium ſuum à ſanguine.* Nec fieri potuit ut eos, quorum mente in cœlis erat converſatio, Urſmarum dico, & Erminum, nonnili imitaturus expeteret, cum ab ipſis recipi non potuit, niſi probatus, & ipſe antea in caſtris Dominicis fuerit exercitatus.

Sed & de S. WLGISO Episcopopo nihil ad nos præter parum perlatum eſt. Invenimus tamen in noſtris perantiquis Martyrologiis, quod dies natalicii ejus ſic annotatur: *Pridie Nonas Februarii in Lambaco Monasterio depoſitio S. Wlgiſi Episcopopi*: ſed & maſoleum in quo conditus jacet, in promptu eſt cernere.

## CAPUT VIII.

S. THEODULFUS Episcopopus ſit Abbas Lobienſis; &amp; ejus obitus.

THEODUINO igitur Abbati ſucceſſit S. THEODULFUS Episcopopus in proviſione prædicti loci, partim ſub PIPPINO præfato Principe, poſt facto Rege, novem verò annis ſub KARLO Rege, poſt verò Imperatore; regens illum non ſegniter, augmentans non mediocriter. Sub ejus enim tempore multa Eccleſiæ noſtræ prædia collata ſunt, quæ deſcriberentur, ſi non in promptu eſſent donationes, & chartæ legatariæ, & ipſe brevitati non ſtuderem. Obiit autem anno DCCCLXXVI. Dominica Incarnationis, die verò feſtivitatis S. Joannis Baptiſtæ.

## CAPUT IX.

De ANSONE Abbate; cui ſucceſſerunt HILDERICUS &amp; RAMNERICUS, atque FULRADUS.

ANſo hunc ſequitur in regimine, vir bonus & ſanctus, Abbas tantum non Episcopopus, regens idem Cœnobium ſub jam præfato domino Imperatore KARLO viginti quatuor annis. Erat autem idem Anſo & pro capacitate ingenii ſui literis ſtudens. Exſtat libellus vitæ ſancti Urſmari ad prædeceſſorem ejus Theodulfum Episcopum ab eo conſcriptus; item & ſancti Ermini alius, in quibus quidem veritas hiſtoriæ, quantum à ſimplicis eloquentiæ viro deſcribi potuit, amplectenda eſt, de conſuſione autem verborum dictorum non noſtrum eſt judicare, quæ illis tanta ineſt, ut incertum ſit, utrum ad inſinuanda quæ noverat minùs licet eruditè quantum ad ſæculares fuerit proclivis, an pro

Z Z Z Z ij

Jerem. 48. 10.

IV. Abbas S. Theodulfus.

776.

V. Abbas Anſo.

VI. Abbas  
Hildricus.  
VII. Abbas  
Ramnericus.  
VIII. Abbas  
Folradus.

excellentia gestorum sponte parvipenderit regulas artis. Et hic sub prefato obiit Karlo, eo quo idem Imperator factus est anno.

Post quem eandem Abbatiam usurpavit HILDRICUS Canonicus sub ipso Imperatore. Et post cum RAMNERICUS tempore Domni Hludovici Imperatoris. Deinde pervenit ad Dominum FOLRADUM piissimum Abbatem avunculum jamdicti Ramnerici, sub eodem Imperatore. Priorum tantum nomina, non gesta sciuntur; credo propter annorum paucitatem, aut commemorationem non multo utilem. Tertius quis fuerit, gesta docent; fuit enim multae nobilitatis & regiae affinitatis. Erat quippe Karlo ex patruo nepos, sicut elucet in pariete turris Ecclesiae S. Quintini in Augusta Virmandorum (nam id quoque Monasterium rexerat) sculptis, in hunc modum se habentibus:

*Cum denis lustris ternos minus inclitus annos  
Rex ageret KAROLUS, sceptrum tenendo pia:  
Rebus & humanis exemptus culmina regni  
Inqueret ingentis, Rex HLUDOVICUS, tibi:  
Condere cepit opus huius venerabilis Aula  
Abbas FOLRADUS nobilitate cluens.  
Namque huic Hieronymus Carolus pater exstitit illi,  
Qui propria specimen gentis ad alta tulit,  
Bella gerens, pacemque tuens, qui culmina Regni  
Ad prolem misit auxiliante Deo.*

## CAPUT X.

*Corpus S. URSMARI elevatur per FULRADUM  
Abbatem, & mors ejusdem.*

**H**is diebus lucernam suam Dominus, quam iustificando igniverat, ignitam beatificaverat, beatificatam miraculis clarificaverat, nolens diutius delitescere, sed ad maiorem venerationem cunctis hominibus propalare, praedicti Abbatis cor tetigit, & ut sancti & venerandi & cum omni amore nominandi Urmari corpus de sepulcro elevarer, accendit. Quae elevatio facta est iussu & permisso ejus qui tunc erat Cameracensis Episcopus, agentibus Clericis utriusque Ordinis, cum frequentia magna populari. Expletam itaque elevatione diem illam festivam duxere, nobisque & posteris celebrem esse sanxere. Facta est autem haec elevatio anno Domini octingentesimo vigesimo tertio; ab ipsius vero sancti, non dicam obitu, sed natalitio, quo verè cepit vivere in Christo, decimo post centum exacto. Abhinc ergo cepit beati viri celebris fama crebrescere, & confluentibus languentium turmis ad diversa sanitarum genera miraculis coruscare; quae multa praedecessorum nostrorum, seu ignavia, seu imperitia ad tempus jacuerunt, & studi aliterarum sunt praetermissa. Nos ea quae vidimus, aut audivimus excellentiora tantum notantes suis in locis ponemus, & hoc faciemus ordine servato, cum Deo donante ad nostri temporis faciem pervenerimus.

## CAPUT XI.

*De EGGARDO Abbate.*

IX. Abbas  
Eggardus.

**D**ecessit autem praedictus Abbas triennio post praefatam elevationem, relinquens post se EGGARDUM Abbatem, cujus tempore ordinatio prima facta est in Monasterio nostro, agente Theoderico Cameracensi Pontifice, adhuc Hludovico Imperatore superstiti.



## CAPUT XII.

*HARBERTUS Monachus Corbeiensis fit Abbas Lobienensis, sed ab Hucberto, Leo & Sanctis odibili, fugatur.*

**E**T hoc rebus humanis exempto, HARBERTUS de Corbeia Abbas adsciscitur, vir bonus & multum laudatus, & ob id ad hoc à supradicto Imperatore promotus. Erat enim religioni studens, & in construendis sive exornandis rebus operam dans. Testatur campana percelebris ejus iussu facta, & Ecclesiae nostrae donata, in qua sunt versus qui Abbatem & factorem, vel ad quid facta sit, quasi ipsa de se loquente hoc modo manifestant:

*Harberti imperio componor ab arte patroni,  
Nec Musis docta, en cantus modulabor amenos,  
Nocte dieque vigil depromam carmina Christo.*

Tentavit & idem Abbas aquae ductum à Foreste ducere, ardua montium sulcans ad competentem nutum ad usus molendinorum, sed perficere non potuit opus praeposterum & serò inchoatum. Nam pervasa est Abbatia illa hostiliter ab HUCBERTO, Deo & Sanctis odibili; qui ubi rerum summam potuit, expulso Harberto & Corbeiam reverso, omnem Abbatiam illic partitur in re militari, delegans victui Fratrum villulas, & eas parvi redditus, ut placuit delegatori. Efficitur ad haec uxoris, liberos procreans, & ad suae damnationis cumulum, nil sibi clericale, praeter tonsuram praerens; fuit enim tantae perversitatis (ut vulgò fertur) ut ipsam etiam Evangelicam virtutis maiestatem, quantum ad se non horruerit infamare, dicens illud, quod scriptum est à Domino dicente, *Omnis qui se exaltat humiliabitur, &c.* non constare, pro eo quod si ipse se tantum humiliaret, quantum exaltaverat, nunquam eum fuisse, ut tunc erat tam praedivitem, imò adjectissimum omnibus & vilem. O linguam particulatim concidendam, & canibus aut avibus projiciendam? Ignoravit forsitan miser, aut sciens misere delipuit, quod talis ut sua (licet permittente Deo) exaltatio, aeternalis sit casus & abjectio: sicut imprecatur vel potius propheta David in psalmo: *Deus meus, inquit, pone illos ut rotam, & sicut stipulam ante faciem venti.* Rotam quippe videmus in altum inferius elevari, sed inante corruere, & unde hinc habet ascensum, inde ibi patitur casum. Stipula autem quo altius vento raptatur, eo gravius mergitur. Expertus est & ipse in se Dei super hoc vindictam; nam ipsa die quae haec navisabat, vel latrabat, confligens in acie cum CONRADO Raticarum vel Jurensium partium Duce, primum lingua blasphemam transfossus, ad ultimum interfectus est, & hunc quidem necis finem blasphemus habere dignus fuit. Fuit autem hic tempore quatuor fratrum Regum de regno Francorum concertantium, vel tempore CLOTHARII Imperatoris qui patrem domnum LUDOWICUM in carcerem retruserat, & postea Prumio Monasterio Monachus factus est.

## CAPUT XIII.

*LOTHARIUS Rex, à quo Lotharingia, suscipit Monasterium Lobienense regendum.*

**J**am verò postea à HIOTARIO Rege filio jam dicti Imperatoris cepit idem locus reparari, & per JOANNEM Cameracensem Episcopum, vel Hugonem quemdam tam possessionibus quam & habitatoribus per ejusdem Regis iussum non mediocriter redintegrari. Is sanè ille est HIOTARIUS qui pro Regina repudiata, & Waldrada superducta, Romae fuerat excommunicatus, quae petente & Rege con-

X. Abbas  
Harbertus.

Psal. 82. 14.

cedente, hunc Hun dictum Ecclesia nostra meruit habere: erant autem ibi ædificia quamplura, ob quæ ibi illa plurimum morabatur, visitante se Rege copulâ illicitâ. Quarto decimo igitur regni sui anno reditus villarum nostrarum describere iussit, quod Polyptychum vocant; facta est autem hæc descriptio à JOANNE Episcopo prænominato.

CAPUT XIV.

De CAROLO Calvo Imperatore, & CAROLOMANNO ejus filio Abbate Lobienſi.

POſt hæc fratribus in quatuor Tetrarchis Franciæ regnantibus, tam ipsis quàm & filiis eorum defunctis, solus dominus CAROLUS superfuit, quem bonus Papa JOANNES in Imperatorem benedixit, qui sicut etiam aliis multis locis, ita Laubienſi Monasterio multa bona præstitit, & reddidit: sed & CAROLOMANNUM filium suum eidem loco Abbatem instituit.

CAPUT XV.

De FRANCONE Abbate & Episcopo.

CUi in regimine successit dominus FRANCO tempore Hludovici jamdicti Caroli Imperatoris filii; qui Franco multæ nobilitatis, & Palatinis studiis instructus exstitit, unde & plura Monasterio nostro acquisivit. Sunt qui monasterium Antonium dictum, tunc puellarum, nunc autem Canonicorum, ejus tempore nostrum effectum dicunt; licet sint alii qui antiquitati hoc attribuant, sed ante alienatum, sub eo receptum esse. Igitur Hludovico quarto regni sui anno defuncto, Francis in diversa tendentibus factò interregno per XVIII. annos, Conrado, Rodolpho, Odone, & Roberto in occidente regnantibus; cum Arnulfus Rex Noricorum, Australis Franciæ Rex adſciſceretur, jam dictus Franco ad opus Ecclesiæ Leodiensis supradictam Abbatiam petiit, & consentientibus fratribus impetravit; factâ prius conventionione ut medietas Abbatiae Fratribus inibi regulariter militantibus in usu communî deserviret, aliam Episcopus sibi & militantibus manciparet. Additur præterea, ut decimæ omnes indominate ad portam Monasterii in usus pauperum sint & peregrinorum: & ut dies anniversarius Karolomanni Regis, cui isdem Arnulfus erat filius, annuatim esset recensitus, præparato ad id opus ab Episcopo competentî obſonio, quod præceptum regale volumus intexere.

In nomine sanctæ & individuae Trinitatis, Arnulfus divinâ favente clementiâ Rex, &c.

Deest hoc Diploma in Ms. nostro. Refert Myrans in Notitiâ Ecclesiarum Belgii, pag. 76.

CAPUT XVI.

Vastatio Nortmannorum per Galliam, & vicinas regiones.

INTERea vacillante rerum statu, & Regum naturalium, sicut ante diximus, qui apud Francos semper hereditarii habebantur, deficiente successione, eo quod Ludovicus supradictus, quem propter brevitate regnandi nihil fecisse dicunt, Carolum filium vix bimum reliquisset, gens quædam Aquilonaris, de quâ forte dictum est: *Ab aquilone panditur omne malum*: quam plerique Nortalbincos, alii usitatius Nortmannos vocant, piraticam agens novo & inaudito retro ante temporibus modo Franciam est aggressa; quæ maria primùm occupans, demùm

ostia fluminum quæ Franciam alluunt est ingressa: subinde restans, subinde progrediens, ubi resistantem vidit neminem, quæquæ versum sibi libitum visum est, ferebatur. Qui videlicet Nortmanni per quatuor nobilissima flumina, Rhenum & Scalt ab Oriente, Sequanam & Ligerim ab Occidente, Franciam ingressi incendiis & rapinis omnia depopulantur, nulli sexui vel ætati parcentes; captivos abducunt; ipsa etiam altaria paganis manibus profanantes: quorum metu plura Sanctorum corpora, & optima quæque ad tutiora loca deportantur: sed nostrorum patronorum non necesse fuit longius asportari, quoniam adjacens Tudinii castrum, idque nobis proprium & munitissimum fecerat influentes indemnes haberi; villarum verò longè politarum erat multi exterminii desolatio. Hic nunc fluvii nomen est, qui antiquitus Hifara dicebatur. De quo ita meminit Lucanus<sup>a</sup> in bellis civilibus:

*Hi vada liquerunt Hifara, qui gurgite ductus*

*Per tam multa suo, fama majoris in amnem*

*Lapsus, ad æquoreas nomen non perculit undas.*

Influit enim in Sequanam, per quam Nortmanni in illo delati, licet in illis partibus cuncta depopularentur, plurimum tamen illi qui littora Scaldi infederant debacchabantur, quoniam gratissima statio navium, sive ad hyemandum, sive ad quodlibet belli periculum declinandum, illic eos fecerat esse continuos. Sigulfi-villa nomen est fundi, & nostræ Ecclesiæ servit, & in eo memoria sancti Petri & sancti Ursuarii, in quâ tunc duodecim Canonicorum habebatur conventus. Memini me & nostrorum plebsque, hominem illorum temporum vidisse, qui utrum alio nomine vocaretur à nobis non multo quæsitum, affectu tamen, ut putatur, maternali puero Bruordechim vocabatur, quem nos etsi minus latinè fraterculum possumus nominare, qui eosdem se vidisse & cognovisse, & quiddam Præpositus eorum Spernarius dictus sit, testabatur; qui locus à Nortmannis destructus est, ut remaneret in eo vix maceriarum ruinæ; similiter & cætera Ecclesiæ nostræ prædia, quæ apud Brabantum erant profusiora, hoc tempore exhausta sunt & exinanita.

CAPUT XVII.

FRANCO Episcopus & Abbas Nortmannos debellat; postea in senectute bonâ moritur.

TAli ergo modo turbata Ecclesiæ pace, & firmamento regni posito in formidine; Franco prædictus Episcopus, coactus juxta quantum ad sæculares & verè necessaria bella suscipere, accito sibi Reginerio quodam, quem Longum-collum vocant, viro strenuo, & in bellicis rebus exercitato, hi frequenter cum eis in acie confluentes, perrare victi, multoties exstiterè victores. Nec cessatum est, donec peste attrito Rege eorum Godefrido, ad fidem Christi converso, & baptizato, nec multo post interfecto, pax Ecclesiæ redderetur. Post hæc Franco Episcopus sciens illicitum esse, quemquam sanguineis manibus sancta tractare, mittit Romam Bericonem Leodiensem Clericum, & Teutricum Lobiensem Monachum, quos ordinari Episcopos qui vicem suam supplerent, oravit & exoravit: quibus jam factis Episcopis parochiam suam gubernandam commisit, ipse de reliquo in pace & otio consenuit, vitâ decedens postquam in Episcopatu plusquam quinquaginta peregerat annos.



<sup>a</sup> Lucanus ] Hi quidem versus lib. I. leguntur: sed de alio fluvio scripserat Poëta.

XI. Abbas Caroloman-  
nus.

XII. Abbas Franco.

## CAPUT XVIII.

## De STEPHANO Episcopo &amp; Abbate.

XIII. Abbas  
Stephanus.

**H**UNC STEPHANUS sequitur vir literatus, & quantum ad Canonicos religioni studens. Hic passionem beati Lamberti impolito digestam stilo urbanius elucidavit, & harmoniam ex eâ dulcissimam melodiam quæ percelebris habetur, composuit. Fecit & libellum quemdam ex plurimis divinorum librorum flosculis decerptis, in quo singularum in anno festivitatum capitula, cum collectis & versibus utili commento congeffit, in cuius libelli præfatione ostendit Mediomatricæ, quæ nunc Mettis dicitur, à puero educatum fuisse: nam ROBERTO ejusdem Sedis Episcopo libellum legendum misit ad comprobandum. Hujus Episcopi aliqui etiam nostrâ ætate meminerunt, hujus quoque tempore Ecclesia nostra dedicatur ab ipso evocato ad id opus, & conjuncto sibi Dodilonæ Cameracensi Episcopo; quod in basibus columnarum, quis quam partem dedicaverit, in promptu est cernere. Hanc ergo novellam dedicationem ne fortè iterata aut antea infecta fuerit, si quis requirit, paucis absolvemus. Ecclesiam priorem, si meminit lector prudens, sub Pippino Principe à sancto Ursinaro factam jam supra diximus, diemque dedicationis ejus v. Kalendas Septembris annotavimus: quæ crescente copiâ rerum per munificentiam Regum seu cæterorum fidelium, quia loci nobilitati parva & minùs apta videbatur, destructa & funditus everfa est, & ista quæ nunc est elegantioris formæ & speciei ædificata, quæ ad id opus columnis undecumque corralis, cum basibus & epistylis, seu cæteris latomorum vel cæmentariorum disciplinis pro moduli sui quantitate omnibus circum se politis est incomparabilis, quoddam quia oculatâ, ut aiunt, fide probatur, hæc hæc satis sit tetigisse. Auctorem autem ejus sive Rex fuerit ille, sive Abbas, id nescimus; si quis improperat, antiquitati, quæ de his siluit, non nobis succenseat.

## CAPUT XIX.

*Diffidium inter RICHARIUM & HILDUINUM pro electione.*XIV. Abbas  
Richarius.

**I**Sto quoque mortuo, & in Ecclesiâ sancti Lamberti sepulto, turbatur rursus Ecclesia de Antistite substituendo. Nam pars una HILDUINUM ejusdem Ecclesiæ Clericum sibi poscebat Episcopum, favente sibi ad hoc GILBERTO Clothariensi Duce, qui flocci pendens Regiam Majestatem, Regni sibi usutpaverat summam: alia RICHARIUM Prumiæ Abbatem, dono & consensu Caroli Regis expetivit. Quid videlicet Carolus, facto, ut dictum est, interregno Regnum quorundam interregnantium, à FULCONE Archiepiscopo Remis evocatus, & consecratus, paternoque Regno est restitutus; quam ordinationem novellam suis quique in partibus dedignantibus, partim (ut est ingenium hominum) spe acquirendi gratiam novi Regis, sibi conciliabant, partim obfirmato supercilio per se suis principabantur; ex quibus Gillebertus unus erat, qui tunc Clothariensem Ducatum agebat, quo jubente, imò extorquente potius & urgente consecratur HILDUINUS Episcopus ab HERIMANNO Agrippinæ sedis Archipræsule, novo & inusitato genere, absque Regis & Procerum regni sanctione. Quapropter mittuntur à Clero alterius partis ad Apostolicam sedem literæ conquerentes de his. Joannes tunc Apostolicæ cathedræ præsidebat, qui ordina-

torem & ordinatum, & tertium Regis autoritate designatum Romam, ut veniant jubet, missis epistolis. Quid plura? veniunt duo Archiepiscopo valetudine detento. Hilduinus incertum quâ factione judicium subterfugit: ubi rescitur, Richario acclamatur, eligitur, producit, & ab ipso summo Pontifice Pontifex ordinatur, & consecratur, donato sibi omnium prædecessorum suorum soli Archiepiscopali pallio, & equo Apostolico more ad procedendum strato. Tali ergo, & tanto cum privilegio Gallias reversus, contrariæ partis dissidium diremit, & solus in Leodiensis Ecclesiæ fascibus resedit, de quo satis ad dicendum esset quam amabilis omnibus, quam munificus, quam in exornandis, sive construendis Ecclesiæ rebus fuerit assiduus. Solum erga monachicam vitam minùs fuerat cautus, & hoc in eo mirandum, qui à puero monachico lacte nutritus, monachicis ferulis edoctus, monachicis institutionibus fuerat assuetus. Nam sub eo apud nos omnia fnere venalia. Siquidem annua, non dicam Obedientiæ (quod quidem regulare est) ministeriorum commutatio, eorumdemque dura coemptio, quidquid apud nos optimum erat exhausserat, reliquum parasitorum turba abligurierat; cætera ejusdem Episcopi bene gesta, & animus civilis hanc infamiam obvelaverant, eumque omnibus gratissimum gentibus effecerant: qui postquam in Episcopatu xxii. annos peregrisset, in Ecclesiâ sancti Petri Leodiensis, quam ipse construxit, tumulatus quiescit.

Floruerunt his temporibus apud nos studia literarum, quibus ediscendis operam dantes opinatissimi fuerunt Scaminus, Theoduinus, & perspicacissimus horum Ratherius, qui videlicet Ratherius partibus Hilduini favens, illi inseparabiliter adhæsit. Hilduinus enim fraudatus Leodiensi Episcopatu, ab Hugone Rege Italiæ, apud quem fecerat confugium, usu stipendiario promeruerat Veronensē Episcopium, promisso Regis manente, quoddam ubi illum altius promovendi emergeret tempus, Ratherius Veronentibus daretur Episcopus; quod quomodo factum sit, vel quantas in Episcopatu illo pertulerit adversitates, ex ipsius scripto lector melius scire poterit, in Epistolâ quam summo Pontifici & universali Papæ conquerens de his hujusmodi scripsit: *Summo* b, &c.

## CAPUT XX.

*De quibusdam scriptis RATHERII Veronensis Episcopi; & morte RICHARII Leodiensis.*

**I**N illo sanè, quo se RATHERIUS positum dixit exilio, vacans Episcopio edidit librum quem appellavit *Agonisticon*, cui & talem præposuit titulum; *Meditationes cordis cum istam RATHERII Veronensis quidem Episcopi, sed Laubiensis Monachi*: quamvis ex digestis scedulis volumen censuit appellari præloquiorum, quod vocatur *Agonisticon*; quem librum ad relegendum sive ad probandum eruditissimis quos noverat misit, Sobboni videlicet, & Wido Archiepiscopis, Godescaleo & Aurelio Præfatis, necnon & Brunoni & Rotberto Galliarum Archiepiscopis nobilissimis & in Philosophicis studiis eruditissimis, ad extremum Frodoardo Remensi, missis unicuique Epistolis, quæ continentur in Ecclesiæ nostræ scriniis. Libellum etiam vitæ S. Ursinarii cum Cumis exularet ibi reperit, quem solecismis refertum emendavit, nobisque transmisit. Postea cum in eâ parte Burgundiæ, quæ Provincia dicitur, mansitaret, filium cujusdam viri ditissimi, nomine

b *Summo*] Edita est tomo 1. inter Opera Ratherii.



Ræstangnum, ad imbuendum literis postulat receptit, ad quem librum de arte grammatice conscripsit, quem librum gentilicio loquendi more Speradorsum vocavit, pro eo quod qui scholis assuesceret puerulus, dorsum à flagris servare posset. Ob quæ ibi ei Episcopatus datus est, quem relinquens Laubias revertitur. Richarius tunc adhuc supererat, à quo favorabiliter receptus, Laubiis est habitare permisus; nec multo post Richarius decessit, postquam in Episcopatu xxii. annos peregit, & in Ecclesiâ S. Petri quam construxerat in Leodio, tumulatus quiescit.

### CAPUT XXI.

*De HUGONE & FARABERTO Episcopis & Abbatibus.*

XV. & XVI.  
Abb. Hugo &  
Farabertus.

**P**ost quem Ogo ex Monasterio S. Maximini Treverensis Abbas & Monachus, Pontifex est subrogatus, qui vix duobus annis exactis defunctus, FARABERTUM item Prumiæ Abbatem, Antistiti sui reliquit heredem. Rursus sub eo ut pridem sub Richario apud nos cuncta fuere venalia, adeo ut locus isdem à parasitis *Argentea* diceretur *vallis*. Tunc corona illa regalis aurea hæcenus deplorata miri operis & non minimi ponderis, contracta, & prohibitu dilapidata, gemmæ ejus mirificæ pessumdaturæ & ab oculis subductæ sunt, & hoc pro nihilo dicebatur, tantum ut potiretur emens annuali ministerio: eoque quis dicebatur sanctior, quo ad dandum profusior, eo utilissimus, quo voracissimus. Sed de his nihil nostra interest, viderit qui fecit.

### CAPUT XXII.

*RATHERIUS vocatur ab OTTONE Imperatore, ut instruat fratrem suum BRUNON M, postea Archiepiscopum Coloniensem.*

**O**tto tunc potentissimus Rex Austrasie & subactæ Italiae tunc imperabat: cujus frater BRUNO unicum & singulare in Christi Ecclesiâ decus futurum, velut pretiosissimus lapis multiplicibus Philosophorum poliebatur argumentis. Advocatur RATHERIUS, & habetur inter Palatinos Philosophos primus; quid multa? non destitit donec Regiam illam & mirificam indolem in omnibus disciplinis perspicacissimam redderet & perfectam. Quod cerinens Regum suo tempore maximus, eum à scholis cum tanto honore, ut par erat, evocavit, & in suggestum Colonienfis Ecclesiæ post WIGFRIDUM, qui nuper decesserat, omnibus acclamantibus & gaudentibus, inthronizavit. Ubi quomodo vixerit, quomodo docuerit, vel quid fecerit; qualiter pro pace Ecclesiarum Dei seipsum impenderit, quam in Ecclesiis sive ampliandis, sive restaurandis; quam in privatis & publicis ædificiis componendis, quam in ordinandis domi militæque sanctæ Dei Ecclesiæ rebus sollicitus fuerit, actu est admirabile, dictu laudabile.

### CAPUT XXIII.

*RATHERIUS fit Episcopus Leodiensis, sed aliquanto post tempore deicitur, & in ejus loco BALDERICUS subrogatur.*

**C**ontigit eo tempore Leodicensem cathedram vacare Faraberto decedente; cui in emolumentum magisterii magnâ Brunonis industriâ Ratherius est inordinatus: quod quidem propter abundantem doctrinam, & eloquentiam copiosam, quâ inter sapientissimos florere visus est, non eidem solum Ecclesiæ cui præfuit, sed & multis aliis circumqua-

lum. I.

que valde proficuum fore putatum est; simul quia in illis partibus per zelum & contentionein, unde fieri solet inconstantia, & omne opus prævum, quidam etiam Sacerdotes Domini plerumque, quod nefas est dictu, terrenæ plus justo consilii potentia populum imperitum scandalizabant, sæpe dictus, & sæpe dicendus Dominus Bruno, cui jam totius Regni dispensandi cura imminerebat, ratus id quod verum fuit, hunc ejectum antea & neglectum, hoc tanto beneficio ad illud fidei & veritatis fœdus adduci, ut à nemine posset seduci, ita demum os loquentium inimica obstruere se posse credidit, si nulla occasio scandali posset in eorum Episcopo reperiri. Sed ad sui perniciem pars sinistra prævaluit: quidquid pro salute eorum gestum est, hoc sibi pettiferum existimabant. Quid multa? erratum est, savitum est, nec cessatum est, donec expulsionem ejus crudelitati suæ & nequitia satisfacerent.

Ablata est omnis spes restitutionis ejus; nam cum apud nos Nativitatem Domini festivè & opiparè celebraret, facta est Leodii contra eum gravissima conspiratio, quæ nisi & hæc penitus anoveretur, & in eundem locum BALDRICUS, qui erat de Magnatorum terræ illius protopia oriundus, subrogaretur, sedari visâ est non posse. Ad hanc sentinam tempestates undique innumera confluerunt, navis Ecclesiæ laborante remige fluctuavit, gubernator ipse procellosæ tempestatis impetum ferre non potuit. Cessit igitur, cessit ne vinceretur à malo, sed vinceret in bono malum, cessit adversantium voluntati, ut suo eos gladio jugularet sibi: obstricti sunt sacramentorum fide spontanei, ut si accipere mererentur Episcopum quem petebant, invictâ exinde firmitate auctoritatem Ecclesiæ, & jus Imperatorum tuerentur.

### CAPUT XXIV.

*RATHERIUS rursus Ecclesiâ Veronensi restituitur, & de quibusdam scriptis ejuslem.*

**E**xacto igitur in hac destitutione suâ RATHERIUS ferme biennio, deficiente ab eo militari copiâ, Italiam revertitur: ac ne quid in ejusmodi negotio imperfectum restaret, quod curiosis alienarum rerum investigatoribus scrupulum commoveret, cum Imperatore germano suo prædictus Bruno id effecit, ut eidem jam bis destituto, antiqua sedes Veronensis Ecclesiæ restitueretur. Scripsit per idem tempus librum, quem appellavit PHRENEIM, eo quod quasi phreneticus nimis austerè & ultrâ modum in BALDRICUM inveheretur. Scripsit & alium quem appellavit *Perpendiculum*; necnon & alium quem appellavit *Sirmam*, in quo in eundem Baldricum invenitur, pervasorem (ut ipse nominat) suum. Est & ejusdem libellus contra Anthropomorphitas, qui Deum, hoc est ipsam invisibilem deitatem per membrorum lineamenta depingunt. *Synodica* quoque ejus ad diocesanos Presbyteros; & *Conjectura* vitæ ejus; *Itinerarius* quoque ejus Romam peregrantis, sed & sermones quamplures, in Pascha scilicet, & in Cœnâ Domini & in Ascensione Domini, & die Pentecostes, necnon festivitate B. MARIE, & alia quamplura.

### CAPUT XXV.

*Miraculum quo per merita sanctorum Ursuari & Ermini Lobientes ab Hungaris liberati sunt.*

**G**ens quædam ripam insidet Danubii; provinciam quam incolit, Pannoniam vocaverunt antiqui, Hungariam moderni: ex quâ Hungri venientes ante nobis sunt insitâ sibi & naturali barba-

AAAA

rie comperti, quàm origine cogniti: quorum infatigata crudelitas sub Henrico Rege transgressa terminos Morahensium, quos sibi non longè antea impià usurpavit licentià, plerasque provincias regni ejus ferro & igne longè lateque vastavit. Postea sub Ottone filio ejus orta est tempestas contentionis, dormiente, puto, Jesu in pectoribus vigilum ante fores domus Domini excubantium, ita ut quidam socii satanæ Regem conarentur extinguere. Cassato per Dei misericordiam hoc per serpentinum sibi-lum concepto consilio, nequitiae suae virus per totius regni ejus viscera diffuderunt. Erat in eà conjuratione Princeps ipsius Regis filius LIUDOLFUS spectabilis adolescens & unice clarus, si seducto-ribus minimè credidisset, & heres esse, non proditor maluisset, & cum eo quasi quidam stimulus Cono Dux paulo ante fortissimus; quibus (ut ita dicam) omnia erant in manibus agendo, ut plus haberent: sed ut nihil haberent omnimodis effecerunt. Hi Hungros, antiquam ut praediximus pestem sollicitaverunt, ut Regnum in seipsum divisum invaderent; arbitantes hoc modo sibi sollicitudinem quàm premebantur, aut penitus adimi, aut aliquatenus posse minui.

Hac de re saeva Hungrorum gens, & qualem nunquam terra nostra sensit barbariem, à perversis illecta civibus, transitis Germaniae, & plerisque Galliae provinciis, cui jam olim nobilis ille Francorum populus infedit, omnia ferro & ignibus vastatura se totam infudit. In hac acie Cono praedictus cum suis sequacibus militavit: sed ubi Trajectum ventum est, quam Mosâ alluit, incertum quàm de causâ ab eis descivit: Hungri Hasbaniam ignibus & deprædatione aggressi, Carbonariam petunt: famâ ad nos perlatâ, mittitur è Collegio nostro Huchertus frater patiens laboris, & fugitans quietis, & semetipsum impendere paratus ob amorem loci & sanctae religionis, pacisci cum illis. Factâ pactione de solidis ducentis, revertitur post hæc oblidibus ab eis acceptis. Sed nostri non satis creduli, (quæ enim fides est infideli?) munire Tudinium tentant, quod Raginerus suspectum habens Leodientem militiam, jam pridem destruxerat; sed misso rursus milite prohibiti sunt munitionem firmare. Quid tunc agerent imminente hoste? Sublatâ itaque Ipe Tudinium potiundi, nullâque exstante fiducia in re militari; siquidem laudata illa & cunctis sæculis prædicata Hlothariensis militia in Hungrorum adventu justo Dei judicio hebetata, suis munitionibus passim tenebatur inclusa, nostra quæ residua erat Deo dilecta Monachorum turma, non sibi satis fidâ Ecclesiae familiâ montem, ubi sanctorum Ursuari & Ermini corpora venerantur, diù ante deliberans scandit, & de Dei fisa adjutorio cum plaustorum vel qualiumcumque furculorum vel sepium impedimentis, eum in modum munitionis cingit; agente id, ut credimus, Deo, ut ostenderet nunquam deesse divinum, ubi humanum cessat auxilium.

Jamque advenerat Paschaliū dierum sancta celebritas: in completionē octavarum ipsius quæ erant tunc iv. Nonas Aprilis, ecce in exordio matutino subito densaverat aërem equorum nebula, & quasi ex abditiis terræ sinibus emergebant galearum millia. Expavere nostri, & mortem sibi præmeditari: qui agiliores erant, simulacrum, ut ita dicam, munitionis scandunt, imò verò futuram munitionem per Sanctorum Dei intercessionem. Qui verò graviores erant ætate & impeditiores, substitere: qui substiterant capiuntur: obsidentur alii: obtruncantur in conspectu aspicientium duo de Monachis Teutmarus & Theodulfus, reliqui captivitati reservantur; nulla erat inter obsessos & captos distantia, nisi quodd

secundum quemdam gravior expectata quàm illata mors.

Interea urgentur obsessi, nec ulli telorum aut tormentorum parcitur generi. Nostri è contra quia pro animabus illis erat res, juncto sibi Clericorum, ipso etiam Monachorum auxilio (quamvis illicitum sit huic ordini arma tractare) eniti obnixè, jamque hostibus irrumpentibus, jamque in mutuis amplexibus hærentibus; plerisque mortem sibi, plerisque deditionem pingentibus, ecce ex respectu miserantis Dei, ex adytis templi duæ columbæ evolant, quæ ternâ circuitione acies obsidentium vallant: subsequitur post hæc pluvia pergrandis, quæ gentilitiam illis sagittandi artem chordarum distentione frustravit: metus quoque ac terror tantus in eos irruit, ut maturarent fugere, & Principes ipsi uterentur flagris in eos qui volebant subsistere. Abducunt autem eos, quos morti residuos ceperant. Ecclesia sancti Pauli incensa, & major tentata, sed miseratione Dei salvata: Thesaurum Ecclesiae, & optima quæque Theodulfus alius ad munitionem quamdam partim transportaverat, partim in ipsâ Ecclesiâ terrâ obstruserat. Dictum postea est & putatum verum, quodd à quodam capto pusillanimitate sufferendi sit proditus, nam effossus est & exportatus.

Voverunt tunc omnes in commune diem illum sibi & posteris festivum fore, & hæc est celebratio, quæ in nostris Martyrologiis inscribitur sic: *Quarto Nonas Aprilis Commemoratio meritorum Ursuari & Ermini, quò meruerunt Lobenses ab Hungrorum obsidione eripi.* Nec tacendum, quodd hi qui capti fuerant, in brevi revertuntur omnes sani & læti. Nec Hungros illud impunè fecisse passus est Deus. Nam cum propè jam esset summa dies & ineluctabile tempus, quo Deus omnipotens propitius terræ populi sui, ultus sanguinem Sanctorum suorum, vindictam retribuere vellet in hostes eorum: aggravata est rursus ultrâ modum & omnino intolerabiliter superbia ferocissimæ gentis Hungrorum, seducta (credo) superioris anni successu. Siquidem, ut veracissimè dictum, *ante ruinam exaltatur cor, ibi ceciderunt omnes qui operantur iniquitatem.*

Prævenit hanc imminentem pressuram Ecclesiae pax in Placito regali, quod in Armeſtat habitum fuit, ex integro condita, ex magnâ jam parte per Imperatoris nostri fratrumque ejus sapientiam confirmata. Et reverâ tribubus & linguis innotuit, quia non est Deus dissensionis, sed pacis, tamquam ejus initio operatus est salutem in populo suo. Imperatoris quidem spiritus agitabatur in ipso, quia non erat ei tempus exercitum congregandi; sed fiduciam habuit per Christum in Deum, qui potens est salvare in paucis, sicut in multis. Aderat ibi Cono non jam Dux sed miles, toto ut putabatur animo conversus ad pacem, quam paulo ante atrociter impugnabat, cilicio membra domans, Deum (ut fertur) gemitibus exorans, ut si sic ejus sancta voluntas existeret, permissâ Regi nostro & exercitui ejus victoriâ, cum ab impiis, quibus se prius malè conjunxerat, permetteret trucidari, ut possit in perpetuum ab eorum consortio liberari. Imperator indici sanxit jejunium in ipsâ quæ tunc erat vigiliâ sancti Laurentii Martyris, per cujus interventum sibi populoque suo ipsum Deum poposcit esse refugium. Propositum suscepti operis negat expedire bellum, primo sanctæ festivitatis diluculo susceptum, vix dum vespertino crepusculo, Deo misericorditer dispensante & pro suis pugnante, satis feliciter peractum, miserandum post victoriâ Cononis interitum, gloriosissimum Imperatoris triumphum, Regem ipsum barbarorum, Du-

ces ac Principes captivos, trophæa per totam Regni illius latitudinem uſque ad ejuſdem gentis fines frequentiffima, quæ omnia proprii induſtriam operis ad laudem & gloriam omnipotentis Dei exſpectant.

CAPUT XXVI.

*De ERLUINO per vim intruſo, & de RAGINERO Comite violatore Eccleſiæ Sanctorum.*

XVII. Abbas Erluinus.

**N**O ut à diverticulo ad propoſitum redeamus, BALDRICUS Eccleſiæ Leodiensî præerat: is aviculum ſuum Raginerum unicè colebat, pro eo quod eum in Episcopatu adipiſcendo ille plurimùm juverat: qui Raginerus poſt mirificam illam Hungorum liberationem Eccleſiam S. Uſſimari omnium primus, & utinam abhinc ſolus, tali modo non exhorruit violare. Oduinum quemdam odiis inſectabatur, qui apud Eccleſiam prænominatam confugium fecerat, volens aliquantulum ab armis reſpirare, militibus ſuis in locis dimiſſis. Naſtus occaſionem Raginerus advolat, & inſperatum in Eccleſiâ cogit, quem inermem ab iſſis Sanctorum ſepulcris, quæ tunc forte patebant, extrahit, & in iſſis atriiſ, ante veſtibulum Eccleſiæ capite obruncat. Eſto, fuerit dignus ille hæc pati, ſed obſervanda erat oportunitas temporis & ſanctitas loci. De loco jam ſatis expertum erat, quàm Deo carus, quàm in patrocinando munificus, quàm in violatore vindex & ſeverus: de oportunitate temporis ille viderit, qui hæc in vigiliis Omnium Sanctorum, dum veſperæ celebrarentur, vel legit vel audiit.

Raginerus interea Erluinum quemdam ſibi intimum facit: erat autem à Gemblaus Monasterio, quod quidam mundanæ nobilitatis titulis inſignitus Wibertus nomine in proprio ſuo conſtruxerat, & in quo ipſe verè converſus ex mundiali militiâ fuerat: quem inibi Abbatem, cui ipſe pauper Chriſti regulariter obediret, præfecerat. Hic Erluinus Raginerum adulatione aſſiduè lætabat, & paulatim & per incrementa ad Laubienſis Abbatiæ dignitatem anhelebat, nec deſtitit, donec ad Præpoſituræ honorem, qui tunc major habebatur, amoto Blithardo ipſius Monasterii Monacho, invitiſ licet Fratribus proveheretur.

Erat autem vir in exiguo ponens mendacium, cui ad verſutiam nihil deerat. Si reſpiceres ad religionem, nihil illo quantum ad faciem ſublimius, ſi ad voluntariam & invocatam ſæpe mundialium rerum occupationem, earumdemque indefatigatam percurſionem (quod Monachum minùs decet) nihil illo abjectius. In ſermone ipſo tanta illi diverſitas, ut cum proloqueretur, verba ipſa quaſi trutinaret: ad ultimum multimodas cavillationum ſtrophas doctus verſutiarum rhetor intexeret.

Hic quia, ut dictum eſt, invitis Fratribus promotus erat, unanimitati Fratrum exoſus erat. Contigit quâdam die inſtante vindemiarum tempore, conſedentibus Fratribus, & neſcio quid triſte confabulantibus, ſupervenire Erluinum, quem tantâ cæde ſultium multati ſunt, ut putaretur eſſe mortuus: quos ut diſceſſiſſe perſenſit, paululum palpitans ſubduxit ſe, & ad Bernardum tunc Advocatum confugit, cujuſ auxilio poſtea Ercliacum proficiſcitur, ubi quantum eſt inventum vinearum eliquat & abducit, & in locis ſibi oportunitatis recondit. Rogat præterea Raginerum cum Baldrico Pontifice, ut dies Natalicioſ Domini Lobiiſ celebrent, quod & obtinuit. erat tunc videre deſolationis abominationem, ſtantem in loco ubi non deberet. Nam Comes cum conjuge in ſacrario Eccleſiæ manſitabat, & menſa, in qua ſacraſſimum Domini corpus abſumebatur,

Tom. II.

miniſterium calciamentorum & paterarum, ſeu ſcutellarum efficiebatur.

Peractâ igitur nataliciâ dierum celebritate, ubi diſceſſum eſt, Fratres ſibi minui unde alii ingurgitarentur in commune deplorant. Aſſumptâ igitur audaciâ Fontanas petunt, villam quam Sambra alluit: ibi quantum vini eſt repertum (nam ibi aliquantulum portionem occultaverat) capiunt, & abducunt. Proſectus fuerat Erluinus Bermeriacas, ut annonam, quæ ibi erat venundaret in ſolutione debiti quo ſe in præfato obſonio oppigneraverat: quem Fratres inſequuti cum multitudine magnâ populi, ita in eum debacchati ſunt, ut mirum fuerit, quod mortem evaſerit. Sed ad Abbatiam promotus Fratres ſemper ſuſpectos habens, omnes à Monasterio præter paucos expulit, qui ob hoc magis irritati, ne longiùs ſermonem protraham, tres ex illis, qui juventutis & propinquorum adminiculo cæteris præſtabant, magno ſatis profeſſionis & ordinis cum periculo dormitorium noctu aggreſſi, eum extrahunt, & non longè ab ambitu Clauſtri protractum, oculis privant, partem etiam linguæ amputant, ſed non uſque ad privationem loquelæ. Et quia, ut dicebat, martyrium deſiderabat, ipſe ſe ſe reſefellit, dum ſtatim poſt hæc navi impoſitus, metuens ne denuò impeteretur, Gemblaus eſt devectus: & quod prævidere ante debuerat ſanus, declinavit debilis & exoculatus.

Et quia ſcriptum eſt; *Impii agent impie, neque omnes intelligent impii.* Et alibi: *Qui in ſordibus eſt, ſordeſcat adhuc:* poſt prædictam Eccleſiæ ſancti Uſſimari violationem Raginerus tyrannidem multiplicat, pauperes premit, & res Eccleſiarum, non Dei, ſed ſuas facit; pro quibus omnibus à Domino BRUNONE verè pacifico apud ſanctum Salvium evocatus, conſeſſus, & læſæ Regiæ Majeſtatis convictus reus, proſcriptus eſt, ac perpetuo exilio deportatus. Multum itaque in hoc illi, licet invito, conſultum eſt: quo enim diuturnior eſt nequam, eo ſibi gravioſem & longinquioſem comparat poenam.

CAPUT XXVII.

*EURACRUS Episcopus Leodiensis dat Lobienſibus Abbatem ALETRANNUM.*

**I**Nterea Baldrico decedente, Dominus EURACRUS ex Bonnâ Decanus BRUNONE concedente efficitur Episcopus, vir ingenuarum artium literatus. Hic D. ALETRANNUM undecumque doctiſſimum, & in lege Dei exercitatum ac eloquentem, volentibus omnibus Lobiiſ præfecit Abbatem, ubi ita vixit, ut ſervum decuit Domini. Nam cum ante eum permiſſâ Fratribus rerum peculiarium & tricliniorum ſolummodò impunitate, de cætero honeſtè quidem & in commune viveretur: hic quomodo inſtruetus fuit, omnia ad regulam correxit; ad cujuſ ſupplementum Domnus Euracrus juvit plurimùm, ei reſtituens villas ante id abalienatas, Gimiacum videlicet, quam Folcuinus quidam ſibi & filiis in precariam acquiſierat, & Stratam, quam Adelardus in beneficio habebat, & Goſiniacas, quam Heribrandus æquè in precariam tenebat, & alia nonnulla.

Sub illo omnia fuere nobilia, præterquàm capſæ Reliquiarum prægrandes & aureæ noctu furto ſunt ablatae, nec earum quid repertum, præterquàm quod erat ligneum. Erat & crux aureola, quæ ſub Erluino contracta à Fratribus in redemptionem ſui, Raginero eſt data. Hac igitur diù deſideratâ pacem jam tandem ſerò potita, citiſſimè Eccleſia noſtra eſt deſtituta. Nam D. Bruno, in quem rei ſumma decumbebat, diem clauſit vi. Idus Octobris, &

A A A a ij

Dan. 12. 10.  
Apoc. 22. 12.

XVIII. Abb. Aletrannus.

Domnus Abbas postquam biennii paralyti dissolutus est, postque quinquennium quam præesse cœperat, in magnâ spe futuræ gloriæ defunctus est III. Nonas Novembr. anno uterque DCCCCLXV. Dominicæ Incarnationis.

## CAPUT XXVIII.

FOLCUINUS fit Abbas Lobienſis, & de morte  
RATHERII Episcopi.

XIX. Abbas  
Folcuinus  
Chronici Lo-  
bienſ. Auſtor.

Post hæc Domnus Euracrus FOLCUINUM verè peccatorem, sed & ætate juvenem, Lobienſibus præfecit Abbatem; quem cum eſſet idem Pontifex Colonia in præſentiâ Imperiali, in frequentiâ magnâ populari recitatâ prius & lectâ Fratrum electione, ibidem ordinari fecit. Ordinatus est ergo ab INGRANNO Cameracenſi Episcopo die ipſo Domini natalicio. Inde reverſus, & loco potitus plura ſuo arbitratu egit, unde & eum fortuna ſuis caſibus ſervire cœgit.

RATHERIUS adhuc Veronæ erat, qui pertæſus civium inſolentiâ, ſimulque ſuſpectam habens innatam illis & peculiarem perfidiam, de reditu cogitabat, proponens illud, quod in alienâ patriâ ſæpe quidem benè vivitur, ſed malè moritur. Mittit igitur ad Abbatem librum quem prætitulavit, *Conſilium duorum*, pro eo quod in eodem diſputans, utrum reverteretur, necne, anxius fluctuaret, ſimul & rogans ut mitterentur ei equi & comites, quo expeditius ad eos iter accelerare poſſet. Factum eſt, miſſum eſt, venit ille, afferens ſecum auri & argenti, non dicam pondera, ſed ut ipſius verbis utar, maſſas & acervos: ex quibus à HLOTHARIO Rege eſt mercatus ſancti Amandi Abbatiam, quâ vix unâ nocte potitus, eam (ut erat miræ levitatis vir) derelinquens, Alnam revertitur villam, quam muniſcentiâ Domni Episcopi promeruerat. Inde quoque ſimili modo Monasterium quod Altum-montem nominant, datò magno pretio comparavit, ubi quidquid præcipuum ſibi in ornamentis, & veſtimentis Eccleſiaſticis fuerat, quæque antea ipſe Eccleſiæ noſtræ largitus fuerat, ſed poſtea reſumſerat, factâ donatione congeſſit. Hoc quoque derelicto Alnam denudò revertitur.

Dederat autem ei & Abbas conſenſu Fratrum villas Stratam & Goſiniacas, & Abbatiolam S. Urſmari, & aliam quam Waſlare-Monasterium vocant. Sed ipſe locum noſtrum ſemper execrans, Abbati inſidias machinabatur, inſtigantibus eum ad hoc nonnullis. Quid multis morer? Ad hoc res evenit, ut Abbas eederet loco, ſciens ſic quoque Episcopum velle. Nam de eo nihil noſtrum aliud eſt dicere, Ratherius ut oſtenderet prioris inimicitiz muſas, locum invadit, & metuens Abbatis animoſitatem, ſimulque cognationem ejus, quæ non erat infima, Clauſtrum in modum caſtelli cingit, deſerta ſibi, ut dicebat, reſiduo, quorundam Principum ad hoc empto adjutorio: Eccleſiâ quoque S. Dionyſii, quam emerat à Comite Rotberto, viginti librarum taxato pretio, hujus rei cauſâ ſponte caruit, nec quid, quantum, cuive ob id daret. quidquam penſi habuit. Quid plura? annus ille ſic ductuſeſt uſque dum defunctus eſt Euracrus Episcopus, & in loco ejus NOTKERUS ſucceſſit. Cujus animi dotes, & virtutum ſummam ſi pergam dicere (quoniam adhuc ſuper eſt) adulari videbor: Unum pro certo dicendum eſt, quod vir ſit in quem ſpiritus Dei donum ſingulare contulit veritatis & fidei. Qui nolens primordia ſua levia aut præcipitata haberi, evocatis Abbatibus WERINFREDO videlicet à Stablaus, & HERIBERTO ab Andagino, cum ali- quibus Fratribus, primùm conſpirationis exordia

quærit, inventa trutinat & diſcutit, diſcuſſa deum judicio utitur. Ubi perſpexit omnia eſſe frivola, Fratres Abbati reconciliavit, ipſum reſtituit. Ratherius Alnam revertitur, ubi uterque, ipſe videlicet & Abbas ſibi reconciliatus de reliquo deguit; qui poſtea apud Namurcum, cum ibi fortè cum Comite moraretur, vitâ deceſſit. Cujus corpus ad nos delatum, Pontificalibus exequiis ſolemniter celebratis honorificè eſt tumulatum in Eccleſiâ S. Urſmari ad partem aquilonarem.

## CAPUT XXIX.

De quibuſdam operibus FULCUINI Abbatis in-  
gmentationem & reſtaurationem Monasterii  
Lobienſis.

P Ace igitur nobis per Dei gratiam NOTKERO agente firmiſſimâ collatâ, dominus Episcopus Leodium revertitur, reliquum tempus in innovandis ſive decorandis ædibus, & Eccleſiaſticis rebus multiplicandis conſumens. Nam ut verum fateamur, nullus prædeceſſorum ſuorum, quantum recordatur opinio, illo ampliùs Leodienſem Eccleſiam rebus auxit, ædificiis nobilitavit. Creverunt illo tempore & in Monasterio noſtro ædificia nonnulla inſtinctu Episcopi, operâ Abbatis facta. Refectory à fundamento cœptum, & Deo concedente ſatis elegans perfectum, in cujus introitu fecit veſtibulum, in quo per ſubterraneos meatuſ aquæ ductum fecit, quæ ſuſum ebulliens ibidem ſcaturire videtur Concavaria huic ſuperiori receptaculo præparata, quæ per quatuor foramina in ſuppoſita alia aquam cribrans, ſufficientem Fratribus adminiſtrationem aquæ diſtillat. Quod reſectory à Domino TIEDONE Episcopo conſecratum eſt cum cereis & thymiamatis, & omni quo domus conſecranda eſt apparatus.

Eccleſiam S. Pauli quam Hungri incenderant, reſexit, cui domum inſirmorum annexuit; obambulatorium Clauſtri, ſi ita dicendum eſt (quoniam nunc non aliud quomodo nominandum ſit occurrit vocabulum) nullum erat præter Capituli domum & ligneam ædiculam, quæ prioris reſectory januam veſtiebat, quæ annuatim ſcindulis operiebantur, ſed ubi exſiccata erant, foco ſubſerviebant. Hoc ille lapide cinxit, & facta contignatione aſſeribus cum ferreis clavis texit. Eccleſia quia ſatis per ſe elegans erat, ut in ornamentis elegantior redderetur, operam dedit, quam de pulchrâ fecit pulcherrimam; cuius altaris tabulam, quia nulla erat, fecit argenteam, domum ipſam altaris & laquear ipſius optimè pinxit; pulpitu quoque Evangelii tali modo fecit, ut eſſent quatuor emicidia altrinſecus è regione in modum crucis poſita, quæ ex ære ductilia, & ad libitum artiſticiſ per loca ſcalprata & deaurata, poſtibus undique ſecus deargentatis: in ſeptemtrionali parte fuſilem habent aquilam optimè deauratam, quæ interdum alas ſtringit, interdum aliſ extenſis capacem Evangeliorum codici locum pandit, colloque quaſi prohibitu artiſticiſè ad audiendum reſortito & iterum reducto, immiſſis prunis fragrantiam ſuperimpoſiti thuris emittit. In occidentali autem parte ejusdem ambonis verſus populum fecit altare in honorem ſanctæ Crucis, & omnium Sanctorum, cui & tabulam argenteam antepoſuit, & deſuper vivificam illam Domini imaginem, quam noſtris adhuc terris incomparabilem ipſe quemdam ut faceret magno pretio locaverat, erexit.

De reliquo ornatu Eccleſiaſtico, & de multiplicatione librorum in armario non vacat dicere, ſufficit ex ſuperſtuo hoc tantum tetigiſſe. Fecit & coronam argenteam, in quâ verſus ſcripſit. Fecit & campanas duas majores, quarum unam quæ ma-

xima erat S. Petro, & aliam S. Ursmaro dedit: in istâ versus hi inscripti sunt:

*Iussu FULCUINI me condidit artificis manus  
Danielis ad laudem Triadis.*

In aliâ istud tantummodo:

FULCUINUS Deo devotus & patrono suo sancto  
URSMARO.

## CAPUT XXX.

FULCUINUS recenset quadam miracula suo tempore  
per merita S. URSMARI facta.

**E**cclēsia trans Sambram in monte quem nos *Sanctorum*, vulgus *Pulchrum* vocat, ejus tempore cœpta est occasione hujusmodi. Arebat quodam tempore terra, & denegatis pluviis desuper sole torrente Helix timebantur tempora, omnis plebs, & tota provincia cucurrit ad expectata sibi sæpe suffragia, sanctum videlicet Ursmarum patronum in hujusmodi anxietatibus ad Dei gratiam recipiendam assuetissimum, rogans Abbatem ut prolatis Sanctorum pigneribus more Litaniarum circumferri ea præciperet. Rem Abbas ad Fratres refert, laudant devotionem plebis, dicunt eis satisfieri debere.

Indicto ergo generali jejunio, & die præfixo, plebs tanta confluit, quantam in unum vix unquam vidit nemo. Producentur in feretris composita Sanctorum corpora, non sine magno populi luctu permistâ lætitiâ, & quia tanta erat populi multitudo, ut eam cujusvis campi quamvis latissimi vix caperet amplitudo, proposuerunt ut primum his qui ultra Sambram erant salutanda deferrentur in monte suprâ memorato, & in loco præviso. Ibi tanta fuit populi devotio, ut non possit prosequi scripto. Ex sumptibus quos largitus est populus, designata est & incepta Ecclesia: quando vel à quo erit perficienda, in Dei est providentiâ. Reportata sunt & citra: & hîc nihilominus tanta erat multitudo, ut invicem artarentur. Ostendit & Dominus devotionem istam plebis per merita sancti Ursmari sibi placuisse. Nam ipso die in magnâ cœli serenitate obnubilato aëre, factus est sonus subsequituræ pluvix, quæ postea tam larga profluxit, ut satis sufficeret, & copias anni fertilissimas redderet.

Et quia parum hoc de virtutibus sancti Ursmari prægustavimus, & ad nostri temporis faciem licet præposuimus Deo donante pervenimus, libet in fine Opusculi in miraculis ejusdem Patris aliquantisper immorari. Nam si quod promissimus nos quoque volumus, & tali modo sævus perfolvimus.

## CAPUT XXXI.

S. URSMARI meritis cæcus sanatur.

**F**undus est, quam Villam Reliam vocant, is nobis vicinus est, & in eâ memoria sancti Ursmari. Ferunt eundem virum Dei dum mundo exularet, & Rem apud Liptinas commorantem crebrius inviseret, quia locus contiguus viæ est, illic solitum requiescere; atque ibi dentem, qui ob nimium dolorem (quâ valetudine ille plurimum laborabat) illic deciderat, inibi defodisse. Locus iste Ecclesiâ sacer erat, sed civium negligentia destructa fuerat, altare tantum, & hoc incultum, remanserat. Cæcus quidam ibi erat, cui in mentem sedit ut altare viminibus cingeret, ne pecoribus aut canibus adibile esset: qui quâdam die puero præduce in sylvam perrexit, dumque virgam ad se applicat, ut eam cum ferramento copularet, in ip-

so conamine oculi ejus ita aperti sunt ut clarè videret.

## CAPUT XXXII.

Mulier ad tumulum ejus sanata.

**A**Nus quædam apud nos erat, quæ interdum Ecclesiæ stipendiis, interdum fidelium elemosynis alebatur, cujus manus dextera ita erat contracta, ut unguis digitorum volam palmæ viderentur perforasse: hæc die quâdam quæ habebatur Dominica, eratque dierum Quadragesimalium tertia, in Ecclesiâ sancti Ursmari loco suo stetit, & inter Missarum celebrationem subito intremuit, cum subito & propter diurnitatem incommodi illa insperata, cœperunt se nervi digitorum extendere, & manus ad officium suum redire. Illa ut persensit, Ecclesiam vocibus complevit. Plena erat Ecclesia, subsequuntur omnes: DEO GRATIAS, DEO LAUDES, nemine tacente, in commune dicuntur. Curritur ad me ubi eram in Ecclesiâ majori, unus post alterum aliquid apportaturus novi, & quasi non prius esset dictum rumigerulus asserbat nutibus gaudiorum. Nos illic ad Ecclesiam scandimus, invenimus illam præ miraculi stupore stantem & trementem, attamen sanam. Laudavimus Deum, & ita discessum est.

## CAPUT XXXIII.

Mulier plena demonio liberatur.

**M**ulier quædam plena dæmonio, à parentibus ad sancti Ursmari sepulcrum attracta est, potius quàm adducta; pedes, manus & colla arcebant vincula: gutture solum & linguâ horribilia quædam promebat, & fœtida. Audires interdum canem latrantem, sibilum serpentium, taurorum mugitum, ut quasi in uno cubili essent diversa ferarum monstra. Dies erat festivitatis ejusdem Patris, coierant ad festa plus solito populi, illa ibi jacebat tam terribiles voces emittens, ut vix Missæ audiri possent in die tam celebri. Festivitate peractâ, ubi illuxit dies crastina, Fratres condolentes illi, Ecclesiam sancti Ursmari petunt pro ejus ereptione Dominum deprecaturi; proposuerunt Letaniam agere, cujus recitatio mihi injuncta est. Ubi ergo post recitationem *Sanctorum omnium* ad locum perventum est, quo potius dicere deberem, *Per adventum tuum libera nos Domine*, vocibus ejus perterritus anticipavi dicere, *Per nativitatem tuam*; tunc illa, imò ille quo misera illa torquebatur, mentiris, inquit, & præposterè loqueris.

Expavi, fateor, & penè extrâ me effectus sum: at ubi me recepi, Letaniam sum prosequutus, cœpique mecum agere tacitus, quod isdem Apostata spiritus Dei judicio tortus, vera quoque tunc dixerit coactus & invitatus: peccatis nostris agentibus tunc nihil actum est, unde desperati parentes ejus, eam reducere tentant; sed ubi ad Sambram ventum est, in pontis medio unus illorum respiciens ad Ecclesiam, Eia (inquit) sancte Ursmare, placetne tibi ut à te tam tristes abeamus, frustra ti à te de longinquo quaesitâ sospitate? Vix verba compleverat, cum subito illa in eodem pontis loco corruit, & aliquantulum illic mortuo simillima jacuit. Quid plura? miseratione Dei, per merita sancti Ursmari post paululum resedit, quæ circa se agebantur inquisivit, ciboque sumpto, omnique sanata incommodo peste caruit, miraculumque suum ipsa postea circumtulit.



## CAPUT XXXIV.

*De quodam Damoniaco curato.*

**N**uper quoque quidam æquè energumenus ad supradictam memoriam est delatus, quem Clerici Ecclesiæ nobis alia curantibus per se tentant increpare, immissumque in aquâ consecratâ Exorcistarum more exorcizavere; sed inter manus exorcizantium subito in altum rapitur, ita ut per plantas vix manibus teneretur, & magno satis cum conamine deorsum reduceretur. Instantibus nihilominus Clericis orationi & increpationi, sanatur hic quoque ad laudem Dei per merita sancti Ursimari.

## CAPUT XXXV.

*Presbyter quidam paralyti dissolutus, ut nec loqui nec virtutem recipere posset.*

**P**resbyter est, quem OSINGERUM nominant, qui ita paralyti erat dissolutus, ut cervix in ipsâ juncturâ resiliret; quid dicam, quod loqui non poterat, cui omnium membrorum officia solo spiritu anhelante defecerant? Hic in hac valetudine annum explens, alterius solatio eleemosynis fidelium sustentabatur. Jacebat autem in villâ Fleon dictâ, cui vicinia est illa nativitatis sancti Ursimari ministra, in quâ erat Ecclesiola lignea quam ferunt eam propriis manibus compaginasse, & in prædio suo dedicasse. Quâdam die euntibus quibusdam cum plaustris in Augustâ Viromandorum mercandi gratiâ, rogavit virtute quâ poterat, ut superpositus plaustro ad supradictam Ecclesiolam duceretur. Factum est, positus est in Ecclesiolâ, & ibi pernoctavit; mane autem facto voluit tentare confusus de Dei misericordiâ & sancti Ursimari intercessione, utrum per se in ipso grabato posset sublevatus residere. Fecit, miratus est rem, deinde paulatim reviviscentibus membris (mirum dictu!) crexit se, & ambulavit gratias agens Deo & patrocinatori suo. Nos postea frequentibus ejus Missarum celebrationibus frui sumus in eodem loco. Sanus ipse de reliquo, præterquam cervix quæ resilierat parum retorta videretur, puto propter commemorationem tam mirifici beneficii, ad propalandum omnibus quantum valeat in conspectu Domini meritum Sancti sui.

## CAPUT XXXVI.

*Idem Presbyter dum Missam celebrat, calicem vino plenum reperit.*

**R**etulit isdem Presbyter nobis, quod dum quodam die in ipsâ Ecclesiâ, cui in recompensatione jamdicti beneficii deserviebat, Missas ageret: lecto Evangelio vas quod consuetudinaliter juxta altare cum vino pendebat, in calicem versat, sed vinum ita congelatum erat ut nec gutta proflueret. Dat vasculum Clerico ministranti, ut glaciem igne resolvat, ipse interim Offertorium percelebrat; dum tardatur, ille respexit ad calicem, qui plenus vino inventus est, adeo ut penè excreveret.

## CAPUT XXXVII.

*Contractus quidam erigitur.*

**A**dso quidam erat in servitio fratris mei Godescalci, futuriæ artem agens, quem à puero contractum omnes cognovimus, ita ut progredi quoquam nisi cum scabellis nequiret. Hic quâdam

die ad sepulcrum S. Ursimari vota soluturus accessit, ferens secum cerea munera, candelas videlicet geminas, petiitque ædituo ut eum ibi pernoctare sineret. Concessit ille: pernoctavit iste. Statim in ipso conticinio orante illo, & Dei potentiam præstolante, cœperunt se tibiz complicata reducere, & tali pedum à diutinâ hæsiōe natum non sine magno patientis incommodo sejungere, usque dum plenè erectus, custodibus mirantibus in pedes stetit; sed præ nimio dolore, & indifucto progrediendi usu ambulare non potuit; qui præ nimia gratulatione quodammodo visus est fuisse ingratus, dum insciis omnibus mane Ecclesiam egressus, nec tum laudes Deo dicere fecit, & ipse ubi plenè doloribus caruit, Ragenerianæ rebellionis se satellitem miscuit.

## CAPUT XXXVIII.

*Caca quædam mulier ad tumulum Sancti sanata.*

**C**æca quædam eleemosynâ FREDERENDIS illius, quæ STEPHANO, cui Bebrona serviebat, nupserat, alebatur. Hæc quâdam die orandi causâ ad memoriam sancti Ursimari venit, & dum montem cui superposita est Ecclesia, ipsa scanderet, in intercapedine quâ quercus antiqua determinat, ex adytis templi, quasi per aliquas rimulas tenuissimas aliquantulum lucis se versùs vibrare persensit, progressa demum ad S. Patris nostri tumulum, ita mirata est visum, ut Gozberto Præposito nuntiare faceret jocundissimum & in Dei laudibus speciosissimum.

Actum est hoc sextâ feriâ ante Dominicam, quam vocant medianam octavam.

## CAPUT XXXIX.

*Quidam ad memoriam ejus, aliis portantibus lapides, portare renuens omni fortitudine dissolvitur, sed pœnitentiâ ductus sanitati restituitur.*

**I**n territorio quoque Willare nobis deserviente quidam fuit colonus, qui cum cæteris votivè ad constructionem trans-Sambrinæ, quam prædiximus Ecclesiæ lapides subvehentibus insultaret, seque id servitium nullo modo subitum dejeraret, repente omni membrorum officio debilitatus est. Sed ut reatum suum, serò licet, cognovit, vota accumulavit, & sanus illic effectus, plus cæteris, cæteros accendens, quo potuit devotionis ardore conficavit.

## CAPUT XL.

*Multitudine populi pons fractus, cadentibus omnibus in aquam, nullus periit.*

**K**alendæ erant Augusti, qui est dies celebris apud nos pro commemoratione vinculorum S. Petri, Sambra fortè tunc plus solito excreverat, & populus confluens ad festa festinabat. Id agendum dum celebrantur Missæ, & ad eas trans-Sambrini globatim maturarent accelerare, pons quem subierant multitudine prægravatus decidit, immersosque quos acceperat alveus longè fluvio suo traxit. Factâ igitur conclamatione turbatur Ecclesia. Egressi penè omnes dum anxiantur ad cadavera solum requirenda, mirâ Dei potentiâ cuncta illa immerforum examina sospita obviavere & læta. Dicat hic quis quod vult: nos liberationem hanc Deo adscribimus, cui proprium est & singulare, Sanctos ubique suos magnificare, & fidentes in illis operâ

miseri cordiæ suæ in periculis eorum meritis suble-  
vare.

CAPUT XLI.

*Comes quidam cum equo Montem-Sanctorum  
scandere non potuit.*

**G**ISEBERTUS ex quatuor Comitis ROBERTI  
filiis unus nuper cum aliis, qui MAIHILDEM  
Comitissam stipaverant, apud nos hospitatum ve-  
nerat, qui inter cœnandum Monachico ordini quæ-  
minus profuso, ut pote improvisis ipsis venientibus,  
cœpit detrahere, licet pro oportunitate tem-  
poris illis sufficientes ministrarentur copiæ. Mane  
facto, montem oratum eques scandit, sed in ipso  
transgressu graduum, per quos ascenditur ad supe-  
rius Monasterium, equus sub ipso labitur, qui cal-  
caribus multoties cæsus minimè erigitur. Putave-  
runt quoddam morbo, ut sit, sonipesurgeretur: tenta-  
tum est iterum & tertio, quadrupes procul dubio  
immobilis jacet. Persuasum est illi ab amicis & co-  
mitibus, maximè à Bosone Advocato nostro, ut si  
quid fortè teste conscientia transgressionis egisset,  
votum voveret Deo, & Ecclesiæ ejus satisfaceret, &  
hoc quantocius posset. Promisit, & descendens  
equum quidem sanum reperit, sed nisi deorsum mon-  
tis ei insidere nequivit.

CAPUT XLII.

*Tria stillicidia apparent in tecto Ecclesiæ, quæ  
distillantes videbantur Ecclesiam incendere.*

**N**Ec tantum in loco felici ejusdem Patris re-  
quitionis sunt à Deo ejus interventu hæc spe-  
cialiter mira, sed in remotis ejus memoriæ dicatis  
locis sæpe ostensa sunt plura miraculo digna. Tu-  
dinium denique nobis adjacens castrum, locum ha-  
bebat Ecclesiæ S. Ursuari memoriæ sacrum, in quo  
quodam tempore, eâ videlicet quæ erat cæna Domi-  
ni nocte (sicut audivimus Bosonem Advocatum  
qui inter fuerat referre) dum more solito in matu-  
tinali synaxi lucernæ exstingerentur, & hymno  
Evangelii finito, terræ adstantes prosternerentur,  
tria stillicidia in modum illorum, quæ videmus por-  
cinâ ex pinguedine ardeffia stillare, à summo tecti  
in pavimento distillavere, adeo ut aliquibus Eccle-  
siam incendere, aliquibus illustrare viderentur.  
Quod cum omnes viderent, cuidam tamen TIER-  
BERGÆ nobilissimæ matronæ orationi inibi procum-  
benti viciniùs & in ipso penè occipitio visum est di-  
stillare, & hoc cur factum sit, nobis est quidem  
incertum, nihil autem in terrâ sine causâ fieri, quia  
legimus, non est dubium: ternarius siquidem nu-  
merus unde sit sacer, Catholicis patet, & ignem  
Deum esse non fictè, sicut à Poëtis Vulcanus  
ignis dicitur, sed verè ut Apostolus sensit, tam  
ex ipsius verbis; ubi Deus noster ignis consu-  
mens est; quàm in eo quoddam Spiritus sanctus ve-  
rus in Trinitate perfectâ Deus, in igneis linguis  
super Apostolos descendit, orthodoxus quisque in-  
telligit.

Hanc igitur ternam igneamque distillationem Tri-  
nitas sancta [exhibuit], verum pro alicujus ad-  
stantis approbanda devotione quam eadem fortè tunc  
igniverat, ut ostenderet foris quod intus agebatur,  
aut pro commendando Sanctorum patrocinio (quod  
magis credibile est) quos ibi populus devotè fre-  
quentabat, nobis quidem latet, sed ei, qui omnia  
facienda prævidit & facta moderatur & regit, pro-  
cul dubio patet.

CAPUT XLIII.

*Quod nunquam Monachi montem ascenderint pro  
aliquo damno reclamari, & remanerent inultis.*

**M**agnitudine seu enormitate suscepti Operis  
evicti & enervati plura prætermittimus. Unum  
hoc ultimum, & omnibus prædicatum, pluribus-  
que sui comperto notissimum dicemus: quoddam vi-  
delicet nullus qui Ecclesiæ illi unquam intulit dam-  
num, gloriatus sit in annum: & si fortè pro quo-  
libet, ut assolet, injustè illato damno Monachi  
ex majori Monasterio, quod quidem inferius est  
montem S. Ursuari scandunt reclamaturi, cre-  
ditur, nec vana spes est, nunquam inultum iri.  
Experti sunt hoc plerique, & serò licet ingemuere.  
Nimirum locum quem rexit corpore vivens,  
tuetur meritis cum Christo regnans, & in ipso  
gaudens.

*Huc usque Fulcuinus.*



C O N T I N U A T I O

S I V E

E X C E R P T A Q U Æ D A M

E X A N T I Q U I S M O N U M E N T I S ,

*Variisque Auctoribus Abbatie Lobientis.*

**I**MUNITATEM Ecclesiæ nostræ suggerente domno  
Episcopo NOTHGERO, ab OTTONE Imperatore de  
nomine II. innovari primum; postea eodem Episco-  
po agente, à JOANNE Papa auctoritate Apostolicâ  
confirmari obtinuit Abbas Fulcuinus. Ex quo enim  
Franco de Abbate Lobienti in Episcopum Tungren-  
sem vel Leodiensem promotus à Rege ARNULFO,  
Abbatiam Episcopatus suo acquisivit, sub Episco-  
pis usque ad Euracrum succedentibus; res nostræ  
per Præpositos & Decanos quoscunque Episcopi  
ordinassent, regebantur. Per Nothgerum autem  
ejusdem Episcopi Euracri successorem nobis conces-  
sum, & à præfato Joanne Papa confirmatum est,  
ut sicut ab initio usque ad Franconem, ita dein-  
ceps Abbatem habere deberemus: sic tamen ut po-  
testatem, quam in ipsâ Ecclesiâ usque ad Arnul-  
fum Regem habuerant Leodienses Episcopi, Regali  
concessione sibi retinerent: videlicet Abbatem, quem  
Congregatio liberè sibi elegisset, ipsum præficerent:  
Advocatum quoque secundum eligentium votum  
Ecclesiæ constituerent, de cætero pro collato sibi ex  
loco eodem honore ejusdem loci Abbatem in suâ  
idem Lobientes Ecclesiâ Vicarium haberent, & Lo-  
bientem Ecclesiâ inter cæteras totius Episcopatus  
Ecclesias, post matricem primæ sedis Ecclesiâ pri-  
matum præ omnibus habere concederent. Servan-  
tur in arcis Ecclesiæ auctoritatis hujus privilegia.  
Et illud quidem, quod Papæ Joannis habet sigil-  
lum, quia papyro fuit conscriptum, præ vetusta-  
te penè oblitteratum; sed ipsum, sicut aliud quod  
ab Ottone II. fuit confirmatum, succedente tem-  
pore renovatum est. Instituit etiam idem Fulcuinus,  
& datâ in violatores maledictione pietatis intuitu de-  
crevit, sicut hætenus servatur, ut quotidie tres  
pauperes cibo & potu reficerentur, & ut annis sin-  
gulis ab Eleemosynario aliquanti etiam pauperes ves-  
tirentur. Recensuit quantum librorum in armario,  
quantum ornatuum in Ecclesiâ ordinationis suæ

tempore invenerit; & quantum addiderit, scripto etiam posteris reliquit.

990.

Obiit **FULCIVIVS** Abbas anno Dominicæ Incarnationis **ccccxc.** sepultus in Ecclesiâ beati Ursuari ad aquilonarem ejusdem Ecclesiæ partem, secus **Ratherium** Episcopum. Gesta etiam Abbatum hujus Cœnobii usque ad seipsum annotare, & plura legentibus utilia interfere curavit. Miracula quoque beati Ursuari, quæ suis maximè florere temporibus, descripsit: ubi & studia liberalium artium, & Religionis cultum iisdem temporibus plurimum viguisse, legentibus manifestum est.

XX. Abbas  
Herigerus.

Post hunc **HERIGERUS** substitutus est, ejus virtutum dotes describere superfluum puto, cum apud externos etiam & vitæ & scientiæ clarus existeret: in tantum enim prædicto venerabili Episcopo **Notthgero** carus & familiaris fuit, ut non solum in domesticis vel Ecclesiasticis rebus, sed in palatinis quoque negotiis, quorum tunc temporis præcipuus erat exequutor, idem Episcopus inter primos eum semper habuerit: nec in Lotharingiâ solum, sed & in Italiâ, ubi **Ottoni II.** adhuc puero Regnum præparabat, ejus obsequiis & consiliis usus fuerit.

Postquam verò Abbas ordinatus est, construxit hoc Oratorium ad occidentalem Ecclesiæ plagam in honorem sancti **Benedicti**, quod ab eodem **Notthgero** Episcopo dedicari fecit, & unde obsonium competens Fratribus in die translationis ejusdem beati **Benedicti** omni in posterum tempore ministraretur, ejusdem Episcopi auctoritate assignavit. Ornatum verò Ecclesiasticum cum adhuc **Monachus** Episcopali curiæ deserviret, & cum factus esset Abbas, quantum adauxerit, ipse etiam annotare literis curavit.

Que scripta  
ediderit.

Scriptis gesta Pontificum **Leodiensium**: scripsit metrico stilo vitam **S. Ursuari**: scripsit etiam ad **Hugonem** epistolam de quibusdam questionibus; & alia multa composuit, sed in lucem non emisit. Scripsit sub suâ & **ADELBOLDI** personâ **Leodiensis** Clerici, postea verò **Utrajectensis** Episcopi, **Dialogum** de dissensionibus Ecclesiæ de **Adventu Domini**. Congessit etiam contra **Ratbertum** multa **Catholicorum** Patrum scripta de **Corpore & Sanguine Domini**.

1007.

Obiit in senectute bona anno Dominicæ Incarn. **MVII.** pridie Kalend. Novembris, sepultusque est ante altare **S. Thomæ Apostoli** in Ecclesiâ **S. Ursuari**; quod quidem altare pro eo quod in die ejusdem Sancti ordinatus esset Abbas, eidem Apostolo ipse construxerat. In honore etiam ejus duas Antiphonas, scilicet, *O Thoma Didyme*; & *O Thoma Apostole*, composuisse dicitur; & hymnum de sanctâ **MARIA** virgine, *Ave per quam*, &c. & quædam alia. Fuere qui dixerint frigoreticos ad ejus tumulum sanatos fuisse: nos sicut de vitæ illius sanctitate non discredimus, ita & de sanctitatis remuneratione coram Sancto Sanctorum illum gaudere non ambigimus.

XXI. Abbas  
Ingobrandus.

Ordinatur post hunc **INGOBRANDUS**; quo tempore **OLBERTUS** nostræ Congregationis **Monachus** **Burchardo** **Leodiensi** Canonico, postea **Wormatiensi** Episcopo, à **Baldrico** **Lodien** Episcopo magisterii gratia conceditur; quem **Burchardum** cum idem **OLBERTUS** in utraq; scientiâ adeo promovisset, ut ipsius magisterio utilitati Ecclesiasticæ postea factus Episcopus plurimum inservierit, digno cum honore ad nos reversus est. Ordinatus interim **Vangionum** Episcopus idem **Burchardus**, magistri sui non oblitus est; sed petiit à domino **Leodiensi** Episcopo, & obtinuit, ut si quando locus suppeteret, virum tantâ prædictum gratiâ ad aliquam provehere dignitatem curaret: quod & factum est: & cum inter ipsos idem **Gemblacensium** Abbas quartus ordi-

natus esset, apposuit idem Episcopus, ut pro virtutum gratiâ quam in illo abundare probaverat, eundem insuper **Monasterio S. Jacobi**, quod ipse in insulâ Civitatis suæ construxerat, primum Abbatem constitueret. Cumque in spiritualibus & in secularibus utrumque locum strenuè administraret, in **Monasterio S. Jacobi** in sanctitate & justitiâ defunctus est, ibique ante altaris gradus sepultus.

Nec omisit idem dum adhuc viveret nomen suum perpetuum reddere ac propagare, vitas Sanctorum describendo, cantus in honorem Sanctorum componendo, & maximè fervorem Religionis in commissis sibi **Monasteriis** exercendo.

Tertiodecimo ordinationis suæ anno **INGOBRANDUS** de Abbatia à **WOLBODONE** sanctæ memoriæ viro **Leodiensi** Episcopo ejicitur, in ejus locum **RICHARDUS** venerabilis **Virdunensis** Abbas **Lobien**sem etiam Abbatiam regere constituitur: quod & fecisse laudabiliter in omnibus sanctæ Religionis exercitiis comprobatur. Tantæ siquidem auctoritatis fuisse dignoscitur, ut totius penè **Lotharingiæ** **Monasteria** ejus instituta pro lege servaverint, & servanda posteris per succedentia tempora tradiderint. Quo etiam tempore **Poppo** **Stabulensis**, **STEPHANUS** **Leodiensis** eodem Religionis fervore Ecclesiam illustrare cognoscuntur.

Anno igitur regiminis sui **XII.** in manum **REGINALDI** Episcopi Abbatiam **Richardus** reponit. Decimo autem ejectionis suæ anno apud **Stabulaus** **Ingobrandus** obiit, sepultusque est ad australem ejusdem principalis Ecclesiæ partem.

Itaque cum **INGOBRANDUS** vitâ functus esset, & **Lobien**sem Abbatem resignasset **Richardus**, suffragiis **Monachorum** in **Antistitem** eligitur **Hugo**, & in die **Pentecostes** **Spiritu sancto** cooperante ut & honore erat dignissimus, benedictionis munus consequitur, atque **Lobien**libus præficitur: nam (ne longius deinceps à verbis nostri Scriptoris brevitatibus gratiâ discedam, & quia paulo certior, quàm superius ejus videtur sermo) ipse quoque & religionis & scientiæ tramite venerabilis prædecessoris sui **Herigeri** velligia consecrans, locum nostrum non mediocriter illustravit. Iste est ad quem prædictus **Herigerus** familiariter de quibusdam questionibus scripsit, & quem in sacræ Scripturæ indagine pro studiorum similitudine socium habuit. Anno ordinationis ejus nono, qui erat ab Incarnatione Domini **Mxxxvi.** tertiò dedicatur Ecclesia **Lobien**sis **Idibus Februarii** ab ipso **Reginaldo** **Leodiensi**, & **Gerardo** **Cameracensi** Episcopis: quo die specialium patronorum nostrorum (inquit auctor) **Ursuari** & **Ermini** capita, in principali altari, quidam retrò summum altare recondita fuisse asserunt. Sub eodem **Hugone** villam **Peschant** seu **Peillant** cum servis & ancillis ad eandem pertinentibus, ab Ecclesiâ **Cameracensi** factâ permutatione pro villâ nostrâ **Marege** accepimus.

Floruisse etiam apud nos studia literarum in recensitâ librorum summâ, quæ per idem tempus descripta est, concipi potest, sed & usibus Ecclesiasticis ejus indultriâ accreverunt. Opus verò templi reedificati, quod ex parte ut restauraretur dejectum est, & partim à fundamentis erectum fuerat, licet dedicationis diem suprâ annotaverimus, usque ad ætatem **Adelardi** Abbatis imperfectum remansit. Præfuit autem prædictus **Hugo** annis viginti uno; obiit anno Incarnationis Dominicæ **Mliii.** sepultus secus **Fulcuinum** atque **Ratherium**. De ratione **gubernandi** hujus **Hugonis** paucis notat singularia noster Scriptor gallicus ad hunc modum: **Hugo** **Monachus** & Abbas anno ab Incarnatione Domini **Mxxvii.** magnam studio illibatam conservavit disciplinam

XXII. Abbas  
Richardus  
Virdunensis.XXIII. Abb.  
Hugo II.Ex antiquis  
Scriptoribus  
Auctor hanc  
seriem Abbatum  
continuat.

1016.

1011

XXIV. Abb.  
Adelardus.

plinam regularem; Eccleſiæ ſtructuram à FRANCO-NE anno DCCCXXXVII. incœptam, plurimum promovit; ac Monafterii redditus quoque auxit non parum.

Hugoni ſuccedit ADELARDUS temporibus turbulentiffimis: quamobrem cum à perfectione operis templi impediretur, eo quod partim bello, partim majorum negligentia Eccleſiæ poſſeſſio diminuta eſſet, propoſitum bonæ voluntatis donec major facultas daretur diſſerre coactus eſt: nam turbatâ; imò perditâ prorsus pace inter HENRICUM Imperatorem & BALDUINUM ſeniores Comitem, qui in vaſo Haynault rebellabat; Lobia in eâ parte mali poſita, cultoribus & habitatoribus deſtituta, ad extremam penè deſolationem reducta eſt.

Abbas igitur Adelardus conſilio Epiſcoporum ac Principum delato beati Urſmari corpore, poſſeſſiones Eccleſiæ, quæ ubique nobis, & maxime in Flandriâ diſperierant, omni ſtudio intendit recuperare.

Huc quoque referendum putavi, quod in monumentis ſcriptis lego, mortuo domino Grimbergue, uni ex filiis ejus ceſſiſſe dimidiam partem Mechliniæ cum aliis redditibus, quam portionem ipſe dono dedit Monafterio Lobienſi, quod quidem ad certos annos ejus donationis recepit fructum. Verùm quia ſucceſſu temporis per dominos à Grimbergue gravia paſſi fuiſſent Lobienſes Monachi cum Abbate, ſuam partem tranſtulerunt in jus Epiſcopi Leodiienſis pro commutatione aliorum bonorum quæ ab Epiſcopo illo receperunt, ne in poſterum infeſtarentur à DD. Grimbergenſibus, qui aliam partem Mechliniæ poſſidebant. Exſtat autem apud nos libellus peregrinationis antedictæ, in quâ quamdiù ſanctum corpus in Flandriâ portatur, & inde reportatur, tamdiù ſingulis diebus ſuæ inſignia ſanctitatis, atque miracula exhibebat ſanctus Urſmarus per externas nationes.

Venerabilis igitur Abbas opus intermiſſum tandem repetiit, nec inſtar prioris recens ædificium conſummaſſe contentus, ab Occidentali parte novum in honorem ſancti Joannis Baptiſtæ Oratorium adjunxit, uti nunc etiam apparet, cujus conſtructionis cauſa à ſenioribus noſtris talis reddita eſt, eo quod ſcilicet idem Abbas ab eâ templi parte frequenter in ſomniis ab Angelis decantari audierit Reſponſorium: *Inter natos mulierum*: vel quia dum aliquando ægrotaret, eundem Joannem Baptiſtam ſibi apparuiſſe vidiffet; quod etiam conqueri audierit eundem Sanctum in ipſâ Eccleſiâ multorum Sanctorum non deſſe memoriam, ipſe verò nullum in eâ ſpeciale titulum haberet. Eleganti itaque formâ fabricæ templi menſura adaucta eſt, in inferiore ſui parte habens oratorium ſancti Benedicti, in ſuperiori ſancti Joannis Baptiſtæ.

Fecit etiam ad templi plagam aquilonarem porticum Clauſtralem, habentem videlicet in circuitu obambulatorium in medio amplitudinem congruentem: puteum etiam aquis indeficientibus.

Ad pondus autem quotidiani panis quadrantem appoſuit; Eccleſiam de Griaco, ſeu Gumaniano, quam prædeceſſores ejus abſtulerant; Eccleſiam quoque de Hain, præter altare, Eccleſiam quoque de Heſtru præter altare, dimidiam Eccleſiam de Gothunes, ſeu Gothgines, Fratrum ſtipendiis reſtituit: multa quoque quæ anteceſſores ejus privati juris loco habuerant, ipſe in diverſis Monafterii operibus expendit. In diebus ejus adhuc creſcentibus miraculis quæ per beatos Patronos noſtros longè lateque demonſtrabantur, caſtrum etiam quod dicitur Gruniacum, à quo magna capiebamus detrimenta, virtus ſancti Urſmari in ſolitudinem ha-

buit: nam ad tantam deſolationem reductum eſt, ut ejusdem Caſtellanus nocturna viſione per beatum Urſmarum horribili terrore percuſſus aufugerit; & cum nullus deinceps in caſtro morari auderet, tandem à Leodiienſi Epiſcopo dejectum eſt.

Obit autem ADELARDUS Abbas in ſenectute bonâ anno Dominicæ Incarnationis MLXXVI. juxta alium MLXXVII. ſepultus eſt ante gradus præſbyterii veteris Eccleſiæ ſancti Urſmari: nam ſuccedente tempore à præſbyterio, & ultra ad Orientem plagam ejusdem Eccleſiæ longitudo producta eſt.

Subſtituitur dein ARNULFUS, qui cum pro ſuo arbitrio omnia agere cœpiſſet, OIBALDUM Cameracenſem Archidiaconum Præpoſitum Monafterii, & quaſi totius Abbatix Coabbatem ſibi adſcivit, eo quod ejusdem Archidiaconi indiſtriâ, Abbatis nomen adeptus eſt. Qui Oibaldus pro temporis ratione commiſſo ſibi Monafterio abutens, prout voluit, non prout debuit, bona Eccleſiæ non ad Monafterii utilitatem diſpenſare cœpit, multaque filia- bus ſuis, quibus abundabat, dotis nomine delegavit; plurima Cænobii bona (quibus ad voluptatem ſuam & aliorum abutebatur) ut quos ſibi gratos redderet, detinuit. Tali diſpenſatione imò diſſipatione, quamdiù vixit Arnulfus idem Oibaldus Monachis non miniſtrare, ſed miniſtrari à Monachis viſus eſt: nam ut de Clauſtralibus taceam, quibus quantum voluit, & quando voluit, ad quotidianum ſtipendium de neceſſariis conceſſit, ſi quis de Obedientiariis in aliquo contradicere ei præſumiſſet, non impunitum reliquiſſet.

Unde poſt multa tyrannidis hujus incommoda, Fratres tam de Abbate quàm de Præpoſito coram Capitulo Leodiienſi, prius apud Henricum Epiſcopum, & poſtea apud Otbertum, deſcriptam calamitatis ſuæ hiftoriam recitare coacti, querelam deponunt, in quâ tam de Lobienſi quàm de Anthoniienſi Eccleſiâ, quanta nobis incommoda, quanta ſibi & ſuis commoda idem Archidiaconus accumulaverit, non ignotum poſteris relinquunt. In Eccleſiâ tamen beati Urſmari meliorandâ, juxta quam etiam domum, cujus adhuc ruina patet, habebat prædictus Oibaldus, ſe admodum propenſum atque devotum exhibuit; ita ut ejusdem Eccleſiæ menſuram ad partem orientalem non parvâ quantitate porrexerit, & turrim in eâ ad partem occidentalem erexerit, in cujus etiam ſtructurâ lapidibus comportandis uſâ domesticâ pro jumento uſus eſt. Clauſtrum quoque & Baſilicam ſancti Nicolai conſtruxit. Nec prætereundum, quod in illo præſbyterii novo ædificio, dum pro competentia operis pavimentum vetus aperitur, inter cætera, ut conſpicere poſſumus, Juſtorum corpora, quæ ſicut inventa ſunt reliquit, ſanctæ memoriæ AUONIS Abbatis corpus reperit, & ſicut à paucis quibus hoc ſecretum condidit, hi poſtea divulgaverunt, quod ingredientibus cryptam ab aſtrali parte à latere ſiniſtro, juxta muri ſtructuram in imo ea recondiderit: videre adhuc eſt ex eodem loco foramen, in quo poſtea ad tentandum ſi fortè extrahi inde poſſet brachium quidam immiſit, ſed niſi tota ſubrueretur materia quæ inde conſurgit, nequaquam hoc fieri poſſe probavit.

Idem etiam Oibaldus de altaribus vel aliis bonis noſtris, quæ à ſe nobis ablata tenebat, numero Canonico- rum, qui tum duodenarius erat, appoſuit tres Canonicos: ad hanc tamen appoſitionem, ſeu penſionem etiam de theſauro ejusdem Eccleſiæ argenteam altaris tabulam, & argentea ſcriniorum opercula, in quibus ſancti Ermini & ſanctæ Amalbergæ corpora requieſcunt, à frontibus eorum quia à lateribus operata non erant, accepit. A numero autem duodenario, in quo eoſdem Canonicos tempore Folcui-

1076.

XXV. Abbas  
Arnulfus.

ni Abbatis Otto Imperator instituit, quomodo ad quindenarium eos provexerit, incertum est.

*Hactenus exemplar Lobienſe.*

**SUBSEQUUNTUR ITERUM QUATUOR**  
*Quaterniones de Gestis variis Abbatum*  
*Lobienſium.*

**A**bbas autem ARNULFUS secundo ordinationis suæ anno, Oratorii beati Andreæ Apostoli dedicationem à GERALDO Cameracensi Episcopo innovari; à quo altare de sanctis absque personatu; altare verò de Arcellâ à RADBOLDO Tornacensi & Noviomensi Episcopo sub personatu acquisivit. In diebus ejus Goderdus hujus Cœnobii Monachus codicem proprium & manu propriâ & labore perfectum, beato Petro obtulit, Pentateuchi & Regum, & Prophetarum plenam historiam continentem.

Ut autem de eodem Abbate succinctâ brevitate quæ suo gessit tempore comprehendantur, sic accipe. Ex quo Abbas FRANCO permisit, imò traxit bona Monasterii Lobienſis ad jus Episcoporum Leodiensium, non solum suis obsoniis ac stipendiis Religiosos frustrarunt posteri Abbates & Episcopi, sed etiam hic Arnulfus per ambitionem factus Abbas sæcularium obsequiis oblectatus, Cœnobii bona eis quasi in beneficium militare concessit, quibus voluit, non quibus oportuit. Obiit anno Dominicæ Incarnationis Mxciv. quo anno magna hominum fuit mortalitas, & draco igneus per aërem volare visus Calendis Augusti. Sepultus est secus prædecessorem suum bonæ memoriæ Abbatem Adelinum, imò Adelardum, ut habet aliud exemplar Lobienſe.

XXVI. Abb.  
Fulcardus.

Quamvis noster Auctor Lobienſis paucis tam Arnulfi Abbatis, quàm Oibaldi ejusdem Administratores, (ne dicam dissipatoris) œconomiam perstrinxerit, in hoc tamen tractatu longè fusiùs singula narrat, dum laudes FULCARDI Abbatis prosequitur; qui fuit vir singularis modestiæ, & magnæ pietatis eâ tempestate, quâ Principes Christiani expeditionem Jerosolymitanam susceperunt. Quo tempore Ecclesia sancti Ursuari, inquit noster Auctor; per prædictum Oibaldum ædificationis novæ incrementis aucta, à Domino OTBERTO Leodiensi Episcopo decimo tertio Kalendas Februarii dedicatur: in quâ etiam dedicatione is Episcopus in cryptâ ejusdem Ecclesiæ in honore beati Lamberti Martyris altare consecravit, & pro ejusdem Patroni veneratione Canonicis viginti solidos annui redditus ad stipendia solita addidit: qui etiam Episcopus locum nostrum ab antecessore suo HENRICO nimis neglectum, quam maximè excoluit.

Exstat apud nos, ut suprâ attigimus, miserabilis Conventus querela pro damnis, quæ nobis sub Arnulfo per Oibaldum acciderant, ad eundem Episcopum descripta, à nobis quoque pro rerum notitiâ eo quo facta est tenore subjuncta.

*Epistola Lobienſium Monachorum ad OTBERTUM*  
*Episcopum Leodiensem.*

» **D**omino nostro OTBERTO Dei gratiâ Leodiensi Episcopo, & illius sedis fidelibus, cuncta Congregatio Lobienſis. Concipimus pressuram tempore longo, & parturimus angustiam tempore angusto. Dominus Abbas Arnulfus superbundans fertilitate temporum nihil providit in posterum, nihil nobis reservans thesauros suos condidit marsupio pertuso, fundos, Ecclesias, mensam nostram, decimas hospitalitatis & Ele-

mosynæ dispersiens ampliavit divitum abundantiam, & adauxit divitum seu pauperum inopiam. Ex Hospitalitate abstulit, Ecclesiam de Gyseyr (aliàs Gysur) præordinatam in usus pauperum & hospitum, tot quot duodenis pauperibus unicuique denarium cum refectione congruenti, de quâ Oibaldus Decanus filium suum ditavit: dedit eidem idem Abbas quatuor mansos hospitalitatis proprios, & conventionem quæ supradicta est Ecclesiam, videlicet ad adjutorium Abbatie sibi impensæ: dedit & mansum sive domum in ducatu Lobie, juxta quæ omnia invasit eodem Abbate consentiente, decimas de Maregio, Hyon, Hayna (seu Hayna-cruce, sive sanctæ Crucis) Carneriis cum consortiis earumdem villarum, & reliquiarum sui ministerii, tribus mensibus deputatis usibus Pertusfirmi. Auferuntur & ab aliis decimæ de Illue (sive Illies) Chestrez, Verrieres, Sannizées, seu Bamozées, Bosonis vallis, Heistru, Heisteum, Lavimiés, Harven, Barbenon seu Barbeton, Ferieres seu Fernes, Flena & Ham; hæc sunt hospitalitatis & eleemosynæ.

Auxit idem ipse Abbas fiscatis suis solidos, fisco fisco superaddens & solidos. Ubi cumque dilavit suam gloriam, nostra crevit penuria: excrevit in tantum adversus nos adversitas soldariorum, ut villas mensæ nostræ congruentes sibi vendicare velint; ministros suos insacramentare decernunt, sibi que jurare cogunt atque obnoxios esse; omnesque terræ redditus propter solidos ibi denominatos ab ipso Abbate, & non antea, minantur sibi dandos: factores hujus rei sunt soldarii Oibaldus Decanus, Joannes de Montiniaco, Fulco de Fontanis, quibus non solum geminavit fisco paternos, sed quadruplicavit; insuper & solidos auxit: hæc omnia pro minimo sunt eis, nec repetunt à Domino Abbate domum seu donum & gratiam, nisi eis superauerit. Alii soldarii sunt plures favente Oibaldo locati, nec servitio Ecclesiæ præmeditati, nisi tantum solidorum gratiâ seu gratiam repetendi. Insuper his omnibus Lobis ubi cumque & in toto Sambrino in pascua pecorum quartum denarium dedit illi, qui pro quarto sæpius mercem accepit, cum tres veniant in parte Abbatibus.

Nobis ipsis compatimur, quia ab eo magis opprimimur, quàm ab aliquo prædone depopulemur: quoties nimirum ab aliquo nostrum petit, & non accipit, statim Synodo sanctificata altaria nostra invadit: sic nactus insuper occasionem adversus quemdam Fratrem nostrum, à quo petiit tres caratas sceni, & non accepit, eo quod malè petierit, Altare unum invasit, & invasum concionatur facultatem retinendi.

Pro his & similibus exponit fragilitatem & infirmitatem nostram omnibus, ne aliquando clamor & veritas audiatur. Longum est describere singula, quæ de mensâ nostrâ in ejus sunt translata, nullo patrimonio contigua, ut est Ecclesia de Tullies, de Gotinies, cum tribus mansis superadditis, exceptis omnibus subscriptis, & his & nobis contradicentibus datis. De nobilitate verò Anthonii quâ vigeat magnificentiâ matris Domini, nulla est colloquutio nobis: est enim condolare Abbatie potius, quoniam ipsius sedes erat nobilis, nunc autem spolia ejus dividit cuidam ex filiabus Oibaldi.

Sed & hoc non est silendum, apud nos autem tacitum, quia non vidimus proficuum, quia matrem & sponſam ejusdem filii Lobie exhereditavit, & aliam filiam nuptui adoptatam dotavit prædiis unius præbendarii, quæ delegerat deservire sibi,



„ & ſemper ſufficerat uni. Addidit & illi octo man-  
 „ ſos in vico Bichero nobis in feſto S. Nicolai joton-  
 „ dos, omnibuſque retractatis quamdam parvulam  
 „ partem vitæ fratrum ſuorum invenit in eleemoſyniſ  
 „ Litanæ majoris ſuper quam illis impoſſibilia pro-  
 „ mittens, annuentibus cunctis benedictionem, mi-  
 „ noratæ eorum ſubſtantia ſuam ſatiavit eſuriem.  
 „ Aufert & eleemoſynam nobis ſubdolè appetitiam  
 „ quadraginta ſolidis quotannis, datam pro requie  
 „ Hellini advocati junioris, quam dedit, ignorantibus  
 „ nobis, Sigero fratri Fraſtradi. Vendidit & in-  
 „ dominicationes Eccleſiæ (cujus cuſtodie domum  
 „ videtur augere) quidquid pater ejus tenuit terræ  
 „ cenſalis. Ex eleemoſyniſ noſtris fundos fecit ſuos.  
 „ Quibus laus & vita ejus commentationes menda-  
 „ ciorum ſunt, ſibi non faventibus adverſæ, & ra-  
 „ pinæ pauperum in holocauſtum Domini poſitæ,  
 „ cum ſit proprium Domini, rapinam in holocau-  
 „ ſtum odio habere.

„ Nunc ſiquid eſt miſericordiæ & conſilii in ſede  
 „ Leodiſi, præmeditamini ſuper his, ne inculpe-  
 „ mur conſenſu, quia clamavimus. En alterâ vice  
 „ tempore Henrici Epilcopi & conſuſi ſumus, ſedu-  
 „ cti enim concupiſcentiâ obturaverunt ora noſtra,  
 „ quod & nunc timet inopia noſtra. Valete.

Unde præſatus Epilcopus OTBERTUS Abbatem  
 FULCARDUM pro Advocatorum querelis cum ipſo  
 etiam B. Urſmari ſacro-ſancto corpore, uſque ad  
 præſentiam Imperatoriæ Majeſtatis venire coactum  
 benignè excepit, & ut nobis privilegia Regiæ immu-  
 nitatis ab OTTONE conceſſa per Imperatorem  
 quoque HENRICUM renovarentur, obtinuit:  
 cujus renovationis tenorem, ſicut & ejuſdem Ab-  
 batis vel Eccleſiæ clamorem, hîc quoque inter-  
 ferere, & poſteriorum memoriæ tradere nobis vi-  
 ſum eſt.

*Epiftola FULCARDI Abbatis HENRICO  
 Imperatori.*

„ HENRICO gratiâ Dei excellentiſſimo Roma-  
 „ norum Imperatori Auguſto, FULCARDUS  
 „ Abbas nomine non merito, & puſillus grex Cœ-  
 „ nobii Lobienſis, augmentum cœlitus victoriæ &  
 „ pacis, ad ſalutem utriuſque hominis. Salomon  
 „ Rex quondam pacificus primordia regni ſui juſti-  
 „ tiæ judicio ſub contentione mulierum dedicans,  
 „ ſupereo ſententiam poſteris memoriæ dignam com-  
 „ mendat, dicens: *Facere miſericordiam & juſti-*  
 „ *cium magis placet Domino quàm viſtima.* Hujus  
 „ præſcripti fiducia & ſpe, miſericordiâ & judicio  
 „ potiundi, Ego FULCARDUS cum delato corpore  
 „ Patroni noſtri, videlicet S. Urſmari Pontificis, &  
 „ familiâ præſenti, uſque ad thronum Regium cum  
 „ temerario auſu prorumpens (etenim ſublelliis im-  
 „ perialibus nuſquam locum obtinet juſtitia, omnes  
 „ quippe retributionem ſequuntur ac munera) ſuper  
 „ multimoda afflictione & egeſtate noſtrâ, & miſe-  
 „ rabili direptione prædiorum, & poſſeſſionum &  
 „ facultatum, ac priſtinæ libertatis dominæ noſtræ  
 „ ſanctæ Lobienſis Eccleſiæ, oramus patienter nos  
 „ audias pro tuâ clementiâ, & exaudias in tuâ ju-  
 „ ſtitia.

„ Eccleſia noſtra in angulo Regni tui penultimo  
 „ fundata, ſub titulo Apoſtolorum B. Petri & Pauli  
 „ dedicata, jam quingentis annis optimâ libertate  
 „ potita eſt, priorum Regum & Regno & autho-  
 „ ritate firmiter conceſſa, nec non ampliſſimâ præ-  
 „ ditorum ac poſſeſſionum munificentia: pro quibus  
 „ omnibus penè ſibi ſubſtractis clamat ad te, ut pote  
 „ vidua, quoniam non aliàs, ſi non coram te, ô  
 „ Cæſar, obviant ſibi veritas & miſericordia, ne-

Tom. II.

que ullatenus juſtitia & pax ruunt in oſcula. Tales  
 igitur in Abbatia Lobienſi fuerunt leges Majorum,  
 quæ integræ perduraverunt uſque ad THEODU-  
 NUM Epilcopum. Caſtellanus Tudinienſis quod  
 nobis adjacet Caſtri, totam præfecturam Abbatæ  
 debet tenere in manu ſuâ, nec aliquos debet ſu-  
 ſtinere Defenſores, vel Advocatos, niſi qui here-  
 ditarii ſunt hereditate antecellorâ: modo haben-  
 tur in villis ſancti Petri multi Advocati; imò ra-  
 ptores, in aliquibus quinque, in aliquibus qua-  
 tuor, in aliquibus tres, in aliquibus etiam ſeptem;  
 qui præter tres principale generales placitos quan-  
 documque volunt, ibi ſigillatim placitant: præ-  
 caturas imò rapinas, quas nullas omnino habere  
 debent de avenâ, de avenâ, de multacibus, de  
 denariis, de omnibus penè mobilibus contrâ vo-  
 luntatem pauperum; non precando, ſed tollendo  
 faciunt ſæpius, ubi ſigillatim nocturno diverticulo  
 jacendo pauperes manſionarios omnimodis affli-  
 gunt. in placitis præter bincinam & teſteiam non  
 debet habere Advocatus niſi tres denarios, & ali-  
 cubi duos: modo ſi aliquis non placito Scabino-  
 rum banno fuerit devictus ſine potestate Advocati,  
 Advocatus vult habere tertium denarium;  
 quod nullo modo debet fieri, niſi omnino reſiſtens  
 devictus fuerit cenſura Advocati. In loris, in ſan-  
 guinis fuſurâ, in manumiliſuris, in licentiâ mari-  
 tandi; in mortuâ manu, niſi debet habere Ad-  
 vocatus, niſi miniſter Abbati declamaverit apud  
 eum, & ipſe Advocatus ei redemerit: modo ali-  
 quando tertiam partem, & aliquando totas tres  
 partes diripiendo ſibi vendicant.

Legitimus Advocatus totam familiam altaris  
 ſancti Petri debet tenere in manu ſuâ, nunc his  
 & illis per partes in beneficium diſtracta depreda-  
 tur, & annihilatur, non unius ſed multorum  
 violentiâ. Ubi cumque in vadiis Advocatus ter-  
 tium denarium debet habere, communiter Mini-  
 ſter Abbatis, & Miniſter Advocati vadium de-  
 bent appetiare: modo Advocati hinc ſe ſeparant,  
 & ſecundum arbitrium ſuum leges ſuas ex inte-  
 gro accipiunt. Præter hæc verò quæ diximus, ita  
 nobis quidam horum ſunt inſeſti, ut niſi quot-  
 annis quidpiam muneris ad libitum ſuum à no-  
 bis acciperent, etiam ipſas ſuæ deſenſionis villas  
 quâlibet occaſione invadant, omnemque anno-  
 nam cum redditibus exinde nobis provenientes  
 aut pro ſe accipiant, aut tamdiu violenter deti-  
 neant, donec majora quàm prius petierunt ab  
 invitis exigant. Crebreſcentibus his apud nos ma-  
 lis jam triginta annis, in hoc biennium pervenit  
 gladius uſque ad animam, & dum ab aſtu tribu-  
 lationis quærimus nondum inventam requiem uni-  
 bram, incurrimus ſuccuſionis falcem & lanceam,  
 quam intuliſſe nobis plangimus Monteniſ Comi-  
 tiſſæ militiam, quæ in ſuccenſionem ignis & de-  
 pradationem, & captivitatem & mortem redegit  
 totam juris noſtri viciniâ. In his omnibus non  
 eſt averſus furor ejus, ſed adhuc manus ejus ex-  
 tenſa; quamquam prohibeat gladium à ſanguine,  
 exceſſit terris juſtitia.

Sub his diebus Eibertus nobilis adoleſcens, bel-  
 lico iſtæ vitæ decedens, in agonia poſitus ſanctum  
 Petrum ſanctumque Urſmarum devovit ſibi here-  
 dem, quibus omnia juris ſui poſſeſſiva reliquit ad  
 ſui requiem. Poſt triennium obituſ ejus perlato  
 corpore hujus beati patroni noſtri Urſmari, om-  
 nia legitime pervadimus, ſeu in noſtram poſſeſ-  
 ſionem convertimus, legitimo jure; ſed præci-  
 puum illud allodium Aigup nominatum, non eſt  
 veritus Sancto nobiſque contradicere confobrinus  
 illius licet injuſtè HENRICUS Marbaſiæ, pro quo

B B B b i j

» vestrae dignitatis excellentiam seu clementiam im-  
 » ploramus, quatenus ejus excellentiam, quae ad-  
 » huc nobis resistit, ex hoc coerceri impetremus.  
 » De cetero, ne nostra excremini multiloquia, fiat  
 » querimoniae nostrae clausula. *Fiat pax in virtute*  
 » *tua*, & sic erat in turribus nostris abundantia,  
 » quibus singulis annis deficiunt etiam victualia.

HENRICI Imperatoris Epistola.

» **I**N nomine Sanctae & Individuae Trinitatis HEN-  
 » RICUS divina favente clementia tertius Roma-  
 » norum Imperator Augustus. Notum esse volu-  
 » mus omnibus Dei & nostris fidelibus, tam futu-  
 » ris, quam praesentibus, nos Monarchiam Imperii  
 » nostri paternam successione a Deo nobis collati hujus-  
 » cemodi auspiciis proficere voluisse, ut Christi glo-  
 » ria sub principatu nostro florens honorem de-  
 » bitum obtineat, & vigor religionis corroboretur  
 » pace Ecclesiarum. Hujus nostrae voluntatis fau-  
 » tor, simul & adjutor, vir venerandus & illustris  
 » OTBERTUS sanctae Leodiensis Ecclesiae Praesul,  
 » suggessit Serenitati nostrae pro quadam Abbacia  
 » Laubias dicta, suae Ecclesiae a nostris Antecesso-  
 » ribus jamdiu collata, in honore Apostolorum Pe-  
 » tri & Pauli constructa, ubi pretiosissima Christi  
 » Confessorum Ursuari & Ermini requiescunt cor-  
 » pora, cui etiam ipse Episcopus praesenti tempore  
 » Fulcardum Abbatem concessit praesse: petiitque  
 » ut ejusdem Abbaciae privilegia ab OTTONE  
 » secundo Imperatore concessa, nostram autori-  
 » tate sub praesentia immunitate corroborare jubere-  
 » mus.  
 » Cujus petitioni annuentes pro aeterna animae  
 » nostrae, seu progenitorum nostrorum remunera-  
 » tione, CONRADI videlicet Imperatoris avi nostri,  
 » GISLAE Imperatricis aviae nostrae, HENRICI Im-  
 » peratoris patris nostri, AGNETIS Imperatricis ma-  
 » tris nostrae, BERTHA Imperatricis conjugis no-  
 » strae; tum pro stabilitate Regni & Imperii nostri,  
 » ac HENRICI Regis dilectissimi filii nostri; inter-  
 » ventione etiam fidelium Curiae nostrae, scilicet Ar-  
 »chiepiscopi Coloniensis FREDERICI, BRUCARDI  
 » Monasteriensis, CONONIS Wormatiensis, ADAL-  
 » BERONIS Metensis, GUALTERI Cameracensis E-  
 » piscoporū; Ducis FREDERICI Marchionis,  
 » BRUCARDI & HERMANNI Comitum Sciphrae Pa-  
 » latini, ALBERTI Namurcensis & filii ejus GODE-  
 » FRIDI Lovaniensis, ARNULFI Loffensis, & HE-  
 » RARDI Galimbergensis, concessimus eidem Abba-  
 » tia per hoc Praeceptum auctoritatis Imperatoriae,  
 » ut sicut cum Christo propitio reliqua Cœnobio  
 » sub nostrâ constituta tuitione, ipsa quoque gau-  
 » deat nostrâ defensione sub perpetua immunitate.  
 » conscripto nostro privilegio ad exemplum privile-  
 » gii Ottonis divae memoriae. Ambitum quoque  
 » Monasterii quem procinctum vocant, sicut ab eo-  
 » dem Imperatore Ottone determinatus est, nos  
 » quoque concedimus ut sint undique termini, ri-  
 » vulus videlicet Lothosa dictus, & confinis villa,  
 » quae dicitur Anderlebia, & Mons-Martini, flu-  
 » vius quoque Ur, & ultra terminos villae Alsoniae,  
 » inde ad locum qui dicitur Wilscelevata, & finia-  
 » tur in villâ Thantas dicta; infraque locum no-  
 » strae immunitatis tuitione ponimus, & praedicto  
 » Monasterio concedimus. Sed & in cunctis villis  
 » ejusdem Abbaciae regiam munificentiam concessis, &  
 » victui Fratrum ibi commanentium deservientibus.  
 » Facultatem habeant super haec omnia Advoc-  
 » tum sibi eligendi, qui cum eis sine inquietudine  
 » ullius Comitum, aut Centenarii, vel Vicedomini,  
 » loca supra memorata tueatur atque gubernet ubi

invitatur; quatenus cum tranquillitate eos dele-  
 » ctet servire Domino, ac pro vitâ, & stabilitate no-  
 » strâ filiique nostri dilectissimi Henrici Regis infatigabiliter exorare.

Munificentiam quoque Imperiali confirmamus  
 » eidem Fratribus decimas omnes indominicatas to-  
 » tius Abbaciae, tam de Ecclesiis beneficiatis, quam  
 » eorum victui deputatis. Monasterium in  
 » montis ejusdem Cœnobii vertice positum (ubi re-  
 » quiescunt praedictorum corpora sanctorum) ubi  
 » est & cœmeterium fidelium, duodecim Canonicis  
 » semper deputetur; & res quae eorum victui col-  
 » latae sunt, in locis videlicet Refacio, & Waldra-  
 » co dictis, cum Ecclesiis in Tudinio & Ledernâ  
 » positis, ut eas perpetualiter & inconcussè teneant,  
 » & Abbatis seu Monachorum ordinationi subja-  
 » ceant. Ipse autem Abbas ut secundum constitu-  
 » tionem Leodiensis Episcopi regulariter ordinetur,  
 » inviolabiliter stabilimus. Et ut haec nostra Impe-  
 » rialis Concessio per succedentia tempora maneat  
 » inconcussa, manu nostrâ eam firmavimus, at-  
 » que sigilli nostri impressione insigniri jussimus.

Insuper reddidit nobis idem Episcopus Otbertus,  
 » & in eadem Castrî Lemburgi obsidione in testimo-  
 » rio Imperatoris & Principum scripto firmavit, ut  
 » sicut antiquitus, ita deinceps diuturna & nocturna  
 » commeantium diverticula, & sarcinorum depo-  
 » sitio Lobis haberentur; quod denuo negligentia  
 » successorum in locum alium & potestatem alienam  
 » revolutum est. Multa igitur ex his quae negligentia  
 » Arnulfi, & Oilbaldi insolentia abalienata erant,  
 » ejus Episcopi sollicitudine Ecclesiae restituta sunt;  
 » neque externis solum, sed internis quoque curam  
 » adhibuit, adeo ut in diebus suis si quis extraordi-  
 » nariè vel in observatione Regulæ, vel in aliquâ à  
 » propositis perpetrata debitorum sive aliarum incom-  
 » moditatum praesumptione apud nos contigisset, ip-  
 » se vel per se per Religiosas diocesis suae personas di-  
 » gnè corrigere curavit.

Quod autem non sicut antiquitus usque ad id  
 » temporis Episcopi Leodienses Ecclesiam nostram  
 » praesentialiter deinceps frequentarunt, non domi-  
 » nationem loci amiserunt, nec debitam pro domina-  
 » tione specialem de nobis sollicitudinem omiserunt,  
 » sed consideratione gravaminis, sine qua locum no-  
 » strum frequentare non poterant, villam Fontanis  
 » supra Sambram positam quasi pro obsequiis a nobis  
 » acceperunt: de qua etiam villâ, sicut de ceteris in-  
 » dominicatis Episcopalibus, his dumtaxat qui olim  
 » Ecclesiae nostrae ex integro fuerunt, culturarum de-  
 » cimam accipimus. Neque solum de indominicatis  
 » Episcopi, sed etiam de his, quae homines Episcopi qui  
 » de Castro Tudinensi casati sunt, vel in beneficium aliis  
 » concesserant, vel propria retinuerunt, ex quo Ab-  
 » bacia divisio per Arnulfum Imperatorem & Episco-  
 » pum Franconem facta est, decimam indominicato-  
 » rum retinemus.

Sub his diebus de nostro Cœnobio THEODORI-  
 » cus vir magnae postmodum auctoritatis futurus,  
 » apud beati Huberti Monasterium in Abbatem ele-  
 » ctus est. De quo siquidem hodie ejusdem Monaste-  
 » rii Fratres testantur, quod nullus antecessorum  
 » ejus in innovandis sive decorandis & multiplicandis  
 » monasticis rebus tantae utilitatis signa reliquerit: &  
 » quod ad majoris laudis pertinet cumulum, tantae  
 » sanctitatis in carne degens fuisse probatur, ut in  
 » magnâ spe futurae gloriae defuncti corpus etiam ma-  
 » gnæ venerationi suis habeatur, sicut libellus vitae  
 » ejus demonstrat. Sic & nobis, dum erga matricem  
 » Ecclesiam memoriam sui habere sollicitus est, pal-  
 » lium quod hodie inter optima Ecclesiae ornamenta  
 » habetur, largitus est.

Quo etiam tempore, id eſt ſub Fulcardo Abbatē, altaris domus antiquiſſis laquearibus ligneis compacta, noviffimā verò templi renovatione lapidea, crepidine cumulata, Bernardi ſtudio diligenter & decenter depicta eſt.

Tempore autem quo HENRICUS Imperator cum filio ſuo contrā ROBERTUM Comitem Flandrenſem Cameracum oppugnante exercitum duxit, & per vaſerem potenter expugnavit, vadens & rediens viciniæ noſtræ non parum incommodum intulit: nam & Comes Hannonienſis (cujus antecellōres eundem Comitatum invaſione cātenus uſurparant) tamquam de non ſuo jure ſibi non ſatis confidens, Leodienti Episcopatu quaquaverſum poterat manus inferere, donec facta compactione, dono & conſeſſione Imperatoris eundem Comitatum ſe & ſuos, ſeu eum & ejus heredes tenere conſenſit de manu Leodienſis Episcopi.

Acquiſivit etiam tunc Episcopus OTBERTUS Eccleſiæ ſuæ marchiam, quæ Buillon dicitur, in conſinio Galliæ & Germaniæ ſitam: in cujus pretio colligendo nec ſuæ nec noſtræ Eccleſiæ theſauris pepercit; ita ut tabulam argenteam, quæ de tantis, quas intus & foris ſuſtinueramus preſſuris, adhuc intacta ſervabatur, aſſuſerit; à noſtris tamen oppidanis & villis nobis deſervientibus (ſolis nobis immunitate hac ſervata) nihil ampliùs accipere præſuſerit.

Interea Dominus ad majorem Sancti, & loci noſtri reverentiam, beatum Theodulfum, poſt Erminum de Archiepiscopo priùs Remenſi, Lobienſis Cœnobii Abbatem & Episcopum, magnis & multis miraculorum ſignis clarificare dignatus eſt hac occasione. Frater quidam ex noſtris, Liezo nomine, villæ noſtræ Ecliaci in pago Laudunenſi Præpoſituram adminiſtrabat, cujus loci, qui tunc temporis à militiâ caſtri adjacentis Montis-acuti rebus & ædificiis imminutus erat, recuperationi operam dabat, & ſperans ad excitandam populi devotionem plurimum conferre ſi S. Ermini corpus, qui ejuſdem loci dominus & poſſeſſor fuiſſet, illuc poſſet transferre, Abbatem & utramque congregationem ſuper hoc ſollicitat.

Noſtrates verò de quaſtu præſenti futurum timentes incommodum, illius pagi accolæ, apud quos præclari jam dudum illius nominis idem Patronus habebatur, ſi quando eum recipere poſſent in perpetuum retinere debere ſuſpicati ſunt; habitâ igitur deliberatione, & dejectioni loci ſuccurrendum, & devotioni populi ſatisfaciendum decernunt, ita dumtaxat, ut ſub nomine S. Ermini S. Theodulfus illuc transferretur, de cujus (ſi fortè eveniſſet) amiſſione, tamquam externi nullo miraculorum opere cogniti, minus Eccleſiæ damnum inferatur. Effertur itaque S. Theodulfus, & ſub nomine S. Ermini à Sancti-Erminienſibus & pagi accolis digno cum honore ſuſcipitur, & quanto oportuit tempore illic detinetur, interim tamen vel nullum vel nullis cognitum hîc facere ſignum voluit, ne hujusmodi occasione aliquam eum rationem retinendi daret alienis. In redeundo verò cum Franciæ fines evaſiſſet & per pagum Cameracenſem Valencinas perveniſſet, jam demceps S. Theodulfus cujus apud Deum eſſet meriti, non ſub alieno, ſed ſub proprio nomine aperire voluit.

Inter cætera ordinationis ſuæ opera prædictus Abbas FULCARDUS poſſeſſionem Eccleſiæ noſtræ, Fontenellas dictam, Eccleſiæ Latienſi, quæ tunc temporis Ordini Monaſtico innitebatur, accenſuit; ita videlicet ut eamdem poſſeſſionem cum ſervis & ancillis ad eam pertinentibus ſub annuo cenſu ſex ſolidorum Laudunenſis monetæ teneret, qui cenſus

poſtea ſub WEDERICO Abbate octo Valencinenſis monetæ commutatus eſt, nos autem inſuper ſervos itidem & ancillas citrà fluvium Helpre commorantes poſſideremus.

Vixit igitur ſicut ſervum Domini vivere decuit, & ſe in omnibus Monaſticæ vitæ exercitiis, maxime in exequendis & celebrandis celebriter divinis officiis, diligentem atque devotum exhibuit: unde etiam ei moris erat in quodam Eccleſiæ diverſorio ſibi ad hoc proviſo, intrâ ipſam Eccleſiam lectulum habere: & his quos in Dei ſervitio tam nocte quàm die ſedulos & aſſiduos videbat, neceſſaria omnimodis ſollicitus erat exhibere.

Obiit in ſenectute bonâ, poſtquàm præſuiſſet annis XIII. anno Domini MCVII. & ſepultus eſt ſecus antecellōrem ſuum in Eccleſiâ S. Urſmari ante gradum chori.

In locum Reverendi FULCARDI Abbatis ſubſtitutus eſt WALTERUS: cujus institutionis anno ſecundo Eccleſiâ B. Urſmari tertiam accepit dedicationem, tertio Calendas Octobris à Reverendiſſimo BURCHARDO Episcopo Cameracenſi. Quod autem tam paucis à præcedenti dedicatione tranſactis annis hæc facta eſt, motio altaris principalis in cauſâ fuit.

Sub ipſo Abbate Eccleſiâ noſtra altare de Hun cum appenditiis ſuis appenſis, ab ODONE Cameracenſi Episcopo accepit liberum, & abſque perſonatu; quod in uſus Infirmariæ à RAYNALDO Archiepiscopo ſub anathemate in perpetuum confirmatum eſt, cum idem Abbas in alios uſus diſtrahere voluiſſet.

Cæterum hîc Scriptor non videtur omnimò ſervallè temporis ordinem; Odo enim Abbas Cœnobii S. Martini Tornacenſis, & poſtea Episcopus Cameracenſis, mortuus anno MCXIII. ſepultus eſt in templo Aquicinctenſi: ejus autem ſucceſſor fuit Borchardus ſive BURCHARDUS, qui obiit anno MCXXXI. At Raynaldus ſeu Raynoldus fuit Archiepiscopus Remenſis, an. MCXXIV.

Sub eodem Abbate WALTERO ab Eccleſiâ ſeu Cellâ Eccleſiæ noſtræ, quæ Monaſterium dicitur, auctoritate & aſſenſu Burchardi Episcopi & Archidiaconorum, ſive Abbatum, Clerici amoti ſunt, ut eis relaxatis interim ab officio, quod negligenter implebant, poſtquàm obiſſent, Monachi ibidem Deo & S. Petro devotiùs famulaturi ſubſtituerentur. A reſtitutionibus autem cuſtodie Cuſtos tunc temporis HELIAS ita abſtinuit, ut factâ inter ſe de hac & de quibuſdam conventionem, eidem Heliæ & quatuor heredibus illius, quos ſibi in hoc jure ſucceſſuros denominavit, duos manipulos de Heſtru ſub ſtatuto tempore poſſidendas Abbas concederet; cujus ſucceſſionis heres ultimus nunc temporis eſt, qui eſt annus Incarnationis Dominicæ MCLXII. hoc igitur decedente liberè quod ſuum eſt Eccleſiâ recipere habet.

Magna interim apud nos turbatio & antiquarum conſuetudinum commutatio facta eſt. Divina ſiquidem, ut creditur, aſpirante [gratiâ,] ſanctæ religionis fervore in quibuſdam Monaſteris initiato, refrigefcente Religioſorum quorundam ſtudio curatur, ut in quibus hic bonus fervor refriguiſſet, modis omnibus reaccendatur: ad quod etiam plurimùm Remenſis, qui tunc erat, Episcopi tunc ſuffragabatur auctoritas.

Sollicitant & ſuper hoc Lobienſes, ut pote qui jamdudum ſicut honore & rerum abundantia, ita & religionis, & quod maximè religionem deceret, liberalium ſtudiōrum nomine clariſſent; nunc autem & ſi non in re ita eſſet, in opinione tamen eorum, qui ex facie corda judicant, nomen quidem haberent honeſtatis, ſed religionis prorsus amiſiſſent: verùm id falſò: nam licet apud nos vel ad unguem re

B B B b b ij

XXVII. Ab.  
Walterus.

Animadverſio  
ad Auctorem re  
centiori.

Tota Scriptorum  
vita.  
1162.

*Sic Codex  
noster.*

gula sicut à nullis, vel consuetudines Cluniacenses sicut à paucis, non observarentur, majorum tamen exempla in quibus eos Domino placuisse constat, cautissime à pluribus in conservatione, & in divini servitii diligenti executione tenebantur à senioribus, & tenenda junioribus tradebantur. Siquidem & honeste, & in commune vivebatur, nec de communi stipendio communiter militantibus aliis, alii plus, alii minus dividebatur, &c. ubi subiectis verbis observantiae regulares antiquae Lobienfium latius describuntur per tres paginas, quas brevitatis causâ omisi.

Cum igitur fervor ille tenendi Ordinis, de quo supra meminimus, Monasteria circumquaque posita, vel potius ea maxime quae in Remensi Archiepiscopatu sita sunt, accendisset, Lobienfes quoque Religiosorum virorum instinctu, Episcopali auctoritate commonentur, ut relictâ prae institutionis consuetudine, in quâ minus religiose vivebant, sicut putabatur, novas tenere leges adhortantur.

Erat autem **HERLEBRANDUS** quidam Cameracensis Archidiaconus, qui **ALVISIO** Abbati tunc temporis Aquicincti, postea Attrebatensi Episcopo admodum familiaris erat, & quod per se idem Abbas non poterat, per ejusdem loci Archidiaconum procurabat, ut Abbas **WALTERUS** tamquam irreligiositatis occasione amoveretur, & è suis religiosior suâ ordinatione nobis imponeretur, modis omnibus instigabat. Quid plura? Conversationis suae testes, & si quid inter eos perperam ageretur extra ordinationem, correctores sibi aliunde adducere coguntur Lobienfes: id tamen à suis potius, quàm alienis, id est Leodiensibus, quoniam à Cameracensibus, cujus Episcopi personas non adeo domesticas habuerint eatenus, prius tempore decreverant pertentare. De Monasteriis igitur Leodiensis civitatis, S. Jacobi scilicet & S. Laurentii, boni testimonii Fratres assumuntur, qui ab Abbate **Waltero** tempore aliquanto super custodiam Ordinis constituuntur. Sicut darum est semper novam gentibus, incuicere legem, tædio affecti eo quod inveteratam consuetudinem immutare, sicut voluerunt, non valuerunt; Leodienses breve post tempus recesserunt, & nobis dignum cœptæ apud nos honestatis testimonium perhibuerunt.

Sed non in longum eorum zelus quievit, qui, ut creditur, nihil aliud in suâ tam sollicitâ amulatione intendebant, nisi qualiter caput prius languidum tollerent, postea agro diu corpori, ut opinabantur, medelam curationis apponerent: accusatur Abbas, accusantur & Monachi de crimine irreligiositatis apud Remensem Archiepiscopum, & ne quid minus fieret apud Apostolicæ Sedis quemdam, qui tunc aderat, Legatû. Afferuntur literæ ut se Legato Abbas exhibeat; vocatus ipse tamquam in ejusmodi causis exercitatus venire dissimulat: non venienti Legatus pro contemptu sententiam intentat. Suspenditur Abbas ab officio, pusillanimitate fractus, Abbatibus qui hujusmodi erant incentores se credit, & suum alienis dare honorem acquiescit; & ut in talibus aliolet post multos itus & reditus, eorum tandem consilio Remis in præsentia Archiepiscopi & aliarum personarum Abbatiam reddidit. Ipse de cætero apud villam Ecclesiæ Huny dictam divertit: ibidem de redditibus ejusdem villæ, qui ei ad necessaria victus deputati sunt, seipsum sustentans.

Abbatibus quod quaesierant se invenisse arbitrati, urgent Episcopum Cameracensem, urget Episcopum Leodiensem, ut Abbatum illorum consilio Abbatem eligant; nostrates verò tamquam Judæi non contentes Samaritanis, nequaquam electionis suæ libertatem finentes infringi, comminationes ejusmodi

& cohortationes postponunt: quâ de re non parum confusi, qui aliud tractaverant, tentaverunt nostrum nobis reddere Abbatem, qui suum dare non poterant; ut qui jam eorum consilio esset consentaneus, per eum possent quod vellent adversus nostros: sed id frustra, neque immerito. ut pote qui illorum potius voluntate, quàm necessitate se eis subjecerat, non veritus suæ Ecclesiæ prærogativam, & natalium quibus excellebat generositatem.

Annus ille, vel potius sic biennium transit: mittit Episcopus Cameracensis diocesis suæ ad personas, videlicet Abbates S. Guisleni & S. Dionysii, ut sub eorum testimonio & præsentia aliquam de Religiosis Remensis diocesis personam eligeremus, vel absque dilatione allatis ad hoc ipsum literis divinum interdictionem sustineremus.

Sed nihil aliud apud nostros hujusmodi difficilius assensu, & magna res insolentiae visa est, ut qui antehac aliquoties in Ecclesias alias promovissent suos, nunc de aliis sibi Ecclesiis & mendicarent extraneos; & maxime cum præ manibus Apostolicæ auctoritatis & Imperatoris majestatis perantiqua essent privilegia; quæ de suis debere eligere, nec Remensium nec Cameracensium, sed Leodiensium potius ordinationi subiacere eos edocerent.

Dum igitur Abbates illi ad nos destinati, ne nuntii novitate nostros offenderent, verbum pro tempore post prandium differrent, nostri quod futurum erat suum gravamen suspicati, in tali articulo quod possunt faciunt, & inter prandendum, paucis id scientibus, seniorum tantum & saniorum consilio, accitis etiam qui necessarii visi sunt de Clericis, in Oratorio B. Andrea colloquium stringunt. Eligitur ibidem Dominus **SERO**, cujus supra meminimus: & cum se nihil aliud agere adversariorum nuntii cogitassent, his qui eos miserant, nos de nostris degisse absque ipsorum præsentia vel testimonio, confusi renuntiare, prius tamen quàm abirent interdictionis divinorum quam attulerant, dedere sententiam.

Aderat ibi quidam ex nostris **Gerardus** nomine, qui Machabæi illius simile aliquid habens, melius quælibet incurrere pericula arbitrabatur, quàm videre imò sustinere injuriam (sicut aestimabat) gentis suæ & Sanctorum. Eodem igitur zelo accensus, & pro libertate Ecclesiæ semetipsum impendere paratus, Cameracum tendens Cameracenses aggreditur, ostensâque libertate Ecclesiæ ex privilegiis quæ præ manibus habebat, Abbates, vel alios, vel quicumque ex adverso erant, Romanæ contrarios Curiae, Apostolicæ auctoritatis reos coarguit, & tam eos, quàm consentientem eis Episcopum super oppressione injustâ nostræ Ecclesiæ ad Apostolicam justitiam Sedis appellavit.

Comparatis igitur necessariis itineri & negotio copiis Elector cum electo Romam propere tendens, prosperè pervenit: ad cujus itineris supplementum Ecclesia de Tullires viginti marcarum debito pro libertate Ecclesiæ retinendâ, oppignerata est, consuetudo quippe debendi, imò præsumptio, destructionis Ecclesiarum turpis occasio, & omnium Monastici Ordinis malorum radix, necdum à nobis vitata erat, quam nulla sollicitudinis ac providentiæ falce successa ex usuris & iniquitate de die in diem probrosâ ac damnosâ propagationis fomes multiplicat; sed ingruente quovis infortunio si quid necessarium deesse contingeret, non fœnerator lata in principio, in fine autem angusta maritima, id ipsa sibi utendum parcitas consulebat; nec cuius absque gradûs & honoris sui periculo cederet, qui Fratribus inconsultis in Fratrum stipendiis temere quidquam præsumisset; quod nimirum ad pacis &

charitatis custodiam cautiſſimè obſervabatur; ne aliis, unde alii ingurgitarentur, eſurientibus, & aliis unde alii delitiarentur, egentibus, ordinis tenor, quem nonniſi æqualitate conſtat durare poſſe, ſolveretur.

Perveniunt igitur, & quod quærebant inveniunt noſtri Dei viatores: oſtenſis ſiquidem perantiquæ auctoritatis privilegiis, & pluribus probandis adhibitis instrumentis, veritas noſtrorum recepta & approbata eſt, & niſi propter cavendam Suffraganeorum injuriam, in eo res erat, ut ab ipſo Summo Pontifice noſter Electus nobis ordinari deberet. Dantur igitur Apoſtolica auctoritatis mandata, ut Electum Dominus Leodiſis, ad quem hoc ſpectabat, inveſtiret, & inveſtitum dominus Cameracenſis abſque typo conſecraret. Et quidem nulla inveſtiendi apud dominum Leodiſem occaſio quaſita eſt; ſed quod abſque divino nutu actum credendum non eſt, dum idem Electus noſter jam inveſtitus ad nos revertitur, cum reducem ad ſe adduci, ut benedictionem, quam ille à ſede Apoſtoliâ obtinuiſſe audierat, conferret, Episcopos Cameracenſis expectat; & ipſe, & qui ad ipſum illi benedictionis ſuæ literas dederat, univerſæ carnis viam ingreſſi ſunt.

Caſſato taliter omni electionis noſtræ fermento, adverſariis vires reparantur, nullâ jam noſtris ſpe residente, quâ à ſubjectione, quæ nobis intentabatur, defenderemur. Quid multa? non eſt prudentia, non eſt fortitudo, non eſt conſilium contra Dominum: longis agitati ambagibus tandem acquieſcere deliberavimus, ita dumtaxat ut ex Ordinis illius Monasteriis, quem nobis tenendum tantopere perurgebant, perſonam nobis eligeremus. Conſtitutus eſt dies, poſitus eſt locus; non enim inter noſtrates hac pro cauſâ ad nos ipſi venire tutum ſibi fore arbitrabantur: convenimus igitur ex ipſis, & ex noſtris aliqui in loco, qui nunc Bonaspes dicitur, & in viciniâ noſtrâ ſitus eſt. Deſtinati ſunt nobis ab eis qui & honori & dignitati Eccleſiæ ſufficere, & qui Ordini & Religioni poſſent proficere, in quo utrumque præcellere videbatur unus LEONIUS nomine, Monachus Aquicinctenſis Cœnobii; qui locus in iis quæcumque ad Religionis pertinent cultum, ab exordio ſui inter omnia circumquaque Monasteria primatum obtinere hæcenus probatur. In hunc ergo tantorum virorum teſtimonio nobis approbatum nos conſentire acquievimus. Illi verò ſuis ſumptibus agere parati, ut quem elegiſſemus nobis inveſtitum & conſecratum exhiberent, moras abruptunt, de cellâ Heſdinienſi, ubi triginta ferme Monachorum erat Prior, illum adducunt, & qui tunc majoris inter eos erat auctoritatis, & natione noſtratibus conjunctus, & de Eccleſiæ noſtræ familiâ, Abbati S. Amandi viro venerabili abſolvi, ut inveſtituram acceleraret, inducunt; depoſitoque per viciniâ noſtram tranſitu, poſt magnas ſibi à noſtratibus, nobis tamen ignorantibus, illatas injurias ad Leodiſem (ut moris eſt) Eccleſiam Electum Electoribus ibidem accurrentibus præfatus Abbas cum ſuis deducit.

Episcopos verò (quippe qui multa inter hujusmodi perperam acta & dicta non ignoraret) audierat à prædicto Alviſio Abbate in ſuggillatione ſibi fuiſſe procaciter dictum, quodd videlicet Cameracenſes animas, ipſe verò vaccas & capras nobis custodire haberet. Ex hac igitur occaſione & in multis aliis, ut in talibus aſſolet, Episcopos primùm quidem difficilem & inexorabilem ſe præbuit, ſuum eſſe aſſerens de domo, dono regali ſibi ſubjectâ tam intus quàm foris diſponere, quod ſuum ſibi jus præſumptione novâ vellent auferre. Religionis tamen ſpecie delinitus, quàm & in iis quid venerant vigere con-

ſpiciebat, & in ſibi ſubjectis ad ſuum honorem & ſalutem ſuam enutriendam fore audiebat, tandem aſſenſit, & tam ſolemniter, quàm amicabiliter quod ſuum erat Electo adimplevit.

Quodd ſi præcedentis Abbatis hiftoriam cum hoc LEONIO conferamus, hunc divinitus planè electum ac inſtitutum fuiſſe nullus dubitabit, licet hic Scriptor de nonnullis actis videatur divinas laudes ipſius obtuſaſſe voluiſſe: Inveſtitum, inquit, Leonium, & debitæ fidelitatis ſacramento inſtitutum, actutum illum non ut conſuetudinis eſt noſtris ſuſcipiendum, ſed Cameracenſibus benedicendum reducunt: memores ſiquidem ſi quid pro tarditate ſuâ priori electo conſuſionis & periculi accidiffet, & fortaiſſe quia nonniſi omnibus ritè peractis ignotum noſtris inferere hominem periculoſum exiſtimarent; receptâ benedictione à Lietardo tunc temporis Cameracenſi Episcopò, demùm tunc nobis noſter Abbas deſtinatur, congruoque à nobis honore, & quantâ in tali novitate exhiberi potuit devotione, & ipſe, & qui cum ipſo advenerant, ALVIſIUS ſcilicet Abbas poſtea Attrebatenſis Episcopos, qui ſe in iis à principio uſque ad finem primum & noviffimum nuntiatorem confirmatoremque præ aliis exhibuerat, & alii Abbatibus ſuſcipiuntur.

At ne totus & tantus hic labor frivolus haberetur, in ipſo idem Abbas ſuſceptionis ſuæ primordio, blandâ ſimul & gravi ut erat affabilitate noſtros demulcet, ne de ipſo ſiniſtrum aliquid per ſingulos audiretur, ut qui vellent ad quæcumque Eccleſias bene ordinatas demorari, honeſtè tranſmitterentur, qui autem cum ipſo potiùs ordine doceri mallent, domi reſiderent. His & hujusmodi animis omnium delinitis, omnes ipſius ſe conſilio & voluntati inclinant omnino: & quibuſdam, qui hoc ultrò petierunt, ad alias Eccleſias tranſmiſſis, alii de aliis Monasteriis ad informandos eos qui remanſerant, Priores & Decani interiùs, & exteriùs miniſtrales ad tempus conſtituuntur.

Quinque igitur ab ejus ordinatione menſibus Walterus prædeceſſor ejus, cum viginti tribus annis præfuiffet, deſungitur; ſepultuſque eſt ante altare S. Uſmari.

In initio igitur prælationis ſuæ Abbas LEONIUS, ut prædiximus, omne intentionis ſuæ ſtudium ad informationem & confirmationem Ordinis, pro quo maximè aliunde expetitus erat, jugiter impendit, gratum ſe pariter & gravem (quod apud multos rarum habetur) omnibus exhibens: quippe difficile aditus impetus omnis habet, unde paulatim ſtudii bonorum adoleſcentibus incrementis non ſemel, ſed de die in diem, quæ verbis docebat oſtendebat exemplis, conſuetudine bonâ, & exercitatione virtutum in cordibus ſubjectorum tam ipſe, quàm quicui cooperabantur in hoc roborabant. Ac primùm maligermen, linguæ ſcilicet loquacitatem reſcindere curans, non ſolum in quibuſdam vel locis vel temporibus, ſed ut illicita licitorum abſtinentiâ faciliùs tolleretur, intrâ Clauſtri dumtaxat & Eccleſiæ, vel dormitorii ſive reſectorii parietes ſilentium indixit, ut videlicet quiſquis hujus taciturnitatis regulam iis in locis quâlibet ex cauſa tranſgreſſus, niſi cognitâ culpâ publicè ſatisfaceret, ſe anathematis reum eſſe cognosceret. Quod certè ſi juſtitie zelo factum eſſe credatur, tantâ tamen ſcrupuloſitate fieri non poſſe ab aliis, qui omne quod eſt nimium in vitium verti ſolere non ignorant, rectè judicatur. Cui enim hujusmodi vel obliſio vel ignorantia non inſidietur? ſed quo major eſt in custodiendis his difficultas, eo facilius in tranſgrediendis iis creditur eſſe venia, ſi ſola cordis malevoli, vel impœnitentis deſit malitia. Cæterum ſicut apud quosdam quod non li-

XXVIII Ab.  
Leonius.



cet acrius urit, sic apud quosdam, etsi omnia liceant, omnia tamen non impedire vel expedire comprobantur.

Ad confirmandam quoque in nostro & in aliis quibusdam claustris vel silentii, vel ceterorum huiusmodi Religionis exercitiorum observantiam, auctoritatis Apostolicæ & Archiepiscopi Remensis non defuere suffragia, ita ut eorumdem auctoritate Pontificum, INNOCENTII videlicet Papæ, & RAYNALDI Archiepiscopi Remensis constitutum sit & initiatum, ut quicumque unius in observantiæ & Religionis fervore essent consuetudinis, annuatim Abbates in unum collecti, in seipsum prius Ordinem firmarent, quem postea tenendum traderent subditis; cuius collectionis causa & initium charitati quidem & Religioni militavit, sed iniquitatis abundantia refrigerante charitate unde bonifons derivandus erat, inde in subditos dissolutionis & voluptatis fluvius emanavit.

Exulabat tunc temporis Papa INNOCENTIUS in Francia, malitia vel violentia PETRI Leonis, qui in Primoribus Romæ contra ipsum electus erat, ab Italia repulsus: qui nonnisi in manu forti dignitatis suæ locum obtinere se posse cogitans, ad Regis Alemanniæ LOTHARII se auxilium contulit, ad cuius auctoritatem litis & dissensionis huiusmodi decilionem pertinere credidit. Nec ipse credulitate hac & spe frustratus est; occurrit ei siquidem Lotharius idem, & eum sicut decuit cum innumerabili Principum & Episcoporum, & Abbatum multitudine Leodii suscepit, & ab Ecclesiâ S. Martini in monte publico ad maiorem usque Ecclesiâ S. Lamberti, Rex ipse devotè Pontifici obsequens, eum deduxit: quem etiam non multo post in Italiam revocavit, & Romæ in sede Apostolicâ tam solemniter, quam potenter restituit. A quo etiam Pontifice quæcumque interim Pseudo-Papa Petrus Leonis (qui in brevi post Innocentii confirmationem obiit) ordinaverat, in perpetuum cassata sunt: inter quæ & de nostris quidam Philippus, de familiâ Ecclesiæ Fontanis oriundus, tunc temporis de Turonensi Electo à Petro, cui adhæserat, Tarentinus Episcopus factus, irrecuperabiliter sacerdotali gradu damnatus est.

Antequàm autem præfatus Papa INNOCENTIUS Leodium veniret, Lobias divertit, ubi honorificè à nobis susceptus est, magnâ vicinorum Abbatum, & quorundam Episcoporum, qui cum eo adveniant, frequentia, ad altare beati Petri celebravit Missam, & sermonem in Capitulo ad Fratres habuit. Facta est autem ab Abbate, vel ab aliis qui non tantopere loci consuetudinem servandam curarent, quæstio super cæmeterio Fratrum, eo quod grave & superstitiosum videretur de inferiori ad superiorem Ecclesiâ sepelienda defunctorum corpora deferri; & jam penè Papa assenserat, ut infra Monasterii ambitum ipse dedicaret cæmeterium, nisi Cardinalium obviasset consilium, & Privilegii antecessoris sui S. Joannis Papæ auctoritas, qui consuetudinem ab initio, vel ab eo observatam, inviolatam semper manere decreverat, obstitisset. De quo etiam privilegium ipse Innocentius, qui de personatu altarium prius jam antequàm ad nos diverteret, Abbati ibi præfati aliud quoddam privilegium dederat, additis quæ pro tempore necessaria visa sunt, postmodum renovavit in Concilio, quod Pils ab eo celebratum est; ubi quorundam æmulorum instinctu domnum Abbatem Leonium ad faciendam super calicem & patenam benedictionem (sicut ab antecessoribus suis, ut facere posset, acceperat) Apostolicâ auctoritate cohibuit, superfluum fore iudicans eum benedicere cui nequaquam liceret inun-

gere: Sicut factum ab antecessoribus suis acceperat, sic ipse quoque Abbas facere cœperat, ut primum quidem orationes & benedictiones præfatis sacris vasis ipse apponeret, dein Episcopo ut ab illo unctio chrismatis imponeretur, transmitteret. In quâ etiam synodo pro domino etiam Episcopo Leodiensi Alexandro viriliter stare, & cum sui ipsius periculo ipsum contra impetentes defendere non timuit. Pro quâ fidelitate suâ, imò pro dignâ vitæ honestate ab eodem Episcopo unice diligi meruit, & in suâ Leodiensi curiâ, frequenter, aliquoties etiam Regali in curiâ, ejus præfentiâ utebatur & consiliis.

In tantum etiam religionis & totius probitatis culmine idem Abbas longè lateque in brevi innotuit, ut qui suos & ab aliis alieno magisterio informandos multis in locis locaverat, ipse postmodum de suâ Ecclesiâ alienos Abbates & Ordinis Magistros præficere à multis rogatus sit: exceptis quippe iis, quos, ut dictum est, Priores & Supprios plerisque Monasteriis accommodavit, ipse etiam Florinensi Ecclesiæ Domnum DRAGONEM de nostris Abbatem præfecit, qui postea in Ecclesiâ B. Jacobi in Leodio translatus est. Non enim (ut quibusdam moris est) magni nominis umbrâ, & dignitate loci nostri magis quàm religionis profectu & provectu delectabatur, & magis ipse eandem vel suam dignitatem vitæ & conservatione honorare, quàm suam honorari personam extrinsecâ dignitate curabat. Interim tamen nimia suâ liberalitate, quod in augmentando grege Domini se expendere lætabatur, post successuris diminutionis damna parturire non satis providit: tantam quippe Novitiorum tam laicorum, & mulierum (quod genus apud nos adhuc nesciebatur) quàm etiam Clericorum multitudinem adunavit, ut exceptis Conversis, & ut ita dicam Conversibus, de solis Monachis penè ad centum Claustrum impleverit: minùs providens quod ait Apostolus; *Non ut aliis refrigerium, vobis autem detrimentum.* Quædam siquidem, quæ superflua visa sunt, meritò recisa fuisse sicut laudabile iudicatum fuit, ita quædam ad honorem Dei & laudem instituti abstulisse vel mutasse, non religiositas sed scrupulositas videri debuit.

Quod autem Clericos, qui Abbatem duo Sacerdotes, Diaconem duo Diacones, Subdiaconem duo Subdiacones, à dextris & à sinistris ad altare procedentes ducebant vel deducebant, ab hoc amovit officio, viderit ipse.

Non autem in spiritualibus præfatus Abbas subditis prodesse, sed in corporalibus quoque subsidiis eorum omni sollicitudine quotidianis servire stipendiis satagebat, & quos in spiritualibus proficere videbat, temporalia eis deficere subsidia volebat.

Idem domum hospitum, quæ portæ, & ante porticum Monasterii à parte septentrionali posita, conjuncta fuerat ad tollendum hospitalarium eundi & redeundi, & frequentia popularis impedimentum, infra muri ambitum à parte australi ædificare quidem cœpit, sed non perfecit.

Scholarum regimen Ecclesiæ sancti Ursuari, quod prius aliquis Monachorum ad hoc idoneus tenere solebat, sicut ejusdem Ecclesiæ Monachus ad hoc deputatus & tenuit & tenet, uni ex Canonicis de cætero dedit tenendum. Tandem eadem quoque non dicendâ religione sed superstitione, etiam scholarum studium celebre semper apud nos habitum de cætero interdixit, dum scilicet tantas ac tales sperat convertere, ut erudiendis pueris (quasi hoc religioni debeat esse contrarium) non sit ulterius opus intendere.

Cum igitur intus & exterius rebus pro tempore

utiliter

utiliter ordinatis decem annis nobis præſuiſſet, ab Eccleſiâ ſancti Bertini ut ei præficiatur Abbas expetitur; quod & factum eſt annuentibus loci illius tam Monachis quàm oppidanis: auctoritate quoque Raynaldi Remenſis Archiepiſcopi aſſentiente.

Cumque poſt ejus abſceſſum de ſubſtituendo ei ſucceſſore ageretur, convocantur ad hoc ex vicinis quidam Abbates, quorum teſtimonio qui electus eſſet approbaretur. Aduit inter alios vir religioſus Abbas Criſpinienſis, ALGOTUS nomine, qui quemdam ex noſtris LAMBERTUM nomine, Clauſtri ſui Priorem conſtituerat, & ſecum eo fortè adduxerat; iſque ex iis erat, quos præſatus Abbas Leonius undequaque congregatos uno divini amoris igne tamquam vaſa in opus domûs Dei apta conſlaverat: cui etſi jam boni odoris flores produceret, nec ætatis tamen nec ſcientiæ fructus adhuc in eo apparebat, qui paſcendo gregi Dominico ſufficere videretur. Sed ut in libro ſuo eſſe jam adſcriptum illum Dominus oſtenderet, cum alii alios ætate & ſcientiâ majores hoc officio dignos conſiderarent, repente omnium cordibus (paucis exceptis, qui ſua magis quàm quæ JESU-CHRISTI ſunt quærebant) inſedit, ut poſthabitis quibuſdam, qui ſibi & ſuis magni videbantur, in hujus electionem conſentirent.

XXIX. Abb. Lambertus.

Electus igitur atque ordinatus tamquam arbor (ait noſter Hiſtoriographus Lobienſis) in domo Domini plantata, tamquam cedrus Libani omnimodâ virtutum fructificatione in brevi multiplicatus eſt. Studens ſiquidem & ſe irreprehenſibilem & ſibi ſubditos in diſciplinâ cuſtodire, totum ſe conſulit ad ſcientiam, & aliis annuntiandam viam veritatis, ut quod minus habebat in annis, ſuæ formæ converſationis, & aliorum ſuppleret fructu converſionis. Nec enim eorum quos ipſe ſalvandos acceperat, ſalute contentus, alios nihilominus ad converſionis & converſationis ſanctæ habitum invitabat, eos maximè, quos ad Religionis & divini ſervitutis exercitium non ſibi ſolum, ſed & aliis profuturos eſſe ſperabat, & quibus ea, quâ præminebat facundiâ delectabilius ad ea, ad quæ hortabatur ſectanda, perſuadebat. Ut enim de facultate vulgaris linguæ, id eſt Theutonicæ, quæ ei naturalis erat, & Romanæ quæ accidentalis, omitterem, in utrâque inoffenſus erat. In Latino ſiquidem eloquio uſu aſſiduo ſe adeo exercitatum reddiderat, ut quocumque deveniret, in Capitulis Abbatum, in Synodis Epiſcoporum, verbum ædificationis exigeretur, & hoc ipſo ab omnibus gratus haberetur: Leodii præſertim in Curia & in Eccleſiâ à Principibus, à Clero pro vitæ honeſtate, pro doctrinæ affluentia, pro ipſâ quoque perſonæ elegantia reverendum & amabilem ſe adeo univerſis præſtabat, ut ſæpe quibuſdam necesse habentibus facundia ſua & auctoritate, plurimum ſolatii afferret: ſicque oppreſſis adeſſe curabat, ut & judicum gratiam obtineret, & judicatis vel judicandis opitularetur. Tanta nihilominus in eo humilitas excellabat, ut quod perrarum eſt, ſedentem in cathedrâ diſcipulum fieri, ipſe etiam à ſubditis quicumque doctrinæ gratiam haberent, humiliter diſceret, quod alios poſtmodum utiliter doceret.

De aſſiduitate & devotione orationum, de gratiâ compunctionis, quam divinitus adeptus erat, de jugitate vel aſſiduitate lectionis (cui non ſolum domi, ſed quandoque quovis equitans, vel in ſtrato pernoctans, attendebat) de paritate victus ac veſtitus, de amore Verbi Dei & ſcientiâ Scripturarum (quarum ſe ſtudio & collationi quotieſcumque daretur oportunitas totum impendebat) de provi-

Tom. II.

dentia nihilominus, & adminiſtratione ſtudioſorum, & dilectione Dei & proximi, quam utramque dignis operibus exercebat, & de pluribus ejus virtutibus, quibus Deo & bonis omnibus placebat multum erat quod dignè dici poſſet, ſi non multa multis malitia inſeſſet, qui bonorum laudem ſuam exiſtimant vituperationem, & quod nolunt imitari, nolunt prædicari. Tot tamen & tanta ejus bona bonorum omnium invidus antiquus hoſtis malitiâ quorundam vel depravare, vel perturbare conatus eſt, quod divinâ erga ſe factum diſpenſatione humiliter recognovit: ne enim magnitudine gratiæ extolleretur, datum ſibi Angelum ſatanæ intellegebat, à quo colaphizaretur, ut virtutes eſſe veras virtutes pateſceret quouſque per patientiam probaretur.

Suſcitavit ſiquidem ei Dominus, imò quia dudum ſuſcitati ad malum fuerant, adverſarios manifeſtavit: ita ut quidam ex malis, & qui ſaltem ſocietate converſionis, ſi non converſationis, ei plus aliis ratione prioris quam in ſæculo habuerant amicitie, deferre debuiffent, in eum aſſurgerent, adjuſtis ſibi quibuſdam, qui ipſi quoque ex Clericis converſi, vel eadem linguâ vel gente oriundi, pro ſua ſibi perfidiâ maculam criminis intulerunt, pro ſua illi patientiâ gloriam auxerunt. Quidam enim divinâ & mundanâ admodum ſcientiâ præditus, cum quo & in ſæculo converſatus, & à ſæculo erat converſus, ſed exterius; quem ipſe Abbas ſibi Priorem, & in omnibus non ſolum interiùs ſed & exterius ſi ſecundum fecerat, ambitione ſeducus, quibus poterat modis elaborabat, ut eo tamquam. . . & infra tantæ dignitatis adminiſtrationem idoneus alius inſtitueretur; qui tamen alium ſe magis idoneum inveniendum fore non arbitrâbatur. Cujus mali præcipuus ſperabatur adjutor ALVISTUS Atrebatenſis Epiſcopus, cujus idem æmulus olim fuerat familiaris & domeſticus, eique in hoc conſentiebat & collaborabat Abbas ſancti Bertini Leonius.

In tantum autem & incentorum & fautorum zelus prævaluit, ut puſillanimitate fractus, & omnium penè ope ac conſilio deſtitutus, honorem ſuum alteri dediſſet, niſi divino ubi humanum de erat ſuffragante ſolatio, ſuos ſeduciores non quæ JESU-CHRISTI, ſed quæ ſua quærere intellexiſſet. Caſſato itaque Dei miſeratione pravorum molimine, ſi de gradu honoris eum deponere pars adverſa nequivit, nequaquam tamen à perturbandâ quantum poterat ejus parte quievit, donec Prior ille, qui totius hujus mali erat occaſio in Adelburgenſem aſſumptus Abbatem, in ſuis ipſe expertus eſt neceſſitatibus, quod gloriari non poſſet accinctus æquè ut diſcinctus: unde ſummâ levitate dictus Prior tale ab eo reſponſum accepit: *Gratiſum me, inquit, omnibus, & tantis gratiarum muneribus (licet indignum) gratia divina me reddit, ut pro favore hominum, vel pro virtutum conſcientiâ, me facile ſuperbia ſupplantare poſſet, ſi tentatio, vel interior, qua de me mihi innaſcitur, vel exterior qua mihi falſo inferetur, non me neceſſariâ humilia-tione conſervaret.*

Sed licet ipſe de ſe tam humiliter ſentiret, invasionem tamen bonorum Eccleſiæ nequaquam impunitam fore ſuperbiâ paſſus eſt, ſed zelo juſtitiæ accenſus, quicumque vel de Advocatis, aut aliis quibuſque Eccleſiam quolibet modo injuriâ affeciſſet, uſque ad plenam reſtitutionem & dignam ſatiffactionem, cenſuræ Eccleſiaſticæ virgâ compeſcivit, nec ullius perſonam reveritus eſt. Expertus eſt hoc Caſtellanus Tudinienſis, & Advocatus Lobienſis Eccleſiæ ROBERTUS, qui cum præſumptio-

C C C c e

ne novâ Lobienſis Eccleſiæ prædam abduxiffet, recitatis in curiâ Leodiënſi immunitatis noſtræ villæ privilegiis, Abbate pro ſuis viriliter agente, ad extremam uſque caudam reddere ablata coactus eſt; quamvis hoc permiſſu Epifcopi feciſſet, pro eo quod in ſolutione debiti, quo ſe idem Epifcopus in recipiendâ Marchiâ de Buillon dictâ, per prodicionem ſibi ablata oppignoraverat, Lobienſes ſolutionum omnium ad Epifcopum pertinentium nihil conferre voluiſſent. Expertus eſt hoc etiam NICOLAUS Avelſenſis, qui cum in guerrâ quæ inter ipſum & præfatum Rogerum agitabatur, villam noſtram Tullies incendio deſtruxiſſet, reſtitutionis damni factâ taxatione ad noviffimum quadrantem ut Eccleſiæ ſatisfaceret Eccleſiaſticâ compulſus cenſurâ, non prius quàm debitum perſolviſſet, debito diſtrictionis abſolutus eſt. Pro quo etiam damno (nam & ipſo tempore totam villâ & curiâ noſtrâ apud Santhas annonam incendio, Dei permiſſu, periſſe contigerat) dum ſibi quotidianis ſumptibus non ſufficiunt, noſtri novâ & eatenus inexperâ apud nos confuſione, de noſtris aliqui aliorum Monafteriorum beneficiis ſuſtentati ad tempus diſperſi ſunt. Ad malum noſtrum etiam commune omnium malum concurrebat; tanta quippe eâ tempeſtate annonæ caritas erat, ut frumenti modius Lobienſis marcâ argenti venderetur; ſub quâ neceſſitate iis qui reſidui apud nos erant (paucienim alibi tranſmiſſi fuerant) dum victus neceſſarius præparatus fuit, Eccleſia non parvo debitorum onere gravatur & obligatur, ad ſupplementum videlicet duorum menſium, qui reſtabant ad tempus meſſis, quadraginta tritici modiis totidem marcarum ſummâ comparatis. A quâ obligatione multos in annos nulla conceditur abſolutio, dum & malitia dierum & rerum penuria ſemper augeſcit, & negligentia eorum qui malè geſta corripiere, & malè gerenda cavere debuerant, uſuras uſuris addere, & ſuis crudeliter ſubtrahere, quo alii crudeliùs ditentur non pertimeſcunt.

Sub his quoque diebus à novo quodam, ut putabatur Apoſtolo, ARNULPHO nomine, vitâ & habitu & ſcientiâ inſigni, per univerſos verbum Dei diſſeminabatur; ad hoc maximè, ut quicumque annuntiationi huic obedirent, ad vindicandam Chriſtianæ in paganos religionis injuriam Jeruſolymam proficiſcerentur. A quo ad opus ſimile Abbas LAMBERTUS propter utriuſque linguæ, videlicet Theutonicæ & Romanæ, facundiam (cujus ille ignarus erat) accitus eſt; cui & ſocius itineris ac prædicationis aliquanto tempore conjunctus eſt.

Nec minis eodem ſtudio ſanctæ memoriæ Abbas venerabilis BERNARDUS, per quem maximè ante paucos annos Cifterciënſis Ordo reſtiterat, eodem tempore flagrabat. Et Laicos quidem impoſito crucis ſigno authoritate Summi Pontificis EUGENII (qui de Ordine illo aſſumptus fuerat) ad peregrinationem & ultionem Chriſtianorum invitabat. Clericos verò vel quicumque crucem Domini noſtri alio modo accipere vellent, ad converſionis & ſanctæ converſationis habitum catervatim de totâ Galliâ & Lotharingiâ trahebat: nam ipſe prudens admodum & facundus erat, quod ex iis quæ vivâ voce diſſeruit, & ſcriptis dictavit, apparet. Facta eſt igitur motio ſeu congregatio peregrinantium tanta, quantam nullus antehac meminit; ita ut cum multitudine infinitâ militari Rex Alemaniæ CONRADUS, & Rex Franciæ LUDOVICUS eandem aſſumerint protectionem. Inter alias Regni Francorum perſonas Eccleſiaſticas accinctus eſt etiam huic itineri Abbas quondam noſter LEONIUS, Apoſtolico pariter & Regali mandato, Alviſius quoque Attrebatenſis Epifcopus conſilio & prudentiâ ornatus, &

ipſi Deo militabant. Qui Epifcopus quemdam ex noſtris nepotem ſuum JOANNEM, quem à puero Abbas Leonius de domo avunculi abduxerat, & Monachum fecerat, ſervitio ſuo fideliorem & promptiorem fore exiſtimans, conceſſione Eccleſiæ, cujus nutritus & profeſſus erat, ſecum duxit. Obiit verò in itinere idem Epifcopus, relinquens eundem nepotem ſuum Abbati Leonio curandum & reducendum.

Dum autem penè biennii tempus expeditioni huic expenditur, rumor percrebuerat ipſum quoque Abbatem vel obiiſſe vel reverti nolle, ita ut Bertiniënſes jam tum deliberarent, quatenus Abbatem noſtrum Lambertum Abbatis ipſorum Lamberti, vel Leonii ejuſdem Patrum (qui religione & rebus plus penè omnibus eos provexerat) nomine & ſanguine hereditariam, ut pote etiam meritis non diſparem, ſibi aſſumerent; ſed cum magnis vitæ privilegiis magnus inter magnos Eccleſiæ Principes haberetur, ita ut etiam in conſpectu magni illius Concilii, quod Remis habuit Papa EUGENIUS in cauſâ quâdam Comitis Hannoniënſis, quam agendam ſuſceperat, magnum ſe effecerit, & de die in diem major fieret, morte immaturâ, & non ſuis ſolùm ſed omnibus qui eum noverant dolendâ, præventus eſt. Et pro tantis quibus dotatus erat gratiarum copiis, rectè de eo afferri poteſt, quoniam *raptus eſt, ne malitia mutaret animum illius, aut ne fictio deciperet animum illius*.

Ipſe dum adhuc viveret corpus beati Dodonis diſcipuli ſancti Urſmari, de Vaſculo veteri in aliud paulo elegantius indiſtriâ Fratris Joannis, qui tunc Monafterio degebat, paratum, accitis ex Abbatis vicinis quibuſdam, cum benediſtione Epifcopi, & magnâ populi multitudine ac devotione tranſtulit. Conſummavit domum hoſpitum, quam Leonius Abbas inchoaverat; domum quoque Abbatis Eccleſiæ ſancti Pauli contiguam, novam de veteri, de parvâ majorem, non parvo opere & non indecenti formâ inſtauravit. Oratorium ſancti Pauli, quod prius in infimo erat, in ſummo ejuſdem domus à parte orientali reedificare deliberavit, opus verò imperfectum reliquit: domum nihilominus infirmorum, quam pro amplificandâ prædictæ domus fabricâ loco priori mutaverat, in alio loco ad latus dormitorii reedificavit.

De Eccleſiâ ſancti Urſmari ordinavit, ut pro querelâ quam moverant Canonici, eo quod à tempore Leonii Abbatis quotidianam pro deſunctis perdidiffent præbendam, quam quotidie accipere ſolebant, ſicut pro iſdem deſunctis in cœmeterio quieſcentibus quotidianam celebrare Miſſam conſueviſſent; quæ præbenda nunc quotidiano beneficio, ſicut in alterâ in honore Matris Domini, cum quotidianâ celebratione Miſſarum pro ipſis deſunctis, & in ipſius Matris Domini honore pro familiaribus, ex quâ duorum Fratrum portio pauperibus datur. Pro hac, inquam, querelâ, & pro aliis quibuſdam, quas adverſum nos habebant, ſopiendis ordinavit, ut deinceps octodecim pecuniæ præbendæ, ſive octavæ decimæ præbendæ fructus communi cæterorum utilitati Canonice deſervirent, qui poſtmodum utriuſque Eccleſiæ diſpoſitione in quotidianam eorum, qui in Eccleſiâ aſſidui eſſent, Adventus & Quadrageſimæ reſectionem aſſignati ſunt. Acquiſivit Altare Eccleſiæ de Serodenghis; Eccleſiam de Contexe cum appendicibus ſuis dono NICOLAI Epifcopi Cameracenſis.

Cum igitur tam in ſpiritualibus quàm in temporalibus XII. ferè annis non minùs præſuiſſet quàm profuiſſet, febre correptus ad extremum perductus eſt.

Quantæ autem devotionis erga Deum etiam in ipſo ſui exitus articulo perfeveraverit, ſoli illi ſcire potuerunt, qui ei in ſua infirmitate obſequuti ſunt. Poſitâ ſibi ob oculos Dominicæ Crucis imagine, ſuo ſiquidem in ore, quo in ſecretis orare conſueverat, ſolam redemptionis ſuæ crucem, Redemptoris ſui pretium præ oculis tam cordis quàm carnis intendens, manum qua poterat alterutrâ impreſſione affectum exprimens, cum viſ doloris loqui poſſe abſtulit, hunc tamen verſiculum quo poterat annuſu frequentabat: *Multa flagella peccatoribus; ſperantem autem in Domino miſericordia circumdabit.* Cum verò utriuſque, ut moris eſt, Conventus Monachorum & Clericorum debito apparatu, datâque & expetiâ humiliter omnium, quibus vel offeſus eſſet, vel quos offendiſſet, indulgentiâ, ſacræ unctioſis ſacramentum ſuſcepſiſſet, reliquum diei quod ſupervixit totum ſe iis, ad quæ intendebat, intuentis dedit. Et quod mirum dictu, cum in agoniâ agens nihil niſi dolorem cogitare putaretur, repente ſpiritu collecto illud Propheticum, quo benedixit Jacob Joſeph, balbutire potiùs quàm loqui cœpit: *Filia diſcurrerunt ſuper murum, ſed exacerbaverunt & iurgati ſunt, invideruntque illi habentes jacula.* Credendum eſt eum jam tunc cœleſtium ſacramentorum perguſtare dulcedinem, quibus dicendis atque guſtandis ſummam ſemper impendebat intentionem.

Mortuus eſt igitur plenus dierum in ſenectute bonâ, eâ profeſſo, de quâ dicitur; *Senectus venerabilis eſt, neque diſturna, neque numero dierum computata: cani autem ſunt ſenſus hominis, & aſas ſenectutis vita immaculata.* Sepultus eſt autem in medio Eccleſiæ S. Uſſimari ante altare S. Joannis Baptiſtæ.

Nulla, ut in talibus aſſolet, vel diſſenſionis morâ alicujus vel dilationis, domnus FRANCO pari omnium electione aſſumitur, vir à puero religioſè apud nos educatus, ſimpliciter converſatus, & in Scripturis undequaque doctiſſimus. Nam cum adhuc tempore Walteri Abbatis apud nos, literarum florente ſtudio, domeſticis apprimè rudimentis imbutus eſſet, ut vas caſtitaſis & innocentie, divinæ quoque ſapientie melle condiretur, Lauduni ſummorum tunc temporis magiſtrorum in ſacrarum lectione Scripturarum diſcipulus factus eſt; in quo & ſui deſiderio & utilitati Eccleſiæ, quæ ſibi eum jam tunc præparabat, ſatiſfactum eſt; ubi de propoſito nihil minuens inter ſæculares Religioſus manſit; & quod magnæ caſtitaſis magnum eſt ſignum, inter feminas Monasterii ſancti Joannis; unde ſumptus accipiebat, juvenculus intrans & exiens, nec ſuſpicionis nomen contraxit, præſertim cum feminæ hujus Eccleſiæ tantæ irreligioſitaſis infamarentur, ut eis amotis Monachi poſtmodum ſubſtituerentur.

Reverſus eſt igitur, & monachaliſ ſanctimoniæ theſauro nihil defraudatus, & Clericaliſ imò divinæ philoſophiæ divitiis locupletatus: factuſque deinceps jure Magiſter apud ſuos; qui diſcipulus fieri non erubuerat apud alienos. Moris quippe Eccleſiæ Lobienſis eatenus fuerat, ut non ſolùm de ſuis aliorum locorum atque Doctorem magiſterio inſtruedos traderet, verùm & de iis, quos in hoc ſtudio plures & illuſtres habebat, alienis magiſtros accommodaret Monasteriis.

Cum igitur rerum mutatio in adventu Leonii Abbatis fieret, ipſe apud ſanctum Nicolaum in ſylvâ, ubi religionis fervor plurimùm vigeat, Ordini propriâ aſſueſcere magis ex actione, quàm alienâ coactione deſtinatus eſt; ubi in brevi tantæ in hac novitate perfectionis ſe exhibuit, ut in Priorem priùs

apud ſanctum Joannem Tervanæ, dein apud ſanctum Joannem Floriniſ, ad ultimum verò etiam apud nos gratiâ religioſitaſis & honeſtaſis ſimiliter in Priorem aſſumptus eſt. Sicque de virtute in virtutem proficiens, de gradu quoque in gradum, voto pari omnium Abbatis quoque dignitatem adeptus eſt.

Ordinatus autem ſicut ab ineunte ætate converſatus erat, ſimplex & rectus, & timens Deum ac recedens à malo perfeverare non deſiit; dilectioni Dei, & gentis noſtræ & Sanctorum nihil præponens, & majorem in Dei rebus quàm in negotiis ſæculi curam impendit. Unde à quibuſdam propoſitum in eo humilitaſis attendentibus, inferiùs dignitate ſua ſe agere judicabatur: ſic quicumque ſapientes unde ab inſipientibus & ſapientibus honori ſuo non ſufficere æſtimabatur, inde eum potiùs honorabant; ita ut quocumque Monasteriorum deveniſſet, primus ei pro religione locus concederetur; & frequenter tam in Capitulis, quàm in Synodis ad faciendum ædificationis verbum invitaretur. Et licet minùs in ejus verbis appareret ſacundia, quia in iis vel gratiam vel curam non haberet, ſuavi tamen mortalitaſis eloquio mel de petrâ, & oleum de ſaxo duriſſimo ſugendum auditoribus apponere amabat: nec enim magis in foliis verborum quàm in ſenſuum fructu ſibi complacebat. Motu ei erat, ut nullâ vel neceſſariâ occaſione detentus, mox ut Fratres à Completoſis exiſſent, cum quibus etiam ſæpiùs complacebat, quamprimùm liceret dormitorium & ipſe conſcenderet, quatenùs pro nullâ laſſitudine primus omnium ad vigilias occurrere omitteret: quarum pſalmodiâ ſtando frequentius, quàm ſedendo intendebat: noviſſimus autem ſtratùm, nullâ mollitie ſuperfluum, pro ſervandâ potiùs aliorum conſuetudine quàm delectatione, ſuum repeteret. Similis illi, de quo dicitur; *Justus cor ſuum tradidit ad vigilandum diliculo ad Dominum qui fecit illum, & in conſpectu Altissimi deprecabitur.* Sicut alios ad nocturnos prævenire, ita etiam in matutinis ſollicitus erat, ut lecto incubantem orto jam ſole rarò invenniſſes; ſed tamquam bonus Paſtor ante oves vadens, vitâ, oratione & doctrinâ eas omnimodis curabat. Et ſi neceſſitas ad agenda temporalia eum expoſceret, nonniſi poſt devotam orationem, & Miſſæ celebrationem, poſt exhibitam, ſi diei congrueret, debitam in Capitulo Fratribus exhortationem, quali ad aliena trahi conſentiebat. Nec enim communi horarum regularium debito contentus, Trinitaſis inſuper & Incarnationis (in quibus duabus fidei & ſalutis ſumma conſiſtit) quotidianum devotè curſum frequentabat.

Videntes autem quidam eum magis æterna quàm temporalia curare, ſimplicitate ejus abuti ſibi utile exiſtimaverunt. Unde & Clerici Anthonienſes anno ordinationis ejus 11. in eum inſurgunt, ſubſtituendorum in tertiâ præbendâ electionem (quæ Abbatis arbitrio ſemper ſubjacuerat) uſurpantes, nec priùs ab ejus vexatione deſiſtunt, donec appellacione factâ Romani ſuper hoc Pontificis adire judicium decernunt. Quid plura? itum eſt & reditum, ſed nihil finitum; nam & Abbas, & qui contra Abbatem ierat WALTERUS de Mauritaniâ (eſt ille ſummus quidem inter Franciæ Magiſtros; nunc Anthonienſis Canonicus, poſtea Laudunenſis Epiſcopus) à Papâ Eugenio ad SANSONEM Remorum Archiepiſcopum ſuâ ipſorum petitione remiſſi ſunt; ut quâ majore poſſit diligentia, rei veritatem probari faceret, & abſque præjudicio cauſam terminare. Sed poſt multos ſumptus & labores quibus pro jure ſuo ſtare Abbas non pigritatus eſt, cum ſibi conſuetudo & auctoritas, & cætera juſtitie inſtrumenta non deſiſſent, Clericos tamen plus juſto Clericis favere, non ſine

CCCcc ij

 XXX. Abbas  
Franco.

Tom. II.



magno sui & Ecclesiæ nostræ præjudicio expertus est. Ad hunc enim finem consentire ( ut verum dicatur ) tandem coactus est , & consilio D. Remensis quod coactionis vicem obtinebat , acquievit , quantum Canonici tertiam liberè daret præbendam , electo tamen prius Abbati præsentato , & ab eo investito , concederet ipse Abbas quibus vellet , & custodiam Ecclesiæ daret : scholarum verò regimen annuatim , exinde accepto homagio , ei quem tam ipse quam Canonici elegissent , traderet ; qui anno exacto non sine Abbatis vel Clericorum consensu in eodem officio renovari posset.

Confirmatum quoque est , ut in anno semel à Canonici , semel à Custode Abbas Ecclesiam visitans nocte & die procuraretur , & si vacarent fructus præbendæ alicujus , consilio Abbatis in usum Ecclesiæ expenderetur. Sed licet id quod concedendo Clericis præbendæ tertiam dono acquievit incautè sibi , & malè posteris fecerit , aliquis tamen bonus usus fuit in illo : nam occasione illius negotii privilegium de Personatibus altarium innovari ab Eugenio Papa obtinuit , & literas excommunicationis in Advocatos ad Episcopum Leodiensem & Cameracensem sibi conscribi impetravit : nec oblitus est matris suæ , Ecclesiæ videlicet Lobienfis , cui de longinquâ illa peregrinatione in monumentum pietatis duo pallia quæ inter prima habentur Ecclesiæ ornamenta , afferre & offerre curavit.

Interim alia ei infertur perturbationis occasio : Officiales siquidem Monasterii patientiâ , ne dicam negligentia abutentes , ( ut pote qui ex simplicitate suâ alios simpliciter quosque agere existimaret ) debita debitis accumulare , & sicut tales in talibus solent , sua magis quam aliena curare solliciti erant ; Claustrales verò , qui pondus diei & ætius portare sibi viderentur , necessariorum denario se fraudari , & unde alii deliciarentur se inde cruciari gementes , conceperunt dolorem , ut parerent clamorem.

Contigit autem GERARDUM Cardinalem , & Apostolicæ Sedis Legatum , à Leodio , ubi Synodum celebrem habuerat , Lobias adventare. Is quippe de Lobienfi Scholastico in Leodiensem Canonicum , dehinc in Cardinalem promotus , acceptâ in suos legatione major erat se. Cum ergo ad nos novam pro veteri parvitate magnitudinem ostensurus divertisset , audit & exaudit nostrorum querelam , & pro clamore , qui forte plus justo intendebatur , plus justo invehi in Abbatem non veretur : nam pro simili negligentia eisdem diebus Abbates duos Leodiensis Episcopii deposuerat. Factâ igitur coram eo plusquam ducentarum marcarum computatione , eos quos hujus obligationis intricatores comperit à ministerio deici præcepit ; in Abbatem quoque manus extenderat , nisi ejus singularem innocentiam & religiositatem reveritus fuisset.

Pro sublevandâ autem hujusmodi oppressione , accedente insuper multimoda Ecclesiæ jacturâ , quæ & guerris Advocatorum , & aliis iterum infortuniis sub ipsâ tempestate obvenerat ; Fratres viginti ab alienas Ecclesias dispersi sunt ; quam tamen dispersionem nec unius anni esse passus est Abbas ; malens profectò si necesse esset , etiam debitorum cum adjectione necessaria procurari. Cum cum Episcopi & Abbates vel æmulatione , vel compassione pro hujusmodi sæpe convenirent , hoc erat munimen , quod & in ipso , & in iis qui obedirent , summam Religionis vigere observantiam viderent , quamquam diù durare non posse constaret spiritualia , ubi deficerent temporalia. Anno autem Relationis ejus undecimo , quo & defunctus est , eadem peltis quâ nocentior ullâ Ecclesiæ nostræ unquam corru-

ptela evenire potuit , ad id universum corpus debitorum mole oppresserat , ut propriam honestatem communi postponere utilitati necesse habuerit : nam seipsum suâ omnimoda parcitate coercens , non aliter huic periculo succurrendum existimavit , nisi & ipse à susceptione hospitem , ( quam devotè & liberaliter exequutus fuerat ) & inutili collectione Conversorum , vel Conversarum , seu ab omnibus quibus gravari posset Ecclesia temperare consentiret , & eos qui se & Capitulo inconsulto tot & tanta accumulare debita præsumserant , à ministerio dejectos , privatos in perpetuum degere decerneret. Quod factum , etsi ad tantæ dejectionis relevationem non suffecit , in spe tamen futuræ cautionis , ad terrorem præsentium errori vel tempori satisfecit. Eo siquidem defuncto non solum Fratrum & ex iis paucorum , sed & servitorum , & omnium qui de Ecclesiâ quidquam subsidii recipere solebant , rentis stipendiis , tanta omnium penè Fratrum dispersio triennii spatium , & quod magis dolendum , sine aliquo fructu facta est , quantam Ecclesia nostra nec ante sensit , nec post sentura est.

Ut autem ad propositum redeamus , dum adhuc viveret prædictus Abbas ; hæc sunt quæ suo tempore ex studio , Ecclesiæ nostræ contulit. Acquisivit de dono Episcopi Cameracensis NICOLAI altare de Motefelle ; altare de Virginau ; decimam de Arcellâ de manu pervasorum ereptam nostræ Ecclesiæ restituit , delato illinc & propter hoc ibidem detento per anni spatium beati Ursimari corpore , multisque à Wilhelmo & ejus complicibus illatis injuriis , petitâ & impetratâ ab Apostolicâ sede justitiâ Wilhelmmum tandem quod usurpaverat evocare , vel evincere in Curia Comitum Flandriæ , & eodem Comite & filiis ejus obsidibus servandâ in reliquum vel in perpetuum pacis acceptis , ipsius Comitum & Procerum ejus testimonio ac privilegio pacem confirmari obtinuit.

Culturas villæ de Tullies quas mansionarii colendas tenebant , ad indominitatem Ecclesiæ revocavit. Multiplicandis in armario libris , maxime iis qui glossati sunt , & modernorum magistrorum opere conditi , tam ipse quam prædecessor ejus , operam dedit. Aliquot calices , tria turibula deaurata non parvi pretii & decentis operis ; crux quoque deaurata & lapidibus insignita , & quædam alia in diebus ejus thesauro Ecclesiæ accreverunt. Fabricam domus susceptionis hospitem , quam Mandatum vocant , perfecit : non tamen Ecclesiam sancti Pauli desuper instaurare sicut prædecessor ejus , adjecit. Instituit quoque in honorem Matris Domini Missam , quam singulariter Sacerdos celebrabat , à toto deinceps Conventu generaliter , & Sabbato solemni celebrari , & in eâ post ejusdem memoriam Joannis Evangelistæ , dein omnium famulorum vivorum ac defunctorum pro quibus eadem Missa instituta fuit , commemorationem fieri.

Obit in sanctitate & justitiâ conversatus omnibus diebus suis : in extremo quoque vitæ in devotione , quam semper habuerat , inventus est. Vesperas quidem Sanctæ Trinitatis ore proprio consummans , ad ejusdem sanctæ Trinitatis visionem tendens emisit spiritum. Sepultus est in Ecclesiâ beati Ursimari in medio Ecclesiæ principalis , juxta prædecessorem suum bonæ memoriæ Lambertum.

Obambulatorium Claustrum ad portam Monasterii septemtrionalem , quod Adelardus Abbas ædificaverat , solo ex parte æquavit , eo quod ( deficientibus quibus lidem ædificium restauraretur sumptibus ) semel ruinam tolli , quàm quotidie timeri sanius judicaverit. Claustrum verò interius & refe-



ctorum, quantum ad ligneam ſpectat materiam, ex integro reſarcivit. Locum Conventus, quo videlicet ad ſedendum & legendum Fratres conveniunt, decentiori opere & formâ ſpatioſiore præparavit, nec adimplevit. Privilegium quoque ab Adriano Papa inſtar priorum Romanorum Pontificum ſibi renovari ſuo ſtudio obtinuit, ſicut in archivis Eccleſiæ noſtræ continetur, Amen.

Quamvis hic Auctor hiftoriæ Lobienſis finem faciat, cujus verba paulo latiniùs reddere ſumus conati à principio uſque ad Abbatem Hugonem; deinceps ad hunc locum partim lectionem reſtituerimus ex duobus manuſcriptis, variis exemplaribus, & pauca pro ſenſûs intelligentia addiderimus, non tamen adhuc Muſæ ſilent noſtrorum Poëtarum, quas hic de indiſtriâ omiſi, quia nihil à præmiſſis continent.

Cum hic finem fecerit noſter Hiftoriographus, cogimur ſi quid eſt de geſtis poſteriorum Abbatum à noſtris Poëtis mendicare, licet ſic valde jejunum, quod non aliquis ſolutâ priùs oratione dilatarit: ut enim Poëtæ ſuperno Spiritu ſolent aſſari, lectorem ut plurimum neceſſe eſt divinare quod ipſi mente conceperunt, & verbis involutis intexuerunt. Sic igitur de hoc JOANNE Latinus Poëta:

*Anglus in Gallum furit, &c.*

Videtur hic Poëta prædicti JOANNIS Antiſtitis poſt Franconem acta perſtringere: quo gubernante, ut paulo ante attigerat noſter Scriptor, tùm inopiâ rerum omnium graſſante, tùm fervente bello Anglorum contra Gallos, Lobienſes Monachi ad quævis alia Monasteria emigrare cogebantur, eâ præſertim de cauſâ, quodd poſtquàm hic Joannes Monachis ſingulis ac diverſis curam adminiſtrandi bona temporalia dediſſet, adeo ære alieno laborarunt, ut ad preces ipſius Abbatis GERARDUS quondam Rector ſcholæ Lobienſis; deinde verò Romanæ Curie Cardinalis creatur, atque Nuntius Apoſtolicus in Leodiënſi provinciâ, eos graviter moveret, & damna Monasterii magno ſtudio ſublevare conaretur, omiſſis ſæcularibus & lãicis, ut commodiùs Monachi poſſent ſuſtentari. Inde hi variè diſperſi tandem admiſſi ad Geronſal vallem ſcholæ ſitam juxta Namurecum, ubi Abbatem ſuum cum comitatu tractare tenebantur. Interim ab accolis Sambræ ad annum Salutis mxxi. (ut notatur in margine; licet carmen innuat an. mxxxix.) conſtruitur ligneus pons ſuper Sambram, alio gravitate ponderis fracto; ſed dolia in Sambram ſubmerſa protegens ac ſervans ſanctus Ermiuus, effecit ut nihil detrimenti vinum acciperet: cujus miraculi novitate motus Abbas Aquicinctenſis (ratio temporis indicat fuiſſe ſanctum Goſwinum ſeptimum Abbatem Aquicinctenſem) eo ſe contulit, & vino guttato reſerſus eſt. Cameracenſis verò Præſes pro tali beneficii divinitus collati gratiarum actione publicas inſtituit ſupplicationes. Sic nos præmiſſos verſus interpretamur, ſalvo meliori judicio.

Præſuit hic JOANNES Lobienſis Abbas xx. annis, & obiit II. Calend. Julii.

Cæterum hoc unum adminiſtratione mihi dignum videtur, quodd cum tot viri docti floruerunt apud Lobienſes, veluti æterno ſilentio ſequentium Abbatum geſta ſepeliant, quorum virtutes aut vitia in horum memoriâ recentius verſari oportuit: ſuperſunt enim adhuc ad xxvii. Abbates, de quibus præter nomen vix aliquid invenias: quorum hujusmodi ſeries juxta numerum quem ſequuti ſumus, hæc eſt.

LAMBERTUS Abbas uno dumtaxat anno Lobienſes gubernavit.

VERRICUS Abbas domum Lobienſem annis cir-

citer quatuor & viginti rexit, non ſine laude; ſed Monasterii ſtatus ſub eodem admodum exilis & obſcurus fuiſſe videtur: nam cum aliquando ejus priſtinum ſplendorem & magnificentiam LUCIO Pontifice maximo commemoraret, deplorans ſui temporis calamitates, & humilem ſui Monasterii ſtatum ac inopiam; reſpondit Pontifex heu! quomodo factum eſt, ut tanta dignitas & libertas, ſeu privilegiorum ſublimitas, ad abjectam adeo umbram demerſa ſit. Hic Antiſtes ex hoc ſæculo migravit anno Domini mxcvii. de quo ſic Poëta Gallus:

*En ce temps furent divers Prelats.*

*Le plus nommé fut VERRICUS*

*L'an mil deux cens & cinq, vivat, &c.*

Hic autem monendus eſt Lector, ſi hæc cum gallico conferuntur non congruere annorum ſupputationem quam ex Abbatum electione ac regimine colligimus.

ROBERTUS Bronienſis ac Lobienſis Monasteriorum Abbas: ea quidem viginti annorum ſpatio plurimis auxit beneficiis, & ædificiis exornavit: demùm vitâ functus anno mccxvii.

HUBERTUS Abbas cum annis quindecim rexiſſet Monasterium Lobienſe, obiit ſeptimo Idus Maii, anno mcccxxii.

RADULPHUS Abbas præſuit annis quinque. Moritur xiv. Septembris, anno mcccxxvii.

WALTERUS Abbas gubernavit domum annis tribus. Obiit quinto Nonas Octobris, anno mcccxl.

THOMAS Abbas gubernavit annis xviii. Deſunctus eſt iv. Calendas Septembris, ſeu pridie Nonas Julii, anno mccciviii.

BARTHOLOMÆUS Abbas ſuſtinuit curas Monasterii annis xxxvii. Hinc è ſæculo migravit nono Calendas Junii mcccxxxix.

RADULPHUS annis viginti apicem tenuit: demùm ex hoc ſæculo migravit xiv. Calendas Septembris, anno mcccxcix.

THOMAS Abbas non exceſſit in ſuo regimine annos quinque. Moritur anno mccciv.

WALTERUS primo ſui regiminis anno moritur iv. Nonas Octobris, anno mccciv.

Annum abſolvit in ſua dignitate PHILIPPUS cum uno menſe, migrans ad cælum octavo Calendas Maii, anno mcccvi.

Verùm JACOBUS à Binchio longiores duxit halitus, per annos xxvi. Demùm ex hac vitâ recedens ix. Calend. Martii, anno mcccxxxii.

JOANNEM Abbatem lego annos tantùm ſex gubernariſſe, unde migravit anno mcccxxxviii. xi. Calendas Junii.

NICASIUS Antiſtes quid fecerit xxvi. annorum curſu, ignoratur, & quando hanc vitam reliquerit, niſi ponamus annum mcccclxiv.

Demùm perlegens Chronica Brabantie diſco, quodd anno mcccclviii. dominus de Grimbergue dono dederit huic Eccleſiæ Lobienſis Cœnobii mediam partem urbis Mechlinienſis, ac denùm in eodem Cœnobio amplexus eſt vitam monasticam. Verùm quia Abbates non poterant ejus dominium ſuſtinere ac tueri, eam partem vendiderunt permutatione aliorum bonorum Epifcopo HUGONI Reverendiſſimo Leodiënſi, qui ipſam vendidit JOANNI II. Duci Brabantie.

Hunc ſequutus eſt GUILLELMUS per annos xvi. raptus anno mcccclxxx.

PETRUS verò præſedit annis ſex, menſibus totidem, emigravit anno Chriſti mcccclxxxvi.

PETRUS autem cum regnaſſet annis ſeptem & quatuor menſes, attigit penè annum ſalutis mcccxciii.

CCCC iiij

XXXI. Abb.  
Joannes I.

XXXIV. Ab.  
Robertus.

XXXV. Ab.  
Hubertus.

XXXVI. Ab.  
Radulphus.  
XXXVII. Ab.  
Walterus II.

XXXVIII. Ab.  
Abbas Thomas.

XXXIX. Ab.  
Bartholomæus.

XL. Abbas  
Radulphus.

XLI. Abbas  
Thomas II.

XLII. Abbas  
Walterus III.

XLIII. Ab.  
Philippus.

XLIV. Abbas  
Jacobus.

XLV. Abbas  
Joannes II.

XLVI. Abbas  
Nicaius.

XLVII. Ab.  
Guillelmus.

XLVIII. Ab.  
Petrus I.

XLIX. Abbas  
Petrus II.

XXXII. Ab.  
Lambertus.  
XXXIII. Ab.  
Verrius.

L. Abbas  
Nicolaus.

Hos menses si adjungamus Abbati NICOLAŌ qui tiam gessit xviii. mensibus, colligimus eum vidisse annum Domini mcccxciv. cum quatuor mensibus.

LI. Abbas  
Joannes III.

Plures annos quàm posteri attigit annos JOANNES III. qui cum sceptrā gestasset annis sexdecim, obiit Nonis Octobris, anno millesimo quadringentesimo decimo, & quatuor mensibus.

LII. Abbas  
Bertrannus.

BERTRANNUS autem Lobiensis Monachus viginti annis suam Abbatiam admodum piè rexit, & obiit. In exactis tot curriculum annis à Waltero I. plura de BERTRANNO cecinit noster Poëta.

LIII. Abbas  
Ægidius.

ÆGIDIUS verò Altimontensis Monachus adeo clauit pietate & doctrinā, ut promoveretur ad Lobiensis Monasterii dignitatem, quam multis virtutibus exornavit viginti septem annorum curriculum. Vitam cum morte mutavit ultimā Aprilis, anno mcdlvii.

LIV. Abbas  
Joannes IV.

Cum Lobienſes gustassent quam suavitatem pietatis & disciplinæ regularis sibi attulisset Cœnobii Altimontensis Monachus, alterum insuper sibi in Abbatem admittere inde non dubitarunt, nomine JOANNEM quartum ab Anselino cognominatum, qui gubernacula Lobiensium direxit ad annos sex & viginti; quem mors tandem rapuit Nonis Octobris, anno Domini mcdlxxxiii.

LV. Abbas  
Joannes V.

Hunc excepit JOANNES V. ab Essen cognomine, Monachus Affligemienſis, qui uno minùs anno quàm antecessor Lobienſe Monasterium rexit. Vitā functus xi. Calendas Julii, anno mdviii. cum onus gubernandi Guillelmo Cordier Monacho sancti Ghislæni resignasset.

Circā hujus JOANNIS ætatem, ut pote humanæ salutis mcdlxxxv. HENRICUS à Bergis Episcopus Cameracensis, electus anno mcdlxxx. qui obiit anno mdii. ex singulari devotione jussit aperiri testudinem cooperientem corpora Sanctorum Lobienſium, inventosque postquàm debito honore affecisset; recludi fecit opere cæmentarii, suoque sigillo locum obſignans, quadraginta dierum indulgentiis insignivit (ut ipsius attestantur literæ) in subsidium salutis eorum, qui ibidem Sanctos visitassent.

LVI. Abbas  
Guillelmus  
II.

GUILLELMUS verò Cordier accepto gubernandi regimine Lobienſibus præfuit annis xxviii. cum insigni pietate & sollicitudine. Collapsam siquidem vitæ regularis disciplinam admodum prudenter excitavit atque confirmavit; bona quoque temporalia Monasterii Lobienſis partim ære alieno oppignerata, partim distracta atque alienata solerti diligentia recuperavit. Demùm ex hoc mundo migravit pridie Idus Octobris, anno mdxxxvi.

LVII. Abbas  
Guillelmus  
III.

Ejusdem nominis GUILLELMUS III. subsequutus est Religiosus Vedastinus, cognomine Caulier: qui existens Abbas Bronienſis, accersitus est ad regendam Abbatiam Lobienſem, ubi Monasticam vitam à suo prædeceſſore diligenter cultam ad maturitatem adduxit, atque insuper & opibus auxit, & quàm plurimis structuris ædificiorum ampliavit; etiam si à multis annis ipsa Ecclesia ære alieno gravaretur. Demùm xxix. sui regiminis anno ad cælum emigravit primo Augusti die, cum fluere annus salutis mcdlxv. paulo tamen alius hujus Guillelmi ætatem videtur repetere Gallicus Poëta.

LVIII. Abbas  
Dominicus.

DOMINICUS Capron nomine, & ordine (erat enim Conventus Attrebatensis seu juxta Attrebatum) Dominicanus, & sacre Theologiæ Doctor percelebris ad hanc dignitatem promotus fuit à suo Confratre eximio & Theologiæ Doctore Domino Thouca, Confessario Caroli V. Imperatoris, etiam si parum inter se, dum in eadem domo cohabita-

rent, convenire dicerentur. Non fuit autem hic Dominicus ad hoc culmen erectus, aut superbior aut negligentior: siquidem templum, quod sui prædeceſſoris ætate fuerat flammis solo æquatum, à fundamentis excitavit, construxit atque absolvit. Et quidem de ipsa conflagratione sic canit Gallicus Poëta:

*Mil quarante six deſſus cinq cent,  
En Juin avint feu fortuit,  
De telle furie tant vehement,  
Que tout le cloistre brula subit.  
Les cloches, les orgues, les sieges, les livres  
Beaux & de grande antiquité,  
En dortoir, reſectoir, cuisines  
Ce qui estoit fur animé,  
CHAPRON sur l'espace de vingt ans  
Dressa ce beau vaisseau d'Eglise.  
Lequel François bien decorant,  
Employa esprit & les mises.*

Ubi si annos hosce recipiamus, paululū citius noster calculus cucurisse videbitur; licet quantum in nobis fuerit singulorum Abbatum ætates ad numerum cujusque regiminis in Catalogo generali annotatum fuerimus jaculati. Et siquidem nostræ standum est supputationi, adjunctis annis viginti ad Dominici Abbatis gubernationem cum præter Ecclesiam nunc adhuc exstantem varias structuras totius Monasterii excitavit, mortuus fuisse reperietur anno Domini mcdlxxxv. undecimo Calend. Novembris, verū ne pertinaciores videamur, etiamſi Chronicon Abbatum, ut à nobis supputatum est, annorum rationem nobis reliquerit, quia dictum Dominicum Capronem vidimus abhinc circiter annis septemdecim Aquicincti in benedictione Domni WARNERI Daurei Abbatis, approbamus quod paulo ante annotavit Gallus Poëta, ab ipso Caprone annorum viginti spatio augustam Ecclesiam Lobienſem ædificatam, quam circā annum Domini mcdlxx. magno splendore ac decore exornavit Dominus ERMINUS, cognomine Franciscus, Abbas adhuc superstes anno m d x c i. in Abbatem erectus anno mcdlxx. vir nunc decrepitus, qui accito sibi coadjutore abſtinentiæ ac sobrietatis studium ſectatur, raro admodum cœnam ſumens, ſingulis horis divini officii tam de nocte quàm de die ſuam exhibens præſentiam, & ſingulis penè diebus ſub horam quartam mane ſacrificium Miſſæ Domino Deo Patri offerens. Ad hæc ſuos in arctiſſimā inſtituti regularis normā conſtringit, ferturque nonnihil erga eos commiſſe, unde coactus ſit coram omnibus veniam petere. Denique quoad vivet, & poſt mortem præter inſignia ſuæ pietatis ſpiritualia, hoc etiam relinquet, quod templum totum pavimento ſtraverit, aplidem ſeu potius frontiſpiciū chori inſigne erexit; reſectorium quoque condiderit, ut ego ex virorum gravium relatione accepi. Obiit autem anno m d x c i i i. ut habet charta ex Cœnobio Lobienſi ad Aquicinctinos miſſa, hoc tenore:

*Quinto Calendas Junii anni præſentis m d x c i i i. in Monasterio noſtro S. Petri apud Lobius, Ord. Divi Benediſti, Cameracenſis diœceſis, è viris exceſſit R. Pater & Abbas noſter Dominus ERMINUS François qui exactis in Prælatura officio xxviii. annis, & ſtrenuo ſibi commiſſo munere perfunctus, ſingulare nobis reliquit abſtinentiæ & pietatis exemplum. Hujus animam pro indiſſolubili confraternitatis inter nos contracta ſedere, veſtris orationibus ſublevari ex debito inſtanſſimè petimus: JULIANUS BECQUET Cantor.*

MICHAEL poſtquàm Coadjutoris officium decem & circiter octo annis adminiſtraſſet, ac tandem dignitatem Abbatialem fuiſſet aſſequutus, vitā fun-

LIX. Abbas  
Michael.


Etus est anno ætatis suæ LX. præfectura verò III. anno Domini MDC. die XII. mensis Octobris.

dum habet à Curia Romanâ suam confirmationem in Julio anno MDCI.

Guillelmus IV.

LX. Abbas

GUILLIEMUS Gilbertus denominatus Abbas, nec-



## MONITUM.

**C**HRONICON GEMBLACENSE Auctorem in codice MS. præferebat Chronographum insignem Sigibertum. Sed rationes aliquot ex ipsomet Chronico sumptæ nos ad-duxere, ut illud Sigiberto denegaremus. Et primò quidem sese prodit Auctor (suppresso tamen nomine) enarrans acta scriptaque Sigiberti: In Cœnobio Gemblacensi me qui hæc descripsi, & multo meliores erudit: (Sigibertus) quorum multos ante se præmisit; paucos, proh dolor! post se dimisit. Deinde qui fieri potuit, ut Scriptor ille singillatim Opera Sigiberti enumerans ne verbulo quidem Chronicon sive de Gestis Abbatum Gemblacensium libellum eum elucubrassè indicaverit, cum sæpius sese daret occasio?

Scio equidem, nec me latet, Sigibertum in fine libri De Scriptoribus Ecclesiasticis isthæc verba de se protulisse: Scripsi & Gesta Abbatum Gemblacensium. Quibus forsitan delusi amanuenses, libellum nostrum de Gestis Abbatum Gemblacensium Sigiberto adscripsere. At verò quid causæ fuisset Scriptori anonymo, si auctorem Chronici Sigibertum agnovisset, cum premere silentio, (quem miris ipse laudibus prosequitur, suumque sibi applaudens Magistrum profiteatur) sanè non video.

His accedit, Sigiberto supersitem Auctorem certo & simili modo scribendi ab ipso exordio ad finem Chronici seriem Abbatum contexuisse. Proinde unicum, non duos Chronici Auctores fateri necessum est. Verùm de conjecturis ejusmodi Lectoris sit judicium.

## LIBELLUS DE GESTIS ABBATUM GEMBLACENSIIUM, ORDINIS SANCTI BENEDICTI. AUCTORE MONACHO EJUSDEM MONASTERII.

Vita Erluini I. Abb. à Richario con-scripta.

**V**itam ERLUINI primi Gemmelacensis Abbatis RICHARIUS Monachus ejus ad NOTGERUM Leodiensem Episcopum metricè descripsit, sed nescimus quomodo accidit, quòd dissipatis & intercisiss scedulis à memoriâ hominum deperiit: unde quasi particulas discissæ vestis colligentes, & quidquid de eo scriptum ubique invenimus simul asluentes, fecimus ut saltem hæreat sibi quasi unius corpusculi compages. Ne ergo exordium ex ambiguitate alicujus conjecturæ vacillare videatur, verba ipsius Richarii in fundamenti stabilitate jaciuntur.

Venerabilis itaque ERLUINUS patris proprii studio literalis scientiæ imbutus documentis, cum in præsentis sæculo cerneret nil agi utilitatis, cœpit æstquare ejus rudis affectus, dans operam ut postpositis vitæ lubricæ faleramentis, Cœnobarum sponte conglomeraretur phalangi: mœnia siquidem Gemmelacensis Cœnobii pariter cum Domino WIBERTO Dei cultore construere viriliter sætegit, ejus quoque adminiculatione cohors Monachorum puerorumque in Domino communiter degentium conglutinata est haud exigua: omnibus enim carus exstitit, singularis charitatis, fervoris, alacritatis in advenis, in pau-

perum catervis sanè pro meritis condignè rependere noverat; simplicibus mysteriorum profunditates depromere, in solvendis ac opponendis sagax assertionibus, adversus malignorum procellas vicens ac solidus, rebus in adversis submittere volens animum; sobrius per pacis prospera: redundabat amor & timor in subditis, dogma redolebat in alumnis. At verò quem nulla quiverunt adversa movere, licet concussus & agitato sit molestiis acerbis, contendit jugiter virtutum gradibus polorum scandere regna. Nox erat enim quod felicem tranquilla non faciant, verum mens sibi benè conscia quanto magis atteritur, tanto amplius splendescit. Gaudia verò lubrici sæculi quo magis vernando pollent, & amplius se spatiando trahunt incessibus, hoc amplius noctis tartareæ fubeunt penetralia, sublatoque lumine ruunt morte perimente pestiferâ.

Sanè Patronum suprâ memoratum laude dignissimum clausum septa Cœnobii tenerent absconditum mundo, verum vernantem polo, ut pote sidus splendidissimum, dictis pariter & actibus radiabat ubique. Monachorum, etiam Clericorum concionibus formam vitæ super astra ferentis totis nisibus cœlebs ostendebat, & ad cœlestis consortium Hierusa-

lem de noctis valle vocatos, quod virtutum gradibus lucis scandere itinera certarent, multis modis hortabatur. Talium siquidem floribus redimitus studiorum, vitæ perennis semina humanarum mentium ferens præcordiis, innumerabiles hominum phalanges propriis instruens exemplis, noxia mundi depicere, & salutare vivendi propositum docuit adire. Hæc de rudimentis vitæ & conversatione Erluini Abbatis supradictus Scriptor in ipso rationis procæmio per anticipationem declaravit, tempus quoque quando claruit in textus sui limine statim insinnavit, & virtutem actuum ejus iterando aptius confirmavit, ita exorsus:

**O**TTONIS fuit hic ad tempus Regis in aulâ;  
*Ast ubi devotus fidei sumpsit documenta,  
 Terrigenis speculum, lux, & imago Dei,  
 Sincero Dominum corde sequi studuit,  
 Quam patiens, & quam dulcis, quantumque benignus:*  
*Nam placidus degens lenibat corda furentum,  
 Alloquio blandus, mirâ gravitate modestus:  
 Mitis erat cunctis, suavis, pius, atque benignus.  
 Quem mœstum vidit, quem tristem, quemque dolentem,  
 Affatu dulci mœrentia pectora mulcens.  
 Quam præsens, parcus fuerit potiusque cibique:  
 Esuriem qui tam tenui suspenderat escâ,  
 Et sitis ardorem modicâ dimoverat unda;  
 Illud in ore canens, illudque in ore volutans,  
 Sed virtute magis verbi mens pascitur, ex quo  
 Insomnes noctes hic ducere sape sœtus,  
 Peruvigili curâ fortes aptabat habenas.  
 Munditiâ ut cordis superoque ardore caleret,  
 Utque animus solo vigil, & suspensus in ipso  
 Jugiter existeret, quis memorare queat?  
 Cœlestis verbi meditamen in ore tenebat,  
 In mores pacis de feritate vocans,  
 Non asper, non trux, non violentus erat,  
 Gratus, blandiloquus, compatiensque bonis;  
 Affectu patris subveniebat eis.  
 Angorem pressit, gaudia lata dedit;  
 Ostendit sancti vita probata viri,  
 Quo franata magis quam securata foret,  
 Pane quod in solo non bene vivit homo.  
 Perpetua lucis gaudia vita capit;  
 Pulsabat cœli stetitibus astra piis,  
 Spiritui cogens membra subacta dare,  
 Arceret flammæ carnis ab igne datas.  
 Ac terris positus jam super alta foret,  
 Justitiam esuriens, justitiam sitiens.*

His vivendi documentis non tantum initiatus, sed ad plenitudinem usque institutus, vixit in Clericalis ordinis habitu quam potuit laudabilis: sed quia ipse Dominus pars hereditatis est Clericis, secundum nomen suum in sortem Domini electus ambiebat sagaciter, ut funes hereditatis caderent sibi in præclaris; ideo proficiens de virtute in virtutem, de Canonice regulæ gradu ad Monachicæ vitæ ascendit sublimitatem, ubi non aliter vixit, quam alios vivere docuit, quos suo exemplo ad ejusdem propositi jugum suscipiendum attraxit; sciens juxta dominicam vocem, quia qui dominica mandata non solvit, & alios ut non solvant docet, minimus in regno cœlorum vocari habet: quapropter bona & agendo & docendo magnus in regno cœlorum, in præsentis scilicet Ecclesiæ, meritò est vocatus. Tam multiplici morum honestate usquequaque commendatus, habebatur cunctis reverendus, & Dei timorem appetentibus per omnia imitandus.

Multi etiam, quos sæcularis adornabat potentia,

eum dignum judicabant suâ amicitia, pro eo quod in illo eminebat sanctitatis reverentia, consilii vi-gebat prudentia, & animas Deo lucrandi singularis ei divinitus collata erat gratia; cui inter cætera hoc quoque addidit dispensatio divina, ut nobilissimi apud sæculum, & devotissimi apud Deum WICBERTI, seu GUIBERTI, frueretur amicitia, ita ut mutue caritatis inter se indivisibili conjuncti glutino, unum vellent & unum nollent in Domino; & ubi tam pia erat unanimis inspiratio, nulla prorsus poterat subrepere contrarietatis conspiratio. Sed profecto credebat multum deesse sibi, cum ipse solus retraxerat pedem à vanitate sæculi, quod adhuc pars altera animæ suæ, piissimus scilicet Wibertus, hæreret infixus in limo mundani profundi.

Cupiens ergo supradicto amico suo Wiberto veraciter & perpetualiter frui in Domino, toto mentis ardebat desiderio, ut eum posset lucrari in Domino, & omnem gratiam amicitie, quâ apud animum ejus tam efficaciter poterat, ad salutem animæ illius convertere gestiebat; nec prius destitit, quam eum artius infixum in lacu mundanæ miseriæ, & luto sæcularis potentie, fortiter injectâ manu extraxit, & supra petram Ecclesiasticæ conversationis statuit, & gressus ejus ad iter justitiæ direxit, & hymnum novum divinæ laudationis in os ejus immisit. Deinde etiam in totius vitæ suæ tenore exequendo strenuus ei fuit eruditor, fidus & circumspèctus consiliator, & promptus in rerum oportunitate adjutor. Hoc denique incentore, Basilicam Deo & sancto Petro, sanctoque Exuperio officinas Claustris Monachicæ religionis competentes edificavit; res suas hereditario jure Deo delegavit; Fratres ad jube Dei servitium idoneos inibi congregavit, seque suæque omnia ad ejus initium obediens ordinavit.

Perpendens itaque præfatus Wibertus hunc virum suis temporibus à Deo destinatum ad lucrandas animas, & benè expertus dirigi à Domino omnes illius vias, pro collato sibi cœlestis subsidio incessanter Divinitati agebat gratias. Unde salubri directus consilio, totum se ejus submisit magisterio, eumque Abbatem delegit, & perfecit sibi Fratrumque suorum collegio, ut omni mundanæ sollicitudinis onere deposito ipse securius & intentius contemplativæ vitæ invigilaret proposito.

Igitur vir vitæ memorabilis ERLUINUS non honorem sed onus suscipiens Monastici regiminis, eo ferventiùs cœpit insudare Regularis disciplinæ studio, quo sciebat se Deo rationem redditurum, non tantum de suis, sed etiam de sibi subditorum ratiociniis, de cujus vitæ insinuando statu non opus est agere multo verborum ambitu, de quo constat non alia egisse, nisi quæ placita essent in veri judicis conspectu; nec dubium qui tam gratuite Deo placebat pro bonæ intentionis oculo, quod etiam Dei amatoribus placuerit pro bonæ actionis studio; & qui bonis erat amatus & reverendus, non mirum quod contrariis Deo erat suspectus & contrarius. Interius ergo animarum consulens saluti, exterius autem corporum intendens usui, ut prudens & fidelis pater-familias, utriusque hominis prospiciebat utilitati, qui sciens insolentiam sæcularis potentie solere adversari Ecclesiasticæ quieti, omnia quæ beatus WIBERTUS Regali testamento delegavit commissæ sibi Ecclesiæ Dei, Imperialis & Apostolicæ manûs astipulatu fecit perpetualiter corroborari, quas chartas non pigeat hic inferere, ut eas tenaciter posterorum memorie commendemus. Imperialis charta ergo est hujusmodi:

**I**N nomine Domini Dei & Salvatoris æterni. Otto divinâ favente clementiâ Rex Lotharicus.

S. Guiberti  
gesta percur-  
runtur.

Condi Mona-  
sterium Gem-  
blacense.

Fit I. Abbas  
Erluinus.

948.  
Factus Abbas  
quàm religio-  
se se gestavit.

Charta for-  
dationis Mo-  
nasterii

nafterii con-  
firmatur.  
Vide Sigibert.  
ad an. 948. &  
Myrai Cod.  
Donationum,  
pag. 130.  
Notitiam Ec-  
cles. Belg. p.  
101, 102. Di-  
plom. Belg.  
p. 33. & seqq.

» sium & Francigenum : quidquid Germaniensium  
» sub Imperii nostri ditione Dei nutu à venerabili-  
» bus ac Dei timoratis agitur viris, ratum ducimus  
» nostris corroborari assertionibus, scilicet nostrâ  
» firmitate ac defensione valeant contrâ infestan-  
» tium incurfus tueri. Quapropter agnoscat fidelium  
» conventus, quodd quidam WIBERTUS nomine à  
» secularibus hujus vitæ tumultibus recedens, con-  
» temnens transitoria ut commutaret æterna, vertit  
» se ad Monasticæ vitæ regulam sincero mentis affe-  
» ctu, cogitans qualiter à semetipso, prout possi-  
» bilitas sibi adesset, Deificæ Majestatis augmenta-  
» retur famulatus, construere Basilicam mox cœpit  
» in loco Gemblaus dicto, in honore sancti Salvato-  
» ris Domini nostri JESU-CHRISTI. Talis ergo desi-  
» derii carissimum nepotem suum, Wibertum præ-  
» fatum, calore succendi conspiciens avia sua GISLA  
» nominata, præsidio constructionis ejusdem Gem-  
» blacensis Cœnobii, res eidem nepoti suo legali tra-  
» ditione contulit hereditarias, quas sibi vir suus no-  
» mine ROTHINGUS impendit dotis gratiâ, in Co-  
» mitatu scilicet Lomacensi atque Darnuensi, vil-  
» lam scilicet Gemblaus cum omnibus ad eam per-  
» tinentibus. In eodem quoque pago villam Buisols  
» dictam cum appenditiis suis : & in villâ Asnatgiâ  
» quidquid ipse jure tenuit, & apud eundem pa-  
» gum villam Salvenerias, unumque mansum quod  
» emit, vocabulo Ruoz ; alterumque mansum fîs-  
» calem in loco qui dicitur Vilers ; similiter in pago  
» Halsbain apud villam Hermez mansum unum,  
» quod Rothingus & conjux ejus emerunt.

» Vitæ denique Monasticæ normam multiplicari  
» cernens piissima GISLA, dedit nepoti suo WI-  
» BERTO quidquid Rothingus dotis gratiâ donave-  
» rat, in comitatu Nastenaco villas Naslei, Cor-  
» beis, Avoncourt & Curceles, & molendinum  
» unum super fluvium Fontlain in Comitatu Lo-  
» sensi, & clibanum quemdam in civitate Sens  
» nuncupatâ, per annos solventem singulos xxx.  
» solidos nummorum ; similiter in Comitatu Stam-  
» pais villam Maison dictam, & villam Algeldi.

» Domnus interea præfatus Wibertus de paternis  
» vel maternis rebus suæ hereditatis legales faciens  
» traditiones, dedit quidquid jurium visus est ha-  
» bere Fratribus in eodem loco Gemblaus sub Re-  
» gulari viventibus disciplinâ, quos ibidem Dei coa-  
» dunaverat miseratione, in Comitatu scilicet Brei-  
» bant, in loco Melin, Ecclesiam, cambam, mo-  
» lendinum, & culturam Arnulfi, ac decem man-  
» sos de Lietzinis, quos filio suo Wiberto mater so-  
» lummodo cum fratre suo Oilboldo legaliter tradi-  
» dit, & apud eundem pagum medietatem villæ  
» Putian, medietatemque Bourene, in Comitatu-  
» que Darnuensi medietatem villæ Curtily dictæ, ac  
» medietatem villæ Walahain dictæ, medietatem-  
» que Wasmont in pago Halsbain.

» Siquidem & in hoc habuit doctorem venerabi-  
» lem ERLUINUM, qui & ipse Canonicam, quâ vi-  
» vebat, regulam mutavit in Monasticam vitam :  
» ipsum præfatus Wibertus, post ædificatam Eccle-  
» siam & officinas Claustrî, quas simul construxe-  
» rant, sibi elegit Abbatem, & se cum omnibus  
» quos accersierat Monachis commisit regendum.  
» Igitur virtute nostræ roboramus auctoritatis  
» quidquid ipse contulit illi Ecclesiæ, ac quidquid  
» exinde venerabilium virorum largitione fuerit con-  
» cessum. Et annuimus Abbati Cancellarium sibi  
» constituere quemcumque voluerit ex suis ; simi-  
» liter mercatum, percussuram monetæ, mache-  
» riam ; nec per gyrum ipsius Abbatiæ quislibet  
» Comes sine Legatus dominicus ullâ utatur pote-  
» state, sine permissione Abbatis & Advocati : is-

Tom. I.

demque locus absolutus sit ab omni teloneo.

Idem OTTO LAMBERTUM Comitem Lovaniensem  
constituit Advocatum Monasterii  
Gemblacensis.

O TTO divinâ favente clementiâ Rex Lotha-  
» riensium & Francigenum. Quidam vir nobi-  
» lis, WIBERTUS nomine, his temporibus constru-  
» xit Monasterium in honore sanctorum Petri Apo-  
» stoli & Exuperii Martyris, in pago Darnuensi, in  
» proprietate hereditatis suæ quæ Gemblouës nun-  
» cupatur : qui adiit præsentiam nostram cum ER-  
» LUINO ejusdem loci Abbate, & locum ipsum no-  
» stræ tutelæ commisit : quod nos gratanter acce-  
» pimur, ac sigilli nostri impressione roboravimus.  
» Verum quia Fratribus ejusdem loci grave nimis  
» esset præsentiam Regis semper adire, cum electio-  
» ne ipsius Wiberti & Abbatis dedimus advoca-  
» tiam ipsius Abbatiæ Lamberto Comiti Lovanien-  
» si, viro forti & bellicoso, qui vice nostrâ adju-  
» tor eorum sit ac defensor. Illud etiam statuimus,  
» ut Comes Lovaniensis nunquam præter unum  
» Subadvocatum habeat. Porro subadvocatus in  
» villis ad Abbatiam pertinentibus nihil aliud juris  
» habebit, nisi per singulos annos de unâquâque  
» domo denarium unum, gallinam unam, avenæ  
» sextarium unum. Acta sunt hæc an. DCCCXLVIII.  
» Indictione XII. anno Imperii nostri XIII. in oppi-  
» do Franconefort, mense Junio in Martyrio Petri  
» & Pauli.

» GISLA post hæc sæpememorata, divinæ inspira-  
» tionis in eâ magis ac magis crescente clementiâ,  
» Monachorum videns multiplicare catervam, seque  
» divino mancians obsequio, dedit etiam præter ea  
» quæ suprâ notavimus ex propriâ hereditate, in Co-  
» mitatu videlicet Halsou in villa quæ dicitur Masuic,  
» quamdam terræ partem.

Sequitur Apostolica auctoritatis Charta, scilicet à  
BENEDICTO Papa.

B ENEDICTUS Episcopus servus servorum Dei re-  
» ligioso Abbati venerabili Monasterii sancti Sal-  
» vatoris Domini nostri JESU-CHRISTI, ac sancti Pe-  
» tri, &c. Desunt.

Sed ad propositum Operis redeamus, & quales  
» quantasque persecutiones sustinuerit vir religiosus  
» ERLUINUS, qui etiam martyrium pro Dei amore  
» subire erat paratus, paucis aperiamus ; quod qui-  
» dem FULCUINUS Abbas non tacuit in libello, quem  
» de gestis Abbatum Lobientium scripsit, sed quâ in-  
» tentione scripserit, si quis diligenter inspexerit, pla-  
» nè intelligere poterit, quodd veritatem quidem rei  
» gestæ digesserit, causam tamen rei magis ex motu  
» animi quam ex vero interpretatus sit.

Is ERLUINUS omnium bonorum amicitia dignus,  
» ut pote in eâ acquirendâ utiliter idoneus, & in eâ  
» conservandâ fideliter indutius, singulari amicitia  
» confœderatus erat RAGINERO Comiti, qui ob pro-  
» ceritatem corporis cognominabatur Longicollus,  
» qui tunc temporis principabatur Haginoënsibus.  
» Hic Baldrici Leodientis Episcopi avunculus fuit : &  
» quia suâ potentiâ in omnibus nepoti suo Episcopo  
» patrocinabatur, Abbatiam Lobientem in beneficio  
» accepit, & mirum in modum qui sæcularis potentie  
» tyrannide toti Imperio formidolosus erat, venerabilis  
» Erluini monitis salubribus libenter obediebat. Cum  
» ergo, ut dictum est, tantâ efferretur infania, tanto  
» tamen viro se submittebat, & ut cultum sanctæ re-  
» ligionis exerceret in omni loco ditionis ei permise-  
» rat : unde commisit ei Monasterium sancti Vincentii  
» in loco Senogias dicto, ubi Clericalis ordinis regula

D D D d d

Sigibert. an.  
954.

Sigibert. an.  
956.



vigere debebat, ut ibi monasticæ vitæ ordinem institueret. Sed id importunitate rei & temporis infectum remansit.

Præposituram etiam Lobienfis Monasterii ei commisit, ut quanto sibi adhærebat familiarius, tanto sibi deserviret fidelius; & quanto erat religiosior, tanto ad Fratres ejus loci regulariter gubernandos esset intentior. Quod quia invitis Fratribus factum erat, Fratrum unanimi sibi displicebat, qui per facilitatem Prælatorum licentiâ illicitâ deteriorati, plerique etiam gloriantes ex nobilitate sæculari, & ex personarum acceptione magis quàm religionis sanctitate rem omnem æstimare assueti, ægrè ferebant illum ex humili conditione & ex alio loco sibi præferri: & grave & intolerabile eis videbatur à tortitudine morum suorum ad normam regularis vitæ tam subito per illum revocari. Profectò si rerum convenientia inspiciatur, qui per remissiores Pastoris sollicitudinem per tot annos à disciplinâ regulari desciverant, tam difficulter ad rectitudinem vitæ reduci poterant; non, inquam, mirum si levitatis dissolutio eos effrenaverat, quibus per annos plus nonaginta nulla Abbatum regularium paternitas excubaverat, sed mercenarii & qui non erant Pastores, quorum non erant oves propriæ, dominicum ovile dissipaverant, dum quæ sua non quæ Dei erant quærerent, omnia venalia habebant, & in Ecclesiâ Dei columbas, id est gratias Spiritûs sancti vendentes, domum Dei speluncam latronum effecerant: quod malum in caput illorum redundasse creditur, qui ut mali Pastores lacte ovium Dei impinguati, lanis eorum vestiti, vilipendebant abigere lupos ab ovili Christi, & quasi canes muti non valentes latrare, animas subditorum patiebantur interire.

Quis enim non excretur? Quis, inquam, non abominetur, quodd tanta incuria ne dicam avaritia animos Episcoporum incesserat, quodd ab anno Domini 863. quo odibilis Deo HUBERTUS, frater Reginæ TIETBERGÆ, fugato HARTPETO Abbate Abbatiam Lobiensem invasit, usque ad annum Domini nongentesimum quinquagesimum sextum, quo BALDRICUS expulso RATHERIO cathedram Ecclesiæ Leodicensis accepit, locus ille tantæ hæcenus nobilitatis & religionis honore insignis sine Abbatis prælatione perduravit? Nam postquàm prædictus Hubertus Abbas & Dux justo Dei judicio in bello extinctus interiit, FRANCO ei in regimine successit, & ipse postmodum Episcopus factus, Abbatiam Lobiensem subdi juri Episcopi Leodicensis ex munificentia Imperatoris Arnulphi impetravit, & post eum STEPHANUS, inde RICHARIUS, post eum HUGO & FARABERTUS: omnes, inquam, isti dum magnis Abbatie redditibus carere volebant, & Præposituras, quas sub nomine & merito obedientiæ religiosi & timoratis viris committere debebant, quasi rusticanas villicationes annuatim pretio dabant & adimebant; omnia divina & humana ibi confuderant, omnia sancta & profana promiscua haberi fecerant; & ita miserabili modo quod sibi lucro esse putabant, ad animarum damna verti vilipendebant: ubi enim primò pecuniam quærendam esse proponebatur, scis profectò quia virtus post nummos ponebatur: ubi nullus honor virtuti locusque erat, quæ spes bona esse poterat?

Igitur Fratres cum nollent ad correctionis rectitudinem reverti, per omnia & in omnibus adversabantur prædicti viri voluntati, clamantes & conquirentes res suas ab eo prodigè dilapidari, & substantiam Monasterii non moderatè obsoniis sæcularium personarum extirpari, & maxime in servitio Comitum RAGINERI: hoc nomine protegebant culpam suam, obliti illam sententiam, quâ sanctus Bene-

dictus nos regulariter informat: *Ante omnia ne remunerationis malum qualicumque verbo aut signo appareat.* Sed vir Dei doctus in patientiâ suâ habere animam suam, scuto humilitatis & patientiæ protectus omnem adversitatem sustinebat molestiam; sed quanta & qualia fuerint quæ pertulerit, ex scriptis Fulcuini Abbatis intelligi poterit. Non timuerunt de ejus morte tractare, & ne longius sermonem protraham, tres eorum, quibus nobilitatis vanitas & juventutis robor, propinquorum etiam assensus promptiorem ingesserat audaciam, cum magno & satis gravi ordinis & professionis periculo dormitorium noctu aggrediuntur, ipsum extrahunt, & pertractum extra ambitum Claustrum inhumanè tractant, oculis privant, partem etiam linguæ amputant, non tamen loquendi officio & usu ejus privatur. Hoc actum est XIII. Kalendas Novembris, anno DCCCCLVIII.

Ille taliter martyrizatus, ut nihil bonæ spei inter eos sibi superesse serò intellexit, tandem cessit: nam ita debilis & exoculatus navi imponitur, Gemblaus advehitur. Nec tamen hic labor justī viri per omnia infructuosus fuit, sed Christi bonus odor, *Quia alius odor mortis ad mortem, alius odor vitæ ad vitam fuit*, vim benevolentiae & fortitudinis suæ passim diffudit: nam postquàm per incorrigibilem Fratrum levitatem palam est deprehensum, Fratres sine Abbatis prælatione degere quàm sit periculosum, deinceps sub Abbate eos agere permissum est, & restrictâ levitate Fratrum status sanctæ religionis reformatus est: res etiam eorum, quæ per avaritiam & ambitionem majorum dissipabatur, ad communem Fratrum utilitatem ordinatius stabilita est.

Liceat hæc paululum rerum convenientiam considerare, & rem rei comparare. Vir iste, de quo agimus, aliquid simile pertulit, & ideo, ut credimus, si parva magnis componere licebit, etiam cum remuneratione laborum aliquid simile cum illo habebit, cujus ipse sedulus imitator existit. Exemplar vitæ nostræ S. BENEDICTUS olim unius Monasterii Fratres ad regendum suscepit, quos exorbitantes à regulari viâ quia ad iter justitiæ retrahere non potuit, quoad potuit toleravit, quàm intentius valuit corrigere laboravit: quorum putrida ulcera ubi sensit nullo medicaminis fomento sanari, sed omnes econtra ad phrenesim usque ita exasperari, ut etiam tractare non timerent de morte medici: illos dimissos permisit viam suam ingredi, ipse secum habitans ubi fructuosiori instaret labori. Ita etiam iste noster susceptos Fratres, quos contrà se unanimes in malo videret, quamdiù potuit etiam cum damno & periculo suo patienter sustinuit; at ubi sensit illos etiam mortem animarum suarum vilipendere dummodo possent illi interimere, sibi licet serò consuluit, & illis aliquantulum pepercit, quare ne denud ab eis impetitus interiret, ab eorum manibus se subduxit. Illi sancto Benedicto occultum venenum ingerentes, poculo obvelare voluerunt infamie opprobrium: illorum impudica libertas aperto crimine nullum quæsitum umbraculum. Nos hæc relinquimus aliorum æstimanda judicio.

Servus Dei ad Monasterium Gemblacenfe reversus, re ipsâ expertus per multas tribulationes regnum Dei parari fidelibus, contemplationi & religionis pietati eo vacabat propensius, quo nihil penè ei ardebat exterius, per quod jam multis blanditiis posset commoveri aliquatenus. Nec multum dolendum esse sibi videbatur, quodd illis oculis carendum erat, quibus etiam culices & cyniphes gloriantur, cum interior suus oculus illis oculis perfectè delectaretur, quibus mundi corde Deum contemplantur. Ipse vir Dei Erluinus nolens hæc haber

Cap. 34.

958.

1. Cor. 2. 15.

S. Gregor.  
Dialog. 1. 1.  
cap. 3.

manentem civitatem, ubi videbat ingruere tam multiplicem & tam contrariam malorum calamitatem, futuram non manufactam sed aeternam sibi suisque inquirebat mansionem: & intelligens nullā re hanc melius invenire, quā per concordiam fraternae unitatis, ad opus pariter exequendum animum intendit omnimodis: opus enim Deo placitum, & lucrandis animabus utile à piæ memoriæ Domino Wiberto inchoatum sagaciter implevit, scilicet illud collegium Fraternitatis adunavit, per quod omnes Deitumoratos per totam penè Lotharingiam & Franciam uno pacis & dilectionis vinculo invicem colligavit, ut omnes in Christo unum saperent, unum diligerent, unum vellent, unum nollent; nil inter eos perversum, nil inhonestum, nil diabolicā æmulatione contractum, odio dignum, vel contrarietate esse diversum, ut verè pacifici filii Dei vocarentur; & confitentes alterutrum peccata sua, pro invicem orando salvarentur: elemosynis, jejunis, psalmis, spiritualibus hymnis ad hoc constitutis suprā pensum quotidianæ servitutis. Talem vitam ducens vir magni nomini ERLUINUS, multis postea annis exemplum bonè vivendi fuit omnibus. At postquā camino diutinæ tribulationis excocta est ad purum scoriam peccatorum ejus, tandem tamquam aurum probatus, de fornace carnis est extractus, & quod tandiū exoptaverat, demū pervenit ad bravium supernæ vocationis, & in regno Dei duplicem accepit calicem martyrii & confessionis. Transiens ergo ab hoc mundo quarto Idus Augusti, sepultus est in Ecclesiā S. Petri, fideliter & efficaciter, ut credimus, interpellans aures Omnipotentis pro omni familiā S. Petri.

Gemblacenses orbatī patre ad Curiam Regis pro subrogando sibi Pastore deliberant ire, nec tamen hoc sine consilio Episcopidicæsis putant faciendum esse. NOTGARIUS tunc temporis Tungrensis antistabat, qui non negans consilium querentibus, insinuare incepit quā potuit eloquentius, quā inutile sit pauperes Regibus subiacere, quā arduum & difficile humilibus Christi solium Regis attingere: videri sibi multum esse utile, si juri Leodiensis Episcopi patiantur subiacere, unde prompta adsit defensio. Hæc & cætera id genus Episcopo perorante, assensum est sibi à Fratrum concordia unanimitate. Ergo communi consilio HERIWARDUM virum religiosum & industrium eligunt, & per manus Episcopi Leodiensis eum sibi in Abbatem substituunt. Hic Heriwardus frater erat sapienti Erluini Abbatis, & Monachus fuit Cænobii sancti Michaelis Archangeli de periculo maris, sed fratri diū convixerat Gemblaus pro desiderio ferventis ibi sanctæ religionis: primis plus minusve tribus annis in regimine elapsis debitum humanitatis solvit.

Post Heriwardum ERLUINUS prioris Erluini consanguineus decimo Januarii est Abbas ordinatus. Is quantum ad sæculum liberis progenitoribus est ortus; nam ERLUINUS Episcopus Cameracensis tunc temporis ejus fuit avunculus: quantum verò ad Deum in Gorziensi Cænobio regulari monachicæ vitæ disciplinā apprime exercitatus, ad eam vivaciter exequendam, utinam tam idoneus quā sufficienter instructus! sub hoc Erluino moliri cœpit disciplinæ regularis rigor, & paulatim tepestere sanctæ conversationis fervor, quia non multus erat in eo severitatis vigor. Nam Ecclesiasticis rebus undique dissipatis, & redditibus & stipendiis minoratis, attenuabatur nimis eorum res familiaris. Itaque sub obtentu paupertatis dum quisque sibi consulit, & posthabita communis vitæ honestate rem familiarem augere peculiariter querit, vivebatur justo licentius, quod omnino non expedit Monachorum animabus. Ita

unde primò ex sanctā inhabitantium conversatione delectabilis exibat odor, jam nunc sinistra diffundebatur rumor, qui nonnunquam apud aures sæcularium ad infamandam vitam nostram solet esse incientior. Ergo Erluinus junior postquā annos plūs quā viginti tres sub nomine pastoralitatis egit, primā Junii vitā decessit, & in Ecclesiā S. Petri juxta prædecessorem suum Heriwardum tumulari meruit.

Sed miserator Dominus citò oculos misericordiae suæ aperuit, & interventu, ut credimus, servi sui Wichberti dignum domui suæ dispensatorem providit. Reverà, inquam, misericordiam cœli distillaverunt, cum OLBERTUM nobis quartum Abbatem substitui delegerunt. Is in confinio Samblensis pagi villā quæ Lederva vocatur natus est, parentibus quantum ad sæculum non infimis, quantum ad Deum religiosis. In Cænobio Laubienti à puero in disciplinā monasticā regulariter nutritus, & in studiis Scripturarum apprime eruditus, ex propectu suæ indolis monstrabat qualis esset futurus: hic ubi ex ore HERIGERI Laubientis Abbatis viri suo tempore disertissimi aliquid de septem sapore artium bibit, sicut studii sui extinguere non potuit: ideo ubi aliquem in scientiā artium egregiè præ cæteris valere audiebat, statim illuc volabat, & quanto amplius sitiebat, tanto avidius de singulorum pectore aliquid delectabile hauriebat: nam & Parisiis aliquandiu apud S. Germani operam dedit & studio, & sanctæ quæ ibi fervebat religioni. Apud urbem Tricassinam triennio studuit, ubi grata vitæ & multa ab aliis didicit, & prudenter alios docuit. Sed nec FULBERTI Carnotensis Episcopi eum subterfugit audientia, quem peritiā liberalium artium tota Francia prædicabat. At postquā ut apud prudentissimam per florea rura exercitus, liquido doctrinæ nectare est distentus, ad alvearium Cænobii sui est regressus, ibique vivebat religiosè.

Eā tempestate BURCHARDUS quidam in Wormacensi civitate datus erat Episcopus; vir cum Episcopali honore non indignus, tum pro juvenilis ætatis fervore literarum studiis oportune intentus. Is BALDRICO juniore Tungrensi Episcopo fiducialiter mandat (ejus nempe contubernalis & amicus in palatio Regis fuerat) ut sibi aliquem litterali scientiā præditum dirigat, cujus ope & doctrinā ipse in eruditione Scripturarum proficere valeat. Quis tanto viro mitti dignus esset diligenter queritur, & tandem ad hoc nullus OLBERTO magis idoneus invenitur, & bonā omnium de eo æstimatione ad urbem Vangionum dirigitur: honorificè ab Episcopo susceptus, magnam cum eo familiaritatis gratiam est adeptus. Episcopus nobilis & potens non dedignatur se submittere ad formam discipuli: Monachus humilis & peregrinus non timet tanto viro operam exhibere magistri: & reverà necessarium illi erat ut politus esset ad unguem multiplicis doctrinæ artificio, cujus laus & æstimatio pendebat à tam sapientis discipuli subtili judicio. Quantum autem vir tantæ auctoritatis ex Olberti doctrinā profecerit, ex actibus ejus æstimandus erit, de quo satis constabit quiddam illā ætate in Scripturarum eruditione unice claruerit, quod vel in hoc satis probati poterit, quod opus sanctæ Ecclesiæ nimis utile elaboravit, dum Olberto dictante & magistrante magnum illud canonum volumen contonilavit, & quasi collectis floribus omniformis generis de prato Scripturarum coronavit pretiosorem, auro & topasio in edito Ecclesiæ collocavit.

Episcopus ubi votis suis satisfactum esse sensit, magistro optionem obtulit, utrum mallet secum in honore & amicitia remanere, an ad suos repatriare.

DDDD ij

IV. Abbas  
Obertus.

997.

1008.

II. Abbas  
Heriwardus.

III. Abbas  
Erluinus II.

Burchardus  
juvante O-  
berto suum  
Opus elucu-  
bravit.  
vixit an.  
1008.

Tom. I.

re. Ille elegit repatriare, quia placuit Deo ita pro nobis dispensare. Ergo cum gratiarum actione Episcopo Baldrico remittitur, eminentia studii & religionis ejus prædicatur, & ne vice laboris sui frustretur, affectuosissimè ei commendatur. Cum ergo locus Gemmelacensis vacaret Pastore, BALDRICUS Episcopus sollicità cum suis agebat deliberatione, quis dignus esset hujus pastoralitatis curam suscipere: ad summum placuit omnium sententiæ, Olberto geminā scientiā adornato hunc locum præ omnibus competere. Igitur ab Episcopo cum INGOBRANDO Abbate suo accersitus, Dei & omnium judicio ad regimen Ecclesiæ est electus, & per manus Ingobrandi Abbatis & GODESCALCI Archidiaconi illuc est destinatus.

Gemblacenses ut audierunt inconsultis sibi Abbatem mitti, stultā rusticitate Episcopali dignitati, imò Dei ordinationi voluerunt obniti, nullam volentes ei exhibere subjectionem, cujus dolebant sine suā voluntate & consilio factam esse electionem. Stulti & cæci, non intelligebant meliùs suā spe à Deo sibi consuli. Reliquum diei cum nocte superveniente in hac rebellionis obstinatione consumptum est; mane factò, clarorum virorum qui legatione Episcopi fungebantur emolliti consilio, quamvis invitati destiterunt ab ausu temerario, vix tandem adducti submittere manus Abbati à Deo salutis suæ causā electo. Hoc factum est, anno MXII. Consecratus est autem undecimo Calendas Octobris.

1011.

Adeptus ergo curam pastoralitatis, non segniter laborabat nomen Abbatis factis implere; & cum initio occurrisset ei magnæ rei præstandæ difficultas (quippe cum exterius ingrueret gravis rei familiaris tenuitas, interius autem horreret grandis irreligiositas) non facilè memoranti credas quàm brevi & facilè optata ei arrisit prosperitas: nam & prudenter cum indisciplinatos mores eorum corrigeret, pravos eorum vias quibus illicitè vagabundi aberrare solebant, spinis regularis disciplinæ sepiebat; deinde vias rectitudinis quibus ad vitam incedere deberent, eis ostendebat. Et doctus quòd Pastor Pastorum comminetur Pastoribus, qui semetipsos & non gregem Dei pascunt, qui cum aulteritate & potentia eis imperant, & nulla paternitatis affectione eos ab erroris devio revocant, nec à malo dolentes liberant; quod infirmum erat alligabat, quod fractum erat consolidabat, quod perierat requirebat: & exemplo Evangelici Samaritani ulceribus eorum vinum severitatis & oleum pietatis infundebat. Nec cum spes fefellit: non enim priùs destitit, quàm accepto ventilabro discretionis, quæ mater est virtutum, paleas vitiorum de arcà Dominicā excussit, & grana virtutum in horrea Dei, in pectoribus scilicet fidelium purgata recondidit. Nec hoc satis esse visum est bonæ ejus intentioni semper in anteriora tendenti: sciens quippe quia otiositas inimica est animæ, suos jam satis imbutos sanctā religionis studiis etiam literarum docuit studiosè insillire, ut dum per semitas Scripturarum oculis atque animis relegerent Patrum vestigia, scirent indubitanter eorum cavere avia, & ad viam veritatis sectandam nulla paterentur offencula.

Ezech. 34. 4  
Luc. 10. 34.

Itaque dum præter illa quæ extrinsecus erant, urgeret eum instantia illa quotidiana, scilicet animarum sibi commissarum sollicitudo continua, bonæ ejus voluntati cooperabatur utrobique divinitatis omnipotentia. Siquidem postquàm interius vis divini amoris & fervor religionis recaluit, mox exterius ex bono rerum proventu exuberavit rei familiaris opulentia. Quapropter vir Deo devotus Olbertus in bonam spem adductus, successus urgere suos cœpit instantius, & videns Monasterium cum officinis suis

monachicæ habitationi minùs esse habile, quod pro suā brevitate sibi displicebat, & quia nullā decoris ornatum erat venustate, sperans de Deo, qui dives est in misericordiā, anno prælationis suæ primo novæ Ecclesiæ cœpit ordiri fundamenta. Videntes autem Christi Fideles in dies proficere illum, voluntariā succurrendi ei oportunitate ejus animabant animum. BALDRICUS siquidem Episcopus gaudens se non esse frustratum de Abbatis à se electi bonā æstimatione, totum se transfudit in ejus dilectione, & Ecclesiam in Banechim, & novellam Ecclesiolam in Heis, decimam quoque in Bermessen in Sombrelia Gemblacensi tradidit Ecclesiæ.

Eodem quoque tempore commissa pugnā in Florinis inter LAMBERTUM Comitem filium Ragineri Longicollis, & GODEFRIDUM Ducem, cum Lambertus ibidem gladiis cæsus accepisset vitæ finem, conjux ejus GERBERGA nobilissima, peccatis viri sui compuncta, cum animæ ejus absolutionem & requiem quæreretur per elemosynarum remedia, voluit ut Ecclesia Gemblacensis, cujus ipse Comes defensor fuerat, debita animæ ipsius persolveret jugiter orationum munia. Unde salubri consilio accepto, anitente filio suo Comite HENRICO, feudum proprietatis suæ, quod Tortosa vocatur, in parochiā Bauscui, tradidit Gemblacensi loco. Et quia ipse Comes infra parochiam Gemblacensem habebat aliquot mansiones jure beneficii regiā manu collati, in viculo Egneis dicto, factò iterum justæ commutationis ratiocinio Tortosam ipse recepit, & ad jus beneficii sui transtulit: Egneis verò proprietati Ecclesiæ Gemblacensis transferibi fecit, quod vicinitatis oportunitate utrique parti magis commodum fuit. Quod ne quis posterorum auderet convellere, corroboratum est Regiæ manûs auctoritate.

Abbas OLBERTUS gaudens quia per auxilium bonorum virorum labori suo bonum proventum Deus inferebat, ad augenda Fratrum stipendia, quæ nimis tenuia erant, animum intendebat: & sciens Monachorum esse ut labore manuum vivant ex Patrum & Apostolorum exemplo, continuato cum Fratribus labore, secundum quod necessitas paupertatis exigebat, & voluntas obedientiæ suadebat, in opportunis supradicti prædii locis factis æstuariis vivaria ad recipiendos pisces construxit, quod Fratrum usus satis utile esse providit.

Successor Baldrici WOLPODO quia omnino deditus erat sanctæ religionis studio, Olbertum Abbatem religiosius cæteris vivere libenti accipiebat animo, & eum dignatus suo laterè & auriculā, eum contendere suā provocabat gratiā: unde quod primum ei occurrit, quæ antecessor suus illius gratiā Ecclesiæ Gemblacensi tradidit, suæ stipulationis auctoritate confirmavit. Insuper ipsam Ecclesiam Gemblacensem immunitatis libertate donavit, & hujusmodi arctè testimonio posteris servanda assignavit.

WOLPODO Dei disponente clementiā sanctæ Leonis dicentis Ecclesiæ Episcopus, omnibus in Christo piè vivere volentibus: Unicuique Christi fidelium scimus omnimodis esse elaborandum, ut promereri possit gratiam Sanctorum, quia sic tam propriæ fragilitatis, quàm dæmonis & hujus mundi concutimur fluctibus, ut nonnisi eorum freti patrocinii subsistere possimus. Unde sancti Petri Apostolorum Principis, Sanctique Exuperii Martyris, aliorumque Sanctorum patrocinia, quo potui modo quærere deliberavi, quæ & omnibus tam præsentibus quàm futuris notificare disposui. Antecessor meus BALDRICUS divino & ipse tactus fervore, quamdam Ecclesiam in Bavechum Gemblacensi dedit Ecclesiæ, in honore supradictorum dedicatæ. Dedit & decimas quorumquam, quæ

1011.

1011.

» quidem in sylva Sombreffia dicta ejusdem Gemblacensis Ecclesie scribebant, quaque nulli antecessorum alicui parochie assignaverant. Et hæc quidem sub testimonio testium idoneorum prædictæ Ecclesie contulit, sed chartulam traditionis morte preventus non fecit: in qua faciendam volens me facere participem ejus eleemosynæ, prædictum donum sub chartulæ formâ consignavi. Addo & aliud donum ex parte nostrâ, quod omnibus volo esse notum.

» Instructu nostro Abbas & Congregatio prædicti loci Ecclesiam novam ædificavit, juxta quam antiquâ relicta, quia erat parvula, & citò lapsura, Claustrum & omnia transmutare curavit. Sed his quandoque factis timent circuitionis obsonia ab Ecclesia antiquâ exigenda esse ab Episcopo futuris, eâ scilicet occasione, quod Monasterium destruxerit ipsa esse. Cujus rei rationem diligenter investigans, cum multis comperi, ab ipsâ Ecclesia Gemblacensi servitia aliqua data non fuisse circuitionis scilicet jure antecessoribus meis, ex quo eadem Abbatia munificentia Regis subjecta est sedi Ecclesie Leodicensis. Hanc antecessorum meorum clementiam in futurum decernimus conservandam, scilicet ut ab Ecclesia Gemblacensi, salva tantum ordinatione pontificali, servitutem requirant circuitionis nullam, secundum sanctorum Canonum instituta permittant Monachos vitam ducere quiete; ut tam pro nobis quam pro illis orationibus vacent in totâ ipsorum vitâ.

» Ego WOLFODO Episcopus nomine & opere subscripsi & confirmavi.

BALDRICUS sæpe supra nominatus Episcopus cum retributore omnium Deo faciens commercium proficuum, sibi elegit de perituris æterna ab eo mercari. Ideo eum adoptans heredem patrimonii sui, Monasterium in honore Fratris Domini fundavit in insula Leodicensi, ac portionem substantiæ temporalis, quæ ex multâ copiâ nobilium parentum suorum cum contingebat, delegavit ibi, sed immaturo raptus funere, non potuit in hoc votis suis ad plenum satisfacere: cujus loci providentia, quia nulli adhuc assignata erat, ad manum solius Episcopi spectabat. Unde successor Baldrici WOLFODO piè sollicitus, habito consilio cum suis familiaribus, deliberavit locum prudentissimi Abbatis Olberti committere manibus, quod ille diu multumque reluctatus declinavit humiliter; at vix tandem anno Domini millesimo vigesimo primo suscepit obedenter, & exequutus est viginti octo annis prudenter. Nam ædificato Claustro cum officinis suis, prout patiebatur oportunitas temporis, colligens hinc inde viros bene directos ad normam disciplinæ regularis, & maxime ex disciplinâ Abbatis RICHARDI, qui tunc temporis ubique prædicabatur in fervore sanctæ religionis; primus illic propositum monachicæ professionis instituit, & quoad vixit locum illum ad laudem Dei & hominum strenuissime gubernavit. Nec minus insistens concepto operi Gemblacensis Ecclesie, quicquid à semetipso omnimodis laborando poterat extorquere, totum satagebat expendere in utilitatem rei Ecclesiasticæ: unde ad tam promptum bonæ intentionis effectum subministrabat divinitatis gratia optatum effectum. Siquidem arridente sibi multo successu prosperitatis, maturius suâ spe vidit consummationem cæpti operis, infra triennium ferè ædificatâ Ecclesiâ cum utensilibus suis, constructo etiam Claustro cum officinis suis, & quod magis ei erat in voto, jam ad plenum fervente ibi sanctæ religionis studio, literalis quoque scientiæ non mediocriter vigente exereitio.

Ipse nullam penè nec curis animi nec labori cor-

poris laxans quietem, semper tendebat ad operis consummationem. Ita omnibus apparatis ex voluntate, dedicationem illius Ecclesie celebrari fecit maximâ omnium vicinorum alacritate à DURANDO, venerabili Leodicensium Præsule VIII. Calendas Augustian. MXXII. Nec multo post Oratorium sancti Pauli situm infra Claustrum, sexto Calendas Junii à successore Durandi REGINARDO dedicari fecit, apud cujus animum maximum amicitie locum obtinere meruit. Postea etiam constructo duplici Oratorio, inferius scilicet in honore sancti Joannis Baptistæ & Joannis Evangelistæ, superius in honore sancti Michaëlis Archangeli & Stephani Protomartyris, ab eodem Reginardo dedicari fecit secundo Idus Augusti. Corpora etiam venerabilis & Deo digni fundatoris nostri WIBERTI, & trium prædecessorum suorum ERLUINI, HERIWARDI & secundi ERLUINI in hanc cryptam reverenter fecit transportari.

Idem fidelis dispensator & prudens, quia quærentibus primum regnum Dei & justitiam ejus etiam necessaria corporis in tempore sunt adjicienda, laborabat omni quâ poterat instantiâ undecumque annuente sibi Deo acquirere prædia, ut dum eis pro facultate loci externa suppetere, ipsi sine murmurationis impedimento tranquillius & expeditius Deo deservirent. Dispositâ itaque ordinatiâ solito re familiari, ut absque typo & morâ constituta fratribus stipendia possent suppeditari, quicquid exercebat, ad utilitatem posterorum expendere satagebat; sciens quia quicquid supererogaret, à vero Samaritano Deo, qui custodit Israël, reciperet: nec enim labor suus cessavit, quia tamdiu laboravit, donec res Ecclesie quas tenuissimas invenit, non parum augmentavit, & ut ita dicam, penè duplicavit. Interdum autem dato pretio undecumque poterat fideliter emit, aut suo labore devotione fidelium pro salute eorum Ecclesie nostræ tradi obtinuit; quæ diversis locis à diversis personis diversis ratiociniis undecumque corrasa fuerant; quæ quia numero sunt plura, sed quantitate parva, & reddituum æstimatione non adeo magna, à nobis sub numero perstringi non possunt omnia.

Hujus etiam tempore HUBETHO HERIBRANDI filius, Domini WIBERTI ex sorore RENUIDE nepos, tactus amore pietatis & justitiæ, annitente sibi GUDETHA suâ nobilissimâ conjuge, reddidit Ecclesie nostræ partem quæ sibi cesserat ex medietate, à Patre suo Heribrando nobis directâ violenter & injustè, monitus exemplo sororis suæ RICHELDIS, quæ, ut supra diximus, partem suam retulerat ad justas preces Ecclesie Gemblacensis.

Hujus etiam Hubethonis filii HUBERTUS scilicet Tretunus, tertiam partem de villâ Pricen Ecclesie nostræ tradiderunt. Idem Dominus Abbas Olbertus alodium in villâ Masau, & in Bietrinis dedit, & pro eo villam Ferolt dictam accepit, factâ commutatione non satis nobis commoda secundum rerum æstimationem, sed ut soli sibi visum est, utili propter solam vicinitatem. Siquidem antea à prædecessoribus suis per justam commutationem ejusdem alodii, quâdam parte datâ Sultrensi Ecclesie, villa Mainil dicta adjuncta est parti Ecclesie nostræ.

Quid autem dicam? eo tempore nimia annonæ caritas totam prostrigavit Galliam, anno videlicet MXXIII. tam sibi à Deo in faciendis eleemosynis cumulavit gratiam, quam apud homines in auctâ Ecclesiastica re sibi acquisivit gloriam. Quasi enim alter Joseph præscientiæ tactus gratiâ, frugum ubertate superioribus annis sua repleverat horrea, de quibus pauperum suorum in tempore relevare penuriam parabat Dei providentiâ: & cum multi alii

DDDDij

S. Jacobi Leodient. Monasterium fundat Baldric. Episc.

1021.  
Sigbert. pp.  
1014.

1021.  
1025.

1043.



ducti avaritiæ spiritu aliorum inopiam ad suum verterent commodum, posthabitâ misericordiâ pauperum, dum sua aut tenaciùs servant aut vendunt carius: hic nec sua sibi servare per tenaciam, nec aliis vendere voluit per avaritiam, sed ipsius Dei creditor effectus cœpit esse laudabilis usurarius: nolens enim parcere seminare, ne & parceret meteret, seminabat in benedictionibus, ut de benedictionibus meteret vitam æternam: & quia hilarem diligit Deus, non ex tristitia aut necessitate eleemosynarum implebat opus, sed pietatem misericordissimi cordis ostendebat ex hilaritate vultus. Præter illos enim qui singulis horis euntes & redeuntes de ejus participabant benedictione, non paucos domesticos Ecclesiæ, ut dignum erat, sustentabat de penu matris Ecclesiæ, constitutâ eis sine dilatione diurni viatici stipe. Et hoc in eo poterat esse miraculo omnibus, quod cum esset in eleemosynarum largitate tam profusus, in relevandâ aliarum congregationum inopiâ tam paternè prodigus, in vicinis suis etiam nobilioribus in tali temporis articulo consolandis tam liberali oportunitate paratus; cum etiam suos, scilicet Ecclesiæ homines, suâ compassione juvaret laxando oportune solito terre redditus: gregem Christi in solitudine Claustrali divinæ servituti vacantem nunquam habuit . . . . . immisericiordiùs, sed sufficientiâ proveniente sibi cœlitus, toto humanitatis affectu serviebat Deo servientibus.

Nec videtur esse prætereundum dicere, quantum in ornandâ Ecclesiâ fuerit ei studium: quamvis enim dicatur, *in san' o quid facit aurum?* non habebat tamen in exterioribus rebus unde desiderium animi sui ostenderet erga Deum, nisi ea quæ prima mortales putant, liberaliter expendere erga Dei cultum; quod nonnihil valere nulli est dubium, sive ut inde necessitatis tempore subveniatur indigentia pauperum, vel Deo servientium, sive ut inde Ecclesiasticæ utilitatis oportune majus comparatur commodum, sive quia homines bruti, & omnia æstimantes magis ex animo suo, quàm ex veritate rerum, nihil penè ducunt cultu & reverentiâ dignum, nisi quod ex iis quæ ipsi temporaliter amant viderint adornatum. Imò utrobique declinans crimen avaritiæ, quæcumque unde potuit prudenter corrådere, in ornamentis Ecclesiæ maturabat impendere: quorum summam hic perstringere non est quidem difficile, quia quotidie est oculis ea inspicere.

Fecit tabulam argenteam ante altare S. Petri anaglypho opere non indecorè cælata: duas quoque alias argenteas minoris quantitatis; frontale quoque ad altare S. Exuperii Martyris; candelabra argentea futilia duo; calicem aureum unum, argenteos sex, turibula argentea duo; textus Evangeliorum unum aureum, tres argenteos; Epistolarum argenteum unum; capsas reliquiarum argenteas duas; capsas ex palliis decem & octo; casulas duas, decem diaconalia, duo subdiaconalia; quatuor albas, stolas, tapetia, & alia, quæ quamvis numerentur inter subbicinia, ejus tamen industriâ & studio sunt comparata, aut ejus amoris gratiâ à fidelibus Ecclesiæ collata: quæ quidem quamvis non sunt adeo multa pro pretii æstimatione, sunt tamen multa & magna & pretiosa pro bonâ ejus intentione, quia remunerator bonorum Deus non æstimat ex quanto, sed quo vel quali sibi offeratur animo.

Et quia cum religionis studio vigere fecerat etiam literalis scientiæ studium, ut & in hoc eis deesset unde hujusmodi artis exequerentur exercitium, subministravit eis etiam copiam librorum: non pallus enim ut per otium mens aut manus eorum torpesceret, utiliter profectui eorum providet, dum eos per scribendi laborem exercet, & frequenti scri-

pturarum meditatione animos eorum ad meliora promovet. Appellens ergo animum ad construendam pro posse suo bibliothecam, quasi quidam Philadelphus, plenariam vetus & novum Testamentum continentem in uno volumine transcripsit historiam; & divinæ quidem scripturæ plusquam centum congestit volumina, sæcularis verò disciplinæ libros quinquaginta.

Mirandum sanè hominem unum in tantâ tenuitate rerum, tantâ potuisse comparare, nisi occurreret animo, timentibus Deum nihil deesse. Ego sanè dum studiorum ingenii & laboris tanti viri recordor, omninò demiror quod in eo geminæ scientiæ tam egregiè claruerit vigor; à puero enim in solitudine Claustrali educatus, tam solers & prudens apparuit in disponendis mundanis rebus, ut vix aliquis sæcularium videretur ei præferendus, & contra dum se restringeret ad rigorem monasticæ conversationis, id ipse inter strepitum Ecclesiasticæ procurationis explebat subsecivis operis, quod vix aliquis alter attingeret vacans Deo in quiete monasticæ solitudinis. Nec frustra fama nominis ejus ubique discurrebat, de cujus doctrinâ tam dulcis odor longè lateque crescebat. Exceptis enim illis quos in subjectione suâ in studio & religione nutrit, multas Clericalis Ordinis personas, quosdam etiam Curiales doctrinâ suâ promovit, quorum illustri probitas vel dignitas postea S. Ecclesiæ magnæ utilitati & honestati fuit. Sed & in hoc in Ecclesiis Dei ejus laudabilis memoria adhuc vivit, quod vitas aliquas sanctorum aliquibus in locis liquidè & politè composuit: & de gestis eorum in laudem Dei, secundum regulam musicæ disciplinæ in quâ multum valebat, dulcissimè cantus modificavit. Inter quæ, quia rogante RAGINERO Comite vitam S. Veroni Confessoris composuit, cantum etiam de eo melificavit; antiphonas quoque super matutinales laudes in transitu Sanctæ Walde-trudis. Ipse Comes RAGINERUS, & HATHUIDIS conjux ejus, quidquid prædii habebant . . . . in dominio Ecclesiæ nostræ tradidit.

Tam laudabilem vitam & utilem degens, postquam infra triginta septem annos exegit tempus suæ prælationis, sensit se à Deo invitari ad bravium supernæ vocationis; & exemplo Domini JESU, qui transiiturus ad Patrem, cum dilexisset suos qui erant in mundo in finem dilexit eos, etiam ipse filios suos quos Deo in sinu maternæ dulcedinis genuerat, & affectu paternæ sollicitudinis educaverat, usque in finem dilexit: quia duobus Monasteriis præerat, & ob id continuâ regendi instantiâ alternatam habitationem suam mutare consueverat, tunc in Gmblacensi Cœnobio aliquandiu commoratus, natalem Apostolorum Petri & Pauli solemnizabat: & congregatis filiis suis prolixè & pie sermocinatus est eis; & quantum poterat facundia disertis doctoris & pietas affectuosi patris, monebat eos, ne ab aratro Dominici operis oculos averterent, & ut ab fermento sæcularium caverent, ut non solum coram Deo sed etiam coram hominibus bona providerent, & cætera id genus quæ pii & sapientis viri erudabat peccatus. Inter loquendum ante altare S. Petri eos eduxit cum psalmodiâ & oratione, Pastorum Pastori eos commendavit, ab omnibus commissis pastoralis potestate absolvit, & spirituali sanctificatione benedixit, & ut ultimum vale non sine lacrymis eis fecit.

Leodicum abiit; urgebatur enim tristi nuntio de infirmitate gloriosi Episcopi WATHONIS, cui etiam ipse hoc debebat propter reverentiam debitæ subjectionis, quod ejus condiscipulus, & à puero fuerat cantubernalis, & abinde inita inter eos amicitia gra-

JOHN 13. 1.



tia cum ipsâ ætate sine querelâ simul concreverat, & ut ita dicam, cum eis insenuerat. Episcopus gaudens se consolatum esse optatâ visitatione amici, ab eo in nomine Domini secundum præceptum Apostoli Jacobi expetit inungi. Facto inunctionis officio cum missionem peteret ab Episcopo, & adhuc de spe vitæ fiducialiter quæreret ab eo; Episcopus tactus spiritu divino: Hodie, inquit, non moriar, ô amici mei, sed cras in Christi nomine succurrite mihi. Ille desperans de vitâ amici, resolutus in lacrymas, nec valens temperare dolori, Non sinat, inquit, Deus me septem dies supervivere tibi: & ad Monasterium S. Jacobi, cui præerat regressus, cœpit destitui viribus corporis; mox etiam vexari acutis febribus. Quid multa? Secundum prædictum & votum piorum virorum crastino die, quod est octavo Idus Julii, Episcopus migravit ad Dominum; Abbas autem, qui Episcopo dimidio animæ suæ septem dies supervivere voluit, ipso die septimo, quod est secundo Idus Julias felicem spiritum cœlo reddidit, anno Domini millesimo quadragesimo octavo; postquam Gemblacensi per annos triginta septem, Leodicensi verò Cœnobio circiter annos viginti novem regnasset.

Quo venerationis honore, quo miserationis dolore prosequutus sit grex Cœnobii utriusque, qui in Christo sub ejus profecerat institutione, supervacaneum est memorare. Gemblacenses siquidem auditâ pii Patris infirmitate, cui post Deum & primum nostri loci constructorem Wibertum quidquid penè habebant audebant imputare, piæ dilectionis alis non distulerunt illuc convolare: contristabat eos non mediocriter amantissimi Patris destitutio, sed plustquam dici vel credi possit miserabili contristabantur infortunio; quoddam carendum eis esset corporis ejus pignore pretioso; & si aliquam viam eis aperuisset Dei dignatio, nihil optabilius eorum omnium infudit animo quàm id agere aliquo modo, ut corpus defuncti referrent Gemblacensi Cœnobio: sed id nec precibus obtinere, nec aliquâ omnino ratione potuerunt efficere, gaudentibus civibus ad tutelam civitatis suæ præsentialiter tam sancti viri patrocinia pervenisse. Sepultus est igitur in Ecclesiâ S. Jacobi, ut decuit primum Abbatem ipsius loci, cum hoc Epitaphio:

*Hic jacet Abbatum speculum, decus & Monachorum.*

*Abbas OLBERTUS, flos paradisi tui.*

*Præfuit Ecclesiis normali tramite binis.*

*Legia corpus habes, Gembla carendo doles.*

Perlato ad Gemblacenses tam tristi nuntio, omnibus palam factum est ipsius veritatis testimonio, quâ pastoralitatis sollicitudine omnes habuerat, quâ paternitatis dulcedine omnes nutrierat, quâ caritatis unanimitate omnes à parvo usque ad magnum sibi in Christo devinxerat. Quis enim poterit dicere? Quis dicenti poterit credere quantus illic omnium factus sit concursus, quantus Fratrum mœrentium fuerit luctus, quantus pupillorum & viduarum dolor, quantus pauperum clamor? Ab omnium ore actio tam pia & exaudibilis, pro absolutione animæ ejus ab amicis Christi ad cœlum transmittitur oratio: Quis enim tam affectuosas vidit exequias? Quis, inquam, tam piæ, tam meritis, tam profusis dubitet Deum acceptasse lacrymas, quas non extorquebat carnalis affectionis necessitas, sed quas eliciebat placita Deo spiritualis delectationis pietas? Qui ergo tot amicos conciliarat sibi iniquitatis mammonâ, receptus est ab eis in æterna tabernacula; & quia benè ministravit, gradu bono acquisito sibi, cœlestis Curie adscriptus est dignitati. Credo, nos modo illic suâ tutabitur gratiâ, quos hîc tam pa-

ternâ nutritivit misericordiâ, Amen.

Succellor Abbatis Olberti est MASCELINUS, Olberto consanguinitatis conjunctus lineâ, & à primis annis cum Fratre suo æquè memorabilis vitæ FULCUINO studiosè in ejus disciplinâ educatus; ad hoc uterque excrevit bonæ indolis industriâ, ut magnæ utilitatis locum fortiri mereretur in Dei Ecclesiâ; ex quibus FULCUINUS junior ætate, nodatus exercitio liberalis scientiæ, glorioso Abbati Stabulensi POPPONI ad regendas puerorum scholas directus, & per aliquot annos in morum honestate ab eo satis probatus, per interventum ejus in Mettensi urbe ad regimen Abbatie S. Vincentii Martyris est promotus, quod usque ad finem vitæ utiliter & laudabiliter est exequutus.

MISSAC autem cognomento Mascelinus frater ejus, etiam Virduini sub RICHARDO Abbate in gymnasio Monasticæ disciplinæ regulariter exercitatus, & per omnia in virtute obedientiæ satis est probatus: at postquam inventus est etiam esse patiens laborum, & strenuus & prudens in dispositione Ecclesiasticarum rerum, Dominus Olbertus suo lateri adjunctum, participem fecit eum operum & consiliorum suorum; & ordinans eum sibi Præpositum, commisit ejus prudentiæ secundas partes omnium rerum; in cujus obedientiæ exequutione tanta vixit subjectione, ut nullâ unquam titillatus sit superbiæ inflatione; & per multos annos tam prudenter & utiliter vixit, ut postquam sanctæ memoriæ Abbas Olbertus humanæ naturæ cessit, nullus qui ei succederet dignior eo inventus sit. Itaque septimo Calendas Augusti adeptus est locum regiminis Ecclesiastici: consecratus autem septimo Idus Augusti attendebat diligenti instantiâ sibi & gregi: nam secundum quod didicerat regulariter & piè vivebat, & secundum quod vivebat, etiam alios vivere docebat.

Idem Abbas statuit, ut Camerarius per se villicorum investituras & placita habeat villarum sub se degentium; Cellerario ad sagmina comparanda centum solidos instituit; ad utensilia officinarum coquinæ, pristini, cambæ, granarii, triginta solidos de sensu cortiliorum annuatim dari censuit: præbendam & calceos bubulco, qui ligna de sylvâ per singulos dies adduceret, stabilivit. Hortum ad olera faciendâ, bubulcariam, cortem cum cortilio bubulco delegavit, hæc omnia sub curâ Cellerarii statuens, mensam Fratrum sub ejus curâ constituit. Itaque panem librarum duarum, legumen pisorum seu fabæ, ad emptionem secundi pulmenti, ovorum, casei, seu piscium, decem & septem denarios per dies singulos à Calendis Octobris usque ad Dominicam Septuagesimæ; tertium pulmentum herbarum hortensium; justas duas cervisiæ diatim, mensuram vini per singulos quatuor dies hebdomadis cum charitate Sabbati. Paximates similagineos in duodecim præcipuis solemnitatibus omni horâ prandii, placentas & oblotas cum aliis bellariis ad cœnam ministrari præcepit.

Cras credo, forsitan dicet aliquis, qualitatem perpendens præsentis temporis, falsum est quod hîc legitur: nunquam tali sæculo usi sunt Monachi illius temporis. Scit Deus, qui est summa veritas quia quod vidi scripsi, & adhuc supersunt testes idonei.

Addidit annuatim Ecclesiæ custodiæ viginti solidos nummorum ad coemptionem vini, ex quo quotidianum Missæ sacrificium oportet celebrari. Ad anniversarii diem suæ depositionis constituit annuatim dari Fratribus octo solidorum charitatem, gratiâ piæ recordationis. In memoriâ æternâ erat bonus dispensator.

V. Abbas  
Mascellinus.

VI. Abbas  
Tietmarus.

Ultimâ ætate ægrotavit dolore pedum vehementissimè, nec Medicorum auxilium quæsit, sed in Deo fiducialiter speravit. Excoctus ergo in camino tribulationis, viginti octo annos in regimine explevit.

Huic successit TIETMARUS, qui per omnia sequens vestigia prædecessoris sui, adauxit potiùs quàm diminuit substantiam Monasterii; qui dum temporibus antefati Abbatis custos esset Ecclesiæ, ambonem Evangelii, & feretrum sancti Exuperii auro & argento vestivit, & opere anaglypho decoravit. Huic gloriam mundi furgentem, & paupertatem Christi in omnibus sequenti, prædium Hucberti Clerici, qui apostata dictus fuerat, Conventus Fratrum indominitatem dedit; & ipse Fratribus fraternâ & primâ vicissitudine ex redditibus ejus prædii quinquaginta solidos redonavit eâ conditione, ut à se & successoribus suis annuatim ad usus Fratrum in festis præcipuis duo solidi darentur in emptionem piscium. Iste pater per manus Domini Lietardi Præpositi sui cryptam in honorem sanctæ Dei Genitricis construxit, & sacellum sancti Petri ex humili & parvo in eâ formâ quâ nunc cernitur, restauravit. Infirmorum, infantium, hospitum, pauperumque semper curam præcordialiter habuit. Præbendam Fratrum si non adauxit in nullo, non diminuit, sed vinum, pisces, similam temporibus statutis omni tempore vitæ suæ absque ulla retractione subministravit. Abbas TIETMARUS vir columbinæ simplicitatis, per annos viginti tres commissam sibi familiam rexit.

Tempore hujus Abbatis floruerunt religiosus BERARDUS, qui sollicitus de animæ suæ salute, consensu Domini Abbatis & omnium Fratrum [constituit] ut omni die cantetur Missa in Ecclesiâ Gemblacensi pro cunctis fidelibus defunctis.

Item GUIRICUS Monachus, vir omnium bonorum memoriâ dignus, qui per multos annos in Gemblacensi Cœnobio functus Prioratus officio, omnibus viventibus proderat verbo & exemplo. Hic Olberti Abbatis consanguineus & discipulus, ejus vitam & mores imitatus ad hoc profecerat, ut à quibus erat notus, aurum multo meritorum igne probatum, & vas honori Dei aptum cognominaretur. Erat intentus jejuniis, vigiliis & orationibus, & quotidianis Missarum celebrationibus. Si quando tamen, quod rarum erat, à tali opere vacabat, nullam requiem habebat spiritus ejus. Vir eruditus, in tantum ei divina gratia fuit, ut ex tunc & nunc per eum & per eos quos instruxit, eruditos viros habuerit Ecclesia nostra: ejus exstat epitaphium tale.

*Norma, decus, speculum, GUERINUS, honor,*

*Monachorum doctor Gemblacus hoc tumulo tegitur.*

Item floruit Dominus SIGEBERTUS, morum probitate & scientiæ multiplicitate laudabilis & gratus sui temporis sapientibus: non indiget nostris laudibus, quia laudant eum opera ejus. Cum enim esset juvenilis ætatis tempore Mascelini Abbatis Metensis notificatus, & in Cœnobio sancti Vincentii Martyris cum FULCUINO Abbate diu conversatus, sapientiæ fons patens erat non solum Monachis, sed & Clericis ad se undique confluentibus. Multis Mettensium hodieque dulcis est ejus memoria, in quibus adhuc supersunt doctrinæ ejus vestigia: quæ vel quanta illic degens rogatu eorum scripta ediderit, ipse ostendit in libro illustrium virorum quem composuit. Non solum Christianis, sed & Judæis in eadem urbe commanentibus erat carissimus, pro eo quod hebraicam veritatem à cæ-

teris editionibus secernere erat peritus, & in his quæ secundum hebraicam veritatem dicebant, Judæorum erat consentiens assertioibus.

Post multum temporis vix impetratâ licentiâ rediens ad Cœnobium Gemblacense, multa contulit ad usum & ornatum Ecclesiæ, quæ acquisierat voluntariâ eorum quos instruxerat liberalitate. Frequentabant autem eum majores natu, excellentiores gradu, acutiores sensu, qui erant in urbe Leodicensi. Siquid quæstionis occurrerat eis, ad hunc deferre & conferre cum eo soliti. Horum præcipuus erat HENRICUS Archidiaconus & Decanus Ecclesiæ sancti Lamberti, cujus rogatu scripsit ad Trevirenses librum de jejunii Quatuor-temporum, & multa quæ commemorat in libro Illustrium virorum. In Cœnobio Gemblacensi me qui hæc descripsi, & multo meliores erudit, quorum multos ante se præmisit, paucos, proh dolor! post se dimisit. At vir prudens cum esset multæ gravitatis, non erat indilicetæ austeritatis, sed erat ad omnes, ut res poscebat, discretæ mediocritatis. Scripturarum maximè divinarum lectio & meditatio eum occupabat, sed tamen quotidiana Missarum celebratio, & devota ad Deum oratio semper eum præoccupabat. Longâ confectus senectute cum decubisset extremâ ægritudine, nihil amittens suæ prudentiæ, Fratrumque voluntas esset, ut cum obiret intra Monasterium sepulturæ locum acciperet; at vir altioris consilii malens in conspectu Dei humilis, quàm præsumptuosus inveniri, obnixè petiit in Cœmeterio nostro Fratribus omnibus consepeliri. Obiit ergo tertio Nonas Octobris tempore Domni Lietardi Abbatis sequentis.

Tietmarus fideliter rexit pedum per annos viginti tres: locum sepulturæ ante sanctæ Crucis altare accepit; semper futurus apud posteros laudabilis memoriæ: cenotaphio ergo incisa sunt hæc poemata:

*Ecclesia lampas hic TIETMARUS jacet Abbas,  
Pauper, pacificus, mansuetus, pectore mundus.*

*Ultima fulsit ei tua lux penultima Maii.*

*Octo beatificas doctus obisse vias:*

*Lugens, esuriens, compatiens, patiens,*

*Qui vixit Domino, dormiat in Domino. Amen.*

Cum quærerent Gemblacenses post obitum Domni Abbatis Tietmari quis ei succedere, quis idoneus esset eos regere; habitâ deliberatione Lietardum Abbatem constituerunt concordie electione. Hic à pueritiâ Domni Abbatis Olberti eruditione institutus, Claustralis disciplinæ amator & exequutor erat assiduus. His quibus præerat religiosæ vitæ exemplum præbebat. Cumque eos præcelleret imitabili actione, moderabatur tamen quod agebat laudabili discretionem. Erat enim consuetudo ex multo tempore quartâ & sextâ feriâ usque ad vespertinam diei horam jejunium protrahere, idque præcipuè exquebatur diebus Adventûs Domini & Quadragesimæ. Cumque sibi vix aut nullo modo vellet indulgere, Fratribus tamen congruam temporis refectionem exhiberi jubebat absque retractione, malens eos voluntariè proposito superaddere, quàm præcepto suo coactos abstinere. Karò aut nunquam in camerâ suâ prandeat aut cœnabat, nisi alicujus præcipui hospitis eum cogeret auctoritas, & ipsa ut ita dicam eum trahe-ret charitas. Sialiquando major solito eum cura urgebat, horam prandii in Refectorio anticipabat, aut post refectionem cum paucis cibum sumebat.

Cum quodam tempore invitante Episcopo Leodicum adiret, in viridario quodam discubuit cum suis, & multi ad eum confluerunt; ipse eis jussit vinum propinari, cum sciret tantum ad usus suos & suorum non nisi in ascopera modicæ quantitatis vinum ha-

Scripta Sig-  
berti.Auctor hujus  
Chron.VII. Abbas  
Lietardus.

beri. Expletâ refectiōe quæsit à ministro an super-  
esset aliquid vini. Ille, gratias Deo, inquit, de par-  
vo vasculo multis hodie decenter propinavi, & ad-  
huc superest quod multis possit propinari. Mirati  
sunt qui aderant, de tantillo vasculo tam multis  
vinum sufficere, & crevisse potius quàm decrevisse.  
Abbas verò misericordiæ Dei humiliter reputavit.

Domnus autem Lietardus Domno Sigeberto diù  
convixit, sed non diù supervixit: sentiens corporis  
vires sibi deficere, ut Deo per ægritudinis molestiam  
se vocanti paratus esset occurrere, Fratribus com-  
mendans unitatem fraternæ dilectionis, inter verba  
piæ admonitionis xxi. prælationis suæ anno obiit ii.  
Nonas Februarii, & ante aram Dominæ Genitricis  
quiescit cum hoc epitaphio:

*Vita Deus vitam dedit huic sine fine beatam:  
Abbas Lietardus veluti Judas Machabeus,  
Pro quo bella, minas tulit & convicia multa.  
Per tot sudores, vir fortis, Marthaque solers  
Defessus, tandem terrena negotia spernens,  
Dux bonus ut Josue, præfuit Ecclesie,  
Nec tamen . . . . . desistit à brivio.  
Cuncta ministravit Fratribus, ut potuit.  
Elegit partem Magdalena parilem.  
Qui bonus es solus, huic miserere Deus.*

Gemblacenses scientes quia filiorum est de amissi-  
ōe Patris spiritualis contristari, & quia sapientum  
est undecumque exortam tristitiam moderari, con-  
ferebant ad invicem illud dictum beati Petri Apo-  
stoli, *Aporiamur, sed non destituimur*: aporiamur,  
quoddam amissione Domini Abbatis Lietardi contrista-  
mur, sed non destituimur, quia largiente Deo ha-  
bemus ex nobis quem idoneum patrem & proviso-  
rem constituamus nobis. Non ergo decet nos mæ-  
stitiæ deditos, nos & nostra negligere, sed sollicitos  
& concordēs cum qui loco nostro nobis & nostris  
prosit, absque dilacione eligere. Hoc unum om-  
nium consilium, dictum & factum. Elegerunt Dom-  
num ANSELMUM Abbatem octavum.

Hic Deo dignus, GUIRINI, cujus in vitâ Abba-

tis Tietmari meminimus, fuit consanguineus & di-  
scipulus; cujus imitamus prudentiam, morum ele-  
gantiam, & orandi instantiam, multam sibi inter  
suos acquisierat reverentiam, & apud extraneos be-  
volentiam: cum enim jam esset maturus ætate &  
moribus, Francis, quamvis à Cœnobio Gembla-  
censi longè remotis, innotuit fama prudentiæ ejus,  
& primi eum habuerunt Magistrum, & quasi se-  
cundum Abbatem Altovillareses, post eos Lati-  
niacenses, inter quos longo tempore commoratus,  
& quasi speculum honestatis factus, non solum mi-  
nus capacibus proderat, sed & illos qui instruendi  
idonei essent profusius instruebat, per quos usque  
hodie radix sapientiæ quam eis inseruit, fructificans  
perseverat.

Tunc temporis multi Fratrum nostrorum non  
solum in Franciâ, sed in aliis provinciis Magistri &  
quasi secundi Abbates erant in multis Cœnobis;  
eo quod in scripturis humanis & divinis exercitati,  
multum fructum sapientiæ relinquebant quibuscum-  
que locis fuissent adhibiti. Domnus ANSELMUS tan-  
dem reversus ad Cœnobium Gemblacense, de die in  
diem studebat in melius proficere sub Domno Lie-  
tardo Abbate. Bibliothecæ assiduus scrutator erat,  
& ubi utilitas poscebat, eam emendando & augen-  
do meliorabat. Quandocumque à lectione vel ora-  
tione vacabat, Fratribus junioribus aliquid huma-  
næ vel divinæ paginæ diserebat; non tantum in se-  
ipso virere, sed & eis post obitum suum volens vi-  
vere. Dicitur Abbas suscepto oneri & honori aptum  
se exhibebat, & persona ejus & prudentia iis qui  
eum noverant, honorabilis erat. Fratres autem,  
quos solertiores noverat, sibi adjungebat, & eis  
Ecclesiastica officia committebat, & per eos agebat  
quod per se agere volebat, & non valebat. Deni-  
que Monasterium, Claustrum, Refectorium, Dor-  
mitorium, Capitulum, & omnes claustralis cu-  
riæ officinas, & omnes exteriores curias per eos ædi-  
ficiis honestavit, & agrorum qui in viciniâ erant  
emptione multiplicavit.

## MONITUM.

**H**ISTORIÆ AFFLEGEMENSIS, sive ut recentiores loquuntur Affligemien-  
sis in Brabantia librum ex antiquo codice descripsit eruditus Asceta Benedictinus D. Si-  
mon Guillemot, strictæ observantiæ Cœnobii S. Gislei Hannoniensis Subprior. Auctor fuit Mo-  
nachus Afflegemensis, suppar istius Monasterii primis Cœnobitis. Quam illustre fuerit & sancti-  
tate & doctrinâ istud Asceterium, legenti palam fiet. Adjecimus continuationem seu epitomen  
illius historiæ ex veteribus monumentis & authenticis conscriptam à D. Odone Cambiero, iii-  
dem Afflegemensi, dum in vivis esset, in rebus antiquis apprime versato.

## HISTORIA AFFLIGEMIENSIS.

Fundatio seu exordium Monasterii Sancti Petri Afflegemienensis.

P R Æ F A T I O.

**Q**UIA labentium decursus temporum junioribus subducit memoriam præteritorum, perutile mihi  
videtur ad notitiam potterorum scripto mandare, quomodo, quo tempore, quibusve fundato-  
ribus Afflegemienſe Cœnobium inchoatum sit, sicut ab eis accepimus, qui rebus ipsius interfue-  
runt, & ex eo tempore ad nos usque perduraverunt.

Tom II.

EEBcc

VIII. Abbas  
Anselmus.

## CAPUT PRIMUM.

**E**O itaque tempore quo diffidium ortum est inter Papam Gregorium, qui alio nomine Hildebrandus dictus est, & Henricum quartum hujus nominis Imperatorem, contigit sanctam Ecclesiam diversis necessitatibus & adversitatibus opprimi, & fatigari, quia capite ipso quod ex Regno & Sacerdotio constat, per morbum discordiæ infirmato, reliquum corpus à languore integrum permanere non potuit. Tunc siquidem simonia antiquarum hæresum sola superstes, tunc Presbyterorum conjugatorum irreverentia adeo in orbe prævaluerant, ut sancti Spiritus dona jam apud Principes sæculi essent venalia, & inter vitam laicorum & Clericorum penè nulla foret distantia. Super hoc sequaces Imperatoris à sede Apostolicâ excommunicati, quos sibi communicare nolle videbant, rapinis, tormentis, & ipsis etiam mortibus puniebant. Sed pius Dominus miseræ suorum compatiens plures Religiosos suo spiritu inflammatos excitavit, qui sepem apponerent, & pro domo Israël in prælio starent. Horum unus fuit Wedericus Sacerdos & Monachus sancti Petri Gandensis Cænobii, vir sæculari nobilitate, & quod majus est, Divinâ religione valde conspicuus, qui Apostolicæ auctoritatis licentiâ roboratus, Flandriam & Brabantiam provincias circumibat, verbum Dei disseminando, & populum Dei à peccatis suâ prædicatione convertendo: cujus admonitione sunt compuncti sex Milites, Gerardus scilicet cognomento Niger, in armorum strenuitate per has provincias tunc famosissimus Cinelinus & Hargerus, necnon Wilbodo, Geldulfus quoque & Tibaldus. Isti sua omnia quæ injustè acquirerant relinquentes, Magistrum pauperum pauperes sequuti sunt, & cum eo tribus ferè mensibus permanserunt. Deinde arctioris vitæ desiderio æstuantes, quid sibi deinceps agendum sit, eundem patrem & magistrum suum interrogant, quomodo remissionem peccatorum sibi jam ab eo repromissam à Domino percipiant.

## CAPUT II.

**E**odem verò tempore dominus Anno Colonienfis Ecclesiæ Episcopus, qui totius Religionis studio prædictus, actione & nomine apud Deum & homines insignis habebatur: ad quem prædictus Wedericus filios suos propriæ jam salutis avidos destinavit, atque ut secundum ipsius præceptum & consilium iter suarum dirigerent actionum, constanter admonuit. Illi igitur ut erant docti absque morâ Coloniam properantes, ad Episcopum perveniunt, prioris vitæ suæ statum detestabilem per humilem confessionem aperiunt, ac deinde pœnitentiæ remedium secundum ipsius exquirunt arbitrium. Quibus ut erat vir summæ prudentiæ, ut ad locum patrati facinoris redirent persuasit, & ut locum quem rapinis innocentium ante maculaverant, voluntariâ afflictione Divino servitio manciparent, expedire sibi asservit. Illic se denique Divinæ pietati bonis operibus conciliarent, ubi hanc ad iracundiam per illicita studia provocaverant, illic diabolo & actibus ejus renuntiarent, ubi pernicioso ejus servitio spontaneâ voluntate socii fuerant. His itaque tam salubribus beati viri animati responsis, ad natale solum conciti redierunt, & locum quemdam desertum, Afflegem dictum, in vigiliâ summorum Apostolorum Petri & Pauli, anno videlicet Incarnationis Dominicæ millesimo octuagesimo tertio convenerunt, ut secundum viri Dei mandatum ibi pœnitentiæ labori insisterent, ubi prius pœnitenda commiserant: qui locus solis

latronum conventiculis & conspirationibus tunc apertus erat, tum quia desertus, tum quia itineri publico contiguus, per quod mercatoribus & perigrinis undequaque venientibus transitus erat; de quibus latrones in hoc vicino insidiarum loco constituti prædam agebant. Convenientes igitur tres tantum panes & ipsos eleemosynâ acceptos, & unum calcum cum paucis ferramentis secum detulerunt, & illam terram desertam excolere cœperunt. Statuerunt autem primò juxta facultatem virium suarum permodicum oratorium, deinde domum pauperibus, necnon & aliam domum hospitiis supervenientibus, sibi quoque tugurium ad inhabitandum ædificare.

## CAPUT III.

**P**orro Miles quidam nomine GERARDUS, qui dicebatur Albus, in hac provinciâ crudelitate & robore opinatissimus, exstitit, qui etiam inter alia ferocitatis suæ indicia, Domino permittente, die quâdam homicidii reatum ultroneus incidit; cumque peracto scelere domum rediret, inimicus humani generis illi in viâ apparuit, quem ex more suo horrendâ visione afficiens, penè exanimem reddidit. Ille verò Dei super se judicium metuens, jamque illi cui diù servierat mancipatum se credens, cogitans tamen si quo modo jus illius posset evadere, ad prædictos fratres concito cursu pervenit, ibique totius feritatis rabie depositâ, de lupo in agnum Dei gratiâ confestim mutatus apparuit, tantæque admirationis apud universos conversio ipsius exstitit, ut alter alterius maximæ novitatis gratiâ hunc tam crudelem, tam immanem conversum esse referret, & pro tam subitâ illius immutatione tota provincia summo Deo gratias ageret.

Eodem quoque anno in Nativitate sanctæ Mariæ venit ad eos Miles quidam Henrardus nomine, cui æquè ex pœnitentiâ homicidii sæculum omne viluerat, cœpitque explorare loci situm, & inhabitantium conversationem; cui cum vivendi laborisque austeritas, & laborantium unanimitas placuisset, reversus domum suis omnibus renuntiat, & in proximo festo sancti Remigii veniens, de cætero cum eis remanere disposuit. Hi ergo sicut scriptum est; *Ecce quàm bonum & quàm jucundum habitare fratres in unum*, cum magnâ dulcedine & tranquillitate cohabitantes; ad nihil intenderant, nisi quod animarum salutis proficeret, corpora verò vel manuum labore, vel fidelium eleemosynis sustentabant.

## CAPUT IV.

**N**E verò cœptis eorum aliqua Ecclesiastica persona vel sæcularis obstaret potentia, petierunt & impetraverunt assensum Gerardi Cameracensis Episcopi, Herberti quoque Clerici qui in Angliâ manens Altare de Afcha tenebat, in cujus Parochiâ fundo iidem Fratres confederant; Adela quoque Comitissa Lovanienfis super hoc interpellata, cum duobus filiis Henrico & Godofrido, quorum erat allodium, benignè annuit. Nec iis contenti, Imperatorem Henricum expetunt, & die quo primùm coronatus est, ipsius, Comitisque Palatini, ad quem pars allodii respiciebat, assensum quærunt & inveniunt.

Dum autem plus quàm necesse erat rem perfectuntur nimia & simplici suâ curiositate se undique expedire cupientes, impediunt; quia enim audierant quondam ibi mansisse aliquem Monachum Lobiensem, Lobium ad Abbatem venerunt, & ejus licentiam petierunt; qui licet nihil certi vel scripto vel alicujus testimonio de loco haberet, tamen ipsâ eorum postulatione in spem ejus adipiscendi inductus, omnino contradixit, nisi ejus ditioni & obedientiæ, &

Ecclesia à  
schismaticis  
& simoniis  
impugnatur.

A Monachis  
defenditur.

Wedericus  
nobilis con-  
cionator.

Ad bonam  
frugem sex  
Milites tra-  
ducit.

Consultit ut  
pœnitentiam  
agant.

Conveniunt  
Afflegemium.

1083.  
Ubi spelunca  
latronum.

Mira Gerardi  
conversio.

Alia Henrardi.

Afflegemium  
Mililibus  
conceditur.

Lobienfes  
Monachi  
his oppositi.

se & locum subicerent : quod Fratres renuentes abierunt , ad Episcopum Leodiensem Henricum rem omnem diligenter aperiunt , rogantes ut Abbatem suæ petitioni conciliaret. Episcopus autem evocato Abbate , cum nihil apud eum proficeret , vocati sunt nonnulli seniores Ecclesiæ Lobienfis , & cum eis de hoc negotio Episcopus agere cœpit : cumque & ipsi valde resisterent , nec tamen aliquo argumento quidquam sui juris in loco demonstrare possent , Episcopus ad pacem utriusque partis firmandam , & controversiæ occasionem posteris amputandam , promissit se daturum Ecclesiæ Lobienti commutationem ipsius fundi , & sic Abbas & Monachi assenserunt & exestucaverunt. Sic Fratres in sua reversi cœpto instabant operi.

CAPUT V.

**C**OEperunt post hæc vitam Monachicam & habitum desiderare , nil sibi superesse arbitantes , per quod Deo propinquiores efficerentur. Adeuntes Episcopum Cameracensem Gerardum , suum pandunt desiderium , postulantes ut eis aliquos provideret , qui eos ad ordinem desideratum instruerent. Episcopus autem ut erat vir pius , eorum devotioni congaudens , ipsos iussit edicere , de quo Monasterio sibi magistros vellent assumere. Aquiscincti tunc recens exstructi magna habebatur opinio , qui erat cæteris Monasteriis famosius , & fraternâ caritate & sanctæ religionis districtione. Hujus ergo Cœnobii Fratres sibi ad tempus accommodari petierunt , quos Episcopus cum mandatis suis & litteris Aquiscinctum dirigens , obsecrat Abbatem & Conventum , ut quod pauperes Dei ad ipsius honorem petebant , absque retractatione concederet. Alardus primus Abbas ejusdem loci tunc præerat Dominico gregi , qui tam Episcopali auctoritati , quàm Fratrum caritati obediens , sperans quoque per hanc occasionem locum qui construebatur sibi subjiciendi , [ misit ] cum eis Priorem suum nomine Titubaldum , & alium Fratrem Rodolphum dictum : qui cum venissent , admodum delectati sunt loci situ & amantitate. Nec multo post mandaverunt Abbati suo ut veniret , & locum consideraret : Abbas verò certum sui adventûs denuntians diem , iussit ut Tornaci cum equis sibi occurrerent , & inde Afflegem usque deducerent. Cum ergo sicut disposuerat adductus , in vigiliâ Ascensionis Domini venisset , placuit & ipsi tam cœptum opus , quàm loci situs.

CAPUT VI.

**C**ontigit ut ipsâ die superveniret Dominus Fulgentius , qui postea Dei dispensatione Abbas effectus , qui ex Brabantia oriundus , Monachus autem sancti Agerici Cœnobii Virdunensis , Dominicis castris ferè per annos duodecim irreprehensibiliter militaverat. Theoderico autem civitatis ipsius Episcopo propter Imperatorem excommunicato , cum Abbas Cœnobii , & Fratres cæteri ejus se abstinerent communione , nec vellent excommunicati subdi obedientiæ , facta est magna Fratrum dispersio , ita ut Monasterium tunc celeberrimum penè redigeretur ad nihilum. Tunc itaque & iste , de quo nobis sermo est , discedens , in patriam rediit adjuncto sibi socio quodam nomine Herimanno. Auditâ autem famâ hujus novellæ constructionis , crebrò illuc veniebat , & voluntariam spiritûs paupertatem , & corporalem in laboribus humiliationem , in diversis videns admirabatur , admirans delectabatur , in tantum ut stabilitatem perpetuâ inibi firmare deliberaret. Hic itaque sicut prædictum est , ipsâ die quo & Abbas Aquiscinctinus advenit , sic quasi deinceps cum eis jam permanens. Die postera , qui glorio-

sâ Domini Ascensione celebris erat , Abbas benedixit vestes Monachicas , & duobus ex illis Henrardo scilicet & Gerardo [ dedit , ] demoratusque ibi non plus duobus vel tribus diebus abiit. Cum autem post dimidium ferè annum Monachos suos revocasset , Dominus Fulgentius adscito socio suo Herimanno cum iis Fratribus remansit , eosque de his quæ Monastico ordini , & animarum saluti congruebant , instruebat.

CAPUT VII.

**A**Nno ædificationis cœptæ quarto evocaverunt Dominum Episcopum Gerardum , qui veniens dedicavit locum in præsentia Domini Comitis Henrici , qui eum & libertate donavit , & viginti mansis terræ auxit. His felicibus studiis invidens inimicus totius boni diabolus , eos impedire tentabat , quia si res ad perfectionem venisset , prævidebat multos sibi subripi , & Dominicis castris aggregari. Corripit ergo unum ex primis , quos superius nominavimus , fundatoribus , scilicet Wlbodonom , eumque suis suggestionibus supplantatum discedere compulit , sicut Judam de Apostolorum collegio , vel Nicolaum de Diaconorum consortio eliminavit. Hic ergo cum abiisset , & quasi canis ad vomitum reversus , sæculo se rursus immergisset , non post multum tempus venit ad Monasterium , exquirens ut omnium quæ in loco elaborata fuerant , pars sexta sibi daretur , se priorum sextum , ideoque rerum partem sextam ad se pertinere affirmans. Cui ex consilio Domni Fulgentii Fratres responderunt , eum quamdiu cum ipsis permanerat , omnia habuisse communia , quia verò suâ sponte discesserat , eum in communibus portionem habere ulterius non posse. Ille cum nihil profecisset , repulsam suam volens ulcisci , perrexit ad Theodericum Virdunensem Episcopum , accusans duos Monachos de ipsius Episcopatu fugisse , qui in Brabantiam venientes , multa nefanda tam de ipso quàm de Imperatore diffamarent ; ideoque expedire ut inde effugarentur , ne pereorum criminationes & Imperialis Majestas , & ipsius auctoritas vilesceret. His mendosis accusationibus nimium credulus Episcopus , scripsit Gerardo Episcopo Cameracensi , ut Monachos illos de loco expelleret , nec in finibus Episcopatus alicubi consistere permetteret. Episcopus verò GERARDUS , licet Fratribus & loco , quem ipse jam dedicaverat , multum faveret , tamen propter metum Imperatoris , cujus dono Episcopatum acceperat , simul propter Episcopum Virdunensem , quem apud Imperatorem sibi & prodesset , & nocere posse sciebat , indixit Fratribus ut discederent , nec ulterius in suâ Diocesi remanerent. Hoc præceptum Fratres ægerrimè ferentes , cum jam alibi auxilium non invenirent , confugerunt ad Archiepiscopum Remensem Reonaldum , cui & unde essent , ubi consedissent , quid ab Episcopo Cameracensi pro falsâ perversi hominis delatione perpassi essent , diligenter exposuerunt. Archiepiscopus autem auditâ eorum causâ , compassus est injustæ eorum afflictioni , mandavitque Episcopo Gerardo , præcipiens in virtute obedientiæ , ut à pauperum Christi infestatione desisteret , nec eos ultra vexare præsumeret. Sic optatâ securitate Fratres potiti , nullam deinceps molestiam passi sunt ab Episcopo. Sic itaque Dominus suorum adjutor & protector in omnibus , cum misericordiâ maximè in tribulationibus præsto est , cujus providentia in sui dispositione non fallitur , insurgentes adversarii insidias annihilando comminuit , atque injustas suorum oppressiones potenti dextera sedando coercuit.

1086.  
Gerardus Camerac. Episc. consecra. Monasterium.

Wlbodo deserens vitam Monasticam , socios suos persequitur.

Jubentur Fulgentius Abbas ejusque socius loco cedere.

Eos protegit Archiep. Remensis.

Pactum cum illis ineunt Afflegemienfes.

Monasticum habitum & magistros expetunt.

Mittuntur Aquiscinctini.

Fulgentius S. Agerici Monachus venit Afflegemium.



## CAPUT VIII.

Arnulfus ex  
Clerico fit  
Monachus.

Ejus acta.

Afflegemien-  
fium sancta  
conversatio.

**I**N eodem quoque anno, scilicet inchoante ædificationis quarto, quidam Clericus egregie indolis adolescens nomine Arnulfus, instinctu Divino tractus in Assumptione sanctæ Dei Genitricis ac perpetuæ Virginis Mariæ adveniens, pusillo gregi conjungitur: qui in sanctâ professione annis pluribus irreprehensibilis degens, postmodum industriâ suâ & ingenio, consilio & auxilio eidem Ecclesiæ plurimum profuisse dignoscitur: siquidem ab adolescentiâ suâ usque ad diem mortis suæ, annis circiter sexaginta quatuor in vineâ Domini haud segniter laborans, ardore sancti propositi succensus, pondus diei & æstus fortiter pertulit, nobisque suæ patientiæ, imò perseverantiæ imitabile satis exemplum dereliquit.

Ab anno verò quarto usque ad sextum, duobus scilicet annis, in maximâ tranquillitate & quiete secum commorantes, & quàm dulcis sit Dominus aliquid jam ex parte prægustantes, in sancto proposito certatim fervebant, numero quidem Fratrum his duobus annis non multum augmentati, sed magis ac magis virtutibus adæucti, imitatoris instar Evangelici venditis omnibus pretiosam margaritam totâ intentione comparare gestiebant. Quis etenim enarrare sufficiat, quanta eos concordia charitatis conjunxerit, cum quis proximum suum tamquam seipsum ad altiora quæque & meliora virtutum studia promovere contenderit? Patientiam namque ipsorum enarrare necesse non existimo; quam in laboribus & ærumnis, in tantâ virtute ac vestitus austeritate & inopiâ, in destruendo & construendo omnibus sanum sapientibus esse notissimum non ignoro. Nonnulli etenim qui spiritum Dei non habebant, laborum nimietate in fugam convertebantur, sed hi quos vera Dei charitas accenderat, visâ improborum ruinâ, ut in Job legitur, territi purgabantur.

Sexto autem anno odor tantæ Religionis diutius latere non valens, foras erupit per provincias, per civitates, per vicos & castella, se tantarum virtutum fragrantia circumquaque respergit, adeo ut externos quosque ac remotos à suis sedibus evocatos, in admirationem ac venerationem fervorum Dei accersierit.

Cæperunt igitur plurimi tam Clerici quàm laici ad eos confluere, alii quidem conversionis desiderio, alii autem ut fervorum Dei se devotè commendarent patrociniis: in tantum siquidem illo anno numerus eorum Deo auspice succrevit, ut inter Clericos & laicos duodenarii numeri perfectionem collegium ipsorum attingeret.

## CAPUT IX.

De Abbate eligendo agunt.

Rodulfus Abbas ab Afflegemienfibus rogatus Fulgentium eis præficiendum proponit.

**V**erùm quia patris spiritualis auxilium sub quo sacræ militiæ signa ferrent, cui vice Christi in omnibus obedientes essent, minimè habebant, cæperunt super hac re anxie nimis astuare, & de electione Abbatis sedulâ secum relatione pertractare. Duo verò prædicti Monachi Dominus videlicet Fulgentius, ejusdem socius nomine Herimannus Abbas sui, scilicet Domni Rodulphi in hoc negotio, & auxilio niti disponebant, tum quia prudentiâ & religione penè cunctis temporis illius Abbatibus eminebat, tum quia primitus sub ipso sacri propositi habitum susceperant. Consilio igitur inito Domino Fulgentio domi à fratribus retento, cum prædicto Herimanno, Gerardum Nigrum in festivitate sancti Lamberti, in occursum Abbatis Leodium dirigunt, quibus ut quemdam ipsius Monachum nomine Lau-

rentium de hac provinciâ exortum, qui dudum in ipsius Cœnobio Prioratûs officio fungebatur, sibi eligerent, innuit. Prædicti autem fratres Leodium venientes, Abbatem, ut sperabant, repperunt, quem convenientes, causas sui itineris exponunt, ejusque consilium & auxilium requirunt, prædictum Monachum si suæ non displiceret prudentiæ, Abbatem sibi donari expetunt. His auditis Abbas, ut erat vir prudens ac providens, Dei nutu sanius atque utilius consilium illis proposuit, illumque potius eligendum, quem sibi superna dispensatio destinaverat, Dominum videlicet Fulgentium constanter admonuit. Quod onus ne fortè, ut vir mansuetus & humilis excusare perseveraret, litteras ei suâ auctoritate signatas per eosdem fratres in testimonium direxit, mandans ei atque præcipiens, ut omni excusatione remotâ, Dei voluntati & Fratrum electioni quantocius assentiret: Monachum verò quem ipsi petebant, se nullatenus accersire posse asseruit, eo quod prædictâ ejusdem Cœnobii Fratrum dispersione, ipse cum aliis in exteram remotamque provinciam abierit. Talibus igitur responsis ejus atque consiliis prædicti Fratres admodum exultari, litterarumque auctoritate roborati, vale invicem dato, festinatò domum redierunt, & rem gestam omnino occultantes atque celantes, tamquam nihil actum esset, paucis diebus conticuerunt: dicebant enim, si ei rei gestæ series alicujus opinionis indicio nota fieret, tale officium declinare malens quàm suscipere, clam fugam arriperet.

## CAPUT X.

**J**am autem circâ festum Omnium Sanctorum rursus clamor Fratrum exoritur, se nihil absque Pastore agere grex devotus conqueritur: atque tandem ex consensu omnium in festivitate sancti Martini dies electionis constituitur. Prævenientes igitur hunc diem orationibus & eleemosynis, jeuniis & vigiliis, durisque verberum castigationibus, quotidianis lacrymis interpellabant sancti Spiritûs gratiam: ne per antiqui hostis invidiam, tantam Fratrum aliquatenus pateretur dissolvi aut turbari concordiam. At pius Dominus qui semper prope est omnibus invocantibus se in veritate, timentium se voluntati tantis interpellatus precibus obtemperavit, & ut sequitur in eodem psalmo, diligenter se ab omni subreptione discordiæ custodivit. Quid plura? condicta dies adebat in quâ humilis ille Conventus Pastorem sibi eligere decreverat. Præmissa igitur oratione ex more in Capitulum veniunt, congrua causæ & tempori tractare incipiunt, miroque modo in unam sententiam omnes voces, voluntatesque conveniunt: Dominum Fulgentium divinitus destinatum hoc honore & officio dignissimum judicamus: hunc nobis Pastorem & Patrem una voce omnes eligimus. Ille autem utpote vir miræ humilitatis è contra varias ac diversas excusationes prætendit, Pastoralis se officio indignum cum lacrymis asseruit: postremò si nullâ ratione id onus suscepturum fore multis assertionibus affirmavit. Hæc eo cum lacrymis perorante prædictus Frater Herimannus protinus surrexit, Abbatis sui litteras hætenus occultatas in medium protulit, præceptum obedientiæ, periculum inobedientiæ, ei palam intimavit, & ut petitioni Fratrum in Abbatis sui assensum præberet admonuit. Sed ut solent simplices quique in mentis suæ proposito quandoque esse pertinaces, ipse sententiam suam nullatenus immutare voluit, quia plorando, clamando, ejulando petitioni eorum resistere se posse credidit. At illi mirâ constantiâ semper in eadem voluntate stabiles persistebant,

Quomodo se  
preparant ad  
electionem  
Abbatis.

Fulgentius ab  
omnibus ac-  
clamatur Ab-  
bas.

Hanc disci-  
plinam refert  
Fulgentius.

a virtute] An potius vita, aut victualium.

ac tandem zelo Dei interiùs commoti, in hanc vocem erumpebant: Dominus, inquit, qui te nobis ſervis ſuis licet indignis providà diſpenſatione deſtinavit, qui omnium noſtrum voluntates conſilio & præcepto Abbatis tui concordēs effecit, ipſe te procul dubio & prodeſſe diſpoſuit. Sed quid multa? Si plus reſiſteris, compulſus vim patieris: jamque velis, nolis, nobis Pater noſter efficieris. His dictis inceptà ſpalmodià congruà conſurgentes, unanimiter in eum irruunt, manus injiciunt, ac pià violentià ferendo potiùs quàm ducendo ad altare pertrahunt, atque cætera, ut moris eſt, regulariter in eum per vim adimplentes; in ſede Abbatis ſtatuunt. Ille verò ut excuſationis & contradictionis ſuæ humilem pertinaciam ſpe & effectu fruſtratam perpendit, timens ne ipſe eis prima perturbationis cauſa exiſteret, tandem importunitate eorum convictus, acquieſcit, onuſque ſibi impoſitum licet invitus cum metu & reverentià ſuſcepit.

CAPUT XI.

Contigit interea nutu Dei ut quidam Clericus de Flandrià oriundus, vir formà, ſcientià, genere, omnique probitate conſpicuus, nomine Hugo, hujus Cœnobii famam virtutum audiret, audita videre ſatageret; viſis verò, votis omnibus intereſſe concupiſceret. Veniens igitur, ut dictum eſt, penè majora quàm fama vulgaverat, reperit, atque vera eſſe omnia quæ audierat conſtans, de ſtabilitate ſuà cum eis firmandà protinùs tractare cœpit. Fratres ergo de tam reverendæ perſonæ adventu ſummo Paſtori gratias innumeras referentes, in Domino plurimùm lætabantur: atque ut pium deſiderium, quod mente conceperat, effectu quanto piùs adimpleret, crebriùs hortabantur. Ille verò monita ſalubria quemadmodum bona terra exceperit, & ſtabilitate ſuà ut ſuggererent apud eos firmatà, fructum ſatis uberem poſtmodum ex ſe produxit.

Abbas autem quia pondum ſecundùm conſuetudinem Eccleſiaſticam Pontificali benedictione confirmatus erat, compulſus à Fratribus Cameracum cum ſuis iter arripuit, atque hunc Hugonem, de quo nobis ſermo eſt, Clericali adhuc amiſtum ſchemate viæ ſuæ Comitem habuit. Cameracum igitur venientes, Abbas quidem in feſtività ſancti Gregorii anno ſeptimo Pontificali benedictione & auctoritate ſuà confirmatus, prædictus autem Clericus Diaconatus miniſterio ſublimatus eſt. Peractis igitur muneris ſui negotiis cum proſperitate redeunt, compertoque quòd ſecundo Sabbato Tornaci futura eſſet ordinatio, ſæpe dictum Clericum ordinandum Presbyterum ſub celeritate eo dirigunt. Adepto autem Presbyterii honore, ad prælectum ſibi locum concitus rediit, ubi depoſitâ pompâ ſæcularis habitûs, ac diu ſibi deſideratum capiens indumentum, naufragium ſæculi hujus felici curſu nudus evaſit. Cœpit itaque totius religionis ac probitatis ſtudio eſſe primus, qui converſionis ordine fuit extremus. Fratres igitur quando tantarum virtutum germina in eo ſuccreſcere conſpexerunt, communi conſilio & conſenſu Prioratûs ei officium converſionis ſuæ die decimo quinto tradiderunt. Sic denique, ut ſcriptum eſt: *Qui ſe humiliat exaltabitur*: Quando poſtpoſito ſaſu hujus ſæculi ad humilem pauperum Monachorum converſionem ſecundùm humanos intuitus deſcendit, infrà unius menſis circulum, ad Diaconi, Sacerdotii, Prioratûſque apicem gradatim aſcendit. Sublimatus autem hoc honore ſtudebat per omnia Abbati ſe ſubdere, præceptis illius in omnibus obedire. At contra Abbas non ſe tamquam dominum aut magiſtrum illi prætulit, ſed humanitatis atque fragilitatis humanæ participium prudenter attendens,

ſe ſervum ac miniſtrum per obſequiū humilitatem non ſolùm illi, ſed & omnibus aliis exhibuit. Quanta tunc ſubjectos charitas & concordia conjunxit, quando ipſos etiam Prælatos tam veræ humilitatis pax & amor univit: Aut quod diſcordiæ ſcandalum ſubjectis unquam ſubripere poterat, ubi ipſi etiam præpoliti de inferiori loco contendebant? Sic itaque alter alterius onera devotiſſimè portans, cum charitate & ſollicitudine gregis ſibi commiſſi curam annis ferè triginta quinque, uſque ad obitum videlicet Domni Fulgentii gerebant, quem regularibus inſtere diſciplinis omni tempore, quo pariter incolumes perdurabant, verbis ſimul & exemplis inceſſanter commonebant.

CAPUT XII.

Contigit interea Dei gratià, qui reverà mavult peccatorum converſionem, quàm mortem, ut Princeps quidam vicini caſtelli, vir ſecundùm ſæculi hujus factum genere inclytus, prædiis & poſſeſſionibus ditiffimus, omnique ſæculari dignitate præditus, nomine Heribrandus, tranſitoria & caduca ſeſtidiret, & veras divitias, quæ non minuuntur totâ aviditate quærere diſponeret. Nocturnâ etenim viſione turbatus ac territus, anhelabat converſionis ſuæ deſiderium accelerari quantociùs. Ordo autem viſionis, ut dicitur, talis erat. Dormiens cum uxore ſuâ nomine Adela, admodum religioſâ & honeſtâ feminâ, videt ſe ſubitò tremendo Dei judicio præſentatum, auditum, damnatum, atque ab impiis tortoribus ad loca tormentorum violentè pertractum. Ille autem tam trilem pavore ſententiam, cœpit præ nimia ſpiritus anxietate corporali luctu perpetuam loci ſibi deſignati meditari trititiam, cumque nullum ſibi prandium, nulla ſpes ſuper-eſſet, ſed jam in horrendâ barathri illius voraginē ſe demergendum ſibi deſperatus crederet, conſtitit illi ſanctus Petrus Apoſtolorum Princeps apparuit, trementemque blandè conſolans, pavorem ejus his verbis compeſcuit: « Ne timeas, inquit, Heribrande, ne timeas, ſed de his tormentis te meâ interceſſione & auxilio redimendum incunctanter ſcias. » His viſis evigilat, converſuſque ad conjugem, gravi ſe ſomno territum adhuc ſpirans aſſirmabat. Cui illa; neſcio, inquit, quod aut quæ fuerit ſomnium, ſed magni timoris atque doloris adhuc evidens in te perfeverat indicium. Cui ille viſionem ex ordine retulit atque in fine ſubjecit: Deceat, inquit, certè beatiffimo Petro, qui mihi in tantâ neceſſitate licet indigno fideliter aſſiſtit; grates dignas referre, pro innumeris beneficiis devota obſequia rependere, atque deinceps vitam ſic agere, ut tam terribilem ſententiam poſſimus evadere: & ut tibi voluntatem meam patenter aperiā, ex hoc jam ſi mihi conſenſeris, reſceto ſæculo, ſummo Regi, & glorioſo ejus Apoſtolo fideliter deſerviam. At illa, abiit, inquit, ut tam præ voluntati ulatenùs reſiſtam, ut ſaluti tuæ in d. meâ contraria exiſtan: quin etiam quidquid boni facere diſponis, ſecundùm vires meas cooperatrix efficta libenter alien-tiam.

Agnito autem tam facili conſenſu conjugis, lætus admodum effectus, diem perſequenti propoſitum conſtituit, in quo univerſiæ familiæ ſuæ comitatum, ultimum eis val dicturus in unum collegit. Accinctus itaque ultimo militiæ cingulo, creſtoque vexillo proprio, armatus videlicet contrâ ſpirituales nequitias, ſubſequentibus amicis & cognatis, velut ad bellum iturus Affligem properat; ingreſſuſque Eccleſiam beati Petri, non jam cum uxore, ſed cum ſorore ſuâ, depoſita veſte militiæ omnipotenti Deo & prælecto ejus Apoſtolo in æternum

E E E e ij

Tandem invitus ſuſcipit onus.

Hugonis Clerici converſio.

Fulgentius Abbas conſecratur.

Heribrandus Princeps mundo vale dicit.

Et Monachus Affligem.

servum se mancipat, sicque sæculi pro Dei servitio felici oblatione uterque commutavit. Tradidit ipso die eidem Ecclesiæ coram testibus patrimonii sui quod habebat in Flandriâ quendam portionem, quâ propter inconvenientiam & distantiam locorum ibidem venditâ, eodem argento hîc in vicinâ sibi aliam terram comparavit. Verùm quia filii eorum necdum creverant, sed adhuc parentum consilio & auxilio indigebant, mater ad prospectum imbecillitatis eorum, licentiâ domni Abbatis interdum ad consulendum eis descendit. Pater verò quoad vixit in Dei servitio stabilis permansit. Ut ergo omnibus notum fieret, quantâ Dei clementiâ ac pietate ad sanctum propositum accersitus, imò tractus fuerit, infrâ tricesimum conversionis suæ diem febre correptus, in verâ confessione vitæ hujus diem ultimum clausit. Prædicta igitur conjux post admirabilem viri sui conversionem, tam celerem subsequi cernens remunerationem, misericordî Domino, qui mirabiliter traxit quos ad vitam præordinavit, totâ alacritate ac devotione benedixit, atque in ejus sancto servitio residuum vitæ suæ tempus sub sanctæ religionis habitu peregit.

## CAPUT XIII.

**H**Æc siquidem de domino Heribrando, & generosa ejus conjuge secundum temporis nostri necessitatem paucis perstrinximus: nunc autem qualiter filii ejus patris sunt vestigia subsequuti, sermonem protendamus.

Quinque filiorum ejus, diversis licet temporibus & ætatibus, ad nos convenerunt; diversas singillatim patrimonii sui portiones in unum nobis collegerunt, unum universi, Deum videlicet qui dederat per se heredem reliquerunt: quorum alius conjugatus carnales voluptates & illecebras vilipendens, relicto sæculo cum uxore & filiis Dominicum gregem majori numero adauxit, & ampliori prædiorum possessione ditavit. Alius post obitum conjugis cum filiis & filiabus divinam militiam arripuit. Alius à conjugii immunis vinculo eo devotius quo liberius divinis se servitiis mancipavit. Horum duo primi non nativitate quidem sed conversione; Ingelbertus videlicet atque Sigerus primo juventutis flore vernantes, cum jam mundus eis aridendo blandiretur, lenocinia ejus nihil ducentes, conjugii vinculum velut desiderii sui impedimentum contemserunt, atque in Domino potius quàm in mundo delectati, Monachi effecti, æterna magis quàm transitoria appetierunt: possessiones quoque suas ex integro Monasterio conferre decreverunt; sed divinæ providentiæ sententiam quis immutare poterit? Ipsi etenim qui tunc non sua per vim diripuerunt, postmodum non solum injustè sublata, verùm etiam universa proprio juri debita, imò & ipsi seipsos eidem Ecclesiæ, cui damnum intulerant, restituerunt.

Paucis siquidem interpositis annorum circulis frater eorum dominus Folcardus, qui nativitate primus erat, infirmitate præventus, fratrumque suorum juniorum exemplis provocatus, ipsorum vestigia subsequitur: qui ex eadem infirmitate convalescens, tanto postea in sancta conversatione vixit devotius, quanto diutius fuerat in sæculo commoratus. Octo bovaria patrimonii sui Ecclesiæ tribuit, reliqua omnia filia suæ licet invitus reliquit: cujus conversioni frater ejus dominus Onulphus adversatus, causæ nostræ & utilitati plurimum restitit, atque inter alia contradictionis & elationis verba se nunquam Monachum futurum, etiam si sciret se vivum ad tartara deducendum, cum juramento affirmavit. Non post multo autem & ipse Onulphus gravissima infirmitate corripitur, metu mortis anxietur, conscientia

accusante turbatur, & quia de corporis salute spem prorsus omnem perdidit, quodcumque animæ suæ remedium sollicitè perquirebat. Quid plura? Omni timore deposito, juramentique pœnitens temerarii, habitum sanctæ Religionis, quem pridem detestatus erat, cum omni humilitate & modestiâ petiit, atque ad sæpe dictam perductus Ecclesiam, se & uxorem suam nomine Gertrudem cum duobus filiis Godefrido & Waltero, & unâ filia cum universis possessionibus & substantiis suis Deo vivo & verò devotissimè commendavit, atque in brevi sub eadem pœnitentiæ devotione vitam finivit. Filii autem litteris traditi, subsequente eos gratiâ Divinâ, gradum sacerdotii sunt adepti. Postremò dominus Arnulfus & ipse divini jaculo timoris salubriter sauci, cum duobus æquè filiis, & totidem filiabus adveniens, possessiones à fratribus sibi collatas, suis superadditas ampliùs dilatavit.

## CAPUT XIV.

**H**orum igitur conversione descriptâ necessitatis causâ, ordine præpostero paulisper utamur atque ad dominum Ingelbertum de Calstert fratrem Domini Heribrandi edisserendo regrediamur. Hic itaque Ingelbertus cum quoddam sui juris castellum ab hostibus injustè pervasum cum suis satellitibus viriliter, ut erat vir in armis strenuus, defendere niteretur, ictu lanceæ graviter vulneratus, claudus efficitur: grandi ergo bellorum impulsu diu multumque defatigatus, tandem introrsus ad semetipsum prudenter rediit, & quoniam qui foris nullam, reperit interiùs, secum pacem pacto piæ conversationis confirmare proposuit. Salubri denique exquilito consilio de conversatione suâ secum cogitavit, fratresque prædicti Cœnobii suæ ædificationis gratiâ crebrâ visitatione & colloquutione frequentabat, audiensque ab eis quod salubrius erat, secundum possibilitatem suam factis adimplere gestiebat; sed tamen intolerabilem bonorum suorum jacturam ægrè ferebat. Nam Ecclesiæ quidem in quâ se Deo famulaturum voverat, omnia sua conferre desiderabat, sed quia ab hostium impetu & infestatione ea expedire nullo modo poterat, quid utilius sibi eligeret omnimodis ambigebat. Tandem verò perpendens sibi utilius fore atque salubrius, ut ex his aliquid saltem commodi Fratribus conferret, quam universa simul hostibus deprædanda relinqueret, Comitem Henricum qui summum tunc locum in his finibus obtinebat, adiit, atque universa quæ sui juris erant, in manus ipsius tradidit: pro quibus idem Comes quatuor suos Milites in confinio prædictæ Ecclesiæ cohabitantes cum universis possessionibus suis in usum Fratrum illi retribuit, Sigerum videlicet atque fratrem ejus Herminianum de Ecclegem, Titubaldum de Thidalmont, atque Renizonem, cognomento Ridderman, venatorem scilicet suum. Post hæc licentiâ ab eo acceptâ Afflegemium reversus statim sæcularem habitum mutavit, & jam cunctis superior hostibus perpetuè sibi pacis firmavit chirographum.

## CAPUT XV.

**S**ub quantâ verò humilitate & mansuetudine sanctum peregerit propositum, ad nostram ædificationem paucis intimandum videtur. Siquidem vir tantæ nobilitatis & nominis alinos cum annonâ Fratrum ad molendinum minavit, & ut mos est in finis servulis, panem suum in sinu gestans horâ prandii super saccum suum tamquam super sedile stratum tapetibus residens, epulas quas sibi attulerat cunctis gratiarum actione sumisit, omnibus & servulis quotidianè reperit, qui servitio ejus penè videbantur indi-

Ingelbertus de Calstert se & sua Monasterio tradidit.

Ingelbertus graviter vulneratus.

Quinque filii Heribrandi Monasticam vitam arripuerunt.

Quantâ Ingelberti humilitas & paupertas.

gni, ceu fratribus benignè communicavit. Sed hæc parva sunt; nam calceamenta Fratrum ipse lavit, ipse egregiis manibus suis perunxit, famulorum suorum pedes insuper ipse sæpius abluit. Sed & hoc parum est, unum adhuc referam, quod totius humilitatis mihi videtur transcendere normam. Quâdam denique die nullo sciente aut præcipiente locum necessariorum inferius à sordium fœtore mundare cœpit, cum ecce unus è Fratribus id forte aspiciens ad Abbatem venit, dominum Ingelbertum illic stare, id agere nuntiavit. Territus Abbas concitus foras exiit, atque venerabilem virum prædicto insistentem operi reperit, ac præ stupore nimio stupefactus in hanc vocem erupit: Quid agis, inquit, Frater, quid agis? at ille demisso in terram vultu; Operi, inquit, valde necessario, venerande Pater, insisto. Abbas autem tantam illius admirans humilitatem, quantocius eum exire compulit, ac ne diutius huic operi insisteret, sub interminatione prohibuit. Tunc ille, libenter, inquit, Pater amabilis, cœptum opus perficerem, nisi mandatum vestræ sanctitatis transgredi formidarem, verumtamen ut jubetis faciam.

CAPUT XVI.

**M**agna siquidem secundum sæculum nobilitas & dignitas ejus exstitit, sed ut veram dignitatem acquireret, oblitus quodammodo quod fuit, omnibus se inferiorem & viliozem per humilitatem constituit. Nunquam quis illum iratum vidit, nunquam murmur ex ore ejus personavit, nunquam plius se alio honorari permisit. Quâdam denique die ex itinere rediens, tam corporis debilitate, quam siti & esurie penè defecerat, cum unus de Fratribus illi occurrens si comedisset interrogat; qui nequaquam se comedisse affirmabat: Cui Frater ait, ibo igitur & prandium vobis præparabo, ipse autem quasi ludendo respondit: ite, inquit, ite, & bonam nobis refectionem præparate. Sequenti verò die se de hoc verbo recognovit, ac tantillum propriæ voluntatis ac desiderii sibi subrepsisse graviter ingemuit. Talibus igitur ac tantis virtutibus pollens, ac possessiones Ecclesiæ quotidie dilatare cupiens, prædictum Comitem Henricum rursus adiit, utque ea quæ pridem dederat, augmentanda suggessit, cujus precibus pius Comes benignè, ut decebat, annuit, eique ea quæ nunc Wavere possidemus, in usus Ecclesiæ in perpetuum tradidit.

CAPUT XVII.

**C**ontigit interea ut duo filii dominæ Idæ Bolognienſium Comitissæ, Dux videlicet Godefridus & frater ejus Balduinus, qui uterque postea unus post alium regni sceptro potiti sunt, Jerosolymam proficisci disponentes, in id ut loca sancta quæ ab infidelibus & impiis obsessa tenebantur, Dei adiutorio per manum validam Christianæ Religionis restituerent. Coadunantes igitur longè lateque fidelium exercitum, in hujus quoque provinciæ terminos convenerunt, in quâ plerisque pauperibus Cœnobii de propriis patrimoniis larga beneficia contulerunt. Quo comperto frater Godefridus cognomento Niger, quoniam ante conversionem suam memorato Duci Godefrido notus erat, Gandavum ubi forte tum venerat, illi obviam properat, quem ut in reditu suo hospitandi gratia Afflegemium diverſat, multis precibus expostulavit. Dux autem religiosus ac pius preces tam devotas parvipendere noluit, sed mox disperso penè exercitu hac illacque, ne multum per ipsum Fratres gravarentur, cum fratre suo Comite Balduino atque Comite Godefrido, qui postea Ducatus vexillum strenuus gessit, & cum re-

liquis quos secum detinuit, ad memoratum Cœnobium declinavit.

Susceptus igitur à Fratribus cum debito honore & reverentiâ, omnique illi humanitate exhibita, volens beneficiis Fratrum vicem rependere, cum Optimatibus suis ad Altare sancti Petri accessit, ibique quinque patrimoniis sui mansos in loco qui Hugintrau dicitur, concedente fratre suo Balduino, eidem Ecclesiæ juxta statuta Principum legaliter obtulit. Verum quia frater eorum Comes Eustachius huic donationi non intererat, non parvus metus Fratribus omnibus inerat, ne post discessum eorum aliquid ab eo paterentur adversitatis incommodum. Inito itaque consilio Fratres quidam ex ipsis Bologniam properant, atque hoc fratrum suorum beneficium suâ auctoritate corroborari expostulant. Ille autem non solum fratrum suorum donationi non restitit, verum etiam quidquid sui juris erat superaddens, ratam & inconcussam, matre suâ annuente, imò compellente, in perpetuum statuit. Porro Nobilium filiorum mater æquè generosa ac nobilis, in his postea finibus iter agens, apud idem Cœnobium hospitium sibi elegit, atque inter cætera largitatis suæ beneficia Altare de Genapiâ, quod sui juris erat, liberè & ab omni absolutum exactione Fratribus devotissimè tradidit.

CAPUT XVIII.

**F**rasne autem post hæc dedit nobis quædam Matrona nobilis nomine Eremberga cum filiis suis pro suâ, parentumque suorum animabus. Anſele verò Domni Fulgentii Abbatis frater carnalis, nomine Adun, ante conversionem suam propriis impensis construxit, terram circumjacentem quam nunc usque possidemus, suo argento comparavit, perfectisque ibidem velut ad ipsum usum proprium omnibus, Fratris sui sequens vestigia, sub ipso sacre Religionis habitum suscepit. Duas quoque alodii partes, cujus apud Verteſic heredes sumus Hillinus de Baltersem cum quodam filio suo nomine Gisleberto nostro Monacho nobis tradidit, tertiam verò ipsius partem quædam matrona Lovaniensis nomine Geva gratis nobis adimplevit. Apud Eversberghe quoque erga Arnulfum de Stenherhe aliud allodium viginti duabus marcis emimus: pro quo tres alterius alodii partes, quibus nunc apud Esſchen fruimur, erga Franconem Castellatum Bruxellensem commutavimus; quod videlicet allodium tanto valebat amplius, quod quartam partem erga Godeſonem de Wefenbeccâ viginti tribus marcis & dimidia comparavimus. Helricus etiam quidam civis Lovaniensis apud nos Monachus factus, mansum unum terræ dedit nobis apud Levedale. Rembaldus etiam de Dofle in hoc loco sanctæ Religionis habitum suscepit, secumque allodium in quo curtis quædam, quæ dicitur Berchem, sita est, nobis attulit. Miles quoque quidam de Ascha nomine Gissebertus Clinhleunt cum uxore suâ nihilominus ad conversionem venit, atque etiam omne Phœdum quod de Duce Godefrido habebat, cujus & servus erat, nobis dedit. Idem verò Dux omnia hæc libertati nostræ donavit, in cujus possessione curtim Colried statuitur. Filii quoque Onulphi de Meltburch, Walterus videlicet & Emelinus, eorumque avunculus nomine Wiscolo de Putige & ejus filii, allodium quod inter se commune erat vendiderunt, in quo curtim, quod dicitur Jeten superior, constituimus. Præterea Rodolphus de Gunchelberga quæ mundi sunt relinquens, sanctioris vitæ flagrans desiderio, apud nos Monachus efficitur, partemque allodii sui quod habebat apud Zellehe nobis largitur; alteram verò partem, quæ filiarum suarum & viro ipsius sorte ce-

Venit prius Afflegemium ac munera confert.

Fraxinea datur Afflegemio.

Et alia alodia.

Ejus mansuetudo & patientia.

Godefridi Bullonii expeditionis Hierosolymitana.

ciderat, ab utriſque pretio dato comparavimus, in  
cujus allodii poſſeſſione duas curtes ibidem conſtru-  
ximus.

## CAPUT XIX.

Godefridus  
Barbatus con-  
firmat bona  
Afflegemii.

**S**ciendum autem quoniam quæque ex hac parte  
Aſchæ in agris obtinemus, ferè omnia à ſervis  
Ducis Godefridi ſeu beneficio, ſeu jure hereditario  
inhabitantibus particulatim mercati ſumus, quo-  
rum omnium ab eodem pio Duce libertatem conſe-  
quuti ſumus. Porro allodium in Cobbeſhem in boſ-  
co & in plano ab Arnulfo de Vilvord caro admo-  
dum pretio, centum videlicet & quadraginta mar-  
cis emimus, quod cooperante Duce Godefrido in  
Eccleſiâ noſtrâ pacto ſtabili perpetualiter confirma-  
vimus. Præterea domina Remundis de Aloſt, ejuſ-  
que duo filii Balduinus & Juamus apud Erenbode-  
ghem loca duorum molendinorum nobis conceſſe-  
runt, atque altare ejusdem villæ, quod ſui proprii  
juris erat, noſtræ Eccleſiæ obtulerunt. Porro nos de  
manu laicarum perſonarum Dei donum ſuſcipere  
metuimus, adeoque ut ab Epifcopo potiùs dona-  
tionem hanc conſequeremur ſolenter inſtitimus. Il-  
lis autem juxta petitionem noſtram idem altare Epi-  
ſcopo Cameracenſi deditibus, nos ab Epifcopo;  
& ſub ipſo donatione ratâ, & auctoritate Epifco-  
pali confirmatâ Canonice ſuſcepimus.

Terram quoque ante portam noſtram jacentem  
ſpatio duorum manſorum in longitudine porrectam,  
idem duo fratres nobis contulerunt. Poſtea verò ſe-  
nior illorum Balduinus videlicet infirmitate gravi  
corripitur, ante mortem ſuam Monachus efficitur,  
eoque volente atque petente ad nos uſque tranſve-  
hitur. Tunc itaque aſſentiente fratre ſuo dedit no-  
bis in Flandriâ apud Teſtreet quoddam allodium in  
paſcuſis, cujus ſiſcus ſingulis annis decem libris ar-  
genti appenditur.

## CAPUT XX.

Clari aliquot  
viri ſunt Mo-  
nachi.

**A** pud Oeſterzeel dedit nobis Arnulſus de Win-  
tica tres allodii ſui manſos, æternum potiùs  
quàm temporale pro his exſpectans commodum,  
qui poſt hæc ictu belli graviter vulneratus, relicto  
ſeculo apud nos Monachus eſt effectus; uxor quo-  
que ejus deſuncta apud nos jacet humata. Willel-  
mus quoque de Volſar vir nobilis, eodem ſuccen-  
ſus deſiderio apud nos ſanctæ converſationis habi-  
tum ſuſcepit, ac tertiam allodii cujuſque partem  
apud Seonart nobis tradidit; duas autem reſiduas  
pretio comparavimus. Sigerus quoque de Erenbo-  
deghem, & ipſe converſus ibidem manſum unum  
adſecit. Robertus Comes junior ſancti Andree lo-  
cum nobis in eleemoſynam tribuit; altare verò ejuſ-  
dem loci licet ſui foret juris, tamen quia ſpiritale  
donum eſt, ab Epifcopo Noviomenſi, in cujus Dice-  
ceſi locus ipſe ſitus eſt, nobis firmâ ſtabilitate dona-  
ri fecit. Filius autem ipſius, Balduinus videlicet  
Comes inclutus, largitatis ſuæ beneficium nobis  
conferre deſiderans, cogitabat apud ſe quid neceſſi-  
tati noſtræ utilis tribueret atque vicinior: compe-  
riens igitur allodium quoddam vicinum nobis à Fra-  
tribus ſancti Bertini poſſideri, conventu facto cum  
eis viciniſſitudinem huius in conſinio ſui eis plenam  
reſtituit, nobis autem prædictum allodium magni-  
tudinis ſex manſorum ob memoriam ſui tradidit.

Duo carnales germani, conditione liberi, apud  
Rodenburch caſtrum Flandriæ ſimul indiviſi com-  
manebant, qui adhuc ambo à confortio conjugii  
immanes perſequebantur; uno itaque uterque ſuc-  
cenſi deſiderio, de ſalute animarum ſuarum inter  
ſe ſedulo conferebant, terrena omnia æternorum  
reſpectu quàm ſunt parva atque deſpicenda ſibi in-

vicem proponebant: poſtremò ſæculo ſæculique a-  
ctibus ſe renuntiaturus unanimiter disponebant. Re-  
licto igitur ſolo patrio cum omnibus quæ habebant,  
exules effecti, veram patriam inquirunt, tranſiſſi-  
que nonnullis ditioribus ac vicinioribus Cœnobiis,  
noſtræ paupertatis conſortium adipiſci maluerunt,  
domumque ſuam quam pariter inhabitaverant,  
cum univerſâ ſupelleſtili ſua, cum armentis videli-  
cet & pecoribus, cum agris & poſſeſſionibus tra-  
diderunt, ubi uſque hodie curtim adauctis poſtea  
prædiis poſſidemus.

Vroijendiic etiam à Comite Theoderico, atque à  
Comitiſſa Clementia duo prædia, quæ ſecundum  
linguæ ſuæ conſuetudinem Pecorias appellant, pre-  
tio grandi comparavimus, quorum donationem ſi-  
gillo Comitis munitam, ac perpetuâ ſtabilitate fir-  
matam coram Primatibus ac Baronibus terræ ab  
utriſque ſuſcepimus. Super hæc multa emolumenta  
in prædiis & argento Flandria nobis miniſtravit.  
Prædia quidem plurima propter diſtantiâ & in-  
convenientiam locorum ibidem vendidimus, pretium  
verò in emendis aliis poſſeſſionibus vicinioribus no-  
bis utiliter expendimus.

*Viſio Domni Fulgentii huius loci Abbatis primi.*

**F**ulgentius primus Afflegemienſis Abbas duo gra-  
bata ad cælum deferri videbat, quorum unum  
Archiepiſcopum Cantuarienſem, alterum Clunia-  
cenſem Abbatem eſſe dicebatur. Unum aſcendebat  
quartâ feriâ unius hebdomadæ; alterum ſimiliter  
alterius hebdomadæ eadem feriâ. Quod paucis tran-  
ſcurſis diebus rei probavit eventus: nam Dominus  
Anſelmus Archiepiſcopus quarta feriâ ante Domini-  
cam Cœnam die illuſcente migravit; ſanctus verò  
ſenex Hugo Abbas Dominicâ, ut ſuprà dictum eſt,  
peractâ Reſurrectione eadem feriâ viii. ſcilicet die  
adveſperante, carne ſolutus.

*Ex antiquo Manuſcripto Monasterii Gemblacenſis  
in Brabantia legitur de hoc Monasterio.*

**I**n Monasterio Afflegemienſi penè innumeri devoti  
viri, quorum nonnulli miraculis claruere, ut Ful-  
gentius primus Abbas, & Radulſus Monachus qui  
annis ſedecim tenuit jure ſilentium, &c.

\*\*\*\*\*

## CONTINUATIO CHRONICI

## AFFLEGEMIENSIS.

*Ex variis ejusdem Abbatia monumentis.*

**A**nno MCXXII. vivere terris deſiit B. FULGEN-  
TIUS, ut cælum dives ingrederetur.

Ejus ſuccellor FRANCO plures ſervitio Chriſti  
mancipavit, ita ut incolatus ſui tempore pluſquam  
ducentorum triginta tam Monachorum quàm San-  
ctimonialium ac fratrum diverſis in locis Pater me-  
reretur exiſtere: quibus Chriſtianæ paupertatis;  
Monachorum humilitatis, paternæ charitatis, viva  
cordibus ſubditorum veſtigia vivens impreſſit, & ad  
gaudia paradifi tranſiens reliquit.

Non poſſum hîc etiam pactum illud pietate ac  
preſertim charitate eximiâ abundans omittere, quod  
primi Afflegemienſes devoti Cœnobiæ cum eodem  
Fulgentio inierunt; eſt autem tale: » Prioribus con-  
venit exemplum relinquere imitationis. Nos qui  
primi locum iſtum inhabitavimus confirmatâ no-  
ſtræ converſationis ſententiâ, inîtaque regularis  
vitæ ſemitâ, nullum rectiorem, nullum devotio-  
nem ſalutis tramitem deprehendere valuimus, »

quàm

Robertus Co-  
mes Flandriæ  
dat locum S  
Andree.



» quàm ut manuum nostrarum laboribus alimenta  
» & indumenta conquientes his contenti manere-  
» mus. Quoniam verò *Domini est terra* : Et , *Dat*  
» *semen seminanti* & panem ad manducandum ; de  
» totâ culturâ nostrâ , de totâ possessione nostrâ ,  
» decimam partem ei ad pauperum suorum usus  
» nos duros spondemus. Quod votum nos primâ  
» cum posteris omnes in præsentia Abbatis nostri  
» Fulgentii renovamus & confirmamus. Dabimus  
» ergo decimam de annonâ si fuerit empta , sive de  
» agro processerit ; de argento decimam , sive in  
» altari oblatum , sive undequaque conquistum ad  
» usus Fratrum. De lanâ , de caseis , de butyro , de  
» agnis , de vitulis , de piscibus , de ovis , de fru-  
» ctibus quibuscumque omniumque rerum usi-  
» bus veniet decimatio : quia magis Deo placet  
» sustentatio suorum membrorum quàm murorum.  
» Ita illi.

I I. Abbas  
Franco.

FRANCO Abbas profectus in Angliam honorificè  
susceptus est ab Henrico Rege , cuius opus dicunt  
granarium , olim portam Regis vocatum , in cuius  
parietibus statua Regis ad hæc tempora permanens  
præfati Regis liberalitatem designat : nec solum à  
Rege honore ac muneribus est honoratus , verum  
etiam à Principibus terræ , Episcopis & Abbatibus  
summo in pretio est habitus , eosque in Capitulis &  
publicis Conventibus melliflui oris sermonibus læ-  
tificabat ; fuit enim scientiâ litterarum apprime  
dives , unde & varia scripsit ; imprimis : De gra-  
tiâ Dei tomos 12. quos tanti semper fecerunt  
scriptores , ut ab ipsis impressionis cunabulis in  
lucem dederint , inveniunturque multis in locis  
editi.

Quæ scripse-  
rit Franco.

De statu futuræ gloriæ metricè.

Sermones de B. Virgine : & quodd Monachus ab-  
jecto habitu non possit salvari.

Ad Moniales Forestenses & Bigardienses quædam  
consolatoria.

Librum Epistolarum ad diversos.

Hujus diebus Balduinus de Alosto , primus inter  
Flandriæ Principes , sæculo renuntians Afflegemii  
Monachum induit , ibique sub sancto habitu perse-  
verans sepulturam accepit. Præcipue ejus regiminis  
tempora ornavit B. Radulfus cognomine Lucens ,  
de quo monumenta loci : vir perpetui silentii , qui  
magnam lacrymarum gratiam & divinæ contempla-  
tionis à Domino accepit , plenus dierum obiit in se-  
nectute bonâ. Hic vivens signo Crucis incendium  
braxatorii exstinxit : post sexdecim annorum silen-  
tium hæc ejus fuere verba : Stes ignis hac ho-  
râ , flamma penitus conquiescas : & igni obe-  
diente voci hominis stetit , protinusque exstinctus  
est.

Abbas denique Franco locum multis decoravit  
ædificiis , & singulariter Basilicâ insigni ac magni-  
fico opere , bibliothecam libris plurimis ampliavit :  
prædia auxit & Religionem confirmavit : hominem  
piè ac sanctè exuens , humili sepulturâ est condi-  
tus sub lapide modesto hoc titulo annotato : D.  
FRANCO HUIUS LOCI ABBAS SECUNDUS : licet  
omnes penè Abbatum sepulcrales ac magnifici la-  
pides perierint , ac in partes fracti , hic humilis  
permanet.

III. Abbas  
Albertus.

ALBERTUS Abbas tertius summâ vi ad hanc di-  
gnitatem attractus , & omnino nolens coactus est ;  
malebat enim subesse quàm prælle , unde uno aut  
altero anno post electionem vir innocentia , simpli-  
tate , atque omni virtute insignis terrenorum ne-  
gotiorum pondus ferre impatiens , Pastoralis curæ  
onus deposuit.

IV. Abbas  
Petrus.

PETRUS Alberto cedente Abbas constituitur. Eo  
regente Godefridus Dux Brabantæ seu Lovanienfis ,  
Tom. II.

dictus Barbatus , ab Henrico fratre tradita huic Cœ-  
nobio confirmavit , addens Flidebertum cellam ( id  
est Monasterium Fliderbecanum apud Lovanium no-  
vissimè constructum ) quam Afflegemienfis sub-  
didit , & apud eos sepulturam elegit , in quâ hoc  
elogium legitur : Godefridus cum barbâ Dux Lo-  
tharingæ , Comes Lovanienfis , & Bruxellenfis  
Marchio sacri Regni , primus fundator hujus Cœ-  
nobii. Dotavit Prioratum de Voauria excellentio-  
ribus & solemnioribus Reliquiis , fundavit Præpo-  
situram Ecclesiæ de Capella in Bruxellâ , fundavit  
etiam Monasterium Monialium Majoris Bigardis ;  
& innumeris donis Monasterium sancti Trudonis.  
Obiit anno 1130. hic sepultus ante altare sancto-  
rum Apostolorum.

Filia præfati Ducis Aleidis juncta matrimonio  
Regi Angliæ , post obitum secundi conjugis Affle-  
gemienfis Claustrum solitudinem ad reliquum vitæ  
ad humandum corpus elegit : in domo turri Ec-  
clesiæ contiguâ , cum unâ aut alterâ ancillâ in Fra-  
trum Afflegemienfium quietâ taciturna multitudine  
solitaria habitavit , & beato fine quievit , de qua  
epitaphium :

Aleidis Regina Angliæ , filia Ducis Godefridi  
cum barbâ , Regnum suscepit in Angliâ anno  
MCCXX. obiit 9. Kal. Maii , sepulta è regione ho-  
rologii nostri.

Inventa est novissimis his diebus in templo hujus  
Cœnobii tumba cum iis litteris , A. R. A. quas sic  
explicant Afflegemienfes , *Aleidis Regina Anglia*.  
Hæc multa prædia contulit huic , & inter benefa-  
ctores præcipua habetur.

Ejusdem Abbatis tempore Henricus Comes dicti  
Godefridi filius , militiæ cingulo deposito hic sacre  
religionis habitum suscepit , & citò à Deo vocatus  
migravit ex hoc sæculo , sepultus ad caput patris  
sui.

Abbas verò pertæsus etiam curarum , ac solitu-  
dinis amator onus Pastorale reliquit.

Godefscalcus bonæ spei juvenis post abdicationem  
D. Petri in Abbatem est electus. Sub initio hujus præ-  
laturæ Cœnobium hoc invisens sanctus Bernardus ,  
Deiparæ Virginis statuam in ambitu ad ostium dor-  
mitorii mellifluis ore salutans Angelicâ salutatione ,  
*Ave MARIA* , ab eadem resalutationis responsum ac-  
cipere meruit , *Salve Bernarde*. Sermones ad Fra-  
tres habuit , quibus desiderium suum manifestavit ,  
ut Afflegemienfes Cisterciensem disciplinam suscipe-  
rent , sed ad hoc perducere non potuerunt ; affectus  
sui in eos arram tamen reliquit , scilicet baculi Pa-  
storalis partem. De hac sancti Patris Afflegemien-  
fium visitatione , miraculoque sequuto , ita Chro-  
nicon Gemblacense : » Vilebatur ante Belgensem  
desolationem in Monasterio Afflegemienfi Dei Ge-  
nitricis imago , cui valedicens Bernardus ; *Vale* ,  
inquit , *alma MARIA*. At *Bernarde* , *Vale* , ait  
sancta Maria. » Mos obtinuerat apud Afflegemien-  
fes ut mane nunquam à dormitorio in Eccle-  
siam , nisi te per salutationem Angelicam hanc ima-  
ginem salutassent.

V. Abbas  
Godefscalcus.

Hujus Abbatis tempore capsa B. Mariæ Waurien-  
fis Bruxellas fuit deportata , ob pestiferæ luis conta-  
gium Buxellenfes devastans ; eâ de causâ ab Ab-  
bate instituta est processio solennis à Monasterio Bru-  
xellas usque nudis pedibus , ubi etiam Beata Maria  
non minimum circâ Abbatem & Priorem Waurien-  
sem operata est miraculum. Cum enim idem Præla-  
tus capsam post processionem asportare vellet , tantæ  
molis eam sensit ut nec levare potuerit. Prior autem  
Waurienfis accedens sine ullo impedimento extulit :  
hoc signo pace initâ capsa Wauriam est relata.

Sancta Alona Forensis miraculis hoc tempore  
FFFFf

mundo innuit; unde Episcopo Cameracensi mandante Godescalco noster reliquias ex cryptâ extulit, & populo colendas exhibuit. Onus etiam pastorale Patrum sequutus exemplum deposuit; verum iterum Monachis rogantibus reassumere debuit.

VI. Abbas  
Arnulfus.

ARNULFUS Abbas ex Monacho & Priore Afflegemienſi ab Einamenſibus in Abbatem lectus, cum diu cum laude rexisset, abdicante se Godescalco ab Afflegemienſibus in Abbatem est repetitus. Ecclesiam hanc pari sollicitudine & virtute rexit. Virarium sæculi rudis, & cui ut auctor vitæ Sanctæ Winnæ scribit, versum erat in habitum frequentius Divinis quàm forensibus implicari negotiis, & cum Monachis chorum indefinenter frequentare. Rogante Godefrido tertio Duce Lotharingiæ Fliderbecanis Monachis indulſit, ut Abbatem sibi, sed ex Afflegemienſi grege deligerent. Exstant variæ eâ de re conditiones propter pacem & charitatem ut essent filii pacis: » Notum facimus quod petitione » multarum personarum religiosarum & sæcularium, Ducis quoque Godefridi, Ecclesiæ Fliderbecanæ Abbatem habere concessimus; & pari conditione discordiæ fomitem in vinculo pacis spiritu consilii mediante terminaverimus. Si Abbas Afflegemienſis Ecclesiam Fliderbecanam visitare voluerit, Abbas loci in choro locum suum ei deferret. » Item Abbas Fliderbecanus si non ampliùs, saltem » ad Vincula S. Petri Ecclesiæ Afflegemienſis, nisi » certâ necessitate præpediente, se præsentabit; aureum denarium annui censûs Lovanienſis monetæ » in testimonium subjectionis ipso die solvere curabit.

Eodem ferè tempore, Philippo Flandriæ Comite præſente, Ecclesia Afflegemienſis Cellam sancti Andree juxta Brugas liberam ab omni subjectione declaravit, & de electione novi Abbatis consensit.

Ipsè etiam caput Sancti Cælestini Papæ Eynomo, vel ut Eynamenſes volunt, Potnaco Afflegemium attulit. Juris autem Monasterii acerrimus defensor Henricum de Ascha decimas injustè ablatas restituere coëgit. Obiit plenus meritis & diebus prædicti anni MCLXVIII.

VII. Abbas  
Sigenis.

SIGENIS Abbas Godescalco, qui ut diximus, Arnulfum in regimine rursus exceperat suffectus non totos tres annos clavum tenuit. Genus illi illustre apud Brabantos Cray-Enhemiorem familia; Eleemosynarii munere antea functus fuerat. Abiit è vita anno MCLXVIII. De quo sic epitaphium: » Sigenis » de Crayn'hem ex Equite aurato hîc Monachus effectus, duodecimo conversionis suæ anno Abbas » constituitur. » Obiit 5. Kal. Februarii.

VIII. Abbas  
Willelmus.

WILLELMUS Abbas nullâ re gesta nobilis, dignitatem abdicavit vel volens vel nolens. Invenitur petiisse & obtinuisse ab Henrico Duce Lotharingiæ libertatem & immunitatem possessionum Monasterii.

IX. Abbas  
Robertus.

ROBERTUS Abbas regimini admotus, ob ædificationem aliquarum officinarum laudatus, fabricavit Refectorium: celavit lapidibus magnam Ecclesiæ partem à cruce usque in finem: prædiis, decimis res nostras auxit. Exstant variæ in hanc rem litteræ. Arbitor etiam est electus à Sancti Sepulcri Abbate & Decano Sanctæ Gudulæ, cum Ecclesia Sancti Sepulcri seu Capella B. Mariæ in parochialem erigeretur. Vitâ functus Robertus anno MCCCXIV.

X. Abbas  
Willelmus II.

WILLERMUS II. Abbas: hic fabricavit domum lapideam in quâ Milites suscipiantur, id est nobiles, qui vel conversionis causâ, vel pietatis studio ad Cœnobium divertebantur. Datum ipsi & Abbati Nini-venſi negotium eligendi locum in Sebinerâ ad Cœno-

bium Monialium Cisterciensium construendum. Jura Monasterii egregiè defendit, & Guillelmum de Grimbergis dominum de Ascha ob illata Afflegemio damna memorabili ad omnem posteritatem pœnitentiâ coërcendum curavit. Fuit autem hæc pœnitentia talis; in Capitulo Monachorum nudo pede, nudo capite, in camisiâ & bracciis virgam tenens in manu, ad pedes Abbatis prosterni jubetur: in satisfactionem injuriæ fuit injuncta ab Officiali Cameracensi. Auxit in pluribus rem domesticam; & Guidone Episcopo Cameracensi adveniente, ipso etiam consentiente, certis conditionibus Foreſtense Monialium Asceterium ab Afflegemienſium potestate est separatum. Circa hoc tempus vixit in hoc Monasterio venerabilis ille Reinerus, cujus conversionem affert Cantipratanus in vitâ sanctæ Lutgardis; id testatur de ejus vitâ. » Vidimus, inquit, illum in Cœnobio Afflegemienſi, quem pro admirandâ conversatione in tali ætate & patientiâ omnes venerarentur. Hominem exiit Abbas an. MCCCXII.

JOANNES Abbas magnâ prudentiæ & sollicitudinis laude Magistratum gessit, observantiamque regularem, quæ sensim inclinare visa, restituit. Multa acquisivit & strenuè contra invasores defendit. Insigni morum integritate claruisse oportet, ut Sanctæ Lutgardis in cœlum migraturæ has audiret voces: Jam recedo, carissime, & nihil te carius sub sole relinquo. » Ex ejusdem Sanctæ Virginis amore erga Fratres Afflegemienſes apud eosdem tunc regularem disciplinam viguisse constat, ita enim refert Cantipratanus de F. Converso Afflegemienſi: » Cujus Monasterii Fratres propter Religionis observantiam præcipuè charos habebat sancta Lutgardis. » Eam ob causam Guiardum seu Guidonem Cameracensem Episcopum ibidem conversatum frequentius, imò juxta aliquos habitum, Monasticum assumiſſe, certò tamen mortuorum sepulturam elegisse notum est. De eo ita Balduinus Ninovienſis Canonicus in chronico M. S. anno Domini MCLXVII. Guiardus Cameracensis Episcopus columna ingens Sanctæ Ecclesiæ, morum honestate ac justitiâ clarus, & Verbi Dei prædicator egregius, » moritur apud Afflegemium, & sepelitur ibidem. » Abbas autem piè in Domino obdormivit anno MCCCXI.

XI. Abbas  
Joannes.

HENRICUS Abbas trium annorum circulo res magnas inclusit. Fabricavit magnam partem Ecclesiæ Beatæ Mariæ in qua sit processio, ædificia restituit ac novis operibus fulcivit, turres campanis ære fultis instruxit. Obiit anno MCCCXIV.

XII. Abbas  
Henricus.

HENRICUS secundus diutissimè & magnâ disciplinæ regularis curâ rexit, & perfecit Ecclesiam B. Mariæ, item tabulam pulchram in magno altari. Abusus in Prioratu Fraxinenſi (in quo tunc temporis Monachorum, & Conversorum erat numerus honestus) correxit; nam anniversariorum symposia sustulit, & in moderatam eamque quotidianam vini portionem converti voluit: sicque factum est, ut quod uno die largius absumebatur, in plures & quotidianos tribueretur: tertiam nempe partem gelæ per diem constituit. Diem extremum subiit anno MCCC.

XIII. Abbas  
Henricus II.

WILLELMUS tertius Abbas, Loefus dictus; Reghinarum Aloſtensium ei cura à Philippo Cameracensi Antistite est commissa. Ipsè religiosissimus Prælati cum animadvertisset multa perperam & contra majorum scita in disciplinâ regulari assignari, arripuit colanum, & veteris observantiæ vestigia in litteras misit, duobusque voluminibus statuta & observantias descripsit. Abbas inter Scriptores b adscriptus MCCCXI.

XIV. Abbas  
Willelmus III.

XV. Abbas  
Joannes II.

XVI. Abbas  
Thomas.

XVII. Abbas  
Joannes III.

XVIII. Abb.  
Joannes IV.

XIX. Abbas  
Almericus.

XX. Abbas  
Henricus III.

XXI. Abbas  
Joannes V.

JOANNES secundus Abbas brevis imperii. Contro-  
vertiam inter Afflegemienſes & Nivelſenſes Canoni-  
cas ſuper annuâ 9. librarum ſolutione exortam ſo-  
pivit. Vitâ & magiſtratu abiit an. mccccxiv.

THOMAS Abbas. Ejus Præſecturæ tempore lu-  
ctuofa Afflegemii conflagratio accidit à Flandris, qui  
Teneramundâ exorſi Malgram, Lippelloumque, &  
Monasterium exuſſerunt; Monachi fugientes diſperſi  
fuere. Moritur Thomas cladibus afflictuſ anno  
mccccxxiv. poſt annum ab hac vaſtatione.

JOANNES tertius Abbas Eccleſiam bellis undique  
quaſſatam & uſtionum populationumque cladibus  
attritam ægrè ferens, nihil dignum faſtis egit, imò  
dies & annus mortis ignorantur.

JOANNES quartus, dictus *Wolmeroy*, pace inter  
Brabantos & Flandros firmatâ, Afflegemium dupli-  
ci incendio corruptum reſtituere aggreſſus, priſtinum  
loco ſplendorem, præſertim Eccleſiæ nunquam red-  
dere potuit. Reſtituit ſolido opere Eccleſiam Mel-  
drenſem, eamque à Bardegemenſi, auctoritate Joan-  
nis Episcopi Cameracenſis, cujus erat appendicium,  
diſiſit. Abdicavit dignitatem, & Almerico, appro-  
bante Urbano V. Papa, commiſit an. mccccxx.

ALMERICUS Tayus à Gregorio XI. primùm ſibi,  
deinde ſucceſſoribus, mitræ, annuli & Pontificalem  
uſum obtinuit. Ejus tempore maris inundatio non  
paucos Afflegemii in Flandriæ partibus fundos ſe-  
cum traxit & hauſit. Wenceslaus Brabantix Dux eo-  
dem Abbate poſtulate conceſſit ut duas curtes poſſet  
demoliri ad reſtaurationem Monasterii. Gregorius  
etiam XI. ejus petitione contrâ invaſores Cœnobii  
ſcripſit Abbati ſancti Petri Gandenſis, ut pœnis eos  
coërceret ad reſtituenda latifundia ablata. Pars Mo-  
nachorum in Abbatem inſurrexit, & eo res eſt de-  
ducta, ut Dux Wenceslaus adegerit Almericum di-  
gnitatem abdicare, imò & Joannes Episcopus Ca-  
merac. propter contumaciam & inobedientiam;  
quia vocatus non adfuera, aliaque ei impoſita, à  
cœtu fidelium removerat. Sed ille ad ſummum Pon-  
tificem omnia revocans, ab eodem in poteſtate eſt  
confirmatus, & pax cum Aſcetiſ inſita. Obiit Alme-  
ricus his ſuperior anno mccccxviii.

HENRICUS de Sancto Gaugerico vir nobilis, qui &  
coadjutor datus fuerat in perturbatione adverſus præ-  
deceſſorem. Conſtat ſub eo Afflegemium floruiſſe;  
recuperatâ prædiorum poſſeſſione. Lavacrum in peri-  
ſtylio ſecto lapide exſtruxit, ad cujus operis formam  
cætera Clauſtri latera poſteri ædificaverunt. Humana  
reliquit anno mccccxiii. honorificâ ſepulturâ tu-  
mulatus, cujus lapis ſupremus adhuc viſitur cum  
ejus effigie.

JOANNES Alphius præſeſſe cœpit an. mccccxiii.  
Multa præclârè geſſit pro Republica: Joannis Ducis  
Brabantix perpetuus Conſiliarius quamdiu ille per  
teneram ætatem rebus gerendis idoneus non fuit,  
cum aliis decem viris tranquillè ditiones ejus admi-  
niſtravit. Exortâ ſub eo Monachorum diſſenſione,  
Monasterii bona in tres partes dividuntur, appro-  
bante Martino V. Romano Pontifice: una Abbati;  
Conventui altera, & fabricæ altera assignata. Inde  
tamen maxima labes diſciplinæ regulari injecta; dum  
enim Cantori, Priori, & aliis quædam particularia  
traduntur, paupertatis monaſtica ruina incurritur.  
Idem Prælatuſ fecit coronam pulcherrimam in Ca-  
pitulo, continentem imagines B. Virginis & duode-  
cim Apoſtolorum; in qua coronâ erant expenſæ duæ  
& nonaginta francæ. Ipſe tandem Abbas, incertum

quâ de cauſâ, præſecturâ ſe abdicavit, naturâque  
ceſſit anno mccccxix.

HENRICUS III. de Aſcha à ſummo Pontifice con-  
firmationem diſiſionis bonorum Cœnobii obtinuit.  
Multa ædificavit & reparavit, & duas partes Clau-  
ſtri ex quadrato opere perfecit; ſed poſtea parum li-  
berior factus cum poſſeſſiones Monasterii vel vendi-  
diſſet vel gravaffet, ab officio remotus honeſtâ ei  
portione traditâ, in otio conſenuit, mortuus anno  
mccccxxiv. in Meldrenſi Eccleſiâ ante Altare Dei-  
paræ ſepultus.

GOSSUINUS Herdingus magno ſuorum conſenſu in  
Abbatem electus, & à Calixto tertio confirmatus,  
diu feliciter rexit. Ad Ludovicum Regem Franciæ,  
qui poſt Caroli Bellicoſi obitum Ducis, Mariæ præ-  
vincias invaſerat, cum aliis ordinum delegatiſ miſ-  
ſus, & honorificè receptus eſt. Paulo ante obitum  
ſollicitus ne bona Monasterii diſſiparentur ( quibus  
tunc temporis inſhiabant multi ) ab Alexandro ſexto  
conſervatores petiit, & obtinuit Abbates ſancti Pe-  
tri Gandenſis, ſancti Michaelis Antuerpienſis, &  
ſanctæ Gertrudis Lovanienſis: verùm ante receptas  
bullas diem ſuum extremum clauſit anno mccccxxiii.  
poſt ejus obitum D. Gillebertus Maſſelarius com-  
munibus Monachorum ſuffragiis, ſed ipſe palam  
ſuam inidoneitatem afferens, & dotes D. Guillelmi  
prædicans ipſum nominavit, raro & inuſitato exem-  
plo, ipſe Waurenſi Prioratu contentus.

WILLELMUS Michaelis cedente Marielario in Ab-  
batem eſt confirmatus. Erat Prior Fraxinenſis, & ma-  
gnus Paſtor Brabantix Gallicanæ. Vir zelo Religio-  
nis conſpicuus, in ſpiritualibus providus, & tem-  
poralibus circumſpectus. Romam proſectus, à ſum-  
mo Pontifice pileum Cardinalitium recuſavit. Viſi-  
tationem Episcopi Cameracenſis ſemel ſuſtinuit, ex  
cujus præcepto libros communes & Bibliothecam  
erexit: ſed poſtea à Julio ſecundo exemptionem ab  
Ordinario ampliffimam impetravit. Multa fabrica-  
vit, & alia præclara perfecit. Interim Julius Roma-  
nus Pontifex datis litteris huic mandavit, ut Guil-  
kelmo *Croi* habitus Religioſus daretur, & ab Affle-  
gemienſibus ad profeſſionem admittatur, quem &  
coadjutorem Guillelmi conſtituit. Hic etiam factus  
Abbas, & ab eo tempore non fuere ampliùs re-  
gulares Abbates, licet hic Guillelmus, & Caro-  
lus *Croi* qui eum ſequutus eſt habitum Monasti-  
cum aſſuſerint. Tandem poſtea Episcopali digni-  
tate ornat Monasticam vitam non ſunt ſequuti.  
Demum Gravellano Archiepiſcopo Meclinenſi pro-  
curante annexum eſt menſæ Archiepiſcopi Mecli-  
nienſis Cœnobium nobile & celeberrimum.

Ab Archiepiſcopis conſtitutus Præpoſitus, qui  
vice Abbatis Monachis præſit, præſertim quoad  
diſciplinam Regularem: ex eorum numero præclari  
habentur.

HUBERTUS du Bray, cujus tale exſtat elogium:  
Vir probitate vitæ doctrinâque conſpicuus, ſubdi-  
torum ſuorum forma, & calcar obſervantiæ regu-  
laris, ſcripſit plurima.

HENRICUS Vandenzipe ob egregias animi dotes  
electus in Abbatem S. Andreæ apud Brugas, ſcri-  
ptis notus, & ſpecialiter ob Gregorium Benedic-  
tum, & alia opera.

Noviſſimis his temporibus noſtris BENEDICTUS  
Haftenus, qui ſanctiſſimum & glorioliſſimum Pa-  
trem Benedictum maximis illuſtravit, unde omnis  
ordo & Eccleſia ejus laudes enarrabit in æternum.

XXII. Abbas  
Henricus IV.

XXIII. Abb.  
Gossuinus.

XXIV. Abb.  
Willelmus  
IV.

Annexa eſt  
Abbatia Ar-  
chiep. Mecli-  
nienſi.



## M O N I T U M.

**C**HRONICON ANDRENSIS sive ANDERNENSIS (Andres Monasterii Ord. S. B. in Diœcesi olim Morinensi seu Tervanensi, nunc in Boloniensi, à GUILLELMO ipsius Asceterii Abbate conscriptum jampridem laudavere docti & graves Historici perplures, ac fragmenta ex illo exciderunt; præ cæteris verò ANDREAS CHESNIUS de Gallico orbe meritis quam optimè, qui hujusce Chronici chartis sive diplomatibus variis probationis suis Genealogiæ Guisnensium (Guines) dominorum asseruit, adauxit, illustravit. RAPHAEL quoque Bellocampius (de Beauchamps) Presbyter Benedictinus Abbatiae Marcianensis, plura inseruit Synopsi sive tomo 2. Historiæ Francomerovingiæ ab ANDREA SILVIO Priore ejusdem Monasterii elacubratæ, cujus sæpe meminit Guillelmus Andrensis, suumque Chronicon ipsis Andree verbis adornat. Nos verò Chronicon istud non carptim aut laciniatim, sed integrum purumque ac continuum exhibemus.

Cœnobii Andrensis statum hodiernum describit modo citatus Raphaël pag. 1085. conceptis, hisce verbis: „Philippo Waleſio Rege Franco anno J. C. 1347. cum Anglus Caleſium seu „Caleſium (Calais) poſt diuturnam obſidionem deditiōe recepiſſet, civem Gallum urbe expulſiſſet, „Anglos introduxiſſet; Andernenſe Monasterium viſitatum eſt, &c. ut proxiæ Abbatem „cum ſuis Monachis ſeſe in urbem Ardeam ſalutis ergo recipere oportuerit. At fuerit ſubinde „res Andrenſis nonnihil reſtituta, cum ecce hoc Rege Franciſco anni excelsi Principe, Hen- „ricus Anglus Rex eo nomine Octavus, &c. Captiæque Boloniæ cædes anno Domini 1543. „& 44 & ſtrages crudeles in agro Boloniensi edit: Ardeam uſque omnia ferro, igne, rapiniſ- „que miſerrimè d. vaſtat ac diripit, homines in miſerrimam ſervitutem abducit, &c. Sæpe jam „igitur ſæpius Anglicanis armis, varioque ab hoſte tentatum & occupatum nobile Aſceterium „horce Benedictinum Andrenſe, &c. ita reſertur ſolo æquatū; ut hoc qui nunc agitur anno „Dominici natalis 1632. campus ſit & ſeges luctuoſa, ubi olim Abbatia ſita exſtitit Ander- „nenſis, Capellam antiquiſſimam S. Medardi, hanc epileſim ſortita, quod ea modicum eſſet „antiquitus Sacellum, in villa dicta vulgò Andernes proximè Ardeam (la ville d'Ardes) „hodieque Diœceſeos Boloniensis Morinorum. Id me communitum officioſè voluit R. D. Natalis „Gantois Presbyter, Eccleſiæ Morinorum Canonicus, &c. per Arteſtam Archidiaconus, An- „dernensisque Monasterii Magnus Vicarius; &c. Monuit idem ſuas doctas & ſuaves ad me „litteras aliquoties Boloniæ deſtinatas; Andernenſe hocce Aſceterium, inter urbes quondam Giſ- „nam & Ardeam operoſè conſtructum, ex quo tempore bellorum, Anglicorum præſertim, ſervâ „injuriâ funditus everſum ac dirutum eſt, in Ardeæ oppidulum perveſtus, atque ipſo ſolis vel „loci ſitu munitiſſimum eſſe tranſlatum, locoque ſatis accommodo & amano potiri, ubi duo è „clero Ardenſi ſelecti Presbyteri Monachorum ſubeant vices, Divinumque officium horarium „dietim perſolvant, atque ſacris per vices operentur. Qui verò iſti pro tempore Commendata- „rius Abbas Monasterio præſit, nobilibus ſcripſit eſſe ortum majoribus, Godeſfridumque d'Espinoſ „Loudunenſem dici. Patrimonium autem Andernensis Eccleſiæ Benedictinæ diſſectum, varieque „eſſe diſtrictum, ejuſdemque hodiernam ſuppelleſtilem atque rem domeſticam adeo curtam & „exiguam ſuperſiſſe, ut ejus annuus cenſus ægrè bis millenas & quingentas libras Francicas „ſuperare poſſit, &c. huc uſque Raphaël Bellocampius.

Apographum Chronici Andrenſis, quo uſi ſumus; curâ & ſtudio ANDRÆ CHESNII deſcriptum, FRANCISCUS Andree filius nobis ſuppeditavit. Verum enim verò indentidem ſalebra ſperſim occurrentes vel ſcriptoris inſcitia vel oſcitatia; nobis ſubinde faceſcere negotium, ut pote deſtitutis alio exemplari, quod rebus in dubiis & obſcuris conſuleremus: eas nihilominus (quantum fas fuit conſpicere) fragmentorum illius Chronici excuſorum ope, exterſimus omnibus ſermè in locis.



# CHRONICON ANDRENSIS MONASTERII ORDINIS SANCTI BENEDICTI.

In Diœcesi Tarvanensi sive Morinensi, nunc Boloniensi.

AB ANNO M. LXXXII. AD M. CC. XXXIV.

AUCTORE GUILLELMO ABBATE.

## Epistola Willielmi Abbatis.

**G**UILLELMUS Dei miseratione Andrensis Monasterii servus, dilectis in Christo filiis ac fratribus cum eo & sub eo regularem vitam professis, tam futuris quàm præsentibus, ad quod anhelant pervenire feliciter. Vir vitæ venerabilis Andreas, merito & officio Prior Ecclesie Marcianensis, ad honorem bonæ memoriæ domini Petri Attrebatensis Episcopi, de origine gentis Francorum, de famâ, virtute, & gestis eorum duos libros præcedentes eleganter composuit, & hunc tertium feliciter inchoavit: qui quoniam ad instar Beati Hieronymi in diversis diversâ legerat, & octogenarius & amplius existens omnem ferè ætatem in Religionis exercitiis, & virorum illustrium gestis legendis & explicandis expleverat: Reges sive Duces, quos primus liber continet; ~~M~~ovingos seu Crinitos vocat: In 2. libro Reges descriptos Karlenses appellat: Tertium verò librum de Regni mutatione seu translatione ab Hugone Capet inchoat.

Et hunc quidem librum tertium per Capitula distinctum, sicut & duos priores præ manibus habemus: in cujus medio quædam incidentia quæ ad nostrum Andrense Monasterium pertinent, more præfati Prioris de industriâ plantavimus; salvis capitulis in præcedenti & subsequenti opere, videlicet de statu regni appositis: quæ omnia dum prudens lector legit, advertat ea quæ à Priore memorato composita sunt, titulo Prioris in margine signo rubeo prænotata: cætera omnia à nobis composita. Paulo superius ostensum est in Prioris tractatu, procurantibus B. Comite Flandrensi & V. Abbate S. Vedasti, quòd de Monasterio Marcianensi expulsi Monialibus, in quo trecentis annis & amplius resederant, loco earum Congregatio Monachorum successit, sicut à tempore beatæ Rotrudis sub Mauronto & Jonato sanctis Abbatibus, & eorum successoribus diversis mos inolevit, quoadusque per Regni perturbationem & terrarum destructionem tam Marcianis quàm alibi, quandoque loca Sanctorum, in multiplicem statum mutata fuerunt; & nunc Monachis, nunc Monialibus, nunc vero Clericis sæcularibus cesserunt: quandoque autem peccatis exigentibus omni habitatore caruerunt. Verùm mutationem illam de Monialibus in Monachos in Marcianensi Cænobio factam, etsi à præfato ejusdem loci Priore minùs expressam, quantum audivimus & cognovimus, & Patres nostri narraverunt nobis, volumus evidenter exprimere, & causam ipsius mutationis memoriæ posterorum medullitè imprimere.

Dum adhuc in ipso Cænobio Moniales reside-

rent, & sicut eidem sexui est inolitum, in rebus gerendis & disponendis minùs providè se haberent, quidam ejusdem loci ædituus, quem nostro more custodem vocamus, natione Anglicus, corpus gloriøse Rotrudis furtim auferre disposuit, & ad natale solum transferre, pro eo quod miraculis crebrè coruscantibus, de ejus meritis nullatenus valuit dubitare. Auctum igitur suum ad effectum perducens, & sacrum corpus cum vitâ nobilis matronæ sibi commendatum subripiens, fugam parat, terram circuit & perambulat, Gishense territorium intrat; & statim occulto Dei judicio infirmatur: sacrum corpus sub quâdam spinâ, beatæ Rotrudis hæcenus nomine vocatâ, ab eo occultatur. Moritur bajulus, & multo tempore venerabilis matronæ tam corpus, quàm vita, vel meritum ab hujus regionis incolis adhuc raris ignoratur. Tandem hujus nostri Occidentis tenebras Deus volens Marcianensi lumine misericorditer illustrare, primò quidem per lumen crecorum crepusculo & nocte meritum sub spinâ quiescentis pastoribus revelavit; postmodum per sonnia & visiones ægrotos attraxit, & optatâ sospitate donavit: ad ultimum Principem terræ Comitum Balduinum, hujus nominis primum, ad inventionem corporis sacri in corio cervino confuti, cum totâ terræ Nobilitate & promiscuâ sexûs universitate condunavit. Statim omnibus constitit adstantibus de merito thesauri inventi, tam per evidentia scriptorum indicia, quàm per miracula multipliciter patrata. Comes jubet thesaurum sublevari, & ad castrum suum Gishense transferri, & in capellâ suâ reponi, nec valet ulatenus à loco sublevari. Suburbium sui Castri ubi in ejus Abbatia Monialium Comes nominat, vovet, & Sanctæ donat; & sic iterum conatus attentat, sed in vanum laborat. Diversis interim diversa sentientibus, & multiplex consilium dantibus, de cuiusdam sapientis & antiqui consilio Comes de novo bigam jubet preparari: par boum jugo eatenus inluctum bigæ apponi & præponi, sacrum corpus bigæ superponi sine aurigæ officio subvehendum, ubicumque eum divina providentia dirigi vellet & transferri. Comiti jubenti clientela frequens obtemperat: thesaurus diu occultatus ex facili subvehitur, plautro recenti decenter imponitur, solo Deo auriga ad Capellam beati Medardi sitam super clivum, nunc infra Andrensis Monasterii septa conclusum, par boum progreditur, & ibidem immobilis Dei nutu tenetur. Thesaurus deponitur, & ibi honestè ac devotè reponitur, & ita in brevi capellâ in Ecclesiam convertitur. Inchoatam Ecclesiam Comes de suis bonis ditat & donat, Baronum & Optimatum Nobilitas donis suis Comitibus donum nobilitat, diœcesanus quoque Episcopus Gerardus in facto recenti Deum glorifi-

FFFFfij

expulsi Moniales.

B. Rotrudis corpus furtim sublatum tandem reperitur.

Ægros sanat.

Balduinus Comes illud in suam Sacellum deferri jubet, sed manet immobile.

Indomitibus bouis imposui, sine duce ad Sacellum S. Medardi deferretur.

Sacello in Ecclesiam mutato; donis viribus ditatur.

De Andrea Marcianensi Priore.

Historia conscripsit, und multa hausit Guillelmus Chronici hujus Auctor.

In Monasterio Marcianensi olim Moniales.

Quomodo



cans, factum approbat, locum veneratur & honorat; Ecclesias eidem confirmat, & tam Comitem quam subditos ejus ut Ecclesiæ promovendæ viriliter insistant, monet, hortatur & excitat.

Interea Comes sicut jam pridem in animo conceperat, cum Ingelranno domino Lilerienti & quibusdam Flandriæ Proceribus ad S. Jacobum iter arripuit, ad Karrofenſe a Cœnobium tunc temporis religiosum, & ad usus & consuetudines Majoris-monasterii informatum casu fortuito divertit, & ibidem aliquamdiu ægotans, & loci religionem & honestatem venerando admirans, de virgulto dominico plantas fructiferas ad natale solum reportavit, inter quas præminebant dominus GILBERTUS de territorio Ambianensi, de Uberio scilicet juxta Corbeiam oriundus: Enerardus quoque & Henfridus de Bethbergâ. Et hos quidem venerabilis Comes in Ecclesiâ de novo plantatâ servitio Dominico mancipavit, & Priorem eis dictum Gilbertum præfecit, in quo officio per annos aliquot religiosè præfuit, & postmodum exigentibus meritis, auctoritate Superiorum, & concordie electione Fratrum Abbatis officium strennè & viriliter diu exercuit.

Crescente paulisper religione, cum bonis spiritualibus temporalia, sicut moris est, creverunt, dum non solum de Comitatu Gifnensi, sed etiam de Boloniensi potentes & nobiles viri & mulieres prædia & facultates, nemora, redditus & censuales Deo & B. Rotrudi ad sustentationem in hoc loco Deo servientium certatim & catervatim dederunt.

Vidit hoc & invidit Balduinus Bochard Andrensis pagi dominus, & sicut bonæ memoriæ dominus Petrus hujus loci Abbas quintus, prudens, discretus, & litteratus in suo tractatu plenius describit, verens infelix ne ejus possessiones paulatim labefactarentur, & ad jus Ecclesiæ redigerentur, libellum de vitâ B. Rotrudis conscriptum felle livoris commotus excidit, miraculis detraxit: sanctitatem extinguere per libelli demolitionem putavit, & multos simplices B. Rotrudi devotos à servitio ejus precipibus & minis avertit: & tandem religiosum Comitem ad hoc induxit, ut per ignis judicium sanctum famulæ Dei corpus examinaretur: & die statuto ad hoc spectaculum totius populi universitas per edictum publicum convocaretur. Quod & factum est. Sed quidquid livor hostilis B. Rotrudi præcogitavit ad contumeliam, totum ei cessit ad gloriam; quia, sicut à venerabili Patre præfato Petro plenius digestum est, ignis sacrum os in se projectum coram omnibus glorificavit, quod infidelis vicinus quantum in se fuit, & quantum ab aliis fieri impetraverat, dehonestavit. Et hoc quidem invidiæ morbo erga B. Rotrudem & ejus ministros, totam ejus posteritatem respersam audivimus & cognovimus; qui in nostrâ ætate septimum à præfato Balduino Bochard heredem vidimus. De quibus omnibus nobis constat, quod quamdiu vixerunt Ecclesiam nostram persequuti sunt, in morte verò etiam inviti de suis eam bonis ampliaverunt. Denique per præfatum Balduinum Bochard vita Rotrudis discerpta & demolita, licet plurimis postmodum clauerit signis aliorum more Sanctorum, pauca penes nos ipsius gestorum habentur insignia; exceptis illis quæ à memorato & meritò memorando Abbate Petro veraci, & etiam eleganti stilo sunt composita.

Cur præmissa Andreas Prior Marcianensis de his omnibus, quæ tractavimus nullam prorsus mentionem fecerit in prolixo Opere

quod luculenter digessit, id esse causæ & rationis credimus, quod turpe ei & probrosum videbatur suæ Ecclesiæ desolationem per tantæ Matronæ extrâ eam translationem memoriæ posterorum transmittere, cum exinde magis alium deceat quam ipsum tractare.

Nec aliquem moveat, quod à Marcianensibus Rictrudis, ab Andrensis verò Rotrudis vocatur, quod ab illis marito sociata & multiplici sobole fecunda, à nobis autem virginittis honore beata prædicatur. Siquidem etsi per vitium Scriptorum, aut per prolixi temporis spatium in unâ syllabâ discrepamus, in Gallico tamen & Flandrensi idiomate in ejus vocabulo concordes sumus: sicut unum eundemque hominem à quibusdam Arnulphum à quibusdam Arnoldum, à quibusdam verò Ernuldum nuncupari videmus: & in vitreis Ecclesiæ Marcianensis fenestris nostrâ ætate beatam Rotrudem vocari & dipingi perspeximus, quas postmodum per habitatorum invidiam, & ut urbanius loquamur industriam, sublata & subtilius depictas oculatâ fide cognovimus. Et quod magis est, in vitâ beatæ Berthæ Blangiacensis, eidem Matronæ admodum familiaris, ipsam dominam appellari Rotrudem scimus & legimus. Si juvenili ætate marito nupsit, & ex eo prolem non tam sæculo quam Deo progeniuit, nostræ assertioni non est contrarium: quia viro defuncto secundas nuptias sprexit, ad vitam cœlibem se omnino transtulit, in sancto viduitatis proposito vitæ residuum feliciter explevit, & ita virginittis merito non carebit. Doctores enim nostri distinguunt triplex genus virginittis; quia est virginittis carnis, virginittis mentis, & virginittis professionis. In nostro autem & Marcianensium festo discordiam non video, quia ab eis in mense Maio festum recolitur corporeæ depositionis, & à nobis decimo Calendas Julii beatæ Rotrudis adventus, & duplicis translationis, quarum prima facta fuit sub Comite Balduino primo, secunda verò ab Abbate Petro tertio.

#### De Confirmatione Episcopi.

**D**Um igitur nostrum Andrense Cœnobium sub Balduino Comite & fundatore, & Gilberto adhuc Priore floreret, & præfatus Gerardus diocesanus augmento pusilli gregis in eo Deo militantis curâ pervigili & pastoralis intenderet, Pontificali auctoritate super Cœnobii fundatione, & super ejusdem libertate, super fidelium eleemosynâ & collatione, super reverentiâ Carrofenſi Cœnobio exhibendâ & subjectione, Privilegium huic loco contulit in hunc modum:

Ego GERARDUS Morinorum Dei clementiâ Episcopus, omnibus Ecclesiæ filiis in Domino **JESU CHRISTO** salutem. Notum vobis facio, Fratres carissimi, quod ego condignæ petitioni Balduini Comitis, & uxoris, sive filiorum ipsius benignè condescendens, Comitatum de Gifnes obtinentis, altare villæ, quæ vulgo *Andernes* dicitur, ad opus Monachorum Cœnobii sancti Salvatoris Carrofenſis ibidem Dei famulantium, omni exactionis debito liberum concedo, exceptis duobus solidis, quos singulis annis in Cœnâ Domini huic matri Ecclesiæ Fratres ibi commorantes persolvent. Aliud quoque altare quod dicitur sancti Martini in territorio, quod vulgo dicitur Bredenarde, concedo, non liberum, sed sub personâ. Excommunicatos verò nostros aut pœnitentes minimè recipiant. Oleum cum Chrismate à nobis per se recipiant. Quod si præfatus locus divino munere adeo pullulaverit, ut Prior aut Abbas

Quare Rictrudis & Rotrudis appellatur, & cum Andrensis virginem nuncupent.

In Marcianensi Monasterio mense Maio, in Andrensi mense Julio illius festum celebratur.

An. Chr. 1084.

Charta D. Gerardi Morinensis Episcopi de quibusdam donis.

Abbas ab Andrensis Monasterio.

nachis & Capitulo Carro-  
fensi eligantur.

Balduini Comitis & aliorum  
Nobilium donationes.

ibi constituatur, electio ejus penes eosdem Fratres & Capitulum sancti Salvatoris Carrofensis pendeat. Electus autem Episcopo Tarvenensi consecrandus presentetur, à quo suscepta benedictione ei debitam promittat subjectionem.

Præfatus etiam Comes ibidem attribuit terram de Hantengehem cum hospitibus liberam, & duas partes decimæ de Spetleca: & terram quatuor dierum in villâ Biffengehem, & terram triginta dierum apud Altenges, & apud Morlenghem, & carrucatam & dimidiam terræ apud Suaneam, & prata triginta dierum in pago Bredenarde, & Comitatum solitudinis de Gifnes, & hospitum duorum hortos apud Gifnes.

Vicecomes Elembertus donat trium dierum terram cum horto apud Gifnes. Balduinus dat triginta trium dierum terram apud Fraittum. Itemque sex dierum terram & apud Gifnes. Domelina octo dierum terram in Campaniis, & hortum unum ad Morlemgehem: Ingelrannus de Baingehem trium dierum apud Gifnes. Eustachius de Bavelengehem xviii. dierum terram & prata. Eustachius filius Frumoldi xx. dierum terram apud Campanias: & apud Buxin. Hugo Blancardus hospitem unum: apud Morelenghen Gozo de Campaniis de prædio suo quinquaginta dies. Bonardus de Gifnes hospitem unum. Alulfus filius Mauriti x. dies prædii apud Boninges: & apud Lelengehem Goisfridus de Bratmes quatuor dies terræ. Everardus totum prædium suum de Herberges. Rainewidis decimam vii. carrucarum. Balduinus filius Wifredi decimam prædii sui de Campaniis. Eustachius Frumoldi filius decimam prædii sui de Campaniis. Eustachius filius Galandi decimam prædii sui. Vandelmarius de Ardâ, & Robertus de Lotenes decimam prædii sui de Campaniis. Goisfridus de Bredenarde suam portionem. Lambertus de Cornehem partem suam decimæ de Liffzes. Item prædictus Comes sedem molendini cum stagno apud Gifnes, & pensam caseorum singulis annis. Balduinus viii. dierum terram, & ancillam unam cum filiis.

Quoddam aliquis hanc libertatem studuerit violare aut in rebus hujus loci datis ac dandis invasionem fecerit, donec Deo & Fratribus illis satisfecerit, anathema sit. Actum est hoc anno Incarnationis dominicæ M. LXXXIV. Ind. vii. tempore GREGORII Papæ VII. Regnante PHILIPPO Francorum Rege anno xxvi. dominante ROTBERO Consule. Anno præsulatus Gerardi primo, testibus iis præsentibus.

Ego GERARDUS Episcopus subscribo.

Signa Arnulfi Archidiaconi.

Sancti Joannis Abbatis, sancti Giroladi Abbatis, S. Audoeni Abbatis, S. Milonis Decani, S. Odonis Custodis, S. Hameri, S. Bernardi, S. Normanni Decani, S. Fulcardi Decani, S. Lamberti Decani, S. Gorbetti, S. Ernulphi de Ardâ, S. Ernulfi de . . . S. Elemberti de Marænes, S. Hermari, S. Balduini filii Wifredi, S. Eustachii filii Frumoldi, S. Hugonis Blanchardi, S. Guidonis.

Relatio Domni WILLELMI Abbatis de Authentico Fundatoris.

Comes quoque Balduinus super aisiamento in Caplude de Hottinghem à nobis & nostris in perpetuum habendo, & hoc quantum nobis posset sufficere, super libertate Capellæ de Gifnes, & omnibus ejus pertinentiis, super stagno de Gifnes, & Bosco de Hottinghem cum ejus appenditiis, super terris, sylvis, redditibus, servis & ancillis à se

& à suis hominibus datis; super quibusdam elemosynis in terrâ Boloniæ & de Merch similiter collatis, pro eo quod allodia fuerunt, & eorum datores sigilla non habuerunt; super legatis quæ à suis Baronibus dari possent in posterum, à singulis scilicet usque ad unam carrucatam terræ, vel usque ad centum solidos publicæ monetæ, Chartam nobis contulit, & à suo primogenito Comite Manasse, jam propter patris senium herede & successore, conferri & confirmari fecit in hunc modum:

In nomine sanctæ & Individuæ Trinitatis Patris & Filii, & Spiritus sancti. Quoniam veri assertione satis atque satis compertum est hoc, nequam scilicet exarescere, ejusque gloriam tempore temporis subrepente evidenter decretere; quod autem gravius est, suos sectatores ad infernalium tormenta deducere, gratiâ Spiritus sancti suggerente quidam sanctorum Patrum sequaces, hunc talem mundum constanter decreverunt postponere, ac salubri consilio inito, consortio Monachorum adherere, secum quoque sagaciter in honore sancti Salvatoris Carrofensis res suas pro se suisque antecessoribus Cœnobio, quod est in villâ quæ nuncupatur *Andernes*, ad opus Monachorum ibidem Deo servientium conferre: quod rei effectui boni propositi tenaces per misericordiam Domini adimplevere; quorum primus Balduinus Comes Gifnensis præfato loco capellam Beatæ Mariæ in Castro Gifnensi sitam cum appenditiis suis, videlicet duas mansiones in Castro supradicto, & terram de Hantingahem cum sylva, & decimâ, & comitatu, & duas partes decimæ de Spetleca, & terram quatuor dierum in villâ Biffengehem; & terram triginta dierum apud Altenges, & apud Morlenghem viginti: & apud Suavecam<sup>b</sup> tres carrucas terræ cum omnibus appenditiis, & prata triginta dierum in pago Bredenarde, & Comitatum solitudinis, & hospitum duorum hortos extrâ castra, & Comitatum de Herchehem, & supradictis locis.

Item, Comes præfatus sedem molendini cum stagno apud Gifnes, & decimam suæ terræ apud Stornes. Item; ad obitum uxoris suæ dedit & concessit Monachis Andrenensis Ecclesiæ, quatenus de palude de Ostinghehem quantum ad opus suum in perpetuum scirent sufficere posse, acciperent. Concedentibus filiis suis Manasse, Fulcone, Hugone, Widone & Mathilde; coram iis testibus Goisfrido Parisiensi Episcopo, Ida Boloniensi Comitissâ, Ernulfo de Ardâ, Elemberto Vicecomite, Maurilio & Alulfo filio ejus, Hugone Blanchardo, Balduino filio Wifridi, Balduino Boiardo, Hermaro de Campanias, Eustachio de Banelinghem, Lamberto de Cornehem, Hugone de Surches, Eustachio filio Galandi, Goscelino Castellano de Ardâ, Eustachio filio Frumoldi & multis aliis.

Elembertus quoque Vicecomes dedit trium dierum terram cum horto apud Gifnes, & apud Curtelon xx. dierum terram cum Comitatu, Balduinus filius Wifridi dedit triginta trium dierum terram apud Fraittum cum comitatu, concedente Balduino Comite: Itemque vi. dierum terram apud Gifnes, & decimam prædii sui de Campanias, & Emmam cum filiis suis, & Comitatum unius hospitis apud Hostinghem, concedente præfato Comite. Domelina octo dierum terram, & hospitem unum ad Morlinghehem: Ingelrannus de Baingehem trium dierum terram apud Gifnes. Eustachius de Bainlingehem viii. dierum terram ad Wilram; & si absque filiis mortuus fuerit, totum prædium suum & pecuniam, & terram censualem concessit. Præsentem

1084.  
Charta Bal-  
duini Comit.

b

1084.

Alia ejusdem  
Balduini do-  
na.

<sup>b</sup> *Suavecam* ] In Chartâ Gerardi non *Suaveca*, sed

*Suaneam* dicitur, & infra in Charta Manassis *Suaneloc*.

B. Comite, & iis testibus Goiffrido Watart, Hugone Blanchard, Goiffrido de Brames, Everardo Bera.

Eustachius filius Frumoldi totum prædium suum cum sylvâ apud Campanies, & decimam ejusdem prædii. Mathildis uxor ejus xii. dies ad Buxim coram testibus iis, Roberto de Lotersâ, Goscelino, Hermaro ejusdem villæ, Baldemino de Stambeccâ, Goiffrido Blouel, Walberto de Andernes. Item, Hugo Blanchard hospitem unum apud Morlingehem, & partem suam sylvæ apud Dippendalam cum Comitatu, annuente Manasse Comite: presentibus Balduino filio W. Ernulfo filio Blanchardi, Arnulfo de Bonimges, Galando de Lifces. Gotfo dedit seipsum, dedit etiam totum prædium, & decimam ejusdem prædii, & sylvam, & mansum suum liberum; presente B. Comite, & supradictis testibus. Eustachius filius Hugonis fecit similiter. Bonardus de Gifnes ibidem hospitem unum cum Comitatu, & uxor ejus Gerberga attribuit seipsam cum pueris suis; presente B. Comite, Ingelranno de Savigehem, Gerolffo fratre ejus, Goiffrido fratre ejus. Aulfus filius Mauriti totum prædium suum de Lilingehem & de Boninghes dedit.

Elimbertus Vicecomes & sorores ejus dederunt ad obitum patris totum prædium eorum in eisdem villis: Winemarus & Hermarus frater ejus & sorores & nepotes eorum dederunt partes suas ejusdem prædii: Goiffridus de Bratmes quatuor dies ad Aldenchovam: Everardus de Herberghes totum prædium suum: Ranendis & filii ejus totam decimam prædii sui ad Campanies: Adeia uxor Wandelmari, & pueri eorum decimam prædii ad Campaignes: Rotbertus de Lotersâ & filii ejus similiter ad Campanies, & duos dies terræ apud Spetlecam: Lambertus de Tornchem partem suam decimæ de Lifces: Fulbertus de Cukehonâ seipsum dedit, & ex prædio suo xl. dies terræ, ac dimidium moleninum in villâ quæ Terclingehem dicitur, atque filii sui Lambertus, Frumoldus, Fulbertus, Wlvicus, Almarus de Bredenarde Blachus seipsum dedit, & totum prædium suum cum pomærio ac domo, presente B. Comite, & Judicibus, Otberto, Elbodone, Paulo, Balduino Cubalt, Heldebrando, Godeberto Grosso; isdem Godebertus duas matas terræ: Cunegundis in eadem villâ totum prædium suum cum domo ac pomærio: Godennara soror Heldebrandi prædium suum, & post mortem pecuniam suam cum domo, coram supradictis Judicibus: Goiffridus Blonels dedit duodecim dies terræ ad Herberghes assensu Comitatis, presentibus Elimberto Vicecomite, Balduino filio Wf. Frumoldo de Cukebovâ, Hermaro Infant. Hugo Denelingehem seipsum dedit & totum prædium suum: Raimerus del Bruc, & Segechms uxor ejus dederunt seipfos, & totum prædium eorum, & Comes B. Comitatum prædii Rameri. Balduinus de Hosterimich dedit terram quam tenebat de Comite Gifnenli ad Landringetum, & Comitatum: Sconeheldis de Lulingehem dedit seipsam, & totum prædium suum ad Herkehem, & ad Nicles: & Prior Gilbertus cum Capitulo prædium illud cambivit Rotberto filio Kefdrôn, pro feodo quod tenebat de Bojardo de Andernes: hoc feodum accepit isdem Rotbertus à Priore in feodum cum Comitatu, concedentibus Balduino Comite, B. Bojardo, Ernulfo de Arda, Eustachio de Banelingehem, Goiffrido de Bratmes.

Emma uxor Rameri Caballi dedit hospitem unum ad Nicles, & decimam prædii sui ad Campanies.

Willelmus de Odingehem & filii ejus dederunt decimam prædii sui, in eadem villâ: Frethefendis de Dite sacra & filii ejus, dedit decimam prædii sui in eadem villâ: Goiffridus de Bredenardâ, & Galandus frater ejus, & Sorores ejus, ad obitum matris eorum dedit terram cum decimâ quam tenet Riholdus ad Campanies, & Comitatum; concedente Eustachio filio Galandi, & terram de Ynznes cum decimâ, iis testibus, Eustachio prædicto, Godeberto Grosso, Eustachio de Malkettech, Wilone de Bredenardâ, & fratribus ejus. Prior Gilbertus emit à Roberto de Jorin quindecim dies terræ quam habebat ad Wesioc, cum Comitatu Tribus martis, concedente B. Comite. Item, emit à Gotuino & uxore ejus, & fratribus, & filiis ejus terram quam habebant ad Cusebronam vi. libras & x. solidos: Mauritius de Gifnes dedit sex dies ad Hostingehem, & Eustachius de Lotersâ, & Hermarus Infans dederunt Comitatum, concedentibus B. Comite, & Arnulfo de Ardâ: Eustachius filius Galandi, & Robertus frater ejus, dedit tres dies in eadem villâ: Rogerus & Heldelina filia ejus dedit terram quam Burgardus tenuit ad Campanies, & terram quæ jacet suprâ domum Frethemeri in solitudine, & octo dies ad montem Campanies, & sylvam de Brokesholâ. De hac terrâ Normannus decimam quam tenebat dedit, & iterum à Priore cum terrâ recepit, unoquoque anno in vitâ suâ duos solidos persolvens, post mortem suam libera erit: Emma Vicecomitissa dedit tertiam partem duarum partium decimæ de Bocretes, & partem suam sylvæ ad Landringehem: Orbertus Wiscardus, & filii ejus, & frater ejus Otgrinus, duos dies, & unum ad Catiniers, & receperunt viii. denarios singulis annis.

Hæc dona supradicta attributa sunt sancto Salvatore, & sancti Rotrudi ad Andernes, vivente Balduino Comite Gifnenli & concedente, & concedentibus filiis ejus Manasse, Fulcone, Widone, coram istis testibus, Arnulfo de Ardâ, Wandelmaro, Ernulfo de Lodebronâ. Hoc autem totum factum est in generalibus placitis apud Gifnes presentibus Militibus & Laicis regionis Gifnenlis, & unusquisque supradictorum testis est doni alterius.

Nunc autem nobilissimus Comes Manasses filius Balduini Comitatis Gifnenlis, Spiritus sancti gratiâ illustratus, & beneficio patris sui compunctus, concessit ut unusquisque Militum suorum usque ad carrucatam unam S. Salvatore & S. Rotrudi, vel usque ad centum solidos redditus liberè attribuat: Hoc autem dedit in manu domini Petri Carrofenis Abbatis coram Militibus suis. Ipse Comes hospitem unum dedit cum Comitatu ad Marchenes: Stephanus de Campanies totum prædium suum cum sylvâ, presente M. Comite, & Arnulfo de Ardâ, Balduino Wif. Aulfo filio Mauriti, Hermaro & Eustachio de Banelingehem, Balduino de Ostreuvie: Eleburgis uxor Gerardi de Burnulvilla vivens & incolamis dedit diuidium prædii sui de Senlis; & vir ejus concessit deditque Comitatum prædii coram Balduino de Ostreuvie, & Gotfone fratre ejus, & Hugone filio Engelberti, Amarlico de Erlehem, Amarlico de Ifeca: Robertus Clericus de Aldenehem, & Hemfridus frater ejus dedit post mortem suam prædium suum de Aldenehem: Eustachius de Jorin prædium suum, & in vitâ suâ habet pro octo nummis, singulis annis: Beldeardis soror ejus similiter, & pro censu dedit duos dies. Telboldus de Cofobronâ similiter, & octo dies terræ li-

Comitis Manasses & a. o. rum oblationes.

berè dedit : Hermarus & Winemarus frater ejus & sorores eorum ad obitum patris decimam prædiorum suorum ad Campanies , & duos hospites cum terrâ eorum dedit : Hermarus Comitatum dedit , concedente Comite : Balduinus Bojardus ad obitum uxoris suæ decimam allodii sui de Campanies , & octo dies ; quatuor tenet Fretemerus , & quatuor Balduinus de Spetleçâ : iterum dedit tres dies & unum pratum ad Andernes , atque omnem post mortem pecuniam suam : Eustachius de Malkefbeck , & Tetfendis mater ejus , dedit duos dies ad Campanies : Gotfridus de Saninghehem vendidit Priori Gisleberto & Monachis de Andrens totum prædium suum in eadem villâ VII. fertis & uno equo ; præsentibus Hugone de Scules , Ingelramno de Sauvinghehem , & multis aliis : Bonardus de Gifnes & Terbergua uxor ejus , & pueri eorum , partem suam ejusdem prædii similiter vendidit viginti solidis & duobus bobus , & unâ vaccâ : Willelmus de Hames dedit totum prædium suum ; & Alelmus frater ejus habet prædium de Hames unoquoque anno pro quatuor solidis : Eustachius filius Galandi dedit prædium de Curte bonâ , & habet unoquoque anno pro XII. sol. den. Wido de Elembom dedit feodum quod ab eo tenebat Geroldus de Sanningehem pro III. fertis argenti , & cifo uno mazerino : Testibus istis , Fulcone fratre Comitum , Gotfcelino de Oderâ , Ernulfo de Sancto Bertino , & Manasse fratre ejus , Orberto , Wiscardo , Hugone de Morchamp.

Hæc dona supradicta attributa sunt S. Salvatori & S. Rotrudi de Andernes , in præsentia Comitum M. concedentis , & in generalibus placitis apud Gifnes , præsentibus Militibus & placitum observantibus regionis Gifnensis. Si quis verò hæc dona violare studuerit , aut in rebus Andrensis loci datis ac dandis invasionem fecerit , donec Deo & Fratribus prædicti loci satisfecerit anathema sit. Actum est hoc Anno Incarnationis Domini M. LXXXIV.

*De morte Adela Comitissæ fundatricis nostræ.*

**I**N ipsâ autem novitate foundationis nostræ Ecclesiæ mortua est venerabilis Comitissa Adela , uxor Fundatoris , & ipsa devota Fundatrix , & tam in consilio quàm in auxilio fidelis auxiliatrix , & à piæ memoriæ domino Gisleberto Abbato & pusillo grege , præsentem marito & filiorum numerositate , necnon & Procerum multitudine in Capitulo tumulatur. Evolutis postmodum circiter annis septem , nobilissimus Balduinus Comes senex & plenus dierum migravit ad Dominum , & juxta uxorem suam honorificè sepelitur. Post cujus mortem Manasses filius ejus , qui & Robertus à Roberto Flandriæ Comite sic vocatus , patris devotioni fideliter adherens , & quod minus à patre nobis datum fuerat de suo supplens , in Bredenardâ , in Rivariâ , & aliis terræ suæ partibus quædam à patre suo data confirmavit , quædam de novo dedit , & maxime totam pasturam Andrensi vico subjacentem nobis indulgit , & sub hac formâ confirmavit.

In nomine Patris & Filii & Spiritûs sancti , Amen. Impetrandi facultatem justis petitionibus fidelis quilibet devotâ debet accommodare , ut & ipse peccator veniam vitamque perpetuam à Domino valeat facilius impetrare. Quod ego Manasses Dei gratiâ Gifnensium Comes mente revolvens , & utilitati simul & quieti Deo famulantium imposterum prospiciens , ad petitionem domini Gisleberti primi Abbatis Andrensis Cœnobii cuncta quæ eidem Ecclesiæ sancti Salvatoris tam à me quàm à prædecessoribus meis , vel Baronibus , seu quibuscumque personis data vel in futurum danda sunt , perpetuè ejusdem loci Abbatibus vel Monachis , unâ

cum uxore meâ Emma & filiâ Rosa , absque quâlibet inquietudine concedimus possidenda : terram de Antingalem cum hospitibus liberam , & Comitatum & boscum. Terram in villâ Bissingahem : terram apud Altinges : apud Morlingahem terram cum Comitatu : apud Svanelces tres carrucatas terræ omni consuetudine liberas , cum omni Comitatu , & hospitibus & aquâ : juxta Turnehem xxx. mensuras sylvæ : in Bredenardâ triginta dierum , & Comitatum solitudinis de Gifnes : hortos duorum hospitum apud Gifnes : Comitatum de Herchem , & locum molendini cum stagno apud Gifnes : decimam terræ quæ jacet in Parrochiâ sancti Martini de Scelines : terram juxta Pithem in solitudine omnino liberam cum Comitatu : apud Martnes unum hospitem cum Comitatu.

Concedimus etiam ut unusquisque Militum meorum usque ad unam carrucatam terræ , vel usque ad centum solidos de feodo suo , si voluerit liberè attribuat in Parrochiâ Andrensis : terram Balduini Bozzard : Comitatum & terram Gimfredi filii ejus cum Comitatu. Omnem Pasturam Henrici de Campanies omnino liberam : apud Herchem terram Sunahildis cum hospitibus & Comitatum : terram Rambaldi cognomento Rabolo & Comitatum. Apud Banelingahem & Ruham totum allodium Eustachii , terram , pratum , hospites , aquam , boscum , suam partem molendini & Comitatum : apud Wiberti culturam terram Hathenmf de Bavelingahem. In villâ Otiugahem totum allodium Ingelramni de Bahingahem , terram , pratum , boscum , aquam. Terram Mauriti in eadem villâ & Comitatum. Terram Gozzonis in eadem villâ : apud Gifnes terram cum horto quam dedit Elembertus Vicecomes , & apud Curtello terram quam idem dedit cum Comitatu. Terram Balduini filii Wifridi cum Comitatu. Terram quam idem dedit apud Frautum cum Comitatu. Terram Ingelramni de Baingahem apud Gifnes : terram Geceberge apud Gifnes & Comitatum. Terram Balduini Bozzard apud Frautum cum Comitatu. In villâ de Niele terram Immæ & Svanaildis cum hospitibus & Comitatu. In villâ Bissingahem terram cum uno hospite & Comitatu. Apud Herberges terram Gislebergæ filiorumque ejus Everardi & Rodulphi. Terram Seimari & Alolphi fratris ejus in eadem villâ. In villâ de Seiles terram Alleburch Vicecomitissæ. In villâ de Hames terram Willelmi & Alelmi : in villâ Helbetingehem , & apud Raventum allodium Walteri : ad Tertingahem terram Fouberti de Sceltun , & molendinum in Parrochiâ de Odingahem. Terram Colonis de Filnes. Ad Overingahem terram Altaldi. In villâ Buxin terram Mathildis. In villâ Ellingatun dimidiam carrucatam terræ Athalaidis de Filnes , & quam eadem dedit apud Bucetes , Garinus ejus filius dedit quidquid habuit in Comitatu Gifnensi à summitate montis de Filnes , terras , boscos , vasafores , hospites , servos & ancillas , & unum molendinum apud Bucetes.

In villâ Wadingatum terram unius hospitis ; terram Balduini Presbyteri apud Pithem & Bissingahem. Item , apud Bucetes unam carrucatam terræ , quæ cambiata ab Hugone Malonitino , omnino liberam cum Comitatu : decimam quam dederunt Imma Vicecomitissæ de Marcnes , & Athalaidis de Filnes : in eadem villâ duas partes decimæ de Sperleçâ. In Parrochiâ de Campanies terram Gufridi de Bredenardâ cum hospitibus & bosco : terram Rodulphi Penard cum hospitibus : terram Walteri de Elingahem : terram Hermari Barbatum cum Comitatu & decimâ : terram Heremari filii ejus : terram Eustachii de Malceberge , & Tecendis matris ejus , decimamque dedit Robertus de Lutesse : terram He-

G G G g g

Tom. II.

Adela Comitissa in Capitulo Monasterii sepulta : deinde Balduinus Comes Gifnensis.

1084.



Femari de Banelingahem : terram Balduini filii Guffridi cum decimâ : terram quam dederunt Guffridus Penard & fratres ejus Rodulfus & Hugo , & mater eorum Ramuennif : terram Hatgennif filiae Frumoldi. Comitatum quem dedit Eustachius de Banelingahem de terrâ & hospitibus sancti Salvatoris in Campanies. Terram Macelinæ , & sororis ejus cum decimâ.

Item , in Campanies & apud Eufnes terram Gozzonis cum bosco & decimâ : decimam quam dedit Robertus frater Gozzonis de terrâ suâ : totum allodium Eustachii nepotis ejus cum Comitatu & decimâ : decimam de Campanies , quam de allodiis suis Willelmus de Odingahem filique sui Rainewif & Frethesindis , filique eorum , Balduinus & Imma soror ejus , Athala uxor Wandelmari filique earum Rainerus de Bredenarda , & Herlindis uxor ejus , participes eorum , Hathewif de Pernes & filii ejus , Odewinus cum allodio suo , Walterus cum allodio suo , Stephanus filique ejus. Athalaidis & Hermingardis cum omni allodio suo , Hermarus Buca cum omni allodio suo , Winnemarus Crassa-vacca cum omni allodio suo Deo & Ecclesiæ Andrenensi concesserunt : decimam quoque partem quam Rotgerus & Eldelma filia ejus dederunt de terrâ quam Normanus tenuit , & ipsam terram. In villâ de Buchont terram & hospites : in villâ de Landregatum terram Balduini cum Comitatu : in Bredenarda terram Guffridi cum domo & curte , terram quam dedit Tecendis soror Guffridi , & filius ejus Manasses. Comitatum verò illarum duarum terrarum dedit Comes Gifnensis , & Vavassor ejus Manasses filique ejus , Terram Almari Albi : terram alterius Almari & sororis ejus Meidin : terram Cunegundis : terram Almari cognomento Hanroch : terram quam dedit ad Pullingahone Almarus & uxor ejus filique eorum : terram quam dedit ibidem Godennara : terram quam dedit Ramgerus Swalenne & uxor ejus , & filius eorum Bernardus Presbyter , & filius ejus Joseph. Terram quam dedit Gentefma uxor Alerici pro animâ filii sui Guffridi : in villâ Calvestert terram Ermengardis uxoris Balduini Bozzard : terram Hetemari , Alolphi , Winemari & Clarbordi in villâ Lillingahem. Item , in villâ Hunninges terram quam præfati quatuor dederunt : terram Godefridi in Munecehoue cum uno hospite. Apud Weshuc terram ad unam carrucam , quam dedit Fegecina cum bosco & pratis. In villâ de Surles terram Regemari & Walburgis neptis ejus , cum pratis & bosco. Apud Aldenhem totum Allodium Hemmari Buca. In villâ de Jurin terram quam dederunt Eustachius & Heldegardis soror ejus , Balduinus , Adam Guffridus & Cono cum hospitibus & prato & bosco : totum allodium quod dederunt Hemfridus de Jurin & Baldricus filius ejus , participesque eorum Petrus & Gunfedus. Item , in villâ de Suanekes terram quam dederunt Orbertus de Reclâ , Lambertus , Robertus & uxores eorum Godegildis & Helizabeth , & sorores earum Christiana , Agatha , Athela , liberam cum Comitatu. Terram quam dedit Balduinus Calvus in eadem villâ. Item , in Bredenarda terram quam dedit Godebertus. In villâ Oia terram Walteri Monachi. Decernimus itaque ut quicumque Militum meorum voluerit eidem Ecclesiæ de feodo suo quantum supra diximus , liberè attribuat. Firmiter etiam statuimus ut nullas successorum meorum vel hominum ejusdem Cœnobii homines liceat ad suam vel cujuslibet laicalis personæ justitiam cogere nisi ante Abbatem , vel coactivam petitionem seu incisuram super ipsos instituere , vel animalia eorum suis servitiis mancipare , vel quolibet ex eorum substantiis auferre ; sed omnia prænominata , & omnia ad idem

Monasterium pertinentia sub potestate & justitiâ Abbatis & Monachorum libera omnino in perpetuum permaneant. Quicumque igitur hanc Chartam in aliquo confregerit , tamdiu omni possessione suâ careat donec prædictæ Ecclesiæ per omnia satisfaciatur , & Comiti Gifnensi centum libras argenti persolvat. Et ut cuncta rata persistant , Chartam ipso sigillo nostro & Baronum meorum testimonio signare curavimus.

*De constructione Domus Eleemosynaria.*

**D**Um adhuc venerabilis Abbas Gillebertus cum pusillo grege sibi commissio religiosè viveret , & paupertate suâ pro spe cœlestium divitiarum contentus esset ; quidam potentes & nobiles de suis abundantis ejus & sui gregis inopiam contendebant alleviare , & diversam substantiam tam rerum mobilium quam immobilium certatim Christi pauperibus erogare : sed ipse ut verè pauper spiritu divitiis fastidians & suspectas habens , multa sibi collata , quæ etiam videbantur pretiosiora , ad opus pauperum peregrinorum , & de regno in regnum , & de gente ad populum alterum transeuntium , statuit delegare , & liberaliter deputare. Quo studio & fervore charitatis accensus Warinum quemdam nobilis cujusdam matronæ Athelaidis de Fielnes filium , qui omnia allodia quæ in Comitatu Boloniensi habuit ad Ecclesiâ de Wasto per instantiam sanctissimæ matronæ Idæ Comitissæ de novo fundandam dispererat , & omnia similiter allodia quæ in Gifnensi habebat Comitatu , ad cujus Monasterii constructionem reservabat , in fratrem & Monachum recepit , & juxta portam Monasterii hospitale pauperum faciens , terras & redditus ab eo oblatas ut exinde Christi membra sustentarentur , instituit. Cui etiam Hospitali suum quondam commilitonem Everardum , de quo superius mentio facta est , Eleemosynarium præfecit ; & quæ ad usus pauperum à fidelibus sunt collata , vel ab eo instituta , sive à præfato Eleemosynario acquisita scripto mandare & posterorum memoriæ transmittere studuit in hunc modum :

*Relatio Domini Gilleberti Abbatis de materiâ prædictâ.*

**N**E aliquorum cupiditate vel improbitate ea quæ in largitione fidelium Ecclesiæ Dei concessa sunt , amplius valeant inquietari vel amitti , ego Gillebertus Dei gratiâ Andrenensis Ecclesiæ Abbas notifico : Quod Manasses Dapifer Comitis Gifnensis , Deo & sanctæ Rotrudi ad eleemosynam pauperum quatuor mensuras terræ tradiderit , Balduinus quoque filius Guffridi Monachi duas mensuras terræ. Testes hujus largitionis sunt Evervinnus Vicecomes , Paulus Scabinus , Gaufridus Scabinus , Manasses , Ermennardus , Emfridus , Ernulfus de S. Bertino , Elembertus Panetarius , Galant : Mauritius quoque de Hamnes duo diurnalialia terræ dedit ad eandem eleemosynam iis præsentibus , Willemo , Godeberto. Hathannif uxor Hermari de Bavelinghem tradidit tria diurnalialia terræ , attestantibus Eustachio , & Balduino filiis ejusdem Hathannif , Gisleberto de Ardâ , Gunfrido Dranelce.

*Item de eodem.*

**N**Otificare verò volumus omnibus Ecclesiæ tam præsentibus quam futuris fidelibus , quod Everardus Monachus Eleemosynarius à Giffredo filio Gunfredi emit terram de Tunrept illam quam ibi habebat ; & hoc concessit frater ejus Eustachius. Ita quod ipsi duo fratres Gifredus & Eustachius reddiderunt eam terram Henrico , à quo tenebant & habebant terram : ac ipse post illos concessit terram

Gillebertus Abbas munera sibi oblata pauperibus & peregrinis largitur.

Gillebertus ex Nobilibus cujusdam facti Monachi facultatibus hospitium pauperibus & peregrinis suscipiendis idoneum prope Monasterii fores constitui jubet.



1114.

liberam & absolutam ab omnibus Ecclesiæ sancti Salvatoris & sanctæ Rotrudis & eleemosynæ : & ita in nomine Domini imponendo manum super altare fecit donum , videntibus & audientibus Rainaldo Abbate Ecclesiæ , & Guidone Monacho , & ipso Everardo Monacho supradicto , Eustachio de Banelingem , Balduino fratre ejus , Hermerio Bloel , Gamberto de Fonte , Gifredo filio ejus , Hugone Invento , Alcardo & filio ejus : & videntibus & audientibus supradictis Fratribus Eustachio , & Gifredo , & Fulberto de Valle , & Garnerio , aliisque hominibus multis. Anno M. c. xiv. factum est hoc sub Manasse Comite. Eustachius autem de Cuttabronna & Robertus frater ejus , necnon & participes sui , boscum qui dicitur Foringefard sancto Salvatori & sancto Rotrudi ad prædictam pauperum eleemosynam pro remissione peccatorum suorum dederunt. Cujus rei testes sunt , Balduinus de Liskes , Manasses Dapifer , Eustachius , Rotgerus filii Cononis de Filnes , Hermarus Butze , Wido de Sauningahem , Guffridus , Mauritius frater ejus , Arnulfus , Everardus de Cortebronna , Wido de Malkeberc , & multi alii.

*De Dono Domini Warini de Filnes.*

**W**arinus autem filius videlicet dominæ Adelaide de Filnes , die quo domina Adelaide mater ejus sepulturæ tradita est , omnia sua quæ in orientali parte montis de Filnes fuerunt , scilicet terram in villâ nuncupatâ Bocardes , molendinum ejusdem villæ , Milites , sylvam quæ dicitur Lantershont , ceteram sylvam , & plana omnia quæ jacent in orientali parte viæ maris inter Mas & mare fluens , videlicet inter Witzand & Donra , servos & ancillas , ceteraque omnia ad eum pertinentia , sancto Salvatori & sancto Rotrudi pro remedio animarum antecessorum & remissione peccatorum suorum , ad eandem pauperum eleemosynam perpetim libera tradidit , vivente domino Gisleberto præsentis Ecclesiæ primo Abbate , præsentis Manasse Gifnensium Comite. Cujus largitionis testes sunt Hemfridus Decanus , Rodulfus Presbyter cognomento Norman , Balduinus de Pitthem , Reinardus de Campaniis Presbyteri , Arnulfus de Ardâ , Balduinus de Osterwic , Guffridus de Campaniis , Henticus frater ejus , Wido de Elemberto , Balduinus de Liskes , Eustachius de Curtebronna , Hugo Malvoisin , Elembertus Vicecomes , Rotbertus de Hammes , Eustachius de Banelingahem , Hemfridus Lupus , Otgrun de Catfers , Hugo de Furno , Berennoldus de Catfers , Balduinus candidus de Lo , Manasses Dapifer , Hugo de Dirlingatun , Wilhelmus Litteratus , Lidbertus de Funtenes , Hermarus Bloel & multi alii hujusmodi donum videntes & audientes tam Clerici quam Laici.

Eustachius enim filius Cononis de Filnes , Comitatum terrarum quas Warinus prædictæ pauperum domui dederat , ipsi domui in manu Everardi Eleemosynarii consuetum pro trium annuali polkinorum frumenti redditu manu sub firmâ contradiidit , & frumentum in villâ Bokerdes ante vigiliam Nativitatis Domini reddetur. Terræ verò sunt , scilicet quæ ad Warani partem contingent , terra quæ fuit Ranulfi , & terra quæ jacet in villâ Ellingatun , videlicet in Comitatu ipsius Eustachii. Testes sunt Normannus Decanus , Wilhelmus Clericus , Guffridus Presbyter , Rotbertus de Hammes , Lulibertus , Cono de Funtenes , Anselmus , Wilhelmus fratres Eustachii , Rotbertus de Markia , Hemfridus Lupus Gocelimes , Florentius de Floringesele , Balduinus filius Ulrici , Godefridus de Busco , Berenvoldus de Filnes , Guffridus , Almarus de Erningasten , Reinerus de Numahona , Hugo de Lockingahem , Bal-

*Tom. II.*

duinus de Atlingahem , & multi alii. Actum est hoc anno Incarnationis Dominicæ M. c. vii. super Motam in Buro suo.

Hoc autem concessit Manasses Gifnensium Comes & Comitissa , taliter , ut si guerra inter eos erit , census ipsi reddetur Comiti in lecto suo sedenti ; à quo Comite prædictus Eustachius Comitatum jamdictum tenebat in feodo. Hujus verò concessionis & doni fuere testes apud Gifnes , videlicet in camerâ supradicti Comitis , Eustachius de Liskes , Rotbertus frater ejus , Arnulfus de sancto Bertino , Manasses frater ejus , Eustachius de Banelingahem . Hugo Malvaisins , Stephanus de Diffreca , Berennoldus de Scames , Hildebertus , Manasses de Turnahem , Sichardus de Calhem , Elembertus Panitor , Folquinus longus , & multi alii. Eustachius de Filnes terram quæ ad suam partem contigit sub firmâ manu dedit per duas firtalas frumenti , & quinque firtalas avenæ , duodecim nummos Everardo Eleemosynario. Nomina servorum necnon & ancillarum omnium quos præfatus Warinus prædictæ Dei & pauperum domui dedit , hic notantur , Doda filia Herberti , Willemi filii sui Adeliz , Haduidis , Gerbergæ filiarum suarum , Emma , Guntfridi , Sinvoldi , Gerberti , Frethesindis matris eorum , Geilæ , Doda sororum suarum , videlicet de Bobardes. Denarium autem unusquisque eorum , & unaquæque earum annuatim , videlicet sancti Stephani prædictæ domui persolvent , tempore nuptiarum denarios duodecim , & in obitu duodecim.

In nomine Patris & Filii & Spiritûs sancti. Amen. Notum sit omnibus tam Clericis quam Laicis , quia ego Eustachius filius Cononis de Filnes Comitatum terrarum , quas Warinus cognatus meus Andernensi Ostellariæ dederat , ipsi Ostellariæ in manu Everardi Eleemosynarii pro quinque polkinis frumenti per singulos annos reddendis manu sub firmâ dono , eâ divisione ut frumentum ipsum in villâ Bockerdes ante vigiliam Nativitatis Domini reddatur. Terræ quæ ad Warini partem contingerent sunt istæ , scilicet , terra quæ fuit Ranulfi reddens tres firtalas , & terra quæ jacet in villâ Ellingatun reddens duas firtalas , quæ in Comitatu meo jacent. Testes sunt Normannus Decanus , Wilhelmus , Clericus , Guffridus Presbyter , Rotbertus de Hammes ; Libertus & Cono frater ejus de Fuhtenes , Anselmus , Wilhelmus fratres mei , Robertus de Marchia , Henfridus Lupus , Bocelinus , Florentius de Floringesele , Balduinus filius Ulrici , Godefridus de Bolco , Berennodus de Filnes , Guffridus Almarus de Erningahem , Berennoldus Reinerus de Nunniahona , Hugo de Lokingahem , Balduinus de Antingahem & multi alii. Actum est hoc anno Incarnationis Dominicæ M. c. xvii. super Motam meam in Buro meo.

Hoc autem concedit Manasses Gifnensium Comes & Emma Comitissa sedentes in lecto suo , eâ divisione , si guerra inter eum & me fuerit , census ipsi reddetur Comiti , à quo Comite ego Eustachius Comitatum jam dictum teneo in Feodo. Hujus verò concessionis & doni sunt testes apud Gifnes , videlicet in camerâ supradicti Comitis , Eustachius de Liskis , Robertus frater ejus , Arnulfus de S. Bertin , Manasses frater ejus , Eustachius de Banelingahem , Hugo Malvoisin , Stephanus de Diffreca , Berennoldus de Scames , Hildebertus , Manasses de Turnahem , Sichardus de Calhem , Elembertus Panitor , Folquinus Longus & multi alii.

Item , ego Eustachius filius Cononis terram quæ ad meam partem contigit in villâ de Bocherdes jacentem , manu sub firmâ jamdictæ Ostellariæ in manu supradicti Eleemosynarii do per duas firtalas frumenti , & quinque firtalas avenæ , & duodecim

G G G g ij

1107.

Charta Domini Eustachii de Filnes, super dono domini Warini.

1117.

nummos per singulos annos reddendos. Testes sunt Rothgerus, Anselmus, Willelmus fratres mei, Lambertus Borenges, Reinerus de Nunichova, Tiboldus de Floringesele, Hugo de Surdes, Balduinus Plaiart, Bennoldus Miles, Robertus de Bulcen, Lambertus frater ejus, Balduinus filius Coselmi, Lambertus filius Roberti de Bolcen, Robertus filius Balduini Præpositi, Herlcenbertus de Filnes, Stephanus Armiger meus de Filnes.

*De augmentatione Eleemosynæ.*

**D**omina Oydaia verò ad eandem pauperum domum terram dierum duorum in eleemosynam tradidit. Testes sunt Raolfus de Ardia Canonicus, Robertus de Arda. Terram etiam ipsam Manasses de Bratines prædictæ Oydaie filius dedit. Matris autem & filii largitionis testes sunt Balduinus Robba, Ingelramnus, Lambertus de Atrio, Hugo de Oldenhona, Balduinus Bona, Emfridus filius Idebergæ, & multi alii. Licet ipsa duorum dierum terra jacet in Elcesce parochiâ.

*Item de Eleemosynæ.*

**A**lolphus enim filius Remboldi Raboni terras suas quæ jacent in villâ Herkem, & in Wiberthi culturâ, & omnia sua prædictæ pauperum domui tradidit, & seipsum pro Dei amore commisit. Testes sunt Eustachius de Banalingahem, Balduinus frater ejus, Philippus de Montegardin, Robertus de Hammes, Heremarus Blouel, Sigemarus frater ejus, Balduinus de Oldernnic, Balduinus Bona, Robertus Stanelchin, & multi alii.

*De Domino Warino.*

Warinus sancte moritur.

**P**rædictus denique Warinus per annos aliquot in regulari propolito Deo fideliter serviens, & voluntariam paupertatem pro Christo amplectens, & de suis quondam divitiis pauperes & peregrinos foveri videns & congaudens, in festo sancti Stephani Protomartyris & testis Christi, verus & ipse testis obiit, & in ipso introitu hospitalis ut à pauperibus haberetur in memoriâ, sepulturam accepit: de quo veraciter accidit quòd suis propinquis & carnaliter amicis paupertatem ejus increpantibus, & ob hoc eum fatuum exprobrantibus, dicere consuevit: Ego, inquit, sicut fatuus vivam, sed sicut sapiens moriar, ut in hoc vobis dissimilis inveniar.

*De Abbate Gileberto.*

Ejusdem egregium responsum.

Gilebertus Abbas bona data & acquisita scriptis mandat. Omnes Principes tantum sigillis utebantur.

**A**lia quoque bona ad usus Monachorum suorum idem dominus Gilebertus Abbas viriliter acquisivit, & quædam acquisita cambivit, & pro quod bonorum datores sive cambitores tunc temporis sigilla non habebant (non enim nisi terreni Principes sigilla habere consueverant) acquisita vel cambita scripto mandare curavit, prout in sequentibus patebit. Nullum autem scandalizet, si nos ejus qualescunque successores & Ecclesiæ Andrensis Fratres velimus ejus scripta robur firmitatis habere: cum usque hodie oculatâ fide videamus, & pro certo sciamus, per totam Italiam scripta Tabellionum licet Laicorum, & sigilla non habentium, in omni Curia sive seculari sive Ecclesiasticâ per quasdam figuras firmitatem obtinere.

*De eodem Abbate, & de domino Lamberto Abbate sancti Bertini.*

Bertiniani Cluniacensium mores recipiunt.

**P**raterea dominus Gilebertus primus hujus loci Prior & Abbas quædam recepit bona ad beati Romi feodum pertinentia, quæ quoniam dominus Lambertus sanctæ Memoræ Abbas Sithiensis, & prius ibidem institutor Ordinis Cluniacensis, reclama-

mavit & ad jus Monasterii sui pertinere asseruit, amicabilem cum eo pacem fecit, quam scripto mandavit, & ab eodem religioso Patre scriptum fieri imperavit sub hac formâ:

Ut rata in perpetuum nostræ traditionis valeat esse constitutio, ego Lambertus Dei gratiâ Abbas de sancto Bertino tam futuris quàm presentibus notum fieri volo, Eustachium de Curteburne, & fratrem ejus Rotbertum terram quamdam de Sucmelis in parochiâ Campaniæ sub annuo censu à sancto Bertino possedisse, quam eidem Sancto & mihi liberam cum decimâ reddiderunt. Ego verò eandem terram Abbati Andrensi Gisleberto censualiter possidendam concessi, ut ad festivitatem Omnium Sanctorum annuatim apud Aldenfort ex eadem terrâ duas saseras frumenti sancto Bertino Abbas ejusdem Cœnobii persolvat. Testes hujus Concessionis sunt Monachi & laici, Godezo Monachus, Otbertus Monachus, Wido Monachus, Everardus Monachus, Elembertus de Kelmes, Alardus de Menteke, Vainraven Trapezeta, Ernulfus de Liskes, Everardus Blondus, Heremarus Buce, Heremarus Bloelf, & alii quamplures. Et quinque solidos in festivitate sancti Remigii. Confirmata anno Domini Incarnationis M. C. XII.

*De eodem Abbate.*

**D**ominus si quidem Lambertus Abbas sancti Bertini terram de Sumerlis, quam Eustachius de Curtebronna & Rotbertus frater ejus in parochiâ Campaniæ sub annuo censu à sancto Bertino possederunt, ad opus prædictæ pauperum domus in manu domni Gisleberti Abbatis cum decimâ censualiter possidendam concessit, ut ad festivitatem Omnium Sanctorum apud Aldenfort ex eadem terrâ duas saseras frumenti sancto Bertino persolvantur. Testes sunt Monachi & Laici, Godezo Monachus, &c. ut supra.

*De dono Eustachii de Filnes.*

**I**tem ego Eustachius filius Cononis partem meam Wastiniæ, quæ jacet juxta boscum Lantershont, scilicet in parte orientali, do sub firmâ manu Ostelariæ ad Andernes in manu Hemfridi Eleemosynarii & Malgeri Prioris per tres firtalas avenæ per singulos annos reddendas. Testes sunt Florentius de Floringesele, Robertus Longus de Bolken, Lambertus frater ejus, Berennoldus de Bockerdes, Henfridus Monachus, Malgerus Mon. & multi alii.

*De dono Domina Adalaiz.*

**S**ciant omnes quòd Adalaiz de Filnes pro redemptione animæ filii sui Cononis occisi dedit Ecclesiæ S. Salvatoris & S. Rotrudis apud Andernes, tertiam partem decimæ duarum partium in villâ quæ dicitur Rockardes, & terram dimidiæ carrucæ in villâ quæ dicitur Allingatam, & sylvam ad opus in eadem manentis, totamque terram quam habebat in villâ quæ vocatur Wertes super mare, Ramo & Wafone, Hermaro de Banelingahem [testibus], ne hoc aliquis amplius contradiceret, bannum trinum clamante Abbate siquidem Gileberto eidem Ecclesiæ injuriam facturos excommunicante. Testibus iis, domino Hæunone Priore S. Michaëlis de Wasto, Stephano Monacho suo, Rengero Priore S. Mariæ de Capellâ, Normanno Decano, Heinfrido Presbytero de Gifnes, Sigemaro Decano de Arda, Moyse ejusdem villæ Scholastico, Remardo Presbytero de Campaniis, Manasse Comite, Elemberto Vicecomite, Conone præfati Cononis avunculo, Balduino de Osterwic, Balduino Wicfridi filio, Hugone Malvoisin, Widone de Elembom, Eustachio de Curtebron-

Charta D. Lamberti Abbatis.

1114

na, Rotberto fratre suo, & multis aliis Clericis & laicis. Actum est hoc anno Incarnationis Dominicæ M. CXIX.

*De Partibus Diverforum quæ habemus in monte qui dicitur Mas.*

**I**N monte de Campaniis qui *Mas* dicitur habet Andrensis Ecclesia partem Stephani; partem Odouvini, & Adoardi; partem Gusfridi de Bredenarde & Galandi Fratris sui; partem Hugonis & Ozonis fratris sui; partem Ingelramni de Baingehem; partem Radulphi Penard, Hugonis Penard, Giffredi Penard, & Manassis Penard; partem Eustachii de Montgardin & sororum suarum, & Rothuldis de Abeville, & Adelidis uxoris Vandelmeyr; partem Winemari Crasle-vaccæ: omnia dona istorum habet Andrensis Ecclesia tam in terrâ quàm in bosco, & multorum aliorum quos enumerare superfedimus.

In nomine sanctæ & Individuæ Trinitatis, Patris & Filii & Spiritus sancti, Amen. Noverint tam Clerici quàm laici, tam presentes quàm futuri, quoniam dominus Balduinus egregius Gifnensis Comes & uxor ejus domina Athela nobilis Comitissa, in remissionem peccatorum suorum inspirante Spiritus sancti gratia, concessu filiorum & consilio Balduini Botzard caterorumque Baronum suorum, Cœnobium quoddam in loco qui dicitur Andernes in villâ videlicet prædicti Balduini Botzard pro cespitibus & pro aquis multisque ejusdem Balduini terræ commoditatibus, quæ ibidem abundant, construere decreverunt. Edificata est autem ibi Ecclesia in honorem S. Salvatoris & S. Rotrudis, cui omnia quæ in hac Chartulâ notantur ceteraque plura ad opus Monachorum ibidem Deo servientium concessa & tradita sunt: omnis pastura videlicet à prædicto Balduino Botzard, cujus consilio Cœnobium hoc constructum est, & ubertas paludis & aquæ, necnon & cespitum caterarumque terræ suæ commoditatum: in omni quippe vitâ domni Gisleberti Abbatis eadem Ecclesia quæ denotantur in hac Chartulâ omnia sine calumniâ liberè tenuit & habuit, Capellam S. Mariæ videlicet Castelli de Gifnes, Altare de Bredenarda, & Altare de Andernes, Altare de Lulingahem, Altare de Fercknes, Altare de Elin-gahem, tertiam partem Altaris de Terdengehem; terram de Antegahem unâ cum hospitibus & decimâ liberam; & duas partes decimæ de Spetlecâ, & boscum prædictæ terræ de Antengahem; molendinum in villâ Odingahem; terram triginta dierum in villâ Ouringahem; terram sex dierum in villâ Loxingahem; terram cum duobus hospitibus in villâ Terdengehem; terram cum hospitibus XL dierum in villâ Raventum; pratum in villâ Buxin; terram Philippi de Muntgardin in eadem Buxin; terram cum pascuis & bosco, & duos hospites in villâ Helbedingehem; terram & hospitem in villâ Wadingetum; terram cum tribus hospitibus in villâ Seiles; terram cum hospite in villâ Bessingahem, terram in villâ Hetburges, decimam in villâ Strones; terram cum tribus hospitibus & vassallo in villâ Fraitung; terram cum duobus hospitibus in villâ Neles; terram cum hospite in villâ Marcnes; terram cum hospite in villâ Hamnes; terram cum hospite in villâ Curcalo; terram dimidiæ carrucæ in villâ Ellingatun; terram duarum carrucarum cum hospitibus & decimâ in villâ Bocharde; terram duorum dierum & duos hospites in villâ Gifnes; stagnum & sedem molendini in eadem villâ; terram de Honcl & Hildejerdmarinâ juxta Gifnes; terram duorum dierum cum duobus hospitibus juxta Abbatiam, & mensuram terræ juxta atrium S. Bertini in parte occi-

dentali; terram & hospitem in villâ Rorichonâ; terram cum quatuor hospitibus & bosco & aquâ & pratis in villâ Hottingahem; terram duodecim dierum in villâ Spetlecâ; terram cum duobus hospitibus quæ fuit Oduini, unâ cum decimâ & bosco in villâ Campanies; decimam terræ Hadwardi in eadem villâ, medietatem fructus terræ ejusdem Hadwardi, quam hujus Ecclesiæ Monachi pro medietate perpetuò arabunt; totam terram Remegnidis, præter terræ partem unius filie suæ nomine Hadindis, & præter carrucam terræ, quam Guerrinus de Filnes tenet unâ cum decimâ in villâ Campanies; terram Rogerii cum duobus hospitibus, & decimâ apud Borchardesbus; terram Hermari cum duobus hospitibus & decimâ in villâ Campanies; terram quæ fuit Balduini Porteviu, cum hospite & decimâ; terram totam Eustachii de Muntgardin & Athelæ sororis ejus, unâ cum hospitibus & bosco & decimâ; totam terram Stephani, Gozonis, Hugonis; totam terram Rodulphi Penard, unâ cum hospitibus & bosco & decimâ in eadem villâ Campanies; item, in eadem totam terram Winemari Crasle-vaccæ, unâ cum hospitibus, bosco & decimâ; item in eadem terram Guffridi & Galanti cum tribus hospitibus & bosco; item in eadem villâ terram Hermari Buce, cum hospitibus & bosco & decimâ; item totam decimam terræ Balduini Bozard & Domelinæ sororis suæ, & Heremari veteris, & Hugonis de Didasacra, & Balduini de Didesacra; item, terram Macelinæ, cum hospite & bosco & decimâ; item terram octo dierum quam Oydolo per hanc Ecclesiam tenet; item terram octo dierum quam Frumoldus Clericus tenet; item terram quam Otbertus Scattier tenet; pro quâ quinque solidos annuatim reddit in villâ Campanies.

Item, terram octo dierum, pro quâ hujus Ecclesiæ Monachi Haduidi de Pernis annuatim duodecim denarios reddunt in eadem villâ: terram Stephani de Campaniis sex dierum in villâ Bocholt, tres hospites in eadem villâ, & terram Eustachii, & partem molendini sui cum hospitibus & aquis & bosco in villâ Bavalingahem, & hospitem in villâ Ruham; terram Suanahildis de Helulingahem in villâ Herkem; terram septem dierum apud Dunrapit; quam dederunt Henricus & Eustachius: terram Roberti filii Keiseronis cum commoditate in villâ Andrensis: terram Hermengardæ cum quatuor hospitibus in villâ Calvestert; & omnem terram ad eandem Ermengardam pertinentem: terram Couverfi Walteri in villâ Oyâ cum duobus hospitibus: terram Remberti & duos hospites in villâ Morlenghehem, & boscum Dypanalæ: terram carrucæ in villâ Landringatun; terram Alulfi & Reineri in eadem villâ: terram in villâ Altinges: terram Sagacinæ, videlicet unius carrucæ apud Welsvich: terram Gozewini & Everardi filii Scrampin, & partem tertiam unius molendini, cum prato & bosco in villâ Cosobronnæ: terram Hermari Buce cum hospitibus & bosco, &c. terram Cononis cum hospite & prato in villâ Jorni: terram Reimari & Walburgis neptis suæ; cum hospitibus & pratis & bosco in villâ Surleas: terram Hermari & Alulphi & Winemari & Clarbaldi in villâ Boninges: boscum triginta mensurarum apud Tornehem: terram cum uno hospite, & Tiboldi in villâ Cosobronnæ: terram Hermari & Alulfi & Winemari & Clarbaldi in villâ Lillingahem.

Terram Godefredi cum uno hospite in villâ Monacohonæ: terram Hugonis de Helulingehem in eadem villâ Helulingehem: terram cum duobus hospitibus in villâ Wulhus: terram trium carrucarum cum hospitibus in villâ suavelkas, & commodita-

GGG g g iij

Charta Bal-  
duini funda-  
toris de donis  
tam à se quàm  
à suis collatis.

tem aquæ ejusdem terræ: terram Gothmari Monachi & Godawaræ viduæ in villâ Pollingahone: terram Guffredi octo mensurarum, & terram Conegundis duodecim mensurarum cum duobus hospitibus in parrochiâ Suthkercke; prata in villâ Stocbrigga: terram Almari candidi cum duobus hospitibus, & terram Almari Harroc, & terram Guffridi Monachi cum curte, & domo, & hospitibus, & omnibus quæ ad eandem domum pertinent.

In Parrochiâ S. Martini Northkerke terram Almari & Levildis sororis suæ; in Parrochiâ eadem terram Everboldi & Aloldi Monachorum: in villâ Pitham terram Balduini Monachi: in villâ Flolcingahone terram Elbodonis: in villâ Mülham terram Hermari Barbat: in villâ Morlingahem duodecim denarios annuatim à Manasse pro quodam bosco: in villâ Furles decimam Frethelindis uxoris Hugonis bustellorum duorum: in villâ Elcke molendinum in hujus Ecclesiæ horto sub firmâ manu pro xxiv. frumenti firtalis annuatim reddendis; alterum autem si juxta ipsum molendinum ædificari potuerit; eadem Ecclesia ad mediætatem tenebit, scilicet in ipsius molendini aquâ. Quæ omnia, ut supra dictum est, in vitâ domni Gisleberti ejusdem Ecclesiæ Abbatis per annum & diem & eo amplius eadem Ecclesia liberè & absque calumniâ tenuit & habuit.

*De quibusdam donis.*

**H**eremarus de Banalingahem, Manasses de Bratmes, Rotbertus de Hercahem, Reinerus de Landringatun, Walterus de Wulshus, Lambertus de Snanakals, Malgerus Trepel, Everbertus Rex, Winemarus Calvus, Robertus filius Alindis, Balduinus filius Wandelmari, Segardus de Caldhem, Thomas filius Reineri, Berennaldus de Turnehem, Hugo de Recca, Guffridus filius ejus, Amalricus de eadem villâ, Liddertus de Fûrnars, Heremfridus vicinus ejus, Ermemfridus, Rotbertus, Presbyteri, & multi alii, qui hîc non scribuntur fuerunt, ubi terram quam dederat Stephanus de Campanie Ecclesiæ Andernenfi, Dodo & uxor ejus Adalis liberam omnino concesserunt, & eorâ iis supradictis testibus semet abjecerunt.

*De Comitatu de Westloche.*

**D**e terrâ, quæ dicitur Cutiloilard de Wefvic, Comitatum Robertus de Jurni S. Salvatori & S. Rotrudi dedit ad Andernes in hereditatem, annuatim scilicet pro duodecim denariis, concedente Comite Manasse, Heremaro videlicet de Bavalingahem, Balduino Wifridi filio, Widone de Elemberto, Hugone Malvoisin, Reinero Haket, Waltero de Assas, Waltero de Alulingahem, Reimundo de Tolfac testantibus.

*De quadam Commutatione.*

**E**go frater Gislebertus Dei providentiâ Abbas Ecclesiæ Andriæ, feci placitum cum Hugone Malvoisin, scilicet mutuavimus terras nostras: videlicet ego dedi ei terram Saningehem, sylvam, & tertiam partem molendini, & duas firtalas frumenti quas debebat Alulfus illius villæ: sex bustellos frumenti decimæ Liskis, & duodecim nummos in unoquoque anno cujusdam consuetudinis ejusdem villæ, & duas raserias frumenti de Vaingehem, & sex virnellos terræ quas tenebat Fulboldus, & boscum quem dedit nobis Eunna Vicecomitissa: & Egomet Hugoni Malvoisin hoc totum dedi, ut ipse & filii ejus possiderent jure perpetuo: & ipse dedit Ecclesiæ nostræ me adhuc superstite perpetuò tenendam terram cum Comitatu, & omne quod habebat in

villâ quæ dicitur Buckridis. Insuper dedit nobis in bosco suo in unoquoque anno ubicumque voluerimus tres quadrigas onustas ligni, præter hoc quod non succidamus quercum.

Hoc totum factum est in manu Gifnensis Comitatus Manassæ, scilicet qui est advocatus Ecclesiæ Andriæ: hujus rei testes sunt ipsemet Comes & fratres ejus videlicet Fulo & Wido, Elembertus Vicecomes, & Manasses Dapifer, & Arnoldus frater ejus, Eustachius de Liskis, & Gosfridus Campanie, & Henricus frater ejus, Eustachius de Banalingahem, & Balduinus frater, & Balduinus Hastengard, & Rabels frater ejus, & multi alii.

*De dono Ingelramni de Baingahem.*

**I**ngelramnus autem de Baingahem omnia quæ sua fuerunt in villâ Hoctingahem, terram & hospites, sylvam & aquam apud Baingahem videntibus, & audientibus Widone Monacho, Gotmato Monacho, Balduino de Dedefacra, Otgina uxore suâ, Hugone de Hervadingahem ejusdem Ingelramni nepote, Ingelramno ejusdem nepote Hugone Poffard, Ernulfo de Fraitun, Warnerio Abbatis de Andernes cognato, & multis aliis, Ecclesiæ sancti Salvatoris & sancti Rotrudis in manu domini Gisleberti Andernenfis Abbatis dedit, quæ omnia paulo ante Manassen Gifnensem Comitem (qui in Angliâ illo in tempore fuit expectans) audientibus Widone Monacho, Warino de Filnes, Hescelino de Tractio, Baldewino Seiro, Baldewino Florestir, Hugone Poffard, & multis aliis, eidem Ecclesiæ concesserat.

Winemarus siquidem de Arda, cognomento Crassa-Vacca, seipsum dedit & omnia sua quæ habuit in villâ Campaniis, hospites & terram, sylvam & planum sancto Salvatori & sancto Rotrudi super altare Andernenfis Ecclesiæ dedit, eâ conditione ut de redditu ejusdem terræ aut prædictæ Ecclesiæ vivat quamdiu in habitu seculari permanebit, & post excessum ejus omnia hæc huic Ecclesiæ permancant liberè: si verò sancti Spiritus gratiâ inspirante vitam Monachilem adipisci voluerit, omnibus iis prænotatis cæterisque suis liberè huic Ecclesiæ datis habitu Monachili in hac Ecclesiâ Deo propitio induatur. Cujus rei testes sunt qui hoc viderunt & audierunt hujus Ecclesiæ Monachi, Bernardus Presbyter de Arda, Lambertus Presbyter de Andernes, Guffridus de Campaniis, Henricus frater ejus, Arnulfus de Fraitun, Heremarus Buce, Warnerius domini Abbatis Gisleberti cognatus, Hugo frater Wiberi, & multi alii.

Hoc ipsum apud Gifnes donum ante Barones renovatum est, quod iterum in die festivitatis sancti Rotrudis ante altare Andernes videntibus & audientibus Manasse Gifnensem Comite, Warino de Filnes, Hentico de Marchnes, Guffrido de Lodebronna, Arnulfo de Niles, Arnulfo Elemberti de Niles, Arnulfo de Arda Flandrensi, Roberto Ardrait, & multis aliis renovatum est. Hujus enim Ecclesiæ Monachi per annum & diem in ejusdem terræ vestiturâ sunt.

*De obitu Domni Gisleberti Abbatis.*

**P**ost multos igitur labores pro Christo fideliter perpeffos & viriliter superatos, piæ memoriæ domnus Abbas Gislebertus, qui in ordine Pastoralis per annos circiter quindecim hunc locum laudabiliter rexerat, & prius officium Prioratus per novem annos exercuerat, viam universæ carnis ingressus est, & in Ecclesiâ primâ à venerabili Comite Balduino fundatore & à se fundatâ tumulatus est: post cujus felicem transitum Pictavis in hoc loco consistentibus & patriæ istius indigenis diversa sen-



tientibus, ferè per annos quatuor locus iste vacavit.

*De vacatione hujus loci, & de Priore Marcianensi.*

**L**onga ergo digressionem pro loci hujus fundatione necessario factâ, ad venerabilis Andree Prioris Marcianensis historiam redeamus, & nunc ab eo composita differamus, nunc ad nostrum pertinentia interseramus, servatis figuris de quibus antea mentionem fecimus.

**ANDREAS MARCIANENSIS.**

1091.

**A**nno xxxi. Philippi Regis Willelmus Rex Anglorum vir singularis censuræ & severitatis obiit; Guillelmus filius ejus succedit.

Philippus Rex anno regni sui xxxv. excommunicatur ab Urbano Papa cum toto Regno suo, qui vivente uxore suâ Bertradam Comitis Andegavensis adhuc viventis uxorem superduxerat.

De via Jerosolymitana.  
1096.

Anno ab Incarnatione Domini m. xcvi. Philippi verò Regis xxxvi. via Jerosolymitana incepta est apud Clarummontem in Arverniâ per auctoritatem Urbani Papæ, & exhortationem Aimari Podiensis Episcopi. Affigunt igitur cruce in pallis suis Duces, Comites, Potentes, Nobiles & Ignobiles, divites & pauperes, liberi & servi, Episcopi, Clerici, Monachi, senes & juvenes etiam pueri & puellæ, omnes uno animo, nullum ullo angariante, undique concurrunt: ab Hispaniâ, à Provinciâ, ab Aquitaniâ, à Britanniâ, à Scotiâ, ab Angliâ, à Normanniâ, à Franciâ, à Lotharingiâ, à Burgundiâ, à Germaniâ, à Langobardiâ, ab Apuliâ, & ab aliis Regnis.

Duces Jerosolymitanæ expeditionis.

Eminebat in hoc Dei hostico Dux Lotharingæ Godefridus, & fratres ejus Eustachius, & Balduinus, Anselmus de Ribodimonte; Balduinus Comes Montensis, Robertus Comes Flandrensis consobrinus ejus, Stephanus Comes Blesensis, Hugo frater Regis Francorum, Robertus Comes Normanniæ, Reimundus Comes de sancto Ægidio, Boiamundus Dux Apuliæ & Tancredus.

ITEM ANDREAS MARCIANENSIS.

Canonici Atrebatenses ægrè ferentes se tandiù Ecclesiæ Cameracensi subesse, eo maxime, quod videbant Waltherum ab Episcopatu Cameracensi expulsum, & Manassè subrogatum, coram Urbano Papa querelam deponunt asserentes sanctum Vedastum à sancto Remigio civitati Atrebatensi propriè ordinatum Episcopum; & ut Episcopus sibi proprius ordinetur à Papa expetunt. Urbanus autem Papa petitionem ipsorum justam judicans, ordinavit eis Episcopum Lambertum Morinensem Archidiaconum. Hoc actum est anno Domini m. xcv.

Episcopatus Atrebat. seceratur à Cameracensi.

1095.

Exercitus Dei aggressus terminos paganorum viriliter agit, primumque eis fuit bellum ad Pontem Pharphar fluminis ix. Kalend. Martii, ubi multi Turcorum occisi sunt. Secundum eis fuit bellum apud Nicæam tertio Nonas Martii, in quo etiam Pagani victi sunt. Captâ ergo Nicæâ; captâ etiam Laodiciâ, cum essent, plusquam trecenta millia armatorum in exercitu Christianorum, tanta eis rerum omnium suppetebat copia ut aries uno nummo bos vix duodecim nummis venderetur.

De Ordine Cisterciensi.

Anno Verbi Incarnati m. xcvi. Urbani autem Papæ nostro, Henrici verò Imperatoris quarti anno xlii. potèr Philippi Regis Francorum xxxviii. & Willelmi Anglorum Regis ii. anno vi. dilectus à Deo Cisterciensis Ordo sumplit initium.

Antiochia capitur à Gallis.

Eodem anno obsessa est Antiochia à Principibus Francorum & ix. mense capta: Christiani versâ vice à Paganis obsessi fame afflicti sunt: tandem per lanceam Domini in Monasterio sancti Petri inven-

tam animati, ipsa lanceâ eos præcedente portis eruperunt, & obsessi obsessores concurrerunt iv. Kal. Julii, & pagani penè omnibus interfectis etiam hoc tertio bello victoriam adepti sunt. Quartum bellum fuit eis in Romaniâ Kalendis Julii; & ibi Turci victi sunt. Commissa est civitas Antiochia Duci Boamundo: reliqui autem Principes & Christiani ad Jerusalem tendunt, ubi pergendi fecerant votum. Proficiscuntur itaque in Syriam, & expugnantis Marra & Barra urbibus Saracenorum & multis regionum castellis, tantâ ibi rursus fame afflicti sunt, ut corpora Saracenorum jam fœtentia comedere compulsi sint: tandem apud quoddam munitissimum castrum nomine Archas ab Jerusalem octo mansiodimonte lapide percussus in capite occubuit, & multi alii interfecti sunt; tamen victores castrum obtinuerunt. Tunc accepto communi consilio absque ullâ morâ vel dilatione ad Jerusalem obsidendam pergunt.

Horribilis famines.

Obsidionis autem die tricesimo nono capta est Jerusalem ineffabili miraculo Idus Julii in vi. feriâ, anno Domini m. xcix. In exemplo autem Salomonis & in porticu ejus Christiani cum pagani quinto bello conferto tantâ in eis cæde debacchati sunt, ut in sanguine occisorum equitarent usque ad genua equorum. Tunc electione in consilio omnium Godefridus Dux Lotharingæ constituitur Princeps & Dux Jerosolymorum. Principibus jam de repatriando agentibus, ecce Rex Saracenorum ad dedellandos eos venit Ascaloniam cum centum millibus equitum, & quadringentis millibus peditum, quibus cum occurrisset exercitus Domini, in quo non plusquam quinque millia equitum & quindecim millia peditum erant, Deo pro servis suis ad se clamantibus pugnante, & nube eos ab æstu solis defendente Saraceni solo Christianorum impetu terri omnes projectis armis fugerunt; & in hoc vi. bello iv. Kalend. Augusti facto, cæsa sunt centum millia paganorum, in portâ verò Ascalonæ suffocati sunt duo millia: at eorum qui in mari perierunt, & qui inter spineta sylvarum consumpti sunt, numerus nescitur. Capta est autem Jerusalem post annos circiter quadringentos sexaginta, ex quo sub Heraclio Imperatore secundâ vice capta possessa est à Saracenis.

ITEM ANDREAS MARCIANENSIS.  
1099.  
Jerosolymam occupant Christiani.

Godefridus Rex creatur.

Maximâ Saracenorum strages.

Anno Domini m. c. Godefridus Dux Lotharingæ & Princeps Jerosolymitanorum moritur, Balduinus frater ejus in bello ei succedit: Guillelmus quoque Rex Anglorum moritur, eique succedit in Regno Henricus frater ejus, Robertus Comes reversus de Jerusalem, cœpit inquietare urbem Cameracensem, contrâ quem Henricus Imperator proficiscitur, & aliquibus ejus Castellis expugnatis asperitate instantis hyemis redire compellitur. Postea Regii generali conventu habito, Robertus Comes in gratiam Imperatoris recipitur.

1100.  
Godefridus & Guillel. Rex Angl. moriuntur.

Balduinus Rex Jerusalem civitatem, quæ quondam Ptolemais nunc Accon vel Acra dicitur, cepit, & innumerabilem paganorum multitudinem gloriosâ victoriâ contrivit.

Henricus filius Henrici Imperatoris à patre aversus, quosquos potest ab eo avertit, & sub obtentu meliorandæ Reipublicæ & restaurandæ Ecclesiæ in eum confugit, & hoc totum consilio Romanorum. Quàm indignè verò eum tractaverit declarat epistola ex ore ipsius patris scripta ad Philippum Regem Francorum. Et hæc est: sunt autem de quibus in illâ epistolâ conqueritur: In primis quia contrâ fidem & sacramentum, quod ut Miles domino juraverat, Regnum ejus invasit, Episcopos & Abbates ejus deposuit, inimicos & persecutores illius substi-

Henricus patrem Imperatorem persequitur.



tuit : in diebus Adventus Dominici in quodam Castello inclusit : in ipso etiam sacratissimo die Nativitatis Dominice ( unde Imperator magis conqueritur ) communionem sacram denegavit, fame & siti cruciavit : Insignia Regni, coronam scilicet, crucem, lanceam & gladium violenter ab eo extorsit, & nisi propria manu Regnum & omnia regalia exstercaret, mortem minuit. Cum autem in illo Castello esset inclusus Imperator, quidam fidelis ejus misit ad eum nuntium dicens, quia si ibidem remaneret, aut in perpetuam captivitatem raperetur, aut in eodem loco decollaretur : quo nuntio Imperator perterritus illico aufugiens venit Coloniam, & inibi aliquot diebus commoratus postea Leodium abiit; in quibus locis viros fideles invenit. Hæc continentur in Epistolâ ad Philippum Regem missâ. Imperatore Henrico morante Leodii, filius ejus Aquilgrani venit; & volens venire Leodium contra patrem suum v. feriâ Dominicæ Cænæ præmisit suos preoccupare pontem apud Wisatum ne quis sibi venienti obstitet : sed militibus patris concurrentibus ad exoccupandum pontem, Milites filii à ponte repelluntur, aliis eorum captis, aliis in Mosam demersis, aliis occisis, inter quos etiam Bruno Comes occisus est. Sic filius contra patrem veniens rediit inglorius, Colonienfibus fidem Imperatori servantibus. At eorum Archiepiscopo filium Imperatoris contra patrem suum animante, Colonia oblecta oppugnatur nec tamen expugnatur. Interim Henricus Imperator Leodii moritur, ei que succedit filius ejus æquivocus ejus.

Balduino Comite Hainonensi in expeditione Jerosolymitanâ mortuo, Balduinus filius ejus ei successit, qui circumventus quibusdam pactioibus à Roberto Flandrensi Comite consobрино suo Duacum Castrum perdidit. Henricus Imperator ad auxilium Balduini contra Robertum exercitum ducens, contra Duacum vadit, & pacto pacis magis utrimque simulato quàm composito penè inefficax redit. Boiamundus Dux Apulie contracto undecumque exercitu, accingitur ad invadendum Constantinopolitanum Imperium. Posthæc defunctus est Rex Philippus anno ab Incarnatione Domini m. cix. pridie Kalendas Augusti apud Castrum Militonense, cujus corpus secundum dispositionem patris Ludovicus deferri fecit ad Monasterium Floriacense, & in Monasterio S. Benedicti sepulturæ mandari.

Imperatores Romani qui Philippo regnante imperaverunt, Henricus IV. & Henricus V. pater scilicet & filius. Romani Pontifices, Nicolaus, Alexander, Gregorius VII, Victor, Urbanus.

Anno Domini m. cix. Episcopi qui ad exequias Philippi Regis convenerant, post exequias statim Aurelianis convenerunt, & propter perturbatores Regni salubri accepto consilio Ludovicum juvenem religionis amatorem, moribus mansuetum, armis strenuum, bello acerrimum, in die Inventionis Protomartyris Stephani in Regem unxerunt ante altare S. Crucis, & coronam regni capiti ejus imposuerunt Dainbertus Senonensis Archiepiscopus, Yvo Carnotensis, Joannes Aurelianensis, Hubertus Sylvanectensis, Walo Parisiensis, Hugo Nivernensis Episcopi, & Episcopus Autiodorensis.

Henricus Imperator Paschalem Papam, qui Urbano successerat, Episcopos & Cardinales cepit, & in custodiam posuit : pro quâ causâ excommunicatus est ab omni Ecclesiâ. Lamberto Episcopo Atrebatensi mortuo Robertus Archidiaconus ejusdem Ecclesiæ ei succedit.

Waldricus Episcopus Laudunensis cives ipsius à sacramento perperam juratæ communitatis revoca-

re visus, à seditiosis ad arma concurrentibus, quod dictu nefas est, gladio confossus interiit feriâ v. hebdomadæ Paschalis vii. Kal. Maii in Letaniâ majori. Tumultuante & impetu confusæ multitudinis domus Episcopi succenditur, unâ etiam ipsa mater Ecclesiæ S. Mariæ, & Ecclesiæ S. Joannis Baptistæ, & Abbatia Monialium, cum aliis Ecclesiis omnibus è vicino appendentibus, concremantur. In auctores seditionis à Rege Francorum tam severe est vindicatum, ut tam præsentibus quàm futuris à simili scelere detertere possit exemplum.

*Inserpositio de præsentis Monasterii vacatione, & de Domni Renaldi institutione.*

Postquam hoc Andrense Monasterium per annos quatuor vacaverat, hinc Pictavensibus, inde Flandrenfibus diversa sentientibus, tandem dominus REINALDUS natione Pictavensis, Monachus Karrovensis, huic loco præficitur, & electus canonicè à domino Joanne Morinensi Episcopo benedicitur, qui in suâ novitate ab eodem Episcopo privilegium impetravit in hunc modum :

In nomine sanctæ & Individuæ Trinitatis : Quoniam ad corroborandam servorum Dei pacem continuam, ad dilatandam rerum Ecclesiasticarum tranquillitatem perpetuam, Dei auxilio prudentique consilio elaborandum est; idcirco ego JOANNES Dei gratiâ Terwanensium Episcopus præsentis chartæ paginâ notum fieri volo ad utilitatem tam præsentium quàm futurorum; Balduinum piz memoriz Comitum Gifnensem, uxoremque ejus Athelam quoddam Cænobium Monachorum in loco Andernes dicto, in honorem S. Salvatoris sanctæque Rotrudis, pro redemptione animarum suarum, filiorum atque filiarum construxisse, annuente RODBERTO seniore Flandrensi Comite filiisque ejus Rodberto atque Philippo : quod quia tam suâ quàm aliorum fidelium liberali munificentia augmentari & in melius crescere voluit, nos quoque nostram tuitionem adhibentes, pizque postulationi dilecti filii nostri Renaldi II. Abbatis ejusdem Cænobii assensum præbentes, cuncta quæ eidem Cænobio tam à prædecessore nostro Gerardo quàm à nobis vel à supradicto Comite Balduino filiisque ejus Manasse, Fulcone, Hugone, Widone, aliisque fidelibus data vel acquisita, danda vel acquirenda sunt justis modis ejusdem Ecclesiæ Abbatibus & Monachis perpetuò possidenda corroboramus : etiam, ad repellendam pravorum hominum invidiam, avaritiam, contentionem, res ad idem Cænobium pertinentes clariùs innotescant, eas in hac nostræ confirmationis chartâ breviter annotari placuit.

Item, Monasterium Andernense quod Gerardus antecessor noster concessit omni exactionis debito liberum, exceptis duobus solidis quos omni anno in Cænâ Domini huic matri Ecclesiæ Fratres ibidem commorantes persolvent : Capellam S. Mariæ apud Gifnes, Altare S. Martini de Nortkerk in Bredenardâ : Altare de Lulingahem, Altare de Ferenes : Altare de Elingahem : tertiam partem Altaris & decimæ de Terddingehem; de donis Comitum terram de Antingehem cum hospitibus liberam, & Comitatum & boscum : terram quatuor dierum in villâ Bissingahem; terram triginta dierum apud Altinges : apud Morlingahem terram viginti dierum cum Comitatu : apud Suav. kes tres carrucatas terræ omni consuetudine liberas, cum omni Comitatu & hospitibus & aqua : juxta Turnehem triginta mensuras sylvæ : in Bredenarda ad Stokbregge pratum triginta dierum & Comitatum solitudinis de Gifnes : hortos quoque duorum hospitum apud Gifnes extrâ Castrum, & Comitatum de Herchem, & locum molendin

vibus interficitur.

Reinaldus Abbas Andrensis II.

Henricus Imperator moritur.

1109  
Philippus Rex Franc. obit, & in Monasterio Floriac. sepelitur.

De Regno Ludovici sexti qui cognominatus est Grossus. Ludovicus Aurelianis Rex consecratur.

Imperator Papam, Cardinales, &c. carceri tradit.

Episcopus Laudun. à ci-

molendini cum stagno apud Gifnes : decimam terræ Comitum, quæ jacet in Parrochiâ sancti Martini de Selmes : terram centum quinquaginta mensurarum juxta Pithem in solitudine omnino liberam : apud Markanes unum hospitem cum Comitatu.

Confirmamus etiam quod à præfatis Comitibus Gifnensibus eidem Ecclesiæ concessum est, ut unusquisque Militum suorum usque ad carrucatam unam terræ, vel usque ad centum solidos de feodo suo si voluerit attribuat liberè, & cuncta quæ in Parrochiâ Andrensi data sunt : terram quam dedit Balduinus Bozard & Comitatum : terram quam dedit Gunfredus filius ejus, & Comitatum : omnem pasturam quam dedit Henricus de Campanis omnino liberam : apud Herchem terram quam dedit Sunahildis cum hospitibus, & Comitatum ejusdem terræ dedit Balduinus Comes : terram quam dedit Rembaldus cognomento Raoblo, & Comitatum : apud Banelingahem & Ruham totum allodium quod dedit Eustachius : terram, paludem, pratum, hospites, aquam, boscum & suam partem molendini, & Comitatum dedit Heremarus : apud Wiberti culturam novem diurnales terræ, quod dedit Hathwif de Bavelingehem : in villâ Hosingahem dedit Ingelramnus de Baingehem totum allodium suum, terram, pratum, boscum, aquam ; terram sex dierum quam dedit Mauritius in eadem villâ, & Comitatum ejusdem terræ dederunt Eustachius & Heremarus Infans : terram quam dedit Gozo in eadem villâ : apud Gifnes terram trium dierum cum horto, quam dedit Elembertus Vicecomes, & apud Curtelo terram viginti dierum, quam idem dedit cum Comitatu : terram sex dierum quam dedit Balduinus filius Wifridi cum Comitatu : terram triginta trium dierum quam idem dedit apud Fraitum cum Comitatu : Ilgeramnus de Baingehem terram dedit trium dierum apud Gifnes : Gerberga dedit terram triginta trium dierum apud Gifnes, & Comes dedit Comitatum ejusdem terræ : Balduinus Bozard dedit terram triginta trium dierum apud Fraitum cum Comitatu : in villâ de Nikes terram quam dedit Imma & Suanahildis cum hospitibus ; Comitatum verò dedit Everildis & filius ejus Gusfridus. In villâ Bisingahem terram cum hospite & Comitatu, quam dedit Elembertus Vicecomes : apud Betherges terram quam dedit Gisleberga filique ejus Everandus & Rodulfus : terram quam dedit Seimarus & Alolphus frater ejus in eadem villâ : in villâ de Seiles terram quam dedit Eileburch Vicecomitis : in villâ de Hames terram quam dederunt Willelmus & Alelmus : in villâ Helbethingahem totum allodium quod dedit Walterus, & apud Raventum allodium suum ad Terdingahem : terram quam Foubertus dedit de Seiltum & molendinum : in parrochiâ de Odiningahem terram quam dedit Cono de Filnes : ad Overingahem terram quam dedit Artaldus : in villâ Buxin terram quam dedit Mathildis : in villâ Ellingegum dimidiam carrucatam terræ quam dedit Athalaidis de Fielnes ; terram quoque quam eadem Athalaidis, dedit apud Bucetes : Garinus filius ejus dedit quicquid habuit in Comitatu Gifnensi à summitate montis de Filnes, terras, boscos, vavallōres, hospites, servos & ancillas, & unum molendinum apud Bucetes.

In villâ Wadingatun terram unius hospitis : terram quam dedit Balduinus Presbyter apud Pithem, & Bilingahem ; item apud Bucetes unam carrucatam terræ, quæ cambiata est ab Hugone Malovicino, omnino liberam cum Comitatu : decimam quam dederunt Imma Vicecomitis de Markanes, & Athalaidis de Filnes in eadem villâ ; duas partes decimæ de Sperlecâ : in Parrochiâ de Campanis ter-

ram quam dedit cum hospitibus Guisfridus de Bredenarda, & boscum : terram quam dedit Rodulfus Penard cum hospitibus : terram quam dedit Walterus de Eulingahem : terram quam dedit Harmarus Barbatus cum Comitatu & decimâ ; terram quam dedit Heremarus filius ejus : terram quam dedit Eustachius de Malkeberge & Tecendis mater ejus : decimam quam dedit Rodbertus de Lutelle : terram quam dedit Heremarus de Bavelingahem : terram quam dedit Balduinus filius Gusfridi cum decimâ : terram quam dedit Gusfridus Penard & fratres ejus Rodulfus & Hugo, & mater eorum Reinewifh : terram Hatennifh filie Frumoldi : Comitatum quem dedit Eustachius de Banelingahem de terrâ & hospitibus S. Salvatoris in Campanis : terram quam dedit Macelina & soror ejus cum decimâ. Item in Campanis & apud Yufnes terram quam dedit Gozo cum bosco & decimâ : decimam quam dedit frater Gozonis Robertus de terrâ suâ : totum allodium quod dedit Eustachius nepos Gozonis cum Comitatu & decimâ : decimam de Campanis quam de allodiis suis Willelmus de Odiningahem, filique ejus Rainewif & Frethelindis, filique eorum Balduinus & Emma soror ejus, Athela uxor Wandelnori filique eorum, Rainerus de Bredenarda & Herlindis uxor ejus, participesque eorum Hatennif de Prenes, filique ejus Odewinus cum allodio suo, Walterus cum allodio suo, Folquinus & uxor ejus Berta cum suo allodio : Stephanus quoque filieque ejus Athalaidis & Ermengardis cum omni allodio suo ; Heremarus Buce cum omni allodio suo ; Winemarus Crassa-Vacca cum omni allodio suo, Deo & Ecclesiæ Andrensi concesserunt. Decimam quoque quam Rodgerus & Eldelma filia ejus dederunt de terrâ quam Normannus tenuit, & ipsam terram in villâ de Buchout terram & hospites : in villâ de Lanregatun terram quam dedit Balduinus cum Comitatu : in Bredenarda terram quam dedit Gusfridus cum domo suâ & Curte : terram quam dedit Tecendis soror Gusfridi, & filius ejus Manasses ; Comitatum verò illarum duarum terrarum dedit Comes Gifnensis & vavallōr ejus Manasses, filique ejus. Terram quam dedit Almarus Albus : terram quam dedit quidam alius Almarus & soror ejus Meidin : terram quam dedit Cunegundis : terram quam dedit Almarus cognomento Hanroch : terram quam dedit in Pullingahone Almarus & uxor ejus filique eorum : terram quam dedit ibidem Godennara : terram quam dedit Raingerus Sualenne & uxor ejus : & filios eorum Bernardus Presbyter & filius ejus Joseph : terram quam dedit Gentelma uxor Ascriti pro animâ filii sui Gusfridi in villâ Calvestert : terram quam dedit Ermengardis uxor Balduini Bozard : terram quam dederunt Heremarus, Alolphus, Winemarus & Clarbaldus in villâ Lillingahem ; item terram quam præfati quatuor dederunt in villâ Huninges : terram quam dedit Godefridus in Munkelhone cum uno hospite apud Veshuch : terram quam dedit Segecina ad unam carrucam cum bosco & pratis : in villâ de Surkes terram quam dedit Regemarus & Walburgis neptis ejus cum pratis & bosco : apud Haldenhem totum allodium quod dedit Heremarus Buce : in villâ de Jurni terram quam dederunt Eustachius & Heldegardis soror ejus, Balduinus, Adam, Gusfridus & Cono cum hospitibus, bosco & prato : in villâ Oia terram quam dedit Walterus Monachus.

Univerſa itaque prænomina beneficia, altaria, decimas, terras, Comitatus, hospites, vavallōres, servos & ancillas, boscos & aquas & molendina, vel quæcumque ab Ecclesiasticis seu laicalibus personis data vel danda, acquisita vel acquirenda sunt,

H H H h h

1122. Ecclesiæ Andrensis rata & illibata jure hereditario in perpetuum corroboramus possidenda, eorum utilitatibus profutura ad quorum subhidium fidelium devotione sunt oblata. Si verò, quod absit, persona quælibet Ecclesiastica seu sæcularis quidquam ex possessionibus præfati Cœnobii alienare, diminueret, vel temerario ausu perturbare tentaverit, tandiù excommunicatus, & ab Ecclesiâ eliminatus permaneat, donec Abbati & Fratribus per omnia satisfaciatur. Actum Tarvennæ Dominicæ Incarnationis anno M. CXXII. Regnante in Franciâ LUDOVICO Philippi Regis filio; in Flandriâ verò principante CAROLO. His testibus, Herberto Archidiacono, Waltero Thesaurario, Hugone Canonico, Lamberto, Balduino, Bernardo Canonicis Tervanensibus, Gocelino Decano Tervanensi, Gucelino Decano S. Audomari, Meingero Abbate de Capellâ, Ingelberto Abbate S. Joannis, Isaac Canonico de Vornesfelis, Eremboldo Clerico, aliisque multis.

*De acquisitione Everardi Eleemosynarii.*

1114. **N**otificare verò volumus omnibus Ecclesiæ tam præsentibus quàm futuris fidelibus, quòd Everardus Monachus Eleemosynarius à Gifredo filio Gunfredi emit terram de Tunrepi, illam quam ibi habebat; & hoc concessit frater ejus Eustachius, ita quòd ipsi duo fratres Gifredus & Eustachius reddiderunt eam terram Henrico à quo tenebant & habebant terram, ac ipse post illos concessit terram liberam & absolutam ab omnibus rebus Ecclesiæ S. Salvatoris & S. Rotrudis & Eleemosynæ; & ita in nomine Domini imponendo manum super altare fecit donum, videntibus & audientibus Rainaldo Abbate Ecclesiæ & Guidone Monacho, & ipso Everardo Monacho supradicto, Eustachio de Bavelingahem, Balduino fratre ejus, Hermerio Bloel, Gauberto de Fonte, Gifredo filio ejus, Hugone In . . . . . Aleardo & filio ejus: & videntibus & audientibus supradictis fratribus Eustachio & Gifredo & Fulberto de Valle, & Garnerio, aliisque hominibus multis. Anno M. CXIV. factum est hoc sub Manasse Comite. Eustachius autem de Curtebronna & Rotbertus frater ejus, necnon & participes sui, boscum qui dicitur Floringasard S. Salvatori & S. Rotrudi ad prædictam pauperum Eleemosynam pro remissione peccatorum suorum dederunt; cujus rei testes sunt Balduinus de Liskes, Manasses Dapifer, Eustachius, Rotgerus, filii Cononis de Fielnes, Hermarus Butze, Wido Savingahem, Gusfridus, Mauritius frater ejus, Arnulfus, Everardus de Cortebronna, Wido de Malkebere, & multi alii.

*De Abbate Rainaldo, & de adeptione privilegii à domino Papa Paschale.*

**P**ræfatus denique Abbas Reinaldus domni manassis Comitum patroni sui à Deo gratiam invenit, ut sicut patrem suum in præsentis loco sepeliret, ita se & omnes suos successores hinc voveret sepeliri pro auctoritate loci, & hoc sponte instituens per summum Pontificem id desiderabat confirmari. Sed & pasturam huic Cœnobio subjacentem nihilominus auctoritate sedis Apostolicæ, Ecclesiæ cujus erat Patronus affectabat appropriari. Quâ intentione idem Abbas Romam tendens, & per litteras commendatitias Patroni sui, & etiam Diocessani, se Curie notum faciens, sub protectione beati Petri se & bona suo loco de novo collata, devotè subiciens, à domino Papa privilegium impetravit sub hac formâ:

PASCHALIS Episcopus servus servorum Dei dilecto in Christo filio RAINALDO Abbati Andrensis

Monasterii, quod in Tervanensi Parrochiâ situm est, ejusque successoribus regulariter substituendis in perpetuum.

Piæ postulatio voluntatis affectu debet prosequente compleri, ut devotionis sinceritas laudabiliter enitescat, & utilitas postulata vires indubitanter assumat. Quia igitur dilectio tua ad sedis Apostolicæ portum confugiens ejus tuitionem devotione debitâ requisivit, nos intercedente venerabili Fratre nostro JOANNE Tervanensi Episcopo supplicationi tuæ clementer annuimus, & Andrense Monasterium in Tervanensi parrochiâ situm, cui Deo auctore præsidet, sub tutelam Apostolicæ sedis excipimus. Quod videlicet Monasterium in loco qui vocatur Andernes extrâ oppidum Gifnes Balduinis nobilis memoriæ Gifnenlis Comes, cum uxore suâ Adela, in honorem Domini & Salvatoris & S. Rotrudis virginis nomine per ejusdem Salvatoris gratiam, filiorum suorum & Baronum consilio, pro animarum suarum salute ædificasse cognoscitur.

Univerſa igitur quæ loco vestro per supradictæ Tervanensis Ecclesiæ Episcopum concessa sunt, vobis vestrisque successoribus in perpetuum possidenda firmamus; capellam videlicet S. MARIE infra oppidum Gifnes; Altare de Bredenarda; Altare de Lullingahem; Altare de Fercnes, & Altare de Eilingahem. Confirmamus vobis etiam univerſa quæ supradicti Comites Balduinus cum uxore suâ, & Manasses ejus filius, vel Barones eorum de suo jure ad idem Domini Salvatoris & S. Rotrudis virginis Monasterium contulerunt: scilicet pasturam omnem circâ ipsum locum Andrensem, & commoditatem paludis, aquæ & cespitum; terram de Anteghem cum villanis & omnibus redditibus suis & bosco: in villâ Gifnes stagnum & sedem molendini: terram de Suanacas cum villanis suis & commoditatem aquæ, terram de Campanies: terram de Bicedenarda: terram, villanos, boscum & molendinum quæ dederunt Garinus de Fielnes & mater ejus: & cætera quæ pro sui prolixitate dinumerare superfedemus: quæcumque etiam ab aliis viris fidelibus eidem Monasterio data sunt vel in futurum, aut à prædictis Comitibus & eorum Baronibus, aut ab aliis fidelibus dari offerri contigerit, aut aliis justis modis acquisita fuerint, firma vobis vestrisque successoribus & illibata permaneant. Decernimus ergo ut nulli omnino hominum liceat idem Monasterium temerè perturbare, aut ejus possessiones auferre, vel ablatas retinere, minuire, vel temerariis vexationibus fatigare; sed omnia integra conserventur, eorum pro quorum sustentatione & gubernatione concessa sunt omnimodis usibus profutura: Salvâ Tervanensis Episcopi canonicâ reverentiâ.

Sepulturam verò ejusdem loci omnino liberam esse sancimus, ut tam supradictorum Comitum progenies, quàm Barones omnes, qui Pares Castellum vocantur, juxta votum & deliberationem suam ibidem sepeliantur. Cæterorum quoque qui illic sepeliri delibaverint, devotioni & extremæ voluntati, nisi fortè excommunicati sunt, nullus obſistat. Si quæ igitur in futurum Ecclesiastica sæcularive persona hanc nostræ Constitutionis paginam sciens, contrâ eam temerè venire tentaverit, secundò tertiove commo-  
nita, si non satisfactione congruâ emendaverit, potestatis honorisve sui dignitate careat, eamque se Divino judicio existere de perpetrata iniquitate cognoscat, & à sacratissimo corpore ac sanguine Dei & Domini Redemptoris nostri JESU-CHRISTI aliena fiat; atque in extremo examine districtæ ultionis subiaceat. Cunctis autem eidem loca justa servantibus sit pax Domini nostri JESU-CHRISTI, quatenus & hinc fructum bonæ actionis percipiant,

& apud districtum Judicem præmia æternæ pacis inveniant. Amen.

*De Curte nostrâ de Rigewoge.*

**D**ominus Manasses Comes tempore Rainaldi Abbatis in Wastiniâ de Gifnes unam carrucam terræ huic loco contulit: in quâ idem dominus Rainaldus Abbas curtem fundavit; & tota decima ejusdem terræ per ejus industriam ab Ecclesiâ Morinensi parrochiatum tenente quitata fuit, & in usus nostros confirmata in hunc modum.

In nomine Patris & Filii & Spiritûs sancti, Amen. Ego Gocelinus sanctæ Mariæ Morinensis Ecclesiæ Decanus, cæterique Fratres decimam Wastiniæ terræ Gifnensis Comititis, quantum una caruca per annum arare poterit, quam habemus in parrochiâ nostrâ de Pithem, Abbati Andrenensi & successoribus ejus liberè & quietè in perpetuum tenere concessimus, pro quâ in Synodo de Pentecoste singulis annis decem solidos Boloniensis monetæ nobis persolvere debet. Hanc terram dedit Manasses Comes Gifnensis Andrenensi Ecclesiæ liberam cum Comitatu: nos verò hujus terræ decimam ab omnibus penitus rebus liberam concedimus, ut suprâ dictum est, in perpetuum possidendam. Item notificamus quodd juxtâ illam terram, terram propriam habemus, decima cujus ad altare nostrum semper venit, sed de fundo ipsius terræ in festività Omnium Sanctorum quatuor solidos suprâdictæ monetæ nobis persolveret.

Hujus conventionis testes sunt & concessores, Joannes Episcopus, Herbertus Archidiaconus, Gualterus Archidiaconus, Gocelinus Decanus, Gualterus Custos, Hugo Pullus, Effredus, Lanterus Sacerdotes, Lambertus Insulanus, Eustachius, Bartholomæus, Balduinus Diaconi, Girardus, Gregorius, Robertus, Arnulfus, Balduinus Subdiaconi & Canonici Vicarii, Clarbordus, Ranulphus, Robertus Fernetz, domnus Meingerus Abbas de Capellâ, & Abbas Reinaldus suprâdictæ Ecclesiæ.

Præfatus quoque Morinensis Episcopus pie memoriæ dominus Joannes locum nostrum desiderans in melius proficere, decimam de Cosobronna, de Voxola sive de Spineto qui viculi sunt finitimi, nobis suo tempore collatam confirmavit sub hac forma:

Ego Joannes Dei gratiâ Morinorum Episcopus notum esse volo omnibus sanctæ matris Ecclesiæ filiis, quodd Heremarus de Haldenhem cognomento Buzo, cum filio suo Henrico decimam totam quam tenebat apud Foxola, & Cosobronna & Spinetum concessione meâ sancto Salvatore de Andrenis perpetuè possidendam concessit, & ego donum illud manu propriâ donavi & confirmavi. Anno Verbi Incarnati M. cxxvi. coram testibus Gualtero Archidiacono, Reinaldo Abbate, Erembaldo Tervannensi, Gerardo Boloniensi, Lamberto Iprensi, Hugone & Gualtero Trokenfibus, Gerardo item Tervannensi Canonico, Wilhelmo Presbytero, Roberto Monacho & multis aliis; Hermanno Magistro, Meinero Capellano, Petro Clerico.

*Narratio Wilhelmi Abbatis de pastura.*

**D**E pastura autem Andrenensis parrochiæ huic Cœnobio subjacente, qualiter Henricus de Campanie hujus villæ dominus eam contradixit, & ab usibus nostris alienare voluerit, dominus Manasses Comes per suam chartam ostendit, quam per manum domini Reinaldi Abbatis, sub testimonio omnium ferè nobilium terræ suæ posterorum memoriæ transmittit in hunc modum:

796. 11.

In nomine summi Salvatoris, in cujus nomine & honore Andrensis Ecclesia fundata est. Notum fiat omnibus tam futuris quàm presentibus, quia Henricus de Campanie omnem pasturam Andrenensis villæ quam contradixerat prædictæ Ecclesiæ Monachis, Ecclesiæ jam dictæ Monachis dimisit, & omninò liberam concessit, & perpetuè possidendam dedit, & omnibus ejusdem Ecclesiæ hominibus dedit etiam ita omninò liberam, ut in pasturâ illâ nulli nisi ad utilitatem Ecclesiæ amplius operari liceat. Concessit etiam & dedit vias & exitus ubique in terrâ suâ, omnemque pasturam in omni terrâ suâ, quæ jacuit inculta usque ad tempus suum, & in omni aliâ terrâ suâ, nisi tunc dum seminata fuerit. Et quod firmum sit in perpetuum & omninò liberum coram duobus fratribus suis, Guiffredo & Gozone cognomine Pagano, fecit hoc pro salute animæ suæ & antecessorum suorum super altare S. Salvatoris & sanctæ Rotrudis, & in præsentia domini Rainaldi præfate Ecclesiæ secundi Abbatis: ubi Deo providente fuere testes, Manasses Gifnensium venerabilis Comes, & Emma Comitissa venerabilis & religiosa, concedentes hoc donum, & super prædictum altare affirmantes, & alii plures ibidem in Domino fuere testes, Balduinus de Oltrewic avunculus Henrici, & Everidis mater Henrici, Elembertus Vicecomes, Nortmannus Presbyter & Decanus, Lambertus Presbyter, Wilhelmus Clericus, Eustachius de Curtebronna, Eustachius filius ejus, Balduinus de Liskes Mauvoisin, Galantus de Morcamp, Eustachius de Hanaclingahem, Simon filius Manassis de Seiles, Arnulfus de Gravecult, Hugo de Panningatum, Manasses Dapifer, Arnulfus frater ejus, Wilhelmus de Seiltun, Eustachius de Hammes, Eustachius de Bavelinghem, Balduinus frater ejus, Robertus de Hammes, Arnulfus, Robertus filius ejus, Philippus de Montgardin, Osmundus de Merc, Symon de Broborch, Hermarus Bloniel, Semarus frater ejus, Eustachius Niger, Eustachius de Allingatun, Eustachius nepos Vicecomitis, Hugo filius Aduvardi, Reinerus filius ejus, Litbertus de Fontaines, Elembertus Panitor, Radulfus de Doure, Henricus de Fraitun, Robertus de Salunels, Hugo filius Gofzelin, Arnulfus de Fraitun, Robertus filius Sercranni, Robertus Clericus, Wilhelmus Panis & Lac, Gunfridus de Sangata, Ragemarus Smereblas, Hugo frater ejus, Everardus, Hemfridus, Wilhelmus de Fontaines, Manasses filius Cononis.

Qui privilegium hoc violare studuerit, mortis periculo semper subiaceat, donec Ecclesiæ prædictæ satisfaciatur. Pro infractione verò privilegii violator Gifnensium Comiti dictante justitiâ centum marcas argenti persolvat. Ut autem hoc firmum sit in perpetuum, ego Manasses Gifnensium Comes sigillo meo corroborari studui. Actum est hoc anno Incarnationis Dominicæ M. cxviii. Indictione xi.

*Relatio Wilhelmi Abbatis de Gusfrido Hofevod, & de Galanto fratre ejus.*

**I**N territorio de Bredenarda quidam nobiles erant, Gusfridus scilicet Hofevod, & Galantus frater ejus, qui terram ad curtem nostram in Northkerki, quæ dicitur Crophaya, spectantem contulerant, & etiam pro majori parte decimam de Campania huic loco dederant cum terrâ Demas, & donis diversis in diversâ parte positis; quorum nepotes & heredes post mortem ipsorum contrâ nos calumnias prætenderunt, & per Comitem Manassen à cœptâ calumniâ destiterunt, sicut ejus charta testatur sub hac formâ composita.

In nomini Domini nostri Jesu-Christi. Notum sit  
H H H h h ij

1118.

Charta Domini Joannis Episcopi de quibusdam decimis nobis datis.

1126.



omnibus tam presentibus quam futuris fidelibus quoniam Manasses de Bredenarda accepta sex librarum charitate ab hujus Andrensis Ecclesie Monachis Comitatum omnis terre Gusfridi avunculi sui, & Comitatum ejusdem terre ad eandem terram pertinentis, una cum Florentio filio suo per manus Manassis Comititis & Emmae Comitissae, in manu domini Rainaldi secundi presentis Ecclesiae Abbatis liberè dedit: quod dato ipse Manasses una cum praedicto filio suo Florentio deiecit, & se amplius non habere judicavit, quod ipsum judicantem hic scripti testes consequuti sunt; Othardus Eremita, Robertus de Hammes, Manasses Dapifer, Elembertus Panitor; Gozo cognomento Paganus; Henricus de Marknes, Henricus de Fraintun, Robertus Notir, Eustachius de Bavelinghem; Balduinus frater ejus, Balduinus Seiro, Heremarus Blonel, Sigemarum de Millica, Folquinus Longus, Huboldus Brunseg, Godefridus filius Fulberti, Hugo de Hervedighem.

1116.

Hoc autem factum est in Castro Gifnensi, scilicet inter Capellam sanctae MARIAE & terrarium domus Eustachii de Hammes; Anno videlicet Incarnationis Domini M. cxvi. quod etiam eodem anno apud Gifnes secundò in domo Balduini de Osterwich donum recognitum est à Comite Manasse praedicto. Hujus igitur recognitionis & doni testes sunt Arnulfus videlicet de Arda, Balduinus de Osterwic, Gocelinus de Oudre, Hugo de Longavilla, Hugo de Seiles, Wido de Lembom, Gusfridus de Ferenes, Balduinus de Liskes, Rotbertus frater ejus, Eustachius de Curtebronna, Arnulfus, Everardus Vavassores sui, Hugo Malvoisin, Radulfus de Canci, Robertus de Berbronna, Arnulfus de Sancto Bertino, Rotbertus de Suikes, Alardus de Mintica, Philippus de Muntgardin, Robertus Ardoso, Gocelinus de Berebed, Walo de Arda; Winemarus Crassa-vacca, Elembertus de Meles, Eustachius de Bavelinghem, Balduinus frater ejus, Paganus de Campanis, Robertus de Hammes, Robertus de Aills, Manasses Dapifer, Eustachius de Hammes, Elembertus Vicecomes.

Hoc iterum tertio renovatum est donum in domo Everwini Ministri Comititis in placito quodam apud Bredenarda, ita quod Manasses & uxor ejus & filii dimiserunt & liberè dederunt supradictum Comitatum Ecclesiae sancti Salvatoris Andrensis in manu praedicti Abbatis; Manasse Comite concedente & donante in manu praedicti Abbatis. Testes autem hujus rei fuere Manasses Dapifer, Arnulfus de Meles, Elembertus Panitor, Galantus cognatus Manassis, Robertus de Liskes, Wido de Inderham, Manasses filius Arnulfi de Arda, Frumoldus de Arda, Drogo Botet, Elembertus filius Elemberti, Manasses de Tornehem, Berwoldus de Tornehem, Hildebertus de Tornehem, Orbertus Baltage, Orbertus de Forners, Bernardus Presbyter de Bredenarda, Arnulfus Caval; Wilhelmus Panis & Jac; Wilhelmus de Seiltun, Reinerus filius Wizonis, Wizo filius Reineri, Basilus frater ejus, Ewerwinus minister Bredenardae, & septem iudices, Robertus Cabarnast, Ermenardus filius Domerim, Albertus Keviel; Hugo filius Hardinae, Malgerus Cluterin, Malgerus Varkin, Robertus cum barba.

Si quis autem privilegium hoc violare studuerit, excommunicationis pondus sustineat, donec Andrensi Ecclesiae satisfaciatur; pro infractione vero privilegii violator Comiti Gifnensi dictante iustitia centum marcas argenti persolvat. Ut igitur hoc firmum sit in perpetuum ego Manasses Gifnensis Comes sigillo meo corroboravi. Actum est hoc anno Incarnationis Dominicae M. cxvi. Indiæ. nona.

1116.

*Narratio WILLELMI Abbatis de dono EUSTACHII de Fielnes.*

**E**ustachius quoque dominus de Fielnes pauperum eleemosynae quasdam terras cum quibusdam Comitibus dedit, quas in hunc modum confirmavit:

In nomine Patris & Filii & Spiritus sancti, Amen. Notum sit omnibus tam Clericis quam laicis, quia ego Eustachius filius Cononis de Fielnes Comitatum terrarum, quas Warinus cognatus meus Andrensi Ostellariae dederat in manu Everardi Eleemosynarii pro quinque polkinis frumenti per singulos annos reddendis, manu sub firmâ dono, eâ divisione, ut frumentum ipsum in villâ Bocretes ante vigiliam Nativitatis reddatur. Terrae quae ad Warini partem contigerunt, sunt, scilicet terra quae fuit Ranulphi reddens tres firtalas, & terra quae jacet in villâ Ellingatun reddens duas firtalas, quae in Comitatu meo jacent. Testes sunt Normannus Decanus, Villemus Clericus, Gusfridus Presbyter, Rotbertus de Hammes, Lidbertus & Cono frater ejus de Fontaines, Anselmus, Villemus fratres mei, Rotbertus de Marchia, Hemfridus, Lupus, Gocelinus, Florentius de Floringesele, Balduinus filius Ulrici, Godefridus de Bosco, Berewoldus de Fielnes, Gusfridus, Almarus de Erningalsm, Berewoldus, Reinerus de Ninnahova, Hugo de Lokingahem, Balduinus de Antingahem; & multi alii.

1117.

Actum est hoc anno Incarnationis Dominicae M. cxvii. super motam meam in buro meo. Hoc autem concedit Manasses Gifnensis Comes & Emma Comitissa sedentes in lecto suo, eâ divisione, si guerra inter eum & me fuerit, census ibi reddetur Comiti; à quo Comite ego Eustachius Comitatum jamdictum teneo in feodo. Hujus vero concessio- nis & doni sunt testes apud Cifnes, videlicet in camerâ supradicti Comititis. Eustachius de Liskes, Rotbertus frater ejus, Arnolfus de sancto Bertino, Manasses frater ejus, Eustachius de Bavelinghem, Hugo Malvoisin, Stephanus de Diffeca, Berewoldus de Scames, Hildebertus, Manasses de Turnahem; Sichardus de Caldhem, Elembertus Panitor, Folquinus Longus, & multi alii.

Item ego Eustachius filius Cononis terram, quae ad meam partem contingit in villâ Bockerdes jacentem, manu sub firmâ jamdictae Ostellariae in manu supradicti Eleemosynarii do per duas firtalas frumenti, & quinque firtalas avenae, & duodecim nummos per singulos annos reddendos. Testes sunt Rotgerus, Anselmus, Villemus fratres mei, Lambertus Rozenges, Reinerus de Niwehova, Tiboldus de Floringesele, Hugo de Surkes, Balduinus Plajart, Balduinus filius Gofelni, Lambertus filius Roberti de Bokem, Berewoldus Miles, Rotbertus de Bokem, Lambertus frater ejus, Rotbertus filius Balduini Praepositi, Heikembertus de Fielnes, Stephanus armiger meus de Fielnes.

Domina Oydala vero ad eandem pauperum domum terram duorum dierum in eleemosynam tradidit. Testes sunt Raolfus de Arda Canonicus, Rotbertus de Arda. Terram etiam ipsam Manasses de Bratmes praedictae Oydelae filius dedit. Matris autem & filii largitionis testes sunt Balduinus Robba, Ingelramnus, Lambertus de Atrio, Hugo de Oldenhova, Balduinus Bona, Hemfridus filius Idebergae, & multi alii: & ipsa duorum dierum terra jacet in Elccke Parrochia.





*De quibusdam Donis Eleemosynæ pauperum collatis.*

**A**lolphus enim filius Remboldi Raboni terras suas quæ jacent in villâ Herkem, & in Wîberti culturâ, & omnia sua prædictæ pauperum domui tradidit, & seipsum pro Dei amore commisit. Testes sunt Eustachius de Bavelingahem, Balduinus frater ejus, Hilippus de Muntgardin, Robertus de Hammes, Heremarus Blouel, Sigemarus frater ejus, Balduinus de Oldervinc, Balduinus Bona, Robertus Stanckin, & multi alii.

*De Alienatione Nemoris de Rorichona.*

**D**um prædictus Abbas Reinaldus multiplici virtutum genere refloret, & locum sibi commissum laudabiliter regeret, volens patrono suo Comiti placere, non veritus est rem facere unde à suis successoribus & omnibus hujus loci Cœnobitis, notam dedecoris & improprietatis futuris temporibus debuit incurrere. Comes siquidem circumquaque notus & famosus dum domesticis animalibus & omni genere armentorum abundaret, & iis non contentus pro sylvestribus custodiendis parcum facere vellet, Abbas ei indiseret boscum totum de Hottingehem cum pratis & omnibus aisiamentis accommodavit, & propter hoc omnium fratrum in se odium, licet palam propter metum Comitis resistere non audent, accendit; nullo quidem superante, quod de cætero in usus Cœnobii posset cedere: & nos quidem nostrâ ætate murum ibi constructum à parte occidentali vidimus, quo nunc destructo, & statu multipliciter variato, spem nostram in Domino jactantes per patientiam expectamus: unde idem Abbas compunctus sicut credimus, pœnitentiâ ductus limina Apostolorum secundò visitavit, & à Papa Calixto tunc præsidente privilegium impetravit sub hac formâ:

Calixtus Episcopus servus servorum Dei dilecto filio Rainaldo Andrenensi Abbati, ejusque successoribus regulariter substituendis in perpetuum. Justis votis assensum præbere, justisque petitionibus aures accommodare nos convenit, qui licet indigni justitiæ custodes atque præcones in Ecclesiâ Apostolorum principum Petri & Pauli speculâ positi, Domino disponente conspiciamur. Proinde, dilecte in Christo fili Rainalde Abba, petitioni tuæ clementer annuimus, & Andrenensē sancti Salvatoris ac beatæ Rotrudis Monasterium, cui auctore Domino præsidēs, in Apostolicæ sedis tutelam excipimus, & pertinentes ei possessiones præsentis decreti paginâ confirmamus quæ vel Pontificum concessione, vel Comitum & Baronum largitione, aut aliorum fidelium oblatione, siue aliis iustis modis acquisitæ sunt, vel futuris temporibus acquirantur.

Omniem videlicet pasturam circâ Ecclesiam Andrenensē, ubertatem cespitum paludis & aquæ: Capellam S. MARIE de Castro Gîsnes; Altare de Bredenarda, de Andernes, de Lullingahem, de Fercnes, de Eilingahem; & tertiam partem altaris de Terdeggehem cum decimis eorum; duas partes decimæ de Sperleca: terram de Antingehem cum hospitibus, Comitatu & bosco; molendinum in villâ Odingehem, terram cum hospitibus in villâ Terdeggehem; terram cum hospitibus in villâ Ravantum, & Elbedingehem; terram in villâ Buxin; terram cum hospitibus in villâ Wadingatun, & de Seiles, de Bellingahem, de Hetberga; decimam Deltrones: terram cum tribus hospitibus & Vavassoribus in villâ Fraitun; terram cum hospitibus apud Nieves; terram cum hospitibus in villâ Marcnes; Hammes & Curtalo; terram de Elingatun; terram duarum carrucarum in villâ Bocharde cum

hospitibus & decimâ; terras & hospites in villâ Gîsnes, & stagnum & sedem molendini; terram duorum hospitum juxta Abbatiam; terram Odini cum hospitibus, decimâ & bosco, & Comitatu in villâ Campaniæ, & cum decimâ terræ Adunardi; terram Rotgeri cum hospitibus & decimâ apud Borcharbuse; terram Hermari cum hospitibus & decimâ; terram Balduini Portevin, cum hospite & decimâ: totam terram Stephani & filiarum ejus Adalaides & Hermingardis; terram Gothonis Hugonis; totam terram Eustachii & Adelæ sororis ejus; Rodulphi Penard cum hospitibus, bosco, & decimâ; terram Guinemari Crasse-Vaccæ, Guisfridi, Galanti, & Heremari Buce, cum hospitibus, bosco & decimâ: totam decimam terræ Balduini Botzard, & Domelinæ sororis ejus, Heremari veteris, Hugonis & Balduini Dedisacra; terram Mascelinæ cum hospite, bosco & decima; terram Hadwidis de Pernis; terram & hospites in villa Bucolt; terram Eustachii, & partem molendini sui, cum hospitibus & aquis & bosco in villâ Bavelingahem, & hospitem in villâ Ruham; terram Suanildis in villâ Herchem; terram de Dunrupit; terram Ermingardis cum hospitibus in villâ Calvaltert; terram Walteri cum hospitibus in villâ Oya; terram & duos hospites in villâ Morlingehem; in villâ Landringatun terram carrucæ, & terram Alulphi & Remeri; terram in villâ Altinges; terram unius carrucæ apud Wefvich; tertiam partem unius molendini & terram, pratum & boscum in villâ Collebrounæ; terram in parrochiâ de Haldinehem, & de Boninges: terram trium carrucarum in villâ Soanacas, cum villanis & Comitatu; terras alias in parrochiâ S. Martini; terram Guisfridi de Bredenarda, cum curte, domo & hospitibus & Comitatu, ex dono Comitis Manassis & Vavassoris sui Manassis, & filii ejus Florentii; terras, hospites, & Comitatus in parrochiâ S. Martini de Northguercâ, de Suthguercâ, de Adroic, & de Polingona; terram centum quinquaginta mensurarum in solitudine juxta Pitheem, cum Comitatu; terram Orberti de Fornes, & Lambert fratri ejus apud Suanacas, cum Comitatu; pratum de Stochbriggâ; totum allodium Adalaidis de Fielnes, & Guarini filii ejus, & quidquid habuerunt in Comitatu de Gîsnes, terras, boscos, Vavassores, servos, ancillas, hospites, aquam & molendinum unum; in villâ Bocardes terras de Jorni cum hospitibus; terram de Surches cum Comitatu; terrarum concambium quod Gillebertus vestri Monasterii Abbas cum Hugone Malo-vicino composuit, & reliqua omnia quæ juris Monasterii esse noscuntur.

Decernimus ergo ut nulli omnino hominum facultas sit idem Monasterium temerè perturbare, aut ejus possessiones auferre, vel ablatas retinere, minuire, vel temerariis vexationibus fatigare; sed omnia integra conserventur, eorum pro quorum sustentationibus & gubernatione concessa sunt usibus omnimodis profutura. Salvâ in omnibus Canonica Tervacensis Episcopi reverentiâ. Sepulturam ipsius loci sanè liberam esse censemus, ut eorum qui illuc sepeliri deliberaverint, devotioni & extremæ voluntati, nisi fortè excommunicati sunt, nullus obstat. Si qua igitur in futurum Ecclesiastica secularisve persona hanc nostræ Constitutionis paginam sciens, contrâ eam temerè venire tentaverit; secundò, tertiove commonita, si non satisfactione congruâ emendaverit, potestatis honorisque sui dignitate careat; reamque se Divino iudicio existere de perpetrata iniquitate cognoscat, ac à sacratissimo corpore & sanguine Dei & Domini Redemptoris nostri JESU CHRISTI aliena fiat, atque in extremo examine districtæ ultioni subjaceat. Cunctis autem eidem lo-

H H H h h iij

Rainal. Abbas  
Romam pro-  
ficiscitur.

co iusta servantibus sit pax Domini nostri JESU-CHRISTI, quatenus & hic fructum bonæ actionis percipiant, & apud districtum Judicem præmia æternæ pacis inveniant, Amen.

*Item de Domino Rainaldo Abbate.*

**R**everſus à Româ Abbas Rainaldus ita cuncta expenderat, & ſic attenuatus erat, pedes incedens in habitu peregrini, qui vulgò dicitur Sclavina, [ut] locum hunc vix alicui notus intraret, & quot & quantâ pro Chriſto fuiſſet perpeſſus tam in habitu quàm in actu evidenter oſtenderet. Cætera verò quæ ipſemet ac quiſivit, vel ab aliis data ſcripto mandavit. . . .

*De acquisitione Vavaſſoris de Wadingatun.*

**E**go frater Rainaldus Andrenſis Eccleſiæ Dei permiſſione ſecundus Abbas, notum fieri volo tam præſentibus quàm futuris, quòd domina Maiſendis, vidua Hattonis de Ferches, dedit unum Vavaſſorem nomine Walterium de Wadingatun pro animâ patris ſui & matris ſuæ, & pro animâ mariti ſui filiiſque ſui Joannis, & omnium conſanguineorum ſuorum, S. Salvatori & S. Rotrudi & Eccleſiæ Andrenſi, eâ diviſione, ut jam dictus Walterius & heres ſuus hereditariè ipſi Eccleſiæ ſubdantur. Teſtes ſunt Euthachius de Bavelingehem & Balduinus frater ejus, Rotbertus de Hammes & filius ejus Rotbertus, Hermarus Bloël, Euthachius Vavaſſor, Euthachius Niger, Raulphus Molinarius, Giſlebertus de Bavelingahem, Walterus de Weſtandernes, Conode Herchem, Wido, Walterus, Hemfridus de Herchem, Walterus Flameng, Warnerus de Belvais, Wizo frater Kadulphi, Guntfridus Molinarius, Guſfridus filius ejus, Regemarus de Hillo, Gunfredus frater Walberti, Guſfridus nepos ejus, Herkembertus de Hottingahem, Euthachius filius ejus, Wido filius Walteri; & multi alii tam viri, quàm feminæ, tam noti quàm ignoti, qui hoc viderunt & audierunt.

*De quodam Comitatu ad opus luminarii acquiſito.*

**N**otum ſit omnibus tam præſentibus quàm futuris, quia Euthachius, filius Euthachii de Curtebronna, Comitatum Guncelini terræ apud Turnahem pro animâ ſua & patris ſui, & pro ſalute animarum antecellorum ſuorum, in manu Manaffis Giſnenſium Comititis, & in manibus Hugonis Monachi, & Roberti Monachi Andrenſis Eccleſiæ cuſtodis S. Salvatori & S. Rotrudis, ad lumen per ſingulas noctes ante crucem arendum dedit. Ipſe verò Euthachius eandem dationem concedente Wilhelmo fratre ſuo, ſcilicet audiente matre ſua dominâ Gilnide & ſororibus ſuis apud Curtebronnâ in manibus prædictorum Monachorum dando renovavit. Datione itaque datâ ipſo die Manaffes Giſnenſium Comes inter S. Mariæ Capellam, & Balduini Conſtabuli domum in manibus ſupradictorum Monachorum Andrenſi Eccleſiæ diviſione ſuprà diviſâ dedit. Teſtes ſunt ipſe Comes, dominus Meinardus Præpoſitus, Euthachius de Bavelingahem, Balduinus frater ejus, & alii.

*De dono Hemfridi de Herchem.*

**S**ciant etiam omnes tam præſentes quàm futuri, quia Hemfridus filius Rodberti de Herchem acceptâ charitate unius marcæ argenti à Gothmaro hujus Eccleſiæ cuſtode, terram quinque dierum jacentem in Occidentali parte viæ quæ vadit ad Turnahem, pro animâ ſua, & pro animabus antecellorum ſuorum ſuper altare S. Salvatori & S. Rotrudis dedit: quâ datâ omnes ejuſmodi dationem vio-

lare volentes, niſi ſatiſfecerint dominus Rainaldus hujus Eccleſiæ ſecundus Abbas excommunicationis ſententiâ condemnavit. Deinde prædictus Gothmarus ipſam terram marlare fecit, quâ marlatâ jamdictus Hemfridus ipſam terram pro xviii. buſtellis frumenti per ſingulos annos huic Eccleſiæ reddendis ad cenſum à prædicto Gothmaro recepit.

Teſtes ſunt Lambertus Preſbyter, Rotbertus Clericus, Euthachius de Bavelingahem, & Balduinus frater ejus, Henricus & Paganus frater ejus, Wilhelmus Clericus, Euthachius Vavaſſor, Heremarus Bloel, & filius ejus Lambertus, Wido filius Walteri de Andernes, Guntfridus & filii ſui, Guſfridus & Arnolphus de Valle, Guſfridus de Fonte, Walterus de Herchem, Fromoldus & filii ſui, Rodbertus & Everardus, Giſlebertus textor, Wizo, Vinemarus, Reingerus, Ermenfridus, Wido, Cono, Elbodo, Winemarus de Herchem, Giſlebertus, & filii ſui, Hugo & Robertus, Winemarus Sutor, filius Heſcelini de Bavelingahem, Balduinus filius Everardi Haring, Everardus parvus, Anſelmus Cocus, & multi alii prædictæ Eccleſiæ Parrochiani. Actum eſt hoc anno Incarnat. Dominicæ m. cxxvi.

*De aliis donis in Comitatu Boloniens.*

**M**illeſimo cxxxv. anno filia Heremari de Wathingatun Thicind, & ſorores ſuæ Oda & Dadilis, & neptis earum Hadavidis, terram ſuam in Parrochiâ Ferchenes jacentem, quam Arnulphus Froſſard per eas arandam manu firmâ tenebat, aſenſu & conceſſu maritorum & infantum ſuorum, ſuper altare S. Salvatori & S. Rotrudis hujus Andrenſis Eccleſiæ pro ſeptem Boloniensibus monetæ ſolidis & ſex denariis per ſingulos annos ſibi reddendis obtulerunt, quàm ejuſdem Eccleſiæ Monachi perenniter colendam poſſidebunt. Teſtes ſunt Lambertus Preſbyter, Euthachius Niger, Hemfridus de Niterhot, &c.

*De dono Euthachii filii Heremari.*

**E**uthachius filius Heremari de Bavelingahem, mortuo Euthachio filio ſuo, dedit terram pro animabus filiorum ſuorum, ſcilicet Euthachii, & Balduini, quàm Everardus de Pitthem ab eo tenere ſolebat; dedit & Comitatum ejuſdem terræ huic ſancti Salvatori & S. Rotrudis Eccleſiæ; qui etiam dedit eidem Eccleſiæ ſirtalam frumenti, quod exigit de aquâ fluente de Hottingehem. Hoc factum eſt conceſſu Manaffis Giſnenſium Comititis anno Incarnationis Dominicæ m. cxxxvi. Teſtes ſunt ipſe Comes Balduinus frater ejuſdem Euthachii, Balduinus filius Arnulphi de Arda, Balduinus de Ermelighem, Balduinus de Liſkes, Rodbertus & Arnulfus fratres ſui, Balduinus filius Guſfridi, & Balduinus filius Elemberti, Wido Clericus de Bavelingahem, Euthachius Vicecomes, & Arnulfus frater ejus; Walterus de Axla, & Walterus filius ejus, Alolphus & Jordanus de Axla, Euthachius Galabrie, & Clarboldus & Hugo fratres ejus, Euthachius Vavaſſor, Simon Vermis, & Simon nepos ejus; & multi alii.

*De calumnia ſopita tempore domni Manaffis Comititis.*

**N**otum ſit omnibus tam præſentibus quàm futuris, quòd Haduidis filia Heldelmæ de Campanies, terram quàm calendaverat liberam dono dimiſit, ac ſuper Altare Sancti Salvatori ac Sanctæ Rotrudis unâ cum marito ſuo Valtero poſuit. Ibi providentiâ Dei fuerunt teſtes Euthachius de Curtebronna, Rotbertus nepos ejus, Heinfridus de Herchem, Walterus Flamiger, Everardus Harig, Ernulfus de Curteburne, Aloldus de Hottingehem,

Robertus de Bukem, Lambertus filius ejus, Vizō de Andernes, Hugo de Herchem; Walterus de Andernes Miles, Hugo Campanies, Hefcelinus de Herchem, Rotbertus de Denelaolpret, Radulfus de Doverē, Gunfridus de Hottingahem, Ubernerus de Andernes, Winemarus de Hottingehem, Alelmus de Herchem; Egebertus de Andernes, & multi alii.

*De dono Roberti de Hammes.*

**S**Ciant etiam omnes quia dominus Robertus de Hammes, & filii sui & filia suā, antequam domina Ogina uxor ipsius Roberti, mater videlicet filiorum & filiarum ejusdem ad sepulturam portata est in hoc Andernenſi Monasterio, juxta feretrum prædictæ dominæ stantes, terram quamdam in parochiā Campanies jacentem, quam calumniari solebant huic Ecclesiæ, liberam pro animā jam dictæ dominæ perenniter clamabant. Testes sunt dominus Reinardus hujus Ecclesiæ secundus Abbas, dominus Meinardus Prior de Liskes, dominus Balduinus Canonicus de Watanes, Normannus decanus, Lambertus hujus Ecclesiæ Presbyter, Balduinus Presbyter de Campanies, Balduinus filius Frumoldi de Campanies, Rotbertus Presbyter de Midleca, Oylardus custos de Gifnes, Widoth Clericus de Gifnes, Willelmus de Fontaines, Gusfridus de Ninvena, Eustachius de Bavelingehem, Eustachius de Curtebronna, Eustachius filius ejus, Balduinus de Agincota, Robertus, Arnulfus fratres sui, Arnulfus, Everardus, Candidus de Liskes, Gusfridus, Henricus, Pagius de Campanies, Eustachius de Hammes, Arnulfus de Ermelingahem, cognomento Norman. Elembertus Panitor, Folquinus Longus, Lidbertus, Cono de Fontaines, Wido filius Walteri de West-Andernes, Balduinus armiger Balduini filii Gusfridi de Campanies; & multi alii tam viri quam feminæ, tam noti quam ignoti.

Terrā verò liberā clamatā corpus dominæ Oddinæ ad sepulturam portatum est. Quo sepulto præfatus Robertus donum terræ superscriptæ unā cum filiis & filiabus suis super altare S. Salvatoris coram jam nominatis testibus obtulit. Quo oblato Heremarus Buzo decimam quamdam de Voxashola & de Spineto coram eisdem testibus ipsi altari obtulit; quibus oblati dominus Abbas Rainaldus oblationes hujusmodi violare nitentes, nisi satisfecerint, excommunicationis vindictā damnavit.

*De quibusdam donis.*

**S**Ciendum est itaque quia Gerberga filia Gocelini, videlicet ante quā Bonardus de Gifnes eam desponsaverat, seipsam huic Andernenſi Ecclesiæ attribuat eā conditione, si filium aut filiam non habens moreretur; ista Ecclesia totam partem terræ ejus hereditaria possideret. Testes sunt Ingelramnus, Giroldus, Gusfridus fratres ejus, Alulfus filius Mauriti, Winemarus Grassavacca, Heremarus ejus frater, Hugo Blancard, Balduinus filius Wifridi, Balduinus Botzard, Eustachius de Bavelingehem, Hugo de Surkes, Lambertus de Tornehem, Gocelinus Castellanus de Arda, Eustachius de Montgardin & multi alii. Hoc autem factum est in festivitate quādam S. Rotrudis super altare suum.

1118.

Defunctis verò filiis suis, anno scilicet Incarnationis Dominicæ M. cxviii. super altare S. Salvatoris & S. Rotrudis omnem terram suam & omnia sua post obitum ejus, dans ipsum donum in præsentia domini Rainaldi præsentis Ecclesiæ II. Abbatis renovavit. Testes sunt Lambertus Presbyter, Walterus Flameng, Everardus Hareng, Fro-

modus de Herchem, Everardus de Fontaines, &c.

*Concessio Manassis Comitis de eadem re.*

**H**Oc ipsum donum apud Turnalem in domo Comitis Manassis, ipso Comite præsentē, in manu ipsius Comitis & domini Reinaldi Abbatis renovatum est. Ipse verò prædictus Comes terram ipsam & ejusdem terræ Comitatum S. Salvatori & S. Rotrudi liberè concedendo dedit. Testes sunt Balduinus de Osterwic, Eustachius, Balduinus, Robertus de Liskes, Robertus de Hammes, Hugo Malvoisiis, Arnulfus de Granacontra, Heremarus Blouel, Robertus de Turnahem, Robertus filius ejus, Elembertus Panitor, Manasses filius ejus, Turstanus de Arcas, Manasses filius Adwidis, Hildebertus de Turnahem, Stephanus de Diffeca.

Quo peracto Lambertus frater Orberti supradicti tam animæ suæ, quā animarum antecessorum suorum salutem desiderans, acceptā charitate duarum marcarum terram octo dierum juxta prædictam calcedam jacentem Altari S. Salvatoris & S. Rotrudis obtulit. Testes sunt Robertus frater ejus qui donum ejusdem terræ similiter dedit, Almarus de Suanacas, Anskerus gener Gunfridi molinarii, Wizo frater Rodulphi, Lambertus Blouel, Arnulfus filius Gunfridi, Walterus Flameng, &c.

*De obitu domni Rainaldi Abbatis.*

**D**ominus Abbas Rainaldus postquā per annos circiter quatuordecim hunc locum laudabiliter rexerat, & ædificiis adornaverat: postquā cum nobilibus hujus Parrochiæ super pascuā huic loco subjectā diutinum conflictum habuerat: nam & auctoritate Summi Pontificis, & vi Comitis Manassis, oves & boves universas, insuper & porcos & pecora campi in ipsam pascuam fecit minari, postquā heredes Balduini Bochard eam in præjudicium Ecclesiæ arari fecerant & seminari; tandem senio confectus, & labore Romani itineris attenuatus, dormivit cum patribus suis in Ecclesiā à venerabili Comite Balduino, & suo prædecessore domino Gisleberto primo Abbate constructa, honorificè tumulatus, vacante iterum loco præsentē ferè per annos quatuor. Nam Flandrenses Monachi hic consistentes Pictavenſibus detrahebant, & alienationem à domino Rainaldo Abbate, scilicet de bosco de Hottingehem factam eis semper improbabant, & ideo Karroſenses sibi præesse contradicendo refugiebant.

Turci autem Cœnobium Monachorum in monte Thabor situm funditus evertunt, & Monachis cum reliquis omnibus intestatis omnia sibi diripiunt.

Robertus II. Comes Flandrenſium cum equitaret super pontem Meldensē cum multitudine Militum, casu cecidit, & conculcatus pedibus equorum ibi finivit vitam. Corpus ejus apud Attrebatum relatum est; & in Ecclesiā sancti Vedasti sepultum. Successit ei Balduinus cognomento Hapiola filius ejus.

Henricus Imperator cum magnā Optimatum suorum gloriā natale Domini celebrat Moguntia, ibique uxorem ducit filiam Henrici Regis Anglorum anno x. Ludovici Regis Francorum.

Balduinus secundus Rex Jerusalem moritur, frater Godefridi Ducis Lotharingorum, & primi Regis Jerosolymitarum. Fuerunt autem filii Eustachii Comitis de Bononiā, ex Idā sorore Godefridi Gibbosi Ducis Lotharingorum. Quibus de medio factis, tertius regnat Balduinus filius Hugonis Comitis de Reiteſtā. Paschali Papa mortuo Joannes Gaitanus,

ANDREAS  
MARCIA-  
NENSIS.

Robert. Flan-  
drenſ. Comes  
apud S. Vedas-  
tum sepelitur.

1118.  
Henrici Imp.  
nuptia.

Balduin. Rex  
Hierosolym.  
obit.

Paschali G la-  
sus succedit.

qui & Gelasius ei successit. Henricus Imperator tunc temporis morabatur in Italiâ. Cum autem audisset Palchalem Papam esse mortuum, Romam tendit ad eligendum Papam. Gelasius autem præsentiam ejus veritus, jam electus & ordinatus secessit Capuam. At Imperator quia electioni non interfuit, nec ordinationi consentit, aliquibus Romanorum annitentibus Hispanum quemdam Burdinum nomine satis Clericum, ei superordinari fecit.

Burdinus Antipapa.

Gelasius Cluniaci decedit: ibidem Calixtus subrogatur.

Burdinus eucullam induit.

Balduino Comite Flandrensi absque liberis defuncto, Carolus Roberti Comitis patris ejus ex sorore nepos Comes substituitur, filius Regis Danorum. Joannes Gaitanus qui & Gelasius Papa Cluniaci moritur & sepelitur. Wido Viennensis Archiepiscopus in Papam eligitur, & Calixtus vocatus Cluniaci benedicitur. Henricus Imperator cum sibi faventibus ab eodem Papa, & ab omni Ecclesiâ pro suis injustitiis excommunicatur. Burdinus Pseudopapa Sutrii positus, dum peregrinos Romam euntes vel redeuntes turbat & deprædatur, tandem ut vilissimus Apostata capitur, & in Monachum attondetur.

1125.  
Lothar. Imper.

Tyrus à Christianis transmarinis capitur anno xvii. Ludovici Regis. Henrico Imperatore mortuo Lotharius Dux Saxonum vir sapiens & industrius, & Ecclesiastico juri devotus, præpotens divitiis & victoriis omnium assensu eligitur & consecratur.

1127.

Varie dissensiones & cædes.

Anno nono decimo Ludovici Regis solutus Satanas terras perambulabat. Flandria & Burgundia longo terrarum situ disjunctæ conjurant in Apostasiâ proditoris Judæ. Quidam proditores Flandrenses timentes damnari pro suo scelere, dominum suum Carolum Comitem Brugeias jugulant in Ecclesiâ S. Donatiani ante altare Psalmos canentem, & elemosynam dantem. Unus atque idem Satanas uno atque eodem die simile nefas præsumit in Burgundia. Damnati quidam dum diffidunt suæ salutis, utpote rei majestatis, dominum suum Willelmum Comitem Sedunensem gladiis confodiunt in quâdam Ecclesiâ ante altare orantem: Actum secundâ hebdomadâ Quadragesimæ feriâ iiii. sed peracto scelere homicidæ hac illacque diffugientes diversis injuriis & digno satis sibi fine perierunt per industriam Ludovici Regis Francorum.

Comitatus Flandrensi datur à Ludovico Rege Francorum datur Willelmo filio Roberti Comitis Normanniæ, fratris Henrici Regis Anglorum. Hunc Robertum olim à Jerosolymis redeuntem eo quod præstitam pecuniam redhibere nequibat, idem frater Henricus Rex Anglorum Northmanniâ expulerat, & eam sibi subjugaverat, fratremque in Angliâ in custodiâ liberâ redegerat. Orta seditione & dissidio inter Willelmum Comitem & Flandrenses, annitentibus Equitis & Daniele Majoribus Flandriæ, accersitur Theodoricus filius Theodoric Ducis Alsatia, nepos Roberti Comitis Flandriæ ex sorore Gertrude. Sed dum Godefridus Dux Lovaniensis Guillelmo Comiti auxiliaretur, congressio facta est utriusque exercitus ante castellum quod dicitur Aloft. Ibi Guillelmus Comes quemdam militum aggreffiens monomachiâ in dextero brachio lanceatur, & subrepente Dracunculo quinto die moritur. Comitatus Flandrensi Theoderico datur à Rege Francorum Ludovico, quia cognatus ejus erat ex materterâ Gertrude. In Flandriâ multi fluvii sanguinei facti sunt, & fossata similiter.

1129.

Anno xxi. Ludovici Regis in die Paschæ consecrare fecit Philippum filium Remis in Regem post se in præsentia omnium Episcoporum & Optimatum Regni sui. Eodem anno plaga ignis divini Carnotum, Parisius, Sueffionem, Cameracum, Atre-

batum, Tornacum, & alia multa loca mirabiliter pervadit, sed mirabilis per sanctam Dei Genitricem MARIAM exstinguitur. Juvenes etenim, senes cum junioribus, virgines etiam teneræ in pedibus, in manibus, in mammillis, & quod gravius est in genis exuruntur & celeriter exstinguuntur.

Balduinus Rex Jerusalem moritur. Calixto Papa defuncto; Honorio quoque successore ejus de medio facto; Romanæ Ecclesiæ pax interpolatur, altercantibus duobus seditiosis de sede Apostolicâ, quodam Gregorio & altero Petro Leonis gente Romano, Monacho Cluniacensi. Gregorius privilegium electionis ab Honorio Papa adhuc vivente consensu quorundam Cardinalium sibi usurpat: Petrus altitudine sanguinis glorians domum Crescentis invadit, cædibus hominum; rapinis, incendiis grassatur. Gregorius veritus potentiam Petri, profugus à sancto Paulo in Spoleto emerso mari tandem apud sanctum Aegidium appulit. Petrus filius Leonis Papali nomine se vocat Anacletum, Gregorius autem se appellat Innocentium.

#### De institutione Domini Petri Abbatis.

Post diutinam vacationem hujus loci electus est hic in Abbatem PETRUS, cognomento Charbonellus, corpore decorus, sanguine generosus, natione Picavenfis, professione Karrofenfis, & in primordio: die suæ promotionis videns privilegium sanctæ memoriæ Balduini Comitis fundatoris nostri aliquantulum oblitteratum & senio depravatum, à domino Manasse successore ejus & filio, Chartam hanc impetravit, & patris privilegio inferi & copulari fecit sub hac formâ:

In nomini Domini Manasses Dei gratiâ Gifnensium Comes Petro Andrensi Abbati ejusque successoribus in perpetuum, Chartam hanc majorem quam pater meus Comes Balduinus sigillo suo firmavit; ego quoque ne sigillum vetustate corruptum deperiret, mei sigilli impressione reformare studui, testificans quod temporibus meis quidquid in eâ scriptum est, Ecclesia vestra liberè & quietè teneat, & in perpetuum tenere debebit.

Postmodum verò super hereditate ab Arnulpho de Ferens cognomento Frussard, & uxore ejus, huic loco liberaliter collatâ à domino Joanne Episcopo Morinensi privilegium impetravit, & quæ in diversis locis ab eo collata sunt in eodem comprehendendi & contineri fecit; quod sic incipit:

In nomine Patris & Filii & Spiritus sancti, Amen. Ego Joannes Dei permissione Tervannensis Episcopus, notum fieri volo tam præsentibus quam futuris, quod Arnulfus de Ferens cognomento Frussard, & uxor ejus Agatha, pusillum gregem Andrensis Ecclesiæ diligentes, & beneficio religiosorum quali frater & soror diligenter associari deliderantes, allodia suæ quæ jacent infra parrochiam sanctæ Mariæ de Ferens, & quæ jacent apud Hardingasse in sinistra parte aquæ fluentis contra occidentem, scilicet infra parrochiam sancti Martini de Teutonicis dictam Retseke, unâ cum omnibus acquisitis & acquirendis in præsentia nostrâ S. Salvatori, per quem salvari cupiunt, & S. Rotrudi in manu domini PETRI prædictæ Ecclesiæ tertii Abbatis dant. Noverint etiam omnes tam Clerici quam laici, quod utrique quamdiu in possessione nunc usque possessâ morari voluerint, à domino Reinaldo quondam Abbate, & à domino Petro nunc Abbate, necnon & ab eorum communi Capitulo singula præbenda conceditur: si autem possessione jamdictâ carentes ad Ecclesiam sancti Salvatoris & sanctæ Rotrudis venerint, quamdiu ibidem in laico habitu morari voluerint, si proprietatem

Incendia suspendenda.

Schisma Petri Leonis.

Petrus III. Abbas Andrensis.

Charta Domini Joannis de quibusdam Doris in Comitatu Boloniensi.

tatem amiserint unicuique bina prae-benda conceditur : si enim monachilem habitum adepti fuerint, victum & vestimentum regulariter habeant.

*Item de eodem.*

**S** Ciant omnes etiam tam noti quam ignoti, quia ipse Arnulfus dimidiam partem molendini, quod est in villâ Gibbingatun, & quatuor Jornellos terræ quæ pertinent ad ipsum molendinum, ad hospitium pauperum, quod juxta Andernensem Ecclesiam edificatum est, peregrinis & egenis euntibus & redeuntibus dat. Hujus rei testes sunt isti Joannes Morinorum Episcopus, Herebertus Archidiaconus, Walterus Custos, Gocelinus Decanus, Philippus Cantor, Hugo Magister, Heremannus Magister, Herenboldus Canonicus, Joannes Abbas S. Bertini, Symon Abbas Alcy, Folquinus Abbas de sancto Johanne, Reinerus Decanus, Willelmus Clericus, Gerardus Presbyter, Dionysius, Alolfus Clerici Episcopi. Actum est hoc anno Incarnat. Dominicæ. M. cxxx. Quod si quis violare conatus fuerit, excommunicationi subiaceat, donec poeniteat, & Ecclesiæ prædictæ poenitendo satisfaciatur.

*Guillelmus Abbas de quibusdam donis ab Henrico hujus villæ domino collatis.*

**I**N præsentī quoque Parrochiâ Henricus de Campanies, hujus villæ tunc dominus, pro animâ Eustachii sororii sui solemnem elemosynam huic loco obtulit, quam idem Dominus Petrus Abbas scripto mandavit in hunc modum. Noverint iterum omnes, quia Henricus de Campanies post celebrationem Missarum pro animâ Eustachii sororii sui, in secundo die videlicet depositionis suæ, terram in Hottingehem jacentem per singulos annos viginti raserias frumenti reddituram, unâ cum Mathilde uxore suâ, & Henrico filio suo super altare sancti Salvatoris & sanctæ Rotrudis Andernensis Ecclesiæ donavit; decem scilicet ad mensam Monachorum, quinque autem ad firmariam, quinque verò ad Hostellariam. Quo audito quidam hujusmodi donum calumniati sunt. Calumniâ enim auditâ ipse Henricus de suo dominio, donec terram in Hottingehem jacentem liberet pro anima prædicti sororii sui, viginti raserias frumenti se per singulos annos redditurum pollicitus est. Quo expleto dominus Petrus in Abbatem electus, omnes hujusmodi donum inquietare conantes, nisi satisfecerint excommunicationis vindictæ subdidit.

Testes sunt Manasses Gifnensium Comes, Emma Comitissa, Henricus Castellanus de Brocboze, Linildis mater sua, Mathildis, Adaliza sorores suæ, Elembertus cognomento Paganus scilicet Vicecomes de Marckes, Goroldus S. Judocii Monachus, Lambertus Presbyter de Andernes, Gerardus Presbyter de Gifnes, Balduinus Presbyter de Campaniis, Eustachius de Bavelingehem, Balduinus de Liskes, Philippus de Muntgardin, Lucas nepos ejus, Jordannus, Balduinus Paladig, Bernoldus de Brudburc, Walterus filius Fredebaldi, Eustachius de Greth, Elembertus Panitor, Folquinus Longus, Raulfus de Douara, Willelmus Ledbertus, Cono de Funtanias, & multi alii.

Similiter & de quâdam terrâ in Campanies jacente à quibusdam calumniatâ, & tempore domni Petri calumniâ sopitâ, idem Abbas mentionem fecit, & scripto mandavit sub hac formâ.

Sciant etiam omnes quia Elias, & Drogo, & Walterus fratres ejus, terram quamdam in Campaniis jacentem, quam Folco pater eorum huic Ecclesiæ dederat, longo tempore injustè calumniati sunt. Quodam enim tempore Deo inspirante cor jam di-

cti Drogonis calumniam injustam cognoscens, hujus Ecclesiæ conversionem desideravit: desiderio autem suo à fratribus suis cognito tam ipse Drogo quam fratres sui prædicti calumniam injustam depoluerunt, quâ depositâ terram quam injustè calumniati fuerant, & terram suam de Nicles & de Herchem super altare S. Salvatoris & S. Rotrudis obtulerunt.

Præterea ex dono prænominati Warini de Fielnes, jure & proprietate villæ de Bokerdes in usus nostros cedente, & Comitatu ipsius ad dominum de Ardea adhuc spectante, dominus Petrus Abbas eundem Comitatum ab eodem domino nomine Arnulfo acquisivit, & in hunc modum confirmari impetravit:

In nomine sanctæ & Individuæ Trinitatis. Quoniam Scripturæ sacræ testimonio didicimus, quod *sapientia vincit malitiam*, & quod *discipline Dei doctrix est sapientia*: hujus pio moderamine tam nos quam omnia nostra semper disponi cupientes, conventionem quamdam inter nos & dominum Arnulphum de Arda habitam litteris commendare curavimus, nequando mendacii maculis, quod absit, veri sinceritatis valeat obscurari. Notum igitur fieri volumus omnibus tam præsentibus quam etiam futuris sanctæ matris Ecclesiæ filiis, dominum Arnulphum de Arda Comitatum suum de Bokerdes, de terrâ videlicet quæ fuit Warini de Fielnes, Ecclesiæ S. Salvatoris & S. Rotrudis Virginis in villâ Andernensi sitæ pro suâ suorumque omnium vivorum atque defunctorum salute contulisse, & in Altari sancto in præsentia domni Petri Abbatis ramo & Wafone obtulisse omnibus ejusdem loci Fratribus cum numerosâ testium multitudine adstantibus. Verumtamen inter eos ejusmodi existit conditio.

Præfatus Abbas dominus Petrus, & alii Fratres decem marcas argenti pro hoc beneficio eidem Arnulpho dederunt, necnon & quamdam terram quam præfatus Abbas coram Episcopo Tervanensi distraxerat contra eundem Arnulphum, qui eam injustè calumniabatur, ei liberam concesserunt. Præterea verò ipsum in suis orationibus & beneficiis benignè susceperunt, & ab omnibus offensionibus quas aliquando erga eos præsumserat, absolverunt; postque illius obitum anniversarium ejus in prædictâ Ecclesiâ omnibus annis festivè celebrari statuerunt; similiter autem & patris & uxoris, necnon infantum suorum anniversaria ei concesserunt; atque prebendam unam ab eadem Ecclesiâ pro suâ suorumque omnium incolumitate cuidam pauperi perenniter dari constituerunt. Si quis autem conventionem istam pacificam violaverit, aut consilio pravo seu ingenio malitioso permutaverit, anathematis eum vinculo ibidem coram Altari sancto innodaverunt, poenisque infernalibus cum diabolo cruciandum deputaverunt. Ut autem conventio ista inviolata inconcussaque perduret, ego Arnulfus proprio sigillo Chartam hanc signari præcepi. Testes autem hujus conventionis sunt ii, scilicet Lambertus & Rodbertus Sacerdotes, Eustachius de Bavelingehem, Radulphus de Dondra, Arnulphus Gocl, Philippus de Muntgardin, Walo de Arda & Elrodus nepos ejus, Hugo Vitulus, Wido de Bavelingehem, Eustachius de Fossis, Erembertus filius Eustachii de Valle, Framericus de Arda, Wido de Andrens, Ernulphus Cementarius, Ingelramnus infans, Petrus armiger Arnulfi de Arde, Radulphus de Douera, Arnulfus de Bavelingehem & Lambertus frater ejus, Gosfredus de Boche, Wimundus famulus Abbatis, Hugo, Frodus & Balduinus, Telonearius de Gifnes; & alii quamplures.

Et quoniam idem dominus Ardeæ de Comite Gif-

Charta Domini Arnulfi de Arda super Comitatu de Bokerdes. Sap. 7 30. Ibid. 84.

Confirmatio



Domini Manassis.

nenfi Manasse tamquam de domino superiori memoratum Comitatum cum multis aliis bonis suis tenebat in feodum, ad preces & instantiam tam ipsius domini quam Abbatis Petri, Comes supradictus assensum suum præbuit, & super hoc Chartam suam huic loco concessit, quæ sic incipit :

*De Nominatione Comitatum.*

**N**otum sit omnibus hominibus, quodd ego Manasses Comes Gisenensis voluntarie concessi donum illud quod fecit Arnulfus de Arda Andrenensis Ecclesiæ de Comitatu de Bocretes, de terrâ videlicet quæ fuit Garini de Feldnes; & quodd idem Arnulfus datum illud me audiente recognovit & confirmavit: quod testantur subscripti homines, videlicet Ernoldus de Gant, Eustachius de Bavelinghem & Balduinus frater ejus, Radulfus de Dovera, Arnulfus de Hammes, Hugo Malvoisin, Balduinus de Liskes, Philippus de Montegardin, Balduinus filius Malvoisin, Hugo Delbroch, Sigerus de Gant, Eustachius Vavafor, Balduinus Hostiarius Comitis, Otfridus de Gifnes, & filius ejus Manasses, Gosfridus, Alelmus & Balduinus avunculus ejus, Walterus minister Comitis, Gunfridus Pincerna, & alii multi. Ut autem nullus huic conventioni violentiam inferre præsumat, Chartam hanc testamentalem proprio sigillo corroborari præcepi.

Ex tenore igitur utriusque Chartæ præcedentis perpendi potest ex facili de omni terrâ quam dedit nobis Warinus de Fielnes Comitatum ad dominum Ardensensem pertinuisse, quia tunc temporis propinqui erant Ardenses domini & Fielnenses, & usque hodie pro eisdem Ardensibus uni pauperi in nostro hospitali providetur præbenda.

ANDREAS  
MARCIA-  
NENSIS.

1130.  
Aliis 1131.  
Concil. Rem.  
sub Inno. II.

De Sancto  
Bernardo Ab-  
bate Clareval-  
lensi.

De Theobal-  
do Blesensi &  
Carnot. Co-  
mite.

Monstra.

1136.  
Cœnob. Ve-  
dastin. con-  
crematur.

Anno ab Incarnatione Domini M. cxxx. Innocentius Papa in Franciam venit, anno xxiii. Ludovici Regis Francorum post festum sancti Lucæ Evangelistæ, & Remis Concilium habuit cum Episcopis & Abbatibus trecentis, mediante ipso Francorum Rege Ludovico cum filio suo qui secundus erat natus, ei æquivoquo: nam Philippus primus natus antea coronatus ante hos dies Parisius venerat, & ut fertur à dæmone ludificatus in specie porci dum hac illac equum gyrat, subito corruit exanimis, unde pater valde mæstus Remis adveniens Ludovicum secundum natum filium secum advexit, & à Papa inungi & benedici & coronari in Regem, imponi fecit.

Domnus Bernardus Abbas Clarevallensis quasi stella matutina Monachicum ordinem illustrat, & sanctitate, doctrinâ, miraculis etiam claret in Galliâ; cujus vita in tantum excellit, ut parum sit omne quod in ejus laudem dictum vel scriptum fuerit. Ejus labore, fervore & solertiâ rabies Leonina per Petrum filium Leonis in Romanâ Ecclesiâ per octennium excitata, ipsius instantiâ est sedata.

Theobaldus Comes Blesensis sive Carnotensis, qui fuit pater Willelmi modo Archiepiscopi Remensis, præ cunctis Principibus Galliæ magno pondere justitiæ eminet in Franciâ, Religiosis, Monachis, & Clericis pius ac familiaris, Ecclesiæ defensor, pauperum adjutor, mærentium consolator, in commerciis negotiatorum cautus & discretus, in reis & à recto deviantibus ultor & vindex.

In civitate Tornaco natus est agnus unius corporis, duorum capitum, quatuor aurium, quatuor oculorum, & octo pedum. In villâ quæ dicitur Brama mense Aprili natus est infantulus carens collo & capite, ocellos habens in spatulis. Anno xxviii. Ludovici Regis Francorum Cœnobium sancti Vedasti Atrebatensis concrematur cum Claustro & Officinis, & magnâ oppidi parte; nec meminit ali-

quis nostrâ ætate tot villas & civitates, tot castra, oppida, vel municipia concremata fortuito igne, quot in hujus anni spatio combusta esse referuntur.

Eodem anno Henricus Rex Anglorum obiit, vir pauperibus & Ecclesiæ Dei multæ benignitatis, ac per hoc multæ liberalitatis fuit. Obiit quoque eodem anno Ludovicus Rex senior Francorum, qui hos habuit filios Philippum ac Ludovicum juvenem, qui cum patre regnavit annis quinque & mensibus novem, post patrem annis xlv. Henricum Archiepiscopum Remensem, Robertum Comitem Perticensensem, Petrum de Curtenai strenuum Militem habuit, & filiam Constantiam, quæ primò desponsata est Eustachio Comiti Boloniensi filio Stephani Regis Anglorum, secundò Raimundo Comiti Tolosano. Regnavit autem in Franciâ xxviii. annis. Pontifices Romani qui eo tempore præfuerunt Ecclesiæ, Paschalis, Gelasius, Calixtus, Honorius, Innocentius: Imperatores Romani, Henricus quintus & Lotharius II.

Ludovici quoque Regis tempore floruit domnus Norbertus Archiepiscopus civitatis Parthenopolis, quæ alio nomine Magadaburth dicitur, à quo Ordo Præmonstrati sumit initium anno Domini M. cxxi.

Anno Domini M. cxxxv. Lotharii autem Imperatoris XI. Innocentii verò Papæ VII. regnavit Ludovicus Junior, filius Ludovici, in Franciâ quadraginta quinque annis post patrem regnavit: hic duxit uxorem Aanordem filiam Willelmi Ducis Aquitanie, de quâ genuit duas filias, quarum prior nupsit Henrico Comiti Trecenti; posterior Theobaldo Carnotensi Comiti.

Henrico Regi Anglorum, ut prædiximus, mortuo, tunc successit ei in Regno Stephanus nepos ejus, frater Theobaldi Comitis Blesensis: tamen non fuit justus successor, sed invasor: nam heres justus erat Henricus puer filius Gaufridi Comitis Andegavorum, quem genuerat ex Imperatrice filia Henrici Regis Anglorum. Hic Stephano mortuo successit in Regno.

Anno secundo Ludovici Regis Lothario Imperatore mortuo, successit ei Conradus vir Regii generis; erat quippe ex sorore nepos Henrici quinti Regis, quarti Imperatoris hujus nominis.

Peccatis prædecessorum nostrorum in hoc Andrensi Cœnobio degentium exigentibus, Ecclesiæ præfens occulto Dei judicio & semper justo fulgurata est, & cum omnibus appendiciis suis penitus concremata. Siquidem sicut ab illis audivimus qui hoc viderunt & audierunt, & usque ad nostra tempora duraverunt, hostis humani generis in specie uris super Ecclesiam visus est circumquaque discurrere, turrim laterculis ligneis coopertam ascendere, & conflagrantes laterculas super cuncta ædificia projicere: apparent adhuc per omnes ferè dormitorii macerias ruinosas & scabrosas ejusdem cælestis incendii vestigia, quia postmodum cætera ædificia sunt per gratiam Dei in melius reformata. Combusta est etiam in ipso incendio domus infirmorum lignea, speciosa & sumptuosa, à nobili viro Radulpho de Douera domini Manassis Comitis commilitone & amico speciali composita, eâ quidem intentione quod cum Comite eodem decreverat in sancto proposito vitæ residuum ducere, & in eadem domo decedere; & hic quidem Radulfus in omnibus scriptis nostris antiquis testis introducit, unde inter ipsum & Comitem memoratum perfecta amicitia, fidelis & assidua comprobatur.

Ab hoc ergo tempore ipso Radulfo, sicut dicitur, procurante Conventus Ecclesiæ Christi Cantuariensis intuitu compassionis & religionis, & ad favorem

Reges Gall.  
& Angl. inter-  
reant.

De ordine  
Præmonstra-  
ti.

De Regno Lu-  
dovici VII.

1136.

1139.

WILLELMUS  
ABBAS.

Ætas Willel-  
mi Auctoris  
Chronici An-  
dren.

Monachor.  
Cantuarior.  
liberalitas.

paupercatis Andrensis viginti quatuor paria pellitiarum, froccorum & cucullarum cum ceteris lectorum vestibus, quæ de sua superabundantiâ ei superfuerant, totidem Monachis hic degentibus transmittere consueverant. Et hæc quidem licet vetusta nostri prædecessores in paupertate Christo servientes non rejiciebant, sed toto tempore domini Petri Abbatis & sui successoris cum gratiarum actione recipiebant. Dum igitur huic loco incendium dominaretur, dum quibusdam ornamentis Ecclesiasticis, libris & Chartis ab accolis asportatis, & in loco tuto repositis, quæque finitima & vicina deploraretur, quibusdam libris & sacris vestibus incendio consumptis, quædam Chartæ nostræ sunt incendio conflata, quarum tenorem istum fuisse cognovimus pro eo quod earum rescriptum in nostris archivis cum aliarum Chartarum rescriptis more solito habuimus; prima fuit Caroli Flandrensis Comitis sic incipiens:

Charta Domini Caroli Comitis Flandrensis.

Ad honorem summi Salvatoris. Quicumque rebus Ecclesiasticis servorum Dei commodis robur continuæ stabilitatis & munimen administrat perpetuæ tranquillitatis, hic nimirum domum Dei in præsentis ædificat, & in futuro Regnum sibi æternum præparat. Idcirco ego CAROLUS Dei miseratione Flandrensis Comes, cupiens sic transire per bona temporalia, ut non amittam æterna, ad consultum salutis nostræ, Ecclesiæ S. Salvatoris ab honorabili Gisenensium Comite Balduino ejusque conjuge Athelâ in loco Andernes dicto ad utilitatem Monachorum ædificatæ, nostræ tuitionis munimentum adhibemus, & universa quæ tam à supradicto Comite quam à successore ejus Manasse, seu eorum Baronibus, seu quibuscumque personis fidelibus ubilibet liberali munificentia eidem loco data vel danda sunt, unâ cum uxore meâ absque quâlibet inquietudine libera & integra perpetuò ejusdem Cœnobii Monachis possidenda concedimus, terras videlicet, Comitatus, decimas, silvas, aquas, molendinâ, prædia, hospites, vassallos, servos & ancillas, ceteraque omnia quæ breviter subiecta sunt. Terram de Antingahem cum hospitibus liberam, & Comitatum & Boscum. Terram in villâ Bissingahem; terram apud Altinges apud Morlingehem; terram cum Comitatu apud Suaneches, tres carrucas terræ omni consuetudine liberas cum Comitatu, & hospitibus & aquâ juxta Turnahem; triginta mensuras sylvæ in Bredenarda; pratum triginta dierum & Comitatum solitudinis de Gîsnes; hortos duorum hospitum apud Gîsnes; Comitatum de Herchem, & locum molendini cum stagno apud Gîsnes; decimam terræ quæ jacet in Parrochiâ sancti Martini de Felmes; terram juxta Pithem in solitudine, omninò liberam cum Comitatu; apud Marcnes unum hospitem cum Comitatu; in Parrochiâ Andernenli terram Balduini Bozard, & Comitatum; terram Gunfridi filii ejus cum Comitatu; omnem pasturam Henrici de Campanies omninò liberam; apud Herchem terram Suahildis cum hospitibus & Comitatu; terram Raimbaldi cognomento Rabolo, & Comitatum; apud Bavelingahem & Ruham totum allodium Eustachii, terram, pratum, hospites, aquam, boscum & suam partem molendini & Comitatum; apud Wiberti culturam terram Hathennif de Bavelingehem; in villâ Hottingahem, totum allodium Ingelramni de Bainingahem, terram, pratum, boscum, aquam; terram Mauriti in eadem villâ & Comitatum.

Et ut breviter cuncta comprehendamus, universa quæ data sunt in Parrochiis de Gîsnes, in parrochiâ de Spetleca, in parrochiâ Andernenli, in parrochiâ de Campanies & de Buchout, in parrochiâ de Roltingehem & de Bratmes; in parrochiâ de Landegra-

tun & de Altenges, in parrochiâ de Suaneches, & de Elecke; in parrochiis de Bradenardâ, scilicet de Nortkerke & de Sutkerke, de Ouderwich, de Pullingahone, & de Furfres; in Parrochiâ de Beiningahem; in parrochiâ de Lillingahem; in parrochiâ de Turnheim & Boninges; in parrochiâ de Aldenhem; in parrochiâ de Surches & de Rosberge, & de Alekin; in parrochiâ de Liskes & de Buxin; in parrochiâ de Bucetes & de Funtaines; in parrochiâ de Nieves & de Fraitun; in parrochiâ de Budreke & Piplingehem; in parrochiâ de Selines & de Pithem; in parrochiâ de Helbetinheni & de Terdingahem, & in parrochiâ de Odingahem; & de Basingahem; in parrochiâ de Voleringahone, de Nilham; in parrochiâ de Merc & de Hone, Ecclesiæ Andernenli perpetuo jure possidenda confirmamus.

Concedimus etiam quod à præfatis Comitibus concessum est, Balduino videlicet & Manasse, ut unusquisque Militum Gisenensium de Feodo suo si voluerit usque ad unam carrucatam terræ, vel usque ad centum solidos Ecclesiæ Andernenli liberè attribuat. Decernimus quoque & firmiter statuimus, ut nulli successorum meorum, vel Comitum Gisenensium vel quorumlibet hominum ejusdem Cœnobii homines liceat ad suam seu cujuslibet laicalis personæ justitiam cogere, nisi ante Abbatem; vel coactivam petitionem seu incisuram super ipsos instituere, vel animalia eorum suis servitiis mancipare, seu quidlibet ex eorum substantiis auferre: sed omnia prænominata, seu omnia alia ad idem Monasterium pertinentia sub potestate & justitiâ Abbatis & Monachorum libera omninò in perpetuum permaneant.

Et quoniam annuentibus prædecessoribus meis Rodberto scilicet seniore, ejusque filiis Rodberto atque Philippo ædificatum, & postea à Balduino nepote meo idem Monasterium diligenter honorificatum est, ideo concedimus ut qui in toto Comitatu Flandrensi aliquid pro elemosynâ offerre ibidem voluerit, absque cujuslibet contradictione id attribuat. Quicumque igitur in aliquo hanc Chartam infregerit, tandiù honore omni suo & possessione careat, donec prædictæ Ecclesiæ per omnia satisfaciatur.

*Relatio domini Wilhelmi Abbatis de charta domini Manassis Comitis.*

**A**liud quoque privilegium fuit incendio crematum à domino Comite Manasse confirmatum & approbatum, cujus illud fuit principium:

Quoniam diversitate morum plerumque contingunt diversæ controversiæ causarum, videtur expedire res Ecclesiis Dei traditas litterarum annotatione ad posteros mittere, ne res in dubium posita aliquod perversis Ecclesiis impugnandi scrupulum gignat; unde scripto mandamus quod Balduinus Comes Gisenensis hereditatem cupiens in Regno Dei habere, locum exstruxit Andernensem, quem, ut ad opus Dei meliorem semper exemplis melioraretur, Ecclesiæ Carrofeni subdidit, atque ut isdem locus in recognitionem subjectionis pater & elemosynam sui prædictæ Ecclesiæ Carrofeni omni anno censum, videlicet duas marcas argenti persolvere constituit. Post cujus mortem filius ejus Manasses elemosynam patris augere cupiens, in manu Petri Carrofenis Abbatis loco Andernenli, si aliquis suorum fenatorum de seno ipsius centum solidatas vel tantum ut suum hominatum non perderet donare voluisset, concessit: gratiâ autem Dei in melius loco proficiente electo eidem Ecclesiæ Gilberto primo Abbati & ordinando, hoc immunitati

IIII ij

Tom. II.

contulit privilegium, ut homines ejusdem Andrensis Ecclesie pro aliquo foris-facto non distringeret vel judicaret nisi sicut homines . . . . . Gifnensium

Obientibus verò ejusdem loci Abbatibus, electa suo loco fuerit idonea persona in Capitulum Corrofenſe deducatur, & ibi probatâ electione ab Abbate & Capitulo Carrofenſi, ei pastoralis virga curaque injungatur, salvâ subjectionis obedientiâ Ecclesie Carrofenſi ab eo conservandâ: si verò in loco condigna nequiverit reperiri, in Capitulo Carrofenſi dignè dignus eligatur, & ab Episcopo Tervanensi consecratus loco Abbatis præponatur.

Hæc ut dicta sunt prædictus Comes Manasses concessit, auctorizavit, simul etiam ne aliquam dominationem vel consuetudinem ipse aut ullus ex heredibus ejus in eodem loco haberet, nisi tantum locum loco Advocati in perpetuum custodiret. Acta sunt hæc anno Incarnationis Dominicæ M. xcvi. Indictione vi. præſidente Apostolicæ ſedi Domino Papa URBANO, PHILIPPO Francorum Rege, GERARDO tunc Morinorum Episcopo, ROTBERTO Flandrenſium Comite. Testibus iis. Hugo Archidiaconus frater Manassis Comitis testis, Gerardus Hamensis Abbas testis, Ravengarius Abbas Capellæ testis, Fulco frater Comitis testis, Arnulfus de Arda, Lambertus Vicennos, Balduinus filius Witfridi, Balduinus de Osterne, Erverius de Bavelinghem, Eustachius de Curtebronna, Hugo de Surkes, Hugo Malvoisin, Rotbertus de Hammes, Withdo de Elembo sunt testes, & multi alii qui hoc viderunt vel audierunt.

*Quid actum sit post hujus loci combustionem.*

Post hujus loci miserabilem conflagrationem Comite Manasse operam dante, domino Petro Abbate multipliciter instante, Optimatum terræ nobilitate opes & operam fideliter administrante, exusta ædificia partim sunt cooperta, partim renovata, partim de novo composita. Venerabilis quoque Morinensis Episcopus Joannes hujus loci condolens desolationi, qui locum semper dilexerat, promoveat, & scriptis authenticis ut in melius proficeret roboraverat, Ecclesiam de Bokerdes huic loco liberaliter delegavit, & ipsam cum decimâ ad eam spectante Fratrum refectioſi deputavit, à pluribus audiens & pro certo cognoscens quod in fame & siti, in frigore & nuditate Deo servirent, & sperans quod sui memoriam in perpetuum haberent: qui brevi postea tempore supervivens, & in spe sanctâ decedens, successorem habuit piæ memoriæ MILONEM Præmonstratensis Ordinis præcipuum informatorem, sancti Judoci de Nemore aliquando Abbatem, Deo acceptabilem, tam Clero quàm populo pro meritis honorabilem. Hic igitur in primordio suæ promotionis suam diocesim paternâ sollicitudine visitans, & more beati Martini cum illo suo frequentissimo sanctissimoque comitatu, non tamen sumptuoso, locum istum suâ visitatione perlustrans, ad instantiam domini Petri Abbatis præsentibus sancto Bernardo Clarevallensi, & Wallerano Urſi-Campi, & Hugone de Monte sancti Eligii Abbatibus, & aliis multis, super commoditate aquæ & paludis molendino & Monasterio nostro subjacentis, & super pasturâ huic loco contiguâ, Privilegium nobis indulſit in hunc modum:

Ego MILO Deigratiâ Morinorum Episcopus, notum fieri volo tam futuris quàm præsentibus sanctæ matris Ecclesie filiis, quod Henricus de Campanies veridicorum testimonio tempore domini Joannis prædecessoris nostri, pro remissione peccatorum suorum & antecessorum suorum commoditatem aquæ &

paludis molendino & Andrensis Ecclesie Curie adjacentis, in herbis, in piscibus, in volatilibus capiendis ac nutriendis ita concesserat communem, ut & ipse Henricus & jamdicta Ecclesia in aquâ & palude præfatâ, quod sibi commodum videret, pro velle suo acciperet, & neuter alteri contradiceret. Concesserat etiam eidem Ecclesie & hominibus ad eam pertinentibus omnem pasturam parrochiæ Andrensis perpetuâ eadem pace possidendam, quam tempore Balduini patris Manassis Gifnensium Comitum possiderunt. Quas etiam concessiones præfatus Henricus primâ vice quâ Andernes veni, coram nobis recognovit. Nos verò paci Ecclesie providentes ne concessio ampliùs ab aliquo injustâ inquietatione fatigetur, scripto eam annotari, & proprio sigillo fecimus signari, interdicientes auctoritate Dei omnipotentis & nostrâ, ne cuiquam hominum eandem concessionem temerario ausu infringere liceat. Quod si quis, quod absit, fecerit, donec Ecclesie satisfecerit & honore terreno privetur, & cœlesti animadversione mulctetur.

Hujus rei testes Bernardus Abbas Clarevallensis, Walerannus Abbas Urſi-Campi, Hugo de Monte sancti Eligii Abbas, Petrus Abbas Andrensis, Hebertus Archidiaconus Tervanensis, Magister Hermanus, Guncelinus Decanus Audom. Gerardus Presbyter Gifnensis, Lambertus Presbyter Andrensis, Wido Clericus de Bavelinghem, Henricus filius Henrici, Gusfridus de Gifnes, Gozo frater ejus, Balduinus Clericus frater ejus, Eustachius de Bavelinghem, Balduinus frater ejus, Balduinus nepos prædicti Henrici, Gisbertus Miles, Alelmus de Gifnes, Willelmus de Funtaines, Eustachius Vavator, Eustachius Galobia. Actum anno verbi Incarnati M. cxxii.

Postea verò de dono prænominatorum Arnulfi Fruſſard & uxoris ejus nobilium de Fercnes, & sua allodia cum terrâ & Comitatu in diversis locis confetentium aliam nobis Chartam contulit, quæ sic incipit:

In nomine Patris & Filii & Spiritus sancti, Amen. Ego MILO Dei permissione Morinorum Episcopus, universis sanctæ matris Ecclesie filiis notum fieri volo, quod Arnulfus de Fercnes cognomento Fruſſard, & ejus uxor Agatha pusillum gregem Andrensis Ecclesie diligentes, & beneficio Religiosorum quasi frater & soror perenniter associari desiderantes, allodia sua quæ jacent infra parrochiam sanctæ MARIE de Fercnes, & quæ jacent apud Hardinginallem in sinistra parte aquæ fluentis contra Occidentem, scilicet infra parrochiam sancti Martini de Resthi, unâ cum omnibus acquisitis vel acquirendis in manu nostrâ prædictæ Ecclesie dant.

Notifico etiam omnibus quod ipse Arnulfus dimidiam partem molendini, quod est in villâ Gibbingatum, & quatuor jornellos terræ, quæ pertinent ad ipsum molendinum, ad hospitium pauperum, quod juxta prædictam Ecclesiam ædificatum est, peregrinis & egenis euntibus & redeuntibus tam sanis quàm infirmis dat.

Hæc dona facta sunt anno Incarnationis Dominicæ M. cxxxiii. in Ecclesiâ dictâ Caroli noviter consecratâ, me sacerdotalibus adhuc vestibus induto, quorum testes sumus, Ego ipse MILO Episcopus, domnus Abbas Balduinus sancti Wlmari, domnus Joannes Abbas sanctæ MARIE Bononiæ, domnus Herebertus Archidiaconus noster, Wlbertus Monachus, Gusfridus Monachus de Capellâ, Magister Hermannus, Sigerus de Heka; & multi alii tam Clerici quàm laici.

Milo Morin.  
Episc.

S. Bernardus.

1132.

1133.

**S** Ed & contra Fielnensium dominorum importunitatem idem Episcopus se pro hoc loco erexit, & viriliter habuit: qui propter sui prædecessoris donum, scilicet Warini sæpemenorati monachi hujus loci, quotiescunque ab Abbate novus instituebatur elemosynarius, relevium sive relevationem ab eo exigebant, & eos ad hoc induxit, ut non ab elemosynario instituto, sed potius ab Abbatibus, qui rariùs instituebantur, eandem consuetudinem quamdiù tamen vellent, accipere debeant. Quod testatur ejusdem Episcopi Charta sub hac formâ composita:

1137.

**E**odem tempore nostri Andrenses Karrofenſium dominationem pertaſi, & graviter ferentes Flan- drenſes Piſtavenſibus ſubjici, utpote qui propter linguarum diſſonantiam eis videbantur alieni, conſen- tiente domino Manaſſe Comite, & domno Petro Ab- bate minimè contradicente, ſed nec contradicere audente, communi voluntate & conſilio domnum Gregorium hujus loci Monachum profeſſum, præfati Comitis nepotem, ſuæ ſcilicet filiæ & nobilis viri Euſtachii de Bavelingahem filium, ad Karrofenſe Monafterium honorificè tranſmittunt, eâ quidem intentione ut locum & perſonas agnoſceret, & ſe ibidem notum faceret, ut aliquo tempore ibi ſubef- ſet, & ſuam profeſſionem firmaret; quatenùs loco & tempore tamquam profeſſus Eccleſiæ Karrofen- ſis huic loco prodeſſe & præeſſe competentius vale- ret. Suſceptus eſt igitur ibidem in gratiam, & ho- norificè tractatus, & quidquid affectabat grateriter adeptus: priuſquàm tamen ibidem accederet, com- buſtum fuit illud nobile & famoſum Cœnobium, & in ſuo acceſſu pro majori partè reedificatum. Cum multis etiam Eccleſiæ theſauris & libris authenticis Capituli, liber Fratrum & benefactorum nomina continens fuit incendio concrematus paulo ante- quam incendio deperiret iſte locus. Pro his igitur infortuniis fuit diſſinitum, quod tamen in Karrofen-

Præfatus itaque Gregorius per annos aliquot à Karrofo regressus avum suum Manassem Comitem jam in extremis agentem in infirmatorio decumbentem & sanctæ conversationis habitum habentem invenit. Ad cujus lectulum cum proprius accessisset, & eum idiome Pictavico utpote alterius linguæ jam ignarus, humiliter salutasset, nobilis heros licet annis maturus & corpore debilis & infirmus, corde tamen robustus & antiquæ caliditatis minime oblitus, se ab aliquo æstimationis irrideri, cum se salutantem audiret quidem sed oculis jam caligantibus præ senio non posset intueri, Gregorium sermone Pictavico derisorie resalutavit, & se nugis aut jocis non posse vacare respondit: tandem eum cognitum affectuosè deosculans, de sui Ordinis observatione & Dei dilectione, & fraternâ charitate diligenter admonuit, & Domino Abbati Petro eum sollicitè recommendavit. Paucis postmodum diebus evolutis, cum purâ confessione, verâ memoriâ, & sanctâ unctione percipiens viaticum salutis æternæ inter Fratrum & Monachorum manus, & ipsè Frater eorum & Monachus feliciter decedens ad patres suos est appositus. Et præsentem nobili Emma Comitissâ, & Procerum suorum multitudine à domino Petro Abbate in navi prioris Ecclesiæ, sicut tantum decebat Principem, honorificè tumulatus.

Comitiſſa quoque Monafterio Monialium extra Giſnas à marito ſuo fundato tamquam prudens virago viriliter inſiſtens, & inter Moniales religionis habitum religioſè vivendo allumens, in ſancto viduitatis propoſito ibidem diu vixit, & poſt peractam pœnitentiam in ſpe ſanctæ reſurrecciónis diem ultimum clauſit, & in Eccleſia ſancti Leonardi ſepulturam accepit.

Poll mortem venerabilis Comitiss Manaffis, qui & Robertus dictus est à Comite Flandrensi Roberto, Deo permittente iusto quidem iudicio sed occulto omnia disponente, dum bonæ memoriæ Dominus Petrus Abbas equo non satis domito aditum quemdam vellet intrare, in magnum hujus loci infortunium membris contractis & collisus in terram dejectus est, & vix vivus in manibus famulorum ad Monasterium reportatus est, ubi diutino languore fatigatus, & tamquam aurum in fornace ex dolore corporis & patientiâ mundi cordis & gratiarum actione cordis & oris multipliciter probatus, Deo animam reddidit, quem grex orbatus in antiquâ Ecclesiâ honorificè sepeliivit; sepulto venerabili Patre qui tredecim annis & amplius hunc locum laudabiliter rexerat, & decenter reparaverat, iterum ferè quatuor annis locus vacavit, & à viâ rectitudinis turpiter devia-

Quidam enim de Fratribus nostris Optimatibus terræ, præcipuè parentelæ præfati Gregorii, potius placere volentes quàm religionem plantare & propagare desiderantes, eundem Gregorium sibi volebant præficere, ut juxtà vias adinventionum suarum eo præsidente possent ambulare; quorum utilitati minùs religiosæ supradictus Dominus Milo venerabilis Morinorum Episcopus se objecit, & eorum consensum prævalere prohibuit juvenilem ejus ætatem prætendens, fratrum & propinquorum catervam pauperi Ecclesiæ magis nocituram, quàm profuturam metuens, & sic eum eâ vice omnino repellens.

Anno quinto Ludovici Regis Francorum Stephanus Rex Anglorum capitur ab hostibus suis prodicione suorum. Eodem anno plaga ignis divini mul-

Piè obit.

Emma ejus uxor in Monasterio religiosè vitâ peractâ defungitur.

Petrus Abbas  
equo dejectus  
moritur.

**Gregorius** Ab-  
bas eligitur ,  
sed frustra.

ANDREAS  
MARCIA-  
NENSIS.  
1142.



Stephan. Rex  
Angl. ab ho-  
stibus capitur.

1143.

WILLELMUS  
ABBAS.

Gusfridus  
Abbas.

Scriptor quæ  
ab oculatis tes-  
tibus audivit,  
narrat.

tos adussit, sed per intercessionem sanctæ Dei Ge-  
trici Mariæ aliorumque Sanctorum multis hac æ-  
gritudine laborantibus misericordia Dei subvenit.  
Anno sexto Ludovici Regis Francorum Rex Anglo-  
rum Stephanus solutus à captione quâ tenebatur,  
iterum Anglicæ genti principatur.

*De electione Domini Gusfridi.*

**E**odem anno nostri Andrenses à Clero & po-  
pulo propter loci vacationem vituperati, & à  
vicinis Religiosis propter suam inordinationem mul-  
tipliciter excitati, elegerunt virum religiosum Dom-  
num GUSFRIDUM cognomento Bertram, Monachum  
Karroensem, & à memorato Domino Milone Epi-  
scopo confirmatum & benedictum, in Patrem &  
Pastorem receperunt, qui operibus sanctis insistent  
verbo & exemplo non tam præcellere suis quàm pro-  
desse studuit, pauperum recreator, viduarum &  
orphanorum consolator, hospitum & peregrino-  
rum hilaris receptor, Ordinis plantator, vitiorum  
extirpator, & in oportunitatibus sedulus adiutor  
apparuit.

Verum ut de illius virtutibus sciamus, & de ho-  
spitalitate quâ præeminuit aliqua tangamus, sicut  
ab ore eorum audivimus qui hoc viderunt & audie-  
runt, & ipsius contemporanei existerunt, dum Mo-  
nachorum parentes & propinqui eos frequenter vi-  
sitarent, & de mandato Abbatis in hospitio hono-  
rificè recepti fuissent, idem Abbas Monachos qui  
eos contingebant per biduum aut triduum cum eis  
in hospitio cogebat perendinare; ita quod nec ad  
Chorum nec ad Refectarium eos oportebat accede-  
re. Fecit & idem Abbas coquinam cæteris officinis  
præminentem, & omnem diligentiam adhibuit, ut  
tam per Pictavenfes quàm per Flandrenses in hoc lo-  
co plantaret religionem; cuius piæ intentioni multi  
in vitiis enutriti nitebantur contraire, & contra ejus  
personam odium concipere, verba probrosa dicere,  
infamiam, quod dictum nefas est, irreverenter semi-  
nare: nec destitit vir religiosus à præpositi rigore,  
quem constabat & conscientie testimonium habere,  
& etiam apud eos qui foris erant pro vitæ merito  
circumquaque placere. Denique ejus tempore nec  
terræ, nec redditus, nec prædia huic loco dabantur,  
nec à terræ Principe antiquo more vel scripta au-  
thentica vel privilegia conferebantur; quia mortuo  
Domino Manasse nobilissimo Comite Albericus co-  
gnomento Aper, natione Anglus, ejusdem Comi-  
tis neptem nomine Beatricem ex filia Sibylla, quæ  
& Rola, ducens, & Domino Manasse in Comitatu  
succedens, raro in hac patria, frequenter in Anglia  
degens, nec aliquid huic loco dedit, nec ab aliis da-  
tum confirmavit: sed nec aliquis crescentem malitiâ  
hic dandi affectum habuit. Inter nostrates enim &  
Pictavenfes qui hic manebant discordia potius quàm  
fraterna charitas vigeat, & Dominus Gusfridus  
qui utrosque regebat volens esse mediator, sedare  
discordiam non prævalebat. Hinc inter Nobiles &  
terræ Optimates dandi liberalitas omnino refriguit,  
quod & nostro tempore pro casu consimili frequen-  
ter evenit.

Hujus igitur occasione discordiæ, sanctæ memo-  
riæ Gusfridus Monachus de territorio Boloniensi o-  
riundus, ut verè filius pacis se à litibus & schisma-  
te volens subtrahere, & soli Deo vacare, se jam-  
pridem de licentiâ Abbatis hinc subtraxerat, & in  
Capellâ Gifnensi Beatæ Virginis devotus Capellanus,  
Deo & suæ Matri humiliter ministraverat, succe-  
dens Aloldo viro venerabili in ejusdem Capellæ regi-  
mine, qui eam rexerat à primâ hujus loci fundatio-  
ne. Quo etiam tempore mortuus est etiam Dominus  
Godmarus famosæ religionis Monachus unicam ha-

bens manum, & cum ipsâ manu omnium ferè li-  
brorum antiquorum scriptor, & boxeti nostri quod  
magnum vidimus & condensum, plantator; reli-  
quos autem libros antiquos prædictus Gusfridus tam  
hic quàm in nostra Capellâ conscripsit, & eandem  
Capellam libris sumptuosius adornavit.

Præterea memoratus Abbas Gusfridus dum zelo  
ampliandæ religionis ferveret, & ob hoc in Clau-  
stro assiduus existeret, bona nostra temporalia & ex-  
trinseca cœperunt paulatim defluere, cum Abbatem  
nonnisi spiritualibus constaret intendere: unde acci-  
dit ut nemus quod cum terrâ finitimâ ad Cûrtem  
nostram de Riggewoga ab antiquo spectaverat, dum  
idem Abbas hospitali de Sontingeveld tunc tempo-  
ris honesto, famoso & religioso ailiamentum in eo  
habere indiscretè permiserat, Rector ejusdem hospi-  
talis illud vindicavit, & Abbate minus iusto defen-  
dente sibi appropriavit, & à sede Apostolicâ quam  
visitavit frequenter in præjudicium nostrum sibi;  
& suis successoribus confirmari impetravit. Recla-  
mantibus hujus loci Monachis, totius terræ nobili-  
tas, totius Cleri & populi universitas, & etiam Ec-  
clesiastica auctoritas se eis opposuit, eos esse minus  
religiosos & infames asserens; Hospitali verò sum-  
mam honestatem circa pauperes & peregrinos, &  
passionem & perfectam charitatem circa debiles &  
ægrotos omnimodam sedulitatem adscribens. Et hæc  
præcipue causa nostros movebat tunc temporis ad-  
versarios, quod locus iste eo tempore glebis, palu-  
dibus & paturis abundabat, & in diversis locis ne-  
mora alia habebat, Hospitale verò sine gravi in-  
commodo prædicto nemore carere non valebat.

Denique Monachi suam exheredationem prout  
justum fuit ægrè ferentes, & Abbatis defectui fa-  
ctum totum die & nocte verbis & nutibus adscri-  
bentes, iram & indignationem inextinguibilem con-  
tra eum concipiunt, eum multipliciter accusant,  
Principes & Prælatos contra eum excitant, sed non  
statim proficiunt: in conspectu enim omnium isto-  
rum pro eo quod vixerat religiosè gratiam invenerat,  
& singuli credebant quod clamor assiduus ex invi-  
diâ potius quàm ex justitiâ procedebat. Crescebat  
indelinenter tumultus contra eum frementium, &  
ei quotidie objiciunt nemus per ejus incuriam per-  
ditum; sed & nemus de Rorichonâ sapius ad me-  
moriam reducant, quod pari modo alienatum fue-  
rat per Abbatem Reimaldum. Dicunt & asseverant  
contrarium esse rationi Pictavum aliquem Flandren-  
sibus præfesse, asserentes eorum tempore locum istum  
parum profecisse, & multum perdidisse. Pictavo-  
rum enim adscribunt ignaviæ & publicanimitati,  
quod nobilis vir Eustachius Dominus de Fielnes fun-  
dator Ecclesiæ Belliloci, Ecclesiam suam huic loco  
subjici volebat & subdi, nec hoc ab Abbate potuit  
impetrare. Sed & Balduinus Ardeæ Dominus & Ec-  
clesiæ Canonialis Præpositus, præbendas quas Ec-  
clesiæ de Capellâ dederat in manu Domini Theode-  
rici Abbatis, mala simplicitas & inefficax voluntas  
Abbatum hujus loci pigritata est admittere. Proin-  
de tamquam homines inutiles, & in acquirendis bo-  
nis tepidos; remissos & delides Flandrentium coha-  
bitatione indignos censebant; & eos omnes qui ta-  
les scienter eligerent de cætero maledicebant: nec  
tamen eis sufficiebant verbales injuriæ, cum vellent  
finaliter affectum suum ad effectum perducere.

Perpendens Abbas in loco non posse proficere,  
cedendum judicavit, & adiens Dominum Milonem  
Morinensem Episcopum, ab honore simul & onere  
se absolvi petiit & impetravit, & ad bonæ memoria  
Dominum Leonem Abbatem sancti Bertini acce-  
dens, apud eum aliquandiu mansit, qui postea pro  
vitæ suæ merito Prioratus officium impoluit ei, in

scribendis an-  
tiquis libris  
petitis & assi-  
duus.

Magra in  
Prælati dis-  
cretio requi-  
ritur.

Beneficiorum  
Claustral in-  
stitutio.

Origo dissi-  
diorum inter  
Andrenses &  
Carrofenies  
Monachos.

Monachus li-  
cet mancus, in



quo frē per annos sex honestē & religiosē se habuit, hospitalitatem summo studio diligens, religionem fovens, virtutum semina plantans, vitia pro viribus radicibus extirpans, honorans senes, diligens juvenes, verbo & exemplo proficiens apud cultores Ordinis & fraternae pacis amatores. Sed quia juxta quemdam, semper iniquorum scelus impedit acta bonorum, in eadem sancta congregatione erat quidam filius Belial nomine Roricus, qui in officio Prioratus aliquando existerat, & adhuc ad illud anhelans aspirabat, ad quod aliter non sperabat pervenire, nisi per mendacii figmenta, & fraudis machinamenta, virum Dei cuius vitae invidebat, ejus meritis detrahebat, in ejus persecutionem quorundam aemulorum cor accendebat, posset dejicere. Suggestabat enim suis sequacibus magnum esse dedecus Monasterio tam diviti, tam famoso, tam nobili, Priorem alienigenam habere, qui & ab Abbatia Andrensi degradatus fuerat, & ad Karrofenſe Cœnobium sive ad natale solum prae consuetudine redire non poterat. Quid plura? Juxta Psalmistam scrutati sunt iniquitates, virum sanctum ornatum moribus, sobrium & castum coram multitudine & Conventu pessimo crimine accusantes. Expavit vir Dei inde se accusari, unde cum munda conscientia excusabat; & cum à domno Abbate Leone & religiosis Fratribus excusaretur, conventus tamen malignantium, & multitudo iniquitatem operantium viris sanctis virum sanctum defendentibus praevalerat. Perpendens autem vir Dei cedendum esse furori, nec dignum se reputans ut loco sancto fieret scandalo aut pudori, de licentia memorati Abbatis & sanioris partis sanctae Congregationis ab officio Prioratus absolutus, & ad Karrofenſe Cœnobium est honorifice transmissus. Sed iusto Dei judicio praedictus Roricus cum suis complicibus brevi spatio temporis elapso propter vitium incontinentiae, unde virum sanctum injuste accusaverat, iuste & manifeste fuit convictus; ita quod & suum reatum & viri Dei cœlibatum, & tunc de Monasterio recedens & postea vitam decedens, cum eisdem fautoribus consiteri est coactus.

Venerabilis autem Gusfridus Karroſo regressus, ab Abbate Jordano & toto Conventu receptus cum honore debito fuit, & per annos aliquot ibidem religiosē degens in spe sancta decessit, & ante ostium Capituli sepulturam accepit. In ipsa enim Ecclesia à Deo consecrata nullus unquam Abbas consuevit tumulari, sed in Claustro vel in Capitulo constat omnes sicut vidimus & audivimus, sepeliri.

#### De secundâ electione Gregorii.

Postquam autem per annos circiter quatuordecim, saepe dictus Gusfridus locum istum rexerat, & quantum in se fuit religiosē provexerat, eo hinc recedente concors Fratrum Conventus elegit Dominum GREGORIUM hujus Ecclesiae parochianum, de quo superius mentionem fecimus, genere quidem nobilem, sed minus litteratum, corpore procerum, sociali fœdere erga omnes benevolum, fratrum carnalium catervâ & militari gloria stipatum. Electio de eo facta, ut pote de Andernenſi seu Karrofenſi Monacho, fuit ab eisdem Karrofenſibus in brevi confirmata & approbata.

Sed quia idem Gregorius columbinam habens simplicitatem prudentia serpentis omnino caruit, qui manum ad fortia mittere debuit, operi fabrilis, cuius erat sciolus, operam dedit, cui intentus non mores informavit, non plantavit virtutes, non vitia extirpavit. Fertur denique quâdam vice dixisse Monachis suis, dum eum sumptuosum & nimis pomposum arguerent; quod tota Monasterii substantia

ei & suis sufficere non posset, quando adeptâ pastoralis benedictione eum sicut Abbatem vivere oporteret: ex quo promisso Fratres attoniti, & novum Roboam super se erexisse confusi, prænominatum Dominum Morinenſem adeunt, rei ordinem pendunt, confirmationem seu benedictionem ex toto denegari vel saltem differri petunt, & affectum suum ad effectum perducunt. Novus interim electus sed nondum dejectus, operi fabrilis, auri scilicet, aeris, & argenti militat, & quanto liberior sibi subditos per campum licentiae vagari permittit, tanto amplius apud eos vileſcit. Sequenti anno coram Diocesano fuit accusatus, quod tempore hyemali ipse cum suis Monachis post refectorem super glaciam more laicorum fuisset jocus: unde iterum acerbe correptus, sed non omnino fuit depositus. Deinde anno tertio suae electionis evoluto, cum ab Episcopo gratiam suae benedictionis assequi non valeret, accusatus fuit coram ipso quod in sinum cujusdam matronae more & amore lascivo manum suam occultasset: pro qua re sine spe recuperandi fuit omnino dejectus, cum se exinde purgare non posset; neque in tali otio quatuor annis ab eo frustra consumptis & consummatis desuit villicare, cum tota tamen ejus villicatio melius computari posset inter annos vacationis.

Ludovicus Rex cum multo exercitu contra Theobaldum Comitem Bleientium sibi rebellem vadit. Denique aggressus castrum ejus quod Vicriacum dicitur, oppidanos & milites sibi resistentes aut cepit aut occidit, oppido succenso in tantum ignis crevit, ut castrum quod erat in eo valde munitum, cum multo inhabitantium periculo concremarit. In hoc bello vel incendio capti, caesi aut concremati ad mille quingentos sunt aestimati. Quo facto Theobaldus Comes valde exacerbatus Principes Francorum quos poterat à Regis avertebat amicitia.

Innocentio Papa mortuo successit Cælestinus, Cælestino Lucius, Lucio Eugenius, qui & Bernardus, Abbas S. Anastasii, Ordinis Cisterciensis Monachus.

Ludovicus Rex pacificatur cum Comite Theobaldo anno regni sui octavo. Civitas Edessa, quae & Roairdra, multo tempore à Christianis possessa per negligentiam Christianorum & insidias paganorum ipsa nocte Nativitatis Dominicae capitur, anno x. Ludovici Regis Francorum, & secundo Balduino tertii Regis Jerosolymitanorum. Hic Balduinus filius fuit Fulconis Regis Jerosolymorum, qui prius fuerat Comes Andegavorum, & successerat Balduino de Reitesla in Regnum. Nortmanni spreto dominio Stephani Regis Anglorum, subdunt se regimini Comitis Andegavorum.

Anno Domini M. c. xvi. anno xi. Conradi Imperatoris Romanorum, xii. autem Ludovici Regis Francorum, iv. etiam anno Eugenii Papae, Christiani dolentes de subversione urbis Edessae, uno animo, pari consensu ad debellandos paganos proficisci deliberant. In tantum autem erant omnes prompti & alacres ad hanc profectionem, ut etiam Conradus Rex Teutoniae & Ludovicus Rex Francorum Religiosorum virorum monitis animati, & ipsi prompto animo ad hanc expeditionem se se accingerent. Profectus quoque est cum eis Alvisus, qui ex Monacho sancti Bertini & Abbate Aquicinenſi ordinatus fuerat post Robertum Episcopus Attrebatensis, vir magnae severitatis & religionis: Robertus enim obierat anno xxiii. Ludovici Regis Theodericus etiam Comes Flandriae, & multi alii Principes cum eis assumerunt iter. Nihil prospere egerunt, sed tantis eorum exercitus attritus est intortunitum fame, tum mortalitate, tum ferro hostium ut de tot millibus tam copiosae multitudinis vix pauci

ANDREAS  
MARCIA-  
NENSIS.

NOTA.

Gregorius  
Abbas V.

Abbatis nimia  
simplicitas  
damnatur.

Ad recuperandam Edessam expeditio per Alvisum propter militum flagitia Alvisus Episcopus Attrebat.

repatriaverint. Constat enim quia in hostico illo multa flagitia patrata sunt ab eis, & ob id irā Dei ascendente super eos, omnis conatus eorum in vacuum cessit.

Alvisus Episcopus Atrebatensis in eadem expeditione moritur, & in civitate Trachiae, quae finis populi vel Philippis seu Philippopolis dicitur, sepelitur. Cameracus civitas ex magna parte sui incendio concrematur, & principalis ecclesia cum Claustro & palatio Episcopi, Monasterium etiam beati Autberti. Hoc etiam anno combustum est Cœnobium sancti Sepulcri in eadem urbe, paucis annis à priori ejus combustione transactis. Conradus Imperator anno Imperii sui xiii. & Ludovicus Rex regni sui xiv. sine ullo prosperitatis effectu præcinctum solvunt, & ab itinere Jerosolymorum revertuntur. Ludovicus Rex Francorum anno regni sui xvi. Aanordem uxorem suam repudiavit; quae postea ad thorum transiit Henrici Regis Anglorum & Ducis Northmannorum, filii Gostredi Comitis Andegavorum. Ex illa igitur genuit hos filios Henricum Regem Angliae, qui vivente patre obiit; Richardum Duce Aquitaniae, qui nunc regnat in Angliā; Gostfridum Comitem Britanniae, & Joannem qui dicitur Sine-terrā; & filias tres, quarum unam duxit Rex Toletanus in Hispaniā; alteram Guillelmus Rex Siciliae; tertiam Henricus Dux Saxoniae.

Ludovicus Rex Francorum eodem anno secundam duxit uxorem Constantiam, filiamque inclyti Principis Hispaniae Aldefonsi, qui regnavit in Toledo & Legione, & in terrā beati Jacobi; de qua genuit duas filias, quarum unam juvenis Rex Henricus Angliae, secundam Richardus Dux Aquitaniae, nunc Rex Angliae accipere debuit, sed ad ejus nuptias non pervenit, quae nunc recenti tempore desponsata est Comiti Pontiveni.

In civitate Atrebatensi post dominum Alvisum ordinatur Godiscalcus Abbas de Monte sancti Martini quartus Episcopus.

Anno xvii. Ludovici Regis Conrado Imperatore mortuo, successit Fredericus illustris nepos ejus Dux Suavorum. Ecclesia beati Bertini combusta est cum omnibus officinis suis in festo sancti Bertini, dum matutinarum solennia agerentur. Anno xviii. Ludovici Regis migraverunt ad Dominum sancti Patres, Eugenius Papa & Bernardus Clarevallensis Abbas. Anno xix. Ludovici Regis Stephanus Rex Anglorum moritur, cui succedit Henricus nepos ejus. Eugenio Papae defuncto successit Anastasius, Anastasio Adrianus. Anno xx. Ludovici Regis Fredericus Rex Romam armata manu ingreditur, Papam Adrianum amicum sibi & aptum experiens, in Ecclesia sancti Petri benedictione Imperiali confirmatur & coronatur. Anno xxiv. Ludovici Regis Henricus Rex Anglorum post adeptum regnum ultrā se elatus, quod diu mente conceperat, contra Ludovicum Regem Francorum rebellat. Qui congregato exercitu Aquitaniam transiit, & urbem Tolosam oblidione cinxit. Rex autem Francorum cum suis Militibus civitatem potenter ingressus est, & à Comite sancti Egidii seu civibus cum magno gaudio susceptus est. Quod Rex Anglorum cernens indoluit, & oblidione relicta inellicax rediit.

Anno Domini m. clx. vigesimo quinto Ludovici Regis orta est dissensio in Ecclesia Romanā. Electus est enim Rollandus Cancellarius ab omnibus Cardinalibus præter quatuor, qui se clamans indignum non contempsit electioni eorum: quatuor autem prædicti Cardinales qui ejus electioni non consenserant, assumptā magnā Cleri & plebis frequentiam, elegerunt Octavianum tituli sanctae Ceciliae Cardinalem

Presbyterum, quem in Lateranensi Ecclesia consecrantes Victorem appellaverunt: quod videntes primi, Rollandum Cancellarium, qui primus fuerat electus, conveniunt, & eum invitum in loco qui Neronis Cisterna dicitur, consecrantes, alterato nomine Alexandrum appellaverunt: & contentio inter hos duos & successores Octaviani & Fredericum Imperatorem à xxv. anno Ludovici Regis usque ad quadragesimum secundum nullum accepit remedium. Nam Octaviano successit Wido Cremenlis, Widoni Cremenli Joannes Strumentis, Joanni Strumentis quidam qui vocatus est Innocentius. Summa autem istius Schismatis est decem & octo anni.

Tempore quo præfatus Gregorius in hoc Andrense Cœnobio se pro electo gerebat, clamor multiplex mediantibus ejus subditis ad Ecclesiam Karrofsensem nunc de ejus insufficientiā, nunc de inertia, nunc de simplicitate, nunc de prodigalitate frequenter ascendebat. Nostratibus verò altero alteri invidentibus, & cum multis iste locus haberet idoneos, sicut plerisque moris est se invicem mordentibus, & odiis civilibus & detractionibus mutuo prosequentibus, sæpius apud Karrofum non sine sumptibus itur, & sæpius inde reditur: amoto tandem sicut prædictum est domno Gregorio, nunc illi nunc isti Abbacia, licet adhuc pauper & macilenta, à nostris offertur: ille sperat & repellitur, alius recusat & eligitur, alius optat & fallitur. Quicumque verò vel in ipsa Ecclesia vel in Prioratibus ejus administrationem habebat, magis affectabat cum securitate ipsam administrationem in natali solo tenere, quam in exilio viro nobili & potenti cum formidine succedere.

Nostris igitur sic invicem contrariis, & de regimine mutuo invidentibus, Karrofsensibus quoque, qui indigni videbantur in nostrorum contubernium tamquam suspectum, aspernabantur loci paupertatem, morum & linguarum diversitatem, regionum longinquitatem prætendentibus: Deo miserante qui frequenter malo nostro utitur in bonum, quidam natione & renatione atque professione Karrofsensis, qui inter ipsos & nos manebat medius, exiens Prior de Faxineto Magister Petrus cognomento Mirmet, id est, parvus, inter nos & ipsos factus est mediator, & de assensu omnium hunc locum datus est Pastor. Siquidem nuntii nostri per ipsum Prioratum euntes frequenter & redeuntes, ex fidei multorum relatione didicerant ipsum à pueritia studiis insudasse, & non solum in grammaticā vel rhetoricā, sed etiam in sacris litteris admodum profecisse. Ipsos quoque non latuit quod etate juvenili à tempore sancti Bernardi Clarevallensis in Monasterio Alodiorum, quod situm est ultrā Karrofum, cum Monachis albis Deo aliquandū militaverat; quod propter quamdam controversiam inter Abbatem & Conventum subortam Abbate multum renittente, sed tandem consentiente exierat, postquam multum ibidem in seculari scientiā sicut de talibus moris est profecerat, & etiam eidem loco multum profuerat; quod peragrata Affricā & Hispaniā tam gentiliū quā Christianorum notitiam habuerat; quod in Habulā civitate officium Archidiaconatus eleganter exercuerat; quod Apostolorum limina sæpius vilitaverat; quod tam per terras quā per mare magnam mundi partem peragraverat; quod tandem non sine fastu & pompā seculari ut parentes visitaret & patriæ suae se ostenderet, apud Karrofum redierat, & ibidem Deo cum castigante infirmatus, Monachatum tam mente quā veste mutatus assumerat; quod propter innatam ei scientiam, & rerum gerendarum industriam ad ipsum Prioratum satis opulentum

De morte Alvisi Atrebatensis Episcopi. Cameracum penè totum incendio perit.

Abbatia S. thivensis consecratur.

Henricus Rex Anglor. Tolosam invadere tentat.

Schisma.

WILLELMUS  
ABBAS.

Petrus Abbas  
Andrensis VI.

Ejus scientia.

Peregrinationes.

Humilitas.

opulentum transmissus fuerat, & ibidem profecerat.

Sperantes itaque nuntii nostri virum tam exercitatum, tam litteris imbutum, & in variis religionibus tam probatum, loco desolato consolationi profuturum, electum eum à Karrofenſibus emancipatum & liberum receperunt, & benedictum à domino Milone secundo, primi & præfati Milonis Archidiacono natione Anglico, S. MARIE de Nemore regulari Canonico, in festo S. Thomæ Apostoli quod est in Adventu, ad locum hunc auspice Christo adduxerunt. Susceptus est cum honore debito vir honorabilis, & in suo adventu præter mores suorum quos invenit degeneres, abhorruit & expavit deformitatem gregis; quidam enim claudi, quidam contracti, quidam monoculi, quidam strabones, quidam cæci, quidam verò manci inter eos apparebant, & ii ferè omnes genere nobiles existebant: quo viso prudens Pastor indoluit, & in se meditabatur quod postea devotus implevit: nam per annos triginta duos & amplius quibus huic loco præfuit nullum unquam monachari permisit, qui in aliquâ parte corporis aliquem defectum habuit. Quantumcumque quilibet ad conversionem veniens esset litteratus, non ei accessus patebat nisi in legendi & cantandi scientiâ fuisset exercitatus.

In primis ergo circa opus Divinum sollicitus & intentus, sicut in Cœnobio Alodiorum quandoque audierat & consueverat, Psalmodiam more Cisteriensium protrahi & morosè cantari instituit, nec semetipsum licet multipliciter implicatum die ac nocte ab ipso labore excusari voluit: & hæc quidem consuetudo multo tempore subditis suis displicuit, & tanto amplius quo in vicinis Ecclesiis, excepto famoso sancti Bertini Cœnobio, mos ille non inolevit: sed pio Patre non pigritante labor improbus omnia vicit. Ut autem disſuaderent psalmodiam more solito accelerare, & illam disſerent protelando canere, pueris & juvenibus nondum installatis die & nocte psalteria dabantur, & eis ad punctum paſſantibus Seniores corde tenus psallentes eos concorditer sequebantur. Verum ut fastidium de medio tolleretur, & mens uniuscuiusque in horis Canonice devotius accenderetur, auctoritate Domini Petri Abbatis multiplex Psalmodia, syncopata potius quàm eatenus in usu habita fuit intermissa; solam quoque Litaniam cantari fecit, & illam quæ majorem Missam præcessit extrâ Quadragesimam intermitteri præcepit. In Sanctorum suffragiis Antiphonas quas breviores sciebat jussit decantari, audiens longiores à dicentibus eas turpiter syncopari. Finitimis Monasteriis pro honore Patroni sui in quintâ feriâ, & pro honore beatæ MARIE in omni Sabbato feriali festivantibus, & tam feriales hymnos à sanctis Patribus institutos, quàm cantica matutina quæ prædicat sancti Benedicti Regula propriâ auctoritate intermittentibus, nunquam Dominus Petrus voluit acquiescere, nunquam regularia instituta postponere; dicens Patres orthodoxos Divini servitii informatores rectius quàm modernos sapuisse, & juxta vias ad inventionem suarum sui temporis Abbates & Monachos negligenter mutasse opus Dei; & pro suâ desidia abbreviasse: & nos quidem ejus indigni successores quantum ad opus Divinum pertinet, quæ ab eo didicimus usque ad hæc nostra tempora per annos sexaginta quatuor observata custodimus, & circa eos qui transgressores fuerunt, quod tandem Deus avertat, Dei omnipotentis iram & indignationem formidamus.

Alexander Papa veritus potentiam Imperatoris Frederici, profugus ab Italiâ emenso mari venit in Franciam, qui Turonis generale Concilium celebravit. Obiit Balduinus Rex Jerusalem filius Fulconis

Tom. II.

Regis sine herede; succedit ei Amolrius frater ejus. Godeſcalcus Attrebatensis Episcopus infirmitate capitis gravatus Episcopatum dimisit, cui successit Andreas de Ordine Cisterciensis quidam Abbas per suggestionem Henrici Remensis Archiepiscopi. Bella & seditiones, jurgia quoque & querelas, quæ emerſerunt inter Ludovicum Regem Francorum & Henricum Regem Anglorum quis poterit enarrare? nec mihi videtur utile hæc omnia scribere in hujus Chronice abbreviatione. Constantia Regina moritur, & in Monasterio beati Dionysii ad sinistram majoris altaris cum maximo honore sepelitur.

Anno xxx. Ludovici Regis Thomas Archiepiscopus Cantuariensis, Primas totius Angliæ, & Legatus Apostolica sedis, ab Henrico Rege propter veritatem & mansuetudinem & justitiam exiliatur: quia Ludovico Rege Francorum & Monachis Pontiniacensibus gloriosè suscipitur.

Anno xxxiii. Ludovici Regis obiit Theodericus Comes Flandrensis; succedit ei Philippus filius ejus.

Anno xxxv. Ludovici Regis Henricus Rex Anglorum Henricum filium suum in Regem sublimat per manus Rogerii Archiepiscopi Eboracensis. [ & ] suffraganeorum Cantuariensis Ecclesiæ, contra prohibitionem districtam Alexandri Papæ, & contra dignitatem Cantuariensis Ecclesiæ. Unde idem Archiepiscopus suspensus est, & Episcopi excommunicati.

Eodem anno mediante Ludovico Rege Francorum pax inter Regem Anglorum & Cantuariensem Archiepiscopum composita est, magis ficta quàm facta; qui conductu Philippi Comitis Flandrensis post sexennii exilium & mensis injurias ad sedem suam revertitur.

Ante adventum domni Petri Abbatis ad locum istum, dum sub præfato Gregorio locus langueret potius quàm floreret, quidam nobilis de territorio Boloniensi oriundus, olim in militia strenuus, & domini Manassis Comitis in armis commilito & socius, sed jam senex & grandævus antiquâ hujus loci religione delectatus, & venerabilis domini sui præfati Comitis exemplo & devotione animatus, statum hujus loci imò potius casum perpendens, & de melioritate in futuro spem certam concipiens, huic Monasterio se ipsum relinquens sua delegavit, & Monachus factus sæculo valedixit, atque viculum suæ proprietatis Oderſele dictum, & in interiori parte Boloniensis Comitatus quali in corde maris situm, cum domo propriâ & Capellâ in honorem sanctæ Trinitatis consecratâ, cum terris & hospitibus ad se pertinentibus, huic Monasterio liberaliter delegavit, & à Domino Milone I. Morinensium Episcopo donum & datum suum confirmari, pro eo quod erant allodia, & ad nullum terrenum dominium pertinentia, impetravit, & exinde quamdam partem, cum carnalem & corporalem heredem non haberet, suis nepotibus tamquam heredibus propinquioribus, quos postea vidimus & cognovimus, sicut prudens & discretus dispensator reliquit. Privilegii autem tenor talis est:

In nomine Patris & Filii & Spiritus sancti, Amen. Notum sit omnibus sanctæ matris Ecclesiæ filiis modernis & futuris, quod Guido de Oderſele pro animâ Patris sui Gaufridi & Adhennidis matris suæ dedit in perpetuam elemosynam Ecclesiæ Andrensi, Monachisque ibidem Deo servientibus, Capellam quamdam apud Oderſele in honorem sanctæ Trinitatis & sanctæ Dei Genitricis MARIE fundatâ: dedit etiam eis in perpetuum omnia allodia sua. Quam elemosynam & donationem Ego Milo Dei gratiâ Morinentis Episcopus prædictæ Ecclesiæ Andren-

KKKK

De S. Thoma Cantuariensi Archiepiscopo.

S. Thomas Regi Anglorum consiliatur.

Relatio Guillelmi Abbatis de Oderſele.

Zelus illius circa litteras & cantum.

Quid pro Regulari obedientia statuerit.

Tempus quo vivebat Autor.

ANDREAS MARCIANENSIS.

nenſi in perpetuam poſſeſſionem auctoritate proprii ſigilli confirmo. Et quia prædictus Guido hanc donationem, ut ego eam ad opus ſupradictæ Eccleſiæ Episcopali auctoritate confirmarem, & manu tenerem, in manus meas reddidit. Ego eidem Eccleſiæ Monachisque ejusdem loci jure Eccleſiaſtico perpetuò poſſidendam ſtatuo.

Hujus rei teſtes ſunt Philippus Archidiaconus, Guillelmus Decanus, Lambertus Preſbyter de Fraictun, Arnulfus Preſbyter Andernenſis, Balduinus de Milham Canonicus Tervanenſis, Manaffes Cantor Boloniæ, Balduinus de Campanies, Hugo de Colberc, Hugo Vitulus, Florentius de Florengeſeles, Theobaldus & Arnulfus frater ejus, Gaufridus nepos Hugonis Vituli, Gaufridus de Hoches, Simon frater ejus, Godefridus de Fielnes, Frameritius de Ruberge. Si qua autem in poſterum Eccleſiaſtica ſæculariſve perſona contrà hanc noſtræ Conſtitutionis paginam ire tentaverit, ſemel, ſecundò, tertiove commonitus excommunicationi ſubjaceat, & à corpore & ſanguine Domini noſtri Jeſus-Chriſti alienus fiat, donec reſipiſcat, & ad emendationem veniat. Actum anno ab incarnatione Domini M. c. l.

WILLELMUS  
ABBAS.  
1161.

Abbas muris  
Monasterium  
cingere molitur.

Anno Dominicæ Incarnationis M. c. lxi. præfatus Domino Petro ad regimen hujus loci divinitus ſicut credimus tranſmiſſo, & à noſtris admiſſo, volens vir diſcretus oves paſcuar Dei in ovili recludi, & à ſæcularibus ſecerni, quas ab eiſdem conſtabat portæ lignæ & ſepium ſeptis ſolummodo ſeparari, ſtatim in proximâ Quadrageſimâ poſt hyemen, quâ ad nos intravit, ad exemplar portæ ſancti Bertini portam hinc lapideam incepit, & extrâ priores terminos eam collocans, ita quodd aditus domûs Eleemoſynariæ deintus eſſet, qui priùs de foris exiſtiterat, eam valvis munivit, & plumbo cooperuit. Deinde per totam æſtatem ſequentem ſit ſumptuoſus lapidum & calcis apparatus, quatenus loco & tempore amotis ſepibus, ſæpè ſæpius & ſæpiſſimè tranſgreſſis, & inordinatè conculcatis, domum Dei circumcingeret lapideus murus.

Hoc ejus propoſitum impedivit multiplex guerra ante ejus adventum in terrâ Giſnenſi & pro terrâ Giſnenſi ſuborta, & nondum ſopita. Siquidem mortuâ jam pridem prænominati Comitæ Alberici Apri uxore Beatrice Calculoſâ, ſed ab eo priùs ſeparatâ, & Balduino Domino Ardeæ datâ, Domini Manaffis Comitæ herede, à nobili viro Henrico Caſtellano de Brobergâ, & à Sibilla, quæ & Roſa, Comitæ ipſius filiâ primogenitâ, & tam ipſo domino ex parte uxoris ſuæ totum Comitatum calumniante, quàm Caſtellano ipſum adjuvante, & multipliciter gueris, rapinis & incendiis Comitatum Giſnenſem devaſtante, Arnoldus Gandenſis Caſtellani filius, cujus idem Comes Manaffes fuerat avunculus, quique ab ipſo Comite villam & Caſtellum de Tornehem, & omnia ejus appendicia ipſo vivente jure feodali fuit adeptus, ei viriliter & potenter reſiſtebat, & ne domni Petri opus procederet multis eventibus impediēbat.

Capſam beati  
Rotrudi con-  
dit.

Interim autem Paſtor providus, ne vacaret & à bono opere torpeſceret, ad fabricandum feretrum beatæ Rotrudis operam dedit, artiſces conduxit, & ſicut prænominatus Domnus Gregorius in opere hujusmodi exercitatus tempore ſuæ electionis durante illud inceperat, ad finem debitum perducens egregiè conſummavit. Dum verò idem feretrum fieret, & corpus præfatæ Domine juxta majus altare in quâdam arcâ reſoſitum requieſceret, pernoctante ſæpius in orationibus Domino Petro circa ipſum altare, & tam ſe quàm ſibi ſubditos Chriſto & ſuæ ſponſæ devotè & intentè recommendante, tanti ſtrepitus, tam mirandi & pavendi ictus in ar-

câ & circa arcam ab ipſo ſunt auditi, quodd manifeſtè intelligebat beatam Rotrudem pro ſui humiliatione & dejectione indignari. Ipſe autem tamquam vir timoratus, & erga eam devotus ſæpius interrumpens orationem, flexis genibus & expanſis manibus voce lacrymabili clamabat; Domina, Domina exſpectate tempus adhuc modicum; quia quanto citius valebo pro viribus accelerabo opus noſtrum. Quotieſcumque opus novum volebat incipere, quotieſcumque pro Eccleſiæ negotiis eum oportebat alicubi pergere, & à Principibus ſeu Prælatiſ quidlibet optabat impetrare, ſe & cauſam ſuam beatæ Rotrudi recommendat, & pro adepto deſiderio ei ſtatim grates debitas referebat. Vidimus eum aliquando incappatum, præcinctum, & calcaribus circa pedes redimitum, atque paratis equis exire paratum, & dum ad horam quamlibet Canonicam pulſatum fuit; ſtatim relictis & rejectis omnibus feſtinavit ad ſignum: Et ita ejus exemplo ſinguli & omnes ſive Obedientiarii ſive Clauſtrales ad horas Canonicas, & ad Miſſam majorem accedere certatim contendebant, propter quod omnibus circumquaque manentibus admirationi fiebant.

Sedatâ tandem guerrarum acerbitate ad cœmeterium & virgultum ampliandum & dilatandum operam dedit, ſed Balduinus de Hammes militiâ quidem famoſus, ſed malitiâ impiger & promptus, ei pro viribus victus invidiâ reſtituit. Hic frater germanus exiſtiterat nobilis viri Henrici hujus Andernenſis villæ domini nuper deſuncti & hic ſepulti, patris junioris Henrici & ſapientis Adelidis, atque inſipientis Alienoris pro eo quod ſua & ſuorum bona inſipienter alienavit: & idem Balduinus vi potiùs & virtute quàm jure prædictorum orphanorum tutor & pædagogus exiſtit. Iſte Balduinus nobilem mulierem Adelidem de Contevilla prædictorum pupillorum matrem, & præfati fratris ſui Henrici quondam uxorem, pari modo contendebat dotalitio privare, quia volebat pupillorum in ſui ſubſidium & in eorum præjudicium tutelam habere. Ad cumulum autem ſui erroris in hoc contrà eam & alios quos perſequebatur fortior erat, quodd ſororem nobilis viri Ingelramni de Fielnes duxerat, nomine Adelidem, honeſtam quidem & liberalem, ſed flagitioſi viri uxorem: nam idem vir ejus toties excommunicationi ſubjacuit, quodd de omnibus liberis ex eo conceptis vix ſemel in puerperio ſine excommunicatione fuit: vix unquam poſt puerperium more legali & Evangelico purificari & Eccleſiæ reconciliari meruit.

Habebat & Comitem Flandrenſem nobilem illum Philippum toto terrarum Orbe famoſum & laudabilem, totius operis ſui fautorem, pro eo quod Curia ſuâ ſe faciebat Decurionem, & probatorum Militum ejus commilitonem; cujus auxilio contrà Arnoldum Gandenſem ſupramemoratum hujus Giſnenſis territorii Comitem, & contrà filium ejus Balduinum in eodem Comitatu heredem & ſucceſſorem, ita ſe ſtrenuè habuit, quodd neuter eorum propter metum præfati Flandrenſis Comitæ in aliquo adverſari, vel contraire auſus ſit: imò, quodd mirum eſt dictu & auditu, ad instantiam ejusdem Flandrenſis Comitæ partem nemoris de Hottingehem, quodd olim Dominus Reinaldus II. Abbas ab uſibus noſtris alienaverat, & Domino Manaffi Comiti ad parcum faciendum illicitè accommodaverat ſæpedito Balduino, pro eo quodd uxor ejus focum glebarum vel turbarum exolum habebat, Comes noſter Balduinus ad focum coram ſe faciendum conceſſit.

Manſerunt autem idem Balduinus & uxor ejus in vallo & caſtro huic Cœnobio contiguo per annos

Eius circa di-  
vin. Officium  
ſollicitas

Generosa mulier.

quatuordecim, prædictis pupillis cum eorum matre expulsis, & multis interim malis & persecutionibus huic loco irrogatis: sed prudens virago muliebri mollitie non mollita, sed quasi sexus oblita, & animo virili redimita, manum suam ad fortia misit de consilio & auxilio venerabilis Episcopi Milonis II. Apostolorum limina adiens sententiam ab eo latam auctoritate Apostolicâ confirmavit & corroboravit, & adversus terræ Principes, contrâ prædictum malefactorem suum Papale mandatum non parcens laboribus & expensis impetravit; & multas tribulationes perpessa multisque annis evolutis, tandem eo ejectione in domo & in bonis suis unâ cum liberis pacificè resedit.

*De translatione Beate Rotrudis sub Abbate Petro.*

**T**ertio autem anno à prælatione Domini Petri explicito, & opere feretri, suprâ sicut dictum est, expleto, convocatis cum præfato Episcopo totius Episcopatus Abbatibus, in die festo sanctæ Rotrudis totum corpus ejus in feretro honorificè fuit reconditum, & caput omni populo & Episcopo ostensum, Domino cooperante & Translationem confirmante, sequentibus signis, sicut in ejus Legendâ est expressum.

Nactâ tandem opportunitate, & peractâ Beatæ Rotrudis Translatione Dominus Petrus cæmentarios & lapidum cæsores conducit, cæmeterium Monachorum muro circumcingit, & ut virgultum dilataret, mansionarios à parte Orientali manentes dato terræ concambio retrocedere facit, sumptus ad domos amovendas providet & disponit, & stratum publicam inter ipsos mansionarios, & murum constituit. Apparent adhuc in ipso virgulto quidam aggres suprâ finitimam terram prominentes, & infrâ murum satis distantes, & à nostro cæmeterio usque ad horti septa ab Austro versùs Aquilonem se extendentes, ubi suprâ modicum fossatum clausura sepium Monasterium claudebat, atque per hortum nostrum & virgultum prædicto Militi & ejus familiæ ad Ecclesiam properantibus via prævia patebat.

Vidit & invidit homo malitiosus, nec ulterius cohibere potuit temerarios ausus: præcepit itaque, & per membrorum mutilationem terribiliter interdixit, & per edictum publicum promulgavit, ne quis omnino ad opus muri accederet, nec contrâ se & domum suam munitionem erigere præsumeret. Sed Pastor intrepidus ibi minas non metuens ubi alii metuebant, viris se ab opere subtrahentibus Monachos & Conversos, mulieres tam mundanas quàm Conversas ad opus cœptum invitabat, & ad portantum lapides aut cæmentum ad quodlibet vehiculum, quod vulgò dicitur *chiveria*, ex unâ parte feminam, ex alterâ verò Monachum novo laborandi genere operari monens instruebat. Nec ipse tamen à cœptis desistit, vel otio indulgit, sed assiduè cucullam præcinctus cum ligno vel virgulâ geometricâ lapides metiens, & vehiculo superponens, & per se laborabat & alios exemplo sui ad laborem viriliter incitabat repræsentans in se & sibi subditis filios antiquæ transmigrationis, qui templum Dei eversum & profanatum unâ manu edificabant, & alterâ contrâ inimicos pugnabant; præeunte in omnibus voluntate Dei, opus in brevi consummatum fuit. Sed nequam vicinus malitiam in animo conceptam non deseruit, cujus filius spurius exemplo patris flagitiosus Eustachius Stinan nominatus, ut patri magis complaceret, & ejus animum mitigaret, Abbate semel de itinere arrepto revertente, & portam Monasterii quam construxerat intrare jam parante, clavâ quam manibus gestabat sursum elevatâ, & in Abbatis caput fortiter libratâ, prout

*Tom. II.*

ipse sperabat Abbatem non percussit, quia ipsius Capellanus Henricus de Ferenes oriundus, juvenis quidem, fortis & animosus ictui venienti se viriliter obijciens vulnus lethale suscepit, & Patre atque Pastore liberato, ipse in infirmitorium deportatus paucis postmodum diebus supervivens in spe sancta decessit.

Abbas autem personale odium sentiens, & cedendum ad tempus prudenter decernens, disposito statu Monasterii ad Karrosum rediit, & ibi aliquandiu moram faciens, etiam Ecclesiam Allodiorum per se visitavit, & de antiquâ transgressione, quâ apud eos minus stabilis fuerat, veniam petiit & impetravit, atque ad constructionem Basilicæ quæ tunc ibi fiebat, quamque postea oculis nostris elegantem & speciosam vidimus, duos palefridos optimos cum aliis exeniis liberaliter delegavit.

Tandem mediantibus bonis viris, & de pace Domini Petri Abbatis tractantibus, inter quos præeminabant Arnoldus Comes Gifnensis, & Balduinus filius ejus jam adultus, & à beato Thoma adhuc Cancellario cingulo militiæ decoratus, idem venerabilis Pater per solemnes nuntios à Pictaviâ mandatur, & in suo Cænobio honorificè reponitur: in fœdus quoque futuræ & perennis amicitie præfati Balduini sui quondam persecutoris compater efficitur, & alter eorum cum alterius consilio ardua quælibet disponit & moderatur, & ut ad omniâ redeamus, antequam ipsius Balduini frater suprâdictus, scilicet Henricus Miles famosus diem extremum clauderet, filium suum Willelmum, quem ex cognatâ suâ genuerat, pro eo quod pedis officio carebat, & super baculum incedens loris adstrictus erat, biennio ante Domni Petri adventum ad hunc locum Deo & Fratribus Monasterii obtulerat, & Fratrum miseratus laborem, viam publicam exeundi de Monasterio vel ingrediendi, non habentium, nisi juxta stagnum huic loco suppositum iter habens arctum, & in devexo latere collis præruptum, scabrosum & præcipitiosum, per propriam suam terram arabilem versùs plagam Meridianam à portâ Monasterii usque ad stratum publicam à Franciâ tendentem in Angliam, viam nobis indulserat, & in tali tenore eam confirmaverat:

In nomine sanctæ & individue Trinitatis Amen. Ego, Henricus de Campaniis dedi & concessi Deo & Ecclesiæ Andrensi & Monachis ibidem Deo servientibus, annuente uxore meâ Adelide, pro salute animæ meæ & parentum meorum viam triginta pedum cum fossatis hinc inde, quæ tendit à publicâ stratâ ad Monasterium per terram meam & per terram Monachorum, ut habeant & possideant eam liberam & quietam ab omni servitio & consuetudine, absque meâ meorumque calumniâ, jure hæreditario in perpetuum. Hujus donationis testes sunt Balduinus & Eustachius fratres mei, Wido de Erembon, Balduinus Constabularius, Eustachius de Bavelingahem, & Balduinus frater ejus, Willelmus Cada, Henricus Vicecomes de Merc, Eustachius de Liskis, Willelmus Decanus, Arnulfus Presbyter, & multi alii.

*Relatio Willelmi Abbatis de morte Arnoldi Comitissæ.*

**P**ostmodum elapso brevi temporis spatio Arnoldus Comes Gifnensis cum esset in Angliâ in propria mansionem suâ apud Nevetona, præsentem domino Petro Abbate obiit, & tam contrâ patrum suorum statuta, quàm contrâ hujus loci privilegia, in hospitali de Sontingeneld sepulturam elegit. Vento autem funus ejus comitantibus aliquandiu contrario, tandem mari transito ad locum sepulcri deveniunt, & fœtore cadaveris ferè omnes corrupti vix

K K K k k ij

Karrosum repetit.

Charta Domini Henrici de Campaniis, de via nostrâ publica.

Petrus Abbas pluribus edificiis ornat Monasteriū.

Ejus labor indefessus.



evaserunt. Filius vero ejus prefatus Balduinus terra hujus dominio potitus, qui vivente patre filiam unicam domini Arnulphi de Ardea nomine Christianam duxerat, in arcto Comitatu volens terminos suos dilatare, de quadam terra in parrochia de Surkes ad nos spectante, cum domno Petro Abbate fecit concambium, quod & scripto firmavit sub hac forma:

In nomine Domini: Ego Balduinus Comes Gisenfis notum facio omnibus, quod accepi quamdam terram apud Surchas ab Abbate Andrensi & Ecclesia sub annuo censu duorum polquorum frumenti; & alias terras apud Hammes pro decem solidis, quas mater Arnulfi Bindebursa tenuerat: pro iis terris assignavi eis viginti solidos annuatim reddendos de teloneo quod accipitur in festivitate sancti Petri ad Vincula. Quod ut ratum & inconvulsum permaneat, scriptum hoc inde fieri jussi, & sigillo meo corroboravi. Hujus rei testes sunt Wido de Elembon, Simon de Ekarde, Gusfridus de Tinnebrone, Oliverus, & multi alii.

Postmodum considerans domnus Abbas quasdam curtes suas sibi potius sumptuosas quam proficuas, curtem de Hardingessum ubi tam Monachi quam Conversi conversati fuerant, & parum emolumenti huic loco contulerant, Abbatem de Bello-loco cum omnibus pertinentiis suis sub firma perpetuam dedit: licet tunc & postmodum a multis argueretur, quod Monasterium suum circumveniens enormiter laeserit. Conventio autem inter utramque Ecclesiam facta fuit, & per chirographum divisum formata in hunc modum:

Sciant presentes & futuri, quod domnus Petrus Abbas Andrensis Ecclesie annuente Capitulo suo, dedit & concessit Ecclesie beatæ MARIE de Bello-loco quicquid habeat apud Ardingeshem in terra, & aqua, & sylva, & hospitibus & aisiamentis semper & in omnibus acquietandum, & firma manu, & jure hereditario perpetuum possidendum sub annuo censu duarum marcarum argenti infra octavam sancti Martini persolvendarum, & unius poissæ casei in Translatione sancti Martini. Ut autem hac conventio perpetuum conservetur, utriusque Capituli sigilla huic chirographo imprimuntur, quin etiam testes subscribuntur Stephanus Prior: Walterus Præpositus: Eustachius Cellerarius: Simon Eleemosynarius & universum Capitulum: Dominus etiam Alulphus Archidiaconus: Arnulfus Decanus: Radulphus Ebrounus, Simon, Manasses Presbyteri: Baldevinus & Daniel Canonici.

Anno Domini M. CLXIX. Maria filia Regis Stephani habitum religionis, quem a multis annis abjecerat, resumit, & populus terræ Ecclesias diu jam tibi pro illa interdictas absolutus intravit. Milo secundus Morinorum Episcopus obiit, Desiderius Tornacensis Archidiaconus ei in Pontificatum succedit. Sequenti anno Ludovicus Rex Francorum, & Henricus senior Rex Anglorum ad mutuum conveniunt colloquium, ubi Thomas Cantuariensis Archiepiscopus affuit, & pax inter ipsum & Regem Anglorum magis palaiatur quam confirmatur: nam septimo exilii sui anno ejusdem Regis permisso ad Ecclesiam suam redire permittitur, dolo ejus qui simulatâ pace eum revocaverat, in Ecclesia Christi Cantuariæ III. Kal. Januarii dum a conventu vespertina laus decantatur, coram altari S. Benedicti gladiis impiorum perimitur: qui dum de exilio rediret, & per terram Gisenensem transitum faceret, a domno Petro Abbate jussu Balduini Comitis, quem sicut supradiximus sacramentis militaribus imbuerat, a Monasterio sancti Bertini usque ad Gises circumductus fuit, & ibidem in castro Comitis in summâ

gloriâ, debito honore & reverentiâ cum suo Milite hospitium suscepit: ad petitionem autem Abbatis dum a parte Occidentali hujus loci per stratum publicam iter faceret, & iter accelerando huc divertere non posset, elevatâ dextrâ locum hunc benedixit, & ab illo die & deinceps in benedictionibus dulcedinis eundem locum Deus prævenit.

Mane facto antequam gloriosus Pontifex de castro exiret, audiens opinionem viri Dei Gusfridi in capellâ Comitis capellani (cujus supra mentionem fecimus) in secreta confessione & vitæ prioris plenitudine, ejus humiliter consilium expetit, & suis se precibus commendavit, sique ad mare properans quicquid Deus se disponderet patienter expectavit.

#### Relatio Willemi Abbatis.

Abbas vero omnibus modis dedit operam ut Ecclesie sibi creditæ profectibus invigilaret: unde per manum Balduini Comitis cum Viviano Milite & uxore ejus Mathilde de terra quadam concambium fecit: quod idem Comes in hunc modum confirmavit:

Ego Balduinus Comes Gisenfis notum facio omnibus, quod Vivianus & Mathildis uxor ejus, & Elembertus privignus ejus cambiaverunt totam terram suam apud Campaniam quam habuerant, cum Abbate & Capitulo Andrensi pro terra illâ quæ jacet ante portam illorum ad Ruskem, præter terram quæ contigua est vinario Monachorum, ubi terra sumitur ad opus molendini. Sed Abbas retinuit sibi Comitatum utriusque terræ & viæ illius quæ tendit ad molendinum. Hoc quia factum est per manum meam, scriptum illud inde fieri jussi, & per chirographum dividi. Huic commutationi interfuerunt Willemus frater meus, Ernulfus & Willemus filii mei, Balduinus de Campaniis. Wichardus de Balinghem, Eustachius de Wadinghetun, Balduinus Canis, & multi alii.

Anno Domini M. CLXXII. domnus Petrus fratrum suorum quieti prospiciens, & hujus loci libertati pia sollicitudine providens, privilegium a domino Alexandro Papa III. per manum Simonis de Molendino, domini Balduini Gisenfis Comitis Capellani, impetravit, mediantibus quibusdam Cardinalibus suis quondam familiaribus, in quo decimæ novalium & nostrorum animalium nobis indulgentur; & more Cisterciensis vel Præmonstratensis Ordinis quadam aliæ libertates huic loco conceduntur, sed & libertas electionis præter morem solitum nihilominus attribuitur. Tenor autem privilegii talis est:

Alexander Episcopus servus servorum Dei dilectis filiis Petro Abbati Monasterii sancti Salvatoris & sanctæ Rotrudis quod in Tervanensi parrochia situm est, ejusque Fratribus tam presentibus quam futuris regularem vitam professis in perpetuum. Quoties illud a nobis petitur quod religioni & honestati convenire dignoscitur, animo nos libenti de cet concedere, & petentum desideriis congruum suffragium impertiri. Eapropter, dilecti in Domino Filii, vestris justis postulationibus clementer annuimus, & prefatum Monasterium in quo divino estis obsequio mancipati, sub beati Petri & nostrâ protectione suscipimus, & presentis scripti Privilegio communimus. In primis siquidem statuentes, ut Ordo Monasticus, qui secundum Deum & beati Benedicti regulam in eodem Monasterio institutus esse dignoscitur, perpetuis ibidem temporibus inviolabiliter observetur. Præterea quascumque possessiones, quæcumque bona idem Monasterium in presentiarum jussu & canonicè possidet, aut in futurum concessione Pontificum, largitione Regum,

De Domno  
Gusfrido Monacho nostro  
in Ecclesia nostra  
sepulto.

ANDREAS  
MARCIA-  
NENSIS.  
1169.

S. Thomas  
ante S. Benedi-  
cti altare per-  
imitur.

1172.

Privilegium  
Domini Papæ  
Alexandri.

vel Principum, oblatione fidelium, seu aliis iustis modis præstante Domino poterit adipisci, firma vobis vestrisque successoribus & illibata permaneant. In quibus hæc propriis duximus exprimenda vocabulis: locum ipsum in quo præfatum Monasterium situm est, cum domibus, terris & aliis pertinentiis suis. Sanè novalium vestrorum quæ propriis manibus aut sumptibus colitis, sive de nutrimentis vestrorum animalium, nullus omnino à vobis decimas exigere præsumat.

Liceat quoque vobis Clericos vel laicos è seculo fugientes liberos & absolutos ad conversionem vestram recipere, & in vestro Monasterio absque contradictione aliquà retinere. Prohibemus insuper ut nulli Fratrum vestrorum post factam in loco vestro professionem fas sit de eodem loco absque licentiâ Abbatis vel Magistri sui discedere, discedentem verò absque communium litterarum vestrarum cautione, nisi ad arctiorem religionem voluerit transigrare, nullus audeat retinere. Sepulturam quoque ipsius loci liberam esse concedimus, ut eorum devotioni & extremæ voluntati qui se illic sepeliri deliberaverint, nisi fortè excommunicati vel interdicti sint, nullus obstat, salvâ tamen iustitiâ illarum Ecclesiarum à quibus mortuorum corpora assumuntur. Præterea cum generale interdictum terræ fuerit, liceat vobis clavis januis, non pulsatis tintinnabus, exclusis interdictis & excommunicatis, suppressâ voce Divina officia celebrare.

Obeunte verò te nunc ejusdem loci Abbate, vel tuorum quolibet successorum, nullus ibi qualibet subreptionis astutiâ vel violentiâ præponatur, nisi quem Fratres communi consensu, vel Fratrum pars consilii sanioris secundum Deum & beati Benedicti regulam providerint eligendum. Decernimus ergo ut nulli omnino hominum liceat præfatum Monasterium temerè perturbare, aut ejus possessiones auferre, vel ablatas retinere, minuere, seu quibuslibet vexationibus fatigare; sed omnia integra conserventur eorum pro quorum gubernatione & sustentatione concessa sunt usibus omnimodis profutura, salva sedis Apostolicæ auctoritate, & diocessani Episcopi canonicâ iustitiâ.

Si qua igitur in posterum Ecclesiastica secularive persona hanc nostræ constitutionis paginam sciens, contrâ eam temerè venire tentaverit, secundò tertiove commonita, nisi reatum suum dignâ satisfactione correxerit, potestatis honorisque sui dignitate careat, reamque se Divino iudicio existere de perpetrata iniquitate cognoscat, & à sacratissimo corpore & sanguine Dei & Domini Redemptoris nostri JESU-CHRISTI aliena fiat, atque in extremo examine districtæ ultioni subjaceat. Cunctis autem eidem loco sua jura servantibus, sit pax Domini nostri JESU-CHRISTI, quatenus & hic fructum bonæ actionis percipiant, & apud districtum judicem præmia æternæ pacis inveniant, Amen, Amen. Datum Signiæ per manum Gratiani sanctæ Romanæ Ecclesiæ Subdiaconi & Notarii, v. Kal. Martii Ind. vi. Incarnationis Dominicæ anno M. clxxii. Pontificatus verò Domini Alexandri Papæ III. anno quarto-decimo.

*De Constructione hujus Ecclesiæ sub Abbate Petro.*

**P**ACE tandem temporis adeptâ, sopitis guerris, & variis sibi illatis injuriis, dominus Petrus ad Ecclesiâ antiquam semirutam & minantem quotidie ruinam, renovandam totus accingitur, lapidum, calcis & sabuli grandis ad hæc strues & materia præparatur; lapidicina inter montem de Fielnes & Antinghem sita, unde Ecclesiâ antiqua cum ædificiis prioribus fuit exstructa, pro eo quod adeo remota

fuit deseritur, & in parrochiâ de Campanies citrà montem de Mas à domno Petro indagatore sedulo alia lapidicina satis vicinior invenitur; tam hyeme quàm æstate ibidem operi insistitur: apertâ terrâ mons lapideus cavatur, vetus & ruinosa Ecclesiâ funditus evertitur, recens & decens inchoatur; durior quoque lapidum materia in fundamento locanda ad bases, columnas & capitella cum maximo sumptu de Comitatu Bolonienfi huc adducitur: interim in Capitulo cantatur, acceleratur opus, & in brevi spatio chorus cum turri, & duabus crucibus ei annexis, auspice Christo consummatur: quo opere feliciter ad finem perducto Parrochiani omnes tam nobiles quàm alii, domini Balduini Comitis consilio animati, ad exemplar operis incepti novam Ecclesiâ ad opus suum ab Abbate perfici petierunt, & centum ei marcas ad hoc agendum unanimiter promiserunt, quas tamen tepidè, remisè & negligenter persolverunt; nam lebetes, ollas æneas, caldarias & trepetes ferreas, ex eis tandem deficiente promissio extorqueri oportuit, & totum ferè pondus operis Abbati perficiendum incubuit. Ipse verò in solo Deo spem constituens, & beatæ Rotrudis auxilium die ac nocte deposcens, præter spem omnium opus lapideum infra paucos annos consummavit; lignis de Haiâ Gifnensi huc adductis fabricavit, plumbo cooperuit: nunquam tamen Prædicatorem pro pecuniâ quæstuosè acquirendâ, ut quibusdam Ecclesiis & Monasteriis mos est, hinc emisit: nunquam à Principibus & Potentibus subsidium mendicavit, & tamen opere perfecto se solito ditiores invenit.

Obiit Godescalcus M. clxxii. quondam Attrebatensis Episcopus.

M. clxxiii. Comes Boloniæ Matthæus ante oppidum, quod Novum-castellum dicitur, ictu sagittæ vulneratur, & post paucos dies moritur, & apud sanctum Judocum sepelitur.

Obiit Andreas Attrebatensis Episcopus, Robertus Præpositus Atrensis loco ejus eligitur.

M. clxxiv. Obiit Alexander Abbas Aquiciniensis, succedit ei Simon Monachus ejusdem Ecclesiæ.

Robertus Attrebatensis electus, eligitur Episcopus Cameracensis; qui post paucos dies in castro, quod dicitur Condei, iii. Nonas Octobris clanculo per lenones occiditur. In Episcopatu Attrebatensi Frumoldus Archidiaconus substituitur.

Ludovicus Rex Francorum, Henricus & Ricardus filii Regis Angliæ, & Philippus Comes Flandriæ contrâ Regem Angliæ iterum confurgunt; qui Northmanniam profecti civitatem Rotomagensis obsederunt. Multi verò de exercitu Flandrensium cum Comite de Leicester, qui à Rege Angliæ recesserat, transfretantes in Angliam apud sanctum Edmundum cum eodem Comite quidam capti sunt, quidam interfecti, alii fugâ elapsi, alii per licentiam turpiter sunt reversi.

Amalricus Rex Jerosolymis obiit: Balduinus filius ejus adhuc puer in Regno succedit.

M. clxxv. Obiit Henricus Remensis Archiepiscopus, frater Ludovici Regis Franciæ; cui succedit Willelmus Senonensis Archiepiscopus, frater Henrici Comitiss & Reginæ Franciæ, & Theobaldi Comitiss Bleffensis.

In die sancto Parasceves Philippus Comes Flandriæ in Hierusalem profecturus, crucem accepit.

M. clxxvi. Godescalcus Abbas sancti Bertini obiit, cui successit Simon Monachus ejusdem loci.

M. clxxvii. Alexander Papa & Fredericus Imperator pacificantur, & Ecclesiâ Dei quæ per xviii. annos eorum dissidio vexata fuerat, plenissimè unitur.

1172.

1173.

1174.

1175.

1176.

Pax Ecclesiæ reddita.

Imperatoris  
pœnitentia.

Proc. 21. I.

1178.

Christianus enim Archiepiscopus Maguntinus, qui & Cancellarius, & Optimates Regni cum Episcopis quævientes, Fredericum Imperatorem ad dominum Papam Alexandrum, discalcium & Regis ornamentis nudatum in Venetiâ in loco, qui Altus-rivus nuncupatur ix. Kal. Augusti adduxerunt: ipse verò cum tantâ humilitate quod ei indictum fuerat implevit, ut illius exstitisse opus sine dubitatione credatur, de quo dicitur: *Cor Regis in manu Dei; ubi voluerit convertet illud.*

Philippus Comes Flandriæ à transmarinis Principibus cum magno honore suscipitur. Paucis autem postquam illud venerat evolutis diebus Antiochiam proficiscitur, & à Principe ipsius civitatis honorificè receptus, cum eodem Principe Castellum Harenæ Christianitati violenter ereptum, ex omni parte obsedit; sed parum ibi proficiens, circa diem Paschalem ob visionem sacri ignis Jerosolymis remeavit.

M. c. lxxviii. celebratâ ergo ibidem Paschali solemnitate marina timens discrimina, per Hesperiam, Thraciam, Pannoniam seu Saxoniam rediit ad propria, & mense Octobri reverſus à Flandrentibus est favorabiliter susceptus.

#### *De Ecclesiæ Consummatione.*

Post labores & expensas multiplices infra spatium circiter octo annorum Dominus Petrus cœptam Ecclesiam feliciter consummavit, sed ejus dedicationem distulit quoadusque vel per se solemnes Reliquias in eam introduceret, vel à quolibet Potente eas acciperet, & exinde Ecclesiam Deo desponsandam dotaret. Cujus pio desiderio Deus satisfecit, sicut sequens historia declarabit. Ipse verò ne interim otio torperet decimam de Suanakas curti nostræ contiguam, patrocinate quodam venerabili Presbytero, & pecuniam ad hoc providente nomine... à quodam nobili viro Clemente de Antinghem Pare castri de Ardea acquisivit, & ad petitionem ejusdem Presbyteri ad octo anniversaria, in loco præſenti solemniter in perpetuum facienda pro ipsius Presbyteri prædecessoribus & parentibus assignavit: quam decimam à Domino Petro acquisitam dominus Comes Balduinus confirmavit in hunc modum:

Ego Balduinus Comes Gifnensis, notum facio omnibus tam præſentibus quàm futuris, quodd Clemens de Ardea dedit Deo & Beatæ Rotrudi & Ecclesiæ Andernenſi, ac Monachis ibidem Deo servientibus, tertiam partem decimæ de Suanakes quæ dicitur tertia garba, quam tenebat & possidebat in feodo de Domino Ernulpho de Ardea. Et quia fecit hoc donum per manum prædicti Ernulphi & per manum meam, ipſo rogante, confirmavi illud concedente uxore meâ Christiana & Ernulpho filio meo. Et hæc confirmatio & doni recognitio facta est in plenariâ Curia apud Gifnes, ubi coram cunctis Baronibus, ipsius Clementis rogatu, fidejussor extiti Abbati & Monachis Andrentibus, ut ab omni calumniatore & malefactore ipsam decimam Ecclesiæ acquietarem & vendicarem. Quod ut firmum & ratum sit, scriptum hoc inde fieri jussi, & sigillo meo corroboravi. Testes hujus rei sunt Eustachius de Liskes, Hugo de Bandenguehem, Gusfridus de Gifnes, Guido de Elembom, Henricus de Saltun, Ernulphus Sacerdos de Guem; Oliverus, Manasses famulus & multi alii.

#### *De eadem re.*

Filius quoque ipsius Comitis Arnulfus Ardeæ dominus, & Comes futurus quod à Domino superiori confirmatum fuit, pro eo quod de suo feodo erat, suam quoque confirmationem adhibuit, quæ sic incipit:

Ego Arnulfus de Ardea notum facio præſentibus & futuris, quodd Clemens de Ardea dedit & concessit in elemosynam per manum meam Deo & Beatæ Rotrudi, & Ecclesiæ Andernenſi ac Monachis ibidem Deo servientibus, tertiam partem decimæ de Suanaches, quæ tertia garba dicitur, quam tenebat in feodo de me, & proprii sui juris erat. Hoc donum ego & domina Adelina uxor mea, pro salute animarum nostrarum concessimus & confirmavimus, & proprio sigillo in hoc scripto corroboravimus, ut præfatam decimam Ecclesia Andernenſis liberam & quietam habeat, & possideat jure perpetuo, absque ullâ calumniâ in perpetuum. Hujus itaque concessionis nostræ & donationis illius, sicut in præſentiâ nostrâ recognovit, testes sunt Willelmus de Bello-loco, Robertus Presbyter de Nicles, Lambertus Sacerdos de Brames, Beroldus Capellanus noster, Vivianus Sacerdos de Campaniis, Paganus de Norolt, Simon de Alles, & multi alii.

#### *Item de eadem re.*

Ad Exemplar igitur utriusque Patroni ne quid nobis ad certitudinem decisset, & ut ipsa elemosyna tam Ecclesiasticâ quàm mundanâ confirmatione semper vigeret, Dominus Desiderius Morinorum Episcopus tam à patronis quàm ab hereditibus rogatus, suum quoque privilegium nobis indulſit sub tali formâ:

Ego DESIDERIUS Dei gratiâ Morinorum Episcopus notum facio univerſis Christi fidelibus, quodd Clemens de Ardea filius Walonis dedit Deo & Beatæ Rotrudi, & Ecclesiæ Andernenſi & Monachis ibi Deo servientibus pro salute animæ suæ, & parentum suorum, tertiam partem decimæ de Suanakes, quam dicunt tertiam garbam, quæ sui juris erat. Quod donum ut firmitus & robustius esset, propriâ sponte accessit ad me, & reddidit mihi ipsam decimam eo pacto, ut eam Ecclesiæ antedictæ & Monachis Andrenſibus concederem & confirmarem. Quod cum factum esset & Abbatem investivissem, genu flexo petivit supplex ut eum absolverem & pœnitentiam injungerem, pro eo quod ipsam decimam contra jura Canonum tamdiu tenuisset & possidisset, cum illicitum sit laicis decimas possidere. Hoc facto auctoritate Dei & nostrâ interdiximus, nè cuiquam hominum liceat eandem decimam usurpare, vel decipere, aut calumniari: quod si quis presumserit, tamdiu à liminibus Ecclesiæ anathematizatus separetur, donec Ecclesiæ cui donata est satisfaciatur, & damna restituat. Nos verò jamdictam decimam Ecclesiæ Andernenſi sancti Salvatoris & Sanctæ Rotrudis concedimus, & proprio sigillo corroboramus, ut eam habeat & possideat liberè & quietè in perpetuum. Hoc factum est anno Domini M. c. lxxxiii. audientibus & videntibus Alulfo & Galterio Archidiaconis, Balduino Baco Cantore, Joanne Cancellario, Evrardo Decano, Ernulfo Clerico de Montorio, & multis aliis de Curia.

#### *De Decima de Voxole.*

Aliam quoque decimam Dominus Abbas acquisivit, de manu laicali eam extorquens, quam ab Ordinario suo, Domino scilicet Desiderio Morinorum Episcopo confirmari impetravit sub hac formâ:

Ego DESIDERIUS Dei gratiâ Morinorum Episcopus notum facio tam præſentibus quàm futuris, quodd Elbodo de Acquine & Gerbodo filius ejus venientes pariter ante præſentiam nostram cum essem apud Bavelinghem, reddiderunt in manu nostrâ medietatem decimæ suæ quam habebant apud Vocsole, ad opus Andrenſis Ecclesiæ & Monachorum ibidem Deo servientium, audientibus & videntibus

1173.

Clericis nostris, & Huberto seniore de Bavelinghem, & Huberto filio ejus, necnon & Hugone Presbytero de Aquine, & multis aliis. Sequenti autem anno cum essem apud Andrenses accedentes ad nos pari modo, Elbodo videlicet & filius ejus reddiderunt alteram medietatem supradictæ decimæ in manu nostrâ, & obtulerunt eam eidem Ecclesiæ & Monachis ibidem Deo servientibus, ut habeant illam & possideant jure hereditario in perpetuum. Hoc audierunt & viderunt Walterus Archidiaconus Joannes Cantor, Hugo de Robais, Joannes Sueffionensis, Magister Ernulfus de Montorio, Richerus Decanus, & multi alii qui interfuerunt.

Audiens Dominus Petrus famosum Principem Philippum Flandriæ & Viromandiarum Comitem de transmarinis partibus repatriasse, & per veridicos rumores cognoscens eum per Constantinopolim iter fecisse, & multa pretiosa pignora cum Sanctorum Reliquiis inde asportasse, quod pridem mente conceperat ad effectum perduxit. Apud sanctum Bertinum eidem occurrit, aliqua pretiosa pignora cum Reliquiis ab eo petiit, & impetravit, & ita Ecclesiam de novo constructam hoc donativo nobilitans, ipsam anno Domini M. c. LXXIX. dedicari fecit à venerabili patre Domino Desiderio Morinorum Episcopo, præsentem Cleri & populi infinitam multitudinem, mense Junio. Qualiter autem eundem Principem adierit, qualiter eum compellaverit, quæ & quanta ab eo receperit ad dotandam Ecclesiam in proximo consecrandam, idem Dominus Petrus in quodam tractatu eleganti stilo declarat, quem legimus ad mensam in die sanctæ Rotrudis aliquando constitat.

*De invadiatione Decimæ de Ales.*

Postmodum solemnem dedicationem peractâ, de manu cujusdam Militis, Alulfi scilicet de Ales, decimam quamdam titulo pignoris recepit, quam à Boloniensi Comitissa nomine Ida Matthei Comitissâ, sub hac formâ confirmari impetravit:

Ego IDA Comitissa Boloniensis, notum facio tam præsentibus quam futuris, quod Abbas & Monachi Andrensis Ecclesiæ impignoraverunt decimam Alulfi de Ales, quæ est in parochiâ de Salquele, pro XL. marcis argenti, per manum meam & virorum meorum bonæ memoriæ Comitum Boloniensium, Matthei scilicet & Geraldii de Gelle: nunc autem cogente necessitate accepit isdem Alulfus XLV. marcas per manum meam super eandem decimam: quod ego concessi & confirmavi, & à viro meo, Deo volente, confirmari faciam; ut Abbas præfatus & Monachi habeant ipsam decimam liberam & quietam absque alicujus calumniâ, donec ipse Alulfus vel heres ejus ex integro persolvant illis vel Ecclesiæ Andrensi LXXXV. marcas argenti. Quod ut ratum & inconvulsam permaneat scriptum hoc inde fieri jussi, & sigillo corroborari præcepi. Huic concessioni & confirmationi interfuerunt Ingilramnus de Fielnes, Radulfus de Lens, Ernulfus de Lumvilleris, Isaac de Eitru, Batoninus Busketh, Balduinus de Campaniis, Eugo de Lhonefoei, Eustachius de Waben, & multi alii tam Clerici quam laici.

*De primâ invadiatione decimæ de Ales.*

Dominus quoque Balduinus Comes Gifnensis & hujus loci Patronus, super eodem vadimonio de suis hominibus fidejussores sufficientes recepit, & ne quid nobis ad certitudinem deesset, Chartam suam nobis exinde in hunc modum concessit:

Ego BALDUINUS Comes Gifnensis, notum facio omnibus, quod pro decimâ Alulfi de Ales, quam Abbas Andrensis & Monachi impignoraverunt pro

LXXXV. marcis argenti, fidejussores accepi sicut Advocatus Ecclesiæ, Balduinum de Campaniis & Eustachium filium ejus, Widonem de Elembon, & Eustachium de Oya; eâ ratione quod ipsi acquietabunt eam & defensabunt eam Ecclesiæ, ut absque calumniâ liberè & quietè illam Ecclesia teneat & possideat, donec ex integro prætaxatum argentum recipiat. Quod si quid damni per violentiam vel calumniam cujuscumque Abbas & Monachi in perceptione fructuum incurrerint, isti omnes vel eorum singuli damnum Abbati restituent; quod si non fecerint, quidquid possident in meâ terrâ accipiam & occupabo ego vel heres meus, & de damnis illatis Ecclesiæ satisfaciam. Hoc factum est in plenaria Curia meâ eâ die quâ Henricus de Campaniis armatus pugnare debuit apud Gifnes contra Advocatum Balduini de Campaniis; postea recognitum audientibus & videntibus Roberto Capellano, Thoma Presbytero, Lamberto Presbytero, Widone Presbytero de Oya, Willelmo fratre Comitis, Eustachio de Lufkes, Henrico de Campaniis, Eustachio de Montgardin, & multis aliis.

Prædictus quoque Alulfus cum à quodam potente in causam traheretur de servili conditione, & usquequaque supra vires impeteretur, consilio & auxilio Domini Petri Abbatis exinde ereptus est & liber dimissus. Super quo beneficio ne videretur ingratus, unam penam caseorum apud Neuverca nobis in elemosynam contulit, & nobis de cetero obnoxius permansit. Multa tamen damna & incommoda locus iste postmodum ab uxore suo & heredibus sustinuit, quoadulque memorata decima longo deinceps tempore ex toto per nos empta & acquista fuit.

Eodem tempore Dominus Abbas Hugonem nobilem virum de Bavelinghem & participes ejus, hujus Ecclesiæ parochianos coram Ordinario suo in causam traxit; & tertiam partem maresci de Bavelinghem, quam ad Ecclesiam de dono antiquorum dicebat pertinere, sicut & alia allodia ibidem sita, pertinaciter exegit. Dominus autem Episcopus multitudinem in causâ esse videns, & Ecclesiæ paci in futurum prospiciens, litem motam sopivit, & in tali formâ dans privilegium partibus satisfecit:

Ego DESIDERIUS Dei gratiâ Morinorum Episcopus, notum facio tam præsentibus quam futuris, quod Petrus Abbas Andrensis Ecclesiæ magnopere petierit determinari, & assignari sibi tertiam partem in maresco & pasturâ de Bavelinghem, quam se contingere & longo tenore possessionis & privilegiorum continentia assererat. Unde Hugonem de Balinghem & alios coheredes in causam traxerat, eo quod SIMON de Balinghem partem quamdam ibi usurpaverat, quam mansionariis locaverat, & ubi domum sibi construxerat. Hac de causâ idem Hugo, Guichardus & Magister Ernulfus cum participibus suis concesserunt Abbati & Ecclesiæ de ipsâ pasturâ & maresco triginta mensuras prope pasturam Ecclesiæ; eâ ratione ut in reliquo maresco & pasturâ habeant semper & accipiant homines Abbatis alimentum ad usus suos, sicut mansionarii coheredum; sed si quâ fortè occasione illi suos proprios homines arcere & expellere à pasturâ voluerint, nihilominus homines Abbatis absque ulla eorum contradictione quod sibi necessarium fuerit omnimodis sibi sumant, sicut ante consueverant: de cetero coheredes duos nummos de censu annuatim Ecclesiæ persolvent. Hoc ut ratum & inconvulsam permaneat, quoniam quidem ante nos factum & recognitum est, ne quid controversiæ in posterum emergat, scriptum hoc inde fieri jussimus, & sigillo nostro communiri fecimus. Nam huic conventioni multi testes interfuerunt, quorum paucos subscribi

præcepimus; Joannes Cantor Tervanensis, Magister Petrus de sancto Audomaro, Clarembaldus de Tinbronna, Robertus de Jorin, Guido de Herchem, Paganus de Brames, Oliverus de Gifnes, & multi alii.

*De Assensu Comitum.*

**D**ominus quoque Comes Balduinus ad instantiam Episcopi & petitionem Abbatis Petri, pro eo quod præfati nobiles homines sui erant, & de feodo suo ad Comitem pertinente, talem cum Ecclesiâ pacem fecerant; pacem factam approbavit & taliter scripto ad posterorum memoriam mandavit.

Ego BALDUINUS Comes de Gifnes præsentibus & futuris notificari volo, quod cum Dominus Petrus & Monachi Andrensis Ecclesiæ, cujus sum Patronus, me permittente traxissent in causam parrochianos suos Dominum Hugonem de Bavelinghem, & fratres suos Symonem & Frumoldum & eorum participes Wicardum scilicet Radulphum Baillol, & alios coheredes suos, homines meos, coram Domino Episcopo Tervanensi super portione maresci de Bavelinghem, in quo tertiam sibi partem vindicabant, mediante Episcopo eodem Desiderio, & me approbante pax fuit inter eos taliter facta, & à nobis approbata, quod iidem Andrenses à participibus de Bavelinghem, pro eo quod multi erant numero, triginta mensuras maresci pro suâ portione acciperent, & eis contenti essent, & singuli participes de Bavelinghem singulis annis duos denarios Andrensi Ecclesiæ persolverent, ut per hujus elemosynæ recognitionem quoquo modo satisfacerent: & tamen nec Abbatis nec hominum suorum animalia à maresco de Bavelinghem expellere, aut coëcere de catro valerent. Abbas autem & Monachi consilio nostro domini Episcopi consilio adhibito, ideo acquieverunt, quia juxta pasturam sibi à prædecessoribus in eis in confinio suo datam, & tam à me quam à nobili Comite patre meo Arnolde conservatam & defensatam, & in eorum usus semper appropriatam, has triginta mensuras receperunt, & limitari fecerunt. Ego autem & mei heredes tam marescum eidem Ecclesiæ pro bono pacis datum, & ab Episcopo & me confirmatum, quam residuam pasturam tenemur ipsi Ecclesiæ in perpetuum warrantizare, & ne quisea possit fodere, nisi ad utilitatem Ecclesiæ, contra omnes homines defendere; quia ipsam Ecclesiam constitit esse matrem nostram, & ad hoc tam à prædecessoribus nostris, quam à Romanis Pontificibus firmiter privilegiatam.

*Relatio Willelmi Abbatis de stagno Monasterio nostro contiguo.*

**C**irca idem quoque tempus dominus Abbas super stagno à parte Occidentali Monasterio adjacente, & super usu molendini, & aquæ ductu & maresco finitimo, dominam Adelidem, quam supra memoravimus, & filium ejus Henricum jam adultum in causam coram Ordinario traxit; & hanc quoque controversiam idem Episcopus dato privilegio in hunc modum compescuit:

Ego DESIDERIUS Dei gratiâ Morinorum Episcopus notum facio omnibus, quod controversia diu ventilata est in præsentia meâ inter Petrum Abbatem & Monachos Andrenses, & dominam Adelidem & Henricum filium ejus. Abbas enim asserbat quod Henricus de Campaniis & domina Adelidis uxor ejus in maresco, quod sibi eisque commune jamdudum fuerat, stagnum per vim fecerant, & aquam quæ solebat fluere ante cambam eorum à solito cursu aliorum abduxerant; unus super iis

omnibus vivos testes & privilegium bonæ memoriæ Milonis Episcopi in curiâ produxerat: at contra domina Adelidis & Henricus filius ejus rem ita esse negabant, & per assensum Abbatis defuncti & Monachorum stagnum factum fuisse & aquam abductam affirmabant. Hac de causâ convenientes in unum, ego & dominus Balduinus Comes Gifnensis, & multi illustres viri tam Clerici quam laici apud Polinghone in die dedicationis Ecclesiæ, taliter inter eos pacem firmavimus. Decrevimus enim per assensum utriusque partis, ut aqua reduceretur ad solitum cursum ante cambam Monachorum, & ad arbitrium duorum virorum in commutationem stagni terram campestrem Abbas acciperet, salvo jure suo in maresco quod extrâ stagnum residuum fuerat. Quod si forte in hyeme vel ex abundantia pluviarum vel ex resolutione nivium aquæ nimia inundantia fieret, quam vulgò eretnam vocant; sancivimus ut ex alterâ parte stagni absque damno Ecclesiæ pars aquæ dimitteretur, ne stagnum per impetuosam irruptionem dissiparetur. Abbas verò provideat ne aquæ ductum inferius quam modo est faciant, ne forte stagnum nimium desiccetur & pisces periclitentur. Hujus itaque pactiōis quamplures fuere testes Clerici qui cum Episcopo erant, Walterus Archidiaconus, Magister Balduinus, Hugo Gardin, Paganus de Brancis, Henricus de Seltun, & multi alii Milites.

Anno Domini M. CLXXVIII. Sarraceni in planis de Ramenes à Christianis devicti fugerunt, pluribus interfectis. Signum crucis quasi de cælo in terram ab oriente in occidentem expansum Sarracenis apparuit.

*Relatio Willelmi Abbatis de ponte de Elceka.*

**E**odem tempore dominus Petrus Abbas ad castrum sancti Audomari, & ad urbem Morinensem frequenter transitum pro negotiis domesticis faciens, & sub villâ de Elceka in stratâ publicâ fluvium de Tornehem sæpius inundantem, & naturalem alveum frequenter egredientem prospiciens, ac per hoc advenas & peregrinos pauperes & debiles, & omnes præcipuè pedites, moras & pericula pati compatiens, Magistrum Aimonem qui Ecclesiam præsentem construxerat, qui de novo domû elemosynariam consummaverat, cum quibusdam camentariis & aliis operariis ibidem transiit, & Dei fultus auxilio, nullius tamen fretus adminiculo, de bonis hujus Ecclesiæ eleganti opere pontem incepit, & ad multorum subsidium in brevi tempore consummavit, lapidibus duris & quadratis de remotis lapidicinis ad opus sumptuosâ structurâ non sine labore & sumptu inestimabili longè ante adductis, & propter solius Dei amorem & pauperum suorum requiem, ad opus illud aptatis.

Parrochiani autem ipsius villæ unde grates illi referre debuerunt, inde ei ingrati fuerunt, quod per ipsum pontem evidenter apparet ex utrâque parte dirutum, & circâ cursum aquæ congelatum; latos enim utriusque frontis lapides mulieres lavatrices de ponte extraxerunt, & lavandis vestibus substraverunt, & etiam circumquaque asportaverunt: tempore quoque nimia inundationis ipsius villæ homines pauperum & peregrinorum exauriendis pecuniis inhiantes, cum pons ibi non esset, nunc vehiculo, nunc navigio, non tamen gratis viatores asportabant; & occasione pontis hoc se emolumentum perdidisse dolebant. Sed & nobiles villæ & potentiores à duobus successoribus domni Abbatis Petri solebant exigere, & quasi ex debito eis imponere, quod fracturam pontis & totum quod spectabat ad ejus fabricam facere & reficere, tenere &

manutene

ANDREAS  
MARCIA-  
NENSIS.  
1178.  
Sarraceni  
vincuntur.



manutenere tenerentur, pro eo quod tam ipsi quam omnes vicini à domno Petro Abbate ipsum pontem primò factum recordarentur. Hoc autem volebant austruere, & quasi pro lege nobis imponere, pro eo quod idem domnus Abbas duas portiones decimæ ipsius villæ à quibusdam Militibus & vavassoribus ibidem manentibus magno pretio comparaverat, & in franco scabinatu sancti Audomari, quod in castro Castellano commissa tribus vicibus in anno teneatur, & malorum nomine recensetur, jure forensi & sæculari possederat. De hac tamen acquisitione licet sumptuosa, & diversis temporibus facta, & à multis heredibus acquisita, non ita per domnum Petrum fuit lis & controversia sopita, quod in tempore duorum successorum ejus non fuerit ventilata, & multis sumptibus terminata, sicut in sequentibus patebit.

Anno Domini M. CLXXIX. Comes Flandrensis Philippus sancti Quintini & de Paronà castra graviter afflixit, eorumque cives oblidione, & persecutione diu multumque humiliavit: Hefdinienlibus reipublicæ dignitatem abstulit; campanam Communiæ apud Ariam transmisit, & quosdam pro interfectione cujusdam de turri præcipitari jussit.

Ludovicus Rex Francorum per provinciam istam transiens in Angliam transfretavit, & sepulcrum gloriosi Martyris Thomæ, quem aliquandiu in exilio nutrierat, tam precibus quam muneribus honoravit. Nam inter cætera dona & donaria centum vini modios Monachis ei servientibus, & eorum successoribus, annuatim in Franciâ percipiendos ibidem liberaliter obtulit: & cuppam Regalem ad eos propinandos ejusdem Martyris veneratoribus in signum amoris perpetuidereliquit; & etiam annulum, quem sicut dicitur beato Thomæ adhuc viventi quandoque delegaverat, ei nihilominus obtulit, pretiosum in se saphirum continentem, & multas postea ægrotudines medentem. Rex autem Anglorum Henricus eidem Regi Ludovico tam in ingressu regni quam Cantuariæ posito multiplices honores fecit, & multipliciùs in Regno eum detinere & honorare proposuit, sed affectum suum ad effectum perducere non potuit: nam quanto citiùs potuit de ipso Regno egressus, & in suum regressus, in Festo Omnium-Sanctorum Philippum filium suum à Willelmo Remensi Archiepiscopo ipsius Philippi avunculo (qui Henrico ipsius Ludovici Regis fratri germano jam transactis quatuor annis successerat) in gloriâ & honore totius nobilitatis Gallicanæ coronari fecit.

Domnus Petrus Abbas decimam de Ervedinghem de manu cujusdam Geroldi de Piro, & uxoris ejus Beatricis, magno pretio comparatam acquisivit, & acquisitam & ab eis in manu domini Episcopi resignatam confirmari impetravit in hunc modum:

Ego DESIDERIUS Dei gratiâ licet indignus Morinorum Episcopus, notum facio tam præsentibus quam futuris quòd Geroldus de Hervedinghem, & uxor sua Beatrix & Hugo filius ejus venientes pariter ante præsentiam nostram, prostraverunt se genibus nostris, petentes veniam humiliter & absolutionem, pro eo quòd possederant decimam quam non licet possidere laicis secundum quòd à Doctoribus Ecclesiæ audierant & didicerant. Confestim igitur reddiderunt totam suam decimam quam habebant apud Hervedinghem in manu nostrâ, & per interpositionem fidei promiserunt nunquam se deinceps eam calumniaturos, dummodo ipsam decimam redderemus per manum nostram Abbati & Ecclesiæ Andrensi & Monachis ibidem Deo servien-

tibus, quibus illam dederant, & coram multis testibus super altare cum libro posuerant & obtulerant. Nos autem acceptâ satisfactione ab eis, & decimam Abbati reddidimus, & excommunicationis sententiam in eos promulgavimus quicumque ipsam decimam de cætero vel auferre, vel subripere Ecclesiæ cui data est, contenderint.

Sub eadem fere horâ accessit Elbodo de Kenesberge, & uxor ejus & filius eorum, & totam decimam suam quam possederant apud Jorni nobis reddiderunt, veniam pro delicto petentes & postulantes, ut eam Abbati & Ecclesiæ Andrensi, cui illam devoverant, per manum nostram præberemus. Quorum petitioni libenter annuimus, & eos à delictis absolvimus; eadem anathematis sententiâ eos percellendo, qui decimam Ecclesiæ subripere tentaverint. Hoc totum factum est audientibus Canonicis nostris Waltero Archidiacono, Hugone de Robais, Magistro Balduino, Magistro Roberto, Magistro Ernulto, & multis aliis tam Clericis quam laicis qui ad causas convenerant.

Non multi post hæc dies fluxerant, & ecce apud Bavelinghem in die consecrationis Ecclesiæ accessit Elbodo de Acqui, & Gerbus filius ejus, & parimodo reddiderunt nobis medietatem decimæ quam habebant apud Vocsole ad opus Andrensis Ecclesiæ, audientibus & videntibus Clericis nostris, & Huberto seniore de Bavelinghem, & Hugone filio ejus, & Hugone Presbytero de Acquine.

Hac autem decimâ pretio LX. marcarum & amplius emptâ, & in manus domini Episcopi, & ad opus hujus Ecclesiæ resignatâ, prædictus Geroldus fraudem contrâ Ecclesiam molitus est per dominum suum Gusfridum de Ferkenes Militem, à quo eandem decimam tenuerat in feodum, qui possessionem nostram impedivit per multos annos, quoadusque ei fuisset satisfactum. Processu quoque temporis eodem Geroldo mortuo, uxor ejus Beatrix de ipsâ decimâ se dotatam fuisse asseruit, & in curiâ Ordinarii per multos testes probavit: unde prædicti Episcopi successor domni Petri Abbatis successorem & conventum ejus ad hoc induxit, ut ipsam viduam quamdiu viveret de pane & cervisiâ sustentarent, quod & ipsi pro bono pacis fecerunt; & ita per tredecim annos quibus fames regnavit in terrâ hac ipsam vetulam sustentaverunt, ita quòd secundum computationem multorum ipsa anus in valore panis plus expendit quam tota decima primo comparata fuit. Qualiter autem ipsa decima fuerit postmodum à falsis hereticis calumniata; qualiter ab injustis patronis perturbata; qualiter nobis ad ultimum appropriata sequens pagina demonstrabit. Denud Lector certus existat, quia tripliciter carius per vices varias empta fuit quam valeat.

Anno Domini M. CLXXX. Ludovicus pius Rex Francorum moritur, & in Monasterio Cisterciensis Ordinis nomine Barbel super Sequanam à se fundato sepelitur. Regnat pro eo filius ejus Philippus, in anno præterito Rex coronatus adhuc juvenis, & à suis Proceribus & Majoribus Franciæ in primordio Regni multa adversa perpeffus. Comes Henricus de Campaniâ filius Comitissæ Theobaldi, reversus ab Hierosolymis moritur.

Anno Domini M. CLXXXI. Alexander Papa moritur, Lucius ei succedit. Comes de Gelrà Gerardus, Idam filiam Matthæi Comitissæ & Mariæ Comitissæ Boloniensis, duxit uxorem, & in brevi postmodum mortuus est. Moritur etiam Flandriæ Comitissæ, cujus maritus Philippus Flandriæ Comes prænomina-

pho quo usi sumus, reperitur in sequentibus.

LLLI

De Decimâ de Jorni.

De eadem Decimâ.

d

De morte Regis Ludovici. 1180.

1181. Interpositio de morte Papæ Alexandri & de itinere Abbatis Petri ad curiâ Romanâ propter Philippum Comitem.

d Sequens pagina ] Nihil tamen hac de re in apogra-  
Tom. II.

ANDREAS  
MARCIANENSIS.  
1179.

Rex Franc. in  
Angliam de-  
vectus, pluri-  
bus donariis  
S. Thomæ se-  
pulcrum de-  
corat.

De acquisi-  
tione Decimæ  
de Ervedin-  
ghem.

densem, ( licet ex eâ non haberet heredem ) tenens, & ad majora se extendens, non contentus duobus Comitibus tertium scilicet Campaniensem cepit concupiscere: & mortui Comitis, cujus supra meminimus, relictam querere; sed cum sciret ipsam suæ uxoris propinquam fuisse, & nonnisi per domini Papæ dispensationem voluntatem suam adimplere posse, domnum Petrum Abbatem hujus loci de consilio multorum ascivit, secretum ei pandit, ut pro hoc negotio dominum Papam adeat, affectuosè requirit: omnia viæ necessaria præparari præcipit, magna dat & multo majora promittit. Assensum præbet Principi vir discretus, sperans per ejus magnificentiam locum sibi creditum posse promoveri & locupletari, si ejus satisfaceret voluntati. Adjungitur ei à Comite comes itineris Willermus quidam solo nomine Monachus, qui per auxilium Comitis de Cœnobio Clarimarefci ad Lobiensem Ecclesiam se transfulerat; qui de mandato Comitis exercitum Flandrensi in Angliam nuper duxerat, & in terrâ sancti Eadmundi eos ad prædandum ducens minimè reduxerat; qui in negotiis Comitis se ingerens & immergens, ut semper esset instabilis modis omnibus laborabat. Vidimus eum postea in parrochiâ de Ferkenes cuidam curti nostræ occasione ejus destructæ præesse, & tam panem quàm optimam cervisiam ibidem venalem habere, quia multas ibi tenebat focarias quas non sustinebat esse otiosas: alias quoque curtes per vim Comitis de Monasterio Lobienfi tenebat, & se apud omnes Monachum Comitis esse jactabat: dominum si quidem de Fiernes famosum illum Ingelramnum per vim Comitis edomuit, & plures alios mutire prohibuit; quia per fidem quam debebat Comiti cujus erat Monachus, jurare consuevit.

Tali igitur venerabilis Abbas fretus Cappellano, ad Apostolorum limina pervenit; & dum injunctum sibi negotium exequi paratus esset, & tam dominum Papam quàm Fratres ex more visitasset, & de impetratione negotii spei firmam concepisset, ecce subito ex parte Comitis solemnnes habuit nuntios qui eum omni occasione & dilatione cessante redire, & negotium imperfectum relinquere mandavit. Quidam enim asseriebant ipsum Comitem ad alias nuptias anhelare; quidam verò dicebant quòd ad torum Campaniensis Comitissæ lascivus pervenerat, & eam de cætero contemptui habuisset. Repatriat ergo Pater hujus patriæ, & loco suo gaudium ingeminat. Ab universis itaque tam Clericis quàm laicis officiosè suscipitur, & in commune ab omnibus honoratur. Quisquis volebat Romam arripere iter, quisquis de statu Curie volebat inquirere, ad domni Petri tanquam ad Apollinis recurrebat oraculum, quia ratus adhuc in partibus istis erat, qui visitaverat limina Apostolorum, & propter Legatos quos ferè unaquæque Metropolis habuit, vix ad dominum Papam appellavit.

De D. Bernardo  
pœnitente.  
1182.

Anno Domini M. C. LXXXII. domnus Bernardus pœnitens, & veros pœnitentiæ fructus ostendens, in Monasterio sancti Bertini moritur, & miraculis illustratur. Cujus vitam virtutibus plenam scribit Dominus Joannes postea Abbas sancti Bertini.

Maria filia Stephani Regis Anglorum quondam Abbatis, postea Boloniæ Comitissa, tertio decimo anno postquam resumserat habitum Sanctimonialis apud Monasteriolum moritur & sepelitur.

De Rege Henrico  
Juniore.  
1183.

Anno Domini M. C. LXXXIII. Henricus Rex junior Henricum patrem suum Regem Angliæ bello iterum sollicitat pro Ducatu Piætarviæ, quem pater dederat Richardo filio suo: sed cum patrem superare non posset, deficiens mortuus est, & apud Ro-

thomagum jubente patre sepultus. Idam prædictam filiam Matthæi Comitis Boloniæ Comitissam Dux de Saringhes Bertoldus duxit uxorem. Dominus Petrus Abbas Cisterciensis fit Episcopus Atrebatensis.

Anno Domini M. C. LXXXIV. Philippus Comes Flandriæ de Hispaniæ finibus sibi sumit uxorem Mathildem filiam Regis Portugalsium. Heraclius Patriarcha Jerosolymitanus transfretavit in Angliam, à Rege Henrico adversus Saracenos auxilium petiturus, quibus in Terrâ sanctâ Christianorum vires exhaustæ resistere ulterius non valebant.

Terribilis terræ motus cum validâ tempestate in Angliâ ab urbe Lincolnæ versùs Londoniam per tres terræ dietas durans & amplius, cum ædificia ruerent, muri funderentur, homines quasi ebrii ferrentur huc & illuc, miraculo fuit & stupori.

Dominus Petrus Abbas non desistens à bonis acquirendis vel acquisitis in pace redimendis, Hugonem de Lumeres Militem quædam bona nostra in territorio Boloniensi calumniantem, datis muneribus compescuit, & ante dominum Morinensem culpam suam confitentem adduxit: quod idem dominus Episcopus dato Privilegio confirmat in hunc modum:

Ego DESIDERIUS Dei gratiâ Morinorum Episcopus notum facio tam præsentibus quàm futuris, quòd Hugo de Lumeres veniens ante præsentiam nostram dedit Deo & beatæ Mariæ, & Ecclesiæ Andrensi ac Monachis ibidem Deo fervientibus, quidquid habebat in parrochiis de Boxi & de Resti, scilicet partem patris sui, & partem Hugonis de Ferkenes, & medietatem partis Henrici fratrum aviæ suæ. Hæc omnia quæ sua esse dixerat, & quæcumque calumniatus fuerat ex parte parentum suorum, tam in sylvâ quàm in terrâ in prædictis parrochiis adversus Andrensem Ecclesiam, dedit ipsæ, & uxor ejus Mathildis, & Willermus filius eorum major natus, per manum nostram Petro Abbati & Ecclesiæ Andrensi, & recognovit se hoc fecisse super altare Monasterii Andrensis acceptâ charitate XI. librarum. Hoc factum est Tervannæ in domo nostrâ, anno Domini M. C. LXXXIII. audientibus & videntibus Joanne Cantore, Hugone de Robis Thesaurario Ecclesiæ, Magistro Roberto, Ernulfo Capellano nostro, Johanne Sueffionensi, Simone de Hinghinegate, Winemaro Dapifero, Fulcrado, & multis aliis.

*De Redemptione redditus quem Boloniensi Ecclesiæ debebamus.*

Eodem quoque tempore languente in debitis Ecclesiâ beatæ Mariæ Boloniensis, presens Ecclesia mediante Domino Petro Abbate redemit ab eadem Ecclesiâ decem polkinos frumenti, quos ibidem annuatim debebamus in grangiâ nostrâ de Bokerdes, ad mensuram de Gifnes, quindecim marcis sterlingorum pro redemptione cujusdam decimæ eis assignatis, & octo libris Boloniensis monetæ, pro quibus cappas eorum sericas tenebamus impigneras, in pace dimissis, super hoc inter has duas Ecclesias pæctio perennis est facta, & per chirographum divisum roborata sub hac formâ, appensis hinc inde utriusque Capituli sigillis, & domino Fulcone ita scribente:

Ego Fulco indignè licet dictus Abbas sanctæ Mariæ Boloniensis, & ego Petrus Abbas Andrensis, omnibus notum facimus, quòd Ecclesia Andrensis debuit Ecclesiæ Boloniensi annuatim decem polkinos tritici ad mensuram de Gifnes, pro quâdam parte decimæ de Bokerdes, quos Conventus Boloniensis dedit & concessit Conventui Andrensi, pro eo quod Abbas & Monachi Andrenses redemerunt

De secundo  
conjugio  
Philippi Comitis.

1184.  
Orientales  
Regis Angl.  
auxilium im-  
plorant.  
Terræ motus  
in Angliâ.

WILLELMUS  
ABBAS.

Charta Desiderii Episcopi.

Charta Eccl.  
Boloniensis.

decimam de Badinghetun, quæ fuerat Petri Clerici, quam Leprosi Bolonienses tenebant in vadium pro xv. marcis sterlingorum, & acquietaverunt Ecclesiæ Boloniensi; dimissis etiam octo libris Boloniensis monetæ, quas per longum tempus Canonici debuerant Monachis. Quod ut ratum & inconvulsam in posterum maneat, scriptum hoc inde fieri decrevimus, & sigillis utriusque Ecclesiæ munivimus. Hoc factum est per assensum utriusque Capituli, audientibus & videntibus Canonis, Ulrico Priore, Gerberto, Balduino, Roberto, Roberto de Anius, Roberto de Odera, Johanne de Oüy, Reinaldo de Lens; Manasse, Petro, Gusfrido, Roberto, Eustachio Monachis, Widone Priore, Gregorio, Waltero Præposito; Willemo de Fielnes, Ernulfo, Gusfrido Eleemosynario, Riquardo Cantore, Henrico Subpriore, Michaële, Roberto, Balduino, & omni Capitulo.

Quoniam autem contractus iste ex omni parte non videbatur sanus, licet à partibus approbatus & confirmatus, nisi etiam ad hoc Ordinarii accederet assensus & consensus, dominus Desiderius hoc in hunc modum confirmat:

Ego DESIDERIUS Dei gratiâ Morinorum Episcopus notum facio, &c. ut supra.

*De calumniâ Willemi de Bredenarda.*

**S**opitis circumquaque calumniis, & novis reditis per gratiam Dei acquisitis, & tam à Patronis quam ab Ordinariis confirmatis, surrexit contra Dominum Abbatem novus calumniator Willemus nomine, qui curtem nostram de Bredenarda nomine Crofovam à nobili quondam viro Gusfrido Hofenod, & fratre suo Galanto, cum quibusdam aliis bonis datam & à domino Manasse Comite confirmatam, cepit calumniari, volens eam sub annuo censu & modico sibi & suis heredibus dimitti, pro eo quod eam per aliquot annos tenuerat; & multos contra nos fautores & complices habebat, & etiam segetes nostras in progressu calumniæ vastaverat: sed Comes se Patronum nobis exhibens, & eum perterrens, & causam nostram iudicio Curie suæ decedens, ei & suis factâ pace perpetuum silentium imposuit, & Chartam suam nobis in hunc modum indulgit:

Ego Balduinus Comes Gifnensis notum facio tam præsentibus quam futuris, quod Willemus frater Karoli de Bredenarda, calumniatus est curtem Abbatis & Monachorum Andrenensium, quam volebat habere sub annuo censu, sed Abbas nolebat ei respondere; eo quod Ecclesia tenuerat ipsam curtem vel eleemosynam propriam per triginta & eo amplius annos liberè & quietè absque ulla calumniâ. Reversus itaque Willemus ad se venit in præsentiam nostram, & dimisit ac gesserit calumniam, & confessus est injussè se illam calumniam fecisse, statimque curtis illi à censualibus Abbatis abjudicata est. Postea promisit, & me & Ernulfum filium meum, qui præsens aderat, vel quicumque heres meus erit, fidejussores constituit, ut ab omni calumniante qui de genere suo esset, curtem liberaret, defenseret & acquietaret; quod si facere nollet, vel non valeret, ego id facerem, id est curtem acquietarem, & terram Willemi & terram Matthæi consanguinei sui ipso id concedente in usum meum acciperem, Abbas vero propter hoc pactum Willemo dedit duas marcas, & sex marcas pro quibus suam terram in pignoratam tenebat, dimisit cum damno quod ei Willemus intulerat in segetis vastatione. Hoc factum est apud Anderwic in præsentia meâ & filii mei, audientibus & videntibus Henrico de Seltun, Rolmo de Cochona, Willemo de Podema, Widone Rufo Vicecomite, Frumoldo de Monte, prædicto Matthæo, & multis

Tom. II.

aliis. Item apud Gifnes testes fuerunt ubi Charta recitata est, Wischardus de Balinghem, Eustachius de Grangia, Eugo de Salperwic & filius ejus, Wido de Tinnebrone, Oliverus de Gifnes, Balduinus Stirpa, Manasses Bolard, & multi alii.

*De institutione vini.*

**E**odem tempore Dominus Petrus Abbas de suis redditibus quamdam portionem Fratribus ad habendam de vino pitantiam assignaverat, & quorundam anniversaria statuerat, & ab aliis tam Clericis quam laicis institui permiserat, sed & Obedientiaris ut quædam festa providerent legem imposuerat, ita quod in diebus statutis aliquando apud sanctum Audomarum, aliquando alibi, utres vel cadi mittebantur ferrati: sed cum demum crescente reditu Fratres nostri apud sanctum Audomarum in doliis & cum doliis vina emerent, & de singulis doliis domino Willemo tunc Castellano sextarium vini deberent, mediante & supplicante Domino Petro Abbate eidem admodum familiari suum jus & consuetudinem misericorditer indulgit, & per hanc Chartam confirmavit:

In nomine Patris & Filii & Spiritus Sancti, Amen. Ego Willemus Castellanus sancti Audomari, notum facio tam præsentibus quam futuris, quod pro salute animæ meæ & parentum meorum, unâ cum uxore meâ dominâ Ida, & Willemo filio meo qui jam decimum quintum transegit annum, dedi & concessi summo Salvatori & Ecclesiæ Andrensi ac Monachis ibidem Deo servientibus quidquid juris habeo in foragio vini, quodque emerint in villâ sancti Audomari ad opus sui & Ecclesiæ suæ dumtaxat, ut habeant illud liberè & quietè absque mea ulliusque calumnia hereditario jure in perpetuum. Quod ut ratum & inconvulsam permaneat, scriptum hoc inde fieri & corroborari præcipi. Abbas verò & Conventus suscepit nos in societatem beneficiorum Ecclesiæ, & promisit nobis quod post obitum nostrum anniversaria tam pro me quam pro uxore meâ, & filio scribentur in Regulâ, & fient in Ecclesiâ in perpetuum. Actum est hoc anno m. c. lxxxvi. audientibus & videntibus Willemo Capellano, Stephano Presbytero, magistro Gozone, Willemo fratre Comitiss Gifnensis, Ingelramno de Moncaverel, Balduino de Lacopela, Gislemberto de Sygerii Capella, Balduino filio Willemi Dapiferi, Hugone de Monela, Johanne de Morbeca, Willemo Coco, Marco Clerico, & multis aliis qui interfuerunt.

*De institutione cerei.*

**C**irca illud tempus Dominus Petrus Abbas assensu & petitione sui Capituli de quatuor marcis argenti, quas ei Sacrista annuatim [ solvebat ], marcam & dimidiam eidem Sacristæ remisit ad hoc, ut singulis noctibus ante sanctuarium cereum ardentem provideret, & duas marcas Domino Abbati annuatim persolveret. Super hoc scriptum fuit authenticum factum sigillo Capituli confirmatum, & coram omnibus parrochianis sub interminatione anathematis promulgatum sub hac formâ:

Notum sit omnibus tam præsentibus quam futuris, quod Petrus Abbas Andrensis cum communi consilio totius Capituli constituit, ut Sacrista procuraret candelam vel cereum omnibus noctibus ante Sanctuarium de reditu illo quem ipsi Abbatiolvere consueverat. Sic enim decrevit Abbas cum Capitulo, ut de quatuor marcis quas sibi pendebat, marcam & dimidiam ad opus hujus luminaris retineret. Quicumque autem hoc institutum intregit, nisi plenariam compensationem restituerit aut restitutam probaverit, excommunicationi subiaceat. Hoc si-

Charta Willemi Castellani.

1186.

Noctibus ante Sanctuarium cereus accendendus.

Charta Capituli Andrensis.

Charta Balduini Gifnensis Comitiss.

quidem pactum nequando livore malignantium ad nihilum redigi, vel torpore negligentium contingat imposterum oblivione delei, jamdictus Abbas Petrus rogatus à Fratribus litteris annotari, & sigillo Capituli voluit corroborari. Postea verò Parrochianorum universitati, quæ confluerat ad Ecclesiam in die solemni, perlectà chartà, quæ gesta fuerant ex ordine declaravit: at illi non mediocriter applaudentes Abbati super his quæ gesserat, & omni Conventui, innexis manibus gratias referebant summo Salvatore, qui locum sibi dicatum & adjacentem patriam tam pretioso thesauro ditavit.

*De acquisitione decima de Landertun.*

**D**ecimam præterea de Landertun juxta Fielnes de manu Domini Ingelramni de Fielnes Dominus Petrus acquirit, quam idem nobilis vir per paucis verbis huic loco confirmavit in hunc modum:

Ego Ingelramnus de Fielnes notum facio omnibus, quod Abbas Andrensis persolvit mihi **xxx.** marcas argenti pro decimà de Landertun, quam fide præstità promisi ei & Ecclesiæ Andrensi ab omni calumnià & calumniante defendere & acquietare, & Radulphus frater meus similiter.

Idem quoque nobilis vir Comitissimam Boloniensem Idam, cujus supra mentionem fecimus, pro eo quod ipsa decima ad ejus spectabat feodum, ad hoc concedendum induxit, quæ Chartam suam nobis sub hac formà concessit:

Ego Ida Comitissa Boloniensis notum facio omnibus tam præsentibus quàm futuris, quod Ingelramnus de Fielnes recognovit ante præsentiam meam se dedisse Deo & beatæ **MARIÆ**, & Ecclesiæ Andrensi ac Monachis ibidem Deo servientibus, liberè & quietè totam decimam quam acquisierat in parrochià de Landertun. Quod ego audiens hanc eleemosynam bono animo & prompta voluntate concessi & confirmavi, ut habeant eam Monachi & possideant hereditario jure in perpetuum. Hoc ne cui in dubium veniat, hanc concessionis meæ Chartulam sigillo proprio corroborari feci, audientibus & videntibus Radulfo de Lens, Radulfo de Fielnes, Isaac de Heftru, Balduino de Campaniis, Anselmo de Lacopela, Haket de Odinghem, Gusfrido de Didelshah, & multis aliis.

Hanc autem decimam idem nobilis vir de manu hominis sui Balduini de Lo acquisierat, & eam pro necessitate suà huic Ecclesiæ vendebat; scilicet propter votum Crucis exequendum, pro quo etiam per multum tempus coacervavit magnum auri & argenti pretium in via expendendum. Et ne quid nobis ad certitudinem decisset, coram Ordinario quod à se, & à dominà suà Boloniensi Comitissà factum fuit, rite perfecit: qui Episcopus recognitionem coram se factam nobis in hæc verba confirmavit:

Ego **DESIDERIUS** Dei gratià Morinorum Episcopus, notum facio tam præsentibus quàm futuris, quod Ingelramnus de Fielnes dedit Deo & Ecclesiæ Andrensi, & Monachis ibidem Deo servientibus, per manum meam totam decimam quam acquisierat & habebat in parrochià de Landertun: quod dum redderet in manu meà, cognovit quod ipse & Radulfus frater ejus fide præstità promiserunt Abbati, quod ab omnimodà calumnià liberam & quietam defendarent, & acquietarent Ecclesiæ. Hoc factum est dum essem Boloniæ audientibus & videntibus Abbate de Dudeawile, Gozelino Canonico, Rogero de Balinghem, Henfrido de Londesford, Anselmo de Lacopela, & multis qui huic donationi & recognitioni interfuerunt.

*e Sequens pagina ] Desideratur in apographo.*

*De Domino Willelmo de Fielnes.*

**F**ilius tamen ejus dominus Willelmus pro beneficiis patri impensis nobis ingratus, nobis super hac decimà & aliis bonis terræ suæ contiguis post mortem patris multa gravamina intulit, & ab aliis inferri permisit; ita quod ferè omnia sub sua ditione consistentia à nobis denuò comparari, & quasi de novo acquiri oportuit, sicut sequens pagina evidenter declarabit.

Anno Domini **m. clxxxiv.** Philippus Rex Francorum consilio quorundam Baronum suorum Comiti Flandriæ invidentium, Reginam vult dimittere: at illa ad Dominum conversa, tantam erga Dei Genitricem in civitate Sylvanectensi exhibuit devotionem, humilitatem & contritionem, ut omnes intuentes penè ad lacrymas commoveret: nam nudis pedibus per plateas civitatis incedens, & cereos in manibus portans, eleemosynamque omnibus indigentibus affluenter dispartiens, intravit beatæ Dei Genitricis Ecclesiam, ubi diutius oravit, & ipso die omnes civitatis pauperes lautè refecit, quibus ipsa ministravit. Quod Rex & omnes Optimates Regni ejus audientes compassi sunt, & pœnitentià ducti ab incepto destiterunt. Philippus tamen Comes tam Archiepiscopum Remensem quàm omnes qui hujus consilii complices fuerunt, quos dudum colebat ut amicos, nunc veretur ut inimicos.

Propter hanc causam & alias inter Regem & Comitem pax est turbata. Post Pentecosten Rex & Comes cum suis exercitibus in marcis terrarum suarum conveniunt. Regis exercitus militibus benè instructus; porro Comitibus, agminibus peditum optimè armatorum præcellebat. Standardum altissimum dragonem desuper præferentem Comes secum super currum quatuor rotarum duci fecit: quod Rex cum totà Francià valde indignè tulit: tamen mediante Henrico Anglorum Rege ab instante festo sancti Joannis usque in annum protelantur induciæ.

Anno Domini **m. clxxxv.** Philippus Rex Franciæ instinctu Balduini Comitis Montensis in Philippum Comitem Flandriæ iterum insurgit: quā de re idem Philippus auxilio fretus Philippi Colonienfis Archiepiscopi, terram Montensis Comitis ingreditur, eamque rapinis & incendiis magnā ex parte depopulatur. Quo comperto Rex Franciæ cum exercitu suo Viromandiam ingreditur, accedensque ad caltrum quod Mons-desiderii dicitur, ipsius suburbano succendit. Dein Henrico Rege Angliæ mediante, vel potius hyemis asperitate quæ jam instabat compellente, unusquisque ad propria est reversus. Lucius Papa tertius obiit, succedit Urbanus tertius.

Anno Domini **m. clxxxvi.** Philippus Rex Franciæ non contemnendæ probitatis juvenis, cum exercitu suo Viromandiam ingreditur, cui cum exercitu suo Philippus Comes Flandriæ usque Ambianis occurrit. Sed Comes non minùs Regiæ majestati quàm proprio honori deferens, populorum etiam eadem coram Deo & hominibus sibi imputari formidans, partem Viromandiarum Regi concessit, ut residuum sibi in pace tenendum confirmaret. Henricus Rex filius Frederici Imperatoris qui futurus sperabatur Imperator, amitam Regis Siciliæ duxit uxorem.

Anno Domini **m. clxxxvii.** Amalrico Rege Jerusalemorum mortuo, filia ejus Comitissa Jafensis jure propinquitatis successit, maritum suum Re-

ANDREAS  
MARCIA-  
NENSIS.

1184.

Regina Franc.  
impiorat Dei  
Genitricis ope,  
piacet Regem  
qui eam abjicere statuerat.

Bellum inter  
Regem & Comitem  
Flandriæ.

1185.

1186.

Regi parte  
Comitatus  
Veromandiarum  
concessa, pax  
componitur.

1187.

Charta Ingelramni de Fielnes.

Charta Comitissæ Boloniensis.

Charta Desiderii Episcopi Morini.



Iterum Christi-  
iani terrâ  
Santâ pellun-  
tur.

Urbano præ-  
tristitia de-  
functo Greg.  
succedit, cui  
Clemens.

Hujus suasio-  
nis Imper-  
Reges Franc.  
Angl. cum  
tribus aliis  
Principib. in  
aliâ profi-  
cui decer-  
nunt.  
Concilium Pa-  
risiis celebra-  
tum.

gem faciens, nec alium accipere volens: unde & aliquos Baronum suorum ad iracundiam provocavit. Hujus ergo occasione dissidii terra promissionis à Saladino capitur cum Cruce Dominica, ipse Rex cum multis aliis captivatur, Episcopi cum Templariis & Hospitalariis, & universo penè populo terræ perimuntur: & sic prohi dolor! Christianitas in transmarinis partibus magnâ ex parte deletur. Tyrus tamen civitas per Dei gratiam & Marchisum quemdam Italiæ Principem à tantâ calamitate salvata, magnas persequutiones & insultus continuos patitur Sarracenorum.

Urbanus Papa audito rumore Jerosolymitanæ destructionis dolore, ut dicitur, iussocatus decedit: cui succedit Gregorius, quo non multo post defuncto, Pontificatum Apostolicæ sedis Clemens suscepit. Servili & nefandâ progenie Ismaëlis prævalente, & terram sanctam in quâ Deus & homo corporaliter visus, & cum hominibus conversatus est, & in cujus medio salutem operatus est, suæ ditioni supponente, cum rumor tanti mali ad Romanam curiam pervenisset, auctoritate summi Pontificis & totius curiæ Willemus Tyrius Archiepiscopus, & Albanensis Episcopus Henricus in Germaniam & Galliam diriguntur: quorum consilio animati, & prædicatione confortati invictissimus Romanorum Imperator Fredericus, & Reges Francorum & Anglorum Philippus & Henricus, & Flandriæ Comes Philippus cum innumeris Principibus & populis ad vindictam tam nefandæ rei accenduntur, & ab eis signum victoriæ Christi assumitur, & ad liberationem Crucis Dominicæ & Terræ sanctæ cum Dei adiutorio omnes voto adstringuntur. Concilium Parisiis à Philippo Rege, & omnibus Archiepiscopis, Principibus & Prælati totius Regni præsentente Henrico Apostolicæ sedis Legato celebratur; in quo congregati cum de viâ Dominici sepulcri tractare & ordinare deberent, voti sui oblit non pro Ecclesiâ sed contra Ecclesiam bellum instituerunt, & vineam Domini Turcis depascendam subdiderunt, & novum & inauditum facinus invenientes, eam decimari constituerunt. Richardus Aquitanix Dux filius Henrici Anglorum Regis injuriam sepulcri vindicaturus, primus omnium Principum Regni Francorum Crucem assumit ante natale Domini. Pridie Nonas Septembris eclipsi solis facta est: eadem nocte Ludovicus filius Regis Francorum natus est.

1188. Anno Domini M. cxxxviii. Philippus Rex Francorum & Henricus Rex Angliæ, & Comes Flandriæ Philippus exhortatione Henrici Albanensis Episcopi Apostolicæ sedis Legati Cruces assument post Nativitatem Domini. Idem verò Episcopus postquam totam Germaniam & Galliam ad vindictam Jerosolymitanæ destructionis animaverat, & orationes publicas à domino Papa Gregorio institutas, universis Ecclesiis observandas tradiderat, tandem in Flandriam veniens in territorio Atrebatensi apud Maroel defungitur, & auxilio Matil. Reginæ, relicte Philippi Comitis Flandriæ, Clarevallis transfertur.

Dominicâ mediæ Quadragesimæ apud Maguntiam cum generali curia congregatâ Fredericus Imperator cum multis Episcopis, & totius regni sui Principibus, & innumerabili multitudine Theutonicorum Cruces sumunt. Comes Namurcensis Henricus filiam suam unicam adhuc lactentem dat Henrico Comiti Trekarum, & cum eâ post suum decessum omnem terræ suæ Comitatum. Balduinus Comes Hai-noensis, ex sorore nepos ejus, hoc audiens & videns indoluit, quia eundem Comitatum valde affectabat, & pro eo adipiscendo tam Imperatori Frederico

quàm cæteris de Curiâ multas dederat pecunias. Cum autem ante mensem Austultum inguerrâ Regis Francorum Henricus Comes Trecentis inexcusabiliter occupatus esset, & Henricus Comes lecto decumberet, Balduinus undecumque contracto exercitu castrum Namurci milite nudatum & defensoribus reperiens, inexpugnabile castellum Namurcense, ut putabatur, fortunâ sibi arridente cepit: mediante autem mense Augusto ultrâ progreditur, & castellum fortissimum Bovinense oblidione cingens post diem quintum-decimum cepit, & omnem terram citrà Mosam Comitatus Namurcensis sibi subdit. Paucis verò diebus transactis, Comes Namurcensis Canonicos de Ecclesiâ Floressiâ ejiciens contrâ impetum Balduini castellum sibi fecit, & milites cum suis satellitibus ibi constituit.

Anno Domini M. cxxxix. Fredericus Imperator cum suo exercitu iter arripuit post dies Paschæ, & cum magno exercitûs sui detrimento transit per Hungariam, Thraciam & Græciam, & pervenit usque ad fluvium Syriæ nominatissimum Farfar. Porro nostri milites Jacobus scilicet de Avesnis, Hellinus Dapifer, & multi alii diversæ dignitatis & ordinis per Apuliam incedentes mare transeunt, & urbem Acheion, quam Ptolemaidam Scriptura divina vocat, oblidione cingunt.

Eodem tempore obiit Willemus piæ memoriæ Rex Apuliæ, Christianorum transmarinorum protector & defensor, absque herede; qui congregatis totius Regni Principibus, & cum sacramento fide interpositâ assensum præbentibus, Henricum Regem filium Frederici Imperantis, qui ejus amitam habebat in conjugio, Regni sui designavit heredem. Verum Siculi post mortem ipsius fidem & sacramentum quod fecerant parvipendentes, injustè repudiato Henrico Tancredum quemdam ex semine Regio sibi Regem constituunt.

Philippus Rex Francorum assumpto secum Philippo Flandriæ Comite, & Ricardo Aquitanix, castella & villas Regni Henrici Regis Angliæ & incendit & destruit: quorum assultus Rex Angliæ non sustinens, & de loco ad locum fugiendo eorum adventum devitans, tandem Cenomanos pervenit; ibique ipsum prædicti Principes insequuti sunt. Super quo Rex Angliæ suprâ modum contristatus in infirmitatem decidit, & ad Chinon usque perveniens, diem clausit extremum. Hinc apud Fontem Ebrai delatus, vix necessarios sumptus ille quondam dives & præpotens ad sepeliendum habens, ibidem in Monasterio Sanctimonialium tumulatur.

Obiit Elizabeth Francorum Regina, & cum nimio Francorum planctu in Ecclesiâ beatæ Mariæ Parisiis sepelitur. Ricardus Comes Aquitanix patri succedit in Regnum. Civitas Atrebatensis cum Ecclesiâ sancti Vedasti incendio conflavit.

Anno Domini M. cxc. circâ festum sancti Joannis Philippus Rex Francorum, & Richardus Rex Anglorum trans mare profecturi iter arripiunt. Rex Francorum portum Januensis civitatis expetit, & Rex Anglorum Massiliam venit. Pridie Kalendas Augusti Christiani qui Hacon obsederant, inconsultis exercitûs Principibus adversus Salathdinum infelicitè pugnantes, unâ cum Eiberto Presbytero Duacensi Decano qui ad hoc eos instigaverat ad sex milia perimuntur. Rege Francorum in Januâ ventum ad transfretandum aptum expectante, quâdam die ibidem fulgur de cælo quinquies cadens Regem valde perterritum. Cumque præparatis necessariis relicto portu in die sancti Laurentii prosperè navigans multa jam maris spatia transvolasset, ventus subito sur-

L L L I I ij

1189. Imperator  
itineri Hiero-  
soly. se  
committit.

Willemo Re-  
gi Apul. suffi-  
citur Tancre-  
dus.

Rex Angl.  
obit.

Elizab. Franc.  
Regina Pari-  
siis tumula-  
tur.  
Incendio At-  
rebat. consu-  
mitur.

1190. Reges Franc.  
& Angl. He-  
rosolym. iter  
arripiunt.

Christ. 600.  
interficunt.

Henricus Al-  
ban. Episc. A.  
S. Legatus  
prope Atreb.  
mortuus Cla-  
ram-Vallem  
defertur.

Comes Na-  
mur. filiam  
Comiti Cam-  
pan. despon-  
det.



gens contrarius ipsum retrogredi coëgit, & multis navibus contractis, equis amissis, & instrumentis ligneis quæ secum ad capiendas munitiones duxerat perditis, militibus etiam plurimis submersis, suo tandem frustratus conatu in Messanâ Siciliæ civitate cum Rege Anglorum transitum sequentis anni expectans resedit. Philippus quoque Comes Flandriæ cum suis per Coloniam Agrippinam mense profectus Augusto, & aliquos de Theutonicis socios itineris sui nactus, juga Alpium transiens in Italiâ cum multâ militiâ hyemavit. Fredericus Imperator cum transito Brachio sancti Gregorii terram Sultani Iconiæ intrasset, maximam partem exercitus sui præ nimia cibariis inopiâ amisit; & cum finibus appropinquasset Antiochiæ gratiâ balneandi fluvium Pharfar ingressus, & aquæ violentiam non sustinens ter in ejusdem profunda submergitur, & cum magno labore militum extractus triduo supervixit elinguis, & corpore Domini accepto cum sacra unctione diem clauit extremum: cujus corpus conditum aromatibus adhuc insensibile custoditur. Cui successit in Regno Henricus filius ejus. Porro exercitum ejus qui in Syriâ remanserat, rexit Conradus Dux Suevorum filius ipsius, Miles inclutus. Obiit Everardus Tornacensis Episcopus in hebdomadâ quæ præcessit Nativitatem Dominicam. Factum est prælium in Hispaniâ inter Reges Hispaniarum & Sarracenos, in quo Christiani Deo auxiliante victores facti, innumerabilem eorum multitudinem peremerunt.

1191.

Cælestinus  
Henricum in  
Imp. inungit.

Reges Franc.  
& Angl. è por-  
tu Messanæ  
anchoram  
solvant.

Eclipsis solis.

Aera Regi  
Philippo de-  
ditur.

Calliam repe-  
it.

Anno M. c. xci. obiit Clemens Papa, cui successit Cælestinus III. qui secundo die Apostolatûs sui Henricum filium Frederici Romæ Imperatorem consecravit. Idem Cælestinus in vigiliâ Paschæ in Sacerdotem ordinatus, & in die Sancto in dominum Papam est consecratus, & in crastino dominus Imperator ab eodem est coronatus xviii. Kal. Maii. Domino Desiderio Morinensi Episcopo in decrepita ætate à curâ pastoralis absoluto, Lambertus de Brugis Cancellarius Remensis in Episcopum eligitur & consecratur.

Prædicti Reges Franciæ & Angliæ, qui in partibus Apuliæ apud Messanâ, & Comes Flandriæ, qui in partibus Tusciæ ex magnâ parte apud Romam hyemaverant, ad terram Jerosolymitanam transfretantes, Acharon civitatem à paganis possessam obsident & viriliter oppugnantes expugnant. Philippo Comite Flandrensi antequam eadem urbs caperetur viam universæ carnis, prohi dolor! ingressu. Nono Kal. Julii die Dominicâ horâ sextâ in vigiliâ Beati Joannis Baptistæ, Eclipsis solis facta est; statim post eclipsim Philippus Rex Francorum & Ricardus Rex Anglorum cum suis exercitibus, cum Christianis quos ibi invenerant urbem Aceram obsident: Sarraceni verò impetum eorum non ferentes, & de civitatis defensione diffidentes, Regi Francorum & exercitui Christianorum v. Kal. Julii eam reddiderunt. Quam Rex eâ conditione recepit, ut omnes inde sani exirent, si Salathdinus sanctam Crucem & M. dc. captivos redderet Christianos. Rex verò Francorum post mortem Comitis Philippi repatriare festinavit. Post cujus discessum prædictâ conditione infirmatâ Rex Anglorum, qui ibidem remanserat, paucis de nobilioribus retentis, per quos sanctam Crucem & quosdam captivos recuperare sperabat M. dc. diversis interfecit tormentis.

Philippus itaque Rex Franciæ intemperiem transmarini aeris sustinere non valens, quia valde infirmabatur, vel, ut quidam dicunt, pro adipiscendâ terrâ quæ per mortem prædicti Comitis, cujus nepotem habuerat uxorem, sibi obvenerat, statim in

Franciam revertitur, & in die sancti Joannis Evangelistæ, tertio scilicet die Natalis Domini, Parisius à Domino Mauritio Episcopo, & maximâ multitudine Cleri & populi honorificè est susceptus. Postea sicut inter ipsum & prædictum Comitem in contractu matrimonii conditum fuerat, quia Comes sine liberis decessit, tota terra Comitis ex Occidentali parte veteris fossati ad Regem est devoluta: ultra etiam idem fossatum istiusmodi Manerio de Ruholt cum nemore in possessionem Regis cedente.

Dividitur Flandria in tres partes: pars una in jus Regis cedit: altera relictæ Comitissæ Mathildi filię Regis Portugalliæ, sub nomine dotaliis attribuitur: tertia heredi, scilicet Margarietæ sorori Philippi Comitis, uxori Balduini Hainonensis Comitis remanet. Quæ divisio quàm fuerit omnibus Flandrensisibus lamentabilis ex miseris ab ea eventibus satis apparet: nam res Ecclesiarum & pauperum à prædonibus diripiuntur, ac civilia & intestina bella per totam Flandriam excitantur; ita quod veridicam Domini sententiam palam esset intueri: *Omne Regnum in se divisum desolabitur.*

Ricardus Rex Angl. post regressum Regis Franciæ ruinas murorum civitatis Acharæ pro tempore reparans, & exercitum in tres turmas dividens, tendit Ascalonem, sed præ tractu longioris viæ infirmitatibus Salathdino & Turcis, quosdam de suis amittens, Cæsaream pervenit: unde cum apud Joppem tenderet, Salathdinum cum suis obviam habuit; sed mirâ Dei virtute Sarracenis in fugam versis tantam stragem de nobilioribus suis in die Nativitatis beatæ Mariæ prope Aslur sustinuit, quantam nullo tempore principatus sui noscitur habuisse. De nostris autem nullus cecidit, nisi Jacobus de Avesnis Miles egregius, & uni de Machabæis comparandus. In mense Septembri relatio verax de morte Philippi Comitis, qui Comitatum Flandriæ viginti quatuor annis strenuè rexerat, venit. Omnes timent, omnes dolent tam Clerus, quàm populus. Succedit ei Balduinus Comes Hainonensis, qui Margaretam sororem ipsius duxerat in uxorem, ex quâ genuerat Elizabeth Francorum Reginam, & filios Balduinum, Philippum & Henricum. Richardus Rex Anglorum antequam transfretaret, uxorem duxit filiam Regis Navarræ; contemptâ sorore Regis Francorum quam sponderat.

Postquam Reges & Principes totius Occidentis ad prædicationem illorum qui ad hoc provisi fuerunt, voto Crucis sunt adstricti, & exemplo eorum Barones & Milites & Vassallos ad subventionem Terræ sanctæ concorditer animati, multi de Boloniensi & Gisenensi territorio nolentes in terrâ alienâ indigere, qui in suâ terrâ videbantur florere, & bonis temporalibus abundare, Domino Petro Abbati suas decimas exposuerunt, quas ille invadiavit; assignato eis rationabili pretio cum eas legitime emisse potuisset, si modicum se voluisset gravasse in ampliori peculio: quâdam enim pietate simplici erga eos motus eis compassus dicebat, satius esse & tolerabilius bona eorum titulo pignoris retinere, quàm eos ex toto hereditate suâ peremptoriè privare, quia per impignorationem factam vel ipsi vel heredes possent loco & tempore ad hereditatem distractam redire. Hæc igitur simplex pietas malitiosos heredes contra nos temporis processu inflammavit, & eorum decimas, non tamen omnino, ad usus eorum redimi fecit, & suggerentibus Potentibus & contra nos garrientibus in faciendâ redemptione multa remitti & condonari coëgit. Vidimus Ecclesiam de Scines cum decimâ appendente de manu domini Rogeri de Balinghem in terram Jerosolymitanam profecti ad nos titulo pi-

Flandriæ par-  
te positur.

De triplici di-  
visione Flan-  
driæ.

Luc. II, 17.

Richardus  
Rex Angl.  
Sarrac. fugat.

WILLELMUS  
A B D A S.

gnoris spectare : decimam quoque de Marcnes de manu Gusfridi Baron ad nos pertinere : decimam de Hyldrekem nos invadiatam habere : decimam de Fontaines titulo pignoris ad nos spectare : decimam de Ermelinghem nos per vadium tenere : decimam cujusdam Balduini Spriet apud Lotessam pari modo ad nos spectare : tertiam partem decimæ de Braines in usus nostros cedere. Et cum mille libras & amplius super has & alias decimas dominus Petrus titulo pignoris ad nos apposuisset , per emptionem legitimam dato ulterius modico pretio in perpetuum eas acquisisse potuisset : quibus modo falsi heredes carent , & aliæ Ecclesiæ earum fructibus pacifice gaudent.

Anno Domini M. c. xcii. Ricardus Rex Angliæ & ceteri Principes , Templi quoque & Hospitalis Milites , communicato ad invicem consilio , Henricum Comitem Campaniensem Principem totius Christianitatis transmarinæ , excepto Principatu Antiocheno , constituerunt , & ei uxorem Marchisi in conjugio tradiderunt : hæc erat orta de Regali genere ; filia enim Almarici mater ejus exstitit. Guidoni verò quondam Regi dedit Rex Anglorum Insulam Cypri opulentissimam , quam potenter acquisierat.

Tancredus Apuliæ tyrannus nuntios suos ad Cælestinum Papam & Romanos dirigit , spondens se redditurum sancto Petro quicquid Apulienfes Duces ab antiquo illi abstulerant , si fidem quam habebant cum Henrico Imperatore ad se transferrent. Quod audiens Cælestinus Papa valde est indignatus , qui versâ vice nuntios suos , duos scilicet Cardinales , ad eum redirexit , mandans ut Imperatricem de custodiâ educens Imperatori remitteret ; si verò hoc facere nollit , anathemate perpetuo se feriendum cum parte provinciæ quæ illi favebat pro certo sciret. Tancredus autem à Papâ compulsus Imperatricem de custodiâ relaxans Imperatori remittit , & post modicum tempus moritur. Cælestinus Papa morte ejus auditâ contrâ Henricum Imperatorem , quem propter Autbertum Leodiensem Episcopum infestum habebat , & propter alias causas , filium Tancredi in Apuliâ , Calabriâ , & Siciliâ Regem sublimat. Sequenti die Autbertus Leodiensis Episcopus , quem Guillelmus Remensis Archiepiscopus ad mandatum Domini Papæ , & ad preces Archiepiscopi Colonienfis , Remis consecraverat , à quibusdam proditoribus extrâ urbem Remensem educatus , inauditâ mortis crudelitate vir justus ab impiis & proditoribus innocenter perimitur : nam Henricus Imperator qui Lothario favebat , quem in sede Leodiensi intruserat , cum à Regno suo expulerat. Willelmus autem Remensis Archiepiscopus , & omnes cives Remenses , cum detinentes , magnum ibidem ei honorem & reverentiam exhibebant. Sepultus est autem cum magnis omnium lacrymis in Ecclesiâ majori beatissimæ Dei Genitricis Mariæ , in loco ubi Beatus Nichasius Archiepiscopus pro Christo occubuit. Qui fuerunt interfectores Episcopi , & à quo missi ignoratur : hoc tamen scitur quod de Germaniâ venerint , & illuc aufugerint.

Inter Richardum Regem Anglorum & Salahtdinum , Christianos quoque & Sarracenos transmarinos , induciæ trium annorum dantur , miserâ conditione interpositâ ut civitas Ascalon nobilissima subverteretur à nostris. Salathdinus Christianorum persecutor apud Damascum moritur. Richardus Rex Anglorum cum à transmarinis partibus reverteretur , à Leopoldo Duce Austriæ dolose capitur , quem Henrico Imperatori dirigens , in liberâ clausus custodiâ annuam sustinuit captivitatem. Cum autem in custodiâ detineretur , Philippus Rex Francorum col-

lecto undecumque copioso exercitu in Nortmanniam vadit eam depopulaturus. Castella Wilcassini territorii , Gifortium scilicet , & alia multa cepit. Civitatem Rothomagum obsedit , sed civibus viriliter repugnantibus inglorius rediit.

Anno Domini M. c. xciii. Philippus Rex anno xlii. Regni sui secundam duxit uxorem Ingelburgem Regis Daciæ filiam in vigiliâ Assumptionis beatæ Mariæ Ambianis. Crastinâ autem die eadem civitate die Dominicâ , adstante Willelmo Remensi Archiepiscopo , Petro Attrebatensi , Joanne Cameracensi , Theobaldo Ambianensi , Lamberto Morinensi , Stephano Tornacensi , & aliis Episcopis , Archiepiscopis , Suffraganeis , multis etiam Franciæ Principibus adstantibus , Regio diademate coronata est : octogesimo autem & secundo die post has nuptias apud Compendium Rex dimisit eam , à quibusdam Militibus & Episcopis falsâ inter eos consanguinitate juratâ.

Anno xlv. Philippi Regis Ricardus Rex Anglorum magno auri & argenti redemptus pretio , ab Henrico Imperatore solutus ad suum Regnum redire permittitur : post cujus regressum longa concertatio usque ad annum xvi. Regis Philippi inter eos surrexit : aliquando induciæ , aliquando guerræ : feriantur illi : feriuntur isti : sed quis ex illis vincat ignotum est nobis.

*De domino Eustachio de Calquilla.*

Eodem anno nobilis vir Eustachius de Calquilla in quodam torneamento lethaliter vulneratur , & dominæ istius villæ Adelidi jamdudum matrimonio sociatus , perfectâ domo , in quâ tamen nunquam mansit nisi in nocte mortis suæ , domnum Petrum Abbatem & Conventum accerliens , & eorum orationibus se commendans , habitum Religionis ab eis assumpsit. Sepulturam nobiscum elegit , & ad suum anniversarium quinque polkinos frumenti cum omni jure ad eos pertinente assignavit , & super hoc Chartam suam adhuc sanæ mentis existens nobis in hunc modum concessit :

Ego Eustachius de Calquilla dominus de Andrens notum facio præsentibus & futuris præsentium testimonio , quod cum laborarem in ægritudine volens peccata mea priora melioris vitæ exercitiis deleri , acceritis Petro venerabili Abbate & Conventu Andrensis Ecclesiæ , Deo me & eorum orationibus commendavi , & habitum Monasticum ab eis suscepi , quod priusquam fieret , præsentibus matre meâ Mathilde , & fratribus meis Willelmo & Viviano , & hoc ipsum concedentibus , & fidei sacramento interposito confirmantibus , quinque jornallos terræ jacentes in Bodericke cum Comitatu liberos prædictæ Ecclesiæ contuli ; & quinque polkinos frumenti quos eadem terra annis singulis reddit , ad anniversarium meum assignavi. Abbas verò & Fratres prædicti , & Petrus Sacerdos Parochialis , rogantibus matre meâ & prædictis fratribus meis omnes excommunicaverunt , qui contrâ Eleemosynam istam deinceps aliquam prætenderent calumniam. Hujus autem redditus debitores sunt , Robin Li-Conte de duobus polkinis , Lambinus Afce de duobus polkinis , Balle Caumeir de uno. Hæc autem eleemosyna solemniter facta est anno Dominicæ Incarnationis M. c. xciii. apud Andrens in domo meâ & uxoris meæ Adelidis , coram matre meâ & fratribus meis , & universis tam propinquis quàm amicis meis , qui ad me visitandum convenerant. Super hoc testes sunt , dominus Arnulfus de Gisnes filius Comitum , Vivianus avunculus ejus , Gusfridus Baron , Henricus de Dello , Willelmus de Bello , Petrus Sacerdos de Andrens , Richardus Clericus ,

diens ab Imp in carcerem conjicitur. Rex Franc. Nortmanniam ingreditur.

1193. Ingelb. Philippi Franc. Regis uxor Ambiani Regium diademata recipit.

A Rege repudiatur.

Inter Reges Franc. & Angl. dissidia.

WILLELMUS ABBAS. Eustach. de Calquilla Monastico habitu indui , & cum Andrensis sepeliri postulat.

Ejusdem charta.

1193.

ANDREAS MARCIANENSIS.

1192.

Henricus Campan. Comes Principum Christiani assensu sacri exercitus dux constituitur.

Tancredus iussu Pontificis Imperatricem à custodiâ educit.

Autbertus alias Albertus. Leod. Episc. prope Remor. monia à ficiariis impiè confoditur.

Ipsam Remenses venerantur.

Christiani cum Sarrac. paciscuntur inducias.

Saladin. moritur.

Richardus Rex Angl. re-

Henricus Senescalcus, Manasses Bollard, & alii multi tam Clerici quàm laici. Quod ne cui veniat in dubium scriptum præsens fieri, & sigilli munimine insigniri feci & corroborari.

*De dilatatione cœmeterii à Domino Petro Abbate.*

**A**B eo tempore dominus Petrus Abbas jam peractis in regimine triginta annis, tam senio quàm morbo cœpit lassescere, & ad finem tendere, ita quòd deinceps non ex facili Claustra Monasterii exibat, nec Synodos adibat, nec alicui coadunationi more solito se ingerebat, sed piâ tamen curiositate volens certificari de omnibus ubique mittebat, & ad hoc tandem induxit dominam Adelidem præfati Militis nuper defuncti derelictam, quod Cœmeterium laicorum nondum mansionibus circumdatum fecit dilatari à parte Australi, & in quâdam die Paschali post secundas vespèras cum processione solenni Monachorum, Clericorum & laicorum aquam à Domino Episcopo consecratam circumferri & conspergi. Postquàm operari & reditus acquirere desit, solito ampliùs operibus misericordiæ insistere studuit, nudos vestiendo, pauperes & inopes recreando, infirmos visitando, omni sextâ feriâ ad minus egenis & viduis in porticu Ecclesiæ manu propriâ elemosynas erogando.

Et cum in opere Dei summo effectu operam daret, & ad horas canonicas die ac nocte singulos præveniret, quatuor ferme annis ante obitum suum venerabilem virum dominum Guidonem merito & officio Priorem, juvenem quidem annis, sed verè maturum moribus, proh dolor! amisit; imò ut verè credimus ad superna transmisit & præmisit; & eum pro vitæ merito in navi Ecclesiæ juxtâ virum religiosissimum dominum Gusfridum, de quo superius mentionem fecimus, tumulari præcepit. In cuius loco Priorem substituit sibi quidem ut apparuit placentem, sed à prædecessoris moribus nimis degenerantem, cujus tempore & illicitâ permissione Ordo nimis tepuit, Religio naufragium sustinuit, castitas periclitavit, luxuria superabundavit, ætas juvenilis per campum licentiæ nimis discurrens post greges sodalium suorum vagabunda cucurrit: hinc bonus odor Ecclesiæ & antiquus apud Potentes & Principes sæculi cœpit fœtere: hinc ipse Abbas occasione suæ senectutis minùs providus multis displicere.

Servabantur in hoc loco multorum divitum deposita, & præcipuè de Castro de Calais magna argenti copia, quæ à facie crudelis illius Reinaldi nuper Boloniensis Comitis, sumptuosi, superbi & potentis huc allata & tam Abbati quàm ejus Cellario fuerant commendata, de quibus ii qui nimis delicatè nutriti fuerant furta gravia faciebant, comestationibus & ebrietatibus die ac nocte vacabant, se superfluè & inordinatè vestiebant, & non minùs propter infamiâ quàm propter pecuniam malè dissipatam, & tamen reddendam, Abbas & sui dolebant. Hæc quidem dissipatio & inanis erogatio, per annum duravit, pro quâ nunc Abbas reos excommunicavit, nunc apertè increpavit, nunc occultè absolvit, malens pecuniam perditam refundere, quàm miserrum animas amittere. Subditorum autem excessus arguens uberrime flebat, & curâ diu habitâ se crebrò exonerare volebat, sed grex sibi subditus huic voluntati omninò resistebat; quia nec subditum nec vicinum sibi succedere quærebat, & tamen omnes suos & multos vicinos tunc temporis idoneos benè cognoscebat, & vix alicujus Karroffensis ut pote per annos ferè triginta duos ab eis disjunctus, præter unam vicem, ut suprâ relatum est, notitiam habebat. Dicebat autem suis Consiliariis se scire pro certo,

quod hac primâ vice de suo collegio successorem non haberet, suo verò successorì Flandrensis Abbas succederet.

*De Langore & Morte Domini Petri Abbatis.*

**S**equenti anno post celebres dies Dominici natalis, Dominus Abbas cœpit graviter lateris dolore & mingendi difficultate infirmari, & usque ad medium Martium ægitudine detineri. Omnibus igitur Fratribus evocatis, & coram se positis voluntatem suam omnibus edixit, & finaliter præcepit, ut Dominus Henricus nuper Prior factus cum Richardo vitore versùs Karroffum statim iter arriperet, & statum Ecclesiæ cum personis diligenter investigaret; mox autem ut morti solvisset debitum sequeretur præfatus Gusfridus nuper Præpositus, & quem ipsi tres concorditer eligerent, à nobis Pater haberetur & Patronus. Sententiâ ergo tanti Patris editâ, & ab omnibus approbatâ, videns pius pater Eleemosynarium lectulo suo contiguum, quem propius accersiens eum de incontinentiâ sui & suorum redarguit publicè, & ne de cætero in ambitu elemosynæ immunda commixtio fieret, districtius interdixit. In porticu Ecclesiæ ut conculcicaretur ab omnibus sepulturam humiliter elegit, in quo grex commissus ei minime paruit, sed Abbas sancti Bertini Johannes, quiejus confessor fuerat, ante altare ubi sæpiùs decantabat eum in præsentia multorum honorificè tumulavit.

*De Ereptione Domini Richardi Regis Anglorum.*

**A**Nno Domini M. cxciv. Richardus Rex Anglorum post annuam captivitatem magno &, ut ita dicam, infinito argenti redemptus pretio, ab Imperatore Henrico honorificè & cum gratiâ, pace etiam inter eos firmatâ in Angliam remittitur: qui navibus in portu Andeverpiæ præparatis transfretavit; cum favore magno à suis suscipitur, & in Regni folio decenter relocatur. Illic qui fideles sibi extiterant honoribus sublimavit, proditores verò exauctorizavit; quosdam etiam occidit, inter quos unum, qui Dapifer Joannis fratris ejus fuerat, excoiavit.

*De morte Margareta Flandrensis Comitissæ.*

**M**argareta Philippi soror Flandrensis & Hainonensis Comitissa moritur, & in templo S. Donatiani juxtâ Carolum Comitem Brugis sepelitur. Cui successit in Comitatu Flandrensi Balduinus filius ejus. Sicque Comitatus reversus est ad justum heredem Balduini Hainonensis anno Domini M. cxciv. qui ab anno millesimo possessus fuerat à successoribus Roberti Castensis perjuri Comitis per annos c. & xxiii. Successores fuerunt hujus Roberti Robertus filius ejus, Balduinus filius ejus, Carolus cognatus ejus, Willemus Nortmannus, Theodoricus, Philippus filius ejus: hi omnes orti sunt de genere Roberti qui apud Castelliam in bello occidit Arnulfum nepotem suum, filium Balduini Hainonensis fratris sui; & sic injustè Flandrensi inavalit Comitatum.

*Epistola Abbatis Willelmi ad Fratres suos.*

**G**uillelmus Dei gratiâ Andrensis Monasterii servus, dilectis filiis & Fratribus sub ejus regimine constitutis salutem. Opus scriptum usque ad præsentem annum venerabilis Andreas Marcianensis Ecclesiæ Prior stylo luculento perduxit, & nos ejus vestigiis inhærentes ab anno foundationis Monasterii nostri, qui fuit annus ab Incarnatione Domini nostri millesimus octogesimus quartus, gesta Abbatum, acquisitiones eorum, elemosynas Principum, largitiones & confirmationes Pontificum, verbis ejus interserere

1194.

Comitatus Flandriæ ad legitimos heredes devotus tandem est ann. 1194.

Quæ sequuntur Guillelmus Abbas Flandrensis (ubi dicitur de ejus Andrensis Marcianensis) se scribere propter. Fundatio Monasterii Andrensis ann. 1084.

Quanta ex re nullo Priore regularis disciplina patitur.

minimè puduit, imò pro merito vitæ ejus, quæ ab eo scripta sunt colore rubeo ad honorem auctoris in margine distinximus, quæ autem à nobis sunt appolita, ne si quis ejus deturpari videatur eodem colore sunt, nihilominus annotavimus. Cætera quæ sequuntur ex Chronicis sancti Bertini, & vicinarum Ecclesiarum in unam summam collegimus, & quæ tanti viri nobis exemplaria defunt ulque ad nostri temporis faciem ea distinximus, vel quæ oculis vidimus, aut manibus tractavimus, vel quæ ab aliis facta & audita, lecta vel inspecta fideli relatione cognovimus. Valete in Domino.

*De electione Domini Iterii Abbatis.*

1195.

**A**nno Domini M. cxcv. post venerabilis Abbat<sup>is</sup> Petri solennes exsequias, sicut ab eo adhuc vivente fuerat præordinatum, duos Fratres nostros in Pictaviâ commorantes, & propter guerras Regum & Principum in viâ multa adversa perpeffos sequitur præfatus Gusfridus hujus loci Præpositus, Abbatis obitum nuntians, ad eligendum socios invitans ex parte Conventûs, quasdam personas eis nominans ab Abbate Hamensi Bernardo nominatas, & ab eis statim indignanter refutatas. Denique ab eis concorditer eligitur dominus Iterius Karroffensis Ecclesiæ Eleemosynarius, vir litteratus, natione Petragoricensis, prædicti Abbatis Hamensis frater germanus, & ad instar ejusdem Abbatis ultra modum pecuniosus. Tunc quali licitum erat in Pictaviâ Monachis peculium habere proprietate carentes, nullius nominis existere. Peractâ electione Prior & Præpositus ad propria revertuntur: Richardus Vinitor cum electo dimittitur ad hoc ut idem Electus de suis rebus disponat, & rebus dispositis ad curam pastorem acc dat.

Iterius Abbat<sup>is</sup> solus r<sup>e</sup> -  
nunt, sed ubi  
re cogitur.

In primis tamen electioni de se factæ visus est reniti; & per dominum Regem Philippum contra factum nostrum contraria moliri; quoad usque à fratre suo prædicto ad hunc locum est ascitus, & ab Abbate Karroffensi Gaufrido per sententiam publicam venire coactus. In festivitate igitur Pentecostes à Fratribus nostris ei occurrentibus, Morinensi Episcopo domino Lamberto apud Tervannam præsentatus, pro eo quod litteras dimissorias & emancipatorias ab Ecclesiâ Karroffensi non attulit, & quoddam inde liber non exivit, ab eodem Episcopo fuit refutatus, quoadusque per privatum colloquium ejusdem Episcopi animus fuit mitigatus. Receptus igitur in processione solemnî Monachorum & Clericorum, huc circumquaque adventantium, feriâ quintâ hebdomadæ Pentecostes multis & magnis expensis hîc factis, multis à recenti Pastore inutiliter erogatis, & quibusdam Potentibus datis, sed à patria suâ ab eo minimè huc allatis, imò ab ærario domni Petri nondum exhausto copiose assumptis. Insurgunt interim sicut moris est contra eum nova jurgia, causæ multiplices, lites & placita: supranominatus enim Reinaldus Bolonien<sup>sis</sup> Comes aurum & argentum supra modum siciens, & in odium Gifnensis Comit<sup>is</sup> Balduini Patroni nostri sibi jugiter contrarii, bona nostra in Comitatu Bolonien<sup>si</sup> confiscari præcipiens, nos persequi non desistit, donec mitigato ipsius animo ex domni Petri ærario bona nostra quitari mandavit, & Chartam ab eo & uxore suâ confectam sub hac formâ nobis indulgit:

Charta Reinal<sup>dis</sup> Comit<sup>is</sup> Bolon<sup>ensis</sup>.

Ego Reinaldus Comes Bolonien<sup>sis</sup>, & Ida uxor mea Comitissa equidem Boloniæ, notum facimus tam præsentibus quàm futuris, quoddam pari voluntate dedimus & concessimus Ecclesiæ sancti Salvatoris de Andrens in eleemosynam pro salute animarum nostrarum, & antecessorum nostrorum, ne-

Tom. II.

mus de Hodenehout, & quidquid juris ibidem habuimus, Ecclesiâ prædictâ deinceps quietè possideat: quæcumque ex largitione antecessorum fidelium in eleemosynam data sunt eidem Ecclesiæ de Andrens in Comitatu Boloniæ, de jure concedimus & confirmamus in perpetuum possidenda. Ne autem hæc eleemosyna vel confirmatio possit in posterum ab aliquo perturbari, præsentem Chartam ambobus sigillis nostris fecimus corroborari. Hujus rei testes sunt Robertus de Tornella, Wilhelmus de Calcwillia, Henricus avunculus Comitissæ, Wilhelmus de Disseke, Stephanus de Brushebec, Wilhelmus de Espelleke, Robertus Domini-Martini & multi alii. Actum est hoc anno Domini M. cxciv. apud Ardrelo.

*De Abbate Cluniacensi quamdam compositionem confirmante.*

**E**odem tempore dominus Hugo Abbas Cluniacensis, ipsius Comit<sup>is</sup> avunculus, in Comitatu Bolonien<sup>si</sup> moram faciens, & tam à nobis quàm à Monachis de Wasto quamdam compositionem inter nos factam fuisse cognoscens super nemorè de Hodenehout & de Clerbuse, & super prato Ulier, quæ partim inter nos & eos erant communia, quæ sub annuo censu trium polkinorum & dimidii frumenti, & quatuor polkinorum & dimidii avenæ, ab eis sunt recepta, & à nobis confirmata: quod factum fuerat approbavit, & in hunc modum ad posterorum memoriam transmisit, ita scribens:

Ego frater Hugo Dei gratiâ Cluniacensis Abbas omnibus præsentibus & futuris notum esse volo, quoddam conventionem factam inter dilectum nostrum Simonem Priorem & Capitulum de Wasto, & venerabilem dominum Iterium Abbatem & Capitulum de Andernes, videlicet super nemore de Clerbuse, quod inter eos erat commune, & Alneto propèposito, necnon & prato Ulier propè jacenti, auctoritate Capituli nostri ratam habemus, & præsentis sigillo nostro & scripto confirmamus; & in perpetuum à nostris successoribus & Capitulo Cluniacensi inviolabiliter & inconvulsè observari volumus.

Sanctus Hugo Cluniac. Abbas.

Charta ejusdem.

Anno Domini M. cxcv. Henricus Imperator ab Apuliâ victor cum triumpho revertitur, adducens secum uxorem & filium Tancredi, & Principes qui contra eum conspirationem fecerant in custodiâ: magnam etiam copiam auri & argenti & aliarum etiam rerum secum adduxit. Mense Julio Sarraceni ex Africâ venientes super Regem Hispaniæ seu Regulum, quem parvum vocant, & ejus exercitum irruerunt, & ex eis magnam stragem fecerunt. Rex autem Hispaniæ in crastino viribus per gratiam Dei receptis, plusquàm viginti milia eorum interfecit; in quo prælio Archiepiscopus sancti Jacobi occubuit. Sexto Idus Octobris ventus vehemens per noctem mediam ab Africâ veniens domos evertit, turres destruxit, ruinâ domorum plurimos stravit, quercus annosas, & arbores fructiferas evulsi, & in multis locis nimis damnosus exstitit.

Philippus Rex Francorum, & Ricardus Rex Anglorum post longam discordiam tandem redeunt ad concordiam. Obiit Balduinus Marchio Namurcentis & Comes Hainoensis xvi. Kalendas Januarii, & sepelitur apud Castri-locum cum patribus suis. Succedit ei Balduinus Comes Flandrentis filius ejus.

Sed quia per superiora hujus Chronicæ parum declaratur ex quâ ii Comites Hainoenses oriundi fuerunt stirpe, id breviter legentibus declarare dignum duximus. Originem enim ducunt ex sanguine Imperiali Romanorum & Regali Francorum. Baldui-

1195. Henricus Imperat. filium, &c. Tancredi bello superatos capit.

Reges Franc. & Angl. pacem ineunt.

Comitum Hainoensium genealogia.

M M M m m



nus Insulanus Comes Flandriæ ortus de genere Caroli Calvi Imperatoris Romanorum & Regis Francorum, duxit uxorem Adelam filiam Roberti Regis Francorum, & genuit ex eâ Balduinum Hainoniensem Comitem Flandrensiem & Hainonensem, & Robertum Casselensem fratrem ejus. Balduinus Hainonienſis duxit uxorem Riceldem relictam Herimanni Comitis Montensis, quæ erat de sanguine Imperiali, & soror sancti Leonis Papæ noni, & genuit ex eâ Arnulfum Comitem Flandrensem, quem Robertus patruus ejus interfecit in bello Casselensi, & Balduinum Jerosolymitanum Comitem Hainonensem, fratrem ejus; Balduinus Jerosolymitanus duxit uxorem Idam filiam Henrici Imperatoris quarti, & genuit ex eâ Balduinum, cui abstulit Robertus Comes Flandriæ Duacum castrum; hic duxit uxorem Ixlendem filiam Gerardi Comitis de Wassemberga, & genuit ex eâ Balduinum, qui Valentianenses sibi rebelles optimè retinuit, & alia utilia Comitatu adauxit; hic quoque duxit uxorem Hermensendam, sororem Henrici Comitis Namurcensis, ex quâ genuit Balduinum Marchionem, cui etiam multoties accesserunt felices successus; qui duxit uxorem Margaretam sororem Philippi Comitis Flandriæ, qui ei genuit Balduinum Comitem Flandriæ & Hainonensem, Philippum quoque & Henricum. Duxit autem Balduinus adhuc vivente patre uxorem Mariam filiam Henrici Comitis Campanensis, quam genuit ex filiâ Ludovici octavi Francorum Regis.

1196.

Anno Domini M. cxcvi. Philippus Rex Francorum filiam cujusdam Comitis Alemannici Ingelburgii Regina superinducit. Pax inter Philippum Regem Francorum & Ricardum Regem Anglorum iterum turbatur: unde Philippus Rex collecto undecumque grandi exercitu castellum Regis Anglorum in Northmanniâ, quod Arbamarla vocatur, obsedit; & post sex hebdomadas cepit & destruxit. Philippus Episcopus Belvacensis capitur à militibus Richardi Regis Anglorum, & apud Rotomagum gravi custodiæ mancipatur. Henricus Junior Dux Saxonie & Henricus Dux Brabantie cum aliis quibusdam nobilibus & Principibus terræ Jerosolymam proficiscuntur.

Fœdere rupto  
Philippus in  
Norman. ir-  
ruit.

Eodem anno domnus Iterius Abbas in parochiâ de Bocſin quamdam decimam parvam acquisivit de manu Roberti cognomento Vilain, assensu Henrici filii Balduini de Menti, de cujus feodo ipsa decima erat, concedente domino Widone de Elembom tamquam Superiore, & ista decima fuit acquisita de ærario domni Petri Abbatis. Hanc acquisitionem domnus Lambertus Morinensis Episcopus locibus coram se præsentibus approbavit, & huic loco in perpetuum per Chartam suam confirmavit sub hac formâ:

Charta Lam-  
berti Morin.  
Episcop.

Ego LAMBERTUS Dei gratiâ Morinorum Episcopus, omnibus sanctæ Matris Ecclesiæ filiis notum esse volo, quod constitutus in præsentia nostrâ Robertus cognomento Vilain, quidquid habebat in decimâ de Buxin assensu Henrici filii Balduini de Menti, à quo eandem tenebat decimam, & Guidonis Militis de Elembom majoris domini, in manus nostras resignavit; & nos eam de eorum voluntate Ecclesiæ Andrensi liberaliter & benignè concessimus. Ut igitur donatio ista perpetuæ stabilitatis robur obtineat, eam & præsentis scripti patrocinio & sigilli nostri auctoritate confirmamus, & testium subnotatione communimus. Testes sunt Balduinus Decanus, Arnulfus Capellanus, Alulfus Presbyteri, Joannes Sueffionensis, Walterus de Bruges Diaconi, Canonici Morinenses, Gerbodo Abbas sancti Wlmari in nemore, & alii Clerici & laici multi.

Actum anno verbi Incarnati M. cxcvi. apud Tavannam in domo nostrâ mense Martio.

Circâ illud tempus maxima controversia exorta est inter domnum Iterium Abbatem & Conventum suum ex unâ parte, & inter nobilem virum probitate militiæ toto orbe famosum dominum Arnulfum de Kaieu, & dominam Adelidem de Bavelingem uxorem ejus ex alterâ. Pars enim nostra coram Ordinario partem alteram in causam trahens, asserbat dominum Hugonem patrem ipsius dominæ antequam filiam suam nuptiis traderet, de manu domni Petri Abbatis habitum Monasticum sponte suscepisse, & quidquid habebat apud Diependale præter nemus assensu domini Balduini Comitis Gisenſis huic loco dedisse, & ipsâ possessione Fratres nostros per aliquot annos gavisos fuisse, & nunc tandem per ipsum nobilem virum & uxorem ejus spoliatos esse. Super quo cum restitutionem peterent, & pars adversa rem sic se habere negaret, & etiam curiam Morinensem sibi propitiam haberet, & præfatus Comes Gisenſis in nostro nobis jure decisset, pars nostra ad curiam Romanam appellavit; pars etiam adversâ multiplici consilio Cleri & populi roborata in vocem appellationis prorupit. Post multas ergo altercationes coram diversis iudicibus habitas, & tandem per venerabiles viros H. de Longovillari, & F. sancti Wlmari de Boloniâ Abbates, sopitas & terminatas, pax inter nos est reformatâ, & ab eodem domino Arnulfo per Chartam suam confirmata inhunc modum:

1196.

Dissidium inter  
Andrenses  
& Arnulfum.

Unde processit.

Quandoque fugientium temporum cursu solet elabi à memoriâ quod piè actum est, ob hoc admodum laudabiliter consuevit antiquitas scribendo ad multorum notitiam revocare quæ coram paucis gesta sunt. Inde est quodd ego Arnulfus de Kaieu notum fieri volo tam præsentibus quàm futuris, omnes querelas quæ vertebantur inter me & Ecclesiam Andrensem tali compositione esse terminatas. Dedi siquidem eidem Ecclesiæ viginti marcas pro elemosynâ Hugonis de Bavelinghem Militis, quam à me & heredibus meis sibi reddendam exigebat: concessi etiam triginta mensuras in maresco de Balinghem, quas de jure ab antiquo, & per confirmationem domini Deliderii Episcopi Morinensis habuerant, liberè & quietè in perpetuum possidendas, voluntate & assensu uxoris meæ Eliz, & filiorum meorum Anselmi, Willelmi, & aliorum heredum meorum ab omni calumniante acquietandas. Præterea concessi ego & heredes mei prædictæ Ecclesiæ quemdam mansionarium in villâ de Morlinghem Balduinum de Osthove, ex dono Hugonis Militis de Hefdin, quem de me tenebat in feodum, perpetuè habendum. Ut autem hæc rata semper & inconcussa permaneant, præsentem scedulam sigilli mei impressione munire & confirmare curavi. Facta est hæc compositio apud Dodeauville ex mandato Domini Papæ Celestini, per manum H. de Lunguilliers, & F. sancti Wlmari de Boloniâ Abbatum, iudicum delegatorum ad petitionem meam, anno Verbi Incarnati M. cxcvi. his testibus Waltero Capellano, Arnulfo de Hefdingnol, Anselmo de sanctæ Mariavilla, Widone de Brekenesem, Everardo de Hodich, Roberto famulo Abbatis, & multis aliis.

Charta Arnulfi  
de Kaieu.

Hæc Arnulfi  
Charta loquitur  
controversiæ.

Processu verò temporis venerabili Domino Lamberto Episcopo hanc Ecclesiam visitante, & parte adversâ forsitan præſente, compositio inter nos & partem adversam facta, fuit coram Domino recitata Episcopo, & ab eo per Chartam confirmata sub hac forma:

LAMBERTUS Dei gratiâ Morinorum Episcopus omnibus Christi fidelibus, ad quos litteræ istæ pervenire poterunt, in Domino salutem. Nolentes ut

1196.

Charta Lam-  
berti Episcop.



controversia in presentia multorum sopita & sepulta, quæ inter Ecclesiam Andrensem & nobilem virum Arnulphum de Kaieu diu agitata fuit, super triginta mensuris de maresco de Balinghem recidivum patitur, quod in authentico suo prædictus Arnulphus, & heredes sui Anselmus & Willelmus confirmarunt, & nos volumus confirmare. Inde est quoddam notum fieri volumus tam futuris quam presentibus, quod Arnulfus de Kaieu, ut omnes querelæ quæ inter eum & Ecclesiam Andrensem vertebantur, terminarentur, dedit eidem Ecclesiæ viginti marcas pro elemosynâ Hugonis Militis de Balinghem, quam à sæpedito Arnulfo & heredibus suis Ecclesiæ Andrensis sibi reddendam exigebat: concessit etiam prædictus Arnulfus triginta mensuras in maresco de Balinghem, quas de jure ab antiquo, & per confirmationem bonæ memoriæ prædecessoris nostri D. quondam Morinorum Episcopi habuerat prædicta Ecclesiæ, liberè & quietè in perpetuum possidendas voluntate & assensu uxoris suæ Eliz, & filiorum suorum Anselmi & Willelmi, & aliorum heredum ab omni calumniante acquietandas. Præterea concessit sæpeditus Arnulfus, & heredes sui jamdictæ Ecclesiæ quemdam mansionarium in villâ de Morlinghem Balduinum de Osthove, ex dono Hugonis militis de Hefdin, quem de eo tenebat in feodum perpetuè habendum. Ut igitur hæc in presentia multorum solemniter facta rata permaneant & inconcussa, presentis scripti patrocinio communimus & sigilli nostri auctoritate confirmamus. Actum anno Domini M. c. xcvi. mense Aprili, iis testibus Joseph Archidiacono Flandrensi, Hugone Abbate de Capella, Salomone Capellano nostro, Magistro Philippo Attrebatensi, Magistro Waltero Morinensi Canonicis, Radulpho de Andernes, Widone de Elembon, Militibus, & multis aliis tam Clericis quam laicis.

Præfatus igitur Abbas Iterius circa personam suam satis existens honestus, circa subditorum excessus corrigendos tepidus cœpit existere, & nimis remissus: unde cum à Senioribus sæpius argueretur, emendationem quidem promittebat, sed neque delinquentes more debito corripiebat, neque eorum excessus pastoralis rigore puniebat: unde iidem ejus patientiâ malè utentes ipsum contemnebant, & verbis contumeliosis eum aggredientes, & quæ non decebant ei frequenter obiciebant; quibus ille respondere consuevit falsâ quidem pietate superatus, & minùs religiosè motus: Ego quidem vobis diù & multum peperci & unde gratiam habere debui, contumeliam reportavi; jam igitur de cætero vos non arguam, sed voluntatibus propriis & carnis voluptatibus vos exponam; quatenus infames ita vosmetipsos efficiatis, ut nec me, nec alium Pastorem vestrum redarguere valeatis amodo. Quod ergo ore dixit, opere complevit, & sic locus ille multiplici infamiâ per totum ferè tempus ipsius Pastoris laboravit: unde Episcopus cum Clero suo huic loco detrahebant, Comes & ejus populus locum & gentem despectui habebant; & sic utrique exactione multiplici locum quondam honoratum enormiter affligebant.

Eodem anno Dominus Abbas Iterius à subditis suis est admonitus, & post multas admonitiones ad hoc inductus, ut domum ad opus infirmorum construeret ab Orientali parte dormitorii, & Claustrum interponeret. Videbant enim magnam pecuniam ex provisione Domni Petri Abbatis huic loco dimissam, magnâ ex parte nunc inutiliter nunc inutiliter defluxisse, & summo affectu hoc opus desiderabant perfici ex illo residuo quod adhuc sciebant superesse. Acquiescente Abbate, circumquaque invitati sunt artifices & cæmentarii, cæsores lapidum & alii ope-

rarii. Ut autem aptior inveniretur construendæ fabricæ locus, & à dormitorio aliquantulum remotus, domus columbarum lapidea & quadrata solo tenus dejecit, domus infirmorum lignea funditus evertitur, diversi generis arbores radicitus evelluntur, & in profundis terræ visceribus fundamenta conlittuntur. Cœptum opus brevi tempore elapso surgit in altum, & famis angustia totam affligens patriam urget & accelerat opus sumptuosum: nam multos hîc operari vidimus non nummis conductos, sed solo pane & tenui cervisiâ contentos, & pro adjunctione alicujus pulmenti satis exhilaratos. Denique de Tornacensi civitate ad Claustrum constructionem magna strues marmorum per flumina & per terras huc advehitur; à nemore sancti Wilmari de nemore major strues lignorum in curribus & quadrigis adducitur, plumbi & stagni copia magno pretio comparatur, & sic infra biennium totum opus mirificè consummatur.

Circâ illud tempus Dominus Bernardus Abbas Hamensis, cujus supra mentionem fecimus, versus Karrofum iter arripuit sperans ibidem præsidere, pro eo quod eadem Ecclesiæ sub magno honore debitorum occasione guerrarum circumquaque existentium diù languit & ægrotavit, & Abbas tunc temporis ibi prædens consentiente Conventu suo si debita solverentur ab eo, se ei cessurum promisit. In spatio ergo itineris de equo, à fratre suo Abbate Iterio ei ad hoc proviso, parem non habente in toto hujus terræ confinio, quinquies horribiliter in terram ruit, & sextâ vice extrâ Karrofum occulto Dei judicio ita horribiliter cecidit, quoddam in equum denud non ascendit, sed servientium & vicinorum manibus eum in Monasterium portari oportuit, & ibidem vix triduo supervixit. Cujus morte frater ejus Dominus Iterius Abbas compertâ, eandem viam impiger aggressus est, & cum quibusdam bonis ab eo qualicumque modo possessis, Prioratum etiam de Voerta, quem frater tam Abbas quàm Monachus diù tenuerat, non sine pretio, sicut credimus, adeptus est. A patriâ ergo suâ ad nos tandem repatrians, & tam Prioratum adeptum quàm alia bona amicis suis quos fideles credebat commendans, per urbem Turonensem transitum fecit ubi textum argenteum & deauratum, & duas magni ponderis pelves argenteas emit, & ad hunc locum pro exenitio afferri præcepit, & cum eisdem donariis Psalterium glossatum, Epistolas Pauli glossatas, Sententias Magistri Petri, Gratianum cum quibusdam aliis libris in adventu suo super altare Dominicum obtulit; quos cum scholaris existeret conscribi fecit, aut dato pretio comparavit.

Paucis denique diebus evolutis Fratres nostri videntes in vicinis Ecclesiis novos stallos fieri, & Ecclesiam suam satis elegantem & recentem ex stallis antiquæ Ecclesiæ non venustari, sed potiùs dehonestari, domno Abbati cœperunt suggerere, ut exemplo vicinorum stallos contrui faceret, & exinde Ecclesiam adornaret. Credebant enim quoddam domni Petri Abbatis ærarium nondum exhaustum esset, & ideo lucriferi sperabant quidquid à successore ejus extorqueri posset. Eo autem tempore immanis & famosa sylva de Nepa venalis erat, quam Balduinus Comes Flandriæ propter necessitatem imminentis viæ Jerosolymitanæ vendi faciebat, & quotquot ardua & sumptuosa ædificia ædificare cupiebant, ad eandem sylvam recursum habebant. Invitatus est igitur ad constructionem hujus operis Wigerus fenex & grandævus, & in multis Monasteriis familiaris & notus, qui annosas quercus prostrerni, secari, & usque ad nos deduci fecit, filii quoque sui Roberti fretus auxilio infra spatium anni opus ince-

Infirmitorium  
& Claustrum  
ædificat.

De Bernardo  
Hamensi Ab-  
bate.

1197.

Iterius Ab-  
bas, quod in-  
dulgentior  
fuerit, dam-  
natur.

Tom. II.

M M M m m ij

ptum consummavit, & in loco debito stabilivit.

Ante hoc tempus Domno Iterio adhuc recente res mira in hoc loco contigit, quam silentio præterire nolumus, quamvis in suo termino à memoria nostra exciderit. Erat hinc quidam venerabilis Monachus mente, actu, & habitu verè religiosus, satis & competenter litteratus, Manasses nomine, de Castro Gifnensi oriundus, & exemplo venerabilis Guidonis Prioris, cuius suprà meminimus, ad apicem religionis accersitus, & sub regimine Domni Petri Abbatis sexfermè annis enutritus, & ejus tempore ad ordinem Sacerdotii promotus. Hic circà tertium Domni Iterii promotionis annum morbo calculi, flagellante Deo qui eum tamquam filium diligebat, ita cœpit ægrotare, ut nonnisi cum magnâ difficultate urinam posset trajicere: de consilio amicorum & familiarium suorum consuluntur ab eo medici, edocetur ab omnibus quod non nisi secaretur in inguine, posset aliquatenus salutem adipisci: denique ab Abbate Iterio ut eum secari permetteret licentia petitur, petita licentia denegatur: à sustinente passionem die ac nocte in petitionem perseveratur; pater tandem languentis filii precibus flectitur, & propriæ voluntati filius relinquitur: medicoque accessito ad hoc opus ut sperabatur idoneo, secandi dies ab eis constituitur.

Adveniente die statuto Frater ægrotus armis secandus, armis spiritualibus summo mane munitur, & in hymnis & confessionibus, & in psalmis & orationibus, in cordis contritione & lacrymarum flumine ad Missæ celebrationem supplex ingreditur; quâ expletâ egressus Ecclesiam, & domum infirmorum vetustam ingressus, dum ad secreta naturæ tendere proponit antequam carnifici se exponat, videt in quodam diversorio inter ipsam infirmariam & ejus latrinam ubi Monachorum morientium dependere solebat cilicium, ipsum cilicium solo tenus expansum, & Monachum exanimem superpositum, cum tamen pro certo sciret nullum Fratrem in Monasterio defunctum, sed nec præter se tunc temporis infirmum: hæsitat pro signi novitate vir insignis, & cum magno stupore quod viderat quibusdam exponit: dissuadetur ei à Fratribus quos super hac visione consuluit, ne se ulterius ferro exponat, ne quasi mortem accelerans vitam præsentem quasi sui homicida amittat, sed potiùs flagellum Dei quoddam diu pertulit patienter sustineat. Ipse verò diuturna flagella pertulit, & de Christi misericordiâ confusus à lictoribus sponte ligatur, secatur, & de intestinis ejus lapis ad instar ovi anserini nobis qui præsentis eramus extractus ostenditur: sperantibus cunctis quod ipse superviveret, etiam nobiscum familiariter loquendo, convalescendo, jocando in bonâ spe per dies aliquot moram faceret. Tandem negligenter à medicis salarium suum consequutis deseritur, & paucis diebus postea evolutis, in purâ confessione, verâ memoriâ, & sanctâ unctione ab hac vitâ subtrahitur. Hæc scripsi de eo hujus Operis compositor, pro eo quod ipsius notitiam ad plenum habui, Grammaticam ab eo in sæculo positus audivi, ad Religionem ipsius exemplo, & Domni Petri Abbatis documento perveni, & sub utroque per biennium militavi.

1197.  
Inter Regem Franc. & Comit. Flandr. discordiam Rex Anglor. seminat.

Anno Domini M. cxcvii. inter Philippum Regem Francorum & Balduinum Comitem Flandriæ pax turbatur instinctu Ricardi Anglorum Regis. In mensē Julio Balduinus Comes contracto undecumque copioso exercitu contrà Regem Francorum per pagum Tornacensem & Cameracensem vadit, & omnia ejusdem pagi castella cepit: sicque ad civitatem Atrebatensem tendens eam à parte Orientali

obsedit; secundo obsessionis die subitò inde recessit. Philippus Rex Francorum hæc audiens & indignè ferens, satis festinanter, in medio scilicet Augusto, cum innumerabili exercitu Flandriam intravit, & usque ad Montem-Cati, inter Ipram & Belliolum oppida situm, ut Ipram obsideret, est progressus: ibi cum Regi nuntiaretur quod exercitus suus circumquaque ab indigenis caderetur, & via multis qui in auxilium suum veniebant, & maxime iis qui victualia afferebant, interclusa esset: intercurrentibus suis & Comitibus nuntius res eousque deducta est, quod sub spe pacis & concordie omnes ad propria pacificè remearent. Verum nuntiis & muneribus Regis Angliæ Comitem Flandriæ, & Barones contrà Regem Franciæ frequenter incitantibus, pax prædicta parum duravit.

Inter duos Reges induciæ per annum jurantur. Henricus in Apuliâ moritur. Hic staturâ personalis non fuit, sed litteratura ejus, magnanimitas, justitia & prudentia pulchritudinem Absalonis superavit: luget mundus mortem ejus; Syria, Sicilia, Apulia, Calabria, Africa, Italia, Alemannia, Saxonia, Bajoaria, Suavia, Frisia, Austria, Lotharingia; nam de ejus morte omnes sunt turbatæ. Filius ejus puer parvulus à Siculis in Regem jure paterno suscipitur. Porro Philippus frater Henrici Imperatoris tutor pueri constituitur.

Lacrymabilis fortuna accidit in urbe Achra. Nam Henricus Comes Campaniæ & Princeps transmarinæ Christianitatis, cum quâdam die apud eandem urbem in solario cujusdam domus fenestram aperire voluisset, per eam ad terram corruit & cervice confracta, proh dolor! expiravit vii. anno Principatus sui. Cujus mors ineffabilem Christianis dolorem, & magnam Sartacenis præbuit lætitiâ.

#### De obsidione Castri sancti Audomari.

Prædictus comes Flandriæ collecto exercitu, primò Aræ oppidum quia immunitum erat sibi subjugans, deinde Castrum sancti Audomari obsedit octavo Idus Septembris. Burgenſes verò sancti Audomari cum jam per duas hebdomadas & amplius munitionem suam viriliter defendissent, quia cernebant Comitibus vires quotidie crescere, de domini Regis auxilio quasi jam desperati fœdus cum Comite conditionaliter inierunt, quod nisi scilicet infra terminum inter eos conductum Rex eis succurreret, villam Comiti redderent: Missis ad Regem nuntiis & litteris, cum Burgenſes hæc ei nuntiassent, quia Regis Angliæ infestatione nimis gravabantur, respondit quod ad præsens eis succurrere non posset, & hoc quod factum fuerat donec corrigere posset, sustinerent. Reversis itaque qui ad Regem missi fuerant redditum est Comiti secundum conventionem prædictam Castrum sancti Audomari quarto nonas Octobris. Rex interea Angliæ Richardus quotidianos erga Regem Franciæ insultus faciens, quâdam die congressu bellico multos nobiles milites cepit, ipsumque Regem qui bello intererat potenter usque portas castelli Gisors insequens; infra munitionem fugere coëgit. Cum itaque ipsum Regem Richardum Angliæ ferè totus vel timeret vel prædiceret Orbis; subitò de hac vitâ raptus est: nam in obsidione cujusdam castelli in territorio Leviomensi telo balistarii graviter vulneratus, in brevi postmodum est defunctus: prius tamen per Dei gratiam tamquam fidelis Christianus peccatum confessus est, Ecclesiasticis munitus sacramentis. Huic successit in regnum Joannes frater suus.

Anno Domini M. c. xcviij. Cælestinus Papa vi. Kalendas Januarii senex & plenus ætatis moritur:

Henricus Imper. migrat à vita.

Henricus Campaniæ Comes ex solario corruit interit.

S. Audomari urbs Comiti Flandr. traditur.

Rex Anglor. mortem optet.

1198. Cælestino de-

functo Inno-  
centius Pon-  
tific. creatur.  
Fulconis Pa-  
rif. Presbyt.  
concionib.  
multi ad me-  
liorem fru-  
gem redeunt.

**Lotharius** Diaconus Cardinalis genere Romanus, vocatus Innocentius huius nominis Papa tertius, ætate juvenis c. LXXIV. Romanæ Ecclesiæ præsidet. Fulco venerabilis Presbyter Parisiensis auctoritate Apostolicâ per totam Galliam publicè prædicat: cum in sermone suo omnia carperet vitia, tamen omnis vis ejus prædicationis contrâ usurarios, avaros & cupidos, contrâ Prælatos negligentes & Presbyteros incontinentes maximè intonabat. Tota penè patria in melius ejus prædicatione mutata est, maximam quoque mulierum publicarum convertit multitudinem; innumerabilis etiam populi multitudo ad eum audiendum undecumque confluebat.

Post mortem Henrici Imperatoris Optimates regni Teutonici de Rege substituendo dissidentes, Suavii, Bajoarii, Alemanni, Apulienfes vel Sicilienfes, Philippum Ducem Suavorum fratrem Henrici Imperatoris quem suprâ diximus tutorem pueri constitutum, elegerunt.

*De electione Othonis Imperatoris.*

**S**Axones autem & Lotharingi Othonem Comitem Pictavensem, filium Henrici Ducis Saxonum in Aquensi palatio in Regem sublimaverunt. Hic prodierat ex sorore Richardi Regis Anglorum, cujus consilio & auxilio, & Balduini Comitis Flandriæ, assentientibus eis Archiepiscopo Colonienfi & Optimatibus Lotharingis, Aquense palatium obsedit contrâ Waleranum filium Ducis Lemburgensis, qui oppidum Aquense cum validâ manu militum Philippo Duci Suavorum custodiebat; qui sextâ obsidionis septimanâ labore multiplici fatigati, nullum ab eo cui palatium custodiebant habentes succursum, Othoni salvo in omnibus honore castrum reddiderunt: quem statim Colonienfis Archiepiscopus cum Suffraganeis suis oleo sacro inunctum in solio Regni sedere fecerunt. A diebus enim Caroli Magni sedes Regni est Aquisgrani, ubi idem requiescit. Duxit autem Otho Rex uxorem filiam Godefridi Comitis Lovaniensis ac Ducis Lotharingiæ. Philippus Dux & Otho Rex de Imperio contententes fluvium Rhenum, qui Lotharingiam & Saxoniam dividit, transire non potuerunt; Philippus ab Oriente in Occidentem, Otho ab Occidente in Orientem. Comes Flandriæ Balduinus & Hannonienfis castrum S. Audomari v. hebdomadarum obsidione clausit; & Rege Francorum Philippo nullum ferente præsidium cepit & obtinuit. Arienfes enim se jam sponte reddiderant in manus ipsius. Iterum Richardus Rex Anglorum in pago Wilcastino multitudine stipatus militum, super Philippum Regem Francorum irruit. Rex Francorum contrâ veniens armis mutatis propè Gisfortium in flumine cecidit, qui inde vix extractus nobilioribus suis captis cum magno labore evasit; qui statim exercitum copiosum congregans, terram Nortmanniæ suæ vicinam terræ incendio & rapinis totam vastavit.

Anno Domini M. c. xcix. diebus Nativitatis Dominicæ transactis venit in Galliam Petrus Cardinalis Diaconus sanctæ MARIE de Via lata, ab Innocentio Papa transmissus Legatus, litteras Francorum Regi deferens, in quibus Præceptum continebatur Apostolicum, ut Ingerburgem venerabilem Reginam falso consanguinitatis juramento disjunctam, legitimè sibi refociaret; quod si acquiescere noller, tam Rex quàm omnis terra ei subjecta anathematis vinculo subjaceret. Magister Petrus de Corboilo consecratus est Cameracenfis Episcopus. Petrus Cardinalis per menses decem in Franciâ commanens, negotium de divortio Reginæ sibi injunctum tepidè exequitur. Balduinus Comes terram Regis Franco-

rum in pago Adartenfi vel Tervanensi & Aridagmantiâ vastat rapinis & incendiis. Philippus Comes Namurcensis frater ejus cum aliis quibusdam militibus capitur, qui vincti ferro Regi in Franciam diriguntur. Maria Flandriæ Comitissa pro pace inter Regem & Comitem componendâ Parisius vadit, quam Rex honorificè suscipiens, lætam & de pace securam cum quibusdam captivis in pignus pacis ad propria remisit. In diebus Adventûs Dominici Petrus Cardinalis apud Divionem Burgundiæ Castrum cum personis Ecclesiasticis tenuit Concilium.

*De decimâ de Landertun.*

**E**odem tempore Henricus quidam cognomento Malerbe decimam de Landertun, quam nobilis vir Ingelramnus de Fielnes Dommo Abbati Petro dudum venderat & confirmaverat, & quam à dominâ Idâ Boloniensi Comitissâ, & à domino Morinenfi Episcopo Desiderio confirmari fecerat, permittente domino Willelmo ipsius Ingelramni filio, ipsam decimam cepit calumniari, & in usus proprios eam redigendo contrâ locum istum nequitiam machinari; cujus malitiæ Dominus Iterius Abbas occurrens, & de prædicti Domini Willelmi fidelitate omninò diffidens, cum eo adversario pacem fecit, quam pacem dominus Lambertus Morinorum Episcopus partibus præsentibus sub hæc formâ confirmavit:

**L**AMBERTUS Dei gratiâ Morinorum Episcopus omnibus ad quos litteræ istæ pervenerint, in Domino salutem. Notum facimus tam præsentibus quàm futuris, quod decimam totam de Landertun quam Ingelramnus quondam Miles de Fielnes Ecclesiæ Andrensi in elemosynam contulit & concessit, & quam prædecessor noster dominus Desiderius quondam Morinensium Episcopus scripto suo authentico confirmavit, eidem Ecclesiæ perpetuò possidendam, similiter & Ida Comitissa Boloniensis, ipsi Ecclesiæ confirmavimus, & præsentis scripti patrocinio, necnon & sigilli nostri appensione communimus; statuentes & sub interminatione anathematis districtiùs inhibentes ne quis de cætero hujus confirmationis nostræ paginam infringere, vel ei in aliquo ausu temerario contraire præsumat. Henricus enim Malerbe qui Ecclesiam Andrensem super eadem decimâ molestavit, se nihil juris in eâ habere coram nobis & quampluribus aliis recognoscens, & ejus Ecclesiæ integrum volens conservare, fide interpositâ & tactis Sacrosanctis juravit, quod de cætero nullum jus in eadem decimâ reclamaret, sed Ecclesiam possessione pacificâ gaudere permitteret: & super hoc nobilem virum Radulfum Militem de Fielnes plegium constituit. Actum anno Incarnationis M. ducentesimo, mense Septembri.

Ipsò denique anno nobilis vir Hubertus de Bavelinghem querelam aliquando motam contrâ præsentem Ecclesiam super Comitatu Montis de Campaniâ, ubi manent quidam hospites nostri, ad cor rediens sponte deposuit, & coram domino Balduino Gifnensi Comite nostrum nobis jus recognoscens in hunc modum, Chartam suam nobis indulxit, & eidem Chartæ præfati domini Comitis sigillum appendi impetravit:

Ego Hubertus de Bavelinghem notum facio omnibus præsentibus & futuris præsentem Chartam legentibus, quod ego querelam illam quam habebam adversus Iterium Abbatem & Ecclesiam Andrensem pro Comitatu de Monte Campaniæ, ubi manent Eyerardus, Henfridus, Simon Hoved, & alii tres hospites, omnino liberam & quietam pro salute animæ meæ & parentum meorum dimisi & concessi, volens ut eundem Comitatum sicut hac-

Concil. Divionense.

Charta Lamberti Episcop. Morin.

1200.

Charta Huberti.

1199.  
Petrus Card.  
in Galliam  
missus, ut  
Rex conjun-  
gem Gerbur-  
gem recipiat.

Petrus de  
Corboilo fit  
Episcop. Ca-  
meracenf.

MMM m m iij

tenus, ita perpetuis temporibus liberè iidem Fratres teneant & pacificè possideant; & si quos in illo Comitatu præter eos qui superstites sunt multiplicari contigerit, à successorum meorum calumniis & inquietatione sint liberi & quieti. Quod ut perpetuè stabilitatis robur obtineat, scriptum præsens sigillo meo confirmavi; sed & dominum Balduinum Gifnensem Comitem ut hoc idem sigillo suo confirmaret, rogavi. Actum est hoc anno Incarnationis dominicæ M. ducentesimo inter Ardeam & Campaniam. Hujus rei testes sunt Simon Decanus Gifnensis, Balduinus Bovere avunculus meus, Balduinus Canis, Balduinus de Hondescote, Philippus de Montgardin, Eustachius de Waldringham, Balduinus Spriet, Robertus Mauvoisin, & multi alii.

*De dono Domini Radulphi.*

**B**iennio ante hoc tempus evoluti nobilis vir Radulphus de Fielnes hujus villæ dominus, & nobilis matronæ Adelidis maritus, bona hujus Ecclesiæ cupiens augmentari, dedit nobis & ad suum anniversarium assignavit totam decimam sylvæ communis apud Lo juxta Hauthinghem, inter montem de Fielnes, & antiquam guarrariam, & suam elemosynam de assensu domini sui Wilhelmi de Fielnes factam, & ab illis qui sui videbantur heredes approbatam, in hunc modum confirmavit, & per Chartam suam roboravit:

Ego Radulphus de Fielnes Miles omnibus præsentibus & futuris notum facio, quod ego dono & concedo Deo & Ecclesiæ Andrensi pro salute animæ meæ & Adelidis de Andernes uxoris meæ, & parentum meorum, decimam sylvæ communis apud Lo terræ cultæ vel incultæ, quæ me hereditario jure contingit, ut in eadem Andrensi Ecclesiâ post quam de medio factus fuero, fiat anniversarium meum. Hoc autem feci & concessi de assensu & voluntate nepotum meorum Wilhelmi domini de Fielnes, & Thomæ qui in hac mihi hereditate successurus erat, necnon & Eustachii fratris ipsius, etiam hoc concedentibus, & manum apponentibus, & quod eandem decimam ab omni calumniante Andrensi Ecclesiæ acquiescant promittentibus: Domnus verò Abbas Iterius, & fratres concesserunt mihi nemus de Hodenhoud cum omnibus pertinentiis suis, salvo jure Militis de Nurelcurt, tali conditione quod quamdiu vixero, & heredes mei quos de legitimâ uxore generavero, prædicta perpetuò possideant: si autem nullum legitimè de uxore suscepero, ipsum nemus eadem Ecclesia absque alicujus reclamazione vel contradictione rehabebit & pacificè possidebit, nec minus supradictam decimam perpetuis temporibus absque aliquâ contradictione possidebit.

Hæc autem donatio & concessio solemniter facta est super majus altare ipsius Ecclesiæ in præsentia totius parochiæ, anno Verbi Incarnati M. C. xcviij. Et ut hæc charta perpetuè stabilitatis robur obtineat, ipsam per chirographum scriptam & divisam sigillis nostris corroborari fecimus, & pars Ecclesiæ sigillo meo, & Wilhelmi nepotis mei munita est; & pars mea sigillo Abbatis & sigillo Andrensis Capituli roborata est. Hujus rei testes sunt: Simon Decanus, Vivianus, Petrus Presbyteri, Ingelramnus de Hermenghem, Wichardus de Bavelinghem Milites, Henricus de Vivario, Petrus Nanus, Manasses, Bollaro, Bataille, Eustachius de Cotes, Robertus famulus Abbatis, & multi alii.

*De recompensatione eidem facta.*

**I**N hujus autem elemosynæ recompensationem domnus Abbas Iterius assensu Capituli sui, sicut in præfatâ Chartâ exprimitur, nemus de Hodenhoud

cum omnibus pertinentiis suis eidem domino Radulfo contulerat, & ejus heredibus si quos de uxore suâ generaret; sin autem ipsa possessio ad nos liberè rediret. Et hæc conventio per chirographum divisum fuit roborata, & pars una sigillo Abbatis & Capituli, pars verò altera sigillo domini Wilhelmi de Fielnes & ipsius Radulfi fuit confirmata. Deo autem disponente præfatâ domini Radulfi uxore processu temporis sine herede carnali decedente, & ipso Radulfo adhuc possessionem nostram pacificè tenente, idem Radulfus de quorundam fidelium consilio successori domni Iterii Abbatis ipsam possessionem in domo suâ de Flamersele sponte resignavit, & prædictam decimam nihilominus quitavit, timens ne si possessionem usque ad mortem teneret, heres ejus aliquo jure eam vendicare posset.

*De Castellano Sancti Audomari.*

**E**odem quoque tempore nobilis vir Wilhelmus Castellanus Sancti Audomari, & suprà nominati Castellani Wilhelmi filius, per totum territorium sancti Audomari quasi solus dominans, & idè tyrannidem suam vicinis & remotis in suâ jurisdictione possessiones habentibus ostentans, locum istum cepit multipliciter inquietare, volens à nobis more usitato aliquid extorquere. Nam antequàm Regis dominium Castellaniæ sancti Audomari occuparet, non erat qui eidem Castellano in aliquo resistere auderet: Domnus autem Abbas Iterius insatiabilem ejus esuriem magno numero bladi & argenti compescuit, & ea quæ in Castellaniâ suâ habebamus, pro eo maximè quod de feodo ejus esse dicebantur, per chartam suam sub tali formâ confirmari impetravit.

In nomine sanctæ & individue Trinitatis Patris & Filii, & Spiritus Sancti, Amen. Ego WILLELMUS Sancti Audomari Castellanus scire volo præsentibus & futuros, me pro salute animæ meæ confirmasse ea quæ Andrensis Ecclesia possidet, vel quæ in posterum possidere poterit in Castellaniâ Sancti Audomari. In primis donationi patris mei fideliter assensum præbeo, de foragio videlicet totius vini quod ad usus proprios Andrensis Ecclesiæ in Castro Sancti Audomari comparavit. Confirmo etiam eidem Andrensi Ecclesiæ decimam de Elceca, quæ quondam per multorum partes divisa, nunc uniformiter Andrensi Ecclesiæ in elemosynam est collata, partem videlicet cujusdam Adeleidis quam acceptâ charitate duodecim marcarum & dimidii in elemosynam contulit: partem quoque Huberti & filiarum suarum Gertrudis, quam unâ cum Drogone marito suo pretio quinque marcarum & dimidiæ in elemosynam dedit in generalibus placitis Sancti Audomari per manum Johannis de Morbexa, qui præsidebat Mallis. Alteram nihilominus partem confirmo quam Martinus in elemosynam contulit acceptâ charitate sex marcarum & dimidiæ. Item partem Widonis de Gardino & uxoris suæ Adelidis pro charitate novem marcarum & dimidiæ in elemosynam collatam; partemque Roberti de Aquâ, & Lamberti fratris sui, & nepotum & neptum suarum de Wlfus in elemosynam Andrensi Ecclesiæ datam, acceptâ charitate quinque marcarum & dimidiæ: partem quoque Manassis de Monexahona & participum ejus, quam dederunt in elemosynam acceptâ charitate septem marcarum.

Confirmo etiam eidem Andrensi Ecclesiæ partem decimæ quam habebant in villâ de Elceca Adam & uxor sua Christiana concedentibus liberis eorum, Waltero, Henrico, & Dedala in elemosynam, collato pretio circiter triginta quinque marcarum: Wilhelmus etiam Callard concedentibus liberis suis

Charta Radulphi.

Charta Castellani S. Audomari.



dedit in eleemosynam partem suam, acceptâ charitate decem marcarum, & partem molendini quod Andrensis Ecclesiæ fuit, qui fidei iussores dedit Balduinum scilicet Senescalcum & Walterum Wrede; quod ad hoc concedendum sorores suas, nepotes, & neptes, & universos propinquos suos coram scabinis adduceret, & de assensu propinquorum suorum Andrensis Ecclesiæ satisfaceret: quod si facere nequiverit, partem molendini illius cum decem marcis Ecclesiæ restitueret, & decimam suam ex integro recipiet. Walvainus quoque de Suavacas partem suam coram scabinis & ipse scabinus in eleemosynam contulit. In villâ quoque de Moula septem mensuras terræ quas quidam Nicolaus pro filio suo G. monachando contulit in eleemosynam, & super hoc Eustachium Canonicum Ecclesiæ Advocatum constituit, concedentibus filiis suis Hugone, Roberto, Joanne, Daniele & Hogivâ filiâ ejus, sed & tres mensuras terræ in eadem villâ. Hæc omnia diversis temporibus facta anno Dominicæ Incarn. M. cc. coram nobis & francis scabinis recognita sunt & reconfirmata. Et ego horum omnium ad augmentum Ecclesiæ Advocatus ero, & ei me stabilem & indefessum amicum semper exhibebo. Scabini autem tam præsentibus quam præteritis, qui hæc viderunt & audierunt, sunt isti, Walterus Wrede, Walvainus de Suavacas, Henricus de Ostremonte, Eustachius de Elceka, Drogo de Ostremonte, Hugo de Salperwic, Hugo de Burkes, Hugo de Lumbres, Balduinus de Fonte, Manasses Goel, Eustachius de Delethes, Balduinus de Billeka, Walterus de Strathem, Alulfus de Delethes, Petrus de Fonte, Adam de Witteka, Walterus de Elceka, Marcellus de Lidinghem, Henricus de Bruec, Eustachius de Hodingetun, Lambinus de Renguevescure, Willelmus de Bindeka. Ad maiorem autem certitudinem huic scripto sigillum meum apposui per manum Giraldi de Renguevescure, mense Maio.

Anno Domini M. cc. Philippus Rex Francorum & Balduinus Comes Flandriæ, in ipsis diebus Nativitatis Dominicæ ad colloquium apud Peronam convenerunt; ubi per Mariæ Comitissæ industriam firmam inter se juraverunt pacem, quæ pax & Franciæ & Flandriæ magna fuit causâ lætitiæ.

Petrus Cardinalis pertransiens Burgundiam transcendit Apenninum montem, sententiam quam in Franciam dare debuerat ibi dedit, & Regem cum omni terrâ suâ inaudita severitate interdixit: interdicti sententiam quidam Episcopi ferventissimè observaverunt; Parisiensis, Sylvanectensis, Sueffionensis, Ambianensis, Atrebatensis, & alii quorum non habemus notitiam. Hos Papa Innocentius miris per epistolas illis missas effert laudibus: contemptores autem verbis terret minacibus. Philippus Rex Francorum, & Joannes Rex Anglorum, Balduinus quoque Comes Flandriæ, & multi alii utriusque Regni Principes in marcis Franciæ & Nortmanniæ ad mutuum conveniunt colloquium: ibi Ludovicus puer filius Regis Francorum uxorem accepit filiam Regis Hispaniarum, quæ erat filia sororis Joannis Regis Anglorum. Ibi pax firma firmata est inter Reges & Principes: nam Joannes Rex Anglorum pervicit castella Wilcassini pagi, Gisfortium scilicet & alia, unde tota guerra jam per multos annos inter utriusque Regni Reges fuerat exagitata Octavianus Episcopus Holtienis ab Innocentio Papa mittitur in Franciam Legatus, quem Rex Francorum honorifice suscepit, & Ingridem Reginam per præceptum domini Papæ verbottenus sibi resociavit, superinductam abjuravit, & sic terram Regis Francorum ab interdicto absolvit.

Anno Domini M. cci. post mortem Comitissæ Flan-

driæ Philippi in territorio Furnensi inter Blavotinos & Ingridinos guerra per aliquot annos durat; homicidia, incendia, rapinæ fiunt, nec est qui iustitiæ manum apponat. vi. Kal. Decembris quidam Miles Herbertus nomine de Wlfringhem, qui præcipuus inter Blavotinos habebatur, castrum Comitissæ in ipsa villâ de Furnis collectâ parvâ manu suorum incendit: ob cuius facti audaciam tam ipse quam suæ factionis coadjutores per bannum Comitissæ Balduini & Reginæ portugallensis, per aliquod tempus ejecti sunt de terrâ, & bona eorum confiscata. Cùm mediante mense Martio apud urbem Sueffionensem in præsentia Octaviani & Joannis Cardinalium Rex Francorum vallatus multitudine Advocatorum causam suam pro divortio conjugis suæ ad libitum suum peroraret; Reginaque, prohi dolor! sola nullum præter Deum haberet Advocatum, quidam Clericus è medio surgens licentiâ Regis & Cardinalium causam Reginæ ita dilucidè proposuit, ut tam Regi quam Cardinalibus & omnibus qui aderant, fieret admiratio. Balduinus Comes Flandriæ & Hainoniæ Ierosolymam tendens, Venetiis hyemavit. Anno Domini M. ccii. qui prius inimicam Venetiis Gazaram civitatem subactam eis tradidit, & sic ad illam nobilem, munitissimam ope simul & opibus & ferè inexpugnabilem civitatem Constantinopolim expugnandam de Dei confisus adiutorio cum paucis accessit: in quâ expugnata secundò in Imperatorem eligitur & coronatur. Obiit piæ memoriæ Willelmus Rementis Archiepiscopus.

Eodem anno domnus Abbas Iterius videns curtem nostram de Mas nimis in arcto positam, & per malitiam Nobilium qui terras habebant terris nostris contiguas, undique coangustatam, de consilio domni Gusfridi Præpositi nostri, cui ipsam curtem commendaverat, quandam terram nostræ terræ contiguam à domino Hugone de Savinghem acceptis ex ærario domni Petri Abbatis decem libris, impignoravit; & idem Hugo ad dominum Balduinum Comitem Gisenensem accedens, & fructus ejusdem vadii nomine eleemosynæ recognoscens, pro eo quod ipsa terra ad feodum ejus spectabat, ipsum Comitem erga nos fidei iussorem constituit, & per Chartam ejus in hunc modum præfatum vadium confirmari fecit:

Ego Balduinus Comes Gisenensis notum facio tam præsentibus quam futuris, quod Iterius Abbas & Ecclesia Andrensis invadiavit ab Hugone de Savinghem terram quam habebat apud Mas juxta curtem eorum. Dedit liquidem eadem Ecclesia prædicto Hugoni decem libras publicæ monetæ, ut eandem terram habeat, & sicut suam possideat, quoadusque memoratum argentum recipiat. Rogatu etiam prædicti Hugonis me ipsum fidei iussorem constitui, ut contra omnem calumniam nominatam terram Andrensis Ecclesiæ acquietarem, & sicut fidelis fidei iussor prædictam pecuniam Ecclesiæ solverem. Terminus autem redemptionis erit de anno in annum in festivitate Sancti Remigii. Actum anno Verbi incarnati M. ccii. super hoc testes sunt, Willelmus frater meus, Balduinus filius meus, Gusfridus filius meus, Balduinus filius Willelmi fratris mei, Willelmus frater Tarevolevel, Rollandus, Henricus Falconarius, & alii multi.

#### De Flandrensi comitissa.

Anno Domini M. cc. iii. MARIA uxor prædicti Balduini Comitissæ, neptis Philippi illustris Regis Franciæ, virum suum insequuta, multa & gravia perpeffa maris pericula, tandem Accaron applicuit, ibique longâ ægritudine macerata spiritum exhalavit.

Bellorum ef-  
fectus.

Clericus Re-  
ginæ dimissæ  
causam cum  
omnium stu-  
pore tuetur.

1202.  
Bald. Flan.  
Comes Gazas  
& Constantinop.  
expugnatur.

Charta Bal-  
duini Comitissæ  
Gisn.

1202.

1203.

1200.

Interdicti sen-  
tentia in Re-  
gnum Franc.  
à Petro Car-  
dinale lata,  
quare non ob-  
ediunt om-  
nes Episcopi.

Pax inter Re-  
ges Franc. &  
Angl. stabili-  
tur.

1201.



Comes Gifn.  
Andrensis Ad-  
vocatus.

Circa idem tempus perspicuus Dominus Abbas Iterius primum usum in hac parochia inolevisse, dominum scilicet Comitem Gifnensem ratione advectionis antiquæ à singulis hospitibus nostris singulas gallinas accipere in die diem cinerum præcedente, ut se, & familiam suam exinde pasceret, & tam falconariis quàm avibus rapacibus eis commissis satisfaceret, ad eundem Comitem junctis secum quibusdam sociis personaliter & humiliter accessit: consuetudinem istam onerosam asseruit, & pro eo quod servitutem potius quàm libertatem sciret, eam liberaliter remitti petiit & impetravit. Comes enim discretus videns & perpendens non sibi & suis tantum emolumentum crescere, quantum Ecclesiæ & hominibus ejus considerabat præjudicium & opprobrium imminere, accersito filio suo domino Arnulfo Ardeæ domino & Broburgensi Castellano, Chartam nobis perpetuæ libertatis contulit, & eidem Chartæ sigillum filii sui primogeniti appendi fecit, in hunc modum:

Balduin. Comes quæ u-  
surpaverat  
dimittit.

Ego Balduinus Comes Gifnensis notum facio præsentibus & futuris, quod ad preces Domini Iterii Abbatis Andrensis immunes dimisi & quietos omnes mansionarios sub eo manentes circa Ecclesiam Andrensem, scilicet inter molendinum ventosum quod in Occidentali parte situm est, & subjacentem mareisum à parte ejus Orientali, ne iidem mansionarii de cætero gallinas aut alias consuetudines reddant, quas famuli mei quasi sub nomine meo annis singulis accipere volebant. Huic autem concessioni dominus Arnulfus de Gifnes Castellanus de Broburg filius meus assensum præbuit, & præsentis Chartulæ sigillum suum unâ mecum apposuit, ne per se aut per suos prædicti mansionarii aliquando gravamen incurrant. Actum extrâ Ardeam anno Verbi Incarnati M. CCIII. coram iis testibus, Egidio de Lotessâ filio meo, Eustachio de Campaniis, Radulpho de Cochone, Baldevino de Bavelinghem, Petro de Bavelinghem, & multis aliis.

Eodem anno nobilis vir Willelmus dominus de Fielnes Ecclesiam istam multipliciter cepit inquietare, & nostras possessiones sub suâ jurisdictione consistentes undique perturbare, volens ab Eleemosynario nostro cappam pluviam & sumptuosam annis singulis extorquere. Siquidem à tempore domini Warini eleemosynæ nostræ fundatoris, & ejusdem Willelmi prædecessoris, in nostro hospitali de Filogrosso cappa solebat singulis annis texti, & domino de Fielnes transmitti, quâ Eleemosynarius & cæteri Monachi solebant uti: sed pater ejusdem Willelmi nobilis vir Ingelramnus ad partes Jerosolymitanas proficiscens pro bono pacis sicut credimus, consensu Fratrum nostrorum ad XVI. solidos Boloniensium appretiarum fecit. Idem filius ejus exemplo patris male utens, & tantum pretium ad cappam comparandam minime sufficere dicens, cappam quinquaginta vel sexaginta solidorum ab eleemosynario nostro extorquere voluit, & proinde bona nostra circumquaque dissipavit. Dominus verò Abbas Iterius ex stabilitate Ordinarum seu vigore, qui multum favebat Nobilibus, non multum confidens, & ex Comitibus Boloniensibus Reinaldi iustitiâ, cujus idem Willelmus sororem duxerat, omnino diffidens, datis ei de substantiâ pauperum viginti libris Parisiensium, pacem quam gratis habere non potuit, pretio comparavit, & eandem cappam ad quinque solidos sterlingorum annuatim appretiatam, per Chartam suam confirmari fecit sub hac formâ:

Charta Willelmi de Fielnes.

Ego Willelmus filius Ingelramni, dominus de Fielnes notum facio omnibus præsentibus & futuris, quod cappam quam pater meus dudum appretiarat ad XVI. solidos sibi ab Andrensis Ecclesiæ Eleemo-

synario annuatim in festo sancti Michaelis solvendo postmodum iter Jerosolymitanum arripens in conspectu hominum suorum & virorum religiosorum pro prædicto censu annuatim redimi statuit, & nihil Andrensem Ecclesiam amplius quam hos XVI. solidos pro cappâ debere recognovit; pro quâ tamen cappâ omnia quæ Andrensem Ecclesiam contingunt ex largitione prædecessorum suorum, & ex dono suimet, tam in Boloniæ Comitatu, quàm in Gifnensi defensare debet, & ab omni calumniante acquiescere, sicut tunc coram multis recognovit, tam ipse quàm omnes heredes sui. Ego igitur patri succedens primò cappam ab Andrensi Ecclesiâ calumniatus sum, deinde injustam deponens calumniam, pro cappâ quinque solidos sterlingorum annuatim mihi dari constitui in Natali Domini, assensu domini Abbatis Iterii & totius Capituli. Actum Anno Verbi Incarnati M. CCIII. apud Fielnes Calendis Januarii, concedente uxore meâ Agnete, & filio meo Ingelramno qui hoc per Advocatum concessit; audientibus & videntibus Radulfo de Fielnes patruo meo, Willelmo de Contes, Arnulfo de Hefdingnol, Joanne de Cubbingetun, Joanne de Tingri, Eustachio de Cotes, Egidio de Motiers Militibus, Magistro Balduino, Willelmo Capellano, Lamberto Pip, Gusfrido de Moykes, Roberto Carnier, Sadonio, & multis aliis.

Præterea pro eo quod idem dominus durus nobis & onerosus possessiones nostras plerumque perturbaverat, & ipsarum se patronum & tutorem sæpius esse dixerat, ut patronatu omnino privaretur, & nostra libertas plenius exprimeretur, aliam nobis Chartam indulsit, de cappâ quidem mentionem facientem, omnia bona nostra de suis prædecessoribus provenientia continentem, in hunc modum:

Ego Willelmus filius Ingelramni dominus de Fielnes, notum facio tam præsentibus quàm futuris, quod cappam quam pravorum consilio deceptus ab Andrensi Ecclesiâ calumniatus fui, ad quinque solidos sterlingorum appretiarum annuatim mihi reddendos in Natali Domini; pro quâ pensione omnia quæ Andrensem Ecclesiam contingunt in Boloniensi & Gifnensi Comitatu tam ex dono meo, quàm ex eleemosynâ prædecessorum meorum acquiescere teneor, & contra omnem calumniam eidem Ecclesiæ defensare. Concedo etiam ad usus Andrensis Ecclesiæ decimam de Landertun, quam Dominus Ingelramnus pater meus eidem Ecclesiæ in eleemosynam contulit, sicut adhuc testatur ejus scriptum, & privilegia domini Desiderii & domini Lamberti Morinentis Episcopi. Concedo quoque eidem Ecclesiæ, quicquid in dominio meo iuste & legitime salvo jure meo perpetuis temporibus acquirere poterunt aut impignorare. Confirmo præterea donationes & eleemosynas seu Eleemosynarii Andrensis libertates, quas Warinus vel alii antiqui de Fielnes prædictæ Ecclesiæ contulerunt, & quas præcipue ad usus pauperum deputaverunt de allodiis suis, terris, sylvis, stagnis, molendinis, & Comitibus, servis & ancillis, quæ posita sunt inter montem de Fielnes & paludem jacentem sub villâ de Bokerdes, inter castrum Gifnense & villam de Marchnes. Decimam quoque de Hervedinghem, quam in meo habent dominio eis confirmo, & ad eam ad usus Fratrum Andrensi conservandam semper adjutor ero. Hæc igitur omnia propria Ecclesiæ sic esse recognosco & concedo, & sigilli mei auctoritate corrobore; testificans quod in omnibus quæ præscripta sunt nihil juris habere debeo.

Actum anno verbi Incarnati M. CCIII. apud Fielnes, & postmodum domino Morinenti recitatum

1203.

Charta Willelmi  
Andrensis Patroni.

1203.

& coram eo recognitum, concedente uxore meâ Agnete, & filio meo Ingelramino, qui hoc totum per manum Advocati sui concessit. Super hoc testes sunt, Radulphus de Fielnes patruus meus, Willelmus de Contes, Arnulfus de Hefdingnos, Joannes de Gibbingetun, Joannes de Tingri, Eustachius de Cores, Ægidius de Mortiers Milites; Magister Balduinus, Willelmus Capellanus, Lambertus Pip, Gusfridus de Moykes, Robertus Carnier, Sadonius, & multi alii.

Domni quoque Iterii Abbatis tempore quidam religiosus Clericus, Walterus nomine, de hac villâ oriundus, de terrâ Jerosolymitanâ regressus, & ad præbendam quæ datur pro Fratribus nostris defunctis in habitu clericali ad subsidium custodis admittus, de iis quæ secum attulerat, & quæ in loco isto licitè & honestè congregaverat, in parochiâ de Boxin portionem cujusdam decimæ acquisivit à quodam Roberto cognomento Vilain, & acquisitam huic loco in perpetuum delegavit. Abbas verò Iterius eandem decimam à præfato Waltero acquisitam & quitatam, à domino superiori nobili viro Widone de Elembom, de cujus erat feodo, confirmari per Chartam suam fecit sub hac formâ:

Ego Wido de Elembom tam præsentibus quàm futuris præfenti scripto notifico, quod Robertus cognomento Vilain acceptâ charitatè xix. librarum & dimidiæ dedit Deo & Ecclesiæ Andrensi, & Monachis ibidem Deo servientibus quidquid habebat in decimâ de Boxin assensu Henrici filii Balduini de Menti, à quo præfata tenebat decimam: sed & idem Henricus eandem à me tenens, rogavit ut hanc donationem concederem; cui ad ejus preces pro salute animæ meæ, & parentum meorum assensum præbui, & ea ad usus prædictæ Ecclesiæ sigillo meo communivi & concessi. Hoc apud Andernes in Oratorio datum & concessum, & super altare Dominicum solemniter oblatum viderunt & audierunt Ernulfus de Mas, Henricus Haccha de Hoctinghem, Lambertus filius Walon, Henricus Gofir, Eustachius Molnerius, & plures alii. Postea in præsentiam meam apud Elembom venientes Abbas & hujus doni donatores, ne quid proinde calumniæ vel detrimenti Ecclesiæ sustineret, hoc firmius confirmari petierunt: quod iterum sicut prius concessi, & libenter confirmavi, suprâ scriptis testibus, & istis videntibus & audientibus, Widone & Henrico filiis meis, Simone Presbytero, Hugone Clerico, Joanne fratre meo, Hugone de Scames, Guidone filio ejus, Robino de Scames, Balduino Burgois, Eustachio Hotibolle, Balduino de Leneques, & multis aliis. Actum est hoc anno Verbi Incarnati M. cxcvi.

Anno Domini M. cctv. Joannes Rex Angliæ, Normanniâ & Aquitaniâ cum universis appenditiis relictis, tamquam ad asylum confugiens mari velociter transito in Angliam se recepit.

*De captione Balduini Imperatoris Flandria Comitis.*

Anno Domini M. ccv. Balduinus Imperator Constantinopolitanus à Joanne cognomento Blake in conflictu inter se commisso captus fuit, nulli postea de suis comparens.

Eodem anno dominus Balduinus Comes Gifnesis jam senio gravatus, & in captione domini Regis Francorum Philippi, quam pro liberatione terræ suæ cum duobus filiis Ægidio scilicet & Sigero militibus sponte subierat, aliquantulum debilitatus, per totam frê hyemem cepit languescere, & cum lectulo decubare minime consuevisset, nunc hanc, nunc aliam de domibus suis spe recreationis

cœpit invadere: invalescente tandem morbo in octavis Beati Stephani Protomartyris in domo suâ apud Gifnes dispositis rebus suis, Sacramentis Ecclesiasticis devotè potitus, de Domini misericordiâ confusus obiit. Prius tamen sicut vivens in quodam scripto statuerat, in Andrensi Cœnobio cum patribus suis sepulturam elegit: Vix Princeps nobilis ultimum spiritum efflaverat, vix calor vitalis eum deferuerat, cum ecce famosa illa Beatrix Broburgensis Castellana, & ex parte mariti Ardeæ domina ultra modum sitiens, & festinans fieri Comitissâ, Abbati & Conventui cum festinatione mandat, quantenus Dominum & Patronum suum celeriter adcant, ad Monasterium suum eum deferant, solemnes pro eo vigilas & exequias faciant, & omnes qui ad funus de parentelâ ejus accesserint honorificè suscipiant, & plenariè exhibeant. Mandato dominæ jam plûs domino suo formidatæ Conventus obsequitur, extrâ castrum de Gifnes à Clero & populo Conventui dealbato Pater patriæ attribuitur in loco, ubi processu temporis duplex crux lapidea à præfata dominâ pro eodem Comite, & pro successore suo ipsius dominæ marito statuitur: cum fletu & ejulatu cantuque lacrymabili in Andrensi Cœnobio introfertur, omnis patet aditus, nulli hospitium denegatur: ab horâ vespertinâ usque ad mediam noctem sub omni tecto à militibus & matronis, à Burgensibus & aliis personis cœnatur, & usque ad horam sepulturæ convivis & potationibus vacatur. Denique retulerunt nobis quidam totius successionis suæ notitiam habentes, quod sepulturæ suæ interfuerunt triginta & tres filii & filiæ, quos de Comitissâ Christianâ genuerat, & quos per mortem ejusdem Comitissæ alibi acquisierat.

Abbatibus igitur & Prioribus, Monachis & Canonici, Sacerdotibus & Clericis, cum variâ Militum & Nobilium multitudine circumstantibus, corpus egregii Principis ante majus altare, in octavis Beati Joannis Evangelistæ sepulturæ traditur: & interim innumera pauperum multitudo panibus & carnibus de singulis mansionibus ejus huc adductis copiosè reficitur.

Peractâ sepulturâ dominus Arnulfus filius ejus quibusdam Nobilibus terræ suæ comitatus Abbatem & Conventum secum educit, & in præsentia omnium, in hæc verba erupit: Grates, inquit, refero vestræ devotioni Fratres, & domini, super eo quod patrem meum & vivum & mortuum in tantum honorastis, quod in ejus exequiis tot & tanta expendistis, quod eum sepulturæ tam decenter & officiosè tradidistis. Et quia dignum esse reor, ut vestram devotionem aliqua remuneratio sequatur, & maxime reditus unde patris mei dies anniversarius apud vos & successores vestros in perpetuum memorialis habeatur, in vestra optione constituo, ut aut de meo proprio centum solidos in anno perenniter habeatis, aut ab omnibus redditibus quos de curte vestrâ de Bredenarde annuatim mihi debetis, immunes in perpetuum & quieti remaneatis. Quo audito Abbas & Conventus Principi suo recenti super oblatâ liberalitate grates referunt, & ut super optione propositâ inter se deliberent, se seorsum divertunt. Breve colloquium inter eos habetur, libertas potius quàm aliquis reditus ab eis eligitur: Decretum commune Principi, & ejus Consiliariis propalatur, & ab omnibus communiter petitio facta approbatur. Debebat tunc temporis cultis prædictæ Comitibus de Gifnes annuatim viginti quatuor paria reddituum & consuetudinum, quæ si termino statuto in domo Danderwic minimè solverentur, Vicecomes ejus & Scabini de singulis redditus statutum exigebant foris factum: quæ elec-

Comes Gifnes in Abbacia Andren. tumulatur.

Charra Widonis de Elemborg.

1204.

1205.

notum fuit tunc fuisse nobis indulta, non statim  
fuit per Chartam confirmata, quia mediante malitiâ  
Matthæi de Sackkerke tunc potentis, tunc in Co-  
mitatu Gihentii principatum habentis, postmodum  
verò abjecti & vilis præeratus Comes quemdam cen-  
sum minutissimum quali. . . . superioris domini  
sibi retinere voluit, & pro eo quod hoc nobis dis-  
plicebat, non domni Abbatis Iterii tempore hæc  
elemosyna confirmata, sed usque ad successoris ejus  
tempus, per vi. annos & amplius dilata & proro-  
gata fuit, sicut in sequentibus patebit.

*De Imperio Henrici post Balduinum.*

1206.

**A**nno Domini m. ccvi. prædicto Balduino suc-  
cessit in Imperium frater suus Henricus, vir  
in rebus bellicis strenuus, & morum nobilitate con-  
spiciuus. Guido Remensis Archiepiscopus Gandavi  
moritur & sepelitur.

*De confirmatione decimæ de Hervedinghem.*

Charta Gus-  
fridi de Fer-  
knes.

**E**odem anno Dominus Iterius Abbas videns de-  
cimam nostram Hervedinghem multipliciter per-  
turbari, tam ab eis qui eam prædecessori suo ven-  
diderant, quam ab illis qui eis successerant: perpen-  
dens etiam quod Gusfridus de Ferkenes Miles, de  
cujus feodo decima proveniebat, venditioni nondum  
assensum præbuerat, ad eum personaliter accessit,  
& non sine pretio ad hoc eum induxit, quod ven-  
ditionem factam de decimâ ratam & gratam habuit,  
& eam per Chartam suam nobis confirmavit in hunc  
modum:

Ego Gusfridus de Ferkenes scire volo præsentis &  
futuro, quod Geroldus de Piro, & Beatrix uxor ejus,  
& ipsorum liberi, Hugo, Beatrix, & Verdiana de-  
derunt & concesserunt Deo & Ecclesiæ Andrensi  
pro salute animarum suarum totam decimam, quam  
de me tenebant in feodum in parrochiâ de Herve-  
dinghem. Huic autem donationi ego & uxor mea  
Mathildis, & filius Eustachius jam ætatem suam  
habens, assensum præbuimus, & ut participes si-  
mus bonorum quæ in Andrensi Ecclesiâ in perpet-  
uum fient eam ratam habemus: & ne quid eidem  
Ecclesiæ ad munimentum desit, precibus meis ve-  
nerabilis Morinorum Episcopus dominus Lambertus  
tam me quam prædictos super petitione retentæ  
diutius decimæ clementer absolvit; & dato scripto  
suo eandem decimam ad usus Andrensis Ecclesiæ  
in perpetuum confirmavit. Ego quoque ad majorem  
certitudinem rem ita gestam testificor tam scrip-  
to quam sigillo, & illos qui interfuerunt in testi-  
monium veritatis subscribo. Actum anno Domini  
m. ccvi. Testes sunt Magister Willelmus, Gerardus,  
Dionysius Clerici domni Episcopi, Eustachius  
de Liskes, Lambertus Decanus Gihentis, Simon  
de Ferkenes, Petrus de Andernes Presbyteri, & mul-  
ti alii.

1206.

Præterea ne quid vobis ad certitudinem deesset,  
dum dominus Lambertus Morinensis Episcopus  
quâdam vice hospitandi gratiâ ad nos divertisset, &  
casu fortuito idem Gusfridus præsens existeret,  
Dominus Abbas & Conventus multiplicem pertur-  
bationem ab eodem Gusfrido super prædictâ decimâ  
factam, eidem Episcopo intimaverunt, & ut par-  
tes suas pro bono pacis interponeret, impetrave-  
runt. Episcopus verò prædictum Militem ad hoc  
induxit, quod eo petente & humiliter supplicante,  
sicut in Chartâ suâ prædictum est, decimam prædi-  
ctam idem Episcopus nobis confirmavit, sub tali  
formâ:

Charta Lam-  
bert. Episco-  
pi.

**LAMBERTUS** Dei gratiâ Morinorum Episcopus  
omnibus ad quos litteræ istæ pervenerint, in Domi-  
no salutem. Noverit universitas vestra, quod cum

Morinensem diocesim, cui auctore Deo præsidemus,  
solicitude Pastoralis officii nos circuire compelleret,  
& nostræ mentis intentio circa ea quæ circumqua-  
que corrigenda erant, diligenter invigilaret, dilecti  
filii Iterius Abbas Andrensis & Conventus, apud  
quos tunc temporis hospitabamur, de nobili viro  
Gusfrido de Ferkenes Milite coram nobis posito con-  
questi sunt plurimum, asserentes se gravia damna  
& multiplices injurias per ipsum sustinuisse, pro eo  
quod decimam quamdam quam iidem Fratres à Ge-  
roldo de Hervedinghem ejusque filio Hugone ho-  
minibus ipsius G. legitime acquisierant, eis sicut  
jamdudum promiserat garentire, & per suum scrip-  
tum confirmare diutius recusaverat. Nos ergo paci-  
simul & indemnitati Andrensis Ecclesiæ piâ sollici-  
tudine providentes, ipsum Gusfridum convenimus,  
& ad hoc induximus, quod suam culpam recognovi-  
vit, & quidquid juris ipse, vel heredes sui, sive  
homines in eadem decimâ habuerant, in manu no-  
strâ guerpivit, sicque absolutionem promeruit. Quo  
facto nos de eadem decimâ dictos Fratres investivi-  
mus, & tam ipsum Gusfridum quam heredes, &  
homines ejus, si de cætero super eadem decimâ Ec-  
clesiam Andrensem molestare vel inquietare præ-  
sumserint, districto anathematis vinculo innodavi-  
mus. Ut autem pagina perpetuæ stabilitatis robur  
obtineat, sigillum nostrum apposuimus. Actum  
apud Andernes anno Incarnati Verbi m. ccvi.  
mensē Aprili coram multis.

Eodem quoque anno nobilis vir Eustachius de  
Hammes more solito pecuniâ indigens, & eam à  
nobis habere cupiens, cum Domino Abbate Iterio  
& Fratribus consilium habuit, & tam pro Deo,  
quam pro statuto pretio xiii. polkinos frumenti  
quos Elemosynarius noster annuatim ei debebat,  
nobis indulgit. Et ut dominus Guillelmus de Fielnes,  
de cuius feodo hæc elemosyna erat, assensum præ-  
beret, & Chartæ suæ super hoc compositæ sigillum  
apponderet, impetravit. Tenor autem Chartæ utrius-  
que nobilis viri sigillo signatæ, talis est, & sub hac  
formâ:

Ego Eustachius, de Campaniis notum fieri volo  
tam futuris quam presentibus, quod pro gravibus  
damnis & multiplicibus injuriis Andrensi Ecclesiæ  
à me illatis, ut Deo & ejusdem Ecclesiæ Fratribus  
satisfacerem, dedi & concessi in perpetuam ele-  
mosynam pro salute animæ meæ & parentum meo-  
rum eidem Ecclesiæ xiii. polkinos frumenti, de il-  
lis decem & vii. polkinis quos Andrensis Ecclesiæ  
Elemosynarius singulis annis mihi debebat. Præ-  
terea donationi patris mei liberaliter assensum præ-  
bui super duobus polkinis frumenti pro animâ ma-  
tris meæ Andrensi Ecclesiæ collatis, & ad ejus anni-  
versarium deputatis. Dominus autem Abbas Iterius  
& alii Fratres in die quo hanc elemosynam solem-  
niter feci, & super altare humiliter obtuli, me ab-  
solverunt, & inter familiares suos receperunt, sed  
& omnes qui de supradictâ elemosynâ ipsos ausu-  
temerario in posterum inquietare præsumserint, can-  
delis accensis excommunicaverunt, adstantibus tam  
Clericis quam laicis, scilicet Lamberto Decano Gih-  
nentis, Petro Presbytero Andrensi, Waltero Clerico,  
Willelmo de Calawida, Mauritio de Pastura, & aliis  
multis. Post modicum verò temporis cum Fratri-  
bus ejusdem Ecclesiæ apud Fielnes proficiscens, quod  
factum fuerat coram Domino Willelmo à quo præ-  
fatam elemosynam cum residuis redditibus, & aliis  
bonis in feodum tenueram, & coram Paribus meis  
per ordinem recognovi, & ut ipse assensum præ-  
beret & manum apponderet impetravi. Ipse verò  
tamquam superior dominus pro salute animæ suæ  
& parentum suorum petitioni meæ benignè annuit,

Charta Eusta-  
chii de Camp.

1206.

& in testimonium veritatis huic scripto à me confirmato sigillum suum apposuit. Actum anno Verbi Incarnati M. ccvi. mense Februario. Testes dominus Radulfus de Fielnes, Joannes de Tingri, Ingelramnus de Renningessem, Balduinus de Lo, Adam de Boninges, Balduinus Peleth, Lambertus Pip; qui omnes sunt Pares mei; & multi alii tam Clerici quàm laici qui praesentes erant.

Postmodum idem Eustachius ad dominum Lambertum Morinensem Episcopum personaliter accessit, quod per se datum fuit, & à domino suo praedicto Wilhelmo approbatum, & ab utroque confirmatum per ordinem retulit, & ut idem auctoritate Pontificali Andrensi Ecclesiae nominatam elemosynam confirmaret, humiliter supplicavit. Dominus verò Episcopus Chartam suam nobis indultit in hunc modum:

Charta Lambertii Episcopi.

LAMBERTUS Dei gratiâ Morinorum Episcopus omnibus ad quos litterae istae pervenerint, in Domino salutem. Noverit universitas vestra quodd nobilis vir Eustachius de Campanis dedit in elemosynam Andrensi Ecclesiae, & Monachis ibidem Deo servientibus, tredecim polkinos frumenti tam pro se quàm pro anima matris suae, de illâ pensione annuâ quam ejusdem Ecclesiae Elemosynarius ei debebat. Huic autem donationi nobilis vir Wilhelmus de Fielnes, de quo hæc & multa alia tenebat in feodum, assensum præbuit sicut docet Authenticum exinde compositum, & utriusque sigillo confirmatum. Nos quoque ad quos specialiter spectat elemosynas voluntarie factas, per censuram Ecclesiasticam ministris Dei guarantire, & eorum indemnitati providere, hanc elemosynam ratam habemus, & sub districtâ anathematis sententiâ firmiter inhibemus ne quis de cætero eam calumniari, vel sibi appropriare, seu quocumque modo ab usibus Andrensiū Fratrum alienare præsumat. Hoc autem ipsum statuimus de duodecim denariis pari devotione à præfatis viris nobilibus ejusdem Ecclesiae Fratribus indultis. Actum anno Verbi Incarnati M. ccvi. mense Martio coram multis.

*De morte Lambertii Episcopi.*

1207.

**A**Nno Domini M. ccvii. Lambertus Morinorum Episcopus obiit: cui successit Joannes Archidiaconus nepos ipsius.

Eodem anno nobilis vir Thomas de Fielnes, domini Wilhelmi germanus, ad partes Jerosolymitanas proficisci cupiens, & se exemplo fratris multa nobis mala irrogasse cognoscens, cum non nisi pauca hereditario jure haberet, multa nobis dare non potuit, unde unum nobis polkinum frumenti ad mensuram Boloniæ apud Nepteuviltam juxta Monasterium sancti Wlmari annuatim accipiendum perenniter delegavit, & per Chartam suam confirmavit in hunc modum:

Charta Thomae fratris Guillelmi de Fielnes.

Ego Thomas frater Domini Wilhelmi de Fielnes, notum fieri volo tam futuris quàm praesentibus, me concessisse & dedisse Andrensi Ecclesiae in perpetuam elemosynam pro salute animæ meae, & parentum meorum unum polkinum frumenti ad mensuram Boloniæ apud Nepteuvilte singulis annis accipiendum. Hoc autem feci de voluntate & assensu praedicti domini & fratris mei Wilhelmi, à quo inter alia bona eundem polkinum tenebam in feodum. Actum solemniter apud Fielnes die quâ versùs terram Jerosolymitanam iter arripui, anno gratiæ M. ccvii. Testes sunt Walterus Abbas de Bello-loco, Robertus Canonicus ejus, Arnulfus de Helsingnol, Joannes de Tingri, Wilhelmus de Contes, milites Pares mei, & alii multi.

Tom. II.

*De translatione Domni Iterii Abbatis.*

**C**ircà finem hujus anni Monachi Hamensis Monasterii, de assensu & consilio domini Lambertii Morinorum Episcopi & quorundam Abbatum, in quos Dominus Wilhelmus Abbas eorum diù in causam tractus, diù vacillare coactus, minùs discretè compromiserat; deposuerunt; & Dominum Iterium Abbatem nostrum in Patrem & Pastorem postulaverunt. Mirantibus omnibus qui audiebant verbum, postulationi de se factæ protinùs acquievit, paratus Ecclesiam relinquere, quæ hinc de Domini Petri Abbatis providentiâ & opulentiâ adhuc floruit, inde pro temporis charistiâ & temporalium abundantia Rectorem suum exhilarare potuit. Nam ut verum fateamur, cui toto tempore suo convivimus, per tredecim serè annos quibus huic loco praefuit non minori pretio quàm decem solidis polkinum frumenti vendidit, & aliquando viginti, aliquando triginta, aliquando etiam xl. & amplius solidos inde accepit: sicque vicinorum penuria ei abundantiam ministravit: cujus abundantia cupiditate illecti, & quasi radicitus inhaerentes, & ei quodammodo invidentes, dominus Balduinus & dominus Arnulfus Comites Gisenenses ejusdem contemporanei triginta marcas sterlingorum, & centum viginti libras Flandrensiū per diversas vices ab eo mutuo acceperunt, de quibus nec ipsi nec suo successori ulque ad unum quadrantem satisfacere curaverunt.

De causa autem suae discessionis diversis diversis sentientibus, maximè cum locum bonis temporibus refectum & speciosis domibus redimitum desereret, & ad alium licet magis locupletatum, minùs tamen cultum migrare intenderet: dicebant quidam quod pro eo quod quosdam Fratres suos suspectos, quosdam verò exosos habebat, Comitum autem & Comitissarum necnon & Optimatum terræ gratiâ carebat, hinc volebat discedere. Alii verò dicebant, quod credibilis erat ipsum affectare Hamense Monasterium, ut ad Ecclesiam Karrofsensem exinde posset facilius ascendere: sicut enim praenominatus frater ejus B. quondam Abbas Hamensis ad apicem illius Monasterii per multos annos aspiraverat: sic iste sortium & auguriorum non ignarus, quibus sæpe deluditur humanum genus, spe & praedicatione ejusdem Ecclesiae die ac nocte mentem pascerebat. Nam cum eadem Ecclesia nobilis quondam, fertilis & famosa propter guerrarum multitudinem eo tempore esset multis & magnis debitis onerata, quibusdam Fratribus ex illo loco ad se venientibus solebat dicere, quibusdam verò in Pictaviâ commorantibus per litteras scribere, quod si ab eis Abbas eligeretur totum statim debitum per ejus providentiam solveretur.

Denique die statuto ad hunc locum accedunt de Hamensi Cœnobio solemnes nuntii, domini Episcopi auctoritate roborati, praecipientes cum infra certum terminum dierum disposito statu Monasterii ab hoc loco recedere, & ad Ecclesiam Morinensem personaliter accedere, quatenus ibidem ab ejus Ecclesiae curâ se exoneraret, & Hamensis Cœnobii curam reciperet. Quo facto quasi pietatis & compassionis affectu, invitat Priorem & quosdam Fratres vitâ & scientiâ probiores, ut ipsa die quæ erat dies Beati Matthæi Apostoli usque ad sanctum Bertinum secum venirent, & die crastina domino Morinensi & ejus Capitulo cum Hamensibus Monachis eum praesentarent; & ita tandem ad honoris supplementum quoad usque in Hamensi Cœnobio factum ejus perficeretur, cum minimè desererent. Concessum

N N N un ij

Qua de causa ab Andrensi-bus discessit. Iterius Abbas.



est à filiis quod Pater petiit; & ipsa die ad sanctum Bertinum ventum fuit. Venerabilis autem Abbas dominus J. ejusdem loci, praevidens & praesentens domnum Iterium jam non Pastorem sed impostorem nostrum contra nos velle malignari, nobis seorsum evocatis dixit: Sufficere credimus, Fratres mei, quoddam dominum & patrem vestrum huc usque adduxistis, nec expedit ut eum ulterius adducatis, sed potius ut domi revertentes concordēs & unanimēs existētes de Pastore substituendo tractatum diligentem celeriter habeatis: si enim apud Tervannam veneritis, coram Episcopo & Capitulo suo contra vos appellabitur, ne contra antiquum morem super electione faciendā aliquid attentetis.

Cujus salubri consilio quidam ex nostris minimē acquiescentes, sed affectu curiositatis quā apud Tervannam gererentur, & qualiter apud Ham pascerentur experiri cupientes, die sequenti, quā erat Dominica, apud Tervannam omnes quidem pariter tendunt, Episcopum paratum cum Capitulo suo; & cum Hamensibus inveniunt, illiquibus injunctum est causam adventūs exponunt. Abbas praesentatus statim à curā Monasterii nostri absolvitur, & Hamensis Ecclesiae cura ei committitur, & mox ab eo & à Priore de Bevreriā qui praesens erat, contra nos appellatur. Cumque Episcopus ante altare majus praesente Clero & populo adlaret, & Religiosorum multitudinem circumstantem haberet, invitatus est Abbas ab Episcopo ut more solito professionem legeret, quā quia nondum scripta fuit, quidam de Clericis Episcopi eam festinanter scriptam in manibus Abbatis porrexit; & licet eam firmiter ambabus manibus tenere videretur, videntibus omnibus statim in pavimentum cecidit, ita quoddā à quibusdam conculcata vix inveniri potuit. Unus autem ex nostris propter appellationem factam exacerbatus, & se coram multitudine quoquo modo vindicare paratus: Hoc, inquit, quod vidistis malum signum erit: Abbas iste qui domum nostram malē deseruit, nunquam aliam benē tenebit: sed more Chartae suae in terram cadentis casus & lapsus ei semper imminet.

Tredecim postea annos Hamense Monasterium ipsum regere vidimus, parum aut nihil operis ab eo factum, nihil redditus ab eo acquisitum; audivimus à Morinensi Episcopo ipsius Episcopi successore ipsum primò interdictum, postmodum de Synodo ignominiosè ejectum & expulsum cognovimus, & semper nobis contrarium, rebellem, persecutorem, & hostium nostrorum consiliarium vidimus eum, & experti sumus. Soluta illā Morinensi coadunatione, quidam ex nostris ab Abbate rogati, & minis providi & discreti, eum apud Ham ut ventri satisfacerent persequuti sunt, quidam verò confusi domum redierunt.

Rumor interim rei gestae ad vicinos & remotos pervenerat; multiplex amicorum consilium nunc diversum, nunc adversum, nos attonitos effecerat: Morinensis Episcopus nondum ab adversariis corruptus, suum nobis consilium & auxilium promisit primò: Comes cum Comitissā nec ope nec opibus nobis deesse spondit: tota patriae Nobilitas, & Cleri auctoritas, ut hostibus resisteremus, & de Collegio nostro eligeremus suavit, monuit, & invitavit. Ab omnibus denique ad concordiam & unitatem, & ad quarendam Ecclesiae nostrae libertatem invitati fuimus & animati, & ferè ab omnibus in necessitatibus derelicti. Tandem post dies aliquot dies statuitur, ut in Capitulo diligenter tractetur, non qualiter electio fiat, sed quid contra appellationem factam, & propter appellationem fieri oporteat: die itatutā omnibus generaliter esse

bonum videtur, ab omnibus publicè in commune acclamatur, ut Prior Henricus qui aliā jam vice in Ecclesiā Karrofeni propter Iterium Abbatem fuit, qui à multis ibidem notus, multorum notitiam habuit, quique in rebus gerendis laudabiliter se frequenter exercuit, ad praesens apud Karrosum redeat, & me qui hanc scribo secum adducat, quatenus per nos duos Abbas & Conventus admoniti, & ad pacem & concordiam si fieri possit inducti, appellationi pro se factae minimè adhæreant, sed nos tamquam filios mansuetè & dulciter manuteneant, nobis non tam praesse velint ut prodesse non valeant, illud quod jura super libertate electionis nobis concedunt non impendant, Abbatis Iterii discessionem praeter nostram & illorum voluntatem, gravem nobis & damnosam sciant; & denique quoddā non ad eligendum, sed potius ad supplicandum nos ibidem transmiserint, pro certo cognoscant.

Adjectum est in Capitulo nostro ex singulorum & omnium communi consilio, quoddā si Karrofeni precibus & monitis nostris obaudirent, & nobis de Collegio nostro salvā suā libertate & nostrā subjectione eligere permetterent, benè res ageretur: si verò contrarii existerent, appellatio pro his apud Tervannam facta à nobis coram ipsis abbreviaretur, & me qui hanc scribo eandem appellationem prosequente, Prior pro statu Ecclesiae regendo & disponendo domum reverteretur. In his denique verbis singulis & omnibus consentientibus, Prior consensus & assensus praebuit, Fratrum auctoritas ad aggrediendum laborem me qui hanc scribo in spiritu vehementi concorditer animavit (Eram autem tunc temporis tricesimum agens ætatis annum) de viribus satis confidens, & de causā minimè diffidens, dummodo Fratrum unanimitas nec propositum desereret, nec impediret iter meum. Jam enim in libro experientiae frequenter legeram, jam per vicinos & remotos satis didiceram, quoddā multi Religiosi ad inchoandum aliquid magnum ferventes existunt, & aliquā adversitate eis imminente, in ipso fervore tepentes deficiunt juxta illud Davidicum: *Filii Ephrem intendentes, & mittentes arcum, conversi sunt in die belli.* Unde & Fratribus me ad istum laborem invitantibus confestim respondi; Grave est onus, Fratres, & durum quod mihi imponitis: via gravis & incognita, quam mihi terendam & maxime in ætivo tempore explendam proponitis: sed ne vobis inobediens appaream, & ne laborem meum, quod absit, per vestrum defectum esse infructuosum lugeam, expedit ut si vestram sententiam finaliter procedere velitis, supra sacrosanctum Evangelium singuli & omnes juretis, quoddā nec in prosperitate, nec in adversitate me pro Ecclesiā laborantem deseretis; nec quousque de reditu vel de obitu meo vobis constet, ad electionem Abbatis procedetis. Hanc meam responsionem quibusdam ægrè ferentibus, quibusdam etiam apertè indignantibus, nullus me à proposito flectere vel avertere potuit, donec modo quo postulaveram super sanctum Evangelium à singulis & omnibus juratum fuit.

Praefato itaque Priori & mihi onere injuncto, & Capitulo ipso die soluto, sequens dies peremptoriè nobis praefixa fuit ad iter urgendum, & mihi qui hanc scribo talia non experto, vix sufficit dies & nox ad deliberandum. Denique nocte sequenti mihi soporato mons ostensus est mirae magnitudinis, enormis altitudinis, cujus celsitudinem perspicere non potuit visus hominis, & injunctum est mihi à quodam propè assistente, ut ipsum transcenderem, & injunctum negotium diligenter explerem: ad quem ego, Mons, inquam, est arduus cujus ascen-

Auctor Chronici Guillelmus annum tunc temporis agebat, 30.

Psal. 77. 9.

Somnium ejusdem Romiter molientis.



sus mihi est incognitus, & ad eum transcendendum formidat animus meus. Montem, inquit, istum & duos æquè sublimes transcendes, nec timeas, quia non deficies. Statim signum in Ecclesiâ pulsatum, me cum Fratribus ad nocturnas vigilas invitavit, quæ quamdiù duraverunt mens mea in ambiguo fluctuavit, utrum quod videram phantasma vel visio fuerit. Deum & beatam Rotrudem toto affectu exoro, ut denuò mihi ostenderetur quid de imminente viâ providentiæ Divinæ placuerit. Soporato mihi post Laudes scala apparuit miræ magnitudinis & altitudinis, stans super terram, & erecta sursum, invitatus sum ad ejus ascensum, dubio mihi & sollicito idem promissum est quod de ascensu trium montium. Die illucescente à somno expergefactus, in memetipso cæpi somniorum interpretes existeret. In tribus montibus live in tribus scalis trinam iterationem live repetitionem Curia Romanæ propter hoc negotium priusquam terminetur, mihi polliceor imminere, & sic demum Deo me commendans, & Fratres salutaus cum comitibus inuncti itineris, ipsum iter intrepidus arripere.

Post dies aliquot ventum est ad Karrosum; Quadragesimale tempus aliquantulum honestavit locum illum, & populum ex parte Capituli Andrensis Abbatem salutavimus & Conventum, pro illorum honore & nostro nos diximus illis velle habere colloquium. Placet Abbati Hugoni & suis sermo auditus; de Fratrum tamen consilio nuntiorum prorogatur affectus, quia ad certum diem mandantur Priores, & quidam Fratres moram facientes exterius; & interim honor, reverentia & omnis humanitas præfatis nuntiis exhibetur ab omnibus. Constituto die Priores invitati, alii cum canibus, alii cum avibus portam Monasterii subeunt, nullum de residentibus, nullum de supervenientibus præfati nuntii super hypocrisi arguere possunt. Horâ competentem pulsato Capitulo, singuli & omnes in Capitulum conveniunt; post diuturnum quod habuere colloquium quidam à Capitulo missi nuntios introducunt. Dominus iterum Abbas cum suo Conventu ex parte Andrensi humiliter salutatur, scriptum patens Andrensi Capitulo signatum de credentiâ & de rati habitatione confectum, & Abbati exhibitum in audientiâ omnium publicatur, & à Priore cum suo socio in medio stante, licet leges ignorante, sic allegatur:

Domni, inquit, & Fratres, nos filia vestra Andrensis Ecclesiæ filii non degeneres, imò cum Fratribus nostris matrem nostram Karrofsensem Ecclesiam non servili timore, sed potius filiali amore venerari cupientes, de communi assensu Fratrum ad vos personaliter accessimus, ut de gravamine nobis nuper irrogato rei gestæ seriem vobis fideliter referamus, & de remedio per Dei gratiam, & per vestram industriam eidem gravamini apponendo, à vobis gratiam & misericordiam, prout speramus, hauriendo tamquam à maternis uberibus lac suggendo, intimum amoris affectum quem erga vos semper habuimus, ad effectum perpetuum fideliter perducamus, & de devotis devotiores semper inveniamur. Vos siquidem latere non credimus, quod dominus Iterius Abbas noster nuper ad Hamensem Ecclesiam se transferri permisit; unde nec vos consuluit, nec de cessione ab aliâ, nec de accessione ad aliâ à vobis licentiam petiit; & non dubium quin ista translatio enorme nobis præjudicium generavit: cum enim aliquod Cœnobium extrâ suum Collegium non teneatur Abbatem eligere, & tamen in mutatione Abbatis ipsum oporteat multiplices expensas pro interius assumpto facere; quæ & quot expensæ imminant pauperi Ecclesiæ, quæ ultra undecim diatas

eligere compellitur, vel saltem ad minus pro electi confirmatione per tantum viarum spatium ire vel mittere tenetur. Hinc est ergo quod reverendæ Paternitatis vestrae pedibus advoluti, nos & Fratres nostri vobis humiliter supplicamus, quatenus in remedium nostræ desolationis, & imminētis nobis calamitatis misericorditer concedatis, ut de Fratribus nostris filiis vestris salvâ libertate vestra, & subjectione antiquâ Abbatem possimus eligere, & electum propter suam confirmationem mittere vobis, vel adducere; quem etiam si vobis placet singulis annis oporteat vos personaliter visitare. Et vos quidem salvâ reverentiâ vestra de nemine qui nos præcessit, qui Andrense Monasterium usque modo rexit, hanc honoris prerogativam consuevistis habere, cum dominum Iterium infra annos tredecim scimus nonnulli semel Ecclesiam Karrofsensem visitasse, & à domino Petro prædecessore ejus audivimus ipsum infra annos xxxii. semel inter vos apparuisse. Si ergo humili petitioni nostræ salubriter acquieveritis, de duobus collegiis unum efficietis, & quos ignotos hactenus habuistis tamquam domesticos amodo cognoscetis, quia per hoc factum juxta verbum Domini *Unas Pastor & unum ovile fiet*, & alter ad alterum securus accedet. Quod si nobis fuisset inunctum ut de vobis aliquem ad præsens eligeremus, hoc proculdubio nimis esset periculosum: quia sicut scitis nubes vestram notitiam habemus: si verò ex nostra & Fratrum auctoritate super vos, domne Abbas vel super aliquos de vestris electionem nostram vellemus vel possemus constituere, nobismetipsis proculdubio videremus injuriam & præjudicium generare, ad quos semper constitit jus eligendi pertinere.

Præterea dominus Iterius quosdam adolescentes in nostro Monasterio monachavit, quosdam etiam ibidem veniens jam Monachos invenit, quorum linguam penitus ignoravit; & ideo nec vobis nec nobis credimus expedire ut aliquis nobis præstet, qui subditos suos non intelligeret, nec ab ipsis intelligi posset. Ex consuetudine quoque patriæ nostræ in Curia nostrâ per singulas quindenæ humanas leges & judicia mundana constat exerceri, quæ omnia nonnulli Flandrensi idiomate discuti debent & terminari; & luce clarius apparet, quod dum nostri Prælati circa hoc minus idonei extiterint, dum Principum & Nobilium terræ propter linguarum dissonantiam minus notitiam & gratiam habuerint, Ecclesiam nostram quandoque fuisse ex defectu Prælatorum exhereditatam, & adhuc periclitari. Moveat igitur Paternitatem vestram & præterita consilio, & præsens desolatio, & futura, nisi præcaveatur, Ecclesiæ perditio: quia licet ex parte vestra appellaverint, nos appellationem illam pro minimâ habemus; nam contra nos illam esse non credimus, nec etiam contra aliquid attentamus, quia speramus à vobis humiliter acquirere, quod forsitan possemus in majori Curia rationabiliter obtinere.

His dictis flexis genibus iterum veniam petivimus, ab Abbate jussi iterum surreximus, à Capitulo egressi & in Oratorium jubemus procedere, ut super petitis dominus Abbas cum Capitulo suo colloquium & consilium possit habere. Egredimur Capitulum, ego qui hæc scribo audiavi aliquem susurrantem post tergum nostrum: Per salutem Pharaonis exploratores estis vos. Nobis in Oratorio horas regulares decantantibus, & illis quos in Capitulo reliquimus diversa sentientibus: quidam enim nos exaudiendos esse dicebant, qui ad regimen Monasterii nostri non tendebant: nam secundum petitionem & allegationem nostram nihil sui juris deperire asserabant. Quidam verò juvenes qui Prælationem habere cupiebant, vel

Visi significatio.

Romam cum Priore petens Karrosum addit.

Adventus sui Capituli Karrofs. causam exponunt.

Gen. 10. 16.

Gen. 42. 16.

ad minus pro eâdem Prælatione protervè contendere, nihil de Antiquâ consuetudine usque ad unum iota, nec ipsi dimittere, nec nobis intermittere promittebant. Dicebant quoque suo Abbati, quoddam nisi subjectionem Andrensis Cœnobii more solito sic servaret, ita ut aliquem de suis ibi præponeret, pastoralis virga, quam gestare consueverat, in manu ejus procul dubio titubaret, & de eorum fidelitate frustra ulterius consideret.

Abbas Karro-  
fensis Legatos  
Andrenses al-  
loquitur.

Perpendens igitur Abbas diversam diverforum sententiam, illorum scilicet qui voluerunt pacem, & illorum qui firmaverunt sibi sermonem nequam, nec nostræ petitioni ausus est acquiescere, nec suorum subditorum improbitati resistere, quia ex verbis comminatoriis ab eis propositis cœpit timere. Unde nos ab Oratorio evocatos, & in Capitulum reductos sic alloquitur: Vos quidem, Fratres, qui de familiari nobis Ecclesiâ ad nos humiliter accessistis, qui causam Ecclesiæ vestræ coram nobis diligenter perorastis, audire quidem & exaudire pro amore antiquo & quasi nobis innato, quem erga Ecclesiam vestram habemus, parati essemus, si hoc cum pace Fratrum nostrorum facere possemus: sed quia Fratres nostri nihil novum instituere [volunt], sed antiquam consuetudinem in omnibus observare: non credunt quoddam propter occasiones frivolas, & propter causas à vobis propositas ad eos accesseritis, sed potius ut more solito & debito de præsentis Collegio ad præfens eligatis; quia quasi pro constanti habent vos ad hoc venisse, & à Fratribus vestris missos fuisse, & si aliud quidpiam intenditis, nullatenus possent vobis consentire.

Nobis hæc audientibus, & sicut stabamus in medio Capituli ab aliis aliquantulum remoti, maternâ linguâ inter nos paululum deliberantibus; ego qui hæc scribo sic Abbati respondi, & circumfidentibus: Ab initio sermonis nostri, Patres & Domni, potuistis evidenter intelligere, & adhuc ex tenore litterarum sigillo Capituli signatarum diligenter inspicere, & manifestè cognoscere, quoddam eligendo Abbate mandatum non accepimus, sed ad consulendum vos, & ad supplicandum personaliter accessimus, & quos pios, benignos & mansuetos esse sperabamus, graves, duos & contumaces invenimus: & quia fines mandati nobis injuncti nec volumus, nec possumus, nec debemus excedere, gratiam & misericordiam inter vos minimè repertam alibi speramus reperire. Appellationem igitur ex parte vestrâ in partibus nostris factam, & octavis S. Joannis præfixam, abbreviamus, & personas nostras cum statu Monasterii nostri, ne aliquid perperam contra nos attentetur protectioni Domini Papæ supponimus, & ad ejus audientiam in Ascensionem Domini appellamus.

His auditis Dominus Abbas sicut à suis fuerat instructus, imò potius destructus, ut ipsis satisfaceret, & ausibus nostris publicè contrairer, nobis ita respondit: Vobis in nullo credendum esse censemus, quia vos qui obedientiam & reverentiam hactenus promissistis, jam rebelles & contumaces videmus. Nam cum nonnisi duo de Andrensi Collegio compareatis, multitudinem nostram aut verbis decipere, aut appellationibus terrere putatis, qui validiores vobis & opulentiores sumus, & contra decem libras vestras, centum marcas argenti in curiâ quâlibet expendere possumus: unde vobis finaliter dicimus, quoddam terminos istius Clausi die & nocte potentialiter vobis intercludimus: quare nec propter appellationem, nec propter aliam occasionem hinc exibitis, donec antiquo more de hoc Collegio Abbatem eligatis. Quod verbum mox sequitur pastoralis sententia, & unicuique nostrum statim pro-

pria assignatur custodia, scilicet ut de terminis Clausi non exeamus, & ne cum nostris servientibus colloquium aut consilium habeamus. Pavente & trepidante Priore nostro, ego qui hæc scribo consolationi die ac nocte viriliter initi, custodibus nostris nunc præsentibus, nunc absentibus in linguâ maternâ nobis & Ecclesiæ nostræ victoriam promissi; spondens & promittens firmiter, quoddam ab illâ captione nos infra octo dies oporteret expediri. Nam illi qui nos captivos tenebant se magis captos & captivos reputabant, dum per eorum dormitorium quemque transitum facientes nonnisi pueros & adolescentes cum duobus aut tribus de Senioribus ibidem decubantes, & alios in cameris, plures numero quiescentes arguimus: dum horâ operis Dei & sancti sacrificii quosdam in choro cantantes, quosdam otios & fabulis exterius vacantes palam corripuimus: dum horâ prandii, licet tempore Quadragesimali; quosdam in Refectorio comedentes, quosdam in cameris delitiosè viventes manifestè increpavimus: nos autem cum custodibus nostris in camerâ suâ Dominus Abbas omni die commensales habuit; unde frequenter accidit, quoddam si quid contra nos fuisset excogitatum, quidquid attentatum ante occasum solis vel per ipsum Abbatem, vel per custodes nostros nobis innotuit.

Tandem circâ octavum nostræ captivitatis diem, nobis de ipsorum cohabitatione pertælis, & ipsis jam de nostrâ captivitate satiat, verbum à nobis fuit excogitatum & in audientia Capituli propalatum, quoddam ex quo eis constaret, & verum esset nos de Abbate eligendo potestatem non accepisse & eâ uti non posse, ipsi ad natale solum nos redire permitterent, & unum aut duos de Senioribus suis nobis conjungerent, in quorum præsentia Fratres nostros vellemus admonere, & sub eorum testimonio ad pacem & concordiam, & ad subjectionem antiquam modis omnibus invitare. Fratres autem nostri à nobis admoniti, & de vitâ & meritis Karrofensium personarum plenius edocti, in nostrâ præsentia ad Abbatis electionem ex facili procederent: nobis absentibus nihil unquam attentare præsumerent.

Hac igitur promissione illecti, & jam de nobis quasi fastiditi, nos post multiplex consilium & prolixum tractatum Deo commendatos liberè abire permittunt, & subtilem trutinum tempore annolum, ordine minus morigeratum, Gaufridum de Aubis eorum Monachum nobis custodem & itineris ductorem præficiunt.

A Cœnobio Karrofensi receditur, post dies aliquot Parisios usque venit, propter tres dies sacrum diem Paschæ præcedentes in religiosis Ecclesiis ibidem perendinatur, & in Ecclesia Sancti Dionysii sacra resurrectionis dies à nobis festivè celebratur. Et quia eidem ductori nostro mos non fuerat diu in Clausis moram facere, qui in Cellis & Prioratibus solebat delitescere, nobis dixit, de quibus nullam jam suspicionem habuit; quoddam apud Fraxinetum nos vellet præcedere, & quoad utque festa explerentur ibidem nos expectare. Expectatis autem festis ipso providente paratum hospitium inveniremus, & sic communiter & concorditer ad patriam repatriare possemus. Interim nos Parisiis super negotio nostro habito diligenti consilio, die statuto præfatus Prior Fraxinetum rediit, & me qui hæc scribo deosculatum & Deo commendatum Romam transiit.

Vix igitur aut nunquam moram faciens, sed omniferè die capto itinere proficiscens, Verbum tandem deveni, & ibidem Romam inveni: nam dominus Innocentius Papa tertius propter æstivum tempus corpori suo contrarium Româ ad tempus relicta;

Auctor Pa-  
pam Viterbi  
commorante  
reperit.

tamquam in civitate propria ibi manebat, & tam propter quietem Clericorum & Laicorum Curiam suam sequentium, quam propter infinitam multitudinem peregrinorum omni die adventantium urbem opulentam pane & vino copiosam, feno, gramine, hordeo refertam, salubribus etiam balneis, vineis, sylvis & virgultis redimitam in subsidium se sequentium Pastor discretus elegerat, & ibi residebat. Audivimus enim à multis ibidem perendinantibus xl. millia hominum, excepto civitatis populo, per mensem integrum simul & semel mansionem fecisse, & cum domino Nivelone Sueffionensi Episcopo & aliis viris nobilibus omni die confluentibus, apud Constantinopolim quam nuper acquisierat regredi paratos existere, & tamen de omni venali humano corpori aut equis necessario nihil unquam carius venditum fuisse. Vidimus ibi venerabiles Fratres Monachos Cantuarienses, qui ferè per biennium post mortem domini Huberti sui Archiepiscopi, pro duabus electionibus à se factis, & penitus cassatis ibidem moram fecerant; & tandem in venerabilem virum Stephanum Presbyterum Cardinalem compatriotam suum, moribus ornatum, litteris apprime eruditum, de consilio Domini Papæ, sicut dicebatur, consenserant, & eum in Patrem & Pastorem postulaverant: cujus etiam consecrationi post dies aliquot interfuimus, & ipsa die ab eo admoniti & humiliter invitati, ejus commensales existimus. Gratiam quoque ab eo flagitatam prout sperabamus, apud eum invenimus; à præfatis quoque Monachis suis propter penuriam hospitii in spatiosa domo quam conduxerant, sumus ad tempus hospitio recepti, verbis & consiliis officiosè recreati, de statu Curie plenius informati, qualiter ad dominum Papam accederemus, & nostrum negotium exponeremus, & qualiter Cardinales visitaremus sufficienter edocti.

Nactâ tandem oportunitate, ego qui hæc scribo quâdam die domino Papa post somnum meridianum expergefatto, & nusquam occupato, solus ad solum accessi, & eum genibus flexis salutavi; postmodum ad ejus osculum invitatus, & ex hoc exhilaratus ipso jubente ad pedes confedi, privilegium domini Papæ Alexandri dudum Ecclesiæ nostræ indultum explicui & ei exhibui, cunctaque à nobis facta, vel quæ contrâ nos fuerunt attentata ei per ordinem retuli; qualiter contrâ nos appellatum fuerit, & à nobis appellatio abbreviata ad hunc terminum extiterit, dicere non omisi; quid apud Karoffum petierimus, & qualiter repulsam passi fuerimus, ei per ordinem fideliter recitavi, & omnia quæ eum possent movere, prout in Capitulo Karoffensi proposita & ostensa fuere in chartâ brevi annotata, & in modum petitionis formata, cum litteris authenticis ex parte Capituli nostri ei transmissis, & sigillo Capituli signatis ante pedes ejus ponens expolui, & super omnibus retroactis gratiam & misericordiam suppliciter imploravi. Cui ille: Loco, inquit, & tempore petitionem tuam, litteras Capituli tui cum privilegio tuo diligenter audiemus, & ea quæ secundum Deum facere possumus tibi & Ecclesiæ tuæ libenter faciemus: nam tempore quo Parisiis in Scholis sedimus, apud beatum Thomam peregrinantes in Ecclesiâ tuâ hospitium habuimus, & sub regimine cujusdam venerandi Senis prout nobis videbatur, eam in bono statu reperimus. Hæc dicens, quemdam ostiarium ad se accersivit, omnia scripta nostra ei dedit, & Magistro Reinaldo Notario deferenda, dieque suo ea legenda præcepit: & datâ benedictione me ad egrediendum licentiavit.

Ab illa die & deinceps ad Magistrum Reinaldum sæpius recursum habui, & ut petitiones nostras &

negotium quantum in se est expediret, oportunè & importunè institi. Responsum est mihi ab illo, quod consuetudo Curie exigebat sive reum sive actorem per xl. dies continuos adversarium suum expectare debere, & cum de morte vel infirmitate rei vel actoris posset constare Curie, ipsa Curia deberet si vellet negotium ulterius prorogare. Recogitans igitur in memetipso quoddam statum Curie immutare non possem, & si præsentem essent adversarii satis durum contrâ eos congressum haberem, peractis xl. diebus ab octavis Ascensionis in ipsa Curia patienter expectavi; & tandem mediante præfato domino Stephano Cantuariensi Archiepiscopo, quibusdam etiam Cardinalibus pro parte nostrâ partes suas interponentibus, & prænominatis Monachis Cantuariensibus mecum die ac nocte ad aures domini Papæ clamantibus, secundum formam Privilegii domini Papæ Alexandri III. ei ostensam, & coram eo sine tenus lectam, indulgentiam seu confirmationem super libertate electionis sub hac formâ ab eo impetravi:

Innocentius Episcopus servus servorum Dei dilectis filiis Priori & Conventui Monasterii sancti Salvatoris & sanctæ Rotrudis, quod in Tervanensi est parochiâ constitutum, salutem & Apostolicam benedictionem. Cum per privilegium felicitis recordationis Alexandri Papæ prædecessoris nostri quod præsentatum inspeximus, vestro Monasterio sit concessum, ut obeunte ipsius Abbate nullus ibi qualibet subreptionis astutiâ seu violentiâ præponatur, nisi quem Fratres communi consensu, vel eorum pars consilii sanioris secundum Deum & beati Benedicti Regulam duxerint eligendum, auctoritate præsentium districtius inhibemus, ne quis super eadem concessione temerè vos impetere vel molestare præsumat, sed liceat vobis & successoribus vestris secundum ipsam nunc & amodo cum Ecclesiâ vestram Abbatem vacare contigerit, personam idoneam de gremio vestro, vel aliunde per regularem electionem vobis præficere in Pastorem, Karoffensi Monasterio humiliter præsentandum, ut ab ipso confirmationem accipiat, & reverentiam ei quam debet, impendat. Nulli ergo omnino hominum liceat hanc paginam nostræ inhibitionis & concessionis infringere, vel ei ausu temerario contraire. Si quis autem hanc attentare præsumserit, indignationem omnipotentis Dei, & beatorum Petri & Pauli Apostolorum ejus, & noverit incursum. Datum Viterbi v. Nonas Julii, Pontificatus nostri anno decimo.

Dum in Curia Romanâ hæc aguntur, dum bona Andrensis Monasterii ibi largius expenduntur, supranominatus Gaufridus de Aubis, qui ab Abbate & Capitulo Karoffensi dux itineris nobis ad repatriandum fuerat delegatus, Priorem nostrum per Fraxinetum revertentem per dies aliquot detinuit, pro eo quod me qui hæc scribo secum minime reduxit. Deinde Priore de manibus ejus elapso, & domui propriæ restituto, Abbatem Karoffensem in subsidium sui ut Flandriam expeteret, invitavit; ea quæ de Priore & de me qui hæc scribo acciderant, scripto intimare curavit: nisi ab eo quantocius subveniatur, & per eum tam Episcopus Morinensis quam Comes Gishensis prece flactatur & pretio, perpetuum dedecus & opprobrium Ecclesiæ Karoffensi imminere mandavit. Nec mora, conventus Karoffensis Abbatem suum contrâ nos ad duellum provocavit: pro eo quod simplex erat & minus litteratus, quosdam litteratos & garrulos ei sociavit. Egressus à Pictaviâ, præteritâ Franciâ & transcursâ, Flandriam intravit, dominum Morinensem Episcopum eatenus nobis propitium, promissis l. marcis argenti ab adjutorio nostro avertit & amovit. Quâ

Prælati Andrensis partes tuentur.

Pontificis Charta liberam Andrensis Abbatis electionem concedens.

1207.

Karoffensis Abbas Flandriam ingressus, Andrensis negotium facit.

Cantuariensium Monachorum in Andrenses humanitas.

Auctor agitatorum negotiorum Pontifici exhibet.

Pontifex benigne respondet.

promissione illectus idem venerabilis Episcopus, ad instantiam Abbatis & Monachorum Karrofsium ejus aures die ac nocte inquietantium, hujus Ecclesiæ Capitulo scripsit, ut infra octo dies de Karrofsi Collegio Abbatem eligerent, alioquin se pro suspensis & excommunicatis haberent. Et in hoc quidem facto se idem Episcopus delusum sensit, quia nec promissam pecuniam sicut sperabat recepit, nec fidejussores inde habuit, quia infra paucos dies morti debitum solvit, & tamen per litteras & contra nos in hac patriâ publicatas, & postmodum in Curia Romanâ in præsentia domini Papæ & Cardinalium recitatas nobis in quantum potuit nocuit. Adversarii interim nostri domini Episcopi consilio destituti, ad Comitem Gisensem & Comitissam personaliter accedunt, octoginta marcis eis promissis, & decem eorum Consiliariis. Tam per eadem promissa, quam per quædam scripta eis ostensa, eos à fidelitate nostrâ avertunt. Jam eatendū Karrofses processerant; jam usqueadeo Comitis & Comitissæ animos per promissa attraxerant, quod statim ut prædictæ lxxx. marcæ persolverentur, in veram possessionem Andrensis Monasterii mitti, imò potius intrudi per manum militarem debeant.

Prior autem Ecclesiæ nostræ Fratrum suorum consilio animatus, malens de bonis Ecclesiæ pacem suam ad tempus redimere, quam perpetuis temporibus hostium tyrannidi subiacere: sciens etiam oportere finaliter persolveri quod ardentè desiderabant contra jus & contra fas præfati Patroni, ad eos accessit, voluntates eorum mutavit, dicens eis tolerabilius esse, ut promissam pecuniam pro jure nostro conservando à nobis acciperent, quam si propter eandem promissionem adversarios nostros in suâ injuriâ manutenerent. Ex verbis ergo Prioris certificati sunt Patroni, repulsam passi sunt adversarii, & sine honore de patriâ exire compulsi. Moritur interim dominus Lambertus Morinensis Episcopus, & in loco ejus Joannes nepos ejus eligitur, Morinensis Archidiaconus. Litteræ ejusdem Episcopi nobis aliquando nocituræ hostibus supersunt, sed promissam ei pecuniam nemini persolvunt. Denique ad dominum Regem Francorum Philippum tamquam ad specialem patronum ab eis acceditur; consilium ejus & auxilium contra nos invocatur; sed lites & contentiones Monachorum & Clericorum ad se minimè pertinere ab eo breviter respondetur.

Interea Comes Gisenensis Arnoldus post guerras & contentiones multiplices inter se & patrem suum ex unâ parte, & Reinaldum Comitem Boloniensem ex alterâ, per multos annos habitas, guerras cupiens terminari, & eidem Comiti reconciliari, ad hoc ut quosdam Nobiles qui dissensiones & odia inter eos seminaverant posset subjugare, & eorum virtutem comprimere: cupiens etiam quasdam paludes & marefcos inter se & Comitem Boloniæ communes dividi & limitari: & perpendens hæc omnia per neminem melius & facilius quam per Simonem Priorem de Wasto, qui Comitiserat Ballivus & Consiliarius, posse fieri, cum eodem Priore frequens colloquium habuit, Salomonem quemdam veteranum de Savinghem tam suum quam ejusdem Prioris hominem ad eum sæpius misit, ab eo sæpius remissum diligenter audivit, nec prius hoc colloquium prodigiosum & proditione plenum desit, quam si voluntas Comitis per Priorem perficeretur, Abbatiam Andrensem eidem Priori promisit. Quid multa? Comes & Comitissa de suâ spe certificantur; Prior cum quibusdam Senioribus nostris cum festinatione ab eis invitatur: Prioris probitas & magnanimitas, providentia ejus & opera mirifica co-

ram Fratribus nostris explicantur, ut eum Abbatem eligant, & à sociis suis eligi faciant & verbis exorantur & minis incitantur. Dicitur eis publicè quod si in eum consenserint, in utroque Comitatu nullus eis poterit obesse; si autem huic consilio non acquieverint, in Comite vel in Comitissâ, vel eorum parentelâ spem de cætero desinant habere. Fratres igitur nostri taliter compellati, ad Fratres suos redeunt; visa & audita eis pandunt; si Prior de Wasto eligatur, consilium & auxilium Comitis & Comitissæ promittunt: si autem aliter agatur, tribulationem & dolorem imminere prædicant. At illi more Claustralium trepidi, & juramenti prioris prorsus obliti, & quid in Curia Romanâ gereretur minus solliciti, dum domnum Simonem Priorem de Wasto in Patrem & Pastorem elegerunt, *Te Deum Laudamus* solemniter cantaverunt, & cætera ad electionem pertinentia ritu solito peregerunt. Abbas verò Karrofsensis adhuc in Remensi provinciâ moram faciens, super his quæ hîc gesta sunt certos rumores audiens, & de Flandrensi contra nos auxilio de cætero diffidens, prænominatum Gaufridum de Aubis contra nos armavit & instruxit, ut ad Curiam celeriter pergeret, & nobis modis omnibus resisteret districtè mandavit: litteras de ratihabitione & de pecuniæ mutatione pro libito suo ei concessit.

Ego igitur qui hæc scribo interim in Curia fatigatus, & jam de duplici quadragenâ propter expectationem adversarii in Curia peractâ mœtus & sollicitus, & ob hoc ante domini Papæ præsentiam, & tam in Notarii nostri audientiâ, quam in Cardinalium præsentia super morâ diuturnâ conqueri coactus, paucis tandem diebus ante beatæ Virginis Assumptionem multis & gravibus personis pro me orantibus, cum domini Papæ benedictione, cum impetrati negotii exhibitione, cum multorum fidelium ibidem commorantium tristitiâ & dolore, cum illorum qui nobiscum redibant gaudio & exultatione, Curia salutata per montem Jovis iter alacriter aggressi sumus, & paucis diebus evolutis eventu prospero ad natale solum pervenimus. Invenitur à nobis Conventus de nostro adventu jucundus: Electus à Conventu nos honorificè recipit, & à nobis est honoratus: me qui hæc scribo ad consilium suum & servitium invitat; nec est repulsus; aliquando enim cum eo existens, aliquam in Conventu moram faciens, nec Conventum super aliquâ transgressione arguere volui, nec contra eum aliquid attentavi.

Supradictus interim Gaufridus per valles quæ dicuntur Morianæ, & per terram Comitis Sabaudia multiplici munimento fraudis & nequitia, litterarum & pecuniæ circumquaque armatus Roman tendit, domini Papæ præsentiam expetit, Cardinales visitat; Notarios inquit, à quibus, quid ab Andrensi Procuratore gestum sit vel impetratum, discussis eorum notis & schedulis quærit & invenit. Dominus Papa demum repetitur, de falsâ suggestionem Procurator Andrensis coram eo arguitur: quædam Charta à domino Gerardo Morinensi Episcopo confecta, & super subjectione Andrensis Monasterii Ecclesiæ Karrofsi indulta ei injuriæ exhibetur, sententia quoque domini Morinensis Episcopi jam defuncti contra Andrenses edita nihilominus ostenditur. Denique cum idem Gaufridus pretio ducentarum marcarum illud quod ab Andrensi nuntio fuerat obtentum intenderet revocare, & antiqua privilegia renovare, & super his exequutores habere, Curia Romana talibus assueta oblatas quidem ducentas marcas retinuit, & eundem Gaufridum quibusdam commissionibus honoratum,

Prior de Wasto in Abbatem ab Andr. eligitur.

Auctor in Fland. reversionitur.

Gaufridus Karrof. Procurator Re-  
negotium curat.

imò



imò potius oneratum, ad natale solum remansit.

Dum hæc aguntur, rumor miserabilis fines penetrat Flandriæ, quare angulosus Rex Anglorum Joannes exire de Regno suo jubet totum Conventum Ecclesiæ Christi Cantuariæ præter quosdam, paucos tamen, suæ faventes malitiæ & nequitie. Videns enim licet serò, se Norwicensem Episcopum in Ecclesiâ Cantuariensem intrudere non posse, & ad petitionem Monachorum Cantuariensium venerabilem virum Stephanum ac Presbyterum Cardinalem ad ipsius titulum à domino Papa jam consecratum fuisse, se intrâ se capere non potuit, sed contrà eos in irâ totus exarsit, exilio eos relegari; & bona eorum confiscari mandavit. Quotquot igitur de ipsius Regno sunt expulsi, ab Abbatibus & Conventibus terræ istius cum omni humanitate, affectu & pietate sunt admissi, & per sex annos continuos liberaliter exhibiti. Præfatus etiam Comes Gislebertus audiens quod suam terram intraverant, Gaufrido tunc Priori & suo Conventui affectuosè occurrit, & eos salutatos apud Tornehem caltrum suum honorificè perduxit cum Comitissâ, eos suamque familiam prandere coegit, & ipsemet eis in prandio officiosè ministravit: lautè pransis & copiosè cibatis cum essent lxxx. Monachi vel amplius, singulis prout cuque opus erat equitaturas & electiones providit, & usque ad sanctum Audomarum eos perducere præcepit, famulis eorum & servientibus, quos usque ad centum habuisse dicitur, quibusdam equitantibus, quibusdam sicut moris est pede proprio terram terentibus. Quod dum Conventui sancti Bertini nuntiatur, ordinatâ processione solemnè eidem Conventui occurritur; sicque in foro rerum venalium multis lacrymantibus tam viris quàm mulieribus Conventui à Conventu occurritur, & in loco magis celebri mutua charitas in oculis, & in osculo pacis confœderatur: sicque per dies aliquot grex duplex in uno ovili concorditer & conformiter cohabitavit & commoratur. Postremò Cantuarienses per diversa Monasteria Franciæ & Flandriæ Fratres suos intendunt transmittere, & apud sanctum Bertinum quosdam retinere, ne propter sui multitudinem eis valeant onerosi existere: sed è contrario ab Abbate & Conventu sancti Bertini eis offertur, imò & supplicatur, ut ipsi in eodem loco residentes, Deo servientes & de bonis Ecclesiæ viventes permaneant Conventum autem sancti Bertini circa mare magis notum per vicina Monasteria dispergi sustineant. Ad ultimum Priore Cantuariensi cum octo Fratribus ibi retentis, Conventus per diversa loca transmittitur; & exilii tribulatio quondam à Beato Thoma ab exilio revertente eis & Fratribus eorum promissa veraciter adimpletur.

Eodem anno omnibus præscriptis super istius loci statu, ut dictum est, contingentibus, & Fratribus nostris de sæpenominati Gaufridi de Aubis progressu vel regressu, nunc diversa, nunc adversa suspicantibus, ecce subito rumor percipit ipsum Gaufridum in Franciam advenisse, & multiplices contrà nos litteras attulisse. Monachi Claustrales, ut moris est, circumquaque paventes, & ad electum suum tam per se quàm per nuntios frequenter recursum habentes, regressum adversarii nuntiant; consilium ejus & auxilium contrà eum frequenter implorant, & parum proficiunt dum multum laborant. Nam familiaris occupatio eis objicitur, Cluniacensis Monasterii subjectio, & bonorum sibi commissorum moderatio non tacetur, totius quoque Comitatus Boloniensis dispositio coram oculis eorum proponitur, dum manifestè demonstrat quod ad hæc omnia disponenda ex suscepto officio teneatur.

Tom. II.

Pervenit interim citatio mandati Apostolici coram domino Gaufrido Silvanectensi Episcopo & judicibus ejus, ad diem certam Priorem & Conventum Andrensem præcipientes Sylvanectis comparere: sed & alia citatio non minus rigida coram Theobaldo Francigena Arienli Canonico & ejus Collegis, præcipientes nihilominus eisdem Priorem & Conventum apud Ariam ad certum diem personaliter adesse. Invitatur iterum Electus noster, ut pro se & Conventu suo jus suum & nostrum prosequatur, advocet Advocatos, consulat Consiliarios, iter urgens & imminens impiger aggrediatur. Et quoniam in Morinensi Ecclesia post obitum domini Lamberti Episcopi propter electionem & ordinationem domini Joannis successoris sui schisma & dissensio esse cœperat, ita quod eadem Morinensis Ecclesia eundem Electum nostrum à Fratribus nostris sibi præsentatum propter multiplicem appellationem quæ præcellerat, confirmare non audebat: idem Electus à Jurisperitis edoctus videns sibi laborem & dolorem imminere, & ad hoc ad quod aspirabat vix aut nunquam posse pertingere, maxime cum à jugo Cluniacensi nondum solutus esset, nec ab Ecclesiâ Morinensi confirmationem desideratam propter causam præmissam habere posset; simulque perpendens sicut vir discretus, quod ad electionem de se factam omnino per ostium non intrasset, sed aliunde ascendisset, multas causas honestas prætendens tam de commissis sibi Prioratibus, quàm de Comitibus Boloniæ occupationibus, electionem cui prius adhæserat omnino repudiavit, & tam verbis quàm scriptis ad nos & ad Ecclesiâ Morinensem transmissis sponte idem renuntiavit.

Hujus itaque loci amici & vicini considerantes quod Ecclesia in magno periculo esset, & eidem jam naufragium immineret, nisi aliquis pro universitate se opponeret, Priori & Conventui dixerunt: Ecce quem timebatis dicitur in Franciam jam venisse, & Instrumenta multiplicia ad impugnandam & dissipandam unanimatem vestram secum à Curia detulisse; si vos alicubi citari fecerit, proculdubio nimis erit grave, sumptuosum & importabile, ut multitudo ad citationem compareat; si verò quis Clericus procurator constitutus fuerit, vobis certè cedet in dedecus & opprobrium, quia non credetur in Collegio vestro esse qui causam Ecclesiæ defendere prævaleat: proinde nobis videtur tutum & vobis necessarium, ut de gremio vestro ad executionem causæ vestræ vobis præficiatis Electum, quia nullus tam diligenter negotium prolequetur & perorabit, quàm ille cujus est proprium. Neque enim de cætero sperare debetis, quod Prior de Walto pro negotiis vestris exequendis opem vel operam dabit, qui à curâ & sollicitudine vestrà seipsum absolvit.

His verbis & his similibus Fratres nostri admoniti tam à personis religiosis, quàm ab illis qui videbantur in jure periti, electionis diem constituerunt, & me qui hæc scribo in Patrem & Pastorem concorditer elegerunt. Trium autem dierum spatio vix elapso, ecce edicto peremptorio Prior cum suo Conventu Silvanectis coram Episcopo Gaufrido & suis judicibus ad certum diem citatur; & ad quintam diem proximò sequentem apud Ariam contrà Karrofenles nihilominus peremptoriè adesse jubetur. Imminente die Silvanectis præfixo, iter urgetur, ibidem tenditur, & in brevi spatio pervenitur: parte adversâ per conductos pugiles coram delegatis multa allegante, & parte nostrâ parum, aut nihil respondente, forma mandati Apostolici, libellus conventionalis cum Canonicis induciis petitur à nobis & impetratur. Apud Ariam verò reversus id ipsum à nobis fit, excepto eo quod sustinere nolimus, ut alius dies no-

OOOO

Cantuariensium Monachi à Rege Angl. opprimuntur, quod ab illo electum Archiepisc. reculerent.

Gaufr. Prior Cantuar. per benignè cum suis à Comite Gisleb. excipitur.

In eisdem summa Sithienensium charitas.

Gaufridi Karrofenlis reditus Andrensis sollicitudinem infert.

Andrenses in suis variis in locis vocantur.

Prior de Walto electionem suam abdicat.

Guillelmus Auctor hujus Operis fit Abbas Andrensis.



Contra Karro-  
rosensium ne-  
gotia An-  
drenf. Pontifi-  
cem appel-  
lant.

1208.  
Anglia inter-  
dicto subja-  
cet.  
Albigensium  
hæresis.

Karrofensiu &  
Andrenfium  
Silvanectis lis  
agitur.

bis peremptorius præficeretur : concilio enim petito-  
rum freti , & commissionem conferentes commissio-  
ni , petitionem quoque petitioni ad declinandum fo-  
rum judicium , coram eis allegavimus quoddam ex quo  
per duplicem commissionem pars adversa coram  
Silvanectensibus , & coram Arienfibus super eodem  
negotio , & eisdem articulis nos intenderet impete-  
re , secundum jura scripta & expressa carere debe-  
ret commodo utriusque. Facta autem eis copia Sil-  
vanectensis commissionis & formatæ ibidem petiti-  
onis , ne quid contra nos ulterius attentarent , ex par-  
te domini Papæ à nobis est eis inhibuit , & coram  
testibus idoneis ad eundem dominum Papam pro  
parte nostrâ appellatum. Sicque tandem ab eis ap-  
pellationi delatum.

Anno Domini M. CCVIII. propter Ecclesiam Can-  
tuariensem tota Anglia sub interdicto posita est ,  
nullis celebrantibus Divina præter Cistercienses. In  
provincia sancti Egidii hæresis Albigensium detecta  
est , cujus professores virum venerabilem Petrum  
Apostolicæ sedis legatum ob confessionem JESU-  
CHRISTI nequiter peremerant. Philippus cognom-  
ento Suavus jam factus Rex Allemanniæ , ad Im-  
perium Romanorum aspirans , à quodam Duce suo  
gladio percussus interiit.

Imminente die à Silvanectensibus indicta , paucis  
assumptis nobiscum , & aliquibus peritis in jure à  
Parisiis evocatis , in multitudine gravi Karrofenses  
invenimus , ex quibus quidam statim à Karrofo ve-  
nerant , quidam verò cum Priore de Fraxineto eis  
occurrerant. Judicibus itaque nostris coadunatis , &  
post prandium pro tribunali sedentibus , quidam  
partis adversæ patronus magno pretio conductus ,  
sperans magna lucrificare , magnam verborum con-  
geriem cœpit evomere ; & nos ad respondendum  
prout dies exigebat verbis cœpit exigere , & multis  
rationibus compellere. Replicavit è contra pars nostra ,  
nos ibidem nec velle nec debere respondere ; sed ta-  
men ad declinandum forum eorum breviter dicere  
illud idem quod Ariæ nuper diximus , ubi similiter  
coram delegatis præsentibus exstitimus , quoddam ex quo  
adversarii per duplicem commissionem super eodem  
negotio , & eisdem articulis nos vexare intendebant ,  
utriusque commodo carere debebant : unde ab eis-  
dem Judicibus petitum est , ut sicut commissionis  
ad eos transmissæ copiam haberent , ita etiam for-  
mam commissionis Arienfis Judicium sigillo signa-  
tam coram se legi facerent , & habitâ collatione su-  
per utrâque commissione utrum ad unum finem ten-  
derent , & in principio , & in medio idem saperent ,  
ipsi Judices judicarent. Quod constanter denegan-  
tes tam dictus Episcopus quam sui conjudices , dixe-  
runt commissionem quamdam ad eos directam fuisse ,  
de aliâ commissione eis minimè liquere , & si eorum  
sententiam expectare vellemus , judicium proculdu-  
bio æquitatis ab eis reciperemus. Quibus pro parte  
nostrâ fuit responsum : Vestro judicio nunquam sta-  
bimus , ne aliquo modo æquitatem à vobis repor-  
tare sperare possemus , ex quo in tantum Judicium  
officium affectatis , & gratiam nobis denegatis , quam  
ab Arienfibus nuper reportavimus. Præterea vos ,  
domine Episcope , specialiter suspectum habemus ,  
& justas suspicionis causas coram vobis & vestris  
colligis contra vos prætendimus , & ad probandam  
suspicionem injustam arbitros petimus. Nam fra-  
trem vestrum germanum Silvanectensem Archidia-  
conum , quem modo habetis assessorem , tam in  
cœnâ serotinâ , quam in prandio hodierno adversa-  
riorum nostrorum hospitem vidimus & commensa-  
lem , unde à vobis simpliciter volumus audire , utrum  
appellationi nostræ deferre velitis , vel propter justam  
suspicionis causam probationem nostram recipere.

Respondente Episcopo de consilio Conjudicum  
quoddam omnia frivola essent , quæ pro parte nostrâ al-  
legata fuissent , se nec appellationi deferre , nec pro  
aliquâ suspitione quæ nulla erat , probationem velle  
suscipere , Pars nostra illic respondit : Pro hoc ergo  
gravamine Domini Papæ audientiam appellamus ,  
personas nostras , bona Monasterii nostri ejus pro-  
tectioni supponimus , à vobis etiam Apostolos peti-  
mus , à fidelibus autem qui præsentibus sunt , loco &  
tempore testimonium veritatis humiliter postulamus.  
Sicque à nobis discessum est , sed ab eis appellationi  
minimè delatum. Nos interim coram se citari fa-  
ciunt , & peremptoria edicta ad plures personas  
transmittunt : ad nullum autem eorum personaliter  
comparemus , sed appellationi factæ firmiter inhæ-  
rentes , aliquos nuntios quandoque transmisimus  
cum litteris de rato , ut per eos appellationem factam  
innovemus. Ipsi verò judices se contemptui haberi  
credentes , nos punire statuunt quasi contumaces ,  
& per totum Morinensem Episcopatum nos præci-  
piunt excommunicari , bona nostra exponi , omni-  
bus illis similem excommunicationem sortitis , qui  
molendinis nostris molerent , qui furnis nostris pa-  
nes coquerent , qui census annuatim debitos nobis  
persolverent.

Sententiâ interim de die in diem contra nos cres-  
cente , & Ecclesiâ præsentem minimè cessante , sed  
appellationi firmiter adhærente , solemnibus dies beate  
Rotrudis imminerebat , & ad sui venerationem tam  
vicinos quam extraneos invitabat : sed me qui hæc  
scribo consueta devotio ut vacarem Festo retinere  
non valebat , in me ipso enim deliberans manifestè  
cognovi quoddam si Festo interessem , propter latam  
jampridem sententiam multorum scandalum incur-  
rerem ; si verò ante festum ad Curiam ad quam ap-  
pellavi iter arriperem , & meam conscientiam prop-  
ter appellationis executionem emundarem , & Fra-  
tres appellationi inhærentes ad opus Dei devotius  
perficiendum expeditiores efficerem. Paucis denique  
diebus ante diem festum salutatis Fratribus , & ad  
pacem & concordiam eis invitatis , assumpto mecum  
quodam Fratre Sacerdote & Monacho iter arripui ,  
& per vicina Monasteria aliquandiu delitui , nolens  
Italiam intrare quamdiu æstatis duraret intemperies ,  
licet mente revolverem quoddam in anno transacto me  
Deus inde reduxerit contra multorum opiniones.

In nocte igitur sanctæ Rotrudis apud sanctum An-  
drem in Pontivo pernoctans , & tam de tempore  
transacto quam de imminente negotio multa in me-  
metipso deliberans , statim somnus fatigato subrep-  
sit , & sive phantasma sive illusio nocturna , sive  
visio , somnium existerit , credo quoddam prælagium  
futurorum fuit. Videbar enim videre me & omnes  
Fratres meos Andrenses Monachos propter secessum  
naturæ latrinam quamdam spatiosam intrasse , &  
cum nox esset totum lumen subito extinctum fuisse ,  
ita quoddam nullus nostrum aditum per quem ingressus  
fuerat , ut inde egrederetur , potuit excogitare : &  
ecce subito ingenti laternâ præcedente dominum  
Papam transire video ; surgens & eum sequens tim-  
briam cappæ ejus apprehendo , Fratres & socios ut  
alter alterum teneat & præcedentes sequatur invito :  
Dominum quem tenebam ut de domo tenebrosa &  
de loco horroris nos educat , humiliter exoro. At  
ille subridens clementer annuit , singulos & omnes  
eduxit , & in Ecclesiâ eleganti relictis Deo psallere  
mandavit. Expergefactus à somno nobis victoriam ,  
hostibus confusionem cœpi intra memetipsum pro-  
mittere ; per Franciam & Burgundiam iter potius dif-  
ferre , quam accelerare , ut peracto autumnali pe-  
riculo circa Festum sancti Michaelis domini Papæ  
conspectui nos possemus competenter præsentare.

Alterum An-  
drenf. Pontifi-  
cem appellat.

Romam per-  
venit.

Pontificem  
Ferentini de-  
gentem invi-  
sit.

Romam itaque ante Festum S. Michaelis cursu prospero advenimus, excepto quoddam quemdam de pueris nostris qui nimis avidè hieus & uvas, & alios fructus autumnales prægustaverat, & ob hoc indy-  
fenteriam lapsus fuerat, ibidem languentem reliqui-  
mus, & postea circà Festum S. Martini eum in  
Claustro Lateranensi honorificè tumulavimus; do-  
mino autem Papa calores æstivos Romæ præcipue  
nocivos jampridem fugiente, & adhuc in Campa-  
niâ, quæ specialis ejus est terra, moram faciente apud  
urbem fertilem Ferentinam, ad eum accessimus, &  
eo humiliter salutato, & negotio pro quo adveni-  
mus verbis brevibus ei exposito, in osculo pacis ab  
eo recepti, & ejus benedictione confortati, quinque  
hebdomadas in ejus Curia nihil negotii facientes con-  
tinuavimus: postea Omnium Sanctorum festivitate  
transactâ, tota Romana Nobilitas dominum Papam  
ad celebrandam Lateranensis Ecclesiæ dedicationem,  
quæ est in festo Theatri Martyris humiliter invitat;  
Senatorem urbis, qui quasi ipso invito dominium  
tenuerat, sponte cellurum denuntiat, quemcum-  
que de Nobilitate urbis ad illud officium voluerit in-  
stitui, eum tota urbs lætabunda expetit & exspectat.  
Imminente dedicationis die dominum Papam Ro-  
mam tendentem prosequimur; obviantes ei militum  
catervas Nobilium, purpurâ & bysso cocco & fe-  
rico amictorum, & equis pretiosis & multipliciter  
phaleratis invectorum vidimus & mirati fuimus: ad  
ultimum solemnem processionem extrâ mœnia. Ur-  
bis tam ex Hebræis quàm Christianis ex omnibus  
Collegiis Urbis coadunatis eidem domino Papæ oc-  
currentem, & secundum uniuscujusque ordinem  
laudem & gloriam ei exhibentem, Ecclesiam Salva-  
toris sui que Præcursoris ipsum cum Cardinalibus  
primò intrantem è vestigio prosequuti sumus.

Per mensem ferè integrum adversarios postea com-  
pulsu fuimus exspectare; quia ipsis absentibus nihil  
omnino potuimus impetrare: tandem adveniente  
suprà nominato Gaufrido de Aubis, me instante, qui  
hæc scribo, dum ipse negotium vellet differre, &  
multitudinem Advocatorum conducere, ante do-  
mini Papæ præsentiam adsciscitur, de providendo  
nobis auditore tractatur, à me qui hæc scribo om-  
nis auditor, præter illum qui tunc nos audiebat,  
tamquam suspectus repudiatur, ut ipsemet nos au-  
diat & causam terminando discutiat à nobis humi-  
liter imploratur, petitioni factæ acquiescit, &  
certa nobis dies assignatur. Præfatus interim Gau-  
fridus patronorum suffragium multiplex exquirat,  
multa dat & plura promittit, aliquos etiam quos  
mihi conjunxeram à meâ fidelitate avertit, alios ut  
ei assisterent dato pretio attraxit, alios ne eis obli-  
terent nihilominus conduxit. Die statuta circumse-  
dentibus Fratribus, statim post Missam dominus Papa  
in Consistorio sedit, Clericorum & Religiosorum  
multitudo præsens ibi adfuit, ut Karrofsium &  
Andrensi causâ tractaretur verbo & putu præ-  
cepit.

Ego igitur qui hæc scribo videns & considerans  
novem advocatos præcipuos memoratum Gaufridu-  
m circumstare, & me nonnisi duos à latere ha-  
bere, verba eorum qui jam proferre incipiebant an-  
ticipans, dixi domino Papæ: Pater sancte, in Curia  
vestrâ malè contrà me agitur contrà parvitatem  
meam & paupertatem, adversariorum abundantia  
fraudem & dolum manifestè machinatur, dum duos  
ad minus patronos secretorum meorum conscios,  
& si nondum salario, certo tamen mihi pretio ad-  
strictos, mihi abstraxisse, & in partem suam attra-  
xisse videtur: dato etiam aliis Advocatis magno pre-  
tione, sicut probare paratus sum, ne per eos causæ  
nostræ subveniant. Si ergo Sanctitati vestræ æquum

videatur, ut cum duobus Patronis qui ad adversa-  
rio corrumpi noluerunt, imò mihi fideliter addi-  
terunt, contrà novem famosos certamen debeam  
inire, libenter obediam: quia quicquid hodie co-  
ram vobis tractabitur, magis in facto quàm in jure  
reor consistere. Ego enim ab annis paucis sum  
Monachus, & Juris ignarus, sed super facto hu-  
jus negotii quod cum adversario commune habeo,  
tam de visu quàm de auditu plenius instru-  
ctus. Percunctante domino Papa quinam essent illi  
qui consilii mei conscii, me relicto ad adversarium  
meum transissent, eos nominavi & digito ostendi,  
quibus à domino Papa terribiliter adjuratis ut veri-  
tatem dicerent super præmissis, se quidem publicè  
recognoverunt consilio interfuisse, sed à nobis  
nihil recepisse: & nos, inquit dominus Papa, quia  
utrique consilio vos ambitiosè ingressistis, quod pro-  
cul dubio contrarium esse sciebatis, vos tamquam  
infames ab utroque amovemus, & ne hinc inde sa-  
larium vobis decur distriktus inhibemus.

Recedentibus illis, unus ex septem residuis à  
globo veteri telam ordiens, proposuit Karrofsense  
Cœnobium ab antiquis temporibus nobiliter funda-  
tum, in tantâ gloria à sui fundacione enituisse, & in  
tantum honorem circumquaque excrevisse, quod  
in multis terrarum locis Abbatie ei subiciebantur,  
Prioratus conferebantur, villæ dabantur, & opida,  
& cætera usibus Monachorum necessaria à Regibus  
terræ & Principibus liberaliter offerebantur: inter  
quos Balduinus quidam Gisenfium Comes & Adela  
uxor ejus Comitissa locum, in quo Andrense Mo-  
nasterium situm est, cum appendiciis suis dederunt  
Ecclesiæ Karrofsensi, annuente hoc & per Privile-  
gium confirmante domino Gerardo Morinensi  
Episcopo eorum diocæsano: qui Episcopus instituit  
per privilegium quod præ manibus habemus, quod  
si præfatus locus divino munere adeo pullularet, ut  
Prior aut Abbas constitueretur ibidem, electio ejus  
penes Abbatem & Conventum Karrofsenses pendeat:  
& hoc quidem statutum per centum annos & am-  
plius, & præcipue in electione sex Abbatum conti-  
guè succedentium fuit observatum, qui omnes de  
gremio Monasterii Karrofsensis fuerunt assumpti, &  
Andrensi Cœnobio prælati. Quod ut Sanctitati ve-  
stræ manifestius eluceat, queratis à procuratore ejus-  
dem loci utrum ea quæ dicimus credat sic se ha-  
bere, quia in instanti parati sumus omnia pro-  
bare.

Denique domino Papa præcipiente ut Morinensis  
Episcopi privilegium, cui intantum innitebantur,  
exhiberetur in jure, exhibitum & sine tenus lectum  
fuit; & eo lecto ad me qui hæc scribo dominus Papa  
dixit: Contra hoc Statutum vel contrà hoc privile-  
gium visne aliquid dicere; ea autem quæ in eo con-  
tinentur scis, aut credis vera esse? Ad quem ego:  
Statutum quidem sic esse esse credo, & contrà Mo-  
rinensis Episcopi scriptum nihil dico, quia illud idem  
penes nos esse scio, excepto eo quoddam neque Mona-  
sterii alienius Patronus laicus per suam donationem,  
neque Diocæsanus per suam confirmationem jus  
commune omnibus generaliter concessum ex suâ spe-  
cialitate coangustare possunt aut restringere, quia  
jus commune nobiscum est: & præterea nos domini  
Papæ Alexandri super libertate electionis Privilegium  
constat habere, quod, Pater sancte, in anno præ-  
terito vestra dignatio vidit & sine tenus legit, & Ec-  
clesiæ Andrensi dignata est confirmare. Ipsi autem  
Ecclesiæ Fratres tam juri communi, quàm eidem  
Privilegio & vestræ Indulgentiæ innitentes, jam ferè  
per biennium Pastoris solatio carentes, me nuper in  
Patrem & Pastorem elegerunt, & per litteras iusti-  
ficientes Abbati & Capitulo Karrofsensi humiliter præ-

Karrofsensi  
jus in Andren-  
ses proponi-  
tur.

Proposita &  
obj. ta au-  
ctor diluit.

Auctor corâ  
Pontifice per-  
orat.

sentaverunt, quatenus secundum indulgentiam à vobis, Pater sancte, concessam sibi de electione cognosceretur, de moribus inquirerent, de scientiâ examinarent, & prout de jure faciendum esset ipsi electionem de me factam confirmarent, vel infirmarent. Quæ petitio statim ut ad eos venit, sine causæ cognitione repulsa fuit, nec mihi eorum alumno cum familiâ modicâ saltem per unam noctem infra ipsorum Monasterium licuit habitare, sed expulsos de Monasterio & contumeliosè ejectos infra unius burgeus domum jam latronibus expositos oportuit perendinare. Quod ergo ab eis mihi denegatum est, à vobis, Pater sancte, mihi concedi peto: electionis formam, qualemcumque personam meam, & omnes juris circumstantias vestræ discussioni & examinationi humiliter & devotè suppono; quodd nihil contrà jus commune attentavi, vel pro me ab aliis attentari permisi manifestè propono, & cum ad præsens contrà matrem meam Karrofsensem Ecclesiam nihil intendam criminaliter agere. Licitum tamen mihi videtur ut super expensis ibidem extrà Monasterium à me invito factis debeat restitutionem habere, & idè tam de ipsis quàm de aliis in Curia vestra factis vel faciendis judicium à vobis & justitiam non pudet exigere.

Iterum præ-  
sente Pontifice  
Karrof. & An-  
drenf. lis agi-  
tatur.

Adversarii autem formidantes ne pro verbis non eleganter sed humiliter propositis dominus Papa aliquam gratiam parti nostræ faceret, unde eorum jurisdictio in aliquo deperiret, dicebant se Instrumenta domi habere, & hæc potissimum ad causæ suæ commodum pertinere, & ideo ad diem crastinum causam prorogari petebant, quare se eisdem Instrumentis roboratos, & magis consultos venturos prædicebant: sicque ad eorum instantiam Consistorium dissolutum, & ab omnibus generaliter discessum est. Sequenti die dominus Papa consueto more post Missam in consistorio residens, & miserabilium personarum petitiones recipiens, præcepit ut de Karrofsensium & Andrensi negotio tractaretur. Adversarii autem ex hesternâ promissione se audientiam habere gaudentes, quidquid ex nocturnâ deliberatione, quidquid ex ipsius diei longâ præmeditatione potuerunt in unum concervare, totum dignum duxerunt ad hunc finem deducere, ut Electionem factam de me, qui hæc scribo, elidere possent & cassare. Unde domino Papæ dixerunt; Pater sancte, iste Andrensis Ecclesiæ procurator qui se ipsius Ecclesiæ electum dicit, quique heri à vobis confirmationem petiit, in suâ petitione non est audiendus, imò à confirmatione prorsus repellendus, sicut in instanti parati sumus probare. Cum enim venerabilis Morinorum Episcopus Lambertus vacante Monasterio Andrensi, ejusdem conventui per litteras patentes sub interminatione suspensionis & excommunicationis præcepisset, ne aliquem nisi de Collegio Monasterii Karrofsensis eligerent, nec contrà consuetudinem approbatam aliquid novi attentarent: iste sui Diocesanî sententiam non formidans, contrà ejus inhibitionem elegi se permisit, & ob hoc meritò sententiam incurrit, ejus quoque Capitulum se potestate eligendi saltem hac vice privavit. Et his dictis pars adversa litteras Morinensis Episcopi domino Papæ exhibuit.

Innuente autem ipso ut responderem, sic cœpi: Certum est, Pater sancte, quodd antequàm litteræ istæ fuissent impetratæ, ego ad audientiam vestram pro me & Ecclesiâ vestrâ appellaveram, & indulgentiam vestram super libertate electionis ad exemplar privilegii domini Papæ Alexandri à vobis impetraveram: nec possum credere quodd me appellationem prosequentem, vel Conventum meum appellationi factæ firmiter inhærentem, litterarum

quas videtis communicatio posset ligare, vel electionem impedire; maximè cum usque hodie tota Morinensis Ecclesia & tota vicinitas nostra de hac sententiâ nihil sciens cunctatur; quos si ligatos vel sententiatos quoquo modo cognosceret, tamquam ethnicos & publicanos arctius evitare teneretur. Præterea si me adversarii probare intendunt quoquo modo ligari; dum omnia machinamenta perscrutati fuerint, quibus fidelis quilibet possit impediri, quare sententiam non prætendunt ab Episcopo Sylvanectensi & suis conjugibus recenter latam, ridiculam potius quàm formidatam; in quâ redituum nostrorum debitores; si eos nobis persolverint, jubentur excommunicari; qui in molendinis nostris moluerint, vel qui ad furnos nostros panes coquendos attulerint, omnes generaliter & indifferenter supponuntur extremæ damnationi. Malè quidem ligandi sive solvendi potestate fungi videntur, qui rudes quidem homines & impotentes, & totius juris ignaros, & etiam quod majus est nobis si vellent resistere non valentes, tam crudeli animadversione punire non verentur. Cum enim censuales nostri & mansionarii pleno nobis sint jure subiecti, eis finaliter incumbit aut consuetam pensionem annuatim persolvere, & sive sit in furnis sive in molendinis quæcumque sententia intervenierit, nobis consueto more satisfacere, aut certè de terrâ nostrâ confusos & inanes recedere.

Ad hæc mihi qui hæc loquor, dominus Papa respondit: Sententiam, inquit, ab Episcopo Sylvanectensi & suis conjugibus latam, quare non observastis ex quo ipsos auctoritate nostrâ fungi cognovistis? nonne meritò essetis puniendi tu & Fratres tui, qui contemptis Judicium nostrorum præceptis, etiam Divina celebrare præsumitis? Ad quem ego, Pater, inquam, sancte, nec erga vos nec erga illos qui à vobis delegantur ullum habemus contemptum, quia procul dubio hoc abominabile esset & prophanum: sed cum ad eosdem Sylvanectenses & ad Arienfes per tres ferè diatas ab eis distantes, pars adversa duplicem commissionem ex parte vestrâ detulisset super eodem negotio & eisdem articulis, nobis ad vestram præsentiam appellantes, & ut pars adversa commodò utriusque careret commissiones instanter petentibus, Arienfes quidem appellationi detulerunt, alii verò nec appellationi deferre, nec Apostolos dare, nec contrà suspicionem eis objectam, & ibidem si permittere voluissent statim probandam acquiescere noluerunt: imò quasi quodam zeli fervore contrà nos, contrà furnos nostros & molendina accensi iniquam sententiam protulerunt. Nobis more solito Divina celebrantibus, & ad oraculum vestrum tamquam ad azilum confugientibus. Nam cum pars adversa eorum diù sententiæ innitens, ipsâ omisâ vestro conspectui se repræsentet, mirum non est, si pars nostra ab eis fugiens & ad vos confugiens, in majori mansuetudine à vobis, & à vestris tractari speret & expectet.

His dictis, surgens dominus Papa ut super litteras Morinensis Episcopi ei porrectas cum Fratribus suis secum surgentibus consilium & colloquium haberet, per me qui hæc loquor ad cameram suam transitum faciens, dixit: Si ad Curiam accedens à præmissis Judicibus te pro excommunicato habuisses, à Curia proculdubio excommunicatus recessisses. Intrante eo cameram, & cum Fratribus suis super præmissis litteris colloquium protrahente, post pauca ego qui hæc loquor jussus sum adesse; moneor & præcipior veritatem dicere, quo scilicet die vel tempore electio de me facta fuisset, & utrum pro confirmatione electionis Abbati & Ecclesiæ

Karrofensi aliquis pecuniam promississet. Ad quem ego: Electus quidem fui ante Quadragesimam, in die quæ diem Cinerum præcessit, de sententiâ autem Morinensis Episcopi, Deus scit, ad me mentio nunquam pervenit, quæ si ad socios pervenisset, sicut credo, me minimè tangit. Firmiter autem credo, & pro constanti habeo, quoddà à nemine ex parte nostrâ Abbati & Ecclesiæ Karrofensi pecunia promissâ fuit. Quidam autem ex Cardinalibus circumfidentibus mihi subridendo, dixit: Multum te & adversarium constat diversos esse, qui infinitam pecuniam dicit promissâ fuisse. Cui ego: Hoc nec verum nec verisimile videtur; nam infinita pecunia promitti posset, sed quomodo ab Ecclesiâ meâ persolveretur? Jussus egredi ad Advocatos revertor, & quid fortuna dare voluerit simpliciter præstolor.

E vestigio dominus Papa cum suis prosequitur, sede prius sibi paratâ recipitur. Deinde omnibus circumfidentibus & tacentibus, sententiam conceptam sic oritur: Contrâ Andrensem Electum quem bonum virum credimus, & quem ad regimen cujuslibet Monasterii satis idoneum & litteratum & audivimus & experti sumus, Dilecti filii Karrofensis Ecclesiæ nuntii multa proposuerunt, sed nihil adhuc coram probaverunt quod sacri Canones censeant in eo puniendum, vel quod eisdem videatur contrarium; verum quantumcumque personam ejus diligamus, electionem de eo factam ad præsens cassamus, quæ sicut ex litteris bonæ memoriæ Morinensis Episcopi nobis innotuit, ab interdictis & de interdicto facta fuit. Vos autem utriusque partis patroni, post narrationem & recognitionem facti, super quo plenius instructi estis, ad discussionem juris procedatis; quare per gratiam Dei usque ad finem litis copiam nostri sufficienter habebitis. Denique illo die & tribus sequentibus super juris discussione, & super diversis articulis ad jus & consuetudinem pertinentibus patroni nostri coram domino Papa disputaverunt, & suis allegationibus diversis & contrariis ad minus dies detinuerunt. Tandem dominus Papa cum pars nostra vellet & instanter ex peteret ibidem negotium expediri, & pars adversa mallet causam committi, & diù differri ut sub onere debitorum nos contingeret naufragari, A. Archidiacono, Magistro P. Polverel Canonicis Parisiensibus, & Magistro R. Decano Saltsberiensis Parisiis commoranti, causam commisit, & terminari præcepit, & si partes mallet, eandem causam sufficienter instructam ad se remitti mandavit. Hæc autem commissio in tertiâ compilatione inter Decretales nominatissima habetur, & inter modernos scholares quoties agitur de consuetudine, frequenter recensetur.

Dum hæc Romæ aguntur, & patroni nostri alternis vicibus vires suas experiuntur, dominus Papa rogatur à nobis ad exemplar privilegii domini Paschalis Papæ sibi ostensi, propter quasdam possessiones à nobis de novo acquisitas, & nondum à Judice Ecclesiastico confirmatas, hoc privilegio nobis indultit, & à Cardinalibus subscribi mandavit, quod sic incipit:

Innocentius Episcopus servus servorum Dei dilectis filiis Henrico Priori Monasterii Andrensis, ejusque Fratribus tam præsentibus quam futuris regularem vitam professis in perpetuum. Religiosam vitam eligentibus Apostolicum convenit adesse præsidium, ne forte cujuslibet temeritatis incursum aut eos à proposito revocet, aut robur, quod absit, sacræ religionis infringat. Eapropter, dilecti in domino Filii, vestris iustis postulationibus clementer annuimus, & præfatum Monasterium sancti Salva-

toris & sanctæ Rotrudis Virginis, in quo Divino mancipati estis obsequio, ad exemplar felicitis memoriæ Paschalis Papæ II. prædecessoris nostri, sub B. Petri & nostrâ protectione suscipimus, & præsentis scripti Privilegio communimus. Inprimis liquidem statuentes ut Ordo Monasticus, qui secundum Deum & beati Benedicti regulam in eodem Monasterio institutus esse dignoscitur, perpetuis ibidem temporibus inviolabiliter observetur. Præterea quascumque possessiones, quæcumque bona idem Monasterium in præsentem iustè & canonicè possidet, aut in futurum concessione Pontificum, largitione Regum vel Principum, oblatione fidelium, seu aliis iustis modis præstante Domino poterit adipisci, firma vobis vestrisque successoribus & illibata permancant. In quibus hæc propriis duximus exprimenda vocabulis: locum ipsum in quo præfatum Monasterium situm est cum omnibus pertinentiis suis. Altare villæ Andrensis, Capellam sanctæ MARIE infra oppidum Gifnense, Altare de Bredenarda, Altare de Lullingahem, Altare de Ferknes, & altare de Elingahem cum omnibus decimis & pertinentiis eorum, & universa quæ bonæ memoriæ Balduinus Comes Gifnensis cum uxore sua Adela & Manasses ejus filius, vel Barones eorum eidem Monasterio contulerunt. Videlicet pasturam omnem circa ipsum locum de Andernes, & commoditatem aquæ, paludis, & cæpitum: terram de Hantingham cum bosco, villanis & omnibus redditibus suis. In villâ Gifnes stagnum & sedem molendini: terram de Suavachas & manerium cum villanis suis, & commoditate aquæ, & tertiâ parte decimæ; terram de Campanies, & tertiâ partem decimæ: terram & Comitatum de Bredenarda cum manerio ibidem sito, & eleemosynâ à nobili viro A. Gifnensi Comite vobis intuitu pietatis collatâ: terram, villanos, boscum, stagnum & molendinum quæ Garinus de Fielnes & mater ejus Ecclesiæ vestræ pietatis intuitu concesserunt: Altare in villâ Rokerdes cum omnibus decimis & pertinentiis suis: duas portiones reddituum Altaris de Terdinghem: in Parochiâ de Pithen manerium cum terrâ: in Comitatu in monte, qui dicitur Mas, terram, manerium cum bosco, pastura & Comitatu: in Parochiâ de Spetlecas duas partes totius decimæ: in villâ Elceka decimam à bonæ memoriæ vestro Abbate Petro acquisitam.

In territorio de Meech redditus quos à Waltero Blundo, & Theodorico Clerico, & Herberto Holin Milite noviter acquisistis: in villâ quæ dicitur sancti Audomari Ecclesia terram in eleemosynam vobis collatam: in villâ Crajerwic unam marcâ super terram Balduini quondam fratris vestri vobis assignatam: in villâ Landertum decimam quam habetis ex dono nobilis viri Ingelramni de Fielnes: in villâ Druedinghem tertiam partem totius decimæ: in villâ Boxin decimam quondam Danielis, terram & redditus quos noviter acquisistis; foragium quoque de vinis quæ ad vestros usus emitis per totum castrum sancti Audomari à bonæ memoriæ Wilhelmo Castellano vobis concessum, & suo scripto nihilominus confirmatum. In villis Jorri Audenhem, Faxole, Landertum, Westchoch, & Antingham, terras, societates & decimas ab antiquis temporibus à vobis possessas: redditus & procuraciones quos super quodam nemore debet vobis annuatim Ecclesia de Wasto: duas marcas quas super quodam manerio vobis Abbatia de Bello-locoolvere annuatim tenetur: in villâ Hames terram, villanos, redditus ab antiquo à vobis possessos: in villâ Balinghem ex dono antiquorum Nobilium tertiam partem totius villæ in terris, villanis, Comitatu, stagno, molendino, pasturis & paludibus: & eleemosynas in eadem villâ vo-

OOOO iiij

Pontificis sententia, & optima de Auctore concepta opinio.

Aliis Judicibus discutenda dimittitur.

Privilegium Innoc. Papæ III. Andrensis concessum.



bis concessas à nobilibus viris Hugone & Simone fratre suo, Radulfo Baillol & participibus ejus. In villâ Hotinghem universos mansionarios quos habetis, cum redditibus & Comitatu & paludibus ad usus vestros, à bonæ memoriæ Balduino Comite Monasterii vestri fundatore concessis: in villâ Ferknes terras cum Comitatu, villanos, redditus ab antiquo à vobis possessos.

In villâ Odersele redditus à Guidone Deulsege quondam fratre vestro vobis concessos; decimam quoque de Monte Fielnes: decimam de Dolo: decimam de Dirlinghetun, & substitutionem Capellani ad Oratorium ejusdem vici: Vavalliores quoque à vobis feodatos, & tam ad placitandum pro vobis quàm ad equitandum vobiscum ab antiquis temporibus attulatos; & forum Ecclesiæ vestræ cum omnibus justis & approbatis consuetudinibus, sicut eas justè hæcenus & pacificè possedistis: sepulturam verò ejusdem loci omnino liberam esse sancimus, ut tam supradictorum Comitum progenies, quàm Barones omnes qui Pares castelli vocantur, juxta votum & deliberationem suam sepeliantur ibidem: cæterorum quoque qui illic sepeliri deliberaverint devotioni & extremæ voluntati, nisi fortè excommunicati & interdicti sint, nullus obstat; salvâ tamen justitiâ illarum Ecclesiarum à quibus corpora mortuorum assumuntur.

Decernimus ergo ut nulli omnino hominum liceat præfatum Monasterium temerè perturbare, aut ejus possessiones auferre vel ablatas retinere, minuire seu quibuscumque vexationibus fatigare; sed omnia integra conserventur eorum pro quorum gubernatione & sustentatione concessa sunt, utribus omnimodis profutura: salvâ sedis Apostolicæ auctoritate, & diocessani Episcopi Canonica justitiâ, & debitâ reverentiâ Monasterii Karrofenfis. Si qui igitur in futurum Ecclesiastica secularisve persona hanc nostræ constitutionis paginam sciens, contrâ eam temerè venire tentaverit, secundò tertiove commonita, nisi reatum suum congruâ satisfactione corripserit, potestatis honorisque sui dignitate careat, reamque se Divino judicio existeret de perpetrata iniquitate cognoscat, & à sacratissimo corpore & sanguine Dei & Domini Redemptoris nostri JESU-CHRISTI aliena fiat, atque in extremo examine districtæ ultioni subjaceat: cunctis autem eidem loco sua jura servantibus sit pax Domini nostri JESU-CHRISTI, quatenus & fructum bonæ actionis percipiant, & apud districtum Judicem præmia æternæ pacis inveniant, Amen, Amen, Amen.

1208.

Datum Laterani per manum Joannis sanctæ Mariæ in Cosmidin Diaconi Cardinalis, sanctæ Romanæ Ecclesiæ Cancellarii XII. Kalendas Januarii, Indictione XI. Incarnationis Dominicæ anno M. CCVIII. Pontificatus verò Domini Innocentii Papæ III. anno XI.

Ad petitionem quoque nostram dominus Papa nobis indulgit, ne aliquis infra terminos Parochiarum nostrarum Oratoria sive Xenodochia construere præsumeret, ne eorum occasione nobis aut Capellanis nostris in futurum præjudicium immineret. Nam extrâ castrum Giseniense & Ardensense ea postmodum construi vidimus patronis inconsultis & reclamantibus, & etiam dominum Balduinum quondam Comitem Gisenensem ut construeret domum leproforum de Spelleke, infra terminos hujus Parochiæ multum elaborasse audivimus, sed dominum Petrum Abbatem & in faciem restitisse scimus, & nos exemplo simili ad præiens nobis prævidimus. Tenor autem Authentici domini Papæ talis est:

Ne infra terminos Andr. Cœnobii O-

Innocentius Episcopus servus servorum Dei dilectis filiis Priori & Fratribus Andrensis Monasterii, Salutem & Apostolicam benedictionem. Cum à no-

bis petitur quod justum est & honestum, tam vigor æquitatis, quàm ordo exigit rationis, ut id per sollicitudinem officii nostri ad debitum perducatur effectum. Eapropter dilecti in domino filii vestris justis postulationibus inclinati, ne quis infra Parochiarum vestrarum terminos Oratoria seu Xenodochia construere contra vestram & diocessani Episcopi voluntatem præsumat, salvis Privilegiis Pontificum Romanorum, auctoritate præsentium inhibemus. Nulli ergo omnino hominum liceat hanc paginam nostræ inhibitionis infringere, vel ei ausu temerario contraire. Si quis autem hæc attentare præsumserit, indignationem omnipotentis Dei & beatorum Petri & Pauli Apostolorum ejus se noverit incursurum. Datum Laterani decimo-sexto Kalendas Januarii, Pontificatus nostri anno undecimo.

Præterea cum ex parte nostra domino Papæ fuisset significatum, & ei sæpius suggestum, quòd Monasterii nostri Vavalliores de feodis ad nos pertinentibus alienationem facerent, & nobis inconsultis quibusdam potentibus ea obligarent titulo pignoris; unde jus nostrum videbatur deperire tam in alienatione quàm in annuis servitiis, ab eo nobis indultum est omnia bona ad Monasterium nostrum pertinentia titulo pignoris posse retinere, nec fructus exinde perceptos pro usuris computari debere. Forma autem indulgentiæ super hoc nobis concessæ talis est:

Innocentius Episcopus servus servorum Dei dilectis filiis Priori & Fratribus Andrensis, Salutem & Apostolicam benedictionem. Ex parte vestra fuit propositum coram nobis, quòd nonnulla ad feodum vestri Monasterii pertinentia obligata potentibus ab infeodatis in pignus [data,] facta sunt, non quidem de jure, sed tamen de facto ab eodem Monasterio usuris excrecentibus aliena. Unde nobis humiliter supplicastis, ut terras, redditus & alia quæ prædicto modo ad Monasterium vestrum spectant, vobis ne omnino alienari contingant, in pignus recipere de nostra permissione liceret: ita videlicet quòd recepti fructus vobis computari non debeant pro usuris. Volentes autem [Monasterii vestri] indemnitatibus paternâ sollicitudine præcavere, annuimus postulatis. Nulli ergo omnino hominum liceat hanc paginam nostræ permissionis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei & beatorum Petri & Pauli Apostolorum ejus se noverit incursurum. Datum Laterani XIII. Kalendas Januarii Pontificatus nostri anno XI.

His igitur impetratis, & nobis adhuc de quorundam amicorum nostrorum negotiis promovendis in Curia sollicitis, me qui hæc scribo in quodam vespere accersiri fecit, & in hæc verba prorupit: Ne, inquit, turberis neque movearis, quòd electionem de te factam cassavi: quare, Deus scit, quòd non ex rancore sed ex charitate processi. In hoc enim facto sententiam contrâ te & Fratres tuos à Diocessano tuo latam purgans revocavi, nec te multum læsi, quia iterum eligi poteris, & si vis super his litteras nostras ad Fratres tuos reportabis. Ad quem ego: De hac inquam temporali cassatione, Pater sancte, non est extractus animus meus, nisi inde gauderet & mihi insultaret adversarius meus: de faciendâ autem iterum electione de me, sciatis proculdubio me nuntium nunquam fore, ne videar mihi laborasse: supplico autem attentius, ut expeditâ nobis commissione quâ communiter nos uti vultis, cum vestra benedictione ad natale solum nos quantocius remittatis. Quare eundo & redeundo & in Curia vestra moram faciendo multa expendimus, & antequàm negotium terminetur multas adhuc ex-

ratoria vel Xenodochia construantur Pontificis ejusdem inhibitione.

Aliud ejusdem circa fundos clientelares privilegium.

Idem Pontifex Audientem solatur.



penſas nobis imminere ſcimus. Denique benedictione ejus adepti à facie egredimur: paucis poſtmodum diebus in craſſino Domini Natalis relictâ Româ feſtinanter ad Galliam tendimus; applicantes tandem Pariſiis præſatis Judicibus commiſſionem allatam exhibemus; cujus auctoritate adverſarios noſtros à Pictaviâ peremptoriè citari facimus, & per biennium ſerè continuum ſub eorum jurisdictione litigando laboramus. Denique me qui hæc ſcribo procuratore conſtituto, & propter repetitionem frequentium citationum jam quodammodo fatigato, dum quidam de adverſariis noſtris in ſcholis Pariſiis reſiderent, ut ita facilius Judicium ſuorum & Patronorum copiam haberent, quidam verò apud Fraxinetum moram facerent, de conſilio Fratrum noſtrorum & quorundam amicorum in Prioratu ſancti Dionyſii de Carcere per aliquod tempus ſtudiū perſequeremur, & Advocatos cum Judicibus exinde quandoque conſulere; certis etiam diebus, quibus ad hoc vacare potui, Rectores Theologiæ nunc legentes nunc diſputantes diligenter audire. Cum ergo ad productionem teſtium ventum fuisset, adverſarii multos teſtes Pariſiis produxerunt, quidam verò & multo plures in terrâ ſua examinari impetraverunt: noſtros quoque teſtes tam ſenes quàm decrepitos Pariſiis deduci & examinari cogerunt, ſed & Inſtrumenta noſtra quibus pro nobis uti volemus, pro cauſâ adverſariorum & ad inſtantiam eorum Pariſiis deferre & in jure exhibere coacti fuimus: & ita multa pertulimus gravia, pro quibus de jure potuimus appellare, ne cauſam quam maturari volemus videremur prorogare.

Anno domini M. cci. Philippus Rex Franciæ ad petitionem Reinaldi Comitis Boliſie terram Arnulfi Comitis Giſnensis intravit in multitudine gravi Comitum, Militum & ſervientium; & diruto Caſtello quod dicitur Bonham, in quibuſdam aliis caſtellis, ſcilicet Colewide, Sangate, & Rolinhove munitiões ex parte Comitis Boliſie tam Militum quàm ſervientium in eis reliquit, & ſic in Franciam rediit. Qui verò in eiſdem Caſtellis à Rege ſunt relictī, terræ Giſnensis cœperunt nimis eſſe infeſti, homines terræ capientes & captivantes, magnas pecunias ab eis extorquentes, oves eorum & boves devorantes, mulieres opprimentes, & quodd non ad benefaciendum, ſed ad nocendum & perſequendum ibi poſiti fuerant publicè proteſtantes. Ut autem facilius nuntiū & homines Comitis Boliſienſis apud Rorichove poſſent acceſſum habere, per ſpatioſam paludem inter Rorichove & ſolidam terram de Merch jacentem viam ſpatioſam collectâ totā communiā de Merch cœperunt fodere, & ex utrâque parte foſſatis ambire, & de terrâ paluſtri ſive ſabuloſa quæ de foſſatis extrahebatur viam ſternere, ſicque infra ſpatium ſex dierum opus quod vix aut nunquam fieri ſperabat; peregrē.

Hæc verò clades per annum duravit, & terram de Giſnes miſerabiliter oppreſſit, ſed propter Regis timorem nullus eis reſiſtere auſus fuit. Tandem Comes Boliſie aſſenſu domini Comitiſſæ Beatriſis de Giſnes; qui ejuſdem Caſtri dominum ſcilicet Manallēm mariti ſui germanum non teneſe diligebat, idem Caſtrum triplici foſſato circumcinctum, piſcium multitudine copioſum; vineis, virgultis, & pratiſ uberrimum, in cuſus ædificio ſumptuoſè laboratum eſt per ſpatium decem & ſeptem annorum, funditus everti præcepit. & reliquæ terræ coæquari virgultis & vineis radicibus evulſis, aſportatis piſcibus, & foſſatis obſtruiſ, & prius quibuſdam de noſtris ibidem ſubmerſis.

Anno domini M. cci. lite Pariſiis pendente, & Conventu noſtro plures expenſas faciente, nobilis

vir Eutachius de Hames de bonis noſtris concupiſcens, & pro eiſdem bonis nobis ſua temporalia impertiri volens, ſeptem polkinos frumenti, & quinque polkinos avenæ nobis in eleemoſynam dedit, & xx. ſolidos qui in ordinatione uniuſcuſque Abbatibus ei debebantur; omnino remiſit. Cuius autem eleemoſynæ à ſe confirmatæ, & ab uxore ſua Mathilde, & filia primogenita Eufemia conceſſæ, talis eſt tenor:

In nomine Domini noſtri JESU-CHRISTI, Ego Eutachius de Campaniæ auctoritate præſentis paginæ ſigillo meo inſignitæ, notum volo fieri tam futuris quàm præſentibus, quodd ego pro ſalute animæ meæ & parentum meorum donavi & condonavi Andrenſi Eccleſiæ, & Monachis in ea Deo ſervantibus, ſeptem polkinos frumenti, & quinque polkinos avenæ, quos annuatim mihi & prædeceſſoribus meiſ ſidem Monachi perſolvere contueverant: remiſi etiam iſdem Monachis viginti ſolidos publicæ monetæ, quos in ordinatione uniuſcuſque Abbatibus novi mihi debebant. Et quia hæc cum quibuſdam aliis bonis à domino Wilhelmo de Fiches tenebam in feodum, ut donationi meæ manum apponeret peti ab eo & obtinui, atque ut ſuper hoc ſuam Chartam conficeret, & ſicut dominus meam eleemoſynam warentiret, impetravi. Præterea per manum domini mei Arnulfi Comitis Giſnensis prænominatiſ Fratribus indulſi qualdam conſuetudines nimis graves, quas mihi & prædeceſſoribus meiſ diu debebant ſuper quadam ipſorum terrâ quam habent apud Hames, quæ quondam fuerat cuſuſdam Henfridi cognomento Hulſman. Hæc autem ſuerunt conſuetudines: debebant ſiquidem mihi unum operarium ultra alium diem, quoties per annum licebat operari, & unam culcitram quoties mihi ſupervenirent hoſpites, dimidiam freſcengam per annum, & tres buſtellos avenæ, viginti quoque & ſex denarios, & quinque ſolidos quoties Comes Giſnensis extrâ Comitatum duceret exercitum: quæ omnia & ſi qua ſunt ſimilia quæ de eadem terrâ mihi debebantur, tam liberè, tam paciſice & tam plenariè ſæpèdictis Monachis in puram & perennem eleemoſynam contuli, ſicut domini Comitis & meum docet privilegium, quodd nec mihi nec heredibus meiſ quidquam juris in ea retinui.

Hæc autem omnia ſicut prænominaſ ſunt, Ego Eutachius & uxor mea Mathildis, & filia noſtra Eufemia per manum domini Ingelramni fratris mei, quem ſuum conſtitueram Advocatum, in Andrenſi Monasterio ſuper altare Dominicum devotè & ſolemniter obtulimus, & tactis ſacro-ſanctis juraviſus, quodd neque per nos neque per alium aliquem ex parte noſtrâ ſuper hac eleemoſynâ Andrenſi Eccleſiæ damnum, calumnia, vel aliud incommodum in ſempiternum proveniret. Sæpè dicti verò Monachi quadraginta marcas publicæ monetæ charitatiſ mihi dederunt, & octo libras Parienſes quas eis debebam remiſerunt: quodque multo præſtantius eſt, quatuor anniverſaria pro patre ſcilicet meo Balduino, & Balduino fratre meo, pro me ipſo & uxore meâ in æternum apud ipſos fieri ſtatuſunt; & de multis injuriis quas ipſis & hominibus eorum ſæpè irrogaveram, me miſericorditer abſolvērunt.

Ceterum ut hæc mea donatio perpetuæ ſtabilitatis robur obtineat, ego humiliter ſupplicavi venerabili Patri noſtro domino Morimienti Epiſcopo, ut eleemoſynam meam in ſua protectione ſuſciperet, & ad Andrenſis Eccleſiæ perpetuam utilitatem ſua auctoritate confirmaret, & ſub anathemate inhiberet, ne quis in poſterum de genere meo, vel alius, devotioni meæ & eleemoſynæ aſu temerario contrarie præſumeret. Prior quoque & Monachi An-

Quoddam Eutachius de Hames donaria.

Auctor aliquandiu in Monasterio S. Dionysii de Carcere commoratus.

1109.

Comitatus Gln. vastatur.

1210.

Andrenses omnes illos excommunicaverunt candelis accensis, & pulsatis campanis, qui eos aut suos successores in aeternum super hoc molestare praesumerent. Actum est hoc solemniter anno Dominicae incarnationis M. cc. decimo, mense Augusto, eo videlicet tempore quo ego Eustachius Cruce-signatus contra inimicos Crucis Christi Albigenes ire proposui. Super hoc testes sunt Petrus Presbyter Andrensis, Richardus, Walterus, Willelmus, Thomas, Simon Clerici Ecclesiae: Radulphus de Andrens, Daniel de Balinghem, Balduinus Constabularius Pares mei, & multi alii.

Quia verò quaedam pars hujus eleemosynae utpote VII. polkini frumenti & quinque polkini avenae ad feodum domini de Fielnes solebat pertinere, & viginti solidi quos in ordinatione uniuscujusque Abbatis assuevit recipere, quod ab eodem domino tenuit, in usus nostros confirmari fecit, & hujus confirmationis tenor sit incipit:

Ego Willelmus de Fielnes notum facio omnibus tam praesentibus quam futuris, quod Eustachius de Campaines homo meus & consobrinus, veniens in praesentia mea coram hominibus meis qui sunt Pares sui, dedit per manum meam Ecclesiae Andrensi in perpetuam eleemosynam septem polkinos frumenti, & quinque polkinos avenae, quos singulis annis eadem Ecclesia sibi & praedecessoribus suis debuerat, & viginti solidos quos in ordinatione uniuscujusque novi Abbatis Andrensis Eleemosynarius ei & praedecessoribus suis persolverat. Haec omnia quae de meo fuerant feodo in manu mea resignavit, & ego eandem eleemosynam in manu Prioris Andrensis, & Fratrum ejus Andrensi Monachorum, Andrensi Ecclesiae liberaliter pro salute animae meae & parentum meorum in eleemosynam contuli, & ut Andrenses Monachi in recompensationem meae donationis uxoris meae Isabelis anniversarium facerent ab eis impetravi. Quod si quis malitiosus hanc eleemosynam vellet impedire, & ab usibus Andrensis Ecclesiae, cui per me confirmata est, alienare, ego sicut dominus eam teneri facerem. Actum apud Fielnes anno Domini M. ccx. mense Augusto, coram his testibus qui Pares sunt memorati, Eustachio in Curia mea, Ingelramno de Renninghem, Aegidio Desmortiers, Petro de Herunval, Joanne de Tingri, Jordano de Cathphis, & multis aliis.

Quoniam ante maxima pars praedictae eleemosynae de consuetudinibus quibusdam indultis remissis & redemptis, & ad domum de Hames pertinentibus, ad feodum domini Gisenensis Comitis dignoscitur pertinere, Chartam suam nobis indulsit: & Comiti Gisenensi eandem concedi & confirmari fecit, sicut in sequentibus apparebit. Charta autem ejusdem Eustachii de feodo Comitis facta & nobis indulta, confirmata est nobis sub hac forma:

In nomine sanctae & individuae Trinitatis Patris & Filii & Spiritus sancti, Amen. Ego Eustachius de Campaines notum fieri volo praesentibus & futuris, quod dum nuper Cruce-signatus essem, & multa mala quae Andrensi Ecclesiae irrogavi mente revolvebam, numine Divino compunctus eidem Ecclesiae dedi in puram & perpetuam eleemosynam per manum domini mei Comitis Gisenensis, assensu uxoris meae Mathildis, concedente filia mea primogenita Eufemia, per manum domini Ingelramni fratris mei quem suum Advocatum constitui, quidquid ego vel praedecessores mei consuetudinaliter solebamus habere apud Hames super terram seu pro terra, quae quondam fuerat cujusdam Henfridi cognomento Hulman, scilicet unum operarium, ter in hebdomada per totum annum dum licebat operari, dimidiam frescengam, tres bustellos avenae, unam cul-

citram quoties supervenirent hospites, viginti & sex denarios, quinque solidos quoties Comes extra Comitatum conduceret exercitum, & si quid aliud eadem terra mihi debebat, ita pure in puram eleemosynam contuli, quod nec mihi nec heredibus meis aliquid juris in ea habere permisi: verum ut Andrensis Ecclesia perpetuis temporibus in pace & quiete hac gaudeat eleemosynam, ego & uxor mea, & filia per manum sui Advocati corporaliter sacramentum praestitimus, quod neque per nos neque per aliquem pro nobis eadem Ecclesia calumniam sustinebit aut damnum, amodo & usque in sempiternum. Dominus quoque Comes rogatus a me ut hanc eleemosynam quae de ipsius est feodo, Andrensi Ecclesiae sicut legitimus ejus Advocatus warrantaret, & si quid exinde damni proveniret Ecclesiae, de residuis bonis meis eidem satisfaceret, precibus meis annuit, & meam confirmationem suae confirmationis auctoritate validiorem fecit. Andrenses verò Monachi quatuor anniversaria in recompensationem hujus eleemosynae se facturos promiserunt: primum pro patre meo, secundum pro fratre meo Balduino, tertium pro uxore mea, quartum pro meipso. Actum est hoc solemniter coram domino meo Arnulfo Gisenensi Comite, & coram Paribus meis Radulfo de Andrens avunculo meo, Wido de Elembom, Eustachio de Liskes, Daniele de Balinghem, Jacobo de Niele, Aegidio de Lotessa, & multis aliis. Anno verbi incarnati M. ccx. mense Julio.

Sicut autem praemissum est dominus Arnulfus Comes de Gisen ab eodem Eustachio admonitus, & pro eo quod praedicta eleemosyna de ipsius erat feodo, ad hoc inductus est quod Chartam suam nobis concessit in hunc modum:

In nomine Patris & Filii & Spiritus sancti, Amen. Ego ARNULFUS Comes Gisenensis scire volo praesentes & futuros, quod Eustachius de Campaines homo meus in praesentia mea constitutus, recognovit se dedisse in puram & perpetuam eleemosynam Ecclesiae Andrensi quaedam jura & consuetudines, quae apud Hames ei, & praedecessoribus suis ab antiquo debebantur de terra, quae quondam fuerat cujusdam Henfridi cognomento Hulman, pro quatuor anniversariis ibidem faciendis, pro se scilicet & uxore sua Mathilde, pro patre suo, & Balduino fratre suo. Et quia ipsa eleemosyna de meo fuerat feodo, rogavit me ut devotioni suae assensum praerberem, & tamquam legitimus Ecclesiae Andrensis Advocatus eandem eleemosynam ipsi Ecclesiae warrantarem. Ego verò precibus ejus acquiescens, quidquid ex praedicta terra memorati Henfridi Hulman ipsum vel praedecessores suos solebat contingere, five in operario ter in hebdomada habendo, five in dimidia frescenga per annum, five in solutione trium bustellorum avenae, five in culcitra hospitibus ejus providenda, five in annua solutione viginti & sex denariorum, aut in debito quinque solidorum quoties extra Comitatum exercitum ducerem, & si quid aliud eadem terra debebat, totum Andrensi Ecclesiae & Monachis in ea Deo servientibus confirmo; & si quid exinde damni aut calumniae Ecclesiae proveniret in posterum, ego Ecclesiae satisfacerem de residuo feodo suo: ipse quoque & praedicta uxor sua, & filia primogenita Eufemia per manum Ingelramni de Campaines qui suus est Advocatus, hanc eleemosynam liberaliter contulerunt; & tactis Sacrosanctis juraverunt, quod neque per eos neque per alium aliquem ex parte eorum Andrensis Ecclesia super hac eleemosyna de cetero molestabitur. Facta est autem solemniter haec donatio, & haec mea confirmatio anno Domini M. ccx. mense Augusto apud Ardeam, eo scilicet tempore quo memoratus Eustachius

Charta Willelmi de Fielnes.

Charta Eustachii de Campaines.

1116.

Charta Arnulfi Comit. Gisenensis.

chius Cruce-signatus ad terram Albigenſium ire propoſuit.

Denique ne quid nobis ad certitudinem deeſſet, idem Euthachius, qui prædictam eleemoſynam ſuam confirmaverat, quique eam à duobus dominis ſuis Ardeæ Comite Giſnenſi, & Willelmo domino de Fielnes confirmari fecerat, unà cum fratribus noſtris ad dominum Joannem Morinenſem Episcopum perſonaliter acceſſit, rem geſtam per ordinem retulit, & ſuper præmiſſâ eleemoſynâ Chartam ejus impetravit ſub hac forma:

De præmiſſis  
commutatio-  
nibus & dena-  
riis Morin.  
Episcopii  
Charta.

JOANNES Dei gratiâ Morinorum Episcopus omnibus sanctæ matris Ecclesiæ filiis, ad quos litteræ istæ pervenerint, in Domino salutem. Noverit universitas vestra, quod nobilis vir Euthachius de Campaniis, prout ipsius docet Authenticum, donavit & condonavit Andrenſi Ecclesiæ septem polkinos frumenti, & v. polkinos avenæ, & viginti solidos quos in ordinatione uniuscujusque Abbatis sui Andrenſes Monachi ei perſolvere conſueverant: frumentum verò nominatum cum avenâ ſingulis annis ei & prædeceſſoribus ſuis perſolverant; quæ omnia per manum domini ſui Willelmi de Fielnes, de quo hæc & multa alia tenebat in feodum, Andrenſi Ecclesiæ liberaliter in eleemoſynam contulit; quædam quoque conſuetudines ſatis graves, quas dilecti noſtri Andrenſes Monachi ſuper Comitatu cujuſdam terræ quam ab antiquo poſſident apud Hames, ei debebant in annuo debito dimidiâ freſcingæ, & trium buſtellarum avenæ, & viginti ſex denariorum, & unius operarii per totum annum dum licebat operari ter in hebdomadâ, & unius cultricæ quoties ſuperveniebant hoſpites, & debito quinque ſolidorum quoties Comes Giſnenſis extrâ terram ſuam exercitum duceret, omnino eis dimiſit, & à Comite Giſnenſi, de quo hæc conſuetudines tenebat in feodum, ſuam eleemoſynam concedi & confirmari impetravit. Omnibus itaque ritè ordinatis & bene diſpoſitis, noſtram quoque auctoritatem ſuæ ordinationi aſſeſſe rogavit, & ſuam eleemoſynam ſub protectione noſtra recipere, & ad perpetuam Andrenſis Ecclesiæ pacem & quietem manuteneremus humiliter ſupplicavit. Nos igitur ad ipsius preces & instantiam quidquid ipſe aſſenſu uxoris ſuæ Mathildis & Eufemiæ filiæ ſuæ Andrenſi Ecclesiæ donavit aut condonavit, ratum habemus, & auctoritate præſentis paginæ Andrenſi Ecclesiæ in perpetuum confirmamus, omnes illos excommunicationis vinculo innodantes, qui ſuper hac eleemoſynâ Andrenſem Eccleſiam de cætero auſu temerario moleſtare præſuſerint. Actum anno Verbi Incarnati M. ccc. menſe Auguſto, eo videlicet tempore quo idem Euthachius de manu noſtrâ ſignum Crucis accepit, & inimicos Crucis expugnare propoſuit.

1211.  
Comes Bolon.  
de dominio  
ſuo à Rege  
Franc. expel-  
litur.

Anno Domini M. ccc. Reynaldus Comes Boloniæ à domino ſuo Philippo Rege Franciæ, qui cum primò exaltaverat, & nobili Idæ Boloniæ Comitiſſæ maritum dari permilerat, de terrâ ſuâ fugatur, & ſic ſimul & ſemel pro multiplici prodicione ſibi impoſitâ, unde nec ſe purgavit, nec forſitan purgare potuit, quinque Comitibus privatur: qui de Franciæ Regno exiens, & cum Othone Romanorum Imperatore & Alemanniæ Rege fœdus iniens; poſtmodum verò mari tranſito ad ipsius Imperatoris avunculum Joannem Regem Angliæ perſonaliter accedens, tam prædictos Reges quàm eorum Optimates contrâ Regnum Francorum commovit & incitavit; & ad ipſum debellandum modis omnibus animavit, ſicut in ſequentibus patebit.

Eodem anno hujus Ecclesiæ Fratres jam per quatuor ſerè annos multipliciter impugnati, & ut caderent impulſi & evulſi, Pariſiis peremptoriè citati

Tom. II.

ſunt ad audiendam ſententiam diffinitivam. Me autem qui hæc ſcribo cum Priore noſtro ibidem pro univerſitate tranſmiſſo, coram memoratis Judicibus per duos dies continuos prolixo conſpectu habito, cum nobis conſtaret tam per quosdam geſtusexteriores, quàm per aliquos aſſeſſores, quod de tribus Judicibus ſolus nobis ſcilicet Decanus Salesberienſis fideliter adhæreret, & pars adverſa à duobus reſiduis ſententiam diffinitivam finaliter pro ſe exſpectaret, à parte noſtrâ fuit petiitum, ut ſecundum formam commiſſionis cauſa ſufficienter inſtructa ad dominum Papam terminandam remitteretur; quod penè & planè nobis denegatum fuit à duobus, pro eo quod in commiſſione non partis ſed partium voluntas continebatur. Denique Præſatus Salesberienſis nobis relationem fieri petentibus, & ne aliter fieret diſtrictius per appellationem inhibentibus, ſuiſque conjudicibus quod de capitulo Ecclesiæ Karroſenſis teneremur eligere ſententialiter proferentibus, unà cum ſuis aſſeſſoribus viris diſcretis, & in utroque jure peritis eorum ſententiâ non approbatâ, de conſiſtorio ſurrexit, cauſam ad dominum Papam remittendam in præſentia multorum decrevit, Conjudicum ſententiæ ſe minimè aſſenſum præbere dixit, & quantum in ſe fuit, atteſtationes, allegationes & alias rationes ad cauſæ commodum pertinentes ad dominum Papam ſub ſuo ſigillo clauſas fideliter remiſit; & etiam motum animi ſui de his quæ audierat, per litteras patentes diligenter expoliit.

Nos autem ejus teſtimonio ſufficienter innitentes, & in ſuos Conjudices & eorum complices & factores pulverem pedum excutientes, poſt dies aliquot arrepto itinere Romam pervenimus, ſententiam contrâ nos latam & per Morinenſem diœceſim promulgatam nullius eſſe momenti cenſuimus. Iterum de mandato Apoſtolico conſueto more exſpectationi adverſariorum non voluntatem, ſed temporis prolixitatem indulſimus: quibus tandem advenientibus, & ſententiam pro ſe Pariſiis latam, Romæ confirmari ſperantibus, die & nocte reſtitimus, terrarum diſtantiâ, linguarum diſſonantiâ, perſonarum ignorantiam, & per nos domino Papæ oſtendimus, & per præſati Salesberienſis Decani teſtimonium evidentiùs comprobavimus. Novæ interim lites, nova jurgia inter nos & adverſarios conſurgunt, novi cauſarum Patroni & Advocati ſe cauſis noſtris immergunt, qui omnes aures domini Papæ non demulcent, ſed potiùs ſatiunt: ne tamen alicui partium præjudicium videretur irrogare, qui tam præſati Salesberienſis relationi, quàm noſtræ aſſertioni quandoque viſus fuit aſſenſum præbere, per duos dies propter cauſæ noſtræ diſcuſſionem pro tribunali ſedit, partes & Patronos diverſa quidem proponentes, & multipliciter evagantes diligenter audivit, & ad ſententiandum ſive ad componendum inter partes ſequentem diem præfixit.

In ipſâ nocte poſt decantatas ex more nocturnas vigilas, mihi qui hæc ſcribo viſum eſt, quod ante portam Andrenſis Monasterii conſiſterem, & à portario tunc temporis Waltero nomine poſtmodum deformiter necato, & in boſco de Herkem mortuo reſperto, portam mihi aperiri inſtanter peterem; qui cum reſponderet ſe ad manum lumen non habere, unde nos & ſervientes noſtros poſſet recipere, & equis noſtris neceſſaria providere; ad petitionem noſtram totum Monasterii ambitum lumen quærendo circuevit, & lumen minimè invenit, & tamen in ipſis noctis tenebris portâ nobis Monasterii apertâ, & illato nobis ab Auſtrali parte lumine, ipſe quidem lumen ſuſcepit, & tam cerceos quàm lampades Monasterii eodem lumine illuſtravit, & etiam ad ſubſidium ſervientium, quia frigus erat copioſum ignem

P P P P P

Andrenſes ju-  
diciū decre-  
vunt, & ite-  
ram advoca-  
tos Karroſenſis  
Pontificem  
provocant.

Auctor Ro-  
mam terriò  
proſciſcitur.

In ſomniis  
terretur.

Karroſenſes  
Andrenſ. Pa-  
riſiis diem in-  
dicunt.

accendit. Cumque causâ devotionis & fraternæ visitationis Claustrum & Oratorium vellemus introire, & Deo super impensis beneficiis grates condignas rependere, de cellâ portæ contiguâ, quæ vulgò Mandatum dicitur, tres lupi miræ magnitudinis per jubar lunæ coruscantis videntur exire, & in nos introire volentes impetum facere, animante nos prædicto Waltero, & seipso contrâ luporum rabiem nobiscum fortiter accingente, lupos quidem tanquam mansueta animalia viriliter apprehendimus, & eis suffocatis ad gratiarum actionem rependendam Ecclesiam gratanter introivimus, & nostro adventu Fratres lætificavimus.

Somnia interpretatur.

Jam discussis noctis tenebris, mihi qui hæc scribo in Curiâ Romanâ moram facienti, & de viso somnio anxio & trepidantilux serena illuxit, sed nihil adhuc serenum anxio cordi imprimere potuit: quare & somnium præteritæ noctis mirabiliter tenebam, & domini Papæ sententiam imminere finaliter sciebam. Inter spem igitur & timorem constitutus, virum venerabilem domnū Gilebertum Monachum sancti Bertini mecum in hospitio commorantem, pro eo quod ipsum litteratum & morigeratum sciebam, & pro eo quod nihil duplicitatis aut deceptionis in eo timebam, ad me diligenter accersivi, ordinem somnii fideliter retuli, atque hoc ab eo responsum accepi: Tu, inquit, ad Ecclesiam tuam cum gaudio reverteris, & lumen libertatis quo Ecclesia tua hæcenus caruit, ibidem de Curiâ Romanâ apportabis; tres lupos rapaces qui in Ecclesiâ tuâ dominari sperabant viriliter suffocabis; quia hodie per gratiam Dei Gaufridum de Aubis cum Monacho & Clerico sibi coherentibus aut per sententiam prostratos, aut per compositionem tibi confederatos videbis. Hæc quidem dixit, & decantatâ à nobis Primâ ad Ecclesiam Beati Antonii hospitio nostro contiguam ut Missam simul audiremus nobiscum processit: quam cum vellemus introire, & pro eo quod Francigenæ ibi ministrabant, magis quàm alibi Missam audire, in sabbato diem cinerum subsequente, Sacerdos Missam celebraturus officium cœpit, Clero secum cantante, inchoare: *Audivit Dominus & misertus est mei, Dominus factus est adiutor meus.* Quo cantu ac si cœlesti responso ego qui hæc scribo lætificatus, & de somnio præteritæ noctis aliquantulum confortatus, ad interpretem somni conversus, dixi: Domne Gileberte benè res agitur, de cœlo nobis auxilium promittitur, quare Dominus audiens, misericordiam & adiutorium nobis in præsentis officio pollicetur. Deinde chororum ingressi Missam devotè audivimus, quâ finitâ domum revertimur, cujus limen vix ingressi, ab ostiariis domini Papæ ad curiam subitò provocamur.

Nobis & adversariis in præsentia domini Papæ consistentibus, me qui hæc scribo, idem dominus in secreto cubiculo ad secretum colloquium invitat, quæ mala, quæ incommoda ad curiam veniendo perpeffus fuerim, & qualiter non longè à Româ captus, & per quindenam & amplius ab inimicis captivatus exstiterim, exponens declarat, quæ etiam & quanta Karrofenſi Eccl. aliquando pro bono pacis obtulerim nihilominus recordando insinuat. Nos, inquit, diutinum laborem tuum ad memoriam reducentes, & Ecclesiæ tuæ multiplex gravamen moderari cupientes, & potius ad componendum quàm ad sententiandum operam dare volentes, à te diligenter exquirimus, utrum malis compositioni intendere, aut sententiam expectare. Cui à me statim responsum fuit: Sententiam, Pater sancte, secundum retroacta non reformidarem audire; sed quia filius pacis sum & semper fui: ad pacem & compositionem vos potissimum precor in-

tendere. Quo dicto de secretario illo sum emissus, & pro eo quod de formâ compositionis aliquantulum præmonitus & præmunitus fueram, lætus & alacer, ridens & jucundus, ad focios & compatriotas meos me pro foribus expectantes transmissus: & subitò præfatus adversarius Gaufridus de Aubis ad commune Domini Papæ colloquium in eodem secretario admissus, brevi admodum sermone inter eos habito, idem Gaufridus tristis & plorans egreditur. Domino Papæ tribunal paratur, & ab omnibus circumfidentibus in commune dicitur: Hic ludus mane videtur partitus, quia in uno penditur risus, & in alio planctus & ejulatus. Domino autem Papa in consistorio sedente, & quatuor annorum labores in partes habitos ad memoriam plenius reducente, sed & duplices sententias contrâ Andrenses iniquè latas non omittente, formam compositionis de Fratrum suorum consilio formatam inter nos & Karrofenſes promulgavit; quam sub hac formâ eisdem Karrofenſibus & nobis perpetuis temporibus tenendam præcepit:

Innocentius Episcopus servus servorum Dei dilectis filiis Hugoni Abbati & Conventui Karrofenſi salutem & Apostolicam benedictionem. Inter Ecclesiam vestram & Andrenſe Cœnobium super jure eligendi Abbatem Andrenſem dudum quæstione subortâ, postquàm super eâ fuit in nostrâ præsentia diutius disceptatum, dilectis filiis Decano Salebriensi & Archidiacono & Magistro P. Pulverel Canonico Parisiensi dedimus in mandatis, ut auditis hinc inde propositis si ex parte vestrâ talis foret consuetudo probata, quæ juri communi præjudicaret, meritò in hac parte ipsi secundum consuetudinem eandem decernerent electionem Andrenſis Abbatis ulterius faciendam: quòd si talis consuetudo per quam in hoc casu præjudicaretur juri communi, minimè probaretur, ipsi Andrenſibus Monachis jus eligendi Abbatem sublato appellationis obstaculo, adjudicare curarent: ut sic postmodum obtinerent liberam facultatem, vel de Ecclesiæ suæ gremio, vel etiam aliunde per electionem Canonicam eligendi personam idoneam in Abbatem, præsentandam Capitulo Karrofenſi, ut si esset Canonica, confirmaretur ab ipsis: quòd si forsitan partes mallet ut nobis sententia servaretur, ipsi causam instructam ad nostrum examen remittere procurarent; præfixis partibus terminum competentem, quo in nostrâ comparerent præsentia recepturæ judicium æquitatis. Quòd si omnes his exequendis interesse non possent, duo eorum ea nihilominus exsequi procurarent. Qui postmodum testibus utriusque partis receptis, & tam instrumentis & rationibus quàm confessionibus & allegationibus etiam diligenter inspectis; cum Judices super sententiâ proferendâ tractarent, & unus eorum videlicet Decanus adstrueret sibi de causæ meritis non liquere, quam ad nostrum cupiebat examen remitti, reliqui duo Judices sicut ex litteris intelleximus eorundem cupientes negotium expedire, prout partes pluries instantes petierant, postquàm in causâ renuntiatum fuerat & conclusum, auditis specialiter postea quæ fuerunt à partibus proposita coram eis, cum jam sententiam quam de consilio peritorum conscripserant intenderent promulgare, Andrenſis Monasterii Procurator qualdam suspitionis causas proposuit contrâ eos, de quibus ante nullam fecerat mentionem, & ad cognoscendum de ipsis arbitris non petitis, recessit ab eis. Sed dicti Judices nihilominus sententialiter decreverunt, ut cum in Andrenſi Cœnobio immineret Abbatis electio faciendâ, Andrenſes Monachi ab Abbate ac Capitulo Karrofenſi eligendi Abbatem licentiam peterent, & eligerent postmodum perfo-

Sententiam  
litis decretoriam  
Pontifex  
pronuntiat.



nam idoneam de gremio & professis Ecclesiæ Karrofenis, ita quod in ipso Capitulo Karrofeni eligere minimè tenerentur.

Cum autem nuper dilecti filii Gaufridus de Aubis Monachus vester, & VV. Andrensis Ecclesiæ Procuratores propter hoc ad sedem Apostolicam accessissent, & super antedictâ sententiâ litigassent aliquandiu coram nobis, nos qui ex officii nostri debito his quæ pacis sunt tenemur insistere, compositionem amicabilem, & utrique Monasterio utilem fecimus inter eos, quam ipsi demum pariter acceptarunt. Ut videlicet Andrenses Monachi qui nunc sunt & pro tempore fuerint, Karrofeni Abbati professionem faciant apud Andrense Cœnobium, promittendo obedientiam & reverentiam regularem. Cum autem in Andrensi Ecclesiâ occurrerit electio faciendâ, Andrenses Monachi de professis Monasterii Karrofenis sive de suo, sive de Monasterii Karrofenis collegio personam idoneam liberè sibi eligant in Abbatem. Electus verò Karrofeni præsentetur Abbati, qui electionem de illo factam confirmare vel infirmare procuret, sicut de jure fuerit faciendum. Confirmatus autem à diocelano benedicatur Episcopo, & singulis trienniis Monasterium visitet Karrofense, ac censûs nomine viginti solidos sterlingorum annuatim persolvat eidem. Præterea Karrofenis Abbas annis singulis si voluerit per seipsum, vel per duos ex suis Monachis Andrense Monasterium visitet, cui Andrensis Abbas in Choro, Capitulo, Refectorio & aliis locis utpote Patri Abbaticeat; qui cum consilio Andrensis Abbatis corrigat si quid in membris Andrensis Cœnobii fuerit corrigendum. Quod si quidquam corrigendum fuerit in Abbate, id cum seniorum & saniorum Fratrum ipsius loci consilio Abbas corrigat Karrofenis.

Nos igitur compositionem eandem à præfatis Procuratoribus approbatam, de communi Fratrum nostrorum consilio auctoritate Apostolicâ confirmamus, & præsentis scripti patrocinio communimus. Statuentes eandem perpetuis temporibus inviolabiliter observandam. Nulli ergo omnino hominum liceat hanc paginam nostræ confirmationis & constitutionis infringere, vel ei ausu temerario contraire. Si quis autem attentare præsumserit, indignationem omnipotentis Dei & Beatorum Petri & Pauli Apostolorum ejus se noverit incursurum. Datum Laterani decimo Kal. Aprilis, Pontificatus nostri anno quarto-decimo.

In eundem quoque modum super factâ compositione Priori & Capitulo Andrensi scripsit, & ad posterorum memoriam transmisit. Tenor autem utriusque confirmationis per Bullam domini Papæ roboratæ penes nos memoriter retinetur, ne aliud in Authentico Karrofeni, aliud in Andrensi contineri dicatur.

Anno Domini M. ccxii. Rex de Marroc, id est, Kartaginensis totam Christianitatem Hispaniæ molitur debellare.

Quia verò tam ex Domini Iterii Abbatis promissione, quam ex quorundam Nobilium importuna suggestionem super beneficiis non vacantibus, quibusdam Clericis tenebamur providere; cupientes de cætero huic morbo salubriter occurrere, & tam nobis quam nostris successoribus præcavere, à domino Papa inhibitionem impetravimus, promissiones factas revocantem, & ne de cætero fierent prohibentem sub hac formâ:

Innocentius Episcopus servus servorum Dei dilectis filiis Hugoni Priori & Conventui Andrensi salutem & Apostolicam benedictionem. Cum ex iuncto nobis Apostolatus officio ad Ecclesiarum pro-

fectum, & religiosorum locorum commodum aciem nostræ considerationis extendere teneamur; ea corrigere nos oportet, quæ interdum in gravamen ipsorum temerè seu etiam improvidè attentantur. Sane ad audientiam nostram nobis intimentibus est delatum, quod ad multorum instantiam importunam, de non vacantibus beneficiis promissiones sæpius facere vos contingit; unde nobis humiliter supplicastis, ut vobis super his dignemur misericorditer providere. Volentes igitur vestræ devotioni super hujusmodi gravamine præcavere, ac attendentes quod id contrà statuta Lateranensis Concilii attentatur, promissiones hujusmodi decernimus irritas & inanes, auctoritate vobis præsentium districtius inhibentes, ne contrà præfatum Concilium beneficia promittere non vacantiâ cuiquam de cætero præsumatis. Nulli ergo omnino hominum liceat hanc paginam nostræ inhibitionis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei & Beatorum Petri & Pauli Apostolorum ejus se noverit incursurum. Datum Laterani iii. Kalendas Aprilis, Pontificatus nostri anno quarto-decimo.

Sequenti die ad instantiam nostram dominus Papa redditus quos vacante Monasterio nostro à nobili viro Eustachio de Hames acquisivimus: graves etiam & onerosas consuetudines quas ab eo redemimus; quæque per illustres viros Arnulfum Gifnensem Comitem, & Willelmum dominum de Fielnes, de quorum feodo ipsi proveniebant redditus & consuetudines, confirmari fecimus, sicut eorum docent Chartæ quas penes non habemus; auctoritate Apostolicâ confirmavit: & etiam in terrâ Comitibus Gifnensis interdicto suppositâ Divina celebrare possumus, & more Ecclesiarum Parochialium minimè cessare nobis indulgit. Sed & Monasterium nostrum à periculo fidejussionis exemit, ne per Monachum vel Conversum ultra pretium centum solidorum posset fidejuberi, sicut à nobis dudum fuerat statutum, nisi de licentiâ & consensu Abbatis & majoris partis Capituli, & propter manifestam utilitatem ejusdem Monasterii. Omnia autem ista ad præsens indulta, & dudum ab ipso confirmata, propter viarum pericula in regesto suo ad cautelam iussit conscribi.

*Confirmatio Domini Papæ super quibusdam acquisitis.*

Innocentius Episcopus servus servorum Dei, dilectis filiis Priori & Conventui Andrensi salutem & Apostolicam benedictionem. Justis petentium desideriis dignum est nos facile præbere consensum, & vota quæ à rationis tramite non discordant effectu prolequente complere. Eapropter dilecti in Domino filii vestris justis precibus inclinati, redditus annuos qui nobili viro Eustachio de Campaniâ & suis prædecessoribus, cum quibusdam consuetudinibus onerolis olim à vestro Monasterio debebantur, & quos ab ipso Nobili & heredibus ejus accedente assensu nobilium virorum Comitibus Gifnensis & Willelmi de Fielnes, de quorum feodo ipsi proveniebant redditus, redemistis, & relaxationem ipsarum consuetudinum sicut ea justè ac pacificè possidetis, vobis & per vos Monasterio vestro auctoritate Apostolicâ confirmamus; & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei, &c. *ut supra.*

PPPP ij

Ne beneficia  
antequam va-  
cent promit-  
tantur, Pon-

Tom. II.

diff. p. 1011.  
bet.



*Indulgentia ut tempore interdicti Divina celebremus.*

**I**nnocentius Episcopus servus servorum Dei, dilectis filiis Priori & Conventui Andrensi salutem & Apostolicam benedictionem. Solet annuere sedes Apostolica piis votis, & honestis petentium precibus favorem benevolum impertiri. Eapropter dilecti in Domino filii, vestris iustis postulationibus grato concurrentes assensu, ut quotiescumque terram nobilis viri Comitis Gisleberti Patroni Monasterii vestri pro suis excessibus, debitis aut aliquibus causis aliis subijci contigerit Ecclesiastico interdicto, juxta quod vobis est à felicis recordationis Alexandro Papa prædecessore nostro indultum, exclusis excommunicatis & interdictis, non pulsatis campanis, suppressâ voce Divina vobis officia liceat celebrare, devotioni vestræ auctoritate præsentium indulgemus. Decernimus ergo ut nulli omnino hominum, &c. *ut supra.*

*Inhibitio Domini Papa ne nobis liceat fidejubere.*

**I**nnocentius Episcopus servus servorum Dei, dilectis filiis Priori & Conventui Andrensi salutem & Apostolicam benedictionem. Cum à nobis petitur quod iustum est & honestum, tam vigor æquitatis quam ordo exigit rationis, ut id per sollicitudinem officii nostri ad debitum perducatur effectum. Eapropter dilecti in Domino filii, vestris iustis postulationibus grato concurrentes assensu auctoritate Apostolicâ prohibemus, ne aliquis Monachus sive Conversus sub professione vestræ domus astrictus sine consensu & licentiâ Abbatis & majoris partis vestri Capituli pro aliquo fidejubeat, vel ab aliquo pecuniam mutuo accipiat, ultra pretium Capituli vestri providentiâ constitutum, nisi propter manifestam domus vestræ utilitatem. Quid si fortè facere præsumserit, non teneatur Conventus pro his aliquatenus respondere. Nulli ergo omnino hominum &c. *ut supra.* xi. Kal. Aprilis.

Denique his Romæ peractis, me qui hæc scribo, & adversarios coram se evocatos jubet dominus Papa potenti virtute verborum in osculo pacis coram se reconciliari, & omnes injurias tam verbales quam reales utrobique ex corde remitti: adversarius quoque pro renovatione quorundam Privilegiorum adhuc in Curia occupatis, me cum suâ benedictione repatriare jubet; & prius tamen ad Karrofsen Cœnobium proficisci. Scripsit enim per me Abbati & Capitulo Karrofsensi speciales litteras omni dulcedine & familiaritate plenas, exhortans & monens, & in remissionem peccatorum injungens, ut omnem scrupulum prioris indignationis, zeli & amaritudinis de cordibus suis penitus auferrent, & compositionem pro commodo utriusque Ecclesiæ factam, & salubriter ordinatam, ratam & gratam haberent: Andrenses quoque Monachos tamquam suos domesticos sincerâ caritate diligere. Læctis in Capitulo Karrofsensi litteris Apostolicis, ab omnibus, Deo gratias, respondetur. Mihi qui hæc scribo præter mortem solitum omnis humanitas exhibetur. Postquam de infirmitate convalesci, unde cum famulo nostro Manasse per aliquot dies ibi langui & ægrotavi, ad natale solum redire conceditur.

Iterum eligitur Abbas Auctor hujus Chronici.

Paucis postmodum diebus evolutis, formâ compositionis Fratribus nostris ostensâ, & ab eis acceptâ, concorditer eligor, imò potius reeligor; & præeunte omnium voluntate comitatus honesto viro Wilhelmo de Broburch Sacerdote & Monacho, litterarum Capituli portitore, & de processu electionis fidei relatore, ab Abbate & Capitulo Karrofsensi in pleno Capitulo voluntariè & honorificè Fratribus

concrepantibus, & signis pulsanibus confirmor & installor; & sic demum cum virgâ pastoralis, & litteris Karrofsensis Capituli, ad dominum Joannem Morinensem Episcopum transmissus, & ab eo in Matrice Ecclesiâ beatæ Virginis & ejusdem Assumptionis solemniter benedictus, ad Fratres meos cum gaudio remittor. Deinde factâ computatione super debitis Ecclesiæ nostræ, tam ex debitis in viâ & in Curia Romanâ factis, quam ex debitis in patriâ istâ mutuo acceptis; & in acquisitione reddituum vacante Monasterio sumptuosè erogatis, & etiam multiplicibus nuntiis multipliciter collatis, inventum est Monasterium nostrum mille quadragintas libras Parisienses debere; & hæc omnia infra spatium unius anni persolvi oportere. De messibus autem sive de mercedibus suis servientes nostri quidam duorum annorum, quidam trium restitutionem petebant, quia ferè omnes in substitutione novi Abbatis se dilatos & prorogatos à Priore & Rectoribus Monasterii fuisse allerebant, & præcipuè Monasterii coquus nomine Wilhel. qui de decem & septem annis transactis annuam mercedem sibi restitui instanter petebat. Mansit igitur inter has debitorum procellas Conventus noster per integrum primum annum minime dispersus; quare summa debiti, id est, trecentæ lx. marcæ sterlingorum duobus Parochianis nostris, dominæ scilicet Adelidi de Andernes, & Eustachio Bord de Herkem debebantur, à quibus et si modesta servitia, non tamen usuræ extorquebantur. Conventus autem servitium Dei exercens, & solito more simul manens, per totam hyemem, & æstatem sequentem in hoc loco moram fecit, & secundum consilium multorum tam Religiosorum quam sæcularium se futuræ dispersioni præparavit & viriliter accinxit.

Maxima pars Francorum Cruce Christi signata in pectore, & innumera multitudo Flandriæ & Alemanniæ ad Albigenes incredulos exterminandos ad provinciam Tolozanam properaverunt, ex quibus multi victores, multi victi fuerunt.

*De peregrinatione Infantium de diversis locis adnatorum.*

**I**nfinite etiam multitudo parvulorum de diversis civitatibus, castellis, opidis & villis, nullo penitus exterius monente, confluit, & versus mare Mediterraneum properantes, cum à parentibus vel ab aliis interrogarentur quò vellent ire, quasi uno edocti spiritu, singuli & universi responderunt, ad Deum.

Sequenti hyeme Fernandus filius Regis Portugalsis uxorem duxit Joannam filiam domini Baldvini Imperatoris Constantinopolitani, Flandriæ & Heimonie Comitissæ. Et in eadem hebdomadâ dominus Ludovicus primogenitus Regis Franciæ, Ariam & Castrum Sancti Audomari tamquam sua ex parte matris repetiit, & à Burgensibus ea recepit.

In eadem quoque hyeme Ecclesiâ beatæ Mariæ de Bosco igne fulmineo combusta est. Eadem fulmineâ tempestate à Monasterio Sancti Bertini meritis Patronorum ibidem quiescentium, necnon S. Gregorii & sancti Benedicti meritis exinde recedente, & præfatam Ecclesiâ comburente, quæ tamen Ecclesiâ ex domini Egidii Abbatis industriâ, & ex fidelium eleemosynâ circumquaque collectâ, processu temporis multo elegantior & decentior solito surrexit; & etiam villâ eidem Ecclesiæ contigua ædificari cœpit, & in jus Parochiale uberrimè crevit.

Anno Domini m. ccxiii. Philippus Rex Franciæ collecto exercitu & navigio magno, cum multum in Angliam transfretare putarent, & propter hoc in apparatu sumptuoso sibi providissent, Pandulfus domini Papæ nuntius, & postea Norwi-

Chatholici in Albigenes arma sumunt.

Fulmen à Cœnobio Bertiniano S. Gregorii & S. Benedicti meritis delectat.

1213. Rex Franc. Anglis bellum illaturus à Pontifice detinetur.

centis Episcopus, Anglorum Regi de amissione Regni formidanti consilium dedit, ut ad enervandam Francorum Regis audaciam Regnum suum volentis invadere, pro eo quod jam per sex annos continuos non erubuit excommunicationi & publico interdicto subiacere, ut suum Regnum cum appenditiis domino Papæ & Ecclesiæ Romanæ tributarium faceret, dominum Archiepiscopum Cantuariensem cum suo Conventu & Coepiscopis in Regno Franciæ exilio relegatis, ad suas Ecclesias revocaret, & eis ablata restitueret: & hoc facto domini Regis Francorum propositum impediret, & auctoritate domini Papæ inhiheret ei, ne Regnum sibi subiectum invaderet. Rex igitur Francorum primò ad hoc agendum auctoritate Curie Romanæ animatus, & postmodum ab ipsius Curie nuntio, sicut dictum est, impeditus, mutato proposito suo totum exercitum suum in Flandriam duxit, per Boloniensem & Gisenensem Comitatum transitum fecit circa loca maritima, & acceptis obsidibus à præcipuis Castris Flandriæ, Ipra scilicet, Gandavo & Brugis, in Franciam rediit. Prius tamen classem magnam quam sibi paraverat, cum infinita thesauri multitudine in Flandriam perdidit, & post ejus recessum Comes Flandriæ Fernandus castra sua recepit. Postea dominus Ludovicus primogenitus Regis Franciæ villam supra mare quæ dicitur Novus-portus, & quasdam alias, scilicet, Balleolum, & Stenfort pro magnâ parte combussit & devastavit: ubi captiverunt innumerales utriusque sexus. Deinde paucis evolutis diebus Comes Flandriæ civitatem Tornacum cepit, muris ejus in parte dirutis. Insula verò oppidum ei fuit redditum, & in brevi à domino Rege Francorum propter hoc iteratò combustum.

Eodem anno dominus Adam Parisiensis Archidiaconus in Episcopum Morinensem eligitur & consecratur, & dominus Stephanus Cantuariensis Archiepiscopus cum suis Suffraganeis & venerabili Conventu Cantuariensi in Angliam honorificè revocatur.

Vacante Monasterio nostro Eustachius de Ripmaninghem Miles de terrâ Constantinopolitanâ ad natale solum, id est ad Comitatum Boloniensem rediens, sex denarios qui ei annuatim debebantur à nobis de terrâ nostrâ de Walrichove, nobis indulgit, & indultus in hunc modum confirmavit:

Ego Eustachius de Ripmaninghem notum facio omnibus præsens scriptum insipientibus, quod concessi & dedi in elemosinam Ecclesiæ Andrensi sex denarios apud Ferchenes, quos ipsa Ecclesia de me tenere solebat, pro salute animæ meæ & patris mei & matris meæ. Hujus doni testes sunt Eustachius Presbyter de Balinghem, Facius Wintsele, Baldinus de Lokim. Ut hoc autem donum firmum permaneat filium meum hoc concedere feci. Insuper & præsentem paginam sigillo meo corroborare curavi. Actum est autem hoc anno Dominicæ Incarnationis M. CCIX.

Eodem anno Rex Anglorum Joannes timens ne Rex Franciæ, vel aliquis de successoribus ejus Regnum suum iterum attentaret invadere, ipsum Regem cum Regno Hiberniæ domino Papæ tributarium fecit; & inde à se, & à suis heredibus mille marcas argenti annuatim persolveri Ecclesiæ Romanæ instituit; unde multorum nobilium offensam incurrit, maximè quod suo tempore ancillavit Regnum quod invenit liberum. Quemdam autem fidelem virum nomine Petrum per vias & semitas equis indomitis trahi fecit, & postea suspendi, pro eo quod prophetaverat ipsum ultra annum minimè regnaturum. Et reverà Rex non potest dici verè regnare, quem constat tributarium exitere.

Anno Domini M. CCXIV. Joannes Rex Angliæ cum magno exercitu Pictavium intravit, & consideratione ei factâ à Pictavensibus, Castrisque redditis, dominus Rex Franciæ nimium exacerbatus primogenitum suum dominum Ludovicum cum Mareicallò, & multis aliis militibus ad resistendum ei transmisit, qui in loco qui dicitur Rupes-monachi in eum viriliter impetum faciens, licet multo pauciores haberet armatos ipsum Regem cum omnibus suis in fugam convertit, & spolia ejus diripuit. Dominus autem Rex Franciæ stipendarios quos in Castris Franciæ reliquerat revocavit, & qui Casteti morabantur castello succensso recesserunt.

Post hæc paucis diebus interpolitis Fernandus Comes Flandriæ cum magno exercitu terram Arnulfi Comitis Gisenensis intravit, & juxta Castrum sancti Audomari transitum fecit, curtem nostram de Suavekes bonis temporalibus refertam cum villâ adjacenti igne cremavit, & in sabbato quod Ramos Palmarum præcessit, multitudo maxima sui exercitus locum hunc intravit, & omnes Monasterii officinas hospitatura occupavit, quidquid in cibo vel potu penes nos inventum est consumpsit, in tantum quod nocte sequenti quingentis sexaginta tribus equis nos providere oportuit: in crastino de Monasterio exeuntes, qui more Christianorum Divinum officium debuissent audire, & in honorem Domini ramos portare, per totam finitimam regionem ignem portando, & per domos jactando hostiliter incendunt, & ita extrâ Castrum de Gîsnes ubi Comitissa Beatrix clausa tunc temporis morabatur transitum facientes, & per villas inter Gîsnes & mare sitas fœda velligia relinquentes; eadem die territorio de Merch transito & dimenso; nemine persequente aut injurias terræ ulciscente, apud Greveninghes illasi & inconculsi perveniunt. Erant autem potentiores post Comitem Flandriæ in ipso exercitu Comes Boloniæ Reinaldus, & Simon frater ejus qui filiam Comitis Pontivi unicam jam duxerat, Comes Saleberriæ Willelmus, Walterus Præpositus sancti Audomari, & Hugo de Bova de Regno Francorum expulsi, qui cum thesauro Regis Anglorum totum exercitum ducebat, & larga stipendia erogabat.

Hujus autem guerræ fuit occasio, quod præfatus Comes Arnulfus domino Regi Francorum & filio ejus primogenito fidelitatem fecerat, & à subjectione Comitis Flandrensis recesserat. Spatio autem unius mensis nondum evoluti, iidem malitiosi agrè ferentes se aliquid præfato Comiti reliquisse, & ejus munitiones non invasisse, cum præfato exercitu, & multo pluribus quàm prius, per Greveninghes & terram de Merch transitum facientes, miseram terram de Gîsnes iterum intrant, prædis, rapinis, & incendiis omnia devastant, in loco isto iterum pernoctant, avenam & hordeum ad subsidium anni, & ad ferendum à nobis provisum & mutuo acceptum cum omnibus quæ poterant comedi, usurpant & devorant, & combustis hospitum nostrorum domibus cxvii. ultra valorem ducentarum marcarum tam in primo quàm in secundo conflictu nos damnicant.

Tandem præfato Comite Arnulfo prodicionem timente, & in terrâ propriâ morari non audente, Comitissa Beatrix de Castro Gisenensi ubi per aliquod tempus detenta fuerat, à propinquis suis Flandriæ optimatibus extrahitur, & maritus ejus Arnulfus à Burgentibus sancti Audomari honorificè recipitur: & ita tota ipsius terra cum munitionibus, pro dolor! hostibus exponitur. Toto igitur exercitu per quatuor dies continuos apud Ardeam moram faciente, & quotidie Bredenardam cum Rigariâ rapinis & incendiis devastante, Comes Boloniæ Reinal-

pppp u

Copias in Flandriam movet.

Cantuarienses in Angliam revocantur.

Joannes Angliæ & Hiberniæ Regna Romano Pontifici vassallia fecit.

1214.  
A Ludovico Regis primogenito licet militum numero longe superior fugatur.

Comes Fland. Gisenens. Comit. diripuit.

dus præteritarum inimicitiarum minimè oblitus. li-  
 cet jampridem Comiti Gifnensi fuisset reconciliatus,  
 Castellum de Sangate licet de feodo suo esset, pro eo  
 quod tam se quàm suos aliquando impugnaverant,  
 igne cremavit, Castellum etiam de Colwide succen-  
 dit, & in quantum potuit turrin ejus prostravit:  
 oppidum Gifnense cum Castello & mansionibus Co-  
 mitis evertit & combussit; & ad hoc faciendum om-  
 nes Anglicos in exercitu commorantes, pro eo quod  
 tam ipsi quàm eorum compatriotæ in eodem Castro  
 pedagium sæpius persolverant, quasi in ultionem sui  
 crudeliter adiecit; & evocavit. Tractantibus au-  
 tem inter se Principibus exercitus ejusdem, quod in  
 suo recessu totam villam Ardensensem cum munitione  
 penitus incenderent, mediantibus Willelmo de Ca-  
 pellâ & Willelmo de Andriâ Abbatibus, necnon &  
 Willelmo ejusdem villæ Presbytero Parochiali; eadem  
 villa pretio ducentarum quinquaginta librarum ne  
 combureretur redempta fuit; & die sequenti totus  
 exercitus inde recessit, & dominam Comitissam  
 Beatricem cum omnibus liberis suis & totâ familiâ  
 secum abduxit; quæ in Comitatu Flandrensi per an-  
 nos quatuor continuè degens à thoro maritali sepa-  
 rata fuit, malens in Flandriâ sicut dicebatur à mul-  
 tis exulando morari, quàm in castro Gifnensi con-  
 trâ voluntatem suam clausa detineri. Post modicum  
 autem temporis primogenita ejus Beatrix religiosa  
 puella à matre recedens, ad patrem rediit, & infra  
 anni spatium Balduinus primogenitus filius in patris  
 gratiam receptus fuit.

Dum igitur prædicti Principes scelerati infra breve  
 tempus jam per duas vices in subversione Gifnensis  
 Comitatus victores exstiterant, & proinde in gloriam  
 inanem nequiter elati, etiam ad conterendum & dis-  
 sipandum Regnum Franciæ, & ad dilatandum ter-  
 minos suos se extollerent, & per dies singulos mu-  
 tud animarent, cum Othone quondam Romanorum  
 Imperatore, sed tunc temporis à domino Papa In-  
 nocentio excommunicato & reprobato, fœdus  
 ineunt, & cum secum in Flandriam pertrahunt:  
 thesaurum Regis Angliæ ei exponunt, victoriam  
 de Regno Franciæ sicut sperabant, ei & sibi promit-  
 tunt. Audita Rex Francorum eorum conspiratione,  
 & filio suo primogenito contrâ Regem Angliæ cum  
 magno exercitu in Picaviâ viriliter agente, idem Rex  
 Flandrensem exercitum non expectavit; sed con-  
 gregato exercitu militari & equestri tam de Franciâ  
 quàm de Campaniâ & Burgundiâ, quasi extrâ ter-  
 minos Regni apud Pontem de Bovines eis qui multo  
 plures erant numero, intrepidus occurrit; & Deo  
 disponente qui pluries ei victoriam contulerat, om-  
 nes qui locum istum & Gifnensem Comitatum nu-  
 per inquietaverant & expugnaverant, cepit, & in  
 Franciam secum cum quibusdam Principibus Ale-  
 manniæ captivos deduxit. Otho autem quondam  
 Imperator cum paucis evasit, & Hugonem de Bove  
 per fugam elapsum cum thesauro Regis Angliæ malè  
 acquilito in Angliam reverti volentem, extrâ por-  
 tum de Sandwico super sabulum de Cnebinglesand  
 dejecit, & iusto judicio submergi fecit. Per omnia  
 benedictus Deus qui tradidit impios.

Eodem anno nobilis vir Jacobus de Nicles, filius  
 domini Gusfredi cognomento Baron, quoddam con-  
 cambium inter eundem patrem suum & dominum  
 Petrum Abbatem olim factum, datâ Chartâ suâ no-  
 bis confirmavit, & quamdam decimam lini in Cam-  
 paniâ jacentem à nobis dudum impignoratam in  
 feodum recepit, & exinde nobis homagium fecit,  
 recognoscens in plenâ Curia & in Parium suorum  
 præsentia se ter in anno placitis nostris debere in-  
 teresse, & ut vestimenta sacerdotalia consuantur &  
 abluantur ab ejus familia se debere operam dare:

Abbate verò equitante, si invitatus fuerit, duo lin-  
 teamina cum auriculari ad ejus lectum tenetur pro-  
 videre, & postquàm redierit ea loca recipere. Tenor  
 autem suæ Chartæ talis est.

Ego Jacobus de Nicles notum fieri volo tam præ-  
 sentibus quàm futuris, quod concambium inter ve-  
 nerabilem Abbatem Andrensem dominum Petrum &  
 patrem meum Gusfridum de Gifnes olim factum, su-  
 per scilicet terrâ duarum mensurarum in Parochiâ  
 de Brames jacente, pro aliâ terrâ juxta domum  
 meam de Nicles positâ, ratum habeo & præsentis  
 scripti patrocinio eandem terram prædictæ Ecclesiæ  
 tres bustellos frumenti reddentem singulis annis cum  
 omni jure Comitatus confirmo; & sex denarios qui  
 ex eadem terrâ mihi quotannis debebantur quittos  
 clamo, & pro amore Ecclesiæ ne quid juris in eâ-  
 dem terrâ mihi & heredibus meis remaneat, libera-  
 liter condono. Dominus verò Willelmus Abbas præ-  
 dicti domni Petri successor, super toto arreragio à  
 tempore patris mei retento, de consensu Capituli  
 Andrensis me quitum clamavit. Et insuper quamdam  
 decimam lini à patre meo impignoratam sibi mihi  
 misericorditer reddidit, & me in hominem recepit.  
 Ego autem ab illâ die & deinceps fidelitatem An-  
 drensi Ecclesiæ me servaturum juravi, & servitium  
 quod pro feodo meo eis suisque successoribus habeo,  
 coram multis recognovi. Actum anno gratiæ M.  
 ccciv. menſe Junio; in festo sancti Barnabæ Apo-  
 stoli.

Eodem quoque anno nobilis vir Manasses de Gif-  
 nes & dominus de Tiembronne sex terræ jornallos de  
 feodo nostro provenientes, & ab eo acquisitos no-  
 bis dedit, & ad vinum Fratribus assignavit: proquâ  
 liberalitate tam de vino quàm de alius victui neces-  
 sariis, ei à nobis præbenda tamquam uni ex Fratri-  
 bus nostris promissa fuit. Dedit etiam Sacristæ unum  
 polkinum frumenti ad provisionem hostiarum tam  
 ad opus Ecclesiæ nostræ quàm vicinarum Ecclesia-  
 rum; & duos bustellos frumenti ad provisionem  
 carbonum ligneorum in thuribulo cremandorum.  
 His autem datis, & sicut dictum est dispositis, Char-  
 tam suam nobis indultit sub hac forma:

Ego Manasses de Gifnes dominus de Tiembronnâ,  
 omnibus tam præsentibus quàm futuris notum esse  
 volo, me pro salute animæ meæ dedisse in puram  
 & perpetuam elemosynam Andrensi Ecclesiæ &  
 Fratribus in eâ domo servantibus sex terræ jornal-  
 los, quos de propriâ acquisitione meâ adeptus fue-  
 ram in tenemento & Parochiâ ipsorum, cum om-  
 nibus redditibus exinde provenientes; & ad peti-  
 tionem meam iidem redditus ad vinum sunt assignati.  
 Iidem verò Fratres unanimi voluntate atque conti-  
 lio in suam fraternitatem tam temporalem quàm  
 spiritualem me receperunt; ita sanè ut cum disces-  
 sero sepulturam apud ipsos habeam, dummodo in-  
 fra duas dietas in fata concidam: quamdiù verò vi-  
 xero in recognitionem fraternitatis, sicut unus ex  
 Fratribus de vino præbendam meam suscipiam, si  
 verò in Comitatu Gifnensi non mansero, aut pro  
 eadem præbendâ non misero, iidem Fratres erga me  
 immunes remanebant, & post discessum meum nulli  
 ex heredibus meis exinde respondebunt. Postmodum  
 verò elemosynam meam volens augmentare, præ-  
 dictæ Ecclesiæ aedi, & super altare Dominicum ob-  
 tuli, & ad provisionem Sacristæ assignavi sex bu-  
 stellos frumenti & duas gallinas super quamdam  
 terram, quam Willelmus Spange cum heredibus  
 suis ab eadem Ecclesiâ in perpetuum sub manu  
 firmâ ex integro tenere debebit; ex quibus duos bu-  
 stellos ad providendum carbonem vivos in thuribulo  
 consumendos & Sacerdotum digitos calefaciendos  
 ad Missam idem Sacrista singulis annis expendet. De

Rex Franc.  
 Comitem  
 Fland. & alios  
 Gallorum  
 perniciem  
 conspirantes  
 prælio devi-  
 ctos capit.

Charta Jaco-  
 bi de Nicles

1214.

Charta Ma-  
 nassis de Gif-  
 nes.

uno autem polkino aut de pretio ejus tam ad usus Monasterii quam vicinarum Ecclesiarum hostias faciet.

Domnus verò Willelmus Abbas cum Conventu suo sub stola excommunicaverunt omnes qui hanc eleemosynam ab Ecclesiâ suâ alienaverint, vel qui in alios usus eam scienter commutaverint. Hæc donâ suprâ dicta licet diversis temporibus à me sint liberaliter facta, tempore Willelmi Abbatis, concedente uxore meâ Adelide, renovata sunt, & simul confirmata, anno Verbi Incarnati M. ccxiv. mense Julio, infrâ octavas Translationis sancti Benedicti Abbatis, coram multis tam Clericis quam laicis.

Circâ illud tempus nobilis vir Balduinus de Banninghem Miles, qui locum istum frequenter inquietaverat, & quoddam homines nostros de Hottingham occasione Comitatus diu & multum vexaverat, acceptâ ab Abbate Willelmo charitate decem librarum Parisiensium, calumniam quam contrâ Ecclesiam moverat super procurationibus & quibusdam indebitis consuetudinibus, omnino remisit, & eundem Comitatum Ecclesiâ possidendum perpetuo concessit, & Chartam suam exinde nobis concessit sub hac formâ:

Ego Balduinus de Banninghem notum fieri volo tam futuris quam presentibus, quod ego pro salute animæ meæ & parentum meorum concessi & dedi Ecclesiâ sancti Salvatoris Andrensis, & Monachis in eâ Deo militantibus, in perpetuam eleemosynam totum Comitatum totius terræ de Hottingham, quam in eadem villâ & in omnibus finibus ejus eadem Ecclesia possederat ab antiquo ex dono prædecessorum meorum, excepto Comitatu quem habeo in terrâ Henfridi de Bergnes. Hoc autem feci de voluntate & assensu domini mei Arnulfi Comitis Gifnensis, à quo eundem Comitatum inter cætera tenebam in feodum, qui factum meum creantavit, & ad preces meas auctoritate Chartæ suæ hanc eleemosynam confirmavit. Præterea consuetudines quasdam quas in præfatâ Ecclesiâ ratione memorati Comitatus calumniari consueveram, utpote de procurationibus, de receptionibus, de vestibus & aliis rebus indebitis, totum quitum clamo, & pro amore Christi eidem Ecclesiâ indulgeo. Ne quid vero ad certitudinem desit, Ermengardis uxor mea huic eleemosynæ liberaliter assensum præbuit; sed & filius meus primogenitus Matthæus adhuc infrâ annos per manum Agidii de Lotellâ quem ei Advocatum dederam, hoc creantavit. Prædicti autem fratres ab omnibus injuriis & offensis retroactis me absolverunt, & tam mihi quam uxori meæ spirituales Fraternitatem in Ecclesiâ suâ tamquam uni ex Fratribus concesserunt. Actum est hoc, & auctoritate sigilli mei confirmatum, anno Verbi Incarnati M. ccxiv. mense Julio in vigiliâ sancti Jacobi Apostoli.

Postmodum ad dominum Arnulfum Gifnensem Comitem idem Balduinus personaliter accessit, conventionem & compositionem inter ipsum & Ecclesiam factam recognovit, & ipsam à præfato Comite tamquam à superiori confirmari impetravit in hunc modum:

Ego ARNULFUS Comes Gifnensis notum esse volo presentibus & futuris, quod Balduinus de Baingham homo meus & consobrinus, in præsentia meâ constitutus recognovit se dedisse Ecclesiâ Andrensi, cujus auctore Deo Patronus existo, in puram & perpetuam eleemosynam quemdam Comitatum qui erat de feodo meo, quem in villâ de Hottingham idem Balduinus habere solebat super terram & homines ipsius Ecclesiæ, eâ scilicet divisione & tenore, ut nec sibi nec heredibus suis quidquam ju-

ris permaneat, sed totum in usus Ecclesiæ cedat, præter Comitatum quem habet super terram Henfridi de Bergnes in eadem villâ, quem etiam de me tenet in feodum. Ego autem qui eandem Ecclesiam à primogenitoribus meis fundatam tempore meo volo augmentari, huic eleemosynæ liberaliter assensum præbeo, & auctoritate præsentis Chartæ eam confirmo. Quod si ab eodem Balduino, vel ab aliquo ex heredibus ejus ipsam Ecclesiam in posterum super hoc vexari contingeret, ego indemnitati Ecclesiæ meæ providerem, & per coarctationem residui feodi tamquam dominus & Patronus conventionem factam teneri facerem. Actum apud Tornehem anno Verbi Incarnati M. ccxiv. coram hominibus meis, domino scilicet Balduino Clerico fratre meo, Balduino de Bochoud, Balduino de Balinghem Militibus, & quibusdam aliis qui præsentibus aderant, mense Julio in vigiliâ Beati Jacobi Apostoli quæ accidit in die Jovis.

Ne quid autem ad certitudinem nobis deesset, idem Balduinus ad dominum Morinensem Episcopum sequenti anno accessit, suam & Comitatus confirmationem, & factam cum Ecclesiâ compositionem coram eo recognovit. Et ut ipse auctoritate Pontificali utramque confirmationem roboraret, petiit & impetravit sub hac formâ:

ADAM Dei gratiâ Morinorum Episcopus omnibus ad quos litteræ pervenerint, in Domino salutem. Noverit universitas vestra quod cum Pastoralis sollicitudine Morinensem diocelîm, quam Deo auctore gubernamus, nos visitare contingeret, & circâ ea quæ ad nostrum spectant officium nostræ mentis intentio versaretur, duæ coram nobis pro Andrensi Monasterio recognitiones factæ sunt, quæ nos ad honorem Dei & ejusdem loci profectum scripto commendari mandavimus, ne in posterum per aliquis malitiam præfato Monasterio exinde præjudicium generetur. Nobilis siquidem vir Balduinus de Baingham ad expugnandum Albigenes cruce-signatus, in virgulto sancti Joannis Morinensis coram nobis recognovit se quemdam Comitatum, quem super quoddam homines ejusdem Cœnobii eatenus habuerat, ipsi Cœnobio in eleemosynam contulisse, & quasdam consuetudines quas ab antiquo injuste exegerat penitus indulsisse, & tam suam quam domini sui Comitatus Gifnensis Chartam super hoc confecisse.

Petrus quoque de Honle domini Castellani S. Audomari Ballivus, coram eodem domino suo in domo Petri Decani sancti Audomari recognovit coram nobis, se super decimâ à prædicto Castellano privilegiatâ, erga sæpeditum Monasterium injustam movisse querimoniam. Nos igitur quod scimus loquimur, & quod vidimus testamur, & prædictos injuriosos ad cor revertentes misericorditer absolvimus. Scripta verò de utrâque pace composita, quæ diligenter inspeximus, rata habemus & approbamus; & scripti nostri patrocínio confirmamus, Anno Domini M. ccxv. mense Martio.

Nobilis quoque vir dominus Eustachius de Oyâ eodem anno quatuor nobis raserias salis in eleemosynam dedit, & per Chartam suam eandem eleemosynam confirmavit, nobili uxore suâ Beatrice hoc concedente, & cum ad hoc animante in hunc modum:

Ego Eustachius de Oyâ notum volo fieri presentibus & futuris, quod ego pro salute animæ meæ, & parentum meorum volens augmentare bona Andrensis Ecclesiæ ab eis liberaliter indulta, concedente & collaudante uxore meâ Beatrice dedi & concessi eidem Ecclesiæ quatuor raserias salis super salinas meas, annuatim accipiendas de primo pagamento

1214.

Charta Bald. de Banninghem.

1214.

Charta Arnulfi Comit. Gifnensis.

1215.

Charta Adæ Episc. Morin.

Decima de Vellerke.

1215.

Charta Eustachii de Oyâ.



quod Censuales mei mihi, aut successoribus meis parati erunt persolvere, postquam Abbatia sancti Wlmari de annuo censu sex raseriarum salis, quas ab antiquo super easdem salinas in eleemosynam possedit, fuerit satisfactum. Terminus autem hujus solutionis erit annuatim in Translatione sancti Martini infra octavas. Fratres vero ejusdem Monasterii pro tali eleemosynâ mihi & prædictæ uxori meæ anniversaria post obitum nostrum facere tenentur in perpetuum. Ut autem hæc mea donata & solemnibus donatio, perpetuæ stabilitatis robur obtineat, hanc Chartam auctoritate sigilli mei confirmavi, Anno Verbi Incarnati M. c. cxv. mense Augusto coram multis.

1215.

Anno Domini M. ccxv. Fredericus Rex Apuliæ Aquisgrani coronatus est in Regem, & ibidem cruce-signatus, & multi Episcopi, Duces, & Comites cum eo.

Concilium  
Lateran. IV.

Eodem anno celebrata est sancta universalis Synodus Romæ in Ecclesiâ Salvatoris quæ Constantiniana vocatur, mense Novembri, Indictione III. præsentem domino Innocentio Papa, pontificatus ejus anno octavo decimo, in quâ fuerunt Episcopi cccxii. inter quos existerunt de præcipuis Patriarchis duo, videlicet Constantinopolitanus, Jerosolymitanus; Antiochenus vero gravi languore detentus venire non potuit, sed misit pro se Vicarium Anteradensem Episcopum: Alexandrinus vero sub Saracenorum dominio constitutus, fecit quod potuit mittens Diaconum germanum suum. Prælatos vero & Metropolitanos lxx. cæterum Abbates & Priores ultra octingentos, Archiepiscoporum vero & Episcoporum, Abbatum, Priorum, Capitulorum absentium non fuit certus numerus comprehensus. Legatorum vero Regis Siciliæ in Romanorum Imperatorem electi, Imperatoris Constantinopolitani, Regis Francorum, Regis Angliæ, Regis Hungariæ, Regis Jerosolymitani, Regis Cypri, Regis Aragoni, & aliorum Regum Hispaniæ, necnon & aliorum Principum, & Magnatum, civitatum etiam aliorumque locorum ingens adfuit multitudo. Joanne Rege Angliæ, Baronibus suis debitam & solitam libertatem denegante, ipsi cum domino Ludovico domini Regis Franciæ primogenito fœdus inierunt, & datis ei in obsides pueris suis præmisit ipse dominus Ludovicus apud Londoniam Willelmum sancti Audomari Castellani, Castellani, Attrebatii, Castellani de Beaumeis, & Hugonem Tacum virum nobilem & Militem strenuum, & cum eis milites & servientes plurimos.

Eodem anno Balduinus quidam cognomento Palmarius, decimam de Landertun à nobili viro domino Ingelranno de Fielnes nobis venditam & confirmatam, & à filio suo domino Willelmo postea privilegiatam jure propinquitatis calumniari cœpit, & per multos dies possessionem nostram impedit, prædicto domino Willelmo permittente, nec suam, nec sui patris Chartam prout tenebatur defendente. Tandem de consilio quorundam amicorum dominus Abbas Willelmus datis eidem Balduino xlii. libris Parisiensibus pacem suam redemit, & de novâ compositione à præfato domino satis novam Chartam impetravit sub hac formâ:

Charta Willelmi de Fielnes.

Ego Willelmus dominus de Fielnes notum volo fieri omnibus tam præsentibus quàm futuris, quod veniens coram me & coram hominibus meis Balduinus cognomento Palmarius, omnem calumniam quam adversus Ecclesiam Andrensem & Monachos in eâ Deo servientes fecerat super decimâ de Landertun, à venerabili patre meo eis collatâ, & à me postmodum tamquam à superiore domino privilegiatâ, sponte werpivit, & quidquid in eâ habere

potuit quitum clamavit, & in eleemosynam contulit: Radulfus quoque de Fercnes homo meus ejus consobrinus, suo facto assensum præbuit, & à parte suâ & suorum omnem calumniam liberaliter deposuit. Fratres vero præfate Ecclesiæ charitatis intuitu, tredecim libras Parisiensium monetæ ei contulerunt. Et ego tamquam dominus erga eos plegiavi, quod eandem pecuniam eis ex integro restitui, nisi usque ad instantem Domini Natalem, Mathildem sororem suam, & Petrum nepotem suum, Henrici fratris sui primogeniti filium, ad hoc totum firmiter concedendum, & Ecclesiæ memoratæ satisfaciendum coram me & hominibus meis adduxerit. Actum apud Fielnes anno Verbi Incarnati M. ccxv. mense Aprili. Super hoc testes sunt Walterus Abbas de Bello-loco, Robertus Canonicus ejus, Gusefridus Decanus de Withsand, Balduinus Clericus meus, & multi alii.

Anno Domini M. ccxvi. dominus Ludovicus transfretat in Angliam, cupiens nuntius quos præmiserat personaliter subvenire, & ex promisso Baronum Regnum possidere. Dominus Papa Regi Angliæ Legatum mittit in subsidium Galam Cardinalem, dominum Ludovicum & Principes Angliæ excommunicationi supponit, & terras eorum interdicto. Papa Innocentius tertius defungitur. Cincius Cardinalis substituitur, & Honorius III. nominatur. Joannes Rex Angliæ moritur: Henricus filius ejus nondum decennis coronatur, & Cruce-signatur. Regnum Angliæ sub varia sorte bellorum & ambigua victoriâ premit dira calamitas.

Ida Bononiæ Comitissa in Flandriâ moriens, Bononiæ sepelitur. Henricus Constantinopolitanus Imperator ab hac luce subtrahitur. Petrus Comes Autisiodorensis, qui præfati Henrici sororem uxorem habuit, subrogatur, qui captus à Græcis in captivitate detinetur.

Eodem anno nobilis vir Eustachius de Hammes nostram iterum pecuniam ejiciens, & centum libras Parisienses ab Abbate Willelmo charitative accipiens, partem nobis maresci sui ultra fluvium de Gifnes à parte Orientali jacentem, & inter marescum Comitum, & marescum sancti Wlmari manentem, nobis in eleemosynam contulit, & per Chartam suam in hunc modum confirmavit:

In nomine Sanctæ & Individuæ Trinitatis Patris & Filii, & Spiritus sancti, Amen. Ego Eustachius de Campaines notum volo fieri tam futuris quàm præsentibus, quod ego pro salute animæ meæ & parentum meorum, & pro salute temporali & æternâ domini mei Arnulfi Comitis Gifnensis, de meâ abundantia Andrensi Monachorum volens supplere inopiam, pro eo quod iidem Fratres meis progenitoribus in quibusdam aliis redditibus honorifice ditati, in maresco tam ad pascendum quàm ad fodiendum adhuc videbantur egeni, dedi & concessi eidem Fratribus & eorum successoribus in puram & perpetuam eleemosynam totam partem maresci quem habui, tenens eum in feodum à prædicto domino meo Gifnensi Comite, cum alio tenemento meo, jacentem inter marescum de Gifnes & marescum sancti Wlmari de nemore, ultra ledam de Gifnes, ab Orientali parte ipsius ledæ cum omni integritate Comitatus, jure & consuetudine, sicut eum ego ipse possedi, exceptis quatuor mensuris, quas jampridem pauperibus leprosis de Merch in eleemosynam contuli. Huic autem meæ devotioni Eufemia filia mea primogenita jam nubilis assensum præbuit devotè, & per manum domini Ægidii de Morteris, quem per emendationem eidem tunc dedi Advocatum, pro eo quod Ingelrannus frater meus in Angliâ, hoc totum fideliter creantavit. Ipsi autem

1216.  
Ludovicus  
Regis Franc.  
primog. transiit  
Angliam  
Regnum a-  
deprur.

Charta Eustachii de Campaines.

Fratres



Fratres unà cum eorum Abbate domno Wilhelmo mihi concesserunt, quoddam tam pro me quam pro meis prædecessoribus & successoribus unum Monachum idoneum in suo collegio reciperent; & eo defuncto pro salute animarum nostrarum apud Deum pro nobis mediatorem alium idoneum in perpetuum vice nostrā instituent. Data est autem elemosyna à me, & à filiā meā, & à nobis in Ecclesiā Andrensi super altare Dominicum oblata, & tam à prædicto Abbate quam etiam à Conventu in omnes qui contra hoc fraudem molirentur excommunicato terribiliter promulgata, & postmodum scripto & sigillo meo confirmata. Anno Incarnati Verbi M. CCXVI. mense Januario.

Eodem anno dominus Adam Morinensis Episcopus quorundam iniquorum consilio deceptus, Capellam de Dirlinghetun infra ambitum Parochiæ nostræ de Bokerdes sitam, & à nobilibus viris Henrico de Beaulo, Gusfrido & Wilhelmo fratribus suis, & eorum propinquis tempore domni Petri Abbatis factam, imò potius renovatam, & redditibus dotatam, cuidam Manassero de Boloniā à se in Presbyterum ordinato, in præjudicium nostrum ut ei satisfacere videretur, donavit. Sed tandem ad instantiam nostram factum suum revocavit, & eandem Capellam cum suis pertinentiis ad jus & patronatum nostrum pertinere decrevit, Chartā suā nobis concessā sub hac formā:

ADAM Dei miseratione Morinensis Episcopus omnibus ad quos litteræ universæ istæ perveniunt, in Domino salutem. Noverit universitas vestra quod nos Manasserum de Boloniā quem Sacerdotem ordinavimus ad præsentationem dilectorum nostrorum Wilhelmi Abbatis & Conventus Andrensis ad serviendum Capellæ de Dirlinghetun, quæ in eorum Parochiā sita est, institui volumus, ut sicut Ecclesiam de Bokerdam iidem Fratres possident ex dono bonæ memoriæ Joannis Morinensis Episcopi prædecessoris nostri, ita etiam decrevimus ut eadem libertate possideant in perpetuum patronatum prædictæ Capellæ, ut apud eos sit memoriale nominis nostri, nec aliquam personam laicalem ibidem jus patronatûs habere recognovimus. Datum Tervanæ anno Verbi Incarnati M. CCXVI. mense Augusto.

Anno Domini M. CCXVII. Otho brevi tempore Imperator, qui domino Innocentio Papæ factori suo ingratus fuit, & multo tempore excommunicationi subjacuit, apud Brunswic moritur, & sepelitur: prius tamen ab excommunicatione absolutus. Et eo mortuo Fredericus Imperator substituitur. Simon Tyriensis Archiepiscopus de mandato domini Honorii Papæ venit Legatus in Galliam, pro commutandis votis humilium & debilium personarum Crucesignatarum, ut pauperes & debiles, & præcipue mulieres, missâ in subdium Terræ sanctæ pecuniā à voto Crucis absolveret, & ab illis quos in partem suæ sollicitudinis adseverat absolvi faceret.

Eodem anno pax deformata ad tempus, in Angliā reformatur. Parvulo Regi universitas Regni contæderatur. Dominus Ludovicus ab excommunicatione absolvitur, & ordinatâ classe in suam Franciam recipitur.

Mathildis etiam quondam Flandriæ Comitissa, famosi Principis domini Philippi Comitissæ sponsa, & Regina nominata, apud Castrum Furnense moritur, & ad Claram-vallem delata juxta mariti sui corpus sepelitur: pro cujus animâ multiplex pecunia à domino Adam Morinensi Pontifice, ipsius dominæ testamenti exequutore, per Monasteria, per Ecclesias, & Xenodochia liberaliter fuit erogata.

Eodem anno dominus Wilhelmus de Gifnes senior, prædicti domini Comitissæ Balduini frater ger-

tom. II.

manus, stagnum sive vivarium nostrum de Fontaines diù usurpaverat, & à tempore domni Abbatis Petri per calliditatem suam deluli in jus proprium redegerat: qui tandem frequenti admonitione à nobis & ab amicis nostris admonitus, increpatus ad cor redire coactus, domino Lamberto Morinensi Episcopo suo contemporaneo patentes litteras suo sigillo roboratas direxit, in quibus & nostrum jus & suam injuriam plenariè recognovit, quas postmodum dominus Adam Morinensis Episcopus nobis in hunc modum confirmavit:

ADAM Dei gratiā Morinorum Episcopus omnibus ad quos litteræ istæ pervenerint, in Domino salutem. Noverint universitas vestra nos quasdam litteras authenticas à domino Wilhelmo de Gifnes prædecessori nostro domino Lamberto venerabili Episcopo, & Capitulo Morinensi directas inspexisse, & finitenus legisse sub hac formā: Venerabili patri domino Lamberto Dei gratiā Morinorum Episcopo & Capitulo Tervanensi W. de Gifnes salutem & prosperos ad vota successus. Noverit discretio vestra quoddam in stagno vel vivario de Bokerdes nullam hereditatem requiro, nec aliquod dominium habeo, nec alicui impedimentum facio, aut aisiamentum inhihero, sed propriè proprium, ac liberum Monachorum & Ecclesiæ Andrensis illud esse cognosco. Rogo itaque & supplico vobis; ne propter me aliquod damnum aut impedimentum Abbati & Ecclesiæ fieri permittatis. Quia igitur per vetustatem Chartæ aut sigilli corruptionem nolumus impostorum Andrensi Ecclesiæ præjudicium generari, nos Deum habentes præ oculis, ea quæ vidimus in scriptum redigi, & authentico sigilli nostri corroborari mandavimus. Anno gratiæ M. CCXVII. mense Sept.

Circā idem tempus nobilis vir Eustachius de Hames, qui marefscum inter marefscum Comitissæ Gifnensis, & marefscum sancti Wlmari de Nemore jacentem secus fluvium inter Gifnes & Coloniam fluentem partim nobis dederat, partimque vendiderat, quique filia suæ Eufemiæ, ut concessioni posset satisfacere dominum Egidium de Mortiers Militem Advocatum dederat, pro eo quod frater suus germanus dominus Ingelramnus de Hames in Angliā tunc temporis moram faciebat, eodem Ingelramno ab Angliā revertente quidquid prius fecerat melius & luculentius renovavit, & eundem Ingelramnum filia suæ jam nubili ut legitimè posset satisfacere conventioni, Advocatum dedit, & de utriusque assensu Chartam suam renovans nobis sub hac formā concessit.

In nomine Patris, & Filii, & Spiritus sancti, Amen. Ego Eustachius de Campaines dominus de Hames notum volo fieri tam futuris quam præsentibus, me dedisse & concessisse pro salute animæ meæ & parentum meorum, & pro temporali & æternâ salute domini mei Arnulfi Comitissæ Gifnensis, in puram & perennem elemosynam Andrensi Ecclesiæ & Fratribus in eâ Deo servientibus quamdam partem marefsci, circiter quadraginta & octo mensuras parum plus aut minus in se continentem, qui jacet inter marefscum de Coloniā & marefscum prædicti domini mei de Gifnes à parte Orientali ledæ de Gifnes, cum omni integritate juris & consuetudinis, cum comitatu & omni libertate, quā eundem marefscum cum alio tenemento meo à domino meo Comite Gifnensi in feodum tenere consueveram. Hoc autem feci de assensu & voluntate filia meæ Eufemiæ, quæ jam erat nubilis, cui ad supplementum Advocatum dedi dominum Ingelramnum fratrem meum, per cujus manum ipsa voluntariè manum huic donationi apposuit, & totum fideliter creantavit: memoratus quoque dominus

QQQ 99

Charta Adæ  
Episc.

1117.

Charta Eustachii de Campaines.

Charta Adæ  
Episc. Morin.

1117.  
Otho Imper.  
Ecclesiæ red-  
ditus mori-  
tur.

meus Comes Gifnensis ad petitionem meam hanc eleemosynam meam pro me, & ipso, & nostro genere factam liberaliter concessit, & auctoritate sui privilegii confirmavit; tali tenore, quod si in futurum Fratres Andrensis Cœnobii à leprosis de Merch acquirere potuerint quinque mensuras maresci jacentes inter marescum de Gifnes & hunc marescum, quas dudum eisdem leprosis dedi in eleemosynam, tam ipse quàm ego ratum habebimus, & in præfatâ libertate eandem quinque mensuras ad usum Andrensis Ecclesiæ fore decrevimus: ita sanè ut nullus ex successoribus meis in toto maresco memorato aliquam jurisdictionem habeat, & qualitercumque conversus sit marescus, quidquam calumniæ movere nequeat. Fratres autem memorati in lignum hujus eleemosynæ mihi unâ cum domino Willelmo eorum Abbate unanimiter concesserunt, quod tam pro me quàm pro meis progenitoribus & successoribus, unum Monachum idoneum in suum Collegium recipiant, & illo d. functo alium quem per nullius coactionem vel violentam præsentationem, sed per suam potiùs electionem cognoverint dignum & idoneum, similiter pro me & meis admittent. Actum est hoc publicè & tam à Comite sæpedito, quàm etiam à me confirmatum, anno gratiæ M. ccxvii. mense Decembri: præfate Abbate Willelmo cum toto Capitulo excommunicante omnes illos qui ausu temerario contra hanc eleemosynam aliquid malitiosum attentarent, aut eam ab Andrensis Monasterii usibus alienare præsumerent.

Denique ut nihil nobis ad certitudinem deesset, idem nobilis vir dominus de Hames ad dominum Arnulfum Comitem de Gifnes personaliter nobiscum accessit, pro eo quod idem marescus ad feodum ejus spectavit, & Chartam ejus ad opus nostrum & ad commodum perpetuum in hunc modum impetravit:

Ego ARNULFUS Comes Gifnensis notum volo fieri tam futuris quàm præsentibus, quod Eustachius de Campaines homo meus dedit in perpetuam eleemosynam Andrensi Ecclesiæ, & Fratribus ibidem Deo servientibus, pro salute animæ suæ & parentum suorum, per manum meam, & per assensum meum quemdam marescum jacentem inter marescum meum de Gifnes, & inter marescum sancti Wlmari de Nemore, pertinentem ad Coloniam, à parte Orientali ledæ de Gifnes. Hic autem marescus, quem cum alio tenemento suo de meo feodo & de me tenebat, continebat in se primò circiter quadraginta tres mensuras, sed quinque mensuras exinde jampridem contulerat leprosis de Merch, & remanent circiter quadraginta & octo mensuræ parum plus aut minus; quod si memorati Fratres Ecclesiæ Andrensis ab eisdem leprosis de Merch dictas quinque mensuras in futurum aut per emptionem, aut per concambium, aut per alium justum modum acquirere potuerint, ego hoc gratū & ratum habebo, & si ipsi marescum adquisierint, si prædicto numero quadraginta & octo mensurarum contenti fuerint, ego tamquam superior dominus, & Ecclesiæ Andrensis patronus, me . . . præsentis scripti, & omnes heredes, & successores meos erga sæpeditam Ecclesiam obligavi; tali distinctione, quod contra omnes homines, & feminas eundem marescum tamquam dominus & patronus, & tamquam fidelis & perfectus plegius, ad æternum usum & perpetuum commodum Ecclesiæ Andrensis acquietabo, cum omni integritate & libertate, cum omni comitatu & consuetudine quâ prædictus Eustachius & ejus prædecessores ipsum à me, & à meis prædecessoribus tenere consueverant, si ve ad ædificandum in eo, si ve ad fodiendum, si ve

ad pasturandum, si ve ad glebas vendendum. Actum est hoc publicè, & auctoritate sigilli mei confirmatū anno Gratiae M. ccxvii. mense Nov. apud Sangate.

Anno Domini M. ccxviii. Simon Comes Montis-fortis venerabilis Christi athleta contra Albigen- ses incredulos in bello percussus occubuit: obeunte apud Papiam Remensi Archiepiscopo Alberico, Willelmus Lingonensis Episcopus ei successit. Christianorum exercitus apud Acram dispositis prædiis nobilem civitatem Egypti Damiatam obsidione circumvallat, in quo exercitu præminebant Joannes de Brena, illustis Rex terræ Jerosolymitanæ, & Dux Austrasiæ, Fratres etiam Militiæ Templi, & Fratres Hospitalis Jerosolymitani, necnon & Hospitalis Alemannorum, summum eis ducatum & præcipuum præbente domino Pelagio Albanensium Episcopo, Apostolicæ sedis Legato, natione Hispano, qui ipsam quidem civitatem paucis diebus evolutis viriliter acquisivit, sed processu temporis nequiter amisit:

*De Conversione Beatricis postea Abbatisa.*

**B**eatrice Comitissæ Gifnensis primogenita de domo paternâ clam egrediens, nuptias sprexit, & propolium eligens castitatis Sanctimonialis facta est in Ecclesiâ Broburgensi, bonum virginibus relinquens exemplum volentibus & valentibus imitari.

Eo tempore Hugo de Walo Miles Cruce-signatus, & viam arripere paratus, accersito Willelmo Abbate, & super quibusdam secretis in foro Confessionis eo consulto, duas aucas, & viginti quatuor ova huic loco testamentaliter concessit, & per Chartam suam sub hac formâ confirmavit:

Ego Hugo de Walo notum volo fieri præsentibus & futuris, quod ego pro salute animæ meæ, & parentum meorum dedi & concessi Ecclesiæ Andrensi duas aucas quas Joannes de Osturkes censualis ipsius Ecclesiæ mihi debebat annuatim in festo sancti Michaelis, & viginti quatuor ova quæ mihi debebat in Pascha, cum omni jure & consuetudine, præter comitatum. Præterea ego indulxi eidem Joanni, & omnibus successoribus ejus, ne occasione comitatus mihi aut heredibus meis talliam umquam persolvant. Hoc autem feci concessione uxoris meæ Nataliæ & filii mei Anselmi, die quâ à Parochiâ meâ Surkes versus Jerusalem iter arripui. Anno Gratiae M. ccxviii. mense Junio.

Eodem quoque anno grandis controversia orta est inter Ecclesiam præsentem & Abbatiam de Bello loco super jure patronatûs Ecclesiæ de Terdthingham, quam Ecclesiam Abbas de Bello loco, & ejusdem Ecclesiæ Fratres ex parte cujusdam Joannis Ghibbinghetum Militis vindicabant, pro eo quod portionem suam quam in oblationibus & decimis seu aliis proventibus habebat, eis vendiderat: tertia autem pars omnium proventuum ad nos ab antiquo spectabat, & Presbyteri institutio secundum assertionem nostram ad nos pertinebat, qui triginta solidos cursalis monetæ nobis annuatim persolvebat, pro eo quod secundum jura Canonica alicui laico ista possidere non licebat. Super hac autem contentione coram delegatis à summo Pontifice aliquamdiu litigavimus, quandoque etiam coram Ordinario pro bono pacis acceriti, nos & pars adversa comparuimus, ipso Ordinario invektivè dicente quod utraque pars pro cappâ Ordinarii conflictum haberet, quia neutra pars jus patronatûs in prædictâ Ecclesiâ habere deberet; præsertim cum pars Militis præfati, quæ in eadem Ecclesiâ major fuerat, in jus & proprietatem Episcopi devoluta fuisset. Tandem mediantibus bonis viris utriusque Ecclesiæ vicinis & amicis, & partibus approbantibus in præfatum Or-

1217.

Charta Arnulfi Comit. Gifnensis.

1218. Simon Montfortius dimicans contra Albigenes perimitur. Joannes de Brena Rex Hierosolym.

Charta Hugonis Militis de Walo.

Controversia inter Abbatias Andrensem & Bellilocen.

linarium dominum scilicet Adam Episcopum, & dominum Willelmum de Capellâ, & dominum Eustachium de Bosco Abbatem, fuit compromissum, & ab eis inter partes sub chirographo pax perpetua & confirmata in hunc modum.

ADAM Dei miseratione Morinorum Episcopus, Willelmus de sanctâ Mariæ Capella, & Egidius sanctæ Mariæ de Bosco, Dei permissione Abbatem; omnibus quibus hoc scriptum videre contingit, in Domino salutem. Ortâ contentione inter Monasterium Andrense, & Ecclesiam de Bello-loco super patronatu Ecclesiæ de Terdinghem & pertinentiis ejus, & coram delegatis à summo Pontifice aliquandiu ventilata, tandem utriusque Cœnobii Abbatem & Conventus in nos compromiserunt, scripta authentica nobis utrobique dantes, & penâ quinquaginta librarum Parisiensium se obligantes, quod ratum & gratum haberent quicquid à nobis arbitrio live iudicio aut compositione diffinitum sentirent. Nos autem de consensu partium ad amicabilem potius compositionem volentes procedere, quàm secundum confusa dicta testium, quos utraque pars produxit temerè judicare, sancimus, & utraque parte approbante, de consilio bonorum virorum decrevimus, ut memoratæ Ecclesiæ patronatus live personatus cum omni integritate juris & consuetudinis ad jus & proprietatem Ecclesiæ de Bello-loco spectet in perpetuum: ita sanè ut pro melioratione frugum, & aliorum proventuum supra antiquam pensionem triginta & sex solidorum quos Andrensis Ecclesia nomine censûs percipere consuevit in Parochiâ de Terdinghem, memorati Abbas & Conventus de Bello-loco xxiv. solidos Parisienses annuatim teneantur augmentare, & sic simul & semel sexaginta solidos Parisienses in medio Martio perpetuis temporibus Andrensi Monasterio persolvere. Ut hæc autem compositio perpetuæ stabilitatis robur obtineat, eam per chirographum divisum fieri, & utramque chirographi partem sigillorum nostrorum auctoritate muniri & confirmari fecimus; pars verò Monasterii Andrensis sigillo Abbatis & Capituli de Bello-loco roborata est; & pars chirographi apud Bellum locum depositi, sigillo Abbatis & Conventus Andrensis nihilominus confirmata est. Actum publicè anno Verbi Incarnati. M. ccxviii. mense Octobri in Synodo Morinensi.

Eodem anno Willelmus de Gifnes Miles supradicti domini Willelmi filius, & domini Arnulfi Comitis consobrini, quærens undique occasionem malignandi erga Ecclesiam præsentem ut pecuniam extorqueret, & suæ inopiæ exinde satisfaceret, Chartam quam pater ejus de quitatione vivarii de Fontaines, de quâ superius mentio facta fuit, ad dominum Morinensem transmissam sibi postulavit restitui, ne occasione Chartæ eodem vivario quo per annos ferè quadraginta Ecclesiam tam ipse, quàm pater suus exheredaverat, posset in futurum privari. Quod cum ei à nobis fuisset constanter denegatum, decimam nostram de Bekerdes colligi prohibuit, homines nostros cepit; bona eorum diripuit; & damnis multiplicibus, minis & injuriis; nemine causam nostram defendente, nos affecit. Tandem dominus Arnulfus Comes partes suas interponens, datis ei de bonis nostris triginta libris Parisiensium insatiabilem ejus esuriem exinde utcumque satiavit, & præfatum vivarium eum in plenâ Curia coram Paribus suis werpire fecit; & per Chartam suam ad perpetuum usuagium nostrum sub hac formâ impetravit confirmari:

Ego Willelmus de Gifnes, filius domini Willelmi de Gifnes, notum fieri volo omnibus tam præsentibus quàm futuris, quod ego reducens ad memoriam

Tom. II.

meum patrem peccasse, dominum scilicet Willelmum memoratum erga Ecclesiam de Andrens, ipsius Ecclesiæ stagnum live vivarium, quod est inter Bokerdes & Fontaines in usus nostros retinendo, quod in nullo jure ad nos pertinebat, meam injuriam recognovi, & quicquid in eo habui super altare Dominicum in præsentia multorum obtuli apud Andrens, & omninò guerpivi, & quitum clamavi; ita sanè quod nec in aquâ, nec in piscibus, nec in aquario, junco, nec in terrâ, vel pratis ejusdem stagni, nec in cygnis nutriendis, nec in volatilibus in eo capiendis, ego, aut heredes, aut successores mei aliquid juris de cætero habere possimus, sed totum propriè proprium cedat in usus & jus Andrensis Monasterii. Hoc autem totum feci spontaneus de consilio & voluntate domini mei Arnulfi Comitis Gifnensis, qui sicut patronus Ecclesiæ erga ipsam Ecclesiam per abandonum totius feodi mei quem teneo de ipso plegiavit, quod tam de me quàm de omnibus heredibus meis, & successoribus meis, super possessione memorata Andrensis Ecclesiæ quita & infatigata in perpetuum remanebit. Et ipse super hoc ad preces meas suam Chartam nominatæ Ecclesiæ concessit. Actum anno Gratie M. ccxviii. primò in die sancti Petri ad Vincula, postea verò sigillo meo confirmatum & omniò consummatum mense Decembri.

Anno Domini M. ccxix. dominus Arnulfus Comes, qui præfatum Willelmum Militem cognatum suum cum Ecclesiâ præsentem pacificaverat super vivario, vel stagno, inter Fontaines & Bokerdes, quod ipse & pater ejus injustè per multos annos vendicaverat, sciens eum per Chartam suam præfatum vivarium omninò quitasse, ad ejus preces suam quoque Chartam nobis indulgit in hunc modum:

Ego ARNULFUS Comes Gifnensis scire volo præsentibus & futuris, me & heredes meos esse plegios erga Willelmum de Gifnes cognatum meum, & ipsius successores & heredes, super vivario vel stagno quod est inter Bokerdes & Fontaines, quod ipse Willelmus sponte werpivit, & si quid juris in eo habuerat, in Andrensi Ecclesiâ super majus altare obtulit; tali ratione quod si idem Willelmus, vel aliquis ex propinquis ejus aliquid pro eodem vivario erga memoratam Ecclesiam delinqueret, ego aut heredes mei tamquam boni plegii, & ipsius Ecclesiæ patroni per abandonum de suo feodo ipsos coërceremus & Ecclesiæ satisfieri faceremus.

*Confirmatio curtis de Northkerkâ & consuetudinum quas debebat.*

Recognosco etiam me pro animâ patris mei & propinquorum meorum eidem Ecclesiæ condonasse, & quitos clamasse omnes redditus & consuetudines quas curtis ejus de Northkerkâ mihi & prædecessoribus meis ab antiquo persolvere consueverat, exceptis novem denariis & uno obolo, quos causa superioris justitiæ & domini mihi & successoribus meis retinui. Actum est hoc & auctoritate sigilli mei corroboratum anno Verbi Incarnati M. ccxix. mense Maio, die quo ab amicis & hominibus meis licentiam accepi, ut cum domino meo Ludovico pergerem ad partes Albigenes.

Eodem anno dominus Ludovicus Regis Gallie primogenitus coacto de totâ Galliâ exercitu copioso Albigenes aggressus, Tolosam obsidet; sed deficientibus viris auxiliatoribus inefficax revertitur.

Pius Dominus vota fidelium ex alto prospiciens, & piis Ecclesiæ sanctæ precibus piis aures dignanter inclinans, civitatem Damiatam dedit in manus populi Christiani.

Pagani captam audientes urbem Ægypti Damia-

QQQ 99. 1

1219.

Charta Comitis Gifnensis.

Ludovicus Tolosam Hereticorum munimentum oppugnat. Damiatam in Christianorum ditionem redigitur.

Charta Adæ Episcopi Morinensis.

1218. Synodus Morinensis.

Charta Willelmi de Gifnes.

tam, & civitatem Jerusalem se posse tenere desperantes, prostratis turribus muros everterunt, non tamen à Christianis potuit possideri.

1220.

S. Thomæ  
Cantuar. cor-  
poris eleva-  
tio.

Anno Domini M. cccx. gloriosi Martyris Christi Thomæ Cantuariensis Archiepiscopi facta est sollemnis elevatio à domino Stephano Cantuariensi, & domino Willelmo Remensi Archiepiscopis, adstante Henrico Rege Anglorum adhuc puero, & domino Pandulfo Apostolicæ sedis legato, Norwicensi Episcopo, & aliis Episcopis pluribus tam Francis quàm Anglis, præsentibus etiam Abbatibus quamplurimis, & diversorum Ordinum Prælati, Clericorum quoque, Baronum, Militum, & aliorum innumerâ multitudine ex omni ferè natione quæ sub cælo est. Hos omnes præfati Martyris pius amor ad sui præsentiam attraxerat, & tamen multo plures memoratus dominus Archiepiscopus per litteras suas de omnibus regionibus invitaverat, & nobile palatium sicut adhuc cernitur earum receptioni præparaverat: de quâ festivitate mira possemus dicere, nisi modum timeremus excedere.

Fredericus cognominatus Puer Appuliæ Romæ apud sanctum Petrum à domino Papa Honorio in Imperatorem Romanum est consecratus. Obiit Radulfus bonæ memoriæ Atrebatensis Episcopus, cui successit Pontius Archidiaconus Atrebatensis.

1220.

Anno M. cccx. Arnulfus Comes Gifnensis quod morti debuit exsolvit, & in hoc loco sepultus requiescit; domino Abbate Willelmo tunc temporis absente, & Romæ moram faciente; discrepantibus contra eum Karrofenis Monasterii procuratoribus pro electione Hamensis Monasterii, ubi procurante domino Adam Morinensi Episcopo à majori parte Capituli fuerat postulatus. Eodem etiam domino Abbate Willelmo pro celebrando annuo generali Capitulo ex electione omnium Abbatum Remensis provinciæ nostri Ordinis apud Curiam destinato.

1221.

Damiatam  
rursus inva-  
dunt Sarra-  
ci.

Anno Domini M. cccxi. peccatis nostris exigentibus civitatem Damiatam nobilem & famosam, quam nobis Dominus per gratiam suam ad tempus concesserat, auferri nobis à gentilibus sustinuit, & ita sub momento quasi in profundum maris projectum vidimus; & perditum incurabilem thesaurum: unde per tres annos contiguos universalis Ecclesia in solutione viginti enormiter læsa & eviscerata fuit. Domino Willelmo Abbate à Curia Romanâ revertente, & in vigilia sanctæ Rotrudis à Conventu, à Clero, & à populo recepto in sollemni processione, dominus Manasses de Gifnes inter alios ei occurrit, & eo salutato utrum negotium ejus promovisset inquisivit, respondente Abbate de voto Crucis suæ circa eum esse dispensatum, & hoc sine gravi labore, & magnis expensis non esse obtentum: Et ego, inquit, pro vobis laborabo, & expensas factas in brevi tempore vobis & Ecclesiæ vestræ restituere curabo. Sequente die orto jam sole ad Abbatem accessit, & cum eum quâdam parte Conventus, & quibusdam hospitibus qui ad festum convenerant secum ducens, ad marefium terræ solidæ de Hottinheim contiguum perrexit, omnes de equis descendere & se pedites sequi admonuit, circumgirata magnâ parte marefci plusquàm quadraginta mensuras continente, Ecclesiam Andrensem inde perpetualiter investivit, & limitari fecit. Domino Abbate cum omnibus qui aderant ibidem excommunicante, & in eadem die in plenâ processione excommunicationem reiterante, ne quis in posterum ausu temerario hunc eleemosynæ contraire attentaret. Idem verò nobilis vir super factâ eleemosynâ uxori suæ assensum petiit & obtinuit, & per Chartam suam utriusque sigillo li-

gnatam nos sub tali formâ certificavit:

Ego Manasses de Gifnes dominus de Trembronnâ, & ego Adelidis uxor ejus, notum esse volumus præsentibus & futuris, quod nos pro salute animarum nostrarum, & parentum nostrorum dedimus & concessimus Ecclesiæ Andrensi, cujus Parochiani sumus, ad opus Monachorum fratrum nostrorum ibidem Deo servientium circiter quadraginta & duas mensuras prati parum plus aut minus; jacentes inter vivarium nostrum de Rorichona, & secundum hominis nostri Amelonghi, secus fluviolum qui vulgò dicitur Potterledh, à parte Orientali pratorum domini Alienor de Andernes. Hanc autem eleemosynam Andrensi Monasterio liberaliter ac devotè collatam ad nutrimenta animalium Ecclesiæ, seu si opus fuerit ad focum administrandum deputavimus, & cum omni integritate juris & consuetudinis cum dominio & comitatu, sicut ad nos spectabat, in perpetuam eleemosynam contulimus. Ad majorem autem securitatem, ut donatio nostra perpetuè stabilitatis robur obtineat, Chartam præsentem in testimonium veritatis præfatæ matri Ecclesiæ nostræ Andrensi concessimus, & eandem Chartam sigillorum nostrorum munimine corroboravimus. Actum anno Verbi Incarnati M. cccxi. in die festo sanctæ Rotrudis Virginis.

Postmodum verò ad dominum Episcopum personaliter accedens, & factam eleemosynam coram ipso recognoscens, suam confirmationem petiit, & eam ad opus nostrum in hunc modum confirmavit:

ADAM divinâ miseratione Morinensis Episcopus omnibus ad quos præfens scriptum pervenerit, in Domino salutem. Noverit universitas vestra, quod accedens ad nos nobilis vir Manasses de Gifnes dominus de Trembronna, recognovit se & uxorem suam Adelidem pro salute animarum suarum & parentum suorum dedisse & concessisse, & scripto authentico confirmasse Andrensi Monasterio, & Fratribus in eo Deo ministrantibus, quadraginta & duas circiter mensuras prati in Parochiâ de Andrens; petens humiliter hanc eleemosynam à nobis ratam haberi, approbari, & auctoritate Pontificali ad opus & usum servorum Dei confirmari. Nos autem ipsius precibus inclinati, & dicti Monasterii providere cupientes indemnitati, præfatam eleemosynam auctoritate scripti præsentis confirmamus & corroboramus; ex parte Dei omnipotentis sub pœnâ excommunicationis districtius inhibentes, ne quis in posterum ausu temerario contra hanc eleemosynam à nobis confirmatam calumniam movere, aut Andrensem Ecclesiam exinde perturbare præsumat. Datum apud Gifnes anno gratiæ M. cccxi. mense Augusto coram multis.

Denique post annos aliquot feudum Amelonghi, de quo superius idem dominus Manasses in Chartâ suâ mentionem facit, dominus Abbas Willelmus datis eidem Amelongho centum solidis acquisivit, ita quod totus mareficus à priori marefco domino Manasse nobis confirmato usque ad fluviolum Potterledh in usus nostros cedit. Memoratus siquidem Amelonghus illam particulam marefci quam à domino Manasse in feudum receperat, coram Paribus suis in manus domini sui resignavit, & idem dominus nos exinde investivit.

Eodem anno domina Alienor vicina nostra super marefco, vivario suo & molendino nostro contiguo tam per se, quàm per suos multipliciter nos aggravavit; & consuetum usuagium nobis denegavit; quâ de re in Curia Morinensi à nobis in causam tracta, & per dies aliquot vires nostras experta, tandem in hoc consensit, & nostrum nihilominus consen-

Charta Ma-  
nasses Gifn.

Charta Adæ  
Episc. Morin.

1221.



sum adepta fuit, ut in tres Presbyteros fide dignos compromitteremus, qui arbitrio vel compositione litem motam terminarent. & secundum scripta authentica, secundum fidelium testimonia in causâ procederent. Simon ergo Decanus de Gifnes, Magister Michaël de Audenheim, & Arnulfus de Boninghes Presbyteri ad hoc onus assumpti à partibus, & negotium prorogantes, propter dominum Balduinum Clericum cujus vicinitatem timebant, quique eandem dominam socrum suam de ejusdem Balduini adjutorio nimis præsumere videbant, ipso tandem occiso, & mandato Apostolico, ut litem terminarent recepto, in hunc modum processerunt:

Charta testi-  
mon. trium  
Presbytero-  
rum.

In nomine Patris & Filii & Spiritus sancti, Amen. Ego Simon Decanus de Gifnes, ego Magister Michaël Presbyter de Audenheim, & ego Arnulfus Presbyter de Boninghes, inter Monasterium Andrense & nobilem mulierem dominam Alienor de Andrens, de ipsorum voluntate & beneplacito arbitri electi, atque in eodem arbitrio à sanctissimo Patre nostro Honorio summo Pontifice confirmati, scire volumus præsentibus & futuris, quoddam cum diutius inter partes prædictas in Curiâ Morinensi litigatum fuisset super quodam maresco & usuagio ejus, sito inter vivarium de Andrens & villam de Hottinghem, nos audito testimonio veridicorum & antiquorum sub juramento, quos utraque pars produxit, visis etiam scriptis authenticis venerabilium Patrum Milonis & Desiderii Morinensium Episcoporum, quæ Andrensis Conventus in jure nobis exhibuit: auditâ etiam famâ publicâ qualiter etiam in eodem maresco & usuagio ejus usque ad tempora nostra consuetudo obtenta & observata à prædictis partibus, & earum prædecessoribus fuit; cum inter eandem partes multum laborantes aliquo modo non possemus componere, de consilio prudentium virorum, & in utroque jure peritorum, & tandem de partium voluntate arbitrando sententiam promulgavimus in hunc modum:

Imminente singulis annis festivitate sanctæ Rotrudis, quamdiu per residuum æstatis spatium in præfato maresco herba creverit, aut juncus duraverit, Abbas & Monachi Andrenses, marescum à domino de Wallo usque ad eundem terminum defensatum, liberè possunt intrare, & suos servientes intrmittere, & quod sibi visum fuerit necessarium sine calumniâ debent accipere tam in herbâ quàm in junco. Similiter dominus de Wallo ad suum usuagium quidquid domui suæ fuerit necessarium sine fraude & malo ingenio, dummodo vim non faciat, aut modum non excedat, liberè poterit accipere; nec altera poterit pars alteri in aliquo contradicere. Decernimus autem nomine maresci debere intelligi quidquid à clusâ vivarii & à viâ molendini usque ad terram solidam circumquaque poterit in terra palustri contineri, tam in pratis quàm in pratellis vel marescis. Præterea nos non solum auctoritate arbitrii freti, sed quoddam magis Presbyteri existentes, & auctoritate Summi Pontificis, quantum ad articulum istum ad arbitrium proferendum roborati, omnes illos excommunicavimus qui aut temerario hoc arbitrium futuris temporibus perturbare præsumserint, aut ei in aliquo contraire. Et quare lis ista per gratiam Dei à nobis sopita, à Curiâ Morinensi ad nostram parvitatem descendit, ad petitionem nostram venerabilis Pater noster Adam Morinensis Episcopus arbitrium à nobis prolatum approbans, auctoritate Pontificali corroboravit. Actum apud Ardeam, & sigillis nostris confirmatum anno gratiæ M. cccxi. in festivitate sancti Andree Apostoli.

Dominus verò Adam Morinensis Episcopus arbi-

trium ab eis prolatum, & eorum sigillis roboratum, & sibi ostensum approbavit. & suo authentico ad opus nostrum corroboravit sub hac formâ:

ADAM Dei gratiâ Morinorum Episcopus omnibus ad quorum notitiam præsens scriptum pervenerit, in Domino salutem. Noverit universitas vestra quoddam cum in Curiâ nostrâ quæstio mota esset, & diu ventilata inter Monasterium Andrense ex unâ parte, & nobilem mulierem dominam Alienor de Andrens ex alterâ, super quodam maresco & usuagio ejus; tandem partes memoratæ de consilio nostro compromiserunt in Decanum de Gifnes, in magistrum Michaëlem de Audenheim, & in Arnulfum de Boninghes Presbyteros; tali conditione quoddam hi tres Presbyteri secundum testes ab utraque parte producidos, secundum privilegia si qua in jure à partibus exhibita comparerent, & secundum consuetudines à partibus aut inter partes observatas, procederent; & justitiâ mediante motam quæstionem judicio vel arbitrio, seu compositione prout melius viderent expedire, terminarent. Qui quoniam litem antiquam, sicut in eorum sententiâ apparet, per compositionem amicabilem sopire non valebant, ad sententiam procedere decreverunt, & eandem sententiam à nobis humiliter confirmari petierunt. Nos autem eorum justis precibus inclinati, sententiam ab eis latam, ratam habemus, approbamus, & præsentis scripti patrocinio communimus, ex parte Dei omnipotentis sub pœnâ excommunicationis districtius inhibentes, ne quis in posterum ausu temerario contrâ eam aliquid attentare præsumat. Datum anno gratiæ M. cccxi. mense Januario.

Anno domini M. cccxi. dominus Petrus Senonensis Archiepiscopus, qui Cameracensis Episcopus exstiterat, vir litterarum scientiâ non mediocriter imbutus, huic sæculo valedixit; cui Magister Walterus cognomine Cornutus successit. Nobilis vir Radulfus de Fielnes hujus villæ quandoque dominus, & sapientis matronæ dominæ Adelidis maritus, jam senio gravatus, & in domo suâ de Flamersele ferè semper assiduus, de quorundam fidelium consilio, accersito domino Wilhelmo Abbate, nemus de Hardingeshem, quod est inter feodum domini Wilhelmi de Odere, & montem de Bensoberg, sicut per rivulum quemdam subtilem defluentem dividitur, quod jam per annos ferè xxvi. tenuerat, & unde tres vestituras receperat, in manusejusdem Abbatis resignavit. Sed cum quidam nobiles in partibus illis manentes, Petrus scilicet Miles de Herumval, & Simon cognatus ejus, exinde partem vendicarent, ex parte bonæ memoriæ domini Balduini quondam Noviomensis Episcopi, in confinio ipsius montis nati, cujus ipsi erant propinqui, per quosdam antiquos, & fide dignos parte eorum à parte nostrâ limitatâ & sequestratâ, de nostrâ quidem parte censuales & mansionarios fecimus, de parte eorum homagium ab eis recepimus, & postmodum ut partem suam Ecclesiæ de Bello-loco venderent, & ut ejusdem Ecclesiæ Fratres, qui curtem de Hardingeshem sub annuo censu ab antiquo de nobis tenent, ipsam terram emerent & possiderent, eisdem concessimus. Pro recompensatione verò homagiorum & releviorum, quæ nobis ex parte eorum poterant in posterum provenire, Abbas & Conventus Bello-loci decem nobis solidos Parisiensium monetæ in festo sanctæ Rotrudis persolvendos annuatim promiserunt, & super hoc Chartam suam nobis in hunc modum concesserunt:

Ego WALTERUS Dei patientiâ humilis Abbas, & totum Capitulum sanctæ Mariæ de Bello-loco, scire volumus omnes præsentibus & futuris, quoddam nos & successores nostri tenemur annuatim persolvere in

QQQ q u j

Charta Adæ  
Epi. Morin.

122.

Charta Abba-  
tis & Capituli  
de Bello-loco.



perpetuum in festo sanctæ Rotrudis decem solidos Parisiensium dilectis vicinis nostris Abbati & Conventui Andrensi, pro recompensatione servitorum & releviorum quæ debuerant habuisse de feodo juxta Hardingshem à nobis per eorum licentiam acquisito, ab eorum quondam vavassoribus Petro Milite de Herunval, & Simone cognato suo. Concessimus etiam eidem Ecclesiæ, quodd ejus censualibus inter eundem feodum & tenementum domini Wilhelmi de Odrâ juxta rivulum consistentibus, pacem & concordiam tenebimus, nec eos per exitus & introitus coarctabimus, dummodo antiquis viis & semitis fuerint contenti; sed tam ipsos quàm quicquid ad Ecclesiam Andrensem pertinet defendere, nutrire, & defendendo manutenere debebimus. Datum apud Bellumlocum, & auctoritate sigillorum nostrorum corroboratum, anno Verbi Incarnati M. ccxxii. mense Januario.

Eodem anno Robertus de Ales Miles super decimam de Ales, quam Alulfus pater ejus multo tempore transacto huic Ecclesiæ invadiaverat pro octoginta & quinque marcis publicæ monetæ, per manum dominæ Idæ venerabilis Boloniæ Comitissæ: volens adhuc quamdam summam pecuniæ habere, & memoratam decimam nobis ex toto quitare, LXIII. libras Parisiensium monetæ à nobis accepit, & ipsam decimam nobis sub hac formâ confirmavit:

Ego Robertus de Ales Miles, notum fieri volo tam presentibus quàm futuris, quodd cum dominus Alulfus pater meus decimam de Ales, quæ ad ipsius spectabat hereditatem invadiasset dudum domno Petro Abbati & Ecclesiæ Andrensi pro octoginta & quinque marcis publicæ monetæ currentis in Comitatu Boloniæ, per manum dominæ suæ Idæ Boloniæ Comitissæ: & mihi legitime constaret nullum me jus in eadem decimâ habere quoadusque per pretium memoratum possem redimere, acceptâ ab eadem Ecclesiâ charitate sexaginta trium librarum Parisiensium ipsam decimam eidem Ecclesiæ quitam, & per manum domini Adæ Morinensis Episcopi ipsam ei resignans, super altare Dominicum liberaliter obtuli, presentibus uxore meâ Margareta, unâ cum liberis nostris Guillelmo & Mathilde, & per manum domini Simonis de Calquilla eorum tunc Advocati, mecum concedentibus: quodd si rectus heres, qui Boloniensem Comitatum recturus est, aliquando hanc elemosynam contradiceret, me super totum feodum residuum distringere posset, quatenus Andrensis Ecclesia tam ultimam pecuniam quàm etiam primam ex integro rehabetet, & etiam per me, vel per aliquem de heredibus meis pro hac decimâ Andrensis Ecclesia gravamen sustineret, ipsa Comiti Boloniensi vel alteri Potenti ad me vel heredem meum coercendum viginti quinque libras Parisiensium super me, & mea dare valeret. Actum & sigillo meo corroboratum anno Verbi Incarnati M. ccxxii. mense Martio.

Quo facto accessit ad dominum Morinensem Episcopum, ducens secum dominum Simonem de Calquilla, quem liberis suis Wilhelmo & Mathildi Advocatum dederat, & rei gestæ seriem coram eo recognovit: necnon & Chartam ejus ad opus nostrum in hunc modum impetravit:

Charta Adæ  
Episc. Morin.

ADAM Dei gratiâ Morinorum Episcopus omnibus quibus has litteras videre contigerit, in Domino salutem. Discretionem vestram non lateat, quodd accedens ad nos Robertus de Ales Miles, recognovit de Ales decimam Andrensi Monasterio à parentibus suis fuisse impignoratam antequàm nasceretur, per manum dominæ suæ nomine Idæ Boloniensis Comitissæ, pretio octoginta quinque marcarum

publicæ monetæ, sicut in Chartâ ejusdem Comitissæ continetur. Volens autem eidem Ecclesiæ ad plenum reconciliari pro damnis & injuriis occasione ejusdem decimæ frequenter illatis, acceptâ charitate sexaginta trium librarum Parisiensium ipsam decimam in manu nostrâ resignans, eam memoratæ Ecclesiæ quitam à nobis donari & confirmari impetravit. Et uxor sua Margareta cum duobus liberis eorum Wilhelmo & Mathilde per manum nobilis viri Simonis de Calquilla, quem eis dedimus Advocatum, hoc totum concessit, eodem Simone nihilominus coram nodis plegiante, quodd quamvis præfati liberi ad annos discretionis pervenerint, tam ipse quàm eorum pater eos ad hoc concedendum tenebuntur inducere, aut si in hoc defecerint, idem Simon memoratas sexaginta tres libras Andrensi Ecclesiæ tenebitur ex integro restituere, ut deinceps titulo pignoris Andrensis Ecclesia, quoadusque supradictas octoginta & quinque marcas plenarie ab herede receperit, eandem decimam pacifice valeat possidere ad majorem securitatem. Præterea nos ad preces prædictorum nobilium virorum erga Andrensem Ecclesiam plegiavimus, ipsis quidem nos ad hoc inducentibus, & Christianitatem suam & terrarum suarum erga nos obligantibus, quodd si quid in eis defecerit, nos per censuram Ecclesiasticam reos puniemus, & quoadusque Andrensi Ecclesiæ fuerit satisfactum ab executione rigoris non desistemus. Datum & sigillo nostro confirmatum anno Gratia M. ccxxii. mense Martio.

Quoniam verò Boloniensis Comitatus proprium & principalem Comitem tunc temporis non habebat, sed licet Mathildis heres ejusdem Comitatus ex parte matris Idæ & patris Reinaldi in captivitatem detenti, Philippo Regis Francorum filio nondum Militi desponsaretur; primogenitus tamen Regis Francorum dominus Ludovicus curam ejusdem Comitatus gerebat: utraque Charta præmissa quasi conditionaliter facta fuit, pro eo quodd præfatus per principalem Comitem confirmari non potuit, & eâ de causâ quodd si opus esset, & nobis expediret, tam primum vadimonium octoginta & quinque marcas continens, quàm ultimum quodd sexaginta tres libras in se continuit, pars nostra ab herede & plegio repetere posset: proinde ad cautelam idem Robertus Miles à fidelibus admonitus, aliam nobis Chartam nullam conditionem in se continentem, sed memoratam decimam nobis ad plenum quitantem sub hac formâ nobis concessit:

Ego Robertus de Ales Miles, notum fieri volo tam presentibus quàm futuris, quodd cum Andrensis Ecclesia, in qua mei prædecessores requiescunt, ab antiquo tempore antequàm natus essem, de manu patris mei Alulh duas garbas decimæ de Ales pro octoginta & quinque marcis curialis monetæ per manum venerabilis dominæ Idæ Boloniæ Comitissæ invadiatam tenuisset, & propter eandem decimam à me & à matre meâ, & à fratribus meis multiplices injurias & pressuras contra Deum & animarum nostrarum salutem aliquando sustinuisset, tandem ad cor reversus, ipsam decimam & quicquid juris mihi, aut meis posset hereditario jure contingere, si redempta fuisset, in manu patris venerabilis domini Adæ Morinensis Episcopi resignavi, & ut de manu ipsius eadem Ecclesia exinde investiretur pro salute animæ meæ & parentum meorum, humiliter impetravi. Huic autem renuntiationi & quitationi uxor mea Margareta cum liberis nostris Wilhelmo & Mathilde de manu domini Simonis de Calquilla, qui à domino Episcopo & à me eis datus est Advocatus, sponte consensum & assensum præbuerunt, & ut ab eodem Episcopo, & à me Ecclesiæ Andrensi con-

Charta Roberti de Ales.

firmaretur in perpetuum, humiliter petierunt. Actum igitur est hoc solemniter, & super altare Dominicum apud Andriam à nobis obiatum, & Episcopo resignatum, & tam ab Episcopo quàm à me confirmatum, anno Verbi Incarnati M. cccxii. mense Martio. In eundem quoque modum dominus Morinensis Episcopus ab ipso Roberto & uxore ejus Margaretâ & liberis, necnon & Simone de Calquilla eorum plegio, dum in hoc Andrensi Monasterio hospitaretur rogatus, suam nobis Chartam concessit; cujus tenor talis existit:

Charta Adæ  
Episc. Morin.

ADAM Dei miseratione Morinensis Episcopus, omnibus ad quorum notitiam præsens scriptum pervenerit, in Domino salutem. Noverit universitas vestra quòd dum paternâ sollicitudine Morinensem diocesim cui Deo auctore præsidemus, visitaremus, & circa ea quæ ad statum & securitatem sanctæ matris Ecclesiæ spectant nostræ mentis intentio versaretur, accessit ad nos in Andrensi Monasterio nobilis vir Robertus de Ales, unâ cum uxore suâ Margaretâ, & duobus liberis Wilhelmo & Mathilde, confitens & recognoscens se & suos erga idem Monasterium sæpius deliquisse super quâdam decimâ de Ales, quam priusquàm nasceretur à suis parentibus ipsius Monasterii Fratres titulo pignoris possederant, quamque per Boloniensem Comitissam illustrem Idam pretio octoginta quinque marcarum ab antiquo impignoratam & confirmatam tenebant; pro quibus excessibus ad cor revertens, & super eadem decimâ cum totâ sui integritate sicut eam sui prædecessores possederant, Christum facere heredem gestiens, præfatâ uxore suâ cum liberis approbantibus, & per manum nobilis viri Simonis de Calquilla, qui eis datus est Advocatus, manus apponentibus memoratam decimam ad opus Ecclesiæ Andrensis in manu nostrâ resignans, in perpetuam elemosynam ei dari supplicavit. Nos verò piæ petitioni eorum clementer assentientes, de eadem decimâ nobis resignatâ & quitatâ, Andrensis Ecclesiæ Fratres tam futuros quàm præsentis liberaliter investivimus, & auctoritate scripti præsentis sigillo nostro corroborati, sepedictam Ecclesiam dotari & ditari simul decrevimus: ex parte Dei omnipotentis sub periculo anathematis districtius inhibentes, ne quis in posterum hanc elemosynam & constitutionem ausu temerario molestare vel perturbare præsumat. Datum anno Gratie M. cccxii. mense Martio.

Præterea ne quid nobis ad certitudinem deesset, Simon dominus de Calquilla totius negotii plegius & testis, suam quoque Chartam in hunc modum nobis concessit:

Charta Simonis  
de Calquilla.

Ego Simon dominus de Calquilla omnibus hoc scriptum inspecturis notum volo fieri, quòd dominus Robertus de Ales vicinus meus decimam quondam à patre suo domino Alulfo Andrensi Ecclesiæ pro octoginta & quinque marcis Boloniensis monetæ invadatam, & per manum dominæ suæ Idæ Boloniæ Comitissæ eidem Ecclesiæ confirmatam, memoratâ Andrensi Ecclesiæ in elemosynam dare volens, & in manu domini Morinensis Episcopi Adæ ad opus Andrensis Ecclesiæ resignationem & quitationem sponte suâ faciens, me erga eandem Ecclesiam plegium constituit, quem coram eodem Episcopo uxoris suæ dominæ Margaretæ & liberorum suorum Wilhelmi & Mathildis Advocatum fecit, quod quamcunq; iidem liberi ad annos discretionis pervenerint, ipsi per se personaliter faciant quod pro eis feci, & quod ipsi fecerunt, elemosynam scilicet patris sui, unâ cum matre suâ creantando & fideliter assensum præbendo. Hoc autem concessi præsentem memorato Episcopo per abandonum Christianitatis meæ, & terræ meæ, sub tali districto quòd

si Andrensi Ecclesiæ inde periculum immineret, infra quadraginta diēs submonitionis suæ, tamquam plegius vel debitor, super sexaginta & tribus libris Parisiensibus eidem Ecclesiæ satisfacere tenerer. Actum & sigillo meo confirmatum anno Gratie M. cccxii. mense Martio, apud Ales coram multis.

Circâ idem tempus nobilis vir dominus Manasses de Gînes in loco præsentis sæpius conversatus, & à Fratribus nostris qui ei magis erant familiares, nunc secretè, nunc publicè correptus, & tandem ad cor reversus, de duplici injuriâ nobis eatenus illatâ satisfecit, & de satisfactione nobis Chartam suam indulsit. Siquidem decimam novalium suorum apud Rorichove, tertiam scilicet garbam in usus proprios redegerat, & unum polkinum frumenti de manerio domini Radulfi Bailleul, cujus ipse apud Balinghem factus est possessor, post alios retentores diù retinuerat: suæ autem Chartæ tenor talis est:

Ego Manasses de Gînes dominus de Tiembronâ, notum volo fieri tam futuris quàm præsentibus, me pro salute animæ meæ & prædecessorum meorum dedisse, concessisse, & præsentis scripti patrocinio corroborasse, Andrensi Monasterio & Fratribus in eo Christo servientibus, totam tertiam garbam de manerio meo de Rorichovâ, si sit in Parochiâ de Andrens, si sit in Parochiâ de Spellekâ; quam decimam de novalibus & terris incultis dudum acquisieram, & Andrensis Ecclesiæ Fratribus reclamantibus pro eo quòd infra decimas eorum constabat, in jus proprium redegeram. Præterea cum ipsi Fratres ab antiquo vendicaverant unum polkinum frumenti super manerium meum de Baveingham, quod antea fuerat Radulfi Baillol; & mihi pro certo constet eorum calumniam justam & veram fuisse, eundem polkinum frumenti eis liberaliter recognovi, & pro diuturnâ retentione indulgentiam petii, & impetravi: & super Eustachium de Bontun & successores ejus in perpetuum, ipsum polkinum eis assignavi. Datum solemniter, & publicè recognitum in Ecclesiâ Andrensi, & super majus altare sponte oblatum, anno Gratie M. cccxii. mense Junio.

Charta Manasses de Gînes

Anno Domini M. cccxiii. Philippus Francorum Rex magnanimus, vir Catholicus, domitor inimicorum indomitus, non sine magno gemitu matris Ecclesiæ apud Maantes viam universæ carnis ingressus est, & ad Cœnobium beati Dionysii Areopagitæ delatus, ibidem cum honore debito sepelitur: cujus regni gubernacula Ludovicus primogenitus ejus suscipiens, Remis à domino Wilhelmo Archiepiscopo, primùm Lingonenli Episcopo, mense Augusto præsentem viro Catholico Joanne Rege Jerosolymitano in Regem solemniter consecratur. Philippus frater Ludovici Regis Gallie, ab hominibus suis apud Boloniam in primo adventu suo condignè suscipitur; cujus Comitatum receperat cum Mathilde uxore suâ, filiâ scilicet Reinaldi quondam Comitæ Boloniæ, qui senescens in vinculis finem vitæ potiùs quàm liberationem miserabiliter expectabat.

1223.  
Philippi Francor. Regis obitus.

Romæ terra sanguinea more pluvie à summo super terram miraculosè decedens, videntibus & audientibus stupori habetur. Joannes Rex Jerosolymitanus per fines Gallorum transiens, gratiâ visitandi & adorandi Reliquias gloriosi Thomæ Martyris transfretat in Angliam, sed in Anglis Anglos vulpinos reperiens ad natale solum festinè se transponit.

De fundatione Ecclesiæ de Bonhem.

Anno Domini M. cccxiv. Beatrix Comitissa de Gînes & Castellana de Broborgh, post multiplices discordias à die mortis mariti sui cum filio suo Balduino habitas, ei tandem reconciliatur; & ipso

1224.

annuente Monasterium Ancillarum Dei de Bonhem ab eâ ædificatur; & post multos & diuturnos languores mense Augusto apud Porburgh defungitur; quâ sepulturam eligente in Monasterio novo à se fundato, & Domino Episcopo idipsum confirmante, licet ibidem tunc præsens esset, & ne contrâ votum prædictæ dominæ aliquid attentaretur districtius inhiheret: prædictus tamen Comes filius ejus in sententiâ prævalens, in Monasterio Monialium de Burburgh in sepulcris patrum suorum ab eodem Episcopo eam sepeliri fecit. Unde domnum Abbatem Willelmum & suos ex antiquis privilegiis funera Comitum vendicantes offendit, sed in hoc tamen eum pacificavit; quodd qualitercumque de Comitibus acciderat, in Andrensi Monasterio debere sepeliri publicè recognovit.

Hæc autem nobilis matrona in extremâ valetudine perpendens, & recogitans quodd de bonis Ecclesiæ nostræ frequenter & multipliciter fuerat honorata, in testamento suo quod voluntariè fecit, quodque auctoritate domini Morinensis Episcopi sub anathemate confirmari impetravit, viginti solidos publicæ monetæ in Castellaniâ de Broburgh annuatim percipiendos nobis legavit, & ad anniversarium suum solemniter faciendum deputavit: unum etiam peroptimum vini dolium adhuc vivens ad nos usque carricari fecit, & ad Fratrum pitantiam assignavit. Sed tamen de piæ matris testamento ab herede ejus licet sæpius admonito nihil adhuc est factum, & patris ipsius heredis testamentum infirmis nostris promissum, usque hodie est omnino retentum.

Eodem quoque anno nobilis vir Eustachius de Campaines decimam de Hildrikem, quam dudum Ecclesiæ beati Wlmari de Nemore invadiaverat, eidem Ecclesiæ ex toto vendere voluit. Et propter hanc concessionem ad dominum Balduinum Comitem tunc temporis in hac Andrensi villâ manentem cum nuntiis ipsius Ecclesiæ accessit; sed petitionem suam impetrare non potuit. Nam isdem Comes hoc Monasterium sibi domesticum magis quàm alterius terræ Monasterium diligens, pro sexaginta libris quas de præfato Monasterio idem Miles habere debuerat, quinquaginta libras Parisiensium monetæ apud sanctum Audomarum vice ejus quitavit, & eodem pretio præfatam decimam redimendam ad opus nostrum marravit; quod per Chartam suam sæpèdictus Miles sub hac formâ evidenter ostendit:

Charta Eustachii de Campaines.

Ego Eustachius de Campaines notum volo fieri omnibus tam futuris quàm præsentibus, quodd propter multiplices offensas quibus excessi contrâ Andrensem Ecclesiâ, dedi & concessi eidem Ecclesiæ decimam de Hildrekem ad me jure hereditario spectantem, sed adhuc Monasterio sancti Wlmari de Nemore pro centum quadraginta libris invadiatam, scilicet Parisiensium monetæ, tali tenore & conditione quodd postquam à præfato Andrensi Monasterio dicto pretio fuerit redempta, ejusdem Ecclesiæ Fratres memoratam decimam perpetuò teneant, & pacificè possideant. Hoc autem feci de assensu & voluntate Domini mei Balduini Gisenensis Comitis, à quo cum aliis bonis eandem decimam tenebam in feodum, salvo vadimonio sancti Wlmari sicut dictum est, hereditatem ipsius decimæ ad opus Andrensis Ecclesiæ approprians, & ipsam in manu dicti Comitis, qui Andrensis est patronus, reconfignans præsentibus Paribus meis, & quod id de jure facere possem adjudicantibus. Comes autem in recompensationem meæ devotionis pro me quinquaginta libras Parisienses, quas debebam Joanni Martio de sancto Audomaro quitavi, & servitium quod exinde debebat habere, pro suâ concessione libera-

liter indulxit. Actum est hoc dum omnibus bonis meis quæ sunt in Comitatu Boloniæ quietè & pacificè gauderem, apud Andrensis in Ecclesiâ sancti Salvatoris anno Domini M. ccxxiv. mense Maio.

Cum autem tam Abbas quàm tota Congregatio hujus loci firmiter crederet persolutam à Comite pecuniam, nec ei nec alicui de suis ulterius esse persolvendam, vix biennio evolutum dum idem Comes cum domino suo Rege Francorum Ludovico ad partes Albigenium tenderet, cum maximâ difficultate memorata summa à nobis persoluta est, quæ nec postmodum nobis fuit restituta, nec prædicta decima à nobis possissa.

Anno Domini M. ccxxv. quidam in terrâ Hanonia novæ fraudis inventor apparuit, qui dicens se esse Balduinum quondam Comitem Flandriæ, postea Imperatorem Constantinopolitanum & Regem Thessaloniciæ: cum hoc quibusdam simulationis signis & indiciis instanter assereret, quamplures plebeiæ manus, & quosdam nobiles, necnon & viros religiosos suis assertionibus fidem compulit adhibere. Unde factum est ut ipsum penè tota Flandria & Hanonia suum dominum certatim acclamarent, & ei cum magno laudis præconio in obviam euntes, suæ ditioni se suæque votis omnibus subdiderunt. Qui in tantæ præsumptionis elatus est audaciam, ut vexillis præcuntibus trinæ dignitatis sedem Joannæ Comitissæ jam à Comitatu ferè destituta, & aliorum Nobilium qui ei adhærebant, querimoniâ didicisset, citavit hunc ausum, talia mandans ut ei apud Peronam die certâ occurreret, volens quinquam esset certius edoceri. Quo cum pervenisset, & super quæstionibus quibusdam Regi satis notis obstupesceret, ab ipso Rege à totâ terrâ quam impudenter invaserat eliminandus penitus contemnitur; qui tamen liber permissus abscedere cum magnodecore Valencenis excepitur; vulgi tamen adeptus benevolentiam, & ipsius protectus auxilio ibidem per dies aliquot moram fecit. Tandem suggestionem domini Arnoldi de Oudenarde ille miserimus apud Insulas suspensus est, dignum suæ malignitatis præmium consequutus. Fames hoc anno quamplures opprimit & affligit.

Eodem anno nobilis vir Eustachius de Campaines Miles in vivario nostro de Fontaines, quod multis laboribus & sumptibus acquisivimus, cygnos suos nutrirî faciebat: sed nobis formidantibus ne à suis heredibus vel aliis vicinis potentibus hoc trahi posset in consuetudinem, & hoc ipsum ei suggerentibus, non solum facto suo renuntiavit, vel à cæptis suis destitit, sed ipso vivario omnino quitato, suos cygnos cum omnibus fœtibus exinde profuturis, nobis appropriavit, & per Chartam suam in hunc modum nostrum nobis jus recognovit:

Ego Eustachius de Campaines Miles & dominus de Hames, scire volo præsentibus & futuros, quodd cum Andrensis Ecclesiâ me super stagno sive vivario quod est inter villas de Fontaines & de Bokerdes, & cygnis meis ibidem habitantibus suprà modum impetito, pro eo quod ad ipsam pertinebat jus & proprietas prædicti stagni sive vivarii, sicut constanter & firmiter asserit, & adhuc pertinet, & semper pertinere debet: tractus amore divinæ charitatis prædictum stagnum sive vivarium, unâ cum cygnis meis eidem Ecclesiæ liberaliter quitavi, & ad quitationem perpetuam me & omnes succellores meos excluso totius vexationis & reclamationis obstaculo firmiter obligavi, me nihil juris habere in prænominato stagno sive vivario, nec in cygnis ibi nutriendis, nec in piscibus capiendis coram omnibus apertissimè recognoscens. Ut ergo præsens actio

1115.

Quidam Balduinum Imp. mentiens deprehenditur.

Pœnas laici.

Charta Eustachii de Campaines.

perpetua

perpetuæ libertatis & firmitatis privilegio roboretur, præiens scriptum ad munimen & defensionem libertatis Andrensis Ecclesiæ sigilli mei munimine communicavi. Actum est & coram domino Adam Morinenli Episcopo, recognitum & ab eo confirmatum anno Gratia M. cccxv. mense Maio.

Et quia tunc temporis dominus Morinenlis Episcopus in Monasterio de Gînes hospitabatur, idem nobilis vir ad eum sponte accessit, priorem injuriam recognovit, & quod ipse confirmaverat à domino Episcopo confirmari impetravit. Sequenti verò die eodem venerabili patre in hoc loco hospitante, accessit ad eum Hugo Stinckebake de Hervedinghem, unà cum filiis suis Simone & Nicolao, qui propter invasionem decimæ de Hervedinghem diu excommunicatus fuerat, cujus etiam uxor nuper in excommunicatione mortua extrâ cœmeterium jacebat, & sicut dicebatur tam homines quàm animalia fugabat & terrebat. Idem autem Hugo suam injuriam coram domino Episcopo recognoscens, & totam culpam in dominum de Fielnes qui præfatam decimam warantire debuerat impingens, pœnitentiâ susceptâ, & decimâ abjuratâ, eandem decimam nobis & Ecclesiæ in perpetuum unâ cum filiis confirmari fecit. Et sic demum memoratus Episcopus tam ipsorum quàm præfati domini Eustachii confessionem & recognitionem coram se factam sub hac formâ confirmavit:

Charta Adæ  
Episc. Morin.

ADAM Dei miseratione Morinorum Episcopus omnibus Christi fidelibus, quibus hoc scriptum videri & audire contigerit, in Domino salutem. Noverit universitas vestra quod cum pastoralis sollicitudine Morinensem diocœsim, cui Deo auctore præsidemus, visitando circuiremus, & circa ea quæ corrigenda, statuenda, vel reformanda in ipsa erant, mentis nostræ intentio versaretur, accessit ad nos nobilis vir Eustachius de Campaniis dominus de Hames, dum effemus in Monasterio ancillarum Christi de Gînes constituti; qui cum impeteretur ab Abbate Andrensi super hoc quod in vivario sive stagno, quod est inter villas de Bokendes & de Fontaines, ad jus & proprietatem Monasterii Andrensis spectante; præter eorum voluntatem cygnos suos tenuisset & diu educasset, nobis consilium dantibus & approbantibus se & omnes successores suos in memorato stagno sive vivario nihil juris habere confessus fuit, & ad judicium majoris libertatis ipsos cygnos memoratæ Ecclesiæ quitavit, & quod hoc scripto authentico confirmaret sponte creantavit. Sequenti verò die accessit ad nos in Andrensi Monasterio Hugo cognomento Stinckebake de Hervedinghem, recognoscens quod decimam quam ipse per duos annos de prævorum consilio maliciosè perturbaverat, pater suus Giroldus de Piro legitimè vendiderit, & liberam quitaverit, & hoc præsentibus & approbantibus duobus filiis suis Simone & Nicolao coram nobis recognovit: unde per pœnitentiam condignam à nobis punitus fuit. Nos autem Andrensis Monasterii indemnitati providere cupientes, & utramque confessionem præmissam approbantes & ratam habentes, sub districto anathematis periculo firmiter inhibemus, ne quis in posterum utrique recognitioni, vel huic nostræ confirmationi ausu nefario contraire præsumat. Datum anno Gratia M. cccxv. mense Maio in festum sanctorum Gordiani & Epimachi.

Eodem quoque anno Ægidius quidam de Aquâ Parochianus de Suavekes, unâ cum propinquis suis satis fallacibus & mendacibus, & quibuidam literatis minus veracibus ad nos accedens, simplicitatem nostram suâ & illorum calliditate deludit. Nam juxta fluvium habens decens manerium virgultis &

arboribus constitum, & nostræ curti contiguum, nobis vendidit, & quatuordecim terræ mensuras terræ nostræ contiguas, & à sociis itineris sui ultrâ justum valorem appretiatas; nihilominus in venditione apposuit nobis frustra sperantibus, quod per ipsum manerium, & terras vicinas termini nostri possent dilatari, & pecuniam mutuantes quæ sine magno gravamine non potuit acquiri. Idem autem Ægidius ut nobis videretur satisfacere, domini sui Widonis de Elembon Junioris assensum petit, & dato pretio impetravit, qui venditionem factam ratam habuerit, & per Chartam suam sub hac formâ confirmavit:

Ego Wido Junior de Elembon Miles, notum volo fieri tam futuris quàm præsentibus, quod Ægidius de Aquâ vavassor meus de Suavekes dedit in eleemosynam concedente uxore suâ Margaretâ, & filio suo Willelmo Andrensi Monasterio, & omnibus Fratribus tam futuris quàm præsentibus ibidem Deo servientibus, mansionem suam de Suavekes cum virgulto & arboribus, & omnibus ad mansionem pertinentibus, acceptâ ab eâ Ecclesiâ charitate xxxv. librarum Parisiensium. Item dedit eidem Ecclesiæ in eleemosynam circiter quatuordecim mensuras terræ, acceptâ ab eadem Ecclesiâ charitate quatuor librarum Parisiensium pro qualibet mensura, & quitavit memoratæ Ecclesiæ comitatum prædicti manerii, quem de me tenebat in feodum, & liberum dimisit in perpetuum. Ego verò tamquam dominus ut totum factum ejus ritè procederet, & ne per uxorem & ejus heredem minus fieret, de consilio hominum meorum & Parium suorum prædictæ uxori dedi Advocatum Eustachium fratrem meum, & filio primogenito similiter dedi Advocatum, pro eo quod infra annos erat, Walterum de Eliske, eadem uxore totum hoc voluntariè concedente, & ab omni jure dotalitii quidquid prænominatum est quitum dimitte, & etiam in præsentia meâ duodecim mensuras terræ cum quatuor poikinis bladi in concambio dotalitii recipiente, & data fide coram me promittente, quod quancitò à partu quo grvida erat expediretur, & ab Abbate Andrensi ad hoc invitaretur, coram domino, Morinenli Episcopo veniret, & totum processum negotii cum quitatione factâ coram ipso recognosceret. Præterea memoratus Ægidius pater pueri infra annos existentis, totum residuum feodum sum erga me obligans coram me plegiavit, & me erga Ecclesiam Andrensem plegiare fecit; quod quancitò memoratus puer Willelmus, vel alter ei succedens ad annos discretionis pervenerit, qui proximior heres fuerit, totum hoc coram me vel herede meo creantabit, & Andrensi Ecclesiæ in perpetuum quitabit.

Denique Vavassores mei, & ejusdem Ægidii Pares à me adjuvati, & longo consilio usi, manifestè dixerunt, & per judicium diffinierunt, quod prædictus Ægidius pro summâ necessitate suâ ea quæ dicta sunt alienabat, & quod hæc facere debebat. Ego autem eorum judicium sciens esse justum, & hominem meum volens adjuvare, & indemnitati Andrensis Ecclesiæ providere, auctoritate præsentis scripti sigillo meo confirmati, super conservandis omnibus præmissis me cum omnibus heredibus meis erga prædictam Ecclesiam plegium constituo, & tamquam dominus omnia quæ nominata sunt pro salute animæ meæ & parentum meorum, sæpèdictæ Ecclesiæ in puram & perpetuam eleemosynam concedo, sublato totius obnoxietatis, exactionis & relevii penitus obstaculo, ad residuum feodum, & ad alias possessiones, quas de me tenet dictus Ægidius recursurus. Actum est hoc primo apud Suavekes, postmodum apud Andrensis, & tam à me, quàm à præfata Ægi-

Charta Wi-  
donis de Elembon.



nio, & uxore ejus, & filio, & eorum Advocatis super altare solemniter oblatum, audientibus & videntibus vavassoribus meis subscriptis, videlicet Hugone de SAVINGHEM, Drogone de WILFUS, Jakemino de WILFUS, Stacino de Elembom, Egidio Benel, Joanne de Malkebergh, Waltero de Ploichio. Anno Domini M. CCXXV. mense Septembri.

Anni autem spatio nondum evoluto, prefato Egidio de Aquâ invitante, & juramentum prestitum non observante, Willelmus quidam de Aquâ consobrinus ejus diu extrâ natale solum peregrinatus, & de alieno locupletatus, ad partes istas accessit, contra nostram emptionem jure propinquitatis querimoniam movit, mediantibus illis quorum sororem & neptem nuper duxerat: per legem fori obtinuit; & ita primâ sorte pecuniæ nostræ nos esse contentos oportuit, amissis omnibus quæ in plantatione, & manerii melioratione ferè per annum expendimus, & à parte adversâ pro nihilo reputato quoddam elemosynam prefatam super altare oblatam in usus Ecclesiasticos recepimus, & quoddam omnes injuriatores nostros excommunicavimus.

1226.

Concil. Bituricense.

Anno Domini M. CCXXVI. Romanus Diaconus Cardinalis Apostolicæ sedis Legatus in Gallias venit, qui inter cetera quæ correxit, in Moriniensi diocesi quamplures Sacerdotes ob incontinentiæ vitium gravi correptione corripuit. Convocavit autem Bituricas Episcoporum & aliorum Prælatorum sed & Procerum grande Concilium, ubi de Albigeni hæresi confutandâ tractatum est & ordinatum. Ludovicus Rex & multi nobiles tam Episcoporum quàm Procerum, admonitu domini Legati cum ipso Legato ad Albigenes Cruce-signati, ad solvendum votum se præparant & disponunt.

1227.

Lud. Franc. Rex adversus Albigenf. bellum aggreditur.

Anno Domini M. CCXXVII. Rex Ludovicus, & dominus Cardinalis cum multis Nobilibus in manu validâ & copioso apparatu bellico ad Albigenes proficiscuntur, & Avenionem civitatem nobilem refertam & superbam opibus per tres menses obident & impugnant. Sed cum tantus esset vigor resistentium & calliditas, ac propria civitatis munitio se offerret inexpugnabilem, insistentes parum proficiunt, non habentes effectum aliquem expugnandi. Mediante tamen domini Legati consilio, qui ad cives liberum habebat ingressum & egressum, tandem recepti sunt in Regis gratiam, sub hac tamen conditione, ut muros & domos civitatis turrigeras à fundamentis dejicerent, fossata in planum redigerent, dejecta non sine licentia Regis repararent, armorum suorum munimine se nudarent, & ea Regi traderent. Traditur autem civitas non solum ipsa, sed & omnes civitates & villæ finitimæ absque congressu aliquo se ditioni Regis Galliæ tradiderunt. His itaque compositis Rex cum suis ad sua reverti deliberans, apud Montpanchir lethali correptus incommodo, ab omnibus sanctæ matris Ecclesiæ filiis plangendus atque lugendus somno mortis opprimitur, & in Ecclesiâ sancti Dionysii Regiæ traditur sepulturæ. Guillelmus Remorum Archiepiscopus primum Lingonensis Episcopus defungitur. Ludovicus adhuc duodenis dicti Ludovici filius Sueffionis promotus in Militem, Remis à domino Jacobo Sueffionum Episcopo, quia sedes Remensis vacabat, in Regem solemniter consecratur: cui subiequentes annos describimus.

Honorio Papa defuncto

Fernandus Comes Flandriæ & Hanoniæ qui per XII. annos in vinculis domini Regis de contumaciâ pœnituerat, dato suæ redemptionis pretio, liber absoluitur. Henricus Thesaurarius Belvacensis ad Episcopatum Remensem eligitur & consecratur, Guillelmo prædecessori succedens. Domino Papa Honorio decedente, Magister Hugolinus de Anagninâ Flo-

stiensis Episcopus substituitur, & Gregorius nonus appellatur. Reinaldus quondam Comes Boloniæ à domino Rege per annos ferme tredecim vinculatus, ab ipsis vinculis pariter & vitâ absolvitur. Castrum in Flandriâ quod Brugis dicitur, gravi incendio magnâ ex parte consumitur, in quo plusquàm quingenti promiscui sexûs & ætatis homines pariter concremati sunt. Romanus Apostolicæ sedis Legatus, qui invitis ferè omnibus Prælatibus & subditis Gallici Orbis, & reclamantibus & contra eum appellantibus bona Ecclesiarum & Monasteriorum in favorem Regis & suorum per quatuor annos decimar præceperat, mortuo Rege, Comite sancti Pauli occiso, & maximâ multitudine Procerum diversis mortibus defunctis, per generale Capitulum Cisterciensium transitum faciens, & inde secum Cistercienses, & Clarevallenses Abbates, & quosdam Episcopos & Abbates quos creaverat, necnon & Senonensem Archiepiscopum, qui in favorem Regiæ eum sequebantur, ducens, omnibus personis Gallicæ Ecclesiæ sibi contrariis mala quidem minatur, & contra eos pejora machinatur, & ita cum suis complicibus & nostræ universitatis hostibus, quasi victor Romam revertitur. Sequuntur eum è vestigio solemnes nuntii de singulis urbibus ab universitate electi, qui multa quidem expenderunt, sed nihil omnino profecerunt, excepto eo quod multiplices repulsas, & tam à Curiâ quàm à suis vicinis & æmulis perpessas injurias promissam decimar summam per quatuor annos ad centum millia librarum Turonensis monetæ taxari impetraverunt.

Eodem anno nobilis vir Eustachius de Campaines qui præsentem Ecclesiam sæpius offenderat, qui multa nobis dederat, & multo plura vendiderat, & tam de datis quàm venditis sæpius injuriam fecerat, letali morbo corripitur, & nunc apud Lullingham languens infirmatur, nunc spe salutis recuperandæ apud Boloniam transportatur; sed cum nusquam salutem posset recuperare, erogatis in medicis quæcumque habuerat, domnum Willelmum Abbatem accersiri fecit, & cum omni solatio tam amicorum quàm propinquorum destitutus esset, ita quoddam vestimentis sepulturæ necessariis omnino careret, Deo quidem animam per manus ejusdem Abbatis, & ipsi Abbati corpus in hoc Cœnobio juxta matrem suam tumulandum commendavit, & sic demum vestimentis Monachalibus indutus propter penuriam aliorum, in bona spēs futuræ resurrectionis in Domino quievit: cujus corpus cum expensis nostris huc delatum, prout petierat in Claustro nostro sepulturam accepit: multis tamen diebus priusquàm moretur præsentibus Abbatibus de Boloniâ, & tam Clero quam populo ejusdem urbis super testamento suo quod nobis legavit, Chaream suam componi fecit, & per Monachos nostros eam nobis transmittit in hunc modum:

Universis Christi fidelibus præsentibus litteras inspecturis Eustachius de Campaines Miles ac dominus de Hames, salutem in Domino. Charitatis vestræ noscat universalitas, quoddam ego dedi & concessi in puram & perpetuam elemosynam Divinæ pietatis intuitu pro salute animæ meæ & prædecessorum meorum, & etiam pro anniversario meo faciundo Andrensi Ecclesiæ lex polkinos frumenti ad pasturam, inter capellam sancti Audomari & Lohout sitam capiendos, & ab eadem Ecclesiâ liberè, quietè & pacificè, & absque omni exactione in perpetuum possidendos. Ut autem hæc donatio mea rata & stabilis in perpetuum permaneat, in testimonium veritatis præsentem paginam sigillo meo roboravi. Actum anno Domini M. CCXXVII. mense Januarii.

Circâ idem tempus nobilis matrona domina Ade-

Gregor. IX. substituitur.

1227.

Charta Eustachii de Campaines.

1227.



lidis de Balinghem volens anniversarium suum apud nos promereri & pari modo anniversarium domini sui Arnulfi de Caieu in presenti loco institui, quinque nobis polkinos frumenti cum censu & comitatu super vavassorem unum apud Spelleke assignavit, quos à filio suo domino Arnulfo Milite cambivit, assignans ei unum polkinum in Bavelinghem quem prius nobis donaverat, & quatuor polkinos apud Lotesse de feodo domini Ægidii quos de quodam vavassore redemerat, postquam prædictus filius suus eos ei venderat. Hanc autem elemosynam præfata domina cum vavassore censum debente super altare Dominicum obtulit, & ad maiorem certitudinem Chartam suam sub hac formâ nobis indultit:

Ego Adelidis domina de Bavelinghem, notum volo omnibus fieri hoc scriptum inspecturis & audituris, quod ego pro salute animæ meæ & parentum meorum, & præcipue pro anniversario domini Arnulfi de Caieu mariti mei mecum habendo, dedi in elemosynam Ecclesiæ Andrensi, & Fratribus ibidem Deo fervientibus, quinque polkinos frumenti, quos cambivi à filio meo Arnulfo Milite in parochiâ de Spelleka, cum omni libertate juris & consuetudinis prout ei deberi solebant. Datis ei in concambio uno polkino frumenti apud Bavelinghem, & quatuor polkinis apud Lotessâ de feodo domini Ægidii, quos de quodam vavassore redemi, postquam idem filius meus eos venderat. Hoc autem concambium feci, & à filio meo vendita redemi, ne diminuerentur redditus mei, & ne damnum proveniret meo heredi. Prædicti verò Monasterii Abbas & Fratres mihi & præfato meo marito anniversaria nostra concesserunt, & de redditu memorato in die anniversarii nostri Fratribus, hospitibus & pauperibus annuatim in cibo & potu copiose provideri statuerunt: & omnes qui prædictum redditum vellent alienare vel in alium usum convertere solemniter excommunicaverunt. Ego verò præfente eodem filio meo Arnulfo, qui prædicti census debitorem de manu Henrici de Bavelinghem cognati mei emerat jampridem, & eundem censualem unâ cum censu annuo & comitatu ad opus Andrensis Ecclesiæ perenniter quitante, & hominum meorum catervâ adstante & approbante, nominatam elemosynam super altare Dominicum liberaliter obtuli: & hanc Chartam sigillo meo corrobora feci. Actum solemniter anno Verbi Incarnati MCCXXVII. in festivitate S. Gregorii Papæ, mense Martio.

Anno Domini M. CCXXVIII. ortâ gravissimâ contentione inter dominum Papam Gregorium & Imperatorem Fredericum super voto Crucis, quod idem Imperator prorogabat in enormem læsionem Terræ sanctæ; dictus Papa pro dilatione ejusdem voti, & pro quibusdam injuriis tam in Apuliâ quàm in Sicilia beato Petro illatis, Imperatorem excommunicavit, & excommunicatum denunciavit; pro quâ causâ iram ejusdem ita contrâ se incitavit, ut totis contrâ Ecclesiam viribus delaviret, quorumdam Romanorum & aliorum potentum animos provocaret, & in personas Ecclesiasticas & eorum subiectos insaniret. Ejus quoque filius Rex Alemanniæ, sanctæ Romanæ Ecclesiæ Legatum in Daciam transmissum, ne per Regnum suum transitum faceret inhibuit, & Valentianis diu moram facere coëgit.

Eodem tempore Philippus Comes Boloniensis Philippi Francorum Regis filius, qui adhuc puer puellam Mathildem Comitis Reinaldi & Idæ Comitissæ filiam duxerat, Calasium burgum maritimum Castro munitissimo munivit, & muro firmissimo circumcingere cœpit, & tam per terram quam per mare congeriem lignorum & lapidum adduci fecit, & pa-

Tom. II.

tris sui exemplo terram suam munitionibus honorare disposuit.

Dominus Stephanus felicis recordationis Cantuariensis Archiepiscopus, vir suo tempore specialiter litteratus, moribus & doctrinâ nihilominus mediocriter ornatus, elemosynis deditus, & ubique nominatus, feliciter obiit; & ad suam Ecclesiam delatus, in eadem sepulturam accepit. Cujus grex pastoris solatio destitutus, adeptâ à Rege eligendi licentiâ Magistrum Walterum Ecclesiæ suæ nuper Monachum professum, virum honestum & satis litteratum, prædicti Archiepiscopi quondam Officialem concorditer elegerunt, & per solemnes nuntios, Monachos scilicet & Clericos, domino Papæ Gregorio confirmandum & consecrandum transmiserunt. Unde Episcopi suffraganei indignantes, & se à dignitate ad quam aspirabant excludi stomachantes, tam Regem quàm Regni Optimates contrâ Ecclesiam Cantuariensem, pro quâ viriliter stare debuerant, accendunt, & ut electio facta per eos revocetur modis omnibus efficere satagunt. Tandem firmato inter se nequam sermone, & consilio maligno Henricum Rosenem, contrâ quem anno præterito idem Magister Walterus ad Curiam Romanam de mandato sui Capituli profectus fuerat, & Alexandrum Cestrensem Episcopos è vestigio sequi compellunt, & tam donis quàm promissis corda Romanorum talibus assueta à tramite veritatis averunt. Exhausto liquidem propter guerram Imperatoris summi Pontificis ærario, omnia bona Ecclesiastica tam in Religiosis quàm in Clericis per totam Angliam permixta sunt decimari, & ad subsidium sanctæ Romanæ Ecclesiæ destinari, dummodo Magistri Walteri electio valeat quassari. Assensum, proh dolor! præbet Curia, reducent Episcopi Stephanum qui aliâ vice in Angliâ melluerat, & in duorum spatio annorum sexaginta mille & amplius marcas argenti ad replendum beati Petri horrea vacua remittit ad propria. Magister Richardus Lincolnensis Cancellarius quorundam Cardinalium consilio qui fuerant Parisius ejus conscholares, à Curia Romanâ Ecclesiæ Cantuariensi præficitur, & quamvis esset satis litteratus & honestus, in toto biennio quo præfuit, nec Regis, nec Cleri, nec populi gratiam promeretur, quia vix aliquando in sede propriâ causâ avaritiæ moram fecit, ut dicitur.

Anno Domini M. CCXXIX. generalis pater Adam Morinensis Episcopus in crastino sanctæ Resurrectionis Clero suo & populo valedicens cessit, & apud Claram-vallem non sine dolore multorum recessit: suam quippe Ecclesiam domibus decoravit, redditibus ampliavit, & nulli unquam onerosus extitit; elemosynis deditus, ore pius, corde benignus, in omnibus congregationibus suæ diocesis pecuniam disperlit, & ad anniversarium suum delegavit. Statutâ à Morinensi Capitulo electionis die, Magistrum Petrum de Collemedio, natione Campanum, Morinensem Canonicum, in partibus Tolosanæ auctoritate Apostolicâ occupatum concorditer elegerunt, & duos pro eo Canonicos transmiserunt. Sequenti die post electionem Tervannensis Capituli Canonici Audomarenses eundem Petrum in Patrem & Pastorem nominaverunt. Compertâ idem Petrus utrâque electione, qui Turonensem Metropolim & alias sedes Cathedrales recusaverat, Cathedram Morinensem abjecit, & Ecclesiæ sancti Audomari adhæsit. Morinensis verò Ecclesia dominum Petrum Flandrensem Archidiaconum, præfente eodem Petro, & singulis approbantibus solemniter elegit, sed antequàm conlectaretur, per annum integrum sedes vacavit.

Proditionem detestabilem hujus Andrensis Ecclesiæ

R R R r r j

Walterus Monachus à Cantuariensi ejusdem sedis Archiepiscopo eligitur.

Waltero amoto summa pecuniarum vi ab Angliæ Episcopis promissa Richardus præficitur.

1229. Adam Morin. Episc. apud Claram-vallem Monastic. habitum induit.

Petrus de Collemedio campanus Morinensem, Turon. & alias sedes Episcop. recusat.

Charta Adelidis de Bavelinghem.

1228.

Freder. Imp. excommunicatur.

Calasium muro cingitur.

Parochiani in die Paschæ circiter viginti duo, inter quos erant Archivillani quatuor, Guido scilicet, & Willelmus vavassores, Heinricus & Daniel ministeriales, in enormem Ecclesiæ læsionem moliti sunt; qui nobis inconsultis apud Andrewich Comitem Baldewinum adierunt, totam pasturam à Romanis Pontificibus, ab Episcopis Morinensibus, & à Comitibus Gifnensibus nobis ab antiquo confirmatam, sibi sub censu annuo viginti solidorum confirmari, & appropriari fecerunt, & ut hoc facilius impetrarent, centum viginti marcas sterlingorum de ipsâ pasturâ capiendas Comiti promiserunt. Non attendentes quodd nos & nostri prædecessores per annos quadraginta & amplius contrâ nobiliores & fortiores patriæ pro eadem pasturâ ad nostrum & ipsorum subsidium tuendâ conflictum continuum habuimus, & per ipsum Comitem litigiosam rem ad divisionem non sine gravibus impensis perduximus. Quâ infideli promissione idem Comes primò deceptus, postea per nostram instantiam ad cor reversus, eorum quidem desiderium suspendit, & nos usque ad sequens triennium omnino jure antiquo nequiter privavit: quo etiam spatio annorum dum pro causis multiplicibus à nobis Comes adiretur, & multiplex querimonia apud eum deponeretur, vix in aliquâ nos exaudivit.

Fredericus Imperator collecto exercitu, & navium multitudine per totum Imperium suum Terram sanctam licet adhuc excommunicatus adiit. Ejus malo Deus utens in bonum, ei ubique victoriam dedit: nam habito colloquio cum Soldano Babylonie Saladino Jerusalem recepit, ejus muros dirutos reparare studuit, turrim David renovavit, & portam sancti Stephani erigens contruxit, habens coadjutorem & consiliarium Petrum . . . Episcopum hominem discretum, tam armis & divitiis quàm bellatorum copiâ redimitum. Dominus tamen Papa ipsum more solito excommunicationibus & expeditionibus persequens, duplicem exercitum contrâ eum instruit, Belvacensem Episcopum ad ejus subsidium cum militum copiâ venientem in gratiam recepit & retinuit, & de suâ abundantia eorum inopiam relevavit. Imperator autem disposito statu Terræ sanctæ, datis treugis & acceptis per Siciliam & Apuliam revertens, pugnatores domini Papæ viriliter impugnat, quosdam Optimates suos domino Papæ confederatos occidit, persequitur, & exheredit. Tandem mediantibus quibusdam bonis viris pax inter utrumque non sine dedecore sanctæ Ecclesiæ firmatur, Imperator absolvitur, ad revertendum in Terram sanctam & ad eam ex toto acquirendam terminus certus Imperatori præfigitur: & sic ad tempus sanctæ Ecclesiæ pax redditur, ficta potius quàm perfecta.

Comes Fland. Comitatum Bolon. infestat.

Eodem tempore Fernandus Comes Flandriæ & Hainoniæ collectâ multitudine equitum & peditum, curruum & quadrigarum ante Augustum per Greveningam transitum faciens, terram Comitis Boloniensis nimis hostiliter intravit. Nam castrum de Merch cum totâ villâ subjacente incendit, curtem de Capellâ sitam in Oya conflagravit, in pastum equorum consumens segetes solotenus ubicunque exercitus fecit transitum, domos incendio, homines & eorum bona direptioni, fruges vastationi fideliter exposuit: totum Castrum de Calais cum recenti munitione incendio consumpsit, & in odium Comitis & suorum solotenus prostrasset, nisi mediantibus quibusdam viris pacificis & discretis pretio mille quingentarum librarum & viginti doliorum vini ejus ferocitas mitigata fuisset. Abbatia quoque de Capellâ pro bonis ibidem aliatis enormiter læsa fuit, & illos tamen quibus fuerat præsidio ingratos

invenit. Denique transito amne de Newena terram Comitis Gifnensis, quam ante captivitatem suam bis destruxerat, intrare & demoliri disposuit; sed deficientibus sibi nobilibus & potentibus, qui erant in exercitu Comitis Gifnensis, propinquis, mutato consilio exercitum reducens ad propria remeavit, acceptis prius à Burgo de Withland quadringentis libris ne combureretur à Flandrensibus, & domino Joanne venerabili Abbate sancti Bertini hoc fidejubeante, & proinde postmodum damna & pressuras multipliciter sustinente. Hæc autem omnia sicut dicitur Blantia Franciæ Regina ejus compatriota, in odium Boloniensis & Gifnensis Comitum machinata fuit, pro eo quod super terram Comitis Campaniensis eâ invitâ aciem Comes Boloniensis direxit. Parvo temporis spatio elapso, pari modo Comitem sancti Pauli intendens exheredare, & ejus terram destruere, usque ad Castrum de Faureuch exercitum duxit, sed integrum eum minimè reduxit: quia dum Flandrenses in terrâ alienâ velut in suâ vellent discurrere, & prædam more solito facere, intercepti ab hominibus terræ naturaliter probis, levis & seditiosis & proditoriis expositis, per ardua & devia, per sylvas & compita, interempti sunt, & eorum cadaveribus fossæ repletæ, & campi cruoris spurcitiâ irrigata, vel potius sordidata: sicque eâ vice dictus Comes inglorius reversus est ad propria.

Comes autem Gifnensis sequenti hyeme suum exercitum in ultionem Balduini Clerici patris sui occisi apud Embriacum conducens direxit, & ejus inspectores cum eorum propinquis improvisos & inopinatos in eo obsedit, erexit tures & machinas, & obsidiones instruxit; nec destitit à proposito donec eorum munitiones destruxit, suis tamen hostibus mediantes sibi prius Comitissâ Pontivi, & aliis quibusdam pacificis, tali modo quodd Terram sanctam pro animâ occisi intrâ biennium adirent, & ibi moram prout conditum fuit inter eos facerent. His peractis idem Comes paucis occisis, multis tamen vulneratis, lætus ad propria rediit. Inter quos primogenitus nominati Baldewini Clerici conquisitus, paucio tempore supervixit.

Anno Domini M. ccxxx. dominus Petrus in Morinensem Episcopum consecratus, in Ramis Palmarum cum magnâ gloria Cleri & populi in sede propria recipitur, & die sequenti dominus Jacobus in Abbatem sancti Bertini ab eo benedicitur, succedens viro religioso domino Joanni, qui per quadraginta quatuor ferè annos famulum sancti Bertini Monasterium nobiliter rexit, & à tempore Philippi nobilissimi Flandriæ Comitis multipliciter damna, pressuras, persequutiones & injurias sustinens, & semper in melius proficiens, in initio Quadragesimæ feliciter obiit, & in bono statu Ecclesiam suo successor in summâ pace & quiete electo & promotio dimisit. Cujus benedictione peracta, Episcopus & omnes Prælati qui aderant invitati, eundem Abbatem ad suam perducunt & conducunt Ecclesiam, ubi per biduum continuum festivatur, sed per presumptionem Pontificalis familiæ die secundâ festivitatis serenitas in nubilum convertitur, sed sequenti Synodo per prædictum S. Audomari Præpositum & per alios discretos discordia pacificatur.

Eodem anno soluto satana, & in Regno Franciæ debacchante, Principes Regni & Optimates Regi Ludovico adhuc juveni, & matris consilio potius quàm eorum monitis adhærenti, fœdus debitum & fidelitatem subtrahunt, cum Rege Anglorum Henrico tædus ineunt, & cum copioso exercitu in Britanniam adducunt. E contra Rex Ludovicus aciem copiosam de omnibus finibus sui Regni colligens viriliter instruit, & thesaurum à patre & avo col-

1230.  
Petrus Morin.  
Episc. consecratur.

Joannes Sithi-  
venis Abbas  
laudatur.

Regni Franci-  
ei Prælati  
perniciosè à  
domino suo  
deficiunt.

lectum militibus & aliis stipendiariis exponit. Urbem Andegavensem cum quibusdam castris invadit, & Comiti Britannico ea auferens pro eo quod totius prodicionis dicebatur exequutor; licet Regis Francorum esset propinquus, Anglorum exercitui ne fines Britanniae transiret, potenter resistit. Sicque Angli in angulo Britanniae coangustati, calore aestatis arctati, & tam cibis quam potibus dissiuetis expositi, morbis multiplicibus variisque eventibus pœnas dederunt, & ad propria ulterius non redierunt; mortuis prius equis innumbris, & victualibus omnino consumptis, thesauris etiam quos de Angliâ attulerant frustra erogatis; tandem Rex Anglorum qui cum multis advenerat cum paucis ad propria revertitur: Rex etiam Francorum dispositis suis marchis cum suis victor regreditur.

Eo tempore Rex Joannes jamdudum in Regnum Jerosolymitanum à Papa Honorio coronatus, & ibidem multipliciter in armis militaribus exercitatus; qui in hoc exercitu Francorum Regi viriliter & fideliter præ cunctis Francigenis adhæserat, ad Imperium Constantinopolitanum electus est, & à domino Papa Gregorio confirmatus; qui peractâ Francorum victoriâ totis viribus ad congregandum exercitum cum sumptibus necessariis operam dedit, & tam Græcis quam Latinis desiderabilis exstitit.

Hac expeditione peractâ Comes Boloniensis Philippus odio habens Comitem Campaniæ, pro eo quod super morte fratris sui Ludovici Regis, & aliis causis eum haberet suspectum, associatis sibi Giffensi & sancti Pauli Comitibus, & aliis Proceribus Regni quam pluribus, licet contra voluntatem Reginæ & Regis, sicut dicebatur, terram ejus ingrediens magnâ ex parte incendiis, rapinis, & depredationibus devastat; ipso Comite per fugæ præsidium consulente, nusquam securè commorante; quia terræ suæ homines pro multiplici ipsius malitiâ eum exosum habebant, & tam munitiones quam pecunias ejus hostibus exponebant.

Circâ finem hujus anni tempore Quadragesimali dominus Richardus Cantuar. Archiep. ad Curiam Romanam iter arripuit, & hoc Andrense Monasterium suo adventu lætificavit: ne enim Sedi Apostolicæ quæ eum creaverat ingratus videretur, magnam pecuniæ summam conducere fecit, ut limina Apostolorum videret, & dominum Papam cum Fratribus suis honoraret. Idem autem Archiepiscopus à nobis recedens, à Clero & populo extrâ castrum sancti Audomari sibi catervatim occurrentibus honorificè recipitur, & postmodum à Conventu S. Bertini processionaliter honoratur; quod pluries suis prædecessoribus ibidem factum fuisse legimus, beato scilicet Dunstano, sancto Anselmo, & Thomæ Martyri glorioso, & eorum successoribus apud ipsum divertentibus.

Anno Domini M. cccxxi. dominus Papa Gregorius Narbonensem provinciam & regionem Tolosanam miserans in fide periclitari, & ab hæresiarchis principatum terræ tenentibus occupari, qui plures prius ibi delegaverat, per quorum industriam, excepto Præposito sancti Audomari Petro de Collemedio parum profecerat, venerabilem virum & verè religiosum dominum Walterum Tornacensem Episcopum ibidem jubet proficisci, & verbum Dei per eum seminari; qui mandatis Apostolicis obediens in Synodo suâ Prælati, suis Presbyteris & Clericis cum innumerosâ multitudine Cleri & populi presentibus petita licentia, & adepta ab omnibus, laboriosam peregrinationem viriliter & alacriter aggrauatur, & in exequutione officii sibi delegati in terra alienâ diu moratur.

Vir venerabilis dominus Jacobus Abbas S. Ber-

tini, homines suos de Archas trahens in causam super quodam marefco, quem sibi appropriaverant, altu subtili deductus est ab eis, & maxime à Scabinis, cum Priore suo & paucis eum comitantibus usque ad paludem litigiosam ad hoc ut quasi ostensio super facto litigio per eum & per suos fieret; quo cum pervenissent, Scabini & qui potiores videbantur ne de prodicione possent notari, se ab eo paululum subtrahentes, plebeie multitudini utriusque sexûs eum, pro dolor! relinquentes exposuerunt, & vix de rastris & flagellis, de furcis, colis & baculis se subtrahentes, non sine enormi dedecore & contumeliâ, vix tandem per gratiam Dei evaserunt. Facta autem injuria, licet à Burgensibus sancti Audomari defenlata in conductione domorum suarum, licet in receptione proditorum, licet in corruptione Ballivorum per preces & Nobiles ad feodum sancti Bertini pertinentes, ordine juris per omnia observato, ita est vindicata, & per dominum Regem Ludovicum adhuc juvenem ad Monasterium eo tempore cum matre suâ & Optimatibus Regni divertentem, sententia approbata, ut omnibus laicis Religiosorum dominio subjacentibus perpetuè videri debeat prophanum & sceleratum suis dominis noile parere, & contra stimulum calcitrare.

Eodem tempore dominus R. Cantuariensis Archiepiscopus apud urbem Perusiam in Curiam domini Papæ moram faciens, obiit: cujus morte circumquaque divulgata grex suus pastoris solatio destitutus, eligendi licentiâ à Rege, ut moris est, adepta, in favorem Regis terreni potius quam cœlestis, sicut dicitur, Ciscertrensem Episcopum Regis Cancellarium concorditer elegerunt, & per solennes nuntios, per Monachos scilicet & Clericos à Regis & Electi latere destinatos, à domino Papa electionem seu postulationem factam confirmari petierunt. Tandem discussâ electionis formâ, in auditorio domini Papæ electio fuit quassata, & de gratiâ potius quam de jure prædicto Cantuariensi Capitulo fuit iterum electio indulta; ita tamen ut infra certum & brevem terminum Canonice eligerent, & suum electum Apostolico examini destinarent. Ex quo facto licet Rex & sui confundi viderentur, tamen prædicti Cantuarienses iterum ad electionem procedentes in summâ pace & quiete, in exultatione universæ terræ dominum Joannem Priorem suum, virum honestum, litteratum, & verè religiosum concorditer elegerunt, & ad Romanam Curiam per nos transeuntem solemniter transmisserunt.

Fama grata & gratuita per totam Latinitatem diffusa, singulos & omnes lætificat his diebus, perhibens dominum Joannem de Brena dudum in partibus Jerosolymitanis Regis onere potius quam honore exercitatum, à Constantinopolitano populo, & à Græcis finitimis honorificè receptum, & Imperiali Diademate coronatum.

Anno Verbi Incarnati M. cccxxii. dominus Papa Gregorius novus ordinem nostrum per multiplices visitatores infestat; incipiens à Cluniacensibus quibus graves quasdam & onerosas observationes imponens, inter alia præcepit ne à Prioratibus forinsecis Priores amoverentur, nisi certis de causis pro quibus etiam Abbates solebant degradari, scilicet propter incontinentiam, propter dilapidationem, seu propter provectum majoris administrationis. Interdixit etiam sub anathemate ne supra antiquas institutiones & approbatas eisdem Prioratibus novus census imponerentur, ne plures Prioratus uni personæ committerentur, ne Abbatibus aut Clericis sive personis sæcularibus de cætero Prioratus traderentur. Ordo etiam Præmonstratensis longis retrò

R R R r r iij

Bertini infur-  
gunt Scabini,  
&c.

Eorum pro-  
tervia multa-  
tur.

Cantuariens.  
jure suo jussu  
Pontificis  
gaudentes,  
Joann. Prior-  
em in Archi-  
episc. eligunt.

Joanes de Bre-  
na Imperato-  
ris nomine in-  
signitur.

1232.

Rex Angl.  
conjuratiōis  
particeps  
ignominiosè  
revertitur.

Richardus  
Cantuar. Ar-  
chiep. Ar-  
drenf. invisit.

Bertinensium  
circa Cantua-  
riens. Archi-  
episc. rever-  
entia.

1231.

In Abbatem S.

temporibus à Romanis Pontificibus privilegiatus, per Abbates Cisterciensis ordinis fuit circumquaque visitatus, qui Capitulo Generali præfederunt, & multos offenderunt. Abbates quoque ordinis Arroasie Parisius coram Prædicatoribus sancti Jacobi super Ordinis transgressione sæpius in causam tracti fuerunt, & multas expensas facere coacti sunt. Deinde Regalia & exempta Monasteria per totam Galliam & Angliam per Cistercienses & alios visitata, per remedium appellationis aliquandiu evaserunt, & multam pecuniam Romanis transmiserunt.

Ecclesia S. Judoci cum dormitorio & aliis officinis adhærentibus combusta est tempore autumnali de foco villæ.

Predictus Prior Cantuariensis Romam veniens, & gratiam Curie ad plenum non inveniens, cum per multiplices expensas Ecclesiam suam nollet onerare, & Curie famam per effusionem auri & argenti vel nesciret vel dissimulare recreare, solum palefridum ibidem concupitū sponte perdens, valedicens D. Papæ & Curie cessit & recessit, & cum suis omnibus quos de Angliā secum duxerat, prospero gressu ad Ecclesiam suam, & ad priorem administrationem rediit, concessa à domino Papa Cantuariensi Capitulo potestate iterum eligendi, & infra certum terminum electum suum Romæ præsentandum: qui paucis diebus post regressum Prioris evolutis elegerunt virum honestum & litteratum Magistrum Joannem Blondum; qui similiter per solemnes nuntios Ecclesie Cantuariensis & alios domino Papæ & Curie præsentatus, dum à quibusdam æmulis super retentione duorum beneficiorum sine dispensatione adeptorum, & aliis quibusdam frivolis impeteretur, coactus cedere, & ad patriam à Curia sine honore recedere. Iterum Capitulo Cantuariensi concessa potestate eligendi, vacante interim per multum tempus nobili Ecclesia, & totā possessione Archiepiscopatus in jus Regis redacta, sed hæc fuit in Papæ pectore causa minor.

Gravis & deformis altercatio inter Baldevinum & dominum Willhelmum de Fielnes socerum ejus suborta est occasione filiorum ipsius Willhelmi, qui in quoddam nostrates impetum fecerunt, & ibi ipsum Comitem interesse putaverunt, sed frustra. Comes Baldevinus multis injuriis Monasterium Andrense infestat pasturas & paludes ejus occupat, chartas & privilegia authentica malitiosè depravat, & ferè omnibus Ecclesiam persequentibus patrocinium parat. Ecclesia proinde gravibus expensis & debitis succumbit, dum de suis appendiciis aliquod emolumentum habere nequit, dum non nisi vii pretio fruges vendit, dum ab ejus gravamine vix aliquis se subtrahit.

Anno Domini M. cccxlii. Cantuariensis Ecclesia Pastoris solatio diu destituta in venerabilem virum Magistrum & Ecclesie Saresberienis Cancellarium tandem consentit, & pro ipsius confirmatione solemnes nuntios tam Monachos quàm Clericos ad Curiam Romanam transmittit, pulsat, petit, & accipit, quia præter spem omnium non solum absentis confirmationem nuntii impetraverunt, sed & pallium Consecrato conferendum Londoniensis & Rofensis Episcopi attulerunt. Oriuntur interim in Angliā novæ guerræ inter Regem Henricum propter P. de Roches Went. Episcopum, & P. de Rivulis Pictavenis Ecclesie Thesaurarium, & propter alienigenas alios ad consilium Regis ascitos, & inter Regni Mareschallum & Walentes, & eorum fautores Regni Proceres qui se postponi dolebant, & alienos ad Regni negotia promovenda & disponenda præponi videbant. Unde memoratus Rex de suorum consilio & auxilio minus confusus, licet aliàs pius, mansuetus, & benignus, & eleemosynis deditus, Picta-

venses, Flandrenses & Brabantiones ararium suum largè aperiens invitat; munit per eos marchias, & per multiplices expensas se attenuat. Hubertus quoque de Burg, quem non solum in Comitatu Cantie, sed in multis partibus Angliæ præter, consilium & voluntatem multorum sublimaverat, & postea dejectum incarcerationat de suâ captione male custoditus erigitur; & super hoc Regis consilium aliquantulum turbatur.

Comes quoque Flandriæ Fernandus morbo calculi apud Noviomum moritur, atque à suis in Flandriam relatus, juxta Insulam in quodam Monialium albarum Monasterio ab uxore suâ nuper fundato, non sine luctu multorum, præsentibus Flandriæ Proceribus, & multis Religiosis à quatuor Episcopis, Cameracensi scilicet & Tornacensi, Morinensi, & Atrebatensi honorificè sepelitur. Relicta uxori propriæ filiâ parvulâ, & eadem uxore magis debitis oppressâ.

Hyems gravis & aspera non solum totam Galliam, sed & Italiam & Angliam multo tempore torquet & affligit, & non tam frigoris angustia quam famis miseria pauperes miserabiliter afficit. Multi potentes in Franciâ moriuntur; in primis Lugdunensis Archiepiscopus, Comes Robertus de Dreus, sancti Walarii ex parte uxoris dominus, & præ omnibus plangendus, potens & nobilis Comes Philippus gloriosi Regis Philippi filius, qui sicut creditur potionatus obiit, & uxori suæ Mathildi Comitissæ unicam filiam reliquit. Cujus opera mirabilia in munitione castrorum, in ædificatione domorum per Franciam & Normanniam, & per Boloniensem terram luce clariùs videntur, & Principis prudentiam, divitias & gloriam per sæcula multa profitentur. Sepultus est autem apud S. Dionysium juxta fratrem & patrem suum.

Circâ Purificationem Beatæ Mariæ redierunt à Curia duo Monachi Cantuarienses, nuntiantes electum suum à domino Papa solemniter confirmatum, relicto tertio in Curia cum quibusdam Clericis pallium expectantibus. Quo rumore Conventus lætificatus, persoluitis Deo debitis laudibus, dominum electum Priori & personis eum comitantibus apud Lundunum occurrere mandaverunt, quem invitatum & præsentem domino Regi præsentaverunt, qui eum statim in gratiam recepit, & de omnibus ad Archiepiscopatum eum liberaliter pertinentibus vestivit, & etiam multa in maneriis reperta, tam in frugibus quàm in animalibus, quæ asportasse potuerat de consuetudine Regni, ei reddi præcepit.

Anno Verbi Incarnati M. cccxliiii. dominus Edmundus Cantuariensis electus in Ecclesia propria consecratur iv. Nonas Aprilis à domino Rogero Londonensi Episcopo, & aliis viii. Episcopis Cantuariensis Ecclesie Suffraganeis, presente etiam domino Luca Dublinensi Episcopo & alio quodam Hybernensium Archiepiscopo, adstante & approbante domino Henrico Rege, & fratre suo Richardo Comite Cornubiensi, & aliis Comitibus & Proceribus Regni, & alia multitudine infinita; & statim consecratus & pallio superveniente decoratus, in honore sanctæ Trinitatis in altari S. Trinitatis Missam solemniter celebravit; & pro geminata lætitiâ consecrationis scilicet & adepti pallii gaudium gemit.

Comit. Fland.  
funus.

Frigus & fa-  
mes domi-  
nantur.

Philippus Co-  
mes Bolon.  
obit pluribus  
commendatus.

1134.

Cantuariensis  
Archiepisco-  
pi consecra-  
tio.



Joan. Prioris,  
& Joan. Blon-  
di electi ones  
successivè à  
Cantuariensi  
facti à Ponti-  
fice rejiciun-  
tur.

1133.

Cancellarius  
Saresberien-  
sis Archiepisc.  
Cantuar.  
creatur.

## I N A P O G R A P H O

*Quo usi sumus subsequitur hæc Comitum  
Gisnensium series.*

Isti sunt Comites Gisnensis terræ; quorum primus BALDEVINUS fundavit Ecclesiam Andrensem anno Dominicæ Incarnationis M. LXXXIV.

MANASSES & EMMA fundaverunt templum S. Leonardi anno Domini M. CII.

Pluribus ex annis sic fantur scripta JOANNIS.  
Qui fuerant quondam Comites in carmina fundam,  
Gisnensis terra, fortes in tempore guerra.

Primus SYFRIDUS, ARMULFUS, & inde RODULFUS.

EUSTACHIUS, BALDEVINUS fundator honesti

Andrensis templi, [ post quem ] MANASSES, & EMMA,

Hi duo struxerunt templum sancti Leonardi:

ALBRICUS, BALDEVINUS qui præfuit Arda,  
Hi fuerant Comites non re, sed nomine tantum.

Inclitus ARNOLDUS de Gandâ qui veniebat:  
Hic prius in terrâ qua nunc sunt arma gerebat.

Filius illius BALDEVINUS generosus.  
Hunc sequitur probitate pari nimis ingeniosus

Nobilis ARNOLDUS, mitissimus atque benignus,  
Postea processit cælesti munere dignus.

Hinc BALDEVINUS successit pacis amator,  
Consilii speculum, probus in terrâ moderator.

Egregius juvenis ARNOLDUS nomine dictus  
Imperat. Hinc terra valeat, vivat benedictus;  
Tredecimusque Comes exstat, sit iustus ad omnes.

Hic Baldevinus Comes inclitus intumescit,  
Sub quo Gisnia florida patria pacificatur:  
Cujus subsidio Caesar, Rex, Dux hilaratur,  
Andria protegitur, super æthera suscipiatur.  
Annus millenus, ducentenus, quadragenus,  
Quartus cum Christo stat in ejus funere plenus.

Item aliâ manu:

Infortunatus ARNOLDUS postea natus,  
Undique vexatus, & ab omni parte gravatus.  
Hinc BALDEVINUS factio patris sine terrâ.  
Vixit, & inde pius JOANNES cui quoque guerra.

Exemplar hoc Chronici Andrensis seu Andrensis ex ipsius archetypo in membranis Mf. quod prius ipsius Cœnobii Andrensis fuisse testantur tum historia, tum primo folio his verbis nota appositâ, Andrensis Monasterii: *Vixit author 1211.* Et versâ paginâ aliis Gallicis: *Che Libure appariens à l'Abbaye d'Andernes, à Ardres*: postmodum factum Collegii Societatis Jesu Bergenis, (ut etiam ex inscriptione in ipsius libri initio habetur) R. P. Heriberto Rosweydo ejusdem Societatis Antuerpiam in usum præclarorum tum in historiis cæterisque studiorum transmissum, ab eoque Insulas D. Tuf. Desbarbicus, & apud illum illud idem exemplar ad verbum mensi Jun. & Julio anni M. DC. XXVII. descriptum à me. Ita testor Ego WALLERANDUS BEGHIN, & collatum cum eodem archetypo à nobis infra scriptis Sacerdotibus.

WALLERANDUS BEGHIN.

JACOBUS DE BOMY.

## M O N I T U M

PER BREVE VICONIENSIS MONASTERII, Ordinis Præmonstratensis, historiam eruit ac descripsit D. Augustinus Sub-Prior Hasnoniensis ex MS cod. ipsius Abbatie. Continet originem & fundationem, primordiaque Viconie & Præmonstratorum qui eam tum solitudinem incoluerunt. Refert Auctor quæ vidit, & ab ipsismet prioribus Canonicis percepit. Anselmus Gemblacensis Abbas ad annum 1125. de hocce Monasterio habet: Viconiense Monasterium apud Valentianas inchoatur, quod inter Præmonstratensia est pulcherrimum. Legendum Valentianas, quæ urbs ad Scaldum sita, duarum horarum itinere à Cœnobio Viconiensi distat.

F U N D A T I O  
C O E N O B I I V I C O N I E N S I S.

S I V E

*Brevis Historia Canoniorum Ordinis Sancti Augustini.*

P R Æ F A T I O.

Spiritus sanctus ore prophetico testatur filiis Israël mandatum divinitus, ut beneficia sibi collata, crebrâ recordatione suis suorumque

cordibus imprimerent, quatenus his frequentius memoratis animos à cultu vanitatis arcentes, benefactori suo charitatis obsequium grater exsolvent. Hæc ego frequenter audita sedulo verians in pectore, recolensque quot & quantis blandimentis



divina bonitas primordia nostræ conversionis delinierit, satis agere tuli nihil ex his ad notitiam posterorum litteris inditum, præsertim cum primævos ferè omnem cernerem penitus transcurrisse terminum. Libuit ergo juvante Deo breviter quo tempore quove auctore locus iste sacræ Religionis initium sumpsit, ut non priventur notitia gestorum futuri heredes & loci & morum.

Descriptio  
loci.

1125.

Rom. 4. 17.

Primus inco-  
a Guido.

1. **L**ocus iste nomine & veritate Casa Dei, licet id quod dicitur ante sæcula divino consilio præordinatus fuit, non dū tamen ex quo tali vocabulo vocabulique virtute decorari cœpit. Tempore namque LUDOVICI Regis Francorum hæc sylva primum à fratribus nostris incoli cœpit, annis ab Incarnatione Domini mille centum viginti quinque plus minusve decursis. Eatenus locus iste spinis ac vepribus cannisque palustribus densus, latebris luporum magis quam habitaculis hominum videbatur idoneus; sed Rex ille sapiens ac potens, *Qui vocat ea quæ non sunt tamquam ea quæ sunt*, tempore sibi placito vetustam auferens loco despectionem, inopinatam contulit significationem vetera dissipans lustra, novaque sibi statuens castra. Per idem tempus quippe Dei sapientia cum filiis hominum ludens, in orbe terrarum diversis in locis casas sibi statuit, ad quas construendas operarios de servitute Babylonis evocatos, ubique multipliciter virtutum experientiâ probatos, ad cœlestem aulam coronandos introduxit: inter quos velut sapiens architectus plurima sagacitate Cœnobii hujus primus instaurator enituit; Britonum quidem gente progenitus, Francorum tamen loquolis & moribus luculenter satis imbutus, Sacerdos officio, nomine GUIDO: hic cum levis adolescentiæ annos per trivia vanitatis vagabundus, ut plerisque moris est, transisset, ævo jam maturante mutavit & mores.

Cœpit namque supernæ gratiæ perfusus jubare, jam juvenis dies laboriosos mensisque vacuos vigilantè sibi dinumerare, annosque æternos in amaritudine animæ suæ recogitans taliter, ut reor, ad contemptum mundi seipsum sollicitare: O anima misera! quare seduceris vanitatis ne æmula, aut veritatis sic ignara? Perpende, queso, quàm grave sit quod patimur, quamque vanum quo sequimur, æternum quod ducimur. Obs! ero iste g. adam, perspicies ultra progredi quàm sit periculosum: hæc perdidisse tenus satis est, jam non decet ultra; sperne voluptatem, nocet empta dolore voluptas. His atque his similibus spirante Deo ad animam reductis, terga nugis vertens, maiè tutus arcum qui ducit ad vitam ingressus terere caliem, mutans habitum liquet sæculum, migravit ad eremum.

2. Illo itaque in tempore quo Venerandus Pater NORBERTUS Præmonstratum venit habitaturus, sacrarumque institutionum, quibus jam totum ferme per orbem Catholica decoratur Ecclesia, rudimenta daturus, præfatus WIDO paucis diebus illic sicut audivimus demoratus secelsit, loco majori cedens. Audita verò famâ hujus syvæ, famolissima enim erat tum pro sui latitudine, tum præ scelerum, quæ in eâ frequentabantur, enormitate, Deo comite adveniens locato sibi tabernaculo sub annosâ, ut dicunt, tilla, inopinatus refedit, in proximo fiendus & heres. Haud longè autem ab arbore palus erat ingens, rivusque præterfluens, quem indigenis sermone publico Paragium vinum appellat, quidam verò ex nostris paradisi, sive paraclæti vinum, eundem dici mallent, quod & mihi magis libet.

3. Hoc igitur in loco, sicut prædictum est, facto

domicilio, vir Dei vino illo quod novis in utribus recondidit, dilectione Dei scilicet & proximi, fervens interius, lucrumque animarum vehementer sitiens, dūce Christo regressus ad publicum eructare cœpit populis; quod ab interius hauserat poculis. Igitur velociter sermone currente turbæ confluunt, vilemque hominis habitum, hilarem vultum, placidumque sermonem attendentes, & in præcordiis omnia ponentes reficiebantur non minùs opinione quàm sermone. Sic itaque, largiente Deo, peregrinus homo notus in populo, ab omnibus amatur, veneratur, suscipitur & colitur, frequentant ejus domicilium, poscunt consilium, impendunt corporale beneficium, referunt optatum animæ domus solatium. Perpendens igitur manum Dei bonam secum esse, populique corda divino spiramine ad audienda verba vitæ referata, cogitabat dilatare tentorium suum; quatenus collectis fratribus ibidem Christo debitum persolvere possent famulatum. Nec tamen arbitrabatur sibi tutum vel licitum in alio hospitio absque nutu heredum fundamenta jacere, præsertim in hac sylva quæ pluribus subdivisa heredibus tot dominorum legibus subiebat. Proinde accedens ad unum eorum ALMANNUM scilicet de Ponz, illustrem virum, cujus juris videbatur ille [locus] quem occupaverat; conventionem facta cum eo partim præsentis lucri acceptione, partim mercedis æternæ sponcione factus est coram multis testibus hujus loci legitimus heres, qui paulo ante fuerat inquilinus & hospes: constructisque casulis sibi suisque necessariis exivit homo ad opus suum, peragratisque finitimis castellis & oppidis semina vitæ sparsit ubique, moxque mirum in modum, sole iustitiæ deluper radiante, maturos inveniens fructus, primitias ex eis Domino litaturus decerpit.

4. Siquidem tantus divinæ dilectionis fervor quodam arripuit, ut repente sæculi vanitatibus abdicatis, propriis ad nutum viri Dei delegatis, ipsi deinceps adhererent, nexu indissolubili coligati, cum quibus ad locum paupertatis suæ regressus singulis diebus secundum tempus & horam ad humilitatem obedientiæ, ad virtutem patientiæ, ad instantiam orationis, ad tolerantiam laboris, ad vigiliantiam contra jages antiqui hostis iniurias, monitis & exemplis, quos Deo lucratus fuerat instituebat tirones. Tantæ verò charitatis erat, ut licet inopem agens vitam, sibi suisque vel scribendo vel alio quocumque iusto modo quotidianam à foris conquereret stipem: hospitaliter tamen præceperit neminem ex charitate victualia petentem vacuum abire permitti. Sapiens enim illam veritatis promissionem; *Date & dabitur vobis*, mente retractans, plurimumque de eâ sperans pro viribus implebat, bique subditis conservandam attentionem commendabat.

Contuxerunt undique populiteræ, cernere cupientes quæ hîc fiebant tamquam mirabilia, cum quibus aliqui videntes opera Fratrum, vilitatem vestium, devotum ad invicem obsequium, laboris exercitium, charitatem & silentium, dicebant: *castra Dei sunt hæc*: & Spiritus sanctus habitabat in his. Alii verò largituam Dei misericordiam non considerantes, aiebant, in tantis miseriis non subsistent, sed discedente Pastore dispergentur & oves. Hoc autem illis non modicam, ut opinor, desperationem incullerat, quod qui anteriori tempore in vicina nostrâ habitaverant, nihil unquam ad perfectum adducentes, absque habitatore sedes vacuas dimiserant.

5. Ante paucos etenim annos in proximo monti ad Boréam hîto, quidam eremita erecto tabernaculo, cum matre degens, eâ ibidem sepulta, cum lo-

A. Gnidorem  
abdicatis sæ-  
culi vanitati-  
bus confluunt  
multi.

Luc. 6. 38.

Genes. 31. 2.

Ius remansisset, nescio à quo scelesto homine jugulatus, in puteum dejectus est, unde postmodum extractus & in atrio sancti Amandi sepultus requiescit, Cognomen monti non excidit. Porro ad Occidentalem plagam quidam cum matre & fratre similiter habitabat, Hugo vocabulo, Conversus habitu graduque Sacerdos. Huic consuetudo fuit circuitis circumquaque villis & castris sermonem ad populum facere; nec tamen multum proficere: quidquid enim ore loquaci ferebat, moribus indisciplinatis conculcans crescere non sinebat; inter duo namque matura, (sicut vulgò dicitur) unum acerbum promens, risus & joca persæpe audientibus commovebat. Hic Patrem Widonem de die in diem prosperis his successibus attolli, se verò minui cernens, nil prosperatus recessit, ejus possessiuncula nostros in usus redacta, nec tamen nomine pristini possessoris privata, adhuc namque locus ipse Exsartum domini Hugonis appellatur.

6. Ast Venerandus Wido bonis initiis finem optimum annectere satagens, Berengertruncensem Abbatem adiit, rogans quatinus de fratribus suis ad hunc locum destinaret, qui nostros suis institutis inbuere, ac tempore oportuno ex eodem ordine Abbatem sibi disponentes præficerent. Abbas itaque precibus annuens supplicantis, misit de suis Canonicis, ut locum gentemque considerantes renuntiarent utrum re dignum quid effectu præmonstraret, qui venientes diebusque aliquot in loco peractis, videntes terram aquosam & arenosam cultuque difficilem, non satis fidentes in eo cujus est oris terrarum & plenitudo, viâ quâ venerant reversi sunt in regionem suam, Deo nobis melius aliquid providente.

7. Siquidem Dominus Walterus Abbas S. Martini Laudunensis, vir in perferendis malis experientissimus, & ad subveniendum promptissimus, multis precibus pulsatus venit locum visere, ac misericordiâ motus cœpit ejus curam agere, fidenque in eo à quo bona cuncta procedunt, ingressus Duatum verbum Dei cum fiducia loquebatur ad populum; factumque est eo loquente, cum inter cetera loci hujus mentio incidisset, plurimorum tam ex Clero quàm ex populo tanto amore erga Deum & locum cordâ percussa sunt, ut sæculo mox renuntiantes, se cum suis Abbate præsentem Christo voverent & loco. Proinde vir Dei constantior factus, signatò privilegio à venerabili viro Roberto Attrebatensi Episcopo turam loci suscepit, eo videlicet tenore, ut Abbates ibidem consecrati, cum sibi subditis Laudunensis Cœnobii statuta regularia, moresque honestos pro facultate servarent, nec tamen ulli temporali exactioni obnoxii forent. Missi sunt ergo fratres qui rebus prosperè cedentibus, infra modicum tempus dominum HENRICUM vice Prioris sibi prælatum illustrem virum (fertur enim Capellanus & consanguineus fuisse Regis Francorum) in Abbatem elegerunt: attamen Christo resistenti desiderio suo fraudati sunt; statuta enim consecrationis ipsius die, dum Episcopus non adesset elongatâ benedictione, ipse Laudunum reversus est.

8. Quo regresso Laudunensis Abbas dominum WARINUM Priorem suum ad consecrationem misit, qui perceptâ benedictione dignitatis gradum piis actionibus superexaltare satagit; erat enim vir sapiens & rectis moribus ornatus, æmulator Ordinis, amator paupertatis, custos castitatis, sectator hospitalitatis, potren. d virtutum impiger cultor, ac vitiorum fervidus ultor: qui dum advenisset ac de nimia egestate quosdam conqueri audisset, verbum memoria dignum fertur tulisse: Deus, inquit, si nos in loco scierit, ipse ad manducandum præsta-

bit: non ignorans utique quodd Deus omnia per plenitudinem sapientiæ suæ sciat, sed subditos monens quatenus boni operis sedulitate à Deo sciri satagerent.

9. Quis autem valeat dignè differere quantus qualisque fuerit eo tempore tam in discipulis, quàm in Magistro amor veritatis, custodia humilitatis, contemptus mundanæ vanitatis; cum certis indicis sinceræ charitatis, omnes se monstrarent mortuos esse mundo, & mentibus habitare in cœlestibus cum Christo? Cur autem eos mundo mortuos non rectè dixerim, quibus erat tanta parcitas in victu, tanta vilitas in vestitu, ut quæque gustu dulcia, tactu mollia penitus abhorrerent, & talia quærentes ostentui haberentur? Tanta quippe austeritas erat in victu, quod æstivis temporibus cum legumina non haberent, tribulos & agreites herbas per arva legentes propriis humeris domum advestantes, unâ cum foliis arborum coctas in cibos sumerent, nec tamen mors in ollâ sentiebatur, quia farinula perfectæ charitatis condiebatur. Erat verò tanta vilitas in vestibus, ut tunicis toties reclavatis plerique vestirentur, quodd in dubium venerit ex quâ potius parte initium sumferint. Quid autem dicam de instantiâ laboris, vel assiduitate orationis, cum vix unquam aut manus quiesceret à labore, vel lingua vacaret ab oratione; unde contigit frequentius ut per noctes quiescentes in lectulis, se vel psallentium choris interesse, vel sacris altaribus adstare, aut etiam albatorum tatervas præcedentes subsequi, vel simile quid cernerent: evigilantes verò verum quem opprimente somno dimiserant, adhuc ore ruminarent.

10. Porro consuetudo talis erat ut egredientes ad laborem, sive ad sarriendum, sive ad larta cremandum, finito labore non vacui redirent, sed quisque pro viribus onera sibi bajulantes seriatim, & cum silentio repedarent: tali quidem opere ut reor, illam Spiritus sancti promissionem ore Psalmistæ prolatam; *Venientes autem venient cum exultatione portantes manipulos suos*: quam cordibus infixam ore frequenter ruminabant, se desiderare & exspectare jam quasi quadam præludia exercentes, declarabant; & quidem hæc Spiritus sancti promissio in retributione justorum perfectè complebitur, cum finito scilicet judicio sancti qui in labore & ærumnâ, in hoc scilicet sæculo semina seminarunt, auditâ illa desiderabili voce; *Venite, scilicet, benedicti Patris mei, percipite Regnum quod vobis paratum est ab origine mundi*: pulcherrimâ cum processione portantes præmia laborum à tribunali iudicis, introibunt gaudentes ad contemplandam perenniter faciem Patris, reprobis omnibus cum suo principe diabolo in tartara reclusis.

11. Hæc & his similia ordini congruentia die noctuque incessanter agentibus, Deus, cui placere gestiebant, tantam contulit gratiam, ut vicini divites & pauperes magno cum affectu venerarentur & locum & gentem, & præcipuè qui eis vir bonus apparebat in sermone verax, in operatione justus, in universis moribus ornatus. Unde Seniores terræ locum frequenter invisentes cum audissent, & vidissent numerum fratrum ampliatum ac diversorum valde angustum, hortati sunt Abbatem Oratorium lapideum construere, suum ei spondentes auxilium artificibus conducendis atque præcendis, ceterisque necessariis non defore: quorum monitis non de propriis viribus præsumens aut opibus, sed divinis fidens muneribus Abbas annuit, effossisque lapidibus quæque forent ad opus necessaria præparavit.

12. Diebus itaque sanctis Paschæ factâ processione ad locum quo construendum erat Oratorium,

SSSII

Subjiciuntur  
Viconiensis  
Canonicis  
Præmonstr.  
S. Martini  
Laudun.

Warinus I.  
Abbas Vico-  
niensis.

Tom. II.

Psal. 125. 8.

Mat. 25. 34.

ibique Missa celebrata, locata sunt fundamenta in honore Dei ac Beatissimæ semper Virginis **MARIÆ**, Godefrido Comite Autrebantensium cum infinito cœtu divitum & pauperum adstante. Si quidem Oratoriolum, quo eo tempore imò & ante celebrabantur divina, in honore Dei & beati Sebastiani Martyris, à Venerabili Patre Widone ex lignis compactum in pomœrio situm fuerat. Ubi etiam tunc temporis Claustrum erat, atrio ibidem consecrato. Porro Ecclesia Beatæ Dei Genitricis **MARIÆ** sex annis consummata, septimo dedicata est octavo Kalendas Octobris à viro excellentissimo domino Aluifio Attrebatensium Episcopo, ab Incarnatione Domini anno **MCCXXXIX**. domini Warini primi Abbatis decimo.

1139.

13. Pacta est ipso die consecrationis non modica perturbatio in populo, scilicet Deo vindicante non longè post in ipsum à quourbationis causa processit ultio manifesta, factisque digna pertulit: factum est namque cum omnibus qui tantæ solemnitati congruebant ritè peractis, qui ad diem festum venerant festinarent ad propria; ortâ contentione inter Autrebantenses Milites & Landallenses, ut vir illis Amandus scilicet de Dononio, graviter quassatus causa mœroris non modici nobis existeret, fidei quippe virilitate domino Abbati sponte factus obnoxius, in pluribus nobis utilis existerat, & ad Ecclesiæ constructionem de suis facultatibus frequenter adjuverat. Igitur proximâ die ille qui caput iurgiorum fuerat, Daniel scilicet de Curte Trajani ferocitate tyrannicâ opinatissimus, ad determinatum congressum, quem vulgò tornionem vocant, properans lanceâ perfossus, à præsentī luce violenter extortus est, dignam sui sceleris suscipiens retributionem.

Obiit Wido in Burgundia.

1240.

14. His itaque gestis, Pater Wido in territorio Metensis civitatis adiculâ rursus constructâ, collocato etiam Abbate, à Jerosolymis iteratâ vice reversus, aliquanto tempore degenſ apud nos, quamdam curtem ad usum pauperum atque senilium apud Valenceſas manentium, exorsus est struere juxta montem Aylin; quâ nondum perfectâ, oppidanis non ad placitum adjuvantibus, ad Burgundiam ipse profectus est, nec plusquàm duobus mensibus post ejus abscensionem transactis apud Jovinum præfatæ regionis caltrum defunctus, in atrio sancti Lazari, ubi debiles, peregrini, & pauperes sepeliri solent; ipso petente conditus jacet, beatam præstolans à justo iudice sui laboris remunerationem. Anno quidem ab Incarnatione Verbi, millesimo centesimo quadragesimo, septimo Kalendas Februarii profectus à nobis, secundo Kalendas Aprilis migravit à sæculo, in æternum, ut credimus, victurus cum Christo, pro cuius amore ab ineunte juventute voluntarius pauper factus, quoad vixit pauperum strenuus consolator prout potuit, semper exstitit.

II. Abbas Viconiensis, Gerardus.

15. Post ejus verò transitum annis quatuor semis fermè defluxis dominus Guarinus Abbas, vir piæ recordationis, cum annis viginti fermè duobus nostram Ecclesiam strenuè rexisset, Cœnobii scilicet sancti Martini Laudunensis regimen suscepit, Domino Waltero ejusdem Clauſtri Abbate, episcopante urbi præmemorata; nobis autem ob discessionem sæpe dicti viri mœstissimis, successit alius nomine **GERARDUS** præfixi Cœnobii Canonicus, qui in initio Prælationis suæ, quantum ad humanum spectat examen, morum honestate, & verborum dulcedine atque affabilitate mirificè florens, maximum studium erga ornatum Ecclesiæ & decorem domus Dei im-

pendere studuit, licet postmodum instinctu adversarii ab humili & recto religionis tramite deviaverit. Hujus itaque temporibus, cum & in spiritualibus & in temporalibus Ecclesia nostra floreret, quidam ex Fratribus nostris ob amorem & honorem Sanctorum vas quoddam, quod feretrum vulgò vocatur, ipso consentiente & cooperante edificaverunt auro & argento ac pretiosis lapidibus decoratum, cujus rei causâ, scilicet ne tanto vase vacuo remanente frustra laborasse dicerentur, ubicumque potuerunt ab Ecclesiis tam vicinis quàm longinquis Sanctorum corpora perquirentes, magnam ex his copiam aggregaverunt, inter quæ etiam caput S. Flaviani, qui fuit Archidiaconus sancti Nicasii, præfatus Abbas à civitate Remensi rediens secum attulit, quoniam in Ecclesiâ præfati Præfatis & Martyris parentes, notos & familiares amicos habebat. Ipsum ergo caput cum aliis plurimorum Sanctorum reliquiis, quorum nomina jam alibi descripsimus, positum est honorificè in præfato receptaculo, à domino Gaudescalco Attrebatensi Episcopo.

16. Accidit præterea ut Balduinus Comes Haiuensis Coloniam orationis gratiâ proficisci pararet, cujus peregrinationis fama cum fratribus nostrorum ad aures usque pervenisset, suaserunt jam dicto Abbati ut aliquem de fratribus cum eo dirigeret, qui ejus auctoritate & precibus ab Abbate sancti Herberti corpus integrum unius virginis de societate undecim millium Virginum mereretur suscipere, nobisque deferre, quod & factum est. Enimverò Domini cooperante gratiâ precibus Comitum nostri, necnon auctoritate atque imperio Henrici Ducis Lemburgensis Abbas S. Herberti pulsatus, imò victus, unam è pluribus Virginibus, quæ in Sacrario conservabantur, cujus nomen est Karissa, protulit; nobisque transmisit. Hujus ergo sacræ Virginis sacras reliquias cum hymnis & laudibus die sancto Paschæ suscepimus, & post Pentecosten convenientibus pluribus viris religiosis atque Abbatibus ac multâ plebe sæculari, à Domino Frumaldo Archidiacono Attrebatensi cum honore debito in jam dicto feretro repositæ sunt.

17. Interea cum hujus unius sacræ Virginis adeptio acriorem sitim ampliùs acquirendi in corde Abbatis Gerardi succendisset, visâ oportunitate temporis ipsimet, nonnullis sibi Fratribus associatis, Coloniam profectus est, & quantum potuit, à quibuscumque potuit, opportunè, importunè, precibus, donis ac promissis ab ipso etiam jam sæpius memorato sancti Herberti Abbate ignorantibus licet Monachis, Sacrarum Virginum & Martyrum, qui cum eis passi sunt, sacra ossa recepit; & huc ad nos die festo sanctæ Trinitatis attulit, verum cum necdum semel accensus ignis desiderii cordi suo suadere posset lentescendo, ut diceret, sufficit, tertio nihilominus non quidem per se, sed per Priorem legatum suum sanctum locum Colonie adiit, & sicut semel & iterum sic etiam tertiâ vice Sanctorum Martyrum & Virginum corpora collegit; de quibus Ecclesiam nostram, ut rei veritas probat, magnificè ditavit. Horum ergo Martyrum ossa Deo sacrata paratis oculis ligneis in quâdam structurâ ligneâ, auro & coloribus venustè compositâ, desuper altare Apostolorum in ipso fronte capitis Ecclesiæ, ut intuentibus faciliè pater, cum reverentiâ & timore collocaverunt, ubi eorum usque hodie venerantur merita, ad laudem & gloriam Domini nostri **JESU-CHRISTI**; Amen.



# MONITUM.

**C**ISONIENSIS MONASTERII Origo, quandoquidem compendioſo tantum Celogio, deſcribitur, inquit Auct̃or, perſequendam eſſe hiſtoriam per quaſdam chartas à me ſelectas opera pretium putavi, in quibus & originem & progreſſum, & varios eventus iſtius Abbatia multo certius agnoſcere poterit rerum Eccleſiaſticarum regulariumque curioſus indagator, quàm ea verbis explicare, quæ perſepe fallunt hiſtorici.

Et ne fortè in ſubſcriptione Teſtamenti Comit̃is EVERARDI (quod originem dedit Monaſterio Cisonienſi) hallucinetur Lector (uti Miræus in Codice donationum, & Auct̃or hiſtoriæ Caſtellanorum Inſulenſium) non abs re fuerit, reor, hæc ſubſcriptionem exponere; ita ſe habet: Actum in Comitatu Tarviſiano in corte noſtra Muſieſtro, Imperante domino Hludovico Auguſto, anno regni ejus Chriſto propitio XXIV. Haudquaquam igitur tibi perſuadeas velim, ad Ludovici Pii Imperatoris anno 24. ſed ad Ludovici II. Auguſti annum 24. regni in Italia reduci debere, qui incidit in annum Chriſti 867. quo Everardus ſuum condidit Teſtamentum, eumque eodem anno devixiſſe aſeri poteſt ex charta Giſle uxoris ejus ad Carolum Calvum, quem germanum ſuum appellat, ac de beneficiis ab ipſo acceptis gratias agens, tamquam vidua loquitur in hunc modum: Placuit mihi in Dei nomine Giſlæ, de rebus quas Sereniſſ. ac piſſimus Rex Carolus meus, ſi dicere audeam, germanus, cum exigente Senioris mei dulcis memoriæ negligentia in dominio ſuo reductæ eſſent, viduitati meæ, compaſſus, & habitûs mei mutationem conſolatus conſervatas per ſuæ ſublitas præceptum largiſſua pietatis ſuæ clementia mihi reſtituere atque augmentare dignatus eſt cum ſuo conſultu, &c. Data xvii. Kalend. Maii, indiçt. i. in anno xxix. regnante domino noſtro Karolo Rege glorioliſſimo. In charta donationis pro ſepultura apud Cisonium ſic inſit Giſla: Quoniam pius Dominus deſiderium meum ita conſolari dignatus eſt, ut pignora corporis Senioris & conjugis mei dulcis memoriæ Everardi, per coadjutoris filii mei Unroch ab Italicis partibus delata mihi conferens, in ipſo Oratorio apud idem altare juxta deſiderium voluntatis meæ ſepelire permiſit, &c. Actum Fivis mallo publico Kalend. Jul. ann. xxxv. regnante Carolo Rege glorioliſſimo. Hoc eſt anno 876. Et in charta Cisonii data iſthac proſert Giſla: Ego in Dei nomine Giſla dum res à Seniore meo præceſſæ indolis Everardo perditas, & à piſſimo Regum Karolo meo, ſi fari audeam, olim germano, mihi reſtitutas ſub aſſenſu ejus, tam ad Monaſterium in Cisonio ſitum, quàm inter viſcerum meorum dilectiſſimos filios diſtribuiſſe viſa fuiſſem, &c. Actum fiſco Cisonio apud Monaſterium in ipſo loco ſitum, ſub die iv. Non. April. anno Incarnati Verbi DCCCLXX. regnante Domno & Sereniſſimo Karolo, meo, ſi dicere audeam, germano, Rege glorioliſſimo, &c.

His aliſque teſtimoniis ſat evidenter apparet, ut quidem ſentio, Giſlam Everardi uxorem, fuiſſe Ludovici Pii filiam, ac proinde Caroli Calvi ſororem. Chartæ ſiquidem prædiçtæ haud obſcuræ, ſed optimæ notæ mihi viſæ ſunt.

Ediderunt EVERARDI Teſtamentum anno 1611. Floris Vander Haër Canonicus S. Petri Inſul. in hiſtoria Caſtellanorum Inſulenſium, & Aubertus Miſæus in Codice donationum an. 1624. plura ergo in hac editione menda correxi, corruptas voces emendavi ope antiqui apographi membranacei. Atque ut me gratum exhibeam V. C. DIONYSIO GODEFROY, Cameræ Computorum in urbe Inſulis à rege Præſecto ac Reçtori, ſcias Lector, ipſum chartas & omnia quæ Cisonium ſpectant benevolo animo ac plena manu, ut aiunt, conſulſſe.

## ORIGO, SIVE HISTORIA MONASTERII CISONIENSIS,

Per Chartas quaſdam ſelectas.

**C**Anonicus ordo Cisonienſis Eccleſiæ quo tempore cæpit compendioſo ſcripturus elogio, Deum fontem totius boni totiuſque ſcientiæ invoco

Tom. II.

meo præſſe ſtudio. Supernâ namque diſpenſatione proviſum eſt, ut bona præfatæ Eccleſiæ, quæ priùs diviſa & diſperſa fuerant, in quamdam unionem

SSSC

& communionem redigerentur, & Congregationi Fratrum quibus esset anima una & cor unum in Domino juxta apostolica decreta distribuerentur. Quippe Dominus justus & pius & misericors Ecclesiam suam dignatus est visitare, & jacentem, & languentem ad elegantioris ordinis statum sublimare. Mortuo siquidem Amalrico Præposito, qui eam ut potuit in vitâ suâ rexit, Hermannus Insulanus ad obtinendum Præposituræ honorem contrâ voluntatem Clericorum & communem electionem ipsorum accessit. Unde & inter eos diutina litigatio exstitit, quam ille per industriam & munificentiam suam aliquatenus mitigavit: erat enim vir dapilis, affabilis, abundans divitiarum, ducens originem ex numero Militum Gircariarum. Tunc duo Cifonienses Canonici, Dominus videlicet Lettardus, dominusque Robertus dominum Hermannum cœperunt frequentare, benignè eum alloqui, cum ipso in plateâ sedere, multa de contemptu hujus mundi eidem intimare. Eratque eorum hujusmodi confabulatio: Usquequo terrenarum desideria sequemur voluptatum, quæ nequaquam hominem queunt efficere beatum? Quid in extremo judicio Dei nobis conferret fastus & elatio? Quid nobis prodest si totum mundum lucremur, animarum nostrarum verò detrimenta patiamur? vita hominis non est diuturna, salus ejus non est continua: hodie est, cras non est: hodie vivit, cras interit: hodie proficit, cras deficit. Frivola ergo & transitoria relinquamus, ut gaudia cœlestis patriæ possideamus. Locus iste quanto pro reliquiis Sanctorum reverentior, tanto ordini esset competentior. Unde cum & hæc, aut his similia præfati Sacerdotes sæpenumero loquerentur, dominus Hermannus istis tandem respondit: Verum est, inquit, quod dicitis, bona est vestra exhortatio, nec in aliquo falli potest vestra loquutio: sed si certitudinem intentionis vestræ super hac re cognoscerem, forsitan consilio vestro voluntarius acquiescerem. Date ergo fidem, nominate diem: Remis eamus, ut illic omnia quæ loquuti estis opere compleamus. Quid plura? Morinium Tornacensis Ecclesiæ Canonicum quartum sibi socium adseverunt, sermonem suum fide confirmaverunt, post modicum tempus Remis abierunt, causam adventus sui Archiepiscopo exposuerunt. Tunc Hermannus in præsentia Archiepiscopi multorumque religiosorum virorum qui ibi aderant, primus ipsi Præposituram suam reddidit, Lettardus verò & Robertus suas præbendas communi vitæ distribuendas: protinus Dominus Anselmus sancti Dionysii Remensis Canonicus ab omnibus eligitur, & licet invitatus, licet nolens, licet multum renuens, apud Cifonium consecratus Abbas adducitur. Quæ autem lingua dicere, quivæ valeat explicare quæ & quanta in primo adventu suo tam à Clericis quàm à Laicis, tam à servis quàm à liberis, tam à senibus quàm à juvenibus, tam à suis quàm ab alienis passus fuerit, quas corolliones, quas detractiones, quas divisiones, quas perversiones sustinuerit? Ille tamen sicut bonus Christi athleta, sicut veridicus logotheta ut multos lucrificaret Deo, omnia æquanimiter accepit, fixum tenens in corde suo, quia Dominus Jesus CHRISTUS ab impiis Judæis opprobria, sputa, flagella, alapas, spineam coronam, crucem pro salute humani generis ferre non recusaverit. Inthronisatio autem prædicti Abbatis facta est à Clero & populo Cifoniensi in sacratissimo die Epiphaniæ Domini, anno ab Incarn. Domini 1129. Epactâ 28. Concurrente 1. indictione 7. Honorio Papa Archiepiscopo B. Petri præidente, Ludovico verò Monarchiam totius Galliæ tenente, sub temporibus Rainaldi Remensis Archiepiscopi & Simonis Noviomen-

lis Episcopi; Domino nostro Jesu Christo regnante in pace cum Patre & Spiritu sancto, per omnia sæcula, Amen.

*Testamentum Euvardi Comitiss.*

**E**VRARDUS Comes cum conjuge meâ Gissa facere decrevi, qualiter nostri infantes quandoque post obitum nostrum prædium nostrum inter se absque aliquo impedimento, vel animositatis jurgio, à nobis divisum rationabili exequutione articulatum cum mancipiis cæterisque mobilibus, quæ ad nos pertinere videntur, potestate habitâ deinceps obtinere debeant. Primogenitus namque noster Unroch volumus ut habeat quidquid in Langobardiâ, & in Alamanniâ de proprietate habere videmur, cum omnibus quæ ad ipsam proprietatem pertinere videntur, ut supra diximus, tam in Langobardiâ quàm in Alamanniâ, præter Balguinet, & ea quæ ad eam pertinere videntur. Secundus quoque Berengarius volumus ut habeat cortem in Anaspio cum his omnibus quæ ibi pertinere videntur, præter Grecinam & cortem nostram Hildiolum in Hasbannis, cum omnibus quæ adjacent ei, & quod habere videmur in pago Condustrim volumus ut habeat. Tertius Adalardus volumus ut habeat cortem nostram in Cifonio & Canfinium cum omnibus quæ ibi pertinent, & Grecinam cum omnibus quæ ad ipsam Ecclesiam in supradicto loco Cifonio pertinere disposui: in tali tenore, ut ipsam Ecclesiam eo ordine quo ego constitui, semper custodiat; & nihil auferri de his quæ ei dedi permittat per se aut per quemcumque, & Suminium curtem nostram. Quartus Rodulfus, volumus ut habeat Vitrei vicum, Mefrucha cum omnibus quæ supradictis locis pertinent, præter Ecclesiam Vitrei, quam ad Ecclesiam nostram cum omnibus quæ pertinent in Cifonio, pertinere censui. Et volumus ut habeat quod in Scelleburd habere videmur, quod Matridus dudum habuit, & omnes res nostras quæ conjacent in Comitatu Tassandrio.

Ita hanc divisionem peragere volumus, ut si minus Adalardus aut Rodulfus de mansis habuerint quàm Berengarius de Anaspio, adæquare inter eos cum mancipiis quæ supersedent debeant. Hæc divisio omni modo inter eos ut ita permaneat volumus, excepto si aliquis Rex Langobardorum, vel Francorum, vel etiam Alamannorum (quod absit & fieri non credo) alicui illorum de supradictis germanis suam proprietatem ita à nobis divisam per violentiam sine causâ abstulerit; tunc volumus quod residuum fuerit ut convenientes in unum æqualiter inter eos dividant illud.

De filiabus verò nostris volumus ut Ingeldrud habeat Ermen & Mareshem. Judith verò volumus ut habeat Balgingam, & cortem nostram in pago Moila, quæ vocatur Helisheim. Harlvinch verò volumus ut habeat Hattrenheim & Luninga, & Wendesse, & unum mansum in Engeresteim.

Talem autem legem de supradictis rebus esse censemus, ut si quisquam eorum adversus alium aliter contentiosè surrexerit, præter quod nos inde ordinavimus, aut in publico placito maluerit præsumptor ille, quia contrâ nostram voluntatem ire ausus fuerit, componat cui calumniatus fuerit auro libras mille.

De paramento autem nostro volumus ut habeat primogenitus noster Unroch spatam unam cum aureis hileis, & cuspidem auræ, & faciliun unum de auro & gemmis, balteum unum de auro & gemmis, sporones duos de auro & gemmis, vestimenta unum de auro paratum cum fibulâ aurâ, & alteram spatam volumus ut habeat; urceum cum aqua.



manile argenteum unum, scyphum aureum unum, scyphos eburneos duos, bruniam unam, hermū unum, & manicam unam ad ipsum opus, beinbergas duas, mortariolum argenteum unum cum pistillo. De paramento verò capellæ nostræ ciborem cum Cruce aureâ, & capsâ aureâ, & calicem aureum cum patenâ, coronam auream cum ligno Domini, Crucem auream cum crystallo suprà ciborem, planetas duas unam auro paratam, alteram de cendalo, dalmaticam auro paratam, tres pannos super altare auro paratos, duo phylacteria in cruce pendentia, Evangelium de auro paratum, sia aurea, armillas duas auro paratas, missale cum argento & auro paratum, lectionarium similiter, urceum cum aqua-manile argenteum unum, thuribulum argenteum unum, pipam auream unam, tabulas eburneas auro paratas, pecten verò auro paratum unum, flavellum argenteum unum, capsellam eburneam unam, candelabra argentea duo. Hæc volumus ut supradictus filius noster primogenitus habeat.

Secundus Berengarius volumus ut habeat spatias duas, unam cum hilcis argenteis & aureis simul, faciliū de argento & auro unum, balteos aureos cum gemmis duos, sporones aureos duos, vestitum de auro paratum unum, alterum faciliū cum gemmis aureum, scyphos de cornu & argento cum auro duos, scutellas argenteas duas, cochlearia argentea duo, bruinam unam, helmum unum, manicam unam. De paramento Capellæ nostræ altare argento paratum unum, calicem eburneum cum patenâ auro paratum unum, capsam eburneam auro paratam unam, phylacterium de crystallo cum auro paratum unum, Evangelium eburneum unum, lectionarium simile, missale simile, commentarium simile, antiphonarium simile, smaragdum similiter paratum, thuribulum argenteum unum, planetas duas unam variatam, alteram de cendalo, dalmaticam variatam unam, sircam similem, pallium super altare unum, tabulas ad canendum auro & argento paratas. Hæc volumus ut secundus Berengarius habeat.

Tertius Adalardus, volumus ut habeat spatias duas, unam cum hilcis eburneis & aureis, faciliū similiter & balteum eburneum & aureum, alterum verò faciliū aureum & balteos aureos duos cum gemmis, vas ad bibendum marmoreum unum cum argento & auro paratum, garalem argenteum unum, scyphum argenteum unum, pallia duo, garales argenteos cum binis cochleariis duos, bruniam unam & helmum cum halbergâ, & manicam unam, brimbergas duas. De paramento Capellæ nostræ altare de crystallo & argento paratum unum, capsam crystallo & auro paratam unam, calicem vitreum auro paratum unum, calicem argenteum cum patenâ, Evangelium argento paratum unum, planetam diploidam unam de cendalo, dalmaticam unam, sircam unam, pannum super altare unum, phylacterium unum in quo sunt reliquiæ sancti Remigii. Hæc volumus ut tertius habeat Adalardus.

Quartus Rodulfus, volumus ut habeat spatias tres, mancosos centum, balteum unum, garales duos argenteos, cochlearia tria, bruniam unam, manicas duas. De paramento verò Capellæ nostræ busteam crystalinam cum Reliquiis, phylacterium de alaudinis & crystallo paratum unum, phylacterium argenteum unum, calicem de nuce cum argento & auro paratum unum, calicem argenteum cum patenâ, planetas duas, pannum unum super altare. Hæc volumus ut Rodulfus habeat.

Engildrud filia nostra volumus ut habeat scutellam argenteam unam & pallium unum. Judith volumus ut habeat scutellam argenteam unam & pal-

lium unum. Heilvinch volumus ut habeat argenteum vas unum & pallium unum. Quibus singulis ne de Capellæ nostræ exsortes esse viderentur benedictione, dedimus singula phylacteria de crystallo auro parata; de libris etiam ejusdem Capellæ nostræ divisionem inter eos facere volumus. Imprimis volumus ut Unroch habeat psalterium nostrum duplum, & bibliothecam nostram, & librum sancti Augustini de verbis Domini, & librum de lege Francorum & Ribuariorum & Langobardorum, & Alamannorum & Bavariarum; & librum rei militaris, & librum de diversis sermonibus qui incipit, *De Elia & Achab*; & librum de utilitate penitentiae, & librum de constitutionibus Principum & edictis Imperatorum, & Synonyma Isidori, & librum de quatuor virtutibus, & Evangelium, & librum bestiarum, & cosmographiam Ethici philosophi. Berengarius aliud psalterium volumus ut habeat cum auro scriptum; & librum de civitate Dei sancti Augustini, de verbis Domini, & gesta Pontificum Romanorum, & gesta Francorum, & libros Isidori, Fulgentii, Martini Episcoporum, & librum Ephrem, & Synonyma Isidori, & librum glossarum & explanationis & dierum. Adalardus tertium psalterium volumus ut habeat, quod ad nostrum opus habuimus, & expositionem super epistolas Pauli, & librum S. Augustini de verbis Domini, & super Ezechielem Prophetam, & lectionarium de Epistolis & Evangeliiis cum auro scriptum, & vitam S. Martini, & librum Aniani, & volumen septem librorum Magni Orosii Pauli, & libros sancti Augustini, Hieronymi Presbyteri, in hoc quod Jacobus ait, *Qui totam legem servaverit & in uno offenderit, factus est omnium reus*. Rodulfus, volumus ut psalterium cum suâ expositione habeat, quem Gissa ad opus suum habuit, & Smaragdum & Collectaneum, & Fulgentium, & Missale quotidianum, quod semper in nostrâ Capellâ habuimus, & vitam sancti Martini & Physiologia Loxi medici, & ordinem priorum principum.

Primogenita etiam filia nostra Engeldrud volumus ut habeat librum, qui appellatur *Vitas Patrum*, & librum de doctrinâ S. Basilidis, & Apollonium, & Synonyma Isidori. Judith, volumus ut habeat missale unum, & librum qui incipit à sermone sancti Augustini de ebrietate, & legem Langobardorum, & librum Alguini ad Eridonem Comitem. Heilvinch, volumus ut habeat missale unum & Passionale, & librum orationum cum psalmis, & libellum de orationibus. Gissa, volumus ut habeat librum de quatuor virtutibus, & Enchiridion sancti Augustini. Hæc omnia, ut suprà diximus, post quandoque obitum nostrum ut inter eos ita divisa permaneant absque impedimento volumus.

Ab hodierno verò die quod nunc ita præordinavimus quidquid de mobilibus cujuscumque rei deinceps, si vitam & sanitatem Omnipotens de super nobis concesserit, acquisiverimus, si aliter ante obitum nostrum non ordinaverimus, sive in laboratione seu in peculio, in prædictis quas inter eos divisimus rebus, seu beneficiis nostris, quæ habere videmur: Volumus ut super omnia medietatem Unroch filius noster & ceteri nostri fideles qui interfuerunt quando hæc ita disposuimus, post nostrum obitum pro salute animæ nostræ distribuunt tam in Franciâ quam in Langobardiâ, vel in Alamanniâ, sive in proprio, sive in beneficio, ut suprà diximus; servos autem nostros quantos nobis placuerit in supradictis locis dimittere liberos de nostro prædio tam in Franciâ, quam in Langobardiâ, seu in Alamanniâ, volumus ut liberi sint, vel cuicumque illorum de loco in locum dum advixerimus voluerimus dare aliquem, in

nostrâ servamus potestate. Similiter de nostrâ familiâ qui non de prædio nostro sunt, sed forinsecus acquisivimus, volumus ut cuicumque eos donaverimus de nostris infantibus, absque contentione cæterorum donati sint. Hæc super omnia, sicut jam diximus, ut ita permaneant volumus.

Ego in Dei nomine Evrardus Comes, cum conjuge Gislâ, hujus Testamentum divisionis fieri inter infantes nostros institui, quorum hæc sunt nomina, Unroch, Berengarius, Adalardus, Rodolphus, Engeldrud, Judith, Heilvinch, coram fidelibus nostris qui interfuerunt, quorum nomina sunt hæc; Adalroch nepos noster, Wilbertus Presbyter, Werimburtus, Lanfridus, Devinar, Uto, Diso, Engelhâd, Heribert, Otpert, Fredico. Actum in Comitatu Tarvisiano in corte nostrâ Musiestro, Imperante Domino Hludovico Augusto, anno regni ejus Christo propitio xxiv.

867.

## De sancto EVRARDO.

**R**egibus immensis EVRARDUS Cifoniensis  
Creditor aqualis, ut ait liber historialis,  
Qui de nobilium descendens stirpe virorum,  
Icitur Italia quondam tenuisse ducatum,  
Quando LOTHARIUS habuit Roma dominatum.  
Iste modestus Dux EVRARDUS, Miles honestus,  
Sacras Ecclesias summo studio faciebat,  
Atque Dei legem servari præcipiebat.  
Qui Slavos fortes, Numidas, Maurosque feroces  
Sæpe triumphavit, interfecit, spoliavit.  
Idem Cifonium villam statuit sapienter,  
Illic Ecclesiam disponens convenienter.  
Unâ ex parte simul sunt pascua, prata, paludes,  
Et nemus emittens vernali tempore frondes.  
Fertilis ex aliâ tellus, campique patentes,  
Triticeasque ferunt benè culta novalia fruges.  
Inferiora rigat Onis præterfluens amnis.  
Rarus in hoc piscis capitur, fallacibus hamis.

In eodem MS. Cifoniensi agitur de quodam S. ARNULFO Armigero & Martyre. Ejus elogium sic concluditur.

**V**idua quedam Sanctum nocte sustulit,  
Et in caput transtulit  
Præsentis Ecclesiæ.

Ibi nunc repositus  
Jacet Martyr inclytus  
In Altaris margine.

Ibi GISLA posita est,  
Et ejus inclyta proles  
Alais nomine.

Horum trium meritis  
Et EVRARDI Comititis  
Sic ad præsens vivere.

Præsta Pater omnium  
Consequamur gaudium  
Horum ut in æthere.

## Donatio GISLÆ ad sepulturam.

**A**uctoritas antiquorum sanctorum Patrum patenter ostendit, quod quicumque pro amore Domini sive pro animæ suæ, vel consanguineorum suorum remedio, ad loca Sanctorum de proprio jure suo aliquid delegaverit, cum Dominus dicat in Evangelio, *Thesaurizate vobis thesauros in cælo*: & iterum: *Facite vobis sacculos qui non veterascunt, thesaurum indeficientem in cælis*: remunerationem sibi in cælesti patriâ à Domino reddendam confidere potest in die qua dicturus est: *Venite benedicti, & possidete regnum Patris mei vobis paratum ab origine mundi*.

Quocirca ego in Dei nomine Gislâ dum cogitans

de Dei timore, vel hujusmodi retributione pro sepulturâ tam meâ quàm pignorum meorum, cunctæque cognationis meæ, in usus luminarium Basilicæ Monasterii à me in Cifonio perfecti, mansos octo in pacto altaris ejusdem nominata tradidissim, ac postea juxtâ frontem Basilicæ ipsius Oratorium in fratrum Cæmetario sub honore Sanctæ Trinitatis construens, in dotis titulum altaris hujus Oratorii mansum unum, bunuariorum x. per chartæ traditionem obtulissim; quoniam pius Dominus desiderium meum ita consolari dignatus est, ut pignora corporis Senioris & conjugis mei dulcis memoriæ Evrardi per coadjutoris filii mei Unroch solatia ab Italicis partibus delata mihi conferens, in ipso Oratorio apud idem altare juxtâ desiderium voluntatis meæ sepelire permisit, pro amore ipsius Domini ac pro animæ prædicti Senioris mei remedio addo ad usus luminarium jam fati Oratorii mansum unum cum bunuariis terræ xii. in pago Medenentisse in villâ Nivillâ situm. Consentiens etiam utrique duorum filiorum meorum Adalardo atque Rodulfo de partibus prælati descriptis, post obitum meum tibi cedendis, unum pro superscriptâ ratione mansum in usus luminarium præfixorum concedere, Adalardo scilicet in suprâ dicto pago villâ Wakillare dictâ mansum unum cum integritate suâ. Rodulfo quoque in pago Tornacense villâ nomine Gressione mansum unum cum integritate suâ: in eâ quidem ratione ut à præsentis die hæc omnia à custodibus Oratorii ipsius habeantur, teneantur, atque possideantur, vel quidquid ad honorem hujus ex his agere lex canonica decreverit, libero indultum sit arbitrio faciendi. Si quis verò, quod futurum esse non credo, si ego ipsa (quod absit) aut ullus heres ac pro heredibus meis quilibet vel ulla opposita aut extranea persona, qui contrâ hanc traditionem venire aut infringere voluerit, inferat ibi dupliciter quantum ista epistola continet, & insuper inferat ad partem fisci auri uncias v. argenti libras 10. multâ componat, & quod repetit vindicare non valeat: sed præsens hæc traditio firma & inviolata permaneat cum stipulatione subnixâ.

Actum Fivis mallo publico Kal. Jul. anno xxxv. regnante Carolo Rege gloriosissimo. Signum Gislæ, quæ hanc traditionem heri & confirmari rogavit. Signum Reinhelini Episcopi. Signum Odelrici Comititis.

*GISLA dat filiis suis quadam ad dominium suum pertinentia, & iis defunctis illa possidebit Cifoniense Monasterium.*

**P**lacuit mihi in Dei nomine GISLÆ de rebus quas serenissimus ac piissimus Rex KAROLUS meus, si dicere audeam, germanus, cum exigente Senioris mei dulcis memoriæ negligentia in dominio suo redactæ essent, viduitati meæ compallus, & habitus mei mutationem consolatus, conservatas per suâ sublimitatis Præceptum largituâ pietatis suæ clementiâ mihi restituere atque augmentare dignatus est cum suo consuleto, primò apud Monasterium fisci Cifonii in honore Domini nostri & Salvatoris sanctæque MARIÆ ejusdem Genitricis à me situm, quo venerandus Martyr Christi Calistus requiescere dignoscitur, pro remedio animæ meæ de ipsis rebus partem aliquam tradere disposui, ac deinde cæteras res à me in Galliis habitas inter tres infantes meos Rodulfum videlicet & Berengarium, nec non & te, dulcissime filii Adelarde, per singulas portiones dividere: atque ut in posterum ratum sit, parti cuique quod traditum est per scripturam relatus legaliter obligare. Dono igitur tibi, fili dulcissime Adelarde, fiscum nomine Summinium

Matth. 6. 20.  
Luc. 12. 33.

Matth. 25. 34.

in pago Hostrevant situm, quæ mihi jam fatus Rex piissimus, & si dicere audeam, germanus meus KAROLUS florente pietatis suæ munificentia dono tribuere dignatus est: scilicet præter Capellam cum mansis ix. quæ apud supra nominatum Monasterium in usus Fratrum ibidem Deo militantium tradidi, quidquid ad hunc fiscum pertinere videtur, tui juris esse concedo. In eâ verò ratione, ut post discessum tuum ad jam dictum Monasterium cum omni integritate veniat, hoc est mansum dominicatum cum terris arabilibus bunaria videlicet cxxxix. pratorum bunaria xxxii. sylvæ bunaria dxi. atque huic servientia xciii. simul etiam terræ bunaria iv. omnem, ut dictum est, fiscum, exceptâ Capellâ prædictâ cum mansis ix. ad integrum de meo jure in portionem tuam transduco & constituo. In eâ verò ratione ut quamdiù Domino volente advixero, sub mea potestate censeatur, post animæ verò meæ à corporis ergastulo absolutionem eundem fiscum nomine Summinium, solvâ ratione Capellæ & supra nominatorum ix. mansorum, cum omni integritate habeas, teneas atque possideas quamdiù advixeris, liberam ac legalem in omnibus Domini protegente clementiâ habeas potestatem, ac post tuum obitum, sicut superius mentionem fecimus, ad locum jam dictum cum omni integritate veniat, & nullus fratrum tuorum vel consanguineorum sibi ex hoc usurpare præsumat. Si quis autem eorum, aut ego, quod absit, sive ullus parentum nostrorum, sive aliqua extranea persona hanc donationem refutare voluerit, ab omni Ecclesiâ alienus appareat donec resipiscat, & insuper cui litem intulit auri libras c. argenti libras cc. legali judicio persolvat, et si amplius repetierit, nullo obtinere consensu valeat; sed præsens donatio firma futuris temporibus cum stipulatione virorum nobilium perdurare valeat perpetuallyter inconvulsa. Actum Viðtreiaco villâ publicâ, facta traditio, data xvii. Kal. Maii. Indi. i. in anno xxix. regnante domino nostro Karolo Rege gloriosissimo.

*G I S L A confirmat quæ pro sepulturâ contulit Cifoniensi Ecclesiæ, additque nonnulla.*

**D**Um inter fluctus . . . . . Quapropter ego in Dei nomine Gisla dum res à Seniore meo præcellæ indolis Evrardo perditas, & à piissimo Regum KAROLO meo, si fari audeam, olim germano mihi restitutas sub assensu ejus, tam ad Monasterium in fisco Cifonio situm quam inter viscerum meorum dilectissimos filios distribuisse visa fuisset, ac postmodum Oratorium ad frontem matris Ecclesiæ in honore Sanctæ & individue Trinitatis in eodem fisco ad sepulturam meam & quietem erexissem, carissimo meo Rodulfo consulens de portione ejus quam sibi per chartæ firmamentum traderam, altari hujus Oratorii in honore S. Martyris Christi Apollinaris dedicato dotis honorem facere disposui, quod ita simul cum illo me fecisse manifestum est. Donamus itaque ego in Dei nomine Gisla & filius meus carissimæ indolis Rodulfus ad prædicti Oratorii Sanctæ & individue Trinitatis altare in honore sancti Martyris Christi Apollinaris dedicatum, de rebus; quas supra diximus, Rodulfo cedendis in dotis titulum, mansum i. in Caninio situm; & de terrâ arabili in Grecione consistente bunaria x. eâ ratione ut à die præsentis idem locus ad quietem meam vel filie meæ Ingeldrudis præparatus, hæc in usus luminarium cum illis quæ ad obedientiam hujus sepulturæ disposita sunt habeat, teneat, atque possideat, vel quidquid exinde facere voluerit, liberam ac firmissimam habeat potestatem faciendi.

Si quis verò (quod futurum esse non creditur) si nosmetipsi, quod absit, aut ullus ex heredibus seu successoribus nostris, vel aliqua extranea persona hanc nostræ spontaneæ donationis cartulam refringendo violare conatus fuerit, si ab hac præsumptione manum non subtraxerit, præsentem & æternam pro hoc divinæ ultionis sentiat vindictam; parti Oratorii, cui litem intulerit, auri libram i. argenti pondo i. coactus exsolvat, & insuper quod repetit ne vindicet, sed magis præsens traditio nostræ chartula futuris temporibus firma & inconvulsa permaneat, tam nostris quam cæterorum virorum illustrium, quorum nomina vel signacula subter tenentur inserta, manibus roborata. Actum fisco Cifonio apud Monasterium in ipso loco situm sub die iv. Non. April. anno incarnati Verbi dcccxxx. Indi. iiii. anno xxxi. regnante domino & serenissimo KAROLO, meo (si dicere audeam) germano Rege gloriosissimo. Nos in Dei nomine Gisla & filius meus Rodulfus hanc donationis chartulam scribere jussimus, & manibus propriis subter firmavimus. S. Adelardi.

*Donationes facta Cifoniensi Ecclesiæ à WALGARIO Sacerdote.*

**I**lle benè possidet res in sæcula, qui sibi de caducis mansura de terrenis ecclesiæ mereatur. Idcirco ego in Dei nomine Walgarius indignus Sacerdos, ob absolutionem delictorum meorum ac pro præmio æternæ retributionis aliquas res meas legitimo jure ac labore multo ad propriam dominationem acquisitas, trado atque transfundo ad Monasterium quod dicitur Cifonium, in quo à fundamentis plurimum laborando defudavi, in pago Tornacensi situm, quod est constructum in honore S. Salvatoris & B. MARIÆ Genitricis ejusdem, in quo Beatus Calistus Papa & Martyr Christi corpore quiescit. Ergo dono in jam dicto pago Tornacensi, in loco qui dicitur Wenethargius, Ecclesiâ unam cum ornamento ibidem competenti, ubi adjacent inter terram arabilem & pratum bunaria xxx. & mansum i. cum casâ superpositâ, & cætera casticia. In pago verò Passensi, in loco qui vocatur Holtheim, mansum unum cum casticiis superpositis, in quo Ragemarus relidere videtur, ubi appendunt de terrâ arabili bunaria iv. & mancipia iv. videlicet mulier ejusdem Ragemari & filii ejus duo, & unus nepotum ejus. Et de sylvâ in eodem loco bunaria xxx. In fabricaturis quoque, quæ inibi in promptu cernuntur, misi de proprio jure ac argento libras xviii. & de auro uncias xviii. & pecora quamplurima scilicet jumenta xxi. & burdonem i. boves x. vaccas xxvii. & minora animalia xx. vervæces cxxx.

Libros etiam infra scriptos, videlicet bibliothecam i. homelias per annum, Missale, Moralia Job, Sacramentorum librum, passionalem, de vita honestâ libros xviii. Vitas Patrum, Bedam super Apocalypsim & super vii. Epistolas Canonicas, librum officiorum, Glossarium i. de diversis sententiis & præcipuis festivitibus legendis librum i. Antiphonarios duos, homelias Gregorij in Ezechiel Prophetam. Insuper utensilia omnia quæ usui necessaria comprobantur.

Ista omnia superius commemorata tali tenore ac ratione trado ac confirmo, ut ipsa ordinatio quam jubente domino meo EVRARDO per chartam ordinavi, atque sub manu cultodis constitui de statu hujus Altaris, inconvulsa servetur. Et ut mihi manio una ibidem concedatur, & quotidie dentur duo panes quales ipsi Canonici accipiunt, & paria pulmenta, & quotidie de cervisâ sextarius major,

& de vino libræ duæ , & omni anno in vestimento solidi v. & Canfil. 1. & ut Oldericus meum quondam curtile in quo sedet , quod sibi ad ipsum Monasterium concambiavit , licenter diebus vitæ suæ possideat , & unum hominem de ipsâ familiâ Rogerrum nomine , ut in locum in quo illum constitui deservire liceat , & illam fresiam Helgardam nomine , ubi nunc hospitatur , permanere liceat. Volo ut ita fiat.

In eâ verò ratione ista omnia suprâ nominata dono , trado , atque perpetualiter transfirmo , si petitio mea ad effectum perfectionis venerit ; sin aliter sua cuique jure debentur. Si verò secundum quod expeto in omnibus adimpletur , eâ ratione supradicta omnia ad istum sanctum Cifonii locum condono , ut à me præsentis hæc donatio atque traditio intemerata & inconvulsa servetur. Et si quis deinceps ( quod futurum esse non credo ) si ego ipse , quod absit , aut quælibet opposita vel extranea persona contrâ hanc donationem venerit , aut infringere ac calumniare præsumserit , à liminibus sanctæ Dei Ecclesiæ sequestratus ac separatus sit ; & insuper ante tribunal Christi hac de causa se judicari cognoscat , & quod repetit nullo modo evindicare prævaleat ; sed præsens donatio ista manu nostrâ firmata , ac testimonio plurimorum roborata , firmata maneat inconvulsa. Actum Cifonio regnante KAROLO Rege gloriosissimo. Sig. ADELARDI ejusdem loci Senioris ; Sig...

*AMURRICUS suam donat Cifonio hereditatem.*

Isai. 40. 8.

**Q**uoniam , ut ait scriptura , *Omnis caro fenum* , atqueque , vita & gloria hominum veluti arefcens fœni flos transit , semper transit in nihilum , oportet ut quod firmum & stabile esse volumus , chartulis & scriptis in futurum transmittere satagamus , ne posteritas vitiosorem progeniem nobis datura , mali præfaga , habendi inflata , quæ ad usus sanctæ Ecclesiæ viderit collata , sibi vindicare præsumat ; sed quæ Dei sunt , Deo habere permittat. Quapropter notum sit cunctis orbem incolentibus , quod vir timoratus , nobilissimis ortus natalibus , nomine AMURRICUS cum duobus suis fratribus , sancti Papæ Calisti altaria , ibique totam suam hereditatem , villæ , scilicet Arboretæ tradiderunt ; eo videlicet tenore , ut quisquis horum trium alius supervixerit , pro eadem villâ habendâ v. solidos persolveret , & defunctis his tribus , villa eadem Ecclesiæ usibus permaneret. Actum est hoc in Ecclesia Cifoniensi videntibus testibus idoneis , quorum nomina exprimuntur istic. S. Eiberti. S. Teselini. S. Moreneti. S. Disderi. S. Gerushi Tornacentis. S. Gelberti. Actum est siquidem hoc Cifonio publicè , anno Incarnati Verbi nongentesimo LXXIII. regnante Rege LOTHARIO , monarchiam Flandrensis patriæ gubernante Comite Arnulfo , Episcopalem Cathedram tenente RATBODONE. Ex pactâ XI. & regularibus IX. si quis hoc infringeret , &c.

*Privilegium RAINALDI Remensis Archiepiscopi , quo institutionem Canonicorum Ordinis S. Augustini confirmat.*

An. Chr. 1129.

**I**N nomine sanctæ & inviduæ Trinitatis Patris & Filii & Spiritus sancti , Amen.

RAINALDUS Dei gratiâ Remensis Ecclesiæ humilis Minister , dilecto filio Anselmo Cifoniensis Ecclesiæ Abbati , & ejus Fratribus in eadem Beati Callisti Ecclesiâ Canonicam vitam professis , eorumque successoribus in eadem observantiâ permanens , salutem atque in Religionis proposito perseverantiam. Quod ad salutem animarum & ad Religionis augmentum pertinere cognoscimus , impigra sollicitudi-

ne , auctore Deo , Pontificalis officii auctoritate adimplere justum esse perpendimus. Herimannus siquidem Præpositus & Thesaurarius Cifoniensis Ecclesiæ , cujus fundum juris prædecessorum nostrorum Remensium Archiepiscoporum & nostri antiquis temporibus fuisse & esse constat , vitam suam emendare volens , & ut prædicta Ecclesia secundum Regulam Beati Augustini ordinaretur cum nonnullis Canonici suis devotissimè supplicans , Præposituram & Thesaurariam , quæ de manu nostrâ susceperat , in eadem manu nostrâ abdicavit. Postmodum autem tibi in Christo , fili carissime , in regularem Abbatem ejusdem Ecclesiæ Canonicè electo , Ecclesiam ipsam & prædicta officia , Præposituræ videlicet & Thesaurariæ concessimus , ita nimirum ut decedentibus ejusdem Ecclesiæ Clericis , loco ipsorum alios substituas , qui divinâ aspirati gratiâ , mores suos sub regularis vitæ disciplinâ coercere , ac communiter secundum sanctorum Patrum institutionem Omnipotenti Domino deservire proponant.

Tuis itaque ac multorum Religiosorum justis petitionibus debitâ benignitate annuentes , vitæ Canonicæ ordinem , quem professus es in prædictâ Ecclesiâ , præsentis privilegii auctoritate firmamus ; ac ne cui post Professionem exhibitam proprium quid habere , neve sine Abbatis vel Congregationis licentiâ de Claustro discedere liceat , interdiciamus , & tam vos quàm vestra omnia Sedis Metropolitanæ protectione munimus ; vobis namque vestrisque Successoribus in eadem religione permanentibus ea omnia perpetuò possidenda sancimus ; quæ in præsentiarum prædictâ Ecclesia justè possidet , quæcumque etiam futuris temporibus legitime poterit adipisci. Præterea eadem auctoritate decernimus ; ut quicumque in eadem Ecclesiâ canonicè electus fuerit in Abbatem , nobis nostrisque Successoribus & Remensi Ecclesiæ præsentetur , & jus nostrum futurorumque Remensium Pontificum recognoscat , & investiatur. Ut autem hujus privilegii pagina rata permaneat & inconvulsa , sigilli nostri impressione , ac probabiliū vitorum testimoniis eam muniri fecimus. Signum Odonis Abbatis sancti Remigij. Signum Ricardi Abbatis Mosomenis. Signum Ingulranni Altovillarensis Abbatis. Signum Guillelmi Abbatis S. Theodoric. Signum Albrici Abbatis S. Basoli. Signum Gilleberti Abbatis S. Dionisii. Signum Hugonis Archidiaconi. Signum Frederici Præpositi. Signum Gervasii Cantoris. Signum Hugonis Thesaurarii. Signum Alberti , Henrici , Gregorii , & Rogeri Presbyterorum. Signum Ginardi , Leonis , Drogonis , Bolonis & Joannis Diaconorum. Sig. Girardi , Guidonis , Jofridi , Albrici , & Haiderici Subdiaconorum. Actum Remis anno Incarnati Verbi millesimo centesimo vicesimo nono Indictione septimâ. Regnante LUDOVICO Francorum Rege gloriosissimo , anno . . . . . Archiepiscopus autem domni RAINALDI Archiepiscopi II. anno v.

*RAINALDUS Remensis Archiepiscopus ut Abbati Cifoniensi obedientiam præsent jubeat , prohibetque Clericis Prebendas filiis suis consignare.*

**R**ei gratiâ Remensium Archiepiscopus Clero & populo Cifoniensi salutem. Veniens ad nos Frater Anselmus quem vobis Abbatem præfecimus , quem & privilegii nostri auctoritate munitum ad vos remisimus , Nobis retulit , quod super hoc quod in privilegii continentia habentur , salvo jure Remensis Ecclesiæ , graviter scandalizemini , nobis & successoribus nostris falsò succensere intendentes , quod ab Ecclesiâ , quam Canonico ordini regulariter restituimus , pecuniam exigere debeamus. Noverit ergo tam vestra quàm omnium fidelium Ecclesia , hoc

1129.

An. Chr. 1129.

hoc quod de nobis falso suspicamini, nec ut fieret velle, nec ullomodo à nobis excogitatum fuisse. Hoc si quidem quod in nos & in successores nostros tam ignominiosum & infandum crimen intendere præsumistis, à vobis requiremus. Eapropter vobis omnibus mandando præcipimus, quatenus prædictum fratrem A. à nobis ad vos Abbatem destinatum honorifice recipiatis, & debitam cum reverentiâ obedientiam ei tamquam Patri spirituali in omnibus exhibeatis.

De cætero vobis notum fieri volumus quod Clericorum filiis, qui contra decreti nostri tenorem in Ecclesiâ, quam Clericis regulariter vivere volentibus concessimus, jure hereditario Præbendas suscepunt, omnino & Præbendas & fructus earum interdiciamus; & ne ulterius se inde intromittere præsumant, ministerii nostri auctoritate usque ad Octavam Apostolorum prohibemus. Tibi præterea, Roberte, in virtute obedientiæ præcipimus, & submoneamus, quatenus usque ad instantem diem Dominicæ in pactum, quod de abdicatione Præbendæ in præsentia nostrâ habuisti, exequi nullatenus omittas. Quod si tu, & alii qui hereditario jure sanctuarium Dei possidere volunt, transgressores super hoc extiteritis, tibi introitum Chori & fratrum societatem usque ad instantem Dominicam interdiciamus; alios verò usque ad Octavam Apostolorum, nisi Præbendas in manu Abbatis abdicaverint, anathematis sententiâ innodamus.

*Pactum inter Abbatem & Advocatum Cisoniensem.*

**I**N nomine Patris & Filii & Spiritus sancti, Amen. Ego SAMSON divinâ miseratione Remorum Archiepiscopus, Apostolicæ Sedis Legatus, Universis Sanctæ Matris Ecclesiæ filiis tam futuris quam præsentibus in perpetuum. Quoniam speculatores in domo Domini positi sumus, oportet nos & bonorum quieti providere, & contra improbos ascendere ex adverso, murumque opponere pro domo Israël. Propterea memorialibus litteris mandari decrevimus, quo pacto Rogerus de Landast Ecclesiæ Cisoniensis tunc temporis Advocatus, jura ejusdem Ecclesiæ in his quæ subscripta sunt, & quemadmodum subscripta sunt coram nobis recognoverit, præsentibus quoque Venerabilibus Fratribus nostris & Coepiscopis Balduino Noviomeni, Godescalco Attrebatensi, Abbatibus etiam Martino S. Vedasti, Goswino Aquicincti, Fulcone Hainoniensi, Fulberto Aroawienensi, Balduino Maroliensi, Henfrido Falopiniensi: Clericis quoque & Militibus quamplurimis; quin & fidem manu propriâ dedit ad hunc se modum sine fraude doloque cuncta observaturum. Quæ autem eum recognovisse diximus hoc modo se habent.

In Cisoniensi nemore, quod ab antiquo inter Præpositum & Advocatum commune fuisse dignoscitur, Præpositus quidquid ei necesse erat tam ad ædificia quam ad comburendum, remotâ omni contradictione accipiebat. In transmutatione verò Ordinis timens dominus Ingelbertus Advocatus ne plus vastaretur ab Abbate quam à Præposito, utriusque, videlicet Abbas & Advocatus consilio religiosorum virorum & liberorum Advocati hominum compositionem ejusdem nemoris subierunt. Statutum est igitur quod in supradicto nemore ad omnes ipsius Abbatæ construendas domos infra terminos Cisonii & Lovilii, ad ignem sufficienter in coquinâ suâ, & in camerâ & ad opus kambæ septies vel octies in anno de vivo nemore remotâ omni contradictione habeat Abbas: de mortuo autem in aliis Ecclesiæ necessitatibus infra supradictos terminos quantum sufficit accipiat. Hospites Ecclesiæ domos suas de vivo & mortuo nemore in eodem accipiant. Sciendum verò

quod supradictum nemus in defensione nullomodo debet poni præter assensum & permissionem Prælati, & tam Canonici supradictæ Ecclesiæ quam hospites Cisonii & Lovilii ad omnes usus suos mortuum debent habere. Si verò Canonicus aut hospes domum de prædicto nemore factam vendiderit, ad idem nemus causâ domus reficiendæ nullatenus redire poterit.

Est etiam aliud nemus Præbendis Canonicorum pertinens, in quo homines Advocati eandem consuetudinem tenent quam Canonici & hospites Ecclesiæ in supradicto habent, sed in illo Advocatus nihil omnino habet præter advocatorem. Est autem terminus nemoris Præbendarum S. Eyerardi, fossatum in Rogis-prato ultra Lovilium. In hoc nemore nullus habet communionem nisi hospites Ecclesiæ & Advocati in Cisonio & Lovilio manentes; sed hoc interest, quia secundum hoc quod Advocati nemus majus est, plus accipere debent, nec ullum vastare & aliud custodire, sed sicut ejusdem consuetudinis ab antiquo dinoscitur existisse. Si verò custos Abbatis in nemus præbendarum abierit, & custodem nemoris advocati secum vocaverit, & venire renuerit, si aliquod forisfactum acceperit, ibi Advocatus nihil habebit. Si autem convocaverit, & ipse in nemore aliquod forisfactum invenerit, sive custos Advocati similiter aliquando acceperit, tunc duæ partes Abbatis, tertia Advocati erit. Sciendum est quod in supradictis nemoribus sui hospites nullam habent communionem. In omni terrâ Præposituræ & liberis Canonicorum mansis nullam justitiam habet ab hospitibus liberorum mansorum, Præsul nihil querere debet, nec in ipsis mansis.

Si fortè latro captus fuerit, sive aliqua burina facta fuerit, aliquid justitiæ exercebit, sed tamen latro dimitti non debet postquam Prælatus super eum justitiam exercuerit, nisi Advocatus vel familia ejus rescierit. Si autem aliquo modo latro dum in captione fuerit, evaserit, & Prælatus secundum suam veritatem dicere voluerit, ab omni querimoniâ Advocatus cessabit: & si aliquis liberorum hospitem, vel de familiâ Prælati, seu Clericorum erga Advocatum vel aliquem suorum hominum aliquid forisfecerit, per Prælatum Ecclesiæ justitiam recipiet. In eisdem mansis Canonicorum nullus habet hereditatem, & si Prælatus domos proprias in eisdem facere voluerit, nullus hospitem in eisdem remanere poterit.

De hominibus verò in Cisonio manentibus si aliquod forisfactum contra Ecclesiam fecerint, judicio Christianitatis tamquam si Tornaco coram Episcopo essent judicantibus Clericis, Prælatus justitiam exercebit. Quod si facere noluerit coram Episcopo, monere eos faciet. Si alterutrum injuriaverint, vel abstulerint, quod injuriatum est dimittatur, quod ablatum est restituatur; nam lege nihil reddi debet. Si quando compositio, vel judicium inter eos faciendum fuerit, & Clerici & homines liberi inter se discordati fuerint, tunc Prælatus si voluerit, ab Episcopo justitiam requirere poterit, nec Canonici nisi à Clericis judicium requirent.

Ut hoc autem ratum & inviolabile servetur, neque sæcularis persona id convellere vel infirmare præsumat, auctoritate Metropolitanâ interdiciamus, præsentemque paginam sigilli nostri impressione roborari, testiumque subnotatione communiri fecimus. Signum BALDUINI Noviomeni Episcopi. Sign. GODESCALCI Attrebatensis Episcopi. Sign. Martini Abbatis S. Vedasti. Sign. Goswini Aquicincti Abbatis. Sign. Fulconis Hainoniensis Abbatis. Sign. Fulberti Aroawensis Abbatis. Sign. Balduino Maroliensis Abbatis. Sign. Haufridi Falopiniensis Abbatis. Sig-



Bartholomæi Archidiaconi. Sign. Bosonis Archidiaconi. Sign. Drogonis Præpositi. Sign. Drogonis Decani. Sign. Gregorii Cantoris. Sign. Helluini. Sign. Letoldi. Sign. Ellaudi. Sign. Stephani.

1159.

Actum Remis anno Incarnati Verbi MCLIX. Ind. VIII. Epactâ XI. concurrente III. Regnante LUDOVICO Rege Francorum anno XXII. Archiepiscopatus autem nostri XIX.

Robertus Cancellarius recognovit, scripsit & subscripsit.

*Approbat Giraldu Tornac. Episcopus quæ donata sunt Cifoniensis Ecclesiæ Canonicis.*

An. Chr. 1164.

**I**N nomine Patris & Filii, & Spiritûs sancti, Amen. Ego GIRALDUS divina dispositione Tornacensium Episcopus, cunctis Fidelibus in perpetuum. Dignum arbitramur pro amore ejus, qui nos prior dilexit proprium fundens Sanguinem in argumentum dilectionis, justis petitionibus quorumcumque Religiosorum piè aurem accommodare. Notum igitur sit tam præsentibus quàm futuris, quod Ecclesiam Cifoniensem Beati Calixti Martyris precibus Anselmi ejusdem Ecclesiæ Reverendi Abbatis, atque Fratrum regularium ibidem divino obsequio mancipatorum, sub beatæ Dei Genitricis MARIE, & Ecclesiæ Tornacensis nostræque protectione clementer suscipimus, & præsentis scripti privilegio communimus, statuentes ut quascumque possessiones, quæcumque bona eadem Ecclesia in præsentiarum justè & Canonicè sub nostri curâ regiminis possidet, aut in futurum concessione Pontificum, largitione Principum, oblatione fidelium, seu aliis justis modis Deo propitio poterit adipisci, firma & illibata præfate Ecclesiæ permanent: in quibus hæc propriis duximus exprimenda vocabulis: Præposituram videlicet & Decaniam ipsius Ecclesiæ, & Præbendas Canonicorum decedentium cum omni decimâ ejusdem villæ Cifonii, sicut à RAINALDO bonæ memoriæ Remensi Archiepiscopo religionis intuitu eidem Ecclesiæ concessæ sunt, & scripto firmatæ. Nemus Advocati, in his videlicet quæ subscripta sunt, & quemadmodum subscripta sunt. In Cifoniensi nemore, quod ab antiquo inter Præpositum & Advocatum commune fuisse dinoscitur, Præpositus quidquid ei necesse erat tam ad adificia quàm ad comburendum, remotâ omni contradictione accipiebat. In transmutatione verò Ordinis timens Dominus Ingelbertus Advocatus ne plus vastaretur ab Abbate quàm à Præposito, utrique, videlicet Abbas & Advocatus, consilio religiosorum virorum & liberorum Advocati hominum compositionem ejusdem nemoris subierunt.

Statutum est igitur quod in supradicto nemore ad omnes ipsius Abbatiæ construendas domos infra terminos Cifonii & Lovilii, ad ignem sufficienter in coquinâ suâ & in camerâ, & ad opus cameræ septies vel octies in anno de vivo nemore, remotâ omni contradictione habeat Abbas. De mortuo autem in aliis Ecclesiæ necessitatibus infra supradictos terminos quantum sufficit accipiat. Hospites Ecclesiæ domos suas de vivo & mortuo nemore in eodem accipiant. Hæc verò & alia multa quæ de communibus inter Ecclesiam & Advocatum possessionibus ab antiquis temporibus observantur, Rogerus de Landast prædictæ Ecclesiæ Advocatus coram bonæ memoriæ SAMSONE Venerabili Remorum Archiepiscopo & Apostolicæ Sedis Legato recognovit, præsentibus quoque Venerabilibus Episcopis BALDUINO Noviomensi, GODESCALCO Attrebatensi, Abbatibus etiam GOSWINO Aquicincti, Martino sancti Vitalii, Fulcone Hasnonensi, Fulberto Arowasensi, Balduino Marolienli, Henfrido Falopinenli, Clericis

quoque & Militibus quamplurimis; quin & fidem manu propriâ dedit, ea quæ coram memoratis Episcopis recognovit, se sine fraude doloque cuncta observaturum.

Lovilium tam in terra & pratis quàm in nemore, in quâ Advocatus nihil omnino habet præter advocacy, scilicet forisfacti tertiam partem: Altare de Bovines cum omni decimâ; Altare de Bascu cum omni decimâ; Altare de Confinio cum omni decimâ; Altare de Lovilio cum omni decimâ; Altare de Genz cum omni decimâ; Altare de Asch cum terrâ de Doario-Altaris; Altare de Lis cum uno modio frumenti de Bodio; Altare de Ceven; Altare de Toilers. Apud Hechut, terram Arnulfi & uxoris ejus, qui se & sua sæpèfate Ecclesiæ reddiderunt. De Arboretâ quinque solidos quos Comes Flandrensis singulis annis solvit: Capellam de Hertsebrge cum his quæ ad ipsam pertinent, terram videlicet in circuitu Capellæ cum Bruariâ; terram Berthildis apud Gotehen, decem & octo bonaria; terram Jabere tam emptam quàm susceptam in elemosynam; Molendinum de Lebere cum terrâ adjacenti. Hæc omnia sicut in præsentis paginâ scripta habentur, salvâ nostrâ nostrorumque successorum justiciâ, Ecclesiæ sancti Calixti Cifoniensis perpetuè liberè possidenda concedimus. Quod ne à posteris aliquatenus infringatur, Sigilli nostri impressione confirmamus, & idoneorum testium annotatione corroboramus. Signum Walteri Decani. Signum Letberti Præpositi. Signum Letberti Cantoris. Signum Simonis & Amulrici Presbyterorum. Signum Rameri, Wiberti, Lamberti, Thomæ, Henrici, Gosuini, Waltheri, Wenevemari, Canonicorum. Letbertus Cancellarius legit & subscripsit. Actum Tornaci anno Verbi Incarnati millesimo centesimo sexagesimo quarto feliciter, Amen.

*ALEXANDER Papa III.  
Confirmat institutionem Canonicorum Ordinis Sancti Augustini, & omnia ipsorum bona Cifoniensis Abbatiæ.*

**A**LEXANDER Episcopus servus servorum Dei, dilectis filiis Anselmo Abbati Ecclesiæ sancti Calixti Cifoniensis, ejusque fratribus tam præsentibus quam futuris regularem vitam professis. Cum sitis regularem vitam Domino inspirante professi, paci vestræ paternâ consideratione prospicimus, & ne possitis malignorum vexationibus fatigari, Apostolicum vobis patrocinium exhibemus. Eapropter, dilecti in Christo Filii, vestris justis postulationibus clementer annuimus, & prædictam Ecclesiam sancti Calixti, in quâ divino estis obsequio mancipati, sub beati Petri & nostrâ protectione suscipimus, & præsentis scripti privilegio communimus.

In primis siquidem statuentes, ut Ordo Canonicus, qui in Ecclesiâ vestrà pro bonæ memoriæ RAINALDUM quondam Remensem Archiepiscopum secundum regulam beati Augustini, & institutionem fratrum Ecclesiæ beati Dionysii Remensis institutus dinoscitur, perpetuis ibidem temporibus inviolabiliter observetur. Præterea quascumque possessiones, quæcumque bona eadem Ecclesia impræsentiarum justè & canonicè possidet, aut in futurum concessione Pontificum, largitione Regum vel Principum, oblatione fidelium, seu aliis justis modis præstante Domino poterit adipisci, firma vobis vestrisque successoribus & illibata permaneant. In quibus hæc propriis duximus exprimenda vocabulis: locum in quo Ecclesia vestra sita est, cum decimis & liberis hospitibus, ita quod super eos nullus advocacy habeat. Ecclesiam grangiam & terram de

An. Chr. 1179.

Lovilio cum integritate decimæ & hospitum totius villæ, nemus præbendarum, Malum Alnetum; nemus quod dicitur Salrugretum & possessionem ejusdem villæ & Cisonii in terrâ arabili, pratis, sylvis, marefco & aquis sicut ab antiquo possedit, cursum quoque fontis de Burgellâ, quem Ecclesiâ potest ducere per necessaria sua absque alicujus prohibitione; Ecclesiâ de Ask cum integritate decimæ, terrâ arabili, hospitibus & manso Presbyteri: Ecclesiâ de Baifui cum integritate decimæ, grangiâ & hospitibus: Ecclesiâ de Canfen cum integritate decimæ & hospitibus: Ecclesiâ de Bovines cum integritate decimæ tam in terrâ & curte beati Amandi, quàm in aliis terris; Ecclesiâ de Gruison cum integritate decimæ; Ecclesiâ de Genes cum integritate decimæ & manso & grangiâ; Ecclesiâ de Corberiu; Ecclesiâ de Suminio cum integritate decimæ & terragio totius villæ, hospitibus, & libero manso: Capellam de Gornen cum integritate decimæ & terragio: curtem de Belrepaire cum nemoribus, aquis, marefco, vivario, terrâ arabili; curtem de Vitri cum terragio, hospitibus, & eo jure quod habetis in redditibus & decimis ejusdem villæ; Ecclesiâ de Cheren; Ecclesiâ de Lis; Ecclesiâ de Tosles; Capellam de Hertelergâ: curtem de Grespellanis cum terragio, hospitibus & totâ villâ, itâ quod in ipsâ nullus nisi solus Abbas justitiam vel advocacionem exercent. Domum lapideam in monticulo Tornaceni, ut redditus ipsius utilibus infirmorum Ecclesiæ perpetuè deputentur: domos de Messines, quinque solidos quos Comes Flandrensis solvit pro Arboretâ. Sanè novalium vestrorum quæ propriis manibus vel sumptibus colitis, sive de nutrimentis vestrorum animalium nullus à vobis decimas exigere vel extorquere præsumat.

Cum autem generale interdictum terræ fuerit, liceat vobis clausis januis, exclusis excommunicatis & interdictis, non pulsatis campanis suppressâ voce divina officia celebrare. Sepulturam quoque ipsius loci liberam esse decernimus, ut eorum devotioni & extremæ voluntati, qui se illic sepeliri deliberaverint, nisi fortè excommunicati vel interdicti sint, nullus obstat, salvâ tamen justitiâ illarum Ecclesiarum à quibus mortuorum corpora assumuntur.

Prohibemus insuper ut nulli Fratrum vestrorum post factam in eodem loco professionem, nisi artioris Religionis obtentu, absque Abbatis sui licentiâ fas sit de Claustro discedere, discedentem verò absque communium litterarum cautione nullus audeat retinere. Liceat quoque vobis Clericos vel Laicos è seculo fugientes, liberos & absolutos ad conversionem recipere, & eos sine contradictione aliquâ retinere.

Interdicimus etiam ne Episcopo vel Archidiacono liceat in vos vel Ecclesias vestras sine manifestâ & rationabili causâ excommunicationis vel interdicti sententiam ferre, seu vos novis & indebitis exactiombus fatigare. Obeunte verò te nunc ejusdem loci Abbate, vel tuorum quolibet successorum, nullus ibi quâlibet subreptionis astutiâ seu violentiâ præponatur, nisi quem Fratres communi consensu, vel Fratrum patris consilii sanioris, secundum Dei timorem & beati Augustini regulam providerint eligendum.

Præterea nihilominus artius interdicimus, ne Episcopo, Archidiacono vel eorum ministerialibus Canonicis, seu Clericis aliis pro confirmatione, inthronizatione vel pro benedictione Abbatis vestri palefridum, cappam sericam, aut quidquam aliud, facultas vel licentia pateat à vobis obtentu cujuslibet consuetudinis exigendi. Si verò pro his à vobis quidquam exegerint, cum detestabile sit & obvium ra-

Tom. II.

tionem, liberè vobis liceat eis quod postulaverint, denegare. Ad hæc paci & tranquillitati vestræ paternâ sollicitudine providere volentes, auctoritate Apostolicâ prohibemus, ut infra clausuram locorum vestrorum nullus violentiam, vel rapinam seu furtum facere, vel homines capere aut interficere audeat. Decernimus ergo ut nulli omnino hominum liceat præfatam Ecclesiâ temerè perturbare, aut ejus possessiones auferre, vel ablatas retinere, minuire, aut aliquibus vexationibus fatigare, sed omnia integra conserventur reorum pro quorum gubernatione ac sustentatione concessa sunt, utilis omnimodis profutura, salvâ Sedis Apostolicæ auctoritate & Diocesanæ Episcopi Canonicâ justitiâ. Siqua igitur in futurum Ecclesiastica sæcularive persona hanc nostram Constitutionis paginam sciens, contra eam temerè venire tentaverit; secundò tertiove commonita, nisi reatum suum dignâ satisfactione correxerit, potestatis honorisque sui dignitate careat, reamque se divino judicio existere, de perpetrata iniquitate cognoscat, & à sacratissimo Corpore ac Sanguine Domini Dei ac Redemptoris nostri JESU-CHRISTI aliena fiat, atque in extremo examine divinæ ultioni subiaceat. Cunctis autem eidem loco sua jura servantibus sit pax Domini nostri JESU-CHRISTI, quatenus & hic fructum bonæ actionis percipiant, & apud districtum judicem præmia æternæ pacis inveniant. Amen, Amen, Amen.

Ego ALEXANDER Catholicæ Ecclesiæ Episcopus.

Ego HUBALDUS Hostiensis Episcopus.

Ego THEODINUS Portuens. & S. Rufinæ sedis Episcopus.

Ego HUGO Presbyter Cardinalis tituli S. Clementis.

Ego MATTHÆUS Presbyter Cardinalis tituli S. Marcelli.

Ego ARDICIO Diaconus Cardinalis S. Theodori.

Ego RAINERIUS Diac. Card. S. Georgii ad Velum aureum.

Ego GRATIANUS Diac. Card. SS. Cosmæ & Damiani.

Ego JOANNES Diaconus Cardinalis S. Angeli.

Ego RAMERIUS Diaconus Cardinalis S. Hadriani.

Ego MATTHÆUS S. Mariæ Novæ Diaconus Cardinalis.

Ego PAULUS SS. Sergii & Bacchi Diaconus Cardinalis.

Datum Velletri per manum ALBERTI S. Romanæ Ecclesiæ Presbyteri Card. & Cancellarii IV. Id. Januarii Indictione XIII. Incarnationis Dominicæ an. MCLXXIX. Pontificatus verò domini ALEXANDRI Papæ III. anno XXI.

*Privilegium GUILLELMI Remensis Archiepiscopi Canonicis Cisoniensibus concessum.*

WILLELMUS Dei gratiâ Remorum Archiepiscopus, sanctæ Romanæ Ecclesiæ tituli sanctæ Sabinæ Cardinalis, Apostolicæ Sedis Legatus, dilectis filiis Simoni Abbati totique Capitulo Cisoniensi in perpetuum.

Cum ab antiquis temporibus Cisoniensis Ecclesiâ de fundo & mensâ nostrâ fuisse & esse noscatur, hanc inter alias nostræ Diocesis Ecclesias libertatem semper obtinuit, quod nulli nisi nobis & prædecessoribus nostris subjectionem exhibuit. Nos verò paci & indemnitati, nec non libertati vestræ paternâ sollicitudine providere volentes, eandem liberta-

TTT ij

An. Chr. 1190

tem quam ab antiquo habuistis, & eundem ordinem Canonicum quem bonæ memoriæ RAINALDUS quondam Remensis Archiepiscopus in Ecclesiâ vestra instituit, sicut sanctæ recordationis ALEXANDER Papa tertius secundum scriptum ipsius authenticum confirmavit, salvo jure nostro & successorum nostrorum, vobis benignè concedimus, & vos & eundem Ordinem & possessiones vestras tamquam nostras proprias in custodia & protectione nostrâ suscipimus, & sicut in authenticis RAINALDI predecessoris nostri & ALEXANDRI Papæ tertii scriptis continetur, clementer vobis annuimus: & ne scripta eorum immutentur, Metropolitanâ auctoritate interdiciamus. Nobis autem jus Patronatûs & Representationem personarum retinemus. Sanè novallium vestrorum quæ propriis manibus vel sumptibus colitis, sive de nutrimentis animalium vestrorum, nullus à vobis decimas exigere vel extorquere præsumat. Sepulturam quoque Ecclesiæ vestræ liberam esse decernimus, ut eorum devotioni & extremæ voluntati qui se illic sepeliri deliberaverint, nisi fortè excommunicati vel interdicti sint, nullus obstat, salvâ tamen justitiâ illarum Ecclesiarum à quibus mortuorum corpora allumuntur.

Interdiciamus etiam ne Episcopo, vel Archidiacono, vel eorum Officialibus liceat in vos vel in Ecclesias vestras sine manifestâ & rationabili causâ excommunicationis vel interdicti sententiam ferre, seu vos novis & indebitis exactionibus fatigare. Præterea artius interdiciamus ne Episcopo, vel Archidiacono, vel eorum ministerialibus Canonicis, seu Clericis aliis pro confirmatione, inthronizatione vel pro benedictione Abbatis vestri palefridum, cappam sericam, aut quidquam aliud facultas vel licentia pateat, à vobis cujuscunque obtentu consuetudinis exigendi. Si verò pro his quidquam à vobis exegerint, cum detestabile sit & obvium rationi, liberè vobis liceat hoc quod à vobis postulaverint, eis denegare.

Ad hæc paci & tranquillitati vestræ providere volentes, auctoritate quâ fungimur prohibemus, ut infra clausuram locorum vestrorum nullus violentiam, vel rapinam, seu furtum facere, aut ignem mittere, aut homines capere vel interficere audeat. Ordinem autem canonicum à predecessore nostro RAINALDO in Ecclesiâ vestrâ primitus institutum, perpetuis ibidem temporibus firmiter præcipimus observari, ne à quoquam nisi de conscientia nostrâ vel successorum nostrorum, & conniventia totius Capituli vestri nolumus immutari. Volentes igitur ut hæc omnia rata permaneant, necnon perpetuæ firmitatis robur obtineant præsentis scripti paginâ communimus, & sigilli nostri auctoritate confirmamus. Statuentes & sub interminatione anathematis firmiter inhibentes, ne quis hanc nostrâ confirmationis paginam audeat infringere, aut ei in aliquo præsumptuosa temeritate contraire, salvâ in omnibus Apostolicæ Sedis auctoritate. Actum anno Dominicæ Incarnationis millesimo centesimo nonagesimo. Datum per manum Lambini Cancellarii nostri.

*Jussu Papæ INNOCENTII III. vetat Episcopus Atrebatensis augeri numerum Conversarum in Ecclesiâ de Beaurepaire.*

An. Chr. 1208.

**R** Divinâ permissione Atrebatensis Ecclesiæ Sacerdos humilis, P. Archidiaconus, & W. Præpositus ejusdem loci, omnibus Christi fidelibus quibus præsentis litteras videre contigerit, salutem in omnium Salvatore. Scire volumus fidelium universitatem nos domini Papæ mandatum recepisse sub hac formâ.

INNOCENTIUS Episcopus servus servorum Dei,

venerabili fratri Episcopo, & dilectis filiis Archidiacono & Præposito Atrebatensi salutem & Apostolicam benedictionem. Dilecti filii Abbas & Conventus de Cifonio nostris auribus intimarunt, quod quædam domus eorum quæ dicitur *Belrepaire* præter Canonicos & fratres tanta est onerata multitudo seminarum, quas recipere ad instantias & importunitates Principum compelluntur, ut ad necessariam sustentationem earum nequaquam domus ejusdem sufficiant facultates. Propter quod indulgeri sibi suppliciter petierunt, quod de cætero non accipiant ibi aliquam mulierem, ne, quod absit, suadente humani generis inimico per ipsas detur occasio delinquendi. Quocirca discretionis vestræ per Apostolica scripta mandamus, quatinus inquitâ diligentius & cognitâ veritate statuatis inde, quod utilitati Ecclesiæ ac saluti servientium in eadem noveritis expedire. Contradictores si quos inveneritis vel rebelles, per censuram Ecclesiasticam appellatione postpositâ compescentes. Quod si non omnes his exequendis potueritis interelle, tu frater Episcope cum eorum altero ea nihilominus exequaris. Datum Romæ apud S. Petrum v. Kal. Febr. Pontificatus nostri anno decimo.

Nos itaque utilitatem antedictæ domus, & honestatem pariter attendentes, de consilio prudentium virorum statuimus auctoritate domini Papæ jam dictæ, ne prænominati Abbas & Conventus Cifoniensis aliquam Conversam in domo suâ de Bellerepaire recipiant de cætero, donec numerus Conversarum nunc ibi existentium ad numerum duodenarium sit redactus, quibus redactis ad duodecim loco illarum decedentium substituantur aliæ, quæ sint quinquagenariæ. Hoc tamen adjecimus, quod loco decedentium Conversarum numerus Canonice qui servant ibidem, rationabiliter augeatur. Ut igitur præassignata institutio pro bono & honestate domus jam dictæ facta, stabilis manens & firma memoriæ commendetur, ad postulationem suprâ nominatorum Abbatis & Conventus, præsentem paginam propter hoc factam sigillorum nostrorum appensione fecimus communiri.

Actum anno gratiæ millesimo ducentesimo octavo, mense Junio.

*Statuta quedam facta à JOANNE Cifonii domino.*

**E**GO Joannes dominus Cifonii, & ego Joannes filius ejus, & Maria uxor mea qui legem Basseiæ juravimus, & sigillis nostris confirmavimus in villâ Cifoniensi tenendam, notum facimus tam præsentibus quàm futuris, quibus præsentem paginam videre contigerit, talia esse jura Ecclesiæ Cifoniensis infra procinctum ejusdem villæ, secundum quod Scabini Cifonienses à Scabinis Basseiæ requirentes per legem & judicium in præsentia nostrâ & in facie Ecclesiæ constituti, eidem jure hereditario tenenda & habenda adjudicaverunt sicut infra subscriptum est.

Hospites Ecclesiæ Cifoniensis de hereditate suâ & mobilibus suis placitare debent in Curia Abbatis, & ibidem accipere jus & facere secundum judicium hospitem ipsius Ecclesiæ. Si aliquis Scabinus villæ Cifoniensis hospes Ecclesiæ placito Abbatis in Curia ipsius interfuerit, non sicut Scabinus sed sicut hospes cum aliis hospitibus judicabit. Si autem hospes Ecclesiæ, qui Scabinus villæ Cifoniensis fuerit, cum aliis Scabinis in Scabinatu sederit, & Ecclesia ipsum necessarium habuerit, ad mandatum Ecclesiæ sine dilatione veniet. Quod si hospites Ecclesiæ de aliquâ re inter se terminandâ dubitaverint, ad consilium Scabinorum de Cifonio debent recurrere, &

An. Chr. 1219.

ipſi ſecundum legem Baſſiæ eis conſulent, dum tamen hoſpites illi de procinctu villæ fuerint. Si autem hoſpites Eccleſiæ qui non ſunt de procinctu villæ Cisonienſis, in Curia Abbatis placitaverint, hoſpites Eccleſiæ qui ſunt de procinctu villæ Cisonienſis cum eis iudicabunt, & ſi neceſſe fuerit cum eis ibunt ad conſilium Parium Caſtelli Inſulæ. Si aliquis de hoſpitibus Eccleſiæ ad terminum conſtitutum præfatæ Eccleſiæ redditum ſuum non perſolverit, & ille hoſpes de procinctu villæ fuerit, & Eccleſia Præpoſito villæ Cisonienſis de eo conqueſta fuerit, Præpoſitus ſtatim & abſque dilatione ad domum hoſpitis de quo querimonia facta eſt, ſemel, iterum & tertio ire debet, & etiam donec Eccleſiæ de ſuo redditu fuerit ſatisfactum. Ex quo verò de aliquo hoſpite Eccleſia conqueritur pro ſuo redditu, hoſpes ille de lege debet tres ſolidos, de quibus duo ſolidi ſunt Eccleſiæ, & tertius Advocati. Debet præterea Præpoſitus in domo hoſpitis, de quo querimonia ſit, accipere tantum quod Eccleſia de ſuo redditu ſit ſatisfacta. Si autem in domo non invenit tantum de mobilibus quod valeat redditum, quem debet ille hoſpes, domum & hereditatem ipſius ſaiſire debet. Quod ſi Præpoſitus amicitia, odio vel gratia, vel aliqua alia occasione ad id exequendum negligens & imparatus fuerit, Eccleſiæ Scabinis ſuper hoc conqueretur, & ipſi ſecundum legem ſtatim facient emendari. Sciendum præterea quod lex Baſſiæ non ultra progreditur, quam ſicut Burgenſes Cisonienſis villæ manſiones duas habent; Abbatia quoque cum ſuo procinctu infra præfatam legem non comprehenditur.

Nos igitur hanc adjudicationem per legem & iudicium, ſicut prælibatum eſt, præfatæ Eccleſiæ factam, ratam pariter & gratam habentes, & ut Eccleſia eadem ſua in pace poſſident in perpetuum toto affectu peroptantes, ſigillorum noſtrorum munimine dignum duximus roborari, & roboratam Eccleſiæ præfatæ contradidimus ad munimentum ſui conſervandam. Actum anno Dominicæ Incarnationis MCCXIX. menſe Martio XVII. Kal. Aprilis in vigilia beatae Gertrudis Virginis feria II. in Paſſione Domini.

*Ordinat JACOBUS Attrebatenſis Epiſcopus, ut Converſis amandatis ex Eccleſiâ de Beaurepaire inſtituantur Canonici Ordinis ſancti Auguſtini.*

**J**ACOBUS miſeratione divina humilis Attrebatenſis Epiſcopus, Univerſis præſentes litteras inſpecturis ſalutem in Domino ſempiternam. Noveritis quod nos pro utilitate & hopeſtate Eccleſiæ de Beaurepaire noſtræ Diœceſis providemus, ſtatuiſmus, & ordinamus, ut loco Converſarum nunc ibi degentium ſubrogentur Canonici ibidem ſecundum beati Auguſtini Regulam, Domino in perpetuum ſervituri; ita quod ex nunc in antea quinque Canonici ibi erunt, & quando Converſas ejusdem Eccleſiæ contingeret decedere, unus Canonicus loco duarum Converſarum inſtituitur ibidem, donec Canonicorum, quorum unus Prioris geret officium, numerus octonarius impleatur. Qui ſiquidem Prior providentiam & ſollicitudinem præfatæ Eccleſiæ & Canonico-  
rum ipſorum ſub Abbatis Cisonienſis obedientia procurabit; noſtro, Archidiaconi loci, & aliorum miniſtrorum noſtrorum in ipſis Eccleſiæ perſonis & rebus in omnibus & per omnia jure ſalvo. Actum & datum anno Domini milleſimo ducentefimo quinquageſimo quinto, Sabbato poſt Exaltationem ſanctæ Crucis.

*ALEXANDER Papa IV. qua de ejectione mulierum ab Eccleſiâ de Beaurepaire, acta ſunt, confirmat.*

**A**LEXANDER Epiſcopus ſervus ſervorum Dei, dilectis filiis Abbati & Conventui Monafterii Cisonienſis Ordinis ſancti Auguſtini, Tornacenſis Diœceſis, ſalutem & Apoſtolicam benedictionem. Cum à nobis petitur quod juſtum eſt & honeſtum, tam vigor æquitatis quam ordo exigit rationis, ut id per ſollicitudinem officii noſtri ad debitum perducatur effectum. Sanè exhibita nobis veſtra petitio continebat, quod venerabilis frater noſter Attrebatenſis Epiſcopus loci Diœceſanus volens regulari honeſtati conſulere, providâ deliberatione ſtatuit, ut decedentibus mulieribus converſis Eccleſiæ veſtræ de Beaurepaire prædicti Ordinis, Attrebatenſis Diœceſis, earum loco certus poneretur Canonico-  
rum numerus, quorum unus ſit Prior ejusdem Eccleſiæ, ſemper ſub veſtrâ obedientia moraturi; idque venerabilis frater noſter Remenſis Archiepiſcopus loci Metropolitanus, quod per eundem Epiſcopum factum fuerat, approbavit, prout in litteris ſuper hoc confeſtis quarum tenorem de verbo ad verbum præſentibus fecimus annotari, plenius continetur. Nos itaque veſtris ſupplicationibus inclinati, quod ab eiſdem Epiſcopo & Archiepiſcopo ſuper hoc providè factum eſt, ratum & gratum habentes, illud auctoritate Apoſtolicâ confirmamus, & præſentis ſcripti patrocinio communimus. Tenor autem litterarum ipſarum talis eſt.

J. miſeratione divina humilis Attrebatenſis Epiſcopus, Univerſis præſentes litteras inſpecturis ſalutem in Domino ſempiternam. Noveritis quod nos &c. ut ſuprà.

*Item*, Univerſis præſentes litteras inſpecturis W. de Gandavo Archidiaconus in Oſtrevanno ſalutem in Domino ſempiternam. Noveritis quod nos provisionem, ſtatutum & ordinationem à venerabili Patre J. Dei gratiâ Attrebatenſi Epiſcopo factas ſuper inſtituendis Canoniciſ in Eccleſiâ de Beaurepaire loco Converſarum ibi nunc degentium, ſicut plenius in litteris ejusdem Patris ſuper hoc confeſtis continetur, approbamus, & ad mandatum ipſius Abbati & Conventui Cisonienſi præſentes litteras ſigilli noſtri munimine dedimus roboratas: Datum anno Domini MCCLV. Dominicâ primâ poſt Exaltationem ſanctæ Crucis.

*Item*, Th. Dei gratiâ Remenſis Archiepiſcopus, Univerſis præſentes litteras inſpecturis ſalutem in Domino. Noverint univerſi, quod nos litteras venerabilis fratris noſtri J. Dei gratiâ Attrebatenſis Epiſcopi vidimus in hæc verba J. miſeratione divina, &c. ut ſuprà.

Nos igitur prædictam provisionem, ſtatutum & ordinationem ſicut factæ ſunt approbamus, & auctoritate Metropolitanâ confirmamus. In cujus rei teſtimonium præſentes litteras ſigilli noſtri munimine dedimus roboratas. Datum anno Domini MCCLV. in vigilia beati Matthæi Apoſtoli. Credens igitur prædictum ſtatutum utrique Eccleſiæ de Cilonio videlicet & de Beaurepaire maximè profuturum, veſtram reverendam ſanctitatem humiliter exoro quatenus prædicta ſicut ſunt à prædictis venerabilibus viris cum magnâ diſcretionem præviſa, ſtatuta, ordinata, approbata & confirmata auctoritate Apoſtolicâ dignemini confirmare. Datum anno Domini MCCLV. feria ſextâ poſt feſtum B. Matthiæ Apoſtoli.

Nulli ergo omnino hominum liceat hanc paginam noſtræ confirmationis infringere, vel ei auſu temerario contraire. Si quis autem hoc attentare præſuſerit, indignationem omnipotentis Dei &

TTTee iij

An. Chr. 1255.

1255.

1219.

An. Chr. 1255.

beatorum Petri & Pauli Apostolorum ejus se no-  
verit incursum. Datum Lateran. vi. Kalendas  
Februarii. Pontificatus nostri anno secundo.

*Ordinationes quadam inter Abbatem & Canonicos  
Cifonienses prescriptæ.*

An. Chr. 1266.

**N**Overint Universi presentes pariter & futuri,  
quod ortâ inter Abbatem Ecclesiæ Cifoniensis ex  
parte unâ, & Conventum ejusdem loci ex alterâ su-  
per quibusdam articulis ad reformationem & statum  
Ecclesiæ prædictæ pertinentibus, materiâ quæstio-  
nis, dictæ partes super eisdem pro bono pacis in  
Religiosos viros Robertum priorem, Henricum de  
Carvins & Guillelmum de Gruisons Canonicos Ec-  
clesiæ prædictæ compromiserunt & ipsorum trium  
ordinationi super præmissis bonâ fide stare promi-  
serunt, & eam firmiter observare. Diligenti igitur  
inter eosdem super statûs reformatione Ecclesiæ su-  
prædictæ tractatu discussioneque præhabitis, dicti  
tres super iis de quibus in eos exititerat compro-  
missum, seu ordinationi eorum stare promissum,  
dictum seu ordinationem suam postulerunt in hunc  
modum.

In primis quoniam Conventus Ecclesiæ prædic-  
tæ frequenter in aliquibus defectus patitur, idem  
Abbas singulis annis in festo beati Remigii quadra-  
ginta sillas Turonenses in augmentum pitantiæ  
dare & solvere tenetur, modo subscripto distribu-  
das: videlicet quod in festo Omnium Sanctorum  
cuiuslibet Canonico in Sacerdotali & Diaconatus or-  
dine constituto, exceptis Priore de *Beaurepaire*,  
Presbyteris Parochialibus de Cifonio, & de Cam-  
phaing, de uno capello novo & de uno rochetto  
providebitur, donec dictus Abbas de eisdem aliun-  
de suâ spontaneâ voluntate voluerit dictis Canoni-  
cis providere: & in festo Paschæ, singulis Canoni-  
cis in quocumque ordine constitutis, & de caligis  
lineis annis singulis, & de quadriennio in quadri-  
ennium de crepidis idoneis.

Et quoniam de antiquâ Ecclesiæ consuetudine qui-  
libet Canicorum infra duos annos unam pelliciam  
habere consuevit, statutum est per eosdem & or-  
dinatum, ut primo anno secundum dictam con-  
suetudinem habitâ pelliciâ, secundo anno cuiuslibet  
Canonicorum prædictorum de parvo pellicio sibi  
competenti providebitur de quadraginta libris ante-  
dictis. Si quid verò de dictis quadraginta libris ul-  
trâ prædicta residuum fuerit, illud in pitantiâ cœ-  
næ vespertinæ Conventus prædicti convertetur, vel  
in alios usus secundum quod Conventui videbitur  
expedire. Hæc autem distributio relinquitur Abba-  
tis arbitrio alicui Canonicorum prædictorum com-  
mittenda.

Insuper dictus Abbas unum Canonicorum præ-  
dictorum suo Cellario præponat, qui claves vino-  
rum custodiat, hospites vilitet, eorum necessitati-  
bus provisorius, nec aliud officium gerat. Et cum  
eum exire contingeret claves prædictas ei committeret  
quem ad hoc dictus Abbas duxerit deputandum. Pro-  
videat etiam dictus Abbas hospitio, & hospitalitatem  
emendet competenter, ne occasione hospitem de  
eodem Abbate detur materia conquereudi. Conven-  
tui etiam se benignum & humanum exhibeat, & ei  
plûs solito provideat in refectorio, ne inter Fratres  
super ejus defectu murmur in posterum oriatur.  
Conventus quoque vinarium sibi eligat, & vinis  
suis præponat, ut fieri solet, per triennium in of-  
ficio duraturum, nisi pervertâ ejus administratione  
perpenâ Conventus eum viderit interim amoven-  
dum; qui in domo Cifoniensi stabulum suum habeat,  
& equum sub expensis Abbatis sæpediti, ita tamen  
quod ipse eidem Abbati unum modium avenæ sin-

gulis annis restituet & reddet. Habebit etiam ibi-  
dem proprium garcionem, qui quoties in negotiis  
domini sui transmittetur, præbendam suam habeat  
garcionibus consuetam. Statutum est etiam ut qui-  
libet Canonicus durante majori licentia, quæ semel  
in anno concedi consuevit, æstimationem præbendæ  
vini sui habeat in pecuniâ numeratâ.

Verum etiam cum de jurisdictione ordinariâ in  
eâdem Ecclesiâ frequenter dubitatio orta fuerit, u-  
trum videlicet Episcopus Tornacensis vel Remen-  
sis Archiepiscopus eorumdem Abbatis & Conven-  
tus ordinarius existat, statutum est & ordinatum  
quod præfatus Abbas infra dimidium annum à tem-  
pore, quo in Ecclesiâ Remensi Archiepiscopum or-  
dinari contingeret, declarari procurabit quis eorum  
ordinarius existit; ita tamen quod si idem Abbas  
hoc infra dictum tempus declarari minimè procuret,  
tenebitur tamen omnimodè hoc post dictum tempus  
facere & procurare sufficienter declarari, adeo ut dicta  
dubitatio in totum sopiatur. Si verò dictus Abbas  
censas suas facere vel dare voluit, tenetur Conven-  
tus requirere consensum, & Conventus dictæ cen-  
sæ sigillum suum apponere debet si consentiat: &  
si non consentiat, idem Abbas in dandis vel facien-  
dis censis primitus, ut dictum est, consensu Con-  
ventus requisito, de consensu quatuor vel quinque  
Canonicorum Ecclesiæ prædictæ dictas censas dare  
aut facere poterit, quibus Conventus ipse non con-  
sentiens sigillum suum non apponet.

Statuat etiam idem Abbas unum Canonicum a-  
pud *Camphaing*, qui curam gerat Parochiæ, cu-  
jus Canonici præbenda talis erit: habebit enim sin-  
gulis diebus tres pintas vini de cellario Conven-  
tus, in suis munitionibus unum lotum, quâlibet  
hebdomadâ decem & octo panes de Conventu, &  
pannos suos quales haberet si in Ecclesiâ Cifoniensi  
personaliter relideret. Mittat etiam idem Abbas u-  
num Canonicum apud Louvil ad divina ibidem ce-  
lebranda.

Et quoniam dictus Abbas frequentius vestes lineas  
Canonicis prædictis de telâ magis grossâ quàm de-  
ceat dare consuevit, ordinatum est & statutum,  
quod dictus Abbas cuiuslibet Canonicorum prædicto-  
rum det superpellicium in festo omnium Sanctorum,  
ut ab antiquo dari consuetum est, cujus quâlibet  
ulna sit valoris decem & octo denariorum Turonen-  
sium, & non minoris. In festo verò Paschæ roxe-  
tum unum, quorum quâlibet ulna valoris sit vigin-  
ti denariorum dictæ monetæ, & non minoris. Ca-  
miliâs verò femoralia, & linteamina habeant, quo-  
rum quâlibet ulna valoris sexdecim denariorum  
monetæ sæpeditæ.

Ordinatum est etiam & statutum pro defectu per-  
sonarum, quod dicti Abbas & Conventus infra fe-  
stum beati Remigii proximo venturum in Ecclesiâ  
Cifoniensi sæpeditâ duos pueros recipiant, qui per  
quatuor annos continuos in scholis ibidem perma-  
neant, ac deinceps in scholis per tantum temporis  
spatium remanebunt pueri qui in posterum recipien-  
tur ibidem.

Item Abbas bis in anno compotum coram Con-  
ventu de suâ administratione reddat generalem duo-  
bus terminis, videlicet introitu mensium Martii &  
Septembris. Habeat etiam idem Abbas suos servien-  
tes tales, quod ipsi Canonicis dictæ Ecclesiæ nullas  
inurias aut molestias inferant; quod si fecerint, di-  
ctus Abbas eos increpet super hoc & corrigat dili-  
genter; & emendam passô prestari faciat compe-  
tentem.

Item facientes dictorum Abbatis & Conventus eu-  
tellos acutos, infra septa Monasterii non deportent.

Item libri & privilegia dictæ Ecclesiæ quolibet an-



no infra octabas nativitatis beati Joannis Baptistæ Conventui semel ostendantur. Si autem dictum Abbatem aliquas excommunicationum sententias immaturius aut indiscretius in præteritum contingit pertulisse, idem Abbas in posterum ferendas cum omni maturitate & discretionem promulget.

Potest autem dictus Abbas Officiales suos & Obedienciarum, excepto vinario Conventus, instituere & destituere pro suæ libito voluntatis. Prior autem de *Beurepaire* singulis annis in capite Septembris compositum reddat apud Cisonium coram Abbate & Conventu sæpeditis.

Omnia autem & singula supradicta per præfatos R. Priorem, H. de Carvins, & Willelmum de Gruisons Canonicos prædictos utilitate dictæ Ecclesiæ pensatâ diligenter statuta sunt & ordinata, & ad perpetuam eorum memoriam in scripturam redacta. Quibus omnibus & singulis statutis & ordinatis, & diligenter expositis præfati Abbas & Conventus expressè consenserunt, & ea firmiter observare bonâ fide promiserunt; in signum cujus consensus, & testimonium ac munimen præmissorum Abbas & Conventus prædicti sigilla sua duxerunt præsentibus litteris appendenda.

Datum anno Domini M. cclxvi. mense Maio.

*Capitulum Remense Cisoniensibus Canonicis facultatem dat eligendi Abbatem.*

An. Chr. 1367.

**R**. Præpositus, N. Decanus, H. Cantor, ceterique Remensis Ecclesiæ Fratres, venerabilibus & religiosis viris dominis Guillelmo de Argentiis Priori Claustrali, Petro de Orchis ac aliis Canonicis, totique Conventui Ecclesiæ seu Monasterii Cisoniensis, Ordinis sancti Augustini, Tornacentis Diocesis dicto Monasterio per obitum ultimi Abbatis ejusdem Pastoris solatio destituto, salutem in Domino sempiternam. Cum itaque vestro, ut prædictum est, vacante Monasterio per procuratorem vestrum ad hoc legitimè constitutum nobis humiliter supplicaveris, quatenus licentiam eligendi futurum Abbatem seu Pastorem in dicto vestro Monasterio sive Ecclesia, prout ad vos pertinet, concedere dignaremur.

Nos verò supplicationi vestræ tanquam jussæ favorabiliter annuentes, dictum Abbatem seu Pastorem eligendi, nominandi, postulandi ac causam præsentandi, & omnia alia & singula circa hujusmodi electionem necessaria, seu quomodo libet oportuna faciendi, tenore præsentium licentiam impertimur.

Datum sub sigillo nostro die duodecimâ mensis Decembris, anno Domini millesimo trecentesimo sexagesimo septimo.

*DIONYSIUS Abbas Cisonii confirmat fundationem Capella in castro de Lannoy.*

An. Ch. 1460.

**U**niversis & singulis præsentibus pariter & futuris præsentibus litteras inspecturis, visuris & audituris Dionysius humilis Abbas Monasterii sancti Callisti de Cisonio Ordinis S. Augustini Tornacentis Diocesis, totiusque ejusdem loci Conventus Reverendissimo in Christo Patri Domino Archiepiscopo Remensi immediatè subjecti, salutem in Domino sempiternam. Exposuit nobis nobilis ac potens Miles Joannes, dominus temporalis de Lannoy, quoddam dudum domini sui progenitores, dum viverent, singulari devotione moti in suo castro de Lannoy animo instituerant ad divini cultus exaltationem unam Capellam fundare, in qua singulis diebus pro salute animarum ipsorum suorum progenitorum, Missa, preces & suffragia celebrarentur, quam tamen devotionem ad effectum usque perducere morte præventi nequiverunt. Hac pia consideratione mo-

tus præfatus Miles suorum progenitorum vota, non modo effectui mancipare desiderans, sed ea quantum fas & jus sinerent ampliare, à Reverendo in Christo Patre domino Joanne Episcopo Tornacenti obtinuit, ut in castro seu fortalicio suo de Lannoy infra limites Parochiæ de Liis nostri Patronatus, dictæ Tornacentis Diocesis constituto, sibi liceret Capellam cum campanili & campanâ construere, seu construi facere, ipsamque Capellam successu temporis in Collegiatam Ecclesiam erigere & sufficienter dotare, necnon certum numerum Sacerdotum, Capellano- rum aut Canonicorum instituere, qui inibi Missas in altari portatili celebrarent, ac horas diurnas & nocturnas decantarent, dictarumque Capellaniarum seu Canonicatum collationem, provisionem & omnimodam dispositionem præfato domino de Lannoy, & suis in posterum successoribus concedendo, salvo tamen jure nostro.

Hinc sumptâ occasione prædictus Miles nos, qui in dicto loco de Lannoy & totâ Parochiâ de Liis jus patronatus cum perceptione duarum partium decimarum & oblationum, aliorumque jurium Parochialium Parochialis Ecclesiæ de Liis habere dinoscimur, instantè rogavit, ut prædictæ Reverendi in Christo Patris domini Episcopi Tornacentis præconcessionem, nostrum quoque consensum præbere vellemus. Attendentes itaque prædictum dominum de Lannoy hac piâ consideratione ac singulari devotione moveri, suis precibus obtemperandum duximus & obtemperamus, ac prælibatæ Reverendi Patris domini Episcopi Tornacentis tam liberali concessionem nostrum quoque pro nostro interelle consensum præbemus pariter & assensum: quæ videlicet institutio, collatio, & omnimoda dispositio dictarum Capellaniarum seu Canonicatum nunc, ac dum vacare contigerint, ad dictum dominum de Lannoy, & suos successores dominos dicti castri pro tempore liberè spectet & pertineat pleno jure, & absque nostra præsentatione, nostro jure patronatus non obstante, salvo tamen nostro jure Parochiali ac Curati dicti loci de Liis tam in Curâ animarum Parochianorum dictæ Parochiæ de Liis, quam in administratione Sacramentorum, perceptione decimarum, oblationum & obventionum qualiumcumque & quocumque nomine censantur.

Quæ omnia jura Parochialia prædictus dominus de Lannoy voluit & consentit ad nos, & Curatum dictæ Parochialis Ecclesiæ salva & integra remanere, promisitque tam pro se quam suis successoribus, in prædictis omnibus & singulis juribus Parochialibus, nullum nobis, aut dicto Curato de Liis, seu Ecclesiæ nostræ Cisoniensi impedimentum præstare, exceptis dumtaxat prædicti domini de Lannoy suorumque successorum familiaribus servitoribus ac domesticis utriusque sexus, tam præsentibus quam futuris, in dicto castro seu fortalicio de Lannoy dependentibus, qui omnes occurrente oportunitate (si id de licentiâ & auctoritate Domini Diocesani præfati processerit) poterunt sua Sacramenta Ecclesiastica in prædictâ Capellâ castri seu fortalicii de Lannoy recipere & habere, salvo tamen jure & commodo inhumationis, proclamationis bannorum, & aliorum jurium Parochialium exinde obvenire solitorum. Consensimus etiam specialiter & expressè præfato domino de Lannoy suisque in dicti castri seu fortalicii dominio successoribus utriusque sexus, necnon prædictis Canonicis seu Capellanis ejusdem loci præsentibus & futuris, si in dictâ Capellâ postquam fuerit consecrata, eligant sepulturam, postea sepeliri, salvo tamen jure & commodo funeralium nobis & Curato de Liis semper salvis. Illud insuper consentimus quantum ad nos seu nostram Ecclesiam

attinet seu concernere poterit in futurum, domino de Lannoy præfato ac suis utriusque sexus successoribus, ac aliis quibuscumque personis in dictâ Capellâ suos obitus pro suâ devotione posse fundare, absque hoc quoddam nos aut dicti successores nostri, huiusmodi obituum foundationibus impedimentum aliquod præstare possimus, aut in luminari seu candelis circum funus aliquod jus vindicare, jure tamen oblationum manutium ad altare semper salvo.

Præmissorum autem consideratione sæpeditus dominus de Lannoy dictæ Capellæ primævus institutor atque fundator, voluit & consensit, vultque & consentit tam pro se quam suis successoribus, nobis ac successoribus nostris Abbatibus de Cisonio post decessum cujuslibet nostrum unum obitum seu anni-

versarium per dictos Canonicos seu Capellanos; qui sunt aut erunt tempore decessus nostri seu nostrorum successorum Abbatum, perpetuo celebrari. Pro cuius rei observatione prædicti Canonici jam instituti & in posterum instituendi erunt efficaciter obligati.

Ut autem hæc omnia & singula præmissa firmiter & inviolabiliter observentur, nos Abbas & Conventus prædicti præsentis litteras sigillorum nostrorum unâ cum dicti domini de Lannoy dictæ Capellæ primævi fundatoris, sigilli appensione muniri fecimus.

Datum & actum anno Incarnat. Dominicæ millesimo quadringentesimo quinquagesimo octavo, mensis Novemb. die decimâ quintâ.



## M O N I T U M.

**N**ARRATIONEM, sive Historiam restaurationis Tornacensis Monasterii S. Martini, per antiquæ foundationis Ord. S. Benedicti, quam damus in lucem, accepimus à longè eruditissimo & antiquarum rerum peritissimo Carmelita Discalceato Josepho Ignatio à S. Antonio, ex illustriss. familia Toparcharum de Rebec oriundo, qui eam descripsit, & adnotatiunculis, quæ multum lucis mihi attulere, adornavit; his voces aliquot & varia loca in contextu comprehensa elucidantur.

Auctor HERIMANNUS semet prodit Monachum, post Abbatem sancti Martini Tornacensis, scribitque in prologo causam cur ad hoc opus se accinxerit; & fatetur ingenuè, cum diruta Abbatia multis sæculis permanserit, seu varios casus pertulerit & vicissitudines, sæpiusculè in illâ narratione exaranda sese tenebris fuisse obvolutum, quippe qui nihil penè antiquorum monumentorum repererit, quandoquidem nobile istud Asceterium ædificiis destructis planè spoliatum fuerit ornamentis pretiosis, chartis, redditibus, ac proinde nonnisi labore summo ad notitiam aliquam pervenire valuerit anterioris ac veteris ævi, & priorum Patrum qui Cænobium istud incolere: atque ut historiæ filum texat & chronologiæ ordinem observet, rebus Monasticis Pontificum, Regum, Principum, & Dynastarum adjicit actus. Singularia hac in narratione animadvertet haud dubiè eruditus Lector, ea potissimum quæ tamquam oculatus auritusque testis affirmat Herimannus suo tempore evenisse. Nihil hic attexo, percurre, si lubet, adnotationes adjectas, atque indicem rerum.

HERIMANNUS sui Operis exordium sumit à Samfone Remorum Archiepiscopo, & Innocentio II. Catholicam Ecclesiam regente, dum Romæ ageret, quemadmodum ipse testatur in præfatione: Ne penitus, inquit, tam longi temporis tædio depeream in Lateranensi Palatio, restaurationis Ecclesiæ nostræ ordinem scribere aggredior, &c. In his autem verbis: Et ex consortio eorum melius esset, quam si seorsim essent sepulti, desisse reor. Quæ porro sequuntur à numero 103. ad finem, alterius arbitror esse relationem: quippe Herimannum summâ animi demissione aliisque virtutibus præclarum, in tot sui laudes prorupisse minimè fas est credere. Continuator ille suam relationem absolvit anno 1160.

## NARRATIO RESTAURATIONIS ABBATIÆ S. MARTINI TORNACENSIS,

Auctore Herimanno Abbate ejusdem Monasterii Ordinis S. Benedicti.

*Prologus sequentis Narrationis.*

**D**ILECTISSIMIS dominis, Patribus, Fratribus, & Filiis universis Beati Martini Tornacensis Cænobii Monachis, Frater HERIMANNUS ultimus eorum servulus, super flumina Babylonis supernæ Sion jugiter recordari. Pro dilectione quam mihi ab infantia meâ exhibuistis, pro sincerâ obedientiâ, quam mihi quamdiu Abbas vester esse volui, sine aliquo scrupulo semper & præsentis & absentis impendistis. Deo & omnibus vobis gratias refero, utque vobis ipse Dominus

a esse volui] Scilicet abdicavit munus Abbatiale an. 1136. ut in frâ habetur.  
in fine vel initio seq. cum præfuisset 10. ferme annos,

pro

pro me retribuatur, ejus misericordiam exoro. Quia verò nonnulli vestrum à me petierunt multoties, ut modum constructionis, sive restorationis Ecclesiæ nostræ litteris mandando tam futuris quam præsentibus notificarem, ecce petitioni eorum libenter satisfacere volo, sciens priorum notitiam plerumque posteris profuisse, eorumque ignorantiam sæpenumero non parvum detrimentum intulisse. Nostis autem ex quo adolescentulus fui me idem facere voluisse, & etiam tabulis aliqua impressisse, sed dum considerarem primos Ecclesiæ nostræ inceptores adhuc vivere, adulationis notam timuisse, si eorum actus viventibus ipsis viderer scribere, sicque ea quæ incœperam delevissè. Nunc verò quia jam duobus primis defunctis, ego tertius Abbas successi, ac de prioribus Monachis aut nullum, aut paucos superstites video, simul etiam jam quinquagesimum annum restorationis nostræ transisse non ignoro, ecce securior petitioni vestræ possum acquiescere. Si enim ulterius differam, tempore prætereunte multa possunt paulatim oblivioni tradi, quæ necesse fuisset describi. Quia ergo sicut nostis præterito nuper Natali Domini cum domino nostro SAMSONE Remorum Archiepiscopo Româ rediens litteras domini Papæ INNOCENTII Tornacum detuli, præcipientes Tornacensibus ut proprium sibi Episcopum eligerent, & ab obedientia Noviomensis Episcopi omnino absoluti essent, sicque electo ad Episcopatum Domino ABSALONE S. Amandi Abbate, statim pro eo Romam rogatus sum redire; dumque Domini Papæ responsum exspecto, jam ab octavis Paschæ usque ad octavas Pentecostes me Romæ demoratum esse conspicio: ne penitus tam longi temporis tadio deficiam, vel otio depeream in Lateranensi palatio, restorationis Ecclesiæ nostræ ordinem scribere aggredior, descriptumque vobis transmittere cupio, summo opere deprecans ut si fortè, quod multum timeo, nimio calore ingravescente mori me Romæ contigerit, servuli vestri animam Domino precibus commendetis. Duobus sanè fraternitatem vestram jugiter hortor insistere, Religioni scilicet, & mutux dilectioni: per hæc enim duo tam intrinsecus, quam extrinsecus Deo favente proficere poteritis. Hæc duo quotiescumque firmiter tenuimus, exterius sævientes mundi procellas deridendo despicimus, & despiciendo calcavimus: si quando verò ea vel leviter inter nos frigidescere permisimus, exteriorem prosperitatem nihil nobis commodi conferre probavimus. Sed hæc præmisisse jam sufficiat, nunc subjungatur relatio verissima.

*Explicit Prologus.*

**Incipit Liber Domni HERIMANNI Abbatis.**

*De Restauratione Ecclesiæ Sancti MARTINI  
Tornacensis.*

**I.** Francorum Regni sceptrum gerente Rege PHILIPPO filio HENRICI filii ROBERTI, filii HUGONIS Capeti, qui Reges de stirpe inclyti KAROLI de regno expulit, & principatum obtinuit, fuit quidam Clericus Aurelianensi civitate oriundus, patre Gerardo, matreque Cæciliâ progenitus nomine ODO: hic à pueritiâ studiis litterarum instanter intentus, intra tempus adolescentiæ tantum scientiæ est adeptus, ut nemini sui temporis Francigenarum in eâ judicaretur secundus, unde magistri potius quam discipuli homine dignior habitus, primò in urbe Tullenâ scholasticos docuit, deinde à Canonicis Beatæ Mariæ Tornacensis urbis evocatur, scholæ eorum magister constituitur, quam ferè per quinquennium regens adeo sui nominis opinionem dilatavit, ut non solum ex Franciâ, vel Flandriâ, seu Normanniâ, verum etiam ex ipsâ quoque longè remotâ Italiâ, Saxoniâ, atque Burgundiâ Clericorum catervæ diversorum, ad eum audiendum quotidie confluerent: ita ut si civitatis plateas circueis greges disputantium conspiceres, cives omnes relictis aliis operibus soli philosophiæ deditos crederes: jam verò si scholæ appropiâres, cerneres magistrum Odonem nunc quidem Peripateticorum more cum discipulis docendo deambulantem, nunc verò Stoicorum instar residentem; & diversas questionès solventem, vespertinis quoque horis ante januas Ecclesiæ usque in profundam noctem disputantem, & aliorum cutis digiti protensione discipulis ostendentem, zodiacique, seu lactei circuli diversitates demonstrantem, à quibus cum plurima ei darentur, unus inter ceteros annulus ei dedit aureum, in quo hic versiculus decenter erat sculptus:

*Anulus Odonem decet aureus Aureliensem.*

Sed cum omnium septem liberalium artium esset peritus, præcipuè tamen in Dialecticâ eminebat. & pro ipsa maximè Clericorum frequentia eum expetebat. Scripsit etiam de eâ duos libellos, quo-

rum priorem ad cognoscenda devitandaque sophismata valde utilem, intitulavit *Sophistem*; alterum verò appellavit librum *Complexionum*; tertium quoque *de Re, & Ense* composuit; in quo solvit si unum idemque sit *res & ens*. In his tribus libellis, sed & in cæteris opusculis suis cum sese oportunitas interserit sui nominis proferendi, non se Odonem, sed licet tunc ab omnibus vocabatur nominabat Odardum.

2. Sciendum tamen de eodem Magistro, quoddam eandem dialecticam non juxta quosdam modernos in *vocè*, sed more Boethii antiquorumque Doctorum in *re* discipulis legebat: unde & Magister Rainbertus, qui eodem tempore in oppido Insulensi dialecticam Clericis suis in *vocè* legebat; sed & alii quamplures Magistri ei non parum invidebant, & detrahebant, suasque lectiones ipsius meliores esse dicebant, quamobrem nonnulli ex Clericis conturbati cui magis crederent hæsitabant, quoniam & Magistrum Odardum ab antiquorum doctrinâ non discrepare videbant. & tamen aliqui ex eis more Atheniensium aut discere aut audire aliquid novi semper humanâ curiositate studentes, alios potius laudabant, maxime quia eorum lectiones ad exercitium disputandi, vel eloquentiæ, imò loquacitatis & facundiæ plus valere dicebant. Unus itaque ex ejusdem Ecclesiæ Canonicis nomine Gualbertus, qui postmodum Monachus noster, deinde in Episcopatu Catalaunensi Abbas extitit, tantâ sententiarum, errantiumque Clericorum varietate permotus, quemdam pythonicum surdum, & mutum, sed in eadem urbe divinandi famosissimum secretò adiit, & cui Magistrorum magis esset credendum digitorum signis & nutibus inquirere cœpit: protinus ille, mirabile dictu! questionem illius intellexit; dexteramque manum per sinistræ palmam instar atrati terram scindentis pertrahens, digitumque versus Magistri Odonis scholam protendens, significabat doctrinam ejus esse rectissimam; rursus verò digitum contra Insulense oppidum protendens, manuque ori admotâ exsuffluans, innuebat Magistri Rainberti lectionem nonnisi verborum esse loquacitatem. Hæc dixerim non quo pythonicos con-

b in voce] Hos Nominales, alios Reales vocant.  
Tom II.

fulendos, vel eis contra præceptum Divinum arbitrer esse credendum, sed ad redarguendum quorundam superborum nimiam præsumptionem, qui nihil aliud quærentes nisi ut dicantur sapientes, in Porphyrii Aristotelisque libris magis volunt legi suam adinventiciam novitatem, quam Boëthii cæterorumque antiquorum expositionem. Denique D. Anselmus Cantuariensis Archiepisc. in libro, quem fecit de *Verbi Incarnatione* non dialecticos hujusmodi Clericos, sed dialecticæ appellat hæreticos, *Qui non nisi flatum*; inquit, *universales putant esse substantias*, dicens eos de sapientum numero merito esse exsufflandos.

3. Cum ergo Magister Odardus<sup>c</sup> pro scientiâ suâ ubique laudaretur, tanta nihilominus in eo Religionis pollebat dignitas, ut non minus pro ipsâ ab omnibus undique celebris & famosus haberetur: quando enim præcedentem & ad Ecclesiam tendentem ducentorum ferè Clericorum cohortem ultimus ipse suo more subsequēbatur, vix in aliquo districtissimo Monachorum Cœnobio majorem invenire potuisset religionem; nullus enim socio colloqui, nullus ridere, nullus audebat mussitare, nemo dextrâ, lævâque vel modicum oculos præsumebat deflectere: ubi verò in choro ventum fuisset, superflue aliquis distractionis causâ alium Cluniacum quærisset. De frequentationibus verò seminarum, de crimium, seu vestium incompositione vel similibus, quæ hodie passim exerceri videmus, abusione, supervacaneum est aliquid dicere; quoniam hujusmodi pestes sine dubio aut scholâ pepulisset, aut scholæ magisterium reliquisset. Tanti præterea rigoris erat, ut nullum omnino laicum ingredi Claustrum horâ legendi permitteret; nam cum ante adventum ejus Milites, & Cives ad audiendas, & terminandas forenses causas ex consuetudine Claustrum Canonicorum abuti soliti essent, ita jam omnes penitus inde eliminaverat, ut ne ipsum quidem Everardum potentissimum ejusdem urbis Castellani, qui castellum Moritanie<sup>d</sup> antea prorsus inexpugnabile eodem tempore militari strenuitate violenter captum dominio Tornacensi addiderat; pro hujusmodi causis nec ad horam quidem in eo relidere permetteret, licet eum exinde non parum offendi sciret. Nihil enim minus quam injustas divitum, vel potentum iras pertimescebat, magnumque dedecus viri sapientis esse dicebat, si pro favore vel gratiâ Principum vel modicum à tramite rectitudinis declinet. Pro talibus ergo moribus non solum à Canonicis, verum & ab ipso Domino RABODO tunc temporis ejusdem urbis venerabili Episcopo, cunctisque civibus diligebatur, meritoque honorabatur. Quamvis autem nonnulli dicerent eum hanc distractionem non exercere causâ Religionis, sed potius antiquæ Philosophiæ consuetudinis; facile tamen lector animadvertere potest cujusmodi post conversionem fuerit, quem in vitâ sæculari tanti constat fuisset rigoris. Sed jam de his quæ in scholis gesit hæc dixisse sufficiat, nunc ad ejus conversionis veniamus exordia.

4. Cum scholæ Tornacensi ferè per quinquennium præfuisset, oblatus est ei à quodam Clerico liber Beati Augustini de *Libero Arbitrio*, quem Magister ob solum Bibliothecæ suæ comparans supplementum, in scrinio cum cæteris libris projecit, utpote qui adhuc mundanæ sapientiæ deditus magis delectabatur lectione Platonis quam Augustini. Cum ergo post duos ferè menses Boëthium de *Consolatione Philosophiæ* discipulis legens, ad quartum librum,

in quo de *Libero Arbitrio* differit, pervenisset, recordatus empti libri, cogitansque si quid dignum memoriâ in eo posset inveniri, quem de eâ materiâ constabat intitulari, vocato ministro suo jussit sibi eum deferri. Allatum itaque aperiens, & duas vel tres paginas legens, paulatim eloquii cœpit delectari venustate: protinusque convocatis Clericis utpote omnis expertis invidiæ, & inventi thesauri volens eos participes esse: Verè, inquit, hætenus ignoravi Augustinum tantæ, tamque delectabilis fuisse facundiæ; dixit, statimque librum ipsum à capite incipiens, non solum tunc, sed & sequenti die cœpit eis studiosè legere, & in locis obscurioribus diligenter exponere: cum ecce legendo ad tertium librum pervenitur, in quo præfatus Doctor sermo pro criminibus suis de priori dignitate pulso, & mundanæ cloacæ deputato comparat peccatrices animas, quæ cœlestem quidem gloriam pro sceleribus suis perdunt, hunc verò mundum cloacæ fœtidæ similem quodammodo decorant quamdiù in eo vivunt. Hanc ergo sententiam cum Magister Odardus audientibus discipulis legisset, tactus nimio dolore cordis intrinsecus, ex imo pectoris trahens alta suspiria: Heu, inquit, quàm fortiter ista nos premit sententia! hæc reverà tam propriè mihi videtur nobis congruere, ac si propter nos solummodo fuerit scripta; hunc siquidem fœtidum mundum quantulacumque scientiâ nostrâ perornamus, cœlesti verò gloriâ post mortem digni non erimus, quoniam nullum Deo servitium facimus, nec scientiam nostram in ejus famulatu expendimus, sed in sæculi vanitate pro mundanâ laude malè ipsâ abutimur. His dictis surrexit, totusque lacrymis perfusus Ecclesiam intravit. Tota subito schola turbatur, Canonicorum etiam conventus admiratione nimia concutitur. Post hæc ergo paulatim cœpit sese scholis absentare, Ecclesiam plus solito frequentare, pecuniam congregatam omnibus quidem pauperibus, sed maxime Clericis egen- tibus erogare: jejuniorum rigorem attentare, ita ut multoties panem pugno includens, & quod exterius eminebat cultello præcidens, non plus ad comedendum retineret, quàm in pugno remansisset: & ecce homo quondam lactei candoris, corpulentique nitorts, subito jejuniorum maceratione attritus. in tantum macer & tenuis, ossibusque prominentibus siccus, & exilis intrâ paucos dies redditus est, ut ab his qui eum videre consueverant in alterum virum mutatus putaretur, vixque jam à multis recognoscere- tur. Fama protinus per totam circumvolat regionem, quantocius renuntiaturum sæculo magnum Odonem, unde quatuor ex ejus Clericis ipsum sequentes eique adhærentes, promittunt ei quocumque iret, se eum indivisibiliter fore sequuturos, & ab eo responsum accipiunt, quòd nihil faceret absque eorum communi assensu. Hos autem his nominibus appellatos fuisse accepimus: Odo Abbas, cujus anniversarius est xii. Kalendas Julii; Gerbertus qui iv. Idus Aprilis obiit; Rodulfus qui & ipse iv. Kalendas Martii; Willhelmus qui decimo Kalend. Maii obiit; Lamfridus quintus eorum socius, fugâ lapsus periit. Protinus Abbates totius Provinciæ tam Monachorum, quàm Canonicorum sigillatim Tornacum adveniunt, Magistrumque Odonem & ejus socios ad suam unusquisque Ecclesiam invitat. Clericis verò Magistri Canonicorum magis quàm Monachorum ordinem placet assumere, quia & in Ecclesiasticis officiis, & in quotidiano victu & vestitu Canonici tolerabiliorem situm ducerent quàm Mo-

<sup>c</sup> Odardus ] Non igitur expungendus est ex catalogo Camerac. Episcoporum Odardus Episc. cum idem sit ac Odo.

<sup>d</sup> Moritania ] Vulgo *Mortaigne*, ad Scaldim flu. Tornacum inter & oppidum S. Amandi Elnonens. Hinc Everardi successores nomen de Mortaigne assumerunt.

nachi : quamobrem nunc ad Montem Sancti Eli-  
gii, nunc verò Gauterlas ubi Canonici districtioris  
vitæ manebant, visitationis gratiâ proficiscentes,  
sollicitè explorabant quo loco remanere sibi compe-  
tentius foret, sed Divina dispositio jam aliter de eis  
ordinaverat.

5. Erat siquidem tunc temporis extrâ ejusdem  
urbis portam meridianam modica Ecclesia in honore  
Beati Martini in monte modico constructa : hanc  
fama vulgaverat antiquitus Abbatiam fuisse, sed  
tempore persecutionis Wandalicæ cum cæteris Gal-  
licanis Ecclesiis à paganis destructam, ad nihilum  
devenisse : quædam tamen terræ ejus in provinciâ  
remanerant, quæ ab omnibus adhuc terræ Sancti  
Martini vocabantur, sed in laïcorum manus deve-  
nerant, qui eas in beneficio de manu Episcopi tene-  
bant. Ipsa verò Ecclesiola ad tantam solitudinem  
fuerat redacta, ut nullum omnino fieret in eâ Divi-  
num officium, quoniam nec Presbyteri qui Paro-  
chiales Ecclesias ejusdem urbis tenebant, in eâ Mis-  
sam cantare volebant, utpote nullo superveniente  
qui eis ibi aliquid offerret. Pauperes solummodo,  
qui nihil penitus habebant, & procul à Parochia-  
libus Ecclesiis mortui non inveniebant qui eos ad  
illas deferret, ad hanc quia propior erat, defe-  
rebantur. Tuncque superveniens Presbyter de vi-  
cinâ sancti Pii Ecclesiâ eos sepeliebat, & si  
quid ab aliquo fidei fortè oblatum fuisset, asporta-  
bat.

6. Eodem tempore illa ignea pestilentia Divino  
judicio nimis ipsam provinciam oppresserat, quâ  
plurimorum pedes invisibili igne, qui ignis inferni  
vocabatur, publicè comburi videbantur : quam-  
obrem non solum de ipsâ provinciâ, verum etiam de  
remotis longeque positis regionibus eodem igne com-  
busti ad Ecclesiam Beatæ Mariæ in urbe Torna-  
censi constructam quotidie gregatim deferbantur,  
quoniam probatum longeque diffamatum erat, ejus  
misericordiâ quàm plures jam sanatos fuisse in eâ ;  
sed cum ipsa Ecclesia eorum multitudine jam undi-  
que fuisset repleta nimiumque foetorem utpote suc-  
censæ carnis humanæ, vel, ut decentius loquar,  
nidorem jam nullus penè ingredientium sufferre va-  
leret, necessitate compulsi Canonici præceperunt ut  
quorum jam pedibus combustis tibis succensæ fue-  
rant, sanitatisque eorum nulla spes supererat, de  
ipsâ Ecclesiâ ejicerentur. Sic itaque ejeti, quoniam  
nec in aliis Parochialibus Ecclesiis pro eodem into-  
lerabili nidore recipiebantur, ad præfatam Sancti  
Martini Ecclesiolam utpote vacuum & solitariam à  
proximis suis deferbantur, ibique ejusdem ignis  
ultione tandem defuncti sepeliebantur : cujus pestis  
immanitate permotus supra dictus Rabodus venera-  
bilis Episcopus, totius provinciæ populum ad eam-  
dem sanctæ Mariæ congregari fecit Ecclesiam, fa-  
ctoque cunctis generali sermone, omnibusque ni-  
mium perterritis, plusquàm mille juvenum comas  
totondit, vestesque per terram defluentes, & libidini  
potius quàm necessitati servientes præcidit : deinde  
universis unâ feriâ sextâ integrâ usque ad noctem  
junare, ita ut etiam infantuli nutricum papillas  
non sugerent, indixit. Præterea in sequenti sanctæ  
Crucis exaltatione universum populum cum San-  
ctorum pignoribus nudis pedibus totam urbem forin-  
secus processionem faciendo circuire constituit : sic-  
que iram Domini in misericordiam conversam ex-  
perti sunt cuncti, multis pro eâ orationibus & elee-  
mosynis factis ; quæ processio in præfata sanctæ Cru-  
cis Exaltatione per ejusdem urbis circuitum usque

in hodiernum diem servatur, & ita ut de circumpo-  
sitis regionibus nonnunquam ad eam ferè centum  
millia plebis diverti sexûs & ætatis congregari videan-  
tur, nisi quoddam jam non nudis pedibus eam faciunt,  
sed potius Milites, & juvenes ludos exercent in eâ  
diversarum vanitatum, & cursus equorum ; plusque  
ipsâ die ibi inveniatur levitatis quàm religionis, vel  
devotionis, plurimis jam pro diuturnitate temporis  
ignorantibus quâ necessitate, vel causâ eadem pro-  
cessio fuerit instituta.

7. Præfatos ergo infirmos invisibilis ignis incen-  
dio temporaliter concrematos, sed, ut credimus,  
à peccatis suis eodem supplicio purgatos, cum senio-  
res urbis cives viderent ad præfatam Ecclesiolam S.  
Martini deferri, compassionis misericordiâ permoti  
lacrymas fundebant, totiusque urbis thesaurum ad  
S. Martinum deferri dicebant, eorumque precibus  
ibidem sepultorum quamcitiùs Dominum ejusdem  
Ecclesiæ miserturum, eamque restauraturum, fi-  
deli corde subjungebant : nec fefellit eos pia fi-  
des.

8. Vitalis etiam quidam senex, opibus pauper,  
moribus dives, cum festis diebus ibidem advenien-  
tes juvenes utpote in spatioso & solitario loco vi-  
deret cursibus, variisque ludis & clamoribus lascivi-  
endo insistere, increpabat eos dicens : Nolite,  
dulcissimi pueri, inquietare animas fidelium hîc quie-  
scentium : in veritate enim dico vobis, eorum pre-  
cibus placatum Dominum magnum quid infra breve  
tempus hoc in loco facturum ; cumque hoc frequen-  
ter omnibus audientibus senex ille protestaretur, Ca-  
nonicum Præpositus, vir strenuus, nomine Her-  
mannus, irridens eum utpote vetulum, ludendo in-  
terrogabat quidnam illud esset magnum quod ibi to-  
ties prædicabat futurum ; cui statim ille coram uni-  
versis respondebat dicens : Certè tu illud videbis  
oculis tuis, sed ego non videbo ; quod verum fuisse  
finis probavit, siquidem Præpositus cum germano  
suo Sigero Canonorum Præcentore, postea in Cœ-  
nobio nostro Monachus factus, pluribus vixit annis,  
idque sibi ab illo sene fuisse prædictum frequenter no-  
bis narravit.

9. Præterea Fastredus ejusdem urbis advocatus,  
terras Ecclesiæ ipsius de manu Episcopi tenebat in  
beneficio. Cum videret Idam conjugem suam, ger-  
manam Theoderici de Avesniis, easdem terras rusti-  
cis suis ad excolendum, & inhabitandum distribu-  
entem, corripiens eam dicebat quoddam malè faceret,  
quæ sancti Martini terras alienis distribueret, &  
quoddam priusquàm moreretur hoc se fecisse doleret,  
quoniam citius Divina pietas eidem Ecclesiolæ subveni-  
ret : quod etiam verum fuisse rei probavit exitus ;  
nam & ipsa Ida post obitum viri suæ apud nos San-  
ctimonialis effecta, cum pro earundem terrarum  
redemptione videret nos contra ipsos rusticos quibus  
eas tradiderat, contendere, pectus suum cum ge-  
mitu valido percutiens, se hujus rei culpabilem fa-  
tebatur, sibi que hoc à marito suo sæpius prædictum  
fatebatur. Idem etiam Fastredus multoties cum mili-  
tibus suis equitans dum ante ipsam Ecclesiolam per-  
transiret, manus & oculos ad januas attollens cum  
lacrymis aiebat : Ah Sancte Martine, quare non re-  
spicis istam tuam tamdiù desolatam Ecclesiam ! jam,  
quæso, ejus miserere & eam restaurari concede.  
Quem cum talia sæpius orantem milites sui audien-  
tes, suaderent ei ut de comprovincialibus Cœnobiis  
aliquos illic Monachos intrmitteret, respondebat  
ille se nullum invenire, qui in tantâ paupertate vel-  
let introire. Cæterum si quem, aiebat, reperirem

c. servatur] Isthæc Processio etiamnum celebratur. Quo-  
annis Dominica præcedente à Concionatore annuntiatur  
Tom. II.

causa hujusce Processionis.

VVVuu ij



qui hinc vellet habitare, hanc quoque Ecclesiolam restaurare, Deum testor & Sanctos ejus, quod de tota terra mea non passum quidem pedis filius dimitterem, sed omnia quae habeo huic Ecclesiae contradiderem; qui tamen ante Domini Odonis adventum in festo sancti Medardi ab inimicis suis occisus, quod diu desideraverat videre non potuit, filiosque suos non tam bonivolos erga locum existentes reliquit.

10. In eadem etiam urbe Tornacensi duo Milites manebant, quorum unus nomine Gualterus, filius Huberti de potentioribus provinciae Optimatibus habebatur; alter vero Radulfus de Osmunt nullo civium inferior videbatur. Hos ergo duos Milites quidam juvenis vidit in somnis in praefata Ecclesia stantes, & antiquas ejus ruinas restaurare molientes. Quod cum evigilans matri suae retulisset, illa protinus similem alius sententiam protulit, dicens: Crede fili eandem Ecclesiam Domini misericordia citius restaurandam, hosque duos Milites eidem loco multum profuturos; quod sic postmodum contigit: nam ambo in eadem Ecclesia sancti Martini Monachi sunt facti; quotque labores in ea, vel pro ea protulerunt, testis est ille pro quo laboraverunt.

11. Cum ergo in Tornacensi regione hujusmodi sermones à diversis pronuntiarentur de ejusdem Ecclesiae restauratione; videntes cives magistrum Odonem cum suis quinque Clericis saecularem vitam velle relinquere, necdumque quo ituri essent deliberasse, praefatum Episcopum dominum Rabodum adeunt; ut eos in eadem Ecclesia remanere exhortaretur, unanimiter deprecantur, totiusque civitatis auxilium eis non defuturum promittunt. Congaudet Episcopus, eisque secreto convocatis petitionem civium innoteceit, multaque suaviora supperaddit. Quinque Clerici respondent quidquid vellet Magister Odo, se concessuros: tota summa concessionis vel negationis in Magistri pendet arbitrio. Episcopus proinde preces replicat, utque tanti boni intrepidus inceptor exsistat, assidue exorat: sed ille videns ibi nonnisi unam ipsamque veterem, & semidirutam consistere Ecclesiolam, tanti ponderis sarcinam aggredi pavitabat. Egreditur de domo Episcopi nullo certo responso reddito, nec tamen cessat Episcopus iterum iterumque animum ejus ad hoc opus aggrediendum accendere; vidensque se parum proicere, quemdam Religiosum Presbyterum Gislebertum accersit, qui in eadem regione tunc temporis acli Prophetas quilibet honorabatur, quique nunc in Ecclesia Sancti Petri Helnonensis & coram altari sepultus quiescit. Hoc ergo sibi juncto, iterum totis viribus animum Magistri nititur inflammare, proponens Apostoli sententiam, quod qui plus laboraverit, plus mercedis accipiet: & quoniam per multas tribulationes oportet nos intrare in regnum Dei; quodque honorabilius & commodius ei foret apud Deum & homines si novum fundamentum Ecclesiae ipse fieret, quam si aliquod Coenobium olim constructum ingrediens, super alienum fundamentum edificaret. Tot tantisque sententiarum spiculis tandem Magister devictus, ad ultimum respondet, se ibidem remaniturum, si Episcopali privilegio ab omni exactione libera sibi traderetur eadem Ecclesiola. Supra modum Pontifex exhilaratus, Canonicorum conventum evocat, utque hoc benigne concederet exorat; sed illi quodammodo futurorum praenunti conjectores, id omnino concedere denegant, dicentes comprovinciales matrem Ecclesiam deserturos, & Sancti Martini Monasterium pro inhabitantium religione frequentaturos; sicque se quidem diminuen-

dos, illos vero super se fore augmentandos. Talibus objectionibus cernens Episcopus per aliquot dies suam petitionem prolongati, metuensque ne in his dilationibus Magistrum Odonem contingeret aliter proficisci, rursus evocatis Canonicis, ubi vidit omnes preces suas incassum effundi, aliquantulum animo motus: Eia, inquit, jam nunc in nomine Domini, & virtute obedientiae praecipio vobis, ut dicatis si Ecclesiam quae in manu mea est, & ad vestram communionem nequaquam pertinet, non liceat mihi tradere his qui in ea Deo serviant, & ad honorem Dei eam construere studeant. Tunc illi obedientiae vinculo constricti, scientesque Ecclesiam illam in manu Episcopi esse, & quod vellet exinde, licere ei facere, nec se jure Canonico aliquid contra dicere posse, tandem consilio accepto dicunt se quod Episcopo de ea placeret esse concessuros; ea tamen conditione, ut de Parochianis suis absque sua concessione nullum liceret, postquam in saeculari vita defunctus esset, ibidem sepeliri. Episcopus itaque magnifice gratulatus sequenti Dominica, quae fuit vi. Nonas Maii in crastino Apostolorum Philippi & Jacobi congregata maxima processione Canonicorum totiusque populi, praefatum Magistrum Odonem cum suis quinque Clericis ad Ecclesiam in honorem sanctissimi Christi Confessoris atque Pontificis Martini fundatam, quae pro impetu barbarico olim facto amissa Monachorum obsequio sibi sub Abbate servientium destructa fuerat, eos deducit, eamque eis liberam, & Episcopali privilegio confirmatam coram omnibus tradit, sicque eos ibidem sub regula Sancti Augustini Canonicis in habitu Clericali Deo servituros dimisit. Facta vero sunt haec anno Dominicae Incarnationis MXXII. Apostolicae Sedi praesidente Papa URBANO, Remensi vero Archiepiscopo RAINALDO, Tornacensi ac Noviomensi Episcopo Domino RABODO, Francorum Regnum regente PHILIPPO, Romanorum Imperatore HENRICO, Anglis etiam principante inclyto Rege GUILLIELMO, Roberti Normannorum Comitis filio, qui HERALDO Rege cum exercitu suo devicto violenter sibi Angliam subjecerat, Flandrensi Comitatum tenente juniore ROBERTO Frisionis filio.

12. ROBERTUS iste filius fuit BALDUINI Comitis, qui Ecclesiam sancti Petri oppido Isleni edificavit, & Canonicos in ea posuit, seque ibidem sepeliri mandavit. Quo mortuo BALDUINUS filius frater praefati Roberti ei successit, qui Ecclesiam Sancti Petri Hasnoniensis construxit, ibique Monachos posuit, & in ea se sepeliri mandavit. Hic Balduinus praepeto patris sui Balduini Comitis Richeldem uxorem Hermanni Comitis Montensis post mortem ejus conjugem duxit, & ex ea duos filios Balduinum & Ernulfum genuit, sicque pacata diutius seditione, quae longo tempore inter eos duraverat, utrumque Comitatum, Flandrensem scilicet & Montensem tenuit. Quod audiens LEO tunc temporis Papa Romanus, qui prius fuerat Tullensis Episcopus, & vocabatur Bruno, dixit conjugium illud non esse legitimum, quoniam consanguinitatis linea propinqua erat, prophetavitque posteros Balduini non diu possessuros utrumque Comitatum; quod verum fuisse finis probavit: nam Balduinus, qui Insula jacet, timens ne post mortem suam seditio nasceretur inter filios suos Balduinum & Robertum, totam terram suam in vita sua Balduino dedit, & Optimates suos hominum & fidei fidem promittere fecit, ita ut apud Aldenardam super reliquias San-

1091.

AA. 14. 21.

f Radulfus de Osmunt] Pater Auctoris hujus Historiae.  
g Helnonensis] In Ecclesia Sancti Amandi in Pabala

4. leucis à Tornaco.

eorum praesente patre & filio, multisque Principibus idem Robertus publice juravit, quod nec ipsi Balduino, nec heredibus ejus aliquo modo de terra Flandria noceret, quo juramento completo, de Flandria exivit & in Frisiam secessit.

13. Post aliquot vero annos audiens Balduinum germanum suum defunctum, & in Cœnobio Hainonienſi sepultum, filiumque ejus ERNULFUM jam Flandrenſem Comitem factum, quibusdam Flandria Principibus ſecretè convocatis, multisque muneribus promiſſis Flandriam intravit, prætermiſſoque juramento quod fecerat, bellum contra nepotem ſuum paravit. Quod audiens Ernulfus juncto ſibi Philippo Francorum Rege, de cujus manu terram ſuſceperat, patruo ſuo Roberto cum exercitu ſuo apud caſtrum Caſſetum occurrit: ibique prælio conſerto, & Ernulfo interfecto, ROBERTUS Flandriam obtinuit, & Richeldis mater Ernulfi de Flandria pulſa cum altero filio ſuo Balduino, Comitatum Hainonenſem repetiit, ſicque prophetiam Leonis Papæ veram eſſe claruit. Robertus autem ſtatim legatos ad HENRICUM Imperatorem direxit, rogans ut ſi neceſſe eſſet ſibi adjutor exiſteret. Ex his legatis fuit unus Balduinus Advocatus Tornacenſis, qui poſtea Monachus fuit Domini Anſelmi Cantuarienſis Archiepiſcopi, quique retulit quod dam Colonia propinquaveſſent, obviaverunt cuidam matronæ honeſtæ & ignotæ, à quâ requiſiti qui eſſent, unde venirent, quod tenderent, cum nollent ei rem ſicut erat revelare; Scio, inquit, vos eſſe legatos Roberti Flandrenſis Comitis, qui juramentum quod patri ſuo pro germano ſuo fecerat prætergreſſus, filium ejus interfecit, & terram ejus invaſit; vos quoque nunc ad Imperatorem Henricum propter obtinendam gratiam & amicitiam dirigit. Sciatis itaque vos proſperum iter & gratiam Cæſaris habituros, ipſumque Robertum cum filio ſuo Flandriam pacificè poſſeſſurum, ſed nepotem ſuum qui ex filio ſuo genitus fuerit, ſine prole moriturum: cui ſuccedet quidam pulcher juvenis de Dacia veniens, qui tamen & ipſe ſine prole morietur: poſt quem duo alii de Flandria contentent, alterque eorum alterum interficiet, & victor Flandriam obtinebit, ipſiusque heredes Flandriam poſſidebunt uſque ad tempus Anti-Chriſti. Hæc ego adhuc parvulus à præſato Balduino Tornacenſi Advocato, qui unus ex legatis fuerat, narrari audivi, nunc autem jam in ſenium vergens vera eſſe propriis oculis ſicut dixerat, conſpicio.

14. Robertus namque prædictus in magna pace Flandriam tenuit, multæque potentia fuit, adeo ut privignam ſuam<sup>h</sup> duxerit Philippus Rex Francorum, de quâ genuit Regem Ludovicum. Sororem accepit Guillelmus Comes Normannorum, qui interfecto Heraldo Rege Angliæ, violentè Angliam captâ duos Principatus obtinuit, exiſtens Comes Normannorum & Rex Anglorum, ita ut in ſigillo<sup>i</sup> ſuo ex unâ parte ſederet ſuper equum ut Comes, ex aliâ ſuper thronum cum ſceptro ut Rex, genuitque ex Mathilde filia Comitis Flandrenſis tres filios, Guillelmum ſcilicet, qui ei primus ſuccceſſit; Robertum cui Comitatum Normanniæ dedit; tertius filius fuit Henricus, qui primò quidem nihil habuit, ita ut defuncto patre ſuo inclito Rege Guillelmo non niſi Miles cum cæteris eſſe videretur: ſed mirabilis fortuna eum proſequuta eſt; nam germanuſ ejus Guillelmus Rex juvenis cum

poſt decem<sup>l</sup> annos ſerè Regni ſui in ſylvam iſſet venatum, & vidiffet unum cervum tranſeuntem præcepit Militi ſuo nomine Waltero Tirello, ut cum arcu & ſagittis ſtans contra ſe, ex alia parte non permitteret cervum tranſire: ſed Miles tenſo arcu pro cervo ſagittam jaciens, Regem in corde percuffit, & ſine mora exſtinxit; ſicque Henricus germanus qui nihil antea habuerat, ei in regno ſuccceſſit: cumque vidiffet fratrem ſuum Robertum Comitem Normannorum contra ſe rebellantem, & Regnum Angliæ repetentem, eo quod major natu eſſet, & Guillelmo germano ſuo ſuccedere majori jure deberet, Henricus congregato exercitu mare tranſiit, Normanniæ intravit, prælioque conſerto Robertum fratrem ſuum victum & captum in Angliam reduxit, & uſque ad diem mortis ſuæ in quodam caſtello clauſum tenuit; quidquid tamen ei neceſſarium in rebus corporalibus erat, ſicut ſibiſmet exhiberi & miniſtrari præcepit; ſicque rurſum Regnum Angliæ & Comitatum Normanniæ ſolus obtinuit, & ſigillum paternum ſibiſeri præcepit; de quo Henrico quia mentionem feci, & alius referendi locus non erit, licet multum à cœptâ narratione digredi videar, quidam tamen memoriâ dignum dicam.

15. Hic ergo confirmatus in regno, voluit conjugem habere puellam quamdam, filiam David Regis Scotiæ; dixitque D. Anſelmo tunc temporis Cantuarienſis Urbis venerabili Arch. ut eam ſibi benediceret & ſolemnibus nuptiis benediſſet in conjugium ſociaret: reſpondit Archiepiſcopus ſe nolle eam benedicere, nec ſuo conſilio Regem in conjugium eam ſibi ſociaturum, quoniam veſtum Sanctimonialium ſicut ipſe certò didicerat, geſtaſſet ſuper caput ſuum, quo ſe cæleſtis potiùs quàm terreni Regis monſtraſſet fore ſponſam. Rex contra dixit ſe promiſiſſe, & etiam jurejurando confirmatiſſe patri ejus Regi David, quod eam conjugem duceret, ideoque pro conſervando juramento ſe non eam dimiſſurum, niſi Canonico judicio fuiſſet determinatum; præcepitque ut adſcito Arch. Eboracenſi congregaretur Concilium Epiſc. & Abbatum, totiùſque Angliæ Eccleſiaſticarum perſonarum, ad diſtiniendum Eccleſiaſticâ cenſurâ tantum negotium. In generali<sup>m</sup> ergo Concilio requiſita eſt Abbatiffa, in cujus Monasterio puella illa fuerat nutrita, utrùm ne reverà more Sanctimonialium velo capiti impoſito benediſſet Episcopali fuiſſet conſecrata: reſpondit Abbatiffa publicè coram omnibus: Reverà Rex David pater ejus mihi eam commendavit, non ut Sanctimonialis fieret, ſed ut ſolummodo in Eccleſiâ noſtrâ propter cautelam cum cæteris puellis noſtris coartandis ſuis nutritur, & litteris erudiretur; cum autem jam adoleviſſet; nunciatum mihi quâdam die Regem Guillelmum Domini mei Regis Henrici germanum, qui tunc vivebat, propter eam videndam veniſſe, jamque cum militibus ſuis ante januas Eccleſiæ noſtræ deſcendiſſe, utque janua ſibi orandi gratiâ aperirentur præcepiſſe. Hoc audiens nimiumque perterrita, ne forte ille ut juvenis & Rex indomitus, qui omne quod animo ſibi occuriſſet illicè facere volebat, viſâ pulchritudine puellæ aliquam ei illicitam violentiam faceret, qui tam improviſus & inſperatus propter eam videndam adveniſſet in ſecreſſus cubiculum eam introduxi, rem ei ſicut erat aperui, eaque volente veſtum unum capiti ejus impoſui, quatinùs eo viſo Rex ab illicito complexu revocaretur: nec me feſellit ſpes mea; Rex ſiquidem quali propter inſpiciendas

<sup>h</sup> privignam ſuam ] Bertam, ſedam Florentii Hollandiæ Comitiſ.

<sup>i</sup> in ſigillo ſuo ] Habetur ſimile ſigillum Guillelmi apud Seldenum ad Eadmeri hui. Novor. p. 166.

<sup>l</sup> poſt decem ] Imò poſt tredecim vide Henricum Huntingdon. lib. 7.

<sup>m</sup> In generali. ] Vide Eadmerum lib. 3. Hiſt. Novor. pag. 57. Malmeſbar. fol. 88.

rosas, & alias florentes herbas Claustrum nostrum ingressus, mox ut eam vidit cum cæteris puellis nostris velum capite gestantem, Claustro exivit, & ab Ecclesiâ recessit, apertè ostendens se non nisi propter eam venisse. Cum autem Rex David pater puellæ infrâ eandem hebdomadam ad Ecclesiâ nostram venisset, velumque super caput filiæ suæ vidisset, iratus velum conscidit, & ad terram projectum pedibus suis conculcavit, filiamque suam secum reduxit. Inquisita inde Abbâtissa quot annorum tunc fuisset puella, respondit duodennem esse potuisse. Tunc Rege monente Archiepiscopum ut juberet super hoc judicium fieri, Episcopi & Abbates consilio accepto, lectisque diversis capitulis Canonum, in commune judicaverunt propter hujusmodi factum non ei prohibendum conjugium, quoniam quamdiù infra legitimam ætatem sub tutelâ patris fuerat, nihil ei sine ejus assensu facere licuerat. Finito judicio, Rex interrogavit Archiepiscopum si quid vellet in eo calumniari. Respondit Dominus Anselmus se non illud calumniaturum, quoniam reverâ secundum Canonum decreta rectè judicassent. Tunc Rex: Quandoquidem, inquit, judicium prolatum laudatis, volo ut puellam mihi desponsetis. Et Dominus Anselmus: Judicium, inquit, non reprehendo; sed si Majestas vestra mihi credere vellet, ut eam non duceretis consulerem, quoniam, quomodocumque contigerit, tamen velum super caput suum portavit; & sufficienter de filialibus Regum aut Comitum vobis invenire possitis. Rege verò in eo quod cœperat perseverante, subjunxit ille vir sanctissimus; Vos quidem, Domine Rex, consilio meo prætermisso facietis quod vobis placuerit, sed quidiutius vixerie, puto quod videbit non diù Angliam gavisuram de prole quæ de eâ nata fuerit. Hæc ego adolescens cum dixisse audivi, nunc verò ex magnâ parte video jam contigisse.

16. Rex itaque de eâ duos filios & unam filiam genuit, è quibus filii jam adolescentes dum de Normanniâ in Angliam redirent, fractâ nave cum multis aliis in mari perierunt, filiam verò cum multis opibus sibi à patre transmissam Henricus Romanorum Imperator conjugem duxit, nuptiasque Leodii cum magnâ gloriâ celebravit; sed uno filio ex eâ genito, celeri morte præventus eam viduam reliquit, quæ viduata rursus Comiti Andegavensi nupsit; cum subitò patre ejus in urbe Rotomagensi defuncto, Anglorum Proceres Stephanum Comitem Boloniensem, Comitis Theobaldi Campaniensis germanum, super se Regem constituunt. Unde Robertus Henrici Regis ex concubinâ filius graviter indignatus, contrâ eum palam rebellavit, eumque in prælio captum in quodam castello, quod sibi pater suus dederat, vinctum recludit, & sorori suæ ut cum filio suo citiùs in Angliam transiret, & Regnum paternum susciperet, mandavit. Illa putans se cuncta prospera reperturam, celeriter pertransiit, sed secus quàm crediderat invenit: nam conjux Stephani Principis sibi junctis fortiter ei restitit: ipse quoque Stephanus post paucos dies quibusdam pactationibus Roberto reconciliatus, & de vinculis eductus, rursus Anglorum Regnum obtinuit, sicque filia Regis Henrici vanâ spe delusam fore ingemuit: & futurorum quidem incerti sumus; hoc verò unum apertè videmus secundum prophetiam Domini Anselmi non diu gavisam esse Angliam de prole illius Reginæ, quæ post velum portatum Regi Henrico nupsit, imò diutinâ seditione vastatam & oppressam de pristinis divitiis ad magnam paupertatem devenisse. Non ergo contemnenda, sed potiùs veneranda & timenda sunt verba sapientium & Ecclesiæ Prælatorum, quoniam & suprâ dictam prophetiam Leo-

nis Papæ de Balduino Comite Flandrensi, qui consanguineam suam duxit, & sequentem Domini Anselmi de Rege Anglorum veras fuisse manifestum est. Nunc autem ad ea, quæ de Roberto Flandrensi Comite ignota illa Matrona legatis ejus prædixit, redeamus, & quàm vera fuerint paucis explicemus.

17. Robertus itaque ille, ut suprâ scriptum est, privignam suam dedit Regi Francorum Philippo, sororem Normanniæ Comiti Guilelmo, è duabus filiabus, unam Regi Danorum Canuto, de quâ natus est Carolus; aliam verò Comiti Bruselleni Henrico, qui cum audisset Everardum Tornacensem Castellatum strenuissimos milites secum habere, Tornacum venit propter audaciâ eorundem videndam. Quâdam ergo die cum exiens, & juveniliter de fortitudine suâ exultans rogavit unum ex oppositâ acie nomine Cosceguinum *de Forest*, ut solus contrâ se solum veniret: respondit ille se non venturum, quoniam dominus suus erat, & ne fortuito casu eum læderet timebat; Comes verò iterum atque iterum eum in se provocans, jamque eum timidum & ignavum appellans, ut contrâ se veniret nimio tædio extorsit: tandem miles crebrâ ejus admonitione provocatus lanceam levavit, & equo vehementer calcaribus impulsus adversus eum cucurrit, volensque eum militari ludo de equo suo dejicere, lanceam ei in corde fixit, sine morâ extinxit, totamque regionem nimio luctu complectitur, maximæ enim famæ & inclyti nominis ille Comes tunc temporis erat, & ita omnes raptores & latrones de terrâ suâ expulerat, ut in nullâ regione major pax & securitas inveniretur quàm in suâ. Ergo tantâ levitate, seu stultitiâ sine prole interfecit, uxor ejus relicta vidua nupsit prope Saxoniam Simoni Duci Auxatiæ, peperitque ei plures filios.

18. Robertus itaque Comes Flandrensis tam nobiliter distributis filiabus suis, totam Flandriam moriens ROBERTO filio suo reliquit; in cujus tempore Dominus Odo cum Clericis suis sæculo renuntians, sancti Martini Tornacensis Ecclesiâ intravit, ipsumque Comitem cum Clementiâ suâ liberalem sibi adiutorem invenit; quæ nimirum Clementia de Burgundiâ orta, filia fuit Guilelmi Burgundionum Ducis, germanaque Domni Guidonis Viennensis Archiepiscopi, qui postmodum Papa Romanus effectus, vocatus est Kalistus, tenuitque Remis Concilium generale tempore Radulphi Archiepiscopi, qui vocatus est *Viridis*; successorque fuit Manassæ, prædecessor verò Rainaldi Andegavensis Episcopi. Hæc verò Clementia cum de viro suo Comite Roberto genuisset tres filios infrâ tres annos, timens ne si plures adhuc generaret inter se de Flandriâ contenderent, arte muliebri egit ne ultrâ pareret; quod ultione Divinâ sic vindicatum est, ut & filii ejus omnes diù ante eam morerentur, & ipsa postmodum in viduitate suâ alios Comites cernens, multaque mala ab eis sustinens, serò desereret sese cum prole sua exheredatam fore.

19. Post duos verò semiannos conversionis Domini Odonis URBANUS Papa in Concilio Claremontensi monuit universos Episcopos, quatenus sibi subjectis populis pro remissione peccatorum suorum injungerent Jerosolymam ire, & sepulcrum Dominicam unâ cum ipsâ civitate de Paganorum manibus liberare. Tunc verò cerneret innumerabilem populum de Occidentis partibus, ac si divinitus præceptum fuisset, genitale solum relinquere, & Jerusalem tendere. Hac itaque occasione præfatus Comes Robertus unâ cum Godefrido Comite Boloniensi, Roberto Comite Normanniæ, Raimundo Comite sancti Egidii, Hugone Comite Vermandensi, Balduino

Comite Montenli, Anselmo de Ribemonte, Clarenbaldo de Vendolio, multisque aliis Principibus, relicta Flandria cum populo Dei proficiscitur. Obfessa captaque Antiochia, multisque aliis civitatibus, ad ultimum auxiliante Deo Ierosolymam victor ingreditur, expulsisque aut interfectis Paganis, & Christianis intromissis, Regeque constituto Flandriam regreditur, & cum magna gloria susceptus per XII. fere annos provinciam dominatur.

20. Post hæc cum à Rege Francorum Ludovico sororis suæ filio, ad expugnandum quoddam castellum quod vocatur Domni-Martini fuisset evocatus, dum more suo fortiter certat in prælio, & longius fugat Regis adversarios, laboris nimietate defessus ad lectum portatur, & post triduum ibidem defunctus, ab eodem Rege, regniue Principibus cum magno luctu Atrebatum deferitur, & in Ecclesia sancti Vedasti sepelitur. Quo sepulto, statim Rex BALDUINUM filium ejus adolescentulum, necdum Militem factum, cum matre suâ vocavit, totamque paternam terram ei reddidit, & Optimatibus Flandriæ, ut ei coram se hominum facerent, præcepit: sicque in Franciam rediit. Quid ergo dicam de Balduino, cujus animi etiam in tenerâ ætate fuerit?

21. Recedente Rege Optimates suos vocavit, pacem se velle tenere intinnavit, utque se inde adjuvarent rogavit, & si quis eam primus violaret, justitiam se de eo facturum prædixit; nullum tamen eorum pacem jurare coëgit. Principes pacem se servaturos promiserunt, sicque soluta est curia plurimis dicentibus per talem puerum non facile pacem posse fieri, quoniam nullus eum timeret.

22. Post duos fere menses mulier quædam pauperula duas vaccas à quodam raptore sibi ablatas esse Comiti conqueratur, & ubi raptor maneret ostendit: illic juvenis Comes raptorem insequitur, eumque comprehensum Brugias ducit: rogantibus cunctis ne militem suspendi, vel oculos ejus erui faceret, neutrum se facturum respondit. Protinus verò vas æneum maximum, quod vulgus lebetem seu caldariam vocat, publicè in foro, videntibus cunctis in sublime appendi, & aquâ impleri præcepit, igneque magno supposito, dum nimis ferveret aqua militem illum cum omnibus indumentis suis etiam gladio accinctum in caldariam projici fecit; sicque cum in aquâ fervente necavit. Tantus timor illic omnes invasit, ut nullus deinde in totâ Flandriâ aliquid auferre præsumeret.

23. Quædam die Ecclesiam S. Petri Gandensis propter audiendas vespertas ingrediebatur, cum subito quædam pauperula vaccam suam sibi furto ablatam esse, conquesta est, quam cum Comes dulciter exoraret, ut se expectaret ad ostium donec vespertas audisset, illa verò responderet præ multitudine Militum & Principum eum circumstantium, sibi ulterius non dandam facultatem ei loquendi; ille protinus extractum pallium suum ei desit, & ut illud sibi usque post vespertas servaret, præcepit: finitque vespertis dum Comitem circumdantes Principes de aliis negotiis loqui voluissent, ille se nulli responsurum, donec pauperula vacca sua reddita fuisset juravit; sicque mulier ab ea benedictus petitioni ejus satisfecit.

24. In villa quæ dicitur *Turholdis* singulis annis in Festo sancti Joannis mercatum magnum esse consuevit. Dictum est Comiti quoddam decem Milites fiducia parentum suorum abutissent cuidam negotiatori ad mercatum venienti aliquid de sarcinâ suâ: protinus Comes exiliens eos cepit, & in quâdam domo recludit, parentes verò eorum nimis per-

territi, & celeriter venientes ad misericordiam Comitum, urgebant ut quantumcumque vellet pecuniæ vel equorum susciperet, tantummodo ut eos non suspenderet: Comes autem simulans se precibus eorum satisfacturum, dixit eis ut parum expectarent, donec ipse domum introgressus, reisque illis colloquutus rursus ad eos exiret. Dixit, statimque cum paucis viris ingressus, eos intrâ domum eandem suspendi præcepit; rogantibus autem viris ut sibi parceret, nec perpetuam parentum eorum inimicitiam eos incurrere faceret, parcens eis, præcepit reis illis, ut qui ex eis evadere vellet iocum suum suspenderet: sic ergo novem suspensis, cum decimus superesset. Comes ei jussit ut funem ultrâ trabem jaceret, & super scamnum stans de ipso fune laqueum in collo suo aptaret: quo facto, Comes scamnum pede longius propellens eum duobus cubitis à terrâ pendentem reliquit: sicque cum viris domum regressus, rursus à parentibus eorum exoratus: Eia, inquit, egredimini & eos educite, eductisque ne aliquid ulterius in terrâ meâ capiant, admonete. Dixit, statimque equum ascendens à loco recessit. Parentes verò domum ingressi, omnes cognatos suos suspensos, & jam mortuos invenerunt, nimisque perterriti fugerunt. Pro hujusmodi ergo gestis ita omnes raptos exterruerat, ut non solum aliquid auferre, verum etiam si vestem pretiosam, vel scyphum aureum in viâ reperisset, nullus levare auderet. Felicem se Flandriâ dicere posset, si tantum Principem diu habere meruisset; sed ille ubi tantâ pace factâ, nullam sibi per totum annum querimoniam afferri vidit: turpe deputans domi quietum residere, utpote juvenis & vix xxx. annorum exiliens, armis militaribus seipsum cœpit exercere, & quocumque milites præliandi gratiâ convenisse audiebat, illic simul adesse ardebat.

25. Eo tempore Henricus præfatus Rex Anglorum ingressus Normanniam, contra fratrem suum Robertum Comitem præliabatur, eumque victum duxit in Angliam; cujus filius Guilelmus puer decennis exheredatus ad Balduinum Flandrensem Comitem confugit: quem ille nutriens XIII. ætatis suæ anno Militem fecit, eumque contra patrum suum Regem Angliæ, qui genitorem suum clausum tenebat, rebellare admonens, sæpius cum eo Normanniam aggredi cœpit: Rex verò Henricus mandavit, ut ab infestatione suâ desisteret, alioquin Brugias cum exercitu se venturum sciret: protinus ille remandavit ei ne tantum laborem subiret, sed potius se ei Rothomagi occurrerem sciret. Dixit: statimque legatum cum quingentis militibus subsequutus est; Rothomagum Urbem in quâ Rex morabatur advenit, loncæque in portâ civitatis defixâ, ut Regi Comitem Flandrensem adesse dicerent, civibus exclamavit. Rex verò qui duo millia militum secum habebat, ut tantum strepitum, tantamque audaciam vidit; utpote vir prudentissimus se contra insensatum juvenem non egressurum dixit, cunctisque militibus suis ut nullus de portâ exire præsumeret, comminando præcepit: quoniam cum fatigatus, inquit, fuerit revertetur, & de terrâ meâ nihil secum deferet. Comes itaque nimis constriatus eo quod nullum de civitate posset extrahere, dum civitatis muros vociferando circuit, & quid agere posset ignoraret, non enim tantam urbem tam paucis militibus expugnare valebat, conspexit eminens gregem cervorum quos Rex in proximo nemore recluserat: exclamantque juvenis: etiam, inquit, nihil aliud possum facere, saltem cervos istos de claustris eripiam, & liberos reddam; dixit, statimque cum

n *Turholdis* ]. Vulgo *Torholt* propè Brugas.

militibus currens gladiis evaginati fortissimam sem illam quæ de stipibus facta cervos reclusos tenebat, abscidit, cervosque per agros dispersit, & sic nullo negotio peracto Flandriam rediit.

26. Interea Carolus amica suæ filium, quem de Canuto Danorum Rege pepererat, post mortem patris sui ad se venientem libenter retinuit, eique germanam p Radulphi Peronnensis Comitis conjugio locavit, & ut Flandriam se absente servaret commendavit; sicque securior Normanniam frequentare cepit: sed hæc armorum, & militiæ exercitatio, licet ei magnam exultationem, utpote juveni, inferret; Monachis tamen & Clericis cæterisque sapientibus ingentem exhibebat tristitiam, quoniam omnes præconabantur non diu eum inter tot pericula vivere posse: nec eos fefellit opinio, quinimò timor quem timebant evenit eis: nam dum nimis assidue infestat Normanniam, à quodam milite gladio super nasum vulneratur, nec tamen propter vulnus prælio cedens, nimio calore solis concussus exæstuat, vulnusque intumescens eum invitum cogit reverti Atrebatum; ibique Medicis ascitis facile curatus fuisset, si cibis noxiis abstinere voluisset: sed dum nec carnem aserinam, nec alia similia dimitteret; vulnere gravatus deficit, totoque anno lecto decumbit; propter tedium tamen devitandum se multoties de loco ad locum facit in lecticâ deferri, ad ultimum cum jam videret se non posse evadere, præfatum Carolum successorem sibi constituens, Flandriam ei tradidit, sicque apud sanctum Bertinum Monachus factus, & infra octo dies defunctus, ingentem luctum & tristitiam cunctis Ecclesiis dereliquit, & quod nullus in viribus suis confidere debeat, edocuit. CAROLUS ergo consanguineus ejus succedens; in justitiâ quidem tenenda minor eo non fuit in prudentiâ verò & cautelâ, quoniam aliquantulum provecioris ætatis erat, omnino eum vicit: Ecclesias quoque sic tuebatur, ut jam Pater Ecclesiarum vocaretur; de quo unum referam quod memoriæ occurrit, ut per hoc cujus devotionis fuerit, agnoscat.

27. In die Epiphaniæ dum curiam suam Bergis vidisset Abbatem sancti Bertini Dominum scilicet Joannem ingredientem, protinus vocans eum: Domine, inquit, Abba, quis hodie cantavit majorem Missam in Ecclesiâ sancti Bertini? respondente Abbate non defuisse qui eam honorifice cantaret, quoniam plusquam centum Monachi in Conventu suo essent, Comes subjunxit: In tantâ solemnitate debuisse eam cantare, & cum Fratribus in refectorio comedere, eisque qui totâ nocte vigilaverunt ad Matutinos, de his, quæ Comites antecessores mei dederunt, bonam refectionem providere, non in Curia meâ residere. Dicente verò Abbate se libentius Missam cantasse, quam illuc advenisse, sed propter Militem quemdam qui sibi auferebat terram quam Ecclesia sua plusquam lx. annis quietè possederat, illuc venire compellum fuisse: addit Comes: Et quare hoc mihi per famulum vestrum non mandastis; vestrum enim est pro me orare, meum verò Ecclesias tueri & defendere. Dixit; statimque Milite accerito interrogavit, cur Ecclesiam sancti Bertini inquietaret de terra illâ, quam tanto tempore possederat? Respondente Milite Ecclesiam terram illam injustè tenuisse, quoniam juris sui esset, ait Comes. Sicut pater vester inde tacuit, sic & vos tacete, quia per animam Comitis Balduini juro, quod si exinde querimoniam audiero, nihil aliud faciam de vobis, nisi quod ipse Comes de illo fecit,

quem Brugis in caldaria bullivit. Sic pacem sibi à Comite factam narravit mihi præfatus Abbas Joannes.

28. Sed quia tali Principe digna non fuit Flandria, viri impii Bertulfus scilicet Brugenlis Ecclesiæ Præpositus, & cognati ejus, qui se Comitis servos esse denegabant pro justitiâ quam faciebat, confederati in unum secretò contrâ eum conjuraverunt. Quod cum Comiti apud Ypram nuntiatum fuisset, & ne Brugias iret à multis admoneretur: ille respondit se pro justitiâ, si Deus vellet, mori paratū; nec se à justitiâ relaxandum, statimque cum militibus suis Brugias veniens munitionem quamdam quam iidem conjuratores fecerant succendit, & ad propriam domum rediit; in crastino verò summo mane surgens, & de solio palatii sui ad solium Ecclesiæ sancti Donatiani transiens, Missam à capellano suo ibidem sibi cantari præcepit, erat enim feria quarta secundæ hebdomadæ in Quadragesimâ. Cum ergo jam in Epistola oratio Esther legeretur, & Comes in oratione prostratus psalterio aperto psalmos legeret, quædam paupercula superveniens elemosynam ab eo poposcit, & de xlii. nummis quos more suo Comes super psalterium posuerat, de manu ejus unum accepit. Quo accepto cum ei eadem mulier exclamasset, Domine Comes cavete, levante caput Comite ut videret quid esset: ecce Burcardus præfati Præpositi nepos, qui loricanus evaginato gladio tacite advenerat, fronti ejus gladium infixit, multisque vulneribus superadditis eum ibidem coram altari interfecit; unoque cum eo occiso, cæteros, qui aderant perterritos in fugam convertit. Tristis illic fama totam complevit regionem, in Ecclesiâ occisum esse gloriosum Carolum Comitem.

29. Dominus Gislebertus Abbas sancti Petri Gandensis vir veracissimus, & religiosissimus mihi retulit, & sub testimonio veritatis asseruit, quod erat tunc temporis Brugis quidam pauper claudus sibi notissimus, cui Comes multoties elemosynam dare consueverat. Hic ergo famâ tam tristi auditâ flens, & ejulans cum magno clamore ad Ecclesiam venit, nimioque labore rependo manibus & cruribus per gradus lapideos usque ad solium lapideum in quo Comes interfectus fuerat, ascendit; solumque corpus ejus ibi jacens sanguine cruentatum invenit, cumque admiratus omnes tam citò pariter illud solum reliquisse juxta illud resideret, altosque gemitus & voces præ nimio dolore cordis ederet, de sanguine qui copiosè defluebat crura sua & tibias cepit linire, non quod, ut ipse dicebat, spem aliquam haberet curationis, sed solum propter dulcedinem & dilectionem ejus qui sibi tanta bona fecerat: cum subito Divinâ misericordiâ se perfecte curatum sentiens, instar capreae per gradus exiliendo descendit, totumque currendo oppidum circuiens, universo populo se sanatum ostendit. Quæ res homicidis illis grandem confusionis nebulam intulit, majoremque intulisset, nisi pauper ille potentiâ illorum perterritus id publicè exiliendo prædicare destitisset: magnas enim opes sibi de redditibus Comitis, quibus eos præposuerat, contraxerant, adeo ut cum paulo ante suam necem Comes eis diem audientiæ apud castrum Casletum posuisset, ubi se servos ejus non esse judicio Optimatum suorum comprobarent, Bertulfus ejusdem Ecclesiæ Præpositus Burcardi avunculus tria millia militum illuc secum palam adduxerit, ita ut Comes timens ne tumultus aliquis à tanto populo excitaretur, causam ipsam in diem alium distulerit.

o amica sua] Adelæ filia Roberti senioris Fland. Comitis.

p germanam] Margaritam Sororem Radulphi Comitis Viromand. filiam Rainaldi Claromont. & Adelæ præfatæ.



q

Apoc. 10. 2.

30. Corpus ergo Comitis cum ibidem sepeliri non posset, ( siquidem Dominus Simon Episcopus, cujus sororem & idem Comes conjugem habuerat, audito tanto scelere, Divinum officium in eadem Ecclesia ex toto interdixit) ad aliam verò Ecclesiam illud transferri provinciales nullo modo paterentur: praefatus Bertulfus Praepositus quantum poterat se de morte ejus volens excusare; de columnis marmoreis pretiosum illi sepulcrum in eodem loco coenaculi ubi interfectus fuerat, protinus construi fecit: ibique corpus positum ferè lx. diebus jacuit. Tanta verò turbatio subito in tota Flandria exstitit, ut illud quod in Apocalypsi legitur: *Post mille annos solvetur Diabolus*, in illa provincia ad litteram contigisse videretur, duobus tertium ubicumque solum invenissent, aut spoliantibus, aut etiam occidentibus, ita ut tunc palam quilibet simplicissimum facile intelligere posset, quanta vis in uno solo illo Principe exstitisset, qui eam indomitam gentem, ac si Monachos Claustrales jugiter quiescere coegisset.

31. Principes verò Flandriae, & maximè Balduinus Gandensis frater Yvonis Nigellensis, qui nunc est Comes Sueffionensis, videntes tantam turbationem, condicto die in unum conveniunt, pacem inter se componunt, & ne tantum scelus eis in opprobrium verteretur sempiternum si remaneret inultum, congregato exercitu Brugias tendunt. Cum verò homicida illi multis fulti auxiliatoribus, cum magnâ multitudine militum & peditum contra eos pugnaturi processissent, Balduinus ille lorica & galea protectus altiori voce exclamans: Non, inquit, contra vos, ô viri boni, venimus; nec Brugenſe castram expugnare quaerimus, sed injustam necem Domini nostri ulcisci volumus, ne fortè dicatur quod & nos proditoris ejus rei sumus, sicque semper ulterius proditores appellemur. Si ergo contra nos pugnatum venitis, tanti sceleris vos participes esse testabimini, sicque opprobrium perpetuum incurretis: quamobrem moneo, & consulo ut nobiscum potius sitis, & ad confundendos proditores domini nostri nos adjuvetis. His dictis, populus vociferando exclamat, junctusque Balduino, versâ vice eos cum quibus venerat, debellat. Protinus illi in fugam vertuntur, & quia aliam evadendi viam non habebant, in castrum regrediuntur, turrim Comitis introeunt, & in eâ conclusi à Balduino duobus ferè mensibus obsidentur.

32. Interea Rex Francorum Ludovicus, quem de matertera Caroli genitum supra diximus, tam duro nuntio cognati sui percussus Atrebatum venit, & quia Carolus sine prole obierat, quem vellent habere Comitem à Principibus Frandriae sciscitatur. A nonnullis ipsum Regem propinquiorem fore dicebatur, & quia plures filios habebat, ut uni eorum Flandriam daret suggerebatur: sed Rex ut vir prudentissimus, considerans nullum filiorum suorum adhuc esse duodennem, nec sine magistro, qui ei jugiter adhereret, tam indomitam posse regere gentem, ei se non posse semper adesse praesentem, timens ne aliquid exinde mali eis contingeret, altiori consilio refugit aliquem ex eis terrae praeficere.

33. Erat tunc quidam Balduinus Comes Montensis, quantum sua aetas patiebatur satis strenuus armis, cujus atavus fuerat ille constructor Coenobii Halmoniensis, qui, ut supra dictum est, Richeldem Comitissam Montensem conjugem ducens, utrum-

que Comitatum tenuerat, Flandrensem scilicet & Montensem, quique de eadem Richelde duos filios genuit, Ernulfum, qui patri succedens à patruo suo Roberto Casleti est occisus, & Balduinum qui cum matre suâ Montensem Comitatum tenuit, unoque filio Balduino genito, Jerosolymitanum iter cum aliis Principibus in principio exstitit, unde necdum rediit, & utrum occisus, an captus fuerit usque hodie sciri nequivit; filius verò ejus Balduinus cum Comes factus fuisset, Clementia Flandrensis Comitissa ut quamdam puellam neptem suam in conjugium acciperet ei suavit, seque cum eâ mille marchas argenti ei daturam promisit. Consensit juvenis, seque eam die statutâ desponsaturum juravit, parique modo juramentum desponsationis ab eâ publicè coram multis testibus accepit. Infra verò diem statutum juvenis praetermisso juramento quod fecerat, Hiolendem filiam Gerardi Babinbergenſis Comitis uxorem duxit. Unde Comitissa frendens, maximè quia germanum suum Guidonem Viennensem Archiepiscopum videbat jam Papam Romanum effectum & Calixtum nominatum, conquesta est ei genus suum à tantillo Comite fuisse vilipensum. Protinus ille litteris directis mandat Radulfo Archiepiscopo Remensi, ne perjurium illud differret ulcisci. Praeful convocatis Episcopis: & Abbatibus, aliisque Ecclesiasticis multis personis, Comitem jubet adesse, & de pactione conjugii respondere. Conqueritur Clementia, quod neptem suam se conjugem accepturum die praefixâ iurejurando promississet, subjungens se habituram inde trecentos nobiles testes, si hoc negare voluisset. Respondet Balduinus, se nec velle, nec posse quod dixerat negare, quoniam verum constabat eam dixisse, tamen se jam aliam conjugem duxisse, & solemnibus factis nuptiis, ei sociatum fuisse, ac deinde subjunxit quidquid judicatum exinde fuisset, se facturum fore. Multa super his iudices invicem conferentes, ad ultimum pro reverentiâ Domini Papae inducias petierunt, & ut tanta causa iudicio ejus Romae deferretur, oraverunt. Factum est, Romam perlata est, convenerunt Cardinales & voluntati Papae faventes, primam fidem juxta Apostolum irritam sine damnatione non posse fieri, ideoque eam quam primò juraverat conjugem debere duci decernebant. Interea quidam magnae auctoritatis Cardinalis nomine Bruno, qui ceteris diversa dicentibus omnino reticebat, à Papa sententiam suam dicere communitur, respondit se aliorum dictis non repugnaturum; ubi verò Papa ei per obedientiam precepit, ut si quid super hoc reverè sentiret, aperiret; ille diligenter singula discurrendo proponens, in primo quidem conjugio non nisi solum iusjurandum factum, in secundo verò & iusjurandum, & desponsationem, & Presbyteri benedictionem, & solemnes nuptias, postremo utriusque copulationem, integrum matrimonium factum esse intulit: prolatisque Canonum diversis capitulis, secundum conjugium ulterius non posse dissolvi, de priori verò perjurio poenitentiam Comiti debere imponi subjunxit, cui sententiae Papa cum Cardinalibus assentiente, reversisque nuntiis in Franciam cum litteris Apostolicis, tunc quidem Comes Balduinus exultavit Yolendem sibi remansisse: puella verò doluit se Comitis conjugio privatam fuisse, sed repente mirabili fortunâ, inò Dei misericordiâ subsequente, Ludovico Regi Francorum conjugio est copulata, hujusque qui

q *cujus sororem*] Margaretam uterinam ex alio patre natam, sc. Renaldo Claramont.

r *Balduinus*] Scil. cognomento Luscus & Barbatus. Vide apud D. du Cange, *dissertat. 21. ad Historiam S. Ludovici, qui intelligatur ista fraternitas.*

Tem. II.

f *Romam*] Id est, ad curiam Romanam, ut ego arbitror. Nundum enim Callistus Romae fuerat.

r *Bruno*] Id est, Bruno Episcopus Signinus, ut opinor. Vide *Chronicon Cassin.* lib. 4. c. 31. pag. 497.

nunc Rex est Ludovici, aliorumque Regis filiorum mater effecta, quod prius non contigisse doluit, inde postmodum vehementer exultavit, quoniam magis voluit dici & esse Francorum Regina quàm Montensis Comitissa. Hic ergo Balduinus de præfata Yolende genuit alium Balduinum, & Richeldem Everardi Castellani Tornacensis conjugem. Quia ergo Richeldis Everardo hujus provincie Principi nupsit, libet de illà per excessum parum dicere.

34. Fuit enim hæc Richeldis sicut genere nobilissima, sic facie pulcherrima, & in actibus sæculi nequam strenuissima, quæ genuit Balduinum pulcherrimum & nobilissimū adolescentem; sed, heu! in flore juventutis febre correptus, cum morte pactum iniit, sepultusque est in claustrò sanctæ Dei Genitricis **MARIÆ**: Richeldis verò Everardum & Godefridum filios speciosos, & Yolendem filiam moriens reliquit. Qui Everardus cum adhuc ætate tener esset, terram paterni juris malefactoribus abundantissimè subjectam frendens dentibus nimium indoluit, quibus cum indignatione & irâ evaginato gladio, oculis turbatis asperitate superbiæ & feritatis in manu validâ cum impetu velociter occurrit, omnesque in brevi de finibus suis exturbavit, terramque suam paci, & pacem terræ reformavit. Post hæc autem filiam Lambertii Leodiensis Comitis Gertrudem nomine uxorem accepit, de quâ Balduinum filium genuit: Yolendis verò soror ejus Flandrensi Dapifero Rogerio nupsit.

35. Nunc autem de Balduino Montensi Comite, qui patri suo Balduino in ætate juvenili defuncto successerat, & Comitis Namurcensis germanam conjugem duxerat, jam adolescens, Milesque strenuus erat, quando Carolo Principe viduata est Flandria, pauca explicemus. Hic ergo Balduinus audiens Regem Francorum Atrebatum venisse, & de constituendo Flandriæ Comite consilium quærere, assumptis secum Nobilibus, & sapientibus terræ suæ Principibus, Regem adiit, avum suum Balduinum, qui Jerusalem profectus fuerat, injustè à patruo suo Roberto de Flandriâ pulsum, & exheredatum conquestus est palam coram Optimatibus Regis, ut sibi terram & hereditatem avitam redderet humiliter Regem postulavit, & ubicumque Rex sibi in toto Regno suo diem posuisset se ire paratum, & quod nullus se propinquior vel rectiori ac majori jure heres Flandriæ esse deberet armis, & duello sui proprii corporis probaturum subjunxit. Petitioni ejus Milites qui cum eo venerant acclamabant, Regique magnam in totâ Provinciâ pacem exinde venturam suggeriebant, aliaque negotio præsentis expetentia plurima subnectebant. Rex prudentissimus benignè omnibus respondebat, ipsumque Comitem consanguineum suum vocans, multâ spe animum ejus ad impetrandum quæ petebat, sublevabat: sed quia juxta Salomonem: *Cor Regis in manu Domini, quocumque voluerit inclinabit illud*; aliter voluntas Regis, quàm Comes voluerit, versa est; cum enim multi certos se esse putarent quoddam Flandria eidem Comiti reddenda foret, repente nescio cujus venti statu impellente auditum est, eam datam esse cuidam juveni, Guillelmo scilicet Roberti Normanniæ Comitis, qui à germano suo Rege Anglorum Henrico tunc temporis adhuc in custodiâ clausus servabatur, quique de filiâ Roberti senioris Comitis Flandrensis, ut longè superius dictum est, fuerat genitus. Hic ergo prætutus adolescens Balduinus spe suâ frustratus, à facie Regis itatus abscessit, & contrâ Flandriam arma corripuit, paucisque post diebus transactis oppidum quod dicitur Aldenarda invadens, totam ulque ad cineres combussit, ita ut in Ecclesiâ sanctæ Walburgis plusquàm centum diversi sexûs & ætatis fuerint

cremati. Rex verò cum novo Comite Flandriam ingressus Burgis venit, Domnoque Simoni Tornacensi Episcopo mandavit, ut congregatus Diœcesis ejusdem Abbatibus ad sepeliendum corpus gloriosissimi Comitis Caroli quantocius veniret, quod tunc de ipso corpore vidi, fidenter refero. Accersivit parvitatem meam dominus Episcopus cum Domino Absalone Abbate Sancti Amandi, multisque præsentibus sepulchrum illud quod de columnis marmoreis Bertulfus Præpositus, ut paulo ante diximus, construi fecerat, eversum est; corpusque Comitis inde levatum ad Ecclesiam sancti Christophori Martyris, in eodem oppido sitam, est à Rege cum magnâ processione delatum, quatinus die statutâ congregatis Principibus & universo populo Ecclesia sancti Donatiani reconciliaretur, & corpus ad eandem relatum decenter in terrâ sepeliretur. Cum ergo timeremus ne fortè odor corporis bajulos ejus gravaret, jam enim plusquàm 1. dies à morte ejus transierant, pro nihilo omnes timuisse misericors Deus evidenter ostendit: nullum enim omnino ex eo sensimus noxium odorem manasse, imò quod magis mirum est, linteum quo fuerat corpus involutum ita candidum & incorruptum vidimus, ut nulla omnino signa in eo nisi recentis sanguinis cerneremus. Quantus ibi gemitus, quantus dolor, quis clamor & planctus, qualis lacrymarum fluctus à Rege cunctisque Principibus, imo universo populo fusus fuerit, præter eo: quia hæc etiam me tacente facillè potest advertere pia legentis intentio. Post quinque ergo dies reconciliatâ eadem Ecclesiâ, & post Missæ celebrationem decenter sepulto Comitis corpore, protinus Rex dominum Rogerium juvenem Clericum in sede Præpositi statuit, quoniam Bertulfus Præpositus jam aufugerat: quo facto turrem, in quâ proditores adhuc clausi & obfessi detinebantur, Rex invasit; sed quia fortissima erat, illique viriliter repugnabant, non tam facillè eam capere potuit. Nocte sequenti Burchardus cum avunculo suo Bertulfo de turre clam exeuntes fugerunt, aliosque omnes in mortis periculo reliquerunt, qui cum vidissent frustra se repugnare, ad ultimum se Regi reddiderunt, eumque ingredi permiserunt. Rex verò cunctos simul captos, primò in ejusdem turris carcere per tridum jussit servari; dehinc eductos, & superius reductos, de propugnaculis ipsius altissimæ turris singillatim fecit præcipitari; Sicque xxx. homines præcipitio interfecit. Bertulfus verò & Burchardus cum jam de provinciâ exissent, & etiam usque Tornacum venissent, Divino tamen judicio effugere nequiverunt, sed rursus in partibus Flandriæ comprehensi, turpissimè suspensi vitam indignam miserâ morte finierunt.

36. Rex itaque Franciam rediens Guillelmum in Flandriâ Comitem reliquit, qui primò quidem in ingressu suo, etiam coram Rege Flandrensis tam Militibus, quàm oppidanis bona promisit, libertatemque, & leges suas more antecessorum suorum se servaturum publicè jurejurando firmavit. Ubi verò omnes sibi subjectos vidit, protinus elatus, bona & substantias eorum diripere, deinde eos etiam vinculis adstrictos & custodiæ mancipatos ad redemptionem sui cœpit compellere. Confestim Flandrenses perterriti utpote talium non assueti, & de malis pejora expectantes, unanimiter rebellare disponunt, & mori potius quàm talia pati eligunt: primique Insulenses, quos magis affligebat, ei palam resistere ausi sunt. Erat tunc temporis in Lotharingæ provinciâ quæ dicitur Auxatia, juvenis quidam Miles nomine THEODORICUS filius Simonis Ducis Auxatiæ, quem ex filiâ Roberti senioris Comitis Flandriæ genuerat, quæ prius Henricum Comitem Brusellæ maritum habuerat, sed eo apud Tor-

namque interfecto prefato Simoni Ducinupserat. Hunc ergo juvenem scientes Flandrenses propinquiorem Caroli fuisse, utpote matertera ejus filium, secretim ad eum legatum dirigunt, & ut Flandriam veniat possunt. Protinus Theodoricus vix tribus militibus comitatus Flandriam venit, veniens gaudenter suscipitur: jamque Guilelmo fidentiùs repugnatur. Rursum petente Guilelmo Rex cum Archiepiscopo<sup>u</sup> Atrebatum revertitur. Theodoricus quasi alieni juris invasor, ad audientiam Archiepiscopi venire commonetur; venire nolens, cum omnibus fautoribus suis publice excommunicatur, & Insula ubi tunc morabatur Divinum officium interdictur, ipseque quantocius de Flandria exire, & in terram suam redire à Rege jubetur. Præbet ille surdas aures, & eventum rei præstolatur Rex cum Guilelmo congregato exercitu, intra Insulam clausum obsidet Theodoricum, terque in die in tribus locis oppidum invadens, portas intrare, & clausos expugnare conatur: sed nihil proficiens, sexto die sine aliquo effectu Atrebatum, inde in Franciam revertitur. Egreditur de Insula Theodoricus, Flandriamque peragrans, & aliquoties Guilelmo congressus, nunc inferior, nunc superior invenitur, omnibus cum timore expectantibus quis eorum vincat, & quis vincatur. Rursum verò Guilelmus congregato equitatu, in castello quod dicitur Alos conclusum obsidet Theodoricum, sed dum fortiter præliando castellum expugnare nititur, mense Augusto in manu sub pollice à quodam pedite vulneratus, & calore nimio gravatus, sentiens sibi brachium intumescere, Ducem Godefridum qui secum erat facit secretè evocari, seque protinus moriturum prædicens, ut cautè exinde equitatum reducere studeat, consulit. Dux sentiens adversam fortunam, callidè per internuntios Theodoricum evocat, simulansque se pacem inter ipsum & Guilelmum velle componere, cautè exercitum eduxit, & cum jam procul esset Theodorico mortuum esse Guilelmum mandavit. Sic ergo vulnere modico Guilelmo defuncto, & apud sanctum Bertinum juxta Comitem Balduinum sepulto, dominatum totius Flandriae Rege concedente Theodoricus obtinuit, & conjugem suam defunctam, germaniam Comitis Andegavensis, filiam scilicet Fulconis Regis Jerusalem, uxorem duxit; talique sine probatum est non falsam fuisse prophetiam illius matronæ, quæ Balduino Tornacensi Advocato & sociis suis legatis Roberti junioris Comitis id ante quamplures annos sic futurum prædixerat. Balduinus enim Roberti junioris Comitis sine prole obiit. Juvenis autem pulcher quem Dacia venturum pronuntiavit, haud dubium quin Carolus fuerit; duo autem Comites, quos post eum venturos, & de Flandria litigaturos subjunxit, quorum alter alterum interficeret, Guilelmus & Theodoricus fuerunt; quod verò in fine intulit victorem cum posteris suis Flandriam possessuros usque ad tempus Anti-Christi, Dei notitiæ, & futurorum relinquimus, experientiæ, hoc unum videmus Theodoricum jam esse Comitem securum, plurimisque lætificatum, filiamque suam jam promississe Henrico Theobaldi Comitis filio, licet Rex Francorum conjugium nitatur dissolvere, tertio gradu consanguinitatis dicens eos invicem propinquos esse. Verum quia per Reges & Comites longam nimis digressionem fecimus, jam quasi prolixo expleto itinere ad Dominum Odonem & Clericos ejus redeamus, ne nobis per diversa vagantibus fame moriantur.

37. Recedente itaque Domino Rabodo Episcopo cum processione, remanserunt pauperi Martino quinque pauperes Clerici, mox verò auxilio civium

u Archiepiscopo } Sc. Remensi.

Tom. II.

empta una domo lignea à Monacho, qui Provisor erat curiæ sancti Amandi de Willemel, & juxta Ecclesiola edificata, paulatim crescere cœperunt, ita ut anno altero adventis eorum jam XVIII. Fratres invenirentur; paupertatem tamen non parvam in primis ibi sustinuerunt, ita ut unde viverent non haberent, sed à quibusdam religiosis laicis facti publice per urbem quotidie circumferebantur, & ut pauperibus sancti Martini succurrerent clamabatur talique subsidio integro anno transierunt.

38. Interea adolescens quidam Clericus nomine Alulfus, Sigeri Canonorum sanctæ MARIE Præcentoris filius, relictis sæcularibus divitiis sese illis sociavit; quod ubi patri ejus nuntiatum est, continuò congregatis propinquis suis ad S. Martinum furibundus venit; adolescentem per capillos apprehensum, terræ prostratum, graviterque cæsum domum reduxit. Sequenti die adolescens dum putaretur ad Ecclesiam sanctæ MARIE ire, furtim se subducens ad sanctum Martinum rediit: sed rursus à patre suo continuò reducit, & in compedibus ponitur. Cumque hoc sæpius fieret, adolescente scilicet ad S. Martinum quandocumque poterat fugiente, & patre suo eum protinus reducente; contigit Dominum Haimericum Aquicinensem Abbatem Tornacum venisse ad invifendos, & confortandos pauperes illos; quem cum Magister Odo consulere quid sibi agendum foret super adolescente illo, qui quotidie à patre suo violenter reducebatur: protinus Abbas ut vir sapiens competenti comperta occasione, id quod ante moliebatur erupit, dicens; Verè bone Magister, idem vobis non solum de isto juvene, sed etiam de aliis Fratribus vestris continget, nisi Monachi efficiamini: juxta enim urbem habitatis, & facili Fratres vestri juniores à sæcularibus Clericis sociis suis decepti ad sæculum redeunt, quia unus idemque vester & ipsorum est habitus; si autem Monachi essetis, postea nullum de vestris tentarent reducere; quoniam cum Monachorum niger sit habitus, Clericorum verò candidus, tanto horrore Clerici habent habitum Monachorum, ut quem semel viderint Monachum, nunquam deinceps digneutur habere socium. Considera etiam quod mollior & remissior sit vita Clericorum, etiam regulariter viventium, quippe cum lineis induantur, carnibus frequenter vescantur, festis diebus non nisi novem lectiones legant: cum ergo tu famosus ubique & celebris habearis, & sæculo renuntiaveris, si mihi credere velles, magis consulere tibi Clericis tuis rigidior quam remissior expetere ordinem. His Abbatis Aquicenis persuasionibus Magister Odo animatus socios evocat; Abbatis consilium narrat, consensumque eorum super hoc expostulat. Protinus dictis ejus consentiunt, & ne ab aliquo si differretur averti posset, Abbatem præfatum ea nocte ibi manere deposcunt, seque die sequenti Monachos futuros promittunt.

Crastino igitur summo mane, finito Capitulo ad altare S. Martini XII. Clerici eunt; vestem Clericalem deponunt, & Monasticam cum benedictione & triduo silentio per manum Abbatis Haimerici suscipiunt, ita ut cum Matutinos & Primam ritu Clericali cantassent, jam Tertiam & omnes sequentes Horas usque in hodiernum diem Monachorum more cantaverint. Nec fessit Magistrum boni consilii susceptio, siquidem Sigerus ille Canonorum Præcentor, videns adolescentem filium suum Monachum factum, nequaquam illum ultra retrahere tentavit: sed ad perseverandum vehementer accendit, imò ipsemet præterea nutu Dei compunctus relictis mundanis divitiis, una cum fratre suo Her

Generosa  
Alaifi con-  
versio.

Odo Abbas S.  
Martini cum  
sociis reli-  
qui insistenti  
Clericorum,  
& a tum B-  
nedictinum

Sigerus Per-  
centor & H-  
mannus Pra-  
positus fra-  
tres sunt M-  
achi.

manno majoris Ecclesiæ Præposito, cujus longè superius mentionem fecimus, in Cœnobio nostro Monachus est factus, & quinque altaria quæ alteri filio suo nomine Adam Canonico acquieverat, nobis dari impetravit, quæ nobis singulis annis plusquam xxx. librarum pecuniam reddunt. Completo itaque triduo silentio Abbas Haimericus Monachis quos fecerat, ut jam sibi Abbatem eligerent consuluit: cumque Magister Odo unum de lociis suis eligere conaretur, omnes super eum irruentes unanimiter ipsum eligunt, electumque Domno Rabodo Episcopo præsentant confirmandum, consecratumque est sequenti Dominica Tornaci in Ecclesiâ sanctæ MARIE IV. Nonas Martii, anno tertio conversionis suæ. Adolescens verò ille quem prædiximus, Alulfus Monachus factus in Cœnobio nostro, Armarii, seu Cantoris officium XLVII. annis tenuit, omnesque libros beati Gregorii sæpius relegens, imitatus Paterium universas tam veteris quam novi Testamenti sententias ab eo expositas excerptens, tres exinde codices<sup>x</sup> composuit, & quartum de diversis & valde utilibus sententiis superaddidit, eisque Gregorialis nomen indidit, sicque XLVIII. conversionis suæ anno in bono proposito vitam terminavit. Sigerus verò pater ejus cum primùm factus fuisset Monachus, quâdam meridianâ in lecto dormiens vidit in somnis unum ex Canonicis sanctæ MARIE ante plures annos defunctum sibi apparentem, & de diversis colloquentem; cumque ille mortis ejus non immemor interrogaret ut sibi panderet quomodo se haberent animæ in aliâ vitâ: ille protinus respondit: Domne Siger quid quæritis de aliâ vitâ? In veritate dico vobis, quod qui propter Deum hic pauper fuerit, ibi erit dives. Statim Sigerus ad sui consolationem id se vidisse intellexit, Deumque super hoc glorificans nobis protinus enarravit.

Monachi S. Martini solitudinis amor locum detulerunt, sed jussu Episcopi redeunt.

39. Domnus itaque Odo Abbas factus, cum Monachis suis instituta & collationes, seu vitas Patrum assidue cœpit legere, & quidquid legisset illicd volebant opere adimplere; unde factum est ut zelum Dei habentes, sed fortè non secundum magnam scientiam, tertio adventus sui anno conqueri inciperent se non in bono loco remansisse, ubi clamores juvenum, cantilenas puellarum audiebant, ubi sæcularium vestes videbant, quibus ab intentione suâ plurimùm animus eorum impediretur, desertum potius expetendum, ubi liberius Divinæ possent vacare meditationi. Hæc & his similia per dies singulos invicem conferentes, & multoties exinde graviter suspirantes, tandem unanimi accepto consilio, dum quâdam nocte solito temperius Matutinos decantassent, finitis illis, vestes suas & libros plaustris imponunt, sicque ante mediam noctem Ecclesiam vacuum relinquentes præcedente Abbate, omnes, nullo civium sciente, quantocius de provinciâ exire satagunt. Mane verò facto cum cives Ecclesiam S. Martini orationis gratiâ ex more adeuntes quod gestum fuerat comperissent, illicd quasi urbis interitus immineret, gemere, alter alteri quod audierant cum mœrore nuntiare, non se dignos eorum consortio fuisse proclamare, postremò ad ipsam Ecclesiam catervatim currere, ubi dormierant, ubi comederant, cum lacrymis circuire, universæque regioni novam quamdam calamitatem superventuram ejulando cœperunt pronuntiare. Ubi verò per Sanctimonialia quasdam prope Ecclesiam commanentes, didicerunt eos Noviomum ire, qua-

tinuè à Domno Rabodo Episcopo, qui tunc ibi morabatur abeundi licentiam peterent, protinus evocato Everardo Castellano totius regionis illius Principe, cunctisque majoribus Urbis in unum celeriter congregatis, accepto generali consilio ad Episcopum festinatò miserunt, mandantes ei ut nullam spem ulterius ingredi Tornacum haberet, si eis licentiam daret. Legatus itaque equo vehementer calcitribus fatigato Monachos prævenit, Episcopo rem gestam retulit, deinde Principis & civium verba subjunxit: protinus Episcopus lacrymis perfusus respondit, hoc superflud cives mandasse; quoniam etiam si ipsi rogarent ut Monachos abire permitteret, ipse nullo modo super hoc eis assensum præberet. Continud ergo in viâ quâ eos venturos sperabat, ipse explorandi gratiâ legatum dirigit, eisque propinquantibus in occursum eorum pergit, videntem eos omnes ferè xxx. pedites venientes, militibus & Clericis suis, ut de equis descenderent, & Monachos ascendere facerent præcepit: Monachi verò ascendere nolentes usque ad Episcopum perveniunt, & in medio portæ Noviomensis urbis pedibus ejus prostrati, abeundi licentiam deposcunt. Protinus Episcopus cum nimio fletu è contra pedibus eorum prostermitur, & hoc se nullo modo facturum jurejurando profitetur: sicque ad domum suam eos ducens, ac pro tanti laboris levamine triduo secum retinens, liberaliterque reficiens, ad ultimum eos obedientiæ vinculo constrictos Tornacum redire coëgit; quod ubi civibus innotuit, illicd quasi post tenebras solem cernerent redeuntem exultant, & procul ab urbe eis occurrere præparant. Contigit autem eos redire in Exaltatione sanctæ Crucis, quando celebrem illam processionem per circuitum urbis superius diximus institutam à Rabodo Episcopo pro igneâ pestilentia. Canonici itaque qui jam urbe cum Sanctorum pignoribus egressi fuerant, ut eos reverti audierunt, cum totâ processione ferè lx. millium hominum eis obviam pergunt, & cum gaudio ad S. Martini Ecclesiam eos reducant.

An. 1095.

40. Exinde cœpit Ecclesia nostra paulatim cum Dei adjutorio crescere & multiplicari usque in præsentem diem. Tunc primùm cives Torn. certiores facti de eorum stabilitate, præfatum Episcopum adeunt, terrarum antiquarum S. Martini quæ quondam destructo Cœnobio in manu Episcopi devenerant, & de manu Episcopi in beneficio tenebant, mentionem faciunt, utque eas S. Martino redderet unanimiter deposcunt. Eâ tempestate Balduinus ille Advocatus Torn. cujus superius mentionem feci, jam sæculo renuntiaverat, & in Cœnobio Beccensi, quod in Normannia situm est, sub venerabili Abbate Domno Anselmo postmodum Archiepiscopo Cantuariensi, Monachus factus fuerat: Radulfus verò germanus ejus Miles strenuissimus ei in Advocatione successit terrarumque sancti Martini cum Advocatione in beneficio de manu Episcopi suscepit: Hunc itaque Radulfum Episcopus secretè convocans, suavoris verbis ad eleemosynam accendere cœpit; & ad ultimum ut easdem terras Monachis illis pauperibus pro animâ suâ dimitteret, rogavit, & ô incredibilis Spiritus sancti clementia! inflammatum illicd cor hominis est, benignè ad omnia respondit, & sine ulla dilatione terras illas Episcopo reddidit, Episcopus verò eas privilegii sui auctoritate sancto Martino liberas reddidit. Sed quia præter illud privilegium nullum antiquæ scripturæ habemus testimonium,

7

<sup>x</sup> tres exinde codices] Extant in Biblioth. S. Martini Tornac. in 4. voluminibus, in quorum ultimo legitur: *Hæc de Greg. riis quæ traxit opuscula libris Gregori. precibus in pace quiescat Alulfus.*

Alulfi Opus editum est Parisiis.

<sup>y privilegii</sup>] Id Privilegium refert D. Agidius Duquesne Prior S. Martini Tornac. in historia M. ejusdem Cœnobii.



quod Ecclesia nostra antiquitus Abbatia fuerit, nisi solummodo quod continetur in vita sancti Eligii Episcopi, qui moriens evocato Balderedo Tornacensi Abbate, præcepit ei ne ad suos Turonis rediret, minus confidenter eam confirmans Abbatiam fuisse: fuerit ergo necne, illud fidenter asserimus Domnum Odonem nihil in eâ invenisse. Quid etiam mihi in adolescentiâ contigerit dicam.

41. Quidam ex Monachis nostris Corturiacum ad Clementiam Comitissam directus, invenit ibi quemdam Abbatem qui ad eandem venerat; à quâ interrogatus unde esset, cum de sancto Martino se esse respondisset, Abbas protinus ille percunctari cœpit, ubi esset, & cujuscumque esset Abbatia sancti Martini Tornacensis; cumque Monachus propè eam esse, nec antiquam, sed novam, & ante viginti annos constructam fuisse dixisset: Abbas protinus subjunxit; Verè, frater, plusquam trecenti anni sunt ex quo Abbatia sancti Martini Tornacensis facta est; nam in Ecclesia nostrâ adhuc servantur privilegia sancti Martini Tornacensis, quæ Monachi ejus Wandalorum persecutionem fugientes ad nos attulerunt, & ibi reliquerunt. Ego ipse verò multoties quæsi ubinam terrarum sit Ecclesia sancti Martini Tornacensis, sed hætenus scire nequivi. Tunc Monacho Abbatem sciscitante unde esset, Abbatem de Ferrariis se esse respondit. Rogatus verò multum ut Tornacum veniret, non sibi vacare respondit. Monachus rediens cum hoc nobis retulisset, illicò rursus cum alio litterarum perito Corturiacum sciscitandi plenius gratia remittitur; sed Abbas qui jam discesserat, non invenitur. Magnus nobis dolor, magna quæstio exoritur ubi sit Ferrariensis Ecclesia quærimus, sed discere nequimus.

42. Post duos annos generale Concilium à Papa Calixto Remis indicitur, qui Papa frater erat Clementiæ Comitissæ, qui prius fuit Viennensis Archiepiscopus, & vocabatur Guido, ibi spes aliquid audiendi nobis renascitur, negotii hujus indagatio mihi imponitur, cum necdum, sicut puto, essem Diaconus. Totâ die circumeo Ecclesiam sanctæ Mariæ, & in tanto Conventu oppressus, cui-cumque Monacho obvio ubi sit Ferrarias requiro, & per triduum nihil proficio. Interdum deficio, sed vires reddit mihi ille versiculus: *Labor improbus omnia vincit*. Tandem in Episcopatu Parisiensi Ferrarias esse audio; *Deo gratias* clamo, per Clericos Parisienses Abbatem Ferrariensem agnosco, protinus illum adire cupio, sed turbâ impediens nequeo. Tandem diù desideratam Papa donante comedendi licentiam, Abbati me conjungo; verba quæ Monacho sancti Martini Tornacensis apud Corturiacum ante biennium dixerat recolo, facile cum recordari gaudeo; quid in illis privilegiis quæ apud se servari dixerat contineatur, sciscitor. Respondit Caroli Regis Francorum esse privilegium, sigillo ejus confirmatum, & in eo scriptum esse, quod petente Ingelranno Comite de Castellandum Rex Carolus dederit sancto Martino Tornacensi, villam quæ vocatur *Supas* in pago Parisiensi, cum molendinis & omnibus aquis, oportunitatibus; appositis in fine testibus, & die simul ac loco donationis. Rogo illud mihi dari privilegium, quoniam ipsi non erat proficuum; respondit se non gratis illud daturum; promitto ei centum solidos: diem mihi ponit, quo ad eum veniam, viam docet quâ pergam, ut scilicet primùm Parisius, deinde Castellandum, inde Ferrarias proficiscar. Tornacum gaudens redeo, audita refero, pecuniam defero; Parisius transiens Ferrar-

ias venio, Abbati nummos ostendo, privilegium mihi dari postulo: sed Abbas (sicut Monachi ejus mihi dixerunt) timens offendere Militem qui villam tenebat, respondit privilegium illud se post Concilium invenire nequivisse; accepto tamen à me uno pretioso cingulo ad villam ipsam, quæ *Supas* dicitur, & duobus milliaribus aberat me duci fecit, ubi visis molendinis & loci oportunitatibus lacrymas tenere nequivi: ingressusque Ecclesiam, unum vetustissimum codicem jam penè dissolutum & putrefactum inveni; in quo scriptum vidi: Liber sancti Martini Tornacensis Cœnobii. Egrediens cuidam seni & decrepito rustico obviavi, eumque cujus esset illa villa quæsi. Respondit Jolcelini, Militis, & aliorum quorundam. Cui ego, quæso inquam pater, dic si aliquando eam audisti alicujus Sancti fuisse. Scimus, inquit, omnes hanc villam fuisse cujusdam Abbatia quæ dicitur sancti Martini de Tornaco, sed nescimus ubi sit; & miramur quid faciant maledicti Monachi illius Abbatia, qui talem villam non repunt. Tum ego, & quomodo, inquam, pater audisti talem villam datam tam ignotæ & longinquæ Abbatia. Audivi, inquam, quemdam Militem hujus regionis, cujus erat hæc villa, in illam provinciam cum aliis militibus solidarium abuisse, ibique vulneratum & desperatum in Abbatia illâ Monachum factum fuisse, sed postea sanatum rediisse, & villam suam per Regem Carolum eidem Abbatia sancti Martini confirmasse. Hæc audiens, sed nihil ampliùs facere valens, tritis reverius sum, super hoc tamen gaudens, quod aliquantulum certior fui de Abbatia nostræ antiquitate, unde certissimum factum certissimum reddit quod alias me legisse recolo.

43. Sanctus enim Audoenus Rothomagensium Metropolitanus, gesta B. Eligii clarè & fideliter describens, inter cætera refert ipsum primitus aurificem fuisse in Curia Lotharii Regis Francorum filii Chilperici, qui Ecclesiam beatæ Mariæ Tornacensis valde ampliavit, de quo postea dicemus, ipsoque rogante expensasque præbente universis tumulum Beati Martini Turonis ex auro & lapidibus præiosis composuisse: quâ occasione atque oportunitate, nec sine Domini voluntate, ut postmodum clauit, factum est, ut duos dentes de maxilla Sancti detraheret, sibi pro Reliquiis retineret. Quando post longum tempus septimo loco à Beato Euthe-rio sortitus est dignitatem Cathedræ Episcopalis Tornacensis Ecclesiæ, & pastoralis curâ regendas suscepit plebes Tornacenses atque Noviomagentes anno Domini DCLXIX. quas rexit per XVII. annos, id est usque ad annum Dominicum DCLXV. quo paucis diebus Sacerdotio administrato placuit Deo qui illi suggesserat dentes Sancti à corpore separare, quatinus jam ageretur opus, quo beata pignora in finibus Galliæ venerationi haberentur, & quod saluti venerantium plurimum patrocinaretur. Moxque divino inflammatus initinctu, mirâ erga Sanctum accensus est devotione; deinde mente pertractans cum quantâ reverentiâ excolendæ essent reliquæ, nec fas est eas sub modio latere, visum est ei per hoc præstantissimum honorem, atque potissimam frequentationem obtinere si tali loco reponerentur, quo memoria alicujus Sancti hætenus minimè habita fuisset, sed solummodo pro sui eximietate locus deinceps à populis frequentaretur. Igitur uno dente Noviomii in Ecclesia beatæ Mariæ recondito, alterum Tornaci detulit. Erat tunc in introitu ejusdem civitatis ad plagam meridianam mons eminentissimus sylvâ opertus, arbutis pomiferis diversis generis con-

Dentes duos à corpore S. Martini extraxit S. Eligius, unus in Ecclesia Noviomagensi, alter in

z *Supas*] Gall. *Suppres sur Loim*, in Diocesi Senonica.



in Monasterio  
Sancti Marti-  
ni Tornac. re-  
posuit.

situs, ubi sic segnis animus recreabatur, ac si partem amoenitatis Paradisi se occupasse gratularetur. In hoc dicebatur antiquitus Beatus Martinus corpore consedisse, prædicationis gratiâ Gallias perlustrando, mortuumque ibi suscitasse; & innumeris infirmis multa sanitarum beneficia præstitisse, per quæ non modicam turbam Gentilium ad cultum Dominicum convertit. Hunc ergo locum à Beato Martino prælectum, & per suam præsentiam sacram, Dei famulus Eligius expetiit eligendum. In quo dentem Sancti reponens, domum illic baptis- matis in honore ipsius ædificavit, quo ad laudes divinas Sacramentorum ministris celebrantibus, populus Deo dignus posset confluere, & charismata divina percipere. Qui nequaquam oblitus sui desiderii destinationem, habitationes Monachorum ibidem construxit: verum progrediente tempore, & crescente paululum devotione fidelium erga ipsum locum, videns nonnullos animatos ad hoc quod diu mente tractaverat, scilicet ad serviendum Deo sub regulari normâ, atque communi vitâ vivere paratos, ne præparata habitatio sine habitatoribus esset, collegit ibidem quam plures ex diversis gentibus tam servos quàm ingenuos, Abbatemque ad cujus nuntum penderent, eis præfecit. Vitæ verò institutionem tam districtam indidit, ut penè singularis fuerit vita eisdem Monachis præ cæteris Galliæ Monasteriis. Tunc undique Nobiles inibi convenire cœperunt, ac se in omnipotentis Dei famulatum tradentes, possessiones suas etiam hereditarias eidem loco delegaverunt. Ipse quoque Eligius amplioribus prædiis locum illum ditavit, terras, redditus sufficienter delegavit, & omnia quæ essent Monasterio necessaria, solerti fatis curâ providit: ex quibus nonnulla de Episcopalibus redditibus possederat, quædam pretio comparaverat, quædam ex munere Regio perceperat, aliquanta verò ab aliis potentibus gratuita largitate data susceperat. Regi namque Clodoveo, cujus Imperii tertio anno Pontificalem susceperat insulam, & cunctis primoribus ejus pro anterioris fraternitatis conjunctione, quam cum eo in palatio sub patre suo Dagoberto, atque avo Lothario habuit, in tantum carus erat, ut quidquid ab eo postulasset absque dilatione impetrasset; quidquid verò adipisci poterat cuncta prædicto loco tribuebat, quem novissimè in finibus Galliæ fundaverat, post præclara Cœnobia quæ per diversa loca construxerat: unde factum est ut brevi elapso tempore res ibidem delegatæ, usibus Fratrum illic Deo servientium per omnia sufficerent. Quarum possessionum sub hoc tempore Ecclesiæ collatarum exstant monumenta usque in hodiernum diem, quæ quomodo ad notitiam nostram pervenerint, hoc loco inferere dignum duximus.

44. In Ecclesiâ Beatæ Mariæ Tornacensis quidam Canonicus nomine Erbalus exstitit, qui officium Thesaurarii in eâ pluribus annis administravit, sed post aliquanta annorum curricula letali infirmitate depressus, ad Beati Martini confugit auxilium. Cui ægrotanti dum quâdam die assisteremus, & de antiquitate hujus Ecclesiæ mutuo confabularemur, subito æger ut erat talem sermonibus nostris responsionem consequentem intulit, dicens: Verè, Fratres, hic locus Abbatia duntum fuit, quoniam ego in vetustissimis membranarum infra ambitum Ecclesiæ Beatæ Mariæ repositis antiquas possessiones & redditus hujus Ecclesiæ descriptos sæpissimè legi, ubi etiam servorum ejus atque ancillarum non minima multitudo continebatur. Quæ verba vel scripta antiquitati Ecclesiæ testimonium reddunt: neminem tamen ex servis aut ancillis vel possessionibus nominatim indicavit, quoniam quæ posterita-

tes vel familiæ hodie ex eis existant, vel quibus successoribus in dominium nunc tenentium devenerint, propter diuturnam exheredationem non facile edicere valuit. Cujus verba cum Canonicis Beatæ Mariæ referimus, & veritatem nobis plenius sciscitamus aperiri: respondent nullum scriptum possessionum nostrarum nominatim totâ Bibliotheca suâ haberi, sed præcis temporibus evenire potuit, ut aliquæ determinationes finium nostrarum cum scriptis luorum intermiserentur, quæ jam vetustate nimia deleta nusquam apparent, sed & si quæ fuerint, quamdiu integra manserint, Erbalus, cujus custodiæ mancipata erant, sæpe legendo reperire facile potuit, quod aliis nequaquam occurrit. Hæc audientes, sed nihil proficere valentes dolemus; firmissimè tamen tenemus quod relatione paternâ didicimus, ut scilicet tempore persecutionis Normannicæ nonnulla de suppellectili Ecclesiæ nostræ, & possessionibus cum dente Beati Martini, in ejus veneratione fundatum erat Cœnobium Monachorum à Beato Eligio, in Canonicorum Beatæ Mariæ dominium tunc devenirent, aut ad custodiendum suscipientes, aut aliquâ mutue vicissitudinis gratiâ juri suo mancipantes; usque in hodiernum etenim diem apud eos dens haberi dicitur, & per verba subscripta dignoscitur: verba autem Erbalus vera fuisse non dubitamus, quia mos qui in chartis scribendis hodie frequentatur, jam ab illis temporibus inolevit: sicut enim de possessionibus & altariis quæ hodie à Principibus & Episcopis Ecclesiis dantur duo chirographa videmus conscribi, quorum unum ex propria impressione sigilli Datoris sigillatum Ecclesiæ, cui traditur possessio, delegatur; alterum verò non sigillatum Ecclesiæ ubi sedes est Episcopi, remanet. Ita scripta illarum possessionum quæ antiquitus hæc Ecclesia possedit, eodem modo Canonicis sanctæ Mariæ tradita fuisse liquidò patet.

45. Nostris etiam temporibus homines provectionis ætatis sæculi Scaldum circa Helcin & sanctum Genesium fuerunt, qui se ab antecessoribus suis audisse dixerunt, quod Ecclesia ista antiquitus infra fines memoratos præclaros redditus possederit: ipsas verò possessiones determinantes dicebant, quod altaria villarum memoratarum, prata, nemora, terras arabiles, servos, ancillas, & cæteros redditus, quos nunc ibi tenet Episcopus, Canonici & Milites de Episcopo. Altaria quoque de Currago, & de Henis Monachis discedentibus juris sui allodium effecerunt: quia autem restaurata est ipsa Ecclesia, ejus antiquitatis monumenta idcirco non deteguntur, ne inter filios utriusque Ecclesiæ aliquod dissidium vel controversia oriatur pro repetendis possessionibus. Quod verò habeant privilegia Ecclesiarum sancti Quintini de foro, Beatique Petri de mediâ urbe, in quibus congregationes Christo famulantium olim manserunt, & adhuc inrestaurata manent, possessionesque earum teneant, plenissimè fatentur.

46. Sed & aliud testimonium ejus antiquitatis, quod usque in præsens tempus permanet, nequaquam silentio tegendum esse arbitror. Mòs antiquitatis institutus tunc temporis servabatur in Ecclesiis; ut nomina Fratrum circumadjacentium Ecclesiarum, quibus se mutuas orationes debere vel societatem promississe noverant, super sanctum Altare scripta ponerentur; quatinus Sacerdos Missam cantantibus nominatim recitaret, cum ad illum locum venisset, quo dicitur: *Memento, Domine, famulorum famularumque tuarum, qui nos præcesserunt cum signo fidei, & dormiunt in somno pacis.* Tunc enim unus ministrorum altaris ei propinquans præsentabat recitanda. Hanc autem conjunctionis fra-

ternitatem antiquos Monachos Cœnobii hujus cum Monachis sancti Amandi Helnonensis novimus habuisse: scriptum namque illud, in quo nomina Fratrum sancti Martini cum nominibus Fratrum Ecclesiarum finitimarum continebantur, usque ad nostra tempora in eodem Cœnobio Helnonensi permansit; quod etiam quidam nostrorum manibus tenuerunt & oculis inspexerunt. His itaque testimoniis assumptis, quæ aut scriptis aut successione cognovimus, fidenter antiquitus hunc locum Abbatiam fuisse confirmamus: neque tam præclara testimonia superius relata in vanum usque præsentem diem conservata fuissent; quamquam profiteamur non omnia notitiæ nostræ occurrere.

47. Idem verò auctor noster Beatus Eligius, ut in gestis ejus legitur, simili modo in pago Medenante municipii Tornacensis, quod vocatur *Siclinium*<sup>a</sup>, tumulavit beatum Piatonem Martyrem, Ecclesiam jam à passione ejusdem Martyris constructam juxta facultatem virium suarum amplificans, Dei se omnipotentis comitante auxilio, ac officia Domino famulantium Clericorum constituens, sicut usque in præsentiarum cernimus: sed nos Sicliniensibus augmentationes finium suorum monumentis tradere relinquentes, ad narrandum modum desolationis primitivæ Ecclesiæ nostræ calamum impereamus.

48. Perceptâ Tornacensis civitas cognitione fidei Domini nostri JESU CHRISTI à beato Piatone anno ferè ccc. ab Incarnatione Domini, cessante etiam persecutione atrocissima, quam Diocletianus in Oriente, & Maximianus Herculus in Occidente exercuerant, sub quâ idem Martyr passus fuerat, fundatis quoque Ecclesiis Beatæ Mariæ sanctique Martini, atque in Deificâ pace proficientibus tam interioribus quàm exterioribus, cœperunt plebes Tornacenses crescere nomine, multiplicari propagine, dilatari possessione, gloriari vanitate, jocundari prosperitate, epulari delicate, propriisque delectationibus frui per annos sexcentos minus xix. id est usque ad annum Dominicum dccc. lxxx. quibus deliciis non tantum feliciter usi, quantum infeliciter decepti sunt; vitiis namque concupiscentiæ veram religionem neglexerunt, Deum offenderunt, ejusque iram incurrerunt: cum subito eisdem prosperitatis temporibus animositatem durissimarum gentium Deus commovit, iram offensionis suæ contra populos diversarum gentium vindicaturus; tuncque multitudo Normannorum properans truculenter (ut anno Dominicæ Incarnation. ccccliii. Wandalos fecisse legimus temporibus sanctissimi Nicæsi, Meroveo regnante super Francos) subvertit munitiones multarum urbium, gladioque & igni interemptis utriusque sexûs progenitoribus cum filiis, ac per triginta ferè annos Galliam depopulare insistens, Tornacensis quoque civitatis inter cetera facinora sua destruxerunt muros, & ædificia depopulati sunt, cives & populos desolati sunt, possessiones & suppellectilia universa cum Ecclesiis finitimis ac inhabitabilem penitus reddiderunt; quod qualiter factum sit mandare scriptis, notificare posteris decrevimus, quantum ex scriptis Chronographorum, vel dictis modernorum colligere possumus.

49. In Chronographia Sigeberti Monachi Gemblacensis reperitur, quod Normanni adjunctis sibi Danis anno Domini dcccclxxxi. Franciam & Lotharingiam pervagantes, Atrebatibus, Ambianis, Corbeiam, Cameracum, Tarvennam, fines Menapiorum Bracbatensium, omnemque circa Scaldum flumen terram (Tornacum scilicet & ejus confinia,

Gandavum, Cuttracum, Abbatiam sancti Amandi Helnonensis in Condato supra ripam Scaldi, sedem sibi ponentes primo anno Episcopatus Heidilonis Tornacensis Episcopi) Monasteria sancti Wallarici & Richarii, Leodium, Trajectum, Tungris, Coloniam, Bunnam cum adjacentibus castellis: Aquis oppidum & Palatium, Monasteria Stabulaus, Malmundarium, Indam, Prumiam, Treverim, Metim ferro & igni devastaverint. Quâ tempestate Tornacus sedes Episcopalis erat, & per ccc. ante transactos annos minus xvi ipsam dignitatem comprobatur obtinuisse, quia ab anno Domini cccclxxxiii. sanctus Eleutherius Pontificatum illius rexit, & ante paucis diebus præfuit Theodorus, de quo nec ortus, nec ordinatio, aut quantum temporis præfuerit scitur: sed tantum quod spiculo Divino, id est, ictu tonitruum interemptus sit, memoratur.

50. Exstat & alia Chronographia de hac infestatione Normannica, propriè composita à quodam Monacho Marcenensi, qui supradictæ testimonium dat, nomine tenens scribens Tornacum tunc depopulatum esse, & ad nihilum reductum fuisse; addens quod Emmo Tornacensis Pontifex à Normanis interfectus sit anno Domini dcccclx. ante hanc devastationem xxi annis. In quo opere idem digressor temporum præclaro stilo digere bella ac prælia, quæ Normanni ob insatiabilem sitim fundendi humanum sanguinem habuerunt adversus Remenses, Parisienses, Aurelianenses, atque Compendioses viriliter decertando.

51. Eâ tempestate Monachi sancti Martini de civitate Tornaco dispersi, unusquisque per loca opportuna in quibus se commodius acturos, vel amplius profuturos sperabant, & locum proprium, & cives quorum tutamine dudum protecti fuerant, divino auxilio roborati, beneficio amplificati reliquerunt. Unde quidam eorum cum essent dispersi per amplissima mundi spatia, bonis quoque quæ ubique repererunt jocundati, & consuetudine locorum quàm invenerunt contenti, ut multorum verba testantur, loca sua prius desiderabilia, nunc in planitiem deducta ulterius repetere neglexerunt, neque laborem ipsas ruinas relevandi assumere voluerunt, sed illis in locis quod fugerant præsentem vitam terminaverunt, possessiones suas hereditarias pro beneficiis acceptis eisdem locis perpetuâ donatione tradentes. Nonnulla verò pro penuriâ & incommoditate necessitatum suarum accepto pretio vendiderunt. Quædam verò tutore & defensore carentes, in dominium Laicarum potestatem transierunt. Ad Abbatiam verò quæ erat in Episcopatu Parisiensi sita, in oppido *Ferrarias* nominato, pars quædam eorum quibus devotio major in Deum, & mens sanior inerat diverterunt, deferentes secum de suppellectili Ecclesiæ suæ pauca quædam, vel quæ utiliora sibi fore arbitrati sunt; cum quâ specialiter fuisse Chronographum villæ cujusdam illius regionis, quæ dicitur *Supas*, indicis supra relatis deprehendimus anno ferè xx. secundæ restorationis. Habebant enim in proximo, quasi in spatio duarum leugarum eandem villam amplis possessionibus dilatam, redditus copiosos reddentem, ad quam idcirco diverterunt, ut ex ejus redditibus opportuniùs sustentarentur, ipsique custodiendis vigilantius insisterent, quatinus usibus suis valentiores existere possent; quam quomodo possederint, quia superius diximus, hîc recapitulare superfluum duximus. Congregationi verò illi idcirco se sociaverunt, ut vota labiorum suorum, observantiam scilicet Regulæ, quâ Deo & Beato Confessori ejus Martino se noverant devovisse

<sup>a</sup> *Siclinium* Vulgo *Seclin en Melanchois*.

quia in loco quo quidem potuerunt promittere, nequaquam valebant persolvere, saltem in alio loco regularium præceptorum integrâ observatione recompenfarent.

52. Quo tempore credimus factum fuisse ut dentem beati Martini cum scriptis declaratis, & quibusdam utilibus hujus Ecclesiæ usurparent Canonici Ecclesiæ B. MARIE, quidam verò quæ deferre non potuerunt, sub terrâ circâ ambitum Ecclesiæ absconderunt, sicut usque in præsentem diem dicitur: unde & ille thesaurus qui ad caput capellæ B. MARIE ostensus est in somnis cuidam Clerico nominato Bernardo filio Vitalis, de quo suprà dictum est, quem multi nostrum noverunt; de hac Ecclesiâ creditur fuisse. Vidit enim assistere sibi quamdam puellam facie decoram, crinitis crinibus comptam, compositis vestibus ornatam, & dicentem: Respice fenestra, cruces, textus, phylacteria, aliaque ornamenta Ecclesiæ, quæ ad solem defero. Quæ omnia cum ille diutius intuitus esset, adjecit puella & ait: Vide ut nemini dicas hæc tibi fuisse ostensa, quoniam si dixeris & mandatum meum præterieris, infra xxx. dies morieris. Statim ille exiguus, præ nimia cordis exhilaratione, quæ viderat silentio tegere nequiebat; sed plenissime enarrans, secundum verba puellæ ante diem xxx. obiit; ita ut cum vespere sanus dormitum iret, mane inventus esset mortuus. Sed quia thesaurum revelatum necdum videmus, somnium ejus verum fuisse non confirmamus; tamen per hoc quod ad diem xxx. non pervenit, falsum omnino non fuisse quod sonuit, claret. Fortè enim necdum venit tempus eum revelandi, aut necdum cui repositum est advenit. Fuerit ergo necne quod ei ostensum est, nos tamen frequenti relatione antecessorum nostrorum didicimus copiosos thesauros circâ ambitum Ecclesiæ repositos haberi, loca quoque ubi conservantur, nostris temporibus quibusdam per somnium revelata sunt, è quibus una matronarum existit, Hersendis nomine, quæ duo loca nobis designavit, dicens demonstratum sibi fuisse in uno puteum haberi, atque in altero thesaurum conservari; puteum quævisimus in loco designato, & invenimus nimium perspicuam aquam habentem, in quo etiam reperimus vasa quadam area usibus Ecclesiæ satis congrua; locum verò thesauri in proximo versus occidentalem plagam designato nondum effodimus, ideoque si aliquid veritatis in eo contineatur, ignoramus.

53. In præfatâ persecutione Beatus Pius Sicliniensis asportatus est Carnotum, ubi priusquam Tornacum veniret CHRISTI nomen prædicaverat, sed illis prædicationem ejus non recipientibus Tornacum petiit, ibique fidem Domini nostri defendit; de cujus corpore usque ad nostra tempora litigatio grandis exstat, dicentibus nobis Siclinii relatum esse ad loca passionis suæ; Carnotensibus è contrario affirmantibus usque in præsentem diem apud se reservari: ad quam licet sedandam, fateri necesse est quod à majoribus nostris accepimus, ut scilicet relato apud nos corpore, pars aliqua ibi credenda sit remansisse; apud Siclinium enim detectâ arcâ quæ corpus Martyris servabatur, anno Dominicæ Incarnationis MCLIII. populo demonstratus est: <sup>b</sup> de cujus corpore dentem suscipere meruerunt Monachi S. Martini Tornacensis, deinde pristino loco restitutus magnâ cum custodia servatur, gaudetque Ecclesiâ Siclinii Martyris præsentia se non esse destitutam.

54. In populo Sicliniensi seviebat pestilentia illa quæ vulgò dicitur ignis [inferni,] adeo ut quosdam

non solum membris privaret, sed & vitam eis auferret; è quibus multi ad Beati Martyris Basilicam Siclinii constitutam manibus alienis sunt delati. Hinc Ecclesiâ clamoribus turbatur, Deique auxilium & Martyris suffragium ab omnibus imploratur. In fetore autem quo conservabantur Beati Martyris reliquæ, sculptæ erant x. virgines Evangelicæ, v. videlicet prudentes & v. fatuæ. Hæ itaque omnes affectum Martyris ostendentes, miserorum doloribus condolentes, & Domini voluntatem exequentes, ita flebant ut crederentur sensibiles, in quo facto summæ virtutis potentia, & Beati Martyris Piatonis claruit præsentia, qui sicut dum in corpore viveret, & populos ad fidem Christianam cohortaretur, non solum lacrymarum copiam, sed proprium ad extremum pro his fudit sanguinem, ita tunc affectus magnitudinem per subjectas demonstravit imagines. Ex oculis namque prudentium guttæ sanguinis emanabant, ex oculis autem aliarum lacrymæ velut aquæ fluebant. Post hoc autem miraculum Divinum auxilium & Martyris solatium infirmi persentiunt, & qui mori putabantur, sanitati redonantur. His de præsentia corporis Beati Piatonis, atque de antiquitate Abbatiæ nostræ dictis, ad ea unde digressi sumus redeamus.

55. Cum ergo Dominus Rabodus Ecclesiæ nostræ terras antiquas reddidisset, veniens ad Capitulum consuluit Abbati Odoni ceterisque Fratribus ne sibi metipsis ulterius crederent, nec quæcumque in vitis Patrum legebant protinus facere vellent, sed potius aliquod Cœnobium eligerent, cuius consuetudines servarent. Placet consilium Episcopi. Eligitur Cœnobium Aquicinenſe quod xv. annis ante nostrum fuit constructum, quodque solum tunc temporis in provinciâ nostrâ Religionem & consuetudines servabat Cluniacensis Cœnobii. Dominus itaque Odo Abbas, Abbatem Aquicinenſem Haimericum expetit, & quia tam se quam omnes suos Monachos ejus esse recognoscebat, utpote ab eo factos & benedictos, ut etiam qualiter vivere debeant edoceat, exorat. Annuit religiosus Abbas, statimque de suis Monachis in Cœnobio nostro Priores instituens, ac de nostris Aquicinum secum docens libenter nobis collaborat, & tam ipse quam Fratres ejus efficiuntur nobis in consilio ut patres, in auxilio ut fratres, in famulatu ut servi. Unde præ ceteris provincialibus Cœnobiis majorem semper familiaritatem erga Aquicinenſes habuimus, ita ut communia sint omnia nostra tam intrinsecus quam extrinsecus, & quidquid agimus pro Fratribus nostris vivis vel defunctis, hoc pro illis nos agere concesserimus, idem reciproca vicissitudine ab eis accipiamus.

56. Cœperunt interea saculo renuntiantes quamplures utriusque sexûs, ad Ecclesiâ nostram conversionis gratiâ venire, nobisque de suis facultatibus tradere. Prima ergo quantum mihi videtur, ad conversionem venit Ida illa nobilis Matrona, cujus superius memoriam feci, quæ fuerat conjux Faltradi Advocati, qui magnopere restaurationem Ecclesiæ nostræ videre desideravit, sed morte præventus videre nequivit. Hæc nobis inter cetera unam domum in urbe, & molendinum inferius suprà Maiam donavit, quæ usque in præsentem diem tenemus; & eum nobilissima, numquam tamen inter alias Sanctorum niales nisi ultimæ ancillæ officium tenere voluit. Hæc fuit germana nobilis illius principis Theoderici de Avesniis, qui eodem tempore in propriâ terrâ suâ Cœnobium Lescience à fundamentis construxit, omnibusque officinis peractis Monachos ibi posuit, & unde victum & vestitum haberent abundanter

<sup>b</sup> demonstratus est] Per Simonem Episcopum Tornac.

Providit: cujus quando mentio incidit, & alius referendi locus non est; quiddam de eo dicam unde legenti cuilibet, & imitari volenti utilitas possit conferri. Hic itaque Theodericus vir nobilis & magnæ potentia, dum contra Comitem Montensem Balduinum frequenter bellum gereret, quâdam die congregatâ non modicâ militiâ, terram ejus violenter intravit, multamque prædam exinde abducens, inter cætera quæ ibi gessit etiam duo Monasteria Sanctimonialium, sanctæ scilicet Waltrudis Montensis, & sanctæ Aldegundis Malbodiensis, concremavit, pro eo quod ibidem milites sibi resistentes Comes posuerat.

57. Heremita quidam in proximâ silvâ quæ Brocherota vocatur commanens solitarius, vidit sicut ipse referebat non dormiendo sed vigilando mediâ die sanctam Dei Genitricem MARIAM in cælo instar Regina præcelsæ throno residentem, illasque duas prænomînatas Sanctas pedibus ejus se prosternentes, & de Theoderico Avesniensi, qui Ecclesias earum combusserat ultionem postulantes; cumque vehementer conquerentes acris justitiam expeterent, sancta Virgo sic eis respondebat: Parcite, quæso; mihi que nolite esse molestæ, quia nolo ad præsens eum gravare; uxor enim ejus Domina Ada quoddam servitium mihi facit, quo me sibi sic familiarem adstringit; ut nec ipsi, nec marito ejus pati possim aliquid inferri gravaminis. Cumque illæ Sanctæ requirerent, quod esset illud servitium, respondebat, Angelicam illam salutationem, quæ in terris principium mihi lætitiæ extitit; singulis diebus mihi sexages replicat, & vigies quidem prostrata, vigies genibus flexis, vigies autem stando aut in Ecclesiâ aut in cubiculo suo, aut in aliquo secreto loco *Ave Maria gratia plena Dominus tecum, benedicta tu in mulieribus, & benedictus fructus ventris tui*, mihi commemorat. Cum vero illæ Sanctæ instantius multa replicantes, sese vindicari importunè exigerent, tandem sancta Virgo sic eis respondit. Rogo ut mihi ad præsens de hac ultione inducias detis, & ego promitto vobis, quod veniet tempus quando de eo vobis justitiam faciam, & contra dominum Adam nihil delinquam. Hoc ego in pueritiâ meâ audiens falsum esse credidi, postea verò verum esse potuisse non nimium dubitavi. Siquidem Abbas noster Odo post duodecimum ferè conversionis suæ annum ad Episcopatum Cameracensis urbis fuisset promotus, sanguinei ejusdem Theoderici contritati, quod de conjugis suæ prolem non haberet, consanguinitatis lineâ quartâ eos propinquos esse coram eodem Episcopo accusaverunt, & die statutâ jurejurando confirmaverunt, sicque Ecclesiastico judicio, cum jam plusquam xx. annis simul mansissent; conjugium illud dissolvi fecerunt. Vix autem dimidiis annis transierat, & ecce præfatus Theodericus in sylvam venatum pergens ab Isaac de Berlenmonte insidiis circumventus occiditur, & ad Cænobium Lesciense quod ædificaverat relatus, in Capitulo ante sedem Abbatis sepelitur. Tuncque vulgatum est verum esse potuisse quod solitarius se audisse dixerat, sanctam MARIAM promittentem quia eas vindicaret; & contra dominam Adam jam ab eo separatam nihil delinqueret. Eadem verò domina à marito suo disjuncta, continentudine relicta sæculari pompâ ad Cænobium præfatum, quod cum viro suo construxerat, abiit, nec tamen ex toto proprietatem dimisit, sed edificatâ juxta Ecclesiam sibi domo lapideâ; nolens gravare Ecclesiam, de redditibus suis usque ad finem vixit, frequenterque Monachis quæ necessaria erant tribuit, & quod retulimus verum fuisse multis narravit. In

tantum verò id diffamatum est, ut etiam Gosceuginus filius domine Adæ primæ Sanctimonialis nostræ, qui avunculo suo præfato Theoderico successit, easdem salutationes Beatae MARIÆ quotidie replicaret, militibusque suis eas dicere suaderet; quamobrem & ipse licet multa mala fecerit, tamen bono fine vitam terminavit: nam sentiens se validâ agitudine laborare, in eodem Cænobio Monachus factus, sicque defunctus, juxta avunculum suum in Capitulo est sepultus. Qui quoniam de Agnete conjugis suæ filiâ Anselmi de Ribotmont prolem non habuit, Galterum optimum juvenem germani sui Fastradi filium, successorem sibi in vita suâ constituit. Præfata verò Agnes uxor ejus dominam Adam imitata, relicta sæculari pompa ad idem Cænobium abiit, & de redditibus suis vivens, calices aureos, & candelabra, multaque alia pretiosa ornamenta Ecclesiæ illi fecit componi. Fastradus autem iste, quem nunc nominavi patrem Walteri, filius fuit illius Idæ primæ Sanctimonialis nostræ, qui etiam Fastradus cum Advocatus Tornacensis pluribus annis fuisset, agitudine correptus in nostro Cænobio Monachus est factus, sicque defunctus: cujus uxor Richeldis imitata præfata Idam mariti sui matrem, relicto sæculo apud nos sanctimoniale habitum suscepit, & cum fuisset nobilissima & ditissima, per xx. tamen annos nihil omnino superbiæ inter alias ostendit, sicque humiliter degens bono fine quievit. Gualterus verò ejus filius videns patrem suum & matrem apud nos sepultos esse, pro animabus eorum, & suâ dedit nobis unum molendinum supra Ries fluviolum, & quamdiu vixit, quasi pater Ecclesiæ nostræ ubique fuit: duxit autem conjugem Idam filiam Everardi Castellani Tornacensis, ex quâ plures filios & filias genuit, omnesque antecessores suos potentia & opibus superavit. Fuit enim primò Advocatus Tornacensis, deinde succedens patruo suo tenuit castrum Avesniense, totamque penè regionem illam, quæ dicitur Brabantus. Volens autem pacificè vivere, & pœnitens multorum quæ commiserat scelerum, tentansque mitigare bella quæ inter Montesenses Comites, & Principes Avesnienses multis annis duraverant; sororem Balduini Comitis Montensis filio suo Theoderico adolescenti militi conjugio sociavit, sicque totam provinciam pacificavit, sed inimicus generis humani non diutius pacem illam toleravit: Theodericus enim ille adolescens nolens esse contentus paternis opibus, sed ubique discurrens velut equus indomitus, non modò de proximis, verum etiam de longinquis regionibus, de terrâ scilicet Ducis Lovanientis, Episcopi Leodientis frequenter prædas & captivos cœpit adducere, donec quadam die frequentibus elatus victoriis cum centum militibus longius progrediens redire non potuit, sed à peditibus undique irruentibus occisus, & cum magno periculo ad Letiense Cænobium super equos relatus, omnibus amicis suis magnum luctum intulit. Tunc pater nimio mœrore percutus, timensque diversos fortunæ casus, alteri filio suo Nicolao Castrum Avesniense & Brabantum in vitâ suâ donavit, eique castrum quod dicitur Walecurtis superaddidit. Tercio verò filio Advocationem Tornacensem tradidit. Quarto etiam Clerico facto Everardo duos Archidiaconatus, Cameracensem scilicet & Tornacensem, necnon Præposituram Nivellensem, aliosque multos honores Ecclesiasticos acquisivit: & quatuor filias divitibus maritis dedit. Ipseque, sicut mihi multoties dixit, libenter Monachus factus fuisset, si conjugis suæ licentiam habere potuisset. Præsenti verò anno post festum Omnium Sanctorum, dum apud Mon-

Luc. 1. 28.

c salutationem] Nota Rosarium B. Virginis, vulgò Chap-  
Tom. II.

polet, tunc usitatum.

tense castrum in aula Comitis Balduni contra eum pro Trellum castello, quod ei Comes auferre volebat, placitaret: subitanè irā percussus loquelam perdidit, deinde à Comitilla in lecto Comitis positus, sequenti nocte defunctus est. Indeque à filiis suis ad Lætiense Cœnobium delatus, & cum prioribus suis sepultus, magno totius provincie mœrore, quia pauperum & Ecclesiarum ab omnibus vocari solebat. Sed de his ista sufficiant. Nunc verò ad duos illos Milites Walterum & Radulfum, quorum longè superius mentionem feci, veniendum est, breviterque ostendendum quàm verum fuerit illud somnium, quo in Ecclesia sancti Martini stare, & parietes illius renovare visi sunt.

58. Walterus iste, ut prædixi, vocabatur, filius Huberti, eratque unus de potentioribus Tornacensis provincie Optimatibus: hic cum uxore suā ad conversionem veniens, dedit nobis molendinum illud super Mairam fluviolum, ubi tota annona molitur, de quā fit panis qui in Cœnobio comeditur: tenebat etiam quamdam terram in nemore de Pevellā juxta Templovium, quam nobis dare volebat, sed non poterat, quia eam in beneficio tenebat de Roberto juniore tum temporis Flandrensi Comite. Comes enim tantam terram quæ de beneficio, vel feodo suo erat, gratis concedere Ecclesiæ nolbat. Cum ergo ut hoc Comes concederet laboraretur, fortè Radulfus ille Miles prænominatus unum equum magni pretii habebat, pro quo Comes ille xl. marcas dare volebat. Rogavit ergo Comitem idem Radulfus ut equum illum acciperet, & terram illam pro animā suā in cleemosynam sancto Martino daret. Consensit Comes, & privilegii sui auctoritate eandem terram Cœnobio nostro confirmavit; sicque molendinum præfatum cum eadem terrā plusquam mille libras nobis postea reddidit. Jam verò factus Monachus qualiter se habuerit, nullus facilè explicabit, cum nullo Optimatum regionis fuerit inferior, omnibus rusticis se viliorē exhibuit. Ipse aquam ad coquinam deferre, scutellas & ollas ablucere, farinam cribrare, elibanum succendere, equorum stabula mundare, finum deferre, cernentibus, & præ admiratione plorantibus Militibus & cognatis suis, numquam erubuit, multosque exemplo suo convertit. Ipse Ecclesiam novam de donationibus fidelium incepit, & Deo favente, sicut hodie videtur, centum Monachis sufficientem consummavit.

59. At verò Radulfus duos germanos Milites in urbe habebat, quorum major Thetbertus, alter vocabatur Theodericus Monetarius: Tetbertus Præpositus Rabodi Episcopi erat, & fidelem se ei sicut Domino suo exhibebat. Unde Fastradus Advocatus contra eum iratus, quoniam pauperes rusticos Episcopi ubique defendebat & tuebatur; primum dolose ei se familiarem fecit, filiumque ejus in Baptismo suscipiens compater ei fuit, sed post paucos dies nihil mali suspicantem, venatuque lepores insequentem prosequutus, eumque utpote compatrem suum dolose osculatus, protinùs in festo sancti Bartholomæi Apostoli incautum occidit, & de provincia statim fugiens ad avunculum suum Theodericum Avesniensem secessit, & cum eo ferè per triennium mansit. Tuncque Advocationem ejus Dominus Rabodus Episcopus Radulfo Militi Noviomensi dedit, Fastradumque omninò pro scelere exheredavit. Quidam dixerunt hoc Dei voluntate accidisse, quoniam Radulfus ille novus Advocatus terras sancti Martini, quas tenebat, petente Episcopo, sicut

suprà dictum est, facilè reddidit, quas ut Fastradus postea multoties alleruit, si tunc tenuisset, nullo modo reddidisset. Sed cum jam in ultionem hujus sceleris duo Milites Fastradi occisi fuissent, apparuit idem Tetbertus cuidam religioso civi Tornacensi nomine Rainero, non dormienti sed vigili: cumque ille nimis perterritus an ipse esset Dominus Tetbertus, & quomodo se haberet inquireret, ipsum se esse respondit, & ne timeret admonuit, ac deinde subjunxit: In tormentis quidem sum pro peccatis meis, & maximè pro eo quod post obitum conjugis meæ concubinam habui; sed misericordiam habebo, quia injustè occisus sum pro fidelitate domini mei Episcopi, & sanctus quoque Bartholomæus in cujus festo interfectus sum adiutor mihi est, pro eo quod eum in horā mortis meæ invocavi. Rogo ergo te ut ad fratres meos, & filios pergas, utque pro animā meā necem meam Fastrado indulgeant, nec me ulterius ulcisci quærant ex parte meā deprecari, quoniam si hoc fecerint, multum animæ meæ ad salutem promerendam proderit. Respondente verò Rainero, se quidem mandata ejus eis dicturum, sed illos sibi minimè credituros, defunctus protinùs ei inter signa, quæ unicuique diceret injunxit, sicque disparuit. Ille verò ad germanos defuncti & filios veniens, mandata ejus eis aperuit, signa subjunxit, sicque eos ad concordiam faciliores reddidit. Unde post aliquot annos Fastradus nudis pedibus cum amicis suis, pedibus eorum provolutus, & amicitiam eorum, & hereditatem suam ab Episcopo recepit. Pro confirmatione verò amicitie filiam suam Sarram Gosceguino filio Theoderici Monetarii<sup>d</sup>, qui fuerat germanus Tetberti, conjugio sociavit. Viginti etiam libras nummorum, quas ab eo pro concordia acceperant fratres occisi, protinùs sancto Martino dederunt.

60. Post hæc Radulfus Tetberti germanus, puellam quamdam conjugem accepit Mainfendem de Militibus provincie genitam, filiam scilicet Hermannii Præpositi sancti Amandi Helnonensis, genuitque ex eā tres filios, Theodericum scilicet, Walterum, & Hermannum, quorum primum Theodericum quinquennem litteris docendum tradidit, & in Ecclesiā S. MARIE præbendam unam ei dari suadentibus Canonicis ab Episcopo Rabodo petiit & impetravit, promissis ei propter eam xxx. marcis argenti. Quod ubi puero à Canonicis congratulantibus in scholā nuntiatum est: ille vespere facto domum reversus cœnare noluit, sed tristis ad mensam sedit, pater verò putans eum pro more puerorum fuisse verberatum à Magistro, finitā cœnā duxit eum à parte, & quid haberet, curve tristis esset quæsit. Cui puer protinùs respondens; In nomine Domini, inquit, nonne meritò possum contristari, cum vos sciam hodie pro me in inferno demersum esse? Nonne audistis, quoddam qui præbendas emunt, vel vendunt, excommunicati sunt? Certè videte quid de animā vestrā faciatis; nam me sciatis citius de hac provinciā egressurum, quàm de eā comesturum. Admiratus super his pater: fili, inquit, ne amplius super hoc contristeris, quia testor Deum te nunquam eam amplius habiturum. Dixit, statimque Episcopo remandavit, ut de præbendā suā faceret quod vellet, quoniam filius suus eam habere nollet.

61. Eodem anno Radulfus febre validissimā usque ad mortem penè correptus, ubi Deo volente convaleuit, quemdam Monachum nomine Walterum conjugis suæ germanum virum prudentissimum secretè

<sup>d</sup> Monetarii. ] Eo quod præstabat moneta, quam Philippus Aug. in urbe Tornac. instituerat. ita constructa in s

Tornac. Seq. vol.



adiit, & de salute animæ suæ consulere his verbis cœpit: Cum fidem Deo debeatis sicut Monachus, & mihi sicut sororis tuæ marito, per eandem fidem quam Deo & mihi debetis, vos obtestor ut mihi quomodo salvus fiam consulatis; nuper enim ægrotans, & mori timens, consilium à Canonicis sanctæ MARIE quæsi, & illi mihi consuluerunt, ut veraciter confiterer peccata mea, Corpus Domini acciperem, oleo sancto ungerer, & salvum me futurum securus essem. Feci quod consuluerunt, sed ubi convalui, rursus me peccatis sentio obligatum, & hoc mihi non videtur vera esse confessio, quando infirmor peccata confiteri, quando convalesco peccatis iterum sordidari; unde precor propter Deum, ut mihi quid agere debeam consulatis. Et respondit Monachus, & quid vobis proderit consilium meum audire, cum illud nolitis facere? Consilium, inquit Miles, dicite, & si illud non fecero, non vobis imputabitur. Tunc Monachus: In veritate, inquit, dico vobis, quod quamdiu in sæculo vixeritis sicut hactenus vixistis, non video quomodo salvari possitis, sed si revera salvus esse vultis, sæculum relinquit, & Monasticam vitam assumite. Et quomodo, inquit Miles, hoc faciam sine licentiâ sororis vestræ conjugis meæ? tum Monachus: Cum Dominus, inquit, in Evangelio dicat: *Si quis venit ad me, & non odit patrem, & matrem, & uxorem, & filios propter nomen meum, non potest meus esse discipulus*, nunquam consulam vobis ut pro sorore mea animam vestram perdatis: licentiam tantum ab ea quærite, quam si illa noluerit dare, consulo ut eâ relicta, parteque substantiæ vestræ ei dimissa, ad Deum fugiatis. His auditis Miles gratias ei agens domum revertitur, ingressusque cubiculum, & lectulo residens amarissime flere incipit. Mainfendis superveniens, eumque sic flentem videns, quid novi acciderit unde se ita cruciaret, inquit. Vult ille celare, sed illâ nimis instante, omnia quæ germanus ejus Dominus Gualterus sancti Amandi Monachus & Præpositus dixerat, revolvit. Tum illa, & quare propter hæc sic vos cruciatis? Quia, inquit, nisi propter te dimitterem, Monachus revera quantocius fierem. Protinus illa subjungens: Propter me, inquit, bene agere non dimittatis: quia sicut vos de animâ vestrâ timetis, sic & ego de meâ, & quâcumque die sæculum reliqueritis, ego similiter relinquam, & in præsentî si vultis licentiam vobis do, & me castè victuram promitto. Tunc Miles, Et quid, inquit, faciemus de tribus filiis nostris? Non in manu diaboli, ait mulier, relinquamus, sed potius nobiscum eos Deo præsentemus, divites enim sumus, & quocumque voluerimus libenter cum eis suscipiemur. Exhilaratus super his verbis Radulfus: Et ubi, inquit, tibi videtur ut competenter cum eis habitum Religionis accipiamus? Tunc temporis magister Odo scholam Tornacensem regebat, nullaue conversionis ejus mentio extiterat. Quamobrem mulier quæ diverteret nesciens, ad sanctum Amandum, inquit, mihi videtur quod competenter ire possimus, quoniam & pater meus inde fuit Præpositus, & frater meus ei successit: sed & ego inde nata sum, ibique nutrita. Concedit Radulfus, statimque legato directo, præfatum Dominum Walterum Monachum mandat, quæ dicta sunt enarrat; & sancto Amando per manum ejus unum molendinum prope Tornacum super Marvis fluvium situm donat. Inde conjugem suam advocans; qui benè, inquit, vult agere non debet differre, quoniam callidus diabolus semper quarit occasiones, quibus servos Dei à bono proposito possit impedire. Unde mihi videtur ut crastinâ die sine dilatione sæculum relinquamus.

Torn. II.

Tunc illa: hoc, inquit, domine non tam citò potest fieri: quiddam enim secreti necdum dixeram vobis, quoniam jam menses duo sunt ex quo me concepisse sensi, & utique rationabile non esset, ut prægnans de sæculo exirem: præparemus ergo interim omnia necessaria, quatinus postquam peperero statim renuntiemus mundo. Verumtamen quoniam jam licentiam dedi vobis, licet nullus post Deum testis interfuerit, expedit utique ut jam nihil maritalis, vel conjugalis operis invicem faciamus, sed continenter deinceps vivamus. Post hæc sicut ipsi multoties mihi retulerunt, anno integro & dimidio in vitâ sæculari manserunt, in uno lecto indivisi jacuerunt, nec tamen aliquid carnale gesserunt, non suâ fortitudine, sed Christi gratiâ eos protegente. Erat autem Mainfendis juvenilis ætatis, ita ut quando sæculum reliquit, nonnisi viginti quatuor annos haberet. Nascitur ergo eis quartus filius, & in Baptismo vocatur Radulfus.

Eodem anno magister Odo sæculo renuntiat, & cum Clericis suis, sicut supra narravimus, Ecclesiam S. Martini intrat. Mainfendis eos frequentat, multoties eis suas transmittens eleemosynas, nullo tamen adhuc intra urbem sciente quæ cum marito suo agere disposuerat. Quâdam ergo Dominicâ Missam eorum auditura, & processionem visura cum filio suo Theoderico parvulo Clerico jam ferè septenni ad Ecclesiam S. Martini pergit, & expectat donec Missa cantata fuit: puer verò eâ ignorante se Clericis illis conjunxit, & cum eis remansit. Finitâ Missâ mulier filium suum inter vicinas requirit; credens verò eum cum pueris ludere, domum revertitur. Parato prandio puer quæritur: mater dicit secum abiisse ad S. Martinum. Nullus conversionis ejus suspicionem habebat; finito prandio Miles equum conscendit, ad domum germani sui Theoderici veniens tam ibi, quàm & in cæteris domibus propinquorum suorum, filium suum quærit: nulum signum de eo audit. Inde ad S. Martinum pergit, Abbatem Aquicinemsem Haimericum cum Abbate Odone invenit, puerumque coram eis sedentem, & eos audientem conspicit. Militem Abbates secum sedere faciunt, & de mandatis Dei libenter audientem instruunt. Vespere propinquante Miles abundi licentiam ab Abbatibus petit & accipit: filioque suo ut secum domum redeat præcipit. Tunc primum puer voluntatem suam aperiens; Vos, inquit, si vultis, domum redite, matremque meam, & fratres meos salutate, & ut pro me orent eis dicite; ego enim nunquam amplius domum vestram ingrediar, sed hîc cum pauperibus istis remanebo, nec patrem, aut matrem me habere cognosco nisi Deum & S. Martinum. Tunc pater admirans, & eum ludendo hoc dicere credens: Veni, inquit, quoniam non haberes hîc quod hac nocte comederes, vel lectum in quo jaceres. Et puer, Etli non habent, inquit, quod manducent, ego urbem circueiens eleemosynas petitas eis afferam, nocte verò super nudam humum quiescam. Ridente patre, & hæc puerilia fore dicente, puerumque violenter reducere volente; tandem Abbas Haimericus vir prudentissimus: Domine, inquit, Radulfe, si mihi credideris, puero modò nullam violentiam inferetis; dimittite eum nobis; sufficienter enim unâ nocte providebimus quæ necessaria ei fuerint: & si quidem ex Deo ista voluntas venit, crastino apparebit; si verò ex infantiâ, non cogatis eum, quia sponte domum revertetur. His auditis Miles acquievit, domumque reversus, conjugi suæ hæc retulit. Protinus illa genibus flexis, manus & oculos ad cælum levans: gratias, inquit, ago Deo, quia primogenitum filium meum servitio suo mancipavit. Vi-

Y Y Y y ij

detur ergo, mi Domine, quod Deus vult quod Ecclesiola illam ex facultate nostra ædificemus; & hoc signum divinæ voluntatis habebimus: si puer in incepto perseveraverit, tunc certi sumus verum esse quod dixi; si verò redierit, tunc aliud vult Deus de nobis. Mane factò rursùm Miles equum conscendit, sanctum Martinum repetit, puerum in eo quod cooperat constantissimè perseverantem reperit. Protinus Theodericum germanum suum, cæterosque propinquos suos accersit, filium suum utpote puerum septennem necdumque legitimæ ætatis existentem sancto Martino coram altari offert, & cum eo quatuor molendina quæ super *Ries* fluviolum habebat, confert. Postmodum Radulfus licet in sæculo manens totam illius Ecclesiolæ curam suscepit, nec minùs quæ necessaria erant providens, quàm si jam Monachus factus fuisset.

1895.

62. Eodem anno per Abbatem Haimericum, sicut suprà dictum est, Clerici illi Monachalem habitum susceperunt. Tuncque idem puer Theodericus cum eis factus est Monachus. Cum verò Monachi, ut superius relatum est, ab Ecclesiâ discedentes deserta petere voluissent, Theodericum ibidem relinquere voluerunt, sed cum remanere noluisse, nec tamen utpote puer octo annorum itineris laborem pedes sustinere posset, plastro eum cum libris suis superposuerunt, sicque secum abduxerunt. Quod cum Radulfo adhuc in lecto suo dormienti summo mane nuntiatum est: illico festinus surgit, Ecclesiam sanctæ *MARIÆ* petit, Canonicorum conventum celeriter convocat: teloneum eorum, quod violentè eatenus tenuerat, eis liberum reddit, & de illatâ violentiâ veniam petit, voluntatem suam aperit, quod scilicet illico sæculum relinqueret, & Monachos S. Martini qui discedebant, prosequeretur. His dictis, comitatus Clericorum & populi maximâ turbâ, domum revertitur, conjugisque manum tenens, & ad cælum oculos levans: Domine Deus, inquit, tu mihi dedisti hanc conjugem, & ego eie te teste usque in hodiernum diem legitimam servavi fidem, nunc autem pro amore tuo eam relinquo, tibi que eam commendo. Post hæc filios suos parvulos Walterum & Hermannum sumens, & rursùm elevans, Deo eos obtulit, & commendavit. Quantum ibi omnium luctus præ dulcedine fuit, cum vidissent quartum filium Radulfum adhuc lactentem cum cunabulo allatum, & de cunis à patre extractum, rursùm levatum Deoque commendatum. Sic ergo equo statim conscenso, cuidam pauperi Clerico Rainero, quem pro Deo secum per biennium tenuerat, tunc etiam se relinquere nolenti alterum equum dedit, & cum eo Monachos celeriter sequens, antequàm Siclinium venirent eis se sociavit: prostratus Abbatis Odonis pedibus ut se comitem peregrinationis suæ esse permetteret, postulavit. Admiratus Abbas tantum hominis divitis ardorem, Monachos qui secum pedites ibant, convocavit, & de conversione ejus sumens initium exhortationis: Ecce, inquit, nos Monachi aliquid nos fecisse putabamus, & tamen à seculari Zachæo publicano victi sumus. Sic ergo cum eis Noviomum pergens, Episcopo Rabodo voluntatem suam aperuit. Episcopus verò præ nimia admiratione lacrymas fundens, eumque exosculando Deo gratias agens, per manum comprehensum in manu Abbatis posuit; sicque subjunxit: Dic nunc bone Abba cur vis relinquere Tornacum; parumne te profecisse putas, qui talem peccatorem diabolo abstulisti, & Deo conjunxisti? revertere ergo lætus & festinus, quoniam reverà per hunc adhuc Deus lucrabitur alium. Reversus ergo Tornacum; cum rursus Abbatis prostratus pedibus ut susceperetur rogaret: Non te, inquit Abbas, suscipiam,

donec proberis secundum regulam sancti Benedicti dicentis: *Probate spiritus si ex Deo sunt.* Vade ergo & publicè coram populo victum tuum laborando quære, aquam ad tabernas portando, ligna cædendo, equorum stabula mundando, & similia ubi opus videris faciendo. Exequitur ille libenter Abbatis imperium, omnique rubore procul posito, vilissimis se submittit operibus. Videns hoc Mainfendis quondam uxor ejus, nullo timore terretur, sed ascito Theoderico Monetario Radulfi germano, totiusque urbis ditissimo, ad sanctum Martinum pergit, filios suos Deo tradit: minimumque cum cunâ super altare ponit non sine lacrymis multorum circumstantium. Theodericus verò eorum patruus misericordiâ motus concedente Abbate, infantes ad domum suam causâ nutriendi facit deferri, multoque tempore secum detinet. Mainfendis verò super altare ducentas marcas argenti ponit; duo molendina super *Costenten*, & reliqua omnia quæ sibi maritus suus reliquerat, sancto Martino tradit: sicque omnibus spoliata pedibus Abbatis prosternitur, orans ut suscipiatur. Cui Abbas: Prius, inquit, oportet te probari; vade ergo per urbem, & victum tuum quærendo, texendo, lanam pectendo, & si forte tibi aliquis vir, vel femina integrum panem dare voluerit non suscipias, sed frustra panis more pauperum elemosynas petentium conscisa. Exultat femina talibus pasci deliciis, pulsoque rubore publicè elemosynas petit, matronis quæ hæc videbant stentibus, & per pedissequas suas copiam panum cum eâ ad sanctum Martinum mittere volentibus. Hujusmodi ergo fuit conversio Radulfi & Mainfendis, cujus non credo pium Jesum posse oblivisci.

Hæc sunt verò quæ Ecclesiæ nostræ contulit: quatuor molendina super *Ries*, quæ Scaldo sunt propinquiora: quintum autem super Scaldum habebat; sed quia autumnali tempore, crescente aquâ Scaldi facile rebundantiâ ejus absorbebatur, postmodum illud ex toto fecit destrui: stipites tamen in testimonium antiqui molendini jussit relinqui & reservari, ob eam solummodò causam ne quis futuro tempore aliquod molendinum sub illis quatuor usque ad Scaldum posset ædificare, quoniam si construeretur, constaret non parvum detrimentum eis per illud facile posse contingere. Duo etiam molendina super *Costenten* nobis dedit cum adjacenti terrâ, quæ de paterno jure ei provenerat, super quam unam curtem fecit construi, quæ usque in hodiernum diem permanet: gregem etiam equarum nobis dedit, cujus proles usque in hodiernum diem in pascuis nostris servatur, de quibus & quadrigas ad excolendam terram nostram frequenter sumimus, & equos magni pretii nutritivimus, & vendimus. Sicque in diversis expensis jam plusquam mille librarum commodum ex eis habuimus. De pecuniâ verò, quam conjux ejus dedit, terras circa Ecclesiam sitas redemimus, & alias in eadem regione emimus, quia quando ipse ad conversionem venit, non passum quidem terræ arabilis adhuc habebamus. Molendinum verò unum super Marviz habebat, sed quando primum voluntatem habuit sæculo renuntiandi, sicut suprà dictum est, sancto Amando illud dedit, quia in ejus Cænobio quod Helnonense dicitur Monachus fieri voluit, quoniam nostri Cænobii necdum mentio quæ apud homines facta fuerat.

63. Erat tunc temporis ejusdem Cænobii sancti Amandi Helnonensis venerabilis Abbas nomine Hugo, qui ipsam Ecclesiam sancti Amandi ante paucos annos casu combustam à fundamentis renovans, decentissimè cum Claustro & turribus & officinis sicut hodie cernitur, ædificavit. Hic itaque charitatis

dulcedine plenus, videns Radulfum cum uxore & filiis divitem sancti Amandi Ecclesiam reliquisse, & pauperulam sancti Martini expetisse, convocatis Monachis suis in Capitulo; Ecce, inquit, fratres dilectissimi, secularis ille Miles Radulfus divitiis nostris paupertatem sancti Martini pertulit, & in paupere Ecclesia Monachus fieri voluit. Charitatis itaque viscera nos habere demonstremus, & molendini quod nobis dedit medietatem pauperi Ecclesiae sancti Martini conferamus, sicque ejusdem molendini beatum Martinum cum patrono nostro sancto Amando participem faciamus. Conenserunt omnes, & ne unus quidem paternae charitatis se degenerem fore ostendit. Sicque praefatus Dominus Hugo Tornacum veniens, pauperum Monachorum societatem, & fraternitatem in Capitulo toto corpore prostratus expetiit, & accepit, medietatem illius molendini eis donavit, semperque deinceps paterna viscera se super nos habere monstravit: nam etiam quando Monachi cum Domino Odone deserta petere volentes, ut superius dictum est, de Ecclesia sancti Martini discesserunt, praefatus Dominus Hugo Abbas sancti Amandi quinque de Monachis suis, ne Ecclesia sancti Martini Divino careret officio, illuc direxit, victumque quotidianum eis dirigens, usque ad reditum Monachorum sancti Martini eos ibidem morari praecipit.

64. Per hunc ergo Radulfum multi de Tornacensi urbe ceperunt ad conversionem venire, ejusque fervoris imitatores existeret; e quibus Henricus vir ditissimus cum uxore sua nomine Bertâ, & filio suo Joanne adhuc lactente, duabusque filiabus Trasberga & Julittâ eodem penè modo quo Radulfus ad conversionem venit. Pecuniam magnam de qua dormitorium constructum est cum aliis officinis, & terras quasdam Ecclesiae donavit: ipseque publice elemosynas petere ab Abbate jussus, & quoddam reverè magni fervoris esset probatus, sic tandem Monachus est factus, pluribusque annis in Cœnobio nostro Cellerarius existens, & boni exempli omnibus existens post .xii. ferè annos conversionis suae laudabilem vitam bono fine concludens, Paschali tempore in die xvii. Kalend. Maii, Deo spiritum reddidit. Filius vero ejus Joannes cum Radulfo, Radulfi filio in Monachico habitu nutritus, omnes ordines Ecclesiasticos cum eo suscepit, & usque in hodiernum diem sacerdotalifunctus officio, bonae arboris se fructum bonum esse ostendit. Mater vero ejus Bertâ, & sorores Trasberga atque Julittâ in sanctimoniali habitu multis annis irreprehensibiliter viventes, & ipsae de labore jam ad requiem transierunt.

65. Post hunc verò Henricum videres mirum in modum juvenes & virgines, senes cum junioribus de totâ provinciâ saeculo relicto ad conversionem venientes: ita ut sicut in Actibus Apostolorum legitur, vendentes ea quae habebant, pretia rerum suarum Domino Abbati Odoni deferrent, & si quidem tunc Abbas ille more Abbatum hujus temporis pecunias, & facultates sibi datas voluisset retinere, & in Ecclesiae commodis expendere, non parum eam potuisset, quantum pluribus videbatur, amplificare, sed quia tunc temporis supra memoratus Evarardus Tornacensis Castellanus, contra Robertum Comitem Flandrensem rebellans magnam militiam tenebat, & de terrâ Comitum multos tam divites quam pauperes frequenter capiens redimi cogebat, illi compedibus, & fame oppressi ad Abbatem Odonem gregatim currebant, suisque miseriis subveniri cum lacrymis exorabant. Abbas verò eorum fletibus compatiens, pecuniam quae sibi deferrebat, abundanter eis erogabat, sicque multos redimebat.

66. Eodem tempore quidam Presbyter & Mona-

chus religiosus nomine Radulfus, genere Normannus, qui unus ex quinque primis locis Abbatis Odonis fuerat, de horis pullandis jussu Abbatis sollicitudinem gerebat; & sicut ejusdem officii moris est procuratoribus, in remotiori Ecclesia parte lectulum suum posuerat, non pro custodiendo Ecclesiae thesauro, qui nullus adhuc erat, nam nec calicem argenteum, nec crucem, nec textum Abbas habere volebat, sed solummodo pro pullatione vigiliarum diligenter providendâ. Cum ergo quadam nocte, sicut idem Radulfus vir veracissimus nobis multoties retulit, in lectulo suo recubans, psalmis & orationibus pervigil insisteret, audivit in choro quasi aliquam multitudinem advenientem, & modesta voce responsorium illud de sanctâ Trinitate cantantem; *Benedicamus Patrem & Filium cum sancto Spiritu*. Completo verò responsorio audivit duos ad altare procedentes, & versum responsorii, id est *Benedictus es Domine in firmamento caeli*, dulcissimâ & protractâ melodiam subjungentes, finitoque versu, rursus chorum finem responsorii repetisse, sicque siluisse. Cumque hoc aliquoties religiosus ille Monachus audiens, Domino Abbati Odoni, & quibusdam spiritualibus senioribus secretè retulisset, omnes in commune dixerunt se dicere, quod animae bonorum ibidem quiescentium essent, quae de Ecclesiâ illius restauratione Deo gratias agerent.

67. Praefatus itaque Abbas instituta, & doctrinam antiquorum patrum assidue legens, & etiam secularis illius poëtae versiculum recolens: *Dicite Pontifices, in sancto quid facit aurum?* non cruces aureas fabricare cupiebat, sed omnem quae sibi deferrebat pecuniam egentibus & oppressis erogabat; omnes tamen ad conversionem venientes retinebat, sententiam Domini imitari studens digentis; & cum *qui venit ad me non ejiciam foras*. Nullum verò antequam probaretur recipere volebat, & in ipsâ probatione tanta eis onera imponebat, ut omnes antiquorum probationes excedere videretur. Nam cuiquam converti volenti praecipit ut saxum enorme quod vix à pluribus moveri posset, ultra urbem Tornacum solus duceret: videres hominem nunc brachijs ac manibus, nunc toto corpore sese saxo totis viribus supponentem, rivumque sudoris omni ex parte emittentem, & pro posse obedientiam magistri implere conantem.

Aliis etiam praecipiebat ut plures dies ac noctes sub stillicidijs domorum immobiliter permanentes, pluviarum imbres ruentes sustinerent; sed quamvis eis tam dura & importabilia onera imponeret, miro tamen modo multo plures tunc ad conversionem pro Ecclesia nostra tam Milites quam Clerici veniebant, quam hodie venire videamus cum jam nullus probatur, inò ut veniat multis blanditijs & promissionibus demulcetur.

Eo siquidem tempore etiam ex Canonicis sanctae MARIAE aliqui ibidem conversi sunt: Dominus scilicet Amandus, qui pluribus annis Prioratum Aquicincensis Ecclesiae tenuit, demde Abbas Marcienensis effectus, Ecclesiam illam penè destructam tam interius in Religione, quam exterius in divitijs renovando correxit. Dominus etiam Walbertus, qui in Ecclesia nostra Prior existens post multos annos in Cameracensi Episcopatu in Cœnobio qui dicitur Mons S. Martini Abbas est factus, ibique defunctus. Dominus etiam Goultardus qui multis annis Prioratum Ecclesiae nostrae tenuit: Dominus quoque Bernuinus. Hos ergo quatuor divites primò Clericos, postea verò pauperes Monachos, si quomodo ab Abbate Odone probati fuerint, referre audisses, vix praeter immensitatem latitiae risum tenere potuisses: videns siquidem eos nimis esse superbos, per ali-

quot dies eos vaccas mulgere, & caseum facere præcepit, sicque probatis Monasticum habitum tradidit: & si quidem tunc altaria quæ ipsi tenuerant recipere voluissimus, forsitan usque hodie Ecclesia nostra exinde ditior esse potuisset: sed quia proposuerat nec altaria, nec Ecclesias, vel decimas accipere, sed solummodò de labore manuum suarum, & de agriculturâ quadrigarum, nutrimentisque pecorum suorum vivere, nihil de Ecclesiasticis redditibus quos ipsi tenuerant voluit habere, dicens talia non à Monachis, sed solummodò à Clericis possideri debere. Et hæc quidem ejus intentio vitæ & institutis antiquorum Monachorum concordabat: postea verò cognovit à Monachis juxta urbem habitantibus, quos populares, siue sæculares quidam nominant, non ex toto antiquorum instituta posse servari.

68. Nam cum omnes secum vult ad Deum pertrahere, tantam multitudinem mulierum non solum pauperum sed & divitum suscepit, ut eis seorsum Monasterium nec esset, nec videretur posse construi: quamobrem considerans Abbas domum lapideam, quæ quondam fuerat prædicti Radulfi Militis, & quam ei veniens ad conversionem conjux ejus dederat, non parvæ esse amplitudinis, distinctis in eâ parietibus, oratorium, refectorium, dormitorium composuit, & lx. ferè mulieres conversas ibidem intromisit, sororemque suam Sanctimonialem nomine Eremburgim eis præposuit. Inter cæteras verò mulieres, etiam Mainfendem quondam Radulphi conjugem ibi manere præcepit, & in aliâ ejusdem urbis parte totidem nihilominus conversas sub aliâ magistrâ constituit. Mainfendis ergo post aliquot dies gravissimâ agitudine depressa, in eadem quondam domo suâ lectulo decumbere cogitur, sentiens autem se magis ac magis infirmitate gravari, à præfata magistrâ suâ Domini Abbatis germanâ poposcit, ut se faceret communicari; tunc pro instanti necessitate, quia domus illa remota erat ab Ecclesiâ sancti Martini, concessit Dominus Abbas ut à Presbytero sancti Pii, qui prope manebat, Viaticum & absolutionem agrotantes Conversæ acciperent. Mandatus ego Dominus Hellinus Presbyter à magistrâ, ut Mainfendem cum Viatico visitaret, libentissimè advenit quia in sæculari vita Parochiana ejus fuerat, & nonnulla obsequia ab eâ susceperat. Veniente itaque Presbytero, præcepit magistrâ Mainfendi, ut non ei loqueretur nisi de peccatis suis. Confessa est igitur Mainfendis Presbytero, & Corpus Dominicum suscepit aditante magistrâ, & quicquid dicebatur audiente. Recedentem itaque Presbyterum Mainfendis exorat ut sui memoresset, & pro se Deum rogaret. Statim verò post discessum Presbyteri magistrâ ad eam accedens. Verè, inquit, excommunicata es, quia contrâ obedientiam meam de re aliâ quàm de peccatis tuis Presbytero loquuta es. Cui Mainfendis verè inquit, Domina non putavi me delinquere, quia dum rogavi ut pro me oraret, non intellexi de salute corporis, sed remissione peccatorum meorum. Tunc illa vocans alias sorores, excommunicatam eam esse dixit, & ut foras expellatur præcepit: posternuntur omnes pedibus magistræ, misericordiam petunt, sed impetrare nequeunt: qui tamen de lectulo surgere non poterat, jubente magistrâ cum lecto extrâ domum deferretur, & sub gradu ligneo per quem in curtem descensus erat, ponitur, ita ut ablationes coquinæ superius sitæ super eam defluerent. Ibi ergo per triduum jacens, licet infirmitate gravaretur, animo tamen exultabat,

quia in domo cujus olim domina fuerat, nunc pro Deo tribulationem sustinebat: sed quia benignus Deus post tribulationem infert consolationem: ecce post triduum præfatus Henricus jam Monachus factus, jussu Abbatis fascem magnum lini super caput suum deferens causâ nendi, domum sororum expetit; portamque curtis ingressus, videt Mainfendem sub gradu in lectulo recubentem. Admiratus interrogat unam de sororibus, cui linum recipienti sibi loqui licebat, cur ibi sic jaceret, audiens verò causam, nec tamen Mainfendi loqui audens; hoc tantum omnibus audientibus in consolationem ejus dicere præsumsit. O S. Alexi qui in domo patris tui decem & septem annis peregrinus jacuisti, & exinde magnam gloriam apud Deum acquisivisti, conforta istam famulam Dei, quæ in domo cujus quondam domina fuit, modo tantam tribulationem sustinet. Audiens hoc Mainfendis ita exhilarata est, ut sicut postea multoties mihi dixit, omnino infirmitatis suæ oblivisceretur. Reversus verò Henricus cum Abbati eaque audierat retulisset, Abbas protinus mandavit, ut cum aliis intrâ domum referretur.

69. Eodem anno victualium penuria, & famis atrocitas totam provinciam vehementer afflixit, & Abbas omnibus pauperibus ad se confugientibus quicquid habere poterat, misericorditer tribuere cœpit; ita ut nec in horreo, nec in cellario aliquid remaneret. Tuncque demum necessitate & anxietate compulsus, Fratribus per totum annum Claustro reclusis, jugique silentio domitis, & quæ foris agebantur nescientibus rem sicuti erat in Capitulo aperuit, magnam scilicet multitudinem virorum ac mulierum se suscepisse, & unde vel unâ die viverent se non habere. Obstupefacti omnes admirati sunt tantam rem eum sine alicujus consilio fecisse, rogaveruntque eum, ut exteriorum curam alicui viro prudenti committeret, ipse verò doctrinæ & salutis animarum insisteret, nec deinceps aliquem absque Fratrum consilio suscipere, & quos suscipiebat, non more antiquorum gravia & importabilia onera imponendo probaret, sed institutis & regulâ Cluniacensis Cœnobii contentus esset, quod solum & famâ & religione, necnon & charitate universis Galliæ Monasteriis eo tempore præminebat, & à venerabili Abbate Hugone regebatur. Acquiescit Abbas consilio Fratrum, statimque Dominum Henricum ordinans Cellarium, Radulfo committit præposituram, sociumque ei donat Walterum filium Huberti. Hisque tribus totius Ecclesiæ commendans in exterioribus provisionem, ut sine licentiâ egrederentur permittit, cæteris ut secum Religioni & silentio instarent, indicit. Illi de Capitulo egressi coquinam introeunt, quod Fratribus præparari posset, quarunt, sed nihil inveniunt. Ingrediuntur deinde portam urbis, & civibus sibi occurrentibus, ac veluti de longâ carceris custodiâ ereptis, quomodo se haberent inquiringibus; illi lato vultu prospera omnia esse respondent; sed post paululum eis necessitatem Fratrum innotescunt: protinus cives invicem colloquentes, & alio frumentum, alio filiginem, alio fabas dante eos confortantes & exhortantes, hilares & lætos ad Fratres remittunt. Radulfus etiam germano suo Theoderico inopiam Ecclesiæ indicans, rogat ut sibi pecuniam ad emenda Fratrum necessaria commodet: protinus ille 40. marcas argentei commodat, quas tamen nunquam postea recipere voluit, sed pro animâ suâ Ecclesiæ dimisit: unum etiam hortum super Scaldum prope sanctum Medardum valde utilem Ecclesiæ nostræ donavit, & in mul-

Ne quidem  
horum Mona-  
sterium supe-  
rest vestigiū.

c. Medardum] Abbatia S. Medardi an. 1671. & 72. destructa Canonici Regul. in Parochiam S. Margareta transla-

ti sunt, ob arcem à Ludovico 14. constructam.

tis præ aliis civibus semper nobis profuit; nam quando postmodum prædictus Walterus iussu Abbatis templum ædificare ex eleemosynis fidelium cepit, statim idem Theodericus ei centum solidos in initio dedit, ad ædificandum quoque Refectorium centum solidos, & ad Cellarium centum solidos. Quoties verò Conventui refectorem plenariam piscium miserit, ipsi numerandum & renumerandum relinquatur pro quo misit.

70. Quantam autem inopiam panis pauper Conventus illo anno integro pertulerit, vix potest credi: panis triticeus, aut vini, nisi fortè ab aliquo divite eis transmitteretur, nulla erat mentio; siligo etiam omnino deerat: sola avena eis molebatur de molendino relata, nec cribro, nec tamisio farina purgabatur, sed statim aqua calida superfusa panis exinde fiebat, qui coctus & Monacho appositus paleis prominentibus utiari posse videbatur, & quando cultello prædebatur, major palearum quam micarum coram Monacho videbatur acervus, & quia juxta Salomonem anima esurienti etiam amara dulcia videntur, Monachi fame tabescentes tantà aviditate panem illum avenacium comedeant, ut de eo nec micæ nec paleæ superessent. Nonnulli etiam ex illis adhuc supersunt, quorum unus est Domnus Ascelinus, qui Domno Henrico in Cellarii provisione, vel obedientiâ successit, qui adhuc testatur se tunc multoties cogitasse si aliquando posset videre diem quo Ecclesia sancti Martini tam dives esset, ut ipse panem solummodò saturari posset. Quicumque ergo successorum nostrorum hæc legerint, orent pro animabus antecessorum suorum qui panem non ordeaceum, sed avenacium cum paleis comedendo, copia eis panis triticeus patientiâ suâ per Dei gratiam acquisiverunt.

71. Radulfus ergo videns, & sciens Ecclesiam pauperem redditibus carentem, sine agriculturâ non facile posse subsistere, totum studium suum ad emendas & acquirendas terras convertit. Quatuor itaque quadrigas jumentorum in Ecclesiâ posuit, & terras eis sufficientes partim ex donationibus fidelium, partim emptas pecuniâ deputavit. Deinde quatuor domos sive mansiones, quas abusive curtes vocamus, in pago Tornacenti infra unum penè milliarium prope Ecclesiam construxit, quarum prima dicitur Varnavia, secunda Dufolpetra, tertia Longakalix, quarta Tintenias. In his quatuor curtibus decem quadrigas posuit, terramque eis sufficientem acquisivit. Quintam curtem construxit inter Nammen & Templovium in terrâ quam à Comite Roberto, ut superius dictum est, pro equo suo Ecclesiæ dari impetraverat. Sextam verò apud Canfen, & septimam apud Costenten in terrâ quæ ei ex paternâ hereditate provenerat. Octavam apud Audolmansum super Scaldum fluvium. Nonam apud Calren. Decimam apud Domerias. Undecimam apud Catenias.

72. Interea Domnus Rabodus Episcopus, qui fuit avunculus Everardi Tornacentium Castellani, qui ipsum Tornacentem castellum cum castello de Moritaniâ ante paucos dies ceperat & dominationi suæ subdiderat, legitimos heredes de eis expellens Gerulfum de Tornaco, & Hugonem de Moritania. Hic Rabodus vir nobilis, & magnæ probitatis existens, inter cetera quæ laudabiliter fecit, etiam Cœnobium nostrum restaurare curavit, sicut supra dictum est. Sed heu! sicut per beatum Job dicitur, quod in Angelis suis Deus reperit pravitatem, ita etiam hic tantæ probitatis Episcopus apud Romanam Sedem cepit accusari, quod per pecuniam Regi datam adeptus fuisset Episcopatum, unde cum multoties apud Papam pulsaretur, nonnulla orna-

menta Tornacentis Ecclesiæ pro sui redemptione vendita suis adiutoribus dedit, nonnullos redditus altari sancti salvatoris de Brugis vendidit Canonicis S. Donatiani, nonnullos verò alios redditus tum altariorum cæterorum quàm terrarum Episcopi distraxit. Cum verò judicatum fuisset, ut cum duobus Episcopis se de simoniâ purgaret, Magister Anselmus, tunc temporis Laudunensis scholæ Doctor præcipuus, & per totam Franciam pro sua scientiâ famolissimus, auxilium Episcoporum ei consilio suo abstulit, conscius eos securè non posse jurare eum innocentem fore. Ubi verò ei multis interventibus concessum est, ut solâ manu se purgaret: Hugo Lugdunensis Archiepiscopus, & Apostolicæ Sedis Legatus videns eum velle jurare, surgens coram omnibus: Quid facis, inquit, infelix, qui malè jurando animam tuam interficere quæris? desine ab hoc juramento, & nos impetramus, ut modò non deponaris, sed per biennium dilationem habens; postea Pontificatum sponte quali Religionis vel senectutis causâ honestè dimittas: si enim juraveris, ecce tibi prædico quod de hoc anno cum honore non exhibis. Episcopus sicut ceperat, manum super textum Evangelicum posuit, & se innocentem de simoniâ jurans, securus de Concilio exivit, & Tornacum rediit. Post paucos dies Brugis abiit, & pro infirmitate suâ minui sanguine volens, dum medicus expectatur, ipse pro corporeâ necessitate interiora cubiculi ingreditur, ubi cum diutius moraretur, unus ex ministris eum sequutus, videt eum coram sede resupinum cecidisse, & cum nimio exclamat dolore: protinus omnes introgressi inveniunt eum paralyti dissolutum, membrorum simul & linguæ officium perdidisse: inter manus levatum ad lectum deferunt, & post paucos dies desunt morientem. Eo itaque Tornacum deportato, & in Ecclesiâ sanctæ MARIE sepulto, succedit ei in Episcopatu Domnus Baldericus Noviomensis Archidiaconus.

73. Radulfus autem suavit Domno Abbati Odoni, ut si quis Ecclesiæ nostræ vellet dare altaria sine simoniâ pro animâ suâ, non renueret ea more aliorum religiosorum Abbatum suscipere. Annuente Abbate, primus dedit nobis altare d'Esplecin quidam Canonicus Beatae MARIE, nomine Wericus: deinde Balduinus Cantor cum filio suo Tetberto altare de Samium, Letbertus quoque Canonicus pater Domni Walteri hujus Cœnobii Abbatis, altare de Paschen-dal: sed & Gericus Canonicus cum Wenemaro Milite partes quoddam altaris de Templovio. Rabodus Episcopus, cujus tempore Cœnobium nostrum restauratum est, altare de Euregniis. Adam quoque Canonicus rogante patre suo Sigerio Præcentore, qui cum germano suo Hermannò Præposito apud nos Monachus fuit, sicut longè supra dictum est, dedit nobis quinque altaria scilicet, de Haltra, Sarra, Hifengein, Gudelengein, & Etenputh Erpulfus Clericus altaria de Villebeccâ, & de Fivia. Monachi de Dunis pro quâdam terrâ, quam supra mare habebamus à Domno Simone Tornacenti Episcopo, duo altaria scilicet de Beverna & de Lendegein dari nobis fecerunt. Desiderius Tornacentium Archidiaconus, & Præpositus Insulanus altaria de Guerrâ, & de Lieddâ. Geraldus Episcopus, & Clerici de Ecurt, pro curte de Brugis altare de Mufcherum; altaria de Anulino, & de Alelnis nobis dari fecerunt Monachi de Lhos, pro curte de Pevela à Domino Geraldo Episcopo. Omnia hæc habemus in Episcopatu Tornacenti. Letbertus Canonicus altaria de Zulte, & de Wachines. Bartholomæus Episcopus altaria de Fasti, & de Proili. Thomas de Marla altare de Froimont; hæc tria habemus in Episcopatu Laudunensi. In Episcopatu Cameracensi hæc, Al-



bertus altare de Sirau; Werricus Decanus altaria de Galren & de Quarta; Ubaldus altare de Hachenis. Dominus Odo primus Abbas hujus loci cum factus fuisset Episcopus Cameracensis, altare de Maldà. Odo Presbyter de Bounis altaria de Ostiolo & de Papengain. Walterus Decanus Tornacensis, qui postea Episcopus fuit, altare de Vais. Tetbaldus Rothnacensis Præpositus pater Radulfi Cameracensis Archidiaconi, ad conversionem veniens dedit nobis altare de Floresbech, de Ormegniis, & de Baluel & de Lierda S. Martini, ad quod altare pertinebat quædam terra super Tenram fluvium, ubi præfatus Radulfus Præpositus ædificavit duodecimam curtem, & optimum molendinum contruxit. Deinde Mascelino Lutofensis Ecclesiæ Præposito cum uxore sua Mainfende, & filio suo Alexandro ad conversionem veniente, nobisque duo altaria scilicet de Bovenis & de Brantenis dante, præfatus Radulfus in iisdem Parochiis tres alias curtes superaddidit, sicque quintum decimum numerum complevit. Sextam decimam apud Veson, decimam septimam apud Merbiis octavam decimam apud Torelis, nonam decimam apud Frojanam, vicemimam verò prope Brugias in Ecclesiola, quæ S. Trunonis dicitur, ædificavit.

74. In pago Noviomensi prope castrum quod dicitur Torota <sup>f</sup> Ecclesiola unam in honore sancti Amandi constructam invenit; sed ita vacuum ac pauperulam; ut non passum quidem terræ, nec domum; vel aliquid ad victum pertinens invenerit. Adamato itaque loco illo solitario; & longè ab hominum habitatione remoto accedens ad Dominum Baldericum Noviomensem Episcopum, Ecclesiola illam nobis dari poposcit & impetravit. Inde contra voluntatem multorum nostri Cœnobii Monachorum, qui dicebant eum frustra tam procul & in tantâ solitudine laboraturum; à Domino Abbate Odone impetravit ut illuc ire permitteret quemdam Monachum Presbyterum; genere Normannum nomine Radulfum, qui pro infirmitate corpus laborem Conventus sustinere non poterat. Hunc itaque illuc mittens, nec tamen fodere aut ligone sylvam eradicare cogens, sed de substantiâ & pecunia Ecclesiæ nostræ ei tribuens, sic eundem locum Dei gratiâ donante provexit, ut intra breve tempus plures ibi Deo servire gauderet, ubi primò nihil præter vacuum Ecclesiola vepribus circumseptam invenerat. Canonici siquidem Noviomenses eundem locum frequentantes, & solitariè Deo servire volentibus aptum esse videntes, primò de suis rebus ibi conferre, deinde ad conversionem venire, & Monachi fieri cœperunt. Benedictionem tamen Monachi professione factâ in Ecclesiâ sancti Martini ab Abbate accipientes; inter quos quidam nomine Petrus aliorum Canonicorum quasi Pater existens, relicto sæculo Monachus factus duas optimas vineas Noviomis sitas dedit, tantæque religionis cœpit esse, ut non solum Clericis & Militibus, verum etiam totius provinciæ Monachis se imitabilem præberet, ita ut à multis frequentaretur; & quasi divinitus datum consilium ejus audiretur: ipse tamen humilitatis esse custos, nec ordinem Presbyteratus licet ab Abbate & Fratribus rogatus, suscipere voluit; nec advenientibus nisi acceptâ à Priore licentiâ loqui consensit; ipsum autem Priorem frequenter de eleemosyna pauperibus commonebat.

75. Quodam tempore cum fames nimia totam provinciam opprimeret, & præfatus Prior Radulfus de Fratrum penuriâ sollicitus pauperibus more solito

eleemosynas erogare trepidaret, Dominus verò Petrus ne aliquid de consuetudo numero minueretur suaderet, ecce subito pauperibus supervenientibus minister panes defecisse respondit: cui Dominus Petrus, vade, inquit, & quæres si fortè aliquod frustum panis in arcâ remanserit; cum verò minister se eadem horâ vacuum arcam dimisisse diceret, ille verò ad quærendum instigaret; minister instantiâ ejus fatigatus ad arcam rediit, & quam paulo ante vacuum dimiserat, usque ad summam superficiem repletam panibus invenit. Ex fide ergo ejus cœpit idem Prior Radulfus omnibus supervenientibus pauperibus sic abundanter tribuere, ut nulli omnino panis negaretur, quanto verò plus erogabat, tanto magis substantiola domus Dei nutu augmentari videbatur, ita ut usque in hodiernum diem præfata sancti Amandi Ecclesiola à vicinis multum diligatur & frequentetur: jamque non solum de Noviomio, sed etiam de Compendio, aliisque propinquieribus locis plures tam viri quàm matronæ ad conversionem venientes, eidem loco multa conferant; Fratresque Tornacenses qui contra Radulfum Præpositum prius murmuraverant quòd pecuniam de Tornaco transmitteret, nunc gaudent & laudant quòd voluntati eorum non crediderit. Præfatus autem Dominus Petrus multoties nobis familiariter loquens dicebat, se in Cathedrâ sancti Petri natum & baptisatum fuisse, & ad conversionem venisse, addens se credere quòd in eodem festo moriturus esset, quod & contigit: nam in Cathedrâ sancti Petri de labore, sicut credimus, ad requiem transiens, in Claustro prope ostium Ecclesiæ sancti Amandi cum magno Fratrum & cum provincialium luctu sepultus est. Ipse autem præfatus Prior sancti Amandi Radulfus, quem genere Normannum fuisse diximus, habebat in Ecclesiâ nostrâ tres germanos magnæ religionis viros, Dominum scilicet Guillelmum, Godefridum & Rogerum, qui cum Domino Odone Abbate à primo tempore conversi fuerant, paupertatisque onus cum eo sustituerant.

76. Unus ex his suprâ memoratis Godefridus Scriptor peritissimus fuit, multosque codices in Ecclesiâ nostrâ scriptos dimisit, Moralia scilicet Beati Gregorii super Job in sex voluminibus divisa: historiam etiam optimam, quæ à Parabolis Salomonis incipiens omnes Prophetias, & Apostolorum actus atque Epistolas continet; Missalem in quo quotidie utraque Missa in Conventu cantatur; textum Evangeliorum, Augustinum de civitate Dei, & Enchiridion ejus, multosque alios libros, qui ex similitudine pennæ ab eo scripti fuisse facillè possunt adverti. Hic ergo Godefridus cum adhuc in juventute positus, post plures codices scriptos Dominum Abbatem ægotantem sanus visitans ei colloqueretur, subito ipse infirmitate comprehensus nobis mirantibus ad lectum defertur, & post triduum oleo sancto ungitur. Cum verò aliis recedentibus ego, qui Domino Abbati serviebam, cum eo remansissem & quomodo se haberet quærerem, ille nihil omnino mali vel doloris se sentire respondit: suadenti verò mihi ut se suprâ cilicium ad terram deponi permitteret, quatenus exemplo Beati Martini etiam duritiem & asperitatem terræ sentiret; illico libenter consensit. Depositus ergo rogavit me ut ei fidem Catholicam, id est *Quicumque vult, &c.* legerem, quo facto interrogavi eum si vellet tabulam pulsari, & Conventum pro suo exitu evocari; respondit se nihil mali sentire, Fratres tamen libenter velle videre. Protinus

<sup>f</sup> Torota ] Prope Compendium inde nobilis familia nomen traxit, quæ produxit viros illustres pago & infulis.  
<sup>g</sup> Livros ] Nonnullos codices Miss. ex his transtulit in

suam Bibliothecam Illustriss. D. Carolus le Tellier Archiep. Remens. anno 1668.

ego eurrens tabulam festinanter pullavi. Conveniunt Fratres, litaniam circa ægrotum decantant. Cumque genibus flexis, & aure ori ejus appositâ interrogassem, si Fratres videret, si ea quæ dicebant audiret, respondit se & Fratres videre, & Sanctorum nomina audire, nihil se doloris sentire, sed in magnâ lætitiâ esse; quo dicto statim spiritum emisit, non sine luctu & damno totius Ecclesiæ nostræ. Hujus socius in scribendis libris fuit D. Gislebertus à D. Abbate Odone cum Theoderico filio Radulfi Præpositi in scholâ nutritus, qui & ipse scripsit historiam totius veteris Testamenti, necnon & duos grandes & valde utiles libros amplissimæ ac lucidæ scripturæ, in quibus continentur lectiones omnium Dominicarum & Festivitatum totius anni, quorum unus ætivalis, alter vocatur hyemalis; qui obiit in Purificatione Beatæ MARIÆ cum maximo luctu totius nostri Conventus.

77. Cum vidisset igitur Dominus Radulfus Præpositus, aliquantulum sibi juxta votum contigisse de Ecclesiola sancti Amandi in pago Noviomensi, etiam Laudunensem regionem expetiit, vidensque ibi pro bello quod erat inter Thomam de Marla & Rogerum de Petrepointe plures terras ac villas vacuas desolatâque remansisse, datâ pecuniâ eidem Rogero rogavit eum, ut pro salute animæ suæ de eadem terrâ aliquid daret Ecclesiæ nostræ, ubi possemus laborantes proficere. Statim Rogerus assensu Ermengardis conjugis suæ dedit nobis vacuum terram in loco qui dicitur Candeliva, & coram domino Ingelranno tunc temporis Laudunensi Episcopo confirmavit. Nec mora: Radulfus domum unam ibi construxit, vidensque terram fertilem & sufficientem, quatuor carrucas ibidem posuit, ovibus ac bobus replevit. Inde ad alium Principem, qui vocabatur Gerardus de Cherisi accessit; dataque ei non modicâ pecuniâ rogavit, ut & ipse imitando Rogerum aliquid pro animâ suâ daret Ecclesiæ sancti Martini: tunc ille terras quas habebat apud Liviri & Brangicurtum nobis dedit, & quia de feodo Regis erant, per Ludovicum Regem Francorum fecit confirmari: hocque fuit primum privilegium quod Ecclesia nostra de Regibus habuit. Sic ergo Radulfus unam curtem apud Liviri, & alteram apud Brangicurtum construxit; molendinum etiam quod prius destructum erat, reparavit. Quartam etiam curtem non procul ab aliis in villâ quæ dicitur Moncellis construxit, quæ tamen non ex unius sed ex multorum donatione & agriculturâ consistit. Post aliquod verò tempus cum præfatus Thomas de Marlâ videns curtem nostram abundantia pecorum repletam, cupiditate ductus, eam deprædatus fuisset, indeque excommunicatus absolvi deposceret, altare unum in villâ quæ dicitur Foimons pro prædæ restauratione nobis dedit; & privilegio Episcopi Laudunensis, de quo illud in feodo tenebat, confirmari fecit; sic illius facti absolutionem recepit. Has ergo quatuor curtes sæpe dictus Radulfus Præpositus in pago Laudunensi construxit, & per eas non parum Ecclesiam nostram ampliavit.

78. Aliam etiam curtem in pago Sueffionensi construxit in nemore de Pinon, & privilegio Domini Lisiardi Suefforum Episcopi confirmari fecit; filiumque suum Walterum ad construendum in eodem loco posuit, ita ut Ecclesiolam lapideam ex elemosynis fidelium in honore sanctæ Dei Genitricis MARIÆ ibidem ædificatam, à præfato Episcopo consecrari impetraverit.

79. In his itaque domibus, sive ut usitatis dicamus, curtibus, quas in diversis locis præfatus Radulfus Præpositus construxit, plus quàm sexaginta carrucas posuit, sicque Deo juvante tam ex agri-

cultura quàm ex nutrimentis pecorum toti Conventui Ecclesiæ nostræ in victu & vestitu necessaria providebat: super quo Dominus Abbas Odo valde gaudebat, & Deo gratias agebat, quod sibi talem virum dedisset, qui se à sollicitudine & tumultu exteriori prorsus immunem & liberum esse fecerat: commissâ namque ei totius Ecclesiæ nostræ curâ exteriori, ipse Religionis & silentio tam ferventer insistebat, ut multoties integro mente de Claustro non exiret, sed jugiter lectioni intentus, scribendis libris totum studium daret; scriptorum quippe copiam à Domino sibi datam exultabat, ita ut si claustrum ingredereris videres plerumque XII. Monachos juvenes in cathedris sedentes, & super tabulas diligenter & artificiosè compositas cum silentio scribentes; unde omnes libros Hieronymi in explanatione Prophetarum, omnes libros beati Gregorii & quoscunque invenire potuit B. Augustini, Ambrosii, Isidori, Bedæ, necnon etiam Domini Anselmi tunc temporis Abbatis Beccensis, postea verò Cantuariensis Archiepiscopi, tam diligenter fecit describi, ut vix in aliquâ vicinarum Ecclesiarum similis inveniretur Bibliotheca, omnesque pro corrigendis libris suis de nostrâ Ecclesiâ peterent exemplaria. Magni nominis, magnæque Religionis tunc erat in Cœnobium nostrum, quia in toto Archiepiscopatu Remensi eo tempore non nisi tres inveniebantur Ecclesiæ, quæ consuetudines Cluniacenses servarent, Acquiciniensis scilicet, Hassigementis & nostra. Cluniacense si quidem Cœnobium tunc in toto Regno Francorum erat excellentissimæ Religionis, quoniam nondum germinaverat rigor Cisterciensis, nec de Domino Norberto adhuc aliqua mentio erat.

80. Eâ tempestate Dominus Lambertus Cœnobii sancti Bertini Abbas effectus, cum videret Ecclesiam suam præ nimia dissolutione sic destitutam, ut vix pauci Monachi in eâ subsistere possent, summâ necessitate compulsus Dominum Hugonem præfati Cœnobii Cluniacensis tunc temporis famosissimum Abbatem expetiit, ejusque magisterio seipsum cum totâ sua Ecclesiâ committens, professionem publicè in ipso Cœnobio fecit; sicque susceptos ab eodem Domino Hugone XII. Monachos secum reducens, & Ecclesiam sancti Bertini eis regendam committens, in tantum brevi tempore gratiâ Dei juvante per eos profecit, ut ubi prius vix XII. Monachos invenisset, postmodum centum quinquaginta omni abundantia repletos reperisset. Quod cernens inclytus Comes Flandrensis Robertus, quia jam Jerusalem captâ in terram suam redierat, sumptos ex eodem Cœnobio sancti Bertini Monachos in Ecclesiam sancti Vedasti Atrebatensis, sanctique Petri Gandensis posuit, multumque eas correxit. Dominusque Odo venerabilis Abbas sancti Remigii Remensis susceptos à præfato Abbate sancti Bertini Monachos in Cœnobio suo posuit; deinde Ludovicus Rex Francorum videns alias Ecclesias per easdem consuetudines proficere, in Cœnobio sancti Medardi Sueffionensis eas violenter servari fecit; sicque per gratiam Dei vix jam invenitur in Franciâ, vel Flandriâ aliquod Cœnobium in quo non videas Cluniacenses consuetudines servari: sed cum (ut prædictum est) inter vicinas Ecclesias magnâ famâ, prosperitate Cœnobium nostrum floreret; ecce subito cecidit corona capitis nostri, & defecit gaudium cordis nostri.

81. Dominus liquidem Manasses Remorum Archiepiscopus ad Concilium generaliter mandans alios Abbates, inter alios nominatim evocavit Odonem Abbatem sancti Martini Tornacensis, cumque exinde admirantes quid de Concilio nobis referretur, attoniti & suspensi expectaremus, ecce repente au-

An. 1105.

dimus ad Cameracensis sedis Episcopatum eum fuisse electum, & sine morâ ab Archiepiscopo, & Comprovincialibus Episcopis consecratum. Quis eo die luctus totum Conventum nostrum repleverit, quis singultus pectora nostra concusserit, nullus facile explicare poterit. Vix tamen octo dies transierant, & rursum nobis quædam redditur consolatio, quoniam ipse, rebellante ac resistente Galchero Episcopo, pacifice ingredi non valens Cameracum urbem, rursum nobis ab Archiepiscopo remittitur, & per annum integrum nobiscum demoratur. Quæ autem ejusdem rebellionis causa fuerit, paucis aperiri videntur licet à cæptâ narratione digrediamur.

82. In vitâ beati Gregorij legitur quoddam cum ad Apostolicæ Sedis regimen fuisset electus, & reluctaretur, Romani assensum Mauricii Imperatoris petierunt, & per eum in Sede Pontificali electum levaverunt: sed & beatum Eligium & sanctum Audoenum à Dagoberto Francorum Rege ad Pontificatum electos, & promotos fuisse legimus; cumque idem etiam multis aliis in locis legatur, sanctos scilicet viros à Regibus ad Pontificatum fuisse promotos, ecce subito Henrici senioris Imperatoris temporibus Papa Romanus, qui primum vocatus est Hildebrandus, postea verò Gregorius septimus, prohibet ne quisquam ab eo eligatur, vel promoveatur, & omnes qui ab eo promoti fuerant, vel baculum seu anulum de manu ejus susceperant, excommunicantur & deponuntur; in toto etiam regno ejus, in partibus dumtaxat Teutonicis Divinum officium interdicitur. Fit maxima sanctæ Ecclesiæ perturbatio, ita ut multi dicerent tunc impleri illam prophetiam Ezechie Regis: *Ecce in pace amaritudo mea amarissima*. Amara namque fuit Ecclesiæ amaritudo tempore Martyrum a paganis occisorum; amarior tempore hæreticorum; amarissima in pace Christianorum. Henricus namque Imperator non ferens auferri sibi dignitatem antecessorum suorum, & dicens Papam non hoc facere pro libertate Ecclesiæ, sed potius ut sub occasione & prætextu justitiæ majorem posset pecuniam congregare; alium Papam elegit nomine Guibertum, eumque qui se excommunicaverat facit excommunicari, & contra præceptum ejus in regno suo Divinum officium cogit celebrari: dehinc congregato exercitu Romam obsidet, totamque provinciam devastat. Gregorio Papa moriente succedit Urbanus, & eadem quæ antecessor ejus statuerat, confirmat, atque inter cætera quæ in Claromontensi Concilio decrevit, etiam Gualcherum Cameracensem Episcopum pro eo quod Episcopatum per pecuniam adeptus fuerat, & virgam atque annulum de manu Imperatoris susceperat, excommunicationis gladio percutit, & ab Episcopali officio deponit; ille violentiâ Regali fultus pluribus annis Episcopatu superbi præsidet, & contra Papæ præceptum in urbe Cameracensi Divinum officium celebrari jubet. Urbano Papæ morienti Paschalis succedens, & Gualcherum in diutinâ obstinatione pertinaciter perseverare dolens, missis litteris Manassæ Remensi Archiepiscopo Apostolicâ auctoritate præcipit, ut congregatis comprovincialibus Episcopis Cameracensi Ecclesiæ Episcopum omniâ dilatione eligat, & consecret. Sic ergo Abbas noster Dominus Odo eligitur & consecratur. Sed quia Archiepiscopi auctoritate Gualcherus expelli non valet, Abbas noster jam consecratus nobis remittitur, & Episcopale quidem officium ubique gerit: ingressum verò urbis & redditus Regales non habet.

83. Interea callidus Papa Henricum adolescentem filium Henrici Imperatoris litteris adversus pa-

trem concitat, & ut Ecclesiæ Dei auxilietur admonet; ille regni cupidus, & gaudens se competentem occasionem ex Apostolicâ auctoritate invenisse, contra patrem ferociter armatur, eumque regno propellit, ita ut præter Autbertum Leodiensem Episcopum nullum inveniret qui sibi adhæreret. Juvenis frendens eo quod contra voluntatem suam à prædicto Episcopo pater suus in urbe Leodiensi retinebatur, exercitum congregat, & in die sancto Parasceves Leodium violenter intrare parat. Præcedente igitur feriâ quintâ cum Episcopus jam vespere finitis ex more Ecclesiastico pedes Canonorum lavaret, & Cœnam Dominicam celebraret; ecce subito nuntiatur milites juvenis Regis castrum quod Visetum dicitur obtinuisse: exiliunt cum impetu Leodienses, & præcedente Namurcensi Comite obviam venientibus ire festinant. Ecce autem dum militia novi Regis inconsultè & præproperè pontem Mosellæ fluminis conscendit, repente pons fluminis frangitur, & quingenti ferè milites loricati & armati cum equis in flumine corruentes necantur. Sicque Rex juvenis, quoddam contra patrem tam solempni die pugnare voluisset, sero renitens, non sine magnâ confusione retrocedere, Moguntiam redire compellitur, sed quia jam totum regnum excepto Leodio obtinuerat; rursum resumptis viribus contra patrem armatur, donec pater omni Principum auxilio destitutus, in quodam Castello ab eo includitur. Exstat quædam Epistola<sup>h</sup> ab eodem patre Philippo Regi Francorum directâ, in quâ de filio suo conqueritur, quam si quis legerit, & non fleverit, videtur mihi duri esse cordis.

84. Mortuo ergo patre Henrici Henrico seniore, non quidem armis sed tristitiâ cordis, filius ejus, jam optato regno potitus, mandavit Cameracensibus, ut Gualcherum excommunicatum ab urbe pellerent, Dominum Odonem reciperent. Tuncque primum Dominus Odo urbem sedis suæ pacifice ingrediens, præcepit nobis ut Abbatem eligeremus, & consilio ejus Dominum SEGARDUM Priorem nostrum elegimus, virum religiosum, jejuniis & orationibus deditum, qui jam à multis annis Prioratum Ecclesiæ nostræ tenuerat. Præfatus verò Henricus regnum adeptus, sed in patris sui sententiâ permanens, nec antiquorum Regum dignitate carere volens, qui Episcopos eligere consueverant, congregato exercitu Romam tendit, dicens se pro consecratione & coronâ de manu Domini Papæ suscipiendâ illuc ire: susceptus itaque à Romanis cum magno gaudio & processione, venit ad sancti Petri Ecclesiâ, ubi Dominus Papa residens eum expectabat; at ubi ex more pedibus Papæ summus ad osculum ejus levatus est, protinus prodicionem & perfidiam diu præmeditatam aperuit, voceque Teutonicâ signum dans militibus armatis Dominum Papam, quem jam osculatus fuerat, cum omnibus Cardinalibus, qui cum pro tam festivâ processione circumdederant, violenter captum in sua castra duxit, & custodiæ mancipavit, pluresque Romanorum qui sibi resistere voluerant, trucidavit: cum exercitu enim magno venerat. Illi autem nullam doli suspicionem habentes, omnino ad bellum imparati erant, ideoque non mirum fuit si facile sunt superati. Papa ergo videns periculum non solum Episcoporum & Cardinalium qui secum capti erant, sed totius regionis quam hostiliter, non ut Imperator sed ut Tyrannus devastabat, pro imminente necessitate magis voluit sententiam ad tempus mutare, quàm his non providere, quorum cervicibus gladius imminabat; con-

h

An. 1106.

Isai. 38. 17.

An. 1195.

cessit itaque Regi, & etiam privilegij sui auctoritate confirmavit, ut assensu ejus electiones Pontificum fierent, electis autem per virgam & annulum investituram faceret; cum verò Rex hujus concessionis fidejussionem quæreret; Papa ei Corpus Domini in ore posuit: hoc, inquit, Corpus Domini tibi prado loco fidejussoris, quod de ijs quæ tibi promisi nihil ulterius violabo. Sic itaque Rex lætus Papam cum omnibus quos ceperat dimisit, & in terram suam, id est in Lotharingiam rediit, filiamque Henrici Regis Anglorum Leodij, sibi à patre cum multis divitiis præsentatam, uxorem duxit: Divino tamen judicio non diutina prosperitate gavisus est, sed præfatam Reginam viduam sine prole relinquens, regno simul & vitâ citius privatus est. Siquidem post discessum ejus ab urbe Româ diversi Pontifices in unum convenientes, & Apostolicæ proditoris eum infamantes, paremque Judæ eum fore dicentes, qui post osculum & per osculum tradidit Dominum; privilegium quoque illud quod ei Papa dederat, non privilegium sed pravilegium vocantes, sententiâ anathematis eum percusserunt, & quidquid Dominus Papa necessitate compellente dispensativè fecerat, irritum esse decreverunt.

85. Quidam Clericus nomine Norbertus, qui in eadem captione Capellanus Imperatoris fuerat, videns tantam nequitiam domini sui Regis, pœnitentiâ ductus pedibus Domini Papæ se prostravit, & absolutione ab eo susceptâ sæcularem vitam relinquens, in Franciam venit, & in Episcopatu Laudunensi locum quemdam solitarium reperiens qui Præmonstratus dicitur, ibidem Deo sub Regulâ sancti Augustini, imò multum rigidiori & artiori servire cœpit, sicque per Dei gratiam brevi tempore profecit, ut nullum post Apostolos videamus hodie tantum fructum in Ecclesiâ fecisse: nam cum necdum conversionis ejus tricesimus annus sit, jam ferè centum Monasteria à sequacibus ejus per diversas orbis partes constructa audivimus; ita ut etiam in Jerusalem usque regula eorum servetur: nam ut de aliis taceam, in urbe Laudunensi commissa est ei à Domino Bartholomæo Episcopo quædam pauperula Ecclesia in honore sancti Martini constructa, in quâ idem Norbertus paucos ex Fratibus suis ponens, Abbatum eis præfecit virum religiosum nomine Walterum, cui Deus tantam gratiam contulit, ut hodie in ipsâ Ecclesiâ ferè quingenti Fratres degere videantur; jamque ex ipsâ x. fere alia Monasteria processerunt. Ipse verò Norbertus postmodum in urbe Magdeburgensi Archiepiscopus factus, tempore Lotharii Imperatoris, qui Henrico successit, defunctus est. Sed nunc jam ad nostrum Cœnobium redeamus.

86. Cum Dominus Odo ferè xiii. annis illud rexisset, Episcopus factus Domino Segardo Priori nostro illud regendum reliquit, quo tempore maxima tribulatio nobis supervenit. Canonici liquidem Tornacenses, jam Domino Odone Episcopo facto, ne aliquem extraneum sepeliremus nobis interdiceret cœperunt, dicentes Ecclesiam nostram non esse Abbatiam, sed potius juris sui capellam, nec nos in ea remansuros, nisi quamdiù ipsi vellent: unde duo Archidiaconi Cameracenses, Anselmus scilicet, & Radulfus filius Domini Tetbaldi Monachi nostri, qui frequentabant Episcopum suum, adhuc nobiscum commorantem, tali contradictione Canonico- rum Tornacensium commoti, cum litteris deprecatoriis Domni Odonis Episcopi Romam petiverunt, privilegiumque Domni Paschalis Papæ nobis detulerunt, in quo nobis concedebat, ut omnes qui apud nos sepeliri vellent, nisi excommunicati

essent, liberè & absque ullâ contradictione sepeliremus: adjunxerunt etiam, plurimis nostrum ignorantibus, ut decimas laborum nostrorum, quos circa Monasterium laboramus, ulterius non solveremus, quoniam à Domino Papa nobis remittebantur: quod ut Canonicis innotuit, illico contrâ insurgunt, totumque orbem adversum nos incitant, incendiis & rapinis Ecclesiam nostram valde perturbant: cumque Cœnobii nostri Præpositus esset frequenter superius memoratus Radulfus, Canonico- rum verò Gonterus filius germani ejus Tetberti; dum inter se non solum Ecclesiasticis, sed etiam sæcularibus armis decertarent patruus & nepos; videbatur inter duas Ecclesias geri non solum civile, sed etiam plusquam civile bellum. Dominus tamen Papa nunquam auxilium suum nobis impendere desistit, sed ad se frequenter redeuntibus piè consuluit, unde etiam hujusmodi litteras Baldrico Episcopo nostro inter multas alias transmisit:

87. PASCHALIS Episcopus servus servorum Dei, venerabili fratri BALDRICO Noviomeni seu Tornacensi Episcopo salutem, & Apostolicam benedictionem. Fraternitati tuæ jam secundas litteras misimus, ut Monachis sancti Martini justitiam faceres de injuriis illis, quas à Clericis Tornacensibus patiuntur: cæterum eandem justitiam exercere diu multumque Fraternitas tua dissimulavit, unde oportuno duximus idem negotium Lamberto Atrebatensi, & Joanni Morineni Comprovincialibus fratribus commisisse, qui nimirum tanquam religiosi viri ad pacem vehementius intendentes, idem negotium minus canonicè tractaverunt. Quamobrem nos utramque partem ad nostram præsentiam evocavimus. Iplis itaque Clericis ex Sanctorum Patrum auctoritate monstravimus, quàm indebitè in decimarum exactione & sepulturarum prohibitione Monachos prægravarent. Beatus enim Gregorius Augustino Anglorum Episcopo scribens: Comuni, ait, vita viventibus jam de faciendis portionibus, vel exigendâ hospitalitate, & adimplenda misericordiâ nobis quid erit loquendum, cum omne quod superest in causis piis, ac Religiosis erogandum est. Quartus autem Leo synodali constitutione decrevit, ut decimæ & primitiæ, seu quæcumque oblationes vivorum & mortuorum, Ecclesiis Dei fideliter reddantur à Laicis. Ubi notandum quodd non à Monachis, sed à Laicis reddi decimæ jubentur. Monachi namque cum eorum plerique aut levitæ, aut Sacerdotes sint, aut aliis Ecclesiasticis ordinibus perfruantur, cum assidue per Dei gratiam Divinis inserviant ministeriis, immunes profectò ab hujusmodi exactionibus sunt habendi. Idem etiam Leo Episcopis Britanniae scribens, illis tantum Ecclesiis quæ plebes vocantur, deberi decimas indicat; ubi sacro sancta dantur baptismata; in quibus videlicet verbis evidenter apparet causâ Baptismatis, Eucharistiæ, Pœnitentiæ seu cæterorum officiorum, quæ à Clericis populo exhibentur, decimas à populo esse reddendas; in quibus omnibus nullum à Clericis servitium Monachorum conventibus exhibetur. Porro de sepultura Monasteriis permittendâ B. Gregorii habetur manifesta sententia. Joannem enim Veteris urbis Episc. in Monasterio sepeliri mortuos prohibentem, his verbis cohibere curavit: Si ita est, ait, à tali vos hortor inhumanitate recedere, & sepeliri mortuos ibidem, vel celebrari Missas nullâ ulterius habitâ contradictione permittas; ne denuò querelam de his quæ acta sunt, Agapitus vir venerabilis ad me depromere compellatur. Hac Sanctorum Patrum auctoritate compertâ & veritatis ratione

» cognita, prædicti qui ad nos venerant Clerici  
 » Tornacenses debitâ humilitate cesserunt, & de  
 » cetero se nullam super his querelis molestiam  
 » Monachis illaturos polliciti sunt. Tuam ergo sol-  
 » licitudinem, Frater carissime, commonemus, nè  
 » ulterius suprà dicti Monasterii Fratres patiaris mo-  
 » lestiis tantis infestari, neque Cathedralam ibi col-  
 » loces, neque aliud quid infra quo regularis or-  
 » do turbetur. De his autem elemosynarum par-  
 » tibus, quæ à morientibus Ecclesiis relinquendæ,  
 » vestrà interest, Diocesis vestræ Parochianos inf-  
 » truere, ut per tuæ vigilationis diligentiam largiente  
 » Domino tam Clericis quàm Monachis iusta ser-  
 » ventur, & Ecclesiis pax firma permaneat. Data  
 » Lateranis per manum JOANNIS Cardinalis IIII.  
 » Kalend. Novembris.

88. Clerici namque Tornacenses Roma reversi,  
 & omnia quæ dominus Papa eos sibi promissile di-  
 xerat, prætergressi, rursus nos incendiis devastare,  
 Militibus etiam ut nostra dispererent, pecuniam dare  
 cœperunt: quâdam verò die advesperascente ser-  
 vientes suos ad curtem nostram Dussolpetram de-  
 prædandam transmisserunt. Quod cum Domino Ab-  
 bati Segardo nuntiatum fuisset, præmisit quemdam  
 Monachum nomine Gerulfum, qui in vita sæculari  
 strenuus Miles fuerat, Optimatumque regionis co-  
 gnatus erat, ad reprimendam audaciam raptorum;  
 illi autem cum armis, & multitudine venientes,  
 curtem deprædati sunt; Monachumque sibi resistere  
 volentem tam fortiter verberaverunt, ut cum in le-  
 ctulo ad Ecclesiam nostram necesse esset referri. Un-  
 de cognati ejus vehementer commoti, post paucos  
 dies contra Clericos & fautores eorum conven-  
 runt; initoque bello ex servientibus eorum decem  
 & octo occiderunt, quorundam verò pedibus ab-  
 scissis omnes pariter in fugam converterunt. Dixe-  
 runt etiam quidam ex Militibus, se in eodem cer-  
 tamine vidisse S. Martinum in aëre super equum al-  
 bum sedentem, & adversarios exerto gladio effugan-  
 tem, & cum multo major eorum numerus quàm  
 nostrorum fuisset, nostris tamen victoria cessit. De  
 quâ victoriâ videns Dominus Segardus Abbas quos-  
 dam juvenum nostrorum exultantes, ingressus Ec-  
 clesiam & coram altari prostratus vehementissimè  
 flere cœpit, tam pro animabus eorum qui interfecti  
 fuerant, quàm pro periculo Fratrum qui exinde  
 exultaverant, unde protinus convocatis omnibus in  
 Capitulum, præcepit ut sequenti die totus Conventus  
 unanimiter in pane & aquâ jejunaret, & sicut  
 in Parasceve nudis pedibus mane surgentes post Pri-  
 miam totum psalterium legerent, & processionem fa-  
 cerent, in Capitulo etiam omnes generaliter discipli-  
 nas susceperent, cujus devotio quoddam Deo placuit,  
 protinus effectus monstravit.

89. Adhuc enim nobis in Capitulo sedentibus,  
 ecce subito Everardus Castellanus, totius regionis  
 Princeps, cujus longe superius mentionem fecimus,  
 insperatus ostium Clausuli pulsavit, & ut in Capi-  
 tulum venire permitteretur rogavit. Ingressus igitur  
 cum quibusdam viris sapientibus; Valde, inquit,  
 Domini mei, de restauratione hujus Ecclesiæ gavi-  
 sumus, cujus cum necdum vicessimus compleatur  
 annus, jam de ejus destructione nihilominus valde  
 contristamur; scimus enim re verâ quoddam Clerici vo-  
 bis injustè prohibent sepulturam eorum qui non  
 sunt sui Parochiani, & nihilominus vos eis injustè  
 decimas suas vultis auferre: licet enim terras no-  
 stras pro animarum nostrarum salute dederimus,  
 decimas tamen Dominæ nostræ sanctæ Mariæ vo-  
 bis dare non potuimus. Quod ergo vobis dedimus

tenete, & sanctæ Mariæ vos sancti viri nolite au-  
 ferre, quod nos peccatores ei dabamus: si verò ei  
 jus suum quod jam quingentis annis tenuit, vultis  
 auferre, nescio quid vobis profit sæcularem vi-  
 tam reliquisse, quoniam (ut salvâ gratiâ vestrà di-  
 cam) cupidiores & rapaciores, atque pejores nobis  
 esse videbimini, qui licet pauperibus sua auferamus,  
 Deo tamen suas decimas reddimus: unde precor vos,  
 dulcissimi Domini mei, quatinus ab inceptâ desi-  
 stentes pertinaciâ, pro singulari & insolitâ libertate  
 provinciam non perturbetis, sed vicinarum Abbatia-  
 rum, quæ antiquiores & ditiores vobis sunt, mo-  
 rem sequamini, & nos eandem libertatem sepul-  
 turæ quam ipsi habent, velint nolint Clerici, facie-  
 mus vobis concedi: si verò precibus nostris acquies-  
 cere nolueritis, tunc utique contra torrentem bra-  
 chia tenditis, quoniam nos nullo modo patiemur  
 Dominæ nostræ decimas suas auferri. Huic ergo  
 præfati Principis orationi Conventus noster acquies-  
 cens, suasioni ejus cessit: sicque statuto die conve-  
 nientibus vicinis Abbatibus, multisque aliis Eccle-  
 siasticis personis utrimque statutum est, & chiro-  
 grapho confirmatum est, ut more solito dare-  
 mus decimas, & de sepulturâ idem nobis liceret  
 quod Ecclesiæ sancti Amandi, & ceteris vicinis Ec-  
 clesiis. Finitâ itaque concordia, Clerici qui dudum  
 nos radicibus evertere conabantur, tantâ nobis rur-  
 sum conjuncti sunt amicitia, ut ipse præfatus Gon-  
 terus Præpositus vir strenuissimus, nostris necessita-  
 tibus omni conatu subveniret; & mala quæ nobis  
 tempore discordiæ fecerat, novis servitiis & auxiliis  
 diluere & emendare studeret. Tanta ergo deinceps  
 dilectio & familiaritas inter nos & illos fuit, ut præ  
 ceteris vicinis Ecclesiis ad invicem amoris vinculo  
 conjungeremur: unde etiam in negotio quod post  
 factam concordiam protinus inceperunt, quasi Fra-  
 tres, & socii eis fuimus. Est autem hujusmodi ne-  
 gotium.

90. Tornacensis civitas olim propriam habuit  
 Episcopum, unde in vita sancti Medardi legitur, quoddam  
 cum esset puer in scholâ discens, prædixit Eleutherio  
 quemdam comparem suum, summum Dei  
 Pontificem in urbe Tornaco futurum, quod postea  
 rei probavit eventus. Cum ergo Beatus Eleutherius  
 in urbe Tornaco, sanctus verò Medardus in Ver-  
 mandensi factus fuisset Episcopus, Ludovicus Rex  
 Francorum, quem baptisavit sanctus Remigius,  
 Tornacum venit; eundem sanctum Eleutherium  
 rogavit ut pro peccato quod commiserat & confi-  
 teri erubesceret, Christi misericordiam imploraret:  
 quod vir Dei faciens, ab Angelo se exauditum esse  
 cognovit, ipsumque Regi crimen scriptum attulit;  
 unde Rex exhilatus Deo, & Beato ejus Confessori  
 gratias retulit, multaque dona ei relinquens ad pro-  
 pria rediit. Postea contigit ut Beatus Eleutherius  
 Tornacensis Episcopus, præ nimia senectute & in-  
 firmitate caligantibus oculis officium Episcopale im-  
 plere non posset; pro antiquâ ergo familiaritate ro-  
 gavit sanctum Medardum Vermandensem Episco-  
 pum ut se juvaret ad explendos ordines sacros, &  
 consecrandas Ecclesias, cæteraque peragenda officia  
 Episcopalia: acquievit ille, sæpiusque visitans Tor-  
 nacum, & verbum Dei prædicans non modicum fa-  
 vorem adeptus est totius Cleri, ac populi. Cum ve-  
 rò defunctum Beatum Eleutherium idem sanctus  
 Medardus Missâ celebratâ in Ecclesiâ sancti Petri  
 blandiniensis solemniter sepelisset, & Clerici Tor-  
 nacenses ad eligendum Episcopum convenissent,  
 videntes religionem & probitatem sancti Medardi,  
 sicut Sueslionis in vita ejus scriptum reperi, eum

i Eleutherium] Eleutherius & Medardus multo post Clo-

dovei obitum Episcopi fuere, postque Remigii decessum.



S. Medardus  
transfert Se-  
dem Episco-  
pal. ex urbe S.  
Quintini, sive  
Augusta Vi-  
romanduorū,  
Noviomum.

sibi elegerunt Episcopum, dicentes quod sicut vi-  
vente Beato Eleuthero per aliquod tempus utrum-  
que Episcopatum bene rexisset, ita etiam post obi-  
tum ejus facere posset. Reluctatur vir beatus &  
contradicit dicens nec canonicum, nec possibile si-  
bi esse ut duos Episcopatus teneat, ideoque se tan-  
tum onus non suscepturum, cujus gravamine pres-  
sus deficeret. Tornacentes incepta sententiā per-  
manentes, Beatum Remigium tunc temporis Re-  
morum Archiepiscopum adeunt; & ut ei Torna-  
centis Ecclesie providentiam injungeret, deposcant.  
Flexis eorum precibus sanctus Remigius, simulque  
considerans & eorum devotionem, & Beati Medar-  
di religionem, obedientie vinculo Tornacentis Ec-  
clesie ei injungit sollicitudinem: postmodum autem  
sanctus Medardus sedem Episcopalem mutavit, &  
de urbe Vermandensi Noviomum eam transtulit,  
sicque duos Episcopatus Noviomensem scilicet &  
Tornacentem in vitam suam retinuit: post obitum quo-  
que ejus successores ipsius, Noviomenses scilicet Ep-  
iscopi utrumque Episcopatum tenuerunt: seroque  
Tornacentes Clerici se sanctum Medardum elegisse  
pœnituerunt, videntes quod semel concesserant se  
ulterius non posse mutare.

91. In vita sancti Remigii Remorum Pontificis  
continetur, quod tempore ejus Remensis Ecclesia  
Metropolis XII. Episcopos sub se habebat, scilicet  
Silvanectensem, Catalaunensem, Ambianensem,  
Belvacensem, Sueffionensem, Laudunensem (qui  
antiquitus non fuerat, sed ab ipso sancto Remigio  
institutus est, dans ei de suis municipiis cum ipso  
Lauduno qui de parochia Remensi exibat) Novio-  
mensensem, Atrebatensem, quem etiam primus ordi-  
navit<sup>1</sup>, Cameracensem, Tornacentensem, Morinen-  
sem, & Boloniensem.

92. Defuncto Beato Medardo, atque Sueffionis  
sepulto, Lotharius Rex Francorum filius supra di-  
cti Ludovici Ecclesiam super corpus ejus ædificavit.  
Post aliquot verò annos idem Rex moriens, & in  
eodem loco sepultus, quatuor filios heredes Regni  
reliquit Karebertum, Guntrannum, Sigebertum,  
Chilpericum, qui Regnum inter se dividentes, Ka-  
rebertus sedem sibi constituit Parisius; Guntrannus  
Aurelianis; Sigebertus Remis; Chilpericus Sueffio-  
nis. Chilpericus duxit uxorem nomine Audoveram,  
habens concubinam nomine Fredegundem; quæ  
Fredegundis Audoveram Reginam tali fraude dece-  
pit: iussit ei ut filiam quam ex Chilperico habebat,  
ipsa de sacro fonte, non alia susciperet, quod illa  
seducta fecit: quamobrem à marito suo separata  
est, sicque Fredegundis concubina in conjugium  
transiit: Episcopus qui puerum baptisavit exilio  
damnatur. Franci qui sub ditione Chilperici erant,  
ad Sigebertum transeunt: Chilpericus verò fugiens  
fratrem suum, petiit civitatem Tornacum, quæ in  
divisione sua continebatur, quem cives ejusdem ur-  
bis susceperunt, & cœperunt pugnare contra præ-  
factum Sigebertum, qui congregato exercitu obse-  
dit in urbe Tornaco fratrem suum. Fredegundis  
verò Chilperici uxor verens, ne populus Tornacentis  
pertactus obditionis, se & maritum suum traderet  
inimicis, convocavit duos juvenes ferocis animi,  
pollicens eis præmia & honores si Regem Sigeber-  
tum interficerent, qui consiliis ejus acquiescentes  
Regem adierunt, & quasi ei aliquid secretius lo-  
quuturi, seorsum evocaverant; deinde pugionibus  
interfecerunt. Chilpericus verò à Tornaco egressus  
exercitum ad se reduxit, fratrem verò suum in vico  
qui dicitur *Lamérius* juxta Duacum sepelivit, ci-  
vibus Tornacentibus gratias reddidit, & Ecclesiæ

Beate Virginis MARIE multa beneficia contulit pro  
salute animæ suæ & animæ fratris sui qui impro-  
visè interemptus occubuerat, jura sua Regalia,  
quæ in eadem civitate possidebat inter Episcopum  
& Clerum distribuit: Episcopo delegavit mercedem  
civitatis; mairiam, justitiam, districtum, Advocat-  
tionem hominum Beate MARIE, Wionagia pleu-  
strorum & vehiculorum, quæ venalia in civitatem  
afferunt. Clero verò tribuit teloneum, pontina-  
gium, ut ex eorum redditibus vestimentorum suo-  
rum necessaria compararent; & ut victum copio-  
sè & sufficienter haberent, omnem terram quæ ja-  
cet inter duos fluviolos *Ries* scilicet & *Mairam*  
eorum ditioni subdidit, ut ex ejus agriculturâ bi-  
que penuriâ sustentarentur. Cunctaque molendina  
quæ tunc erant in Scaldo eis superaddidit, sex ex  
iis Episcopo reservatis cum quinque quadrigis ter-  
ræ. Foragia verò cambarum, vel quod scyphica-  
tiones apothecarum alii vocant, & redditus valo-  
rum vini, inter utrosque aquis partibus dividit.  
Hoc itaque modo amplificatâ Ecclesiâ Beate Vir-  
ginis MARIE cum honore ad propria rediit; deinde  
confirmatus in regno corpus fratris sui Sueffionis  
transtulit, & juxta patrem suum sepelivit in Ec-  
clesiâ sancti Medardi. Ipse verò post aliquod tem-  
pus astu uxoris suæ Fredegundis à Landrico Majo-  
re-domus cum quo eadem Fredegundis adulterabat,  
occiditur, & in basilicâ sancti Vincentii Parisius  
sepelitur.

93. Post Beatum Medardum præfuit Ecclesiæ No-  
viomensi atque Tornacenti Augustinus; Augustino  
Gundulfus; Gundulfo Ebrulfus, Ebrulfo sanctus  
Acharius, cujus tempore legitur fuisse S. Amandus  
Trajectensium Episcopus, qui Cœnobium Mona-  
chorum Helnone contruxit: post Beatum Acharium,  
sanctus Eligius: iste sanctus inter præclara Cœnob-  
ia quæ per Galliam construxit, etiam Ecclesiam sancti  
Martini Tornacentis in loco ubi nunc restaurata est,  
ædificavit: sancto Eligio S. Mumolenus successit:  
Mummoleno Gundulfus, Gundulfo Guarulfus, Gua-  
rullo Crafmarus, Crafmaro Framigerus, Framigero  
Hunuanus, Hunuano Guido cum Enutio; deinde  
Helisæus, Helisæo Adelfredus, Adelfredo Dido, Di-  
doni Gislebertus qui fuit Abbas sancti Amandi Hel-  
nonensis, qui pro Parochiâ sancti Martini quæ sita  
est apud Helnonem in Episcopio Atrebatensi, dici-  
tur Episcopo Atrebatensi, seu Cameracensi dedisse,  
pro commutatione Marcenientem Abbatiam, quæ  
in Episcopatu Tornacenti jacet. Gisleberto succel-  
sit Pleon, Pleoni Guandelmarus, Guandelmaro Ro-  
negarius, Ronegario Fichardus, Fichardo Emmo  
qui à Normannis occisus est; Emmoni Rainelmus,  
Rainelmo Heidilo, sub quo cives Tornacentes apud  
Noviomum se contulerunt propter devastationem,  
& oppressionem Normannorum, quando etiam Mo-  
nachi sancti Martini ejusdem civitatis apud *Supas*  
villam suam in Episcopio Parisiensi sitam diverterunt;  
Heidiloni Raubertus, Rauberto Airardus, Airardo  
Gualbertus, Gualberto Transmarus, Transmaro  
Radulfus: post hunc præfuerunt Episcopi quidam,  
quos melius puto vocari debere raptores quàm gu-  
bernatores, dissipatores quàm rectores, mercena-  
rios quàm pastores; beneficia enim Ecclesiæ disper-  
diderunt, & penè ad nihilum redegerunt, ita ut de  
antiquis possessionibus nihil amplius eam cernamus  
hodie tenere, quàm tria molendina Episcopi, tresq;  
quadrigas terræ ejus, & Canonicorum teloneum,  
pontinagium, foragiorumque suam partem exceptis  
paucis terris, & molendinis, quæ per fidelium obla-  
tiones recuperaverunt. Quod quomodo acciderit,

<sup>1</sup> ordinavit ] Id est restituit, jam pridem enim sedes va-

caverat.

verba quæ à majoribus nostris accepimus, posteris tradimus.

94. Radulfo successit in Episcopatu Fulcherus : hic existens spurius generatione, ex Patre scilicet ignobili natus, filius fuit Principis coquorum Regis Franciæ; qui ambiens Episcopatum, Regem Galliar, & Optimates curiæ ejus simoniacos effecit, eosque sibi favorabiliter confederavit : cujus ordinatio quia contrà sacros Canones fuit, per omne tempus quo præfuit, contrà Deum, & sanctam Ecclesiam intumuit, vitamque indignam omnimodis duxit. Adeptus ergo gradum cupitum, tres Ecclesias in Noviommo subvertit, permittente Rege, & Primoribus ejus, quibus earum prædia & possessiones tradidit, ut cum quasi dominum attollerent, dominiumque & fidelitatem promitterent, sicut antecessoribus ejus facere consueverant, quæ dum juxtà votum obtinuisset, deliberavit etiam regionem Tornacensem invadere : qui Tornacum veniens cum & à Clero & populo fuisset receptus, duas Ecclesias finitimas subvertit, videlicet Beati Quintini de Foro, in qua Canonici commanebant, Beatique Petride mediâ urbe, ubi Sanctimonialia degebant suadentibus Militibus quos secum adduxerat, quibus etiam prædia earum distribuit pro captandâ benivolentiâ eorum; terras etiam quasdam hereditarias sancti Martini, quæ in persecutione Normannicâ devastatæ fuerant, & adhuc sine incolis incultæ jacebant, invasit : eisque ad augmentum suæ damnationis addidit beneficia quoque sua, quæ de manu Regis prædecessores ejus tulceperant, illis superadiciens monetam scilicet civitatis, mairiam, justitiam, districtum, advocacionem, vionagia, tria molendina de sex supra positis, Episcopatum modo miserabili pessumdedit. Clericorum quoque bona magnâ ex parte lacerans, infra breve tempus dignas ultionis pœnas exsolvit. Cum enim de Tornaco Noviomum redisset, protinus infirmitate correptus, sequenti nocte vidit in somnis quoddam esset inter duo altaria quæ erant in Presbyterio Ecclesiæ sanctæ MARIE Tornacensis Sedis Episcopalis; videbat etiam ignem maximum inter eadem altaria succendi, & puellam speciosissimam sed scissis vestibus indutam, juxtâ majus altare stantem, & complotis manibus crines suos & faciem cædentem, ac de Fulchero, qui vestes suas sciderat, qui se nudaverat, justitiam à Deo cum magno clamore & gemitu querentem, ipsumque Fulcherum in flammis illius ignis impellentem & dicentem ei: ô crudelis tyranne, avidus pervasor meæ Ecclesiæ, quare me ita lacerasti? cur tantis dedecoribus me infecisti? Cumque Fulcherus contrà reluctaretur, ne in ignem mitteretur, & diceret: Domina totius orbis, non vos sic dehonestatam reddidi. Adjecit puella dicens, quoties bona mihi famulantium defraudasti, toties in me tela opprobriorum jaculasti. De quâ tremendâ visione statim evigilans, vehementer clamare cœpit, & clamore suo totam familiam suam excitavit: concurrentibus universis, & clamoris causam sciscitantibus, quid in somnis vidisset retulit, & puellam illam sanctam Dei Genitricem esse exposuit, quæ Filio suo conquesta est, quoddam Ecclesiam suam sui juris terris quasi suis vestibus nudasset, & Militibus Noviomensibus dedisset, ideoque se malâ morte quantocius periturum, & gehennæ flammis demergendum subjunxit. Perterritis omnibus, & finem rei præstolantibus; ecce subito apprehendit eum dolor dirus vicerum, & morbo intercutaneo percussus, ut de Herode dicitur, videntibus cunctis, cœperunt vermes, qui pediculi vocantur, de corpore ejus glomeratim ebullire, gutturque & faciem ejus cum toto corpore operire; & hoc tamdiu factum est donec animam

redderet. Cumque corpus defuncti lotum, & vestibus ex more fuisset indutum, nunquam pediculi cessabant ebullire, totasque vestes operire, donec ministri necessitate compulsi aliis vestibus indutum in corio cervino confuerunt, sicque sepelierunt. Huic Fulchero successit Hadulfus, Hadulfo Leudulfus, Leudulfo Rabodus, Rabodo Harduinus. Hic fuit tempore Roberti Francorum Regis filii Hugonis Capeti : in quo finita est posteritas Regum Franciæ qui fuerunt de stirpe illius Karoli inclyti Regis, qui pro nimia probitate suâ à Romanis evocatus, coronatus est in Regem, & Karolus cognomento Magnus appellatus, imperavit tam Romanis quàm Francis postea xiii. annis, cujus heredes per xi. generationes Regnum Francorum tenuerunt. Sed Hugo Capet cum esset Dux Parisiensis, prodicione & dolo Ascelini Laudunensis Episcopi nocte Laudunum ingressus cum militari manu, Karolum Regem cognatum suum, qui cognominabatur Infatuatus, in turre Laudunensi cepit, victumque catenis Regno privavit; qui Principatum adeptus, à Gerberto Remensi Archiepiscopo diademate coronatus, & Rex Francorum appellatus est; cujus filius præfatus Robertus, sciens Balduinum Barbatum Flandrensi Comitem tunc temporis magnæ esse potentie, filiam Adelam adhuc puellulam, filio ejus adolescentulo Balduino Insulano desponsavit, patrique ejus nutriendam tradidit.

95. Eâ tempestate habebat idem Robertus Rex turrim Noviomni sitam infra terminos Ecclesiæ beatæ Dei Genitricis MARIE secus curiam Episcopi, per quam multa mala ejusdem urbis populo intulit: Miles enim, cui à Rege custodienda tradita fuerat, ferocis animi existerat, adeo ut exactiones Episcopales juri suo mancipare vellet; cunctis placitis, causisque forensibus, quæ in curiâ Episcopi determinanda erant, principari volebat, nihilque Episcopum constituere licebat, nisi quod ipse prior disposuisset: sic itaque Episcopum & cives exasperans, nonnulla servitia eis ingerebat. Cum ergo longo tempore id ageret, nullisque exhortationibus Religiosorum relipiscere vellet, ultra vecordiam ejus ferre non valentes, Episcopus cum Clero & populo valde afflictis proponunt omnino resistere, modumque quo ad effectum perveniant, cœperunt exquirere. Tandem eis videtur quoddam si turris eversa fuisset (quæ materia pertinaciæ ejus erat) facile pacem obtinerent. Accidit ergo quâdam die ut is qui custodire arcem debebat, casu fortuito decesset, nec nullus ex totâ familiâ ejus superesset nisi solummodò conjux ejus cum famulabus suis. Cernens ergo Episcopus opportunum tempus accidisse quo præmeditatum consilium de subversione turris complere posset, civibus arma apprehendere præcepit, cunctosque gladiis accingere fecit, ut si quis in armis obvians eis resistere vellet, facile expugnaretur: & mittit matronæ Episcopus per nuntios verba suatoria, quibus eam deciperet cum dolo, dicens: habeo pallium sericum de quo mihi casulam, vel planetam facere volo, sed non reperio qui eam sciat tam decenter incidere, & convenienter componere sicut te scire comperis; ideoque deprecor ut castis manibus tuis præparetur; jube ergo fores referare ut ad te pergere valeam, & quid operis de serio facere possimus simul inspiciamus. Illa gratulanda effecta de visitatione Pontificis, & dolos quos machinabatur prorsus ignorans, continuo ostia patefacere præcepit, ipsaque ei obviam processit, & usque ad thalamum suum cum perducens confedere fecit. Cumque aliquamdiu simul mutuo sermocinati essent, videns Episcopus familiam suam congregatam apparatus ad subvertendum habentem, quæ

facere disposuerat aperit dicens; pro calumniis, & injuriis quas vir tuus & curia mea, & civibus crebro intuit, convenerunt isti adversus hanc arcem, ut eam dejiciant, cunctaque propugnacula ejus solo sternant, quamobrem egrediamur illasi, ne cum ejus ruinis pariter involvamus, & pereamus. Illa his verbis perterrita, & velut exanimis effecta, in terrâ procubuit, quam Episcopus blandè consolans, verbisque suavisioris tristem demulcens, apprehendit manum ejus, educensque secum servavit illam. At famuli Episcopi continuò circumquaque ignem accendunt, cuncta ædificia evertunt; machinas ad subvertendum undique instruunt, immensam ejus altitudinem solo coarquant, de summo lapide usque ad imum comminuunt, deinde domum redeunt: quæ sic eversa usque in hodiernum diem inrestaurata manet; signa tamen ejus apparent, saxa scilicet ingentia. Audito ergo Rex quod acciderat, vehementer iratus est, & contrâ Episcopum qui fidelitatem ei debebat, de perditione domus suæ conqueri cœpit, satisfactionem proditoris apertis querelis exigens secundum judicium Optimatum suorum. Cumque curia Regis Episcopum de Regno Francorum expellendum, & exilium subire judicaret, veritus animositatem Regis, sciensque nullum Principum plus apud Regem posse quàm Comitem Flandrensem, Balduinum scilicet Barbatum, ad eum confugit; cujus filius jam juvenilis ætatis primis auspiciis poliens, Adelam filiam prædicti Regis ducere debebat uxorem, ut dictum est: quique etiam Ecclesiam S. Petri in oppido Istenli ædificavit, & in eâ Canonicos posuit, seque ibidem sepeliri mandavit. Causam doloris sui Episcopus apud utrumque exposuit, preces fudit ut de præsentis discrimine eum liberent, & iram Regis, quæ justè exarsit mitigare studeant, dona præclara pollicetur, si Regi & proprio folio eum reconciliatum reddiderint, effectumque petitionis celeriter consequutus fuerit. Sciscitante verò Comite, & interrogante quæ esset recompensatio talionis pro legatione hujus negotii? Respondit Episcopus, possideo in regione Flandrensi quæ ditioni vestræ subjacet, altaria quamplura ex quibus xii. locupletiora vobis, & filius vestris per tres generationes tenenda trado; quartâ autem revertantur ad Episcopum; & ne inter successores meos, & posteros vestros exinde aliqua controversia oriatur, testamentum confirmationis vobis facio, in quo tempus determinatum, & nomina altarium atque testium curiæ meæ ac vestræ qui interfuerint, assensumque præbuerint, annotabo. Comes ergo mercede effusus Regem socerum filii sui adiit, precem pro Episcopo fudit, veniam facilè impetravit, eumque Regi, & proprio folio citò reconciliatum reddidit; deinde altaria sibi delegata tenuit, quorum hæc sunt nomina: De Corturiaco, de Putten, de Turult, de Aldenardia, de Henniis, de Hulten, de Dunza, de Nivella, de Rodenbruc, de Alenbruc, de Mallenghin, de Scilpies. Quâ donatione ab Episcopo factâ, Optimates Flandrenses à Comite petierunt sibi ea concedi in beneficium, quæ accepta Optimates Militibus sibi servantibus rursus in feodum distribuerunt, sicque paulatim de jure Pontificali penitus in jus Militum transferunt. Hoc ergo pacto Tornacensis Ecclesia xii. altaria perdidit; quæ si Episcopus Tornacensis ad mensam suam sicut olim libera possideret, multos exinde pauperes secum reficere posset. Harduino successit Hugo, Hugoni Balduinus, Balduino Rabodus.

96. Hujus Rabodi tempore Comitatum Flandrensem tenebat Robertus filius Balduini Insulani,

& Adelæ filiæ Regis, quibus data fuerant altaria; veniens ergo ad eum Rabodus Episcopus, oravit eum ut xii. altaria quæ Harduinus de mensa Tornacensis Episcopi tulerat, & Balduino barbato Comitavi ejus concesserat, Tornacensi Ecclesiæ pro anima suâ redderet, quoniam jam tempus transierat quo reddita esse debuissent, tres enim Comites ea tenere debuerant qui jam decesserant, scilicet Balduinus Barbatus, avus hujus Roberti, Balduinus Insulanus pater ejus, Balduinus Hasnoniensis frater ejusdem Roberti; quem cum Episcopus rogaret altaria reddere, dilationem postulavit, donec à matre suâ veritatem hujus rei audiret. Cum ergo matrem suam præfatam Adelam<sup>m</sup> super hoc consulisset, illa utpote religiosa & timens Deum respondit, verum est, inquit, fili, quia jam tempus transiit quo à patre tuo, & avo promissa fuerant reddi: quia ergo tibi Deus hereditatem tuam quam perdidisti, id est Flandriam reddidit, magnumque exinde honorem tibi fecit, consulo tibi ut etiam super hoc honorem ei facias, & sanctæ Mariæ Matris ejus, altaria sua reddas. His Comes compunctus, Episcopo se ea redditurum spondit; sed antequàm de manibus Militum ea tenentium libera fierent morte præventus, non implevit quod proposuerat. Ipse quoque Episcopus non multo post longum tempus moriens, quod incepit non terminavit: sed ad augmentum destructionis Episcopatus, terras arabiles Episcopi circa Tornacum Theoderico Monetario, & aliis Primoribus hujus regionis vendidit. Nemus & sylvam de Helein, & de sancto Genesio distraxit, tradens singulos bonarios ad redditum quatuor denariorum singulis annis sibi solvendum. Hic inter cætera quæ laudabiliter fecit, etiam Cœnobium nostrum, quod à Barbaris quondam destructum fuisse ferebatur, restaurare curavit anno Dominicæ Incarnat. Mxcii. Rabodo successit Baldricus.

97. Cum ergo jam per trecentos ferè annos Ecclesia Tornacensis pastore proprio viduata fuisset, tempore Domini Hugonis Cluniacensis Abbatis, cujus superius mentionem fecimus, accidit ut quidam Remensis Ecclesiæ Canonicus magnæ probitatis vir, nomine Odo, vitam sæcularem relinqueret, & in eadem Cluniacensi Ecclesiâ Monachus fieret. Cumque ibi per aliquot annos religiosè mè vixisset, & Dominus Papa Gregorius VII. eidem Domino Hugoni Abbati mandasset, ut sibi aliquos de Monachis suis viros sapientes transmitteret, quos competenter Episcopos ordinare posset; Dominus Hugo ei inter cæteros præfatum Odonem transmisit, quem Papa in urbe Ostiensi Episcopum consecravit. Defuncto Papa Gregorio Victor succedit; post quem idem Odo ad Apostolicæ sedis Pontificatum eligitur, & Urbanus nominatur: qui quoniam in Ecclesiâ Remensi educatus fuerat, valde eam super alias diligebat, & ut antiquam ei dignitatem xii. Episcoporum reddere posset non parum desiderabat. Cum ergo superius memoratum Gualterum Cameracensem Episcopum pro simoniâ in Concilio Claramontensi excommunicasset, protinus Atrebatensibus mandavit ut sibi proprium eligerent Episcopum, privilegii sui auctoritate urbem Atrebatensem à Cameracensis Episcopi subjectione liberam deinceps & immunem esse concessit, & ut Episcopum proprium semper haberet confirmavit. Mandavit etiam Clericis Tornacensibus, ut ad eum irent recepturi libertatem proprii Episcopi. Protinus Canonici duos honorabiles viros de Ecclesia suâ Romam miserunt, Elbertum scilicet & Geldulfum, sed Papam Urbanum jam defunctum invenerunt, & sine

<sup>m</sup> Adelam ] Hæc fundavit Abbatiam Monial. Benedi-

ctinarum, nomine *Messinez* prope Ipras.

effectu redierunt. Urbano successit Reinerus Abbas sancti Pauli, & vocatus est Paschalis; cuius tempore cum Clerici Romanam Curiam sæpius frequentarent pro dissensione quæ inter nos & ipsos erat, Romani qui semper novorum negotiorum sunt cupidi, cœperunt nos incitare ad repetendum proprium Episcopum: accidit autem cum jam nobiscum concordati fuissent, ut Dominus Baldricus Episcopus noster pro quâdam causâ commotus, absque omni audientiâ & iudicio Canonico, missis litteris in urbe Tornacensi Divinum officium interdiceret; unde præfatus Gonterus Præpositus Canonorum conventum evocat, & ad repetendam antiquam libertatem incitat. Continuo duo ex ipsis, Galterus scilicet qui postea Abbas sancti Martini claruit, & Movinus Præceptor Ecclesiæ cum litteris Capituli Romam petunt, & litteras Domini Papæ Paschalis Tornacum deferunt, præcipientes Clericis & Abbatibus ceterisque personis Episcopatus ut remotâ dilatione proprium sibi eligerent Episcopum, alias quoque Domino Radulfo Remensi Archiepiscopo detulerunt, præcipientes ei ut eidem electioni efficaciter insisteret, & electum consecraret: illis necdum reversis contigit Dominum Baldricum Episcopum mori.

98. Noviomenſes autem scientes Clericos Tornacenses Romam abiisse, callidè agentes Lambertum Tornacensem Archidiaconum sibi in Episcopum elegerunt, scientes eum pecuniâ abundare, & per eam confidentes propositum Tornacensium cassari posse. Electus ergo Noviomi Lambertus Flandriam rediit, & apud Corturiacum congregatis Abbatibus & personis Episcopatus, ut electioni suæ faverent impetravit, solus Abbas noster Dominus Segardus ut assensum præberet postulatus, respondit, non Corturiaci, sed Tornaci in Capitulo sanctæ MARIE ubi sedes Episcopalis erat, hujus rei assensum debere fieri, nec se aliquid concessurum nisi præſentes videret Decanum Tornacensis Ecclesiæ & Præpositum. Sic ergo commotis adversus eum aliis personis Tornacum rediit. Nec mora: legati cum litteris Papæ Romæ redeunt, Abbati nostro de responſo suo gratias agunt, ejusque consilio in Capitulo suo unanimiter omnibus congregatis elegerunt sibi in Episcopum quemdam Morinensis Ecclesiæ Archidiaconum nomine Herbertum, litterasque domini Papæ Joanni Morinensi Episcopo deferentes, eundem electum suum sibi liberum tradi petierunt, & impetraverunt. Inde præfatum Archiepiscopum Remensem adeuntes, ut eum secundum domini Papæ præceptum consecraret, exorarunt. Sed Lambertus eos præveniens, ut dicitur, jam animum Archiepiscopi pecunia corruperat, adeo ut ejus consilio etiam Rex Ludovicus muneratus, duos Episcopos Aurelianensem scilicet & Parisiensem pro cassanda Tornacensium electione Romam transmitteret. Clericis itaque Tornacensibus Electi sui consecrationem petentibus, respondit Archiepiscopus se nec Lambertum, nec Herbertum consecraturum, donec Legati Regis duo Episcopi, quos pro eodem negotio ad Papam transmiserat, Romam redirent. Ita utrumque electi consecratio suspensa & incerta fluctuabat: cum ecce Episcopi Romæ redeunt, litteras domini Papæ Archiepiscopo deferunt, in quibus Papa idem negotium in manu & provisione Archiepiscopi ponebat, dicens sibi Archiepiscopum mandasse, quod si Tornacenses proprium Episcopum haberent, & Episcopalis dignitas plurimum vileſceret, & Noviomenſis Ecclesiæ redditus nequaquam Episcopo ad necessaria sola ſufficerent. His litteris susceptis, sibi subditos Episcopos Archiepiscopus convocat, diemque statuit quâ

Lambertum consecrare debebat: ipſo verò die Rex Ludovicus Remis adveniens omnes Episcopos advocat, & ut diligenter de eodem negotio inter ſe tractarent, admonet. Si enim, inquit, videritis magis ad Dei honorem & animarum salutem competere, ut Tornacensis Ecclesia proprium Episcopum habeat, ego libenter concedo, quia nihil me in hoc perdere video, nec voluntati Dei, vel animarum ſaluti in aliquo reſistere volo: neque volo ut aliquis per me dicat hoc bonum remanſiſſe, vel ſe ſub meâ palliatione egram Deo paret excuſare. Cui Dominus Joannes Morinensis Episcopus vir religioſus reſpondens; Verè, inquit, domine Rex hoc dicto animam veſtram liberaſtis: nunc videant domini noſtri Episcopi quid agere debeant. Archiepiscopus tamen in eo quod cœperat perſeverans, prædictum Lambertum ſuper utramque Eccleſiam consecravit Episcopum; multis mirantibus quod magis diligeret pecuniam reponere, quàm Remenſi Eccleſiæ atiquam dignitatem reddere, quod utique facere potuiſſet facile, & Regis permiſſu, & auctoritate domini Papæ. *Nec tamen audaci Turno fiducia ceſſit.* quia Gontero Præposito cor non deſiit; quin potiùs aſſumpto ſecum Domino Segardo Abbate noſtro electum ſuum Herbertum Romam duxit, non per Franciam, quia timebat Regem & Archiepiscopum, ſed per Lotharingiam ad probandam domini Papæ conſtantiam. Lambertus quoque Episcopus jam consecratus, confidens in multitudine divitiarum ſuarum Romanam tendit, certus quod non multum ſibi consecratio jam facta prodeſſet, ſi Papa Tornac. Eccl. electum consecraret: utrique ergo coram Papa conveniunt, & nunc his, nunc illis curia favet, ad ultimum tamen etiam Roma immenſitate pecuniæ ſuperatur, nolens illam Saluſtii ſententiam falſam eſſe quâ dicitur: *Omnia venalia Roma.* Sed ne ex toto Papa Tornacensibus deſuiſſe videretur, mandavit eis per litteras, ut Archidiaconum ſibi eligerent, quoniam Lambertum Archidiaconum eorum audierat Noviomenſis Eccleſiæ eſſe Episcopum consecratum. Archiepiscopo etiam mandavit, ut ei Eccleſias Tornacensis Episcopatus ex toto interdiceret. Archiepiscopus autem videns inſtabilitatem & mutabilitatem Romanam, in urbe Tornacenſi tam Clericis quàm Monachis interdixit Divinum officium, niſi reciperent Lambertum Episcopum. Lambertus quoque experiri volens utrum eum ſuſciperent, Tornacum venit; quidam verò illuſores eo veniente omnes batillos campanarum furati ſunt, ut eis non ſonantibus vilior fieret proceſſio. Quod cernens Episcopus, ſe ſcilicet ſine honore ſuſceptum fuiſſe à Canonicis, civibus inde conqueſtus, protinùs urbe exiit, & omnes Eccleſias tam Monachorum quàm Clericorum quas in Flandriâ habebant, inſiit. Gonterus iterum Romam rediens, omnia hæc Papæ retulit, & ab eo litteras Archiepiscopo retulit, in quibus de interdicto quod Eccleſiæ Tornacenſi fecerat valde eum increpabat, ipſumque interdictum irritum eſſe præcipiebat; & ne Lambertus Eccleſiam Tornacensem gravaret, in manu & tuitione ſuâ eam ſuſcipiebat. His litteris ſuſceptis, Archiepiscopus Comprovinciales Episcopos convocavit, litterasque dulciſſimas & humillimas Tornacensibus mittens, eos ad concordiam cum Episcopo ſuo vehementer exortavit, tandemque eos quia auxilia eis deerant, inſlexit. Papa quoque eis per litteras mandavit, ne moleſtè ferrent quia propter ſcandalum regni pro tempore adhuc pati volebat ut Noviomenſis Episcopus etiam Tornacensem regeret Episcopatum. Sic Tornacenses Clerici Romanam tergiverſationem experti quieverunt, ſequæ poſt deceſſum Lamberti ſuam libertatem aſſequi poſſe ſperaverunt.

99. Lamberto decedente Noviomenſes Canonici quemdam Simonem adoleſcentem ſibi in Episcopum elegerunt, filium Hugonis Comitis cognomento Magni, qui cum cæteris Principibus ad accipiendam Jeruſalem profectus in itinere mortuus fuerat: quia ergo idem Simon germanus erat Radulfi Comitis Peronenſis, & inclytus Carolus Comes Flandrenſis ſororem ejus conjugem habebat, pater etiam prædictus Hugo germanus fuerat Philippi Regis francorum; cujus filius Ludovicus tunc Regnum habebat; idè Clerici Noviomenſes propter fruſtrandam ſpem Tornacenſium eum ad Episcopatum elegerunt, & Tornacenſes protinùs interveniente glorioſo Comite Carolo abſque ullà contradic-tione conſenſerunt, certi quòd ſi vellet optimè Tornacenſem Eccleſiam regere poſſet: quia tamen adhuc infra ætatem, & infra ordines Eccleſiaſticos erat, Archiepiſcopus Remenſis Radulfus ſibi præſentatum conſecrare diſtulit, donec ille Romam petens gratiam Papæ obtinuit, & utrique Eccleſiæ præfuit.

100. Interea Gonterus Præpoſitus dum ruruſ Romam repetit, in villà quæ dicitur Sarracenas in Diœceſi Lunenſi moritur, & in Eccleſiâ ſanctæ **MARIÆ** ſepelitur: ſucceditque ei Theodericus adoleſcens filius Theoderici patris ſui: Domnus quoque Odo Cameracenſis Episcopuſ, cum germano ſuo Domno Benedic-tio Monacho noſtro & eleemoſynario petenti altare de Malda ad expenſas pauperum dediſſet, & quosdam libellos ſcilicet de Canone Miſſæ, de diſputatione contrà Judæum, de origine animæ compoſuiſſet, infirmitate corporis gravatus Episcopatum reliquit, ſequè Aquicinctum in læticâ deportari fecit. Quod Domnus Segardus Abbas noſter audiens, protinùs cum Monachis ſuis illuc tendit, utque ſe ad Eccleſiam ſancti Martini quam à fundamentis conſtruxerat, ubi primò Monachus, primuſque Abbas exſtiterat, deferri permittat, expetit. Sed Abbas Aquicinctuſ Aluiſus dicit ſe nullo modo paſſurum, ut quem ſibi Deus dederat, alibi deferretur. Sicque infra octo dies idem Episcopuſ deſunctuſ, in Eccleſiâ Aquicinenſi coram Crucifixu cum magno honore ſepelitur: & de candido marmore imago ejus ſuper ſepulcrum ejus ſculpitur; ſucceditque in Episcopatu quidam Burchardus.

101. Interea quidam Tornacenſis civiſ nomine Movinuſ videns ſe prolem non habere, Eccleſiam quamdam in honore ſancti Medardi prope Tornacum ſitam, de opibus ſuis amplificat: utque in eâ religioſos Clericos ponat à Domno Simone Episcopuſ poſtulat; cujuſ ille petitioni favens, quemdam religioſum Canonicum nomine Ogerum de Monte ſancti Eligii, ibi Abbatem fecit, ipſamque Eccleſiam ei liberam tradit: ille verò protinùs auxilio Dei & civium ibi ſe poſſe proficere videns, locum tamen illum anguſtum eſſe ſciens pro conſtruendis officiis Conventui Fratrum neceſſariis, terram quamdam ſuper planitiem Scaldi fluminis inferiùs emit, ibique Eccleſiam lapideam in honorem ſancti Nicolai cum officiis congruentibus conſtruxit, plureſque tam Clericos quàm læicos, necnon & mulieres ibidem congregavit, ipſamque Abbatiam appellari fecit ſancti Nicolai de Prato.

102. Eo tempore fames vehementiſſima totam provinciam oppreſſit, ita ut plures fame intumeſcerent: Comes etiam Caroluſ per totam Flandriam pro avenæ penuriâ cerviſiam componi prohiberet, dicens melius eſſe ut divites aquam biberent, quàm pauperes fame perirent. Domnuſ etiam Abbas noſter Segarduſ miſericordiâ motuſ, caliceſ argenteoſ, & alia quædam ornamenta vendidit, & ex eis panem in alimoniam pauperum emit. Non multo poſt

deſunctuſ eſt Domnuſ Radulfuſ ille Normannicuſ, Prior S. Amandi Eccleſiæ noſtræ, quæ ſita eſt in pago Noviomenſi, ſepultuſque eſt in Claſtro prope of-tium Eccleſiæ à Domno Theoderico Abbate ſancti Eligii Noviomenſiſ, qui eum pro religione ſuâ valde diligebat: de cujuſ obitu cum Domnuſ Radulfuſ Præpoſituſ noſter nimium contriſtaretur, ipſe quoque non multo poſt graviſſimâ corporis infirmitate cœpit fatigari; cujuſ quanta dilectio eſſet circa Eccleſiam, & quàm integrum & ſanum ſenſum etiam in febris valetudine haberet, facilè omnibuſ potuit innotefcere. Cum enim oleo ſancto à Domno Abbate, totoque conventu lacrymante perunctuſ fuiſſet, eumque quatuor filii ſui ad terram ſuper cilicium depoſuiſſent, roganteſ ut juxta exemplum ſancti Martini in cinere & cilicio tribuſ aut quatuor diebuſ ſuper terram jacere libenter pateretur: Theodericuſ germanuſ ejuſ vir dives & ſæculariſ audiens eum ſic inſirmari, protinùs viſitandi gratia ſupervenit, eumque cum in cilicio jacentem videns vehementer fletet ille eum de ſæculi contemptu exhortari cœpit, dicens omninò parvipendendaſ mundi divitiuſ, quoniam ſi Adam, inquit, ab initio mundi uſque in hodie- num diem in divitiis vixiſſet, & hodie eum mori contingeret, nihil ei prodeſſet quòd tamdiù eaſ habuiſſet. Inter cætera etiam ſic terræ jacens interro-gavit ubi Comes Caroluſ eſſet, vel quid faceret; cui cum filii ſui dicerent, ne de talibuſ inquireret, ſed ſolummodò animæ ſuæ ſollicitudinem haberet, ille reſpondens; Verè, inquit, de pace, & ſtatu tam boni Principiſ omninò ſolliciti eſſe debemuſ, quoniam in pace illiuſ erit pax Eccleſiarum, in tur-batione autem ejuſ etiam Eccleſiæ perturbabuntur, unde & vivens de eo ſollicituſ ſum, & etiam poſt mortem meam ſi, Deo donante, requiem haberem, libenter po eo orarem. Cum verò poſt hæc mor-tem jam jamque imminere ſentiret, de quâdam ter-râ, quam in Episcopatu Laudunenſi à Clarenbaldo de Roſeto nuper emerat, quæ dicitur Sparciacuſ, rogavit Fratreſ circumſtanteſ ne eam relinquerent, ſed diligenter excolere ſtuderent, quoniam multum proficere ibi poſſent.

Poſt hunc ergo ſermonem Dominicâ ante Natale Domini in Eccleſiâ Conventu Nocturnoſ decantante, circa mediam noctem, eâ penè horâ quâ ſanctuſ Martinuſ tranſierat, fidelis ſervuſ ejuſ Radulfuſ Deo & ipſi animam ſuam commendans, ex hoc mundo migravit. Quem cum Domnuſ Segarduſ Abbas vellet in Capitulo ante ſedem ſuam ſepelire, ideo maximè quoniam Eccleſiam partim ex ſubſtan-tiâ ſuâ, partim labore & induſtriâ ſuâ ex majore parte videbatur conſtruxiſſe, quatuor filii ejuſ pro-hibuerunt, & ut potiùs cum Fratribuſ ſuiſ in cæme-terio ſepeliretur petierunt, dicenteſ ſuperbiæ vel elationi adſcribi poſſe ſi in Capitulo ſepeliretur; ipſum verò humilitati potiùs quàm elationi ſemper deſer-viſſe: nam cum xxx. ferè annis Præpoſituſ Eccleſiæ fuiſſet, nulluſ omninò, non dicam de Monachis, vel Fratribuſ, ſed nec de ſamuliſ quidem inventuſ eſt, quem ſtultuſ vel fatuū vocarit, vel ſuper quem iratuſ manuſ miſerit. Sic itaque Domnuſ Abbas precibuſ eorum ſatiſfacienſ, eum in cæme-terio ſecùſ & prope Capellam ſanctæ **MARIÆ**, quàm ipſe eodem anno conſtruxerat, retrò ſcilicet altare cum multiſ lacrymiſ eadem Dominicâ ante Natale Domini ſepelivit: filioque ejuſ Herimanno conſilio omnium Fratrum Præpoſituram commiſit. Mainſen-diſ verò quondam uxor ejuſ poſt mortem Radulfi ferè xii. annis vixit, completiſque in ſanctimoniali habitu pluſquàm xl. annis præſentem vitam termi-navit, & in eodem Cæmeterio ſepulta eſt; ideo verò filii eorum patrem & matrem ſuam magiſ in cæme-

A A A A a a



terio, quàm in Capitulo, vel in Ecclesiâ sepeliri voluerunt, quoniam reverà credebant ibidem bonorum hominum corpora esse sepulta, & ex consortio eorum melius illis esse, quàm si seorsim essent sepulti.

*Sequentia non videtur conscripta ab Hermannno, sed ab alio.*

1. Cor. 6. 4.

103. Hermannus ergo Præpositus factus, cœpit pro posse paternos mores imitari, & maximè ut in habitu, factisque suis humilitas potius quàm superbia posset notari. Cumque à Natali Domini usque ad Pascha Præposituram tenuisset, visum est ei in somnis quoddam loqueretur cum patre suo, & an ex integro requiem invenisset requirebat. Cui pater respondebat: Vere, fili, si in Claustrali vitâ manere mihi licuisset, & Præpositura mihi inuncta non fuisset: absque omni debito perfectam requiem invenissem. Protinus Hermannus evigilans, & huiusmodi somnium pro correctione suâ se vidisse reputans, illud Apostolicum apud se retractans: *secularia iudicia si habueritis inter vos, contemptibiles qui sunt in Ecclesia, illos constituite ad iudicandum.* Necnon & illud B. Gregorii, quoddam quilectioni & orationi invigilant, ipsi sunt vasa aurea & argentea, quæ per Moysen in tabernaculo testimonii ad servitium & officium altaris fieri iussu sunt. Porro saga cilicina quibus tabernaculum operitur, significant eos qui exterioribus intenti, pluvii & imbris ventorumque patent impulsibus. Hæc & his similia multa Divinæ paginæ secum revolvens, omisâ omni dilatione, universum Ecclesiæ debitum ex integro solvit: sicque in Capitulum veniens, & Domni Segardi Abbatis pedibus prostratus, somnium prædictum retulit, & ut de Præpositurâ absolveretur petiit, & nimis insistent impetravit: postque more suo libris scribendis & Ecclesiasticæ psalmodiæ insistere cœpit, quoniam Deo donante erat corpore sanus, & ad tolerandum silentium Claustris, laboremque tam nocturnam quàm diurnam psalmodiæ nullo penitus Fratrum inferior, vel tardior esse volebat, sed nec ab aliquo scriptorum in assiduitate, vel velocitate scribendi se vinci permittebat. Scripsit enim quatuor Breviarios, pluresque B. Augustini libros. Pro talibus studiis multum à D. Segardo Abbate, Domnoque Gerberto Priore diligebatur: ita ut etiam ei coram se injungerent Dominicis & festis diebus sermones in Capitulo Fratribus proferre, quoniam cum cæteris aliis donis, etiam intelligentiam scripturarum, & disertitudinem ea quæ [sentiebat] proferendi ei Dominus contulerat.

104. Defuncto ergo Radulfo Præposito, etiam Dominus Segardus Abbas paulatim cœpit debilitari, & viribus deficere corporis. Eodem ergo anno longâ infirmitate gravatus, evoluti unius anni spatium, in sequentis Natalis Domini die cum Missam de luce idem *lux fulgebit* cantassemus, ipse præ nimia lassitudine videns se deficere, ante gradum Presbyterii se in majori Ecclesiâ fecit deferri, ibique oleo sancto perunctus, & Dominici Corporis perceptione munitus post Primam in Capitulum venit, totumque conventum absolvit, seque ab eo absolvi petiit, inde ad lectulum rediit, atque post paucos dies idem III. Kalendas Februarii spiritum reddidit die Dominicâ anno Dominicæ Incarnationis M. C. XXVII. indictione V. epactâ VI. concurrente V. præfuit autem huic Ecclesiæ annis XXI.

105. Eodem anno gloriosus Comes Carolus Flandrensi, in Ecclesiâ sancti Donatiani apud Brugas ab inimicis suis clanculo interfectus fuit. Post mortem ejus, legitimis heredibus decedentibus, datus est Comitatus Flandrensis à Rege Ludovico cuidam Willemo juveni, filio Roberti Normannorum Comitum: ad quem Simon Episcopus Tornacensis

veniens interveniente eodem Rege cognato suo, ei notificavit quomodo Harduinus Episcopus Balduino Barbatto Comiti XII. altaria, sicut superius relatatum est, de mensâ Tornacensis Episcopii ad tempus concesserit, & quia jam tempus transierat, quo reddita esse debuissent, rogavit ut jam nunc tandem ea Ecclesiæ Tornacensi & sibi redderet. Comes verba Episcopi multorum testimonio vera esse cognoscens, commonente Rege protinus ea præfato Episcopo libera reddidit, seque ei exinde nullam illaturum molestiam spondit. Sed Comes non diu est passus Flandrenses in sua consistere libertate: sed paulatim cœpit eos opprimere, & servitutis legibus subicere, unde illi perterriti quasi jam in foribus mortem adesse videntes, primò mustitando, deinde apertius colloquendo incipiunt consulere quomodo de hujus novâ Pharaonis tam intolerabili iugo colla sua possint excutere. Quid multa? audiunt quemdam adolescentem ex Theoderico Duce, & materterâ Caroli Comitum genitum in Auxatiâ consistere, Theodericum nomine, quem secretè accersentes post varios pugnarum eventus apud castellum quod dicitur Alos, à quodam pedite in manu sub pollice vulneratus mortuus est. Quo apud sanctum Bertinum sepulto, dominatum totius Flandriæ Rege concedente Theodericus obtinuit, quem Simon Episcopus rogavit, ut sicut Willemus prædecessor ejus Tornacensi Ecclesiæ jus suum recognoverat de XII. altaribus, quæ jam antecessores ejus injustè multis annis tenuerant, ita ipse quoque recognosceret, & redderet ea sibi, sicut Willemus coram Rege reddiderat. Tunc Comes Episcopo ea reddidit, & libera dimisit, seque nunquam ei super eis molestiam illaturum spondit; sed pro istis recognitionibus Comitum nondum Optimates Flandriæ qui ea in beneficium acceperant reddere voluerunt, sicque Ecclesiâ exheredatam esse dolemus. Hic ergo Episcopus longo tempore præfuit; altaria recuperare nequivit, sed ea altaria quæ decedentibus personis sibi remanserunt, Ecclesiis tradidit, cujus relatione multorumque testimonio cognovi, quoddam redditus Episcopatus præbendarumque Canonico-rum Ecclesiæ Tornacensis singulis annis ferè centum marchis argenti adauxerit.

106. De antiquâ verò possessione à Rege Chilperico traditâ usque in præsens tempus retinent teloneum, & pontinagium, & foragiorum suam partem: quibus ea quæ à fidelibus eis quotidie dantur conjungentes, præbendas instituerunt multum opimas, de quibus magnificè sustentantur. Totum etiam studium suum ad emendas terras, & ad acquirenda altaria converterunt; unde factum est ut Ecclesiâ B. Quintini de Foro, in quâ congregatio Canonico-rum olim mansit, beatique Petri de mediâ urbe à sanctimonialibus dudum inhabitatam, quæ, ut præmisimus, à Fulchero Episcopo subvertæ sunt, cum cæteris Ecclesiis Parochianis repeterent à Militibus Noviomensibus, quibus idem Episcopus eas in feodum tradidit, & sui juris subderent, cum quibus etiam nonnullas possessiones earum antiquas receperunt, sicque fines suos plurimum dilataverunt.

107. Interea pia memoriæ religioso Segardo defuncto, atque in Capellâ Beatæ Mariæ ante altare sepulto, successit ei in regimine Monasterii Hermannus tertius, filius Radulfi Præpositi. Hic cum reliquis fratribus suis Theoderico, Waltero, Radulfo ad pedes magistri Odardi litterali scientiâ apprimè eruditus, Divini verbi claruit prædicator maximus, egregiè Evangelisans & affirmans testimoniis scripturarum Christum Dei virtutem, mundi Re-

n materterâ] Gertrud: filiâ Roberti Senioris Fland. Co- | miris.

demptorem, & Salvatorem: & lingua ejus principaliter inter Principes loquebatur sapientiam; cujus temporibus Ecclesia nostra dedicata est à Domino Simone Episcopo anno Dominicæ Incarnat. MCCCXII. ab instauratione verò ejusdem Cœnobii quadragesimo. In administratione autem Monasterii decem annis nondum expletis, gravem quæ paralytis vocatur, incurrit ægritudinem: qui mansuetudine nimia, & humilicate cordis pollens juxta exemplum summi Magistri, qui ait: *discite a me quia mitis sum & humilis corde*, nemine propterea cogente, sed propria voluntate, & humilitate curam sibi commissam, baculumque suscepti regiminis in manu reddidit nobili honorificoque Simoni Dei gratia Tornacensium Pontifici.

108. Post quem Ecclesiæ nostræ gubernacula quartus suscepit WALTERUS & hic Tornaci natus, illustris Episcopii Canonicus exstitit, vir quidem secundum sibi à Deo datam sapientiam zelum Dei habens, qui restaurationem Ecclesiæ nostræ commemoratam superiis per omnia noscens, utpote qui septennis erat eodem tempore quo cœpta est, ab ipso Odone primo Abbate hujus loci sæpe admonitus est, ut lenocinia mundi relinqueret, & cum cœvis suis filiis Radulfi Præpositi habitum sacræ Religionis acciperet, sed cum per dies singulos hujuscemodi sermonibus animum ejus accendere cuperet, & ille nequaquam assensum præberet, tandem diuturnâ admonitione fatigatus Abbas quasi ludendo prædixit ei, quodd priusquam vitæ cursum terminaret, Monachus S. Martini existeret. Sed quia *neque qui plantat est aliquid, neque qui rigat, nisi incrementum dederit Deus*: eo tempore verbum prædicationis in eo non convaluit, sed per quadraginta ferè postea annos in sæculari vitâ remansit. Tunc namque cernens Dominus opportunum tempus accidisse, quo Prophetia Domni Odonis impleri debuisset, percussit eum gravi in valetudine corporis, & toto stomacho deficiente, hamo suo extraxit eum ab amore sæcularis vitæ, & in Cœnobio S. Amandi Helnonensis Monachus factus est. Cumque illic per biennium laudabiliter vixisset, & pro suâ probitate Prior ibidem factus fuisset, petivimus eum nobis dari in Abbatem, & accepimus, sicque prophetiam Domni Abbatis Odonis constat, quia ex eo tempore non solum Monachus S. Martini, sed etiam provisor, & famulus totius domus ejus ac dispensator omnium in eâ Christo famulantium fuit: qui ordinatus est à Domino Simone anno Dominicæ Incarnat. MCCCXVI. Indictione XIV. Concur. III. Epact. XV. Hic etiam apud sæculares tantæ reverentiæ effulsit, ut quâdam vice in curiâ Flandrensi eum requirere: ut à Comitissâ utrum de negotio quod ventilabatur auderet jurare, responderit Præpositus Brugensis Rogerius vir religiosus & opinionis bonæ, non ita oportere, imò quod Abbas Tornacensis solo verbo, hoc ipse cum omnibus Flandriæ religiosis personis jurejurando auderet confirmare. In hujus ergo Domni Walteri diebus Tornacensem Ecclesiam respexit Deus, reddens ei proprium Episcopum ac propriam dignitatem tot annis perditam.

109. Cum Dominus Simon jam fere XXIV. annis Pontificatum tenuisset, nullamque omnino diminutionis suspicionem haberet, contigit ut quidam adolescens Canonicus Beatæ Mariæ nomine Henricus Paschali tempore feriâ secundâ XI. Kalend. Maii vespertinâ horâ, jam incumbente nocte, solus fortè per novam fabricam Ecclesiæ sanctæ Mariæ sine aliquo timore transiret, & ecce subito voces

quasdam velut cum impetu terribili advenientis magnæ multitudinis, audivit: torrem etiam flammeam super se venientem vidit, ita ut particulam tunicae suæ ac carnis sub eâ de brachio juxta pugnâ combusserit: statimque perterritus in terram cecidit, & continuò quasi in extasi raptus vidit quamplures ad se venientes, sibi que colloquentes, quos jam defunctos esse sciebat, quosque viventes cognoverat: postea ei visum est, quodd esset in campo rosarum & liliorum floribus, totiusque dulcedinis amœnitate repleto; in quo consistens, & præ nimia suavitate prioris terroris horrore effugato exhilaratus, & velut totus recreatus & renovatus, vidit quatuor albis vestibus indutos cum candelabris, ac thuribulis ad se venientes: hos sequebantur tres honorabiles viri Episcopalis indumentis decorati, baculos Pontificales in manibus tenentes, nistras aureas etiam in capitibus portantes, in quibus cujusque nomen scriptum continebatur: nam in ejus mitrâ qui medius incedebat scriptum erat, S. ELEUTHERIUS EPISCOPUS: in ejus qui ad dexteram gradiebatur S. ELIGIUS EPISCOPUS: in ejus qui ad sinistram stabat S. ACHARIUS EPISCOPUS: post eos verò sequebatur Dominus GERARDUS Presbyter vir religiosus veste Sacerdotali indutus qui fidelis procurator elemosynariæ sanctæ Mariæ exstiterat. Beatus itaque Eleutherius juveni propinquans, quasi blandiendo manipulum suum super eum projecit, deinde librum vitæ suæ quem in manu suâ gestabat ei ostendit, & coram se legere præcepit; perlectumque ab eo recipiens in sinu suo reposuit, & ad locum in quo prius steterat, rediit. Postea Beatus Eligius juveni appropinquans librum vitæ suæ ei obtulit, & juvenis eum sibi satis notum esse dicens legere noluit. Sanctus quoque Acharius ei in dextrâ suâ scriptum ostendit: *In nomine Domini JESU per me mortuus resuscitatus est*. Et post hæc illi eo ordine quo venerant discesserunt. His ergo visis adolescens de extasi ad se ipsum reversus de terrâ surrexit, & ad patris sui domum rediens totâ nocte lectulo infirmus decubuit: mane facto aquâ benedictâ se aspergi rogavit, sicque recreatus particulam vestis suæ combussam, & carnem sub eâ liquifactam ostendit, & ex his quæ viderat nonnulla retulit. Sequenti feriâ VI. accessit secretè Guillelmo Canonicorum Decano, qui postea Abbas in ordine Clarevallenti claruit, peccata si a confessus est, acceptâque ab eo absolutione & poenitentia junctâ, proximâ Dominicâ Corpus Domini suscepit, quo percepto mirum dictu vitam B. Eleutherii, quam ante sex dies in extasi legerat, memoriæ revocatam cunctis audientibus ac si orationem Dominicam, cursim legere cœpit: obstupefacti, rei novitate percussi convenimus, & multa ad invicem super tam mirabili visione conferre, & consicere cœpimus. Licet enim quidam adolescentem dictandi & versificandi peritum dicerent, hanc vitam potuisse componere, nos tamen scientiæ ejus non ignari, certi eramus hujusmodi dictaminis nunquam eum attuetum fuisse; quamquam etsi eam composuisset, nullo modo tamen eam sine libro tantum cursim memoriter, & corde tenens totam legere valuisset. Consilio itaque cum religiosis viris habito, domino nostro Samsoni Remorum Archiepiscopo, Dominoque Bernardo Clarevallenti Abbati, nec non & aliis Episcopis atque Abbatibus pro audiendis, & discutiendis libris Magistri Petri Abailardi in octavis Pentecostes cum Rege Francorum in Senonensi Urbis congregatis, visionem istam scriptam transmissimus, & quid eis exinde agendum videatur, consu-

[o convenimus] Videtur continuator hujus historiæ fuisse Canonicus, post Monachus S. Martini Tornac.

Tom. II.

[p in Senonensi] Concil. Senon. celebratum fuit an. 1142. non verò 1140. ut quidam volunt. Vide adnot. ad num. 108.

AAA Aaa ij

luimus. Illi nobis mandaverunt, ut Divinæ voluntatis effectum deinceps expectaremus.

110. Et ecce post paucos dies præfatus juvenis quibusdam signis prænoscentem Beatum Eleutherium rursum sibi manifestandum, summo mane peccata sua confessus, Missam audit, Corpus Domini suscipit: deinde Secretarium, in quo sancti viri feretrum positum erat, oraturus cum paucis ingreditur, cum subito ad terram cecidisse foris positus nuntiatur. Ingressi autem eum supra terram clausis oculis ac si exanimem jacentem conspiciamus, & admirantes finem rei expectamus, & ecce post paululum eum sancti Eleutherii elevationem legere audimus, & ad multa quæ interrogabamus eum respondere admiramur. De extasi vero reversus, ea quæ legerat scripsit: post hanc itaque visionem quam videramus, certiores facti de primâ, cui nullus interfuerat, in commune Deum rogabamus, ut si ex ipso foret hæc visio, manifestaretur etiam tertiâ.

111. Necdum quadraginta dies transierant, & prædictus juvenis sentiens tertiam visionem citius affuturam, feriâ sextâ ante festum sancti Laurentii rursum mane peccata sua confessus; & auditâ Missâ Domini Corporis perceptione confirmatus, præfatum Secretarium cum paucis oraturus ingreditur: nec mora: nos extrâ positi audientes eum cecidisse accurrimus, videmusque eum more solito clausis oculis in terrâ velut exanimem jacentem. Vix quarta pars horæ transierat, & ecce audivimus eum legere quædam miracula sancti Eleutherii, nobisque interrogantibus stupemus, eum respondere ad plurima, inter quæ palam prædixit, quod Ecclesia Tornacensis infra non multum tempus proprium esset Episcopum habitura, & pristinam dignitatem receptura; quæ visio & prophetia futuræ libertatis nobis indicia contulerunt.

112. Quo tempore contigit ut tam Ecclesiâ sanctæ Mariæ Tornacensis, quam ex ipsâ Diocesi multi Clerici famosi conversionis gratiâ Dominum Bernardum Abbatem Clarevallensem sequerentur; quorum relatione idem Abbas de antiquâ dignitate Tornacensis Ecclesiæ instructus, & quanta necessitas esset ut propter infinitam multitudinem populi proprium haberet Episcopum edoctus, ex visione adolescentis sumptâ occasione, aggreditur secretè Simonem Episc. proponensque ei periculum tot animarum sub curâ suâ degentium, ut Tornaci proprium Episcopum ordinari benignè permitteret, dulciter hortatur. Protinus dulci exhortatione Abbatis compunctus Episcopus, consentit precibus ejus, eo tamen pacto ut de redditu Tornacensis Ecclesiæ partem pecuniæ in vitâ suâ liceret ei retinere. Sed Noviomenses Clerici hoc audito Radulfum Vermandensem adeunt, & germanum suum Simonem vendidisse suum Episcopatum derogantes, propositum Abbatis per eum evacuant, & evertunt.

113. Per idem tempus inter Papam Innocentium & Regem Ludovicum filium superioris Ludovici, cognatosque ejus supra memoratos, Simonem scilicet Episcopum & Radulfum Comitem lis exorta est; pro quâ Rex cum Comite Christianitate privatus est, & in annum tenti sunt; Episcopus verò ab officio Episcopali per aliquod tempus suspensus. Papa enim Clericum quemdam, cognatum Cancellarii sui, in Bituricensi Archiepiscopum consecravit, quod quia Rex concedere noluit, Christianitate privatus est; Comes verò volens in matrimonium sibi copulari germanam Alienoræ Reginæ Francorum, uxorem suam legitimam de consanguinitatis lineâ calumniari cepit: sed quia absque judicio canonico ab eâ separari non valuit, præfatum Simonem germanum suum

junctis aliis duobus Episcopis, Laudunensi scilicet, atque Silvanectensi fecit per sacramentum testari, se se propinquitatis lineâ cum uxore suâ conjungi, ut fœdera matrimonialia ab invicem deberent dissolvi: quo juramento completo, ab eâ se disjunct, & germanam Reginæ duxit, quæ ambæ fuerunt filiæ Comitis Pictavorum & Ducis Aquitanorum, quæ etiam propinquiores ei erant. Fama hujus perjurii per totam disseminata regionem, etiam ad Apostolicam audientiam delata est per Comitem Theobaldum Burgundiorum Principem: hujus enim erat neptis ea quam Radulfus Comes dimiserat, & dedecus repulsa eum spectabat: quam querimoniam cum per nuntios suos auribus Papæ deposuisset, Comitem vinculo anathematis ligavit, & Episcopos ab officiis Episcopalibus per aliquod tempus suspendit. Hæc ergo dissensione inter Papam & Regem atque Episcopum Noviomensem compertâ, Theodericus præpositus, qui Gunthero successit; ardens desiderio cum Clericis Tornacensibus ut Ecclesia sua pristinam dignitatem reciperet, Dominum Herimannum qui quondam Abbas noster exstitit, secretè alloquens ut Romam eat, & animum Papæ super hac causâ cautè exploret, hortatur. Dominus Herimannus favens eorum precibus Romam pergit, Innocentio Papæ litteras quas olim Paschalis Papa Tornacensibus transmisserat ostendit, totumque rei supra scriptæ ordinem pandit: tandemque ipse etiam litteras ab eo accipit, in quibus Tornacenses commonuit, & auctoritate Apostolicâ præcepit, ut communicato religiosorum & discretorum virorum consilio; remotis dilationibus Episcopum proprium religerent; electum autem kementi Metropolitano consecrandum præsentarent, quod si ipse nollet perficere, ad suam præsentiam ducerent. Has litteras Dominus Herimannus præsentat Tornacensibus, diem electioni ponimus, & personas diocesis convocamus.

114. Initoque consilio cum religiosis viris Abbatem sancti Amandi virum religiosum unanimiter nobis in Episcopum eligimus: protinus electio Remensi Archiepiscopo notificatur; sed ipse dicit quodd non auderet eum consecrare pro Regis & Radulfi Comitis timore: unde necessitate cogente compellimur Romam remittere, & ipse quidem electus ut vir sapiens renuit ire; veritus quodd postea accidit, ne Romana curia per pecuniâ a sententiâ flecteretur, sicque sibi in dedecus verteretur si repulsa pateretur: Clerici autem Tornacenses juncto sibi Domino Herimanno Romam proficiscuntur, litteras suas pro electione factâ Papæ ostendunt, & ab eo gratissimè suscepti de die in diem expectant ejus terminale responsum: cum subito Simon Episcopus eos subsequutus adesse nuntiatur, ingressusque palatium cum Clericis suis Papæ conqueritur super Clericis Tornacensibus, qui prætergressi fidelitatem & obedienciam quam sibi promiserant, electionem alterius Episcopi contra se fecerant. Respondet Papa à fidelitate & obediencia quam ei promiserant se eos absolvisse, & ut proprium Episcopum eligerent eis præcepisse, ideoque super his nihil eos deliquisse. Subjunxit quoque Dominus Herimannus annuente sibi Papa ut diceret, Clericos Tornacenses nullam contra Episcopum Simonem accusationem coram Papa detulisse, sed ei utpote nobili viro & laudabili bonum testimonium ferre, nec pro aliquâ malivolentiâ alium Episcopum elegisse, sed si non inferioris meriti bono Martino ipse esset, eos tamen desiderare ut mater sua Tornacensis Ecclesia pristinam dignitatem proprii Episcopi reciperet; tantam autem necessitatem hujus rei esse, ut cum in Episcopatu Tornacensi plusquam decem. millia populi diversi sexûs, & ætatis conti-

neretur, tamen propter absentiam Episcopi, teste ipso Episcopo, mortui essent infra decem annos plusquam centum millia qui non fuerant consecrati oleo de manu Episcopi, plusquam etiam. . . . tam homicidio quam aliis criminibus implicatos ibi esse, qui non suscepissent poenitentiam criminum suorum ab Episcopo. Cumque hæc & alia multa in presentia Episcopi Dominus Herimannus retulisset, quorum Episcopus nihil negavit, Papa stupefactus electionem Tornacensium coram omnibus confirmavit, seque eam perfecturum promisit; ac Cardinales qui circumferebant exhortatus, ut se exinde adjuvarent, de sede sua surrexit, & in secretarium cum eis intravit, legatis nostris sperantibus causam suam citius terminandam: postea eos plusquam xv. diebus Papa detinuit, donec Dominus Simon quingentis marchis argenti per curiales distributis gratiam Domini Papæ recepit: qui tamen eum in secretarium nobis presentibus evocans, coram Cardinalibus præcepit ei sub periculo ordinis sui, ut nullam omnino malevolentiam in facto vel verbo Tornacensibus ostenderet, qui præcepto suo electionem Episcopi fecerant. Sicque legatis nostris cum osculo reconcilians, litteras ei dedit, in quibus nobis mandavit, quoddam de electione nostra voluntatem non mutasset, sed ad præsens per consilium differret; donec convocato Episcoporum & Metropolitanorum conventu quod cœperat confirmaret. Interim autem præcipiebat ut ei solitam obedientiam exhiberemus. Sic itaque legatos nostros tristes dimittens, & multis malè loquendi occasionem dans, sequenti anno moriens, Cælestinum habuit successorem: qui infra unius anni spatium defunctus, Gerardo Cancellario, qui Lucius dictus est, Apostolicam sedem dimisit: eo quoque similiter infra annum defuncto Eugenius succedit; qui primò Bernardus vocatus, in Cœnobio Clarevallensi Monachus fuerat, deinde ab Innocentio Papa in Monasterio sanctæ Anastasiæ Abbas Romæ ordinatus fuerat. Hic ergo cum ab omnibus nobis nuntiaretur avidus pecuniæ non esse, per internuntios de negotio nostro edoctus, & quid exinde facere vellet requisitus, respondit se facturum quidquid Abbas Clarevallensis inde sibi per litteras mandasset. Cum itaque dubii sermones inter nos pro hac causâ renovarentur, ecce subito Theodericus Præpositus Ecclesiæ sanctæ Mariæ infirmitate nimia gravatur, & Monachus factus in hoc Cœnobio moritur, atque ante Capitulum est sepultus: sequenti etiam anno electus noster Absalon Abbas sancti Amandi vitæ terminum fecit; licque nobis ostensum est, quoddam nec ipse, nec Herbertus Morimensis Archidiaconus à Deo prædestinatus fuit, ut fieret Tornacensis Episcopus: alii enim istud officium servabatur. Sed nec Gunterus Præpositus, nec Theodericus successor ejus patrui sui filius, licet Ecclesiæ suæ ferventissimi amatores existerint, & in secularibus satis potentes fuerint, hoc honore digni fuerunt, ut per eos tantum opus consummaretur; nam & hic honor alii repositus erat.

115. Cum ergo isti defuncti defuissent, filius sororis Theoderici nomine Letbertus ei in Præpositurâ successit, cujus instinctu alius Letbertus cognomento Blandus, qui postea Cancellarius, deinde Præcentor Ecclesiæ sanctæ Mariæ fuit, cum litteris Abbatis Clarevallensis Romam petiit, Eugenio Papæ negotium Tornacensis Ecclesiæ pandit, utque tandem debito fine opus quod sibi Deus reservaverat terminare, & consummare studeat, suppliciter exposcit. Volente Papa ei litteras dare, ut rursum Tornacenses electionem Episcopi facerent; respondit ille se nunquam hujusmodi litteras laturum,

sed si Papa sibi consecratum manu sua traderet Episcopum, cum ipso se reversurum, eumque à Tornacensibus cum honore debito suscipiendum. Quid multis morer? Instanti ejus petitione & constanti pertinacia flexus Papa, quarit ab eo quem velit in curiâ suâ eligere: ille ut sapiens juvenis consilium suum in ore Domini Papæ ponit. Convocat Papa Cardinales, & quid sibi super tanto negotio faciendum sit, consulit. Venerat tunc fortè Romam Anselmus Abbas sancti Vincentii Laudunensis, qui in Cœnobio sancti Medardi Sueffionensis Monachus factus fuerat, sed famâ religionis, & probitatis suæ ubique præconante à Monachis sancti Vincentii expetitus Abbas est ordinatus, qui etiam multis annis idem Cœnobium laudabiliter rexit, ita ut de Monachis ejus tempore suo in diversis Cœnobis decem Abbates venerabiles existerint. Hic ergo illis diebus pro Ecclesiæ suæ necessitatibus Romam veniens, & in curiâ Papæ notissimus, primùm ab ipso Papa nominatur, statimque à Letberto & ejus focis eligitur, & Papæ consecrandus presentatur: reluctatur & contradicit dicens se validâ infirmitate detentum, & de morte potius quam de Episcopatu sollicitum. Perstitit Papa in sua sententiâ, & obedientiæ vinculo coactum Dominica *Lætare Jerusalem* solemniter consecrat, & consecratum cum litterarum suarum auctoritate novum pastorem civibus Tornacensibus destinat, & eos ab obedientiâ Noviomensis Episcopi absolvit, utque semper habeant proprium Episcopum auctoritate privilegii sui promulgavit.

116. Regi verò Francorum Ludovico, qui etiam fuit Dux Aquitanorum, & qui ad admonitionem Eugenii Papæ ad expugnandos inimicos Christianæ Religionis in Jerusalem expeditionem paravit, deprecatorias litteras idem Papa misit, alias quoque Comiti Flandrensium Theoderico, necnon & civibus Tornacensibus, in quibus exorabat ut Episcopum, quem ad honorem Dei, & propter animarum salutem ordinaverat, omnes simul benigne concederent esse: & redditus Episcopatus deinceps ipsi persolverent. Rex autem cum Comite & civibus, interveniente Religioso viro Aluifo Attrebatensi Episcopo, paucis interpositis diebus Papæ annuit petitioni. Sicque novum Episcopum in sede Pontificali recepimus. Alias etiam litteras Episcopo Noviomensi legavit, in quibus eum exhortabatur ut patienter ferret Tornacenses proprium habere Episcopum, & ne vel per se, vel per subjactam sibi personam ei aliquam molestiam inferre præsumeret. Metropolitano quoque Remensi & comprovincialibus Episcopis mandavit, quatinus eum manutenerent, & in omnibus juvarent, atque ab omni presumptione Episcopum Noviomensem desistere moverent, & cum eo ad pacem concordarent. sed idem Simon mitissimus homo erat, & malefactoribus mala retribuere nescibat. Unde factum est ut neque verbo, vel facto contra præceptum Papæ facere tentaret, quod etiam ad nobilitatem generis sui pertinebat. Sic ergo Deus ordinavit ut Herbertus, & Absalon Tornaci eligerentur, & Anselmus Romæ consecraretur. Sic Deus permisit ut Paschalis & Innocentius Tornaci juberent fieri electionem, & Eugenius Romæ faceret consecrationem: sic Deus disposuit ut Gunterus & Theodericus Præpositi laborarent in electione, & Letbertus gauderet de facta consecratione. Alii ergo secundum Evangelicam sententiam laboraverunt, & Letbertus in labores eorum introivit; alii seminaverunt, Letbertus messuit. Benedictus Deus qui prosperum fecit iter ejus. Acta est consecratio Domini Anselmi Episcopi Romæ anno incarnati Verbi Dei MCLVI. quo



anno tunc fames gravissima, ita ut Tornaci vendetur sextarius tritici lvi. solidis. Sicut ergo per sanctum Medardum dignitatem proprii Episcopi perdidimus; dum ipse curam Episcopi Tornacensis sibi injunctam à Clero & Metropolitano tenuit: ita etiam per eundem libertatem nostram recepimus, dum Deus proprium nobis pastorem restituens Monachum sancti Medardi in Episcopum dedit. Benedictus Deus qui tales filios sancto Medardo imbuendos tradidit, per quorum ministerium Christus in filios adoptionis Divina charismata ostenderet, & Ecclesiam suam sine ruga & macula conservare vellet.

117. Eodem tempore Eugenius Papa litteras exhortatorias in Galliam direxit, ad exhortandum strenuos quosque homines quatinus Jerusalem ad terram quam Christus sua praesentia sanctificavit, pergerent, & fines illos qui à Gentilibus conturbabantur defenderent, & ditioni Christianorum subderent: cujus exhortatione animati Ludovicus Rex Francorum & Dux Aquitanorum; Conradus quoque Romanorum Imperator, & Rex Teutonicorum junctis sibi nonnullis Principibus, cum multis legionibus Christianorum illuc properaverunt. Dominus etiam Herimannus quondam Abbas noster cum eisdem Principibus gloriosum Domini Jesu Christi sepulchrum invisere multo ardore sitiens, anno Dominicae Incarnationis, ni fallor, M CXLVII. Jerusalem religiosum cum apparatu ire perrexit. In itinere quid egerit, actum quid de eo sit, nihil certi habemus: alii enim pro Christi nomi-

ne & proximi dilectione martyrisatum, alii captivum abductum referunt.

118. Domino Anselmo defuncto atque in Ecclesia sanctae MARIAE ante majus altare sepulto; Gerardus Abbas Villariensis ei successit anno Dominicae Incarnationis M CXLIX. cujus temporibus Domino Valtero Abbate nostro defuncto, atque à tota processione sanctae MARIAE & duobus Episcopis, Tornacensi scilicet & Laudunensi honorifice ante altare sancti Joannis - Baptistae sepulto; Dominus Ivo ei successit anno Dominicae Incarnationis M CLX. Indictione VIII. concur. v. Epacta XI.

*Additio alia manuscripta.*

119. Ivoni successit Dominus JOANNES dictus de Necin, qui magnae religionis fuisse perhibetur. Isti Joanni successit Dominus MILO Abbas Marciniensis, quondam Monachus Sueffionensis, & post Abbas ejusdem Monasterii sui. Miloni successit Dominus Joannes dictus de Sobregien; Joanni successit Dominus AMANDUS; Amando successit RADULFUS; Radulfo successit Dominus AEGIDIUS dictus de Cellâ; Aegidio successit SIMON dictus Baras; Simoni successit D. JOANNES Carpentarius; Joanni successit D. Jacobus de Insula, hic per mensem rexit, potens Christus sibi Rex sit: Jacobo successit Dominus Aegidius de Warnaria; Aegidio successit Dominus Theodericus de Parco, Theoderico successit Dominus Egidius II. Muisis Prior, electus Abbas decimus septimus anno M CCCXXI.

## M O N I T U M.

**C**HRONICON S. Clementis Casauriensis sive Piscariensis Abbatiae nobis ultro contulit V. C. Antonius Vion dominus d'Herouval, perspicacissimus in discutiendis anterioris aevi scriptis, qui continuo satagit aliis prodesse magis quam laudem sibi conciliare, quippe omni ipse laude superior. Illud ex ingenti volumine elegantissimis characteribus ante annos D. exarato, quod omnes Monasterii chartas complectebatur, excerptimus. Auctor siquidem Joannes Berardus, ejusdem Monasterii Monachus Benedictinus, & Praepositus anno 1169. summam ordine chronologico quae prolixius referunt chartae, marginibus adscripsit, historiamque contexuit, additis praeter ea quae Piscariam spectant serie Imperatorum, Regum, ac Principum, bellis quoque & cladibus, ac depopulationibus, variisque eventis. Praecipua diplomata, nempe Regia, & Pontificia privilegia, rati nec injucunda nec inutilia fore Lectori, inseruimus.

Piscaria autem insula (quae nunc Pelquaire vocatur) in Aprutia ulteriori ad mare Adriaticum sita est, ubi Abbatia S. Clementis etiamnum stat suis privilegiis decorata; sed, heu! amandatis hinc omnibus Monachis, qui, juxta piam Fundatoris voluntatem, Deo laudes diu noctuque persolverent, Abbas Commendatarius cunctos redditus nunc solet sibi vindicare. Doctissimus Abbas SS. Vincentii & Anastasii Ferdinandus Ughellus Monasterii statum perstringit, describens Archiepiscopatum Teatinum: In ea (Metropoli) Monasteria aliqua sunt, & plures fuerunt Abbatiae insignes, quarum maxima est S. Clementis de Piscaria, quae etsi in Pineni Diocesi fundata fuerit à Ludovico II. Imper. à Summis tamen Pontificibus Teatinæ aliquando tribuitur, donec nullius declarata Romano Pontifici immediatè subjecta facta est. Tanti viri pace dixerim, à verò hic nonnihil aberrat; quandoquidem ab ipsa fundatione ad hodiernum usque diem nulli unquam nisi Romano Pontifici addicta fuit; etenim Episcopus loci dum Abbatia conderetur, jure suo, rogante Imperatore Ludovico II. cessit, & illud in Abbatem transtulit.

Præcellerat Monasterium Piscariense insigni adeo dignitate, ut in omni ditione sua Abbas non secus ac Imperator gerens sese, pedi loco sceptrum Imperiale seu Regale (quod nulli antea vel posthac concessum invenio) gestaret: at ducentis plus annis jam elapsis, Summum Hierarchum cum adisset, scepro Imperiali abjecto baculum pastorem suscepisse docet Berardus in Chronico agens de Grimoaldo Abbate ad an. MXCVIII. Cum maximâ reverentiâ, inquit, à Papa Urbano susceptus est, & sub protectione Romanæ Ecclesiæ, quam hætenus Abba-

Tom. 6. Ital.  
Sact. p. 824.



tia S. Clementis ignoraverat, quia ab Imperatoribus gubernabatur. Hic primus ab illo in Abbatem consecratus, baculum pastorem in loco sceptri Regalis, quod antecessores & ipse in dexterâ portabant, suscepit. *Et in præfato Codice MS. ad hunc annum in fronte Urbanum Papam Grimoaldo Abbati pedum porrigentem cernere est, & sic alloquentem:*

Cæsaris ob sceptrum baculum tibi porrigo dextrum,

Quo bene sis fretus: plus Cæsare dat tibi Petrus.

*Cur ea solùm tempestate Abbates Piscarienses adierint Summum Pontificem, rationem reddit idem Berardus lib. 2. Chronici quem adi si habet.*

*Chronicon hocce nostrum docebit te, Lector, si nescias, corpus S. Clementis Papæ & Martyris in Piscariensi Monasterio, quod S. Clementis nomine insignitur, asservari & coli. Siquidem ab Adriano II. Summo Pontifice Ludovico Imperatori ejusdem Abbatie Fundatori, sanctissimum corpus istud concessum in Cænobium Piscariense translatum est, atque inibi reconditum hætenus perseverat. Testes habeo locupletes ac præclaros, Imperatores, Reges, Romanos Pontifices, in privilegiis ac diplomatibus à se concessis. Imperatores, inquam, habeo Ludovicum Monasterii fundatorem, Berengarium, Othonem, Henricum, & alios: habeo Rogerium Sicilia Regem. Habeo summos Pontifices Leonem IX. Calixtum II. Adrianum IV. & Alexandrum III. Habeo tandem Berardum in Prologo, & in ipso libri primi limine, passimque in Chronico, maxime verò ubi Corpus Sanctissimi illius Martyris, conspiciente, miranteque Augustino Cardinale detectum est, & titulus in sepulcro inventus aureis litteris exaratus: HIC JACET S. CLEMENS S. PETRI DISCIPULUS, ET A B. PETRO SECUNDUS, QUI, JUSSU TRAJANI IMPERATORIS, ANCHORA AD EJUS COLLUM LIGATA, FUIT IN PELAGO DEMERSUS. Quem titulum (prosequitur Berardus) cum legeret Cardinalis, ejus facies illicò est perfusa uberrim lacrymis, & procedens ad cætera, cum pro certo cognovisset, quòd ibi S. Clemens jaceret, in laudibus prosilivit incipiens Te Deum laudamus. Et post pauca: Collocavit Præsul Gualterius in eodem altari sacro-sanctum Corpus Clementis Papæ & Martyris integrum totum, sicut traditum fuerat Ludovico Imperatori, &c. Ita Berardus testis oculatus.*

*Sed prætereunda minimè sunt quæ non edidi, ut potè jam vulgata, Privilegia. 1. Rogerii Sicilia Regis: In nomine Domini, &c. Rogerius divinâ favente clementiâ Rex Sicilia, &c. Regum Catholicorum Principum nihil constat gloriosius esse, quàm Deum vereri, loca sancta venerari, &c. Quocirca Monasterium, quod Rex bonæ memoriæ Ludovicus in insulâ, quæ Casa aurea vocatur, ad honorem S. & Individuæ Trinitatis construxit & dotavit, in quo CORPUS B. CLEMENTIS PAPÆ ET MARTYRIS VENERABILITER RECONDI FECIT, &c. 2. Leonis Papæ IX. Leo Episcopus Servus Servorum Dei, &c. Dominico venerabili Abbati Ecclesiæ S. & Individuæ Trinitatis, quæ est in insulâ Piscariâ, quæ etiam Casa aurea vocatur, ubi CORPUS B. CLEMENTIS PAPÆ ET MARTYRIS REQUIESCIT, tuisque Successoribus in perpetuum, &c. 3. Alexandri Papæ III. Alexander Episcopus, &c. Dilectis Filiis Leonati Abbati, &c. ejusque Fratribus, &c. Religiosis votis annuere, & cum operis exhibitione complere, officium nos invitat suscepti regiminis, & ordo videtur exigere rationis. Eapropter dilecti in Domino Filii, vestris justis postulationibus clementer annuimus, & præfatum Monasterium, ubi CORPUS B. CLEMENTIS PAPÆ ET MARTYRIS REQUIESCIT, & in quo divino estis mancipati obsequio, ad exemplar Prædecessorum nostrorum Rom. Pontif. fel. mem. Leonis, Calixti, & Adriani, sub B. Petri & nostrâ protectione suscipimus, &c. 4. Cælestini Papæ III. Cælestinus Episcopus, &c. Joheli Abbati S. Clementis de Insula Piscariæ, &c. Eadem Alexandri decessoris sui verba repetit.*

*Quibus addo historiam de fundatione Monasterii S. Clementis Insulæ Piscariæ lib. 1. in med. post relationem eorum, quæ in Corporis S. Clementis Inventionem atque in urbem Translationem, sunt acta: Accersitis Primatibus suis (verba sunt Historiæ) cum Archiepiscopis, & Principibus totius urbis accessit ad Papam; Adrianus quidem II. Papa ille vocabatur, qui B. Clementem suscepit à Philosopho, & eundem Clementem postea dedit Regi Ludovico. Ac multis interjectis: Jussu Beatissimi Papæ Adriani allatum est Corpus Clementis Martyris gloriosissimi, & traditum Ludovico Imperatori, qui frangens illicò vas in quo erat positum, traxit singillatim ossa ejus, & ne aliquid deesset diligenter aspiciens, involvit totum Corpus in pretioso pallio: deinde posuit in vasculo pretioso, quod ipse Rex secum habebat, factum de alabastro; ibique celebravit excubias, & solemnes vigilias per aliquot dies, &c. Perfectis igitur illis quæ in Romanâ civitate decreverat facere, levaverunt Corpus S. Martyris, & cum Hymnis & Canticis spiritualibus Domino Apostolico præeunte exierunt ab urbe, &c. Cum autem venissent ad Insulam Piscariæ, quæ validis aquis cingitur undique, in eâ parte quâ erat pons regalis constitit omnis multitudo jussu Imperatoris. Et descriptis quæ tum acciderunt miraculis, insit: Hic revolutò corpore*

S. Clementis, cum ejus ossa teneret sacratissima manus Imperatoris, tantus odor egres-  
sus est de ossibus ipsis, ut visum esset illis qui aderant, quod essent in paradiso Dei, &c.  
His exhilaratus dominus Imperator, præcepit Clerum ornari vestibus sacris, & populum  
intendere orationibus sanctis, & ipse cum Archiepiscopis & Episcopis involverunt mem-  
bra S. Clementis, & Reliquias Apostolorum Petri & Pauli in medietate pallii, (quia  
alia medietas reservata est ad posteros in memoriam hujus Translationis) & recondi fe-  
cit eum in supradicto alabastro; & in ipso die Translationis locari in altaris medio, an.  
Dominicæ Incarnationis octingentesimo septuagesimo secundo, Indictione VI. (lege V.  
ut in MS.) Kalend. Junii, ad honorem & gloriam Domini nostri JESU. CHRISTI.

Anastasius Bibliothecarius, qui illo ævo florebat, calculum his adjicit, allatum fuisse asse-  
rens Corpus S. Clementis Adriano II. Romanam Ecclesiam gubernante, ut refert Papius Mas-  
sonus in Adriano II. Per idem tempus vivebat in aulâ Pontificis Romani Anastasius Apo-  
stolicæ Sedis Bibliothecarius. Is epistolâ ad excellentissimum Regem & Christianissimum  
Carolus data X. Kalend. April. Indict. VIII. Sic ait: Vir magnus & Apostolicæ vitæ  
præceptor Constantinus Philosophus Romam sub venerabilis memoriæ Adriano Juniori  
Papa venit, sanctique Clementis corpus sedi suæ restituit.

Tom. 6. Ital.  
Sacr. pag. 838.  
& seqq.

Lubet præterea subjicere coronidis instar descriptionem ostii Ecclesiæ Piscariensis ab admodum  
Reverendo Abbate Ughello Petrum Teatinæ civitatis sextum Episcopum exhibente. Et hanc sanè  
descriptionem haud inane videbis argumentum ad suadendum Corpus S. Clementis quo de agimus  
verè in Piscariâ insulâ honorari. Sic igitur se habet:

„ Ecclesiæ hujus ostium æneum satis mirificè fustum, auroque purissimo incrustatum, nullo un-  
„ quam tempore intermoriturâ Fundatoris munificentia Divo Clementi dicatum est. Miraculo-  
„ rum omnium, Casitorum, Terrarum, Villarum, ac totius Abbatie jurisdictionis compendium,  
„ & veluti speculum, in quo vetustissima Imperatoris exproptia, & indubitata tanti Pontificis  
„ Translationis monumenta spectantur. Historia digna est, unde meritò hic eam adnotare visum  
„ est. Suprà arcum igitur medium portæ, quæ ænea est, exstat à capite sculpta urbs quædam his  
„ verbis in medio, ROMA. Inde videtur Papa sedens, qui capsulam tenet in manibus onustam,  
„ & ossibus plenam sancti Martyris Clementis cum his literis; ADRIANUS PP. II. Coram Pon-  
„ tifice exstat cum genu curvo, & capite inclinato Imperator cum his verbis; LUDOVICUS  
„ IMP. qui capit cum veneratione capsulam è manu Pontificis, sub quo hi duo versus legun-  
„ tur, quibus Pontifex alloqui videtur Imperatorem:

Ecce Pater patriæ magnum tibi confero munus,  
Clementis Corpus; tu sacrum suscipe funus.

„ Post Imperatorem exstat quidam oblongis vestibus indutus, qui ensen in manu tenet cum his  
„ verbis à latere; SUPPO COMES Post ipsum Comitem videtur sculptus idem Imperator, qui  
„ devotè capsulam illam imponi jubet suprà animal quoddam, & transmitti ad Monasterium ab  
„ ipso edificatum, ipsis verbis SUB IMPERIO LUDOVICI CÆSAR. post quem videntur sculpti  
„ duo Monachi, qui obviam eunt capsulæ, ut eam recipiant, cum his verbis: FR. CELSUS,  
„ FR. BEATUS: & post ipsos Monachos videtur sculptum templum sanctissimæ Trinitatis, à quo  
„ egressi fuerant Monachi, & ubi Reliquiæ asservari debebant, cum his verbis: TEMPLUM  
„ SS. TRINITATIS. Sub istis verbis exstant incisi duo versus, quibus Ludovicus Imperator al-  
„ loquitur:

Martyris eximii Clementis suscipe Corpus  
Insula Piscariæ, paradisi floridus hortus.

„ Post videtur sculptus Imperator cum his literis, LUDOVICUS IMPERATOR, qui porrigit sce-  
„ ptrum domini cuidam Abbati, qui primus fuit in Monasterio, juxta quem literæ sunt, RO-  
„ MANUS ABBAS PRIMUS. Subtus autem hic versus legitur:

Sceptro firmamus: regimen tibi sume, rogamus.

„ Post ista videtur quidam vestibus oblongis indutus cum his literis à latere, SISEMANDUS MI-  
„ LES, qui sceptrum tenet in manibus cum hisce verbis: CÆSAR VESTRA SIT HÆC INSULA  
„ PISCARIÆ. Ex quibus verbis clarè colligitur, hunc dominum fuisse temporalem Insulæ. Post  
„ ipsum videtur Episcopus, qui tenet Insulam in manibus sculptam, eamque offert Imperatori,  
„ qui eam recipit. Circà Episcopum hæc verba leguntur; GRIBALDUS EPISCOPUS. Circà au-  
„ tem Imperat. ita, LUDOVIC. IMP. Tenet Episcopus in manibus scriptum hujus tenoris:  
„ DAMUS VOBIS OMNE IUS NOSTRUM DE HAC INSULA. Unde colligitur Gribaldum Epi-  
„ scopum Pinnensem, qui aliàs Grimaldus dicitur, omne jus concessisse Ludovico Imperatori de  
„ Insulâ istâ. Subtus autem hi versus leguntur:

Insula Piscariæ, quæ nostri juris habetur,  
Libera perpetuò tua Cæsar jure vocetur.

„ Retro Imperatorem videtur sculptus Comes quidam rogatus ensen gestans cum hisce literis,  
„ HERIBALDUS COMES, hujus rei fortasse testis. Hæc porta illa ænea continet rei peractæ  
pervetustum,

pervetustum, ac nobile documentum, quod cum scripta hujus Cœnobii historia ad amissim con-  
venire videtur.

Historiam de fundatione Casauriensis Monasterii supra citatam edidit primùm V. C. Franciscus Duchesnius tom. III. Historiæ Francorum scriptorum; ac postmodum sæpius à me laudatus Ughellus tomo VI. Italiæ sacræ. Erat ipsa in eo volumine MS. cujus initio memini, post Prologum sub hoc titulo, Pars prima & secunda Chronici Piscariensis. Eos autem libros hac de re prætermisimus, ne veluti crambe bis, terque recocta Lectori stomachum permoverent: deinde compendio eadem planè Berardus repetit in subsequenti libro, quem primum fecimus, imò & Ludovici Imperatoris diplomatibus confirmat, quæ in duobus illis conscripserat. Ecquid itaque emolumenti eruditis contulisset, si denuò eos prælo commississet? Et miror vehementer quid Duchesnium & Ughellum, alioqui viros diligentissimos, Berardum historiæ hujusce auctorem fuisse latuerit. Hoc Chronicon Baluzius contulit cum eo ipso Codice quo usus est Acherius, quem quidem Berardi ipsius manu descriptum arbitratur, ac nonnulla emendavit, quæ suis locis videbis.

Duchesn.  
pag. 344.  
Ughel. pag.  
1291.

# CHRONICON CASAURIENSIS,

S I V E

## PISCARIENSIS MONASTERII.

### ORDINIS SANCTI BENEDICTI.

A Ludovico II. Imperatore conditi, anno Domini DCCC. LIV.

Auctore Joanne BERARDI, ejusdem Abbatix Monacho.

Id contulit V.  
C. Dominus  
d'Herouval.

Ab anno 854.  
ad 1182.

*Incipit Prologus in libro instrumentorum de possessionibus, rebus, sive dignitatibus quas Casauriense Monasterium habuit, habet, vel habere debet.*

**P**ISCARIENSE Monasterium in honore ac vocabulo Summæ & Individuæ Trinitatis, à Ludovico magnifico Imperatore fundatum atque constructum; Corpore namque gloriosi Pontificis & Martyris Christi Clementis donatum, ac proinde per diversas Italiæ provincias, multis prædiis & amplissimis possessionibus dilatatum, sublimiter effulsit, & in principio sui multâ religione, seu morum excellentiâ præditum, mirabiliter claruit. Quod nimirum antequàm construeretur, & in exordio foundationis suæ, ipso Serenissimo Augusto largiente, & multis aliis potentibus viris porrigentibus, multa possedit, & quasi cum primo lapide fundamenti tamquam vivum lapidem primum Abbatem nomine ROMANUM accepit: de cujus morum gravitate, & rerum acquisitione, tam ipse Clementissimus Imperator in quodam suo privilegio testatur, quàm etiam ipsæ Monasterii cartulæ clariùs manifestant. De possessionibus verò & dignitatibus Monasterio collatis, habuit multa regalia præcepta, & copiosa cartarum instrumenta. Sed postea peccatis exigentibus, sicut de possessionibus multa perdidit, sic de Regalibus privilegiis, & instrumentalibus cartis multo plura ob culpam & negligentiam quorundam amisit.

Nos igitur moderno tempore, licet ingenio & scientiâ juniores & imperiti, tamen super hoc divinitus sollicitati, cum ingenti tædio & labore residuum omne cartarum ipsarum revolvimus, & ad honorem B. Clementis, & munimen & profectum sanctæ suæ domûs, de eisdem cartis tamquam in unum opus Librum ordinantes composuimus, ne videlicet causâ vetustatis, vel per negligentiam sicut olim amittantur; & maximè ut Abbatia S. Clementis Casauriensis, quod excellenti & principali jure semper fuerit Regalis atque sublimis, non ignoretur à posteris.

Præterea sciendum, quòd tempore foundationis Monasterii Piscariensis nulla castella penitus infrà omnem circuitum montium qui de proximo considerantur, & qui fines ipsos ambiunt, erant adhuc ædificata; sed omnis illa tam Pinnenis quàm Teatenis territorii regio, per finitima, & circumquaque loca frequentibus villis atque casalibus inhabitabatur, & quasi sub ficu & vite, vel in propriis prædiis erat hominum illius temporis incolatus. Post Monasterii verò constructionem quadraginta circiter jam elabentibus annis, cum ab Agarenis & gente paganâ, sicut in cartis & chronicis reperitur, Monasterium fuisset igne crematum, & penè destructum, & ipsa finitima regio desolata, Barbaris, ut fertur à Christianis victoriosissimè effugatis, ob metum ipsorum, ex villis munitiones, & ex casalibus castella fieri cœperunt: quædam Abbatum constructione, quædam Abbatum concessione à divitibus acceptâ pecuniâ pro Cœnobii restauratione. Nonnulla quidem ab eodem tempore per eorundem locorum invasores, in Monasterii possessione fuerunt oppida violenter ædificata: quæ postea per hujusmodi occupatores non solum non retenta, imò à Monasterii domino, violento jure sunt exempta, & irrecoverabiliter alienata, miserâ pigritiâ seu carnali negligentia quibusdam Abbatibus incumbente.

Ad noticiam itaque posterorum, ex quibus villis & casalibus ipsæ munitiones, & eadem castella inva-

Tom. II.

B B B b b

luerunt, prout verius scire potuimus, tam relatione scientium, quàm traditione cartarum, modò in capitulis hujus voluminis, modò in cartarum titulis expressimus.<sup>a</sup>

C H R O N I C I  
C A S A U R I E N S I S.  
L I B E R P R I M U S.

Fundatum in  
honorem SS.  
Trinitatis.

854.

b

**C**OEPIT igitur & creatum est Piscariense Monasterium, tempore quo Papa gloriosissimus NICOLAUS Romanum gerebat Pontificatum, & MICHAEL Constantinopolitanum regebat Imperium, supradicto Cæsare LUDOVICO, Augusti LOTHARII filio, in honore sanctæ & Individuæ Trinitatis illud fundante & construyente. Sicque cælesti prædestinatione seu dispositione factum est, ut uno eodemque tempore fieret & corporis B. Clementis inventio, & sanctæ Piscariensis Ecclesiæ constructio: ut sicut olim eidem sancto corpori fuit ab Angelis habitaculum in maris pelago præparatum, sic etiam eidem reperto, & in Italiam reportato, foret ab hominibus sacrosanctum templum regalite radificatum. Sed ante non multos annos, videlicet anno Dominicæ Incarnat. DCCC. LIV. Imperii verò Domni Ludovici tertio, & patris ejus Lotharii Augusti XXXIV. Indictione primâ currente; cum idem gloriosus Imperator in Comitatum Pinnensem devenisset, & jam ipsum Monasterium fieri votivo corde concepisset, emit ad honorem Dei & B. Clementis, & ad perpetuum commodum sanctæ suæ Piscariensis Eccl. à quodam nobili & potente viro, nomine Corvino, omnes ejus per eundem Comitatum Pinnensem diffusas, uberes & largas possessiones in casis, & casalinis;<sup>b</sup> & casalia Brelianum, & Linari cum omnibus tenementis & pertinentiis suis, & cum cæteris rebus mobilibus & immobilibus eorum. Unde receperunt ipsi venditores ab eadem clementissimâ Reginâ bullas de auro duas, equum optimum unum cum argenteâ sellâ, in pretium M. CC. solidorum, sicut testatur chartula venditionis eorumdem. [Quæ verò cartula monasterio porrecta & habita, & ejus exemplo in instrumentali volumine pro recordatione descripta est.]

Sequenti post hoc anno D. Ludovico in finibus Spoletinis commorante, & pro Imperii tranquillitate augustaliter decertante, legibus acquisivit à quodam potentissimo viro Adelberto omnes res proprietatis ejusdem, quas opulenter videbatur tenere intrâ fines Italiæ, Tusciæ, Spoleti, & Romanicæ. Ipsas profectò Piscariensi Monasterio clementer addixit perpetuo possidendas: sed cum post mortem prædicti Adelberti quidam Comes Hildebertus easdem temerario maloque ordine pervasisset, eisque incumberet, ab eodem Imperatore calumniatus, & causidicatus, ac per advocatos & judices palatii sui confutatus atque convictus, ipsæ res in integrum in propriam potestatem Domini Augusti sicut antea reverlæ, prorsus in juris proprietatem Piscariensis Eccl. fuerunt redactæ. Qualiter autem & quomodo in anno Imperii sui VIII. res ipsæ prædicto Adelberto dante fuerint acquisitæ, ac in anno Imperii ejus X. super ipsum Ildebertum Comitem causidicè recuperatæ, pagina quæ decreto Principum & Optimatum Italiæ, qui in ipso pla-

cito præfuerunt, inde fieri jussa est, lucidè manifestat.

Consequenter etiam anno Imperii sui XIV. idem gloriosus Imperator accepit, in augmentum Ecclesiæ Piscariensis perpetualiter habendum, à quibusdam eximiis viris de Comitatu Senensi, videlicet Farimundo Diacono & Capellano, & fratribus suis, filiis quondam Farulsi, donationem sub titulo proprietatis curtem in fundo Palmæ cum casis massariis, & omnibus rebus sibi pertinentibus. Unde receperunt per Missum Domni Aug. nomine Adegerium, caballum unum peroptimum, sicut testatur cartula donationis eorumdem.

Item Serenissimus Imperator per omnem Italiam cupiens Monasterium quod construi decreverat, possessionibus dilatare, misit ideo Romam quemdam Hermenulfum Comitem familiarem suum cum infinitâ pecuniâ: qui datis ex eâ octingentis libris argenti Petro Consuli & Duci Romanorum accepit ab eo ad proprium jus Augusti in ipsâ Romanâ urbe solarium habitationis suæ, cum arcâ & curte, salâ seu capellâ sancti Blasii, cum balneo & viridario, & curtem in fundo Tussiano juxta lacum Sabbatini, cum omnibus rebus sibi pertinentibus. Unde Salerni, ubi Dominus Imperator anno Dominicæ Incarnationis DCCC. LXXIX. pro totius Romani Imperii commodo, & Christiani nominis libertate morabatur cartula firmitatis condita, & in eâ eodem Petro, & aliis nobilibus civibusque Romanis se subscribentibus testibus est corroborata hoc modo: Petrus in Dei nomine Consul & Dux in hac cartâ venditionis à me ratâ subscripsi, [ & suprà scriptum argentum accepi. ] Signum manus Joannis filii Leonis de civitate Româ ex genere Romanorum testis. Ego Gregorius, filius Leonis de civitate Romanâ, legem vivens Romanam, in hac cartâ venditionis rogatus à Petro testis subscripsi. Signum manus Joannis Ducis de civitate Romanâ, legem vivens Romanam testis subscripsi. Teubaldus legem vivens Romanam in hac carta venditionis rogatus à Petro testis subscripsi. Signum manus Landerici ex genere Roman. [ testis subscripsi. ] Richinus rogatus à supradicto Petro testis subscripsi. Agelmundus Notarius Domni Imperatoris in hac cartâ venditionis rogatus à supradicto Petro testis subscripsi. Joannes & Aripertus in hac cartâ venditionis rogati à Petro testes subscripserunt. Petrus Notarius Domni Imperatoris scriptor hujus cartulæ venditionis, quam post traditam complevi & dedi.

Vir etiam nomine Pratari vendidit eidem Augusti anno imperii sui XX. terram in fundo Aprutino, casale vocabulo Juliano, pro supplemento Pisc. Eccles. acceptis ex regio fisco XX. solidis.

Circâ tempus verò foundationis Monasterii Pisc. magnificus Imperator nolens sicut olim Rex David, nisi in proprio solo construere domum Dei, accersito quodam illustrissimo Sisenando, & tributis ei per Missum suum Adoaldum XX. libris argenti, exegit ab eo quidquid possessionis & juris, proprietatis, necnon conditionis ex eadem habebat insula, [ sicut exinde testatur cartula testibus roborata. ]

<sup>a</sup> *expressimus*] Postea sequuntur in veteri codice ea quæ edita sunt ab Andrea Duchesnio in tomo tertio scriptorum Historiæ Francorum pag. 544. & à Ferdinando Ughello tom. VI. Italiæ sacræ pag. 1291.

<sup>b</sup> *casalinis*] Deest hic unum folium in Chartulario. Et sanè sequentia non coherent. Agitur enim deinceps de rebus acquisitis ab Irmingarde Augusta. Hæc enira curtes de S. Desiderio, & de Breliano, & de Lenari acquisivit

à Liutardo diacono & Cunrado fratre ejus; ut patet ex veteribus Actis confectis anno VII. imperii Ludovici Imperatoris, mense Junio, Indictione quartâ, quæ exstant in Chartulario fol. 73. Et in fine additur: *Unde recepimus nos suprascripti venditores pretium à re Hermengardi bullas duas, & caballum unum, cum unâ sellâ argenteâ, totum insimul valens solidos mille ducentos, &c.* Vide infra.

I. Abbas Romanus.

Igitur Abbate Romano jam ordinato, & in apparatu fundandæ Piscariæ Ecclesiæ studiosius insistente, quidam Auderadus Amiternensis concessit pro animâ suâ ipsi sancto loco in subsidium Monachorum servos & ancillas, in loco nomine Urbeto, & vallem Civitonicam, & in Pantano & civitate Caballari; & terram modiorum mille nongentorum. Eodem modo fecit consobrinus ejusdem Auderadi, nomine Menardus, pro animâ suâ, & genitoris sui Auderadi, & matris suæ Mariæ, omnia quæ habebat in ipso monte sancti Mauri, videlicet sylvas & terras, & in loco nomine Poze terram viginti modiorum.

Ipsa quoque tempore Romanus, religiosus Abbas, fecit plurimas prædiorum emptiones, videlicet à Liutaldo terram in eadem insulâ Piscariæ, &c. *Hic deinde enumerantur possessiones à Romano Abbate acquisita.*

Præterea Suppo Picens Comes, qui & Dux inscribitur, in Imperatoris exercitu fulgidus, sub ipso tempore translationis Beati Clementis obtulit pro luminariis ante ipsum sanctum corpus habendis quamdam villam suam apud Pinnensem civitatem, nomine Paternum, cum redditibus, & omnibus sibi jure pertinentibus.

Item Romanus Reverentissimus Abbas eo tempore quo Monasterium construi debebat emit in Beloniano, Caniaco, & vico Teatino, terras, casae, vineas, & omnes res Magelfredi, filii Formosiani, possessionem centum viginti modiorum præter sylvas & vineas, & omnem hereditatem suam, sicut videbatur habere in montanis & planitiis. *Hic deinde enumerantur multa alia possessiones ab eodem Abbate acquisita.*

Igitur cum in vico Teatino in campestri planitie juxta fluentia Piscariæ maneret exercitus, & Dominus Imperator Ludovicus ad foundationem Monasterii vehementer anhelaret, eodem tempore tractatâ & habitâ cambitione cum Grimbaldo Pinnensi Episcopo de Casauriensi insulâ, accepit ab eodem scriptum confirmationis.

Sanè Romanus Abbas prudenti consilio à possessionibus sibi venditis viros qui eas vendebant non penitus excluderat, sed nonnullis de venditoribus à se possessiones emptas, & in Monasterii jus conversas beneficiâli ordine legaliter præstabat, sicut fecit de quibusdam viris, Arifredo, & Ildeperto & Raciperto, quibus ipsas res quas ipsimet vendiderant; Paterno, Selcano, & Ragiano concessit sub certo censu, [ sicut ipsorum scriptorum cartulæ manifestant. ] Cum igitur Ludovicus Imperator Beneventum proficisceretur, fundatâ jam Casauriensi Basilicâ, commisit ipsum opus Domino Romano Abbati, ut donec idem Imperator rediret, structuræ parietum insisteret, & in emendis possessionibus valde sollicitus & intentus esset. Unde sub ipso tempore fecit per plurima loca plurimas emptiones villarum, prædiorum, casaliû, domorum, terrarum, vinearum, camporum, multarumque rerum mobilium & immobilium. Nam in villâ Fleccine omnes res cujusdam Rimonis: filii quondam Aderisi ex genere Alammandorum; & omnes res cujusdam Rosperti filii quondam Leonis in villâ Lucino Tocci tenemento; & omnes res & substantias cujusdam Windeperti filii quondam Luponis in villâ quæ nominatur Scanglare Castello S. Valentini pertinet. *Hic deinde enumerantur multa possessiones ab eodem Abbate acquisita; quas describere neglexit Dachevrius, velut consilio suo inutiles.*

Sequenti quoque die vir nobilis & ditissimus Lupo, filius quondam superscripti Aderisi, obtulit secum omnibus rebus suis mobilibus & immobilibus

quas habebat in Beatorriâ Domino Romano Abbati & veniens ante altare fecit oblationem rerum suarum, & secundum Regulæ morem vitam monasticam assumens, in congregatione receptus est, sicut libellus traditionis, quem de suis rebus condidit, protestatur. Ipso etiam die Romanus Abbas fecit alteram emptionem à ditissimo viro Magelfredo, Formosiani filio de terrâ in vico Teatino & Tocco quam habebat in casis, prædiis, vineis, & cæteris rebus, à flumine Piscaria usque in rivum Aruilum, & confinium Valve, dans ei proinde pretium de argento solidos centum.

Pelerinus siquidem illustris vir Pinnensis, audiens Abbatem Romanum pro possessionibus emendis pecuniam regiam largiter expendere, venit ad Casauriense Cænobium, tradiditque Domino Abbati per chartulam venditionis quicquid in villâ nomine Saliano videbatur habere, recipiens inde ab eo pretium in argento centum solidos.

Quod casale cum aliis possessionibus, quæ vocantur Ampullula, Salula, Albenetulo, Celisse, idem Pelerinus à Piscariensi Monasterio tenuit, Abbate Romano beneficiâli ordine sibi largiente subscripto & certo censu atque servitio, ut in ipsius scripti cartulâ legitur.

Per idem tempus Allo quondam Castaldio, vir locuples in Pinnensi & Teatino Comitatu, cum uxore suâ nomine Fredeldi, investivit Romanum Abbatem de duabus curtibus, quarum una dicitur Viarium in Tocci pertinentiâ, altera in Pinne, quæ dicitur Ocetanum; propter quod idem Abbas dedit eis duos caballos optime paratos, quemadmodum in ejusdem investituræ cartulâ testibus roboratâ legitur.

Itaque dum hæc taliter agerent, Dominus Imperator Ludovicus profectionem suam exequens, Caspam applicuit, ibique pro totius Romani Imperii commoditatibus commorans, universisque ferè tam Ecclesiasticis quàm sæcularibus potentibus viris congregatis, augustalem atque solemnem curiam celebravit, ubi de Piscariensi Monasterio præcipuum ac principale verbum faciens coram omnibus Italiæ Principibus, ipsum Monasterium perpetuâ libertate donavit. De quâ libertate, & de rebus & dignitatibus, secundum suæ liberalitatis clementiam eidem collatis atque concessis, augustalis edicti paginam scribere fecit, & etiam propria manu subter insignivit, & suâ Imperiali bullâ jussit annotari; sicut in ipsius præcepti paginâ reperiri potest & legi. Quæ verò pagina Monasterio porrecta & habita, & ejus exemplo in instrumentali volumine pro recordatione descripta sic est:

*Privilegium primum, de Cambio Insula, & constructione, seu libertate Cænobii Casauriensis.*

**I**N nomine Domini nostri JESU-CHRISTI Dei Paterni, HUBOUVICUS divinâ ordinante providentiâ Imperator Augustus. Quidquid famulorum Christi usibus Deo inspirante largimur, illi profectò damus, à quo bonum omne suscepimus. Ideoque omnium sanctæ Dei Ecclesiæ, nostrorumque fidelium, præsentium scilicet ac futurorum, cognoscat unanimitas, eo quod divino amore afflatus Monasterium nos servorum Christi habitationi & quieti proficuum in insulâ, cui nomen est Casa-aurea, quæ etiam amne cingitur Piscariæ, instituendum providimus, atque institutum stabiliri atque perpetualiter confirmari hujus nostræ liberalitatis paginâ non incongruum fore perspeximus. Ac primo omnium aream ipsam, in quâ Claustrum venerabilis loci fabrican-

Libertas Monasterii Piscariensis: & quædam à Principi.

BBBbb ij

Tom. I.



dum censuimus, à parte Pinnenlis Episcopi<sup>c</sup> justè ac legaliter ex nostro proastio commutari fecimus. In quâ Ecclesiam ab antiquo Beati Martyris Quirici constructam inveniētes, alteram non longè ab eâ Ecclesiam in honorem sanctæ & individue Trinitatis ædificari præcepimus: credentes sine dubio nostræ pro hoc animæ redemptionem, Imperiique nostri continuatam protectionem, & adversariorum nostrorum efficacem contritionem, divinæ nobis respectu misericordiæ præparari.

Quamobrem per hos nostræ auctoritatis apices confirmamus iterum, & perpetualiter stabilimus præfatam insulam, cum omnibus ex integro pertinentiis ipsius suprataxatæ reverendæ atque colendæ sanctæ Trinitatis Ecclesiæ, & his qui inibi ex hoc nunc & deinceps deservituri sunt famuli Christi, ut habeant, perfruantur, atque possideant universa, quæ in eâ comparatione, donatione, vel commutatione legali nostræ parti acquisita sunt, vel quæ extrinsecus ad eandem respiciunt, cum servis & ancillis, cartulariis, comenditis, aldionibus, libellariis, & cunctis pertinentiis ipsorum, cum vineis, & terris cultis & incultis, sylvis atque salectis, planis & montuosis, cum molendinis ac piscationibus, & omnibus circumcircuita meatibus aquarum, omni nostrâ proheredumque nostrorum repetitione, vel quâlibet publicâ exactione remotâ.

Et quoniam, ut prædiximus, isdem sacer locus fervorum Dei utilibus nostrisque desideriis visus est aptissimus; idcirco ad regimen ipsius venerandum Presbyterum, Romanum nomine, probum moribus, & regularibus instrumentis tritum, Abbatem instituimus; quatenus ejus sollicitudini ac vigilantie Christi ovile commissum, universos qui ex mundi turbinibus ad se confugerint, tranquillissimam à mundi negotii vitam, & ad æternæ Patriæ pascuâ feliciter præparare commoneat. Quâ de causâ tam ipsum & eos qui cum eo sunt, quamque & illos qui inibi futuri sunt, cum omnibus quæ nostrâ liberalitate, vel aliorum fidelium Christi oblatione, hucusque acquisierunt, aut inantea Deo propitio acquirere poterunt, sub nostro mundburgo & augustali immunitati nostræ defensione suscepimus: omni circâ ipsos, & ea quæ illorum sunt, partis publicæ deminoratione, invasione, vel quâlibet inquietudine in perpetuum sopitâ. Ubicumque autem vel undecumque necesse habuerint, tamquam pro domnicatis nostris, ita pro rebus eorum ac familiis, à nostris exequutoribus inquisitionem fieri volumus. Præterea cavendum observandumque jubemus, ne quisquam aliquo tempore ausu nefario quemlibet extraneum ad regimen ipsius sacratî loci superducere audeat; quin potius Dei servis inibi degentibus strenuum ex suo numero pari consensu Pastorem eligere liceat: quod qui irrumpens, & alium extrinsecus non Pastorem sed lupum subintrat, ac per hoc in tremendo judicio pœnam præparasse certissimè noverit. Præcipientes ergo omnimodis præcipimus, & sub interminationem jubemus, ut nullus ex Præsulibus, Ducibus, Comitibus, Gastaldionibus, vel quibuscumque partis publicæ Officialibus, seu discurrentibus Militis nostris, aliquam suprataxato venerabili loco, vel eis quæ ad ipsum pertinent rebus, vel familiis inferre audeat molestiam: sed liceat Dei servis inibi liberè ac securè degentibus, pro nostri statu Imperii altissimum Dominum assiduis precibus implorare. Quodd qui præsumserit, & hanc nostræ auctoritatis evidentissimam præceptionem vel in minimo violasse convi-

ctus fuerit, immunitatis nostræ multam triginta libras argenti probatæ monetæ publicæ sancto ac reverendo Cœnobio componere compellatur. Et ut hæc nostræ largitionis, confirmationis atque donationis, necnon etiam immunitatis atque defensionis augustalis auctoritas firmior ac stabilior habeatur, & diligentius futuris temporibus observetur, manu propriâ subter insignitam ex bullâ nostrâ eam jussimus annotari.

Signum Domini LUDOVICI Serenissimi Imperatoris Augusti.

GISELBERTUS Presbyter & Notarius ex jussu Imperiali scripsi & subscripsi.

Data septimo Calendas Junias, Indictione sexta. Actum civitate Capuâ, anno Domini Hludovici Serenissimi Imperatoris Augusti, vicesimo quarto; In Dei nomine feliciter.

Alterâ verò die Cæsar Clementissimus in eodem Conventu positus, admittens petitionem Domini Romani Abbatis, sibi per Celsum sui Cœnobii Præpositum atque Legatum transmissam, subdidit Ecclesiam sancti Mauri Martyris in colle Amiternino constitutam, de quâ idem Romanus in Piscariensem Abbatem assumptus fuerat, & libentissimè contulit Casauriensi Monasterio. Indeque Imperialis præcepti paginam fieri jussit, in quâ repetitis etiam quibuscumque de his quæ in hesternio præcepto continentur, ipsam sigillo & proprio signo roboravit, quæ Monasterio porrecta & habita, & ejus exemplo in instrumentali volumine pro recordatione descripta sic est:

*Privilegium secundum de sancto Mauro de Amiterno.*

IN nomine Domini nostri JESU-CHRISTI Dei æterni, HLUDOVICUS divinâ ordinante providentiâ Imperator Augustus: Omnibus sanctæ Dei Ecclesiæ nostrisque fidelibus, præsentibus scilicet & futuris, cognitum fieri volumus, eo quod venerandus vir Romanus Monasterii Sanctæ & Individuæ Trinitatis, quod olim Deo inspirante construximus, Abbas nostram humiliter imploravit mansuetudinem per Celsum sui Cœnobii Monachum atque Legatum, ut Ecclesiam Beati Martyris Mauri in colle Amiternino constitutam, cum omnibus quæ ad ipsam respiciunt rebus mobilibus atque immobilibus, seu utriusque sexûs familiis, sub Monasterium sanctæ Trinitatis à nobis in insulâ, cui nomen est Casa-aurea, constructum, ob nostræ mercedis augmentationem subdere dignaremur. Nos verò dignam satis ratamque ipsius intuentes supplicationem, justè quod humiliter petierat libentissimè annuimus, subdentes prædictam Beati Martyris Cellulam, cum his qui ibidem deserviunt devotè famulis Christi, & universis quæ possidere videntur circumcircuitâ, vel longè politis ipsius sancti loci proprietatibus, cum servis & ancillis, & cunctis pertinentiis ipsorum, tam nostrâ quàm prædecessorum nostrorum liberalitate, seu etiam quorumlibet fidelium Christi donatione, oblatione, vel quâlibet coemptione aut commutatione acquisitis; necnon etiam universos commenditos, cartularios, vel libellarios ipsorum sub jure prædicti Cœnobii sanctæ Trinitatis atque dominatione ex hoc nunc & deinceps; quantum hujus nostræ auctoritatis tuitione protecti, & perenni provisione suffulti, quidquid hucusque acquisierunt, aut inantea Deo propitio acquisituri sunt, inconvulsè retinentes, quietè ac pacificè possidentes, altissimum jugiter Dominum pro nostri statu Impe-

<sup>c</sup> Pinnenlis Episcopi. A Gimbaldo videlicet Episcopo Pinnenli, ut patet superioribus & ex veteribus Actis con-

fectis anno 24. imperii Ludovici, mense Martio, Indictione sexta, quæ existant in Chartulario.

rū devotis precibus valeant exorare. Quin etiam ad majorem nostræ mercedis cumulum volumus, & omnimodis jubemus, ut ubicumque vel undecumque necesse habuerint, tamquam de dominicis nostris, ita & pro ipsius sacri loci rebus vel familiis inquisitio fiat. Si quis autem ex Præfultibus, Ducibus, Comitibus, Gastaldionibus, Sculdationibus, seu quibuscumque publicæ partis Officialibus, vel Curialibus, necnon etiam discurrentibus Milis nostris, aliquam suprataxato venerabili loco molestiam vel inquietudinem, deminorationem, vel invasionem in rebus ipsius vel familiis intulerit, & hoc nostræ auctoritatis augustale munimentum vel in minimo violasse convictus fuerit, immunitatis nostræ multam, hoc est, pœnam triginta librarum argenti sæpedito sacratissimo loco componere compellatur. Et ut hoc certiùs credatur, & attentius observetur, manu propriâ inscriptâ roboratum ac stabilitum annulo nostro subter jussimus insigniri.

Signum Dom. LUDOVICI Sereniss. Imperatoris Augusti.

GISELBERTUS Presbyter & Notarius ex jussu Imperiali scripti & subscripti.

Data pridie Calendas Junias, Indictione sextâ. Actum civitate Capuâ, anno Imperii Domini Ludovici Serenissimi Augusti vicesimo quarto, In Dei nomine feliciter.

Post hæc Domino Ludovico Imperatore in rebus publicis augustaliter agente, & Domino Romano Abbate in emendis usquequaque possessionibus, ac aliis Piscariensis Monasterii profectibus laborante, factæ sunt in diversis provinciis emptiones plurimæ, videlicet facta est emptio de terris, vineis in cunctis rebus & substantiâ cujusdam Mainerii, filii quondam Manfredi, in superscriptâ villâ Beccorrita, dante inde ipso Abbate argentum solidorum triginta.

Item completa est venditio quam fecerat Allo Castaldio, & Fredesi uxor ejus de curte in vico, loco nomine Viario, cum Ecclesia sancti Flaviani, & de alia curte in Pinne, vocabulo Ocretano, cum Ecclesia sanctæ Justæ, & sancti Florentii, cum omnibus easdem curtes pertinentibus, datis inde à Romano Abbate in pretium trecentis solidis.

Per idem tempus venerunt duo nobiles viri, Maio videlicet filius quondam Luponis, & Rodolfo, filius quondam Rodi, ad Piscariense Monasterium, & D. Romano Abate emente vendiderunt ipsi Monasterio quamdam villam suam, nomine Laterno, in Comitatu Aprutino, habitaque possessio est æstimata mille centum modiorum in terris, vineis, & cæteris rebus substantiæ ipsorum, unde receperunt in pretium ab eodem Abbate de argento nongentos quinquaginta solidos, sicut in cartis reperitur & legitur.

Redeunte itaque Ludovico Imperatore de partibus Beneventi, decrevit illico ut suum Piscariense Monasterium solemniter atque legaliter investiretur de cunctis rebus longè lateque acquisitis. Sed quoniam ipse non poterat ubique præsentialiter esse, constituit viros qui sui vice id peragerent. Unde Augusto præcipiente Grimbaldus Pinnensis Episcopus, & Erisfridus B. t. Imperatori confecerunt investituram de curte Brethano, & omnibus rebus Anelfredi cum omnibus rebus eidem curti pertinentibus, Domino Celso Monacho Piscariensi ipsam investituram coram testibus recipiente. Qualpercus vero & alii Primates Augusti, præfatum Monachum [Celsum] investierunt per jussionem Domini Imperatoris de curte sancti Sebastiani nomine, quæ fuit quondam Cameroti; & de curte cujusdam Eoradi, nomine Perano, & omnibus rebus proprietatis eorum in Comitatu Teatino: quæ res proprietatis eorum poterant æstimari à flumine Piscaria usque ad flumen Trinium, inter mare

Adriaticum, & Montem de Magelle; possessiones videlicet largissimæ & magnæ nimis, sicut cartule tradunt testibus roboratæ, & Monasterio cum eisdem possessionibus traditæ simul & habitæ.

Ordinavit præterea gloriosus Imperator unum ex collateralibus suis virum splendidum & illustrem, Heribaldum nomine, sacri Palatii Comitem, qui super causis & agendis Monasterii specialiter intenderet: Investituras rerum Imperiali vice faceret, necessaria Monasterio sicut propriæ domui Imperatoris secundum voluntatem Abbatis provideret. Qui Comes eodem tempore ab Abbate Romano requisitus, celebravit curiam in Casauriensi insula, Audate querelante super quosdam viros, videlicet Liuterum de rebus in Suliano & Paterno, quas quidam Candorus & Romanus Cartulati, Allonis olim Castaldi, tunc ejusdem Cœnobii Monachi tenuerunt; & super Garifunum Notarium de rebus in vico Teatino. Causa quoque Gundi uxoris quondam Justonis, in eadem curia ventilata est. Unde sacri Palatii judices omnia ritè determinantes, ipsas res parti Monasterii legaliter addixerunt.

Igitur anno Dominicæ Incarnationis DCCC. LXXIV. Imperii Domini Ludovici Serenissimi Imperatoris Augusti XXIV. Indictione sextâ, die quintâ mensis Decembris, facta est Monasterio piscariensi sollemnis atque legalis investitura de cunctis rebus & possessionibus, quas idem Imperator acquisierat per diversas Italiæ Provincias, Heribaldo sacri Palatii Comite, per Ecclesiam & casale sancti Denderii, Cellum Monachum & Majonem ejus Advocatum tenenter investiente; [sicut ipsius investituræ cartula testibus roborata declarat. Quæ verò cartula Monasterio porrecta & habitata, & ejus exemplo in instrumentali volumine pro recordatione descripta sic est.]

*Investitura Monasterii de cunctis rebus Augusti in diversis Provinciis Italiæ.*

**I**N Dei omnipotentis nomine. Breve investitura recordationis; in præsentia videlicet Adalberti de Camerino, Hervici, & Erisfrid, Rainardi, Bassi Dominici, seu Guidonis Castaldionis Pinnensis, & Ildegardi Castaldionis de vico Teateni, seu Astaldi Castaldionis de Amiterno, Ainardi, & alius Adalberti, Gisolfi, Teodemarii, Ilderici, Arnulfi, & Ariberti, Kamelfrid, Petri, Luponis, Seleuardi, Ferclay, vel de aliis pluribus. In istorum superscriptorum judicium, & bonorum hominum præsentia, tradidit & investivit Heribaldus Comes sacri Palatii Domini Ludovici Imperatoris, per ipsius jussionem, & per ipsius Domini Ludovici demandatum, ipsam curtem de sancto Desiderio de Pinne, cum ipsâ Ecclesia sancti Desiderii per ipsas funes de ipsis campanis; & ipsam curtem de Linari cum pertinentiâ suâ, in manus Celli Presbyteri & Monachi, & Majonis Advocati de Monasterio sanctæ Trinitatis, quod edificatum est infra insulam de Piscaria loco, ubi dicitur Casauria ad partem superscripti Monasterii, & Romani Abbatis, ipsam superscriptam curtem sancti Desiderii, quam per cartam habuit Donna Hermengarda, genitrix ipsius Domini Ludovici, de quodam Liutardo Diacono de finibus Pinnensis; non solum autem ipsam curtem, sed & omnem proprietatem, & quicquid eidem Domino Ludovico ex jure Patris vel matris pertinebat; vel quod ipse Dominus Ludovicus Imperator ipso die conquistum habebat in jure proprietatis, vel quod inantea Deo propitio conquirere posset in diversis provinciis, videlicet in Romanâ, in Spoletina, atque in Comitatu Teateni, Pinnensi, Firmano, necnon & in Camerino, & in Tuscâ, & in Longobardiâ, atque Samnitiâ, vel in totis finibus i-

BBBbbb ij

874

talie, præfatus Heribaldus sacri Palatii Comes, in præsentia supradictorum testium tradidit & investivit Celsum Presbyterum & Monachum ipsius Monasterii, cum Majone Advocato suo, cum omnibus quidquid in supra dictis locis pertinere videntur, cum mobile & immobile in integrum, cum casis, terris, & vineis, campis, sylvis, pascuis, pomis, olivetis, & ficariis, piscationibus, aquis & decursibus aquarum, saltibus, & molendinis, atque tannetis, ut dictum est, cultum, vel incultum, cum mobilibus & immobilibus, servis & ancillis, cartulatis & additionibus, libellariis & commendatis in dictis partibus, scilicet per diversa loca, in Spoletinis, Balbâ, Reate, Marli, Furcone, atque Amiterno, & Spoleti, Nursiâ, necnon & Cicoli, Turre inter Ocrum, Noberim, Narnate, Asculum, Aprutiumque simul, & Terame, Ascisium, Fulgineas, Nucerie, Camerinum, Firmo, Teate, Picenum, simul & Tuscia, Italiamque, ut diximus. Quidquid ipso die in his totis finibus ex jure parentum habere visus sum, vel quod ipse acquisitum habebat ipso die, atque quod inantea consequi posset, ipse jam dictus Heribaldus sacri Palatii Comes investivit & tradidit Celso Presbytero, & Majoni Advocato, ad partem supra scripti Monasterii sanctæ Trinitatis, & Romani Abbatis, in præsentiam suprascriptorum Judicum.

Cum ergo nos suprascripti Judices & Fideles D. Imperat. vidissemus, quod suprascriptus Heribaldus Miles & Comes sacri Palatii, ipsam suprascriptam curtem S. Desiderii, cum omnibus quæ supra leguntur, traderet & investiret Celsum Presbyterum & Monachum, & Majonem Advocatum pro redemptione animæ Domni Ludovici Serenissimi Augusti, ad partem suprascripti Monasterii sanctæ Trinitatis, & Romani venerabilis Abbatis, in insulâ Piscariensi, loco ubi dicitur Casauriensis; hoc breve memoratorium firmationis atque recordationis investituræ ex dictato & de mandato nostro, Audoaldum Notarium scribere demandavimus. Actum in Pinne ad sanctum Desiderium, in anno Imperii Domni Ludovici vicessimo quarto, die quinto, mense Decembris, per Indictionem septimam feliciter.

Ego Erifredus ibi fui: Ego Guido Castaldio ibi fui: Signum manus Idegari Castaldionis, ibi fui: Ego David Diaconus ibi fui: Signum manus Altaldi Castaldionis, ibi fui: Signum manus Ferelai qui ibi fui: Signum manus Salewardi, ibi fui: Signum manus Ingelmanni, ibi fui.

Altera quoque investitura facta est die sequenti Monasterio Piscariensi ab eodem Heribaldo sacri Palatii Comite, Domno Ludovico Augusto mandante, in manus Celsi Presbyteri & Monachi, & Majonis ejusdem Monasterii Advocati, de omni videlicet dotalicio supradictæ Gundi uxoris quondam Justonis: de curte videlicet de Monactiano, & Ecclesiâ sanctæ Mariæ, & de casalibus nomine Pecanie & Bucanie, tam in territorio Aprutiensi, quam in Pinnensi; [ sicut ipse Investituræ cartula tradit, bonorum virorum testibus roborata. ]<sup>d</sup>

Est profecto quædam villa vocata Superclio, in sancti Valentini castello translata, quodam Tedramo & Palumbo germanis filiis quondam Reperati legaliter ad protectum Piscariensis Ecclesiæ triginta solidis emit. \* A Gualdeberto cujusdam venatoris filio emit omnes res & substantias suas in viico Teatino, nomine Viario, in casis, terris & vi-

neis, indeque dedit ei solidos quadraginta. Emit etiam villam nomine Fullonice, ubi est Ecclesia vocabulo de S. Marco, à quibusdam viris Ainardo & Petro cum omnibus rebus & substantiis eorum, dedit inde pretium in argento solidis quadraginta quinque.

Cum igitur victoriosissimus Imperator Ludovicus ad propria reverteretur, & jam urbem Ravennam applicuisset, condidit ibidem Augustale confirmationis præceptum, de aliquantis rebus Piscariensi Monasterio collatis videlicet de sancto Desiderio ab ejus genitrice, ut suprascriptum est acquisito. [ De rebus quorundam hominum, Ursonis Castaldii, & Hitterii. De rebus cujusdam Camarotii. De rebus Teoberti, qui Beneventum aufugit. De rebus supradictæ Gundi uxoris Justonis ante judices sacri palatii devictæ. Descripsit etiam in eodem Præcepto, ut pro nullâ mallaturâ tortum aliquis monasterio audeat quærere. Et ut compositionem de cartulatis & libellariis suis monasterium ipsum habeat. In observatione verò & stabilimentum firmitatis atque tutelæ, ipsa sacra præceptalis pagina foris civitate Ravennæ ad sanctum Apollinarem peracta, & Signo & anulo nominis Imperialis roborata, simul & insignita, & super ipsis rebus & concessionibus Piscariensi Monasterio porrecta & habita, & ejus exemplo in instrumentali volumine pro recordatione descripta sic est. ]

*Privilegium tertium, de sancto Desiderio, & aliis rebus Canobio Casauriensi ab Augusto donatis.*

**I**N nomine Domini nostri JESU-CHRISTI Dei Paterni, HODOVICUS divinâ ordinante providentiâ Imperator Augustus. Omnibus fidelibus sanctæ Dei Ecclesiæ cunctis præsentibus & futuris, cognitum esse volumus, quia divinitus inspiratus aliquantulas res concedimus in Monasterio sanctæ Trinitatis, quod ædificari jussimus in honore Sanctæ & Individuæ Trinitatis, videlicet res quas bonæ memoriæ Hirmingarda genitrix nostra per chartulam à quibusdam fratribus Liutardo Diacono & Chunrado germanis, consentiente Liuprando genitore eorum, conquiescit in singulis locis, videlicet sanctum Desiderium, Brilianum, atque Lignari cum omnibus pertinentiis, servis, & ancillis, cartulatis, cum mobilibus & immobilibus. Dedimus & res quorundam hominum infidelium nostrorum Ursonis Castaldii, atque Hitteri, similiter cum servis & ancillis, cartulatis, cum mobilibus & immobilibus, ubicumque de omnibus illorum rebus adinventum fuerit. Pari etiam modo donamus res Camarocii cum servis similiter & ancillis, cum cartulatis, cum mobilibus & immobilibus. Nihilominus & donamus tres Teoberti, qui ob nostram infidelitatem Beneventum fugam petiit. Simulque donamus res Corvini, & res quas Ekardus Alammannus nobis per chartulam delegavit. Necnon etiam & res quæ fuerunt Gundi uxoris Justoni, id est curte de Monactiano, & cuncta portione ejus quam à viro suo Justone in dote acceperat. Quæ Gundi post velamen religionis in adulterio copulata, in placitum ante judices sacri Palatii nostri legaliter devicta est. Omnia autem hæc præcipimus, ut si intentio exorta fuerit, à publicis ministris tamquam de dominicatis nostris per inquisitionem exigantur. Pro nullâ denique mallaturâ quispiam à Monachis de præfato Monasterio, vel ab Advocato eorum, tortum quærere audeat, quia ob reverentiam sanctæ Trinitatis eidem Monasterio

<sup>d</sup> roborata ] Carta istius investituræ exstat in Chartulario, data anno imperii Ludovici xxxiii. die vi. mensis Decembris, Indictione vii. \* Baluz.

<sup>e</sup> emit ] Nimirum Romanus Abbas. Nam præcessit narratio de multis rebus quas hic Abbas acquisivit. Sed ex-

cerpta hæc Dacherii prorsus malè sunt digesta. \* Baluz.

[ Quæ Gundi ] Judicium latum adversus Gundi uxorem Justoni, exstat in Chartulario Casauriensis Monasterii. Vide Notas ad Agobardum, pag. 135. 136. \* Baluz.

concessimus. Concedimus etiam in venerando loco, ut omnem compositionem de cartulatis atque libellariis de ipso Monasterio sibi met habeant, & nullus exactor publicus hoc inquirere audeat; sed in quacunque compositione ceciderint, in suâ potestate hoc habeant, cujus cartulati esse videntur. Si quis autem ex Præfulibus, Ducibus, Comitibus, Castaldionibus, Sculdafionibus, seu quibuscunque publicæ partis Officialibus, necnon etiam discurrentibus Missis nostris, suprataxato venerabili loco molestiam, vel inquietudinem intulerit, & hoc nostræ auctoritatis angustale munimentum vel in minimo violasse convictus fuerit, immunitatis nostræ multam, hoc est pœnam triginta librarum argenti sacratissimo loco componere compellatur. Et ut hoc certius credatur, & attentius observetur, manûs propriæ inscriptione roboratum ac stabilitum ex anulo nostro subter iussimus insigniri.

Signum manûs Domni LUDOUICI Serenissimi Imperatoris.

Giselbertus Presbyter & Notarius ex iussu Imperiali scripsi.

Data tertio Calendas Maias, Indictione septima. Actum foris civitate Ravenna ad S. Apollinarem, Anno Imperii Domni Ludouici Serenissimi Imperatoris vicesimo quinto.

Per idem tempus licet Imperator ad propria reverteretur, non tamen Romanus Abbas cessabat possessiones acquirere, imò sicut fidelissimus dispensator, de regali pecuniâ sibi creditâ continuatim villas & prædia largiter emebat, & in suâ Casauriensis Ecclesiæ profectum quotidie cumulabat. Nam in tenemento, &c.

Remeans itaque Dominus Ludouicus Imperator ad solum proprium, adiit curtem imperialem quæ dicitur Olonna; ibique morans, infra sexaginta dies edidit ad tuitionem Monasterii Piscariensis tria principalia sacre institutionis privilegia, devotione plena, & omni auctoritate perpetuæ libertatis, & regie protectionis adstipulata. In quorum uno specialiter notatur de fundatione & consummatione ipsius sacro-sancti templi; de corpore namque B. Clementis ab eodem ibidem venerabiliter recondito; de largitione rerum quas per totam Tusciam acquisivit, & ipsi sancto Martyri perpetualiter porrexit; videlicet sedecim curtes. Quæ curtes, & res in quibus locis & à quibus hominibus, & qualiter ab eodem Serenissimo Augusto fuerint conquiritæ, ipsa sacrosancta præceptalis pagina manifestè declarat:

*Privilegium quartum, de rebus Tuscia, & aliarum Provinciarum.*

**I**N nomine Domini nostri JESU-CHRISTI Dei æterni, HLUDOUICUS divinâ ordinante providentiâ Imperator Augustus. Cunctis sanum sapientibus liquet, quia quo magis cultibus divinis insistimus, eo amplius supernæ Majestati reconciliamur. Proinde universorum sanctæ Dei Ecclesiæ nostrorumque fidelium, præsentium scilicet ac futurorum agnoscat unanimitas, quia nos divino afflati instinctu, ad honorem & reverentiam tremendæ ac individuæ Trinitatis sacro-sanctum templum in insulâ, quæ Casa-aurea vocatur, fundari & consummari hilari mente præcepimus, ubi & almissum beatissimi Pontificis & Martyris Clementis Corpus venerabiliter recondi fecimus, atque in eodem situ famulorum Dei Cœnobium perpetuis temporibus permanendum augustaliter atque liberaliter instituimus; quatenus coadunato illic sub regulari normâ religiosorum virorum cœtu, altissimo Deo laudes jugiter mihi votaue resulent. Quâ de causâ ad majorem mercedis nostræ cumulum, ac loci ip-

sius necessarium supplementum, servorumque Christi in ipso degentium, seu illic undecunque adventantium, perenne subsidium, contulimus in jam dicto sanctæ Trinitatis Cœnobio omnes res nostras quas conquissivimus per totam Tusciam à quibusdam hominibus: hi sunt Farimundus Diaconus & Capellanus, simulque Farao & Farulfus filii quondam Farulfi; videlicet curtem in fundo Hissano, & aliam curtem in fundo Palmæ, unâ cum omnibus ad superscriptam curtem pertinentibus; & quod ipsius Farimundi in parte evenit à suis fratribus, hoc est quinta portione de curte in fundo Pao, & curtem in fundo Pantanolâ, & curtem in fundo Venetiâ, & curtem infra civitatem Tuscanam, cum omnibus ad superscriptam quintam portionem pertinentibus. Donamus & curtem nostram in Suberellâ cum omni pertinentiâ vel adjacentiâ suâ, cum servis & ancillis, cartulariis, aldionibus, libellariis, mobilibus & immobilibus, sicut ad nostram tenuimus manum totum in integrum. Similiter donamus ipsas res, quas Walbertus Episcopus nobis per chartulam delegavit in territorio Tuscanense, hoc est, curtem in fundo Cattiano, & curtem in Ortâ cum servis & ancillis, cum mobilibus & immobilibus, cum omni pertinentiâ eorum. Pari etiam modo donamus casas Massaritias numero decem, quas Asprandus filius quondam Asprandi nobis per chartulam delegavit, quæ sunt positæ in finibus Castro Tuscanæ, omnia ad superscriptas Massaritias pertinentes: seu & res in finibus Pistorientis, quas Guilelmus nobis per chartulam delegavit, cum omnibus ad easdem res pertinentibus. Verum etiam donamus & omnes res quas nunc habemus in Castro Felicitatis, & curtem nostram in sancto Cerbonio, & curtem nostram in fundo Carpena, & Moliano: necnon & donamus curtem nostram in fundo Gorgiano, qui vocatur ad S. Heliam in finibus Aprutientis, similiter cum servis & ancillis, cum mobilibus & immobilibus, omnia sicut ad nostram tenuimus manum. Quæ autem curtēs, & res superius nominatæ, seu & quocumque contractu iustè ac legaliter in nostrum jus dominiumque transfusæ sunt, omnes dumtaxat juris nostri per denominata loca curtes cum servis & ancillis, atque aldionibus, & omnibus quæ in his inventæ fuerint rebus ac cunctis appendiciis earum, jam dicto summæ Trinitatis Cœnobio venerabili præsentialiter solemniterque largimur, & per hujus nostri præcepti imperialem auctoritatem irrefragabiliter stabilimus, ut habeant eas atque possideant, fruanturque jure quieto ac pacifico ab hodierno die ac deinceps, tam hi qui præsentēs sunt quamque & illi qui venturi sunt famuli Christi.

Cunctis igitur tam præsentibus quàm & futuris cognitum sit, suprataxatum Cœnobium, habitatoresque ipsius, cum universis respicientibus ad ipsum mobilibus & immobilibus rebus, sub nostri mundiburgi continuam tuitionem à nobis jam dudum esse receptum. In tantum, ut omnem ipsius tamquam peculiarissimæ domus nostræ causam pro amore superno quoadusque spiramus, exequi modis omnibus decreverimus. Post nostrum verò ex hac luce vitæ discessum, illi soli ejusdem venerandi loci tutelam committimus, ad cujus honorificentiam nostro studio constat exstructus. Quapropter cunctos qui nobis in imperium pro tempore successuri sunt, Imperatores, Duces, ac Principes, Primates quoque locorum supradictorum, ac Judices, per ipsam trinam & unam Majestatem districtè obtestamur, & terribiliter adjuramus, ut prænominatum sacratissimum colendæ Trinitatis municipium juxta hujus nostri præcepti tenorem ratum ac stabilitum, ut

semel ordinavimus, esse permittant. Nullam contra leges violentiam, deminorationem, vel subtractionem, seu invasionem, neque etiam quamlibet publicam functionem, eidem venerando loco quocumque in tempore inferre præsumant. Et si fortè reclamaverint, ad quoscumque eorum querela pervenerit, pro Dei summi amore omnem illis justitiam adimplere non differant. Si quis autem hujus nostræ institutionis, & quod magis est divinæ promulgationis sacrilegus contemptor, & temerarius violator extiterit, sciat se incursum iram ipsius sanctæ & individue Trinitatis, atque in tremendo justis iudicis examine causam nobiscum dicturum: ac per hoc cum Juda proditore ab Apostolico agmine cum impiis ac sacrilegis sequestratus, pars illius sit in stagno ignis ardentis & sulphuris. Sed ut hæc nostræ liberalitatis ac piæ largitionis, seu præfixæ institutionis pagina perpetuum obtinere valeat robor, manûs eam nostræ annotatione solemniter insignivimus, nostræque bullæ impressione subter confirmari iussimus.

Signum manûs Domni LUDOVICI Serenissimi Imperatoris.

Gislebertus Presbyter & Notarius ex iussu Imperatoris scripsi & subscripsi.

Data Calendis Septembris, Indictione octava. Actum Olonnâ in curte imperiali, anno imperii Domni Ludovici Serenissimi Imperatoris vicelimo quinto, Deo propitio, feliciter.

In altero quoque privilegio repetit de Monasterii constructione, & B. Clementis almifici Corporis Translatione. Deinde pernotantur ibi omnis Italiæ provinciæ, in quibus possessiones & omnes res ab eo sunt acquisitæ, & Piscariensi Monasterio collatæ. Hinc etiam præcipuè describit de Missis, & Psalmo centesimo vicelimo in diurnis & nocturnis Officiis, & de matutinalibus & vespertinalibus hymnis pro ejus animâ perpetim decantandis.

*In hoc quinto privilegio libertatis mandat Imperator qualiter oritur pro eo.*

**I**N nomine Domini nostri JESU-CHRISTI Dei æterni, LUDOVICUS divinâ ordinante providentiâ Imperator Augustus. Cunctis sanum, &c. *ut in superiori.*

Quâ de causâ ad majorem nostræ mercedis cumulum, ac loci ipsius necessarium supplementum, Christi que servorum in ipso degentium, seu illuc undecumque adventantium perenne subsidium, universas nostræ proprietatis res, quæ sive infrâ Romanam urbem, sive extrâ ipsam, seu etiam per totam Pentapolim, Tusciam, & Spoletinum Ducatum, atque Camerinum Comitatum, necnon etiam Firminum, Ascolinum, Aprutinum, Penninum seu Teatinum territorium, quocumque contractu justè ac legaliter in nostrum jus dominiumque transfusæ sunt: omnes dumtaxat juris nostri per denominata loca curtes cum servis & ancillis, atque aldionibus, & omnibus quæ in eis inventæ fuerint rebus, mobilibus & immobilibus, cum universis casis, massariis, & aldionariis, ac cunctis appendiciis earum, jam dicto summæ Trinitatis venerabili Cœnobio præsentialiter solemniterque largimur, & per hujus nostri præcepti imperialem auctoritatem irrefragabiliter stabilimus, ut habeant eas & possideant, fruanturque jure quieto ac pacifico ab hodierno die ac deinceps, tam hi qui præsentem sunt, quamque & illi qui venturi sunt famuli Christi, omni nostrâ proheredumque ac successorum nostrorum repetitione, molestatione, vel qualibet publicâ exactione remota.

Ita tamen ut tres quotidie pro nobis Missas, &

omnibus diurnis ac nocturnis officiis centesimum vigesimum decantare non desinant psalmum, exceptis dumtaxat vespertinalibus & matutinalibus hymnis, quos perpetim pro nostræ remedio animæ repetere jugiter non cessabunt. Cunctis igitur, &c. *ut supra.*

Signum manûs Domni LUDOVICI Serenissimi Imperatoris.

Gislebertus Presbyter & Notarius scripsi & subscripsi.

Data tertio Idus Octobris, indictione octava. Actum Olonnâ curte Imperiale, anno imperii Domni Ludovici Serenissimi Imperatoris vicelimo quinto, Deo propitio feliciter, Amen.

In ultimo sanè privilegio tangit de se quiddam in Beneventano itinere posito devenit in Piscariam, & Casauriensem invenit insulam, ibique sanctæ Trinitatis construxit Basilicam, in quâ Clementis collocavit glebam, atque Monachorum ibidem coadunavit turmam. Deinde repetit de largitione omnium rerum quas in totius Italiæ provinciis ad ipsius Monasterii supplementum, & Monachorum perenne subsidium acquisierat.

*Privilegium de libertate & confirmatione omnium rerum Cœnobii S. Clementis.*

**I**N nomine Domini nostri JESU-CHRISTI Dei æterni, LUDOVICUS divinâ ordinante providentiâ Imperator Augustus. Univerforum sanctæ Dei Ecclesiæ Fidelium tam præsentium videlicet quam & futurorum comperiat solertia, quia cum omnipotentis juvamine freti, Beneventum progredieremur, in ipso positi itinere devenimus ad Piscariam, ubi quamdam invenimus insulam undique aquis cinctam, quam divinâ inspiratione circumeuntes, & ex omni considerantes parte, perspeximus ipsam ulibus esse Monachorum aptam temporibus profuturis. Quâ de re Dei omnipotentis inspiratione tacti, iussimus inibi ædificari Basilicam in honore sanctæ & individue Trinitatis; ubi etiam collocare fecimus corpus B. Clementis Martyris & Pontificis Christi: ubi etiam ad cumulum mercedis nostræ coadunavimus cœtum Monachorum inibi supernæ Majestati famulantium. Quibus etiam pro amore ipsius Sanctæ & individue Trinitatis, nostræque pariter animæ remedio, ne aliquando paterentur egestatem, contulimus omnes res nostras, quas justo ac legali tenore acquisivimus tam infrâ urbem Romam, quam extra ipsam Romuleam urbem; per totam scilicet Campaniam, & per omnem Romaniam, necnon & per ambos Spoletanos ducatus, seu & per totam Tusciam, eo videlicet tenore ut quamdiu divinâ annuente miseratione superfuerimus, & locus & omnes res memoratæ in dominium & dispositionem nostram consistant. Post nostrum discessum redeant & locus, & res memoratæ, in ordinatione fratrum in præfato Cœnobio, eo scilicet ordine, ut absque ullius controversiâ regulariter sub normâ sancti BENEDICTI degant, Sanctæque & Individue Trinitati deserviant, & pro nobis misericordiam ipsius exorent; ante omnia & super omnia commonentes & præcipientes, nullus eos nec intus nec foris eorum pertinentia à nobis justè possessa & eis concessa, lādere aut inquietare præsumat, sed sub nostræ Imperialis præceptionis privilegio securè subsistant, Deoque famulentur: interiora & exteriora secundum Dei voluntatem ordinent atque disponant. Concedimus eis & nomina per quæ denominatæ res nobis delegatæ sunt, & quotiescumque ille qui præest Abbas obierit, habeant licentiam ex suâ propriâ congregatione secundum Dei voluntatem eligendi Abbatem.

Consideravimus



Consideravimus & alterum locum vocabulo Moninellum, ubi similiter Monachorum aptum, distantem ferme duobus millibus ab urbe Mantuanâ, ubi divinâ praeunte gratiâ decertavimus construere Basilicam in honore gloriosissimæ Resurrectionis seu Ascensionis Domini nostri JESU-CHRISTI. Nihilominus Deo famulandum coadunare jussimus inibi cœtum Monachorum die noctuque supernæ Majestati famulantium; & ut nullam in serviendo patiantur egestatem, pro Dei omnipotentis amore, nostræque animæ remedio, contulimus eis omnes res nostras quas justè ac legali tenore acquisivimus in inferiori Italiâ. Quæ duo suprataxata Monasteria pro Dei omnipotentis amore à nobis provisa, & in ejus honore constructa, statuimus atque præcipimus, ut absque alicujus controversia aut inquietudine sempiternaliter permaneant stabilia sub Dei omnipotentis gubernatione, ad vota ipsius die noctuque persolvenda. Si quis verò, quod minimè credimus, ipsa sua loca, eorumque pertinentia, seu servos Dei inibi supernæ famulantes Majestati, lædere aut inquietare, seu ex collatis à nobis minuere vel auferre præsumserit, duplum eis restituat. Insuper componat pro præsumptione suâ auri probatissimi libras duodecim. Si quis verò nostrorum Successorum divino instinctu præfatis locis aliquid addere vel augere voluerit, satis desideramus atque inhiante exoptamus; sin autem, unicuique eorum qui per tempora fuerit nostrorum Successorum interdiximus, & sub divinâ contestamur invocatione, ut ex his quæ præfatis contulimus locis, nihil minuere vel auferre moliat. Quod si fecerit, sciat se incursum iram ipsius Sanctæ & Individuæ Trinitatis, ita ut ad sortem beatissimæ Resurrectionis & Ascensionis Domini nostri JESU-CHRISTI nullatenus pervenire valeat, sed cum Juda proditore sortem æternæ damnationis perenniter possideat. Et ut hæc nostra largitio atque concessio plenior in Dei nomine obtineat vigorem, manu propriâ subter eam firmavimus & bullis nostris roborari præcepimus.

Signum manûs Domni LUDOVICI Srenif. Imperatoris.

Giselbertus Presbyter & Notarius ex jussu Imperiali scripsi & subscripsi.

Data Calendis Novembris, Indictione octavâ. Actum curte Imperiali Olonnâ, Anno Imperii suprâ taxati Domni Ludovici Imperatoris vicelimo quinto, in Dei nomine feliciter.

In ipsarum profectò trium præceptalium paginarum sacris apicibus fiunt augustales & perpetuæ constitutiones, de tutelis & libertatibus Monasterii, & ejus multimodâ quiete, & de cæteris honorum & sublimitatum excellentiis eidem singulariter attributis; addidit etiam ibidem de altero sanctæ Resurrectionis Monasterio apud Mantuam [à se] constructo.

Facta sunt equidem hæc tria suprâ taxata imperialia privilegia Dominicæ Incarnationis anno octingentesimo septuagesimo quinto, Indictione octavâ.

Præterea Dominicæ Incarnationis anno octingentesimo septuagesimo sexto Dominus Romanus Pater venerandus, emptionibus à quodam Rimefredo acquisivit in Ragiano suprâ scriptâ villâ, terras, & vineas, & omnes res, & substantiam ejus.

Eodem itidem anno venit Maurinus Castaldio jubente Domino Ludovico Imperatore; & mense Januario, vicelima secundâ die mensis, investivit solemniter Dominum Romanum Abbatem de omnibus rebus mobilibus & immobilibus Sisenandi Salegi, tam in Tete quàm in Pinne. Primò videlicet de curte Ambrilie, quæ postea farum Ambrilie vocabulum accepit; & de curte de Neriano & Martiano, & Obetiano, & Sclavis. Quæ possessio termi-

Tom. II.

natur à flumine Piscariensi usque ad flumen Tritanum, & usque ad furcas, & montem de Cannatio, & rinum de Cigno, sicut tradidit chartula ipsius investituræ pluribus & idoneis testibus roborata.

Eo [si quidem] tempore Rimo, filius quondam Alderisi, de genere Alamannorum, obtulit filium suum, nomine Leonem, Monasterio S. Clementis suscepturum vitam monasticam, tradiditque Romano Primo Abbati ad partem ejusdem Cœnobii omnes res & substantiam suam, quam in villâ de Ragiano possidebat, videlicet possessiones largissimas. Altercationem insuper habuit Romanus Abbas cum Ildebrando Franco, Garifusi filio, de curte Perano vocabulo, & omnibus rebus quæ fuerunt Camarotii, & Aldegontii, & Agisendæ conjugis ejusdem Camarotii. Verum in ipsis diebus apud civitatem Teatinam, cui Theodericus venerabilis Episcopus præsidebat, à quodam viro nomine Fratello, Supponis Comitibus vicario, curiâ celebratâ, ibique querelâ depositâ, excellenter idem Abbas ipsas res & curtem de Perano quæ ultrâ flumen est de Sangro, pertinuit.

Defuncto itaque piæ semperque celebrandæ memoriæ Ludovico Augusto, testamento post eum consobrinus ejus CARLOMANNUS Rex, Ludovici Regis filius, regnum Italicum obtinuit. Quo audito, Romanus Abbas deposito ingenti fletu atque tristitiâ, quam habebat de morte ipsius Cæsaris sui Cœnobii constructoris, statim direxit ad eum Dominum Celsum Præpositum cum augustalibus præceptis, ut omne bonum quod de Piscariense Monasterio antecessor ejus ipse beatæ recordationis Ludovicus Imperator effecerat, ipse Rex ratum haberet, & omni modo confirmaret, suoque novo regio præcepto corroboraret. Illo autem abeunte Romanus Abbas interim regimini ac profectibus sui Cœnobii validius insistebat. Vir potens & locuples superscriptus Rimo, largitus est pro animâ suâ domos, agros, vineas, & omnia quæ habebat de casale superscripto Beatorita, Monasterio Piscariensi. Indeque duos de fratribus, videlicet Dominum Beatum, & fratrem Leonem ipsius Rimonis filium, solemniter investivit, & in tenimine posuit coram testibus.

Eodem [si quidem] tempore Carlomanno piissimo Imperatore mandante, jubentibus etiam Lamberto & Widone Comitibus, venit Grimbaldus Pinnenensis Episcopus, unâ cum Anserio & Adelberto atque Arterio Castaldionibus, & investierunt Dominum Romanum primum Piscariensem Abbatem apud sanctum Desiderium, ubi propterea conveniant per ipsam curtem de villis, castellis, & omnibus prædiis & rebus per totam Italiam acquisitis, & Piscariensi Monasterio collatis, & de libertate, & omnium dignitatum excellentiis, sicut ei à quondam beatæ memoriæ Ludovico glorioso Imperatore per præceptalia scripta fuerunt concessa. Facta nimirum est hæc investitura in manibus Romani primi Abbatis, ad profectum & corroborationem sanctæ Casauriensis Ecclesiæ, anno ab Incarnatione Domini octingentesimo septuagesimo sexto, Indictione nonâ, prædicto Carolo imperante anno primo, mense Junio, feliciter.

Profectus itaque Dominus Celsus Præpositus ad Imperatorem Papiæ commorantem, benigne receptus, & in petitionibus & negotiis Monasterii Piscariensis alacriter est exauditus, accepitque ab eo sacrum præceptum confirmationis, & tuitionis omnium rerum, & dignitatum, quas Casauriense Cœnobium à Domino Ludovico suo Fundatore per præceptales paginas habebat; addiditque ei gualdum Corni cum cæteris rebus eidem pertinentibus, sicut in eodem sacro præcepto continetur.

CCCCc

*Præceptum Carlomanni Regis de libertate Monasterii Piscariensis, & confirmatione omnium rerum & dignitatum ejus, sicut habuit à Ludovico Augusto.*

**I**N nomine sanctæ & individue Trinitatis, CARLOMANNUS divinâ favente gratiâ Rex. Omnium videlicet sanctæ Dei Ecclesiæ fidelium nostrorumque tam præsentium quàm & futurorum cognoscat industria, quia cum gratiâ auxiliante divinâ regnum Italicum obtinuimus primûm, Deoque dūce Papiam venimus civitatem, adiit serenitatem nostram quidam Monachus, nomine Celsus, Præpositus Monasterii quod Casa-aurea vocatur, & quod beatissimæ memoriæ antecessor ac consobrinus noster Ludovicus Imperator Augustus à fundamentis in honore Sanctæ & Individue Trinitatis construxit, afferens quoddam præceptum, in quo continebatur qualiter præfatus Imperator pro amore ipsius Sanctæ & Individue Trinitatis, necnon & pro remedio animæ suæ, omnes res suas, quas iusto ac legali tenore acquisivit, tam infra urbem Romam, quàm extrâ ipsam Romuleam urbem, per totam scilicet Campaniam, & etiam per omnem Romaniam, necnon & ambos Spoletanos ducatus, seu & per totam Tusciam, ad prænominatum Monasterium contulit. Eâ videlicet ratione, ut liceat Fratribus ibidem regulariter viventibus easdem res tam interius, quàm exterius perpetualiter sine aliqua inquietudine possidere. Et si Abbas ejusdem Monasterii obisset, ex propriâ Congregatione Abbatem sibi eligere licentiam haberent. Et ut id Monasterium perpetuis temporibus sub immunitate ac tuitione Imperiali persisteret.

Hæc nos cognoscentes, decrevimus per hoc præfens præceptum nostræ mansuetudinis omnia præfata ita ut scripta sunt, confirmare. Volumusque, atque omnimodis præcipimus, ut Abbas ejusdem prædicti Monasterii semper cum omnibus illuc pertinentibus sub nostrâ Regali immunitate ac defensione maneat. Et omnes prænominatas res, id est, sive infra urbem Romam, sive extrâ, sive per totam Campaniam, seu per Tusciam, & ambos Spoletanos ducatus, sicut in priori præcepto habebantur, Monachis ibidem Deo militantibus concedimus. Necnon ut & in eligendis Abbatibus de propriâ Congregatione perpetualiter potestatem habeant. Insuper ergo placuit nostræ Serenitati ad id prædictum Monasterium quemdam gualdum prope ibidem situm, nomine Cornie, tradere, cum servis & molendinis de Balneolo ad id gualdum pertinentibus, habitantibusque in villâ, quæ dicitur Alanne, cum aquis, pascuis, pratis ad id gualdum pertinentibus. Eâ videlicet ratione, ut hæc omnia ob amorem Domini nostri JESU-CHRISTI, & pro remedio animarum nostrarum, id est, Ludovici præfati Imperatoris ac consobrini, qui nobis regnum istud disposuerat: necnon & piissimi Genitoris nostri Ludovici Regis, ac Patruï nostri Caroli, nostræque qui hanc fecimus traditionem, ad id Monasterium sine ullâ inquietudine, perpetuis temporibus pertineant, quatenus Abbas & Monachi ejusdem loci easdem res habeant atque possideant, & juxta id quod opus eis sit ad servitium Dei potenter disponant, vitamque jugiter Regularem ducant, nullo unquam successore nostro hoc irrumpente: sed liceat eis quietè vivere, & pro nobis ac pro nostris antecessoribus semper ipsam exorare sanctam Trinitatem, in cujus honore hæc ipsa eorum Ecclesia constat esse dicata. Et ut hæc auctoritas nostræ confirmationis atque donationis firmiorem in Dei nomine habeat tenorem, annuli nostri impres-

sione jussimus sigillari, & manu propriâ nostrâ subtus confirmavimus. Si quis verò, quod minimè credimus, ipsa sua loca, eorumque pertinentia, seu servos Dei inibi supernæ famulantes Majestati lædere aut inquietare, seu ex collatis minuere vel auferre præsumserit, duplum eis restituat, insuper componat pro præsumptione pondera auri probatissimi libras duodecim.

Signum manûs Domni CARLOMANNI Serenissimi Regis.

Baldo Cancellarius Regis, ad vicem Theogmari Archicapellani recognovi & subscripsi.

Data decimo septimo Calendas Novembris, anno Christo propitio secundo regni Domni Carlomanni Serenissimi Regis, Indictione decima. Actum Papiâ civitate Regia in Dei nomine feliciter, Amen.

Post mortem piissimæ recordationis Ludovici Serenissimi Augusti, Domno Romano primo Abbate, in augmentis & profectibus sacro-sanctæ Casauriensis Ecclesiæ fortius & sollicitius insistente, plures iniquæ & prave mentis homines insurrexerunt, cœperuntque ipsum regale Monasterium querimoniis conturbare, Abbatem nimis vexationibus fatigare; quia non fuit postea Rex vel Imperator, qui tantâ devotione vel sollicitudine ipsum & res ejus tueretur & custodiret, sicut Imperator Ludovicus qui eum à fundamentis construxerat. Nam erant eo tempore tres fratres, videlicet Amelfredus, Waningo, & Petrus, filii quondam Justonis Franci, qui contendebant adversus Romanum Abbatem res & possessiones Gundi genitricis eorum, quæ legibus & dono ipsius Cæsaris Piscariensi Monasterio erant addictæ seu confirmatæ, sicut in superioribus scriptis continetur. Unde cum apud civitatem Teatinam Ildebrando, & Ellone & Singolfo Castaldionibus, Supponis Comitis vicariis, generalis curia celebraretur, Romanus Abbas est eos prudenter aggressus, & de eisdem rebus cum Advocato suo contra ipsos sapienter agens & causidicans, veris assertionibus eos devicit & confutavit. [Qualiter autem, & quibus rationibus, eos devicerit, in Notitiâ Judicati, mandato Judicum descripta, & testibus roborata, plenius reperitur & legitur.]

Postquàm igitur supradictus Imperator Carlomannus Imperii gubernacula in duobus annis explevit, Carolus, qui tertius est dictus, ei in Imperiâ tu successit.

Eodem [namque] tempore, anno videlicet ab Incarnatione Domini octingentesimo septuagesimo octavo, Indictione undecimâ, cum Romanus Abbas à multis infestaretur, & ipse prudenter se à cunctis defenderet; conquestus est super Rodelando & Madelberto germanis, quondam Madelberti filius, de rebus omnibus & substantiis quondam Corbini Pinnensis, Walfredii, Simponis, Simdemonis, Godeperti, Urseperti & Pauli, quorum omnium res Piscariensi Monasterio legibus pertinebant, compartatione seu dono bonæ memoriæ Ludovici Imperatoris. Qualiter autem infra civitatem Pinnensem cum ipsis coram Judicibus placitavit, & qualiter ipsos Ecclesiæ adversarios superaverit, & res suprascriptas ad proprietatem Monasterii adeptus fuerit, in ipsâ notitiâ cartulâ exinde factâ, & testibus roborata reperitur & legitur.

Communavit ipse Abbas alias res de casalibus Ratione & Andrabano, Casule & Paterno; quæ cambitiones factæ sunt cum Domno Berthario Casinenfi Abbate, qui eo tempore sancti Benedicti Monasterio præerat.

Erat eodem tempore vir quidam rebus locuples, possessionibus opulentus, Garibaldus nomine, ge-

nere & habitatione Maricanus, à quo Dominus Romanus primus Abbas acquisivit in territorio Maricano per loca & vocabula, & mercatus est omnes possessiones, & res proprietatis suæ, tam infra civitatem Maricanam, quam extra, videlicet in calis, & terris modiorum triticei seminis quingentorum quinquaginta. In uberrimis & fructiferis vineis, & arboribus, & cæteris rebus, ipso Garibaldo studiosè vendente, & pretium ab eodem Abbate recipiente in auro & argento solidos sexcentos.

Sanfo Valvensis, vir nobilis & illustris, à quo totum Raianensium & Sansonicorum stemma protrahitur, cum in ejusdem Comitatu esset dives & potens, & Piscariense Monasterium multis jam possessionibus ex dono beatæ recordationis Ludovici Imperatoris in partibus illis polleret, vendidit, Domino Romano Abbate emente, omnes res suas quæ à Boneperto, & Arnoaldo, & ab avo suo Gislone sibi proveniant in villâ Carrene, in terris, & vinctis, & cæteris rebus; recepitque in pretium ab eodem Abbate in argento & caballis centum solidos. Quæ villa Carrene cum ipsâ possessionis emptione cum esset de possessione seu jure proprietatis beati Clementis, concessa est eidem Sanfoni per Dominum Romanum Abbatem, & per omnes Fratres, usque ad præfixum tempus sub statuto censu annuatim persolvendo. Ipsa verò villa postea in castellum conversa, & à possessoribus munita, Prezze vocabulum accepit.

Erant tres fratres, videlicet Ameldricus, Oldericus & Ingelbertus, filii quondam Franconis Salegi, à quo tota progenies Coniulensium Dominorum processit: venderunt Piscariensi Monasterio, Abbate Romano emente, agrum duodecim modiorum triticei seminis in villâ, quæ dicitur de Pontiano, loco nomine Asinari; indeque receperunt pretium solidorum decem. Fecit etiam cum uno ipsorum, videlicet supradicto Amelrico, utilem Monasterio cambitionem; ipse Abbas accipiens ab eo terras & vineas, à quodam Justulo possessas, in casale Asinari, largitis proinde ipsi Amelrico res juris beati Clementis, quæ fuerunt quondam Roffredi & Rodilonis, terras & vineas ejusdem ætimationis in casale, de Nasumiano vocabulo.

Investituram equidem eo tempore accepit Romanus Abbas ab Adeltrudâ, quondam Audeperti filiâ, uxore cujusdam Aglerii, de rebus & possessionibus quondam Ainardi viri sui anterioris in dugalium acceptis, in vicò Teatino & Beloniano, quæ possessiones protenduntur à fluminibus Piscariæ & Orta usque in confinium Valvense.

Porò sub ipso tempore cum annus Dominicæ Incarnationis octingentesimus octogelimus tertius haberetur, primâ Indictione, misit Dominus Romanus Abbas Celsum Præpositum ad Imperatorem Carolum, orans & petens ab eo, ut sex manfos in Amiterno acquisitos suo Piscariensi Monasterio Imperiali præcepto confirmaret. Imperator autem pro Piscariensis Monasterii & Abbatis veneratione, live pro reverentiâ suorum antecessorum Imperatorum, postulationibus annuit libentissimè, ipsosque manfos Monasterio concedens & confirmans, jussit fieri præceptalis pagina. Quæ [verò pagina augustaliter signo & sigillo imperiali confirmata seu insignita, & monasterio porrecta & habita, & ejus exemplo in instrumentali volumine pro recordatione] descripta sic est:

*Præceptum Caroli Imperatoris de mansis in Amiterno, quos dedit Monasterio Piscariensi.*

**I**N nomine Sanctæ & Individuæ Trinitatis, CAROLUS divinâ ordinante providentiâ Imperator

*Tom. II.*

Augustus. Omnium fidelium sanctæ Dei Ecclesiæ præsentium scilicet ac futurorum cognoscat industria, quia Romanus venerabilis Abbas de Monasterio sanctæ ipsius Trinitatis, per suum Missum deprecatus est Cellitudinem nostram, ut quædam res proprii juris nostri prænominato Cœnobio, pro remedio animæ nostræ concederemus. Statimque nos Liutardo Episcopo & Archicancellario nostro suggerente, postulationibus ipsius assensum præbentes, decrevimus ita fieri. Concessimus igitur eidem Monasterio pro mercedis nostræ augmento, & ut Deo pro nobis inibi juges orationes liberè offerat, manfos sex in pago Amiternino, cum uxoribus illorum ac liberis, & substantiis, quæque habere videntur; & in loco qui nuncupatur Casale, videlicet cum universis illorum appenditiis atque pertinentiis integrum. Et jussimus inde fieri hoc nostræ auctoritatis præceptum; per quod decrevimus atque jubemur, ut deinceps eisdem jam prædictos servos supranominatum Monasterium perpetualiter possideat. Nullusque habeat potestatem aliquid minuendi vel auferendi. Si quis contra hanc traditionem venire aut eam infringere voluerit, mille mancosos auri eidem Monasterio persolvere culpabilis habeatur. Et ut hæc nostræ largitatis concessio plenior in Dei nomine obtineat firmitatem, hoc nostræ auctoritatis præceptum propriâ manu firmavimus, & annulo nostro jussimus sigillari.

Signum Domni CAROLI Imperatoris Augusti. Waldo Cancellarius ad vicem Liutardi Archicancellarii recognovi & subscripsi.

Data duodecimo Calendas Julii, anno Incarnationis Domini, DCCC. LXXXIII. Indictione primâ, anno verò imperii piissimi Imperatoris CAROLI tertio. Actum ad Monasterium quod nuncupatur Nonantula, in Dei nomine feliciter, Amen.

Postquam recolendæ memoriæ vir Dei Romanus Abbas primus Piscariensis feliciter de hoc sæculo migravit ad Dominum, Casaurienses fratres gravi mœrore licet afficerentur, tamen secundum tenorem vel auctoritatem præceptorum Imperialium protinus de propriâ Congregatione fecerunt Abbatem, Dominum videlicet BEATUM, virum benignum & eximie conversationis, anno Dominicæ Incarnationis DCCC. LXXXIV. Qui suscepto regimine, quia postea modico tempore vixit, aliqua de operibus suis quæ memoriâ mandari possent non sunt inventa, nisi quod in casale de Ieteliano, & Cedille auxit in possessionibus Monasterii, quodam Maio vendente, omnes ipsas res quæ quondam fuerunt Metengonii, pro quibus ipse Abbas dedit pretium caballum unum, sicut ejusdem venditionis chartula docet.

Duobus igitur annis Dominus Beatus in abbatiatu peractis, feliciter vitâ decessit. Quo decedente Dominus AIMERICUS ejusdem Congregationis religiosæ vitæ Monachus, tertio loco factus est Piscariensis Abbas.

Quo tempore Wido Imperator, supradicto Carolo jam defuncto, in Italicum imperium augustaliter successit, anno ab Incarnatione Domini octingentesimo nonagesimo primo. Aimericus autem Abbas cepit ad munimen & profectum Ecclesiæ quoddam ædificium infra pertinentiam de Alanne loco, qui ob Ecclesiam inibi ædificatam dicitur de sancto Angelo, firmare, ibique quibusdam viris, quorum nomina in ipsâ donationi chartula inveniuntur, pro animâ suâ donantibus, acquisivit terram ad idipsum opus construendum.

Sequenti post hæc anno Lambertus in imperium coronatus, sicut Wido Augustus pater ejus imperat.

CCCCC ij

883.

II. Abbas  
Beatus.  
884.

III. Abbas  
Aimericus.

891.

892.

Temporibus igitur istis, supradictorum Augustorum Guidonis atque Lamberti jam annis expletis, tertius Ludovicus regni & imperii coronam accepit nongentesimo Dominicæ Incarnationis anno corrente. Quo imperante Dominus Aimericus Abbas acquisivit in casale Aquilano ad ius Monasterii à quodam Audeperto, quondam Luponis filio, terras & vineas: propterea concessit ei de rebus Monasterii in eodem casali in beneficium, sicut ipsius convenientiæ charta declarat, sub statuto termino & annuali censu. Concessit quoque cuidam Warneperto terram modiorum quadraginta in casale Platiale, sub annuo censu & statuto tempore.

His ita præmissis Aimericus Abbas, cum per annos decem & octo Piscariensem rexisset Abbatiam, migravit ex corpore. Cui Dominus Lupus, Casauriensis Monachus, Abbas est quarto loco continuo substitutus. Anno itaque Dominicæ Incarnationis nongentesimo decimo, Dominus Lupus Abbas pastoralis curâ susceptâ, adduxit in causam quemdam Vltarium contendentem rem proprietatis Monasterii in loco nomine Corneto. Quo rationabiliter in curiâ superato, possessiones ipsas in Monasterii proprietatem refudit.

Per quatuor annos Piscariensem rexit Abbatiam, & in pace mortuus est. Cui continuò Dominus Itto in Abbatiatu quinto loco successit. Qui cum Abbatie sibi commissæ curam gereret anno ab Incarnatione Domini nongentesimo decimo sexto, (quo anno Berengarius regni & imperii coronam suscepit,) præstariam fecit cuidam Rotordo de rebus Ecclesiæ in Casale de Colmeniano.

Circâ tempora verò ista supervenientibus Agarenis, gente videlicet paganâ & crudeli, fuit Monasterii S. Clementis tanta depopulatio, ut nihil funditus in eo remaneret, & tota Congregatio præda hostium fieret. Tandem Christiani undique aggregati, auxiliante Deo, contrâ Agarenos pugnaverunt, ipsosque devictos à suis finibus expulerunt. Post quorum discessum præfatus Itto ad Monasterium rediit, & antequàm ipse perditâ recuperare, ædificia restaurare valeret, obiit. Vixit autem in regimine quinque annis, in dolore & ærumnâ, quia Ecclesiæ sibi commissæ destructionem videns eam restaurare non potuit. Post mortem verò Ittonis Monasterium S. Clementis sine Pastore fuit, quia fratres erant dispersi, & res annihilatæ, villæ & castella destructa, & non erat in circumadjacentibus regionibus qui ei subvenire posset, tantum propriis calamitatibus unusquisque opprimebatur.

Hac tempestate nutu Dei quidam Imperator Augustus, nomine Berengarius, accessit ad has regiones, quem adierunt Fratres, & depositis coram eo suis miseriis & ruinâ Monasterii, & gloriâ in quâ fuerat temporibus Ludovici, acceperunt præceptum ab eo ut Abbatem eligerent, & quæcumque de jure Monasterii fuerant recolligerent, Congregationem ad priorem statum reducerent, & nihil de dignitate Monasterii perire permetterent. Sanè ipsa præceptalis pagina, quam de libertate, rebus, & dignitatibus Monasterii ad instar priorum Imperatorum idem Augustus fieri iussit, sigillo & signo nominis ejus fuit impressa & insignita, & Monasterio porrecta & habita, & ejus exemplo in instrumentali volumine pro recordatione descripta sic est:

*Præceptum Berengarii Imperatoris de libertate Monasterii Casauriensis, & rebus ejus.*

**I**N nomine Domini Dei æterni, BERENGARIUS divina favente clementiâ Imperator Augustus. Si sanctarum Dei Ecclesiarum famulantibus aliquod tutelæ imperialis nostræ subsidium seu defensorium

impendimus, id ad æternæ recompensationis meritum nobis proficere non ambigimus. Quocirca noverit omnium Fidelium sanctæ Dei Ecclesiæ nostrorumque, præsentium scilicet ac futurorum industria, qualiter Monachi cujusdam Monasterii, in quo altissimum Beatissimi Pontificis atque Martyris Clementis corpus dignoscitur esse reconditum, ubi Casa aurea nuncupatur, & in honore Sanctæ & Individuæ Trinitatis constructum esse decernitur. Quod etiam Monasterium Dominus Ludovicus olim Serenissimus Imperator, & noster consobrinus, à fundamento pro Dei amore, suæque animæ salute, cunctas proprietatis suæ res infra civitatem urbem, sive extra ipsam, necnon & Pentapolis, Tusciæ, Spoletini Ducatus, Camerini Comitatus, atque Fermini, Ascolini, Aprutini, Pennini, seu Teatini finibus positas, prætaxato Monasterio, ibique Deo famulantibus tribuens, construxit, ad Majestatis postre clementiam percurrentes, mercedis nostræ pietatem suppliciter postulaverunt; quatenus eis pro Dei amore, nostræque, vel parentum nostrorum animæ remedio ejusdem prælibati Monasterii res, ipsis in eodem Monasterio nunc præsentibus atque futuris Christo Domino famulantibus, hoc nostræ auctoritatis Imperialis præcepto confirmare & corroborare modis omnibus dignaremur. Quod firmiter attendentes, eorumque Monachorum miseriam atque inopiam attentius perspicientes, omnes ejusdem Monasterii res, quas prædictus Dominus Ludovicus Imperator & consobrinus noster, pro animæ suæ salvatione, in jam nominatis territoriis atque locis, prælibato Monasterio ad Beatissimi Pontificis atque Martyris Clementis honorem dicato, ubi Casa dicitur aurea, olim præbuit suo in tempore, per hoc nostrum Imperiale præceptum nolentes prænominati Domni Ludovici Serenissimi Imperatoris & consobrini nostri elemosynam, atque mercedis suæ largissimam donationem, in futuro penitus esse extinctam, quemadmodum jam sæpe dicti Domni Ludovici gloriosissimi Imperatoris animus futuris temporibus idem Monasterium in suo statu atque rectitudine decrevit, & statuit esse, pro Dei amore, nostræque animæ remedio, vel parentum nostrorum salute, sicut & jam in eorum Monachorum jam nominato Monasterio assistentium præceptis legitur, quæ à præscripto Domino Ludovico Serenissimo Imperatore & consobrino nostro, eidem Monasterio Monachis deservientibus conscripta esse videntur, per hoc nostrum Imperiale præceptum perpetualiter prædicto Monasterio, eique deservientibus Monachis, confirmamus, modisque omnibus corroboramus. Præcipientes, ut nullus Dux, Marchio, Comes, Vicecomes, Sculdassii, Castaldio, aut quælibet magni aut parvi officii persona, jam nominatum Monasterium, ibique Deo deservientes, atque Beatissimi Clementis humatum corpus custodientes Monachos, de ejusdem Monasterii rebus atque legali judicio devestire audeat, eisque quamlibet inferat violentiam atque injuriam. Sed liceat illis quieto ordine, quietâ pace, omnes prædicti Monasterii res tenere & frui, Deumque pro nobis quotidie exorare, absque contradictione cujusquam. Si quis ergo hoc nostræ confirmationis præceptum infringere vel violare tentaverit, sciat se compositurum auri optimi libras ducentas, medietatem Camere nostræ, & medietatem prætaxato Monasterio, ibique Deo famulantibus. Quod ut verius credatur, diligentiusque observetur, manu propria roborantes de annulo nostro subter assignari iussimus.

Signum Domni BERENGarii piissimi Imperatoris. Joannes Episcopus & Cancellarius ad vicem Ardingi Episcopi & Archicancellarii recognovi & sub-



917.

V. I. Abbas  
Alparius.

scripsi. Data duodecimo Calendas Novembris. anno Dominicæ Incarnationis nongentesimo septimo decimo: Domini verò Berengarii piissimi Regis vice-  
simio octavo, Imperii autem sui secundo. Indictione quinta. Actum in Piscariâ in Christi nomine feliciter, Amen.

Casaurienses verò Monachi ad Monasterium regres-  
si, iuncto consilio unum ex Fratribus. ALPARIUM nomine, Abbatem constituerunt, & cum eo ad res-  
taurationem Monasterii laborantes, quia paupertas eos gravabat, vix medietatem parietum erigere po-  
tuerunt. Quæ necessitate compulsi, cœperunt terras vendere, villas in vadimonio ponere, & tam infelici  
mercimonio domunculas ædificare, & antiquæ glo-  
riæ oblitæ, quam Ecclesia habuerat temporibus S. Imperatoris Ludovici, cœperunt illis esse obnoxii, quibus debebant esse terrori. Et dum Ecclesia ipsa tot  
calamitatibus premerebatur, Alparius sexto loco Pisci-  
ariensis Abbas, fecit præstarias quibusdam viris Præn-  
doni, Joanni & Formoso, de rebus in vico Pinnen-  
se quondam Donatiant, cuidam Leoni de rebus in So-  
ractico, quæ fuerunt quondam Sinderili, acceptis inde solidis viginti.

943.

VII. Abbas  
Ildericus.

Præterea temporibus istis Lotharius cum Patre suo  
regnabat Ugone, anno ab incarnatione Domini non-  
gentesimo quadagesimo tertio. Tunc Alparius Ab-  
bas emit in territorio Firmano casale Aureliano loco,  
nomine Ripule. possessiones & prædia, duobus fra-  
tribus Titone & Joanne sibi vendentibus, & præ-  
tium inde recipientibus solidos quinquaginta.

Peractis igitur in regimine viginti quinque annis  
Alparius ex hoc mundo discessit, cui ILDERICUS  
successit, vir prudens & contra adversa securus. In  
cujus tempore factæ sunt præstariæ de rebus Ecclesiæ:  
cuidam videlicet Urso de rebus in casale, nomine  
Tresolie & Taungiano, acceptis inde solidis viginti:  
cuidam Luponi de rebus in casale Colmeniano ad  
sanctum culticum, acceptis inde solidis viginti.

951.

Hoc siquidem tempore, anno Dominicæ Incarna-  
tionis nongentesimo quinquagesimo primo, Beren-  
garius & Adelbertus fratres ejus regnabant, anno pri-  
mo. Quo anno accepit Ildericus ab Alexandro quon-  
dam Ardemandi filio, natione Basario, possessionem  
in vico centum modiorum. Datis ei de aliis rebus pro-  
prietatis sancti Clementis. Quibusdam concessit Al-  
doni & Franconi de rebus quondam Gauderili &  
Justinii filii sui, in loco nomine Cori, & Mariano,  
acceptis inde solidis quadraginta. Eodem tempore  
venerunt Atto Comes, & Adalguda Comitissa uxor  
ejus, ad Dominum Ildericum Abbatem, & factâ  
conventionem acceperunt a Monasterio piscariensi be-  
neficiali ordine curtem de Colle cum tenementis suis,  
possessione terrarum ad mensuram triticeæ seminis  
modiorum quingentorum, sub præfixo tempore &  
annuo censu, acceptis inde solidis quingentis.

In hujus Ilderici Abbatis tempore Episcopus Pin-  
nensis Ecclesiæ, Joannes nomine, gravem querelam  
super Monasterio præfato excitavit, dicens quod tota  
intuita de jure Pinnen-  
sis Ecclesiæ pendebat, Monaste-  
rium sua propria sedes & camera erat, Abbas in eo  
tunc ejus licentiâ & jussu institui non debebat; do-  
minium in castellis, & villis habebat, Abbas Mona-  
sterii non dominus sed quasi quidam vicarius erat,  
Monachos Ecclesiæ non ab alio Episcopo ad Ordines  
promoveri nisi à se permittebat. Quid plura? omni-  
bus modis Monasterium opprimebat. Quod nefarium  
Ildericus (quem Alpario successisse supra memoravi-  
mus) vir prudentissimi ingenii, & constantissimi  
animi, ferre non valens, in præsentia Ducis & Mar-  
chionis Pandulphi, prefecit Episcopo Firmano, no-  
mine Gaudito, & Comite Luponem & multis aliis  
eum devicit, & nihil juris eum habere in Monaste-

rio, in insula, in castellis, in villis, in hominibus  
rationabili assertionem demonstravit. Cumque de  
Episcopus quietus permanere non posset præfatus  
Abbas Ildericus præsentiam D. Imp. Adelberti filii  
Imp. Berengarii apud Senogallias adiit, & apertâ ra-  
tione demonstrans quemodo eundem Episcopum in  
præsentia Ducis & Marchionis, & Episcoporum, &  
Baronum devicerat, iterum illum fallacem, menda-  
cem, & iniquis habere in his quæ postulabat coram  
Imperatore justis assertionibus & privilegiis anti-  
quis Ludovici, Caroli, Berengarii, comprobans;  
etiam privilegium ab eodem Imperatore libertatis mu-  
nitioni contra ipsum Episcopum Pinnensem, & con-  
tra omnes qui idem Monasterium, & ea quæ ad illud  
pertinent, conturbare niterentur, suscepit: quod  
ita se habet:

*Præceptum Adelberti Regis de libertate Monaste-  
rii contra Pinnensem Episcopum.*

IN nomine Domini Dei æterni, ADELBERTUS gra-  
tia Dei Rex. Omnium fidelium sanctæ Dei Ec-  
clesiæ præsentium scilicet ac futurorum notum esse  
volumus sagacitati, qualiter Ildericus Abbas sancti  
Monasterii constructi in honore Sanctæ & Indivi-  
duæ Trinitatis, venit ad nos in præsentia nostrorum  
fidelium, proclamans quod Joannes Episcopus sanctæ  
Pinnen-  
sis Ecclesiæ quæret ei consuetudinem  
quamdam, videlicet, ut Clerus ipsius Monasterii  
ab ipso consecrari deberetur, & scripturam aliquam  
de rebus prædicti Monasterii sine suo consensu fa-  
cere non posset. Nobis autem inquirentibus si re-  
ctum foret quod ipse prædictus Abbas quærebat,  
ostendit nobis qualiter divæ memoriæ Ludovicus Im-  
perator Augustus, per præcepti paginam concessit  
prædicto Monasterio quatenus nullus Pontifex  
aliquam consuetudinem in eo mittere tentet. His  
auditis, Episcopum prædictum advocare jussimus,  
diligenter illum inquirentes quâ ratione aliquam con-  
suetudinem de prædicto Monasterio quæret. Qui  
respondens scriptum à præfato Imperatore suam  
Ecclesiam recepisse dixit, quod ostendere jussimus,  
ut ex utroque veritatis norma dignosceretur. Duo-  
bus igitur diebus illum expectantes, suam scrip-  
tum videre nequivimus, unde nobis visum est il-  
lum mentiri, & idcirco hunc bundbûrdum scribere  
jubentes præcipimus, ut nullus Pontifex aliquam  
consuetudinem, vel functionem de ipsâ Abbacia  
exigat, & ipsam in statu suo liberam permanere  
jubemus, sicuti præfatus Imperator præcepti su-  
paginâ permanere concessit. Si quis hunc bundbur-  
dum infringere tentaverit, sciat se compotitum aurum  
libras centum, medietatem prædictæ Abbacie, &  
medietatem Camere nostræ. Quod ut verius creda-  
tur, diligentiusque inconculsè ab omnibus observe-  
tur, annulo nostro jussimus insigniri.

Amicus Diaconus jussu regio recognovi.

Data sexto Calendas Junii. Regnantibus Dom-  
no Berengario & Adelberto Regibus anno decimo.  
Actum in Comitatu Senogallia.

His ita peractis, idem Abbas intentus ad restau-  
rationem Monasterii, cum ad profectum ejusdem  
nocturne dieque desudaret, & ob merita B. Cle-  
mentis Deum adiutorem sibi esse cognosceret, fi-  
nitis decem & novem annis in regimine migravit  
ex corpore. Cui successit ADAM notus in curia pri-  
mi Ottonis Imperatoris, & ab eadem curia con-  
cessus Abbas in Monasterio Piscariensi. Qui Adam  
jussu Domini Imperatoris suscepit curam pastora-  
lem: periculis chartis Monasterii & privilegiis, post-  
quam cognovit omnia ferè perdita esse, & privi-  
gia cassata, cum ipsis privilegiis tetendit ad Im-  
peratorem, & exposita in ejus præsentia lacrymab. i

CCCCc iij

VIII. Abbas  
Adam.



Querimonia, impetravit novum privilegium quod cum ceteris privilegiis continetur intra Monasterium, & accepit tres Legatos de latere Imperatoris, Petrum Episcopum Papiensem, & duos iudices Henricum & Aldonem, quibus hæc præcepit, ut vendita redimerent, alienata Ecclesiæ restaurarent, nulli ex raptoribus parcerent; & ita facerent, ut quando ipse veniret omnia pacata, restaurata, & reparata inveniret. Si quis autem contenciosus esset, & ejus præceptis obtemperare nollet, invitus ante ejus præsentiam adduceretur, demonstraturus quâ fiduciâ rebellis existeret, quod juris in rebus Ecclesiæ & possessionibus, quas antecessores sui dederant, haberet. Quo timore omnes pervasores Ecclesiæ occupati, quidam spontaneâ voluntate quod malè invaserant dimiserunt, alii pretium de malè emptis receperunt, ceteri stimulari spiritu nequitiae, neque pro Imperatore quæ malè tenebant dimiserunt, neque ejus Legatis debitam reverentiam exhibere voluerunt; imò attritâ facie sicuti meretrix præsentiam Domini Imperatoris adierunt; & cum se accusare pro malefactis deberent, habitatores Ecclesiæ, & Abbatem incusare cœperunt. Unde duplici externis confutati; & ab Abbate & à Fratribus qui presentes aderant, iudicio curiæ pervasa dimiserunt, & ea in quibus se jus habere, cum injusti probarentur, absque illo retinaculo funditus perdiderunt.

*Præceptum de libertate Monasterii sancti Clementis,  
& aliis rebus eius.*

**I**N nomine Sanctæ Individuæque Trinitatis, **O**tro divinâ dispensante providentiâ Imperator Augustus. Cunctis sanè sapientibus liquet, quia quo magis cultibus divinis insilimus, eo amplius supernæ Majestati reconciliamur. Quocirca omnium sanctæ Dei Ecclesiæ fidelium nostrorumque, præsentium scilicet ac futurorum noverit unanimitas, quemdam Abbatem, vocabulo Adam, videlicet de Monasterio quod Casa-aurea nuncupatur; nostram suppliciter adisse Cellitudinem, suisque manibus augustalia prædecessorum nostrorum divæ memoriæ Ludovici, Carolique Imperatorum præcepta ferentem; eaque à nefandis hominibus funditus corrupta atque violata esse querelantem: quatenus ea pro Individuæ Sanctæ Trinitatis amore, nostræque animæ remedio, nostro imperiali munimine præfato Cœnobio, quod Casa-aurea dicitur, corroborare atque confirmare, cunctasque res inibi aliquo titulo collatas, juxta prædictorum Imperatorum decreta munire dignaremur. Igitur superno afflato instinctu, intervenitque nostri dilectissimi fidelis Huberti, scilicet Parmensis Ecclesiæ Præsulis, inflexi, prælibati Abbatibus precibus annuimus, cunctasque res inibi hætenus quolibet tenore collatas, quæ etiam sitæ infra Romuleam urbem, extraque esse videntur, scilicet per Campaniam, seu etiam per totam Pentapolim, Tusciam, & Spoletinum ducatum atque Camerinum: necnon etiam per comitatum Ferminum, Ascolinum, Aprutinum, Penninum, seu Teatinum territorium. Quarum videlicet hæc sunt nomina: Curtes sancti Desiderii, atque Brilianum, Lignari, Olleje, Caramanico, Paternu, Picerico, Waldo, Corvino, Beloniano, Tocco, Casule, Selcanu, Ranile, Petra, Mampopplo, Accole, Superelli, Turri, Fullonice, Raiano, Colle, Pantano, Bico, Pinnenfè, Madici, Capitinianu, Carutani, Niranu, Celisse, Seranu, Mortula, Asinari, Petelianu, Cedisse, Opacultu, Viçtorrita, Blunza, Urciona, sanctus Helias, sancta Trinitas, Porclanu, Tolonianu, territorium Leonis filii Catulfi, Cella

sancti Mauri, territorium Maginfredi filii Formosiani: necnon etiam in Comitatu Furconinu curtem unam, in Cerule unam, in Baluense unam quæ fuit Urli Castaldionis, in Marlicano unam quæ fuit Garibaldi, Sotf, Turrem juxta Reate, unam in Hisiano, portionem Ecclesiæ sancti Michaëlis, in Palme unam, in Pao similiter unam, Pantanolâ, & in Venena, unam in civitate Tuscana, in Suberella, Catiniano, in orto Pistorienfè, unam in Casto Felicitatis, in sancto Cerbonio, in Carpena, Moliano, Baniolo, Bianco, Ocretano, Ecclesiam sanctæ Justæ, casaque decem in finibus castri Tusciani: nostro Imperiali præcepto cum omnibus rebus mobilibus & immobilibus, casis, pratis, vineis, pascuis, molendinis, servis piscationibus, aquis, aquarumque decursibus, seu cum omnibus pertinentiis, quæ dici nominative possunt, prout justè & legaliter possumus, prætaxato sanctæ Trinitatis Cœnobio confirmamus, corroboramus: eo scilicet pacto, quatenus nullus Dux, Marchio, Comes, Episcopus, Vicecomes, Castaldio, Suldasio, vel aliquis publicæ rei exactor, necnon magna parvaque persona, de jam dictis rebus prænominatum Abbatem suosque successores inquietare quolibet modo, vel sacrosanctum sæpe nominatum locum divestire aliquando conetur; sed potius venerando cœtui inibi Deo famulanti sub nostrâ imperiali auctoritate prælibatis rebus liceat uti, perfrui jure quieto, omni publicâ functione abdicatâ. Præterea statuimus ut de his omnibus si aliqua intentio exorta fuerit, à publicis Ministris tamquam de dominicatis nostris per inquisitionem exigantur. Denique pro nullâ mallaturâ quispiam ab Abbate vel Monachis de præfato Monasterio, vel ab Advocato eorum tortum querere audeat, quia ob reverentiam Sanctæ Trinitatis eidem Monasterio concessimus. Insuper etiam huic venerando loco concedimus, ut omnem compositionem de chartulatis atque libellariis ejusdem Monasterii sibi met habeat, nullusque exactor publicus hoc inquirere audeat. Sed si in quacumque compositionem ceciderint, in suâ potestate hoc habeant, quorum chartulati esse videntur. Si quis autem hujus nostræ præceptalis paginæ, & quod majus est divinæ promulgationis sacrilegus contemptor, & temerarius violator extiterit, sciat se compositionum auri libras centum, medietatem cameræ nostræ, & medietatem ipsi sacro sancto municipio. Quod ut verius credatur, diligentiusque ab omnibus observetur, manu propria roborantes nostro sigillo jussimus insigniri.

Signum Domni OTTONIS invictissimi Caesaris.

Ambrosius Cancellarius ad vicem Huberti Episcopi & Archicancellarii [subscriptit.]

Data decimo Calendas Januarii, anno Dominicæ Incarnationis, DCCC. LXVII. Imperii verò Domini Ottonis sexto; Indictione decimâ. Actum Romæ feliciter, Amen.

Eodem itaque tempore venit Itto Missus Imperatoris, & investivit Dominum Adam Abbatem de rebus quas Piscarientis Ecclesia perdidit; videlicet de ipsâ re de Vicano, de Ecclesiâ sanctæ Justæ, de rebus in Ocretano, de rebus in Pompeiano, de rebus in Ceranâ, de Ecclesiâ sanctæ Mariæ de Romanis, de molinis de Corneto, de rebus in Saractico, de rebus in Asinariis, de rebus in Alanne, de rebus in Balneo.

Gloriosissimus igitur Imperator Otto cum de urbe Româ, ubi eodem tempore, id est, anno Dominicæ Incarnationis nongentesimo sexagesimo octavo, filium suum Ottonem in Imperatorem Augustum excellentissimè coronaverat, & Dominus Adam Abbas ibidem ab ejus clementiâ magnitudine per scriptam

augustale præceptum acceperat, in Apuliam & Calabriam, ut eam suo subjugaret imperio, tetendisset. Dominus Adam Abbas iterum eundem adiit Imperatorem, & enarratis omnibus quæ fecerat, quomodo quædam perditâ restauraverat, & quædam de malè venditis, & sub pignore positâ redemerat, in eisdem Apuliæ finibus apud Bivinum secundò impetravit privilegium de libertate Monasterii, de tuitione rerum acquisitarum, & quòd posset construere in rebus acquisitis vel acquirendis quodcumque vellet ædificium ad munitionem Monasterii, sive Ecclesiam, sive castellum, & nemo in hoc sibi contrarius existeret, si adversus hostes Ecclesiæ ad eos deprimendos munimina ædificaret. Notat etiam ibi prædictus Imperator Otto Ecclesiam sancti Clementis in Lisinâ cum omnibus appendiciis suis, & eam eodem privilegio confirmavit, ne quis temerator auderet infringere quod tantus vir confirmasset Ecclesiæ.

*Præceptum secundum primi OTTONIS de libertate Monasterii, & cæteris rebus suis.*

**I**N nomine Sanctæ Individuæque Trinitatis, OTTO divina ordinante providentia Imperator Augustus. Ad hoc nos divina potentia ad imperialis culminis provexit apicem, ut omnium, maximè divinorum cultui mancipatorum, frugibus consulamus, quatenus fervorum Dei ibidem vigilantium & orantium precatibus status imperii nostri serie tranquillâ dirigantur, & post hujus temporalis vitæ discessum felicitatis æternæ contubernium nobis non denegetur. Quocirca noverit omnium sanctæ Dei Ecclesiæ fidelium nostrorumque, præsentium scilicet ac futurorum universitas, nobis redeuntibus de Calabria, (quam nostro subdere conati sumus imperio) Hubertum venerabilem sanctæ Parmensis Ecclesiæ Episcopum, & Archicancellarium, nostram adisse Clementiam; quatenus venerabili Abbati Adæ desudanti in nostro servitio, & pro nobis statuque nostri regni oranti, confirmaremus & corroboraremus nostrâ præceptali auctoritate Monasterium suum, dedicatum in honore Sanctæ Trinitatis, in loco qui dicitur Insula Piscaria, & quæ vocatur Casa aurea, ubi Corpus B. Clementis reconditum est. Cujus petitionem gratanter accipientes, confirmamus & corroboramus præfato Abbati Adæ supradictum Monasterium, cum omnibus rebus & proprietatibus suis, videlicet de Castello sancti Helix quod illi legaliter pertinet, & curtem de Querceto, & res quas obtulit Joannes eidem Ecclesiæ, & curtem de Linare, & res de Cerano. Res etiam quas obtulit Magelfredus, & curtem de Selcano, & res quæ fuerunt quondam Mizoni, & curtem de Corneto, & curtem de Saline, & curtem de Lauro, & curtem de Vestiniano, & curtem de Trifelo, & curtem de Sereniano, & curtem de Domo, & curtem de Mitiano, & res à Fulrado dimissas, & cellam de Alifinal S. Clementis cum piscatione de Pantano, & cum ipsâ Foce, & terram ipsius Foce, cum insulâ quæ est inter mare & Pantanum, & res quæ fuerunt quondam Corvini, & curtem de Baniolo & de Viano, & res quæ fuerunt quondam filii Scatoisii, & montem Soti, cum rupibus & sylvis ejus, & res de Blunza, & de Petiliano cum ipso Castello, & res Garibaldi sicut in cartulâ ab eo factâ legitur, cum omnibus adjacentiis & pertinentiis suis, cum capellis, castris, casis, domnicatis, campis, pratis, vineis, sylvis, aquis, aquarumque decurribus, molendinis, piscationibus, pascuis, rupibus, plantiebus, montibus, alpibus, unâ cum servis & ancillis, aldiis, & aldiabus, & utriusque sexûs familiis, præstandariis, cartulatis, libellariis, ut habeat, teneat, firmi-

terque possideat, tam ipse venerabilis Abbas Adam, quamque sui posteri in perpetuum.

Præterea sancimus atque statuimus, ut nullus Episcopus, Dux, seu Marchio, Comes, Vice-comes, Sculdasio, Castaldio, aut aliquis rei publicæ Minister, seu quælibet magna parvaque nostri regni persona, de omnibus quæ ad præfatum Monasterium pertinent, tam rebus quàm familiis eum disvestire, aut inquietare audeat; vel de omnibus supradictis sine licentiâ præfati Abbatis, successorumque ejus se intromittere præsumat; sed omnia judicio & potestati ejus, qui pro tempore fuerit, reserventur atque subdantur. Et si Castella aut Ecclesias, vel aliqua ædificia in eisdem rebus construere voluerit, habeat licentiam ordinandi, augmentandi, commutandi: quemadmodum à nostris antecessoribus, Carolo videlicet, atque Ludovico, per præceptalia scripta eidem Monasterio concessa sunt, omnium hominum contradictione remotâ, &c. *ut in priori præcepto.*

Signum Domni OTTONIS Serenissimi Augusti.

Ambrosius Cancellarius ad vicem Huberti Episcopi & Archicancellarii recognovi & subscripsi.

Datum Calendas Maias, anno Dominicæ Incarnationis DCCC. LXIX. Imperii verò Domni Ottonis Augusti octavo. Actum in Apuliâ in suburbio Bivino in Dei nomine feliciter, Amen.

Cum autem Abbas Adam à Curia cum honore & reverentiâ regrederetur, & à Baronibus terre, & vicinis circumadjacentibus pro metu Imperatoris, & sui fortitudine animi timori haberetur, quod habebat in animo in opere cœpit depromere.

Gualterius quidam in Comitatu Pinnensi, videlicet in Musculo, abstulerat Ecclesiam sancti Rustici cum possessionibus quæ ad illam Ecclesiam pertinebant: victus ab Abbate in præsentia Curie quod injustè pervaserat, justè dimisit & perdidit. Similiter fuit factum de Lupo quodam nobilissimo, qui suâ violentiâ abstulerat præfato Monasterio montem de Paterno, & Planum-Ambrilie, & tenimentum Boloniani; ipse devictus in Curia & confusus, quod injustè tenebat justè dimisit & perdidit.

Laurentius quidam in territorio Maritano cupiens esse particeps iniquitatis eorum, quæ Ecclesiam B. Clementis Summi Pontificis & Martyris deprædabantur, illas possessiones quas Guaribaldus Abbati Romano vendiderat, ex prædictâ Ecclesiâ ex venditione legitimè factâ, & testibus confirmatâ tenebat, nefariâ subreptione abstulit, habuit, & possedit, donec in tempore præfati Abbatis Adæ, qui vigilabat ad profectum Ecclesiæ, ante præsentiam Domni Imperatoris ire coactus, ibique convictus & confusus, reddidit & quietavit quod malè tenebat, & scripto confirmavit quòd amplius nihil quæreret in totâ possessione illâ.

Petrus Aprutinus Episcopus commutaverat cum eodem Abbate possessiones quasdam, quarum possessionum vocabula, & loca in eadem commutationis cartulâ reperiuntur, & tenores & patuationes cambitionis. Cumque idem Petrus Episcopus ipsam possessionem in Aprutino Comitatu nongentorum quinquaginta modiorum in loco, nomine Paco, inter Colata & flumen Trotinum, & flumen de Curte, & rivum de Larcianello, fractâ convenientiâ cambitionis, pervasisset, adductus est in causam, & coram nobilibus viris & potentibus, judicio Curie imperialis quæ pervaserat dimisit & perdidit.

Præteritis insuper annis quando S. Clementis Abbatia ab Agarenis vastata opprimebatur, & possessionibus imminuebatur, Lupo quondam Ildegerii filius, cum ut supradictum est, Monasterium infe-

statet, tunc temporis ad montana conscendit, & circa montis ascensus, qui dicitur Ursa, de Villulis & pertinentiis Beloniani & Tocci, à S. Clemente possessis, & ab ipso Lupone pervasis, oppidum violenter ædificavit. Quod cum vigilantissime custodiret, ac secundum morem vigilantium munitiones & castella ipsemet in ejus constructione vigilans frequenter cantaret, oh hoc vulgus arrisit, dicens: *Cantat Lupo*: ipsique sæpe applaudebat agens: *Canta Lupo*; unde castellum ipsum, *Canta-lupo* nomen accepit.

Erat præterea quidam vir alter, nomine Lupo, filius quondam Guidonis, qui habitum convenientiam cum Domino Adam Piscariensi Abbate, tribuit Monasterio S. Clementis in territorio Teatino, in ipsa planâ de Piscaria, in pertinentiâ de curte de Orfano, possessiones & predia; recepitque inde res Monasterii in Sclano & Soliano, in Petaczo & Zappino, secundum quod chartula exinde scripta perdocet.

Hac igitur occasione & ex illo tempore Lupolinei, qui ab eodem Lupone dicti sunt Lupolinei, quoniam de Luponis lineâ processerunt, subintraverunt possessionem B. Clementis habitam inter tria flumina, Orta videlicet, ac Piscaria, & Lavinum, quæ protenditur usque ad sanctum Martinum de plebe, & usque ad rivum Alegium, infra quam possessionem, videlicet circa rivum Cupum invenerunt petram, in quâ postea munitionem ædificaverunt, quæ dicitur castellum de Petra.

978. Eodem nimirum anno, videlicet Dominicæ Incarnationis nongentesimo septuagesimo octavo, cum solus Otto secundus Italiæ imperaret, quia primus Otto pater ejus Cæsar invictissimus jam ante quinquennium obierat; Lidvinus Teatinus Episcopus imitans alios, qui Ecclesiam Sanctæ Trinitatis & B. Clementis possessionibus spoliare, & ad nihilum reducere, si possent, nitebantur, abstulerat possessionem centum modiorum ultra pontem Marmoreum, à flumine Piscaria usque ad rivum Arulli: quam possessionem, quam injustè possidebat, devictus & confusus dimisit & perdidit judicio Curie.

Matrona quædam nobilissima, nomine Ota, duos infantulos ex se genitos ad mortem ægrotantes Scifredum & Trefidum habens, illis diebus incolumes redderentur S. Clementi devovit. Qui profectò in ipsâ votatione, quibusdam prædiis suis in vico Pinnenli Monasterio per cartulam traditionis largitis, à funerea ægitudine convalescerunt; deinde probitibus & divitiis vigentes in hoc sæculo nobiliter clauerunt.

Trefidius quidam in Comitatu Aprutino terram centum modiorum, in loco ubi dicitur Colle-Corbinio, inermi justitiâ fraude suâ B. Clementis & habitatoribus ejusdem Cænobii abstulerat: convictus turpiter, quamvis non erubescens, dimisit, & ne in eâ ulterius calumniam faceret pro se & pro suis heredibus sacramento & scripto confirmavit.

980. Anno itaque ab Incarnatione Domini nongentesimo octogesimo, Domino Ottone secundo feliciter imperante anno quarto-decimo, mense Martio, Indictione octava, quædam mulier, nomine Ursa, religionis habitu suscepto, & monialis effecta, obtulit pro animâ suâ per cartulam traditionis tertiam partem de omnibus rebus & possessionibus suis, quas in vocabulo de Raianello, & Pantano, atque Teczanico habebat.

His namque temporibus Abbas Adam ædificavit Roccam in summitate montis Soti, quam *Roccam Abbaris* jussit appellari: in quâ munitione, si necessitas ingrueret, decreverat thesauros Ecclesiæ, & quæque pretiosa locari. Fecit & aliud castellum quod olivulam appellavit, in quibus duas villulas posuit,

Pantanum scilicet & Raianellum. Castrum verò Collis jam antea erat ad jurisdictionem Monasterii Piscariensis ædificatum ab Attone Comite, & ab Aldegude Comitissa uxore suâ, Domino Aimerico quondam Abbate sibi concedente, atque jubente quando ipsam curtem, ut supra scriptum est, eis concessit. Interea cum ex diminutione quam Piscariensis Abbatia perpeffa est à tempore quo barbara gens eam divastavit, Joannes Pinnenlis Episcopus quædam adhuc de prædiis Monasterii B. Clementis in vico Pinnenli & Beckorrita, seu Colummelle, pervasa teneret, & Dominus Adam Abbas ab omni possessione juris Abbatie funditus illum conaretur evellere, & maximè quia tunc temporis pro construendis supradictis castellis ipsæ possessiones erant necessariae, factâ ambitione, redditisque sibi quibusdam possessionibus in Pinne loco qui dicitur Casale, prædicta prædia ad opus Monasterii recepit, & sic Episcopum ex Abbatie finibus amovit.

Hoc etiam tempore, anno scilicet Dominicæ Incarnationis nongentesimo octogesimo primo; dum his quæ supradiximus construendis Abbas Adam esset intentus, & Dominus Otto secundus Imperator Romam adveniret, ut ibi sicut moris est coronaretur, Abbas Adam, qui non dormiens, sed benè vigilans debet appellari, ei occurrit, & privilegium ab eo impetravit, in quo quæcumque pater ejus dederat, & concesserat, confirmavit. Quæ verò præceptalis pagina ad instar priorum Regalium præceptorum descripta sic est:

*Privilegium Ottonis Imperatoris de possessionibus & libertate Monasterii Piscariensis.*

**I**N nomine Sanctæ & Individuæ Trinitatis, OTTO superno disponente ordine Imperator Augustus. Cunctis sapientibus liquet, &c. *ut in præfatis Privilegiis.*

Igitur superno afflati instinctu, interventuque nostri dilectissimi fidelis, Petri scilicet Papiensis Præsulis, inflexi, prælibati Abbatis precibus annuimus, cunctasque res inibi hætenus quolibet tenore collatas, quæ etiam sitæ infra Romuleam urbem, extraque esse videntur, &c. *ut supra.*

Quod ut verius credatur, diligentiusque ab omnibus observetur, manu propriâ roborantes, præsentem paginam nostro sigillo jussimus insigniri.

Signum Domni OTTONIS secundi Sereñissimi Imperatoris, & invictissimi Augusti.

Joannes Cancellarius ad vicem Petri Episcopi & Archicancellarii recognovi, & subscripsi.

Data decimo quarto Calendas Maii, anno Dominicæ Incarnat. DCCCC. LXXXI. Indictione nonâ. Regni verò Domini Ottonis secundi vicesimo primo. Imperii autem ejus decimo quarto. Actum Romæ in Palatio juxta Ecclesiam B. Petri Apostoli, in Dei nomine, Amen.

Eodem post hæc anno Dominus OTTO Imperator ex Romuleâ egressus urbe, & ædificatâ sibi regali domo in campo qui vocatur de Cedici, toto ipso æstivo tempore ibi perendinans mansit. Igitur eodem ibidem augustaliter permanente, Dominus Adam Abbas in Curia, quæ in ipso campo ab Episcopis, Comitibus & ferè totius regni Principibus, atque ipsarum Provinciarum iudicibus solemniter est celebrata, à Scamberto Piscariensis Monasterii Præposito imperialibus perlectis privilegiis, recuperavit super adversarios & pervasores rerum sanctæ Piscariensis Ecclesiæ, & iudicio ipsius imperialis Curie reinvestitus fuit de universis rebus & possessionibus, quas à principio sui Piscariensis Abbatia tenuerat, atque possederat, in Comitatu Amiternino & Furconino, & in Comitatu Marficano atque Valvensi.

- Et

Et positum inde fuit imperiale bandum, sicut in ipsius notitiæ scripto reperitur & legitur.

Postquam autem regressus est Abbas Adam ad Monasterium, studebat omni sollicitudine recuperare omnia ferè quæ temporibus antecessorum suorum perditæ, vel venditæ, vel in vadimonio posita fuerant. Nam super quibusdam viris Lupo & Deodato, & super quibusdam Joanne & Amico germanis, quoddam tenementum, Gemmerutum vocitatum, per sententiam Curie recuperavit; quod tenementum Castro Castellionis addixit. Construxit enim in ipso tempore ipsum Castellum ubi solebant esse haræ porcorum, & stabula jumentorum, in quo posuit vicum, qui Pinnenis appellabatur, & Gemmetum, & duas villas quæ ambæ Cevaranum dicebantur, cui nomen indidit, & ipsum vocari instituit Castellionum, eo quod ibi antea in castris suis solebant sedere pastores ovium. Fecit & Bitturritum ex nomine dictum Villulæ, quæ antea sic vocabatur, cui Bitturrito Blunfam junxit cum Petaciano, Perule & medietate Opaculi.

Scifredus & Trefidius supradicti fratres, quos beati Clementis virtute supra diximus à mortali ægritudine liberatos, circa suam Ecclesiam semper fuerunt devoti. Quorum unus, Scifredus scilicet, ab Adam Abbate conventus & exoratus, possessiones ab antecessoribus ipsius Scifredi occupatas, & quas Abbatia sancti Clementis amiserat à tempore quo fuit imminuta ex desolatione barbaricæ gentis, venditionis actione reddidit & quietavit. Est autem hæc possessio in Frelle, Mosellule, Tocco, Bolemano, Casule & in Cori, pro quâ suscepit predictus Scifredus ducentos solidos. Ex istarum quidem villarum pertinentiis castellum nomine Mosellule fuit ex illo tempore à perversioribus violenter ædificatum atque retentum. In hujus verò Mosellule tenemento est Ecclesia in honore & vocabulo S. Andreæ Apostoli ædificata, & à priscis temporibus in obedientiam Monasterii beati Clementis addita.

Confutavit etiam idem Abbas Adam quemdam potentissimum, Bezonem nomine, de possessione mille modiorum terre in Caramanaco & Piccerico, quæ ei ad censum data fuerat, & cum censum reddere, & ea quæ pollicitus erat Ecclesiæ observare nollet, & terram in dominio contra jus & fas ipso tempore teneret, tandem devictus judicio quod injustè tenebat dimisit, & ne ultra repeteret confirmavit scripto. Igitur in ipso tempore cum istas possessiones possideret Bezo non proprio sed beati Clementis titulo, ædificavit ex eis Castellula duo in valle de Caramanico, unum videlicet ultra fluvium Orta & Orfente, quod vocavit Picericum, eo quod picæ ibi concinebant, quod quasi propter picarum concinium dictum est Picericum. Alterum verò citrà Orta fluvium ædificavit, cui nomen impositum fuit Salle, quia in ipso saltu montis, & infra saltum lignorum est positum.

983. Per idem tempus anno videlicet ab Incarnatione Domini nongentesimo octogesimo tertio, Indictione undecimâ, cum Dominus Otto secundus Imperator in Apuliam profectus, & Ottone filio suo in Regem coronato, apud Varim civitatem maneret, Joannes Pinnenis Episcopus, qui jam bis victus fuerat in Curia Imperatoris Adelberti tempore Hilderici Abbatis, quasdam villas, videlicet Ranile, Mampopplo, Accole, Turri, Superclo, Fullonice, & Arcellano invaserat, ibique à Domino Adam Abbate superatus atque devictus cum rubore dimisit, & tam sibi quàm successoribus suis perdidit.

Sanè Trefidius Comes, cui frater erat supradictus Scifredus, cum magnæ devotionis esset circa

Tom. II.

beatum Clementem liberatorem suum, eo tempore quia potens erat in illâ regione, Domino Adam Abbate volente, quoddam ex aliquibus istarum villarum possessionibus Castellum ædificavit; quod cum filiis supradicti Luponis, & aliis consortibus suis & consanguineis displiceret, & ipse non desisteret, conviciabantur ei dicentes: Hoc est Castrum Abbatis ejus: quod verbum ipse Comes magnanimitè concepit, & quia dicebant castrum Abbatis ejus, imposuit ei nomen Abbateium, quasi Abbatis ejus.

Postquam autem excellentissimus Abbas Adam de Apuliâ regressus est ad Monasterium, & omnia in eodem statu tranquilla possideret: in loco qui dicitur Petraniqua construxit castellum de Petelliano, monte Falcone, valle Lupâ, & alterâ medietate Opaculi. Corvariam quoque construxit, in quo Casule Lectum & Niranum posuit. Et dum his quæ supra diximus construendis Abbas Adam esset intentus, Deus volens remunerationem reddere pro labore in quo ad profectum Ecclesiæ annis viginti & uno detulderat; percussus corporis infirmitate cum sentiret suæ mortis sibi diem approximare, sumit viaticum, & habens cum Fratribus colloquium, commendavit illis obitum suum; & ita lætus & securus de se perrexit ad Dominum. Quo tumultato Fratres quemdam ex suis, JOANNEM nomine, ipsius Monasterii Decanum, elegerunt, & secundum consuetudinem Ecclesiæ in sede posuerunt; & ut imitator boni Pastoris sui, videlicet prædecessoris, esset, & dictis & factis sapius commonuerunt. Qui Joannes cum esset Abbas effectus, cepit facere præstarias de rebus & possessionibus Monasterii, sicut reperitur & legitur in chartulis dierum Abbatibus sui. Quæ chartulæ incipiunt ab anno Dominicæ Incarnationis nongentesimo octogesimo septimo. Quo videlicet anno venerandæ memoriæ Adam Abbas est defunctus, & ipse Joannes Abbas fuit electus.

Quidam supra scriptus Comes fuit, qui Atto vocabatur, qui veniens ad prædictum Joannem Abbatem accepit ab eo in Comitatu Aprutino duas curtes, Urcionam scilicet atque Belerim cum appendiciis suis, videlicet cum septingentis modis terræ. In Pinnenis etiam territorio idem Comes accepit ab eodem Abbate terram quingentorum modiorum inter flumen Piscariæ & flumen Tabæ, in locis qui dicuntur Saline, Coronule, Soractecu, Batuniano. Et in Teatino territorio inter flumen Sangum & flumen Piscariæ accepit ab eo mille modios terræ, in locis qui Ajano, Paterno, Corule, Ripa-corvaria, & sanctus Calixtus appellantur. Et hæc omnia, quæ supra notavimus, prædictus Comes mille solidis accepit tali tenore, ut possideret ipsam terram dum adviveret cum uxore suâ nomine Aldegude, & ipsis defunctis nepos ejus Comes Transmundus possideret easdem, & haberet ab Abbate sancti Clementis usque ad tertiam generationem, & per singulos annos quinque solidos daret Ecclesiæ ob recordationem.

Talem successorem sanctæ recordationis Abbas Adam habuit, qui per novem annos Monasterio præfuit. Deinde condignâ morte Deus illum ex hac vitâ migrare coëgit. Cui successit GISEBERTUS nomine, qui sicut in sequentibus scriptis reperitur, non suâ sponte accepit Abbatiam, sed parentes ejus cum præfato Comite Transmundo ordinarunt eum Abbatem. Qui non invenitur in chartulis dierum suorum fecisse nisi præstarias & cambitiones, quæ incipiunt ab anno Dominicæ Incarnationis nongentesimo nonagesimo septimo, quando concessit quibusdam Alberico & Prandoni de rebus in Corni, acceptis inde solidis quindecim.

DDDDd

IX. Abbas Joannes.

987.

X. Abbas Gislebertus.

997.

XI. Abbas  
Grimoaldus.

Tunc temporis quidam Adam tradidit pro animâ suâ quamdam terram modiorum septem in vico Pinnenli, ad opus Monasterii sancti Clementis. Interea infra tempus Gisleberti quidam GRIMOALDUS Abbas reperitur, qui cuidam Aifredo concessit de rebus in Cerbarano, acceptis inde solidis quinque. Hinc amplius iste Abbas Grimoaldus non invenitur, tamen post Gislebertum scribitur, & nomen ejusdem Grimoaldi post nomen Gisleberti ponitur, & post eum locum habet in catalogo. Porro in Monasterii regimine vel actibus rursus Gislebertus Abbas habetur.

1000.

Igitur Incarnationis Domini nostri JESU-CHRISTI anno millesimo, cum Otto Imperator puer præterito anno Beneventum venisset, obiit Sutri; & hoc anno Domini millesimo, ipso defuncto Henricus Patru sui filius in Regem est coronatus. Gislebertus interea Piscariensis Abbas faciebat præstarias & cambitiones.

In tempore verò hujus Gisleberti posuit Deus in corde cujusdam nobilissimi hominis, Trasberti nomine, ut carens herede Christum suarum rerum faceret heredem. Iste castellum Colleodonis, & medietatem castelli Ripalte, & octavam partem Fabricæ cum omnibus quæ ad hæc videbantur pertinere, dedit possidenda hereditario jure Ecclesiæ sancti Clementis, & ejus habitatoribus.

Fecit cambitionem cum nobili & potenti viro Pinnenli, Bernardo nomine, Liudini filio. Dedit nempe castrum Beçtorritæ cum molendinis, & omnibus appendiciis suis, & cum aliis possessionibus Castellionis, & Olivulæ, per loca & vocabula in chartâ descripta; & recepit in Pinne per loca & vocabula circa littora maris Adriatici prædia & possessiones, terrarum, modiorum mille centum sex, sicut ejusdem cambitionis cartula proteitatur. Porro cambitionem istam opinati sunt quidam inutilem fuisse Monasterio cum pro rebus & possessionibus de longinquo tribuerentur possessiones & res Monasterio propiores, & maxime quia fiebat interruptio de possessionibus in circuitu Monasterii continuatim acquisitis ex mandato & pecunia felicissimi Ludovici, & ex acquisitione Domini Romani primi Abbatis, sine interpolatione continuatis. Nam ex ipso tempore Remigius quidam de capite Piscariæ, & Sanso frater ejus ambo militaris insignes potentia, totumque genus Sansonicorum subintraverunt, & pervaserunt castella & terras Ecclesiæ quæ edificaverat prudentissimus Abbas Adam cum multis expensis, ut essent profugium, decus, & tutamen Piscariensis Abbatis; & hoc malum totum deputabatur ignavia pigri Pastoris & insipientiæ. Verum ab Abbatibus ei succedentibus factum istud non fuit ratum, imò continuò in irritum revocatum: & eo moriente conantibus vicinis Baronibus & Ecclesiæ fidelibus, ad nihilum penitus fuit reductum. Iste est famosus ille Bernardus de Pinne, qui postquam in ipso Comitatu Monasterium S. Mariæ de Piczano, & Monasterium S. Bartholomæi de Carpeneto construxit, in hoc Casauriensi Monasterio Monachus factus, senectutis & vitæ suæ dies moriens explevit.

Item Gislebertus Abbas fecit cambitionem aliam cum Senebaldo & fratribus suis, filii Luponis, & per scriptum præstariæ concessit eis omnem terram, & omnem possessionem juris B. Clementis, à plebe S. Martini usque in flumen Piscariæ, & à fluvio qui dicitur Orta, usque in fluvium nomine Lavinum; & concessit eis Pium, ut castellum ibidem construerent, cum Bosco de Zappino, & cum terris quingentum modiorum; accepitque per cambitionem ab eis ejusdem quantitatis terras in pago Pinnenli inter fluvium qui dicitur Nora, & fluvium qui vo-

catur Tabe, & in planitie Piscariæ ubi Orfanum vocatur, & per alia loca & vocabula, sicut in chartis inde conscriptis reperitur & legitur. Senebaldus verò, & Scifredus, & Wido filii Luponis, construxerunt castellum in eadem propriâ terrâ B. Clementis, & aggregaverunt in eo villas plures assensu & voluntate Abbatis. Sanctus Valentinus nomen est castelli; pro eo videlicet, quia, sicut fertur, in supradicto vocabulo de Zappino fuit olim civitatula quædam in quâ cum duo fratres Valentinus & Damianus pro Christi nomine fuissent martyrizati, & post ipsius civitatulæ destructionem inventi, & deportati; necnon Ecclesia in eorum honore seu vocabulo in ipsius oppidi loco ædificata, ideo castelli nomen est Sanctus Valentinus. Construxerunt etiam aliud castellum circa fluvium Lavinum, ejus nomen propter ejus Ecclesiæ inibi dedicatam est Sanctus Vitus.

Tredecim annis Ecclesiæ præfuit, & hac vita caruit. Cui JOANNES in regimine successit, de quo non inveniuntur aliqua memoria commendanda nisi quod fecit duas præstarias, cuidam scilicet Alberico & lociis ejus de rebus in Corni; quibusdam Alberico Diacono, & Fronconi fratribus, de rebus in Insulâ, acceptis inde solidis triginta quinque. Uno tantum anno Abbatiam scribitur tenuisse, & in infirmitate correptus carnis debitum solvit. Istis nempe temporibus à Theobaldo & Winisio, filiis quondam Dodonis infra terram & terminos possessionis juris B. Clementis ædificata fuerunt duo castella, Paternum videlicet & Lucus.

Defuncto itaque Gisleberto successit PONZIUS, ejus negotia & sui temporis instrumenta, incipiunt ab anno Dominicæ Incarnationis millesimo duodecimo. Tunc fecit commutationem cum quibusdam Petro & Faido, datis eis de rebus in Petaczano, & receptis ab eis de rebus in vocabulo de Sancto-Angelo. Concessit quidam Petro & sociis ejus de rebus in Opaculo & Corni.

Incarnationis ergo Domini anno millesimo decimo tertio Henricus Rex venit Romam, & coronatus est à Papa Benedicto. Interea Ponzius Abbas cum Trefidio Comite potentissimo viro, quem superiori inseruimus paginæ, de Castello quodam, quod habebat Ecclesia in pago Teateni, Perannum vocatum, fecit cambitionem, & cum monte de Perano, & cum omni re juris Monasterii de ipsâ planitie de Sangro; & accepit Belonianum, quod erat in villis vicinis Ecclesiæ in propriâ Monasterii possessione, sed à tempore Luponis supradicti filii Ludegerii, erat à Monasterii dominatione quasi violenter extortum: recepitque inde Abbas super hoc in Comitatu Pinnenli prædium unum modiorum centum, in loco qui dicitur Asinari, vocabulo Pallaricia. Porro post ipse Comes Trefidius ipsum Belonianum accepit à Monasterio, Abbate Ponzio sibi tradente, in beneficii præstariæ scripto usque in tertiam generationem, sub censu duorum solidorum singulis annis; acceptis inde Abbas solidis trecentis. Eo tempore per Trefidium Comitem translatus est Belonianus, & cum eo aliis villis juris B. Clementis aggregatis, positum est in loco quo nunc est super ripam fluminis Orta, & murorum & turris ædificio in oppidum fortitudinis communitum, permanente sibi antiquo nomine Beloniano, eo quod de Bononia, sicut aiunt, fuit primus ipsius telluris cultor & habitator.

Hoc nimirum tempore anno siquidem ab Incarnatione Domini millesimo sexto decimo Normanni Melio Duce cœperunt expugnare Apuliam. Quo videlicet anno Ponzius Abbas habuit convenientiam cum Comite Trasmundo, porrexitque sibi per cambitionem in Pinnenli territorio de rebus Monasterii in loco nomine Bianco & Vallone, & in vocabulo col-

XII. Abbas  
Joannes.XIII. Abbas  
Ponzius.  
1012.

1013.

1016.



lis Oddonis, & in planitie Piscariensi, & in loco nomine Alinari, vocabulo Pallaricia; accepitque Abbas inde per commutationem ab eodem Comite in Pago Teateni, in loco qui dicitur Torrecella, & Colle-alto, terram secundum quantitatem suæ donationis, id est trecentorum modiorum, sicut ejusdem cambicionis chartula manifestat. Iste Comes Trasmundus construxit Monasterium S. Joannis in Veneri, & de suis rebus & possessionibus opulenter ditavit. Qui Comes Trasmundus junior successit majori Comiti Trasmundo in possessionibus opulentissimis, quas à superscripto Joanne Piscariensi Abbate in Aprutio, Pinne seu Teate acceperat, terram videlicet modiorum duo millium quadringentorum. Ipsarum nempe possessionum quædam ab ipso S. Joannis Monasterio, quædam ab aliis Monasteriis possidentur; quædam verò à Normannis invasæ; ab illo tempore Monasterium S. Clementis occasione supradictæ concessionis eis penitus caruit.

Erat præterea eo tempore Girardus quidam quondam Rocconis filius, qui tunc castrum Poperim vocitatum tenens, solebat cum filiis suis frequenter in montem de Ursâ venatum ascendere, & de ipso monte cum suis venationibus in Teatinum pagum descendere, ubicirca ipsius montis ima erant villæ Monasterii B. Clementis; & in eisdem villis sæpius pernoctare. Qui Gerardus Abbatem Ponzius adiens convenit & alloquutus est eum, & datis ei trecentis solidis accepit ab eodem Abbate præstariæ scripto usque in tertiam generationem, sub censu duodecim denariorum singulis annis, villam de Tocco cum possessione modiorum ducentorum sexaginta per loca & vocabula, quomodo in ejusdem concessionis chartulâ reperitur & legitur. Ab hoc siquidem Girardo processerunt Albericus, & filii Alberici, qui post mortem Girardi contrâ Monasterium S. Clementis se erexerunt, & violenter villis de circuitu aggregatis castrum Tocci violenter ædificaverunt. Deinde pharum, qui dicitur Inter-montes, contruxerunt. Ipsique à constructione seu dominatione Tocci, dicti sunt Tocculani.

Domna Ota nobilis matrona, quondam Andreae filia, pro animâ suâ, & duorum quondam virorum suorum, Joannis atque Totonis, tradidit ad proprietatem Monasterii S. Clementis prædiolum suum quod habebat in Cerbarano.

[ Hic autem ] Ponzius Abbas cum septem annis Piscariense Monasterium rexisset, obiit. Huic successit ADAM, superioris Adæ, si diutius viveret, bonus imitator; qui contrâ Albericum superscripti Girardi Rocconis filium, & filios ipsius Alberici, qui volebant ædificare castellum Toccum, quod in propriâ possessione beati Clementis, & in emptione quam fecerat Romanus Abbas jussione, & censu Ludovici Imperatoris, se erexit, & forti manu tam perditum quàm equitum eum expulit, quod ædificaverat subvertit, igne cremavit, & ad memoriam posterorum cineres concremati castelli jubens in corbellis ponere, in agrum qui Corbellarius ab eisdem corbellis dicitur, eos spargi præcepit. Cum ergo secundus Adam Abbas Piscariensi Monasterio præfesset (cujus nimirum temporis actus, & instrumentorum principium fit in anno Incarnationis Domini millesimo nono-decimo) duo fratres Deo-datus & Bonizo pro animâ Rocconis genitoris eorum traderunt in Monasterii proprietatem prædiolum, quod habebant in vocabulo Petaczano.

Temporibus hujus Adæ venit Henricus Imperator in Italiam, & quidquid de oppressionibus Monasterii Piscariensis per Monachos ejusdem loci scire potuit, augustaliter emendavit.

Tribus annis tantum Adam Abbas vixit ex quo

Tom. I.

regimen suscepit, & mortuus est. Cujus in loco successit PETRUS: qui cuidam Berardo Presbytero, & aliis viris ejus locis, concessit scripto præstariæ de rebus Monasterii in Moscufo, vocabulo de sancto Rustico, terras & vineas, acceptis inde solidis decem & octo. Eodem anno mortuus existit quo fuerat Abbas institutus.

Deinde Fratres ejusdem Ecclesiæ elegerunt STEPHANUM, qui cœpit abbatari anno Dominicæ Incarnationis millesimo vicesimo tertio. Tunc enim quidam Adam, filius quondam Roccæ tradidit pro animâ suâ S. Clementi medietatem omnium rerum suarum, quas habebat per loca & vocabula, Petaczano, Vadulato, Stabuli, Vico, & Raianello, sicut in chartulâ continetur.

Fecit etiam Stephanus Abbas tempore suo præstarias, videlicet cuidam Joanni concessit de rebus in Breliano, acceptis inde solidis triginta.

Decem homines erant in villâ quæ vocatur Inter-aquas, posita in Valvensi Comitatu, quæ villa erat juris Monasterii S. Clementis à priscis temporibus. Qui homines, videlicet Suppo & Sabinus, & reliqui quorum nomina chartula tradit, pervaserant possessiones S. Clementis habitas in valle Meserâ suprà ipsam villam. Unde cum easdem possessiones tenerent, & inde nolent Ecclesiæ servire, Stephanus Abbas cœgit illos in causam venire, ac infrâ civitatem Sulmonem, ubi Beraldus Comes Valvensis, & Berardus frater ejus, cum multis aliis nobilibus viris, atque provinciarum iudicibus in placito pro iustitiâ faciendâ præsidebant, confutavit atque devicit; & faciens illos confessos in ipsis Ecclesiæ rebus nihil juris habere, à possessionibus habitatione proiecit, & terram ipsam in jurisdictionem Ecclesiæ convertit.

Stephanus autem Abbas cum uno tantum anno esset in regimine, in secundo accepit moriens temporalis finem vitæ. Cui successit PAPARUS, cujus actus nesciuntur, quia neque chartulis, neque opinione reperitur quid fecerit, vel quantum vixerit; verum nomen ejus post Abbatem Stephanum in catalogo ponitur, & in fine libri primi nomine tenus tantum describitur.

Jam verò Piscariensium Abbatum successio ad Domnum Guidonem pervenit, ipsique contradit Monasterii pondus. De quo quia plura sumus loquuturi, aliquantulum pausare debemus, & dare festâ membra quieti, ut ad loquendum de tanto viro paratiores possimus inveniri.

Explicit Liber primus.

## INCIPIIT LIBER SECUNDUS.

REFOCILLATI aliquantulum à longo labore, excutiamus torpida membra nostra gravi sopore, & arrepto stylo de sancto viro GUIDONE, sicut promissimus, incipiamus tractare. Veruntamen aliquantulum superius habeamus sermonis initium, ut decentius perveniamus ad eum locum, ubi fuit electus, & accepit curam Ecclesiæ atque ducatum. Incuriâ quorundam Abbatum & irreligiositate Fratrum ad tantam miseriam devenerat S. Clementis Piscariense Monasterium, ut pauci numero vix possent invenire qui eis præfesse vellet; ita erant oppressi, & nomen Abbatæ penè perdiderat eorum Cœnobium. Quid facerent? Hostes erant in capite à quibus circumvallabantur undique, nec eis erat facultas si possent aut velient insulam egredi, quia pontem subvertebant, & in locis opportunis insidias posuerant illi, qui castella Ecclesiæ pervasâ tenebant, ipsorum & Dei

DDDD d d ij

XV. Abbas.  
Petrus.

XVI. Abbas.  
Stephanus.

XVII. Abbas.  
Paparus.

XVIII. Abb.  
S. Guido.

XIV. Abbas  
Adam II.

1019.

manifesti inimici. Ignorabat enim eos Curia Imperatoris, quia jam plures anni transierant ex quo non fuerat frequentata à quolibet Abbate, vel nunciis illius Abbatie. Unde factum est, ut pervasores eorum securi tenerent quod Ecclesia diu possiderat ex dono sanctæ recordationis Ludovici, & emptione Abbatibus Romani, & nimis expensis Adæ venerabilis & auctoris illius Cœnobii. Tandem inito consilio elegerunt de Fratribus quosdam, qui per medios hostes irrumperent, & ad Curiam Domini Imperatoris Henrici, qui successerat Ottoni tertio, tendentes, lacrimabili voce & singultuosâ ei miseriam Ecclesiæ panderent; & perversionem inimicorum, nuditatem Fratrum, dolorem Conventus ex Abbatibus absentia demonstrarent. Qui egressi portaverunt litteras, quæ adhuc in Ecclesia ipsa habentur, & coram præfato Imperatore legerunt; & non solum eum, verum etiam omnes audientes & adstantes ibi ad lacrymas uique ex relatione & miseria Fratrum perduxerunt. Quarum litterarum exemplar talis est.

**S**erenissimo, atque Illustrissimo, necnon à Deo coronato, à nobis summâ cum veneratione nominando, Domno HENRICO gloriosissimo Romanorum Imperatori Augusto, atque Domnæ AGNETI luculentissimæ, sagacissimæque Reginæ, unâ cum eorum sobole; sanctæ Trinitatis Cœnobii Fraternitas tenuis, quidquid servi Domino. Quamvis S. Clementis Piscariense Monasterium ad multam miseriam devenit, tamen hos mittit apices lugubres: Væ, væ miseræ ac miserabiliter repudiata Auræ Insulæ, quæ antea benè aurea, nunc verò omni amaritudine oppressa, & penè jam desolata suis ex delictis, culpaque cujusdam Regentis. Fuit denique ante hos annos quidam Gislebertus nomine, monachico habitu coloratus, sed non opere, cum uno oculo lusco, sed mente omnino cæcatus; tamen non suâ sponte accepit Abbatiam, sed parentes ejus cum Comite Transmundo ordinaverunt eum Abbatem; & propter quod extrâ voluntatem ejus ordinatus est, cambiavit, & dissipavit totam Abbatiam, in tantum, ut penè nil remaneret de prædiis Monasterii; verum etiam pontem qui multum necessarius est ibi, eo quod terribilis sit aqua ad transmeandum, ab illâ hora numquam firmiter potuit habere prædictum Monasterium, sed quasi in carcere quotidie stamus, & cum grandi miseria pertransimus aquam, & multi moriuntur ibi propter periculum vadationis. Hoc malum sanctissimus Henricus optimè emendasset, si non fuisset unus malus Monachus, qui non permittit reclamari prædicto Seniori; tamen quod scivit, honestè emendavit. Ad istum namque mœoris cumulum alius accedit, quia quæ restauravit prædictus Imperator de prædiis Cœnobii, à nostris vicinis plura invasa sunt. Nomina illorum dicuntur, Sanso cum filiis suis tulit castra de prædicto Monasterio, Castellonum, Bectorritam, Roccam Soti, Petazcianum: filii Alberici curtem de Tocco, & ipsam Insulam de præfato Cœnobio, & ipsa molina, quæ ibidem stare videntur juxta portam Monasterii; & contendunt nobis ligna de montibus quos Ludovicus Rex eidem Monasterio delegavit; & alias multas oppressiones nobis faciunt. Alios de Monachis cæderunt, atque alios exspoliaverunt. Filii quondam Luponis tenent curtem unam quæ nominatur Zappini, modiorum mille. Adam filius Joannes tulit de ipso Monasterio terram sexaginta modiorum, quam Adam medicus per chartulam delegavit. Transmunda filius Bernardi curtem de Ocretano, cum ipsâ Ecclesiâ sanctæ Justæ; & in Ceranâ, & in Moscufo. Sed quid multa? si omnia voluissèm scribere, antea dies deficeret quam possem comprehendere

quantæ miseriæ circumdati sumus. Quapropter, ô Cæsar invictissime, unâ cum Domnâ nostrâ, & vestris pollentibus filiis, per Christum Dominum flebilis precatur turmula Auræ-Insulæ, ut opem feratis perditæ; ne si neglexeritis, imperio animæque vestræ periclitemini. Periculosum est enim tempore, si omnino deficiat sub vestro locus jam dictus, in honore Sanctæ & Individuæ Trinitatis, beatique Clementis Martyris constructus à Domno Ludovico piissimo Imperatore. Nunc ergo zelo Dei accensi, attendite quanto grex vester invalidus distractionis pondere sit pressus, qui refrigerium petit à Christo, & à vobis, qui secundum Deum regitis sæculum. Ipse vos ubique custodiat, quem Angelicus chorus semper adorat.

Domnus autem Imperator tunc temporis circa loca Farfensis Ecclesiæ morabatur cum grandi exercitu quo erat Appulos & Trojanos expulsurus, qui faventes quibusdam Normannis qui eos deceperant, & sibi subjugaverant, non virtute, sed vicio illius gentis, rebellari nitebantur Romanis. Hic ut audivit quia Fratres carebant Abbate, & idcirco ad nihilum deducebantur & devastabantur possessiones Ecclesiæ, habuit consilium cum Baronibus suis, & accersito Abbate Farfensi, requisivit si esset in Monasterio illo aliquis Monachus amator religionis, custos monastici propositi, eruditus literis, & nobilitate præclarus. Et cum audiret famam Widonis celebrem non solum inter Monachos, verum etiam à popularibus & forensibus prædicari, petiit eum ut sibi daretur, & Ecclesiæ Piscariensi, quæ viduata Pastore erat, Pastor eligeretur. Qui cum se indignum & minus idoneum, ut moris Sanctorum virorum est, proclamaret, & ut quietam vitam eum ducere sinerent, profusus pedibus Abbatibus cum lacrymis oraret, traditus Fratribus ad utilitatem præfati Monasterii eligitur, & Abbas S. Clementis Piscariensis licet invitus instituitur. In quo officio quantum ipse pro Ecclesiâ sibi commissâ laboravit, quantâ abtinentiâ corpus perdomuit, quàm modestus in exhortando, severus in corrigendo fuit, Liber qui de ejus vitâ scriptus habetur in Monasterio, verâ assertionem, quamvis humili stylo, manifestare non desinit.

Traditus itaque Fratribus, & cum grandi honore & jussu Imperatoris ad Monasterium usque perductus, cum videret ruinam parietum, fracturas domorum, pane & vino penum vacuum, nudos Fratres, destructum Monasterium, paucis diebus ibi commorans, sumptis privilegiis & chartis revertebatur ad Imperatorem; sed antequam venit ad eum, audivit de morte ejus. Antea verò quàm proficisceretur, cum esset in Monasterio novus Abbas, in anno videlicet ab Incarnatione Domini nostri JESU-CHRISTI millesimo vigesimo quinto, quædam possessiones datæ fuerunt Piscariensi Monasterio, quæ scriptæ sunt ad notitiam posterorum, & in chartulis habentur. Nam in territorio Teatino dederunt quidam pro redemptione animarum suarum per manus Domni Widonis Abbatibus de rebus proprietatis suæ: videlicet quidam Lupus quasdam res in Beloniano; & quidam Giso Presbyter, & Lupus filius quondam Deodati, quasdam res suas in Tocco, per loca & vocabula, videlicet Plaia-perronis & Spinetta. In sequenti verò anno Dominicæ Incarnationis millesimo vigesimo sexto, quidam vir, nomine Adam, per chartulam tradidit atque disposuit pro animâ suâ Sanctæ Trinitati & B. Clementi Ecclesiam, quæ dicitur sanctæ Mariæ de Loro, cum omnibus rebus suis & possessionibus, quemadmodum in eadem chartulâ legitur: quod caltrum videlicet Lorum est in ipso Teatino Comitatu.

1015.

1016.

Recuperavit etiam legali iudicio Dominus Wido Abbas super quemdam potentem virum, qui vocabatur Albizo, quasdam possessiones in loco nomine Superone, pertinentiâ de Alanne, & in pertinentiâ de Tocco terram quinquaginta modiorum reacquisivit, per ipsam judicalem sententiam; quæ possessio est in planitie juxta Piscariam, in loco ubi dicitur Undula.

Dedit etiam Siolphus quidam possessionem quamdam in loco, nomine Vico, qui Vicus à principio foundationis Monasterii Piscariensis fuit de jure B. Clementis, sed postea translatus fuit in castro nomine Castellione, quondam ab Adam Abbate ad jus & proprietatem S. Clementis ædificato, sicut in superioribus scriptis habetur. Nam eo tempore tenebant ipsum castellum Sanfo & Gualterius, filii Rainaldi, & alia castella, videlicet Roccam de Soti, Beccorritam, & cætera quæ ab ipso Abbate Adam temporibus augustæ recordationis Domni Ottonis gloriosissimi Imperatoris, ad profectum Monasterii S. Clementis fuerant ædificata. Sed cum ex negligentia & culpâ quorundam Abbatum Piscariensis Abbatia foret imminuta, & potentia ejus attenuata, tota terra à supradictis Baronibus fuit pervasa, qui tenebant ipsas possessiones, quæ cum ex antiquo jure fuissent B. Clementis, postea ab ipsis usurpatæ abusivè fuerunt appellatæ Sansonicæ, ex nomine ipsius Sansonis.

1027.

Millesimo vigesimo septimo Sifredus & Rainerius quidam homines auxerunt quasdam res proprietatis suæ, in possessionem quam Ecclesia S. Clementis ex antiquo jure tenebat in loco nomine Coronule.

Post mortem igitur primi Henrici Imperatoris, de quo supra loquuti sumus, cum Dominus Wido Piscariensis Abbas audiret, quia alter positus esset in loco ipsius, nomine Corradus, iterum sumptis chartis & privilegiis profectus est ad eum. Qui gloriosus Imperator eundem Abbatem cum magnâ reverentiâ suscepit, privilegia & chartas coram se legi fecit, quod postulabat implere studuit, novoque privilegio quæ data in Monasterio fuerant ab antecessoribus suis, confirmavit. [Quod Privilegium à Domino W done venerabili Abbate ad Piscariense suum Monasterium reverenter allatum, diligenter cum aliis conservatur.]

*Præceptum Corradi Imperatoris de libertate & rebus Monasterii Casauriensis.*

**I**N nomine Sanctæ & Individuæ Trinitatis, CHUONRADUS divinâ favente clementiâ Romanorum Imperator Augustus. Cum petitionibus servorum Dei justis ac rationabilibus divini cultûs amore faverimus, & his oportuna beneficia largiamur, præmium nobis æternæ remunerationis rependi non diffidimus. Quocirca omnium sanctæ Dei Ecclesiæ nostrorumque fidelium, præsentium videlicet ac futurorum comperiat solertia, qualiter Wido venerabilis Abbas Monasterii sanctæ Trinitatis, ubi Corpus Beatissimi Pontificis & Martyris Christi Clementis reconditum est, in Comitatu Pinnensi, in insulâ quæ Casa-aurea vocatur, nostram adiens præsentiam ostendit nobis nostrorum antecessorum Regum vel Imperatorum præcepta eidem Monasterio facta, atque suppliciter postulans, quatenus pro ipsius Sanctæ & Individuæ Trinitatis, ac testis ejus Clementis amore, eadem præcepta, nostrâ Imperiali ac præceptali auctoritate confirmaremus. Nos verò ejus justis postulationibus assentientes, confirmamus jam dicto Monasterio quidquid in superioribus continetur præceptis, prout justè & legaliter possumus, videlicet quidquid habere videtur infra Romanam urbem, live extrâ ipsam, &c. ut in superioribus præceptis.

Et quidquid de prædicti Monasterii possessionibus Fiscus noster sperare potuerit, totum nos pro æternæ remunerationis præmio prædicto Monasterio concedimus, ut in alimonia pauperum, & stipendia Monachorum ibidem Deo famulantium, nostris, futurisque temporibus semper proficiat in augmentis, &c.

Concedimus etiam & imperiali auctoritate præcipimus, ut in quantum præfata insula tenere videtur, nulla fiat habitatio cujuscunque ordinis vel dignitatis, exceptis his qui ibidem Deo deserviunt, & his qui illis servituri sunt. Quod si aliquis huic nostræ præceptioni contraire voluerit, & per annum integrum ibi permanferit, absque dubio servus ipsius loci deinceps permanebit. Insuper concedimus, ut nullus homo audeat respondere mallaturam Advocato ejus. Et si aliquo tempore aliqua intentio contra idipsum Monasterium exorta fuerit, non per viliores, sed per nobiliores & veraciores homines diffiniatur ex utrâque parte. Si quis igitur, &c.

Et ut hæc nostra imperialis auctoritas firmiter habeatur & diligentius observetur, manu propriâ roborantes, præsentem paginam sigilli nostri impressione inferius jussimus insigniri.

Signum Domni CHUONRADI Serenissimi Imperatoris Augusti.

Hugo Cancellarius vice Domni Harbonis Archicancellarii recognovit.

Deinde idem Imperator Domino Widoni Abbati unum ex Ducibus suis Ugonem comitem dedit. Cui præcepit ut imperiali potestate sumptâ restitueret Ecclesiæ quidquid possiderat, tam castella quàm villas; & non discederet ab eo donec omnia possideret pacata. Qui veniens, antequàm Monasterium ingrederetur, de ponte qui fuerat subversus quærimoniam fecit, & in præsentia præfati Ducis intus in eodem Monasterio coram Episcopo Nucerensi Dodone, & Episcopo Synogalliæ Adelberto nomine, & coram Baronibus tam Pinnensis quàm Thyatensis Comitatus, quorum ibi maxima multitudo advenerat: in die statuta, videlicet die mensis Januarii, anno Dominicæ Incarnationis millesimo vigesimo octavo, ita sancitum est, & confirmatum scripto per manus Widonis Abbatis, ut liceat Abbatibus sancti Clementis ex illo tempore usque ad finem mundi construere pontes ubicumque voluerint. Et qui in hoc facto eis contradicere tentaverit, perfolvat mille libras auri mundissimi in thesauros Domini Imperatoris.

1028.

Peractis itaque pactionibus & confirmatis scripto, sicut supra diximus, de pontium ædificatione, Wido Abbas habuit altercationem & placitum coram Duce, quem missum diximus ab Imperatore, de possessionibus quæ erant circa insulam Monasterio vicinæ. Plures enim invaserant ipsas possessiones, & tenebant eas non de Deo neque de homine. Qui autem fuerunt hi, cognoscant præsentis & posterit. Sanfo & Walterius, filii Rainaldi, tenebant possessiones, quæ abusivè fuerunt appellatæ Sansonicæ, ex nomine Sansonis. Theodinus & Gerardus, filii Alberici, habebant Toccum cum totâ valle Caramanicâ; Senebaldus, Lupus, & Ubertus, filii Luponis, tenebant sanctum Valentinum, & terram à flumine Lavini usque ad prædictam vallem Caramanicam; & nolebant inde servire Abbati, neque servitoribus Ecclesiæ. Fortes enim erant & potentes, & mutuo se colligaverant, ut si unus invaderetur, omnes eum pro suo posse juvarent. Unde prædictus Abbas Wido nimium impeditus, quia neque eos omnino pulsare, neque possessiones quas ipsi violenter tenebant eis auferre volebat, præfixit diem, eosque in placitum venire coegit.

DDDD d d iij

Cumque multi advocati essent in præsentiâ præsati Ducis, & præsdictorum Episcoporum, Synogallia videlicet & Nuceria, necnon Berardi Spoletini Episcopi, & Walterii Furconensis, & in præsentiâ Bernardi & Petri Judicum sacri Palatii, & Berardi Comitis filii Comitis Theodini, Attonis Comitiss, & filii ejus Alberici Comitis, Ugonis Comitiss, & Osfredi Comitis filii Monachii Comitis, prænominatus Abbas habuit verba hujuscemodi: Domne Dux, & vos Domni Episcopi, Comites & Barones, qui ex præscepto Domni Imperatoris vocati venistis, audite me, si vobis placet, pro amore Domini nostri **JESU-CHRISTI**: Monasterium istud cui Deo volente præsideo, quod institutum fuit & fundatum à sanctissimo Imperatore & victoriosissimo Ludovico, ita spoliatum est & nudatum omnibus bonis, ut servi Dei qui in eo latitant vix habere valeat unde vivant diebus singulis. Vicini nostri, qui nos pro Deo diligere & pro metu Imperatoris caros habere debuerant, invaserunt possessiones nostras, occupaverunt castella quæ Antecessores nostri cum magnis expensis ad tutelam Monasterii, & decus regni edificaverant, nec ea nobis reddere volunt, imò de illis nos & nostros, quos paucos nobis reliquerunt, expugnant. Alii Abbates qui ante me fuerunt, quoniam erant de carne eorum, lationem Ecclesiæ patienter tulerunt. Ego verò qui extraneus sum, qui in nullo habeo fiduciam, nisi in Deo & justitiâ Domini Imperatoris, tantum malum ferre non possum; obsecro & obtestor pro amore Dei, & reverentiâ vestræ præsentiæ, illos qui hucusque debacchati sunt in destructionem & confusionem Ecclesiæ S. Clementis, & dejectionem nostræ Congregationis, reddant sponte quod malè de nostro tenent, & non sperent me cedere nimis, quia paratus sum pro honore Ecclesiæ meum sanguinem fundere, & pro nomine Salvatoris. His dictis obmutuit, & quod illi respondere vellent, sicut vir sapientissimus cum maximâ gravitate diutius expectavit.

Tunc illi in unum conglobati consilium acceperunt, & quod ex consilio acceperant, uni pro omnibus intimare præceperunt. Tunc ille: Jussu, inquit, Domne Dux, & vos omnes Episcopi & Barones, qui præsenti interestis concilio, amicorum & consanguineorum nostrorum, qui reverà una sumus caro, incepti vobiscum loqui; & si defecero, sicut in hac terra est consuetudo, non est bonum quod ipsi propter meam simplicitatem damnum patiantur, ipsi poterunt emendare si aliquid minus fuerit nostro eloquio. Non indigemus multis verbis, petimus misericordiam & pietatem Domni Abbatis, ne velit proferbere filios nostros, qui fuerunt nati & nutriti sub alis & præsidio beati Clementis: quod malè tenuimus, benè tenere parati sumus; occupatores, perversores vocamur, nos servos Monasterii & benefactores amodo & deinceps & fatemur & promittimus; & quidquid necessarium fuerit Ecclesiæ tam in libris quàm in ornamentis, de nostro dare, & censum annuatim persolvere, & contrà hostes, si aliqui contrà Monasterium insurrexerint, nos pugnatos & successores nostros scripto & sacramento confirmabimus.

Ad hæc Abbas respondit ex consilio: Non ego sum ex illis qui blando possint decipi verbo; si funditis dimittitis possessiones quas impiè pervastatis, ego suscipiam; sin alias, pro certo sciat quia nec angulum alicujus domuncule vobis dimittam; totum quod invastatis dimittite, & postquàm dimiseritis, quod nobis placuerit, non pro censu neque affirmatione alicujus chartulæ, & quamdiu voluerimus & res nobis dimissas ad protectum Ecclesiæ nostræ tractaveritis, pro amore parentum vestro-

rum, & rogatu circumadstantium permiserimus.

Illi metuentes magis Imperatorem quàm Deum, & cognoscentes Abbatis vigorem, & ejus invincibilem animum, ad ipsius genua procumbentes, quidquid ipsi malè invaserant in ejus misericordiâ dereliquerunt, & juraverunt, quod nec ipsi, nec successores sui, aliquid de illis possessionibus, quas præsdictus venerabilis Abbas Wido sibi retinuerat, usurparent; & illis tantum, quæ suâ miseratione non pro timore eorum vel parentum suorum habenda concederet, contenti essent.

Quæ autem retinuit Abbas in suâ dominatione, & quæ illis concessit, ne iterum fiat altercatio præsenti scripto mandare curavimus. Retinuit sibi dominationem totius terræ, & in proprio munitiones, in quibus etiam suos misit custodes. Retinuit & pascua, molendina, sylvas, optima rura, decimas, Ecclesias, sepulturam, & alia omnia quæcumque ad dominationis pertinere videntur officia. Illis dimisit cætera, non sub jure dominationis, sed sicut petierant servili conditione habenda. Sanso verò, qui princeps quodammodo & auctor hujuscemodi seditionis, ut prænominatum est, fuerat, Ecclesiam quamdam in terrâ S. Clementis in loco videlicet, qui Blisianus est appellatus, in honore sanctæ **MARIÆ** fundaverat; in quâ contrà jus & fas sicut alter Jeroboam suas aras erexerat, neque ad Monasterium sancti Clementis funera tumulari sinebat. Illam Abbas Wido cum haberet in manu, & deberet & posset funditus destruere, non pro timore Sansonis, sed pro reverentiâ sanctæ Dei Genitricis, in cujus honore edificata fuerat, integram conservavit; ibique quemdam Monachum suum nomine Franco posuit, qui eidem Ecclesiæ deserviret, & ad augmentum rerum non ad detrimentum studeret.

Quidam Gizo dedit in Valeriano majore & minore, & in aliis locis & vocabulis, in fundo Aprutino possessionem ducentorum modiorum, cum ipso castello Valeriano, & Ecclesiâ sancti Juvenalis, cum omnibus tenementis & pertinentiis suis. Rursus in Comitatu Teatino pro reverentiâ Domni Widonis Abbatis Ubertus, filius quondam Senebaldi, refutavit, & per investituram reddidit Piscariensi Monasterio in manus ejusdem Abbatis omnem terram juris sancti Clementis, quam Wido & Sifredo & Senebaldus, filii quondam Luponis, acquirerant à prioribus Abbatibus in Zappino, & aliis locis, & vocabulis, videlicet à sancto Martino de plebe, quidquid continetur inter tria flumina, quorum nomina sunt, Orta, Lavinum, & Piscaria, anno Dominicæ Incarnationis millesimo vigesimo nono.

Hæc quæ suprâ diximus, & multa alia, quæ subtraximus à præsenti paginâ ne tedium inferre viderentur Lectori, data fuerunt Monasterio Piscariensi, & acquisita in tempore venerabilis Abbatis Widonis. Nomina quorum, videlicet dantium, atque datorum, videlicet possessionum scripta sunt, & habentur in chartulis ad notitiam posterorum.

Quidam Presbyter, Ursus nomine, edificaverat Ecclesiam in honore sanctæ **MARIÆ**, in loco qui Fasanaria appellatur, ibique posuerat Abbatissam nomine Giburgam, quæ præerat Congregationi Monacharum. In millesimo trigesimo Dominicæ Incarnationis anno illam divino admonitus instinctu subdidit Monasterio sancti Clementis per manum Domni Widonis Abbatis, cum tenementis & pertinentiis suis, in locis & vocabulis, videlicet Casule, Mauro, Porcari, Lecto, sancto Apollinari, Mortula; terra quidem sexcentorum modiorum, sicut in chartâ quæ est exinde facta legitur.

In millesimo trigesimo primo anno ab Incarna-

1029.

1030.

1031.

tione Domini acquisivit Dominus Wido venerabilis Abbas in Comitatu Marficano quamdam Ecclesiam, in honore beati Clementis constructam & dedicatam, in loco nomine Callucu, cum omnibus pertinentiis suis, donantibus eam quibusdam viris Mainardo, & Alberto germanis pro animarum suarum redemptione: cui Ecclesie ad honorem Monasterii Piscariensis per manus ejusdem Abbatis augmentatae sunt plurimae possessiones à quibusdam fidelibus viris ipsius Comitatus, videlicet Dodone, Ponzone, Geffredo, Actone, Alberto, Francone, Mainardo, Maio, per loca & vocabula, videlicet Aniu, Pede-de-monte, Cretario, Petre-late, Curiano, & valle de Ortucce, sicut tradunt chartulae quae inde scriptae habentur in Piscariensi Monasterio cum aliis reconditae.

Præterea in fundo Teatino est quidam locus, qui dicitur Oligetum, in quo à quibusdam viris, videlicet Joanne, Gisone, Aifreto, Maio, Petro, Benedicto, & cæteris eorum consortibus, fundata est Ecclesia vocabulo sancti Sylvestri; quam Ecclesiam communiter omnes pro remedio animarum suarum tradiderunt, & concesserunt ad proprietatem Monasterio sancti Clementis, cum omnibus rebus & possessionibus suis. Et in anno Domini millesimo trigelimo secundo ipsam donationem chartulâ confirmantes, in manibus Domni Widonis Abbatis devotissimè obtulerunt.

Per idem tempus vir Domini Wido Abbas tam pro sua religione, quam pro gloriosi Imperatoris Chuonradi timore, florebat pace & quiete in Domino; sed ei diabolus invidens quosdam nefarios suae crudelitatis ministros, videlicet habitatores sancti Valentini contra eundem sanctum virum armavit, & campum, qui propriè proprius B. Clementis erat, & ad jus ejusdem Ecclesiae pertinebat, invadere fecit; unde sapientissimè vir summæ mansuetudinis angustiat, Baronum turmam, & indigenarum aggregavit, quorum testimonio cum praefati nequissimi acquiescere nollent, tandem sententia prolata judicio quod ipsi denegabant, & isti affirmare volebant, pugna terminari judicavit, ut qui victus esset campum amitteret, & de cæteris minus credulus appareret. Hanc enim rationem Valentini viderantur habere, quia Piscaria antiquos cursus nota erat prætermisisse, & idcirco affirmabant quidquid intrâ eam & castellum continebatur, haberi de eorum possessione. Venit dies, in quâ multitudo Baronum & plebis coadunari debebat, qui omnes uno ore affirmabant Abbatem injustè niti, & agrum esse de pertinentiis sancti Valentini. Quid plura? Beatus vir Wido cujus spes tota erat in Domino, suos iussit insistere orationi, & pridie antequam pugna debebat fieri, solus mediâ nocte egressus de Monasterio, comitante cum qui semper iustis praesto est Spiritu sancto, venit ad fluvium, & altâ voce dixit ad eum: Adjuro te per nomen Domini nostri JESU-CHRISTI, & per virtutem Beatissimi Clementis Praefulsi & Martyris, ut sequens me ad priorem cursum revertaris, & campum deseras quem malignantibus non tuâ sponte, sed instinctu diaboli delegasti. Et ostendens signum baculo quem manu gestabat quo illum fluere juberet; tamdiu sequutus est sancti viri vestigia, donec campum dimitteret sancto Clementi, & ad locum antiquum reverteretur, per quem cum magno impetu ad mare tendebat flumen, quod vocatur Piscaria. Mane facto cum omnes, de quibus supra diximus, ad pugnam parati venirent, ut victori laudibus, vel victo, sicut mos populi, contumeliis insultarent, cum viderent campum ex parte terrae sancti Clementis liberum remansisse, & flumen per antiquos cursus ad mare tendere,

cognoverunt non humanæ virtutis sed divini judicii miraculum esse; omnes in fletum proruperunt, & ad pedes Abbatis ceciderunt, dicentes unâ voce: Nunc cognovimus, sanctissime Pater, quia in te habitat Spiritus Sanctus, qui per Prophetam loquitur: *Super quem requiescam, nisi super humilem, & quietum, & tremantem verba mea?* Verè tu in caelis habitas, licet in terris videatur conversatio tua: non volebas quòd pro te humanus sanguis effunderetur, magis petisti ut beatus Clemens quod sui juris est in aquis operaretur: in aquis marinis habuit templum Piscariae, præcepit ut reverteretur ad antiquum cursum: per hoc cognovimus quia Dominus Deus habitat tecum; cognoscimus reatum nostrum, petimus indulgentiam, habes in potestate tuâ si velis extinguere vitam nostram; subdimus tibi quaecumque possidemus, ne velis à nobis elongare misericordiam tuam.

Vir autem Domini Wido pronus ad pietatem, ut vidit lacrymas, accepit misericorditer eorum petitionem, illos admonens, ne in terris S. Clementis aliquam ullo tempore facerent invasionem, quia non erat mortuus imò vivebat cum Christo, qui pro Christo gaudenter susceperat mortem. Hanc noxam vobis condonet omnipotens Deus, & custodiat vos ne cadatis in pejus; quia illi malignando adhærent qui nunquam de vobis fuerit. nunc vos integros hauriat, satiatus. His dictis regressus est ad Monasterium, & non pro tanto facto in tumorem elatus, sed magis humilis de die in diem proficiebat, & ad protectum ducebat gregem sibi commissum. Illi verò domini de sancto Valentino, videlicet Lupus, & Ubertus, & Wido, filii quondam Senebaldi, tanto miraculo exterriti de Deo timentes, pro reverentiâ sancti Widonis Abbatis venientes, in praesentia supradicti Ugonis Ducis ante Abbatem renunciaverunt sancto Clementi omnem possessionem de Zappini & Soliano, quidquid à tempore quondam Gisleberti Abbatis parentes eorum pervaserant; ipsamque refutationem scripto & testibus legitime confirmatam in Monasterio Piscariensi reponendam ad memoriam posterorum detulerunt. In quâ chartulâ ipsemet Ugo Dux & Marchio, pro majori firmitate se subscripsit cum aliis nobilibus viris qui ibidem continentur.

In tempore istius Widonis, de quo plura loquuti sumus, quidam Adelbertus filium suum eodem nomine appellatum Monasterio S. Clementis obtulit, & humiliter eum sanctis institutionibus, & ritu monastico erudiri rogavit: quem venerabilis Wido tamquam suum, & reverà plusquam carnalem, qui spiritualem filium suscepit, monuit, erudit, & in brevi ita perfectum reddidit, ut de Claustrali Anachoritam redderet, de communi hominum cœtu Angelorum consortem efficeret. Ille cum in Piscariensi Monasterio tantâ religione proficeret, ut jam miraculis polleret, sancto Patre Widone permittente in monte, qui Bletennius dicitur primitus, solus habitavit, deinde ad convallem descendens in Pinne Ecclesiam S. Michaelis construxit; deinde Ecclesiam sancti Elie, positam in fundo juris proprietatis S. Clementis restauravit. Indeque hominum frequentiam fugiens, in Comitatum Teatinum transivit, in montem de Caramanico, ibique cum latere non posset, Monasterium S. Nicolai in pertinentiâ ipsius castelli de Caramanico, in loco qui Civitacula dicitur, fundavit: Ecclesiam sanctae Crucis circa ipsum castellum, in loco qui dicitur ad aquas putridas, restauravit: omnesque supradictas Ecclesias suo Monasterio S. Clementis offerens subdidit.

Postquàm verò in monte qui dicitur Ursa, per aliquantulum temporis latuit, & ibidem occultus ma-

Isai. 6. 2.

1035.

1036.

Adelbertus ex Monacho Claustrali eremiticam vitam agit.



Miraculis  
claruit.

nere non posset, in convallem deductus descendit, & in Comitatu Valvensi, in loco qui dicitur Eufinianus, Ecclesiam in honore sanctæ Trinitatis, & sancti Quirici Martyris, cum pertinentiâ de Castello, nomine Pacentro, ædificavit; in quâ diutius habitans multis virtutibus & miraculis, & tunc in carne, & nunc in spiritu claruit; sicut libellus de ejus vitâ conscriptus insinuat. Ille verò sanctus Adelbertus antequam de mundo exiret, eandem Ecclesiam cum omnibus quæ ad illam pertinere videbantur, B. Clementi suo alumno tribuit, & in manus præfati Widonis venerabilis Institutoris sui donum ipsum chartâ confirmavit.

1957.

Peractis igitur omnibus & in pace redactis, pro quibus missus fuerat præfatus Dux Ugo, revertens ad propria, Widonem venerabilem Monasterio suo quietè manere bonis temporalibus uti præcepit, & ipse reversus ad Imperatorem singula prout gesta fuerant enarravit. Imperator autem Chunradus tunc temporis Capuæ morabatur, in quam vigiliæ Pentecostes ingressus, & in Pentecoste coronatus est, anno Dominicæ Incarnationis millesimo trigésimo septimo; ubi supradicto Duce referente cum audisset quia bonum Pastorem Piscariensis Ecclesiæ S. Clementis Domnum Widonem haberet, qui factis & dictis omnibus comparibus suis lumen veritatis plenariè infundebat, gratias Deo reddidit, indeque suam epistolam plenam affectu, & continentem quoddam ipsa Piscariensis Abbatia nulli nisi suo regio juri esset reservata, quibusdam Baronibus qui in ipsis literis nominantur, Monasterio vicinis transmissit, corrigens, & suis minis illos exterritans, ut ab infestatione ejusdem imperialis Abbatie desisterent, quæcum literarum exemplum tale est:

*Epistola de Abbatia sancti Clementis, Regali tantum servata dominio.*

**C**HUNRADUS Dei gratiâ Romanorum Imperator Augustus, Bernardo & filiis ejus, Beraldo & ejus fratribus Comitibus & Rainaldi filiis, ac Alberici filiis, & Joannis filiis, atque Luponis filiis salutem & gratiam. Quondam multum precando & tamquam Pater præcipiendo mandavimus, ut bona Abbatie sanctæ Trinitatis, & sancti Clementis Martyris, quæ soli nostro dominio reservatur, causâ Dei & nostris precibus invadere cessaretis; sed non solum à malo facto cessavistis, sed priore pejus fecistis. Unde vehementer admiramur, & ultrâ quàm dici possit dolemus: cum neque pro Deo, neque pro me nostræ Abbatie satisfecistis. Quâ pro causâ multum præcipiendo, & plusquàm possit scribi, per hanc brevem nostram mandamus, ut si nostram bonam voluntatem vultis habere, & nostram salutem desideratis, ac nostri Imperii honorem, nullatenus refutetis Abbatiam nostram ampliùs prædando, vâkando non laceretis, sed quàm citò potestis quod graviter peccavistis nostræ Abbatie emendetis, & similia non perpetretis, & meam bonam voluntatem omni tempore feliciter habeatis. Quoddam si non feceritis, scitote me in proximo ad vos pro certo venturum, & vos & vestra bona in quantum potero per omnia dissipaturum. Præter hæc omnia, non parum præcipiendo tibi Petre & Carbuncelle mandamus, ut mala quæ nequiter nostræ Cellæ sancti Eliæ usque modo fecistis, citissimè, & per omnia emendantes, Deo & nobis placeatis: quoddam si nostrâ jussioni satisfacere nolueritis, scitatis pœnas, & ut ita dicam, intolerabile damnum in proximo me vivo passuros.

Wido verò Abbas non propter hoc in gloriam est elevatus humani, sed magis & magis se se humi-

lians, totum Deo non sibi adscribebat, quoddam suum Monasterium in pace manebat, religio in eo florebat, inter Fratres maxima charitas erat; nullus quod suum, sed potius quod alterius profectui esset, invigilando quærebat; Pastorisque boni exemplo eruditi, unusquisque transitoria hujus mundi & vana gaudia despiciebat: & quia fallacem hujus mundi pacem reverendus Wido sciebat, armavit se, ut præcepit Apostolus, loricâ justitiæ, & galeâ salutis, contrâ spirituales nequitias pugnaturus, rebellemque carnem perdomuit, & spiritui servire coëgit; jejniis & orationibus intentus, pro Imperatore, pro Regibus, pro universali Ecclesiâ, populo videlicet Christiano, sollicitus cum lacrymis & singultibus juges Domino orationes fundebat, ut ipse, à quo omne datum optimum, & omne donum perfectum est, pacem à superis in terram mitteret; Rectores Ecclesiæ conservaret, rebelles ad unitatem fidei converteret. Et dum beatus vir favorem populi vitans, soli Deo vacare cuperet, exteriora negotia Fratribus Ecclesiæ commendavit, de grege curam habens, quo cum duplici pabulo reficeret, verbo & exemplo.

Accidit ut quodam tempore Trasmundus quidam Marchio cum magno exercitu per fines S. Clementis iter haberet, & dum, sicut juvenum moris est, populares & rusticani, qui in ejus Comitatu plures aderant, ad villas & ad casalia causâ deprædandi concurrerent; venerunt Alanum, quæsierunt cibaria sibi & exercitui necessaria, & nisi festinanter darent quod eis petebatur, Castellum illud subverterent, aut igne cremarent, atrocissimè minabantur. Oppidani verò quia non fuerat sibi impetratum ab Abbate, nec audebant in terrâ S. Clementis novas consuetudines ponere, ad portas cucurrerunt, castellum muniverunt, & se defendere deintus parantes, unum de caballis hostilis exercitus occiderunt. Unde Marchio succensus irâ suos milites armari jussit, & castellum obsedit, centum aureos solidos pro redemptione equi expetens, qui vix decem valebat. Et idem ipse in primâ fronte cum armatis peditibus versabatur, mortem, pericula, incendia, destructionem comminans, nisi citò quod postulabat pretium sibi daretur, Venerabilis Wido hoc audiens Clausrum exivit, ad exercitum venit, Marchionem furore succensum mitigare humiliter studuit. Et cum videret quia nihil proficeret, ubi esset equus interfectus interrogavit. Quem intuens in acie deformem, vilem, & confectum senio, & si non esset percussus gladio, per se citius moriturum, in conspectu totius vulgi, factâ primitus oratione, conversus ad Dominum dixit: Domine JESU-CHRISTE cui nihil impossibile est, qui dixisti discipulis tuis, *Quodcumque credentes petieritis, fiet*; ostende virtutem tuam nunc etiam in hoc vilissimo animali, redde sibi vitam quam tulisti, quia sine te nec passer potest ad terram cadere; ut quiescat furor istius populi, qui subvertere, succendere, destruere minantur, & ut video, parati sunt, possessionem beatissimi Clementis Martyris tui. His dictis, accessit ad caballum, & tangens eum leviter cum virgâ quam manu gestabat, dixit ad eum: Surge, erigit te Dominus noster JESUS-CHRISTUS; vade incolumis, servi Domino tuo sicut fecisti hactenus: confestim equus surrexit incolumis. Et hoc viso sedatus est furor Marchionis, & totius exercitus in res Monasterii debacchantis, & conversi ceciderunt pro ni ad pedes sancti viri, orantes ut pro se preces ad Deum funderet, ne quod ipsi moliebantur injusè facere, in eos justè converteret. Sanctus autem vir vultu placabili eis benedixit, & ut ab iniquitate discederent impetravit. Sicque factum est, ut illi sine læsione reverterentur ad propria, & terra quam suc-

1038.

Matth. 21. 22.

cendere

cendere minabantur, sub protectione beati Clementis remaneret intacta.

Quidam nobilis & potens vir in Caramanico, nomine Tebaldus, audiens celebrem famam honestatis atque religionis sancti Guidonis Abbatis, exhortatione superscripti viri Dei Adelberti, contulit eo tempore pro animâ suâ B. Clementi duas Ecclesias, sancti Nicolai à sancto Adelberto fundatam, sanctæ Crucis ab eodem restauratam, cum omnibus rebus & pertinentiis earum.

His aliisque pollens virtutibus Wido Abbas sanctissimus, intra Claustra Monasterii dum finem vitæ suæ sibi ostensum cælitus expectaret, per singulos dies jejuniis & orationibus intentus ægrotare cœpit; & statim advocatis Fratribus & quâ die, & quâ hora moretetur, eis intonuit, dicens: Ego, Fratres & filii carissimi, sicut mihi ostensum est, viam ingredior universæ carnis, commendo vobis transitum meum, ex hac vitâ egrediar in die quâ celebrabitur festivitas S. Clementis, eâ horâ qua in Missa recitabitur Evangelium; cum perventum fuerit ad illum locum ubi dicitur: *Euge serve bone & fidelis intra in gaudium Domini tui*: ego in eodem momento absque ullâ dilatione in manus nostri Salvatoris tradam spiritum meum; & credo quia ejus, cui fideliter deservivi, beati videlicet Clementis, in cælesti palatio habebō confortium. Gravescēte ejus infirmitate advenit celeberrimus dies festivitatis prænominatæ, in quâ se moritūrum prædixerat, & antequam Missa inchoaretur se portari fecit intrâ Ecclesiam, & sumpto viatico, conversus ad Dominum expectabat sui exitus horam, quando Evangelium legeretur, sicut sibi fuerat repromissum. Fratres occupati in tantâ solemnitate, & dolentes ultra modum de tanti Pastoris velocissimâ migratione, fecerunt processionem, & expletis omnibus sicut moris est in tali festivitate, cum Evangelium legeretur, in eodem momento quo se mori prædixerat, cum à Lectore diceretur, *Euge serve bone*, adstante populo & Clero, & ut magis credendum est, cœtu Angelico, tradidit spiritum; & quod diu desideraverat, & ad quod die noctuque suspirabat, vitæ æternæ suscepit bravium, anno Dominicæ Incarnationis millesimo quadragesimo quinto, nono Calendis Decembris: ejusque memoriam solet celebrare Piscariensis Ecclesia die altero post B. Clementis solemnitatem annuam. Sepultusque est in eadem Ecclesiâ prope Claustrum Monasterii, juxta parietem in parte Australi, ubi se vivere in cælestibus probat quotidianis miraculis. Vixit autem in regimine annis viginti uno, mensibus sex, diebus viginti tribus. Non multo post tempore postquam ad Dominum migraverat, multis virtutibus se vivere cum Christo declaravit: de quibus pauca memorabimus, quia ad aliâ memoranda properamus.

Quidam puer nomine Placidus monasticis institutionibus in Claustris erudiebatur, qui postea multum proficiens, ad profectum Ecclesiæ, quod in pueritia didicerat cumulavit. Is dum esset sub custodia, sicut moris est Monachorum, quâdam die acriter cœpit febricitari; & dum ardore febrium incenderetur, & prope duceretur ad exitum, à Fratribus, à quibus pro morum honestate tenerrimè diligebatur, deportatur ad tumulum S. Confessoris Widonis, & fusâ oratione pro eo cum fletu & suspiriis in eodem momento absque ullâ dilatione surrexit incolumis, tamquam nunquam fuisset vexatus febrium incendiis.

Alio tempore quidam Monachus, nomine Gerguinus, illâ infirmitate quæ gutta appellatur, graviter fuerat occupatus, ut in ejus toto corpore vix aliquod sanum membrum reperiretur; & non solum à seipso, verumetiam à multis de ejus salute desperabatur. Rogavit deferri ad tumulum prædicti Con-

Tom. II.

fessoris Christi, ubi dum jaceret prostratus humi, confectum facta oratione sanus effectus est; & gratias agens suo Salvatori, devovit se de cætero in obsequium B. Confessoris Christi Widonis.

Quædam mulier gravem oculorum dolorem diutius passa, ad ultimum cæca effecta est, ita ut neque diem à nocte discerneret, neque aliquid aliud videre posset; adducitur suorum manibus ad sepulcrum S. Widonis Abbatis, & cum magno singultu ejus auxilium postulans continuè lumen recepit, & quæ tristis venerat, cum magnâ lætitiâ ad propria removit; reddens gratias Deo pro salute receptâ, & fideli servo ejus sanctissimo Widoni.

Multa alia sunt quæ Dominus Deus per sanctissimum servum suum Widonem quotidie operatur, quæ singula à nobis si scriberentur, & fastidium generarent Lectori, & fortasse incredibilia viderentur. Et quoniam, sicuti suprâ diximus, ad aliâ tendimus, hæc quæ de sancto breviter diximus ut sufficiant, breviter rogamus.

Huic successit FRANCO, qui vivens in regimine mensibus octo exivit de corpore; & antequam moreretur, in tam brevi spatio temporis quidam Baro, nomine Petrus, dedit Ecclesiæ sancti Clementis & servitoribus ejus castellum quoddam, quod vocatur Ripa, cum Ecclesiâ sancti Salvatoris; & hoc donum confirmavit scripto per manus Franconis Abbatis.

Mortuo isto Francone successit DOMINICUS in regimine, qui electus in Abbatem ab omni Congregatione consensu Imperatoris Henrici, venerabilis Chuonradi filii, & datus ab Abbate ejusdem Monasterii in quo fuerat ipse, professus. Instrumenta verò chartarum, & ea quæ fecit in diebus abbatatus sui, incipiunt ab anno Dominicæ Incarnationis millesimo quadragesimo sexto, demense Septembrio. Quo anno, regni sui videlicet jam octavo, Rex Henricus venit Capuam, & Domni Dominici confirmavit electionem. De quo quia plura sumus loquuturi, licet faciamus digressionem, ad ejus electionem quomodo facta fuit, & in Monasterio quid egerit, enarrare decrevimus. Fuit de Monasterio sancti Fructuosi quod appellatur Caput-montis, vir religiosus, & eruditus arte medicinali, pro quâ multum placuit Imperatori. Sapiens in rebus secularibus, valens in litteris, & quod magis appetendum est, sollicitus erga salutem animarum Fratrum subditorum sibi. Quem omnes Fratres Casauriensis Monasterii propter sui honestatem, prudentiam, & vitæ sanctitatem in Pastorem elegerunt, ipsamque electionem per manus Imperatoris, sicut suprâ diximus, scripto confirmaverunt. Quod electionis scriptum adhuc habetur in Monasterio Piscariensi, & sic est.

*Ecce quomodo facta est electio Domni Dominici Abbatis Piscariensis, qui postea factus est Episcopus Valvensis.*

IN nomine Summæ & Individuæ Trinitatis. Nos denique cuncti Fratres venerabilis Monasterii Sanctæ & Individuæ Trinitatis, atque sancti Clementis Martyris, quod ponitur in Casa-aurea, pari voto, communique consilio, à majore usque ad minorem elegimus & prælegimus Dominum DOMINICUM venerabilem Sacerdotem & Monachum, qui quondam fuit Monasterio sancti Fructuosi Episcopi & Martyris, quod dicitur Caput-montis, ad regimen prædicti nostri Monasterii, secundum præceptum Regulæ beati Benedicti; quia scimus eum, largiente Domino, castum, benignum, misericordem, doctumque lege divinâ, necnon & consensu Domni Berardi Abbatis sui, simulque etiam Elelini Cancellarii prudentissimi Domni

EEEE

XIX. Abbas Franco.

XX. Abbas Dominicus.

1046.

1039.  
40 & 41.

Obitus S.  
Guidonis.  
1045.

Miracula  
ejus.

Henrici Imperatoris & Augusti tertii, ipsiusque pro fidelitate ac veneratione, cuius Monasterium prælibatum esse dignoscitur, & cuius etiam fidelissimus Abbas ipse probatur, nobis illum largitus est. His videlicet auctoritatibus roborati & conglobati, ut supra dictum est, ascrivimus eum, atque promovimus ad Abbatis officium peragendum, ad utilitatem atque profectum nostri Monasterii, animarumque nostrarum salutem. Cui omnes in unum amore Dei inspirati, suâque dilectione, promissimus obedire cunctis diebus vitæ nostræ secundum præcepta Regulæ, suæque iusta imperia, favente Christo. Et ut hæc nostra electio firmiter atque inviolabiliter permaneat, bono animo, spontaneâque voluntate cuncti insimul propriis manibus roborantes insignimus. Quam verò electionem à nobis factam prædicto Domino Henrico gloriosissimo Imperatori nostro dirigimus, ut suâ miseratione electum Patrem nostrum imperiali dono, privilegiique largitate confirmet, quatenus à Deo pro hoc remuneretur, & à nobis omni in tempore fideliter veneretur, ac pro statu sui regni Deus omnipotens nostris assiduis orationibus incessabiliter supplicetur.

Ego Frater Terremenolfo Monachus & Præpositus consensit, & subscripsit.

Ego Frater Adelmari Presbyter & Monachus consensit, & subscripsit.

Ego F. Oddo Sacerdos & Monachus in hac electione consensit, & subscripsit.

Ego F. Angelus Sacerdos & Monachus in hac electione consensit, & subscripsit.

Ego F. Adelbertus Monachus in hac electione consensit, & subscripsit.

Ego F. Joannes Presbyter & Monachus in hac electione consensit, & subscripsit.

Ego F. Joannes Presbyter & Monachus in hac electione consensit, & subscripsit.

Ego F. Landolphus Presbyter & Monachus in hac electione consensit, & subscripsit.

Ego F. Petrus Presbyter & Monachus in hac electione consensit, & subscripsit.

Ego F. Azzo Sacerdos & Monachus in hac electione consensit, & subscripsit.

Ego F. Azzo Sacerdos & Monachus in hac electione consensit, & subscripsit.

Ego F. Ardo Sacerdos & Monachus consensit, & subscripsit.

Ego F. Joannes Sacerdos & Monachus consensit, & subscripsit.

Ego F. Petrus Monachus consensit, & subscripsit.

Ego F. Todaldo Monachus consensit, & subscripsit.

Ego F. Adelbertus Monachus & Presbyter consensit, & subscripsit.

Ego F. Azzo Presbyter & Monachus consensit, & subscripsit.

Ego F. Azzo Presbyter & Monachus consensit, & subscripsit.

Ego F. Giso Presbyter & Monachus consensit, & subscripsit.

Ego F. Petrus Presbyter & Monachus consensit, & subscripsit.

Ego F. Joannes Presbyter & Monachus consensit, & subscripsit.

Ego F. Benedictus, Presbyter & Monachus consensit, & subscripsit.

Ego F. Grimualdus Presbyter & Monachus consensit, & subscripsit.

Ego Frater Joannes Diaconus & Monachus consensit, & subscripsit.

Ego F. Mainardus Monachus consensit, & subscripsit.

Ego F. Azzo Monachus consensit, & subscripsit.

Ego F. Giso Monachus in hac electione consensit, & subscripsit.

Ego F. Amizo Monachus consensit, & subscripsit.

Ego F. Trefedio Monachus consensit, & subscripsit.

Ego F. Joannes Monachus consensit, & subscripsit.

Ego F. Giso Monachus consensit, & subscripsit.

Ego F. Joannes Monachus consensit, & subscripsit.

Eodem anno quidam vir nomine Suppo, quondam Timmonis filius, divinitus inspiratus pro animâ suâ & parentum suorum, concessit & tradidit per manus Domni Domini Abbatis Monasterio Piscariensis, & Ecclesiæ S. Angeli, quæ sita est in monte, nomine Apriano, quæ etiam est Obedientia juris Ecclesiæ B. Clementis, quamdam Ecclesiam in honore ac vocabulo S. Nicolai, in loco qui dicitur Cornisia, juxta fluvium Gomanum constructam, cum omnibus rebus & possessionibus suis, terrâ videlicet modiorum centum quinquaginta sex, sicut testatur chartula traditionis ejusdem. Erant insuper eodem tempore duo fratres, viri nobiles & illustres, in Comitatu Aprutino, Adelbertus & Raimundus vocabulo, filii quondam Grimaldi, qui compuncti divinitus pro salvatione animarum suarum & parentum suorum, concesserunt, & per chartulam tradiderunt Monasterio B. Clementis, unusquisque portionem suam de castello de Sanctovetere nomine, unusquisque medietatem de ipso castello, cum Ecclesiâ quæ in honore Domini Salvatoris est ædificata, in loco qui dicitur Preliano; & cum aliâ Ecclesiâ vocabulo S. Andrea constructâ. Et unusquisque eorum medietatem de castello Vecclo, & de castello & Poio de Beczano, cum muris & carbonariis, cum Ecclesiis in eisdem ædificatis, cum omnibus rebus & dotibus earum & cum omnibus ædificiis, & pertinentiis, & subjacentiis eorundem castrorum. Quæ est terra videlicet modiorum mille ducentorum, per loca & vocabula sua quemadmodum in chartulis exinde factis & testibus roboratis reperiuntur.

Post mortem verò supradicti S. Widonis Abbatis cum quidam ex Fratribus Monasterii Piscariensis, sicut supra legitur, accessissent ad Henricum Imperatorem, pro Domino Dominico Abbate sibi substituendo per illos, & præcipue per fratrem suum carnalem Dominum Guimarium religiosum Monachum cum supradictis Fratribus prædictæ electionis legatione functum, ab eodem magnifico Imperatore Adelbertus Casauriensis religiosissimæ vitæ Monachus, qui, ut supra retulimus, sanctæ Trinitatis Ecclesiam in Comitatu Valvensi, in vocabulo Placentro, construxerat, & eam in obedientiam Monasterii Piscariensis addixerat, privilegium impetravit de prædicto loco, in quo eadem Ecclesia posita est, qui Finianus dicitur, ut patet in privilegio Henrici Imperatoris sic descripto:

*Præceptum Henrici Imperatoris de libertate & rebus Monasterii Casauriensis.*

IN nomine Sanctæ & Individuæ Trinitatis, HENRICUS divinâ favente clementiâ Romanorum Imperator Augustus. Si servorum Dei petitionibus assensum præbuerimus, ad spem divinæ remunerationis nobis profuturum esse non diffidimus. Quapropter omnium Christi nostrique fidelium, tam futurorum quàm præsentium noverit industria, qualiter nos pro amore divino animæque nostræ remedio, tam ob petitionem venerabilis Adelberti Monachi, quàm & germani sui Guimarii, de Ecclesiâ sanctæ Trinitatis & sancti Quirici Martyris, in vocabulo Placentro, in Comitatu Balbeni ubi Finianus dicitur: concedimus eis ad habendum & possidendum ipsum prædictum locum, tam ipsis, quàm & Abbati ipsorum. Ut nullus Dux, Marchio, Epi-

scopus, Comes, aut Vicecomes, aut magna parvaque persona aliquam molestiam seu invasionem facere præsumat. Insuper concedimus eis prædictum locum Finianus cum introitu & exitu suo; quod est à capite, sine ferrâ de Barbarano, pede sine ipso Rigo de Placunti, de uno lato sine ipso valle de fuge, ex alio latere ferra de Corniano, cum ipsâ furcâ cum omni pertinentiâ suâ: & sunt in supradictis istis modiorum de terrâ quatuor centi, & si amplius inventum fuerit ad ipsam jam dictam Ecclesiam pertineat, cum terris, vineis, aquis, aquarumque decursibus, piscationibus, molendinis, cultis & incultis, omnia & in omnibus, & quidquid de prædicti Monasterii possessionibus Fiscus noster sperare potuerit, ipsi pro æternæ remunerationis præmio concedimus, & ut nullus mallaturam persolvat Advocato ejus, &c. *ut in superioribus Privilegiis.*

Signum Domni HENRICI secundi Romanorum invictissimi Imperatoris Augusti.

Henricus Cancellarius vice Herimanni Archicancellarii recognovi.

Data Calendas Januarii, anno Dominicæ Incarnationis millesimo quadragesimo septimo, Indictione decimâ quintâ: Anno autem Domni Henrici tertii ordinationis ejus decimo octavo. Regnantis quidem octavo, secundi Imperantis primo. Actum ad Columnâ civitatem in Dei nomine feliciter, Amen.

In secundo anno quo Dominicus fuerat Abbas S. Clementis institutus, contigit Henricum Imperatorem venire Capuam, cui prædictus Dominicus Abbas ad sanctum Flavianum in Aprutio perrexit obviam, & impetravit privilegium protectionis, munitionis, defensionis ad instar eorum privilegiorum quæ data fuerant ab Antecessoribus suis. Quod privilegium servatur honorificè in Monasterio; & descriptum sic est:

*Præceptum Henrici Imperatoris de libertate & rebus Monasterii Casauriensis.*

**I**N nomine Sanctæ & Individuæ Trinitatis, HENRICUS divinâ favente clementiâ Romanorum Imperator Augustus. Si servorum Dei petitionibus assensum præbuerimus, ad spem divinæ remunerationis nobis profuturum esse non diffidimus. Quapropter omnium Christi nostrique fidelium, tam futurorum quam præsentium noverit industria, qualiter nos pro amore divino animæque nostræ remedio, tum ob petitionem venerabilis Abbatis Dominici dicti Monasterii sanctæ Trinitatis & B. Clementis Martyris inibi quiescentis. In Comitatu quidem Pinnensi, in insulâ quæ Casa-aurea vocatur, juxta præcepta prædecessorum nostrorum Regum ac Imperatorum quidquid justè & legaliter visum est habere, Imperiali nostrâ auctoritate decrevimus corroborare, & confirmare; quodcumque videlicet idem Monasterium videtur obtinere infra urbem Romanam, &c. *ut supra in aliis Privilegiis.*

Signum Domni HENRICI secundi Romanorum invictissimi Imperatoris Augusti.

Henricus Cancellarius vice Herimanni Archicancellarii recognovi.

Data tertio Idus Martii, anno Dominicæ Incarnationis millesimo quadragesimo septimo, Indictione decimâ quintâ. Anno autem Domni Henrici tertii ordinationis ejus decimo octavo. Regnantis quidem octavo, secundi Imperantis primo. Actum ad sanctum Flavianum in Dei nomine feliciter, Amen.

Cum quidam Litolfus quondam Urli filius, eo tempore, id est, anno Dominicæ Incarnationis millesimo quadragesimo octavo, Ecclesiam quamdam in honore S. Petri & S. Martini constructam, in

Tom. II.

loco, cui vocabulum est in Colle de Casalecclo, in pertinentiâ de Castellione, possideret, timens de die mortis, & æterno judicio, pro animæ suæ redemptione tradidit & judicavit ipsam Ecclesiam in Monasterio B. Clementis per manus Domni Dominici venerabilis Abbatis, cum omnibus rebus & possessionibus suis, & cum terrâ modiorum viginti quinque, sicut testatur chartula traditionis, exinde legitime facta, & testibus idoneis roborata, Monasterioque Piscariensi feliciter porrecta.

In tempore hujus Abbatis, anno videlicet ab Incarnatione Domini nostri JESU-CHRISTI millesimo quadragesimo nono, quo etiam anno Dominus Leo Papa ordinatus est, Indictione secundâ currente: Domino quoque Henrico Augustus imperante, quidam vir erat in Comitatu Pinnensi possessionibus opulentus, & divitiis floridus & potens, nomine Ottebertus, cognomine Fratellus, quondam Otteberti filius, qui compunctus gratiâ Spiritus sancti pro remedio animæ suæ, & deliderio cœlestis regni, dedit Monasterio S. Clementis legitimâ largitione: primò quoddam castellum suum vocatum Ripa de Pratâ, cum Ecclesiâ S. Sylvestri ibidem ædificata, & cum casis & ædificiis, & omnibus rebus & pertinentiis atque subjacentiis suis; & cum terrâ possessionis modiorum trecentorum per loca & vocabula sua, quæ in chartulâ reperiuntur. Dedit in eodem Comitatu & aliud quoddam castellum, vocabulo de Sancto-Mauro, cum eadem Ecclesiâ Sancti Mauri; cum universis rebus, ædificiis, & tenementis, ac pertinentiis suis, & portu maris, & piscatione suâ; & cum possessione terrarum modiorum mille. Fecit etiam de ipsis scripta quæ servantur in archivis publicis ipsius Abbatie. Fecit etiam inde solemnem investituram cum Adelasâ conjuge suâ. [ Tenor verò qui de ipsis rebus inter eos & Monasterium Piscariense compositus est, in cartulâ brevis memoratorii, quæ tunc inde descripta est, & testibus roborata, reperitur & legitur. ]

Matrona quædam, Teoderada nomine, dives & honesta mulier, quondam viri clarissimi Luponis filia, conjux cujusdam illustris viri, nomine Joannis, filii quondam Transarici, eo tempore ferè ad mortem ægrotabat, quæ à prædicto viro suo consilium & licentiam accipiens condidit testamentum, in quo divinitus compuncta, pro mercede animæ suæ, & pro suorum & genitoris ac viri sui peccaminum redemptione, concessit & tradidit in Monasterio B. Clementis de re sui juris suæque proprietatis, videlicet terram in pertinentiâ de castello, nomine Moscufo, loco nomine Talliano, modiorum ducentorum, & Ecclesiam ibidem in honore sanctæ Justæ ædificatam, cum universis rebus & pertinentiis suis.

In Aprutio quoque quidam vir dives, nomine Trefeio, filius quondam Rammaldi, pro animæ suæ salvatione donavit & tradidit, necnon per chartulam confirmavit, quædam res proprietatis suæ Monasterio B. Clementis: videlicet castellum de Valeriano, cum Ecclesiâ in honore S. Juvenalis ibidem constructâ, & cum omnibus ædificiis, rebus & pertinentiis suis, & cum possessionibus per loca & vocabula in eodem Valeriano, & in Occiano, Pastenis, Casaria, Waldo, Moniano, Fabricia, terrâ nempe modiorum sexcentorum, sicut ejusdem donationis charta declarat.

In eo tempore quo Normanni devastaverunt Apuliam, & non suâ fortitudine sed vitio gentis subdiderunt sibi terram illam, Papa Leo nonus cum Romano exercitu contrâ eos exivit ad pugnam, & in ipso conflictu inferior amisit gentis suæ partem non minimam. Tunc ad eum perrexit Abbas Domini-

EEEEcc j

cus, & impetravit ab eo privilegium contra Episcopos, Archiepiscopos, Comites, Barones, & contra omnes qui in Monasterio sancti Clementis aliquid juris, dominationis, potestatis, vel in Ecclesiis ad eundem locum pertinentibus vellent habere, nisi ab iniqua petitione, & voluntate cessarent, quod excommunicarentur, & à liminibus Sanctorum segregarentur; benefactores à Deo exaltarentur, & eorum peccata dimitterentur. Ille fuit primus Abbas Piscariensis Cœnobii qui impetravit privilegium, sicut suprâ diximus, à Pontifice Romano, quod Antecessores sui vel habere non potuerunt, vel duxerunt pro minimo.

Duo quidam viri Hilperinus & Longinus potentes, & in possessionibus locupletes, inter duo flumina, Gomanum & Plumba, per loca & vocabula, nomine Maranello, Occiano, villa Mayna, Monteficco, in ipso Francisco, Perriera, Treio, terram cultam & incultam modiorum duorum millium, & duas portiones de castello Mortule, cum Ecclesiis & tenementis suis, dederunt pro animabus suis S. Clementi; indeque confirmationis chartulas legitimas facientes, eas Piscariensi Monasterio feliciter obtulerunt.

Præterea circa tempora ista dum Dominus Dominicus Abbas floreret in Monasterio, & fama ejus bonitatis ubique divulgaretur, contigit ut Ecclesia Valvensis proprio Pastore viduaretur; & quia sine Rectore esse non poterat, iste solus ad eam regendam inventus est dignus. Quid multa? eligitur, consecratur, & Episcopus Valvensis, & Abbas S. Clementis insimul instituitur. In quâ honoris celsitudine positus, monachilis non est oblitus habitus, sed servavit humilitatem quam in Monasterio habere consueverat; pro quâ humilitate, & Deo & hominibus complacebat.

Igitur anno ab Incarnatione Domini nostri JESU-CHRISTI millesimo quinquagesimo sexto, quidam Loterius, quondam Alberti filius, pro animæ suæ redemptione suorumque parentum concessit & dedit, per chartulam confirmavit, Monasterio sancti Clementis, in loco, qui nominatur Banio, medietatem de castello de Sancto Elutherio, cum ipso Poio novem malis hominum, & terra modiorum octoginta, & cum cæteris rebus & pertinentiis suis sicut ejusdem donationis chartula protestatur.

Per idem tempus cum Dominus Dominicus Valvensis Episcopus, & Piscariensis Abbas, esset in laboribus constitutus, & fortiter ipsarum duarum Ecclesiarum vigilantia fatigaretur, volens onus suum alleviare, tantique ponderis adiutorem accipere, propterea maxime quia de curis & tumultibus Episcopatus sibi jam tanta succreverant, quod Abbatia regimen & negotia detrimentum pati, & minor ejus videretur profectus, habito consilio cum Fratribus unum ex eis, BERARDUM nomine, sibi substituit, & ut suas ageret vices in regiminis, & abbatialis sede posuit, sibi que nomen & officium Abbatibus attribuit, reservata suo arbitrio summarum rerum potestate, & præcipuorum Monasterii negotiorum dispositione. Igitur Berardus cum, sicut dictum est, nomen & officium Abbatibus suscepisset, fecit cambitionem cum Gregorio Abbate S. Nicolai ad Trutinum, & dedit Ecclesiam quam habebat Monasterio S. Clementis in Comitatu Aprutino, in loco qui dicitur Vallisepa, cum trecentis modis terræ, & accepit Ecclesiam sancti Mauri ad flumen, quod vocatur Tabe, cum totidem modis terræ.

In sinu præterea montis, qui dicitur Ursa, fuerat præteritis annis in proprio fundo juris B. Clementis castrum à suprâdictis Dominis Tocci ædificatum, in loco videlicet ubi erat lapidea area, in-

deque à suis constructoribus vocatum est castrum ipsum Lapidaria, quasi Lapidum-Area; in cujus pertinaciâ fundaverunt in loco, qui dicitur Caprofica, Monasterium in honore Sanctæ Trinitatis; quod cum contra Monasterium B. Clementis, & pro suo detrimento fuisset ædificatum, Dominus Dominicus Episcopus & Abbas fundatores ejusdem Ecclesiæ, videlicet Gerardum, & Suabilum, quondam Alberici filios, Tocci dominos, ab iniqua voluntate & præsumptione convertit, ipsamque Sanctæ Trinitatis Ecclesiam Piscariensi Monasterio subdere fecit: quam Ecclesiam de rebus & possessionibus eorum pleniter dotatam, idem Episcopus cum Monachis Casauriensibus solemniter dedicavit, & in obedientiam Monasterii S. Clementis perpetualiter addixit & consecravit. Possessionum verò ejusdem Ecclesiæ quædam duximus exprimenda vocabulis: primo est ipse locus in quo ædificata est, terra modiorum quadraginta quatuor: deinde possessionis terra per loca & vocabula simul collecta modiorum centum quinquaginta: deinde Ecclesia S. Viti, Ecclesia S. Cassiani, Ecclesia Sanctæ Mariæ de Pefile, Ecclesia S. Nicolai de Cardia, cum omnibus rebus & tenementis earum. Possessio dotis sanctæ Crucis de colle Rotundo, possessio de loco, nomine Guastu: insuper omnes homines de parte prædicti Suabili de Lapidaria, & de Tocco, & Canta-lupo, & valle de Caramanico, cum omnibus rebus & tenementis eorum, & debitalibus redditibus. De quibus omnibus chartulas confirmationis facientes, per manus Domini Dominici Episcopi & Abbatibus eas Monasterio B. Clementis feliciter obtulerunt; anno videlicet ab Incarnatione Domini nostri JESU-CHRISTI millesimo sexagesimo primo. Quo anno Dominus Alexander Papa ordinatus est; à quo Dominus Dominicus Episcopus & Abbas litteras impetravit contra malefactores Ecclesiæ sancti Clementis; quæ descriptæ sic sunt:

*Decretalis Epistola contra malefactores Ecclesiæ sancti Clementis.*

ALEXANDER Episcopus servus servorum Dei, nobilibus viris Trasmundo, Bernardo, Berardo, filiis Sanfonis, salutem & Apostolicam benedictionem. Quoniam erga Monasterium S. Clementis piæ devotionis studium vos habuistis, & ad ejus honorem plerumque benefacta vos contulisse, à Confratre nostro Dominico Valvensi Episcopo, & ejusdem loci Abbate cognovimus, grates vobis & nostræ dilectionis benevolentiam per hæc scripta mandamus. Sed quia Deus ad finem bonæ operationis maxime respicit, & non incipientibus, sed in bonâ actione persistentibus, larga remunerationis præmia pollicetur & tribuit, rogamus, & ut carissimos filios vos admonemus, ut in Dei servitio, & in amplificando honore præfati Monasterii, vestra fides & studiosa devotio creseat, consilium, & ubi necesse sit adiutorium, vestra nobilitas sibi exhibere studeat; quatenus per interventum B. Martyris Clementis divinæ protectionis gratia, & Apostolicæ benedictionis abundantia, in hoc sæculo & in futuro vos protegat, & conservet. Illud autem vobis & omnibus qui inter vos sunt, notum esse volumus, quoniam quisquis ad injuriam præfati Monasterii se erexit, & Abbati qui nunc ibi præsidet, suisve successoribus in regendis & tenendis bonis Ecclesiæ contrarius extiterit; nisi à tam nefandâ & sacrilegâ temeritate se retrahat, & damna quæ Ecclesiæ intulit, dignâ emendatione restituat, sine dubio Apostolicæ maledictionis, & districtam nostræ excommunicationis ultionem super se venturam esse pertimescat, & ab

Dominicus  
Abbas simul  
& Episcopus  
Valvensis.

1056.

XXI. Abbas  
Berardus.

1061.

Alexander  
Papa II.



omni Christianâ communione se separandum esse expavefcant.

1064.

Item anno Domini millesimo sexagesimo quarto Bernardus quidam dedit Ecclesiâ S. Clementis, cui superscriptus Berardus præerat, sanctam Eufemiam de Caramanico, cum centum modis terræ.

Ab hoc siquidem tempore cœperunt Fratres oblivisci Imperatoris Curia, & Normannis depopulantibus totas terras non valentes resistere, primitus fuerunt subditi Roberto primo Comiti de Rotello, & post mortem ejus Ugoni Malmazetto, de cujus persecutione, quam fecit S. Clementis Monasterio, sumus loquutus tempore suo. Illi, quos superius diximus in præsentia Ugonis Ducis tempore Chuonradi Imperatoris fuisse devictos, & accepisse castella per manus Domni Widonis sanctissimi Abbatis sub conditione servili, obliti juramentorum & fidei invaserunt possessiones, munierunt castella contra Ecclesiam, & ut securiores eam possent opprimere, fecerunt sibi alios dominos, quorum auxilio & virtute tenuerunt quod malè invaserant, ad diminutionem loci & detrimentum totius Abbatia. Berardus verò, ut postea patuit, divino judicio illis non potuit resistere, quia Deus ad confusionem terræ immiserat super eos Normannos, dominandigentem avidissimam. Ille siquidem Berardus Abbas non invenitur in agendis multa vel aliqua magna fecisse, sed pauca; & antequàm multa posset operari, dedit ei Dominus finem vitæ. Sex annis rexit Monasterium, deinde moriens subivit mausoleum. Ponitur quoque inter Abbates post Dominum Dominicum; & post ipsum nomen ejus scribitur in catalogo. Post cujus mortem Dominus Dominicus quamdiu supervixit sicut antea curam habuit Abbatia.

In quo tempore in Comitatu Valvensi Albericus, Joannes & Benedictus, viri Valvenses, dederunt S. Clementi, & per chartulas confirmaverunt omnes possessiones suas in castello de Pouperi, & in loco qui dicitur Bocetum. Ipso namque tempore, anno videlicet ab Incarnatione Domini millesimo sexagesimo quinto, Sanso Rainaldi filius confirmavit per chartulam sancto Clementi Ecclesiam Sanctæ Mariæ in Blesiano, cum trecentis modis terræ, & eam in Obedientiam Monasterii Piscariensis perpetuò subdidit.

Igitur Dominus Dominicus Valvensis Episcopus & Piscariensis Abbas, in expletionem vitæ suæ, & consummatione dierum suorum in charitate radicans & fundatus diligebat proximum tamquam seipsum, & Deum ex toto corde, totâ animâ, & totâ virtute, in tantum ut si tempus persecutionis adesset, libenter pro Deo sanguinem funderet; & quoniam martyrium non solum est quod accipitur sanguinis effusione, sed abstinentiâ vitiorum, & carnis maceratione, longum traxit martyrium; quâ quamdiu vixit mortificavit membra sua secundum Apostoli dictum. Et quia Deus volebat eum de terris ad cœlestia trahere, in Abbatia quam regendam susceperat dedit ei finem vitæ, & voluit ut cum Sancto Widone, cujus successor existerat, in uno eodemque sarcophago haberet locum sepulture. Obiit autem quinto Idus Martii, victoriosissimi Imperatoris Henrici, accepitque à summo iudice stolam immortalitatis, & coronam gloriæ, illi sociatus in cœlis, cujus successor existit, & in cujus sepulcro meruit sepeliri. Vixit autem in regimine Monasterii sancti Clementis Piscariensis viginti octo annis, mensibus sex, diebus decem.

Eodem tempore Alexandro Papa defuncto, Ildebrandus Archidiaconus in Papam Gregorium est ordinatus, mensè Aprilis, anno Dominicæ Incarnationis millesimo septuagesimo secundo.

Post obitum verò Domini Dominici Valvensis Episcopi, & Piscariensis Abbatis, cum Fratres diutius nollent sine Rectore manere, ne res Ecclesiæ decreverent, cum Clericis S. Pelini, qui similiter Pastore carebant, Romam tetenderunt, & habito consilio, cum non possent ad Imperatorem ire, quia jam discordia & dissidium inter Romanam Ecclesiam & Imperium Teutonicorum parabatur, ad præsentiam Apostolicæ sedis accesserunt. Agnitis itaque causis utriusque Ecclesiæ in Romanâ Curia, TRASMUNDUS quidam Monachus, nobilis vir, frater Oderisii qui post Dominum Desiderium fuit Abbas S. Benedicti, in electionem ejus utrisque concordantibus & consentientibus à Domino Papa Gregorio, & Monachis S. Clementis in Abbatem, & Clericis S. Pelini in Episcopum honorabiliter est datus. anno ab Incarnatione Domini nostri JESU-CHRISTI M. LXXXIII.

Qui venerabilis Papa Gregorius in universali Concilio, quod Romæ celebravit contra Normannos, & alios invasores, de prædiis & possessionibus Monasterii S. Clementis specialem sententiam multumque timendam taliter promulgavit.

*Sententia à Gregorio Papa promulgata contra pervasores possessionum Monasterii S. Clementis.*

**S**I quis Normannorum, vel quorumlibet hominum, prædia Monasterii B. Clementis invaserit, vel quascumque resejusdem Monasterii injustè abstulerit, si bis vel ter admonitus non emendaverit, excommunicationi subiaceat, donec resipiscat, & Ecclesiæ satisfaciat. Si quis prædia B. Clementis ubicumque posita in proprietatem suam usurpaverit, vel sciens occultata non propalaverit, vel debitum servitium exinde B. Clementi non exhibuerit, recognoscat se iram Dei & S. Clementis velut sacrilegus incurere. Quicumque autem in hoc crimine deprehensus fuerit, eandem hereditatem B. Clementis restituat, & pœnam quadruplum de propriis bonis persolvat. Quicumque Militum, vel cujuscumque ordinis, vel professionis persona, prædia Ecclesiastica à quocumque Rege seu sæculari Principe, vel ab episcopis, invitis Abbatibus, aut ab aliquibus Ecclesiarum rectoribus suscepit vel suscepit, vel invalit; vel etiam eorumdem Rectorum depravato sententiâ consensu tenuerit, nisi eadem prædia Ecclesiis restituerit, excommunicationi subiaceat.

Romæ in universali Synodo præsidente Beato Gregorio Papa ab eodem promulgata, ab universali Concilio comprobata.

Istæ verò litteræ, quas inde fieri jussit, ab eodem Apostolico per eundem Dominum TRASMUNDUM, à se jam Abbatem & Episcopum ordinatum, ad Conventum Ecclesiæ S. Clementis sunt destinata, ut observandæ perpetuò cum privilegiis in Piscariensi Monasterio reserventur. Igitur cum Dominus Trasmundus Episcopus & Abbas esset ordinatus, regebat utramque Ecclesiam, & negotia utriusque separatim agebat; nam aliquando in sancto Pelino, aliquando in Monasterio habitabat. Cujus in tempore, anno videlicet Incarnationis Dominicæ currense millesimo septuagesimo quarto, Indictione duodecimâ, quidam nobilis & illustris vir, Obertus nomine, quondam Guidonis filius, pro remedio salutis animæ suæ quicquid sibi pertinebat de castello, qui dicitur Petrace de sancto Valentino, B. Clementis Monasterio tradidit, & per manus prædicti Abbatis confirmavit, indeque litteras confirmationis fieri fecit. Abbas præterea Trasmundus ut sapiens vir, dum plus studeret in præsentibus quàm provideret futuris, in hoc facto castellum, quod foris erat intromittens, ædificavit in insulâ, & ipsam turre & mœnibus circumdedit, viros & mulieres habitatores ipsius castelli insti-

XXII. Abbas Trasmundus.

1073

Gregorius Papa VII.

1074.

Obiit Dominicus Abbas, & Episcopus Walvensis.

1072.

EEEEEE

tuit : transitum suum & habitatorum ejusdem ante portas ipsius castelli communem fecit : hac nocte occasione, quia Toccenses infestabant habitatores exterioris castelli.

Præter hæc etiam sequenti anno, qui est ab Incarnatione Domini annus millesimus septuagesimus quintus, Rainardus, supradicti Oberti filius, eodem & simili ordine ac tenore quo & pater ejus, quartam partem sibi residuam de suprascripto S. Valentini castello devoto animo S. Clementi obtulit, & chartulam confirmationis inde faciens Domino Trasmundo Abbati legaliter tribuit.

Iste siquidem Abbas cum esset Episcopus, & Ecclesiam sancti Pelini miro opere renovasset, & etiam sancti Pamphili Sulmonensem Ecclesiam jam renovare cœpisset, quamvis possessionibus non exuberaret, imò sicut supra notavimus detrimentum pateretur, tamen non fuit contentus humilitate prioris Ecclesiæ, quæ fuerat ædificata à Ludovico Imperatore, in loco ubi ob hoc usque hodie dicitur Ad Sanctos-novos, ædificavit novam Ecclesiam, in quâ cœgit manere Congregationem, volens ibi, si tempus haberet, & Deus vellet, transferre beatissimum Clementem. Verumtamen Deus ejus nisibus obstitit, & quod ipse præordinaverat ut homo, sicut in sequenti dicemus, evenire non potuit. Tunc siquidem volebantur anni Domini Incarnationis millesimus septuagesimus sextus, & septimus, & octavus. In tempore etiam Abbatibus hujus & Episcopis, in anno videlicet ab Incarnatione Domini nostri JESU-CHRISTI millesimo septuagesimo nono, quidam Spanus nomine dedit Monasterio sancti Clementis pro remedio animæ suæ Ecclesiam sancti Sylvestri, quæ est Caramanico, cum tenementis & pertinentiis ejusdem Ecclesiæ, sicut in charta ab eo facta legitur.

Ugo namque Malmazettus videns novas munitiones fieri, & metuens ipsas fore impedimentum sibi, invaserat multa castella, & munitiones, & maximam partem illius regionis, finxit se amicabiliter velle habere colloquium cum Abbate. Tendet insidias, illumque improvisum & minus cautum comprehendit, in carcerem trussit, & tamdiu ligatum tenuit, donec omnia nova ædificia dirueret, & habitatores rebus & utensilibus spoliaret. Postquam omnia sicut sibi placuerat demolitus est, Abbatem solvit, & liberum abire permisit. Qui rediens ad Abbatiam cum eam nudam & bonis spoliata videret, unde posset vivere in eâ non inveniret, tristis & verecundus, partim quia destructum videbat quod ædificaverat, partim propter dedecus quod sibi grave illatum fuerat, postquam per octo annos præfuit Abbatia, regressus est ad sanctum Pelinum suum Episcopum, ibique paucis diebus postea vivens, reddidit carnis debitum, & moriens quinto Calendas Decembris, ibidem in Ecclesiâ sancti Pelini meruit habere sepulcrum. Monachi autem in destructione Ecclesiæ quæ facta fuerat, ut prædiximus, ab Ugone Malmazetto in tempore Trasmundi Abbatis sancti Clementis, & sancti Pelini Episcopi, per diversa loca dispersi, quando potuerunt reversi sunt ad Monasterium, & ante corpus sancti Clementis, quæ pars sola Ecclesiæ cum quatuor tantum veteranis Monachis integra remanserat, quos quatuor Monachos in ipsâ Monasterii mutatione vixisse nostri majores prædunt. Quia nunquam recedimus à loco quem elegit Dominus, & in quo Dominus noster B. Clemens voluit requiescere; non enim sine Dei nutu hic Ludovicus Imperator Domino templum istud ædificavit; & ideo non aliter quam corpus sine animâ poterit quis nos alibi transferre, quia potius mori volumus, quam

hinc discedere. Cætera enim præter locum ipsum, in quo supradicti quatuor Monachi ante sanctum Clementem excubabant, vepres & urtica occupaverant, conglobati sunt ipsi Fratres, & desolationem Ecclesiæ, depopulationem Monasterii lugentes, in dolore & ærumnâ ipso tempore permanebant. Tandem quia sine Abbate esse volebant, unum ex suis, ADAM nomine, ipsius Monasterii Præpositum in sedem posuerunt, ejusque auxilio ad restorationem Monasterii, si facultas ei daretur, desideranter invigilabant anno Domini millesimo octogesimo, Indictione tertiâ.

Anno igitur Dominicæ Incarnationis millesimo octogesimo primo, quidam Benedictus de castello Poperi, in ejusdem pertinentiâ dedit sancto Clementi quasdam possessiones. Et quidam Dodo Presbyter quasdam alias in pertinentiâ de Tocco, per loca & vocabula quæ in chartis inde ab eisdem factis, & Abbati Adæ attributis habentur. Elapsum post hæc annis ab Incarnatione Domini nostri JESU-CHRISTI millesimo octogesimo secundo, tertio, quarto, & quinto, anno etiam Dominicæ Incarnationis millesimo octogesimo sexto, Indictione nonâ, quidam Ugo, genere Francus, pro animâ suâ & parentum suorum, dedit sancto Clementi possessiones in territorio Teatensi, videlicet in pertinentiâ de castello, quod dicitur Villamaina, sexaginta & sex modiorum, & faciens inde chartam confirmationis obtulit Monasterio; de quibus Abbas Adam fecit cambium cum Domino Rainulfo Teatino Episcopo, recipiens inde prope Monasterium in loco, qui dicitur Caniano, & ad Pontem Marmoreum, terras & vineas, & Plebanam Ecclesiam sancti Petri, cum omnibus quæ sibi pertinebant. Refutavit etiam idem Rainulphus Teatinus Episcopus Ecclesias, quas antiquitus habet sanctus Clemens in Caramanico, & eas ab omni conditione, quas in eisdem se dicebat habere, liberas & absolutas Piscariensi Monasterio reddidit, sicut habetur in legalibus instrumentis inde compositis.

Verum quia nondum purgata erat iniquitas, nec tempora illa adveniant, in quibus Ecclesiæ suæ Deus quam ineffabiliter opprimi sciverat, misereri debuisset, Abbas Adam & Monachi S. Clementis vix erigere caput valuerunt, & inter hostes degentes, quasi hostes essent de suis miserabiliter tamquam non de suis vivebant. Et quia nemo est ex omni parte beatus, Dominus Deus, qui sanctis semper præsto est, ipsum Abbatem Adam permisit carnem voluptate aliquantulum superari; pro quâ re, sicut fertur, Abbatia tota magnum detrimentum sustinuit, & terras illas, quas Ecclesia S. Clementis habebat in pertinentiis Tocci, pro ejus fragilitate irrecuperabiliter perdidit. Sex annis vixit in regimine, deinde migravit ex corpore. Post defunctionem istius tenebat Abbatiam quasi Cappellulam unam prædictus Malmazettus, & non permisit quod Monachi crearent Abbatem, imò præposuit illis quem voluit, & quamdiu sibi placuit, quemdam ADENULPHUM non de ipsâ Congregatione Monachum; quod Fratres sufferre non valentes, ipsius Malmazetti præsentiam adierunt, & isto remoto de præpositurâ Monasterii, ut Abbatem sibi eligendi licentiam habere permetteret, rogaverunt; quos rumor insipientis vulgi in hoc opere aliquantulum juvit; qui omnes acclamabant contra illum tamquam contra dissipatorem Ecclesiæ, & Dei, & S. Clementis inimicum. Quid multa? Datur eis potestas eligendi, & adjutorio divino elegerunt, & præposuerunt sibi JOANNEM quemdam ejusdem Monasterii Monachum, religione & vitâ probabili notum. In cujus tempore magna Crux, quæ est in choro Ecclesiæ S. Clementis erecta, miro opere

XXIII. Abb.  
Adam.

1080.

1081.

1082.

83. 84.

85. 86.

Adenulphus  
Abbas intrusus.

XXIV. Abbas  
Joannes.

facta est atque depicta; quæ in magnâ veneratione tam à Fratribus, quàm à multis aliis habetur, eo quod ad honorem pretiosi ligni Crucis Christi circa sibi devotos multum sit exaudibilis. Fecit etiam Dominus Joannes Abbas trabem, ubi Salvatoris iconas, & imagines Prophetarum & Apostolorum, passionem quoque Domini, & Agnum Dei, laudabili depinxit opere, ac in sublime levans super ejusdem chori januam ordinavit.

1093.

Sanè Dominicæ Incarnationis millesimo nonagesimo tertio, nobilis vir Rainerius, filius quondam Tribuni, obtulit Monasterio S. Clementis chartam quam fecerat de S. Georgio quodam castello, & de Ecclesiis, videlicet de sancto Martino, S. MARIA de Melano, & de S. Flaviano, cum possessionibus terrarum mille modiorum in Aprutio. Currente

1094.

igitur anno ab Incarnatione Domini nostri JESU-CHRISTI millesimo nonagesimo quarto; circa tempora verò ista Dominus JOANNES Piscariensis Abbas, pro morum honestate & sapientiæ prærogativâ meruit S. Pelini sublimari in Episcopum, & Valvensis Episcopus effectus; cum videret persequutionem Malmazetti ingravescere, utile sibi credens esse consilium, cœpit Abbatiam curam postponere, & magis de Episcopatu curare. Malmazettus autem plûs suum velle quàm Dei beneplacitum nîsus perficere, quemdam suum Capellanum GILEBERTUM nomine, sub specie miserationis, & reverâ sicut postea in facto patuit, spe spoliandi misit ad Monasterium S. Clementis, & præfecit eum ibi, præcipiens palam ut curam gereret Abbatiam, quomodo eam posset augmentare; clam insinuans, ut festinaret quàm citius posset eam ornamentis, & valibus aureis & argenteis spoliare. Suspiciabatur enim Malmazettus invidias de Monachis S. Clementis, & timebat ne si Henricus Imperator, qui tunc temporis in Italiâ & Romæ potenti manu triumphare credebatur, ad has partes veniret, ob copiam eorundem thesaurorum Piscariense Monasterium reconvaleretur, & ad suæ libertatis excellentiam rediret. Quod & fortè contigisset, nisi esset propter metum ejusdem tyranni, & aliorum Normannorum, qui eis & in totâ regione potenter, & cum multo terrore dominabantur; & etiam quia idem Rex Henricus Ecclesiæ Romanæ videbatur inimicari. Ille Gilebertus suscepit imperium, tenuit in mente consilium, & approprians ad Monasterium intravit sicut lupus sub tegmine agni, paratus occidere, jugulare, deprædare, & paucis post diebus reversus est ad dominum suum cum infinitâ copiâ auri & argenti: abraferat enim cruces, fregerat thuribula & calices, nec perpererat testis aureis & argenteis, quibus tecta videbantur verba Salvatoris; de quibus namque thesauris Piscariensis Ecclesia S. Clementis copiosè jam restaurata erat à tempore sanctorum Abbatum, videlicet Domni Widonis, & Domni Dominici, & cæterorum qui inter bonos Abbates computantur. Invenerat enim ibi oves moribus simplices, ad occisionem magis paratas quàm ad vindictam, quas metu territans, sicut diximus, sub specie Pastoris spoliavit Ecclesiam. Quid facerent? Pastorem non habebant, thesauros perdiderant, circumcincti hostes suos potentes in possessionibus Ecclesiæ debacchari cernebant; qui eis misereretur, qui ferret auxilium non inveniebant.

Taliter obstricti, afflicti cucurrerunt ad Tyrannum; & quæ sibi acciderant, tamquam nescienti voce singultuosâ retulerunt. Ille verò fingens se velle misereri, qui reverâ lætabatur cum malefaceret, & exultabat in rebus pessimis, dedit eis licentiam eligendi quem vellent; non reddidit eis thesauros, quibus Ecclesiam repararent. Verùm primitus acce-

serunt ad Dominum Joannem Episcopum, rogantes eum ut sicut antea curam gereret Abbatiam, qui non acquiescens eis, dimisit Abbatiam, & tenuit Episcopatum. Erat quidam Monachus de Monasterio S. Vincentii, qui famâ notus, nec multum literatus, de agriculturâ sollicitus, & in rebus secularibus studiosus, regebat Præposituram S. Petri de Trite: istum siquidem, nomine GRIMOALDUM, de consilio & auctoritate prædicti Domni Joannis Episcopi, Abbatem petiére sibi Fratres pauci numero, rebus pauperes, ad restaurationem domuum, & ad reparationem Ecclesiæ valdè solliciti. Qui cum sibi datus esset, & locum desertum, & facultatibus & habitatoribus denudatum videret, voluntariè esset reversus ad Ecclesiam de quâ sumptus fuerat, si potuisset. Non enim videbat, nec invenire poterat unde ruinas Monasterii reparare valeret; fecit tamen quod potuit, expectans ut Deus visitaret Ecclesiam meritis & intercessionibus Sancti Clementis.

Ugo Malmazettus, quem superbientem, & immoderatum, & pervalorem suprâ notavimus (cui non sufficeret si in manu haberet, etiam totus mundus) postquàm Barones exheredavit, fugavit, expulit, & castella eorum & possessiones sibi usurpavit, ad altiora tendens, quoddam castellum munitissimum, Preze vocitatum, quâ posset arte rapere disposuit. Abstulerat enim domino prænominati castelli quasdam alias munitiones, & laborabat adhuc sicut de pluribus fecerat, ut eum omninò prosciberet. Dominus autem castelli sororem habebat pulcherrimam & sapientem nimis, quæ auditu solo cognoscens mores luxuriosi Malmazetti, mandavit ei clam quodd si vellet ad eam venire in convallem castelli, haberet cum eo familiare colloquium, & si daret ei aliquem de suis Baronibus in maritum, faceret quod ipse habere posset sine sui læsione castellum. Quod audiens Malmazettus gratulabundè suscepit, & ad locum quem ipsa posuerat cum paucis venit. Puella verò fratri indicaverat promissionem adventus ejus qui armatus cum militibus, & turbâ peditum sequutus est puellam de longè, & inter dumeta occultavit se suosque. Puella venit ad eum, & inter oscula lenibus verbis decipiens, fecit ut recumberet in sinu ejus. Pedissequa quam secum duxerat tenebat in gremio suo pedes ipsius, & dum puella cum lenone dulcibus alloquiis frueretur, abra involvebat circa calcaria longam camiliam, quâ erat indutus, ut cum tempus esset, & vellet consurgere, non posset, quoniam foret impeditus. Frater puellæ videns eum in gremio procumbentem sororis, cum armatâ equitum turbâ & peditum, ad locum cucurrit, eumque jacentem nec valentem citò consurgere comprehendit, ligavit, & antequàm à suis posset auxilium habere in firmissima castelli loca eum sub custodia posuit. Barones audientes quia captus esset Dei & hominum adversarius, unusquisque ad ea loca quæ Malmazettus violenter ac fraudulenter rapuerat, cucurrit, obsedit, obtinuit, & tamdiù ipse in carcere jacuit clausus, donec totam terram quam invaserat liberam redderet; & ipse, sicut decens erat, nudus & pauper non in suo, sed in alieno vitam miseram actitaret. Habebat septem filios de uxore, quos omnes Comites & Duces proposuerat in terrâ non suâ sub brevi facere, & quid de se existimaret si longius viveret satis est ad cognoscendum facile. Verumtamen Deus quem ipse offenderat, & B. Clemens, cujus domum subverterat, auro & argento spoliaverat, eum non permisit quod cupiebat factis implere, imò fecit eum gravissimâ torqueri infirmitate, quâ ipse detentus occubuit: & eodem anno quo mortuus est, sequuti sunt eum moriendo quinque filii sui. Sicque factum est, ut in

XXVI. Abbas Grimoaldus.

XXV. Abbas Gilebertus.

In figuris puellæ fortitudo.

Monasterio quod spoliaverat haberet sepulturam, in eo loco ubi olim imago S. Clementis stans depicta erat, in cryptâ videlicet quam Dominus Grimoaldus Abbas ibidem ob ejus honorem construxit, atque depingere fecit ante januam meridianæ subditæ ipsius Ecclesiæ.

Sanè per idem tempus quidam Lieto, Presbyter de Tocco, fecit chartam traditionis & confirmationis Piscariensi Monasterio de Ecclesiola S. Comitii per manus Grimoaldi Abbatis, in anno Dominicæ Incarnationis M. xcvi.

Satis laboravimus in relatione miseriarum & desolationis Ecclesiæ, in persecutione Ugonis Malma-zetti, & ejus dejectione, & quia bonum Abbatem Dominus Ecclesiæ suæ contulit, qui ad restorationem ipsius multum laboraverit. Postquàm de morte adversarii quamvis pauca referentes aliquantulum fatigati sumus, quiescamus paululum, ut recreati sequentis libri alacriori affectu sumamus exordium.

*Explicit Liber secundus.*

### LIBER TERTIUS.

**E**LECTO itaque, & nondum consecrato Grimoaldo Abbate, post mortem nequissimi Ugonis, de quo superius pauca de multis memoravimus, surrexit alter nequior illo Wilielmus, Tassio, vero nomine dictus, quia & fraudulentus erat, ex nomine rapacis bestiolæ, & amator terrenorum, quod signatur ex proprio nomine. Wilielmus enim amator terrenæ sapientiæ esse cognoscitur, si hujus nominis ad purum etymologia discutatur. Wi enim græcè, latine terra dicitur, herma Mercurius Deus sapientiæ, sive somni vocatur. Itaque Wilielmus adjectione duarum semivocalium, terra-sapiens, vel sapiens terram, id est, terrena, nuncupatur. Hic totam suam sapientiam in acquisitione terrenorum primitus posuit, & in tantum debacchari cœpit, ut malleus universæ terræ crederetur; & non solum ab his quos violenter sibi subdiderat, verumetiam ab eis qui longè positierant, solâ crudelitate timeretur.

Ille cum teneret in Pinne castellum Loreti, & in Balvâ castellum Poperim, & sæpe contrâ vicinos & circummanentes bellum gereret, validâ persuasione ac venenatâ promissionum dulcedine, prædictum Dominum Joannem Valvensen Episcopum illexit, & fraudulenter attraxit, dataque sibi quâdam infirmiore prædicti castelli Poperi, juravit ei manu suâ, quod si idem Episcopus concederet ei custodiam turris Beatorritæ S. Pelini, & turris insulæ S. Clementis, & ut per terram utrorumque Sanctorum, se suumque exercitum securè conducere, ut de ipsâ pacem & guerram vicinis suis posset facere, finitâ guerrâ, quam cum suis vicinis & maximè cum Mariscanis habebat, quam in brevi ex fortunatis bellis & consuetis victoriis se terminare credebat, non solum ipsas munitiones redderet, verumetiam totum castellum Poperi cum munitionibus & pertinentiis suis S. Pelino & S. Clementi, tamquam rem juris eorum ex integro largiretur. Abbas enim Grimoaldus ipso tempore, sicut vicarius prædicti Episcopi donec consecraretur, Abbatiam gubernabat. Hac igitur sponfione acceptâ, talique juramento dexteræ Wilielmi Joannes Episcopus securus factus, simplici animo, & sicut innocens qui credit omni verbo, concessit ei unde postea deceptus fuit. Nam non post multum tempus ex tali intromissione cœpit sibi Wilielmus Tassio ambas Ecclesias S. Clementis & S. Pelini, & terras earum tamquam proprias vendicare, & ex toto qui à se prædictis munitionibus potentem videbat, suppeditaret. Ex hujus

itaque gravamine Grimoaldus est aliquantulum coartatus, quia neque ad Imperatorem ire, neque quò maneret Imperator noscere poterat (Normanni enim qui totam terram illam invaserant, nec nomen Imperatoris audire volebant, nec ad illum quempiam ire sinebant) quid ageret nesciebat, quia destructionem suæ Ecclesiæ, & eversionem quotidie videns, & reedificare diruta non valens, ad lamentum potius quàm ad delectationem corporalem provocabatur; totam tamen spem suam in Deum posuit, & ei humiles preces fudit, ut pacem Ecclesiæ redderet, & inimicos, qui superbum caput extulerant, humiliaret.

Eodem tempore miseratione divinâ Ecclesia Romana bonum Pastorem habebat, Christianitatis amatorem, & fidei defensorem, Sanctum Urbanum. Hic dolens quia Sarraceni occupaverant sanctam civitatem Hierusalem, & sepulcrum Domini, volens eam eripere de manibus impiorum, & reddere pristinæ libertati, prædicavit remissionem peccatorum, & vice sibi traditâ à Deo omnibus dedit quicumque Hierusalem tenderent, & civitatem & terram transmarinam, quæ à Sarracenis possidebatur, liberarent, adjiciens etiam hoc, ut si quisquam in viâ, sive in pugnâ, pro Christo moreretur, in numero Martyrum absolutus ab omnibus peccatis suis computaretur. Et dum totus mundus post eum curreret avidus remissionem peccatorum accipere, & in numero Sanctorum Martyrum esse, contigit ut hoc prædicans prædictus summus Pontifex deveniret Thyetum, ibique perendinans, non multis diebus, cum Episcopis & Baronibus de viâ Jerosolymitanâ habuit commune colloquium. Quod agnoscens Grimoaldus accessit ad eum, & expositis calamitatibus Ecclesiæ suæ, & destructione funditus, cum maximâ reverentiâ à prædicto Papa Urbano susceptus, & sub protectione Romanæ Ecclesiæ quam hactenus Abbatia S. Clementis ignoraverat, quia ab Imperatoribus gubernabatur, meruit collocari. Hic primus ab illo in Abbatem consecratus, baculum pastorem in loco sceptri regalis, quod Antecessores sui, & ipse ex dono Imperatoris in dexterâ portabant, suscepit: & ex illo tempore cœpit securus intentus esse ad restorationem Ecclesiæ & ædificiorum, ad reparationem possessionum perditarum: virgulta jam erant nata in ruinis Monasterii, quæ fecit extirpare, & novos parietes erigi, & brevi spatio temporis, adjuvante sibi gratiâ Salvatoris, & meritis S. Clementis, reparavit Ecclesiam & Officinas Monasterii, non in eo statu quo antea fuerant, sed sicut posse sibi datum est, & melius existimavit. Sanè quando ista fiebant, anni Dominicæ Incarnationisolvebantur; videlicet millesimus nonagesimus octavus & nonus, & millesimus centesimus. & centesimus primus.

Præterea in anno ab Incarnatione Domini nostri JESU-CHRISTI millesimo centesimo secundo, fecit idem Abbas conventionem cum nobilibus viris de Marchiâ, videlicet cum Garendo Comite de Camerino, & cum filiis Gozoni, & aliis hominibus, quorum nomina in chartis inde descriptis reperiuntur, de possessionibus in Camerino, & in territorio Firmiano, videlicet in Lauro, Monte Opterami & Vestiniano, per loca & vocabula earundem, & census quos annuatim inde ordinavit, omnia in ipsis instrumentis chartarum descripta manifestius habentur. Item castellum de Fabali, quod olim duo fratres Cono & Sanso tempore Domni Dominici Abbatis per chartulam Piscariensi Monasterio dederunt; Comes Riccardus de Manupello in anno Dominicæ Incarnationis millesimo centesimo tertio, rursus de ipso castello chartulam traditionis per manus Domni Grimoaldi Abbatis fecit S. Clementi, si-

1098.  
1099.  
1100.  
1101.

1102.

1103.

cur



cut suum fore, & ex suo dono illud largiretur.

Wilhelmus igitur Tassio, qui secundâ persequutione post Malmazettum in possessionibus S. Clementis & vicinorum magnâ violentiâ grassabatur, nescio quo ductus spiritu transmarinas partes adire voluit, & quod malè invaserat non dimittens quietum quibus abstulerat, sed magis impediens, vendidit Riccardo Comiti domino Manupelli Abbatiam S. Clementis, Poperim, & Episcopium S. Pelini, pro mille byzantiis. Riccardo verò Comes cupidus Imperii, postquam emerat ab illo qui sibi vendere non poterat jura Monasterii, cum magno comitatu Insulam Piscariam venit, & ibi tabernaculum suum fixit, & quamdiù sibi placuit ibi manens, postquam bona Ecclesiæ superflue convivendo consumsit, cum vellet regredi, dixit Abbati: Nolo te latere Abbas, quia nos mercatores idcirco tradimus aurum ut accipiamus duplum, idcirco damus nostram pecuniam, ut ab his quæ emimus triplici cum usurâ acquiramus eam. Novisti quia ego emi istam Abbatiam cui præses, cum aliis paucis, mille byzantiis, voluit in præsentem mihi restituas quod ad te pertinere videbitur de suprataxatâ pecuniâ; nolo ut me facias irasci contra te aliquâ morulâ, statim solve quod præcipio, quia te expectare vel ad momentum nec possum, nec volo.

Cumque Abbas humiliter responderet se pecuniam non habere, & ei ostenderet ruinas parietum & destructionem Ecclesiæ; ille furibundus, & extrâ se raptus, nec cedens Deo, nec honorem exhibens Martyri venerando, in hæc verba prorupit: Si in tibi positâ die pecuniam prænominatam integro pondere non attuleris, ruinas quas monstravi tibi complebo, & postquam omnia destructa fuerint quæ fecisti, totius insulæ cum omnibus pertinentiis suis depulsis habitatoribus dominabor. Hæc dicens iter arripuit, procul dubio facturus quod promiserat, si sibi licuerit. Quid facies, Grimoaldi Pater? rabies furibundi nunquam sedatur, nisi des quod postulat aurum. Quantum dolor: quanta miseria! Abbatia quæ hætenus fuit Imperialis Camera, modò datur pro pretio sicut à mercatoribus venditur vilis ancillula. Ubi sunt fastus regales? Ubi sceptri magnificentia? omnia ex te ceciderunt, sub jugo posita es, non es libera, ille te liberet cujus in te continetur gleba. Quid multa? Statutâ die, communicato consilio cum Fratribus habitatoribus loci, cum habere non posset impositum sibi pondus auri, colligit animalia & pecora omnia quæcumque potuerunt in possessionibus inveniri, & sumptis matribus cum vagientibus parvulis tetendit ad ædes tyranni, & quæ duxerat offerens, dixit ei: Hæc sunt unde debent vivere pauperculæ mulieres istæ cum suis liberis, parce ut parcat tibi Deus; noli terram S. Clementis in desertum redigere, depulsis habitatoribus loci: scias pro certo quia si haberemus quod postulas nulla esset cunctatio in reddendo, quia non volumus te nostro pro facto ad iracundiam provocare. Ille verò cujus animus igne succensus erat avaritiæ, non judicavit Abbatem dignum responsione, imò extendens manû ad munera, suscepit boves & pecora, nec illi dimisit ex omnibus, nec pueris, nec eorum matribus unde possent sustentari die unâ.

Abbas Grimoaldus reversus est ad Monasterium prædâ dispoliatus, & magis dolens pro cultoribus agrorum, quàm pro se vel Fratribus, convertit preces ad Dominum, & effusus ante corpus S. Clementis dixit: Domine memento nostri, te enim expectavimus, esto brachium nostrum in mane, & salus nostra in tempore tribulationis. Non gaudeat inimicus tuus diutius de prædâ quam fraudulenter abstulit famulis tuis: ostende virtutem tuam pro Ecclesiâ tuâ, ne ei

dicatur: ubi est Deus tuus? His dictis siluit, & quod Deus esset facturus expectavit; credebatur enim fiduciam habens in Domino, quia Deus esset pugnaturus pro loco suo. Venit dies in quâ præfatus Comes Riccardo solemnes sibi jussit epulas præparari, & sedens in palatio, cum jam penè esset plenus ferculis, quæ multa sibi fieri jussit de prædâ S. Clementis, cum adhuc ad mensam sederet cum Baronibus suis, vindictam divinam sensit adesse sibi. Nam quædam persona terribilis ei soli apparuit, induta veste sacerdotali, & cum clava quam manu gestabat, super caput illius maximum ictum dedit; quo ictu ipse statim & visum & auditum perdidit, & ejulans magnâ voce ad proprium lectum advectus est manibus servulorum. Et cum inquireretur à mulieribus quid haberet, quare tam subito exclamavisset; ille recuperat auditu dixit: Non videtis quod video? iste Presbyter qui hîc adstat cum mazucâ, confregit uno ictu tempora mea, & elevato ictu si me iterum percussit, protinus egrediar de præsentem vitâ. Clemens noli me percutere, noli Clemens: in his vocibus exspiravit, & sensit quia ille non dormit neque dormitat, qui suos semper & ubique custodit. Fama autem hujus facti licet silentio premeretur, diutius celari non potuit, & tantum gaudium in corde bonorum crevit de hoc, quod Deus lacrymas fervorum suorum non tradiderat oblivioni, ut qui lugubrem vitam ducebant suis bonis exspoliati, consolationem susciperent pro vindictâ & morte inimici. Uxor ejus, quæ vidua remanserat, quandam partem de his quæ maritus ejus abstulerat reddidit Grimoaldo Abbati, & filium suum ita castigatum & præmonitum tenuit, ut Abbatæ insulæ Piscariensis nihil mali faceret quamdiù mater ejus vixit: post mortem matris, oblitus monitorum ejus ad mores patris revertens, genitorem suum malitiâ superavit.

Mortuo autem sanctæ recordationis Urbano Papa Paschalis sede locatus Pontificali meruit insulâ decorari. Qui mittens unum de Cardinalibus suis, Augustinum nomine, vice Legati, præcepit ut Attonem Comitem, qui propriâ ac legitimâ uxore relicta, & cæ vivente sibi alteram duxerat, Rogatam videlicet uxorem defuncti Malmazetti, excommunicaret, & tamdiù extrâ Ecclesiam esse faceret, donec illam quam malè tenebat relinquens, pro reatu satisfaceret, & quos malè faciens suo exemplo læserat, poenitens ad satisfactionem provocaret. Qui legatus insulam Piscariensem, in quâ Monasterium S. Clementis est, devenit, ibique maximo cum honore susceptus, juxta præceptum Domini Papæ prædictum Attonem excommunicatum ad satisfactionem provocans, poenitentem recepit, Ecclesiæ reddidit, & ne ultra ad peccatum rediret illud, pro quo sententiam excommunicationis acceperat, jurare fecit.

Hic dum familiariter in Monasterio cum Abbate & Fratribus maneret, & de statu Ecclesiæ & Reliquiis, quæ in eo continebantur, requireret, audivit corpus B. Clementis ibi tumulatum jacere; sed ad hoc credendum nullâ potuit provocari ratione, donec Abbas ei promisit, quia ostensione ejusdem sacrosancti corporis ipse dubius dubio faceret fidem dictis. Adveniente itaque B. Clementis festivitate, & eodem Cardinali præsentem, solemniter, ut moris est, celebratâ, venit nox; Fratresque, sicut mos est, post Completorium petiére cubicula, & Abbas duos de Fratribus, & duos de famulis suis, de quorum fide & religione minimè dubitabat, in Ecclesiâ latenter jussit manere, donec in mediâ nocte accensis luminibus, & obferatis portis firmiter, super se datis sibi ferramentis frangerent tumbam quæ erat post altare, & diligenter inquirerent, donec invenirent quod sufficeret & incredulitati Cardinalis, & multorum du-

FFFFF



Inventio corporis S. Clementis.

bitationi. Qui parentes mandatis fregerunt tumbam, & inveniētes vacuum timuerunt supervacaneum esse laborem suum, & fallacem assertionem Monachorum.

Tandem animati ruperunt pavimentum, ibique nihil inveniētes, fregerunt secundum, & facto foramine, tanto subito sunt repleti odore, ut putarent se in paradiso Dei adstare; tantusque sonitus auditus est ex percussione secundi, ut videretur illis qui præsentes aderant ibi, corruisse totum Monasterium fractis parietibus cunctis. Cum autem tremefacti instarent labori, & avidi contemplari caelestis thesauri, invenerunt subito quod desiderabant, pretiosum corpus venerabilis Martyris Christi & Romani Pontificis S. Clementis in vase alabastrum, in quo illud posuerat cautela & providentia venerandae memoriae Imperatoris Ludovici. Quod videntes, vas tangere non fuerunt auli, sed statim nuntiaverunt Abbati quæ viderant, quæ audierant, quæ invenerant, & quæ contigerant illis. Qui excitus à somno confestim iuxtrexit de stratu suo, & convocatis Fratribus & Cardinali, cum timore & reverentia accesserunt ad locum, & factâ primitus oratione, cum singultu & lacrimis aperuerunt thesam thesauri, & invenerunt titulum aureis literis scriptum: Hic jacet Sanctus Clemens Petri Discipulus, & à Petro Papa secundus, qui iussu Traiani Imperatoris anchora ad ejus collum ligata fuit in pelago merus. Quem titulum cum legeret Cardinalis, ejus facies illico est perfusa ubertim profluentibus lacrymis, & procedens ad cætera, cum pro certo cognovisset quod ibi S. Clemens jaceret, in laudibus prosilivit, incipiens, *Te Deum laudamus*; quod Fratres cum jubilo cantaverunt, & ad finem usque exultantibus Angelis, & præsentibus Martyribus sanctis, ipsum *Te Deum laudamus* modulizando perduxerunt. Quod factum vicinos latere non poterat, sed ad hoc spectaculum omnis sexus occurrit; & tanta fuit hominum multitudo, ut arenae maris posset æquari.

Cum autem coram cunctis singillatim membra beati viri nec unum os deesse conspicerent, invenerunt etiam de carne B. Petri, & unum de dentibus S. Pauli. Titulum etiam ad confirmandam veritatem scriptum similibus literis: Hic dens est de dentibus Sancti Pauli, qui fuit raptus usque ad tertium cælum; & audivit arcana verba, quæ non licet homini loqui. Caro verò Beati Petri ita mollis effecta erat, quasi lana munda, & quando constrinxit eam Cardinalis cum manu dexterâ, videbatur sibi quasi nihil esset in palma, quando aperiebatur ipsa manus, caro revertebatur ad quantitatem quam habuerat antea. Videns autem Cardinalis magna mirabilia Dei credidit quod prius non credebatur, esse videlicet ibi B. Clementem corporaliter, & in virtute spiritualiter, & remeans retulit quæ viderat summo Pontifici, Domino videlicet Papæ Pascali, & omnibus Concardinalibus suis, qui unanimiter reddiderunt gratias Salvatori, qui non frustratus fuerat Italiam Romano Pontifice, sancto scilicet Clemente reverendo Martyre.

Facta est igitur hæc ostensio pretiosissimi corporis gloriosi Pontificis & Martyris Christi Clementis, post festum ejusdem alterâ die, id est octavo Calendas Decembris, anno Dominicæ Incarnationis millesimo centesimo quarto, Indictione decimâ tertiâ, à conditione verò Monasterii Casauriensis . . .

Elevatio corporis S. Clementis.

Abbas verò Grimoaldus ultra modum lætus effectus, quia certus erat unde multorum dubitatio eum aliquantulum dubitare compellebat, construxit altare, & in die statuta coram maximâ multitudine convocato Episcopo Valvensi, nomine Gualterio, qui supradicto Domino Joanni Episcopo, & Piscariensi Abbati, in Pontificatu successerat, (cujus Domini Joannis Episcopi & Abbatis obitus inscribi-

tur octavo Idus Augusti,) collocavit Idem Praefatus Gualterius in eodem altari sacro-sanctum corpus Clementis Papæ & Martyris integrum totum, sicut traditum fuerat Ludovico Imperatori, exceptâ unâ particulâ quæ ad recordationem posterorum, & certitudinem præsentium, & remedium ægrotantium; quæ etiam conservatur in locello argenteo, in quo honorificè custoditur, & quoties necessitas ingruit, trahitur non sine remedio. Postquam altare fuit clausum, & benè signatum plumbo & ferro, dedicavit illud praefatus Episcopus, iussu Grimoaldi Abbatis, quinto decimo Calendas Novembris, anno ab Incarnatione Domini millesimo centesimo quinto. Nam in ejusdem altaris mensâ facta est effossio, ubi cassulam quorundam Sanctorum pretiosissimas Reliquias continentem deposuerunt, & paginulam litterarum talem scripturam habentem: *In anno millesimo centesimo quinto, & die mensis Octobris stante quarto decimo, per Indictionem quartam decimam, peracta est consecratio altaris majoris Beati Clementis Martyris Monasterii, in honore Sanctæ Trinitatis, & Beatae Dei Genitricis Virginis Mariæ, & S. Vincentii Martyris, & Beati Agidii Confessoris, à me indigno Walterio Episcopo Balvensis Ecclesiae, cujus praedicti Monasterii Grimoaldus maximus Abbas hoc in tempore regimen siquidem natu Dei tenere videtur, unâ cum Monachis suis, & sequacibus omnibus, adstante illic Prapposito Berardo Monasterii Sancti Liberatoris, vel plurimis aliis maximis hominibus. Regenteque iussu Dei Apostolicam arcem Romanae urbis Pascali gloriosissimo etenim Papa.*

Quæ dies festiva ducitur per singulos annos, tam à Clero quàm à populo, & remissio fit omnibus advenientibus de poenitentia sumptâ criminalium peccatorum integer annus, & quadraginta dies de venialibus. Ipso namque anno quidam Sulmonenses Otto & Joannes dederunt suas possessiones quas-cumque habebant, Piscariensi Monasterio; & Otto factus Monachus ejusdem Monasterii quamdiu vixit, placere Deo studuit in sanctâ conversatione. Supradictis itaque ac aliis modis clarificavit Dominus merita B. Clementis, ad correptionem præsentium, & eruditionem futurorum; ostendens eum in Monasterio Piscariensi esse reconditum.

Erat tunc temporis consuetudo, & ut veracius dicam religiosa devotio, ut omnes de circumadjacentibus castellis, tam majores quàm minimi, ob reverentiam gloriosi Martyris in cœmeterio B. Clementis ex hoc mundo transeuntes sepelirentur.

Grimoaldus Abbas intuens multa mirabilia suo tempore sepiissime fieri, magis & magis proficiebat in timore Dei, & quæcumque ex redditibus Ecclesiae, vel bonorum virorum largitione congregare poterat, non parentibus tribuebat, sed ad decus Ecclesiae in ornamentis & utensilibus expendebat. Fecit namque à Septentrionali parte Monasterii juxta latus Ecclesiae palatium ad habitationem Abbatum, & cameras ad deponendas res & substantias Monasterii; quod palatium variis picturis & quibusdam historiis de veteri testamento decoravit. Fecit crucem argenteam appendentem quindecim libras argenti, quæ à sinistris chori ante altare fixa, ob reverentiam Dominicæ passionis à populis debitâ veneratione coleretur. Fecit & calicem aureum appendentem libram auri purissimi, in quo mysteria Dei magnis festivitibus conficerentur. Fecit & textum argenteum, qui expanderetur vel aperiretur super altare Dominicis diebus, & in festis Sanctorum. Crucem verò magnam, quam Gilebertus abraferat argento, imagine ac passione Salvatoris depingere simul & decorare fecit. Iste vir sanctus quamvis esset & carnis munditiâ, & honestate vitæ, consors Sanctorum

1105.

1104.

habitantium in secretis cœlestibus, non tamen poterat dinoscere, nisi Deo sibi revelante, diem sui obitus. Dum autem esset valde sollicitus de augmento Ecclesiæ sibi commissæ, ut sui moris erat, audivit quia Henricus Imperator, Henrici filius, Romam advenerat; ad quem dum ire obviam præpararet, in Monasterio S. Vincentii, unde sumptus fuerat in Abbatem, hospitium habuit; ibique correptus, infirmitate, Deo iubente, finem vitæ suscepit, sepultusque est in eadem Ecclesiâ cum Fratribus suis. Vixit autem in regimine Piscariensis Monasterii decem & septem annis, mensibus octo, diebus undecim, clauditque ultimum diem tertio Nonas Septembris, anno Dominicæ Incarnationis...

Post hunc cum levaretur Giso, essetque aliquantis diebus electus, ob malevolentiam Fratrum, quia videbatur violentiâ Comitum Manuplensium impositus, & quia Fratribus cœpit dominari ferocius, quàm deberet, studeretque plus timeri quàm amari, cessavit: & sic Domno Grimoldo successit Domnus ALBERICUS ejusdem Abbatiz Monachus, quondam verò Præpositus. Prius equidem pro suâ honestate & sapientiâ in Episcopatum Theatinensem electus exstitit; sed quia adversarios habebat quosdam, maluit Abbas quàm Episcopus esse. Quando verò ejus electio facta fuit volebatur annus Dominicæ Incarnationis millesimus centesimus decimus; tenebatque tunc temporis in Tete Abbatiam S. Joannis de Arclano, & in Pinne S. MARIAM de Piczano; indeque à Monachis & populo terræ S. Clementis honorificè fuit adductus, atque electus; & ita consecratus à Domno Pascali summo Pontifice, suscepit curam pastorem in baculi traditione.

Ejus in tempore adversarii qui tenebant bona Ecclesiæ, ut audierunt adventum Henrici Imperatoris, cognoscentes animum Alberici Abbatis promptum in quantum posset ad sese vindicandum de eis, convocavere finitimos & longè remotos de suâ cognatione; & habentes commune colloquium, ex consilio venerunt ad Abbatem Albericum, & illa castella quæ illi de Ecclesiâ tenebant, quæ ei rediderunt in suâ miseratione sine ullâ retentione, parati ad juramentum, ad fidelitatem, & omnia quæcumque Abbas sibi præciperet facere. Qui postquam triduo ipsa castella in manu suâ tenuit, sumpto consilio ab eis qui pavidum magis erant parati ad persuadendum ut daret, quàm ut retineret, eadem castella eidem Baronibus interpositâ quâdam conventionne reddidit, ut ipsi jurarent & fidelitatem promitterent, ut nunquam per se, neque per aliquem quem possent repellere, Ecclesia S. Clementis eadem Castella, vel alias possessiones, & modò possideret, vel acquirere posset, ulterius perderet; & si insurgerent adversarii, ipsi essent ad comprimendum adjutores fidelissimi. Constituerunt etiam dare censum annum pro recognitione decem Byzantios; & si controversia de his oriretur, quæ suprà diximus, ille per quem fuisset orta, mille libras auri purissimi persolvere ad profectum Monasterii cogeretur. Hoc juravit Gentilis de Colle Petri, qui tenebat castellum Pesculi, & Carufanum, & Olivulam; & Sanso, & Rainaldus, filii Remedii, & Temmarius filius Temmarii, & Sanso filius Theodini, qui tenebant castella ista, videlicet Bittoriturum, Castellionum, Roccam de Soti, Corvariam, Petraniquam. Fecerunt etiam ut eorum filii essent homines Ecclesiæ fideles & legitimi in manus Alberici Abbatis, & tenerent ipsa castella usque ad tertiam legitimam generationem; & finitâ tertiâ generatione legitimâ & masculinâ, ut est consuetudinis illius terræ, ipsa castella quæta & libera reformarentur Ecclesiæ. Hoc juramentum, & hanc fidelitatem coram Episcopis istis,

Walterio Episcopo Valvensi, Wilielmo Theateni, Herberto Pinnenli, & venerabili Berardo Præposito S. Liberatoris, & multis aliis bonis viris qui præsentibus aderant, fecerunt, & scripto mandare ad notitiam posterorum præceperunt. Illi qui sacramentum fecerunt superius sunt nominati; filii eorum qui hominum fecerunt Abbati sunt; Walterius filius Gentilis de Colle-Petri hominum fecit Alberico Abbati; & Berardus filius Sansonis, & Temmarius filius Temmarii, & Wilielmus filius Rainaldi. Et hoc factum est in anno Dominicæ Incarnationis millesimo centesimo undecimo.

Albericus autem Abbas duobus annis transactis in regimine, in tertio accepit finem vitæ, sepultusque est in Monasterio sancti Clementis cum Fratribus suis, duodecimo Kalend. Novemb. Cui successit supraddictus Giso, revocatus atque reductus à Monachis, & toto populo S. Clementis, eo quod in rebus secularibus esset studiosus. Quem sacravit Pascalis Præsul Romanus Beneventi; & sacrato, ut moris est, dedit curam animarum & regimen Monasterii, anno Dominicæ Incarnationis corrente millesimo centesimo duodecimo. Ipse ædificavit domum quæ sacristaria appellatur, in quâ thesauri, & ornamenta Ecclesiæ conservantur. Transactis autem annis ab Incarnatione Domini nostri JESU CHRISTI millesimo centesimo decimo tertio, & millesimo centesimo decimo quarto, & millesimo centesimo decimo quinto, præfatus autem Giso sciens se pro benefactis suis à Deo bonam remunerationem habiturum, ad augmentum Ecclesiæ, & profectum omnium Fratrum, dedit Ecclesiæ S. Bartholomæi de Orta, cum omnibus pertinentiis suis, & duos molendinos, & duos homines, in castello quod dicitur Ihara: hæc omnia in Capitulo dedit, confirmavit domui infirmorum Fratrum in perpetuum possidenda jure hereditario, sicut rogatus erat ab uno ex Monasterii Prioribus, videlicet Domno Mauro, viro admodum probo & honesto, procuratore ipsius domus infirmorum: de cujus literaturâ, & arte scribendi, honor Piscariensis Monasterii satis est augmentatus.

In hujus Abbatis tempore Wilielmus Tassio, de cujus ferocitate aliquantulum suprà loquuti fuimus, confessus reatum quem contraxerat de venditione Monasterii S. Clementis, pro remedio animæ suæ, & præcipue pro ablutione istius sceleris, reddidit castellum S. Mauri, quod infauitè tenebat; B. Clementi per manus Gisonis Abbatis. In ejus tempore quidam potentes, videlicet Robertus Trogilii, & Gerardus de Conjulo, cum fratribus suis, occupabant bona Ecclesiæ & possessiones in castello quod dicitur Alanne; quos expulit, & terram quam invaserant, licet eam de Ecclesiâ se tenere mendaciter assererent, liberam Monasterio reddidit.

Eodem præterea tempore ipso Domno Gisone Abbate adminiculante grande studium erat, & nimia exercitatio in Piscariensi Monasterio à Fratribus de renovandis libris, videlicet homiliis, passionariis, altaris, expositionum, & cæteris Ecclesiasticis codicibus, in quo scribendi studio præcipuerant, Domnus Joannes vir literatus & honestus, de cujus scientiâ & gravitate Monasterium est augmentatum, & bonum exemplum posteris est traditum, & Domnus Maurus, [de quo superius loquuti sumus] & Domnus Oldrius, qui in hac arte nimis erat assiduus, de cujus moribus & regulari disciplinâ suo tempore dicemus: successit enim in abbatiatu isti Domno Gisoni propter nimiam suam honestatem, & regularis vitæ custodiam. In tempore hujus Gisonis Sanso de Petraniquâ partim pro animâ suâ, partim pro pretio quod accepit, dedit Ecclesiæ S.

FFFFF ij

1111.

XXVIII. Ab. Giso.

1112.

1113.  
14. 15.

1110.

XXVII. Ab. Albericus.

1110.

Tom.

Clementis in perpetuum possidendam terram arabilem fructiferam pro domanio Ecclesiæ, plusquam ducentorum triginta modiorum; pro quâ Abbas Giso una vice dedit octoginta solidos; alterâ verò vice caballum unum optimum, & quindecim byzantios. Hæc terra est ad S. Petrum de colle in pertinentiâ de Alanne. Præterea vir quidam nobilis & sapiens, Tedemarius nomine, cum haberet de jure B. Clementis in emptione Ludovici Imperatoris tria castella, Paternum videlicet, Picericum & Lucu, ductus amore Gisonis Abbatis, & devotione quam habebat erga Monasterium B. Clementis, hominum eidem Abbati fecit, & S. Clementi veram fidelitatem juramento semper servare promisit. Volvebantur tunc anni Domini millesimus centesimus sextus decimus usque vicesimum primum.

1116.

Circâ tempora verò ista, residente jam Papa Gelasio in Apostolicâ sede, fuerunt locustæ in universâ regione istâ, corroderes segetes & omnes labores: unde cum ex jussione Domini Gisonis Abbatis capfula, in quâ B. Clementis erat spatula, portaretur à supradicto Domino Mauro, & quibusdam aliis religiosiis Fratribus in agriculturis Ecclesiæ; & cum ipsâ perambulant atque girarent ipsos campos in quibus propriè segetes & labores erant ad victum Monasterii, tanta fuit virtus B. Clementis, ut in ipsâ portatione Reliquiarum ejus ipsæ locustæ fugarentur, & conglobatæ una super alteram cadentes, & se ad invicem vehementer impingentes, in flumine Piscariensi se internecabant, sicque ex maximâ parte sequentitempore fuit sedata famispestilentia.

Ugo Malmazettus, de quo suprà loquutifumus, duos filios moriens dereliquit; quinque enim alii eum moriendo secuti sunt, quorum unus, qui eodem nomine quo & pater vocitabatur, & malitiæ paternæ in quantum poterat amulator existens, homines S. Clementis, & res Ecclesiæ persequabatur; qui admonitus ab Abbate secundo & tertio ut à malo quiesceret, & ipse nullo modo quiescere vellet: Abbas sicut prudens ei cum parvo comitatu per terram S. Clementis equitanti occultas tetendit insidias, comprehendit, ligavit, eumque cuidam Baroni suo, Sansoni videlicet de Petraniquâ, ad custodiendum tradidit, & tamdiu incarcerationum tenuit; donec juraret quod ulterius dum adviveret S. Clementis homines non inquietaret. Qui egressus de carcere ab eodem Abbate coactus non multo post tempore Hierosolymam petiit, ibique finem vitæ invenit. Hic Giso providens ad profectum Ecclesiæ, impetravit privilegium Calixti Papæ, in anno ab Incarnatione Domini nostri JESU-CHRISTI millesimo centesimo vigesimo primo.

*Privilegium Calixti Papæ.*

**C**ALIXTUS Episcopus servus servorum Dei, dilecto in Christo filio Gisoni Abbati venerabilis Monasterii S. Clementis, quod in Insulâ Piscariensi situm est, ejusque successoribus regulariter substituendis in perpetuum. Apostolicæ Sedis auctoritate, debitoque compellimur pro universarum Ecclesiarum statu satagere, & earum maximè quieti, quæ specialius eidem Sedi adhærent, ac tamquam jure proprio subjectæ sunt, auxiliante Domino providere. Eapropter petitionibus tuis, Fili in Christo Carissime Giso, non immeritò annuendum censuimus, ut Monasterium B. Clementis, cui Deo auctore præesse cognosceris, ubi videlicet gloriosissimum corpus ejusdem Martyris requiescere credimus, sicut in Domini prædecessoris nostri Papæ Leonis privilegio continetur, Sedis Apostolicæ auctoritate muniremus. Mansuro igitur in perpetuum decreto statuimus, ut quascumque possessiones, quæcumque bona idem

Monasterium in presenti legitime possidet, firma tibi tuisque successoribus, & illibata permaneant, in quibus hæc propriis duximus nominibus exprimenda. In Comitatu scilicet Teatino castrum Insulæ: Monasterium S. Nicolai in Caramanico, cum cellis, & cæteris ad idem Monasterium pertinentibus: Ecclesiâ S. Crucis: Ecclesiâ S. Martini ad Guttam: Ecclesiâ S. Joannis: Ecclesiâ S. Cesidii: Monasterium Sanctæ Trinitatis de Lapidaria: Ecclesiâ S. MARIE in Pesile: sancti Angeli; sancti Cesidii; sancti Bartholomæi de Orta; & castrum Fare. In Comitatu Balbenfi Monasterium sanctæ Trinitatis cum pertinentiis suis: in Comitatu Pinnensi castrum Alanne, Bectorrita, Castellione, Olibula, Corvaria, Pescu, Roccam de Soti, Petram iniquam cum Ecclesiis & pertinentiis suis. In eodem Comitatu Monasterium sancti Dederii, & Ecclesiâ sancti Quirici, cum pertinentiis suis. In Comitatu Abrutino Monasterium S. Clementis cum castellis, videlicet Castro vetere, Sancto-vetere; Guardia cum Ecclesiis & villis ad prædictum Monasterium pertinentibus. Quæcumque præterea in futurum concessione Pontificum, liberalitate Principum, oblatione fidelium, vel aliis justis modis poteritis adipisci, firma tibi tuisque successoribus & integra conserventur. Decernimus ergo ut nulli omnino Episcopo vel Comiti, aut prout alicui hominum, facultas sit præfatum Monasterium temerè perturbare, aut ejus possessiones auferre, vel ablatas retinere, minuire, vel temerariis vexationibus fatigare, aut ei aliquas exactiones imponere; sed omnia integra conserventur eorum, pro quorum sustentatione & gubernatione concessa sunt, utilibus profutura. Si qua igitur in futurum Ecclesiastica secularisve persona hanc nostræ constitutionis paginam sciens, contrâ eam temerè venire tentaverit, secundò tertiove commonita, si non satisfactione congruâ emendaverit, potestatis, honorisque sui dignitate careat, reamque se divino judicio existere de perpetrata iniquitate cognoscat, & à sacratissimo Corpore ac Sanguine Dei & Domini Redemptoris nostri JESU-CHRISTI aliena fiat, atque in extremo examine districtæ ultioni subiaceat. Cunctis autem eidem loco justa servantibus, sit pax Domini nostri JESU-CHRISTI, quatenus & hinc fructum bonæ actionis percipiant, & apud districtum judicem præmia æternæ pacis inveniant, Amen.

Scriptum per manum Gervasii Scriniarii, Regionarii, & Notarii sacri Palatii.

Ego CALIXTUS Catholicæ Ecclesiæ Episcopus subscripsi.

Datum Laterani per manum Grifogoni S. Romanæ Ecclesiæ Diaconi Cardinalis, ac Bibliothecarii, quarto Calendas Aprilis, Indictione decimâ quartâ Incarnationis Dominicæ anno millesimo centesimo vicesimo primo; Pontificatus autem Domni Calixti secundi Papæ anno quarto.

Per idem tempus erant eidem Domino Gisoni Piscariensi graves inimiciæ cum persecutoribus Ecclesiæ suæ, quia nolebat ut suâ incuriâ minuerentur ea quæ ab antecessoribus suis magno labore fuerant acquisita. Toccenses multum gravabant Insulares, & non eis sufficiebat quod terras abstulerant, verumetiam Ecclesias ipsius castelli auferabant. Vir summæ industriæ hoc malum sufferre non potuit, Papam Honorium, quia jam in Dominicâ Incarnationis anno millesimo centesimo vigesimo tertio, Papæ Calixto in Apostolicâ sede successerat, adiit, & eos excommunicari fecit, quamdiu ipsas Ecclesias non redderent, & pro sacrilegio satisfacerent. Illi obstinati malitiâ, qui primitus Deum contemserant, literas Apostolicas, & ejus excommunica-

1117.

1118.

tionem contemnerunt; & addentes peccatum peccato, ipsi Abbati tetenderunt insidias, eumque ceperunt, & multis injuriis affecerunt. Tandem ipsi videntes quod nullo modo ad castellum Toccum eum portare valerent, & metuentes ne populi adventantes ejus adjutorio essent, eum peditem dimiserunt, & mulam super quam sedebat secum ducentes, totam ejus suppellectilem ad castrum in quo degebant, portaverunt. Ille pedes revertens ad Monasterium, quæ sibi facta fuerant enarravit, & omnes vicinos ad vindictam malefactorum suis querimoniis & clamoribus incitavit, nec multo post tantus fuit concursus populi, Episcoporum & Baronum qui omnes erant parati ad subvertendum prostibulum, ut penè ad quatuor millia armatorum possent computari, & nî esset clementia Gisonis Abbatis illâ die funditus destructa esset, & annihilata superbia Tocci; pepercit rogatus, eosque supplices & pœnitentes suscepit, & quæ abstulerant integra cum redderent, ipsas Ecclesias, quas impiè possidebant, ab eorum possessione in Jus S. Clementis sicut antea fuerant, convertit. Et quia Deo cura fuit de servo suo, ipsos qui manum miserant in eo gravi delevit exterminio; quia non multo post perdiderunt castella, & proscripti fuerunt ab hereditate paternâ. Quidam verò eorum in hospitali domo ante portam insule inflati, & toto corpore turgidi, usque ad mortem de elemosynâ Monasterii victum habentes jacuerunt; ibique post non multum tempus cum maximo cruciatu vitæ finem acceperunt.

Igitur in anno ab Incarnatione Domini nostri JESU-CHRISTI millesimo centesimo vigesimo quarto Joannes Magistri Azzonis filius, & ipse etiam Magister appellatus, concedente domino suo, & scripto confirmante, quod scriptum habetur in Monasterio S. Clementis, dedit se, suosque filios, & hereditatem suam in perpetuum possidendam, Ecclesiæ B. Martyris per manus Gisonis Abbatis, sicut in chartâ quæ est exinde facta, legitur.

Vir autem Domini Giso dum his & aliis pluribus ad profectum Ecclesiæ, ad correctionem morum, ad observantiam Regulæ, noctu dieque invigilaret, tactus non modicâ infirmitate ad lectum devenit, & munitus sacro viatico coram Fratribus expiravit Idibus Aprilis. Præfuit Monasterio Piscariensi quindecim annis, mensibus quinque, & diebus viginti sex, sepultusque est in Claustro à parte sinistra egredientibus de Ecclesia. Huic successit OLDRIVUS ejusdem Ecclesiæ Monachus, vir magnæ simplicitatis, & miræ erga Deum & fratres suos charitatis; custos oris sui, & amator disciplinæ regularis; de quo, sicut ejus opera protestantur, si vellemus, non possumus pauca loqui. Cujus electio quia divinitus facta fuit, ab ipsa incipiamus.

Quidam enim de pluribus Fratrum Piscariensium nobilitate carnis, quidam terrenâ potentiâ, quidam verò prioratu & religione credebant se posse ad Abbatiz dominium pervenire. Unde in ipsos eisdem qui sic erant ambitiosi, Monachorum & laicorum erat intentio: sed Deus omnipotens distortam voluntatem, & inutile consilium hoc modo dissipavit. Post transitum Domni Gisonis Abbatis die sequenti facta est non modica potentum & nobilium virorum coadunatio in Piscariensi Monasterio, propter Abbatis ordinationem; & convenientibus in Capitulo cunctis Fratribus, cum de Abbatis electione tractarent, unanimi constitutione, concordî voce, ab omnibus est præfixum, ut duodecim discreti Fratres & sanæ mentis de ipso conventu surgerent, in partem secederent, & de personâ quam ipsi concorditer dicerent & approbarent, de ipsâ sine alicujus contradictione fieret electio. Jussi sunt igitur à prioribus & nomi-

nati duodecim. Qui exeuntes de Capitulo, de communi proposito sex eorum in dormitorio, sex in oratorio secesserunt, statuentes inter se, ut quidquid ab utrâque parte melius æstimeretur, in medio & commune sui ipsorum referretur; & si fortè contingeret, ut esset unius personæ ab ambabus partibus unanimis æstimatio, benè constaret, sin autem una persona de pluribus æstimatis, in quâ major numerus ipsorum duodecim concordaret, allumeretur, & de ipsâ fieret in Capitulo communis pronuntiatio. Illis autem abeuntibus, & his ita sistentibus, in Capitulo erat sermo, ut communis status, & regimen Fratrum antequàm electio fieret, ordinaretur melius quàm fuisset hætenus. In quò verbo tanto zelo pro communi utilitate fuit accensus specialius Dominus Oldrius, ut vestes, quas intrinsecus viles habebat, ibidem, sicut ille qui de se nil magni suspicabatur, & simpliciter vivebat, ostenderet, quatenus ad meliorandum Fratrum commune subsidium Fratres omnes ferventiores & animoliores ipsarum vilium vestium ostensione redderentur.

Cumque de his, ut suprâ dictum est, tractaretur, subito vox unius simplicis hominis de plebe in templo personuit, *Domnus Oldrius Abbas, Domnus Oldrius Abbas*. Illo igitur per Ecclesiam & totum Claustrum talia vociferante, & utraque pars Fratrum, quibus vocatio personæ commissa erat, à se alterâ parte putaret vocem illam processisse; moventur ambæ, & in claustro sibi occurrunt, altera dicens ad alteram: Si vobis placet de Domino Oldrio, nobis non displicet. Sicque concorditer in hoc verbo Capitulum intrantes, unus ex duodecim, nomine Joannes, pro omnibus loquens dixit *Exurge Domine & judica causam tuam*. Et signans se cruce adjecit: *In nomine Patris, & Filii, & Spiritûs sancti, nos dicimus de Domino Oldrio, quia bonus est & dignus, ut illum in Patrem habeamus*. Inter ea vox quæ ab illo hominè, Benedicto nomine, proferebatur, cum à populo de foris audiretur, & talis acclamatio per omnes exeresceret, & penius in toto Monasterio vox eadem, *Domnus Oldrius Abbas D. Oldrius Abbas*, vehementissimè intonaret, apertis ostiis cum tali vociferatione Capitulum omnes intrant, & inventientes Domnum Oldrium renitentem Fratribus, illum assumentibus & clamantem: Quare in tanto loco ponitis pecudem? Cur de me, & de hac sede facitis irrisionem? Cogunt eum in sede tandem sedere, Abbatiz regimen suscipere. Facta est itaque ejus electio quinto decimo die mensis Aprilis, anno Dominicæ Incarnationis millesimo centesimo vigesimo septimo, & veraciter effectus est Pater Monachorum, & contra adversarios Sanctæ Dei Ecclesiæ quasi murus æneus humilibus humilis & mansuetus, superbis in justitiâ rigidus, charitate diffusus. Hunc in Abbatem consecravit Papa Honorius, à quo suscepta benedictione ad Monasterium cum esset regressus non mutavit mores pro suscepto honore, imò humilior & mansuetior elatis se præbebat exemplar humilitatis & gratiæ, ut veraciter credi posset, quia repletus esset divino spiramine.

In primo anno suscepti regiminis fuit necessarium quiddam iret in Aprutium, & antequàm egrederetur de Abbatia, cuidam fideli suo Wilhelmo de Castellione commendavit, ut haberet curam de rebus Ecclesiæ, & præcepit hominibus suis ut ei obtemperarent, sicut & sibi, & si necessitas ingrueret ejus omnes obsecundarent mandatis. Abbas iter faciens Aprutium perrexit, ibique in possessionibus Ecclesiæ aliquantisper moratus est. Quo spatio præfatus Wilhelmus minister fraudis, & rêvera sacrilegus, cum videret Abbatem morari, & haberet in suâ protestate terras Monasterii, tetendit Alannum, & convocans omnes

FFFFf ij

1114.

1115.

XXIX. Abb. Oldrius.



habitatores illius oppidi, dixit eis, quia in crastina die venturi essent inimici qui deprædarentur terram B. Clementis, dimitterent illa pascua in quibus suas boves & oves solebant ducere, & ducerent eas secus fluentia Piscariæ, ut facilius sibi cursus esset in mane, quando decreverat cum satellitibus Alannensibus prædas agere. Illi parentes iussis nequissimis, coadunaverunt animalia infinitæ multitudinis, & in ioca illa ea duxerunt in quibus præceperat eis. Mane facto coadunata satellitum multitudine, armata militum turbâ, Wilhelmus venit ad loca, & reverâ hostis nequissimus, qui deberet esse tutor fidelissimus, armata boum, & greges ovium rapuit, & duxit secum, & ita dissipavit, quod nec unam caudam ex omnibus reddere voluerit. Advenit Abbas, & audito quod fecerat, doluit, & ut emendaret semel, & secundo, & tertio rogans, vix paucos recuperare potuit. Vir autem Domini Oldrius non armis secularibus sed divinis armatus, S. Clementi quod iniquus fecerat humili precatu innotuit, & ut de suis curam ageret, exoravit. Cujus precatus non contempsit Altissimus, imò antequàm finiretûr unus annus in eadem die anniversaria, quæ est nono Calend. Septembris, in qua terram Ecclesiæ iniquè fuerat deprædatus, Castellionis oppidum perdidit: nam, sicut fertur, in ipsâ nocte circa horam matutinæ laudis duobus Fratribus in Capitulo quiescentibus per visionem apparuit B. Clemens, dicens: Surgite, notifico vobis quia noster hostis Wilhelmus de Castellione traditus est in manibus inimicorum suorum. Hodie abjicio eum de terrâ meâ, ut amplius contra me non vivat ex eâ, nec etiam volo, ut cum patribus suis circa me locum habeat sepulturæ. Expergiscuntibus verò Fratribus illis, & tali visione mirantibus, antequàm silentium solveretur factus est insultus in eum, & Wilhelmus captus, & exheredatus fuit in anno ab Incarnatione Domini nostri JESU-CHRISTI millesimo centesimo vigesimo octavo; nec postea quispiam de ejus genere ad dominationem hereditatis ejus potuit pervenire, B. Clemente sibi vicem reddente, & Domino JESU-CHRISTO præordinante, qui numquam deserit præsumentes de se.

1128.

1129.

1130.

1131.

1132.

1133.

34. 35.

1136.

Igitur in anno Dominicæ Incarnationis millesimo centesimo vicesimo nono, mortuo Papa Honorio, & Innocentio ultra montes pergente, & Anacleto in Apuliam veniente, Dux Rogerius, qui jam ceperat Trojam, & ferè totam Apuliam, Rex est constitutus. Qui sequenti anno, id est millesimo centesimo tricesimo ab Incarnatione Domini, expugnavit & cepit Amalfiam. Deinde in sequenti anno Dominicæ Incarn. millesimo centesimo tricesimo primo, idem Rex expugnavit Barim, & Rex Lotarius Italiam ingressus est. Qui in futuro anno, qui est ab Incarnatione Domini millesimo centesimo tricesimo secundo, Romæ coronam accepit ab Innocentio Papa. Evolutis itaque annis ab Incarnatione Domini millesimo centesimo tricesimo tertio, quarto & quinto, Et currente jam anno millesimo centesimo tricesimo sexto, Dominus Oldricus Abbas accessit ad Imperatorem Lotharium, ad flumen quod dicitur Truntum, ubi erat cum magno exercitu: cumque factus esset coram Imperatore clamor de quodam Conone Guittonis, fecissetque eum venire in præsentia, tandem coëgit ipsum jurare, ut nihil ulterius juris & dominationis in obedientiâ Piscariensis Monasterii, Ecclesiâ videlicet S. Clementis de Gomoano, quæreretur, nec in possessionibus ejus. Præter hæc idem Imperator cæteris querelis Domni Oldrii Abbatis, & imperialibus privilegiis Monasterii Piscariensis auditis, cum cognovisset quod ipsa Abbatia ab antiquo fuisset Imperiali Camera, promisit se cum Domnâ Augustâ venire ad Monasterium, & ei resti-

tuere omnia jura sua, in rebus & possessionibus ejus. Cum autem ventum esset ad Piscariam, quibusdam rumoribus incitatus, idem Imperator festinus perrexit in Apuliam contra Regem Rogerium pugnaturus. Deinde cum Papa Innocentio apud Barim coadunatus, in ipso anno ad propria revertens idem Imperator moriens diem clausit extremum.

His itaque temporibus Robertus Manuplelli Comes, Riccardi filius, post mortem patris sui timore matris aliquantulum ab iniquitate retentus, postquam mater ejus naturæ debitum reddidit, ipse à malo patre malus filius generatus, malitiam paternam suâ malitiâ superavit, & contra B. Clementem ejusque domum manifestas inimicitias exercere cœpit. Susceptus in hospitio ab Abbate Oldrio, qui etiam suam cameram propriam ei delegaverat, postquam fuit fartitus epulis, multoque repletus, Abbatem fecit accersiri ad se, cui cum magno fastu & supercilio turris custodiam, quæ in castello insula est, ut sibi traderet non rogando sed interminando quæsit. Et cum Abbas hæc se nullo modo posse facere multis assertionibus demonstraret, ille ut citò sibi traderet instantissimè postulabat, & nisi fieret, ruinam Ecclesiæ, depopulationem totius terræ minabatur. Quid faceret? vellet, nollet tradidit, & moriens & multum verecundus intra ambitum claustrum se contulit. Illi autem quos in turre posuerat, quasi quidam strata exploratores prætereuntes deprædabantur, missas rapiebant salutes, & infanti ministri domini in servos Christi & S. Clementis debacchabantur. Quod Fratres ferre non valentes, clam duos de sapientioribus ad Regem Rogerium, qui tunc ipso fungebatur officio, cum privilegiis Imperatorum in Apuliam transmiserunt, rem ut fuerat gesta enucleatim exposuerunt, de tyrannide Comitum & ejus persecutione lacrymabiliter conquesti sunt. Et tale responsum ab eo susceperunt, ut ad Monasterium quàm citissimè repedarent, & securi essent, quia si Deus terram sibi submitteret, & Ecclesiam liberaret & de suo daret, & Abbati & Fratribus conferret adjutorium. Qui revertentes, diutius quasi exules extra Monasterium in alienis domibus alieno quadrante vivere coacti fuerunt: tandem miseratione divinâ, & solertiâ Abbatis, datis primitus duabus libris argenti, refrænata est cupiditas avarissimi Comitum, & dedit eis licentiam ad proprium revertendi.

Non multo post cum ipse ad castellum Manuplellum reverteretur, Abbas ei comitatum præstabat: & cum inter se de persecutione quam faciebat Monasterio loquerentur, iratus Comes quia Abbas, uti sibi videbatur, in responsis reverentiam non exhiberet, gladium evaginavit, & Abbatem percutere voluit, & nisi essent assidentes qui eum prohibuerunt (quod Abbas multum desideraret ut pro justitiâ moreretur) caput ipsius ense quem extraxerat amputavisset. Abbas extenso collo securus de divino auxilio, si ausus esset ut percuteret, instigabat; & in hoc quia non metum mortis sed spem vitæ æternæ haberet, demonstrabat. Sic ille in infamia perseverans Manuplellum adiit, & Abbas tutior quàm antea fuerat ad Ecclesiam temeavit.

Ut autem manifestaretur, & certis indiciis probaretur, quia Deus maximam habebat curam de servo suo Abbate Oldrio, & de grege sibi commisso, quibusdam Fratribus in Ecclesiâ pernoctantibus venerabilis ostensa est visio, quam nos indignum judicavimus tegere silentio. Duo Fratres religiosâ consuetudine Quadragesimali tempore ante matutinos de lectulis consueverant surgere, & flexis genibus ante sacratissimi Martyris ossa preces & singultus fundere, psalmos cantare, & Sanctos Dei in adju-



torum populi Christiani cum litanis interpellare. Cumque fatigati aliquantulum confidissent in angulis Ecclesiæ, diversi tamen loco, sed non diversi mente, oculis dormitantibus & vigili corde, ambo unam eandemque visionem in hunc modum vidēre. Duæ personæ reverendæ aspectu & veste præclarâ ante altare stare videbantur, unus quorum pontificali erat indutus habitu, alter regio diademate coronatus, qui ad eos venientes sciscitabantur qui essent, & quare inibi in tali horâ morarentur. Responderunt se de Fratribus Ecclesiæ fore, pro peccatis suis, & pro benefactoribus ipsius loci misericordiam Dei deprecari, & idcirco antequam Fratres surgerent, de lectulis surrexisse, ut liberius possent orationi vacare. Cumque responderent, Bene, addiderunt, Qui nos simus cognoscitis ne? Dixerunt, Minime; sed propter amorem Dei rogamus ut indicetis nobis qui estis, & quare venistis & unde. Respondit ille qui regio erat coronatus diademate: Ego sum Ludovicus, qui fui ædificator hujus Abbatii, & quidē ei quidquid habebam in hac terrâ, ut possideret hereditario jure. Qui autem mecum est pontificali venerandus habitu, S. Clemens est, qui pro Christo meruit in pelago mergi, cujus ossa meo labore ad hanc insulam delata in præfenti altari meruerunt sepeliri, quem Robertus de Manupellello ita graviter flagellavit, ut plagæ ejus & livores quos in dorso suscepit, vix possent ab homine dinumerari. Et ut certiores essent Fratres ambo de visione, auxilio Regis B. Clementis coram eis spoliavit se, & ostendit cicatrices vulnerum, & plagas virgarum, adjecit: Ita malè tractatus sum, sed volo quodd sciat, quia in proximo me vindicabo de inimicis meis, & faciam ut proseribantur ab hereditate paternâ, & moriantur, & sepeliantur ut miseri & exules in terrâ non suâ. His dictis visio disparuit, & expergefatti Fratres ipsi cœperunt enarrare sibi primitus quæ viderant, deinde post Capitulum cum Fratres convenirent, retulerunt se personas venerabilis Ludovici & Beati Clementis vidisse, & quæ suprà dicta sunt sibi retulisse. Et quia videretur vana gloria si de talibus visis Fratres gratularentur, siluerunt, & quod Deus esset facturum cum maximo metu expectaverunt.

Interea Rex Rogerius regio diademate coronatus, regnum Siciliæ, ducatum Apuliæ, & principatum Capuæ suscepit, filiumque suum, Anusum nomine, quem Principem Capuæ fecerat, ad Theatinum Comitatum cum magno exercitu præmisit, eique diligenter inquirere jussit Manupellellenses Comites qui erant adversarii S. Clementis, ut vivos sibi representaret, in secreto præcepit. Qui cum scirent præfatum Principem jussu patris velle perficere clam fugerunt; & cum ei nec huc nec illuc resistere possent, fugitivi terram propriam & quod acquisiverant perdidērunt, & in alienâ terrâ vitam exitum qualem meruerant, invenerunt. Ex tunc Ecclesia B. Clementis in abundantia pacis cœpit studere religioni, augmentari bonis temporalibus solertia boni Pastoris, qui per singulos dies invigilabat ad augmentum gregis sibi commissi.

In tempore illo (quando Dominus Deus visitare decreverat Piscariensem Abbatiam adventu Serenissimi & victoriosissimi Regis Rogerii, quem divina gratia, sapientiâ, fortitudine præ cunctis mortalibus illustraverat) quidam Dominum Oldrium Abbatem turbabant & deterrebant, dicentes illum contrâ Regem fecisse, quia castellum Belonianum, quamvis esset de jure S. Clementis, Comitibus Manupellelli fugientibus, ipsique mandantibus suscepisset, nec debuisset terram fugitivorum Regis supraprendere. Sed Abbas de Deo & B. Clemente confidens nullo

metu territus, constanter castellum tenuit, donec ipse Rex veniens penes Monasterium in campetribus Tocco, & juxta Piscariam castra posuit, ibique triduo cum exercitu perendinans mansit. Abbas igitur sumpto consilio cum in crastinum ad Regem accedere, ipsumque precibus & xeniis placare, pro supradicto etiam castro pecuniam offerre deberet; sociatis sibi cunctis Fratribus totum psalterium cum genuflexionibus, litanis, & orationibus ante sacratissimum corpus B. Clementis in Ecclesiâ pernoctavit. Matutinalibus etiam hymnis decantatis, factō mane cum quibusdam de Fratribus equitans ad Regem proficiscitur. Unus verò ex ipsis Fratribus cum pluribus esset intentus iter retardasset, & eminens post Abbatem pergeret, quidam senex venerandæ canitiei, venusti vultus, stans in ipso ponte ante portam insulæ in habitu peregrini cum cotziâ & palmâ ei apparuit, dicens: Ite in pace: Dic Abbati ut securus ad Regem accedat, cavete ne aliquam ei pecuniam dare spondeatis, gratis enim dabit vobis quod petitis, & eo majora. Et Monachus: Quomodo nosti? Et ille: Quia in hac nocte consiliis Regis interfui, quando vestro Monasterio deliberabat benefacere. Gaudens itaque Monachus in hoc verbo, dixit ei: Benedicaris tu quia bona nuncias, ingredi Monasterium, & accipere caritatem. Et ille: Facio, quia ibidem manere, & caritatem habere solitus sum. Ite cum benedictione. Tunc ipse Monachus cœpit festinare ut se jungeret Abbati, & hæc ei annuntiaret, sed recogitans intrâ se quomodo potuisset ille qui hoc dixerat arcanum Regis cognoscere, cum videretur peregrinus & pauper, & maximè cum non soleant hujusmodi homines nedum in consiliis, sed nec etiam in atriis Regum admitti; retroversus ut subtilius de verbo cognosceret, totam insulam totumque Monasterium circumvit, & nullatenus illum reperire vel videre potuit. Unde opinati sunt illum fuisse apud quem ipsa nocte pervigiles oraverant, Beatum videlicet Clementem prosperitatis nuntium.

Accessit itaque Dominus Oldrius Abbas, & humilitatis prærogativâ tantam penes eum invenit gratiam ut qui terribilis ante suam faciem ipsos etiam tremere cogeret montes, tantâ amicitia cum eo loqueretur, non dico dominus cum servo, sed ut filius cum patre, quidquid postulabat, absque dilatione non pecunia, sed solâ gratiâ impetraret. Rex humilis juxta humilem, & mitis juxta mitem, magis respiciebat ad serenitatem vultus ejus, quem angelico decore præferbat, quàm ad serica indumenta divitum atque nobilium. Et qui alios pro merito suo viles & nullius pretii judicabat, istum supra cunctos quos in regno suo Pastores Ecclesiasticos habebat, laudibus extollebat; hunc solum Dei famulū, religionis non superfluitatis amatorem prædicabat. Rex nihil ab eo nisi munus orationum accipere voluit, imò de suo proprio largitus est Ecclesiæ B. Clementis, tria castella, quorum nomina sunt hæc: Bolonianum, Casaleplanum, & Colleodunum, & privilegium libertatis, tuitionis contrâ inimicos, & gratiæ & reverentiæ & honoris contrâ suos, & Abbatiam, & res ejusdem tamquam suas speciales augmentare, & custodire promisit.

Item sequenti die, videlicet quinto Calendas Septembris, anno Dominicæ Incarnat. millesimo centesimo quadragesimo, idem gloriosus Rex Monasterium devotus intravit, Missam B. Clementis ab ipso Domino Abbate audit, ante venerabilem crucem chori stans & orans, ipsam figuram satis approbavit: in Clauitro sibi privilegia relegi fecit, demum unam modicam particulam de B. Clementis spatulâ ipso magnis precibus expetente, accepit: insu-

lam perambulavit, & devotior quàm intrasset egressus abiit; dans in mandatis eidem Abbati, ut si aliqua molestia ab aliquo adversario fieret Ecclesiæ & si quando esset necessarium ut pro Ecclesiâ postularer, mitteret aliquem de suis non Monachum sed famulum, ne Ecclesiâ in expensis gravaretur; & securus esset, quia quæcumque posceret, impetraret; quia non volebat Rex Rogerius, ut Abbas Oldrius vexaretur, imò præcepit ei ut intrâ Monasterium suam senectutem foveret, & Deum nocte & die pro statu regni, pro salute filiorum suorum, & pro suâ exoraret.

Post hæc Comes Boamundus, qui noviter fuerat ordinatus à Domino Rege in comitatu Manupelli, acquiescens, sicuti moris est, novorum quorundam adulatorum garrulitati, voluit, & quæsit ut potuit, quomodo S. Clementem supponeret sibi, & ut suæ pervasionis auxiliares haberet, Robertum Cancellarium precibus & promissis illexit, & ut suis verbis fallacibus testimonium perhiberet, effecit. Contigit ut idem Comes, & præfatus Robertus Cancellarius cum Abbate loquerentur, & cum ipsorum inquisitiones ejus humili responsione frangeret, dixit Roberto: Domine nos habemus vos tutorem & defensorem in terrâ istâ, & inter nos & Dominum Regem nullum alium mediatorem tenemus nisi vos, rogamus & obsecramus in nomine Domini JESU-CHRISTI, cujus nos servi sumus, ut libertatem & justitiam Ecclesiæ hujus, quam huc usque habuit elabi & annihilari non permittatis. Novistis quanto studio, & quàm sincerâ voluntate Dominus Rex Ecclesiam nostram ab omni iniquâ consuetudine & exactione absolvit; non voluit ut servi Dei in eâ manentes alienis officiis essent occupati, sed die noctuque invigilarent divinæ servituti, & juges orationes funderent pro se & pro filiis & pro statu regni. Nunc autem Comes iste Boamundus (non volo eum latere unde noster graviter læditur animus) inquietat nos à contemplatione divinâ, provocat ad arma sæcularia, exigit ut equites, pedites, & expensas immoderatas præbeamus, quas nos, pro certo teneatis, habere non possumus. Nos sumus deputati ad divinum servitium, non est decens ut illud deferamus, & sequamur mundum. Ad hæc respondit Comes: Domne Abbas vos ista dicitis, quia nescitis Regum mutationes, & terræ diversas oppressiones. Dominus Rex gratiâ divinâ habet plures oratores in regno suo, sed non habet plures defensores, necessarium est ut defensores gerant clypeos, & protegant oratores; nos neque gerere possumus arma, neque pro regno pugnare, nisi habeamus subsidium vitæ. Hoc noscens Dominus Rex & perfectè cognoscens, dedit mihi hanc Abbatiam S. Clementis; sicut eam habuerunt antecessores mei, in præsentia hujus Roberti ejus Cancellarii, qui audivit & vidit quando mihi data fuit. Illius si vobis placet, debetis credere testimonio, qui numquam consuevit de talibus mentiri. Quibus verbis Comitatus Robertus, sicut supra diximus, illectus, ut sanctum virum perterreret, assensum præbuit, & quia audierat & viderat quando ei Dominus Rex Abbatiam concesserat, affirmare cœpit. Tacuit ut potuit Abbas, & exspectavit quid Deus faceret super his, nescius quia illi fraudulenter loquerentur, ut pollent extorquere ab eo timore, quod habere non poterant ex jure. Deus autem invigilavit pro servo suo, & non post multos dies revelata fuerunt hæc omnia Regi Rogerio, qui protinus scripsit ad Comitum, & misit ei epistolam in hæc verba:

Multum mihi displicet quodd tu, quem protectorem & defensorem regni mei posui, eleemosynam meam, cameram propriam, requiem mei capitis

perturbare, iniquitare ausus fuisti, fortassis merces debita tuæ reddetur præsumptioni. Fallaciter egisti erga S. Clementis Abbatem & Fratres, cujus orationes mihi clypeus & galea sunt adversus omnem virtutem inimici. Desiste ab hac nequitia, ne præparata super te descendat ultio, pro hac tuâ præsumptione tibi destinata: & tibi dico per regni fidem & meorum filiorum spem, si mihi Deus hoc de illis tribuat quod exopto, nisi desistas, & eos ulterius inquietare præsumas, sicut te feci, ita te destruiam, & nomen tuum à filiis hominum ab hac præfenti generatione usque ad extremum. Præfentes autem literas quas tibi dirigo, volo ut portes & legi facias in Capitulo, ut audiat à cunctis, & cognoscatur ab omnibus super Ecclesiâ S. Clementis & habitatoribus ejus, quanta sit mea devotio.

Ut Rex præceperat ita Comes fecit: literas regias detulit, & eas coram Abbate & Fratribus cum legerentur audivit; & exinde neque Abbati neque habitatoribus loci, quamdiù Dominus Oldrius vixit, quidquam molestiæ facere ausus fuit. Postquàm Dominus Deus dedit sibi & gratiam Regis, ut supra diximus, & pacem ab omnibus adversariis ejus, cœpit Oldrius studere ad decus Ecclesiæ, facere libros, ornamenta emere, domos ampliare, & quibuscumque modis poterat, & in terris habere socios, & in cœlestibus elaborabat. Conventionem verò quam habuit cum Riccardo Turgisi potenti viro de quibusdam Ecclesiis sancti Martini in Guttâ, sancti Joannis in Scaniari, & sancti Cesidii, in ejus breve legere atque cognoscere possumus. Temporibus siquidem Domni Oldrii Abbatis in Piscariensi Monasterio quædam virtutum signa sunt patrata, quæ ab his qui noverunt relata, & descripta habentur.

Multis itaque virtutibus in tempore Domni Oldrii Abbatis à B. Clemente ostensis, cœpit idem Abbas studiosior in orationibus, & in operibus Ecclesiæ sibi commissæ inelle. Et per annorum Domini curricula, videlicet millesimo centesimo quadragesimo secundo, tertio, quarto, & quinto, Monasterium religiosissimè gubernabat, & quotidie numerum Fratrum inibi Deo servientium augere curabat. Perfecto itaque palatio pro adventantium susceptione cum cellario & cervinariâ, continuè campanarium ædificare cœpit; fundavitque ipsum in anno Dominicæ Incarnationis millesimo centesimo quadragesimo sexto; & per annorum Domini sequentium curricula, &c. erexit illud in altitudinem passuum undecim. Renovavit altaria quæ non vetustate consumpta, sed humili cæmento fuerant fabricata, unum in honore sancti, alterum verò in honore omnium Apostolorum; & ea solemniter fecit dedicari in die anniversariâ Dedicationis, quæ facta fuerat de altario sancti Clementis, & augmentata fuit condonatio pœnitentiæ illis qui advenirent, de duobus annis. Dodo Valvensis altare sancti Benedicti dedicavit: Grimwaldus Pinnenfis sanctorum Apostolorum; easque Reliquias in eis posuerunt, quæ in prioribus altaribus positæ fuerant, & de quibus nos aliquantulum in primo libro loquuti sumus. Ædificavit etiam Ecclesiam in possessione Piscariensis Monasterii nomine Saline, quam in honore & de reliquiis beati Clementis consecrare fecit. Frabricavit etiam Ecclesiam sanctæ MARIE de Alanne, in quâ, & in Ecclesiâ sanctæ MARIE de Castellione, quando eas ad jus Monasterii Piscariensis dedicare fecit, de Reliquiis B. Clementis in ipsa consecratione recondidit.

Erga defunctos Fratres ita erat sollicitus, ac si unusquisque moriens esset germanus suus; & instituit, atque in Capitulo coram omnibus Fratribus

corroboravit,

1142.

43. 44.

1145.

1146.

& seqq. usque ad 1151.

corroboravit, ut pro uno quoque Fratre defuncto fiat centenarius; hoc modo, ut à die obitus uniuscujusque Fratris justitia de pane & vino, & cæteris cibis quotidie in mensa Abbatis ponatur pauperibus tribuenda: in officiis defunctorum prima oratio; & ad Capitulum psalmus & oratio usque ad centesimum diem pro eo dicantur. In septimo namque, tricesimo, & centesimo die solemnes vigiliæ, & Missæ cum pulsatione signorum agantur, & psalteria dicantur ab universis ipsius Cœnobii Fratribus, sicut in die depositionis ejus. Ampliavit redditus Fratrum in vestimentis ex illis redditibus, qui sibi reddebantur ex castello Boloniani.

Dumque sibi jam deficiente corpusculo sentiret appropinquare finem vitæ, cœpit studiosior in orationibus esse; & licet ejus oculi essent aliquantulum caliginati præ senectute, tamen speculabatur Deum mentalibus oculis, & orabat assidue ut absolveretur à corpore, & illorum adipisceretur consortium, quorum mores & actus imitatus fuerat. His aliisque pollens virtutibus cum virtutem corporalem per singula momenta sibi minui cognovisset, sensit appropinquare suæ terminum vitæ, & melior quam antea fuerat, quamvis semper bonus esset, commendabat transitum suum Fratribus & Filiis; Ecclesiam verò, quam regendam susceperat, Deo & beato Clementi: & sic tactus in commodo corporali, plenus dierum, & perfectus in omni observantiâ spiritali, Deo reddidit animam pridie Idus Decembris, in anno Dominicæ Incarnationis millesimo centesimo quinquagesimo secundo. Rexit autem Monasterium Insulæ Piscariensis, constructum in nomine Sanctæ Trinitatis & B. Clementis Papæ & Martyris, viginti quinque annis & octo mensibus; tumulatusque fuit in Capitulo ejusdem Ecclesiæ, sicut decens erat, ante Majestatem nostri Salvatoris, cui famulatus fuerat omni tempore vitæ suæ devotè, & famulari docuerat omnes Filios suos & Fratres sub tenore & regulâ Beati Benedicti.

Post mortem Abbatis Oldrii sanctæ recordationis, Abbatia S. Clementis Insulæ Piscariensis multis diebus exstitit sine Rectore, quia intentio Fratrum, qui se credebant saniori uti consilio, erat in Domino Leonate, propter quod in eodem Monasterio ab ipso Domino Abbate Oldrio fuerat receptus, & monachico habitu indutus, & in ejusdem Piscariensis Monasterii institutione à pueritiâ nutritus, notus probitate, clarus genere, & excellenti ingenio, in Curia Romanâ jam Subdiaconatus functus officio. Et quia iste solus posset sufficere ad conservandam Ecclesiam in pristina libertate. Porro Comes Boamundus Tarstani, qui tunc temporis Manuplennensem Comitatum, terram videlicet consanguineorum ipsius Domini Leonatis, Regis Rogerii dono possidebat, omni nilu Fratres impediabat, ne ipsum sibi facerent Abbatem; timebat enim ne in aliquo tempore ipse Leonas per Abbatiam potentiam, ductus amore ipsorum consanguineorum suorum Manuplennensium, quos, ut supra dictum est, Dominus Rex Rogerius exheredaverat, & de toto regno ejecerat, se laderet, & fortè de Comitatu expelleret. Nitebatur quidem ut Fratres alium de suis eligerent talem, qui ei non posset resistere; tantumque prævaluit tam ex potentiâ quam habebat in regali Curia, quam ex applausione quorundam Fratrum, quos sibi fraudulentè illexerat, quoddam castatè per Regem Rogerium ipsius Leonatis vocatione, eligeretur in Abbatem ex eadem Congregatione quidam Constantinus nomine: cujus electio & persona cum esset cognita Curia Romanâ, ejus judicio sicut facta fuerat est delata. Eugenius enim Papa sanctæ memoriæ, cum audisset quia taliter con-

tra suum Subdiaconum (nam ipse promoverat eundem Leonatem in Subdiaconum) fuisset electus incitatione præfati Comitis, præcepit eum ulterius de eadem electione habere silentium: & cavere ne pro hac re perturbaret Monasterium, sed permetteret Fratribus secundum Dei timorem eligendi quem vellent, liberum arbitrium. Ita fuit Ecclesia sine Pastore dum advixit præfatus Eugenius, quia impediti erant Fratres non solum persecutione Comitis, verum etiam interdicto & prohibitione Domni Rogerii Regis.

Mortuo autem Papa Eugenio, & succedente sibi beatæ recordationis Anastasio, Comes Boamundus quoniam erat illi familiaris, præsumpsit de ejus amore & exclusum judicio iterum coëgit abbatizare; & contra voluntatem Fratrum occupavit Monasterium, sed in sede Abbatis, pervasit palatium; & dum pollicitatione Comitis securum se cred ret de consecratione, & penè jam esset in itinere, Fratres illi, contra quorum voluntatem electus fuerat, devitantes insidias Comitis Romanam Curiam adierunt, Papæ singula retulerunt, quomodo fuerat castatus judicio Domni Eugenii sui prædecessoris, & non Fratrum electione, sed manu laicali iterum intrusus, occupabat sedem, & volebat se facere Abbatem. Quo audito Dominus Papa Anastasius missis literis redarguit, reprehendit impudentiam ejus, & præcepit ei sub anathemate, ne ulterius quæreret causâ electionis Fratres fatigare.

His ita peractis Rex Rogerius mandavit Fratribus qui ad eum in Siciliam perrexerant, ut quia de suis quos vellent habere non poterant, eligerent saltem de alienis Monasteriis, & eis tria nominavit, quæ & habitu & vitâ multum erant aversa eorum institutioni. Verumtamen quoniam Fratres ejus præceptis obviare nec volebant, nec debebant, unum de Fratribus Sacri-montis, quod Monasterium est in Apulia, nomine Rogerium quæsierunt, habuerunt, & ei quamdiu sibi licuit, obedientes fuerunt. Et cum ille vellet à Domino Anastasio consecrari, misit quosdam de Fratribus Monasterii qui ei narrarent, & modum suæ electionis, & diem peterent, quâ haberet optatam consecrationem. Cum audiret Papa tam subitam mutationem, mandavit & præcepit ei per summum obedientiæ, ut reverteretur ad suum Monasterium, & non impediret locum quem ipse tenere non poterat; quia decolor ejus habitus, & discors conversatio erat à conversatione Fratrum quos regendos susceperat. Videns autem Comes quoddam nihil profecisset, mens ne illi Pastorem eum sibi facerent, quem ille nec videre nec sustinere valeret, cœpit contra Monasterium & ejus possessiones, quæ in suo Comitatu erant, apertas inimicitias exercere, Ecclesias invadere, sylvas auferre, in Monachos contra jus & fas manum mittere, & multa adversa & inhonesta de Deo & servis S. Clementis mendaciter in populos fabulari, dicens: Monachi S. Clementis nituntur ad illud quod est impossibile, & volunt duos enses in unum fortulum mittere, sed pro certo sciatur dum fuero Comes, ille quem sibi exoptant non poterit esse Abbas.

Dum hæc aguntur mortuo Rege Rogerio Wilielmus filius ejus ei successit in regnum, vir miræ sapientiæ & magnæ virtutis, qui volens consanguineis suis bona facere, Robertum de Bailavillâ Comitem Lorotelli fecit, eique totum Comitatum illum, & vicinas terras supposuit; quia fidelem sibi & ex bono collato devotiorem existimavit. Ille volens dominationem habere etiam in his quæ sibi data non fuerant, Monasterium S. Clementis occupavit, homines & quosdam ex Fratribus sibi jurare coëgit. Quod factum Domino Regi Wilielmo minimè placuit, imò irato animo & vultu indignationis pleno,

GGGGg

Robertonovo Comiti mandavit ut discederet ab hac præsumptione, dimitteret quietam Abbatiam S. Clementis, cameram suam propriam, beneficio cumulatam sui genitoris, quam ipse in animo habebat ad proprias manus regias, & sub suæ proprietatis & defensionis privilegio tenere præ omnibus aliis circumadacentibus Abbatiis. Quod audiens Robertus pervasa dimisit, homines à sacramento sibi facto, & Monachos absolvit. Nec multo post Robertus, cui Dominus Rex Willelmus tot & tanta bona contulerat, seditiosè agens contrà dominum suum, maximam partem de regno ejus pervasit, comites suæ nequitiae & complices multos sibi associavit, & ultrà quàm credi potest sublimia de se cogitans, totam terram in modico perturbavit. Quà perturbatione castella concussa sunt, villæ desertæ, & plures imminutæ Abbatiae, non dico de illis quæ erant sine Rectore, verumetiam illæ penè annihilatæ sunt quæ erant sub Pastoribus, & multo gubernatæ regimine. Huic oppressioni cum aliquantulum resisteret Comes Boamundus, ad ultimum cessit. Supervenerunt enim illi qui fuerant de Comitatu Manupल्ली fugati, & quæ sui juris esse videbantur invaserunt, Comitem expulerunt, & suæ prophetiæ, ( fuerat enim Pseudo-propheta ) locum dederunt. Dixerat enim: Quamdiù Comes fuero, Monachi S. Clementis illum quem desiderant, habere non poterunt. Ecce Comes non est, laborent Fratres ad hoc, ut Ecclesia habeat Pastorem sibi à Deo prædestinatum, qui tamquam leo fortis in medio inimicorum Dei & Ecclesiæ emittat rugitum, suæ fortitudinis signum.

Anastasijs jam Deo vocante ad cælestia regna migraverat, & Sedem Romanam Adrianus Papa quartus tenebat; ad quem Fratres Cœnobii S. Clementis perrexerunt apud Bitervum; Pastorem, quem jam diù necessarium præviderant, & Ecclesiæ profuturum sperabant, pro Dei amore & reverentiâ S. Clementis Dominum LEONATEM, Ecclesiæ Romanæ filium, & sui Monasterii Professum, ut eis donaret, concederet, humiliter rogitarunt. Quorum petitioni Adrianus obviare minimè decrevit, imò statim congregato Cardinalium cœtu, quem petebant præfatum Leonatem eis concessit. Et quia non erat in præsentia, mandavit ei, & quodammodo ad suscipiendum onus coëgit literis suis Dominus Papa, ut ad Monasterium accederet, sedem à Deo sibi paratam acciperet, curam gregis sibi commissi ageret, inimicis Dei & Ecclesiæ viriliter resisteret, & ita faceret, quod honor suus esset Romanæ Ecclesiæ, quæ eum à pueritiâ educatum exaltare & sublimare desideraret. Quid multa? Vocatus venit, invitatus sibi injunctum officium suscepit: sicque factum est, ut Fratres, qui ejus desiderio longo tempore fuerant fatigati, divino respectu acciperent ad quem anhelabant. Facta est itaque ejusdem electionis celebratio Dominicæ Incarnationis anno millesimo centesimo quinquagesimo quinto, Indictione tertiâ.

In eo tempore tanta erat perturbatio populi, maximè in hac regione, seditione Comitis Roberti de Lorotello, ut vix posset inveniri aliquis locus immunis à prælio; tanta erat aviditas in satellitibus spoliandi, quodd non parcebant alicui, non dico de secularibus, verumetiam de illis qui servitio Dei vacantes manebant in Claustro.

Electus itaque Leonas, decimo die electionis suæ, cum pro quibusdam causis inimicaretur filiis Berardi de Castellione, congregatâ militum & peditum armorum multitudine, obsedit Bitorritum, & tandiù mansit in obsidione, donec Rainaldum Castellum dominum, & castellum cepit. Castellum tenuit in suâ proprietate, Rainaldum coëgit jurare. Post hæc

volens ire in Aprutium, quia noviter electus nondum fuerat susceptus per cuncta loca Monasterii, & putans invenire fidem in fratrem suum uterinum, commendavit totam terram S. Clementis fratri suo Perroni; & post hæc quo præordinaverat Aprutium tetendit, ibique pro negotiis illis aliquandiu est moratus. Interim Perronius frater suus, cujus in custodia terram S. Clementis posuerat, proditoriè agens, castellum Belonianum depulsis custodibus occupavit & tenuit, de fraude non erubescbat. Cui cum electus revertens malum quod fecerat intimaret, & ut castellum quod proditoriè invaserat redderet, bis terque rogaret, unde sibi respondit: Reddam tibi Belonianum, si tu nobis reddis Bitorritum, quia Rainaldus qui illud possidebat fuit noster bassallus. His dictis quod tenebat tenuit, & quia forte erat castellum, nulli reddere voluit. Electus autem habito consilio, interpositâ conditione, reddidit ei Bitorritum, & recepit Belonianum. Et hæc fuit conditio, quodd unus ex fratribus Perronii faceret hominum B. Clementi pro Bitorrito, & medietate corvariar, & censum annuatim redderent constitutum absque dilatione. Ille autem, qui hoc scelus fecerat, non diutius gavisus fuit, sed paucis post tempore correptus gravi infirmitate, sine herede ab hac vitâ discessit.

Hoc igitur tempore Dominus Papa Adrianus Beneventi manebat, ubi Dominus Leonas electus ad eum accedens, petiit ab eo consecrari: quod petierat meruit adipisci, & pro dignitate Abbatiae summi Pontificis S. Clementis decoratus mitrâ pontificali, cum gloriâ & honore reversus ad propria, Abbatem est insignitus officio, redimitus baculo pastoralis. Reversus itaque à suâ consecratione, susceptus à Fratribus debita cum revertia, mansitque in Abbatia, & adversariis qui volebant Ecclesiam suppeditare fortiter resistebat. Gualterius Comes Manupल्ली, qui pervaserat Comitatum in tempore dissidii, cœpit eum primitus persequi, & Colleodunum quod muniverat, & Belonianum violenter abstulit ei. Verum quia Domino cura erat de loco suo, non multo post tempore, adveniente Rege Willelmo, fugatus Comes ille de pervaso Comitatu, & invitatus dimisit castella B. Clementi. Præfati Comites Manupल्ली, & cæteri complices eorum, dum devastarent maximam partem regni, Rex Siciliæ Willelmus veniens cum maximo exercitu depulit eos, terramque liberavit. Verum quia præfatus Abbas Leonas non habebat integrè gratiam ejus, perrexit Romam ad Dominum Papam Adrianum, qui eum in Abbatem consecraverat: à quo cum maximâ honorificentia susciperetur, tandiù mansit ibi, donec mediante eodem Domino Adriano amorem Regis habuit, & integram gratiam apud eum invenit, & sic ad Abbatiam suam reversus, quanto studio potuit ad augmentum ejus invigilavit.

Hac tempestate præfatus Comes Boamundus Tarsitanus à Domino Rege Willelmo captus, & in vinculis positus fuit. Cumque Rex ipse sibi peperisset, & à captione liberasset, non multo post Tarsitiam reversus, subitò lateris dolore correptus, moriens ibidem vitæ finem accepit, nullusque de suis heredibus in Comitatu Manupल्लीensi, per quem sanctum Clementem, & suam Piscariensem Ecclesiam offenderat, potuit ei succedere. Quo mortuo idem Rex alium Boamundum Comitatum Manupल्ली præfecit, qui sequens prædecessorum vestigia, & irritans adversus se Dei potentiam, cœpit devastare S. Clementis possessiones quæ intrâ Comitatum ejus detinebantur, ambitione etiam in Ecclesiis debacchabatur. Hæc dum ita aguntur exules iterum terram intraverunt, Comitem Boamundum expulerunt,

XXX. Abbas  
Leonas.

1155.



Abbati Leonati Abbatiam abstulerunt. Perrexit itaque in Siciliam Abbas; nec multo post Rex mari terraque suos hostes persequitur: quibus fugatis liberata est Abbatia S. Clementis, ad quam revertens Abbas Leonas cum gratia & amore Regis studebat regere Abbatiam sibi commissam. Et quia volebat quod Abbatia sibi commissam contra adversarios innumerabiles muniretur, libertatis privilegium & munitionis impetravit à sanctæ recordationis Papa Adriano; quod descriptum sic est:

*Privilegium Domni Papa ADRIANI.*

**A**DRIANUS Episcopus servus servorum Dei, dilectis Filiis Leonati Abbati Monasterii S. Clementis de Insula Piscariæ, quæ Casa-aurea vocatur, ejusque Fratribus tam presentibus quàm futuris regularem vitam professis in perpetuum. Effectum iusta postulantis indulgere, & vigor æquitatis, & ordo exigit rationis, præsertim quando petentium voluntatem pietas adjuvat, & veritas non relinquit. Quocirca, dilecti in Domino Filii, vestris iustis postulationibus clementer annuimus, & præfatum Monasterium ubi corpus B. Clementis Papæ & Martyris requiescit, & in quo divino participati estis obsequio, ad exemplar prædecessoris nostri felicitis memorie Leonis Papæ, sub B. Petri & nostræ protectione suscipimus, & presentis scripti privilegio communimus. Statuentes, &c. *ut in Privilegio præfato Leonis Papæ.*

Interdicimus insuper ut nullus Episcopus ibi synodum celebret. Chrisma, oleum sanctum, consecrationes altarium, seu Basilicarum, ordinationes Monachorum, seu Clericorum, qui ad sacros Ordines fuerint promovendi, à quocumque malueritis suscipiatis Episcopo. Obcunte verò te nunc ejusdem loci Abbate, vel tuorum quolibet successorum nullus ibi quâlibet surreptionis astutiâ seu violentiâ præponatur, nisi quem Fratres communi consensu, vel Fratrum pars consilii sanioris secundum Deum, & B. Benedicti Regulam, providerint eligendum, &c.

Ego ADRIANUS Catholicæ Ecclesiæ Episcopus subscripsi.

Ego GREGORIUS Sabinensis Episcopus.

Ego HUBALDUS Hostiensis Episcopus.

Ego JULIUS Prenestinus Episcopus.

Ego GALTERIUS Albanensis Episcopus.

Ego BERNARDUS Portuensis & Sanctæ Rufinæ Episcopus.

Ego HUBALDUS Presbyter Cardinalis tituli sanctæ Crucis in Jerusalem.

Ego OCTAVIANUS Presbyter Cardinalis tituli S. Cæcilie.

Ego JOANNES Presbyter Cardinalis tituli SS. Joannis & Petri, titulo Pammachii.

Ego JOANNES Presbyter Cardinalis tituli SS. Sylvestri & Martini.

Ego ILDEBRANDUS Presbyter Cardinalis Basilicæ duodecim Apostolorum.

Ego GUIDO Presbyter Cardinalis tituli Calixti.

Ego JOANNES Presbyter Cardinalis tituli S. Anastasie.

Ego BONADIES Presbyter Cardinalis tituli S. Gregorii.

Ego GUILLELMUS Presbyter Cardinalis tituli S. Petri ad Vincula.

Ego ODDO Diaconus Cardinalis S. Georgii ad Velum aureum.

Ego JACINTUS Diaconus Cardinalis S. Mariæ in Cosmedin.

Ego ARDICIO Diaconus Cardinalis S. Theodori.

Ego CYNTHIUS Diaconus Cardinalis S. Adriani.

Tom. II.

Ego PETRUS Diaconus Cardinalis S. Eustachii juxta templum Agrippæ.

Datum Laterani per manum Rolandi S. Romanæ Ecclesiæ Presbyteri Cardin. & Cancellarii, secundo Idus Martii, Indictione sextâ, Incarnationis Dominicæ anno millesimo centesimo quinquagesimo octavo: Pontificatus verò Domni Adriani Papæ quarti anno quinto.

Præterea Dominicæ Incarnationis anno millesimo centesimo quinquagesimo octavo, Indictione sextâ, recuperatâ Ecclesiâ S. Quirici de Monte-Silvano, quæ ab antiquo juris erat Monasterii B. Clementis, concessit eam Willielmo filio Sadoch, & fratribus suis, usque in viginti novem annos, sub tali censu, quod omni anno circa festum B. Clementis centum pisces marinos persolverent, & juramento ab eo recepto Abbas ei sub tenore in chartâ descripto Ecclesiam habere permisit. In tempore siquidem Domini Abbatis Leonatis propter bonam famam quæ de Monasterio B. Clementis longè lateque pervolebat, & præcipuè pro liberalitate, & hospitalitatis humanitate, quam circa omnes homines ipse nobilis Abbas pleno obsequio exhibebat, quamplures de diversis partibus & maximè de civitate Sulmone excitati, mundum relinquebant, & sua omnia seque dedentes pauperibus, & in Monasterio S. Clementis manentes Christum sequebantur, de quibus paucos præfenti paginæ inferere decrevimus.

Quidam Walterius in eodem Monasterio Monachus effectus, inter cætera quæ dedit fecit convenientiam de unâ cannapiâ, in loco ubi Albe vocatur, sicut in chartâ exinde factâ perlegitur. Simon Guarimundi in civitate Sulmone dedit palatium quod habebat, & terras & vineas, & partem Ecclesiæ S. Andræ, quæ ad eum pertinere videbatur hereditario jure, & effectus est Monachus S. Clementis. Petrus Alberti similiter se Monachum faciens, quidquid habebat dedit. Joannes Blancus & Petrus Walterii quidquid habebant Deo præbuerunt & B. Clementi. Adam Guarimundi cum filiis suis factâ convenientiâ cum Domino Abbate Leonate, refutavit per chartulam obligationis quidquid juris & rationis credebatur se habere in rebus & possessionibus à superscripto Simone Monacho, Monasterio largitis quando monasticum habitum suscepit; indeque refutationis literas Monasterio porrexerunt. Berteraimus faciens se Monachum in præfato Cœnobio, dedit casam suam & partem Ecclesiæ S. Joannis, & quæcumque habebat Deo, & B. Clementi cui famulari decreverat. Quidam Sacerdos, Senaldus nomine, tenebat de possessionibus præfate Abbatie, quæ ad tempus statutum fuerant sibi data; & cum ultra statutum ea teneret, nec Ecclesiæ reddere, nec pro eis servire vellet, Abbas illa quæ tenebat accepit, & ne de his ulterius se intromitteret interminando vetuit: qui præsumptioni addidit contemptum, & invalit quod sibi fuerat vetitum. Unde in Curiam Regis adductus, convictus de præsumptione quod malè tenebat perdidit jure, & quod justum erat pro contemptu regio persolvit regali Curie; sicut instrumentorum chartulæ inde descriptæ legitimè perdocent. Celebrata siquidem est hæc Curia apud S. Clementem, quodam viro, nomine Samaro Tranensi, Regio Camerario, ipsam distringente, anno Dominicæ Incarnationis millesimo centesimo sexagesimo tertio, regnante Domino Willielmo felicissimo Rege Siciliæ.

Iste quidem Abbas tempore suo recuperavit Monasterium sancti Mauri de Amiterno, quod antiquo jure fuit Monasterii sancti Clementis; ibique unum de Fratribus sui Cœnobii pro regimine ordinavit, maximâ in eadem regione de ipsius Ecclesiæ possess-

GGGGgg ij

1158.

1163.



tionum parte reacquisita. Recuperavit etiam Ecclesiam sanctæ MARIE de Fasonaria, quæ cum ex antiquitate juris esset Beati Clementis, quidam Barones Pinnenfes, videlicet Gentilis de Brittulis, & alii eam invaserant, & malè tenebant; sed Dominus Abbas Leonas suâ fortitudine, ac regiâ auctoritate ipsa recepit & tenuit: & postea de suâ Congregatione Monachos ibidem præpositos ordinavit.

Per idem tempus illustris Abbas Leonas in Apuliam ambulavit, Alifinensem civitatem adiit, ibique honorificè à Gosfredo Comite viro famosissimo venerabiliter est receptus; ubi cum inter se multâ familiaritate delectarentur, idem Comes divinitus compunctus reddidit sancto Clementi locum in eodem Alifinensi lacu, in quo antiquitus fuerat in honore sancti Clementis Ecclesia constructa juris Monasterii Piscariensis, cum domo & possessione terrarum quodam Widonis de Baro, & largissimis aliis possessionibus in eadem regione; cum hominibus & eorum redditibus, cum piscationibus & cæteris rebus, quæ in chartulâ donationis ab eodem excellentissimo Comite ex eisdem rebus legitimè factâ, & testibus idoneis roborata inveniuntur. Post hæc Dominus Abbas artifices cum expensis, & operarios illuc transmisit, equos, & animalia direxit, in eodem loco devoto affectu funditus Ecclesiam construere fecit; quâ constructâ ipsemet cum Domino Joanne religiosissimo Signensi Episcopo ad eandem Ecclesiam accessit, eamque solemniter dedicare fecit, positus in ejusdem Ecclesiæ alteri Reliquiis sancti Clementis, & aliorum Sanctorum, quas à suo Cœnobio reverenter asportaverat. Deinde religiosos viros ibidem posuit, qui & locum augerent, & Omnipotenti Deo regulariter deservirent.

Eodem tempore vir per omnia Catholicus Dominus Alexander de Franciâ reversus Romæ pontificabatur; ad quem Dominus Leonas Abbas quemdam fratrem Joannem, Berardi cognomine, in ipso Cœnobio à pueritiâ nutritum, & regularibus disciplinis instructum visitandi gratiâ direxit; per quem impetravit privilegium defensionis & tuletæ contra eos qui Piscariense Monasterium offendunt atque molestant, ad instar prædecessorum suorum qui eidem Monasterio privilegia indulserunt. Hic Abbas impetravit ut castellum sancti Mauri, super litus maris Adriatici quondam situm, reedificaretur ad suæ Ecclesiæ profectum. Sed quibusdam in hoc facto fraudulentè adversantibus, id efficere non potuit. Tamen inde concessionis cartulam à Regali Curia acquisivit. Constituit etiam ut Frater Monachus, qui sanctæ MARIE de Pesile fuerit Præpositus, habeat etiam in augmentum suæ necessitatis præposituram sancti Angeli de Casule, salvis omnibus redditibus, quæ ipsæ ambæ Ecclesiæ sancto Clementi persolvere debent, ut cartula docet.

Tunc temporis cum Rogerius de Tocco cum fratribus suis ipsam terram tenerent, concesserunt sancto Clementi Ecclesiam sancti Victorini, sitam in ipsâ pertinentiâ Tocci; indeque confirmationis literas facientes, eas Monasterio porrexerunt.

Confluxit præterea Leonas Abbas multoties cum adversariis Ecclesiæ; præcipuè cum Comite Boamundo Manupल्ली, qui post priorem Comitem Boamundum Tarlensem in possessionibus Ecclesiæ debacchatus est, & persequutus Ecclesiam sancti Clementis, odio ipsius Abbatis & gentis suæ. Habuit siquidem conflictum cum eo semel apud Salernum, ibique coram Simone Senescalco, totius regni magistro Capitano, & totâ regali Curia super rationibus Ecclesiæ, confutavit eum atque devicit. Deinde in Apuliam apud Fojas coram Comite Giliberto,

similiter tunc temporis magistro Capitano, & gubernatore totius regni, & totâ regali Curia, querelis depositis rationabiliter devicit & superavit. Igitur res quæ ex ipsis quæstionibus recuperatæ fuerunt, hæc sunt: Videlicet, quæstio fuit de montibus & lignis sylvarum montis Ursæ, Tarini atque Magelle. Quæstio fuit de Ecclesiis & Obedientiis magnis & minimis per Comitatum Manuplensem constitutis, Ecclesiæ S. Clementis subditis & pertinentibus. Quæstio quoque fuit de hominibus in eodem Comitatu eisdem Ecclesiis subjacentibus. Quæstiones alia plures fuerunt, super quibus omnibus Dominus Leonas potenter obtinuit. Indeque judicio regalis Curie ab eodem Comite Boamundo reinvestitus, eas res recipiens possedit. Potrò Comes Boamundus cum iterum contrâ Monasterium S. Clementis ageret ex consilio cujusdam militis, qui Thomas de Venuzio vocabatur, Monachos de Obedientiis ejecit, ipsas sub laicorum procuratore posuit, & ex omnibus rebus suæ terræ Piscariense Monasterium expoliavit. Unde Fratres indignati, Thomam ipsius nequitie consiliarium excommunicantes, quotidie in ejus anathema tribus vicibus omnia Monasterii signa pulsabant. Contigit nempe ipsum Comitem cum eodem milite in Siciliam eo tempore abire: cumque Messanam venisset, idem Thomas gravissimam infirmitatem incurrit, ex quâ nec dormire, nec etiam in lecto requiem aliquam habere poterat. Dicebat enim, quia sonitus omnium campanarum Ecclesiæ S. Clementis erat in auribus ejus, qui dolorem gravissimum dabat in capite, & somnum repellbat ab oculis. Itaque sic percussus jacens, & talibus ictibus mori timens, cuidam Episcopo languoris sui periculum confessus est. Episcopus autem ille causam omnem ex ejus aure cognoscens, & quodd pro suo malo consilio, sicut supra dictum est, excommunicatus esset, consulit eum ut daret operam emendationi. Convocato denique præfato Comite, & literis emendationis impetratis, statim ut nuntius missus est, ut Ecclesiæ & res supradictæ de terrâ Comitatus Piscariensis Monasterio sublata redderentur, ipse Thomas convalescens ab eadem infirmitate, virtute Dei & Martyris placatione Clementis est liberatus. Denique Comes Boamundus non multo post ad mortem veniens, & de molestiis Ecclesiæ S. Clementis illatis, profundis suspiriis se recognoscens, in ultimo testamento per manus venerabilis Episcopi Joannis Signensis restituit B. Clementi sanctam Crucem de Caramanico, & S. Celidum de Tocco, & quidquid juris S. Clementis erat, & ipse molestaverat in toto Manuplensi Comitatu, in montibus & planis, in lignis & petris, in terris & molendinis, in hominibus, & eorum redditibus, in Ecclesiis & Ecclesiasticis censuris, reddidit, & perpetim quietavit. Unde ab ejusdem Cœnobii Fratribus absolutus mortis debitum solvit. His ita recuperatis Dominus Leonas easdem res sine inquietudine tenuit, & pacificè possedit usque ad tempus.

Rursus plures Sulmonensium civium divinitus compuncti, quotidie res suas S. Clementi porrigentes in suo Cœnobio monasticam vitam eligeabant. Qui verò fuerint & eorum nomina, & possessiones in chartis exinde legitimè factis, & testibus idoneis roboratis, ac Monasterio feliciter porrectis, plenter inveniuntur. Cum igitur apud Sulmonem, sicut dictum est, possessiones B. Clementis augmentarentur, & Deo faciente vehementer excreverent, Dominus Abbas Leonas accepto fundo à regali Curia construxit oratoriam domum in angulo ipsius civitatis, circâ portam, quæ dicitur Maranesca, ut Fratres, qui pro negotiis & eisdem rebus custodiendis & conservandis mitterentur, haberent ubi psallerent, & in

officiorum obsequiis se frequentius & liberius ibidem occuparent. Porro in hoc facto Episcopis Ecclesie Valvensis cupiditate ductis fortiter eidem Abbati resistentibus, Oratorium ipsum ad consecrationis effectum perducere destitit; imò propterea multa ex supradictis possessionibus, & rebus à se acquisitis, beneficii ordine locavit, & ipsis Sulmonensibus sub certo tempore & annuali censu concessit, sicut in ipsis scriptis concessionis reperiri potest & legi. Consecravit tamen in eodem Episcopatu per manus Berardi Furconensis Episcopi S. Trinitatis Ecclesiam de Pacentro, nuper ex combustione violatam. Per eundem etiam Episcopum consecravit nonnullas alias Ecclesias in terrâ Sanfonescâ, videlicet Ecclesiam S. Angeli in castello de Petraniquâ, Ecclesiam S. Antonini in Beccorritâ, Ecclesiam S. Pelini de Pantano: in terrâ verò S. Clementis S. Bartholomæum de Ortâ, & S. MARIAM de Vadulato. Item in terrâ Sanfonescâ consecravit alias Ecclesias renovatas per manus Domni Oderisii Valvensis Episcopi, unam videlicet S. Felicis de Teczanico, alteram S. MARIÆ de Cerbarano. Infrâ Monasterium verò renovavit altare B. Nicolai, & consecravit per manus præfati Domni Berardi Furconensis Episcopi. Cappellam verò apud infirmatorium constructam, similiter per eundem Episcopum solemniter dedicavit.

Recuperavit profectò in regali Curiâ super quemdam strenuissimum virum Wilielmum, Morelli nomine, Baronem Aprutinum, homines juris B. Clementis, quos in castello de Ripâ Wilielmus idem sibi violenter vindicaverat: unde iudicio regalis Curie de ipso castello præfatis hominibus abstractis, vocabulo S. Georgii castellum construxit, & in eo ad profectum Ecclesie homines posuit atque munivit. Cum uterinis quoque fratribus suis, & aliis potentibus viris sui generis, pro rationibus Ecclesie dimicavit, & multoties cum ipsis est altercatus de possessionibus Ecclesie quas invadebant; de censu quem non persolvebant; de pontibus quos evertebant; de Ecclesiis & Clericis quos sibi vindicabant; de multis molestiis quas inferebant. Unde in quibusdam, videlicet super Clericorum pressuris, & Ecclesiasticis censuris, ita quandoque per se & sententiam excommunicationis in eos promulgatam, quandoque per literas Apostolicæ Sedis, & interminationis ipsius Romani Pontificis; quandoque per literas regie auctoritatis eos compescuit, quòd in maiorem jurisdictionem Ecclesie S. Clementis, Clerum, & totum penè jus Ecclesiasticum, & in meliùs quàm antea fuerit, convertit.

*Epistola Alexandri Papæ ad Riccardum Gentilem de terrâ Sanfonescâ.*

**N**obili viro Riccardo Gentili. Super prudentiâ & nobilitate tuâ non possumus non mirari, quòd cum Ecclesia B. Clementis mater tua existat, & tota terra Sanfonesca ad eam ab ipso foundationis exordio de jure pertineat, & quidquid tam tu quàm fratres tui de eadem terrâ tenetis à prædictâ Ecclesiâ recognoscere, & inde sicut progenitores vestri, & alii qui eam per tempora tenuerunt, fecisse noscuntur, annum censum reddere debeatis; ipsam Ecclesiam quam pietatis intuitu, & ratione fratris, obtentu quoque domini, quod in te & fratres tuos habere dignoscitur, deberes diligere, & ab omnibus defensare, opprimere & perturbare præsumis, & tibi Ecclesias suas vindicare, & Clericos contra Abbatem manu-tenere; & etiam excommunicatos & interdictos defendere non vereris. Unde quoniam hoc animæ tuæ periculosum existit, & nos id nullâ ratione volumus, sicut non debemus, in patien-

tiâ sustinere; industriam tuam monemus, & tibi ex parte Dei & nostrâ mandamus, ut à molestiâ & infestatione prædicti Monasterii omninò desistens, ei Ecclesias & alia jura sua liberè & quietè dimittas. Clericos verò quos idem Abbas pro multis excessibus suis, & quia Capitulo inobedientes fuerunt, ab officio suspendit, & excommunicationis vinculo innodavit, tamquam excommunicatos evites, & eos deinceps contra Abbatem in nullo defendere vel manu-tenere præsumas. Quòd si ulterius feceris, te noveris excommunicationis vinculo innodandum; & si nec sic resipueris, per Regem te faciemus prout dignum fuerit corrigi, & ab his cessare molestiis.

Hic Abbas constituit ut nullus Clericus in terrâ Sanfonescâ ordinetur, nisi ab Ecclesiâ Casauriensi sibi licuerit: ordinatus Presbyter nullatenus Missam celebret, nisi prius Basilicæ S. Clementis se repræsentet, & sub Evangelico juramento legat capitularem canonem ibidem descriptum. Prohibuit etiam sub penâ depositionis, ut nullus ipsorum Clericorum ab eisdem dominis secularibus investituras Ecclesiarum accipiat. Iste siquidem Dominus Leonas Abbas cum in Apuliam ad felicissimum Regem Wilielmum secundum pro negotiis Ecclesie suæ accessisset, sacrum ab eo præceptum attulit sigillo regio roboratum, de adulteriis quæ fierent in totâ parochiâ suâ coercendis, & de personis Clericorum ab omni potestate & iudicio laicorum exemptis.

*Præceptum gloriosissimi Regis Wilielmi secundi, de adulteriis & personis Clericorum in parochiâ Monasterii S. Clementis nonnisi ab Abbate ipsius cœnobii coercendis.*

**W**ILIELMUS Dei gratiâ Rex Siciliæ, Ducatus Apulie, & Principatus Capuæ, Comitibus, Camerariis, Justiciariis, Baronibus, & universis Bajulis qui sunt de parochiâ Abbatis S. Clementis de Piscariâ, fidelibus suis salutem & dilectionem. Leonas venerabilis Abbas S. Clementis de Piscariâ, fidelis noster, ostendit Majestati nostræ dicens quòd Ecclesia sua privatur & diminuitur à vobis de jure suo, videlicet de adulteriis quæ non permittis judicari & corrigi in curiâ ipsius Ecclesie sicut debent; & de personis Clericorum, quæ à vobis ut laici judicantur, capiuntur, & incarcerantur: quod si verum est, admodum nobis displicet, & grave ferimus. Non enim decet neque volumus, ut ea quæ ab Ecclesiâ judicari & coerceri debent, à vobis judicentur vel puniantur. Quare mandamus universitati vestræ & præcipimus, ut amodo de adulteriis judicandis non vos intromittatis, sed si quis de parochiâ prædictæ Abbatis S. Clementis de adulterio accusatus, vel in eo deprehensus fuerit, ad iudicium Curie ipsius Monasterii, in quo adulteria ipsa judicari debent, consistat, & à Curiâ ejusdem Ecclesie judicetur & corrigatur. Excepto si per insultum vel violentiam adulterium committitur, quod si acciderit, judicetur ab Ecclesiâ de ipso adulterio quod spectat ad iudicium Ecclesie, & de hoc quod spectat ad iudicium Curie nostræ, videlicet de insultu & violentiâ, judicetur ab ipsâ Curiâ nostrâ. De personis autem Clericorum volumus & jubemus, ut si aliquis Clericus totius parochie prædictæ Abbatis S. Clementis de aliquo forisfacto, de quo de personâ judicari vel condemnari debeat, appellatus fuerit, non à vobis, neque in Curiâ vestrâ, sed ab Ecclesiâ, & in Curiâ Ecclesie, de hoc quod ad personam suam spectat, judicetur, & corrigatur, juxta canones & jus Ecclesiasticum. Excepto si aliquis Clericus fuerit appellatus de prodicione, vel de alio hujusmodi magno maleficio, quod spectat contra Majestatem nostram; quod si acciderit, volumus

G G G G g iij

& præcipimus ut de hoc quod spectat ad iudicium Ecclesiæ, iudicetur ab Ecclesiâ, & de hoc quod spectat ad iudicium Curie nostræ, iudicetur ab ipsâ Curia nostrâ. Si verò aliquis Clericus de hereditate, vel de aliquo tenimento, quod non ab Ecclesiâ, sed à vobis sive per patrimonium, sive aliunde in terris vestris teneat, appellatus fuerit, ut de hoc in Curia illius, in cuius terrâ possessiones vel tenimentum habuerit, respondeat, & quod iustum fuerit, faciat: non tamen ut persona sua exinde capiatur aut incarcerationetur. Præterea vobis Bajulis præcipimus, ut ad prædicta adulteria coercenda & corrigenda eidem venerabili Abbati, fideli nostro, in quibus opus fuerit auxilium tribuatis.

Datum Salerni primo die Idus Junii, indictione quinta.

1170.

Per idem tempus anno videlicet Dominicæ Incarnationis millesimo centesimo septuagesimo, cum Domnus Leonas Abbas Subdiaconatus fungeretur officio, competenter ab Ecclesiâ Romanâ vocatus, apud Verulas à Domino Papa Alexandro in Diaconum Apostolicæ Sedis est promotus duodecimo Calendas Aprilis, sabbato ante Dominicam de Passionibus. Eodem insuper anno Apostolicis literis auctorizavit festum Translationis corporis B. Clementis, omni anno sexto Calendas Junii solemniter celebrandum.

*Epistola Decretalis Alexandri Papæ III.*

ALEXANDER Episcopus Servus Servorum Dei, dilectis filiis Leonati Abbati, & Conventui S. Clementis de Piscariâ, salutem & Apostolicam benedictionem. Licet omnes, qui pia & religiosa loca intuitu devotionis frequentant, & ibidem omnipotentem Dominum devotis orationibus & votivis cordis affectibus sibi reddunt placatum, suorum mereantur percipere veniam delictorum; in solemnibus tamen & præcipuis festivitibus tanto celebrius eadem loca debent ab universis Dei fidelibus frequentari, & majori devotione & reverentiâ venerari, quanto devotius tunc Ecclesiastici viri obsequiis divinis insistant, & pro excessibus populorum specialius omnipotens Dominus & ferventius exoratur. Quoniam igitur pium & iustum est, & à sanctis Patribus institutum, ut ad Ecclesias Dei universi fideles in præcipuis & solemnibus diebus compunctâ mente & ardenti desiderio concurrere debeant, & in voto laudis & placationis suorum peccatorum indulgentiam implorare; Nos vestris piis desideriis, & iustis postulationibus inclinati, universis qui ad Ecclesiam vestram in die Translationis corporis S. Clementis Papæ & Martyris, quod, sicut in antiquis scriptis habetur, in eadem Ecclesiâ requiescit, devotâ mente concurrerint, & ibidem vobiscum in ejusdem gloriosi Martyris veneratione vota laudis & placationis exsolverint, id ex parte Omnipotentis Dei, & auctoritate Apostolorum Petri & Pauli ac nostrâ, in suorum remissionem injungimus peccatorum.

Datum Verul. quarto Calendas Maii.

Ipse namque Abbas instituit ut festum Inventionis ejusdem Martyris tertio Calendas Januarii recolendum, superscripto fratre Joanne Berardi suggerente atque rogante. Similiter fecit de festo Cathedræ ejusdem gloriosi Pontificis, ut decimo Calendas Februarii celebraretur. In Marchiam Firmanam quosdam Fratres ad possessiones B. Clementis delegavit, indeque pensiones & census recepit. Ad Commarchianos Episcopos literas Apostolicas impetravit ad recuperandas possessiones juris B. Clementis. Textus verò epistolarum quas ab Apostolicâ sede, & à regali Curia super rationibus S. Clementis, &

rebus prædictis acquisivit in hoc instrumentali volumine scriptæ reperiuntur.

*Sententia in Clericos de terrâ Sanfonescâ.*

ALEXANDER Episcopus Servus Servorum Dei, Venerabilibus Fratribus Pinnensi & Valvensi Episcopis, salutem & Apostolicam benedictionem. Ex parte dilecti filii nostri Leonatis Abbatis S. Clementis de Piscariâ nobis innotuit, quod cum in Clericos suos de Castellione interdicti sententiam pro suis excessibus promulgasset, ipsi nihilominus post interdicti sententiam cantare præsumserunt; quare ipsos cum divina officia celebrare non omiserint, excommunicationis vinculo innodavit. Quia verò Ecclesiastica sententia, quæ in malefactores aliquos rationabiliter promulgatur, rata debet & firma consistere, Fraternitati vestræ per Apostolica scripta præcipiendo mandamus, quatenus, si ita est, præfatos Clericos publicè accensis candelis per Episcopatus vestros excommunicatos denuntiari, & sicut excommunicatos faciatis ab omnibus cautiùs evitari, donec ad mandatum & obedientiam prædicti Abbatis revertantur, & ei congruè satisficiant, & cum literis vestris Apostolico se conspectui repræsentent.

Datum Ferent. quarto Nonas Aprilis.

*Sententia contra Clericos de terrâ Sanfonescâ.*

ALEXANDER Episcopus Servus Servorum Dei, dilecto filio Leonati Abbati S. Clementis de Piscariâ, salutem & Apostolicam benedictionem. Nuntium & literas tuas debitâ mentis alacritate recepimus, & compertâ sollicitudine quam de statu nostro & Ecclesiæ tamquam devotus & specialis filius haberet dinosceris, affectioni tuæ præsentibus literis significamus, quod nos & Fratres nostri per Dei gratiam sani & incolumes sumus, & circa commodum & profectum universalis Ecclesiæ, sicut Dominus nobis ministrare dignatur, pastoralis sollicitudine vigilamus. De cætero auditis ex ore nuntiorum tuorum gravaminibus & molestiis, quas nobiles viri Berardus Gentilis, & fratres ejus, Rogerius filius Riccardi, & fratres ejus, tibi & Monasterio tuo congruè satisfacere non postponant, sicut ex scripto quod eis dirigimus tibi plenius innotescit. Mandamus itaque discretioni tuæ, quatenus si jamdicti viri monitis & mandatis nostris infra quindecim dies post susceptionem literarum nostrarum noluerint acquiescere, ipsos auctoritate nostrâ excommunicatos denunties, & facias sicut excommunicatos attentius evitari; nisi fortè eos videris amplius sustinendos. Nos enim vicinis Episcopis dedimus in mandatis, ut sententiam tuam observent firmiter, & faciant inviolabiliter observari; & Clericos qui contra interdictum tuum in terrâ Sanfonescâ scienter cantaverint, excommunicent, & faciant sicut excommunicatos vitari. Voluntatem siquidem & fervens desiderium gerimus, personam tuam sincerâ in Domino & speciali caritate diligere, & jura Monasterii tui tamquam nostri specialis & proprii attentâ sollicitudine conservare. De visitatione autem tuâ affectioni tuæ gratiarum referimus actiones.

Datum Tusculani quarto Nonas Octobris.

*De eadem re.*

ALEXANDER Episcopus Servus Servorum Dei, Venerabilibus Fratribus Marficano, Pinnensi, & Valvensi Episcopis; & dilectis filiis Teatinensis & Furconensis Ecclesiarum Clericis, salutem & Apostolicam benedictionem. Varias & multiplices querelas ex parte dilecti filii nostri Leonatis Abbatis S.

Clementis de Piscaria, adversus nobiles viros Berardum Gentilem, & fratres ejus Rogerium filium Riccardi, & fratres ejus ad audientiam nostram noveritis pervenisse, quod ipsi ei & Monasterio suo de terrâ Sansonescâ debitum & consuetum censum subtrahunt Ecclesias ejusdem terræ, & earum possessiones inter se dividere, & inde Presbiteros instituere & destituere non formidant. Accedit ad hæc, quod cum idem Abbas in eandem terram interdicti, & in quemdam Simoniacum, qui Ecclesiam quamdam à præfatis viris certè dicitur pretio comparasse, excommunicationis sententiam protulisset, iidem viri jam dictum excommunicatum fovere non desinunt, & contrâ interdictum Abbatis in præfatâ terrâ per Clericos Farsensis Monasterii qui sunt schismatici, divina faciunt celebrari. Inde est quod Fraternitati vestræ per Apostolica scripta præcipiendo mandamus, quatenus Clericos, qui scienter in præscriptâ terrâ contrâ interdictum Abbatis cantaverint, omni dilatione & contradictione postpositâ, excommunicatos denuntiatis, & faciatis sicut excommunicatos vitari: & cum præfatus Abbas in supradictos viros pro tantis excessibus juxta mandatum nostrum excommunicationis sententiam tulerit, eam omni occasione & appellatione remotâ observetis firmiter, & faciatis inviolabiliter observari; nec eis præsentibus divina in Ecclesiis vestris permittatis officia celebrari, & Clericos Episcopatum vestrorum ad terram illam pro celebrandis ibi officiis prohibeatis transire.

Datum Tusculani quarto Nonas Octobris.

*Pro Quibusdam possessionibus Sancti Clementis in Marchiâ.*

**A**LEXANDER Episcopus Servus Servorum Dei, Venerabili Fratri Maguntin. Archiepiscopo, Salutem & Apostolicam benedictionem. Quanto dilectum filium nostrum Abbatem sancti Clementis de Piscariâ consideratione devotionis, quam circa nos & Ecclesiam gerit, & Monasterii cui præminet, quod specialiter Beati Petri juris exiit, sinceriori caritate diligimus, tantò attentius eundem dilectione tuæ duximus commendandum, sperantes ad interventum nostrum celeriter peragendum, quod amore justitiæ nemine componente effectui mancipari deberet. Cum igitur occasione discordiæ, quæ diu inter Ecclesiam & Imperium fuit, præscriptum Monasterium grave sustinuerit in Marchiâ detrimentum, ad recuperandas justitias suas præfatus Abbas tuo potissimum indiget auxilio, quod tanto volumus efficacius ministrari, quantò propensius præscripto Monasterio in suis tenemur necessitatibus providere. Quocirca Fraternitati tuæ per Apostolica scripta rogamus, monemus attentius & mandamus, quatenus præfatum Abbatem, vel nuntios ejus, pro reverentia B. Petri & nostrâ sicut de te bene confidimus, benignè respicias, & eos qui in Marchiâ Anconitanâ possessiones detinent ad jam dictum Monasterium pertinentes, ad eas restituendas districtè compellas, ita quod literæ nostræ optatum sortiantur effectum; & nos sollicitudinem tuam debeamus multipliciter commendare. Nolumus autem ad restitutionem opponi, quod tempore schismatis possederunt, cum hostilitas præscriptionem probeatur meritò impedire.

Datum Laterani quinto Nonas Maii.

*Alia de eisdem rebus.*

**A**LEXANDER Episcopus Servus Servorum Dei, Venerabilibus Fratribus Auximan. Apostolicæ Sedis Legato; Firman. Camerinen. & Senogalien. Episcopis, Salutem & Apostolicam benedictionem. Quanto majorem Beato Petro, & Sacro-sanctæ

Romanæ Ecclesiæ reverentiam exhibere debetis, tanto Monasteria & Ecclesias, quæ ad nos nullo mediante respiciunt, habere tenemini propensius commendatas, & ab earum molestiis parrochianos vestros districtius cohibere. Accepimus autem quod quidam parrochianorum vestrorum possessiones multas sancti Clementis de Piscariâ detinent, quas, instante schismate temeritate propriâ invaserunt. Quoniam igitur quanto idem Monasterium specialius Beati Petri juris existit, tanto fortius ejus volumus indemnitate provideri: Fraternitati vestra per Apostolica scripta mandamus atque præcipimus, quatenus parrochianos vestros, qui vobis nominati fuerint, ad ea restituendâ quæ de jure in justè detinent, non differatis districtius commonere. Caterum si invasa restituere, vel post restitutionem Monasterium quisquam vexare præsumserit, cum dilatione & appellatione remota, & excommunicationis vinculo innodetis, & usque ad dignam satisfactionem sicut excommunicatos faciatis ab omnibus evitari: sollicitè provisiuri, ut ita mandatur Apostolicum exequamini, quod Abbas pro defectu justitiæ laborare ad Sedem Apostolicam non cogatur, nec vos repulsam debeatis à vobis in vestris postulationibus sustinere.

Datum Laterani Idus Maii.

*De Rocca Soti, & censu exinde solvendo contrâ Gentilem de Raiano.*

**A**LEXANDER Episcopus Servus Servorum Dei Venerabilibus Fratribus Oder. Valven. Abrutin. & Marfican. Pinnen. & Furconen. Episcopis; & dilectis Filiis capitulo Teatino, & Abbati S. Vincentii, Salutem & Apostolicam benedictionem. Extransmissâ conquestione dilecti filii nostri Abbatis S. Clementis de Piscaria, auribus nostris insonuit, quod Gentilis de Raiano censum debitum Monasterio ejus solvere contradicit, & parrochialia jura, quæ de Roccâ de Soti ipsi de ratione debentur, in suæ salutis periculum tam Clericos quàm Laicos reddere non permittit, nec ejus Ecclesias prout convenit ordinari. Quoniam igitur Laici ab oppressione Monasteriorum censurâ sunt Ecclesiasticâ coercendi, discretioni vestræ per Apostolica scripta mandamus, atque præcipimus, quatenus si, quod nobis propositum est veritati innititur, præfatum Gentilem excommunicationis vinculo adstringatis, & faciatis sicut excommunicatum ab omnibus evitari, quousque ablata restituat, & à præfati Monasterii molestatione desistat. Quod si nec sic resipuerit, in terrâ ejus quamdiu præsens fuerit, divina prohibeatis officia celebrari. Quod si omnes hæc exequi nequiveritis, duo aut tres vestrum eâ nullius obstant gratiâ vel timore nihilominus exquantur.

Datum Tusculan. septimo Idus Februarii.

*Pro quibusdam Possessionibus Monasterii S. Clementis in Finne & Aprutio.*

**A**LEXANDER Episcopus Servus Servorum Dei, Venerabilibus Fratribus Abrutino, & Pinnenfi Episcopis, salutem & Apostolicam benedictionem. Significavit nobis dilectus filius noster Abbas S. Clementis de Piscariâ, quod quidam parrochiani vestri Ro. de Malatino, Trasmundus de Roccâ, Ad. Ro. de Trojâ, & filius Aton. Theod. occasione patronatus, quem in suis Ecclesiis asserunt se habere, bonorum diripiunt, & Clericos deprædantur, cum nullum jus habere perhibeantur. Adjecit etiam, quod quidam eorum in Monachum quemdam eorum & Presbyterum manus violentas injicere aulâ temerario præsumserunt. Quoniam igitur damnum Ecclesiarum, & insolentiam laicorum, clausis nolumus



nec debemus oculis pertransire, Fraternitati vestræ per Apostolica scripta mandamus atque præcipimus, quatenus memoratos malefactores monere curetis, & diligenter inducere, ut ablata restituant, damna data refarciant, & de injuriis illatis satisfaciant congruenter. Quod si monitis vestris non acquieverint, ipsos appellatione remotâ Ecclesiasticæ severitatis gladio feriat. Eos verò qui manus violentas in Monachum & Presbyterum injecerunt, sicut excommunicatos faciatis tandiù ab omnibus evitari, quousque præstitâ satisfactione absolvendi cum vestrarum testimonio literarum Apostolico se conspectui repræsentent.

Datum Tusculani septimo Idus Februarii.

*Episcopis In Marchiâ constitutis pro rebus Monasterii sancti Clementis.*

**A**LEXANDER Episcopus Servus Servorum Dei, Viro venerabili Fratri Firmano Episcopo [similiter<sup>a</sup> Esculano Episcopo; similiter Camerinesi Episcopo; similiter G. Subdiacono nostro Auximamenti Procuratori; similiter dilecto Filio Priori Fontis-Avellanæ] Salutem & Apostolicam benedictionem. Quanto dilecti filii nostri Leonas Abbas, & Fratres Monasterii Sancti Clementis de Piscariâ arctiori nobis & Ecclesiæ Romanæ sunt devotione adstricti, tanto eis in jure suo curâ propensior tenemur adesse, & hoc sibi propensius conservare. Unde si quidem est, quod nos illorum justitiæ providere volentes, per Apostolica tibi scripta mandamus atque præcipimus, quatenus possessiones, quæ in parrochiâ tuâ ad præscriptum Monasterium pertinere noscuntur, quas tu aut aliqui parrochianorum tuorum occupatas tenent, præfato Abbati & Fratribus, omni occasione & excusatione cessante, restituas, vel ita eis plenam inde justitiam facias, quod ad nos pro juris sui defectu querelam de cætero non cogantur perferre. Quod si earum detentores tuæ in hac parte commonitioni acquiescere fortè noluerint, tu ipsos sententiâ excommunicationis percellas, & sicut excommunicatos usque ad dignam satisfactionem facias ab omnibus evitari.

Datum Verul. octavo Calendas Aprilis.

*Pro causâ de castello Ripa ventilendâ.*

**W**ILIELMUS Dei gratiâ Rex Siciliæ, Ducatûs Apuliæ, & Principatûs Capuæ, Leonati venerabili Abbati Monasterii S. Clementis fidei suo, Salutem & dilectionem. Literas honestatis tuæ, per quas curiæ nostræ supplicando mandasti, ut liceret tibi venire Panormum ad Curiam nostram, & ibidem consistere in judicio cum Guillelmo Morello de his quæ proponis adversus eum, vidimus, & in eo petitionem tuam clementer admisimus. Mandamus itaque & præcipimus fidelitati tuæ, ut his visis literis statim venias ad Curiam nostram; nos enim mitius præcipiendo jam dicto Guillelmo Morello per literas nostras, ut ipse similiter veniat Panormum ad Curiam nostram, paratus respondere super his quæ tu proposueris adversus eum.

Data Panormi mense Decembris sexto Indictione quinta.

*De hominibus Sancti Clementis ex castello Ripa abstrahendis.*

**W**ILIELMUS Dei gratiâ Rex Siciliæ, Ducatûs Apuliæ, & principatûs Capuæ, Jozelmo Comiti Loriti, & Odoni de Celano Justitiariis &

fidelibus suis, Salutem & dilectionem. Notum facimus vobis, quod Leonas venerabilis Abbas Monasterii S. Clementis de Piscariâ; ad Curiam nostram veniens conquestus est, quod Guillelmus Morellus contratenebat ipsi Abbati abstrahere quosdam homines Ecclesiæ S. Clementis de quodam castello suo, quod dicitur Ripa: verum quia prædictus Guillelmus præfatus erat, constitit in judicio in Curia nostrâ cum eodem Abbate; & judicio Curie nostræ prædictus Abbas obtinuit ut liceat ei homines ipsos de eodem castello abstrahere, & in terram suam perducere. Quare mandamus studio fidelitatis vestræ, & præcipimus, ut si prædictus Guillelmus mandatum Curie nostræ præterire, vel aliquatenus differe voluerit, vos illud adimplere faciatis.

Data Salerni mense Junii quinto, Indictione quinta.

*Pro rebus S. Clementis in civitate S. Angeli.*

**W**ILIELMUS Dei gratiâ Rex Siciliæ, Ducatûs Apuliæ, & Principatûs Capuæ, Jozelmo Comiti Loriti Justitiario & fidei suo, Salutem & dilectionem. Leonas venerabilis Abbas S. Clementis de Piscariâ ad Curiam nostram veniens, exposuit Majestati nostræ, dicens quod prædictum Monasterium S. Clementis habet quosdam homines in terrâ tuâ; in civitate videlicet S. Angeli; quibus Bajuli tui multa injusta inferunt, adeo quod præfatum Monasterium redditus, & ea quæ solitum est habere, & habere debet, nullo modo potest habere; sicut ipse Abbas dicit. Unde mandamus studio fidelitatis tuæ, & præcipimus, ut si verum est illud, justè & rationabiliter emendari facias; ut prædictus Abbas super hoc ad Curiam nostram justam querimoniam ulterius non deducat. Præterea idem Abbas conquestus est, quod Ecclesia sua debet & consuevit habere decimas de quodam tenimento terræ tuæ, quas ei contratenes, sicut ipse dicit. Quare mandamus tibi & præcipimus, ut, si verum est, sicut solitum est & hæcenus habuit, eas habere permittas.

Data Salerni mense Junii, Indictione quintâ.

*Epistola Goffridi Comitis.*

**S**pirituali in Christo Patri suo, fratri, & amico plurimum dilecto Domno Leonati Cœnobii S. Clementis venerabili Abbati, Goffridus Dei & regiâ gratiâ Comes Alesin. & Domini Regis Justitiarius, Salutem & debitam in Domino reverentiam. Ex obedientiæ debito & sinceritate dilectionis, quæ nos venerabili Monasterio vestro & vobis devotos conjungunt, eâ quâ valuimus exultatione fratrem Boamundum dilectum in Christo communem fratrem, à latere vestro ad nos transmissum honorificè recipientes; petitionibus Monasterii vestri nobis per eum significatis alacriter & sincerè parvimus, partem videlicet Piscariæ in caldulis quam in domanio nostro tenemus, peciam terræ quamdam prope pontem Alesin. terram quæ fuit de Bibaldo ad plantandam vineam, & homines duos Monasterio vestro utiles concedentes, de quibus Fratri Petro Monacho vestro instrumentum necessarium fieri faciemus. Hæc autem inpræsentiarum devoto animo Monasterium vestrum augendo tribuimus, & de cætero divinâ largiente gratiâ in majora prævidebimus; vobis verò & Fratribus vestris in beneficiis & orationibus vestris pro nobis apud Dominum sit cura & memoria nostri.

<sup>a</sup> *similiter*] Hæc non exstabant in epistola ad Episcopum Firmanum: Sed à Joanne Berardi adnotatum est in contextu, similiter scriptum esse ad Episcopum Esculanum

& alios, unicuique seorsim. Unde & in codice MS. vox *similiter* eo loco semper scripta est, cum atramento rubeo.

Tenementum.



Author  
Chronici Ca-  
sauriensis.

Tenementum S. Crisostiani ultra fluvium Cignum locavit Abbas & concessit nobili viro MALLERIO de Palene sub præfixo tempore, & certo servitio, secundum tenorem qui in ipsius scripto concessionis invenitur. Sanctum quoque Sylvestrum de Oligeto in quodam religionis viro Joanne locavit. Quando Dominus ALEXANDER Papa Romæ synodum celebravit, Dominus LEONAS Piscariensis Abbas inter Diaconos Cardinales in eodem Concilio celebrem locum habuit. Emit profectò in ornatum Ecclesiæ S. Clementis sibi commissæ pallia, de quibus pretiosas cappas & tunicas fieri fecit. Emit & acquisivit optimas planetas, & Karissimi oloferica dossalia, & tapetia, ex quibus parietes Ecclesiæ & chori ornarentur in præcipuis festis, quæ in ejus memoriam inter alia longo tempore poterunt recognosci. Libros quoque plurimos, inter quos præcipuum librum Decretorum cum summis ejus à Magistris compositis scribere fecit, & eos in Bibliothecam Ecclesiæ Calauriensis est devotissimè contestatus. Hunc quoque librum instrumentorum, seu Chronicorum, quem ego frater JOANNES composui & ordinavi, & Magister RUSTICUS manibus scripsit, ipso permittente, imò jubente ac adminiculante, perfecimus. Antiquum vero palatium Abbatum, quia vetustate consumptum suo tempore cecidit, illud renovare cœpit, sed aliis negotiis supervenientibus opus ipsum fuit intermissum. Porro domum quam in ejusdem palatii exordio construxit, in horreum Ecclesiæ deputavit. Domum quoque ligneam ad receptionem adventantium contruxit ante ipsius Ecclesiæ vestibulum.

Inspirante igitur post hæc illum supernâ gratiâ, & devotione quam erga gloriosissimum Martyrem Clementem habebat, ipsius Ecclesiam opere mirifico renovare cœpit, & copiosis expensis & apparatibus, & magistrorum & cæmentariorum agminibus aggregatis; primò frontispitium cum tribus portis ædificavit, & ibidem sculpturis apparentibus decoravit. Denique ipsam pulcherrimam porticum, quæ est ante, levavit, & sicut cernitur in tumbam fœderavit, & priori operi conjunxit. Cui superædificavit oratorium ad honorem S. Michaëlis Archangeli, & S. Crucis, Sanctique Thomæ Martyris consecrandum; sed antequam opus ipsum consummare potuisset, occurrit ei finis vitæ. Quando vero fundamenta posuit, erat annus Incarnationis Domini millesimus centesimus septuagesimus sextus. Unde sic est verificatum:

*Hoc templum primò Ludovicus struxit ab imo;  
Abbas quod clarè Leonas cupiens renovare,*

*Cum voto magno Domini fundavit in anno  
Milleno feno centeno septuageno.*

Senescente jam itaque Domino LEONATE Abbate, biennio ante mortem suam frequentes patiebatur infirmitates; tempore verò veris subitò gravissimâ & funereâ pulsatus ægitudine, adstantibus omnibus fratribus & flentibus moriens, viam universæ carnis intravit, anno Dominicæ Incarnationis millesimo centesimo octogesimo secundo; Abbatatûs autem sui vicesimo septimo, octavo Calendas Aprilis die celeberrimo festivitatis gloriosissimæ Virginis MARIÆ, quo salus hominum ab Angelo tibi fuit annuntiata. Quo etiam die in ipso anno feriâ quintâ cœna Domini celebrabatur. Quam verò diem ipse clarissimus Abbas reverentiùs atque devotiùs in suscipiendis pauperibus, & cæteris ipsius diei mysteriis, præ omnibus diebus anni quamdiu præfuit Ecclesiæ, celebrare consuevit. Sepultus namque est in Claustro juxta parietem Ecclesiæ in tumulo sibi præparato, ut ibidem à Fratribus quos educavit reverenti oculo videri possit indefinenter.

**EPISTOLA ROBERTI COMITIS**  
*Capitulo Sancti Clementis post mortem  
Domni Abbatis.*

**R**OBERTUS Dei & Regis gratiâ Casert. Comes, Magnus Comestabulus, & mag. Justiciar. totius Apuliæ, & terræ Laboris, Capitulo S. Clementis de Piscariâ amicis suis, Salutem & amorem. Nos audivimus & pro certo scimus, quodd Ecclesia vestra in manibus Domini nostri Gloriosissimi Regis est. Quare mandamus vobis, & ex parte Regiâ præcipimus, ut si quid evenierit in Ecclesiâ vestrâ quod justitiæ pertineat, scire faciatis Domino Comiti TANCREDO, aut nobis; & vos non constringatis nisi per nos de hoc quod justitiæ pertinet.

**SANCTO CLEMENTI.**

**C**LEMENS ob lumen scriptum tibi tolle Volumen,  
*Hæc ut scripturâ tua sint in lumine jura:  
Scriptis noscantur, quæ sint tua jura legantur.  
Sit liber gratius, quem servulus est operatus:  
Cui tui sis clemens proprio de nomine Clemens:  
Perpetuis annis Fratris memor esto Johannis.*

FRATER JOHANNES BERARDI.

**FINIS.**

## I N D E X

## M A R T Y R O L O G I O R U M.

*Litera H. Martyrologium Hieronymi nomine insigne indicat : litera B. Martyrologium Venerabilis Bedæ : litera G. Martyrologium Gellonense : litera W. Martyrologium Wandalberti : literæ VC. Calendarium Vetus.*

<p>A.</p> <p><b>A</b> Accidia 29 Mai. H          Aaron 1 Jul. H. W          Abacuc Propheta 15 Jan. H. G. W          Abacuc 20 Jan. H          Abdas 31 Mar. G          Abdenago 24 Apr. H. G          Abdes 30 Jul. H          Abdias 14 Jun. W          Abdon 30 Jul. H. B. G. W. VC          Abdus 29 Jul. H          Abidon 3 Aug. H. W          Abidianus 3 Jun. H. G          Abraham 9 Oct. W          Absalom 2 Mar. H. G          Absedus 29 Jul. H. G          Abunda 26 Aug. G          Abundantius 27 Feb. &amp; 1 Mar. H. G. W 23 Aug. H          Abundius 26 Aug. W          Acacius Palatinus 30 Mar. H. G          Acacius 3 Jul. H          Accisus 10 Mai. H          Acella 3 Aug. G          Aceneus 30 Jul. H          Aceolus 1 Mai. H          Aceus 1 Mai. H          Achaicus 29 Mar. H. G          Achilleus Diac. 23 Apr. H. G. W          Achilleus 12 Mai. H. G. W. VC          10 &amp; 11 Jul. 3 Aug. 10 Sept. 25 Dec. H          Achilles 12 Mai. &amp; 8 Sept. H          Aciscia 18 Nov. H          Aciscus 18 Nov. G          Acontius 25 Jul. H. G          Acretus 11 Jun. H          Acuta 2 3 Jan. 15 Apr. &amp; 6 Mai. H          Acutio 2 Jan. H.          Acutus 27 Mar. 7 Sept. H          Adafax 20 Jan. G          Adaucta 4 Oct. G          Adaulia 29 Aug. H          Adeodatus 14 Mai. H          Adjutor 2 Jun. H 17 Dec. H. G          18 Dec. H          Adria 9 Nov. G          Adriana 26 Jul. G          Adrianites 21 Jul. H          Adrianus Episc. 4 5 Mar. H. G          Adrianus 1 Mar. H. G 5 Mar. H          30 Mai. VC 3 Jul.</p>	<p>H 11 Jul. H. G 26 Jul. W 8 Sept. H. G. W. VC 13 Oct. 6 Nov. H. G 7 13 16 Nov. H 10 Dec. H. G          Adrustus 1 Mar. H          Adventor 20 Nov. H          Adventus 15 Feb. H. G          Adentus 6 Mai. H          Adicus 13 Nov. H. G          Ageas 14 Feb. G          Agemonius Episc. 8 Jan. H. G          Agidius 1 Sept. H          Alianus 22 Jul. H          Emilia 17 Feb. 23 Mai. 2 Jun. H          Emilianus 28 Jan. H 8 Feb. H W 9 Feb. 10 11 Jul. H 18 Jul. H. G 21 Jul. 22 Aug. H          Emilius 22 Mai. W 28 Mai. H G 18 Jun. G 20 Jul. H 26 Jul. H. W 16 Aug. G          Epiminus 11 Mai. H          Etherius Episc. 27 Jul. H. G. W          Euitius 24 Feb. H          Afer 14 Jun. H 5 Aug. G 7 Aug. H          Affrodus 30 Apr. H          Afra 30 Apr. 14 Mai. 5 Aug. H 6 Aug. H. G 7 Aug. G 9 Oct. 18 Dec. H. G          Afriges 21 Oct. H          Afrodilus 9 Mai. G 10 13 Mai. 11 Jul. H          Afroditus 12 Mai. H G          Afrosidus 28 Apr. G          Afrosus 28 Apr. H          Agapa 25 Jan. G 15 Feb. H. G W 17. Feb. H 10 Mar. 1 Apr. H. G. W 5 Apr. G 6 Apr. 1 Jun. H 8 Aug. H G. 10 Aug. H 20 Nov. H. G.          Agapia 31 Mai. 1 Jun. H          Agapitus 24 Mar. H. G. W 2 12 Apr. 1 Mai. H 26 Jun. H. G 6 Aug. H. G. W. VC 8 Aug. H 18 Aug. H. G. W. VC          Agapius 29 Apr. W          Agapus Lector. 28 Apr. H          Agapus 12 Apr. G. 31 Oct. H. G          Agatha 5 Feb. H. B. G. W. VC 3 15 Apr. G 8 Mai. H 12 Jul. 6 Dec. G          Agathemeritus 3 Apr. H          Agathinus 20 Aug. H. G          Agathon 8 Feb. G 9 Feb. 12</p>	<p>Mar. H 4 Apr. H. G 12 Apr. H 26 Jun. H. G 5 Jul. H. G. W 25 Jul. H          Agathonia 30 Mar. H          Agathus 23 Mar. 8 Mai. H. G          Agatophus 2 Apr. H          Agatopus 9 Aug. H          Aggeus 4 Jan. H. G          Agia 23 Aug. H          Agiastes 13 Nov. H          Agilus 30 Aug. G          Agnatus 16 Aug. W          Agnes 21 28 Jan. H. G. W. VC 9 Jul. H 18 Oct. 2 Dec. H. G          Agnilla 9 Dec. H          Agnitus 16 Aug. G          Agrestus 8 Jul. H          Agricola 14 Mai. H 19 Nov. G 27 Nov. W 10 Dec. H. G 16 Dec. G          Agricola 2 Nov. H 27 Nov. 3 Dec. H. G 16 Dec. H          Agrippa 13 Mai. H. G          Agrippianus 20 Jul. H          Agrippinus Episc. 1 Jan. H. G          Agrippinus 15 Jul. H. G. W          Agutina 12 Apr. H          Aicadrus 15 Sept. H          Aiobofus 22 Jul. H. G          Alapon 10 Sept. H          Alba 17 Jan. H          Albanus 22 Jun. H. G. W 8 Aug. 15 Sept. H          Albina 17 Feb. 2 Jun. H          Albinus Episc. 1 Mar. H. G. W. VC 15 Sept. H. W          Albinus 22 Mai. H 30 Jun. G 8 Aug. H 6 Oct. G          Alciator 21 Feb. H          Aldegundis 27 Jan. 13 Nov. W          Alemeridus 23 Mai. H          Alequata 1 Dec. H          Alexander Episc. 17 Mar. H. W 28 Aug. H          Alexander Diac. 12 Mar. H 30 Apr. H. G          Alexander 9 Feb. H 26 Feb. H. G. W 27 Feb. H. G 28 Feb. H. W 6 Mar. H. G 10 Mar. H W 11 13 Mar. H 14 Mar. H. W 15 Mar. H. G 17 Mar. G 23 24 25 Mar. H 28 Mar. H. G. W 1 20 Apr. H 24 Apr. H. G. W 1 Mai. H 3 Mai. H. G.</p>
--	---	---

# Index Martyrologiorum.

W. VC 12 14 15 29 Mai. 2 Jun. H 6 Jun. H. G 9 28 Jun. 7 10 Jul. H. 21 Jul. H. G 28 Jul. 27 Aug. H 9 Sept. H. G 10 16 Sept. 1 17 Oct. H	Amphinomius 28 Jun. H Ampliatius 26 Feb. H Ampodus 11 Oct. H. G Amponus 3 Oct. H. G Ampotus 14 Oct. G Ampunus 29 Sept. H Ananias 22 Apr. W 24 Apr. H Anastasia 4 5 Jan. H 6 Jan. H. G 8 Jan. H 29 Jul. H. G 25 Dec. H. G. W Anastasio Ep. 27 Apr. W 19 Dec. H. G Anastasio 22 Jan. B. G. W 23 Jan. H 26 Aug. 7 Sept. H. G 21 Dec. VC 25 Dec. H Anatolia 9 Jul. H. G 10 Jul. H. G. W Anatolius 7 Feb. H. G 3 Jul. W Anatus 16 Aug. H Anciorus 9 Dec. G Andochius 24 Sept. H. G. W Andreas Apost. 5 Feb. H. G. W 9 Mai. 3 Sept. H 30 Nov. H. B G. W. VC Andreas 7 10 Feb. H. G 15 Mai. 6 Jun. G 22 Jul. H. G 19 Aug. W 27 Nov. H Andrelus 12 Aug. W Androcus 1 Mai. W Andronicus 5 Apr. G 6 Apr. H 13 Mai. 27 Sept. H. G 9 Oct. H 10 Oct. H. G 11 Oct. W Androsius 6 Aug. W Andus 12 Mar. H Anesius 30 Mar. H 31 Mar. G Angelafus 31 Oct. H Anianus Episc. 14 Jun. 17 Nov. H. G. W. VC Anianus 25 Feb. H Anicetus 10 Jul. 19 Sept. H Anicius 11 Jul. H Anienesus 10 Nov. G Animasius 7 Jul. H Aniticus 10 Jul. H Annibonia 10 Nov. H Anocus Episc. 13 Aug. H. G Anosinimus 20 Oct. H Anteonus 16 Nov. H Anteolocus 8 Jul. H Anteon 26 Mai. H Antes Diac. 8 Mai. H Anthemalius 26 Jan. H Antherus Episc. 3 Jan. G Anthia 18 Apr. H. G Anthimus Episc. 27 Apr. H. G. W Anthimus 27 Apr. G 11 Mai. H. G 27 Sept. W Anthiotus 14 Jul. H. G Antiga 22 Feb. H Antigonus 23 Feb. H 27 Feb. H. G 3 Mar. 14 Jun. H Antineus 31 Aug. H Antionus 14 Jun. G Antiquus 8 Mai. H 30 Oct. G Antiroditus Episc. 24 Nov. H. G Antolianus 6 Feb. H Antonia 12 Apr. H 4 Mai. H W 2 Jun. H Antonina 21 Feb. H Antoninus 6 Jan. H 27 Apr. G 4 Mai. H. G 9 Aug. 2 Sept. H 3 Sept. G. W 4 Sept. H 30	Sept. H. G 5 Nov. G 18 Dec. H. G Antonius Episc. 13 Aug. H Antonius Presb. 27 Apr. H. W Antonius Mon. 17 Jan. H. B. G W. VC Antonius 3 4 Mar. 1 10 11 12 Jul. H 2 Sept. H. G 3 Sept. H 19 Nov. H. G Antus 26 Feb. H Aper Episc. 15 Sept. G. W Aper 8 Jul. H Apodemus 22 Jan. H. G 15 Apr. H Apolivus 8 Jul. H Apollcus 7 Oct. G Apollinaris Episc. 22 Jul. G 26 Sept. H 5 Oct. H. G. W Apollinaris 1 Feb. H 21 Jun. H G 23 Jul. H. G. W. VC 23 Aug. H. G. W 26 Sept. G Apollinia 18 Dec. H Apollo Presb. 10 Apr. H. G Apollo 10 Feb. H. G 15 Feb. 18 Apr. H Apollonia 7 Jul. H. G. W Apollonius 15 Feb. W 19 Mar. 5 25 Apr. 1 Mai. 2 Jun. H 5 28 Jun. H. G 10 Jul. H 23 Dec. G Aporus 10 Feb. H. Appia 20 Jul. H Appiandus 30 Dec. H Appinus 5 Nov. H Apricus 7 Apr. H 3 Jul. H. G Aprilis 18 24 Mar. 24 Sept. H Apronius 3 Jun. H Aprunculus Episc. 21 Apr. H. G. W Aptatus 24 Aug. W Aptonius 23 Mai. H. G Apuleius 7 Oct. H. W Aquila 23 Jan. 30 Mar. 17 Jun. H 24 Jul. W 1 Aug. H Aquilinus Episc. 18 Oct. H Aquilinus Presb. 27 Mai. W Aquilinus 24 Jan. H. G 4 Feb. H. G. W 15 Mai. H. G 16 Mai. H. G. W 17 Mai. H 17 Jul. H. G 18 Jul. H Aquilus Presb. 27 Mai. H. G Aquilus 16 Mai. H 18 Jul. G Araba 13 Mar. H Arabus 1 Jun. H. G Aracilia 29 Sept. H Araiacus 20 Apr. H. G Arapollo 5 Sept. H Arator Presb. 21 Apr. H. G Arator 22 Apr. H Arbonus 3 Mai. H Arburius 12 Apr. H Arcadius Episc. 1 Aug. G Arceladus Episc. 1 Aug. H Arcelladus 28 Oct. H. G Archelaus 3 4 Mar. 14 Apr. H 15 Apr. H. G. W 10 11 Jul. 23 Aug. H Archeon 15 Sept. H Arcius 15 Sept. H Arcontius 4 Sept. H 5 Sept. G. W Arenus Diac. 19 Mai. H. W Arepio 8 Sept. H
--	---	--

# Index Martyrologiorum.

Arestinus 8 Mai. H	Audeina 16 Jan. H	Balsamus 6 Nov. H
Arestus Episc. 3 Sept. H. G. W	Audifax 20 Jan. H	Baptizius 8 Mai. H
Arestus 18 Dec. H	Audoenus Episc. 24 Aug. H. G.	Barachus 24 Apr. 8 Mai. H
Arfalius 14 Feb. H	W. VC	Baracla 3 Jul. H
Argus 5 Jan. H. G	Audomarus 9 Sept. VC	Baradus 15 Feb. H
Argyrus 1 Jan. H	Aventinus 12 Jan. H. G	Barala 18 Nov. H
Ariaba 13 Mar. H	Aufidia 6 Mai. H	Barbalabia 5 Mar. H
Aricio 23 Jun. H. G	Aufidus 16 Oct. H. G	Barbara 4 Dec. G
Arion 23 Feb. H. W 22 Mar. G	Augentus 4 Jan. G. W 11 Jan.	Barbarinus Presb. 2 Jun. H
28 Jun. 8 Sept. H	H. G	Bardo 25 Sept. H
Aristeus 2 Jun. H	Augorus 21 Jan. H	Bardunianus 25 Sept. G
Aristonicus 9 Apr. H. W	Augulus Episc. 7 Feb. H. G. W	Barechæus 19 Feb. H. G
Aristonippus 3 Sept. H. G	Augurius 21 Jan. 21 Aug. H	Barelus 30 Apr. H
Aristofus 4 Sept. H 5 Sept. W	Augusta 28 Jul. H	Baricus 1 Jun. 5 Oct. 6 16 Nov.
Aristus 3 Apr. H	Augustalis Episc. 7 Sept. H. G	H
Aritonus 3 Sept. H	Augustianus 6 Mai. H 16 Nov.	Barnabas Ap. 10 Jun. B 11 Jun.
Arixius 2 Jul. H	H. G	W. VC
Armata 26 Jan. H. G 9 11 Feb. H	Augustinus Episc. 7 Mai. H 26	Barthianus 14 Feb. G
Armiger 12 Jul. H. W	Mai. G. W 28 Aug. H. G. W	Bartholomæus Ap. 13 Jun. H. G
Arnulfus 11 Jul. W 18 Jul. G 16	Augustinus 11 Jan. 7 Mai. 16	24 Aug. H. B. G. W. VC
Aug. W	Nov. H 17 Nov. H. G	Bartholomæus 4 Aug. H. G
Arobus 13 Apr. H	Augustus Presb. 7 Oct. H. G	Baruchus 17 Apr. G
Aroso 29 Nov. H	Augustus 29 Apr. H	Basianus 14 Feb. H
Arpotes 5 Jul. H. G	Avicia 28 Mai. H	Basilica 19 Mar. H. G 16 Apr. H.
Arrius Diac. 27 Apr. H	Avida 7 Mai. H	G. W 19 Apr. H. G 17 19
Arsenius 12 19 Jul. W	Avidus 3 Jun. H	Mai. H
Artaxes 9 Jan. H	Avitus Episc. 21 Jan. 5 Feb. H	Basilianus 11 Feb. H 18 Dec. H. G
Artaxus 7 Mar. H	G	Basilica 21 Nov. H
Artemius 26 Jan. H. G 27 Jan.	Avitus Presb. 17 Jun. H. G. W.	Basilides 10 Jun. H. W 12 Jun.
G 17 Mai. 18 Jul. H	VC	H. G. W. VC 28 Jun. H
Atteon 15 Jun. H	Avitus Diac. 3 Mai. H	Basilis 1 Nov. H
Artetes 6 Jul. H	Avitus 27 Jan. W 23 Jun. H. G	Basilisca 21 Nov. G
Arthemias 26 Jan. H	Aunachorus Episc. 31 Jul. H. G	Basilisculus 3 Mar. H.
Artifa 18 Dec. H	Aurelia 14 Oct. H	Basilissa 6 Jan. H. G 13 Feb. W
Artolius 21 Aug. H	Aurelianus 16 Nov. H	12 13 Mar. H 20 Mai. H. G
Artotus 6 Jul. H. G	Aurelius 27 Jan. H 2 Feb. G 24	29 Aug. H
Arulfus 6 Apr. H	Feb. H 25 Feb. H. G 18 Mar.	Basilis Episc. 23 Mai. H
Aruntius 27 Aug. H. G	25 Apr. H 26 Apr. G 3 Jun.	Basilis 1 Jan. W 11 Feb. H 12
Aruspicius 16 Nov. H	H 12 Jun. H. G 10 11 22 Jul.	Feb. VC 4 14 Mar. H 1 Aug.
Arutula 2 Jan. G	22 Aug. H 21 Dec. G	G 20 Nov. H 21 Nov. G 22
Asclepiades 4 Mar. H	Aurentius 7 Aug. G	Dec. H. W 25 Dec. H
Asclepidianus 4 Mar. H	Aures 10 Jun. H	Basilla 23 Jan. 28 Feb. H 20
Asclepiodotus 2 Jun. H	Aureus 20 Mai. H	Mai. G. W 10 Jun. G 11 Jun.
Asclepius 3 Mar. H	Auribius 21 Jul. H	H 25 Aug. G 26 Aug. H. W
Asclippiodus 16 Mar. H	Aurica 16 Nov. H	27 Aug. H 28 Aug. 11 Sept.
Asclivus 30 Jun. H	Auriga 2 Jan. H	G 22 Sept. 17 Oct. H. G
Aspedia 14 Dec. H. G	Aurilianidis 10 Jul. H	Basilisculus 23 Mai. G 28 Aug. 20
Asolamus 11 Jan. H	Aurulus 10 Nov. H	21 Nov. H
Assefrus 28 Jun. H	Aurus 22 Jul. H	Basilis 9 12 Jun. G
Assterius 18 Jan. H 3 Mar. H. W	Aufonia 2 Jun. H	Basinius 9 Dec. H. G
4 Mar. 23 Aug. H 21 Oct.	Aufonius 16 Mai. H	Basion 14 Feb. H
W 25 Oct. H	Austerius Presb. 19 Oct. H. G	Bassula 17 Feb. H
Astus 23 Mai. 19 Oct. H	Austrighisilus 20 Mai. G	Bassus 19 Mar. H. G 12 Apr. 29
Astuta 28 Feb. H	Auticus 10 Jul. H	Mai. 18 Jul. 5 Aug. H 20
Atbus 2 Jun. H	Auxentius 10 11 Jul. H 28 Jul.	Nov. H. G
Athanasius Episc. 2 Mai. W 13	H. G	Bastamus 9 Feb. H
Oct. H. G	Auxilius 21 Nov. H. G	Batildis 27 Jan. W
Athanasius Presb. 11 Oct. H. G	Azardus 17 Jul. H	Baudelius 20 Mai. H. G. W
Athenogina 24 Jul. H	Azarias 22 Apr. W 24 Apr. H	Bavo 1 Oct. W
Athenus 14 Feb. H	Azatangelus 21 Aug. H	Beatrix 28 Jul. G 29 Jul. H. G.
Athroria 23 Feb. H	Azatonica 13 Apr. H	W
Attalus 4 6 Jun. H 13 Jul. H. G.	Azelus 10 Jul. H	Beatus Episc. 19 Sept. H 27 Nov.
W 31 Dec. H		W
Atteneus 10 Jul. H		Beatus 9 Mai. H. G 10 Oct. H
Atticus 9 30 Oct. 6 Nov. H		Bebea 5 Sept. H
Atto 10 Jul. H		Becillicus 2 Mai. G
Auceia Rex 1 Jun. H 25 Jun. H.	<b>B</b> Abylas Episc. 24 Jan. H. G. W	Bellicus 4 Mai. H 21 Jun. H. G
G. W 1 Jul. H 18 Dec. H. G	Bacehus 8 Mai. 7 Oct. H	Bellus 23 Jan. H
Audacta 28 Mar. H. G. W	Badechildis Regina 30 Jan. H	Benedictus Ab. 21 Mar. H. B. G.
Audactus 14 Mai. H 30 Aug.	Bafrofitus 6 Mai. H	W. VC 11 Jul. H. G. W. VC
G. W	Baianus 1 Jun. H	4 Dec. G. W
Audax 9 Jul. W	Balbina 18 Jun. W 6 Oct. H	Benigna 3 Apr. H. W
	Baldegunda 10 Feb. H	Benignus

## Index Martyrologiorum.

Benignus Prefb. 1 Nov. H. G 2  
Nov. W  
Benignus Diac. 6 Jun. H  
Benignus 3 Apr. H. G. W  
Berelus Episc. 18 Oct. H. G  
Berina 26 Nov. H  
Bermia 14 Aug. H  
Berniacus 20 Oct. H  
Beroma 8 Mar. H  
Beronicus 19 Oct. H. W  
Bella 17 Jul. 18 Dec. H  
Bella 17 Jul. H  
Bibianus 25 Oct. G  
Bigatus 25 Jun. H. G  
Biricus 10 Mai. H  
Billa 28 Jul. H  
Buthania 21 Dec. G  
Biturus 17 Jul. H  
Bius 20 25 Jan. H  
Blandina 2 Jun. W  
Blandinus 2 Jun. H  
Blastus 17 Jun. H. G  
Blesus 16 Feb. H  
Blissus 2 Jun. H  
Bonifacia 6 Mai. 31 Oct. H 11  
Nov. H. G  
Bonifacianus 23 Nov. H  
Bonifacius Episc. 5 Jun. H. W 4  
Sept. H. G  
Bonifacius 14 Mai. 31 Oct. G 9  
Dec. H. G 29 Dec. H. G  
Bonittus 12 Jun. G  
Bonolus 18 Nov. H. G  
Bononus 29 Apr. G  
Bonosa 10 Mai. H 15 Jul. H. G  
Bonofus 1 Aug. G  
Bola 2 Oct. B  
Breurus 8 Mai. H  
Briticus Episc. 13 Nov. H. G.  
W. VC  
Brigida 1 Feb. H. G. W. VC  
Brivatula 2 Feb. H  
Bubatus 30 Apr. H  
Bublafa 1 Jun. H  
Budentus 29 Apr. H  
Puitus 19 Oct. H  
Bullodius 1 Jun. H  
Buvucus 17 Apr. H  
Buttalus 12 Apr. H

**C.**

C Acinarus 19 Jan. H  
 Cæcilia 8 *ai.* 1 2 Jun. H  
 11 Aug. G 16 *Sept.* H. G 22  
 Nov. H. P. G. W. VC 10 *Lec.*  
 H. G 18 Dec. H  
 Cæciliana 21 Jan. H  
 Cæcilianus 22 Jan. 15 Dec. H 18  
 Dec. H. G  
 Cæcilius 7 10 Mai. 17 Nov. H  
 G  
 Cæcyria 8 Jul. H  
 Cælenianus 21 Jan. H  
 Cælesforus 5 Jan. H. G  
 Cæcilia 16 *Apr.* H  
 Cælestica 19 Jan. H  
 Cælestinus 21 Jan. H 27 Jan. H.  
 W 28 Jan. G 17 Feb. H 2 4  
*ai.* G 31 Dec. H  
 Cælestinus 2 Jul. 13 Aug. 8 Nov.  
 G

Tom. II.

2 Caelimonia 11 Apr. H  
 Caesar 1 Nov. VC  
 Caesaria 23 Mar. 15 Apr. H  
 Caesariana 21 Jul. H  
 Caesarius Episc. 27 Aug. H. G.  
 W  
 Caesarius Diac. 21 Apr. G. W.  
 VC  
 Caesarius 1 Nov. H 3 Nov. H. G.  
 W 4 5 12 Nov. H. G 15 Nov.  
 W  
 Caia 28 Feb. G 3 Jun. H  
 Cainan 19 Aug. G  
 Caius 10 Oct. H  
 Caius Episc. 20 Feb. H. G. W 22  
 Apr. H. G 1 Jul. H  
 Caius 1 4 19 Jan. H. G 21 27 31  
 Jan. 2 28 Feb. 3 Mar. H 4  
 Mar. H. G 10 Mar. W 11  
 Mar. H. G 12 19 Mar. 2 6 18  
 Apr. H 19 Apr. H. G. W 1  
 8 Mai. H 13 Mai. H. G 16  
 Mai. 1 Jun. H 3 Jun. H. W  
 5 Jun. H. G 1 Jul. G 10 11  
 Jul. H 9 Aug. 21 27 Oct. 20  
 Nov. H. G 6 25 Dec. H 31  
 Dec. H. G  
 Calcorus 17 Mai. H  
 Calendinus 26 Apr. H  
 Calendion 30 Oct. H. G 31 Oct.  
 H 15 Nov. H. G. 17 20 21  
 Nov. 31 Dec. H  
 Calpodius 12 Apr. H  
 Calisto 16 Apr. W  
 Callidus 13 Mar. H  
 Callinicus 20 27 Jan. H 31 Jan.  
 H. G  
 Callista 25 Apr. 1 Sept. H  
 Callistus Episc. 14 Oct. H. G. W.  
 VC  
 Callistus 5 Jan. H 16 Apr. H. G 27  
 Apr. VC 19 Mai. G 2 29 Jul.  
 13 Aug. 12 Oct. 8 Nov. H 23  
 Dec. G  
 Calocerus 11 Feb. W 19 Mai. H  
 G  
 Calonica 19 Mai. H  
 Calorus 20 Jul. H  
 Calponia 2 Jun. H  
 Calumniosus 1 Aug. G  
 Camillus 4 Jun. G 6 Jun. H  
 Candedia 10 Mai. H  
 Candeus 21 Jan. H  
 Candida 7 Jan. 5 Jun. H 15 Jun.  
 G 18 Aug. H 29 Aug. H. G  
 28 Sept. H 1 Dec. H. G 2 15  
 Dec. H  
 Candidianus 14 Feb. 7 Jan. 11  
 Jul. 10 Nov. H  
 Candidus 3 5 Jan. 2 Feb. H 11  
 Mar. H. G. W 5 Jun. G 15 Jun.  
 10 Jul. 14 Aug. H 17 28  
 Aug. G 22 Sept. 15 Dec. H. G  
 Candor 5 Dec. H. W  
 Canerius 8 Mai. H  
 Cantianella 31 Mai. H. W 14 15  
 17 Jun. H  
 Cantianus 31 Mai. H. W 14 Jun.  
 H 15 17 Jun. H. G  
 Cantius 31 Mai. H. G. W 17 Jun.  
 H  
 Capelledus 18 Mar. H

Capileus 19 Sept. H  
Capito 23 Jun. H. G 27 Jun. 24  
Jul. H  
Capitolinas 8 Mar. H 24 Aug.  
H. G 11 Dec. H. W  
Cappa 2 Feb. H  
Capraeus 20 Oct. H. G. W  
Captus Diac. 27 Apr. H  
Cardocus 30 Mai. VC  
Carellus 29 Mai. H. G  
Cariathon 5 Mar. 25 Jul. H  
Carica 6 Mai. H  
Carilefus Presb. 1 Jul. H. W  
Carilippus Presb. 28 Apr. H  
Carinianus 23 Feb. H  
Carion 3 Nov. H  
Carisus 6 Mar. H  
Carissimus 3 Mar. H  
Carillus 16 Apr. H. G  
Carillus 6 Mar. H  
Carita 13 Apr. H  
Carmilla 23 Mar. H  
Carolapis 8 Jun. H  
Carolus 13 Apr. 21 Nov. H  
Caroticus 12 Jan. H  
Carpia 27 Mai. H  
Carpilus 13 Mar. H  
Carpoforus 7 Aug. G 8 9 Aug.  
8 Nov. H  
Carporus 12 13 Feb. H  
Carpus Episc. 12 Apr. H. G  
Carpus 12 Mar. H  
Carra 1 Jun. H  
Carterius 18 19 Nov. H. G  
Carus 12 Apr. H. G 25 Oct. H  
Cassicus 18 Feb. H  
Cassiana 10 Jun. G  
Cassianus Episc. 26 Mar. H. G  
16 Jul. VC 5 Aug. H. G. W.  
VC  
Cassianus 19 22 Jan. 3 10 Jun.  
H 15 Jul. W 11 Aug. H. G 26  
Nov. W 1 Dec. H. G 3 Dec.  
H W  
Cassion 16 Mar. H. G  
Cassius 6 Mar. 30 Apr. 6 Mai.  
H 18 Mai. H. G 1 Jun. 20 Jul.  
H 10 Oct. H. W  
Casta 22 Feb. G 25 Feb. H. G 1  
Jun. H 31 Oct. H. G  
Cassinus 21 Jan. H  
Castolinus 12 Jan. H  
Castor 16 28 Mar. 27 Apr. H  
G. W 19 Sept. H. G 8 Nov.  
G. W 28 Dec. H. G  
Castricus 10 Jul. H  
Castrus 11 Jul. H  
Castula 2 15 22 Feb. 25 26 Mar.  
28 31 Mai. H 1 Jun. H. G 2  
5 Jun. H  
Castulus Ab. 26 Mar. G  
Castulus 12 Jan. H G 23 Jan. H  
15 Feb. H. G 28 Mai. G 2  
Jun. H 30 Nov. H. G 13 Dec.  
G  
Castus Presb. 22 Mai. H. G. W  
Castus 27 Jan. 17 24 Feb. H 3  
Mar. H. G 4 Mar. 1 Apr.  
8 Mai. H 1 Jun. H. G 1 Aug.  
G 14 Aug. H 4 Sept. H. G  
19 Sept. H 1 Oct. G 3 6 Oct.  
13 Dec. H. G

I I I i i



# Index Martyrologiorum.

Cato 17 Mar. 28 Dec. H	G. W. VC 30 Nov. 19 Dec. H. G	Concessus 9 Mar. H. G 12 Mar. H 13 Mar. H. W 8 Apr. H. G. W 9 Apr. H 10 Apr. H. W 11 Apr. 22 Mai. H
Catula 24 Mar. 7 Mai. H	Chrysantianus 17 Feb. H. G	Concordia 17 Feb. H 22 Feb. H. G. W 30 Apr. 6 Mai. 2 Jun. H
Catulinus Diac. 15 Jul. H. G	Chrysogonus 31 Mai. H 15 Jun. 9 Nov. G 22 23 Nov. H 24 Nov. H. B. G. W. VC	Concordius 16 Dec. H. G
Catulus 13 Apr. H	Chrysotelus Presb. 22 Apr. W	Conditor 14 Apr. 14 Aug. H
Cecra 16 Oct. H. G	Cicilius 16 Feb. H	Conexus 8 Apr. H. G. W
Cede 9 Mar. H	Ciconia 28 Mai. H	Consensus 10 Dec. H
Cellofa 20 Mai. G	Cilianus 8 Jul. W	Constantia 10 Mai. H 26 Jun. W 19 Sept. H 20 Sept. H. G
Celer 28 Feb. H. G. W	Cilicia 31 Mai. W	Constantinus Episc. 12 Apr. H. G. W
Celerina 3 Feb. H. G. W 24 Sept. H	Ciminus 13 Jan. H	Constantius 3 Jan. H 29 Jan. 15 Sept. H. G 17 Sept. H
Celerinus 3 Feb. W 14 Feb. 6 Mai. H 7 Mai. H. G	Cingamus 23 Jun. G	Comelia 20 Apr. H
Celidonia 20 Jan. H	Cinzamus 23 Jun. H	Coprica 7 Apr. H. G
Cella 28 Jul. H	Cion Presb. 13 Mar. H	Corcodemus Diac. 4 Mai. H. G
Celfio 21 Jan. H	Cirinicus 10 Dec. H	Corinton 8 Aug. H
Celfus 6 Jan. 19 Jun. H. G 20 Jul. H 28 Jul. H. G. W 30 Oct. H 21 22 Nov. G	Cirosicus 10 Sept. H	Corionus 10 Jul. H
Cendes 10 Mai. H	Citinus 6 8 Mai. 17 Oct. H	Cornelia 30 Mar. 14 20 Apr. H
Cendeus 20 Jan. 9 11 Mar. 16 Jun. H	Civinus 18 Jul. H	Cornelianus 2 Feb. H 8 Jul. H. G
Cenonus 2 Jun. H	Clacovius 31 Oct. H	Cornelius Episc. 14 Sept. H. B. G. W. VC
Cenyon 18 Mai. H	Claon 13 Mar. H	Cornelius 15 23 Jan. H. G 31 Mar. G. W 14 Apr. G 2 Jun. H 13 Aug. H. G 23 Dec. G. W 31 Dec. H
Censurus Episc. 10 Jun. H. G. W	Clarius Episc. 13 Jan. VC	Cornensius 12 Jul. H. G
Censurus 9 Jun. G	Classicus 18 Feb. H. G	Corolus 10 Jul. H
Centulus 30 Nov. H. G	Claudia 2 Jan. H	Corona 20 Feb. H. G. W 23 Apr. H 24 Apr. H. G. W 14 Mai. H. W
Ceratus Episc. 6 Jun. H. G. W	Claudiana 5 Apr. G	Corus 17 Mai. G
Cerbonius 10 Oct. H	Claudianus 24 Feb. H. W 25 Feb. H 28 Feb. H. G. W 3 Mar. H 6 Mar. 5 Apr. H. W 24 Oct. H. G 25 Oct. H. 25 Nov. H. G	Cosconius 23 Feb. 2 Sept. H
Cerealis 3 Jul. H	Claudicus 3 Dec. H. G	Cosmas 27 Sept. H. B. G. W. VC
Cessia 1 Nov. H	Claudion 3 Jan. H. G	Coteusa 1 Jun. H
Cetinus 2 Mai. H. G	Claudius Episc. 1 6 Jun. H. G. W	Cotianus 21 Mar. H
Cetula 17 Feb. H	Claudius 20 Mar. H. G. W 30 Apr. H 8 Jul. G 12 23 Aug. H 8 Nov. H. G. W	Cotta 31 Dec. H
Cetus Episc. 19 Sept. H	Clemens Episc. 23 Nov. H. B. G. W. VC	Cottidus 6 Sept. H
Chariso 16 Apr. W	Clemens 20 Jan. G 22 Jan. H. G. 23 Jan. G 30 Apr. H. W 15 Jun. G 27 Jun. H. G. W 18 Jul. H 25 Jul. 9 Nov. H. G 14 Nov. H 21 Nov. H. G 24 Nov. G 7 30 Dec. H	Cottius 22 Mai. H
Chariton 16 Apr. 24 Jul. H	Clementia 12 Apr. H	Coturnus 15 Feb. H
Chelidonium 3 Mar. H. W	Clementinus 11 Nov. H 14 Nov. H. G. W	Credilus 13 Mai. H
Chindinus 17 Jul. H	Clemenus 2 Dec. H	Crescens 27 Jun. H. G. W 28 Jun. 13 9 Nov. H
Chionia 1 Apr. H. W 5 Apr. 3 Jul. H	Clenpiminus 1 Dec. H	Crescentia 24 Feb. H 4 Jun. H. G 15 Jun. H. W 10 Aug. H
Chionius 3 Jul. H. G	Clererus 13 Jan. H	Crescentiana 4 Aug. H
Chlodoaldus Presb. 7 Sept. H. G. W	Clericus 10 11 Jul. H	Crescentianus 31 Mai. H 13 Jun. H. G. W 18 Jul. H 4 Aug. G 8 9 10 Aug. H 1 Oct. G 17 Oct. H 31 Oct. G
Chorintus 16 Sept. H	Clerus Diac. 14 Jan. H	Crescentinus 27 Mai. H
Chresta 4 Jun. H 5 Oct. VC	Clerus 30 Jan. H. G	Crescention 10 Aug. G
Chrestus 3. Apr. 19 Mai. H 8 Jun. G 3 10 Jul. 10 Aug. 18 Dec. H	Cletus Episc. 26 Apr. G. W	Crescentius 17 Feb. H 25 Feb. H. G. W 7 Mai. H 16 Jun. G 10 Oct. H. W 31 Oct. H 29 Dec. H. G
Chrisconus 15 Jan. H	Cletus 22 Nov. 30 Dec. H. G	Cresconius 15 Jan. 23 Feb. G
Christetus 27 Oct. W	Clicerus 13 14 Jan. G	Cridula 13 Mai. H
CHRISTI Conceptio 25 Mar. H. B. G. W. VC Nativitas 25 Dec. H. B. G. W. VC Circumcisio 1 Jan. H. B. G. W Epiphania 6 Jan. H. B. G. W. VC Præsentatio in Templo 2 Feb. H. B. G. W. VC. Reditus ex Agypto 7 Jan. G. W Prædicationis initium 1 Mai. H. W Transfiguratio 6 Aug. W Passio 25 Mar. H. G. W Resurrectio 27 Mar. H. G. W Ascensio 4 Mai. G 5 Mai. W	Clusius Presb. 6 Apr. H. G	Crilifus 1 Jul. G
Christiana 16 Apr. H 24 Jul. G	Coddeus 10 Mai. H	Crisinus 21 Jun. H
Christianifilus Episc. 3 Jan. H	Collegius Diac. 18 Mar. H. G	Crispina 18 Jun. G 10 Aug. H 5 Dec. W. VC 10 Dec. H
Christianus 4 Dec. H. G	Colocerus 11 Feb. G 18 Apr. H	Crispinianus 27 Jun. H. G 25 Oct. H. W. VC
Christina 24 Jul. H. W	Colonica 13 Dec. H	Crispinus 21 Feb. H. W 12 Apr. H 18 30 Apr. H. G 6 Mai. H
Christoforus 25 Jul. H. G. W. VC 24 Sept. H	Colonus 20 Aug. H. G	
Chrysanthus 12 Aug. H. G. W 13 Oct. 25 Nov. W 29 Nov. H.	Colotus Diac. 18 Mar. H	
	Colotus 9 Feb. H	
	Columba 31 Dec. H. G. W	
	Columbanus Ab. 29 Mar. 21 Nov. W 23 Nov. H. G. VC	
	Comatus 15 Apr. H	
	Commienus 28 Mai. H	
	Comminius 31 Jan. 2 Jun. H	
	Comuina 27 Oct. H	
	Concessa 8 Apr. G	

# Index Martyrologiorum.

1 Jun. H. G 18 Jun. H 20 Jun. H. G 25 Oct. H. G. W. VC	31 Mai. H 4 Jun. H. G	Dimelus 21 Jul. H
20 Nov. H 3 5 Dec. H. G	Dacius 21 Jan. H	Dinalia 12 Apr. H
Crispionius 10 Mai. H	Daconus 31 Oct. G	Dinares 21 Feb. H
Crispolus 29 Mai. G 30 Mai. 10 Jun. H. G 11 Jun. H	Daffus 20 Nov. H	Diobides 17 Nov. H
Crispus 11 Mai. H 27 Jun. H. G	Dafrosa 2 Dec. G	Diocles 16 Jul. H
Crocus 7 Mar. 15 Sept. 7	Dagarus 30 Apr. H	Diocletianus 16 Mai. H. G
Crucis Inventio 3 Mai. H. VC	Dalmata 11 Apr. H	Dioclus 24 Mai. H
Apparitio 19 Aug. H. G. W	Dalmatius 5 Dec. W	Diodolus 31 Mar. G. W
Exaltatio 14 Sept. H. G. W. VC	Damasus Episc. 10 Dec. H. W	Diodorus 23 28 Feb. H 6 Mar. H. G 9 Oct. G 27 Oct. H. G
Crufes 30 Mar. H	11 Dec. G. W VC	Diofolus 12 Sept. H
Crytianus 16 Apr. W	Damasus 18 Feb. H. G. W 2 Jul. H. G	Diofus 24 Mar. H
Cucufas 16 Feb. H 25 Jul. H. W	Damiana 10 Dec. G	Diogenes Diac. 15 Apr. H. G. W
Cunibertus Episc. 12 Nov. W	Damianus 12 Feb. G. W 27 Sept. H. B. G. W. VC 8 9 Nov. H	Diogenes 26 Mar. 6 Apr. H. W 7 Apr. H. G. W 16 Jun. H. G. 17 26 Jun. G 10 Jul. H 3 Aug. H. G
Currentius 18 Mar. H	Danda 7 Mar. H. G	Diomedes 17 Apr. 9 Jun. 10 11 Jul. 8 20 21 Aug. H
Curficus Presb. 30 Jun. H. G	Danelus 10 Jul. H	Dion 13 Mar. H
Curtius 6 Sept. G	Daniel Proph. 21 Jul. W	Diona 14 Mar. H
Cullevarion 18 Dec. H	Danila 11 Jul. H	Dionina 15 Apr. H
Custorus 8 Nov. H	Daria 19 Jul. H. G 12 Aug. H. G. W 13 25 Oct. W 29 Nov. H. G. W 19 Dec. H	Dionius 10 Mar. H
Custus 9 Oct. H	Darius 19 Apr. H 19 Dec. G. W	Dionysius Episc. 14 Feb. H 22 Apr. W 25 Mai. H. G. W 15 Jul. H. VC 9 Aug. H. W 8 Oct. H 9 Oct. H. G. W. VC
Cutata 17 Jul. H	Daluis 3 Oct. G 4 Oct. H 18 20 Oct. H. G 21 Oct. H	Dionysius 1 Feb. H. W 8 Feb. H. G. W 9 Feb. H. W 10 14 16 Feb. H 27 Feb. H. G 13 Mar. H 16 Mar. H. W 17 Mar. H. G 18. Mar. H 23 Mar. H. G 18 Apr. 10 Mai. H 15 Mai. 28 Jun. 16 Jul. H. G 18 Jul. H 31 Jul. H. G. W 9 23 Aug. G 14 Sept. H. G 8 Oct. G 10 Oct. 20 Nov. H. G 26 Dec. H
Cuthbertus 20 Mar. B. W	Dallus 5 Aug. G	Dioscodus 9 Feb. H
Cyprus 27 Apr. H	Dativa 22 Feb. 14 Mar. 8 Mai. H	Dioscorus Lector 18 Mai. H
Cyprianus Episc. 4 Jun. H 14 Sept. H. B. G. W. VC	Dativus 27 Jan. H. G 17 Feb. 17 30 Mar. 10 Mai. H 18 Mai. H. G 13 25 Dec. H	Dioscorus 9 Feb. H 24 Feb. H. W 27 Apr. H 18 Mai. H. G. W 17 Jun. H. G 28 Jun. H 20 Aug. H. G. W 17 Dec. H. G
Cyprianus 12 Apr. H. G. W 15 Apr. H. W 26 Sept. W 25 Nov. H. G	Datulul 18 Dec. H	Diotrus 30 Apr. H
Cyria 17 Jun. H. G	Datus 10 Mai. 2 Jun. H	Disseus 14 18 Aug. H 21 Oct. H. G
Cyriaca 16 17 Mar. 20 Aug. H	David Rex 29 Dec. W	Divus 12 Jul. H. G
Cyriacites 8 Aug. H	Debbuchus 22 Dec. H	Doletatulus 10 Sept. H
Cyriacus 12 Jan. H. G. W 13 Jan. H. G 20 21 Jan. H 31 Jan. H. W 1 Feb. H 8 Feb. G 9 Feb. H 11 Feb. H. W 13 Feb. G 22 Feb. H 16 Mar. W 14 Mai. H. G 1 18 Jun. H 20 Jun. 20 Jul. H. G 8 Aug. G. W. VC 10 11 Dec. H 19 Dec. H. G 25 Dec. H	Decentius 13 Feb. H. G 19 Nov. H	Domianus 12 Feb. H
Cyrianus 3 Jul. H. G	Decima 14 Apr. H	Dominanda 31 Dec. H
Cyrica 22 Aug. G	Decimus 12 13 Apr. H	Domionus Episc. 11 Apr. H
Cyricus 3 Jan. H. G 3 Mar. H 15 Mai. H. G 16 Jun. H. G. W 11 Jul. H 15 Jul. G. W 26 Nov. G	Decominns 9 Feb. H	Domitia 28 Dec. G
Cyrylla 13 Mai. H 10 Aug. G 28 Oct. G. W	Deeronus 22 Mar. H. G	Domitianus Presb. 12 Mar. H
Cyryllus Episc. 8 Mar. H. G. W 9 Jul. H. G 22 Jul. G	Defensor 17 Oct. H	Domitianus Diac. 28 Dec. H
Cyryllus 9 20 Mar. H 21 Mar. G 12 Apr. H 10 Mai. H. G. VC 13 Mai. H 29 Mai. H. G 3 Jul. H 10 Jul. H. G 11 22 Jul. H 1 Aug. H. G 10 19 Aug. H	Dematus 23 Jan. H	Domitianus 13 Mar. H. W 1 Aug. H 28 Dec. G
Cyrinus 24 Mar. G 12 Jun. H. G. W. VC 10 11 Jul. H 15 Sept. H. G	Demetria 3 Jun. H. G 2 Dec. G	Domitilla 12 Mai. 11 Nov. W
Cyryon 14 Feb. 3 10 11 Jul. H	Demetrius Episc. 10 Nov. G. W	Domitius 29 Dec. H. G
	Demetrius Diac. 9 Apr. H. G. W	Domna 12 Mar. 2 Jun. H 19 Oct. H. G
	Demetrius 12 30 Apr. H 11 Mai. H. G 3 Jul. H 14 Aug. H. G. W 8 Sept. H. G 14 Sept. H 19 Sept. H. G 8 Oct. W 9 Nov. H 15 Nov. H. W 21 Nov. H. G 22 Nov. 22 Dec. H	Domnicella 11 Nov. H
	Democritus 31 Jul. H. G	Domnina 14 Apr. 10 Jul. H
	Desiderius Episc. 11 Feb. G. W	Domninus Episc. 10 Apr. H
	23 Mai. H. G. W	Domninus 30 Mar. H. G. W 11 Apr. G 20 Apr. W 23 Aug. H 9 Oct. W 3 Nov. H 4 Nov. G 5 Nov. H. G 6 30 Nov. H
	Desiderius 25 Mai. G 7 Sept. H 19 Oct. H. G	Domnus 20 Mar. H. G 30 Mar.
	Deustafus 21 Jan. H	
	Deuterius 21 Jul. H. G	
	Dexter 12 Apr. 7 Mai. H	
	Dida 17 Nov. H	
	Didalus 18 Jan. H	
	Diddus 24 Feb. H	
	Didymus Presb. 5 Apr. H. G	
	Didymus Mon. 22 Dec. H. G	
	Didymus 9 Feb. H 20 Feb. H. G 8 10 11 Sept. H	
	Digna 1 Oct. H. G	
	Dignus 15 Mai. 18 Dec. H. G.	

D.

**D**Aama 27 Mai. H  
Daciana 31 Mai. H. G  
Dacianus 24 Feb. H 27 Feb. H. G 8 16 Mar. H 17 Mar. G

# Index Martyrologiorum.

W 13 Apr. H 10 11 Jul. 19  
 Nov. H  
 Donatus 16 Feb. H  
 Donatus 4 12 22 Feb. 3 Mar. 8  
 12 Apr. 7 8 Mai. 2 3 6 Jun. H  
 7 Jun. H. G 8 Jun. H 14 Jul.  
 G 17 18 29 Jul. 8 Aug. 1  
 28 29 Sept. 17 Oct. 2 9 12  
 13 31 Dec. H  
 Donatella 1 Mar. 15 Apr. 1 Jun.  
 H 12 Jun. H. G 30 Jul. 21  
 Oct. H  
 Donatellus 6 Oct. H  
 Donatiana 17 Feb. H 31 Mai. G  
 Donatianus 17 Feb. H 24 Mai.  
 H. G. W 6 Aug. H. G  
 Donativus 27 Jan. H 26 Feb. H.  
 G 25 Jul. H  
 Donatula 22 24 Feb. 12 Apr. 30  
 Jul. 1 Aug. 24 Sept. H  
 Donatus Episc. 7 Aug. H. G. W  
 Donatus Presb. 11 Jan. H  
 Donatus 23 Jan. H 25 Jan. H. G  
 4 Feb. H. W 12 Feb. G 16  
 Feb. H 17 Feb. H. G. W 22  
 Feb. H 25 Feb. H. W 28 Feb.  
 H 1 Mar. H. G. W 3 4 6 25  
 Mar. H 27 Mar. H. W 2  
 Apr. H 3 Apr. H. G 6 Apr.  
 H. G. W 7 Apr. H 8 Apr.  
 G. W 9 10 11 Apr. H. G 12  
 Apr. H. W 17 18 19 20 Apr.  
 H. G 21 Apr. H 24 Apr. H.  
 G 28 30 Apr. 7 8 10 19  
 Mai. H 21 Mai. H. G 23 31  
 Mai. 12 Jun. H 3 Jun. H. W  
 14 20 22 Jul. 1 Aug. H 7  
 Aug. G. VC 1 Sept. H. G 4  
 Sept. H 5 Sept. H. W 9 Sept.  
 H. G 11 16 Sept. 110 Oct. 11  
 17 Oct. H. G. W 23 Oct. W  
 30 Oct. H 31 Oct. 6 Nov. H.  
 G 7 Nov. H. G. W 9 Nov.  
 H. G 10 15 16 Nov. H 24 25  
 Nov. H. G 1 Dec. H 9 Dec.  
 W 12 Dec. H. W 17 Dec. H.  
 G 24 Dec. G 30 Dec. H 31  
 Dec. H. G  
 Donatiana 28 Jun. H  
 Domidonus 20 Sept. H. G  
 Dorostolus 25 Mai. 8 Jun. 26  
 Dec. H  
 Dorothea 6 Feb. H. G. W 12  
 Feb. H  
 Dorotheus Presb. 30 Apr. H. G  
 Dorotheus 12 Mar. H 28 Mar.  
 H. G. W 20 Sept. H. G 20  
 Oct. H 23 Oct. H. G  
 Droditus 10 Jul. H  
 Drusus 14 Dec. H. G 24 Dec.  
 G  
 Dubitatus 1 Sept. H 2 Sept. H.  
 G 17 Nov. H  
 Dugdus 30 Apr. H  
 Dula 25 Mar. H. G 29 Mar.  
 G 6 Nov. H  
 Dunus 12 Mar. H  
 Duonias 13 Mar. H

E.

**E** Basus 17 Feb. H  
 Ebicianus 12 Jan. H  
 Ebotus 22 Jan. H  
 Ebusus 4 Jun. H  
 Edictus 13 Nov. G  
 Ediltrud 23 Jun. W  
 Edittius 12 Oct. H. W  
 Edittus 24 Feb. H  
 Effucius 18 Mai. H  
 Egbertus 24 Apr. B  
 Egdonus Presb. 12 Mar. H. G  
 Egina 18 Mai. H  
 Ego litis 27 Jan. H  
 Egrilus 3 Nov. H. G  
 Emilidius 17 Aug. G  
 Eladius Episc. 1 Jun. G 31 Aug.  
 H. G. W  
 Eladius 1 Jun. G  
 Elaphus 28 Jun. H  
 Elaria 12 Aug. H  
 Eleallus 9 Sept. H  
 Eleazar 23 Aug. H. G  
 Elentus 8 Jul. H  
 Elarius 27 Aug. H  
 Eleuchippus 10 Aug. H  
 Eleusus 7 Apr. G. W 4 Sept.  
 H  
 Eleutherius Episc. 18 Apr. H. G.  
 W 26 Aug. H. G 6 Sept. H.  
 G. W  
 Eleutherius Diac. 22 Apr. W 9  
 Oct. H. G. VC  
 Eleutherius 27 Sept. H. G. W  
 2 Oct. 24 Nov. H. G  
 Eligius Episc. 1 Dec. H. W. VC  
 Elimenus Presb. 22 Apr. W  
 Elirulus 23 Feb. W  
 Elonicus 19 Mai. H  
 Eludus 10 Dec. H  
 Emeldius 17 Aug. H  
 Emelia 2 Jun. H  
 Emelicus 28 Sept. G  
 Emelinus 31 Aug. H  
 Emelus 19 Mai. H. G 18 Jun. H  
 20 Jun. H. G 26 Jul. G 16  
 Aug. H 6 Oct. H. G  
 Emerentiana 23 Jun. H. G. W  
 Emerentianidis 16 Sept. G  
 Emerentianus 16 Sept. H  
 Emeria 6 Mai. H  
 Emertion 3 Jul. H  
 Emerita 11 26 Jun. 24 Jul. 24  
 27 Aug 11 Dec. H  
 Emeritus 3 Mar. 3 Jun. H 11 23  
 26 Jun. G 25 Jul. 20 Nov. H  
 Emetrius 3 Mar. W  
 Emitherius 3 Mar. W  
 Emmeramus 22 Sept. W  
 Emnus 8 Jul. H  
 Enianus 16 Apr. H  
 Entatus 17 Jul. H  
 Eocapus 12 Apr. H  
 Eodominus 29 Apr. H  
 Eofraxus 11 Feb. H  
 Eonedes 15 Apr. H  
 Eonon 13 Jan. H  
 Eopolis 2 Mai. H  
 Eopropus 1 Oct. H  
 Eos 13 Jun. H

Epagathus 2 Jun. H  
 Eparchius Episc. 1 Jul. 14 Sept.  
 H. G. W  
 Epasus 1 Jul. H  
 Ephrem 9 Jul. W  
 Epicatus 28 Mai. H. G  
 Epictetus 9 24 25 Jan. H. G 27  
 Jan. H 23 Mai. H. G  
 Epimachus 10 Mai. H. G. W  
 Epiminius 11 Mai. G  
 Epiphanius Episc. 6 Apr. H. G.  
 W  
 Epiphanius 5 Nov. H. G  
 Epion 26 Feb. H  
 Epitimus 9 Feb. H  
 Epolus 21 Mai. H  
 Eponus 17 Mai. H  
 Epopodus 13 Mar. H. G 22 Apr.  
 G  
 Eporterredus 3 Feb. H  
 Eppens Presb. 27 Apr. H  
 Eppolidus 22 Apr. H  
 Eptatus Presb. 24 Aug. H. G  
 Equinus 7 Mar. H  
 Eran Lector 18 Mai. H  
 Ercola 7 Mai. H  
 Erema 8 Mar. H  
 Eretus 11 Jun. G  
 Eristeus 1 Nov. H  
 Eristus 8 Jun. H  
 Erilus 13 Jan. H  
 Ermenegildus 13 Apr. W  
 Erminonus Episc. 25 Apr. W  
 Eros 23 Feb. H  
 Erudius 9 Feb. H  
 Erulus 24 Feb. 10 Mai. H  
 Erumentus 10 Dec. H  
 Esicus 1 Jul. H  
 Evagrius 3 Apr. H. W 1 Oct. G  
 12 Oct. H. G  
 Evangelus 27 Mai. H. G. W 9  
 Jul. H 13 J. H. G 10 Dec.  
 H  
 Evantia 27 Apr. H  
 Evantus Episc. 12 Sept. H. G  
 Evantus 12 Apr. 2 Jun. H  
 Evapia 13 Apr. H  
 Evarillus 23 Dec. G  
 Evasia 26 Apr. 2 Jun. H  
 Evalus 2 Jun. H 5 Jun. H. G 7  
 Jun. 18 Dec. H  
 Eucapus 13 Apr. G  
 Eucarpion 5 Dec. H  
 Eucarpus 25 Sept. H. G. W  
 Eucharistus 12 Oct. H. G  
 Eucherius Episc. 16 Nov. G  
 Eucherius 28 Nov. H. G  
 Euchus 11 Mar. H  
 Eucolus 8 Jul. H  
 Euctus 7 Jan. G  
 Eudomonus 7 8 Jul. H  
 Euelpittus 21 Nov. 31 Dec. H  
 Eventius 1 Jan. H 3 Mai. H. G.  
 W. VC  
 Eufemia 12 Apr. G 13 Apr. H.  
 G. W. VC 3 Jul. 17 Aug. 3  
 Sept. H. G 16 Sept. H. B.  
 G. W. VC. 27 Nov. H. G  
 Eufemius 1 Mai. H  
 Eufimus 5 Mai. G  
 Eufrafia 13 Mai. H. G  
 Eufrafius Episc. 14 Jan. H. G  
 Eufrafius



# Index Martyrologiorum

Eufrosinus 11 Feb. G 14 25 Mar. H  
 Eufrosinus 10 Jul. H  
 Eufrosinus Episc. 3 Aug. H. G  
 Eufrosinus 14 Mar. H. G. W  
 Eufrosyna 1 Jan. W  
 Eufrosynus Episc. 1 Jan. H. G  
 Eufrosynus 23 Dec. G  
 Eugenius 3 Jan. H 16 Mar. H.  
 G. W 11 Sept. G. W 23 Dec.  
 VC 25 Dec. H. G. W.  
 Eugenianus 8 Jan. W  
 Eugenius Episc. 6 Sept. G  
 Eugenius 3 Jan. H 23 Jan. H.  
 G 24 Jan. 1 Feb. H 20 Mar.  
 H. G 27 Jun. 10 Aug. H 15  
 Nov. W 23 Dec. G  
 Eulentius 3 4 11 Jan. G  
 Euginus 12 Mar. H  
 Evitatus 20 Sept. W  
 Evitus 21 Mai. G  
 Eulalia 12 Feb. 30 Mar. H. G.  
 W 29 Nov. G 10 Dec. H. G.  
 W, VC 11 Dec. H. G 12 Dec.  
 H  
 Eulodius 21 Aug. H  
 Eulogius Episc. 3 Jul. H. W  
 Eulogius Diac. 21 Jan. H. G  
 Eumenius 27 Oct. G  
 Eumina 27 Oct. H  
 Euminus 27 Oct. H  
 Eunuchus 11 Mar. W 28 Jun. H  
 Eunuchus 28 Feb. 1 11 Mar. H  
 Evodius 25 Apr. H. G 19 Jun.  
 H  
 Evolus 5 Mar. H. G  
 Evortius Episc. 7 Sept. H. G. W  
 Evotus 19 Jun. G 1 Sept. H. G  
 Euplia 10 Sept. H. G  
 Euplus Diac. 13 Aug. G  
 Euplus 12 Aug. H. G. W 2 12  
 Sept. H  
 Euprepes 30 Nov. H. G  
 Euprepis 27 Sept. W  
 Eurafus 5 Nov. H. G  
 Euresius 28 Mai. H  
 Eurundius 11 Nov. H  
 Eularius 17 Nov. G  
 Eusebia 6 Nov. H 18 Nov. VC  
 Eusebius Episc. 28 Apr. H. W  
 21 Jun. H. G. VC 1 Aug. H.  
 G. W 14 Aug. H. G. W. VC  
 12 Sept. H. G 26 Sept. H.  
 G. W. VC 8 Dec. H. G. W  
 Eusebius Presb. 3 Mai. H  
 Eusebius 5. Mar. H. G. W 28  
 Apr. H 25 Mai. 2 Oct. H.  
 G 3 Oct. W 10 22 Oct. H. G.  
 W 30 Oct. H 5 Nov. W 6  
 7 Nov. G 8 Nov. H. G.  
 W 9 Nov. H 12 Nov. H. G.  
 W 28 Nov. H 29 Nov. 28  
 Dec. H. G  
 Euses Presb. 28 Apr. H  
 Eustachius 19 Sept. W 1 Nov. H  
 Eustasius Ab. 2 Apr. H  
 Eustasius Presb. 12 13 Mar. 18  
 Mai. H 12 Oct. H. G  
 Eustasius 21 24 Jan. G 28 Mai.  
 10 11 12 16 Jul. H 7 Nov.  
 H. G 8 Nov. H. W 10 Nov.  
 H. G  
 Tom. II.  
 Eustathius 29 Mar. W  
 Eusticus 4 Jun. 4 Sept. 20 Oct.  
 H  
 Eustilus Episc. 8 Jun. H  
 Eustois Presb. 11 Apr. H  
 Eustorgius Episc. 18 Sept. H. G  
 Eustorgius Presb. 11 Apr. G. W  
 Eufurinus 17 Nov. H  
 Eutacianus 7 Dec. G  
 Euterus 22 Feb. H. G  
 Eutherius 24 Oct. H. G  
 Euthymus 5 Mai. H  
 Euticetus 25 Dec. H  
 Euticia 28 Feb. 7 Mai. 10 Aug.  
 H  
 Euticianus Episc. 7 8 Dec. W  
 Euticianus 8 9 Aug. H 15 Aug.  
 H. G 11 Dec. H 23 Dec. G  
 Euticus Presb. 28 Dec. H  
 Euticus Diac. 21 Mai. H. G. W  
 Euticus 7 Jan. 17 Feb. 3 4 12  
 Mar. 27 Apr. H 28 Apr. G.  
 W 7 Mai. H. G 8 Mai. H.  
 G. W 27 Mai. 4 Jun. H 2  
 11 Jul. H. G 14 25 Aug. 29  
 Sept. H 5 21 Oct. H. G 13  
 22 Nov. H 11 Dec. G. W 28  
 Dec. G  
 Eutricus 27 Mai. G  
 Eutropius 15 Jul. H  
 Eutyches 18 20 Oct. G 21 Oct.  
 H 20 Nov. G 21 Nov. H 23  
 Nov. H. G  
 Euváldus 3 Oct. B. W  
 Excrutius 10 Mai. H  
 Exilius 28 Nov. G  
 Expeccatus 28 Nov. H  
 Expeditus 19 Apr. H. W  
 Expergenta 4 Jun. H  
 Expergentius 4 Jun. H. W  
 Expicatus 28 Nov. G  
 Extricata 2 Jun. H  
 Extricatus 3 Jun. H  
 Exuorgius 9 Nov. H  
 Exuperantius 1 Jun. H 1 Aug. G  
 31 Dec. H  
 Exuperatus 10 Aug. H  
 Exuperius 20 Mar. H. W 22  
 Sept. H. G 19 Nov. W  
 Exuppus 24 Feb. H  
 Ezechiel Proph. 10 Apr. W  
 Eziaacus 18 Aug. H. G  
 F.  
 Fabianus Episc. 20 Jan. H. G.  
 W. VC  
 Fabianus 25 Jan. G 26 Jan. 16  
 Feb. H. G 25 Mai. H 28 Jun.  
 G 31 Dec. H  
 Fabius 31 Jul. W  
 Faladus 4 Dec. H  
 Falveus Episc. 18 Jul. H. G  
 Famola 8 Mai. H  
 Faro 28 Oct. W  
 Faresus 6 Mai. H  
 Fasilus 30 Apr. H  
 Fastinus 26 Sept. G  
 Faterus Presb. 23 Nov. H  
 Fauclianus 18 Dec. G  
 Fausta 6 Jan. H 15 Mar. H. G 10  
 Mai. G 2 Jun. H 20 Sept. W  
 Faustacus 21 Jan. H  
 Faustasus 10 11 Jul. H  
 Faustina 9 Jul. 24 Sept. H  
 Faustianus 16 Feb. G 8 Sept.  
 22 Nov. H  
 Faustinus Episc. 7 Mai. H  
 Faustinus 16 Jan. H 15 Feb. W  
 16 17 Feb. 15 Apr. H 16 Apr.  
 H. G. W 23 Apr. H. G 24  
 Apr. H. G. W 6 8 Mai. H  
 22 Mai. H. G 1 Jun. H 9 28  
 Jul. G 29 Jul. H. G. W. VC  
 30 Jul. 6 Aug. G 7 Aug. H.  
 G. W 8 Aug. H 28 Aug. W  
 26 28 Sept. 1 Oct. H 6 Oct.  
 H. W 8 Oct. H. G 18 Oct.  
 15 Dec. H  
 Faustus Episc. 20 Mai. H. G. W  
 Faustus 16 Jan. G 22 Jan. 15 24  
 Apr. 10 Mai. H 23 Mai. H.  
 G 2 Jun. H 21 Jul. H. G 1  
 Aug. G 6 Aug. H 8 Sept. G  
 28 Sept. W 1 Oct. G 5 Oct.  
 H. G 11 13 Oct. H. G. W 9  
 Nov. H. G 20 Nov. H 22  
 Nov. G  
 Febus 18 Apr. H  
 Fedola 1 Jun. H  
 Feladus 5 Dec. H  
 Felerianus 18 Jan. H  
 Felicia 12 26 27 Apr. 7 8 10  
 Mai. 1 2 Jun. 11 Nov. 13 Dec.  
 H  
 Felicianus 24 Feb. 5 Jun. H 29  
 Oct. H. G  
 Felicianus 2 17 Feb. 18 Mar.  
 H 8 Jun. G 9 Jun. H. W. VC  
 20 Jun. 9 21 Jul. H. G 29  
 Oct. W 30 Oct. H 11 Nov.  
 H. G 19 Nov. W 13 Dec. H  
 18 Dec. G  
 Felicissima 26 Apr. 5 Mai. 2  
 Jun. H 31 Oct. 24 Nov. G  
 Felicissimus 24 Jan. H. G 24 Feb.  
 H 14 Mar. H. G 5 Mai. G  
 26 Mai. H. G 6 Aug. H. G.  
 W. VC 9 Aug. H 10 Aug.  
 H. G. W 30 Aug. VC 13 Sept.  
 H. G 31 Oct. 24 Nov. H  
 Felicitas 10 Jan. H. G 13 Jan. 2  
 Feb. H 3 Feb. H. G 17 Feb.  
 H 6 Mar. H. G. W 7 Mar.  
 H. G. W. VC 8 Mar. 3 Jun.  
 H 5 Jun. H. G 9 Jul. G 10  
 Jul. W 17 Jul. 11 16 17 Nov.  
 H 23 Nov. H. G. W. VC 25  
 Dec. G  
 Felicion 12 Mar. 10 Mai. H  
 Felicula 14 Feb. G. W. VC 5  
 Jun. H. VC 13 Jun. G. W 14  
 Jun. W  
 Feliculus 13 Jun. H  
 Felioctus 7 Jan. G  
 Felix Episc. 30 Mai. W. 22 Dec.  
 H. G 30 Dec. G  
 Felix Ab. 23 Mar. G  
 Felix Presb. 14 Jan. H. G. W.  
 VC 23 Apr. H. W 13 Nov.  
 H. G  
 Felix 5 7 Jan. H. G 9 11 13 19 20  
 Jan. H 21 Jan. H. G 22 27  
 Jan. H 5 5 11 Feb. H. G 12  
 KKKkk

# Index Martyrologiorum.

14 Feb. H. W 17 21 22 Feb.  
H 23 Feb. H. G 24 Feb. H  
26 Feb. H. G 28 Feb. 1  
Mar. H 3 Mar. H. G. W  
4 Mar. H 8 Mar. H. G. 9  
Mar. H 12 Mar. W 13 Mar.  
H 23 24 Mar. W 30 Mar.  
H 31 Mar. G 15 Apr. H 16  
Apr. H. G 20 21 Apr. H 23  
Apr. H. G 24 26 27 Apr.  
H 2 Mai. H. G 4 Mai. H.  
G. W 6 Mai. H. G 7 8 Mai.  
H 10 Mai. H. G 14 Mai. H.  
W 15 Mai. G 19 Mai. H 22  
Mai. H. G 23 24 28 Mai. 1  
2 3 5 Jun. H 11 Jun. G. W  
12 Jun. G 15 Jun. H 18 20  
26 27 Jun. H. G 28 Jun. 8  
Jul. H 10 12 Jul. H. G 13  
Jul. G 18 20 21 Jul. H 26  
Jul. H. G. W 27 Jul. H 29  
Jul. H. G. W 1 2 Aug. H.  
G 8 9 Aug. H 14 Aug. H.  
G 22 Aug. H 27 29 Aug.  
H. G 30 Aug. G. W 1 Sept.  
H. G 2 Sept. H 11 Sept. H.  
G. W 14 Sept. H. G 16 19  
Sept. H 20 Sept. H. G 24  
Sept. H. G. W 3 Oct. H. G  
18 Oct. H 24 Oct. H. G. W  
25 Oct. H. G 30 31 Oct. 1 3  
Nov. H 5 Nov. W 6 Nov. H.  
G. W 11 13 20 22 23 Nov.  
H 3 Dec. H. G 4 Dec. H. G.  
W 5 Dec. H. G 9 Dec. H 13  
17 Dec. H. G 18 Dec. H 29  
Dec. H. G  
Fellonus 10 Mai. H  
Felogica 21 Jan. H  
Fertolus 19 Sept. H. G. W  
Fertolus 5 Sept. H. G. W  
Ferruccio 5 Sept. H. G. W  
Festa 16 Nov. H  
Festina 14 Jun. H  
Festula 1 Jun. H  
Festus 27 Jan. H 24 Jun. H. G  
7 Sept. H 19 Oct. H. G 21  
Oct. H  
Fidelis 23 Mar. 10 23 Mai. H  
Fidentianus 15 Nov. H. G 16  
Nov. H  
Fides 6 Oct. H. G. W  
Fidulus Pr. sb. 16 Mai. H. G  
Filadus 14 Dec. G  
Filagonia 6 Mar. H  
Filatus 1 Dec. H  
Fileron 14 Feb. H  
Filibertus Ab. 20 Aug. H. G.  
W. VC  
Filibertus 20 Jul. W  
Filicofus 29 Apr. H  
Filion 19 Aug. H  
Filippianus 30 Jan. G 17 Apr.  
H  
Filistina 5 Aug. H  
Filocula 5 Jun. H  
Filocula 29 Apr. H  
Filominus 2 Jun. H 14 Nov. G  
Filonus 11 Apr. H 18 Aug. G  
Filoromus 11 2 Jan. G  
Fimia 26 Apr. H  
Finodus 29 Mai. H

Firia 30 Oct. H  
Firianus 24 Apr. H  
Firma 11 Nov. H  
Firmatu. Diac. 5 Oct. H. G  
Firmianus 10 Mar. G  
Firminus Episc. 13 Jan. H 29 Jul.  
VC 1 Sept. H 25 Sept. H. W.  
VC  
Firminus 31 Mai. 4 Sept. 10  
Oct. H  
Fimus 2 3 9 10 Jan. 2 Feb. 10  
11 12 Mar. H 6 Apr. H. G  
9 Mai. H 23 Mai. H. G 31  
Mai. H 9 Aug. H. G 11 Aug.  
W 27 Sept. 15 Nov. H  
Fiscianus 19 Mar. H  
Fissinatus 16 Feb. H  
Flavia 22 Feb. G 7 8 Mai. 2  
Jun. H 5 Oct. G  
Flaviana 5 Oct. H. W  
Flavianus Episc. 23 Aug. H. G  
Flavianus 22 24 Feb. 2 Jun. H  
24 Oct. H. G 25 Oct. 9 Dec.  
H  
Flavianianus 15 Jan. H  
Flavinus 24 Oct. H  
Flavius Episc. 7 Mai. H. G  
Flavius 6 25 Mai. 11 Jul. 27  
Oct. H  
Fledus 1 Jun. H  
Flelppianus 30 Jan. H  
Flora 21 Jan. H  
Florentia 10 Nov. W  
Florantina 24 Feb. 2 Jun. H  
Florentinus 6 Apr. 2 Jun. 31  
Aug. H 27 Sept. H. G  
Florentius Episc. 3 Jan. H. G 17  
Oct. W  
Florentius 19 Mar. H. G 30  
Apr. 16 Mai. H 27 Jun. H.  
G 15 Jul. H 10 Oct. H. W  
27 Oct. H. G 30 Dec. H. G.  
W  
Floriana 9 Jul. H  
Florianus 13 Mar. 4 24 30 Apr.  
H 4 Mai. H. G. W 9 Jul. G  
5 Aug. H  
Florida 14 18 19 Jan. 8 Mai.  
16 Jul. H  
Floridianus 7 Mai. H  
Floridus 31 Dec. H  
Florinus 6 Mai. H  
Florus 8 Jan. H. G 11 22 Jan.  
H 23 Jan. H. G 20 Feb. 3  
Jun. H 26 Oct. 21 Dec. H. G  
Fluminus 28 Mai. H  
Fluvinus 12 Apr. H  
Focas Episc. 14 Jul. W  
Focas 5 Mar. H. G. W 21 Dec.  
H  
Focus Episc. 14 Jul. H. G  
Focus 15 Apr. 1 23 Mai. 8 Jun.  
H 21 Dec. G  
Foilnanus 31 Oct. W  
Fontcius 2 Jun. H  
Forianus 24 Apr. H  
Foricia 29 Aug. H  
Formina 2 Jun. H  
Forofus 2 Feb. H  
Fortuna 22 Feb. 22 Jun. H  
Fortunata 17 Jan. 24 25 Feb. 1  
3 5 Jun. 14 Aug. H 15 Oct.

H. G 6 16 Nov. H  
Fortunatus Episc. 11 Jun. H. G  
Fortunatus Diac. 23 Apr. H. G.  
W  
Fortunatus 9 Jan. H. G. W 18  
Jan. H 19 Jan. H. G 27 Jan.  
H 2 Feb. H. G 21 22 24 25  
Feb. H 26 Feb. G 3 Mar. H.  
W 4 11 Mar. H 11 Apr. H.  
G 15 16 Apr. H 17 Apr. H.  
G 18 Apr. H 19 Apr. H. G  
20 Apr. H 21 25 Apr. 3  
Mai. H. G 4 Mai. H 6 7  
Mai. H. G 10 11 21 26 31  
Mai. 1 2 3 Jun. H 5 7 Jun.  
H. G 13 Jun. 12 Jul. H. G.  
W 15 Jul. H 14 23 Aug. H.  
G 1 Sept. H 9 Sept. H. G 12  
Oct. H. W 15 Oct. W 31 Oct.  
H. G 11 Nov. 1 Dec. H 2 Dec.  
H. W 6 Dec. H. G. W 31  
Dec. H  
Fortunio 17 27 Feb. 4 14 Mar.  
3 10 Mai. 4 Jun. H  
Fortunius 3 Mar. 1 24 Apr. 8  
10 24 Mai. 4 Jun. H  
Fortus Diac. 5 Oct. W  
Forus 6 Jan. 8 Mai. H  
Fosculus Episc. 2 Feb. H. G  
Fraternus Episc. 9 Jul. H. G. W  
29 Sept. H. G  
Fronimus 4 13 Mar. H 14 Mar.  
H. G  
Frontina 14 Apr. H  
Frontinus 14 Mar. 14 Apr. 7  
Mai. H  
Fronto Episc. 25 Oct. W  
Fronto 22 Jan. H 14 Mar. H.  
W 14 Apr. H  
Frontonus 16 Nov. H  
Fructa 16 Nov. H  
Fructulus 18 Feb. H. G  
Fructuosa 16 Nov. H. G  
Fructuosus Episc. 21 Jan. H. W  
Fructuosus 21 Jan. H. G 16 Feb.  
19 Nov. H  
Fructus 3 Jun. 20 Jul. H  
Frunimius 3 Mar. H  
Fulgentius Episc. 1 Jan. H.  
Fulgentius 5 Dec. H. W  
Furcaus Episc. 16 Jan. VC  
Furcus 9 Feb. H  
Furtinio 4 Mar. G  
Fuscianus 27 Jun. H 11 Dec. H.  
W  
Fuscus 24 Apr. 2 Jan. H  
G.  
G Abianus 3 Mar. H  
Gabinus 30 Mai. H. G  
Gabinus 30 Apr. H  
Gadda 19 Aug. H  
Gaddeus 8 Mai. H  
Gaddonus 4 Jun. H  
Gadudus 30 Apr. H  
Gadulinus 19 Mar. H  
Gagia 3 Jun. H  
Gagilus 28 Sept. H  
Gahis 24 Feb. H  
Gaianus 15 Jan. 27 Feb. H 10  
Apr. H. G 30 Apr. 6 16



# Index Martyrologiorum.

Mai. 1 Jun. H 15 Jun. H. G	Genonus 9 Mai. G	Gregorius 2 Feb. H 4 Mar. S
10 11 Jul. H 31 Aug. 4 Sept.	Genovefa 3 Jan. H. G. W. VC	Mai. 5 Jun. 4 Nov. H. G S
H. G 2 Oct. 28 Dec. H	Gentianus 8 Mai. 27 Jun. 11	Nov. 19 Dec. H
Gaiola 3 Mar. H. G	Dec. H	Grifus 13 Mai. H
Gaiola 3 4 Mar. H	Gentius 29 Mai. H	Grion 10 Feb. G
Gaipe 10 Mar. H	Genuinus 9 Oct. H. G	Grifgonus 23 Feb. H
Gailon 4 Sept. H	Genuus 15 Nov. H	Grilonus 15 Jun. H
Galanus 15 Nov. H 28 Dec. G	Georgius 2 Mar. G 3 Mar. H	Guddines 17 Feb. H
Galata 13 Mar. H 19 Apr. H.	23 Apr. H. B. G. W. VC	Gundinus 8 Mai. H
W	24 Apr. G 25 Apr. 7 Mai.	Gunthramnus Rex 28 Mar. H.
Galeus 24 Jan. G	H. G	G. W
Galicus 23 Dec. G	Geraldus 13 Oct. W	Guovilus 17 Feb. H
Galla 3 Mar. 8 Mai. H	Geratus 23 Aug. H	Gurdinus 28 Jun. H. G
Gallica 2 Jun. 31 Oct. H	Gercon 9 Oct. G 10 Oct. W	Gypton 17 Feb. H
Gallicinus 31 Jan. W	Germana 19 Jan. 27 Apr. H 31	
Gallicorus 17 19 Mai. H	Mai. G	H.
Gallicus 7 Mai. H	Germannus Episc. 29 Apr. H. G.	
Gellienus 15 16 Apr. H	W 28 Mai. 31 Jul. H. G. W.	<b>H</b> Autmarus 19 Jan. W
Gallo 16 Feb. H	VC 22 Sept. H 1 Oct. H. G.	Hedistus 12 Oct. G
Gallofa 3 Mar. H	W. VC	Heladius Episc. 8 Mai. H
Gallus 17 Apr. H 17 Mai. G 1	Germanus Presb. 29 Apr. H	Heladius 19 Apr. H
Jul. 16 Oct. W	Germanus 19 Jan. 8 Feb. G 9	Helasippus 17 Jan. H
Galogorus 3 Mar. H	11 Feb. H 14 Feb. H. G. W 26	Helena 22 Mai. G. W 23 Mai.
Gamaliel 3 Aug. H. W. VC	27 29 Apr. H. G 2 Mai. H.	H
Gandalicus 22 Jun. H. G	G. W 7 31 Mai. 1 Jun. 3 18	Helcotherus 1 Mai. H
Gargilius 24 Sept. H	Jul. 10 Aug. H 30 Oct. H. G	Heleus 7 Jul. H. G
Gata 28 Dec. H	3 Nov. H. G. W 12 Nov.	Heliana 8 Jan. H 18 Aug. H.
Gatus 6 Dec. G	H. W 13 Nov. 10 Dec. H. G	G
Gaudentia 30 Aug. H. G	Germus 12 Feb. H	Helias 27 Mai. H. G 8 Jul.
Gaudentius 26 Jun. H. G	Gerontius 14 Jan. H. G 19 Jan.	28 Aug. H 15 26 Dec. H
Gaudianus 17 Sept. H	23 Feb. 6 Mai. H 9 Dec. H.	G
Gaudiosa 8 Mai. H	G	Helidius Episc. 12 Jun. G
Gaudola 2 Jun. H	Getrudis 10 Feb. W 16 Mar. H	Heliodorus 6 Mai. 2 Jul. H
Gaudula 6 Mai. H	Gervatius 20 Mai. H. G 19 Jun.	Helion 3 Jul. H
Gaugericus Episc. 11 Aug. H. G.	H. B. G. W. VC 28 Jul. H.	Helisæus 14 Jun. W 29 Aug. H.
VC	G 30 Oct. H	G
Gavinus 6 Mai. H	Getdinus 13 Dec. H	Helius 21 Jul. H
Gaulienus 31 Mai. H	Getulus 1 Jun. H	Helpidius 27 Apr. H 2 Mai. H.
Gauricus 11 Aug. W	Ghitteus 1 Mar. H	G 4 Sept. H
Gebenna 13 Nov. H	Ghorus 23 Apr. H	Helvianus 3 Mar. H
Gegolus 24 Feb. H	Giddinus 10 Mai. 11 Nov. H	Heneus Episc. 6 Apr. H
Gelanus 10 Jul. H	Gildardus Episc. 8 Jun. H. W	Heraclia 1 Jun. 12 Sept. H 29
Gelarus 4 Feb. H	Gildardus Presb. 24 Aug. H	Sept. G
Gelasius Episc. 21 Nov. G	Gitteus 28 Feb. H	Heraclianus 5 Sept. H
Gelasius 31 Jan. H. G. W 4 Feb.	Gliterus 8 Jul. H	Heraclius 1. Jan. 12 Feb. H 2
G. W 5 Feb. H	Gloriosa 10 Mai. 26 Jul. H	Mar. W 10 Mar. H. W 11
Gelatus 30 Jun. H	Gloriosus 21 Feb. H	Mar. H. G 15 Mai. H 16
Geldafus 24 Aug. G	Goar Presb. 6 Jul. H. W	Mai. H. G. W 17 26 Mai.
Gelieus 24 Jan. H	Gomalus 15 Apr. H	H. G 26 Jun. 3 7 Jul. H 8 Jul.
Gelon 13 Jul. H	Gordiana 9 Mai. G	5 14 Aug. 8 Oct. H. G 10
Gema 20 Apr. H	Gordianus 9 Mai. H 10 Mai. H.	Oct. H. G. W 11 Oct. H. G
Gemella 12 Apr. H	G. W. VC 11 Jul. 15 Sept. H	26 Oct. H 14 Nov. H. G. W
Gemelliana 24 Feb. H	17 Sept. H. G	21 Nov. H 4 Dec. G. W 5 10
Gemellianus 15 Feb. H	Gordonionus 2 Apr. H	Dec. H
Gemellina 26 27 Apr. 1 Jun. 29	Gorgodianus 10 Jul. H	Heraclmus Episc. 2 Jun. H
Aug. H	Gorgius 15 Apr. G	Hercula 12 Apr. H
Gemellinus 26 Apr. 30 Aug. G	Gorgonia 3 Jun. H	Herculianus 5 Sept. G
Gemellus 22 Jan. 15 Feb. H	Gorgonius 22 Feb. H. G 3 Mar.	Herculius 2 Mar. H
Gemina 20 Apr. 1 Jun. H	H. 10 Mar. H. G. 11 12 Mar.	Herebus 5 Mar. H
Geminianus 6 Apr. 2 Jun. H 16	10 11 Jul. H 2 Sept. H. G. W	Herelus 16 Mai. H
Sept. G. W. VC	9 Sept. H. G. W. VC	Heremites 27 Apr. H
Geminus 4 Jan. H 31 Jan. H. W	Govolus 17 Feb. G	Herentus 6 Mai. 5 Aug. H
4 Feb. H. G. W 18 Feb. H.	Gractus 29 Apr. H	Herelius 2 Jan. H
W 10 Mai. 2 Jun. 10 Aug.	Gradus 29 Apr. G 12 Mai. H	Herifilus 4 Mar. H
17 Nov. H	Granius 10 Apr. G	Hermagoras 12 Jul. W
Generosa 17 18 Jul. 16 Sept. H	Grapus 22 Jun. H. G	Hermas 14 Aug. H
Generosus 15 Feb. H 9 Jul. W	Grata 2 Jun. H	Hermelus 3 Aug. H
Genesis Episc. 1 Nov. G	Gratianus 23 Oct. H	Hermenphus 25 Apr. H
Genesis 27 Apr. H 24 Aug.	Grocianus 2 Oct. G	Hermes Episc. 21 Jan. H
H. W 25 Aug. H. G. W	Gregoria 17 Nov. H	Hermes 1 4 Jan. H. G 21 22 Jan.
Genon 15 Jan. H	Gregorius Episc. 11 Jan. G 12	28 Feb. H 1 Mar. H. G 27
Genonius 27 Apr. H	Mar. B. G. W 26 Apr. VC	Apr. G 25 Aug. H. G 26

# Index Martyrologiorum.

Aug. G 27 Aug. H. G 28  
 Aug. H. G. W. VC 18 Oē.  
 H. G 22 Oē. H. G. W 30  
 Oē. H 2 Nov. G 31 Dec. H  
 G  
 Hermogenes 16 Apr. H 17 Apr.  
 H. G. W 18 Apr. H 19 Apr.  
 H. G. W 25 Apr. H 2 Mai.  
 H. G. W 3 Mai. H. G 23  
 Aug. 1 Sept. 13 Nov. H 6 Dec.  
 H. G. W 9 Dec. H 12 Dec. H.  
 G. W  
 Hermogerus 23 Aug. H  
 Hermolaus 27 Jul. W  
 Hermolus 3 Aug. G  
 Hermon 18 Mai. H  
 Hernia 26 Apr. H  
 Heroclus 5 Aug. H  
 Herolus 2 Mar. G  
 Heromia 8 Mar. G  
 Heros Episc. 10 Sept. H. G  
 Heros 23 24 Feb. G 28 Jun. 5  
 Sept. H  
 Herulus 23 Feb. 15 Mai. H  
 Herus 24 Apr. H  
 Hella 18 Jul. H  
 Helychius 2 Jul. H 18 Nov. H.  
 W  
 Heutinus 24 Dec. G  
 Hianulus 6 Mar. H  
 Hierapus 16 Feb. H  
 Hieremias 1 Mai. W 6 Mai. H  
 Hierontius 6 Mai. G  
 Hieronymus Presb. 30 Sept. H.  
 B. G. W  
 Hieros 3 Mar. H  
 Hilariana 6 Mai. H  
 Hilarianus 4 Mar. H  
 Hilarinus 3 Jan. H 16 Jul. H. G.  
 W  
 Hilarion 21 Oē. W  
 Hilarus Episc. 13 Jan. H. G. W  
 5 Mai. 10 Sept. 25 Oē. H.  
 W  
 Hilarus 27 Jan. 1 2 Feb. 12 13  
 Mar. H 16 Mar. H. G 17  
 Mar. H 9 10 Apr. H. G 11  
 Apr. H. G. W 19 Apr. H 5  
 7 Mai. G 1 2 Jun. H 5 Jun.  
 H. G  
 Hilpes Diac. 2 Jun. H  
 Hinnarus 6 Apr. H  
 Hinnula 27 Feb. H  
 Hinnus 27 Jun. H  
 Hippolytus Episc. 29 Jan. H.  
 G  
 Hippolytus 30 Jan. H. G. W 31  
 Jan. H. G 2 Feb. H 3 Feb.  
 G 23 Feb. H. W 19 Jun. 6  
 Aug. H. G 13 Aug. H. G. W.  
 VC 21 Aug. H. G 23 Aug.  
 1 11 12 Sept. H 9 Nov. G  
 Hispanus 19 Jan. H  
 Homo 28 Mai. H  
 Hones 21 Mar. H  
 Honeſta 8 Mai. H  
 Honorata 2 3 Jun. H  
 Honoratus Episc. 16 Jan. 21 Dec.  
 H. G  
 Honoratus 1 18 19 21 27 Jan. H  
 29 Jan. H. G 2 16 24 Feb.  
 4 12 Mar. 26 Apr. 7 10

Mai. 1 2 Jun. 8 Jul. H 1 Aug.  
 G 27 Aug. 16 Nov. H 17  
 Dec. H. G 18 Dec. H. G. W  
 22 Dec. H 29 Dec. H. G W  
 Honoria 2 Feb. 2 Jun. H  
 Honorius 5 Jan. H 6 Jan. H. G  
 16 Feb. H 5 Apr. H. G 30  
 Apr. 10 31 Mai. H 19 Jun.  
 14 Sept. H. G 21 Nov. H 30  
 Dec. G  
 Hores 13 Mar. H  
 Hortasius 18 Mai. H. G  
 Hortensis Episc. 11 Jan. H  
 Hortensius 1 Jun. H  
 Hospes 30 Jul. H  
 Hostensianus 17 Jun. H  
 Hubertus Episc. 3 Nov. W. VC  
 Hubertus 30 Mai. W  
 Hugalus 21 Jul. H  
 Humatus 2 Jun. H  
 Humilis 5 Dec. H. G  
 Hunegundis 25 Aug. VC  
 Husandus 27 Apr. H  
 Hyacinthus 10 Feb. H. G. VC  
 14 Jun. H 4 Aug. G 10 Aug.  
 H 9 Sept. H. G 11 Sept. H.  
 G. W. VC  
 Hypericles 21 Jun. H  
 Hyromeus 13 Mar. H

## I.

**J**acobus Major Apost. 25 Jul.  
 H. B. G. W. VC 13 Nov.  
 H. G  
 Jacobus Minor Apost. 15 Mar.  
 H. G 25 Mar. H. G. W. VC  
 1 Mai. H. B. G. W. VC 22  
 Jun. 27 Dec. H. G  
 Jacobus Episc. 15 Jul. H. G. W  
 Jacobus 30 Apr. H. G. W 6  
 10 Mai. 25 Jul. H  
 Jamnica 2 Jun. H  
 Jannes 1 Jun. H  
 Januaria 6 7 Jan. 24 25 28  
 Feb. H 2 Mar. H. G 7 8 10  
 11 23 Mai. 12 3 8 21 Jun. 15  
 17 27 28 Jul. 10 Oē. 6 7  
 11 Nov. 9 25 26 Dec. H  
 Januarius Episc. 23 Sept. W  
 Januarius 5 9 11 13 Jan. H 14  
 Jan. H. G 19 Jan. H 22 Jan.  
 H. G 11 Feb. H. W 14 15 Feb.  
 H 17 Feb. H. G 18 24 27  
 Feb. H 28 Feb. H. W 1 Mar.  
 H 2 Mar. W 3 13 15 17 18  
 Mar. 12 Apr. H 13 Apr. H.  
 G 17 18 Apr. 8 10 11 14 15  
 22 Mai. 1 2 3 7 9 10 13 Jun.  
 H 10 Jul. H. G 11 Jul. H. G.  
 W 17 18 Jul. H 27 Jul. G 10  
 Aug. H. G. W 24 Aug. G  
 5 7 Sept. H 19 Sept. H. G  
 20 Sept. H 29 Sept. H. G  
 6 Oē. H. 8 Oē. H. G 11 13  
 Oē. H. G. W 17 18 19 20  
 Oē. H. G 27 Oē. H 30 Oē.  
 H. G 31 Oē. 1 Nov. H 6 9  
 Nov. H. G 10 11 Nov. H 15  
 Nov. W 16 Nov. H. G 19  
 Nov. H. G. W 25 Nov. H  
 30 Nov. H. G 2 13 Dec. H

15 Dec. H. G 28 Dec. H  
 Jafon 11 Jul. H 12 Aug. H. G  
 Jejaconus 4 Jun. H  
 Jemolus 18 Mar. H  
 Ignatius Episc. 14 Jun. G  
 Ignatius 3 Feb. 17 Dec. W 20  
 Dec. B 25 Dec. H  
 Importunus 6 Mai. H  
 Incidus 10 Mai. H  
 Indica 19 Mai. H  
 Indicus 10 19 Mai. H  
 Ineria 21 Jun. H  
 Ingenua 25 Feb. H. W 15 18  
 Mar. 1 Apr. 19 Mai. H  
 Ingenula 17 Jan. H  
 Ingenus 5 Jun. H  
 Ingenuus 11 13 Jan. 2 Feb. H 25  
 Feb. G 26 Feb. H. G 4 Apr.  
 H 5 11 Sept. H G  
 Ingona 25 Feb. H  
 Innocenes 28 Dec. H. B. G. W.  
 VC  
 Innocentia 11 Nov. H  
 Innocentius Episc. 12 Mar. H.  
 G. W 21 Dec. H. G  
 Innocentius 14 Mar. G 4 Jul.  
 H. G 10 23 Aug. H 22 Sept.  
 H. G  
 Infelacellus 16 Apr. H  
 Intingus 3 Dec. H  
 Joanna 23 Dec. G  
 Joannes Bapt. 24 Feb. W 24  
 Jun. H. B. G. W. VC 29  
 Aug. B. G. W 30 Aug. H  
 24 Sept. H. G. W  
 Joannes Apost. & Evang. 6 9  
 Mai. H 25 Mai. H. G 24  
 3 Sept. Jun. 1 Nov. H 27 Dec.  
 H. B. G. W. VC  
 Joannes Episc. 7 Mai. B. 28  
 Mai. W 13 Sept. H  
 Joannes 15 Feb. G 12 Mar. H 19  
 Mar. W 10 Apr. H. G 27 Apr.  
 H 6 Mai. H. W 8 25 Mai. 1  
 Jun. H 16 Jun. H. B. G. W.  
 VC 8 Jul. H. W 10 11 Jul.  
 H 1 Aug. G 27 Aug. H 3  
 Sept. G 27 Nov. 3 Dec. H.  
 G 22 Dec. H  
 Job 10 Mai. H. G. W 3 Dec.  
 G  
 Jocus 29 Apr. 5 Jun. 19 Jul. 5  
 Nov. H  
 Jonas 14 Feb. H. G  
 Jorgus 2 Mar. H  
 Joseph 20 Mar. H. G. W  
 Josephus Diac. 15 Feb. H. G.  
 W  
 Josephus 21 Mar. H. G. 24 Mar.  
 H. 2 Sept. H. G  
 Joserus 19 Mar. H  
 Jovianus 2 5 Jun. 26 Jul. 24  
 25 Aug. H  
 Jovinianus 12 Mar. H 5 Mai.  
 H. G 2 Jun. H 15 Jun. 26 Jul.  
 G 11 Oē. H  
 Jovinus 25 Mar. H. G 13 16  
 Mai. H 1 Jun. W 9 Sept. H  
 25 Dec. H. G  
 Jovita 15 Feb. W  
 Irenæus Episc. 28 Jun. H. G  
 Irenæus Diac. 6 Apr. H. G  
 Irenæus

# Index Martyrologiorum.

Irenæus 10 Feb. H. G. W. VC 25 Feb. H. W 2 Mar. H 16 Apr. H. G 5 6 Mai. H 18 Jul. 5 Aug. H. G 26 Aug. H. W 18 Dec. G	12 Apr. H. G. W Julius 6 19 Jan. H. G 8 Feb. G 19 Feb. H. G. W 3 Mar. H. G 12 Mar. H 23 Mar. 2 4 Apr. H 12 26 Apr. H. G 27 29 30 Apr. 7 10 11 12 15 25 Mai. H 27 Mai. H. G. W 28 Mai. 1 2 Jun. H 4 Jun. G 8 28 Jun. 3 12 Jul. H 21 Aug. H. G 22 25 27 Aug. 2 9 11 19 23 Sept. 1 4 9 18 20 Oct. H 6 Nov. G 27 Nov. H 28 Nov. H. W 3 5 10 Dec. H 20 Dec. H	Laudacia 26 Jul. G Laudacus 9 Aug. H Laudaia 26 Jul. H Laurentinus 3 Feb. W Laurentius Diac. 10 Aug. H. B. G. W. VC Laurentius 2 Feb. H. G 12 Apr. H 3 Jun. H. W 4 Aug. G 6 Aug. 24 Sept. H 28 Sept. H. G
Irene 5 Apr. H. W 5 Mai. H Isaac 25 Mar. G 12 Apr. H. G Isaias Proph. 5 6 Jul. W Ilicus 3 Mar. H 9 Mar. G 21 Mar. 1 Mai. H 31 Mai. 15 Jun. H. G 17 Jun. H 1 2 Jul. G 10 Jul. 10 Sept. H 17 Sept. H. G 18 Nov. G	Junella 17 Jan. H 16 Feb. H G Junola 3 Mar. H Jullus 5 Dec. H Justa 17 Feb. H. W 22 Feb. 2 Jun. 15 Jul. H 19 Jul. H. G 1 4 8 31 Aug. 16 Nov. H Justinus 7 Mai. H Justicus 21 Feb. W Justilla 28 Aug. H Justina 26 Sept. W Justinianus 16 Jul. W 17 Dec. H Justinus Episc. 1 Mai. H Justinus Presb. 4 Aug. W 28 Sept. G	Laurianus 4 Jul. H. G. W Laurinus 14 Apr. H Lazarus 12 Apr. H Leacus 27 Jan. H Leander Episc. 27 Feb. H. G. W Leander 28 Feb. H Lecerus Diac. 15 Jan. H Lectissima 27 Apr. H Lectissimus 26 Apr. H Lector 23 Jan. H Legontius Episc. 6 Jul. H. G Leitardus Episc. 3 Jun. H Leo Episc. 14 Mar. G 11 Apr. G. W. VC 22 Apr. H. G. W 28 Jun. W 30 Oct. VC 10 Nov. H. G. W
Isidorus Episc. 7 Jan. G Isidorus 2 Jan. 14 Mai. G 8 Sept. H Istialis 25 31 Mai. H Italia 6 Mar. 30 Jun. H Italica 27 30 Jun. 24 Aug. H Italicus 7 Mar. H Italius 4 6 Jun. H. G Jucunda 10 Mai. 27 Jul. H Jucundianilla 2 Jul. H Jucundianus 28 Mai. 4 Jun. H 4 Jul. H. G Jucundinus 29 Jul. H Jucundus 5 6 8 Jan. 16 20 Feb. H 21 Feb. H. G 6 Mar. H. W 7 14 17 18 26 Mar. 15 16 18 21 25 Apr. 9 11 21 23 26 29 Mai. 28 15 Jun. 18 Jul. H 27 Jul. G.	Justus 21 Feb. H. G 25 Feb. H. G. W 26 Feb. H 28 Feb. H. G 3 Mar. H. G. W 5 Mar. H. W 12 Apr. 4 16 31 Mai. 2 27 Jun. H 30 Jun. G 5 18 Jul. H 19 Jul. W 30 Jul. 3 Aug. H 4 Aug. H. G 22 23 Aug. H 25 Aug. H. G. W 2 Sept. H. G 9 Oct. H 18 Oct. H. G 21 Oct. G 23 Oct. H. G 24 28 Oct. 1 8 Nov. H 14 Nov. W 16 Nov. 11 Dec. H	Leo Subdiac. 30 Jun. H. G Leo Mon 25 Mai. G Leo 1 Mar. H. G 26 Apr. G 2 Oct. H 3 Oct. W Leobinus Episc. 15 Sept. G. W Leocadus 13 Dec. H. G Leodegalus 22 Oct. W Leodegarius Episc. 2 Oct. H. W 3 Oct. G. VC Leodocius 26 Jan. H. G Leonardus 6 Nov. W Leonella 17 Jan. H. G Leonides 16 Apr. H 22 Apr. H. G 26 Apr. 28 Jun. 8 Aug. H
Judas Apost. 19 Jun. G 1 Jul. H. G 28 Oct. H. B. G. W. VC Judas Episc. 1 Mai. H Judith 6 Mai. H Judoch Presb. 13 Dec. W Julia 17 24 Feb. 12 Apr. 10 19 Mai. H 22 Mai. H. G 2 4 Jun. 15 Jul. H 27 Jul. H. G 28 30 Jul. 31 Aug. H 7 Oct. H. G 6 Nov. H 7 Nov. H. W	Juvenalis 3 Mai. G. W. VC 7 Mai W 10 Mai. H Juvencia 16 Feb. 9 Dec. H Juvencula 9 Mar. H Juvencus 1 Jun. H. G Juvenianus 2 Dec. H	Leonius 12 Nov. W Leontius Episc. 19 Mar. H. G. W 1 Jul H. G Leontius 20 Jan. H. G 21 Jan. H 10 11 Jul. H. G 19 20 Aug. H 21 Aug. H. W 15 Sept. H. G 27 Sept. W 2 Oct. G 22 Nov. H. G
Juliana 27 Jan. 2 Feb. H 16 Feb. H. P. W. VC 29 Mar. H. G. W 25 Mai. H 3 Jun. H. G 25 Jul. G 8 Aug. H Julianus Presb. 17 Apr. H Julianus Ab. 16 Mar. H. G. W Julianus 6 Jan. H. G 8 Jan. 11 11 Jan. VC 27 Jan. 28 Jan. 9 Feb. H 12 13 14 Feb. H. W 16 Feb. H. G 19 Feb. H. G. W 24 Feb. 5 Mar. H 9 Mar. H. G 12 13 Mar. H 23 Mar. H. G. W 26 29 Mar. 2 Apr. H 4 Apr. H. G 12 Apr. 8 18 Mai. H 23 Mai. H. G 5 Jun. H 22 Jun. H. G 27 Jun. H. G. W 3 Jul. H. G 6 11 20 21 25 Jul. H 26 Jul. H. G. W 8 Aug. W 9 Aug. H 12 Aug. H. G 17 Aug. H 21 25 Aug. H. G 28 Aug. H. G. W 31 Aug. G 1 Sept. H 24 Sept. G 6 Oct. H 8 31 Oct. H. G 1 Nov. H 2 Nov. W 11 25 Nov. H 26 Dec. H. G	L Laborius 6 Mai. H Lactatus 18 Jul. H Ladicus 9 Aug. H Lælius 27 Jun. H Laisardus Presb. 3 Jun. G Lambertus Episc. 5 Jun. B 17 Sept. H. G. W. VC Lambesis 23 Feb. H Lampadius 19 Jul. H. G Lampasus 19 Feb. H. G. W Lanciāna 18 Aug. H Landulfus Episc. 13 Aug. H Lanitanus 25 Jun. H Lanta 31 Mai. 1 Jun. H Largus 16 Mar. W 17 Mar. 8 Aug. H. G 9 Aug. H Lassa 9 Feb. H Latina 2 Jun. H	Leopardus 18 Jun. G Leva 28 Sept. H Leucadia 9 Dec. W Leucatus 22 Oct. G Leucus 15 17 28 Jun. 7 Mar. H. G 12 Aug. G 18 Oct. H. G Leugatus 22 Oct. H Leviorius 14 Feb. H Leununcula 7 Mar. H Leusus Presb. 7 Apr. H Leusus 1 Jan. H Liastimonus 9 Feb. H Libasus 23 Dec. G Liberalis 24 Apr. H Liberatus 20 Dec. G Liberius Episc. 17 Mai. 23 Sept. H. G. W Libertinus 20 Dec. H Libius 23 Feb. H Libofa 22 Feb. H Libofus Episc. 29 Dec. H. G Libofus 1 Feb. 3 Jun. H
Julita 16 Jun. H. G. W Julius Episc. 4 13 Mar. H. G Tom. II.		LLLI

# Index Martyrologiorum.

Librates 9 Sept. H  
 Licerus 7 Jan. H  
 Licia 5 Apr. H  
 Lidorius Episc. 13 Sept. H  
 Lifardus 3 Jun. H  
 Limus 23 Dec. G  
 Linus Episc. 23 Sept. G. VC 7  
 OEt. 26 Nov. W  
 Loguorgue 4 Mai. H  
 Longinus 15 Mar. H. G. W 21  
 Jul. H. G 28 Sept. 23 OEt.  
 G 22 Nov. H. G  
 Longus 2 OEt. H 27 OEt. H. G  
 Loquumfas 15 Feb. H  
 Lota 16 Apr. H  
 Loth 10 OEt. W  
 Lubercus 15 Apr. H  
 Lucania 29 OEt. 18 Dec. H  
 Lucas Evang. 15 Mar. H. G. W.  
 VC 3 Sept. H 21 Sept. H. G  
 18 OEt. H. B. G. W. VC  
 Lucas Episc. 2 Mar. W  
 Lucas 13 Mar. G. W 20 Mar.  
 H 21 Mar. W 13 Mai. 3 Sept.  
 G 18 OEt. H. G 30 OEt. H  
 27 Nov. H. G  
 Luceia 1 24 Jun. H. 25 Jun. H.  
 G. W 26 Jun. W 1 Jul. 18  
 Dec. H  
 Lucella 16 Feb. H 25 Mar. H.  
 G 7 10 Mai. 10 Aug. H  
 Lucellus 19 Mar. H  
 Lucetella 13 Mar. H  
 Lucia 6 Feb. H. G. W 1 24 Jun.  
 1 20 Jul. 16 Sept. G 13 Dec.  
 H. G. W. VC 14 18 Dec. H.  
 G  
 Luciana 23 Feb. 18 Mai. H  
 Lucianus Episc. 8 Jan. H. VC  
 Lucianus Presb. 7 Jan. H. G. W.  
 VC  
 Lucianus 5 Jan. H. G 1 Feb. H  
 12 13 Feb. G 22 Feb. H 24  
 Feb. H. G 18 Mar. H. W 15  
 Apr. H 16 Apr. H. G. W  
 28 Apr. H. G 30 Apr. 27  
 Mai. H. G 28 Mai. 3 Jun.  
 H 7 Jun. H. G 8 Jun. H. W  
 13 Jun. H. G. W 19 Jul. H  
 13 Aug. G 31 Aug. H 14 OEt.  
 H. G 26 OEt. H. G. W 30  
 OEt. 18 25 Nov. H. G 1 Dec.  
 H 24 Dec. G. VC  
 Lucideus 3 Jan. H  
 Lucinus 30 Apr. 10 Mai. 10  
 Jul. H 29 OEt. G  
 Luciola 3 Mar. H. G  
 Luciola 25 27 Feb. 2 Mar. H  
 18 Mai. G 2 Jun. 28 Sept. H  
 Luciosus 18 Mai. H  
 Lucius Episc. 2 Mar. H. G 4  
 Mar. H. W 15 Mar. H  
 Lucius 8 11 18 Jan. H. G 19 21 27  
 Jan. 7 8 15 24 Feb. 13 21 Mar.  
 12 24 Apr. 8 13 18 Mai. H 23  
 Mai. H. G 28 Mai. 2 Jun. H  
 6 Jun. H. G. W 8 12 Jun. H  
 9 Aug. H. G 16 Aug. H 23  
 Aug. W 16 Sept. W. VC 16  
 OEt. VC 17 18 OEt. H 20 OEt.  
 H. G 27 OEt. H 28 OEt. 1 15  
 Dec. H. G

Lucola 5 Mar. H  
 Lucritus 14 Jan. H  
 Lucula 10 Mai. H  
 Luddulus 9 OEt. H  
 Ludus 5 Nov. H  
 Lugusta 19 Mai. H  
 Lupatus 16 Sept. H  
 Lupercus 22 Jan. H 15 Apr. G  
 Lupicinus Episc. 3 Feb. H. G.  
 W 14 Dec. H. G  
 Lupicinus 3 Mar. 12 27 Apr. H  
 Lupillus 15 OEt. H. G  
 Lupranpodus 14 OEt. H  
 Lupus Episc. 29 Jul. H. G. W  
 1 Sept. G 24 Sept. H. G 25  
 Sept. W  
 Lupus 2 31 Mai. 1 Jun. H. G  
 15 Jun. H 14 OEt. H. G  
 Luricus 18 Jan. G  
 Lusorius 4 Nov. H. G  
 Luticianus 9 Dec. H  
 Luxurius 21 Aug. H 26 Sept.  
 H. G

M.

**M**acaria 28 Feb. 6 Apr. H  
 7 Apr. H. G. W  
 Macarius Ab. 2 Jan. H. G. W  
 Macarius 23 Jan. H. G 26 Jan.  
 H 27 Feb. G 28 Feb. W 12  
 Apr. 2 Jun. 10 16 19 28 Jul.  
 H 12 Aug. H. G 17 Aug. 10  
 Sept. H 21 OEt. 8 Nov. H.  
 G 10 Nov. H  
 Macedonius Presb. 13 Mar. H.  
 G. W  
 Macedonius 12 Mar. H 17 Apr.  
 G 1 Nov. H. G 21 Nov. H  
 Macer 7 Jun. H. G  
 Machabai 1 Aug. H. B. G. W.  
 VC  
 Machadora 19 Jul. G  
 Machaonia 15 Dec. H  
 Machrofa 15 Dec. H  
 Machutus Episc. 15 Nov. H  
 Macidales 12 Jun. H  
 Macorus 17 Apr. H  
 Macra 3 Mar. W  
 Macrida 20 Jul. G  
 Macrina 20 Jul. H  
 Macrinus 5 Jul. 17 Sept. H. G  
 Macrobios 7 Mai. 13 20 Jul. 17  
 Sept. H  
 Maculus 29 Apr. H  
 Madelgittus 30 Mai. VC  
 Madiaria 26 Mar. H  
 Madihelius 19 Sept. H  
 Maena 4 Jun. H  
 Magarus 27 Feb. H  
 Magdaletes 12 Jun. G  
 Magna 3 Dec. H  
 Magnilla 30 Jul. H  
 Magnillus 23 Aug. 1 Sept. 17  
 31 OEt. H.  
 Magnus 4 Feb. H. G. W 14 15  
 Feb. 2 5 Apr. 1 26 Mai. 18  
 20 29 Jul. 9 Aug. H 19 Aug.  
 H. G. W 27 Aug. H 4 Sept.  
 H. G 5 12 16 Sept. 23 OEt. 1  
 8 27 Nov. H  
 Magropus 6 Mai. H

Major 10 Mai. 1 Jun. H  
 Majorica 30 Apr. H  
 Majoricus 6 Mai. H  
 Majofa 1 Jun. H  
 Majulinus 21 Jan. 19 Apr. 16  
 Nov. H  
 Majulus 18 19 Jan. H 19 Feb.  
 H. G. W 10 11 Mai. 11 Jul. H  
 Malanus 9 Dec. H  
 Malchus 28 Mar. W 10 Mai.  
 1 Jun. H  
 Malina 28 Apr. H  
 Malinus 28 Apr. G  
 Malofus 10 OEt. G  
 Malufius 10 OEt. H  
 Mamertinus Episc. 11 Mai. H. G  
 Mamertus Episc. 11 Mai. H. G.  
 W  
 Mammaria 2 Dec. G  
 Mammarius *ve* Mammerius 14  
 Mar. H. W 12 Apr. 5 Jun.  
 31 OEt. 1 Nov. H 6 24 Nov.  
 H. G 1 Dec. H  
 Mammias 21 Jan. 17 Jul. H.  
 Mammes Mon. 17 Aug. H. G  
 Mammes 16 Jul. H. G. W 17  
 Aug. W  
 Mammita 17 Aug. H  
 Mamon 9 Aug. H  
 Manilius 7 Mar. H. G 8 15 Mar.  
 12 Apr. H 28 29 Apr. H. G  
 11 Mai. H  
 Manirra 28 Feb. H  
 Mannica 13 Nov. H  
 Mannis 27 Aug. H  
 Manfuetus 28 Feb. H. W 30  
 Dec. H. G. W  
 Mappalicus 21 Feb. H 17 Apr.  
 H. W 18 Apr. H. G. W  
 Marandus 28 OEt. H  
 Marca 25 Apr. H 3 Jun. W  
 Marcella 17 Feb. 7 10 Mai. 2  
 Jun. H 28 Jun. G  
 Marcellianus Episc. 13 Mai. H  
 Marcellianus 1 Jun. H 17 Jun.  
 VC 18 Jun. H. G. W. VC 18  
 Jul. H  
 Marcellina 24 Feb. 1 2 Jun. H  
 20 OEt. G  
 Marcellinus Episc. 20 Apr. H.  
 W  
 Ma. cellinus Presb. 2 Jun. H. G.  
 W. VC  
 Marcellinus 3 Jan. 22 Feb. H  
 30 Mar. H. W 2 Apr. H. G  
 6 Mai. H 7 Mai. H. G 2  
 Jun. G 27 Jun. H. W 9 Aug.  
 H 27 Aug. H. G 7 OEt. H  
 9 OEt. G OEt. H 26 Nov.  
 H. G  
 Marcellofa 20 Mai. H  
 Marcellus Episc. 16 Jan. H. G.  
 W. VC 17 Jan. 4 OEt. H.  
 G 7 OEt. H. G. W. VC 11  
 OEt. H. G  
 Marcellus 3 Jan. G 26 Jan. VC  
 18 19 Feb. H. G. W 2 10  
 Apr. 25 Mai. H 3 Jun. H.  
 G 19 27 28 Jun. H 17 Jul.  
 4 Sept. H. G. W 6 OEt. H.  
 G 9 OEt. H 13 OEt. H. G. W  
 30 OEt. W 16 Nov. H 27

# Index Martyrologiorum.

*Nov. H. G*  
 Marcia 20 Jan. 3 Mar. 6 14  
 20 24 Apr. 2 Jun. H 8 Jun.  
 H. G. 16 18 Jun. H 21 Jun.  
 13 Oct. H. G. W 5 Nov. H.  
 G 15 Dec. H  
 Marcialis Episc. 30 Jun. H. G.  
 W 10 Oct. W  
 Marcialis 3 9 21 22 Jan. 2 16  
 Feb. H 18 Feb. 13 Mar. H.  
 G. W 16 Apr. H. G 29 Apr.  
 H. W 4 7 27 Mai. 1 2 5  
 Jun. 10 15 Jul. H 22 Aug.  
 H. G 23 Aug. 24 Sept. H 28  
 Sept. G. W 6 Oct. H 8 11  
 Oct. H. G 18 Oct. H. 30 Oct.  
 9 15. Nov. H. G 16 Nov. H  
 25 Nov. H. G  
 Marciana 5 Apr. H. G 26 Apr.  
 2 Jun. H 26 Jul. G 18 Aug.  
 H. G  
 Marcianus Episc. 26 Mar. H  
 G  
 Marcianus 4 Jan. H 14 Feb. H.  
 G 3 Mar. H 11 Mar. H. G  
 15 16 Apr. H 17 26 Apr.  
 H. G 27 29 Apr. 8 10 18  
 Mai. H 28 Mai. H. G 1 2  
 Jun. H 5 Jun. H. G. W 8  
 Jun. 10 11 Jul. H. G 26 Jul.  
 H. G. W 4 Oct. H. W 26  
 Oct. G. W 30 Oct. H. G 18  
 Nov. H. G. W 19 Nov. H.  
 W 23 Nov. H 25 Nov. H.  
 G 26 Dec. H  
 Marcilius 28 Mai. H  
 Marcus 5 Mar. H. G 18 Mar.  
 12 Apr. H 8 Jun. G  
 Marcopus 16 18 Feb. H  
 Marcullianus 13 Mai. G  
 Marcus Evang. 25 Apr. W. VC  
 18 Mai. B. G 23 Sept. H.  
 G. VC  
 Marcus Episc. 6 Oct. H 7 Oct.  
 H. G. W  
 Marcus 4 5 6 8 9 Jan. 16 Feb. H  
 17 Feb. H. G 5 Mar. W 13 Mar.  
 H 19 Mar. H. G 12 Apr. 10  
 Mai. 1 8 Jun. H 18 Jun. H.  
 G. W. VC 9 24 Sept. H 25  
 Sept. 4 Oct. H. G. W 7 Oct.  
 VC 30 Oct. 16 20 Nov. H  
 5 Dec. H. G 10 Dec. H. 15  
 Dec. H. G  
 Marcus 19 21 Jan. 4 Oct. H  
 Mardianus 26 Oct. H  
 Mardonius 24 Jan. H. G  
 Margarita 15 Jun. W  
 MARIA Nativitas 8 Sept. An-  
 nuntiatio 25 Mar. Purificatio  
 2 Feb. Assumptio 15 Aug. H.  
 B. G. W. VC  
 Maria 19 Jan. H. G. W. VC 24  
 Feb. 12 13 14 Mar. H 17 Mar.  
 H. G 18 Mar. H 27 Mar. 5  
 Apr. W 10 Mai. 1 2 Jun. H  
 17 Jun. H. G 1 Nov. G 5 Nov.  
 W 11 Nov. H. G 16 Nov. 5  
 Dec. H 9 11 Dec. H. G  
 Maria Magdalena 14 22 Jul. W  
 Mariana 16 Oct. G 28 Oct. 16  
 Nov. H  
 Marianus 8 Jan. H 9 Mar. G 10  
 Mar. H 20 Apr. G 30 Apr.  
 H. G. W 3 Mai. H. G 6 7 28  
 Mai. H 11 Jul. H. G 19 Aug.  
 19 Sept. H 27 Oct. H. G 28  
 Oct. G  
 Maricus 2 Feb. H  
 Marina 27 Jan. 22 Feb. 6 Apr.  
 6 Mai. 2 8 Jun. H 18 Jun.  
 H. G 110 Jul. H 19 Aug. G  
 Marinus Presb. 30 Apr. H  
 Marinus 21 Jan. 2 Feb. H 3 Mar.  
 H. W 18 Mar. 27 Apr. 8  
 Mai. H 17 Jun. H. G 18 Jul.  
 H 22 Aug. H. G 26 Dec. G  
 Maris 5 Mar. H  
 Maritimus 13 Dec. H  
 Marius 20 Jan. H. G 16 Feb. 4  
 12 Mar. H 9 Apr. H. G 26  
 Apr. 25 Mai. H 14 Jul. H.  
 G 9 Sept. 30 Oct. H 7 Nov.  
 H. G 8 Nov. H  
 Maro 15 Apr. G  
 Marobus 27 Mar. H 7 Mai. G  
 Marolus 11 Mai. G  
 Marpus 16 Feb. H  
 Mars 2 Apr. H  
 Marfus Presb. 4 Oct. H  
 Martana 10 Dec. G  
 Martarus 18 Jun. G  
 Martha 16 Jan. H. G 19 Jan.  
 H. W. VC 20 Jan. 24 Feb.  
 2 Jun. H  
 Martherus 18 Jun. H  
 Martina 1 Jan. 6 Apr. G 30 Apr.  
 H  
 Martinianus 31 Mai. H. W 1  
 Jul. VC 2 Jul. H. G. W  
 Martinus Episc. 11 Mai. W 4  
 Jul. H. G. W. VC 18 Aug.  
 VC 1 Sept. H 11 Nov. H. B.  
 G. W. VC  
 Martinus Presb. 20 Mar. H. W  
 13 Mai. G. VC  
 Martinus 5 Mar. H. G 30 Apr.  
 H 8 Mai. H. G 17 Mai. G  
 1 10 Jun. H 9 Aug. H. G 24  
 Oct. W 3 Dec. H. G  
 Marty 12 20 Jun. H  
 Martyrius 29 Mai. 3 Jul. 18 Aug.  
 18 Dec. H  
 Marubus 19 Feb. H  
 Marullus 10 Mai. H  
 Marusus 27 Jan. 4 Oct. G  
 Massa 18 Aug. H. G  
 Massedus 21 Feb. H  
 Massila 6 Mai. H  
 Massus 6 Mai. H  
 Mastilla 2 Jun. H  
 Masutus 10 Mai. H  
 Materna 2 Jun. H  
 Materus 2. Oct. H 15 Dec. H. G  
 Matricia 13 Mar. H  
 Matrona 22 Feb. H 15 Mar. W  
 6 10 Mai. 1 2 Jun. 17 21 Nov.  
 H 1 Dec. H. G 5. Dec. H  
 Matrona 16 Nov. H  
 Matronica 8 Mai. H  
 Matthæus Apostol. & Evang. 1  
 Mai. H 6 21 Mai. H. G 21  
 Sept. H. B. G. W. VC 7 Oct.  
 H. G  
 Matthias Apost. 24 Feb. H. B.  
 G. W. VC  
 Matulus 12 Mar. H  
 Maturus 2 Jun. H. G  
 Matutina 27 Mar. H. W  
 Matutinus 22 Jan. H 4 Apr. H.  
 G  
 Mavorus 2 Jun. H  
 Maurella 21 Mai. H  
 Maurellus 10 Mai. H  
 Mauricius 10 Jul. H 11 Jul. H.  
 G 22 Sept. H. B. G. W. VC  
 Maurilio Episc. 11 Sept. G 13  
 Sept. H. G. W  
 Maurilus 27 Mar. W 28 Apr.  
 H 12 Nov. G  
 Maurina 27 Mai. H  
 Maurinianus 1 Feb. H  
 Maurinus 26 Mai. H  
 Mauritanus 17 Oct. H  
 Maurus 29 Jan. W 18 Mar. H.  
 W 12 27 Apr. 5 Jun. H 1  
 Aug. G 12 Aug. H 29 Nov.  
 H. G. W 30 Nov. H. G 10  
 Dec. H  
 Maxentius 24 Feb. 6 22 Mai. H  
 25 Mai. G  
 Maxima 16 Feb. G 22 Feb. 26  
 Mar. 6 Apr. H 7 Apr. H.  
 G. W 12 Apr. 8 10 Mai. H  
 18 Mai. 1 Jun. H. G 2 Jun.  
 10 26 Jul. H 30 Jul. H. G  
 1 Aug. 2 Dec. H  
 Maximianus 2 Jan. H  
 Maximiliana 26 Aug. G  
 Maximilianus 26 Aug. H  
 Maximinus Episc. 29 Mai. H.  
 G. W  
 Maximinus Presb. 15 Dec. H. G.  
 W  
 Maximinus 14 24 Mai. H  
 Maximus Episc. 29 Mai. W 27  
 Nov. H 15 Dec. VC 16 Dec.  
 W  
 Maximus Presb. 8 Mai. 9 Jun.  
 H. G 20 Nov. H. G. W 15  
 Dec. H  
 Maximus Ab. 21 Apr. G  
 Maximus 14 Feb. H 16 Feb. H.  
 W 18 Feb. H. G 12 Mar. H  
 26 Mar. W 11 Apr. H. G.  
 W 14 Apr. H. G. W. VC 15  
 Apr. W 21 Apr. H 26 Apr.  
 H. G 27 Apr. 6 7 Mai. H  
 8 Mai. H. G 13 Mai. H 14  
 Mai. G. W 28 Mai. 1 Jun.  
 H 10 15 Jul. H. G 16 17 18  
 Jul. H 20 Jul. H. G 26 Jul.  
 W 20 Aug. H. G. W 26  
 Aug. W 31 Aug. H 4 Sept.  
 H. G 16 Sept. 14 25 Oct. H  
 26 Oct. G 18 Nov. G. W 19  
 21 22 23 24 Nov. H. G 2  
 Dec. W 15 Dec. H  
 Meceonus 17 Apr. H  
 Medacus 18 Sept. H  
 Medardus Episc. 8 Jun. H. G.  
 W. VC  
 Medardus 22 Aug. G  
 Medatulus 20 Jul. H  
 Medion 14 Mai. H  
 Mediteus 18 Sept. G



# Index Martyrologiorum.

Mefomus 3 Jun. H  
 Melanius Episc. 6 Jun. H. G 6  
 Nov. H. G. W  
 Melantus 1 Nov. H  
 Melasippus 17 Jan. H  
 Melciades Episc. 10 Jan. H. G.  
 W 2 Jul. H. G 10 Dec. G  
 Melciades 9 Aug. H  
 Meldegafus 1 Nov. H. G  
 Meleolippus 17 Jan. G  
 Meleus 13 Jul. H. G  
 Melifus 26 27 Nov. H  
 Mellitus 10 Jul. H  
 Melofa 1 Jun. H  
 Melofus 1 Jun. H  
 Melvius 28 Jun. H  
 Memfidus 5 Sept. H  
 Meminius 16 Mai. H  
 Memmerus 24 Apr. H  
 Memmia 8 Aug. 17 Oct. H  
 Memmianus Episc. 5 Aug. H. G.  
 W  
 Memmianus 16 Feb. 31 Mai. 28  
 Jun. 31 Oct. H  
 Memoria 6 Mai. H  
 Memorius Pr sb. 2 Mai. H  
 Memorius 27 Nov. G  
 Menalippus 23 Feb. H  
 Menander 23 Feb. 1 Aug. H  
 Menedina 26 Mai. H  
 Menelampus 15 Jan. H. G 18 19  
 Jan. 27 Feb. 28 Mar. 17 Jul.  
 H  
 Menelantus 23 Feb. H  
 Menelaus 3 Jul. H  
 Menesideus 14 Jul. H  
 Meneus Presb. 13 Jul. H. G  
 Mengenus 16 Mai. H. G  
 Mennas 11 Nov. H. G. W. VC  
 Mennon 22 Jan. H  
 Meon 17 Jan. H  
 Mercurius 6 Mar. H 26 Aug.  
 H. G  
 Meretorus 10 Sept. H  
 Merinus 5 Jul. G  
 Meritus 30 Apr. H  
 Merius 16 Oct. H  
 Merobius 15 Sept. H 3 4 Dec.  
 H. G  
 Merola 3 Nov. H  
 Merona 5 Jul. H  
 Meronus 5 Jul. G  
 Mellor 14 Jan. H 15 Apr. H. G  
 Melurianus 28 Jan. H  
 Methodius Episc. 18 Sept. W  
 Metotina 29 Apr. G  
 Metrobus 17 Oct. H 4 Dec. W  
 24 Dec. G  
 Metrodora 8 Aug. H  
 Metrona 29 Apr. H  
 Metrophilus Episc. 3 Aug. H. G  
 Metrotia 8 Aug. G  
 Metuana 3 Jun. H  
 Meturus 24 30 Apr. H  
 Mica 17 18 Jan. 15 16 Apr. 16  
 Jun. H  
 Michæas 15 Jan. W  
 Michaël Archang. 8 Mai. VC  
 29 Sept. H. B. G. W. VC  
 Micion 18 Apr. H  
 Migdonius 12 Mar. H  
 Migecia 15 Jun. H 16 Jul. G  
 Migignus 26 Sept. H  
 Migina 12 Apr. H  
 Miginus 17 29 Apr. H 4 Dec.  
 H. G 10 Dec. H  
 Migita 8 Sept. H  
 Mignus 26 Sept. G  
 Migone 12 Apr. H  
 Milianus 2 Jun. H  
 Miligitus 9 Feb. H  
 Milinus 20 Nov. H  
 Milio 10 Jul. H  
 Milifa 16 Mar. H  
 Militaris 24 Jul. H. G  
 Milton 11 Jul. H  
 Militus Episc. 19 Sept. H  
 Militus 8 Mai. H  
 Mina 9 Jul. H  
 Minandus 12 Mar. H  
 Minates 11 Nov. G  
 Minax 11 Nov. H  
 Mindina 26 Mai. H  
 Mineptus 18 Mar. H  
 Minerius 16 17 Mai. H  
 Minermus 16 Mai. H  
 Minervinus 13 Mar 31 Dec. H  
 Minervius 15 Mai. 22 Aug. H  
 23 Aug. H. G  
 Minginus 15 Jun. H  
 Minifeus 23 Jul. H. G  
 Mirentinus 23 Aug. H  
 Misch, sive Misahel 22 Apr.  
 W 24 Apr. H. G  
 Miles 20 Feb. H  
 Misetheus 13 Mar. H  
 Misia 27 Mar. H. G  
 Misilianus 17 Jan. H  
 Missa 5 Dec. H  
 Missurianus 17 27 Jan. H  
 Mistrrianus 17 Jan. H  
 Mitiforus 8 Sept. H  
 Mitton 4 Mai. H  
 Mittunus Presb. 4 Mai. H  
 Mittunus 8 Mai. 1 Jun. H  
 Mocharius 16 Jul. G  
 Mochus 9 Jul. H. G  
 Moderata 6 Apr. H  
 Modesta 13 Mar. H. W 6 Apr.  
 H  
 Modestinus 13 Mar. H  
 Modestus Pr sb. 12 Mar. H  
 Modestus 12 13 Jan. 12 Feb. 28  
 Mar. H 15 Jun. H. G. W 14  
 21 Oct. H. G 10 Nov. W 13  
 Dec. H. G  
 Modianus 2 Jun. H  
 Mœca 10 Mai. H  
 Mœcharus 8 Apr. H  
 Moen 10 Jul. H  
 Mogionus 19 Nov. G  
 Molaus 24 Mar. H  
 Molendion 19 Jan. H  
 Momminus 30 Apr. H  
 Monatus 26 Mar. G  
 Monegundis 2 Jul. H. G. W  
 Monicia 16 Apr. H  
 Monna 26 Nov. H. G  
 Monnus 10 Mai. H  
 Monolappus 2 Sept. H  
 Monorgus 16 Mai. H  
 Monotor Episc. 10 Nov. H  
 Montana 23 Mai. H  
 Montaninus 11 Mai. G  
 Montanus 26 Mar. W 11 Mai.  
 3 21 Jul. H  
 Moscentus 12 Jan. H  
 Mottes 15 Apr. G  
 Mofseus 17 Jan. H  
 Moyles 18 Jan. H. G 14 Feb. 6  
 Apr. H 15 Apr. G 10 12 Mai.  
 21 Aug. H 18 Dec. W  
 Muciana 8 Jun. H 26 Jul. H.  
 G  
 Mucianus 9 Jun. 19 Nov. H  
 Mucius 17 Jan. G  
 Mulier 19 Nov. H  
 Munatius Presb. 26 Mar. H  
 Municipius 22 Jan. H  
 Municius 23 Jan. H  
 Muricus 12 Apr. H  
 Musca 17 Jun. H  
 Muscula 12 Apr. 23 Nov. H  
 Muscus 19 Sept. 18 Dec. H  
 Mulonius 24 Jan. H  
 Musta 12 Apr. H  
 Mustacus 16 Feb. H  
 Mustula 2 28 Feb. 12 Apr. 17  
 Oct. H  
 Mustulus 5 Jun. H  
 Mutacus 10 Mai. H  
 N.  
 Nabor 14 Mar. W 12 23 24  
 Apr. 3 Jun. H 8 Jun. G  
 11 Jun. W 12 Jun. H. G. W.  
 VC 10 Jul. H 12 Jul. H. G  
 13 Jul. G 26 Sept. H. G  
 Namor 14 Jul. H  
 Nanfamonus 5 Dec. H  
 Nappolus 10 Mai. H  
 Narcissus 13 Jan. H  
 Nafeus 15 Jul. H  
 Naso 10 Mai. H  
 Natalis 17 Jan. 2 Feb. H  
 Navalis 16 Dec. H. G  
 Naventus 4 Apr. H  
 Navida 7 Mai. H  
 Navigus 7 Mai. H  
 N vinus 16 Sept. H  
 Nazarius 8 Jun. G 12 Jun. H. G.  
 W. VC 19 Jun. 17 Jul. H. G  
 18 Jul. H 28 ul. 8 Aug. H.  
 G. W 1 Sept. VC 30 Oct. H  
 Neander 26 Lec. H. G  
 Nectarius Episc. 13 Sept. H. G  
 Nectarius 5 Mai. H. G  
 Nectavus 22 Aug. H. G  
 Nemavus 20 Mai. H  
 Nemedianus 9 Aug. H  
 Nemefius 20 Feb. G 8 10 Sept.  
 9 Nov. H  
 Nemofatus 5 Sept. H  
 Neocepolus 6 Mar. H  
 Neoferus 19 Nov. H. G  
 Neon Diac. 12 Mar. H. G  
 Neon 23 Aug. H 20 Oct. G  
 Neoterus 8 Sept. H  
 Neporus 3 Jun. H. G  
 Nepotianus 7 Feb. H. G. 11 Mai.  
 H  
 Neratia 20 Jul. H  
 Nereus 11 Mai. H 12 Mai. H.  
 G. W. VC 10 Aug. H 16 Oct.  
 H. G. W 16 Nov. H  
 Nestira

# Index Martyrologiorum.

Nestita 20 Jul. H  
 Nestor 25 26 Feb. H. G. W 7  
 Mar. H 11 Apr. 4 Mai. H.  
 G 8 Jun. H  
 Nevatianus 29 Jun. G  
 Nica 28 Jun. H 19 Oct. H. G  
 Nicander 5 Jun. H. G  
 Nicanor 5 Apr. H. G  
 Nicas Episc. 22 Jun. G  
 Nicasius Episc. 14 Dec. H. G  
 Nicasius 11 Oct. H  
 Nicea 29 Aug. H. G  
 Niceforus 3 Mar. H  
 Niceta 24 Jul. W  
 Nicetius Episc. 19 Jan. 2 Apr.  
 5 Mai. H. G. W 22 Jun.  
 H  
 Nicetius 20 Jan. 6 Mai. 29  
 Jul. H 2 Aug. G 10 Sept.  
 H 19 Sept. G 110 Oct. H  
 Nicia 28 Apr. H  
 Nicodemus 3 Aug. H. W. VC  
 Nicoforus 24 28 Feb. 1 6 Mar.  
 27 Apr. H  
 Nicolaus Episc. 6 Dec. W  
 Nicomedes Presb. 15 Sept. H. G.  
 W. VC  
 Nicomedes 28 Jan. G 1 Jun. H.  
 W  
 Nicomedia 27 Apr. H  
 Nikon 27 Oct. G  
 Nicostratus 25 Mar. H 8 Nov.  
 H. G. W.  
 Nicotorus 24 Feb. W  
 Niderunus 16 Mai. H  
 Nigdonus 10 Jul. H  
 Niger 8 Mai. H  
 Nigia 16 Apr. H  
 Nigorus 6 Mar. H  
 Nigrandus 5 Jun. H  
 Nilipacus 19 Sept. H  
 Nilus 19 Sept. H  
 Nipidus 9 Aug. H  
 Nimus 10 Sept. H  
 Nina 24 Feb. 6 8 10 Mai. 1  
 2 Jun. 15 Dec. H  
 Ninita 4 Jun. H  
 Ninus 17 Oct. H. G  
 Nirilla 21 Mai. H  
 Nirta 10 Jan. G  
 Nirtus 10 Jan. H  
 Niseus 11 Nov. H  
 Nitica 29 Jul. H  
 Nivardus Episc. 1 Sept. W  
 Nivedunus 20 Jan. H  
 Nivitita 24 Feb. H  
 Nobilis 25 Apr. 24 Sept. H  
 Nobilitanus 15 Oct. G 17 Oct. H  
 Nocominus 27 Oct. H  
 Nomenlis 30 Apr. H  
 Nominanda 31 Dec. H  
 Nomitia 2 Jun. H  
 Nonna 17 Mar. 23 Apr. 20  
 Jul. H  
 Nonnica 28 Jun. H  
 Nonnus 16 21 Mar. 28 Mai.  
 17 Jul. H 25 Jul. H. G  
 Nostinus 10 Jul. H  
 Novasus 8 Jul. H  
 Novatianus 27 Jun. H  
 Novella 1 Jun. H  
 Novellus 12 Apr. 1 Jun. H  
 Tom. II.

Novius 9 Oct. H  
 Novus 7 Jun. H  
 Nucerus 22 Feb. H  
 Nucus 15 Jun. H. G  
 Numerus 27 Nov. H  
 Nuncinus 31 Oct. H  
 Nundina 2 Jun. H  
 Nundinarius 16 Feb. H  
 Nundinus 31 Oct. G  
 Nustia 20 Mai. H  
 Nymphadoba 13 Mar. H  
 Nymphodora 13 Mar. H

O.

**O**ccates 7 Mar. H  
 Oceanus Presb. 24 Feb.  
 H  
 Oceanus 18 Sept. H. G  
 Octavia 15 Apr. 1 Nov. H  
 Octavianus Episc. 27 Jun. H  
 Octavianus 17 Feb. H. G 7 Mai.  
 H  
 Octavius 5 Mar. H 1 Jun. H.  
 G 10 11 Jul. 11 Nov. H 20  
 Nov. H. G 28 Dec. H  
 October 28 Mai. 2 Jun. H  
 Octorius 17 Dec. H. G  
 Odemarus 7 Mai. H  
 Olius 27 Aug. H. G  
 Olympias 15 Apr. W  
 Omnes Sancti 1 Nov. B. W. VC  
 Onesinus 16 Feb. W  
 Onion 9 Aug. H  
 Opion 12 Oct. H. G  
 Opotus 28 Feb. H  
 Optata 1 Jun. H  
 Optatus Episc. 2 Mai. 31 Aug.  
 H 27 Nov. G  
 Optatus 22 Jan. 12 Apr. H 14  
 Apr. G 7 Nov. H. G 1 Dec.  
 H  
 Optio 30 Jul. H  
 Orasus 3 Jun. H  
 Oratius 20 Apr. 2 Jun. H  
 Orbana 12 Feb. 12 Apr. H  
 Orbanella 10 Dec. H  
 Orbanus 12 Feb. 3 Mai. G 1 Jun.  
 H  
 Orestes 3 Jul. H  
 Orasius 4 9 Feb. H  
 Oridion 9 Feb. H  
 Orientius Episc. 1 Mai. H. G  
 Origenes 17 Aug. G  
 Orion Diac. 12 Mar. H  
 Orion 22 Jan. 10 18 Feb. 22  
 Mar. 28 Jun. H 1 Jul. H. G  
 16 Aug. H. G. W 17 Aug.  
 H 19 Aug. H. G 10 Sept. 20  
 Nov. H  
 Oriolus 28 Jun. H  
 Oripion 10 Sept. H  
 Ornelus 7 Mai. H  
 Orosius 8 10 Sept. H  
 Oswaldus Rex 5 Aug. W

P.

**P**achomius 14 Mai. W  
 Pacinus 12 Apr. H  
 Pacta 13 Mar. H  
 Padis 29 Apr. H

Paffico 1 Oct. H  
 Pafie 16 Sept. H  
 Pagatus 1 Jun. H  
 Palatinus 10 Mar. H. G 4 Apr.  
 7 Mai. H 30 Mai. H. G. W  
 Palatus 5 Mar. H  
 Palestinus 2 Jun. H  
 Paleus 19 Sept. H  
 Palladius 7 Jan. H. G 14 Feb.  
 H 6 Jul. G  
 Pallatus 6 Jul. H  
 Palmus 18 Mai. H  
 Palphetrus 24 Feb. H  
 Pamphilus 12 16 17 Feb. 5 Mar.  
 18 Apr. H 1 Jun. W 2 Jun.  
 H 30 Jun. H. G 10 Aug. H  
 21 Sept. G  
 Pampinus 16 Mar. H. G  
 Pampirus 9 Feb. H  
 Pamporus 18 Mar. H  
 Pancratius 3 Apr. W 5 Apr. H  
 12 Mai. H. B. G. W. VC 8  
 Jul. W  
 Panætius 8 Sept. H  
 Panemodius 10 Sept. H  
 Panepsius 10 Sept. H  
 Pannus 28 Jun. H  
 Pantænus 7 Jul. W  
 Pantaleon 28 Jul. H. G. W  
 Pantalimonus 23 Apr. G  
 Panterus 1 Apr. 18 Mai. H  
 Panuberus 28 Jun. H  
 Papæcantus 28 Jan. H  
 Papas 1 Jan. H  
 Paperus 24 Oct. H. G 25 Oct. H  
 Papeusa 18 Dec. H  
 Papianus 30 Dec. H  
 Papias 25 Jan. H. G 29 Jan. W  
 9 28 Feb. 3 6 Mar. 20 21  
 27 Apr. 5 Jun. 16 Sept. H  
 Papisseus 18 Dec. H  
 Papozincus 3 Jun. H  
 Pappalicus 6 Mai. H  
 Parcilaus 15 16 Apr. H  
 Pardulfus 6 Oct. W  
 Parens 15 Nov. H  
 Parmenius Presb. 22 Apr. W  
 Parminus 7 Jul. G  
 Parmus 14 Aug. H. G  
 Parta 13 Mar. H  
 Parthemus 11 Feb. G. W 7 Jul.  
 H. G 20 Jul. H  
 Parthenius 18 Apr. 19 Mai. 3  
 Jul. H 7 Jul. H. G  
 Parthimus 17 Mai. W 19 Mai.  
 7 Jul. H  
 Partinius 17 Mai. H. W  
 Partinus 1 Apr. H. G 19 Mai.  
 G  
 Pascentius 9 Dec. H  
 Pasilianus 11 Feb. G  
 Passa 13 Apr. H  
 Passamonas 14 Feb. H  
 Passemus 3 Jun. H  
 Passeria 20 Jul. H  
 Passimonus 29 Mai. H  
 Passimus 28 Jun. H  
 Passinus 21 Dec. H  
 Pastor Episc. 30 Apr. H. G  
 Pastor 29 Mar. H. G 30 Mar.  
 H. G. W 20 Jul. 10 Aug.  
 H 25 Aug. H. G. W 15 Dec. H  
 M M M m m

# Index Martyrologiorum.

Pastoralis 29 Mar. W  
 Paltus 18 Jun. H  
 Patamon 18 Mai. H  
 Paternica 30 Jul. H. G  
 Paternus 12 Apr. H 19 Mai. H.  
 G 19 Sept. H  
 Patiens Episc. 11 Sept. H. G  
 Patiolus 18 Oct. G  
 Patomia 5 Dec. H  
 Patricia 12 Mar. H 13 Mar. W  
 Patricius Episc. 17 Mar. H. G.  
 W. VC  
 Patricius Ab. 24 Aug. H. G  
 Patricius 12 Mar. B 3 11 Apr.  
 H  
 Patroclus 21 Jan. 21 Jul. H  
 Patruelis 21 Jan. G  
 Patruina 29 Jul. H  
 Patus 14 Apr. H  
 Patyfrigia 13 Mar. H  
 Paula 26 Jan. H. G 22 Feb. 3  
 Mar. 2 3 20 Jun. H 20 Jul.  
 G  
 Paulicia 31 Mai. H  
 Paulina 1 Jun. 10 Mai. 31 Dec.  
 H  
 Paulinus Episc. 22 Jun. H. G.  
 W 31 Aug. H. G. W. VC 4  
 Sept. H. G 17 Sept. W 10  
 Oct. B. G  
 Paulinus 26 Mar. H 16 Mai.  
 H. G. W 26 Mai. H 31 Mai.  
 H. G  
 Paulus Apost. 24 Jan. VC 25  
 Jan. 29 Jun. H. B. G. W 30  
 Jun. VC  
 Paulus Episc. 8 Feb. H. W 9  
 Feb. G 22 Mar. 7 Jun. H.  
 G. W 31 Aug. H 15 17 Sept.  
 H. G  
 Paulus Diac. 13 Apr. H  
 Paulus primus Eremita 10 Jan.  
 B. W. VC  
 Paulus 14 Jan. H. G 18 19 Jan.  
 H 22 29 Jan. H. G 9 Feb. H.  
 W. 14 Feb. H 16 Feb. H. W  
 18 Feb. H. G. W 2 Mar. G  
 4 11 Mar. H 15 Mar. H. G  
 20 23 Mar. H. G. W 4  
 12 13 Apr. H. G 26 Apr.  
 H. G. W 27 Apr. 15 16 Mai.  
 H 17 Mai. H. G 19 Mai. W  
 26 Mai. H. G 12 Jun. H 18  
 20 Jun. H. G 26 Jun. H. B.  
 G. W. VC 3 Jul. H 16 Jul.  
 H. W 17 Jul. H 18 Jul. H.  
 G 20 Jul. H 14 29 Aug. H. G  
 6 Nov. H 16 Nov. 5 10 Dec.  
 H. G 11 13 Dec. H 18 Dec. G  
 19 Dec. H. G. W 24 Dec. G  
 30 Dec. H. G 31 Dec. H  
 Paulus 11 Jan. H  
 Paulus 10 Feb. G  
 Peculiaris 7 Mai. H  
 Pelagia 11 Jul. H. W 29 Jul. H  
 8 Oct. H. G. 19 Oct. H. G. W  
 Pelagius 28 Aug. W 5 Oct. H.  
 G 19 Oct. H  
 Pelestinus 1 Mai. H  
 Pelionius 11 Feb. H  
 Pelladius 8 Mai. G  
 Pellianus 30 Jan. H. G

Pelvianus 4 Mar. H  
 Pelusius Presb. 7 Apr. H. G. W  
 Pennica 3 Jan. H  
 Pentecon Diac. 18 Mai. H  
 Peregrina 10 Mai. 6 Jun. H  
 Peregrina 22 24 Feb. H  
 Peregrini Martyres 22 Aug. H  
 Peregrinus Episc. 16 Mai. H. G  
 Peregrinus 5 Mai. H 17 Mai.  
 G. W  
 Perentus 8 Jul. H. G  
 Pergantius 3 Jun. W  
 Perminus Episc. 3 Nov. G  
 Permonus 9 Aug. G  
 Perpetua 27 Jan. 2 Feb. H 6  
 Mar. H. G. W 7 Mar. H.  
 G. W. VC 31 Oct. G 4 Nov.  
 H. W 30 Dec. G  
 Perpetuus Episc. 30 Dec. H  
 Perseverantius 1 Nov. H  
 Perseus 21 Jun. G  
 Peteciondus 18 Mai. H  
 Petecon 9 Feb. H  
 Petivus 5 Mai. H. G  
 Petrigumnus 14 Jul. H  
 Petronilla 29 Mai. H 31 Mai.  
 G. W. VC  
 Petronius Episc. 12 Mar. H  
 Petronius 6 Mar. H 11 Mar. H.  
 G 13 15 Mar. 1 Jun. H  
 Petrosa 10 Jul. W  
 Petrus Apost. 18 Jan. H. G 22  
 Feb. 29 Jun. H. B. G. W.  
 VC 1 Aug. H. G. W  
 Petrus Episc. 26 Mar. H. G. W  
 1 Sept. G 25 Nov. H. G. W  
 Petrus Diac. 17 Apr. H. G. W  
 Petrus Exorc. 2 Jun. H. G. W.  
 VC  
 Petrus 4 Jan. H 5 Jan. H. G 6  
 Jan. H 11 12 Jan. H. G 22 Jan.  
 H 21 23 Feb. H. G 24 Feb.  
 H 5 Mar. H. G. W 12 Mar.  
 H 14 Mar. H. G. W 12 Apr.  
 4 6 Mai. H 10 Mai. H. G.  
 VC 3 Jun. H 19 Jun. H. G  
 14 Jul. G 18 19 Jul. H. G  
 20 Jul. H. W 1 Aug. H. G  
 7 Aug. 8 Sept. H 30 Oct.  
 H. G 31 Oct. 1 Nov. H 26  
 27 Nov. 9 Dec. H. G  
 Phamon 18 Dec. H  
 Philantia 18 Aug. H  
 Phileas Episc. 4 Feb. W  
 Phileas 17 Nov. H  
 Philippus Apost. 22 Apr. H. G.  
 W 1 Mai. H. B. G. W. VC.  
 Philippus Episc. 22 Oct. H. G. W  
 Philippus 4 Mar. H 9 Mar. H.  
 G. W. 4 Jun. H. W 6 15 Jun.  
 6 10 15 Jul. H. G 19 28 29  
 Jul. H 15 Aug. 31 Oct. H. G  
 Philocalus 21 Mar. H  
 Philocarpus 21 Mar. H  
 Philominus 2 Jun. H 14 Nov.  
 H. W  
 Philomus Episc. 11 Mar. H. G  
 Philoromus 11 12 Jan. 4 Feb. W  
 Philosifus 28 Jun. H  
 Phion 10 Mar. H  
 Phiscus 8 Jan. H  
 Phocius 3 Mar. 1 Mai. H

Phœbus 15 Feb. H  
 Phylson 24 Mar. H  
 Pia 19 Jan. H  
 Piator 1 Oct. VC  
 Pictor 26 Mar. H  
 Pietus Presb. 1 Feb. H  
 Pietus 4 Jun. H. G  
 Pigaria 19 Jan. H  
 Pigata 29 Apr. H  
 Pigmenus Presb. 18 Mar. W  
 Piminius 2 Dec. H. G  
 Pinnarus 27 Mar. H 8 Apr. H.  
 G  
 Pinnatus 10 Apr. H. G  
 Piomolus 23 Mar. G  
 Pion 10 Mar. H 12 Mar. H.  
 G Mar. H 14 Mar. H. G 16  
 Mar. Nov. H  
 Piperion 11 Mar. H  
 Piscina 2 Jun. H  
 Pifio 25 Feb. H  
 Piftiarcus 20 Aug. H  
 Piftus 21 Aug. H. G  
 Pitinus 2 Oct. H  
 Pivatus 21 Aug. G  
 Pividius 7 Jul. G  
 Pius Diac. 19 Sept. H  
 Pius 11 Jul. G 8 Sept. H. G  
 Placidus Presb. 7 Mai. H. G.  
 W  
 Placidus 2 Feb. 8 Sept. H 11 Oct.  
 H. G 14 Oct. H  
 Placitus 29 Sept. G 5 Oct. H.  
 G  
 Pladus 8 Jul. H  
 Plancitus 29 Sept. H  
 Plantagonus 6 Mar. H  
 Plasilus 22 Mai. H  
 Plato 22 Jul. H. G 2 Oct. H  
 Plavus 10 Feb. H  
 Plautus 29 Sept. H. G  
 Plebicus 28 Jun. H  
 Plebicus 14 Feb. H  
 Plenus 23 Apr. H  
 Plesicus 28 Jun. H  
 Plesus 9 Feb. H 16 Feb. G  
 Ploën 28 Jun. H  
 Plutarchus 28 Jun. H  
 Plutianus 12 Apr. H  
 Pnulus 19 Jan. G  
 Pobifus 7 Nov. H  
 Poëclanus 26 Aug. H  
 Poëmus 9 Feb. H  
 Poënis 1 Feb. H. G 11 Feb. 13  
 Mar. H  
 Poënix 18 Dec. H  
 Poëntalis 29 Mar. H. G  
 Poëtianus 16 Nov. H  
 Polegratus 25 Mai. H  
 Polentia 9 10 Dec. H  
 Poliarchus 7 Jan. G  
 Poliartus 7 Jan. H  
 Poliarctus 14 Feb. H  
 Policostinus 7 Jan. H  
 Policronius 17 Feb. W  
 Poliochus 7 Jan. H 19 Mai. H.  
 G 22 Mai. H  
 Pollio 26 28 Apr. H 29 Mai.  
 H. G 28 Aug. H  
 Polocronius Episc. 30 Apr. H. G  
 Polus 21 Mai. H. G. W 30  
 Dec. G

# Index Martyrologiorum.

Polyxenus 28 Aug. H. G.	Priminus 1 Dec. G	Nov. G
Polycarpus 27 Oct. H	Primitiva 24 Feb. H. G 2 Mar. G	Promodus 15 Dec. G
Polyecarpus Episc. 26 Jan. H. G. W 1 Feb. H. B. G. W 23 Feb. 13. Apr. H. G. W	Primitivus 22 Jan. 2 Mar. H 27 Jun. 12 Jul. H. G 23 Jul. G. W	Promolus 17 Mai. H
Polycarpus 31 Jan. H. W 21 Mar. G 9 Aug. H 27 Oct. H. G 7 Dec. H. G. W	Primiva 9 Oct. H	Propius 10 Oct. G
Polycletus 14 Feb. 30 Dec. H	Primivus 25 Oct. H	Propolus 13 Jul. H. G
Polycuctus 7 Jan. H. G 14 Feb. 21 Mai. H 22 Mai. H. G	Primofus 25 Feb. 30 Apr. 2 Jun. H 7 Jun. H. G	Profalamus 14 Aug. H
Pomenus 19 Mar. H	Primula 9 Mai. G	Prosculus 19 Oct. H
Pomodianus Diac. 30 Apr. H. G	Primulus 22 Apr. H. G 11 Mai. H 19 Mai. H. G 21 Mai. H 28 Mai. G 29 Mai. H 8 Jul. H. G. W	Prosducus Diac. 29 Apr. H. G
Pompeia 2 Jun. H	Primus Episc. 1 Nov. H. G	Prosducus 15 Apr. 19 Oct. H. G
Pompinus 15 Feb. H 18 Dec. H. G	Primus 3 19 21 27 Jan. 2 16 Feb. 12 Apr. 6 Mai. H 17 Mai. G 19 21 28 Mai. H 29 Mai. H. G 2 Jun. H 8 Jun. G 9 Jun. H. G. W. VC 21 Jun. H. G 1 Jul. 9 21 Aug. H 26 Aug. H. G 1 Oct. H 2 Oct. H. G 25 Oct. G 1 Nov. H 4 7 Nov. H. G. W 8 Nov. H. G 10 15 Nov. H	Prostianus 16 Feb. H
Pomponius 15 Feb. G	Principia 11 Nov. H	Prostira 12 Oct. H
Ponia 16 Nov. H	Printa 2 Dec. G	Prosp. r Episc. 29 Jul. H. G
Pontianus Episc. 13 Aug. H. G 20 Nov. W	Prisca 18 Jan. H. W. VC 3 Jul. H	Prospolamus 14 Aug. H
Pontianus 29 Jul. H. G 10 Aug. H 2 11 Dec. H. G	Priscianus 18 Apr. 16 Sept. H 12 Oct. G. W	Prospolmus 14 Aug. H
Pontinus 18 Aug. H. G	Priscilla 10 Jul. H. W	Protasius 20 Mai. H. G 19 Jun. H. B. G. W. VC 28 Jul. H. G 30 Oct. H
Pontinus 11 Jun. H	Priscinianus 28 Sept. H	Proteus 10 Feb. H. G
Pontius 3 Oct. W	Priscus 18 Jan. G 28 Mar. W 26 Mai. H. G 1 2 Jun. 30 Jul. H 1 Sept. H. G. W. VC 1 Oct. H. G	Prothiorion 9 Feb. H
Popica 23 Jan. H	Privata 2 Mai. 7 Jun. G 23 Jul. 10 Dec. H	Protida 30 Mar. H
Porphyrius 2 Jun. 4 Nov. 9 Dec. H	Privatianus 7 Mai. H	Protus 31 Mai. H 14 Jun. H. G 15 17 Jun. H 9 Sept. G 11 Sept. H. G. W. VC 12 Sept. H. G
Portumus 6 Mai. H	Privatula 2 Feb. G	Proximus 18 Nov. H
Portunus 28 Mai. H	Privatus 2 10 Mai. 5 7 Jun. H 21 Aug. H. W 19 Sept. H 20 Sept. 8 Oct. H. G 5 Dec. H. W	Prudentius 15 Apr. H 29 Apr. H. G. W 28 Jul. H. G
Portus 31 Mar. G	Probatia 10 Mai. H. G	Prunus 2 Feb. H
Possinnus 12 Feb. H	Probatas 28 Dec. H	Prusaducus 14 Apr. 11
Possessor 2 3 9 10 Jan. 14 Aug. H	Probus 5 Apr. H 13 Mai. H. G 27 Sept. 9 Oct. H 10 Oct. H. G 11 Oct. W	Ptolomæus 23 Aug. W
Possinna 6 Mai. 2 Jun. H	Procatus 31 Mai. G	Pubes 2 Feb. H
Postiniana 29 Jul. H	Processa 6 Mai. H	Publianus 25 27 Jun. H 2 Nov. G
Postumus 30 Apr. H	Processus 7 8 Mai. H 31 Mai. H. G. W 1 Jul. H. VC 2 Jul. H. G. W	Publius 19 21 22 Jan. H 27 Jan. 1 Feb. H. G 19 Feb. H. G. W 2 Apr. H 4 Apr. H. G 24 Apr. H 1 Jun. H. G 3 Jun. 7 Jul. 5 Nov. H 12 Nov. H. G
Potamia 20 Feb. W 15 Apr. 2 Jun. 30 Jul. H	Proclina 15 Apr. H	Pudens 29 Apr. H. G 4 10 Dec. H
Potamina 20 Feb. 28 Jun. H	Procopius 8 Jul. H. W 9 Jul. G	Pudentiana 19 Mai. W
Potaminus 28 Jun. H	Proculus Episc. 4 Nov. H. G	Pulcherus 29 Mai. H
Potamius 20 Feb. G 15 Apr. H	Proculus 2 12 Apr. H 14 Apr. H. G 18 Apr. 1 Mai. H 14 Mai. H. G 1 Jun. H 8 Jul. 19 Oct. G 21 Oct. H	Pullilus 5 Nov. G
Potamon Presb. 18 Mai. H. G	Procus 2 Jun. H	Pullutana 15 Jul. H
Potantion 9 Feb. H	Prodicia 11 Jul. G	Pulverius 7 Mai. H
Potentella 7 Mai. H	Proditus 14 Feb. H	Pulvius 23 Jan. H
Potentiana 19 Mai. G. VC	Prodira 11 Jul. H	Pumenius Presb. 18 Mar. G
Potentianus 31 Dec. W	Profidus 16 Feb. H	Pupillus 28 Feb. H
Potianus 31 Dec. H	Projectus Episc. 15 Mai. W	Pulicinus 21 Feb. H
Poticus 2 Jun. H	Projectus 25 Jan. W	Puffinnus 25 Feb. H
Potomus 18 Aug. H	Prolus 27 Sept. G	Pullus 2 Jun. H
Porus 27 Oct. H. G	Promachus 20 Oct. H. G 22	Purtus 12 Apr. H
Præconius 14 Feb. H		Pylæus 4 Mar. H
Præcordius 5 Jun. H		Pyvidius 7 Jul. H
Præjectus 25 Jan. H. G. VC		
Præfens 16 Feb. H		
Præstabilis 15 Mai. H. G		
Prætextata 19 Mai. H		
Prætextatus 10 Jul. G 6 Aug. 11 Dec. G. W		
Pragmatus Episc. 22 Nov. H		
Prancatus 3 Apr. H. G 12 Mai. H 8 Jul. H. G		
Praxedis 13 Jul. W 21 Jul. H. G. W. VC		
Prepus 1 Oct. H		
Prianus 27 Apr. H 28 Sept. G		
Prima 10 Mai. 1 2 5 Jun. 17 Oct. 6 7 Nov. 2 7 15 Dec. H		
Primentius 2 Dec. H		
Primianus 1 Jan. 28 Mai. H 29 Dec. H. G		
Primina 9 Oct. G		

Q. Quadrageima Virgines 14 Dec. W  
 Quadratus Episc. 21 Aug. H  
 Quadratus 26 Mai. H 21 Aug. H. G  
 Quarta 13 Mar. 2 Jun. 6 Nov. H  
 Quartilla 18 19 Mar. H  
 Quartinus 18 Mar. G  
 Quartus 18 Mar. 12 Apr. 10 Mai. H 14 Mai. 8 Jul. 7 Oct. H. G 4 Nov. H 5 Nov. 17 Dec. H. G  
 Quatuor Coronati 4 Nov. H. G. W. VC

# Index Martyrologiorum.

Quietia 1 Jun. H  
 Quietus 9 Jan. H. G  
 Quindeus 9 Mai. H. G  
 Quinta 7 Mai. H  
 Quintalus 10 Mai. H  
 Quintatia 1 Dec. H  
 Quintasus 18 Mar. 10 Oct. H  
 Quintianus 17. 18 Feb. H. 1 Apr.  
 H. G. W 30 Apr. 1 6 Mai.  
 14 Jun. H. 15 Jun. 21 Nov. H.  
 G 31 Dec. H  
 Quintilianus 22 Jan. H. G 4  
 Apr. 13 Dec. H  
 Quintilius Episc. 8 Mar. H. W  
 Quintilius 19 Mar. H  
 Quintillus 27 Jan. H  
 Quintinianus 14 Jun. G  
 Quintinus 1 Mai. H. 26 Aug. 29  
 Oct. H. W 31 Oct. G W VC  
 Quintula 12 Apr. 10 Mai. H  
 Quintus 4 Jan. H. G 9 10 11 12  
 19 11 Jan. H. 28 Feb. W 7  
 Mar. H. 18 Mar. H. G. W  
 19 Mar. H. 5 Apr. H. G. 12  
 17 20 Apr. 6 7 10 Mai. H  
 19 Mai. H. G. 21 Mai. H. 23  
 27 Mai. H. G. 13 Jun. 10 26  
 Aug. H. 5 Sept. 28 29 Oct.  
 H. G. 30 Oct. H. 17 18 Dec.  
 H. G  
 Quiriaca 16 Mar. W  
 Quiriacus Episc. 16 Mar. G 1  
 Mai. H  
 Quiriacus 20 Jan. 12 Feb. 16  
 Mar. 2 Apr. H. 6 14 Apr.  
 H. G. 22 Apr. H. 17 21 Jun.  
 H. G. 7 Aug. G. 10 23 Aug. H.  
 25 Nov. H. G  
 Quirianus 2 Apr. W  
 Quirillus 11 Mar. H. G. W 9  
 Mai. H. G. 7 Jun. H. 2 Oct.  
 H. G  
 Quirina 30 Apr. W  
 Quirinus 30 Apr. H. G. 3 4 Jun.  
 H. G W  
 Quirus 22 Jan. H. G. 3 Mar. H  
 Quoamalus 15 Apr. H  
 Quomo 13 Jan. H  
 Quutualerdus 26 Aug. G

R.

R Adegunda 11 Aug. G. 13 Aug.  
 H. G. W  
 Rafus Episc. 12 Mar. H. G  
 Ratites 8 Jan. H  
 Ratoldus Ab. 15 Mar. H  
 Recumbus 9 Feb. H  
 Reducta 2 Jun. H  
 Reductula 18 Dec. H  
 Reffentus 10 Mai. H  
 Regina 21 Feb. 2 Apr. H. W  
 7 Sept. H. G. W  
 Regula 11 Sept. G. W  
 Remachus Episc. 2 Sept. H  
 Remigius Episc. 13 Jan. VC 15  
 Jan. H. G. 1 Oct. H. G. W.  
 VC  
 Reotrus 27 Jan. G. 28 Jan. H  
 Reparata 8 Oct. G  
 Repotita 21 Jan. H  
 Respectatus 20 Jul. H

Restituta 15 Dec. H. G. 28 Dec.  
 H  
 Restitutus 12 Apr. 10 Mai. H  
 27 Mai. G. 29 Mai. H. G  
 10 Jun. G. 11 Jun. H. G. W  
 4 Oct. H. G. 9 15 Nov. H  
 Reticus Episc. 15 Mai. H  
 Revocata 6 Feb. H  
 Revocatus 9 Jan. H. G. W 10  
 Jan. 5 Feb. H. G. 6 Feb. G  
 12 Feb. 6 7 Mar. 12 Apr. H  
 Richarius 26 Apr. H. W. VC 9  
 Oct. H. W  
 Riotalus 18 Feb. H  
 Riodomus 28 Jul. G  
 Rodefia 5 Jul. H. G  
 Rodianus 2 Jun. H  
 Rodiminus 30 Apr. G  
 Rodocianus Diac. 30 Apr. H  
 Rodogus 10 Jul. H  
 Rodon 3 Jan. H  
 Rodus 3 Jan. H  
 Rogata 18 Mar. 7 10 19 31  
 Mai. 12 5 Jun. H. 6 Oct. W  
 9 Dec. H. G. 31 Dec. H  
 Rogatiana 2 17 Feb. 3 Jun. 7  
 Nov. H  
 Rogatianus Episc. 2 Jun. H. G  
 Rogatianus 3 Jan. 22 23 Feb. H  
 25 Feb. G. 8 18 Mar. 7 22  
 Mai. H. 24 Mai. H. G. W  
 13 Jun. H. 7 Nov. G. 6 Dec.  
 H  
 Rogatiana 10 Mai. H  
 Rogatinus 2 Jun. G  
 Rogatula 24 Feb. H  
 Rogatus 12 Jan. H. G. 13 21 27  
 Jan. 15 25 Feb. H. 7 Mar. H. G  
 8 Mar. H. G. W. 9 Mar. H. W  
 11 Mar. H. 18 24 28 Mar. H.  
 G. W. 8 22 31 Mai. 1 Jun.  
 H. 2 10 Jun. 6 24 25 Oct. H.  
 G. 7 Nov. H. W. 24 Nov. 1  
 Dec. H. 6 Dec. W. 28 31 Dec.  
 H  
 Romana 6 Apr. 19 Mai. 26  
 Nov. H  
 Romanus Episc. 6 Oct. H. G  
 Romanus 15 Feb. H. W. 6 Apr.  
 4 Mai. 1 Jun. H. G. 3 Jun. H  
 20 Jul. H. G. 9 Aug. W. 31  
 Oct. H. G. 17 Nov. H. 18 Nov.  
 H. G. W. 24 Nov. W  
 Rommodus 24 Feb. H  
 Romula 17 Feb. W. 17 Nov. H.  
 W  
 Romulus 17 Feb. H. G. 18 Feb.  
 H. 24 Mar. H. G. W. 27  
 Mar. H. G. 19 Aug. H  
 Ronus 9 Feb. H  
 Ropodianus 30 Apr. H  
 Rotus 4 Mar. H. G  
 Rubentia 17 Jan. H  
 Rudilia 2 Jun. H  
 Rufianus 17 Oct. 16 Nov. H  
 Rufina 28 Feb. H. G. 6 24 Apr.  
 1 Jun. 9 Jul. H. 10 Jul. H. G  
 Rufinianus 24 Feb. 17 Oct. H  
 16 Nov. G  
 Rufinus 15 Feb. H. 28 Feb. W  
 6 12 Apr. H. 26 Mai. H. G  
 14 Jun. H. G. W. VC. 21 Jun.

H. G. W. 19 25 Aug. H. G  
 27 Aug. G. 31 Aug. H. 4  
 Sept. H. G  
 Rufus 3 Apr. H. 19 Apr. H. G.  
 W. 8 Mai. H. 22 Jun. 29 Jul.  
 H. G. 30 Jul. 1 Aug. H. 27  
 Aug. H. G. W. VC  
 Ruginus 12 Mar. H  
 Ruppus 24 Jan. H  
 Rusticianus 31 Oct. H  
 Rusticus Episc. 25 Apr. 24 Sept.  
 H. G  
 Rusticus Presb. 22 Apr. 11 Jul.  
 W. 19 Jul. H. G. W. 9 Oct.  
 H. G. VC  
 Rusticus 8 Jan. H. G. 9 Jan. H  
 21 Feb. H. W. 4 5 10 23  
 Mar. 8 Mai. H. 14 Mai. H.  
 W. 4 Jun. 9 Aug. H. G. 11  
 Aug. W. 20 Nov. 18 Dec.  
 H  
 Rustulus 4 Jun. H. G  
 Rutianus 5 Jun. H  
 Rutilia 1 Jun. H  
 Rutilius 24 Feb. H. G. 25 Feb.  
 1 Jun. H  
 Rutula 17 Feb. H  
 Rutulus 18 Feb. G. W. 23 27  
 Feb. H

S.

S Abastus Ab. 27 Aug. H  
 Sabatia 4 24 Jul. H  
 Sabatius 29 Apr. H  
 Sabianus 26 Jan. H. G. 28 Jul.  
 H. 29 Aug. G  
 Sabina 29 Jan. VC. 2 Jun. H. 29  
 Aug. H. W. VC. 27 Oct. W  
 Sabiniana 3 Mar. H  
 Sabinianus 3 Mar. 27 Aug. H  
 31 Dec. W  
 Sabinus 13 Mai. G. 20 Jul. H.  
 G. 8 Sept. H. 8 Dec. VC  
 Saccus 27 Mai. H. G  
 Sacer 5 Jun. H  
 Sacerdos Episc. 12 Sept. H. G  
 W  
 Sachietus 29 Oct. G  
 Sacinctus 29 Oct. H. G  
 Saclonus 28 Sept. G  
 Sacratius 17 Oct. H  
 Sacrepus 14 Dec. H. G  
 Sactirus 9 Aug. H  
 Sacusa 10 Mai. H  
 Salanus 23 Dec. G  
 Salda 18 Mar. H. G  
 Saleofus 17 Sept. H  
 Salitor 24 Mar. H  
 Salonius Episc. 28 Sept. H. 29  
 Sept. W  
 Salonius 17 Feb. 11 24 Apr. H  
 Salpurnia 2 Jun. H  
 Salsa 20 Mai. H. G. 10 Oct. H  
 Saltus 7 Mai. H  
 Salvator 18 Dec. H  
 Salucianus 27 Mai. H. G  
 Salvianus 12 13 Mar. H. 20  
 Apr. G. 8 Jun. H  
 Salvius 11 Jan. H. W. 17 Jan. 13  
 Mar. H. 26 Jun. 1 Jul. W  
 Salustianus 8 Jun. H. G

Salustius



# Index Martyrologiorum.

Salustius 2 Feb. 19 21 Mai. 16 Sept. H	H. G 13 Jan. G 14 Jan. H. G 21 22 25 Jan. H 5 Feb.	Seldinus 2 Jun. H
Salutaris 9 Nov. H	H. G 17 24 Feb. 6 Mar. H	Seleucus 16 Feb. H 24 Mar. H. G 10 19 Mai. 2 Jun. 15 Sept. H
Salutor 8 Apr. 10 Mai. H	7 Mar. H. G 18 Mar. 6 10 12 30 Apr. 8 10 24 Mai. H	Sellaris 24 Feb. H
Salminus 10 Mai. H	26 Mai. H. G 2 5 Jun. 20 Jul. H 14 Sept. G 18 Sept.	Selvolus 18 Mar. G
Sammata 2 Jun. H	12 14 Oct. H. G 29 Oct. 4 24 Nov. 18 28 Dec. H 29 Dec. H. G	Semetrius 26 Mai. G
Sammonus 11 Dec. H. G	Satus 1 Nov. H	Senator 8 Jul. H 26 Sept. H. G
Samphoronius 18 Mar. H	Saubacia 24 Apr. H	Senerotus 23 Feb. H. G
Samphorus 18 Mar. H. G	Savina 7 Mai. H	Senerus 22 Feb. H. G 8 Mai. 3 28 Jun. H 27 Nov. G
Samson Episc. 18 Jul. H. G	Savinianus 3 Dec. H	Seniadus 28 Jun. G
Samuel 20 Aug. W	Savinus Episc. 7 Dec. H	Sennes 30 Jul. H. B. G. W. VC
Sanctinus Presb. 2 Mai. H	Savinus 25 Jan. G 26 Jan. 13 Mai. H 11 Jul. W 25 Oct. H	Sennus 4 5 Jan. H
Sanctinus 12 Sept. H 17 Sept. G	Saulus 16 Feb. 1 Jun. H	Senotus 7 Sept. H
Sanctus Episc. 23 Nov. H	Savoius 20 Jul. H	Sententiata 25 Mai. H
Sanctus 11 Jul. H	Saurus 7 Mar. H	Senterus 10 Mai. H
Sapargus 3 Oct. H. G	Scallerva 13 Mar. H	Sentiata 25 Mai. G
Sapicus 7 Dec. H	Scholastica 10 Feb. W	Seonifus 18 Jan. H
Sapidicus 7 Dec. G	Sciala 8 Mai. H	Sepacus 1 2 Jun. H
Sapus 7 Mai. H	Scillitani Martyres 17 Jul. H. W	Seperus 8 Jul. H. G
Saranus 24 Apr. H	Sebastianus Episc. 13 Mai. H. G	Septem Dormientes 10 Aug. H
Sarmatiana 26 Mar. H	Sebastianus 20 Jan. H. B. G. W. VC 8 Feb. H 9 Feb. G 9 Mar. H. W 9 Dec. W	Septem Germani 29 Mai. H 10 Jul. VC
Sarmicia 2 Jun. H	Secinctus 4 Aug. H	Septimia 10 Mai. H 28 30 Jul. H. G 10 Oct. 2 Dec. H
Satarius 18 Dec. H	Secunda 13 27 Jan. 2 16 21 Feb. 2 12 Jun. H 10 Jul. H. G 17 18 Jul. H 20 Jul. G 28 30 Jul. 16 Sept. 4 Nov. H 5 Nov. H. W 15 Nov. 2 15 Dec. H	Septimina 7 Mai. H
Saterus 23 Nov. G	Secundianus Episc. 30 Apr. 6 Mai. H	Septiminus 3 Jun. H
Satheus 8 Jan. H. G	Secundianus 2 Feb. H 17 Feb. H. W 30 Apr. H 6 Mai. H. G 7 Mai. H 14 Mai. H. G 5 Jun. H 2 Oct. G 16 Nov. 11 Dec. H	Septimus Diac. 18 Apr. H. G
Satica 10 Mai. H	Secundilla 28 Feb. 1 Mar. H	Septimus 10 Mai. H 11 Mai. H. G 25 Mai. H 9 10 Oct. H. G 18 Dec. H
Sattius 12 Jan. H	Secundulus 7 Mar. H	Sequens 31 Dec. H
Satullus 30 Mar. 2 Apr. 10 Mai. H	Secundinus Episc. 29 Apr. W	Serapion Episc. 12 Sept. H. G
Satura 15 Nov. H	Secundinus 18 Feb. H 21 Feb. H. W 30 Apr. 24 28 Mai. H 5 Jul. W 1 Aug. H 8 Aug. H. G 9 Aug. 13 Sept. 7 Dec. H	Serapion Mon. 21 Mar. H. G. W
Saturina 2 Jun. H	Secundula 21 22 Feb. 2 Mar. 8 Mai. 1 Aug. 24 Sept. H	Serapion 9 Feb. H 24 Feb. H. G. W 28 Feb. H 20 Mar. H. G 6 27 Apr. H 17 Mai. W 18 Mai. H 13 Jul. H. G. W 27 28 Aug. 8 11 15 Sept. 22 Dec. H
Saturinus 19 Sept. H.	Secundulus 24 Mar. G. W 2 Sept. H	Sereticianus 19 Apr. H. G
Saturna 7 Feb. H. G	Secundus 5 9 Jan. H 13 Jan. G 21 25 27 28 Jan. H 12 Feb. H. W 16 17 Feb. H 18 Feb. W 21 Feb. G 7 Mar. H 1 Apr. H. G. W 6 12 24 Apr. 6 7 8 10 Mai. 1 2 3 5 Jun. 5 Jul. H 15 Jul. H. G. W 20 Jul. H 31 Jul. H. G. W 2 10 Oct. H 15 Nov. H. G 16 Nov. H 20 Nov. 11 Dec. H. G 19 Dec. H 21 Dec. G 29 Dec. H	Serena 10 Oct. G
Saturnilla 9 Feb. H	Securis 24 Feb. H	Serenus 4 Jan. H 5 Jan. H. G 14 Feb. H 16 Mar. H. G. W 28 Jun. H. G 1 Jul. H 10 Oct. H. W 26 27 Nov. H 30 Dec. W 31 Dec. H
Saturnina 17 Jan. 7 Mai. 2 4 21 Jun. 26 Jul. H 6 Oct. W 2 15 Dec. H	Securus 21 Feb. H 2 Dec. H. G. W 13 Dec. H. G 30 Dec. H	Sergius 24 Feb. H
Saturninus Episc. 30 Oct. H. G. W 29 Nov. H	Secutor 13 Apr. H. G	Seriacus 21 Dec. G
Saturninus 1 9 11 Jan. H 16 Jan. H. G 17 18 19 21 22 23 Jan. H 31 Jan. H W 1 2 Feb. H 5 6 Feb. H. G 7 Feb. H. G. W 14 15 19 Feb. H 21 Feb. H. W 28 Feb. H 5 Mar. H. G 6 7 13 18 19 Mar. H 22 24 Mar. H. G 26 Mar. H 27 29 Mar. H. G 30 Mar. 1 2 Apr. H 4 10 Apr. H. G. W 12 14 23 24 Apr. H 30 Apr. H. W 1 Mai. H 2 Mai. H. G 3 6 7 Mai. H 8 Mai. H. G 10 Mai. H 13 24 Mai. H. G 25 26 Mai. 1 Jun. H 2 Jun. H. G 3 Jun. H. G. W 4 Jun. H. G 5 Jun. H 16 21 Jun. H. G 26 Jul. W 29 Jul. 22 Aug. 4 5 14 Sept. 1 6 14 Oct. H 16 Oct. H. W 25 Oct. H. G 27 31 Oct. 1 3 Nov. H 10 Nov. H. G 15 Nov. H. G. W 20 Nov. H 21 26 Nov. H. G 29 Nov. H. G. W. VC 30 Nov. H. G 1 Dec. H 2 Dec. W 13 18 Dec. H 23 Dec. G 25 Dec. H. G 28 Dec. H 29 Dec. H. W 30 Dec. H	Sedulus 24 Sept. G	Servatius Episc. 13 Mai. H. W
Saturnus 9 Jan. G 17 Feb. 6 Mar. 10 19 Mai. 3 5 Jun. H	Sega 4 Aug. H. G	Servianus 20 Apr. H. G
Saturus 2 9 Jan. H 10 12 Jan. Tom. 11.		Servilia 28 Feb. H

# Index Martyrologiorum

Severus Episc. 1 Feb. H. G  
 Severus 1 Jan. H. G 11 Jan. H 1  
 Feb. H. G 10 Mai. H 3 6 Jul.  
 H. G 8 Jul. H 8 Sept. 22  
 Oet. H. G 23 Oet. H. G. W  
 24 Oet. 8 Nov. H 27 Nov.  
 H. G. W 2 Dec. H  
 Seurefus 23 Oet. H. G  
 Sevus 10 21 22 26 Aug. H  
 Sextus 31 Dec. H  
 Sexutus 3 Jun. H  
 Sicensis 13 Dec. H  
 Sicharia 2 Feb. H. G  
 Sicimodus 29 Mai. H  
 Sicus 30 Mai. H. G. W  
 Siddinus Episc. 19 Dec. H.  
 Siddinus 8 Mai. H 15 Nov. H.  
 G 18 Dec. H  
 Sidon 26 Jan. H. G  
 Sidonius 23 Aug. H. G 19 Dec.  
 G  
 Sidorius 10 Aug. H  
 Sidrac 24 Apr. H. G  
 Sigismundus Rex 1 Mai. H. G.  
 W  
 Sigon Presb. 19 Sept. H. G  
 Silanus 10 Jul. H  
 Silas 28 Nov. W  
 Siliffa 1 Jun. H  
 Sillefa 1 Jun. H  
 Sillus 9 Jan. H  
 Silvana 1 Jun. H  
 Silvanianus 20 Apr. H  
 Silvanus Episc. 10 Feb. H. G. W  
 Silvanus 17 18 Feb. H. W 6  
 Mar. H. G 8 Mar. H 13 Mar.  
 W 12 15 16 29 30 Apr. H 4  
 Mai. G. W 6 17 23 24 31 Mai.  
 1. Jun. H 3 Jun. H. G 5 13  
 27 Jun. H 10 Jul. H. G 20  
 22 Jul. H 24 Jul. H. G 30  
 Jul. 1 8 9 31 Aug. 1 4 8 9  
 10 27 Sept. H 31 Oet. H. G  
 16 Nov. H 9 Dec. H. G  
 Silvanianus 8 Jun. H  
 Silvanus 28 Feb. 20 24 Apr.  
 H  
 Silvina 18 Feb. H  
 Silvinus 15 Feb. 4 Mai. 2 Jun.  
 10 Sept. H  
 Silvius 15 Mar. 23 Apr. 2 4 15  
 Jun. 11 Jul. 19 Aug. H  
 Simeon Proph. 5 Jan. H. G  
 Simeon Styl. 5 Jan. H. G. W.  
 VC  
 Simeon 21 Apr. W 27 Jul. G.  
 W  
 Similianus 16 Jun. H. G  
 Simon Apost. 29 Jun. G 1 Jul.  
 H. G 28 Oet. H. B. G. W.  
 VC  
 Simon 27 Jul. 31 Oet. H  
 Simplicia 13 Dec. H  
 Simplicius Episc. 12 Feb. H. G.  
 W 24 Jun. H. G 19 Nov. H.  
 G. W  
 Simplicius 13 Feb. H 26 Apr.  
 H. G 7 Mai. H 15 Mai. H.  
 G 28 Jul. G 29 Jul. H. G.  
 W 14 Oet. 1 Nov. H 8 Nov.  
 H. G. W 19 Nov. 17 18 Dec.  
 H. G  
 Simulistes 23 Dec. G  
 Sindofagia 21 Aug. H  
 Sinertis 23 Feb. H  
 Sinicius Episc. 1 Sept. W  
 Sinidus 28 Jun. H  
 Sinuidia 3 Apr. H  
 Sinton 2 Jun. H  
 Sinus 10 Sept. H  
 Sirgus 31 Aug. H 7 Oet. H. G  
 Siria 5 Mar. H. W  
 Siricius Episc. 26 Nov. H. G  
 Siricius 21 Feb. H. G. W 23 Feb.  
 H. G 18 Apr. H 26 Apr. H.  
 G. 8 Mai. H 3 Sept. H. G  
 Siridonus Episc. 2 Jan. H  
 Sirmia 26 Mar. 25 Dec. H  
 Sifinna 10 19 Jul. H  
 Sifinnius 3 4 Mar. 29 Mai. H  
 11 Jul. H. G 19 Jul. G 1 Sept.  
 H. W 21 Nov. H. G 29 Nov.  
 W  
 Sifiona 10 Jul. H  
 Sixtus Episc. 6 Apr. 6 Aug. H.  
 W 1 Sept. W  
 Sixtus 15 Apr. H 9 23 Aug. 18  
 Sept. 23 Dec. G Vide Xyltus  
 Smaragdus 12 Mar. H 16 Mar.  
 W 27 Apr. 8 Aug. H  
 Soca 5 Mar. W  
 Sodalit 27 Apr. H  
 Solutor 21 Jan. H. G 15 Mar.  
 H 26 Mar. H 27 Mar. G 6  
 Apr. H 8 Apr. G. W 13 20  
 Nov. H. G  
 Solutus 23 Apr. H  
 Solus 3 Mar. G  
 Sorentus 19 Mar. H. G  
 Sorothedis 11 Feb. H. G  
 Sofia 1 Jun. H  
 Sotius Diac. 23 Sept. W  
 Sotius 29 Sept. H. G  
 Sosthenes 10 Sept. W  
 Sotistratus 8 Jul. H. G  
 Sotther 6 10 Feb. H. G. W 12  
 Mai. H. G  
 Speciosa 11 Jul. H  
 Spectatus 20 Jul. H  
 Spenus 12 Apr. H  
 Sperata 17 Jul. H  
 Speratus 18 Jul. 16 Sept. H  
 Sperus 8 Jul. H  
 Spes 11 Oet. H  
 Spesina 8 Jun. H  
 Spensippus 17 Jan. H. G  
 Spicus 8 Mai. H  
 Spinella 27 Jun. H. G  
 Spiridion Episc. 14 Dec. W  
 Spiffina 7 Jun. H  
 Stabulus 27 Mai. H. G  
 Stacionus 7 Feb. W  
 Staetus 28 Sept. H. G  
 Stasius 21 Nov. H  
 Statianus 7 Feb. 24 Jul. H. G  
 Statulianus 3 Jan. H  
 Stephanus Protomartyr 2 Aug. H  
 3 Aug. G. W. VC 26 Dec.  
 H. B. G. W. VC  
 Stephanus Episc. 13 Feb. 27  
 Apr. H. G. W 2 Aug. H.  
 G. W. VC  
 Stephanus Diac. 28 Aug. H. G  
 Stephanus 1 2 Jan. H. G 11 Jan.

# Index Martyrologiorum.

Sept. H. G 9 10 Oct. H 11 Oct. W	Theodotus 4 Jan. H 5 Jul. H. G 10 11 16 21 Jul. H 2 Aug. G 9 Aug. H 14 Nov. W 15 Nov. H	Tificus 23 Jul. H. G
Tarreus 27 Oct. H	Theofridus Ab. 9 Oct. H	Titiana 17 Jul. H
Tarsicus 31 Jan. H. G	Theogenes 3 26 Jan. 3 Oct. H. G	Titianus 27 Feb. H. G 17 Mar. 12 Apr. 27 Mai. 18 Jul. H
Tarsus 27 Oct. H. G	Theon Presb. 24 Apr. H. G	Titius 22 Jan. 21 Feb. H
Tarsianus 16 Mar. H	Theon 26 Feb. H. G. W 18 Jun. H 28 Jun. 16 Jul. H. G	Titolus 14 Apr. H 14 Aug. H. G
Tassicafricanus 6 Mai. H	Theonas 23 24 Apr. H	Tius 2 Jun. H
Taurinus Episc. 11 Aug. H	Theonia 9 Feb. H	Tityrus 3 28 Jun. H
Taurinus 5 Sept. H. G. W	Theophilus Scholasticus 6 Feb. H G	Tobes 19 Nov. H
Taxis 18 Oct. H	Theophilus 12 16 28 Feb. 15 Mar. 28 Jul. 8 Sept. 30 Oct. H 3 Nov. H. G W 12 Nov. H. G	Tobias Ab. 2 Jan. H. G
Tedetia 10 Mai. H	Theophinus 28 Nov. W	Toga 3 Jun. H
Tegulianus 6 Apr. H	Theopholus 28 Jul. G	Tomatus 2 Jun. H
Telesforus Episc. 6 Jan. W	Theotinus 18 Dec. H	Tomunus 25 Mai. H
Telesforus 30 Apr. 31 Mai. H	Theozonus 24 Jul. H	Toninus 9 Dec. H
Telipta 28 Jan. H	Thefaulonica 25 Jul. H	Tonionus 14 Feb. H
Tellianus 28 Jan. H	Theudestia 24 Apr. H	Tonitus 24 Apr. H 9 Dec. G
Tepicerus 4 Mar. H	Theuretas 13 Mar. G	Toppus 14 Feb. H
Terapus 16 Feb. H	Theufetes 13 Mar. H	Torquatus 19 Jul. H. G
Terentia 10 Aug. H	Thimia 27 Apr. H	Trabia 13 Mar. H
Terentianus Episc. 1 Sept. H. G	Thionus 14 Feb. H	Tracia 29 Sept. H. G
Terentius 30 Apr. H	Thomas Apost. 9 Mai. H 3 Jun. H. G 3 Jul. H. G. W. VC	Trajanus 21 Aug. H
Territus 3 Feb. G	21 Dec. H. B. G. W. VC 28 Dec. H. G	Tranquillinus 6 Jul. W
Tertia 12 16 Apr. H	Thomas 8 Feb. G 9 Feb. H 3 Apr. 20 Jun. H. G 3 5 Jul. H	Tredenteus 29 Mai. H
Testius 12 16 Apr. 31 Mai. 1 2 Jun. 20 Jul. H	Thomedus 26 Mai. H	Treticus Episc. 15 Mai. G
Tertula 12 Apr. 31 Mai. 1 2 Jun. H	Thothahel 5 Sept. H	Tribanus 28 Jun. H
Tertulus 19 Jan. 8 Mai. 1 2 Jun. H	Thrafo 10 Dec. H 11 Dec. H. G	Trojanus 10 Feb. G
Terturinus 18 Dec. H	Tiaracus 20 Apr. H. G	Trogus Episc. 19 Sept. H. G
Tetradius Episc. 16 Feb. H. G. W	Tiberianus 19 Jan. 9 Aug. H	Tromedus 10 Jul. H
Thamatus 2 Jun. H	Tiberius 10 Nov. W	Trophima 13 Jul. H. G. W
Thebellus 22 Jul. H. G	Tiburitanus 19 Jan. H	Trophimus Episc. 29 Dec. W
Thecla 22 Feb. H. G. W 25 Mar. G 10 31 Mai. 1 Jun. H	Tiburtinus 9 Aug. H	Trophimus 18 Sept. H. G. W 28 Nov. 5 Dec. H. G
13 Jun. 12 Sept. H. G 23 Sept. H. G. W 17 Nov. H. B. G 20 Dec. H. G. W	Tiburtius 14 Apr. H. G. W. VC 21 Apr. H 11 Aug. H. G. W. VC 9 Sept. 22 Nov. H. G	Trophus 19 Sept. H
Thecota 17 Jan. H	Tidus 8 Mai. H	Tropimeus 13 Jul. H. G
Thedra 21 Feb. H	Tierdianus 22 Apr. H	Trudo Presb. 23 Nov. H. W
Themophilus Episc. 4 Feb. H	Tiginius 20 Mar. H	Tryphæna 4 Jan. G
Theocota 14 27 Jan. H	Tilina 28 Jun. H	Tryphon 4 Jan. 5 Mai. H 3 Jul. H. G 5 Jul. H. G. W
Theodola 25 Mar. H. G	Timedus 25 Dec. H	Thryphonia 18 Oct. G. W
Theodulus Episc. 13 Sept. H. G	Timinus 24 Mai. 5 Jun. H	Tuechius 27 Jun. H
Theodulus Presb. 19 Mar. H	Timistius 24 Dec. G	Tuintus 10 Mai. H
Theodulus 15 Mar. H 2 4 Apr. H. G 3 Mai. H. G. W. VC	Timoe 4 Feb. G	Tula 10 Mai. H
14 15 Jun. 10 11 20 Jul. H	Timorus 8 Apr. H. G. W	Tullianus 13 Feb. H. W 24 Feb. H
19 Aug. H. G 9 Oct. 11 Nov. H 28 Nov. H. G 30 Nov. H 14 Dec. H. G	Timotheus Diac. 21 Mai. H. G. W	Tullius 19 Feb. H. G. W
Theodonus 5 Jul. G	Timotheus 2 Jan. H 8 Jan. H. G 24 Jan. 4 Feb. W 18 Mar. H. G 26 Mar. 6 Apr. H. G. W 7 Apr. 9 Mai. H. G. 15 Mai. H. G. W 16 Mai. W 22 23 Mai. 1 Jun. H 30 Jun. H. G 10 Jul. 19 Aug. H 22 Aug. H. B. G. VC 23 Aug. 2 8 Sept. H. G 13 Sept. H 27 Sept. H. G	Tumulus 21 Feb. H
Theodora 23 Apr. G 29 Apr. 2 Sept. W	Tinnus 10 Mai. H	Tuniana 8 Mai. H
Theodorus Episc. 19 26 Mai. H. G. W 6 Apr. H 13 Sept. H. W	Tiomylus 23 Mar. H	Tunidus 7 Mai. H
Theodorus Presb. 23 29 Mar. H. G. W 10 Apr. H. G	Tiophima 2 Jun. H	Tunus 10 Mai. H
Theodorus 13 Mar. 16 17 23 Apr. 28 Jun. 10 Jul. H 2 Sept. H. G 9 Nov. G. W. VC 7 Dec. H. G. W 14 Dec. G	Tirion 30 Nov. H	Turdianus 22 Apr. G
Theodosia 3 Apr. H. G. W 29 Apr. 16 Jul. H 22 Dec. H. G	Tironius 6 Mai. H	Tureminius 18 Apr. H
Theodosius Episc. 9 Jul. W 17 Jul. H. G. W		Tuscia 1 2 10 Sept. H
Theodosius 16 Jul. 1 Aug. G		Tuscus 10 Sept. G 17 Nov. H
Theodota 2 Aug. 2 Sept. H 14 Nov. H. G 17 Nov. H		Tutella 3 Mar. H
		Tutus 26 Oct. H. G 27 Oct. 21 Nov. H
		Tuvinus 2 Jun. H
		Typogrates 21 Jul. H
		Tyrtius 15 Jan. H. 18 20 Jan. H. G 25 Jan. G 31 Jan. H. G. 8 Feb. W 9 Feb. H 31 Jul. 16 Aug. 16 Sept. H. G 24 Sept. H. G. W
		V.
		Valens Episc. 21 Mai. W
		Valens Diac. 16 Feb. H
		Valens 18 Jan. 12 Apr. H 16 Jul. G
		Valentia 9 Dec. H

# Index Martyrologiorum.

Valentianus 20 Aug. H	Victor Episc. 20 Apr. 1 Sept. H.	Victorius 17 Jan. G
Valentina 6 Mai. 2 Jun. H 9	G. W 14 Dec. H. G	Victrix 18 Oct. H
Dec. H. W	Victor 1 Jan. H. G 11 17 19 21	Victurus Episc. 7 Mai. H
Valentinianus 20 Aug. G	27 28 Jan. H 29 Jan. H. G	Victurus 28 Feb. H 1 Mar. H.
Valentinus 14 Feb. H. B. G. W.	31 Jan. H. G. W 1 Feb. H 2	G 4 Mar. 23 26 Apr. 7
VC 20 Mar. G. W 14 Apr.	Feb. H. G 11 12 Feb. H. W	10 Mai. H 21 Mai. H. G
H 29 Apr. H. G 2 Jun. 10	15 Feb. H. G 17 Feb. H 20	23 25 Mai. H 26 Mai. H.
11 16 Jul. H 21 Aug. H. W	Feb. H. G. W 24 Feb. H 5	G 27 29 31 Mai. 5 Jun. H
2 Sept. H 10 Sept. H. G 11	Mar. H. G 6 Mar. H. G. W	7 Jun. H. G 10 Jun. H 13 4
13 Nov. 13 Dec. H. G 16	18 Mar. H. W 26 Mar. W	Dec. G 29 Dec. H
Dec. H. G. VC 17 Dec. W	30 Mar. 1 Apr. H. G. W 2	Vigilantius 31 Oct. H. G
Valentius 1 Sept. H. G 27 Nov.	4 Apr. H. G 6 Apr. H 7	Vigilius 25 Jun. H
H	Apr. H. G 18 21 Apr. H	Vigor Episc. 1 Nov. H. G
Valeria 30 Mar. H 31 Mar. G	24 Apr. H. G. W 26 Apr. H	Vincentia 24 Jan. G 28 Jan.
24 Apr. 6 26 Mai. 3 16 19	27 Apr. H. G 28 Apr. G 30	1 Feb. 20 Apr. 2 Jun. H 14
Jun. 24 28 Sept. H 10 Dec.	Apr. G 6 Mai. H. G 8 Mai.	Aug. H. G 16 Nov. H
G 13 Dec. H	H. G W 10 13 Mai. H 14	Vincentius Episc. 6 Jun. H
Valeriana 15 Nov. H	Mai. H. G. W 15 17 18 Mai.	Vincentius Diac. 22 Jan. H. G.
Valerianus 31 Mar. W 14 Apr.	11 Jun. H. G 1 Jul. H 20 21	W. VC
H. G. W. VC 21 Apr. H.	Jul. H. G 24 Jul. H. W 28	Vincentius 11 13 17 21 Jan. H 22
G 24 Apr. H 27 Apr. VC.	Jul. G 26 Aug. H 10 Sept. W	Jan. G 12 Feb. H 14 Feb. H.
17 Jun. H 20 Jul. H. G 9	16 21 Sept. H. G 24 30 Sept.	G 16 Feb. H. W 16 Apr. H
Aug. H 11 Aug. G 15 17	H 3 Oct. H. G 8 Oct. G 10 Oct.	19 Apr. H. G 20 Apr. W
Sept. H. G 15 Nov. G 16	H. W 18 Oct. H 24 Oct. H. G.	16 Mai. H. G 24 Mai. H.
Nov. H 22 26 Nov. H. G	W 30 Oct. 1 Nov. H 2 Nov. G	G. W 25 Mai. 1 Jun. H 2 Jun.
Valerius Episc. 22 Jan. H. G	4 Nov. H. W 13 Nov. H 16	H. G 9 Jun. 23 Jul. H. G.
29 Jan. H. W 6 Mai. H. G	Nov. H. G 17 Nov. H. W 18	W 21 31 Aug. H. G 27 Oct.
Valerius 22 Feb. H 11 Mar. H.	Nov. H. G. W 20 25 Nov.	W 31 Oct. 11 Nov. H. G 12
G. W 2 Apr. H 12 Apr. G	H 3 Dec. H. W 5 9 10 Dec.	Nov. H 17 Dec. H. G 18 Dec.
23 Apr. H 14 Jun. H. G. W.	H. G 14 Dec. H 15 Dec. G	H. G. W
VC 15 Sept. 23 31 Oct. H 16	17 Dec. H 18 Dec. H. W 23	Vindemialis 1 Feb. H. G
Nov. H. G	Dec. W 28 Dec. H 29 Dec.	Vindeus 26 Apr. G
Valis Presb. 21 Mai. H. G	G	Vingelofinus 12 Mar. H
Varicus 12 Apr. 15 Nov. H	Victoria 17 Jan. H 27 Jan. W	Vippiapilus 28 Mai. H
Vatalica 2 Jun. H	6 12 17 22 Feb. 13 Mar. 12	Virianus 3 Jun. 9 Aug. H
Vedastus Episc. 6 Feb. H. G.	Apr. 6 7 8 10 11 Mai. H	Vironicus 10 Jul. H
VC 1 Oct. W. VC 26 Oct. W	20 Mai. H. G 25 31 Mai. 1	Virtunia 6 Mai. H
Vellefius Episc. 20 Mai. H	2 3 Jun. 10 Jul. 24 28 Sept.	Virulus 21 Feb. H. G
Vendeus 26 Apr. H	H 16 Oct. G 17 Oct. H 18	Vitalianus 10 Jan. H
Veneria 17 27 Jan. 28 Feb. 6	Oct. G 24 31 Oct. 11 Nov. 2	Vitalica 31 Aug. 4 Sept. H
Mai. 3 Jun. H 7 Aug. H. G	Dec. H 9 Dec. H. G 13 15 Dec.	Vitalicus 7 Mai. H
12 Aug. 17 Oct. 6 Nov. H	H 17 Dec. H. G 18 Dec. H	Vitalis 2 Jan. H. G 9 Jan. H.
Venericianus 6 Nov. H	21 Dec. G 23 Dec. G. W 29	G. W 19 Jan. H 11 Feb. H.
Venerius 12 Aug. G	Dec. H	W 14 Feb. H. G. W. VC 12
Venusta 2 Jun. H	Victoriana 25 Dec. H	Apr. H 19 Apr. G 21 23 Apr.
Venustus 12 23 Apr. 6 10 Mai.	Victorianus 19 Jan. 6 14 Mai.	H. G 28 Apr. H. G. W. VC
H 22 29 Mai. 28 Jun. 10	H 16 Mai. G 2 Jun. H 11 Jan.	29 Apr. H. G 8 Mai. 2 Jun.
Oct. H. G	H. G 8 Aug. 10 Dec. H 17	H 19 Jun. H. G 20 Jul. H.
Veracus 15 Nov. H	Dec. H. G	G. W 9 Jul. H. W 10 Jul.
Veranus Episc. 11 Nov. H. G	Victoricus 17 Jan. 24 Feb. H 20	H 31 Aug. G 22 Sept. H. G
Verecia 12 Aug. H	Mar. H. G. W 17 Apr. H	24 Oct. H. G. W 25 Oct.
Vereunda 2 Apr. H	18 Apr. H. G 23 Mai. 27	H. G 30 Oct. H 31 Oct. H.
Verena 1 Sept. W	Jun. 18 Oct. 3 Dec. H 11 Dec.	G 1 2 Nov. G 3 Nov. H. G.
Verianus 3 Jun. H	H. W	W 16 19 Nov. H. W 23 25
Vericus 1 Jun. H	Victorina 22 Feb. 17 Mar. H	Nov. H 27 Nov. H. W 10
Veris 13 Mai. H	18 Apr. G 10 Mai. 13 Jun.	Dec. H. G
Verociana 23 Nov. H	18 Oct. 4 26 Nov. H	Viticus 8 Jun. H. G
Verocianus 22 23 Nov. H	Victorinus 14 18 28 Jan. H 21	Vitus 21 Jan. H 28 Jan. G 26
Veronica 15 Apr. H. G 11 Jul. H	Feb. H. G. W 22 Feb. H 23	Apr. H 15 Jun. H. G. W 16
Verus 21 Nov. H 2 Dec. G. W	Feb. G 24 Feb. H. G 25 28	Jun. G
Vethus 2 Jun. H	Feb. 4 Mar. H 6 Mar. H.	Viventiolus Episc. 12 Jul. H. G
Veturius 17 Jul. H	W 7 13 Mar. H. G 20 Mar.	Vivetus 27 Oct. H
Vetusa 18 Jul. H	H 24 Mar. H. G 25 Mar. H	Viviana 2 Dec. G
Viator Episc. 14 Dec. W. VC	29 Mar. H. G. W 12 18 23	Vivianus Episc. 28 Aug. H. G
Viator 21 Oct. H. G	24 27 28 29 Apr. 6 11 31	Ulpinus 2 Jun. H
Viatrix 29 Jul. VC 30 Jul. G	Mai. 3 Jun. H 24 Jul. 8 Aug.	Umbinus 4 Dec. G
Vibianella 10 Dec. H	5 Oct. H. G 31 Oct. 1 Nov.	Umbucus 3 Dec. H
Vibianus Episc. 25 Oct. H	H 2 Nov. W 8 9 11 27 Nov.	Umbunus 4 Dec. H
Vibianus 6 Mar. 4 Mai. H	2 7 13 18 Dec. H	Unica 16 Apr. H
Vicianus 18 Dec. H	Victorius 7 Mai. H 17 Oct. G	Vogonuptus 18 Mar. H
Victaricus 11 Dec. G	16 Nov. 1 Dec. H 4 Dec. H.	Volusianus 18 Jan. W 21 Mar.
Victia 28 Mai. H	W 15 Dec. H	H. G

# Index Martyrologiorum.

Vonodtes 19 Mar. H  
 Vofonus 27 Jan. H  
 Uramius Episc. 8 Dec. W  
 Uranius 4 Mar. H  
 Uraria 1 Jun. H  
 Urbana 22 Feb. 19 Mai. 2 Jun.  
 H 13 Dec. H. G  
 Urbanus Episc. 10 Feb. H 25  
 Mai. H. G. W. VC  
 Urbanus 22 Jan. 2 16 24 Feb.  
 H 8 Mar. 2 Apr. H. G.  
 4 Apr. H. G. W 6 24 Apr.  
 H 29 Apr. H. G. W 2 Mai.  
 H. G. 4 Mai. H. W 19 Mai.  
 1 2 3 Jun. H 9 Aug. 3 Oct.  
 H. G 30 Oct. H 9 Dec. H. G  
 10 11 18 Dec. H 23 Dec. W.  
 Urbicus 5 Jun. H  
 Urisus 9 Jul. H  
 Uroria 28 Mai. H  
 Urfanus 8 Dec. G  
 Urficinus 19 Jun. H. G  
 Urfinus 31 Jan. H. W  
 Urfio 13 Dec. H. G  
 Urfmarus Episc. 19 Apr. W  
 Urfus Episc. 1 Feb. VC 30 Jul.  
 H. G  
 Urfus 20 Jan. H 23 Apr. H. G  
 Urfannus Presb. 8 Dec. H  
 Utus 24 Mar. H  
 Walaricus 1 Apr. H. VC 12 Dec.  
 VC  
 Wandregisilus Ab. 22 Jul. H. W  
 Wlframnus 20 Mar. G  
 Wlfridus 25 29 Apr. B  
 Wlmarus 20 Jul. VC

X.  
 XYstus 15 Feb. 3 Apr. G 6  
 Aug. B. G. VC 9 23 Aug.  
 18 Sept. H 23 Dec. G

Y.  
 Ypullus 9 Feb. H

Z.  
 Zabinus 12 Jun. G  
 Zabonus 12 Jun. H  
 Zabulius 21 Jan. H  
 Zachæus 17 Nov. H  
 Zacharias Presb. 2 Jun. H. G  
 Zacharias 9 Jun. G 10 Jun. H.  
 G. W. 6 Sept. 5 Nov. W  
 Zaderus 8 Mai. H  
 Zebdinus 27 Jun. H  
 Zebellus 24 Mai. H  
 Zeberia 10 Mai. H  
 Zeddon Presb. 13 Mar. H  
 Zelafus 19 Aug. H. G  
 Zelotus 6 Dec. H. G  
 Zelus 20 Aug. H  
 Zemaragdus 9 Aug. H  
 Zemini 11 Jan. H  
 Zenobius Presb. 29 Oct. W  
 Zenobius 24 Aug. H. G  
 Zenon 18 Jan. H 14 Feb. G 15  
 Feb. H 13 Feb. H. W 30  
 Apr. 9 10 Mai. H 9 Jul.  
 H. G 13 Jul. W 15 Jul. H 2  
 Sept. H. G. W 8 Dec. W  
 Zenotus 24 Dec. G  
 Zephorus 19 Nov. H

Zepphorus 21 Nov. H  
 Zephyrinus Episc. 20 Dec. G W  
 Zephyrinus 23 Dec. G  
 Zelonus 10 Jul. H  
 Zetonus 27 Apr. H  
 Zetula 8 10 Mai. 3 Jun. H  
 Zetulus 28 Mai. H. G  
 Zetus 6 Jul. H. G 14 Sept. H  
 22 Nov. H. G  
 Zoë 5 Jul. W  
 Zoëlus 24 Mai. H. G 5 Jun.  
 G 27 Jun. W 1 Jul. H. G  
 Zoënus 27 Jun. H  
 Zoferus 19 Nov. G  
 Zoilus 30 Jun. H  
 Zolus 5 Jun. H  
 Zonus Episc. 12 Mar. H. G  
 Zorcheus 10 Jul. H  
 Zosimus 1 lb. 12 Mar. H  
 Zosimus 8 Jan. H 19 Jan. H. G  
 15 Feb. H. W 3 Mar. H 10  
 Mar. H. W 11 Mar. H. G 13  
 Mar. 3 Apr. 11 1 Jun. H. G  
 2 Jun. H 15 Jul. H. G 17 Jul. H  
 20 Oct. G 11 14 Dec. H 19  
 Dec. H. G. W 20 Dec. H  
 21 Dec. G  
 Zolius Presb. 15 Feb. H  
 Zotica 24 Apr. H. W  
 Zoticus 12 13 Jan. H. G 31 Jan.  
 H. W 19 Feb. H 10 Feb. H.  
 G. VC 11 Feb. H. W 27  
 Apr. 27 Mai. 2 Jun. H 4  
 Jun. H. G 6 8 Jun. H 30  
 Jun. W 6 Jul. H. G 28 Jul.  
 21 Aug. 21 25 Oct. H

## ERRATA TOMI I.

Primus numerus indicat paginam, alter columnam, tertius lineam.

Pag. 46 not. c lin. 14 Rotberto... queat lege Ratberto... queat 53, col. 2, lin. 41 virgini est  
 lege virginis est 54, 1, 10 propterea lege propter ea 57, 2, 6 repetitur lege reperitur 60, 2, 53  
 oret risulco lege ore trifulco 64, 1, 2 & 6 linunt lege liniunt 70, 1, 41 ulio super lege ulla super  
 72, 1, 19 testatur professio lege obstat professio *ibid.* 58 incommutabilis, quod si tamen in lege incom-  
 mutabilis quod sit tam in 81, 2, 41 molitus quis lege molitus si quis 84, 1, 11 nunc agit lege nunc ait  
 287, 2, 18 Ex evidentissimis lege En evidentissimis 350, 2, 15 quo de beret lege quo debet 360, 1,  
 16 utique Scardus lege utique scardus. *Voluit dicere* parum liberalem. *Gallice* eschairs *ibid.* 60 præ  
 utilitate lege præ vilitate *ibid.* 2, 66 imò in cælo lege imò in Clero 361, 2, 58 ne linguam lege ne  
 linquam, & dele notam h 367, 2, 28 restruendarum necessaio lege restruendarum Ecclesiarum 369,  
 1, 3 anribus lege auribus *ibid.* 32 Quid verè lege Quid verò 371, 2, 26 convertar... nullos suos  
 lege convertatur... nullos vos 374, 2, 45 quod caperem lege quod carperem 375, 1, 27 utrum  
 illi lege utrum ulli 385, 1, 12 clementiam lege dementiam 392, 2, 53 d. nte, purgare lege dentis  
 purgare 395, 2, 36 illos reatus, licet lege illos, reatus licet 411, 2, 38 on est libera la queis diabo,  
 liqui lege non est liber a laqueis Diaboli, qui 429, 1, 56 quam parcorum lege quam paucorum 431,  
 2, 42 epellere lege expellere *ibid.* 45 enim lege enim 438, 1, 3 seposito lege seposito *ibid.* 26 Invi-  
 tissimo lege Inviētissimo 489, 1, 2 furtim discesserit lege furtum discesserit *ibid.* 2, 35 communitur  
 lege communitur 492, 42, obscuritate lege obscuritatem 493, 2, 9 sobitum..... Episcopi lege  
 obitum.... Episcopi 498, 1, 4 De his qui lege De his quæ 502, 2, 13 permissinem lege permis-  
 sionem 510, 22 moraliter vivunt lege mortaliter vivunt 524, 1, 8 ecclesiasticos lege Catholicos 5 6,  
 1, 23 fortè ille lege fortè illa 539, 2, 2 & 5 possessionem lege professionem 542, 1, 37 statim lege  
 statum 590, 2, 27 geminam suam lege heminam suam 592, 2, 43 condonamur lege condonantur  
 608, 1, 5 fegitima lege legitima 624, 1, 57 obstupacti lege obstupescati 628 not. b lin. 4 1701 lege 1071.  
 648, 1, 15 nunc potiores lege nunc pauciores 650, 1, 20 qui ab lege quid ab 755, 2, 30 bſervent  
 in suis Diœcesibus: nisi lege obſervent: in suis Diœcesibus, nisi 850, 2, 35 cebrata lege celebrata.

## ERRATA TOMI II.

Pag. 68, col. 2, lin. 57 & derelinque lege En derelinquo 70, 1, 17 ostendat lege offendat *ibid.* 1.  
 ult. etiam lege & jam 71, 1, 32 Baetissimus lege beatissimus 72, 1, 39 manifestoria lege mani-  
 Tom. II. ○○○○



festiora sint 73, 1, 48 defuere lege adfuere 75, 1, 59 claustra lege plaustra 107, 1, 38 attonius lege  
 attonitus 113, 1, *lin. ult.* quippe lege quique 115, 1, 20 emissâ lege immisâ 119, 1, 32 eadem lege  
 eandem *ibid.* 2, 58 frigorem lege fragorem 138, 4, *ante ult.* generi lege generis 229, 2, *lin. ult.* n  
 loco lege in loco 230, 2, 7 ingressi lege ingressis 9, ipsoque lege ipsosque 242, 2, 27 beatrix, *scribe*  
 Beatrix 246, 1, 48 per legato lege per legatos 257, 2, 5 *ante ult.* Legardi lege Segardi 283, 2, 40  
 Fulgo venerabis lege Fulco venerabilis 286, 1, 47 se intuentes lege se intuens 289, 2, *notam marg.*  
*ult.* Robertus Dux Norman. *dele.* & *scribe* Robertus Abbas Fontanel. 295 *not. e l.* 1 representat lege  
 representat 328, 1, 4 *ante ult.* Baiocanissâ lege Baiocassinâ *ibid.* 2, 8 qui ostendat lege quin ostendat  
 17, S. Victor lege S. Vigor 338, 2, 1, *penult.* unanims lege unanimis 346, 1, 1, *ult.* mentis Gervini  
 lege meritis Gervini 361, 1, 3 confirmatum, & lege confirmatum est 363, 1, 4 sancto Bigno lege sancto  
 Benigno 364 *not. m l.* 3 mihi sanè non adde non sit verisimile 365, 1, 8 Mitius lege Micetius 369, 1,  
 9 inesse consilium lege inisse consilium *ibid.* 27 Calibono lege Cabillono *ibid.* 12 *ante ult.* apud Trici-  
 num lege apud Ticinum 384, 2, 13 decentissimum lege decentissimum *ibid.* 36 causâ lege clausâ 388,  
 2, 27 vinopotionem lege wirpitionem 426, 2, 10 Sigisfregi lege Sigisfredi 433, 2, 16 *ante ult.* co-  
 gnomeno lege cognomento 437, 2, 5 dedit capellâ lege dedit partem Capellâ 439, 2, 49 Hotum  
 lege Notum 448, 2, 15 *ante ult.* dignaretur lege dignarentur 455, 1, 41 Pater lege Patet 460,  
 1, *lin. penult.* habuit lium lege habuit filium 470, 1, 10 *ante ult.* Boso nomino lege Boso nomine  
 471, 2, 4 Archiepiscopus lege Archiepiscopos 10 hymos lege hymnos 474, 1, 12 Pariensis lege Pa-  
 ritensis 492, 2, 29 Caturfensis lege Cartusientis 507, 1, 28 Tizeliacenti lege Vizeliacenti 520, 2,  
 11 in sede loco le e in Sedeloco 528, 2, 24 suâ tuitionem lege siue tuitionem 533, 2, 20 *ante ult.*  
 illius quidam le e illis quidam 14 *ante ult.* armatâ lege armati 536, 2, 11 unô voto lege uno voto l.  
*ult.* de Patris lege de Pratis 538, 2, 17 Angelorum lege Anglorum 548, 2, 33 ludino lege lupino  
 549, 1, 19 tîis lege potîis 26 Superior lege Subprior 550, 1, 19 *ante ult.* eribuit lege erubuit 552,  
 1, 9 intonuit lege innotuit 557, 2, 21 *ante ult.* utilitatem lege vilitatem 558, 1, 11 ptereriti lege  
 peitriti 570, 1, 18 ordinantis lege ordinatis 574, 1, 36 incolumen lege incolumem 576, 2, 24  
 admistratone lege administratione. *In notâ dele ac sic* Peregrinum 577, 1, 4 *ante ult.* certitudinis lege  
 certitudine 579, 1, 21 navalium lege novalium 600, 1, 14 *ante ult.* item au- lege item au am  
 614, 2, 17 propositione lege pro politione 627, 2, 1 eâdem lege eâdem 630, 1, 31 Ante ciden-  
 sem le e Antecidersem l. *ult.* proprio lege propria, 2, l. *ante penult.* à aculo lege à seculo 640, 1,  
 14 *ante ult.* subbitis le e subditis 641, 1, l. *penult.* feodo lege feodo, 2, 23 te juxta le e juxta, 47  
 Rænum le e Rhenum 644, 1, 3 novissims le e novissimis 45 consummatis le e consummatus, 2,  
 8 *ante ult.* optior le e potior 649, 2, 13 *ante ult.* vallorem le e valtatorem 655, 2, 2 Novicasti lege  
 Novicatri 656, 1, 6 piissimè lege piissimâ 668, 1, 3 *ante ult.* libini lege libidini 673, 2, 32 de  
 liberari lege liberali l. *ante penult.* clamentium lege clamantium 674, 1, 39 tradidi lege tradiit 56  
 & contra lege & Comitem 676, 1, 3 iterexta lege interexta 677, 2, 5 Duc lege Dux 3 *ante ult.*  
 etruserunt lege detruserunt l. *ult.* libidonisi lege libidinosi 681, 1, 33 irrepressibilem le e inexpressibilem  
 682, 2, 15 parvi le e parui 684, 1, l. *ult.* astussinâ peatractiōne le e astutissimâ peatractiōne 686,  
 2, 19 *ante ult.* simplicium lege simplicium 688, 1, 35 repugnabant le e repugnabant, 2, 10 faciem-  
 que le e facileque 692, 2, 33 neque le e neque 695, 1, 20 viderentque lege videretque 697, 2,  
 15 & atrio lege & Imperio 698, 1, 35 intereat lege intererat 704, 1, 4 redemptionem lege redemptiōne  
 711, 2, 36 complectabatur lege complectebatur 723, 1, 3 Theodericta quivocali lege Theoderici equi-  
 vocali 734, 2, 35 adjectissimus lege abjectissimus 736, 1, 16 *ante ult.* Quid lege Qui, 2, 11 reîsus lege  
 reversus. *In notâ inter le e inter* 737, 1, 43 cerinens le e cernens, 2, 24 profopiâ lege profopiâ 744, 1,  
 11 *ante ult.* Lodienfi lege Leodiensi 760, 2, 42 parfecit, lege p afecit *in marg. fine* condi lege condit 769,  
 2, 2 imitamus le e imitatus 777, 2, 13 *ante ult.* Ecclesiam, nisi te le e Ecclesiam irent, nisi ante  
 782, 2, 19 dipingi lege depingi 783, 1, 48 Roibero lege Roberto 784, 2, 37 sancti lege sanctæ  
 785, 1, 44 Abbato lege Abbate 786, 2, 30 cujus lege ejus 790, 1, 4 *ante ult.* Eunna lege Emma  
 2, 24 sancti lege sanctæ 791, 1, 7 *ante ult.* nostro lege nono 792, 2, 1 visus lege nîsus 794, 2,  
 15 Balduinis lege Balduinus 799, 2, 19 *ante ult.* interfecit lege interfecit 802, 2, *in marg.* 1156  
 lege 1136. 805, 2, 6 itaqnâ lege itaque 808, 2, 17 Kairosensem lege Karrosensem 814, 1, 3  
 quævientes lege convenientes 815, 2, 31 suo lege suâ 817, 2, *lin. penult.* maritus lege maritus 818,  
 1, 18 *ante ult.* ratus lege rarus 820, 1, 24 Comitissimam lege Comitissam; 2, 42 Montelis lege Mon-  
 tensis 827, 2, 23 honore lege oncie 837, 2, 11 *ante ult.* jubemus lege jubemur 843, 2, 15 reco-  
 gnoverunt lege cognoverunt 13 *ante ult.* alicujus lege alicujus 852, 1, 12 *ante ult.* mortem lege  
 morem 865, 1, 3 *ante ult.* fallicibus lege fallacibus 870, 2, 18 mag's lege magnis 886, 1, 21 postu-  
 lerunt lege protulerunt 40 Canicorum lege Canonicorum 889, 2, *lin. ante penult.* exsufflans lege  
 exsufflans 893, 1, *lin. ante penult.* Milies lege miles 896, 2, 28 loricanus le e loricator 897, 2,  
 49 commonitur lege commonitus 898, 1, 4 *ante ult.* iratus lege iratus, 2, 4 *ante ult.* juvis lege  
 juvenis 899, 1, 1 interfecto lege interfecto 10 audentiam lege audientiam 902, 1, 8 *ante ult.* dutum  
 lege dudum 910, 1, 7 & 6 *ante ult.* polternuntur . . . qui tamen lege prosternuntur. . . quia  
 tamen *in margine* monasterium lege monasteriorum 912, 1, 39 corpus lege corporis-, 2, 5 frustrum lege  
 frustum 30 Caehedrâ lege Cathedrâ 40 sustituerant lege sustinuerant 914, 1, 9 Ispiscopo lege Episcopo  
 28 excommunicantur lege excommunicantur 920, 2, 19 atiquam lege antiquam 30 Roman lege Romam  
 921, 1, 39 quem sib lege quem sibi, 2, 36 po eo lege pro eo 929, *lin. ante penult.* domino lege do-  
 minio 944, 1, 44 incolumes lege si incolumes 945, 2, 12 & omnia lege & cum omnia 947, 1,  
 30 scito lege scripto 952, 2, 48 in acie lege macie 959, 1, 47 approprians lege approprians 965,  
 2, *lin. penult.* protestate lege potestate 966, 1, 9 joca lege loca 969, 2, 49 mens ne lege timens  
 ne 970, 2, 35 revertia lege reverentia 975, 1, 41 dilectione lege dilectioni.









